

神宗显皇帝实录

序

惟

天纯佑我明奕叶重光圣德神功代垂信史要以久道化成享祚悠远则

肃皇为最著

皇祖神宗显皇帝复起而光大之多历年所眎

肃皇尤溢焉猗欤盛哉凡四十八年之中鸿谟骏烈巍然焕然不可殫述自

皇兄初年即命儒臣开局编纂逮朕嗣服越兹三禩乃始勒成

实录五百九十六卷

宝训一十二卷盖纂辑若斯之艰也朕披阅再三未能仰窥渊奥而其大者炳于日星亦庶几仿佛一二因亲裁其文谨序诸卷首洪惟我

皇祖睿哲挺资缉熙懋学凛天命于顾諟郊禘必虔俨祖训于羹墙率循无斁大孝切终身之慕

止慈奠卜世之基真所谓修身以道惟圣尽伦者矣推之用人行政则信任老成优容黷直辟门询岳而独断未尝旁挠尚德缓刑而明威罔有错贷至于穷檐单赤之隐尧水汤旱之忧蠲赈屡行朝闻夕报甚且合

宫壶之捐赀遣輶轩之特使虽所称饥溺繇已痼瘵在身曷以加焉用是恺泽涵濡太和洋溢九宇风动万品春熙声灵之所赫濯歼哮播于一怒造箕服于垂亡洵非偶然之故已朕以眇躬嗣兹鸿业惟

皇祖寔燕贻之乃时事多虞人情积窳仪刑未远化瑟难调夙夜寅畏凛乎操朽馭而涉渊冰也昔周盛时以成王之贤念兹皇祖每追想于绍庭陟降之间矧今煌煌

成宪具在宁敢忘继序不嘉与大小臣工益被濯乃心以共扬绳武之伟烈也哉书成敬奉以荐于

祖庙并告竣事于

皇考

皇兄之灵于戏大经大政同琬琰以光昭可法可传并乾坤而永久藏之金匱石室为万世文子文孙取则焉谨序

大明神宗范天合道哲肃敦简光文章武安仁止孝显皇帝实录卷之一

自本卷起至卷二隆庆六年六月甲子止未校

神宗范天合道哲肃敦简光文章武安仁止孝 显皇帝讳 穆宗契天隆道渊懿宽仁显文光武纯德弘孝 庄皇帝子也母 孝定贞纯钦仁端肃弼天祚圣皇后以嘉靖癸亥八月十七日酉时生 上先是 穆宗皇帝长次 皇子皆殇而弟 景王之国亦未几薨逝本支未树中外朝野以为忧 世宗皇帝虽讳建储然无时不勤贻谋之虑及 上生而后喜可知也 穆宗皇帝久居藩邸以潜时乾惕之励 登极明年即俞

群臣之请册为 皇太子又明年延见群臣出阁讲学更慎选博闻有道术者以资启沃无间寒暑 累朝蒙养之功未有若是豫且早者 上英明天纵而更敦大优容动必中节方十岁时 穆宗恭妃遣人持金壶闯出集门遗其家为门者所奏 诏令以百金授妃曰即家贫以此给赐 先帝赐器不可出也文华殿角门柱础忽有天下太平字迹拭之不灭辅臣以为瑞请 上临观 上见之不怩曰此伪也从来天书之伪善惑人主而上以冲龄独断其非诚千古帝王所不及迨长而 天表严重广颡丰颌龙行虎视目光四射指顾生威而 圣度益渊穆廷臣触讳者辄含茹不为动喜作楷书盈幅斗字濡毫立就自饶古法今文华殿屏十二字 上初临御时所书也讲幄大臣必随职事特赐手书以示交儆晚年更精行草唐宋好文之主方斯蔑矣 天性至孝居 大行丧哀毁备至事 仁圣皇太后 慈圣皇太后多不匮孝思方冲年讲学语辅臣禁中花发侍慈圣母后宴甚欢辅臣偶言至 仁圣 上即起还宫肃驾往迎

○赏花传觞而饮酎后终始弥笃一切典礼惟恐不极尊崇大舜五十而慕殆庶几焉上 宝册日坐不南向飭拜甚恭敬谨之至仪注俱出 圣断有非臣下所及拟者盖上仁孝圣神迥绝千古享国愈久 圣德弥隆无挽近综核之烦而自臻治古几康之理海内沐浴 玄化几五十年 国祚灵长永永无极所培毓远矣先是因秉轴者惩操切之过不无稍剂以宽大而 上明习政事 乾纲独揽 予夺进退莫可测识晚颇厌言官章奏概置不报然每遇大事未尝不折衷群议归之 圣裁中外振聳四封宴如虽以忧勤之主极意治平而不得者 上独以深居静摄得之周之成康汉之文景未足况也至慈护 先考终始无间尤非草野所得窥而为尧为舜之旨更谆谆以期 今上盖实知不世出之主足恢大有为之略有万万不爽者 庙号曰神殆真如神云隆庆六年五月乙酉朔

○二十六日庚戌 皇太子依于丧次时年十岁

○令传谕皇城各门内外官严守卫慎关防

○又谕兵部及京营提督等官发军守皇城各门如成化二十三年例口大学士高拱守吏部如故

○少傅兼太子太傅吏部尚书杨博仍管理兵部事

○辛亥命礼部左侍郎王希烈往 天寿山相度 大行皇帝山陵

○刑科给事中朱南雍< 〇〇〇 毓-金 >请广东行久任法吏部覆言官不久任则人无固志治鲜实功况广东盗贼滋蔓民不聊生官其地者诚宜久任责成自巡抚兵备守巡道及府州县正官如才望治行于地方有赖人心有属者俾得一意展布竟其设施待治功有成之日不次超擢以示优异报可

○改分守通州参将署都指挥僉事聂大经分守山海关地方

○升湖广辰州卫指挥僉事芮潮以都指挥体统行事守备镇筸地方

○初令河南按察司清军道兼兵备特给敕书关防专辖开封府二十九州县并宣

器不可以无主 天位岂容于久虚昔高宗谅闇弗言群臣咸谏乃成王幼冲残祚百辟来同斯圣哲之遗猷亦古今之通义伏愿 殿下少抑终身之慕深惟永世之图宅丕丕基对扬 文考之光训 作明明后率繇 烈祖之旧章俾 九庙之神灵凭依有在暨万方之黎庶利赖无疆笺入 上览毕召见阁臣入致词出传谕卿等为 宗社至计言益淳切披览之余愈增哀痛岂忍遽即大位所请不允

○丙辰 皇太子缙服御文华殿百官率军民再劝进笺曰伏以 天祐下民作之君以康四海 父有天下传之子欲主万年况讴歌朝覲之咸归望 宗庙 社稷之有主若撝谦之徒狗将大计其谓何敢复渎祈冀终 俞允敬惟 皇太子殿下 发祥震索 贰体离明 讲学孳孳独懋 圣修之益 视朝穆穆共瞻 天表之奇智临宜于大君主器正惟长子眷惟 未命属以丕基欢心已洽于九围 睿志独勤于三让臣等稽之古训询于佥谋咸谓孝以继志为隆礼以顺时为大虽嬛嬛在疚未忘哀痛之情然业业万几当思难大之托如以帝王而狗曲士之节是忘纘述而遗 文考之忧臣等是用局地孔惶叩阁弥切愿终陟于 元后始克慰乎群心伏望 殿下永怀 凭几之词蚤荷受球之宠 闡皇猷而 恢帝范光 圣德于日照月临 绵凤历而 奠鸿图延国祚于天长地久笺入召见五府掌印总督京营内阁六部尚书左都御史等官各官入致词出 上谕曰卿等合词陈请至再至三已悉忠恳 天位至重诚难久虚况 遗命在躬不敢固逊勉从所请乃 谕礼部择日具仪以闻

○赐辅臣及讲官并各衙门三品以上鲜笋

○丁巳礼部上 登极仪注

○德平伯李铭卒

○庚申传谕 山陵事宜遣大学士张居正同司礼监太监曹宪于 即位礼成后复往视居正上言送终之事至大相地之理甚微事大则处之不厌其详理微则求之必贵于广乞照嘉靖七年事例差礼工二部堂上及科道官各一员带领钦天监谙晓地理官员阴阳人等 举廷臣中有素精地理者一员同往相度< 皇 毓 金 >下礼工二部于是户部尚书张守直礼部右侍郎朱大绶工部左侍郎赵锦礼科都给事中陆树德江西道御史杨家相工部主事易可久同居正等诣 天寿山潭峪岭复营视 山陵

○癸亥以神机营参将林岐管大石窰工程 甲子 上即位遣成国公朱希忠英国公张溶驸马都尉许从诚定西侯蒋佑告于南北 郊 太庙 社稷坛 上缙服诣大行皇帝几筵告受命始具袞冕祗告 天地次告 奉先殿及 弘孝殿 神霄殿乃诣 大行皇帝几筵前拜叩 皇后前如之次 皇贵妃前四拜礼成出 御中极殿朝百官改明年为万历元年大赦诏曰我国家光启鸿图传绪万世 祖宗列圣创守一心二百余年重熙累洽我 皇考大行皇帝明哲作则恭俭守文虚己任贤励精图治盖临御六载而天下晏如四裔来宾兆人蒙福方燕诒之永赖遽 龙驭之上宾顾命朕躬属以神器朕方载载在疚不忍遽闻而文武群臣及军民耆老人等合词劝进至于再三辞

拒弗获乃仰遵 遗诏俯顺輿情于六月初十日祇告 天地 宗庙 社稷即皇帝位朕以凉德方在冲年惟 上帝之眷命孔殷 祖宗之基业至重兢兢夙夜惧不克堪尚赖文武亲贤共图化理爰暨万方黎庶与有嘉休其以明年为万历元年与民更始所有合行事宜开列于后一 祖宗成法至精至备所当万世遵守近年以来有司不考宪度往往自作聪明任意更变其有称为 祖宗成法者又多迁移出入殊非 祖宗立法本意致令事体纷纭军民惶惑岂成治理今后内外大小衙门官务要仰求 祖宗之意明考 成法一一遵行违者以变乱 成法论其有从前更变者俱行查复若果系时宜不得不然许详具事繇奏请准允乃行一自隆庆六年六月初十日昧爽以前官吏军民人等所犯除死罪恶极情真及充军系边方失机喇唬凶徒积年聚众投充投献拨置教唆诈冒侵欺诬执良民威逼一家二命略诱略卖挟制扁口马害并近奉 钦依矜疑饶死充军等项及口外为民情罪深重者俱不赦外若窃盗逃军三犯匿名文书未及害人谋杀伤人伤而不死并人命延至辜限外身死审有别因者悉免处死发边卫永远充军其饶死充军逃回例该原拟死罪者免死仍发原卫至于犯该死罪监禁十五年以上笃疾者免死释放其余一应充军徒杖等犯不分已未遣配已发觉未发觉已结正未结正罪无大小咸赦除之敢有以赦前事相告言之以其罪罪之一宗室节年因事减革禄粮者除败伦伤化奸盗人命重情外其余诏书到日全革者准支三分减去一分二分者准全支以资养贍一宗室子女奏请名封选婚者近年每以过期参驳停阁或因错误行查立案积久多致失所今后应奏请者该府即与保勘具奏承奉长史等官不许抑勒致令失期其自隆庆六年六月初十日以前各王府有曾经奏报请名请封及奉有勘合选婚各过期者并节因错误行查覆回到部者该部一体勘无违碍即与题覆施行一凤阳高墙庶人已故所遗子孙妻妾无罪拘系未及放回者抚按官即与查明奏请释放其节年越关赴京递回拘禁闲宅者一体分别原犯情繇具奏定夺一军国钱粮用有定数近来边费浮于岁额若不计有无概拟蠲免后复摻括小民反受其害今自嘉靖四十三年四十四年四十五年并隆庆元年钱粮除金花银不免外其余拖欠夏秋税粮马草农桑人丁丝绢布疋棉花绒户口盐粮盐钞皇庄子粒各色料价屯田牧马草场子粒租银甄价匠价砍柴柴炭等项悉从蠲免其二年三年四年各量免十分之三淮安府徐州地方屡被水灾民不堪命及广东惠湖二府兵伤特重除照前蠲免外仍口全免隆庆二年三年以示优恤前项钱粮除已徵在官者照数起解若经收人役通同吏书乘机侵盗转换簿籍将已徵捏作未徵许诸人首告治罪一户部召买并各处采买金珠宝石祖母碌猫睛等项及隆庆五年钦降式样烧造江西瓷器诏书到日除已买采烧造者照数起解其未完者悉行停止一各处织造绒褐纴丝纱罗绫绉等项除额办岁造并工部奏派之数照旧解运外其陕西苏杭嘉湖并应天府等处差人坐守织造者悉皆停免已织完者照数起解未完者并已徵物料交与所在官司准作岁造内支差去内官即便回京违者罪之一蓊镇自庚戌后岁调南北客兵甚多劳费不貲原欲借为防御之助因以练补土兵乃二十

年来即以客兵为用曾无练补好生欺玩除已往不咎外兵部便行文该镇督抚等官通计本镇兵马总数内见在主兵若干客兵若干其主兵不足之数著实练补补得一名即当减退客兵一名每年将补得主兵若干该退客兵若干督抚等官自行奏报巡关御史阅实题奏施行若漫无所补或补不堪用及查阅不实者各治以罪一内外文职官考满原有称职平常不称之分其复职降黜与恩典有无即照所考定夺此系旧例近来一概考称殊非明试之义今后各官给繇两京堂上官在外抚按官务要考其治行优劣据实开报吏部都察院仍要严加考核分别称职平常不称职照例施行不许一概含糊奏请一自嘉靖四十五年十二月以后至隆庆六年五月以前建言罪废诸臣吏部备查中间如果情非挟私才力堪用者议拟具奏起用其以言事及各衙门官因公事住俸罚俸者即与开支降俸者与复原俸一大小文职官员凡致仕闲住为民充军但不系考察及犯枉法赃私者吏部逐一查开奏请充军者放回原籍为民为民者与冠带闲住闲住者与致仕中间如有才识年力尚堪任使曾经举荐者许一体遇缺推用其有以养病违限革职者若违限未久姑与叙用以后仍照近题事例行一各处该纳诸色课程门摊商税鱼课枣株钞贯茶课颜料牲口药材等项除已徵在官外其余小民拖欠未徵者自隆庆五年以前悉免今岁量免十分之三以苏民困一两淮两浙长芦四川各盐运司盐课司提举司拖欠远年盐课除已经开中有引照旧煎办给商及存积在官听候中卖外其余自隆庆五年以前未经开中额数拖欠或存积年久风雨消折等项巡按御史勘实一体蠲免遇有纳剩余盐或小民自行煎办盐斤不多者仍照旧例许令本处贸易不在兴贩私盐之例一先年加派光禄寺厨料银两已经户部议改济边今虽急用但前项钱粮原系额外岂可重累小民诏书到日除已徵在官者仍解部外以后年分悉行停止不许朦胧派徵一各处钞关钱钞本折轮徵折色解部济边本色解送天财等库计今该库见贮数多将本色暂行停止俱令徵收折色三年接济边储如有应赏钱钞不敷户部另行议处一陕西沿边及两广等处军民田地先年被贼蹂践抛荒者及各处荒闲官民田地各该巡按御史按察司官勘实具奏该徵夏秋税粮农桑丝绢户部悉与蠲免仍听本处军民不拘土著流来诸人但有情愿承佃有司验亩给拨三年之后方许量行起科就于本处仓廩送纳先将给拨过人亩姓名数目册报户部查考一各处沿河沿江沿海洲荡涨出田地或系先年坍塌有主者所司查明照数给主种办粮草或系无主新涨而为豪强擅利者尽数查出计亩酌量升科即充补抛荒所遗正粮有司先将拨给过地粮数目册报户部查考一各处审编差役原有正数节年有司指称别项名色纷纷加派及一应无名供应之类科需既繁赋税无出闾阎萧索实为隐忧诏书到日各有司官即照旧额速行改正此外不得擅科一钱擅增一役抚按官务要严查参治坐赃罢黜一鰥寡孤独及笃废残疾之人有司依例存恤勿令失所见在养济院者各给米二斗布一疋肉二斤其在京各色人匠阴阳医士厨役等项年七十以上悉皆放免应金补者照旧金补内外各卫所军人年六十以上果有疾病不能应役听其依亲仍行原籍勾丁补役为事发边远终

驳回再问者诏书到日覆申明实速与奏请定夺毋得淹滞一内外各衙门见监囚犯该追赃物除侵盗系官钱粮银五十两粮百石以上并入官银百两以上照旧监追外其余一应给主入官还官银粮不及数并免追徵内应监追者若正犯身死拘禁家属年久各勘无家产堪以变卖赔纳开具所犯情罪奏请定夺其各处官攒人等有因查盘粮草腐朽浥烂及失火延烧亏折数多问罪监追者果无侵欺情弊亦皆免追一在京缉事衙门缉获强盗妖言奸细等项多有无赖番役贪功网利妄拿拷打诬陷重罪今后问刑衙门如遇送到务要从公研审的确果有冤抑即与辩理毋致亏枉一各处拖欠工部各项本色物料如桐油麻铁之类内除成造军器供应器皿预备赏赐皮张羊毛外其余自隆庆五年以前未徵者悉皆蠲免已徵者照数起角□羊敢有将已徵捏作未徵者治以重罪一内监取用南京及芜湖各抽分厂竹木板枋除年例应角□羊者照旧起角□羊外其拖欠未完之数自隆庆五年以前悉皆蠲免各监不许朦胧移文追取一各处卫所岁造军器并有司该造弓箭弦条自隆庆五年以前拖欠未完者悉免补造其收过有司物料准作以后年分该办之数敢有因而侵欺者治以重罪一川贵湖广等处先年采运大木各该官吏军民人等有多领木价及多用夫价监追年久若勘无家产及正犯身故者并与放免一近年天下军民穷困府藏空乏重以营建 大行皇帝山陵各该衙门工作除城垣墩台关隘仓廩漕河等项例该修理者指实具奏定夺外其余一应不急之务悉该停止不许擅自移文兴工其在外司府军卫州县等衙门非奉朝廷明文一毫不得擅科一夫不得擅役违者各治以罪一各处水坍沙压等项民屯田地税粮负累军民赔纳曾经抚按查勘明白具奏者该部即与除豁其各处卫所有释放军伍遗下屯粮负累官旗赔纳亦与查勘分理一各处有奸猾巨恶捏写本状起灭词讼把持官府毒害良民与凡一应喇唬光棍巡按御史著实访拏问罪务要参伍体察得其真情不许遣托非人滥及无辜一朝廷政事得失天下军民利病许诸人直言无隐于戏缦大承休惟奉 累朝之成宪布德施惠用洽万国之欢心将升大猷在谨初服诏告天下咸使闻知

○是日百官朝服行五拜三叩头礼乐设而不作进表不宣如常仪丙寅赐辅臣及六部都察院五府戎政大臣尚宝司制造房等官银币有差

○丁卯大学士高拱< 〇〇〇 铨-金 >新政所急五事一御门听政凡各衙门奏事渎照 祖宗旧规 玉音亲答以见政令出自 主上臣下不敢预一视朝回宫后照 祖宗旧< 〇〇〇 矢见 >奏事二次御览毕尽发内阁拟票呈览果系停当然后发行则下情得通奸弊可弭 皇上亦得晓天下之事一事必面奏方得尽其情理望于临朝后间御文华殿令臣等入见有当奏者就便陈奏其有紧急密切事情又容臣等不时请见或于讲读后奏之如此则事得精详情无壅蔽不惟睿聪日启亦且权不下移一事不议处必有差错国朝设内阁官看详拟票盖所以议处也望 皇上于一应章奏俱发内阁看详拟票上进若不当 上意仍发内阁再详拟上若或有未经发拟径自内批者容臣等执奏明白方可施行庶事得停当亦可免假借之弊一官民本辞当行当止未有留中不发之

○提督操江兼管巡江南京都察院右金都御史张鹵< 〇〇〇 毓-金 >请复设应安徽宁池太广德兵备副使言应天等六府一州幅员四千余里山溪盘郁江面辽阔殊为要害之区年来戎伍废弛盗贼丛生臣因备查当嘉靖三十四年因倭奴之变专设应天兵备副使一员驻劄广德州上下相安号称得策至四十一年给事中林命始议裁革徽州原不属金衢严兵备至四十五年因矿贼繇开化突掠婺源浙抚刘畿始议分属至以安庆属九江亦因都御史毆阳铎御史宋茂熙等议设应天守备姑为迁就调停之计实非确然久远之图至今年春安庆事作臣得报即移檄经略安抚九江兵备方入会城邻府职官固无干涉不得已委应天通判以行幸赖朝廷威灵反侧即安事机旋定不然将骚动地方不无费事夫鉴之往昔徵之见事则此一兵备诚不可不急为地方复设以图万全乞敕该部计处照旧复设按察副使一员专司兵备关防字样易以徽宁驻劄处所移于池州其安庆徽州旧属江浙遥制空名悉皆罢去庶事有责成法无废坠应天巡抚张佳胤亦以为言俱得旨下部

○兵科都给事中梁问孟因秋防上< 〇〇〇 毓-金 >言 登极之初人心警忽夷情敛肆悉分于此故今岁秋防尤宜加慎俺答虽已纳款然犬羊之性变诈叵测且铜锅之给市其议未已亲属之求赏其数难周倥变生仓卒何以御之此外示羈縻内修战守在宣大不可一日宁者吉能既故其长子虽西掠未回然把都儿黄台吉之禁令未必能行于部落银锭台吉等移住镇番近境盖外假通贡互市内或欲掩我不虞此明烽堠联哨探即遇零骑入寇亦必整兵拒堵防微杜渐在延宁甘固不可一日忘戒备者蓟昌据京师肩背实东南一大藩篱迩者土蛮住收近边虽骚扰在辽东然境界实与蓟镇连接且老把都永邵卜阳附俺答实阴怀异谋万一与土蛮勾结聚众大举则 陵京震动肘腋莫支亟宜补练主兵以增捍御减退客兵以省糜费与或固墩台塞要害精器械积储 〇〇寺务期以守为战尤不可不预为讲求辽东与蓟镇声势相倚若辅车然土蛮侵扰虽屡遭衄败然我力既疲彼愤方深以疲士遇愤虏目前未必可安加天变异常火灾叠见阅辽东边报其伤残伶仃之状甚可酸恻则该镇抚恤之议诚当及时行之者兵难遥度谋贵预定政固宜修于闲暇人情尤忽乎所安国家与虏通好实欲因其无事预为自修今积钱谷增险隘强士马整器械及复屯田盐法诸事屡经申飭果一一举行否兴师十万日费千金锋镝一交凡宴犒赏赉优恤之类所糜何限今卧鼓边亭将及二载此等钱粮当有余积乃岁月侵寻能无穴销窳耗其问王公设险本以守国今沿边墩墙城堡节报修筑然督抚兵道不能亲履其地亲烛其奸何益保障之实况有兵无器兵何所恃有器无食器何以施故必欲练之宜先有以养之欲得其力宜先结其心今边军困苦日甚平时剥削之风自主将而下奸蠹百端即今辽东诸军贫瘁已极该镇虽议优恤未能尽保无弊朝廷恩意竟成画饼一旦有急驱饿疲喘息之夫何所用之故练兵马整器械莫先戒将领之侵克此弊既除士气自倍伏望 皇上严敕边臣力刷旧弊大奋新图部覆报可

○抚治郟阳凌云翼< 〇〇〇 铨-金 >言 祖宗建置卫所海内皆兵其在今日册籍空存所在消耗不过故与逃耳然物故虽多生齿日众此其弊又不在故而在逃往清军御史清册籍见在之军使之不逃北直隶即当以屯田御史改为清军其所以清者一曰清丁差卫所军户余丁初皆报名在册编派差使历年岂无逃故者亦岂无成丁者然丁差数年不一审其审差也亦止按故籍了事乃使逃故之丁差使尚存见在之丁隐占莫诘一应虚差皆于正军名下取办故正军之累唯丁差为最宜如民间均徭事例每年清审量其贫富强弱编派正军逃故者开除成丁者收补使丁差苦乐适均毫不累及正军一曰清屯田腹里屯田与沿边不同地皆膏腴子粒不多但典卖兼并者有之宜逐一查覆使田归于丁丁附于田则有一分屯田即有一名屯丁按田求丁自浮原额一曰清运军运军领运鲜不破家故有力者或营免充数者率蚕食议者不得已请将卫官一年掌印一年运粮则于掌印之日得预选旗甲以适事然年选年坏不知所终今余丁既清宜改以余丁分定班次轮流更番酌令正军帮贴路费惟旗甲则选殷实有行止者充之亦概卫旗军量贴路费俱于概卫月粮内官为通融扣给则苦乐公平人无偏累而其运官科敛需索者又从重参究庶运军之困可苏一曰清班军班军每至点选如冒汤蹈火愁苦不堪今宜亦照前议运军事例将余丁编定班次轮番帮贴仍以五十人为一队队长选正军为众所信服者领之则奸猾者不致夤缘规避上班者不致偏累潜逃班军之困从此可苏及在京在边自工作摆墙外若役占卖闲运石运灰又不可不为减省也一曰清科派卫所有力差有银差力差如前议可无累惟银差公费不可已者正银之外加倍多科印官利于浪费经收利于侵渔各军出办不前至并正军月粮而扣抵之今宜查卫所屯田若干每田一分止该差银若干造册送御史查刷仍置立循环簿稽考一曰清月粮官军月粮于子粒存留内相兼支放屯田子粒拖欠者少惟州县存留逋负相成踵为故事经年累月无从关支宜责成掌印管粮官照数徵收依期角口羊纳如有堕误查所欠分数酌量参究又言今日事势唯御史行事最专使任得其人亦惟御史奏效最速行之数年岂惟军不逃窜即 祖宗强盛之效亦必可复部覆如议行而清军御史屯田金事则则设如故但务责实运班仍用正军正军不足间用余丁补之特加意< 〇〇〇 〇十见 >恤焉

○辛未 睿宗献皇帝忌辰祭于 奉先殿

○巡抚山西都御史杨彩请以仆寺带宪衔< 〇〇〇 铨-金 >言国初设行太仆寺专管孳牧马匹以少卿掌之其事极简成化中始更置正卿后又添设寺丞主簿弘治末年从都御史杨一清议始降敕并理营马正卿分历三关寺丞分历大同后添设兵备员多该辖营分马匹俱归兵备该寺事遂废不行不过验印孳牧马所生数十余驹岁终造数缴报而已夫以三品重臣并佐贰首领拥衔静坐虚糜廩俸审时度势实有所处查宁武地方原属鴈平嘉靖间按臣杨美益以其地冲始请添置兵备顾其边界仅一百三十里犹是内边若照甘肃辽东例移行太仆寺卿驻宁武量带宪职兼管兵备新添金事可以

奇辽东镇夏税银八千六百四十三两有奇○提督两广军务兵部右侍郎殷正茂奏剿平河源从化英德等处贼党前后擒斩六百七十二名颢招降六十六名< 〇〇〇〇 〇〇〇〇 〇〇〇〇 〇〇〇〇 >推前督臣李迁分布方略及南赣抚臣督同协剿因叙总兵张元勋佥事何子明诸察王化及参将把总等战功以及府县学与有劳勩者< 〇〇〇〇 〇〇〇〇 〇〇〇〇 〇〇〇〇 >下兵部是役也凡用兵一万三千余人其乡民兵不与焉自五年十月至今闰二月乃竣役

○命工部右侍郎翁汝达提督 陵工

○乙亥特命吏部尚书杨博角〇羊管理兵部事务回部管事博< 〇〇〇〇 〇〇〇〇 〇〇〇〇 〇〇〇〇 >辞不允

○巡抚贵州都御史蔡文条奏急切三事一选用科目以抚疲民言所属府州县官多以谪调贡监处之人有欺玩之心官无振拔之志贵阳思南普安颇属繁剧安顺贼患初平政务猬兴其推官知州决非甲科不可其余地方亦宜选举人有年力志向者以充其任一补足军伍以坚保障言所属二十卫所额军一十三万七千余名今见存者仅一万八千零行伍十分空虚地方不堪保障乞行各省直遇本省清勾文册至日严行清军各官作速清角〇羊其附近省分但有充发军犯俱角〇羊本省填伍其本省拟配亦酌量地里远近充发一催角〇羊钱粮以济匱乏言本省夏税秋粮及屯科粮米每岁所入不足供一二月支费所仰给者湖广额角〇羊粮银三万七百余两四川三万七千余两近拖欠数多角〇羊发迟后乞行二省抚按官严督所属岁完一岁不得后期以前拖欠严并完角〇羊旨下该部○提督两广军务兵部右侍郎殷正茂奏岭海之间道路辽远虽设有营兵陆将然惠潮往返必经月余雷廉之于琼崖渡海远涉恩平阳江相隔数百里既无县治又无将领皆有难于兼治水路虽设陆寨然自潮至琼东西相距延袤五六千里各寨所管信地远者千余里其间海洋浩荡港澳多门使各寨兵船合宗巡哨则顾此失彼势既难周分港防守则船少势孤力又不足是以各贼乘虚登岸防截为难议欲东西设立游兵参将二员及雷廉潮惠等地方各添设参将守备把总等官庶分布既密剿捕无难山海之间盗贼自息因荐参将晏秋元等堪任又言广东先年有〇人艘船器械锋利兵夫强劲如黄萧养林乌铁等贼皆系艘船剿灭后因浙直借御倭患片板不归夫尽客死及吴平等各贼猖獗官府勒行重造〇人丧家亡身怨恨彻骨宁受刑责不肯造船致海上备御无策盗贼纵横自如今已多方号召复造如前乞敕部议拟凡有船只浙闽皆宜自造毋得援例再借则船自为战〇自为守海寇倭寇不得肆其纵横部覆从之

○应天巡抚张佳胤奏安庆卫乱军狱辞法司比谋叛律梟八人遣十三人释二人仍定为条例颁行天下

○丙子 上御宣治门褰服视事百官行奉慰礼先是礼臣以为请故卜日如所具仪注行随谕礼部集议 大行皇帝尊谥敕曰朕惟自古圣帝明王建骏烈于当时则必享鸿名于后世肆嗣统之君皆为之哀集舆论腾播景辉考率彝章荐称徽号所以显亲

而崇孝也恭惟我 皇考大行皇帝大并乾坤明同日月励精图治诚笃任贤布殷汤之
< ䷋ 六十见 > 仁守汉文之恭俭在位六载政教修明施泽万方草木涵被用能绍帝猷
之纯懿登皇路于清夷海内晏如四夷款顺熙平之化垂拱以成所谓穆穆不显荡荡难
名者矣不幸 上宾攀号莫逮呜呼痛哉顾予冲人嗣承丕绪茆茆在疚虽礼文之未遑
哀哀永思岂褒崇之敢后然欲彰极美须协至公尔礼部其集文武群臣定义 尊谥择
日恭上册宝以扬我 皇考之休于罔极钦哉故谕

○尚食监太监穆进德请复荐新银鱼 上以业有诏停止各项采办不从

○巡按福建御史杜化中议裁并海防官员言漳南滨海一小郡因其密迩大洋外
有岛夷之警内多勾引之奸故设有巡视宪臣一员数年间二汛屡捷四民息肩设官之
效亦既章章如是乃后又添设海防同知一员未几又添设团练僉事一员以一府而三
道并临四馆兼设其于地方甚属不便夫巡海团练所司惟一事清军海防其事可兼摄
今若并团练于巡海合清军于海防则汰冗去赘一年省千十年过万上足以实仓庾下
足以充闾阎不伤财不害民利一未汛则事权既一展布自易凡一切防御之事不掣肘
不牵制可以责成功利二即汛则职任有归重寄难委凡一切征剿之事无规避无摇夺
可以全取胜利三反此三利其不便者亦三因荐团练僉事梁士楚清军同知罗拱辰二
臣皆有功于闽请以士楚改巡海裁去团练以拱辰兼海防革去清军部覆行巡抚会议

○赐固安伯陈景行夫人张氏坟地并护坟地土六十顷有奇夫人 圣母皇后母
也

○户部覆左给事中张博等< ䷋ ䷋ ䷋ ䷋ > 言漕粮入闸以后一路安流风波不足
为虑但各官旗停泊私贩乘机盗卖奸弊不止一端宜申饬兵备等官严行禁约依限催
僦又粮运漂流冻阻率因推诿后期宜责成各官限地管理远近劳逸或有不同总待事
完核实分叙至天津抵湾河道尤有专职若有浅涩即行挑浚务期随到随行于六月内
尽数抵湾不致有妨下年运务报可

○户部又题总督王崇古等请修宣府镇边堡口粮言查稽饷册内隆庆四年支一
万余石五年支一万五千余石通系岁例数内今查该镇五年终实在本色粮料比四年
又少四千余石又议于内动支七万一千三百余石及查向来修筑之费虚冒多端无裨
实用缘各委官习于欺蔽巧于冒破点查则冒名顶替食粮则计口关支刻期报完不责
有无侵冒及至虏患大举所在墙堡望风瓦角口羊与前建白修守之议全不相应边方
糜费财用拙乏悉坐于此况今所请较四年五年数四倍有余所用既多查理宜慎每岁
终合将修过工程费过口粮造册具报不得工少费多致后用不继如有钱粮冒破工程
不竖经管官员即升迁去任亦尽法查参报可

○命锦衣卫左都督朱希孝往来督视 陵工僉书杨俊卿专管监督

○丁丑 上御宣治门褰服视事百官行谢颁恩诏礼是日百官服除

○朝鲜国王李昫遣陪臣礼曹参判朴民献等正从三十八人谢恩朵甘思宣慰司

于青宫始终典学暨绥猷于皇极夙夜其勤动必合天益谨钦崇之念行惟履道犹怀思永之图缵 帝绪十世而益光行王道六年而大治譬诸化育之广运无能名焉敬于德业之昭垂识其大者若夫湛虚善应静深有容聪明特纵于天而智不自用喜怒各中其节而色罔或形邃乎德之渊也体性冲温轨迹夷易执粹清以镜物治合无为推诚信以尽人道殊任术美哉德之懿也立政惟举其纲罔兼庶慎以干励精之誉用人不求其备每赦小过以弘任使之途虽汤号克<䷗六十见>未或过矣蠲田租以布慈惠而允留漕粟复推振乏之恩出宫人以宣郁幽而軫念无辜尤重简孚之命即尧称至仁曷以加焉至若学有缉熙文能经纬任贤勿贰而经邦论道悉咨于老成取士无方而开贡设科每增其制额声教所讫俊又咸兴是谓文丕显也其临雍御讲之所倡乎内治既隆外威斯赫营海巢山之孽絜首而献阙庭毡裘毳幕之酋角□羊辫而受约束神功不杀信义潜孚是谓武大光也其阅戎赉士之所感乎不妄罪一人而民无越志不妄发一令而事无废弛临下以简而禁独严于宫闈御众以<䷗六十见>而法必行于近习此足以徵其德之纯焉躬举展 陵之典而执礼无违岁行时享之仪而在庙有恪抑且元良早建讲幄弘开用能蒙养 圣躬鼎凝 帝命至于 凭几之遗训无非法 祖之良谟此又足以徵其孝之至焉凡兹众美之兼咸本一心之运盖惟敬以作所故执要而百事自详庄以临民故笃恭而天下自理诚百王之所鲜俪六籍之所未具也臣等窃惟天道太虚故名于穆周文敬止斯曰同天今我 大行皇帝中涵纯一外运浑元机智不烦神独游于昭旷声色不大化允协于平章上惟肃肃雍雍建中和而善藏其用下则熙熙皞皞蒙覆载而莫知其功是岂非与天同流比文合德继前徽而罔佚诒后范而弥光者哉臣等谨咨于群议之公稽诸节惠之义 大行皇帝尊谥宜 天锡之曰 契天隆道渊懿宽仁显文光武纯德弘孝庄皇帝 庙号 穆宗用阐鸿辉并垂万祀臣等拜手稽首谨议○是日召见辅臣张居正于平台议 两宫尊号居正<䷗䷗ 毓-金 >请令礼部会同多官议拟以闻

○延绥管粮郎中张体乾请抵补本镇原减盐引银一万三千二百二十五两准予贮库银给发抵补

○赐故大学士高仪贖仪一百两币四表里米五十石及香蜡油茶盐柴等物 定漕运程限每岁十月开仓十一月兑完十二月开帮二月过淮三月过洪入闸四月到湾永为定例从尚书朱衡议也辛巳敕谕礼部 皇考穆宗孝庄皇帝山陵荐号曰 昭陵

○敕谕兵部都察院朕初登大位欲简汰众职图新治理两京五府掌印金书管军管事公侯伯都督总兵官副总兵锦衣卫管事并南北镇抚司管事指挥以上六部等衙门四品以上及各总督巡抚官俱著自陈去留取自上裁五品以下文职两京吏部都察院会官考察科道拾遗俱如隆庆元年例行

○令协理詹事府事兼翰林院侍读学士马自强管詹事府印信俟原推掌詹事府事张四维到日径自交代

○吏部题改六月大选于七月初五日行以尚书博初回部故也 复设河南开封府捕盗通判仍通行各抚按官不得轻议裁革官员

○复除工部屯田司主事隗邦衡及户部主事石汉钱楷俱改工部屯田司听分委管理 陵工

○壬午礼部具上 大行皇帝谥册及颁诏仪注

○命礼部尚书吕调阳兼文渊阁大学士入内阁办事< 〇〇〇 毓-金 > 辞不允○升河南按察使侯东莱为陕西右布政使

○派鱼沛南阳留城等处堤米河米于各州县仍给前筑堤开河所占民田价值又以独山微山吕孟等水柜有伤民地蠲其湖米

○以山东登州府旱灾蠲其夏税有差

○角口羊太仆寺马价一万一百一十五两于延绥镇

○巡抚福建右副都御史殷从俭< 〇〇〇 毓-金 > 裁本省巡抚标下游击及总兵标下都司各一员巡抚委都司佾书总兵委把总各带管

○南京刑科给事中周守愚参守备太监张宏擅止营操言营操开止制典昭然从无计闰折操者宏违制市恩略无顾忌乞按法正罪为人臣不恪之警并论兵部尚书王之诰守备怀宁侯孙世忠协同守备灵璧侯汤世隆依违恇怯坐视不言报闻○癸未吏部奏考察条规言 上登极之初励精图治亲总万几中外仰颂 圣明真同日月所据简汰众职一事查有嘉隆 两朝事例委当奉行但嘉靖元年当积弊之后隆庆元年当积久之余一时考黜种种有人 先帝临御仅及六年元年则奉诏考察京官二年则朝覲考察外官三年则遵例考察京官四年则奉谕考察言官五年又朝覲考察外官六年五考划除殆尽今次若拘泥旧例不惟善类有伤殊非清世平明之治乞容臣等从实考察果有其人即便议黜无则宁虚其名目不宜委曲迁就且各衙门事有繁简人有纯驳难以一律有则汰黜数人亦不为多无则不黜一人亦不为少大抵因时制宜不贵于繁惟贵于简不贵于多惟贵于精 上报曰卿等务要虚心甄别毋纵匪人毋枉善类以称朕简才图治之意○以山西行太仆寺卿王惟宁兼按察司佾事改驻宁武不妨马政整饬中路兵备从抚臣杨彩议也 是月减释江北重囚二十八名

明神宗显皇帝实录卷之二

明神宗显皇帝实录卷之三

隆庆六年七月甲申朔初享 太庙 上驾及门雷雨大作湏雨止成礼乃还宫

○大学士张居正言礼部会议 两宫尊号仰考旧典惟 宪宗皇帝尊 嫡母皇后为 慈懿皇太后 生母皇贵妃为 皇太后与今日事正为相同但今 圣母皇后与 圣母皇贵妃恩德之隆概无有间尊崇之礼岂宜差殊且臣恭奉 面谕欲兼隆重其礼各官仰体 孝思皆亦乐为将顺拟于 皇太后上各加二字并示尊崇庶于 祖制无愆而于 圣心亦慰又言 先朝母后徽称有加至四字六字八字者皆因朝廷有

○丙戌遣公朱希忠张溶驸马许从诚侯蒋佑祭告于 郊 庙 社稷恭上 大行皇帝谥册文曰孝子嗣皇帝臣

谨再拜稽首上言伏以 上圣宅尊仰六载中天之烈鸿名归美升万年太室之华庆衍无疆颂均有截恭惟 皇考大行皇帝溥将受命渊穆凝神安安天纵于帝文亶亶日跻于圣敬爰自龙潜毓粹高代王仁孝之风迄乎凤历开昌体殷宗恭默之懿垂至治之裳而乾纲独运调大化之瑟而角□羊泽旁流春秋不辍于谈经学古训而有获宵旰克勤于听政监成宪以罔愆岁郊时享信顺孚于帝亲耕藉临雍富教兴于邦国严飭宫庭之纪罚不贷而赏不轻信任辅弼之臣言必从而谋必就用才贤则幽遐尽录简将吏则功过兼收谒 山陵而顾问边防虑存未雨举大阅而鼎新营务令出如霆广言路则遣使于攸鳞重刑狱则爰常徵于祝网朝清道泰内焉纪纲法度之惟明吏称民安外焉弦诵讴谣之毕集三灵协瑞万邦屡丰德施渗漉于含生威命播扬于殊俗北虏归诚而请贡塞垣无烽燧之惊南夷假息以就歼岭海有耕桑之乐皇猷炳朗六府三事皆可歌王路清夷四海九州莫不服眷成功之丕赫亶垂世以弥光宜奉巍巍荡荡之名乃称尊尊亲亲之礼虽管窥蠡则未能究极其闳摹而镂玉泥金勉用铺张于显册爰咨公论请命于 天谨奉 册宝上 尊谥曰 契天隆道渊懿< 〇六十见 >仁显文光武纯德弘孝庄皇帝庙号 穆宗伏惟永妥 圣灵诞膺天锡蜚英声腾茂实同日月而照临哀景福衍鸿休配乾坤之悠远谨言

○总督漕运都御史王宗沐奏报海运抵岸言海运不行已百六十余年臣前任山东左布政使因胶河之议详考前代沿革始末与其必可行者条陈十二利时群听骤闻相顾疑骇其后科臣建白抚臣试行皆符臣言事果不谬因获上闻定拟今岁通运臣适又叨官漕司规度发行兹者六帮无失相继抵岸天下臣民始信海运可行以此与河漕两途并输诚为国家千万年无穷之利报闻

○工部题 陵工事宜一计处钱粮一议拨军夫一查复职掌一预备木料一改发石料一议处运木一责成委官一酌用砖料一召募匠作一议处物料

○丁亥 仁孝文皇后忌辰祭于 奉先殿

○以 大行皇帝尊谥礼成诏告天下诏曰朕闻帝王有骏德豊功昭著于当时则必有鸿名显号垂示于万世斯古今之通义国家之令典也惟我 皇考大行皇帝聪明睿智恭俭< 〇六十见 >仁懋圣学于缉熙揽乾纲于独断灵承 帝命轸恤民艰先德政而后刑威崇文教而修武备外夷宾服中国又安享六载之昇平垂万年之基绪增光列圣超越百王功德之隆蔑以尚己不幸 龙驭上升攀号莫逮朕以凉德嗣守丕基方纘述之是图岂光扬之敢后谨命文武群臣参稽古礼议荐崇称博采师言协于公论乃于今年七月初三日祇告 天地 宗庙 社稷奉 册宝恭上 大行皇帝尊谥曰 契天隆道渊懿< 〇六十见 >仁显文光武纯德弘孝庄皇帝庙号 穆宗于戏乾坤高厚固荡乎其难名日月昭垂盖焕焉而可仰布告中外咸使闻知

生成之功罔间俾予冲子获嗣丕基皆训迪拥佑之力也不有尊称曷彰令德兹谨稽祖宗旧典博采廷臣公议恭上 圣母皇后尊号曰 仁圣皇太后 圣母皇贵妃尊号曰 慈圣皇太后庶两尽于尊亲用并成乎孝养尔礼部其择日具仪以闻钦哉故敕

○敕谕兵部朕荷 皇天眷命嗣承大统内治既定外备宜严目今边患虽宁未可恃为无事尔兵部便行文与各边总督镇巡等官秋防伊迩今岁事体比之常年倍宜谨备选将练兵积饷修守等项事务都要著实举行如有因循怠玩沿习旧套以致债事者都拏来治以重罪决不轻宥尔部里亦要常差的当人员侦探边事虏情从实奏报以俟朝廷处画如或朦胧误事一体重治不饶钦哉故谕盖辅臣张居正惩隆庆元年事深以为言因拟敕行

○升四川左参政劳堪为浙江按察使江西南昌府知府丁应璧为徽宁等处兵备副使驻劄池州府

○庚寅吏部等衙门考察奏黜吏部员外郎穆文熙都给事中宋之韩程文等三十三员吏部主事许孚远御史李纯朴杜化中胡峻德盛时选刘曰睿张集左右给事中涂梦桂杨镛周芸张博等五十三员降调外任

○吏部又题考察光禄寺寺丞张齐何以尚尚宝司卿成钟音司丞陈懿德等四员诏报齐懿德闲住钟音以尚降调外任○户刑等部尚书张守直刘自强朱衡仓场尚书王国光及户兵刑工左右侍郎郭朝宾陈瓚石茂华栗永禄朱大器曹金赵锦熊汝达戎政侍郎王遴通政使李际春并光禄寺卿路王道太常寺卿王凝顺天府府尹孙一正各自陈乞罢诏报自强致仕永禄调南京余俱留

○复除郃永春为河南道监察御史

○升福建左布政使朱纲为应天府府尹

○升河南道御史吴道明为直隶庐州府知府兵科右给事中周良臣为江西南昌府知府河南道御史郝杰为陕西副使兵科都给事中梁问孟为福建右参政 赐故大学士高仪一品祭葬及谥仍差官护匱还乡仪浙江钱塘人嘉靖辛丑进士选庶常第一人授翰林院编修学术醇深操履端慎有声词林中累官坊詹登于秩宗时当 肃皇帝创举典礼之后 穆宗代兴仍改为难乃丘泽社稷之分合大祀之配享元配继后之祔别多所裁酌附于古义折衷之功为多已而鸿冥远渐羽仪之望更隆 庄皇帝特起之山林之中委以密勿之寄于时权有所归无所建竖及受顾命以辅 冲主更遘危疾奄复云亡然迹其所遭逢虽或少延终当遂其初服未必能并驰声于丙魏也当日礼典方于故大学士张治非独其位相等盖其品有足相当也谥曰文端夫何忝焉

○辛卯大学士张居正自陈不职言易一棖不若得一栋评众臣不若简柄臣乞赐罢免不允

○礼部左侍郎王希烈右侍郎诸大绶各自陈俱诏照旧供职

○升河南道御史郃永春为福建左参议

○升南京山西道御史姚光泮为福建泉州府知府广西道御史王元宾为湖广承天府知府刑科给事中周守愚为福建佥事秦舜翰为四川佥事

○壬辰遣公朱希忠等以上 孝懿皇后尊谥祭告 天地 宗庙 社稷册文曰 孝子皇帝臣 稽首百拜伏以紫庭俪正崇称夙贲于中闱彤管扬辉徽数载光乎显册节繁声于琼宇缕遐轨以瑶函恭惟 皇妣孝懿皇后至性渊涵贞姿纯穆名闺吉产祥流宝婺之辉高胃秘仪彩备瑶绳之烂应 圣祖凤占之兆配 先皇龙德之潜宫徵自鸣岂假珩璜而结佩容仪无介非资图史以成规均惠咏于小星敦朴徵乎大练采苹繁以假庙率礼承祧授弓< 革蜀 >以祈禘锡祥启胤瑞钟麟趾庆洽螽斯地其处乎德厚载乎万物风之行也化肇始于二南何星纪之失躔炎月轮之掩景 先帝感来迟之痛峻列荣升冲人怅生晚之违孝思靡及虽不奉音容于旦夕曷尝忘凄怆于春秋溯佑启之深恩哀深抚镜席仁慈之遗荫慕切赐衣谨遵旧章諏谋穀旦率輿情而涣号缘节惠以扬休清庙登歌亦右文母尊谥曰 孝懿贞惠顺哲恭仁俪天襄圣庄皇后于戏至哉坤元茂宰化工之发育母也天只诂模圣善之形容祇隆一字之褒垂诸琬琰兼备六衣之献丽彼袆褕伏冀 慈灵鉴兹孝悃俨居歆于祝史申徂賚于后昆遒骏有声后德光天之下则笃其庆皇图卜世之长臣谨稽首顿首上言是日遣公张溶恭诣 陵园献册宝驸马许从诚祭告 神霄殿大学士吕调阳恭题 神主 上于皇极门临遣溶礼部先请 上升座传赞遣官行礼 上谓不宜背册宝輿南向乃诣輿前行四拜礼起西向 遣官行礼毕举輿及午门 上犹目送之

○赐德平伯李铭祭葬享堂并护坟地土铭孝懿皇后父也

○癸巳大学士吕调阳自陈乞罢优诏不允

○詹事府詹事兼翰林院侍读学士协理府事马自强詹事府詹事兼翰林院侍读学士掌院事陶大临太常寺卿兼翰林院侍读学士管国子监事丁士美各上< 踰 铨 金 >自陈俱奉旨照旧供职

○吏部覆通政使司右通政何永庆韩楫鸿胪寺卿王之垣大理寺左少卿刘思问右少卿宋良佐太常寺少卿刘淳陈行健太仆寺少卿董尧封陈联芳李幼滋顺天府府丞刘尧海各自陈不职之垣等照旧供职永庆闲住楫淳降调外任 设 昭陵卫凡铸指挥使司印经历司印镇抚司印各一左右中前后千户所印五及左右中前后百户所印五十共印五十八颗

○甲午巡按宣大御史孙鏞奏窃见虏酋纳款边陲晏然万姓有安堵之乐两镇无鸣笳之声真太平景象顾事机倚伏无常虏酋性态叵测有不可不为深虑者近报黄台吉约六月六日在新平堡互市又报其部下夷人称黄台吉被其子扯力克台吉等将人马牛羊抢夺西去今惟携其爱妾少子住牧大白海子地方恐失信中国故遣我每赶马到市又报自六月六日至九日共易过夷马四百一十匹臣思互市之期定于春末夏初者以虏马方瘦不敢驰骋深入今黄台吉延至六月方市俺答自水泉营市后称往青山

○差中书舍人沈文为故大学士高仪造坟

○戊戌中元节遣武安侯郭大诚等祭各陵及各寝园 穆宗庄皇帝几筵大诚 长陵 景陵抚宁侯朱冈 献陵 裕陵泰宁侯陈良弼 茂陵 泰陵 康陵庆都伯杜继宗 永陵遣官祭 景皇帝陵及诸陵寝园坟皆遍遣祭焉○礼部进上两宫尊号仪注

○内官监掌印太监张诚请给敕提调 陵工辅臣张居正言管工太监敕已发行掌印官例原不领敕且无一事两敕之理封还诚本事遂寝

○吏部题建言罪废诸臣尚宝司司丞郑履淳户科左给事中李己吏科给事中石星工科给事中陈吾德俱复原职礼科左给事中陆凤仪云南道御史詹仰庇另议报可吏科雒遵等则首荐户部尚书刘体乾其致仕闲住者又有尚书马森郭乾谭大初刘采侍郎杨巍金都御史海瑞少卿丘橐参政温纯等旨亦下部

○赠故大学士高仪太子太保吏部言仪学识渊醇性资端亮新迪内阁虽未抒捧日之忠久在南宫实茂著格天之烈三朝耆旧一代名臣○兵部奏甘肃抚臣廖逢节言套酋切尽黄台吉等欲从甘州往西海住牧宾兔歹成妻男盘据昌宁湖坚执欲从黄台吉去路行走总督戴才亦言套内诸虏陆续俱到镇番凉永境外住牧及抢掠番夷欲繇内地经行各乞行顺义王俺答禁谕为照前项虏情大率有二其一则虽无骚扰不宜经繇内地其一则虽未侵轶不当屯住近边且诸酋络绎西来虏势甚重虏情难测必须严内外之防以寝彼窥伺之谋预战守之略以严我自治之策宜行才等督率各官严加堤处未过者谕令径繇边外毋中假道之奸已过者谕令远离边境以免启衅之渐备行宣大总督王崇古传谕俺答严令各酋遵守法度西行往来俱繇边外川底及嘉峪关外行走若果去海上止繇镇羌永昌三条沟过路不得经繇黑松凉永甘山等处内地各总督抚镇官亦务协心区处以靖边陲毋得自分彼此因循误事从之

○兵部覆延宁二镇等处地方获功官军李鸣凤等二十六员名各照例升赏

○复令饶州兵备道兼辖南昌府新建进贤县其南康府星子都昌九江府湖口各沿湖县分凡干军务贼情悉听调度整饬从抚臣徐枋请也

○刑部奏热审释放发落笞杖等罪犯人三百四十三名口

○己亥敕谕文武群臣曰盖闻理道之要在正人心劝阻之机先示所向朕以冲幼获嗣丕基夙夜兢兢若临渊谷所赖文武贤臣同心毕力弼予寡昧共底昇平乃自近岁以来士习浇漓官方刑缺钻窥隙窳巧为躐取之媒鼓煽朋侪公事挤排之术诋老成廉退为无用谓谗佞便捷为有才爱恶横生恩讎交错遂使朝廷威福之柄徒为人臣酬报之资四维几至于不张九德何繇而咸事朕初承大统深烛弊源亟欲大事芟除用以廓清氛浊但念临御兹始角□羊泽方覃铎锄或及于芝兰密网恐惊乎鸾凤是用去其太甚薄示戒惩余皆曲赐矜原与之更始书不云乎无偏无党王道荡荡无党无偏王道平平朕方嘉与臣民会归皇极之路尔诸臣亦宜痛湔宿垢共襄王道之成自今以后其尚

精白乃心恪恭乃职毋怀私以罔上毋持禄以养交毋依阿湏忍以随时毋嗜沓翕訛以乱政任辅弼者当协恭和衷毋昵比于淫朋以塞公正之路典铨衡者当虚心鉴物毋任情于好恶以开邪枉之门有官守者或内或外各宜分猷念以济艰难有言责者公是公非各宜奋谏直以资听纳大臣当崇养德望有正色立朝之风小臣当砥砺廉隅有退食自公之节庶几朝清政肃道泰时康用臻师师济济之休归于荡荡平平之域尔等亦皆垂功名于竹帛绵禄荫于子孙顾不美欤若或沉溺故常坚守涂辙以朝廷为必可背以法纪为必可干则我 祖宗宪典甚严朕不敢赦百尔有位宜悉朕怀钦哉故谕

○谕礼兵二部朕即位之初重念守边官军勤劳宜加赏赉礼部便会同兵部查辽东至甘肃沿边一带官军实数来看

○起在假通政使司右通政李世达仍以原官提督眷黄

○升河南右参政胡价为太常寺少卿提督四夷馆陕西佥事汪文辉为尚宝司卿

○升云南右参政秦钊为山东按察使湖广兴国州知州刘奋庸为山西副使提督学政

○以浙江总捕都司徐尚明铨注福建都司军政掌印管事以大同游击魏廷臣充右参将分守偏头关等处地方 辽东行太仆寺奏报本镇隆庆五年分官军骑操马数原额七万八千八十二匹见在五万六百八匹膘壮者四万四千一百五十匹瘦损者六千四百五十八匹倒死二万七千四百七十四匹已追补膘壮者六千七百九十七匹未追补者二万六百七十七匹膘壮者仍备战守瘦弱者督令餽养倒失者严限追补报闻

○庚子 上诣 两宫进 尊号奏书 圣母皇后书曰子皇帝臣 谨奏仰惟 圣母皇后陛下 安贞应地 柔顺承天 明德克侷乎 先皇阴教允仪于六寝肆予小子夙荷 深恩属兹继统之初亟以尊 亲为重谨稽旧典祇荐 徽称将以今月二十六日恭率文武群臣奉 册宝上 尊号曰 仁圣皇太后伏愿 俯鉴微诚 俞登显号 得名得寿绵千秋万岁之遐龄 宜天宜人享四海九州之至养臣不胜倦倦之至 圣母皇贵妃书曰子皇帝臣 谨奏伏惟 圣母皇贵妃殿下 体备柔嘉 性涵淑惠既 弼成乎阴教乃 浚发于震祥 诞育眇躬弘敷 慈训兹承大统实本庆源顾欲报 深恩曷以罄昊天之恩惟荣登 显号庶少伸爱日之诚谨据彝章博咨舆议将以今月二十七日恭率文武群臣奉 册宝上 尊号曰 慈圣皇太后伏愿 诞膺景贶 茂对昌辰 名偕宇宙而俱新维祺有淑 寿与冈陵而并固俾炽无疆臣不胜倦倦之至

○敕谕太子少保工部尚书朱衡等兹者营建 皇考穆宗庄皇帝山陵事体重大特命尔衡不妨部事总督工程往来阅视右侍郎熊汝达专在工所提督工程总督京营戎政彰武伯杨炳协理戎政兵部左侍郎王遴轮流前去提督军夫工匠人役掌锦衣卫事太保兼太子太傅左都督朱希孝不妨卫事往来督视管锦衣卫事署指挥同知杨俊卿专在工所监督工程尔等凡事与提督太监周宣等公同计议各宜殫忠竭虑悉心经

理固不可因陋就简以天下而俭其亲亦不宜浪费糜财饰虚文而鲜实用务俾工作完美刻日报完用垂万世永久之图副朕慎重大事之意尔等其慎之慎之钦哉故谕

○是日并敕谕内官监太监周宣等提督工程

○升礼科左给事中乌昇兵科左给事中吴文佳俱为都给事中昇刑科文佳工科吏科右给事中陈三谟为吏科左给事中户科给事中冯时雨刘不息礼科给事中蔡汝贤王士□□俱为右给事中时雨户科不息礼科汝贤兵科土□□工科 升通政使司左参议李琦为右通政

○以浙江都司掌印李希周充参将分守温处地方以原任分守广西古田地方参将门崇文改补广东东路添设巡海参将

○总督蓟辽保定军务兵部右侍郎刘应节奏秋防分布兵马言蓟昌地方自镇边城至山海关延长二千一十七里分为一十四路臣应节驻密云巡抚杨兆驻遵化各往来督理诸路军务遇警各随营调度昌平镇三路边长四百六十里属总兵杨四畏镇守兵备佥事张廷弼整饬地方蓟州镇十一路边长一千五百五十七里俱属总兵戚继光镇守地方内石塘岭古北口曹家寨墙子岭四路边长六百五十四里属副总兵张臣协守兵备副使王一鹏整饬地方马兰谷松棚谷太平寨三路边长四百五十七里马兰一路属张臣协守松棚太平二路属副总兵史刚协守燕河营台头营石门寨山海关四路边长四百四十六里俱属史刚协守兵备副使孙应元整饬地方总兵副总兵各统领官军时加训练所镇地方有警即首先迎敌他镇有警亦听调策应其兵备官俱各驻适中地方监督料理又辽东地方与蓟镇相为唇齿遇有警急一体相机遣兵策应

○辛丑 成祖文皇帝忌辰遣定国公徐文璧祭 长陵 命总督仓场户部尚书王国光回部管事改南京兵部尚书王之诰为刑部尚书改南京礼部右侍郎汪鏜为礼部右侍郎管国子监事起原任兵部右侍郎杨巍复为兵部右侍郎升南京都察院右都御史张潮为南京工部尚书

○升山西右布政使罗瑶为四川左布政使云南副使王应显为本省右参政调四川佥事刘之蒙于陕西○定福建饷额抚臣殷从俭言隆庆六年春汛分布各水陆官兵共一万三千三百八十九目名以岁饷计之陆兵除原代机兵者州县给工食外尚该支银一十万五千七百三十余两水寨官兵该支银三万七千九百余两又各汛期水陆兵行粮约用银二万余两又年例犒赏衣装并冲锋赏功优恤等费约用银五千余两修造船只及置造军器火药鼓旗等项约用银一万余两通计用银一十七万八千六百三十余两内发回客兵二千二百六十员名俟有缓急募补土兵计减去粮银二万八千余两及各将领坐把听用员役俱行量减尚该饷银一十五万六百余两前加派丁二米四年限已满况复百姓凋敝势难再徵见今惟有存留粮剩鱼课仓折弓兵料剩寺租□税等银共一十二万五千五百两乞仍照旧备饷外尚少二万五千一百余两查将赃罚凑支庶兵食有资地方攸赖部覆赃罚角□羊部济边不得议留姑将丁二米四银两照旧派

徵务足一十五万六百之数为该岁常饷待地方宁靖后停免加派别项银两亦各角
□羊部济边 上从之

○郟阳抚臣凌云翼奏荆州府江陵公安松滋枝江宜都石首监利等七县大水伤禾稼坏庐舍漂流人畜死者不可胜计请破格蠲恤从之

○升紫荆关参将张<□□王兄>为署都督佥事充神机营右副将以南京后军都督府佥书刘豸充五军营右副将以苏松参将黄应甲充副总兵镇守南直隶江南地方

○辽东抚臣张学颜奏报东夷王杲入犯言杲因索降人不与怀忿聚兵欲行寇掠又抚顺备御贾汝翼放夷马责其抗违十数人各夷切齿忿恨杲遂约诸部落屡入为寇副总兵赵完故违学颜节制不发兵防堵委罪汝翼欲罢汝翼以媚夷心又言近奉明例极力招降若为送还遂其挟索塞生全之路启轻视之心又汝翼却夷人之土仪惩其违抗似能神威以抗强虏者若因此罢斥是进退边官尽出夷人之手又言杲与王台土蛮连和益密少俟秋冬必图大逞宜行宣谕令送还掠去人口准其入市通贡仍厚加抚赏如执迷不顺则闭关绝市调集重兵相机剿杀大概海西建州诸夷衣食皆易诸内地抚顺剿逆自足以服其心挫其势若惧塞贡路任其侵陵姑息日深厝火忽炽于时区处其难有百倍今日者部覆王杲每肆窃犯辽阳副总兵赵完统有重兵先时既未设备有警又复逗遛却委罪备御官以图遁责岂独有违节制实系失误军机但值秋防多事易将非宜合先行供职令杀贼赎愆俟防毕督抚酌奏以凭议处本部移文辽东镇抚官查照所议宣谕王台王杲诸夷示以恩威毋容姑息其抚顺开原等关再有窃犯亦许擒斩论功不以启衅论罪报闻

○差云南等道御史刘尧卿杨允中唐炼刘良弼往各省巡按尧卿浙江允中贵州炼广西良弼福建 壬寅复设直隶松江府青浦县治县本旧青龙镇嘉靖间知府朱润等以附镇地方旷远盗贼丛生钱粮积欠议割华亭海地建设青浦县未几华亭人以不得逃避钱粮纷言不便乡宦张给事中承宪者遂奏行裁革止设一通判驻劄本镇而前弊滋甚抚臣张佳胤采士民公论奏请复之

○赐故遂安伯陈鏊祭葬及谥

○勒令管理红盔将军忻城伯赵祖征后府佥书惠安伯张元善及成安伯郭应乾锦衣卫南镇抚司右都督黄时坤闲住部覆科道纠拾其不职也

○癸卯掌詹事府事吏部左侍郎兼翰林院侍读学士张四维遵例自陈诏照旧供职 改刑部右侍郎曹金为兵部右侍郎兼右佥都御史巡抚陕西起原任户部左侍郎赵孔照为兵部左侍郎兼右佥都御史巡抚山西

○升山西按察使董世彦为本省右布政使调原任江西副使林一新于云南山西佥事李文学于四川

○准陕西苑马寺卿郑一龙赴部调用一龙繇广西臬司升寺职行至清远江水泛涨偶遭覆舟之变遂致耽延陕西按臣参其久不赴任而广西巡按李纯朴勘一龙原无

少师兼太子太师荫一子入监读书博辞 上曰卿德望勋劳无忝前哲升荫已有成命宜承恩眷博固辞不允

○总督仓场侍郎刘应节自陈乞罢不允○总督仓场侍郎刘应节自陈乞罢不允

○以保定右营坐营徐松充游击统领保河民兵大宁都司掌印韩荣充参将分守徐州等处大同天城守备为事官牛应诏守备左卫城地方江西都司佥书张廷杰铨注浙江都司掌印管事升泰州所千户王之屏把总福山港

○差户科给事中陈蕞巡视京营

○工部尚书朱衡奏 先帝陵寝系 肃皇帝为 睿祖造建玄宫之地内紫光焕发和气郁蒸门堂乾洁宛若暖室玄宫安妥则大襄有期 上悦命礼部议发引事宜

○丁未升通政使司右参议倪光荐为左通政改南京户部右侍郎毕锵为刑部右侍郎命户部左侍郎郭朝宾总督仓场升吏部左侍郎魏学曾为南京都察院右都御史起原任礼部左侍郎万士和以原官管南京礼部右侍郎事起原任户部尚书刘体乾为南京都察院右都御史起原任礼部左侍郎万士和以原官管南京礼部右侍郎事起原任户部尚书刘体乾为南京兵部尚书参赞机务

○准致仕户部尚书方纯孙方承嗣补其故父繇义荫送国子监读书

○复差御史张宪翔催僮粮运

○戊申四川副使黄九成致仕

○升长芦运使李键为四川右参政

○福建道御史马明谟等< 〇〇〇〇 〇〇〇〇 >举逸才尚书郭宗皋侍郎冀炼翁大立曹三旻副都御史何继柏佥都御史耿随卿张师载陈炯大理卿何< 〇〇〇〇 〇〇〇〇 >寺丞耿定向孙丕扬御史刘存义吏部主事鲁邦彦参政舒化副使黄宪卿佥事纪大纲凡十六人

○敕令南京协同守备兼后军都督府掌印灵璧侯汤世隆提督漕运镇守淮安地方 署都督佥事胡宗舜管南京后军都督府佥书事 宣城伯卫国本管理红盔将军

○敕给事中匡铎御史杨家相巡视催僮 陵工

○己酉遣公朱希忠等以上 两宫尊号祭告 郊 庙 社稷及寅率百官上 仁圣皇太后尊号如礼部所具仪册文曰子皇帝臣 谨稽首再拜上言臣闻坤德安贞群生资其大造毋仪圣善万国仰其徽音必尊养之极隆庶伦制之兼尽爰升 显号仰答 洪慈恭惟 圣母皇后陛下 淑懿渊纯 含弘光大惕忧勤于卷耳俨贞静于关雎自藩邸作嫔翊 先帝龙飞之运暨椒涂正位均后庭鱼贯之恩躬俭素以率人执谦光而御物惠风嘉鬯阴教穆宣培积庆祥庇及冲眇开震索于甲观深惟 保爱之周端蒙养于春宫祇受 训言之迪迨 凭几有命嗣服云初倦兹难大之敷遗尤赖 仁慈之拥佑 隆天厚地诚荡荡以难名翼子诒孙将绳绳而未艾欲酬 恩于罔极宜介福于方来聿崇有赫之称式表无前之烈谨奉 册宝上 尊号曰 仁圣皇太后伏愿

诞膺景况 茂对昌辰 如月之恒安享璇宫之乐 受天之祐式增瑶牒之辉臣 诚欢诚忭稽首顿首谨言

○敕加资在京文武群臣及军民人等各给赐诰敕及银币绢布有差历事监生及办吏拟官免历办各有差

○总督尚书王崇古自陈乞罢不允

○兵部覆陕西巡按陈文焕查勘过隆庆四年宁延二镇小松山西红山等处捣巢获功阵亡伤故员役贺钊等五百二十六员名升赏录赎各有差

○以南京水军左卫署指挥使传昆守备安庆地方升湖广郧阳守备张居易为四川都司佾书山西岢岚守备王进贤为保定右营坐营怀安卫署所镇抚陈国策守备大同天成地方

○庚戌率百官上 慈圣皇太后尊号如前仪册文曰子皇帝臣

谨稽首再拜上言臣闻书纪虞嫔翼重华而协帝诗歌文母基新命以造周匪资圣善之猷曷启昌隆之祚故孝先立爱而礼谨称名宜崇贵贵之上仪庸播明明之令闻恭惟 圣母皇贵妃殿下 贞纯温惠 共靖端庄婺女降灵诞芬华于甲族星娥毓粹奉景耀于辰枢鸡鸣崇儆戒之规鹄巢稟肃雝之度事 一人而匪懈协赞乾行式九御以无非弼成坤教飭躬惟俭扬絺绌之素风逮下以仁溥衾裯之渥泽是以燕祿应祝麟趾发祥诞育眇躬获承遗绪提携顾复丕殫鞠子之劳辟咍诏言备示作君之则 徽音有淑 盛烈难名洎兹嗣服之初宜极推崇之典肆循彝宪祇荐 鸿称正御璇宫表刑国刑家之范升华玉辂酬生我成我之恩谨奉 册宝上 尊号曰 慈圣皇太后伏愿 昭受贞符 缉熙纯嘏 介兹景福永歌燕喜之章 教以义方共俾龟图之固臣 诚欢诚忭稽首顿首谨言

○进封宁安长公主为宁安大长公主

○升吏部右侍郎刘光济为左侍郎改礼部右侍郎诸大绶为吏部右侍郎升户部右侍郎陈瓚为左侍郎改南京兵部右侍郎传熙为户部右侍郎栗升户部郎中袁三接为光禄寺少卿 调原任兵部右侍郎栗永禄为南京户部右侍郎提督粮储

○升浙江台州府知府张廷臣为长芦运使

○兵部覆巡按御史苏民望题军黄十议一议户籍一议互编一议开收一议总撤一议责成一议查驳一议工费一议追偿一议修架一议稽查其说最详清查彻底既可得军以充今日之营伍而收藏得法又可存籍以裨后日之清勾俱如议通行直隶各省巡按清军御史下所属一体遵行

○吏部覆巡抚宣府右佾都御史吴兑自陈照旧供职从之

○辛亥诏曰朕以寡昧祇奉 宗祧永惟尽伦尽制之君皆有尊亲养亲之典盖礼缘分定而孝因心推彝宪具存朕曷敢后恭惟我 圣母皇后体备坤仪翼宣化理敷遗后嗣启佑弘多我 圣母皇贵妃穆修壶教克嗣徽音诞育眇躬恩勤备至肆予小子获

嗣丕基惟 皇考之光命是承亦惟 圣母之训育是赖崇功报德寔切朕怀宜各极于尊称以永绥乎至養是用博咨群议祇率旧章以本年七月二十七日谨奉 册宝上 圣母皇后尊号曰 仁圣皇太后 圣母皇贵妃尊号曰 慈圣皇太后大礼肇举洪恩诞敷所有< 〇〇〇〇十见 >恤事宜条列于后一亲王生母封为继妃郡王生母封为次妃旧例止于请敕知会不给诰命今自隆庆六年七月以前凡亲郡王生母已受封者俱准特给诰命又亲王庶子受封后其生母例封夫人将军中尉受封后其生母例封淑恭宜安人者果年踰七十其子孝行著闻亦许奏勘无碍特给诰命后皆不为例一亲郡王之子有年幼未及请封其奉敕管理府事者果能保护尽心翊赞有道迄王受封不失令名许本王及抚按官奏闻降敕旌奖一宗室有名位者年七十以上各赐米十石绢十疋凡一应礼仪或衰病不能自行许其子代行以示优老之意其为庶人者量给三分之一一 两京文职官员未及三年考满者俱与应得诰敕如品同而职衔不同照见任改给署职者与实授有愿移封者听若先已移封今给与本等诰敕一文官五品以上以礼致仕者各进本品阶一级其二品以上大臣年及八十者有司备彩帛羊酒问劳九十以上者具奏遣使存问一各王府官有年老愿致仕者进散官一阶其历俸三年以上父母见存该授封者给与应得诰命不为例一在京在外官员有以父母老疾愿告终養者例候亲终起用但其中或有亲疾已平贫湏禄養子年方壮才堪世用者并近年養病给假违限例该罢职不叙及曾经论列致仕闲住等项原不系考察黜退人数事久论定年力可用者该抚按官具以名闻吏部再加查实具奏定夺地方官不许因而受贿市恩冒滥举荐违者以赃论一军职官员为事立功已满准收全俸如立功未滿赦回复职者仍照旧例减支扣算限满方准全支立功未滿病故者子孙袭替免其减俸一军职先年为事降调两广等处烟瘴卫所病故不分已未到卫子孙为因路远不能赴所调卫分起文承袭许令原卫起送承袭带俸差操一大汉将军侍卫二年半以上者给与冠带又历四年半以上者授试百户其将军年及五十岁侍卫二十年以上者不拘在役退闲俱与冠带荣身一守备御提调操守把总等官中间有统军不多止因虜繇所管地方侵犯因而扑杀人畜即问拟守备不设充军实属亏枉诏书到日许于原卫所或配所各该抚按衙门声诉查其原犯缘繇所领军多寡与虜贼是否相当酌拟罪之轻重限一月内类奏定夺一各边将领平昔谋勇出众累立战功偶因失事及诖误革职闲住立功充军等项年力未衰犹堪任使者诏书到日抚按官查访的实< 〇〇〇〇 〇〇〇〇 >名奏闻兵部酌量起用一天下儒学生员有因亲老无人侍養愿告侍亲者听亲终仍许复学其在学累举不第年五十以上者许告衣巾终身有德行著闻者给与冠带荣身一军民有年七十以上者许一丁侍養免其杂泛差役八十以上者仍给与绢一疋绵一斤米一石肉十斤若有德行著闻为乡里所敬服者给与冠带荣身九十以上倍八十之赐其瘵寡孤独及笃废残疾者照例存恤毋令失所一山林隐逸之士如有怀才抱德卓然可为时用及武略出众胆力过人可备将帅之选者该抚按官具实奏闻该部再加核勘酌量录用一天下祀典神祇有

司务在诚敬奉祀坛庙损坏即宜修理各处帝王坟墓禁民采樵以昭尊崇之典一革除间被罪诸臣忠于所事甘蹈刑戮有死无二皆我太祖高皇帝所储养忠臣义士我成祖文皇帝当时亦有练子宁若在朕犹当用之之语是诸臣罪虽不赦心实可原朕今仰遵我圣祖遗意褒表忠魂激励臣节诏书到日各地方有司官查诸臣生长乡邑或特为建祠或即附本处名贤忠节祠岁时以礼致祭其坟墓苗裔倘有存者厚加恤录一孝顺节义乃风化所关近年有司官皆视为末务往往有穷乡僻邑终身湮没无闻者而富势有力之家小有一行即为之文饰张大其事或其子孙贵显自为陈乞甚有奸伪生徒积年猾棍装捏行实希图规避者皆略不体勘辄与具奏使虚伪者反见表异而独行者壅于上闻殊非朝廷彰善阐幽之意今后各地方有孝子顺孙义夫节妇查系贫难孤苦之人有司官亟与核实奏闻旌表不许诡窃虚滥致乱名实亦不许子孙居官自行陈乞其已经旌表年及六十者孝子给与冠带荣身节妇给赐绢布米肉一总小旗并枪年及三十岁十年外不到部例该革充军役但地方远近不等难以概革今后量照武职官袭替事例南北直隶湖广陕西河南山东山西辽东俱限十二年之内江西浙江广东广西福建四川云南贵州俱限十五年之内免其查革此外再有耽延不行告并者方行革充军役一在京营卫并在外卫所官军近因灾伤做工及管军官科害因而在逃者限两月以里在京赴兵部在外赴本卫所首告照旧食粮差操免其问罪一各处有司起角□羊逃军军丁及充军人犯赴卫违限一年之上角□羊人例发附近军及军丁该发边卫及极边卫分充军者悉皆宥免角□羊人发回原籍当差逃军军丁仍发原卫著伍一各边卫所官军折俸月粮有经年累月不得关支者抚按官速为处给以苏困苦如州县官将应徵军粮拖欠不行上紧完角□羊及司府管粮官不行催督者许抚按查照完欠分数从重参究一中都留守司河南山东都司京操班军隆庆六年七月以前拖欠罚班银两以十分为率量免五分以苏军困查有已收在官及侵欺者仍作速追完起角□羊其应角□羊五分兵部行文各该抚按官分作二次限二年催督角□羊完以济工用如再拖延查参究治一刑狱民之司命近来问刑衙门多不谙律例轻视人命罗织成狱及奏当上请止具略节招繇观其所犯死有余辜原其初情或不如此议拟一定辩雪者十之一二枉死者十之五六至于在外有司衙门尤喜词讼繁多便于科罚肥己或一事而干连十数人或轻罪而淹禁一两月使之旷废本业甚有连累至死者无辜彻天致伤和气朕甚悯之今后内外问刑官平时务将律令讲究精熟罪无轻重俱要虚心详审问拟务从平恕不许法外深求亦不许听从上司指使故意出入人罪缉事衙门不许妄拏平人逼拷成招图冒功赏有司官不许滥受词讼任意科罚笞杖轻罪即时发落不许淹禁踰时及多攀干证贻累无辜违者在内听部院该科在外听抚按官参奏重治一犯罪存留养亲备载名例律近来此律不行殊失朝廷优老至意诏书到日凡军民罪囚有祖父母父母年八十以上老疾应侍家无以次人丁者犯该死罪非极恶重情常赦所不原若误杀戏杀诬告人累死随行亲属等项及充军并口外为民开具所犯罪名奏闻取自上

约不许坐视故纵一仪口高邮淮安徐邳昭阳南旺马踏等一带湖地节经行查未见所司回报诏到河道衙门作速查实于内果系沙水占塞准与开豁其实在有收者照旧追徵以备修河之需一锦衣卫宣官马匹走差疲苦每遇倒死比营操事例责限买补年终又验印比较累苦愈深今后除倒死买补外年终止照旧例类造清册连马赴寺点验免给勘合比较烦苛以苏困苦于戏福隆名寿鸿麻祗迓于三灵爰始家邦孝治永光于四海播告中外咸使闻知

○直隶大名广平顺德三府天鼓鸣声甚震

○山东巡按朱文科问过收粮官试百户江镇原任千户刘澍百户山美何尚贤千户郭相指挥楚柄千户杨武烈各斩百户彭继祖刘文才原任掌印指挥今升游击郝重光掌印指挥张绳嗣陈彦辉俱绞各杂犯准徒五年千户郭相减等徒一年遵例定发边卫各立功刘澍先已问永远充军江镇与已故百户马得川亦各先犯永远充军例候终身之后许将次房无碍子孙降袭部覆从之

○壬子敕谕加恩外戚固安伯陈景行岁加禄米一百石都督同知李伟武清伯给应得诰命景行伟各二子升授有差是日辅臣居正拟以请及午即敕吏兵二部如敕奉行

○南京湖广道御史陈堂奏方今国家所最忌者北虏顷者总督王崇古题称俺答请乞四事已该会议区处特蒙俞允且令崇古严谕俺答以后不许年复一年辄肆请求以负效忠之名成启衅之渐庙谟卓有成筭夫复何言顾臣私忧过计惟名与器不可假人今既有其名而复使得其器是虏求全于我也四十六枝酋长皆受天朝爵赏设欲尽得印信何以应之往年互市议起套虏诸夷望风效尤虽以总督三边戴才等各议难之而卒不可已此在今日尤不可不豫防也不与贡使入京而差官宴赏不与铁锅而代以铜不惜抚赏而借减哨并原给工费赏以银两及节余客饷以为名此皆一切不得已委曲迁就以通其权庙堂计亦良苦毋论今日即往岁互市之初巡抚孟重之说曰准贡虽后事可虞不准其贡灾必当立至审时度势不得不从边臣之情大略可见即王崇古亦谓外示羁縻内修战守初非恃此以为安攘长计也自封贡互市以至于今已及年余崇古所谓内修此其时矣宣大等镇原议充实城堡开垦屯田修筑边墙训练兵马一应战守事务果否加意整饬夫善战者制人而不制于人今以四事观之皆非我制彼之术也今日请封爵明日请印信今日请互市明日请铁锅今日请进贡明日请入京今日请宴劳明日请抚赏臣揣崇古于虏亦无可奈何不过为乞朝廷姑息之恩以求免罪谴而已今事已无容议惟是防微杜渐为善后之策则莫如隆庆五年七月内辅臣所题称趁此暇时将边事大破常套著实整顿赐敕责成特差阅视分别功罪及查尚书杨博题覆亦欲将辅臣所议积钱粮修险隘练兵马整器械开屯田理盐法收胡马散逆党等八事通行宣大七镇随宜修举十月以后分遣大臣阅实具奏果著成绩即照擒斩升赏如仍踵习故套即照失机重拟仍各赐敕书一道便宜举行果有改弦易辙奏请定夺臣有以仰

见庙谟胜筭不过以封贡互市为一时权宜而以为久安长治之计则不在彼而在此也然臣闻之时难得而易失也故孟子曰国家间暇及是时明其政刑臣愚以为分遣阅视固不必待十月如前所云也及今七月以后正各边防秋之日且虏情变诈无常已露于四事之请求况 皇上嗣登大宝正人心观听之时尤可乘时一振其耳目惟蚤一日申饬则各边蚤一日警惕庶事势不至陵夷将来有所豫待或可杜边患于未萌也部覆如议

○以安乡伯张鎡为前军都督府佾书升湖广辰州卫千户张万年为郟阳守备以陕西都司佾书张守成铨注大宁都司掌印以昌平游击赵应时充右参将分守龙固二关 癸丑起原任吏部主事鲁邦彦为光禄寺寺丞

○升云南金沧守备袁位管江西都司佾书事

○调尚宝司卿成钟音为两淮运司副使○吴淞千户庄重奏请修复义塾

○南京湖广道御史陈堂条奏处置广寇机宜四事一议抚剿臣惟抚之不可为剿犹剿之不可为抚以抚为剿自有寇乱以来官以啖贼而贼即以此啖官往者潮贼林道乾朱良宝等岂不号曰招来然各盘据山谷聚众数千人据膏腴之田以自固至今无可柰何近日琼州贼首李茂又欲援以为例有司未之许遂攻陷文昌乐会等县以为要挟之计及倭寇内侵掠财帛子女而阻于无船以归乃以败舟易彼数千金因乘间追获之藉口有功于我求赎前罪此盖利其所有而幸获以啖我也此而抚之恐群盗生心效尤者众矣昔裴度有言淮西腹心之疾不得不除且业已讨之两河藩镇跋扈者将视此为高下不可中止臣愚以为李茂亦广东群盗所视以为高下者也今宜敕兵部谕令督抚诸臣示以意向如林道乾等使晓然知朝廷旷荡之恩各安其生毋怀疑贰渐加约束复角□羊散其党还故籍示以大信使享生民之乐至如李茂则声其罪恶俾诸将晓然知其罪在不赦奋击以收成功如此则抚可为恩剿可为威群盗庶几格心议者乃为兵寡财匮李茂亦不得不抚窃谓不然方唐讨淮西四年不克亦欲罢兵宪宗独曰吾用度一人足破二贼卒成大功今督臣殷正茂才望可倚重 皇上以任度者任正茂则正茂必能以度之讨淮西者自任贼不足平矣一议赏罚所以震人心而立国威也不在必重而在必行功不必赏则有功者缺望而疑罪不必罚则为恶者轻法而怙往年柘林叛兵及贼首曾一本各操舟数十艘直簿会城官兵莫敢谁何有司者悬令示赏格间有裹粮自奋斩首数十百级乃忍弗能予又从而计其所获盗贼括入公帑今日验功明日领赏逡巡数月十不偿一如此而欲人心奋勇争劝得乎上下相沿种种如是遂使将士角□羊体不可收拾此殷鉴也至于将帅观望贼势养寇殃民未有显罚且获美官自偏裨而下诚见主将之如是也皆为向敌则有不虞之忧纵贼则有自全之乐谁复肯用命者即如李茂众不过数百人参将晏秋元拥数千之兵不敢动尚以持重自文其逗遛不进之罪犹谓国有法乎今宜敕下兵部查年来被劾诸将分别议处仍严责成以歼贼自效一或纵佚蔓延他郡依律处治仍谕督臣转行所司凡有能自防御及乘机斩获者务从信赏

一切所获听令自有或李茂党中有能擒茂来降者亦与破格赏赉余党各给牛种复其故业如此则三军之耳目一新海滨之人心益励而盗贼可平矣一议兵将臣惟兵不识将将不知兵自昔论战者尝病之矣广自用兵以来一切土著之兵不练而远募浙兵糜费以坐困地方募者利其侵克冒破为自润之计及于败没战者亦利其尺籍之无稽不能上闻而得以掩其覆军谋国之罪初非浙兵果足赖也乃浙兵所过地方其害反甚于贼贼之害止乡郊兵之害及城市贼犹畏官兵兵则恃官府而更无所畏拒之则触法激之则啸聚议者亦尝咎浙兵之不宜用乃曰土兵不肯拒贼故召募又曰广东之民好乱夫不咎己不能己乱而咎民之好乱亦左矣昔裴度之牙兵非即淮蔡之戍卒乎特患不得其心所以不得其力耳至于将固难得而择将之道亦未易尽何者缙绅各有治绩随时可以考见若将非尝试之器何繇而得真材识其面者见其赭颜美髯则曰是将材也闻其名者见其书札公移能为文辞亦曰是将材也是果何取于将哉故莫难用者将莫难知者将材也臣愚以为广东原不乏兵往浙被倭尝调广兵以取胜岂强于客而反弱于主且广州各县则有打手刀手惠潮则有各处壮快海夫琼州则有黎兵皆强悍足任驱使今地方残敝民益亡赖增一土兵是亦减一土贼也若夫择将亦各有长议者以为今东南名将莫如戚继光今移镇蓟辽西北非其所习无以自见谓宜暂借镇广东仍行东南各省巡按专以急缺将材著实访试务得智勇兼人者各举一二人以闻兵部咨送两广随宜调遣而兵则留心土著以调度客兵之粮饷给土兵孰多以召募客兵之岁月练土兵孰便此所当虚心酌议也一议功罪臣惟功者人情之所夸喜而罪其所深避也惟在深避则贼将至有司每壅蔽不以闻惟所夸喜则贼将灭主将每诈冒不核实此广东地方之祸日寻于无己也夫贼至于攻城掠邑杀虏人民驱逐长吏其为祸岂朝夕之故遂至陷失哉有司者蚤不能抚循继不能角□羊散因仍苟且为传舍之计故不至于大败极露不得上闻及以闻犹冀委曲回互苟免祸谪上下相蒙乡不得以闻于县县不敢以闻于郡至于道所闻于郡邑十不得六矣抚按所闻于道又十不得四矣其能达于庙廊之上者仅一二耳萌孽不伐将缺斧柯燿大不灭燎原若何其势然也及其事不可已然后伏天威请天讨犹恐异日功之不大而名不著也先张大贼之名以一为十以百为千擒获不能尽余党遂逸则妄杀平民以充级露布报捷以邀赏无何而余孽复作日积月长则又另称名目为明年巡抚之事矣此皆十年以前流祸之渐以至于今不可收拾譬之久病痲疽不大忍痛割洗涤其腐烂则药石不可施而气血不畅今宜敕部转行督抚大臣趁今大赦诏颁严行各官毋更讳疾以自遗患其盗贼迹未甚章著昔尝隐忍未及闻者即明白许其从善复还故业毋轻弃其民守巡官设法示信使愚民不疑不负朝廷德意如再掩护致日久败露虽经去任亦重参处其提督抚臣仍督责将佐空巢捣穴毋使漏网致遗他日祸患然后论功叙次升赏如此则庶几壅蔽不行诈冒不作而贼可平矣兵部覆请 上是之○山西总兵官郭琥奏今年上半年官军舍余数目原额六万三千三百一十八员名实在四万八千七百八十一员名马队三万二千九百九十八

步队一万五千七百八十三事故未补等项共一万一千七百四十九员名 减释浙江
山东矜疑重刑凡一十六人

明神宗显皇帝实录卷之三

明神宗显皇帝实录卷之四

隆庆六年八月甲寅朔赠故遂安伯陈鏊太保 乐陵王观燔薨讣至 上辍朝一
日赐祭一坛谥曰恭僖

○巡抚顺天右佥都御史杨兆巡抚保定右佥都御史宋纁各自陈乞罢

○敕取户部银三十万两兵部马价银三十万两工部银二十万两并内库一百万
两给赏内外官军如隆庆元年例 差给事中四员往各边会同总督抚按赏主客边军
自辽东至甘肃凡六十六万四千三百一十九人银各二两

○兵部覆陕西巡按勘过隆庆二年正月内甘肃古浪石门河等处官军御虏功罪
拟镇夷操守汪深守备不设及前任协守甘州左副总兵汪廷佐红城子守备郑经凉州
庄浪游击陈恺把总吴珊周成部下俱有损伤但查吴珊周成有身亲斩获功例应升级
余功赎罪其余俟核实另议得旨汪深依议发遣汪廷佐等下巡按御史逮问

○乙卯总理河道兵部右侍郎万恭巡抚辽东右副都御史张学颜各自陈乞罢不
允

○兵部奏准蓟辽总督报称土蛮等夷约分道侵犯请行各镇比常备万分戒严如
犯辽左蓟镇酌量调发出关应援如有窥犯蓟镇消息其各镇应援蓟镇将领不待调遣
星驰入援 上是之

○以京城巡捕把总李学诗为陕西都司佥书升澜沧卫指挥同知李腾霄守备云
南金沧地方黄花镇守备李世臣为昌平等处游击

○南京守备怀宁侯孙世忠奏报本年上半年官军数目马步官旗军士舍余并安
插夷人原额九万五百三十七员名实在并拨补过三万二百八员名事故六万二十九
员名

○封锦衣卫都督同知李伟为武清伯岁禄千石 ○改封廉慎夫人徐氏为佑圣
夫人给诰服升其侄锦衣卫正千户徐鸿为指挥佥事以徐氏有侍 圣母劳也封乳母
金氏戴圣夫人给冠服升其夫锦衣卫正千户王鉴为指挥佥事封宫人李氏彭氏郝氏
王氏侯氏韦氏为恭侍勤侍敬侍诚侍肃侍慎侍俱夫人并给诰服

○丙辰以复海运功升巡抚都御史梁梦龙王宗沐各俸一级赏银三十两纁丝二
表里参政潘允瑞升一级赏银十两把总运官亦特加升赏以示鼓舞时海运船抵湾才
六号直隶巡按李栻上< 疏 >盛推诸臣经始之劳辅臣赞决之力且引给事中
孙博原题分别优叙之< 疏 >以请户部覆行焉

○赏南京内守备凤阳 天寿山守备南京外守备并操江勋臣南京兵部尚书操
江都御史漕运各处总督提督巡抚各兵备官各处总副参游守备操守等官表里钞锭

有差其兵备官以上并给诰命

○丁巳加恩内阁首辅张居正加左柱国进中极殿大学士荫一子尚宝司司丞次辅吕调阳加太子少保进武英殿大学士余官俱如故给与新衔诰命先日吏部推居正弼亮三朝功援故大学士刘健例以请故恩特隆东宫讲读等官马自强陶大临俱升礼部右侍郎余有丁陈经邦何雒文沈鲤张秩沉渊许国等及正字马继文徐继申各升一级

○核南直隶浙江钱粮未完分数降太仓知州冯孜青田知县李日宣等俸级有差仍限督催完日方许开支复官

○遣大学士吕调阳祭先师孔子

○以 孝懿皇后祔葬 昭陵预开金山土口隧道遣驸马都尉许从诚行祭告礼
○命左军都督府掌印豊润伯曹文炳协同守备南京兼掌管南京后军都督府事武安侯郑昆府军前卫掌印管事

○戊午 上祭 太社 太稷

○遣英国公张溶祭 夜明于 夕月坛

○己未 上御宣治门视事

○大学士张居正吕调阳各< 疏 毓-金 >辞恩命优诏不允

○升陕西左参议李江为四川副使

○广西道御史胡濬劾大理寺卿陈一松陪祀文庙从门内乘舆诏夺一松俸半年

○以 大行皇帝梓宫将入 山陵命驸马都尉许从诚成国公朱希忠彰武伯杨炳护丧仍赐之敕

○贵州道御史张道奏查刷过光禄寺七月分实用各项品物除本色外该银一万二千七百九十五两有奇

○荫司礼监太监冯保郑真等各弟侄一人为锦衣卫正千户曹宪王臻各侄一人副千户孙秀等各弟侄一人百户陶奉等各弟侄一人所镇抚刘安等弟侄一人冠带总旗以 东宫侍卫劳也

○三边总督戴才奏本年延绥互市虏贡留边马一百七十六匹官市易马一千五百余匹口余易马骡一千八百余匹宁夏官市易马牛一千五百余匹口余易马六百余匹< 疏 毓-金 >下兵部

○庚申辽东抚臣张学颜奏报虏骑入犯副总兵赵完等追堵斩首一十八级

○命镇远侯顾寰掌左军都督府印务

○分守庄浪参将李世威以病回卫调平虏参将裴尚质分守其地升兴州右屯卫副千户刘确论守备黄花镇

○赐锦衣卫掌卫事左都督朱希孝岁禄三十六石指挥使余荫升都指挥僉事署指挥同知杨俊卿升署指挥使及官旗较吏舍人等六百六员名升赏各有差以 东宫

侍卫劳也

○降广西总兵官右都督俞大猷为都督僉事以广西巡按李纯朴参也

○辛酉 孝康敬皇后忌辰遣清平伯吴家彦祭 泰陵

○大学士张居正等题自古帝王虽具神圣之资尤以务学为急我 祖宗列圣加意典学经筵日讲具有成宪 皇上睿哲天成英明神授动容出辞无一不中礼节用行政无一不当人心诚不世出之 主若再加学问之功讲求义理开广聪明则太平之业可计日而待今一应大典礼俱已次第修举宜乘此清秋将讲读令典亟赐举行请照弘治十八年例于八月中旬先行日讲其经筵会讲少俟明春 上从之

○巡抚山东都御史传希摯自陈乞罢不允

○降右通政韩揖为陕西右参议○赠故德平伯李铭太子太保

○太常寺以 万寿圣节请遣官遍祭诸秩祀神明如常仪报可

○升礼仪房管事锦衣卫正千户黄伦等各一级仍旧管事

○壬戌大学士张居正再< 疏 >辞恩命略曰臣惟朝廷慎重名器必自贵近始所以昭大公也人臣虽竭力效劳不敢言功所以昭大分也往者 皇上毓德春宫臣备员提调乃其常职何功之有及 皇上应期抚运光膺大宝臣受顾托之重凡大礼大政皆遵率 祖宗遗典祇奉 皇上英断臣不过鞠躬仰成于下又何功之有乃殊荣异数叠至荐临臣朝夕省循诚不自宁臣闻赏僭则滥及匪人知足乃免于辱殆臣所以局蹐屡控者非以辞荣乃以避咎也 上复优诏不允

○江西抚按请岁留九江府协济安庆粮米一万石济本卫目前军饷五年后仍照旧派角口羊安庆下户部行应天抚按议处具奏

○太常寺< 疏 >请 万寿圣节是日供养遣官行礼 长陵 景陵恭顺侯吴继爵 永陵成安伯郭应乾 献陵 裕陵武安侯郑昆 茂陵 泰陵 康陵定西侯蒋佑 孝懿庄皇后园陵成山伯王应龙

○礼部奏大丧事宜凡二十八款先后俱行如仪祭告 南郊遣公张溶 北郊遣公徐文璧 太庙并朝 祖遣驸马许从诚 社稷遣侯蒋佑 后土遣伯谭国佐 天寿山遣公朱希忠 陵遣侯郭大诚伯杜继爵陈景行李伟题 主遣大学士张居正

○命兴安伯徐梦暘中军都督府僉书管事武平伯陈大策后军都督府僉书管事

○癸亥 孝慈高皇后忌辰祭于 奉先殿

○初更定朝讲期大学士张居正等题讲学勤政固明王致治之规保护 圣躬尤臣子爱君之惓 皇上日每视朝朝后又讲似于 圣体太劳恐非节宣之道若论有益于身心有裨于治道则视朝不如勤学尤为务实也臣等欲乞 皇上以三六九日视朝其余日俱御文华殿讲读非大寒大暑不辍凡视朝之日即免讲讲读之日即免朝庶 圣体不致太劳 圣德亦为有益 上乃敕谕礼部朕方在谅闇哀慕深切日临朝政心实未安今后除大礼节并朔望升殿及遇有大事不时宣召大臣咨问其常朝外每月定

以三六九日御门听政余日俱免朝参只御文华殿讲读一应谢恩见辞人员遇免朝之日止于午门外行礼毕即各供职事不必候补大祥之后仍照旧行○命纪录参政刘继文等督催漕运之功

○镇守云南黔国公沐昌祚奏进驯象十只

○甲子以 皇考穆宗庄皇帝 祔庙有期敕礼部议当祧 庙室具仪以闻于是礼科都给事中陆树德言今之庙祀所当议者有二夫祔所以正庙祀之始而祧所以正庙享之终自来祧庙之说有以功德言者有以世次言者以今 列祖之功德何敢轻议若以世次 宪宗升祔祧 懿祖 孝宗升祔祧 熙祖皆八世今 宣宗于 穆宗为五世欲奉祧以正其终是固不可不议也 世宗肃皇帝大孝尊亲屡勤庙祀尝特建世庙以奉 睿宗至嘉靖二十四年始祧于 太庙夫祀以 世庙则世世不迁之祖也是又不可不议也夫礼以顺人为至孝以安祖为大如祧 宣宗以藏主则不得与时裕如奉 睿宗于世室则不失为常尊二者固判然矣且昔年 世庙殿柱产芝议者咸谓神贶所临不为无意倘能推其意奉以 世庙不惟遂 世宗尊亲之初心且因此而宣宗得免议祧则又有以慰 睿宗尊 祖之至念孝莫大焉是诚不可不亟议也

< 皇极经世一 卷之四 > 入下礼部覆言国朝 九庙之制仿成周而同堂异室之规准唐宋 太祖高皇帝追祀 四祖至 英宗升祔而 九庙始备 宪宗祔庙以 德祖为始祖不当迁故祧 懿祖 孝武继祔 熙仁并祧及 世宗欲正 太祖南面 德祖于是亦祧矣又尊 文皇帝为成祖与 太祖并万世不迁故 世宗祔即已祧 仁宗然则仁宗而下 宣宗章皇帝当以次奉祧今科臣欲 睿宗专祀以免 宣庙次及之祧此典礼之正人心之公也但本部节奉 世宗皇帝圣旨甚严隆庆元年给事中王治建白未蒙 穆宗皇帝俞允今议礼改制似当有待至谓 宣宗世次尚近祧之未安臣等因是考之口书七世之庙可以观德盖古者以一世为一庙非以一君为一世故晋之庙十一室而六世唐之庙十一室而九世宋自太祖上追四祖至徽宗始定为九世十一室之制以太祖太宗同为一世故也其后徽宗祔以与哲宗同一世无所祧高宗祔以与钦宗同一世亦无祧及光宗升祔增为九世十二室并祀于太庙焉今自 宣宗至 穆宗凡六世上合 二祖仅是八世准以宋制可以无祧但庙制于寝殿左右各增一室则 皇上尊 祖敬 宗之心可以并行而不悖矣 上报曰这典礼重大未可轻议且只照敕谕行○遣公徐文璧祭 历代帝王

○大学士张居正三< 皇极经世一 卷之四 > 辞恩命略曰臣惟明君以略使臣荣其身不若行其志大臣以身率物有诸已乃可求诸人臣谬荷 皇上眷遇宠以师臣之礼日承晋接之荣每事必咨有言必听是臣之志已行愿已遂矣况臣官品已极涯分已逾何敢过冒非分以自速咎古语云朝廷之上让而处下民犹犯礼晋之大夫范宣子让其下皆让载之前史以为美谈故大臣民之表也顷奉敕谕勉大臣以崇养德望饬小臣以砥砺廉隅臣忝为大臣即不能树德隆望挽回师济之风亦宜思砥行矜名恪守廉隅之节若覩

颜滥冒不知止足何以率先百僚表正颓俗亦非 皇上所以振厉臣工之意也

< 硃-金 > 入 上意欲允之传谕敕奖已复报曰朕知卿性笃忠贞不因爵赏而劝但勋荫酬功系累朝彝典原非过制乡宜以承命为恭不必固执谦让所辞不允还著写敕奖谕风励臣工赏银一百两大红纁丝蟒衣一袭彩段四表里

○礼科给事中陆树德奏东南财赋有军运以充六军之储有民运以供百官之禄人皆知军运为重不知民运之苦尤深可悯如船户之驱使求索运军之挟诈欺凌及洪闸等役之扁口马害入京又有揽头之需索入仓又有交纳之艰难嘉靖初民运尚有保全之家十年以后则无不破矣近者东南流离日众逋负日多邑里萧条盗贼滋起莫不繇斯询诸父老咸谓宜将白粮并令运军顺带民出所有以益军军出余力以代民似无不可乞将民运并入议单令各该参政一体督催至京部覆从之○巡按直隶御史张守约奏查过挑筑邳州河道淤浅共用银五万二千一百四十五两有奇米七万四千五百六十二石有奇

○乙丑大学士张居正四辞恩命以为臣屡控 宸严冀伸愚悃犬马之诚不能动天锡于之隆更出望外且赐敕奖谕盖以臣为廉而奖之以示劝也若使臣既不得遂其辞让之私又冒此非分之获则臣为贪夫矣何有于奖贪以劝廉也< 硃-金 > 入上乃报曰卿屡辞恩命词意恳至廉让之风足励有位特准辞以成卿劳谦之美敕谕赏赉照前旨行

○升山东右参政潘允端为本省按察使仍兼右参政管粮储事

○遣旗手卫官祭旗纛之神太常寺官祭都城隍之神

○赐朝鲜国进贡陪臣朝参骑坐马匹○给赏天下赍表官员盘费钞锭有差

○直隶祁定二州大雹豆禾尽伤击死者三人

○丙寅 上御宣治门视事 大学士张居正等题日讲仪注一 上在东宫讲读大学尚书今宜直接续讲读先大学十遍次读尚书十遍讲官各随即进讲讲读毕各退一讲读毕 上进暖阁少憩司礼监将各衙门章奏进 上御览臣等退西厢房伺候 上若有所咨问即召至御前将本中事情一一明白敷奏一览本后臣等率正字官侍 上进字毕若再进憩暖阁臣等仍退西厢房伺候否即率讲官进午讲一近午初时进讲通鉴节要讲官将前代兴亡事实直角口羊明白讲毕各退 上还宫一各官讲读毕或圣心于书义有疑即下问臣等再用俗说讲角口羊务求明白一三六九视朝日暂免讲读 上宫中有暇将讲读过经书从容温习或看字体法帖随意写字一幅不致工夫间断一每日定日出时早膳毕即讲读午膳毕还宫一照 先朝事例非遇大寒大暑不辍讲读本日若遇风雨传旨暂免报可

○巡抚大同都御史刘应箕自陈乞罢不允

○改角口羊各抚按赃罚银于各边镇陕西按臣暴孟奇言太仓年例则发甘肃应进赃罚角口羊太仓往来交易不惟道路罹跋涉之苦亦且驿递滋供应之烦乞将臣应

角□羊赃罚银二千四百两角□羊抵甘肃年例太仓照数扣除一纸之驰达代数千里之转输户部亦以为便请令山西巡抚及山西宣大辽东河东各巡按赃罚银两俱照例角□羊所属边镇抵扣著为令○云南抚按先后奏黔国公沐朝弼罪状请正法典及兵科亦以为言章并下兵部

○丁卯辅臣张居正等题旧例日讲官四员或增至五员今讲读写字后又进讲通鉴节要则四员似不足用合再添二员又讲读后仍该写字则必用侍书恭侍左右开说笔法并写讲章及日讲起止乃命东宫讲读官马自强陶大临陈经邦何雒文沈鲤侍班官丁士美并为日讲官马继文徐继申仍为侍书官

○赐辅臣张居正吕调阳银币新钞有差

○起原任兵部右侍郎冀炼为南京兵部右侍郎

○大理寺卿陈一松总督漕运都御史王宗沐巡抚河南都御史梁梦龙各自陈乞罢不允

○太常寺少卿陈行健以迁葬给假回籍 复设直隶扬州府通判一员驻劄仪真专理淮南盐务仍督徵马价从按臣张守约奏也○以凉庄游击都指挥佾事祁栋充分守平虏城参将

○两广总督殷正茂奏报番贼入感恩县杀虏人民开洋而去复有海贼郭子富等驾船在海为害招复海贼李茂余党兵部覆行巡按御史查奏

○蓟辽总督刘应节题顷 先皇轸念边计差宪臣清理岁省几三十万金一时边伍足称清肃今给事中陈蕞谓蓟镇见兵十虚五六欲差精敏宪臣核兵省饷户部议欲臣等自行查理使兵有定额粮有定数窃以财用拙乏之时不宜以兵耗食顾边方多事之日亦未可因食耗兵昌蓟主兵原额一十一万五千九百二十员名除逃故外实有八万一千二百余客兵几九万近先后渐减去二万六千余名计实在主客不过一十三万有奇而已国初设立大宁实与宣辽并为外藩蓟门犹称内地既大宁内徙复设朵颜三卫籍为捍蔽当时止遣两关御史董其事自己巳之后虏渐生心庚戌以来属夷反覆一切防御之计与宣大相埒当时额兵不满三万仓皇无措外徵镇兵以为声援内议抽募以实行伍虽一时权宜之计然乘障画守各有信地客兵即额兵矣近年入卫之兵疲于奔命又半皆孱弱在各镇徒劳无益在蓟镇有名无实议者乃有撤减客兵之说然蓟镇不可无守乃有募练土著以减客兵之说募之数年止得奇兵三千悉串营游食之徒饥来饱去召募难行乃有清勾逃军之议据今角□羊到者老弱过半又未必其安伍今欲足蓟镇之兵以定主兵之额将以国初主兵三万兼三卫属夷为额邪抑止将今日减留主客十七万为额邪按本镇西自镇边东抵山海延袤二千一十七里冲边之处所建敌台一千二百六座每座置兵五十共用六万三百边墙每丈一垛一兵计十二万余垛则用兵六万余中间出哨摆拨传烽等项可用二万余各标各营路策应转战可用五万余是本镇因地制宜似非三十万不可且宣府地方六百余里额兵一十五万一千四百余

大同地方一千余里额兵一十三万五千七百余今昌蓟之地兼宣大二镇而有余昌蓟之兵较宣大一镇而不足援彼例此即地里相若亦非二十八万余兵不可兵多则势强食足则兵壮为蓟门画久远计上策则恢复大宁以精兵二十余万控制外边仍以旧兵八万弹压内地俾畿辅肩背益厚宣辽之声援相通国有重关庭无近寇此万年之计上也如不能然一墙之外即为虏穴非屯重兵安能固守湏置兵三十万或二十七八万无事则分屯列戍隐然虎豹之关有警则击首应尾率若常山之势此百年之计次也如再不能则宜蚤定画一之计或抽垛民间或选自各镇补完主兵一十一万及客兵六万共以一十七万为额训练有成常川皆在俾兵食皆取足本镇不必仰藉邻封此目前苟安之计下也今皆不然兵马仰给各镇或聚或散犹如奕棋钱粮数烦户部或予或夺殆类乞余入卫者半枵腹上班者张空拳为之练即如抟沙教之战犹若谈虎兵寡边长掣襟露肘不近无策邪今于无策之中为万不得已之计姑将清勾新军补足主兵一十一万之额有余则查见在不堪召募不实者汰而补之入卫客兵分番休息又加给犒赏军不告劳事体稍定但得各镇同心仍以精锐来戍则尚可徼幸一守至练土著减客兵尤未易言二镇主兵不过八万除昌镇少缓外在蓟镇仅六万有余非有兵不练实欲练无兵故必补完主兵一十七万方可以议罢客兵窃意国家边事不复兵农之制但取给内帑必无能养兵之日兵不能养即召募征调清勾皆为虚文必无能足兵之日也乞差精敏宪臣严核蓟镇兵饷仍下廷议蓟镇额兵当以何数为准以定军国经久之计

< 〇工科给事中张道明陈理道三要一敬 天之要一法 祖之要一勤民之要其

〇戊辰南京吏部尚书王本固礼部尚书秦鸣雷兵部尚书王之诰刑部尚书谢登之都察院右都御史张瀚各自陈乞罢俱优诏不允

〇户部右侍郎傅颐兵部右侍郎汪道昆自陈乞罢不允〇升河南副使徐炳为山西右参政金事吉大同为右参议

〇原任吏部主事许孚远以考察浮躁降为两淮都转运盐使司判官

〇南京吏部都察院考察过吏部主事等官蔡悉等三十一员

〇礼部奏 孝懿庄皇后祔葬礼仪仍遣公张溶等告 郊 庙 社稷奉迁李伟祔享告 庙张溶奉安 神位徐文璧

〇遣户部侍郎郭朝宾祭太仓之神太常寺官祭恭靖公姚广孝顺天府官祭宋丞相文天祥

〇令进贺庆贺官员照朝覲例各以品级随京官入朝行礼

〇刑科给事中李学一奏岭海盗贼生发多年所在地方皆为残破顾被祸有浅深

○升吏科给事中石星为尚宝司少卿

○升河南佥事郭崇嗣为湖广右参议

○兵部覆奏黔国公沐朝弼凶恶久著奸逆日萌 天恩优容不知悔改抚按开諭愈肆猖狂蹈无将之戒怀不轨之情弃国法如弁髦视人命如草菅通夷占军谋财夺产贻害地方不止一端况滇南远在万里夷视攸关若复再从姑息恐益酿成祸阶乞 奋乾断以安遐方 上命差缇骑逮朝弼来京问奏

○癸酉 上御文华殿讲读遂以为常

○刑部右侍郎毕锵自陈乞罢不允○南京都察院右佥都御史张鹵通政使司右通政周诗国子监祭酒林士章鸿胪寺卿孙鑰太常寺少卿汪宗伊各自陈乞罢不允

○户部覆岷王定燿乞增禄米查该府禄米岁一千五百石系 累朝钦定之数况今各王府宗室繁衍岁支禄米视国初不啻数倍虽照旧关支尚不能供使额外加增又何取办岷王不思礼义之防敢违 祖宗之制所据陈乞难以别议 上报曰该府禄米既经查明以后不许再来乞扰

○兵兵科给事中李熙题自古帝王之政足食而后足兵甚哉阜财之道不可不讲也以民之财济民则官不费以民之力生财则国随足臣惟当今民务之重有司所宜究心者五曰赈穷民也优富民也驱游民也禁未作之民也抑刁讼之民也五者得其理而天下治矣今各省被灾被兵之地在在有之矣幸 皇上丕布鸿恩凡民间往岁积逋钱粮悉从蠲免海隅苍生莫不知有太平之乐但臣之愚以为蠲免者特上之不取乎下而非所以为与也如使民虽贫无以供税而力犹有以自存如是而不取之已足为恩矣今被灾之地水旱为虐兵火残燹往往无粟可充展转沟壑当此而不有以赈之则饿殍日多盗贼四起臣谓穷民宜赈者此也周礼曰以族得民洪范曰既富方谷以此观之民之富者可必其为善而世家巨族是富民之积正贫民之资也有无相通缓急相赴虽贫者亦可恃以无恐今贪墨之吏一遇富民即以为奇货诛求腴削靡所不极至于廉吏民之所谓父母也乃又矫枉过正每于富右族务摧抑之困辱之不与齐民蒙一体之视如田土则曰是兼并而无饘两造则曰是睚眦而使气债负则曰是放利而多取甚者或罹小罪必重坐之以破家谓有搏击之能明知含冤必故入之以倾资谓无贿嘱之染间有存心公恕意在平反者则或以疑似为所指摘谤议纷然而官民俱败繇是矫虔之吏益得藉口而肆毒是今之富民其遇吏之贪与廉而皆不能免也夫贫者既不能调之使富富者又不能全之使同归于贫则闾阎之积愈空而国将何赖焉臣谓富民当优者此也先王于民辨之以四士农工口各勤其业故衣食足而储蓄裕也方今法玩俗偷民间一切习为闲逸游惰之徒半于郡邑异术方技僧衣道服祝星步斗习幻煽妖关雒之间往往而是夫游惰日众生理日废饥寒切身则必转为非义刑法禁令莫可如何矣臣为游民当驱者此也先王之制百工也奇技淫巧必严其禁盖以逐末者多则力本者少此自然之理今之末作可谓繁夥矣磨金刮玉多于耒耜之夫藻绩涂饰多于负败之役绣文紉

彩多于机织之妇举凡可以耀耳目淫心志者罔所不施其巧财安得不糜而费安得不竭也诚使今之司民者程课百工各按其度诸有造作一依会典毋得踰越苦违式不法则服用者罪而制造之人亦必并坐如此则作无益者不擯而自消恣无涯者不戢而自歛俭朴日敦而民知力本矣臣谓末作当禁者此也凡民之好讼奸顽之所鼓也奸民怀险饰诈志于贼良顽民负忿乐斗快于求逞往往巧捏虚情牵诬无辜不才有司利其如是则可以恣其渔猎遂一概收受又或委讯鞫于首领寄耳目于胥隶于是诬索百端赃贖无艺或坐罪未明而身已毙或纳贖未竟而业已散岂非始于一二奸顽刁讼好讐遂尔貽累无极哉诚使今之民牧一意以忠厚恭逊训率其民务在减省词讼岁终则计所部词讼独多非真含枉者即治以罪使民晓然知上意之所在则一切架虚饰诬之徒俱无所容以遂其私齐民安业而专心力穡淳古之风可想见矣臣谓刁讼之当抑者此也夫赈穷优富正以培财所繇生驱游禁末抑讼亦以谨财所繇耗此皆安邦固本之要而今时之急务也至于穷民之赈则必度其所给今天下郡邑库藏大抵皆空惟常平仓尚有十之二三赃罚银尚有十之三四以此赈发不谓无资惟在良有司者著意行之耳更望我皇上与二三大臣力崇节俭以倡率之务为安静以休养之将见五年生息五年蕃殖五年蓄聚不出十五六年之间而红腐贯朽亿万年治安之业孰有盛于此乎疏下户部酌覆如议

○赏朝鲜国陪臣三十三人衣服绢布靴袜等物有差○升镇羌守备吕宪为庄浪游击

○以 穆宗庄皇帝梓宫发引在途命蓟辽宣大二镇总督严督镇巡并各将领堤防各隘口京营总协大臣整搦营兵相机防护共保万全

○工部覆工科给事中刘浑成清理厂库四事一分别各厂军器何缓何急先后成造一量度库藏损少或葺或建广贮军器一节慎库角□羊批令明注单封以防欺隐一戊字库军器令加工修理以充实用报可

○甲戌 上御文华殿讲读

○调原任广东佥事郭孝于河南复除南京太仆寺寺丞吕旻

○乙亥 宪宗纯皇帝忌辰遣安乡伯张鏞祭 茂陵○起复户部尚书刘体乾辞留枢新命不允

○侍郎张四维再< 疏 铨-金 >乞罢仍不允

○南京工部右侍郎董传策太仆寺卿罗良各自陈乞罢不允

○南京科道糾拾大僚兵部左侍郎万恭右侍郎汪道昆原任应天府府尹邬琏南京户部尚书曹邦辅< 疏 铨-金 >入恭等留用琏调南京别衙门用

○刑科左给事中宗弘暹劾原任吏部左侍郎魏学曾起官署郎不数年升巡抚起枢贰又未几改入铨曹皆近年迁擢所未有者乃恣意贪饕以朝廷官爵为奇货公行贿赂曲庇私人前与大学士高拱同事拱方诚心以用学曾则徇私以负拱面是背非小人

之尤患得患失鄙夫之甚今复使掌握南台恐自是幸门一开士习将日坏人言言官有尽忠之责大臣有养重之体况人之贤否言官得而言之不可得而进退之处分在朝廷勘覆在吏部公论在人心不容一毫私意干者今一有论列即交相诋詈如构私讎乞天语丁宁建言者毋得挟私轻渎被言者不必妄辩饰非吏部言学曾繇郎郎署转光禄以边才超拜巡抚称病求归人即以避难议之未几起兵部未任辄改吏部舍繁重就清显士论益复啧啧余亦多如弘暹所论 上命调学曾南京

○迁 孝懿庄皇后梓宫祔葬 昭陵命侯顾寰副将焦泽为提督官

○兵部奏四川总兵官刘显称立功悉伏火銃欲令原任常镇参将田应山选募銃手三百五十名亲统来蜀训练查应山被参提问未结遽难委用九丝都蛮据巢恃险出没无常但以见在之兵分布防守相机剿杀自足为用且闻总兵郭成所带广兵一千颇为蜀中之患若复招銃手益增多事但命显将土著之兵加意练集不必借兵别省仍查郭成广兵作何处置或招致军中充用或设法区处散归勿致滋蔓扰害地方 上是之

○勒茨沟营守备卢彻闲住按臣王元宾劾其庸贪也

○工部奏 皇上登极诏停止织造取回督造内臣一时臣民莫不倾颂 圣明节财恤民至意太监赵玠当遵成命惶悚就道所派在机钱粮当交所在官司听彼支销辄敢擅自议处欲俟织完日自行起角□羊且玠侵盗作弊迟误工程前被御史论劾蒙先帝洪恩令策励供职今即无停止取回之诏亦当角□羊任自新以昭 皇上之法况纶音既出国典斯存乃敢肆行扰奏 皇上临御以来中外臣工罔不振肃自靖玠独不畏明命乎乞令玠刻期回京如有稽迟听臣等参治从之

○丙子令有司官遵依诏书蠲免逋负钱粮限三月内开报有奉行怠玩纵容奸弊者听抚按官参究

○户部尚书王国光题窃惟百司庶务至纷难察随时立法更变多端不有簿籍文移莫可按而理也况户部金谷之司尤极冗琐近来调度徵派愈烦奸伪愈滋故册籍愈密所以去伪而厘弊也但节经条议者各欲陈一见起一事即某事一人言之置一册矣后有言之者复一册焉今年言之置一册矣越数年言之又一册焉逐件渐添堆案盈屋其实大同小异且有全无异者殊不知有三费焉有各处造册之费有道路般送之费有交纳需索之费取之多方远几万里束之高阁曾未一目徒作无益真属不经各该处所疾目蹙额强勉应有而已臣等逐一简阅如该阁臣题造格眼文簿稽查完欠简要可守其余一应册籍中间事属琐屑原非题奉钦依者本部径自议处外所有原系题准事理应行归并裁减者相应题请恭候命下移咨各巡抚各该衙门应裁减者不必再造应归并一册者依期奏缴< 册 金 >上凡归并文册共二十二所裁省文册凡二十八称简便焉

○丁丑 上御文华殿讲读

○升庄浪卫试百户李崇义为镇羌守备 泰宁等卫夷人二百九十名赴京庆贺

万寿圣节以 大行皇帝丧礼令回辽东都司筵宴给赏物如例

○戊寅 上御文华殿讲读

○封唐王硕曠生母魏氏为唐顺王继妃

○礼部奏 庙礼仪寻遣驸马都尉许从诚祭告 太庙○兵部覆各总兵官自陈< 〇〇〇 〇〇〇 〇〇〇 > 奉旨戚继光等十三员留用李勇革任闲住 工部言南旺三河口等处三年两挑正月兴工二月告完今如河臣万恭等议粮运既早则明春大挑之日正来年运行之时拟改九月中旬兴工十月终告完挑浚之时唯进贡冰鲜船只设法前进其余俱暂停止且言大挑莫便于秋冬莫不便于春间新运踵至停积黄河既虑风涛又稽程限不便一均徭更换奉役未集追呼号召每至愆期不便二春事方兴民无暇力迫之工役田野不安不便三青黄未接室如悬罄头会箕歛工食艰窘不便四坚冰初角口羊时尚严寒驱之泥淖之中责以< 〇〇〇 〇〇〇 〇〇〇 > 凿之力不便五如今改拟则回空已尽筑坝流绝< 〇〇〇 〇〇〇 〇〇〇 > 浚一完藉冰封闭春融冻角口羊河即有待则新运便旧夫未更按册可集正役者不劳再籍雇役者无私虑自急公家则民力便今秋豊稔民多盖藏间阎利以供输夫役易于徵歛则工食便天霁秋清气候凉爽河鲜沮洳镢锄易施则用工便 上是之

○己卯 上御宣治门视事

○敕陕西行太仆寺卿兼佥事吴邦祯致仕从按臣褚鈇论劾也

○赐故德平伯李铭护坟地土六十五顷二十六亩

○诏有司官务实牧民不得徒事虚文

○赏监市效劳酋首隐布台吉等彩段衣套有差

○升宣府保安旧城守备李彦勋为真定游击统领并大二道民兵河间卫正千户唐继武守备茨沟村○勒分守孤山仅副总兵高大吉等闲住花马池参将陈天福陕西都司张一正行巡按御史提问从按臣褚鈇论劾也

○庚辰 上御文华殿讲读

○张四维以病回籍 上念四维先朝讲官特令驰传

○巡按广东御史杨一桂奏广东之弊莫不善于招安莫善于城守琼崖之南自有寇警调兵不止一处用费已盈数千无冲锋格斗之功有破船损师之失及计无所出又仰面于剧贼李茂之手茂破我县治毒我生灵非惟不正罪且欲深纳其交岂计之得今又有议招海贼林凤于惠州者凤党不过五六百人非有大声势难以扑灭且既挟官告招又不时出没劫杀为害如此犹复招之所谓养虎遗患夫使百姓不知有为民之安惟知有为贼之利盗贼安得不日多招安之说今所当禁止琼州文昌乐会感恩会同四县原未设有城池每遇贼至任其纵横如履无人之境又如惠之永长安宁潮之普宁澄海虽建设县治皆有名无实琼之四县已破其三他惠潮四县亦皆处盗贼盘错之中安可一日无备度八县之费不过捐内帑四五万金 陛下岂惜此小费忍置万千生灵于涂

妻钟氏又民杨用宽妻李氏浙江余姚县民杨煜妻诸氏嘉善县民沈勋妻毛氏黄岩县民朱世高妻张氏广西宣化县南宁卫舍余裔珊妻钮氏全州民蒋大诏妻唐氏福建漳浦县民林琥妻王氏河南雒阳县生员朱廷相妻魏氏直隶典州县民宋鉴妻牛氏俱贞节之门湖广故民朱北未婚妻张氏麻城贡士周弘烈妻李氏怀集所小旗潘聪妻傅氏朱北病笃女闻之不食其祖母慰之曰汝尚未婚即不讳犹可别配女怒曰我生是朱门人死是朱门鬼遂入卧内恸哭自制襚衣及北死是夜女遂自缢时年十六弘烈病笃谓其妻我死汝将何之李以死誓夫疑其谩请先死以成信遂不食三日死越七日夫亡聪调守府江病故同伍收其尸归傅氏抱哭髡死及葬志在同穴自缢柳树上亲邻走救不得死乃入寝室自缢绝俱旌其门曰贞烈 泰宁等卫夷人二百九十名赴京庆贺 万寿圣节给表里宝钞如例

明神宗显皇帝实录卷之四

明神宗显皇帝实录卷之五

隆庆六年九月甲申朔升户部右侍郎傅颐为南京都察院右都御史掌院事太仆寺少卿董尧封为右佥都御史提督操江兼管巡江

○升刑部陕西司郎中华汝砺为浙江副使河南右布政使吴道直为左布政使

○总督蓟辽侍郎刘应节题议处抚夷买马钱粮言蓟镇主兵在今日为极疲者困于抚夷买马二事盖属夷借为耳目不可尽绝战马恃以骑操不可减少然官银有限科歛繁兴年复一年逃亡将尽以抚夷言嘉靖间督抚何棟等因属夷生齿日多抚赏不足请岁发太仓银二万五千三百一十七两后边境稍宁止发一万二千六百两今查各路公私之费岁至三万八千余两非扣取月粮何以充之以朋马延宁等镇入卫兵马在途倒死者该镇给价在蓟镇倒死者兵部给马独本镇倒死马匹皆出自桩朋今查昌蓟二镇倒损马匹一岁约用银四万九千六百八十余两若遇警追贼复不止此数非扣取月粮安从买补但二项用银数多固不能倚办军力亦难尽仰给内帑宜于抚赏旧额外岁加发二万五千四百两其倒死应补马匹令太仆寺岁于寄养马内兑给二千五百匹或将应俵马内照数改折每匹角□羊银二十四两半给军买马半存寺贮库其余不敷马价一千六百余匹本镇仍量行采办以佐买补户兵二部议增抚赏马价银各一万五千两

○复设青浦县铸县印并儒学条记各一颗

○升黄花参将程九思为神枢营右副将以延绥东路右参将孙国臣充左副总兵官分守本路地方 工部题南北二京内官内使人等自隆庆五年九月至六年八月除事故五十一员名实在一万二千七百二十九员名共该折色靴料银七万二千一百二十七两四钱查屯田司库贮不敷准于营缮司那一万两都水司那二千两本司动支四万一百二十七两四钱登簿送巡视厂库科道挂号帖节慎库凑数角□羊给

○乙酉 上御文华殿讲读

○降陕西苑马寺卿许宗鉴为贵州左参议原任提督四夷馆太常寺少卿刘淳为陕西右参议

○保定府祁州真定府定州雨雹伤田稼杀人

○以万全都司佾书孟杰充密云标下左游击

○敕蓟辽总督刘应节严边备以顺天巡抚杨兆揭称东虏与土蛮合谋也

○兵部覆浙江抚臣邬璉报截斩经过浙海倭贼四十一级请加赏赉赐璉及副使蒙诏总兵官朱冠银币有差余核奏

○丙戌祧 宣宗章皇帝神主是日免朝

○起升礼部右侍郎兼翰林院侍读学士马自强为左侍郎仍掌詹事府事与太常寺卿兼翰林院侍读学士日讲官丁士美同教习庶吉士

○更铸阴阳文信符金字牌以系隆庆年字号难以给用也

○升湖广按察使方良曙为河南右布政使

○顺义王俺答差夷使表贡马二百五十匹及鞍辔弓矢等物套酋吉能部落贡马二百匹 上嘉其诚顺诏赏大红蟒白泽狮子纁丝衣各一袭妻彩段二十三表里其子及小头目部落各照例赏赉有差

○兵部覆辽东抚按条陈防御切要事宜一酌留军犯除情轻可矜年老残疾者遵赦例释放其余量拨本卫操备不准开伍一预发赏银并申严卖功之禁一安插降人建受降所分别处之责委官员领其操练监其出入庶几系顾恋之心寝飞扬之念一严剿零寇近恐杀降冒功但系零级不准纪验因此游贼渐多以后有出奇斩获验果长壮贼首有弓箭马匹者照常论功但不得遮杀降人一责成将领律守备不设原专为堡官言以后地方有警大小将领但有不肯用命防剿致失事者量情轻重比例参论游击虽无分守信地但系调遣防御去处致有疏失亦照例参究一申飭监司本镇守寺道六员凡修守整饬等项事宜皆亲自管理但有功不甚录叙则失事自难议参功罪既不相关则干理未免观望以后地方有功宜与将领酌量同叙如或怠误边事亦应查参塞将官委罪之口俱报可 宁夏修筑河东坍塌工竣赏督抚镇道等官银币有差

○升张家湾备御李逢时补密云标下右营游击山东领班都司任良相补曹家寨游击原任龙固关参将张斌补奇营游击原任永平守备葛绍忠管冷口提调事务 工部题在京并南京官中使长随共一万四十员名共该纁丝绫绸二万六千六百九十三疋每疋照例折银三两共该银八万七十九两

○丁亥 孝恭章皇后忌辰遣新宁伯谭国佐祭 景陵

○升太仆寺少卿李幼滋为大理寺右少卿山西右参议屠羲英为太仆寺少卿

○改南京兵部右侍郎冀炼为户部右侍郎炼随< 硃-金 >辞不允

○复除提督四夷馆太常寺少卿曾同亨太常寺少卿

○吏部覆新升巡抚四川右佾都御史曾省吾遵例自陈不允

○户科右给事中冯时两言光禄寺钱粮一岁所入仅足供一岁之用顷国多大典费用不贲查自隆庆改元至五年通计各省直拖欠共一十九万五千二百有奇其弊有三一则小民消乏追徵不前一则角□羊户侵欺延捱不纳一则有司徵收那移别用欺玩甚矣御用所需非比泛常乞敕查拖欠分数刻期角□羊完如仍怠玩轻则量加罚治重则停俸降级至于该寺任使宜慎编派宜清冗耗宜厘冒滥宜禁一切利弊因革容臣查请为新政助户部覆隆庆元年起至五年止拖欠该寺一应银两四川广东福建限五月浙江江西湖广南直隶三月河南山东北直隶二月依期完角□羊违慢者抚按参奏

○旌表湖广节烈妇王氏等二十九人

○以延绥领军游击李煦补本镇东路右参将宣府入卫游击靳付补分守黄花镇参将

○戊子霜降节祭 穆宗庄皇帝几筵是日 上御宣治门太常寺以 庄皇帝将葬奏致斋

○遣武定侯郭大诚等祭告 陵园

○复除原任广东按察使陈瑞于湖广○原任吏部右侍郎陆树声< 〇〇〇 毓-金 > 辞新命不允

○凤阳抚臣王宗沐奏淮安扬州二府及徐州大水乞蠲折赈济< 〇〇〇 毓-金 > 下户部

○兵部覆辽东巡抚张学颜奏建夷王杲屡肆窃掠官军斩获二十八级杲怀愤必求大逞我以久疲之军当之恐未必胜宜乘其沮丧再行宣谕令杲送还所掠人口准其入市如仍前执迷则调集重兵相机剿杀毋容姑息贻害地方报可

○己丑夜电

○改南京太仆寺少卿王宗载为太仆寺少卿

○调浙江右参政周鉴于山西以有边才也

○巡按直隶御史张守约条陈盐法六事一清荡田以实虚课一停存积以通引目一密掣验以< 〇〇〇 毓-金 > 堆盐一专责成以均拨卖一行官盐以杜私贩一定公委以便催徵< 〇〇〇 毓-金 > 下户部言太仓银库隆庆五年所入仅三百一十余万出至三百二十余万若停存积免开中是于年例外更多发十余万当此诘乏其何以支宜俟各边节缩果有赢余年例得减或可量存积目下未可轻议余俱如议允之

○贵州道御史张道奏查刷光禄寺八月分实用过各项品物除本色外该银一万三千六百二十二两有奇

○以府军卫指挥僉事贾泾备御张家湾地方

○庚寅 上御文华殿讲读

○封岷王定燿生母次妃李氏为岷王继妃

○升葛峪堡守备赵邦宪为宣府入卫游击宣府顺圣川守备孙世武充延绥游击

横岭口守备胡忠为河南都司佾书井坪城守备朱永祚为万全都司佾书以义院口提调黄孝敢补领班都司

○升湖广行都司掌印景应元为南京锦衣卫佾书

○命前军都督府佾书成山伯王应龙南京前军都督府掌印管事

○辛卯 上御文华殿讲读

○升浙江副使蒙诏为右参政

○革宁夏副总兵萧文奎任并其子蕙行巡按御史提问以文奎前夺功冒级也

壬辰升礼科都给事中陆树德为尚宝司卿避兄树声且年资深也

○吏部覆延绥巡抚郅光先自陈称为一时开府之良合行令供职从之

○遣官以 穆宗庄皇帝葬期告 郊 庙 社稷明日以 孝懿庄皇后祔葬告

○四川达思蛮长官司差都纲头目及番僧等凡到京及留边共四百三十四人贡珊瑚等物给赏段绢银钞有差

○添设陕西延安府守备官一员

○癸巳升湖广右参议刘翮为浙江副使 陕西外夷灵藏赞善王端岳坚咎差使臣并番僧等凡到京及留边共一百三十五人贡马匹舍利盔甲刀剑鞮鞣□毛毳□夕□毛□□等物如例给赏段绢钞锭行茶马司关给食茶仍赐番王彩段表里 泰宁三卫夷人右都督只儿挨等凡到京及留边共二百九十人贡马如其人数贺 万寿圣节给赏彩段如例

○以太原前卫署指挥佾事王学礼守备顺圣地方原任宣府西阳和堡守备李世隆守备横口岭以四川行都司佾书韩似甫掌湖广行都司印升大同左卫所镇抚柴如兰守备井坪城宣府前卫指挥使江昌国守备葛峪堡三屯营练兵把总陈忠提调义院口

○户部奏太仓银库本年八月终止实在各项银共二百六十七万一千一百六十两有奇

○甲午 穆宗庄皇帝梓宫归葬于 昭陵○乙未辅臣张居正等上< 〇〇〇 铨-金 > 奉慰

○兵部奏东夷阿革王杲等犯抚顺宁前锦义地方请行督抚官严督兵将昼夜防守从之

○庚子命大学士张居正诣 昭陵恭题 神主既竣事居正驰< 〇〇〇 铨-金 > 曰臣奉命前诣 昭陵恭叩 玄宫精固完美有同神造及周视山川形势结聚环抱比之考卜之时更觉佳胜诚天地之隩区 帝王之真宅也十九日辰时奉 梓宫入 皇堂行题 主礼毕奉安于 献殿未时掩 玄宫是日天气澄爽景物昭融祇役臣工罔不忻忭仰惟 先帝仁厚之德贯彻宇宙故得天人协佑事事美成可以上慰 圣母永慕之诚仰成 皇上慎终之孝矣 上褒答之随赐茶饭

○甲辰礼部奏 穆宗庄皇帝祔 庙礼仪

○乙巳大学士张居正等请纂修 穆宗庄皇帝实录

○丙午差南京浙江道御史计坤亨巡视凤阳等处仓粮河南道御史陈王道巡视上江地方 以套酋台吉献还边将时銮首倡忠顺加赏织金纒彩衣一袭彩段二表里其余酋使照贡马例

○赐英国公张溶定国公徐文璧各银二十两彩段二表里以祭告 奉先殿 神霄殿祔礼复命也

○陕西蒺哩木沙等族番人焦吉章哈尔节等凡到京及留边共一千五十一人共贡马一百一十匹并盔甲腰刀等物件给赏段绢钞银如例

○丁未祔 穆宗庄皇帝 孝懿庄皇后神主于 太庙

○戊申辅臣张居正等上言累朝 山陵事毕祔 庙礼成御门之日即召辅臣班首勋臣府部院大臣至文华殿亲发玉音谕劳班首官致词奉慰毕仍加锡赉至隆庆元年此礼阙而不行兹 皇上登御之初臣等谨查例以请正宜下济天光使诸臣亦各伸仰慰之诚

○己酉敕谕南京守备兵部都察院等官朕即位之初念尔等体朕至意益尽忠诚用副委任其敕谕各处总督镇守巡抚等官皆如之及副参游守等官赏赐亦各令赉与仍特赐各官应得诰命其先已给领者与进应得勋阶一等其坐营等官赏赐尔等差人赉与故谕

○南京太仆寺少卿王宗载应天府府丞杨标遵旨自陈< 銮-金 >俱下吏部

○南京浙江道御史计坤亨论劾原任右通政韩楫前在谏垣巧< 銮-金 >立论令王亲得混入京官五品复滥与台省变乱 祖制太常寺少卿吕藿前在铨司徇私擅权至拣选不经堂官榜出更易教职变乱选法且楫因降调辄愤然上< 銮-金 >乞休怀私怨望藿薄谴不足以惩大恶公议不容若复改南是南卿寺特以待有罪又何以服在南诸臣之心< 銮-金 >下吏部覆奏王亲除同祖亲枝外余禁悉除奉有世宗成命五品不许改选科道令甲不著正德间已尝改授大选暂免堂拣因掌部大学士高拱阁务相妨选除原本原榜俱在并无复改之事臣等查理明白韩楫吕藿虽有小疵未玷大节宜仍旧处 上是部议

○巡抚福建右副都御史殷从俭自陈诏照旧供职

○南京兵部尚书王之诰< 銮-金 >辞改刑部尚书优诏不允

○裁革湖广清江巡简司上津湖田坪址湖二河泊所从按臣舒鳌议也

○升礼部郎中胡僖为湖广右参议广东左参议苏愚为本省副使○庚戌 上始御皇极门视事群臣行奉慰礼二阁臣上金台故事近栏楯立侍是日 上命先生稍前登阶盖特眷云随御文华殿召阁府部完大臣温语劳之诸臣顿首致词谢且伸仰慰上谕各赐币二复赐之食

○ 皇妹第七公主薨

○升刑科左给事中宗弘暹为礼科都给事中户科等科右给事中冯时两刘不息蔡汝贤王士□□俱为左给事中时两户科不息礼科汝贤兵科土□□工科礼科给事中○升大同应州城守备李承恩为大宁都司金书湖广榔桂守备侯一位为四川都司金书

○革江西南昌县举人周楷为民按臣任春元勘楷结友严氏寄顿赃物事无影响拟令肄业法司言楷虽无寄赃事但拜彭孔为父结严亮五妻为姊妹情殊可恶且既作牙保即画字书名亦干行止合例为民

○兵部覆山东巡按朱文科勘过隆庆四年辽东开原等处地方失事守堡等官魏显等四员发边卫充军乌邦奇等九员降罚张世武等三员以别卷充军重发遣

○四川江油县知县赵佐以侵克边粮银两数多依监守自盗例论斩佐因买运仓粮每石扣减脚价银四分共侵盗入已银二千二百四十四两有奇

○壬子命协理京营兵部左侍郎兼都察院右金都御史王遴兵部右侍郎吴百朋汪道昆阅视边务遴延宁甘固百朋宣大山西道昆蓟辽保定百朋俱兼都察院右金都御史左侍郎石茂华暂管营务

○录荫故大学士蒋冕孙蒋务樵为中书舍人吏部以其在 武庙时有社稷功在世庙时有赞襄功也

○原任四川右布政使方攸绩成都府知府顾褒革任听勘巡抚刘斯洁参二臣贪肆例当为民吏部言绩前任有冰檠之称褒到任有青天之颂今臧否悬殊必体勘明实方服其心从之

○调原任山东金事高克谦于广西

○南京礼部尚书秦鸣雷再<□□疏-金 >乞休未允

○吏部覆太仆寺少卿林宗载应前来到任应天府府丞杨标应照旧供职从之

○巡抚广西右副都御史郭应聘遵谕自陈不允○起升原任云南道御史詹仰庇为广东右参议

○追封 皇第七妹为栖霞公主

○升宣府左卫镇抚孙珍守备西阳和堡金吾右卫指挥金事秦岐守备蔚州城地方

○以分守陕西靖虏参将刘济充副总兵协守宁夏地方

○东平王府仪宾王麒坐常人盗官钱律永戍法司以县君见存有碍发遣革麒冠带为民

○癸丑 上御文华殿讲读

○河南金事夏易陕西金事范爱众以贪酷例勒为民

明神宗显皇帝实录卷之五

明神宗显皇帝实录卷之六

隆庆六年十月甲寅朔 上御皇极门颁万历元年大统历及己享 太庙以庄皇帝神主尚在几筵先一日上具常服祭告祇请 圣灵诣 庙享祀凡大祥之内皆如故事是日 圣驾回宫以 山陵甫毕乐设不作亦常如故事 以太常寺卿兼翰林院侍读学士丁士美掌翰林院事

○刑科给事中朱南雍闻 遗诏讲学亲贤节用爱人指敷陈四事一曰懋心学以成德帝王之学以燕居操存为难盖此时惟宫嫔<□□执曰>御与俱正人欲易肆之时况 皇上冲年德性尚未坚定尤不可不慎其防若有导以佚乐诱以纷华者必严斥之二曰亲贤辅以熙政 皇上初嗣大位首召辅臣于平台面咨政理此 大圣人之作为也乃此后无闻焉盖以梓宫在殡思慕未平姑有待耳今亲政务勤顾问此正其时乞于朝讲之暇召一二辅臣或兼召九卿侍从等官便殿平台随宜清问或辩论经史或处分奏章用人行政之得失闾阎边境之艰难周詢释访庶群情无壅蔽之患庶政有熙明之休三曰终俭德以足国人君俭德难守侈心难制所以善其后者在定志与选左右皇上今日之心如水不波如鉴不尘何志不定或左右有不臧者覘意向以导之欲未有不丧其初心者愿 皇上秉持一心审几慎 杜渐防微左右近习必察其老成谨恪者为之凡投间抵隙导以侈靡者必早辨而决则外无所诱而俭德克终四曰恤时艰以保治帝王身居天位之尊当心周天下之虑今天下莫苦于灾伤莫惨于兵乱莫急于边患莫疲于力役愿 皇上于中外奏章凡有关民情隐忧时事艰难者留心省览加意参详又摘其被灾尤重被害尤惨者书其节略揭之屏壁朝夕省念庶疾苦艰危时触于目自不敢安于逸乐而所以保永祚者端在是 上嘉纳之

○乙卯 上御文华殿讲读毕出诣左室观 先圣先师召阁臣入列举以问至文王称事亲问安视膳阁臣肃对至周公孔子问何以旁列对曰二圣人皆人臣已阁臣同讲官随 上至穿殿门阁臣于屏内叩头乃退

○ 孝洁肃皇后忌辰祭于 奉先殿更遣固安伯陈景行祭 永陵 升大理寺左少卿刘思问为都察院右佥都御史巡抚南赣汀韶地方

○革四川盐课提举司天全招讨司经历司都事杂造局碶门茶马司各官吏 丙辰陈澍袭遂安伯

○升兵部职方司员外郎徐汝翼为河南佥事河南河南府知府刘永宁为陕西副使管理榆林中路兵巡事务

○ 川重庆府巴县土陀驿改移铁山仍隶巴县彭水县黔南驿改移沙镇隶长寿县江津县白波驿改隶垫江县

○升大理寺右少卿李幼滋为左少卿左寺丞罗凤翔为右少卿

○丁巳 上御文华殿讲读

○复准光禄寺寺丞鲁邦彦终养

鞞字番经以便诵习似应查给昭 天朝一统之化其刺麻西番等僧开导虏众易暴为良功不在斩获下宜各授僧录司官仍给禅衣僧帽坐具等物以忻虏众庶诸虏感恩遵教贡盟愈坚边圉永宁礼部覆从崇古请惟无经典可给 赐故宁阳侯陈大纪武进伯朱承勋各祭二坛造坟安葬

○兵部奏辽东招降夷人并回乡人口赏巡抚张学颜银币总兵李成梁升祖俸本身各一级开原参将郭梦徵升一级○广西怀远徭贼围杀知县冯希武及经历典史巡简等官抚臣郭应聘言怀自诸徭占据沦没已数十年希武锐意恢复徭民欢呼歃誓愿筑城请官保安地方希武失信寡恩刑罚过当诸徭不胜苦楚加以兵匠等役张扬恐吓遂致成变又言各徭强悍异常水陆险隘道臣李文绩请调兵夹剿委不容已薄责地方官而专归罪希武科臣李己以应聘所奏情词隐昧中间致变或有别繇亦当并议其守巡等官参议李文绩副使沉子木参将王世科并知府许岳推官高曰化弭乱无策坐失权宜兵部如己议覆李文绩等住俸戴罪剿贼事完之日巡抚官从实分别具奏

○兵科都给事中李己等奏 皇上御极圣政维新凡百弊端悉皆厘革至于传升一事岂可踵习故常令甲武职非军功不升况锦衣尤非他卫可比可不重加爱惜若此门一开后莫能制锦衣之官充满公署糜费廩禄占使军役将不知所终穷矣伏望 陛下少禁爵赏之恩以防干纪之渐内廷诸臣有久效勤劳者宜荣以温谕或赐以金帛至于官爵慎勿过与部覆从之

○辛酉 上御文华殿讲读

○巡抚南赣汀韶都察院右副都御史李棠自陈乞罢诏遵新命供职

○兵部奏发马价银三万两角□羊薊辽督臣买补马匹以后不得以为例

○诏今岁暂免行刑

○会审减死罪二十一人释三人

○南京会审减绞罪二人

○壬戌 上视朝

○准户部右侍郎冀炼仍在籍养病

○吏部题请选补科道 上谕科道系朝廷耳目之官必心术端正事体通达乃称此任尔等务从公慎选毋致冒滥两京言官职任原无轻重今后选用升迁俱一体酌量行

○以薊州守备王汲充薊镇大水谷游击

○户部覆督抚刘应节杨兆< 〇〇〇 銃-金 >言先年因辽费无经内帑告匮从< 〇〇〇 宀十见 >计议定为经制九年年例共计二百八十余万薊镇岁该八十余万主兵十万每年发银一十六万四千九百余两今既逃亡三万有余自当勾补本部原题正欲以勾补逃亡求充额数非于年例数内再欲减削也客兵会计入卫边兵及民兵班兵每年发银七十余万今在密镇加至十三万有零永镇加至一万二千零该镇原议专练南

○升四川宁越守备赵世勋充叠茂南路游击○审录罪囚

○丙寅 上视朝

○吏部遵旨奏定两京科道官一体升迁

○授行人等官裴应章梁式赵思诚汤聘尹李戴李乐刘铨毆阳柏为给事中史朝铉王颐为南京给事中中书舍人李颐张士奇易仿之推官张简角□羊学礼石櫜知县郭思极田乐韩必显赵允升王琢玉王恩民为试御史王宣化何玉德胡用宾蒋科为南京试御史

○起原任陕西右参政舒化为山东右参政管理苏松常镇四府钱粮 正广西桂林县田土都狼隘西獐占田一十九顷五十亩零分属永宁州江西大车小车二圩民隐田一百三十五亩割归永福县其狼隘东及上下里满等圩田仍属桂林县残败里甲行令归并

○丁卯 上御文华殿讲读○户部奏缓长芦没盐之徵先是每盐二十斤追银一钱割没之盐虽年加一年拖欠之数实岁积一岁今复加消折盐十斤共三十斤追银一钱依期并纳从御史田子坚议也 四川达思蛮长官司陕西灵藏赞善等七寺各差都纲头目番僧共五十四名赴京进贡方物以 穆宗皇帝山陵甫毕赐筵宴不作乐给赏如例

○吏部覆总理河道万恭照旧供职不宜以患病再行陈乞报可

○礼部题金山 列圣诸妃 世宗皇帝特命并入 各陵从祭岁时享祀得以祔于 列圣左右但 各陵惟设诸妃几案时享惟以纸牌列名号前奉 世宗皇帝圣旨置设木位今尚未备合应补造恭置 各陵前前项祀典原出 世宗皇帝圣裁凡 世庙诸妃并请迁附 永陵一体从祀其金山坟祭俱宜照例罢免报可惟 世庙诸妃并请迁附 永陵一体从祀其金山坟祭俱宜照例罢免报可惟 世庙诸妃仍旧祭于坟所

○户部奏定做工军夫粮数神木黑窑二厂每军月粮四斗其冬衣布花不分二厂苑海每军各布二疋一本色一折钞棉花各一斤八两有逃故者即行开除仍严行薊密昌永四镇但有卫所册籍开载神木黑窑并上海子等军名色尽数开除以绝后弊

○吏部题養病官员令甲俱以三年为限奉 世宗皇帝旨违限三年以上革任闲住若起文在三年之内者犹准复职奉 穆宗皇帝旨虽起文在三年之内者亦不准理但前项官员假病济私者固多真病妨公者亦有但至三年尽从罢革似非情法之中以后養病官员起文在三年之内到部在三年之外者查果有本处印信保结仍准其收选庶人才法纪两全报可○戊辰 上御文华殿讲读

○复除山西道御史王时举 升巡抚河南右都御史梁梦龙为户部侍郎

○吏部题< 銜-金 >通选法言有司才力不及对品改调闲散者近多守候至数十人拘于对品之例日见壅滞除知州以上难以别议其通判知县宜于品级正从

之间量为设处如府通判正六品官也若对品无缺则从六品相应缺俱得改调仍支正六品俸各知县正七品官也若对品无缺则从七品正八品从八品正九品从九品相应缺俱得改调仍支正七品俸任后果能砥砺抚按即与同有司一体保荐本部仍依原品叙迁报可

○准原任河南道御史郜永春以今升参政职衔致仕

○复归河南黄河退滩地三百三十顷于杞县滩地原属考城永乐间杞人垦荒其税粮随派于杞后杞奸民避重就轻复报入考城奏告纷纭至是抚按查勘明白乃复归杞

○升管理宁夏镇城地方指挥同知张维忠为署都指挥僉事协同分守西路广武营地方卢龙卫所镇抚郭应坤守备蓟州等处湖广军门领兵把总沈茂守备四川宁越

○礼部题王府亲郡王妃病故例有 皇太后之祭合无 仁圣皇太后 慈圣皇太后共遣祭一坛定为例从之

○庚午 慈庆宫后西连房火内阁府部及日讲等诸臣上< 硃-金 >恭慰俱报闻

○复除原任广东右参议张尚文于福建 工科都给事中张文佳言河道国家命脉所关海运不过河运之间道轻重缓急甚为较然顾黄河迁徙不常今河流虽安河道诸臣未可自谓安往年河工报完河患继至变起仓卒莫可支持凡以防之不预图之不旱尚书朱衡所经略至为详尽乞敕河道诸臣未可自谓安往年河工报完河患继至变起仓卒莫可支持凡以防之不预图之不旱尚书朱衡所经略至为详尽乞敕河道诸臣及时举行并力殫图不得指以海运弛意河工< 硃-金 >下工部朱衡亦言漕河自仪真至张家湾凡二千八百余里河势四段不同仪真至清江浦与临清至张家湾远隔黄河不烦人力惟茶城至临清则闸诸泉之水为河与黄河相近清河至茶城则黄河即运河也臣故谓茶城以北当防黄河之决而入茶城以南当防黄河之决而出防黄河即所以保运河故自茶城至邳迁高筑两堤宿迁至清河尽塞缺口盖以防黄水之出则正河必淤昨岁徐邳之患是也自茶城秦沟口至丰沛曹单诸处剧筑增筑以接缕水旧堤盖以防黄水之入则正河必淤往年曹沛之患是也二处告竣故河深水束无旁决中溃之虞然沛县窑子头至秦沟口应筑堤七十里接古北堤与徐邳之间堤逼河身应于新堤外别筑遥堤譬之重门待暴增纾御寒此二项工程尤当及时修举奉诏如议命河臣万恭经理 发内库熟铁一十五万九千七十八斤于宣府成造军器盖旧例三年一给铁如数云

○辛未夜大风

○ 诚孝昭皇后忌辰遣襄城伯李应臣祭 献陵

○升应天府府尹朱纲为都察院右副都御史巡抚河南地方

○总督宣大王崇古题增虏酋岁赏永邵卜大成比吉能贵台吉例索郎倘不浪比

同贡副千户例首领大威静比小头目例仍换敕书奖谕赴该镇领给< 毘 毓-金 >下礼部覆从之

○兵部覆吏科给事中李日强条议阅边四事一慎供应不得使将领有司假借供应名色以肆侵渔一核功实凡于钱粮屯田兵马器械务逐一躬阅以求实迹一酌时宜如钱粮查果有余即采买粮草以备有警一恤军伍请严禁营卫科克扣减加意抚恤清勾新军卒致逃军伍惟酌时宜一节以阅视大臣职尚稽查难责以此咨户部酌题余如部覆从之

○升分守马水口参将宋兰为神枢营右副将

○先十月初三丙辰夜客星见东北方如弹凡出阁道旁壁宿度渐微芒有光历十九日壬申夜其星赤黄色大如盏光芒四出占曰是为孛星日未入时见占曰亦为昼见是时 上于宫中见之傲惧夜露祷于丹陛辅臣张居正等言君臣一体请行内外诸司痛加修省仍请奏 两宫圣母宫闈之内同加修省从之

○谕礼部曰玄象示异朕心深切警惕内外诸司宜痛加修省便查旧例来行礼部奏请如嘉靖四十二年火星迭行之例百官青衣角带办事五日报曰你每为臣的都要体朕敬畏天戒之意著实尽心修举职业共图消弭毋徒为修省虚文按是星历万历元年二月光始渐微至二年四月乃没

○癸酉谕成国公朱希忠大学士张居正吕调阳各专敕一道敕曰兹者恭修 皇考穆宗庄皇帝实录已敕礼部采取事迹于隆庆六年十月二十六日开馆朕惟 皇考躬神圣之资抚盈成之运恭己宪天垂拱致治德业盛大与造化同流固未易以窥测名言者然六载之间号赏罚训诰仪章奉行宣布各有司存灿然可得而称举也兹命尔等稽古义例修辑成编以为万世法程至于一时吏治臧否人臣忠邪亦因附见以示鉴戒尔等受兹委托其悉心经理毋忽以致遗毋夸以失实毋偏以废公毋怠以玩岁祇勤夙夜殚厥心力以亟成一代之令典称朕意焉钦哉故谕 升太仆寺卿陶承学为应天府府尹 总督宣大尚书王崇古奏加升俺答异母兄子永邵卜大成都督同知其头目大威静授以百户昆酋女婿索郎倪不浪授以副千户其昆酋一枝听明春续修贡市照旧一体抚赏部覆从之

○巡抚贵州右副都御史蔡文自陈乞罢不允

○兵科给事中李熙陈阜财五事一曰赈穷民一曰优富民一曰驱游民一曰禁末作之民一曰抑刁讼之民其优富民言贪墨之吏以富民为奇货诛求朘削靡所不至廉吏又矫枉过正摧抑之困辱之或罹小罪必重坐以破其家明知含冤必故入以倾其产自谓有挾击之能无贿嘱之染间有存心公怨意在平反者则果以疑似之嫌为上司所摘谤议纷然官民俱败矫枉之吏益得借口肆毒贫者既不能调之使富富者又不能全之使同归于贫闾阎愈空国将何赖其抑刁民言民之破产繇多讼所致奸民巧捏虚情牵诬良善不才有司利具可资鱼猎一概收受又委讯鞫于佐领寄耳目于胥隶衙门诳

楚城刘浑成俱为右给事中铎户科南雍礼科楚城兵科浑成仍工科

○遣侍郎陶大临祭 三皇于 景惠殿

○遣右通政徐伟祭 先医之神

○升辽东暖阳城守备王有臣充昌平标兵营游击广宁左卫副千户郭民备御铁岭城所镇抚刘允恭备御辽东懿路城

○革宁夏总兵官谢朝恩任闲住朝恩自陈兵部参其狡媚也其延绥总兵官雷龙陕西总兵官吕经分守延绥定边副总兵官张杰部覆俱留用辽阳副总兵为事官赵完仍候防秋毕日议处

○免淮安东西所班军岁赴京操分拨海上巡哨以防海运从王宗沐议也

○己卯 上视朝○监修实录官朱希忠总裁官张居正等言敕谕纂修 穆宗皇帝实录已该礼部奉敕通行诸司采辑事件其传奉旨意并旨意奏题本经六科者及锦衣卫镇抚司奉行俱该各衙门官员查计年月数目明白陆续送赴史馆以凭编纂从之

○升河南按察使程嗣功为广东右布政使福建副使宋仪望为右参政

○户部奏请开浚榆河自巩华城达于通州渡口运粮四万石给 长陵等八卫官军月粮从之先是卫军选入营路与边军共资防守者仍于京仓支粮甚为繁苦且多弊竇总督杨兆倡议以请也

○巡按辽东御史朱文科奏九月二十八日王台吉领部落一千余骑夷酋王杲等领骑三千余各近抚顺关分守东宁道李鶚开原兵备王之弼差官与杲歃血盟和失宣布之体有损国威自五月至九月掳去军民二百五十余名口未见送还因追参备御贾汝翼生事启衅法当重究分守东宁道李鶚开原兵备道王之弼当日颇有措置弹压之功请行罚治章下兵部鶚之弼各夺俸二月

○户部尚书王国光< 〇〇〇 铨-金 >言国家建官六部设有子部郎中员外主事各有定员而户刑后增子部各十三司以其事烦也臣查弘治间各司员外主事俱在部分理众务今惟郎中一人而已盖以内外差多且各司逼窄到任之后即不入司若挂衔然缘为故事七十余年矣郎中一人干办不前率凭吏书远者埋藏近或寝阁臣等即欲约束使遵前制但各有差更无剩官反覆思惟除在京东西太仓注选外其余题差部差共有一十二员当使照旧在部管事不妨带理原务如兵部协司郎中员外主事皆每日在部事例其山西云南贵州三司尤艰冗合增员外主事各一员余司各主事一员除见在一十二员尚少四五员当以新除者补足遇有员缺咨行吏部照司铨补果有矢心尽职劳瘁年深如近日郎中袁三接即转京堂更加好处以示劝勉从之

○庚辰 上御文华殿讲读

○兵科都给事中李己上< 〇〇〇 铨-金 >人君善政不一莫大于赏谏臣疵政不一莫大于黜谏臣古哲王有见于此故于谏臣每优容而礼待之所言是固求采择以行所

言非亦矜悯不罪胡濬官居御史补过拾遗绳愆纠谬乃职分所宜今一语有违即行谴斥恐自今以后阿言顺旨者多犯颜触忌者少况修省之际黜放言官天意或不可回异星或不肯退臣以妄言得罪 先帝廷杖禁锢革职为民荷蒙 圣恩取复前职岂其于今日罪人独不能容伏乞念狂谬之无他思壅塞之可畏或加薄惩或令复职则 圣德广大臣之愿也不从

○吏部覆湖广巡抚赵贤自陈言贤操履端严才识精敏向守荆州治行哀然称首今之开府尤慰人望一切注措悉中机宜 上命贤照旧供职

○户部请各边镇粮草虽备每遇年丰即将积贮银两堪动支者照依时估收买以备不时从给事中李日强议也

○巡按陕西御史萧廩陈四镇兵粮事宜一正支放钱粮支放有管兵官虚冒作蠹亦有管粮官缘绝为奸臣置有簿册单票乞为申饬使兵马钱粮据此稽盘一清民屯延绥边堡以屯为民宁夏瓦渠以民为屯及定大城黑山沟地弃粮存如此者甚多亟宜清核减豁一定交盘仓攒犯罪其经手钱粮即令交盘下手接管或一应仓攒齐年交盘毋泥守支之法使得侵盗一严中易盐引轻估诚为要务其开派必在先秋则商人收粟便易完纳至于银易务革积棍选殷实放之必审收之必时查之必严凡经放之官必尽完其数方许离任一饬仓场边镇储待法谨盖藏其无仓场去处行令修盖增添不惟免沭烂之患亦可行倒盘之法一议改拨河州地处极边月支粮仅三四斗乃征戍之苦视兰洮一石之军反为倍之又且多至乏绝宜将兰岷临洮等处粮价若干派拨河州有马出哨者月八斗余六斗户部覆行

○押回隆庆五年监追欠粮官旗一百八十六人咨督漕责令该管严催各府州县卫所等官从宜区处完报 陕西答石毡哈等族番人贡马匹腰刀给赏段绢钞锭银两如例

○辛巳 上御文华殿讲读

○升山东右参政鲍承荫为河南按察使

○兵科左给事中蔡汝贤因清勾军丁奏言军政五害一佃军谓佃故军之地为业而补军者二壻军谓娶故军之女为妻而补军者三同姓军谓籍异姓同展转勾补者四重隶军谓军或改近调远而原卫未经除名因而勾摄者五重役军谓本人在伍不缺而余丁又行勾摄因而发回原籍者迹者 皇上登极凡可以苏民困恤军隐者备载诏书矧永戍之刑下死一等而以平人当之冤抑甚矣乞敕兵部转行各处清军衙门务稽查尺籍慎发勾单顶补平人细行体勘如果原户绝即为除豁违者治以违慢诏书之罪章下兵部覆谓佃地补军谓情愿者听也女户补军谓承产者也同姓补军谓本族非姓同族异者也若改调别卫即当开除军不缺伍岂得勾余此皆所当厘正如科臣言从之

○以福建兵备副使宋豫卿提调学政○差江西道御史孙代浙江道御史燕儒俞一贯山东道御史量石往江西山东甘肃巡按

○刑科给事中李学一奏 陛下妙龄践祚首于平台召见辅臣温旨慰劳大小臣工莫不举手相庆以为 祖宗盛典今复见之然犹谓平台一召嗣后无闻若以为歉顾辅臣日侍讲幄倘有咨访自可因事纳忠独部院大臣御门一接即远 天颜情愫未孚有怀莫吐甚非所以激劝人臣励精图治之道且部院衙门政务所关咨访责成尤当諄切视朝之后召见部院大臣披以腹心隆以体貌凡国家大政悉以咨之诸臣抒诚而筹阁臣虚心而断 皇上尤时加申饬计其岁月责以成功殿最必分赏罚必信为大臣者自当警惕勉励以率其属而诸务必举矣咨访行则上下洽而国是定责成严则群工饬而庶政举报闻

○顺天巡抚杨兆奏日者奉诏修补所属城池查自隆庆元年大虏入犯后各府州县城垣筑修过四十余座其乡村庄堡亦修葺过四十余座俱坚固堪恃共用过官银三万二千余两今止有支剩官银一千七百余两应修之堡尚多若一概通修不惟工程浩繁帑银有限抑恐堡多力分难以拒守分守不若并守为坚分修不若并修为要况内地重在州县村堡为缓边境重在镇城关寨次之如腹里则灤县为急近边则三屯营为急至如马城倭城罗文谷而海口诸城堡则当并力修之者但在边城堡藉主客兵力兼灰石稍便不过量发官银为犒赏米盐之资在腹里者必据其原估尽发应用官银方免别项科派之弊因请银二万两期以三岁告成足堪保障兵部奉旨议给银一万两 升分守延绥右副总兵张杰充总兵官镇守宁夏○延绥宁塞营守备孙汝继以侵冒料价革任提问

○升绥德卫指挥僉事孟一阳守备宁塞营辽东广宁左屯卫镇抚冯文翰守备暖阳城

○壬午 上视朝

○兵部覆京营总督杨炳等奏参中都山东卫所不到班军各该应参人员系春班犯在六月初十日以前者例得宥免其全军未到并赦后在逃者查照三十年事例分别分数各提角□羊来京照例问罪降级调卫住俸罚补工操所据嘉靖四十三年春班起至隆庆五年秋班止遵奉诏旨以十分为率量免五分仍该追正罚工银二十二万九千九百九十六两中都三十三万一千四百八十两今班未到并续逃官军五千二百六十三员每名追银二两四钱照例通免五分山东共银一千一百八十五两中都共银一万一千四百四十五两先将以前应给月粮扣官其余严限追角□羊一面将脱逃班军提角□羊罚补工操

○江南恤刑主事宿度奏矜疑绞罪一十五名笃疾一名改拟一名江西恤刑主事张庸奏矜疑斩绞罪一十七名改拟六名

明神宗显皇帝实录卷之六

明神宗显皇帝实录卷之七

隆庆六年十一月癸未朔 上御文华殿讲读

○升陕西副使刘有诚为山东右参政分守海右道云南左参议徐中行为福建副使整理福宁道

○准分守冀北道兼理兵备右参议萧大大亨回籍终养时大亨母年七十有七巡按陕西御史萧廩奏改勘牧地事言七苑牧地共五万五千三百二十二顷除见养马八千七百七十匹给地一万二千二百五十一顷外余地共计四万二千九百七十一顷自万历元年始岁共徵银一万八千三百二十两系牧地者责成苑马寺徵备马价其混争地土二千二百五十八顷有零责成固原道另行召佃每年徵银九百八十三两零专备军饷扣抵年例至或地有荒熟马有登耗又当限定几年一次会同查算户兵二部会覆牧地银仍俱充年例其量地加赋算马给地之法每三年巡茶御史会同总督抚按一行

○廩又陈整宿弊明大体二事言种马仍当取诸孳生不可任其倒失亏欠徵银易买及罢监苑官添设府州县管马佐贰或令卿少卿即为分巡兵备仍存监牧各官司其点报群孳之事< 〇〇〇 〇〇 〇〇 >下该部

○廩又奏查府苑地土据道臣所呈毛居士井地三段内一段二千五百八十九顷宜归苑牧外一段一千六百余顷宜归庆府与平虏所中一段二千一百三十五顷向系互争宜查照起科廩以为地系朝廷迳封旷土迳南连万安苑故牧军豕突其中迳北接韦州故庆府蚕食其内一彼一此皆谓取非其有或府或苑自难定归于一总督巡茶说各有据道臣呈议灼有可从< 〇〇〇 〇〇 〇〇 >下兵部覆奏报可 命河道郎中王体复清查近畿苇地工部言顺天河间二府所属霸州及武清文安大城静海四县原额苇地四千五百七十七顷岁徵银九千一百五十四两角〇羊贮节慎库查节年所角〇羊十无一二天地自然之利既不能蠲以与民又不得用之在官徒以资乡豪之兼并充吏胥之囊橐畿甸之中有此毙政殊非法纪除迳欠者奉诏蠲免乞趁此更新之会大加查理以除积毙 赏朝鲜国赍捧陈慰表文并进香陪臣彩段靴袜等物 甲申以贵州坝阳地方添设守备官摘留标兵三百名以资防御其贵府通判安顺州通判官宁谷司吏目各专驻地方管理钱粮词讼不得别项差委

○巡按陕西御史萧廩奏荐副总兵等官孙国臣等一十六员言守备哮拜尤当永为西夏之用参游击陶承学闲住中军张威提问 巡按陕西御史褚鈇奏报茶马总目隆庆五年分招番中过马六千三百七十四匹照例角〇羊苑马寺孳牧及军门各镇骑征六年三月终止苑马寺实马并驹一万七十四匹马价茶价地亩脏罚银九千五十八两有奇苑马寺各监苑备赈谷豆六千七百八十六石洮河西宁甘州四茶马司各项茶七十九万六千六百六十一斤

○令各卫所官不得额外役占军士及卖放包纳月钱其见任文官并不许占用军士

○乙酉降调云南澜沧兵备副使周汝德别用抚按参其擅调官兵空糜粮饷也

○改湖广副使陆光祚于陕西升金冯子京为云南左参议山西金事张希稷为右参议仍兼金事管理威平井朔等卫所城堡仍管分守道怀应等处州县兼理兵备

○山西道御史赵应元等上〈○疏-金〉乞宥胡濙不从

○丙戌 上御皇极殿以郊祀誓戒百官

○保定巡抚宋纁奏荐逸才侍郎吕时中副使王彦民达其道张谥四臣有可用之才都御史庞尚鹏无可废之罪疏下吏部

○刑科都给事中乌昇因星变未消上疏言 圜丘 大祀可遣大臣代之至于感格之本在 陛下一念之诚日至之刻宫中祷祀导迎阳气以上格 天心者不可少略又 先帝服制尚未及期大小臣工吉服数日非惟 陛下心大不安即诸臣思 先帝而奉 陛下之心亦大不安宜令服青丝锦绣办事二者皆修省大端又言停屠沽止燕会勤君对宥狂直四事〈○疏-金〉下礼部

○丁亥赐辅臣及日讲官各衙门三品以上鲜藕

○升山东副使徐节为陕西右参政兼金事甘肃管粮兼理兵备浙江衢州府知府汤仰为云南副使整饬澜沧姚安等处兵备直隶广平府同知张稽古为山西金事

○补原任江西副使徐学谟于湖广兼管屯田水利升湖广监利知县李克敬为按察司金事以能剿除巨寇也

○以分守甘肃西宁参将张翼充右副总兵分守延绥边镇等处

○勒云南洱海守备赵袞闲住按臣许大亨论劾也

○戊子吏科都给事中雒遵等及南京户科等给事中张焕湖广等道御史陈堂等先后上〈○疏-金〉乞宥胡濙不从 贵州道御史张道奏查刷过光禄寺十月分逐日供办除本色外该价一万二千九百四十五两有奇

○己丑冬至 郊遣成国公朱希忠代还报赐希忠银币明日百官朝服贺诏暂免庆成宴 朝鲜国王李昫遣陪臣贡方物马匹表贺赐宴赏如例

○辛卯升河南开封府知府洪忻为山东副使分巡海右道山西金事刘宗岱为浙江右参议

○吏部奏被论官员革职提问者所以严奸恶之防回籍听勘者所以求是非之实如近岁五河县知县张宪翔横被污蔑于时立限催勘毫无干涉今宪翔见任御史僭运有声窃计被勘官员如宪翔者恐亦不少各该抚按公然废阁贪吏无所惩戒亏枉久不获伸诚如 圣谕乞通行各该抚按衙门不拘京官外官凡奉旨听勘并提问未完者分委廉干官员审究明白册送部院该科查考不得仍前推诿纵容报可 朝鲜国王李昫遣陪臣参判姜士弼等贡方物马匹表贺 皇上登极并贺长至节赐宴赏如例

○壬辰 上御文华殿讲读是日出 御书盈尺大字赐辅臣居正曰元辅曰良臣调阳曰辅政二臣〈○疏-金〉谢因赞其笔意遒劲飞动有鸾翔凤翥之刑焉 蓟辽总督刘应节题称修完城堡一百二十余座用过官银三万二千二百余两尚余一千七

百八十余两应修之处尚多请发帑二万部覆给马价银三千两户部发七千两共银一万两其余听本镇便宜取给限三年修完

○癸巳 上御文华殿讲读

○升山西右参议冯叔吉为按察司副使分巡河东道带管隰州兼理兵备调山西副使崔鏞驻宣府管西南二路调山东副使李汶于河南提督学政 工部奏修筑湖广荆州府所属堤塍从按臣舒鳌议也

○甲午 上御文华殿讲读 户部奏太仓银库今年十月终实在各项银二百八十三万三千八百五十八两金四百六十五两铜钱一千六百一十五万七千八百六十二文

○乙未升河南左参议葛大纪为山东副使山西平阳府知府刘世昌为按察司副使驻劄井陘陕西佥事姜廷瑶为山西左参议分守河东道○贵州巡抚蔡文荐举遗贤养病佥都御史孙应鳌闾博通达声实兼收操履无议闲住佥都御史刘秉仁明达端方干济有声指摘非罪< 〇〇〇〇 铨-金 >下吏部

○浙江巡按御史谢廷杰请复故刑部尚书毛恺官职言恺之夺职止因故入人罪其生平狷介清洁实无愧于古人兹已奉赦宜加宽恤吏部言恺之故人指勘问给事中张齐受贿事今齐以不谨考黜恺明是守正受诬诏复恺官

○巡抚云南兵部左侍郎邹应龙自陈乞罢不允

○以河工告成赏尚书朱衡侍郎万恭银币及郎中吴自新等银两有差万恭言国家财赋仰给东南贡运转输全资河道徐以上河广广则水有所汇而萦回徐以下河狭狭则水无所容而泛滥故欲河不为暴莫如令河专而深欲河专而深莫如束水急而骤束水既骤使繇地中舍堤别无策前都御史潘季驯议开一百里故道给事中雒遵议筑三百里长堤人情汹汹谓堤费且无益于河独荷 先皇俞允臣等督司道等官申画地之约下募夫之令期以九十日而工止六十期以六万两而费止三万堤工遂成河流顺轨臣等复念筑堤如筑边守堤如守边又会题设官布夫建铺编号沿堤修守以此今年黄水大发者三堤竟不败河卒无虞北运无一水阻南还无一冰阻因陈各官劳勩请加叙奖工部覆从之

○ 上御文华殿讲读

○丙申河道侍郎万恭奏议河夫工食言二洪闸溜浅夫山东东兖二府额一万二千七百余名每名工食一十二两岁该银一十五万三千余两江北淮扬徐三府州额五千三百余名工食八两二钱岁该银六万四千余两各桩草银不与焉在银两视旧额俱已增加在户夫视令编悉已安便然漕粮朝廷之命脉漕河朝廷之民力治漕今运道工役十倍于前民力凋疲十倍于旧竭疲民以事弊河亟宜改辙查旧议单有兑粮所折耗银有剥运所省脚价近新建瓜闸又有所省过坝米三顷岁不下十余万两若悉给发以治河道可减派各疲弊府州之半工部言耗米银后改徵本色给军脚价除扣修通惠河

余解太仓济边惟有过坝余米可岁给河道少助夫役工食报可

○丁酉升山东济南府知府平康裕为陕西副使抚治西宁复除原任陕西左参议郜大经于河南

○以修筑延宁二镇墙台墩堞工竣赏靖边副使张梦鲤宁夏金书汪文辉等各银十两

○唐府奉国将军宙杆有罪发高墙禁住

○差广东道御史贺一桂巡按山西浙江道御史赵应元巡按辽东

○戊戌望夜月食于时阴云不见

○荫故大学士袁炜嗣男袁大辂为中书舍人

○己亥山西抚臣奏今年秋禾旱灾请行分别蠲赈及屯田折徵有差从之

○庚子 孝惠皇后 孝烈皇后忌辰遣忻城伯赵祖征祭 茂陵抚宁侯朱冈祭永陵

○陕西三边总督戴才奏套虏并俺答部落住嘉峪关西及海上者不下数万情态莫测请发所欠工本盐银并来年年例及工本盐银趁今秋成亟买粮料并本镇收过垦屯粮石各另积贮备警急客饷< 硃-金 >下户部言来年年例已经预发并扣剩布花赃罚等银共二万二千九百余两止有未发银七两余与工本盐银俟明春计处垦屯粮石原议扣抵年例所欠工本盐银除本镇屯粮节省二顷扣抵外止该银二万八千六十二两从之

○才又条议宁镇屯盐利害四事一豁包赔以苏军困本镇田少粮多军丁逃耗乞于屯田额外加徵谷草地银量行蠲免其河崩沙压荒芜等田勘果不堪耕种及原系差写无影之数将应徵赋税奏请保豁一建石闸以省繁差汉唐二渠节年挑扒既已劳民渠口岁修本闸费尤不贲乞将抚道赃罚及大小二池盐课暂停动用创建石闸一十二座务期坚固以垂永久一均盐引以济边储先年盐引准浙均搭官无积阁之引仓有余贮之粟近固革去工本致准少浙多口人不肯报中乞将宁夏盐引比照延镇或淮浙均派或量改浙引三万补派淮引二万一千庶盐利无壅边饷有济一慎选官以修屯政民情利弊非本土之官莫可详悉乞将宁夏屯田水利都司惟以本镇武职曾经保荐者择选推补如一时无荐督抚官得坐名咨升管理下户部题覆各镇屯粮正增各有定额若独行宽免则援此奏扰钱粮安出盐课淮浙已有定规若独欲改派则镇各生议事规必乱俱难改议屯田合咨该镇逐一踏勘盐引则于召纳时少加剂量唯建闸如议尽本处赃罚外量动盐课其选官则听兵部酌覆焉

○兵科都给事中李己因剿惠州贼首蓝一清赖元爵等言用兵之道以谋为先帝王之师以全取胜乃条陈三事 一曰辑军士兵多为乱各处将领多不恤军士或粮饷不时或肆行克削致军无斗志激成变乱况今浙福土狼分属四省尤难一统一宜严行各将领用心节制多方体恤庶可消不戢之祸成克敌之功二曰禁杀降二寇为害多年中

○以锦衣卫南镇抚司金书署指挥佾事毛澄铨注本司掌印管事

○辽东总兵官李成梁败土蛮于辽河诏赏督抚及成梁等银币有差先是十月间土蛮聚众声言入犯至十一月朔贼精兵五六百骑营旧辽阳北河去边二百余里成梁亲赴镇远堡防剿仍调参游马文龙唐朴等合营甲申成梁哨见前贼料其必俟众集大举不如先伐其谋乃夜发伏兵约黎明突冲贼垒起火为号至期火起成梁统兵趣应贼遂大奔兵部奏言是役斩首不过二十余级获马不过二百余匹然掩其不备出奇袭击先发制人为功实多

○兵科右给事中张楚城奏天下非多事可畏惟饗寇酿乱至不可收拾为可畏惠州之乱酿于招抚今日大剿诚为得策所谓抚者必其释甲徒手望风来降方为抚民其前称已抚已降者必角□羊党散剿各还本籍方称抚降自非然者正凶狡以抚套官之故智必尽行剿处以除祸根若稍有遗孽窜伏则大兵一掣之后劫掠益甚地方之变当不知其所终矣< 〇〇〇〇 铨-金 >下兵部覆如楚城议

○泰宁等卫夷人头目兀捏台等一百一十七人赴京贺长至节给赏如例 减释北直隶重囚十二名口

○庚戌 上御文华殿讲读

○内承运库太监崔敏请买金两珠石< 〇〇〇〇 铨-金 >下内阁张居正言前项珠宝六月间已奉旨停止今忽有此举则前日之诏令不信今户部钱粮十分缺乏各边求讨月无虚日实难支持乞暂停此举少苏民力因封还敏< 〇〇〇〇 铨-金 >遂报罢 定议运船径抵石土二坝先年船至张家湾停泊复用剥船转运官给剥船不敷因拘民船展转延捱日运不足三万石隆庆五年五月因河水盛长创令运船径自抵坝省转剥银九千四百八十余两六年概令抵坝省银几及二万是直令抵坝較抵湾运剥繁省迟速大远侍郎万恭因郎中周良宾亟奏请行之

○恭又条奏河漕事宜四段一严迟速之令黄河伏秋水高运船所避宜令江南粮储各督尾帮遵限过徐州洪勿至与怒河斗三月过洪者以上劳叙荐四月过者次之延至五月后者议罚因而遇水漂没者从重议拟一别远近之宜南北河道迥殊到湾之期非可概定宜令各省运船不过闸者限二月到湾过闸限三月过闸人过黄者限四月过闸过黄又过江者限五月巡漕御史按限期行殿最为一专兑运之权今议早运徵发期会急如星火监兑部臣无殿最之权有司慢而军卫易人转求督粮烦难兑运必至愆期宜照浙江例各省俱以御史带理兑运则官与军民俱便一顺官民之情江南山谷州县仲冬水涸不可以舟迨水发时兑运已缓宜从真便赍银至会城市米候兑但责早兑不必问所从来农末相资官民相利兑运日早过江过准入闸抵湾自然如期< 〇〇〇〇 铨-金 >下户部议覆惟监兑部臣照旧

○恭又言春间大挑待本年之运者 累朝之旧法秋中大挑待来年之运者 皇上之新规今南旺一带及三河口诸处河道九月兴工十月竣事但臣所治孝河耳使运

舡不速至将焉用河明岁全运四百万石计船一万艘须以正二三四月尽数过洪远避黄水为期计每月当过洪入闸者二千五百艘每日当八十余艘乞敕各粮储道如期督至庶河有实用< 〇〇〇〇 铨-金 >下工部

○辛亥调贵州副使滕伯轮于浙江提调学政 户部题固原游兵额银二万七千一百七十六两四钱零今岁过闰该增一千三百四十五两零除本镇先收庄田事例缺伍等银一万四千五百六十四两九钱零仍给发银一万三千九百五十两

○革四川分守松潘副总兵王诏行都司掌印耿光金事韩以甫任行巡按御史提问抚臣刘斯洁参其败坏官箴也

○户部请申饬分布主兵行粮悉照秋防有警贼势压境及对垒相持百里五十里内外应全支半支间及暂准全支半支稍缓则止事例准给行粮其未有的实警报不得一概调动关支有违明例因总督刘应节请给备各兵马供饷故也

○勒甘州左副总兵王孟夏闲住孟夏自陈兵部覆其贪懦也

○勒分守延绥中路参将倪英阶州守备云鹤原任宁夏奇兵营中军来臣各闲住督臣戴才秋防参劾也

○壬子辰正二刻冬至

明神宗显皇帝实录卷之七

明神宗显皇帝实录卷之八

隆庆六年十二月癸丑朔原任广西右参政方邦庆以前任副使考察不及调补贵州副使

○命顺天府祈雪

○两广提督殷正茂奏岭海兵机议事者主剿黜抚当事者则权宜于抚剿之间今日之抚视先年情势迥异随时酌势之机权惟当事者得以通变臣前任广西不行召募盖以狼制獠譬之以猫捕鼠广东则海贼山贼倭贼番贼狼贼猺贼里海贼其种不一非浙兵必不能冲锋议水陆约用兵三万募浙兵八千余悉募土兵俟教练既成堪以冲锋渐汰浙兵计用银三十余万两因请本省额运钱粮停解三年以充饷费户部言金花颜料蜡茶果品等银系供 上用难以轻议其盐课铁税赃罚事例银虽系济边但该省急缺军饷酌停解二年并以前拖欠者共八万七千六百两有奇报可

○南京鸿胪寺卿史朝宾卒赐祭一坛

○兵部覆福建擒斩倭贼功次赏巡抚殷从俭银二十两纁丝二表里金事乔懋敬等各赏银十五两按先后凡获贼大小船三只生擒二十三人获级十六颗真倭首十四级生倭七名夺回被掳七人而倭贼十四级中其三人则又被掳渔人黄聪等六人所力斩也

○兵科给事中刘铉陈湖广修筑堤腴四事一曰酌< 〇〇〇〇 铨-金 >浚荆襄诸处有九穴十三口以洩水势近被筑塞堤愈高水涨愈甚宜按地咨询务< 〇〇〇〇 铨-金 >下流

处以正法纪章下都察院

○浙江按臣谢廷杰奏查陆炳遗产孤山古迹系宋贤林通栖息旧地非他姓所得专据议改为两浙古今名贤祠宇其仓基房屋及泌湖田庄给民承买徵银解京奏下法司覆如廷杰议报可

○戊辰 上视朝

○甘肃抚臣廖逢节奏屯田乡兵乃边方吃紧政务今欲兴整必专官责成方可垂久议裁甘凉知事二员监收判官二员于二州各设府同知一员专理屯田乡兵其监督通判五员仍旧又加行太仆寺卿宪司职衔兼总其事< 〇〇〇 钰-金 >下吏部覆行 升右通政李世达为南京太仆寺卿

○户部尚书王国光奏请催徵拖欠钱粮言其弊有四一势豪阻挠二有司怠玩三大户侵渔四积棍包揽报曰正供紧用钱粮一年逋负至二百余万显是抚按等官故纵以朕临御之初姑令作速催徵依限完解如再延迟从实参来虽经去任一并重治

○光禄寺卿路王道条陈应行事宜一议库藏羨财各库贮有铜铁废器留之无用宜变卖价银接济供应一议改折本色地方转输本色殊为烦苦支纳收贮甚费区处今约所贮尽足支用堆积日久腐坏可惜宜暂徵价银一议查核冒滥内府匠作日支酒饭中间不无冒滥宜行监局从实查核停革裁减一议荐新茶芽福建每年解进春茶二千三百余斤以备供应及浙江等处额外例有余茶作正支销不许棍徒包揽仍前侵克一议司牲冗员自隆庆二年九月至今所用豆草并该司官吏及蕃牧所养羊军银米绵花费踰三千余金而所养羊不满三百冗员冗费莫甚于斯宜裁革官吏取回羊只一议余积糶块易银收库< 〇〇〇 钰-金 >下该部多覆行之

○陕西三边总督戴才请建设儒学于靖边营奏下礼部

○以万全都司掌印赵崇璧充右参将分守大同西路升中都留守司协同佾书许靖国为署都指挥佾事铨注江西都司掌印

○升平阳卫千户何山阳和卫指挥佾事吴昆天城卫署所镇抚冯时平阳卫指挥佾事杨世勋蔚州卫署指挥佾事张邦奇俱以都指挥体统行事守备各处地方山杀胡堡昆平远镇时三川堡世勋偏头关邦奇长安岭堡

○己巳 上御文华殿讲读毕大学士张居正率讲官进 帝鉴图说先是居正属讲官马自强等考究历代之事撮其善可为法者八十一事从阳数恶可为戒者三十六事从阴数每一事为一图后录传记本文取唐太宗以古为鉴之意名曰 帝鉴图说是日具< 〇〇〇 钰-金 >进 上展< 〇〇〇 钰-金 >朗诵数十语顾谓居正等曰先生每起于是居正前近御案为竟读已奉图册前 上遽起立目左右展册居正一一指陈大义上应如响其不待指陈能自言其义者十居四五次日报曰览卿等奏具见忠爱垦至朕方法古图治深用嘉纳图册留览还宣付史馆以昭我君臣交修之义已又 手谕嘉奖赐金币有差自是日置图册于座右每讲辄命居正解说数事以为常○户部奏查催各

及五议既行户部考成之法铨部升迁之典尽归巡抚司道府县奉行唯谨无复拊绥之意而更惧弹治之威赂遗之门从此大启将领殆如输户矣

○礼科都给事中宗弘暹请会议王守仁从祀孔庙从之

○兵部覆吏科给事中裴应章条陈辽东善后事宜一防要害前屯西平等处见在额军不敷宜设法添募务期行伍充实一严海禁行山辽抚按将商贩船通行禁止寸板不许下海仍严督沿海官军往来巡哨一教火器火器之利莫过佛郎机一窝蜂鸟嘴銃与火箭者务多备是器又广设战车以卫之遇东西有警可不移而具与虏合战更番迭出循环无端仍教练军士期人人皆精俱依拟行

○壬申 上御文华殿讲读

○浙江按臣谢廷杰荐境内人才都御史吴时来陈洪濠给事中陆凤仪御史柴祥布政使陈善按察使金立敬何镗金事沈淮通政参议胡朝臣知府冯熊凡十人

○山西抚臣赵孔昭< 〇〇〇〇 銃-金 >荐遗才尚书霍冀裴守侍郎杨思忠都御史王轮李尚智按察副使张昇凡六人

○宣大总督王崇古< 〇〇〇〇 銃-金 >辞恩荫引疾乞身俱不允

○差刑科左给事中贾待问江西道御史苏士润巡视京营

○癸酉兵科右给事中张楚城言陕西巡抚曹金无疾请去此必有疑避不安之情金往服藩臬清谨茂称近转贰卿未闻指摘举朝公论昭然乃使之疑避求去非盛世事并言南京礼部尚书秦鸣雷贪秽不宜留吏部言金已奉旨回籍鸣雷处分后未闻别过似难轻弃从之

○令湖广荆州府捕盗通判刘起凤移驻龙湾市从抚臣凌云翼奏也

○巡按浙江御史谢廷杰请祀前礼部尚书赠太子太保章文懿公懋于金华府正学祠< 〇〇〇〇 銃-金 >下礼部

○沁源王恬炜长子瑄场有罪发高墙禁住

○甲戌 上御文华殿讲读

○大学士张居正等奏日讲节假接上元灯假恐 圣功间断命正月初旬即开讲居正又以 先帝服制未过小祥节间请宫中勿设宴并免元宵灯火诏烟火灯架昨已谕免办困历叙宫中侍 圣母膳甚简每斋素蔬食或遇佳节小坐但增甜食果品一卓亦不用乐居正言如此不但见 陛下追思 先帝之孝且节财俭用自是人主美德愿陛下常持此心 上嘉纳之寻谕光禄寺节间宫中酒饭卓俱免办凡省七百余金

○升吏部文选司郎中胡执礼为右通政提督眷黄

○以甘肃行太仆寺卿祁天叙兼陕西金事总督屯田乡兵事务

○候选训导侯贵< 〇〇〇〇 銃-金 >言学较六事一议庙像谓孔子庙庭南都自 太祖已易木主至嘉靖初议令天下尽以主易像而至今撤存不一且孔子已称先师而未撤者犹冕服称王即乐舞八佾亦非所以妥圣灵一议从祀谓诸贤儒去爵号称某子既

泽不沾揆厥所自皆臣等不能仰承德意勉修职业所致乞严行各衙门遵奉明旨涤虑省愆讲求致变之繇勉尽修弭之实尤望 皇上仰稽 先朝旧章俯纳诸臣< [] 铨-金 >请揽威福之柄严邪正之分慎赏赉之施防壅蔽之渐开忠谏之路崇节俭之风则上下交儆灾沴可消报闻

○革河州参将何其昌任回卫听勘○以原任副总兵管参将事薛邦奇充神机营练勇参将

○以神机二营佐击林栋充五军八营参将改兴都留守司掌印刘葵充五军五营参将升宁夏镇城中军坐营指挥使刘柏充庄浪游击 初令甘肃行太仆寺卿祁天叙兼陕西佥事总理屯田乡兵又添设临洮府带衔同知专理甘山等九卫所巩昌府同知专理凉永等六卫所并各监督通判俱听该寺委用其甘凉州判甘州右中二卫知事俱裁革从巡抚廖逢节议也

○乙亥 上御皇极殿顺天府官进春百官称贺

○陕西抚臣曹金< [] 铨-金 >荐遗才尚书王应宾府尹王鹤副使王学谟张嘉孚薛腾蛟黄九成参议李复聘孟官凡八人

○巡视太仓银库给事中贾待问条奏厘弊八款一慎解官之选一严解鞘之防一刻程限之期一严挂欠之罚一革匠役之弊一剔兜揽之蠹一杜欺冒之奸一酌通变之法< [] 铨-金 >下户部议行

○工科左给事中王士□□条奏巡青五事一曰正疆界二曰核孳生三曰设兽医四曰派商人五曰重事权户部覆行之

○革松棚路游击薛经任行巡按御史提问按臣卢明章劾其贪纵也

○以管领黄花镇班军署指挥佥事严勋充神枢三营佐击统领官军操练行事

○丙子兵部覆户科给事中陈蕞等条陈京营七事一议选任之实大小将领及号头中军等官必才技武勇堪任者方可推用充补一议储养之实营中教习武举严加考试在外才勇亦选送营中训练一议营伍之实操兵不许雇代家丁无用懦弱一议整棚之实另选教师训练枪牌火器等技务求精熟足济缓急一议养马之实见马之军择家道殷实者方许拨领各营将官不许擅将官马任情差拨一议缉捕之实一月内盗贼连劫三四次以上者参提左右参将其提督及正兵马年终分别举劾一议班政之实行各兵巡道及都司官公同领班都司查照该班官军原额编成队伍依期上班各卫所掌印劄付官及领班都司不得仍前卖放支调需索常例俱依行 丁丑改巡抚延绥右佥都御史郜光先巡抚陕西

○以播州宣慰司舍人杨应龙承替宣慰使仍不世袭

○户科都给事中贾三近奏国有常赋民有正输迩年以来逋负数多其弊不在于催科之拙而苦于就中朘削之多端不专于徵解之难而阻于额外需求之过甚乞敕行各抚按严督所属凡拖欠钱粮刻期催解有管粮官员索取常例扣除余价及催收人役

乘机侵盗者不时缉治掌印官失于防简并首鼠侵克一体参处仍行各该地方一应京库钱粮亲自查验起解不得滥恶苟且充数应解人役金素有身家殷实上户毋令巨猾积棍混肆包揽至于交纳廉委精力司官一员会同巡视科道逐一拣查果无滥恶方与进入如该库内外人等有仍前妄行需索鞭鞑凌轹迫苦解役致损国课听臣等据实参奏< [] 铨-金 > 下户部覆行

○以正旦节遣侯郑昆等祭各 陵园

○兵科左给事中蔡汝贤请祀宋儒罗从彦李侗于孔庙< [] 铨-金 > 下礼部 朝鲜国王李昫遣陪臣参判宋赞等进贺 穆宗皇帝册谥 二圣皇太后徽号如例赐宴 饗不作乐簪花

○辽东抚臣张学颜建州夷首王杲遵奉宣谕约海西夷首王台送还所掳人口一百四十九名请加赏免剿准其入贡仍行河东将领加意抚处勿得更变成规致失夷心滥增赏物养成后患兵部覆奏赏王台银币○以浙江都司金书谢诏山东都司金书谢天祐湖广都司金书蒋易元铨注各都司掌印诏仍浙江天祐万全易元大宁升兴都留守司协同金事郭应乾为署正留守掌印旗手卫署指挥使张国柱领中都留守密云城守备管遼干充神机三营佐击

○释前江西玉山知县李廷缙回籍廷缙之戍原属亏枉节遇恩赦尚不得免至是按臣援新诏请释之

○ 上御皇极殿太常寺奏岁暮禘祭 太庙

○戊寅辅臣张居正等< [] 铨-金 > 言制命之词贵在间严庄重乃为得体查成弘间诰敕叙本身履历功绩不过百余字祖父母父母及妻室不过六七十字至庆典覃恩其词尤简盖以恩饗为荣不必计其履历此制体也近来俗尚干求词多浮靡又过为夸侈多至数百千言或本无实行虚为颂美或事涉幽隐极力宣扬臣谏其君犹谓之佞况以上谏下乎礼贵从先辞尚体要命令之辞乃一代典制传之四方垂之后世所关非小乞敕下成谕各撰述官复古崇实毋得徇情饰辞以坏制体敕各官撰完送阁详定进览毋仍前徇饰并不得预行传示

○吏部右侍郎兼翰林院侍读学士诸大绶再< [] 铨-金 > 请告特命驰传回籍

○礼部尚书陆树声以病乞休慰留不允

○敕谕礼部三法司湔滌两京文武官罪名如故事

○户部题开万历元年该徵盐钞一陕西山西四川云南广东广西贵州七布政司及应天府直隶延庆保定二州俱存留本处备用一浙江布政司及顺天府直隶真定保定苏州松江镇江常州淮安扬州徽州池州庐州凤阳太平宁国安庆十五府滁徐和三州半存留半运京库一江西福建湖广三布政司半存留半运南京该库一河南山东二布政司半存留半运京库内各摘拨钞八十万一百二十四贯钱一千六十万二百六十八文解宣府备开平等卫所官军折支俸粮一直隶河间府存留钞六十五万贯准折本

处官军俸粮余解京库一大名府原额钱一百六十万一千九百七十文钞入十万九百八十五贯半解保定府库内分拨钱二十八万五千七百六十文钞一十四万二千八百四十贯解部转发蓟州库补营州五屯卫并<䷄宀十见>河一所官军折支俸粮余解保定库折放五卫所官军俸粮半解宣府内原改拨钞三十八万八千一十一贯钱七十七万六千二十三文仍解宣府折与开平等卫所官军俸粮一直隶广德州并顺德广平二府钱钞尽数解京其永平府所收钱钞应解辽东者照例折银送广宁等库交收 总督仓场侍郎郭朝宾籍奏隆庆五年十二月至今年十一月终太仓银库实在金四百六十五两银四百三十八万五千八百七十五两有奇铜钱一千六百四十万六千四百有奇

○户科给事中李戴条奏催科四事一曰查侵冒二曰严追偿三曰处偏累四曰禁诡寄<䷄足 钺-金 >下户部覆行

○礼科右给事中朱南雍条奏藏藏利弊五事一裁革异名以防冒破一议革揽夫以杜诈害一重加考核以清拖欠一更换积商以厘夙弊一责成兵马以安民生<䷄足 钺-金 >下户部议行之

○四川道御史张士奇奏查刷光禄寺自隆庆五年十二月至六年十一月连闰实用过银一十五万五千二百一十七两有奇见在库银一十八万九十两有奇费用益为减省库积渐觉充裕皆 皇上躬先节俭加意裁省所致下礼部

○革铜仁守备杨煜任行抚按提问煜妄杀平民冒报功次也

○补原任三屯营游击谷承功于松棚谷

○给荆府管理府事泰宁王常<䷄灬 言 >民敕二十四名

○前陕西抚臣曹金奏斩妖犯齐房刘汝清从之

○己卯升江西左参议庄国祯为广西副使

○复除监察御史王廷瞻于河南道

○升真定卫左所千户张玠守备密云

○升江西鄱阳湖守备冯锐直隶京口图山把总潘清山西宁武关守备周一凤俱为都司金书锐湖广清浙江一凤山东

○以管领大宁都司春班官军指挥使贺慎铨注中都留守司插箭岭守备尹志莘铨注兴都留守司俱协同金书管事

○革浙江台金严参将何自然任按臣谢廷杰劾其柔懦也

○庚辰升陕西左布政使冯舜渔为都察院右副都御史巡抚延绥赞理军务○勒原任浙江左布政使姚世熙闲住右布政使郭斗调简世熙已升太仆寺卿按臣谢廷杰论降调外任吏部以世熙奸贪无忌速化有迹降调未尽其辜覆令冠带闲住其余所论右布政使郭斗及府州县官调改闲住降革有差

○兵部覆总督刘应节等清理主兵事言我朝定鼎燕山外列九边以为藩屏内设

三关以为门户京师则堂奥也自大宁内徙实藉三卫以为羽翼年来阳顺阴逆羽翼之资翻为肩背之患京师与虏仅隔蓟镇一墙即有额军七万有奇多以京班徙补百不当一乃始资入卫入卫告疲继议垛充垛充不可徐行召募召募不得因事远徼又称不便则清军 祖制也建议之时广谋金同以为策莫善此者宜仍差清军御史三员著实举行报可

○升五军营练勇参将邹沂以副总兵管理朔州城参将事务署都指挥金事赵伯勋为署都督金事充神机营副将

○升分守肃州右参将李震充副总兵协守甘州改蓟镇统领南兵副总兵李超充提督狼山副总兵

○辛巳 上袷于 太庙

○南京户部尚书曹邦辅再< 疏 >乞休 上嘉其清直不允 朝鲜国差陪臣表进方物马匹贺 穆宗庄皇帝尊谥暨 两宫徽号如例给赏

○甘肃巡抚廖逢节题准户部咨奉钦依行各镇备查国初某镇原设兵马若干岁用钱粮若干某年添设某样兵马系何人题请即今应否损益此后作何计处其各镇兵马民屯俱有旧案可查巡抚会同管粮郎中及督同守巡等官仍查各处屯田岁收若干有无抛荒隐占作何经理盐引开中若干有无占卖壅滞作何< 疏 >通民运岁纳若干因何拖欠中间有可因费不容己者固不必过为裁革其不甚紧要事势稍缓者务要协同议处大加节省以渐复国初旧额通将应沿革缘繇已完未完数目奏报因查会典甘肃一十二卫三所军士七万五百六十名又加甘凉游击二营每班官军三千员名河东备御原额官军七千五百三十员名共岁支九十万三千五百八十二石共文武官俸墩夜并行粮马料草不与焉盖国初大略如是彼时本镇屯田止一万三千一十顷屯粮止一十万四千一百石其余卒取给京运民运盐引今查实在主客官军五万四千七百员名并马骡驴牛二万四千六百四十匹头只大约每一两买粮料一石通该粮料七十万七千五百八十九石四斗较之国初费未及原额十之二焉自弘治十四年至隆庆三年添设标兵一万三千四百四十一名马四千八十六匹此以补各卫所额军逃亡之数实非另添设也屯田今实二万五千八百三十六顷六十亩零徵收粮料二千八百一十七石四斗零草一百五十八万一千九百九十束盖屯视国初几增一倍而徵收未及额者十之二则以灾伤虏患及抛荒侵隐之故也又查嘉靖三十一年起每年发京运年例银一十万五千两至三十七年止发二万二千九百二十二两有奇及四十五年减去工本盐引抵补银二万八千五百七十五两共发年例银五万一千四百九十七两零四十四年以前每年开派淮浙盐三十四万五百引四十五年以后止派盐二十七万七千引此因虏势轻重不同而兵费随之多寡也至隆庆四年以边储册内不对将折补工本盐引年例二万八千五百七十五两亦不听发矣今总五道之岁出会一镇之岁入通融计算尚多银二万三千七百四十二两七钱草价五千九百二十余但每遇闰年该增

粮二万八千五百九十石折支银二万四千七百五十两当以三年之通计尚未及也今欲复国初原额必将益兵二万六千三百八十六员名岁当加一百一十九万五千九百九十二石六斗何敢轻议但当此东西诸虏结好同讎之日意外当备宜准查照嘉靖三十一年例四十四年引例给发听臣分发五道及时预备本色庶食足而战守可图也按一镇之议则九边大概可知矣严查核亦属空文边事亦何赖焉

○解马价银九千六百两于密云以市车骡

○是月释各省直重囚一百二十七名口

明神宗显皇帝实录卷之八

明神宗显皇帝实录卷之九

万历元年正月壬午朔 上御皇极殿百官朝贺以未及小祥免宣表文先期并免习仪

○甲申 上御皇极殿太常寺奏孟春时享 太庙

○是日 宣宗庄皇帝忌辰遣怀柔伯施光祖祭 景陵

○丙戌户科都给事中贾三近参新推湖广总兵平江伯陈王谟言国家于勋臣无黜陟无升降其僨事误国者独有革任褫俸而已王谟总督漕运经略无策漂损多至百万言官论劾褫俸革任距今曾未几时忽蒙显用屡肆乞陈希图开俸当时僨事之臣如都御史陈爌潘季驯参将顾承勋皆与王谟一体三臣落职仅当王谟褫俸若复推用人开俸以优之何以服爌等三臣之心且王谟昔伺炎门秽迹狼藉退闲未久谋总京营京营僨事谋督漕运漕运方褫更得总戎若并其薄惩者概从宽假则凡可以凌虐侵渔贪黷纵横者何惮不为时兵科李己亦论之王谟仍闲住 上享 太庙 升浙江右布政使谢鹏举陕西右布政使侯东莱俱为本省左布政使 四川道御史张士奇奏查刷过光禄寺上年十二月分实用各项品物除本色外该银一万三千五百七十三两有奇俱照时佑对算明白开具揭帖进呈 御览 兵科都给事中李己奏春防伊迩乞敕兵部移文各边将领刊布防边条议及该科题奉钦依春防事理一一遵行仍飭督抚大臣凡春防未尽事宜从长计议务底万全部覆从之 戊子 上御文华殿讲读节假例至二十一日始开今假内御讲帷可谓好学之笃矣 阁臣进 玉牒式 己丑山东按臣吴从宪奏荐逸才大学士殷士儋及尚书陈其学郭宗皋侍郎谷中虞葛缙迟凤翔都御史李邦珍参议武建邦知府孙梦豸等八人 李鹤特准授都督同知鹤故德平伯铭子也 阁部先皆执奏于 先朝三例有碍不从命不为例

○户科都给事中贾三近劾管国子监祭酒事礼部左侍郎汪鏜不堪师范鏜

< 〇 鏜 - 金 > 辩乞罢不允

○陕西道御史李颐请祀故儒胡居仁于孔庙 < 〇 鏜 - 金 > 下礼部

○蓟辽总督刘应节奏辽东修筑城堡台楼墩圈等项叙巡抚张学颜总兵李成梁及寺道将领各官劳绩下兵部令阅视大臣查处

○巡视东城御史角□羊学礼奏御马监太监张忠毆死亲母乞敕严究如律章下法司

○庚寅改礼部右侍郎陶大临为吏部右侍郎

○复除饶仁侃河南道御史钟继英云南道御史○勒令倒马关参将曹世德回卫抚臣宋纁劾其衰迈也

○兵部奏九边丑虏宣大山西有俺答诸部陕西三边有吉能诸部蓟辽有土蛮诸部及黄台吉支党今西虏虽称款塞而犬羊变诈寔不可测况今边冲口每月望后俱有小市虽以抚安穷夷尤当严加防范套虏尚住西海恐乘春东归经繇内地假道之谋机当先识东虏屡窥边境久未得利豕突之患更宜早防请备行各边于通贼要路分兵戍守遇有声息并力堵截并传报邻境发兵策应务使声势联络共保无虞如因循玩愒致误军机国典俱存自难轻贷报可 辛卯大学士张居正等请开经筵命礼部具议 命成国公朱希忠大学士张居正知经筵大学士吕调阳同知经筵侍郎等官陶大临王希烈汪鏜丁士美申时行王锡爵陈经邦何雒文沈鲤许国沉渊陈思育为讲官罗万化王家屏陈于陞徐显卿张位韩世能林偕春成宪为展书官两房各官周维藩吴自成章子谊马继文徐继申黎民表刘大武成楫为写讲章官并起止驸马都尉许从诚为侍卫官彰武伯杨炳及六部都察院通政司大理寺各掌印官一员为侍班官给事中监察御史各二员为侍仪官锦衣卫鸿胪寺各堂上官一员鸣赞序班共八员为执事官

○升广东副使刘稳为右参政兼佥事管理原务

○江西巡抚徐枋奏荐逸才尚书尹台侍郎吴桂芳都御史陈炯郎中何源参政陈嘉谟王时槐副使蔡国珍凡六人

○河南巡抚梁梦龙荐大学士郭朴及侍郎刘大实都御史张松张祉副使李袭等四人

○开豁西宁卫土舍李宽虚增地粮二千八百九十五石有奇

○以河南都司掌印戚继美充参将分守浙江金台严地方统领甘肃巡抚标兵游击未勋充分守肃州地方右参将山西老营堡参将施相改充分守朔州城等处地方参将辽东都司掌印洪国忠充左参将分守宣府中路地方加神机四营参将陈其可副总兵职衔驻劄石匣地方统领教演南兵升神机营游击陈雄充五军营练勇参将统领官军操练直隶牧马所镇抚未士充守备江西鄱阳湖地方

○复太常寺卿徐藩尚宝司少卿徐琨原职二人以受投献房产问革至是复之

○河道侍郎万恭奏先臣工部尚书宋礼开河元勋功在万世乞照平江伯陈瑄例补给恤典章下工部覆如恭议诏予礼赠谥荫一孙入监读书

○壬辰升右春坊右谕德兼翰林院侍读余有丁为左春坊左庶子掌南京翰林院事○

恪皇后忌辰遣应城伯孙文栋祭 永陵

○兵部尚书谭纶引疾乞罢不允

○吏科都给事中雒遵< 雒 铨-金 >荐原任都御史海瑞吴时来二臣无愧遗直宜亟赐首录劾兵部尚书谭纶都察院左副都御史刘斯洁二臣均属不称当亟行罢斥章下吏部

○禁京卫武举革职闲住者不得冒支所加米石

○差云南等道御史余乾贞史思敬许乾清角□羊蓟镇逃军及各卫应改蓟镇者乾贞北直隶河南思敬直隶山东乾清山西陕西

○癸巳巡按直隶御史向程奏举遗逸太仆卿殷迈学佷都御史游震得尚宝丞金燕参政梅守德凡四人 ○诏以曾子裔孙湖广攸县知县曾袞改袭翰林院五经博士世主祀事

○户科左给事中冯时雨条奏六事一笃孝思凡立政用人必思 祖宗贻谋垂裕之善仍命儒臣辑本朝成事仿帝鉴图说进呈便览二广延纳乞延接文武大臣俾科道官更番随入凡军国利病生民休戚与之面计剖决详酌施行倘大臣敷奏不忠敢肆欺罔者科道官即纠正之三重题覆乞敕各衙门一应章奏务平心易气虚怀观理言果是不嫌尚同言果非不嫌立异倘涉两可势难一定者亦须公同会议商确允当然后题覆四革传奉乞敕内外各衙门一切封拜爵赏采办遣发等项悉听部院寺监从公议拟请旨定夺有私自陈乞妄希内批者许各衙门坚执具奏科道官秉正糾弹五释幽怨乞将宫掖人数逐一查阅凡未经 先帝幸御者悉令放出其衰老无依不愿归乡井者听六宥罪言贪酷官员不过贬削提问至于言官抗章上< 雒 铨-金 >无非为国家计一触圣怒即加摈逐是狂戆之罪反浮于贪酷之夫乞将胡濬量行起用< 雒 铨-金 >入上是其言惟放宫女起胡濬二事不行

○甲午吏部尚书杨博等请申明朝覲考察事宜 上谕朕临御之初方精核吏治图宁邦本便行与各抚按官所属贤否虚心秉公定注考语尔部仍细加询访有徇私报复是非夫实者参未处治来朝正官说事支漫附和者以罢软论

○乙未兵部尚书谭纶因科臣雒遵之论再< 雒 铨-金 >乞罢章下吏部

○礼部右侍郎管国子监祭酒事汪鏜再< 雒 铨-金 >乞罢犹不允

○陕西按臣陈文焕奏起废闲尚书王用宾府尹王鹤参议李复聘副使黄九成凡四人

○○礼部上经筵仪注

○宴朝鲜国陪臣及参宁等卫夷人头目

○丙申 上御皇极殿视朝

○湖广分守荆西道右参议角□羊宋以病致仕

○授故德平伯李铭子李鹤都督同知令甲外戚封伯不得世袭铭 孝懿皇后父故持加授武职以示优异仍不为例

○丁酉辽东抚臣张学颜奏守瑞昌堡百户诸朝先被虏射死朝轻敌也因请著令本堡失陷罪坐堡官若因防堡死事全给恤典贼繇本堡地方进入不得轻出贪功但能固守本堡罪得末减凡有杀虏人畜不能拒剿者将领也不能收斂者卫官也责各有归罪难概及部覆从之

○陕西妖逆齐芳刘汝清伏诛余从十五人俱发配

○戊戌 英宗睿皇帝忌辰遣参宁侯陈良弼祭 裕陵○应天抚臣张佳胤
< 〇〇〇 铨-金 > 荐遗贤太常卿袁洪愈太仆卿殷迈金都御史徐绅祭酒姜宝通政赵灼给事中夏时徐师会吏部主事高士布政使陈鏊按察使王世贞副使顾章志参议汪汝达金事王樵并游震得金燕梅守德凡十六人

○吏部覆雒遵等< 〇〇〇 铨-金 > 盛称谭纶才略言即误用一二将领未为大过且虚心受善益见其不敢自用本兵重地似难以此輒为更置海瑞秉忠亮之心抱骨鯁之节天下信之然夷考其政多未通方止宜坐镇雅俗不当重烦民事刘斯洁廉正不阿士论与之但揭攻属吏一事量乏涵弘词多支蔓既失激扬之体难宅风纪之司宜调南京别衙门用从之

○户科给事中李戴条陈催科四事一曰查侵占二曰严追偿三曰处偏累四曰禁诡寄户部如议覆行

○己亥兵科给事中赵思诚奏两广缙绅合称兵部侍郎吴桂芳有功地方广人立祠祀之才猷实为第一可充本部原任辽东巡抚张西铭恬退老成臣前咨访山东人物惟见西铭一人才谋渊裕器宇洪深当与御史吴从宪所举殷士儋迟凤翔并叙优用从宪人误举陈其学葛缙二臣在山西大同夫事最大而缙居乡不简尤所称虎而翼如复叙用恐为风宪地方之累又言南京礼部尚书泰鸣雷止知嗜酒不顾廉节原任武选司郎中马文学纵放吏书赃声腾播乞早起桂芳西铭亟罢鸣雷文学其学缙不得再举章下吏部鸣雷致仕文学回籍听勘

○庚子 上出视朝有男子着内使巾服直趋宫门为守者所执状奏诏下东厂究问

○谭纶三< 〇〇〇 铨-金 > 乞罢犹不允

○升广东按察使江一麟山东按察使秦钊俱为右布政使一麟浙江钊陕西○户部题收运五事一议官攒以杜冒滥在京及各边仓场凡官攒一半满日照依陕西事例一体呈明查盘起送移咨吏部知会不惟清刷夙弊抑且< 〇〇〇 铨-金 > 通选法一议置斛以平出纳漕运衙门查将造斛木料分给各帮头船顺赉送东官厅呈总督衙门照依钦降铁斛成造分给各仓收放免低昂之害一申旧例以重轻赉各该运官凡有起剥应支轻赉银两照例呈明就近部属及参政兵备等官查实批允给与执照方准动支一查解纳以清隐弊羨余银两例一分解准二分给运近为把总侵费解准者十无一二以后查委部官解送并不许各总领解一核漂流以便处补凡官旗漂流船粮即赴所在督押

引之人乞敕缉事问刑衙门访究下落永绝祸本仍乞 皇上出入警蹕倍宜严备再照祖宗旧制门禁甚严望敕司礼监官遵照律令严行申饬其该日守门内外官员俱乞量加惩治庶人知所警杜患将来 上俱从之

○敕谕兵部京城内外巡警事宜看兵部都察院并缉事衙门督率巡捕巡视等官严行申饬四方无籍之人潜住京师的即便驱逐尽绝地方邻佑有容隐不举的事发都拿来重治

○兵科右给事中张楚城论总督尚书王崇古诰命不宜用金字请夺毁改给吏部覆从之

○升巡抚福建都察院右副都御史殷从俭为左副都御史回院管事

○添设广东韶州府同知一员驻劄三华镇专一操练军马缉捕盗贼及添设翁源县县丞一员随住该镇管理税粮专听同知委用

○升工科左给事中王士□□为湖广右参议分守荆西道

○发抚夷银七千两于蓟镇

○甲辰命右春坊右谕德兼翰林院侍读王锡爵掌本坊印信

○后军都督府优给李环袭爵丰城侯

○升山东副使刘庠为左参政总部京粮带顺永保河四府广东副使吴一介为广西左参政河南佥事王乾章为江西左参议分守九江道

○乙巳两广提督殷正茂荐举贤才尚书谭大初都御史何继柯庞尚鹏光禄卿钟卿通政徐浚郎中邓洪震布政使刘子兴凡七人

○允户部覆陕西巡按赵官奏免通江县新增茶课银五百八十三两有奇仍行四川各州县清理茶园

○刑科给事中李学一奏古先圣王莫不以劝农为首务然词讼繁兴则农务多废宜令天下有司每岁发春先清狱囚其余词讼除人命贼情外毋得滥受俟东作稍毕方令听理其他劝农力本之政务加意讲求至抚按举劾有司亦以课农勤惰田野荒辟别其殿最< 〇〇〇 〇〇 〇〇 >下户部覆行之

○河道侍郎万恭奏创建瓜州二闸工完免挑盘雇剥之苦因叙郎中吴自新及道府诸臣劳绩恭又先檄浚苏松常镇一带河道建三汊河东水吊桥自是吴浙之运可与江西湖广徵发相同因言瓜闸既成商舶繇坝者可去险就安应比照仪真事例一体抽分< 〇〇〇 〇〇 〇〇 >下工部俱覆行之

○丙午 孝静毅皇后忌辰遣武定侯郭大诚祭康陵

○升礼部右侍郎兼翰林院侍读学士王希烈为吏部左侍郎仍旧兼官掌詹事府事

○升顺天府府丞刘尧诲为都察院右佥都御史巡抚福建地方大理寺右寺丞孙丕扬为都察院右佥都御史巡抚保定等处地方

○升浙江处州府知府陈烈为广东副使

○兵部尚书谭纶等条陈备患事宜一仿保甲以诘奸宄一清捕伍以重巡缉一严加责成以信法守以申明赏格以励人心一整宿卫以振威武一严门禁以慎稽查 上令着实举行

○都察院左都御史葛守礼言深远之虑当谨于至微仓卒之虞常生于所忽我国家 列圣相承莫不以谨宫禁为首务我皇上嗣登大宝正臣民竦观易听之日乃九重深邃之所有奸回如王大臣者历诸门抵法宫寂无简察坦若素履此岂细故其该日内官及守卫员役应从重究治臣等仍将会典及律令所载条件责成巡视御史督同内外监门守卫员役着实举行如有仍前怠缓及容隐抗违者拿问参究则禁卫森严永无意外之变报可

○丁未赐知经筵官成国公朱希忠大学士张居正同知经筵官大学士吕调阳各敕一道谕希忠曰朕惟古昔帝王临御天下未有不以务学为急者我 祖宗列圣邈崇是道经筵日讲岁岁举行二百余年治教休明超轶隆古朕以冲渺参膺宝命嗣守鸿图夙夜兢兢惟以不克负荷是惧故当 山陵甫建哀疚方殷即以去秋躬御日讲虽值隆冬罔敢暇逸惟是经筵之典尚有待焉兹将以二月初二日举行命尔希忠与大学士张居正知经筵事大学士吕调阳同知经筵事侍郎兼侍读学士王希烈等充经筵官分直侍讲居正调阳并大临士美经邦雒文鲤国日侍讲读夫君道以讲学亲贤为要臣职以责难陈善为恭朕方嚮嚮咨询求多闻而建事卿等尚孜孜纳诲明正学以沃心凡经史所载理欲消长之端政治得失之故人才忠邪之辨统业兴替之繇务明白敷陈委曲开导毋曲说以徇好毋避讳以为嫌俾学缉熙于光明治允跻于清穆上以凝承乎帝眷下以润泽乎生民惟朕有无疆之休卿等亦有无疆之闻钦哉故谕其谕居正调阳亦如之

○以怀安卫都指挥同知何效忠守备宣府云州堡地方神枢营佐击侯之胄充神枢四营练勇参将统领官军操练升甘肃镇城坐营中军唐洲为游击统领甘肃巡抚标兵山西老营堡守备叶威为本堡游击浮图峪守备郑勋为神机八营游击统领官军操练

○移建湖广光化县治于北集街避水势也

○以南京兵部职方司主事盛居晋专管选补军旗以济边事遇有史代听该部随时选委著为令

○升龙门卫署所镇抚孟尚义守备宣府靖胡堡地方大同前卫指挥僉事王弼守备宣府罢门所地方

○戊申升兵科都给事中李己为顺天府丞河南道御史王廷瞻为大理寺右寺丞

○追赠前工部尚书宋礼太子太保从河臣万恭请也

○赐永福王融焚嫡母金氏封为懿简王妃

○礼部尚书林树声再< 〇〇〇 毓-金 >乞休仍不允

○以辽东都司佥书陈言铨注本司掌印湖广行都司佥书赵梦佑铨注河南都司掌印○淮安南夷舍莫茂洽袭安南都统使

○己酉 上御文华殿讲读毕辅臣张居正奏奸人王大臣妄攀主者厂卫连日推求未得情罪宜稍缓其狱盖人情急则闭匿愈深久而怠弛真情白露若推求太急恐诬及善类有伤天地之和报闻盖居正初< 〇〇〇 毓-金 >意有所欲中会廷议汹汹故有是奏

○复前建言大礼刑部员外郎邵经邦原职

○升湖广道御史陈于阶为山东副使南京浙江道御史计坤亨为河南佥事

○以山西都司掌印刘世恩为倒马关参将平阳卫千户文济武为宁武关守备大同右卫署指挥佥事王铠为左卫城守备振武营游击张爵为燕河营参将神机三营练勇参将李时为横岭路参将原任燕河营参将王通充保河右营游击三屯守备崔经补河南领班都司

○庚戌 仁圣皇太后圣诞 上御皇极门百官致词称贺

○升贵州卫镇抚蔡兆吉为署指挥佥事王立极守备插前岭地方五军营练勇参将邹沂充神机营右副将

○革山西中路管参将事副总兵孙是任闲住抚臣赵孔昭防秋论劾也

○辛亥以锦衣卫勋卫王学诗袭静远伯

○勒陕西左布政使冯舜渔回籍听勘御史萧廩荐舜渔廉拟升延绥巡抚而按臣陈文焕人劾舜渔贪吏部以为一人之身廉贪迥异必体勘明白方服其心

○兵部覆两广提督殷正茂奏报擒剿贼首黄高飞等一十一名并贼徒一千一百九十三名颗叙副使刘稳参将白翰纪等功次行勘叙录

○是月减释各省重囚四十八名

明神宗显皇帝实录卷之九

明神宗显皇帝实录卷之十

万历元年二月壬子朔 上御皇极殿视朝毕诣 奉先殿 弘孝殿 神霄殿 皇考穆宗庄皇帝几筵以开经筵告

○庆府弘农王鼐木〇鼐周府会稽王勤〇〇炎各讬至 上辍朝一日遣官行丧礼

○都察院左副都御史刘斯洁回籍听补

○起原任南京礼部尚书尹台为南京礼部尚书

○吏部尚书杨博因给事中张楚城论王崇古金书诰命出博子俊卿所为博又不行将崇古议罪为专擅< 〇〇〇 毓-金 >乞谴黜 上温旨慰留

○勒襄城伯李应臣闲住科臣贾待问劾其荒淫狂悖刑禁捕官也

○癸丑 上初御经筵讲官进讲 上端拱倾听目不旁询讲毕传赐酒饭音吐清亮仪度雍容诸臣相顾称叹以为 上神明夙悟真天纵也是日钦赏经筵以下各官银币钞绢有差仍特赐二辅臣各蟒衣一袭日讲官六员各金罗衣一袭

○兵部覆户科给事中李栋等条陈门禁八事一曰易市地二曰禁穿道三曰制牌面四曰重换班五曰清包占六曰悬赏罚七曰查内属八曰重事权惟市照旧余皆依拟

○甲寅成国公朱希忠大学士张居正吕调阳等以经筵礼成上表称贺略曰窃惟自昔愿治之主咸以及时典学为先虽日有万几至尊匪同韦布然治无二道遗迹具在简编非考古何以正今必多闻乃能建事又曰广厦细旃之上言有箴规冠带缙绅之伦环为观听岂徒藻饰太平之具是惟培养若德之基又曰在高宗亮阴之际已勤逊敏之功当成王访落之年懋著光明之益观览靡疲于乙夜讨论无间于祁寒又曰礼隆晋接人知稽古之荣道协泰交世仰右文之治

○陕西巡按御史暴孟奇 < 孟奇 孟奇 > 荐遗逸按察使张嘉孚知府张万纪凡二人

○以 登极遣官祭历代帝王陵寝因停今年年例之祭

○差河南道御史饶仁侃南京畿道查刷文卷

○乙卯播州宣慰使司应袭杨应龙差杨美等进马二匹贺 登极赏表里钞锭如例

○朝鲜国王李昫差陪臣表进方物马匹谢恩

○巡视 陵工户科给事中匡铎等参屯田司主事石汉收文砖科致冒破官银二百四十余两有无通同情弊乞行勘议草下工部

○丙辰 上御皇极殿传制遣大学士吕调阳祭先师孔子

○升巡抚江西右副都御史徐栻为南京工部右侍郎

○赐故吏部右侍郎兼翰林院侍读学士诸大绶全葬仍加祭一坛以其有讲读劳也

○赐故刑部右侍郎游居敬祭一坛减平造葬居敬满三品俸方给繇被劾年老致仕其子请恤典予之

○丁巳升户科右给事中匡铎礼科右给事中朱南雍为刑工二科左给事中工科给事中郑岳为吏科右给事中

○吏部覆河南按臣杨相劾大梁道右参政查志立阴险粉稀不惬人情夺俸二级

○起原任户科都给事中张书补兵科都给事中

○四川道御史张士奇奏光禄寺查刷今年正月分用过各项品物除本色外该银一万一千五百四十一两有奇

○遣定国公徐文璧祭历代帝王

○移武清卫后千户所于河西务新城千户王世臣不妨原务就近钤束该城军民

商贾人等掌管城池门禁锁钥缉捕盗贼保障地方

○革辽东副总兵赵完任行巡按御史提问先是王杲入犯完观望逗遛坐革职级戴罪杀贼而贪肆愈甚惧巡抚张学颜参究使其弟察赉三百金并貂裘首饰投送学颜家学颜发其事章下兵部请革任提问

○戊午 上祭 太社 太稷

○巡按山西御史桂天祥荐举遗贤尚书裴宇霍冀侍郎杨思忠佥都御史王轮李尚知副使张昇凡六人

○己未 上御文华殿讲读

○工部奏主事石汉冒破事系书手朦胧失于稽查仍令汉戴罪听候刑部严究

○庚申吏科都给事中陈三谟劾原任苏松兵备副使蔡国熙奸邪险诈且言其假道学以欺世自知大察难免托疾求归不当听其致仕不加显黜国熙遂革职听勘

○吏部尚书杨博以疾乞致仕 上温旨勉留

○礼部右侍郎管国子监祭酒事汪鏜乞罢不允

○以怀来城守备童堂充神机十营佐击云南都司佥书□九思铨注山西都司掌印延绥领兵游击张继祖充右参将分守山西中路地方

○辛酉春分遣成国公朱希忠代祭 大明于 朝日坛 孝贞纯皇后忌辰遣抚宁侯未冈祭 茂陵

○赏泰宁等三卫夷人彩段衣服靴袜等物补贺长至及 万寿节也

○壬戌以 昭陵享堂上梁赐辅臣张居正吕调阳各银五十两彩段四表里新钞三千贯

○四川金川寺渲化禅师差都纲头目二百七十五人进贡珊瑚等物宴赏如例

○以南京守备兼掌中军都督府事怀宁侯孙世忠充总兵官镇守湖广地方分守辽东宁远左参将杨腾充副总兵协守辽阳地方

○癸亥 上御经筵

○南京礼部尚书秦鸣雷再< 疏 >乞休章下吏部○福建道御史景嵩等劾兵部尚书谭纶陪祭 朝日坛咳嗽之声连连不已且面色憔悴精神消索则纶前日称病告归果真非托本兵重任万一北虏不测犯我疆圉岂不能将祀事于一时者能寄万乘以有事 上谕咳嗽小疾易愈本兵难于得人这所奏看吏部看了就问景嵩等要用何人会同吏科推举来看

○升赏清河等城堡地方获功阵亡被伤官军九十五员名

○兵部因巡视京营科道荐拟授武清伯应袭李文全勋卫职衔查无例而引固安伯应袭陈昌言为辞外戚不预政事但请于见职上量加升级以示优异诏昌言文全各加升一级着令皇亲应袭不必随营习练

○兵部奏兵科左给事中蔡汝贤等参题赵完庸懦贪婪贿赂三罪当究仍乞赦各

者其利甚大否则害亦随之议者谓虜方纳款遽议修墙恐虜生心臣以为修之恐启目前之衅不修惧贻他日之祸夫通虜贡市冀为数年之安修我武备实为百世之利但恃其在我者安可弛备以徇虜情事先急务功贵乘时及今闲暇春和冰释亟宜兴工修复边墙以树藩屏乃为得策兵部如百朋议覆行

○戊辰建德王厚贝□定乞将妾李氏所主第二子镇国将军载平□土改封为庶长子从之

○上初御极申严门禁有宁化王府方山王府及秦府将军中尉数进城奏请名粮诏各递回闲宅拘禁仍诏自今以后有越关奏扰者不论曲直各罚如法

○改封溧阳王长孙充□□火为王长子常氏为夫人时□□火父俊裾袭王爵因请改前长孙封为长子

○升陕西右参政兼佥事张守中为都察院右佥都御史巡抚延绥等处地方冯舜渔回籍听勘吏部推左布政使侯东莱及守十辅臣张居正言延绥地方逼邻虜巢最为紧要且风气苦寒人不乐居近来任巡抚者只将就捱过二年即营求别转致事务废坠武备不修虜一入犯往往失机债事张守中虽系举人出身年力精壮才猷敏练先任密云兵备练兵修守甚有勤劳今任陕西参政一切边方事务至苦至难人所推避不肯为者独以身任之人能和协将官与同甘苦实边方抚臣之选乞升补前缺庶见朝廷鼓舞人才不拘常格彼之感恩图报将捐躯陨首不辞矣从之

○裁革陕西苑马寺乐长灵武二监录事调开城苑圉长一员于武安苑

○升陕西左参议晋应槐为副使整饬固原等处兵备兼理屯田

○吏部覆谭纶失仪事言抡选本兵委难得人进退大臣当处以礼若以一嗽之故勒令致仕非惟不近人情亦且有夫国体御史景嵩韩必显回称糾劾谭纶委止一时冒昧实无欲用某人之意吏科雒遵等则称推举本兵例该九卿科道公同会议具题上请今嵩等称无私拟难以推举 上报曰咳嗽小夫何至去一大臣这斯每一经论劾即百计搜求阴□□族党排不胜不止若用舍予夺不繇朝廷朕将何以治天下遂降遵嵩必显三级调外任而以夫仪夺谭纶俸一月

○户科左给事中冯时雨言光禄寺供应浩繁节目琐屑不能查刷臣等能巡视其外不能巡视其内能查刷其粗不能查刷其精虽坐门验收亦何益之有宜令该寺逐日细开收过物件若干进过物件若干食粮厨役若干空役月钱若干房租麻裋银若干桶簍家火银若干各廩盈歉各库存留一丝一粒悉经挂记遇有别项供应湏与臣等关白方许动支其或隐漏前数擅自支用及各该官员役占余丁逼纳月粮者臣等得指实参奏该寺厅署等官岁终听臣等据职之修废定官之臧否开送吏部以凭裁酌是一查刷即可以兼处寺属厨役因请给该科巡视关防章亦下户部

○己巳云南道御史钟继英因责问回奏京师者四方之所会归奸细固宜驱逐良善所当容留间者奉行过严致转徙相仍人心惶惑臣輒有安集之请谋为不轨王法之

所必诛惟虑本犯自知罪不可逃或口词抵讎罗织非辜臣輒有原恤之请至于掇拾过繁语久隐晦则臣之罪报曰人臣告君明白敷陈岂宜有隐夺继英俸半年

○差官为故吏部右侍郎诸大绶造葬准给故刑部右侍郎游居敬半葬 庚午景皇帝忌辰遣兴安伯徐梦旸祭于 陵寝

○辛未御史王时举等< 疏 >救雒遵景嵩韩必显言大臣腹心也因当保护以培国家之元气言官耳目也亦当爱惜以伸国家之正气今于大臣则信任之于言官则挫抑之是轻其耳目徒欲腹心之安恐从此脂韦之习胜骨鲠之气消正士杜口忠臣结舌岂社稷之利给事中贾三近等亦言部臣国之股肱言官国之耳目耳目之官职司纠正平日养其刚直之气宽其触冒之罚然后遇事敢言无所畏避今以论一部臣之故一朝而罪三言官是使谏臣丧气以言为讳他日虽国家有大利害朝廷有大奸邪谁肯进逆耳之规以速取罪戾

○升河南汝宁府知府陈廷芝为陕西副使管理榆林东路兵粮四川金事姚继可为陕西左参议兼管督修延庆就近城堡

○工部奏兵仗局太监魏朝等称本局修造兑换军器其合用物料该部委官会看动延两月不无停误工作乞免行委官覆估以便修造看得每岁二月估修十月兑换以前两次并无稽误且本部与该局公会估则该局节省之意得司官面稽而益彰本部综核之规藉该局参验以无遗甚协彼此体国之心共济军需武备之用况戊字库盔甲厂均贮军器均有科道司官同验出入事均一体难于异同报可

○壬申改南京国子监祭酒林士章为国子监祭酒

○降给事中雒遵御史景嵩韩必显为浙江狭西湖广各布政司照磨

○兵部覆贵州擒斩苗贼阿大等功次请行巡按御史体勘具奏○癸酉贵州抚臣蔡文奏擒斩丹行长官司土舍罗奇等功次请叙录守备刘天庆及各效劳官下兵部行巡按御史覆勘

○王大臣伏诛大臣者浙中佣奴诡名以浮荡入都与一小竖交昵窃其牌帽阑入禁门冯保恨前大学士高拱阿意者遂欲因其锻炼以双刃寘大臣两腋间云受拱指行刺图不轨傍掠不胜楚遂诬服为言拱状貌及居止城郭厂卫遣卒验之皆非时大狱且起张居正迫于公议乃从中调剂狱得无竟

○甲戌升左春坊左谕德兼翰林院侍读申时行为左庶子仍旧兼官掌翰林院事

○定山西冀宁守巡及岢岚三道分辖地方换给关防敕书

○代府富川王廷埜薨讣至赐祭一坛谥曰恭简

○广西巡抚臣郭应聘奏报府江之捷言府江猺獞恃险稔凶肆行杀掠兵备副使刘稳请调大兵剿灭应聘等题奏督各州司土官兵为四大哨参将王世科统三峒哨副使金柱监之参将钱凤翔统东岸哨金事夏道南监之都司董龙王承恩统西岸并水哨副使郑茂监之以总兵官李锡为都统哨居中调度参政胡直总理粮赏委各州县等官

务严加防范各秉公心毋忽嫌微致招物议四曰严综核之法乐欲查会试落卷文理不通系近科者问革部议谓朝廷设科取士礼义甚隆与其斥于既举之后孰若严于未举之先准令乡试慎加简阅仍解真正原卷以凭稽考俱依拟行

○四川金川寺演化禅师差都纲头目进贡珊瑚等物

○升大同破虏堡守备李栋为延绥游击统领官军轮番入卫以原任分守辽东广宁前屯参将胡尧勋充左参将分守宁远地地方

○勒大同总兵官左都督马芳闲住芳惧阅视不免行贿武库司郎中林绍怀隆兵备参议吴哲及阅视侍郎吴百朋百朋发其事请提问兵部以芳久在边方颇著劳绩今当晚暮曲赐优容从之

○庚辰改南京工部右侍郎董传策为南京礼部右侍郎

○宣大督抚王崇古等题主兵正用不敷银一万三千五百八十一两河曲营又议增新军添饷银二万四千六百二十八两乞要增发户部覆准暂发银三万八千二百九两以后年分将河东运司盐课抵充

○兵部右侍郎杨巍以病乞休不允

○升湖广副使卢镒为四川右参政

○是月减释各省重囚一百一名口

明神宗显皇帝实录卷之十

明神宗显皇帝实录卷之十一

万历元年三月辛巳朔 孝肃皇后忌辰遣襄城伯李应臣祭裕陵

○宴海西者刺等卫女直都督并四川金川寺都纲头目等人

○壬午 上御经筵

○除庶吉士林景旸为礼科给事中

○升大名府知府王叔杲为湖广副使整饬苏松常镇兵备

○阅视侍郎吴百朋陈宣大屯田五事一严侵占之禁一核荒田之粮一除处增之数一专监司之权一慎分理之任< 〇〇〇 〇〇〇 〇〇〇 >下该部

○调镇守山西总兵官都督佥事郭琥挂印镇守大同等处地方仍诏各将官养廉地土听其养士公用勿得过为苛摘致夫朝廷任将之意

○差陕西道御史张守约巡按广东

○癸未诏增供用库黄蜡岁二万五千斤岁用黄蜡八万五千斤折色一十一万五千斤每斤价银二钱白蜡三万五千八百一十六斤折色一十二万五千八百一十二斤每斤价银四钱二项浙银俱解太仓库济边署库太监殷平称岁用不敷欲于旧额外增本色黄蜡五万四千斤户部执奏不从科臣贾三近复< 〇〇〇 〇〇〇 〇〇〇 >谏止亦不从

○户部覆广西巡按御史唐炼< 〇〇〇 〇〇〇 〇〇〇 >言军士胖袄给折色则易于荡给本色则可得实惠炼虽軫侧地方但当缺乏之时取给紧切仍宜徵解折色便 上报曰近

来各项钱粮多议改折本图省便但 祖宗立法初意未尝不便于民今只宜革弊补偏岂可轻为改易今后但有建议的尔部院衙门都要仔细讲究停当不许擅自更违者以变乱成法论

○甲申 上御文华殿讲读辅臣张居正进讲帝鉴图说汉文帝劳军细柳事因奏曰古人言天下虽安忘战必危今承平日久武备废弛将官受制文吏不啻奴隶夫平日既不能养其锋锐之气临敌何以责其有折冲之勇自今望 皇上留意武备将官忠勇可用者稍假权柄使得以展布庶几临敌号令严整士卒用命 上然之

○大同巡抚刘应箕荐境内人才金都御史温景葵

○加升分守辽海东宁道参议李鸞为副使照旧管理事务

○两广提督侍郎殷正茂奏暹罗国王华招宋差夷使进贡方物称原给印信勘合因东牛国攻破城池烧毁乞行补给下礼部议

○铸给科臣巡视光禄寺关防从冯时雨请也

○宴朝鲜国差来谢恩陪臣

○诏修宣府北路边墙墙本先任总督翁万达所筑内塞起滴水崖历雕鹗堡龙门卫至六台子墩凡一万八千七十六丈有奇近被虏蹂践半就倾北阅臣吴百朋等勘议修筑计用粮八千八百一十三石盐菜工食银六千一百七十九两每年用军夫一十九万三千三百一十一名酌量冲缓渐次举行期三年内完报

○乙酉巡按浙江御史谢廷杰请崇祀礼部故尚书金华章懋言金华乃古婺郡宋元之世有何基王柏金履详许谦皆以理学名于当时嗣是而后繇举业进以功名显者固多其人若潜心理学媲美四儒则仅仅惟一章懋焉四儒尚留心于著述章懋则专志于力行节操所昭诚足表仪于后学语录所载亦能羽翼乎圣经合无与四贤一体崇祀于正学祠不惟慰此乡邦后学且以彰我国家人文下礼部覆议从之

○江西抚按题称原任南京吏部尚书王学夔秉铨南北舆论称公迨谢政林泉绝迹公府今已年逾九袞齿德俱隆宜有优恤之典诏遣行人谢廷敬至家存问

○升巡抚江西右副都御史徐栻为南京工部右侍郎

○升福建右参议徐作为广西副使整饬府江兵备

○兵科给事中赵思诚 < 〇〇〇 毓-金 > 罢王守仁从祀之请言守仁党众立异非圣毁朱有权谋之智功备奸贪之丑状使不焚其书禁其徒又从而祀之恐圣学生一奸窳其为世道人心之害不小因列守仁异言叛道者八款又言其宣淫无度侍女数十其妻每对众发其秽行守仁死后其徒籍有余党说事关通无所不至擒定宁贼可谓有功然欺取所收金宝半输其家贪计莫测实非纯臣章下该部

○以协守宣府副总兵刘国充总兵官镇守山西等处地方

○兵部奏优异府江首功诏赏提督殷正茂银五十两纁丝二表里巡抚郭应聘升俸一级荫一子入监读书总兵官李锡升实职二级赏银三十两

○丙戌四川道御史张士奇奏二月分光禄寺用过各项品物除本色外该银一万九百五十七两三钱○兵部奏请查勘原任镇守广东总兵官郭成侵冒兵粮及经繇江西湖广等省逃兵行粮追夺还官以济军饷成时改任四川

○丁亥湖广巡按御史舒鳌< 〇〇〇〇 毓-金 >举遗贤侍郎姜廷颐寺丞耿定向太仆卿蔡结参政顾问副使李廷龙参议高向志曾璠刘应举知府邵天爵凡九人

○直隶巡按御史丁惟宁举侍郎吕时中副使达其道蔡可贤行太仆寺卿周京凡四人

○升江西佥事徐时可为福建右参议

○戊子升抚治郟阳右佥都御史凌云翼为右副都御史巡抚江西地方

○改给岢岚道关防为整饬岢岚偏老等处兵备关防○己丑升刑科左给事中匡铎山西道御史陈文焕为大名严州各知府南京兵科给事中周大烈浙江道御史侯居艮为临江汝宁各知府

○升户科左给事中冯时雨为湖广右参议山西道御史田子坚江西道御史周于德为四川江西各佥事

○擢中书科中书舍人万一贯为山东道试监察御史广东博罗县知县颜容舒为户科给事中

○辛卯升湖广布政使汤宾为都察院右副都御史抚治郟阳等处地方

○湖广巡抚赵贤< 〇〇〇〇 毓-金 >荐楚才侍郎姜廷颐参政顾问副使李廷龙易道谈参议曾璠刘应举高尚志知府邵天爵凡八人又荐尚书刘采副都御史张师载太仆卿蔡结御史刘存义四人又持荐大理寺丞耿定向共十三人

○南京河南道御史田成法患病回籍

○户部覆应天抚按奏安庆卫官军岁支月行粮四万二百五十七石除本处存留及屯田外止派九江等府协济米二万石节年拖欠数多见贮米银不敷一岁支用乞止将拖欠粮银量留九江接济军饷其见徵并以后年分仍旧起解安庆如仍踵前弊拖欠不完比照京边钱粮事例一体参究报可

○给赏海西者刺等卫朝贡夷人金段衣服靴袜等物

○以管分守宣府北路左参将事麻贵充副总兵协守宣府地方

○兵部覆奏巡按御史梁许马政八事一责孳驹一责马种一戒损伤一公审编一革乾头一解科扰一严举劾一议牡种俱依拟

○差南京湖广道御史陈堂巡视下江地方

○壬辰升大理寺左少卿李滋为太仆寺卿

○调改山东分巡东兖道佥事谢东阳御史田子坚劾东阳降调吏部谓东阳性虽偏执守无訾议即其所劾亦无可降之罪仍拟调简○癸巳升湖广右布政使施尧臣为本司左布政使

○升赏辽东长胜清河二堡获功阵亡被伤官军四百四十七员名

○司设监等衙门题称寿定王坟香火地一百五顷乞今自行管业户科参看得香火田地召民佃种有司岁时徵租转给自系定例若使该监自行管业中间未免倚势侵占及额外科索扰害地方合无仍旧听有司徵给户部覆如科议从之

○差浙江道御史张简巡视光禄

○甲午 武宗毅皇帝忌辰遣恭顺侯吴继爵祭 康陵

○复除原任陕西佥事郭石于山东分巡东兖道

○阅视侍郎汪道昆奏蓟昌二镇捍卫陵京其地视各边为重然兵制甚疏兵力甚弱一旦有急则视各边更为不支自庚戌秋徵客戍起民兵合客二十万有奇军饷称是虏既得利时伺近边岁徵发以为常应变仓卒取办目前经制未周章程未定近该镇诸臣相与协谋筑台垣缮器械简车徒为战守之备甚具故戊辰以后虏未敢犯蓟昌曾未息肩减兵缩饷之议纷纷輒起查二镇边境计二千有余里比之宣大则兵为独少岁饷几二百万以下较之各镇则饷为独多总之兵食相须必兵有定额然后粮有定数故兵马钱粮当作一家计算今东虏日事窥伺其志不忘西虏方就羈縻其众叵测边长地重安能去兵师行粮从义安能去食因地之缓急以计兵因兵之多寡以计食因经制之未备者以计万全三者相须非有定额不可因括兵饷总纲一切战守事宜主客兵马粮饷料草稽核筹画备极精密下户兵二部看议

○升大同新平堡守备赵鹏延绥保宁堡守备徐仁威俱陞注四川都司佥书

○著令坐堡官除夫陷城池不得概拟守备不设律

○差工科右给事中刘浑成巡视 陵工

○乙未升湖广按察使陈瑞为本省右布政使

○定各司府州县卫所官拖欠钱粮住俸开俸降级革职改调则例

○改南山参将李如楨为左参将分守宣府北路独石马营等处地方云南都司掌印胡大宾充左参将协守四川松藩东路地方

○忻城伯赵祖征有罪夺禄米半年永不推用

○差广西道御史王琢玉督理两淮盐课江西道御史解学礼巡视长芦山东等处盐课俱兼管河道

○丙申升大理寺右少卿罗凤翔为本寺左少卿鸿胪寺左少卿王之垣为大理寺右少卿

○诏在京四品以上及科道官在外总督镇巡等官各举将材其人树功债事赏罚坐连举主从科臣刘铉议也

○以互市胡马不服水草令变价贮太仆寺遂罢内地寄养胡马之例从御史梁许议也

○丁酉升礼科左给事中张楚城工科右给事中刘浑成吏科右给事中郑岳各为

超群文行迈俗乐善亲贤且其子观焮克绍父志芳躅继美尤人世所难观咬嗜学能文重义好施有东平之懿行元振之高风皆所当表扬以风诸藩故有是命

○诏旌黎山王府辅国将军定炯孝行定炯镇国将军誉棟之子也幼夫怙事母霍氏孝母病危割股故岷王奏乞旌之

○再铸钦天监历日印信一顆

○靖江王府奉國中尉经谕杀小功侄邦甘口传纵火烧其庐广西巡抚以闻诏赐死

○福建巡抚殷从俭〈 銬 銬 〉荐遗逸太仆少卿朱天球副使陈纪参政张英凡三人

○壬子武清伯李伟奏讨修理房屋工价 上诏工部查例工部言皇亲房屋不载会典累朝赐给系出特恩并无修理事例所称陈万言方锐事体俱各不同万言辞居而更给方锐屋狭而增买皆非修理今伟先次所给棟宇焕然安居岁久后次所给爽垲闾邃间数甚多方陈二家难援为例 上以伟房屋旧敞量给修理银四千两不为例工部执奏科臣朱南雍亦谏阻之俱不从

○癸丑 上御文华殿讲读

○赠原任巡抚湖广右副都御史阮文中兵部左侍郎荫一子入监读书吏部言其安定之功潜消默夺优于俘获也

○勒陕西按察使徐愆祚致仕按臣吴从宪论愆祚降调吏部言其衰迟恣肆更重处之

○赐原任南京吏部尚书杨行中祭葬如例

○准原任南京兵部尚书李遂补谥遂子御史栻言父以抗直前后忤夏言严嵩至下狱削籍庚戌之变倡义勤王及平倭难抚叛军诸劳乞赐补谥礼部覆从之

○祀前礼部尚书章懋于正学祠


○礼部议应否常朝官定规除兵部协理戎政侍郎遇开操日免朝户部总督仓场管东官厅禄米仓银库大通桥崇文门礼部提督四夷馆工部管修京通仓户刑二部照磨各部司务俱朔望日朝参刑部提牢主事暂免其余在京差管仓场厅厂官俱常朝其差出城者临时填注门籍

○升定州游击王禄为太平寨参将大安口提调以都指挥体统行事王之宇为喜峰口守备

○口寅日京师大风是夜四川叙州府地震

○乙卯荫总理河道兵部左侍郎万恭子万允位入监读书吏部言恭虽经纶未效于行简无碍近科臣刘伯燮奏荐起用具见公论故用给繇予荫焉

○蜀王宣折奏定藩礼礼部覆庆贺筵宴礼载在会典者所当遵行其出入承运门原不载会典宜仍旧制毋为纷更滋扰诏如议

○兵科给事中刘铤奏国家养兵半藉屯田屯田之弊莫甚宁夏查该镇实徵田一万五千二百五十七顷三十九亩额徵粮一十七万二千六百八十余石谷草二十二万五千六百束地亩银一千三百三十余两年例采打青草一百五十八万七千有奇较之各镇独处其重义年来黄河迁徙靡常良田岁被冲没或淤沙奔压水泽不通膏腴之地日渐荒芜废为确镰之场半成不毛之土又视师者计利遗本创法愈新加派之行日甚一日额粮一石以一斗二升为科法已不凉谷草地亩逐年增起其压荒芜确镰之土及墩台营堡占用之地约粮五千余石谷草五千七百有零地亩银三十三两有奇照丁摊撒令人望空赔纳至嘉靖四十五年差宪臣清理屯田反以增粮为务该镇议增可耕余田一千三百七十余顷增粮四千谷草三千六百地亩银照例岁遂为常说者谓宁夏额田存者十五宁夏额粮增者十二其他力役之征千溪万径尤未易更仆用是军苦于力屯日见耗则藉余丁顶之苦于并役岁以逋亡则按粮数派之顶田之令行则在伍者愈耗派粮之术立则余丁愈逃臣谓实在田亩起科既重则止令其办纳正粮而谷草地亩之徵当议河崩沙压荒芜确镰台堡占用一切无徵之田止当量派谷草地亩而一斗二升之额当议至于四十年所增田粮万万当革如虑有奸豪隐占之弊宜令督抚委官逐一丈勘必使有田方有粮有丁方有役上不取盈以病民下不为增以病国亟罢派田之法务求老弱之苏使人人坚首丘之心则全镇有维垣之赖及照该镇原额并召选军兵共三万八千有奇今逃折已过八千每催科所得仅完八分之数剂量之下似足相当又不必别增帑费然则朝廷何吝此无徵虚名不一蠲去坐耗在伍之士乎<  铤-金 > 下户部

○礼部覆山东抚按奏鲁王颐坦忠孝兼全懿德久著及新乐王载玺等敦伦好学各贤行状请赐敕旌奖从之

○浙江道御史张简奏查刷过光禄寺本年三月分实用各项品物除本色不给价外该银一万二千二百四十三两七钱

○四川金川寺演化禅师差都纲头目进贡珊瑚等物赏彩段表里绢纱银两如例

○兵部覆张宏擅止营操事言春秋操期载在会典诚不宜有所改易但天时人事出于或然亦不容无所变通如京营值风雨之时总协大臣径传免操况南京数千里之远当天雨连绵岂宜拘泥科臣所奏盖欲恪守成宪体乾等所查颠末是亦体恤人情且宏与世忠等称系公同传放即非自专因请行内外守备等官开操止操务遵照会典毋得擅有更易间遇事当从宜者必须公同酌处毋得偏执致滋别议从之

○增筑蓟昌二镇敌台二百座先是阅臣汪道昆言蓟昌延袤二千里之遥京师距塞外二百里而近必设险以守然后廉远堂高先今督抚诸臣沿边筑空心台一千二百余座宿兵贮器戍守有常凡诸要害部署已周独滦河以东居庸以西若松棚诸路中稍有间缺请申命在事诸臣及今相地宜合兵力增台二百计值不过四万两目前分拨班官先事力作期以来春一举毕事台工既竣主客官军专习武事班军精壮者一体就练

缺改调从之

○己未调山东副使宋守约整饬永平

○南京粮储侍郎栗永禄条陈五事一查勘水荒一查参岁办一申明部运一专课有司一量减罪赎户部覆行之

○以原任管领保河二府民兵游击丁添福充定州领军游击

○庚申吏部覆南京科道奏考察事宜言庶官臧否全凭抚按举劾若使在任既荐其贤离任又搜其过是非何繇而定宜严行所属不分见任升任评隲允当明注考词见任者不得曲为徇庇升任者不得过有搜求朝廷设官原无分别但地方有边腹则人之劳逸不能尽同监司有多寡则荐之疏数未免互异宜查照远近难易详为拟议至于边方则量其注措之难守未甚坏稍为曲全示爱惜人才之意至来朝正官必先定其人品心术然后面相质问以为印正义方面官员事体隆重各该抚按宜分别性行才识或可坐镇雅俗或可剴理繁剧或文学优长堪督学之司或边情练习堪封疆之任另揭送部以参订酌处其他催册籍钱粮简教职惜人才及覆北科

○差官角口羊马价银八万八百六十二两于宣大军门

○禁博野王府辅国将军充毯于高墙

○辛酉禁各布政使司上纳诸冠带官不得委巡捕等差并有司官亦不得擅授冠带从御史暴孟奇奏也

○起补回避在籍原任广东右参议杨文明于四川

○升江西广信府知府钱藻为山东副使整饬霸州

○南京粮储侍郎栗永禄奏各衙门卫所仓场及凤阳滁和等府仓粮通关实屯岁支岁用奏青二册繁琐无裨徒恣科歛并乞裁省从之

○兵部覆山东巡按朱文科勘宁前失事< 〇〇〇 〇〇 〇〇 >言虏众兵寡各官罪虽难掩情亦可矜仍行文科勘处张学颜先事预防李成梁临时疾应使万余虏骑不能大逞一带城堡赖以保全请量加赏赉 上是之两人各赏银币

○差贵州道御史王恩民巡视皇城

○工部尚书朱衡覆科臣朱南雍< 〇〇〇 〇〇 〇〇 >言治河之法杜萌销患者上次则随时补弊或筑堤岸以防其奔溃或建闸堰以严其畜洩或导合流以荡其壅滞或探上源以遏其冲突此外更无奇策今防溃决则徐邳之遥堤当举丰河之长堤当加严畜洩则境山之石闸当复吕孟等湖减水闸当建荡壅滞则茶城之合秦沟清江口之合淮水当分布官夫大加< 〇〇〇 〇〇 〇〇 >浚遏冲突则武家口炼成铜瓦厢等处之倒湾当布列大料预筑埽台河南山之太黄堤与缕水南堤当增高厚盗决之禁乞申饬河道诸臣悉心经理多方区画务图经久之计毋恃目前之安从之

○壬戌给原任刑部尚书毛恺祭葬如例

○诏京城内外盗贼生发各该巡捕兵备官虽不系本管地方有能协力捕获者纪

录擢用贼情重者仍行给赏该管地方官加等治罪

○初令杭州抽分厂并管理剥船便宜行事从主事钱楷请也

○癸亥刑科左给事中郑岳因将热审陈钦恤事宜一平之贵虚务获公平之体一
审之贵详务得是非之真一处之贵当毋使有饥饿疾病之苦因言山东司员外郎莫与
侑庸陋贪鄙为京师人非但势之难行抑恐守之易坏章下该部议处施行

○甲子起原任巡抚凤阳都察院右副都御史陈炯为左都御史协管院事以巡抚
山西兵部左侍郎赵孔昭协理京营戎政

○荫故巡抚湖广右副都御史阮文中男阮濂入监读书

○赐黔国公沐昌祚祖母太夫人李氏祭坛

○宴女直进贡夷人三百员名

○申飭南京各衙门官 孝陵行礼遵照会典仪注毋得怠玩< 跣 钭-金 >略

○准追封湘阴恭定王致杞夫人萧氏为王妃 ○刑部请咨行热审事宜于南京
法司照依在京恩例一体钦遵报可

○乙丑准河阴王睦橘长子勤火□午袭封河阴王

○给尚宝司少卿吴伯峒母太淑人陆氏巡抚浙江右佥都御史张鹵母太恭人雷
氏祭各一坛陆氏系加外官三品之封例无祭以自峒供奉 先帝于潜邸比照刘奋庸
例给之

○赐原任南京兵部尚书张鳌祭葬如例

○给赏女直夷人金段衣服靴袜等物并马价折赏银两

○提督侍郎殷正茂奏岭东平寇功次言潮惠贼寇随灭随起党类愈繁流毒愈炽
查得大贼首蓝一清等分其所统贼首各据寨巢蠡屯蚁聚远近凭依声势相应又有剧
贼徐仁器等各据险巢互为雄长阳招阴肆大逞凶残既以七年之病非旦夕可疗况乏
三年之艾将何所措乎臣备将钱粮兵将缕析条分东括西搜截长补短法程既定事有
恒章行据各道诸司会议进剿即有贼众相率乞降臣亦姑示抚处误以多方随檄广西
左右两江动调土兵二万合本处营兵分为六哨移咨南赣军门发兵堵截以防各贼奔
逸克定隆庆六年十二月初二日开刀陆续据总兵官张元勋等报各贼据险拒敌官兵
奋勇大战冲锋历险所向无前通获大贼首六十一人次贼首总六百余人荡洗大贼巢
五十余所小贼巢五七百所俘馘一万二十余众岭东一路贼无一不获贼巢无一所
不破则众无一处不平两府二十县瘴雾重清闾阎安堵诸乡绅人等僉谓地方荡平可
保百年无事乞将效劳各官议超格升赏以明激劝之典章下兵部覆奏升正茂右都御
史荫一子锦衣卫副千户赏银四十两飞鱼绉丝衣一袭元勋升署都督同知荫一子本
卫百户并李棠方弘静参将唐九德副使吴一介苏烈参将李诚立等各升赏有差

○丙寅兵部奏御土变犯铁岭镇西等堡功次言李成梁督各路兵马奋勇出边与
贼立战获虏首五十七颗马二百七匹被伤家丁一十七名射死官马七十七匹成梁又

○刑科右给事中侯于赵奏 皇上御极以来敬以事上帝孝以奉 两宫仁以惠群黎诚以御臣下宜其天道顺轨雨暘以时顾乃日食星变迭示灾异去岁二冬无雪今春祖夏少雨风霾屡日雷霆不作二麦无成百谷未播大江以北将有赤地千里之状百姓嗷嗷莫知为计如此者何故盖上天警戒圣心欲其省身修德为保邦之计耳 皇上即能竭诚致祷复谕百官着实修省以承天意惟天鉴之曾不逾日灵雨随沛一何感格神速哉臣犹思推广德意举时务之急者为 皇上陈之易曰上下交而其志同又曰天地交泰欲召天地之和莫若通上下之情今阁部大臣晋见有定期面语不常继宜御便殿非时召对或于讲读之暇就而咨諏将每日所奏事务问究一二俾诸臣得展尽底蕴详悉敷奏昔叔向对旨侯曰大臣恃禄不极谏小臣畏罪不敢言下情不得上达国家之大患 皇上初登大宝从谏固多言官被降罚者亦不少言官去则进言者惧矣言路一塞则君门远于万里设有隐祸伏奸何繇知其情状愿于科道言官有可来则酌量举行或言过戇直心本无他亦优容不罪至如被谴雒遵景嵩等涣发纶音悉赐擢用如是则天道下济下情上达得非上下交而为泰之时乎臣闻大军之役必有凶年广东积年巨寇一旦削平诚不世之奇功但杀戮既多军士疮痍可悯良民流离可悲善后事宜不可不为加意臣人闻匹妇含冤三年不雨苟一物之失所皆足上干天和今在监诸囚既无复生之理当恤其待死之日需索吓诈狱卒不可不禁祈寒著雨狱舍不可不修秽污从积扫除不可不勤瘟气传染汤药不可不时其未成狱者尤当详审勿令凶残之吏横加捶楚罗织诬陷大小问刑衙门事无干涉勿得概系老幼妇女非奸盗人命勿得轻用惨刑如是则 圣天子好生之德直同天地普天苍生回生者多天亡者少又非修政弥灾之一端乎< 〇〇〇〇 铤-金 > 下该部

○升大理寺左少卿罗凤翔为都察院右佥都御史巡抚宁夏地方○顺天巡抚杨兆奏建 昭陵卫于昌平州卫官八十七员军士一千六百三十三名应建卫应门楼公廨营房共一千九百三十九间合用木植甃瓦石灰钉箔颜料匠作工食共该银二万三百三十余两管工委官二十员米菜银一百八十两装运木植车价银六百四十余两三项共该银二万一千一百六十余两除搜括顺永二府州县应角口羊赃罚等银一万一千九百六十二两尚少银九千一百九十八两乞照例行工部给发其夫役即用本卫各军每名日给米一升五合照例行昌平管粮衙门关支工部覆如兆议以 陵工繁费止帮以顺天苇课银五千五百余两其余仍作抚按凑处

○乙亥工部请建复淮南平水闸与浅船浅夫及建大妃庙口石闸修复境山闸从之仪真建平水闸二座江都一座高邮十座宝应八座山阳二座凡二十三座座三百金自仪真至山阳有五十一浅浅设捞浅二小船船七金浅夫十名天妃口大闸一门除堪改废闸石料仍用二千五百金境山旧闸五百二十金凡费工料一万余金悉听河道便宜酌处不烦请发闸多则水易落而堤坚浚勤则湖愈深而堤厚建天妃闸则时闭时启而省挑浚修境山闸则有留有接而省盘剥既裨运道且资民生议发于恭而衡覆行之

诚万世之利云

○丙子大学士张居正等〈■ 铨-金〉辞广捷升荫不允温旨嘉之赐居正银百两纁丝六表里调阳六十两四表里仍各蟒衣一袭

○升大理寺右少卿王之垣为本寺左少卿太常寺少卿胡禔为右少卿

○复曲阜孔氏世职知县隆庆间御史赵可怀因孔承厚不职建议令兖州府同知管理县务知县祇辖林庙既而愆圣公孔尚贤因其妨已行事复以冗员奏乞革抚按傅希摯吴从宪以为夫 祖宗崇圣之德意采布政使施笃等议奏请复之其选授之法提学道合三学孔氏廩膳生员挨取六名考试取四名送两院覆考取二名送吏部考选一人授以知县仍住旧城管理民事与流官一体黜陟知县不得干预林庙愆圣公亦不得妄行阻挠擅自参论

○户科给事中李戴条上广东善后四事一清税额师行粮从额外之派势不得不然今兵革既息繁费自省正税固当仍旧余宜厘正无因一时权宜之法致百姓永久之害一重撤兵盗平则兵宜散但广东之盗盘据甚久故兵之聚亦甚多一旦散之以勇悍之夫挟易骄之气又处之无可聊生之地欲其守本分不为盗谋得乎宜多方善处庶进为官兵退不失为良民一塞盗穴山野之民不知王法盗巢虽平能保不复啸聚宜逐一计处如地方广阔立镇巡钳束之狭小者编为保甲分属各州县统辖之谕以国法驱之生理一勤抚恤岭东之兵虽以全取胜然破荡之家未复践踏之害未归疮痍未起者或不能自给胁从复返者或不敢自安男女仳离宁无故土之思骸骨暴露宁无盖藏之愿其他颠连哀苦之状不可胜穷宜急为安集以慰来苏之望户兵二部俱覆行之

○督漕御史张宪翔奏今岁漕粮四百万石除灾例准改及山东河南徐州例不过淮洪并留常盈仓外实该过洪粮三百一十一万一千九百五石一斗共船八千五百二十六只以正月九日起至四月十日悉数过洪粮既全运且无闰较之上年过洪尤早因归功河漕诸臣焉

○给翰林院编修沉渊母太孺人周氏祭一坛以渊有潜邸较书劳也

○以陕西临洮巩昌二府驿递役夫疲累改徵站银召募官支从按臣暴孟奇议也

○丁丑以镇守延绥总兵官都督同知雷龙挂印镇守宣府地方

○差河道监察御史陈文燧巡按宣大

○戊寅 上御皇极门传制差官册封诸王准王载坿子翊镜为荣昌王崇翊

〈■ 金 爵〉子常? □ 逮为泰和王雒川庄宪王翊鏞子常渲为雒川王建安昭靖王拱樞子名多〈■ 火节〉为建安王

○己卯升吏部文选司郎中王篆为太常寺少卿提督四夷馆

○户部奏明年分各边常股存积盐一百四十一万六千八百六十八引计该银五十四万四千九百八十七两六钱一分一厘一毫五铢甘肃一十万二千一百五十两延绥九万五千三百七十五两有奇宁夏八万七千九百九十两宣府八万四千八百九十

九两有奇大同四万五千六百八十九两有奇辽东四万三十一两有奇固原一万七千四百三十九两山西神池等堡五万七千八百三十二两有奇蓟镇一万三千五百八十一两有奇合原议专备客兵并岁用不敷及新增募兵年例主客等项支用

○又奏请西城坊等五场召买草束一百二十万备防秋缓急

○以通州草场主事带管张家湾宣课司□税

○礼科右给事中陈渠等上< 〇〇〇〇 铨-金 >言天佛降灵祲异叠见涉春以来早暵弥炽 皇上竭诚致祷复谕百官着实修省乃数日内仅洒微涓莫苏枯槁且风霾频作炎埃蔽天则所谓着实修省者得无多袭弥文乎去岁雨雪未沾 皇上允行祈祷精诚未彻历冬恒盼今又久旱弗雨来牟已无及矣别种播植将又踰期且环齐梁吴楚水泉俱涸东作未兴民无盖藏官鲜积贮物力既殫因以饥馑隐忧可胜言哉伏望 皇上秉虔弗渝倍切恫瘝下省躬之诏布宽恤之令仍督劝臣工毋耽媮玩危惕以思勉修实政< 〇〇〇〇 铨-金 >下礼部

○南京后军都督府佾书都督佾事胡宗舜以病回籍

○吏科给事中汤聘尹请行有司官奉行德意言罪可开释者勿拘成案勿徇避嫌勿徇上司之意词讼严滥受之禁听问开和息之门考职官以循良抚字为上不以多积纸赎为能以劝谕输纳为先不以严刑追并为尚一切查盘不系实侵者原情派追毋得濶坐其已经巡按查盘者抄招呈报不得复查致差遣劳扰< 〇〇〇〇 铨-金 >下刑部议并责成抚按诸臣从之

明神宗显皇帝实录卷之十二

明神宗显皇帝实录卷之十三

万历元年五月庚辰朔升刑部郎中李勋户部主事梁子奇为通政使司左右参议

○准岁加宣大山西主兵料草一月马一匹月费银一两上下三镇马骡凡七万六千四百余计加银六七万两仅从总督王崇古所请之半

○以神枢营右副将程九思挂印充总兵官镇守延绥

○辛巳南京都察院右都御史傅颐奏请遵成法一申明宪纲一申明职掌一申明查盘一申明词讼一申明举劾凡六条吏部覆行之

○是日 上御经筵

○因谕礼部天气炎热经筵暂免日经照常行以后经筵春讲二月十二日起至五月初二日免秋讲八月十二日起至十月初二日免永为定例不必一一题请

○以久旱遣官祷 山川 社稷之神○命两广提督新升都察院右都御史殷正茂仍兼兵部右侍郎职衔

○复以黑沙洲柴课听南京工部稽查内官监侵渔不发致稽烧造尚书张瀚等言之故复

○壬午巡抚四川右佾都御史曾省吾荐抚属人才佾都御史张景贤府尹周椒府

丞何起鸣司直任瀚参政孙宏轼范懋和副使甘茹陈宗虞参议曾震凡九人瀚历铨部改宫僚器格清高心无伎求遭谗构归祸且不测赖 世庙保全沉沦三十余年涵养益深过其门环堵萧然令人起敬

○河南道御史陈文燧条陈养民造士置吏驭兵当振刷者十二事一颁税额以便徵输一稽册籍以清虚粮一建社仓以备賑济一议班军以苏武职一遣宪臣以清戎伍一简职方以振武略一求实学以济世用一复科额以公选举一祀真儒以敦风教一采公论以举遗佚一宽限例以奖恬退一重恤刑以溥德意该部多覆行之 京师雨雹

○工部题南京修葺文武大小衙门会计百两以下者查衙门无碍银两自行修葺百两以上各衙门径自题请下部覆议

○癸未四川巡抚曾省吾又举夙望高风士流所重绝无轩冕之荣者二人左都御史王廷敦恣练达所至磊落守苏郡人比于赵清猷直节劲气始终如一参议谢廷< 卅 涇 >在吏垣当 世庙南巡扣关力争杖谪荒裔起金事以母老乞归再起参议自以病免隐居四十年家徒四壁悠然自得绝无外慕廷以弹劾张齐事夺官是非既明宜照毛恺准复原官廷< 卅 涇 >宜量进京秩以优之下吏部覆诏复廷原官廷< 卅 涇 >升太仆寺少卿致仕

○兵部奏春班逃军分数请治掌印等官二十九员罪降级调卫住俸有差并追正罚工银四万八千三百三十五两发贮太仆寺募夫支用

○升赏辽东清河等堡获功阵亡被伤官军苏云龙李乃彦曹篁等七十一员名

○甲申兵部覆阅视侍郎吴百朋条陈八事一审核权以裨安攘言诸虏通贡固不宜激之使叛以启兵端如或逆节已萌事变有兆即当为意外之防亦不宜强之使从以貽后患初议以通贡为羈縻以战守为实事当申饬预计一严扃钥以卫 陵寝言岔东土墙宜仿蓟镇规制建设敌台一百六十座宁远之柞口墩皮布袋多为建置墩台岔西大山等口于川口建为营城改设守备火石等处加高墙垣与凡边墩系土筑者俱用甃石包砌一移分巡以便弹压言口北道金事宜照旧移住赤城居中调度仍将该城额军补足一千时加操练以便防御一复兵额以实孤城言平虏卫额兵四千宜责成西路参将着意招补除入卫游兵外抽取正兵尽数发补原额仍行各总兵官将各镇官军一体补练一处边城以资控御言马站堡堡小兵重宜量为展拓内盖营房并增廩饩及平虏城中多凿井泉乃河堡移近水泉去处增兵三百名凡近边内地军屯民堡归并修筑务高厚深阔足堪保障一并兵马以裨实用每关排军马不下三四百人各道既无暇操练总参又不得调遣坐食何补宜将宁武排马归总兵营岢岚排马归西路参将营鴈平排马并神机司标兵另设千总统领归东路参将营各道量留夜不收哨探军猜有事不妨随宜取用一汰弩马以供战阵互市胡马良者存留在官不得易利以图节省弩者尽行变卖量增价银易买商民所市胡马给军仍将各营路马匹不时选阅不堪战阵者责令各军变卖有力者自行赔补无力者官为帮助一正体统以重将权言有司公委入境不

得令守备指挥披执跪迎督工官勿论郡县正贰道遇总兵官俱要回避奉旨议行

○令两京内外官口慎刑狱从科臣侯于赵请也

○乙酉浙江道御史张简奏查刷光禄寺钱粮四月分实用各项品物除本色外该银一万一千七百八十九两

○丙戌 孝宗敬皇帝忌辰遣定西侯蒋佑祭 泰陵

○巡按江西御史任春元荐境内未尽人材尚书李迁都御史曹于拱少卿夏棫佥事周采凡四人

○丁亥叙平岭东功原任广东左参政吴一介唐九德右参政兼佥事陈奎副使苏愚左参议顾养谦各升一级

○代王廷琦薨

○兵部覆科臣蔡汝贤两广善后事宜言盗贼初起官不为戒及其滋蔓则官以招抚愚贼图缓焚掠之惨贼以听抚愚官用免征讨之师已而贼势日盛乃议大征视初起更难百倍今后盗贼生发无论新旧即行剿灭不得养寇殃民以贻后患至于良民被胁实非得已比其脱归而穷治之是绝其生路驱之为盗宜审来历令其回籍复业不得罗织以虐无辜从之

○戊子除授庶吉士官职黄洪宪刘虞夔吴中行盛讷王懋德公家臣刘元霖赵鹏程俱编修王祖嫡刘克正张应元刘楚先俱简讨李盛春赵参鲁石应岳萧崇业秦耀俱给事中漆彬赵耀孙成名宋范何汝成俱御史

○勒原任岢岚兵备副使纪公巡闲住宁武兵备佥事赵世相降调阅臣吴百朋题参也

○以武定王府镇国将军翊钊奉祀昌乐王载堙

○己丑 太祖高皇帝忌辰祭于 奉先殿

○户部覆阅视侍郎吴百朋条陈二事一核贮积以济边储言宣大山西三镇查各决仓廩处修葺增置收纳米豆尽入仓廩不得堆垛寄囤致生奸弊商户报中钱粮勒限上纳毋致以折作本勒军支领如有陈腐蒸湿者不拘主客一体挨陈支放一议俸粮以恤边吏言宣镇官吏俸粮仍于税课余地银内支给其一切公用尽俸余剩外支用不足方于开荒银内量拨补仍行抚道益加开垦广为召种所收粮银作主客月粮不得擅拟别项支用从之

○陕西道御史李颐乞召还言官胡濬雒遵景嵩韩必显四人量授别职颐侍经筵因讲官进讲而请也

○兵部覆四川抚臣曾省吾奏都蛮叛逆毒害生灵今发兵征剿土司奢效忠首在调用之列贵州土司安国亨与效忠互有讐隙请将国亨等俱暂听总兵官刘显节制令不得藉口复讐妄有骚动又请借用坝阳守备所领乌銃手及原任总兵官郭成安大朝取充为事官各领兵协剿 上从其请而因责成于省吾显

○庚寅升江西右参政袁随为陕西按察使

○申严宗室越关奏扰之禁也设四川巴中驿巴东巫山两县当楚蜀出入之冲邑小民贫甚为递送所苦抚臣议改道中小桥公馆为驿属巫山县

○升协守山西副总兵署都指挥佥事刘凤翔为署都督佥事充神枢营右副将

○辛卯以广东惠潮二府兵伤行布政司调停各项差徭及罢免一切不急之务

○令居庸关□税除备州卫供应外俱解管粮衙门凑给主兵粮草不得别顷取用支销 壬辰午初三刻忧至遣成国公朱希忠祭 地于 方泽 仁宗昭皇帝忌辰遣武平伯陈大策祭 献陵

○癸巳令提督两广侍郎殷正茂督兵平海贼林道乾闻山寇荡平叛招出海驾言奔投外国又林凤朱良宝等济恶猖狂正茂计大集水陆之众期一鼓就擒其或广海茫茫不能穷追一面扑灭凤宝诸贼剪其羽翼一面捣其巢移大将提兵一使据其倚山跨海之险以待其来即使勾倭内犯亦已有备无患兵科都给事中张书遂请申饬正茂刻期征剿务在必诛兵部两覆之仍乞行福建镇巡严兵协剿

○兵部又议剿广西怀远猺贼言国事当论缓急用兵宜假便宜岭东乘破竹之势事贵急图怀远乃问罪之师功不必速就客兵调募与师期迟速俱听督抚便宜不从中制其借募浙江鸟銃手湖广勾刀手行该巡抚依数督发如岭东事定因此及彼客兵可以不调亦听从宜中止俱报可

○甲午大学士张居正进 宣宗章皇帝御书诗歌册轴 上嘉悦赐居正银五十两彩段四表里亦赐调阳三十两四表里居正等< 硃-金 >辞不允

○乙未复除原任浙江道御史郑国仕于河南道○工科给事中梁式奏重人材恤内地各三事重人材一曰慎起用言各省所举境内人材吏部宜虚心延访酌量题请铨注苟非才干年力的实可用者勿为轻起抚按亦勿轻荐二曰省繁文言荐章考语当简质明白不宜粉飾太华组织太丽过为夸耀之辞如一事可录不必更求对偶一言可尽不必过于铺叙三曰崇宽大言 圣明在上不宜使臣下怀朝夕不保之虑宜敕各衙门务存大体毋过为吹索如旧有小误惟许自新劳在晚节无嫌优叙恤内地一曰轸民瘼言淮徐止存城郭村落榛莽邑里萧条宜设法赈济破格招抚仍加添协济代濒河供应山东河工告成民困方苏要在节省用休息民力宜令有司于诸项徭役酌量缓急减十之二二曰正人心言山东河南北直隶白莲等教诬惑结附往年红罗女之变可鉴宜行各该地方给榜晓谕寢奸于未形解党于未固三曰修武备言内地之可忧甚于边境宜令所司凡地方城堡之增筑民兵之操练兵仗之预备仓储之余买逐一查勘振刷以为阴雨桑土之谋该部覆行之

○赏女直贡马夷人彩段银两及衣服靴袜如例

○开通广西府江水陆诸路改复四土巡简司寻改昭平都司为参将以约束之从提督殷正茂议也

○差刑部主事钱顺德等四员南北直隶审决重囚

○丙申升湖广荆州府知府王元敬为山东副使整饬曹州

○抚治郟阳右佾都御史凌云翼荐地方人材原任监察御史刘存义提学副使李蓂副使黄九成陈宗虞参议高尚志知府邵大爵凡六人

○礼科给事中林景昉请申饬科场事宜一防透露一核互看一重后场一缉奸徒一剔蠹役一糾怠职一议省试一广制额下礼部覆议惟广制额不行

○丁酉兵部覆吴百朋阅视功罪< 〇〇〇 〇〇〇 〇〇〇 >言阅视之遣在宣大山西尤宜精核百朋以钱粮险隘兵马器械屯田盐法胡马逆党八事综核边臣以三镇事势言宣大为难山西为次以三镇成功言山大为次宣府为优以诸臣劳绩言总理者居多分理者为次兼任贡市战守者独苦专任战守者为次至专任战守又废时夫事者罪不容诛诏敕奖总督王崇古赏银五十两纁丝四表里巡抚吴兑升俸一级赏银三十两二表里总兵郭琥升实职一级并巡抚赵孔昭刘应箕各赏银二十两二表里兵巡吴哲等十四员副参李如楨等二十七员各升赏有差游击赵邦宪等十六员革任提问

○以分守山西东路代州左参将王化熙充副总兵仍协守山西○戊戌命礼部左侍郎兼翰林院侍读学士汪鏜充副總裁专管 世宗肃皇帝实录

○浙江道监察御史谢廷杰言学圣人之学者其所表树不过学术事功两端如新建伯王守仁者良知之说妙契真詮格致之论超悟本旨其学术之醇安可以不祀也宸濠之变社稷奠安两广之绩荒裔宁谧而尽瘁戎伍竟殒于官其事功之正安可以不祀也昔先臣丘浚有言曰有国家者以先儒从祀孔子庙廷非但以崇德盖以报功也议从祀者此其律令已南京福建道御史又言< 〇〇〇 〇〇〇 〇〇〇 >下礼部

○户部尚书王国光会同兵部议覆蓟昌经制言阅臣汪道昆奏蓟昌二镇额兵一十六万五千六百四十二员名合用马骡六万一千一百四十六匹头额饷一百六十五万八千九百三十八两有奇将所陈一切事宜详议款列请旨颁行一议减遵化民壮减民壮三千名徵银一万八千两解顺天巡抚衙门转发蓟州道收贮以供军储一议减山东民兵减马步民兵三千名徵银五万六千两供蓟镇军储俟军额已足训练已成通撤南京工食以养主兵此银停止一减辽兵辽兵入卫三千名内五百名原系宁前者仍留本处防守一定额兵蓟镇实在主客官军一十六万五千六百四十二员名即以此为定额后清解到者仿宣府例照数减免班军扣解原卫所月粮加以本镇口粮当主兵之饷一议车营以山海附石门为十路每路立一车营昌平三路兵马数少共立一车营每营驻骑步兵各一校密云遵化三屯设三辎重营每营亦驻骑步兵各一枝一定额马蓟昌旧额马三万九千一百匹除见在及听买补外仍应加马一千六百一十四匹令太仆寺兑给一议加骡加拽车骡一千五百五十五头每头用银十两动支太仆寺马价一议额班山东河南共班军一万五千余名领以二都司管理不前宜照令甲每官止领三千余再添设领班都司以专责成其军仍择稍强者为秋班次者为春班一议诸将廩给蓟镇

总兵官及掾史仍旧驿支昌平总兵官及掾史顶支关税其余副总兵以下一体改支军饷主客将官自总兵官各领班都司各路守备俱支粳米提调支粟米一议将官正驼马料草诸将官例有正驼马四匹标将专备征调驼马草料应准全支各路将既分营练兵亦应准支驼马二匹一议革昌镇将官支关税并家丁名额昌镇既在内地征调亦少不必优于蓟镇家丁大半虚数实为积弊宜据见在名数为额不许复加一议戍守定额该镇两防春三秋四月昌镇仍旧蓟镇春防亦四月守台及塘如之入卫官军延绥宁夏行粮俱十月宣大辽东保定及各班军俱八月各传烽守墩军士及标兵营各路防守官军俟有声息然后赴防两防共四月各台典守军火器械官军常川在台者岁支行粮一议月粮行粮额各路月粮上半年本折以地里远近分别多寡下半年折色因本色难易酌量定价尖夜名数照路之冲缓的定帮粮例同密云新奇兵营永平建昌营募兵各半支行粮蓟州松棚路长城岭等处守台官兵岁支行粮一议料草额料一石密云折银四钱蓟永三钱五分草一束不分大小乾月俱折银一分二厘应本改折者俱一分七厘各标兵准同客兵支行料草一议积贮蓟密永三镇有拨发曹粮及改纳本色报中窆运昌平境内本色独少亦令采买运军余米运入巩华城仓除昌平各营行令就支外其余横岭黄花居庸三路处造车两就巩华城运至各邻近地方以便各军就支一议买料草昌平料价原狭口贾复腾宜委官赴通湾等处收买运积以备急用其不系本年支用宜照各镇通判于关税支給勿支军饷一议闰月逃故扣除积至三年可当闰月不得轻易请讨一议主兵调遣客兵经过及总督抚镇巡边调操合用钱粮岁坐银三万一千两发蓟密二镇各一万永平八千昌平三千有余则扣存分司不足则请于扣除还官王客饷内凑用一议徵发该镇民运银两除直隶催解总督衙门其河南山东共银四十二万两及山东改徵民兵工食银五万六千两俱改行徵解太仓转发一议扣除每岁终督抚等衙门备查各镇扣除若干开数报部比及三年即以三分之一预备本色以待不虞通计六年九年可免一年京运之发自后仍复更始岁以为常仍移咨督抚加意撙节不许将积余银两轻易耗费一议通融主客兵粮或有不足查系应支即于各项下销算但不得致滋弊端及用滥额外一议节省各镇钱粮原有正支即或间有节余亦难每相比宜行管粮郎中乘时平价备饷以省公需依期足数给军以作士气毋徒减克以为节省诏报该镇兵饷既有定额都依拟行以后不许纷纷再议增减

○己亥升文华殿中书夏范正四品服俸范为通政使司带俸右参议九年考满取自上裁遂著令两殿中书官阶升至正五品止如再有年劳止得加升服俸

○漕运都御史王宗沐奏请申饬运务二事一浚河渠以利边运言王家浅银鱼厂一带河道浅涩难行宜令挑浚深广堤岸卑薄者修筑高厚一造官船以便民运言曰粮民船大小参差横塞河道宜依漕船式样打造官船下户部

○户部议加给宣府镇夷丁粮银一等月支粮一石本折各半折色例给银三钱五分马匹草料春夏全给仍月给肉菜银五钱二等月粮与一等同肉菜银三钱其有家口

众多至五口以上者准收幼丁一二口月粮三斗凡真夷通丁必拣胆气过人熟识虏情的可优恤者不得混收致滋冒滥 上是之

○升山西岢岚州守备刘承嗣陕西行都司军政金书

○差官为致仕南京兵部尚书张鳌造坟安葬

○庚子礼部请敕翰林院等衙门官撰进王守仁应否从祀孔庙议以赵思诚与徐棻等三人意异也

○勒致仕翰林院编修曹大章为民南京刑部参其倚势诬诈也

○差贵州道御史许大亨巡按苏松常镇四府

○准前谪戍蓟州管粮户部郎中高光还职御史卢明章勘其亏枉也○工部奏内织染局传成造 上用龙床顶架轿椅帐幔铺陈缴壁轿衣等件合用各色纁丝纱罗绫锦绢线诸物比照开数除纁丝纱罗外多开白生素绫一百疋细绢一百五十疋平罗一百疋细线七十斤衣线一百斤南局岁造钱粮有限若使额外多造势必加派小民宜照例免行派造以苏民困 上从之

○辛丑复除周咏福建道御史王湘山西道御史

○升山东左布政施笃臣为顺天府府尹

○以广东肇庆游击王瑞充参将分守广西永宁广东都司掌印王承恩充参将分守本省昭平等处甘肃平川堡守备卢矿充庄浪游击

○壬寅复除翰林院编修李自华

○发太仓银三十七万两于各边采买粮料草束分贮谨要仓场备明年支用○癸卯升山东右布政曹科为左布政

○增云南角□羊额五名

○靖江王府宗室经谕有罪勒令自尽

○甲辰吏科都给事中刘不息等应诏< 銚-銚 >荐人材原任侍郎吴桂芳刘大实吕时中都御史孙应鳌李秋张西铭李邦珍王轮李尚智张祉吴时来通政赵灼徐浚太常卿袁洪愈光禄卿钟卿太仆寺少卿朱天球府尹王鹤周倬府丞何起鸣尚宝丞金燕给事中夏时陆凤仪徐师曾御史刘存义郎中邓洪震主事高士布政使陈鏊刘子兴参政陈嘉谟顾问范懋和副使王彦民陈纪李廷龙张星张嘉孚张烈文甘茹黄九成参议常三省刘应峰高尚志武建邦李复聘金事周采沈淮刘勃行太仆卿周京知府孙梦豸赵熊凡五十人御史吴从宪等荐止三十五人而外有侍郎运凤翔参政王时槐知府邵大爵三人

○建筑江西宁州上高县二处城垣

○乙巳 穆宗庄皇帝小祥遣固安伯陈景行诣 昭陵行祭礼

○升浙江按察使劳堪为山东右布政使

○丙午户部覆提督侍郎殷正茂等条陈三事一酌处兵费言府江南岸三洞议复

土司并设各堡合用兵饷及听用员役廩粮各项建置开山通道等费议动平乐府及贺
库贮及借布政使司与梧镇饷银共二万一千余两一预定县治言自平乐至梧镇五百
余里声教不通法令不行议于昭平对江西岸设复县治割平乐富川贺三县地并先回
土司田粮属之一处田粮言獠獠所占三洞两岸仙回田土除清还民外尚七万余亩议
拨今立土司募兵领每名十亩头目量加初年给饷并处牛种三年后量科亩三升其防
守调征外一切差徭尽行蠲免报可○添设遵化密云三屯各辎重营及建昌奇兵坐营
官五员

○刑部覆御史陈文燧条陈< 刑部 疏-金 >言国家慎重刑狱五岁一差恤刑郎中
等官简命之重责任之专视诸巡按御史原无轩轻今有浮薄有司奴颜婢膝于御史之
侧而趋趋简抗于部使者之前礼体一任其参差称谓但凭其口吻少不如意多方阻拗
致名倒置纲纪荡然部使者之心志不得直伸朝廷之德意不得畅达不思玺书之重出
自朝廷轻部臣即所以格诏令即所慢朝廷臣格诏令慢朝廷其为不忠孰大于是文燧
条陈及此盖目击心愤思为挽正之计宜申飭旧章遇当恤刑慎选素有才望者
< 刑部 疏-金 >名请差府州县官不得仍蹈前弊藐视阻挠有一于此或降级或罢斥恤
刑官不得再务隐忍甘心纳悔亦不得过于搜求自乖政体从之

○丁未升浙江右参政刘继文为本省按察使

○升广东惠潮守备指挥僉事徐天麟充肇庆游击四川雅黎守备指挥僉事丁良
弼为光叠茂南路游击以辽东广宁游击傅廷勋充分守险山等处参将

○是月减释江南湖广重囚四十二名口

明神宗显皇帝实录卷之十三

明神宗显皇帝实录卷之十四

万历元年六月己酉朔命尚书陆树声宴待朝鲜国进献陪臣

○以阅视纪录宣大山西副总兵麻贵麻锦参将贾国忠李如楨李国珍杨尔干王
国勋薛邦奇赵崇璧葛臣凡十员革参将徐行提问仍更置参将及游击奚元张元宝濮
东阳吴昆任秉公补于汉廿口死宗儒韩文范恭九员

○诏秋防在迩各边严加戒备总督镇巡着实督理综核不得怠玩误事

○庚戌准瑞金王朝壤长子在钠袭封王爵

○以招徕投降人口赏犒前延绥副总兵高天吉等银两有差

○辛亥吏部奏应起各官尚书刘采等九十三员 上报曰朝廷诏举遗佚原为求
贤这奏开各官还要细访其才品年力酌量起用毋得一概滥用开幸进之门今后但系
起废的查系何人荐举并开来看○调山东左参政龙光于浙江

○铸给苏松常镇督粮道关防

○壬子赐原任巡抚江西兵部右侍郎兼都察院右僉都御史李一元祭葬一元未
经考满因事革职抚臣张佳胤奏称操履克修名节无玷乃得复职准给恤典云

○改铸苏松兵备浙江水利二道关防俱兼管河道

○锦衣卫奏请成造卤簿大驾 上曰国用未裕朕方加意节省这成造驾仪待三年后来说

○丁卯起原任抚治郟阳都察院右佥都御史孙应鳌仍以原职抚治郟阳

○旌烈妇七人新喻县民李佑妻周氏夫溺水死以幼女闺秀故忍死时有富人以百金啖其翁迫使改室周氏夜自斂具将赴水死闺秀方七岁不能舍母亦从死永丰县民刘耀旦妻罗氏正德六年因洞贼起与一老妇共匿后林中为所获贼欲犯之罗唾骂不从投井死泰和县民曾易周妻罗氏嘉靖四十年闽广盗起易周率乡兵拒盗为贼所杀贼得罗氏欲污之罗氏骂不从中枪死临川县民王霈妻莹姑归霈两岁霈死誓不改嫁翁姑苦贫欲夺其志莹姑绝粒三日沐浴更衣自缢死瑞金县民谢栋妻郭氏有姿色嘉靖四十年时流贼肆掠郭氏携幼子匿山谷中贼迹得欲污之忿骂奋拳击贼面贼怒杀之裂其尸临川县民张炜妻徐氏夫死守节七年母强之嫁托疾谒太华山遂投紫玄洞崖死永丰县民刘晔妻罗氏正德六年洞贼起与老姑俱匿林中为贼所获欲犯之罗氏唾骂不从投井死各旌其门曰贞烈

○戊辰兵科给事中陈吾德奏 陛下诏举遗佚人虽求旧爵不滥加深得砺世磨钝之微权诸臣< 〇〇〇 毓-金 >中才望素隆者多有其人如原任左都御史刘焘贪肆无忌屡经弹劾至逼取土夷黄友瀚银六千余两貽变地方轻夷心辱国体两广士民万口窃笑国法若明焘罪何避乃与遗佚同举以应明诏人臣报国全系此心大本一亏他无足赎焘黷货营私心术已坏欲其忘身殉国难矣 陛下初政宜登崇耆旧有德以风示四方如焘者岂宜复玷崇阶以速官谤< 〇〇〇 毓-金 >下吏部覆看迺吏部言焘行虽不羈劳亦难泯即有缓急尚足为恃其受友瀚赂事催看明白方可议拟

○己巳巡按陕西御史赵焕言行太仆寺卿不便兼理分巡事务请将苑马寺卿仍兼佥事分巡平凉一府旧分巡道止管凤翔太仆寺卿免兼道务止令照旧兼佥事职衔每年二次巡历分管地方点闸马匹其旧分守道仍驻泾州通管平凤二府< 〇〇〇 毓-金 >下吏部覆议行○赐故封南京刑部尚书赵相祭葬相子大祐为南京兵部尚书终养先亡其孙奏请恤典礼部查与被罪削籍者不同著为例

○兵部覆京营五事一序将领以明职分谓三大营将领名实差紊宜照依副参游佐等职级战车城守等事务顺序立营以原设之官管理原营本部推用亦各照营分充补一顺车战以便各操谓车战二营相湏为用若平时操演分而不合则临敌参差缓急何赖宜将二营均搭齐备时分时合着实操演使驰击环卫各尽其长一议选募以实营伍谓京营见军止八万六千八百有奇粮本空虚宜革退老弱残疾选家属精壮者替役其招募之军审系亲族有身家者俱准替补其各省解到新军逃者严行拏解不必再贴盘费貽累穷民一储将材以备任使谓废弃将领及京卫各官近多告赴边方至使京营乏人宜除例不叙用外其有年力精壮谋勇可观者听其具告赴部试验委用一处军器

以裨实用谓该营军器不堪应用宜令将领如式造枪刀各一件送工部转发该厂照式改造仍将各军悬带腰刀一体议处如议行

○以墙子岭参将罗端管理三屯右营标兵原任密云副总兵董一元改充墙子岭参将

○庚午升总督蓟辽保定等处军务兼理粮储兵部右侍郎兼都察院右佥都御史刘应节为都察院右都御史仍兼兵部右侍郎照旧总督

○发王客年例银于各镇延绥八万一千两辽东五万六百一十两大同一十三万二千九百二十两山西八万四千三百九十两

○兵部覆操江都御史董尧封条陈江防曰事一重要害谓圖山及三江会口为江防第一门户宜查补水兵各满旧额八百名巡哨擒馘与京军更番防御瓜洲骁勇脚兵止精选四百名量处工食一并操备一理兵饷谓江防兵饷等银止存二万二千有奇口粮不敷宜将添复圖山三江会口及瓜洲水兵饷银共一万一百五十余两酌派应天等府和州等州一十六处并革去篙师等项名目俱曰操江军饷一议战船谓各营兵船及随船火器火药等用并一切操赏等项公用止取给二巡江赃罚并操江纸赎支用不敷又圖山三江会口既复兵七百三十六名当量添沙船十只请将仪真梁头税银岁解一千两备修造船只支用一复水手谓每船旧设水手六名或七八名后裁减水兵前项工食遂不编金今既添复兵船议将各府座船一十五只分派战船领驾从之

○辛未以代王廷琦薨辍朝三日

○兵部覆界岭桃林二口军功言斩获之数虽微然使虏众败酋首仅免其发纵指示破敌冲锋或同事驰驱或遥为声援均当论叙而尤推总理戚继光兵备徐学古为首功奉旨刘应节扬兆戚继光徐学古各升赏有差

○以 昭陵工竣赏尚书朱衡等银币有差仍荫侍郎熊汝达一子入监读书

○壬子以淮安水灾异常发常盈仓米六万石賑之仍缓徵今年起运钱粮及准明年改折

○复留故徽州群牧所管军于禹州守御地方郡王不得干与

○兵部覆御史孙综言虏情叛服诚不可常我各边事体亦难例论在宣大山狭则以贡市为羁縻以战守为实事至于蓟昌辽保原与贡市无与在辽东则四时皆待战之期在蓟昌保定则春秋皆戒严之日宜申饬诸臣虏未互市加谨堤防勿堕阴谋致貽后患从之

○以南京夜巡千人防守不敷选拔三营马步官军一千名添委卫总八员管领

○户部题收孤贫五百六十一名口发宛大二县月给米三斗岁给棉布一疋

○癸酉赏朝鲜国进献陪臣织金罗衣段绢靴袜等物

○兵部覆湖广抚按奏牛角尖盗劫客船致溺水死水兵九十名参兵备金事戢汝止等 上以江洋失事重大住汝止俸令戴罪同邻境协力捕贼仍谕抚按官申饬江防

守御

○甲戌 孝庄睿皇后忌辰遣抚宁侯朱冈祭 裕陵

○赐文武大臣及讲官正字官鲜笋

○丙子升国子监司业范应期翰林院修撰陈经邦为左春坊左中允修撰何雒文为右春坊右中允俱兼翰林院编修编修沈鲤为左春坊左赞善简讨许国陈思育为右春坊右赞善俱兼翰林院简讨

○ 孝穆皇帝忌辰遣恭顺侯吴继爵祭 茂陵

○降调云南洱海佥事赵孟豪按臣侯居艮论劾也

○勒山西偏头关参将魏廷臣闲住按臣李采菲论劾也

○兵科给事中赵思诚奏请清查河道钱粮雇徐淮贫民修挑海口抚馭山东岛人教习海运船卒以避风险旨下该部

○丁丑赏岭东获功土官银币有差

○工部请差科道官查刷 昭陵一应钱粮仍请以后凡有大工完日题请查盘永为定例

○戊寅复移驻山西屯田佥事于应州专管山西三关大同一镇屯务兼清军应山场北楼营伍从总督王崇古议也

○裁革淮扬凤徐等处十一递运所从巡抚王宗沐议也

○是月减释山东重囚一十九名

明神宗显皇帝实录卷之十四

明神宗显皇帝实录卷之十五

万历元年七月己卯朔 上享 太庙

○封德王载澄世子翊金口管嫡第一子常邦口清为世孙

○兵部尚书谭纶参车驾司主事熊敦朴厌簿部属及狂悖怠玩之状乞行罢黜敦朴坐谪两浙运判 初建商丘县儒学先是附于府学巡按褚鈇以为请

○工部右侍郎熊汝达考三年满荫其长男生员熊士威入国子监读书

○发太仓银八千两于蓟镇为加添抚夷之用

○辛巳著令僦运御史事完止分别有功迟误人员一切漕河等项文册俱免造报从张宪翔议也

○发补赏军银一万一百八十六两有奇于大同镇

○宴女直进贡夷人

○差御史四员清理各省戎伍河南道田乐南直浙江云南道易仿之江西福建陕西道李颐广东广西湖广四川道张士奇云南贵州四川

○工部覆给事中赵思诚< 疏 >言黄河挟百川万壑之势益以伏秋潢潦之水拔木扬沙排山倒海所向无坚不瑕所赖以容纳者在海而输洩之路则海口也海

口梗塞一夕则无淮安再夕则无清河无桃源运道冲决伤天下之大计人民昏垫损一方之生灵关系诚不浅小故必疾使之洩其害始息必多为之委其洩始易淮安旧有八口今止存其一委既少则流必缓诚宜早计亟图至于近年河水未尝加益特因河决之后冲刷未尽淤垫遂积故河身日高堤岸日卑日卑日增终当奚极宜行河道诸臣逐一踏勘会议具题以请 上是之

○改湖广霞流驿为黄堡驿改铸关防一颗

○壬午□仁孝文皇后忌辰遣定国公徐文璧祭 长陵○礼部覆河南抚按勘过建德等十三府以一府钤束不便议照弋阳王府事例各自管理其绝府等宗悉附亲支以遂昌景宁二府附阳城未封新昌庆云二府附嘉定其太和阳夏德平荣阳怀庆威平延津孟津上蔡太康各府宗仪听自行管束一应礼仪亦各听自举行建德王长子载坪俟服满袭封听自管府事其各府迎接诏敕宗庙祭祀俱轮递从尊各移咨遵守

○荫工部右侍郎熊汝达次男熊士弼入国子监读书

○准晋王新<□□土典>侄镇国将军新墻嫡长子慎镜入府侍药

○癸未命左春坊左中允兼翰林院编修范应期右春坊右中允兼翰林院编修何雒文典顺天府乡试

○升翰林院编修李自华为国子监司业

○甲申总督刘应节<□□足 毓-金 >辞新命不允

○浙江道御史张简奏查刷光禄寺六月分用过钱粮除本色外该银一万一千五百七十六两六钱

○刑部参中都留守司领班都司丙继先私占卖放官军及科索军银七千三百余两且复曲庇私人掩飾已罪奉旨革职提问

○乙酉旌表孝子四人贾洙河南归德府生员菽水承欢父母没各庐墓三年曹必和江西南昌人母盲舌舐复明亲没庐墓三年曹珊江西都昌人母病尝粪侍药母病果愈亲没庐墓三年珊复后姓郭刘静江西万安县生员幼孤家贫事母孝遇贼欲杀其母恳求身代贼横槊刺之母释静死尸七日不变后其母享年八十额其门曰孝行节烈妇九人湖广茶陵卫指挥郭纲妻许氏江西高安县民廖仁妻吴氏新金县生员邹輿妻吴氏泰和县生员高北妻萧氏尹汤妻郭氏星子县民吴辅国妻崔氏安福县生员姚相妻欧阳氏吉水县民陈洪妻刘氏庐陵县民彭辅妻刘氏俱年未二十守节至老各旌其门曰贞节烈妇六人江西南城县民丘沉未婚妻吴氏名珠姑进贤县民方赵二妻支氏归德府儒士沈堪妻王氏开封府杞县民张汉儒妻郭氏邳州民张子道妻瞿氏河南汝宁县生员周吉妻蔺氏俱夫亡自缢各旌其门曰贞烈

○起原任宣府南山副总兵胡镇管理宣大总督军门中军事务

○丙戌发主客兵饷银二十二万六千八百两有奇于蓟密永昌四镇合在镇各项并先发共银一百四十三万二千一百三十八两有奇通共额饷银一百六十五万八千

九百三十八两四钱九分九厘二毫四忽又发易州镇客兵银二万五千一百一十七两有奇

○发太仆寺马价银七千两于蓟镇亦备加添抚赏支用

○丁亥兵科给事中陈吾德参礼部精膳司主事宋儒捏成章奏谤毁 圣政污蔑大臣熊敦朴致有谭纶参劾狼心蚕尾公论不容李熙又言敦朴与儒面质流言虚伪立辩词穷备极丑态同列为泚于颍朝士欲批其颊并请斥儒< 〇〇〇〇 铨-金 >下吏部降补诏下降补儒山西按察司经历

○戊子定徽府管理府事各郡王府宗仪并应奏事务听各府自行管束举行其迎接诏敕及宗庙祭祀各王府轮递从尊赐各王府镇国等将军中尉生母封号

○给女直夷人职事衣服金带金顶大帽

○命侍郎汪鏜待朝鲜国陪臣上马筵宴 赏女直朝贡夷人金段衣服靴袜仍折给马价并正赏银两

○南京福建道御史石横上< 〇〇〇〇 铨-金 >国家以祀典为重当祀而不祀则无以崇报功德不当祀而祀之又何以激劝人心王守仁谓之才智之士则可谓之道德之儒则未也因言致良知非守仁独得之蕴乃先圣先贤之余论守仁不过诡异其说玄远其词以惑众耳朱子注< 〇〇〇〇 铨-金 >经书衍明圣道守仁辙妄加诋辱实名教罪人方宸濠未叛书劄往来密如胶漆后伍文定等擒宸濠于黄石矶守仁尚遥制军中始则养虎贻患终则因人成功朦胧复爵报以隆重若又祀之不免崇报太滥< 〇〇〇〇 铨-金 >下礼部

○改设湖广黄堡驿裁革霞流彤关二驿

○兵部覆四川擒斩凌霄贼首阿苟等言六乡都蛮久为叙南之害盖因据有九丝岩险又据凌霄城相为犄角凌霄可上则九丝在吾目中险隘既分则都蛮犹指掌上其功诚有足嘉但丝蛮众有徒尚繁计穷势迫必至死斗请行抚镇官多方筹算一举荡平诏蛮寨既破着曾省吾刘显督率文武将士乘势运谋奋勇进剿务扫除尽绝以靖地方

○己丑右春坊右赞善陈思育以病回籍

○铸给广东各道及各海防同知关防

○以苏镇补军多寡赏总兵官戚继光等各银十两副总兵杨鲤等各罚俸有差

○庚寅陕西行太仆寺少卿兼佾事衷贞吉为河南提学副使

○催解各处拖欠凤阳仓粮该仓岁派二十七万一千五百余石自嘉靖四十三年以来欠至一百二十万有奇南京户部侍郎栗永祿奏请催之

○以原任分守山西东路代州参将充军复职指挥佾事林爵充分守太原等处参将

○刑部奏以天气暄热遵旨释减各罪犯人共三百五十一名口报闻

○辛卯以倒夫骑操马匹数多山海等关营参将等官罗端等四十员罚俸降级有

差

○周府富阳王勤焯有废为庶人发高墙禁住

○壬辰勒原任整饬蓟州兵备参政杨锦冠带闲住锦以边才超迁巡抚后拾遗听补守制在籍阅臣汪道昆追论其事乃褫职

○升湖广宝庆知府蔚元康为陕西行太仆寺少卿

○荫总督侍郎刘应节子生员刘元勋入国子监读书考满加恩也

○河南道御史田乐请差宪臣督治顺永保真四府水患章下工部

○癸巳□元节遣英国公张溶等分祭 九陵及各园寝

○福建右布政使温如春以疾致仕

○诏司属官差满违限及升调迁延久不赴部者参治

○差山西道御史王湘巡按顺天等府

○乙未升贵州按察使刘侃为福建右布政使

○丙申 成祖文皇帝忌辰遣泰宁侯陈良弼祭 长陵

○兵部覆延绥巡抚张守中练兵事务其法取各营堡见在之兵或衰多益寡或合少为多每三千为一营镇城凡四营神木靖边定边榆林四路凡七营共十一营官兵三万三千悉挑选骁勇壮健可为战将战兵者行诸将分统操练阵法及武艺炮火之法或以间开垦荒地以助储饷无事之日各在本地操练守堡将官不得劳扰待套虏侵犯方许会调合营出战诏着守中务实举行

○兵部又覆阅视侍郎汪道昆奏阅过辽东全镇修完城堡一百三十七座铺城九座关厢四座路台屯堡门角台圈□整山城一千九百三十四座边墙二十八万二千三百七十三丈九尺路壕二万九千九百四十一丈俱各坚固足堪经久因叙督抚镇道诸臣劳绩并请给前项工程银一万六千九百一十两得报巡抚张学颜总兵李成梁兵备李松参将马文龙等各升赏有差

○准给益世孙翊劄修府工价世孙府第被毁已久抚臣徐栻奏给补修银三千七百八十五两工部查有淮衡二府例 上乃准给并宥栻擅动官银之罪

○丁酉升贵州右参政程大宾为本省按察使

○发明年年例银六万两于延绥镇预备粮草缓急支用从抚臣张守中请也

○以将朝觐有司官限十月内尽完粮银方得离任违者坐罪

○山东按察使兼右参政潘允瑞条陈军民二运事宜一议处成造漕船以裨大计各省粮船改照湖广江西式造深大坚固二船可抵三船每十年计可省银二十三万五千有奇解部济边一议兼辖以速粮运凡沿河管河官员乞听臣兼摄庶便督责修浚及时运船不至浅阁一均补润以一兑法以前米色有湿润者军旗恃强每百石勒补或至二三十石今限以五石如晒扬乾洁止平兑不补一宽恤船户以全运务漕船漂没数多一时难造不得不雇用民船得利甚眇本非乐从乞严行各关刀得仍抑勒收税一专职

任以恤官军各帮船过淮后专听漕运总兵及臣催僦果系故意延迟照例捆打其沿途衙门不得任情凌虐无辜一禁止参谒以重粮运运官钻刺者凡遇途次驻劄及经过上司輒停舟参见一舟既停千艘守候以后非本管衙门不得时刻停泊滥行参谒一议造民船官船以垂永久前议改民船为官船计各粮长雇价岁费银五万二千有奇即以此银徵解成造其改造修理亦照军船年例不造年分仍徵解前银除修船外解部济边一议撑夫以定常规粮长雇募撑大岁费银五万两有无籍之徒每至逃脱今既造官船其撑夫宜令有司选本地精壮谨实之人愿役者充之每船十二名即徵前银给发一严督运以专责成岁运白粮有总部领运等官近多规避误事宜责令依期完兑随军帮齐发督催前进不得在任稽延及别差委用以妨重务一遵议单以厘宿弊起运白粮虽有量带上宜亦与军运便同合申饬各关一体免其徵税经行闸座关津仍拨夫挽拽前进不得仍蹈前辙巧为科索下户工二部覆议惟补润难以一概五石仍行抚按酌议具奏余俱如议行

○賜华阳王承燿书院名乐善

○诏祀吴与弼陈献章胡居仁及元儒吴澄于各乡社

○戊戌 上御文华殿讲读驾还命中使导辅臣及讲官诣后殿东九五斋恭默室阅庭中花卉诸植赐茶而退

○勒巡抚大同都御史刘应箕回籍听勘以言官交章论劾也

○巡按直隶御史李学诗奏建清浦县于唐行镇报可

○兵部覆阅视侍郎汪道昆举劾将官副总兵胡守仁等四十员附纪录用参将谷九皋等一十七员革任备御高可行巡按御史提问具奏

○工部覆御史田< 田 毓-金 >言四府所属州县频年水灾昏垫已极盖滹沱黑洋白沟诸水会合经行之地下流壅塞输洩无路一遇暴涨则卑洼潴滞方数千里田产被其覆没臣等请敕责成二处按臣盖水之潴处多在顺河二府水之出口多在真定所属利不必出其土害不可委于邻令踏勘被灾地方下流阻滞作何< 田 毓-金 >通上源泛滥作何约束应挑浚者导之应堤坝者筑之故道可复则复桥梁可建则建苟有利于生灵宜无分于彼此合用夫役钱粮及淤出地土钱粮应否加派滹占田产赋税应否蠲豁严限具奏请自 上裁报可

○给原任户部尚书马森生母封太夫人何氏全葬

○己亥升四川副使林舜道为贵州左参政

○庚子兵部奏阅视侍郎汪道昆举劾三镇文武大臣独推练兵总兵戚继光为首升一级刘应节杨兆孙丕扬张学颜及李成梁杨四畏傅津各升赏有差李勇法司提问

○辛丑升河南左参议朱绍舜为四川副使

○工部覆巡抚大同右副都御史刘应箕奏国家建都燕京各省直岁造军器辇致内库凡为强干计也近年朝廷念宣大蓟辽切邻虏境独准留本镇料银以办本镇军器司边

计者能严于督察无令虚冒新旧相成何不充之有今应箕輒以山东河南料银为请不知各省料银专为内府供应而设二十四监局年例额数各有项下往年内作近日 陵工悉仰给于此近因灾伤拖欠所储无几然军器持料银中一件耳京军逐日披执侍卫及岁时祭祀三大营操演稍有损坏旋即更新所费甚为不贖且留其赢余兼备意外之警为征防之需应箕顾谓寰宇清平两省粮可以免解尤非通论近御史唐炼议折额解胖袄以图用 明旨尚责其纷更本官此请难以依拟 上是之

○壬寅户部奏上年陕西三边简易揭帖固原延绥宁夏甘肃四镇至客兵马共用粮料一百一十四万一千七百四十三石五斗二升比前年少用六千六百八十三石三斗九升用煤炒九百三十石五斗六升比前年多用八百九十六石五斗八升用草七百三十七万八千六百九束比前年多用七十八万二千九百二十四束用布八千六百七十七疋比前年少用二万五百二十一疋用银一百二十六万七千一百一十八两五钱比前年多用五万二千九百二十五两七钱四镇粮料煤草等项折价并银共比前年多用六万四千五十两共实在银一百四十八万五千九百四十九两并总督戴才巡抚曹金郃光先未笈廖逢节及兵备粮储等官杨旂王宫用杨起元吕鸣珂晋应槐原森张体乾张守中张梦鲤王继善程鸣伊汪文辉刘之蒙梅友松孙坤胡虽新等经管又催完民屯盐引粮料八十四万七千六百六十六石五斗五升比前年多六万七千三百四十七石七斗四升草二百七十八万二千一十四束比前年多一十九万六百六束布一万三千一百九十九疋比前年多九千七百八十六疋银九十三万九百九十一两七钱比前年多二十五万四千八百六十七两九钱诏该镇钱粮先后奏报差至数万督抚等官如何不用心稽核著巡按御史查明具奏

○户科给事中赵参鲁上〈○ 铨-金〉争祀王守仁〈○ 铨-金〉并下部

○癸卯升山西右参政申佐为都察院右佥都御史巡抚大同地方赞理军务

○除补原任江西右参议田汝预于河南分守河北道

○甲辰吏部左侍郎刘光济以哀病乞休不允

○添设大同管理车营游击一员兼理巡抚标下中军事务

○乙巳复除河南道监察御史雷稽古

○升山西行太仆寺卿兼佥事王惟宁为本省右参政兼副使阳和兵备

○丙午给建州右卫都督佥事八当哈职事衣服

○丁未吏科都给事中刘不息参听勘巡抚刘应箕不宜揭辩言孙鏞受耳目重寄得以风闻言事况与应箕同处地方其见闻必真应箕宜闭门省口付是非于公论顾愤恨不平辞词求胜其自称虽过誉而莫耻其毁鏞必丑诋以伏心乞照贪例革职御史周咏等亦参之章并下吏部

○升浙江副使赵宋为山西行太仆寺卿兼佥事

○留四川总兵官刘显戴罪进剿都蛮从抚臣曾省吾请也

○命陕西抚臣郅光先剿除回贼

○湖广荆州承天二府大水

○是日释减江西重囚二十三名

明神宗显皇帝实录卷之十五

明神宗显皇帝实录卷之十六

万历元年八月戊申朔以四川征剿都蛮免叙州嘉定宜宾江安富顺府州县正官明年朝覲

○给致仕南京兵部右侍郎丁以忠祭葬如例

○湖广荆州府地震至丙寅方止

○升赏蓟辽保定各兵备官王一鄂高文荐孙应元徐学古王之弼五员以阅视荐其有裨边务也

○庚戌翰林院修撰张元忭以送母回籍

○豁除宁夏各项赔粮一万二千一十一石有奇仍令开垦荒芜清查侵隐以渐补充原额

○兵部议剿都蛮赏格各路分为三锋头锋冲锋陷阵不得斩级二锋三锋相率继进兼取首级大捷后通计首功先以十二分头锋然后合三锋共分之零斩小捷赏照旧格一人擒斩三名颗者升一级不愿者每名颗给银十两幼男妇女亦一体分给阵亡者给赏十两重伤一两轻五钱○差山东道御史万一贯巡督两浙盐课浙江道御史漆彬禁陕西洮河西宁等处茶马

○辛亥辽东巡抚张学颜因旱灾条陈五事一减见徵之粮一补未给之粮一给遇闰之粮一催积欠之粮一徵本年之粮旨下户部言屯粮遇灾止照分数折徵例无蠲免额例不计闰以一年逃故扣除之数积至三年可当闰月其山东布运二司连年拖欠一十四万七千余两严行催解并今年额银一十四万九千七百余两量预那解以济急用从之

○壬子阅视陕西三边侍郎王遴条陈六事一集练兵马仿原任参政张守中取集属堡兵操练及调遣时合营余日仍归各堡居住地既未尝空虚人亦不至过苦一安插墩军仿先抚臣余子俊每墩置墩院令墩军随带妻小不但守边兼亦自防其家杜脱逃旷离之弊一修葺城堡固原等处极为冲要城堡堪为保障者无几宜令抚臣严行修葺期成一方巨防一谨守要害花马池为督臣节钺之地兵马寡弱宜查复近革陕西新军并参将营一营调发或改取腹里稍缓墩军月粮随宜召募其红德城游击下马关环县各守备亦量为改移并力守边一酌议兵食延镇仓库已竭官军有半年不得支折色两三月本折全不得支者请量给闰月银及量增盐引数万一亟处侵盗商人何思连年侵盗召买银三万三千余两经手官岂得无罪因议四等罚例虽升迁去任并得追论章下户兵二部

○兵科给事中萧崇业条陈救时五事一曰崇正学一曰核实政一曰重言路一曰
缉告讦一曰禁侈靡下该部

○差御史郭思极巡按辽东

○癸丑罢海运

○命右春坊右谕德兼翰林院侍读王锡爵左春坊左中允兼翰林院编修陈经邦
典顺天府乡试

○甲寅以建元 圣寿赐辅臣张居正银六十两钞罗斗牛蟒衣各一袭吕调阳银
四十两钞罗仙鹤衣各一袭讲官陶大临丁士美各银二十两二品胸背罗衣一袭陈经
邦等四员各银十五两五品罗衣一袭正字官二员各银十两本品罗衣一袭居正等

< 跽 铕-金 > 谢 上报闻

○扣留河州起运西宁固原二仓及兰州广济仓粮银一千四百两有奇补给参将
营军士月粮以镇原县起运一条城堡粮银拨补前三处仓库之数永为定额从抚臣郅
光先议也 四川叙州府地震

○江西道御史卢明章奏开浚河道事宜一曰详踏一曰专修理言顺保河真巡按
岐而为二兵备分而为四势既不相统属议自不能通融且兵备及州县正官方在开浚
忽令迁转不惟本处工程不完即上承下接均有不便功何繇成宜差司官一员驻劄适
中地方同各州县正官细加踏看预定河身凡干系开河兵备州县正官及承委官员俟
工有次第方得循资迁转工部以司官权轻仍守前议而请停迁各官以便责成 上是
之

○以辽东修完城堡巡领等官升赏各有差

○乙卯 孝康敬皇后忌辰遣丰城侯李环祭 泰陵

○户部覆阅视侍郎汪道昆条陈辽东三事一增折粮一便给发一济清勾道昆言
辽十一月粮每石折银二钱五分子于诸镇太薄除无警地方及选锋支行粮外议将两
河戒严月分月加银一钱岁共银四万一千八百一十两于山东未解民运内动支部司
驻劄广宁各处赴领劳费不费宜令具数关白巡抚衙门檄各道差官代领分发其解到
新军加惠而安集之强弱皆可为用往往以夫所不死则逃以后解到宜先给安家银一
两随委官安插以著五日始为始照册支粮道昆议甚详妥而增折安家二议竟格于例不
行

○以 万寿圣节遣定西侯蒋佑等祭 九陵及各园寝

○兵部覆阅视侍郎汪道昆条陈边务一十五事一准功罪年来罪罚不平变置太
亟宜定为科条凡有失事均厥罪罚无专治主将而略于监司部领仍宽其文法虏入无
輒按其罪状责令因败为功待事定乃总论其功罪诛赏之一分责成调度失宜功罪失
实总督自任完缮不豫罪巡抚虏形不察军政无纪战阵无勇罪总兵刍饷不给罪户部
分司信地不严专责不举罪监司部将一一事权岁终举劾功罪宜照旧听督抚会题三

镇巡抚俱涉军务宜如福建广西例给旗牌以便行事一明赏罚功繇发纵指示以当事者为最等而下之赏有差繇冲锋决战以血战者居先等而上之赏有差罚亦如之一宽中制一切战守事预行整理有警报则朝廷制之以静使边臣得因时制宜无怀疑阻候事宁然后计其得失一止流言边将辄于积弊怙势干进如不得逞辄布流言遇有虏警复植私党骂虚声以乱名实总督抚镇往往被其中伤宜严行禁止犯者重究一练标兵标兵倚挟声势居常则违约束遇事则规避趋宜每年二七月令镇巡官互相比练分别殿最春秋两防亦分发各路与客兵并力防御如有功罪一体同坐一固封守蓟镇边墙恐日久朽颓责令该道及各分守将官画地分区如法帮筑三和土墙三尺立限告成永为保障一开边利塞外多沃土可耕宜责令南兵结伍朋作岁收听耕者取给或量易赏物以抚守口夷人各官不得辄肆科克一重严关山海关最为要塞主事职专讥察宜照居庸等关例给关防其关税仍令蓟辽巡抚分上下半年委官管收不得归并本关致妨正务一移近卫三屯营原无卫所标下各营文移止借用遵化各卫印信殊非事体宜移忠义中卫于三屯城内令指挥千户经历各一员赍印赴任其旗军分春秋二班一赴守三屯一留休遵化遇警俱赴一屯营守城一据险隘曹家寨孤悬虏地宜于将军台地方为城筑七台据为内险本寨游击止统提调一员宜于吉家庄增一提调燕河一路虽有提调二员所辖边不过六十九里宜割擦崖子界内十二里付之一济冲烦石匣古城二驿不系通衢而熊儿谷原无应付滦阳驿应付不敷宜移石匣驿于熊儿谷西五十里太仆庄以古城驿归并滦阳一止追呼戍边官军藉以卫畿甸遇两防时各该兵备有司不得一概勾掇其边军帮丁自有定例有司亦不得苦以他役一杜影射遵化铁厂多殷实丁壮影射其中宜行清查每三丁抽一军入边操其二即任帮贴诏依议着实行

○丙辰 上御皇极殿传制遣大学士吕调阳祭 先师孔子

○广东右参议詹仰庇以病致仕

○升密云兵备副使王一鹗为山东右参政照旧管理密云

○户部奏各衙门会议漕运事一浚河渠以利边运一均领兑以减脚价一均补润以一兑法一恤船户以全军务一专责任以恤官军一禁参谒以重粮运一造官船以垂永久一议撑夫以定常规一严督运以专责成一遵议单以厘宿弊一议官攒以杜冒滥一议置斛以平出纳一申旧例以重轻赍一查解额以清隐弊一核漂流以便处补俱从之

○改派宁夏镇主兵浙盐一万五千引于固原镇扣固原镇主兵银五千二百五十两解宁夏镇抵补所拨盐引之数从抚臣朱笈请也

○ 孝慈高皇后忌辰祭于 奉先殿

○赏女直贡马夷人彩段银两及衣服靴袜等物

○丁巳兵部覆阅视侍郎汪道昆奏经略京四诸关以固畿辅事永保定等关口应建敌台三百五十六座每座计工费二百二十两主客兵春秋二防每五百名完台二座

期以四年告成其浑河南岸应行昌易二路亦各建一台有坚固不如式者责令各官从新赔筑仍严禁炭厂奸商不得侵伐林木其广昌灵丘等县仍听保定巡抚兼摄贤能者与境内有司一体荐奖

○人覆道昆保定善后三事一议驻守每年防秋巡抚移驻易州总兵移驻紫荆留兵待调恐误事机宜令各照旧规以部兵出守给与行粮料草又浮图峪为紫荆门户宜以总兵当之待虏有东意则移守关参将军于浮图总兵则移驻紫荆听援如总兵赴援则以巡抚代守紫荆又茨沟营外通山大内产矿砂宜裁革守备改属龙固关即以本关参将提兵驻守一议应援保定一镇外备宣大东援蓟镇昌策应防御不可不为先事之计宜仿蓟镇各立车营配以标下精壮士马每营步骑务足三千或二千五百为率仍多办火器如法训练专备应援截杀一议犒赏防边犒赏所以鼓舞将士一旦裁革所省甚少所关于军机甚大或动支贓罚或行措处宜行查复

○又覆道昆辽东善后六事一减入卫言宁前中前所孤危尤甚宜再减入卫宁前所留五百共足一千责付中前所游击统领操练以备战守一习战车广宁辽阳二处车营暂借各营步兵人无固志无益于事宜皆改用新军不足量抽墩军余丁补之每营务足一千二百名各委专官管练期一年有成一补操马该镇无他桩朋官银请发太仆寺马价银一万七千两以一万分贮两河备补临阵倒失方责纳桩银其七千两买骡七百头分发各营驮载一开鄣塞张其哈刺佃子土沃可耕且去暖阳等处适中声援易及宜移建孤山堡军于其地又险山宁东江沿台大佃子新安等五堡地多不毛军无可耕出险山一百八十里亦得沃地宽佃子长佃子双塔儿长岭散等五区且当松子岭等处极冲之地宜将五堡军移建各处修建六堡合用银八千八百八十六两粟米一万八千九百石一固边疆设险守要不独宁前当修筑墙台在全辽保障自锦州迤东抵三岔河又自三岔直抵旧辽阳当一一修举定为一劳永逸之计一处逋逃辽人窜伏山东海岛辽之官司不能统摄致赋役愈繁逋逃愈众宜将辽阳管捕都司一员移住登州专管岛民以事讯察俱诏依议行

○戊午升湖广僉事蔡一槐为广东左参议

○己未 上御经筵赐辅臣及讲官万寿金字各有差朝鲜国差陪臣表贺 万寿圣节 上命尚书陆树声宴待

○兵部奏延绥巡抚张守中修建清平常乐双山等处边墙请动支今岁抚赏银一万两及麻口黍粮园地二顷银五百八十两有奇外尚少银四万五千二百四十余两户兵二部三七处发仍行布政司催拖欠民壮工食银湊补报可

○兵部覆奏巡按直隶御史余乾贞条陈清理军政八事一厘正尺籍以清弊源一总核收除以杜奸蠹一备录军单以防隐匿一颁行册式以一成规一议处长解以苏偏累一就近关补以禁迁延一岁终考核以示劝惩一刊给事例以昭法守俱如议行

○庚申升兵部职方司员外郎刘自存为湖广僉事

○丁卯吏部尚书杨博以病请假并辞印务不允

○升陕西右参议刘淳为副使备兵洮岷 赏朝鲜国进贺陪臣彩段衣服等物如例

○加辽东右屯卫备御徐国辅游击职衔管锦州守备事调锦州守备吕儒为右屯卫备御

○戊辰发太仓银一万五千两于保定四千一百二十两于辽东为前修筑敌台移建堡城支用

○己巳 宪宗纯皇帝忌辰遣新建伯赵祖征祭 茂陵

○夜月犯井宿第一星

○免经筵升陕西副使张梦鲤为山西右参政

○湖广抚臣请旌表烈女熊仙大仙大麻城县生员熊幼学女年十七字童生刘康康病女再割股寄之闻其病革即不饮食及窆吞块触棺穴女党救还复屡缢不遂救者益密女知不得死辰起栲沐拜康灵谒家庙及诸尊长给姑与母曰不死则守但惫甚欲息静室入室即闭门撞击姑母破门则已倚立气绝

○庚午左春坊左庶子掌南京翰林院事余有丁以病请告兵部右侍郎吴百朋请假省母工部右侍郎熊汝达以父老乞休

○南京河南道御史陈王道奏赞圣化隆治安十事一曰养圣躬二曰勤圣学三曰隆继述四曰端好尚五曰固邦本六曰慎边防七曰时接见八曰纳谏诤九曰蠲逋负十曰恤淹狱报闻

○诏辽东建一门忠节坊表故军郎荣家杰广宁归附军也杰景宾宝用恩得志得君得臣三汉山松得功秀凡阵亡十四人三汉千户松参将杰妻臧宾妻赵山妻刁秀妻李景妻马恩妻李三汉妻杨宝妻鉄得臣妻陈得君妻王得志妻吴用妻唐松妻傅得功妻王俱守节阅臣汪道昆奏请建坊表扬其鉄氏等见存七口仍岁给米布瞻其孤嫠云

○南京刑部奏奉钦恤恩例减释徒杖笞罪犯共二百四十名口

○辛未 上遣中使赐吏部尚书杨博猪羊酒米瓜茄等物博奏谢

○壬申南京户部尚书曹邦辅致仕邦辅给繇入京中途患病< 繇 毓-金 >求致仕因言臣家居得生全犹欲图报尺寸若古人临退上言时事及退居著书上进臣愧无学术但愚心昔曾经谪边方亲见达虏骄横四散抢攻堡砦隔远中间虚隙处甚多诸将绝无一人肯乘机出一奇计破贼者任其抢杀人民不胜其惨臣实痛愤至今扼腕近闻黄台吉渐有窥觐之志万一有事臣儆不即填沟壑虽老不能领兵愿如古有军师用臣坐帷幄中策军情犹如口也臣年七十之外光阴能几所欠一死以报国若不以身自许何以报答 圣恩故不避时谗忍耻言之

○癸酉翰林院编修张位请令翰林诸臣日轮数人直史馆候有 明旨及朝讲召对宫禁游习凡一言一行据见闻纪之其各衙门所奏行大事关白内阁者亦据缘繇纪

其节略俱俟阁臣裁定藏之秘府以备参考下礼部议

○赐原任巡抚福建右副都御史殷从俭祭葬如例

○兵部奏阅视侍郎王遴举劾陕西镇文武各官得旨戴才郃光先雷龙廖逢节佟登等升赏有差杨鳌等分别罚治

○诏行两广军门及闽浙各巡抚协剿逋贼林道乾等不得推诿观望贻害地方

○甲戌升河南道御史雷稽古为南京大理寺右寺丞山东副使郭文和为甘肃行太仆寺卿兼陕西佥事

○总督屯田乡兵事务直隶河间府知府丁诚为陕西副使○复除广东道御史郭庭梧

○光禄寺少卿袁三接给假送母

○丁丑升尚宝司司丞郑履淳为光禄寺少卿

○兵部右侍郎吴百朋以省亲回籍

○吏部尚书杨博以病乞休辞甚恳切 上仍温旨慰留

○是月减释云贵重囚二十四名

明神宗显皇帝实录卷之十六

明神宗显皇帝实录卷之十七

万历元年九月戊寅朔 上御皇极殿礼臣进大报等祀日册

○赏贵州宣慰使司进贺舍人表里钞錠及泰宁等三卫夷人彩段衣服等物如例

○庚辰工部右侍郎熊汝达致仕

○升工部屯田司主事耿定向为尚宝司司丞

○曾子裔孙曾继祖奏臣祖质粹自南北归蒙授翰林院五经博士父昊先故臣以目盲未能请袭生子承业俟其承继知县曾袞捏词妄奏部勘已明今复以嫡序为繇冒袭前职切念臣祖来千百余年户有多丁不思其祀独臣祖质粹忧念远祖破业忘身挈家奔北追思无倦得沾 圣恩博士之职起自质粹与他支无预乞敕验查以彰法典曾袞复以嫡序奏辩而吏科给事中李盛春左袒继祖谓曾袞之袭有大可议者五请行二省虚公审实以杜后争< 〇〇〇〇 毓-金 >俱下礼部

○升分守延绥东路左副总兵孙国臣镇守陕西协守宁夏副总兵刘济镇守宁夏

○辛巳 孝恭章皇后忌辰遣遂安伯陈澍祭 景陵

○吏部尚书杨博再< 〇〇〇〇 毓-金 >乞休不允

○复除浙江道监察御史房楠于湖广道

○壬午升太仆寺少卿宋仪望为大理寺右少卿

○升河南左参议郃大经为陕西洮岷兵备

○癸未广西右布政李淑以父老终养

○以湖广荆州承天二府水灾异常山东济南府旱荒各蠲折有差仍行令赈济

○以浑河水泛伤永清县麦禾蠲税粮之半屯亩照分数折色

○以原任台金严参将艾升分守宁绍○添设保定标下奇兵营坐营官一员

○甲申革广西副使金柱任听勘柱先任潮州兵巡金事按臣杨一桂劾其贪纵也

○升南京都察院右都御史傅颐为南京户部尚书大理寺卿陈一松为工部右侍郎河南右参政杨俊民为太仆寺少卿

○户部覆总督王崇古等题修边支费言宣镇节次修墙及北路宁远等口包砌墩台并瓮束台工共该粮二万三千六石银三万九百九十三两请用上一年余剩银米及量用减哨银外另行动支减哨银因边境宁谧積有七万余两原系正项军需况抚赏有旧规修边有户七兵三明例除兵部题覆动支九千四百两以后宜令管粮郎中扣留在库不得另行收贮致难稽查亦不得别项支费从之

○乙酉以原任分守延绥东路左副总兵高天吉分守延绥东路分守宁夏灵州参将陈力协守宁夏

○丙戌升河南卫辉府知府王天爵为广西副使分巡桂林道兼管抚夷金事凌瑄为河南左参议河南金事郭孝分守关内道王谣俱为陕西左参议

○免徵通州参将营马匹朋银该营军马月粮既薄料草又不全支且有捉捕盗贼之责阅臣汪道昆等言之乃比张家湾备御营例马匹倒死止徵桩银解太仆寺

○丁亥命总督陕西三边戴才以兵部尚书掌南京都察院事

○升太仆寺卿李幼滋为大理寺卿

○署刑科右给事中侯于赵上〈刑部疏〉言古之论囚者必多方求以生之不忍轻寘于法今朝审举事阙庭大臣会集正古者狱成公卿参听之意岂可目为泛常不尤加慎臣见该部开报重囚尚三百九十七名口身陷刑辟者固多中间含冤茹痛汲汲引领于今日之审者不知凡几除恶逆强盗原招不必翻阅其余宜分散各司参互预审备造小册分送与审官员使晓然知其始末原繇推鞫之际不厌详悉所见异同更相□决毋或漫不加意随口落笔至厂卫番较急于成己之功忍于入人之罪一涉盗情不问真伪百方拷打备极惨酷招认出于逼迫赃物不无装坐一至法司万口莫辩伤主民之命干天地之和莫甚于此今后厂卫所获强盗必送法司细加研审如情真罪当方与纪功毋得诬执扶同概施戕毒之手共成罗织之狱刑部覆如于赵议从之

○戊子升湖广按察使王世贞为广西右布政

○賜吉王翊銮生母叶氏封为吉端王次妃

○四川长宁安抚司差番僧被只等三百人贡珊瑚等方物给赏錡钞如例

○升兵科都给事中张书为河南右参政兵科给事中赵思诚为河南金事御史杨家相为山东副使漆彬福建金事丁惟宁河南金事

御史杨家相为山东副使漆彬福建金事丁惟宁河南金事

○吏部尚书杨博三〈刑部疏〉乞休 上以博疾久未愈准驰驿回籍调理

○密云遵化永平设武学铸给印信各一颗

○益阳王府辅国将军致捐奉国将军致□木勿□□有罪各罚住禄米三月

○兵部覆征剿府江功次兵备副使郑茂等分守参将杨世料等各升赏有差

○以宣大保定山东河南等处入卫兵马强弱虚实不齐赏罚各统兵参游都司等官

○己丑兵部覆福建海贼犯閩峡澳等处失事之罪总兵俞大猷革任闲住参议徐时可罚俸三月协理等官俱住俸戴罪杀贼事宁之日仍提问具奏

○以招徕归正人口赏山西总兵官郭琥银二十两琥招凡五十四名□

○庚寅升兵部左侍郎石茂华为都察院右都御史仍兼兵部左侍郎总督陕西三边军务命阅视兵部右侍郎王遴回部协理

○升河南左布政吴道直为太仆寺卿江西左参政徐学谟为湖广按察使

○户部覆漕运都御史王宗沐议覆遮洋总言国初海运岁运七十万石以给辽海后会通河成海运遂废然尚留遮洋一总原有深意至嘉靖末年给事中胡应嘉建议裁革并入山东江北诸总前制尽罢应嘉以乡土之故忍变成法有识者未尝不扼腕而叹近因河道淤沮当事诸臣复起新议劳费更多海运二年道路稍谳今虽议罢宜查复遮洋一总即改海运把总为遮洋把总领兑河运北粮仍知会兵部海汛有警暂调海口为狼山声援从之

○户部覆御史陈王道固邦本酌逋负二事言节财当先其本源养民当责诸守令皇上轸念小民赋税之难用度有经不至糜费屡下存恤之旨以苏穷民然所以宣布德意全在有司宜行申飭令其悉心体国惠养元元差役必省审编必公一切无名之徵不急之务足以耗民财者尽为之革至于逋负之蠲乃朝廷宽恤盛典然奸顽影射侵渔弊难枚举宜行各处遵照诏旨除金花银外一应应免年分数目不得横徵使小民可沾实惠若肆意贪残实效无闻抚按官参奏重处是之

○以锦衣卫佾书余荫提督巡捕管卫事

○修理午门正楼及左右阙门

○差官为故巡抚福建右副都御史殷从俭督理造坟

○辛卯改南京工部尚书张瀚为吏部尚书先是吏部尚书缺有旨推公正者二人铨曹以葛守礼未衡及瀚名上是日辅臣张居正侍 上于文华殿以部< 〇〇〇〇 〇〇〇〇 >示之问三人孰可居正历言三人官履之详上曰葛固端人但年近衰于朱则有贬词又问用瀚何如居正顿首曰上得之矣瀚品格甚高文学政事兼长实堪此任且出其不意拔之疏远之中彼之图报必当万倍恒情矣 上遂点用瀚

○礼部尚书兼翰林学士陆树声以病乞休不亢

○赐大理寺右少卿胡櫟母封太恭人毛氏祭一坛

○广东惠州参将沉思学以水土不服改调别用

○以修筑延绥固原二镇边墙奖赏同知张孔修知县乔承诏并各营委官其兵备参游等官已经阅视之赏者不复及

○发太仆寺马价银七千二百一十二两于蓟镇买补入卫倒死马驴

○兵部覆甘肃巡抚廖逢节奏言西番各族原系安插属夷乃阴行恶逆出没不时前伤都司罪尚未赎继殒百户恶则复盈所获贼番扯阑奔即宜梟示其头目把都尔宛卜等始虽同恶今幸改图既能执献前番又复承捕后恶足以赎罪宜行督抚分别犒赏至于防守各官不能严加哨备以致失事宜行巡按御史逐一勘明分别具奏从之

○壬辰加易州兵备副使高文荐山东右参政职衔

○升湖广提学副使姚弘谟为江西左参政分守南昌道调陕西佥事刘之蒙于河南分巡河北道

○户科都给事中贾三近< 〇〇〇 钰-金 >驳延绥巡抚张守中议革管粮郎中言守中所揭郎中乃张体乾也管理督饷百万刍粟于是取给辄乃闭合燕闲漫无防简任左右夤缘为奸肆行侵冒使穷边疲卒日夜望升合延残喘者累月不及支则将焉用督饷为哉革去部臣专任司道是矣第部臣岂尽如体乾司道岂必尽高出体乾上苟得其人虽部臣亦足以革弊苟非其人虽司道亦足以长奸守中之说因噎废食非通方之见若徒计较于体貌之昂缩谋议之异同其为自重自便之私又甚矣宜照旧用部臣督饷户部覆如三近议革体乾任听勘

○兵科左给事中蔡汝贤参通政使李际春言福建按臣刘良弼奏海贼入犯事情际春稽阁六日方进御前泄泄若此万一虏骑长驱边烽告警其不失误军机者几希际春竟坐改调南京

○升江西右布政吴文华为河南左布政

○升蓟镇统领南兵总兵胡守仁为都督佥事镇守福建

○礼部覆陕西巡按陈文焕奏韩府襄陵王府镇国中尉融炘等乐平王府奉国将军旭糖等褒城王府奉国将军旭□□土等西德王府奉国将军谟垌等同赴省城讨要远年禄粮照全狭分封四府惟韩府最蕃禄为难处自隆庆间至今有司以额派不足多方那借已欠至一十七万六千五百余值此匱竭之际新禄且不能如期旧禄将何以补给各宗骄恣如往年凌辱官司诚为殷鉴诏为首者降为庶人余俱夺禄半年

○癸巳兵部左侍郎石茂华< 〇〇〇 钰-金 >辞兼衔不允

○命协理京营戎政兵部左侍郎赵孔昭回部管事

○以辽东倒损马匹数多罚守备王大章等二百二十七员各俸一月

○甲午霜降节遣定国公徐文璧等祭 九陵及各园寝

○调山东佥事张廷弼为陕西佥事驻劄宁夏

○命工部尚书朱衡会审秉笔

○乙未升兵科左给事中蔡汝贤为本科都给事中户科右给事中李日强为礼科

左给事中兵科给事中李颐陈吾德刑科给事中李学一俱为右给事中颐吏科吾德本科学一工科

○升江西按察使柴涑为本省右布政礼部精膳司郎中金学会为湖广提学副使

○赐益府金溪王翊铄配黄氏封为妃

○禁各宗室不得越境选择仪宾及诸抑勒需索之弊时礼科给事中李乐以为言

○差南京御史蒋科巡视南京营务孙成名巡视凤阳等处仓粮

○丙申命总督宣大山西军务太子太保兵部尚书兼都察院右副都御史王崇古以原职协理京营戎政

○升南京吏部右侍郎林濂为南京工部尚书

○丁酉兵科左给事中蔡汝贤奏王崇古始议通贡二三年间朝廷免西顾之忧其功诚伟 皇上任之亦可谓专矣第虏情尚难测边防尚未固正望崇古始终经略成臣子之大忠乃忽焉推举京营夫循资止可驭长才非所以待豪杰迁陟止可酬年勋非所以振事功今一月之内戴才升任矣不浹司崇古又推再继此刘应节亦推边疆重臣一朝尽易岂庙堂久任责成之初意且崇古久与俺答处信义相孚威望素服无故骤易能保老酋不疑或新任者稍不满意致生衅端岂可无虑如悯独劳嘉乃丕绩则旌以玺书金帛可优以崇阶世荫可何必假京营以酬报邪御史周咏等亦言朝廷待崇古不薄玉带崇阶锦衣世袭在崇古不知当何如图报昔李牧备边十余年班超在西域且三十年何尝以劳久而逸之今为崇古谋则得矣如边疆大计何 上曰朕体念边臣不欲竭尽其力王崇古且着回京管理营务便推堪任的替他

○兵部左侍郎王遴以病乞休

○升福建左参政阴武卿为江西按察使

○户科给事中颜容舒奏国家货用之需近则内府远则边储不得已取办商人视其所入而偿之值以为有负于商则当量与处分以为无厌之求则当明示杜绝夫极边重地既籍其资本不与处补又令其揭借以办新粮商人岂不重困或者向之所输粮豆未尽乾洁草束未尽鲜黄上纳未尽足数当事者明知值浮于货特以原有定估故稽停之以抵今日尔若珍珠之与粮豆草束贵贱低昂十百千万用之愈急则其价愈腾取之既多则其利益倍异时内府缺用铺户徐宁金昇等与内监商人凭依城社朋比为奸自知所得无算故虽有余价未偿隐不敢请 皇上鉴往事之误方且敦朴为天下先不迫论垄断遗奸幸矣可复容其陈乞之私宜行严禁以后边商京铺人等有未给价值祇于本处原行衙门陈告不得仍前成风尘渎 天听户部覆如容舒指从之

○户部奏巡抚赃罚银两系题奉钦依解部济边之数不得别项支用秋防犒赏俱是从宜措处原无奏留赃罚例且此端一开各镇必皆援请宜令照旧解部济边以后秋防仍照年来事规尽行措处

○以虏酋歹青卜言兀专难及切尽黄台吉等各有窥犯之谋行蓟辽三边各督抚

总兵等官加谨堤备相机战守共保万全

○刑部会官审录重囚于承天门外

○戊戌勒南京礼部右侍郎董传策兵部职方司郎中张明化各回籍听勘明化族兄张云有讼事于巡抚张佳胤以百五十金托明化求申明化进其三之二于传策传策受之已而惭于吏皂遂怒其使并原帖行兵马收问明化以兵马属已管辖复强取为开脱计传策催之急明化乃扬言传策父已先受云贿写书其子我不过代为传递若必欲发觉我亦具本奏讦大家休官去耳传策竟为所持容隐南京科道因交章论劾云

○调江西佥事马时奏于山东备兵昌平

○以酋首隐布台吉等监市勤劳给赏彩段衣服仍赐各夷敕谕一道以示嘉奖

○以贵州宣慰使司庆贺违限减半给赏布政使司官夫于简正各夺俸一月

○兵部覆蓟镇督抚官刘应节等奏言各卫所官军先则轮班京操后议更番出戍非特拱护京边抑以练习战阵安内攘外相须并用法至善矣然必部伍正统属明事权定使将与士相习方可责有成功向以班军脆弱在边率均搭分布以致部伍零散领班官又虑在卫外有所骚扰止令于边镇取齐其来其去与各军漫不相涉是以纪律不明行阵无法罔裨实用宜如应节等议每将统班军三千名分布曹家大水石门松棚太平五路各地方每路二班更番对代各将官衙门军伴应付等项行各道随宜处给俸与地方官一体行事每遇上班抚道衙门稽查催督令其整队鼓行一如出征事理依限赴边听候分布防守下班之日各将亲行统领振旅而归地方无事听各将官双月一操抚道衙门亦乘暇一阅间遇盗贼窃发听本处抚院调度征剿各该将官悉从本处巡抚节制兵备兼督所属守备卫所又听各将官管辖凡选用头目更补官军俱呈详督抚随宜委用上是之

○改密云等武学教授为提调各增设科正二员俱选三科武举充之从督臣刘应节议也

○兵部覆南京兵部尚书刘体乾奏言留都根本之地且 陵寝所在关系尤重原额军不下九万余名马五千一百余匹仅足防御今军止二万二千名马止二千九百余匹比之原额消耗已多矧值闽浙警报壤地相接守备单弱实所当虞宜如体乾等议选各卫余丁随伍操练照给全粮动支库贮草场银两买马六百匹应用从之 己亥起原任巡抚大同兵部右侍郎兼都察院右佥都御史方逢时以原官总督宣大山西等处军务兼理粮饷

○庚子革原任鄱阳湖守备升湖广都司佥书冯锐任四卫

○辛丑升福建提学副使宋豫卿为本省右参政

○添设辽东广宁右营游击一员以坐营中军杨五典充之

○刑部奏会审过情真重犯三百五十三名口诏报照例处决

○查刷光禄寺浙江道御史张简患病回籍差湖广道御史房楠接管

○壬寅升南京太常寺卿王好问为通政使司通政使改南京兵部右侍郎李棠为南京吏部右侍郎

○给原任太仆寺卿罗良及锦衣卫管事都督同知孙钰各祭葬如例

○降前冒封怀仁襄垣二王子女爵号

○刑部奏会审有词犯人一十九名俱再问○刑部奏会审犯人有可矜疑者二十三名口俱饶死发边卫充军妇人及笃疾者俱释放

○癸卯升陕西右参议胡定为福建提学副使

○兵部奏赏义院口等功先是六七月间客兵方撤未集虏乘间侵犯义院口窟窿台大毛山小河口诸处在边官兵奋勇拒堵竟使一骑不得近边请赏督抚总参等功诏赏刘应节杨兆威继光各银三十两纁丝二表里张拱立加副总兵衔余升赏有差

○差南京御史何玉德巡视屯田

○差御史赵耀巡禁陕西洮河西宁茶马

○刑科覆奏应决重囚 上以建元之始暂免行刑山东巡按俞一贯亦以为言从之○工部奏修理 茂陵稜恩殿及门并左右香库请行礼部择日兴工

○行江南遵照诏书例蠲拖欠芦课银两从陈王道条陈也

○甲辰礼部覆礼科右给事中陈渠等〈臣疏〉言令甲四品以上大臣殁给祭葬所以酬往勩示后劝也成例虽颁私情弗禁臣子乞恩者概引事例过徼宠荣私自请陈渐滋渎滥宜斟酌彙等所议凡大臣病故应得恤典见任两京者繇各衙门公差者繇各差抚按官各查勘具奏具在家致仕养病给假等项病故者各地方有司申报抚按覆实类奏若大臣见任不拘见任致仕其父母妻曾受封遇有病故者其应得恤典特许自行陈请其致仕在家等项倘有子孙微弱官司留难一年外抚按官不为代奏者亦许自行陈乞本部仍行据抚按查勘一体议覆至于溢法比之祭葬尤宜慎重若不系公举其子孙自行陈乞者一概立案不行但易名彰善得者既以为荣则不得者即以示抑国家成宪遵行已久所陈美恶并溢臣等不敢轻议从之

○免追徵山东罢戍民兵支过草料工食 □工部奏修 献陵稜恩殿及宝城明楼请行礼部祭告兴工

○河道侍郎万恭奏今年七月黄河水涨沔池县张成口至深五丈徐州黄水骤发阅月方始归漕皆故老所竟言未见者因自称调度机宜合房村口堤一百余丈正河千里安流通茶城口淤一十余里回空千艘速出仍开国初以来治河之法及今所探各处浅深以闻〈臣疏〉下工部

○乙巳 上御皇极殿太常寺官奏请孟冬时享 太庙

○升山西提学僉事刘奋庸为陕西右参议驻劄商州

○准封吉王翊銮生母夫人叶氏为吉端王继妃○差官为原任太仆寺卿罗良督理造葬

明神宗显皇帝实录卷之十八

万历元年十月戊申朔 上御皇极殿颁大统历日 上享太庙

○起升原任南京太仆寺卿殷迈为南京太常寺卿

○复除原任广西右参议曹栋为浙江右参议

○原任巡抚山西改协理京营戎政兵部左侍郎兼都察院右佥都御史赵孔昭致仕

○兵科给事中刘铉劾原任总督王崇古甘心媚虏欺诳朝廷躐取爵赏及将败露复仗钱神偃然内补崇古断不可用 上问王崇古五千金贿嘱何人铉无所指 上责铉轻听风闻污人名节令崇古遵新命供职

○己酉 孝洁肃皇后忌辰遣定远侯邓世栋祭 永陵

○免经筵

○镇守湖广总兵官平蛮将军隆平侯张恂缴敕失仪罚住禄米一月○庚戌兵部覆延绥巡抚张守中奏练兵必先择将今欲使将不乏人一在议简战将一在预养将材各边将官游参以上其责愈难则更易愈数当设法专任如在延镇即宜简练延镇所产将预先咨送兵部遇有员缺即以推补限以三载苟无大过加升职衔照旧管事六年九年至十二年皆然其无能不职者照例处分操守以下其数愈多则迁转愈难当设法
< 通本镇三十一营堡各操守官多有才干技艺可取者出身不易甘为下流无志向上宜将各堡操守官裁革改设守备不拘本镇外镇遇缺即行迁转报可

○辛亥升应天府府尹陶承学为南京大理寺卿

○改纳密镇本色米草为料豆先是各仓匱乏民运尽改本色后漕粮既增积贮有余本色草束徵收不便输运又难阅臣汪道昆曾欲改纳黑豆至是户部从督抚议通州及三河宝坻密云平谷四县民运除额派内府光禄寺外尽改徵黑豆照所定龙庆石匣熊儿谷镇虏营各仓上纳计银一万七千一百二十两有奇该纳豆四万二千八百石有奇每豆一石定银四钱丰收平价照纳本色如年岁不登徵银解密云分司候给客兵愿支折色者

○赏四川长宁安抚司进贡夷人段绢银钞如例

○革山西都司掌印达九思任回卫

○以辽东静远等堡斩虏功次升授官军王玳等四员

○壬子令翰林院五经博士曾袞回籍候勘

○兵部覆总督刘应节捷奏言虏酋兀鲁思罕等自入秋以来糾众分屯窥伺已非一日诱致亦且多方乃令三四千骑突奔寺儿山台拆墙而入实图大逞总兵官李成梁等奋勇拒堵使狡猾之虏旋为逐北荒旱之域得以奠安斩获虽止七级保障实出万全督战冲锋功当纪录

○癸丑巡抚河南都察院右副都御史朱纲致仕

○升光禄寺卿路王道为应天府府尹

○铸给密云遵化永平各武学印信

○甲寅升赏辽东大兴清河二堡获功被伤官军一十七员名如例

○设厂于瓜仪改造江北南京各总浅船

○乙卯 上御文华殿辅臣张居正进讲帝鉴图宋仁宗不喜珠飾事 上曰国之所宝在于贤臣珠玉之类宝之何益居正因言明君贵五谷而贱金玉五谷养人故圣王贵之金玉虽贵饥不可食寒不可衣銖两之间为价不贖徒费民财不适于用故书言不作无益害有益不贵异物贱用物良以此耳 上曰然宫中妇女只好妆飾朕于岁时赐赏每每节省宫人皆以为言朕云今库中所积几何居正顿首曰 皇上之言及此 社稷生灵之福也 上又语及讲官所讲秦始皇销兵事言木棍岂不能伤人何以销兵为居正因言为治唯在布德修政以固结民心天下之患每有出于所防之外者秦没来只因几个戍卒倡乱斩木为兵揭竿为旗于是豪杰并起遂以亡秦所以说天时不如地利地利不如人和唯 圣明留意上曰然

○汝阳王府革爵庶人勤曠有罪勒令自尽

○丙辰荫前工部尚书宋礼嫡长孙宋绍先入国子监读书录开河元勋也

○升南京太常寺少卿汪宗伊为光禄寺卿

○命英国公张溶补充 两朝实录监修官

○升赏辽东抚顺散羊诸堡获功阵亡官军二百二十员名如例

○差福建道监察御史孙成名查点坝上等仓

○丁丑升太仆寺卿吴道直为都察院右副都御史巡抚河南地方

○锦衣卫掌卫事右都督朱希孝引英国公张懋例乞追赠其兄朱希忠王爵

◁ 銚-鎏 > 下吏部言张懋追封非可为例希忠虽历事 三朝不过效臣子职分之常未尝勒奇伟于边疆投难鎚于戎马生前被宠已足酬劳歿后论功輒难优异追封王爵实非所应 上报曰朱希忠事我 皇祖扈蹕有功且效劳年久特准追赠王爵后不为例

○升赏辽东东州堡及五味子冲口获功阵亡官军一百九十员名如例

○刑部江西司郎中吴善奏奉敕会审过广东重轻囚犯共一万三千七百八十九名口

○戊午礼部尚书兼翰林院学士陆树声再 ◁ 銚-鎏 > 乞休仍不允

○升江西左参政姚弘谟为南京太常寺少卿

○追封定河王表楠夫人杜氏为定河王妃

○升赏陕西碾伯等处获功阵亡官军三百一十三员名如例

○己未移驻陕西苑马寺少卿兼佥事马文健于靖虜卫为整饬靖虜兵粮道

○□朵颜等三卫补贺夷人段绢衣服等物

○庚申升广西右布政使王世贞为太仆寺卿河南副使严大纪为江西左参政分守南昌

○太仆寺少卿杨俊民以送亲回籍

○升巡抚顺天都察院右佥都御史杨兆为右副都御史照旧巡抚兆考三年满吏部照例拟升 上允之仍著令考满官例该升级者止具应升缘繇俟朝廷裁予毋得辄自定拟职任 复设陕西省城参将省城旧有参将一员统标兵三千名时常操练弹压矿回其兵取诸各卫唯岁费行粮三千而已前抚臣以节省议裁郃光先言军归各卫坐食月粮比地方有事则茫无措手惜小费而忘大计非策之得兵部亦以为然

○辛酉兵部左侍郎王遴以病回籍

○赠故后军都督府同知孙钰为右都督

○壬戌升广西按

察使高察为本省布政河南左参议田汝颖为本省副使

○癸亥以京营班军完缺行该营该抚按奖赏降罚各割付本官及都司卫所掌印官如例

○甲子升原任顺天府府丞何起鸣为太仆寺少卿广东右参政魏文焯为广西按察使改补原任四川右参议胡汝嘉为河南右参议

○鸿胪寺卿屠羲英以水土不调改补南京衙门

○乙丑 诚孝昭皇后忌辰遣安乡伯张鏐祭 献陵

○罢补增设兵部侍郎

○丙寅 至遣英国公张溶代祀 天于圜丘

○行陕西三边严核历年侵盗主客兵饷及奏报不明者

○丁卯升云南副使刘志伊为广西右参政分守岭西○戊辰增各衙门历事监生一百九名以恩贡在监壅滞从祭酒林士章请也

○谕工部查具 昭陵营建费用钱粮之数

○行各省直查解连年拖欠裁省钱粮先是钱粮不敷议裁省解京历日纸南京江淮济川二卫水夫工食各处商税鱼课缺官柴马俸给吏承纳班扣减防夫民快机兵弓兵等役工食后湖余银河南兑军余银江西改折月粮余银大约几三十万每岁徵解接济边费数年来拖欠数多至有尽数不解者户部请行各巡按御史查催起解

○陕西榆林卫署指挥同知张四教坐侵百金以上永戍边卫

○兵部覆四川逆贼犯行都司请核录兵备副使杨芷等功次并梟首恶阿恕等及防处贓乃安文诸贼首

○己巳升山东东昌府知府罗汝芳为云南副使

○户部奏密云昌平二镇漕运未尽事宜凡七款一议转输一议寄囤一议粮船一议河道一议边运一议领运凡新旧漕粮密云一十五万四千八百一十石八斗昌平一

十八万九千二百七十二石五斗专备各镇主客本色支用

○赐故太师兼太子太师成国公朱希忠祭一十六坛开圻合葬仍准予谥希忠成国公朱奉子嘉靖十五年袭爵十八年加太子太傅掌左军都督府事历掌神机提督团营及右军都督府印加太子太傅进荣禄光禄大夫加兼太子太师掌后军都督府印持加太师万历元年九月三十日卒受遇三朝素称恭慎奉公四纪多效勤劳生荣帝师没享王爵近来世臣罕与俪焉

○代王廷琦薨代妃请以庶长子太平王鼐铉管理府事俟服满袭封许之

○庚午升南京刑部河南司郎中蒋梦龙为湖广佥事

○发太仆寺马价银一万四千两于延绥备来春互市之费

○都察院奏应天巡抚所上王应桂等爰书奉诏张佳胤原奏安庆军变繇王应桂克减军粮所致今却隐原奏重情止以别项赃私朦胧轻重好生纵容卖法着再从公据实问拟具奏

○辛未住广东海防道按察使陈奎俸令戴罪管事潮州府同知陈学麟与奎同族以贪横阻挠为提督殷正茂所劾吏部拟革学麟职勘问请并饬奎 上因罪奎私庇同乡贪吏养寇殃民而责正茂不行参论乃处奎候擒获诸良宝事宁之日具奏定夺

○顺义王俺答差都督同知黄台吉等表献鞍马并乞升录效忠夷人 上谓今岁虏酋贡市益坚恭顺命加给赏

○宴泰宁等卫补贺夷人及四川长宁安抚司头目如例

○工部奏 昭陵营建凡用节慎库银三十九万九百三十二两其神木等三厂木值大通桥厂白城砖六石窝等厂旧石及户兵二部雇抵班军工食行粮不与焉

○壬申复临德二仓积贮旧额从江西抚臣徐枋议也

○行比各运官历年挂欠粮银岁完十分之二者为称职不及者罚有差

○以市贡告完给赏虏酋俺答及诸夷人表里衣服绢布并马价银两仍加赏切尽黄台吉等以其主张贡市也

○兵部覆总督王崇古奏请升授虏酋俺答子女婿青山岱不浪等官并于格外抚赏诸穷夷从之

○癸酉南京上部尚书张瀚辞免新命不允

○升赏旧辽阳及东州等堡义州大静各地方斩获功次官军共一百八十六员名

○乙亥升赏辽东出边扬兵斩获功次官军一十五员名○丙子吏科给事中萧崇业劾巡抚张佳胤巧文卖法左都御史葛守礼党庇徇私请削佳胤籍以儆官邪置守礼于闲曹坐镇雅俗章下吏部

○复除原任监察御史邵陞为河南道○刑部覆河南山西按臣请停决重囚因乞推广 圣恩并各省直囚犯一体停刑从之

明神宗显皇帝实录卷之十八

明神宗显皇帝实录卷之十九

万历元年十一月丁丑朔

○戊寅总督王崇古辩给事中刘铉劾< 〇〇〇 铉-金 >因言俺答封贡皆 先皇独断之明辅弼折冲之略臣不过奉扬休命勉事规画又言贡市羈虜乘暇修补诚中国御夷长策八事经略各有成绪今恶臣者多日冀望边衅之起幸言之中甘心于臣恐后日任事者用臣为戒不虑国家之患将使先皇柔远之余恩庙堂制虜之弘略因此阻坏上慰答令遵旨供职

○巡抚福建右佥都御史刘尧诲奏闽省自有倭患岁增兵饷四五十万后渐减至一十八万有奇原额雇募客兵三十四营六百余名后止留一十五营主客各半至前任抚臣殷从俭又放去客兵三营半因减饷二万八千有奇岁额止一十五万六百今海贼未殄前放去客兵既须募补则亦当议足原饷请留今年税契银一万并暂借明年济边盐折银二万二千二百俟徵丁米银补解户部覆如尧诲议仍请查该省存留余粮徵抵兵饷俱报可

○己卯都察院左都御史葛守礼上< 〇〇〇 铉-金 >乞罢不允

○庚辰大学士张居正等题天下之事不难于立法而难于法之必行不难于听言而难于言之必效近年以来章奏繁多各衙门题覆殆无虚日然敷奏虽勤而实效盖鲜上之督之者虽谆谆而下之听之者恒藐藐请申明 祖宗成宪凡六部都察院遇各章奏或题奉 明旨或覆奉钦依转行各衙门俱先酌量道里远近事情缓急立定程限置立文簿存照仍另造文册二本一送该科注销一送内阁查考其各抚按官奉行事理有稽迟延阁者该部举之各部院注销文册有容隐欺蔽者科臣举之六科缴本具奏有容隐欺蔽者臣等举之如此月有考岁有稽不惟使声必中实事可责成即建言立法者亦虑其终之罔效不敢不慎其始矣致治之要无踰于此诏依行仍诏不系钱粮紧要及年远难完者明白奏请开销毋费文移烦扰

○调山西副使洪忻于山东

○辛巳辅臣张居正侍 上于文华殿语及宫人张秋菊逸大事 上言此人系先帝潜邸旧人素放肆 圣母止欲笞之五十朕曰此人罪大不可宥杖之三十发安乐堂煎药矣居正对曰 圣母慈仁不忍伤物 皇上君主天下若舍有罪而不惩何以统驭万民 上曰然法固有可宽者亦有不当宽者居正对曰诚如 圣谕昔诸葛亮言宫中府中俱为一体陟罚臧否不宜异同正此之谓

○科臣刘不息等论朱希忠不宜追封王爵言追封以军功为主张懋在 武庙时讨逆贼获曹钦虽系军功议者犹以为终非奇异之比先成国公朱辅坚执以为不可王希忠在国果忠臣在家必孝子其忍违辅之志冒王爵之封御史杨相等亦以为言 上皆不从

○南京江西道监察御史何玉德奏入覲事宜一曰计罢闲之官以杜起用一曰精

卓异之选以昭激劝一曰严复任之限以戒瘵旷< 〇〇〇 铨-金 >下吏部

○命太仆寺发马一千匹并马价一万八百有奇于蓟辽军门

○壬午升工科左给事中朱南雍为礼科都给事中刑科右给事中侯于赵为兵科左给事中吏科给事中裴应章汤聘尹为户工二科右给事中

○河道侍郎万恭奏江南运道延袤八百余里每岁夏初开运河水充溢运道无虞今改于年前十二月开帮正属各河浅滞诸坝断流京口封闭之候挑浚工费动以数万计仰给于遵河银是以杯水救车火且病农派夫于丁田则病民借办于铺行则病商取给于协济则病邻俱属偏佑非久计也查江南漕粮几二百万石每石旧带徵雇船脚米七升近瓜洲建闸运船径抵水次交兑此未遂蠲宜仍每石徵一升岁折银一万两查各府河务轻重分发收贮名曰运河银凡运漕渠挑浅筑堤建闸修坝雇募夫役买办什物一应工费悉此项内动支应用分毫再不干扰农商贻累邻境以瓜闸所省江南之费为江南运道通融之用似为长便下工部覆行之

○癸未调补被劾福建副使熊倬于山东

○给虏酋顺义王俺答佛像番经赏前传经番僧二人禅衣坐具纁丝番僧衣并靴袜授在虏番僧九人官仍给禅衣坐具僧帽及给其番官四人彩段二表里木绵布四疋礼部覆王崇古请也○甲申顺天府府尹施笃臣题议处厢户言厢户之设始自永乐初钦取江南富民三千户填实京师分派宛大两县寄籍至弘治间正存二百余户以口掇烦扰奏先金解每户岁徵银五两尽给存户为津贴安家口费后因春秋陵祭乡会武闹及各衙门取用物件等项两县里甲供应不前暂令各厢户备办遂沿习为常各户岁给领前银轮流供办嘉靖间户部见所解前银数多发贮太仓备边银去差存逃亡过半议者乃请每县各给银三百两供应繁难不敷措办日逐赔补渐益凋零今两县仅存厢民五户每岁置办家火冗费丛杂难以悉举大厢户非土著之民供办非额设之役所有之资既已收其八九所供之役又未蠲其一二贫者流移奸者口避见存五户惟余残喘岂祖宗填实京师之原意乞将解到安家银每县岁添给二百五十两仍清查影射与五户一体当差户部议每县止添给二百两

○遣侍郎汪鏜祭 三皇于 景惠殿

○工部办事进士邹德涵奏王守仁宜祀孔庙又言众心同悦者莫甚乡原春秋最诋訾者莫甚孔子求无一诋訾之人然后议祀则当首乡原次孔子矣< 〇〇〇 铨-金 >下礼部

○乙酉礼部尚书兼翰林院学士陆树声奏乞休致不允

○丙戌以山东河南二省钱粮未完州县掌印官三十二员降级俸有差移河南杨庄店巡简司于固城仓为固城巡简司

○戊子大学士吕调阳辞太子太保之命不允

○录界岭桃林二口斩获功次升授官军一十三员名

○庚寅赏朵颜等三卫补贺夷人段绢衣服靴袜等物

○兵部奏太仆寺见在堪兑寄养马共一万八千二十九匹其明年应徵马匹真定大名济南开封卫辉彰德六府派取本色四折色六分其余各府州县尽派折色南直隶例本折兼派今量派本色二折色八分照例不分南北每匹俱徵银二十四两

○辛卯 上御皇极殿

○太常寺官奏冬至大祀是日夜望月食初亏丑四刻至寅初三刻食既

○大学士张居正历从一品俸六年考满吏部请加恩典 上令支正一品俸进中极殿大学士荫一子中书舍人

○发太仓银三万八千二百九两于山西镇补主兵岁用不敷及河曲营新旧军马加添月粮之数从总督王崇古请也后遂为年例

○授北虏都督同知黄台吉等散官仍给敕书一道

○壬辰 今至大祀 上御皇极殿传制誓戒百官

○以辅臣张居正六年考绩赐银五十两纁丝四表里钞五千贯茶饭五卓羊三只酒三十瓶又持谕先生启沃朕心平治天下功在社稷兹当六年考满特于例外加赐银一百两蟒衣斗牛各一袭少示优眷不必辞居正< 跪 銮-金 >谢 上复报闻

○复除工科左给事中魏体明

○甲午大学士张居正< 跪 銮-金 >辞恩命不允

○升户部云南司署郎中事员外郎陈学会为鸿胪寺左少卿署掌寺事

○户部覆延绥巡抚张守忠请增年例银两言该镇官军多不满六万而马骡止二万上下额银七十万三千九百七十两查节年所用少者六十二万多亦不过六十六万每岁尚余银数万两今岁称用七十二万余尚少七万三千且以岁用欲增银七万余两以岁入乃亏减银八千余两粮三万三千八百余石草二万四千余束国储所系事体重大必行彼处稽查明确方可议处 上是之

○ 孝惠皇后忌辰遣泰宁侯陈良弼祭 茂陵

○乙未冬至命英国公张溶代祀 天于圜丘免行庆成礼

○遣武安侯郑昆等祭 九陵及各园寝至候为丑正二刻

○是日 慈圣皇太后圣旦 上御皇极门百官致词称贺

○丙申 上御皇极殿百官公服行庆贺冬至礼以未及大祥免宣表先期并免习仪

○丁酉兵科右给事中陈吾德因火作 慈宁宫后请停追封朱希忠王爵不从

○差官督建涿州胡良河桥及北关外浮桥各一座 圣母捐贖也

○戊戌朝鲜国差陪臣赍表文礼物谢恩并贺长至令节宴待如例

○己亥赏朝鲜国陪臣彩段衣服等物 慈宁宫后舍毁礼部等衙门各诣会极门奉慰

○庚子巡视库藏工科给事中梁式等请行各省立限追解内府拖欠钱粮并回报该部及巡视衙门以凭查考奉辅臣居正所请也

○四川万里箐寨魏文荣进贡马匹给赏如例

○辛丑给朝鲜国大统历日一百本

○壬寅命左春坊左中允兼翰林院编修范应期充纂修 实录官

○封襄王载尧生母刘氏为襄庄王继妃

○勒大同参游坐守等官薛邦奇等回卫闲住及行提问以按臣孙谿论劾也

○光禄寺少卿王缉等奏本寺供应器皿工部岁造八千四百件南京工部三千六百件共一万二千件倘有不敷题请添造前此一岁用至一万一千五百七十余件 皇上躬先俭约亲裁冗滥自正月至十一月用不满五千件比之往年减省大半经管内使仰承德意发出甚多俱堪再用今库贮器皿共一万五千四百余件收存完好尽馥供应且库房充满无复贮处乞将明年分器皿量造二千件送用其余一万件俱暂停止工部覆如缉议报可○甲辰礼部尚书陆树声四< 跽 毓-金 >乞休 上犹不允

○乙巳琉球国中山王世子尚永差陪臣赍表笺朝贡请袭封王爵下礼部行福建镇巡等官查勘具奏

○兵部覆巡按直隶御史孙谿条陈六事一察虏情言宣谕俺答令其钐束黄把二酋一同效顺益著忠诚如二酋顺逆不常必因事诘问无致堕彼术中一急工程言宣大工程行令分别冲缓先期速完仍以坚固为主至修筑大同归并之堡亦必及时兴举其規制必如尹耕乡约所议一练战兵言令各该将领将所部兵严加挑选勤行训练务要节制分明真如身使臂臂使指期为堂堂之阵以收万全之功一明边界言行沿边将吏将边墙倾圯可通往来之处作速修补完全时加禁约不得与虏私相往来若有夷使谋事必验有酋长真正番文方许放人送督抚等衙门一重冲衢言宣府东路为南山屏蔽土木榆林二驿属在岔西最号冲衢乞将土木改设守备其原设操守移驻榆林事在彼中宜行督抚从长酌处一除积害言行边臣清查各堡军士其有包项雇觅无籍老弱之徒尽行汰革遗下名粮一面开单清勾一面选士著精壮者充补一切积猾客商放债包军把持为患者严加禁治俱依议行

○兵部覆巡捕提督署都督佥事尹凤条陈十事一补给额马以便追捕一严选尖哨以备剿捕一革退老弱以图实用一议处下夜以备不虞一严禁逃军以祛宿弊一裁革冗员以便责成一立公补册以杜夤缘一重赏赉以励人心一修理公署以便行事一修理教场以便操练十事中惟议以各地方把总兼管尖哨领哨把总仍不裁革其余皆如凤议上依行之

○是月减释山东重囚二十七名

明神宗显皇帝实录卷之十九

明神宗显皇帝实录卷之二十

万历元年十二月丁未朔授行取官给事中四员郝维乔吏科张孙绳户科李邦佐礼科胡汝钦工科杨节南京刑科试监察御史十员赵池浙江道刘光国湖广道许三省山西道萧泮广西道黄家栋贵州道胡秉性郑准俱南京山东道刘维年南京四川道张道充南京广东道池繇行人三省国子博士维年国子学录余各推官知县

○复除山东道监察御史郭庄

○赏四川马湖府蛮夷长官司进贡土舍彩段表里钞锭如例

○戊申申谕内外臣寮毋得陈情引疾辞避从给事中秦耀奏也

○升湖广郧阳府知府杨愈茂为辽东行太仆寺少卿兼山东按察司佥事驻劄西平堡管理马政兼整饬兵备屯田

○己酉户部尚书王国光奏今公私困乏山泽关市之利已竭开纳之例未停各项搜括靡有了遗乃于额外之徵置之不问夫取之本无千方不足求诸原设一查有余盖天下存留夏税秋粮共一千一百九十一万七千四百五十六石有奇其初议留俱从宽绰除岁用外计可剩银百万有余使有司岁岁如数徵足其有余皆必积贮则水旱不能灾盗贼不能为困乃今遇有兵荒非奏留京需则奏讨内帑揆厥所由实缘监司因循有司姑息以存留为可缓以追寻为太过窃谓欲国储之充裕莫先于核存留之额数乞行各直省照每年所报岁入岁用文册磨算明白立限解部旧额若干支用若干余剩若干本折色见贮仓库若干拖欠若干与部中老册相对明白臣等通融会计以后专备本处各正项支用其余剩者解送京库济边未完分数照新例参九报可

○巡视光禄户科给事中颜容舒劾尚膳监内官王朝用因索例肉殴死厨役乞敕重究如例章下法司

○庚戌以湖广监利黄梅当阳荆门四州县及荆州右卫灾伤比照 景陵等州县与 显陵等各卫所一体蠲折其带徵钱粮亦暂停止

○兵部奏御史郭思极勘上辽东镇隆庆六年招过降夷并回乡人口共一千一百三十七名口乞录效劳文武各官总兵官李成梁升祖职一级巡抚张学颜赏银二十两纁丝一表里参将郭梦徵马文龙等分别升赏

○辛亥吏部奏大同巡抚刘应箕身被重劾当遵旨回籍听勘乃违例奏辩丑诋言官非惟坏朝廷纪纲亦且夫大臣矩矱宜革职闲住转行体勘从重究治上以应箕欺慢丑诋无人臣礼革职为民令巡按御史勘奏仍责该科及阅边大臣夸奖姑容之罪

○赐朝鲜国陪臣上马筵宴

○甲寅罢注太仓银库主事仍改差一年

○礼部尚书兼翰林院学士陆树声五_步 銮_金 乞休 上温旨眷谕赐驰驿回籍病痊起用

○调原任光禄寺卿路王道于外任巡视科道劾其粮肉被盗有失防范也

○勒永昌参将胡灿固原游击王禄各闲住以督抚官防秋论劾也

○乙丑大学士张居正等题义理必时习而后能悦学问必温故而后知新 皇上睿明日开若将讲过经书再加寻绎则其融会悟入必又有出旧闻之外者臣等谨将今岁所进讲章重复较阅训解未莹者增改数语支蔓不切者即行删除编成大学一本虞书一本通鉴四本装演进呈伏望 皇上万几有暇时加温习庶旧闻不至遗忘新知日益开豁其于圣躬贯为有补 上留览仍命接续编进刊板流传

○丙寅南京礼科给事中王颐等上< 疏 金 > 谏止追封朱希孝王爵不从

○以故虏酋昆力哈部落款塞补贡授昆酋孙及亲属首领千百户官级从王崇古请也

○差山西道御史杨相巡视京营

○丁卯改南京太常寺少卿姚弘谟为南京国子监祭酒

○以广西怀远用兵准留事例等项边饷银三万六百两凡三年从抚臣郭应聘请也

○宴泰宁等三卫夷人如例

○兵部奏行查未完本部事件立限奏报仍置青册二本送内阁及该科案候注销如辅臣张居正所请各部及都察院率凛凛效之

○兵部覆广西抚臣郭应聘< 疏 金 > 言夷狄之性变诈不常固不可穷兵以干和亦不可玩寇以酿患怀远之役期十一月进兵成筭以定但古田余孽乘机为患其怙恶不悛既难礼义怀服非厚集师旅又难一鼓即下今欲怀远既举之后即移师及之恐强弩之末不足当殊死之寇宜听抚镇诸臣相机权度如兵力尚锐即乘势荡平不然必再议徵调乃克万全 上是之

○戊辰陕西巡抚郃光先奏巡按御史蔡廷陈以疾乞归报曰近来巡按御史往往称病避事着吏部再加访实方与题覆如有推诿情弊并巡抚官一并参处

○命侍郎汪鏜宴待琉球国进贡陪臣

○以明年正旦节遣定西侯蒋佑等祭 九陵及各园寝

○兵部奏四川征剿都蛮捷报五月朔克凌霄城六月丁卯克都都寨八月上旬进兵总兵官刘显同监军道副使李江督同前总兵郭成参将张泽守备沈茂吴宪等分布汉土官兵为五大营并力齐攻九月丙戌夜先锋一千乘雨露衔枚枚扞萝密取一路以飞梯连接上九丝城黎明各营兵上下夹攻自子至午贼始披靡我兵 胜焚寨房数千所烧死恶蛮无算显复同三道督□ □州大盘山生擒蛮王阿二是役也克寨六十余处擒斩俘获共四千六百一十五名口颗内称王酋首阿大阿二等三十六名招安二千三百八十一名拓地四百余里又得获诸葛铜鼓九十三面古文铜铁锅各一口及梭标弩皮鼓牛羊犬谷穗等项甚多都蛮负固称乱历二百余年今始荡平计出万全功收一举诚为大捷云

○己巳改原任鸿胪寺卿屠羲英为南京太仆寺少卿

○原任礼部尚书兼翰林院学士陆树声上< 疏 >言方今之务莫要于圣学法筵之上或一时敷对未详宜令史臣采摭经史懿训可为法戒及本朝 列圣谟训彙括其辞节略其要辑进御亦 圣学缉熙一助又言学以修德德以慎身尤望皇上食息起居必遵常度发号施令务当人心孝养愈茂于 两宫心思常澈于九有任贤始终不二从谏狂直皆容则 圣德日新治化益隆 宗社万年之基端在于此又言法纪当严政令当一士风当正民生当念及财用宗藩边防漕运四者当议未及 二丘分祭九庙祔享方稽古右文之世正礼乐明备之时乞观会通以定一王之典垂万世之法上亦报闻

○昆酋补贡马一百匹先是酋子居丧兼与黑夷相仇稽贡至是顺义王代昆酋孙男请授官职令其主持贡事 上赏赉如所请兼加赐顺义王以奖率属效忠之义

○辛未礼部因地震上< 疏 >言地道承天以静为主一有震动是为失常今楚蜀之间相继地震绵亘千里厥变匪轻 皇上敬天勤民感格有素唯是大小臣工奉职无状所致请行内外各衙门痛自省愆勉图修职毋徒粉饰虚文尤望 皇上仰体天心益修 圣政缉学问于无间谨嗜好于未明节用爱人亲贤纳谏请求必禁戢直优容则上下交儆治化维新不惟灾变可弭休徵自应 上是其言

○敕赏昆酋部落补贡人员衣服段布等物如例仍酬奖俺答率属之劳

○赏四川各长官宣抚司进贡人彩段纱锭如例

○壬申户部奏徵派明年各处食盐米钞铜钱及存留起运数目凡钞一千贯钱二千文折银四两乡民例纳米愿纳钞者照市民例减半徵收

○仓场侍郎郭朝宾奏太仓一岁收放总数目隆庆六年十二月至万历元年十一月旧管金四百六十五两银四百三十八万五千八百七十七两五钱一分零正银三百九十万二千四百五十四两四钱五分九厘附余银四十八万三千四百二十三两五分四厘铜钱一千六百四十万六千四百九十文新收正银二百八十一万九千一百五十三两六钱六分二厘铜钱二百六十七万七千九百四十五文开除正银二百八十三万七千一百四两二钱七分八厘铜钱二百七十八万六千六百六十六文实在金四百六十五两银四百三十六万七千九百二十六两八钱九分七厘正银三百八十八万四千五百三两三钱四分二厘附余银四十八万三千四百二十三两五分四厘铜钱一千六百三十万三千七百七十五文其他金银首飾珍珠宝石嘉隆金背古杂云南低钱之类不计焉

○癸酉南京广东道御史蒋科等上< 疏 >谏止追封朱希忠王爵不从

○礼部覆奏琉球世子呈送被虏人民请照例赏赉 上以尚永世敦忠诚赏银五十两彩段四表里降敕奖励仍赏其使臣银币有差

○乙亥兵部奏广东海贼猖獗多损官兵请革潮州副总兵李诚立职行巡按御史提问降潮州道按察使陈奎职二级改用仍乞敕提督殷正茂严督各官克期诛剿以靖

地方若必增募浙兵亦听便宜所在官兵不得阻执 上俱从之

○丙子 上袷祭于 太庙

明神宗显皇帝实录卷之二十

大明神宗显皇帝实录卷之二十一

敕脩 万历二年正月丁丑朔 上御皇极殿百官致词庆贺行八拜礼以未及大祥余仪俱辍

○庚辰辅臣张居正等题以后日讲经书比旧量增数句其诵读生书止于五遍温书照旧三遍从之

○壬午 上享 太庙 兵部覆摠督宣大山西尚书王崇古奏俺酋纳款以来三秋无警七镇晏然因盛推辅弼赞襄之力及在镇文武诸臣随市效劳分别等第上请报曰辅臣忠勋简在朕心自加优异王崇古加少保荫一子为国子生吴兑升副都御史照旧巡抚各钦赏银毙其余俱升赏有差

○癸未户部覆巡按御史陈文燧奏宣大二镇先奉 世宗皇帝圣谕每岁预发帑银一十五万两分发二镇趁秋采买今查宣镇积粮足用原发预买银七万七千两尽数贮库大同镇应买银七万七千两尽数贮库大同镇应买银七万六千有奇买完米豆令查验上仓其支剩银三千九百零与宣府原发银俱令贮库容臣等发万历二年□例之日酌量扣抵从之 兵科给事中苏民牧言初三日奏祭初四日进春不宜免朝不听朵颜等卫阿里麻等二百一十四员名补贺长至令节并 万寿圣节燕赉如例改居庸关通判仍管昌平镇粮饷铸给管饷关防从摠督蓟辽刘应节之请也

○乙酉兵部覆巡抚浙江都御史方弘静条陈海防六事一复额兵近例每船正名五十余名而又用贴驾之军操舟合将贴驾军兵尽革回卫另募民兵以足原额并复福沧等船副舵以备正船事故之用一整战船凡战船之制福船取其高大以便冲犁艗<舟乔>苍山取其坚固以便撞击沙鱼小哨喇叭啼取其决捷以便邀截若非本体坚牢攻具悉备马能远哨成功合严督修造务令堪用一利器械浙江军次器械嘉靖三四十年年问俱在会省与海道副使台州知府躬亲督造自隆庆五年后从各府自制遂多虚冒合预查应造脩数目迁委廉能府佐并武职一员分理造完诚验如法其各府价银俱角□羊布政司收发一处饷费水兵既加给工食又增募新兵言□复舵工共增银四万六千六百三十两查该省军储每年约剩米一十七万余石多被惯徒侵盗合督各府州县依期徵角□羊留一半以备灾荒其一半照例折银充饷一练舟师在船水兵旧有水操陆操之规近来操规废弛舡兵仅取撑驾遇贼鲜不愤事议于春防泛毕则操练于陆防过小汛则教演于水不虚应故事一编言□鱼甲边海之人南自温台宁绍北至乍浦苏州每于黄鱼生发时相率赴宁波洋山海中打取黄鱼旋就近地发卖其时正值风汛防御十分当严合将渔船尽数查出编立甲首即于捕鱼之时资之防寇仍照旧规徵收税银以为修船养兵之费渔事既毕即听回生理从之

○录江西擒获强贼白强八等功巡抚右副都御史徐枋等各赏赉有差

○兵部覆总督陕西尚书戴才奏西虏自俺答款后遵奉约誓延宁二镇互市三载休兵省费分别效劳大小文武官员等第上请戴才等各赏赉有差 丙戌 上御文华殿讲读

○丁亥 孝恪皇太后忌辰 奉先殿行祭礼遣恭顺侯吴继爵祭 永陵

○戊子大同总兵官郭琥以失落符验降祖职一级

○大学士张居正言 太祖时每遇外官来京奏事常召见赐食访民间疾苦虽县丞典史有廉能爱民者亦特差行人赍敕奖励或封内醪金币以赉之迨宣成弘顺之间亦间举宴赏之典兴致太平实繇于此恭遇 皇上天纵圣明励精图治兹当考察之初特蒙 天语谕臣等引见廉能官员破格奖赏□即虞舜咨牧养民之心我 祖宗综核吏治之轨也但此典久未举行且远方外吏从来未睹朝廷之礼若不先示以仪节使之演习恐一旦震怖 天威仓皇失措又非所昭德意光盛举也伏乞钦定行礼日期敕下礼部略仿 祖宗时御皇极门午朝之仪定拟简便仪注上请 圣裁

○兵部覆操江都御史董尧封奏安庆府为留都上游官商船只往来盐徒巨寇窃发宜添复水兵二百名责令守备统领仍听该府点闸协力巡守从之

○兵部覆操江都御史董尧封奏留都根本重地自应天九江延袤一千一百余里寇盗出没不常本官巡历有期稽查不给将应天等府治中同知不妨原务责令专管江防其北岸无为州知州防御事宜责令徽宁兵备道查理从之 准荆府富顺王厚焜嫡第二孙辅国将军翊鋌改封为长孙以嫡长子载土□共第一子翊鏹没也

○己丑户部奏各边年例银两若待各督抚奏到题覆必致延缓误事合遵照经制在宣大山西辽东延宁甘固等镇照依旧数蓟衣等镇照依新数各先量发一半待督抚奏到之日查将应裁应减与上年省积钱粮酌量扣抵从之

○户部覆巡按江西监察御史燕儒宦劾赣州府知府黄学海入覲交盘库藏少银九千余两查系库役杨禹光等侵盗合将黄学海革任听勘其杨禹光等行巡按御史严行追究仍将该府贮库银两逐一查算如有他币一并严追报可

○兵部覆巡视京营刑科给事中欧阳柏等条陈营务六事一兼习骑射京军止习步射何以当虏骑驰驱宜于进操之日先演步射六回复令马队军士演习马射三回一教演火器中国长技全在火器虏以游骑诱我一放輒尽坐取败北所贵更番迭上即相持终日先后相续庶可济实用一练集家丁家丁月支双粮岂得裸以脆弱即将各将家丁逐一挑选令居住戎政府傍听副将实心训练又查戎政厅东西有空宅二区用官银修理以为总协大臣常川居住则诸将就近禀承而总协谋议亦可僉同速发一改给戎符昔 世庙钦定戎政之印后议牧兵权遂将印收入内府易以总督京营关防夫各边镇守既挂银印京营岂可直用关防合将内库收贮之印颁赐行使令印信与营制一体光复一核实班军三都司领操至京多扶同搪塞在京则冒支行粮在卫则虚领月米合

严查虚捏之弊其班军在京非系重大工作不许滥行派拨一分隶行伍四卫二营官军所以拥卫掖廷向设坐营官各四员但查嘉靖八年清查额军三万余名勇士五千四百余名自后役占众多消耗几半若仍设坐营四员诚为十羊九牧合每营止留二员如有推诿影射者听巡视京营科道参究诏皆从之按此时不核额军壮士而但裁营官京营所以日就消耗也

○庚寅升陕西佥事翟绣裳为山东右参议

○户部覆给事中颜容舒奏光禄寺积贮白粮共二十八万七千一百余石合尽数查盘中间积贮年久正耗亏折照例递减仍将盘出附余通融抵补自后放粮新陈搭配放米人众俱从大烹门出以便防范巡守仓库等役各审正身供役内官家人给牌稽考该寺通将查过数目并支过工费送部查考从之

○升蓟镇协守西路副总兵张臣署都督佥事照旧协守革罗文谷提调李从善任下巡按御史问从蓟镇督抚官刘应节等秋防举劾也

○升山西老营堡指挥王昱充山西老营堡游击

○辛卯 上御皇极门鸿胪寺官宣奏四川克平都蛮捷音

○升右布政使秦钊陈瑞董世彦方良曙俱为左布政使钊江西瑞世彦仍本省良曙云南

○升按察使邹光祚邹善罗元祯俱为右布政使光祚四川善广东元祯仍云南

○升吏部验封司郎中郭谏臣为江西右参政工科左给事中魏体明为江西副使江西道试御史苏士润为湖广副使山东道监察御史杨相为山东副使户科左给事中刘浑成为陕西副使礼科左给事中李日强为湖广右参议河南道御史杨一桂为四川布参议山东道御史董石为浙江佥事兵科给事中苏民牧为山东佥事湖广道御史梁许为佥事贵州道御史王恩民为贵州佥事

○调浙江副使张守中于贵州

○升陕西临洮府知府邢邦彦云南广西府知府戴时雍俱为都转运盐使司运使邦彦长芦时雍两淮

○升湖广按察使徐学谟河南按察使鲍承荫四川按察使徐行陕西按察使袁随俱为右布政使学谟承荫俱仍本省行山西随仍陕西左参政朱卿山西右参政周鉴云南右参政王应显俱为按察使卿山东鉴应显俱仍本省山东副使杨枢江西副使邵梦麟河南副使杨吉福建副使邓之屏俱为参政枢河南梦麟山东吉四川之屏广东扬州府知府贾应元延安府知府陈焯淮安府知府陈文烛云南大理府知府史诩俱为副使应元山西焯陕西文烛四川提学诩云南广西平乐府知府陈子佐为陕西行太仆寺少卿

○广东佥事赵可怀福建佥事乔懋敬俱为参议可怀广东懋敬贵州扬州府同知杨廷选大理寺右评事萧九成俱为佥事廷选山西九成云南原任广东佥事沈淮起补

云南僉事

○朵颜泰宁等卫夷人头目阿里麻升合儿等朝贺宴赏如例

○礼科给事中朱南雍等奏陈会试事宜大要谓正文体免枷号广制额礼部覆议近因文字浮靡题准六百字上下为准乃士子过求简短务为钩棘自今阅卷一以文理通畅为主怀挟相踵创为枷号以使人畏而故犯已不齿于士矣即枷号殊不为过龙飞首科自当广额其数目候临期题请从之

○升蓟镇总兵官戚继光实职一级为左都督昌镇总兵官杨四畏署职一级为署都督同知各赏银币以蓟镇总督刘应节称其劳贲久著也

○通政司左通政倪先荐题参本司经历邵守俭十四日轮该接本送科乃因画簿付吏捧持狂风骤起逐处飘荡各致损失宜加惩治下法司提问

○巡按四川御史孙代奏今年奉旨免刑但四川去京师万里遵奉诏旨后于他省臣先已陈乞于本年十一月十三日照旧会官审决今恭读轮音不胜惊惧乞于万历二年奉到停刑勘合为准章下法司

○工部覆工科给事中吴文佳等题称茶城为黄漕交会之地其势必淤而徐邳堤近河深其势易决乞咨河道侍郎万恭将茶城并房村一带应筑应浚事宜作速从实奏报从之 癸巳 英宗睿皇帝忌辰 奉先殿行祭礼遣惠安伯张元善祭 裕陵

○甲午 上御皇极门引见朝覲廉能官浙江左布政使谢鹏举等二十员面加奖励仍各赏银两表里钞锭赐酒馔内云南大理府知府史诩不到逮问

○朝鲜国王李昖差陪臣礼曹判书李阳原三十五员名赍捧谢敕谕改正宗系表文方物马匹赴京宴赏如例

○录四川荡平都蛮功升巡抚右僉都御史曾省吾为右副都御史荫一子炤旧巡抚总兵官刘显为都督同知左布政使罗瑶等各升赏有差

○乙未录中辽河河西河绥阳等处斩获达虏功总督刘应节巡抚张学颜总兵官李成梁等各赏银币有差

○丙申降补山东副使刘经纬为山西左参议

○升陕西副使程鸣伊为陕西行太仆寺卿兼僉事云南副使许公高为陕西苑马寺卿兼参议

○湖广右参政金浙以前任副使考察不及调广东副使

○丁酉 上御文华殿讲读

○四川贵州广西各宣抚安抚宣慰等司各备马匹差土舍族目等朝贡赏彩段宝钞如例

○升南京右军都督府僉书张筹充神枢营右副将南京后军都督府僉书杨鲤充五军营右副将

○戊戌起原任江西道监察御史刘存义于本道○除原任贵州副使陆相儒为福

建副使

○升陕西右参政李凤湖广右参政杨柏四川右参政陈善道云南右参政林烜章俱为按察使凤福建柏善俱仍本省烜章贵州山东副使王宗舜山西副使刘汉儒山东运使张谐俱为参政宗舜陕西汉儒仍山西谐云南调广西副使庄国祯于江西提调学政刑部福建司署郎中事中书舍人杜辂陕西西安府知府安嘉善陕西佾事胡维新四川重庆府知府张希召湖广武昌府知府吴一澜俱为副使辂河南嘉善山东维新山西希召一澜俱陕西山西佾事许希孟为本省右参议广东广州府同知毛为光南京刑部湖广司署郎中主事姜国华俱为佾事为光国华俱福建

○南京兵部尚书刘体乾乞休不允

○都察院左都御史葛守礼覆巡按山西监察御史贺一桂参奉国将军表木□皂表檉及典簿徐昂缘各遇恩例原免其知□廿夕犬大□知□廿人□日□既系擅婚生子之日止许请名不许朦朧请封岁给口粮炤庶人三分之一生女任其择配毋得别有希望诏可

○己亥 上御皇极门三法司科道官大班纠劾朝覲官员勉励遣之

○是日朝覲官免冠承旨参差不齐刑部尚书王之诰等劾奏众官失仪及鸿胪寺官失于传示得旨外官姑不究鸿胪寺堂上官夺俸半年引人序班降边方杂职用

○庚子 上御文华殿讲读

○升云南副使林一新江西副使黄翼俱为参政一新仍云南翼四川江西九江府知府张应治四川参议韩宰江西司署郎中事主事吴善贵州参议许天琦俱为副使应治山东宰山西善广西天琦云南陕西巩昌府知府张世胤为甘肃行太仆寺少卿兵部职方司员外郎冯子履为山西佾事

○工部题先年巡抚保定都御史温汝璋称真定府城惟北面包砌其三面皆系土筑岁久倾坏议动支贖完修后见本部有改折真定木税之议随即奏留隆庆二年以后一半修城一半解部迄今六年该府竟将修城之费全赖木税与原题贖迥不相炤且节年抽木税银多寡悬绝繇无专官管理奸弊易滋相应就便委易州山厂主事带管抽分变价解部各边不许擅自那借报可仍着抚按查修城工程奏闻

○辛丑户部题差御史三员一往蓟辽一往宣大一往延宁甘固各查盘边储得旨着巡按御史带查不必另差

○发太仆寺马价银五千六百两备顺天本年抚赏

○以原任曹家寨游击今听调任良相为奇兵营游击原任标下游击陈天福为巩华营游击桃林口提调刘德温为建昌坐营密云中卫千户冀永昌为镇虏营提调三屯营总管塘拨海门卫镇抚钱梦祥为三屯营守备南京营干总金华所正千户金福为罗文谷提调

○壬寅升江西参议徐用简南京吏部文选司郎中张明正俱为副使用简仍江西

明正云南兵部车驾司郎中汪仲川四川佥事丘文学俱为参议仲川四川文学贵州

○癸卯总督蓟辽都御史刘应节巡抚都御史张学颜总兵李成梁等各以河东等处地方剿捕功各赏银币有差成梁加大红飞鱼绉丝一袭马文龙等升赏有差

○甲辰升礼科给事中陈甘□渠吏科右给事中李熙俱左给事中藁户科熙工科户科给事中李戴兵科给事中刘铉俱右给事中戴兵科铉刑科

○补原任山西按察使金立敬于河南原任河南副使李廷龙于陕西

○起原任吏科给事中夏时于原职

○升山东佥事朱奎为广西右参议直隶广平府同知南轩为四川佥事

○乙巳 上御皇极门以 仁圣皇太后令旦百官致辞行庆贺礼毕驾繇会极门诣慈庆宫称寿免命妇朝贺

○升浙江副使沉人种为湖广右参政

明神宗显皇帝实录卷之二十一

明神宗显皇帝实录卷之二十二

万历二年二月丙午朔升浙江左参政史朝为广东按察使山西副使刘世昌为辽东苑马寺卿

○除原任河南道御史李辅于原职

○以考察不及调湖广左布政施尧臣于广东山东按察使刘孝于陕西

○丁未升浙江右参议曹栋为本省副使

○戊申 上祀 太社 太稷

○祭 先师孔子遣大学士吕调阳行礼

○己酉命太子太保英国公张溶充知经筵官左春坊左中允范应期翰林院检讨高启愚充经筵讲官

○庚戌 上御文华殿讲读

○升两浙运使朱炳如为本省参政直隶永平府知府辛应乾为山西副使浙江佥事沈奎徐廷课福建佥事梁士楚俱为参议奎江西廷课仍浙江士楚贵州

○升直隶狼山副总兵李超充镇守浙江总兵

○命原任镇守贵州总兵安大朝为南京右军都督府佥书升协守蓟镇东路副总兵史纲为南京后军都督府佥书

○辛亥革罚山阴王府镇国将军后□襄垣王府镇国中尉充璫未请名封伍江粮米十分之二以盗领官粮扣粮抵偿也其伍江候请封日行 壬子升巡抚陕西右佥都御史郜光先为右副都御史炤旧巡抚以三年考满也

○户科都给事中贾三近题称财赋徵办责在有司但地方肥瘠不同其素号凋疲者若旧止完五六分今能七八分姑免降罚户部覆看得各省遥远难知万一苟免者反开怠玩之路仍炤题准事例降罚调黜如素号凋疲或罹兵灾者明白具奏本部另议题

请从之○户部覆福建巡按御史刘良弼勘得原任南赣巡抚陆稳所动税银五千六百五十两除建坊等项一千三百九十九两零公用外其馈送严学士四千二百五十两零照原题追解济边定限十二月回报诏可

○命太子太保礼部尚书武英殿大学士吕调阳吏部左侍郎兼翰林院侍读学士掌詹事府王希烈充会试考官

○兵部覆四川抚按曾省吾孙代题经略平蛮六事一建城垣旧寨恶名悉宜更改九丝城为平蛮城凌霄城为拱极城印靶山为文印山吊猴山为降蛮山鸡冠岭为金鸡岭内官寨为武宁山都都寨为定都寨而武宁山地土宽平处就可建城设总兵兵备衙门其戎县县名亦应钦定更换一移守御泸州卫中前二所官军割并守御千户一所移守新定镇城内即查叙南卫有屯田附近九丝者听改拨新所差操其所名恭候钦定一扼要害巢穴虽空犹虑逃匿并土夷人等构衅即将险要地方建筑墩堡分兵防守一起民兵蛮方险远应有戍兵一面督兵谨守一面招集居民授田耕种每粮二石起壮丁一与固原改属兰州郎中兼理事体俱便一量补积欠以苏民困边镇月粮本部每年查发如例何至积欠数万且节年官军事故亦足抵补如有不足将拖欠民屯备行各地方徵给其客饷节省银两留备缓急自难轻议诏如议行

○兵部覆陕西巡按御史董石题虏酋宾兔倡率部落千余骑要抢西番并欲凉州互市务要善加抚处既不得激起衅端亦不可纵其舛口鸟鹫仍咨宣大总督转行顺义王俺答严谕宾兔感戴朝廷恩威不许侵扰诏可

○甲寅补原任山东佥事王樵为浙江佥事名即便更替募兵一通道路平蛮地方东西北可通陆路南广一道可通水路合严督官兵将道路作速开辟该县编抽夫马司兵建设公馆铺舍一设社学新所设立社学一处大书圣祖教民榜文选年高有德者二名为教读塾师令新集之地朔望听讲奉旨县名改做兴文所名与做建武余俱如议

○命四川总兵官刘显仍留镇守悉心经理善后事宜从巡抚曾省吾请也

○癸丑户部覆总督戴才条陈四事内关本部者三一修复旧池以广盐利查狗池系何年筑隔边外当时意见何故即今可否改筑仍行总督抚按详议具奏一议处盐课以省年例二池西漳盐课银两原备客兵支用今客兵减调粮饷有余应抵主兵年例其改解宣大河东银两与固原改属兰州郎中兼理事体俱便一量补积欠以苏民困边镇月粮本部每年查发如例何至积欠数万且节年官军事故亦足抵补如有不足将拖欠民屯备行各地方徵给其客饷节省银两留备缓急自难轻议诏如议行

○兵部覆陕西巡按御史董石题虏酋宾兔倡率部落千余骑要抢西番并欲凉州互市务要善加抚处既不得激起衅端亦不可纵其舛口鸟鹫仍咨宣大总督转行顺义王俺答严谕宾兔感戴朝廷恩威不许侵扰诏可

○甲寅补原任山东佥事王樵为浙江佥事

○升陕西右参议刘奋庸为本省副使提调学政南京户部广东司郎中王谟为浙

江金事○户部覆总督仓场侍郎郭朝宾咨称京仓粟米不敷一月支放通仓粟米约可俟陈五年合将万历改兑二年三年粟米尽改京仓将应上京仓兑运粳米照数抵拨以足通仓岁额省下脚价割坐粮郎中空贴改运粟米进京之费从之

○户部覆四川抚按曾省吾孙代条陈十事内隶本部者二事一理疆土都蛮田土分别肥瘠三等招集军民佃种至二年后各照定额徵收为本镇官吏俸给军兵月粮之用其茶场属官佃每亩徵银一钱戍守官员量给田亩以供薪菜马料一恤民困高筠戎珙度长六县被都蛮荼毒最深凡钱粮特从蠲免仍动军前支剩米豆四万石赈济其余水次州县皆有转运办理之累各应量免诏可○兵部覆总督陕西尚书戴才题陕西四镇三年造报军马地理册图行本镇总兵官归并类造前各为一总图后各为一专图逐官逐地贴说明白其守备不必攒造免致科歛军人从之

○内官监太监张诚等题请真定府木税仍归本监差官抽印工部覆议真定木税始自正统元年止是税课司带管成化弘治年间改委通判监督正德间始差内臣大肆掙克该御史宋钺具奏停止嘉靖年间或差或罢然计抽印之数不足偿供应徒役之费隆庆二年该监李芳具列其弊先帝毅然停革中外传诵不衰顷缘真定修城暂留木税久未抵还奏委易州山厂主事带管就近兼摄便于稽查仍将变价解贮节慎库备该监买办木植之费输之于本部用之于该监宫府一体最为便益该监前奏难以依拟诏如部议行○乙卯吏部覆官生张邦伊等奏官恩生收选事例先年与科贡同取法近太骤逾年限正杂年例法阻太难邦伊等候一十二年合无量准收选以后查访志行端洁者仍得与科贡一体升除在内九卿之属在外府州县正府佐等官如果历试贤能即藩臬京官皆得推用报可河南归德府永城县申时地震有声

○下陕西高古城防守指挥佾事李柰等御史问百户萧宗仁照阵亡事例袭升一级以番贼数骑白昼长驱损官失事而萧宗仁单骑追贼遇害从巡按御史董石奏也

○丙辰降补原任浙江右参政以副使考察不及姜继曾为陕西参议

○先是进贡回回把部利朵思麻自嘉靖四十一年到京因令收养狮子娶妻生子至是告比炤宣德景泰年间哈密进贡回回升授官职兵部覆请得旨回夷归附既有授官旧例都准与做指挥佾事着在锦衣卫带俸以后不许再来奏扰

○丁巳 上御经筵

○升兵部武选司员外郎陈允升为湖广佾事提调学政广东雷州府知府唐汝迪为河南副使

○户科都给事中贾三近题顷者司钥库太监温泰等奏称库藏不充要将各省直钞关及食盐商税各解库供用夫课税以供边需通计各边年例正德辛巳以前止四十三万自嘉靖庚戌至今渐加二百七十余万矣兼之屯政半就荒芜陂池岁亏正课谋国之土方切隐忧而乃尽归内帑使乘障登埤之士望升合而不可得岂盛世所宜有耶下户部议

○礼部覆吏科左给事中张楚城题四事一神农有虞遗庙墟墓日就圯废为樵竖牧儿之所宜令本地方亟为修理仍岁金人夫二名给田佃种俾司香火一祭告亲王各王行礼原未有定仪但龙庭至府迎不降阶祭不迁主祭毕不恭谢是轻朝命而蔑圣恩也所据岷府降阶跪迎迁主一旁降阶叩谢于理为当合行一体遵行一亲王故绝国除查无附享别府事例间有嗣封其地者为之疏请供祀如平凉安王安陆梁郢二王皆出一时特恩潭王乃高皇帝之子分封后坐事自尽国除今欲附主于岷既于理未妥欲比安王等则坐事自尽之王岂宜与无罪不幸无子国除者相同合行地方量与修葺坟墓仍置人防守一衡岳建有高皇帝御制碑文乃俯侧门傍甚为轻褻合建置碑亭一座仍护以缭垣严以扃钥并藏历代祭告碑文诏可○兵部覆兵科都给事中蔡汝贤等巡按广东御史张守约题海贼林凤复扰潮惠泊舟钱澳挟求招抚合咨两广提督殷正茂福建巡抚刘尧诲严督官兵会剿不许徂信地之说袭招抚之套其失事将官胡震等姑令戴罪杀贼事平定夺从之

○戊午升赏锦州大兴堡地方斩获功次官军吴梦豹等三十五员名

○兵部覆大同督抚官王崇古等题修理大同沿边墙垣限以五年报完浑源右卫工程限三年广灵威远限二年合用口粮盐菜等银两三十七万五千二百四十两六钱零以户七兵三分派在本部者炤数议发在户部者先发一年余俟兴工役查明解发但向来所筑边墙俱欠坚固又墩台远处边墙之外临敌之际守台者势既悬不敢发一矢摆边者军又单薄不足当其聚攻之众宜查仿蓟镇之制将沿边墩台改筑在内每里先骑墙筑一座每座三层下层实心中层发圈空心各开箭眼上层盖屋立垛俱用甃甃两台之中照议筑墙酌量冲缓以次兴工中间台座尚觉稀疏五年后更议增筑报可

○己未补荫原任都察院左都御史致仕潘恩孙潘云枢为国子生恩三年考满荫男允哲后中顺天乡试故补

○兵部覆吏科左给事中张楚城条陈四事一谓彬永猺苗劫杀之害须择险要大立营堡选指挥一人操演巡历其杀手工食总约三年之费买田给种一谓分巡照旧住彬州不当移住衡州内地一谓常德湘潭益阳皆近洞庭多剧盗及他县邑镇市冲要者皆当鳩创城郭一谓去春靖州军夷讐杀道路阻塞欲移靖州参将守备一住五开一住铜鼓联辑众志俱合行湖广抚按从长计议具奏报可

○庚申升广西参议李文绩为云南副使○癸亥升广东佥事陈应春为广西参议是夜火星犯房宿

○福建汀州府长汀县二更地震三更崩裂成坑陷没民房四十余间

○户部覆巡抚陕西都御史郜光先勘议改定同州朝邑二处地土其堪种者共该徵银三百八十三两零其堪牧者共该徵银一百四十三两零俱徵解接补韩府禄粮其韩府减少之数查有别州县新增粮拨补报可

○升提督直隶狼山副总兵李超充总兵官镇守浙江参将管蓟镇总兵标下左营

游击史宸协守蓟州东路

○四川都督刘显等荡平九丝城等寨得铜鼓有声者六十四面铜铁锅各一口锅两耳如山制类鼎可函牛蛮甚宝之鼓有声者最上易千牛次易七八百牛皆刻鹭雕螭奇文异状相传谓诸葛制以镇蛮之物鼓去则蛮运终巡抚特表以进礼部覆进内府从之

○甲子工部覆织染所太监宋润等题请增添蓝靛物料查得本所蓝靛料物隆庆三年题准劄委司官验收及隆庆六年复行该所酌定的数题奉钦依至万历九年恭遇皇上御极俱经照例题办永为遵行岂得奏加以滋烦扰诏从之

○乙丑 上御文华殿讲读

○户部左侍郎陈瓚引年乞休不允

○调福建僉事姜国华于广东户部题内府供用库万历二年分本色黄蜡一十一万斤折色黄蜡九万斤本色白蜡三万五千八百一十六斤折色白蜡一十二万五千八百一十六斤盐二十四万一千六百六十六斤一十一两芽茶四万七千九百五十九斤一十一两茶叶四万九百三十三斤灯草二千斤蒲杖三千五百斤坐派浙江直隶苏松等处各办徵解从之

○丙寅 上御文华殿讲读○户部题本部验粮委官广西司主事牛可麟称本厅职在验送内库钱粮及布绢等物向无钦给关防何从查考合照坐粮厅事例铸给庶可杜抵换之弊核完欠之数又添设吏一名选用书手一名逐年更换不许占役亦不许立顶首名色诏可 春分祭 朝日坛遣公张溶行礼

○命蓟镇统领南兵副总兵陈其可提督狼山等处

○兵部覆江西抚按凌云翼燕 匱云宦题南昌府丰城县万历元年十二月十三日夜强盗越城劫库夫南昌近湖素称多盗况当入覲之年署印率皆佐贰近年举行条鞭之法守库吏多系棍徒据丰城报失二千七百余两后乃六千余两或出吏书侵匿或起内奸勾引情实有之不然丰城巨邑岂二十余寇未至夜分所能夺门出入耶合行抚按严限缉捕限万历二年十月具奏得旨县库被劫贼情重大抚按官不严参处只朦胧奏报尔部又宽限至十月上下姑息弥缝何得盗息民安严大纪周于德都住俸缉捕其余依拟

○丁卯 上御经筵

○蓟镇督抚刘应节等题修筑辽东西台墙共七百九十一里调军夫一万匠役六百扣算须四十余年报完用官银四十余万兵部覆该镇勘估先造土墙乃甃之甃又筑之台又为之铺边长工钜为力甚难莫若先举台工计地百丈建台一座如昌平镇之制空心实下庶可经久两台之间止用砖与乱石为墙盖有台可据即墙未高厚亦可限隔先修宁前西接石门一带次及锦义广宁以东其工程冲缓钱粮军夫等项再行该镇估计会奏从之

○戊辰 上视朝御史纠查文武官失朝者抚宁侯朱冈等凡二百七十四人各夺俸一月

○己巳 上御文华殿讲读○敕巡抚浙江右副都御史方弘静回籍听勘巡抚应天右佥都御史张佳胤调南京别衙门用巡抚宣大右副都御史吴兑炤旧供职以南京科道王颐何玉德等交章论劾吏部酌量覆请也

○庚午敕南京户部右侍郎栗永祿致仕南京礼部尚书尹台炤旧供职吏部覆看南京给事中史朝铉等参论酌议去留故有是命

○给新袭崇信伯费甲金禄米如例

○辛未升南京礼部仪制司郎中李一迪为广西佥事

○壬申 上御史华殿讲读

○户部覆两淮巡盐御史王琢玉条陈二事一停存积以塞壅滞之源方今边商开派利少而难于召纳淮商守候日久而不乐接买故引日存积盐法壅滞合自万历三年为始将两淮存积暂停十万五千七百余引其边储应补银五万余两合于太仓措给至万历六年以后炤常开中一开囤积以浚壅滞之流先年江西湖广王府势豪人等收积商盐坐索高价奉旨严禁有司遂不问良善豪恶概为禁止致水商盐船不得整发仪真日渐萧条仍行各地方如有良善铺户听其囤积但不许势豪梗法报可 祭历代帝王遣公张溶行礼侯蒋佑伯杨柄尚书张瀚王国光分献

○兵部覆总督宣大山西尚书王崇古奏顺义王俺答等执送奸逆阎鹤等来献效顺可嘉虏中效忠华人王道科等密访传报官通杨亮等往来虏营访缉各效勤劳合加升赏俺答等纒丝彩段有差王道科等升赏有差

○癸酉 上御文华殿讲读

○都察院左都御史葛守礼遵例引年乞休不允

○户部题先该题准贵州开纳事例限至万历元年十月终止今巡抚蔡文巡按杨允中复题该省地兼民夷额赋不敷所赖川湖协济今拖欠钱粮复奉恩诏蠲免前项事例合行炤旧召纳专备铜仁思石并新设坝阳等处军饷限万历四年十月终止从之

○户部题将四川万历二年分改解银两动支三万五千五百七十五两解延绥充隆庆六年万历元年二年减派主客兵盐引之数从之

○甲戌升赏甘肃镇等处获功阵亡官军汤大保等九十八名

○乙亥 上御文华殿讲读

○吏部覆礼科给事中李邦佐题凡调繁官员通算前后历俸一年以上一体保荐其加衔久任者上官各炤新衔礼待报可

○升大理寺右少卿宋仪望为都察院右佥都御史巡抚应天

○升浙江左布政谢鹏举为都察院右副都御史巡抚浙江○升怀升兵备道右参议吴哲为山西副使分巡口北道佥事王汝梅为山西右参议各炤旧管事从巡抚吴兑

请也

○取会试中式举人孙矿等三百名

明神宗显皇帝实录卷之二十三

万历二年三月丙子朔户部覆河南抚按题该省商税税契路引三项共一万五千三百一十余两准留补给宗室禄粮其历日纸工水夫工食鱼课缺官俸给吏承纳班扣减防夫民快工兵工食事例赃罚仍解部济边毋得影射延缓诏可

○录进剿广西豸 口农贼汪约与贵州麻响大华二司功钦赏巡抚贵州都御史蔡文银币总兵官吴国等各赏银有差守备刘天庆升一级

○丁丑 上御经筵

○戊寅升浙江右布政使江一麟为本省左布政使

○己卯 上御文华殿讲读

○升大理寺右寺丞王友贤为本寺右少卿 户部题万历二年分行各省直岁办甲丁二库物料甲字库银朱三万五千斤乌梅四万斤靛花青二万一千斤黄丹四万二千斤碌矾一万五千斤紫草一千四百斤明矾四万二百斤光粉一万五千斤黑铅二万一千斤水胶八万斤槐花七万斤蓝靛三万一千斤五倍子三千五百斤丁字库生漆十一万斤桐油九万八千斤黄熟铜三万三千斤红熟铜二万五千斤黄蜡二万斤锡二万斤牛筋四千斤黄牛皮一千张生铜一万斤从之

○庚辰 上御文华殿讲读

○改南京刑部右侍郎曹三暘为南京户部右侍郎提督粮储升云南按察使王应显为浙江右布政使

○辛巳清明节遣定国公徐文璧恭顺侯吴继爵武安侯郑昆武平侯陈大策固安伯陈景行分祭 长陵 献陵 景陵 裕陵 茂陵 泰陵 康陵 永陵 昭陵

○以 世庙德妃张氏薨逝辍朝二日

○壬午补原任陕西按察使张任于云南升大理寺左寺丞王友贤为本寺右少卿

○铸韩府长吉王璟润荆府安城王常盗麒麟钮镀金银印各一颗

○癸未起原任兵部左侍郎翁大立为南京刑部右侍郎升礼部仪制司郎中蔡叔逵为山西副使提调学政

○甲申升大理寺右寺丞王廷瞻为本寺左寺丞南直隶提督学政浙江道御史谢廷杰为大理寺右寺丞

○乙酉以殿试天下贡士命少师兼太子太师吏部尚书中极殿大学士张居正太子太保礼部尚书武英殿大学士吕调阳太子少保工部尚书朱衡吏部尚书张瀚户部尚书王国光兵部尚书谭纶刑部尚书王之诰都察院左都御史葛守礼吏部左侍郎兼翰林院侍读学士掌詹事府事王希烈吏部右侍郎兼翰林院侍读学士陶大临通政使司通政使王好问大理寺卿李幼滋左春坊左庶子兼翰林院侍读掌院事申时行充读

卷官

○丙戌 上御文华殿讲讲读

○赐庆王鼐枋谥曰惠

○工部覆河道侍郎万恭议处河漕四事一议< 甬 甬 甬 甬 >治茶城淤浅茶城当漕黄之会培筑小堤预作小河宽止数丈以为速水之计其夫役取之徐州洪夏镇督发不必更烦经费一议修复镜山闸座镜山旧闸锥探至二丈五尺杳不可寻合相度地形从新创建复自两边各筑一堤东抵山冈高阜西接黄河缕水长堤水发可闭闸以遏洪流于两堤之外落可放水以冲积沙于方淤之初待运尽之日并力兴工毋得延迟一议保护房村一带堤岸徐否□□南北两岸新堤束水中流以防溃决但河形曲直不同急流扫湾之处伏秋水发不无冲决而房村以上为甚合应正堤一带大加帮筑急溜去处创建遥堤及青田浅以下旧有遥堤者一并加培高厚但诸臣集议欲于黄钟集之上分水繇符离集出小河口窃恐有并行之河决无两盛之理万一全河弃旧奔新径趋符离集则境山上下四百三十里将为陆地嘉靖甲午之患可鉴也前议亟宜停止一议接窑子头古堤先年黄河北徙溢入运河为患接筑前堤彼一时也近自接连缕堤头通筑长堤黄水再无空隙可以北徙前项似可省筑惟境山至留城一带东堤内束河水外障湖波往来牵挽恒必繇之见今冲坍数多相应加筑其碭山县陈孟口新冲决口永禁筑塞使黄河水发岁岁分洩以图永利如议行

○四川按臣孙代以都蛮既平请复设按察司兵备佥事一员叙州府添设安边同知

○巡按浙江御史萧廩题境内革除间被罪诸臣如原任佥都御史后改江西副使程本立左拾遗戴德彝副都御史监军陈性善文学博士方孝孺太常寺少卿卢原质户部侍郎卢迥萧县知县郑恕翰林院修撰王叔英初任行人谪东平州吏目郑华都给事中龚泰户部侍郎卓敬谷府长史刘璟乞行有司于省城择善地建祠秩祀以彰圣朝洪恩郑公智林嘉猷列祀其次其王叔英妻女郑恕妾另行该县祀二臣祠中下礼部议

○礼科给事中朱南雍题议各处岁贡要查屡考一二等科举者又年在六十以下三十以上者方准起送正贡一人陪贡五人择其最优者贡之其年力衰迈者即授以儒官不准起送从之

○丁亥 上御经筵

○日讲官陶大临以疾请告 上遣中使问疾仍赐羊酒

○戊子差河南道御史李辅提调南直隶学政

○革狼山把总王之屏任回卫听勘以兵科直隶巡按劾其官兵船只俱废弛也

○己丑调江西右参议赵焯于陕西

○户部覆山西督抚王崇古等题修理山西镇西路边墙应用行粮盐菜银一万六千三十三两零乞于代州收贮盐课银内动支照前项盐课专备紧急军需不许别项糜

费合应本部动支一万一千二百二十三两零兵部动支马价银四千八百一十两零各差官解送报可

○庚寅 上御皇极殿策礼部贡生孙矿等二百九十九人于廷制曰朕惟自昔哲后膺乾良弼纳诲未有不以典学勤政为务者乃嗣服之始尤斤斤焉若伊训说命访落无逸诸篇详哉其言之矣三代以还强学励精之主代有作者然考德论治犹未可匹埒于姬妣矧曰唐虞又有可疑者夜分讲经岁周太平御览只日不废讲读学非不笃矣而兴造洪业顾出于马上得之不事诗书者何欤衡石程书卫士传餐汗透御服日旰忘倦政非不勤矣而政理之效顾独称躬修玄默清静无为者何欤朕以冲年履祚未烛于理惟仰遵我 皇考遗命讲学亲贤日勤劝览细大之务悉咨辅臣以求殿中夙夜孜孜罔敢暇逸亦欲庶几乎诗书所称无坠我 二祖八宗之丕绪然论者谓帝王之学与韦布不同盖不在章句间也不知舍章句之外又何学欤又或谓主好要则百事详所谓要者果安在欤往代陈谟有裨正始如贤良三策神爵言变俗永光言审尚及治性六戒劝学四仪初元节俭建初荡涤烦苛先天元祐十事治平三劄熙宁稽古正学定志论总之不越此二端矣可得而悉数之欤亦有可行于今者欤尔多士习先圣之术明当世之务其为朕折衷众论究其指归典学何急立政何先或古今异宜创守殊轨悉茂明之以副朕慎始笃初之意毋泛毋隐

○策试会试中式举人孙矿等赐孙继皋等进士及第出身有差

○兵部覆南京兵部尚书刘体乾条陈防守留都四事一议船只先因倭变造船体制重大不便驾使改造沙船十二只入浆船四只楼船沙舱三只小梭船二只仍开浚东西二港以备湾泊一议军兵操驾改造兵船合选惯水年少有力军丁四百八十名统领把总一员哨总二员定立日期演习水战捕捉江洋盗贼一议廩粮兵船将士常川巡守合加优异以慰众心把总每日加八分哨总六分队长四分每兵三分俱于车驾司补给一议器械各兵冲锋御敌合用弓弩兵刀枪銃炮旗帜金鼓之类俟于营地草荡租银内动支其盔甲火药一并量造从之

○赏巡抚贵州都御史蔡文银两表里副使刘行素守备刘天庆各赏有差从巡按贵州御史杨允中题勘剿平叛贼汪约逆贼罗奇功次赏巡抚蔡文银二十两纁丝二表里吴国刘行素刘天庆各十两天庆仍升俸一级刘守爵陆东蒙天春各五两○工部覆工科给事中朱南雍等题称文场狭隘宜加增廓本部劄委主事杨松胡绪张大器会同巡城御史黄家栋亲诣贡院签量应建堂宇号房规制各增加深广重新建造其应柘基址除北面原有空地十二丈外今东面展开十丈西面展开十丈西面展开八丈南面展开八丈应拆民间房屋五百九十五间一面从公估计价值给散其合用钱粮炤事例本部六分顺天府四分支给并咨兵部拨班军三千名用工上紧做造从之

○辛卯先南京户部题查得南京承运库见贮并见派生丝绢共八万六千二百余疋以每年支放折俸并内官各衣铺盖等项计足支七年有余几至腐坏而在库银止一

千九百余两不足一年支放合将万历三年以后应徵绢疋俱放折色以备折俸待绢疋放将尽另行查议其历年拣下精丝绢疋并司钥等库见积开元铜钱一百六十余万搭配放给以_〇积贮户部覆如其议但隆庆五年奉有明旨不许轻议改折合应仍徵本色其折俸银两不足者即给本色既不壅滞岂至坏朽诏曰可

○四川乌蒙军民府马湖府泥溪长官司各差土舍进贡马匹给赏如例

○升赏辽东义川大青堡获功官军甯子周等一百四十一人

○刑部覆巡按四川御史孙代题将四川人民犯伪造印信传信邪说者尽法处治招赘后夫者立法禁止查得妖言惑众与叛逆同科决不待时如近来陕西妖人齐房一起业奉钦依处决止因抚按意见不同迄今未见典刑遂使妖人无所惩戒至于招赘后夫举居室田产子女婢仆前夫所遗尽以归之后夫比之娼优卖奸尤为不同盖不特廉耻扫地抑且酿祸最烈合从重拟断通行禁谕得旨所奏干系法纪风俗都依拟行齐房等着巡按御史依限查奏

○癸巳 上御皇极殿传胪赐贡士孙继皋等进士及第出身有差

○乙未 上御文华殿讲读

○丙申 上御文华殿讲读

○升云南佥事沈淮为江西右参议 丁酉状元孙继皋率诸进士上表谢恩

○戊戌调补原任浙江佥事吴教传于云南

○吏部覆户科右给事中裴应章条陈三事一巡按御史差满复命方议迁转一省直提调学政宪臣三年任满岁考完日方升其有坐消岁月者不时议处一分巡官每岁遍巡所属地方钱粮词讼盗贼等事悉心经画从之

○己亥 上御文华殿讲读

○都察院左都御史葛守礼覆巡按直隶御史张更化奏殴死出使简讨沈位犯人陈镇为首律斩查照揭黄子孙不许承袭杨忠葛良佑宋乔丘钊减等发边卫充军诏可

○刑科左给事中郑岳奏国家借黄河为运道上自茶城下至淮安五百余里乃茶城有倒淤之患徐州有淹城之危邳州有淤塞决口之虞稽之历年可考也臣去年奉差经过淮安正值水发之候民居飘荡询之地方父老皆言自嘉靖四十四年五年河水大发淮口出水之际海沙渐淤今则高与山等此沙既壅自淮而上河流不迅泥水愈淤其邳州之浅房村之决吕梁二洪之平茶城倒流之弊皆繇此也今不务海口之沙乃于徐沛吕梁地形高处日筑堤岸以防水势桃源宿迁而下听其所之则水安得不大而民之为鱼未有几时也臣闻之惻然尝见宋人李公义王令图曾献浚川耙法以圆木八尺横于中以铁为齿齿列三行两端有轮以舟驾之行浅水中舟过则泥去此古人已试之法试访而用之能_〇淮口横沙而去其最下之塞则徐淮自无淹溺之虞能_〇吕梁积淤而得其高低之形则茶城自无倒流之患此固言之可采理之必然者工部覆议咨河道侍郎亲诣海口踏勘具奏从之

○庚子 上御文华殿讲读

○初 上于几务之暇游心翰墨常书学二帝三王治天下大经大法十二字悬之文华殿中又面谕辅臣张居正曰朕欲赐先生等及九卿掌印并日讲官各大书一幅以寓期勉之意先生可于二十五日来看朕写是日讲读毕居正等诣文华殿后诸内臣捧泥金彩笺数十幅 上纵笔如飞大书宅揆保衡同心夹辅各一幅正已率属九幅责难陈善五幅敬畏二幅字皆踰尺顷刻毕就

○兵部覆提督两广右都御史殷正茂题潮贼朱良宝据险为巢人效死斗必须重悬赏格令就近自募死士方可必克都指挥陈璘吏目王道踊跃请先忠义迈众成功之日将陈璘升参将王道虽系文职改升守备仍移咨两广福建巡抚严督总兵司道等官先攻诸良宝以解倒悬之急次取林凤以收破竹之功诏可

○吏部右侍郎兼翰林院侍读学士陶大临卒大临浙江绍兴府会稽县人嘉靖丙辰进士授翰林院编修历侍读南京翰林院侍读学士掌院事南京国子监祭酒少詹事礼部右侍郎改吏部充经筵日讲官纂修 世庙实录副 穆庙实录总裁为人沉毅寡言笑清介持躬 上以讲读效劳赐钞布米特准祭葬谥文僖赠礼部尚书荫一子为国子监生

○辛丑 上视朝命司礼监太监颁给御书于会极门以宅揆保衡赐辅臣张居正同心夹辅赐辅臣吕调阳正已率属九幅赐六部都通大掌印官责难陈善五幅赐日讲官敬畏二幅赐正字官

○工部覆总督蓟辽都御史刘应节题讨火器等项查得京库厂局收贮火器专备防护都城听京营官军关领例不发边独该镇密迩京师自隆庆元年以后破格量发数次今仍于盔甲厂动支见贮铁佛朗机二千架鸟銃四百副夹把枪二千杆并各随用子銃铅弹火药药线等项听差官领回其兵仗局题欲添造合成造中样铜佛朗机銃三千副大将军十位二将军七十九位三将军二十位神炮六百六十九个神銃一千五百五十八把补造中样铜佛朗机銃一千二百副小铜佛朗机銃五十副并各随用子銃铅弹火药等项定限三年之内尽数报完诏可

○工部覆河道侍郎万恭题〈派之〉洲花园港等处原议建闸盖俾江南粮运可以直达免盘剥之费也自隆庆六年花园港猪市上下闸成迨今二载粮艘无滞省民间不费之费但上闸重建方毕而下闸冲啮又坏合行河道侍郎将〈派之〉洲应改下闸及詹家洲应建中闸作速兴举并〈□□之〉河杨子桥亦于明年接续修建以收全功其江南应该协助修闸银两严行追解济用从之

○壬寅大风昼晦

○授孙继皋为翰林院修撰余孟麟王应选俱为编修

○礼科给事中石应岳题宗支日烦禄米无措郡王而上犹得厚给将军中尉多不能自存已封者若此不得封者可知矣臣请以不系赐名授爵者尽弛诸禁听其士农工

商从便为之其有文学才能者一体应举入仕准王亲事例不许任京官握兵权此皆善推 圣祖之意曲体宗室之情也不然公无以为给私无以为养饥寒切身起为奸邪然后从而禁之所伤国体多矣下礼部议

○癸卯 上御文华殿讲读○升浙江道御史谢廷杰为大理寺右寺丞

○以翰林院掌院申时行充日讲官

○改提督抚治郟阳等处都御史为提督军务兼抚治郟阳等处

○甲辰升太常寺少卿陈于陞为南京右通政

○铸给漳州府海防同知关防

○巡抚顺天右副都御史杨兆题查勘居庸关商税每年有闰月抽收三千余两无闰月止二千四五百两除解延庆卫柴炭等项共该一千五百三十五两余剩八百余两解送昌平管粮衙门凑给主兵军饷扣抵年例下户部议

明神宗显皇帝实录卷之二十三

明神宗显皇帝实录卷之二十四

万历二年四月乙巳朔上享 太庙

○湖广抚按赵贤李拭题筑荆州采穴新冲二口承天泗港谢家湾各穴口以杀水势工费重大钱粮不敷乞将德安仓粮银并各王府减存备用禄银接济户部覆如议行

○改兵部右侍郎杨巍为吏部右侍郎

○丙午 上御经筵

○改南京太仆寺少卿陆光祖为太常寺少卿

○户部覆兵部咨修筑大同边墙照例本部该发银二十六万二千六百六十八两四钱二分分作五年每年发五万两至末一次发六万二千六百六十八两四钱二分动支太仓银库从之

○戊申 上御文华殿讲读御书责难陈善大字一幅赐讲官申时行○改户部右侍郎梁梦龙为兵部右侍郎

○庚戌革甘肃总兵官佟应任听勘游击吴镇改调从总督陕西尚书戴才参劾也

○辛亥总督蓟辽右都御史刘应节等题建昌台头奇兵三营皆系召募兵马近将行粮料草减半逃亡已多合将蓟密永三镇调操银凑拨五千两并辽兵遗下粮草银四千四百余两改兑建昌台头兵马行粮料草其奇兵原额二千五百名今止以二千为额将减去五百额饷留□本营行粮户部覆如议但辽兵遗下粮银四千九百余两已奉钦依作该镇本军行粮止准动支调操银量加优恤报可

○加平安伯方承裕生母贾氏祭一坛以承裕系 孝烈皇后亲弟也

○兵部覆巡按山东御史郭思极勘过达贼□犯清河等处所有失事官员守一堵墙堡指挥僉事王汝栋等合下巡按御史问从之

○壬子升广东潮州府知府李多祚为本省副使

○礼部覆礼科都给事中朱南雍等题据唐府左长史袁福徵揭称唐王硕燠原无奏讨承奉本章查验符宝篆文与旧本不同显是赍本舍人黄荣串结奸徒朋谋欺罔但本内人犯俱在彼中合移咨都察院转行彼处巡按御史严行究问限本年十月终其奏报可

○癸丑 上始习属对命辅臣日拟对句以进 上对毕即以示辅臣其有未安者悉许更定是日辅臣拟对云天地泰 上立对云日月明辅臣居正等因言 宣宗皇帝尝侍 成祖文皇帝巡幸北京以端午节射柳御苑 宣宗皇帝连发三矢皆中 成祖大喜骑射罢又出对万方玉帛风云会 宣宗应声对云一统山河日月明 成祖又大喜赐名马一匹及纁丝纱布命儒臣赋诗以纪其事是时 宣宗皇帝年甫十五岁真所谓天纵聪明首出庶物者矣昨者恭睹 皇上初作对联适与 宣宗皇帝所对相合臣等不胜庆忭谨录其事上呈御览伏望 皇上益懋 圣功甄扬 祖烈以慰 列圣在天之灵 上嘉纳焉

○命总督河道侍郎万恭回籍听用以工科给事中吴文佳南京湖广道御史陈堂等劾其不职也

○命巡抚应天右佥都御史张佳胤回籍听调南京别衙门用

○刑部覆南京监察御史王宣化参应天府推官周恪将犯人胡三兴淹禁不决伊母吴氏缢死称冤及状开本官接受吴淪重赂等情合行南京刑部提问报可

○甲寅 上御文华殿讲读

○铸换云南按察司印一颗

○礼部覆礼科给事中林景旸< 䟽 䟽 䟽 䟽 䟽 䟽 >言 大明会典一书即唐宋六典会要之遗意以昭一代之章程垂万年之法守至精且当顾其为书成于弘治之末至今代更 四圣岁踰六纪典章法度不无损益异同其条贯散见于简册卷牍之间凡百有司艰于考据诸所援附鲜有定画以致议论繁滋法令数易吏不知所守民不知所从甚非所以定国是而一人心也但今 两朝实录已渐次告成而披阅较正日不暇给若复兼修会典未免顾此失彼势难并行合候 实录进呈日将会典专一纂修自嘉靖二十八年至隆庆六年详加编摩附于嘉靖年间续修会典之后汇辑成书永为遵守及照文献通考乃先朝儒士马瑞临所著以续通典之末彼其纪载该博诚足以裨考鉴之资第其书出于臣下私述原非制书今欲付之史局编摩似于事体未当且会典既修则国朝二百余年之文献布在方策固已灿然可考而通考一书可无俟于续修矣从之

○南京礼部尚书尹台以病乞休许之

○浙江处州府丽水县两学被革生员郑汶等奏辩隆庆四年缘本学生员朱昶被县民金瑞杰告欠饷银事发牵累汶等二十二人黜革恳赐超豁得旨越关奏扰为首的法司拿问其余著该城御史等拿解回籍刑科都给事中乌昇参奏郑汶等先因包揽税粮拖欠嗾官司催并遂率众欧伤本管方面官员仍勒出告示激变人心随该抚按参劾

奉旨问遣为民仍私越关津肆行渎奏乞速拿重究下法司治罪汶复逃脱下巡按御史拿问

○乙卯 上御文华殿讲读

○升巡抚山西都察院右副都御史朱笈为户部右侍郎

○升协守甘州左副总兵署都指挥僉事李震为署都督僉事充甘肃总兵官○先是刑科给事中刘铉题今次办事进士各司预设大明律例一部选司属中老成博雅者一二人为表率堂事之暇读习讲解堂上官不时掣诵每月终面试假如一道以验进益其两京国子生常课外每日读律例几条亦月季考较招情刑部覆如议但国子学生如试判语一道默写本条全文亦可为将不服官张本矣从之

○丙辰 上御经筵

○命巡抚山东都察院右僉都御史傅希摯以原官总理河道

○丁巳赠故太保兼太子太傅掌锦衣卫事后军都督府左都督朱希孝太傅谥忠僖与祭葬加祭二坛

○兵部覆广西剿平怀远诸瑶功次提督右都御史殷正茂巡抚广西副都御史郭应聘巡抚湖广都御史赵贤巡抚浙江都御史方弘静巡抚贵州都御史蔡文总兵官李锡等各赉银帑有差

○戊午 上御文华殿讲读

○命锦衣卫僉书署都指挥僉事杨俊卿提督街道

○兵部覆兵科给事中蔡汝贤巡按四川御史孙代题九丝都蛮遗匿山箐尚多及谷炮寨小落明等处残蛮与苗兵争兢撕杀及今不剪滋蔓难图合行总兵官刘显严督官兵尽行剿绝如或玩寇老师致貽后患国法具在报可

○司礼监太监冯保等传奉 圣谕 圣母发银三千两与工部修建涿州娘娘庙工部执奏前奉 圣谕特发内帑修建胡良河及北关外桥梁济人盛心臣等敢不奉扬近复建庙宇夫佛老二氏圣门斥为异端而假祸福以惑世犹异端中之邪说也登极诏书内一款万善广善二坛说戒僧人以戒法诱惑愚民炤旧禁革中外传诵以为大圣人之作为今乃忽自背驰此端一开渐不可长帝王养亲以善谕亲于道伏乞皇上劝回成命以尤大孝工科给事中吴文佳等亦奏娘娘之庙不知所繇起窃闻畿辅众庶奔走崇奉风俗日非犹望 皇上下禁止之令反导之耶传之天下后世关系 圣德非细俱报闻

○己未改南京工部尚书林< 火廉 >为南京礼部尚书

○升南京太仆寺卿李世达为都察院右僉都御史巡抚山东

○给故武清伯赵国斌祭葬

○辛酉 上御文华殿讲读

○户部覆工部咨称湖广抚按赵贤等题湖省当江汉之委荆州承天等处频遭水

患其民恃堤为命而堤所恃以固者惟穴口分洩之力祇因旧穴堙塞以致水势横决今议开荆州采穴新冲二口承天泗巷谢家湾各穴口以杀水势前此节经抚按奏修堤腴请银一万五千余两水患如故合将库贮德安仓粮银并减存备用各禄银三千二百二十二两未完广阜仓银五千三百三十一两五钱准令支用以后年分徵解济边不许一概混用从之

○礼部覆蜀王宣圻奏凡王国庆贺筵宴礼仪具载 祖训会典今蜀王具奏至再合行各衙门遵炤本部先次题奉钦依悉加遵守其出入承运门一节会典查无开载既经蜀王奏系相传定制相应一体遵守其非会典所载及虽系旧规而于典制无当者该府不得越礼渎扰制曰可 壬戌升吏部左侍郎刘先济为南京工部尚书大理寺左少卿王之垣为南京太仆寺卿左春坊左庶子掌南京翰林院事余有丁为南京国子监祭酒 调原任巡抚四川都察院右佥都御史严清以原官巡抚山西

○户部题万历元年年终各边督抚官类造钱粮揭帖进览如蓟永密昌辽东等镇支放与上年相当宣府省银四万余两又采办等项银四万余两山西比上年多催完银十万余两少粮料一万余石大同比上年多催完银三十四万余两皆系督抚及宣大郎中兵备等官尽心经理之功相应分别优赉诏报山西宣大三镇节省催督钱粮独著吏部纪录擢用

○命分守宁夏东路右参将陈锐充协守甘州左副总兵

○户科给事中赵参鲁上言发银建庙以奉佛祈福尽皆诞妄近日北虏南寇残破地方输税浚河卖鬻妻子计先后发修建银两至五万三千若以大赈穷民其于祈福禳灾多矣不听

○乙丑 上御文华殿讲读

○先是户科给事中张孙绳原任南京户部尚书尹台妄行奏辩及要申饬以后被论大臣只自陈求退不许奏辩吏部覆议得旨今后大臣被劾只著自陈求退不许摭拾强辩言官亦不许挟私风闻苛求细过 升太常寺少卿曾同亨为大理寺左少卿

○发户部银一万一千一百四十余两给甘肃五道修边 宴赏乌思藏大乘法王并法藏等六寺鲁班等七寺差来进贡国师乌竹笑等刺麻番僧相竹领占领上端木等如例 命原任镇守宣府总兵官都督同知赵苛前军都督府佥书管事原任镇守福建总兵官都督佥事今革职俞大猷准复署都督佥事后军都督府佥书管事

○命以副总兵职衔管理宣大山西总督军门中军事胡镇仍以原官分守宁夏东路右参将

○命管理红盔将军宣城伯卫国本铨注中军都督府佥书管事

○丙寅 上御经筵

○吏部覆吏科左给事中张楚城题复行久任之法今后知县历俸六年上下乃升取知府知州历俸六年上下乃升迁间有才不宜于官官不宜于地者听抚按查实具题

量行更易其藩臬二司参政升布政参议升参政副使升按察使僉事升副使在内科道部属大约六年上下升司寺参政副使三年上下升参议僉事知府若一时风宪急缺择各部主事通达国体谙练刑名者改用报曰久任本系良法若独责守令自难久行华要衙门都著一体遵守

○兵部覆户科左给事中陈渠题两广提督殷正茂云南巡抚邹应龙广西巡抚郭应聘各报剿贼宜加详核及善后事宜查殷正茂先次受赏实为惠州之功今诸良宝已倾巢穴但林凤尚在潮州广西多盗之区即再奏大捷善后为难云南之师出自便宜先未请征輒报荡平未妥虚的合咨行殷正茂会同福建巡抚严督官兵将林凤克期剿灭仍与邹应龙郭应聘各画善后事宜以图一劳永逸其云南广西功次行巡按御史严加核实从之○巡抚保定右僉都御史孙丕扬题真定包修城垣用过木税赃罚等银四万二千二百八十三两零未修城约用银六万八千四百九十两查出本府库贮新增地亩等银二万五千一百八十八两堪动其不敷之数查动顺真广大四府库贮各院赃罚或将万历三年以后木税仍留一半凑修支用工部覆如议但木税仍遵前旨以后年分解节慎库备买内监木植不得扣留从之

○戊辰 上御文华殿讲读

○户部预开万历三年分两淮常股存积盐共五十九万四千七百六十九引一百四十九斤二两每引率价银三钱五分甘肃减五分长芦常股存积盐共一十八万八千八百八十六斤每引率价银二钱山东常股存积盐共九万六千一百一十引一十九斤零每引率价银一钱五分内派甘肃镇算该银九万三千五百七十七两五钱延绥镇算该银三万四千三百九十五两一钱零固原镇算该银二万一千五百九十八两零山西神池等堡算该银五万一千七十三两四钱零蓟州镇算该银一万三千五百八十一两零原议专备主客兵并补岁用不敷及新增募军等项支用报可

○己巳 上御文华殿讲读

○改兵部车驾司主事陆万钟刑部贵州司主事商为正刑部浙江司主事刘台刑部广东司主事陈文衡刑部湖广司主事于鲸兵部职方司主事詹贞吉刑部山东司主事晏仕翹刑部河南司主事侯尧封礼部祠祭司主事王藻刑部广西司主事耿鸣世大理寺右评事傅元顺俱为监察御史万钟浙江道为正江西道台福建道文衡湖广道鲸河南道贞吉山东道仕翹山西道尧封四川道藻广东道鸣世广西道元顺云南道

○庚午 上御皇极殿遣使册封瑞金王在纳等是日堂下作乐 升吏部文选司郎中刘大绶为太常寺少卿

○辛未荫户部左侍郎陈瓚子陈忠为国子生以三年秩满也

○壬申 上御文华殿讲读

○癸酉兵部覆蓟镇督抚等官刘应节等题属夷讨赏原非犯顺南兵吴青等贸易曠夺遂敢私越边关擅杀属夷诈捏虏情妄传烽火吴青等二名合行梟示副总兵陈勋

提调王凤鸣量加罚治守备陈子銮等行巡按御史问从之 □□常寺少卿会同亨为大理寺左少卿

○命定远侯邓世栋管理红盔将军

○巡按河南御史褚缺题据会审犯人李乾供状乾原系唐府校尉因偷盗逐出潜住京师内官赵忠常福谋干唐府承奉访知乾系旧役密谋购买刘恩空头宝本欺唐王年幼国妃管事捏奏见缺承奉乞请拨补等情都察院覆请下抚按会同提问诏赵忠常福著锦衣卫差官校扭解来京问其余著巡按御史尽行处治

明神宗显皇帝实录卷之二十四

明神宗显皇帝实录卷之二十五

历二年五月甲戌朔赐辅臣张居正等讲官丁士美等金艾叶簪绶符艾叶有差

○乙亥 上御经筵

○丙子吏部尚书张瀚再< 〇〇 毓-金 >乞休慰留之先是改各部主事为监察御史刑部主事侯尧封除授甫二月与焉吏科给事中张楚城< 〇〇 毓-金 >论方议久任而乃取人于两月所谓历练民事者安在侯尧封乞仍供前职瀚奏主事御史同为京官不在升擢之例考选之日止据刑部堂上官称尧封办事勤慎颇习刑名遂信而用之于是实无半面之识因乞罢职不允

○广宁镇静镇安夏清等堡各整台棋杆夜忽有火光一更方灭

○戊寅 上谕礼部雨泽愆期朕于宫中斋戒虔祷百官修省及应遣告事例便查拟来行越三日雨远近沾足

○刑科给事中欧阳柏奏赞成久任之法条例四事一惜人才谓同郡所属不得互相更调同郡则地相近互相调则优劣相形心意顿灰治效罔睹一慎咨访抚按监司多寄耳目于属官属官复假于下人奸弊丛生黑白倒置务在持公秉虚使弥缝者不得幸免而循默者不致受诬一戒纷更喜事之徒借口兴革成法屡更奸冗日滋不若循旧奉公之为便一崇实政立碑建祠一如律例所禁吏部覆如议从之

○己卯火星逆行犯氏宿

○以 世庙德妃张氏发引免朝

○庚辰 上御文华殿讲读

○辛巳 上御文华殿讲读时辅臣张居正偶患腹痛 上知之手调辣面一器以赐并辅臣吕调阳各赐金镶牙箸一双同食

○壬午兵部覆总督两广都御史殷正茂题剿平海寇诸良宝等大小文武效劳人员合先优赉仍行巡按御史核实具奏得旨依拟都御史殷正茂于先荫锦衣卫副千户加升一级总兵官张元勋升祖职一级仍各赏银两表里参政刘稳等参将胡震守备董龙等各赏赉有差

○癸未 上御文华殿讲读

○户部覆巡按直隶御史陈文燧条陈核两镇之支费凡抚赏间谍续给虏酋亲属穷夷止许支用积贮客饷夷税等银稍有不敷量行请益不许那动尖丁商税余课公务司府库贮等项每岁仍委巡按御史带查奏报其两镇本色颇多不拘主客通融支放虚增屯粮悉行开豁但清查隐占开垦荒芜以所入补足原额得旨再议来说仍以尖丁等项听督抚支用

○建左州新宁州儒学各设学正一员从两广督抚殷正茂等题称二州改土为流正用夏变夷之机也

○甲申 上御文华殿讲读

○户部覆陕西督抚石茂华题清查固原镇钱粮自隆庆五六年间用过数目未明势难卒就原限四月内奉报量行宽限至万历三年二月其原任兰州知州刘畿及库子桃柏行巡按山西御史拿解陕西与商人何思等对审以凭归结从之 科给事中张孙绳题近遵题准置立考成文簿将大小未完事件立定期限通行内外遵守法至善已但限期不必拘定月分远方有咨文未到期已先满者须酌量道理远近事体难易以奉文之日为始定限几月该部每季类奏发讫日期各抚按亦每季类奏奉文日期以凭查考则勤怠立见其在抚按每当候代时易多推委而接管初至又漫不知因事之迟误亦多坐此以后违限者俱责在任听部科纠参下户部议

○乙酉吏科左给事中张楚城奏称会推大臣宜先期移文与推官员令各举二员 < [] 铨-金 > 集下部仍逐季将大臣履历移送各官令时常咨访以备临时荐用吏部覆人之意见不同若一一开 < [] 铨-金 > 下部不免琐渎宸严逐季开送履历则迹涉推诿事权而造报频频难继但于会官廷推之日各务秉公持虚论定后官庶几爵人于朝与众共之之意 上从部议

○录荫故大学士张孚敬孙男张汝纪为国子生以原在效劳皇史宬议中其妻比例陈乞也

○兵部覆南京兵部尚书刘体乾等题南京锦衣等卫所快船及江淮二卫马船差拨虽均但快船掌驾取诸各卫军余委属凋敝马船水夫原有本等工食似可通融议将快船裁减一百五十一只内二十一只径行停止其一百三十只改入江淮二卫以准马船即以见在及添募水夫拨领掌驾其工食口粮并哨总等官廩给悉照浦子口兵船事例处给从之

○丙戌除原任福建僉事王锡命于河南○兵部覆蓟辽督抚刘应节等题估勘宁前应修台工三百九十六座又先修土堡一十一座墙三万九千六百七丈议用银一十二万余两必二十年方完较原议似若少省计完限尤属甚迟各官复就中酌量缓急止修台三百座故计费止用银三万两计成则五年可完但修工军三千人每年筑台六十座似为大劳每台增估银一百两亦似不足欲成大计岂惜小费合于原估外每台加顾夫银一百二十两如保镇例准将广宁库贮夫丁银一万二千两先行动支不敷银一万

八千两照户七兵三事例其雇夫银三万六千两本部动支马价分作三年解发报可

○丁亥 上御文华殿讲读

○升山东右参议余立为本省副使提调学政

○戊子升吏部右侍郎杨巍为本部左侍郎改礼部右侍郎兼翰林院侍读学士丁士美为吏部右侍郎

○兵部覆巡按直隶御史陈文燧条陈边务七事一察抚赏之机宜谓互市抚赏悉遵原议不得过有要求一酌修守之要领修筑边墙墩台役重事钜钱粮夫役数目不同诸臣意见未协及报完期限俱令再行酌议一勤什伍之训练谓宣大军士以经年修工而不习训练复以料价数少而不备器械合严行招捕逃亡清查占役酌议堪动银两制造战车火器一严使介之稽核凡夷人传报声息及各枝求索赏赉俱住边城外馆听通事量领头目进见其出境时不许挟带铁器硝磺违禁等物一惜边军之劳困两镇扣银扣饷扣粮扣屯减哨朋合等严禁将领科歛一议夷马之价值大同镇所易夷马可发州县驿递之用其给军骑坐未扣折色宣府无从发落乃议二军领买一马免其修工间有倒损未免赔偿合视旧稍益人数务为经久之法一定贡市之□候五月进贡马匹互市六月事毕悉如原约不得以各枝持疑不协为辞从之

○工部覆顺天巡抚杨兆巡按王湘等题顺永八府岁遭昏垫保定真定为水所自出多横流荡没之患顺天河间为水所潴汇半沮洳萑苇之场或当筑塞或当挑浚言建白非一人本部题勘非一次矣兹者抚按议报前来灿若指掌但近来畿辅州县旱涝频仍赋役烦急如更兴工动众恐利未及收而害已不支矣合将前议备注在牒待数年后公私稍裕为之其滄古田粮将各淤出见种地亩起科抵补报可

○己丑赐辅臣张居正等讲官丁士美等扇各有差

○夜望月食

○庚寅除原任四川右参议沈启原于山东

○给故南京礼部尚书李玘祭葬如例玘以嘉靖四十五年卒至是礼部覆巡抚江西凌云翼请也

○辛卯 上御文华殿讲读○刑科给事中秦耀题近有内官赵忠常福一事已奉严旨究矣臣愿就此大加划剔其弊端有三夫王府题奏多带空头宝本来京托人缮写岂非虑与格例不协及字眼差讹哉然以王章假手匹夫更易于数千里外僥事有大于奏讨承奉者何从诘问所当厘者一钱粮国计所关乃以六万余金付一百户领之虽觉察穷治而监追不就所当厘者二诬借官银指称营干至逼寡妃幼主损贖代偿清明之朝岂宜有此所当厘者三臣又闻各王府有一等听差人役每令赴奏輒索重贖称为入京打点恣意乾没污人名节诸藩之困坐此也今后庆贺听其遣使亲赍余若请名请封请婚祭葬等事俱令抚按核实代题诈伪之辈绝迹矣下礼部议

○编派山东东昌府属濮州丘县莘县朝城范县清平馆陶八州县每年均徭银各

五十两共四百两协济冠县供应之费从抚按题本县赋重难支也

○壬辰先是 上在宫中传 圣母意问近侍曰元辅张先生父母存乎左右对曰先生父母俱存年俱七十甚康健 圣母闻之甚喜是日 上手谕居正曰闻先生父母俱存年各古稀康健荣享朕心嘉悦特赐大红蟒衣一袭银钱二十两玉花坠七件彩衣纱六疋乃奉 圣母恩赐咸钦承著家僮往贳之外银钱二十两是先生的

○癸巳礼科给事中林景旻论劾工部尚书朱衡因再< 䟽 䟽-金 >乞休许之加太子太保给驿去

○户部题应发各边采买粮草银两宣府客兵七万两大同客兵八万两永平密云主兵各一万两宣府主兵一万两大同主兵二万两山西主兵二万两辽东主兵二万两延绥主客兵三万两宁夏固原甘肃各主兵一万两易州客兵一万两趁秋采买预备万历三年支用各镇即将仓场冲缓及实在应补之数预查明白方行给发不许听信奸商猾吏巧行趋避使极冲者临时缺乏僻缓者多致陈腐违者听抚按参究银两准给发

○革永平王府镇国中尉恬燉禄米三分之二恬烜住禄半年山西抚按官朱笈等论其不法事也

○乙未录辽阳等城清河等堡斩获功次升赏官军马千儿等一百二十八员名

○礼科给事中石应岳题伏见 圣祖封建诸王敦睦九族凡子孙胜衣以上者皆仰食县官恩至渥矣迩年以来麟趾繁衍载玉牒者四万而存者可三万有奇岁该禄粮可九百万石计各省存留之赋曾不足以供禄米之半已封及当封者臣不敢以轻议至于遗孤失请名封及请名封而以过期冒滥违例奏寝者何限似犹可以变通者盖此等世系既出于天潢而名封弗锡于天朝县官无斗升之给私家乏治生之谋男四十而未能婚女三十而未得嫁甚至没名佣隶流落道路夫圣明御< 䟽 䟽-禹 >一民一物皆欲其得所何况宗室懿亲然欲加赋额则今之赋歛非轻矣欲捐内帑则今之积贮非盈矣将何施而可臣尝读 祖训有曰郡王嫡长子袭封郡王者其岁赐比方封郡王减半支給夫 圣祖之郡王亲则孙也不三世而遂裁其禄则自五世而下者可类推矣是 圣祖立法之方未尝不寓变通之权也矧今日当穷极又当速变之会乎臣愚以为直善推圣祖之意曲体宗室之情凡不系赐名受封者尽弛诸禁听其自为生计士农工商从便为之则彼必欣然喜为之与坐而待毙母宁劳而得食可以得活旦夕命耳且古者公族皆得入官如汉刘向唐李绛宋赵汝愚皆以王宗之亲蔚为名臣社稷安危将终赖之则宗臣者亦何负于国家也今宗支中知可效一官才可办一职者岂独无其人乎一概废而不用深可惜也若许未封诸宗有文学才能者与凡民俊秀一体应举入仕以王亲事例例之但不许任京官握兵权则才能者自有诏爵禄之典必不希冀难得之需而咸思所以自效矣或者谓宗室至骄纵也为农工为商贾恐至于暴争入官恐至于傲虐不知法纪森严虽亲郡王将军犯法者已不轻宥矣况业农工与商者则治之以有司士入官者则持之以长吏彼岂暴争而傲虐哉如前所议朝廷不过下尺一之纸有司亦不烦

铖之供而为宗室者皆得以相生相养渐免于流离失所之苦及行之数年诸藩称便然后以渐而议其他彼徒拥虚名而不得实禄者亦将欣然舍此就彼矣下礼部及诸藩覆议○刑科给事中乌昇等奏请将大明律注参酌考订并续增条例详议上请共成一书颁行中外刑部覆大明律一书乃 圣祖神谋独断参酌历代刑章明白洞彻原无微文隐义不可通晓之处诸家注释往往各执己见纷如聚讼如此参订奉旨遂为不刊之典窃恐巧文之吏任注释而背律文犹经生弃经任传其弊不可言矣至于问刑条例乃采之 累朝诏令或在廷诸臣建白可补律文之所未悉自嘉靖三十三年重定之后未经补辑合咨各衙门将嘉靖三十四年以后与刑名相关事体备查过部参定附续颁布中外报可

○丙申礼部请大祥之后日视朝如常仪报曰且炤三六九近例行

○以河南归德府知府郑旻为贵州提学副使

○户部题发宁前台银一万二千六百两 丁酉西初二刻夏至 大祭 地于方泽遣公张溶代

○戊戌海西者刺等卫女直都督阿失卜等二百一十一名并塔鲁等卫女直都督僉事笼卜等一百七十九名各朝贡宴赏如例

○庚子复设三江口守备一员从湖广抚按官请也

○辛丑奉 穆宗庄皇帝主祔 太庙

○礼部覆巡按直隶御史陈文燧题参饶阳王充■于嘉靖三十三年犯罪革爵遂发高墙至隆庆元年虽经放回本府而王爵已除其册印例当追夺乃占愆不发援引郑王厚烷建言获谴事例迥不相同至于革爵庶人岂得冒支禄粮法应并追以后各王府有缘事革降者先追夺印册奏缴然后押送高墙诏如议禄未姑免追还

○壬寅以 穆宗庄皇帝祔 庙礼成赐辅臣张居正等银币有差○癸卯先是开原地方属夷王台一枝士马精强为虏中所惮而贪嗜抚赏颇怀效顺至是土蛮小黄台吉等要挟结亲兵科给事中蔡汝贤辽东抚按张学颜等各上< 蹠 毓-金 >言之兵部覆议诸虏通好意在连兵但据王台报称不得已之故犹未敢自绝况黄台吉以五千之众能劫之使婚矧辽阳数万之师加以岁贡月市岂不能挽之使附谓宜明示利害以决其疑炤常抚市以固其志报可

明神宗显皇帝实录卷之二十五

明神宗显皇帝实录卷之二十六

万历二年六月甲辰朔升户部左侍郎郭朝宾为工部尚书

○湖广抚按赵贤李栻题称济恶王亲犯人王朋等没官赃银货物房屋田地等项原估报共十万一千三百五十七两乞留本地方兵饷并各王府禄粮之用户部如议覆行

○乙巳 上御文华殿讲读

○丙午户部覆南京户部尚书傅颐等题南京锦衣卫所新收军士九千三百余名每年约用银九千余两米九万余石今南京库银积贮颇多虽增新军折色支用有余其粮米当于万历三年秋粮内派浙江二万五千石江西四万五千石湖广二万石径解南京户部交纳以备增军之用报可○礼部题廷试贡生定以四月中为限其后至不及试者俱俟次年不许秋月复试从之

○丁未调河南右参政冯敏功于山东

○总督漕运副都御史王宗沐题漕务五事一定期限以图善后今岁漕舟正月终悉抵镇江盖事体初复人心兢奋然不可为常议定以三月终尽数过淮以一月为黄河逆溯之期则四月终可悉过洪不与黄水相直一禁军士以戒不虞 祖宗以十二万军士岁运于中原自有深意但群聚起争不免贻祸地方凡军船赴水次领兑止许一旗一网跟同运官赴仓其余军士不许私自上岸一清责任以处旧欠前运挂欠新运扣留用守法之人之米为先年盗卖之资不平甚矣如山东都司金书朱嘉谟欠粮二万六千余银二千三百余而反得尊官善地何以服诸人之心今后明开挂欠运官某人旗军某人不拘升任在卫行文原卫变产扣俸及扣运旗余米月粮有不足者仍行地方官设法处完一复军船以苏疲困衢州所原额运船四十九只后添代运海宁卫三只又代温州卫十只连年因累力委不堪今查海宁卫殷实上年已复运十二只再将衢州所十只拨并该卫领运一折脚米以济修船先时军船寄泊瓜仪会议脚米六升征本色给军而以各军行粮折粮以抵修船之费今瓜州建闸运船直至水次听兑必须先修船只预办什物粮完即可开行合自万历二年为始将脚米折徵银两给各运官公同有司修船置办什物下户部议

○以沈阳失事夺辽阳副总兵杨腾俸三月下备御陈大魁等御史问沈阳参将曹簠血战斩首其损军免议

○戊申 上御文华殿讲读

○升云南参政林一新为四川按察使调云南按察使张任于河南 改南京刑部尚书谢登之为户部尚书总督仓场

○准锦衣卫勋卫赵光远袭武靖伯

○荫四川巡抚副都御史曾省吾男曾大汇为国子生

○福建巡抚刘尧诲揭报广贼诸良宝总兵张元勋督兵诛剿其逋贼林凤鸣拥其党万人东走福建总兵胡守仁追逐之因招渔民刘以道谕东番合剿远遁

○刑部题参鸿胪寺回回馆通事序班王良相于隆庆六年五月内差伴送土鲁番夷使前往甘肃地方行至河南彰德府各夷称入京时曾将玉货马匹賒与平乡等王府宗室仪宾人等取讨价值住候四月余又沿途增添箱□□匱驿递应付不前至万历年十二月方到甘肃除将王良相送大理寺审录具奏外合行各处抚按遇有夷使往还地方诸色人等交通卖买拿问参奏货物追夺入官河南抚按官行令赵府长史司启王

知会将平乡等交通夷使宗仪严加戒饬仍咨礼部今后夷使回还箱口口匱车辆令会同馆查见在的数填入勘合如沿途分外增添即追来历处治报可

○庚戌 上以 皇考穆宗庄皇帝升祔禫除于宫中设晏奉 两宫圣母

○升赏义院口窘隆台堵夷官军韩奉等十三人

○革副总兵管宣大军门中军事胡镇任下巡按御史问从巡按御史奏也

○辛亥改南京兵部尚书掌都察院事戴才为南京刑部尚书

○升福建参政顾言为云南按察使

○壬子以招降归正人口赏总兵郭琥副总兵麻锦参将奚元银两有差

○癸丑 上御文华殿讲读

○荫兵部尚书谭纶男谭河图为国子生

○甲寅升工部左侍郎赵锦为南京都察院右佥都御史○户部覆户科给事中张孙绳题考成日期以文到为始恐那移月日之弊不免中外每季奏闻又恐烦渎今查各处抚按奏事各有承舍等役即令候领文示以日期赍到其无人赍领者转送兵部乘便即发不必候积数多各省直近者每季远者半年本部行文清查速行回报其候代迟违责在任如议报可

○夺石门寨副总兵张拱立俸三月永平兵备副使宋守约二月管粮郎中宋豸升官离任免究以石门官草延烧也

○乙卯日讲官沈鲤以病给假赐路费表里命驰驿去

○户部覆两淮巡盐御史王琢玉会同抚按官王宗沐等题淮北堆盐地方低洼每被淮水淹消损商启弊今议筑堡围护合用工价银一万一千四百四十八两零应于淮字各单每引带盐二十斤纳银一钱兑为工费从之 海西古城等卫女直都指挥同知兀答等二百名并忽兰山等卫女直都督同知阿卜等一百一十名各赴京进贡俱赐宴赏赉如例

○丙辰永福守备升福建行都司佥书康仁改升广西都司佥书仍管永宁永福守备事从督抚官请也

○丁巳户部覆总督侍郎方逢时题先年春秋两防督臣驻劄怀来故宣镇召买粮草独多今自诸虏纳款督臣专驻阳和行粮草料独取给于大同前议拨宣府客饷银一万两以补大同既彼此坚执合将今岁年例银两大同如数给发免其扣留宣府量行减扣报可

○戊午升南京兵部右侍郎杜木口丞为工部左侍郎

○礼科给事中李邦佐条陈吏治五事一执公道以服人心守令升迁行取主以抚安之荐章质以任内之寔政勿为谗毁所夺一酌改调以利地方贤能卓异者仍留地方久任其才力不堪者速行论调宜调闲散毋调简僻简僻之人奚罪焉一公举荐以示激劝通判绝无与荐者宜间举一二以作贤能之气一处嫌怨以安善类长以正道率属属

以正道承毋得暗投揭帖彼此攻讦一革虚文以图实效期会迎送酒席供具寿仪等项痛行禁绝吏部覆如议但调闲调简改教亦宜酌量并用报可

○命宁夏游击将军署都指挥僉事赵九思充分守宁夏东路参将

○添设信丰县小江保地方把总一员从南赣江西抚按官请也

○刑部题赵忠常福事情在司礼监则开二犯止招借银生事轻情不认买宝诈奏重罪在河南抚按官则奏称赵忠常福购买空头宝本洗改捏奏及礼部题覆科臣参奏缘繇则又称符宝篆文不同系是假造情辞互异出入悬殊且赵忠等所供进献唐府物件及本府回赏银两揆之情理似属支吾今再行河南抚按将有名人犯提究的确限本年十月内连人解部仍令纪善等所将本府该年分本稿宝簿印封送至巡按衙门转送本部查考报可

○己未调考察不及江西左布政陈绛于四川

○礼部覆刑科给事中秦耀题各王府差人入京与吏书通同为奸利事除抚按代题一节近奉明旨不敢擅更自今以后凡亲郡王应该袭封者照宗藩条例行长史司取具宗支等结即具本刻期赍奏封进之后给批回令其出京如即奏违限领批后潜住京师者拿送法司其奏本到部行宗人府查有无奏报等项限三日回覆该司覆查限五日具题命下精膳司限三日填发勘合凡亲郡王妃及世长子请封但系单本具题者同此其男封自镇国将军而下女封自郡主而下并宗男请名例该类奏者各王府限三月一次本部即于下季具题其选择婚配例该王奏及巡按奏并布政司文结齐到方可查题每季定限仲月一次本部照名封例按季具题其仪宾子弟除亲郡王者例赴京冠带本部每月具题一次其将军以下仪宾宗婿俱按季题其各王府祭葬系亲郡王及亲王妃俱单题郡王妃及将军夫人等俱按季题其余如管理府事参处犯宗请医视药等项俱单题如请封生母旌表孝行俱按季题题覆有常事体归一则奸徒无繇指骗而吏书无繇需索矣至于空头宝本动以虑恐违式为名夫奏请格式详在宗藩条例长史等官俱系科目出身岂不能详加查对或差讹遗漏即行改正其用宝之时会同典宝亲押其下如有差违者行巡按衙门重究报可

○庚申 上御文华殿讲读 淮府德兴王府合水县主仪宾潘文黯广信王府始平县主仪宾胡世禄高昌王府安化县主仪宾叶金铎韩府长泰王府隆安县主仪宾王应奇庆成王府顺化县主仪宾李时荣各赴京授以冠带见朝毕回还成婚

○升江西道监察御史刘存义为大理寺左寺丞

○升贵州副使吴国伦广东副使李渭福建副使徐中行俱为参政国伦河南渭云南中行本省

○释禁錮闲宅赵府平乡王府已故镇国将军祐木□却未封第九子回府居住从河南抚按奏请先因失误请名越关辩扰经今六载情有可原也

○先是属夷董狐狸犯边至是听夷酋兀鲁思罕夷妇伯颜主赖宣谕将原掳人口

送还绑缚造孽部落伯颜阿都赤二名进献乞宥罪复通贡赏兵部覆蓟镇督抚官奏得旨董狐狸准照旧抚赏伯颜阿都赤梟示兀鲁思罕等各赏银币

○发庆成王府废禁闲宅庶宗表□木非土□高墙禁住从山西抚按参奏不知悛改淫纵不法也

○辛酉上御文华殿讲读

○壬戌升陕西苑马寺少卿兼佥事孙光祖为广东副使复除福建副使陆泰复于本省

○命陕西苑马寺卿仍兼佥事分巡平凉一府旧分巡道止管凤翔一府行太仆寺卿免兼道务仍兼佥事分管地方点闸马匹旧分守道仍驻泾州通管平凤二府从总督抚按官请也

○渭南王府镇国将军誉枏以年七十辞管府事请以嫡子定爚代报可

○楚王英<□□火金>薨二孤尚幼先是敕武冈王显槐管理府事保护二孤至是湖广巡抚赵贤论显槐制缚宗仪剥削宫眷寝园置之绝地凌逼加于太妃受贿杀人罪恶暴著当解其掇理以安人心议以东安王显梲代之但不许收掌本府钱粮止住门外空宅以远嫌疑报可 先是光禄寺卿汪宗伊题本寺仓粮积满新粮五万余石缺廩收贮欲于粮米仓收又该寺银库向止库役二名难责典守欲比太仆寺例添设官攒增编库役其盐仓见贮盐三十二万斤约穀二年支用合将年例新盐令折银解寺户部覆如议

○兵部覆巡抚应天都御史宋仪望题修理句容县旧设巡抚衙门为巡抚驻劄春夏巡历苏松等府以防海汛秋冬巡历徽宁等府以肃地方从之

○癸亥以宣府□完边墙城堡墩台等项赏原任总督尚书王崇古总督侍郎方逢时巡抚副都御史吴兑各银两表里吴兑升俸一级总兵官雷龙赵岢赏次之雷龙升祖职一级其余著巡按御史核奏 旌湖广光化县生员蔡玉同弟蔡佩为母庐墓三年孝行之间直隶霍丘县县丞邹相妻黄氏陕西河州民雷得时妻杨氏又民马廷凤妻罗氏湖广邵阳县民罗仁妻陈氏杨氏河南太康县民刘然妻孔氏俱贞节之门山西孟县军人妻牛氏不食七日死河南夏邑县生员段思恭妻张氏三日不食缢死祥符县生员司邦谦妻孟氏四缢不绝卧柩前不食死永城县民郭才妻成氏即时缢死开封府民杜帷纳妻董氏即日缢死杞县民张存儒妻徐氏四日不食自缢灵侧商水县民戴朝福妻张氏自缢登封县生员刘诚妻杨氏自缢湖广南漳县民张真未婚妻宋氏自缢河南怀庆府河内县民蔡茂未婚妻吴氏自缢死俱贞烈之门

○甲子 上御文华殿讲读

○以左春坊左中允范应期充经筵日讲官 升巡抚江西右副都御史凌云翼为南京兵部右侍郎

○升云南曲靖军民府知府王鞏为陕西苑马寺少卿兼佥事

○南京兵部尚书刘体乾以衰病乞休许之

○补荫原任少保兼太子太傅武英殿大学士顾鼎臣孙男顾谦豫为国子生 准荆王嫡次子泰宁王常（□□）言>袭封荆王其世子常冷革为庶人也

○礼部覆巡抚陕西副都御史郅光先题各王府长史员缺务于审理教授等官从公选委暂署司事不得概用护卫及仪卫等军职从之 乙丑户部题宣大山西三镇年例银两宣府镇主兵银五万六千四百四十两大同镇主兵银一十二万三千九百三十四两客兵银三万两山西镇主兵银四万四千六百九十八两零客兵银三万七千五百两准给发

○户部题蓟密永昌四镇额饷银两时已季夏防秋伊迩除已发外仍当补足额数以备缓急蓟州镇该二万七百三十四两零密云镇该一十三万五千九百五十八两零外补上年丁绢银五十二两零永平镇该四万八千四百三十两零昌平镇该四万六千八百八十六两零易州镇量发六千两良涿二千五百两准给发○南吏科给事中史朝铉劾守备太监申信先年差往湖广督发辽庶人起解高墙强取藉没银两六千以充囊橐顷在南京暴戾贪残擅添各门局等官贿赂公行乞亟赐罢斥严行勘问赃罪报闻河南等道御史吴从宪等亦言被劾事情合敕下南京该衙门从公体勘不从

○丁卯 上御文华殿讲读

○升山东按察使朱卿为本省右布政

○戊辰改南京刑部尚书戴才为南京兵部尚书参赞机务升应天府府尹杨成为都察院右副都御史巡抚江西 礼部覆巡抚江西副都御史凌云翼题原任南京刑部尚书已故陈寿新淦人繇进士授户科给事中时外戚万通与中官梁方辈交结用事抗（□□）铤-金>被逮久之得释及为南京副都御史复与逆瑾忤械系下狱监禁居庸关瑾诛起为陕西巡抚能戢镇守太监廖堂毒焰民以安堵两抚边镇军容整肃吏部两移咨取荫皆以无功辞免及死不能成殓虽勋猷尚未尽见而节操则已凛然法宜补谥以示激劝得旨准谥简肃

○己巳升山东右参政王一鹏为本省按察使

○户部覆巡抚延绥都御史张守中管粮郎中李木题本镇虽多余盐课银三万七百七十余两但地方饥馑时近防秋合将客兵银二万二千七百八十七两零给发其多余盐课银扣作下年主兵年例准给发

○庚午升陕西左布政使侯东莱为应天府府尹

○准庆世子倪（□□）火贵>管理府事以庆王熏枋初薨令俟服满请袭也 辛未起原任南京工部尚书林云同为南京刑部尚书

○巡按浙江监察御史萧廩题原任南京兵部尚书王守仁奉旨下儒臣议从祀久矣乃或谓其学近于禅或谓专提良知不及良能或谓遵德性而遗闻见异于朱子夫所恶于禅者以遗弃事物沦于空寂也使守仁出此诚不可治国家乃学术发为事功既章

章矣其立教大旨曰致良知于事事物物之间是大学之教明物察伦之学也其与朱子稍异诚有然者然学在不出吾宗至于启钥开关何必胶柱鼓瑟又有谓始尝修仙佞佛者及门多匪人者总属苛求合宜定议下礼部覆

○壬申升云南副使张文渊为本省右参政复除原任河南左布政使刘曰材于陕西

○光禄寺卿汪宗伊题本寺有器皿厂一所收贮工部南京工部解造器皿相应设法堆放省出数连暂收新粮仍先行支放不妨收阁器皿又查本寺有监局人匠额支粟米者及将军并各监局人匠支粟米半年者俱扣算粟米一石支与白粮七斗庶旧积不置于无用而新收亦可以有备从之

明神宗显皇帝实录卷之二十六

明神宗显皇帝实录卷之二十七

万历二年七月癸酉朔

上享 太庙

○升山西佥事随府为山东副使

○户部覆南京户部尚书傅颐题南京二总运军行粮改于水次兑给诚为两便但数多寡该部无从稽考至耗米席驴脚等项俱系正额正米既兑给军旗前项俱无下落亏损甚多合行漕司每年给发全单先期咨报该部查处耗米等项除给军外其余尽解南京并行查以前混支米扣米银及松江府以麦银径作行粮华亭县以南粮擅放外卫官军俱听该部查覆议处报可

○礼部题韩王朗铎奏称庶第一子璟澜乞请封郡王为照郡王进封亲王者除不得进封郡爵近例昭然今韩府自悼王偕流绝嗣康王偕灞以弟繇彰化王进封其次嫡庶子在未奉条例之前向来相沿承袭今在条例之后似难准从但康王以弟继兄传至今王俱属正派与旁枝一从再从者不同应否准封伏候 圣裁近秦王敬溶请封伊弟敬金□勉查敬溶父怀倦系再从侄男进封敬金□勉只应封中尉已经覆奉钦依今后各王府虽条例以前无论亲枝及一从再从者其次嫡庶子除已经封袭者待本王身终之日其子俱照敬金□勉事例止援本等官职不得妄授前例滥请郡爵报曰璟□门赤□准封郡爵其以从亲进封的俱照近例

○甲戌升贵州参议许宗镒为云南副使

○赏巡抚浙江都御史方弘静银两表里副使刘翮副总兵王尚文等着巡按御史核奏时倭贼突犯宁绍台温等处官兵拒敌外洋沉获倭船斩首七十八颗也

○乙亥吏科给事中郝维乔题久任事宜谓方面堪京堂有司堪行取自应久任以待不次之擢乃使不宜久任者参其间宁不启下民之咨妨贤俊之路耶又如同外官或处繁剧之会寝食不遑或膺边方之寄利害难测岂可与僻静腹里者等同一京职或冒生死矢献替以致君尧舜为期或违父母远妻子经年奔走王事岂可与逐队出入者

等又或同一衙门同一资俸有一人兼数人之事一时任数岁之劳似皆不可一律论报曰久任之法方行言者纷纷这本只为科道官不得升转今后着吏部查照近例内外一体升转不必拘定一年两次及多寡之数

○丙子户部覆辽东管粮郎中李充实奏称该镇粮料草束银两实在新收共短少十余万又客兵银二千二百三十九两零实在该库不登报边储簿内原任辽东管粮郎中王念称支收案卷可查交代时又经委官查盘明白为照王念心迹难明李充实失在交代时不对面细盘合严行查勘报如部议王念革任听勘李充实议处

○丁丑升四川僉事李与善为贵州参议兵部职方司郎中左熙为山西参议

○吏部覆工科右给事中汤聘尹言崇寔政四事一曰监司就近迁转如有缺而俸不相应则暂停而总计其考一曰禁戢官属陪迎抚按巡历止简附近推官代理刑名守巡兵备各于本管地方相见新任二司不许往参都司不许相随府州县不许越境迎送一曰差委勿及正官查盘止许行委该道守巡务亲历各属地方不许转委一曰待宾勿过卑褻江南御史相临者少各府正佐无用采访故州县得以全尊江北御史相临者多各府正佐时委采访故州县甘于自屈今后北方州县照南方宾待从之

○宴赏海西朝贡咬郎兀等卫女直都指挥使大汗等并秃赤等卫女直都指挥僉事少里等如例

○礼部覆靖江王长子任昌奏为照靖江一藩向以擅婚事例具奏请名封立案不行至隆庆六年酌议准请名封俱裁减禄粮三分之二以惩其相沿擅婚之罪今任昌奏内请封者一百三十一位请名者四百八十八位多有长史司粘连各宗枝文结到部但因布政司文结未到案候日久如数年所陈穷困之状殊为可怜合备行查对即与类题填发勘合照原议给禄米三分之一以后本府所生子女请名请封奏报册结俱照近例遵行给与全禄毋得仍蹈旧习希冀法外之恩并行布政司一应请名封勘结务与王府文结齐到以便题覆报可 革襄垣王府镇国中尉俊桎俊椽禄米一半其子充□□火殳□充火□赖革夺封号不许请补仍追还冒支禄银从山西巡按御史贺一桂奏也

○下福建语屿寨协总姚登衢等巡按御史问时广贼突犯闽境守备不设为御史刘良弼查奏也

○法司具奏西河王府镇国中尉知卞 □鲜挟势凶淫及未请名封小八老朋谋济悉状得报知卞 □鲜废为庶人高墙禁住小八老除名封

○戊寅给还崇福寺僧真偈地五顷四十三亩供奉各夫人香火以后但有夫人亡故都就彼安葬不必再行拨给

○兵部覆保定督抚刘应节等题紫荆一带添设车骑二营其车营军士在保定取办于右营之全军在真定取办于守备之全营不足则以保定班军总兵标营及龙固营军补之其骑营在保定标营见足二千五百真定标营止二千二百以游兵三百补之各改设游击二员统领但保定右营原赴蓟镇防秋既留本镇须另议一枝前赴原拟信地

防守从之

○己卯户部覆巡抚山西都御史朱笈题本省系边方与腹里迥绝商税正课系供折禄折俸折粮之用余课充赏功一切等费合准照大同事例将该省所属商税尽留本省以备各项支用诏许之

○庚辰 上御文华殿讲读

○南京吏部尚书王大固乞休许之

○礼科给事中李邦佐条议停宪差以省劳费革访察以杜宿弊二事都察院覆议清军御史一官兼摄数省正欲节省劳费原议当军伍消耗之时间一专差期于三年事完仍并归巡按御史带管若差未几而即停止既隳其垂成之功若事既完而复定三年一差之期亦非归并省事之意至访察之举专为豪梁巨恶有司既不能铃制小民复不敢陈告若非密访痛惩必至弱肉强食若乃转委非人通同滋弊大奸漏网良善波及是在慎重严密多方参酌耳诏报曰清理军伍系 祖宗成法御史以纠察为职奸恶不除何以保安良善都照近例行

○辛巳以庆王熏枋薨辍朝三日

○壬午 上御文华殿讲读

○户部覆湖广道御史房楠题光禄寺收积米石共二十七万余石仓廩盈满已经该寺曲处实非经久之计酌议于东安门外邻近民房增置买一区改为外仓暂停新粮其房价工费俱于该寺库贮银两动支报可

○癸未 上御文华殿讲读

○甲申铸给广东韶州府练兵司同知关防

○翰林院进 穆宗皇帝实录百官朝服庆贺

○复除原任福建僉事范山□龠于本省

○礼部覆靖江王府僻在边隅分封以来将军中尉止请本身名封所娶妾氏并未奏请封号缘本府去京万里差人往返动必经年是以列代相传特蒙宽恤至嘉靖四十四年奏有宗藩条例将前后名封不合条例者俱作擅婚一概停阁年复一年名封未授俯仰无资所以靖江王长子任昌奏乞破阁宽处今按宗藩条例则擅婚者止许请名不许请封但本藩委系辽远与近藩无故擅婚者殊为有别一概停罢似乎抑之太过若尽为宽处则违条例者又无以垂戒合无酌量裁处凡本藩应请封爵者俱裁减禄食三分之二以惩其相沿擅婚之罪一面勘结明白俱准请名封以申朝廷敦睦之恩以后本藩所生子女请名请封俱照近例一体遵行诏从之

○都察院覆参庆成王府庶宗□木□槌劫盗奸淫占兄妾为妻已经拘禁省城闲宅尚不改图越出邠州强娶民妇为妾常持刃在途肆意行凶罪状发送高墙

○吏科给事中刘不息言选法五事一曰核实俸升转论俸以到任之日为始一曰慎改衔南京科道惟起复者改北余仍旧衔一曰慎取选取选定以十数五数不得徇情

多寡一曰慎县令贡生选县必求书言身判俱与例合一曰重王官长史有缺必纪善等官乡科之贤者抚按会保方授吏部覆专取年资则虚旷养高者坐躐崇阶专取实俸则有年资远一二十年者使出其下彼此何以相安惟典铨者公正无私使不偏重耳南京科道丁忧起复及终养年久屡经奏荐者并得改北其养病给假等项止照旧规铨除取选多寡每因员缺备查十数五数不载令甲今后进士开选酌量于成数此后人少自难定限二三八仍照常行每选例有岁贡知县常拣择身言上者以备其选至考试发落又以文字为主每有身言不及者与焉今后仍加意拣择其居官自抚按论劾纪善升审理审理升长史皆繇该王府保奏今恩岁贡人多不转王官何繇消减以后各王府荐堪任长史者候抚按荐到方准升授诏如部议行

○乙酉恭进 穆宗庄皇帝实录宝训 上御文华殿受之百官致辞称贺

○给发蓟镇新添抚夷银八千两从总督刘应节请也

○丙戌以 穆宗庄皇帝实录成加监修公张溶少保总裁辅臣张居正兼支尚书俸荫一子中书舍人吕调阳加少保给与应得诰命居正等再疏辞免特准辞荫升副总裁申时行少詹事王锡爵侍读学士仍与四品服色王希烈等各升俸一级纂修官罗万化等各升一级范应期等各升俸一级催纂等官吴自成等各升级升俸有差

○吏部覆南京刑科给事中杨节题南京部属一体改授科道为照部属改授风宪原因一时急缺合申飭两京部属各守官常毋怀竞进报如部议

○丁亥升南京太常寺卿殷迈为南京礼部右侍郎改南京工部尚书刘光济为南京吏部尚书

○捕获原劫丰城库银贼首聂朝明等参政严大纪佥事周于德俱开俸县丞王国仕为民兴国州知州唐汝礼等纪录

○戊子工科左给事中李熙题原任南京国子监祭酒蔡清少而志学壮而闻道饬躬砥行动准古人历官郎署咸推师表常贺宁藩寿旦独去朝服中蔽膝旧时朔望朝王次日谒孔子请三司先谒孔子大忤宁藩引疾致仕居家经学自娱四书易经各著蒙引发辉羽翼之功信非渺小虽祀乡贤未蒙特典乞赐建祠专祀其乡礼部覆请得报姑依拟以后礼官务斟酌典制慎重详核毋得混淆以褻大典

○以纂修 穆宗皇 实录赐监修等官太子太保英国公张溶等七十六员各筵宴 广东韶州添设练兵同知一员从本省抚按请也

○己丑升太常寺少卿陆光祖为南京太仆寺卿

○户部覆总督宣大山西兵部右侍郎方逢时等题大同地薄租少不及宣镇该镇各官养廉地土合以二顷折宣镇一顷酌议总兵给旱地一百八十顷副总兵六十二顷东路用武要地参将给三十顷其余参将游击一十五顷中军坐营守备等各五顷操守等四顷防守二顷其余地一百一十二顷召佃徵租从之

○庚寅升总督蓟辽右都御史刘应节为南京工部尚书

○辛卯往广东巡海参将胡震等俸戴罪杀贼下清澜所备倭千户丁其运巡按御史问以林凤突入清澜港登岸抢掠也

○壬辰改补原任南京鸿胪寺卿李邦仪为太常寺少卿

○发河南班价银二万七千七百两零太仆寺马价一万四千三百四十二两零为宣府修筑北路龙门所自盘道堡起迄靖胡堡盐菜口粮之费

○都察院覆巡按直隶御史王湘奏吴光裕等先拟失机斩罪合照恩诏例改发边卫充军诏以失事重大照旧监候

○癸巳升巡抚顺天右副都御史杨兆为兵部右侍郎兼金都御史总督蓟辽

○吏部选选岁贡生员许汝愚上言东南运道水势之涩莫甚于丹阳地势之高莫甚于夹港国初于此置为闸者四曰京口曰丹徒二闸居上以防三江之易涸曰吕城曰奔牛二闸居下以防五湖之易洩自丹阳起至镇江蓄为湖者三曰练湖曰焦于曰杜墅以济漕河之用遂免海运之艰而于四月交兑五月过淮维时雨泽大降江潮盛行不假湖水亦足以济岁久延袭居民侵为田亩焦杜二湖俱为旱郁仅存练湖犹有侵者而四闸俱空设矣今改为十月临仓雨泽既少江水枯落不免剥浅才数十里之区有阅三四月而不得尽达于江者虽添设攒运枉费推挽而开河之议起矣夫夹港两岸高者数十丈而河仅阔数丈许下之开凿愈深则上之坍塌愈速频冬役民以浚之春来淤塞如故年年兴此大役民何以堪为今之计莫若修三湖之故址就四闸之完基蓄洩以时下修吕城奔牛二闸以时粮运之入上修京口丹徒以时粮运之出况乎上流既溢则奔牛而下又何不通之患哉破此说者必以淹没民田为辞不知前此占湖为田今仍旧修葺非废田以为湖也即欲补此数顷之田则沿江一带新涨常稔洲田无虑千顷民方争佃构讼不息且皆隶于丹徒以此相易不亦可乎年年官司欲兴水利輒为豪富破坏遂以湖浅河长为解试并修三湖而于丹阳水关下板则河如此其长湖亦如此其阔宁有不足之理此皆上下习见而缄口不言则利害之心惕之也工部覆行彼处抚按踏勘具奏从之

○甲午 上御文华殿讲读

○荫南京工部右侍郎徐栻孙男徐昌儒为国子生以三年秩满也

○乙未初 昭陵神宫监太监陶金等题六月以来阴雨二日本陵稜恩门里外砖石沉陷工部奉旨查看主事王淑陵回称与陶金奏同但 稜恩殿明楼宝城紧要处所俱无损伤部覆陵寝重地鼎建未及一年内外经管员役俱当究治辅臣张居正等为上言冒破侵欺苟且完事之弊引 世宗皇帝时湖广 显陵殿阁渗漏分别降罚为此疏下工部陵寝重地如何说沉陷处所非系紧要欺慢误事造作不精提督工程太监周宣左监丞郭全革恩一等管工主事易可久员外郎石汉降俸一级官匠王宣等提问工科给事中吴文佳复奏 稜恩门殿等处砖石沉陷甚多至于宝城砖石翻塌损伤更为可虑陶金既朦朧具奏王淑陵附复同勘报宜下所司再行勘明遣侍郎陈一松给事中胡

汝钦行视回奏沉陷丈尺多寡悬甚及 稜恩殿丹陛方墙等处沉陷闪动不等 上怒命都察院会同工部通查参处吴文佳等追论 昭陵始建原任工部尚书朱衡总理侍郎熊汝达专督宜追夺恩荫并治其罪王淑陵奏辩往看时委与陶金奏内相同岂期看后一月大雨连绵不唯前项沉陷者愈大且陆续愈多与臣初看遂尔悬绝俱得旨下工部都察院议

○丙申赐东宫讲官已故翰林院编修张秩祭一坛荫一子为国子生

○准故提督两广兵部左侍郎兼右佥都御史谭恺男谭如锦入监

○丁酉以 穆宗庄皇帝实录成赐监修公张溶总裁辅臣张居正吕调阳各银两表里罗衣鞍马副总裁王希烈等纂修官范应期等各银两表里有差各罗衣一袭其催纂誊录等官各赏次之

○升山东副使王一鹗为都察院佥都御史巡抚顺天

○戊戌以 穆宗庄皇帝禫祭免朝○调甘肃巡抚廖逢节于南京别衙门用以先期给繇尚缺两月为吏科参论也 原任南京兵部尚书刘采卒赠太子少保赐祭葬谥端简采黄州府麻城县人繇嘉靖八年进士授宿州知州升户部郎中历藩臬巡抚山东晋兵户二部侍郎升南京户部尚书致仕隆庆元年起南京工部寻改南京吏部兵部考满乞休赐驰驿归至是卒尝平山寇杨仕仁之乱当南京司计大臣军变遇害后趋至调停军伍不哗称始终完节云

○升浙江参政龙光为山东按察使

○己亥户部覆巡抚甘肃都御史廖逢节题甘肃府所遗甘凉镇番庄田逐年收粮不同中间必有欺隐今岁秋成后逐一丈勘明开实地若干每岁该银若干报部照固原事例立为定额本部于年例如数扣除其隆庆六年万历元年收过租银七千余两候抵万历三年年例从之

○庚子上御文华殿讲读

○升广东佥事李材为本省副使

○荫补已故南京礼部右侍郎崔铄会孙崔培为国子生

卷二十七终

明神宗显皇帝实录卷之二十八

万历二年八月壬寅朔除原任云南佥事石盘于广东升湖广副使边惟垣为浙江参政

○两淮巡盐御史王琢玉题称两淮运司所属吕四等三十场大旱之后加以恶风暴雨江海骤涨人畜淹没廩盐漂没庐舍倾圯流离饥谨请乞赈恤灶丁户部覆议将运司余剩盐银并扣赈挑河银内动支二万两赈恤从之 癸卯升应天府府尹侯东莱为都察院右副都御史巡抚甘肃

○先是 世庙诏访曾子后江西抚按官以曾质粹闻言曾氏世为山东嘉祥人汉

末兵乱曾据遂携其家徙豫章庐陵郡而山东之嗣遂绝质粹的系正派随授翰林院五经博士世袭而是时有嫡派支派之说质粹系支派曾嵩曾袞系嫡派自言生长南方不乐徙北独质粹破产北迁迨质粹与子旻相继死止遗孙继祖双目眇盲屡经吏部驳回继祖有子承业年十三愚駮真伪不可知会江西抚按为袞请业有旨准袞矣继祖鸣冤不已言官亦劾袞先时不乐北徙祖君命祖莹漠若秦越恩谊已绝岂容托嫡支之说朦朧冒袞江西抚按复以嵩之子枢请礼部覆议先贤血食未可轻授合行山东抚按严查行业有无诈伪具奏其曾袞原袞博士罢革曾枢送永丰县学习书礼俟其有成给与衣巾以主武城书院之祀报可

○甲辰户部覆总督漕运都御史王宗沐奏请事件一禁军士以戒不虞一复军船以苏疲困一折脚米以济修船俱如原议其定期限以图善后议以三月过淮者仍限二月其清责任以处旧欠各处领运官员惟南京二总不系掌印更番余俱更番在运旧欠官旗家产厚薄则其素知俸钞兼支则其分给况运回一年在卫口之追处其事甚便若复止行原卫竟为虚文且为见在者开一幸途矣又该僭运御史张宪翔题徐宿设有参将防护以故口河一带地方虽称旷野得保无虞沛县以北轻賚屡被盗劫口选山东都司金书一员前去夏镇新庄直抵德州天津见管地方通判参将自德州抵河西务各督兵防护寔于漕计有裨如议行

○都察院会同工部查核 昭陵工作内外前后经管人员分别情罪上请阁臣亦为救解得旨周宣郭全降三级革去管事熊汝达已致仕着冠带闲住恩荫罢革易可久石汉降三级调外任王宣等法司从重问拟朱衡着以尚书致仕余官罢革杨俊卿等四员都降一级郭元相夺俸半年马录等法司提问屠元沐等并陶金王淑陵免究

○乙巳革陕西行太仆寺少卿未任蔚元康职冠带闲住元康以宝庆知府推升托言母老十月余不之官也

○升光禄寺卿汪宗伊为应天府府尹以大理寺左少卿曾同亨代宗伊

○总督两广左都御史殷正茂以给事中陈蕞论劾上< 〇〇〇 毓-金 >乞休不允诏加奖谕着用心供职剿除余贼

○礼部尚书万士和上言京师四方之极缙绅中宴会馈问奢靡无节殊非羔羊素丝之风宜有以禁戢之得旨崇俭去奢有裨治理但大臣当以身率下不得空文戒饬

○丙午遣礼部尚书万士和致祭先师孔子

○戊申 上亲祭 太社 太稷 升国子监祭酒林士章为礼部右侍郎兼翰林院侍读学士

○升湖广道御史房楠户科给事中陈蕞吏科给事中张楚城俱为按察司副使楠湖广蕞山东楚城陕西

○户部覆大同督抚官方逢时等题本镇勘过应追补粮料一十万四千五百八十余石草一百一万四千八百四十余束俱系开报实在项下乃亏损至此遽欲开豁改正

殊可骇异况前项侵欺数多各有正犯若使逐年追比岂无一二追完且称小票支出及差错应改正系何年何官因何久不开除明系侵盗假若轻易开豁则今日所称应追偿者捱以岁月又将请乞并豁矣合行抚按吊取一应人犯逐一根究干碍经管官员人等参奏提问勘明回奏以后召买粮草各道会同郎中定议时估催督上纳仍置循环互相稽查诏如议

○己酉 上御文华殿讲读 庚戌升大理寺右少卿王友贤为本寺左少卿刑科给事中乌昇为太仆寺少卿陕西按察司佥事侯居坤为本省行太仆寺少卿兼佥事

○辛亥吏部题办事进士不许借差引疾如有疾者准令在京调理三月不痊掌印官方与具题仍申谕各官躬俭约以省费忍嗜欲以保身习律令以通政务服勤劳以图报效得旨诈病托故推奸避事的部科各抚按即便纠奏照例罢职不叙其徇情题覆朦朧结勘者一体治罪

○户部覆巡抚辽东都御史张学颜题山东额派本镇军饷拖欠银一十四万九千七百七十余两时值秋防合将太仓贮库银借发三万两仍行山东抚按勒限催完将借过太仓银扣还从之 壬子升翰林院侍读学士王锡爵为国子监祭酒仍克经筵讲官

○准故南京礼部右侍郎崔铎嫡长玄孙崔培补荫入监

○补原任山东佥事谢东阳于陕西

○兵部覆巡视京营给事中李熙等题班军之制为操练入卫非为工役地租银两专听买马支用亦非募工频年以来工作繁兴动辄拨取致将工作为正差营操为末务殊失立法本意今照慈庆宫原议夫额尚少八百有奇 昭康二陵兴工在即春班官军已满各处工所无人接替及查太仆寺班军工价支尽无措议借地租五千两权为顾募之需既经科道官具题合咨工部以后紧急重大工程仍于班军派拨其小可工作用夫十名以下者虽有班军不得概拨仍将山东河南中都三都司节年所入班军工价严催角□羊部抵还原借之数从之

○癸丑 上御经筵

○以 万寿圣节赐辅臣张居正万寿金字金银八宝吕调阳次之讲官丁时美等正字官各金字八宝有差又赐辅臣膳寿面长春酒

○辅臣张居正等题涿州桥工初蒙 圣母捐赐银伍万两后工部处补约二万两工程已毕乃七月以来雨水冲坏礮岸鴈翅及桥下空口出水处俱成深坑将来渐冲大致伤桥今欲着实修理约用募工银一万五千两但 昭陵兴工钱粮浩大各处班军俱有役占若责之工部出银兵部出夫势难借处伏乞 皇上转奏 圣母再捐施万五千两但 昭陵兴工钱粮浩大各处班军俱有役占若责之工部出银兵部出夫势难借处伏乞 皇上转奏 圣母再捐施万五千金庶济人利物之心有始有终从之

○以辽东王台土蛮窥伺暂停孤山江沿台宁东新安大佃子六堡移建于长岭等处工役

○甲寅升大理寺左寺丞王廷瞻为本寺右少卿自德府临清王载堦薨讣至 上辍朝一日赐祭一坛谥曰温懿

○兵部覆南京户科给事中余懋学等参劾南京守备内臣申信已奉旨回京无容再议合行申明职掌今后内外守备除关系机密重事者许受状辞与参赞尚书议其余人命强窃斗殴抢夺等项并不许滥预其委用内官内使名数止许照旧额新添者尽行革退报可

○兵部覆蓟辽督抚刘应节等条陈防御四事一专练车营辽阳新集车营向委千总更换不一合将都司苏国赋量加游击职衔令其专管一移驻备御大清东昌二堡地当冲要兵马数不满百今移义州备御于大清移海州备御于东昌一申饬将领参游等官如有营伍废弛器仗不整收保不预逗遛不进等事巡抚先以军法责治一面具奏一远遣肖探差丁夜伴同市夷潜入北虏营内住探缓急传报诏如议行

○乙卯升刑部四川司署郎中事主事张庸为福建副使福建佥事王乔桂为四川参议 丙辰升大理寺右寺丞刘存义为本寺左寺丞尚宝司少卿石星为大理寺右寺丞

○覆南京署兵科事礼科给事中王颐题盗劫芜湖县库地方失事官员奉旨操江都御史董尧封降一级调外任巡抚都御史宋仪望到任未久着戴罪立限捕贼各巡按巡江御史候差满之日都察院从公考察兵备副使丁应璧革任闲住把总承应奎等知府钱立等俱住俸县丞李亚春革职俱戴罪缉捕

○戊午 万寿圣节 上御皇极殿受文武群臣朝贺

○升户科右给事中裴应章工科右给事中汤聘尹为左给事中刑科给事中欧阳柏工科给事中梁式为右给事中应章吏科聘尹户科柏吏科式礼科

○补原任吏科都给事中严用和于刑科 升尚宝司司丞耿定向为本司少卿

○巡按山西御史贺一桂条陈稽考钱粮五事一谨支收三关虽设管粮同知通判三员衙门皆无库藏发到钱粮东路寄贮代州中西二路皆典守于仓攒任其侵盗合建三库每库拨吏二名看守一严卷册各仓收放类凭仓攒积棍增减文案查盘官到止是开报虚数合无印置四簿该道及管粮监收仓官各给一簿分立项款互相查验一编号票各仓俱系白头实支官攒易于改补合无刊刷花栏格眼数百张申送抚按即发该道收候至期将军马数目开送该道查实填写格内印发该放官员支给一限召买奸商交通官攒先期领银为生息营家之资或乘贱采买延至腾踊方才上纳该道酌量数之多寡地之远近立限追完踰期者罪之一齐法马户部原降发法马或言解边储不能依者殊不可解以后解官解银令该司府给发即将称银法马付解官同赴管粮衙门比验交纳户部覆如议但谨支收一款本部原题一应钱粮主兵支放客兵召买皆部司临时分发其相去远者照数预发自有州县库贮藏不必令官攒看守据称东路寄代州库中西岂无附近州县其议建库有无稳便及动支何项银两合行抚按再议具奏报可

○发太仓银九千六百七十余两充辽东新添进游兵行粮定为岁额

○庚申补原任浙江佥事周采于福建调山东副使冯叔吉于江西管理徽宁等处兵备升光禄寺寺丞沈节甫为尚宝司司丞

○辛酉兵部覆两广抚按殷正茂等题惠潮善后事宜三事一重彻兵散遣狼兵给与路粮犒赏仍责成土官押回并无沿途骚扰一塞盗穴移惠州参将于新田以本府捕盗通判同住调度之移惠潮守备于南岭以惠州府抚民通判同住调度之一勤抚恤海丰永安长乐河源诸邑被贼害尤甚合行赈蠲报可 壬戌升原任巡抚福建佥都御史升大理寺卿未任河宽为南京右副都御史提督操江

○改荫原任大学士李春芳嫡长子为尚宝司司丞

○升山东参议蔡应旸为山西副使

○兵部覆蓟辽督抚刘应节等题招抚山东登莱各岛向来潜住为害辽人四千四百余安插已定各岛荡平前后效劳文武官员合行甄录并条议四事一专责成登州金州都司每遇三六九月会同登舟遍诣各岛掺捕一次一严防守石城广鹿长山三岛皆金复两卫额地见有军余住种纳办粮差与登莱岛不受官法者不同合将三岛各建公馆选金州卫廉干官一员住守以便铃制一加存恤岛民初归贫困堪悯合给帖免差十年并宥免已往罪犯一编船只山东辽东舟楫相通若私船不禁是仍开递送之途合将海岸民船每口不过三只听其搬运米薪捕采鱼虾见在大者给价改为官船其余尽行劈毁得旨督抚刘应节张学颜傅希摯总兵李成梁各赏银币都司苏承勋升参将并都司姚天与各升祖职一级与李汝谦等各赏有差仍如议行

○命工部右侍郎陈一松提督修理 昭陵工程以都水司郎中贺幼殊主事胡绪分理之

○癸亥巡抚宁夏右佥都御史罗凤翔以户科给事中张孙绳论劾乞休不允○湖广兴国州与江西瑞昌县接界先是瑞昌民柯宗旦宗礼等寄住兴国置买田产历年梗化为害至是愿入兴国州当差准将兴国州四十里内革去崇庆一里以补崇庆上等四里消之新增柯谈黄吴等为兴瑞一里以足本州四十里旧额 赏朝鲜国王李昫银一百两彩段四表里十二敕一道其观察使尹毅中节度使张弼武等各赏银币以屡次送还被虏人口嘉其忠顺也

○兵部覆提督两广都御史殷正茂题善后事宜四事一训练土兵近年剿贼率调浙兵今设练兵参将一员招募土人就中择出把总哨官哨队长编成队伍练成二十营视远募实为得策一制造战船沿海六寨船只时或漂溺方行议造缓不及事合于肇庆府治近郭建置船厂鳩工庀材预行制造一定格升赏海上用兵飓风呼吸不知死所其海洋功次合照斩倭事例数倍于陆功领兵官自二年为始即部功亦与世袭一申明连坐捕获盗贼并其父兄户长从重究罪以上俱如原议但广东见设有章程之兵又复练兵二十营粮饷难处合无先练十营即汰章程之老弱以此补入再取存留章程之兵合

而练之所议留浙兵二营以一营作正兵资其弹压一营分作新兵哨队之长责令递相教练其练兵参将于见在蓟镇参将吴良知都司杨瑄佐击将军暴以平内选补一员得旨海洋部功勘是奇功方准世袭余依拟行

○甲子除原任广西参议周舜岳于山东

○户部左侍郎陈瓚引年乞休不许

○户部覆提督两广侍郎殷正茂条陈一清税额惠潮商税见充兵饷如故止于坐派各仓库民米依被灾轻重量免一宽徭赋惠潮岁编差徭徵银充饷如故止将万历元年以前拖欠柴马之类罢免从之○顺天督抚题所属州县应付困疲请将张家湾丁字沽河西务居庸关商税充驿递之费户部覆丁字沽税向系顺天督抚衙门公用听自行议处外其三处税银向被奸豪乾没各官并不清查近经本部查处仅得数千金输入太仓乃欲以部臣供有司殊非事体合行抚按另行计处如其不能则以张家湾牙税可七八千金向听通州支费者属之报可

○兵部覆广西抚按郭应聘等题怀远雒溶二县善后八事一移设县治改怀远治于民居环集处所而雒溶仍旧补葺一联束民徭徭寇漏刃贱徒抚处已定责令各该官互相钤束以保无虞一慎固兵防镇安府湖润寨思恩土司田州江州上映二雷二峒分作四年一次戍省城泗城归顺都康向武奉议等州上林县思明府思明州迁隆峒龙英忠州分作五年一次戍梧镇一缮修城堡各府州县城池既皆低薄营堡率皆木栅覆以草茅一闻有警輒使弃去今令大加修葺务堪保障一责成守令徭徭每村巢立一獐老钤束州县官不时自赍供饩亲历村落以通其情剪其强悍者一申饬兵巡守官员不时巡历州县一切民情夷情俱从轻画一申明体统融雒二县仍旧属右江兵备参将专辖一议行雕剿徭徭为患乘其初发制之千百劲卒一鼓可擒各将官怠缓失事者从重究治 上允行之

○乙丑 上御文华殿讲读

○广东巡抚郭应聘题称怀远习犷悍之余沦于夷貊不知礼义久矣兹者地方荡平正其改观易听之时可以兴礼施教之会合将县内外各立社师择其嗜学敦行者凡残民八岁以上俱入学听其教诲其子弟内有谙晓文字者县官申请学道给与衣巾以示激励其社师果训迪有方亦听本县申请提学准其充附帮补若子弟不率教及社师虚冒名目者亦听县申处庶残民知所向方夷风繇此丕变其于粤西善后之策亦大有裨矣

○诏顺天抚按散预备仓粮赈霸州涿州永靖东安固安武清等州县被水居民陕西崇隆等六寺刺麻番僧共卜尖咎等四州裸谷安抚司都纲头目番僧更哈监藏进贡宴赏如例

○准宣大总督王崇古次子王益移荫嫡长孙之祜次孙祜干各入监 原任右副都御史巡抚宁夏谢淮卒准直隶任丘人繇嘉靖十七年进士授户部主事升工部郎中

历藩臬开府致仕赐祭以未考满葬减半 四川襍谷安抚司差都纲头唵哈藏等进贡方物宴赏如例

○丙寅 上御文华殿讲读

○郑王厚烷以病奏请药物赐给琥珀龙脑犀角等物 丁卯朝鲜陪臣刑曹金判朴希立等赍捧表文方物贺 万寿圣节赐宴赐段绢如例

○总督宣大侍郎方逢时题市马蕃庶给散无处议将三镇各建厩场以备牧放仍岁选五千报部领给京军蓟镇每年易买一千二百匹外再增千匹保镇各营缺马一体赴买又议今岁马多暂将上年军士领养之马选给京军及蓟镇即将新马补还原军而巡按山西御史贺一桂复言市马老瘠军民告病凡领马官军预给草料银五两许其将夷马变价凑买壮健好马其余通查三关军士每二十五名领马一匹听其骑卖止令每军辨草十束交纳管粮衙门以为马价即将此草束照数给军以为市资兵部覆议市马夷产不习水土必须在边调养以万历三年为始先调一千兑给京军以后渐次加增保定各营太仆向无关给合听彼中差官赴市收买蓟镇倒失马匹每于秋防毕日方行计数亦难预拟一千之额听该镇请给时酌议唯是各建厩场以便牧放甚为长便亟行依拟其御史贺一桂所陈虽言山西然宣大大体相同况马匹既多老瘠而来数太多合先期传谕使之拣选良马常年量限数目以为可继御史之言未为无有见也 上允行之仍严责当事诸臣不得委责于人动称难处坐失常利其已市夷马着一面平价变卖以佐边费

○革岳阳王府辅国中尉英琰永安王府辅国中尉英爌皆为庶人闲宅禁住罚英爌等禄米一年以聚众抢夺伤人抚按参劾也

○戊辰吏部覆巡抚福建右佥都御史刘尧诲题惠安县知县今升广西宾州知州叶春及以知州职仍管该县事兴化府通判今升唐府审理正邓邦基仍以原衔改理海防臣等叨秉铨衡惟欲随才器使柰何迁转才奉钦依巡抚輒议改留非所以一事权而信纶綍也合将各照新升职衔赴任从之

○以各岛潜住辽人尽数归降边地荡平刘应节张学颜傅希摯李成梁各赏银币有差苏承勋姚天与各升职级

○己巳祭 夜明于 夕月坛遣公张溶行礼尚书万士和分献

○吏部覆提督两广右都御史殷正茂题查照先年闽浙事例添设巡视广东兼漳泉海防都御史一员及移申威道副使驻劄惠州府城其原驻惠城者移驻长乐添设兵防同知一员专驻阳江县又以广西之博白听海北分巡道兼制以广东之开建听广西分巡道兼制以广东之开建听广西分巡道兼制合行广东福建两省抚按官会同计议有无便利具奏得旨殷正茂并未言添设广东巡抚止是巡视海防如不便即当明言停寝何必又推令再议

○蠲赈应州朔州山阴马邑大同等县安东中屯山阴阳和高山天城镇虏等卫所

被灾地方有差从山西总督抚按请也

○诏立广西怀远县社师三名以抚按题本县久沦夷貊新复生理正兴礼施教之日也

○庚午以淮徐扬州等处积两海啸河溢损稼漂产各蠲赈有差 命福建道监察御史周咏浙江道监察御史陆万钟监武举会试

○辛未祭 历代帝王遣公徐文璧行礼侯顾寰蒋佑尚书王崇古张瀚分献

○户部覆湖广抚按赵贤等题公安华容等州县并荆州右卫节年水冲沙压田地合行豁免其抛荒田粮以前积欠及以后三年差徭一体查免本色酌议改折以苏民困但前蠲免沙冲田地工部径行题覆向未移咨本部知会本院既无案卷则徵派稽查何所凭据今后各衙门事关钱粮者似不宜径行题覆有碍事体报可

明神宗显皇帝实录卷之二十八

明神宗显皇帝实录卷之二十九

万历二年九月壬申朔

上御皇极殿礼部官进大报等祀日册

○时福建地方多事守令或缺至一二年不补各边皆然 上从巡抚都御史刘尧诲言着吏部就近升用毋得隔远调升以致迁延已经铨除久不赴任者该科参来究治于是吏科刘不息查得绍兴府通判陈九仪金华府知府黄焯等一百九十人违限行各省抚按查参从之

○升浙江左布政使江一麟为都察院右副都御史巡抚南贛

○癸酉 上御经筵

○湖广荆岳等府松滋等县老垵堤新筑不坚水灾异尝抚臣赵贤请将公安石首等五县南兑二粮照例改折内公安等县仍与安乡县蠲免存留多方赈济及将冲决前堤仍令原管官戴罪修筑部覆报可○工部题万历二年分实在南北二京长随内使人等一万五千二百二十一员名该折色靴料银七万九千五百七十余两查本部屯田司库贮料银不敷合于营缮司及本司柴夫银内借给报可 甲戌升河南右参政温纯为太仆寺少卿浙江右布政王应显为左布政 天津三卫原置河间府管马通判一员专理兵备道公务稽查三卫夫役钱粮问理军民词讼吏部谓天津居河间之北离所属州县太远既管马政马户赴验往还劳费赴部掣批通经两三月公务废阁且官不系统辖师生不遵提调殊为窒碍本府清军同知原辖军卫堪以更置管马通判掣回本府从之

○豁减镇江府丹徒丹阳全坛三县及常州靖江县钱粮以水旱灾伤从巡抚应天宋仪望请也

○议建三屯营儒学礼部覆言三屯武生见寄遵化各学者止三十余人既不足一学则立学后冒籍影射之徒必多是为钻隙者开一窦也学初立时诸生见其利犹受总兵官约束年复一年渐不能制若宣府之告讦难保其无文武异途事有缓急雍容揖逊

便参处从兵科蔡汝贤题请备盗条格也

○工科给事中胡汝钦条议御灾三事一议责成水利道宜令移驻河上仍选委廉能佐贰亲历堤防如各殚心力而水患异尝犹从未减不此之务以致冲决者从重参处一议浚筑穴口之< 䟽 毓-金 >以杀水势然必有容水之处斯下流不壅上流不塞否则徒劳民伤财一旦霪雨异常河水陡涨为害更重宜详察地势务求永利一议钱粮灾伤之处抚按查议堪动官银给发穷民用其力不费其财或视邻壤之豊借助夫力亦通变之策也部覆从之

○戊寅 上御文华殿讲读

○准永宁府已故土官知府阿□□尖亲弟阿雄袭兄职不许世袭

○升广东右参政赵可怀为本省按察使

○调原任山东参政以副使考察不及徐学古为陕西副使

○己卯夜月犯火星在箕宿度

○补原任山东道御史余希周于湖广道

○礼科给事中朱南雍上言灾异频闻宜交修以回天变部覆报可○庚辰升广西僉事夏道南为广东参议

○以浙江衢山海洋官兵剿逐倭贼功次升赏名色把总徐景星指挥等官周粟等有差

○辛巳起原掌詹事府吏部左侍郎张四维以原官掌府事充 世宗皇帝实录副總裁

○刑部请决囚 慈圣皇太后以 上冲年仍宜停刑 上以问辅臣张居正对曰圣母好生之心敢不将顺但 上即位以来停刑者再矣春生秋杀天道不偏废恐稂莠不除反害嘉谷 上曰然朕徐为 圣母言之入奏 太后 太后许之乃照例行刑

○壬午 上御文华殿讲读

○巡按山东御史俞一贯言山东兖州沂州郯城济南滨州沾化等县旬日大雨秋禾被淹百姓愁苦请乞修省宽恤章下所司

○予成国公朱时泰祭一坛仍与造葬以袭爵未久病故不得照例二坛也

○工部上言神木厂收贮楠杉大木出自湖广川贵每根价银数千采运劳苦苦任风雨侵淫坐视朽烂甚为可惜乞委官搭棚苫盖以图经久从之

○癸未 上御经筵

○命左春坊左中允范应期右春坊右赞善许国充武举考试官

○升湖广岳州府同知钟崇文为广西僉事

○甲申补河南右参政董文采于四川

○升贵州黎平府知府刘汝顺为四川副使

○巡按直隶御史陈文燧言虏酋纳款以来夷枝日繁今岁易马增至三万分散扣

直重为军民之累其失不在互市而在不能变通处置之弊也列为四事一宽马直以便给发请于原议抚赏市值之外动积剩客饷宣府给三万两大同给二万两其马给散军民量减其价使之乐从一严例限以定市易每岁三镇易马限以二万为率先期传谕令不得以垂毙之马求售市价一议兑俵以苏偏累如军民所领价银应该二十四两者与之三匹或五匹其减半价银者或二匹三匹俵送京营并行真顺保河近镇驿递一体收买一置宪职以司牧养比照辽东山狭苑马太仆事例置同卿专理三镇牧事或从大同三关管屯金书事改兼屯牧设立牧场一军养马四匹各设长吏市马入场夏秋牧放冬春每马与草银二两给军领餼视其繁耗以为赏罚部覆专设同卿及管屯金事改兼屯牧再加会议余依议行

○乙酉 上御文华殿讲读

○山西巡抚今升户部右 郎朱芑患病乞休允之 丙戌赐中军都督府都督同知赵岢祭葬如例

○戊子 上御文华殿讲读

○河南副使章时鸾革职为民以巡按河南御史褚鈇劾其议筑黄河托疾避事也沈王恬炆奏称世子理尧妃栗氏病故继选内助张氏亦故乞选娶继妃礼部覆议亲郡王正妃病故无子者许选继妃有子则不准选盖杜异日嫡庶构争之端也至于今日之世子乃他日之亲王世子之妃与亲王之妃名号不同世子袭封之时必册妃以为之耦若以妃故内助亦故而不许请继则例所得请者妄耳他日袭封之时谁与共承宗祧抑终身与婢妾耦乎合准其请仍著为定例以补典例之所未备许之

○四川抚按官曾省吾等言该省盐课并有榻废灶丁逃亡徵办不前额课银七万一千余两乞止徵四万七千五百二十一两其减少者量增票引税银及私贩纸赎余盐价银凑补巫山县系行盐孔道选委府佐官一员专禁私盐户部覆言该省盐法因井定课其来已久若议补勘合召商报中不唯窒碍难行抑且纷更多事但课额系济边正项欲量增票引亦得究弊之法至于纸赎及变价银系解京济边近改解陕西以省劳费难以改充盖井虽有坍塌必有亲凿若守令尽心查理则新旧乘除自可抵补虽不增收票引之税可也又奚藉于纸赎余盐其巫山县设官依议行从之

○己丑 上御文华殿讲读 升浙江右布政郑雒为都察院右佥都御史巡抚山西

○河南巡抚吴道直等奏修太昊羲皇陵庙动支布政司收贮赃罚并吏承贴班银两户部覆言前项银两专备边饷迩来财用穷乏岁计不足且先代帝王陵庙有司修理载在祀典皆欲奏留边饷委难支持不可从之

○准晋府宁化永和仍旧袭封郡爵

○庚寅巡按福建御史杜化中请将佥事梁士楚以原官改巡海道而裁去团练以同知罗拱辰兼海防而革去清军将新任巡海副使陶幼学及清军同知殷康查缺另补

部覆令巡海副使陶幼学总理团练清军海防同知二员势难裁并从而之

○山西边镇军饷除民运外每岁额该主客兵银二十余万俱系请发内帑巡按御史贺一桂请将该省应解历日纸工吏承纳班商人引价空月柴马缺官俸给税契事例等银收留该司岁终巡抚官查实具题即于应发年例照数扣除著为定例从而之

○巡按浙江御史萧廩奏余姚进士胡膏先任光禄寺寺丞擅将子鹅抵作老鹅冒支官银四百两被巡视户科给事中杨允绳参劾膏反诬允绳谤讪玄修拟绞处决膏随升徽州府同知阴通贿赂考察不谨回籍广置产业至被强贼复吓诈魏府等银致死已经户科李都给事中将前情具奏合依诬告人至死所诬之人已决反坐以死拟绞籍没家产追过一万一千有奇余请蠲免章下所司

○辛卯 上御文华殿讲读

○升河南按察使张任为浙江右布政

○兵部覆巡按山西御史贺一桂条议六事除议处市马已经另覆余五事合就议行一专力扼塞议于老营之了角山起西至老牛湾等处计百里许尽是衍沙平坡隔虏一墙宜砌敌台据险以守一议修寨堡地椒黄龙等处民不满百当令归并其地脉枯竭如水泉草垛山柏等处皆取水于二十里外当令择地移镇山西地方自东胜失后犹有大边二边迩来将大边墩台尽革疆场日弃巡抚官不知何事闻有不理边政自理民词宜从参奏一申明禁例谓宁武鴈门一带山场亘数百里原系禁山以遏虏骑迩年州县奸民窃据垦田盗木法禁荡然宜严为禁约一优恤军士定更番之法以苏力役损节省行粮之半以办物料使客往来不得科歛一移镇要地移镇守于偏关移老营副总之于宁武移边关参将于老营事干移置合行督抚酌议得旨是其应议者作速具奏

○壬辰 上御文华殿讲读 升巡抚郟阳佺都御史孙应鳌为大理寺卿都察院左副都御史陈旻为刑部右侍郎

○升浙江参议刘宗岱为陕西副使

○癸巳 上御经筵 北虏顺义王俺答差夷使火侂赤等表献鞍马等物及孙孙把汉那吉并各部下己未授官子侄头目等共进贡五百匹山西巡抚方逢时请各量加升级仍各加赏男妇以广 圣恩礼部言虏众骄悍固不可过为裁抑以孤归顺之心而夷性贪婪又不可不加节制以杜无厌之覬今每岁入贡边臣必于额外代为奏请增爵者岁至数十人增赏者岁至百余人且贡马五百匹无改于旧而请赏出马男妇比上年又多五十余名盖贡甫六年视昔恩赐已加数倍若不蚤为议处年增岁益即竭府藏之财恐无以足溪壑之欲也乞敕督边抚臣查照本部节年题准事例其额外议请增赏男妇及出马未授官散夷俱以今岁题请之数著为定例以后不许复有增益以滋冒滥下所司知之

○升湖广左参政郑云璠为河南按察使

○甲午升湖广佺事余一龙为浙江参议

○会试武举额取八十名

○先是顺天府宛大二县民王勇等奏称各工应用白城甃近于临清烧造一百万个今有武清地方土脉坚胶不异临清去京仅一百三十里较临清近二千余里一兴改作不但粮运民船不苦烦劳抑且为国节省有生财实效工部覆议临清烧造遵行已久即云武清土脉不异人事未否均齐安能一一如式若一旦更改倘有偏而不举之处是徒增纷扰也今行武清县责令王勇等每年分造城甃三十万个俟三年之后果有成效另议建改其临清自万历三年为始每年止造七十万个照旧粮船带运从之

○乙未 上御文华殿讲读

○命交城王府知鱈候次岁受封并管理府事交城钟鏞生六子薨绝者五唯第六子奇洵尹生表柚以堂弟冒袭伯兄王爵例准终身子孙不得承袭表柚庶第二子知鱈应袭封将军但年方十四不便管摄故诏俟年岁足日赐封管理 准通渭王谟土□尚嫡母温氏封为端顺王妃谟土□尚父融火□光袭封王爵一年薨谟土□尚既封融火□光因得谥为端顺王故并请封其母

○浙江佥事王谟两浙运司吴宗吉俱到任违限下巡按御史问

○准驸马都尉许从诚男许显忠授锦衣卫指挥同知

○刑科给事中郑岳言律有决不待时秋后处决二款如有挈获响马及大夥强盗百人以上干系城池衙门赃证明白即时奏请审决不必概候决单部覆从之

○丙申 上御文华殿讲读

○起原任都察院左副都御史何维柏协理院事

○起原任湖广佥事邓林乔原职

○升太仆寺卿王世贞为都察院右副都御史督抚郟阳

○丁酉准云南镇沅土官知府刁恩袭祖职仍不世袭

○戊戌 上御文华殿讲读

○己亥 上御皇极殿太常寺官奏孟冬时享 太庙

○兵部覆巡按直隶御史王湘条陈边防五事一重稽查以实行伍一节军力以专训练一严摆守以防窥伺一伸关禁以杜衅端一更将领以镇冲关从之 庚子升通政司右通政胡执礼为太仆寺卿 先是辽庶人宪◻火节◻犯罪削封推广元王宪熾贤声素著敕管理府事至是以老病请另推贤能代之礼部议宪◻火节◻之后得以贤王实足倚赖诏仍旧管理○除原任湖广右参政陈嘉谟为本省左参政

○福建原任运使李廷观赴部调用按察司莫如善照旧致仕以抚按会勘其受贿情虚也

○辛丑山东七级下闸盗劫轻贲官银查参失事官员兵科给事中李戴言轻贲银随粮而行无护送巡逻为盗所窥如探囊取物又有无赖运官花费银两假称被盗殊为不便宜委官另解章下所司

○户部题顺天府宛大二县孤贫张禄韩清等四千五百九十四名口支领冬衣甲字库发给布四千五百九十四疋

明神宗显皇帝实录卷之二十九终

明神宗显皇帝实录卷之三十

万历二年十月壬寅朔夜三更电 上御皇极殿钦天监进大统历传制给赐百官颁行天下

○是日 上亲享 太庙

○升赏辽东中辽河斩获功次官兵吴梦豹等一百五十六名

○癸卯以 孝肃皇后忌辰免讲读一日

○升提督四夷馆太常寺少卿王篆为通政司右通政

○乙巳给原任总督仓场户部尚书谢登之祭葬

○原任吏部尚书杨博卒博山西蒲州人繇嘉靖八年进士授<□执皿>厓长安知县升兵部主事随大学士翟鸾阅九边历升郎中提督山东学政繇参政巡抚甘肃总督蓟辽升兵部尚书寻改吏部尚书加少傅兼太子太傅致仕博天资敏达世务精明世宗尝易督臣问曰须得如博者又曰自博入我尝忧边务每下迁除书目咸称公平赐祭葬赠太傅谥襄毅荫一子中书舍人

○礼科给事中石应岳等条陈守卫七事一严稽查各衙门俱赴工部关领木牌悬带人数多者给与印信手本令守卫官军遇出入人役如无木牌印信即便拿送一时启闭上直各官务要日脯即入皇城日没下锁除庆贺祭祀等期外常时不得太蚤一复印信将原铸印信关防给与守门收掌一切公文支领直米俱用该门印信不许借用卫印一加存恤守卫军士不许门官及点城守卫等官需索常例占役克粮一汰老弱一严犯禁一明职守俱依议行

○升广西柳庆右参将王世科提督京营

○礼部覆总督漕运副都御史王宗沐条议凤阳高墙宗室数款一议宗室所犯应入官还官之赃变卖随行为终身之费夫宗室犯罪其财产不许支带所以示困苦一法禁也合将入变卖者开报法司量解凤阳府贮库以接济高墙支给一议宗室有犯者亲王郡王入高墙将军中尉入闲宅夫高墙闲住论犯之轻重非论尊卑也但闲宅处所须如法修葺坚固高广可便关防不许名为拘禁仍时常出外生事一议凤阳无城可守移高墙于泗州夫凤阳设有守备太监等官即以防守若泗州城郭窄隘既不能容而设官搬移费复不赀殊为未便一议见在庶人男女限定几年列名请放不必待有恩例既普浩荡之恩而高墙供亿亦可渐省当如原议诏从之

○丙午 上御文华殿讲读

○户部尚书王国光言卫所官军自投文以至领粮少则十日多则半月吏书刁勒月粮徒有虚名今下粮厅专委司属一员坐放凡投文至领勘合不过三日即转发该仓

关支宜给关防一颗从之

○戊申 上御文华殿讲读 除太常寺少卿刘大受提督四夷馆

○升广西桂林府知府彭文质为本省副使陕西庆阳府知府郭兴骥为行太仆寺少卿兼佥事

○妖犯齐房伏诛

○己酉 上御文华殿讲读

○升昌平游击将军李世臣为喜峰口参将调建抚参将倪中化为柳庆参将广东潮州参将吴京为东路巡海参将兴都留守佥书陈文治为游击署通州参将事 庚戌安南都统使吴茂洽申请进贡许之

○辛亥 上御文华殿讲读

○礼部题各王府报生该宗人府附注宗支簿籍以后请名请封必比对相同方与题请近准该府查回奏报有先后互异者有经年无存者吏缘为奸明甚合委本部司官一员会同该府经历司经历将节年奏报簿籍逐一清查置立文簿二扇一留该府一留本部以便稽核又宗藩条例玉牒等册俱系本部封送该府近来前本不下礼科宗人府径以办官接到该府附籍殊非初制合令该府接送礼科抄发本部填记即封送宗人府以后回称互异者听本部参究其王府新生子女奏报外例有岁报与玉牒互相参考近多怠视不行如期造送相应申饬从之

○壬子命陕西布政司将元年支剩税银收贮司库以抵固原镇万历三年分年例仍行以后各府税银尽解布政司收贮年终造册送部以凭扣算应发年例从巡抚郜光先请也

○湖广抚按官赵贤等题先吏科给事中张楚城条议谓九疑山僻在边隅适当要害宜建营房其各兵召募工食照旧徵银并选官主其操练巡历分巡道移驻柳州至常德湘潭等处冲要县邑原无城郭今宜鳩创靖州守备移驻五开铜鼓等处请如议部覆报可

○癸丑 上御文华殿讲读

○法司奏审录罪囚 上复传 圣母意停刑辅臣张居奏 皇上奉若天道乃天虽好生然春夏与秋冬并运雨露与霜雪互施古人云赦者小人之幸君子之不幸今看审录揭帖各囚所犯皆情罪深重概加怜悯则被其杀害者独何辜而不为偿抵乎 上曰 圣母崇奉佛教故不忍动刑耳居正对言佛氏虽慈悲为教然其徒常言地狱有刀山剑树碓舂炮烙等刑比之王法万分惨刻安在其为不杀乎 上大笑居正因奏嘉靖初年法司奏应决死囚不过七八十人盖因有决不待时者犯该秋后处决者乃系狱待决至中年后 世宗奉玄又好祥瑞每遇有吉祥事即停止刑故今审录重囚至四百余人盖积岁免刑之故也彼之所犯万无生理淹禁牢狱徒费关防纵释有罪无以惩恶臣窃以为宜如 祖宗旧制每岁一行为便 上深以为然还宫奏之 圣母龟勉俯从次

日降旨决常安等三十余人

○升广西掌印都司汪可大为昭平参将蓟辽总督标下游击杨文为潮州参将榆木守备王绍为昌平游击除原任神枢营佐击将军暴以平为浙江军门标下游击

○甲寅拟原任唐府长史袁福徵徒罪以革职为民仍借同乡指挥周鼎勘合刑部袁郎中名色骚扰驿递也

○乙卯督抚宣大山西侍郎方逢时奏北虏顺义王俺答等恭进表文马匹鞍伏弓矢仍请贡使入京求以铁锅农器互市并下头宰牙赤我等乞量授副正千户部覆如议但农器不必概给铁锅照朵颜三卫例量给若干从之

○丁巳总督蓟辽侍郎杨兆条陈理粮饷以分职掌一事部覆准给劄付蓟密等镇管粮郎中如遇调遣兵马防御应援其应用粮料草束或小有增损不必拘守定例致使多寡有无难以相济务使一年不出原饷之数俟支费或多与则例相悬仍宜预请以便酌议从之

○兵部司务皮大器言辽东金复盖三卫素称腹里近被虏破盖州熊岳堡复犯金复二卫杀掠数万村堡荡然金盖城坚民众犹或可守唯复州城卑民少请敕金州守备每年冬月整<木朔>兵马移驻复州总督蓟辽杨兆等以为岛民新附抚绥不可缺人待探虏果有南犯消息乃为拨兵协守报可

○命巡捕营各把总下马步军人该管等官不许私占转送自启弊端京营官亦不许将蓝旗小马擅拨送行等项私用其巡捕把总及各营号头效有勤劳许得超擢违者着科道官从实参奏处治

○辽东各镇招过降夷并回乡人口通共八百三十八名总兵李成梁巡按张学颜各升赏有差

○戊午 上御文华殿讲读 上从容与辅臣语及建文皇帝事因问曰闻建文当时逃免果否辅臣张居正对言国史不载此事但先朝故老相传言建文当靖难师入城即削发披缁从间道走出后云游四方人无知者至正统间忽于云南邮壁上题诗一首有流落江湖数十秋之句有一御史觉其有异召而问之老僧坐地不跪曰吾欲归骨故国乃验知为建文也御史以闻遂驿召来京入宫验之良是是时年已七八十矣后莫知其所终 上因命居正诵其诗之全章慨然兴叹又命书写进览居正退而录其诗以进因奏此亡国之事失位之辞但可为戒不足观也臣谨录 圣祖皇陵碑及御制文集进览以见创业之艰难圣谟之弘远伏望 皇上览而仰法焉次日 上于文华殿又谕先生 皇陵碑朕览之数遍不胜感痛居正因奏言自古圣人受艰辛苦楚未有如我 圣祖者也当此流离转徙至无以糊口 仁祖及 淳皇后去世皆不能具棺歛藁葬而已盖天将命我 圣祖拯溺亨屯故先使备尝艰苦正孟子所谓动心忍性增益其所不能者也故我 圣祖自淮右起义师即以伐暴救民为心既登 大宝衣浣濯之衣所得元人水晶宫漏立命碎之有以陈友谅所用镂金床进者即投于火 孝慈皇后亲为将士

补缝衣鞋在位三十余年克勤克俭犹如一日及将先逝之年犹下令劝课农桑各处里老粮长至京者皆召见赐食问以民间疾苦臣窃以为我 圣祖以天之心为心故能创造洪业传之 皇上在 皇上今以 圣祖之心为心乃能永保洪业传之无疆 上曰朕不敢不勉行法 祖尚赖先生辅导

○户科给事中赵参鲁等条陈马房利病三事一曰核内马言内厩所费料以四五万石草以二百余万束马数当不下五六千匹宜令司礼监查实奏闻二曰便审商请于春秋会之时先日时估次日审商盖乘各官齐会众商毕集以质其虚实权其进退三曰慎委官请比守卫官事例属之该部查有员缺于腾骧四卫拣选贤能充补岁终查访举劾部覆报可

○云南梅_目发_目作乱巡抚侍郎邹应龙总兵黔国公沐昌祚调集汉土官兵擒斩千余俘获称是其劾劳官员通行勘议抚镇各赏银两表里

○己未 上御文华殿讲读

○賑恤徐淮等处灾伤准留漕粮一十六万余石银六万余两

○总督陕西三边石茂华议查四镇钱粮条例三事一请给关防一选择监改一专责成部覆报可

○庚申除原任湖广副使顾章志为广西驿传副使

○兵部覆总督蓟辽杨兆议四款一训练班军以期实用一番休南京以便戍守一条筑城垣以严保障一请敕谕旗牌以重事权从之

○辛酉 上御文华殿讲读

○福建海贼林凤自澎湖逃往东番魍港总兵胡宗仁参将呼良朋追击之传谕番人夹攻贼船煨烬凤等逃散巡抚刘尧诲请赏赉有差部覆从之

○壬戌 上御文华殿讲读

○以原任礼部尚书兼翰林院学士潘晟为南京礼部尚书

○户部覆顺天抚按官王一鹏等言永清等县水灾重大民皆转徙条议六事其兑寄养官马系兵部覆余请停重灾钱粮派剩草银盐钞银两带徵钱粮及免拖欠存留报可

○癸亥 上御文华殿讲读 上谕辅臣今宫中宫女内官俱令读书辅臣张居正对言读书最好人能通古今知义理自然不越于规矩但此中须有激劝之方访其肯读书学者遇有差遣或各衙门有管事缺即拔用之则人知奋励他日人才亦如此出矣报闻

○甲子提督操江兼管巡江永康侯徐乔松革任闲住并张应宿革任朱正色等提问以南京刑科杨节奏其芜湖失事也

○山西巡抚方逢时称虜王年来奉佛诵经忏悔戒杀既坚从善之心当施因俗之治番僧觉义札巴都纲班麻等四名及番官马你卜刺出塞传经颇效勤劳请量升觉义

札巴等各为禅师在觉义上都纲班麻等各为觉义职在都纲上番官马你卜刺乞量给彩段木棉等物从之

○乙丑 上御文华殿讲读

○补原任广西道御史任惟一于浙江道

○补山海营参将陶世臣为密云左营参将

○逆酋王杲入犯六次清河游击王惟屏督兵奋剿斩获首级五十三颗海西夷酋王台送进王杲原携军士八十二名真夷一名总督杨兆请赏赉 上命杨兆张学颜等功次都纪录候处置王杲事完一并奏夺

○丙寅 上御文华殿讲读

○降原任河南左参政查志立为福建左参议

○以恭顺侯吴继爵掌南京中军都督府事

○巡按广西御史唐炼言广西总兵官李锡一年破贼二百一十四巢获级一万二千余颗乞留久任部覆报可

○丁卯 上视朝亲临铨选

○总督漕运都御史王宗沐议徐邳民俗犷悍盗贼充斥盐城地滨海盐徒出没将韩荣改为徐邳参将专驻徐州往来邳宿丁介夫改为盐城守备常川操守六霍等处矿山徒众垂涎虽有巡山官兵漫无统纪合将麻埠巡筒裁革设立把总率领兵勇擒剿矿徒部覆俱依议分

○以殴死人命降靖江王府六辅宗幼举儿为庶人闲宅羈住

○戊辰 上御文华殿讲读

○给原任光禄寺卿卢宗哲祭葬○己巳 上御文华殿讲读 升吏部文选司郎中何源为太常寺少卿

○庚午赐原任刑部尚书卢勋祭葬

○以五军营车兵参将沉思学为山海关参将

明神宗显皇帝实录卷之三十

明神宗显皇帝实录卷之三十一

万历二年十一月辛未朔户部言大同一镇原额屯粮七十余万石军粮全赖供给今实徵地粮仅六分之一虽先年抛弃塞外及虏患频仍渐至荒废而所当开垦清查者亦多近议改屯田金事专为废弛之故况今北虏款贡边境宁谧督抚宪臣经略伊始乃查议开括者六十七顷除豁者一千二百八十余顷及照宣府镇报徵收开垦田地银九千余两大同侵占荒芜过于宣府远甚宜令设法清查渐次修复庶不负专设宪臣之意从之

○巡按广西御史唐炼勘过征剿怀远功次参将王世科等副使沉子木等各应升赏有差从之

○命镇守山海总兵戚继光昌平总兵杨四畏辽东总兵李成梁保定总兵傅津久任遇有成功破格叙赉从蓟辽总督刘应节请也

○壬申 上御文华殿讲读

○兵部覆总督石茂华议西虏照旧宁夏中卫互市

○兵部言甘镇边垣就绪但地方长狭台多军少番虏出没不常军士难以长住如免筑台唯轮班瞭望毋致疏虞从之

○以保定侯梁继璠为南京提督操江兼管巡江

○降襄垣府辅国中尉充祿为庶人高墙禁住以巡按御史发其淫凶不法也

○癸酉升山东佥事贺溱为甘肃行太仆寺少卿南京吏部稽勋司员外李学礼为陕西参议 巡按直隶御史陈文燧勘过宣镇修完边墙崖壕八万九千八百二十三丈城堡墩台瓮城等工五百二十九处工程委俱坚固钱粮亦无破冒效劳官员司道吴哲等各升赏有差从之

○甲戌 上御文华殿讲读

○陕西督抚官石茂华议修葺城堡安插墩军二部覆报可

○乙亥 上御文华殿讲读

○南京山东道御史郑准言京察届期吏部尚书张瀚宜矢公慎并言其不公不慎数事瀚_（ 疏_） 金_（ 奏_） 辩乞休优诏留之

○丙子 上以 圣母慈圣皇太后圣节赐辅臣张居正等银纁蟒衣有差讲官丁士美等六员及正字官徐继申等二员各赏次之

○

○蓟辽总督杨兆奏总兵李成梁攻剿建州卫酋首王杲斩获甚众即王杲死生未的然兵出不过八日之间功成迨逾十捷之外王台部落以唇亡而丧胆环辽诸酋以观衅而寝谋请叙录文武官员 上命择日宣捷 太庙

○以平江伯陈王谟为前军都督府佥书魏国公□邦瑞为南京中军都督府佥书

○丁丑 上御文华殿讲读

○戊寅总督陕西三边石茂华言套虏宾兔等酋分住河西大小松山因其赴清水营远故特设宁夏中卫与市视去兰靖道路不甚相悬若靖虏边外既非通衢兰州又甘肃咽喉均不便于互市合准其赴中卫互市仍行甘肃遇诸虏经过该镇地方照旧抚赏部覆报可

○己卯辽东荡平逆酋王杲等报捷镇抚申四训百户周世禄何全各赏衣服一套于宣捷日御前颁给

○庚辰 上御文华殿讲读

○户科给事中张孙绳言路楷与杨顺希承严嵩因沈炼劾嵩诬其诬叛处斩忠臣受祸幸将顺楷执赴诏狱拟问斩罪既而顺死于狱楷复展辩改拟充军未尽厥辜宜正

典刑仍与杨顺俱尽法流其妻子以昭国法部覆依拟 上谓已奉 先帝处分路楷着照旧发边卫充军朕嗣位来两经大赦与天下更始已前过犯都不必追论大报在迩昨已设斋如何奏刑刑部堂上官夺俸三月该司半年

○壬午以平建州王杲遣英国公张溶告 太庙辅臣张居正言辽东功次近年所无总兵为最巡抚次之总督又次之升赏之典宜以此为准兵部居中调度亦宜升赏 < 銮-金 > 中推叙臣等实为滥及决不敢当次日 上御皇极殿鸿胪寺宣捷百官致辞称贺 上手札嘉奖辅臣欲加升荫居正等恳辞准免各赐银两表里大红纁丝蟒衣

○准永和王新墀庶第二子慎镗封为长子暂管府事以系另城郡爵慎镗又年甫三岁未便袭封从母妃王氏请故有是命

○降原任四川参议张子仁为山东佥事

○升九营佐击张应时为五军三营参将

○原任总督南京粮储都御史张焕先因到任愆期言官论逮广东南海充军身故至是准复职

○福建参议查志立革任听勘从吏科都给事中刘不息等参也

○总督漕运副都御史王宗沐三年考满荫嫡次子王士琦为国子生

○甲申叙建州捷总兵李成梁巡抚张学颜及效劳官军各升赏有差仍大行宴赏以激劝之

○乙酉升湖广佥事职汝止为福建右参议

○提督两广军务殷正茂言抚散过新民魏朝议莫应敷黄瑞刘兴策四巢徒党原系山海遗孽各据一方今既抚散祸机永绝各从改正宜宥往愆但地方人等或以公私逋负百凡□木穴夕□求以致新民不得聊生请旨申饬仍收录总兵张元勋等工部覆依议各升赏 丙戌夜月食

○丁亥升陕西苑马寺少卿兼佥事马文健为四川副使工部营缮司员外杨松为湖广佥事

○南京吏部右侍郎李棠以病乞休许之

○总督宣大侍郎方逢时言宣府镇屯田等项地粮自隆庆五年起迄今三年之内督率种辨已足一十八万四千五百三十五石之原额又开过荒地三千四百六十二顷三十一亩起徵粮三千五百七十六石零银九千八百七十八两收作主兵本折支用另有沙薄及沿边荒熟不齐难作额徵余地一千八百七十二顷零每亩量徵轻粮不等共银一千六百两收补官吏师生月俸之用户部覆言该镇野无旷土粮几旧额屯政修复大有成效宜劄管粮郎中如数徵收督抚各官先行纪录分别优赉从之

○戊子河南道御史王湘条陈京察五事一详考核二绝顾避三察心术四略常额五禁奸慝吏科都给事中刘不息条陈五事一端鉴衡二集众论三辨人品四革中伤五

略成数部覆俱依议行 缉获妖言惑众王志学等十余人下法司议罪伏诛

○己丑 圣母慈圣皇太后寿旦 上御皇极门百官致辞称贺命妇免朝

○升袁州府知府程文著为陕西苑马寺少卿兼佥事

○发潞州府镇国中尉廷圻等七名高墙禁住以屡行强劫赃证明实也

○庚寅补原任江西道御史麻永吉于浙江道

○原任南京工部尚书林云同奏辞刑部尚书不允

○巡抚广西副都御史郭应聘秩满荫男郭良栋为国子生

○壬辰两淮巡盐御史王琢玉言查过吕四等三十场灾伤十分九分被灾极贫灶丁七万六千七十三丁次贫丁六千三百三丁已发银二万两赈济止可救秋冬之急若明春青黄不济尤为可虑议请于余盐银内借留三万两以待来春接济部覆从之

○兵部侍郎汪道昆秩满以子幼荫其亲弟汪道贯为国子生

○发太仓银四万四百五十两于蓟镇充官军行月二粮仍于万历三年额饷银扣除

○议佐修崇王府第 上谓今年财匱民穷朕概停工作力行节俭务与天下休息且宗室蕃衍禄粮尚不能给亲王为国家藩屏爵高禄厚亦宜为国恤民岂可纷纷请乞崇王第修理既与五十年之例不合且先给银二万余两紧要处所俱已报完以后着自行撙节量修不许再行徵派重困小民礼部还行与各王府知道

○癸巳河南巡抚吴道直言大梁道所属开归二府延袤千里守巡官一向驻劄省城要将大梁分守官专于归德分巡官专于禹州各带家室常川驻劄严督州县共分职业部覆从之

○浙江抚按官杨鹏举等言处州安吉嘉善等府州县水灾已经会议改折减免屯粮分别赈恤其随时加派者或量减分数或暂行停徵巡按御史复请贪官赵文华侵冒边饷十余万沈永言侵欺蜡茶等银三万余两姑为缓追户部覆言有灾州县带徵钱粮姑准徵一分赵思慎沈永言等各犯变产暂令改限完奏奉旨追徵侵欠与灾伤地方何干抚按官借言蠲恤背公市恩姑不究余依拟行

○甲午 上御文华殿讲读 四川韩胡碉恰列寺差番僧头目□□ 等各进贡方物给赏绢纱如例

○礼科给事中梁式言迩来邪说浸淫民习蠹坏不经之祠宇日侈异教之供事争先转相幻诱备极淫奢遂有大干条宪如近日锦衣卫访获逆犯王志学者更宜屏息奸宄条议三款一清祠宇二革僭踰三禁香醮 上谓左道惑众之徒严行禁革其余亦从民俗不必清查烦扰

○丙申 上御皇极殿太常寺奏冬至大祀 天子 圜丘

○建涿州胡良河石桥成赏效劳各官有差

○户科给事中赵参鲁言易谨履诗防维霰如近日南京科监诸臣所劾凶官张进

酗酒禁地赶辱科臣王颐是也伏睹先后明旨直谓扫除之使酗酒之徒彼监臣足治之故革管事以稍示惩创臣以为辱及言官朝廷之耳目非轻情繇挟讎小人之横肆何忌宜付法司鞠理 上谓已有旨处分如何又复逼奏并浙江道御史麻永吉南京刑科给事中杨节等奏俱着回话

○礼部覆总督宣大侍郎方逢时巡抚宣府副都御史吴兑题顺义王俺答率领男孙部落及河西酋妇中爱哈屯夷酋丙兔打儿汉台吉等进贡马匹一体给赏但查万历元年本部题请入贡赏赐比昔年如数太多今次比元年仍增一百四员名以后务加节制勿得递增从之

○庚子辰正刻冬至是日大祀 天子 圜丘命英国公张溶行礼文武百官朝贺诸王府及天下衙门各进庆贺表

○升贵州佥事李继芳为本省参议

明神宗显皇帝实录卷之三十一

明神宗显皇帝实录卷之三十二

万历二年十二月辛丑朔 上御皇极殿以长至节受百官朝贺

○壬寅降户科给事中赵参鲁五级调外任因参凶监张进也其刑科给事中郑岳浙江道御史麻永吉等为首的罚俸一年余各半年

○乙巳 上御文华殿讲读

○礼部覆礼科右给事中梁式题禁左道三条一曰清祠宇盖寺观庙宇俱载令甲间有创建必俟奏闻所以重祠典而端好尚也今各处大小庵观寺院不可数计矣而鼎建日繁募徒相望规制僭拟于王度淫祠煽惑于民风甚非所以尊主威伐奸萌也如蒙敕礼部下所司毁其太甚罪其擅作非但民风晓然各归本业而奸党渊巢亦彻过半矣二曰禁僭踰夫印文非官长不用所以示法守龙凤之制非皇家不用所以明等威今寺观焚修< 𠄎 𠄎 𠄎 𠄎 𠄎 𠄎 >文皆用自刻木印小民进香旗旛等物多绘龙凤是公符可以摸拟而禁物可以私造小民无知窃弄往往陷于刑辟臣愚以为禁之便又徒众广集崇奉者如市则私度之禁与夫约省之条又不可不申明也三曰禁香醮盖小民进香势之所不得禁也然揭龙旗而鸣金道路顶香马而混迹妇男不亦甚乎民间祈禳势之所不得禁也然悬榜而高筑坛场张盖而公行衢巷不亦甚乎异端粉饰声容以诳惑愚俗未有如近日之盛也乞敕下礼部申饬严禁俱从之

○巡抚辽东都御张学颜言管粮户部王念通同官攒侵盗边饷已经参劾仍刻布揭帖极口讪诋逐款奏辩乞罢斥得旨张学颜照旧供职王念先革职为民着原勘衙门从实核奏

○户部尚书王国光言本部委管草场主事任铠呈称五草场储备春秋二防马匹支用每年俱于二月十一日放完题买近挨至四月放尽委题买正值夏月时雨草束沨烂又价直腾贵往往推延秋后上纳殊不知秋防警急各场空虚何以济事今后定价于

二月中旬庶防秋有备官口无亏又委管安仁坊草场主事张修吉呈称各营军马粮草每年该放三个月本色口人领买每草一束该银三分二厘访得各军住居穹远每遇支草不能搬运多行变卖每草十束卖不过一钱四五分在官虚费钱粮在军不蒙实惠合于本色三个月内支草一支支银二分每年放草若干至秋月仍卖补若干庶先是有备各为有见但任铠欲于二三月召卖不无非时病商之虑在张修吉欲本色三个月支草一分银二分又恐本色堆积年久不无损坏合令将领等官将万历二年十二月并三年二月草束暂改折色关支旧例折色月分每草三十束折银二钱五分今应支色暂加折银一钱五分折给四钱较之各军变卖所多不止一倍仍留积本场草束以为来年支用其年例买草之期限今秋成不许迟误至召商买草作弊多端将鲜明草束堆放在上其沔烂轻小尽堆下面甚至沙土包裹图重斤两监收官严核辄拥众喧呼多畏众口含糊收受以后宜躬亲验视如有前弊从重究治从之

○以德王戴澄薨辍朝三日

○丁未 上御文华殿讲读

○北虏贡市事完 上谓方逢时先年建议款虏新任贡市效劳升都察院右都御史仍兼兵部右侍郎赏银两表里照旧总督巡抚吴兑申佐等各赏赉有差余俱依部拟

○总督宣大侍郎方逢时言北虏自款贡以来即求铁锅农器知我禁例讨之愈力盖阳为求索将以困我遵照敕谕许以便宜区处山大二镇各备锅数百讲定准折马价绉布与互市诸夷仍爱绉布不愿得锅水泉得胜二市共用不及三百口虏谋顿阻但夷族繁多以后入市求讨照前议定大小绉布之数准折货易部覆报可

○戊申以浙江宁绍参将艾升改充广东练兵参将

○己酉广西巡按御史唐炼奏广西原额夏秋二税共该米四十三万一千三百五十七石屯粮六万一千二百石国初如数输纳军需不匮近来民间拖欠完纳者不足三分之一其间贼占抛荒固多有藉以为名民隐其九者有指荒为词未荒而免者有势豪吞占莫可谁何者宜行司府州县都司卫所将一应额办钱粮如法追徵以十分为率每年带徵二分若怠玩拖欠者照例参奏降罚调卫中间贼占抛荒宜设法整理俾不失业部覆从之

○山西布政使司新增太原府本色粮四十六石九斗六升连旧额共徵本色米麦豆二万一千四百七十五石二斗八升折色银三十六万二千一百二十两五钱五分零

○庚戌 上御文华殿讲读

○辛亥 上御文华殿讲读

○户部题准预开淮浙山东常股存积盐一十五万八百七十三引一百八十五斤共银五万一千七十二两四钱六分

○壬子 上御文华殿讲读辅臣张居正等进职官书屏十五合< 銮-金 >曰安民之要在于知人辩论官材必考其素顾人主尊居九重坐运四海于臣下之姓名贯

址尚不能知又安能一一别其能否而黜陟之乎朝宁之间百司庶府尚不能识又安能旁烛四方郡国之远乎考之前史唐太宗以天下刺史姓名书于御座屏风坐卧观览唐宣宗知泾阳令李行言之贤书其名于殿柱不次擢用 成祖文皇帝常书中外姓名于武英殿南廊 仁宗昭皇帝亦命吏部尚书蹇义兵部尚书李庆具各都司布政按察司官履历揭于奉天门两序良以舆图辽廓官府分罗身难遍历故托之标记以广其明也仰惟 皇上天挺睿明励精图治今春朝覲考察亲奖廉能顷者吏部奏除躬临铨选其加意于吏治人才如此顾今天下疆理尚未悉知诸司职务尚未尽熟虽欲审别其道无繇臣等思所以推广德意开发 圣聪者谨属吏部尚书张瀚兵部尚书谭纶备查两京及内外文武职官府部而下知府以上各姓名籍贯及出身资格造为御屏一座中三扇绘天下疆域之图左六扇列文官职名右六扇列武官职名各为浮帖以便更换每十日该部将升迁调改官开送内阁臣等令中书官写换一遍其屏即张设于文华殿后 皇上讲读进字之所以便朝夕省览如某衙门缺某官该部推举某人即知某人原系某官今果堪此任否某地方有事即知某人见任此地今能办此事否臣等日侍左右 皇上即可亲赐询问细加商确臣等若有所知亦得面尽其愚以俟 圣断一指顾问而四方道里险易百司职务繁简一时官员贤否举莫逃于 圣鉴矣次日得旨览卿等奏进职官书屏欲周览舆图审察众职具见匡弼之忠朕心加悦围屏着进收设于文华殿后次日讲读毕 上躬览一周居正因奏曰天下幅员广阔山川地理形胜 皇上一举目可以坐照但今所赖分忧宣力者全在大小臣工惟望 圣明于用人名实之间特加之意而已 上曰先生费心朕知道了

○江西抚按官凌云翼等言两省版籍各有定制分民创里事体有碍合将瑞昌民置产兴国止于寄庄立户赴该州输办粮差或照近议徵银角口羊纳如有拖欠申呈两省抚按将府县掌印官参究惩治其兴国之民置产瑞昌者亦照此法部覆报可

○户部题大同镇年例除事例银二百八十五两赃罚银六百两发银二十六万八千七百五十三两

○巡按陕西御史赵燿言虏首宾兔一枝住牧西海迄今遇游猎抢番及拆墙进入皆索抚赏边官不论顺逆一唯抚赏是徇又如互市一开则番人惊扰有妨茶马之利边计日弛宜酌以定规俾边官有所遵守兵部覆言俺答二子宾兔一住松山一住西海已定于宁夏中卫为市河西无为市之地亦无可市之物何容再议西番服属于我虏既通贡乃敢抢我属夷已为非义至于拆墙入境与为寇同亦以抚赏退之渐不可长宜传谕俺答禁止诸酋如或背盟该镇官务要严兵固圉毋得专事抚赏为退虏之策报可

○总督方逢时题议大同镇停发银三万两照旧解发其宣府原拨发银一万两免行拨尚书王国光覆准发银一十四万两 癸丑朝鲜国王李昫差陪臣吏曹参判官自裕等贺冬至令节户曹参议赵澄等进贡种马宴赏如例

○户部题查得隆庆五年该都察院题各处查盘旧例五年一次失之太疏一年一

次失之太数以后合无以三年一差御史查盘诏着各该巡按御史带查不必另差

○甲寅应天巡抚宋仪望言该镇兵力单薄粮饷短缺战守之计尚多疏略条议五事一议更置将领吴淞一镇兵船聚泊乃水陆折中之区副总兵驻劄南可以援金山之急北可以扼长江之险所统六路官兵约计一千八百二员名而川沙堡宝镇堡及一应水操官兵悉以隶之金山乃三吴之外屏刘河为苏州之门庭宜以参将移镇金山游击移镇刘河至常镇参将原非要害当议裁革仍更置守备一员就驻杨舍互为策应一议处粮饷苏松一镇自倭患稍宁客兵题革之后又经量议增兵以定战守大约每岁计该饷银十三万八千二百四十一两九钱应坐苏松常镇四府照粮加派一议增戍孤镇金山一镇孤悬海边接连浙海为三吴外屏今更置参将其兵仅以千计万一有警即悉城中老弱登埤以守未充其半欲增募客兵则供饷难继宜行应天十府一州各衙门问拟军犯遣发该镇以充营伍一议兵船器械福仓大船长巨高坚破浪乘风摧拉甚易每船定价至四百余两岁用二百三十六只每年打造不过三十六只余皆顾募民间颇为便宜其各船之兵于崇靖两县沿海居民按图挑选尤为易集一应军器若发贡佛狼机之类并火药俱各将官自行制造庶乎可用一议申明事权令各把总之兵听副总参游节制参游等官听副总官节制敢有抗违者许以军法从事副总官比照行部事例不时巡历必使体统尊严事权专一若州县佐二等官品级相悬体统攸关在道必避在庭则参如敢倨傲凌肆许即揭呈提究庶名分不乱户兵二部各覆依议行

○兵部覆广西巡按唐炼条陈一议武备谓广西军兵不下五六万所贵训练以戒不虞合如议行一议扼险迎恩堡设兵一营一议劝农广西民田禁与徭贼佃种俱应巡抚勘议从之

○以新建伯王守仁从祀孔子庙庭守仁之学以良知为宗经文纬武动有成绩其< 〇〇〇〇 〇〇〇〇 >犯中瑯绥化夷方倡议勤王芟群凶夷大难不动声色功业昭昭在人耳目至其身膺患难磨励沉思之久忽若有悟究极天人微妙心性渊源与先圣相传宗旨无有差别历来从祀诸贤无有出其右者

○乙卯兵部言南兵在蓟防守必不可无督镇诸臣言之甚悉思归一念在人情亦不能免故有更番之议挑选之< 〇〇〇〇 〇〇〇〇 >但在浙在途舟车行粮之支费不免浩繁人至三千未易钤束今议岁更止以二千每年二月舟行不许登岸来去各以其时则防秋防汛两皆无误粮费取自空支月粮则在浙在途一无所累似为经久可行报可

○倭贼陷广东铜鼓石双鱼城督抚殷正茂督率总兵官张元勋追剿正茂荫子入监读书元勋实授都督同知

○朵颜等卫夷人头目火你赤等并四川韩胡碉恰列寺头目番僧扳地卜等朝贡宴赏如例

○总督陕西都御史石茂华言延宁二镇兵马入卫蓟镇奔走疲劳已二十余年乞放回免调及将京营兵马年拨二枝又以沿边六州县人民垛充军伍分班赴蓟代守兵

部言蓟镇边患叵测不容不借客兵难以遽撤京营之军务在强干垛充之事甚属难行即行之亦未敢谓抵边兵也宜令照旧入卫厚加优恤从之

○丙辰顺天府府尹施笃条陈编审事方今地亩人丁日渐减少且额外增役有加无已细访其故或富豪并吞地土或势要强占户丁或飞洒于诡寄或漏网于影射有司坐视莫敢谁何遂致闾阎小民甘心抛荒田产逃移四方又何怪乎丁粮渐减而赋役愈重耶一议优免事例各照品级不得滥免一议流寓人户多系富豪名为寄庄影射差役甚至田亩数倍于土著之民而差役分毫不与宜即令入籍与土著一体当差一纳粟监生官吏承差之家因其富饶纳充前项不惟免其本身或且滥及户丁宜一体编派门银不许漏脱一春秋祭祀银两各州县原编□十两惟保定县四十两良乡县五十两今以良乡为率其余通行裁革部覆从之

○赐德平王载堦楼额传文从其奏请盖造楼一座供奉诏敕及盛积古今书典也准德世子翊馆管理府事以德王载澄初薨令俟服满请袭也

○丁巳 上御文华殿讲读

○戊午 上御文华殿讲读

○工部言总督杨兆请讨盔甲京库军器专备京军操演例不发边沿边军卫有司自有岁办军需银两蓟镇节因虏患奏讨数多共发过三万七千副今又因角□羊到新军照数奏讨且新军俱系顶补旧军之数若将先领损坏者修理坚致及应遣依限打造自当足用而该镇言钱粮不足罔知稽查一遇缺乏辄以上请难可为例但畿辅重地诚恐虏患巨测酌量给三分之二仍行该镇备查岁造军器共修边政毋得专恃请给从之

○庚申 上御文华殿讲读 准周府鄢陵王睦拘庶第一孙辅国将军朝土□从改封为长子以嫡配王氏没无嫡子也

○巡抚辽东张学颜乞辞免世荫锦衣不允○以南京兵部左侍郎翁大立管南京吏部右侍郎事 辛酉琉球国中山王世子尚永遣王舅马中叟长史郑佑等一十八名贡表文方物庆贺 皇上登极并进贡赐宴及彩段等物有差

○壬戌 上御文华殿讲读

○御史余乾贞差北直河南清查军伍都察院题请回道管事 上谓御史差满考察先朝事例甚严近来一概都准回道岂人人尽皆称职无过者及遇京官考察如何又有纷纷议论御史专察一方职任至重你总司风纪平日不加精核谩尔差用或致贻害一方责将谁委今后务要申明旧例著实举行有不称的即便参奏改黜各地方依限交代不许枉道回家满日仍查有无违限一并考核堂上官如徇情畏比亦以不职论 赐晋府宁河王长子知□甘□火□河东王长子慎键各袭封夫人李氏冯氏进封为妃

○直隶深州生员林基父母丧先后庐墓六年清豊县侯灿为祖母史父逯母刘先后庐墓九年俱旌其门曰孝行

○山西潞安府长治县民自仇鸮至仇大六世同居食凡男女数百人节烈妇贞女

二十三人旌其门曰高义

○江西崇仁县民黄士沆妻邓氏直隶武城县民生员郑继绪妻白氏山东登州府蓬莱县舍余周儒妻王氏直隶山阳县生员王延祚妻陆氏直隶永年县宋修治妻周氏武邑县监生李孔时妻陈氏平谷县民刘伋妻郝氏山西蒲州民杨鹑妻王氏寿阳县民王麟妻郝氏俱旌其门曰贞节

○直隶深州民李东妻张氏及男光裕妻韩氏旌其门曰双节

○四川温县训导以升任携妻女舟行为盗所劫杀盗迹二女长么哥绝裙赴水死次女留哥骂贼被杀投水李氏亦赴水身死山东萃县民高守耕妻田氏夫死姑初严防已少解自缢山西黎城县生员李芬妻刘氏夫死不食缢死清源县民韩定妻张氏缢夫柩前死定襄县任尧弼妻杨氏不食五日死夫柩侧直隶成安县生员张鷟翼妻刘氏夫死乘姑不备自缢绝开州民雷应时妻安氏于丧侧以麻经缢梁死河南修武县生员薛复亨妻王氏夫死七日不食不死复自缢绝各旌其门曰贞烈

○山西芮城县柳兰女父逢春母谢氏相继病故遗二妹俱幼一弟方生三月兰女痛家寒弟妹无依誓死不嫁纺织以嫁二妹婚娶弟妇张氏弟业农自务织以终其身年七十五卒旌其门曰贞孝

○甲子 上御文华殿讲读

○巡抚福建刘尧海言户部咨行各省直见徵税处要见每年所徵银两若干作何支用定为则数福建常赋固薄顷以海上兵事徵发烦难议事之臣不敢频索内帑计将该省税额起存粮课及山海市镇船口等税一向通行者俱勒为饷亦取仅足而止外患稍宁节经裁约查有漳州府海澄等县船货商税福州府行崎所木税闽侯怀三县牛河渔荡税福清连江等县绸税古田县炉税以上俱行见徵税充饷者福州南台口税泉州府船税以上俱原有税而今裁革者俱各报闻户部覆议 上谓刘尧海清查商税补足军饷具见尽心任事之忠着吏部纪录待用

○乙丑 上御文华殿讲读

○升凤阳巡抚王宗沐为南京刑部右侍郎

○丙寅兵部奏选武职官 上御皇极殿亲临铨注

○准四川土舍杨正魁袭伊父杨仁原石耶洞长官司仍不支俸

○升江西副使张士佩为本省右参政

○丁卯 上御文华殿讲读

○戊辰降补原任陕西副使李台复为本省参议 以原任兵部右侍郎张翀总督漕运巡抚凤阳

○庚午 上御文华殿讲读

○以广西参政高则益提调本省学较改分巡辽海道今升陕西行太仆寺少卿贺溱为开原兵备副使

○总督仓场户部左侍郎毕锵言储政五事一议收粮凡运粮报司仓即日诣该仓看阅晒二天扬一天至乾洁而止及至委收粮官员须看验精洁方许收管不堪收者从实禀报一议陪库往银库定委主事一员而陪库自近年始顾时值放粮关系甚重安能两在而俱临每此入而彼出又为不便宜于员外主事中专委一人代之一议修厂一议修浚一议买补部覆俱依议行

○兵科给事刘铉条陈酌_金_铨浚议夫田专责成禁侵冒四事行湖广抚按逐款会议其_金_铨浚止采穴泗港等口余容另议修堤人夫当官顾募并未曾编派小民及有大户投充等弊湖广地方寥阔水利一道专管切恐顾盼不及不若仍旧各守巡相兼为便也修堤钱粮府佐等官当面给散奸弊尽祛事体妥当从之

○是月 上御文华殿讲读八日

明神宗显皇帝实录卷之三十二

明神宗显皇帝实录卷之三十三

万历二年闰十二月辛未朔除原任湖广道御史向程于福建道

○释闲宅宗室故辅国将军奇浩男银哥金哥以隆庆元年越关奏请名封情有可原也

○升易州兵备参政高文荐为山东按察使照旧管事补原任江西参议刘应峰于广西

○壬申 上御文华殿讲读

○发太仓银二万一千九百四十五两零为甘肃抵还修边军饷之数

○癸酉南京兵部尚书戴才言近该部议以浦子口守御带管盐法听巡盐御史举劾固得曲防之法但稽之成宪要非建置之旧且浦口五卫去盐场颇远军舍即能安顿私贩唯当严于经过关津如必设立盐捕亦当于巡盐御史所辖求之不宜辄变旧制部覆从之○甲戌 上御文华殿讲读

○南京吏科给事中史朝紘等广东道御史蒋科等各条陈考察事宜一惜人才一论大体一审名实一核考词部覆俱依议行

○除原任云南副使朱茹于江西

○乙亥 上御文华殿讲读

○升徽州府知府崔孔昕为两淮运使凤阳知府邹廷望为甘肃行太仆寺少卿兼佥事调江西副使凤阳知为陕西提学副使

○巡按辽东御史郭思极勘过户部郎中王念赃私贪例革职为民 上谓王念侵盗如何都开摊各库役领下郭思极前劾王念赃罪甚重今又朦胧回护轻拟革职且不究王念着提去与各犯面证明白从公再问

○山东道御史柴祥条陈三事一议治徐邳夏镇等河以祛民害一议番休守苏浙兵须加控驭一议互市以防北虏部覆依议行

○丙子升巡抚河南副都御史吴道直为兵部右侍郎

○丁丑 上御文华殿讲读

○戊寅 上御文华殿讲读

○总督陕西石茂华巡抚延绥张守忠各题延镇三年修完边墙墩台寨城请叙录效劳文武官员 上谓近来各边报修工程巡按御史覆勘岂曾亲履其地止据委官以空文回报未久随即倾<□□王巳>这延绥所奏边功着选差公勤司官一员便去逐一查勘明实具奏

○总督宣大方逢时言巡按御史陈文燧条陈八事已行者三遵行者四当议行者一如抚赏之机使介之稽贡市之期三者事体相属今日之抚赏因其臣服而惠给之历岁既久事体颇定此已行者也两镇之支费皆取给于积余客饷间有不敷则取补于减哨市税至于那借库银随行扣补若行查核恐阉外之臣畏首畏尾似为不便至于戎伍之训练边军之劳困夷马之价值三者亦略相关此所遵行者也惟修守之宜大同边墙东起西阳河西至了角山延袤六百余里倾<□□王巳>无存且大同地参胡境长沙漫磧群山星聚势不联络此地利当议见在食粮之数仅八万余守城占役之外不及五万无他军可以相助此人力当议边土沙松立见糜散墙高则速颓岸深则善倾此工程当议尤有过虑者一则摆守足军之难二则务外失内之难三则防御周顾之难四则摆守持久之难合当斟酌边墙之修宽限至万历四年起工及预图善后之策兵部覆言边墙之设所以限隔华夷自古不废近来边垣倾圯以致虏骑充斥益以大坏而遗址犹存大同额军十三万今止八万虽人力比前不足而地形土脉悉皆如故故昔务修建所以分别华夷使之不相踰越非谓在摆卒专倚之为守也今该镇计用卒十八万而额军亦止十三万当时原不摆守可知而所谓务外失内等项可无过计矣但其工程稍难固不可缘此而并废自昔所有之墩台也如候万历四年起工殊非及时修政之意合量与宽限从之

○松山虏酋款塞贡市告完总督石茂华等各赏赉有差

○乙亥赐阳夏王载非□土所书楼额名遵训

○戊寅赐庆府弘农王长子倪□□田火□袭封为弘农王夫人潘氏进封为妃己卯起原任宣府巡抚孟重为河南巡抚 浙江湖州府乌镇地方添设捕盗管理盐法同知一员铸给关防一颗从抚按请也

○庚辰 上御文华殿讲读

○改神枢三营游击郑勋为河间游击升万全都司谢天祐为山西太原参将

○辛巳升刑部浙江司员外尹较为福建佥事○顺天府尹施笃臣请急准回籍調理

○壬午通政王好问三年秩满荫其子王浑然为国子生

○癸未巡按浙江御史田乐题先年遣戍卢龙等卫葛乾相等三百七十余户系方

孝孺姻党乞行豁除不允

○甲申 上御文华殿讲读

○乙酉升山东左布政曹科为顺天府尹

○太宁等卫夷人头目升合儿等二百三十二员名朝贺 万寿冬至令节晏赏如例

○丙戌 上御皇极殿顺天府官进春文武群臣称贺以年节 辅臣张居正等银纹有差

○丁亥 上御文华殿讲读

○ 上召辅臣张居正于暖阁前亲洒宸翰大书弼予一人永保天命八字以赐次日侍讲读居正因奏 皇上数年以来留心翰墨昨仰睹赐臣大书笔力遒劲体格庄严虽前代人主善书者无以复踰但帝王之学当务其大自尧舜至于唐宋英贤之主皆以修德行政治世安民不闻有技艺之巧也惟汉成帝知音律能吹萧度曲六朝梁元帝陈后主隋炀帝宋徽宗宁宗皆能文章善尽然无救于乱亡可见君德之大不在技艺间也今 皇上圣聪日开宜及时讲求治理以圣帝明王为法若写字一事不过假此以收放心虽直逼钟王亦有何益报闻

○升山东右布政朱卿为本省左布政

○戊子升山东都司佾书王镇为神枢四营游击改广东琼崖参将晏继芳充西路巡海参将

○己丑除四川右布政攸绩于山东

○巡按直隶御史萧泮陈钱粮六事一均羨余以励人心漕规轻贳银两作正支销外是名羨余一分解淮二分给军士十三总同之惟江北四总先以议免边输扣补今边输如故而此赏独靳宜均之以示一体一改海船以利运道自罢海运之后即驾入里河与浅水船参和并进海船重而浅船轻彼此并壅宜将海船二百余只或作战舰或变价值但置浅船以便进运一收除米以广积贮漕运正额外随船耗米岁约一百二十万石除晒扬扣尖收受所剩土米大较可三四十万石坐余在仓皆听贱卖宜行通济库或太仓库每石随给价五钱毋致迟滞另廩收贮当年即与支放亦两便也一置脚船以备不测江南巨舰各有小艇随之号曰脚船以备缓急运船缺此殊为不便宜行漕司动支粮价余银每浅船二十给造脚船一只每只拨军四名月粮一体关支使随帮策应尤为有利一立保甲以寓防浚运船过淮随到随编以二十只为一甲总给一牌每日轮流二船直牌为甲长各备器械什物盗发协力截赶风起商议策备稍遇淤滞督同浅夫开通一船失事余即连坐一剔宿弊以清库藏申飭该库但遇官鞘解伴止许送到大门巡风官军擡入库门原解员役对验成色此外闲人一切严禁不容窥觐以杜偷混部覆得旨海船留备缓急不准变卖其余依拟

○先是达虏宾兔要求河西互市恣意横索刁抢村庄科道官蔡汝贤宋范等各议

绝其抚赏相机堵截兵部覆言北虏款贡之始起于俺答其子侄诸部落亦皆分布各镇誓无犯扰今宾兔扣边扰索其迹如此于中事情亦有不同使虏连年西图获有番夷货畜而以河西设市藉为衅端不独宾兔一枝为然则宜亟令堤备即闭关绝贡环甲加兵自不容已今诸虏贪我财利尚无他谋唯是丙兔以宁夏互市为远且见顺义诸虏在于宣云衣食稍丰犬豕之性不免中热实止口体若以一技要索之情遂启各镇拒绝之事非计之得也宜令俺答谕其改图悔祸如再侵掠即严兵拒堵斯为上策奉旨着虏情着石茂华侯东莱相机审处不许推诿误事

○以松潘东路游击陈世忠为四川行都司掌印

○先是议开马桥至子房新河督理河道傅希摯勘称上段则四十里皆水下段则数十里伏石委难议开惟梁山以下穿羊山出左洪口一带便于开浚口向东南与黄流颇顺并佑合用银二万四千二百七十余两且新旧两河必有一通可保万全宜行开筑部覆报可

○庚寅 上御文华殿讲读是日 上从容问辅臣张居正等元夕鳌山烟火 祖制乎对曰非也始成化间以奉 母后然当时谏者不独言官即如翰林亦有三四人上疏嘉靖中尝间举亦以奉神非为游观隆庆以来乃岁供元夕之娱糜费无益是在新政所当节省 上曰然夫鳌山者聚灯为棚耳第悬灯殿上亦自足观安用此太监冯保从旁言他日治平久或可间一举以彰盛事 上曰朕观一度即与千百观同居正言明岁虽禫继此 上大婚 潞王出阁诸公主厘降大事尚多每事率费数千万金天下民力殫诎有司计无所出及今无事时加意撙节稍蓄以待用不然臣恐浚民脂膏不给也 上曰朕极知民穷如先生言居正曰即如 圣节元旦旧例赏赐各十余万无名之费太多其他纵不得已亦当量省 上悉嘉纳明年元夕罢烟火鳌山

○升云南右布政罗元祯为贵州左布政

○升鸿胪寺左寺丞张朝聘为少卿

○辛卯准覆原任户部右侍郎徐贡元原职以先因金解段疋降级也

○先是达虏头目入境到西纳寺烧香讨赏甘肃巡抚廖逢节请于嘉峪关外远处听盖一寺使之焚修自可杜其求请之词及查故酋吉能原授都督同知之职今各枝皆以承袭其子似当一体准袭部覆如议但查把都儿黄台吉是否吉能之子应否承袭今具番文转请从之

○壬辰 正旦节遣泰宁侯陈良弼武定侯郭大诚豊城侯李环怀柔伯施光祖固安伯陈景行祭 长陵 献陵 景陵 裕陵 茂陵 泰陵 康陵 永陵 昭陵各行礼

○升福建行都司杨显为广东琼崖参将湖广行都司金书章延廩为四川松潘东路游击

○癸巳原任工部尚书胡松卒赐祭葬松南直隶人正德甲戌进士初任郡佐选监

○丙午升太原府同知季遐龄为山西佥事整饬密云兵备

○巡抚顺天都御史王一鶚修上弭盗六策一议专保甲责成谓在京各衙门各卫所隶籍于内廛寄于外者往往恃客籍以抗有司俱宜知会通议管约一议分逻徼亭墩欲于涿州良乡固安武清漷县墩铺分隶守备盗贼发界中作罪一议重捕盗赏格应捕人役擒斩贼首三名颗者与冠带再有功者加百总用计密捕六名者当对敌擒斩之一居民能擒斩贼盗者二名与冠带密缉者以四当擒斩之一把总官有胆略过人累立奇功者荐边方叙用一议定守备信地漕河一带南起丁字沽北至王家摆渡崔黄口与霸州二守备分河东西岸而守之两岸两属彼此互诿不若尽属之崔黄口而霸州则专以近京要路责之一议增巡河哨船宜置八桨船六只每船用兵十人分布巡哨一遇有贼并力齐掉与岸上巡缉互为声援一议明管河职掌谓河旧设一把总一主簿皆高坐河西膏地职守湮废宜于夹河武清营州二卫选骁勇有材官一员充为总领责以护粮把总主簿责令沿河修浚巡缉如有失事通与守备及巡简官一体查究< 〇〇〇〇 〇〇〇〇 〇〇〇〇 >下兵部覆核无异诏如议行并令抚按官申饬所属有隐匿盗情规避罪责者事发一体治罪

○丁未 上亲享 太庙

○是日 上见七十二卫陪祀武官祭服蓝缕不称明裡谕令该部另造贮寺届期给发祭毕交还太常寺因< 〇〇〇〇 〇〇〇〇 〇〇〇〇 >言本寺导引陈设进爵捧帛人员俱系御前执事比之陪祀尤为紧要宜并成造给与从之

○吏部< 〇〇〇〇 〇〇〇〇 〇〇〇〇 >广东各府海防同知俱各分定信地驻劄堤防不许偷安府城旷废职业其高州清军改为海防兼理清军覆提督两广殷正茂之请也

○陕西抚按官郜光先等< 〇〇〇〇 〇〇〇〇 〇〇〇〇 >论本省驿递事宜将西安延安平凉庆阳凤翔汉中六府照粮通融均徵直银先期解府先期给发各驿以革宿弊苏民困从之

○己酉 英宗睿皇帝忌辰遣安乡伯张纘致祭 裕陵

○庚戌

上御文华殿讲读

○以巡抚四川曾省吾奏改四川屯田归并清军道副使驿传归并盐法水利茶法道佥事改铸关防换给敕书

○陕西巡抚郜光先等奏查出民屯二项支剩银二万八千九百余两以二万六千五百余两抵作固原本年兵饷余存留贮库俟抵下年户部覆奏报可

○流倭攻陷双鱼所两广提督殷正茂以闻< 〇〇〇〇 〇〇〇〇 〇〇〇〇 >下兵部

○辛亥 上谕礼部朕遵 两宫慈命以今春长发其令礼部择日具仪大学士张居正等奏该部查无旧例不敢擅拟而臣等备查阁中旧稿惟 英宗皇帝实录有正统六年六月初六日 上以是日长发告 奉先殿一条与今日事体相同而亦未闻开有仪注盖此礼本行宫中故不得而知也臣等以为礼重冠婚 皇上前在东宫已行冠礼

上公掌冠辅臣陪列三加称尊执爵而醕嘉礼已告成矣既行其大则可略于小似不必令部臣议拟第容臣先期略具仪节及撰拟内殿告文以俟裁定耳 上是之一先期一日 上躬诣 奉先殿 弘孝殿 神霄殿以长发告俱用告文一是日吉时请 皇上长发请发毕 上尚黄冠诣 两宫皇太后行五拜三叩头礼行礼毕请 上御乾清宫受贺

○四川总兵官郭成先年镇守广东以征剿都蛮故改任四川成所带广东兵千人入蜀颇多逃散巡按广东御史赵焯发其冒匿广东兵粮及所经过行粮状奉旨革任行四川查追该银九百余而成亦荡平都蛮更奉旨复职矣于是巡按四川御史孙代< 〇〇〇 钰-金 >成冒领广粮虽有状而所自募健儿三百人原未开支意其所冒实为此曹犒赏之资不尽乾没也且新功业至千级而追完亦且及半其余未完似可以情完功准者也 上乃免成追夺

○辛亥命钦天监择吉接修 昭陵

○密云地震

○壬子 上以西宁边外套虏盘聚用兵部覆奏巡抚甘肃右副都御史侯东莱< 〇〇〇 钰-金 >徙凉州庄浪游击吴钺以游兵驻劄西宁分戍南北等川以防深入

○癸丑巡按直隶监察御史邵陞< 〇〇〇 钰-金 >言苏松常镇等府宪臣久缺水潦频灾节年逋赋难以逼追乞于考成簿内宽限节次完销事下工部于是工部条覆以逋赋久近 上供缓急分别酌量仍立限催督违者查参诏如议行

○甲寅先是巡抚凤阳都御史王宗沐以淮徐地方素多奸豪恐其啸聚乃令军门捕盗郭宗抚访求豪侠巨计得三百余人加以义勇名色责令捕盗约以有功则为奏叙其后义勇王忻等果有缉获功至是宗沐为请升郭宗抚把总王忻等各给与冠带兵部覆< 〇〇〇 钰-金 >以所虑为盗之人即用以治盗诚救荒安民弭怨消衅之良策也从之

○太仆寺造报缺官寄库银共七万五百七两起嘉靖三十年至万历二年闰十二月止

○四川巡抚曾省吾奏移洞门巡简司改置建武盐水坝巡简司改置歇马坝都宁驿改置上罗堡俱得旨

○兵部覆阅视蓟辽保定边务兵部右侍郎汪道昆议将孤山堡军移驻张其哈刺佃子险山参将部军移驻宽奠子江沼台备御部军移驻长佃子宁东堡军移驻双堆儿新安堡军移驻长岭大佃子军移驻散等各修筑城堡久任副使翟绣裳以董其事而宽奠控五堡之中尤为要地参将傅廷勋量加副总兵职衔管参将事以重责成俱得旨如议○乙卯 上御皇极殿赐辅臣张居正膳九品元宵全长春酒十瓶吕调阳膳七品元宵全长春酒五瓶

○丁巳 孝静毅皇后忌辰遣惠安伯张元善致祭 康陵

○戊午工科给事中胡汝钦参论主事喻均及承委指挥齐永寿等工匠王瑞等冒

和余意亦应访查时估而奸口夤缘价贱之时领银入手延挨展转比至腾贵然后增价上纳管粮各官因袭常套公家之积任意花销豪猾之徒坐邀厚利当事诸臣如此真以沧海实漏卮终归渐尽而已谓宜严敕管粮等官以后召中一应粮料草束务及秋成察访时估定拟价直系盐粮者酌量从宽使上下不病然后出榜召口亲拨仓口俟有粮草即与收纳填给勘合使势豪之家毋得窝卖以侵口利一切分外需索措勒守候之苦严加禁绝系召买者趁时采买立限完销不得过期以致高价又或仿先臣刘大夏故法选委廉干亲诣仓场草百束粮十石以上听民间自行交纳量加价直当面领给号召之间谁不乐从如是而往时奸口包占之大弊官吏苟徇之私情可以永杜矣然后每岁终令各镇巡抚将该镇召中过盐引召买过粮草发给过价银并经管官员造册送部以凭查考其经管官亦各送有部册以凭查对分别优劣要在边臣赤心体国锐意举行不出年期军需可足也 上深然之

○先是户部驳查陕西三边兵饷文册总督三边右都御史石茂华称因会计急逼以致少报节年管军万人马骡五百余匹将领文职官吏杂役四百五十员名因言民屯拖欠盐引亏损那移未补军马新增乞补发万历二年所欠银一十二万一千四百余两户部参驳以为各镇虚开军马冀添钱粮为弊已久岂肯报少民屯拖欠宜善设法徵催盐引亏损宜照时估中纳若一岁骤增至十二万余各镇口实虽尽内帑其何以支无以该镇燃眉则量拨四万另行酌议以图画一可也 上是户部言命巡按御史著实查勘具奏仍许发银四万接济该镇

○工科左给事中李熙等上言御虏长技火器为先而今营中绝少宜将浙江岁造军器内一半改造鸟銃福建广东一半改造熟铁佛郎机百子銃造作不精不如式者驳回管造官参究工部覆得旨惟广东用兵之际免改造

○宣府总督右都御史方达时奏称宣府修完北路外十三家边垣工竣乞叙录效劳人员兵部覆奏命该镇巡抚御史躬阅具闻以凭论叙

○辛酉

上御文华殿讲读

○原任翰林院编修戴洵服阙复除原职

○三宫地土子粒原银三万六千八百九十四两零后因改拨抛荒除豁外虽有补抵未及原额尚少银三千九百三十七两零户部题以 宫闈岁用委不可缺议将原地先因初垦今种久成者量行增收向如数徵纳今又轻减者仍应照旧不足之数别查备边地土凑补务足原额水退之日抛荒起科抵补备边奉旨是

○钦赏蓟辽总督侍郎杨兆巡抚都御史杨一鶚都督戚继光总兵官杨四畏兵备宋守约等副总兵陈勋都司刘德温等银币各有差叙增建蓟昌敌台功也以误事论罚者定州游击丁天福天津都司褚东山俱革任德州都司边泰尹湘及指挥田彪等共三十员各降一级

○壬戌 上御文华殿讲读

○升山东左参政刘庠为四川按察使

○驸马都尉许从诚乞乘肩輿为都给事中蔡汝贤所纠礼部因为条奏上之武职勋戚等官俱不得僭用四人惟轿军职不得交床上马朝参侍直官员不得托病不行各衙门冠梁服色不得僭用混淆宴会器用不得奢糜出入不得肩輿吏胥不得张戏饮会旗尉诸役不得盛驷怒马庶民不得僭金巾镶履伞盖暖耳等物违者在内纠劾在外缉拏 上因传谕法行自近士大夫是百姓表率大臣是庶官表率若在上不能信法守令徒以空言禁谕民岂能从今后俱宜恪遵典制力行节俭率属先民以称朕敦本尚实之意属官有不守礼法即便参奏毋得容隐

○癸亥 上视朝

○添设梧州盐运司副使提举

○顺天府府尹施笃臣卒与祭一坛减半造葬以笃臣三品未考满故也

○原任宁夏总兵牛秉忠以实职都指挥僉事降三级以贪残被论劾故

○甘州石硖口备御都司王朝被番射死防守古城堡永昌卫指挥僉事刘尽忠防守水泉儿堡永昌卫指挥同知吴山俱以守备不严论戍

○总督仓场侍郎毕锵议修西南中三仓晒场计当用甃五百六十三万余移咨工部工部议以为通仓晒场从来并无甃砌而本部见有 昭陵 天坛 康陵重城三役并兴料费有限查各衙门有自行修理之例即云同心相成亦须均平费办 上曰晒场亦军国急务二部还会同计处 原任工部尚书胡松卒于家给全葬遣官督理

○甲子 上御文华殿讲读上欲奉安 孝烈皇后 孝恪皇太后神位于 奉先殿命辅臣张居正等入视于是居正等< 疏 >言臣等恭诣 奉先殿仰见列圣祖妣凡推尊为后者俱得祔享 内殿比之 太庙惟一帝一 后者不同今 孝烈皇后及孝恪皇后神位亦宜奉安于 奉先殿祔享其 神主查嘉靖年旧例俱奉迁于本陵请谕礼部遵行从之是日 上谕礼部朕思 弘孝 神霄二殿 皇祖妣孝烈皇后及 孝恪皇太后神位宜奉安于

奉先殿祔享其 神主当奉迁何处查议来行

○富顺王火口厚焜长子载土口共嫡第一子翊鏹病故乞将嫡二子辅国将军翊鏹改封长孙许之

○添设山西行太仆寺少卿兼按察司僉事专管宣大二镇屯田牧场事务

○升山西副使张天驭为山东左参政

○原任宁夏参将榆林卫都指挥同知孙朝栋以赃论发边立功

○乙丑查核各省抚按官员名下未完事件抚按诸臣五十四人未完共二百七十三事凤阳巡抚王宗沐巡按张更化广东巡抚张守约浙江巡按萧廩俱以未完数多醵俸三月

○工科给事胡汝钦建议修仓四事二定规制凡修理廩座必以廩样为式委官匠作姓名刻扁悬挂十年内颓坏者责令赔修一革折收窑户烧造砖瓦如式方许验收其缺破不堪不得折收以滋冒费一革包工各仓工程司官亲莅督率务求坚致不得包工以滋苟简一收旧料查勘通仓废廩梁柱等项尽行拆卸拣选以备新修不堪者方行召买奉旨如议

○前军都督府优给宁晋伯刘应芳承袭祖爵

○兵科给事中劾奏都察院右佥都御史陈省僭乘围轿传呼及诸通贿状省亦
< 跽 铤-金 > 办且谓原来僭乘而科臣误认事下吏部

○丙寅 上视朝

○吏部尚书张瀚以考察自陈乞休不允

○以安庆兵变论将领罪安庆卫指挥佥事马负图遣戍守备杨遇春革任○丁卯
上御文华殿讲读

○工部题补造兵伏局神器将应造者分为三年在本年者限十二月造完转发京营试验违限式者论究奉旨是

○吏部左侍郎杨巍右侍郎兼翰林院侍读学士丁士美都察院左副都御史何维柏俱以考察自陈乞罢不允

○戊辰诏修南京武英 奉先二殿大庖厨及各库余系应修者俱节次酌修从工部尚书刘应节议也

○升副总兵分守宣府东路右参将白允中为署都督佥事充神机左营副将

○添设福建运司判官一员

○己巳 仁圣皇太后圣诞 上御皇极门受贺

○ 是日赐辅臣张居正等酒馔

○陕西利族等族番人仓卜萧等三十九名备方物进贡各赐段疋银钞○先是广西怀远县土瑶作梗占据地方驱逐邑吏大征古田之后瑶颇悔祸知县马希武亲诣招抚各瑶俱喜愿比编民希武因建议筑城督役过峻作者怨望近城瑶入贸易者匠役呵喝之俟筑城毕剿若曹耳遂复纠聚为乱希武及典史徐冕等俱遇祸按臣李采菲言希武及冕等死事宜加赠恤而论防守百户任邦祚镇抚朱万世俱革冠带戴罪立功 上以希武激夷取祸岂可与死事者同不许赠恤其余依拟

○总督陕西三边军务右都御史石茂华上言套虏盘聚西海嘉峪关等处声势甚重纳马番族与之并处强弱不敌万一为所胁构去我藩篱貽害匪细乞将番族收抚得所以维系其心仍照国初授以官职敕印之旧准其世袭授田置庐藉为羽翼从之

○少师兼太子太师吏部尚书中极殿大学士张居正以考察自陈乞罢优诏不允
明神宗显皇帝实录卷之三十四

明神宗显皇帝实录卷之三十五

万历三年二月庚午朔

上御皇极殿

○先是听选岁贡生员许汝愚奏称镇江府练湖焦干杜墅三湖修之堪以济运京口丹徒吕城奔牛四闸因而可废事下地方踏勘至总理河道傅希摯言练湖先已< 䟽 疏-金 >筑无容别议焦干杜墅二湖地洼源少无益运道四闸若废有妨蓄洩其事遂寝

○先是陕西河洮阶文等处数有番警去秋九月攻陷麻山关去冬闰十二月复出抢阶州守备范延武为贼所获知州徐旭括民财赎之匿不以报御史宋范发延武及旭罪章连洮岷参将刘世英固原镇守孙国臣洮岷兵备副使郃大经巡抚陕西郃光先因极论总督三边都御史石茂华怠缓废弛扶同欺蔽罪无何而石茂华亦发麻山阶州失事状参论河州参将陈堂临洮知府萧守身及延武旭等事下部议谓地方失事督抚诸臣罪固难追至于茂华之< 䟽 疏-金 >后至或由驻劄远而访闻迟未必身为欺蔽也奉旨地方失事重大督抚官若威令素行各官岂敢隐匿不报石茂华郃光先姑各罚俸三月策励供职孙国臣降一级照旧管事郃大经萧守身调简僻陈堂刘世英降三级戴罪剿贼徐旭降三级范延武行巡按御史提问

○壬申少保兼太子太保礼部尚书武英殿大学士吕调阳以考察自陈优诏不允

○癸酉 上御文华殿讲读

○礼部覆上二后迁 主及安 神位议得旨 二后神主奉迁 陵殿既有 皇祖旧典今宜遵行便择日具仪来看 奉先殿今见有三后神位俱系皇祖钦定遵照祔安不必另拟

○巡抚河南右副都御史升兵部右侍郎吴道直荐举左布政使吴文华等奉旨抚按官举劾贤否须就本等职业这本举布政使身系安危是甚话说今后都要简质精核不得虚誉悦人有乖政体

○夜西南方有流星大如鸡弹青白有光起参宿东南行至翼宿乃散

○甲戌湖广江西地震

○先是总督宣大右都御史方逢时题谓大同城堡惟瓦窑口堡当黄酋部落进贡之路守口堡为兀慎等酋互市之所而永嘉一堡僻处瓦窑之东使容夷使无一往来今瓦窑守口谨设操守永嘉乃设守备乞将瓦窑永嘉二官互相更调而于守口改设守备又称朔州离边一百五十里井坪为朔州门户离边不足百里宜将朔州参将改驻井坪以便援守又查西路参将驻劄平虏其分属边堡有四曰败胡近恩阻胡灭胡南路参将驻劄朔州其分属边堡有二曰井坪乃河然井坪分边逼近阻胡朔州分边逼近灭胡及至有警不报平虏参将而远驰一百六十里以报朔州平虏东界灭胡接近威远仅半里及遇有警不报威远参将而远驰四十里以报平虏其守援边界俱宜更画兵部覆允将永嘉堡守备麻承恩改调瓦窑口守备永嘉堡革去守备以后止委官操守守口堡改调

守备即以现任操守吴国臣改升其分画边界仍今会议停妥酌处归一

○先是南京兵部尚书刘体乾以浦子口城垣濒江冲塌议募水兵四百八十名守之属江济二卫入册工食与马船水夫一例又议减锦衣等卫快船一百三十只改为马船以见在水夫通融差拨内有不足量募新夫必壮丁习舟任战者方许应募春秋掣取教练意欲藉水夫之上食为水兵之调度而马船骤增二卫苦之又水夫向听差拨骤闻教练遂生骇怨相与围劫千户高隆意出自隆也南京兵科王颐言其不便状下旨覆议于是南京兵书戴才以浦口原系陆营欲改水兵为陆马船第增九十只裁旧船水夫十八名为十六名以所裁名数派驾新船尚有不足另行召募但听差拨不便操练议上兵部覆奏马船之议业已妥确惟水兵改陆则彼五卫之众皆焉往陆则本城之操军隔江则操江之水军皆焉用而更增此四百八十人为哉若云已集之兵不可复散新改马船夫额尚少那彼就此可也 上然之

○工部尚书郭朝宾兵部尚书谭纶户部尚书王国光刑部尚书王之诰礼部尚书万士和协理戎政少保兼太子太保兵部尚书王崇古俱以考查自陈乞罢不允

○乙亥 上视朝○是日 上长发礼成赐辅臣张居正银五十两纁丝四表里吕调阳纁丝三表里银四十两讲官丁士美六员各银二十两纁丝二表里正字官为继文等二员各银十两纁丝一疋

○户部左侍郎陈瓚右侍郎李幼滋总督仓场户部左侍郎毕锵礼部左侍郎兼翰林院侍读学士汪鏜右侍郎兼翰林院侍读学士林士章兵部左侍郎汪道昆刑部左侍郎朱大器右侍郎陈炯工部右侍郎陈一松詹事府掌府事吏部左侍郎兼翰林院侍读学士张四维翰林院掌院事詹事府少詹事兼侍读学士申时行通政使王好问太常寺卿王凝太仆寺卿胡执礼俱以考查自陈惟朱大器准致仕余俱不允

○升翰林院编修林偕春为湖广副使修撰李维禎为陕西右参议刑科左给事中郑岳为云南副使湖广御史宋范为湖广佥事浙江道御史任惟一为四川佥事浙江道试御史史思敬为陕西佥事

○丙子 上御皇极殿传制遣礼部尚书万士和祭 先师孔子

○国子监祭酒王锡爵以考察自陈不允

○丁丑祭 先师孔子

○礼部尚书万士和题查得嘉靖十五年本部奉 世宗皇帝圣谕 三后神主皆系当时尊上 皇太后 太皇太后之号乃因子孙所奉尊称今既奉迁

陵殿实同 帝后之列揆之名实于礼未宜似当更正本部会官集议覆奉钦依改题乞恭照 二后奉 主 陵殿

孝烈皇后神主无容改题 孝恪皇太后神主合无遵照旧例题称 孝恪渊纯懿恭顺赞天开圣皇后不用太字庶名义既安而典礼为当矣因条上改题 神主并奉迁一应礼仪以闻奉旨是题 主大学士张居正护行驸马许从诚奉安伯李伟各行礼

神位即以奉迁之日祔安于 奉先殿

○戊寅 上亲祭 太社 太稷

○都察院右佥都御史陈省罚俸三月以科臣纠乘轿故

○己卯 孝贞纯皇后忌辰遣新宁伯谭国佐致祭 茂陵

○通政使司左通政倪光荐右通政李琦提督眷黄右通政王篆大理寺左少卿王友贤右少卿王廷瞻提督四夷馆太常少卿刘大受太常寺少卿李邦义何源太仆寺少卿何起鸣乌昇顺天府府丞李己各以考查自陈吏部覆得旨倪光荐等俱照旧供职李邦义调南京李琦降一级调外任

○庚辰 上御文华殿讲读

○升山西副使吴哲为山西行太仆寺卿兼佥事陕西副使李良臣为甘肃行太仆寺卿兼佥事辰州知府徐延綬为陕西副使河间知府马三乐为陕西苑马寺少卿兼佥事山东佥事郭良为广东布政司左参议刑部福建司署员外郎事主事王君赏为浙江佥事

○南京户科给事中徐懋学< 〇〇〇 铨-金 >陈五事一曰崇惇大 陛下临御以来立考成之典复久任之规申考宪之条严迟限之罚大小臣工鳃鳃奉职然臣所过虑者政严则苛法密则扰非所以培元气存大体也昔皋陶以宽简赞帝舜姬旦以惇大告成王愿陛下远宪二君留心柔克持大体而略繁文矜微瑕而宥小眚纶綍本之和平而不数下切责之旨政令依于忠厚而不专尚刻核之实更乞明诏群吏洗涤烦苛持法者依踪燕凤司牧者续绩保障庙堂议事无竭泽以焚林台谏论人勿索口于洗垢庶几宽严相济政是以和二曰亲蹇谤言路通塞治忽攸关汉唐之主或止辇以受流涕太息之言或齐威以容十渐十思之< 〇〇〇 铨-金 >间者懋直之臣辄遭降斥敢言之士动致外迁立伏之机渐启则鸣阳之向稀闻顷见诸臣属< 〇〇〇 铨-金 >再四运回惧触时忌非危言危行之世所宜有也愿 陛下虚以受人言求诸道无谓逆耳而加谴谪无因小疵而加诘问并乞申谕吏部优录忠谏无懋汲黯而出淮阳无恚阳城而夺言秩庶 圣德日弘而奸邪不敢窃肆三曰慎名器惟名器不可假人国制诰敕之典以风有位非考满称职大庆覃恩不与主慎重也曩岁 皇上加恩宫臣太监郑真得荫侄铉为锦衣卫千户恩既渥矣未几辄求管事未几辄求诰命 陛下未下部议俱允其请以 祖宗风励之典狗荫臣请乞之私旧制难踰邪心无厌渐不可长也窃观外廷诸臣有陈必付有司查例今于内臣独不用例宫府一体之义或不如是愿 陛下法行自近内臣请乞必下该部所请违例该部得以执奏该部依违该科得以参驳又大臣恤典寔寓旌别近者礼科都给事中朱南雍参原任尚书傅炯公论不容不宜与祭葬特蒙 明旨竟从初命夫科臣论炯之言诚是则恩数中止不为过也论炯之言未确则勘明后予不为迟也今既不咎科臣参驳之非而又辄予傅炯之典始之予也为过后之予也为遂天愿将科臣原< 〇〇〇 铨-金 >下部集议炯诚共弃则停祭葬以示惩炯犹可原俾因佥论获雪更乞明

著为例严加申飭今后大臣在家病故所在抚按必查其生平无过舆论称贤始为题请事下该部该部加核焉该科又加核焉庶几公论既明 主恩不滥四曰戒纷更诗咏繇章书言率祖迩年以来建白者炫奇题覆者徇私今日以某言立某法矣明日又以某言而罢之今日以某言更某法矣明日又以某言而复之法令滋更从违靡定愿 陛下申飭群工恪守成宪建白酌之事体无剿说以徼名题覆要于妥帖毋依违以取媚至于条列事宜势难遥度则须咨行本处就彼讲求议定后覆不得迁就含糊以起分更五曰防諛佞近见该部题覆边功往往首列阁臣盛夸督抚然犹曰运筹宣力例当叙也至涿州桥工告完天下明知为 圣母济人利物之仁而该部议功乃至夸述阁臣司礼之绩例虽沿旧词涉猷諛夫周公之功固大矣皆臣子之分所当为即使诸臣功在社稷亦敬事后食之常耳辅臣之职翊赞皇猷启沃君心其大也区区甲士考工之劳以叙辅臣残矣近臣懋赏简自帝心矧贪天功而谓己力则智者不居焉愿 陛下申飭该部题覆功次只宜直述颠末与将士俘获之数边臣指挥之略上请优赉不得循旧夸张炫耀视听至于阁臣翼赞之勋近臣侍卫之劳则 圣衷夙鉴国典具存尤不得辄加赞扬以长諛妄

< 〇〇〇〇 〇〇〇〇 > 入奉旨切责朕以冲年嗣位日夕兢兢谨守 祖宗成法惟恐失坠近年所行不过申明旧章修举废坏未尝妄戮一人过行一事其于 祖宗法度十未行其一二何得便谓之操切余懋学职居言责不思体朝廷励精图治之意乃假借惇大之说邀买人心阴坏朝政此必得受赃官富豪贿赂为之游说似这等乱政儉人本当依律论治念系言官姑从宽革职为民永不叙用

〇先是山西监察御史贺一桂条议偏关机宜一专力厄塞欲将蕨菜茆起至破虏墩迤西平安墩起至老牛湾止修筑边墙一百一里墩台二百一十六座一议修塞堡将青山大口子石觜见破胡驴皮窑为各洛耳目去处速行修复一优恤军士各边用工军夫炎暑之时量加犒赏酌量各城堡卫缓分发站银以助夫为廩粮之用一移镇要地谓山西总兵原驻偏关后因虏犯太原遂移驻宁武议改移宁武更驻偏关

< 〇〇〇〇 〇〇〇〇 > 下督抚覆议总督宣大右都御史方逢时议山西北邻俺答尤以大同为藩篱西邻套虏止恃偏关为墙壁大略繇丫角递东为宁武鴈门地方边墙外即大同云朔也贼由此进谓府州一路由丫角递西乃偏关地方边墙外即枚升套虏也贼由此进谓西川一路府川抵通大举西川兼防零寇且地接黄河冰坚可渡故各边止防春秋偏关兼以防冬三关形势如此故一桂所陈四事率主偏关而宁武鴈门均有补裨宜见施行部覆得旨如议惟移镇一事谓先年移置或有深意合再加详议 巡抚大同右佥都御史申佐奏报万历二年主客兵支用岁额拖欠召买盐引节省及本年现在备用之数

〇辛巳 上御经筵〇吏部以工部缺右侍郎拟通政使王好问升补 上喜其奏事周旋有仪批下部

< 〇〇〇〇 〇〇〇〇 > 王好问升工部右侍郎仍掌通政使司事工部员缺另拟

〇以南京吏部右侍郎翁大立改刑部左侍郎 上因谕吏部南京职务清简官不

必备 先朝有一人兼掌六部者以后员缺不系紧要下必一一推补

○应朔大同山马怀仁六州县大同阳和等十七卫所去年旱涝军民饥馑入春以来米价益贵上允户部覆总督抚按官言遇灾州县去岁应徵起运夏秋粮草未完者及夏秋二季王粮俱许停徵动客饷二万余以抚按赃罚凑足银三万赈济宗室军民人等行河东运司太原等府催补节欠代府宗禄

○兵部覆总督京营戎政彰武伯杨炳议置造战车一千四百四十辆车中合火器兵仗库内有者照数给废无者估造以备操练以后府金书俞大猷领之奉旨是

○壬午巡抚辽东兵部右侍郎兼右金都御史张学颜总督蓟辽保定兵部左侍郎兼右金都御史杨兆总督宣大山西右都御史兼兵部右侍郎方逢时俱考查自陈乞罢不允

○调原任浙江金事戴延客为山东金事

○吏科都给事中刘不息等掌道事御史周咏等纠拾兵部左侍郎汪道昆原任吏部左侍郎魏学曾原任延绥巡抚右副都御史冯舜渔原任郟阳巡抚右副都御史汤宾南京户部尚书傅颐礼部左侍郎汪鏜原任大理寺少卿孙光祐原任太常寺少卿章甫端应天府府丞汤标各溺职状奉旨傅颐汪鏜汪道昆留用魏学曾听调冯舜渔扬宾著致仕孙光祐章甫端杨标降一级调外任

○诏查隆庆元年起至万历二年止省直赃罢己未解完数目及各抚按官职名

○庐州府合肥县盗劫南京委官解赴广东银两时府卫县掌印官俱赴参谒事闻 上命南京法司提问委官抚按提问各掌印官下旨切责前屡禁有司官不许远事参谒上司官不许听其奔趋近来通不遵守以致越狱失盗所在见告再有失事并抚按官一体查究

○癸未升湖州府知府栗初为山西副使开封府知府曹当勉为陕西副使

○先是保定巡抚都御史孙丕扬请以易镇积余草料置补营马后更以区处草粮为请户部议许于民运酌量支用因议嘉靖以来边方多事调遣日繁额饷称乏乃增客饷即今少有赢余亦宜如法积贮以待不虞各边抚臣毋得辄生事端支用以致匱拙上然之

○辽东谍报虏酋土蛮入犯分为二枝东住雕背山西住广平山兵部题行蓟辽二镇严加防御蓟西兵马渐移而东相机应援

○遣御用监太监王名送 真武圣像于太岳太和安供拨与黄船一只

○甲申升验封司署郎中主事秦吉士为湖广左参政工科都给事中吴文佳为河南右参政浙江道御史燕儒宦为山西副使祠祭司署员外郎主事王世懋为尚宝司丞升工部右侍郎陈一松为左侍郎南京兵部右侍郎凌云翼为工部右侍郎户科都给事中贾三近为太常寺少卿

○乙酉兵部左侍郎汪道昆礼部左侍郎兼翰林院侍读学士汪鏜以言官纠拾再

< 銚-金 > 乞休俱不允

○工部覆议修砌通仓晒场应给砖灰匠价于节慎库解到班匠价银内那给得旨如议

○丙戌清明节遣定国公徐文璧武安侯郑昆平江伯陈王谟彭城伯张熊分祭九陵惠安伯张元善祭 恭仁康定景皇帝陵寝内官祭

恭让章皇后陵寝都指挥僉事蒋克谦祭 庄敬太子 哀冲太子坟所内官祭越王等王皇子公主妃嫔等坟所

○巡抚宣府都察院右副都御史升大理卿孙应鳌俱以考察自陈不允

○丁亥巡抚河南都察院右副都御史升兵部左侍郎吴道直都察院右僉都御史陈省总督漕运巡抚凤阳等处都察院右副都御史王宗沐俱以考查自陈不允

○升广东按察司僉事何子明为广东布政司左参议

○戊子巡按云南御史郭廷梧勘报元年剿平铁索箐夷贼罗平功罪首叙巡抚侍郎邹应龙总兵官沐昌祚及澜沧兵备副使汤仰金沧僉事田应弼屠宽姚安府通判孙光祖推官刘朴等四十四员土舍高应骥等二十员功各有差论原任副使许公高妄报千户张术私逃罪得旨沐昌祚邹应龙各赏银三十两纒丝二表里汤仰赏银二十两田应弼等各十两刘朴等各五两许公高罚俸三月张术行巡按提问

○吏科给事中郝维乔等查盘顺天钱粮条陈驿政五事一议挂号以一事体谓顺天府属驿递额设各处协济旧俱解府贮库转发各驿有往还守候之苦宜令往角口羊本府挂号不必贮库一定章程以厘宿弊谓向系骡为夫役亲当滋弊协济银两给发无节宜议定工食择殷实应当其本处站银解到协济及南马银两按月支给不得尽数预支以滋乾没二严催徵以恤疲困谓各驿协济及南马银两拖欠数多宜立法查催每季终许各驿官吏将拖欠数目开报年终照例查参一专稽查以便责成过往官员真正勘合方许应付各衙门牌票准申报裁革应付过数目填入循环按季查核查核不明驿递州县官坐赃拟罪该道以才力不及论一省无益以节财用坐马护送尽行禁革探马止存二匹多不过四匹兵部覆议从之

○己丑 上御文华殿讲读

○中官传谕奉 圣母慈圣皇太后发宫中银共一万二百三十五两付工部修理朝宗桥

○原任吏科都给事中光懋复除户科都给事中原任礼科左给事中宋应昌复除原职

○升南京山东道御史郑准为广东按察司僉事

○属夷长昂纠众入扰我兵逐之获其叔长秃其亲属部落相率哀乞永坚效顺葡镇督抚杨兆以闻兵部谓逆则威之顺则怀之馭夷之经也然必长昂诚心悔祸归我掳掠永身诣关补进贡物而后可许耳如犹不悛则牢系长秃兴师剿殄可也上然之仍行

巡按御史勘查具奏 庚寅毛怜等卫女直都督失利卜等建州左卫女直都督胜革力等各赴京朝贡宴待如例○辛卯 上御经筵

○升兵科左给事中侯于赵为工科都给事中兵科右给事中李戴为刑科左给事中刑科右给事中刘炫为工科左给事中礼科给事中林景旸为户科右给事中礼科给事中石应岳为礼科右给事中兵科给事中萧崇业为工科右给事中

○升南京大理寺丞留稽古为应天府丞

○先是靖江一藩擅婚子女 穆宗皇帝裁其禄三之二以示惩其后各宗贫困抚按官为言靖江远在天末且其父祖相沿之失非其身自犯之也于是皆给全禄乃禁各藩不得援例

○三边总督石茂华以宁镇边墙告竣议叙效劳官吏命俟阅视大臣至日查勘施行

○壬辰 上视朝

○巡抚四川都察院右副都御史曾省吾以考查自陈不允

○命赈济保德代崞等七州县以壤则为定放给借给各有差 ○癸巳 上御文华殿讲读

○升山西右参议王之弼为山东副使

○广东副使李材乞致仕许之

○宣抚西顺圣川及怀安保安右卫等处灾总督方逢时等乞动主饷一万五千两以备赈济屯团地亩未完者停徵节经查盘问罪人亡产尽株累亲邻者免之又议令该镇军士多支本色以平米价章下户部

○总兵李成梁袭虏酋土蛮营破之虏引兵部总督杨兆巡抚张学颜以闻因刊副总兵杨腾不任状下巡按御史勘问杨腾革任回卫

○广东总兵张元勋大破倭于儒峒擒斩八百余级提督军务右都御史殷正懋以功状闻 上喜赏正懋银三十两纁丝二表里荫一子入监实授张元勋都督同知赏银二十两纁丝二表里文武吏士兵备僉事石磐等各升赏有差刑科都给事中严用和言南京刑部遇有勘问催督宜俱依抚按衙门定限完销从之命各御史交代呈报到日违限者参奏

○以工部左侍郎陈一松督理修盖京通仓廩盖以提督 昭陵兼领云

○南京工部尚书刘应节议修扬王坟殿工部覆奏许之

○甲午 上御文华殿讲读

○乙未顺义王俺答奏讨喇嘛番僧遣通事官一员送原差番僧坚参札巴等四名以往 升翰林院编修戴洵为国子监司业

○丙申 上御文华殿讲读

○先是翰林院编修张位 < 銍 - 金 > 饬史职以光新政礼部覆议裁定史职系

阁臣题请于是大学士张居正议国初设起居注官日侍左右纪录言动实古者左史记事右史记言之制迨后定官制乃设翰林院修撰编修简讨等官盖以记载事重故设官加详原非有所罢废但自职名更定之后遂失朝夕记注之规以致累朝以来史文阙略昔

世宗皇帝尝谕大学士张聪曰古者有左史右史之官历代因之我圣祖创翰林院之制亦有编修之名但未见居此职者尽乃事耳是纪录之职本自备官旷废之由实在臣下即如迩者纂修世宗皇考实录臣等祇侍总裁凡所编辑不过总集诸司章奏稍加刚润彙括成编至于仗前柱下之语章< 〇〇〇 毓-金 >所不具者即有见闻无凭增入与夫俾官野史之书海内所流传者欲事采录又恐失真是以两朝之大经大法虽罔敢或遣而二圣之嘉谟嘉猷寔多所未备凡此皆由史臣之职废而不讲之所致也矧我皇上聪明天启渊哲性成践祚以来善政鸿猷班班可述类非章< 〇〇〇 毓-金 >所能尽见若不及时纪录奚以章阐盛美垂法无极所据申明史职光复祖制以备一代令典在于今日委不可缺臣等祇奉明命仰瞻成宪参酌时宜谨将一应合行事宜逐条详列于后一议分管责成照得史臣之职以纪录起居为重顾宫禁邃严流传少实堂廉远隔听睹非真则何以据事直书传信垂后看得日讲官密迩天颜见闻真的又每从阁臣之后出入便殿即有密切谋议非禁密不可宣露阁臣皆得告语之合令日讲官日轮一员专记注起居兼录圣谕诏敕册文等项及内阁题稿其朝廷政事见于诸司章奏者另选年深文学素优史官六员专管编纂事分六曹以吏户礼兵刑工为次每人专纂一曹俱常川在馆供事不许别求差遣及托故告假等项致妨公务一议史臣侍直谨按礼仪定式凡遇常朝记事官居文武官第一班之后近上便于观听即古螭头载笔之意洪武二十四年定召见臣下仪以修撰编修充侍班官即古随仗入直纪事之意今宜遵照祖制除升殿例用史官侍班外凡常朝御皇极门即轮该日记注起居并史官共四员列于东班各科给事中之上午朝御会极门列于御座西稍南专一记注言动凡郊祀耕藉幸学大阅诸大典礼亦令侍班随从记录至于不时宣召及大臣秘殿独对者恐有机密不必用史官侍班但令入对大臣自纪圣谕及奏对始末封送史馆迨次其经筵日讲则讲官即记注起居亦必另用侍班一议纂辑章奏照得时政所寄全在各衙门章奏今除内阁题稿并所藏圣谕该阁臣令两房官录送史馆其各衙门章奏该科奉有旨意抄发到部即全抄一通送阁转发史馆至于钦天监天文祥异太常寺祭祀日期各令按月开报其抄本不必如题奏揭帖格式但用常行白纸密行楷书不论本数多寡并作一封送入一议纪录体例照得今次纪录祇以备异日之考求俟后人之删送所贵详核不尚文词宜定著体式凡有宣谕直书天语圣谕诏敕等项备录本文若诸司奏报一应事体除琐屑无用文义难通者稍加删削润色外其余事有关系不妨尽载原本语涉文移不必改易他字至于事由颠末日月先后务使明白无致混淆其间事迹可垂劝戒者但据事直书美恶自见不得别以己意及轻信传闻妄为褒贬一议开

设馆局照得东西十馆原系史臣编较之所密迹朝堂纪述为便今合用东馆近上四所令史臣分直其中一起居二吏户三礼兵四刑工除典守誊录人役随同供事外一应闲杂人等不许擅入其合用纸劄笔墨酒饭等项俱照纂修例给一议收藏处所照得国史古称为金匱石室之书盖欲收藏谨严流传永久今宜稍仿此意月置一小匱岁置一大匱俱安放东阁左右房内每月史官编完草稿装为七册一册为起居六册为六曹事迹仍于册面各记年月史官姓名送内阁验讫即投入小匱用文渊阁印封锁岁终内阁同各史官开取各月草稿收入大柜用印封锁如前永不开视一议誊录掌管照得史馆纪录所用誊录典守官吏今纂修实录即可通融选用合将各馆誊录官选取勤慎善书二员专誊密秘文字行吏部选拔善书者贴写辨事吏十二名专写各衙门章牒拨当该吏四名专管文册及朝夕启闭馆门常川供事满日各照常送部拨补不给恩典一议补修记注伏睹 圣明践祚之始即召见辅臣于平台二年之春召见计吏廉能卓异者面赐奖谕迹者以吏兵二部奏徐文武职官又亲临铨选皆古帝之盛节三年之间鸿猷善政不可缕数兹者旷典修复亦合将二年以前事迹追书谨录用传万世拟令各官除每日照前供事外兼将二年以前起居初政亦照月分曹以次纂修其诏敕等项内阁查付各衙门章奏行六科照月类抄一册送内阁转发奉旨史臣纪录时政我 祖宗成宪具存但近年任此职者因循旷废遂成阙典今宜及时修举卿等既议处停当都依拟行

○永运库以上供缺乏移揭户部郡太仓备边银两户部尚书王国光开列嘉靖以来京库拖欠数目且云所那于太仓者几二百万矣倘有意外何以待之于是下诏金花银两系正供 上用且折纳甚轻又分季徵角□羊何尝重累小民而势豪恃顽不纳领角□羊员役侵欺节年积逋至一百六十一万一加查核辄称朝廷催科严急鼓惑流言敢行抗拒乃以备边银两借供 上用国家常赋惠养奸豪论我 祖宗法度当得何罪今次姑依拟补进你部便行与各抚按官严督有司照季完角□羊以前拖欠照考成簿对依限完销如有势豪抗拒侵欺抚按官参奏拏角□羊重处抚按徇私怠玩部科参来以不职论

○论广西剿雒容等处獐贼功指挥靳懋勋等官兵徐守信等各升赏有差

○调原任四川左布政使李心学为贵州左布政使

○吏部左侍郎杨巍乞致仕终养奉旨准其侍养亲终地方官奏荐起用

○南京吏部等衙门考察南京官员不谨员外廖文光等八人俱冠带住闲浮躁司务唐之灿等八人才力不及主事冯桂芳等六人俱降一级调外任

○提督郟阳军务都察院右副都御史王世贞乞休不允

○升山西左参议刘经纬为广东副使池州知府钟谷为山东副使

○义州卫地震

○丁酉 上御文华殿讲读

○山东道御史柴祥乞终养许之○提督鴈门等关兼巡抚山西右佥都御史郑雒

巡抚顺天右金都御史王一鹏巡抚山东右金都御史李世达巡抚保定兼提紫荆关右金都御史孙丕扬巡抚湖广右金都御史赵贤巡抚大同右金都御史申佐俱自陈不职吏部覆以申佐非边圉才量调郑雒等皆称职宜留用得旨

○南京吏部尚书刘光济户部尚书傅颐兵部尚书戴才工部尚书刘应节户部右侍郎曹三昉兵部左侍郎管吏部右侍事翁大立兵部右侍郎凌雪翼工部右侍郎徐杖总督三边兼兵部左侍郎石茂华巡抚陕西右副都御史郜光先南京右都御史赵锦提督操江右都御史何宽南京大理寺卿陶承学太常寺卿陆光祖太仆寺卿王之垣光禄寺卿刘一儒俱以考查自陈乞罢 上不允

○戊戌以奉迁 孝烈皇后 孝恪皇后神主于 永陵礼成赐大学士张居正银四十两币二表里钞三千贯吕调阳银三十两币二表里钞三千贯中书吴自成等各银十两一表里钞一千贯

○巡抚江西右副都御史杨成巡抚云南右金都御史邹应龙应天府府尹汪宗伊俱以考查自陈乞罢应龙著致仕成宗伊照旧供职

○总理河道都察院右金都御史傅希摯上言治河当视其大势虑患务求其永图顷见徐邳一带河身垫淤壅决变徙之患不在今秋则在来岁幸而决于徐吕之下犹可言也若决于萧碭之上则闸河中断两洪俱涸矣幸而决于南岸犹可为也若决于北岸则不走张秋必射丰沛矣臣日夜忧惧悉心讲求禹之治水顺水之性耳今以资河为漕故强水之性以就我虽神禹亦难底绩惟开仓泇河置黄河于度外庶为永图耳泇河之议尝健而中止谓有三难而臣遣锥手步弓水平画匠人等于三难去处逐一勘踏起自上泉河口开向东南则起处低洼下流趋高之难可避也南经性义村东则葛墟岭高坚之难可避也从陡沟河经郭家西之平坦则良城侯家湾之伏石可避也至于泇口上下则河渠之深浅不一湖塘之联络相因间有砂礪无碍挑挖大较上起泉口水所从入也下至大河口水所从出也自西北而东南计长五百余里比之黄河近八十里河渠湖塘十居八九源头活水脉络贯通此天之所以资漕也昔尚书朱衡之开新河都御史潘季驯之开邳河权救一时其情事忙促工费浩大难尽名言今虽尚幸无梗然想时度势要之不免率有不虞而后竭天下之财力以通咽喉何啻如新河邳河情事之汹汹而已哉若并十年治河之费以成泇河泇河既成黄河无虑壅决也茶城无虑填淤矣二洪无虑难险矣运艘无虑漂损矣洋山之支河可无开境山之闸可无建徐口之洪夫可尽省马家桥之堤工可中辍今日不费之费他日所省抵上有余者也故臣以为开泇河便因列为议工费酌工程拟督工请监工四款上之章下户工二部看议

○己亥 上御文华殿讲读

○巡抚福建刘尧诲以海寇林道乾警报闻 上用兵部言命各该镇抚官著实先事料理事期有备无患不得虚文塞责致有疏虞

○夜永平等处各台旗杆俱有火光

明神宗显皇帝实录卷之三十五

明神宗显皇帝实录卷之三十六

万历三年三月庚子朔

孝肃皇后忌辰遣襄城伯李应臣致祭 裕陵

○署广积库事太监焦科题办硝三百万斤黄百五十万斤工部言焰硝十年一派每派二百万斤今已派过一百万斤其未派者尚缩一年未及期也惟内府各边不时请给系干军机相应酌处补硝一百万斤以足前数另派一百万以抵后十年之数量派黄五十万斤送库新旧相兼支放以后务照旧例奉旨是

○巡按山东御史郭思木□丞奏问原任总理辽东粮储王念侵盗库银招词旨下都察院

○辛丑 上御经筵

○修浚都城南面河身闸坝○壬寅 上视朝

○以统领河南秋班都司卢述加游击职衔升署指挥僉事管理永安车营事务

○癸卯 上御文华殿讲读上览帝鉴图说至强项令董宣事嘉叹久之顾谓辅臣张居正等曰彼公主也尚不私庇一奴如此外戚家何可不守法今戚里间朕以 慈闱故多有委曲调停处渠宁詎知

○大学士张居正题日讲官丁士美等六员轮赴馆记注起居以修撰王家屏徐显卿张位于慎行沈懋孝编修沈一贯编修章奏时位方给假在籍促令复任以修复史职议建自位也 上从之

○叙宣府外十三家增修边垣功总督宣大方逢时巡抚宣府吴兑各赏银二十两纁丝二表里总兵官雷龙怀隆兵备吴哲口北参将王汝梅许希孟各十五两参将守备旗牌把总等官原于天等各赏有差○甲辰 上御文华殿讲读

○以提督鴈门关巡抚山西右僉都御史郑雒为巡抚大同赞理军务都御史

○吏部题南京各衙门通政司右通政陈于陞鸿胪寺卿孙籛太常寺少卿屠羲英太仆寺少卿刘稳国子监祭酒余有丁应天府府丞汤标各自陈乞罢汤标奉旨降调外余俱称职从之

○升吏部右侍郎丁士美为本部左侍郎副都御史何维柏为吏部右侍郎

○巡抚贵州右副都御史罗瑶以考查自陈不允

○乙巳 上视朝

○三边总督石茂华陕西巡抚郜光先以兰靖一带与虜止隔一河议支应解户部□税等银及节省银两修边二百八十里兵部覆奏 上从之

○南京吏科给事中史朝铉广东道御史蒋科等纠拾户部尚书王国光工部右侍郎陈一松原任兵部右侍郎吴伯朋原任大理寺少卿孙光祐原任郟阳巡抚汤宾太常寺少卿李邦义应天府丞汤标各不职状奉旨王国光陈一松吴伯朋俱留用汤宾等已

有旨了

○丙午复除福建右参政秦淦为四川右参政 改四川永宁仓改直隶贵州

○都给事中严用和言诸司考成文册送科以备查参者类多遗佚因举户兵一二事为言兵部亦言是系年远人亡难概督核或参论虽重结款甚轻该省径可发落不在查举之例者也 上曰考成事理事经年远者不必查催新行紧要者不得遗漏

○丁未 上御文华殿讲读

○以原任江西巡抚右副都御史沈应时为提督鴈门等关兼巡抚山西都御史太常寺卿王凝为都察院右副都御史巡抚云南兼建昌毕节等处军务巡抚陕西右副都御史郜光先为左副都御史协理院事 徽宁兵备冯叔吉以徽宁道所辖应天安庆徽宁等府周遭方数千里跨据长江依阻林峦矿徒啸聚江寇窃发议将州荡乡村军民各编保甲立长分乡使协力防诘兵备该道分发旗牌如有急许其便宜行事黄山良禾大罇三岭添设巡简一员太平县添设巡捕县丞以资缉捕分徽郡民壮千人以六百住休宁四百往婺源各统以材官属督军同知操练以便策应及备器用悬赏格诸议应天巡抚宋仪望以闻且言叔吉宜久任以责成功应叙迁之时照边镇事例以原官加级 上然之

○广宁左右中卫雨尘一望黄色义州后屯卫雨泥沙亦黄色抚臣张学颜以闻

○戊申 上视朝

○户部尚书王国光以言官纠拾再疏乞罢 上曰卿以稽核钱粮追并赃吏为众所嫉朕所知也其安意供职

○己酉 上御文华殿讲读

○原任户部右侍郎朱笈卒三品未考满与祭葬如例

○以南京太仆寺卿陆光祖为太常寺卿

○庚戌 上御文华殿讲读

○巡按直隶御史王光国劾奏湖广督粮参议胡僖把摠张书绅过淮愆期江西把摠朱维祺粮已至淮本官未到迟慢疎玩之罪奉旨胡僖降一级朱维祺张书绅革任回卫

○建州左等卫女直都督王忽疼克等一百六十二员入贡赐宴待如例

○以都察院右佥都御史陈省为右副都御史巡抚陕西

○巡抚浙江右副都御史谢鹏举以考察自陈乞罢不允

○辛亥 上御经筵

○先是芜湖有劫库之变操江御史何宽巡抚都御史宋仪望条列江防事宜兵部覆议分为八事一筑县城于芜湖望江铜陵江浦六合等县原无城池者各渐兴筑一复将领谓荻港乃池太之交宜仍旧设把摠一员与游兵把摠俱加都指挥体统以便行事一增兵额于九江徽宁二道并安庆荻港仪真等处各量增额兵以资防守一议兵饷增

兵一千二百名岁增饷一万二千九百六十两官员廩给约用银三千两俱于应安等六府六州通融酌派一分信地守把等官各照分置哨兵巡守互相应援 一专责任江防治中同知免其差委移驻滨江巡行查核一定哨期各备总官另置哨单定立限期约会巡哨每月终赴操江缴报一课功罪每年兵备道将各地方守备把总各府江防各卫巡江等官及哨官督捕员役稽察功罪开报操江访察一定赏罚奉旨著实举行不但建白了事兵备有司官怠玩误事者抚按参奏如容隐疏虞一体治罪

○壬子 上视朝

○癸丑 武宗毅皇帝忌辰遣成安伯郭乾致祭 康陵○升南京鸿胪寺卿孙籛为提督四夷馆太常寺卿南京福建道试御史右檟为四川佥事南京礼部郎中姜忻为广东佥事

○升尚宝司少卿耿定向为太仆寺少卿

○总督蓟辽保定左侍郎杨兆闐防春入援班军< 〇〇〇〇 毓-金 >列参将游击都司指挥等官录用给赏罚治提问有差又议将领班都司加以职衔与该省都司佥书轮番更代中军千把总与各省掌印指挥千百户一体更番各该兵备宪臣亦令各省抚臣分别论荐俱得旨

○兵部覆奏巡按直隶御史陈文燧条陈备边五事一增城堡以完保障谓东西二镇长垣敌台俱已就绪惟东则张家口为市场之地西则镇河镇边镇州三堡仅隔委兀一墙得胜市地则与张家口同均宜修筑以成完局一革团操以便训练谓团操之说起于坐营中军利于军多扣克耳参游守操各练各守何险不固谓宜发还各路查核实数设法团练夏冬季月调赴军门阅视坐营官营求团操者巡按官参奏一处夷将以杜隐忧谓夷将为守备游击等官手握重柄肘盍难防宜酌量优假以示羁糜不得一概咨请授以崇秩至于鍊锅折马值虽经允行亦不得多办以致滥予民间违禁私易者罪又有建武学以储将材禁科扣以恤贫军二议 上俱从之 嘉定王载< 〇〇〇〇 土耑 >卒无嫡子以庶第一子镇国将军翊鈞改封为嘉定王长子管理府事 乙卯以福建左布政使万思谦为南京太常寺卿巡抚应天右佥都御史张佳胤为南京鸿胪寺卿

○给辽东官军胖袄裤鞋一万三千一百一副

○丙辰 上御文华殿讲读

○提督两广殷正茂辞免兵部尚书之命乞以原衔提督不允 丁巳升太仆寺少卿耿定向为都察院右佥都御御史协理院事

○升福建右布政刘侃为本省左布政

○洧河之议工科都给事中侯于赵< 〇〇〇〇 毓-金 >言事体重大宜集廷臣会议或行地方覆勘又濒河一带水灾濒仍大役骤与地方隐忧不可不虑户科都给事中汤聘尹言曩者新河之役议用费七万及其成功殆十倍焉今日虽议百万而大役难料中道难辍恐不能无倍于初议矣宜大集心计博采众思工费约用几何支给出自何所开列

奏闻必储蓄可备六年然后可下诏兴工二< 〇〇〇 毓-金 >俱得旨下部部臣覆请会议上曰开河事理傅希摯所奏固已明确但事体重大不厌详慎廷臣会议亦是虚文甲可乙否终难成事命侯于赵亲往会希摯及僦运按臣确议以闻

○戊午 上视朝

○陕西总督石茂华巡抚郃光先题修兰靖边垣二百七十里该银八万八千二百余议留应解户部商税课程税契路引并备荒屯田及隆庆六年节省等银两事下兵部覆允转咨户部户部言乘时修边委系良图然所议钱粮皆原解部济边之数一概奏留非户七兵三之故也宜摊分之以节省依旧解部费不足者兵部以三足之后议修边费者皆准是报可

○是岁当三年阅视之期 上命司礼太监冯保会同戎政诸臣及科道官往报命赏保羊二只酒三十瓶

○南京礼部尚书潘晟以考察自陈乞罢不允 升江西道御史刘世曾福建道御史周咏俱为太仆寺少卿

○吏科右给事中欧阳柏条陈四事一复外官考绩之例除府州县正官免赴京外其方面府佐非或兵马紧急灾伤重大及提学官科举期逼者抚按官不得概行奏留惟云贵远省可以融通一均南北学职之选谓南京国子监博士及六堂官宜炤北监一体行取一重大臣录后之恩自特旨录荫之外考满乞恩必查其宦履无玷公论素孚者方与题请一慎宪臣分巡之地谓按察司分巡官地方系原籍或曾历宦寓居之处并须回避章下吏部覆允惟宪臣回避一节离任年久人地相宜者仍斟酌升用

○己未 上御文华殿讲读

○考选中书行人等官授行人杨言吏科给事中中书舍人周良寅户科给事行人虞德焯兵科给事行人王晓浙江道中书舍人王应乾江西道中书舍人刘天衢陕西道中书舍人金阶四川道行人陈功云南道行人秦时吉贵州道各试监察御史

○升浙江按察使刘继文为福建右布政

○提督两广殷正茂以追剿双鱼残倭及犯电白新倭擒斩一千七十名以闻兵部覆勘奉旨是

○先是 上允部臣之请催解各省直银两济边贵州抚臣罗瑶按臣杨允中上言贵州幅员不广财赋有限本省岁支仰资协济乞留一切以备缓急 上许留事例税契余税等银七千九百余其正税及度牒银共九百余仍旧解部 上用给事中李邦佐言命各边督抚及各镇管粮郎中凡兵马应支台墙应费取具各该将领总领给散之后将实支与逃故遗剩逐一开报听查盘官比对总领不得混行动支滋弊

○刑部尚书王之诰< 〇〇〇 毓-金 >乞给假送母许之

○巡抚甘肃等处右都御史侯东策以考察自陈乞休不允

○降主事喻均二级指挥齐永寿工匠王瑞等论罪各有差以科臣论冒破修仓钱

○甲子 上御文华殿讲读

○属夷长昂还向所掳我尖夜缚扰边真夷二名以献更贡马七匹以乞长秃愿保塞效顺督抚臣杨兆以闻

○工科臣执奏武清伯李伟造坟给价三万与蒋轮多寡悬殊乞收回成命再加议覆章下所部

○升浙江副使滕伯轮为浙江右参政职方司署郎中事主事陶大顺为河南副使

○乙丑升光禄寺卿曾同亨为顺天府尹

○丙寅兵部郎中熊秉元勘报延镇修理边垣用银十万二千九百两修过边垣六百七十一里有奇论功赏原任总督戴才今总督石茂华银三十两纁丝二表里原任巡抚郜光先升俸一级今巡抚张守中升都察院右副都御史赏银二十两纁丝二表里仍旧巡抚原任总兵官雷龙今总兵程九思各升祖职一级赏银二十两纁丝二表里副使李承式升俸一级余文武将吏各赏有差

○添造 慈宁宫接檐披房遣工部主事曹慎会内监委官催督

○工科给事中侯于赵举原任都水司郎中张纯久历河防周知地里乞添注原衔同往勘议洳河许之

○升四川副使林应节为广西右参政左评事杜诗为四川佾事

○戊辰 上视朝

○升户部郎中乔因阜为浙江提学副使调江西右参政周国卿为四川副使

○总督仓场左侍郎毕锵议各仓收买旗军余米以米之高下定价比炤放粮勘合以速给发另收先放不俟挨陈以杜冒破从之

○巡抚甘肃右副都御史侯东莱上言甘镇庄浪西宁地方近日套虏盘聚兵马单弱距镇城不啻千里倘有缓急鞭腹可虞兰靖河州地方虽固镇所辖而相隔庄宁止二三百里遇有警急河东西寨堡相邻者兵马宜互相策应 上然之

明神宗显皇帝实录卷之三十六

明神宗显皇帝实录卷之三十七

万历三年四月己巳朔日有食之

上时享 太庙

○兵部覆郎中熊秉元所陈延绥人事增墩台以利战守修旧墙以全险固停用银以苏贫困裁冗员以省边费如议其增兵饷以保孤悬均道属以便控驭并将领以全兵制处班军以济实用四议俱令抚按覆议以闻从之

○总理辽东粮储户部署郎中张崇功籍奏万历二年冬季主客军马钱粮数目下户部

○升四川左布政陈绛为光禄寺卿

○申严各抚按官交代违限之禁

○庚午 上御经筵

○辛未 上视朝

○镇守辽东左都督李成梁奏报万历二年下半年兵马现在逃故之数○以山西河东盐法事宜改属按察司清军驿传副使改铸关防换给敕书

○壬申 上御文华殿讲读 上感日食之变于宫中制牙牌一手书十二事钁其上曰谨天成任贤能亲贤臣远嬖佞明赏罚谨出入慎起居节饮食收放心存敬畏纳忠言节财用所至即悬于座右以自警是日以示辅臣张居正吕调阳居正因奏此数言者皇上虽因天变自警其实修身治天下之道毕具于此终身行之可也因逐句发明其义且曰知之非艰行之为难愿 皇上允蹈无为空言即古帝王何以加诸自今 上所行与所书有未合者许令左右得执牌以谏 上嘉纳焉

○癸酉 上御文华殿讲读

○山西抚臣郑雒按臣崔廷试条列地方掌印管粮官员经管隆庆六年正徵并万历元年正徵带徵夏秋钱粮未完二分以上者住俸督催四分以上者降俸二级戴罪督催六分以上降二级起送吏部调用八分以上者革职为民惟地最疲敝官经察处接任未久新徵溢格者数人酌量免究章下户部

○巡抚河南右佥都御史孟重奏万历二年所属徵解过夏秋二税起存之数又奏周赵等府郡王宗仪岁用本折积欠共六十七万四千六百两奉旨该部知道

○先是辅国将军充燿干擅婚禁而他府诸请封勘合为猾胥弊数有未封而伪填冒支者有已封而那移增支者有缘洗入未封窜去已封者先后为抚按及部臣所摛发于是部议充燿子女但许请名不许请封住充燿禄以示戒仍命代府将嘉靖四十年以后已题封过勘合册送抚按查验无异炤册揭示其有经题封而未食禄者许告明未封而冒支禄者听自首及他人首发抚投查明报部以凭改正并行乐安王充熏严束宗仪痛厘宿弊从之

○修理王恭盔甲二厂库作等房及科道部厅试验处所

○荫辽东总兵左都督李成梁男李如松为都指挥同知世袭

○甲戌 上视朝

○是日兴工修 太庙 社稷坛遣国公徐文璧侯顾寰尚书郭朝宾各祭告

○俺答子宾兔住牧西海役属作儿革白利等诸番随令寄信松潘番汉以迎佛盖寺为名屡传衅息四川抚臣曾者吾按臣郭庄以闻谓宜速行陕西总督谕令顺义王俺答严戢宾兔无得垂涎边境自败盟好于是兵科都给事中蔡汝贤奏言宾兔蚕食诸番撤我藩篱逆志固已萌矣议者不察犹欲传谕俺答钤制宾兔夫奄奄病酋墓木已拱安能系诸酋之手足耶且宾兔前抢西宁已行戒谕曾莫之忌可见于前事矣乞敕该部亟咨该镇勘破虏情整搦边备或先事以伐其谋或遣谍以携其党或增兵以扼其隘或相机以挫其锋令犯顺者创胁从者解狂虏闻之少知斂戢耳且虏自称贡以来所要我者

屡变索锅而与之锅求市而与之市增马而与之增将来边计安知底止乃若己蜀之衅又自焚修之说启也盖许之建寺则西藏一路往来自繇听之奉佛则南北诸番交通无禁彼黠虏岂真有从善之念哉其挟诈用术远交近攻不独宾兔为然明矣惟 天语叮咛当事诸臣毋蹈往辙克励新图无苟取一时之安重贻他日之悔章下兵部

○礼部题允申飭监规移五军都督府将现在未任公侯伯等爵及应袭子弟年十四以上三十以下者通行查出备造年甲籍贯开送本部转劄国子监习学不许隐匿违者指名参究仍行吏兵二部知会凡应袭爵者吏部于请袭之日行本部查其曾否入监习学方准承袭其袭后但年三十岁以下者炤例送回本部劄监肄业应任用者兵部行本部查习学有无进益方行推任本监堂上官用心教习务臻成效如果在监日久学业有成听本监酌量出学待用仍愿在监者听令炤旧肄业仍报本部纪录以示激励并行南京一体遵行从祭酒王锡爵之议也

○山西各王府宗人以越关奏扰发闲宅者先后三十余曹抚臣郑雒为言各宗或因生育未明或因贫乏无力该府长史教授等官措勒刁难不为奏请名封颠连无告越关赴奏事非获已非有他重情似宜释放准依庶人之例应支口粮该府查明径为具奏辅导等官不得仍前措勒刁难其生育不明者不得朦朧具奏章下礼部

○上以天气暄热谕两法司并锦衣卫见监罪囚笞罪无证者释放徒流以下减等发落重囚情可矜疑及应枷号者俱奏闻

○南京户部尚书傅颐乞致仕许之

○以四川右布政邹光祚为四川左布政南京尚宝司卿张崇伦为四川副使

○南赣巡抚右副都御史江一麟以考察自陈乞罢不许

○巡按陕西御史赵耀请告奉旨近来陕西巡按纷纷告病是何故吏部都察院查看来说

○乙亥 上御文华殿讲读 追封京山王在铕父镇国将军朝璧为京山王母夫人王氏为京山王妃

○升广东都司佥书署都指挥佥事陈璘为广东肇庆游击将军

○丙子 上谕礼部朕见入夏以来氛霾示异雨泽未均虑成燥旱宜行预祷合行事宜查拟来看

○以山东按察使潘允端为四川右布政

○茂州刁农等夷一千二十九名口愿内附纳税比于编民四川巡抚曾省吾以闻许之仍命量加赏恤○户部奏预开万历四年分各边常股存积盐共一百三十二万一千九十引有奇专备本年主客兵马粮饷行管粮官如遇商人报中验其实在粮草数目填给勘合实收仍将中过盐引收过粮草各项数目奏闻奉旨是

○巡抚山西右佥都御史郑雒题万历二年分主客兵马京运民运屯盐事例等项钱粮分别旧管新收开除实在数目具奏下部

○总督京营戎政彰武伯杨炳开报万历二年七月起至闰十二月止完解桩棚银两现在马匹数目

○巡抚河南右佥都御史孟重奏万历二年该省所属共招抚过人民一千二百三十三户垦荒三百八十四顷九十六亩 升户部左侍郎陈瓚为南京户部尚书

○著巡按陕西御史赵耀回籍听勘

○调补江西左参政严大纪为山东左参政驻劄淮安管理漕务

○庚辰 上御经筵

○河南抚臣以钧州犯 御名< 𠄎 毓-金 >请改易 上以州有禹山亲定州名为禹州

○宾兔西牧抚臣议欲传谕俺答科臣议宜整兵遣谍专图拒剿兵部尚书谭纶两是之因条为设险练兵积饷储器及更置将领抚谕熟番数事且荐都司佾书徐仁威游击章延廩可用

○ 上俱从之

○升福建中路守备指挥佾事于文焕为广东都司佾书

○辛巳 上视朝 孝懿庄皇后忌辰遣武清伯李伟致祭 昭陵

○刑科给事中严用和因热审条上六事曰均审恤尚平反速听断重简验急相埋革奸弊部覆俱如议从之

○兵部尚书谭纶< 𠄎 毓-金 >言本部推举将官惟查簿内曾经保荐人数然往年奏保多止于将领而指挥千百户等官及历科中式武举概未之及是以参游之缺仅足挨补而守备把总尚苦乏人议将前项人等行令抚按但有年力精壮才略优长者一体推举报可

○巡抚甘肃右副都御史侯东莱题砖包肃州凉州镇番庄浪西宁五卫该银万七千九百余两乞敕该部给发又言各卫驻劄该道将领府佐如城工未完而俸资及期者即令就地叙迁俟及成功并行优陟报允

○土鲁番酋速坛马黑麻阿力卜把都儿新立为王差夷使赉番本马匹方物谢恩求贡甘肃巡抚侯东莱以闻

○以湖广副使卢仲佃为江西左参政

○壬戌 上御文华殿讲读

○先是隆庆中有追论故掌锦衣卫事都督陆炳罪者诏下法司穷治籍其家逮其子绎等系狱追赃数十万更五年贖财罄竭无可追者至是绎等具奏乞免是日讲读毕辅臣持< 𠄎 毓-金 >奏请 上裁 上问居正曰此事先生以为何如居正对言陆炳功罪自不相掩昔 世祖南幸至卫辉行宫失火侍卫仓卒不知 乘輿所在炳独身负世祖出于大以免难此 社稷之功也 世祖因是眷任独隆赐之伯爵托以心膂而炳小人不知道凭藉宠灵擅作威福京师豪横为之斂手而所夷灭亦往往有无辜罗祸者

此则炳之罪也臣等谨按律惟谋反叛逆奸党罪乃籍没家产余罪皆否且籍没者不更追赃追赃不行籍没此国法也今二法并行而家产已尽丘陇俱夷其子绎贫困蓝缕殆类乞人若更尽法惟有死耳论炳之罪未与反逆同科而翊主保驾之功不能庇一孤子世祖在天之灵必不安于心者矣上瞿然曰既如此先生宜为一处居正对言事体重大臣等岂敢擅专上曰不然国家之事孰不赖先生辅理何嫌之有居正叩头承旨出次日奉旨陆炳生前功罪及家产果否尽绝著法司从公勘议于是法司为分别炳功罪言家产已勘明尽绝诸所连累者亦为流减以请上乃释之

○灵丘王府宗人俊木口盎为各子请名过期太远为礼科臣所参驳礼部尚书万士和为言宗室请名者以五岁为准请封者将军而下以十五岁为准过期主案此成例也近节奉恩诏颇从_三六十见_一处请名过期十五年以下请封过期十年以下概题请矣然生育繁多事故不一尚有稽延限外者臣惟国家敦睦宗亲虽罪革之子孙及擅婚滥妾冒妾之子亦准赐名给与口粮而过期立案者俱系各宗嫡庶之子或因贫病孤苦坐致愆期乃使之终身无名可称无禄可养束手待毙曾不如革爵擅婚之子揆之德意似未均沾若遽准请名不酌为定制将来援名请封又无以止其无厌之求臣以为俊木口盎诸子宜准与赐名照依宗庶事例给与养贍不许请封著为定例以后过期各宗臣部酌量季限其年岁未远照常准请名封其过期日久者俱照今例惟来历不明乘机滥请者严查明白立案不行夫严杜过期之封溥为养贍之给哀多益寡禄不加益而泽可均施庶几推广恩诏而于裁抑愆期之初意亦不为失上然之命著为例

○巡抚湖广右佥都御史赵贤上言省城为全楚咽喉东连江省北接河南江盗山寇警报时闻原有上下二江防而辖属稍远不便调度议将分巡武昌佥事加兵备职衔自武昌以南至嘉鱼武昌以北至白湖镇及汉阳汉川二县并相连黄陂一县地方以武昌道为主上下江防二道为援其余仍以上下江防道为主武昌道为援其都司右佥书敕中亦宜增入练兵以责巡缉兵部覆允惟以都司佥书原无左右之目宜现在者依议责令操纵巡缉嗣后则以后至者为右专以练兵属之

○巡抚甘肃右都御史侯东莱巡抚延绥右佥都御史张守中各奏报造完所属卫所城堡及万历二年岁额旧管新收开除实在钱粮之数临清砖厂旧烧造城砖共一百二十万至是议分派三十万于武清县烧造其应给砖价分派南北直隶河南山东地方出办各有差

○更定陕西潼关关内二道辖属将同华二州朝邑白水郃阳澄城韩城华阴蒲城七县俱令属潼关兵备道专辖渭南一县与耀乾等州咸长等县俱令属关内兵备道专辖换给敕书从巡抚郃光先之请也甲申上视朝

○遣武靖伯赵光远等为正使修撰朱赓等为副使持节册封衡府衡王厚燾世子载圭为衡王齐东安和王载厘嫡长子翊金口闾为齐东王荆府荆王翊钜嫡第二子泰宁王常_三言_一为荆王又嫡第三子常盎为安城王秦府秦王敬镕嫡第一子谊涵

为秦世子韩府韩王朗錡庶第一子土□景□汧门赤□为长吉王西城兵马副指挥尚王□匍女尚氏为韩世子璟<□王宏>妃长洲定恭王融焮长孙朗鋈为长洲王东城兵马副指挥王汉女王氏为长洲王妃高淳庄懿王漠土□兹庶第一子镇国将军朗镡为高淳王夫人韩氏为高淳王妃陕西平凉卫中所军余惠邦彦女惠氏为庆阳王朗鋈妃岷府岷王定燿庶第二子干跬为南充王庆府弘农康僖王鼐嫡长子倪仁□鱼为弘农王夫人潘氏为弘农王妃晋府宁河荣庄王表楠嫡长子知弓□火为宁河王夫人李氏为宁河王妃河东端穆王新土□贵庶长子慎键为河东王夫人冯氏为河东王妃宁化康和王表櫟庶长子知燼为宁化王淮府永豊安僖王厚焮庶第二孙辅国将军翊鋈为永豊王顺昌王祐枏庶长子厚火□宫为顺昌王北城兵马副指挥郭良辅女郭氏为金革王载墉妃周府上雒康裕王睦<□木盛>嫡第三子镇国将军勤鋈为上雒王夫人景氏为上雒王妃河南汝宁府汝阳县儒学生员严登女严氏为崇府泰和王常□妻妃四川成都府华阳县民人杨师圣女杨氏为蜀府内江王宣堦妃南城兵马副指挥尹仕女尹氏为荣府惠安王翊金□尘妃楚府永安恭顺王英暖嫡长子华土□未为永安王夫人陈氏为永安王妃广元王府长阳恭裕王宠游嫡第一孙宪焕为长阳王万安王府万安康懿王典楯嫡长子褒火□危为万安王靖江王府靖江王邦蕤嫡长子任昌为靖江王夫人支氏为靖江王妃

○贵州麻向太华二司漏贼阿利纠合董昂董耙等焚劫太华古阳等处巡抚都御史罗瑶动调土舍官兵七千余苗兵六百付守备刘天庆督率擒剿贼寻逃散天庆颇有所斩获罗瑶以功状闻而巡按御史杨允中极论刘天庆指挥严督激变夷民轻动大众妄杀贪功并连抚臣罗瑶道臣林澄源轻听搆山均不能无罪事下兵部覆行贵州接管按臣勘奏以闻

○乙酉 上御文华殿讲读

○丙戌 上御文华殿讲读

○虏酋土蛮祭旗聚兵声言挟市要抢山海直抵开原该镇以闻兵科都给事中蔡汝贤言宜行该镇多方防御又详论虏情效尤无厌边臣不得迁就再踵互市之请兵部亦言虏所以为中国患者以其去来倏忽有如风雨耳今各带家小牛马分屯久住此我设奇制胜之日也宜移文总督申飭兵备将领虏犯辽则总兵李成梁率锐师出战蓟昌亦出师以佐之虏分犯蓟镇则总兵戚继光出奇邀击宣府保定兵马不俟调遣亦发锐师以佐之虏素易我出其不意必大创 上从之

○裁革四川滄井盐课司官吏其课银并盐涸高井俱行忠州徵角□羊

○以原任陕西副使殷仁除补原职 以户部右侍郎李幼滋为本部左侍郎大理寺卿孙应鳌为户部右侍郎

○丁亥 上御文华殿讲读

○以蓟镇黄崖口守备程照为山东都司僉书

○己丑 上御文华殿讲读

○巡抚山西右佥都御史郑雒奏所属万历二年招抚流民二千三百余开垦荒田五百四十顷八百九十余亩

○庚寅 上御经筵 与故南京工部左侍郎赠礼部尚书程文德谥文恭文德初授翰林编修以议礼谪广东信宜县典史历知县部郎按察副使升南祭酒转礼吏二部侍郎恳辞改南忤旨革职嘉靖三十八年卒隆庆元年采录旧臣得复职赠秩与祭葬操履高洁与章懋邹守益罗洪先辈相师友舆论称焉

○镇守甘肃总兵官李震奏报万历二年下半年原额马步官军舍余实在逃故之数巡抚延绥右佥都御史张守中奏报万历二年下半年本镇马步官军常操轮班远年事故之数

○辛卯巡抚宁夏右佥都御史罗凤翔奏本镇万历二年十月起至闰十二月止各项钱粮旧管新收开除实在之数

○以南京光禄寺卿刘一儒为太常寺卿

○以户部郎中许守谦为浙江副使

○以浙江游击暴以平为广东练兵参将

○先是河南春秋两班备御宣府者免赴边三季扣价角口羊镇以备修工至是总督宣大右都御史方逢时以年限虽满而工费未竣再以三年为请兵部覆议许之

○壬辰 上御皇极殿行册封礼

○宣大山西总督右都御史方逢时三边总督石茂华各籍奏万历二年主客钱粮及京运民运屯盐事例等项分别旧管收除实在比对元年收支增减之数

○癸巳 上御文华殿讲读

○吏部< 〇〇〇 钰-金 >拟调大名兵备副使陶大顺于湖广大顺繇兵部职方司郎中升未逾月至是 上见其名即识之语辅臣曰是数日前方见其领敕今遽拟升转何也辅臣张居正等对曰大顺乃故讲官大临之兄大临故未几而大顺子尚宝司丞允淳又故皆未克葬大顺因大名去乡远例不得过家故以情告吏部部议量改附近以便还葬盖以原官调补非升也 上颌之○隆平侯张桐卒与祭葬如例

○甲午 上视朝

○淮徐等处大水直隶巡按御史舒鳌议以为海口淤塞横绝下流故淮扬徐邳诸处频年水害郡邑几废宜开草湾浚洋麻港口石< 〇〇石达 >诸口以备淮黄之冲又欲蠲折粮留口税请贖罚漕米以备賑济总理河道都御史传希摯谓高宝之间桃花泛涨陡齐堤岸宜急捐徐邳二州河道船税堤夫等项银四万以备修筑于是工科右给事中萧崇业等< 〇〇 钰-金 >东南咽喉重地重罹灾变宿水未消新涝增毒蠲恤修筑以苏疮痍是或一道也若开草湾浚石< 〇〇石达 >二策则未可轻议何也沔河之役国储所关必不容已若两役并兴驰鹜不足顾尾失首非计也宜俟沔河告竣淮扬稍稍安集乃

可徐图耳户科都给事中光懋亦言之事下户工二部覆议命河漕诸臣及勘浹河科臣博访群策议定明白以闻 裁革山西屯田盐法金事以屯田改属兵巡道以盐法改属清军副使换给关防敕书 以大理寺左少卿王友贤为南京光禄寺卿

○乙未 上御文华殿讲读

○湖广巡按御史李枋奏万历二年各属招抚人户一千五百余名垦荒田粮一万五千九百余石

○南京户部右侍郎曹三昫奏各卫所监局州县仓库积贮之数

○丙申 上御文华殿讲读

○升蓟镇三屯辚重营署指挥金事曹南溟为游击轮管蓟镇中路南兵

○河南按察使郑云釜到任违限按臣为请本官原奉公委求为<三六十见>宥不许仍敕以后抚按官有不遵奉明旨徇情给与文牒者吏部一并查参○调江西副使陈万言为河南副使

○丁酉赐辅臣张居正金书黄符红符各四道金艾叶四副黄绶符二道红绶符二道吕调阳半之讲官丁士美等六员各银书黄符一道金书红符一道金艾叶一副红绶符一道

○朵颜卫都督长昂遣头目阿里麻等补贺二年 万寿圣节及长至令节赐敕二道及彩段绢疋如例

○太仆寺少卿温纯以考察自陈 上不允

明神宗显皇帝实录卷之三十七

明神宗显皇帝实录卷之三十八

万历三年五月戊戌朔

上御皇极殿

○提督两广殷正茂题称抚兵色把总林奇材招抚以来屡立奇功见今角□羊兵散党立籍当差自东粤抚处未有若此停妥宜量授镇抚职衔并言效劳官员都指挥金丹中军把总吴天贵分守岭东左参议夏道南惠州府海防同知周宗武等俱宜优加赏赉兵部覆奏得旨

○己亥赐辅臣张居正圆光箒扇三把泥金骨画面扇四把小式扇四把片金扇五把吕调阳圆光箒扇一把泥金骨画面扇二把小式扇四把片金扇四把讲官丁士美等各画面小式扇有差

○兵部题覆南太仆卿王之垣<三六金>议处南直拖欠马价银两三分四分以上者罚俸一月五分六分以上者降俸一级七分八分以上者降俸二级俱戴罪督催候完日准复原俸著为定例得旨

○庚子先是元年二月间徐淮扬等处数被水灾抚臣王宗沐按臣舒鳌科臣贾三近等俱先以蠲免赈济为请户部覆议咨行地方抚按选委贤官员从公踏勘分别轻重

以凭酌处又言淮阳等处蠲免赈济所费钱粮总计应徵并发去者无虑五六十万矣国家经费各有正项非专只一方也虽缓急之势当知而无己之求难继且救荒委无奇策求其策之善者全赖各该有司先之以俭静不扰次之以就地设法故有富弼则清州不为灾有苏轼则杭州不能困若无先事之备而徒仰给于内帑不惟缓不及事以天下之大尽内帑亦不足以给矣奏闻奉旨近来淮扬地方无岁不奏报灾伤无岁不蠲免赈济朕奉天子民一闻百姓饥溺辄切切于怀思为拯救但朝廷设官分职原以为民天灾流行国家代有若各地方官平时肯著实经理民事加意樽节多方设备即有灾荒岂至束手无措今做官的本无实心爱民只虚文了事一遇水旱即委责于上动称危言以胁制朝廷及至奏过一番依旧因循不理岂朝廷任官养民之意这所奏姑依拟勘报议处著吏部查两府被灾地方有司官拣有操守及年力精壮的去做贪酷害民及衰老无为的即便奏请黜调各处抚按官俱要督率有司省去繁文修举实政多方预处水旱之备不许但诿之气数沽名蠲恤责上市恩亦不许因此便谓朝廷讳言灾异壅蔽小民疾苦不以上闻

○大学士张居正等题养士之本在于学较贞教端范在于督学之臣 祖宗以来最重此选非明经行修端厚方正之士不以轻授异时提学官多海内名流类能以道自重不苟徇人人亦无敢干以私者士习儒风犹为近古近年以来视此官稍稍轻矣而人罕能有以自重既无卓行实学以压服多士之心则务为虚谈贾誉卖法养交甚者公开幸门明招请托以致士习日蔽民伪日滋去年仰荷圣明特敕吏部慎选提学官有不称者令其奏请改黜其所以敦崇教化加意人材意甚盛今且一年矣臣等体访各官未能改于其故吏部亦未见改黜一人良以积习日久振盪为艰冷面难施浮言可畏宁抗明诏而不敢挂流议宁坏法纪而不敢违请托盖今之从政者皆然又不独学政一事也臣等谨查 先朝以来敕谕提学臣旧稿再加酌拟附以近日题准事例逐款开坐上请 圣裁备载敕内昭示天下俾居此官者知朝廷所以责之者如此则虽被怨谤而有弗恤人之视之知彼之责任如此亦将斂手息喙而莫之敢挠抚按以此核其能否部院以此定其黜陟使人皆知敦本尚实而不萌侥幸则振兴人材之一大机也又近来考贡之法太疏士之衰老贫困者始告授教职以朝廷造士育材之官为养老济贫之地冗蠹甚矣今后允遇廷试岁贡生员容臣等遵照 先朝事例严加考试有不堪者尽法黜落提学官俱照例提问降调其愿就教职者该部先较阅有年力惫者即行减退不准送试廷试学业荒疏不堪师表者发下该部其年力尚壮送监肄业以须再试如年力已衰不必发监遥授一职回籍荣身庶官无冗旷士有师模十年之后人才不可胜用矣因开载合行事宜凡十有八条上之得旨学较人材所系近年提学官不能飭躬端范精勤考阅只虚谈要誉人卖法市恩殊失 祖宗专官造士之意卿等所奏俱深切时弊依拟再行申飭所开条件备载敕内著实遵行有仍前违怠旷职的吏部都察院务要指实考察奏黜不许徇情容○虜酋遣通事来言宾兔非敢故违只因甘肃不许开市宁夏途远往还艰难

无利虽有顺义禁约不能尽制宣大总督方逢时以闻且言要在彼中当事处置抚赏得宜彼自安心听从兵部覆议上奏奉旨贡市羁縻乘暇修备乃中国御夷长计各边诸臣俱宜同心戮力计安边境斯不负朝廷委托近来陕西三镇督抚官每遇虏情小变通坐视不处只责之宣大其意似谓这件事原是宣大种下的祸本将来有事罪有所归不思他每各有封疆专责若的见得此事为失策其力又足以制虏便当明言谢绝整兵待战如何只依违观望无事则阴享其利有事则诿罪于人岂人臣受职任事之忠且操从之权当在中国今一遇有警即令俺答禁令是倒特大阿反使虏酋得挟以自重亦岂当时许贡初意今后著石茂华等著实整饬边务相机抚御如再因循推诿致误边事国法不宥朝廷许人任事后若措置失宜只因事论罚不归咎于始事之人你部便行文与他每知道

○辛丑先是陕西巡抚郃光先议该省应徵粮草若有拖欠所属司道宜与有司照例一体查参户部覆议各省司道均有钱粮之责不独陕西为然也又查屯粮事例都司掌印管屯官一视卫所一体分别参究迩来抚按通不遵行合通行申饬从之

○壬寅祭 地于 方泽遣驸马许从诚恭代

○户部题隆庆元年起至万历二年止各该抚按等官已解未解赃罚银两数目职名以闻奉旨这赃罚银两原有明旨解部济边近来各抚按官都只取充私费馈送乡官不依期完解其二分备赈亦皆有名无实上不供公家之急下不为旱涝之备甚至二三年间全不解部者既无奏留等项作何支用且都不查究今后著依期完解不许官充私用其接管起解的你部里还查系何人项下分别奏报毋得新旧概开致混淆

○甲辰 上御文华殿讲读 孝宗敬皇帝忌辰遣伏羌伯毛登致祭 泰陵

○乙巳 上御文华殿讲读赐辅臣张居正紫金锭药二十封吕调阳半之讲官丁士美等又半之

○宾州知州叶春及革职为民以入境逃回不赴任故因敕今后有托疾避难及擅离职守的都著一例查参不许但行于杂流卑职而纵于甲科大官以乖正大公平之体

○修 康陵稜恩殿等处事竣遣侍郎陈一松奉安 武宗皇帝 孝静皇后 神位并祭告行礼

○洪武旧例镇抚司问刑径自奏请不经本卫或本卫有事送问者成祖文皇帝有旨令问毕仍自具奏不必呈堂至是刑科都给事中严用和言各衙门奉到旨意皆该科按月缴进送司礼监收藏而镇抚司之本独在该司收贮非所以一政体而重纶音也宜并令送科抄发一体奏知奉旨该卫镇抚司既奉有我 成祖圣旨只照旧行

○浙江巡按吴从宪贵州巡按孙济远辽东巡按刘台俱各到任违限都察院为言三臣俱在未奉近旨之先情似可原 上曰御史出差不许枉道还家系 先朝旧例岂得以未奉近旨为辞其言先差者约期后差者赴代都是私情你每职掌风宪仍不守公法而言私情显是畏狗刘台等都且不究 丙午升大理寺少卿王廷贍为本寺左少卿

太仆寺少卿何起鸣为大理寺右少卿

○户部类造各镇钱粮用过催完并实在数目揭帖进览

○戊申分守喜峰口参将李世臣革任回卫以督抚论侵克抚赏钱粮故

○以南京小教场中军坐营梅应魁为福建行都司军政佾书

○升大理寺右寺丞石星为本寺左寺丞尚宝司少卿王时举为大理寺右寺丞

○升河东都转运盐使司运使董原道为陕西苑马寺卿兼按察司佾事分巡平凉

○礼部覆故都御史赠少保顾住奉法无私出身任怨尹京兆则威行三辅居台端则风振百寮宜考实定谥从之

○己酉 上御文华殿讲读

○是日充礼部祈雨卜日斋戒遣官分祷俄而大雨乃止 仁宗昭皇帝忌辰遣新建伯王正亿致祭 献陵 升左中允范应期为右春坊右谕德掌南翰林院事

○先是阅视蓟辽侍郎汪道昆刘应节等累有修筑宁前一带台墙之议部覆以边长费钜议修台而不修墙至是总督侍郎杨兆复议以谓台而不墙与无台同墙不坚厚与无墙同且台而不墙壁垒无依无以防虏亦无以台为也审时度势必台墙兼举且言宜允任宁前副使李松以重责成于是部议覆听焉

○户部按季奏报太仓银库万历三年四月终止实在银四百八十一万三千六百两金四百六十两铜钱一千四百六十三万六千两

○庚戌调原任福建都转运盐使司运使李廷观为河东陕西都转运盐使司运使

○升义完口提调陈忠为游击管分守喜峰口参将事延绥游击董大重为参将分守陕西兰州地方

○以宣府洗马林堡守备尤继先为神机三营游击

○辛亥 上御文华殿讲读

○吏科给事中杨言条上六事一曰就近迁改以免旷废二曰久任教职以育人才三曰清理军屯以足兵食四曰均平里甲以苏民困五曰严革诈伪以清驿递六曰禁止迎谒以息奔竞 上深然之其< 疏 疏-金 >该部

○宁远参将黑云龙革任回卫

○壬子南京刑部尚书林云同上< 疏 疏-金 >乞休不允

○癸丑 上视朝时未辨色庭中犹举燎群臣多失朝者御史劾奏 上命锦衣卫鸿胪寺查点不至者二百八十三员各罚俸一月

○礼部申明考贡事宜凡起送贡生必年六十以下三十以上依补粮次序为定正贡一名内择学业素优屡经科举一人若俱不堪贡不妨以次再取务在得人有年六十以上未及三十姑息徇情者听本部及该科指实参奏奉旨是

○以原任詹事府掌府事礼部左侍郎兼翰林院侍读学士马自强以原官协管府事充日讲官

○吏部申明官员判任违限事例州县正官遵照隆庆二年题准一月之上问罪两月之上送部别用三月之上罢职不叙方面佐贰大小官员俱照弘治十五年嘉靖三年题准半年以上送部别用一年以上革职为民半年以下照律例问罪发落五品以上照旧奏请定夺六品以下官应该提问起送革职者径自照例施行不必一一读奏仍将问革起送缘由具揭报部以凭查考奉旨是

○升辽东前屯游击刘澧为分守辽东宁远参将陕西行都司军政金书吴廷用为陕西行都司军政掌印四川行都司金书徐仁为延绥游击

○乙卯原任翰林院编修升湖广副使林阶春以病告许之 升浙江金事王樵为尚宝寺少卿

○丁巳 上御日讲毕顾辅臣张居正等问曰昨朕览辽东抚臣所奏具言虏寇猖獗深以为忧先生度虏势何如居正跪奏曰臣等窃料此虏冒暑拥众犯非其时近暑雨连作弓解马疲势不能逞且蓟镇人马已出关应接保无他虞可不烦 圣虑也

上曰然已户部请发辽东年例银两居正等因奏该镇旱甚士卒饥罢属有虏警请例外再发帑银赈之 上深纳其言诏户部于例外即发银二万两付巡抚张学颜给赈征调官军有顷上命中使捧 圣母御书一帙以示辅臣居正等稽首言臣等仰观 圣母御书体裁点画字字精工 上因言 圣母在宫中唯观书史每日写字一幅又课令侍女三十以下俱读书写字居正又稽首仰颂 圣母仪因进言曰夫 圣母母也犹孜孜勤学如此矧 皇上当英妙之年有万几之重可不锐精问闻讲究治理以副 祖宗付托之重乎 圣母盖所谓爱不忌劳端身教也伏望 皇上仰体 圣母爱育之心率循

圣母躬行之教及时典学无怠无荒则睿智益开聪明愈扩日览万几如烛照而数计矣臣等切不胜款款之愚 上曰先生言是也朕当勉焉

○时修 慈宁宫暖阁仙桥内官监奏行工部具料揭称该用板片数百木值倍之诸杂物称是 上曰一仙桥所费几何而侈用至是那命减半与之又诏自今各衙门凡有造办等项该部勿得曲徇所请致耗财用

○升辽东前屯城备御葛景岳为本处游击

○陕西总督石茂华甘肃巡抚侯东莱 < 陝 甯 統 帥 金 > 言甘肃境内番虏互相盗窃已经抚处原无他衅恐传闻失实谓有所隐乞以后不系重情得径自处置不必一一读奏兵部覆闻得旨边臣奏报纷纷不过为将来逃责之地今后著遵前旨实心经理毋但以题奏虚文了事亦不许因而隐匿边情以致债事重治不饶朝廷重任边臣原许以便宜行事功罪赏罚公论甚明各巡按御史亦毋得苛求细事使人不得展布你部里行文与他们知道

○福建金事孙裔兴以病告准回籍调理

○有假新选州同诬借商人银八百两者事觉吏科给事中李盛春 < 陝 甯 統 帥 金 >

>言棍徒结夥诬害及富口放债重贪宜行厂卫严加访缉因言开纳事例除冠带荣身无关民社者可也若有司佐幕分牧之官能为民害者宜悉行停止为贪官图选有司之禁一夫一皂皆民财力宜通行抚按衙门严禁三司首领州县佐贰官不许擅自擡轿违者据法重处州县佐贰官果有贪污不职正官不行开报州县正官果有贪污不职知府不行开报者抚按官宜仿古连坐之法参论罢黜见在有司果与地方相安可堪久任者宜照例题请加銜州县佐贰杂职贪酷害民者照例尽法追赃问遣果有材能超卓者照例不拘资格一体荐扬庶邪党息而人心知儆选法清而吏治弥肃吏部覆奏从之

○升刑部郎中宿度为湖广副使调山东佥事张子仁为浙江佥事

○己未 上御文华殿讲读

○授庶吉士史钶为翰林院编修

○升兵部员外文祚为福建佥事

○降原任陕西副使蔡可教为山东佥事

○以贵州思石守备周官为四川都司军政佥书陕西岷州守备朱宪为陕西行都司军政佥书辽东军政佥书苏承勋为辽东都司军政掌印

○庚申 上视朝

○甘肃巡抚侯东莱< 〇〇〇 毓-金 >发假用勘合从南京江东驿起马至该镇者奉旨假勘合踪迹显然一见可知自南京至甘肃历数千里始觉前此通无一人烛发其奸显是近来勘合冒滥不办真伪一概混行前有旨著抚按官查诘严禁却全不遵行好生怠玩这各犯经过地方通行查究

○申严山西五台繁峙二县奸民结聚盗采矿砂之禁从巡抚郑雒之奏也

○升吏科都给事中刘不息为太仆寺少卿

○壬戌 上召兵部尚书等官谭纶等于会极门手诏问曰前报虏贼数十万欲犯辽东前哨已到近边朕心日夜悬虑今经旬日如何又声息杳然不知前贼果否入犯该镇有无失事你部里如何通不以闻著从实说来先是辅臣居正等题昨该辽东巡抚张学颜等报称达贼二十余万谋犯辽东前哨已到大凌请兵请粮急于星火至于上廛

圣虑面谕臣等虏寇猖獗深以为忧此时臣等已即面奏暑月非虏骑狂逞之时料无大事请宽 圣怀今据蓟镇总兵官戚继光揭称诸酋久已解散时下正议撤兵及臣等使人于宣府密探西虏青把都动静则本酋一向在巢住收未尝东行辽东所报皆属夷诳赏之言绝无影响数日以来更不闻消息矣臣等因此反切忧虑夫兵家之要必知彼已审虚实而后可以待敌可以取胜今无端听一讹传之言遽尔仓皇失措至于上动九重之忧下骇四方之听则是彼已虚实茫然不知徒借听于传闻耳似此举措岂能应敌且近日虏情狡诈万一彼尝以虚声恐我使我惊惶疲困于奔命久之角口羊弛不备然后卒然而至措手不及是在彼反得先声后实多方以误之之策而在我顾犯不知彼已百战百败之道他日边臣失事必由于此故臣等不以虏之不来为喜而深以边臣之

不知虏为虑也兵部以居中调度为职尤贵 审察机宜沉谋果断乃能折冲樽俎坐而制胜今一闻奏报遂尔张皇事已之后又寂无一语徒使君父日焦劳于上以忧四方而该部以题覆公牒遂谓足以了本兵之事耳臣等谓宜特谕该部诘以虏情虚实之由使之知警且秋防在迤蓟镇之间近日既为虚声所动征调疲苦恐因而懈怠或致疏虞尤不可不一儆戒之也臣等谨拟 圣谕一道进览伏乞 圣明裁断施行 上从之故有是问

○吏部覆允陕西巡抚郜光先< 〇〇〇 铨-金 > 凡山狭蓟辽宣大等边兵备等官升迁之日务候新官将该管钱粮兵马交代明白方许离任该抚按官度其新任凭限果逼给与文牒前去扣算开豁腹里地方不以为例

○癸亥 穆宗庄皇帝忌辰遣固安伯陈景行致祭 昭陵

○甲子兵部尚书谭纶奉旨回话顷报前顷虏情先据辽东镇巡蓟辽宣大总督巡按等报皆谓东西二虏会兵入犯盖得诸俺答与独石参将所遣探卒三卫属夷辽东市夷之言各镇据以为题今据总兵戚继光雷龙巡按吴兑揭咨前来诸酋委俱解散止有长昂一枝尚留辽东窥犯耳奉旨这所报虏情前后异辞东西异状看来通无的据止是借听传闻似此彼已虚实茫然不知将来何以待敌且该镇饥荒当此数月无端为一虚声所动周章调遣先自罢劳即日秋防猝有虏至又将何以御之边事如此深可忧虑今后各总督镇巡官平居当亟图 守日夕戒备要在厚遣间谍的探虏情有警却宜特重安详示以整暇不许沿袭旧套虏未至而虚张贼势以避罪虏以退而虚称斩获以要功有这等的国法不宥你每职任本兵居中调度亦要沉谋审算动中机宜无但依边臣奏报之言漫尔区画致乖举措取轻外夷

○升辽东海州备御孔思鲁为辽东军政僉书 乙丑升巡抚湖广右僉都御史赵贤为都察院左僉都御史协理院事南京大理寺卿陶承学为大理卿 丁卯裁山西太原府盂县县丞一员添设徐沟县县丞一员

○户科李邦佐< 〇〇〇 铨-金 > 言编审口人每年二次恐属太数查旧例年终会同五城御史审明更替五年以上虽未消乏亦行报换以均劳逸再迟五年仍前殷富方许僉役从之

明神宗显皇帝实录卷之三十八

明神宗显皇帝实录卷之三十九

万历三年六月戊辰朔户部题先年各边银两缺乏故预发年例差官召买今各边粮草颇充亦有省积银两者以后年分查照年例额数止于上下半年解发至于一番差官道路烦费如一时本色不敷听督抚郎中等官即于本镇见在银两随宜动支召买候本部解口羊到银两照数抵补奉旨是 己巳暹罗国及刺麻番僧各进贡赐宴待如例升湖广左布政陈瑞为都察院右副都御史巡抚湖广等处地方应天府尹汪宗伊为南京大理寺卿河南左布政吴文华为应天府尹湖广右布政徐学谟为湖广左布政

○庚午 上视朝

○兵部尚书谭纶< 䄒 銃-金 >言秋防届期边备可虞乞饬当事臣工预严战守以图万全奉旨秋防在迩各督抚等官务遵前旨将节次申饬事理着实奉行朝廷赏罚明信决不虚言

○山西有改撞勘合捏造封号增添件数事觉缴至礼部部臣乞行该省提究原领勘合官张贤奉旨奸徒作弊惯熟你部里积年书吏未必不与通同今后著照前旨严加访察有稔恶不悛的即便拏送法司从重问拟无得曲徇自损名节张贤著巡抚衙门提了并前各起所犯俱一一严刑根究同谋置之重典如干碍部里书吏人等通同作弊的也著从实具招回奏不许畏徇隐匿

○辛未 上御文华殿讲读

○兵部奏建州右卫都督同知台恭孙野里掙建州左卫都督金事撒哈答男蟒子各奏袭祖父职换给敕书管束部落许之

○总督宣大山西右都御史方逢时咨兵部谓酋首吉能原授都督同知吉能死子把都儿黄台吉应袭父职缘本酋西抢未回若俟回套之日再取番文诚恐失酋虏之望有乖羁縻之术审时度势宜准行该镇早令承袭兵部覆奏许之

○壬申陕西总督石茂华巡抚陈省题称麻山关番贼跳梁遵议设法捣剿已将番族焚烧剿杀将尽但为邻番所掩阵亡守备操守一员及参将弟男各带军舍共三十余名兵部覆奏以为番贼肆逆委宜剿治俾知惩戒但事熟虑谋贵万全即使机有可乘兵宜速进亦当计其山川险阻步步为营反客为主奈何欲掩其不备遂不计虑后艰使邻番得肆其反噬歼将折军得不常失耶失事官员宜行勘处仍将助逆邻番及剿处事宜悉心计处先后迟速俱听便益不从中制但务鉴覆辙期收全功奏闻

上切责茂华令姑与陈省等悉心计议相机剿处以靖地方事平之日该部查明论功定罪

○升河南右布政鲍承荫为河南左布政湖广按察使杨柏为湖广右布政

○甲戌 上御文华殿讲读

○升山西按察使周釜为河南右布政湖广右参政胡邦奇为湖广按察使

○乙亥都察院左都御史葛守礼以老乞休许加太子少驰驿去仍令有司给月米人夫以示优礼

○丙子升山东右参政舒化为山西按察使湖广副使徐柏为湖广右参政

○丁丑 上御文华殿讲读

○兵科都给事中蔡汝贤以辽镇近报虏情虚张不实参论侍郎张学颜奉旨令学颜策励供职

○河南巡按孟重题五月初二日信阳等处地震 裁革扬州府驻劄仪真县理盐通判

○戊寅升江西副使杨世华为山东右参政○吏部题民生休戚关吏治之臧否吏治臧否在抚按之激扬抚按于地方官员贤能无论大小俱得荐扬贪酷者六品以下径得拏问权至重也今狃于因循拘于资格贪酷有司不循拏问之例而姑留以待覆命则未论之先皆百姓受害之日也中间善弥缝者以阿顺取容事营求者以结纳释怒保无漏网乎至于荐举之数多重甲科而轻举贡夫天下最亲民者无如州县正官其次无如州县佐贰正官则科贡俱十之八佐贰则岁贡居十之五以天下最亲民之官强半取足于岁贡而概以穷途无用轻弃之安得不消阻其意气自为末路囊橐之计耶今宜力祛故套大破常格贪酷显著应参奏者参奏应拏问者即径拏问至于举荐< 銜-金 >中只当考其贤能不必更问资格不得先尽甲科遗漏举贡科道部寺等官一体行取以纳粟吏员等项果有才能超卓者亦许奏补佐贰庶惩劝明而吏治可兴矣奉旨卿等说的是朝廷设官原以为民三途并用祖宗故事今后抚按官务要精核有司但系实心爱民及贪酷坏法的不问甲科岁贡出身一体荐举论劾如有沿习旧套偏重甲科及徇私滥举植党市恩的你部并都察院查照旧例著实参奏

○己卯雷击建极殿鸱尾

○庚辰升礼部郎中王象坤为江西副使

○辛巳左副都御史郜光先推升已及三月尚未到任 上命吏部查其彼中交代日期吏部回奏且及两月矣缘巡抚自外升内例无限期往往迁延迟回为日已久

上曰今巡按御史及地方官俱不许到任违限何独升任京职乃可不畏简书耶今后但有枉道回家迁延旷职的著该科参奏一例黜罚

○升湖广知府马文炜为湖广副使○吏部调原任佥事被劾调简郭良为广东佥事奉旨广州兵备系紧要地方郭良以才力不及调简岂堪此任著改调别用

○郟阳巡抚王世贞< 銜-金 >称故南京兵部尚书原杰旧抚郟功为之请补溢不允 壬午改南京户部尚书陈瓚为都察院左都御史

○以原任吏科都给事中陈三谟补除原职吏科右给事中欧阳柏为户科左给事中刑科给事中秦耀为兵科右给事中吏科给事中郝维乔为刑科右给事中 乙酉升提督两广兵部尚书殷正茂为南京户部尚书

○吏部题为酌定官恩生选规谓官生乃叙功之常典恩生实例外之殊恩荫叙不同授官宜别至于循例选除不较才艺则试为虚文人无激劝宜酌为定规以便遵守一品二品官生俱授五府都事二品恩生与三品官生除授大小九卿僚属如通政司经历等官三品以下恩生又择僚属职事少次者授之愿告外任者查照节年事规选授考选之时文理欠通者各照资格授以稍次之官明示裁抑凡先遇事例获荫恩生后经考满例不再荫者听具由告部改荫官生先以三品考满获荫官生后历官至二品照旧得准二品官生除授奉旨是

○升武选署员外郎事主事徐汝暘为广东佥事

○

○巡按直隶御史贺一桂参河间府同知柰邦奇景州知州刘枢交河知县董廷炤俱百里内外远事迎谒 上褒美一桂能飭身执宪力惩陋习著吏部纪录柰邦奇等俱革任闲住

○丙戌 上视朝赐辅臣及讲官正字官并三品以上官枇杷杲

○协理京营戎政兵部尚书王崇古以病乞休不允

○丁亥

上御文华殿讲读○先是甘肃巡抚杨锦称拨军垦屯中熟可得五万大熟可得十万既而地无实亩军无实籍徵无实租弱者赔累强者侵夺徒防差操无益积贮续因抚臣廖逢节奏每军二十五亩改徵粟二十石总督戴才又奏止可徵十五石至是户部覆总督石茂华< 〇〇〇 铕-金 >议督令太仆寺卿及屯田同知将各卫所堡寨屯田逐一备查除有粮有地有人者给与界至执照外其无主田地先尽招人承种如无人承种者于城操军内拨给开垦每军二十五亩令其春夏耕种秋冬差操每年秋收责令纳粟十二石所垦田地给与执炤永为己业每年终巡抚衙门将垦过田地纳过数目造册报部扣抵年例其寺卿及同知等官年终督抚分别功过专本举劾奉旨是

○郟阳巡抚王世贞奏本年五月初一初二初三襄阳郟阳二府属河南南阳府属等处地震

○南京刑部尚书林云同乞致仕福建左参议戢汝止乞终养俱许之

○戊子差官给散两京及各卫所军士冬衣布花钞錠

○换给徐颖海防敕书三道增入整饬中都留守班军事务以班政废弛军多不到者升工部右侍郎凌云翼为兵部左侍郎兼都察院右佥都御史提督两广军务

○升浙江按察司佥事王嘉言为浙江右参议

○福建福州汀漳等处及广东海阳县地震

○己丑 上御文华殿讲读

○巡抚宁夏都御史罗凤翔题请查过宁夏等七卫灵平二所万历二年分开过田垦实徵粮草已未完之数

○庚寅先是云南临安地方土官普崇正勾引侏贼杀占地方拒败官兵抚臣邹应龙议调兵剿殄削平之后改土为流兵部议覆以为崇正等猖乱弄兵罪诚不赦该镇宜出奇擒剿以绝祸根至于改土为流似亦善后长策然 祖宗时平定寰区力屈群雄岂不尽天下土宇而郡县之而不尽然者良有深意譬之蜂蚁令之以类相从亦王者不深治之意改流之说宜令新抚臣王凝议妥以闻

上然之

○工部左侍郎陈一松上< 〇〇〇 铕-金 >乞休不允

○授庶吉张程为礼部主事

○兵部左侍郎汪道昆给假归省许之

○辛卯 上御文华殿讲读

○工科都给事中侯于赵等题会勘泃河事宜自泉河口至大河口五百三十余里内自直河至清河三百余里自来河道无恙无赖于泃断在可已惟是徐吕至直河上下二百余里宜开以避二洪邳河之害约费可一百五十余万金时良城伏石长五百五十丈比原勘多四百七十丈开凿之力难以逆料性义马陵俱限隔河流之处二处既开则丰沛河决必至灌入宜先凿良城石工预修丰沛堤防而后前功可徐议也户部亦覆如科臣言又谓正河有目前之患而泃河非数年不成故治河为急开泃为缓奉旨看侯于赵等所奏与傅希摯原议大不相同傅希摯久历河道他当初若的见岂敢漫兴此役此必该道等官畏工久羁官故难其说阴肆阻挠勘官据其所言谩尔回奏其言先开良城伏石徐议兴工都是搪塞了事之语深负委托今人平居都会说利道害沽名任事及至著落他实干便百计推诿只图优游无事捱日待转谁有视国如家忠谋远虑者似这等人如何靠得他成功济事且泃口之议止欲通漕非欲弃河而不理今他每既说治河即可以兼漕便著他一意治河别工不必再议今后漕粮开兑运误责在漕运舟行梗塞责在河道有旷职废事的都拏来重处管河司道等官都著久任不许升转吏部该科记著

○壬辰先是宣大督抚方逢时等议修本镇边垣并右卫等城工该用银三十七万五千余两户兵二部议以户七兵三节年解发以万历四年起十年讫工至是督臣 < 魏 铨 - 金 > 请预发银两及秋成余买粮米以备兴工兵部乞敕天语叮咛各边大小文武臣工所修边墙务为一劳永逸之计无得止图扼零贼罔裨大举及朝筑暮坏徒费钱粮前辙可鉴后罪何辞则暂费永安端在乎此奉旨银两准给发修边糜费无实节次有旨戒谕工完之日按臣著实核奏你部里若访有前弊亦便指实参论方见大臣体国之忠若止求天语叮咛毕竟何益

○升南京右副都御史赵锦为南京刑部尚书南京刑部右侍郎王宗沐为工部右侍郎

○是日雷击端门鸱尾○癸巳 孝庄睿皇后忌辰遣怀柔伯施光祖致祭 裕陵

○户科都给事中光懋条陈三事一谓户部之边镇钱粮宜今于主客军马民运屯盐抚夷修筑各条例增减沿革之由酌为成数使当事之臣有所考据以便应酬一谓兵部之武选袭替当分别终身世袭存留除革者为简易以便世守一谓刑部之问刑条例除律例简切易晓引用无差者照旧遵行如有含蓄深远当为剖析该括不全当为广推者通行斟酌因事讲求务要文义明悉情罪适均庶鞫断不爽人鲜冤狱 上然之

○升江西瑞州府知府胡同文为广东副使

○甲午 上因兵部条陈驿递事下旨今后官员人等非奉公差许借行勘合非系军务不许擅用金鼓旗号虽系公差人员若轿杠夫马过溢本数者不问是何衙门俱不许应付抚按官故违明旨仍蹈前弊不著实清查的你部里并该科务要指实参治庶

题奏不为虚文疲民得沾实惠若部科相率欺隐朝廷别有所闻定行一体治罪决不轻贷

○暹罗国奏向为东蛮所侵印信勘合业被烧毁求乞更给以便修贡许之

○乙未工科都给事中侯于赵等覆议淮扬地方频年水灾惟在下流壅滞宜通草湾以分河流入海之路开渔沟老黄河以< 硃-金 >淮扬涌激之势浚新洋石< 石达 >诸口以济兴盐垫溺之危筑安东县堤以为水趋该县之备其开浚先后则欲先草湾石< 石达 >而后渔沟度缓急以舒物力俱报可

○升兵部右侍郎吴道直为本部左侍郎巡抚四川右副都御史曾省吾为兵部右侍郎原任兵部右侍郎吴百朋为南京都察院右都御史掌院事

○保定抚臣报是年五月二十六日河间府景州城北天鼓鸣三声有流星二昼隕化为石黑色一重三十七两一重二十七两

明神宗显皇帝实录卷之三十九

明神宗显皇帝实录卷之四十

万历三年七月丁酉朔上亲享 太庙

○户部覆议总督宣大山西方逢时< 硃-金 >酌定三镇贡市马价宣府以一万八千匹为率该银一十二万两大同以一万匹为率该银七万两山西以六千匹为率该银四万两著为定规以使遵守户科都给事中光懋言先年贸市不多经费有数迩来市马渐广市本倍增若不量为节减将来不可收拾举旨这市马既议定额数以后再不许加增

○戊戌 上御文华殿讲读 改巡抚贵州右副都御史罗瑶以原职巡抚四川

○己亥 上视朝

○赏总兵官戚继光银二十两纁丝二表里副总兵史震以下有差论获长秃功也

○庚子 仁孝文皇后忌辰遣武定侯郭大诚致祭 长陵

○礼部左侍郎兼翰林院侍读学士汪鏜以病乞休不允

○辛丑 上御文华殿讲读 礼部覆朝鲜国王李昫奏将国祖李成桂宗系弑逆等被诬情节乞载 世宗皇帝实录及新纂会典为之昭雪许之 起原任四川巡抚右佥都御史严清以原官巡抚贵州

○壬寅赐辅臣及讲官正字官及三品以上鲋鱼

○吏部尚书张瀚三年秩满 上命复职加太子少保

○癸卯赏两广提督殷正茂银三十两纁丝二表里总兵张元勋二十两一表里余文武吏士有差论隆庆五六年前后斩馘倭功也指挥李如桂等以失事著巡按提问

○甲辰 上御文华殿讲读

○乙巳 上视朝

○以原任江南副总兵王尚文充参将分守浙江温处地方

○丁未 上御文华殿讲读毕有顷中官持尚书一帙至微子之命篇用黄纸乙其处以示辅臣言 上于宫中读书日夕有程常二四遍覆背须精熟乃已辅臣及讲官相顾嗟异以为 上好学如此儒生家所不及也

○巡抚大同右佥都御史郑铭奏报本年上半年马步官军数目 升山西左布政董世彦为右副都御史巡抚陕西

○戊申 上御文华殿讲读

○户部按季奏报万历三年六月终止外库实在银共五百四万三千余两

○巡按山西御史崔廷试参山西镇守总兵官刘国贪淫骄纵状宜革任回卫差操奉旨是

○己酉 上视朝

○庚戌 上御文华殿讲读

○辛亥中元节遣泰宁侯陈良弼五人分祭 九陵遂安伯陈澍祭 景皇帝陵寝都指挥佥事蒋克谦祭哀冲太子 庄敬太子坟所

○升陕西按察使刘孝为山西右布政

○以神机营左副将白允中充总兵官镇守山西等处地方

○巡抚保定右佥都御史孙丕扬奏为真保沿边蹊径多属可虞酌议于紫荆等处边口修筑边墙万余丈以隆保障兵部覆奏许之

○壬子巡抚山东都御史李世达劾济南知府隗邦衡诸贪刻状且言邦衡羽翼甚众臣固知之而官箴大坏难以容隐< 隗 毓-金 >入 上褫邦衡职曰抚按官以察吏安民为职有司官贪酷害民法应纠劾彼有何羽翼敢挠公法兹皆不畏朝廷而畏赃官之语今后有如此者令吏部都察院将抚按官一并查究 ○大同抚按郑雒等

< 隗 毓-金 >言本镇王府禄粮岁派山西大同并河东运司共一十八万六百余两自隆庆三年至万历三年止拖欠应支禄粮二十季该银八十余万两今年荒朱贵各宗枵腹乞严行拖欠地方将现在银两那解以济急用又言逋负数多因派于各府州县名为存留遂至延缓不行催徵乞照京边未完事例一体查参从之

○癸丑 上御文华殿讲读是日辅臣张居正感疾不能侍 上遣中官问疾命太医院使徐伟诊视又手封药一裹命中官守候服毕复命

○修理 昭陵事竣遣武清伯李伟奉安 穆宗皇帝 孝懿皇后神位行祭告礼

○升陕西副使王宫用为按察使张大忠为左参政俱本省

○甲寅 成祖文皇帝忌辰遣抚宁侯朱冈致祭 长陵○日讲官丁士美以忧去以经筵展书官修撰王家屏补之 总督蓟辽保定等处兵部左侍郎杨兆题为蓟昌二镇敌台战车俱已竣事请给随台随车军火器具 上命兵仗局盔甲厂戊字库给发仍发兵工二部银五万为本镇制造之用

○改礼部左侍郎兼翰林院侍读学士马自强为吏部左侍郎兼官日讲俱如旧

○以蓟镇石塘岭参将陈勋为神机营左副将

○乙卯辅臣张居正病愈入阁办事有顷中官丘得用传 圣母及 上旨慰劳再三赐银八宝二十两

○总督京营戎政彰武伯杨炳题称神机战兵二营神枢车兵三营军士二枝调发蓟镇防秋应将本年冬衣布花预散各军置办衣装户部覆奏许之

○兵科都给事中等官蔡汝贤< 〇〇〇 铨-金 >言本年六月又当稽查章奏之期通将前后经管抚按名下未完事件逐款稽查计抚按诸臣五十六人未完者共二百四十一事奉旨这事件未完尚多各抚按官本当究治姑从宽且饶这一遭今后著上紧依限完结其贪赃官吏并侵欺钱粮人犯及各重大事情尤属紧要不许止将别项小事凑数注销苟免罪责你每亦不许再为营解扶同废法

○号头指挥李清以私债事与人诘告巡视东城御史王应乾拘清刑责事闻 上以应乾不谙事体镌俸一年仍是兵部覆奏今后三营官军有犯非人命强盗事情必要关白总协大臣及巡视衙门查发参从不许径自勾摄以明职守

○升兵科都给事中蔡汝贤为四川左参政户科左给事中欧阳柏为福建左参议山西道御史王湘为陕西副使贵州道御史黄家棟为浙江佥事山东道御史万一贯为湖广佥事

○丙辰 穆宗英妃魏氏薨为辍讲三日

○监生梁椿延礼部郭子直上林苑监署丞徐继孝锦衣卫千户李如柏等会饮私放火炮声彻大内椿革职如柏等提问子直降边方杂职 上因切责部院言前已有旨令各官属勤修职业不得夜饮今子直等故违明旨放肆如此部院不行访究职守安在于是吏部尚书张瀚礼部尚书万士和等各上状引罪 上乃已

○己未国初粮运自仪真抵淮安谓之里河俱分入五坝转盘黄河谓之外河原不相通后平江伯< 〇〇〇 铨-金 >开清江浦河繇天妃口径通黄河仍设闸以司启闭每岁二月以后粮运过完即将原闸封闭隔绝黄水官民船盘剥如故其后漕规废弛闸不能闭而黄水灌入河臣乃议塞天妃口以杜黄水创开三里新河设通济闸以通淮水其后闸废不修淮水不息黄水盛大淮亦因之高宝湖堤年年冲决盐兴等处岁岁被灾矣至是御史刘光国议以天妃闸地势高于通济淮水淮溢多于黄水谓宜将通济闸及福兴新庄二闸增卑培簿务令高厚坚固仍令清江厂分司专司启闭每五月以后九月以前二水盛发之候严加封闭官民船听其自行转盘惟回空船至每二日启放一次随放随闭不许官民船越规擅进以贻水患从之

○庚申 上御文华殿讲读

○是年五月三十日六月初一日浙江杭嘉宁绍地方海潮滚溢涌高数丈人畜淹没大小战船打坏飘散者不计其数抚臣谢鹏举以闻

○辛酉总督蓟辽侍郎杨兆奏以标下中军参将徐枝补石塘岭副总兵以黄花路

参将蔡勋补标下中军许之

○广东游击暴以平为潮州参将

○壬戌赐辅臣张居正鲋鱼六尾吕调阳四尾讲官申时行等二尾

○以云南都司佾书吴显忠为湖广都司军政掌印

○甲子 昭陵工完叙赏内外效劳官员各有差

○虏酋王台执王杲以献边臣以闻

○升吏科左给事中裴应章为兵科都给事中工科右给事中萧崇业为户科左给事中兵科右给事中秦耀为礼科左给事中户科给事中张孙绳为吏科右给事中礼科给事中李邦佐为户科右给事中

○实授试监察御史陈功秦时吉金阶王晓刘天衢为各道监察御史

○乙丑沈王恬烋为世子埜尧乞选娶继妃礼部覆许之第不给册命冠服及遣官行礼止请敕授封待其进封亲王妃日遣官册封如常例

○选南京太常寺博士王希元行人赵世勋彭应时知县朱东光李冲奎王道成郭四维戴光启徐贞明王蔚推官刘鲁吴汝伦萧彦诸大伦为给事中希元吏科东光鲁户科冲奎汝伦礼科彦大伦世勋兵科道成四维刑科光启贞明工科蔚南京户科应时南京礼科

○取行人董光裕房如式知县刑玠雷嘉祥王民顺李尚嘿傅应魁郑宗学董裕沈
<卍> 亟> 贾如式帅祥乔岩李时成刘应元李祯陈用宾黄应坤陈世宝胡宥唐裔丁元复于应昌林应训推官虞怀忠钱岱敖鲲为各道试监察御史

明神宗显皇帝实录卷之四十

明神宗显皇帝实录卷之四十一

万历三年八月丙寅朔

上御皇极殿传制遣官祭 先师孔子

○大学士张居正题翰林院日讲官王家屏同申时行等轮记注起居翰林院侍读罗万化编纂章奏

○丁卯陕西慧济扯巴寺差番僧八名甘州北关寄住哈密卫都督米儿阿黑麻等十五名俱赴京进贡赐宴赏如例

○以江西铅山把总余胤为云南都司佾书

○戊辰 上亲祭 太社 太稷

○己巳 上御文华殿讲读

○初给各省驿传道专制关防如提学兵备等道事例

○辛未论擒获王杲功 上命械角口羊王杲献俘正法以王台缚送首恶忠顺可嘉加授勋衔二子俱升都督佾事仍赏银币以示优奖总督杨兆巡抚张学颜总兵李成梁等各赏银币有差

○刑科都给事中严用和条奏朝审四事一录招由以求矜疑一齐会审以公鞫讞一戢闲杂以申法禁一审有词以致详慎 上然之

○升陕西副使徐廷绶以患病乞致仕许之

○故隆平侯张桐嫡长男张炳称现守制不便送监习礼吏部为题先准承袭侯服满日入监奉旨勋臣守制既可朝参岂碍习礼仍照旧送监读书

○壬申故延绥巡抚右佥都御史充军张子立男张少简奏为父乞复原职许之仍命今后但系充军及以贪赃为民犯该追夺除名的虽遇恩例复职并不许陈乞封赠给与恤典该科记著

○司礼监传奉 圣旨内库银两缺乏光禄寺银暂取十万来用科都给事中光懋给事中周良寅俱< 硃-金 >言该寺所贮三十三万尚不足支三年之费若一番索取动至十万何以为继乞收回成命浙江道御史朱光宇亦言之 上曰你每说的是该银两偶以缺乏取用后不为例

○升宣府入卫游击苑宗儒为古北口参将原任参将刘楫管理曹家寨游击事山东都司姚天与以游击管理台头营参将事五军营游击李三极以游击管黄花镇参将事

○癸酉 孝康敬皇后忌辰遣新宁伯谭国佐致祭 泰陵

○ 上谕兵部朕方加意武备急在得人今后各抚按官举劾武职到部卿等若的有所知即宜秉公裁酌明开可用可罢之状具实奏闻请旨黜陟毋得避嫌男谤徒狗人言致亏公道

○先是长芦山东二运司有引口盐每关纳过余盐银两听其告指行盐地方发卖相沿已久其后改行阉派口多不便御史晏世口言之乞将二运司行盐地方摘其素< 硃-金 >>通之处均匀搭附听其告指某处即以原附地方附填水程贸易仍将每岁残盐六万引均平搭派部覆如议

○升陕西右参议赵焯为本省副使

○甲戌工科都给事中侯于赵< 硃-金 >言高宝湖堤大坏苏松水久湮宜专委任督理以裨国计巡盐巡抚俱难兼管宜于南京巡江巡仓屯田三差归并一员专管下工部覆如议

○复除原任陕西佥事李之茂为河南按察司佥事调福建右参政宋豫卿为山东左参政

○乙亥户部题覆事干漕务者一给余米以资回南一复抵坝以守良法一报完兑开帮过洪入闸日期以稽迟误一追积欠以杜侵冒惟存亡事故者清查量免一责典守以禁私货宜自监兑主事始一序挨帮以禁搀越一修仓廩以善积贮一改海船以< 硃-金 >河道俱载入议单永为遵守奉旨黄河广阔运船取便越帮利于速进著照近例行余依拟

○给参将管逵干刘葵旗牌各三面督发京营战车二枝轮流赴蓟镇防守从总督京营戎政彰武伯杨炳之请也

○吏部以考察才力不及降原任兵科都给事中张书原任江西道御史苏士润原任河南道御史杨允中原任云南道御史易仿之书泗州判官士润全州判官允中禹州判官仿之广安州判官俱得旨

○丙子 上御文华殿讲读

○以 万寿圣节赐辅臣张居正银五十两四表里吕调阳四十两二表里讲官申时行等五员二十两一表里正字官马继文等二员各十两一表里

○辅臣张居正等请增点阁臣上命举勘任的来看即日居正等推举詹事府掌府事吏部左侍郎兼翰林院学士张四维吏部左侍郎兼翰林院侍读学士马自强詹事府少詹事兼翰林院侍读学士申时行俱资望相应得旨张四维升礼部尚书兼东阁大学士著随元辅等入阁办事内随元辅三字 上亲批注也

○镇守辽东总兵李成梁奏本年上半年本镇兵马见在逃亡之数

○丁丑 上御经筵

○先是总理河道都御史傅希摯言茶城一带运道咽喉频年淤决迄无成功宜自梁山以下挑浚以茶城相为用淤旧则通新而挑旧淤新则通旧而挑新惟筑坝断流通其一以备不虞部覆如议

○河决高邮砀山及邵家口曹家庄韩登家等处总理都御史傅希摯议以高邮决口当亟筑砀山决口当改筑月堤其余三口宜留以为洩水之路工部覆议是不得已而为权宜之术耳安能必三口之不愈决愈深而夺正河耶宜随机相度近河缕堤有当转筑以广容纳或上流有可分杀以减水势皆当从常计议无得因循奉旨是○原任光禄寺少卿袁三接除复原职

○升四川副使杨芷为福建左参政

○戊寅赐辅臣张居正及次辅吕调阳日讲官申时行等五员正字官马继文等二员黄金寿字金八宝黄符各有差

○先是逆番千哈劄哈咱细日雾四族展抢杀阶文等处而阶州山峒谷栗子庄夏后头等族番实与交通至是督总石茂华与副使刘伯燮议以抚赏诱之而分兵密剿以捷闻

○先是虏酋切尽黄台吉等乞于西海地方及嘉谷关外盖寺焚修事下川狭三省督抚勘议礼部覆议各虏已采木兴工而责其改造于五王城势既不能不若因而许之以鼓其修善而杜其嘉谷关外之请盖中国之御夷惟在边关之有备而掳之顺逆又不在于一寺之远近也得旨如礼部议

○四川抚臣曾省吾< 〇〇〇 毓-金 >奉节县儒学宜复建武守御千户所儒学宜创礼部覆奉节人林未甚盛于昔而建武原系荒秽就新荡平设学造士诚用夏变夷之良


法建武当创而奉节可无复也从之

○湖广按臣向程参黄梅知县张维翰违例科派以致部民殴辱乞要坐赃罢黜吏部驳议以谓县令统辖一邑阖境皆其部民律例森严谁能欺侮今黄梅县举人瞿九思误本管知县裁抑过严遂悬牌聚众截围拥毆岂清平之世所宜有哉近日江陵生员辱骂知县生员革戍知县行取今御史独参维翰以快讐人岂以岁贡轻于甲科而举人优于生员耶御史议非是宜重拟九思而别调维翰奉旨卿等说的是近来部民殴辱本管士卒违犯军令皆纪纲凌替之渐今不处治毆官猖乱之人而反归罪县官是何政体张维翰依拟改调向程姑息纵恶颠倒是非且不究著尽法处治具奏

○己卯辅臣张居正题东阁大学士张四维充 实录总裁同知经筵日讲报可

○阶文西固地方与番为邻先年设三守备分地责成而总理于洮岷参将其后番种日繁残害日甚洮岷参将势难遥制三守备事权相等难以调度往往失事总督石茂华巡抚陈省议将阶州守备改设参将即以现任守备师范升游击管理参将事西固文县二守备并三千户所悉听属洮岷参将各换给敕书以便行事兵部覆议从之

○蓟镇督抚侍郎杨兆以三屯营等处城垣修筑不如法参游击边泰刘龙王维藩罪有差奉旨边泰革任行巡按提问刘龙王维藩各罚俸二个月损坏边工照例修补不与廩给

○先是宣大总督方逢时奏讨二镇元年二年那借互市银两共一万九千八百余两又乞从四年起每年解发二镇马价山西一万大同一万二千著为定例兵部议允太仆寺卿胡执礼执奏<  钰-金 >下兵部覆议以为京库积贮诚宜慎节但三镇兑马之例虽节年多寡不同原皆仰给于太仆寺自互市之后向不请兑则酌发价值以助市本移彼于此未为过也必欲责其年年那借以了市事设临时无措将安藉乎还应照近题事理给发但不许例外再行奏讨别镇互相援比耳 上从兵部议

○朝鲜国王李昫差陪臣赍表及方物入贺万寿圣节赐宴待如例

○升兵部郎中董汝汉为四川副使

○

○辛巳 上视朝

○壬午 万寿圣节 上御皇极殿百官行庆贺礼

○癸未升国子监祭酒王锡爵为詹事府少詹事兼翰林院侍读学士署掌本府印信仍侍讲经筵充 实录副总裁

○安南都通使莫茂洽遣使入贡

○甲申升广东副使王玺为湖广右参政

○乙酉上御文华殿讲读

○以神枢营兵备坐营指挥僉事田承爵为五军九营游击

○丙戌 上御文华殿讲读

○朵颜等卫都督长昂等差夷目一百一十七员名以 万寿圣节入贡蓟镇抚臣以闻

○琉球入贡

○升刑部郎中林如楚为广东副使提督学政

○丁亥 宪宗纯皇帝忌辰遣新建伯王正亿致祭 茂陵

○戊子 上视朝赐辅臣讲官正字官各衙门三品以上官杨梅

○赏蓟镇巡抚张学颜总兵官李成梁银二十两郭梦徵十五两论是春虏犯长勇等处却虏功也以失律提问者指挥等官刘三顾等四十一员

○以宣府保安守备朱士元为山东都司军政僉书江西万守备余栋为福建军政都司僉书

○山西巡按御史崔廷试条议谓山西一镇国初特重偏老设以总兵岁发平阳潞安太原班军修守自总兵移镇宁武班军从之偏老百役专累营军士气疲困不堪备御宜将平阳潞安二卫存留班军各拨一千二百名轮戍偏老修工而营军专全团练御敌兵部覆议谓近日按臣贺一桂有总还镇偏关之议议中及亦班军行勘未报今宜通行督抚议妥回奏尚有禁词讼以息科罚议战守以破常套二议俱覆允

○修理 孝陵殿庀工竣遣侯吴继爵尚书刘应节祭告拜谢 后土司工之神

○淮扬凤徐四府州所属大水灾户部覆抚按奏将本年夏季税粮存留者照例蠲免系起运者暂准停徵其三年应运漕粮再准改折一年各卫屯粮亦视灾重轻照例折处其巡抚巡按巡盐当年赃罚及徐州口兑银两准留支以备賑恤报可

○己丑 上御文华殿讲读

○升四川游击陈世忠为云南分守临安等处参将

○庚寅 上御文华殿讲读

○总督三边右都御史石茂华籍奏固原镇万历二年主客兵马合用民屯盐易等项钱粮之数

○以安乡伯张纘掌前军都督府事

○复除福建布政司右参政梁问孟为四川右参政

○达司蛮长官司遣使入贡赐钞币如例

○论隆庆六年琼州地方倭贼陷乐会文昌二县失事罪署印教谕邓万革职千百户张孔教等提问

○辛卯 上视朝

○论征剿潮州剧贼诸良宝等功次参政刘隐升俸一级游击等官陈璘等各升赏有差参政李成立以失事论戍

○论陷电白县及锦囊所失事罪掌所印侯安邦论斩电白知县蒋晓参将黑孟阳戍指挥范震李日乔等罪各有差○博峪等族番人阿鹅等入贡

○壬辰 上御文华殿讲读

○调原任广西佥事霍与瑕为江西佥事

○会稽人倪策营顶祠祭司直柜吏员缺仍与张朝等伪用本司印信事觉倪策论监候处决张朝枷号余党有差 上切责这奸徒诈伪不止一次该司官如何通不觉查且吏役不由吏部拨送径以棍徒私准顶替明系纵之为奸著礼部通查前经管司官职名来看

○广西按察使魏文焮乞终养许之

○甲午 上御午门云楼受辽东守臣所献逆酋王杲俘百官称贺毕 上谓辅臣张居正曰此皆先生运筹之功因起入楼中观 成祖所持矛复循城东行凭垣俯视内阁顾瞻良久乃还宫

○以辽东车营游击赵应昌为宁远左参将

○改户部右侍郎孙应鳌为礼部右侍郎管国子监祭酒事

明神宗显皇帝实录卷之四十一

明神宗显皇帝实录卷之四十二

万历三年九月丙申朔

上御皇极殿受礼部进 郊 庙等祀日册

○贵州右参政吴椿为广西按察使

○丁酉 上御经筵

○刑科都给事中严用和为大业方隆恳 圣明益懋时几以保久安长治 上答以儆戒忧勤未尝一时自懈尔大小臣工亦宜精勤职业共保无虞

○宴朵颜等卫朝贺夷目阿里麻等以彰武伯杨炳待宴

○以辽东都司佥书李汝谦充辽东广宁正安堡车营游击

○以宣府龙门所守备王弼充山西老营堡游击○南京给事中杨节等查盘内水运库失银一千一百二十七两审系前掌奉御靳成所盗今已谋差赴京杨节等上其事得旨靳成等著南京刑部提问

○戊戌 上视朝

○原任兵部右侍郎升南京都察院右都御史吴百朋以病辞不允 山东抚按会奏郟城费县二县知县员缺宜以东平州同知杨果判官赵蛟各掇管印务但以其出身都吏较士宜别委部覆得旨朝廷设官本以为民杨果赵蛟既才堪治民便可升做两县知县何必以资格拘之今后各冲疲地方正官著抚按官选才保举照这例行

○以云南副使陈洙为贵州右参政

○吏部右侍郎何维柏条上飭励群工慎修八事一专责成以核实政凡论量百官必先专责内外长吏以考核属官为首政以当否多寡为殿最各官考语下长吏姓名以备稽考连坐一广辟荐以弘大公凡在京在外各衙门长吏详核各属上考中考下考职

掌事迹遇有重大员缺即于上考内叙用其循资迁补于称职内叙用一慎升擢以怀永图自开纳途广渔猎弊滋宜酌议加之遥授益以添注畀以内外散秩遥授者照阶优免添注者考满无过亦得赐恩一议调谪以励进修凡降谪官员只论事务烦简不得通谪偏远以遐方为惠奸之所一严追治以警贪酷凡守令赃私显著者将所犯赃私追并押发各边自行输纳完日回籍为民而官吏因受人才及法外用刑增减人重罪至罪死者坐以死罪庶诛求息而刑罚可平一均要职以通湮塞凡条陈地方军民利害科道是也采访文武贤否人才吏兵二曹是也今铨选科道吏兵曹属每省多者三四人少可一二人吏部酌议添设主事二三员以充各省一人之数庶备员弘遍而稽仿易周一重王官以责职守宜遵嘉靖八年大学士杨一清题将王府长史等官考满俱许序迁庶进取之途开而辅相之权重矣一集众思以一政体凡重大机务可宜民经久者逐一条为问目责令各衙门长佐庶属传考宪典虚心拟议择可行者曩进辅臣辅臣择其可者下各衙门长佐互订集议具报施行在外抚按藩臬郡邑诸臣照款集停妥具报部院部院□确揭进辅臣参酌至当著为申令俾永遵守部覆如议惟均要职重王官集众思三款宜依旧制从之

○先是应安宁太苏松等府州县各有弓兵民壮前年查扣工食济边至是应安以江防增兵苏松以海防增兵操江及抚按各具〈□□ 疏-金〉请留民壮银饷部覆此银出均徭无存留之理但江防缺饷姑准于民壮银内动支九千三百六十两苏松近报灾伤将民壮银内动支一万二千六百一十二两余尽数角□羊部得旨卿等说的是但今江海防守紧急这扣角□羊民壮银两自万历四年为始姑准照数扣留三年接济军饷其以前拖欠及以后年分俱照旧依限徵角□羊不许曲徇势豪请托致亏国计

○革国子监学录郑浚为民苏州府同知刘介龄降俸一级以浚假借勘合介龄挂号也

○己亥 上御文华殿讲读

○时苏松常镇水灾异常抚按具〈□□ 疏-金〉要将太仓华亭上海常熟嘉定丹徒丹阳七州县将漕粮改折并减免应徵钱粮改折三分从之

○优恤辽东被水淹没人家及修理台墙军夫并辽左二十五卫屯粮照例折解

○万历四年大统历成十月朔日奏进

○礼部奏伪造印信吏倪策系升任郎中倪象坤收役得旨王象坤姑以迁官事发免究今后你每务要严督司属除革奸弊以称朕励精图治之意毋得曲徇私情致坏法纪

○准成造象牙雕刻圣济殿御药房关防传取太医院药材

○以湖广都司军政僉书刘大勋为四川行都司掌印管事 给镇守云南黔国公沐冒祚敕谕仍行该省司府等官一应事体俱照旧规毋得再行紊乱

○巡抚云南都御史王凝奏广南府土舍依文举差兵头季成俸等将贼首擒献正

罪余党尚蓄疑心乞开一面之网恕胁从之罪章下兵部

○南京工部尚书刘应节等上〈○足 毓-金〉言海运之难以放洋之险覆溺之虑耳今欲去此二患惟繆州以北杨家圈以南计地约一百六十里其应挑浚者不过百里非有高山长坂之隔也宜因山东班军一枝屯驻繆州者合附近该营起军数千度地分工量工命日以实心任事大臣一员董之可成不世之功部覆原议闻见既真筹画又熟若以他臣督之恐议非己出别生异见宜专敕一道付本官专诣胶州相度经营并未尽事宜悉听便宜行事得旨这繆莱河议节经行勘俱为浮议所阻刘应节等既的有所见不必覆见就著徐枻改工部右侍郎兼都察院右佥都御史会同山东抚按官将开浚事宜一一计处停当具奏来行朝廷屡议开河止为通漕与治河事务不相干涉再有造言阻挠的拏来重处

○庚子以山西副使胡维新调云南副使提调学政

○予原任兵部尚书霍冀炤例祭葬

○辛丑刑科都给事中严用和劾刑部尚书王之诰奉母归家已久赴阙互任无期宜准其致仕养亲之诰亦求终养许之

○兵部覆两广提督广东巡按福建巡按会题南〈○彳 粤〉设镇事宜在广则裁东路参将而以柘林水寨船四十五只属之在闽以铜山游船四十只属之共兵三千五百一名更条为供亿事权信地应援月粮屯田官兵数议上之奉旨南〈○彳 粤〉据漳泉要害依拟设官建镇以便防守但创建之初事须审虑其中应议事宜著两广总督福建巡抚一一计处停当务令经久可行副总兵推练习海上事务有勇的去做

○壬寅 上御文华殿讲读

○以浙江副使许守谦调山西副使清军驿传兼理盐法

○抚治郟阳都御史王世贞具〈○足 毓-金〉申明屯政要通行陕西之□汉河南之南阳一体清查其三省屯田守巡该道有所建明通取抚治及抚按清军举劾部覆如议从之

○准浙江海盐县改折本色钱粮其存留钱粮与平湖海宁定海照例分别蠲免浙东鄞县山阴等县听抚按衙门从宜拨派以海潮灾故

○提督操江都御史何宽奏京城内外原设三大营以习陆战又设新江口营挑选官军一万五千人驾船三百只以习水战今江营兵仅五千二百占役过半战船仅四十只比原额甚远乞行南京兵部会同将本营额数中有丁者行卫取补改差者勒归

○营为事者收复老弱者选补逃故者清勾若一时难以复旧请量分三营之军以益江操使习水战部覆除有丁取补听其径行外三营之军应否量分江营宜移咨南京兵部同操江会议停当具奏以凭议覆得旨是

○兵部奏复巡抚应天府都御史宋仪望会同巡按御史邵陞条议防倭善后事宜一增设游兵以定邀击一定船〈○舟宗〉以便调遣一联陆兵以防流突一核军储以

时支給一定举劾以示劝惩一广资格以需将材一联浙直以定合剿一严乡甲以固人心俱依拟行

○内承运库太监崔敏等奏急缺段疋工部议覆行应天等处抚按官动支无碍官银令有司织造九万七千九百有奇南京湖广等道御史陈堂等上〈○足 毓-金〉曰昔人有言天地生财止有此数不在官则在民未有无碍官银之说无碍之说起于贪墨之吏摻括公帑以充之摻括必加渔猎渔猎必加科派科派必加捶楚此岂 陛下所乐闻兹者每疋估价银一十二两零应天一府计一十二万两则各处该银一百二十三万矣臣谓科派无辜之百姓不如取足逋负之顽民查浙江苏州等处拖欠应进京库金花银共计一百六十余万又查各抚按赃罚银两有二三年全不解部者除二分备赈四分济边四分系工部额数此固户部数所本无又系工部所自出者也至金花银两以上用之岁银供上用之段疋不必解部通融织造可无议及加派矣奉旨这段疋以备供用赏赐必不可缺的著照前旨陆续解运本内说纒丝罗每疋该价银十二两其实解进的都粗糙不堪不值原价三分之一且不分轻重一例重估中必有冒破情弊工部看了来说

○癸卯以巡抚广西地方兵部右侍郎兼都察院右佥都御史郭应聘为户部右侍郎

○夺云南临元道右参政张谐金事萧九成俸三个月澂江府知府徐可久著巡按御史提问以罪囚脱狱故

○甲辰 上视朝

○以原任广西副使周大器补浙江副使备兵温处

○以江北运粮把总韦国祯升湖广都司军政金书

○兵部覆抚治郟阳都御史王国祯条陈地方职守事宜一谓千百户所镇抚推升即是守备越于指挥之上不无速化之嫌宜与指挥体统行事割付量委军政再荐方以各卫掌印金书管屯巡捕坐名〈○足 毓-金〉叙署指挥金书俟其成绩举荐擢用一施州卫军民指挥使司所属俱父故子继不赴部承袭宜令土司应袭自文书到日限一年以里告卫请详保送赴部承袭领文回司方许冠带掌印管事从之

○旧制中都山东河南官军以春秋二班上操脱逃者初犯二犯捆打三犯则调别卫正嘉以后拨以修工军苦应役往往不依期至或径不至乃议迟一月者罚工十日银四钱不到者追月粮三两六钱解部募用其后更加以额外之征军益逃脱中都尤甚自嘉靖四十三年起积欠工银至五十万余加以连年灾伤无可追还凤阳巡抚张翀巡按舒鳌乃会奏额外工价乞尽数蠲除以后应轮班军每班五十人立一队长五人立一伍长皆以身家殷实者充补如有逃脱与领班官一体究罪各军三犯者不必罚工往调边卫示惩奉旨如议行

○蓟州三屯营地震如雷

○丙午 上御文华殿讲读

○以广东惠潮参将白翰纪充潮漳副总兵○丁未 上御经筵

○先时广西忠州原隶思明府因历年讐杀议改直隶布政司土官黄贤相遂恣肆作孽为害地方提督两广殷正茂具奏忠州宜就近政属南宁府庶便制驭部覆如议行

○赏给朵颜等卫夷人阿里麻等其在卫都督官长昂等二员加赐彩段绢疋仍给敕书二道

○戊申加辽东总兵李成梁升职一级巡抚张学颜赏银二十两各将领赏赉有差以招过降夷并回乡人口也

○以广东路参将吴京督理广州海防南头参将

○初代恭王廷琦有三庶子长鼐铉自为当立后生世子鼐铉听奸人为咒咀魔法世子果暴死弟鼐匀亦贪淫不法欲发兄罪而夺之王贿乔继文奏之法司据实以闻奉旨鼐铉听奸人肆为凶恶背违祖训着革去冠服戴平头巾戴罪管事每年姑给禄米三分之一五年之后果能悔过自新著抚按官奏请定夺若稔恶不悛并前罪一并处治鼐匀革去禄米一半其助恶奸徒发成烟瘴遇赦不宥

○庚戌以山东登州府莱阳县县丞朱希诏为□河县知县从部覆巡抚持荐其廉正耿介不避权势也

○辛亥 上视朝

○壬子 上御文华殿讲读

○免徵保定河间所属安州等六州县本年存留银以地亩水淹也

○癸丑

上御文华殿讲读

○以少保兼太子太保兵部尚书王崇古改刑部尚书

○以应天府府尹吴文华巡抚广西都察院右副都御史

○减免长沙荆州等府被灾地方钱粮有差仍将徵积谷赈济

○工部覆御史陈堂奏称纒丝纱罗等件每疋以十二两为度语大略耳若论实价则多者七八两少者仅三四两仍言拖欠金花系户部职掌难以议留惟抚按衙门应解本部四分赃罚堪以动支如或不敷暂于应天府事收贮南京芦课银两内借一万两凑用不许额外加派奉旨还会同户部议处来说

○乙卯 上御文华殿讲读

○兵部尚书少保兼太子太保王崇古以老病求去位不允

○丙辰 上御文华殿讲读 以南京工部尚书刘应节改兵部尚书协理戎政

○礼科都给事中朱南雍劾礼部尚书万士和衰懦宜令去位<□□足 毓-金 >下吏部

○丁巳上御经筵

○以四川按察司副使董汝汉调陕西按察司副使

○石塘岭副总兵陈勋面见 上嫌其致词声不响亮著革任回卫

○戊午 上视朝

○京师地震礼部请百官素服三日视事○礼部尚书万士和求乞致仕准驰驿去

○户部覆大同巡抚都御史郑雒咨称修工军士劳苦陈粮耗折要将积陈粮料通候冬春借放主客兵马食用扣银买补则修工既无所病而陈粮又有所处乞移咨总督仓场割付银库将库贮银内动支四万两送该镇交割仍咨督抚趁时收买备用从之

○御马监太监陈辅奏 圣驾 郊裡在迩本监马匹老损乞要太仆寺选骟马三千匹送监备用兵科给事中裴应章上 < 疏 疏 > 言该监以孳养马匹为职每年各处有进贡马匹又有饲秣草豆无虑二十万金乃乘輿将出遂称无马则隆庆元年所进三千匹皆倒损乎若马不足则钱粮不免侵欺若马足则今日不宜滥讨宜差巡青科道官会同该监将本监马匹草料从实查明进贡马匹通行知会得旨该监奏讨马匹准给一半免行清查○户科左给事中萧崇业奏驿递事宜奉旨朕念四方驿递疲弊小民困苦至极故特允部议申明 祖制虽于私情不便实于民困有苏科道官朝廷耳目以通达民隐振饬法纪为职既知有欺罔假借情弊便当指实参奏乃容隐不言反欲抑法私情以从私便妄谓朝廷不体群臣又说南京科道赴任不便自该部议行之后言不便者岂独科道为然驿递以奉将王命飞报岂为迎送科道而设萧崇业党比徇私抗违明旨本当重治姑从轻罚俸半年今后勘合凡系公差人役俱实填职名不许假借

○己未 上御文华殿讲读

○以原任山西副使秦可大调四川副使备兵建昌

○以光禄寺卿陈绛为顺天府府尹

○太常寺题十月初二日

孝絜肃皇后忌辰遣彭城伯张熊行礼

○赐四川巡抚曾省吾银二十两纁丝二表里建昌兵备道杨芷行都司掌印颜寿指挥徐韶文等升赏有差以行都司城下擒斩安文等功也

○

○庚申 上御文华殿讲读

○以刑部右侍郎翁大立为南京工部尚书

○以礼部左侍郎汪鏜署掌本部尚书事

○以南京后军都督府佥事史纲充神机营左副将

○四川左布政使邹光祚乞归许之

○户部覆题加增延绥主兵年例银五万两增入该镇内以为定规从之

○革河间游击刘国宾等回卫差操守备唐继武等俱一体究治问罪以台头营新建台座被两坍塌责令其赔功修筑也

○巡抚顺天都御史宋仪望奏镇江一府官民田地照亩起科各有原额至其瘦田

荒田芦地草厂之地及新垦荡田共折实在田地八千四百七十二顷九十九亩二分凡昔时奸民巧立名色诡避粮差者悉裁革均为一则< 〇〇〇 铨-金 >下户部

○安南遣使来朝进贡

○南京

祖陵被风雨损坏坍塌著本处官修理

○以大同入卫游击朱瀚加衔参将管宣大总督标下左翼兵马

○以京营游击尤继先调补大同入卫游击

○甲子升日讲官吏部左侍郎兼翰林院侍读学士马自强为礼部尚书兼翰林院学士仍充纂修副总裁经筵讲官初 上意仍欲兼日讲辅臣居正等部事烦重恐难兼理乃止

○以太仆寺卿胡执礼改光禄寺卿

○以原任广东左参议郭良辅云南佥事以陕西右布政袁随为四川布政司左布政

○以原任大同总兵马芳为前军都督府佥书管事 以原任四川总兵郭成为南京后军都督府佥书管府事

○四川抚按官曾省吾等奏改板桥巡简司移两河口地方另选把总一员领兵二百名协同防范部覆如议行

明神宗显皇帝实录卷之四十二

明神宗显皇帝实录卷之四十三

万历三年十月乙丑朔

上御皇极殿颁万历四年大统历是日亲享 太庙

○工部修造 郊坛执事人员祭服付太常收贮至期颁领以 大祀在迩故

○丙寅经筵免

○吏部覆题广东宜以副使一员巡视海道驻劄东莞南头城平时则操练稽察有事督兵出海剿捕即以本省副使刘经纬调补从之

○升江西按察使阴武卿为陕西右布政

○礼科左给事中陈耀劾新推顺天府尹陈绛庸老状< 〇〇〇 铨-金 >下吏部覆允致仕○蓟辽总督杨兆顺天巡抚王一鹗题蓟昌二镇预计万历三年秋季起至万历四年夏季止应补倒死马匹乞照上年事规给发等马价银兵部覆允命太仆寺于寄养马内调取一千匹委官兑给再于库贮马价银内动支一万八千两差官角□羊送本镇预赴宣镇收买膘壮以备给补

○命太仆寺于库贮马价银内动支一万八千两角□羊送宣镇补该镇那借别项之数酌从总督方逢时请也

○丁卯京师地震诏百官修省三日

○戊辰 上御文华殿讲读

○赐辅臣及日讲官三品以上官鲜藕

○初云南临安地方依寇猖獗巡抚邹应龙两遭败衄其后复以致仕径离地方依贼乘之益肆冲劫兵科臣裴应章论应龙误国状章下令云南按臣勘报彼中回奏为应龙未减部覆再勘 上切责你每既说邹应龙两次僨事损伤威重该科及巡按御史又劾他擅离信地前后所奏应龙情罪已明如何曲为回护再行查勘著革去原任为民又近来云贵各土夷地方屡因小衅辄起兵端皆由各有司官贪污朘索骚动夷情抚镇官抚驭失宜要功生事以致祸结兵连反费朝廷处置今后再有这等的你部里并该科参来处治

○巡抚延绥右副都御史张守中称疾乞致仕部覆谓守中非真疾此非因避劳目爰即以资格自尽宜勿许 上从之

○以江西右参政何子寿为按察使以常州府知府施观民为广东副使

○

上以今岁初行 郊礼暂兑行刑两京各省罪犯一体停决

○己巳 上御文华殿读讲

○升吏部右侍郎何维柏为本部左侍郎改刑部右侍郎陈炯为吏部右侍郎升总督漕运巡抚凤阳地方兵部右侍郎王宗沐为刑部左侍郎

○升福建副使陶幼学为江西右参政

○以浙江运粮把总指挥佥事高忱为云南都司佥书以上江运粮把总指挥使程克清为贵州都司佥书

○庚午 穆庙英妃魏氏以是下葬免朝

○辽东以虏警闻上用兵部言命蓟辽总督杨兆巡抚张学颜王一鹗总兵李成梁戚继光等督率将吏用心防守在蓟镇专以固守为主辽东则先坚壁清野而后言战无得观望退缩致有疏虞

○吏部右侍郎何维柏< 疏 >言近来开纳途广干进门多不论行简止较钱币清时举动溷若市肆公家凭檄眇如质券使奚往傍通正途淹室白手攘先积劳踈后且此曹始之所输终之所得大略相当至其倚法虐下所入何啻十倍朝廷负鬻贷之名下民罹克剥之苦经国若此非计之得也即云岁需为急未能遽议罢亦宜姑就今例再行酌议加以遥授益以添注畀以散秩不授以亲民之职且口国不在歛财而在节用乞敕所司通核天下周年岁需度支实数通融会计以定经制章下户部谓岁费不支全赖开纳接济未易经议 上竟是户部言

○南京织染局事右监丞刘佐等行南京法司提问以织造不如法故

○以翰林院编修沈一贯充经筵日讲官

○辛未 上御文华殿讲读是日御书一德衷和四字赐大学士张四维

○改南京太仆寺卿王之垣为太仆寺卿以听调原任巡抚甘肃右佥都御史廖逢节为南京太仆寺少卿

○壬申 上御文华殿讲读

○兵部覆陕西总督石茂华条陈该镇虜市事宜谓以甘镇河西之虜责之远赴宁夏诚不胜奔命之苦宜即于甘镇边外择离内地远处置立夷厂令西海丙兔部落每年赴彼互市一次松山宾兔一枝亦许岁庄浪小市一次凡开市期务要与延宁同时并开以杜影射仍传谕丙兔各酋务要严速部落恪守法度开市之日该镇督抚严督将领多方防范费用有经勿堕狡计奉旨依议行

○顺义王俺答遣使进鞍马弓矢等物

○河间沧州所属天津等处大雨水灾户部覆允抚臣所请于存留粮内分别蠲豁其起运之数不许混免

○山西巡抚沈应时题山西屯田金事既已裁革屯政事务著落守巡兵备各道分催然提纲挈领尚缺总会之官布政司粮储道事务颇简乞行责成带管总理一切会计完欠查参造册悉以委之户部覆报可

○升山东布政司右参政管理永平兵备宋可约巡抚延绥等处地方赞理军务

○升提督操江南京右副都御史何宽为工部右侍郎

○升江西布政司右参议沈淮为福建按察司副使

○应天抚臣宋仪望题荐原任太常寺卿袁洪愈原任南京国子监祭酒姜宝宜及时录用吏部以洪愈已覆允候用而宝罢官之后未经昭雪遽尔推用无以厌服人心宜再行勘奏以凭覆议奉旨是

○定西侯蒋祐病故与余葬如例

○癸酉 上视朝

○兵部奏言岁节将临人情易纵宜敕各边镇守总兵等官不恣肆宴乐怠弛守备及轻出围猎堕贼奸计奉旨是

○工部屯田司以修理 康陵告竣本内开有文册一本奉旨这本说工完造册奏缴如何又不见文册著回话来于是工科都给事中侯于赵等上言凡一应兴作告完大者请旨盘查小者造册送科备照此旧套也我 皇上天性恭俭留神财用不欲止袭旧套臣等不胜欣跃因反覆思惟京都修营岁无虚日一岁费用何啻数十万计臣下用财而 主上不知不但假公营私者何惮不为即皇上或惩前鉴后欲省费而中止如汉文之惜露台者道亦无由也今后一工告完用过数目造册送科备照外另具简明揭帖进呈御览奉旨是

○以大理寺右少卿何起鸣为南京太仆寺卿 甲戌升镇守宣府总兵官左军都督府都督同知雷龙为右都督仍旧镇守 上以雷龙九年边镇屡效劳绩仍赏大红纁丝蟒衣一袭

○升授顺义王俺答进马效劳诸夷目指挥千百户等职有差

○工部回话大约如科臣具册送科备照之言谓于计开文册之下少书送科二字以致 明旨诘问惶恐请罪奉旨昨奏原未开具用过物料银两数目亦无计开送科文册事体这本通属支吾堂上官姑不究该司官罚俸三个月今后一应修理工完随具揭帖进览工程重大的著照前旨题请差官盘查不许沿沿袭旧套朦胧冒费 升广西左布政程嗣功为应天府尹

○以刑部郎中王好问为江西右参议河南副使陈万言为山东副使整饬永平兵备

○应天府丞雷稽古乞养病回籍许之

○乙亥升通政司通政王篆为南京右佥都御史提督操江升大理寺左寺丞石星为本寺右少卿

○丙子 上御文华殿讲读

○太常寺奏 孝肃皇后神主奉迁 陵殿之后每遇忌辰免奏祭祀今 孝烈皇后 孝恪皇后事体实与相同奉旨免奏祭祀

○顺义王俺答遣夷使乞佛像经文蟒段等物所盖城寺乞赐城名镇臣以闻部覆谓俺答恪守盟约禁戢部落迄今五载劳委可嘉所请勿拒也 上然之赐城名归化佛经佛像许该镇量写铸给与仍加赏俺答银三十两大红纁丝蟒衣一袭彩段八表里以后若能约束部落益坚诚顺每五年加赏一次

○山西汾州守备王应爵为都司佥书

○升广西右布政高察为左布政

○以尚宝司卿陆树德为应天府丞

○以陕西右参议姜继曾为河南副使驻劄大名

○丁丑 上视朝

○以翰林院修撰赵志皋田一俊充编纂章奏官日讲官沈一贯与同申时行等记注起居

○升大理寺右寺丞王时举为本寺左寺丞 以提督四夷馆太常寺少卿孙鑰为通政司右通政

○戊寅 上御文华殿讲读

○初兵部郎中熊秉元所陈四事一足兵食以保孤悬一均道属以便控制一并将领以全兵制一处班军以济实用行陕西总督石茂华勘奏议上兵部覆奏惟班军一议谓西安班军宜选为两班成守潼关蒲州二卫离边不远亦应照旧上班以助工役南阳等卫军夫脆弱且不依期赴边宜徵银角□羊银以资修守如郎中议其均道属及并将领二议督抚称不便宜仍旧其足兵食一议部覆亦与镇议今额兵八万有奇马兵四万有奇募补不失原额而已 上从部议

○论万历二年贼入惠潮清澜所失事罪千户丁其运监候处决

○以尚宝司少卿王樵为尚宝司卿福建按察使李凤为广西右布政四川佥事张思忠为陕西右参议

○己卯修理 郊坛事竣内外官员有劳者各赏银币有差

○两广提督殷正茂论参将梁守愚泄漏军机受财卖贼状奉旨梁守愚革任提问

○岷州卫地震

○庚辰 上视朝

○升光禄寺丞岳相为光禄寺少卿

○调原任山东佥事□□土□□敬为四川佥事

○户科都给事中光懋吏科给事中李盛春俱< 〇〇〇 毓-金 >论原任南京国子监祭酒姜宝受贿有状抚臣不当妄荐< 〇〇〇 毓-金 >下吏部

○以尚宝司丞张孟男为尚宝司卿

○升福建右参政徐中行为福建按察使

○辛巳 上御文华殿讲读

○是日命中官持论语讲章指其中所引南容三复白圭一语出问辅臣白圭何诗也辅臣张居正具以诗旨对中官领以复 上之究心文学如此赐辅臣张居正貂皮六张吕调阳张四维各四张讲官申时行等各三张

○礼部题本年十一月十一日 圣驾亲祀 圜丘及冬至称贺 大祀庆成及次日钦宴勋戚文武百官及外国夷使一应合行礼仪

○陕西起送崔工迷力二族番人四川起送金川寺演化禅师俱差人入贡赐钞绢如例

○以浙江军门右营游击陈典为广东分守参将

○壬午 诚孝昭皇后忌辰遣襄城伯李应辰致祭 献陵

○总理河道傅希势议上江南河道及山东泉源二事要将江南运河归并水利御史就近统管兖州泉务归并该府管河同知仍将清军同知除去管泉字样部覆从之

○以贵州按察司副使方邦庆为福建布政司右参政

○癸未 上视朝

○是日补赐旧讲官礼部尚书兼翰林院学士马自强正己率属大书一幅责难陈善大书一幅讲官王家屏沈一贯责难陈善大书各一幅正字官何初敬畏大书一幅

○直隶巡按御史暴孟奇张宪翔等各一本奏报审决重囚事乃万历二年十一月奏进者 上览而怪之曰今此直隶巡按非孟奇宪翔矣何奏本仍是二臣名又中间月日差谬何也命文书官持< 〇〇〇 毓-金 >到内阁问其所以少顷辅臣张居正等入侍奉事

上又面询之曰今年已有旨免刑何真定巡按又报决囚且本后称万历二年十一

子监肄业并不许假借名色告回原籍赴部会试者除监满拨历外其余必由两监起文方许会试从祭酒孙应鳌之请也

○戊子工部左侍郎陈一松乞回籍葬母许之

○定南京编审铺行之期以五年一次为例

○陕西柏林七占等族番人刺卜等他笼哈古等族番人恼秀等各遣人入贡赏给如例

○定各省御史出差期限往回一体遵守以辞朝交代之日为始违者从实参奏用左都御史陈瓚请也

○己丑 上御文华殿讲读

○内官监掌印司礼张宏奏称成造 宗庙等处供应物料急缺要将奉诏停止原有抽分竹木板枋照先年旧例运济造办工部查奏前项原系南京龙江关芜湖厂抽解至隆庆元年 穆宗皇帝明诏悉皆停止天下仰颂 先帝俭德今该监以物料不敷要行催复相应酌处遵照先年诏旨仍旧停革奉旨是

○吏部题查报原任国子监祭酒姜宝改行应天巡按以科臣言仍委抚臣恐有扶同故

○岷州地震自是日至十八日震百余次是日洮州亦震

○庚寅 上视朝

○户部尚书王国光题为归并职掌以一法守以便责成议欲以北直隶府州卫归并于福建司南直隶府州卫归于四川司各边中外并之山东司临德诸仓并之云南司御马象房二十四马房仓归于广西司崇文许墅河西临清各关税归于贵州司一方同司一事专管则总核者有所责成承行者庶无推诿可久之规也奉旨这各司职务既分属明白都依拟著永为遵守你每堂上官还要精核责成毋容怠玩旷职

○泰宁等三卫夷人右都督等官只见挨等差头目入京补贺 万寿圣节及万历二年长至令节给赏如例

○尚宝司少卿徐琨九年考满升尚宝司卿加从四品服俸

○升吏部文选郎中方九功为提督四夷馆太常寺少卿

○辛卯兵部奏覆总督京营彰武伯杨炳题称山东中都二都司各卫所掌印劊付官员完军少军数目分别奖罚奉旨是

○吏部覆直隶巡按陈文衡论劾冀北兵备右参议张希稷照不及例降调奉旨陈文衡所论张希稷俱贪酷事迹如何又说重加降调凡官员才力不及的方行改调若贪酷者得调何以示惩张希稷革任著巡抚衙门从实查勘具奏今后各抚按官有论劾不合的你部里务见行事例一并参究

○兵部奏朵颜卫头目莽吉泰宁卫头目卜巷各有进马传报之劳加升都指挥僉事给与敕书令回卫管束部落得旨

○礼部题繁昌王祐芳过恶多端宜与劣谥得旨

○壬辰南京都察院右都御史何宽议以巡江巡仓屯田三差惟仓差事体稍简以仓并屯委不相访割屯田所带漕粮摘付上江御史其苏松水利另给敕印御史一员钦遵行事工部覆允

○兵科给事中萧彦上言治河大约言近日诸议俱在徐邳以下于上流似未之及但以运道为急不以淮泗为念宜令河道大臣带同熟于河道司属二三人下沿淮安上溯潼关逐日相视孰可分其流孰可杀其势计画停妥贴图立说具奏施行工部覆如议

○太监张宏奏请差内官一员抽分真定木税都给事中侯于赵御史赵焕交章执奏工部亦言只宜行易州主事照前兼管 上命于内官中选廉慎的去如贪肆不法参来重

○甲午 上御文华殿讲读

○调正安堡游击赵应期为宁远参将金州守备李汝谦为正堡游击镇臣张学颜以人地相宜< 踰 毓-金 > 题以应期参将留原任李汝谦以游击调宁远参将得旨以临淮侯李庭竹嫡长男李言恭承袭祖爵

○以冬至节遣泰宁侯陈良弼等五员分祭 九陵

○遣惠安伯张元善致祭 恭仁康定景皇帝陵寝都指挥蒋克谦祭 哀冲太子庄敬太子坟所

○礼部题会典所载凡文武每遇筵宴四品以上官文东武西各照品级上殿侍坐此定制也但查有正统年间庆成宴翰林院侍讲曹鼐系六品例该丹墀序坐因其在内阁办事 英宗皇帝特命上殿班列学士之下嘉靖二十九年恩荣宴詹事府少詹事兼翰林院学士李本系四品因其在内阁办事 世宗皇帝著坐于二品之末则自 先朝以来筵宴班次亦有不尽拘于品级者盖朝廷崇重辅弼之臣故殊其体貌如此今礼部尚书兼东阁大学士张四维正系辅臣若以品论坐于二品之列宫保之下切恐于 皇上简注崇恩之意似有未称所有坐次臣等未敢照常定拟伏乞 圣裁施行奉旨著坐于一品之末

○两广总督殷正茂题广东各卫所屯田事理为通省原额凡一十三万九百有奇今消耗逃亡已十有奇见在支粮食俸官军只三万有奇添设军余不满七百而岁支食粮须米三十五万二千余石查计原额屯田七千一百二十四顷有奇纳米一十八万九千六百二十三石是以原额之屯供今日消耗之官军尚且不足而必取资于民粮况国初官军全盛之时乎则有军有田之说或当时经略详于九边而略于边海未可知也至于边海地方其田非坐近山溪则枕连鹵海隔绝零星括地总筹之法有所难行惟所谓抛荒遗失等项要多奸豪隐占之弊当催各属执法清查不避嫌怨虽未尽合于原行而积玩亦可少饬奉旨该部知道

明神宗显皇帝实录卷之四十三

明神宗显皇帝实录卷之四十四

万历三年十一月乙未朔湖广道御史沈榘奏乞将见行事例悉令诸司循年顺月别类分门举要刘烦斟酌损益汇书进呈刊布天下与会典律令诸书并传使中外人人得以通晓奉旨国家典章法度备载会典待纂修

○实录完日命官续修不必又创一书徒滋繁冗

○修 天坛工完计用钱粮共七万一千七百余两工部具揭进呈并照例请查盘

○丙申中官传

圣母 皇上旨赐辅臣张居正等鹿脯伏姜等物四盒又特赐居正姜苏等物一盒

○洮岷参将刘世英河州参将陈堂俱革任以下沙麻之役二将怀隙不和以致败衄为督臣论劾故

○升延平府知府林梓为云南副使

○丁酉辅臣张居正等题恭遇 皇上肇举 郊禋大典臣等谨辑 郊礼新旧图考进呈旧礼者 太祖高皇帝所定新礼者 世宗肃皇帝所定也按天地之祭自周以来或分或合其礼不一然大率合祭者为多国朝自洪武以后一向合祭嘉靖年间始建分祭之制然议者咸以合祀为便顾兹重典未敢轻议谨辑为礼书二册首叙分合沿革之由次具坛壝陈设规制图次列仪注乐章等项而以臣等浅陋之见略述其概窃附于后以备 圣明他日裁择又言 皇上亲郊之始百辟具瞻之初况 郊坛高旷霜露凝寒登降周旋礼文烦縟兹当行礼之期凡起居饮膳念虑动止之间宜倍加谨慎务期积诚致洁乃可克成大礼孚格重玄

上嘉纳之

○辅臣张居正附言新旧 郊礼图考后云国初 天地分祭至洪武十年 圣祖乃定为合祀之制每岁以正月上辛日行礼于 南郊大祀祭殿 列圣遵行百六十余年至世宗皇帝始按周礼古文复分建 南北郊俱坛而不屋

南郊以冬至 北郊以夏至行礼而二至之外复有孟春祈谷季秋 大享岁凡四郊焉隆庆改元诏廷臣议 郊祀之礼时议者并请罢祈谷 大享复合祀 天地于南郊

先帝深惟三年无改之义独以祈谷 大享在大内行礼不便从礼官议罢而分祀姑仍其旧盖亦有待焉耳夫礼因时宜本乎人情者也 高皇帝初制 郊礼分祀者十年矣而竟定于合祀者良以古今异宜适时为顺故举以岁首人之始也卜以春初时之和也岁惟一出事之便也为屋而祭情之安也百六十余年 列圣相承莫之或易者岂非其至当允协经久而可守乎今以冬至极寒而裸献于星露之下夏至盛暑而骏奔于炎歊之中一岁之间六飞再驾以时以义斯为戾矣且 成祖文皇帝再造宇宙功同开创配享百余年一朝而罢之于人情亦有大不安者故 世宗虽分员方之制而中世之后竟不亲行虽肇举 大享之礼而岁时禋祀止于内殿是斯礼之在当时固已窒碍而

难行矣况后世乎臣等愚昧窃以谓宜遵

高皇帝之定制循 列圣之攸行岁惟一举合祀之礼而奉 二祖并配斯于时义为协人情为顺谨稽新旧规制礼仪而略述其概俟 圣明裁断焉

○总理宣大右都御史方逢时条陈边镇三事一曰训练之实二曰积贮之实三曰修筑之实训练之说谓当慎选正副参游之官教习有方使将有定志士有定伍器有定习日省月试信赏必罚而又在免骑兵之工役以养其力革屯粮之扣兑以厚其生禁入卫之抽补以定其伍而后训练可行也积贮之说谓三镇市马酌量拣选兑给京营以抵太仆岁徵之数而于中土应俵之马折取其价转充市本客饷马价兼支共济太仆无亏于府藏户部无虞于匮乏而十年之蓄可致矣修筑之说如大同四年为始之功量将骑兵免工一月以事操练宣府边工皆将就绪骑兵即免工三月兑给京营市马暂听该镇操练解兑千匹风气相宜渐次加增城堡墩台边塞果系无益虚堡不急空墩已弃旷土不许增益原议修建兴工未完者查照年例毕力成工无容作辍奉旨如议

○以工部右侍郎何宽为本部左侍郎大理寺卿陶承学为工部左侍郎

○升山西佥事张稽古为右参议

○戊戌授庶吉士刘谐为兵科给事中

○以固原游击陈守义为陕西洮岷参将

○以陕西都司掌印梁文为河州参将○己亥赐 圜丘分献陪祀执事管官彩币又特赐辅臣张居正大红彩织坐蟒胸背纒丝一表里大红彩织蟒衣膝襴纒丝一表里吕调阳张四维各大红彩织仙鹤胸背纒丝一表里大彩织蟒衣膝襴纒丝一表里申时行大红金织孔雀胸背纒丝一表里陈经邦何雒文许国王家屏各大红金织白鹇胸背纒丝一表里沈一贯大红金织鹭鸶胸背一表里正字官马继文大红金织白鹇胸背一表里何初大红金织鹭鸶纒丝一表里

○庚子 上亲视牲于 南郊幸斋宫召辅臣张居正等入侍寻赐居正银八宝四十两汪鏜林士章各五两又赐张居正甜食三盒吕调阳张四维各二盒又赐张居正御饌十品吕调阳张四维各六品是日锦衣卫鸿胪寺俱有赐

○南京工部尚书刘应节< 銙-金 > 辞协理京营戎政新命不允

○先是山西巡按御史贺一桂有总兵移镇偏关之议行该镇覆议督臣方逢时具奏不便一谓本关兵马寡弱布米价高无人应募勾补难凑见在盩武土著有年势难他徙仍宜在盩武便兵部覆议国初守在东胜其后退保偏关已非盛时事然尚得与宣大峙为三镇今乃内守盩武又复以偏关为绝塞任其城垣倾圯土马凋耗虏骑乘虚窥犯得利按臣条议良为有见而边疆重事责在镇抚难以中制强使必从但总兵既不移镇偏头亦难株守盩武令偏关束手待毙宜移咨该镇行令总兵仍驻盩武防秋移驻阳方口防冬移驻偏关多方召募用心优恤其应筑边塞东起丫角山西至老牛湾七十余里依限修筑必求坚固秋冬二防总兵既有阳方偏头之行抚臣亦应暂出盩武就近调度

奉旨是

○河南卫指挥王闰中私使家人入京营求升守备为棍徒所持事觉兵部参奏得旨王闰中著巡按御史解拏来京问以后文武官员但有差人进京营求升转及罢闲的希图起用并奸徒指称诬骗都著缉事衙门严加访拏

○辛丑朝鲜国王李昫差陪臣入贺冬至

○升山西巡抚沈应时为大理寺卿总督漕运巡抚凤阳张翀为刑部右侍郎

○癸卯先是 上出郊视牲毕微感风寒次日当传制誓戒百官以进药免朝旋愈至日出诣 郊坛以扈驾赐辅臣张居正金嵌宝石瓢一个蟒_襦巾_带二条斗牛篋袋一个刀筯叉三事吕调阳张四维金嵌宝石瓢一个_带一条篋袋一个刀筯叉三事日讲官申时中陈经邦等六员各金间镀银瓢一个_带一条经官等例不陪祀以讲官从驾盖特赐云

○升山东登州知府李承选为陕西行太仆寺少卿兼佥事车驾司署郎中王子蕙为山西佥事

○甲辰 上诣 南郊视陈设命辅臣张居正等随侍登坛凡笾豆牲醴之类一一恭阅详问居正具以义对视毕 上乘輿诣斋宫面谕居正等先生每乘马居正对内墼不敢乘马 上复慰劳之 上御斋宫陪祀执事等官行叩头礼各赐汤饭寻赐辅臣礼部日讲官太常鸿胪锦衣银八宝及银豆有差是日薄暮微风辅臣居正等以 上体弱又初愈恐夜祭风寒请预设小幄次以待会夜二鼓风止 上命撤幄露祭登降周旋咸中规矩太常礼官言 上之动容中礼虽执事掌故日月学习者不能及也

○乙巳 上亲行 大祀于

圜丘驾还御皇极殿百官行庆成礼

○是日赐辅臣张居正等上尊珍饌

○丙午 上御皇极殿受冬至朝贺是日以 郊祀庆成大宴文武百官○丁未赐辅臣张居正御膳九品酒七瓶吕调阳张四维御膳七品酒五瓶

○己酉谕内阁 圣母圣节赐元辅银豆叶八宝五十两大红云鹤纒丝三疋次辅二每四十两二疋讲官六每二十两一疋正字官二每十两素一疋又赐元辅次辅讲官正字官金万寿字副金篆字黄红绶符各有差

○工科给事中徐贞明条议谓勾军东南离其骨肉而军装出于户丁帮角□羊出于里递每军不下百金东南之民困矣而军非土著志不久安辄贿卫官以私回卫官利其赂且可以项军而冒饷也而辄纵之又皆冒支存恤月粮是困东南之民而无补于军政宜照班匠事例免其解补而量徵班银以资召募将存恤月粮裁革以杜虚冒使东南之勾补永罢而西北之行伍渐充兵部谓 祖宗定为兵制与班匠不同且西北地广人稀无人应募补偏救弊尚有可以持循因噎废食恐遂不可救药宜行各该清军御史勾角□羊军丁务遵见行事例精选壮丁起角□羊补伍不许将老弱残疾徒凑名数 上

是兵部议

○工科给事中徐贞明水利议谓西北之地夙称沃壤惟水利不修则田里日荒宜如南人圩田之制引水成田特命宪臣假以事权需以岁月将畿辅诸郡及京东濒海水利相度水利修举工部覆议谓畿辅诸郡邑以上流十五河之水而泄于猫儿一湾九河故道既不可复入海之口又极东隘以故处处横流弥漫无际为今之计必多开支河挑浚海口而后水势可平 < 䟽 疏 疏 疏 疏 > 浚可施然兴大利除大害则役大众动大费在所不免而近奉二字 明旨畿辅之地民劳财匱目今务在安静省事与民休息臣等仰体遽难别议俟民有起色乃徐规画未晚也 上是工部言

○以原任兵部左侍郎吴桂芳以原官总督漕运兼提督军务巡抚凤阳等处地方

○升山西右参政崔鏞为都察院右佥都御史提督鴈门等关兼巡抚山西等处地方

○翰林院编修沉渊复补原职

○庚戌 上视朝

○修理 太庙 社稷工完遣驸马许从诚侯顾寰各祭告侍郎陶承学谢 后土司工之神

○以四川都司佾书侯一位为陕西都司掌印金盘把总叶欢为都司佾书

○三边总督石茂华以剿洮番捷报叙文武将吏有功人员下兵部

○兵部覆巡按福建御史孙錡查该本年五月海坛外洋擒倭功次叙巡抚刘尧诲总兵胡守仁南日把总方策游兵名色把总邵岳及诸文武将吏奉旨刘尧诲升俸一级仍与胡守仁各赏银三十两纁丝二表里方策邵岳各升一级余将吏各赏有差

○调山西按察司副使许守谦以原职驻劄偏关整饬地方兵备

○刑部主事常存仁江南审决复命违限刑部尚书王崇古以闻奉旨常存仁罚俸半年

○壬子 孝烈皇后忌辰遣成安伯郭应乾致祭 永陵 孝惠皇后忌辰遣安乡伯张紘致祭 茂陵

○癸丑 圣母慈圣皇太后令旦

上御皇极门百官致词称贺是日命妇朝 慈宁宫各赐币有差赐辅臣张居正膳九品酒四瓶吕调阳张四维各膳七品酒三瓶

○调陕西副使张楚城为山西副使

○陕西好地平等族番人郝卜等入贡给赏如例

○吏部覆提督两广殷正茂劾副使陈复升奸利右参议诸察变诈奉旨陈复升革职为民诸察闲住

○复除山西副使李尧德为陕西副使○吏部覆巡抚贵州罗瑶劾右参议李继芳罢软奉旨闲住

○以故定西侯蒋祐嫡长男蒋建元承袭祖爵

○丙辰海寇林凤劫柘林靖海碣石等处广东按臣马应梦以闻

○刑部覆奏刑科都给中严用和题恤刑事一正体统以公审勘一恤军犯以杜冤滥一清赃犯以恤繁逮一慎辩复以免嫌疑一定期限以防玩愒一重考查以示劝惩奉旨五年差官审录系朝廷钦恤重典今后务选老成公正精通法律的方许差遣复命之日既不行考察堂上官却要不时体访有不谙刑名行事乖方的不时查奏降黜余依议行

○丁巳 上视朝

○直隶巡按御史舒鳌论庐州府贼犯越狱罪程杲革职为民同知白希珩调用部覆得旨该州贼犯越狱至六名竟不申报若非邻境捉获则此事竟成沉匿各署印官彼此推诿隐瞒不报厥罪惟均程杲著革职为民白希珩姑以原职降用各地方隐弊事情恐不止此抚按官务要不时体访不许扶同容隐致坏法纪

○调山东佥事叶宪为云南佥事

○升汀州府知府潘民模为广东副使刑部署郎中郑恭为广东右参议山东佥事胡世赏为贵州右参议

○戊午 上御文华殿讲读

○兵科给事中萧彦条陈吏治列为三款谓文移当省物议当核本原当敦 上然之

○己未升刑部山东司署员外郎事主事赵岩为山东佥事原任山西右参议萧大亨为陕西副使

○庚申 上视朝

○以保和游击王通为分守山海关参将以广东都司佥书萧应祥为游击管琼崖参将事

○辛酉海寇林凤复犯闽不利更入广而留船于魍港为窟宅兵部议在广猖獗之役所宜暂停而并力于凤在闽亦宜搜剿窟宅以绝祸本议行闽广督抚镇巡等官严督所在水兵同心戮力务使片帆不遗方许收兵无更言招抚以蹈覆辙奉旨是

○壬戌 上御文华殿讲读

○中都守备太监廖钦论副留守于嵩兵部覆嵩经前后抚按奏荐似非奉职无状者宜行勘明议处 上竟革嵩任回卫兵科给事中裴应章执奏伸兵部议报闻

○甲子 上御文华殿讲读

明神宗显皇帝实录卷之四十四

明神宗显皇帝实录卷之四十五

万历三年十二月乙丑朔以刻定大学中庸尚书典谟通鉴盘古至今汉平帝各直
角口羊十五册赐辅臣张居正三部吕调阳张四维各二部讲官申时行等六员各一部

○予延綏巡抚右副都御史张守中全给祭葬以死勤事也

○祈雨雪

○考选京卫所官军政存留选补调补四千七百十员其职业不修官箴有玷照例带俸差操

○掌左军府事镇远侯顾寰掌右军府事定国公徐文璧掌中军府事伏羌伯毛澄掌前军府事安乡伯张紘掌后军府事英国公张溶俱以军政自陈辞免府任俱不允

○丁卯吏部拟升瑞安主簿汪玄寿县职 上不许于是吏科给事中王希元发玄寿关节私书因极言刀笔吏不可为正印有司状又言抚按考察司属所上本册宜仿科场糊名例公同看拟定列草榜然后发开底册填榜揭示即日发奏则虽善钻刺者无所投其隙又言升转京堂未闻人望攸归而惟依阿软熟迁延岁月乃坐一定之美缺以补之至于抚按举劾不及两月自相矛盾其贪酷者仅以不及议调简僻其调简僻者率多以冲烦华要之地处之以及部司效劳诸役未有劳于朝廷听其自择地方不论见任之臧否与时之久近而褫诸彼以与此应敕下吏部议著定例杜绝幸门得旨言官论事是非可否当明白敷陈这本微文暗指多影响疑似之间其意何在且要抚按考查属官弥封出榜是何政体吏部看了来说

○陕西总督石茂华以剿捣失刺参多巴舍哈咯卜等番族捷闻叙将吏功次阵亡人役兵部覆行勘外又言各番实繁有徒势不能尽诛法不应穷治盖内资茶马以备招中外捍宾兔而作藩篱其古陆阿尔答一族递年所易马课甚多下沙麻之役未必举族抢杀善恶亦当有辨苟行令缚献首恶之人可免玉石俱焚之惨若执迷不悔徐行警罪未晚也奉旨是这番贼事情还着督抚兵备等官悉心处置务要停妥不得苟且了事贻害地方

○巡视厂库科道戴光启等题称近查过文场钱粮虽无虚冒事过作为以后凡有兴作务如意樽节仰体 圣明惜财至意工部臣言利孔所在诈欺百出耳目有限综理难周今后遇有重大工程乞添差科道官各一员会同内外委官验收物料点闸夫匠如原估过多则务从省减倘支费虚冒则指实参究从之

○己巳 上御文华殿讲读

○是日辅臣张居正等待 上书毕从容奏昨给事中王希元〈附 毓-金〉 皇上曾细览否〈附 毓-金〉中所云私帖以指吏部而无指名何也居正对言人臣告君宜明白的确岂可隐约其词此事固当究竟若果有之彼自应抵法设无之亦不至枉受污蔑也凡左右言事但如此类 上宜俱令实吐即吐实律有自首之条或可亮其情而宥之稍涉支吾更须诘治上曰然朕御左右有如此一一诘问务竟其事乃矣不令欺谩也

○庚午 上视朝

○吏部尚书张瀚奏辩王希元参劾事情有外官以贪酷议调而调简处以冲烦者

京堂升转惟依阿软熟迁延岁月坐补美缺者不知所指何人至汪元寿一节以近例佐贰官廉能堪用的得一体叙升乃谓有往复私启或亲见或听闻指实明白以为司铨不公之戒得旨王希元著一一从实说来不许支吾希元乃实陈其事谓如山东佥事郭良被劾而拟调广东是以广东简于山东也广西佥事霍与瑕考察不及而复除江西是以江西简于广西也吏部当该定拟考中已为未流之弊矣乃胡正恩选贵口县丞司马祚选建阳县丞朱炳选浦城县丞何当该吏部之便宜欤科臣韩楫部臣刘渤既知公论之不容考察之不免何以定太常少卿之缺处之非京官升转坐补美缺欤至汪玄寿一节县缺虽悬岂无科甲之迁谪岁荐之廉能何独及于一月以前有家人来京钻刺之玄寿乎臣以风闻言事而瀚云必亲见其书则臣虽千百其身拟迹番役何由造于吏部之火房玄寿不升火房吏书有大叹者曰果然果然人问之则曰前之房中见有副启来者云盖瑞安之例也张老爷答启亦云瑞安伊迓建阳其继也今访之即建阳县丞司马祚也其他赃私皆已盈耳乞罢臣以谢瀚罢瀚以谢朝廷则弊源绝而贤路清矣得旨王希元不明指所问事情乃牵引别情忿争求胜该部既有此事何不早行论劾直待问及方言且本中肆行辱骂岂朕优礼大臣之道本当重治姑罚俸半年张瀚亦恳求去不允

○户科都给事中光懋等上< 田 额 疏 金 >言国初额设屯田所在无几今欲复屯田先清军额军数明则田数明据册一查军不可得而少地不可得而缩又专设屯田佥事及府州僚佐责其沿丘履亩一一丈量视旧额有无分别肥瘠俟有定效管屯官员举荐超迁部覆如议从之

○礼部尚书马自强请 上幸太学著明秋岁行

○礼部请行躬耕礼奉旨五年春来说

○御史孙成名条陈马政五事一议驹价助俵谓查驹孳系一年以上者估价变卖半给马户酬劳半贮在官充助解俵毋一概全派以累小民一议本色官俵谓本色马一匹徵银三十两买俵似有羨余应改议官买谓马十匹不过二百两耳至于外卫所解马匹每匹徵银四十两尤为过多一议折色类角口羊各折色马价州县照京边钱粮事例编佥大户照数徵完解府不得更立马头以滋科优一议酌派本折谓在直隶价轻道近利在本色山东河南价高道远利在折色宜将本色十分直隶常居六七山东河南常居三四酌量分派一议种马草料谓各州县养马贴户宜派定津贴每马一匹量给六两有司徵给马头不许马头私自追取致多需索马匹倒失马头买补不得累贴户孳驹给赏亦不许贴户侵分其利兵部覆奏买俵马匹三十两固为有余而计其草料盘费似仅足用不必再议官俵酌派本折之说近该部酌量地里远近府分大小年分搭派调停之意实寓其中再行分派恐滋烦扰余皆如御史议奉旨是

○革宣城伯卫国本离任闲住兵部以军政参也○虜入平虜堡副总兵曹簏驰援斩首十一颗得马四十余匹总兵李成梁邀其归路斩获首级一百九十六颗马凡三百匹山东御史刘台以捷闻 上以御史例无报捷下其事兵部部覆报捷原总督事但总

督< 〇〇〇 毓-金 >本抚臣抚臣< 〇〇〇 毓-金 >据总兵今总兵李成梁追虏回营以积劳呕血口报不能具文按臣称战胜之余亟为善后之图不失及时讲求之意以后不得为例从之

○辛未 上御文华殿讲读

○时辽东大破虏百余骑然我兵死伤亦略相当 上顾辅臣张居正等虏今一大创或可数年无事第战死者多朕深念之居正对言往时损军之法太严故将领观望不敢当虏苟幸军完无损而已今辽东军杀伤至四五百人斯乃血战臣以为宜宽论损折以作战败之心而厚加恤录以酬死事之苦 上嘉纳之 上又言元夕宫中旧设鳌山向已暂罢今虽禫后朕念一鳌山乃至千数百灯加以例赐为费甚钜且风火不测尤须慎防其并烟火罢之昨 圣母亦云毋用此娱我向者我已见之矣居正因奏 上于宫中节省如此民间亦不敢侈肆所省不訾天下实受其福 上曰朕欲防不测昨所讲有备无患当是此意居正对曰诚如 圣谕尚书中说命三篇深切君德治道一语一药上所宜加意因历诵有其善丧厥善无启宠纳侮黷于祭祀诸条一一重敷其义 上曰朕于宫中默诵所讲书多能记忆间亦有遗忘者然温习未尝废也居正等叩首退

○总理河道傅希摯< 〇〇〇 毓-金 >言邵家等三决口向因伏秋之际水势盛涨堵塞不易故议权留以资分洩今秋深水耗支流少缓业筑塞竣事其缕堤应否展筑上源应否分杀容另勘报章下工部○琉球中山王差人入贡

○以大同朔州守备姜河为陕西行都司佥书

○壬申户部尚书王国光乞终养不允

○总督东厂司礼监太监冯保汇奏三年缉获功次奉旨冯保提督官较缉访有功荫他弟侄一人与做锦衣卫百户还赏羊二只酒二十瓶钞三千贯张照等各照例升一级

○以山西行都司佥书郭邦铨为都司掌印以兴留都守协同佥书尹志萃为中都留守司掌印

○以湖广郧襄守备张万年为四川都司佥书以贵州坝阳守备为广东都司佥书

○时达贼五百余骑从平川堡进边断事李斌被射死家口掳去游击葛景岳备御杨绍勋堵剿失利把总刘进忠死之总督杨兆劾景岳绍勋罪宜提问御史刘台都给事中裴应章各< 〇〇〇 毓-金 >论将官失事例应重治而当事诸臣俱难免疏虞之罚会该镇以大捷报到部部覆行彼处按臣勘定功罪及阵亡被伤等以闻从之

○癸酉都察院奏实授御史赵允升王应乾从之

○兵科等科裴应章等湖广等道御史王晓等以军政纠掌后军府事英国公张溶武平伯陈大策锦衣卫佥书王之化等宜革任闲住< 〇〇〇 毓-金 >下兵部

○提督两广殷正茂奏称岭西肇庆府地名罗盘水陆延袤六七百里系两广咽喉猺贼渊藪剽掠劫杀为祸日惨条进剿事宜十事部覆从之

○兵部覆奏总兵李成梁大破虜于平虜堡宜于皇极门早朝宣读捷音获功人员另行论叙从之

○甲戌铸江西分守岭北道关防

○乙亥升南直隶巡抚宋仪望为右副都御史照旧巡抚地方赏银三十两纒丝二表里副使王叔杲升一级总理黄应甲升都督僉事余将吏各赏有差论是年四五月黑水洋斩获倭级功也

○兵科给事中赵世勋< 〇〇〇 銃-金 >言岁造盔甲弓箭等项向时委托非人侵欺料价给散各军直为弃物不若估定价值给军自造工部言军士贫富不等富者自置诚便贫者口腹为急既费而追反增一扰况应禁军器民间不许私造国家歛天下兵聚之武库自有深意至于侵欺之源起于所造非所角〇羊莫肯尽力宜移咨各省直颁定式样选委廉能监造领角〇羊归并一人起角〇羊申文必书督造验看职官姓名进库之日科道详加试验有不如式将角〇羊官参送监造经手一并参究庶中外一体武备日充奉旨是

○丙子 上御文华殿讲读

○陕西起送塞平等族番人羊加保等入贡赏给如例

○户科都给事中光懋言芦课银两南直濒江一带及湖广江西九江等处有在在之近岁江湖洪涨固多坍没田亩地去粮存致累包赔者亦有新涨田地却被豪猾势占者乞行芦课地方掌印官著实备查有开除未尽者即与除豁清查未尽者尽行查归官量行起科以裨国课工部覆允

○命英国公张溶著照旧供职武平伯陈大策等都革任从科道拾遗也

○陕西总督石茂茂奏两广贡市告成后与虜互市共官易马二千一百四匹牛羊五十八只〇民易过马骡牛羊共二万二千有余章下兵部

○丁丑 上视朝

○太子少保吏部尚书张瀚再上< 〇〇〇 銃-金 >乞休不允

○升汉中守备戴寅为兴都留守司僉书大同破虜堡守备张咸为山西行都司僉书

○直隶御史邵陞题副使王叙杲吊取府狱强盗陈子明孟其与续获强盗俞彩对审被逃奉旨强盗不宜吊审且贼犯逃在三月至七月间若非有旨则应决人犯该道府不过将押解人役坐罪了事逃者终不可得法度何由而行王叙杲吴善言各罚俸三个月著上紧缉捕得获之日巡抚巡按御史具奏

○戊寅 世宗肃皇帝忌辰遣庆都伯杜继宗致祭 永陵

○琉球送回倭掳漂至男子郑良珍郑良班等赏银五十两写敕奖励

○己卯 贞惠安和景皇后忌辰遣惠安伯张元善致祭 陵寝

○提督两广凌云翼奏称海贼林凤流突广福总兵胡守仁追至淡水洋冲沉贼船

二十余只逃往西番

○庚辰 上视朝

○辽东镇臣遣官献捷赏献捷官钞币

○是日以元旦节赐元辅张居正银五十两纒丝四表里次辅吕调阳张四维各银四十两纒丝二表里讲官申时行陈经邦何雒文许国王家屏沈一贯各银二十两纒丝一表表里正字官马继文何初各十两

○兵部覆四川巡抚曾省吾荡平都蛮余孽擒斩一千一百七十二名口清出原占民田给主三万六千八百余亩丈出蛮田并地一十四万八千余亩拨给州县军民领种钦赏曾省吾银三十两纒丝二表里总兵刘显二十两一表里参政李江等银各十五两守备吴鲸等各八两

○辛巳以辽东奏捷 上御皇极门百官称贺

○刑科给事中杨节劾三边总督石茂华 海西女直四川归化番僧进贡著彰武伯杨炳待宴

○壬午 上御文华殿讲读

○时兵部议上赏格

上令辅臣拟谕录辅臣运筹功将加荫居正等控辞不受是日讲毕 上手谕曰辽东大捷诚为罕有实元辅预授秘计始能成功既不受荫特赐银一百两蟒衣一袭彩段四表里二辅和衷共济各银八十两蟒衣一袭彩段二表里卿等承之勿辞以稍示眷酬居正等入谢

○叙辽东大捷功次荫李成梁一子锦衣卫世袭正千户赏银八十两纒丝四表里荫杨兆张学颜一子入监读书给应得诰命各赏银六十两纒丝四表里曹簏王大璋等各升级有差

○癸未通山王薨辍朝一日

○授赵允升山东道御史王应乾江西道御史

○泰宁夷人赴京补贺

万寿节

○朵颜夷人进贡

○安南进方物

○太常寺题

大袷元旦节各 陵寝遣官行礼

○刑部侍郎王宗沐言徒罪本轻于戍而今戍者尚得生而徒者远离乡里发驿摆站官卒凌虐往往致死奉旨议妥刑部覆议徒在京五年以上发遵化铁冶余发工部各局做工在外三年以上发本州县修城营建一年半以下发夫役迎送军灶徒犯发本处煎盐瞭哨从之

○乙酉兵部覆给事中赵世勋< 〇〇〇 铨-金 >曰重将权抚按守巡不得阻挠各将展布曰任选举闲住武举分别录用三科乡试一体甄收曰抑骄横将官被论羁留不得规避曰慎< 〇〇〇 铨-金 >荐< 〇〇〇 铨-金 >荐将领各开上冲次冲腹以凭推补曰养卫兵各边入卫军马加意抚恤奋练曰储兵威互市之隙修筑各堡要害练习阵法曰革占役革去各镇违例军伴依议行

○论三镇贡市功升宣大总督方逢时兵部尚书兼都察右副都御史照旧总督与宣府巡抚吴兑大同巡抚郑雒山西巡抚沈应时各赏银三十两纒丝二表里大同总兵郭琥升署都督同知照旧镇守宣府总兵雷龙山西总兵白允中各赏银二十两余文武将吏各升赏有差

○河南道试御史傅应禎< 〇〇〇 铨-金 >言三事一存敬畏以纯君德二蠲租税以苏民困三叙言官以< 〇〇〇 铨-金 >忠谏奉旨朕以冲昧为君朝夕兢兢惟以敬 天法祖嘉纳谏言为务前李盛春朱东光并未有旨谴责傅应禎无端以三不足诬朕又自甘欲与余懋学同罪这厮每必然阴构党与欲以威胁朝廷摇乱国是著锦衣卫拏送镇抚司好生打著问了来说

○丙戌丁字库揭称库贮黄麻络麻熟鍊翎毛数多恐年久积坏欲将轻赏价银折买白麻糝黄栌木等料工部议糝麻黄栌木等料原非外省所解麻鍊既称积多不免置有用为无用宜咨行各地方除已徵角□羊照常送收未徵者四年以后暂照原额改徵折色角□羊部收贮以备别用从之

○四川起送威州打刺儿寨差人入贡

○丁亥 上视朝点文武官失朝者二百五十员各罚俸有差传谕近来人心颇懈各衙门官出入禁门拥带多人托病不赴朝参公座往来宴会职业渐隳著吏部都察院严申饬有违犯的参奏处治

○三边总督石茂华以科臣裴应章言上< 〇〇〇 铨-金 >乞休下吏部

○降给事中徐贞明御史李禎乔严各三级以拏门傅应禎时三人随拥进卫为锦衣卫掌卫事余荫所奏故

○刑部尚书王崇古奏遣来春各省直审录官员奉旨是

○押发御史傅应禎边卫充军科臣严用和道臣刘天衢各< 〇〇〇 铨-金 >救报闻

○戊子赐辅臣讲官正字官门神吊瓶判子纸葫芦各有差

○以分守紫荆关参将王抚民改充分守黄花镇参将沈阳游击张志逊充左参将分守海盖辽镇坐营中军王大璋充广宁游击兴都留守掌印郭应乾充五军八营参将镇边城守备李世隆充神机四营佐击沈阳满御王国瑞充前屯游击蔚州守御秦岐充神枢九营佐击

○己丑升南戩巡抚江一麟俸一级赏银二十两纒丝二表里参政张士佩参将郭坚等各赏有差以剿除稔贼叶楷功也

○海西古城等卫女直兀堵尚哈儿等卫女直你龙哈弘化寺番僧锁南星吉等各入贡宴待如例

○安南都统使莫茂洽差宣抚同知等官补修四贡 上嘉其恭顺著于常例外加彩段四表里锦二段以示优嘉

○海西者刺等卫女直阿失卜等赴京朝贡赏给如例

○庚寅 上御皇极殿太常寺奏岁终

大袷祭祀

○辛卯 上御皇极门顺天府进春百官行庆贺礼

○以山东副使钱藻以原衔整饬密云兵备

○西甯参将张承业革任回卫甘肃巡抚侯东莱以不及论故

○升浙江海宁把总韩沛为都司佾书辽东懿路城备御孔东儒为都司佾书南直周家桥把总侯国治为中都留守司佾书福建都司佾书何万钟为兴都留守司掌印

○癸巳 上视朝

○议筑海盐平湖等处捍海石塘计当用银十五万三千三百余两其费议留本府银四万两杭湖二府各增派协济及搜括纸赎积余兵饷调台州府通判为嘉兴通判董其事

○礼部言京官三品以上及四五品中有翰林学士讲读学士詹事府少詹事都察院佾都御史国子监祭酒等官其谢恩见辞除五日内候补外其候足五日未值者五日外仍候补其在京升南京三品以上官并四五品前项官以入贺或以考满入京者或见或辞必于五日外候补庶几少慰咫尺天颜之忱奉旨卿等所奏是人臣事君之礼依拟行

○陕西按察副使曹当勉为山东按察副使备兵霸州等处○升云南按察使顾言为右布政

○申严清勾之法

○朵颜等卫右都督花歹遣夷人火你赤等补贺长至令节及 万寿圣节赏彩绢如例仍给与敕书一道

○甲午

上亲行 大袷礼

明神宗显皇帝实录卷之四十五

明神宗显皇帝实录卷之四十六

万历四年正月乙未朔 上御皇极殿受贺

○丁酉 宣宗章皇帝忌辰 奉先殿行礼遣彭城伯张熊祭 景陵

○庚子 上御文华殿讲读毕顾谓辅臣张居正曰昨傅应祯以三不足之说讪朕朕欲廷杖之先生不肯何也居正对曰 圣德宽厚海内共仰此无知小人何足介 圣

怀且昨旨一出人心亦当儆惧无敢有妄言者矣国家政事或宽或严行仁行义惟 皇上主之 上曰前有救应祯者< 吕 铨-金 >称其母老朕查应祯止有父在而顾言母欺朕如是居正曰言官不暇致详何足深罪 上复顾吕调阳张四维曰昨文书房持应祯< 吕 铨-金 >到阁二先生何故不出一语湏同心报国不得避怨调阳等对曰臣等敢不同心

○是日 上亲祭 太庙○辛丑升湖广右参政沉人种为云南按察使 以原任登州府知府升陕西行太仆寺少卿李承选改添注辽东行太仆寺少卿兼山东佥事驻莱州开浚新河

○以三镇贡市事竣加副使贾应元山西右参政兼佥事参议许希孟王汝梅加山西副使佥事冯子履加山西右参议兼佥事俱仍理原任事务

○罢漕储道山东左参政宋豫卿先是提督漕运总兵官灵璧侯汤世隆以武平等卫所申修舡料价下本道覆实豫卿叱而不纳为户科都给事中光< 林心 >等糾论上令回籍听勘至是吏兵二部议以原职更调不从

○壬寅弘化寺番僧锁南星吉等贡马驼番犬铜佛舍利酥油等方物

○巡抚大同都御史郑雒为总兵郭琥< 吕 铨-金 >求加职时方以贡市叙劳又欲以秋防示劝 上命所司覆议纪录而已

○癸卯总督三边右都御史石茂华以人言乞罢部议谓时值春防一应兵马钱粮调度悉总督之责若使骤易则新者有时日之淹旧者无筹边之志三边重地关系匪轻不如弘使过之仁便诏下供职如初

○升云南佥事田应弼为陕西行太仆寺少卿兼佥事

○升湖广右参政杨一魁为山东左参政

○驸马都尉许从诚奏乞肩輿兵科都给事中蔡汝贤言 世宗朝两京五府以至外镇凡公侯伯都督等官及外戚驸马在京四品以下文职在外抚按三司以下各官俱不许出入乘轿即兵部尚书每遇下营之日亦止乘马其余军职不许随带上马交床宜深维 祖宗不假名器之心以重治人臣妄干恩泽之罪 上嘉纳之

○寨平等族番人羊加保等来贡马匹盔甲腰刀等物赏赉如例命工部左侍郎何宽提督京通仓廩不妨部务

○甲辰升山东右参议沈启原为陕西副使

○复除翰林院编修黄凤翔

○安南都统使莫茂洽差宣抚同知黎如虎等正从七十三员名入贡 上遣官宴待赐赉如常

○以锦衣卫佥书署指挥使杨俊卿提督街道

○兵科都给事中裴应章等请行九边总督抚镇严督将领加意堤防时西北久安东虜屡挫人心玩而将士骄应章等恐互市踰期抚处无术东虜报复蓟镇戒严故有是

议从之

○乙巳 孝恪皇后忌辰 神霄殿行礼遣庆都伯杜继宗祭 永陵

○升直隶镇江府知府林应雷为两浙运使

○升湖广道御史余希周为湖广副使山西道御史马应梦为陕西右参议

○升吏科给事中王希元江西道御史王应乾为按察司佥事希元云南应乾湖广

○升工科给事中胡汝钦陕西道御史李颐南京浙江道御史王宣为知府汝钦怀庆颐湖州宣汉阳

○以原任沈阳游击徐惟忠仍充沈阳游击

○四川松潘地方于去年十一月初三日辰时有流星二道各长丈余起正东方向西南流去天鼓随鸣先是北虏宾兔至五王城修寺盘桓睥睨意颇垂涎而天变适应上因敕兵部移咨蜀抚罗瑶俾料理一应练兵设险防御之策以图消弭

○丙午升验封司署员外郎周思稷为山东右参议

○升贵州副使林澄源为本省右参政

○总督仓场户部左侍郎毕锵言太仓旧有老库外库之名老库扁钥惟谨外库以便支放查嘉靖二十三年老库银除动支八十八万九千两外尚贮银一百一十三万六千四百八十两至隆庆三年查兑则仅贮银一百万八千七百六十九两矣夫国家财赋岁入固有定额或值灾伤不得不减岁出亦有常数或值兵荒不得不增惟府藏预储而后匪颁无匮今以万历三年旧贮新收合而计之共得银七百三万四千二百八十七两六钱有奇宜将老库增银一百万两编号封贮积之数载外库渐赢老库益实此亿万年无疆之利也但外库止剩三百九十余万而各边主客兵年例修城赏赉及京官折俸商人料价官军布花等费皆取给其中乃各钞关轮年徵折本色少银十五六万两停止开纳事例又复减三十余万两湏痛加节省庶无后之咎 上是之

○铸给分守下川南道关防

○大同督抚方逢时等以修筑边墙乞留本镇入卫兵并扣徵河南班军工食以助募夫时西酋贡市颇坚诏以石塘岭一枝量留助工即将原派黄花镇宁夏一枝调补石塘岭而以昌平标兵或京营官军酌议一枝调补黄花镇其河南应戍大同班军自万历四年始至六年止概免上班尽扣班价徵角□羊

○巡抚应天都御史宋仪望言三吴海防南界两浙北抵淮扬相去千余里中惟吴淞至金山三百里为倭奴入犯必由之路而宝镇一堡更为要冲但置山不据而筑堡山外十里岁仅拨兵三百戍焉形势既失兵力又单贼若据山建瓴而下堡非我有矣今欲移堡依山戍以协守计费六千余两出抚按赃赎佐之可一年报竣或移大兵驻防以控要害或出海洋搜剿以立奇功均便从之

○罢松潘副总兵沈鲸行御史提问鲸贪横有声为蜀抚所劾故也

○诏给德州宁山通津天津沈阳领班游击尹湘等七员及锚重营游击陈伯恠等

誓沿边备御官员申以不易之期示以一定之额如期而至查额而赏序名而领其听我约束则循例敷恩如动辙要求则闭关谢绝更令抚镇衙门详细开载某市月开几期某市月用几数某市大赏小赏几何某市季羨岁羨几何虽截长补短不能一律然哀多益寡未必无补在各官得有词以却彼无厌之欲在诸酋亦安心以寝意外之望矣三曰多设墩台以资保障边墙旷远难以语守始注意于屯堡屯堡浩费财力不足始因险就形修筑墩台虽一时却步瓦全原非不得已要之坚壁清野计无出此考辽东虽有墩台然多道里经行耳目可及人力辐辏工筑易成之处至于孤悬要害如沈阳开原等边每每台不盈丈墙不及肩频年被虏边民日削宜破格增银添设墩台旧者增高新者展造使烽火联络柝炮相闻然后补筑边墙深浚壕堑庶虏知畏避民得安居其宁前近日墙工宜少从休息但多为间谍以备虏虞俟兵力稍强然后刻期成功亦未为晚< 金 统 一 金 >上诏该镇督抚官悉心计处以报

○戊申复除原任陕西副使杨起元于贵州

○原任太常寺少卿陈行健以病乞身不允○诏甘肃道副使钱进学以原职调用先是巡按陕西御史耿鸣世劾进学贪状下吏部勘卒如御史议以不谨闲住 上谓进学赃私通无下落抚按官或据风闻既奉旨查勘今后务虚心问拟具奏不许偏执成说及以出身资格任意低昂致枉公论

○翰林院侍读罗万化以病乞归许之

○巡按直隶御史陈文衡言宣府南路□? □天□井堡系山狭兵马必由之路新设仓场宜用仓官给以条记从之 改广西雒容县治于灵塘以旧城为堡留兵百名守之移庆远守备驻河池徵东兰南丹那地三州兵各五百名戍柳州从广西巡抚郭应聘议也

○罢延绥游击冯时泰等行御史提问以秋防被劾也

○延宁二镇及河套松山虏酋款塞贡市告完赏总督右都御史石茂华巡抚罗凤翱银币有差赠巡抚张守中兵部左侍郎赏总兵程九思以下各有差

○己酉河州卫弘化寺番僧锁南星吉等五名来贡马驼犬只方物赏给如例

○大崇教等七寺刺麻番僧割挂那节等贡马匹尽佛酥油杵立麻

○总兵戚继光言蓟镇兵马原分一十二路势难合练向增协守二员在蓟州东者分练松棚太平燕河台头石门山海等处蓟州西者分练喜峰马兰墙子曹家古北石塘等处总兵居中调度颇称节制但该镇边长二千余里山势萦回遇警驰援不及宜于中路改添协守一员即以加衔副总兵罗端充之割东之松棚太平西之喜峰马兰与之崙管驻劄三屯城内西协原少骑兵当以所统石匣车营步军与密云参将陶世臣马兵互易仍请敕书三道关防三颗赍付各协遵守下本兵议从之○兵科都给事中裴应章等言曩壬申之岁特命大臣三员阅边本为边政废弛修举无实而设乃各边力疲于迎送财费于供张若有名为视成而寔则滋扰者议寝司属随行下部议

○高邮州清水潭堤口冲决时督漕侍郎张翀以修复老堤工力浩大数年始可成功恐新运已临决口未就且令粮舡暂由圈田里行而御史陈功则称圈田浅涩不便牵挽外湖水面阔四十余里风有不顺必至稽阻工科给事中侯于赵亦以两臣持论未决恐致过淮后期乞敕所司速议并欲以淮南运道尚责漕臣而以淮北运道命河臣傅希摯一意经理务时加挑浚以图万全从之

○督漕侍郎张翀以修筑宝应堤工议于江南各府州并浙江江西湖广每粮一石加派一斗折银五分先于余盐银内借用候次年徵完角口羊补弗许诏以漕粮脚米六升每岁计银三万三千三百余两及蠲免七升内量复一升每岁计银一万两为修筑之费又命于河道衙门转发修河银五万两如不敷或留漕米或借工本盐银或山东河南香钱例银及德州仓银并准湊用

○庚戌抚治郟阳都御史王世贞请以荆州两卫班军之戍广西及靖桂者各撤其半卫本府弗许

○升蓟镇总兵营中军崔经为游击

○辛亥 英宗睿皇帝忌辰 奉先殿行礼遣抚宁侯朱冈祭 裕陵

○壬子改分收浙江台金严参将吴良知于广东琼崖地方

○癸丑命经筵展书官翰林院修撰张位充 经筵日讲官

○广西抚按官郭应聘李采菲言宣化县系左江属邑岁派粮银一千五百余两输右江向武奉议都康等州系右江属州岁派粮银亦一千五百余两输左江以致两皆逋负乞将宣化还之南宁向武等州还之柳州各徵所属粮银而南宁存米良多宣化粮银宜角口羊藩司充宗禄兵饷之费从之

○开浚新河工部右侍郎兼右佥都御史徐枋等议新河二百五十八里中间凿山引水筑堤建闸工必不可议省漕河旧规每方广一丈深一尺为一方每方二工计工给银四分共该银九十万八千七百六十一两八钱费必不可不储得旨胶河在嘉靖间该道官自行开浚工已十之六七当时未闻请给钱粮多用夫役今特竟其未成之绪纵工费艰钜何至动称百万据所委勘各司道官多推艰避事其中工程道里丈尺大率虚估未见详确显是故设难词欲以沮坏成事且就近有司官员岂无堪用者乃委及王府长史长史以辅导为职岂宜侵有司事徐枋始议云何今观其所措画殊无勤诚任事之忠户工二部其会同原建议刘应节并工科勘议以闻○海西哈儿等卫女直夷人都指挥等官 口< 人小 > 龙哈等二百八十二员贡马赏赉如例仍给本色马价

○以岭西双鱼儒峒甲子电白赤坳等捷赏总兵坐营官杨桂杨继武以下银两有差

○开浚新河工部右侍郎右佥都御史徐枋言前题匡家庄地委高峻难于施工改扞黄阜岭道里稍近而高处亦不减泉水仍不可通惟沿都泊由舡路沟一带原系便路相传为都泊为水所汇舡路沟为行舟处似有待于今日者在黄阜岭迤北既远其高峻

在分水岭迤南又避其淤沙地形平远水势漫漫且旁有可济之河水可引之泉源其上流为沽胶等河浚之以为血脉其下流为张奴等河浚之以为经络多建闸座以通其咽喉广开水柜以滋其荣卫立堤塍以障其流沙开月河以洩其横溢或遇大旱水浅仍炤会通河事例预造剥缸以备剥浅每年春初大挑小挑务期通利其海仓口等处俱有旧设仓廩仍查复置造以备积贮是可以备海运之长策称转输之便途矣报可

○甲寅以编修沉渊黄凤翔充起居注馆编纂章奏官凤翔兼充 实录纂修官

○升总督宣大山西右都御史兼兵部右侍郎方逢时为兵部尚书兼右副都御史逢时具〈□疏-金〉辞不允

○以左军都督府佾书武定侯郭大诚掌南京左府事

○以陕西都司佾书臧士劝充延绥游击

○以左军都督府佾书泰宁侯陈良弼掌南京右府事

○乙卯陕西大崇教等七寺刺麻番僧割挂那节等三十五名以马匹方物进贡赏绢钞银两如例

○琉球国中山王世子尚永差正议大夫蔡朝器等赍表文方物入贡赏彩段绢布等物仍于常例外每五日另给鸡鹅米面酒果以示优异朝鲜暹罗使臣亦如之

○以浙方总捕都司佾书张澡充游击管金台严参将事

○以辽东大捷遣官赐督抚镇敕奖慰之并赏文武大小员役银币有差

○丙辰授总督仓场户部左侍郎毕锵为正议大夫资治尹

○改原任太常寺少卿陈行健为南京太仆寺少卿

○蓟州大安口草场火延毁草束以万计夺郎中高世两俸三月

○兵部覆奏巡视京营户科右给事中李邦佐浙江道御史麻永吉条陈戎政四事一营将欲炤边将例三年考满优者加秩查武臣无考满例起于隆庆元年以边将防御无功间一请行况京营视各边利害劳逸相去甚远但查其年资果深与才堪边镇者或相兼推用或听总协大臣奏请加恩不许徇情滥举一在营操备及教演车兵等官旧例荐剡未及径听总协大臣题充千把总官委于甄别之典未备今后巡视科道复命一体〈□疏-金〉荐未经荐者不得滥用一围军脱逃病故不行勾补径于京营调选致见在营军不及 祖宗时四分之一前毙委宜痛革仍著令该管把总等官逃军十名以上者年终听巡视衙门一体查参一营操马匹仅年终一验易至耗损宜上半年于住操之时下半年于印烙之日各简验瘠损者惩治老弱者变卖屡惩不悛者转兑别军诏如议行

○以中都留守司佾书贺慎掌陕西行都司印升蓟州守备马承勋为山东都司佾书山西都司佾书惠承恩掌河南都司印宣府顺圣川东城守备王学礼为陕西都司佾书江南下江运粮把总史臣为福建都司佾书

○大和王厚炬劾奏辅国将军载〈□土遂〉及本府仪宾赵瓚葵丘郡君等诸不

法状下抚按勘奏

○丁巳巡按辽东御史刘台论劾大学士张居正擅作威福蔑 祖宗法如逐大学士高拱去国不容旦夕缓成国公朱希忠无边圉功而赠王爵引用阁臣张四维及冢卿张瀚不以廷推斥遣谏官余懋学傅应祯等几空言路为一身固宠计则献白莲白燕以为祥为子弟科第谋则假京堂巡抚以为报翰林不侵政事而创为章奏考成江陵膏血已枯而大起违禁宫室< 〇〇〇 毓-金 >入 上大怒以为诬罔忠良肆言排击意惟构党植私不顾国家成败命锦衣卫逮之居正奏辩言旧例各地方有事巡按御史不宜报功嘉靖间巡按杨九泽以奏报海捷谪外去年辽东大捷台越职报捷律以 先朝旧例则台宜降谪臣但请旨谕戒谓非事体所宜而已台已不胜其愤后御史傅应祯以捏称旨意被拷有阴构党与之言初不知台与应祯同县素厚实有所主乃妄自惊疑遂无所顾藉发愤于臣且国朝二百余年未闻以门生排师长者计惟一去以谢之得旨卿赤心为国不独简在朕心实 天地祖宗所共降鉴彼才邪小人已有旨重处卿宜以朕为念速出辅理勿介浮言是日大学士张四维亦专< 〇〇〇 毓-金 >自辩 上曰朕自有处分卿宜安心供职及械至京下诏狱镇抚司具狱词拟廷杖遣戍居正< 〇〇〇 毓-金 >救谓前傅应祯诬损 圣德臣再三恳宥免杖天下莫不称仁今台所诬诋者臣比之 君父悬矣若欲尽法是臣所恶于下者事上而爱 君父不如爱己身臣不敢也况台尚有垂白父母臣实惻然悯之 上曰台谗狠奸人卿犹申救可谓忠慈之至矣诏削籍为民 晋王新< 〇〇〇 土典 >薨无嗣 上辍朝遣祭如例以其侄慎镜理府事从王妃卢氏请也

○封刘氏为恭惠王次妃以子靖江王任昌贵也

○升直隶广平府知府赵奋为河南提学副使

○礼部右侍郎管国子监祭酒事孙应鳌以母病乞归不允

○准辽东巡抚张学颜男承祚荫

○降原任江西右布政使刘爝为湖广右参政

○山西按察使舒化以病乞休从之

○原任南京兵部尚书王学夔卒诏赠太子少保赐祭葬仍予谥遣中书舍人姚士观造坟按学夔江西吉安府安福县人正德九年进士初任刑部陕西司主事以明允称改吏部考功司主事值 武宗方议南巡乃陈戒逸游一< 〇〇〇 毓-金 > 上怒怨门五日廷杖几死 肃皇帝初继大统又以谨始定志入告尝力救言官之谪屡却恩泽之封升南京太仆寺少卿调太常寺少卿求退益切遂迁福建参议历参政右辖广东左辖转南京光禄寺少卿以右副都御史抚治郟阳剪魁盗长兴擒昂山伪男子所至清肃提督操江定秦藩黄良之变赐金帛褒异旋晋南京大理寺卿吏部左侍郎升南京礼部尚书调吏部尚书四< 〇〇〇 毓-金 >引避寻改南京兵部尚书故事南大司马参赞机务宠冠吏部上盖异数也随力请谢政归隆庆万历间两膺存问时年九十有二矣又二年始卒抚按杨成张简以闻故有是命谥曰庄简廖僖靖常云仕路一清非公不可郑端简以

为南金大贝公独无私可谓贞亮有为初终不替矣

○陕西肃州卫寄住正副使阿纳的约等一十二员名及大崇教等七寺刺麻番僧割挂那节三十五名进贡宴待如例○发太仆寺马价银五千六百两充蓟镇本年抚赏

○命刑部贵州司员外朱湘广西审录

○镌定辽后卫指挥同知王延祚等各职三级先是延祚等守备不设令虏得大掠归法应议戍第贼众我寡情可矜原部议欲审入犯大小以别将领罪犯小责守堡稍大责参游备御最钜总镇任之遂著为例

○命漕运及河道衙门严督郡县将清水潭原决堤口设法堵塞勿得恃圈田外湖致稽粮艘

○己未 孝静毅皇后忌辰 奉先殿行礼遣忻城伯赵祖征祭 康陵

○诏以宣镇抚按官查勘过所属仓场钱粮有浸浥亏折及借支重造等项俱严限追完奏报其粮储郎中并守巡兵备姑念岁久人多贷之

○户部覆礼科左给事中秦耀等条陈草场四事一清查旷土以杜隐占一考核委官以惩旷惰一责成监督亲自收放一酌钱粮多寡以定商人名数俱于国计有裨命如议行

○降原任广东参将艾升充浙江总捕都司

○以失误朝贺下光禄寺典簿谢守淳于法司完赎还职不坐笞罪

○升山西左参政孙应元为山西按察使

○以兵部左侍郎吴道直兼右佥都御史阅视延宁甘固武库司主事张鸣鹤佐之刑部左侍郎王宗沐兼右佥都御史阅视宣大山西职方司主事宋伯革佐之左副都御史郜光先阅视蓟辽保定武库司员外张世烈佐之先是兵科都给事中裴应章虑生纷扰议省司官兵部谓司属随行 先朝故事往岁事起草创尚难专责大臣况修守又越三年钱粮有减增险隘有坚脆兵马有虚实器械有完缺以及盐法曾否< 田 亩 疏 金 >通屯田曾否开垦胡马曾否收买逆党曾否角□羊散应阅八事款绪之多不知几倍于昔而欲以大臣一手为之分理精神力量必不能周惟不许滥携役从糜费饷廩自可杜纷扰而息疲民矣 上深然之乃命大臣及司官务安静毋扰其边务果否修举从公阅视据实以闻不必另出意见有所条画反滋多事

○分命陕西粮储道右参政张大忠河南清军兼兵备副使田汝颖随侍郎吴道直之延宁甘固山西右参政刘汉儒原任河南副使李汶随侍郎王宗沐之宣大山西天津兵备副使安嘉善井陘兵备副使游季勋随左副都御史郜光先之蓟辽各阅视边务

○罢广东左参政邓之屏以原任监军为福建按臣所劾也

○江西左布政使秦钊以病乞休从之

○海西塔鲁等卫女直都指挥佥事笼卜等一百五十员名入贡宴待如例

○命泰宁侯陈良弼提督操江

○以军政考选罢左军都督府掌府事安远侯柳震前军都督府掌府事安乡伯张鉉南京前军都督府佾书张时春

○福建巡按御史孙録言广贼林凤奉命夹剿闽师出海已击其半而潮州道参政金浙专主招抚阻回闽师恐他日终为二省患时浙已揭报该省按院主捕凤矣闽有此言 上亦不罪浙但申饬旧议责令成功而已巡抚都御史刘尧诲亦言贼凤回潮全赖闽兵追击犁沉大半擒斩多功浙不胜嫌忌反称妄虏计阻闽师乞赐勘以昭激劝至于吕宋虽非贡国而能慕义来王所献方物应为代进下兵部覆如闽抚议 上曰人臣若肯同心为国嫌已自无兵科给事中萧彦又言林凤为闽兵所击区区余烬不即就歼而坚欲示弱可虞一或抚或否可虞二置之腹心之地可虞三彼无意听招而我招之可虞四有云凤死有云凤生揭报支吾踪迹诡秘可虞五总之惠潮重地非浙轻率寡谋拂众自用者所能胜任乞量移别地吏部覆浙宜留任 上命供职如旧

○大学士张居正乞罢言臣既受 先帝付托之重 皇上又宠臣以宾师不名之礼敢不矢以死报况圣学尚未大成嘉礼尚未悉举朝廷庶事尚未尽康海内黎元尚未咸若岂臣言去之时但言者以臣为擅作威福而臣所以代主行政者非威也则福也取其近似而议之事事皆可以作威事事皆可以作福虽 皇上圣明万万不为投杼而以身府谤岂臣节所宜有乎报曰卿精诚可贯天日虽负重处危鬼神犹当护佑谗邪阴计岂能上干天道朕知卿贞心不贰决非众口所能摇惕宜即出视事勉终 先帝顾托勿复再辞大学士张四维亦再< 〇〇〇 〇〇 〇〇 >乞休 上温诏留之

○吏部尚书张瀚言臣以疏直被诋蒙 圣明洞察温谕勉留不敢片言致辩但自审孤危负乘乞赐归田优报不允

○吏部等衙门左侍郎何维柏等皆谓居正身任天下安危上辅君德朝讲日勤下砺百僚政刑时敕汲汲图治不避怨嫌数年之间四夷款塞百官受成庶事奏功万民率职 皇上冲年御极而天下安享无虞居正辅佐之功也张四维志秉忠贞才兼谋断亦以人言杜门求退几务繁重必劳 圣心乞 宣谕二臣即出视事 上曰元辅为国一念知有主不知有身天地鬼神可表次辅协赞不避谤谗朕俱鉴其忠悃大小百官其有志向君者并同此心若彼儉邪玩法百计中伤此公私之分邪正之辨不可不察谕留本朕至意即允行

○太常寺等衙门卿刘一儒等吏科等科都给事中陈三谟等广东等道监察御史赵允升等各< 〇〇〇 〇〇 〇〇 >请宣谕二臣速出辅政并报允

○庚申 上遣司礼监太监孙隆赉手敕及酒馔诣辅臣居正第谕曰 先帝以朕幼小付托先生先生尽忠辅朕不辞劳不避怨不居功 皇天后土祖宗必共鉴知独此畜物为党丧心狂言动摇 社稷自有 祖宗法度先生不必介意宜思 先帝顾命朕所倚任保安 社稷为主即出辅理朕实惓惓伫望特赐酒馔用示眷怀先生其钦承之慎勿再辞是日居正具< 〇〇〇 〇〇 〇〇 >谢且言事惟求诸理当心奚必于人知况臣款款

之愚既特孚于昭鉴则诸呶呶之口诚无足为重轻 上嘉悦之

○太子少保吏部尚书张瀚再< 〇〇〇〇 〇〇〇〇 〇〇〇〇 〇〇〇〇 >乞休不允

○蓟镇总督杨兆具< 〇〇〇〇 〇〇〇〇 〇〇〇〇 〇〇〇〇 >为左都督戚继光署都督同知杨四畏请加秩继光宜特赐殊宠 上皆不许故事总兵官边劳特著者三年该督抚官题请加恩六年进秩有擒斩丰功不拘此例继光等以秋防叙升甫二年耳故靳之诏以南关商税余银三万两留备织造仍该料价银二十二万二千一百九十余两行浙江布政司炤例派徵

○礼科等科以考成抚按未完< 〇〇〇〇 〇〇〇〇 〇〇〇〇 〇〇〇〇 >纠六十九人 上以未完者多追赃官吏并侵欠钱粮事情重大如再迟违该科其尽法参处

○癸亥 仁圣皇太后圣诞百官及命妇朝贺如仪

○以礼部右侍郎管国子监祭酒事孙应鳌翰林院编修沉渊补经筵讲官翰林院修撰于慎行编修黄凤翔习孔教补展书官

○中军都督府掌府事伏羌伯毛登乞免不允

○诏给锦衣卫带俸指挥同知陈昌言指挥佥事陈嘉言诰命以 圣母仁圣皇太后属戚也

○甲子四川威州原抚归化打喇儿寨差都纲头目安儿加等贡珊瑚等物陕西蒯咂等族番人焦吉等贡马匹盔甲腰刀各赐赉如例

明神宗显皇帝实录卷之四十六

明神宗显皇帝实录卷之四十七

万历四年二月乙丑朔陕西庄浪土汉军士以马匹料草不顾本色噪遂焚道门总督右都御史石茂华以姑息< 〇〇〇〇 〇〇〇〇 〇〇〇〇 〇〇〇〇 >纵为参将裴尚质罪而巡按御史耿鸣世又以给散踰期为兵备邹廷望罪参处互异于事兵科给事中裴应章言廷望处置无法尚质铃束不严罪当并议但料草原非月粮既有本色亦非缺给而舛口鸟鹜若此法纪荡然骄军更宜惩戒且总督抚按官论列事情必是非画一乃为至公不得彼此参差迄无定论吏科都给事中郑三谟等亦言廷望一人而是非相悬去留顿异如此岂人臣论事之体且以制人者而反受制于人欲其令行禁止信赏必罚成灭虏之功难矣不如轻处廷望重治悍军庶官常肃而边境可安俱下所司

○封广安王翊鏊选配程氏为王妃

○以修筑保定边工赏总督杨兆巡抚孙丕扬以下银币有差

○命太仆寺发银一万两充山西镇本年马价

○兵部覆御史刘台条陈沈阳开原等处台墙炤蓟镇事例增银修筑从之

○丙寅遣大学士张四维祭 先师孔子

○南京礼科给事中彭应时等福建道试御史胡宥等各< 〇〇〇〇 〇〇〇〇 〇〇〇〇 〇〇〇〇 >掾御史傅应禎并给事中徐贞明御史李贞乔岩俱下所司

○升江西右参政张士佩为山西左参政福建运使周浩为广东左参政江西右布

政使柴涑为本省左布政使

○户科都给事中光懋言国家建都极北军国之需悉仰给东南近因漕渠多梗识者谓宜别通一路与运河并行然初议挑浚仅百里起夫约数千经费数万即可通潮信而海水自来顷勘报又谓海潮必不可通矣三徙匡家庄而都泊是主矣深挑量浚计地百有七十里矣旁引接济之水又百六十里与正河等矣夫役过四万矣时限三年矣估计工费又几百万矣前后矛盾恐糜竭无余而漕事未必有裨乞命尚书刘应节暂辍营事赴开河地方与徐枻虚心讲求实用若出百万之费未足收永赖之功不妨奏请中止下所司

○命礼部凡遇海西建州等夷贡还仍以本馆序班押送不得委用指挥等官

○诏免南京岁造闽县二徐真君袍服

○辽东海西者刺等卫女直夷人都督等官阿失卜等四百一十七员名贡马赏给如例

○丁卯命太仆寺于寄养马内调取八百八十七匹分给五军等三大营五百一十七匹通州营七十匹勇士营三百匹各缺马军勇领骑

○命延绥镇桩棚银除修边外应补给备市者依户七兵三例支給备次年市货

○戊辰 上亲祭 大社 大稷

○工科给事中戴光启言庄浪与甘肃诸镇并为河西重地乃庄浪独无兵备而以行太仆寺少卿摄之致令军士狎傲上下危疑夫兵备既可摄于寺卿则马政亦可摄于宪臬与其以仆寺而借宪司之銜不若以兵备而兼马政之职宜裁少卿设副使兼理马政便 上命陕西督抚及行太仆寺卿会议以闻

○己巳铸给蓟镇三路协守副总兵关防

○巡按陕西御史傅元顺条陈茶马事宜一抚番族以安地方谓洮西熟番古陆阿尔答等国初受敕中纳茶马与西脑生番下沙麻儿等原不同谋不得一概大征有妨招中一留茶篋以戒不虞谓番人以茶为命每岁中马六千有奇中国恃以制番近议与西海丙兔开市即以招番余茶用易虏马将使番人仰给于虏彼此势合貽患匪细宜照原议虏市惟易段绢布粮等物茶篋仍留招番一定期限以信遵守谓每招番中马日期洮州茶司定以五月河州甘州二茶司定以六月西宁茶司定以七月番市告竣而后虏酋赴市庶经过中马番族可保无虞不然恐致骚扰俱于贡市有裨从之

○升江西按察使何子寿为本省右布政使陕西副使郝杰为江西右参政福建福州府知府陈楠为本省运使

○海西阿资河等卫女直都指挥同知亦把力等并弗秃等卫女直都指挥使往吉奴等入贡宴待如例

○追赠西河王表相先配夫人王氏为西河王妃进封继夫人王氏为继妃故事郡王不准封继但有先以长子夫人蚤世者本宗虽袭王封未偕妃耦典制似未尽善于是

礼部议引沈世子近例并准奏请选继袭封之日进为继妃其有原系内助者即封次妃不得更请选继若本以郡王妃故不得复称内助溷封次妃诏著为令镇国将军有改封长子者亦如之○工部尚书郭朝宾等言新河之议刘应节原以通海为主今查姚家庄以南至集蟆沟计三十里自孙家口以南至高崖头玉皇庙共一百一十八里余又自高崖头至旋河嘴量浚七十六里俱系海水必由之路宜即兴工其开引水河一百四十六里应命停止惟是千闻不如一见徐棡亲见海不可通故议引泉乃欲使之舍泉就海责以必通万一无成则棡得自诿而费过钱粮已不可追矣必须公同应节商度至当可通则通可止则止慎于经始以图万全 上命应节暂角□羊营务会同棡并该省抚按官亲到地方虚心计议先将难处开浚试验果否可行细估具奏毋得拘泥原议含糊两可致误大计户工二部各先发银三万两付应节支用以后工费另行议处

○辛未升广西左参议刘应峰为云南提学副使○巡按直隶监察御史贺一桂议清保定河间二府钱粮有岁入之额浮于岁用者以三分角□羊部济边以七分留库备赈其自本年以外积岁所余者则半以备赈半以济边下户曹

○日讲官翰林院编修沈一贯奏请母洪氏恤典 上从之命与祭一坛

○安南使臣黎如虎等朝贡还 上命鸿胪寺通事官伴送令由广西凭祥州哱村镇南关出

○以剿平岭东山贼蓝一清赖元爵等功指挥杨桂以下各升赏有差

○罢广东参将吴京下总督讯以纵贼林凤为督臣所劾也

○命修太学以幸学合用琴瑟钟鼓麾旛祝敌及灵芝钟磬架等器于内官御用司设等监关领白磁盘于内承运库关领其大红线罗销金云帐下营缮所修造给以该司料银

○复除原任河南按察使金立敬于江西云南副使归大道于陕西○补给南京礼部尚书潘晟浩敕晟以不戒于火援例请从之

○赐锦衣卫掌卫事署都指挥同知傅霖祭一坛仍给半葬

○追赠广济王生母赵氏为岷康王夫人故事亲王生母准封继妃郡王生母准封次妃皆自其子之袭封者言之其余妾媵有子止得封为夫人广济王定<□□火业>虽亲王庶子然初封郡王与袭封亲王者不同若概引母以子贵之例则亲王妾媵凡有子者无不可妃故定<□□火业>之奏为秩宗所格云

○巡按云南御史郭廷梧言滇南土官每遇邻境田土辄悬高价饵之夷民争为投售以故田即庄田民即庄兵良民受侵粮差逋负宜严行各土司越境置庄或奸徒投售先将田产及价值没官仍从重典从之

○升南直狼山副总兵陈其可佾书前军都督府○以临淮侯李言恭武靖伯赵光远定远侯邓世禄崇信伯费甲金各佾书五军都督府言恭中府光远甲金左府世禄后府

○以兴安伯徐梦旻掌前军都督府印

○赐原任刑部尚书闵煦妻封夫人李氏葬并开夫圻

○癸酉户部尚书王国光乞休 上温谕留之

○予原任南京吏部尚书吴岳谥介肃 命永兴王惟火□□嫡第一子怀填理本府事故事郡王府与亲王府同城事悉统于亲王无服内先请管理者 上念惟火□□先年曾以其父冒封自请改正得保王爵终身子孙无敢冒袭则怀填当王爵方革之后本爵未受之前家政难束姑从其请

○以凤阳军门中军江月金书中都留守司协永班军卞永掌陕西都司印大同右卫守备为事官王江金书山西都司仍充为事官

○罢广西都司掌印魏国及兴安守备王之野以粤西巡抚论劾也

○两广总督凌云翼言岭西徭浪渊藪地方旷远非一参将所能备御又土兵每遇倭警冲锋陷敌不若浙江其以高肇韶广参将分为二一专守高州一专守肇庆韶广而另选游击专练兵< 𠄎 銃-金 >入 上命陈璘守高州陈典守肇庆韶广而练兵事务调松潘游击张延廩补之

○甲戌 孝贞纯皇后忌辰 奉先殿行礼遣怀柔伯施光祖祭 茂陵

○遣侍郎汪鏜祭 三皇于景惠殿

○升四川僉事秦舜翰为广西左参议

○陕西河州卫弘化寺番僧占羊管管著等五名岷州卫大崇教等七寺刺麻番僧劄挂那节等三十五名各备方物进贡赏银币如例

○以互市不扰诏赏酋首指挥同知打儿汉台吉等各彩段衣服仍赐敕嘉奖

○以秋防考劾罢宁山营游击贾永清及八达岭守备刘源深

○乙亥刑科左给事中李戴言顷者黄河以南盐价腾涌矿徒角利啸聚几成大变其故由河东盐花减昔山路运艰又半插泥沙味不堪食故官盐日滞私贩日兴莫若量为通变将河南一省近北者分属长芦近南者分属两淮近西者仍属河东商民两便下所司户部言该省额行盐引二十五万额课银八万有奇此减彼增宜令各巡盐御史议便否以闻从之

○铸给提督会同馆关防

○修 方泽坛遣侍郎何< 𠄎 宀十见 >祭告 后土司工之神

○命镇守广西总兵官李锡统辖全省一应夷情兵务先是寻梧南太思恩原非所辖故有是命

○以浙江军门左游杨击瑄仍以原官管广东雷廉二府参将事

○升四川都司掌印胡恩充叙泸左参将

○命兵科给事中虞德焯监修 先农坛给关防敕书

○丙子遣官代祭 大明于 朝日坛是日暂免经筵

隐忧奈无实心干理之人吴桂芳素有才望所陈治河当先治海尤切事理即令悉心经画举行若能力践其言事克底绩当重加升赏以酬其功

○巡按陕西御史耿鸣世以病乞归许之

○海西阿资河等卫女直夷人都指挥亦把力等入贡赏赉如例仍给本色马价

○命神机三营游击沃允谦以原官改统蓟镇宁山班军

○甲申原任总督漕运兼巡抚凤阳兵部右侍郎兼右佥都御史升刑部右侍郎张翀以病乞归许之

○户科给事中朱东光言市马业经宣大总督方逢时议定额数著为令矣未半载而山西巡抚崔鏞藉口顺义王贻书有市马空回众夷怨望语遂欲议增市本银五千两岂逢时初议乃不能为一岁之计以岁用计之九边饷三百余两太庾岁入仅三之二犹取足于纳级榷货之金况水旱凶灾所时有也堪此额外之求耶且山西以五千为请宣大必以数万请矣与山西是启宣大之端也与五千是开数万之渐也国家以贡市为权宜以战守为实事若徒竭我之财供虏之欲堕彼之计懈我之防谋国亦甚疏矣部覆向议市规夷马有增即以桩头等银济用不得那移客饷致匮边储从之

○以各王府婚配名封奏结参差迟误不合典制命各巡按御史将该府辅导官严究如系各布政司迟延亦从实查参

○以原任分守金山参将詹廷杰充湖广靖州参将

○怀仁王府未请名封宗室喜哥滥妾所生常安越关奏扰命发代府闲宅拘禁仍治沿途纵容者之罪

○黄梅县举人瞿九思与生员周谷等欧伤本县知县张维翰拟戍黜有差维翰改调 上命罢维翰官

○工部请修舡坞及金鳌玉蝀等坊报闻

○乙酉谕户工二部万历通宝制钱炤嘉靖式铸二万锭内金背一万四千锭火漆六千锭与嘉靖隆庆等钱兼行仍以一千万文进内库工部请分八千锭行南京铸造从之○两广总督凌云翼言原任广东副使李材尝愤地方荼毒集兵蓄粮分哨据险创议大举前督臣殷正茂具题方略皆其手笔宜即起补添设为靖夷道以备咨谋下部覆请上曰该省既增设靖夷道则镇西兵备所管何事寝之

○改南京工部尚书翁大立为南京礼部尚书

○改南京户部尚书殷正茂为户部尚书

○升营缮司署员外郎事主事黄猷吉为河南佥事驻淮安治水

○肃州卫东关厢寄住罕东左卫都督同知阿束把力并随贡正副使虎都帖木儿等入贡赏给如例

○丙戌两免经筵

○戚畹固安伯陈景行奏乞曾祖父母诰命从之

○总督陕西三边军务右都御史石茂华报修过延绥边工命核勘○丁亥祭 历代帝王遣魏国公徐文璧行礼

○升昌镇总兵营中军毛策充神机三营游击

○戊子升总督仓场户部左侍郎毕锵为南京户部尚书南京户部右侍郎曹三昞为南京工部尚书

○兵部覆巡按直隶御史陈文衡所上修边五事一曰乘时谓功贵速成不必拘限何年坐销岁月一曰均力谓虏既款塞不当专役步军徒逸马军一曰审势谓有山可据有壕可穿毋令虏得乘高击下任意驰驱一曰祛弊谓钱粮易于冒破以通判给散以司道稽查惟求实济不必炫节省之名一曰考工谓台高四又有余起脚宜以七尺收顶四尺务期坚固不可踏新平等城之绩岁终仍将勤惰各官参叙报可

○工部右侍郎兼右佥都御史徐枋以条议新河事奉旨切责仓皇具< 疏 疏 疏 >陈谢而所录旨意差讹为工科论劾 上以枋在远传写致误贷之

○己丑以少詹事兼侍读学士掌翰林院事申时行掌府事王锡爵充修较 玉牒官

○原任蓟州巡抚右侍郎吴嘉会次男吴若以兄蒙先已送监读书告借副千户荫许之

○庚寅辽东镇新添客兵一千五百余员名防守宁前又调河东设伏 上命每年给行粮银一万六千余两无事掣回银即停止

○原任户部尚书王国光进万历会计录 上嘉之仍命户部再订缮写进览

○陕西督抚石茂华文勘过固原镇地额微有增益新增地一千六百三十顷四十五亩零该科粮三千三百五十一石零粮折布一百一十六疋零草折粮一百二十七石零草七千二百六十束零草价银七钱八分零地亩银二十八两五钱八分零牛具地亩银一百五十六两八钱一分零增入实徵行令各卫所自万历四年为始炤数徵纳其中坐甘州中护卫粮八千三百九十石多报安东中护汉中等卫所地八百六十顷该粮一千六百六十石草四千一百余束并应开除及临河二卫抛荒地九百五十顷该粮七千一百二十石草折粮三百九十石零草五千一百三十束地亩银一百一十 两暂行豁免设法召种成熟酌量起科下户部覆允

○诏以陕西督抚石茂华所报榆林绥德延安三卫沙压屯粮四千四百七十石草七千四百六十八束系抵军饷租银七十五两五钱系备买马事干军需急务亟行清查即果系沙压仍宜设法开种其额军无地之说尤当挨册查理务使地额无失军饷不亏

○礼科给事中武尚耕言 帝王之学与韦布不同请以宸翰所摛十有二事时加考验如谨天戒则思与古之敬天何如也任贤能亲贤臣远嬖佞则思与古之用贤退不肖何如也明赏罚慎出入慎起居则思与古之罔不钦罔不臧何如也节饮食收放心存敬畏则思与古之保身治心何如也纳忠言樽节用则思与古之求言崇俭何如也所谓

体验不可弗精也尝观大禹分阴之惜文王日昃之勤诚见时难得而易失也念一岁为一月之积一日为一时之积每朝讲之暇终食之顷孳孳不怠就将之益可限量哉所谓光阴不可弗惜也古人户牖几杖具有训铭深宫燕闲如临师保今讲毕还宫寝兴饮膳必随所御简束不则能保其不迁于异物乎所谓此学无地可忽也臣又惟 祖宗渊谟懿范式亲洒于奎章或纪注于史册如创造之艰难守成之兢惕敬天勤民之实亲贤好学之诚克勤崇俭之休风化民成俗之美意今尚未闻形诸讲角□羊宜命儒臣特为陈说能善法 祖德而典章制度尚有愆忘者臣未之闻也报闻

○京师有杨春者自称杨参将把总又称崔都司委官又假戚总兵明文招集无籍棍徒数百余假冒骗索事觉遂逃兵科给事中赵世勋以闻 上命兵部缉之随获春及王儒总兵戚继光亦获角□羊伪都司崔学亮等拟学亮假官罪斩春而下遣配有差

○命添设陕西总兵坐营中军官一员

○逮中都留守司秋班玩法官军

○辛卯复除原任编修公家臣

○陕西副使刘宗岱以母老乞终养金事谢东阳以病乞休皆许之

○户部题预开万历五年分各边常股存积盐两淮则五十九万九千四百三引两浙则四十四万四千七百六十九引零长芦则一十八万八百八引零山东则九万六千一百一十引共常股盐一百一十七万六千四百四十引一百六十三斤存积盐三十万三千四百五十引九十斤甘肃镇则二十五万七千九百五十引延绥镇则二十万八千三百七十四引一百九十斤宁夏镇则一十八万一千五百一十八引一百斤宣府镇则一十九万七千六百七十五引五十八斤大同镇则一十万二千三百四十引辽东镇则一十万二千四十引固原镇则五万二千四百一十一引一十斤蓟州镇常股存积长芦盐则六万七千九百六引报闻

○永平管粮郎中傅宠言该镇岁入民屯本色四万二千余石岁用不敷多资召买劳费累商今各仓实存粟米一十九万石自万历五年起主兵应支本色两月者止放一月以出陈折支一月以免招商之累但米久易败宜与谷循环兼收每米一石折谷一石八斗除二斗抵作脚价实纳一石六斗其支放即以一石六斗折米一石客兵以米而主兵间与以谷又黑豆岁入仅二万余石岁出该四万七千石尚少二万七千石必须召买将岁省折支饷银秋后买豆脚价亦在其中将三五年以后米豆不可胜用矣惟是各路仓廩狭隘不堪收贮应量发公费羨余二三百两添修则本折出入相通而官民军商俱便 上嘉其议行之

○户部言保定镇钱粮据抚按所报每年除岁用及议补各州县不足并水患粮银外尚余银三万三千六百七两有奇及节年积存银一十五万八千三百七十七两酌议角□羊部留镇业经题奉钦依无容议矣但本部原题意不在搜括祇因各地方有事輒请内帑而小民惟正之八反任其乾没国计民生两无赖也今除积剩五分角□羊部外

其存留五分并每年所余角□羊三留七之数一概免角□羊遇有缓急奏请动支若积贮数多地方无事听本部酌量取用抚按官年终仍将积过余银造册送部以便稽查得旨各处存留税粮原当查核实数严杜侵欺积有赢余以备本地方缓急近抚按官不体此意朦胧奏报惟孙丕扬贺一桂留心民务查覆精详其角□羊部并存留悉如部议先年拖欠俱免追徵积过余银造册报部仍入查盘通行各抚按知之

○命番僧坚察扎把等随带番经归国仍差通事官管送至宣大军门转送虏庭

○改封鲁王颐坦第三妾张氏为次妃不给册命冠服

○以陕西道御史刘天衢巡按直隶督理京通等仓兼理通惠河抽分并巡视太仓银库

○壬辰清明节分遣武安侯郑昆伏羌伯毛登安乡伯张鉉武平伯陈大策固安伯陈景行祭 长陵等九陵惠安伯张元善祭 景皇帝陵寝指挥同知谢守朴祭 庄敬哀冲二太子各陵园

○升南京大理寺卿汪宗伊为南京户部右侍郎提督粮储

○改工部右侍郎陶承学为刑部右侍郎

○升大理寺卿沈应时为户部左侍郎总督仓场

○户部覆两广巡盐御史许三省条陈盐法五事一实填格册盐引掣放愆期皆由奸商诡名占窝临时认号以致交易参差惟定以孟月廿日开卖仲月廿日封引季月廿日到关踰限悉不准放将格册实填某水商原买某内高盐引若干盐包若干务令一引一包不得改折以兹夹带则占窝之弊不禁自除矣一裁定食盐淮扬二府额行官盐六万余引量以居民金领其半无非欲< 〇〇〇 〇〇 〇〇 >通官引耳乃买引之价较市价不啻过之致居民告困而商人遂假民盐公私影射宜酌定市价每斤四厘仍审地方大小户口多寡核实造册关支毋令奸商冒领则影射之奸无缘得售矣一禁革买补官兵缉捕私贩皆按季查比计数论功乃官通兵快将大夥贿放盐斤不足则给票买补私票行而私贩充斥不复可问今查比虽容废而分数不足者官宜扣俸兵快宜扣工食不许輒行给票则私贩之窠无间得乘矣一变通消折各仓垣盐课停积年久风雨摧残当分别未经十年者炤旧听支已经十年者议价变卖每引二钱角□羊司收贮候商到日给领买补则总灶之困稍权宜而即苏矣一承行勘合凡边商纳过粮石应支盐引俱备载勘合向以白役书手及商灶纳充农民夤缘掌管交通作毙宜于盐运司添设勘合科典吏一名尚查各边仓钞及字号改洗并收掌榜簿以便责成仍查该司见役并候缺农民系商灶者即拨有司衙门不许如前占役则交通之术以专责而少清矣从之

○户部覆两浙巡盐御史王藻条陈六事一禁私煎盐徒盛行皆由灶户私煎场官容隐宜令官给铁盘限以定数团聚煎办派以定所所收必贮官廩所卖必登官簿各处拏获盐犯务究系某私卖盐至一千斤者该场官提戒二千斤以上场官问罪还职分司官罚俸三月至万斤以上者分司及场官一体提问若有受贿故纵情毙听巡盐御史参

究罢斥一议关引两浙运司每年差场官赴南京户部关引或差官暗被贿嘱或该部往返驳查致见领之引愈迟积引之价愈贵宜查原给勘合预委廉干分司注定往返限期该部如期炤数给引果有别项弊窦另行驳查一正灶罪灶户有以私贩应拟徒者加煎折纳每徒一年止纳银一两零八分不足示警宜炤问刑条例与民一体拟赎果系无力调场加煎年终通行角口羊报一饬兑运漕粮挂欠皆由粮里旗甲通同盗卖或水次折乾或私相授受宜行淮浙及上江各巡视御史并监兑主事严督所属印粮等官务将应兑漕粮先期徵贮在仓舡到交兑仍逐舡核实各具印结呈报监兑查考一改舡限江北等处运舡俱限十年一造惟浙江止限五年未坏舡只徒供官旗盗卖宜行该省粮储道自万历三年为始定限七年一造炤例岁给修艚之费其未及七年损坏者计料追赔一严空帮粮舡交卸虽经户部委官管押给以限单然未载入降罚事例间有揽货稽误或盗卖弃逃者原单竟不投验宜令通粮厅另刊限单明注某帮下指挥或千百户官某管押空舡若干只旗甲某若干名计程定限赴粮储道投验如故违一月以上罚俸三月缺舡五只以上降职一级十只以上降职二级通同盗卖炤问刑条例追赃重拟如果系漂毁有沿途经过各衙门印信执炤者不坐通咨各该地方巡抚施行 上诏俱如议行

○是日城以东河水乾

○癸巳城以西河水亦乾

○以尚宝司卿王樵等不亲赴接本诏令各夺俸有差

○先是蓟镇召用南兵九千名议以三年一放班后更议分为三枝与浙江防海官兵一年一枝相为兑换时兵科给事中虞德焯言南兵嗜利无复恋家其更番之令可以中止下蓟镇总兵官及统领南兵参游等官面诘众志果多安心久戍不愿南还但弃家投戍非情而将士处置宜善于是兵部覆议以全营分而为二仍令三年一休即以旧将统领旧兵给以路费舡只春初回浙秋防回边挨次践更炤旧分布从之

明神宗显皇帝实录卷之四十七

明神宗显皇帝实录卷之四十八

万历四年三月甲午朔 孝肃皇后忌辰 奉先殿行礼遣兴安伯徐梦旻祭 裕陵

○调福建副使张庸为陕西副使

○升都水司郎中牛若愚为陕西佥事

○以惠州琼崖雷廉参将分守该府陆路等处兼管海防改西路巡海参将为阳电海防参将其增造舡只并募兵等费悉于该省章程余饷内动支

○甘州人李蕃以侵盗沿边仓粮四百八十余石梟示

○乙未升太常寺卿刘一儒为大理寺卿

○升巡抚贵州右佥都御史严清为南京大理寺卿

○两淮巡盐御史许三省以淮扬灾眚改所属俸薪工食于仪准二所盐课每引带

盐一斤为额下户部覆不允○以江西赣州民叶楷之乱分割安远县马蹄冈为长宁县裁长河巡简司

○以原任甘肃总兵佟登金书中军都督府

○以原任广西都司杨为栋改授中都留守司金书

○以四川都司金事陈善掌都司印

○升浙江临观把总万达甫为福建都司金书

○以豊城侯李环平江伯勋卫陈胤兆管理红盔将军上直侍卫

○丙申复除四川副使欧希稷于福建

○用山西督抚议发各州县民壮赴偏老与班军协修边工

○丁酉 上御文华殿讲读先是 上以大宝箴为习字影格辅臣张居正因言此文于君德治道大有关切乃撰注角□羊一篇以进至是召居正等前 上起立高举大宝箴一册面授居正居正受册北面立 上覆诵终篇不失一字诵毕居正乃前进讲上皆洞其微旨所引琼宫瑶台糟丘酒池开罗启祝授琴命诗等事能悉知其颠末讲至周文小心 上曰小心当是兢兢业业之意至纵心乎湛然之域一条 上曰此不过言人当虚心虚事耳居正因举手贺曰只虚心二字足蔽此条之议矣夫人心之所以不虚者私意混杂故耳诚能涵养此心除去私欲如明镜止水则好恶刑赏无不公平而万事理矣 上曰然特赐居正银八宝二十两并赐吕调阳张四维各十两讲官以下有差

○以征剿河源等处山贼功指挥马维熊以下各升赏有差

○山东抚按李世达□为正请豁沿海贫军年久班价 上许之且云朝廷恩惠宜及贫民岂以惠养奸宄而侵欺拖欠者每皆势豪大族积猾奸人抚按官专制一方不闻选任廉能锄豪安善专为姑息以沽虚名惠奸宄市恩于己归怨于上是岂朝廷任官养民之意班军工价姑与减免后不得援以为例

○戊戌 上御文华殿讲读辅臣张居正进讲帝鉴图说至唐玄宗于勤政楼设宴宠幸安禄山事 上览其图有勤政楼三字曰楼名甚佳乃不于此勤理政事而佚乐宴饮何也辅臣张四维对此楼建于玄宗初年是时方励精图治故开元之治有三代风至于天宝志荒所以致播迁之祸居正因言人情靡不有初鲜克有终故有始治而终乱由圣而入狂者古圣帝明王兢兢业业日慎一日盖虑克终之难也玄宗不能常持此心故及于乱当时张九龄在开元中知禄山有反相欲因事诛之以绝祸本玄宗不用其言及乘舆幸蜀乃思九龄先见遣人至岭南祭之 上曰即如此亦悔无及矣居正又言无论往代即我 世宗皇帝嘉靖初年于西苑建无逸殿省耕劝农欲以知王业艰难又命儒臣讲周书无逸篇讲毕宴文武大臣于殿中至其末年崇尚焚修 圣驾不复临御殿中徒用以誊写科书表背玄像而已昔时勤民务本气象不复再见而治平之业亦寝不如初夫以 世宗之明犹然有此以是知克终之难也昨讲大宝箴云民怀其始未保其终亦是此义 上嘉纳之

○升顺天府府尹曾同亨为右副都御史巡抚贵州兼督理湖北川东等处军务

○巡按直隶监察御史晏仕翹以力护奸书侵欺盐银至二千一百八十七两论罢山东运使薛绍并劾运同戈九畴

○升巡抚江西右副都御史杨成为工部右侍郎

○发南京内官监奉御靳成为净军以其盗库银至一千一百余也

○剧盗杨凤鸾等伏诛凤鸾湖广浏阳人匿江西宁州卢源洞中流劫至是害始除

○己亥升光禄寺卿胡执礼为太常寺卿

○吏部以王府官员六年一考察此外无凭甄别今巡抚于年终巡按于复命各照有司事例以贤否报部按其年劳递升从之

○命山西督抚加给偏老二营军本色三分仍严督三关兵备将领等官各将应徵屯粮瘠地召人开垦务足原额有旷土者查参

○升四川会盐守备霍采为四川都司佾书

○以修完甘固宁夏等镇边墙赏督抚戴才廖逢节银币及副使孙坤以下各银两有差

○庚子巡按云南御史郭廷梧言国初京师有宝源局各省有货泉局自嘉靖间省局停废民用告匱况滇中产铜不行鼓铸而反以重价远购海肥孰利孰害下户部覆可俾开局行

○蓟辽督抚杨兆张学颜会议三事一移定辽右卫军士及仓官于< 图 六 十 见 > 奠堡与参将同城庶节制易行收支近便一迁学庙及拨附郭田土为师生赡养费庶荒服之区变为礼仪之习一准永奠堡北互市惟米布猪盐无马匹违禁物即以市税银充赏便于夷者十之三利于边者十之七诏悉如议

○辛丑以总理河道右副都御史潘季驯巡抚江西

○升太仆寺卿王之垣为顺天府府尹

○先是巡按辽东御史刘台条陈三事 上命督抚官悉心计处于是杨兆张学颜会议谓本镇标兵止有左营一枝遇警东西应援岂容别议惟游击王大璋所领广宁右营兵一千五百可与李惟一更番入卫若广顺关自执献皋酋谕禁部落益谨新安关近已筑有市圈夹墙又令参将弹压亦难更张启衅至于海州辽阳开元边长七百余里军力已竭台墙势难并举命如督抚议惟边墙不宜委之沙滂炤原议行

○壬寅礼部左侍郎兼侍读学士汪鏜乞休 上以纂修事重不从其请

○刑科右给事中郝维乔条陈二事一谓亲民莫切于均徭银差宜炤额均派以时催徵力差宜量力佷役听民自便若条鞭之法既用其力又歛其才民安得而不困一谓致治莫先于讲武大明会典内凡军官承袭必亲试其操练之弓马乃有手不能持弓身不能跃马者冒滥官爵糜费禄粮国家亦何赖于若人下所司

○癸卯巡按福建监察御史朱光宇乞休从之

○巡按直隶御史舒鳌言淮安府东陬山民彭湖等于正月初十日见海滩有男子二十二人异形异服问之皆摇头不语一人手捧夹板公文上书行济州进贡等项语音不辩惟能书写东风水等字样差官管押赴部以闻下所司

○兵部以东虜土蛮伯言兀速把亥等糾集东西诸酋欲东攻开原西抢宁前锦义见在辽河一带下营申饬蓟辽二镇戒严前锋以战胜为功不论首级援将以夹击为主不许逗挠主将李成梁既已东行抚臣张学颜必当西顾其辽东入卫李惟一兵马即发回镇应援仍简调战兵二枝出关以张声势总理戚继光移驻滦东相机援守自石门以至喜峰等路通行堤备如有观望不进寘之重典

○先是题奉钦依试御史候满一年方考实授顷都察院以差用无人查隆庆六年试御史许乾等及万历元年试御史王晓等皆试职四月准考今邢玠等试职八月应请考授从之

○甲辰礼部覆太常寺卿刘一儒条上三议一复粢盛以崇祀典欲以各祭所用粳糯二米原系两县供办者炤例查复以免坛户歛钱一更印信以明职守欲将本寺年久印文铸换仍改神祇坛祠祭署印为先农坛祠祭署印庶于籍田诸务有阙一增饩廩以资养贍欲以提点员缺止令知观挨补不得选用太常寺协律等官以致有品无俸仍炤南京神乐观事例月支米一石五斗庶于乐舞生崇卑有辨从之

○以报事有功升福余卫头目那颜孛来为都指挥僉事其兀鲁罕等卫都督及都指挥等官男孙秃难哈等俱令袭替回卫仍换给敕书俾修职责

○以河南道御史于鲸巡按真定等处

○兵部覆蓟辽督抚杨兆王一鹗所议蓟昌二镇以匹马不入方为万全故修筑塞垣为第一要义况二镇应修之墙在蓟仅七百里在昌仅九十余里虽共增墩台各五百座而昌平尚可减百工既不多且先年修墙一丈工价一十八两私派不与焉今止议五两乃墩费视台又不过居三之一费亦称省应听其便宜及时从事惟该镇兵以足四万而墙则昌镇以八年计蓟镇以一十三年计墩台则又岁各以十座计已不无玩时废事之病柰何更欲借拨班军乎此当复行详计者也至于钱粮炤户七兵三例各预角□羊该镇收贮用毕再请每年终用过钱粮修过工程悉令巡按御史核奏有仍袭故套不尽用灰石及搀用挂木者严治命如议

○丙午升武选司署员外事主事韩应元为山西僉事

○兵部覆言南京太仆寺卿何起鸣所条马政钱粮宜仍行各抚按及两京印马御史委官清理不必并责该寺其应天等府州县牧马地租应存留者炤旧扣徵角□羊府类角□羊南京太仆寺收贮遇灾酌助至于该寺卿丞所裁俸薪应行除免惟是留都根本重地据嘉靖二十九等年帑藏告匱行南京兵部取用收贮马价地租缺官等银计三十余万隆庆年间闽广用兵亦借给十有五万若素无畜积何以得此其应存积者仍宜存积又不必务为简括也从之

○命南京太仆寺卿何起鸣将所属各府灾伤分别三等如高泰泗邳等州县为甚滁宿江仪等次之节年所欠马价银两或暂免十分之六以万历八年至十年带徵或暂免十分之四以万历六年至八年带徵其应天镇江未报水患地方仍每年带徵三分之一以万历四年至六年依期徵角□羊毋得轻议蠲免一概因循

○升虞衡司署员外郎事主事徐儒为都水司郎中管理河道

○丁未 武宗毅皇帝忌辰 奉先殿行礼遣成安伯郭应乾祭 康陵

○先是金花银急缺户部以太仓备边银二万二千二百余两借支进仍请行各抚按勒限完销 上曰金花原系正供且折纳甚轻又分季徵角□羊员役侵欺积逋至一百六十余万一加查核輒称朝廷催科严急鼓煽流言阻抗乃以备边银两借供上用国家常赋惠养奸豪论我 祖宗法度其得迨罪各抚按以后严督有司每年务炤季完角□羊敢有倚势抗拒并侵欺者即便参奏拏角□羊重处若抚按官徇私怠玩以不职论黜时户部左侍郎李幼滋又言近日行一条鞭之法金花与各项钱粮无别故诏书但蠲别项钱粮而小民无知便谓金花亦在其内有司莫知所辨业已混行催徵小民不明其故輒谓诏书不信以后徵收虽行一条鞭法务款项开明如某户秋粮若干本色若干折色若干金花银若干漕粮若干某仓粮若干某项最急某项次急某项虽诏下不免每户给与印单一纸庶小民观听不迷输纳亦便得旨内外诸司凡事一遵 祖宗成宪毋得妄生意见条陈更改反滋弊端违者定以变乱成法论

○铸给专管淮安等处水利关防

○总督两广侍郎凌云翼以大征罗旁议借蓟镇下班浙兵三千部覆以在蓟发回之兵即守在浙防汛之地不可借惟委官赴浙召募巡抚及司道如期督发必使人人精勇以济实用毋分彼此得旨浙兵暂行募用不许因而扰民

○补差刑部云南司署郎中事主事周启祥审录北直隶地方

○戊申以原任湖广都司张奇峰僉书贵州都司

○升浙江运粮把总蒋本僉书福建行都 罢抚顺备御丁仿及暖阳守备郎官相

○己酉南京国子监祭酒余有丁以病乞归不允

○总督漕运侍郎吴桂芳< 銚-金 >报万历四年分应运漕粮四百万石内除改折截留并山东河南徐州例不过淮外实该过淮粮二百八十二万八千五百七十五石九斗九升一合炤上年派规以霜降前一日发单大寒前一日开兑自万历三年十二月初七日起至万历四年二月二十二日止运官孙承忠等管押帮舡共计八千二百一十只装载前粮俱尽数过淮讫

○辽东海西阿资河等卫女直夷人都指挥等官亦把力等陕西肃州卫东关厢寄住罕东左卫都督同知阿束把力等各贡马赏赉如例

○巡抚贵州右僉都御史□清议留新升广东都司僉书刘天庆于坝阳 上以广东有罗旁之役不允

○以江西龙池巡简司官兵改移百丈岭防御兼管龙池地方裁革盱江递运所官从抚按杨成张简议也

○罢广西昭平参将汪可大

○庚戌升刑部广西司署郎中事主事王一卿为广西佥事

○福建邵武府知府赖嘉谟为山东运使○供用库太监郑真以香品缺乏请行广东采办二十八万斤以进工部议止派八万斤未允户科给事中光懋言香品虽上用物然当定为经制若请益纷纷何所底止况广东连岁用兵物力两拙疮痍未起该部酌拟弘治及嘉靖年例派办八万斤足供数年之用乞从其请下所司户部亦言供用库香品嘉靖六年角□羊六万余斤七年角□羊五万斤今派办比前例已量增若必如该库议万一有司不体 朝廷德意逼迫垂死之民以逋迟违之罪致使地方或生他变则臣等不能执奏罪其奚赎 上命炤嘉靖六七两年例共派

○四川乌思藏阐化王国师短竹藏卜等及长河西鱼通宁远等处国师罗撒坚铍等土鲁番等五地面头目火者马黑木哈辛等肃州卫寄住正副使阿纳的纳等各贡还宴待如例

○辛亥升保定府知府刘泮为山西右参议

○改南京光禄寺卿王友贤为光禄寺卿

○升大理寺左少卿王廷瞻为太仆寺卿

○增太常寺猪价并牲料从寺卿刘一儒请也

○以福建牛山外洋功副千户邵岳以下各升赏有差

○南京刑部尚书赵锦拟假符假劄越扰边关周廷璧律斩余各徒杖有差具议请下法司

○先是内承运库太监崔敏等以段疋缺乏欲仿先朝事例差官织造于是工科都给事中侯于赵言自古宦臣銜命出外鲜不假公营私为国家患纵其人谨厚堪任使而参随匠役凭藉声势生事害人亦所必至况所开疋数大溢岁额一丝一缕皆民膏脂东南赤子其何以堪且 皇上登极一诏首罢织造差官曾几何而忽有此请恐幸门一启而苏杭而兰州必接踵行矣乞敕工部覆议以请浙江道监察御史麻永吉等亦言国初织造有定所岁运有定额皆委官监督以按臣纠察之自天顺成化弘治年间偶遣内官然率随置随罢而一时谋国诸臣若李贤马文昇等犹惓惓建议以苏民困 皇上即位以来首下民诏取回内官海内以仰见德意而忽有崔敏等之请岂躬行节俭休息元元之心乞敕停止谕令该部议处并下所司

○巡按山东御史商为正言臣奉 命亟趋胶州择分水岭难开处挑验用夫一千一百名方广十丈余挑下数尺即礪<石句>石又数尺即沙此下皆黑沙土未丈余即有水泉涌出随挑随汲愈深愈难今十日余矣而所挑深止一丈二尺所费银已五百余两尚未与水面相平若欲通海及海舡可行更湏加深一丈虽二百余万金不足了此

且麻湾海仓海口两头淖沙数十里随挑随淤虽使别开一渠数月后潮至沙壅亦后如是况海运必出自淮安海口高宝其所必经高宝不治此河虽通亦不能越而飞渡观其缓急先后之势则此河之不必通亦明矣而况有未必能通之势若此乎乞命停止毋事虚糜下部议

○壬子以秦王敬谿薨辍朝讲三日命秦世子宜湣主丧并理府事遣武英殿中书唐应运造坟

○上赐辅臣及日讲官各银铤碎磬等扇

○谥郑府繁昌王佑榜曰荣戾

○调江西布政司右参政郝杰于山东

○礼科给事中李冲奎以病乞归从之

○癸丑实授浙江道邢玠山东道沉涵江西道雷嘉祥虞怀忠广西道陈用宾四川道李时成云南道房如式贵州道陈世宝四川道刘应元山西道贾如式各监察御史

○赐山西粮储道参政专敕一道命兼理边腹屯田务清军额括地亩复旧制俟五年成熟后起科如屯官台玩督率失宜及势豪侵占即指名参呈抚按劾治

○改封崇王庶第二子泰和王为崇世子

○总督两广侍郎凌云翼以广贼林凤弃众投番抚散余党二千报下兵部议谓凤既远遁宜听便宜计取或修备以待之而贼党尽散地方宁谧于例并得论功因论凤在吕宋非闽中用间谕夷岂有潜遁之日及其党回潮非广中相机谕抚宁有底定之期事在相左实则相成均宜查叙为苦心任事者劝许之

○以固始民穰伸案勘执互异汝南副使杜辂僇俸一级夺颖州佥事聂廷璧俸三月初穰伸遣其子奏辩军罪下按臣勘而执成伸狱者张才为寿州人固始所录盗魁也于是属汝南及颖州二道会鞠汝南不俟参定径豁伸戍颖州欲破扶同极理才枉事闻刑科都给事中严用和谓辂轻率太过决谳乖方卒用都御史陈瓚议降处而廷璧亦以怠缓薄罚仍命河南及直隶巡按御史会勘报

○甲寅吏科都给事中陈三谟以河南巡按刘尧卿所劾睢陈兵备计坤亨淫刑纳贿大坏官常而覲照不谨例闲住因查万历三年十月内巡按宣大御史陈文衡< 銙 > 劾参议张希稷止于降调蒙旨革任命抚臣勘实以闻则轻处坤亨似难为监司贪酷者戒下吏部议允坤亨革职提问 上以尧卿举劾违例命外调并调文衡

○总督两广侍郎凌云翼以大征罗旁议借盘盐脏罚等银四万事例银二万及工部料价银四万俟事定角□羊还户部覆以盘盐等银为济边急用不当借 上曰该省用兵姑以盘盐脏罚银四万及前发户部银七万支用务令稽核毋致虚费

○乙卯升大理寺右少卿石星为南京太仆寺卿○升礼科都给事中朱南雍为顺天府府丞

○升工科都给事中侯于赵为江西右参政

○丙辰吏部左侍郎何维柏以老疾乞休不允

○巡抚应天右副都御史宋仪望议留掘港守备鲁邦于吴松总镇标下总练下本兵

○命江西道御史雷嘉祥巡视长芦山东等处盐课河道总督漕运侍郎吴桂芳言高邮西堤乃永乐间平江伯陈瑄所建运舸俱行湖内波涛为患至弘治间侍郎白昂议开越河中为土堤东为石堤两头建闸名为康济河其中堤之西老堤之东约成民田数万亩即今所谓圈子田也彼时未傍西堤为河而别作越河于数里内舳舻安流军民称便但河去老堤太远瞻顾不及缺坏不修遂致水入圈田又成一湖而中土堤遂溃坏则东堤独受数百里湖涛故有昨岁清水潭之决盖势所必至也今若尽复白昂旧迹策非不善但据估银二十三万有奇比之白昂所费尚不及半诚恐修筑不坚数年复坏反成虚费则不如炤弘治年间侍郎王恕议就老堤为越河只修筑西东二堤为费既省而循堤牵挽亦可随坏随修高邮既完徐及宝应谨将切要事宜条为四议其一曰设处钱粮二曰烧采砖石三曰分募夫役四曰委官分理下所司

○丁巳升大理寺左寺丞王时举为本寺右少卿

○巡按四川御史郭庄言考四川总志及华阳国志皆载夏禹之母有辛氏感星异生禹于茂州石纽村之剗儿坪夷人共营之不敢居牧灵异可畏石纽村今在龙安府石泉县境内山刻禹穴二字禹生西夷实非无据 帝王功在万世宜祀而石泉偏处夷壤请就成都郡为祠从之

○巡抚应天右副都御史宋仪望言增建青浦县城华亭上海不得视为秦越下部议

○工部以科道交< 硃-金 >议寝织造遣官覆言该库所开袍服色样数繁费钜查万历三年四月内该库题开纁丝绫绉共九万七千九百四十疋臣等拟派长芦课银三万本部料价三万浙江南关商税银三万乃各抚按尚纷纷奏讨今复加派五万九千三百六十疋约用银五六十万两将何措处乞俯从诸臣请特免差官仍将 上用奇品花样量减一半其余供赏之数候前派织完另议 上曰东南民力凋疲朕非不知爱恤但内库供用亦不可缺准将上用并供用各减一半仍选廉慎内官督造尔部仍将前派段疋作速催角□羊以备供赏

○总督三边兵部左侍郎石茂华以人言再< 硃-金 >乞休不允○户科给事中刘鲁谓均徭不平宜责成抚按及廉明方面裁定州县一应在官人役查炤民间雇觅实费以定审编官价酌量三等九则均派徵收俱官支官给庶银差不得过增力差不致偏累下户部覆令抚按官酌议具奏从之

○命河南道御史邵升巡按淮扬浙江道御史麻永吉巡按山东山东道御史沉涵巡按宣大浙江道御史邢玠巡按甘肃山东道御史詹贞吉巡按广东

○惠潮参将魏宗瀚王如澄及碣石把总朱相俱论死先是贼曾一本犯潮州瀚等

拥官兵行二十日始至贼从碣石卫莺州夜遁去复犯雷州与瀚等遇伪以众降瀚等堕计焚戮舡兵殆尽朱相自碣石来与贼冲战沉其舡再战再胜之瀚等不为应李茂才李节林清先溃瀚等望风而奔相亦退走贼遂横行海澳中于是议造闽舡募闽兵仍以瀚统之比贼方抵省而闽兵已相继投贼并各舡悉为贼有矣会城之败其祸盖尤烈云

○己未升河南道御史饶仁侃为大理寺右寺丞右寺丞周咏为左寺丞吏部以左寺丞缺推仁侃位在咏上 上命咏为左而仁侃为右

○赠原任南京户部尚书曹邦辅太子少保赐祭葬遣制敕房办事右评事刘叔龙造坟邦辅负性刚方任事慷慨驱驰中外清操皜然以抚按交章请故从之

○改铸太常寺并先农坛祠祭署印

○以蓟镇阅过防春兵马游击高廷相等及贾永清等各分别赏罚有差

○壬戌翰林院修撰张一桂乞假送母从之

○升左给事中李戴刘铉为都给事中戴礼科铉工科右给事郝维乔为吏科左给事中

○乌思藏大宝法王差国师喃哈镇南等贡铜佛等物赏赉如例○工科给事中戴光启言臣观吴桂芳所奏高邮筑堤一事旧河方病太远终不忘军民称便之功开河令傍老堤又自为二面皆水之虑臣窃探桂芳意若曰三堤并修一河复旧良可垂远第前估工费不足应用今又不便更估不若姑省东中二堤之费云耳按其< 疏 >中有据估不及白昂之半又曰必复康济之旧非增二十万不济其意可见矣夫图大事者忘小费何必过为嫌惮求幸于目前苟安哉下部议

○癸亥以修筑蓟昌二镇边墙工命户部炤户七兵三例于太仓银库动支四万二千两予之

明神宗显皇帝实录卷之四十八

明神宗显皇帝实录卷之四十九

万历四年四月甲子朔 上躬享 太庙

○乙丑应天抚按宋仪望唐炼皆言安庆卫军粮旧额四万石因减二万石济边不足支用乞将嘉靖三十三年原派应天等府米一万三千七百九十石并饶州府米八千六百三十六石南康府米四千四百六十八石仍留接济而以九江米一万三千一百五石折银角□羊部从之

○大学士吕调阳以乞休不允奏谢宣赐报闻

○管理红盔将军豊城侯李环请盔甲等器 上如例给之

○先是御用监太监王干等题请各色纸张工部覆言该司每年额派料银八万两各处角□羊未一半用纸张遵炤先年事例以三分为率先行召买二分共该银一万九千四百七十三两零比隆庆六年全办价已相同本部委官会同科道验收应用该库仍将支放过数目每月终申报本部查考不允

○丙寅以原任神枢营佐击张允嘉金书山东都司

○巡按直隶御史舒鳌言国初种马凤阳府属惟泗州以 祖陵独无而秋粮独重后因高淳溧水灾以二县种马暂寄本州本州亦灾奏改折色马价遂徵至今隆庆间太仆寺请将天下种马一半变价仍每匹岁徵草料银一两而本州又岁增草折银七百积逋一千七百三十余两并马价亦几七百以倍徵之秋粮加之原无之重歛实所难堪请议蠲下兵部亦谓 皇陵禁地久沾汤沐之恩准右卑洳原无畜牧之所草料宜永蠲马价则量减十分之六报可

○先是黄乡逆贼叶楷余党钟廷宠等复叛执推官赖万均既而释之按臣张简参均抚恤乖方致贼猖獗并及抚臣汪一麟兵科都给事中裴应章亦具< 疏-金 >参奏 上为徙万均官而勉一麟悉心区画一麟因请罢吏部言抚臣当收之桑榆未宜轻去诏留视事如初

○丁卯酌定供用库各色香品每年以二万斤为率从科臣光懋议也

○叙擒斩倭贼大郎哥噜等山寇杨碧脑等功给赏张钦等银两有差

○叙长岭山堡等处功次施国臣等各升赏有差

○刑科都给事中严用和条议审录三事一恤矜疑言今岁大审初举可矜人犯请免允戍后不得援例一恤问遣言轻重罪俱有宥减独军犯发遣如故偏为仁政所遗宜令参详应辩豁及未减者即与改拟一恤久锢请见监应宥免人犯及逃犯家属干证悉与保候下法司覆言死罪减军止拟终身何以惩恶第以本犯着伍后所生顶替如无即与开除毋勾及原籍余如议报可

○戊辰大学士吕调阳以老疾再< 疏-金 >乞休不允

○吏部尚书张翰条议外官考满事宜一前后历任年月惟起复补任及调繁者通理其被劾调简者不得并论一方面府佐除地方无事炤旧赴京其府州县正官免其亲考但须抚按严核明注称职平常不称职三等报部以便覆核一凡公文批牌内不开除授到任考满年月日期增减十岁以上户口无新增及历过俸月多少满后再历半年之上不行明白开报不填前任事迹隐匿过名洗改紧关字样者除亲考官员炤旧参问外若差人赍文违犯者一面准考仍行该管衙门将本官提问候报至方与移付查请恩典一各官有枉道回家迁延怠玩给文年月随便旋填及投文到部已将再考年月又历过半矣以后给由俱于满后半年内司府州即给文起送若满后不计闰扣违年半之上方到部者不论水程有无违限俱驳回系三年者候六年再考六年者候九年通考其扣违二年之上除驳回外仍将违慢官吏行该管衙门提问从之

○封长沙等王子常淲等共一百八十二位各禄爵有差为王长子者三王长孙者二常淲长沙王长子蕴钟永安王长子翊□金羽夹□咸平王长子在锭应城王长孙朝堡东会王长孙为将军者四十八朝土□春宣土□呆宣土□每谟墉谟壺□土倪搽廷□宪嶠载钜俱镇国朝□□土□承□火刃丑□充□火几丙□华坏朝□□佳勤黑

□奈勤□勤□勤□朝多□至睦虫□巢勤□□里火□勤黑□参勤□谟□融多□火
 慎佃倪懔载□廷□方肴土□充□□秋廷土□屑廷棚廷土□寻廷< 𠄎 土 >廷土
 □雍廷□□有土□廷走□立充月□焱廷□土土允□蕴金□善华芬□土英□□炎
 英炎廷□白□土廷□ 占土□廷古□佳廷金□矣廷 里俱辅国为中尉者百二
 十有九朝塌睦柅朝埽勤鮪勤木□黑勤螺勤黑□干朝土□几勤鱼□虫勤醮勤□朝
 雌朝虫□里朝雉睦麻朝白□圭睦朽承火□云承婺融煌融煦融□融燿融僖融融
 □酉□酉□融鲙融火□平旭 萧知焯知火□宾知鰓颐< 山 土 >观王□燮观
 □甘山火土□翊金□勉倪火□嗇倪□白□火□倪□面□火□倪焕倪火□郁薰
 □□林车□廷□士□牛殳□充褰充□□依充华□美充鱼□巽显查英啾新仓□佳
 新埤新靖新俊褒俊□衣林爻□俊栎俊樵知炯俊 和充碣俊榻充□火几昆□俱
 镇国而勤□虫火舛□朝列□佳勤黑□殿勤□穴月□火□勤螯勤耳□欵勤黑□册
 勤鱼□庭勤□尉□田火□勤□足□火勤□火几虐□勤黑□箴谟□日厄佳□谟坊
 融爇融颯颐堡倪□言前火□倪□甘厂剡□倪□□□火□充□廷土□彡充歹□火
 充□□火几□廷土□亟廷□土山黑□鼐铂充鱼□氏充 八火□充□圭炎中
 □英毓英鱼□炎英杵□火英□完日火□英□木酉火□华常□佳新走□豊新走
 □甬新去□鸟新干□佳新夕□佳新□土升土□新屋新屋 充□火荔见□充
 □□黑见□充斂充色□火充□谟秀□佳谟□山尼上□谟< 宀 堍 >谟土□寻新
 壁慎□金椁寸□廷土□无廷石□土华□甘凶佳□华藿华塌华□华□□□土蕴金
 □逢蕴镣华碓蕴金□彘蕴铉新翅则俱奉国也

○以擒斩海洋倭贼功把总叶欢及名色把总徐景星等各升赏有差

○先是漕运侍郎吴桂芳以议修高邮湖堤为工科给事中戴光启所摘下工部议
 言漕臣躬亲相度必有所见但< 钜-金 >意似因工钜财诎改< 钜-金 >越
 河故戴给事反覆辩之事应覆勘惟是合用砖石数多采烧舡运非仓卒可办所议河南
 库贮河工银五万两应即转发其砖石行各府州县如式烧采至兴大役应分派各府县
 拨夫一体应役计时省放得旨吴桂芳原任扬州湖工事理知之必真前已有旨委任责
 成不必又行覆勘余如议户部亦以江北各府桩草香钱舡税等银五千两漕抚罪赎银
 五千两庐凤淮扬徐滁和事例纳班银二万五千两俱免角□羊部各总轻贲内河工银
 共五万八百六十四两两淮盐运司库贮挑河银三万两俱留济用 上俞其请仍留庐
 凤等府应角□羊马价银二万二千两以济之

○己巳命两法司并锦衣卫见监罪囚答罪无干证者审放徒流以下减等发落重
 囚情可矜疑并枷号者奏请○复除右春坊右赞善兼简讨陈思育

○礼部右侍郎管祭酒事孙应鳌言太学非举贡及勋胄恩荫不入自景泰初年边
 储匮极始议开纳然亦以生员廩增附为差亦时开时輒至隆庆间遂令停廩降增及降
 附发社并黜退者皆得纳银入监矣提学宪条何以行于生儒乎提学所摈斥尽可归诸

太学则太学毋乃为提学藏垢纳垢之藪欤至于民间后秀子弟原令赴提学告准附学名目故谓之新附与两京见任官随任子弟未入学者并纳银入监亦隆庆以来覆定事例也此例一开而商贾輿台隶役咸厕其中甚有身未成童一丁不识者皆骤猎贤关他日服官为民蠹贼不问可知矣下户部议社生黜生及民间不堪作养子弟以后俱不许援纳并请停预纳光禄寺监事及鸿胪寺序班 上纳应鳌议而令监事序班仍旧

○土鲁番王速坛马黑麻阿力卜把都儿差夷使火者马黑木等贡马匹方物如例赏给仍赐番王表里时土鲁番天方国撒马儿罕鲁迷哈密伍地面番王头目速坛马黑麻阿力卜把都儿等差夷使火者哈辛等贡马匹方物亦赏赉如例

○灵丘王府管理府事镇国中尉鼐鍊等奏灵丘等王府镇国等将军成金□闰等子聪□冉等各过期年久例难请封宜听其自行婚娶给以冠带口粮而周王在铤等奏周府海阳等王府镇国等将军勤燧等子朝弱□土等或擅婚或冒滥俱例难请封皆从之

○庚午赐靖远伯王学诗祭葬

○寘陕西平凉县民贺禄于理以冒称天潢诈传诏旨故也

○逮唐府正副承奉赵忠常福二阉皆司礼监奉御以诈唐王奏得今职事露被逮忠坐诈传亲王令旨绞福以从得免死充净军褫长史袁福徵职○勘议新河兵部尚书刘应节言新河地形如掌水势成渠较之黄埠岭诚便且两海水甚深阔下皆实地乘潮自可通舟惟南海口迤北十五里积沙数段从古路沟另开十三里许直接麻湾以避之可以永恃又横建一闸于新旧河水之交则潮水流通浮沙不入矣北海口以南三十里为龙王庙有客沙二里四十步捞沙二尺下即实土若旁辟一渠筑堤五百余丈以约水障沙自无他患由庙前建新河闸口中间一二浅阻并令挑深亦可无虞矣分水岭一带地形本高泉水四溢拽泥运水工力果难然起工当自卑而高泄水当自高而卑难易未可执一论也至王家丘缸路沟一段地势趣下白河适当其冲秋水暴涨最为河害宜岸口建闸一座沂水上流建坝二座寻常水流坝下引以济河秋涨则水经坝上内以停沙亦为善策大都北自海口抵亭口南自麻湾朱铺通潮最易所虑者惟朱铺抵亭口四十余里耳然臣意主于通漕原不泥于通海也若造缸宜准漕臣王宗沐所造海缸式而稍俭其制裁粮不过四百石纳尺不过三四尺则河海可并行无患矣山东巡抚李世达言南海麻湾以北刘尚书谓沙积难除徙古路沟以避之每里约费五千八百余两十三里总约七万五千余金然南接鸭绿港东连龙家屯沙积甚高渠口一开沙随潮入故复有建闸障沙之议窃以为闸闭则潮安从入闸启则沙又安从障也北海仓口以南至新河闸大率沙淤潮浅刘尚书从东岸试挑二里仅去沙二尺给过工食已二千二百金而大潮一来沙壅如故故复有筑堤约水障沙之议窃以为障两岸之沙则可耳河身随潮冲激安能障也分水岭高峻试一工长止二十丈而费近千五百斤旧河身原深一丈一尺新挑止深一丈四五尺最深亦不过一丈九尺为下多碯<石句>石又掣水甚艰

也故复有改挑王家丘之议窃以吴家口至亭口共高峻者五十里大概多碣<石句>石以分水岭一工计之费当何若试过三工俱的无可行况全河长亘二百七十里乎潮信有常遇大潮始稍远然亦上及陈村闸杨家圈耳曾未至朱铺亭口也况月止二潮乎此潮水之难恃也自店口至新河口纡曲余二百里张鲁白胶三水微细都泊行潦业已乾涸设遇亢旱何泉可引引泉亦难恃也海中小舟载三百石者必纳水六七尺始可行王侍郎舡式果可行乎元人自至正十七年开浚此河至三十一年竟以浅涩奏废元史谓其劳费不貲终无成功足为前鉴今当缉高宝之堤无徒殫财力于不可必成之胶河也巡按御史商为正亦以为言 上以抚按奏报与刘应节所奏利害悬殊恐难口绩命工部集议以闻于是工部覆言抚按议既明确则应节所谓可成可恃者询谋原未全同委应停罢 上然之召应节及栻还而筹诸添设员役焉

○漕运侍郎吴桂芳言黄河自徐邳而来至清河与淮水合流经清江浦外河东至草湾又折而西南经淮安新城外河转入安东县前直连云梯关入海年来云梯关海口沙拥水势沂沭河流渐浅淮安新城外河深不过五七尺惟清江浦相对草湾地方地形低下黄河屡向冲决欲夺安东县后迤邐下海以县治攸关屡决屡塞致近年淮黄交溢去岁草湾迤东自决一口宜于决口之西王山家之东开挑新口以迎扫湾之溜量长五百一十八丈四尺计土十万四千九十一方共工银七千二百八十余两粮米二千八十一石准银一千二百四十余两总约银八千五百三十余两其全不通河及河身窄狭之处逐段估计通长九千七百二十三丈计用银六万八千一百五十余两又两处用管工官一百九十一员口粮银共一百五十余两又用水车四十部共银八十八两又金城至挂甲墩五港岸势低洼应筑束水堤岸一道合用银四千四百四十余两应筑决口一十八处约用银五百两通计该银八万一千八百七十余两查截留河工轻赍折席等银及正耗粮米共银七万二千四百余两未足九千四百余两应于盐商修河银内支用语云掾一路哭不当复计一家哭今淮扬凤泗邳徐不啻一路哭矣安东自众流汇围以来独文庙县衙仅存椽瓦已不成邑即使全河趋之亦不过一家哭耳况势又不得不然耶创始为作事所难独任乃人情共忌乞下所司议工部覆言委一垂陷之安东以拯全淮之涓溺漕臣言可听报曰可

○辛未吏部以江西浮梁县狱强贼逸议各州县掌印官但死罪重囚越狱至三名以上者住俸六名以上调用十名以上降级十五名以上罢官巡捕官罪同著为令<足 铨-金 >入诏镌知县李际春职三级调用下典史郑思明于理刑科都给事中严用和因请申严强盗问拟转详后决不待时之例以免疏虞从之

○升三屯营守备钱梦祥葛峪堡守备江昌国密云守备张恩俱金书各都司昌国祥河南恩广西

○巡抚辽东右侍郎张学颜报虏黑石炭大委正等营于大清堡边外大清山分犯河东宁前大营姑不动欲犯锦义总兵李成梁率选锋官军衔枚卧鼓行二百里潜逼贼

寨次日早闯入贼营用火器击打虏自相蹂践斩级六十一颗酋首四颗马驼器械称是下兵部覆核杨兆张学颜李成梁等各赏银币有差

○壬申升巡抚浙江副都御史谢鹏举为户部右侍郎

○户科给事中周良寅条议钱法大略谓制钱之名额未一公私之行使未通造铸之奸毙未除禁谕之法令未备请以官员折俸充铸造之本仍严卖铜之禁少铸金背火漆定拟行使价值赋税正供爰金纸赎例用本折一切邮传军需各权分数取办于钱令既严则行自广矣下户部覆定为四款一专盐铸之官在两京隶工部在各省则主以右布政在直隶各府则府同知悉听各抚按查核计处一申废铜之令军民家有废铜愿卖者听无铜者不许搜括亦毋转相首告一定折易之数宝源局铸钱已久不能尽变惟各省直止许铸用鑄边每十文准银一分其行使前代旧钱地方俱从民便一权简散之法在内在外文武等官四品以上二分支钱八品以上三分九品以下四分在官各役银钱均半除起运钱粮及听断词讼秋冬炤旧折谷外凡存留钱粮夏春纸赎各不拘银钱兼纳议入 上览而嘉之诏铸鑄边制钱颁行天下各省一体开铸与旧钱兼行务在便民仍严私铸禁

○錕方山王府罪宗新垣于高墙以垣凶淫不轨复为抚按所糾故也

○癸酉验封司主事徐一櫟以病乞归得旨吏部司官托病托故请告给假那缺催僮以期速化及高坐私家挨至有缺即不候到部坐缺推补今朝政精明各衙门官俱实积年劳方得升转即患病亦必再三查勘乃吏部以题覆捷便遂得任情去来朕前勉卿等大臣以正己率属吏部是百司之长尤湏严督司属勤修职业用舍进退务得其平毋曲徇私情踵习旧毙徐一櫟不准回籍今后有诈托者参治

○甲戌工部后厂作房火尚书郭朝宾以闻诏夺主事周思宸俸二月下巡守吏汶邦宪于法司

○吏科都给事中陈三谟劾巡抚贵州副都御史曾同亨孱病不能任职下吏部覆调南京别衙门用从之

○賜南京户部尚书傅颐祭葬既而夺之以吏科言其屡经弹射也

○乙亥原任三边总督兵部右侍郎兼右副都御史曾铣嫡孙之省请补荫

○巡抚甘肃右副都御史侯东莱请以行太仆寺卿兼摄屯田马政给专敕俱下所司

○以府江积寇平复设昭平县

○丙子原任兵科给事中赠光禄寺少卿张原曾孙张文豪请补荫下所司荫阵亡莆田县县丞叶德良男叶凤翔先是倭陷兴化署印同知奚世亮知县周尚友县丞徐九经与德良俱死之已赠世亮为右参政尚友德良九经俱太仆寺寺丞各荫一子至是德良男始承荫

○以浙海外洋防倭功巡抚谢鹏举及道将各升赏有差

○己卯 上视朝毕

○命核朝参不到者襄城伯李应臣等一百七员各夺禄俸二月

○工部言制钱所以足国便民然必使民不敢盗铸而后可以经久宜以五铢钱为准用四火黄铜铸金背二火黄铜铸火漆务求铜质精美其粗恶及渣滓者罪之大约铸钱一万文用银一十四两八钱九分零费多利少私铸自息督以侍郎何< 𠄎 宀 十 见 > 责成员外郎沈文及主事韩济分理 上令再议以闻于是工部又议铜价各减十分之一复欲慎收料严摻筒去拙工务使工用相得则钱自精而用自广报可

○辛巳总督浚运侍郎吴桂芳言淮扬水患在下流海口之塞上游河身之高欲浚河身先辟海口臣前开草湾入海渐有次第至于河身之高不过积淤不浚曾见前辈文集中有以混江龙浚河者其制用檀木造轴沉水入泥随舡行走舡行龙转积泥随起大约一四可浚积淤二尺日逐推淌务深三丈而止但遇桃花伏秋水发即行推浚每岁将浚过河身丈尺年终奏报其清河以上邳徐茶城则责在河臣浚否惟命下工部言< 𠄎 足 铨 - 金 > 浚兼施治河长策宜令总河衙门一体推浚从之

○壬午封韩府崇明王璟清选配张氏为王妃

○升辽东镇武堡游击姚大节为海盖参将调车营游击苏国赋补镇武以开原马市官徐永昌升车营游击

○下四川松潘兵备副使林应节于理以其淫贪残为巡按御史郭庄所劾也

○甲申户部核江北无灾地方官未完粮二分以上住俸四分以上降俸并改折仍欠者住俸带催其重婴水患者候豊年带补报允令毋因循致虚国课

○乙酉以雨免经筵○升南京光禄寺卿何起鸣为右佾都御史巡抚贵州升江西副使黄可大为广西右参政江西左参议王乾章工部虞衡司主事汤应科为副使乾章广东应科云南

○叙双鱼甲子儒峒等地方剿倭功官兵各升赏有差

○丙戌 上视朝以浙江副使华汝砺不面见下法司追赎还职

○升南京鸿胪寺卿张佳胤为南京光禄寺卿

○巡抚宣府右副都御史吴兑报修完南山敌台并边墙城堡等工下所司

○丁亥追封胙城王勤燇生母阮氏为恭懿王次妃

○淮安府东陬山漂流朝鲜国进贡夷使梁俊等 上命赏给衣履押回

○戊子太常寺少卿何源以病死

○以巡按广东御史马应梦论劾海北道佾事张大亨罢之升尚宝司卿王樵为南京鸿胪寺卿

○湖广道御史沈榘以病免○册封韩府韩王嫡第三子璟法□虎为保德王宁远恭靖王嫡第一子朗< 𠄎 金 奠 > 肃府会宁庄惠王嫡第一孙缙□楚府通城王长子华埏德府建德安简王庶长子载堦各袭爵周府汝阳王选配刘氏赵府广安王选配程氏

衡府齐东王选配杨氏俱为王妃

○巡按山西御史孙代奏缴原颁襄垣王银印礼部言成金口癸以冒袭王爵追夺故事并追印册而管府辅国中尉充煌称高祖安惠王册文殉葬不知条例所载薨故绝嗣者即将原授册印封固奏缴殉葬何例可遵并充煌先请曾长孙敕书再行巡按刻限追缴从之

○户科右给事中李邦佐等言圣王不贵异物 太祖当四夷来王曰恐有闻风而争进奇巧者诏四方毋所妄有所献 列圣相承如白雀海青悉为谕止马驼之进至擲其奏顷回夷贡马原无足贵此端一开将珍禽异兽之足以供玩好规厚赏者纷纷杂至乞将原马却回仍守边海守臣除常贡方物外悉令沮止 上嘉纳之

○陕西督抚石茂华侯东菜言河西一线北有边墙宜设墩台哨望然北边乃甘镇之背原为套虏与松山虏而设也今套虏多取径镇永腹里横渡入洪水扁都口通西海是虏巢反在甘肃之前则北边又不可恃嘉峪以至西宁黄河岸俱有大山其间断续不一俗呼为通海隘口虏贼所由以出入者筑圈墙以御之庶克有济合用盐菜犒赏之费即动支本镇省存各游兵粮料折银共七千一百九十一两下兵部覆从之

○己丑叙渔山浪冈陈钱等处功官兵各升赏有差

○庚寅 上御文华殿讲读适接操江都御史王篆获盗< 硃-金 >指以语辅臣曰是< 硃-金 >称去岁十二月盗劫淮府建昌王夺其印而守臣匿不以闻何也居正等退因叹 上圣明留心章< 硃-金 >如此寻诏下吏兵二部参勘兵科都给事中裴应章乃参各官欺隐罪已而江西抚按具< 硃-金 >劾巡捕各官于是吏部尚书张瀚兵部尚书谭纶合言建昌王府失事于去年腊月教授张箕山即呈府道转达两院矣自宜一面严缉一面奏闻乃延至今仅仅参处一二捕官以图塞责诸臣防范之疏隐蔽之罪难谢人言宜论罪 上夺抚按杨成张简俸一年副使黄可大知府陈吾德降边方杂职镌参议王乾章知县郑时章各一秩下喜金等于理又因巡按御史张简论劾 上复怒曰道府遏不以闻长史何罪其还汤明善官兵备以下悉褫之

○兵部覆两广总督凌云翼所条赏格以请一议征山斩从贼首一颗赏银一两生擒者赏银二两不愿赏者每三功当一级斩有名小贼首一颗赏银十两生擒者赏十五两不愿赏者每二功当一级至斩获奏内有名大贼首者赏银二十两生擒者赏三十两不愿赏者升实授一级一议征倭水陆各路主客官军民快人等如遇倭贼聚至五百名以上我兵数仅相当有能冲锋陷阵一鼓荡平或以寡击力战成功者列为第一等内擒斩有名真倭贼首一名颗者升实授三级不愿升者赏银一百五十两获真倭从贼首一名颗者赏银十五两如贼数不多易于取胜获功者列为第二等内获有名真倭贼首一名颗者升实授一级不愿升者赏银五十两获真倭从贼一名颗者赏银十两若贼徒分夥< 硃-金 >劫及败遁零星擒斩者列为第三等内获有名真倭贼首一名颗者赏银二十五两不愿赏者升署一级获真倭从贼一名颗者赏银五两凡阵亡者升一级获

功另叙如汉人勾引倭夷为患积恶著名者其罪较之有名倭首尤为深重比炤前项擒斩真倭贼首等贼一体升赏一议夺回被虏无论水陆官兵但有临阵击败贼夥夺回被虏男子成丁强壮者每名赏一两十五岁以下并妇女每名口赏五钱通计部下夺回被虏至一百名口者本管将官炤例升署一级三百名口以上者升实授一级不及数者不升一议领兵官都司参游守备以上仍前不许报功若把总以下将领果能身先士卒破敌摧锋斩获首功为众知见者准与炤级升赏一议本省乡官举人监生生员省祭吏承人等素为人所推服临警统率乡夫报效杀贼委能设谋出奇调度及亲自临阵斩获首级者率炤前议格例一体升赏得旨更定赏格俱如拟但其中较量兵贼众寡斩获多少分别等第易致混淆全在纪功官即时验明庶无枉滥今后凡大举征剿风宪官务随营纪功查验奏报巡按御史速与覆勘亟行赏罚其乡官举监报效一节尤滋冒滥亦宜精核明实凌云翼加敕责成务殫忠猷毋替重命

○辛卯升南京吏部文选司署郎中主事雒遵为尚宝司司丞

○壬辰封淮荆王常（□□）言选配刘氏为王妃

○升河南左参议胡汝嘉为山西副使

○起原任总理河道右副都御史潘季驯巡抚江西季驯以宿痾乞休不许

○罢河南左布政使鲍承荫听勘以吏科右给事中李盛春有侵克角□羊银之效也

○予致仕刑部左侍郎樊深祭葬如例

○命江西道御史虞怀中查刷光禄寺钱粮○工科都给事中刘铉言钱法之坏由于承平日久民用无经一切盆罐炉釜罔不冶铸为之甚至神形佛像动累千斤所应首禁毋许铸造愿货者给价销化为钱奸商巨贾惯为利囿彘括诸钱乘除其术瞰时高下此钱所以朝更夕改此行彼滞也今后从来行钱处听新旧兼使原未行钱者止用制钱其私贩及收买铜器阴坏钱法者严缉小民得银甚艰得钱颇便而煎销低银者惑之盖以钱易物值止相当以铜换银奇赢主见愚民贪利宁为低伪而轻视钱今后除起立高炉倾销锭银外煎销低假痛治民苦于银不加多而乐钱之易使何惮而不从耶下工部

明神宗显皇帝实录卷之四十九

明神宗显皇帝实录卷之五十

万历四年五月癸巳朔赐辅臣张居正等讲官申时行等各金书黄红符金艾叶绶符艾虎吊屏花绦字画扇各有差

○巡漕御史陈功报本年粮舡八千三百一十只于四月十四业尽过洪视去年稍迟数日盖缘三月二十一日陡有曲头之溜军夫二百扒（□□）直四十余条始挽一舡上幸未逾限报闻

○甲午复除尚宝司少卿吴自峒原职

○调山东右参议李学诗于湖广

本兵卒引疾拂衣进礼退义有大臣风晋秩易名宜其隆矣 四川乌思藏护教主差国师喃哈星吉等番僧铿吉等各贡珊瑚方物给赏如例

○命改通州和合水驿及土桥巡司于张家湾驿以专供水路廩粮夫役巡司兼管七十二贡车辆及下水夫其潞河驿与本州递运所专备陆路夫马车辆从顺天抚按议也

○巡按陕西御史刘光国议边将李希靖失机当斩然其初颇有斩获功尚堪使过乞炤守备不设律戍边都察院亦言希靖失事时众寡不敌情可矜宥即事后其部下犹时时上首功宜末减但拟配终身非法其永戍之报可

○丁酉以侵盗织造银下内官监右监丞刘佐及奉御马西侯朝周珣辛宠于法司各革职杖赎

○戊戌升云南副使汤仰为广西左参政广西梧州府知府许岳为广东副使起原任广西右参政张岳补原职

○升广东总兵坐营中军杨桂金书湖广都司

○庚子调原任浙江副使华汝砺于云南

○复广西总兵坐营中军以福建烽火寨把总朱文达升补先是古田兵罢此职遂裁今以将征罗旁议复而文达善战故用之

○辛丑湖广巡按御史向程言郭家洲拐堤二处洲田原属光泽王始祖钦赐业为辽庶占据卒混入籍没册中乞改赐户部覆核无异遂归之

○户部以各都司卫所应关布花钞锭令各造册赴各库关回给散如有事故及操备不到并逃回等项俱扣除还官仍将给赏扣除过数目就所在或郎中或巡抚或都司或本卫类册奏缴从之

○改福建汀漳守备李趋于江西湖口以甘肃巡抚标下游击唐洲充永昌参将

○谕司礼监太监冯保朕惟刑狱重事自古帝王必谨于斯朕嗣承大统仰体上天好生之心尤加慎重兹当五年差官审录之期虑恐轻重罪囚或有冤抑致伤和气特命尔同三法司堂上官将见监罪囚逐一从公审录死罪情真罪当者炤例监候听决其有情可矜疑事无证佐可结正并枷号者具奏处治徒流以下减等发落答罪悉与释之毋令淹滞审问之际尤须详察言词旁询知证毋拘成案务得真情以全民命其原勘问官有故失入等罪俱不追究尔为内臣受兹委任宜殚心悉虑以称朕钦恤之意尔其慎之慎之保于是乃会同刑部尚书王崇古等以热审过减徒并减等发落及罪轻应释与未发枷号情可矜疑等项具< 硃 金 >以闻 上悉从其请命死罪矜疑者远戍边妇人并有笃疾者尽释

○壬寅河南抚按孟重等条上宗学事宜十二事一议学制仿儒学建先师殿从祀廊庑及棖戟二门仍建祖训堂尊崇皇明祖训并宗藩条例讲堂三间翼以两斋堂东为经济所西为资贍所堂斋后各建号房便宗生讲肄堂名仍额明伦以肃瞻仰二

议师职宗生百人则置教授一师不足则以纪善之贤者充之果教有成绩岁终听宗正移文提学道呈抚按奖赏或奏加服俸如尸位旷职参奏罢黜三议教规凡宗生十三岁已上方许开送入学作养如年岁未足各就私塾或本府教授训诲其各生讲角口羊经书性鉴外仍授以 皇明祖训孝顺事实诸书使知先后文之意四议稽行宗正每学置嘉善矜愿二簿宗生中有善可录有过可纪据事直书岁终申报提学道及呈抚按衙门以凭量行赏罚五议稽言宗正炤儒学月试例从公品隲等第每岁听提学会同宗正考较优长者奖赏疏谬者戒罚并吊查嘉善矜愿二簿参验劝惩六议习医贫宗业医亦自足贍应选本府良医为之师授以难经素问诸书课试劝惩悉炤教授事体行七议賑恤宗室自将军中尉而下往往衣食不给婚丧不举但其中有禄薄致贫亦有侈靡自蹙者查果平日俭约无力婚丧于宗学公用钱粮内酌賑如素习于奢虽贫不准八议资贍宗生例给月米五斗而周藩禄不足用合试文行兼优未经奏支全禄者方给若教授自有常俸炤例免给九议供役宗学既设则供事人役势不可缺但各该地方赋烦民困委难增编周藩宗正皂役二十二名即于绝府役银内给募其唐崇二府宗生不多宗正止用皂役九名于仪卫司正较余丁内轮拨十一议请敕宗室子弟骄惰成习建学之初非藉 天语叮咛恐难拱手授命宜炤各省提学宪例给宗正敕印行令督率宗生向学以成敦叙之风十二议公移宗学既有公务凡各该衙门事体相关文移来往即以该学轮年教授比炤经历司事体转行上下得旨宗学敕印不必给余如议行

○癸卯旌辽阳长宁等堡死事哨夜墩军高仲显等六十六名俱升实授一级

○命山西道御史晏仕翹巡按福建

○南京户科给事王蔚等言内臣织造之遣当停者有七诏书传播旋自废格何以示天下信一也天下织造不止应天等处此而既允必将接踵而至二也明诏所革不惟织造一事此而既复必将触类而兴三也南京根本重地迩已萧条何堪再扰四也跟随仆从势必通同匠役作毙违式五也南京工部积银无几今开段疋数多势不借支则必加派六也见今内外各局岁办自足供用如果缺乏则万历三年部派应天等处各色段疋共九万七千九百余疋起角口羊到库亦可接济或不得已则从容岁月陆续角口羊进事克有济而民亦不扰七也南京各道御史丁元复等亦以为言报闻

○工部以凤阳 皇陵龙凤帐幔损坏奏请差官依式裁制报可

○甲辰 仁宗皇帝忌辰 奉先殿行礼遣宣城伯卫国本祭 献陵

○四川朵甘思宣慰使司国师喃哈孟刺麻温等及番僧锁南领占等又董卜韩胡宣慰使国师喃呆扣思扒著乌坚参等及番僧领占吒什等各备珊瑚方物进贡赏给如例

○以朝宗桥工完在事各官以次加恩赏赉有差

○乙巳未时定襄大雨雹小如桃大如卵禾苗尽损

○改工部右侍郎兼右佥都御史徐栻为兵部右侍郎兼官如故提督军务巡抚浙

襄阳等府属共计银六千两仍春秋二季类角□羊户部接济九边荆州府属并商州所属俱免扣银改编实力听荆南商雒守巡二道选作标下精兵与各官兵合营操练调遣户部言都御史为国筹边至意宜从 上然之

○升广东海防参将晏继芳为协守潮漳副总兵

○乙卯升漳州卫镇抚刘文守备漳州陕西都司佾书杨继芳充游击浙江都司掌印杨照充广东参将

○丁巳吏科都给事中陈三谟条陈计典五事一曰核贤否之实二曰酌地方之异三曰拾有司之遗四曰慎劝惩之典五曰处藩臬之长河南道御史孙琮亦条五事一曰稽实政二曰核考语三曰表良吏四曰惩显恶五曰惜人才南京刑科给事中杨节条四事其重考语惜人才意与琮同而又欲重面询广特典南京湖广道御史陈堂亦条四事曰核罢软之科曰严卓异之选曰重教化之实曰申巡历之例俱下吏部覆可

○戊午 上出 成祖文皇帝四骏图命辅臣张居正题咏四骏皆靖难时所乘龙驹战于郑村坝黄马战于白沟河枣骝战于小河赤兔战于灵璧皆中流矢抽矢复战遂大捷至是居正恭题以进 上览嘉悦赐银八宝银豆各二十两盖 上于 祖宗创造艰难之迹留心如此

○赐户部右侍郎郭应聘父郭湍母卓氏祭葬如例

○己未建州右等卫女直都督来留住等入贡宴待如常

○辛酉 上视朝大学士张居正等面请 皇上留神政务省览章奏暇时间取皇祖世宗皇帝所亲批旧本览阅以为裁决庶务之法 上嘉纳之居正等因简阁中所藏 皇祖亲笔 圣谕六十三道 御制四十四道 圣旨并票帖共七十道又于纂修馆拣嘉靖十年起至二十年止 亲批奏题章<□□足 毓-金 >共六十五道上进奏乞皇上万几之暇特加省阅则致理之方不外于法 祖而得之矣 上留览

○以内使年例冬衣应用纁丝绫绸中白绵等下户工二部改折银两送局

○以贵州都司佾书杨仲掌浙江都司印延绥延安守备许登瀛佾书陕西都司

○提督操江都御史王篆言滁州去陪京仅二舍乃水陆官兵防守之处夥盗不满数十人公然行劫杀死指挥今后水陆声势务令相联一遇被劫互相救应获功分别叙论失事一体参究兵部据其<□□足 毓-金 >申饬之 上为夺把总朱先俸二月判官陈天锡指挥吴继臣等俱下之理

明神宗显皇帝实录卷之五十

明神宗显皇帝实录卷之五十一

万历四年六月壬戌朔提督漕运总兵官灵璧侯汤世隆以母病乞归不允

○内织染局署局事太监张钺等请敕差官苏杭织造工科都给中刘铉等山西道御史贾如式等交章极言民力匱乏供应浩繁乞赐停止 上曰织造事非得已科道官既言民力困敝各项俱减三分之一遣廉慎内官往督工费着户工二部议处毋复加派

病民

○甲子户部右侍郎郭应聘奏请母卓氏造坟恤典从之

○乙丑 上御文华殿讲读以新刊洪武正韵赐辅臣及讲读正字等官

○以修筑新平平远二堡未几倾圯参守杨尔干等行巡按讯

○镗乐平王府未禄室宗旭枪于闲宅镇国中尉旭榘夺禄米三月枪以越封渎奏榘以不恤同胞俱为陕西巡按御史刘光国所劾也

○罢新河兵部尚书刘应节犹以用过夫役器具等项银共三万二千二百二十余两请下所司

○丙寅御马监太监陈辅等言坝大等七处尚无牧地乞准暂支草料许之

○巡按山西御史孙代以横暴议革曲阳王府未请名封宗室朱女封从之

○丁卯铸给南京户部监督银库关防

○巡按直隶御史贺一桂奏报各路将领曰福贾桂等角口羊补军数多寡 上命分别赏罚有差

○戊辰户部上各镇岁报钱粮数目凡宣镇主客兵马钱粮岁额粮一十九万三千九百二十二石四斗一升银一百二十九万三千四百五十七两旧管粮五十六万七千五百六十石六斗九斗料六十二万六千五百五十石一斗二升煤炒一千五百六十七石八斗四升草四百八十三万四千八百三十六束银七十万六千三百五十四两四钱四分新收粮二十二万六千六百九十一石七斗九升料一十一万五千九十石九斗六升草二十七万八千九百束银一百五万七千一百八十一两一钱三分比上年多粮料四万七千七百二十余石少银四万一千一百余两开除粮二十二万一千七百四十石一斗五升料八万六千二百石六斗三升煤炒一百七石四斗一升草一百四十四万五千八百三束银一百万九千九百二十六两三钱三分比上年多用粮料二千一百三十余石少用煤炒四百四十余石草三十八万五千二百九十束银四万余两实在粮五十七万二千五百一十二石三斗三升料六十五万一千三百四十石四斗五升煤炒一千四百六十石四斗三升草三百六十六万七千九百三十三束银七十一万一千四十两三钱三分比上年少煤炒一百七十石草一百一十六万六千九百三束多粮料二万九千三百四十一石银四千六百八十五两大同镇岁额粮四万一百五十五石一斗四升料三万六千九百八十七石八斗四升草三十九万一千七百四十二束银一百二十万一千七百七十八两六钱七分旧管粮二十九万九千三百七十三石九斗七升料二十六万六千五百九十三石六升草三百一万二千二百四十九束银四十六万九千九百八两五钱五分新收粮一十四万二千六百三十八石一斗一升料八万八千七百二十四石九斗二升草一百八十七万七百三十束银八十九万七千五百五十七两三钱二分以上年少粮料二千一百六十余石少草二万六千六百余束少银一十二万一千四百三十余两开除粮一十九万一千九百三石四斗五升料一十五万九千九石三斗七

升草三百四万六千二百四十一束银一百二十一万一百九十六两一钱一分比上年少用粮料三万一千二百六十余石草三十九万九千三百一十余束多用银一十万八千四百三十余两实在粮二十五万九百一十八石六斗一升料一十九万六千三百八石六斗一升草一百八十万六千七百三十八束银一十五万七千二百六十九两七钱六分比上年少粮料一十一万八千七百零五石草一百一十七万五千五百零五束银三十一万二千六百零五两山西镇岁额粮四万三千一百三十九石六斗四升料三万二千二百四十石五升银六十四万五千五百六十五两五分旧管粮一十二万三百二十七石八斗六升料一十六万三千五百二十二石七斗五升煤炒六百九十六石四斗八升草一百七十八万八千八十六束银三十七万五千五百七十四两四钱二分铜钱二千五百文新收粮二万九千九百五十一石四斗三升料六万五千九百三十一石一斗五升草四十四万一千三百六十五束银五十六万七千五十八两九钱一分比上年少粮料三万五千八百七十余石银五万七千六百四十两开除粮六万八千九百九十一石八斗四升料八万五千五十四石四斗一升草七十二万七千五百零七束银五十七万三千五百七十二两四钱八分比上年少用粮料五千三百四十七石草二十七万八千四百七束银五万九千六百一十八两实在粮八万一千二百八十七石四斗五升料一十四万八千九百石八斗煤炒六百九十六石四斗八升草一百五十万九千三百七十六束银三十六万九千六十两八钱五分铜钱二千五百文比上年少粮料五万三千六百六十二石草二十七万八千七百一束银六千五百一十三两蓟镇岁额银五十七万二千一百一十两六钱三分旧管粮三十五万四千七百三十八石二斗料九万九千三百八十三石七斗五升煤炒九十八石四升草一百四十六万四千八百八十三束银六千七百四十六两四钱七分新收粮一十万三千五百四十九石四升料八万四千六百五十七石四斗六升草一百七十二万八千八百二十六束银四十一万八千二百六十七两一钱六分比上年少粮四万九千二百五十余石料七千九百七十余石草三十一万九百八十束少银二万一百二十余两开除粮一十六万七千五百一十石四斗四升料八万二千六百七十六石六斗五升草一百五十八万四千五百三十八束银四十二万二千八百八十四两二分比上年少用草三十九万六千六百二十束银三万二千六百零五两多用粮料一万四千五百六十余石实在粮二十九万七百七十六石八斗料一十万一千三百六十四石五斗六升煤炒九十八石四升草一百六十万九千一百七十一束银一百二十九两六钱一分比上年多料一千九百八十束草一十四万四千二百八十一束少粮六万三千九百六十余石银六千六百一十两永平镇岁额银三十三万四四一十五两九钱一分旧管粮一十五万七千五百一十七石九斗料九万八百七十二石一斗煤炒五百五十四石二斗四升草一百二十一万八千六十八束银一万二千九百八十四两七钱八分新收粮八万三千八百八十六石九斗四升料三万七千五百六十九石三斗七升草八十四万一千四百四十二束银二十五万三千三百一十二两

四钱比上年少粮一万九千三百八十石料一万三千七百七十石少草二十六万三千二百余束银二万四千三十余两开除粮七万八千五百三十八石二斗六升料四万六千二百六十四石一斗七升草七十万二千四百八十七束银二十七万八千九百七十二两五钱九分比上年少用粮料七千一百三十余石煤炒六十余石银二万四千七百九十余两多用草一十三万五千八百余束实在粮一十六万二千八百六十六石五斗八升料八万二千一百七十石三斗煤炒五百五十四石二斗四升草一百三十五万七千二十三束银一千四百六十三两九钱三分比上年多粮五千三百四十余石草一十三万八千九百余束少料八千六百九十石银一万一千余两密云镇岁额银五十二万九千五百六十一两二钱四分旧管粮二十万五千五百五十二石六斗九升料六万四千六百四十三石九斗二升草一百五十七万一千八百八十六束银三万九千五百五十两七钱五分新收粮一十九万七千八百二十四石四斗料一十三万一千三百七十石二斗草一百二十万二千二百九十一束银三十九万三千九百五十五两七钱七分比上年多粮五千四百七十石料二万六千一百六十石少草八万二千七百四十余束银三万三千四百三十余两开除粮二十一万六千一百一十一石六斗六升料一十二万三百一十九石五斗五升草一百三十四万二千四百六十八束银三十七万二千八百四十一两五分比上年少用银四万三千六百六十余两草四十万四千八百六十余束多用粮料五万六千五十石实在粮一十八万七千二百六十五石四斗三升料六万五千六百九十四石三斗九升草一百四十三万一千七百七束银六万六千六百六十五两四钱七分比上年多料一千五十石银二万一千一百十两少粮一万八千二百八十石少草一十四万一百七十束昌平镇岁额银二十二万六千八百五十两七钱旧管粮一十五万六千九百四十石六斗五升料二万三百七十四石六斗一升草七十一万七千五百七束银二万一百四十两四钱一分新收粮二十三万九千一百三十八石三斗八升料三万七百二十一石七斗八升草七十四万九千一百八十八束银一十七万九千八百四十一两六钱二分比上年多料九百四十石少粮二万七千四百一十石草二十万九千二百九十束银二万九千二百余两开除粮二十一万三千八百七石八斗六升料二万八千一百二十石八斗一升草七十七万六千六十九束银一十九万四千七百五两五钱六分比上年少用粮一万七千六百一十石银一万三千五百一十两多用料一十三石草一十八万三千九百八十束易州镇岁额粮一万四百三十八石四斗二升料一万二千六百七十三石七斗八升银三十五万九千八百五十三两七钱九分旧管粮三万七千九百九十三石三斗八升料一万八千一百四十八石三斗一升草八十三万三千三百五十一束银二十一万四千三百九十六两六钱八分新收粮三万九千九百八十五石一斗五升料二万一千六百一十五石二斗八升草四十四万二千一百四十四束银三十六万三千五百三十两八钱三分比上年多粮九千九百四十石草八万六千一百九十束银五万一千六百余两少粮

四千六十余石开除粮三万七千三百三十八石四斗九升料二万四千七百石四斗一升草三十九万六千三十三束银三十万八千三百七十两一钱九分比上年少用料一千九十余石草三万一千五百三十余束银三万二百一十余两多用粮二千九百四十余石实在粮四万六千四十石四升料一万五千六十三石一斗八升草八十九万九千四百六十束银二十六万九千五百五十七两三钱一分比上年多粮二千六百四十余石草四万六千一百余束银五万五千一百六十余两少料三千八百余石井陘镇岁额粮三万一千九百四十四石四斗四升料二十四石八斗五升银六万一千五百三十八两五钱六分旧管粮三万一千六百五十石七斗二升料二万五千四百九十三石二升煤炒五十六石草二十一万八千六百五束银六万三千八百五十二两二钱五分新收粮二万八千九百六十七石九升料一千五百五十石四斗八升草三万六千七百四十二束银五万七千六百七十六两一钱比上年少粮二万五千四百一十余石料一千三百八十余石草三千五百七十余束银三千二百二十两开除粮三万七千七十三石八斗一升料八千一百九十石九斗六升草九万八千五百五十三束银五万九千一百三十八两五钱比上年少用料三千九百五十余石煤炒一十二石草一万五千六百五十余束银一百三十余两实在粮二万九千八百四十石料一万八千八百五十二石五斗四升煤炒五十六石草一十五万六千七百九十四束银六万二千三百八十九两八钱一分比上年少粮一千八百余两料六千六百四十余石草六万一千八百余束银一千四百六十余两辽镇岁额粮一十五万二千九十七石二斗一升料一十万七千五百七十八石二斗银三十七万二千八百四十一两一钱二分旧管粮一十一万一千六百五十二石四斗料六万七百四十四石四斗九升布二千六百七十二疋银三万九千八百二十七两四钱九分新收粮一十七万二千三百五十三石七斗六升料九万二千八百三十五石二斗一升草三万一千八百八十五束布二千七百八十六疋银四十万六千二百三十一两六钱四分比上年多粮料四万六千三百七十余石少银二万一千一百五十余两开除粮一十七万一千六百九十一石一斗料一十万二千一百四十五石七斗布五千四百一十二疋银三十六万四千五百五十八两八钱五分实在粮一十一万二千三百一十五石六升料五万一千四百三十四石草三万一千八百八十五束布四十六疋银八万一千五百两二钱八分比上年多粮六百六十余石草三万一千八百余束银二万六千二百余两延绥镇岁额粮一十一万六千八百四十六石四斗一升料三万九千四百九十九石二斗五升草四万二千四百二十一束银六十六万二千七十三两七钱二分旧管粮一十三万六千八百三十四石七斗九升料一十万五千八百一十三石五斗三升煤炒二百九十七石三斗三升草一百四十万二千八百三十二束银三千三百六十九两四钱七分新收粮一十九万一千六百二十二石四斗九升料七万八千八百一十八石七斗七升草三十八万七千六百三束银六十一万七千九百九钱八分比上年多粮料四万五千七十余石草一万七千四百六十束银四万八千三百六

十余两开除粮一十三万五千三百三十五石三斗二升料五万二千四百八十三石四斗八升煤炒一石七斗草一十四万七千六百五十九束银六十一万八百三两三二分比上年少用粮料煤炒二万七千二百七十余石草二十五万七千六百三十束银一万九千一十两实在粮一十九万三千一百一十一石九斗六升料一十三万二千一百四十八石八斗二升煤炒二百九十五石六斗三升草一百六十四万二千二百三十六束银三千二百七十六两四钱三分比上年多粮料八万二千六百二十余石草二十三万九千四百余束少煤炒一石七斗银九十两宁夏镇岁额粮五万八百二十一石一斗七升料九万七千三百七十石二斗二升草二百八万二千七百七十二束银二十二万九千八百九十四两三钱一分旧管粮四万六百六石四斗三升料一十四万七千三百九十四石一升草一百九十五万九千一十二束银七万六千一百五十九两五钱六分新收粮二十万七千六百七十七石三斗七升料一十四万一千五百七十一石九斗九升草三百一十三万九千七百五十束银一十万八千二百二十九两二钱八分比上年多粮料四万六千七十余石草一十八万九千二十余束银六千二百二十余两开除粮一十二万七千五百七十石三斗五升料十二万五千五十四石九斗七升煤炒一百二十八石二斗七升草一百一十六万六千三百五十束银一十四万六千五百一十一两九钱二分比上年多用草二十六万九千三百九十余束少用粮料煤炒三万三千九百三十余石银一万二千五百余两实在粮一十二万七千一百一十三石四斗五升料一十二万三千九百一十一石三升草三百四十三万六千四百一十二束银三万七千八百七十六两九钱二分比上年多粮料九万六千六百二十余石草一百四十七万七千四百束少银三万八千二百八十余两甘肃镇岁额粮料二十一万一百五十九石九升草一百五十八万四千八百四十三束银四十三万一千九百六十三两二钱七分旧管粮一十八万一千七百八十六石四斗四升料一十四万八千九百四十一石三斗六升草二百三十六万四千五百二十五束银一十三万八千五百三十四两五钱三分布二万四千一百九十三疋一丈六尺新收粮一十九万一千三百三十四石二斗一升料一十四万三千二百四十二石五斗四升草一百七十二万五千八百七十一束银三十三万四千九百六十九两一钱五分布一万七千九百一十三疋比上年多银三千八百七十余两布一万五百七十余疋少粮料一万九千六百二十余石草九十四万三千一百八十余束开除粮二十二万四千四百九十五石四斗八升料一十万九千三百八十石五斗一升草一百八十二万一千一百六十六束银三十万六千七百六十四两九钱四分布五千七百八十五疋一丈六尺比上年少用粮料三万二千六百四十余石草八十六万二千七百余束银二万五千四百五十余两布五千一百余疋实在粮一十四万八千六百二十五石一斗七升料一十八万二千八百三石三斗九升草二百二十六万九千二百三十束银一十五万六千七百三十八两七钱四分布三万六千三百二十一疋比上年多粮料七百五十余石银一万八千二百余两布一万二千一百二十余疋少草九万五

千二百九十余束固原镇岁额粮二十六万四千九百二十二石四斗六升料一千四石四斗草一十六万八千九百六十七束银三十七万九千三百七十四两三钱八分七厘旧管粮一十一万三千九百八十七石五斗九升料一十万三千六百三十五石二斗二升煤炒一百五十二石八斗七升草二百一十九万四千八百四十七束银四十八万七千二百四十六两三钱九分一厘新收粮一十七万四百三十九石九斗五升料一十万二千九百八十石七升草一百一十二万三千八百九十束银三十七万一千一百六十九两七钱八分一厘比上年度多粮料七千一百五十余石布七千六百余疋少草一十三万五千八百余束银一万七千四百四十两开除粮一十四万九千九十石四斗四升料九万九千九百八十六石二斗五升草一百六万七千三百八十束银三十二万八千二百九十四两九钱二分八厘比上年度少用布二千一十疋多用粮料四万六千三百六十余石草二十六万六千一百二十余束银二万一千五百二十余两实在粮一十三万五千三百三十七石一斗料一十万六千六百二十九石四升煤炒一百五十二石八斗七升草二百二十五万一千三百五十七束银五十三万一百二十一两二钱五分布一万六千二百一十四疋多粮料二万四千三百四十余石草五万六千五百余束银四万二千八百七十余两布二千余疋

○赐大理寺卿刘一儒已授封父刘大宾及前母程氏祭葬○巡按陕西御史刘光国获咸宁县妖人李一真等并其宣淫倡逆罪状以闻诏一真等即便处决刘安等徙口外其妖邪惑众之民各抚按严加禁戢犯者悉罔赦此例不贯

○以郊祭及幸学期迫命亟修三街道路及东安门内东中等门

○己巳改南京大理寺卿严清为大理寺卿

○户部议改折保定府额角□羊宣镇本色米麦五千八百一十余石从之

○礼科都给事中李戴等言河南缴到勘合内少王府请封选婚丧礼三张今后必加严查如期不到及经年方到者参提重拟该部覆奏从之

○庚午山东鱼台县民屈琛奏讦乡官随府违法事 上曰随府曾受业屈琛乃敢非理凌害师长当逮问大学士张居正等言 皇上恶以弟子犯师长诚振扬法纪矫正颓薄之大机但民本率多诬罔恐开告讦之风宜行巡按御史讯从之

○兵部请以庄浪军石明等正法 上曰近来军令不严士卒少不如意輒聚噪要挟上官悖逆无理其依律梟示

○工部覆工科给事中戴光启等所条四事一监督盔甲厂节慎库及验试厅各主事皆钱粮出纳之司乞各给关防以杜奸伪一各省直所角□羊弓箭腰刀今后务炤颁式以资寔用一原议库贮没官铜像等物出以铸钱但铜像皆杂铜与民间私铸之铜无异宜留为铸灶等用以省经费一铺商向有预支之法日久毙生不无侵冒今后一应预支俱酌分数定以限期送科道官稽察 上皆从之

○辛未以久雨命顺天府官致祷○阅视宣大侍郎王宗沐言阅视重务三年一遣文卷易湮查阅何据乞将开报过三镇钱粮兵马修工丈尺数目文册及驳查往复昭案令该司收贮以竣交付查理永为定规从之

○壬申罢冀北道右参议张希稷先是希稷以被论行勘而勘报又与前议不合复为户科给事中朱东光所劾也

○总督陕西石茂华言虏酋丙兔等原许于甘肃边外开市宾免原许于庄浪地方小市皆万历三年内题准缘一时传调不至至今二三月始完虏称春市当作上年更求秋冬再市似难阻抑 上命与延宁同时并开毋令重冒著为令

○癸酉命锦衣卫正千户王学礼袭靖远伯祖爵以兄学诗卒乏嗣故也

○巡抚山东右佥都御史李世达奏本年四月二十九日博兴县大雨雹如拳如卵至五月初一日复雨打死男妇卞守才五十余人牛马无算禾麦尽毁鸟雀臭烂气不可闻及兖州等府相继见之人畜禾麦亦多伤损

○大学士张居正等拟上玉牒正副各七十册命所司择日进

○方泽坛工告竣

○中府署都督佥事佟登< 珪-金 >称爵 上曰武官非勋臣不得称爵今后改正行五府官应否与勋臣同班立下礼兵二部于是礼部言都督诸臣于殿下则当立锦衣卫官后而稍出其上与六部对待门初立亦如之行礼后则与南北司无执事者同班而序于上命著为令

○阅视侍郎王宗沐言宣大二镇新平等堡各援兵营俱近市场迎送夷使人疲马瘦乞另给新平得胜二堡马各三百匹军各二百平远等四堡马各二百匹军各一百名嵩供夷使往来其沿海每城堡及宣府镇各驿堡亦给马匹有差马于市内关支军于老营拨补兵部覆可从之

○以昌平标兵营游击王有臣充参将分守山海关

○甲戌罢大同右卫参将吴昆先是阅视侍郎王宗沐言昆监脩本卫城工既速且壮又多节省特竣刑科歛以代经费为邀名计至若三镇同一脩工军士皆宜优恤山西一镇盐菜行粮岂可独靳幸当款塞应乘机修筑即虏或疑惧亦当晓服其心下兵部覆遂革昆

○大理寺覆奏绞犯陈镇情可矜疑得旨炤例发遣

○乙亥贵州逆贼天界老巷负固倡乱按臣获以报梟之

○以湖广郴桂守备胡大忠佥书贵州都司

○丙子以抚治郟阳右副都御史王世贞为南京大理寺卿○丁丑承运库太监崔敏等以大婚用金珠宝石等引例请行户部采买于是户科都给事中光懋言事关君德虽微必矜费出民膏虽公必惜顷各边年例约于昔而倍于今而议脩河议开海议蠲赈无虚日焉况属两广军兴捉襟露肘而忽焉责办金珠宝石夫器用财贿燕私等物内府

所掌大司农则典邦计以供军国之需者也一旦俾之货买金珠岂可为训户部覆如懋言

上不允而湖广道御史张宪翔亦< 〇〇〇 铨-金 >请停止报闻

○命延绥镇各兵备兼屯田复置榆林卫所管屯官从督抚石茂华请也

○总理河道右佥都御史傅希贇言山东兖东二府运河额编有见役夫有徵银夫共一万四十一名今查工程繁简酌量裁留见役夫六千七十五名存用革去徵银夫三千九百六十六名所徵工银按季角口羊贮府库备河工支用从之

○调太平寨参将谷承功于古北口以昌平车营游击卢述管太平参将事石匣营中军甯潮提调古北口

○庚辰以侍郎王宗沐勘阅过宣大山西三年内边务功罪赏总督王崇古方逢时巡抚郑维吴兑崔鏞及总兵等官各银币有差仍赐敕嘉奖罢雁平副使韩宰谪大同副使左熙同知贾兴等为民下参将原于天于理

○命太监孙隆苏杭织造

○壬午大学士张居正等请重修大明会典从之是日诏曰朕仰承 祖宗列圣之鸿庥获纘丕绪夙夜祇惧图维治理则亦惟我 祖宗之旧章成宪是守是遵仰惟 皇曾伯祖孝宗皇帝命儒臣所纂大明会典一书其于我 祖宗列圣创业垂统典章法度之详通变宜民因革损益之迹固已纲目具存足垂彝宪第简编浩穰精核实难我 皇祖世宗皇帝尝见其一二舛误申命儒臣重加较辑比及进览迄未颁行似于 圣心犹有未当仰成先志有待后人且自嘉靖己酉以来及历二十余载中间事体亦复繁多好事者喜于纷更建议者鲜谙国体法令数易条列纷纭甲乙互乖援附靡准我 祖宗良法美意几于沦失矣今特命卿等查炤弘治年间创修及我 皇祖敕谕重修事理择日开馆分局纂修校订差讹补辑缺漏其近年六部等衙门见行事例各令遵炤体例审订折衷开具送馆卿等督率各官悉心考究务令诸司一体前后相贯以成一代画一经常之典昭示无极庶副朕法 祖图治至意其总裁副总裁及纂修等官职名并合行事宜陆续开具以闻

○以刑部右侍郎陶承学为本部左侍郎改掌通政司事工部右侍郎王好问为刑部右侍郎吏部以左侍郎缺推好问位承学上 上命承学为左而好问为右

○升湖广左布政使徐学谟为右副都御史抚治郟阳

○铸给工部盔甲厂节慎库验试厅各关防

○山西巡按御史孙代以乐昌王长子廷堦私娶王氏生子龄儿不报宜炤宗藩条例编入王氏户内为民礼部覆请 上曰宗室滥妾所生子女于例固不许请名请封乃至令改姓易籍发为编民殊非情理会典此例其议拟改正行

○蓟镇属夷炒蛮挟赏不遂潜犯古北口参将苑宗儒及原任总兵汤克< 〇〇〇 〇〇〇 >中军傅楫千把总高大朝苏学追至十八盘山死之巡按御史刘良弼< 〇〇〇 铨-金 >

>劾失事将领及提调入卫官高廷相等因及密云兵备钱藻总兵戚继光抚臣杨一鹏而兵科都给事中裴应章则以训练南兵全无实用废时玩寇重继光罪兵部分别覆奏上曰古北素称岩隘属夷得窃入为寇损军折将边备废弛可知兆姑免议其夺继光一鹏俸镌藻臣级寘廷相茂于理仍治弃将先逃者之罪首抄蛮先革抚赏另议处置秋防伊迩毋再疏虞驳应章复< 疏 毓-金 >驳兵部为诸臣角□羊脱且主将兼统全镇有失均宜坐罪岂得以大小远近坐令推避致失事机 上报闻

○大同入卫游击将军尤继先守新平三堡延绥入卫游击将军李栋守宣府西路柴沟堡固原游击将军李东旻守山西西路偏头关延绥镇入卫游击孙世武守大同北西路各管参将事

○以广东南韶守备张銮金书广西都司万全都司金书倪尚忠掌司事掌大宁都司事周一凤充大同中路参将

○以虏犯镇静诏夺该镇守备潘焘等俸下指挥李国相宋承恩于御史

○以山西掌印都司刘大中充宣府顺圣川蔚州参将调密云辘重营游击陈伯恠于昌平标兵营福建都司金书史臣充昌平永安车营游击

○癸未命大学士张居正等充纂修大明会典总裁

○礼科都给事中李戴等条上两京科场四事一曰慎选分较二曰互简遗卷三曰严对印号四曰预禁诈骗皆切时弊得旨如议行

○甲申直隶巡按御史刘天衢言各处监兑主事或偏为民或偏为军甚至苞苴大行听军民角力而不之顾承委水次者又皆州县佐领豪弁率横加诟谇监兑不能驾驭或至脱身避卧楼舡若罔闻焉宜专敕风力集臣一员会同行事下所司部覆寝之

○巡抚辽东兵部右侍郎兼右金都御史张学颜乞移荫庶弟学夔许之

○赐刑部左侍郎王宗沐父已赠右副都御史王训母已封大淑人郑氏祭葬如例

○升宁远堡守备范子忠清水营守备陈保量靖远营守备张懋勋并充游击领固原延绥军入卫

○总理河道右金都御史傅希贇言南旺乃粮艘往来要区素称大浅二年议一大挑每春秋兴工輒于粮舟有碍宜仿济宁月河制建通河一闸遇大挑则舡只俱出月河工毕仍出大河用夫约九千名用银约四千七百余两下所司

○乙酉大学士张居正等请以礼部尚书兼学士马自强礼部左右侍郎兼侍读学士汪鏜林士章少詹事兼侍读学士申时行王锡爵充修辑会典副总裁官左右中允兼编修陈经邦何雒文右赞善兼检讨许国陈思育修撰赵志皋田一俊徐显卿张位韩世能于慎行朱赓李长春孙继皋编修沉渊习孔教范谦黄凤翔刘璫盛讷黄洪宪刘虞夔刘元震公家臣史钶余孟麟王应选简讨刘克正刘楚先王祖嫡赵用贤充纂修官礼部仪制司郎中兼司经局正字马继文大官署署正成楫充催纂官管典籍事右评事沈洵詹事府主簿兼正字何初孔目杨士廉充收掌官大理寺右寺正刘大武右评事张德化

刘叔龙王赞袞郑瑶顺天府通判陈珩良酝署署丞高民怡中书舍人包渐林试中书舍人吴果顾祖源吴庚汪民敬鸿胪寺主簿程大宪马继志署丞赵应宿孙说章如铤谢用枢汤应龙崔光弼吴子像陈晋卿杨继成序班 伯辉沉云庆王延年孙承爵王国新从文光刘瑄田峻马应乾译字官序班田东作监脩馆办事主簿周大圭充誊录官 上报可时马自强等方纂修 世宗实录诏不妨以原务兼修

○丙戌升左通政倪光荐为通政使

○以江西按察使金立敬为湖广右布政使

○建州贡夷留住等以沿还不为馆谷驿官复折捶笞之车户驱其偕下车卒碾死又以死革其赏具< 毬 銃-金 >闻 上命地方官查处于是辽蓟巡抚杨一鹏张学曾各奏海西请夷强悍佐以积年伴送奸人妄求鍍器违禁诸物不得捏奏欺罔下部议令抚按宣谕惩禁其廩给车马所司亦毋得短少稽迟

上然之 ○改神机三营游击毛策于大同密云奇兵营指挥金事许茂杞充辘重营游击

○己丑以司业戴洵改左中允兼编修充会典纂修官

○复除浙江道御史赵应元于河南道

○以河南右参政李廷龙为江西按察使

○兵料都给事中裴应章上言时值秋高土蛮志愤于卧薪俺答年衰于拱木城台修而工多捏报军法肃而交横如昨入卫之卒展转于道途兴作之军疲劳于板畚互市之钱粮日见增加兑换之胡马半皆倒损将官慕节省虚名士卒受侵渔实害他如地震断流变迭见于蓟东锋镝疮痍民重困于辽左种种可虑宣大山狭互市必预期约日共举弗得彼此参差致生他变蓟昌则密迩都城环护陵寝策当以守为战辽东则无险可乘而将士用命策当以战为守下所司○辛卯调广西右参议张岳于河南江西副使杨愈茂于山西

○升山西平阳知府胡来贡为本省副使

○升编修沉渊为司业

○吏科右给事中李盛春条议五事一银库羨银不必相仿相胜致收放之时轻重其手一京通各仓收粮除尖耗外有罚装捧指等毙给羨有运官及衙蠹通同侵索指称花费或因旧欠扣留等毙宜悉与蠲涤一太仓库银原以备边近以寄廊料价不足借支给商以后角□羊到颜料价银查无应给商价即贮太仓以补偿原借一近来婚丧宴饮服舍器用僭拟达礼法制罔遵上下无辨必严行申饬不许仍前靡僭一凡有司徵粮宜审缓急不许混徵其有灾伤兵燹查实方与蠲减不许混报一应起角□羊钱粮俱差官类角□羊钱粮俱差官类角□羊不许以数两数钱金角□羊一人 上悉从其议

○户部覆江西抚按杨成等奏清江县樟树镇商货湊集盗贼渊藪近议增兵防御颇得宁谧而费无从出查本镇原设税课司额角□羊商税每年一百七十二两顷别委

官代權遂十信之其改选廉能官监税以旧额角□羊部余悉留饷新兵著为令从之

○改贵州獠平等寨隶贵阳府先是抚按严清等言獠平等二十四寨原隶卧龙司乃屡为丹行司罗继袖所占争夺仇杀至勤抚剿不如竟属贵阳府而以大龙司土舍龙见图领之便得请

○命修撰于慎行申时行等轮流日讲兼充经筵讲官
明神宗显皇帝实录卷之五十一

明神宗显皇帝实录卷之五十二

万历四年七月壬辰朔 上时享

太庙

○命太常寺分遣道士二十三人赍香帛诣 先圣及 历代帝王陵寝所在有司正官以八月廿三日行礼

○升通政司左参议李勋为左通政原任南京右通政徐浚为太常寺少卿

○以大宁都司僉书王进贤掌本司印湖广行都司僉书张崇德掌山西都司印山东运粮把总指挥僉事章绍祖僉书福建都司大同威胡堡守备王吉僉书万全都司

○癸巳以王原相为广西右参政郭孝为江西副使○礼部拟进幸学仪注一钦天监选择万历四年八月初二日宜用辰时吉一前期致斋一日国子监洒扫庙堂内外太常寺预备祭仪祭帛设大成乐器于庙堂上列乐舞生于东西阶下司设监同锦衣卫设御幄于大成门之东上南向司设监设御座于彝伦堂正中鸿胪寺设经案于堂内之左设讲案于堂内西南隅至日置经于经案光禄寺设连坐于左右一午门外锦衣卫设卤簿驾教坊司设大乐一是日早免朝百官吉服先诣国子监庙门迤东北面迎驾分奠陪祀武官都督以上文官三品以上及翰林院七品以上官具祭服在庙墀东西相向序立伺候行礼应在启圣祠者在启圣祠伺候行礼一驾从长安左门出卤簿大乐以次前导乐设而不作太常寺先陈设祭品于各神位前设帛设酒尊爵如常仪司设监设 上拜位于 先师神位前正中祭酒司业吉服率学官诸生于成贤街左跪迎驾至棂星门外降辇礼部官吉服导 上入御幄坐定礼部官奏请具服 上具皮弁服讫礼部官奏请行礼太常寺官导 上出御幄由大成门中道入盥洗诣 先师庙陞上典仪唱执事官各司其事执事官各先斟酒于爵导 上至拜位赞就位分奠并陪祀官亦各就位分奠官列于陪祀官之前赞迎神乐作乐止赞 上鞠躬拜兴拜兴平身通赞分奠陪祀官行礼同拜毕四配十哲分奠官各诣殿东西阶下两庑分奠官各诣庑前俱北向立赞行释奠礼赞搢圭 上搢圭太常寺卿跪进帛乐作 上立受帛献毕授太常寺卿奠于神位前乐止进爵乐作 上立受爵献毕授太常寺卿奠于神位前乐止赞出圭 上出圭分奠官以次诣神位前奠爵讫各以次退原拜位赞送神乐作乐止赞 上鞠躬拜兴拜兴平身通赞分奠陪祀行礼同赞礼毕太常寺官导 上由中道出分奠陪祀官各退易吉服 上入御幄更翼善冠黄袍讫礼部官入奏请幸彝伦堂 上出棂星门外升輿礼部

官鸿胪寺官前导从太学门入诸生先分列于堂下东西相向祭酒司业学官分列于诸生之前 驾至俱跪俟 驾过乃起炤前序立北向分奠陪祀官及百官亦先分列堂外露台稍上左右侍立 上至彝伦堂升御座鸿胪寺官赞排班班齐赞拜祭酒以下及诸生俱行五拜叩头礼毕武官都督以上文官三品以上及翰林院学士升堂序立执事官各以次序立内赞赞进讲祭酒从东阶升由东小门入至堂中北向立执事官举经案进于御座稍前礼部尚书奏请授经于讲官祭酒跪礼部尚书以经立授祭酒祭酒受经起置于讲案复至堂中北向立内赞赞鞠躬一拜叩头兴 上谕讲堂座鸿胪寺官同祭酒跪承 旨内赞赞叩头祭酒复叩头起就讲案边立 上谕官人每坐鸿胪寺官承 旨赞入班武官都督以上文官三品以上及翰林院学士皆入班序立内赞赞鞠躬一拜叩头兴平身分班序坐祭酒乃坐讲其余官及诸生拱立于外以听祭酒讲毕以经复至原受经处跪各侍坐官起立礼部尚书立接经置于经案内赞赞叩头祭酒叩头讫退出堂外就本位立各侍坐官复坐司业从西阶升由西小门入进讲如前仪讲毕退出堂外就本位立执事官举经案于原处置定鸿胪寺官奏传制各侍坐官起立赞有制赞跪祭酒司业学官习礼公侯伯诸生跪听宣谕宣毕赞俯伏兴鞠躬五拜叩头礼毕祭酒司业学官诸生以次退先从东西小门出列于成贤街右伺候尚膳监进案 御前 上谕官人每吃茶鸿胪寺光禄寺官同承 旨光禄寺分送各官茶各官复坐饮茶毕退分列于堂外露台上鸿胪寺官赞入班赞鞠躬一拜叩头兴平身分班序立鸿胪寺官奏礼毕传赞礼毕 上兴升舆出太学门升辇卤簿大乐振作前导祭酒司业学官及诸生俟 驾至跪叩头退百官先诣承天门外伺候 驾还卤簿大乐止于午门外 上御皇极门鸣鞭百官吉服鸿胪寺官致词行庆贺礼毕鸣鞭 上兴还宫百官退初三日袭封衍圣公率三代子孙祭酒司业率学官诸生各上表谢恩一先期设表案于 皇极殿檐下东王门外至日早锦衣卫设卤簿驾百官朝服侍班 上御中极殿具皮弁服礼部官及各执事官行礼如常仪乐作 上御皇极殿升座乐止鸣鞭传赞排班班齐鸿胪寺官致词百官行庆贺礼乐作礼毕乐止分班侍立序班引衍圣公三代等族人国子监师生过中赞鞠躬乐作四拜兴平身乐止赞进表执事官举案由东王门入至帘前置定乐止赞宣表目鸿胪寺堂上官一员随礼部堂上官捧表目过中内赞赞跪外亦赞跪进表官俱跪宣毕赞俯伏兴平身传赞同乐止执事官举案过东边赞鞠躬乐作进表官俱四拜兴平身乐上各入本班立鸿胪寺官奏礼毕鸣鞭百官退出仍于 皇极门侍立 上易常服御门如常仪执事官举案置御路中序班引袭封衍圣公等官并族人及国子监祭酒等官监生上御路赞跪礼部官奏请颁赏承 旨下赞叩头衍圣公并祭酒等叩头起执事官举案过东边鸿胪寺官奏奏事毕鸣鞭 上兴还宫百官退是日 上御皇极门赐宴武官都督以上文官三品以上翰林院学士并简讨以上祭酒司业学官三氏子孙及礼部太常光禄鸿胪寺执事官员与宴初四日一袭封衍圣公率三氏子孙祭酒司业率学官诸生及与宴官俱谢恩 上赐敕勉励师生祭酒捧置彩舆师生迎导至太学开读行礼

如仪初五日一祭酒司业率学官诸生复谢恩一国子监习礼公侯伯俱合迎 驾听讲观礼跪受宣谕班列于学官之次诸生之前一各衙门办事监生俱各取回迎 驾观礼一赐孔颜孟三氏子孙袭封衍圣公纁丝衣一套犀带一条纱帽一项五经博士颜嗣慎孟彦璞各纁丝衣一套带一条纱帽一项其余族人各与表纁丝衣一套一讲官每人炤例各与纁丝衣一套罗衣一套其余学官每人与纁丝衣一套监生每名钞五锭吏典每名钞二锭得旨庆贺以视学之次日行是日免宴礼部覆奏 穆宗皇帝驾幸太学亦先奉钦依免宴本部引嘉靖元年事例次日得赐衍圣公三氏子孙等及祭酒司业宴于礼部以尚书高仪主之今恭遇 皇上幸学乞仍炤前例报允命尚书马自强待

○甲午 上视朝毕御文华殿大学士张居正等进玉牒赐居正调阳四维及纂修官詹事府少詹事兼翰林院侍读学士申时行王锡爵中书官乔承华马继文等十七员各银币新钞并书吏人匠银两绢布有差

○以日讲官翰林院修撰于慎行轮注起居右赞善兼简讨陈思育修撰朱赓编纂章奏

○山西巡抚崔鏞奏四月二十日太原府忻州狂风雨雹十五里深厚尺余五月十三日定襄县雨雹二十五里自未至申积地二尺余损坏田苗人畜不可胜计五月十五日祁县地震报闻

○兵部以各边秋防在迩条上事宜谓备御西虏惟在酌处抚赏亟图战守善为抚赏者不必执一拒阻亦不可任其要求彼中通事乃虏耳目心膂所寄尤在驾馭得宜以寝虏谋善为战守者既当休養骑卒多备火器尤当调集步军并力设险大同边工向恐虏生疑畏不知虏今互市视昔年所掠利且倍蓰岂肯公然叛去失其自然之利若我因虚声恐喝坐误事机亦失贡市初意矣蓟镇有墙可乘有台可依即大寇亦可拒堵惟鼠窃难防当严密周详稽查必有其法误事必重其惩毋得优游再蹈前失辽东接壤沙漠绝无界限全恃哨探以为设备若贼势重大固贵坚壁以老其师虏骑分突亦湏按兵以防其诱所虑士马凋残亟宜多方调补蓟昌兵马数倍各边战胜诸务积有年岁见今虏衅既开虏谋叵测或攻或战非有殊捷岂可塞责况两镇相为唇齿总督责在攘安宜大合车骑官军多备火药器械属之能将悬以重赏出关夹击务收全功苟其重犯辽左垂涎东则患切郊畿事关 陵寝辽保之援自有明例时兵科给事中裴应章亦条奏防秋与部议合

上命边臣如议举行以图保障

○降蓟镇西协副总兵张臣级

○乙未夺正字马继文俸时 上以继文失落影格内年月红圈为辅臣言居正等谓其执事不谨请加降罚因各引罪 上曰先生不必介意即继文亦无心之失次日犹具_□请罪 上温语答之而薄罚继文以报云

○诏太仆寺发马价银一万三千三百三十六两备延绥次年互市

○升宣府万全右卫守备张世臣广东德庆泷水守备白圭各都司金书世臣大宁圭湖广

○削鲁府东甌王府仪宾童辉籍以冒婚为巡按山东御史□为正所劾也 ○命营缮司主事张德夫杭州榷木

○丙申命左春坊左中允兼编修戴洵右赞善兼简讨陈思育充应天府乡试考官

○以山东都司金书任大同充神机三营游击

○巡抚保定右金都御史孙丕扬< 〇〇〇〇 〇〇〇〇 >陈边政四议一演敌台火器二书垛守姓名三修台墙工程四拟文武功罪而以提调责各参分理责各道兵部覆奏 上然之

○丁酉大学士张居正上言致理之道莫要于安民欲安民又必加意于牧民之官今郡国长吏削下奉上以希声誉奔走趋承以求荐举徵发期会以完簿书苟且草率以逭罪责其实心爱民者实不多见明春当外官考察之期举措乃向背所系惟以安静宜民者为最虚文矫饰虽浮誉素隆亦列下考抚按以此核属官之贤否吏部以此别抚按之品流朝廷以此观吏部之藻鉴各虚心秉公则有司不敢以虚伪蒙上而实惠旁乎又查隆庆六年六月诏书一款自嘉靖自十三四五等年并隆庆元年钱粮除金花银外悉从蠲免其二三四年则各免十分之三水患兵伤地方并二三年亦从蠲免犹不能追纳至万历二年户部乃议于拖欠七分之中每年带徵三分而民犹以为苦何也有司官不能约己省事以致民力殫竭反不能完公赋势豪积猾畏纵不问反责下户贫民包赔近因行考成之法惧或降罚遂不分缓急一概严行追并甚者以资贪吏囊橐致百姓嗷嗷愁叹咸谓 朝廷催科太急不得安生皆有司不能奉行之过也赖 皇上节俭用度渐舒北虏纳款边费稍省似宜曲垂< 〇〇〇〇 〇〇〇〇 >恤余见年应徵及金花带徵仍旧外其余拖欠通查年月久近地方饶瘠再行减免分数如果贫瘠即与蠲除至于漕粮先年亦有改折之例今查京通仓米足支七八年而太仓银库所积尚少合无将万历五年漕粮量折十分之三分派粮多及灾伤地方徵纳足国裕民一举两得< 〇〇〇〇 〇〇〇〇 >入 上即日谕吏户二部朕奉 天子民注存邦本欲固国安民必得良有司加意牧养近来各地方官虽颇知守己奉法然虚文粉饰旧习未除今朝覲考察在途吏部访察贤否惟牧爱宜民为最有虚文趋谒剥下奉上以要浮誉者考语虽优必真下等抚按官论黜又闻各有司官催徵钱粮不分缓急一概严并畏纵豪猾偏累小民致流离失所朕甚悯之今后除见年应纳钱粮外以前拖欠户部分别年月分数奏免次年漕粮暂折十分之三以< 〇〇〇〇 〇〇〇〇 >民力其实行之户部因议隆庆二三四五年角□羊京各折色钱粮除云南贵州四川广西俱存留淮徐惠潮二三年仍全免外其余各省应徵七分者总计拖欠银五十四万九千六百有奇宜尽行蠲免隆庆五年六年额设全徵通算各省府已完十分之九止欠一分并乞全蠲万历元年二年除完纳八分有余欠一分有余年月颇近不敢

四十两扣行粮银四万八千五百五十余两以上通共扣留减存运军行粮料价等银共一十三万八千一百九十余两应折银炤米石数一齐交兑折色不完不许先兑本色监兑各官必先验兑折银方与兑粮省下杂用并减存运军行粮料价等银炤隆庆元年事例量留三万两给发修舡以备下年起运其余尽数角□羊部济边此改折漕粮之大概也各处屯粮旧例不折但灾伤地方军士凋疲者亦准折银三钱以示优恤<□□足 毓-金>入 上曰钱粮逋欠原非小民尽是势豪奸猾影射侵欺以致亏损常赋今朝廷既于例外施恩各抚按官其严督有司详核人户等则均数减免务使小民得沾实惠仍将减免及改折分数刊成书册广布晓谕俾穷乡下邑咸知朝廷厚下恤民之意其见年应徵钱粮分毫不许拖欠如有司怠玩及姑息市恩者比旧定降罚例倍加处分

○总督漕运侍郎吴桂芳总兵官灵璧侯汤世隆条上漕运二事一议更番以起极疲先经会议浙江等总卫所官更番领运利害及身痛痒自切此法行而漕政改观惟南京锦衣旗手上江下江四总大坏极敝正坐不更番之故请自万历四年始以掌印官领运金书官在卫掌印兼管营操事即预先料理下年粮运俟本官运回交代接管一预给月粮以益军资运粮官军在江西湖广等处各预给月粮以备安家随运支费南京各总亦当炤例请自万历五年始每年先给月粮十月以四月安家六月随帮带角□羊漕司验明俟过洪给散兵部覆奏从之

○巡盐御史雷嘉祥言长芦运司旧例每没官盐二百零五斤为一引在南所每引纳银三钱五分北所每银三钱八分每银一钱得盐五十斤后因峻惩商毙令每二十斤定银一钱责其自纳既倍时值加以运载舟□犬移诸苦遂致数年积盐五万四千四十引日渐耗失商民两病宜令每三十五斤定银一钱计所值尚八万六千余两与其积置无用何若减价速卖部覆如之而于所议三十五斤外再加五斤共四十斤定银一钱尽将积盐责商自纳从之

○封琉球国世子尚永为中山王以户科左给事中萧崇业为册封使行人谢杰为副使赍皮弁冠服玉圭往仍赐崇业等各大红织金胸背麒麟白泽罗圆领各一件绿罗褶□□萑青罗贴里各一件例也

○戊戌诏靖江王任昌禄米一千石本折中半兼支先是王以祖守谦与秦晋等府同日封诸凡制度体统官属礼仪岁时进贡庆贺祭祀等项悉得与亲王比又援 文皇帝御书岁给本色禄米一千石为请下礼部覆议谓弘治十五年以前诚如王奏明年即改郡王禄为米钞中半兼支至嘉靖四十四年更定宗藩条例郡王禄三分本色七分折钞皆载在掌故但王系国初专封独拥一国固当有别议改本四折六为酌新旧条例之中 上竟从弘治十六年例给之

○延绥巡抚朱守约条上备边五事一重大将以便练兵一分信地以杜推诿一移守备以防门户一定营制以休卫兵一复标兵以备缓急下兵部覆议允行

○分遣刑部江西司主事陈尚伊广西司主事艾穆陕西司主事张振先河南司主

事陈梦庚于两直录囚尚伊北直关内穆关外振先南直江南梦庚江北

○释庶人可湖罪以兄可涧杀人既正法宜释其属从刑部尚书王崇古请也

○辛丑诏福建漳州府福宁州漳浦海澄诏安县各正官刘志业等免覲以倭寇亘测堤防宜严从福建巡抚刘尧诲请也

○壬寅巡按山西御史金阶以病归

○山东参政冯敏功以病乞休许之

○户部条上开纳事例以济边从之

○陕西道试御史陈荐奏请永折湖广祈阳县漕粮荐即祈阳人极言其地滩高石峻不可航下所司议

○命发太仆寺马价银一万两角□羊辽东买马支用不为例○总督陕西右都御史石茂华巡抚延绥右金都御史宋守约请建神木榆林靖边定边四道敌台共八百座工料银共一十五万二千五百两 上命兵部先发银一万二千两筑建

○巡抚应天右副都御史宋仪望奏三吴财用所出水利最急自嘉靖初抚臣李充嗣修治之后未尝大修沟港日淤圩埂尽废旱涝无备根本之忧莫急三吴形胜东南自嘉秀沿海而北水皆趋松江循黄浦入海西北自常镇沿江而东水皆趋江阴常熟其中太湖潴蓄汇为巨浸流注庞山渎墅淀山三泖阳城诸湖乃开浦引湖北经常熟七浦白茆诸港者入于江东北经昆山太仓刘家河东南通吴淞江黄浦各入于海诸水连络四面环护中如仰盂杭嘉常镇势绕四隅苏州居中松江居下则又为各水所受故苏松之利害视四郡独大禹< ䷀ 毓-金 >三江以入海太湖之水趋下驶急海潮不能为淤书曰三江既入震泽应定是也其后民利渐兴壤为田畴< ䷀ 毓-金 >为浦港淤为洲荡五谷鱼盐菱菱芦苇之利生焉然地方虽辟水势渐分江流漫缓海湖内蚀而东江堙塞无复可考矣吴淞江直贯太湖径入大海最为要害屡开屡塞费用不貲考淞旧额阔一百五十余丈今不及旧五之一其中菱芦丛生涨滩涌塞太湖潴蓄势不能尽洩而淀山三泖由古浦塘入黄浦者淤涨尤甚华亭上海之间旬日不雨河港尽涸每遇霖涝则田畴悉滄害有不可胜言者惟娄江一道受阳城诸湖之水以入于海即今所称刘家河是也舟楫往来人力< ䷀ 毓-金 >导不至断流其他港汊皆为平陆田地荒弃甚多迩来有司将宗人府等粮银尽派荒区名为缓徵实则拖累今议者谓浚原则必修溧阳五堰以节宣上流初泛之势开孟渎澡港以杀导上流往北之路< ䷀ 毓-金 >吴江湖口使太湖积水分注诸湖疾趋其故道治委则深浚其入江入海之路以决其就下之势旁通其各港支流以尽其潴洩之方今湖荡之水散漫无归而通海之涂所在皆是淤沙之害已见目前往年治水诸臣皆夫动大众费请内帑< ䷀ 毓-金 >浚既起修筑继之言事者见久劳工作功或垂成輒将应设部臬诸臣尽行论罢是以功用未数十年而利害或仍相半今吴淞江开塞靡常工费不貲议者不敢任各湖荡或种芦苇或围荡田所占据者非势家则豪民也此皆能惑乱耳目造为浮言一或误投便成鼓煽臣见兵备王叔杲

军乃隆庆六年恩诏谳狱当遵律例如何一概混释当时法司覆议不明巡按御史奉行不审纵释有罪其姑宥之

○赐周府荆山王朝璧谥安肃长阳王致楹谥悼庄

○丁未大学士张居正等以重修会典请日给副总裁纂修等官及各员役供事者酒饭笔墨木炭等项炤旧开支其卓凳研炉大小象牙书圈内监炤数送用刑部都察院按月支送纸劄外用办事吏二十名分送各馆管理册籍启闭馆门匠役并较尉炤旧应用下所司行之

○以擒逆酋王杲功副使贺濙翟绣裳参将唐朴副总兵曹篹等各升赏有差从巡按御史赵允升请也

○戊申升江西广信府知府姚体信为福建副使

○命夺方山王府辅國中尉新埵禄米之半仪宾栗汉臣下御史讯先是新埵以犯盗参罚至是复窝寄潞城王府仪宾栗汉臣盗脏抚按崔鏞等以闻故有是谴

○己酉刑科都给事中严用和以稽查章奏列抚按六十三人未完一百三十四事以闻 上夺郭思极等俸皆未完十一事以上而以张翀吴桂芳耿鸣世任事未久贯之

○命贵州道御史陈世宝僭运漕粮

○庚戌命广西道御史陈用宾督河东盐课

○辛亥以草湾河工成命立河海淮三神庙赐名显应

○以宁夏游击李孝充榆林保宁等堡参将

○总督两广侍郎凌云翼奏报岭南雕剿赏金事姜忻徐汝阳总兵陈璘有差

○命大仆寺发马价银七千两角口羊充薊镇本年抚赏○兵部覆凤阳凤阳抚按吴桂芳舒鳌议以武平归德卫二拨补班军共三千七百七十四名应徵粮银存留凤阳府东西二海所并沂州卫拨补班军共一千七名应徵粮银存留海州听巡抚随宜雇募守陵防海其凤阳中右东西海凤阳留守中左怀远长淮洪塘寿州滁州汝宁仪真高邮淮安甯口卅州莒州十八卫军一万五千二百名除存留扣剩外尚该五百二十一名俱并为春班归德武平颖川颖上庐州六安扬州通州泰州盐城沂州潼关大河徐州兴化宿州等十六卫军人一万四千六百六十三名除存留扣剩外尚该一千六百五十七名俱并为秋班听都司统领依限赴京操备从之○浙江巡按御史吴从宪＜ 璩 毓 金 > 举左布政使王应显等而劾金事王谟 上以从宪未经报代例不得复命举劾令所司查议以闻都察院覆请罚治得俸夺

○壬子开馆重修 大明会典

○浙江抚按谢鹏举等以修筑海塘奏留嘉兴府知府李豫加衔免覲不许

○甲寅云南提学副使刘应峰乞终养许之

○兵部以山西巡按孙代奏获板升叛人已经正法但虏索市无虚日水泉营守口不宜复用夷人逐月小市当有限制不宜恣其出入必申饬兵备将领毋容边人逃叛以

启衅端其有孤贫不堪者加意抚恤 上曰本镇督抚责任甚重此等事情一听悉心区处不必一一苛求

○乙卯荆王常（言）薨 上辍朝三日谥曰庄遣主事张淳祭致敕王嫡弟安成王常盗管府事以王无嗣也

○礼部右侍郎管祭酒事孙应鳌以见侮属官自劾御史钱岱亦言学正周道直于太学习礼突出班中列应鳌罪状不知何意 上以道直狂肆无礼下诏狱杖之削其籍而慰留应鳌先是道直以新任谒应鳌屈膝私宅应鳌面斥其非已而持刺索文居然章草又改奏定幸学仪注命更演应鳌悉取投之乃未旦诣应鳌门痛哭随至监众中数应鳌罪三曰掷还手赤曰不修门剡曰不行所改仪注众皆骇之拉至演礼所演毕皆将散道直突至甬道道大呼曰 天颜咫尺祭酒某屡反顾私言动以汗巾拭面科道当参其实莫湏有也似狂似痴莫得其故大都世之妄人云

○丙辰颁赐新铸万历制钱辅臣张居正二千文吕调阳张四维各一千文尚书左都御史五府掌印总督京营及勋戚驸马各一千文侍郎金都御史大理卿通政使锦衣卫掌印官日讲官各五百文太常等寺掌印官正字官各三百文

○以添注山东副使李汶为云南提学副使

○浙江佾事王谟致仕升刑部四川司郎中湏用宾为佾事代之

○义宁王慎铄讷闻

○夺襄陵王府辅国中尉融（融火）川融（融火）皆各宗禄有差下仪宾李得荣王友曾及平凉卫后所试百户任得应于御史讯各宗以纵容越奏仪宾以知情不首所弁以觉察不严得并议○丁巳巡按直隶御史刘良弼奏五月十四日蠡县雨雹大如鹅卵伤苗破屋打死乡民刘横头及牛畜数十六月二十五日庆都县雨雹七月初六日安州雨雹各伤禾大雨连绵秋苗尽澮时巡按直隶御史于鲸又奏五月十四日获鹿县雨雹大如鸡卵五月二十四日阜平县南宮县同日各报水雹打伤民人田苗俱报闻

○毛磷等卫女直都督付羊古等四川董卜韩胡宣慰司加渴瓦寺都纲番僧领占藏等各进贡宴待如常

○以修右卫威远浑源广灵四城功赏大同镇文武将士有差

○以秦韩二府庶人秉宋融（付秦世子）惩警仍禁间宅下典宝马秀于御史讯先是秦府庶人秉宋与韩府未禄宗室融（等俱）以违例奏扰安置闲宅復潜出淫凶殴伤百户费勋故有是谴

○戊午 上以河南抚按所奏积谷数少夺各州县官俸有差仍命积赈尚责有司卫所官其勿与

○户科给事中朱东光参清平伯吴家彦男吴国乾奏袭父爵字画讹舛大不敬而误写讹为譏 上曰朱东光参详章（足 毓-金）且先自误如何核人各夺禄俸

○下义州广宁失事百户等官林之诘等三十二人于巡按御史问

○己未太常寺以祭 大社 大稷请 上命暂遣官居正言 宗庙 社稷祭之大者不宜代 上面谕曰适欲遣官非惮劳也以朕一出则禁卫六军皆摆门侍宿恐劳人耳居正曰 皇上敬共 宗庙 社稷臣民岂敢言劳 上曰然其亲祭

○应天抚按宋仪望郭思极并参太仓州知州陈大统以参谒出为奸犯所乘纵火烧廊文卷俱毁吏部覆议以请 上曰近方严禁掌印官趋谒而大统故违卒以失事降杂职用仍查提学御史有无先行禁示并以实闻于是提学御史褚缺言有司参谒屡行严禁大统实未到宜兴安得捩词饰罪下所司

○江西巡按御史张简以宁州山贼啸聚流劫报 上以贼势披猖王徽猷职专备兵未闻擒获而遽称宁溢明属欺蔽褫其职闲住而降通判袁祖义等于边方削吏目柳益赵不昧等职仍与把总戴士亮下巡按御史讯夺参政卢仲佃俸命戴罪擒贼以赎前愆且谓抚按官前已奉旨令兵备专驻宁州何又纵之安坐省城以致失事并切责之

○甘镇互市完总督以下各赏银币有差○以万全都司金书吕豸充宁夏游击广东都司掌印李金充浙江杭嘉湖参将

○总督陕西右都御史石茂华劾游击帅范贪污不职罢之

○庚申阅视蓟辽保定左副都御史郜光先绘各边形胜图进览留之

○刑科都给事中严用和言宗祖爱惜民命律有故禁故勘因而致死之款例有酷刑伤人因而致死之条今有司恣一已震怒虐民作威有如陕西巡按所论洵阳知县吴崇云南巡按所论元谋知县张维皆暴酷异常乞行各按臣提问下所司覆如用和言

○户部覆御史陈功条奏漕政五事之三一议更番先为总漕吴桂芳所陈业已覆行一选旗甲则议单已载惟在严各卫所掌印官卖放之禁一议积欠漕粮果系漂流及官军逃亡故绝者议准豁免若见在各官及有子孙应袭者例得追补岂容别议至南京旗军原无月粮扣角□羊且议单明开不许坐扣别军月粮惟将本帮羨余通融补欠但一申饬之而已工部亦复陈功漕政五事之二其一议造舡清江厂合山东遮洋七总之舡造于一厂既不堪用又不如期及雇民舡费适相等宜分锦衣旗手两总于南京山东遮洋两总于临清各委督粮道督造至于江北三总则责成清江厂主事并漕储道而限以五年改造仍备查应角□羊料价先事料理依时给发此目击各总舡毙诚为有见但今期届八月临清去产木处所极远南京虽近产木处所而军士贫窘未经查议遽难定拟惟本部备咨漕运衙门严催清江厂作速完造坚固接济新运仍如御史言估勘各总额舡堪用者发运敝坏者改造查炤年分追还料价中间应否改属应天山东分厂督造或炤旧专责清江厂一一详议停妥径自题请施行其一议溜夫黄河绵亘五六百里中间随地转曲牵挽最难各舡有限之夫前后安能调集查吕徐二洪设有洪夫约二千名二洪今淤为平流洪夫多用之修筑宜于粮运经行时酌派沿河溜处随宜调用此则宜如御史言权宜借调候粮舡过尽仍归二洪者也 上并然之

明神宗显皇帝实录卷之五十二

明神宗显皇帝实录卷之五十三

万历四年八月辛酉朔陕西抚按董世彦等以司库贮税契路引等杂项银共五万四千四百五十余两留抵四镇应发年例先尽固原次及延宁甘肃仍著为令下户部覆可令姑留司库俟请发然后奏给 上然之

○以修完野猪沟一带边工赏抚臣杨彩参政朱裳及指挥吕应岳等各银有差夺指挥孙应魁等俸从巡按孙代勘请也

○壬戌 上幸太学诣 先师孔子庙行释奠礼御彝伦堂两甚免进讲鸿胪寺官传制宣谕师生曰治平之道具载六经体验推行实资化理尔师生其勉之礼毕仍免师生送驾特赐辅臣张居正扇六柄银叶二十两吕调阳张四维各扇二柄银叶十两讲官申时行等六员各扇一柄银叶五两正字官马继文等二员各银叶五两赐分献官大学士张居正等各新钞羊酒○改荫原任大学士翟鸾孙思梁先是思梁父汝孝已承荫矣后中式以夤缘被论并除鸾名后复鸾官至是引例请改荫吏部谓汝孝除名仍引制科例未当而鸾先朝辅臣可念诏许之

○癸亥 上御皇极殿文武百官以幸学礼成致词称贺衍圣公孔尚贤率三氏子孙祭酒孙应鳌等率诸生各上表谢赐衍圣公及颜孟博士三氏族冠带袭衣祭酒司业等官袭衣诸生钞锭各有差敕谕国子监师坐朕惟人君化民成俗学较为先我 祖宗列圣致治之隆率循斯轨朕以冲昧纘承洪业四载于兹 南北郊禋殷礼咸秩兹率旧典祗谒 先师孔子肆举释奠之仪进尔师生讲论治理厥理告成夫为治之道贵在力行立教之方务求诸己朕方责实考成率作兴事惟尔师生均有修己治人之责者尚孟加毖勉懋乃教学助宣风化之原翊赞文明之治钦哉故谕

○乙丑兵部覆总督陕西石茂华巡抚董世彦所报抚过洮州境外生熟番夷共七十一族古陆阿尔答畏罪远移屡状归顺献出番贼你卜他等首级四颗并生擒且戎卜班卜牙二名赔马牛羊共二百六十七匹只伏罪 上曰番族既哀恳姑贳之且戎卜等即梟示

○工部覆巡按直隶御史舒鳌奏草湾河工告成计河身长一万一千一百四十八丈九尺塞过大小决口二十二处募过人夫四万四千名实用银三万九千六百六十两粮四万六千一百七十一石准银二万七千七百两以二月二十日起工本年六月十二日报完因叙总督吴桂芳副使舒应龙金事黄猷吉淮阳知府邵元哲及同知刘顺之通判蔡玠等并府县各官分理功 上曰海口开浚水患渐平各官功寔可嘉其先赏吴桂芳银币舒应龙以下各赏银有差仍用心修举功成另叙

○工科都给事中刘铉等请蠲工部营缮等司诸色料价军器折价纸张弓箭匠价砖价砍柴夫价农桑芦笋等项远年积逋下所司覆如铉言但各处自隆庆四年以后者徐淮扬凤青登莱自隆庆六年以后者年年带徵三万与万历以后钱粮一体考成从之

○丙寅命右中允兼编修何雒文右赞善兼简讨许国充顺天府乡试考试官

○户部覆云南抚按所报积谷备赈多寡之数有不及额者查炤考成近例降罚从之

○以遮洋运粮把总孟得贤金书万全都司改福建行都司掌印李应详于广东

○丁卯遣礼部尚书兼学士马自强祭先师孔子○刑科给事中王道成言作养人才宜先振士习往者六馆肄业止应故事近祭酒孙应鳌议停纳粟天下郡县所贡士皆出选举际此昌明之会责成儒师陶养士德诏天下博访茂才有贤良方正孝廉明经之士如黄福杨士奇胡俨吴与弼辈徵拜一二以缉熙圣学亲贤远佞专责道德勿宝珍奇则天下之士皆将飭躬励行修德养誉以默顺惟皇之极矣报闻

○戊辰 上祭 太社 太稷

○是日恭遇 孝康敬皇后忌辰于是礼部酌议请 上于日间服浅淡衣百官以青衣角带办事至夜分 上仍祭服陪祀官亦然今后凡奏祭日期遇有忌辰者除已祧及内殿无祭不忌外其余皆于前一日奏祭如致斋日遇有忌辰者 皇上具常服一日百官俱青绿锦绣一日其告祭日遇有忌辰者 皇上具祭服行礼陪祀官俱祭服如祭在日间则本日祭前祭后 皇上具常服百官俱青绿锦绣如夜分祭毕则日间 皇上仍浅淡衣服百官仍青角带办事临期本部俱开具手本送司礼监知会报闻

○南京守备太监李庆以会同刑部等衙门审录过斩绞杂犯等罪罪囚张郭等奏闻下所司

○己巳以 万寿圣节先期赐辅臣张居正银八十两彩段六表里吕调阳张四维各五十两四表里讲官申时行等六员各二十两一表里正字官马继文等二员各十两一表里

○衍圣公孔尚贤请朝贺进表文马匹许之命免常朝

○升营缮司郎中叶九金为江西佥事○庚午南直巡按御史郭思极谏运使葛纶狱以报先是奸商朱完以不法为其党讦讼而纶里人沈衍庆为和仁训导其子尧臣识完又与纶族弟缙亲厚为夤缘索缙书求角□羊纶恶其嘱托仍按法论完成且颇腾浮议于是求以病去抚按交章参其通贿托病下部议以纶老成耿介素为物论所归一事烦言岂足蔽罪宜详勘至是坐尧臣缙等赃褫衍庆职纶得白第以长至托疾为失礼罪纶命调纶官

○兵部覆督抚蓟镇侍郎杨兆等议一定信地原拟古北口提调驻劄司马台曹家寨提调驻劄黑谷关将军营提调驻劄将军关乃各恋驻原地宜以古北口等衙改司马台等衙及全镇二十六提调称营字者悉改为关字使知职在守关别难规避一定抚赏必各路将官亲临弹压不许避嫌一增提调喜峰口三卫贡途诸夷辐辏之地宜添设提调一员驻李家谷从之

○兵部以山西马邑县强贼郝彦臣等越狱乞申飭 上曰处决强盗三令五申既任意抗违虽再行申飭何益今后必尽法毋务姑息按臣沉涵以新任宥之强贼既已拏

获年余何无详报中间或司道官原未呈详或巡按御史故不奏请并本县正佐官凭限有无过违其令涵即从实勘奏郝彦臣等即臬示未获者缉拏余如议

○辛未户部覆户科都给事中光懋条议八事其一曰酌行蠲免二曰量行改折俱前< 〇〇 〇〇 〇〇 >覆行三曰及时追徵催科及时则民力易办玩愒以钧誉于先张皇以督促于后逋积愈甚即官序当迁宜听抚按参治四曰免摊逃粮民力止能供本户之税有司以逃户之赋摊于见在之民遂使相率皆逃宜加意招徕设处开垦以补原额五曰额定岁派各处钱粮那移借角〇羊久假不归如山东独坐南兵之饷歛县独累一府之丝也科臣不为无见但蓟镇保护 陵京召兵入卫行之已久要皆取诸额设民壮之数而南北直隶山西河南或已掣或折银如山西折徵民兵银两尚在也山东虽若折角〇羊稍厚较原费八万八千两今止徵五万六千两已极调停况今土兵尚未充实南兵何时可罢徵角〇羊工食实难停止至于徽州府人丁丝绢一项宜行应天抚按将该府六县钱粮以部额府额总行通算务求其均不许那重作轻以滋民害六曰明示则例近年创立一条鞭法一概混徵及至起角〇羊随意先后每遇查盘有尽一县欠户而皆〇〇互罪尽一户欠粮而皆问赎者今后凡遇编派里甲审定徭役徵收租粮悉遵制各给户由使人知遵炤七曰招抚流移宜行各该抚按行守巡等官督率有司设法招抚开垦免税安插里居寔寔奉扬德意八曰甄别有司有司官急于完粮以希上考效尤成俗贤愚混淆遂失朝廷为民设官初意今已分别多寡远近缓急颇有次第有司必不得催科政拙自失职掌以貽降罚 上悉然之

○兵部覆浙江抚按官谢鹏举等奏杭州盗贼纵横由各道职守不明议将杭严二府兵备事务改兼分巡道兼管而杭嘉湖兵备则裁去杭州金衢严兵备则裁去严州水利道止管屯盐敕内捕盗改为盐盗各换给敕书分巡既兼兵备不可无兵即将水利道原管杭州前右二卫军兵五百名改拨及操练各府县民壮驻劄省城 上曰近来各抚按每于地方失事后即议增官议更调不知从前所作何事今若不以实责成将来又未免有失且本省盗劫官银有旨令速捕贼赃并究角〇羊官溺死之故今俱未报止将各司道更置一番不过虚文了事推诿常套何有惩前虑后之寔今姑如议尔部科其识之

○壬申建州等卫女直都督纳木章等进贡宴待如常

○苏松兵备副使王叔杲擒献海寇严大邦等命臬之

○甲戌升两广军门坐营中军汪浚金书云南都司以原任中都留守于嵩掌福建行都司印江西南赣团操指挥金事刘用光金书四川都司

○阅边都御史郅光先< 〇〇 〇〇 〇〇 >报边臣三年内修守职业大略积钱粮则保昌为优蓟辽为次修险隘则保蓟昌并优而蓟镇新台尚疏旧墙渐圯尚非完策练兵马则蓟镇土著辽东正共保昌各标并优各营路为次客兵卫蓟者则延宁宣辽并优各班兵为次整器械则蓟镇为优保昌辽为次其守台器具则蓟昌保率俱充足坚利开屯田理盐法收胡马散逆党则辽东稍优蓟镇次之昌保惟有开屯田一事相埒因举劾文武

民以织包为业代纳粮差一旦禁不使行手足罔措凶荒相迫可为隐忧口困民穷国课谁办若虑夹带则宜酌定盐数每大包盐数若干折改小包盐应若干登之格册报掣盐御史据册验掣自难容奸况私盐之毙多在兴贩之徒商人挟千万金重资必不以数金小利甘犯没官之律也下所司部议如晓言从之

○辽东毛怜等卫女直夷人都督付羊古等共二百九十九员名各备马赴京朝贡赏赉如例

○以统领南兵参将杨文充副总兵协守蓟州东路

○命河南道御史赵应元巡按湖广 ○法司会拟阳曲王府辅国中尉新块未请名封朱刘孙朱赛儿朱禄儿糾众行劫至于伤人中尉新壁谋而未行分赃有据中尉知火口廖新堽纵子劫杀教家不严各情罪以上命降新块新壁为庶人新块仍与朱刘孙等俱置闲宅知火口廖新堽各夺禄米三月

○丙戌刑科郭四维言徵派民瘼所关今有不容缓视者如粮石均也而价银多寡异仓口均也而输转远近异地亩均也而肥瘠异尝访直隶则如顺天之文安灤县保定之完县唐县山东则沂费郯滕山狭则辽沁宜洛等州县之类民则终岁刑逼官则经年住俸而逋赋如故壤虽不可改轻重则可变通或通融于全省或裒益于一府或量议改折或分与存留原额不失而偏累苏矣我朝兵制总兵专阃参将以下听节制焉事权不可谓不重顷古北口损军折将据法拟罪责有攸归边方故习有功则张一为十虚冒上赏有罪则掩有为无苟免重罚彼此蒙蔽牢不可破何以快人心而振纪纲乞敕各边主将申明固守之条特饬失律之戒南兵训练必求可备战伐抚赏经费必求可以常继在今日并为切要者也于是工部请以通融徵派参酌本折责成抚按而兵部则谓古北口失事处分已当封强之事当视其责任之大小事变之巨细经营之专与不专而轻重其法但当严谕边臣毋谓法轻可玩坐误事机训练抚赏并宜申饬 上然之

○巡按直隶御史邵升言淮徐扬自海口沙横河身淤垫桑田尽成湖泊钱粮逋负独多顷开草湾河导黄淮赴海虽当大涨旋涨旋消不复停积数十年鱼鳖之渊幸有平土但荒田初垦收获为难乞将二府一州所属州县漕粮分别改折三年其一切起存钱粮料价亦命停徵于三年后带补以示恤下户部覆谓河水之患渐平则剥肤之灾自远岂可预为三年之请概冀非常之恩惟万历元年二年拖欠若果系灾疲勘寔奏豁从之

○丁亥命清平伯吴家彦男吴国乾袭爵

○命南京广东等道试御史林应训胡宥丁元复唐裔于应昌等各实授

○以蓟镇守备金福充蓟镇南兵大同镇中军坐营王保充大同入卫神机五营游击王治充真定车营各游击将军

○戊子升通政司右参议梁子琦为左户部江西司主事许光大为右参议

○己丑升湖广右布政使金立敬为本省左布政使○以朝鲜国王李昫送回被虜

调即当改行一严空帮凡漕舡起粮户部给单押空回南多有载货迟延弃逃盗卖者自万历四年始另刊限单通仓郎中遴选廉干运官押回程途舡只明开单内严限督赴粮储道投验迟违一月者炤依违限事例拟罪一月以外罚俸三月缺船五只以上该道查参降职一级十只以上降二级有通同盗卖等毙炤问刑条例追赃重拟并乞载入议单遵守 上曰可南京卫官更番其如前议

○泰宁等卫夷人升合儿等入贺 万寿圣节命宴待如例

○以宣府独石城守备叶秉充神机五营佐击将军降原任蓟镇中路副总兵罗端定州游击以广西永宁守备韩文启充广西昭平等处参将开原参将唐朴调正安堡管束营游击事保河民兵游击姚天与充参将分守开原地方

○刑部尚书王崇古题请会官审录 上命九月二十四日行

○甲午升河南按察使郑云釜为河南右布政刑部山西司署员外郎邹德涵为河南佥事

○夺抚治郟阳右副都御史王世贞俸以荐举涉滥为吏部所纠也

○东厂缉弑母烧尸犯人张大金并廉其妻李氏吴氏一致夫殴母至死一坐视烧尸以闻命付诏狱○乙未调四川左参政蔡汝贤为广东右参政

○荫户部侍郎李幼滋男李必大入监读书

○原任南京户部右侍郎杨思忠卒守臣以闻赐祭葬如例思忠山西平定州人嘉靖辛丑进士筮令清苑选礼科给事中历户礼吏科左右给事洊太仆寺少卿左通政以右副都御史巡抚陕西历前职养病至是卒别历几三十载人以查节归之

○丙申升河南右参政杨枢为本省按察使

○巡抚福建佥都御史刘尧海奏报把总王望高等以吕宋夷兵败贼林凤于海焚舟斩级凤溃围遁复斩多级并吕宋所贡文方物以进下所司

○升蓟镇青山口提调刘松充统领保河民兵游击○刑科都给事中严用和言矜疑罪囚谓其情可矜罪可疑耳乃五月大审情罪既确岂半年未及又可矜疑诸有词罪囚咸谓断拟未确执不输服例得再问若事久屡问罪无可出仍作有词则前问竟成虚文后审能无更易且谓狱久痼废朦瞽残伤得以笃疾奏释囚因有擦损其目徼图漏网者 皇上登极免刑至再上年复以初行 郊典免刑德意已深若有罪不诛虽尧舜不能治天下而王者之民亦惟曰杀之而不怨未闻以不杀为无冤朝审既毕情真罪犯乞分别行刑下法司覆如用和言许之

○赐阳夏王载非口土四书五经各一部

○戊戌升陕西副使孙坤为四川左参政○吏部尚书张瀚等考次各省直提学官以闻

上命传孟春内擢乔因阜褚鈇各晋一级余令益坚初志精勤职业政成一体擢用如特考称怠玩徇私仍黜不宥郑旻调剧地蔡叔达等别用并如议

○辛丑朝鲜国陪臣崔盖国等还国宴待如初

○以湖广都司佾书傅昆掌本省行都司印

○以土官宣抚使奢效忠征蛮有功授正四品散官加三品服色终其身

○壬寅总督河道右佾都御史傅希摯奏报河决韦家楼约三里余又决沛县缕水堤二处一长一百三十一丈二尺一长九十五丈七尺又丰县决长堤二处一长五十余丈一长六十余丈曹县决长堤七十余丈约三里余下所司○癸卯巡抚山东佾都御史李世达奏勘博兴县五月内冰雹打伤禾地三千九十八顷四十亩有奇打死男妇卞守才萧氏等四十二名口树木折倒牲畜死者无数乞将夏税及临德二仓米麦尽数蠲免下户部覆议临德二仓米俱免五分德州仓麦每石减折二钱以示<目六十一见>恤从之

○甲辰升山东按察使龙光为本省右布政使

○乙巳夜望月食 泰宁等卫夷人只儿挨等差升合儿等进马贺 万寿圣节赏给如例仍赐敕二道

○丙午封光泽王宪火口堇生母袁氏为恭僖王次妃

○丁未命实录纂修官简讨王弘海兼充会典纂修官○大同巡抚郑雒奏万历四年八月浑源州雨雪杀禾本月十八日地震同日应州亦震报闻

○己酉霜降节遣武安侯郑昆安乡伯张铉成安伯郭应乾武平伯陈大策固安伯陈景行分祭 长陵 献陵 景陵 裕陵

泰陵 茂陵 康陵 永陵惠安伯张元善祭 景皇帝陵寝

○升湖广右参议郭崇嗣为陕西副使

○追封衡王载圭生母夫人王氏为衡庄王继妃

○辛亥叙平广东海寇林凤功升福建巡抚佾都御史刘尧诲为右副都御史总兵胡守仁参议乔懋敬参政陶幼学等各赏赉有差

○礼部议赏吕宋番夷例以闻报可 ○壬子升广东左参议夏道南为本省副使

○以保河二府灾折徵存留秋税及马草屯粮以示<目六十一见>恤

○兵部覆总督方逢年奏义顺王俺答进表文鞍马求加升赏贡市人役查始封时额员已定年来陈乞滥升至二百余员已及二倍年复一年将何纪极即宜停却但前此稍事<目六十一见>假未常明立定规似难峻拒今后议定画一炤中国设立卫所使人有专役官有定员彼无分外之望我无阻绝之嫌 上命升赏姑如所请仍炤总督方逢年传示虜王虔守约束毋得每岁求增以乖忠顺卫罢不设礼部所议例赏加赏数目著为令

○癸丑录囚

○宣大山西督抚方逢时等奏朔州马邑二州县及朔州平虜二卫冰雹毁稼乞请蠲折下部议存留民粮炤被灾分数豁免屯田地亩粮每石折银三钱许之

○户部覆南赣巡抚江一麟题叶贼没官田二十七万把查核止一十八万把内二万九千系攘夺民产当除豁其在广东龙川县界者既属辽远且动称占夺若欲尽追恐致他虞乞免原报数三分之一仍于变卖严氏产银内动支九千八百四十两为建筑新县费从之

○甲寅升陕西西安府同知史邦直为河南佥事管新设水利道事赐总督宣大右副都御史张松祭葬松河南雒阳县人以进士授庐州府推官历户部主事员外郎中山西平阳知府陕西副使山东山西参政山东按察使陟都察院右佥都御史巡抚保定再晋前职回籍候用至是卒兵部称其节次擒斩多功难泯故有是命

○兵部覆议江西抚按潘季驯等奏请京库折银角□羊官勘合上谓勘合给以起角□羊岂得用之回还各抚按不体朝廷优恤民隐之意仍踵毙辙当并治之

○刑部尚书王崇古等以审录过轻重罪犯具〈刑部疏-金〉请 上命情真者决矜疑者遣戍边有词者缓之

○丙辰山西安邑及夏县地震屋宇动摇

○己未升都水司署郎中事员外郎陈诏为浙江水利佥事

明神宗显皇帝实录卷之五十四

明神宗显皇帝实录卷之五十五

万历四年十月庚戌朔钦天监官进万历五年大统历

上御皇极殿受之分赐文武群臣颁行是日 上躬享 太庙

○封瑞昌王府奉国将军多炁生母王氏为淑人多燉生母钟氏为恭人

○辛亥 上御经筵赐辅臣及讲官等制钱

○壬子 穆庙安妃杨氏薨辍朝一日

○癸丑给蓟昌二镇太仆寺马千匹银一万八千两

○靖江王府奉国中尉约口□易有罪降为庶人置间宅免其禁锢

○勒令靖江王府杀叔罪宗邦甘□永自杀

○甲寅以山西右参政张梦鲤升江西按察使○升总督蓟辽保定兵部左侍郎右佥都御史杨兆为右都御史

○丙辰赐辅臣张居正等各罍瓶磁器皆旧都宗器也〈刑部疏-金〉谢曰帝宝王珍晶光溢目商彝周鼎璀璨盈庭岂徒传示子孙尚当纪垂简册报闻

○升山东副使葛大纪为山西右参政

○封庆成王慎钟继选张氏为次妃

○戊辰山西抚按崔鏞等以防边留行太仆寺卿及忻州代州崞县官免覲许之

○追封瑞昌王府奉国将军多火□予生母喻氏为淑人

○泰宁等卫夷人升合儿等以贺 万寿圣节并长至节至赏赉如例

○戮罪人申柱张大金等六十九名于市

○辛未升应天巡抚右副都御史宋仪望为南京大理寺卿

○壬申梟俘虜革蓝个律于市

○兵部尚书谭纶言报功之典乃国家磨世砺钝之权在指挥同知下逮卒伍阵亡者皆以世官得袭在副总兵总兵则以流官得破格优恤独指挥使应袭升都指挥者拘于流官不世袭之说岂其官阶之崇而死顾不足惜也乎今后凡指挥使挺身赴敌殒阵除给本身恤典及长男承袭祖职外仍取次男一人与做冠带总旗查系生前有功死难独惨者与做试百户俱世袭如无次男即取长男下次孙承袭允之

○○癸酉 上御文华殿讲读先是山东抚按劾奏昌邑知县孙鸣凤赃私狼籍上览奏怒甚遣中官持示辅臣张居正等欲逮系下吏居正对云固当尽法但旧例俱下部覆请行抚按提问至是讲毕 上语辅臣以鸣凤贪鄙恶且笑之居正对曰今 皇上励精臣等仰体德意以节俭率百僚法度亦稍振举维是有司贪风未息欲天下太平须安百姓欲安百姓须有司廉平 上复曰昨览<孙鸣凤-金>此人乃进士出身何无藉如此居正对曰正恃进士出身故敢放肆若举人岁贡必有所畏忌以后用人当视其功能不必问其资格 上深以为然

○巡按直隶御史沉涵言虏部拆墙挟赏边将惧罪媚虏宜将各官罚治仍责虏囚以纵下罪而及时修补边墙兵部言以十余万久为边患之虏一旦受我縶紲六年于此而必欲使部落毫无干犯即以华法驭华民所不能者所赖边臣事制曲防顺怀逆责严饬诸将毋为苟且之图耳宣府边垣称固阅视者墨迹未乾乃至动称拆墙修守之谓何大同旧边尽属胡马驱驰之所惟一内边节议修理而南山诸边则逼近陵寝岔东三十余里俱沙土叠成未施砖石均宜亟为经理以保无虞者也 上然之

○甲戌命试御史龚懋贤曾士楚李东各实授

○乙亥升江西掌印都司胡忠为宁夏右参将东路都司金书张榜为刘河游击

○丙子升光禄寺卿王友贤为太常寺卿

○南京国子监祭酒余有丁以病乞归许之

○升四川行都司金书顾崇文掌贵州都司印○戊寅礼部右侍郎管祭酒事孙应鳌以病乞休许之

○升右通政孙籛为光禄寺卿

○赐南京兵部右侍郎姜廷颐祭葬如例

○命南京陕西道御史于应昌巡视下江

○命南京山西道御史丁元复巡视南京京营

○修 裕陵稜恩殿稜恩门及两庑

明神宗显皇帝实录卷之五十五

明神宗显皇帝实录卷之五十六

万历四年十一月己卯朔起病痊河南道御史田乐为原官

○先是各边墩军每遇投降人口悉拒不纳云川卫人滕良者归自虏中其侄滕友学守墩惧而沮之因越墙归为鍊山堡操守任服义扶其侄五十而逐良良乃赴按台诉御史沉涵以闻下兵部言内地人叛去复回名为归正被虏逃回名为走回当此款贡之时除捣巢赶马招降堪启衅者严为禁止至于归正走回不当概毆以坚其不返之志岁终仍类报议赏有仍前拒绝及恣行剥削以致军民叛逃均之为虏毆众也应一体参治从之○升南京浦子口守御张应科陕西固原守备刘惟清原任江西坐营曹清金书各都司应科江西惟清四川清云南河南都司金书朱家将为江西都司掌印

○庚辰升文选司员外郎胡嘉谟为右通政

○叙广东惠州田尾海洋等处擒斩海贼功沈英奋等三员名各升授有差

○辛巳命南京广东道御史刘应训巡视苏松常镇水利

○壬午诏免山东旧逋班军缺额名粮银

○癸未以 圣母慈圣皇太后圣旦先期赐辅臣张居正银五十两纁丝四表里吕调阳张四维各四十两三表里讲官申时行等六员各银二十两二表里正字官马继文等各十两一表里及万寿字金篆绶符各有差○命庆世子倪僎袭本爵

○甲申兵部以真定二镇修筑台墙工完议叙效劳文武以示劝酬而先严忌事者之戒诏罢游击李桐镌参将王将等十人各实职一级

○丙戌起原任南京国子监祭酒姚弘谟为祭酒南京礼部右侍郎殷迈以原官管南京祭酒事

○命河南道御史许子良巡按江西河南道御史田乐巡按山西

○命顺天府修候气密室及建铸钱所

○初司礼监太监张诚等请修

圜丘 朝日 夕月等坛及 太庙祭器合用木植等料并雇工油漆等匠俱行工部催办于是工部乃言祭器例系各监修造本部原不与闻物料则炤原派以三分为率准办二分召口买办亦该监径自验收料价原贮节慎库中听其支給 上以为然

○丁亥以黄水冲滄诏山东曹单金鱼四县徭编浅铺闸溜河夫等银及存留永豐广盈等仓米银暂与蠲免其临德二仓小麦亦令停徵有司官仍动支仓库賑恤俟水落地出招抚复业量给牛种务使均沾

○诏给 穆庙昭顺英妃魏氏贍坟地及坟户

○改铸管理交城府事关防

○以山西神池堡守备魏孔与金书河南都司

○己丑礼部以本月二十二日冬至大祀 天于 圜丘故事十八日奏祭十九日百官受誓戒是日恭遇 慈圣皇太后圣旦文武百官宜吉服称贺庆戒一日两遇礼文服色不同请更于十七日奏祭十八日受誓戒 上命十七日奏祭十八日行庆贺礼十九日誓戒百官如故

○諭都察院今仕路难清贪风未氓朝覲考察官有遣人来京预图打点者五城御史緝事衙门其访擒以闻在京各官亦务禁止宴会勤修职业风示四方若沉湎纵肆不守官箴参来重治

○辛卯北虜王蛮速把部落入犯威远堡副总兵曹簠率兵御之督抚杨兆等以斩获及阵亡被伤数报兵部言簠力抗方张之寇虽斩馘不多而拖死扶伤委难数计战亦可谓勇矣但我军阵亡不止三倍纵称血战未可为功应并革赏前锋把总官涂广秃万春等进先退殿忠勇可嘉宜先甄录死者炤上年平虜例给阵亡官银二十两军五两优恤其家伤者人给一两 上命赏涂广等银各十五两

○以虜酋贡市六年叙效劳文武诸臣命加总督方逢时太子少保原荫伊男升一级世袭吴兑升兵部右侍郎兼右佥都御史郑雒升右副都御史崔鏞升俸一级各巡抚如故总兵雷龙郭琥各升实职二级其余各升赏有差

○壬辰巡抚大同右佥都御史郑雒以所属应浑蔚朔四州大同怀仁等七县远年积逋计二万八千二百两有奇应蠲及近年未完计六万六千二百两有奇应带徵具〈 冊 鈐 - 金 〉请户部言该镇钱粮业蒙諭〈 冊 宀 十 见 〉恤而分别轻重又确有成数应入通省会计数内一体造册奏缴是之

○大同总督抚按方逢时等合言大同久婴虜患村落萧条款塞以来虽流移渐归抛荒未垦乞将万历四年见徵屯粮平虜等三卫所本色改折六分大同前等五卫堡本色改折三分每石俱折银三钱以示〈 冊 宀 十 见 〉恤军士应支正饷即令本折兼支下户部覆言屯粮原系军需改折本难轻议但该镇目击时艰金谋必非得已应如议从之

○改原任蓟镇游击王惟藩于保定总兵标下

○甲午升户部浙江司郎中刘一孚为四川右参议

○是夜三更有四星貫于费县火光随之天鼓鸣质明有红点落于费县城西北色如朱长二里阔一二尺

○丙申 上御皇极门群臣以次日 慈圣皇太后圣旦致词称贺赐寿面

○起原任河南道御史李辅为原官

○丁酉 上御皇极殿以 圜丘大祀誓戒百官

○户部尚书殷正茂题顷奉 圣諭尽蠲各省直隆庆二三四五年角口羊京各本折钱粮及五六年未完十分之一今南京户部尚书毕鏞将本部徵收各省府各年钱粮逐项查出比例请蠲而南京户科给事中王蔚亦言南户工二部额派二税料价等未完钱粮比例当蠲除系工部者咨覆外臣等查得南京户部隆庆二三四五年额徵银未完一十三万二千六百九十九两二钱三分本色米豆未完二千三百四十四石五斗四升花绒未完八千二百三十斤隆庆五六年全徵折色银未完七万三千六百九十九两九钱三分本色米豆未完三千四百三十四石二斗八升花绒未完一万一千七百五十八斤农桑丝绢未完三千六百一十七疋一丈七尺稻草未完二百二十一束徐州隆庆三年起

至五年止茶叶未完二百六十二斤应天府隆庆六年课钞未完二千三十九贯五百三十九文铜钱未完二千三百三文钞折银未两一十三两七钱一分乞尽数蠲免报可

○工科都给事中刘铉等〈臣疏-金〉议漕河语侵总漕吴桂芳大约谓草湾既开河复大涨漕臣言已不验而八月迄今一字不报为桂芳咎于是桂芳乃言河道通理南北此百余年来成规自科臣侯于赵建白而天妃闸以南属漕闸以北属河道矣今岁河决者三一为曹县缕水堤一为徐州梨林铺一为桃源崔镇各有司存恐难越俎至于草湾之开祇以去春高宝水患冲啮淮安西桥诸市且及新城〈臣疏-金〉以拯之非谓即可制水之命使上游亦不复涨也今西桥新城皆为平地山阳以南诸州县水落稻布斗米银四分臣之草湾亦既效矣若以山东徐邳之涨决不报臣诚何敢报惟其决注于臣属之豊沛睢宁四州县始一面踏勘一面议请赈恤不惟臣一人言之且会按盐二臣公言之矣祈将臣早赐罢斥以为人臣愚于任事者之戒 上以漕河原分地责成诏桂芳视事如初○己亥遣定国公徐文璧 南郊视牲

○礼科都给事中李戴等言朝覲官员有见朝之期班次之等与夫衣服之制面引之仪大班纠劾之典一一榜示申饬下所司

○庚子冬至节遣英国公张溶祀 天于 圜丘公徐文璧伯杨炳大学士张居正张四维等分献 大明等四坛

○辛丑 上御皇极殿受百官朝贺

○癸卯江西抚按潘季驯张简以宁州奉新靖安武宁新昌万载六州县万山联络中多盗藪条上弥盗七事一谓大汾山横界六州县向为贼窟近移兵道于宁州而将领未设请于铜鼓石添设守备一员即以潘阳守备邓子龙加衔改注拨以千兵附近官兵悉听调度一请将弋阳县主簿丁景方调升宁州判官专管捕盗一谓新昌之黄冈万载之黎源奉新之百丈靖安之双坑武宁之黄竹诸洞俱潜通大汾山宜各立一哨哨拨营兵百名领以千百户分操践更听守备遇警调剿其黎源洞屯田七十二户听该哨管理一谓黄冈洞山深民少宜移置定江巡简司弓兵二十四名于该洞改隶新昌与哨官并力防守一谓大营并伍哨及守备哨官家兵通共一千九十名查宁州仅得三百名拨选瑞袁二府各精兵二百名再募三百九十名其粮饷即于裁革浙江存饷内支給一谓江湖接壤此剿彼逸约两省一遇贼警即互移文夹剿推诿者参处一谓籍豪族巨姓尚义服人者为义总免本身差徭凡一方寇盗及窝隐即听统剿若宁谧至五六年给以冠带凭藉武断者治以法兵部言该省措置甚当湖广界连州县既盗贼出没而竟不设兵如日者贼逸平江非江西兵力能殄灭乎先年兴国瑞昌顽民仇杀至凡奏勘凡以无兵故也宜并行酌议报可诏抚按官务在致行不许虚文了事

○宁州贼首詹孔舜就擒地方宁谧 上命梟孔舜等而赏守备邓子龙仍夺参政卢仲佃俸

○命工部主事周思宸榷税荆州

○工部言黄淮交涨冲决太多请将天妃闸以北行傅希摯修决浚淤迤南行吴桂芳增补堤岸毋误明年漕挽然之

○工部进铸完新钱三百万金背二百万火漆一百万

○甲辰巡抚保定都御史孙丕扬以右辅要地台墙虽筑兵将未筹因条上六事一谓边内外二十里每村立一村十村立一冠带总长隶于管关府官常时任其耕商临警督防信地获功同赏规避治罪二谓保定五卫茂山真神各卫班军二千八百八十名宜于大宁都司添设领班都指挥统之保茂紫荆腾骧右真定河间各卫所揉余二千六百八十八名则属之大宁巡捕都司易州涑水广昌乡夫并保定府属民壮二千三百九十五名则属之清军同知原守倒马关定州腾骧右二卫操余九百九十名则属之本关参将原守茨沟营真定神武右武功腾骧右卫操余一千七百七十名则属之本营参将各不妨原务督领防秋无警合营操练有警就近摆边各卫所及诸军官悉听辖调三谓天津洪水口松陀安柏连涧葫甘口孩口黄草安宁静安插箭岭茨沟营狼牙口十处动支修墙余银各置一仓仓各十楹取二府积谷保定七千石真定三千石贵棗贱余有警支给乡夫口军并听借支仓毙各道稽查廩坏将官修理四谓墙外重险在铲偏坡树裸木以万历五年为始每岁主兵两防客兵一防各炤信地兴工参将计一关守把计一口各以种过铲过有无为功罪五谓计该镇敌台三百五十六座每座军五名用房十间听军移家居住共银三千五百六十两于真保存粮内支给台墙火器并付掌管坏即修补六谓易涑广乡夫原系暂借向无月粮近各给谷终非久计今查河间府岁角口羊民壮银二千两给夫备守每秋三月月各四钱王分行粮仍旧兼支应停谷石兵部言各款计虑不啻周详内乡夫数计一千三百四十五名每夫三月每人应银一两三钱五分而岁角口羊止二千仍俭八百五两有奇应于存粮银内议足但定将领兵至一卫军余分统数将似涉繁琐宜稍归并便至乡夫民壮几成一军而付之同知恐文吏知兵者少不如仍用将领同知止催督上班管理粮饷可耳上如部议

○工科给事中戴光启等言该部召补商人群然规避盖四司商都水最逸屯田次之虞衡又次之营缮则避之若阱矣臣以为宜定轮差之例令各商更转应役四年一周然后再审事故名缺炤常添补每年例工料按年报完其重大工程不能刻期者视昭陵例或合举或分限而内库龙沥纸张及兵仗等局钱粮二三年方竣者亦分年均派各令炤年完纳他若朝宗桥文场之类虽系逾年报完仍责原商干办在当事者一留意耳且钱粮支费当年销筭祛侵隐之毙端便岁终之查核尤善工部覆言各商分隶各司委有不均之叹轮差一议偏累自此平矣 上从之○南京户部右侍郎汪宗伊条议八事一禁过派凡南京仓粮水兑正耗并席竹驴脚等项悉炤题准事例坐派粮里不得过收角口羊官不得科索一时徵角口羊夏秋收成时小民可以办纳无分南粮漕运分批起角口羊毋得因循一定米色查照土宜定其米色明载批文粮里以此起角口羊仓司炤此验收一严稽查炤带徵见徵数目给与文簿按季填注完欠则奸顽不得侵欺一严部

运总部非府佐贰部运非县佐贰该司府不得违例转文粮长姓名粮石即填注部运批内不得另给一议亏折每廩放尽即行监收查盘如正耗亏至二百石以上者官攒责限均陪仍送法司问罪一议罪赎凡首领县佐代府佐贰总部及巡驿河泊阴医等官代州县佐贰部运俱以违例论夏税绢麦违至五月仓粮违至九月俱以违限论每批止问一名凡计量银米添名加罚俱一切停止一专责成本部监收主事四员原有官房四所以便监督旷而不居因之损坏宜量支折席银两稍加修葺以居之仍前不住公馆者参奏户部言其有裨国政从之

○定京营参游佐击坐营等官凡遇 圣节冬至元旦俱于副将后随班朝贺中都山东河南三都司各领班都司随佐击后各该衙门接见悉等参游毋仍执旧规有所挫抑从总督戎政杨柄请也

○丙午朝鲜国陪臣吏曹参判具思孟等以谢恩表并冬至称贺至宴待如例

○荫礼部右侍郎陈炯男陈以训入监读书

○丁未兵科都给事中裴应章等言顷见虏报东西纠合控弦三万突犯前屯不利今不转犯锦义必犯河东以事势度之可虑者四冰坚可渡东西随意一也虏合拳共击我掉臂分防二也怀愤求逞不胜不休三也久战则疲士气先丧四也蓟镇秋防已撤宜令总兵戚继光亲提士马移镇湾东以为犄角下兵部

○巡按直隶御史邵陞言今日大政莫重漕河顷以吴桂芳督漕傅希摯总河庙堂之上既图其所重矣桂芳风餐水宿九阅月而草湾全通堤工半就臣亲履其地见入海之口势如奔马即九月间淮水陡发黄河建瓴之势适与之会河强淮弱不能争趋草湾入海之道而高宝间溢冲数口大者十余丈小仅二三丈今补筑且竣矣说者致以河涨责草湾不无阻任事之气至于徐吕垫高河势已沮不闻希摯画一策以< 疏 疏 疏 >浚之七月以来决徐州决丰县大者二百余丈小亦四五十丈曹单决至七百余丈而崔镇之决至分正河十之二三趋诸湖下金城会草湾入海将来恐夺全海之流如云梯关故辙而顾乃倭之气数托疾高卧恐工拙以混吹无辩牛骥以并驾俱疲矣乞勉桂芳益殫任事之忠毋以忧逸畏讥隳厥绩戒希摯弗旷司空之职急以< 疏 疏 疏 >淤塞决赎前愆庶乎新运可济工部亦以为言 上然其说命两臣加意经理亟图修筑毋误新运

○颁朝鲜国万历五年大统历一百本

○修山西岚县徐沟祁县各砖城动粮羨傍税无碍银二万四千四百十六两有奇从督臣方逢时议也

○发太仆寺银六千四百九十九两二钱为戎政各官冬春催募军伴之费

○升直隶沿河口守备曹师彬佾书大宁都司

明神宗显皇帝实录卷之五十六

明神宗显皇帝实录卷之五十七

万历四年十二月己未朔命礼部官祈雪

○庚申 上御文华殿讲读举御袍示辅臣曰此袍何色居正以青对 上曰紫也服久而渝耳居正曰此色既易渝愿少制 世宗皇帝服不尚华靡第取其宜久者而用之每御一袍非敝甚不更故其享国久长未必不由于此窃闻 先帝则不然服一御輒易矣愿 皇上惟以 皇祖为法能节一衣则民数间十人受其衣者若轻用一衣则民即有数十人受其寒者不可不念也时左右亦盛言方今民穷至有鬻妻子以应尚供者上深然之○太仆寺请将明年应徵马匹查炤万历三年例行兵部谓寺臣言良是保定顺德广平东昌永平河间归德七府兗州府济宁滕峰等二十二州县原额马七千八百一十九匹酌派折色六分本色四分共马三千一百二十七匹其余各州县并南直隶地方尽派折色原系本色今改折色者徵银三十两原系折色者徵银二十四两其保定等府该角□羊挤乳马五十匹炤旧于备用马内派取另册起角□羊应天等府原系折色内改本色马九十七匹径角□羊南京兵部发营骑操该部即炤角□羊到马数每匹动支银一十八两年终角□羊部备用两京太仆寺备将派过所属州县本色折色各数目呈部查考可之

○准原任锦衣卫带俸指挥僉事李钰男李鸾袭本卫千户一辈以 孝懿庄皇后戚属故○壬戌陕西督抚石茂华侯东莱以庄浪土人族盈二万性悍难治仅用协守土官鲁东一人统之非便议于红城子添设防守土官一员以本城古城野狐城各土人属之西大通堡添设防守土官员一以连城等处五旗属之听彼中选委悉受庄浪参将节制其原随操土军有在红城子及西大通者俱就本地防守免赴该营而于西宁备御内查拨四百名以补前额仍立乡约建社学择生员厚廩给以教训生童间知文理送学作养使崇礼义以变夷习下兵部议可从之

○甲子兵部言东北夷虏速把亥等失利怀惭思欲一逞十一月十八日西犯沙河二十六日复犯东关两入两出地方保全无虞复念蓟镇之燕河石门辽左之沈阳开原皆其驰骋呼吸可到者乞申饬堤防毋得顾彼失此 上然之

○湖广抚按陈瑞等言江西卢源洞贼罗朝广等越境逋入大汾山江防道僉事蒋梦龙获之地方之患虽除善后之策宜画议移瞿家寨巡检司于梅子园而建堡于大汾山及金铺观各一兵部因言顷江西铜鼓石等处增将设防本部覆湖广亦宜增置以便合掌共击今据会议更置巡司添设哨守甚善第事权太轻难以调度江西既置守备此滇把总方便会同举事至于本总军兵派各县各壮各卫军丁湘潭醴陵善化共二百一十名改为民兵工食各炤民壮长沙卫抽军余二百名岳州卫一百五十名各为军兵岁饷取诸各卫实足五百五十名付本总领之金浦观宜设一小堡拨岳州卫指挥一员哨守其军兵分浆市哨六十名再移本卫军四十名共足百名之数即以原任守备指挥郑邦本补大汾山把总以都指挥体统行事兼管浆市金铺观二哨官兵听抚按荐劾制曰可○乙丑巡按御史邢玠论报固镇边工言兵备马文健在临巩多捏报在靖虏颇有功

欠分数而朦胧虚应者有实完分数而藩司迟延者查参不明非失轻则失重何以服人乞敕该部先期督责属司分查各省造报册割比对在部分数逐名咨送吏部炤例降黜不待日后移文庶人心益知惩创下户部议尚书殷正茂乃言追徵逋负其职在有司若皆推诿不前国用何以取办但各省地里辽邈查催动经岁月各抚按官身临其地法既易于遍及权尤便于鼓舞合听严催完报近者半年以上远者一年以上不报不惟司府州县印粮官降罚而抚按官亦难免怠缓之责得旨催徵降罚如议行仍多刻书册散与来朝官使知遵守以后部科仍严加核参毋事姑息

○下广宁前屯游击王国瑞于巡按御史讯以纵寇殃民贪污不职也

○辛未升浙江左参政朱炳如为本省按察使

○壬申升太常寺少卿屠羲英为南京光禄寺卿

○原任太子太保礼部尚书兼文渊阁大学士赵贞吉卒贞吉四川内江人嘉靖乙未进士选庶吉士授编修升右中允管司业事庚戌虏变集百官议日中无敢出一言独贞吉侃侃以轻损军之令重赏功之格宣谕诸将士力战为请 上壮之擢左谕德兼监察御史为出帑金惟所措画贞吉受命出犒军金尽虏充斥如故 上诏锦衣卫逮杖之贬荔浦县典史久之转徽州府推官升南京吏部主事署郎中迁南京光禄寺少卿南京右参议右通政南京光禄寺卿晋南京户部右侍郎以原官调北部为张给事所论劾复夺官去隆庆改元起吏部侍郎兼学士充实录副总裁旋掌祭酒事 上幸太学贞吉讲禹谟之后克艰章未几补日讲官推南京礼部尚书御史李惟观南科岑应中皆言其启沃有功不宜置远地遂以尚书协理詹事寻拜文渊阁大学士入辅大政加太子太保授从一品荣禄大夫散官赐蟒以不合首辅屡< 疏 >请急得驰驿归后以虏归我叛人与参 庙议荫一子为中书舍人至是卒 上为辍朝赠少保谥曰文肃生平自负特操不袭人后身任天下百挫不回大都才隽而博气刚而忠贞吉有焉其学多本余姚而杂以二氏盖亦好高之过云

○以虏犯平虏等处功升赏阵亡官军秦得倚等有差

○癸酉升山东副使舒应龙为浙江左参政

○甲戌升福建副使沈淮为南京太常寺少卿

○乙亥以日讲劳升讲官申时行詹事仍兼侍读学士掌院事陈经邦左谕德兼侍读何雒文右谕德兼侍讲许国司经局洗马兼修撰张位侍读于慎行侍讲正字官马继文光禄寺少卿何初左寺副仍兼正字 上以辅臣提调讲读劳绩尤多欲首加恩遣中官谕旨居正等辞曰臣等待罪辅弼上则培养 君德翼赞 庙谟下则表率群僚修明庶政其职最为繁重最难称塞若提调讲读不过职分中一事寔与诸臣专供一职者不同何功可言何劳可录夫掠人之美以自为功谓之窃无其实而冒其赏谓之忝忝与窃臣等所不敢为也 上乃止随赐元辅银一百两彩段六表里次辅各五十两四表里

○起原任河南副使曹子登于山东

○蠲都税宣课二司羊只鸡鹅杂货等税

○巡按山西御史陈用宾奏报今岁盐花盛生一望百里闻诸土人咸云数十年仅见而运使李廷观同知陆一鹏判官孙臣并原任副使霍维<□□卅涇>等捞采不预约束太烦始执硝气未化不许丁夫下池继虑人众混淆不听贫民协采俟被阴两数万盐课一旦消沉李廷观陆一鹏孙臣等先行住俸俟来岁补足具奏开支霍维廿□涇已经升任仍应录其前过下部

○礼科都给事中李戴等条陈会试事宜一号席当严言科场编号监试提调官宜亲自掣签登记号簿即楷书卷面天明号军各验字号不同者即时扶出二巡绰当密言士子坐定巡绰人役更番潜行伺察各军衔枚肃立毋得故为先声递相传报三誊录当慎言誊录所官督责书手真正楷书无得一字脱误如有脱误许对读所举送监试提调官查究仍将本卷另与抄誊四后场当重言设科简拔真才必学有本源识通今古而后可以济实用迩来士子专务初场故调难挽今次分房官务虚心详阅有二三场扬确古今条陈时事非徒漫衍者即初场稍疵亦着量收录其止工时义而后场空疏者概斥下礼部覆可从之

○先是逋寇林凤率党回潮先犯潮州之海门港踏头埔继犯惠之碣石东海滘时闽帅胡守仁统师追剿而广兵之在海丰诸处者亦有擒捕贼见两省舟师盛集潮州道金浙又推诚谕抚遂分<□□舟宗>散泊束身待招凤知众心已散已罪不赦掣舡夜遁抚散过马志善李成等一千七百十二名收回被虏男妇六百八十八名口舡只器械火药称是御史詹贞吉勘报以闻兵部覆一剿一抚其功则一闽功近已升赏广功委不宜迟其言修我武备以听凤酋尽我抚绥以化余党尤为善后确论侍郎凌云翼除盗安民厥功懋矣金浙抚散多贼心力亦殫虽经升任仍应与总副道府等官张元勋赵可怀晏继芳何子明刘经纬夏道南侯继高孙光祖徐汝阳萧遍李畿嗣杨寅秋等同论其失事偏将蒋柏清当重罚示惩 上赐云翼银三十两绉丝二表里浙等以下各二十两子明等以下各十五两遍等以下各十两蒋柏清夺俸半年○丙子巡抚顺天都御史王一鹏言文安县频年患水以合县计为被灾五分以司丘十余里计则被灾十分乞将夏税秋粮马草存留数内炤例蠲免二分尽以蠲恤被灾各里其无灾者仍旧派纳下部议

○丁丑 上辍朝从礼部类请也

○免河南本年应徵河夫堡夫银三万二千余两未调夫后免追旷工已调实夫更班歇役

○己卯下辽阳副总兵曹簠海盖参将姚大节于巡按御史讯以二弁互讦为督抚所参也

○庚辰兵部覆巡视京营科道林景旻等论劾佐击刘汉臣练勇参将李勋游击王镇杜晓徐洞并中都副留守侯国治前哨巡捕秦瀚西北巡捕把总刘濂当罢佐击王昱坐营童兴当降调报可

○辛巳升前屯城备御杨绍勋前屯游击○巡按广东御史詹贞吉报潮州府狱囚越城逃因言知府丘齐云方供闹事罪在署印通判龚修囚既出狱又复越城同城卫县印捕官均难辞咎诏下龚修于御史讯

○调山西河曲参将李澄清于辽东海盖

○升五军一营左副将焦泽后府金书俞大猷各署职一级

○调捕营左参将栗卿于宣府南路

○工部以朝觐蓬厂有本部杉木户部芦席可借事竣缴还匠役工食查动顺天府无碍官银委宛大佐贰搭盖不得丝毫累及行户仍著为例从之

○壬午礼科给事中孙训摘陈银库宿弊言太仓银库有监陪主事二员宜选年力精壮素有心计者委之母序资俸一年满日廉慎者量加超擢狼狽者列之下考庶贤者有所劝而不肖者无所容矣银库银匠四季更派法非不善而骗诈犹然宜令宛大二县预籍各坊殷实无过银匠造册送库遇有满呈到日即简前册不拘次序随金一名应役庶出其不意而夤缘兜揽之弊除矣内府供用蜡茶等料虽批称本色寔系轻赍盖产不如聚而脚价复省耳无柰棍徒包揽侵渔花费何宜令角□羊官不拘本折俱赴巡视衙门挂号折色径赴太仓交纳本色轻赍银两即责供用库商人认纳给与限票部司验有限票方准出给长单庶事权既一奸弊自清银库职司出纳旋收旋放且目不及视耳不及听诈伪无暇关防宜明示条约单日嵩收双日嵩放庶政体不淆防闲亦易天下贡赋尽入太仓乃从来定规近因边需甚急各取近地征徭省角□羊运便给发也若京仓收买黑豆无往来道里之费亦无领关掣批之扰而恠支于银库抵补于课司者谓何宜招股实官商明开所买几何所费几何俱于太仓关领庶出纳有主奸弊自消银库所积制钱累千百万拥积何益宜权其新旧次第支放凡文武百官俸给四分支银六分支钱一切招买亦如之每岁军士冬衣布花在内则钱在外则银一切赏赐亦如之庶银以为母钱以为子并行而不悖矣凡此六者皆职掌之最要者也若节其流尤有四焉锦衣带俸踰数千矣新选余舍独不可清查乎援例纳银各有等级名色把总独不可裁抑乎内外马房料银日增矣乃一时用马各监即称不敷独不可稽核乎戚畹坟圯动众营造矣乃每月数百踰年未报工完独不可限制乎亦职掌之所宜言者下所司

○礼科给事中武尚耕言内府甲乙等库所以贮四海任土之贡待 朝廷不时之需徵角□羊出纳关系至重其间利弊不嫌指陈各库急缺例得题请召买权也乃射利之徒见估价倍于时值低价可以冒充钻求召买比至上纳精细真伪不复辨今后遇有急缺应召商买办者所买物料责令呈样一封发验厅试一封送巡视衙门验不如样者拣退更换仍送法司重究此奸商射利之巧所当杜也各库角□羊到钱粮久逋不完惟承运库绢疋为最皆因积棍包揽克扣及到京验退又托故告回重复科扰害愈不可言矣今后有司造办务选正身大户起角□羊择委贤慎职官简验印识以防抵换仍于批文数目下明开每疋俱有印铃员役姓名等字赴该衙门折验有司故纵炤例参究至于

甲字库布疋乙字胖袄并宜炤此此揽角□羊侵抵之源所当塞也钱粮角□羊到即纳原无告回之例乃有员役偶因拣退物料輒假别故赴部告回去后高坐于私家动逾数载该部亦无从比并司官并若罔闻则以责成疏阔耳今后该部审系前情先将原角□羊送问给文家属回籍补仍另檄布政司设法即行追并有达原限及历年未到者该部即移会抚按将经管承角□羊者一并提究此告回迁延之毙所当惩也各城角□羊比追赃人犯行原籍追并者听抚按完报矣至在京揽棍或已问罪或未送问动皆十数年及数年以上积坑外角□羊花费无存乃一概责以必完即每月依期赴比亦不过频加讯责而已宜从公审勘有产业可追或可量处者严限估卖完纳如果家产尽绝又无家属可以代追量其所犯之轻重赃数之多寡查例枷号毕日各按律定罪早与归结此棍揽挨比之奸所当烛也至于腹心根本之病又在各门库之交收进纳矣在内则有铺垫在外则有门单积年书算之诈骗脚夫库夫之勒索取者视为当然与者原无从出凡正角□羊揭债倾家积揽指一诬十其端固起于此而侵抵克削剜肉补疮物料日渐低伪价值日渐告增其源亦始于此乞行申飭下该部

○四川播州宣慰使杨应龙备马匹差官赵凤鸣等赴京进贡及庆贺

万寿圣节龙里底塞二长官司凯里酉阳石柱三宣抚司各差官赴京贡马赏彩段钞锭如例

○蜀王请封婚礼二本铃缝宝俱用正面礼科给事中李戴等言此事关系名分非寻常差讹者比请罪对本用宝等官礼部覆各王府奏本其本尾背面各细书用宝及查对官职名以便责成今蜀王之奏本用宝违式左长史龚有成右长史李一阳及典宝正张启蒙各应提问已后王府务恪遵成规按季类奏有违式及一季而二三至者所奏一概立案 上曰龚有成等巡按御史提问类奏愆期多系各王府及奏事人指勒各宗若概行立案则诸宗或以无罪见格而各奸反得益肆诬勒宜更斟酌余从所拟

○升南京屯田指挥佾事王勋佾书兴都留守司

○削云南佾事吴教傅籍为民仍追赃

○癸未以神机九营佐击将军马应奎充神机七营参将山西利民堡守备陈正充神枢十营宣府西城守备黄元忠充五军十营山西宁武关守备文济武充神枢四营各游击

○先是打喇明安一枝银定台吉部夷虏去膳房采柴官军十余名索赏抚臣以闻上令责俺答绝其贡俺首初不知也抚镇以上诏诏之酋惧擒前夷治以夷法罚羊一千头马二百七匹驼三只进边伏关请罪送还被虏人督抚请复其市

上曰歹夷既已服罪姑宥之复其贡赏以后再有作恶部夷恶炤例行朝廷驭夷抚顺讨逆但欲招示恩威岂复利其所有马驼等不必进边分给与俺答等酋俺答奉命行法恭顺可嘉赏银三十两大红纁丝蟒衣一袭彩段六表里布二十疋黄台吉等各银二十两大红狮子纁丝衣一袭彩段二表里布十疋其余夷使通官俱量行犒赏以示奖劝

○调神机七营练勇参将罗四聪于河曲以五军五营佐击将军董汝梅充巡捕左参将升辽东险山参将傅廷勋协守辽阳副总兵

○甲申通政使司查参广西柳州等府知府王任重等九十五员名奏本违式应逮讯诏姑宥之○升南京神机京中军卞实金书中都留守司

○满城县民冯喜兰张清以逋粮为知县张峣系其子乃遮峣于朝刑科给事中王道成以闻并参守卫指挥陈昌言等诏下喜兰等法司夺昌言等俸二月

○丙戌兵部覆阅视延宁甘固边务侍郎吴道直统论四镇功罪分别赏罚各当其言宁夏花马池一带横连套虏中卫靖虏近逼松山宜建空心砖台扼要设防委宜行该镇道速勘以闻至其清册中所磨勘各就三年中计其八事优劣积钱粮独有甘固二镇练兵马整器械固镇优矣延甘宁以次而杀开屯田散逆党甘镇为最延宁固递减矣理盐法则延宁甘相若而固不免壅矣收胡马则延宁相若而甘固向未行也八事之殿最攸分四镇之劳逸具见矣顾八事以钱粮为首宁夏钱粮开报先次阅视隆庆六年终止旧管主客兵饷修边还官杂项各银共一十四万四千四百余两各粮一十一万七千五百余石各料一十一万八千三百余石各草八十五万九千八百余束及查练兵马项下该镇额军三万缺至四千未补虽虏酋款塞或可徐图但钱粮宜益赢余而递年报部节省数目不惟粮料草束不及岁报省存而各项折银反比旧管少积七万九千五百余两此则所当覆查者延绥钱粮前后共报节省客饷银余一十七万向原主兵额饷不足尽行借支存者仅一万八千四十余两夫主客兵皆兵也主客饷皆饷也移有余以补不足第宜明言乃尚以节省空数为名不知何谓上年户部已将主客饷银岁增五万两额饷足矣前报虚数作正支销断自今万历四年为始以后节省务要实数此则所当改正者固原钱粮前积数多然皆属之客饷其中粮料多陈朽草束多浥烂识者忧之其主兵粮草支給不敷实在数目比旧管殊欠册称出陈易新固是但未是否有商承领不如借支主兵而留主饷另行召买免仓场朽烂之虞遇急客兵且得实用亦属长□此则所当更定者得旨各官整理边务既效有劳绩石茂华赐敕奖励赏银四十两纁丝四表里戴才三十两二表里侯东莱升俸一级与董世彦罗凤翔宋守约各三十两二表里其余各賚有差裴尚质调用高天吉等落职回卫吴钺等下吏讯钱粮开报未明户部其详核以行

○巡按浙江御史鲍希颜以修筑海盐县海塘条列六事一议久任以便责成凡任事官俱候上完方与擢用仍宜分别劳绩破格优迁庶足鼓舞一处石料以济工作海塘石料原议止于洞庭一处今所用不啻数倍湏于杭嘉湖三府属方山隐马山武康山随在采买各道宜就近委官监督动支海塘银分发采运庶克兼济一立木桩以护石塘凡沿海一带密立木桩树石塘外岸每塘一丈用大长拖稍木桩二十根上用骑木并加木□木户□□桩二道亦用拖稍木一株石塘之内土塘之上每丈用绊桩二个该三丈木二株每丈约工料银二两三钱有零通计海塘二千六百丈该银六千一百九十余两今议开河运石应用则原估石价羨余可以支給查取前银如法办造庶外桩可荡风水内塘益

可久矣一修河塘以备不虞旧志有白洋河南通潞浦北通乍浦龙王宋庄皆内有里塘民得移避今宜逐一浚筑自庙泾河起至三间寨止俾与旧里塘相接面阔五丈底阔二深一丈窄处减作面三丈底一丈五尺即以此土填筑内塘底平筑五丈面阔二丈高一丈筑成坡形即用塘内草皮里为塘肤日久草聚根结土塘益固计每开河一丈募工银六钱筑塘一丈议加募工银一钱五分通将河塘面底阔深折方筭共八千五百一十一丈零该募工银五千五百五十八两五钱零查将万历五年应徵塘夫银七千两内支用一稽钱粮以杜侵欺修筑钱粮动计一十六万余俱发嘉兴府库贮凡遇委官领银买料夫匠给领工食俱呈该道查明支给工完备呈臣等查明具奏一严考成以期坚久工完之日每号石上即凿工匠塘老及委官姓名若三年之内倾塌即责令各员役追赔重修官虽离任一体参究下所司

○丁亥南京太仆寺卿石星以淮扬一带连岁水灾民困已极奏免节年拖欠马价草料场租银在淮安者一十一万五千二百九十三两零在徐碭高邮兴化宝应者一万五千余两已徵者起角□羊未徵者悉蠲凤阳府属一十八州县并泰州等六州县量免十分之五应徵五分三年带完可之

○戊子 上亲诣 太庙行裕祭

明神宗显皇帝实录卷之五十七

大明神宗范天合道哲肃敦简光文章武安仁止孝显皇帝实录卷之五十八

敕脩 万历五年正月己丑朔 上御皇极殿群臣朝贺 甲午 上亲享 太庙乙未礼部请于仲春諏吉 圣驾祭先农之神行躬耕籍田礼 命候七年春行 丙申上御皇极殿顺天府进春群臣称贺 论陕西防秋将领罪下延绥副摠兵高天吉守备潘维浙子抚提问宁夏付摠兵陈力降二级都司孟学孔革任回卫 戊戌以天寿山守备葛绍忠充延绥游击广宁游击徐国转充分守辽东< 〇十见 > 奠参将 陕西环庆守备辛守臣升彛书本省都司事 以神枢营游击将军袁漳充神机营练兵参将升甘肃碾伯操守谢鉉充庄凉游吉 以原任蓟镇游吉张斌充延绥孤山参将 升宣府岔道城守备陈永寿充神机佐击将军 己亥吏部都察院考察布政使邹光祚等八十三人得 旨罢斥降调致仕俱如例内行太仆寺少卿黄襄原议不及 命其闲住吏部请 上御门面奖廉能计吏 上命罢奖赏廉能者纪录擢用贪酷者行按臣提问追赃具奏 大同督捕方逢时奏脩该镇墙台效劳摠兵郭号等勘明叙劝其怠事行私守备陈栋等革任听勘部覆从之 升山西北楼口守备潘云程充五军营佐击将军兵科都给事中裴应章条飭边务凡六事防三卫属夷之窥蓟调南北军士之诟争原抚辽卒之疲困严禁边吏之啖虏台工坚久无博节省之名恤士降招无阻来归之志部覆允行 庚子 仁圣皇太后 慈圣皇太后谕礼部选婚 是日 上御文华殿讲读辅臣张居正言古者八岁入小学十五入大学此亦概论耳 皇上十岁登大宝为天下主岂必十五岁而后从事于大学况今已及期尤宜留意今文华殿东堂所祀宓羲以下数

加派一分并募民输纳以共足五万之数一防欺隐谓开垦一行弊孔百出在官预图卸责有捏未荒为久荒未逃为久逃者在民巧为干泽有抛熟以为荒暂避以为逃者甚或以民地为官以甲产为乙一失详定讼牒猬兴必先逐里逐户彼此交质将空闲空地久荒近荒民地见在人户久逃近逃人户分为六则俟流民之来归者按籍授田既佃之后原主不得告讦则奸弊无所容矣一广招来谓凡因水旱逼迫而逃者一切许其归附原籍给以居室地土而官府之逋欠粮里之包赔债主之责偿讎家之诘告概置不问一开沟洫谓凤淮之民慵惰成习耕犁欹斜无复畛界撒种其中不幸水旱有束手枵腹而已须相度地形孰为水势入河之所而<田 隳 毓 金>之以使其不积孰为众水趋汇之区而潴之以受其下流大都百亩之地割为一区周遭为渠内开小沟而皆通于泽以入于河潦则委百亩之水于众沟旱则运众沟之水于百亩所谓天时不能使之害者此也一给牛种一夫授田五十亩两家给一犍牛一家给一<田 牛 孳>牛若<田 牛 孳>有生息责令报官以给后之招来者种子每田一亩粟给一斗麦半之一备接济凡来归者皆令输力于官官予之食并量给其妻子至麦熟住支一缓征役凡招徕之民一年稔止取原种再稔乃还济粮四稔乃徵税额五稔乃富户徭而又定为新集之制另立招复一籍科派俱各从轻词讼量议宽贷俟其生理渐兴而后乡社礼法次第可举也一励司牧凡招垦有司岁终举劾六年被荐多者破格超迁三年内经荐劾者非赃罪不革职功成一体升推一均责成金事驻劄两郡之中不特巡行将招垦事迹逐日登记年终缴查而又择乡民之有心计者为农师以分理其事得旨抚按官督率营田金事着实举行务要假以事权令得便宜行事三年之后遣官阅实以行赏罚

○庚戌以甘镇河东防守班军脱班数多下指挥张继武于御史问

○复除山西金事曹大野于湖广

○升浙江副使王续之为云南右参政广西副使顾章志为贵州右参政严州知府陈文焕湖广右参议王土□□工部郎中贺幼殊山西左参议查铎承天知府覃应元各副使文涣浙江土□□山东幼殊铎俱广西应元四川工部署郎中唐文灿为云南金事

○辛亥下上蔡知县庄鹏举于锦衣狱问以大班纠劾不免冠也○谕礼部 潞王当行冠礼具仪择日以闻

○户部都给事中光懋言国初赋税之法以赋租属之田产以差役属之身家凡夏税秋粮因其地宜列为等则以应输之数分定仓口仓口自重而轻人户自上而下有三壤咸则之宜寓用一缓二之意至差有银差有力差银差则雇役之遗也力差则力役之道也论门户高下定丁力壮弱而籍之谓之均徭稽籍定役无与于田所以少宽民力驱游惰而归本力也至嘉靖末年创立条鞭不分人户贫富一例摊派不论仓口轻重一并夥收甚将银力二差与户口盐钞并之于地而丁力反不与焉商贾享逐末之利农民丧乐生之心然其法在江南犹有称其便者而最不便于江北如近日东阿知县白栋行之山东人心惊惶欲弃地产以避之请敕有司赋仍三等差繇户丁并将白栋纪过劣处部

覆条鞭之法革收头粮长而用经催革里甲均徭而用铺户革身家殷实之库子而用吏农皆公私之大不便者请今后江北赋役各炤旧例在江南者听抚按酌议得旨法贵宜民何分南北各抚按悉心计议因地所宜听从民便不许一例强行白栋炤旧策励供职

○总督漕运兵部左侍郎吴桂芳奏铸钱开局惟淮安当南北之中为最便而人匠即取之属县之素惯私铸者令自首赎罪期岁成制钱以充地方之用旨下户部

○升福建右布政使刘继文为江西左布政使

○以原任云南副使李汶补陕西右参议兼理副使事

○升云南按察使沉人种为广东右布政使浙江右参政张国彦湖广左参政刘价俱按察使国彦陕西价贵州云南副使罗汝芳江西副使庄国祯凤阳知府吴善言河南副使田汝颢俱参政汝芳本省国祯广西善言陕西汝颖四川福建僉事毛为光四川僉事罗向辰福建僉事漆彬俱参议为光广西向辰云南彬广东

○壬子 上讲读毕谕昨视朝部院科道等官不待招呼先上御路又承旨先后参错纠仪官如何不言各令回奏于是御史王民顺帅祥序班罗应升等各夺俸二月各官皆震恐服 上英断云

○工科都给事中刘铉等言季终考成计延阁者一百十三事准扬巡按御史邵陞二十事浙江巡按御史鲍希颜十八事漕运总督侍郎吴桂芳十三事余各有差命夺陞希颜桂芳俸二月

○以昌镇参将贾斌改充分守蓟镇墙子岭等处参将

○以分守石塘路副总兵徐枝管总督蓟辽军门下中军事

○升大同天城守备刘东为神机营佐击将军

○升辽东开原备御高良弼僉书本镇都司事○谕法司近来各处岁报重囚一省有至千余人者所处决止三四人余仍淹禁死于捶楚此皆各巡按御史故建明旨坚蹈宿弊其查参以闻于是刑部尚书王崇古奏各御史有岁决数多如刘光国原因九十四名决过四十三名陆万钟原因四十九名决过一十五名而决不待时者不与马余皆不及格 上以光国万钟奉法甚谨纪录叙用余降罚有差

○癸丑升河南道御史孙鏞澱江知府徐可久俱副使鏞河南可久云南陕西僉事解学礼为本省左参议大理寺副桑维高为四川僉事

○复除原任陕西右参议梅友松为山西左参议

○升南京吏部郎中江以东为江西提学副使

○以文安县司丘等里水灾命见在寄养马三百余匹先行调兑其站银暂免派徵一年○甲寅升蓟镇潮河川提调李添爵为白羊口游击

○改居庸参将沉思学充分守石塘岭参将

○命发太仆寺马价银五千六百两给蓟镇本年抚赏从总督杨兆请也

○补荫原任总督三边兵部右侍郎曾铣孙之省都御史宋景孙国谱为国子生

○升四川副使秦可大陕西副使张庸俱行太仆寺卿可大山西庸陕西陕西副使赵焯为本省苑马寺卿建宁知府许天赠为两浙盐运使山东佥事蔡可教四川佥事甄敬邵武知府王泽俱行太仆寺少卿可教山西敬陕西泽甘肃

○乙卯先是应天巡抚宋仪望上所属驿递钱粮节省减编之数 上以其数才十分之一与北直隶奏报不同下兵部议部具言额派多寡与裁省悬绝之繇但江南站船水手工食有直差有守候不宜一概滥支其南京兵部及督抚总兵部属各差应给外号勘合者止据文移请讨得之稍易填给不无假借以后必具本题请方堆给发填用已尽造册缴报其经过官员私用传牌者宜参究数人以示惩戒至真定等府余剩站银足支两年宜免派一年以苏民困得旨朕念小民困苦屡旨清查驿递期以除弊安民乃抚按全不体朕心背公徇私牢不可变近日朝覲官有遣牌驰驿者若不奉公差得以传牌应付则勘合俱属无用清查何益今姑再行申饬余如议行

○升广东按察使刘志伊为福建右布政使江西左参政卢仲佃为云南按察使山东副使王元敬为福建左参政兴化知府吕一静为浙江副使

○丙辰升山西北楼口参将葛臣为副总兵管分守居庸参将事○命辽东游击王大璋等驻兵前屯免赴蓟镇以防守台工故也

○兵部覆巡视京营兵科左给事中林景旸等条上事宜一广召募以实行伍国初额军四十万至嘉靖庚戌止余十万复增募三万分设营制曰战兵曰车兵曰城守兵各十营营各三千人余归备兵营以待拨补今各营不满九万复多老弱请通行选汰先将各军名下载册丁男堪用者尽数替役不足取之卫所余丁又不足募之民间务足十万之数一立选锋以倡勇敢京营家丁目为副将私人一有名缺竞相营补且俱拥护各将不隶营操实为徒设请于家丁营军中选其骁而善射者名曰选锋务足四千八百人六副将仍各与三百名十战兵营各三百名月给双粮而革家丁名色一更将领以张兵势各将至营有宜战宜车宜城守备兵者听总协大臣查试咨部覆题改正一勤教演以精武艺短兵诸法惟都督俞大猷独得其传宜取教师勤习而南方纸甲不能当矢弹仍用铁甲为便一酌时宜以修马政凡副参游佐等官所管马匹通作十分倒损一分以上者罚俸二分以上者降级三分以上者革任一革积弊以肃禁兵四卫勇士二营设自宣德八年凡以处迤北回还及进马收回人数而御马监内臣统之所谓禁旅也正统间都督王敬用以督战御虏天顺间都督马良用以平定曹钦乃今日就弛废此皆坐营等官影射役占所致请行该监申饬寻常演习听从沙盘内地之便双月赴外教场一操以存祖制岁终照三大营例会同巡视诸臣阅视分别请旨去留如四卫缺官请如先臣丘浚议世爵驸马及有功德于国家之子孙皆使番上宿卫户部覆仓场料草每岁支放三月出陈易新岁以为常今议二月十月系官军训练防御之时仍给本色十二月军卒歇操准改折色豆一石四钱草三十束四钱以示优厚皆报可

○升御史李采菲为陕西副使给事中李乐御史候尧封俱佥事乐福建尧封山东

○升浙江右参政滕伯轮为广东按察使浙江副使徐云程为浙江右参政

○升礼科右给事中石应岳兵科右给事中周良寅工科右给事中虞德焯俱左给事中应岳本科良寅刑科德焯本科

○丁巳 仁圣皇太后寿旦百官称贺赐宴午门外朝覲方面官皆得与焉盖旷典也

○戊午升山东左参议周舜岳承天知府赵睿荆州知府林绍俱副使舜岳广西睿绍俱山东

○江西定南县地震声如雷屋瓦皆裂

明神宗显皇帝实录卷五十八

明神宗显皇帝实录卷之五十九

万历五年二月己未朔升山东副使李承式为河南左参政成都知府徐元气宁波知府周良宾俱副使元气浙江良宾四川工部员外王廷简户部员外周有光俱佥事廷简福建有光陕西

○升刑科给事中王道成郭四维俱右给事中道成户科四维本科

○庚申补调简原任福建左参议查立志于山东

○论蓟昌二镇秋防将领罪都司程照等革任中军千总李茂春等下御史问

○户部言各镇年例钱粮请先发一半以备支用报可

○辛酉巡抚保定都御史孙丕扬以病乞归许之○直隶巡按御史孙成名条上屯田五议一均地粮毋分额地余地以肥瘠分为三等通融均摊无亏常数一定徵例一严批限一时监收一广开垦部覆允行

○叙陕西剿杀恶番功总督吕茂华升俸一级总兵孙国臣等各赏银币原任固原兵备刘伯燮升俸一级

○壬戌论大同防秋将领罪参将周一凤等革任回卫

○升巩昌知府胡穗为陕西副使南京兵部郎中骆问礼为云南右参议刑部郎中李荐佳为四川佥事

○补荫赠太仆寺丞李尧卿孙邦楨为国子生

○予原任南京户部侍郎杨思忠半葬

○癸亥升山西副使蔡应阳为山西右参政山东副使杨相为湖广右参议李日强为陕西副使 ○以山西行都司佥书张邦奇充定州游击

○升安庆守备袁日章佥书湖广行都司事

○以大同游击时尔直充山西北楼口参将

○革庆成王府镇国中尉新□为庶人

○甲子礼部上潞王加冠仪注一钦天监择本年三月初八日卯时吉一先期行内府各该衙门造办冠服等件一钦天持节掌冠大臣赞冠大臣宣敕戒大臣各一员一合

用内官夹侍 潞王及司冠服司幕次设冠席陈服进冠进袍服等项执事系内府司礼监该衙门炤例差用一合用启请导引 潞王官员司道扶节导案引礼等项执事官员系本部并该司及光禄寺鸿胪寺等衙门职官充用一习仪前期二日各执事官于皇极门前东庑习仪一日一陈设前期一日鸿胪寺设 潞王冠所于皇极门前东庑会极门之北设节案于庑内之北正中者设香案于节案前设冠席于香案之东稍南西向设醴席于香案之西稍南东向内侍设帷幄于冠席之后稍北西向惟中设坐椅几案别设案于东阶之南具翼善冠皮弁九旒冕皆以盘盛红袂覆之置于案具袍服皮充服圭带舄等物皆以箱盛置于帷中案上光禄寺设盥洗所于冠冕案之南西向设司尊所于醴席之西南东向实醴于尊加勺罩设坫于尊东置尊于坫进饌者实饌设于尊北执事者皆立于其所教坊司设乐于盥洗所之南北向一遣官持节前期一日鸿胪寺设节案于皇极殿初八日早 皇上預告 奉先殿毕具皮弁服御史极殿鸿胪寺奏执事官行叩头礼毕请升殿 上御皇极殿文武百官具朝服先行叩头礼左右侍班序班引持节掌冠官及赞冠官宣敕戒官俱就拜位行四拜礼候执事官举节案至丹墀中道置定传制官奏传制出至丹陛上西向立称制鸣赞赞跪各官皆跪传制官宣制曰朕弟 潞王睿名冠命卿等持节行礼各官俯伏兴四拜礼毕持节掌冠官捧节及赞冠官宣敕戒官执事官俱随诣冠所行礼一迎节初八日早内侍导 潞王先于帷幄中坐候节将至礼部官启 潞王迎节乐作礼部官同鸿胪寺卿导 潞王出迎于阶下持节官捧节入置于案乐止持节官退立于节案之东赞冠宣敕戒等官序立于盥洗所之南礼部官同鸿胪寺卿导 潞王随节入诣香案前立乐作鸣赞赞行四拜礼毕乐止赞复位导 潞王复入帷幄中持节官下与赞冠等官同立俟行冠礼一就冠席礼部官启 潞王就冠席乐作礼部官同鸿胪寺卿导 潞王诣冠席坐乐止内侍二人侍立于王左右一行初加礼鸿胪寺鸣赞赞行初加冠礼乐作引礼序班引宾赞诣盥洗所宾赞搢笏以次盥洗讫乐止宾赞升自东阶稍西向立乐作内侍揭盖袂以盘捧翼善冠升宾降阶一等受之乐止宾以右手执冠后左手执冠前诣 潞王席前稍东面立祝曰惟兹吉日冠以成人克敦孝友福祿来臻祝讫乐作宾跪进冠讫兴复位赞者跪正冠讫兴复位乐止礼部官启易服潞王入帷幄易新袍服出礼部官启复位一行再加礼鸣赞赞行再加冠礼乐作内侍揭盖袂以盘捧皮弁升宾降阶二等受之乐止宾捧皮弁如前仪祝曰冠礼期举实繇成德敬慎威仪惟民之则祝讫乐作内侍释翼善冠宾跪进皮弁讫兴复位赞者跪正皮弁讫兴复位乐止礼部官启易服 潞王入帷幄易皮弁服舄出礼部官启复坐一行三加礼鸣赞赞行三加冠礼乐作内侍揭盖袂以盘捧九旒冕升宾降阶三等受之乐止宾捧冕如前仪祝曰王至三加命服用章敬神事上永固藩邦祝讫乐作内侍释皮弁宾跪进冕讫兴复位赞者跪正冕讫兴复位乐止礼部官启易服 潞王入帷幄易袞服出礼部官启复坐一行醮礼鸣赞赞行醮礼礼部官启 潞王诣醴席乐作礼部官同鸿胪寺卿引潞王降自东阶繇西阶升醴席东向乐止光禄官举醴卓置于前乐作序班引宾赞诣盥

洗所搯笏以次盥洗讫升自西阶赞者取爵诣司尊所酌醴授宾宾执爵诣席前立乐止祝曰旨酒嘉荐载芬载芳受兹景福百世其昌祝讫宾跪进爵鸣赞赞搯圭 潞王搯圭受爵置于案宾兴复位教坊司启乐奏千秋之曲次启进酒 潞王举爵饮讫奠爵于案乐止光禄寺官进饌乐作饌至案乐止饌讫赞出圭撤卓一受敕戒鸣赞赞受敕戒礼部启 潞王诣受敕戒位礼部官同鸿胪寺卿引 潞王降自西阶繇东阶升诣拜位立乐作序班引宣敕戒官立于拜位之东西向乐止宣敕戒官称有制鸣赞赞跪 潞王跪宣敕戒曰孝于君亲友于兄弟亲贤爱民率繇礼义毋溢毋骄永保富贵乐作鸣赞赞俯伏四拜兴乐止鸿胪寺卿启礼毕持节官捧节出礼部官同鸿胪寺卿导 潞王送节出门外节行至阶下内侍引 潞王还帷中释袞冕具翼善冠服回宫持节掌冠及赞冠宣敕戒等官复命一谒见是日潞王具冕服谒祭于 奉先殿用乐行礼如常仪 潞王仍具冕服诣 仁圣皇太后前 慈圣皇太后 皇上前谢俱行五拜三叩头礼皆用乐一百官行贺礼次日早 上具常服御皇极门百官具吉服称贺致词曰潞王冠礼已成理当称贺行五拜三叩头礼毕候朝罢司礼监请 潞王具常服谒皇极门前东庑坐百官吉服行四拜礼

○叙修真保沿边台墙功赏总督杨兆银弊升巡抚孙丕扬右副都御史炤前旨回籍调理总兵傅津署都督同知兵备高文荐游季勋各升俸一级兵备姜继曾等官守备高尚忠等赏赉有差

○以神枢营参将刘葵改充大同中路参将○职方司主事曹慎条上经略保定事宜一增险隘以资战守马水口所辖滑车安东山梁宜建一台倒马关所辖石城安宜增两台茨沟营所辖竹帛口宜增墙四十丈龙泉固关各山溪路宜修墙铲陂令处处加谨一更官军以精训练谓马水紫荆官勇多勇倒马茨沟二路俱弱宜通行汰补一布大信以释民疑谓敌台初成议以附近乡夫临警听其避住家口并资其力以助战守自先年乡夫有死难者优录子孙一人小旗而后乃驱之修守与军无异此边氓所以疑阻也请行晓谕仍将所录小旗免其一切工役报如议

○乙丑命大学士张四维申时行为会试主考官取冯梦禎等三百名辅臣张居正子嗣修得中式房考为陈思育

○予原任右赞善沈鲤父杜祭一坛炤廖道南例造葬以鲤为东宫日讲三载效劳故也

○升陕西佥事梁许为陕西苑马寺少卿

○升顺庆知府林乔相大同知府王基俱副使乔相山东基山西

○升大同杀胡堡守备何山充大同入卫游击

○升大同庆灵城守备程万里佥书山西行都司事

○以广西饥荒留万历四年事例银三千九百余两赈济并留五年以前税课柴薪以助兵饷

○丙寅祭 先师孔子遣礼部尚书马自强行礼 升原任兵部右侍郎梁梦龙为左侍郎候服满到任

○命御史郑宗学巡按直隶等处管理印马屯田

○命御史郑国仕巡按应天王藻巡按山东○户部覆兵科给事中刘谐条陈御马监事宜一核册籍以稽供御将该监见在马匹核数登册以后进到者即便登记若有老损亦便开除一重掌贴以励勤能凡外马房各官炤各州县官一体分别赏罚一均商役以苏偏累谓御马仓中府场天师庵三处人皆趋之供用牺牲酒醋三处人皆避之宜三年轮委得旨如议后该监执争旧制前二事竟寝不行

○丁卯户部覆两广总督凌云翼奏广西民屯二粮俱存留备用较之他省起运尤急近年隐没多端其弊已极议将桂林平乐附近民粮仍听粮道屯田仍听驿传带管屯田道督理清查其属浔南等府卫所者行各守巡就近查理务使民不得指为屯地军不得指为民田造册既定仍归粮屯二道专理从之

○停河东运使李廷观等俸候补完欠额八分以上具奏定夺以亏额课二十四万也

○戊辰 上亲祭 社稷

○江西巡抚潘季驯奏< 鑄 銃 金 >通钱法一议开局改军器正局铸钱一定责成谓各府同知入省铸钱旷废职务止令每季将银铜解司兑换新钱一定钱式铸依原降样钱每文重一钱三分一计工料铸钱一千一百文计工费银一两车鑄磨泽仍用匠作为便一议铸额部咨将存银两四分铸钱六分待用限本年铸完今该省存留数多一岁难于尽铸但令多置炉冶日作不辍一议旧钱现在败钱多系低假收买镕铸改作新银一议收发凡本省王府禄粮银钱兼发部覆铸钱之费料居其七工居其三炤部原议教习水夫民壮可省冗费旧钱相兼行使听民间折算王府禄粮愿领钱者听余如议报可

○庚午升巡抚河南佾都御史孟重为右副都御史巡抚保定兼督紫荆关

○停陕西宜君米脂二县见徵粮草以奏报灾伤故也

○发太仓银二万七千余两给宁夏兵饷

○以巡抚宣府都御史吴兑考满荫其子有孚为国子生

○升崔黄口守备王秩佾书山东都司事

○升五军营游击王廷充神枢营参将

○壬申命开工部事例三年以大婚钱粮不敷故也

○朵颜卫夷人火你赤等补贺 圣节赏赐如例

○论万历四年虏犯广宁官军失事罪都指挥宋承恩等戍边

○癸酉调陕西左参政张大忠于江西山西右参议章甫端于广东四川佾事桑维高于陕西 升河南布政使周鉴为都察院右副都御史巡抚河南

不练则皆乌合练之则如搏沙无一可者也议徵银就本镇选募充补兵不远徵饷有定额便一以半年之践更为终岁之常戍便二人有定名练之可精便三土著之民生长边方习知虏情便四父母妻子以营为家不复内顾便五什伍相保一有离次就近追捕无烦有司便六非时有警闻令即行便七此昔人远徵不如近募之遗意也请将保河民兵尽放归农募土兵三千守三屯营月给饷银一两年至五十及笃疾者放回另补以求实用从之

○升吴淞把总常鏞金书山东都司事升蓟镇大水谷关提调陈文灯充本镇三屯营游击

○补原任大理寺右少卿胡价为本寺左少卿

○升太仆寺卿王廷瞻为右佥都御史巡抚四川

○补原任御史蔡廷臣于湖广道

○升太常寺少卿徐浚为太仆寺卿

○云南腾越州地震二十余次次日复震山崩水涌倒坏庙庑官舍监仓一千三百余间民房十分之七压死者百七十余人

○癸未陕西法藏等寺刺麻僧相竹令占等进献方物赏赉如例

○工部覆直隶巡按林应训奏水利职掌隶浙江者责之浙江佥事隶直隶者责之苏松兵备如浙直之交工兴之费各处司道俱听按臣督率举劾得旨水利系地方要务各官不许推诿误事○乙酉升浙江左布政使王应显为南京太常寺卿

○升刑科都给事中严用和为太常寺少卿

○升礼科都给事中李戴为陕西左参政

○升山西左参政张士佩为山东按察使福建副使胡定为浙江右参政

○减文安县肆淀三营地租之半以水占故也

明神宗显皇帝实录卷之五十九

明神宗显皇帝实录卷之六十

万历五年三月戊子朔工部覆给事中刘铉奏丹阳一带河身浅涸漕艘阻滞参政王叔杲不行挑浚临事仓皇倡为开孟渎河坝之议得旨夺俸二月孟渎可开俟秋水落后兴工为来岁运计

○户部奏各镇盐引先因两淮壅滞暂停存积十万五千七百余引今既< 通 仍 宜 开 中 报 可 >

○先是京营每年防秋口粮战兵六斗车兵半之城兵一斗至是户部议革城守口粮而车战二营通以三斗为率从之

○上以内库缺乏取太仓银十万两光禄寺银十万两进用户科给事中光懋言国家用财有制一应上供取之内府若光禄寺银两专以应膳馐祭飨廩饩之费而太仓所储则以供军国九边非可滥费也今光禄月费万金仅足待三年之用太仓岁入才足

供岁出矣仓卒有警其何以支请捐上供以昭俭德命如前旨行

○己丑荫原任编修张秩男鸣球为国子生

○庚寅以降调原任江西左布政使柴涑为山西左参政

○追封岷王定燿嫡母颜氏为岷康王妃

○予原任南京吏部侍郎李棠祭葬如例复以南赣军功特与全葬

○革襄陵王府辅国中尉融火口尘为庶人

○革新授南京广洋卫经历汪杠为民以犯宴会明禁也

○辛卯升饶州府推官赵参鲁为福建提学佾事

○户部覆总督漕运吴桂芳条上屯田六议一定分辖颍亳寿颖上太和霍丘六州县宜属颍州兵备泗州盱眙天长五河临淮凤阳怀远蒙城灵璧宿州虹县山阳徐州萧砀丰沛十八州县宜属淮凤水利一佾事衙门驻劄灵璧往来适均一请拨庐州府属预备仓谷五万石以裕开垦之资一仿国初法以府州判县簿为治农官专治农事其未设农官者即以管粮官兼之各衙门不得差委本官不许营求别用岁终考核三年六年九年课最者升级仍在地方管事一召集流寓给田开垦无力者官给牛种次年还官三稔纳粮十稔纳役原主归认不许告争另给佃种一荒芜田地不必专责成富民各从所便听民告认命如议行

○壬辰升浙江右布政使蒙诏为左布政使

○论陕西阶文洮岷斩获番贼功升授官军师范等如例 ○癸巳升贵州佾事王恩民为湖广右参议

○调湖广佾事侯尧封于山东

○命御史郭庭梧刷卷南畿兵口发太仓银一万八千两于辽东为防工兵饷

○甲午隆庆间龙虎山张氏真人印号奉旨革夺至是提点张国祥具奏请复礼臣以为不可许得旨国祥伊祖封号传自累代祖宗亦相因不革还准承袭给与印信其粮差止照品级优免不许侵占影射已吏部以无定品为言 上以真人系正二品载本朝官制令遵前旨行

○升兵科左给事中林景旸吏科左给事中郝维乔俱都给事中景旸礼科维乔刑科工科给事中戴光启为礼科右给事中

○复除原任云南右布政使朱衿于浙江

○乙未以 潞王加冠命公张溶持节掌冠大学士张居正宣敕戒各行礼○升户部主事张崇功工部郎中黄谟各佾事崇功山东谟贵州

○兵部覆直隶印马御史孙成名奏言原额种马十二万五千余匹不独专为孳生亦以备济缓急逐年议题变卖十去五六今沂费剗完唐五县岁被灾伤见养种马量卖三分之一每匹估价十两解寺草料暂免二年又密云公占牧地三百四十五顷每三顷五十八亩养马一匹应照数减免报可

○丙申 上御皇极门群臣以 潞王冠礼成称贺

○ 潞王出见百官于东庑

○命京城内外巡捕署都督佥事王世科佥书南京前军都督府事以浙江总兵李超代之

○朵颜三卫夷人花歹等贡马补贺 圣节给赏如例

○丁酉大学士张居正以男嗣修预殿试回避读卷得旨读卷重典卿为元辅秉公进贤不必回避时大学士吕调阳亦以子兴周与试< 足 铨-金 >乞引避 上亦不允

○戊戌兵部覆宣大督抚方逢时等奏宣府标正二营大同正兵营各有通丁向属之坐营官本官职止居中调度难令统领出奇请增设游击一员专管训练以为前锋宣府以该营坐营官马孔英大同以新平游击尤继先各改补报可

○革宁夏总兵刘济任为巡按御史所劾也 己亥追封肃王缙< 火 贵 >父镇国将军弼柿为肃王从王请也

○升庆阳知府潘子雨为甘肃行太仆寺少卿

○免山东沂费剡等州县该年站银四万一千二百余两即于积剩银数内动支抵补计该省额徵站银二十四万三百余两而是时减省扣积有十分之四云

○庚子云南澂江临安等府地震○南京户部尚书毕锵奏凤阳仓储收放必经本部以远仕江北不便勾稽收则完欠莫辨支则侵冒难清因循耗废空虚已极今条议六事一清坐派该仓原派各府卫所民屯三十四万三千五百三十余石计每岁支费本折尚余八万余石宜查核存贮以备缓急一严徵解该仓原派河南直隶各府二十七万一千五百五十五石凤阳中等各卫所屯粮七万二千三十石设法查催不完者各官降罚如例一裁预支查各卫运军班军有支粮至二年者贫军易于花费将领利于扣除甚有在操脱工在运欠粮者纷纷告行抵补那移日增后将何极宜照例止支半年余俱按月关支一禁各官不得预扣月粮以滋冗费一将支给米麦本折酌量品搭定为画一之法以示均平一责成该仓主事以慎官守部覆允行○辛丑予新建伯王正亿祭四坛以曾经佥书管事也

○升德州守备彭翼佥书万全都司事

○壬寅廷试天下贡士冯梦禎等三百一人制曰朕惟自古帝王抚运握口统一寰宇所以综辑庶务调剂群品其道盖多端矣至语其治效自诗书所述章灼较著则莫盛于虞周夫其七政齐庶尹谐六府修三事治与夫谟烈佑启礼乐刑政焕然也朕甚嘉之慕之未审果繇何道而致然欤或谓舜兢业万几文王自朝至日中昃不遑食也惟其精勤故化理若是然书称庶狱庶慎文王罔兼而孔子复谓舜无为而治何欤我 太祖神圣秉乾再造亟夏立法制博大详密用以跻世平康与虞周媲美矣御历三十余年早朝宴罢未尝时刻少怠其所以畏天人而衍昌祚者视舜文其道同欤朕以冲昧获纘丕基栗栗夙夜图所以顺帝则建皇极以庶几帝王之治者今且五年经费节矣而帑庾

未充赋歛宽矣而民生寡逐守宰久任矣而吏治罔宣伍籍加核矣而武备靡振岂因循之积习难骤变欤久弛之旧章难遽举欤兹欲革文冒破拘挛使人得其情事循其理将何如而后可盖盛帝显王人称之必曰大有为乃复有谓王者中心无为以守至正此其说安是将各有主谓不相蒙欤抑或其道相须也子大夫习先圣之术其于古今治理之原讲之预矣尚各摭所蕴明著于篇朕将览而择焉

○礼部尚书吴山卒山高安人嘉靖乙未进士任翰林院编修历升礼部右侍郎转左侍郎吏部左侍郎升礼部尚书寻加太子太保嘉靖四十年以救护日食忤旨随被论闲住隆庆元年奉诏致仕二年起南京礼部尚书< 〇〇〇〇 〇〇〇〇 >辞三年复奉旨起用具< 〇〇〇〇 〇〇〇〇 >力辞准致仕至是卒赐祭葬如例并谕礼部与谥

○升蓟镇副总兵张臣充挂印总兵官镇守宁夏地方

○直隶巡按御史胡秉性条上仓屯六事一专委任以便责成凡管屯官不得掣取漕运一裁预支以杜侵牟一禁扣支以节冗费一慎关领以防侵冒一均支放以服人心一严催北以速徵纳大旨与毕锵言合部覆领运原系该卫印官与官屯无预今后屯务无以印官带管则两不相妨余如议允行

○丑正三刻月食既 ○癸卯升宣府守备杨栗为大同入卫游击

○命大同东路参将王国勋管分守本镇新平三堡参将事

○直隶巡按御史郭思极因京口漕河浅涸条上三吴水利一复练湖以永资蓄洩盖江南漕河北高南下京口一带地形高亢河流易涸虽奔牛吕城建闸启闭蓄水以待运船而实仰藉练湖为之源也练湖北去丹阳城百步而近漕河萦绕其侧周围四十余里仰受长山八十四< 〇〇〇〇 〇〇〇〇 >之水汇为巨浸唐宋以来筑有中埂斗门石闸国朝天顺成化间屡尝< 〇〇〇〇 〇〇〇〇 >浚增修夏秋岸水溉田冬春放水济运故有湖水放一寸河水涨一尺之谚自往时守令狃于近利令豪右告佃成田寢失旧额而傍湖之民私开涵洞网取渔利年涸一年今且扬尘矣为漕河经久计急宜清复倘虑贫民失业使佃湖之民转佃于万顷洋等处可也一修孟渎以傍通舟楫并牛吕城二闸例应冬闭春启蓄水以待运船然秋冬之交回空运船与往来官船必取道于此欲恪守闸规势不可得有不容二闸而可以间道达江者为武进之孟渎河河延袤六十余里外通长江内资灌溉自嘉靖间防倭入寇筑坝堵塞于是河流渐微日就阻塞而船不复经行矣今计开浚约费五万余金取诸漕运衙门无令独累武进一县此河一开则既有间道以通舟楫而运闸得启闭之宜又引江潮以达奔牛而运河资接济之力矣部覆得旨练湖并孟渎河抚按督同水利官修复开浚责令秋间完报为来岁转漕计占湖阻运不行治罪已是宽恩如何又议勘偿如有抗拒阻挠及司道因循苟且者抚按参来重处

○甲辰俺答欲赴西宁青海寺会番僧设醮请开大马市茶市又求都督金印以便出入于是按臣邢玠上< 〇〇〇〇 〇〇〇〇 >言茶市不可开金印不可与在宣大宜委曲解喻以止其来在甘肃宜励兵秣马以防其来阻无已之求严内外之限或建佛寺移番僧于

俺答本巢以杜其后或多间谍恤熟番以察情分党而预其防其言利害情形甚悉部覆前岁俺答丙兔乞建寺西海朝廷不惜假以美名助之物料正思化其悍暴鼓其恭顺耳今度其出边设醮原无他意如果以建醮求请食物须随宜给发以慰其情请官一节传谕本酋听贡市完再议如果恭顺当具请朝廷授以一官至各酋原无印信以理谕免上是部言

○己巳赐贡士沈懋学张嗣修曾朝节等及第出身有差百官致词称贺

○丁未革甘肃总兵李震任为巡按御史所劾也

○戊申予致仕南京礼部尚书秦鸣雷妻夫人赵氏全葬

○己酉命吏部举人岁贡出身推官知县等官访有贤能称职实心爱民者不拘资格以四分之一一体行取选用

○庚戌命总兵官钦依世袭者虽部功不系亲斩并许承袭至指挥使而止不得一概混革命命著为令

○辛亥 上讲读毕辅臣张居正以男嗣修及第致词谢恩 上曰朕无以报先生贵先生子孙以少报耳居正又叩首谢○壬子建筑桐城县城从御史唐练请也 巡按直隶御史陈世宝条陈河道江北四事江南二事一复老黄河故道先是河自三议镇历清河县北出大河口与淮水会流出海运道自淮安天妃庙乱淮而下十里至大河口入黄河从三议镇出口向桃源大河而去谓之老黄河至嘉靖初年三议镇口淤而黄河改趋清河县南与淮会合入海自是运道不繇大河口而径诣清河县北上矣迩者崔镇屡决河势渐趋故道若仍开三议镇口引河入清河县北或令出大河口与淮流口或从清河县西另开一河引淮水出合上浙会合则运道无恐而淮泗之水亦不为黄河所涨民难其永纾矣一修宝应湖堤补古堤以固其外于古堤东再起一堤以通越河而使运舟于此经行一清复上下练湖一复开孟渎河一增建仪真二闸因江口去闸太远欲于上下江口迤里十数丈许各建一闸潮始来预起板以纳之潮初退即下板以闭之使出江之船尽数入闸以免迟滞一开瓜州河港坞将屯船坞挑浚深阔使船之先入者屯聚于内又于监坝之东开一曲港与新闻外港相合使船之后至者续泊于内以免金山挂江之险部覆允行

○癸丑升武昌知府李向阳为河南提学副使

○甲寅以浙江都司佾书韩沛充本省军门标下游击

○改宣大参将李决充分守大同东路参将

○谕吏部科甲贡途止是士子出身阶级授职之后只当考核功能以为殿最岂得复以资格为限且朝廷为民设官原无轻重我 祖宗时用人亦不如此今后官员升迁及行取选用都炤此例行以副朕作新人才之意

○丙辰命御史董光裕巡督两淮盐课兼理河道

○免江西拖欠金花银六万六千两以抚按奏言恩例蠲免折色钱粮数内已那借

抵解故也

明神宗显皇帝实录卷之六十

明神宗显皇帝实录卷之六十一

万历五年四月戊午朔

上亲享 太庙

○升南京旗手卫把总庄重金事浙江都司事

○己未原任户部尚书方锐卒锐巴陵人辛巳进士历内黄华亭二县行取授广西道御史历升户部侍郎督饷宣大升户部尚书予告回籍居家十八年隆庆二年进阶致仕奉旨存问万历元年又赐诏问劳锐当分宜柄国时独峻却竿牒有以俸金固请者辄蹙容曰汝俸几何柰何推以遗我或复曲为辞此书一帙耳则曰余自入仕所习惟一大明律耳何暇读他书竟片札不受其廉朴自将如此至是卒赠太子少保赐祭葬如例谥简肃○庚申兵部尚书谭纶卒纶宜黄人嘉靖甲辰进士授南礼部主事历兵部郎中值倭卒至南都震恐纶募壮士五百人战却之从此以知兵名升台州知府时仙居黄岩已被倭残破纶主率守卒千人三战三捷倭不敢复入犯迁按察司副使备兵宁波时台州桃渚海门几不守纶昼夜驰三百里赴之破贼于太平之南湾复陷之泥淖中尽歼焉加参政丁艰以广寇流劫江西夺情起用擒斩贼首林朝羲等事平改福建请终丧而倭陷兴化再夺情起复升右佥都剿倭于渚林于福清于仙游于同化于漳浦无一返者事平复请守制已起督抚陕西旋改四川平妖贼蔡伯贯等因设龙安府天龙州设龙昌县于隆桥改施州卫于支罗讨凤继祖于武定事平晋兵部右侍郎督抚再广讨七山诸贼扼险要以制诸徭召还转左总督蓟辽则造战车修火攻具筑边墙二千余里创空心敌台三千余座选募南兵立三大屯营以戚将军继光总理训练尽去摆边故套繇是虜入辄失利相戒无敢犯升右副都御史兼兵部侍郎再晋兵部尚书协理京营戎政营或废弛久纶为条议上之悉中机宜卒于官诏赠太子太保予祭葬谥襄敏以平罗旁荫一子锦衣卫百户世袭纶自郎署至中枢始终兵事者几三十年计首功二万一千五百有奇可谓矫矫虎臣腹心干城矣

○辛酉补荫致仕刑部尚书冯岳孙宇为国子生

○癸亥刑科左给事中周良寅以热审届期言谏审宜预出入宜慎词讼宜清打断宜速部覆报可○南京礼部右侍郎殷迈为给事中彭应时论劾部覆迈学行素著年力未衰令供职如故

○顺义王俺答建寺西海岸以寺额请赐名仰乖

○甲子命铸龙虎山玄坛铜印一颗给张国祥并给还正一嗣教真人金印

○乙丑吏部覆南赣巡抚江一麟所奏二事江西巡按委宜亲历南赣考核属官其谓宁都南康二县必须甲科恐专泥资格请酌量地方繁简其繁难者不拘出身择才力堪胜者相兼除授必后荐举推升亦分别繁简以示优异得青分别地方繁简以为考核

升迁等则原是 祖宗旧规今日为既要务其令抚按官注拟确报吏部斟酌以闻○吏部言会推三边宣大总督宜炤例止同九卿堂上官及科道掌印官不必会同五府报可

○升陕西佥事史思敬为本省行太仆寺少卿

○给事中孙训言锦衣卫新选舍余并官旗较士宜一体清查以革冒滥部覆不允

○先是兵部会同府部推补副总兵李如楨 上问副总兵会推起于何时部覆自弘治十一年始宜炤前例 上命今后京营总督副将各镇守及漕运总兵等概从部推不必会同从之

○丙寅降户部主事雷应志许云涛一级调外任以库役盗太仓银罪坐典守也

○改刑部尚书王崇古为兵部尚书

○升山西右布政使高大荐为都察院右佥都御史巡抚山西○丁卯升平凉府同知咸怀良为陕西佥事

○戊辰升江西按察使张梦鲤为山西右布政使

○赐西河王四书五经集注从王请也

○己巳丁巡抚保定右副都御史张佳胤母太恭人沈氏祭一坛

○改协理京营戎政兵部尚书刘应节为刑部尚书

○庚午升江西左参政张大忠为本省按察使

○升尚宝司司丞吕旻为国子监司业

○命分巡河南道佥事李之茂革任听勘以巡抚劾其贪黷也 辛未追封襄陵王融焚祖母夫人张氏为襄陵端和王妃○升太仆寺少卿温纯为太常寺少卿提督四夷馆

○升御史萧廩为太仆寺少卿 壬申朝鲜国王李昖遣户曹参判尹斗寿等赍表谢恩赐宴如例

○命总督宣大兵部尚书兼都察院右副都御史方逢时以原官协理京营戎政

○升辽东苑马寺卿郑一龙为江西左参政

○大学士张居正奏先年就教举人多授府州县训导近来概授学正教谕绝无有除训导者不及三年即升知县繇是举人以就教为捷径不复坐监而 祖宗造士作人之意寢以不存今宜酌议厘正将考取上卷中卷十卷以前俱授州学正中卷二百名前俱授县学教谕余俱授府州县训导见缺不足听候选除毋得回籍致垂政体报可

○降原任江西布政使张柱一级调用以抚按勘赃无实部议量处也 ○癸酉蠲四川湖广福建直隶太平等处隆庆四年以前料价匠银芦课从南京工部请也 升河南右参政张岳为太仆寺少卿

○升户部主事刘东星为河南佥事

○甲戌起原任吏部左侍郎兼翰林院侍读学士掌詹事府印信王希烈赴任管事

○升四川副使张崇伦为辽东苑马寺卿 乙亥命巡抚宣府兵部右侍郎兼都察

院右佥都御史吴兑以原官总督宣大山西等处

○升山东副使安嘉善为河南布参政刑部主事谢良弼为湖广佥事

○锦衣卫掌卫事都指挥使余荫请假省亲许之令驰驿去 巡按江西御史张简奏请表扬节妇永丰县生员陈镐妻袁氏永丰县民王有初妻涂氏南昌县生员朱信坚妻刘氏清江县生员黄睿妻郑氏宜春县民颜瑞玺妻易氏皆少寡无子断发毁容誓不改节上饶县民黄彩妻毛氏丧夫时生子建中甫八月射织养姑课子后领乡荐乐安县民曾章训妻聂氏丧夫时生子甫六月守节抚孤誓死不二宜春县民易怡妻欧阳氏孀居三十余年春秋哭墓尽哀于格皆宜旌旨下礼部

○丙子以辽东捣巢功赏总督杨兆兵道贺溱总兵李成梁等银币有差时土蛮联营河东分遣零骑西犯成梁督兵乘夜出边掩击贼营以斩获闻故有是命

○升临江知府周大烈为四川副使

○丁丑命御史敖鯤巡视长芦盐课

○升肃州参将姜显宗一级管事夺兵备副使孙坤俸二月革原任操守薛如玉回卫差操以万历四年虏入甘凉抢番住牧不能防御也

○戊寅升西安知府张孔修为山东副使○升礼科左给事中石应岳刑科左给事中周良寅为都给事中户科右给事中王道成刑科右给事中郭四维为左给事中应岳户科良寅刑科道成吏科四维兵科

○升顺天巡抚都察院右佥都御史王一鹏为右副都御史巡抚宣府

○陕西番族上箬箘锋铁城等进贡马匹给赏如例

○庚辰江西右参议王锡命奏乞终养许之

○辛巳命原任都察院右佥都御史陈道基以原官整饬蓟州等处兵备巡抚顺天

○命卫史舒鳌刷卷京畿

○兵部覆浙江徐棻奏该省总兵标下水陆军兵缺少请加募陆兵一千二百名与旧兵共足二千水兵一千四十名贴驾车兵五百二十名报可○山东巡按御史赵允升出巡河东经沙岭驿突遇虏骑入墙扑掠幸而获免因极言边墙废坏壕堑倾阨将领畏避状 上诘责兵部及覆奏 上以兵备杨愈茂虚报工完降二级调用下游击苏国赋等于御史问

○壬午改山西总兵白允中于甘肃甘肃总兵麻锦于山西从总督请也

○ 上御皇极殿传制遣使册封庆府庆惠王鼐枋世子倪< 火贵 >为庆王德府德恭王载澄世子翊鎔为德王妃董氏为德王妃临清温懿王载壕嫡长子翊鋈为临清王夫人毕氏为临清王妃南阳县民人苏道忠女苏氏为唐府唐王硕曠妃衡府平度康惠王载墀庶第一子翊< 金 敖 >为平度王韩府韩王朗琦嫡第四子璟浴为绥平王东城兵马副指挥张君芝女张氏为崇明王璟清妃蕪州民人周谟女周氏为荆府安城王常盗妃曲阜知县孔弘晟女孔氏为鲁府滋阳王寿鏞妃永和王府永和庄定王新

壇庶长子慎镠为永和王嘉定王府嘉定恭顺王载土□嵩庶长子翊鈇为嘉定王新□县民人李从化女李氏为嘉定王翊鈇妃

○升礼部主事章礼为江西左参议 甲申命陕西临洮河二卫官军悉听河州参将节制西安州海刺都二堡改属固原守备管辖从总督请也

○乙酉兵部覆贵州抚按何起鸣等奏该省军门止有军余标兵四百名遇有征战动调土兵每洩事机夷酋无所畏惮请选坝阳红兵二百名召募川兵或土著四百名共足千名为一营令游击统领训练而以清军道副使监督清查庶文武相制得旨标兵准选足千名以资弹压但闻该省驿传多役军丁以致行伍消耗战守无人今宜痛革冒滥抚恤贫军就中抽选丁壮以充标兵比之远募浮游有裨实用余如议行

○革太和王府辅国将军载燧为庶人

○丁亥改宣府副总兵麻贵充协守大同副总兵蓟镇副总兵杨大充镇守南直隶江南副总兵

○以宁夏参将祁栋充副总兵协守宁夏地方

○升宣府守备刘宝充宣大总督标下游击

○以山东都司佾书刘允庆充河南都司掌印

明神宗显皇帝实录卷之六十一

明神宗显皇帝实录卷之六十二

万历五年五月戊子朔命御史郭庄巡视京营

○庚寅录辽东大兴堡斩获功官军宿得举等升赏如例

○壬辰以宁夏西路协守署都指挥佾事刘济充本镇北路参将

○改副总兵管分守宣府参将贾国忠充协守本镇副总兵

○以辽东守备王盛宗为镇武堡游击

○以定边左卫都指挥佾事刘宗政备御辽东西平堡

○以原任大宁都司掌印张守成佾书山东都司事

○改副总兵管分守宣府南山参将孙朝梁充协守蓟辽东路副总兵○升彰德知府贺邦泰为山西副使

○癸巳广东罗旁平计克猺浪贼巢五百六十四处擒斩俘获投降夺回共四万二千八百有奇自出师至凯旋凡四阅月

○是日 上以久旱率百官修省斋三日令顺天府官致祷

○复除原任御史赵耀江西道

○甲午孟渚河以三月初兴工至是报竣共用银一万六千五十余两

○乙未雨

○升陕西右参议马应梦为甘肃行太仆寺少卿 原任南京刑部尚书林云同卒云同莆田人嘉靖五年进士改翰林院庶吉士授户部主事历升广东提学副使立五经

书院简列郡士讲业其中历升浙江右布政使入觐旌治行第一嘉靖二十七年升副都御史巡抚湖广二十九年奉旨回籍隆庆元年起刑部左侍郎升南京右都御史时给事中石星陆凤仪以言事得罪云同抗疏救之寻转南京工部尚书五疏乞归予致仕万历二年复起南京刑部尚书再疏辞不允至南按江宁知县侵没库银事论如法未阅月复恳辞去位奉旨褒嘉赐乘传归至是卒赠太子少保予祭葬如例谥端简

○丙申大雨

○肃王缙< 火贵 > 奏本府城内有隙地一区欲建阁尊藏 宸翰外有书楼一所请赐额名及 祖训会典经书子史诸书部覆命与四书五经各一部阁名遵训○兵部覆两广总督凌云翼条奏罗旁善后事宜一建设州县东山黄姜峒西山大峒原系贼巢今虽荡平难保必无遗孽遽欲建官设县恐貽后艰请先升泷水县为州其二峒各筑营城选委将领屯兵驻劄伺有贼出许其便宜抚剿果无他虞题请建县目下各峒地方通属新州管辖其南乡富霖封门函口设千户所四调官军防守一专设宪臣改惠州伸威道副使为岭西兵巡岭西兵巡道僉事为泷水兵备其潮州海防兵备兼管惠潮两府兵巡一更置将领添设参将二员分守二峒德庆守备移驻泷水高肇参将径行裁革一议处戍兵拨江道并各营堡兵补足营伍余留江堡哨守一充实官军就近省卫抽拨不足以问遣新军充之若土民狼獾愿受田隶所者即以补伍一调用官员一开辟道路改寿康驿置南江口东亭驿置晋康新昌驿置泷水恩平驿置< 满-彳 > 沟西平驿置平豆立石驿置掘冈那夏驿置大陵以通水陆一经费钱粮一程课殿最得旨设县该抚按再加详议如果贼巢尽拔保无他虞即请设官建治不必以年月为限余如议行

○丁酉升凤阳知府赵体敬为四川右参政光禄寺丞袁弘德为陕西右参议

○戊戌原任南京河南道监察御史陈王道复除原职 己亥总督仓场户部右侍郎沈应时籍奏太仓库银两实在之数共四百九十八万四千一百六十余两

○庚子改宣府东路参将李真充本镇西路参将○以宁夏入卫游击毕景从充协守本镇西路

○改神机营练勇参将管逵干充提调宣府南山参将

○予国子监司业沉渊祭一坛以其奉东宫出口较书效有勤劳也

○辛丑命停内北中门等处工程以工部言库贮匱乏故也

○荫大学士张居正次男嗣哲为锦衣卫正千户世袭补 穆宗朝所敕荫也

○兵部覆大同督抚奏该镇最逼虏巢沿边墩墙岁久颓塌宜乘时修筑但墩台位置必处台于墙之突收墙于台之曲突者拒敌曲者守之方便战守不然台与墙一例攻打莫施即施不能远及兼顾与无台等至空心敌台尤须相度地势或河口扼险或城堡临近缓急可恃守御方议成造若平漫之地未免徒费所需钱粮十四万三千六百八十余两动支修城余银及河南班价外其四万三千九百六十余两户工二部照例给发报可

○户部奏进大婚铺宫钱粮各样珍珠计重八万两足色金二千八百两九成色金一百两九成色金一百两

○壬寅先是大学士张居正等请考选庶吉士日期命定期十五日至是取沈自邠顾绍芳杨起元敖文祯姚岳祥杨德政万象春张鼎思庄履丰冯琦费尚伊何雒书史继宸甘雨陆可教李植张志马象乾林休徵张养蒙高尚忠冯梦祯汪言臣张文熙余继登曹一鹏王国吴尧弼卷进呈命俱改庶吉士与一甲进士沈懋学等俱送翰林院读书

○是日 上以重修 乾清宫成奉 圣母慈驾还御阁臣用为诗题 上览之喜甚命录所取诸士诗进览○癸卯升贵州右参政顾章志为广西按察使

○命发太仆寺马价银七千两于蓟镇备本年抚赏

○丙午 上御皇极门宣奏罗旁捷音

○遣驸马许从诚以大捷告 庙

○命升泷水县为罗定州升陕西副使吴一澜为贵州右参政

○补原任吏科右给事中张孙绳于刑科

○丁未 上御皇极门廷臣以岭西大捷称贺

○戊申升河南左参政孙光祐为陕西副使开封府同知岳汴为山东佥事

○中官传旨 慈庆 慈宁两宫着该衙门修理见新只做迎面于是辅臣张居正等奏治国之道节用为先耗财之原工作为大慈庆 慈宁两宫俱以万历二年兴工本年告完落成之日臣等恭诣阅视巍崇彩绚无异天宫今未踰三年壮丽如故乃欲坏其已成更加藻饰是岂规制未备乎抑亦敝坏所当新乎此事之可已者也况该部科屡以工役繁兴用度不给为言已奉旨以后不急工程一切停止今无端又兴此役是 明旨不信于人而该部科必且纷纷执奏徒彰朝廷过举滋臣下烦言臣等灼知 两宫 圣母欲 皇上祈天永命积福爱民亦必不以此为孝请暂行停止得旨先生忠言已奏上圣母停止矣

○己酉以工部尚书郭朝宾考满荫子澹为国子生

○原任浙江道监察御史许乾复复除原职○叙平罗旁功凌云翼升都察院右都御史兼官总督如故荫一子锦衣卫副千户赏银及飞鱼衣广东总兵张元勋升右都督改荫锦衣卫世袭广西总兵李锡实授都督同知荫一子本卫所百户世袭各赏银币道参等官赵可怀升二级陈璘加副总兵衔余升赏有差尚书殷正茂始事有功升俸一级赏银币原任尚书谭纶予恤典本兵王崇古赏银及蟒衣侍郎梁梦龙曾省吾及该司郎中升赏有差

○初兵部以罗旁叙功及辅臣张居正等居正拟票乃差第诸有功者各赏赉而不及阁臣是日中官传谕改票来行于是居正等< 疏 >言前已奉旨以后边功不许叙及辅臣臣等又岂敢身自犯之请赐停寝以安微分 上乃从之仍赐居正银百两蟒衣彩段调阳四维各银币

○山东峰县民张昆女幼字刘天民未及婚天民病故张氏闻讣号哭以首触地绝而复苏父力为劝角口羊踰五日乘隙入室以袜自经而死父送婿家合葬安丘县民李日华妻刘氏夫故亦自经以殉按臣奏请表扬旨下礼部

○庚戌先是兵部议募选锋四千八百名专充六副将及十战兵营之用至是以总督京营彰武伯杨楷条陈覆奏副将见统战兵不必再拨而车兵同战兵轮番出防各有信地议增募选锋二百名共足五千分拨战兵十营各三百名车兵十营各二百名报可 辛亥命补任詹事府掌府事吏部左侍郎兼翰林院侍读学士王希烈署掌府事少詹事兼翰林院侍读王锡爵教习庶吉士

○升南京吏部主事徐大任为河南左参议○壬子命御史雷嘉祥巡按贵州

○癸丑夏至祭 地于 方泽遣公张溶代

○乙卯赐百官香霏汤至七月十五日

○丙辰追封怀仁王府辅国将军俊拟生母翟氏为夫人瑞昌王府奉国将军多炯生母陈氏为淑人

明神宗显皇帝实录卷之六十二终

明神宗显皇帝实录卷之六十三

万历五年六月丁巳朔先是万历四年倭贼连艘突犯韭山浪冈渔山等洋逼近定海道参督兵截剿斩级七十三名颗至是按臣勘实参闻命赏原任浙江巡抚谢鹏举银币原任海道副使刘翮原任宁波知府周良宾等赏各有差

○戊午大内工完太监李龙题叙效劳各官并及阁部命荫司礼监太监冯保弟侄一人锦衣卫副千户张宏弟侄一人锦衣卫百户工部尚书郭朝宾监察工程给事中戴光启御史李东工部员外姚纯臣等各升赏有差

○己未以广州兵巡佥事徐汝阳改充新设泷水兵备近升岭西佥事刘倬改补广州兵巡伸威副使徐时可改补岭西从總督凌云翼请也

○庚申赐原任少师大学士李春芳父镗祭葬如例加祭二坛

○命御史李尚默巡按辽东赵燿巡按江西○辛酉两广总督凌云翼奏上广西剿平黎贼功计擒斩贼级一千三百七十六名颗俘获贼属二百十五名口叙到与劳诸臣命广西巡抚吴文华副使徐作昭平参将韩文启参议陈应春参将吴京等各升赏有差

○癸亥先年大同右卫等堡因北骑围困借支月粮年远人亡遂成积负共粮料一万六千九百余石都御史郑雒奏请蠲免 上允之仍谕他镇不得比例今后督抚管粮官务为长策毋得借支亏损帑储

○甲子命御史钱岱查刷光禄寺钱粮

○复除原任山东右布政使劳堪于福建

○丁卯先是五月丙申土蛮入犯锦州时值大雨移日出境壬子复拥众入边分攻镇城并镇静团山等堡见城堡有备又值连宵大雨次早遁去督抚以闻因言土蛮垂涎

王号要挟求封而将士久苦征战一闻虜言遂有和戎之望不知虜来纳款而容其请是羈虜也其重在內其和可久虜方凭陵而与之通是媚虜也其重在外其和不久其气益骄其衅益大且无功与有功者同封犯顺与效顺者同赏既取轻于诸夷尤取突于俺答故臣等惟以收保严內备以大义谕将士以正言答虜使相持数日虜气已阻若曲从虜求免罪目前致褻团体臣等万死不敢为也至将领失事如哨探明传报速城堡不被攻克虽系信地亦宜查其边长路远虜众兵微少从宽假以责后效得旨东虜盗边求贡未见款顺之诚岂宜轻许但辽东连年御虜兵疲力寡秋防在迩战守之策亟行预图兵部其悉心审画或令杨兆等敷陈所见酌议来行○戊辰嘉靖间靖江王府辅国中尉经木口走侍母不孝时出恶言母含愤自经而死至是法司勘实以闻命该抚按勒令自尽

○谕前月虜犯锦义将领失事罪参将马文龙等降祖职一级照旧管事指挥郑产等下御史问

○己巳 上以审录矜疑罪犯不合律意谕刑部曰印信系干王制与历日符验等项同科故律凡伪造者即坐以斩初不论其行次数及得财多寡该犯情无可原照旧监候发遣朝廷五年差官审录欲申理无辜非欲轻释有罪若有罪幸免则民轻犯法刑狱滋多亦岂得为仁政近来审录官不讲求律意但沽轻恤之名其所称矜疑者俱未见有可矜之情可疑之迹其中疑狱沉冤或反不能照察殊失朝廷钦恤之意今后法司仔细详推务求允当毋得一概混覆致失刑罚之中○吏部覆吏科给事中陈三谟奏各省藩臬之长阶秩已崇将为他日边腹督抚之选诚不可以不胜任者处之请申飭抚按凡各官有知止乞休者即为题请其余逐一评品应否致仕开揭送部以凭酌请以后本部推补务加详慎果衰朽闾茸年资序及者不时议处则藩臬之选重而督抚之待用不乏矣上是其言

○庚午升山东副使余立为本省左参政肇州知府舒大猷为广东副使

○吏科给事中李学一言云贵两广州县宜多选甲科部覆人才甲乙不甚相远顾在上综核鼓舞何如耳云贵两广地方辽阔各官声闻未易上通使抚按官加意考核贪肆者尽法汰斥贤能者破格旌扬则举贡之中争相淬励岂患无材足堪任使若使贤否混淆岂惟举贡消阻而进士恃其出身恣肆殃民反有出于举贡之上者矣请申飭抚按多方廉察但实心爱民者不问资格即与优荐不肖者不时参处本部仍将远方官员加意查访但有纵肆奸贪而抚按不以上闻及抚按论列而司道近注互异者查系党徇指名参究得旨朝廷为民择官原不论地方远近不拘出身资格抚按官如有徇私任情致贤否倒植者部科参奏但近年远方官类多年力衰颓及被罪降谪之人虽欲振刷恐亦难强今后要加意选授毋仍前辙

○兵部奏驿站减编事宜一核节省之实以定站额查从前糜费年分每岁拨差若干近年裁省每岁省差若干较数岁之中以为常以量减原额之夫马定应减站银之实数无仅仅以本年挂号减革之数为节省也一议减免之实以恤民困查一省应减夫马

若干将通省站银原额计算每粮一石应减银若干仍分别地方上邑减一二分下邑减三四分以定减编之数一稽供应之实以恤站役各役或正或募马骡有正有贴即一日无差日用必不可缺虽一日数差亦惟一主雇办今未减其原额之数而惟计差减其额编之支各役何以自贍耶今即查明节省之实须将各役贴差马夫通行减免其每岁正支免复计差扣官以示宽恤一清徵纳之实以恤逋负将万历元年以前小民拖欠者一体蠲免以后带徵完角□羊得旨减免驿传原为宽恤小民所议各抚按官悉心查处务使民沾实惠

○壬申命原任河南副使周之屏提调山东学政○加升云南右参政徐作为本省按察使以前剿广西昭平獠贼功也

○免山东沂州拖欠隆庆三四年本色马一百三十八匹折色马价银四千九百二十两其该年折色马价沂费剡三州县酌减数十匹以苏民困从抚按请也

○兵科都给事中裴应章条上御虏事宜一议援兵以纾疲困调保定兵马代出宣大延宁入卫战兵移驻冻东闻警出关协同宁前防剿一议增饷以鼓忠勇部覆从之

○叙前月广宁御虏功李成梁张学颜张崇功各银币有差又命发马价银二万两差官犒赈御虏将士及军民之被害者

○降参将李如梗一级管事夺副总兵董一元俸以薊辽总督劾其马匹倒死也

○癸酉 睿宗献皇帝忌辰 奉先殿行祭礼

○补原任户科左给事中汤聘尹于礼科○铸给罗定兵备道及整饬海防兵备兼管惠潮兵备道各关防

○甲戌户部奏临德二仓积贮粮米原系预备拨补额运漕粮四百万石之数近来额运不缺向不支运以致积久陈腐宜将二仓粮米支放山东官军月粮及德州天津九卫运军行粮即将应拨行月二粮照数抵纳出陈易新候陈粮放尽仍行照旧报可

○总督漕运侍郎吴桂芳奏准水向经清河会合黄河趋海自去秋河决崔镇清河一带正河淤垫淮口梗塞于是淮弱河强不能夺草湾入海之途而全淮南徙权灌山阳高宝之间向来潮水不踰五尺堤仅七尺今堤加至一丈二尺而水更过之此从来所未有也议护湖堤以杀水势部言堤虽可护而不能必水之不涨欲水之不涨必俾淮有所归而后宜令漕运衙门严督司道熟计其便报可○丁丑补原任山西按察使舒化于河南升贵阳府同知高任重为贵州佥事

○戊寅淮安水利佥事黄猷吉以病乞休 上以猷吉管河甫欠一年功绩未著称病乞休似有诈托令巡按御史查核以闻

○吏部覆户科都给事中石应岳奏各边粮储郎中今后任满交代将钱粮交盘明白回部听候考察得旨边郎职任繁重今后务慎选以充二年满日回部考察无过方许复职叙迁称职者优录怠肆不称者部科访实奏治

○改宣大总督军门加衔副总兵管中军事潘忠管分守宣府东路参将事

○以宁夏巡抚标下加衔游击哮拜为本镇入卫游击

○以五军营游击田永爵充神机营练勇参将○己卯隆庆间苏州卫镇抚任贤以侵欺军需提问脱逃至是升川沙把总直隶巡按御史郭思极摘发其事 上诘责兵部部言据将材溥本官名下止开武举中式别无保荐及参问情由因其中式年久且陪推数次故行推用 上命夺该司郎中俸三月余各一月今后文武职官系奉旨提问及住俸戴罪并事发在地方虽未及参提问拟但有碍升转者都开送吏兵二部停推事完仍与开豁武举十年外者准酌量推用

○庚辰初饶阳王府镇国将军俊棨奏夫人秦氏于嘉靖四年六月授封十二月娶妾骆氏生第十子充鱣封辅国将军乃礼部堂稿内开秦氏授封在嘉靖五年六月而妾在正配未封之前照滥妾事例岁给臣男口粮乞改正本等封禄部覆俊棨的系未婚先娶与条例有违且俊棨先收妾任氏生二子复收妾骆氏生六子七子俱已冒封请将俊棨罚治冒封子女一体议革得旨夺俊棨禄米三月子女已授封者姑免查革其中一母所生子女封革顿殊故得藉口奏辩今后议拟归一以便遵守

○晋王新< 土典 > 薨乏嗣命亲侄辅国将军慎镜袭封晋王

○刑部主事刘垓管稷各调部得旨六部所司莫非王事人臣随事皆可效忠今后各部属官除吏部间行调用余各守本职尽心所事贤能称职者一体超迁不必纷纷更调致开奔竞

○升凤阳府同知杨化为河南佥事驻劄淮安专管治水谕吏部予敕

○凤阳巡抚吴桂芳劾六安州知州张四科淫刑宜斥部覆得旨降三级调用

○陕西蒲城县烈女马兰香字李春炜为妻未及婚春炜病故兰香闻讣哭泣不食欲亲往吊父母止之不得行乃取所制翁姑鞵托父母寄之曰即不为伊儿妇亦以见此心也至夜沐浴梳妆着鲜服缢死麟游县何谧妻吕氏谧死时年方二十二岁生子弥月誓死守节三十七年泾阳县生员韩汝复性至孝亲歿伤悲成疾逾月卒妻王氏抱棺号泣亦数日不食而死按臣请旌旨下礼部

○壬午 孝庄睿皇后忌辰遣侯邓世栋祭 裕陵

○甲申 孝穆皇后忌辰遣伯施光祖祭 茂陵

明神宗显皇帝实录卷之六十三

明神宗显皇帝实录卷之六十四

万历五年七月丙戌朔 上亲享 太庙

○以辽东战兵劳苦本色腾贵命发太仓库银二万两于本镇买余以贮军饷后不为例

○命御史张简巡按河南

○戊子初云南巡按御史陈文燧条上制御土夷十事一檄诸夷谓缅甸莽酋与孟养思个相构木邦罕拔与干崖怕文为仇赶杀地方渐不可长宜宣谕处分旧追缅甸诸

司印信金牌听请承继仍颁以大统历日如再侵扰定行诛剿二抚三宣谓三宣外捍六慰内拥金腾迩来各多内难兵力衰弱无能铃束地方宜加意抚恤在南甸则断刀落参之田以结其心在陇川则扶多忠之寡以固其存在干崖则定宣更之嗣以正其继三设将领于三宣适中设参将一员屯兵驻劄就近勘处夷情临安参将移驻红果哨适中练兵设防以制莽酋四筑城垣腾冲城南筑外围一座三宣令各筑城五足兵食六禁通夷七宽承袭谓土官世袭因诸司驳查吏胥勒索遂生异心宜行抚镇但遇夷司告袭即行参守亲勘仍与宽假以便替补应纳例银或减半徵谷其报生应袭幼给冠带长授职级正枝无嗣旁枝有能约束地方者照例与之不必重勘八宽迤西谓思个与莽世仇近更归顺罕拔虽附莽逆颇有悔心宜授以原职还其牌印以招来之九择官司十议功罪谓先年抚镇辑睦所向功成嘉靖中抚臣权重镇臣遂萌推倭年来兴师制寇率不与谋始事不与同功僨事得以倭罪宜一体责成部覆牌印一节先臣刘健尝议孟养事状谓思禄有官犹可制即无官其僭自若也不如因而官之此真御夷上策而抚远夷自近夷始处夷情自内治始皆请如议报可

○兵部覆奏留都饬武弭盗事宜一饬兵卫以护 陵寝额军二千五百名宜行选补一稽出入以肃禁城一严点闸以重守卫额军六千余名今见存二千五百余名宜分班派守责成稽查一补丁壮以饬营务额军九万余名今仅二万余名宜选各卫在册余丁补足一增锐卒以备缓急旧选壮丁三千名今宜增一千名分隶大小教场并神机营责成训练一增马军以严巡警一励官守以严稽查一严缉捕以杜出没得旨允行○兵部奏上各镇秋防机宜谓在山西诸镇以贡市为权宜以战守为实事在蓟辽以战守为定策以夹击为奇谋在平时则厚间谍远哨探期预得虏情闻警报则明烽燧扼险要务火挫贼势近边窥伺则预收斂严贴守慎按伏毋致疏虞大众入犯则奋截杀申应援击惰归期收大捷虏锋方锐则坚壁以老其师虏势可乘便出奇以决战胜万一蓟昌有警则宣大总督及各镇镇守各官不待调遣入关应援得旨允行

○己丑初山西巡按田乐劾泽州知州吴思学残虐宜斥该道杨愈茂巡历未周乞申饬各道两月一次出巡所属地方部覆愈茂革任听勘出巡酌量地方远近岁一二次得旨吴思学既才守无议止用刑过当不必行勘姑降边方杂职用杨愈茂革职闲住司道官出巡但能痛行省节肫肫以询民疾苦申理冤枉为事即两月一遍民不为扰违者照例论黜其二司官有职守混杂彼此牵制或偶因一事奉敕兼管后遂沿为故事徒费文移关白实于本职无干该抚按分定画一具奏定夺务在明职掌省繁文以称朝廷尚实责成之意

○广西梧州府大火延烧官舍民房三百五十间

○辛卯升肇庆知府李畿嗣为广东副使台州知府李时渐为陕西副使

○补原任四川道御史张士奇于湖广道

○壬辰秦府永兴恭定王绝嗣命其亲侄辅国将军怀土口豕止以原封奉祀

○巡视京营吏科左给事中王道成因中都沂州卫逃军数多条上班政事宜部覆国家调三省班军轮番赴京操备以实京营近年责借修工劳费不堪以致班务废弛军伍逃亡顿失立法初意其罚班扣粮追价之议本欲军免比责调卫之苦官得罚工募夫之资但官军贫乏者多每月粮止二三钱乃议罚工一月追银一两二钱三月追银三两六钱计各军一岁之粮不足完一班之罚贫军力不能办官司法难取盈故虚有罚工之数绝无徵解之实今后赴班违限仍从责治一班不到即系一年脱伍尽扣该年月粮解部本军仍照例解京罚补正班三年脱班仍从调卫庶银得实用军无废法报可

○癸巳革鲁府钜野王府奉国将军观火口佳并男奉国中尉颐璋为庶人

○甲午革宣宁王府仪宾钟汝灵为民以宗女冒封故也○改分守大同威远等处参将牛应诏充分守山西东路参将

○升神机营备兵坐营指挥佥事谢森为五军营游击参将

○命分领宣大总督标下左掖兵马参将朱瀚以原衔管中军事

○乙未涿州驿盘获诈冒勘合事闻命下镇抚司究问谕兵部屡旨清查勘合于今数年始访一王府差人以前滥给不知其几且勘合必经该科挂号如何不行稽察今后若不严查俱以不职论黜

○考选中书舍人刘中立行人李选推官李天植王致祥知县郑秉厚齐一经顾九思李大吉帅兰王彻祥姚学闵詹沂傅作舟各给事中天植乘厚吏科一经九思户科选大吉礼科兰致祥兵科彻祥学闵刑科中立工科沂南京吏科作舟南京户科○考选中书舍人刘致中胡之彦行人方学孟国子监博士刘光裕陈希美推官谢思启朱鸿谟知县尹良任宋仕安九域胡时化顾铃罗应鹤唐本尧许乐善郭汝姜璧赵楫李栋白栋赵卿陈大立朱琏马呈图张一鯤孟一脉杨际熙各试御史良任仕浙江道九域时化江西道铃应鹤福建道本尧乐善湖广道汝璧河南道楫栋山东道致中栋山西道思启陕西道卿四川道之彦大立广东道琏广西道呈图云南道光裕贵州道鸿谟南京浙江道一鯤南京江西道学孟南京福建道一脉南京陕西道际熙南京云南道希美南京贵州道

○丙申蠲免淮徐灾伤州县万历二年以前未完钱粮○己亥先是浙江及苏松常镇四府原差部官监兑后以两浙巡盐御史兼之至是复以巡盐督理不及议仍遣部官部覆从之

○礼科都给事中林景旻言宗藩条例一书定自 世宗续次损益不无异同有昔不议裁而今裁者如亲王之选娶妾媵庶男之请给婚资是也有昔不议与而今与者如世长子夫人之继选将军生母之准封是也他如奏请过期之年渐< 六十见 >名粮冠带之给渐广以辅国而进亲王之尊同越关而别三等之禁诸若此类不一而足近闻以滥生通作正报以别生顶补宗牒以擅婚诡称礼娶源之不清名封曰滥宜敕下礼部详议奏请著为令典部覆报可○蠲免淮安府属隆庆三年以前未完马价银四万二千余两从巡抚请也

○福建巡按□为正勘上万历元年六月间南贼入犯福宁等澳将领失事罪得旨赵有开革任与陈孔成等俱下御史问

○庚子中元节遣保定侯梁继璠等分祭 九陵惠安伯张元善祭 景皇帝陵寝中官祭 恭让章皇后及 宪庙废后吴氏都指挥佥事蒋克谦祭 哀冲 庄敬二太子各陵园

○辛丑升南京通政使司右通政陈于陞为南京太仆寺卿

○壬寅命铸给广西督理粮储分守桂平苍梧左江右江各道关防

○癸卯命发太仓库钱一万六千二百两于辽东备蓟昌兵马驻防宁前三月粮料若蓟镇人马未出关不许动支

○ 文皇帝忌辰 奉先殿行祭礼遣安乡伯张镕祭 长陵○升南京太常寺少卿沈淮为南京通政使司右通政

○甲辰先是奉旨各抚按荐举科贡两途务居四分之一至是吏部< 銚 銚-金 >参两淮巡盐御史王晓所荐各属仅举人七员不及格命夺晓俸三月以后抗违者定行重治

○乙巳户兵二部覆蓟辽总督杨兆条陈辽镇六事一加折粮一加行粮一补家丁一处马匹一免屯粮一处本色得旨两河军士准照防守月分每月每名加饷银一钱余俱依拟朕念该镇将士罢苦加意优恤凡有请乞破格处给边臣要着实整理奖率将士务建奇功以副朝廷优处至意不许但倚称罢困糜费军需无益战守

○调补原任太常寺少卿吕藿于南京○初巡按陕西御史刘光国条上军民疾病二事一议墾地额粮一议入卫兵马兵部覆奏各镇卫兵之累繇于派修台工每季必责修数座计一台之工至数百金原议工价未足半费应支行粮尽以贴赔在蓟视边兵为赘旒不得与本镇各兵一体优恤在各边以入卫为陷阱不能与在镇各兵同事训练有入卫之虚名无御虏之实用且各镇入卫独宁夏最远原拨白马关一带防守今亦非要区请免本枝入卫将就近别兵代守得旨该镇切近陵京干系重大督抚官议有实在别兵戍守方许撤放

○丙午以陕西阶州斩获番级功赏兵备副使赵焯银十两千百户官崔继光卢济仓各升署职一级

○命御史虞怀忠巡按四川许乾巡按真定蔡廷臣巡按顺天

○丁未兵科都给事中裴应章条议清驿传三事一革转卖之弊依数填给无使有余得以先后凑搭展转卖买一议挂号之规外勘合赴科挂号以防假伪内勘合该司送科令本人赴科亲领以防磨改一严赏罚之令驿递员役阅历既多熟知情弊举发者赏卖放者罚部覆允行

○巡按直隶御史林应训条奏三吴水利言三吴水利莫重于苏松而在苏者莫重于吴淞江若吴江长桥一带则太湖入江之口在松者莫重于黄浦若山泾港秀州塘诸

处则淀泖入浦之路皆不容不急图者议开吴淞江中段以通入海之势< 皇 统-金 >吴家港长桥以宣出湖之源浚山泾港诸渎以导达浦之流请给钱粮以便兴事之用清查摊占以广经费之助部覆允行○戊申以延绥游击李芳充参将分守大同威远地方

○以原任参将张仁金书万全都司事

○己酉命宣府东路游击角□羊生以原职分领总督标下左掖兵马

○庚戌谕刑部审录各官事完之日查前后所奏已经议覆依准改驳件数多寡通行考核具奏有刑名未谙改驳数多照例参究无事姑息

○命御史张士奇巡按甘肃龚懋贤巡按广东

○以礼部右侍郎林士章三年考满荫其子汝谐为国子生

○升协守山西副总兵王化熙为都督佥事提督京城内外巡捕○辛亥应天巡抚胡执礼奏革练湖佃田得旨各田亩有碍水利者尽数查革不许畏徇容隐致挠公法

○海西古城大阳河等卫女直夷人兀堵尚歪卜等朝贡宴赏如例

○壬子追封枣阳王厚燭生母姚氏为枣阳荣肃王次妃

○升四川参议杨一桂为本省副使宁国知府陈俊为广西副使

○癸丑以广西都司佥书黄允中暂升游击管分守西山参将事从总督请也

○命御史唐本尧巡视十库

○甲寅升四川佥事范仑为本省右参议○福州府兴化府地震

○太原府冰雹

○乙卯吏部申明官员回避朝廷以爵为序除巡按御史照例从方面官回避外余皆以卑避尊不得以族序论命著为令

○先是南直隶歙县以丝绢偏累具奏分派而户部尚书殷正茂歙人也议加派休宁等五县三千余金已奉旨移咨矣至是休婺大哗挟求申豁以正茂私其乡欲甘心焉人情汹汹事闻得旨该抚按查先年派额从公议豁务令适宜其为首倡乱者尽法重处以振法纪

明神宗显皇帝实录卷之六十四

明神宗显皇帝实录卷之六十五

万历五年八月丙辰朔祭 先师孔子命大学士张四维行礼

○以南京前军都督府佥书王世科充总兵官镇守广西

○丁巳补原任广东道御史崔廷试于江西道

○升刑部主事黄德洋为四川佥事

○广西泗洲城服色土司知州岑绍勋及所属程县上林长官司差岑海等赴京进贡马匹银器给赏有差

○蠲免淮扬万历二年以前未完药材牲口北羊等项银两以岁被灾伤故也

○升南京大教场把总王诰守备南直隶仪真等处○以游击张京充参将分守延绥清平等堡

○以分守大同西路参将赵崇充副总兵协守山西地方

○升大同守备张秉忠为宣府东路游击

○升文思院副使王伟为锦衣卫指挥使

○戊午 上亲祭 大社 大稷

○己未 仁圣皇太后 慈圣皇太后谕礼部今选得锦衣卫指挥使王伟长女为皇后大婚有期合行礼仪该部会同翰林院定议以闻

○辛酉钦天监奏择大婚吉期宜用十二月于是辅臣张居正等奏 圣母皇太后言 祖宗列圣婚期多在十六岁今 皇上龄方十五 中宫亦止十四若待来年十二月则已过选婚之期若即用今年十二月则又太早矣该监又称一年之间止利十二月余皆有碍臣等窃惟时日禁忌乃民间俗尚然亦有不尽验者况 皇上为天地百神之主一举一动百神将奉职而受事焉岂阴阳小术可得而拘禁耶传闻 圣母慈意欲候明年二三月万物发生之时举行大典考之古礼以仲春会男女今若定以春时则既有合于天地交泰万物化醇之意且当 圣龄十六又率遵累朝 列圣之规不迟不早最为协中乞裁定谕下遵行是日传 圣母谕定以明年三月 上乃下旨朕奉 圣母慈谕于明年三月内择吉行礼

○以大同入卫游击薛邦奇充参将分守大同西路

○升广东总兵标下把总葛浩金书广西都司事

○改延绥游击陈保充陕西总督标下游击○壬戌 孝康敬皇后忌辰 奉先殿行祭礼

○癸亥升山东左参政杨世华为广西按察使江西副使魏体明为山东右参政

○海西肥河等卫女直夷人都督同知台失等哈儿等卫女直夷人都指挥僉事你龙哈等赴京朝贡赐宴赏如例

○命曾子六十一代孙承业袭翰林院五经博士

○升分守凉州副总兵盛愈谦金书南京前军都督府事

○河复决崔镇

○甲子四川抚按奏该省驿传站银共十二万五千八百九十余两自奉例裁省节年余银积有前数请抵充万历六年徵额许之

○乙丑论万历四年十一等月前屯失事将领罪谪游击王国瑞戍边○升陕西副使徐用为山东右参政广州知府萧遍为江西副使

○ 孝慈高皇后忌辰 奉先殿行祭礼

○丙寅命礼部左侍郎汪鏜改注吏部左侍郎掌管詹事府印信同王锡爵教习庶吉士

○钦天监择本月甲戌进 世宗肃皇帝实录礼部上仪注前一日设表案于皇极殿丹陛之东设 实录案于丹墀中教坊司设中和韶乐及大乐如常仪设彩舆香亭于史馆前是日早锦衣卫设卤簿驾 上御中极殿具袞冕服文武百官具朝服侍班监修总裁纂修等官具朝服至馆前纂修官捧 实录置彩舆中鸿胪寺官导迎 实录彩舆香亭用鼓乐伞盖繇会极门下阶至桥南曲中道行监修总裁等官后随由二桥行至皇极门 实录彩舆香亭繇中门入监修总裁等官繇左门入至丹墀案前纂修官捧 实录置于案乐止彩舆香亭鼓乐伞盖俱退监修总裁等官入班内殿鸿胪寺官奏执事官行礼赞五拜三叩头讫奏请升殿导驾官前导乐作 上御皇极殿乐止鸣鞭鸿胪寺官奏进 实录乐作序班举 实录案以次繇中道升班首繇左阶升至殿门外 上兴序班举 实录案繇中门入至于殿中乐止班首繇左门入跪于案前赞总裁等官皆跪乐作内侍官奉 实录案入内殿置于中 上复座乐止赞俯伏班首及总裁等官皆俯伏乐作兴平身乐止班首复位赞鞠躬乐作赞四拜兴平身乐止赞进表乐作序班举表案于殿中乐止赞宣表赞众官皆跪鸿胪寺官展表宣讫赞俯伏乐作赞四拜兴平身乐止进 实录官退于东班侍立赞排班文武百官入班赞班齐赞跪鸿胪寺官致词云文武百官某官臣某等恭惟 世宗肃皇帝神功圣德纂述成书光华万世群臣欢忭礼当庆贺赞俯伏兴赞鞠躬乐作赞四拜兴平身乐止赞有制进 实录官仍入班赞口宣制云世宗肃皇帝功德配天纪述详实朕心欢庆与卿等同之宣讫赞俯伏乐作兴平身乐止赞柷笏鞠躬三舞蹈赞跪山呼万岁三赞出笏赞俯伏兴乐作赞鞠躬四拜兴平身乐止礼毕

○原任吏部左侍郎兼翰林院侍读学士丁士美卒士美清河人嘉靖己未进士第一人授修撰历升礼部右侍郎兼翰林院侍读学士充经筵讲官已改吏部右侍郎至是卒赠吏部尚书以讲读效劳予祭葬如例谥文恪

○丁卯升陕西右参议李维楨为本省副使提督学政

○升大同守备彭时为本镇入卫游击

○命昌镇守备刘勋管遵化游击将军事○以延绥镇坐营中军吴汝山充本镇领军游击

○以原任游击王轸充白羊口游击

○以蓟镇游击吴惟忠充参将分守山海关

○升蓟镇提调王继英为本镇大水峪游击

○戊辰以 万寿圣节赐辅臣张居正吕调阳张四维讲官申时行等各银币有差

○己巳升礼部右侍郎林士章为左侍郎詹事府詹事兼翰林院侍读学士掌院事申时行为礼部右侍郎

○以盗粮人犯脱逃调原任宁波府知府周良宾罚粮储参政龙光俸三月

○升河南佥事徐学诗为陕西右参议

○辛未升工部主事陈伊为河南佾事

○壬申 万寿圣节 上御皇极殿文武群臣行庆贺礼○以 万寿圣节遣定远侯邓世栋等分祭 九陵崇信伯费甲金祭 景皇帝陵寝内官祭 恭让章皇后陵寝

○命南京前军都督府佾书盛愈谦提督小教场营务

○升插箭岭守备霍贡为蓟镇标兵营游击

○以延绥东路参将李煦充副总兵分守凉州

○甲戌 世宗肃皇帝宝训实录成进呈会是日大雨 上免御殿监修总裁英国公张溶等于会极门奏进行礼

○升东昌知府景承芳为四川副使

○乙亥尊藏 世宗肃皇帝宝训实录于 皇史宬

○命辅臣撰敕加恩监修总裁等官大学士张居正拟敕止以英国公张溶及二辅上进传旨 皇祖实录皆经先生看改恩宜首加而何独辞其改敕行于是居正

< 〇〇〇 铨-金 > 言 皇祖实录实无一字不经臣删润无一事不经臣讨论第此乃臣子分所当为臣盟心矢报不敢覬恩谋利以背初志改敕一节万不敢拟得旨览奏真忠大义深激朕怀特允所辞以成劳谦之美风励臣工仍宣付史馆

○加分守大同参将濮东阳副总兵官衔管分守延绥东路参将事

○丙子敕吏部加恩 实录监修总裁官英国公张溶加少傅兼太子太傅辅臣吕调阳加少傅兼支大学士俸张四维加太子太保兼文渊阁大学士于是溶调阳四维各 < 〇〇〇 铨-金 > 辞调阳再辞 上皆不允

○丁丑 宪示纯皇帝忌辰 奉先殿行祭礼遣应城伯孙文栋祭 茂陵

○先是南直隶上海县下沙场镇有盗三十余人进劫场官杀死家属事闻得旨参政王叔杲等住俸戴罪抚按官严督兵备等官整饬武备申明盗禁有司有隐匿盗情反累失主者参奏重治

○安德驿盘获诈伪勘合兵部审系该犯描摹不系本部吏书盗卖得旨该司庇下容奸各抚按为部隐饰弊端不清朝廷法度何繇得行今后科道官访实参奏

○己卯朝鲜国王李昫差工曹参判梁应鼎等表献方物进贺 圣节赐宴赏如例

○予定国公徐文璧妻王氏祭葬如例

○赐 实录监修等官宴赏如例

○先是隆庆五年因四川判蛮猖獗议设总兵贼平之日另议裁革至是总兵刘显剿平九丝引疾求去且言本镇新设事无成规州县动经阻挠缓急恐有误事部覆该省镇臣定为额设有司阻挠致误者会同巡抚指名参究得旨刘显照旧供职 祖宗朝委任总兵官体统原重近来有司往往不服节制非礼抗违殊非政体有仍前违玩者许令径自参奏处治

○升叙 实录副总裁纂修等官吏部左侍郎汪鏜升礼部尚书少詹事王锡爵升

詹事礼部尚书马自强加太子少保礼部右侍郎申时行加太子宾客右春坊右赞善陈思育升右中允与左春坊左中允戴洵俱从五品俸级服色翰林院修撰赵志皋田一俊徐显卿俱升侍读韩世能张一桂朱赓李长春俱升侍讲编修高启愚习孔教范谦黄凤翔俱升修撰简讨王弘诲升编修左春坊左谕德陈经邦右春坊右谕德何雒文司经局洗马许国翰林院侍读张位侍讲于慎行左春坊左赞善沈鲤翰林院侍读罗万化修撰王家屏陈于陞沈懋学编修沈一贯各升俸一级

○叙内阁催纂等官吏升除各有差○蠲免福建未完隆庆五年以前军饷银二十二万六千九百余两以巡抚庞尚鹏奏称地方稍宁兵食颇足故也

○庚辰以汝宁府失囚降分巡副使杜辂一级管事地方官俱照才力不及例调用

○辛巳大同府地震

○予原任工部左侍郎徐纲祭葬如例

○补给镇海卫指挥武尚文祭一坛尚文于嘉靖三十二年剿倭有功后以援兵不至力战而死故有是命

○壬午升湖广左参议李学礼为四川副使

○阳和城浑源州龙门卫等处地震

○癸未以兵部左侍郎梁梦龙三年考满荫其子忠为国子生

○甲申复除原任四川右参议沈伯龙为湖广左参议○秋分祭 夜明于 夕月坛遣公张溶行礼从祀周天星辰等神遣尚书张瀚分献

明神宗显皇帝实录卷之六十五

明神宗显皇帝实录卷之六十六

万历五年闰八月乙酉朔午正一刻日应食六十三秒云遮不见

○时河决崔镇冲阔水溜势分正漕河道都御史傅希摯议堵筑决口束水归漕漕运侍郎吴桂芳欲冲刷成河以为老黄河入海之路持议各异部覆运道关系尤重且急崔镇决口听河道衙门及时堵筑俾水归漕其老黄河入海之路俟水势稍定会同议奏报可

○丙戌祭 历代帝王遣公张溶侯顾寰伯毛登尚书王崇古殷正茂各行礼

○户部覆陕西督抚奏言该省屯田四十二卫所地方寥远若责成一道则势难遍历法难必行宜分属各道就近兼理庆阳卫并环县千户所拨剩仓口属河西道临河甘兰四卫属临巩道洮岷二卫并西固阶文三千户所属洮岷道秦巩二卫并礼店千户所属陇右道靖虏卫属靖虏道其西安左前后右护固原平凉安东中护汉中宁羌九卫平虏镇戎西安州甘州群牧安东群牧凤翔金州沔县八千户所仍听屯田道各照分定地方干理屯政不得彼此干预得旨屯田重务既分属明白抚按督率各道核实责成不许虚文塞责

○虜王俺答欲西行迎佛乞三镇通官会话约誓摘留头目禁治诸夷依期贡市并

乞传甘肃西宁开市卖茶督臣以闻兵部尚书王崇古言今岁春初俺答以书送边寄臣谓其侄孙套酋切尽黄台请赴西海迎奉活佛臣久闻套酋连年抢番未能得志欲俺答携众西援以求报复但俺答年老力难远行臣每作书及议之宣大督抚各差官通留之彼密语官通及作书谢臣以臣留彼为爱厚臣固知西行非虏王志也今据督臣所报志诚忠顺各镇当随宜抚防务居重之守施周恤之恩俾彼住牧者无或疑惧生变远行者无致藉口烦扰如或志抢熟番仍须密谕番族回避以示恩信命如议行

○丁亥 上视朝命查文武官失朝者襄城伯李应臣等五百八十七人夺禄俸各一月

○先是 上以暑两朝讲稍辍辅臣张居正等奏 皇上春秋鼎盛正日新又新之时且今四方入贺诸臣毕集欲一望见 天颜观听所系不可不慎伏愿 皇上日慎一日朝讲非有他事相妨及风雨所阻不得辍罢 上深然之故是日以淮王载坫薨例当辍朝犹御青素服视事入贺诸臣皆得面辞以行 上之虚怀纳谏如此○戊子南京礼部右侍郎管国子监祭酒事殷迈以病乞休时迈家僮为监生茅迪吉等痛殴重伤及堂官牌谕仍复抗拒久之方角□羊南京科道以闻 上谕吏部殷迈既有疾准致仕近年监规颓坏已极生徒凶恶无礼何以风示四方员缺以有才望能振作者任之复谕礼部申飭两京国子监及各省提学官都照监规敕谕严率生徒振兴法纪下茅迪吉等于南京都察院问拟俱遣戍

○以右春坊右中允陈思育补日讲官

○时徐州河身淤淀宿邳清桃两岸多决淮水为河所逼徙而南高宝湖堤大坏于是工科都给事中刘铉建议南河郎中不便顾理淮北请添郎中一员于淮徐适中处专治淮黄一带河道其徐吕二洪主事可并一员 上谕工部近来偶以一事辄便增官久之不便又议裁革殊为轻率添设部官及先年河漕画地分管之议本欲责成反滋推诿并议以闻部覆国家特设总督漕运大臣则凡有关于运务皆其事也又设总理河道大臣则漕河自张家湾直抵瓜仪黄河自河南山东上源至淮安入海皆其地也与其画地分管之异同孰若漕河各共厥职之画一宜各遵原奉敕书行事惟差郎中一员专治淮北裁吕梁洪主事即令郎中带管则无增官之费而有得人分治之益从之

○己丑予日讲官陈经邦给假驰驿回籍赐路费银二十两彩段二表里

○洮岷边外生番臙藏率众来降愿岁纳马匹中茶按臣以闻许之

○论破剿下沙麻番族将领功罪参将陈堂土官杨臻戍边中军干把总等官孙继祖等各降俸级其阵亡守备等官朱宪史经刘应山照例升级仍立祠致祭

○庚寅以右春坊右中允陈思育补经筵日讲官

○原任太仆寺少卿陈联芳复除原职

○辛卯升南京光禄寺卿屠义英为南京太常寺卿管国子监祭酒事

○祀县民郑僮女字生员王念祖为妻念祖病故女誓死绝食父母劝慰竟不能夺

父哀其意乃具帷车送往壻家至则设榻于壻柩之右整衣就寝目内流血而死时年一十七岁夏邑县儒士刘浚源妻杨氏浚源以病卒氏遂阖户自缢而死时年二十岁仪封县民张戍妻戴氏张启寅妻侯氏皆少寡守节年七十余按臣以旌表请章下所司○福建抚按庞尚鹏□为正条议钱法十四事一岁铸额数各府州将应扣存留银两角□羊司买铜其有真正黄铜废铜折银角□羊纳一创建局所将废弃兵营改造钱局一工料每钱一千文费银九钱八分零一督责磨钱一钱质定式一出纳定例除起运钱粮及秋冬赎罪仍徵银折谷外其存留钱粮及春夏纸赎各令银钱平半上纳至驿递兵粮各衙门工食亦许兼用若一时多寡不同听从民便一兼用旧钱照原定文数折易与新钱并用但必须古钱无杂低假亦止许行之民门若钱粮赎罪俱用制钱于兼用之中默定一尊之法一严禁私铸凡民间废铜赴官中卖不许私自收藏希图覬利一责成所司一劝导愚民闽省钱法久废卒然行之愚民不无疑惧议将铺行诚实有身家者听其愿领铸钱存留官银以为资本即照原定折易之数钱还官盖在官散银与铺行以易钱在铺行纳钱于官以抵银则人知钱与银并贵而铺行与民兼利矣一设立铺户举市镇殷实之家充之随其资本多寡赴官买钱以通交易其民间有愿赴官领钱者听一禁煎低银一暂借库积一禁革骚扰部覆允行

○壬辰命发太仓银一万三千六百九十余两兵部马价银一万三千六百四十余两为宁夏皂矾沟等处筑墙之用

○礼科左给事中汤聘尹言京口水涸漕挽愆期近议开练湖矣然可以资丹阳不能资丹徒议开孟渎矣然可以资江阴不能资京口盖京口与洲对垒而孟渎去洲颇遥空舶可以泝流粮□难以涉险则运道必出京口矣宜于京口之傍另建一闸引江流内注低旧闸可丈许视冬间水势而定之准焉潮长则开缩则闲可免涸辙之患章下所司

○甲午改神枢营参将王廷臣充分守大同井坪城等处参将

○乙未升大理寺少卿胡价为南京光禄寺卿

○大理寺卿严清以拟斩罪犯请得旨奏内斩犯前以矜疑奉旨免死如何又作情真处决恤刑系三法司会同议覆岂得不知一人而生死互异使人何所遵奉责令回话清惶恐认罪 上命夺该寺官俸三月今后凡会议会题事理各加详慎互为简点以求至当毋但以文移关白了事

○丙申巡抚福建都御史庞尚鹏言该省额编站银十四万四千四百有奇今遵旨减派止徵银十二万九千有奇其近年扣取防夫银两尚欠一万一千一百九十余两乞与豁免部覆允行

○以工部侍郎杨成三年考满荫其子太滋为国子生

○丁酉升大理寺右少卿周咏为左少卿太仆寺少卿张岳为大理寺右少卿

○海西弗秃等卫女直夷人都指挥使往吉奴等哈木等卫女直夷人都指挥同知哈儿只等各赴京进贡宴赏如例

○戊戌蠲唐完二县积欠角□羊京折色银一千二十余两以抚臣奏报灾伤故也

○泰宁等三卫夷人卜都儿沙等进献马匹庆贺 圣节宴赏如例

○革瑞昌王府辅国中尉谋野谋增谋堂谋垣爵络与冠带终身以其为擅婚所生向系冒封也

○刑科都给事中周良寅因 上诘责严清遂上< 疏 疏 >参大理寺评事李蒙亨并及清得旨此衙门公事何独参堂属官一人且近来各处奏勘刑狱事情议拟不当事体乖谬者甚多尔等未见一言驳正科臣以看详章奏为职所看何事今后各衙门有重大事情及隐匿奸弊科道官知而不言者黜

○命御史崔廷试巡按淮扬

○己亥太仆寺少卿杨俊民复除原职

○庚子卯初四刻月应食不食

○除补原任贵州道御史张道于四川道

○论是年四月内西平堡失事将领罪本堡备御柯万谪戍镇武堡游击苏国赋降二级用

○命辽东都司佾书徐永昌掌本司印

○以天津领军游击姚龙充神枢营参将

○升白羊口守备刘世桂充河间领军游击

○辛丑时山阳高宝淮水弥漫礼科左给事中汤聘尹议导淮人江于瓜洲入江之口分流增闸以杀其势已漕运侍郎吴桂芳褐称黄水向老黄河故道而去下奔如驶淮遂乘虚涌入清口故道淮扬水势渐消工部覆二议不同奏请行勘 上以河淮既合命寝其议

○壬寅先是应天巡抚宋仪望报获拒捕盐徒蔡廷等十名已奉旨处决至是巡按御史王民顺审录奏报前后矛盾 上以抚按司道官捏报掩饰致有抵牾夺仪望俸三月王叔杲俸半年民顺候回道考察下把总管懋于御史问

○癸卯原任户科给事中颜容野复除原职

○以原任游击陶承誉佾书辽东都司事

○升张家湾守备赵继光充天津领军游击

○甲辰考选推官知县李实田乐义齐世臣李廷仪韩绍周邦杰尹瑾各给事中梅淳李荅高维崧薛梦雷房寰郑锐涂杰茹宗舜张治具王许之张友舜王廷稷各试御史实吏科乐义户科世臣礼科廷仪兵科绍刑科邦杰瑾俱工科淳浙江道荅江西道维崧福建道梦雷湖广道寰山东道锐陕西道杰广西道宗舜云南道治具贵州道许之南京福建道友舜南京四川道廷稷南京贵州道友舜繇岁贡维崧廷稷繇举人

○丙午以贡市事完赏总督方逢时吴兑巡抚郑雒高文荐总兵雷龙郭琥麻锦各银币有差升副使栗祁一级

○录万历四年七月锦州等堡官军斩获功朱延庆等九十六员名各升赏如例

○丁未升广西右参议陈应春为本省副使

○戊申录万历四年五月内广宁镇远等堡军丁阵亡功满朝恩等九十五名各升授赠恤如例

○原任南京都察院右都御史倪嵩卒当涂人嘉靖八年进士授太常寺博士选授广西道御史历升大理寺寺丞左右少卿都察院右佥都御史转左副都御史户部左右侍郎南京都察院右都御史因病乞休奉旨致仕隆庆二年荐起推用复引年乞休诏进一阶致仕至是卒予祭葬如例

○己酉黔国公沐昌祚因父沐朝弼于南京病故< 〇〇〇 〇〇〇 >乞奔丧 上不允

○先是云南土官普崇明崇新兄弟构争崇明召募广南依兵崇新勾引黑脚交兵互相讎杀告官听勘间交兵引去惟依兵恋住夷寨巡抚邹应龙轻信中军杨守廉等移兵进剿守廉等遂劫杀良民抄掠村寨依寇乘之两致丧师及应龙致仕抚官王凝计擒元恶抚处残依地方始安至是按臣勘实以请得旨杨守廉凌迟处死传首作恶地方以洩众愤王凝沐昌祚等各赏赉有差

○庚戌大学士吕调阳以病乞休 上温旨留之○总督宣大山西等处兵部尚书方逢时上北虏款贡图奏言塞垣辽阔种类繁多集之一区分为六部顺义王为诸番之长独部前陈黄台吉兀慎摆腰咸其孙子飏驰景附青把都盘踞东裔右方乃来袄儿都司介在西河左隅是列永邵卜地邻漠北去边为远缀之后行遐迹不同莫匪平沙巨碛强弱不一尽属毳幕膻裘捧雕弧而满伏絜骐骆而尘奔兔峙鸢蹲何假长纓之系龙文鱼目非同大宛之求或耘或耔穡人成功于橐于囊行李皆悦诚足以愧汉氏之和亲陋唐人之雪耻也伏愿惟始慎终思艰图易或可备顾諟于忧勤非徒侈观美于丰亨矣上以其图留览章下所司

○录万历四年五月中浙江山海礁渔山等处官军擒斩倭级并阵亡被伤功马自道等二百四十三员名各升赏如例○录万历四年六月庆云等堡官军斩获阵亡被伤功程起南等五百二十六员名各升赏如例

○御史尹良任条陈漕运事宜一通便道以速粮运孟渚河口渡江入白塔河抵湾头为运道捷径宣德七年平江伯开通至正统四年都督武兴复闭今孟渚河既开则自河渡江入黄家港水面虽阔江流甚平且繇黄家港至泰兴以达湾头高邮运河仅二百余里可免瓜仪不测之患一开江道以泊运舟粮舡自京口乘风北渡瞬息可达瓜闸但金山而下触浪汹涌中流遇风则瓜镇之收闸者未尽而京口之出江者难回难免漂没之患惟镇江城北有甘露港约长十余里夹岸洲田宜挑使深阔以便回泊部覆二港可否踏勘行之报可○辛亥刑科都给事中周良寅劾刑部尚书刘应节不考察恤刑属官云南参政罗汝芳进表事完出城潜住应节往与谈禅輒坐移日宜罢斥以为人臣玩旨发职之戒 上命应节自陈汝芳既已辞朝又潜住城外何为吏部查参以闻及应节

南京都察院事○升宣府万全守备张维城充本镇入卫游击

○己未俺答投书甘肃军门乞开茶市巡按陕西御史李时成言番以茶为命若虏得藉以制番番必转而从虏貽患匪细部覆茶市岂容轻许但虏王既称迎佛僧寺必须用茶难以终拒宜行该镇如虏王请以马易茶直以官茶无多原以招番纳马正支天朝自有法制谁敢与市惟量给百数十篋以示朝廷赏赉之恩 上是其议

○庚申以吏科右给事中李学一为湖广左参议兵科右给事中刘谐为福建佥事

○补原任陕西苑马寺卿马出图为甘肃行太仆寺卿 陕西木沙割未等族番人章哈尔节等赴京进贡给赏如例

○兵科都给事中裴应章论劾贵州总兵吴国贪庸欺纵十大罪得旨吴国既有罪状该抚按知之必真何无一言而科< 〇〇〇〇〇〇 〇〇〇〇〇〇 〇〇〇〇〇〇 >乃历历有据其革国任按臣勘实以闻

○辛酉巡抚陕西都察院右副都御史董世彦为兵部右侍郎兼右佥都御史总督陕西三边军务

○壬戌以原任参将魏廷臣充宣府巡抚标下中军都司兼管坐营事务

○癸亥浙江巡抚徐枋以地方灾伤乞将湖州一府应徵漕粮南粮及屯粮量为改折沙盖田亩暂免一年仍与浙东黄岩等县各照被灾分数减免存留银米以苏民困部覆漕粮南粮额不可缺余如议报可

○浙江巡抚徐枋奏该省额编站银九万六千二百余两今遵例裁减止编银七万五千四百余两于见存省剩银内动支二万八千八百六十余两抵万历六年额徵十分之三部覆报可○乙丑命右眷坊右谕德何雒文翰林院修撰高启愚充武举考试官额取八十名

○升总理河道都察院右佥都御史傅希摯为右副都御史巡抚陕西

○先是浙江杭严道副使徐云程等以盗劫官银住俸至是贼多擒获而仅逸其二部以开俸上请时云程已先升参政得旨诘责今后凡住俸戴罪等官俱送部停升候事完定夺不得朦朧推升

○丁卯传旨奉 圣母谕今岁暂免行刑大学士张居正等奏言我 祖宗旧制凡死罪问明依律处决未有淹禁累年不行处断者至嘉靖末年始有暂免不决之令或量行处决此实近年姑息之弊夫春生秋杀天道所以运行雨露霜雪万物因之发育若一岁之间有春生而无秋杀有雨露而无霜雪则岁功不成明王奉若天道其刑赏予夺皆奉天意以行事今法司所开重犯招情皆绝灭天理伤败彝伦覆载之所不容者天欲诛之而 皇上顾欲释之无乃违天意乎况各犯节经审鞫输服无词纵使今年不决将来亦无生理不过迟延月日监毙牢狱耳与其暗毙牢狱人不及知何如明正典刑犹足伸法若使法令不行则犯者愈众年复一年充满囹圄既费关防又亏国典非政体也 上是之命今年照例行刑

○南京湖广道御史陈堂论劾兵部尚书王崇古狗虜弛防指昔年贡市与今岁虜王西行事也崇古自请罢斥 上温旨留之

○管理南河工部郎中施天麟言淮泗之水原从清口会黄河入海今不下清口而下山阳从黄浦口入海浦口不能尽洩浸淫渐及于高宝邵伯诸湖而湖堤尽没则以淮泗本不入湖而今入湖故也淮泗之入湖者又缘清口尚未淤塞而今淤塞故也清口之淤塞者又缘黄河淤淀日高淮水不得不让河而南徙也盖淮水并力敌黄胜负或亦相半自高家堰废坏而清口之内傍通济闸又开朱家等口引淮水内灌于是淮泗之力分而黄河得以全力制其敝此清口所以独淤于今岁也下流既淤则上流不得不决每岁粮艘以四五月尽运堤以六七月坏水发之时不能为力水落之后方图堵塞甫及春初运事忽至仅完堤工于河身无与河身不挑则来年益高上流之决必及于徐吕而不止于邳迁下流之涸将尽乎邳迁而不止于清桃须不惜一年粮运不惜百万帑藏开挑正河< 匚 十见 >限责成乃为一劳永逸至高家堰朱家等口宜趁时筑塞使淮泗并力足以敌黄则淮水之故道可复高宝之大患可减若于兴化盐城地方海口湮塞之处大加< 匚 铨-金 >浚而湖堤多建减水大闸堤下多开支河以行各闸之水庶乎不至汗漫总之未有不先黄河而可以治淮亦未有不< 匚 铨-金 >通淮水而可以固堤者也部覆河内< 匚 铨-金 >浚苦无良法惟先臣刘天和用平底方舟横排河中为一层四维拴系以长柄铁爬浚之浚深数尺移舟再浚后数丈复为一层如前法则水中与陆地施工略同兴工停运宜行河道等衙门会议具奏定夺报可

○戊辰升巡抚山东都察院右佥都御史李世达为右副都御史总理河道

○命阳武侯薛瀚嫡侄薛鋹袭祖爵

○己巳先是谕法司朝审以是月初九日行至是刑科三覆奏处决重囚二百七十三名口大学士张居正等拣情罪尤重者四十二名奏请处决< 匚 铨-金 >上 御笔除五名止决三十七名

○裕陵殿工修完请 神位并祭告遣伯杜继宗行礼

○予武平伯陈大策祭葬如例

○庚午先是 上以洪范一篇为帝王治天下大法讲习既熟每日作字复逐节手书以潜玩其义是日居止指所书字句一一仰叩 上应如响大义无不了彻盖 圣资天纵又能留意问学故聪明日益开发如此

○令原任三边总督石茂华致仕以吏科都给事中陈三谟等劾其废弛不职故也

○兵部尚书王崇古因南京礼科给事中彭应时工科都给事中刘铉交章论劾具< 匚 铨-金 >奏明款贡末本略言 皇祖御极四十五年虜患无岁无之始也三秋戒备继复防冬防春将士苦于征战内帑匱于借需至庚戌之秋诸虜突犯京畿震惊宸严流毒民社以后增兵增饷选卫修垣万姓疲劳海内虚耗至 先皇隆庆三年虜犯应州宣大告急推臣为总督适大同巡抚方逢时揭报俺答孙把汉那吉率其妻孥来降臣即

会议上闻首陈遣降构逆之略继陈战守御虏之策末议居降逆诈之图荷蒙先皇纳辅臣之谋嘉那吉之归顺授以官职虑虏酋之索降严督防御及俺答拥众分道索降臣与逢时分调官军迎敌血战虏方败遁既而臣等构获逆犯赵全等八名遣那吉以生还俺答感恩求贡且谓誓彼部落不犯大同臣逆知套虏连年被各边捣巢赶马之害久思息兵在俺答力能制彼弟侄同事款贡即令邀彼亲枝务期秦晋七边永不侵犯方为奏请时诸酋方会俺答帐中一闻臣谕各遣使纳款誓同修贡臣未敢信即日分遣官通同诣各酋营帐勒取真正番文面扣诸酋诚伪套虏吉能即求臣分遣官通沿边戒谕无容侵犯臣使至甘肃庄凉并谕松山驻酋宾兔往返数月取获番文条上贡市八事末议审经权以策战守明言以贡市为权宜以修防为经久也及敕下兵部廷议至再辅臣又于讲筵面奏亲奉俞旨许其封贡是当日边臣措注皆先皇独断之明辅弼折冲之略臣不过奉扬而规画耳既承辅臣八事之议定三年阅视之规示九边崇实之图臣即随事条覆严督奉行今经七载节省国饷奚啻百万保全军民不可数纪开垦屯田远至边外修砌城堡各用砖包筑建边垣各数百里柴砖木料咸取虏中昔也各边斗米值银二三钱今则仅值钱许屯粮尽完盐粮估减视嘉靖末年隆庆初岁安危迥异而铉辈乃谓虏贡不足恃虏情不可测以安为危以功为罪臣去留何足恤将使以后边臣转相顾忌不至坐失虏心大坏边图貽君父宵旰之忧不止乞敕廷臣查核以明国是臣死无憾得旨连年虏酋款贡弥恭边圉宁谧卿以劳绩朕已悉知浮言不足介意不准辞

○辛未升都察院左僉都御史赵贤为右副都御史巡抚山东

○命原任广西左参议秦舜翰以原职调用为御史陆万钟论劾也○甲戌以南京户部右侍郎汪宗伊三年考满荫其子庭为国子生

○升南京都察院右僉都御史王篆为都察院左僉都御史协理院事

○乙亥除补原任广西道御史耿鸣世于山西道

○丙子先是两广坐营以都指挥体统行事至是员缺总督凌云翼以职衔稍早不便调度请用署都指挥即以见任副千户周勋推补部覆从之

○丁丑升户部左侍郎李幼滋为南京都察院右都御史掌院事

○升大理寺右少卿张岳为南京都察院右僉都御史提督操江以岳先于四月间内转未任连升令速去交代毋得迟延

○太平县民王吉王善各抹项称冤诉乡官翟台不法状法司以闻得旨王善等拚命赴诉必有冤抑苦情巡按御史不与分理所干何事翟台等问明具奏

○戊寅锦衣卫带俸指挥使王伟奏乞军较部覆照例拨给二卫较军各三十名许之

○命南京后军都督府僉书郭成充总兵官镇守贵州

○己卯大学士张居正初闻父丧次辅吕调阳张四维_（引杨溥金幼孜李贤夺情起复故事

○谕留居正得旨元辅张元生亲受 先帝付托佐朕冲年定安社稷关系至重况有往例卿等亟当为朕劝勉毋事过恻 上复手札谕居正朕览二辅所奏知先生父已弃世痛悼良久先生亲承 先帝付托辅朕冲幼社稷莫安天下太平莫大之忠自古罕有今宜以朕为念勉抑哀情以成大孝朕幸甚天下幸甚已复谕吏部元辅朕切倚赖岂可一日离朕父制当守君父尤重准过七七照旧入阁办事侍讲读待制满日随朝该部即往谕朕意

○升大理寺左寺丞饶仁侃为本丞右少卿

○庚辰赐张居正银五百两绉丝十表里新钞一万贯白米二十石香油二百斤碎香二十斤火口口烛一百对麻布五十疋 慈庆 慈宁两宫赐亦如之

○复除原任陕西道御史李学诗于江西道

○辛巳升户部右侍郎谢鹏举为左侍郎改刑部右侍郎王好问为户部右侍郎

○升大理寺右寺丞傅孟春为左寺丞南直隶提学御史褚鈇为大理寺右寺丞

○予居正父祭葬如例仍加祭五坛遣礼部主事曹诰致祭工部主事徐应聘治葬

○辛巳南京都察院右都御史王篆条上江防事宜一核军实以充营伍新江口营官军额设添调共一万七千有奇查改差逃故取回退回为事及有丁未行顶补各项官军共一万九百余名止存五千六百二十余名宜追还改差勾补逃故取回者查覆退回者更换为事者清提有丁者查替一省繁差以省军劳先年京营有暗伏一差分遣弭盗今沿江上下已设游巡二兵则暗伏官军宜撤回操练一拣劲卒以任选锋江营兵多老弱无资战守拣选拳勇千名给以衣械加其廩饩董以二总分隶十队官更番训练一议战舰以图实效额设战船四百一只递减至二百九十四只俱已损坏今议以一百六十只属操江衙门改造余还该部变价停造部议允行

○壬午大学士吕调阳以病久三< 疏 >乞休不允辞

○癸未户部覆巡抚山西都御史高文荐奏边关春时米贵各军苦于余买请以应支银两趁贱先买临时平放所易夷马羸惫不堪请以三月料价折凑其原卖银两易买膘北报可

○会试天下武举考试官何雒文高启愚取中武举张大德等八十名

明神宗显皇帝实录卷之六十七

明神宗显皇帝实录卷之六十八

万历五年十月甲申朔钦天监进明年大统历 上御皇极殿受之分赐文武群臣颁行天下

○升大理卿严清为刑部右侍郎

○以畿辅灾伤凡存留税粮照勘灾分数蠲免卫所屯粮照例折徵其带徵之数系被灾七分以上者停之

○乙酉 孝洁肃皇后忌辰 奉先殿行祭礼遣新宁伯谭国佐祭 永陵

○先是大学士吕调阳以 实录加恩再辞不允连< 〇〇〇 毓-金 >乞休至是病可见朝复上< 〇〇〇 毓-金 >辞 上以成命已久不允

○先是总理漕储都御史胡执礼言江南改折之利请每岁会计以改折三分为常户部覆奏太仓所积仅足支六年此时未可遽议 上是部言

○丙戌张居正< 〇〇〇 毓-金 >乞回籍守制得旨勉留< 〇〇〇 毓-金 >首言臣受非常之恩宜有非常之报何暇顾旁人之非议狗匹夫之小节拘拘常理之内观此而夺情之本谋尽露矣

○丁亥建州右等卫女直夷人都督来留住等并邻等卫夷人都督阿古等各赴京朝贡赐宴给赏如例

○改南京大理寺卿宋仪望为大理寺卿

○命兵部尚书王崇古致仕驰驿回藉时崇古复为给事中尹瑾御史高维崧论劾上< 〇〇〇 毓-金 >乞罢故有是命

○命御史刘良弼刷卷京畿

○戊子时彗星见西南光明大如盏芑苍白色长数丈繇尾箕越斗牛直逼女宿礼臣< 〇〇〇 毓-金 >请修省得旨玄象示异朕心深切儆惕大小臣工其恪修职业以图消弭

○张居正再< 〇〇〇 毓-金 >乞归守制得旨卿言终是常理今朕在冲年国家事重岂常时可同卿平日所言朕无不从今日望卿从朕无得再陈

○辛卯张居正三< 〇〇〇 毓-金 >乞归守制得旨卿今日实不可离朕左右特遣司礼监官同卿子编修驰驿回藉营葬事毕即迎卿母来京侍养用全孝思卿宜体朕至意弗再辞 上复降手敕谕居正朕赖先生为师朝夕纳诲以匡不逮今朕学尚未成志尚未定万几尚未谙理先生何忍远去尽弃前功万望先生仰体 圣母与朕惓惓恳留至意毋劳再陈

○壬辰起原任大理寺卿陆光祖为南京大理寺卿○命协理京营戎政兵部尚书兼都察院右副都御史方逢时回部管事

○命御史李学诗巡视京营

○先是浙江海盐县有土石二塘以捍潮势万历三年间忽遇飓风冲决至是兴筑工完巡抚徐枋以闻下工部知之

○甲午先是吏部尚书张瀚奉命谕留居正未及回奏至是辅臣传旨诘责瀚惶恐谢罪于是台省媚居正者交章劾瀚矣

○降巡按浙江御史鲍希贤二级调外任以其章奏脱名也

○录万历四年辽东将领招降功次总兵李成梁等各升赏有差

○先是贵州逆犯继王窃据山泽劫杀横行至是伏诛

○乙未御史曾士楚上< 〇〇〇 毓-金 >请留居正报闻○广西思恩府自弘治中岑

浚叛后改土为流嘉靖初土酋王受作乱新建伯王守仁抚平之始迁府治于荒田割南宁府武缘县止戈一二图为编户裂思恩旧治为九土巡简司而统于府至是两广总督凌云翼以九司种类日悍蔑视汉官府治编民甚少缓急难恃议改武缘一县全属思恩以资弹压又言梧州地方辽阔守巡二道共驻府城临警不及策应欲将巡道移驻郁林州分辖北流等县庆远府西德胜镇逼近峒贼欲将府同知移驻督捕河池控扼东兰南丹那地三土州以屏蔽庆远颇称要害请添设州同一员居中抚驭户兵二部覆奏如议从之

○丙申居正三< 〇〇〇 铨-金 >后请在官守制以素服角带入阁办事日侍讲读辞免俸薪并请明春乞假归葬之期许之

○禁中火仓下连房灾○升辽东巡抚张学颜为兵部左侍郎协理京营戎政

○升通政使司右参议许光大为左参议工部员外郎杜其骄为通政使司右参议

○丁酉兵部尚书方逢时辞免原兼宪职许之

○吏科左给事中王道成陕西道御史谢思启交章论劾吏部尚书张瀚徇私欺罔得旨张瀚昏耗至此令致仕去复夺侍郎何维柏陈炯俸三月降该司郎中俸三级管事不许升转余各罚俸半年

○己亥巡按山西御史陈用宾条上盐课三事一修南岸以尽南盐之利角□羊池盐花盛生无间南北而采者止及北岸今岁督官往池南捞取不二日获盐三千八百余引宜建厅铺修料台垫道路以便采办一裁富丁以< 〇〇〇 六十见 >贫丁之力凡富丁纳银者今后停免一体应役无致偏累贫丁逃亡亏课一添引目以通旧引之穷各处引目所载盐斤之数虽多寡不齐大约每引不过一石未有如花马二池一引八石之为多者盐多价重□多朋合及其分贩裂引瓜分殊为未便议将一引易为四道增引不增价使小□各便照卖官司易于稽查户部覆宜如议但说者谓南涯乃产盐根毋根毋不伤故花生日盛万一剥削太过恐本源既竭盐花少生宜审酌行之报可

○庚子 上以星变未弭禁中火警谕礼部建醮朝天宫三日仍遍告各宫庙百官修省停刑禁屠

○辛丑火星顺行犯氏宿

○户部覆顺天府尹王之垣条上编审均徭事宜一州县俱照三等九则徵银编差毋得轻纵上户专累小民一徭差地科太轻丁科大重议将见在丁地通融计算每地一亩科银二分以补丁差之不足一纳粟员役编徵门银一内官军较据实优免一流寓年久一体当差暂寄庄者除照例徵银外每亩量增三分以济力差之用一置买田宅税契过割一革库天仍用库子须作力差有司不许科索一减编各县站银一增编陵户一派徵总督军门与各道柴薪银两得旨依议惟总督军门紫薪令于缺官柴马银内扣角□羊不必派徵

○都御史陈瓚三< 〇〇〇 铨-金 >乞休许之令驰驿回藉时瓚已久病贻书礼臣马

讵期附炎鄙夫如御史曾士楚都给事中陈三谟干犯清议望风保留致使人心长死国是若狂纲纪风俗将大坏而不可止矣居正今以例留厚颜就列如异时国家有大庆贺大祭祀为元辅大臣者若欲避之则于君父大义不可欲出则于父子至情又不安臣不知斯时 陛下何以处居正居正何以自处宜速令奔丧守制以全忠孝大节则纲常而朝廷正朝廷正而百官万民莫不正一正足以格天何灾异之不可弭哉当中行

〈明史 铨-金〉上学士王锡爵会翰林宗伯而下数十人求角□羊于居正弗纳锡爵径造丧次言之辞颇峻居正勃然下拜索刀作刎颈状曰 上强留我而诸子力逐我且杀我耶锡爵亟趣出知事不可回矣就逮之日阴云忽结天鼓大鸣惨黯者移时受杖毕较尉以布曳出长安舁以板舆即日驱出国门中行频绝而苏而穆思孝楷举诏狱中三日始僉发中行僦舍都门外故人间有候视者逻卒辄籍记之而厂卫之命随至即褻创行呻吟彻昼夜股内剜去数十膺大盈尺深入者踰寸竟空一股云方中行等得罪时翰林侍讲赵志皋张位于慎行张一桂李长春田一俊修撰习孔教沈懋学俱具〈明史 铨-金〉救格不入而懋学三贻书居正子懋修伸经权忠孝之辨以为师相之留为世道诤诸子之〈明史 铨-金〉亦为世道计柰何视为狂童斥为讎党乎此言出而所云力不能救者天下疑而弗信矣又贻书李幼滋云师相之归宜决台省之归宜止言甚切直未几孔教志皋位相继迁谪去锡爵懋学皆移病归

○丙午 上敕谕群臣群奸小人藐朕冲年忌惮元辅乃借纲常之说肆为挤排欲使朕孤立于上得以任意自恣兹已薄示处分如党奸怀邪欺君无上必罪不宥

○命山西额编站银免派一年以该省积有余银十二万八百余两足抵正额也

○丁未刑部办事进士邹元标上〈明史 铨-金〉论辅臣张居正夺情事 上命廷杖八十谪极边充戍〈明史 铨-金〉略言居正才虽可为学术则偏志虽欲为自用太甚诸所设施乖张者难以数举姑举其最者一曰进贤未广如限郡邑进学有定数二曰决囚太滥如限各省决囚有定数三曰言路未通如有建白不先禀命有今日陈言而明日罹罪者四曰民隐未周如水潦旱魃之灾有司不以奏闻恐于大臣德政其他用深刻之吏阻豪杰之才不可枚举即使有利 社稷犹大坏纲常况无利 社稷若此而可留之耶居正首〈明史 铨-金〉有非常之人然后可办非常之事今有人于亲生而不顾死而不葬人不曰残忍则曰薄行不曰禽兽则曰丧心可谓非常人乎又曰不顾傍人之非议匹夫之小节三年之丧果可谓小节乎先朝李贤夺情起复罗伦力辩斥之居正不归无情可夺无复可起远非贤之俦矣 圣谕朕学尚未成志尚未定先生既去前功尽弃居正丁忧可挽留之居正脱有不测 陛下之学终不成志终不定耶居正一人不足惜后世有揽权恋位者援居正故事甚至窥窃神器其祸有难言者矣抑标又有深恨焉国家以言路付之台省默而不言犹谓旷职臣观御史曾士楚保留一〈明史 铨-金〉公论倒地盖至于此标具〈明史 铨-金〉是日廷杖前上〈明史 铨-金〉者见诸臣方宛转血肉中不为慑天下闻而壮之

○谕鸿胪寺官趣辅臣张居正入阁办事

○戊午召见大学士张居正于平台 上曰朕为社稷屈留先生先生无忘付托成全始终方是大忠大孝居正泣言臣一心为国不能曲徇人情以致丛集怨讎乞早放归以全晚节 上曰群奸排挤自有 祖宗法度处治先生不必介怀随命赐银四十两彩段四表里及酒馔居正即日赴阁办事先是居正闻丧在疚三日不出阁吏以函捧章奏就第票拟次辅在阁坐候票进乃出中贵辄就丧次问某事某人张先生云何说者以为宋贾平章吏抱文书呈署私第此更过之而至于称元辅称太师称先生则古大臣赞拜不名之礼几乎逼上矣

○改刑部右侍郎严清为吏部右侍郎

○己未辅臣张居正遂侍讲读致词称谢 上慰谕甚至以其辞俸守制手诏谕所司日送酒馔月送米十石油二百斤茶三十斤盐百斤烛百枝薪十二杠炭三十包服满乃止计直踰俸赐矣

○庚申大学士吕调阳张四维自陈乞罢 上皆温旨勉留之先是调阳等以张居正自陈请奉旨免至是居正具< 疏 > 奏谢

○谕礼部大婚以明年二月十九日行

○苏州府盗发失事事闻命调兵备参政王叔杲简僻用○辛酉朝鲜国王李昫遣刑曹参判安宗道表献方物马匹贺冬至令节赐宴赏如例

○内官传谕内阁京城内外钱法不通小民受困命辅臣议处居正等奏言钱法一向通行偶因奸口兴贩私钱至京势豪贱买射利遂至钱价顿减乞下该部施行 上命户部设法< 疏 > 通其税课房号等项都用钱上纳有违法私铸及势豪射利阻坏钱法者重治之

○壬戌以 圣母 慈圣皇太后圣节赐元辅张居正银五十两纁丝四表里金万寿字四副金篆字十二个金书黄符二道黄绶符二道次辅吕调阳张四维各银四十两三表里金万字三副金篆字八个金书黄符黄绶符各一道讲官申时行等正字官马继文等各有差

○吏部署部事兵部尚书方逢时自陈不职 上温旨谕留

○南京吏部尚书潘晟等户科给事中王蔚等各上< 疏 > 乞留居正报闻

○命兖州府沂费郯城折色马价每匹止徵银十八两卖过种马草料银两俱免追徵以奏报灾伤故也

○先是万历四年广东澄迈县强贼劫库至是勘上失事将官命下王克振等于御史问吴良知革任回卫

○顺天府府尹王之垣言会典原载该府户口六十六万九千三十有奇自庚戌被虏后隆庆五年总括实在人丁止十四万七千三百有奇盖因租庸正额之外更多杂派钱粮以致民不聊生日就凋耗国初徙浙江等处富民三千八百余户以实京师今不惟

富民消亡已尽即土著亦渐逃移此岂居重驭轻意哉请将各州县税契银两抵角□羊杂派钱粮一应带徵钱粮尽行蠲免户部覆言抵角□羊如议带徵量免从之

○先是嘉靖三十二年以前黄河繇小浮桥后徙繇沛县飞云桥继繇徐州大小溜沟以入闸河四十四年河大决改繇奏沟出口以致茶城岁患淤浅至是复南趋出小浮桥故道河道都御史傅希摯以闻奏下所司

○甲子吏部侍郎陈炯严清都察院副都御史郜光先各自陈不陈 上以协赞考察不允所辞

○改江西副使冯叔吉为湖广副使备兵苏松常镇

○降两淮运使崔孔昕一级调用以运司旧属海防道统辖孔昕不行属礼为按臣所劾也○浙江右参议王嘉言患病乞休许之

○江西抚按官潘季驯赵耀奏该省驿递站银每年派徵十万六百五十余两近因节省减编止编银七万二千六百两又节年支剩已未完银八万五千二百三十余两欲将数内已徵在官者抵免万历六年徵额未完者带徵部覆如议 上以季驯等能奉行德意令吏部纪录其拖欠者尽行蠲免以苏民困时各省直奏到者未及十处计其免徵一年及借留织造之数不下四十余万云

○乙丑论万历四年七月内海州失事将领罪刘镇东遣戍李汝谦吴僵降二级

○丙寅先是皇亲武清伯李伟使家人揽纳布花多所乾没军士大哗内使以闻上命取布一疋验之不堪 上即谒 太后言状 太后怒甚遣谕内阁尽法处治吾不私外家是日 上御讲筵毕顾辅臣张居正等言之居正力为角□羊救第坐诸为奸利者革该库内臣三十余人 太后乃召武清父子立宫门外遣中侍出数之武清父子惶恐服罪自此少戢矣

○以内府钱粮揽纳滋弊巡视科道验纳部官不行查核命部院考察汰黜得户部员外贾实等四十八员命致仕闲住降调俱如例

○先是贵州土舍安国亨安智互相讐杀已经十年至是奉旨行勘二酋始听处分抚按官何起鸣等因条上善后八事部覆如议得旨国亨等务感恩悔祸各保强土如违约启衅剿除不赦

○巡按山东御史赵允升勘上是年三月内铁岭镇西堡辽阳长安堡功次官军秦得倚等一百十七员命各升赏如例

○录广东海北官兵擒斩劫贼洪老等功参政郑恭把总吴天各升赏有差

○升广东副使孙光祖为本省左参政陕西右参议张九一为江西副使湖广佥事蒋梦龙为浙江右参议

○两淮运使员缺吏部拟南康知府卢整德安知府王凭 上以运司综理国课选用贤能近来抚按视为冗杂抑损体面使之不得展布殊失朝廷选才任官之意其以王凭为两淮运使

○丁卯吏部考察庶官凡察五十一人内翰林院修撰习孔教以浮躁论命致仕闲住降调俱如例

○己巳令河南右布政使金浙致仕以按臣参其衰老不职故也

○翰林院侍读赵志皋为广东副使户科给事中武尚耕山东道御史赵允升各按察司佥事尚耕江西允升山东

○庚午以原任湖广佥事贾馆调补陕西原任福建佥事顾养谦调补云南○以工部左侍郎何_𠄎广十见>三年考满荫其子大缙为国子生 孝烈皇后忌辰遣伯毛登祭 永陵 孝惠皇后忌辰遣伯张熊祭 茂陵

○辛未 慈圣皇太后寿节 上御皇极门百官致词称贺命妇免朝

○升浙江按察使朱炳如为河南右布政使

○壬申升密云守备雷以诚佥书中都留守司事

○以陕西都司佥书王爵掌山西行都司印

○癸酉升山东左参政杨一魁为浙江按察使

○降通政使司左通政李勋一级调外任以自陈议处也

○以固原领军游击魏璋充参将分守阑州地方

○升广东总兵标下坐营中军官金丹为本省练兵游击

○升宁夏坐营署指挥佥事常三略管本镇入卫游击

○以浙江军门标下游击潘清充参将分守温处福建都司魏尧相充参将分守琼崖固原游击刘承嗣充参将分守庄浪

○甲戌福建泉州府重犯越狱脱逃事闻命降知府丘浙同知陆一凤俸级有差夺守巡道王元敬吴孔性俸三月下巡捕指挥李效廉等于御史问

○命隆平侯张炳掌府军前卫印

○先是真定广平顺德大名河间五府饶阳南和黄宁津威清六县每年协济大兴递运所夫银二千二百八十两自清查后每年约用银八百两余剩银一万八千余两于是顺天抚按官议将万历六年至八年各处协济银通行蠲免以见在余银支用其九年以后减编止编银一千四百两得旨畿辅民穷深軫朕念所奏俱依拟以苏民困

○户部覆山西巡抚高文荐条上钱法十议一增钱局除太原已经开局其平阳潞安二府乃产铜出工之所宜各开局分铸一取钱本欲于存留驿站二项银两内动支各半一明收支一广铜料该省止潞安出芦甘石可以点铜铜料有限须分派府州多方收买凡军民家有废铜俱许鬻官不得私卖罪赎亦许铜折即准抵该府州应扣银两及应买铜数一派匠后一专经理各府以同知专管开铸而又择州县佐贰两员一在局督造一在外供办季满交替一通歛散凡文武官俸照依原题分数关支他如存留钱粮与夫均徭驿传里甲纲银诸役工食等俱银钱兼收随其赢馑以为收纳一加食米工匠每铸铜百斤于原议工食银一两五钱外再给仓谷五斗以示优恤一计工料铜价每百斤银

○丁丑升浙江定海把总徐景星管军门标下游击事

○以陕西行都司佾书李崇义充固原游击

○以福建行都司佾书梅应魁掌本省都司印

○升宁夏领班备御陈金为固原游击

○升宁夏领班备御杨珣佾书陕西都司事

○时湖广武汉等府属灾伤抚臣< 銚 銚-金 >请蠲免存留暂停带徵改折南粮屯粮报如议

○戊寅时罗旁议立县治总督凌云翼以县名请命东山南乡为东安西山大峒为西宁俱属罗定新州管辖

○以太仆寺马价鞘多亏折夺少卿陈联芳寺丞葛昕俸半年命该库银两以四百万别贮老库永不动支以后新收挨年支放不许混杂

○以西阳河等城堡工完赏总兵官雷龙口北巡道许希孟副总兵李如楨等银有差

○予锦衣卫都指挥使余荫生母谢氏祭葬以荫有东宫侍卫功也

○升吏部右侍郎严清为左侍郎礼部右侍郎申时行为吏部右侍郎

○调湖广副使郭棐于四川提学

○命原任巡抚福建都察院右副都御史刘尧诲以原官巡抚江西先是尧诲被论听勘及是昭雪故有是命

○升兵部郎中吴与言为江西左参议工部主事张镗为湖广事事 ○庚辰升鸿胪寺左少卿陈学曾为左通政

○升湖广佾事曹大野为光禄寺少卿

○复除原任陕西副使晋应槐于湖广

○辛巳升山西潞安府同知乔木为河南佾事

○以湖广荆州府属水灾蠲万历二年以前所欠军饷并存留本折银米

○壬午升太仆寺卿徐浚为南京太常寺卿尚宝司少卿吴自峒为太常寺少卿

○协理京营戎政兵部左侍郎张学颜以六年考满升都察院右都御史旧衔协理如故

○原任河南道御史傅应祯因建言发戍浙江定海卫

明神宗显皇帝实录卷之七十

万历五年十二月癸未列升南京都察院右都御史李幼滋为工部尚书幼滋为辅臣若正周亲当居正夺情时修撰沈懋学贻书幼滋幼滋复云以若所言宋头巾语此宋所以终不竟也今师相不奔丧是圣贤之道直接揖逊征诛而得其传者本朝惟王新建可与语罗至不达此耳小人之无忌惮如此

○升河南按察使舒化为太仆寺卿

○甘肃巡抚侯东莱以三年考满升兵部右侍郎兼都察院右佥都御史巡抚如故

○升国子监祭酒姚弘谟为礼部右侍郎

○升平度州知州傅霖为湖广佥事○先是山西驿传钱粮自站银外有额派米麦银五千七百八十两以备廩给口粮之用至是站银积有赢余抚按官议将米麦银两俱免派徵以苏民困部覆从之

○琉球国中山王世子尚永遣正议大夫梁灼等赴京进贡宴赏如例

○先是阳曲王府较尉李尚志赍领名封勘合因捏添阳曲王府女封三位礼部请行山西巡按御史究问从之

○甲申建州等卫女直夷人都督纳木章等赴京朝贡给赏如例

○朵颜三卫夷人都督花歹等遣头目赴京庆贺长至令节宴赉如例

○旧例考选译字官生会同六部都察院堂上官至是从礼部议命吏礼二部翰林院会同考试不必多官

○己酉湖广市政使史朝宜以病乞休许之○丙戌 慈孝献皇后忌辰 奉先殿行祭礼

○升山东左参政张天驭为河南按察使

○丁亥升南京户部右侍郎汪宗伊为南京都察院右都御史

○补荫原任已故户部尚书贾应春孙云霖为国子生

○罢南京礼部尚书何维柏维柏前为吏部左侍郎以不保留居正与尚书张瀚同被旨诘责未几南转至是自陈遂罢之

○戊子复除原任云南右参政张仲谦为山东左参政

○先是临德 仓岁收山东河南粟米粒小岁久多致红腐近议支放官军行月二粮出陈易新但所出者少所入者多将来本色又必陈积于是部议自万历六年为始每年额派二仓夏税秋粮二百里内者仍徵本色三百里外者俱徵折色从之○予已故忻城伯赵祖征祭葬如闲住例给予原任南京工部尚书康太和祭葬如例太和莆田人嘉靖己未进士改庶吉士授翰林院编修历升南京礼部右侍郎南京工部尚书被劾致仕太和为南礼侍八年不调或讽之少贬以徇时好太和曰升沈有分吾安能仆仆权门以徼进哉年八十卒

○己丑以陕西副使李汶为本省右参政

○改补原任福建右布政使刘志伊于湖广

○升福建守备方伯甘肃操守徐谨各佥书行都司事伯本省谨陕西

○先是淮水南徙泛滥淮扬间已而漕运侍郎吴桂芳报称草湾开通淮水消落至是淤垫如故给事中刘铉言治淮以开通海口为策宜简方略大臣一员会同河漕诸臣相踏咨度为新运计 上令吏部推有才望实心任事者以闻于是吏部请以总督漕运兵部左侍郎吴桂芳为工部尚书总理河漕得旨近来当事诸臣意见不同动多掣肘以

致日久无功今以此事专属吴桂芳经理河道都御史暂行裁革李世达改推别用其选任部司处置钱粮俱许以便宜奏请若明岁运道有梗户部查先年海运事宜行

○广西抚按官言靖江宗室边方贫苦请免其习学郎支全禄礼部以为越例 不可许 上是部言

○命南京后军都督府佾书王尚文充总兵官镇守福建

○予原任兵部右侍郎兼都察院右佾都御史吴道直祭葬照考满例以其关边回还以死勤事也

○辛卯调补四川副使覃应元于陕西○壬辰先是广西岑溪六十三山七山那留连城等处与罗旁接壤猺獞啸聚为患至是贼首潘积善等畏威求抚愿归地输粮总督凌云翼以闻并请于连山等处设指挥千户五员分兵屯守以防芽孽部覆如议命赏云翼巡抚吴文华银币参政王原相佾事王一卿参政蔡汝贤副使徐时可升级有差

○升国子监司业吕旻为祭酒

○癸巳补原任调简副使徐柏为四川副使

○漕臣吴桂芳奏高邮湖土石二堤新开越河南北二闸及老堤加高石层增设护堤木城各工竣事报闻

○甲午先是魏国公徐鹏举有二庶子长邦瑞幼邦宁而邦宁之母郑嬖且冒继封意属邦宁嫡矣已格于正议送邦瑞入国子监而祭酒姜宝慎其事移文驳查鹏举因以邦宁并请蜚语四起宝被重劾落职至是抚按会勘赃无的据请昭雪录用部覆许之当驳查时南仪曹王世懋移檄中府参军郑未封而邦宁生非嫡也无嫡立长何持两端繇是邦宁之议遂定

○升四川副总兵张泽佾书南京后军都督府事四夷州等卫夷人都督纳木章等并朵颜等卫夷人阿都赤等及外夷灵藏赞善王端岳坚咎遣使著巴答等各赴京进贡赐宴如例

○乙未以 穆庙恭妃李氏薨辍朝一日

○改南京国子监司业周子仪为国子监司业

○命已故武平伯陈大策男陈永寿袭爵

○授考选知县李涑户科给事中许一德陕西道御史

○南京吏部尚书潘晟都察院右佾都御史张岳等考察兵马指挥李克励等二十九员得旨为民闲住降调致仕俱如例内刑部员外包大燿原议浮躁改照不谨例闲住

○丙申 世宗肃皇帝忌辰 奉先殿行祭礼遣侯朱冈祭 永陵

○淮府嘉兴王薨逝生子载垆载垆一系擅婚一系滥妾例俱不得承袭部议郡王祀事不可中绝若概题口粮以庶人而奉王祀于礼未安欲将载垆降封为奉国将军日后止许嫡庶长子一人各以应授官爵奉祀不许奏请承袭王爵其余仍照擅婚所生事例不得请封从之

○先是成化间襄垣王仕<□土匱>与弟仕埭诤奏各降庶人时仕<□土匱>子成銳等先已授封成铎等以生在革爵之前已奏请报名亦准请封后以违例追革至是礼部覆言革爵子女无论革前革后不许请封盖指生于革之前后者而言其已封追革之议原未及也成銳等各子孙宜赐复本等爵禄成铎等仍照庶人例给与口粮冠带从之

○丁酉 贞惠安和景皇后忌辰遣伯王承勋祭 陵寝

○改南京刑部尚书赵锦为南京礼部尚书

○升巡抚湖广都御史陈瑞为南京户部右侍郎

○升巡抚南赣都察院右副都御史江一麟为户部右侍郎兼佥都御史总督漕运巡抚凤阳

○甘肃巡抚侯东莱三年考满荫其子世恩为国子生

○戊戌刑部言凡盗内府财物系杂犯及监守常人盗窃盗掏摸抢夺等项但三犯不分所犯各别曾否刺字革前革后俱照窃盗三犯律处绞命著为例○己亥升翰林院侍读张位为国子监司业

○补给原任礼部尚书吴山母夫人黄氏祭葬

○浙江海盐修塘工竣计筑海塘十八里用银十二万两乃叙录效劳各官巡抚徐栻巡道张子仁水利道陈诏同知黄清知县饶廷锡各升赏有差照旧管事原任巡抚谢鹏举守道朱炳如舒应龙知府黄希宪等各赏银有差

○以分守湖广镇筴参将吴子忠充副总兵分守四川松潘等处

○庚子升总督蓟辽都察院右都御史杨兆为南京刑部尚书 升顺天府府尹王之垣为都察院右副都御史巡抚湖广

○命御史于鲸巡按顺天 ○辛丑 上御皇极殿顺天府官进春群臣称贺

○是日金星顺行犯土星在斗度

○南京科道官詹沂陈王道等糾拾户部尚书殷正茂保定巡抚孟重大理寺卿宋仪望太常寺少卿方九功南京鸿胪寺卿王樵时九功先已处分命调仪望于南京樵致仕余留用

○壬寅 上讲读毕与辅臣从容论所讲酒告篇戒崇饮之说张居正等因言往者百官多以宴会妨废政事自罪郭子直等之后大小诸臣皆兢兢识业不惟不敢亦且不暇 上曰朕比奉 圣母慈训宫中宴饮一切省减往时设元宵灯火今岁悉罢之 上又言顷者星变占云应在吴地 圣母因念吴地数被水灾小民困苦欲将织造停免况宫中袍服不能尽御徒久贮笥中珠可惜耳居正从旁力赞之即谕户工二部朕念东南民力困敝苏杭织造病民前差太监孙隆查已派及手应织者织完回京其未派并应措处钱粮尽行停免地方官仰体朕敬 天恤民之意加意节爱不许借称上用横征苛扰

○录万历四年七月至五年三月宁远兴水等城堡阵亡被伤官军张大武等五十

五员名升赏如例

○以山都司掌印毛斐然充右参将分守湖广镇筴

○升山东副使吴道明为辽东苑马寺卿

○先是戊字库有各处民弓箭弦本色自嘉靖后改为折价已又改为解料于盔甲王恭二厂专官督造又以先年内库关领壅滞议即存贮两厂而以两厂内臣掌之至是库监欲仍角口羊本色厂造送库交收工部以为不便 上是部言止令军器仍送内库收贮其管库官有需索抑勒积弊巡视指实以闻 癸卯升兵部左侍郎梁梦龙为都察院右都御史兼兵部左侍郎总督蓟辽

○升湖广左布政使金立敬为顺天府府尹 升浙江左布政使蒙诏为都察院右金都御史巡抚南赣汀韶

○甲辰命翰林院修撰陈于陛充日讲官

○南京户科给事中傅作舟等论劾南京吏部尚书潘晟南京都察院右金都御史张岳以晟为其乡人兵部郎中吕若愚岳为其乡人刑部郎中包大燿互相属托党庇轻处宜罢斥以为大臣徇私者之戒御史陈堂又极论晟结恩报怨及在礼部干请诸贪鄙状 上令晟岳策励供职已而若愚亦革职闲住

○户部尚书殷正茂以人言再乞休 上令遵旨供职

○乙巳命给事中李天植御史赵焕巡视京营○升淮安知府邵元哲为山东副使专督河工

○丙午降南京都察院右金都御史张岳一级调外任岳前上疏劝居正奔丧及是自陈遂降调后有希居正意者劾其在南京违例滥费复冠带闲住

○降南京太仆寺少卿陈行健一级调外任以自陈议处也

○戊申录江西安远县黄乡地方官兵擒获贼首功赏通判徐廷辅等银各十两

○己酉先是淮扬庐凤四府徐和滁三州驿递额编站银二十三万九千六百八十余两至是因节省减编止编银十八万三千六百两其万历六年以前小民拖欠者命尽蠲免以苏疲困

○庚戌升延绥守备丁思忠充延绥游击○以河南都司佾书邓都掌山东都司事

○升兵部右侍郎曾省吾为左侍郎都察院右副都御史郜光先为兵部右侍郎以南京大理寺卿陆光祖为大理寺卿 升大理寺左少卿温纯为光禄寺卿

○户部奏进顺天府属本年分乾清宫庄地子粒银一万一千二百三十两有奇又未央三宫官地子粒银三万九千四百八十八两有奇

○辛亥先是扬州府城有夥盗劫财斩关而出至是潜入南都为逻者所获事闻上以贼情重大地方官如何隐匿不报命兵部参看

○壬子 上袷享 太庙

明神宗显皇帝实录卷之七十终

明神宗显皇帝实录卷之七十一

万历六年正月癸丑朔 上御皇极殿受群臣朝贺

○丁巳兵科都给事中裴应章题先是操江都御史张岳称强盗李七等劫掠扬州盐口各执铁斧攀城门渡江而去该地方官疏虞罪应罚治既奉 明旨申报乃盗发于十一月二十五日延至初旬以闻各盗称供三十七人甲文止开八九名数欺隐之罪实不容逃至两漕总督直隶巡按并不参奏相应并究 上曰你既知隐匿事情何不蚤行参奏及有旨下部乃于祫享日论奏塞责且不究下其章于所司

○戊午 上亲享 太庙○辛酉 上御皇极殿受朝

○升南京尚 司卿张焕为南京鸿胪寺卿尚宝司卿张孟男为南京太仆寺少卿大理寺右少卿饶仁侃为本寺左少卿左寺丞傅孟春为右少卿

○升巡抚福建右佥都御史庞尚鹏为都察院左副都御史协理院事□□原任巡抚陕西右副都御史陈省为南京都察院右副都御史提督操江兼掌巡江

○改原任都察院左副都御史刘斯洁为南京大理寺卿

○户部尚书殷正茂< 〇〇〇〇 〇〇〇〇 >乞休致不允

○以大同修完边工赏镇守总兵官郭虎按察使贾应元等有差

○癸亥升福建右布政劳堪为浙江左布政使湖广右布政刘志伊为左布政使

○以太子少保兵部尚书方逢时加太子太保复职管事逢时< 〇〇〇〇 〇〇〇〇 >辞不允○以原任巡抚南赣汀韶等处地方右佥都御史刘思问以原官提督军务兼巡抚福建地方

○丙寅升福建按察使朱奎湖广按察使秦淦俱右布政使

○升尚宝司司丞雒遵为本司卿本司少卿沈节甫为南京尚宝司卿

○升工科右给事中颜容舒为本科 中李天植郑秉厚户科给事中齐一 选俱右给事中天植仍吏科秉厚户科一经礼科九思兵科选刑科

○赏朵颜等卫夷人阿都赤等一百八十二员名段绢衣服不一都督等官长昂等二员加赐彩段绢疋以前来庆贺长至及□万寿节也

○兵部覆兵科都给事中裴应章等题称春防在即乞要通行申飭各边大率谓虜王西行辽左多警在甘宁诸镇当于所经道路设伏抚处尤要禁绝茶市堤防番族在宣大诸镇当虑主酋既行部落恐无约束更宜经略备御倍常加谨在辽左当防土蛮窥犯督率待战不得轻率贡市其勾虜属夷长昂等亦宜相机惩创各□节从之

○兵部覆议山西抚按官高文荐< 〇〇〇〇 〇〇〇〇 >称河南沔池等处人民聚众越省盗矿贻害民生请飭该地方官协力严行防守从之夫矿事之行入不赏 肖集易聚难散乃利害大关诘可轻言此严防之所以谆谆也

○兵部□巡按御史王民顺奏苏松常镇财赋之区而泖淞具区夙为盗藪该地方官务广行缉捕以安良民又捕盗规条如成化二十一年嘉靖四十一年万历二年各议

事例宽严得中惟隆庆六年吏部所议一款限数定罚责成过严反生规避若不斟酌似非弭盗安民之计请乞 圣裁 上曰捕盗之规照万历二年题准事例行各抚按官论劾功罪以此为准着再行申饬以便遵守

○丁卯上元节赐辅臣张居正吕调阳张四维等酒膳有差

○先是 上出画册二十六幅命辅臣分授讲官申时行等各职等是日恭进御览辅臣居正并所藏先臣李东阳题画诗 有差

○兵部覆凤阳抚按吴 卫所其沂莒等处虽隶山东实属直隶统辖盖欲唇 共为犄角具有深意但官军班操赴直则仰赖专在行粮苟沂莒等州县不与给发沂青二道不与催徵欲使各军枵腹上班安望其不脱逃留滞也今该抚按议改山东就近管辖俱应照议其未完应追军人工价姑宽限本年八月内完报从之○兵部覆题巡抚延绥宋守约称万历六年应修甃台二百座合用银四万一千五百两照依户七兵三事例本部该出银一万二千四百五十两于太仆寺马价银内户部该出银二万九千零五十两于客饷银内应动支給各道收买给发等项支用然工程浩钜边塞贫苦尤宜审时度势酌议裁省有旨如议

○兵部覆巡按陕西董世美奏陕西四镇俱与虏邻未款之前民被掳掠迫迫夷情既定华民思归如周满成等果系甘心投 但各犯招词前后互异兼之籍贯昭然不妨再三研审若别无奸计姑发原藉收恤以示怀集之意至于降敕俺答事关国体未可轻率轻取 上是部议如拟行○戊辰赐元辅张居正坐蟒胸背蟒衣各一次辅吕调阳张四维等斗牛蟒衣各一讲官申时行等本衣各一

○升山东左参政钱藻广东右参政蔡汝贤俱按察使藻湖广汝贤福建

○升光禄寺寺丞郑钦为尚宝司少卿

○己巳 英宗睿皇帝忌辰 奉先殿行祭礼遣宣城伯卫本国祭 裕陵

○庚午户科给事中李涑奏礼部以大婚纳采问名题奉旨命公张溶充正使大学士张居正充副使各行礼臣惟 皇上之留居正固以军国重事不可无社稷臣若大婚副使与经国筹边不同况肇举大礼以守制者行之将事违其宜非所以为观乞别简大臣任使以光盛典 遣命元辅奉 圣母慈谕且先朝大臣夺情起复的即照口朝参居官食禄今元辅都辞大礼一与执事有何不可这厮李涑借言离间欲阻成命好生欺肆且不究 上乃手札谕居正昨李涑说大婚礼不宜命先生不知出自 圣母慈谕先生忠孝不能两尽岂可以私请误朝廷大事小人包藏祸心每遇一事辄借言离间朕已鉴知先生还遵 慈命暂以吉服行事居正< 足 毓-金 >言 圣母慈谕实非外臣所知但吉凶异道变服从吉委为未妥恳 圣慈别遣大臣一员将事以光大典得旨卿只遵奉 慈命勿以小人之言自阻

○户科给事中李涑条陈治河五事一曰多浚海口以导众水之归夫徐邳而下黄河自西而东淮河自南而北俱会于清河口东南祈而历安东县出云梯关以入于海旧

甚深广嗣以黄水泥淤黄淮二渎皆无所归故其势不决徐邳而冲啮乎高宝诸堤至高宝诸湖浩荡无涯先时沿河之西多置塘岸以蓄盱泗诸处暴涨之水故湖以东运堤无恙乃今塘岸尽废而黄淮之水又悉飞泻于此是以全堤尽圯宜别勘坚实之地以多浚其口仍必自下而上渐去河身之淤尽于徐吕二洪而后止若淮安之南宝应之北计八十里每里建平水闸一座而高邮邵伯各加建平水闸十座闸下每开支河四五十处以导上湖之水入于堤下射阳等湖而盐城兴化沿海地方皆宜查其旧地多浚十余口以导射阳诸水而入于海二曰勤塞决口以济粮运夫自徐邳以至瓜仪皆为运河而皆赖堤以蓄水但自清口而浚至安东云梯等地多踰一二百里而自徐吕至清河又不三四百里山阳高宝诸湖必繇多闸始洩而采办闸石转运亦难浚导之功旦夕未竟其不涸漕而妨运者几希必多储桩草相度水势而急为之备然后可以无患三曰宜以江北全力治漕河不当以濒河穷困州县治漕河臣尝滥役宝应见其地道重伤而又有冲路之供应有养马之烦费及观扬州所属或有地稍丰收而又无驿递养马之累夫常赋之经各有定额诚未敢轻议若浅夫则因时增设且皆国事耳可无裒益以恤疲民四曰岁报钱粮以核< 〇〇〇〇 铨-金 > 凿之功夫< 〇〇〇〇 铨-金 > 河浚海建闸筑堤非百余万以上则难与经费非五年七年之久则无以成功总理大臣每岁终将用过钱粮修过工程逐一奏报其筑塞决口必视水势注海之机以为消息但能勤于补塞不妨飞挽者即为成功此于稽核钱粮之中而寓考成河渠之益也五曰优恤夫役以鼓劳人夫河工之苦朕朕狂澜之中跋涉淤淖之地且地皆荒野海滨凡饔飧等需有费二钱不得一钱之济者今宜从实估勘稍优其直以苏小民之苦至应得工银必须委廉能官依时蚤结仍察督小官不许假以别事剥削夫役章下所司

○辛未 上以大婚告 天地 宗庙命英国公张溶保定侯梁继璠驸马许从诚各行礼

○赐辅臣张居正脯醢酒果等物

○复除原任陕西右参政兼佥事徐节为山东布政司如旧管理密云兵备屯田事

○升总督漕运兼提督军务巡抚凤阳等处兵部左侍郎吴桂芳为工部尚书兼都察院右副都御史总理河漕提督军务 上以当事诸臣意见不同动多掣肘以致日久无功今以此事专属桂芳提督其选用部司等官及处置钱粮俱许便宜奏请已而桂芳辞免不允

○巡抚应天都察院右副都御史胡执礼巡抚湖广都察院右副都御史陈瑞巡抚陕西都察院右副都御史董世彦各以考察自陈不职求罢不允

○壬申升铜仁守备蔡兆吉都指挥佥事大同守备鲍崇德福山港都指挥同知蒋国忠俱铨注都司军政佥书

○兵部题覆巡抚山西都御史高文荐条陈战守机宜所称兵马议注守精衣械查器具访水泉修边城葺墩堡浚壕塹明赏罚等项有旨山西武备久弛高文荐既锐意振

扬各卫改属徽宁徐州海防三道分管则颍州道内不当复行开载至潼关卫隶在陕西西安府境内而军伍屯营考选军政俱在彼中与直隶抚按原不相干唯以零卫班军因附中都留守司统领以故责赴江北挂号不但道远人难亦且不便管辖且该卫接壤河南须附河南领班都司下统领发营收操庶为妥当一曰淮凤垦田金事原衔系淮凤两府部劄敕书具载续奉奏添徐州而割去寿州等州县则所当巡历者固在近题十八州而非初设两府意也相应行彼处抚按即将前项府州县境内屯田若有荒芜听与民间一体招垦在颍州徐州二道仍遵原奉敕书加意振刷查徵粮务不得因而推避本部仍行移翰林院两府二字改为等处以便统辖得旨运司分守官听海道委用着照旧行

○户部覆议直隶巡按御史王民顺称苏松四府今年夏秋之间大雨连旬潮水横溢高田仅可薄收卑下颗粒无赖重以赋烦役重民生不堪查该地方先荷蠲免并经抚按会题除已徵在官及借支外臣等覆议蠲免通前数一应起存折色共计银五十八万六千三百三十余两本色米二万九千九百一十余石爰养休息不为不至然所议仍行带徵者皆系内府布疋颜料与元年二年拖欠例不应遽豁者也又四府士民俱云各钱粮已完乃今查得见年应角□羊者考之额数不及十分之四即如金花一项额设三十六万五千八百三十余两止角□羊一十二万一千一十余两所欠尚多夫追徵之法必见徵俱完而后及于带徵所徵既急则角□羊必多以彼四府见徵者尚未能完角□羊纳如此之少去岁未完则今年又系带徵之数矣夫既已完徵又不完角□羊则公私俱病此诚何故若士民之论不可据则是有司于见徵者尚且迟缓而带徵一节或者犹非所急也今除金花等项无容轻议外至于元年二年各项本折暂准缓徵候至八年地方丰熟照数带徵角□羊完 上曰见年额徵已不完角□羊年复一年积逋愈多军需何赖这元年二年所欠姑暂免其余内府钱粮题准不免及见年应徵的俱要遵前旨上紧徵角□羊

○升蓟镇遵化游击张玠参将职衔管本镇巡抚下标兵营游击保定车营游击李迎恩充右参将分守大同北东路地方蓟镇黄土岭关署指挥金事卢盈科署都指挥金事充统领本镇德州春班官军游击

○丁丑 孝静毅皇后忌辰 奉先殿行祭礼遣武靖伯赵光远祭 康陵

○降陕西副使徐学古山东右参议以考察不及故也○户部题各边镇年例银两必待各督抚奏到题发必致延缓误事今将万历六年合用主客兵钱粮宣大山西辽东延宁甘肃易州等镇俱照经制旧数蓟永密昌等镇照近定新数各先行量发一半内将应发宣府客兵银内扣拨一万五千两径角□羊大同以备前项标兵支用仍移咨总督仓场太仓衙门将库贮折粮折草银内动支给发以备本年主客兵本折支用待后各该督抚奏到之日酌量扣抵报可

○升蓟镇冷口关提调李燧署都指挥金事铨注大宁都司军政金书

○戊寅户部题万历六年正月内预开七年分各边常设存积盐数照依时估定拟

斗头斤重召口俱令上纳本色粮草分贮紧要城堡专备万历七年主客兵马支用口人报中者不许过三千引输纳者不得过三个月务趁时召中不许折收银两其一切病口亏国者严行禁绝所有盐粮勘合每以二千引为一道本部差官一员前去南京户部关领给散各边仍置空白文簿发各边郎中主事收掌如遇口人报中验其实在钱粮数目明白登簿一并照簿填给勘合实收事完将簿送部转发各该巡盐御史收候稽查各边仍将中过盐引及收过粮草各数目按季另项呈报年终各具的确数目奏闻从之

○己卯 上御皇极殿传制以都督同知王伟长女为 皇后遣英国公张溶大学士张居正持节行纳采问名礼仍赐银币有差

○是日特赐张居正吕调阳张四维等金万喜字及银抹金喜字等物有差

○户部覆议处抚夷买马钱粮每年旧额户兵二部发银一万二千六百两户部该七千两外量加银八千两兵部该五千六百两外量加七千两共一万二千六百两合前通共二万七千六百两以充抚夷支用俱候秋季另行请发外其额例银两相应题请给发得旨准给

○辛巳 仁圣皇太后万寿节 上御皇极门受群臣朝贺诣 慈庆宫行礼赐大学士张居正等酒馔

○赏各王府进表官盘费钞锭及彩段表里

○升蓟镇提调郭祥署都指挥僉事充保定车营游击遵化守备许卿署都指挥僉事充本镇游击

明神宗显皇帝实录卷之七十一

明神宗显皇帝实录卷之七十二

万历六年二月壬午朔吏部覆议近南京科道官< 〇〇〇 铨-金 >论南京吏部尚书潘晟谓考察郎中包大燿吕若愚议处太轻本部覆奉钦依留用今御史郑锐又复追论前事夫晟性质敦厚学识优长自掌留铨益无訾议且既奉 明旨似难别议 上仍留晟供职如故

○户部题浙江一省旧欠京边钱粮积至二十余万若不分别年月久近量为徵免民何以堪今将节年兵饷除存县抵角口羊及募壮那移等项速补外其隆庆六年以前共未完一十二万余尽数蠲免万历元二年未完四万余每年带徵二分三四年未完一十一余万照数全徵万历五年以后并前项带徵全徵银两有司官不得拖欠从之

○改题督南京粮储户部右侍郎陈瑞职衔为总督粮储给敕付之

○礼科给事中齐世臣< 〇〇〇 铨-金 >论提督操江都察院右副都御史陈省不堪起用得旨陈省仍着在籍听用

○南京户科给事中王蔚参论南京太常寺卿管国子监祭酒事屠羲英乖谬有亏师范部覆本官任成均以来振饬改观未免生徒丛怨既经论列暂且回籍听用

○总督两广都察院右都御史兼兵部右侍郎凌云翼巡抚陕西都察院右副都御

史傅希摯各以考察自陈乞罢不允○癸未遣定国公徐文璧大学士吕调阳等行纳吉纳徵告期礼赐银币有差

○是日奉 皇太后慈谕三道一谓 上天地神人之主所系非轻须万分谨慎以为祈天永命之本一谕内夫人等 皇帝 皇后食息起居务要小心勤侍不可违慢一谓司礼冯保尔等亲受顾命所赖万分留心引君当道勿得顺从致伤圣德于是居正 < 䟽 疏-金 > 奏 慈谕敦切乞 皇上仰体圣心服膺明训亿万年无疆之庆实在于此谨录 慈旨三道付史馆垂示万世有旨 圣母之训朕当拳拳服膺尚赖卿等朝夕纳诲左右匡弼庶几有成

○兵部题松山酋首宾兔吉部落小市自万历六年改在高沟寨地方互市嗣后与铎尖墩每三年一次轮流开市盖以地瘠民稀为此更番以便人情但两处地方离边孰为远近全在督抚处置得宜使虏无异心居民不扰即为可行从之

○陕西巡抚董世彦条陈边务谓洮岷河阶俱与番邻各设参将有急听固原总兵调遣但相距千里遥制实难今洮州去河阶二州止四百里要将洮岷参将改副总兵河阶二路参将悉听节制官名稍异应援不难先因阶州番贼不靖官军调秦州卫礼店所步军凑伍然南北人不相习岷阶相近又习知番情即将本卫备御凉州班步军内拨四百五十名改调阶州驻劄其秦礼步军仍回原卫改凉州□得旨

○榆林镇静堡靖远营□地震

○甲申赐大学士张居正等银币有差以恭视写 皇后金册也○兵部题矿徒贻害地方盖繇河南山西二省奸民彼此结连责在咏州县掌印官 上曰今后凡有盗贼生发事关邻省者俱彼此协捕不得推诿僨事

○丙戌遣礼部尚书马自强祭 先师孔子

○升南京光禄寺卿胡价为南京右佥都御史提督操江兼管巡江

○西北虏贡市已竣赏陕西总督石茂华宁夏延绥二巡抚罗凤翔宋守约并总兵程九思等银币有差

○丁亥遣英国公张溶祭 大明于 朝日坛

○吏科右给事中王道成 < 䟽 疏-金 > 奏京通二仓米多陈腐不可食分散布花又复纸恶不如本折色间支使沾实惠户部覆京师居民环处全赖军士支领之米以给朝夕常见遇放折色月分米价辄贵况太仓折米又须积而能散今后月粮每年放支折色两月一在四月一在十月盖四月粮运涌集所带余米颇多十月粮运方毕上纳余米可买至应放官军冬衣月分似宜仍用本色姑待该库积贮布疋数多足给数年支放暂行折角□羊一年亦无不可 上是部议

○戊子 上御皇极殿整容上巾大学士张居正等恭视礼成各赐银币不一

○升太仆寺少卿陈联芳南京光禄寺卿有旨内外官员罚俸未满升官者事例何如行查明来说部覆得旨

○升司经局洗马许国为南京国子监祭酒

○升湖广都司掌印署都指挥僉事吴显忠充参将分守金山地方

○己丑 上御皇极殿以整容上巾礼成群臣致词称贺

○庚寅命国子监祭酒吕旻左春坊中允戴洵等俱充经筵讲官翰林院编修李长春朱赓等补展书官○巡抚南赣提督军务都察院右副都御史江一麟自陈不职 上令着遵新命供职

○初河淮泛滥漕粮甚艰科道官及总河诸臣建议或谓海运甚便或谓河道无虞纷纷不一至是户部覆议谓先年海运事宜一一规画停妥如每岁河道不梗仍从河运不然即照海运旧规成法酌量举行得旨

○户部题陕西花马二池产盐有限不足供西凤汉三府之需角□羊池盐积充盛即于本各地方食用为便报可

○福建八府立盐运一司每年额银入太仓仅二万二千二百两盐□陈公养请开增引一次遂添银至二万余两至是户部题为定例 上曰这盐引准开中一年若每年为常恐至壅滞着该抚按详议具奏

○辛卯 孝贞纯皇后忌辰遣抚宁侯朱冈祭 茂陵○ 上谕大学士张居正等昨辽东报捷正行嘉礼之时 圣母甚说一应叙录宜从优厚居正< 〇〇〇〇 毓-金 >奏今次边功出塞二百余里斩获四百三十彼之精锐咸就歼夷我之损伤止于一卒该镇立功诚为非常俟兵部题覆臣等遵谕从厚拟赏

○升协守甘州左副总兵陈锐署都督僉事充挂印总兵官镇守甘肃地方

○申时桂林府临桂县江头村田中土忽拥起青烟一道直上地随裂丈余地内鼓声响陷民房十余间大树大石皆陷入地

○壬辰斥辽东行太仆寺少卿兼海州兵备僉事张世胤冠带闲住

○录荫总督仓场户部尚书谢登之男城为国子生

○太子太保礼部尚书吴山卒赐祭葬如例赠太保山江西高安县人繇进士授翰林院编修历升左春坊赞善庶子太常寺卿管国子监祭酒事以太子太保礼部尚书兼翰林院学士考满加少保致仕取后起官南京久不赴任 先帝令其致仕卒之后因循不敢言至是子一惺< 〇〇〇〇 毓-金 >请故有是命

○以广东管雷廉参将事游击杨瑄代患病参将督理阳电海防兼管地方陈典职衔

○兵部题南直隶安东盐城睢宁宝应四县见养种马七百五十四匹暂准变卖每匹估价十两收完角□羊寺仍照先年题准事例每年徵角□羊草料银一两并卖过种马空户存留在藉俟年岁丰熟如旧买养种马

○录万历五年十二月内堵截土蛮连把亥犯边获功被抢官军王大章等各优恤如例

○改中都留守司军政僉事署副留守杨为栋署都指挥僉事充湖广都司军政掌印官○巡按福建御史□为正奏称本省滨海密迩岛夷顷倭寇窃发尚募他省之人以充战守况各军生长于斯熟知地里惯事舟楫选之以当水寨之役较召募实为便益部覆如议

○癸巳 上御经筵

○升刑部郎中魏勋为通政司参议

○甲午都察院右僉都御史王篆自陈不职不许

○各镇引盐原有定额□人中纳唯利淮盐盖淮盐每引官价银五钱浙盐每引官价银三钱五分两处运司拨卖价值又贵贱不同所以□人牟例或淮多浙少或淮浙搭配以为生息先是宁夏浙盐壅滞固原积贮有余故那盐易银而固原遂加浙盐一万五千引又辽东连岁用兵固原时值无事故减此益彼而固原遂少淮盐四千引至是陕西巡抚董世彦奏称本镇浙多淮少□不愿中乞复旧例部覆如议仍言两淮引目既无壅滞而万历二年奸□刘威等复架为河盐之说其阻坏盐法祸有不可言者合行申饬以示禁绝有旨这镇盐引依拟改派河盐停止不行再有奸□夤缘奏扰的重治不饶

○辽东建州左卫女直夷人都督等官松塔等九十九员赴京朝贡赏衣服如例

○乙未升兵科都给事中裴应章为太仆寺少卿大理寺右寺丞褚鈇为本寺左寺丞云南道御史刘良弼为大理寺右寺丞

○升工科给事中刘铉广东右参政分守岭西

○升山东僉事刘凤朝辽东行太仆寺少卿兼僉事整饬兵备兼管屯田

○巡抚贵州都察院右僉都御史何起鸣自陈罢职 上命巡抚如旧○吏部覆巡按广东御史龚懋贤江西御史李学诗各< 疏 金 >严惩贪吏以安民生夫贪赃之吏多出有材方其新任逞能炫奇巧取名誉上官不廉其实一加奖荐遂肆行无忌钱粮倍加羨余起税搽括无算铺户供应苦赔词讼折赎太滥指称公费半入私囊守巡畏其中伤若罔闻知而巡按恐有操切之议不尽搏击漏网者多今后访有贪酷大著提问从重归结至罢官回籍规利害人并听抚按详察以治其尤 上曰朕奉天子民恒恐一夫不获屡旨惩贪进廉以饬吏安民乃抚按官不着实举行及奉旨驳问便说朝廷用法太严人不能堪上泽何繇下究今后抚按官都着严察奸贪访有实迹的不论官职崇卑出身资格即便参奏拏问治罪然不许因而报复讎怨其所奏革羨余铺户等项依拟着实行

○丙申巡抚福建都察院右僉都御史庞尚鹏自陈不职乞罢不允

○兵部题蓟辽防御事竣应录用镇守总兵官李成梁等六十七员应革任辽阳副总兵傅廷勋等五员应调杨四德等八员得旨傅廷勋等着革任回卫余依拟近各边举荐太频且卑官小职只宜照常咨部录用乃列在荐续至数千百人亦为烦渎你部可酌议来说如旨覆奏 上曰举劾精明乃足劝惩今后各督抚巡按官系升任交代等项照

例举行其秋防春汛非实在用兵及事体无甚关系不必渎奏

○丁酉以翰林院侍读朱赓充日讲官兼经筵讲官

○升刑部右侍郎潘季驯为都察院右都御史兼工部左侍郎总理河漕兼提督军务○升礼科右给事中张孙绳陕西副使山东道御史詹贞吉浙江右参议湖广道御史王民顺浙江道御史邢玠俱佥事民顺山东玠河南

○覆升临巩兵备副使李尧德右参议职衔仍管本道事

○升陕西庆远守备王尧臣署都指挥佥事铨注本都司军政佥书南京大教场署指挥佥事侯熊量署副留守铨注本司军政佥书

○是夜戌正三刻月食

○先是南京盗靳成盗内库银一千一百二十七两奉钦依监追完日发遣所经二年未完所司题请有旨奸犯盗库银两数多监追二年分文不纳却只年年改限岂成法纪今限姑准再改着依限严并完赃发遣不许仍前宽纵○戊戌免山东兖青登莱府属沂费剡城莒州昌邑即墨莱阳文登等州县自隆庆二年至万历二年未完存留麦米一百五十一万四千一百三十一石八斗七合四勺三抄七撮五圭二粟一粒六微

○升广西都司掌印署都指挥佥事夏尚忠分守雷廉二府海防参将大同入卫游击屈渐伸分守山西太原左参将副总兵管分守大同新平三堡参将王国勋协守甘肃左副总兵

○恭仁康定景皇帝忌辰遣惠安伯张元善祭陵寝忌辰原在次日以举行大典改前期也

○调陕西右参政吴善言为山西布政司职衔如旧

○巡抚云南都察院右副都御史王凝自陈不职不许

○西海虏酋丙兔台吉等九名贡马十匹赏如例先是贡八匹永为定规至是加进二匹部议今次姑与给赏以后不得过多庶约誓一而贡市可久 上是其言

○庚子 上御皇极门传制遣英国公张溶充正使持节大学士张居正等捧制敕册宝行奉迎礼礼成溶等复命各赐银币

○辛丑 率 皇后行朝见 两宫礼

○是日谕内阁朕大婚礼成仰□ 两宫圣母鞠育教训之恩宜加上尊称以少伸孝诚卿等拟敕谕礼部遵行

○壬寅 上率 皇后诣 两宫圣母前行谢恩礼 皇后诣 上前行谢恩礼毕上御皇极殿以册立 中宫诏告天下诏曰朕惟两仪之位承乾以坤万化之原繇家而国君听外治后宣内教此 天地之大义也朕恭膺 天命嗣守 祖基夙夜兢兢欲保兹历服传之世世眷惟大婚之礼所以昌祚基化人道重焉迩者 圣母仁圣皇太后 圣母慈圣皇太后特谕所司简求令淑作配朕躬仰遵 慈命谨昭告 天地 宗庙于万历六年二月十九日册立王氏为 皇后正位中宫以共承宗祀奉养 两宫肇风化

于九围绵本支于万世布告中外咸使闻知

○是日清明祭 长陵 献陵 景陵 裕陵 茂陵 泰陵 康陵 永陵 昭陵遣保定侯梁继璠丰城侯李环靖远伯王学礼南和伯方焯庆都伯杜继宗各行礼遣新建伯王承勋祭 恭仁康定景皇帝陵寝遣内官祭 恭让章皇后及废后吴氏遣都督金事沉至祭 哀冲 庄敬二太子各陵园

○癸卯 上御皇极殿百官上表称贺

○是日命妇朝贺 中宫

○以大婚礼成赐辅臣张居正等银币○命修撰黄凤翔编修王弘诲刘城管理文官诰敕

○传旨册刘氏为昭妃杨氏为宜妃礼部具仪择日来闻

○甲辰 上谕内阁朕遵上 两宫圣母徽号内库缺乏卿等传与户部光禄寺各十万进用

○以日讲官朱赓充记注起居官翰林院侍讲张一桂为编纂章奏官

○升吏部稽勋司郎中杜友兰山西右参政

○乌思藏阐化王男札释藏卜差番僧来西海见其师僧活佛在西海与顺义王子孙等说法劝化众达子为善因托顺义王俺答代贡方物请敕封礼部覆议帝王之驭夷狄每因其有求而制其操纵之术乘其向化而施以爵赏之恩今札释藏卜等乃以毡裘之类知慕天朝封号之荣化桀骜之群俾尊中国贡布之约顺义王俺答能使相率归化复代贡请以效款诚即有苗之格舞干越裳之至重译不是过矣合无依拟授职赏赉上谓番僧向化抚虏恭顺可嘉因各授大觉禅师及都纲等职赐僧帽袈裟及表里食茶彩段有差

○乙巳减万历六年河南滏阳邺城等五十六驿马驴兹磁州时和等三十八递运牛夫及协济等项编银十万二千七百三十八两止实徵银三十万五千七百九十四两遇有闰月照例加派其见贮在库余银二十三万九千八百六十四两内将一十五万二千八百九十七两准作万历六年春夏二季正支本年止徵二季外仍剩银一万五百一十七两照数收贮库待后积多足给一年之用再议免编并备灾荒不敷之用仍咨浙江抚按衙门额计河南马价银两照原编数目均减四分之一每季共减派银四千九百四十两止徵角□羊银一万四千九百 永为定例□丙午礼部题上 两宫圣母徽号仪注一钦天监选择三月初六日辰时上 仁圣懿安皇太后徽号初七日卯时上 慈圣宣文皇太后徽号一本月初四日遣官祭告 天地 宗庙 社稷用祝文酒果如常仪颁告天下奉旨如所拟

○户部题黄淮为患总理河漕吴桂芳已于正月十八日兴工筑堤数万之夫云集待哺银粮不可一日有缺所请南京户兵二部库贮粮剩马价银两各支一万两及户部速将见年每帮漕粮奉请准留八万石行漕运衙门分贮沿河各仓支用从之

徽号礼成之后回籍送父归土即依限前来供职以毕臣图报之怀有旨卿受遗 先帝辅朕冲年兹嘉礼初成复奉 圣母慈谕惓惓以朕属卿岂可暂离况前已遣司礼官营葬今又何必亲行宜遵先后谕旨以安朕与 圣母之心乃为大忠至孝所请不允

○升山东副使陈蕻为陕西右参政

○庚戌居正复奏臣数月以来含恻饮泣计日以俟嘉礼之成冀以俯遂初愿臣岂不知今日之归无益臣父臣之死且重荷殊恩特遣重臣为之造葬臣今虽去亦复何加但区区乌乌私情唯欲一见父棺送之归土以了此念今臣父归土有日伏乞 圣恩蚤允给臣数月之假俟上 两宫圣母徽号礼成即星驰回籍一视窀穸因而省问臣母即扶持同来得旨朕览卿奏情辞益迫不忍固违准暂回籍襄事还写敕差文武官各一员护送葬毕即奉卿母同来该抚按官仍将在籍起身日期速差人奏报于是居正

< 銙-金 > 谢言臣昔急切求归祇欲思亲今违离有日又不胜恋主拟候 两宫圣母徽号礼成之后乞特赐召见于便殿一睹 天颜面陈微悃而行 上曰待卿行有定日朕于文华殿召卿面辞

○减陕西镇原雒川宜君灵台静宁陇西通渭各州县站价银两共七千二百八十六两五钱七分其新添军士令报部知会此外余银布政司收贮不得别项开销

○铸江北应天等四卫仓监收委官关防一颗○户部覆南京户部尚书毕锵题江营选锋口粮即于简汰游兵饷内支給以后选锋饷粮不足仍于瓜州梁头税银凑用俱听操江衙门批行从之

○升应天府尹程嗣功为南京户部右侍郎总督粮储

○调补原任山西副使蔡叔逵山东副使整饬海防

○巡抚甘肃都察院右副都御史侯东莱自陈不职不许

○以司礼监太监冯保原荫侄邦宁升五级不为例王臻张宏各荫弟侄一人为锦衣卫百户

○刑部覆刑科给事中姚学闵条陈窃盗徒犯通应查复为便恭候命下咨都察院转行各省直问刑衙门凡犯徒该二年半以下俱依旧制与徒五年总徒四年并三流迁徙减徒者俱定发摆站年限满日释放有旨这充徒人犯都照旧行以后凡事干典制的俱不许妄议违者以变乱成法论

明神宗显皇帝实录卷之七十二

明神宗显皇帝实录卷之七十三

万历六年三月壬子朔以恭视写篆 仁圣懿安皇太后 慈圣宣文皇太后册宝赐辅臣张居正等各银币有差

○截留本年漕粮八万石分贮沿河各仓听河漕衙门支用其遗下轻赍等银仍照数类角口羊济边

○户部劾奏直隶州县卫所等官侯国安等二十八员未完七分以上降二级二分

以上住俸仍咨吏兵二部知会未究钱粮各抚按并巡青科道及屯田御史严行各兵备督粮道责令立限追徵完角□羊无得怠缓从之

○刑部主事管志道上言窃观今之时势多以末流事例为纲纪而不究法之所从来以牵合世情为中庸而不虞弊之所底止及今不拯后不难图臣谨撮其紧切重大者为七条以献一曰复议政之规 祖宗时多御午朝于左右顺门大班既退群臣更进言事辄至夜分今宜仿其遗意如三六九日蚤朝则一四七日午朝不必百僚齐集唯内阁辅臣与六部都察院通政司大理寺詹事府翰林院五军都督府各堂上官掌印官俱造御前其部院卿二督府金书以及太常等寺诸卿分日轮流以参谋议其翰林院讲读各部郎中六科十三道中书舍人等官每日或轮二员或轮四员六员分班侍直以备纪录传事参驳等事而起居注常不离左右之列而欲径至御前建白者亦听其随班挨奏不致壅遏凡有大政事该会议者令该衙门先具事繇送御次日午朝公同面议取自 上裁次日补本存照二曰务讲筵之实臣查得弘治初少詹事杨守栋进讲学听政

< 〇 疏 疏-金 > 其言谓大小经筵必择端介博雅之儒臣侍班进讲听讲之余凡有未明辄赐清问凡四书五经 祖宗典训及历代诸史百官题奏皆当聚之文华殿后日轮内阁大臣一员讲官二员使居前殿之右厢一日之间居文华殿之时多处乾清宫之时少则欲寡心清理明惑祛斯言也正今日之所当亟行者也又查嘉靖初詹事霍韬奏劄世宗首召户部问 祖宗朝岁计赋税所入几何内府需费百官廩禄军士粮饷三边供应藩封禄米内官月粮凡几何较之今日岁计所增几何所减几何次召吏部问中外文职几何次召兵部问天下军职几何次召礼部问宗藩内□几何次召工部问监局岁费物料几何各以 祖宗额较之今日加增几何命六部皆具大数揭帖朝夕观览则所以恐惧樽节者自不能已斯言也亦今日之所当细究者也三曰辟进言之路国初言路甚广而后专其责于科道其始以三途类选给事中等于中书舍人而御史多升各部主事待之不若甚重而当时顾多直节敢言之士厥后渐重其选至弘治中令于行人博士推官知县教官中选其历练老成者除补而跻之部属之右其重比国初加倍而直节敢言之风寝不如前何也 先朝不重官而重言故人争奋于言近代不重言而重官故人争保其官以 陛下之明达诚宜追 祖宗朝盛事开张圣听博采谏言仍命大臣公心参订至于< 〇 疏 疏-金 > 下该科不问其覆与不覆刻期送史馆编辑以备证据然不除言官之廷杖言路终不得而开也人臣进言孰非为国言虽过当心亦可原愿 陛下万勿以廷杖加诸言官而镇抚司亦非拷掠言官之地即有以言得罪下诸法司务问情实倘罪不可宥律例自有明条死宜瞑目况生者乎四曰公铨擢之法国初用人不拘资格近臣间出于外僚而言官序迁常不得先于部属予中有夺抑中有伸颠倒豪杰莫知端倪今日宜师其意敕下吏部勿泥近例而尽废旧额勿阿华要而轻略才贤百凡铨擢常使内外内均停而久任超迁之法仍并行而不悖豪杰有不思奋乎然不间行荐举之条则实行必不振不永停纳粟之例则仕路必不清进士岂必定足三百举贡须令及时效用

文职自正统后添设者可量行裁减而毋折庶僚之实俸武职从靖难承袭者当严行比试而别收额外之异材顾行之有渐处之有权非可轻议耳五曰处宗室之繁今之亲王所谓百世不迁之大宗今之郡王将军所谓五世则迁之小宗也亲王世袭封无疑矣郡王而下当从迭降之议自奉国中尉而下当开四民之例在宗人秩内者王府统之与之入宗学而不与之开城禁在庶人数内者有司治之与之开城禁而不与之入宗学盖虚应世袭之名而无实俸何如迭降而得全支之为乐也虚列宗人之数而不聊生何如编氓而容人仕之为快也此宗列之所未及而今之所当亟图者六曰定河漕之策今京师专倚江南四百万石而驱之冒不测于海运之中其军若民之稍爱身家者必复转倩海滨亡命以应役何异借寇兵以赍盗粮且示人以从海窥燕之路矣臣谓河纵决溢梗运不过一二年而今西北尚宁京储可支数岁曷若乘此机会暂停一年粮运约以若干资河工以若干赈饿孳存留若干以兴三吴水利蠲豁若干以苏息穷民倘次年尚未通漕则量徵仆伍暂行转搬有何不可然臣惟国家都燕不宜专倚南税即使漕运愆期而北方亦足自贍乃无后虞则屯田水利恐未可以为迂而不讲也七曰社边陲之衅迹者俺酋款塞则从请封土蛮邀求则议力拒诚制虏大机乃闻三镇马市年例之外诸酋踰限请乞督抚虞于挑衅辄克军士之粮以易垂毙之马我军既困于追赔又疲于工役心日离而气日索万一马市之时乘虚而动何以制之议者谓及今衅尚未萌一面储材蓄锐以备不虞外亦复以计约束俺酋不令违时挟众以扰我疲卒可乎土蛮数犯辽东往往得志近斩获四百余级可谓差强人意乘此军威稍振之日聚粮训卒预为捣巢可乎夫东虏气折西虏亦寒心矣今督总宁无此意而犹重有虞者恐功未成而衅先启也非圣明披剔积习日进当事之臣讲求边略何以善其后哉议下所司

○是日榆林卫地震

○升南镇抚司佥书冯邦宁都督同知注右府带俸佥书管事照旧以冯保获功也王臻张宏荫弟侄一 为锦衣卫百户臻宏各协赞有功

○癸丑 上御经筵

○是日 上诣 慈庆宫上奏书伏惟 圣母仁圣皇太后陛下德同坤厚慈若春温诞保惠于冲人用允升于至治尤念宗祧之重特勤贤淑之求肆嘉礼之告成庆徽音之有嗣恩莫酬于高厚情敢后于揄扬祇求彝章博稽舆论特以三月初六日恭率文武群臣奉册宝加上尊号曰 仁圣懿安皇太后伏异 尊慈俯从微悃茂膺显号箕畴歛五福之徵永介繁禧轩历衍万年之祚臣不胜惓惓之至谨具奏闻 上复诣 慈宁宫上奏书云仰惟 圣母慈圣皇太后陛下天授睿明性成仁孝蟠根仙李配 皇孝而已叶贞符入户玄云诞眇质而弥彰瑞应肆在初之胎哲即以正而养蒙七载于兹万邦其又兹者法二仪而定位备六礼以升贤眷家室之攸宁仰庭闈之多豫爰稽旧典申讲庆仪将以三月初七日恭率文武群臣奉册宝加上尊号曰 慈圣宣文皇太后仰期 慈鉴诞受崇称大书不一书播徽音于有永得名必得寿绥繁祉于无疆臣不胜惓惓之至

珩璜每切鸡鸣之傲俭葛覃而仁樛木果符麟趾之徵拥佑菲躬纘承大宝祉履方隆于燕喜褒章未悉于鸿名顷奉 睿慈简求令淑鼓钟琴瑟既谐乐得之心衡鉉紘紃有相吉蠲之礼式光内治爰举 上名虽荡荡无能名莫窥博厚而业业致其孝勉极形容谨率文武群臣敬奉册宝加上 尊号曰 仁圣懿安皇太后伏愿受天之祐如月之恒谋翼子而诒孙椒寝兆蕃多之瑞教正家而及国萝图增巩固之麻臣诚欢诚忭稽首顿首谨言居正题臣惟祖宗旧制亲王冠礼后即出阁读书今 皇上嘉礼 圣母庆典俱成天气清和正宜举行此礼臣谨查 先朝旧典拟传帖上请其合用书籍器物及讲读仪注容臣次第题请施行次日 上谕礼部潞王出阁读书即行钦天监择日合用讲读官吏部选来已而授进士董樾等为翰林简讨充潞王讲读官

○升大理寺左少卿饶仁侃为南京太仆寺卿

○礼科都给事中林景旻题近日以来朝仪不肃人心滋玩入掖则互叙寒暄声闻上彻及至丹墀则转相回顾嘻笑自如侍班而唾涕不已序立而倾跌失容甚至称疾偷安任情高卧序班顾惜而不糾御史容隐而不举是可欺也孰不可欺也他若朝天宫习仪虚位所当钦也乃輿骑直驰于中道厮徒嚣杂于两庑承天门颁诏纶音所当重也乃未开读而奔逸以避雨方入班而偃蹇以愆仪救护则携茵褥以自随祭祀则拥仆从以相掖他至燕会以合欢优戏以作乐凡若此类苟不严为整饬何以挽颓风哉礼部覆如景旻议从之

○戊午 上御皇极殿奉册宝躬率文武群臣诣 慈圣宣文皇太后宫恭上 徽号行礼册文曰伏以期谐凤卜幸嘉礼之告成庆集燕诒溯深恩而罔极祇揭 徽称之显赫于昭至德之先华恭惟 圣母慈圣皇太后陛下明哲端庄安和贞顺序鸳鸾而奉圣应覆云怀月之奇袭笏簪以钟灵表绕电流虹之瑞诞兹眇质获嗣丕基思 先皇顾托之言以劳爰子念冲人凝承之重式谷如师壶教聿彰 母仪维则在女中为尧舜跻海内于唐虞顷廑 慈念以重 宗祧爰简硕媛而仪家室考涂山暨有莘之烈固内助之多劳若涓涓嗣大任之音实前徽之重赖匪推崇于圣善曷著顺于明章庸竭悃诚强石高厚谨率文武群臣敬奉册宝加上尊号曰 慈圣宣文皇太后伏愿茂膺显号永介繁禧寿考康宁五福歛龟畴而咸备子孙绳蛰万年绵凤历以弥昌臣诚欢诚忭稽首顿首谨言

○以恭上 两宫徽号礼成赐辅臣张居正等银币有差

○减山东编驿传银两自本年为始每年减银七万四千二百五十七两九钱零止实徵一十三万六千六百二十五两五钱三分零永为定例其节年未完站银自嘉靖三十一年起至隆庆六年止共六万一千七百七两八钱六分尽数蠲免万历元年起至三年止共银四万二千一百六十六两六钱七分每年带徵二分与前扣存秋冬二季银四万二千一百一十一两六钱五分及见徵数内每年支剩余银二千一十七两九钱角□羊府登库如遇地方灾荒即以前银抵补

○考试御史罗应鹤等十三员各准实授余者再加练习听考

○己未以恭上 两宫徽号礼成 上御皇极殿百官上表称贺是日遂诏天下曰朕惟帝王之孝莫大尊亲稽我 祖宗列圣致隆所尊显号鸿名有加无已孝思维则俱有彝章朕嗣统之初属在幼冲罔知攸济惟我 圣母仁圣皇太皇 圣母慈圣皇太后拥佑诲迪备极劬劳七载于兹万邦作又岂予寡昧能胜负荷实赖我 圣母洪仁懿训之所致也溯惟恩德莫罄报酬兹当嘉礼之成益笃 慈帏之庆谨稽旧典申荐徽称祇告于 郊 庙 社稷率文武群臣奉册宝加上 圣母仁圣皇太后尊号曰 仁圣懿安皇太后 圣母慈圣皇太后尊号曰 慈圣宣文皇太后显揭鸿名于宇宙于昭至德之光华爰霏明恩用覃广爱所有合行事宜开列于后呜呼礼协义而称隆式备尊亲之典孝因心而广爱洪敷锡类之仁播告寰区咸宜知悉

○是日百官上表称贺命妇贺 两宫圣母各有表

○加恩外戚伯陈景行李伟各岁加禄米一百石原荫男陈昌言嘉言李文全文贵各升二级都督李鹤升二级都给应得诰命照旧带俸

○以写诏书成赐辅臣张居正等中书徐继中等各银币有差

○命翰林院编修沈一贯仍充日讲官

○庚申 上视朝

○吏部尚书王国光条陈八事一曰采实政二曰禁投揭三曰别繁简四曰议调处五曰恤卑官六曰停加纳七曰责守令八曰重捕官得旨览奏深切时弊有裨铨选务着实行捕官有地方之责若不注定文凭恐有事相诿还照旧注选但拣精壮有干局者升授不称职的着抚按径行问革

○升提督四夷馆太常寺少卿杨俊民为大理寺少卿

○遣礼部侍郎林士章陪朝鲜陪臣黄林等宴以赴京进贡故也

○工部覆河南巡抚官周镒等称郑府殿宇等处倾圯率多不堪摘其紧要应葺者仅及三分之一斟酌会计应动银两支给该府自行樽节修理仍令各府不得援例从之

○辛酉赐大学士张居正敕曰朕惟自古绍庭纘绪之君必有宅揆保衡之佐功每崇而勿替治乃进于无疆卿历事 三朝咸有一德受遗 皇考笃棐冲人坐待仰思不敢少遑于夙夜殫心毕力惟薪有利于国家兹 祖宗列圣皆鉴知实 社稷苍生所倚赖忽莹莹而在疾辄恳恳以求归朕固恻矣其靡常义则断乎其不可爱稽故典勉抑孝思听辞常秩之颁仍总繁机之断方赞成于嘉礼乃叠奏于封章特允暂还涣颁异宠导卫备官于文武骏騑驰传于往来待灵輶之就封奉扳輿而共迈是宣敕谕用示深里钦哉故谕已又特降手谕云先生此行虽非久别然国事尚宜留心今赐帝赉忠良银记一颗若闻朝政有阙可即实封奏闻外奉 圣母慈命赐路费银五百两纁丝六表里朕赐亦同先生钦承之故谕 仁圣皇太后亦遣中使赐居正路费银三百两纁丝四表里于是居止各具< 錡-金 >奏谢 上曰卿未行朕已悬望宜蚤襄葬事星驰赴京

伯一应恩典俱准令甲不得徇情冒滥有旨这恤典事宜既酌议停当著为定例遵守

○上潞王出阁讲读仪注○甲子 上视朝

○是日大学士张居正出京 上遣司礼监太监张宏郊送赐甜食点心各一盒

○改南京吏部尚书潘晟为礼部尚书升礼部右侍郎兼翰林院侍读学士姚宏谟为礼部右侍郎兼官及经筵讲官如故

○升应天府府丞陆树德为南京太常寺少卿

○南京给事中王良心等试御史张一鯤等各< 銮-金 >顷者 皇上嘉礼告成荷蒙 圣母慈谕劝勉 皇上修德保身复敕元辅张居正纳诲辅德又谕太监冯保调护辅导薄海内外莫不举手加额曰洋洋圣谟真社稷无疆之福也然人情虔始易励终难臣愿 皇上一心懋学勤政咨访老成 母训臣谟时时在念庶几君德成就而治功可成臣等又闻古圣王之事亲常朝者三问衣问膳必安而后色喜今 圣母虽还本宫其心必有不能释然者尤愿 皇上定常朝之仪孝养之礼视昔益隆则进见以时可遂天伦之乐而定省不旷益申孝子之情 上嘉纳之

○户部题凡天下财赋贮之内库者专备制作赏赉之需而宫中之用咸给之其贮之太仓等库者专备馈饷徵调之需而国中之用咸给之古之为国常有九年六年之积今太仓岁发各边主客兵年例等银二百六十余万两其在京百官六军俸粮及营马料草口价等项亦不下七八十万两每岁所入仅足敷用况三年九年之积乎至于光禄寺银专供祝享膳羞饩廩日逐支放不容少缺各处角口羊纳亦多拖欠且天下各府钱粮除岁粮徭银正赋外如盐课口税事例赃罚等项搜括殆尽别无生财之方唯有节用一事为今日切务在本部各项应支亦容臣等悉力经画多方裁省不敢滥费从之

○乙丑户部覆南京户科给事中傅作舟奏为南京百官朱票朱封纷买货物以致上江二县铺行买办陪累不少臣今拟为四款上请俟命下之日着各衙门施行一议革重纸以苏众行夫重纸铺行原供 孝陵支用包帛国子监春秋二祭兵仗局药线数项取未不多价亦不少后缘各衙门公用以致赔累攀殷实户帮贴多至八百余人今尽行查革有行者仍归本行无行者径革不编一革去殷实以清弊源南京殷实原无货可居止因铺行消乏攀扯帮贴今后务要买物当行不得更立殷实名色以累居民一定期编审南京铺户五年一次编审乃有奸人夤缘率多过期有至十五六年不审编者今定限五年一编径自举行编完之日题知青册送部庶不稽迟其应立铺户应办物料轻者轮流承当重者通融应役庶不偏累一时给价以勉赔累夫物输于官有借贷使费之烦即给领以时已非民间贸易之比而况不必然哉今后南京户工二部将各行应办之料量其多寡少者先价后料其多者如合丝红花之类分为数次给价庶各行无贷支之苦而官府亦免侵渔之弊矣一戒取索以杜贪残南京各行既有领价之难搭货之损各物料办齐各监局官多立名色以恣侵渔今后一应进供物料验中即便收纳仍严约束库局官员并家人等役有仍前放肆勒取常例者许科道官参究得旨○户部题宛大二县铺

户无分势要之家逐一审查不许妄告优免仍酌各行资本定为三则照数徵银务使各得其平至投册审户该府县五城兵马详加查核毋得隐匿及违慢等情至于书皂工食造册纸张供应等项原系铺行答应不无骚扰合行裁革从之

○武宗毅皇帝忌辰 奉先殿行祭礼遣官祭 康陵

○升宣府入卫游击署都指挥佾事张刚充提调宣府南山地方参将管蓟红山口关提调事以都指挥体统行事署指挥佾事王添职署都指挥佾事充总督蓟辽保定军门标下右营游击

○丙寅 上手敕谕辅臣吕调阳等曰朕冲年践祚凡事都赖元辅卿等所知今暂准给假 应事务都宜照旧若各衙门有乘机要行变乱的卿等宜即奏知处治大事还待元辅来行调阳_{（即 毓-金）}奏伏奉 圣谕仰见我 皇上任贤守法至意臣居正殚心竭力赞襄七年百度晋已就绪无容变更有司庶府奉法唯谨当无敢或乘机变乱者有则臣等即为奏处治遇有事情重大费处分亦先奏闻 皇上待居正至日定议请行

○丁卯改南京礼部尚书赵锦为南京吏部尚书

○升詹事府詹事兼翰林院侍读学士掌院事王锡爵为礼部右侍郎兼官及经筵纂修如故锡爵以病辞不允

○起原任太仆寺少卿辛自修为应天府丞

○先是昌平州分为十六里至是抚按官奏称本州两经虏患又 陵寝重地供亿浩费将广位康安率勤三里归并附近里分止为十三里一应钱粮俱准蠲豁

○赐益王厚炷恤典及妃吴氏合葬如例

○戊辰 上御文华殿讲读

○封楚府华奎为楚子管理府事

○河南南阳地方乔济时聚党龚志尚等以左道惑众捏写帛符置造器械未几成擒而志尚等脱逃无踪所司奏闻得旨乔济时即便梟示龚志尚仍严限缉捕务在得获近所捕剧寇多系妖言煽乱通行地方严禁如有来历不明即便擒究

○庚午 上以尊上 徽号礼成恭请 两宫圣母会宴于乾清宫

○起原任国子监祭酒余有丁为詹事府少詹事兼翰林院侍读学士掌本院印信

○调广东右参政刘铉为湖广右参政兼管岳永等处兵备

○升贵州右参议刘世赏为广东副使管理练兵兼督海防○户部题覆总督宣大兵部右侍郎兼都察院右佾都御史吴兑等奏迩虏款日坚客兵无烦调遣主兵得就耕屯仓场之积米豆以一百二十余万计草三百一十余万计然前之积者日陈将致陈腐后之积者日多不免蠹耗合无酌为收支之法一议主客通融该镇之刍粮养该镇之兵马本为稳便近年以客饷属之抚道而户部专理主供于是遂生彼己不肯通融今将应用粮草不分主客通融支放明白开注簿籍遇缺乏则乘贱采买各准开销不必互偿随

时徵买无使匱乏一议屯粮之本折该镇主客通放而每岁既多赢余乘机采买而所得常浮于所折良为两利之策今将除上田本色一十二万外查某为中地可折六钱某为下地可折三钱五分照数催完即与仓场本色在库银两通融支放一岁务足一岁之用如田复有不足则复徵本色以足数不得致有亏短一议仓场之兼摄边方钱谷最重而以武职司之既无代替交盘之法又有假借关防之弊侵冒百出诚为不便今除原设有官攒者照旧管理外不然或以就近而归并收掌或以副使而改注别仓拨吏铸印使专职守各令交盘明白照管承行一议盐引之均派边地本色全赖盐口报纳之利迳者远口托赴镇乘贱多纳假名截剩以图占窝土口买之以希微利既则远口去而土口为纳不无负累又有利赋预纳临贵计价一不遂私百计阻挠为害不少今后开派盐引不拘远近口人计主客准芦之数中半分任计仓口远近难易之势均为运纳不许远口占住仍敢买窝以累土人 上是其议○壬申 上御文华殿讲读

○益王薨辍朝三日

○升刑部左侍郎陶承学为南京礼部尚书

○除原任福建左参议张尚大为贵州右参议

○癸酉以辍朝免经筵

○赐益府世孙翊釭出郭送丧

○升宣府巡抚标下中军都司兼管坐营署指挥僉事魏廷臣充参将分守山西东路化州

○升统领蓟镇沈阳秋班官军游击署都指挥僉事黄孝敬充参将分守徐州等处地方宣府深井堡守备以都指挥体统行事署指挥僉事李廷相署都指挥僉事充宣府入卫游击○甲戌巡视芦沟桥浙江道试御史梅淳< 〇〇〇 毓-金 >奏芦沟桥抽分房料荆条二者在官为无用之物在民为切己之利不如尽行厘革至于竹木局及巡视衙门年久浥剥而该局所贮物料颇有赢余风雨岁侵多致陈腐何如变价角口羊部动支修理较为两便部覆如议

○留武昌常德二府万历五年分下半年赃罚银五千两为兴国等州县为建城之用从巡抚陈瑞之请也

○乙亥荫刑部右侍郎潘季驯子为国子监生以三年秩满也

○兵部覆刑部主事管志道< 〇〇〇 毓-金 >北虏款贡本属权宜东虏败遁未常忘报战守之图真不可少角口羊者至于捣巢一事未可轻率若宣镇市马数多本不足议量请增益以省扣军之累其边饷银两敢有克剥馈送者听抚按参究从之○丙子升巡抚浙江等处兵部右侍郎兼都察院右僉都御史徐枋为刑部左侍郎

○升云南副使张明正为广东右参政分守岭西道

○升镇守保定等处总兵官署都督同知傅津充总兵官印镇守延绥地方

○丁丑 潞王出阁讲读

○巡抚应天都察院右副都御史胡执礼< 〇〇〇 毓-金 >称三吴水利工费浩繁今先开蓟州府之吴松江吴江县之长桥松江府之黄浦等请将本府原派剩未角〇羊宗人府等衙门米折银八千两工部料价银一万二千两以充修浚之费从之

○戊寅 上御文华殿讲读

○浙江秦驻山南致瞰浦所地方原有旧河先是〇旅骈集设瞰浦税课局以收钞利近以前河淤塞舟楫不通原局裁革且潮来无备小民被患尤剧至是巡抚徐枋< 〇〇〇 毓-金 >请因其旧迹再为开通即以浚河之土用之筑塘以御潮水欲动支海塘余剩银三千六百一十八两以为工费部覆如议

○己卯 上御皇极殿太常奏孟夏享 太庙

○升原任总理河道提督军务都察院右副都御史李世远为提督军务巡抚浙江等处地方

○庚辰 上视朝毕御文华殿致斋

○是日 上谕内阁昨见辽东塘报大捷比前更多朕心深喜今蚤奏闻 圣母欢悦殊甚朕冲年践祚恒念威德不究而边臣奋勇娄立非常奇功诚如 圣母前谕赖天地 祖宗默佑乃国家之庆元辅平日运筹卿等同心协赞所致部< 〇〇〇 毓-金 >上时卿等一录封此谕内著兵部马上差人星夜前去与张先至看将一应叙录比前加厚用示奖酬之意于是吕调阳< 〇〇〇 毓-金 >言 皇上临御以来纯心任贤敬天法祖仁孝感通威灵远畅况当嘉礼告成之会前后仅两浹日而该镇报捷至再诚非常之大庆也 圣谕欲传示首臣张居正叙录从厚仰惟 圣裁允当臣等即当祇奉但部< 〇〇〇 毓-金 >立功须待该镇奏报之日乃与题覆若其传示首臣臣拟即将该镇塘报封置谕内即日马上差人星驰南去计该镇< 〇〇〇 毓-金 >报必查核方敢具奏亦须更待旬日之外彼日居正回奏计将先后抵京兵部< 〇〇〇 毓-金 >入即可依拟奏闻 上纳其言

○升福建左参议欧阳柏为云南副使

○升原任分守大同新平等处参将署都指挥僉事朱永祚充宣府巡抚标下中军都司兼管坐营事务○命兵部左侍郎曾省吾都察院右僉都御史王篆清理军职贴黄

○升甘肃洪水守备以都指挥体统行事署都指挥僉事王泰为署都指挥僉事充固原领军游击

○辛巳 上御文华殿讲读

○升蓟镇石峡守备以都指挥体统行事署指挥僉事邓江为署都指挥僉事充统领蓟镇沈阳秋班官军游击

○兵部覆刑科给事王胤祥条陈五事一用近边武臣二汰边臣冒滥三慎赏罚大典四恤边方百姓五鼓士卒锐气均于边务有裨议拟上请从之

明神宗显皇帝实录卷之七十三

明神宗显皇帝实录卷之七十四

万历六年四月壬午朔 上亲享 太庙

○癸未 上御经筵

○赐朝鲜陪臣黄琳等宴命礼部右侍郎林士章陪之

○甲申升太常寺少卿贾三近以本官提督四夷馆

○乙酉以右春坊右谕德兼翰林院侍讲何雒文清理军职贴黄

○降原任太常寺少卿郑汝璧为福建左参议○总督宣大侍郎吴兑条上备边五议一曰酌战守今之战者以城堡低薄惧其倾危因用战兵洒伏其随营尾敌者不过数千马能与大虏甬胜负唯城堡而列障以守者可以量减遇虏入犯各镇互相应援至于犒士修器合用银两俱于见贮库银支用二曰酌设险虏款以来次第修举工程已完岁加保葺者军已更番矣其山西大同军夫暂于四六八月各休半月以修农事自万历七年为始各照宣府事例一体更番口粮盐菜务令依期支放不得侵扣三曰酌赏罚之制凡大举功罪俱重主将副参游等官次之其剿杀零寇须取首级报验不得混冒功赏若领兵官故事不许报擒斩但查部下斩首数多者计照头功奇功例一体起升四曰酌贡夷之制今年贡夷各称子女头领生长效劳者以渐加增以例乞讨升赏已于三镇抚赏内量行处给内拔紧要数人同虏王各枝子孙每岁总计不得过三十人照旧具题升赏着为定例五曰酌抚驭之制虏之款贡本出权宜小小寇边亦不能免今后有缘边窃盗查无别逞者即呈督抚衙门随宜处治倘各酋敢于渝盟即闭关绝贡仍图截剿以壮国威得旨

○丙戌 上御文华殿讲读

○改原任太仆寺少卿乌昇为太常寺少卿

○丁亥 上视朝

○先是俺答之子宾兔率众掠熟番甘藏等族头畜及岷州军马声言要在旧洮州境外开中市马至是兵科都给事中光懋上言西番以茶为命国初于西宁甘州洮河诸处立茶司岁事招番中马以羁縻之且以制御北虏若假茶市以与虏人我须以茶易虏之马虏转以茶系番之心各番所资以为命者既不在我而其势不得不与虏合伏乞敕下督抚官留心防御传谕虏王铃束各酋速归原巢住牧仍申明茶市禁例不许再请部覆如议 上曰这防虏保番事宜都着督抚官悉心举行如虏人再索茶市及马市亦停止之

○戊子升广西副使吴善为四川右参政

○辛卯升河南副使孙鏞为广东提学副使直隶太平府知府钱立为广西副使

○壬辰 上御文华殿讲读

○大学士吕调阳六< 〇〇〇 铨-金 >乞归 上曰元辅暂归朕正倚任卿岂可以疾求去所辞不允是日遣御医蔡文亨视疾调阳< 〇〇〇 铨-金 >谢 上报闻

○户科都给事中石应岳题窃惟人主好尚所系甚重 列圣相承敦行俭约是以会典开载各省课程止于钱钞金帛并未采纳珍宝玩好等物章章明著可为龟鉴迨嘉靖末年隆庆初年虽尝降谕户部暂为收买亦偶一为之非例也 皇上登极之初诏停采买谕樽节用正供之外未常妄费万历四年间常取用盖为大婚伊迩经费必资非得已也今嘉礼告成大典毕举臣民仰睹制度之节者皆以 皇上俭约之心始终如一真能慎守 祖训虽古之明圣何以让焉乃于本月十九日接得尚衣监太监崔敏等一本题为年例金两宝石珍珠等项事内开金两睛绿宝石珠料香品等件各数目不同欲令户部作速买进奉有 明旨天珠宝睛绿寒不可食体质虽微价值不贲即旧例所有者方望我 皇上置之不用禁之勿采示宫壶以俭约之风防天下以华靡之渐使千万世而下知所为迥出于寻常万万况 祖宗朝原无此年例即隆庆二年传奉 穆宗圣谕买此猫睛绿宝石珍珠来随该户部题请停免奉旨且罢夫不以 祖宗之明训不取及罢取者为言举一二次之偶取者以为例今且引以为年例矣其可哉诚恐此名一立则买办渐广财用渐拙而国计民命深可为隐忧矣伏乞赐行停止明示后不为例以杜将来惟金两于云南年例内香料于广东买进内酌量取用则好尚克端而 圣德益光矣

○丁未 上视朝

○户部尚书殷正茂题嘉靖末年间买珠宝或十年一行或八九年一行乃今万历四年五年以大婚之故本部如数买进两次臣等窃为十余年足用矣昨者忽奉前旨取用许多以为年例伏乞减省数目宽臣时月陆续收买恭进得旨这岁用珠石内库已少既这等说不必买罢且将夏季金花银五万两并进

○戊申 上御皇极殿传制□遣翰林院侍讲韩世能等持节册封崇府崇王翊<□金 爵>庶第一子泰和王常? □逮改为崇世子蜀府蜀王宣圻嫡第一子奉铨为蜀世子德府德王翊鎔世孙常邦清为嫡世子嫡第二子常安清为安陵王嫡第三子常澍为纪城王楚府楚恭王英煊庶第一子华奎为楚世子沈府辽山恭靖王勋澄嫡长子胤杞袭封为辽山王夫人崔氏进为辽山王妃山西潞安府长治县儒士栗永庆女栗氏为德化王埏玘妃唐府新野康静王宙木□充庶第七子镇国将军硕灿袭封新野王夫人李氏袭封为新野王妃嘉定王妃嘉定王府新昌端僖王厚燝长子载璋袭封为新昌王南城兵马副指挥张檀夫女张氏封为永和王慎金□审妃

○己酉调原任湖广副使史嗣元为四川副使分巡川东兼理兵备以考察不及用也

○推原任昌平总兵下标兵营游击署都指挥僉事陈伯恠充统领蓟镇德州秋班官军游击

○庚戌大学士张居正奏自 圣恩许臣归葬之后即宜遵旨同臣母星驰赴阙但母高年多病进退踌躇容臣停止秋爽一同入京<□足 铨-金 >入上遣文书官持至内阁曰朕日夜望其蚤来如何又有此奏即写敕差锦衣卫堂上官赉奉即便驰驿星夜前

去守催务于五月末旬回阁办事以慰朕怀仍留先差太监魏朝待秋凉伴送卿母北来

○吏科都给事中陈三谟继上〈□足 毓-金〉请敦趣元辅作速还朝〈□足 毓-金〉中自谓效忠修职第一义词意极为恳切

○以翰林院侍讲李长春等编纂六曹章奏修撰张元忭充会典纂修官

明神宗显皇帝实录卷之七十四

明神宗显皇帝实录卷之七十五

万历六年五月辛亥朔弋阳王府镇国将军拱〈□才 豕〉觐管府事用银装盛酒饔投送南昌府知府王三锡三锡会官举发抚按奏闻革拱〈□才 豕〉禄米一年不许管理府事

○太子少保都察院左都御史葛守礼卒赐祭葬如例赠太子太保谥端肃守礼立朝四十余年周旋于权要之会而正色独立危言危行去就不关其心里居恂恂若儒生时人重之

○壬子 上御经筵

○天津右卫军余张荣等十余人聚众立炉私铸发觉刑部责令该卫掌印巡捕官拟罪上请有旨这私铸奸徒聚众贩易各地方设有巡捕及巡简司官乃全置之不问如何独责卫所等官还着巡按官备查该衙门巡捕盘诘员役通行提究奏闻○癸丑 上视朝

○乙卯赐辅臣吕调阳等上尊珍饌时元辅张居正给假未归仍赐于第

○戊午夏至祭 地于 方泽遣英国公张溶行礼

○己未以斩获土蛮速把亥共四百七十员级 上御皇极门鸿胪寺宣奏捷音仍遣官祭告 郊 庙以彰盛举

○升四川佥事石檟为甘肃行太仆寺少卿兼陕西佥事整饬庄浪兵备兼理马政

○庚申 太祖高皇帝忌辰 奉先殿行礼

○大学士吕调阳八〈□足 毓-金〉乞休具言杜门旷职不当支俸又阁中封进本章犹列臣名亦涉虚冒 上曰卿引疾已累旨谕留如何又有此奏署名准暂免支俸照常

○录辽镇斩获功赏总兵李成梁银八十大红纒丝蟒衣裘荫一子世袭本卫指挥佥事游击陶承誉升署都督佥事赏银五十两纒丝四表里仍荫一子世袭本卫所百户总督蓟辽巡抚右都御史梁梦龙赏银六十两纒丝四表里仍荫一子入监读书巡抚都御史周咏升右副都御史赏银五十两纒丝四表里副使翟绣裳升一级参将李澄清等二级仍与兵备佥事张崇功等各赏银有差出边官军除候核勘外升恤如例仍发马价银一万两差官给赏本兵方逢时调度有功并与前任巡抚张学颜赏银币有差

○辛酉升南京兵部武选司郎中李可久为四川佥事分巡上川南道

○户部尚书殷正茂以老病〈□足 毓-金〉乞休致不允

议

○癸未 上视朝

○免保河间所属十四州县河南所属永宁五县拖欠带徵柴直银共一万三千三百七十二两七钱三分零其河南见徵的姑准完限仍飭各省直务要当年完角□羊不许过期岁终查参从之

○乙酉兵部题山西冀宁守巡二道驻劄省会所属州县有司之事本宜综理但中间道里辽远遥制为难况事权不一遇警调发动多掣肘今议鴈平兵备道管辖代州繁峙五台崞县四州县岢岚兵备道管辖岢岚保德州兴岚河曲五州县其余各道分管州县地方及守巡兵备分任各有职掌不得相紊鴈岚二道原拟责任添入分管州县即为换给敕书从之

○丙戌衡州府民李仲都计同罗才爵谋娶已故罗才鼎妻邓氏不从率众强殴伊翁罗宪清致令自尽巡按以闻得旨这凶犯谋夺节妇统众强劫毁屋伤人情罪深重着依原拟监候详决○丁亥 上御文华殿讲读

○大学士张居正奏臣于本月二十一日更服墨绋星驰就道但臣原籍去京师几三千里加以道途霖潦每至迍遭哀毁余生难胜劳顿今计五月终旬之限已属稽违此心不遑宁处除候到京之日待谴外谨先奏闻以慰 圣怀得旨知卿已在途朕心慰悦炎天远道便从容<■此夕>行不妨

○升陕西汉中守备夏年为都指挥僉事铨注河南都司军政僉书

○戊子调原任浙江副使郭天禄为山东副使管理清军驿传以考察不及故也

○己丑给庄浪卫新袭土官指挥使鲁光先敕书

○壬辰 上御文华殿讲读

○癸巳 上视朝○甲午户部题万历五年各边钱粮今当类造揭帖进览据各巡抚等官奏报实在各数目查算明白随本进呈以便御览宣府镇实在粮四十九万四千三百九石五斗六升料六十六万六千二百六十石八斗五升火□其炒四百三石四斗草二百七十七万七千五百五十九束银八十七万一千四百一十八两二钱查得本年实在比上年少粮料六万七百二十余石草四十九万一千二百一十余束多银五万二千二百五十余两大同镇实在粮二十七万三千五百七十一石三斗三升料二十五万六千六百六十九石八斗草一百七十万二千一百六十五束银七万一千五百八十五两六钱六分查得本年实在比上年少粮料二万六千三百六十余石草三十六万二千二百四十余束银一十八万七千五百一十余两山西镇实在粮一十万七千三百六十八石七升料一十一万七千二百五十四石二斗一升火□其炒五百六十一石八斗八升草一百一十四万四千九百五十九束银四十六万二千一百九十六两三钱六分铜钱二千五百文查得本年实在比上年少粮料二万四百四十余石草三十六万二千八百五十余束多银五万八千七百七十余两蓟镇实在粮二十一万一百三十二石一斗

料九万九千七百四十六石二斗七升火口其炒九十八石四升草一百六十八万四千九百八十一束银三万一千八百八十八两九钱二分查得本年实在比上年多草一十八万四千五百五十余束银七千四百一十余两少粮五万八千二百余石料一万三千八百六十余石永平镇实在粮一十九万一千四百五十四石四斗三升料六万四千五百九十五石九斗一升火口其炒六百九十三石二斗四升草六十五万五千五百六十七束银六百八十七两二钱三分查得本年实在比上年多火口其炒一百二十余石少粮三万二千九百六十余石料三千余石草三十六万二千九百二十余束银九千六百余两密云镇实在粮一十五万四千五百七十三石二斗五升料八万七千九百六十四石九斗九升草二百四十二万四千一百九十九束银一十六万七千五百三十五两二分查得本年实在比上年少粮五万七千七百六十余石料七百四十余石多草四十四万九千八百二十余束银五万六千三百余两昌平镇实在粮一十九万九千四百六十八石四斗七升料二万二百一十七石五斗七升草六十四万七千八百八十六束银一万二千五百七十八两八钱一分查得本年实在比上年多料八百七十余石草一十一万一千三百余束少粮六千四百五十余石银七百五十余两易州镇实在粮三万五千九百五十石五斗九升料一万六千六百一十三石八斗五升草六十九万二千六百五十八束银二十八万六千一百四十六两一钱七分查得本年实在比上年多粮一千八百二十余石料九百六十余石草六万四千四百八十束少银二万六千七百六十余两井陉镇实在粮五万五千四百五十五石三升料二万二千五十二石八斗一升火口其炒二十二石草一十五万一千二百二束银六万四千三百七十二两三钱四分查得本年实在比上年多粮一万八千六百六十余石料二千八百余石草三千三百二十余束银七千五百七十余两少火口其炒一十二石辽东镇实在粮一十一万三千一百石四斗三升料五万八千二百三十石四斗草二万七千二百二十四束布六十二疋银一十一万四千八百七十八两七钱二分查得本年实在比上年少粮八千五百余石料三千二百三十余石草二十二万一千余束多布六十二疋银五万五千三百七十余两今实在银两内有客兵存积银四万七千一百余两延绥镇实在粮二十万九千四百二十三石三斗火口其炒二百九十四石五斗八升料一十二万七千九百七十四石五斗八升草一百六十五万四千六束银四万七千一百一十一两七分查得本年实在比上年多粮三万三千八百余石草一千六百三十余束银一万六千三百三十余两少料七千七十余石宁夏镇实在粮五万一千二百一十石八斗九升料一十二万四千三百三石五斗八升草三百三万五千七百七十二束银三万五千三百七十五两七分查得本年实在比上年少粮一万三千四百一十余石料二万五千一百三十余石草四十九万五千八百七十余束多银七百八十两甘肃镇实在粮一十五万七千五百二十四石二斗六升料二十九万八千一百六十一石一斗九升草二百八十八万九千一百七十束银一十九万七百七十两一钱六分查得本年实在比上年多

粮一万六千四百九十石料六万二千四百二十石草五十万二千八百束少银一万六千一百余两布一万三千三百四十石固原镇实在粮一十一万五千七百六十六石一升火口其炒一百三十四石二升料一十二万三千四百九十七石二斗七升草二百一十三万一千九百四十二束银五十七万六千五百八十三两一钱三分布九千七百五十四石查得本年实在比上年少粮四万三千九百八十余石火口其炒十五石料七千九百八十余石布四千三百八十余石多草五万五千一百八十余束银六千一百三十余两

○南京福建道试御史王许之奏宗禄不给冗官当裁如臣府瑞州属止三县设粮捕通判二员首领官四员主簿各二员其县不如南昌丰城临川庐陵之大而官多过之皆可减也高安所属洪城阴江二巡简司设在闲村官止住县听差是可省其一也臣又尝任属高州矣通判亦二员计其合府钱粮不及江南小县追徵皆属县官通判徒虚是可省也天下卫所有指挥千百户镇抚不等此辈虽云恩荫不可去而比试之规犯罪之条则当申 祖制以酌行之以用舍之法寓选将之术是武职一清也夫汰一官不但省一禄且免一官之扰即其所省俸薪照旧编徵改充宗禄以彼之盈济此之虚未必无补至于长史教授管官当择贤能任之凡各王府定之以宫室器用之数限之以名封婚嫁之期一有不法辅导官得谏正之辅导官贤否又听抚按举劾内外大小绳绳相制惟止之供俭而益裕本支生息盛而不滥是亦安宗藩权宜之策也议下所司

○修宁前卫要边台一十九座以万历七年为始调宁前参游二营无马步军二千四百一十七名每年共修台六座每名日给米一升五合盐菜银五厘于南卫夫丁银内支用

○乙未大学士张居正抵京 上赐宴于真空寺慰劳备至 两宫慈谕惓惓仍各遣太监颁赐银两果酒有差居正< 跪 毓-金 >谢○兵部题马匹登耗虽有司存而督率责成要在将领乃甘肃一镇止责守操以下不及总副参游今后各将领须亲诣各营城堡稽验马匹买补分数但系专管营伍有不及数者不论将领等官照依军务事规住俸从之

○丙申 上召见居正于文华殿西室曰先生此行忠孝两全了居正奏谢又问沿途见稼穡何如黎民安否边事近日何象居正一一叩答寻赐银币羊酒又遣司礼监引至 慈庆 慈宁朝谒 两宫圣母谢恩而出

○发太仆寺马价七千两充蓟辽各镇岁饷

○山西督抚高文荐条陈该镇事宜一布兵马以资训练一议驻守以据要害一精衣械以壮军威一葺墩堡以便将领一修边城以严保障部覆如议

○丁酉 睿宗献皇帝忌辰 奉先殿行祭礼○追封乐昌王充熏生母成氏为乐昌荣简王次妃

○己亥 上视朝

○升福建行都司掌印署都指挥僉事于嵩充参将分守广西永宁地方

○辛丑 上御文华殿讲读

○吏科都给事中陈三谟< 〇〇〇 铨-金 >参福建巡抚右僉都御史庞尚鹏给繇所报年岁支吾及以前回籍闲住之日遂作实历本内字样粗大误用印信已而尚鹏

< 〇〇〇 铨-金 >辩 上令鹏回籍听用

○升兵部右侍郎郜光先为本部左侍郎兼都察院右僉都御史总督陕西三边军务

○壬寅大学士张居正< 〇〇〇 铨-金 >奏日阅员外王用汲全本始知用汲之言阳为论焮实阴以政臣儉邪小人已蒙 圣断处治似可置之无论但其所言有朝廷政体所关天下治乱所系臣若不言将使忠邪混淆是非倒置卒致国是不定政本动摇非细故也臣顾命大臣义当以死报国虽赴汤蹈火皆所不避况于毁誉得失之间 皇上不用臣则已必欲用臣臣必不能枉己徇人违道干誉如有捏造浮言欲以荧惑 上听紊乱朝章者必举 祖宗之法请于 皇上而明正其罪此臣之所以报 先帝而忠于皇上之职分也有旨朕冲幼践祚赖卿受遗 先帝尽忠辅佐以至于今纪纲振肃中外又安此 宗社神灵所共昭鉴唯是奸邪小人假公伺隙肆为谗譖者累累有之览奏忠义奋激朕心深切感动今后如有讹言谤张挠乱国是的朕必真之重典卿终始一心副朕倚毗至意

○工科都给事中周邦杰< 〇〇〇 铨-金 >劾南京兵部尚书翁大立部覆大立历官中外干济良多留枢事重似难轻为更置有旨着照旧供职

○吏部题陕西苑马寺东路分管少卿王鞏照不谨例冠带闲住以御史李时成论劾也

○癸卯升浙江都司军政僉书叶欢铨注福建行都司军政掌印管事

○兵部题秋令方行胡骑易逞各边镇道将急宜加意堤防其在宣大山西贡市处所务要照例抚赏依期贸易而中存限制之意至于酋长远行部落涣散必使处置得宜携二不生其在陕西四镇虏既西逾甘凉则延宁两路似亦无虞然防御策援皆当有备今据顺义东归尚需岁月而所部人众衅孽易生尤当堤备勒兵守险以保万全其在蓟昌东虏之窥伺未忘属夷之反测难定南兵狃于骄逸卫兵困于修工平居视若有余缓急用之恐不足不可不熟计而预为图也其在辽东该镇属获奇功又须防彼诱伏戒我轻贪分犯则按兵各守众人则并力合攻此为要矣如真保则鳩集壮勇谨守关隘以备应援甘固则辑抚羗番离其交构以固藩敌皆所当加意经理也又查得节年秋防颇成虚套今将所辖正奇参游诸营兵马预成整搦开具某营堪战马军若干弓矢若干副甲胄若干领刀杖大铳枪炮若干件所驻城堡粮料若干石草若干束各总兵官当七月之中将各营人马逐一较阅城堡逐一查看视明其功罪严行赏罚不得安坐镇城合营调操徒滋劳扰有旨节年分布秋防委多虚套今次所议事理各总督镇巡等官着实举行毋

行粮等项俱令接济河工既不取之内帑又可以< 𠄎 十见 > 东南民力似亦可从
上允行之

明神宗显皇帝实录卷之七十六

明神宗显皇帝实录卷之七十七

万历六年七月庚戌朔 上亲享 太庙

○辛亥升协理京营戎政都察院右都御史张学颜为户部尚书户部右侍郎王好问为南京都察院右都御史提督军务兼巡抚福建地方都察院右佥都御史刘思问为本院左佥都御史回院管事

○壬子 上视朝

○巡抚湖广右副都御史陈瑞条上< 𠄎 铨-金 > 通钱法四事一增置钱局泉货之开铸不多则流布不广若会省止开一局则钱既不多行自难遍宜于省城开局外再于荆衡二府各开一局分工鼓铸一酌地供钱该省地理险远角□羊运艰难则钱当就近分发为便省城钱局照数领钱外以后武汉黄德岳州五府属角□羊布政司承天鄖襄辰常五府属角□羊荆州府永州长宝郴清五府州属角□羊衡州府庶几角□羊运易而脚价可省一定派工役荆衡二府开局工作颇多若再行召募匠役则工费日滋宜于省城钱局拨精熟匠役每处各二十名其余于州县民壮内每处拨给伶俐者二名武汉等五府属赴省城荆承等六府属赴荆州衡永等六府属赴衡州各依分定局所充役一议行劝惩官司勤惰钱法流滞所关局宜定上中下三等分别具奏每年终听该道查核抚按从公奖戒庶几人心知劝而钱法无壅滞之患报可

○南京贵州道试御史王廷稷条陈当此东作之时宜令有司劳劝流民悉报复业游惰悉驱耕作田地荒芜者令民开垦堰塘湮塞者到处< 𠄎 铨-金 > 浚其或凶年钱粮不能尽完尤要斟酌缓急毋专事催料妄连无辜赔纳其各地方建立社仓以备荒歉或劝富民量力输纳或令徒流等罪情犯稍轻愿输纳者有司申请准令输免每社择殷实公正社长司其出纳官给印簿稽察得旨

○雷击南京承天门左檐阁脊狮仙

○工部覆总河都御史潘季驯等奏河工浩大须多官分督往年一逢升迁竟自代去以致钱粮不明勤惰莫稽今后凡有升调留待工完将经手钱粮并其勤惰稽查明白方许离任至若分部司属奉有专敕而有司视之蔑如动有掣肘今后除地方守巡各有专职自行督责外凡供事河工者俱听分司责成如有怙愒不遵该上司参奏有旨河工事重必须委任责成以后该管河官暂停升调候河工完日分别赏罚委官贤否但以该管河道官为主别道不得干预

○甲寅 上御文华殿讲读

○升巡抚都察院右副都御史吴文华为户部右侍郎巡抚保定都察院右副都御史孟震为兵部右侍郎协理京营戎政

派休婺祁黟绩五县鼓煽生员汪时等十五名聚党胁迫官吏逼求申豁几于作乱程任卿允宜拟斩其余或拥众抗官或乘机罔利各拟编遣行枷示如律得旨各犯聚众殴官敢行称乱程任卿汪时着监候处决余依拟发遣发落于是该抚按官会议以丝绢复归歙县则旧制不变五县之民既各输服以岁办均派六县则政体公平歙县之民亦无编累今后将徽州府人丁丝绢折价六千一百四十五两三钱复归歙县其歙县均平岁办等项算多银二千五百两仍令歙县纳五百三十两余者休婺祁黟绩五县摊之报可

○戊午湖广道御史唐本尧条上爱惜老成体国所系如被言之人果当不妨摈斥以厌士心而或以一眚之微致干清议以风闻之事为所诬误则必为昭雪勿令轻自分退以摇动众心至若监司以临守令守令以率僚属体统相推贤否易见今有司一被论斥辄行揭辩反噬上官或畏忌庇狗而不敢言成何纲纪今后如有此等外听抚按官内听该部处治报可

○豁杨奇等十四名绞罪奇等贩卖糖货为哨官郑绩夫诬执为盗杀死官兵二十七人至是得白

○录两浙斩获倭寇功巡抚徐民柅赏银三十两纒丝二表里金事须用宾杨应东升俸一级仍与知府游应乾等各赏银有差其生擒苦喇肆凡诸酋会官处决

○以天气暄热免南京刑部罪囚论死发遣者四人免追赃者七人

○庚申给南京兵部尚书张时彻祭葬如例○辛酉升山西右布政使张梦鲤为本司左布政使按察使吕鸣珂为本布政司右布政使

○壬戌 上视朝

○癸亥准赵府襄邑王载土□兑以本爵终身仍夺长史赵应元俸二月以土□兑冒袭王爵不请改正故也

○录捕擒妖犯金云峰功赏贵州都御史何起鸣银三十两纒丝二表里先今任湖广都御史陈瑞王之垣各赏银二十两纒丝二表里土舍杨治安升一级赏银十两宣慰彭永年再赏大红狮子纒丝衣一袭彩段二表里其副使彭富等各录赏有差仍敕各土官司守法无得藏匿奸徒事发重治不贷

○发太仓银一万三千一百五两给蓟镇防秋之用其布花银三千一百八十五两零即于粮草盐价银内支給

○甲子中元节遣定西侯蒋建元抚宁侯朱冈怀柔伯施光祖武平伯陈永禄固安伯陈景行祭 长陵 献陵 景陵 裕陵 茂陵 泰陵 康陵 永陵 昭陵 惠安伯张元善祭 景皇帝陵寝中官祭 恭让章皇后及废后吴氏都督金事沉至祭 哀冲庄敬二太子各陵园

○革天下诸司繁文册籍其朝觐考察文册都察院亦照例止用二本内阁及该科不必造送从吏部请也

○定苏松常州三府额角□羊布每疋长三丈二尺阔一尺八寸重三斤四两如法

织造不得违式

○免淮扬徐所属十一州县本年见徵夏秋起角□羊钱粮之半赐吏部左侍郎掌詹事府事兼翰林院侍读学士王希烈祭葬如例还加祭一坛希烈曾侍讲幄两与纂修之劳也

○乙丑大学士马自强< 〇〇〇 毓-金 > 乞给假数日调理许之○追赠原任光禄大夫柱国少师兼太子太师吏部尚书赠太傅杨博为特进博历官一品俸期十二年故有是命

○升湖广左参政秦吉士为山西按察使

○考试各道试御史许乐善姜璧刘致中白栋马呈图各实授外陈大立刘光裕酌量京职别用

○北虏青把都拥二万众欲抢畿夷讨孙不赖逼近边塞乃先期告报誓称无他秋毫不犯 上嘉督抚有能赏宣大总督吴兑大红飞鱼纒丝衣一袭银三十两蓟镇总督巡抚陈道基总兵戚继光各赏银三十两纒丝二表里

○丙寅升广西总兵标下坐营中军以都指挥体统行事署指挥僉事朱文达署都指挥僉事铨注广西都司军政僉书四川都司掌印署都指挥僉事陈善为参将督理广州地方海防

○丁卯 成祖文皇帝忌辰 奉先殿行祭礼遣临淮侯李言恭祭 长陵

○撤看守 孝陵太监马举回京并禁各官不得于陵寝内地游览及一应行礼参差失仪

○工部题覆工科给事中王道成< 〇〇〇 毓-金 > 国初以来一切圩岸陂塘之属尽皆荒圯年复一年水利大坏一遇旱潦坐而待毙宜责成水利官巡行郡邑将各处水利陂塘圩岸逐一查理占夺者清楚之损坏者修治之应新开者即行开浚以致一切有碍水利者尽为查复中有豪占抗违不服者依律究治得旨

○戊辰以大学士马自强患病赐猪羊果酒等物自强< 〇〇〇 毓-金 > 谢○准南京兵部尚书翁大立致仕大立屡被人言至是亦有< 〇〇〇 毓-金 > 乞休故许之

○升陕西副使殷仁为本省行太仆寺卿兼僉事专理马政 上曰这行太仆苑马寺官职任匪轻有称职者不次升擢以彰激劝

○升山西副使郑旻为湖广左参政

○詹事府掌府事礼部尚书兼翰林院学士汪鏜< 〇〇〇 毓-金 > 乞致仕 上以鏜老成端慎年力未衰且见管教习不许

○诏以弓箭弦条今后南直浙江等省角□羊料年分都着照京营议定物料则例量加工食银两角□羊纳

○己巳 上御文华殿讲读

○命詹事府掌府事礼部尚书兼翰林院学士汪鏜暂带管翰林院印信

○改给山西分守河东道左参议专管东西二池盐务敕书其清军驿传道副使原奉敕内有兼管东西二池并换去之从抚按之请也

○给原任右副都御史巡抚陕西地方唐时英祭一坛减半造葬

○兵部覆印马御史郑宗学条陈马政一曰革本色之徵银二曰蠲逋欠之马价三曰议草料之徵给四曰祛差拨之宿弊俱允行

○总河都察院右都御史潘季驯< 〇〇〇 铨-金 >奏复故河其利有五盖河从潘家口出小浮桥则新集迤前一带河道俱为平陆曹单丰沛之民永无昏垫之苦一利也河身深广受水必多每岁可免泛溢之患曹单丰沛之民得以安居乐业二利也河从南行去会通河甚远闸渠可保无虞三利也来流既深建瓴之势易涤则徐州以下河身亦必因而深刷四利也小浮桥之来流既安则秦沟可免复冲而茶城永无淤塞之虞五利也议下所司

○庚午 上御文华殿讲读

○升国子监祭酒吕旻为礼部右侍郎兼翰林院侍读学士

○调山西副使贺邦泰为本省副使提督学政

○辛未升江西都司军政僉书署都指挥僉事陈道铨注四川都司军政掌印掌事

○巡按直隶御史崔廷试题称臣奉命淮甸经过地方所当因势调停者一曰处工费以恤灾地淮扬水患已极民不聊生其河工等费难以复派 陵寝运道关系良钜所当特捐内帑待用之藏暂借本年起角〇羊之额以苏民生也一曰计夫役以安穷民各州邑所派之夫日给三分而远者一日七八分次亦不下五六分彼里甲所取办民已不胜苦矣事竣之时当事者又多裁削之或遇有冲决辄令复筑不复计工夫洪水所冲何坚不破而可令穷民陪价耶以后量从< 〇〇〇 六十见 >处免其扣累庶几民忘其劳而称佚道之使也一剔积蠹以讨军实凡军卫衙门派造军器各有定额逐年起角〇羊运赴京师输之武库以备军旅之用乃因循日久武弁侵渔一领官银遂为己物成造率多滥恶完纳每至愆期今后将军器料银徵收贮库责令府佐州县正官会同管局官召匠先给银十分之四期限送呈试验堪用然后再给待其通完方行全给角〇羊时并开监造有司官员职名其原造管局官照例给与水脚扛角〇羊之费庶工无冒破而军需有赖上允行之

○壬申 上视朝

○以内府乏人应役着司礼监差官会同礼部拣选堪用的三千五百七十名应用于是礼科左给事中李天植上< 〇〇〇 铨-金 >言 皇上纘服初年允收马安等三千二百五十名部覆永不为例今六载之中两收数千幸门日启覬泽者多倘得成命收回散此党与待取于后上也不然而裁取其半虚其半以俟五六年之外次也臣故知言之难徒取共愆而责任所在不容不言况今净身男子旻而紫貂瑯矣既奉旨拣选将必慎选有众无庸臣言也但选充近侍必智虑纯一者可冀以忠悃必容止庄和者可冀以安静

必年姿冲幼者可久于执役此一见之间遂知其概然人先有主各徇其便 皇上宁不申饬之乎今兹兢进之辈即先年落选之人也数外不得不归矣而欣艳方新希愿窃伏不数年乘机引类叫阍必援近旨为彼明例 皇上宁不预禁之乎议下所司○命蓟镇宣大诸边各镇守总兵官分统沿边官军出境外四五里烧荒

○癸酉 上御文华殿讲读

○南京工部尚书曹三旻以老病< 〇〇〇 铨-金 >乞致仕许之

○先是乌撒地方与本省永宁宣抚司乌蒙军民府并贵州水西及云南沾益州境土相连世为亲戚并无衅隙既而安国亨杀死安信信兄安智结永宁宣抚司土官奢效忠报讎彼此相攻厮杀不已比有安国亨部下吏目俱与安智有亲恐为国亨杀害各带夷兵逃投安路墨路墨诈称本府土知府安承祖职衔赴京代奏已而国亨亦将伊男安民姓名具本并奢效忠各行奏奉勘合移行川贵巡抚委官勘处国亨等所犯情罪不一照夷俗罚牛外仍谕奉旨处分之后务要感恩悔祸各安原土邻界夷民俱各责管事头目汉把省谕消释讎怨共保宗族不得背盟起衅○甲戌改南京刑部尚书杨兆为本兵部尚书参赞机务詹事府少詹事兼翰林院侍读学士掌本院印信余有丁为太常寺卿管国子监祭酒事

○差河南道御史郭汝四川道御史刘维汝宣大维云南

○刑部覆议御史崔廷试< 〇〇〇 铨-金 >今在外各处捕盗官平时不能谨严以消未形之患及至失事多方躡访刻意追求止图免罪邀功不顾事之有无人之真伪但有捉获即便比刑拷讯饬假为真残命伤和莫此为甚今后有强盗初获不得私自拷讯擅取供繇止将所获人赃呈送正官研审除情罪真确外如有冤抑即与辩释不必候详若系捕役冒功讎家攀陷者仍将冒功攀陷之人治罪狱成之后司道抚按官若复有故辩明查后报情繇与原报大相矛盾可疑者并原官一体治罪 上允行之

○乙亥给原任刑部尚书吴百朋祭葬如例

○丙子诏凤阳巡抚都御史及咨都察院转行巡按南直御史备行营田金事令民年十五以上无产无田者挨户从实开报到官每名给牛一只及附近荒田五十亩责以开垦仍给印信执照为业其田粮差役俱照三年以后认纳从御史崔廷试之议也

○蓟辽总督梁梦龙太仆寺少卿萧廩各题议马政一称各营路城堡马数俱于该寺倒换循环糜费繁冗要行停免止令总兵类造一称奉敕督理边兵马政例当稽核奸弊要一体省烦责实每年六月各营路备造马数送查十一月各兵备道查点送寺听遵敕各别参治部覆循环固所当革而总副参游诸营则不可无按季之倒换固为太烦而一年之一报则不可少宜将蓟昌宣保四镇季报循环文簿系提调卫所造报者通行停革止令总副参游各照营路每年秋季备将该管马匹倒失桩朋完欠已未买补等数分别造册角□羊送本官收查仍遵敕每年分别处治 上是部议

○升江西宁州铜鼓石守备邓子龙署都指挥金事铨注江西都司军政金书山东

都司军政金书署都指挥僉事朱士元铨注湖广行都司军政掌印管事

○总督河漕都御史潘季驯等题称宝应湖于本年六月内陡起暴风骤雨将本工复行冲决盖繇河上诸臣期以苟且了事而但为目前之谋惮任劳者莫亲版筑之务巧避怨者不严程督之功钱粮虚糜而冒破之核不行功筑圯坏而僨事之罪不加稍有一簣之功便移大以兢赏脱至溃决之祸则遮护以托逃若不因此重加究治何以示惩上是具议着河漕衙门着实参奏○丁丑 上御文华殿讲读

○升工部左侍郎何_三宁十见>为南京刑部尚书

○给已故原任吏部左侍郎兼翰林院侍读学士掌詹事府事王希烈赠尚书诰命

○浙江松门卫千户金铛家突然地涌血溅起三尺高有声

○戊寅特赐存问原任刑部尚书应大猷令有司备办彩帛羊酒及门宣谕大猷年九十养晦丘园恪修名节为时人所重故有是赐

○旌表六世同居卢守一一家二百口同厨而食世务耕读旌其门曰尚义

○兵部题覆本衙门左侍郎曾省吾条陈清黄四事一曰先归黄各官先立号簿通将内外黄张与续书见贮者尽数简明登记以为纲领然后支放比对归附黄本其先年重立者简出完日与揭过黄张一同烧毁一曰增黄本旧制黄本纸各百叶今拟百叶之前另缉目录三叶总列职衔员数仍注卫所指挥千百户镇抚官衔挨次粘贴勿令混淆遗漏一曰议立黄清黄事例有内外贴黄复有正黄正黄贮之金柜启闭为难今须模仿规式别立黄纸号簿如有缺内外黄者止照黄之所缺互相挂号于止以便备照一曰慎眷写夫黄张眷写系各官功次接背源流关系匪轻务大字楷书以免磨擦兼杜吏胥因缘之弊报可

○兵部题覆礼科左给事中李天植条陈班军四事一选统领以专责成每遇上班之日先将领班各官逐一遴选才守不得滥用每军数至二千量添劄付官一员二稽实政以充营卫凡凤淮扬徐等处工作河工外其合应上班者该道预先查审各卫均徭名册分别等第该班都司择地依期赴京勤加约束务足额数各军粮银照例量给两月作为路费余银仍旧到京散给以防脱逃之弊三省工限以恤久戍凡遇兴作与勋戚工役先期专委所属官员逐一估计用军的数量算程期且题请拨如遇大寒暑雨及途远工程悉听工部随时宽恤毋得苛扰四禁科索以清蠹源凡遇都司劄付并卫总等员役上班盘费之类俱要酌议停当给与止足应用不许私角口羊多派致损军财至于拨办官吏一体查拨外其折乾积办等并为除革 上允行之

○升福建行都司军政金书署都指挥僉事蒋木铨注浙江掌印管事南直隶杨舍守备朱英署都指挥僉事铨注山东都司军政金书○诏以古北口黄花镇及各路紧要墙台尽令三年修完其余以次增筑三年递歇三年递修工完之日听督抚将效劳人员分别功罪具奏

○命工部委官修理周围红铺仍申饬官军严行巡警一应披执盔甲器械俱修之

明神显皇帝实录卷之七十七

明神宗显皇帝实录卷之七十八

万历六年八月庚辰朔赐大学士张居正等各杨梅一簍

○升右春坊右谕德兼翰林院侍讲何雒文为翰林院侍读学士掌本院印信仍充经筵日讲及会典纂修官

○升刑部左侍郎徐枋为南京工部尚书大理寺卿陆光祖为工部右侍郎

○免万历元二年山东解京银一十一万九千五百一十四两五钱零并隆庆二年至万历二年本省岁支存留麦米五十八万八百四十六石尽行蠲免从巡抚赵贤之请也

○遣河南道御史姜璧往两淮巡盐兼理河道○辛巳给蓟密永昌四镇犒军银二万两仍命总督梁梦龙悉心措画如果不敷另行奏处

○户部添进每季金花银五万两已而户科都给事中石应岳题金花银两实小民惟正之供我祖宗量入度出定为一百万两之制户部额派解进仅有此数原无剩余今若添进必借太仓银两夫太仓之储各边主客之粮饷取于斯墩台城堡之修筑取于斯与夫召募调遣葛料诸费咸取足焉今虽稍有积余实仰藉威灵震叠虏款寇息偃甲休兵所致脱一旦败盟狂逞则兴师十万日费千金太仓贮积足以资缓急者曾几何时哉而况各处添兵添马修墙筑堡年例抚赏月增岁益加以连年河淮横溢迤河工甫举动请百万何者而非仰给于太仓耶若一季加进五万两四季则加二十万是一年加进二十万两十年则加二百万矣上供岁多二十万之进则边储岁少二十万之积推之十年所少不知其几矣臣愿思祖宗成宪之当遵念国家生财之不易百凡费用只取足于一百万两之中而太仓所储专以备军国重大之费此经国之远猷垂裕之至计臣等所万愿者此也有旨今宫中用度委与先年不同额外之取甚非得已已戒谕内监加意撙节务足余剩待数年积贮稍饶即行停取如旧

○发太仓银十二万一千二百两于延绥十万九千二百二两于蓟州一十二万九千三十两于密云六万七千五十八两于永平六万三千七百九十二两于昌平以巡抚宋守约侍郎汪道昆各奏军饷也

○壬午 上视朝 ○吏部覆吏科给事中李实疏劾福建山东云南左布政刘侃方攸绩方良曙三臣或物议渐彰或筋力衰敝乞将分别处治至于贵州广西江西四川各布政顾言等六员久挂人言相应一并议处有旨方良曙留用余的都著致仕

○诏以浙江等处漕粮暂折二百万以苏民困其折色银两以一万两解部以五十九万五千余两协济河工著各抚按督率上紧严限徵完本折一并起解

○癸未 上御文华殿讲读

○升提督军务兼抚治郟阳都察院右副都御史陈瑞为刑部左侍郎

○升太常寺卿王友贤为大理寺卿

○甲申命礼部尚书潘晟兼翰林院学士充会典副总裁官

○开朱辉港钥匙河清江等处为粮船湾泊其工费即于两淮赃罚及河工银内动支
○乙酉升广东按察使滕伯轮为浙江右布政使贵州左参政林澄源为广西按察使
江西陕西四川广西各右布政使徐中行王宫刘庠吴椿俱左布政使中行仍江西宫山东庠椿仍四川广西

○调补原任浙江左布政使郭斗为贵州左布政使

○覆新升太仆寺卿兼陕西佥事殷仁以新衔致仕行太仆寺卿兼武定兵备道佥事秦可大致仕

○升广东右布政使沉人种为福建左布政使

○调补江西副使张九一为陕西副使甘肃管粮兼理分巡

○复除陕西道御史王应吉为河南道御史

○升山东按察使张士佩为本省右布政使

○丁亥命吏部左侍郎兼东阁大学士申时行祭先师孔子 ○以万寿圣节赐居正等金万寿字及黄符黄绶符有差

○升大理寺左少卿杨俊民为都察院右佥都御史提督军务兼抚治郟阳等处地方

○升江西陕西四川云南各按察使张大忠张国彦李江卢仲佃各本省右布政使

○孝康敬皇后忌辰 奉先殿行祭礼遣南和伯方焯祭泰陵

○户部题万历七年两直隶并各省漕运事宜例应会同各衙门会议今覆巡漕都御史江一麟< 〇〇〇 〇〇 〇〇 >一议补造漕船以足装运南京锦衣旗手等五总下缺浅船八百只要将七年以后各运轻费内应解河工米银暂留二年共计得银五万二千两再于河道原借七万九千七百余两应于南京解到粮剩马价补还漕库银内动支二万八千两就于瓜仪二处设厂打造及称清卫二厂正造年例船只中有未造者一并查刷督造一议杂物则例以定漕规旧制不论船之新旧一概止给年例四两以为桅蓬杂费价既不敷旗甲不无赔佃之苦今以万历七年为始各卫浅船襍费凡遇初造年分即总给银二十三两六钱五分照数买办以后九年陆续给银二十两九钱七分凑买俟十年改造将原置物件分别计算准银九两六钱贴送该厂找给银十四两四钱以为从新置办杂物之费其在运旧船照例支給候改造之年将所存桅蓬猫槽等项物件一体查送该厂变价添凑别置仍将置买物件银两各数目刻记在官永为遵守 上是其议

○戊子 上亲祭 太社 太稷

○己丑改应天府尹陈于陞为太常寺卿仍诏该科今后有称职年深者著改衔久任不必数易其两京部院大臣除奉有特旨不次简用外其余都著扬历中外核其表著以闻如不得其人宁虚缺以俟

○升提督四夷馆太常寺少卿贾三近为大理寺左少卿

○升江西河南湖广山西四川广西各左右参政陶幼学杨芷王玺柴涑梁问孟汤仰俱为按察使幼学仍江西芷山东玺广东涑陕西问孟仍四川仰云南

○升陕西副使李采菲武尚贤为行太仆寺卿采菲山西尚贤陕西 孝慈高皇后忌辰 奉先殿行祭礼

○庚寅祭 夜明于 夕月坛遣定国公徐文璧兵部尚书方逢时行礼

○以福建广西各镇守总兵呼良朋王尚文互相改调至浙江江西各都司佥书杨一经等四员改调亦如之以倭警窃发各因其材而易之从部议也

○辛卯 上御经筵

○升太仆寺少卿萧廩为太常寺少卿大理寺少卿王世贞为应天府府尹○升云南按察使徐作为广东右布政使松江府知府贾待问陕西副使彭文质刑部署郎中事员外郎史檣俱右参政待问山西文质广西檣贵州山东副使曹当勉河南副使姜继曾湖广副使晋应槐俱右参政

○吏科都给事中陈三谟奏恭炤 祖宗旧制吏兵二部大选文武官员俱于常朝鸣鞭后 圣驾退御金殿中宣召该部堂上官面奏给与印子然后该部官同司礼监于皇极门同用印子前万历二年 皇上曾御门召吏部尚书张瀚亲赐选除即先朝旧规也至嘉靖中年偶以肃皇帝御居西内至四鼓始就寝内侍官惟恐奏进迟误故趁此时为之以后相沿遂为故事臣愚谓夤夜启门秉烛行事殊于关防未便且听选官员稔知深夜无所稽考间有偷惰不至者及侍立行礼亦有参差错乱者伏望自今八月为始大选文武官员照旧制俱以黎明行事关防即便体统亦严 上可其奏

○升甘肃巡抚标下领兵游击杨继芳延绥游击徐仁威俱充参将分守地方继芳西宁仁威陕西靖虏

○癸巳命辅臣恭拟马名以进时 上方选御白马定名玉狮赐辅臣居正等各羊酒

○广东新设东安西宁二县学部议二县学先选教谕一员俟人文渐盛以次添设其考取入学准于新例外初次量取一倍以后照例考入增廩名缺俟作养有进以次考补不必取盈其数亦不必以他县拨补致启幸窳准如议

○升尚宝司少卿郑钦为太仆寺少卿管京营○都察院题巡漕御史陈世宝再差一年以世宝催督有方故也

○甲午以中秋令节赐居正等膳酒月饼有差

○升云南湖广副使李文续房楠俱为右参政文续仍云南楠四川陕西湖广贵州左右参议李贵和沈伯龙李与善俱为副使贵和仍陕西伯龙仍湖广与善山西永平宝庆府知府顾褒毆阳模俱副使褒山东模广西

○补原任山东佥事马时泰为陕西佥事整饬肃州兵备兼管屯田

○丙申万寿圣节 上御文华殿受群臣行庆贺礼赐居正等膳酒寿面有差复特

赐居正烧割一分酒饭一卓寻赐四维等上尊珍饌

○升礼部仪制司郎中张彦为尚宝司少卿○升浙江嘉兴府知府黄希宪广东右参议郑恭俱副使希宪湖广恭云南山东四川福建僉事栗在庭杜诗文作俱参议在庭湖广诗贵州俱左作陕西右

○戊戌升礼科左给事中李天植为广东右参议福建等道御史孙成名陈文燧河南南阳府知府霍维荇俱副使成名江西文燧河南维荇山西河南等道御史郑宗学丁元复南京吏科给事中詹沂俱僉事宗学福建元复四川沂山东

○己亥以丙字库绵花余剩太多暂改折色二年解纳

○总河都御史潘季驯题徐州小浮桥以上一带河浅查得河南归德府新集地方下至徐州二百五十里原系黄河故道欲乘今一并开复已而工科给事中王道成上言治河而< 疏 疏 >上流诚为探本之论然南挽淮流北障河决则其工钜矣动众八万费逾八十万金则其用糜矣工费已大事之究竟尚有不能逆睹者其底绩则又难矣胡乃此之未为而又欲并开数百里之上河耶即使诸臣不计劳逸不避利害窃恐国家财用终属有限万一漫为而不效将若之何不如揆势度理就中权缓急而图之乃为计之得也 上命下其章于所司

○庚子属夷长昂董忽力率部落阻截各路贡夷扬言结土蛮旨把都二酋聚兵进抢要挟诏以蓟昌二镇即将南土兵并入卫之兵速简精锐分定部伍自密云以至山海布置营阵画守务使制胜有功不得畏缩坐失事机

○辛丑发主客兵银十五万五千六百九十三两于宣府镇二十万四千二百十九两于大同镇七万一千二百九十六两于山海镇 宪宗纯皇帝忌辰 奉先殿行祭礼遣新建伯王承勋祭 茂陵

○升掩答诸酋且且台吉等十九名副千户讨二儿恰等四名与大歹布等三名俱百户著力免把独儿台吉袭伊父指挥同知各依品级一体给赏

○免保定府唐完二县所欠柴夫胖袄毡料匠价自隆庆五年起至万历三年止尽数蠲免以苏民困

○壬寅 上视朝

○升密云辘轳营游击陈天福充参将分守山西中路利民堡等处地方

○遣江西道御史李学诗往南京京畿道照刷文卷

○癸卯 上御文华殿讲读

○命礼部尚书潘晟待宴陪朝鲜陪臣李宪国以赴京进 万寿圣节表文也

○先是淮安水利道河南僉事杨化淮安府通判王弘化治河无状为总河都御史潘季驯所劾 上命锦衣卫逮系来京至是法司拟各照运炭赎罪例完日复职 上以杨化王弘化都著革职为民律文官犯私罪杖一百的即该罢职不叙今后但据所犯拟罪送吏部拟处毋得概拟复职以致轻纵

○甲辰以 圣母慈圣宣文皇太后所制女鉴赐大学士张居正十部四维等四部居正等< 跽 跪-金 >谢

○乙巳

上御文华殿致斋

○巡抚浙江兵部右侍郎徐民柟题澉浦所至秦驻山一带河道去海塘迤南联属县治国初旧有土塘为之屏捍内河为之洩流以致石塘可保而田亩岁登称为沃土商旅辐辏赖有生业向者淤塞坍塌旱涝无备舟楫不通粮运甚难乙亥潮灾该所军民被灾特甚而石塘冲塌殆尽者职此之由臣目击时艰建议开浚荷蒙俞旨允行臣严督各官兴举乃今果能矢心协力督率劝相万夫子来月余告竣臣亲诣阅视考成见新河深广土塘高厚内外相维石塘益固永保异潮无冲突之患田畴得灌溉之资而粮运直达利益无穷所据效劳诸臣与臣终始塘河共事胼胝者臣不敢蔽如嘉兴水利同知黄清等及海宁备倭把总王三锡等所当纪录以俟优叙议下所司

○丙午改礼部主客司员外郎徐元春为光禄寺寺丞

○户部题覆御史谢师启条陈漕务一曰复羨余以济官军二曰革抽税以速漕运三曰改剥船以杜侵盗四曰处深流以救灾患五曰足军粮以苏疲总 上报可

○癸 历代帝王命定国公徐文璧行礼

○丁未升湖广按察使钱藻为广东右布政使漳州府知府刘志业为江西副使

○遣福建道御史顾铃河南道御史邵升各巡按铃广西升江西

○止武职开纳事例并工部议行事例一并停止

○户部题边商朋计营求告掣河盐所谓河盐者谓其在河径自超掣全不上堆也夫两淮行盐地方止有此数而每年掣发之盐亦有定额河盐行则单盐滞必然之势不容易者若其计一行而河盐复掣每年淮南掣盐八单若再掣河盐一二单江西湖广地方盐价必贱盐价既贱水商必不乐于承买水商承买既少则掣单盐必至停阁内商余银无从处办而六十万两之额课大可虞矣内商坐困边商引目岂能及期分拨是河盐之行不独累及内商必累及国课而并及于边商矣得旨这边镇盐引依拟改派河盐停止不行

明神宗实录卷之七十八终

明神宗显皇帝实录卷之七十九

万历六年九月己酉朔先是扬州府强贼入境各巡捕官住俸提问未几缉捕前贼三十七名巡按题请各官免降 上曰该府拏获甚少功不掩罪指挥顾名臣姑从宽免降知府卢德焯等以旨下之日为始开俸管事

○刑部题逃军徐大中等盗精微科房门木凳等物为守卫官所获又将本官推倒而逃今拏获大中合依犯罪逃走者于诈欺私取财赃计准窃盗论免刺四十贯本罪上加二等律杖七十徒一年半余依犯罪拒捕者于不应事重罪上加二等律各杖一百俱

大诰减等得旨各犯敢于禁门内窃盗拒捕难炤常拟著锦衣卫枷于长安门外满日各发遣发落命法司凡人命奸盗如谋杀故杀指奸指赃等颊狱情难明者详细审鞫果情有可悯罪难定执方以矜疑开列其余恶逆斗杀与夫奸盗赃证俱明者不必曲为迁就

○升江西右参政侯于赵为湖广按察使

○封永和王慎金□审生母张氏为永和庄定王次妃仍照例不给诰命冠服并身后祭葬

○辛亥留保定府库贮银一万三千四百五十六两为易州修城之用

○壬子 上御文华殿讲读 孝恭章皇后忌辰遣崇信伯费甲金行祭礼

○癸丑 上御文华殿讲读

○升山东副使陈万言为江西右参政分守岭北地方

○南京户部尚书致仕谭大初卒诏给三品祭葬○广东大庙陈黎等巢剧贼依山负险纠党横行突出英得清远等县地方劫财杀人各官兵奋勇捕擒斩首一百三级俘获一百四十九名及器仗牛马诸物 上嘉其能巡抚凌云翼等各赏银有差

○给原任都察院左都御史陈瓚祭葬如例

○乙卯 上御文华殿讲读

○升河南河南府知府雷以仁为山东副使兼管马政屯田

○总督两广都御史凌云翼题大庙各巢山深林密贼易盘据剿灭之后尤当预防列为善后七事其一议白芒山下置造营房教场将韶州清远二营之兵更番哨守一应材木工费随于本山土产酌量处分其二议选韶州清远卫所才能武官一员训练营兵比炤营兵事例半年一替以资弹压其三议将大庙各贼没官田租二千余石除量给业主粮差外收割分取以为建创兵营之资其四议将三水寄庄民田责令英德附近排年承买令其各自佃种以便觉察奸萌其五议今受田之民自新村以至上下二汰二十里内分筑土围十余以安新集之众其六议令英清二县排年自河傍直通上下二汰开路筑桥以通往来其七议集编氓联为保甲置备器械以助守望从之

○诏以遵化标下左右及辘重三营兵马改属中路协守管理钱粮册籍等项事宜仍归蓟州道统属各改给敕书旧例宁夏延绥二营每官一员赏银一两二钱军一名银一两宣大辽东三营每官一员赏银九钱军一名赏银六钱标下选留延辽大同官军各从数目支給向来太仓候领先期科收费用临散侵扣数多以致官军怨望至是直令的当官赆文赴部转行太仓总领回镇发兵备道炤员给散从总督蓟辽都御史梁梦龙奏也○丁巳 上视朝

○是日以重阳令节赐居正等上尊珍饌

○升大同卫浑源城守备以都指挥体统行事指挥使林凤举署都指挥僉事河南都司军政僉书

○戊午推前军都督府僉书太子太保平江伯陈王谟掌印管事

○升提督眷黄通政司右通政胡嘉谟为太仆寺卿寻以顺天府府丞朱南雍右通政提督眷黄

○先是弋阳王多焜薨逝无子各支宗室利其产业骋辞执奏不已至是准奉国将军多炆等合族会推得本支嫡长奉国将军多煌系弋阳僖顺王之孙今薨王小功之弟贤劳素著伦序相当众心歆服部以为言 上从之命多煌管理府事写敕与之

○遣河南道御史王应吉往真定巡按

○甲子减桂林平乐等府编银本年为始每年减五千八百六十六两五钱七分仍将梧州支剩银一万三百九十一两内动支七千六百五十八两八钱抵充该府本年分各驿递正用本年免派一年其万历元年至四年止未完银一万一千三百九十八两尽数蠲免以苏民困

○以宁晋伯刘应元管理义刀围子手

○乙丑 上御文华殿讲读

○兵部题覆贵州巡抚都御史何起鸣奏贵州宣慰司头目安智安国贞听奸拨置背违安插妄奏入府当差似当重处但犬羊无知姑免剿除将二酋治以首先违约之罪仍戒谕安国亨禄氏遵照旧款毋得故违其亨智二酋敢先生事启衅扰乱地方者听参奏剿除 上曰安智父子安插已定乃敢违约妄奏姑从宽处该省抚按官再行晓谕今后与安国亨各要履约如再有听奸拨置启衅生事定剿灭不宥

○丙寅 上命司礼监太监张鲸赉赐居正母金累丝箱嵌青红宝石珍珠长春花头面及青红纁丝罗蟒衣各二疋已而 两宫圣母亦赐金头面蟒衣有差居正疏谢

○赠都察院左都御史陈瓚太子太保

○南京都察院右都御史汪宗伊奏免户部尚书新职 上曰卿老成清慎仓场重务特兹简用不允

○原任山海关参将王有臣先是被论赃私至是总督梁梦龙覆勘止谓性气乖戾丛怨招尤赃私别无证据得旨将官若要性气和平便是狡猾软熟之流岂堪任使王有臣既勘明无碍还著调用

○升前军都督府佾书左都督马芳为挂印充总兵官镇守宣府地方

○宣镇修完五年分城堡三处土石墩台六十一座瓮城营城十座敌楼六座墩营房二百七十六间铁裹石境门五十二座边墙界墙五千零七丈三尺铲削偏坡八百三十七丈一尺挑浚濠一百六丈六尺甃包堡墙一十五丈六尺水道石槽一千一百七十七丈三尺井一十七眼帮修堡台四十四座工成赏总督方逢时吴兑等银各有差

○戊辰 上御文华殿讲读

○升广东道御史郭廷梧为顺天府府丞

○庚午 上御经筵是日赐文武大臣及讲官新藕○补陕西副使孙光祐为河南副使整饬井陘三关兵备兼理马政

○先是吏部议太仆寺马职关系匪轻必大破常格凡遇廉谨有才望者即以升擢不必坚泥常套至是以山东登州府知府乔应春任辽东行太仆寺少卿专理马政兼管兵备屯田

○巡抚应天都察院右副都御史胡执礼奏苏州府属昆山嘉定二县荒田欲令督率有司趁时开垦以补荒粮其余逐郡逐邑沿江沿海荒田无限不止昆山嘉定为然因三年起科之令不行故百姓疑畏旋开旋弃必须揭榜通衢招人开垦但报四至送官三年之外方行起科部覆其议以为民领荒田之始牛种器具甚多甚难计三年所获之利不足偿初年所费之费遽令纳粮谁肯承种合无通限种田六年方准起科各给印信执照永为己业该州务须实心任事使六年之内荒芜尽辟抚按从实疏名上请擢用不则参劾降处 上允行之

○以庆府寘钊孙辅国将军薰栒以本等爵职奉祀所有教授甲较看坟及俸薪月粮一切禁革

○辛未 上视朝

○命隰川王府镇国中尉俊楨管理府事以抚按推其贤也

○诏以今岁方举嘉礼暂免行刑

○壬申调补河南副使朱孟震为陕西副使整饬潼关兵备

○升湖广僉事王应乾为本省左参议

○ 上以 先农坛修理未久工费甚多乃二年之间辄称损坏命工科给事中王致祥查勘已而致祥复言坛殿神厨仓库新整坚好别无冒破惟是丹漆剥落甃砌参差墙堊外摧叨剑中折估勘繁兴至廛宸虑其督理内官监太监张沂原任工部左侍郎何< 〇六十见 >及原任本部员外陈以朝俱当行罚 上曰坛工既无大坏著量行修葺各官姑免追究今后工程有可因者都仍旧不许动称损坏希图改修以致劳费

○癸酉推管理红盔将军定西侯蒋建元铨注前军都督府僉书管事

○甲戌 上视朝

○升江西右参议王问臣为河南副使清军兼理兵备马政

○复除四川僉事南轩为湖广官如旧 巡按直隶御史黄应坤题臣自奉命出关周历两镇岁有四月矣三出塞外再睹市成其于边务夷情颇常留心咨访随事体察未常不幸 庙谟之弘远俾强虏效顺更历八市而不渝溯之往古不多见也又未常不忧诸夷之狡黠惟货利是图日增岁益推之将来或难其继也审事机之会酌操纵之宜使之有所利而不欲畔无所挟而不敢骄则庶乎吾之力可支而虏之盟可久是今日之所当计虑而不容缓也请先言虏情而后及其抚处之术夫自虏款以来八年于兹朝廷无北顾之忧戎马无南牧之徼边氓无杀虏之惨师旅无调遣之劳钱粮无浩繁之费两镇边垣屹有成绩官民城堡次第兴修客饷日积于仓廩禾稼岁登于田野凡此孰非款贡之利哉然而虏款已久羈縻无失彼方系恋于吾市赏之利何肯背叛以故青酋东收讨

孙而不敢犯蓟镇之外疆俺酋西历西番而不敢扰甘肃之内境又如近日张家口虏哗被创竟隐忍以毕市而去此其不欲渝盟以自失其厚利有明徵矣臣故知虏之无异志也但犬羊之性惟事贪求市马岁增无所厌足此虽二镇之所同而宣府为甚盖在大同以一镇而当俺酋之一大枝虽黄扯父子素称桀骜然市马之所增岁犹不过数百匹故尚可以勉强支吾在宣府以一镇而当青永之两大枝而又有独腊台吉打刺明安二小枝及夷妇太松等诸酋部落既多而青酋诸兄弟又皆强悍难驯之虏七八年来市赏之增亦极矣以宣镇之大数言之方互市之初虏马不及二千匹今岁已市者三万五六千矣迨及岁终当不下四万每岁辄增数千匹夫马以数千计则银以数万计非小小增益也且今岁增矣明岁又增明岁增矣又明岁又增其在于今视始市不啻二十倍而犹未可以为限也后将何所底极哉盖缘青酋与土蛮及属夷朵颜诸虏皆为亲姻又相和好故每来必带东虏之马入市而抽分其官货又以其马所卖之官货转贩他虏之马来市可得利一二倍是以其利愈厚其马愈多若少加阻拒则忿然欲去以要我边臣思以保全市事惧激其变而开边隙率迁就以从其欲然市本有限而虏马无穷或多方措处或委曲那移以应之迨今则措处已极而那移者无所施矣即使诸虏来岁之马不加于今岁然且不给况贪而无厌者虏性之常将岁岁增矣而又何以应之哉窃谓为今之计惟无惜乎变盟为其所挟庶可以止其马之岁增又必止之于未来之先而后拒之于已来之际庶可免其猝然之变盖彼率其马而来聚于我之边外向未有拒之者而今骤拒之以大拂其愿其愤深矣势必不能故欲止之必及其未市之先厚其礼善其辞坚其约明示以朝廷之市原有定额而不敢请边臣之曲处今已殫力而不能加曰如是则市不如是则否毋为他人求利而自坏汝事毋他日马至塞下而谓吾阻回也至于再至于三彼见吾言之谆切如此独不虑吾之绝其市乎果能如约而至则与之市而厚遇之彼复不听而求多焉则吾为有辞惟闭关以谢之而已若挟以去则听其去而不留若遣人来言仍守其初约而不变即使虏有变动亦惟谨备之而不迁就以徇其欲臣知虏之必从吾约也盖自通贡以来虏有所欲焉则求有所缺焉则求求未有不得者至于市马之利即今岁青酋兄弟所得几十万金矣使一日闭关而绝其市可复得耶即使入抢岂据有此耶又安得锦绣金银布帛如市赏者耶以虏之贪而狡必能办此矣纵一虏欲叛而他虏之利吾市者未必肯与之俱叛则其势孤而不能以大逞故臣知其必从也虏能从吾之约定其议而能坚守之则吾之才力可继虏之盟信可久伸缩操纵之权吾得以执之不至为虏所挟而又力修战守之务以伐虏谋则彼之款益坚而无一旦不可收拾之患即使虏不吾从变盟而内犯纵不能遏其不入犹可深沟高垒清野坚壁以待之彼亦未必得志即稍有所获亦安得如市赏之利哉虏必悔而复求以竟从吾约如是则边境数十年之安可复冀矣若曰虏款已久何为开此衅端宁姑顺之以幸目前之无事则非岁增四五万金不可岂惟吾力不继而彼之骄悍且日炽矣至于数穷理极又安保其不变乎伏乞敕下该部从长计处使虏免无厌之求而我有经久之策 上下其章于所司

○乙亥减保定府站银二万九千二百四十六两止实编六万四千一百九十三两二钱河间府二万八千一百四十九两止实编银四万一千三百六十六两七钱

○以南和伯方焯管理红盔将军上直侍卫

○丙子 上御文华殿讲读仍于殿内致斋如常○升云南按察使王希元为江西右参议分守湖东

○升湖广郧襄守备以都指挥体统行事著指挥佥事谭敬承为署都指挥佥事铨注山东都司军政佥书轮流管领该班官军事务

○修筑易州城垣动支保定府库贮赃银七千两存粮银六千四百有奇
明神宗实录卷之七十九终

明神宗显皇帝实录卷之八十

万历六年十月戊寅朔钦天监官进明年大统历 上御皇极殿受之分赐文武群臣颁行天下

○孟冬享 太庙

○复除原任浙江右参议徐廷裸为本省左参议

○己卯 孝洁肃皇后忌辰 奉先殿行祭礼遣丰城侯李环祭 永陵

○大学士马自强以病请假 上曰卿宜慎加调理痊可即出供职

○辛巳以辅臣马自强患病在告赐猪羊瓜果等物自强疏谢报闻

○南京贵州道试御史王廷稷条陈时政谓人主保身以保民夫人主之身天下人之身也必保全精神颐养元气使其心日清其神日定而后可以永保天下之民今 皇上起居动作自有定则然臣尚冀 皇上以心为严师调摄一人之元气以培养四海之元气则精神完固与天无极则百斯男之庆亦于是焉基矣书曰兢兢业业一日二日万几 皇上春秋鼎盛睿哲益开当日御使殿延见阁臣暨九卿侍从诸臣凡诸几务必与反覆裁决而后施行凡诸章奏必与斟酌可否而后批行行之既久将四海利病九州安危无一得隐于下而太平之风可兴矣易曰节以制度不伤财不害民 皇上俭德彰于天下迺因内府缺乏岁取太仓银二十万两以益之科臣进言虽蒙温旨批答未见慨然允从夫太仓银所以供边饷及诸大典礼之用今虏心叵测势或渝盟荒旱相仍输纳不继可不预为节俭之图乎去冬彗星经天占者俱以东南兵兆为虞近者通州倭船潜伏海岛即袭杀亦足称快然起衅之端实在于此又闻潮州地方遁贼林道乾复引倭入犯东南多事于兹可见北虏输款既久然求索茶市求增升赏豺狼无厌渐不可长况秦晋诸虏亦觊此效尤属夷长昂等阑阻各夷贡马因而挟赏而青土二酋又与合兵欲图入犯臣以为宜严敕防海临边诸臣谨斥堠慎烽燧而又精练土著以足兵增修屯田以足食庶其有济乎近者各省如山东陕西有风旱之变河南荆襄有水溢之变苏常有虫螟之变广东广西屡遭用兵之毒淮扬一带黄河为害一望沮洳而辽东尤苦水患此其灾变非小小也 皇上俯念民瘼每奏请蠲徭无不允从然臣愚以为蠲免之恩能济于常

不能济于变能行于有产之人不能行于无告之夫宜通行各省抚按查勘于被灾地方直令有司官酌量发仓赈济至淮扬一带尤必速停不急之役更加賑恤之意毋徒以有限地方填塞无穷巨浪而辽东近日水灾又当大为賑济或官廩不敷则为多方措办银两以补助之则天下民心举安而不至生乱矣议下所司

○巡按直隶御史林应训奏三吴水利三江入海而吴淞江中段自屈家坟以达艾祁自千墩浦达漫水港则入海之中道也今河浦皆通而中段独塞此其为害岂曰细故盖缘在上者以无关于运道而每以时诘为角□羊在下者虑轻用其财力而每以浮议中格淤塞之患盖数十年于兹矣一旦官民同心人力毕举以三十余里一线之浊流而辟为一十余丈一带之巨浸初议三万五千六百有奇之夫役用之四旬而今也三旬而举之初议四万五千七百有奇之工价犹恐不足而今也二万四千九百有奇而成之且役之兴也当春夏清和之候适小民青黄不接之时授民以直而农有所济募民之力而人乐于趋臣又与该道时时到工所考其勤惰而卖罚之访其侵克而究惩之是以役无顷刻之旷食无毫末之虚故集三万五千有余夫于江上功以三旬而举费以二万四千九百而足也伏乞敕下工部覆查如果前项工程别无虚冒即将已未经银两准其销发其余存剩在库银两并各县滩占未完地价俱准徵收听候别项河工支用得旨

○癸未 上视朝

○礼部题参钦天监监正臧隆春官正薛体仁奏进万历七年大统七政等历内罗<□□日侯>躔度差至八月二十四日计都躔度差至十月二十五日相应分别处治仍令改正有旨隆降俸一级体仁降二级法司提问错误仍改正行

○甲申 上御文华殿讲读

○吏部题覆刑科给事中姚学闵南京四川道御史张友舜各<□□足 毓-金 >劾南京工部尚书徐枋议令回籍听用 上然之○以阳曲王府辅国将军表马□宋以本等职衔管理府事

○升分守广东惠州陆路等处兼管碣石水寨海防参将侯继高充副总兵协守潮漳等处地方延绥领军游击臧士劝充参将分守榆林等堡地方

○乙酉铸给暹罗国王印一顆

○南京报囚矜疑宥死发戍者二人情罪不服再问者二十八人应决监候者四人

○发阳曲王府未请封宗室知灯为庶人闲宅禁住夺镇国中尉知火□庭禄三分之一灯酗酒杀人火□庭以甥女为婚故也

○丙戌 上视朝

○改福建分巡武平道印信为福建道另给整饬福宁兵备兼分巡建宁道为建南道另给整饬兵备各敕书关防

○兵部题东起辽左西至甘肃延袤万里与虏为邻即令冬至正旦各边镇守总兵等官或恣肆偷安耽于燕乐或纵军出境从事固猎以致虏贼乘隙入寇贻患匪轻例当

通行申饬报可

○丁亥 上御文华殿讲读

○升分守浙江杭嘉湖参将署都指挥佥事季金分守广东惠州陆路等处兼管碣石水寨海防参将山西都司佥书为事官王江仍以事官充延绥领军游击将军

○戊子诏以催处节年发换不堪布绢毋令贻累小民南直隶苏松常三府绢九千一百一十二疋浙江湖州吉安等府州县绢二万八千七百一疋湖广长沙等府一万二千七百一十五疋各抚按官俱要细查严催限万历七年四月内追完起解再有怠玩的参治不贷

○遣浙江道御史苏民望巡按河南

○己丑 上御文华殿讲读是日赐百官戴暖耳

○升总督两广军务巡抚广东地方都察院右都御史兼兵部左侍郎凌云翼为南京工部尚书

○加辽东镇家丁赏赐布花银一千一百九十两七钱墩府月粮银一万三千七十七两自万历六年九月为始俱增入主兵额饷数内一并查发其两河军士防守月分将万历七年应发粮银二万一千两先行预发以示优恤至意

○迁广东四会千户所于广宁县城改为守御广宁千户所

○刑部山西司开详绞罪犯人周官法应处决 上以周官先经御史辩问改遣未常题覆请旨如何辄据处决命所司查明已而大理寺覆奏周官简证俱的本寺参详无异御史辩问都察院掌管并无文移知会遂致本寺无凭稽查 上曰今后问刑官改拟重狱三法司俱要彼此关白知会归一毋致出入参差有紊政体

○辛卯大学士马自强卒 上闻悼惜命礼部查明恤典以闻寻遣司礼监太监视丧赐银一百两彩段四表里油米香炭等物○升山西岢岚守备以都指挥体统行事指挥同知孔允熙署都指挥佥事铨注山西都司军政佥书管事

○壬辰 上御皇极殿受朝

○升巡抚江西都察院右副都御史刘尧诲为兵部右侍郎兼都察院右佥都御史总督两广军务巡抚广东地方

○以裕州岷山铺强盗杀人降知州赵世贞一级夺参将安嘉善俸三月仍令上紧缉拏真贼具奏

○癸巳 上视朝

○甲午复襄垣王府奉国将军聪获及其子镇国中尉俊楸原封 获为成金 癸讦奏至是抚按问明故复之

○升浙江军门标下左营游击韩沛仍以游击职衔督理广州地方海防参将事山西老营堡游击王弼充左参将分守山西太原地方

○乙未 上御文华殿讲读

○遣山东道御史房寰巡督河东盐课 诚孝昭皇后忌辰遣惠安伯张元善祭献陵

○丙申免追山东布政司前欠银两一万五千四百六十一两从巡抚赵贤之奏也

○以达贼侵犯前屯地方赏游击杨总勋等御获功各十两其余失事官军发遣问罪有差

○升山西偏头关守备以都指挥体统行事署指挥僉事郑尚金署都指挥僉事充山西老营堡游击移驻偏关

○丁酉先是总河都御史潘季驯漕运侍郎江一麟交章论徐州道副使林绍治河无状既而绍揭季驯谓遥堤不当筑决河不当塞天妃闸不当闭而徐北鴈门北阵一带浅阻可虞其议相左各相论列部覆绍应罢黜季驯一麟身膺重寄不宜摇惑妄议以替初心 上然之著林绍冠带闲住

○开原殷家庄窠堡等项工程成录兵备副使林溱功以俟优叙○戊戌上御文华殿讲读

○升副总兵管分守辽东锦义参将事潘忠以副总兵职衔管分守大同中路地方右参将事万全都司掌印署指挥僉事倪尚忠充左参将分守宣府中路葛峪堡等处地方

○己亥升南京大理寺卿刘斯洁为兵部右侍郎兼都察院右僉都御史巡抚江西地方兼理军务

○庚子追封后军都督府带俸左都督李鹤妻张氏为夫人仍给祭葬不为例

○升原任分守山海关参将王有臣充右参将分守辽东锦义地方陕西都司军政僉书署都指挥僉事王学礼铨注万全都司军政掌印管事四川总兵标下坐营以都指挥体统行事署指挥僉事吴宪署都指挥僉事铨注福建都司军政僉书○给总督河漕工部尚书兼都察院右副都御史吴桂芳祭葬寻赠太子少保

○北虏贡市事完赏总督宣大侍郎吴兑银四十两纁丝二表里前任大同巡抚郑雒巡抚宣府王一鸚各三十两二表里山西按察使许希孟等八员各二十两一表里宣大管粮郎中刘思中等仍与宣府同知稽巖各官赏不一

○辛丑赐元辅张居正等韵府群玉书

○命太常寺卿管国子监祭酒事余有丁充经筵讲官翰林院编修沈一贯赵鹏程简讨张应元充会典纂修官

○以鹵簿造成赐工部左侍郎杨成右侍郎陆光祖银二十两纁丝一表里及郎中吴从用等十余员升赏有差

○壬寅兵部题覆工科给事中尹瑾奏岭东濒海倭夷岛贼出没不常今须广布兵船邀截外洋乃为上策一曰量寨之广狭以定船之多寡二曰酌水之浅深以置船之大小三曰随便修理则财力省而防守不单四曰清查虚冒则行伍充而缓急有赖五曰整

以歇家包揽奸弊多端今已尽法惩治故此辈敛戢各衙门皆肃清 上曰彼惧枷号耳时 上方援笔作书与辅臣言政事应答如响其聪明天纵如此

○丙午赐辅臣居正银一百两彩段四表里以撰 上寿诗文也

○升南京太仆寺卿饶仁侃为都察院右佥都御史巡抚云南兼建昌毕节地方赞理军务

○丁未 上御文华殿讲读

○江北海门县余东场地方生擒倭贼十人斩获首级一十八颗有功官员兵备等官龚大器等听吏部纪录副总兵等官戚继美等本部纪录及二等有功员役行彼抚按照依万历四年原题赏格分别奖赏被伤兵役量行优恤

明神宗实录卷之八十终

明神宗显皇帝实录卷之八十一

万历六年十一月戊申朔升提督四夷馆太常寺少卿萧廩为南京太仆寺卿

○先是石城王府奉国将军拱栢越关赴京奏事发闲宅禁住至是男镇国中尉多赭奏乞代父之罪又其事在恩诏之前 上允放之

○兵部题覆南京四川道御史张友舜以留都根本重地皇城之内所贵肃清邦域之中尤当盘诘各内官衙门凡有事情俱送司礼监审处内使火者工役出入俱要悬带牌面至于云游僧道寄食寺观劫财巨寇投宿娼家此皆盗贼渊藪尤宜禁缉报可

○兵部题先经题准裁革保河民兵一枝撒放归农徵角□羊工食银两雇募土著三千名以图实用即委原任游击李逢时仍充本官管领三屯车营事务以训练之报可

○庚戌 上视朝

○以安州新安县水灾准于万历六年存留秋粮马草内炤依灾伤分数查免

○南京吏部尚书赵锦以老病乞休不允

○复副使段续参政张邦土以原职致仕从伊子户部主事段补光禄寺署丞张循之请也□□原任太仆寺少卿王宗载为太常寺少卿提督四夷馆

○辛亥兵部题国初于闽广西浙设三市舶不徒督理贡事亦以牵制市权意固深远寻以浙江多故旋改旋罢惟闽广二舶尚存而广南番船直达省下禁令易行福建市舶专隶福州惟琉球入贡一关白之而航海商贩尽由漳泉止于道府告给引文为据此皆沿海居民富者出资贫者出力懋迁居利积久弊滋缘为奸盗者已非一日今总督凌云翼议将下番船舶一一由海道挂号验其丈尺审其货物当出海回籍之候俱欲炤数盘验不许夹带违禁货物巡抚福建刘忠问一谓漳州澳船须令赴官告给船由文引并将货物登记二谓泉漳商船无可辨查要行该有司将大小船只编刻字号每船十立一甲长给文为验三谓沿海居民问有通贼接济宜立保甲互相稽察如一家接济则九家报官敢有容隐则九家连坐其甲保长另行重处四谓南日山寨新移吉了巡司之旁道里不均应接不及须移置平海卫南哨澳地方以便策应臣窃谓近日剧贼林道乾林

凤等逋逃岛外尚漏天诛更有黠猾豪富托名服贾勾通引诱伪造引文收买禁物藉寇兵而赍盗粮为乡导而听贼用诚有如督抚二臣所言者伏乞敕下闽广该地方官查炤前议斟酌施行得旨海禁事宜著该省抚按官会议停当具奏

○壬子 上御文华殿讲读 恭让章皇后忌辰遣内官行礼○礼部题各处夷人进贡到京俱该臣部题请给赐段绢衣服然而沿袭日久纰恶实多夷人每每忿掷喧哗上褻国体下失夷情以后宜敕令织造官员严查稽核毋令匠役人等克减工料致将不堪之物朦胧混进已而工科给事中王道成亦以为言 上报可

○癸丑礼部题各夷年例进贡惟西番人数甚众其赏赐甚厚然而发去支茶勘合及支半赏咨文恐伴送人员串同夷人别有洗改情弊及至回文到日则彼已冒支事属外夷类从宽处故将前项勘合咨文转行兵部别发公差顺赍其预防之计为甚周矣而法外之奸尚有四者一曰指称营干关银每一次支银恐吓各番指称为伊打点坐取夷人重贿一曰沈匿公文先是题准将折衣等项银两关送主客司同各夷僧并伴送人等当面封记备写数目用印钤盖乃奸巧百出尽将前文藏匿彼处巡抚衙门且不知有本部咨文况得查其银数哉一曰营干支茶勘合本部既将前勘合转行兵部发与公差人员矣此辈知之转买勘合在手百计刁难务足其欲而后与夷人夷人得此一可以遂其洗改之弊一可以免其守候之苦是以宁捐重费而不惜也一曰营干半赏咨文夫夷人于银两食茶不无预支克减之弊而年赏数内尤可侵渔此辈将前勘合巧计转购高索重价夷人就中更有他利且听彼之为伊出力而甘心与之凡此者以朝廷优厚之典夷人应得之物使奸人得以展转局骗上损国体示轻外夷其为关系良匪细故得旨依拟著实清查厘革务令远人得沾实惠

○甲寅祭 三皇于 景惠殿以祭品赐辅臣张居正等 ○升广东佥事姜忻为广西右参议

○丙辰 上视朝

○以 大祀 圜丘遣英国公张溶恭代视牲

○是日 圣母慈圣宣文皇太后寿诞赐元辅张居正母金箱宝花金银万寿字帕等物又赐张居正等万寿簪黄绶符等物有差

○丁巳诏以暹罗开馆事系创始凡选择生徒建修馆舍等项宜酌定成规以便遵守

○戊午 上诣 太庙请 太祖配位还御皇极殿以 大祀 皇天传制誓戒百官致斋三日

○庚申 上诣 郊坛恭视 神位及阅豆笾时居正守制不陪祀以扈驾从 上特召见于斋宫内殿赐果膳饌盒及八宝银叶赐礼部太常寺锦衣卫堂上官银叶各有差

○辛酉冬至 上 大祀 天于 圜丘免百官行庆成礼○遣定远侯邓世禄临

淮侯李言恭武平伯陈永禄清平伯吴国乾庆都伯杜继宗分祭 长陵 献陵 景陵 裕陵 茂陵 泰陵 康陵永陵 昭陵惠安伯张元善祭 景皇帝中官祭 恭让章皇后及废后吴氏指挥蒋克谦祭 哀冲 庄敬太子各陵园

○壬戌 上御皇极殿以长至令节受百官朝贺

○甲子撤回蓟昌二镇秋防兵马仍将各标兵酌量地方冲缓分班贴守以备冬防

○乙丑升南直隶口河游击张榜充左参将分守广西浔梧等处地方

○以辽东将领招过降夷并回乡人口数多赏总兵参将等官有差

○ 孝惠 孝烈二皇后忌辰遣定西侯蒋建元祭 茂陵广宁伯刘允中祭 永陵

○丙寅 圣母慈圣宣文皇太后万寿圣节 上御皇极殿文武百官致词称贺免命妇朝贺

○丁卯朝鲜国王李昫遣陪臣贡方物入贺宴赉如例

○以九江军民词讼炤旧听本兵备道就近听断事情重大者候江西抚按详允发落至于考选军政催餉钱粮制造军器清查夫丁凡系南直隶抚院当行者悉听备行兵备道督理考成从巡抚应天胡执礼之议也

○己巳以浙江分巡金衢道兵备副使胡汝嘉炤有疾例致仕

○升直隶金口圖山把总指挥僉事朱先署都指挥僉事充刘河游击

○以山西镇北楼等城堡修完赏原任总督方逢时等银币有差夺太原左卫正千户等俸三月

○以开浚白茆塘钱粮缺少准留宗人府派剩银八千两动支

○庚午陕西苟家平番人七巴等共一百八十二名各备马匹赴京进贡赏银如例

○准南京户部尚书毕锵致仕

○升湖广右布政秦淦为江西左布政使

○免山东沂州卫班军领过粮银九千九百五十两五钱

○辛未 上御文华殿讲读

○南京科道官王良心等交章论列应天府府尹王世贞部覆世贞才识年力众所共惜但京尹重任既经论列难以议留仍令回籍听用 上然之

○升贵州都司掌印署都指挥僉事顾宗文为分守广东琼崖陆路等处兼管白沙水寨海防参将八达岭守备署指挥僉事孙甫署都指挥僉事充统领蓟镇德州春班官军游击

○赏总兵李成梁银三十两纁丝二表里游击孔东儒等各十五两以虏犯义州斩获有功也○壬申降南京户部郎中方扬方沆主事王廷卿各一级调外任先是廷卿疏奏扬沆冒支库银及花费余银语侵尚书毕锵至是部科勘明廷卿性行乖方挟私论列扬沆虚夸所长轻辱僚友均宜炤浮躁例降调 上从之

○复除原任陕西副使张希台为浙江副使整饬金衢兵备
○改贵州威清道兵备副使敕书内提督迤西及与参将计议字样仍给节制普安
阳守备等官敕书与之
○癸酉 上视朝
○升陕西左布政使阴武卿为应天府府尹准福建右布政使朱奎致仕
○云南犴獍诸夷纠党啸聚劫掠地方该官军斩获首级不上千人而杀掠男女七
百六十名口而放火焚烧木瓜等处污辱士女劫夺货财屠戮之状惨不可言抚院勘实
以闻 上命巡按御史将本州同知张思贤拏问正罪仍恤录被难官军有差
○乙亥免讲读
○升湖广按察使冯叔吉为本省右布政使
○以南京都察院右都御史王好问为南京户部尚书
○徵广东见贮在库盐课银一千三百二十一两余其海北二提举司等处自嘉靖
四十三年至万历二年盐课银五万八千捌百尽数蠲免
○遣云南道御史房如式巡按淮扬地方
○四川乌思藏法王遣锁喃元旦等一十六员进贡宴如例 丙子升鸿胪寺左寺
丞薛谏为本寺右少卿
○升河南右布政使朱炳如为陕西左布政使
○谕各省直提学官遵诏敕书每年巡历一次严行考较其一切参谒抚按礼文尽
行禁革
○以福建田粮不均偏累小民命抚按著实清丈明白具
明神宗显皇帝实录卷之八十二
万历六年十二月丁丑朔升贵州河南按察使张天驭吴文佳俱右布政使文佳福
建天驭云南
○陕西林家山番人冉家蛮等一百四十九名赴京进贡赏如例
○戊寅以兵部左侍郎曾省吾为南京都察院右都御史 朝鲜国王李昫遣陪臣
户曹参判郭越赴京进贺长至节命礼部尚书潘晟宴之
○升蓟镇总兵标下左营游击李信参将分守蓟镇石门寨等处地方
○免山东沂费剡三州县变卖种马不敷价银
○己卯升福建右参政李太原为贵州按察使
○给原任顺天府治中许倓母封一品夫人李氏祭一坛从其请也○池州府范人
张思道等七人犯强盗得财律先是奉旨处决而御史耿鸣世以称冤监候请 上以鸣
世宽纵废法降一级调外任或谓南京户科给事中余懋学疏忤居正谪为民归婺源会
歙民与婺休五邑争丝得激变居正阴挤懋学拟旨索宦族主使甚急鸣世不从遂有是
贬

○庚辰 上御文华殿讲读

○ 慈孝献皇后忌辰

奉先殿行祭礼

○赏锦衣卫掌卫事都指挥使余荫刘守等羊酒并官较炤例升一级以缉获罪犯有功也

○辛巳以南京兵部右侍郎郑雒为本部左侍郎大理寺卿王凝为兵部右侍郎

○升浙江山东左右参政徐节舒应龙为按察使节整饬苏松兵备应龙河南

○调补原任湖广右参政王叔杲为福建官如旧

○升宁夏管理水利屯田以都指挥体统行事署指挥僉事杨思署都指挥僉事充甘肃游击蓟镇总督标下右营游击王添职蓟镇总兵标下左营游击

○壬午 上视朝

○癸未升山东右参政翟绣裳为按察使整饬密云兵备

○升黄花镇守备李如松充总督蓟辽保定军门标下右营游击

○甲申复除吏科给事中杨言

○升巡抚延绥等处地方赞理军务都察院右僉都御史宋守约为副都御史炤旧巡抚地方

○补山西右参政张楚城为浙江左参政

○诏以京城内外钱法壅滞重困小民各地方不著实奉行显是违抗今后再行申饬有犯私铸及倡言阻挠的除私铸为首依律论死余各问罪不贷

○谕在外衙门热审减等事例一切停止不得擅变成例妄议市恩○乙酉诏自今以后凡武职高于子者仍旧进阶卑者直炤子官文职品级其文武品级相同者并行封赠阶亦如之著为令

○升山东僉事张崇功为本省右参议分守辽东

○革乐平王府辅国将军旭木□款为庶人闲宅禁住夺旭柎旭梳禄米三分之一以木□款等纠党杀人故也

○丙戌 上御文华殿讲读

○降原任江西右布政使张柱为山西右参政

○以贵州分守贵宁道兼制四川乌撒等五府及每年督催额纳贵州仓库米银不时巡历贵前二卫贵州宣慰司地方一应事宜仍与毕节兵巡及迤西参备公同计议而行给敕书与之

○丁亥升整饬蓟州等处边备兼巡抚顺天等府地方都察院右僉都御史陈道基为南京大理寺卿○复除原任江西僉事周于德为山东僉事分巡辽东带管兵备屯田

○兵部议以山海关参将吴惟忠出关应援宁前于该关步兵内挑选精健三百四十三名无马家丁一十二名共拨给太仆寺寄养马三百五十五匹其月粮料草悉于永

平该镇额饷内通融炤例关支报可

○己丑 上视朝

○庚寅 世宗肃皇帝忌辰 奉先殿行祭礼遣抚宁侯朱冈祭 永陵

○辛卯以年节赐大学士张居正等银币有差

○升山西左布政使张梦鲤为都察院右佥都御史整饬蓟州等处边备兼巡抚顺天等府地方

○ 景皇后忌辰遣都督佥事沉至祭陵寝

○壬辰裁定司礼监官七员锦衣卫官六员旗校士军一百八十名以后永为定额

○癸巳升山东右布政使张士佩为山西左布政使○甲午 上御文华殿讲读顷之辅臣居正等入侍因言向者 皇上御极之始方在冲年臣请每日写仿一张今 御书宸翰已为妙绝若再求精工即使书逼钟王亦于治理无益臣请自来岁为始停罢写字每日蚤讲之后容臣等将各衙门紧要章奏面奏数本摘其中紧关情节逐一讲说要见 祖宗法度如何见今事体如何某事便益合当举行某事弊坏合当厘革今当作何处分应何批答 皇上或面赐质问令臣等反覆开陈或出其 圣意与臣等商议可否议定然后行之臣等亦可随事纳忠陈其狂瞽臣又惟帝王之学要在讲明义理知古今治乱安危之所由不在句读且见今所讲经书皇上皆已熟读数过今后讲官止令炤常进讲不必先读其中或有疑义 皇上不妨面问令讲官通俗讲角□羊或讲官一时仓卒辞理未畅臣当从旁代对罄竭其愚 皇上既讲明义理又通达政事于治天下何有惟 圣明留意 上然之

○乙未升浙江按察使杨一魁为山东右布政使江西左参议王世懋为江西副使

○以诸王府及大臣丧辍朝一日

○丙申 上御文华殿讲读□原任大学士高拱妻张氏上疏陈乞恤典 上曰高拱负 先帝委托藐朕冲年罪在不宥但以 先帝潜邸讲读朕推念旧恩姑准复原职给与祭葬

○工科给事中刘中立云南道御史茹宗舜各< 疏 金 >论劾京营戎政兵部右侍郎孟重夤庸状已而重疏辩乞休不允

○丁酉升浙江右参政徐云程为本省按察使

○调补广东右参议李天植为江西左参议分守九江

○戊戌以陕西积谷少四分以上夺平凉知府张崇谦等俸三月少五分以上安化知县张附翔俸半年七分以上泾州知州张四维等八月九分以上文县知县王三锡等一年

○遣浙江道御史朱文科巡视京营

○己亥升云南副使许宗鑑为浙江右参政

○户部题覆准大邳三卫运军月粮旧例该在存留屯粮支給近缘地方灾患各州

县徵角□羊不前始改给于商税自今以后若不取给于屯粮则旧额渐湮若全取给于税银则徵商过重今议以十分为率在济漕税银内支者六七在存留屯粮内支者三四裒益适中可以永久至于泗州卫运军该卫屯粮秋米抵充外其余五个月该折粮银三千七百四十四两即于本州及天长盱<□□日台>虹县五河并该卫夏税屯粮凑足注为定数报可○诏以各边工程但经题准紧要者上紧修筑以资防御其余不得虚冒钱粮疲弊军力如蓟镇之赛西湖宣府之饮酒楼等项殊无名色亟宜一切禁止

○勒令钜野王府辅国中尉颐尧□佳自尽降阳城王长子载土□常为庶人尧□佳毆母伤兄土□常居丧挟妓皆为抚按所劾奏也

○以南京 奉先武英二殿及承天门工竣赏礼部尚书陶承学等银二十两纁丝二表里兵科给事中王良心御史林应训各升俸一级仍与工部主事郭子章赏银有差

○庚子 上御文华殿讲读

○是日辅臣张居正等题先该臣等题称每年终将讲过经书通鉴讲章类写进呈以备 皇上温习观览仍发司礼监接续刊板已奉钦依节次进呈讫今将本年所讲经书通鉴共五本谨类写装潢进呈仍乞发下该监接续刊行

○居正又题适得蓟辽总督梁梦龙塘报言辽东大捷等因臣看此举虽系出边捣穴其所获皆守帐家口与精兵入犯临阵者稍异然斩馘至八百余级使贼狼狈内顾未及抢掠而去斯其功亦奇而可以慰 皇上东顾之忧矣谨具题以闻 建江西泸溪地方县治即以泸溪名县铨选知县典史各一员教谕训导各一员

○给原任总督陕西三边军务兵部右侍郎兼都察院右佥都御史董世彦祭葬世彦立有边功炤考满例与之

○壬寅 上视朝 升山西右参政兼佥事吴善言为都察院右佥都御史提督军务巡抚浙江等处地方○户部藉奏勋爵魏国公徐邦瑞等常禄及节次加赐共岁支禄米二万五千四百三十石系常禄者于银库系加恩本色者于禄米仓各关支惟复仍旧本折分派 上曰既查明白以后通行造报

○癸卯升陕西佥事马时泰为行太仆寺少卿兼佥事

○令太常寺卿陈于陞致仕坐冒服登坛为科臣林景昫参劾也

○巡按陕西御史赵楫题虏之盘踞西海日与番僧溺志焚诵并无回巢消息部落八万有奇逐水草而乘机刁抢往往有之臣再三侦探此虏久驻不回其不便地方有四此中百姓全赖农桑今诸虏往来不得佃作秋事业已失望此时又无回巢消息则明年蔗蓂之期又未可卜不便一凉庄僻在一隅所通往来者一线之路耳今虏王部落往回各套群丑之送迎道出凉庄永昌诸处固非垂橐而行也况中超胡儿一枝最号狡黠时剽掠粮畜当事者传谕虏王罚治则彼以年老不能铃束为辞以故不但居民有妨农桑抑且行旅受害道路萧然矣不便二虏王与宾兔丙兔超胡儿诸酋扣关乞赏无日无之而抚赏之费不过取给于商税而修城羨金自理赎缓悉摻括无遗焉臣与各道论及俱

云此虏不去将来抚赏之费必议及军士月粮不能神运鬼输也夫边军方枵腹待哺何以堪之如往年庄浪之变可鉴也不便三虏王久驻海上沿边套虏风闻云集彼即遵盟守约而在我不得不分布要害以防叵测然既力分势弱倘番贼乘虚入寇出我不意未免顾此失彼如往年石峡堡之事乃其明鉴而疮痍未复之民又何以当也不便四然此就目前论也虏王年老有如一且填壑则部落散涣其谁统之况诸虏久住甘凉庄西虚实尽为所伺万一犬羊生心则狭以西无复安枕之日矣顺义盘驻西海而沿边各套诸虏假以迎送约会倾巢麤拥悉移驻近边之外韦鞬毳幕蜂屯螳集彼此已成首尾之势我之背腹皆虏何异痲疽结于肋下豺狼伏于门庭兼之虏王老耄各枝部落又不受其铃束万一黠虏匪茹则变当在旦夕间伏乞敕下从长计议无滋后患议下所司

○甲辰调山东副使王士□旋为山西副使

○进仁寿清宁未央三宫官地子粒银共三万八千八百七十两

○乙巳升山西太原府同知李甘□向为陕西佥事整饬肃州兵备兼管屯田

○调补浙江副使刘翮为云南整饬福安兵备以考察不及调也

○丙午 上御皇极殿顺天府行进春礼○是日 上裕享

太庙

○以明日正旦节遣丰城侯李环定远侯邓世栋新宁伯谭国佐武平伯陈永绍庆都伯杜继宗祭 长陵 献陵 景陵 裕陵 茂陵 泰陵 康陵 永陵 昭陵惠安伯张元善祭 景皇帝陵寝内官祭 恭让章皇后及废后吴氏指挥同知谢 二太子各陵园

神宗八十二终

明神宗显皇帝实录卷之八十三

万历七年正月丁未朔

上御皇极殿百官行庆贺礼

○辅臣张居正题今月恭遇元旦仰惟 圣母 皇上履端纳祐茂衍 宸禧臣忝首臣欣庆之私万倍恒品缘奉有前旨不敢随朝行礼谨于会极门叩头称贺< 叩 銮 金 >入报闻特赐烧割酒饭又赐三辅臣上尊珍饌 壬子上御皇极殿太常寺以孟春奏享 太庙礼毕 上御经筵升山东右参议徐学古为本省副使升光禄寺卿温纯为太常寺卿

○甲寅 上致斋文华殿会乐安等府宗室宸凉等六百余人俱以擅婚被议例当革封连名奏辩辅臣张居正等以其奏封进有顷召居正等入至殿后居正前诣御案展宸凉等奏读之 上且读且语至竟居正奏言旧制宗室年至十五各该王府始为请封请婚及奉旨选择果系家道清白人物俊秀年命相应者巡按御史核实以闻该部题覆乃赐给封号许今成婚如不候覆请授封擅自婚配者所生子女止许请名不许请封比定例也顾岁久人玩往往朦胧侥幸不行发觉至嘉靖二十八年以晋府宗室表柔事发

乃复申明禁例近因多确多燉挟私互讦并以擅婚革爵乃并宸凉等通行举首若以常例论究则六百余人家口不下千数皆当夺削情实可悯且据宸凉等奏皆谓授封在二十八年以前彼时禁列未曾刊布虽有违碍俱在例前合无念年远人众姑与分别以二十八年为断

上曰二十八年例 皇祖所定耶居正对曰然此本宜下礼部酌议若例后故违者照常革黜例前所犯姑免追究庶情法得中 上曰先生言是与礼部议行居正又言今国家难处之事无如宗室盖国家财赋有限宗室生齿无穷今 玉牒见存者不下万五千余位即揭天下之赋以供之尚不能给况又有朝廷之经费九边之军饷乎是以有司极力措置常若不支宗室张口待哺常苦不赡其间穷困窘迫至有不可言者矣夫

高皇帝众建宗子意存强干惟恐支裔不蕃

裁抑惟恐其生息之日众此岂 圣祖之初

穷耳自今宜斟酌变通稍为限制五服之外皆

封爵有数禄粮自省且今 仁庙 宣庙皆以亲

王子孙袒免之外者乎 高皇帝初制亲王岁禄皆以民贫赋少有止给二千石及千石者则知 圣祖法意原有变通但兹事体重大未可轻议待数年之后 皇上益明习政体灼见弊源乃时颁明诏告谕宗室定为经久可行之制庶几人情帖服若失今不图岁复一岁将来大患必起于此 惟皇上深思而审处之 上曰当与先生每从容议处居正等奏事毕 上曰先生每辛苦居正等复叩头谢

○乙卯 上亲享 太庙

○丁巳 上因考选译字生命将诸国番丈各写一本进览至是辅臣传令四夷馆写完华夷译语十册进呈 上留览

○云南御史陈文燧议欲复设参将驻劄三宣兵部题覆谓永昌自裁革分守参将复设知府同知之后夷民安堵三宣设将更欲何为其临安参将原为防缉犴狴弹压安南非以制莽今东夷底宁守备足制参将已为虚设议将金沧守备移驻腾越协同抚夷同知勘处夷情无事则督率永昌腾冲操捕官训练汉土官军夷兵以振军威仍责成金腾兵备副使巡历稽查功罪从其议

○己未兵部题水西口民二酋虽就处分终属犷悍制驭统摄须在得人请敕署都指挥僉事李长荣加衔守备坐镇卧这等处指挥王道亨管理的都从之

○命延绥镇每年贡市抚赏银货奏册清册改拟简明总数

○旧制设养种马固为孳生亦备缓急先因沂费郟城地灾民困故抚按题请曲与调停非例也而金乡鱼台复以灾累为辞乞比例若他州县相继奏乞必将尽废马政兵部覆议将鱼台县见养种马量卖三分之一金乡县四分之一从之

○升永平守备陈汝忠署指挥僉事充神机三营游击○癸亥 英宗睿皇帝忌辰遣崇信伯费甲金祭 裕陵

○上以虏酋款顺恐边臣弛备遵 先帝明旨遣科道官阅视边务用以儆惕人心
振兴颓废时给事中李廷议奏言差官糜费劳扰无益 上谓廷臣妄言阻格罚俸半年

○己巳贵州总兵吴国以贪纵欺冒被劾革职

○发遣将官黄道朱甫等戍边黄道系广东罗道中路守备抚驭无方及朱甫克匿
军粮致激倡乱俱犯堤备不严抚驭乖方致有所部军人反叛者律

○诛妖犯王铎等散其党铎系武成中卫舍余幼为僧后还俗师事妖人林福左臂
疤痕似半边月形脊背多白点如星肋下白点形如北斗腿上有三黑子自称天地三阳
会首又盖三阳殿造混元主佛三尊傍列伪封蔡镇等为三十六天将捏造妖书违法器
物煽惑男妇六千余人以度劫为名事觉伏诛

○庚午辅臣居正题 圣躬偶有违和请暂免朝讲纳之时 上方患疹 ○朵颜
并泰宁等卫夷人朝贺 圣寿节赐宴如例

○遣尚书潘晟祭 至圣先师孔子

○录督理修筑边镇边墙城堡功赏罗凤翔解学礼等有差

○以河南赵府宗室载坻火□厚燔任情私娶违例请名又霸吞绝产谋并宗粮恶
为相讐有乖敦睦革载坻冠带罚厚燔俸半年其<□木右>根等扶同甘结罚俸三月
仪宾王攀构讐宗亲着抚按提问

○叙辽捷大小文武功次赏李成梁银一百两蟒衣一袭梁梦龙周咏及本兵方逢
时郑雒各赏银两表里有差并张宗功唐朴李如柏等十四名高自亲等八十余名各赏
银两有差○壬申兵部以云南按臣条陈事节参详抚镇王凝等会议其一略曰夷俗难
绳汉法今欲给还印牌颁赐历日无故传檄徒惊疑耳且缅甸印牌见贮永昌思个印信
久已追夺俟其来归请给请继亦为非晚二云三宣与腾越相去不远展转矫诬乃其恒
性今已收之困踣曲与招携固不必许以声援啖以賚予唯当薄示羈縻自足安枕三云
夷方兴筑财力俱难止将腾冲要害增堡增城其三宣等处各从其便更当时加简谕以
示招徕俾其乐于效功外杜侵轶四云积谷招兵宜将饶死永远军犯发充本境准募土
著分投屯操五云通夷之禁固宜严而违禁之条尤当分别轻重若关给文引恐易生事
端惟当时加盘诘杜绝奸人至于重大夷情毋得隐匿不报六云夷官承袭惟腹里司分
照旧输纳其六慰三宣等处量减其半有贫无力者尽数免徵并预造文册裁省覆勘七云
思个果能款贡即宜与题请冠带承袭其木邦罕拔原系内属近稍惊疑惟徐图抚谕
大都欲详内略外治以不治其于殊俗夷情为稳妥简便从之

○升兵部职方司郎中项笃寿为广东左参议分守惠潮

○癸酉陕西巡按御史赵楫奏虏王部落盘据西海地方军民不便宜及时传谕抚
处严敕堤备纳之

○宥贵州降夷等罪赏巡抚何起鸣夷民光赛光见蜡谢军凹等负固流毒有年闻
抚归附与长牛阿田等寨诸夷并毛口陆坠四大寨夷民各认纳粮马兵部题何起鸣抚

处之功故有是命 ○蓟辽总督杨兆巡抚陈道基奏蓟州等卫所关营屯地岁减屯粮草束折色军饷银乞行除豁不许部覆奏内屯地所减岁饷八万八千有奇但据御史郑宗学勘查参政辛应乾覆查之止少银四百余两且自万历元年四年两经阅视未有言反抛荒屯粮曾不三年岂应亏饷至此年来又有增垦粮银前项地亩原非不堪耕种中间岂无豪民奸猾旗甲欺隐捏报若据将欠粮尽豁则前项抛荒屯地永无开复之期而侵没诡计终无首正之日矣于是命查各该屯地将增垦徵纳屯粮三百四十余石地亩增银六十余两逐年抵补其抛荒等地共一千五百四十余顷行各兵备道严督掌屯等官各率屯军设法开垦耕种补纳○行天下武举乡试条格

○乙亥 仁慈懿安皇太后圣节赐三辅臣上尊珍馐

○苏松常三府节年退换绢布罪坐奸徒包揽侵盗管验官陈应荐上以其徇私听嘱命照罢软例闲住

明神宗显皇帝实录卷之八十三

明神宗显皇帝实录卷之八十四

万历七年二月丙子朔辅臣张居正等题先该礼部题请皇上躬耕藉田已奉钦依择于二十五日行礼昨奉 圣谕以圣躬出疹欲服药静摄出疹之后最忌风寒伏望善加珍摄耕藉之礼改于明岁举行 上纳其言

○丁丑赐海西者刺等卫进贡女直夷人等宴如例

○命勘定长定堡杀夷功罪兵科给事中光懋追论辽阳车营游击陶承誉往日长定之捷邀功生事谓所杀夷人阿丑哈等原近边属夷后为土蛮部落因偷土蛮牛羊事觉惧罪于六年三月十四日率众来降十七日陶承誉假以犒赏号召掩其不备而捶杀之宜坐以杀降之罪上命巡按御史安九域勘明具奏部覆谓按臣之议欲重陶承誉之罪者恶杀降而惩侥幸也但东虏侵掠岁无宁日骄悖凶恶乃我世讎拥众住牧志图叵测虽有来降之言乃为误我之计在督臣梁梦龙则云杀之足以伐谋在抚臣周咏则言陶承誉贪功袭贼情或有之若云真正投降终无可据陶承誉侥幸成功诡谋侈捷复冒升赏据法追论亦云惩饶要以国体兵机殊有关系在承誉固不足惜然此声一传群酋鼓掌阃外之威不折自催甚非所以劝将帅而鼓军士也请夺其职从之其一时各官应叙功者马卫都王有臣等三十七员俱革原任升职级梁梦龙李成梁周咏俱准辞原加恩典唯另议新功叙录所给各军犒赏俱免追夺○升户部山西司郎中刘思中为山西佥事驻劄宣府管理西南二路命筑大同镇屯堡敌台计屯堡二百五十七座敌台一千二十八座分为三等以临边取冲虏所必至者为一等预先修筑稍近边界虏所不至者为一等次之附近腹里去边稍近者为一等又次之其大同镇城之南关左卫亦照议修理从督抚侍郎吴兑等请也

○升河南左参议张尧年为广东副使四川佥事王来贤为广东右参议调山西佥事管理永宁兵备季遐龄管理代州兵备升云南佥事叶宪为河南左参议

夺长史等官俱问发边卫充军及流官寄籍奏请选婚者革退另选将被选之人发边卫充军遇赦不宥此立法之太严者也诸如此类尚难悉数夫令以布信数易则疑法以防奸二三则玩见今该部处置宗藩事情悉用比为准似亦未为大害但欲勒成简册昭示将来则口考求国体审察人情使情法允协裒益事宜乃足垂万世不刻之典今观其例仪实多未妥臣等不敢以臆见擅为更定照得万历四年六月内礼部题请奉旨这宗室滥妾所生子女于例已不许请召请封乃主今改姓易籍发为编民殊非情理之当见今重修会典此等条例都着议拟停当改正行合无敕下礼部遵照前旨将前项条例再加斟酌并上请 圣裁著为宪令然后开送臣等纂入会典庶法以画一万世可遵矣得旨礼部看议来说○以年例升湖广道御史唐本尧为浙江佥事江西道御史胡时化为河南佥事刑科给事中王胤祥为河南佥事云南道御史房如式为山西佥事湖广道御史沈榘为四川佥事户科给事中田乐义为四川佥事升陕西左参议解学礼为陕西副使整饬固原兵备原任广西右布政使李凤原任云南右布政使林一新原任江西分守南昌道左参政郑一龙俱年老致仕

○命修筑广宁镇城垣折补增高限三年报绩从总督梁梦龙请也

○河南道监察御史张简条议一明节制以安地方请敕盩厔山卫等屯营俱听河南抚按并守巡河北道节制考察其屯军舍余人等与居民一体编为保甲各相统制一增守备以便责成请于南阳地方添设守备一员驻劄唐县管理南阳卫所军马巡缉矿盗其嵩县守备止管河南府及汝州地方职守既专责成甚便而矿寇可弭矣从之

○罢恭顺侯吴继爵南京外守备以科道劾其行简不修大坏官常也

○己丑新升左佥都御史刘思问以京堂官到任前当面见谢恩时遇免朝 上命即到任管事候御朝日但补面恩不必面见着为令

○差云南道御史马呈图往贵州四川道御史李时成往庐凤等府陕西道御史董光裕往应天等府巡按

○阅边届期遣刑科左给事中戴光启往延盩甘固工科右给事中王致祥往蓟辽保定刑科给事中姚学闵往宣大山西给关防三颗诏令悉心稽画安静行事其地方官有科歛及侈费的便参来拏问○辛卯命辅臣居正勉纳贡夷人乌思藏僧人锁南坚错等馈物僧锁南坚错即虜酋顺义王俺答所称活佛者也去年虜酋以迎见活佛为名意图西抢因教以作善戒杀阻其西掠劝之回巢又因而连合西僧向风请贡且以番书一纸并压书礼物遗居正居正上言臣系辅弼近臣参预密勿义不与外夷私通不敢私受上以居正辅理勋猷宣播遐迩戎狄宾服宜勉纳所馈以慰远人向风慕义之诚

○蠲畿属邑马房子粒之逋负者以巡抚陈道基巡按于鲸题请灾伤故免

○升四川左参政孙坤为陕西按察使山西佥事韩应元为陕西左参政兼管屯田升户部福建司署郎中事主事罗良楨为云南佥事

○壬辰春分祭 大明于 朝日坛遣公张溶行礼○癸巳赐海西淝河等卫进贡

女直夷人台失等宴如例

○赐贡夷乌思藏自称阐化王长男札释藏卜次男札释坚参藏僧锁南坚参星吉藏卜等封授赏赉有差并给代乞顺义王俺答之赏札释藏卜称系阐化王长男然不知其父何名袭封何年又所称与前王通贡年月互异宜候查核但以其慕义来王化虏有功姑先赏赉以慰夷情耳

○虏王索开茶市于洮州以马五百匹易茶陕西巡按罗应鹤请谕止之章下兵部

○甲午 恭仁康定景皇帝忌辰遣惠安伯张元善行礼

○差广东道御史王藻接管营务

○乙未命翰林院侍读罗万化充会典纂修官 ○广西巡抚吴文华题上年六月内招抚过昭平等处民贼蛮贼二百三十七村计男妇二万二千六百余名口俱经编甲当差其负固不悛者擒斩首从贼级三百四十一名颗俘获贼属一百五十二名于是兵备副使陈应春参同都司韩文启平乐知府罗黄裳同知林焜章升赏有差总制凌云翼吴文华各赏银三十两纁丝二表里

○虏犯前屯等处将官王大璋章应选等以备御疏虞问革分别吴进忠郑世臣等十三员情罪依律问拟仍恤阵亡被伤等员役

○巡按山东御史安九域上言封疆之事战守为先若夫互市乃一时羈縻之计今土蛮频侵其来讲讨者非有向化诚心不过明行要挟若不察其情而轻听之貽累基祸后将噬脐惟当严饬文武诸臣申严戒备固守边徼若粮饷不足督抚二臣尤宜悉心区处使马腾士饱至蓟辽二臣相为辅车宜协力救援至于庆云堡西市原福余属夷载在国朝定制今朵颜泰宁之添入势所必至其勾引黄台吉等事或有之尤在抚镇加意抚处以安辑夷心其有擅带弓矢入者明行晓禁如有不从即不许市而设兵按伏尤宜慎重毋得轻忽自起衅端使狡虏得藉为辞乞命下移文各镇料度虏情参酌时势有万全谋略可裨安壤者另奏请定夺报可

○推陕西僉事咸怀良调补山西僉事

○丙申祭 历代帝王遣公张溶行礼侯顾寰伯杨炳尚书方逢时潘晟分献

○差云南道御史黄应坤往山西河南道御史李栻往顺天等府各巡按

○少傅兼太子太傅吏部尚书建极殿大学士吕调阳以衰病乞休许之仍赐驰驿差官护送

○丁酉朵颜等三卫夷人都指挥头目伯彦打来等赴京庆贺 万寿圣节并长至颁赏如例仍敕今后各贡夷庆贺事完即给赏发遣毋令稽留其物不许奸徒侵卖致失朝廷绥怀远人之意

○升广西思恩军民府知府侯国治为广西副使整饬苍梧兵备

○鞑贼窥犯曹家堡等处诸臣克敌上功赐总督梁梦龙巡抚张梦鲤总兵官戚继光各银三十两纁丝二表里

○己亥以清明节遣侯伯等官诣各陵寝行礼

○赠故太医院掌院事太仆寺卿徐伟复通政使给与祭奠仍升其子徐文元为御医以示优恤部覆医术起家虽躋三品原无恤典但以供奉三朝保护功多请乞特予之

○以贵溪县盗贼强劫罚地方官有差仍饬兵备官以弭盗为职所属州县皆其统辖只论失事大小为罪轻重毋再以驻劄隔远曲为解免○边哨钱恩以勾引北虏要挟贡市罪论斩

○调南山参将张刚于上西路调上西路参将李真于南山以张刚素谙虏情李真习熟边计督抚吴兑荐故调

○命革宣府游兵营游击李廷相究赃问拟如律

○调原任浙江佥事王君赏补陕西佥事整饬巩昌兵备

○庚子定考课法一考满官员起送赴考间系病痊起复到部俱准给繇一各官考满文册到部本部查其升迁日月果在任满之后者不论已未保留但公文开称考核明白称职者一体准理若查系平常劣升者仍不准给繇其或升迁命下而历俸未满即少一日亦难概准及虽已满而升迁日久至半年以上者不得妄行援比以滋冒滥

○升刑部山西司郎中范极为河南副使整饬汝南兵备○陕西巡按御使罗应鹤题请传谕虏王俺答究来洮州索市赏者罪恐克赖勾引部落假借故有是役

○升延绥大柏油堡守备指挥许汝维署都指挥佥事充延绥领军游击

○赐海西哈儿等卫进贡女直夷官你尤哈等宴如例

○两淮巡盐御史董光裕条陈事宜一优恤灶丁仿民间社仓规制将三分司罪赎银两余稻贮场遇荒量赈且当青黄不接时稽贫量借秋成抵还至于盐仓仅覆数苇日久亏蚀苦于追补请凡拖欠盐课十年以上者尽数蠲免以苏灶困七年以上者令每引折银一钱五分贮库以给支商七年以下者严责用心护守以候开支一清理引目旧制两淮差官赍纸价赴南京户部关领引目号簿回司给口支盐临掣之时止将引目送验号簿逸失无考于是老引假引得而溷之议将号簿填写边商内商姓名候临掣比对若商人不缴号簿及查比不同者追没盐引一严立限程旧例仪真掣盐水商必候盐价腾踊然后赴卖致使小民食盐不便今议自仪真至石灰关石灰关至湖广江西各立水程限期速往发卖违限者计日罚治一禁革食盐食盐不禁弊源终不可塞议查收淮杨二府食盐禁革照旧分派行盐除迫近盐场州县听其以米易盐免派其余如扬州淮安府属等处原派一千引者止派五百原派五百引者止派三百仍依旧例令各州县佥选殷户赴仪准二所分买掣迁运盐往本州县拆卖其或军民食用不敷将缉获私盐贱卖仍将铺户所领盐引盐尽即报违者参治报可

○升湖广副使宿度为四川左参参

○以湖广右参议章甫端为辰沅兵备副使兼摄学政○命翰林院撰拟各藩贤

常有者臣等不敢抗违窃惟财赋有限费用无穷积贮空虚民膏罄竭不幸有四方水旱之灾疆场意外之变可为寒心此后望我 皇上凡百费用痛加樽节若再有取用臣等亦决不敢奉诏矣 ○南京工部尚书陶承学等奏核五城地租节慎库历年费用所有羨余开报以闻

○丁未升吏部文选司郎中臧惟一为太常少卿提督四夷馆

○湖广衡州府狱反逃重辟三十余名抚按奏劾府捕司狱等官纵放疏虞命革任降罚有差

○谕洁净皇城门并< 䟽 毓-金 >通沟渠道路岁为例

○升大同新平堡守备麻承勋署都指挥僉事万全都司军政僉书

○辽东海西淝河等卫女直夷人都指挥等官台失等二百八十八员备马二百八十八匹赴京朝贡给赏如例

○戊申升吏部验封司主事陈惟直为湖广左参政提督太岳分守下荆南道

○巡抚甘肃侯东莱子侯世恩僭用勘合轿伞旗吹等项被劾革荫先已具< 䟽 毓-金 >引咎乞休 上以东莱远不知情罚俸供职○吏部题苏松等郡以寇盗出没专设兵备若升任者径去则地方缺官可虞冯叔吉虽已升迁宜暂留管事候代始行以后苏松徽宁二兵备如遇升迁俱如例

○升蓟镇统领振武营游击徐从义充参将分守通州兼管练兵事

○兵部题覆贵州巡抚何起鸣巡按张道题称逆犯王守斌纠合郑士韬伪造妖书谋为不轨今捉获问拟谋反大逆律仍照郑士韬前例梟首传示为炤本犯久弃家室贯址无凭似当罪□本身免其孥戮其多方缉获则都司署游击事张奇峰功当首叙升级贵阳知府王任重同知师道立功在并叙录赏得旨依拟

○庚戌升甘肃镇城中军坐营指挥同知唐尧辅署都指挥僉事铨注陕西都司军政僉书○命建屯堡兵于长伸地一以固南山 陵寝之防一以援北路孤悬之势从督抚吴兑议

○兵部覆应天巡抚胡执礼条陈事宜一谓备倭之策在御海洋防海岸宜于每年止汛之时将把总等官分守汛地副总兵常驻苏寰岙以当首锋刘河游击常驻败草沙以备策应金山参将移驻南汇以防登岸海防同知各驻一方以理粮饷兵备道巡历沿海以便监督巡抚移驻近海地方以振兵威分布远近声势联络便于接应一议渔禁酌议以四月小满前十日起小满日止官给旗票验入遇警与官军协击一体赏罚自五月二十五日起至六月初五日止官收旗票验出此后或告捕采亦当给以号票申明禁约限期回销有私出及过违期限者查究巡海员役纵容隐匿者罪如之得旨允行

○巡按直隶御史陈世宝条陈治河策约一移建管河官衙舍要害之地责其昼夜防守一添设新堤堰夫役河工虽已垂成但遥缕二堤已逾千里高家堰之堤凡六十里柳浦湾补旧增新将百余里而黄铺八浅地虽咫尺反称紧要若非集夫密守则盗决水

决可虞宜增夫额画地筑居乃为胜算一添设管堤官吏高家堰柳浦湾于淮安最称紧要今修筑告竣但二堤俱属荒僻奸口漏税利其直达扬州每行盗决宜增设大使官一员专督众役使之同居堤上密防一增筑宿迁县遥堤宿迁缕河虽有堤岸而侍丘诸湖尚未修筑遥堤偃伏秋河涨必漕水患乘时修筑诚不可缓一暂宽归移民钱粮民遭水患流移者半幸水去田出渐为归计但恐居处未遑而旧逋即追开垦未熟而新课复徵夫损金治河以为民也今水患渐平而顾以逋负阻绝归路乎一乞广筑役赏劳于工食外动支河工羨银量行犒赏奏上命酌议覆行

○改侵盗腹里钱粮加侵盗边海钱粮一倍者罪照边海事例着为令旧例盗粮四百石银二百两者罪论斩此在沿边沿海行之盖以边海钱粮比腹里较重也都御史胡执礼见腹里侵盗者多欲以此例行之时部覆以为太严议盗粮八百石银四百两者罪如之仍责限一年完赃者准改戍过限不完者处决余赃拘亲属追赔

○壬子户部覆应天巡抚胡执礼查新理洲田亩粮米事宜一丹徒县砥柱新洲腴田万亩缘未入版图致豪右侵夺应行备细清量如给军便则令官军屯种扣除粮银若给民便则令民开垦纳租充饷庶地无遗利而兵食有资一苏州府每年带解德府禄米一千石外加耗车脚米三千四百四十石此重困也今议折色而每石折耗银以二钱为率差官解用一九江安庆地连唇齿然该卫岁办钱粮属之安庆查催而官军俸粮远在九江府取给事权既分逋负日积应行九江府将户口钞银每年预解安庆行令九江卫官吏每季赴领一安庆府亿万仓储半派之饶州南康二府俱本折兼徵有司怠缓解纳违限议照起解京边钱粮例未完二分以上住俸督催四分以上降俸二级戴罪管事六分以上各降二级调用八分以上革职庶怠玩有警解纳如期报可○癸丑 圣躬康豫赐元辅张居正金万喜字四副银万喜字六副绶符二道次辅张四维申时行各金万喜字二副银万喜字四副绶符一道及讲官何雒文等有差

○升湖广副使陶大顺为山东参政陕西延安知府洪济远为山东副使整饬辽东兵备兼管屯田

○甲寅 上视朝先一日遣文书官谕元辅居正朕明日御朝切欲与先生一见奈先生前有旨不在朝参之列明日未朝时先于平台召见说与先生知之是日黎明上亲祭告 奉先殿出御平台居正入见致辞叩头称贺

上曰朕久未视朝国家事多劳先生费心居正对言臣久不睹天颜朝夕仰念今蒙特赐召见无任欢忻但 圣体虽安还宜保重 上云先生忠爱朕已悉知特赐银五十两币六表里及烧割酒饭居正叩头谢 上又云先生近前看朕容色居正近御座前跪上亲执居正手仰见 天颜和粹玉者清亮

上又谕朕每日进膳更胜常时但止用素居正对云病后加餐诚为可喜但元气初复亦宜节调疹后最忌风寒与内幸尤宜加慎 上云 圣母朝夕视朕起居三宫俱未宣召又谕十二日经筵日讲且待五月初旬行居正叩头退始鸣钟

上出御皇极门百官称贺毕驾诣 两宫朝见 圣母乃还宫

○是日赐辅臣府部大小九卿皇亲及科道等官问安有名者彩币各有差特赐元辅张居正大红坐蟒胸背衣一袭次辅张四维大红斗牛申时行大红孔雀各一袭又赐居正银一百两彩段六表里四维时行各八十两四表里及讲官何维文等各有差○应天巡抚胡执礼条除事宜一议应天府江浦县建筑城垣一徽州府地方接连诸邑山溪险阻矿徒渊藪近议募兵一千委官统领宜添设钦依把总一员驻劄中平镇地方以壮声势其休婺二县官兵俱听操练有警庶可应援一南京府属县各有牧马草场占地数多虽奉例佃田输租然仅十分之一今各县种马减半则前地旷闲者多许民承佃开垦六年之外照则起科徵银解寺以备马价之用得旨允行

○升湖广副使余希周为江西右参政

○户部题京师万众俱仰给太仓旧制运太仓米多留通仓米少而支放各半年者以京师根本重地虽积贮数多不为有余通州远卫京师虽仅穀支放不为不足以省运京仓之费也近太仓积米数多恐致浥烂则应如督臣议于支給折色二个月改于通仓则米之在通仓者放少在京仓者放多亦调停新陈良法若一遇米贵则折色又当停止而京仓粮米又当多放在临时酌行从之

○丙辰赐海西平河等卫进贡女直夷官等宴如例

○总督侍郎吴光奏管筑边垣官如李道行等十二员共效劳绩宜给赏如卢阳等十员既亏丈尺复有倾頽宜提问命依拟

○革临安兵备副使许宗鑑闲住以巡按御史帅祥劾其不谨云

○升江西安南知府陈诰为浙江副使陕西汉中知府项思教为湖广副使湖广常德知府叶朝阳为副使整饬郧襄兵备兼分巡下荆道

○江西兵备副使陈应春以剿抚效劳升一级加参政照原敕管事

○丁巳上御经筵

○戊午右军都督府管府事保定侯梁维藩以养病辞任许之

○以宁安长公主男李承恩授锦衣卫指挥使带俸

○陕西副使王湘为浙江右参政

○用神机十营佐击欧继宗充参将分守宁绍地方

○己未 武宗毅皇帝忌辰祭 康陵遣清平伯吴国乾行礼

○庚申命赏梁梦龙张梦鲤戚继光等银币有差以贼夷炒蛮等两次内犯该路将士先期哨明斩获有功也

○礼部题据经结勘荆王常（□□）言>忠孝贤良光明正大勋封虽在冲年立身不失规度宜有谥号册文从其请也

○升户部广西司郎中王体复为陕西副使整饬西安兵备○癸亥先是指挥周世臣于隆庆六年九月间被盗劫杀以死时缉拏把总张国维以世臣之仆王奎与其婢荷

花恋私恨主因谋其同住人卢锦并其婿张文弼以杀世臣获其赃杖呈兵马司鞫审而各犯之共吐又异词矣罪案未决原任刑部署印左侍郎翁大立催该司郎中潘志伊速结此狱志伊以狱情重大请委官会问乃委郎中王三锡徐一忠研审而王奎与荷花卢锦俱坐凌运万历四年十月处决矣后巡捕把总捉获强盗内有朱国臣刘伟等自供认手刃周世臣于是刑科给事中周良寅奏劾把总张国维及会审三刑曹等罪又礼科给事中萧彦劾云王奎之死起于巡捕把总张国维之妄拏而成于刑部侍郎翁大立之轻信潘志伊请多官以为已地似有规避之情王三锡徐一忠既会问而漫不参详不无扶同之弊奏俱下部覆 上以翁大立率意义刑有伤好生念已去任革其原职张国维遣戍潘志伊降一级徐一忠王三锡调外任是时右都御史陈炯自以时为刑部右侍郎不能自辩自陈不职 上以罪有所归慰留之

○升兵科右给事中顾九思为礼科左给事中刑科右给事中李选为兵科左给事中刑科给事中姚学闵为户科右给事中工科给事中刘中立为礼科右给事中

○甲子户部题淮扬地方自隆庆四年以来黄水冲决今筑堤就绪水落田出尚属荒芜当此流民新集尤宜宽恤将万历六年以前旧欠钱粮尽行蠲免七年以后酌议再免二三年至于处给牛种加厚贫丁及一切优恤事宜听督抚官便宜施行仍悉心体察毋使有灾者横被苛追无灾者乘机影射从之 ○丁卯辅臣张居正等题今日文书官口傅 圣旨皇亲都督同知王伟着进封伯爵并将正德二年封庆阳伯夏儒嘉靖二年封泰和伯陈万年及各子男辈授官事例传示臣等恭照 圣祖定制公侯伯爵非有军功不得滥封宣德中始有恩泽之封弘治以来遂为故事 世宗皇帝曾诏廷臣会议上得旨外戚封爵古未有我

皇祖制典魏定二国公虽为戚里实开国佐命靖难元勋彭城惠安二伯亦有军功居半都着照旧袭封其余戚里滥膺重爵名器尤轻人不知劝都当查革但其中有干先朝恩命及已封者姑与终身子孙不许承袭此我 世祖超世之见同符 二祖嗣后虽曾垂泽安平许传再世则以孝烈皇后有翦逆保驾之功特旨酬赏非援例进封者也臣等窃惟我 皇上宪章 列祖则 太祖定制与 世祖圣谕正宜仰法但既有正德以后事例王伟系 中宫至亲臣等不敢抗违谨拟传帖上请 圣裁其皇亲子男辈姑且从容俟后有大庆加恩未晚谨查嘉靖八年 世宗皇帝圣旨及廷臣会议二本进呈伏惟 圣明垂览是日谕吏部皇亲都督同知王伟进封永年伯支禄米一千石

○辅臣张居正题据太常寺卿温纯等开称

太庙时享事宜恭照时享之制止于 九庙 太祖 成祖百世不迁其余则以亲序而 祧庙不与焉查得 先朝视文弘治中自 宪宗而上称 八庙 太皇太后嘉靖初自 孝宗而止称 六庙皇祖考妣太皇帝后至 孝烈皇后升祔 仁宗奉祧始称 五庙隆庆间因而不改盖其时 世宗新升之主即 孝烈旧祔之位世数犹未增也至我 皇上嗣统则世次异矣乃时享祝文自 皇高祖宪宗皇帝至 皇考穆宗

皇帝已备 六庙之数而 太祖 成祖 英宗三庙犹仍 五庙之称揆之名义委属未妥臣等切惟孝莫大于尊亲礼莫严于假 庙当 皇上躬亲对越之顷正 祖宗神灵陟降之时 帝后导称不宜往从简略 庙祔世次尤当序列分明合无比照岁暮大禘礼将时享祝文通列 先庙帝后圣号以致如在之诚不心更称 五庙字样其袷配享寿春等主亲属已远称谓未妥宜将诸王神牌俱止称本爵其 皇高伯祖等称尽行裁去庶得情礼之当合候命下容臣等另撰祝文进呈御览发下该等遵照施行 上是之

○户部覆山西东平西三路军民田土大半荒芜抚臣高文荐题召人领种候三年后起科前年拖欠粮石悉行蠲豁谓外可以裕军储内可以减京运俱应依拟惟奏内未经分析何年何路何州县各拖欠若干概行议免恐滋弊端应令州县卫所等官备查旧欠额粮年分州县卫所务将的确数目作速具奏以凭定夺再照垦田之议人人皆言之而终鲜实效者以行之不力持之不坚也今抚臣高文荐所上便宜凿凿可据似应移咨吏部将本官暂停迁转俾会同各兵备督率管粮通判及州县官着实举行待三年后果有成绩抚按奏请殊擢以酬其劳如无实效亦行参治庶有初尧终所裨边城兵食不浅也报可○戊辰辅臣居正等题看得户部所进乃万历六年一岁钱粮出入之数仔细查阅各项钱粮一年总计不过四百三十余万乃六年所入比之五年少八中余万两而所出比之五年乃多三十三万余两盖由各处奏留蠲免数多及节年追赃人犯财产已尽无可完纳故入数顿少又两次奉旨取用及凑补金花拖欠银两皆额外之需故出数反多也夫古者岁终制国用量入以为出计三年所入必积有一年之余而后可以无患乃今一岁所出反多于所入之数若从此不加樽节则旧积日渐消磨新收者日渐短少脱一旦有水旱饥馑之灾四方意外之变何以待之伏乞将该部所进揭帖留神一览加意樽节务使岁入之数多于所出以渐复 祖宗之旧制庶国用可裕而民力亦赖以少宽矣

○翰林院侍讲于慎行以病乞回藉调理许之赐驰驿并路费银二十两纁丝二表里

○江西巡抚刘斯洁题参吉安知府张振之患病乞休不待报辄行乃以前抚刘尧诲巡按赵耀不行举荐之故缘振之揭报吉水县知县江沛然贪酷沛然谓振之以私嫌揭害是非未定故荐劾两置之二臣并有才名乃以意见偶乖遂起戈矛振之不俟批允弃印信如脱尸口徒沛然有嫌慈惠以鹯击为快心揆之明例俱合为民但振之疾亦是真沛然才实可任吏部酌议上请命革振之职降沛然二级

○辛未海西佛秃等卫女直夷人都指挥使往吉奴等四起共一百五十员名进贡赐宴如例○户部覆总督南京粮储户部右侍郎程嗣功条陈仓场五事一议改折南粮题称南京仓米穀支七年以上多积必致折耗要将万历七八两年各省直南粮每年改折一半江浙南直止行一年湖广多水地方连准二年改折之价系上仓者定以五钱兑

年轮换如有倒死一年给银四两二年给银七两三年全给责令自行买补其有追贼走死对敌损伤者不论久近得比三年全给之例仍于每年各除月粮外每石给银六钱以资军装如马过三年不死以后每年量加给赏俱于收贮银内支給绝与编户无干其一议选军谓召募军士有着伍未几而旋逃者有一人而投充两三处者有虚捏姓名住址清勾不知为谁者有故将讐家姓名捏报投充以图陷害者今将选到军人暂且收营将本将姓名住址册送该道移文原籍衙门查有着落方许给赏支粮万一复逃亦清查有据或有该营将官利运逃脱图扣月粮者宜于年终行各该道将卫所操防守备等官逃军数目设法严查分别有无多宽以定功罪部覆报可

○海西弗秃等卫女直夷人都指挥等官住吉奴等共一百五十员备马一百五十匹赴京朝贡赐给如例

○福余等卫夷官一十九员备马一十九匹又打都差桶罕等一十五员备马一十五匹赴京庆贺俱赏赐如例

○赐怀安王厚<□□火廉>弋阳王多焜各谥号册文

○辛巳四川巡抚王廷瞻题称罗打鼓那竹等寨生番血热等住牧边外负固难驯因九丝荡平刁农内附遂率一百六十二户援例附藉兵部题覆准其附入编户一体当差仍量行给赏一次○复除原任云南副使胡维新为河南副使整饬大名兵备以江西道御史□为正为北直提学升工部都水司署郎中事员外张崧为福建佥事分巡建南兼兵备

○改南京工部尚书凌云翼为南京兵部尚书改南京兵部尚书杨兆协理京营戎政

○以天气暄热命审释在狱无辜凡徒流以下俱减等疑审发落仍恤及重囚可矜疑者

○丁亥以福建都司佥书万达甫铨注广东都司掌印升福建铜山水寨把总指挥同知秦经国福建都司佥书升福建中路守备钟维岳广西都司佥书

○戊子 孝懿庄皇后忌辰祭 昭陵遣固安伯陈景行行礼○蓟镇督抚梁梦龙言先年修筑台墙工银六万两用尽请再给六万两以备边费部覆谓各边修筑工费俱已折色今册开犒赏多用饼酒不惟委官易致侵渔亦恐军士毫无实惠莫若每名每日量折多少按月预给庶可均沾若台墙连年修筑已称坚固即有冲塌损坏无几宜先期踏勘计工限修完日揭报两院及本部以便稽查报可

○户科都给事中郝维乔以官军支粮半多浥坏奏谕监收官务遵晒扬常规毋徇情托以致搀和湿腐不堪支用仍令总督漕臣验粮堪否以别粮官殿最户部覆奏如议

○庚寅重修 显陵殿并葺明楼诏湖广四川等抚按悉心计处务令工坚贵省毋延倭虚费为□民累

○兵部覆请换给府江兵备道敕书内除去全州马鞍咸水西延古田永福理定等

地方右江兵巡道敕书内除去南甯地方江左兵巡道敕书内添入兼制武缘县膺墟葛墟地方报可

○壬辰命以原任翰林院修撰王家屏仍充日讲官

○先是直卫官军有占役卖闲隐捏雇替屡次查点不到者至是礼科给事中齐世臣奏行减扣之法覆照隆庆事例如有离直不到者按次扣粮有差

○巡视光禄户科给事中李涑等条陈漕运四事一曰裁积羨之取以裕正供二曰清逋欠之徵以完赋额三曰酌金补之宜以恤口人四曰申粮官馈献之禁以恤民运部覆如议

○甲午 上以内库缺钱令辅臣拟旨传该部铸造进用元辅居正言 先朝铸造制钱原以便民用存一代之制铸成量进少许呈样非以进供 上用也万历二年铸造之初亦止进样钱一千万文其后以一半进用已非本意今若以赏用缺钱往行铸造进用则是以外府之储取充用库大失旧制矣诸凡无益之费无名之赏一切裁省庶国用可充不然以有限之财供无穷之用将来必有大可忧者奏入 上嘉纳之

○乙未都察院题御史龚懋贤具题大略为裁省繁文修举实政巡抚都御史以抚按地方之军民巡按御史以纠察一方之利病职掌所载虽各有所重而事相关涉亦难以尽分至考查官员填注贤否及给由报缺之类抚按职任相同不容偏废如例应奏请事须会同者宜查照职掌重在巡按者巡按主稿会同巡抚重在巡抚者巡抚主稿会同巡按斯于会同之中不失各重之意若其事本不必会同或彼此意见未必尽合与巡历地方不时纠劾抚按俱为宪臣得以各自具奏不必拘于会同强为牵合以致阻格难行即填注贤否果有的实何嫌互异各宜持正秉公修举职业而已 上允其议

○太平府当涂县强盗越城横劫抚按题兵备副使刘志业知府林烜知县王继明捕官戴冕等命降级提问罚俸有差

○蓟镇贼夷越狱命将捕官王添禄等提问具奏参将谷承功革任回籍总兵李如楨等姑薄罚示儆

○镇远府印水长官司僻在一隅接壤楚蜀苗贼出没为患贵州巡抚何起鸣请于紧要关隘处建设四哨添兵弹压以威诸苗部覆从之

○丁酉 上御经筵

○升吏部右侍郎沈应时为南京工部尚书升左春坊左中允兼翰林院编修戴洵为右春坊右谕德掌南京翰林院印○升右春坊右中允兼翰林院编修陈思育为左春坊左谕德兼翰林院侍读国子监司业周子义为司经局洗马兼翰林院修撰翰林院修撰高启思为右春坊右中允兼翰林院编修各掌坊局印信 庚子

上御皇极殿传制遣永康侯徐乔松等右通政朱南雍等为正使光禄寺丞周弘祖侍读徐显卿等为副使持节册封荆府世子常盗等为荆王等王及封封丘王妃陈氏等妃

○南京通政使司右通政沈淮以母老乞终养命升光禄寺卿致仕

○南京吏部尚书赵锦以病累乞休不允

○郑王厚烷奏更立王庙礼部覆查 大明会典弘治八年定王府制内开家庙一所正房五间厢房六间门三间并无东西夹室及后殿寝庙之文今据郑王奏立七间并后殿寝室似属踰制当悉遵会典改正是之 ○壬寅先是有自刎于端门者已奉旨严示未几复有故犯男子张杜持刀擅入禁地自抹通政使倪光荐议将张杜重惩刑部覆奏从之

○巡抚贵州右佥都御史何起鸣为右副都御史巡抚山东

○癸卯 上以雝肃殿围屏命辅臣撰词以进居正撰进雝肃殿箴箴曰北辰紫宫惟皇宅中身为民表心与天通斯须不和则乖戾起斯须不敬则傲慢业念常生于所忽祸乃基于无穷是以圣人事心天命是敕钦厥止日谨万几处深宫心周八极不以嗜欲滑和不以逸豫灭德无作好无作恶蔼蔼熙熙如春斯煦无荒色无荒禽兢兢惕惕如渊斯临勿谓燕闲人莫予观一喜一怒作人燠寒弦急者绝气平者安优优和衷为君实难勿谓宥密人莫予弼一动一言恒为度律危惧则存骄泰则失昭昭神明相在尔室在昔成周宇内太和由雝雝其在宫发琴瑟而不颇亦曰懿恭小民怀保由肃肃其在庙克对扬于 祖考我皇睿哲是谓智临匪高明之不足贵育德于静深我皇抚运是谓开泰匪豊亨之未臻惧此心之或汰乐以平其情虽钟虞不设而若闻希声然后心和气和而天下平礼以饬其志虽升降未施而若持重器斯谓无逸乃逸而天下治故曰冲和者养威澹泊者养禄危励者养安忧劳者养乐以古为师于何不仪平平周道惟皇所之以心为鉴于何不见穆穆文王惟皇所究朽索在乎勿谓无伤覆车在睫柰何弗防和不见流敬不可忘慎终如始万寿无疆 上览而嘉之命书于御屏

○赐原任南京户部尚书盛汝谦祭一坛减半造办

明神宗显皇帝实录卷之八十六

明神宗显皇帝实录卷之八十七

万历七年五月乙巳朔升兵部职方司员外王筵为四川佥事升太常寺少卿乌昇为南京右通政升太仆寺少卿王缉巡抚贵州

○丙午以撰进雝肃箴赐元辅张居正白金五十两彩段四表里次辅张四维申时行各三十两二表里

○浙江抚按李世达等奏所属府州县官有积谷过数知县姜召等二员宜行奖励不及数知县李增等十五员各酌量议罚覆奏得旨如议

○丁未以端阳令节赐元辅张居正金书黄符金书红符金艾叶绶符及次辅张四维申时行讲官何雒文等五员有差

○升礼科都给事中林景旸为太常寺少卿升兵科给事中光懋为江西左参政

○户部题查议销缴鱼课勘合事查 大明会典开载鱼课每岁南京户科编印勘合六

百八十九道南京户部领发各衙门收掌各记所收鱼课米钞若干每年终进缴俱系额办钱粮但近来有司遵依缴报者十无一二宜移文南京户部编发各省直鱼课勘合查明的数咨部载入会典行令各省直府州县河泊所等衙门将填完勘合每年终申送类缴着为例报可

○己酉以端阳节赐三辅臣上尊珍饌

○差陕西道御史谢师启往浙江巡按升河南道御史李辅任为太仆寺少卿

○辛亥 孝宗敬皇帝忌辰祭 泰陵遗隆平侯张炳行礼

○调京城巡捕左参将谢天祐补分守通州地方兼管练兵军务参将○壬子 上御文华殿讲读

○除起复庶吉士王守诚授刑科给事中

○吏部尚书王国光等〈臣疏〉请朝覲考查宽期详覆得旨今后考察朝覲官员务从容详慎但以事完为期不必拘定一日两省内有诖误及被诬者许来朝二司官于说事之日从公分辩即与开豁毋致亏枉

○以后军都督府佥事右都督雷龙充总兵官镇守甘肃等处地方以五军四营游击解一清充京城巡捕左参将

○癸丑赐元辅张居正次辅张四维申时行及讲官何雒文等五员各色金扇有差

○特赐左赞善沈鲤母孺人宋氏照依父沈杜祭葬以沈鲤侍讲三年启沃功多也

○赐给彭城伯张熊祭葬

○甲寅 太祖高皇帝忌辰 上于奉先殿祭祀

○升编修王弘诲为国子监司业○制京官四品以下不得滥乘帟轿生徒不得聚众欧官南京序班郭廷林肩輿除道监生聂文贤途遇欧竞拥噪呼公署都察院劾奏并黜之

○乙卯 上御文华殿讲读

○巡盐御史房寰奏宽河东额盐二十七万八千余引以淫潦为灾捞办不敷故也

○升工科左给事中颜容舒为礼科都给事中刑科左给事中戴光启为兵科都给事中工科给事中李实为兵科右给事中礼科给事中齐世臣为刑科右给事中

○升直隶安庆府知府胡心得为云南副使

○丙辰 仁宗昭皇帝忌辰祭 献陵遣定西侯蒋建元行礼

○兵部覆御史安九域奏勘海州东昌等堡捷功叙李成梁应加封爵张崇功等一十三员应升赏有差得旨依拟命封李成梁为宣远伯岁支禄米八百石辅臣居正言李成梁屡立战功忠勇大节为一时诸将之冠加以显秩良不为过况系流爵非世袭者因以鼓将士敌忾之气作人臣任事之忠亦振兴边事之一机也谨拟票上请故有是命

○丁巳户部题严催各省节欠秋粮并派剩折色以济边储计二十九万三千三百有奇列款上请从之

○户部以文移繁冗奏参酌裁并以省浮费

○户部覆江西抚按刘斯洁等奉旨查解绢价并解脚银共八万三千一百有奇以充内用

○工部右侍郎陆光祖因御史张一鯤参劾乞休部覆谓光祖处心制行古直是希惟自持意见不免咎累命照旧供职

○戊午 上御文华殿讲读

○升宣府万全右卫城守备黄明臣铨注山西都司佾书

○命翰林院侍读罗万化修撰张元忭充编纂章奏官○先是万历六年十二月虏犯耀州虎獐屯等处杀虏甚多巡按御史安九域参原任辽东车营游击副总兵因被参长定堡杀降邀功革任陶承誉彼时策应有违法当重拟海盖参将李澄清守备徐维翰等一十三员当分别治罪部覆奉旨提问

○庚申 上御文华殿致斋

○总督粮储南京户部右侍郎程嗣功因吏科给事中杨言论其贪庸不职辩冤乞休不许

○礼部覆礼科都给事中林景旸所奏宾兴事宜一曰正文体二曰核实学三曰严防范四曰严缉访五曰惩诈冒命着实举行

○辛酉 上御文华殿讲读

○以南京兵部尚书杨兆久历边防素谙戎务改任京营< 毬-金 > 辞不许

○癸亥 上亲祀 方泽是日车驾夙发丑刻即至坛所 上坐幄次候至明始行礼元辅张居正次辅张四维俱不陪祀以扈驾从见于幄次祀毕还宫赐三辅臣珍饌

○以辽东广宁左营游击孔东儒充左参将分守辽东海盖地方

○广东巡按御史龚懋贤参整饬南韶兵备管志道并自陈不职求罢部覆谓御史藩臬各官一路然弹压之权御史尤重礼遇文移沿习旧矣今管志道职司南韶一应事务直与御史争较则彼此颡颥事权不一必有废格掣肘之患御史龚懋贤宜令供职候代管志道宜量加裁抑得旨志道降一级

○广西永宁兵备副使钱立以病乞休许之

○戊辰 上御文华殿讲读

○升原任辽海东宁道张崇功为山东副使

○革翟绣裳按察使新衔仍以原佾事职衔管事以前日长定堡之捷裨将邀功冒赏被劾波及故也○户部以南京银库钱粮册籍浩繁请三年差科道官清查一次从之

○刑部题广东珠池之盗有司因无律例概以强盗坐之似属过重今议捉获盗珠贼犯俱比常人盗官物并赃论罪免刺仍分为三等持杖拒捕者为一等不论人之多寡珠之轻重不分初犯再犯首从俱远戍若杀伤人为首者斩虽不曾拒捕但聚至二十人以上珠值银二十两以上者为二等不分初犯再犯为首者远戍为从者枷号三月照罪

发落人及数而珠未及数者亦坐此例若其人与珠俱不及数或珠虽及数而人未及数为三等为首者初犯枷三月照罪发落若假以盗珠为由在海劫客口船只或登岸劫人财物者各依强盗论依拟着为令

○己巳浙江巡按御史劾知县王亮采及林纭董盛等一十三人计赃论罪各有差部覆得旨王亮采革职为民林纭远戍董盛等拟徒发落

○调贵州副使彭雷补广西副使升福建漳州府同知沈植为广东佥事

○以按直隶御史崔廷试荐副总兵戚继光参将黄孝副留守雷以诚中军都司俞尚志守备檀武臣指挥同知徐道指挥佥事孙维山胡世忠百户陈颂当循资擢用及参副留守卞实指挥使朱绍贤指挥同知包万善当革任提问覆奏从其议

○以辽东都司佥书冯文弼充辽东广宁左营游击以辽东长勇堡都指挥佥事王守道铨注辽东都司佥书

○上以金华知府王懋德奏荐新茶表印文模糊谕各该抚按官通查所属衙门印信有该换者奏请换给其领印缴印各有费用宿弊悉行查革毋使人畏难因循致滋奸伪

○庚午 穆宗庄皇帝忌辰祭 昭陵遣庆都伯杜继宗行礼○辛未 上御文华殿讲读

○四川丢骨人荒没舌等三寨番蛮节年入犯荼毒松藩兵备副使杨一桂总兵刘显副总兵吴予忠等雕剿首恶群夷纳款巡抚王廷瞻备叙功次部覆谓王廷瞻运谋决策尤宜首赉得旨赏王廷瞻杨一桂刘显等银弊有差

○四川巡抚王廷瞻言本处地方民贫词简所属府州县难以照额积谷似应量减部覆积谷备荒本以为民若要取盈势必重罚则是以惠民者虐民也宜行各省直分别地方贫富词讼繁简定为上中下则以便责成报可

○调广东右参政苏思补贵州右参政兼佥事以江西道御史李学诗为直隶提学

○升太常寺卿管国子监祭酒事余有丁为礼部右侍郎兼翰林院侍读学士仍充经筵讲官

○户部奏酌停僧道纳银事例并申明旧制以弭后患一停在京请给一禁私自披剃一立僧道名籍一议查给文引一禁私建院观得旨依拟行

○壬申礼科给事中萧彦< 珣 >言序班郭廷林敢于乘轿恐南中诸臣效尤成习今南京五府勋臣出则明坐大轿入则拥列歌舞心志骄惰气体柔脆缓急何赖请严行申饬以彰法纪部覆从之

○升贵州副使王三爵为广西右参政升广西右参政庄国桢为广东按察司使

○新升南京兵部尚书凌云翼以病乞休不许

○升江西万安守备庞成裕署副留守铨注中都留守司佥书升辽东抚顺城备御杨四德署都指挥佥事铨注辽东都司佥书升保定左营指挥佥事王科署都指挥佥事

大盩都司金书职衔管统领蓟镇通津春班官军游击

明神宗显皇帝实录卷之八十七

明神宗显皇帝实录卷之八十八

万历七年六月乙亥朔董卜韩胡宣慰使司加渴瓦寺等赴京进贡赐给如例

○左军都督府镇远侯顾寰自陈老疾乞休 上以其清慎老成效劳年久准辞任加少保兼太子太保以示优异

○辽东巡抚周咏奏辞养善获功升赏不许

○起原任礼部右侍郎孙应鳌为国子监祭酒

○升广西平乐知府罗黄裳为贵州副使

○升顺天府尹金立敬为工部右侍郎

○李成梁奏辞伯爵 上以李成梁屡立奇功加恩非滥谕殫忠奋勇以图报称不久辞

○丁丑户部题覆各廩仓粮米除正耗支放外积有附余米豆俱登报循环作正支放著为令○升广东右布政使施尧臣为顺天府尹

○调前任湖广副使考查调简马顾泽补云南副使

○庚辰都察院参详江西赣州府推官潘应诏贿赂潜通索取无忌拟徒追赃革职得旨依拟

○户部覆延安等府钱粮专备延绥等镇军饷若徵收起角□羊如期自当足用乃府司起解多凭虚文通判管粮反营求别委抚按之参罚每宽查催而奏行停阁宜敕抚按严行司府如遇州县差赴起文之时该府差官验勘堆积收贮实数取该州县印信完结到府方许起文该府管粮官复具完结送布政司该司方转文赴院勒限取获批回如遇期不完即行追究其督抚等官查参之时以完获通关为准如无通关即以未完参究管粮郎中遇有投卧空批不行上纳者即拘留解人将原起空文州县官参究仍会同布政司将各府州县钱粮完欠数目查造一册备开有无实收送部候朝覲官至京照册查比参治其管粮通判以后院道非重大公务不得轻委令其亲赴仓场收放钱粮如怠玩营求致仓场积弊者查参处治报可

○户部题分别延绥镇主客兵饷原有定项给发若因主饷不足借支客饷一旦有事调用客兵于时何所支給虽今岁暂准借支然查本镇自嘉靖四十五年议定经制发银二十一万七千余两后两次增至七万计亦足用何以动支不敷间有生客改入榆林修边工费者今边工已停宜核其收支其岁解本折饷额拖欠未完者当严其追补条覆上请从之

○辛巳 上御文华殿讲读○新差巡按陕西御史赵燿中途以病<□□> 毓-金>请回籍都察院奏为非例后以部覆许之

○以中军都督金书临淮侯李言恭掌左军都督府印管事以盩晋伯刘应元管中

军都督府金书事

○差御史梅淳往广东薛梦雷往四川张宪翔往陕西各巡按

○以云南右布政使林烜章补广东左布政使 甲甲旌表孝子一人云南大姚县生员金鲤母杨氏患痢昼夜焦劳忽梦神人授方维蒲公英可治鲤传访得药果愈及父母歿庐墓三年抚庶弟六人各以恩节妇八人河南原武县生员桑梦阳妻徐氏年二十四守节子举人桑榛妻赵氏年二十八守节江西安年县儒士程士夔未婚妻汪氏直隶盱眙县民傅鸾妻戴氏子汝贤妻彭氏舍山县吴自高妻申氏俱未二十守节至老各旌其门曰贞节烈妇二人江西南城县生员刘三善妻胡氏夫死自缢临川县生员萧时苾妻李氏骂贼投水各旌其门曰贞烈

○乙酉 上御文华殿讲读

○沈王恬焯为其庶第五子理埏请封不许仍着为令先是署礼科事左给事中顾九思等题部议查宗藩条例郡王进封亲王者本王郡爵不许补袭以后世子世袭亲王次嫡庶子每世止照原封世次受本等官职又万历二年礼部题准今后各王府虽条例以前但系从弟侄及再从弟侄进封亲王其次嫡庶子除已封袭者本王身终之日其子但授以本等官职不得妄援前例滥请二例甚明今恬焯父宪王原以沈恭王侄孙怀王再从堂弟因恭王绝嗣由灵川王进封亲王理埏系恬焯第五子律以本王继嗣袭封郡爵不得世袭之例则理埏不应封今沈王所以奏乞者以其弟恬焯于嘉靖年间得封镇康王恬爌得封安庆王其子理坦得封保定王理土口几于隆庆六年得封德化王若自谓应得故复请封不已也不知以条例律之其封于隆庆年者是谓例后当以冒封而议革以近例律之其封于嘉靖年者虽在例前当俟其身后而停革者也则理埏之不得复觐郡爵昭然矣至如本王自谓其为亲支子孙然所谓亲支者盖指亲弟亲侄而言若宪王于恭王为侄孙以服属考之与从侄再从弟等耳其得以继绝进封者子孙世袭不啻足矣尚可多求哉谓宜杜塞其请刊布申明唯亲弟亲侄进封在条例以前者子孙姑许照常袭封其例后进封者虽系亲支及从支其次嫡庶子俱不许加封

○升江西按察使陶幼学为云南右布政使升广西右参政王原相为江西按察使

○永明县知县苏以达以贪黷赃私拟徒革职

○辛卯复除原任贵州左参政林舜道为广西右参政

○兵部覆御史安九域查勘宁前永安铁场二处修完坚固参政李松实心任事宜纪录叙用或久任加衔以示激劝从之

○ 上以四川僦厦番夷肆劫皆由地方官处置失宜威信不立命革寗越守备丘绍先提问守御巡捕千百户官蔡伟吴嘉谟调副使景承芳别用罚都司张万年郭科俸半年仍敕禁约奸私相机剿抚

○户部题参仪真运粮指挥刘大材等盗卖漕粮插和粗恶宜勒限赔完依律拟罪得旨依拟又以漕粮烂恶罪不专在运官还查原差监兑部官从官参处于是降监兑主

事陈宣一级

○户部题清查南北直隶山东陕西各勋戚庄田有无溢额脱漏诡借差官履亩丈量收造应给正数其余地岁粒徵银解部备边从之

○壬辰兵部题陕西苑马寺邻边地寒荒芜鲜收宜从科臣李选议亟罢改赋以恤穷军而重牧政报可

○癸巳兵部题万历七年贼夷炒蛮等两次窥犯官军奋勇擒斩有功戚继光薛虎臣等功应叙录夷人力儿志火泥赤报信效顺宜重加赏赉各军宜分别犒赏从之

○命修撰王家屏充会典纂修官

○以河南右参政唐汝迪调补江西右参政升长芦都转运使邢邦任为四川右参政

○甲午 上御文华殿讲读

○山西闲宅罪宗生育渐繁口粮不继其知镗等三十一位祇犯越关奏扰罪非重大巡抚高文荐乞比将万历四年以前原犯越关已经送发闲宅内系未封未名者照近例释放不给口粮自为生计既为各宗开有生之路又为有司省难继之供礼部题覆从之

○新升户部右侍郎吴文华以母疾_□ 乞终养许之

○乙未建州右寺等卫女直夷人赴京进贡赐宴如例

○调江西左参政光懋补河南右参政

○兵部题覆黄船小甲编审夫役原属南京兵部车驾司管理迩来滥属军卫以致弊多偏累宜行应天府委官从公编审并马快平船小甲编完备造文册送科道官参订定役以均劳逸又宜改定五年一编毋仍旧制十年久远致有消乏应差不前之苦而看验船只量行修理节省繁费则南京工部管船主事职之报可

○户部覆总督漕运侍郎江一麟总兵官灵璧侯汤世隆各题称漕运事务一议兑运之便漕运各总下军船领兑水次原有定例遵行已久若所奏以地方远近赴兑不便欲将浙直军船互相兑换恐轻费银数不同两处派额已定那此补彼未免纷更多事不若仍照原定水次派拨全单责令上紧赴兑不许推诿迁延一议管船之令本部于漕运回空浅船设有限单填注官旗姓名酌量程途远近选官管押回南赉赴粮道查销其过违原限损失船只分别降罚至于减存船只宜依议令漕运官旗自万历八年为始运回船只押空官须合帮南下以便稽查其军船什物交与该卫印官整理有缺少者申究若无故缺坏除驾运九年者只照例送底船赴厂系八年七年者底船之外合船旗军每名罚银一两六年五年者罚银半倍之俱同底船解淮候该年成造若止驾四年以下者依弃毁官物律例追偿造完免罪押空官仍照例拟惩勿行姑息报可○丙申以原任四川道金阶除补江西道御史

○升延绥甄井守备陈愚闻署都指挥僉事充延绥领军游击

○革山海关参将吴惟忠职先是达贼犯抢辽东宁前地方直抵山海关外八里铺南海口等处官军拒堵贼退兵部题覆八里铺既系山海关分守信地且贼犯宁前参将出关策应原有成议今贼所犯自广宁直抵关外地方均受残害参将吴惟忠哨探稽迟收斂失预拒关自固保障疏虞故有是命

○升福建副使乔懋敬为江西左参政升陕西左参议徐汝翼为福建副使

○戊戌

上御文华殿讲读

○北口贼夷越狱依巡按御史勘拟各失事员役等罪张维典刑其余各降有差

○山东分守东充道左参议查志立以御史朱璉参劾不谨命革职提问

○以巡抚陕西副都御史傅希摯为户部右侍郎

○礼部题各藩宗室婚配请封有在钦限之外过期三四十年者岂真鰥旷多系擅婚而乘机冀得封以为他日子女名封之地耳宜为斟酌裁禁庶无滥恩得旨姑照恩诏给与封诰其所生子女不论授封前后俱照擅婚例不许援请名封

○庚子 孝庄睿皇后忌辰祭 裕陵遣宁晋伯刘应元行礼

○差主事孟秋守山海关有旨谕云近来辽东充军人犯到即脱回及有奸徒请求私书越出该镇冒功升赏作弊多端今后着遵照敕谕着实稽察如仍前怠旷以不职论黜并各部属官题奉差遣凡干系○钱粮及紧要职事差完之日俱照近例体察无过方许复职有不称者参处

○升湖广佥事南轩为山东左参议陕西副使董汝汉为陕西左参政

○工部营缮司员外刘秉□接管山台木厂有铺户裴铭投帖进贿冀遂侵欺秉□拘获参究事闻命吏部纪录叙用以示奖励

○壬寅 孝穆皇后忌辰祭 茂陵遣南宁伯毛国器行礼

○上御文华殿致斋是日朝罢百官将出长安右门时轿马人役拥塞柞内礼科巡视官因奏守卫指挥蒋镇等纵容怠玩又称把总孟春军役违禁有旨责巡视者明知犯禁不参乃归罪于守卫官彼卑职安敢辄抗权要及称访获又以一把总官塞责岂犯禁者偏是武臣乎姑罚孟春俸三月其军役责放蒋镇等免究以后严加禁守

○遣医官三人视元辅居正目疾仍赐银八宝四十两

○命原任保定巡抚右副都御史张佳胤以原官巡抚陕西地方

○户部题自虏款以来三边宣大已历九年蓟昌四镇自万历元年阅视至今亦踰六年矣备查万历六年各镇报到银粮之数质之钦依所谓积贮赢余免发一年者尚无明验以今岁年例言之虽未甚溢于嘉靖四十五年之经制亦难复嘉靖十八年以前之旧规以太仓言之适虽不甚匮乏皆系载入考成追完节年拖欠之数万历六年岁入已少八十余万岁出已多三十余万将来拖欠之数已竭岁入之数愈亏各边之积无余年例之发不减岁复一岁臣等不能无难继之忧也宜命各镇督抚严谕兵备将领等官当

外顺内盗之日怀谨终如始之图民屯拖欠侵欺者严行追比勿覬补于内帑兵马虚冒影射者严行稽查勿受欺于将领廩粮当养敢战用命之人而借名免罪求囑立功者不得一概乱给工役当先极冲扼要之处而墩墙缓远衙馆晏息者不得一切兴修将官公费如养廉秋青等项地亩虽奉有明旨而倍折价银并其般运所需皆扣月粮不可不严为禁革营伍公用如旗鼓祝贺等项名色虽沿习旧规而伪增数并其宴会所用皆轮派军士不可不力为裁抑旗牌写字答应人役宜加减退不可多拨官军官马使之折乾入己星相戏子经过使客宜从禁约不可分送各路各堡使之传食科军诸如此类不可恃虏款无事而因循自如也若悉心节省严法清查一年省千金数年可知一镇省万金各镇可知积之数岁之后或可渐减年例即一旦有警亦可少备缓急如边臣每年誊数奏报而略无积余臣等亦依数给发而漫无可否边储无一二年之蓄内帑无一二年之减勿论事出不测别有大费难以取盈但乘国运闲暇之时而不能多方节省为将来久安之计亦有负于千载之一时矣因列各边镇主客兵马钱粮岁终具报先岁额若干次旧管若干次收除若干次实在若干其中间用过催到之数即于新收开除项下各比上年省费多少数目其实在项下亦各比上年积贮多少数目其新收项下书某官督催实在项下书某官管理具揭进览 上嘉纳

○准给礼部侍郎兼翰林院侍读学士经筵讲官吕旻祭一坛减半造葬

明神宗显皇帝实录卷之八十八

明神宗显皇帝实录卷之八十九

万历七年七月乙巳朔

上亲诣 太庙

○户部题查开纳事例银两先是以边费日增帑积告匮故不得已为权宜之计至是通行催查自隆庆四年始至万历七年春季止将前项开纳银两每年终尽数解部其山西四川辽东都司银两虽抵充各边年例亦如陕西备造册簿送部查扣庶收解无所容奸开纳有裨实用从之

○甘肃总督郃光先巡抚侯东莱奏称甘凉等卫所于万历五六年间开垦清查共地一百九十顷三十五亩有奇请将行太仆寺卿马出图擢用通判张桂升转户部覆奏依拟仍令所查田种照例起科徵粮报部

○以陕西道御史于应昌补福建道御史河南佥事考察不及赵思诚为湖广佥事
○戊申 仁孝文皇后忌辰祭 长陵遣定国公徐文璧行礼

○升户部山西司郎中郭堵为陕西副使江西饶州知府黄近思为江西副使

○赠两淮盐运司同知黄清为陕西行太仆寺少卿以河工效劳死事也

○兵部题覆巡按御史安九域奏勘万历六年辽镇将领招徕降夷并回乡人口名数惟开元参将姚天与备御霍九皋守备刘崇正俱招至一分以上例应给赏参将唐朴潘忠备御胡鸾俱招仅半分以上例应量赏守镇辽东总兵官李成梁招徕数多已足二

工程将所挑河渠勘定丈尺所支钱粮开报数目会同漕运巡抚侍郎江一麟金谓陈世宝功当优叙如陈文烛等四员官有崇卑劳无轩轻议吏部叙录其余行漕院分别奖赏以示激励从之

○甲子 上御文华殿讲读

○乙丑 上御文华殿讲读是日工部覆礼科左给事中顾九思工科都给事中王道成等〈疏〉请罢苏松及应天织造取回京差内臣传谕内阁织造袍服未可遽罢若如部议取回内臣改属抚按有司则织造不精谁任其责且见有钱粮不必加派先生拟票来辅臣张居正等言该部为地方灾伤故如此议覆请得面奏为 皇上从容开说有顷居正等持工部〈疏〉并拟票入至御前奏云近日苏松等处水灾重大百姓困苦流离有群聚劫夺者地方钱粮实难措处且自前年星变时亲奉 明旨停止织造着孙隆回京至今尚未报完是诏令不信而德泽不宣也臣等谓宜从该部所请以彰 皇上敬天恤民至意 上曰朕未尝不爱惜百姓但彼处织造不久当完远不过来春耳居正言 皇上德意臣民无不欣仰即孙隆在彼亦能仰体 圣心安静行事但地方多一事则有一事之扰宽一分则受一分之赐彼中织完十未四五物料钱粮尚未尽徵完者尚有未尽徵完者灾地疲民不堪催督愿 皇上且取回孙隆其应天被灾稍轻许坤仍旧可也 上乃许之曰近降去花样银两皆御前发出并不加派扰民候此件织造回京余悉停罢居正等顿首曰幸甚是时宫中自大婚以来应受赐者皆籍记以待又当供奉 慈宁岁币益不足尽仰东南织造 上心亦难之乃从中发银五千两畀孙隆约用尽更请一不以烦百姓外廷莫得知也故 上指此为言居正又奏云兹事尝奉 圣母慈谕今当奏闻 上曰已奏过因以部〈疏〉授居正票来又顾居正等云君臣一体今有司皆不奉行百姓安得受惠居正对言诚如 圣谕臣等今日亦无非推广 皇上德意而已愿 皇上重惜民生保固邦本寔 宗社灵长之庆次日 上批部〈疏〉云苏松地方灾伤重大孙隆着查近降花样御前发去银两应织袍服上紧凑织完日即便回京其以前织完的照数解进未完的都着停止物料等项准作岁造段正支用各抚按官还查数明白具奏许坤且着照旧

○户部以朝覲届期天下掌印正官例应赴京奏令先期料理催徵完数方许离任
○守门内官侯钦于御路西径责守卫百户滕钦珠需索火头费用礼科上言禁地非用刑之所火头

○无名之需以朝廷之爪牙充门官之囊橐事干违法乞严加究治以惩恣肆

○辽东总督梁梦龙等条陈本镇事宜一议练兵谓该镇兵马惟正兵一营简练已成数苦不多若各营将领虽经简练率多未精欲照近例于七月中旬责令总兵官诣各营阅视年终督抚核数多寡考其勤惰一议扼险谓开原一路策援辽沈远不济事欲于铁岭适中添设游击一员并兵马三千遇警就近调援一议市夷谓开原庆云堡夷人近来入市夹带北虏悬带弓箭挟索不遂即肆抢掠骄横已极难复纵容虽夷情狡狴不可

逆料而相机制驭亦当预图一议禁例谓该镇虏势日盛地方愈疲所赖边人敢战为利保全无虞伏睹军政条例虏寇近边劄营官军乘机捣穴斩获老幼妄作边功升赏与杀平民者一体论斩诚恐旧例具存人心不无疑畏未免有误边防宜宽例禁部覆如议一议补马谓辽镇御虏不时战马日耗要请再发马价四万两部覆谓太仆寺马价原非边储迩辄请增非岁例也但该镇虏患无常马匹倒损独多合行太仆寺动支马价一万二千两收贮本镇备查临阵倒伤者量给补买其无故倒死者不得一概混给后援为例奏上报可

明神宗显皇帝实录卷之八十九

明神宗显皇帝实录卷之九十

万历七年八月甲戌朔

上御皇极殿受朝

○命翰林院编修盛訥刘元震充展书官

○命陕西巡抚张佳胤以原职巡抚宣府

○升云南左布政使方良曙为应天府府尹

○乙亥四川都司军政佥书刘惟清进表还乘便回籍命革任仍著为令

○先是景泰五年事例各处边腹巡抚于八月赴京议事嗣后概多停免惟有顺天保定二处巡抚犹循旧例至是顺天巡抚张梦鲤以秋防重务奏乞暂免部覆通行停免惟重大事务紧急军情许径具奏从之

○以四川都司佥书刘应光充叠茂南路游击山东总督备倭赵康侯充统领蓟宁山春班官军游击分守紫荆关参将李彦勋充协守蓟镇西路副总兵游击李如松充分守马水口参将

○兵部题武科之设本以罗致材武广储将帅顾人多缺少不能尽推不得不咨之回镇乃多置空闲人材之贤否无可凭稽而历年久远精力之强弱且难预料虽遇缺乏人执籍稽迟不敢推拟积至一百八十余人弃置堪惜宜行各省镇总督抚按等官将各卫所武举自隆庆二年至今尽数查出备开职名贤否造报以凭注簿录用其有材堪大用者奏荐推擢若年力稍若识见老成亦许彼处各衙门卫所委任如劳绩可取照例保荐但有坏事废职方许摈弃庶人材无淹滞而设科非虚文矣从之

○丙子升湖广永道守备江腾龙署都指挥佥事銓注四川都司佥书升浮图峪守备陈汝德署都指挥佥事充山东总督备倭升宣府靖胡堡守备张极署都指挥佥事充总督蓟辽右营游击

○陕西鞑咂等族番人二百四十二名进贡给赏如例

○丁丑祭 至圣先师孔子遣大学士申时行行礼

○戊寅 上亲诣 太社 太稷致祭

○升陕西右参政李尧德为右佥都御史巡抚陕西地方

○命左谕德兼翰林院侍读陈思育司经局洗马兼翰林院修撰周子义顺天考试
○以神机二营练勇参将田永爵调补京城巡捕左参将

○辛巳 孝康敬皇后忌辰祭 泰陵遣崇信伯费甲金行礼

○岛贼邢才甫白应时等先经招抚安插金州复逃故岛为贼劫掠高丽本镇将领同山东海道官兵协力擒解首从各典刑问拟总督抚按官梁梦龙等分别功次叙金州守备张世勋指挥佥事张策辽东苑马寺卿吴道明山东巡察海道蔡叔逵登州备倭都督赵康侯等宜纪录优用把总王建极刘绍远等协捕人员宜行奖赏部覆从之

○浙江巡按王晓论劾按察使徐云程事体周章职业废坠拟令致仕部覆谓详访本官畏慎大过事多迂滞则有之但自参议以至按察四任俱在浙江历查考语多称其凝重缜密直节清操年且未老遽令休致不无可惜命姑降一级调简○户部题覆给事中郝维乔等〈附 疏-金〉略云国家赋税差役原有定额抚按官严稽于上府州县遵行于下事事不踰旧制则平时无愁叹之民遇灾有赈贷之备何至偶值灾伤即请蠲正赋但迩来条鞭新立规额未定法令朝三暮四徼派阳减阴增无名供应口费不时科歛之需百姓茹苦万状一遇灾伤恐变生不测即陈乞蠲免而各项冗费冗役分外折乾及门摊纳办支应常例等银有司仍一概追徵不少减免此科臣所谓两税输官者少杂派输官者多也请命下咨行各省直抚按官行府州县每年春秋税额照常徼派外将均徭里甲及各衙门公费公差一应钱粮但系小民出办者通行查议某项应减某项应革某项仍旧分类开造呈报酌议务求简约可行可久而又在抚按力行查访各有司有清约撙节实心为民者亟行奖励否即参究从之

○壬午以 万寿圣节赐元辅张居正次辅张四维申时行及讲官何雒文等六员各白金彩段有差

○兵部覆御史安九域奏勘本年达贼九犯大库大胜永安等堡杨得功等二十二名斩获功次命各照款目给赏

○释凤阳高墙已故罪宗拱柁等家属聂氏等一百四名先经礼部题准罪宗子女释放者俱依庶人例给与口粮至是奉旨高墙闲宅罪宗遗属得从宽释已是恩典若又概给养廉殊为冒滥着礼部改议行

○癸未浙江昌国把总庞溟署都指挥佥事浙江总捕都司以协同镇守贵州兼提督清浪等处右参将侯之胄改充神机二营练勇参将以山西都司掌印张崇德充右参将协同镇守贵州兼提督清浪等处地方

○甲申 上御文华殿讲读○命给发本年蓟辽保定等处抚赏彩段等物银两以免临时踊贵及别项那借科克之弊

○南京工部题 孝陵殿宇庑廊插补工完遣公徐邦瑞祭告尚书陶承学祭谢后土司工之神各行礼

○升河南卫辉府知府暴孟奇为陕西右参政升江西右布政使张大忠为云南左

布政使升山东按察使杨芷为江西右布政

○乙酉上御经筵

○以 万寿节赐元辅张居正次辅张四维申时行及讲官何维文等金银万寿字金篆字金银书黄符黄绶符有差

○户部题覆密云漕粮俱属额饷往时自通州水运仅止牛栏山又自牛栏山陆运抵镇岁费脚价繁多居民骚扰后因潮白二河可以通漕节经督臣修治二水会合河流已盛又因同知卫重鉴建议自通州径运至密镇无倒卸起剥之烦插和偷盗之弊主事曹维新议添扁浅船二百一十只新旧共船四百只俱令经纪承管撑驾所运粮一十五万自牛栏山至镇城每石四分于四分内扣八厘抵作船价计年扣价还官以备十年一次更造之费计所给经纪脚价止一万二千七百余两而每年省什物行粮等费共银二千二百余两而十五万漕粮仅以三月通完费省而上下便之经久可行既经督抚梁梦龙张梦鲤具题宜着为成规仍请纪录各官效劳运务者员外郎曹维新郎中戴耀兵备徐节翟绣裳同知卫重鉴把总毛希遂等俱依拟

○丙戌以恭题御画赐元辅张居正次辅张四维申时行各白金绞丝有差○戊子以中秋令节赐三辅臣上尊珍饌有差

○庚寅 万寿圣节 上御皇极殿受朝贺是日鸣鞭后有儒士韩万年于丹墀高声自称献策纠仪御史以殿廷禁地儒士何敢混乱朝仪命法司究问仍申严门禁著为令

○赐三辅臣上尊珍饌有差 朝鲜国王李昫差陪臣正从三十五员赴京表贺万寿圣节赐宴给赏如例

○礼部题覆总督宣大兵部右侍郎吴兑题北虏顺义王俺答差酋长赉捧表文一通恭进马匹鍍银鞍辔等物及各枝部下头目各进贡马匹乞讨升赏伏乞敕下礼兵二部酌议照上年数目查给并今乞增升官顺义王等下子孙头目答度台吉等二十二名俱量受百户职衔那吉妻把汉比妓照太松给赏仍乞将河西套虏卜失兔阿不害弟俺坠兔阿不害准授伊兄原遗正千户职衔赏赉已故正千户虎兔兔阿不害赏一分即应停革其虏王乞给敕书与同钦赏表里差官赉捧至边分给奉旨允行

○大同西路参将薛邦奇褫职威胡堡守备宋国宾怀仁城守备孙鸾革任提问从巡按参劾也

○乙未 宪宗纯皇帝忌辰祭 茂陵遗宣城伯卫国本行礼

○差御史朱璉巡按湖广

○以湖广都司佾书李鸣凤铨注山西都司掌印升云南巡抚标下坐营中军赵琼署都指挥佾事铨注云南都司佾书升四川叠茂游击马呈文充分守云南临安参将

○升山东左参政张仲谦为山按察使福建副使姚体信为河南左参政

○丁酉礼部题太医院御医赵世美因圣济殿御药房传取随驾夫马银两近侍孙

隆内使魏秀带积棍十余人扛擡红牌二面安置公堂宣读系礼部及太监刘阳议处近侍随驾夫马银两事读毕争辩间孙隆随将世美拳蹴即悬牌未奉有明旨且凌虐职官票内上犯御名略无顾忌体统甚褻法纪奚存乞将原牌取回另候 圣明裁定得旨孙隆魏秀着司礼监鞫问牌面取回

○礼部题该内阁传 圣谕朕昨御门见真人张国祥也随班他前奏今年该朝覲朕思他是外方之人焉用朝参又无民社之寄何须入覲今只在本府暂处恭候 圣母万寿圣节供事毕即辞回以后凡遇寿旦只在本山建醮祝延朝覲免行或有旨召来不在此限臣等仰见我 皇上存道流于外方重体貌于班行真大圣人之为也得旨朕御门听政百官常朝原为承旨奏事衍圣公以 万寿入贺朝廷用宾礼待之不在文武职官之列今后也不必朝参着贺毕辞回永为定例

○光禄少卿岳相以原品改调南京御史刘致中劾其贪残不职应褫部覆谓其偏执招尤但年力尚堪策励故有是命

○苏松水灾御史张简题民穷盗起非民之得已也然恤穷有道唯责成司牧而已夫天灾何代无之苏松二郡之民一遭水患何遽称穷至此盖苏松为东南财赋之地其困于徵求非一日矣今二郡司牧岂无急便身图厚自封殖赈贷之恩虽施而给散不均蠲免之令虽下而催徵如故勾摄之皂快毒甚豺狼罚鍰之逼迫急于星火柰之何民不穷且盗以死也请速行抚按官严责有司简省词讼轻免鍰赎使之得安其生理由是而下蠲徵赈贷之令而民蒙实惠矣又入覲伊迩应朝官指称公费科派小民骗富室者难保必无科歛之禁此时尤宜申饬以警顽邪此救荒安民之最要也又民穷为盗势所必至巡抚宜移驻彼处以示弹压便抚恤仍同巡按御史严督兵备将领军卫有司官申明保甲训练兵壮以潜消盗贼俟事宁之日仍驻句容以时巡历部覆报可

○先是四川凤村白草等番二十八寨盘据为患控驭恒难至是率男妇八千余众来降且约期供蜡听习汉仪抚按会题抚化机宜须原官经理久任责成方克有济议将石泉知县李茂注衔龙安府仍管石泉县事坝坻守备宗绶升授都司职衔仍管坝坻守备事前番收入石泉版籍责令通事管束渐变夷风仍严督官兵加谨防守部覆得旨依拟仍以巡抚王廷瞻拊绥有功命吏部纪录并安绵兵备僉事黄德洋录赏

○升南直安庆守备刘咨署都指挥僉事铨注湖广都司僉书

○命兵部左侍郎何雒以原官总督宣大山西军务

○刑科左给事中齐世臣劾大理寺卿王友贤议狱屡谬法宜究处贤引咎得旨宽宥世臣复指陈错谬贤又 < 銛 - 金 > 自明乞罢吏部以人才难得心迹已昭命策励供职

○辽东督抚梁梦龙条陈边镇事宜一议垦荒辽镇自灾虏频仍军民逃亡者半地芜谷贵所给月粮即岁豊尚不能给欲賑恤别无措处欲加餉额例难开查临边可耕荒地约有二千余顷若令军丁聚众开垦则零寇远遁其便一旦营军在野屯民无恐穉人

赖以成功其便二垦田既多米价自平其便三一议盐粮镇设盐粮本以资军该镇军士每名月米一石止折银二钱五分准盐每引价银五钱可抵两折支而节年召中纳米不过五斗仅足半月支用况输米秕湿多成红腐若纯用本色利尽归口而贫军鲜实惠矣诚于米价腾踊之时本折兼开军口庶乎两便也户部覆奏如议

○先是积谷之法因地方酌定多少以备不虞然有司以折价便于侵费是以积谷既稀遇灾束手于是吏科左给事中杨言请申饬有司将赎罪银尽数余谷令抚按官于年终委验分别有无多寡照例赏罚又于军卫屯粮不许违例徵银查仓无见米者从重究处部覆报可

○协守西路副总兵李如楨以守协不和为总督梁梦龙所劾命回籍听用宁山营春班游击沃允谦以不善抚军革任闲住

○己亥升福建副使欧希稷为山东左参政○蒲州劫盗肆行抚按参劾分守河东道王子惠隐匿盗情追补无获命降一级调简

○兵部南京太仆寺卿萧廩题称修举马政各拟议上请一议查勘夫蠲免拖欠所以宽恤灾伤但未经勘实而一概与除则奸民望风覬觐逋负愈多矣今议行令该寺会同抚按选委廉能查勘拖欠马价等州县分别轻重有无斟酌量豁而无灾地方不得援比仍行催徵完解有那移侵欺者究追赔补一议会课夫马价与两税均系国计乃两税完少重则降级马价拖多止于罚俸是宜有司之急彼缓也今议每年该寺奏缴完欠至日本部会同户部将有马地方总计起存钱粮分数一体参请住俸降级候其徵完开复庶怠缓知惩一量复马官议有马州县即于管粮佐贰员下添注兼管马政以听于管马通判而受成于分管卿丞庶官不增而事并举一查给草场夫草场马厂皆为孳牧设也乃豪强势要占种者多今议委官清查追给马户仍令输租以解部寺有占夺者绳以法但间有马户家贫典卖未必皆侵占一旦清查必有奸人乘机冒指尤当慎选委任庶可有济奏上报可

○庚子 上御文华殿讲读

○福建右参议聂廷璧为福建副使以原任山东布政使朱卿复除浙江左布政使调陕西右参议徐学诗补山西左参议分守河东道移驻解州兼理东西两池事务

○命原任光禄寺少卿袁三接复除本职升陕西左参议毛为光为福建副使湖广佥事江廷寄为湖广右参议

○辛丑 上御文华殿讲读○福建提学佥事赵参鲁以亲老身病乞致仕许之

○户部覆凤阳巡抚江一麟巡按李时成奏劾泗州兴化宝应山阳清河桃源盐城等七州县田地其高阜成熟者照旧派徵其被灾稍轻与被灾次重者俱免一年被灾极重者免二年共免秋夏起存税粮二十九万一千四百石有奇银一万一百八十两有奇其额派漕粮于附近各府所属无灾及灾轻州县通融拨补务足原额候被灾州县有收之年照数徵还报可

○以吏科给事中郑秉厚为福建右参议户科给事中李涑为山东佥事升陕西右参议袁弘德为山东副使升山东佥事刘应元为陕西右参议升工部郎中马鸣鸾为湖广佥事升浙江佥事须用宝为广西左参议升吴兑为吏部左侍郎升巡抚宣府王一鹗为兵部右侍郎

明神宗显皇帝实录卷之九十

明神宗显皇帝实录卷之九十一

万历七年九月甲辰朔升江西右参议王希元为福建提学副使

○河东巡盐御史冯寰上言苦池滩为盐洩水要区原非可耕之地自正德二年淤平后因奸民争种不均投献晋府每年收租不过二百金查复运司则关系国课二十万乞严谕该府不得听奸拨置行令运司将前滩时加修浚保固盐池部覆如议

○乙巳 上御经筵

○修 显陵陵恩殿以户部主韩济董之令刻期竣事毋致冒破虚糜

○兵科给事中赵世勋劾右府掌府事定国公徐文璧留难应袭需索属官私设文簿名曰堂食钱又名红纸钱请严行禁革以儆梟贪得旨以勋旧仍其职惟厘革夙弊为后日规

○升河南佥事刘东星为陕西右参议驻劄金州升山西右布政使吕鸣珂为江西左布政使升福建右参政王元敬为山东按察使升江西佥事周思敬为江西右参议

○以宣府巡抚标下中军都司朱永祚充定州领军游击

○丁未 孝恭章皇后忌辰祭 景陵遣怀柔伯施光祖行礼

○ 上御文华殿讲读

○升广东道御史王藻为河南副使升四川按察使梁问孟为山西右布政使升江西副使郭孝为福建右参政升河南御史王应吉为陕西右参议升南京福建道御史王许之为浙江佥事升盩州知府石汉为江西佥事升江西道御史李荇为山东佥事○蓟镇总督右都御史梁梦龙< 〇〇〇 毓-金 >所属武职王吉杜桐等三十二员贤否赏罚有差允行

○庚戌上御文华殿讲读

○升浙江右参政胡定为四川按察使升四川右参议刘一孚为江西副使

○两浙巡盐御史李栋查议原奏仁和等场减追引价银三千九百余两欲以绍兴所加余盐银二千两抵补未敷又查有华亭上海等盐场各新增沙涂升科票税等项银二千五百余两补既有余饶部覆报可

○巡抚山西都御史高文荐以苛岚一州逼近边境伤残疲敝所欠屯粮牛具银及王粮民粮等项难以追徵部覆如议蠲免

○辛亥许给大同镇马价银一万二千两以备明年市本

○升左春坊左谕德陈思育为国子监祭酒照旧充经筵讲官

○壬子以重阳令节赐元辅张居正次辅张四维申时行等上尊珍饌
○升江西副使吴从宪为浙江右参政广东佥事马千乘为四川右参议
○朝鲜国王李昡差陪臣李璽等正从三十五员赴京庆贺赐宴如例
○辽东建州左等卫女直夷人都督等官大疼克等共一百二十六员备马一百二十六匹赴京朝贡给赏如例

○甲寅 上御文华殿讲读

○以湖广行都司军政佥书白玉铨注广西都司掌印

○起原任广东副使胡同文补江西副使以四川道御史张友舜为广东佥事

○乙卯 上御经筵

○凤阳府宿州越狱强盗高寅等三十一名时即擒获逸其九巡抚江一麟劾兵备朱东光知州郭腾巡捕孔源洙邵椿等罚俸有差

○阅视宣大山西给事中姚学闵论三边八事大略谓积钱粮则宣府山西为最大同次之修险隘练兵马则大同山西为最宣府次开屯田整器械理盐法收胡马则山西为最大同宣府次之散逆党则大同为最山西宣府次之此三镇八事之大较也其总督抚按及寺道将裨等官勤惰不等奏各升赏罚革有差

○上用大婚龙袍命太监孙隆提督苏杭等府织造谕以悯念民力于是隆上言天雨频仍地气蒸溽请乞袍段之雨湿座黥者照例解进免以退换累及小民从之

○丙辰以霜降节祭各 陵寝遣侯伯等官各行礼

○差陕西道御史郑锐往真定巡按

○改神枢二营练勇参将尹志萃充分守山西河曲县地方参将以分领总督宣大标下右掖兵马游击刘宝充宣府东路游击

○己未大同督抚官侍郎吴兑请于大同聚落城改设守备官仍以该城见任操守张世杰升署指挥佥事以都指挥佥事行事守备聚落城地方兵部覆奏允之

○刑部覆刑科都给事中周良寅所陈朝审事宜一议会审查每年霜降以前将见监重犯会同部院司寺并锦衣卫堂上官及科道掌印官朝审而五府带俸勋臣与带俸副将等官亦与焉所以广兼听也今议以带俸带衔平居无政刑之责不宜与会一申戒令等事查往年决过重犯止会决官具本复命别无施行今该科建议欲刊劾榜文揭示通衢以警有众无非使人畏罪远刑之意奏上报可

○建州左卫女直夷人都督大疼克八汗等三起共二百三十八员各赴京进贡赐宴如例泰宁等卫右都督只儿挨等差头目升合儿等一百七十八员备马一百七十八匹赴京庆贺 万寿圣节给赏马价银弊悉如例

○以原任古北口参将谷承功降充蓟辽保定右营游击○辛酉 上御文华殿讲读

○以协守蓟镇东路副总兵孙朝梁充协守辽阳地方副总兵以分守浙江宁绍参

将欧继宗改充神枢二营练勇参将以河南都司金书李维藩充昌平永安车营游击

○蓟镇属夷长昂等因挟赏不遂阻拦入贡夷马该镇奉旨停其抚赏至是率领部落叩关补贡督抚梁梦龙奏谓悔罪输服乞通贡复赏以示生全兵部覆奏许之

○升墙子岭提调陈蚕署都指挥金事充蓟镇统领南兵游击以大同入卫游击鲍宗德改充宣大游击

○总督仓场尚书汪宗伊上言每年漕粮轻赍约银四十五万九百两有奇备陈四款部覆施行一曰盘剥大率谓运官沿途盘剥到京完粮支用轻赍冒破数多要行量给意在裁抑冗费以补储计但查轻赍银两每年三分给与运官以备沿途空贴诸费七分解贮通库听备各帮完粮先是漕臣吴桂芳深以为便今欲议给一分恐长途粮运脱或遇浅何以为备宜酌量损益分为二八定为二分以资空贴八分贮库支給完粮至于扣省盘剥费银多寡宜随时测量水势浅深斟酌议定难以例拘二曰完粮大率谓京通密云天津等各仓完粮银两虽凭粮多寡以为增减而费用额数则一定不移京仓用银一十五万二千八百二十四两有奇通仓用银三万七千二百八两有奇昌平用银一万七千八十两有奇密云用银九千五百三三两有奇天津用银八百九十八两有奇蓟州用银一千四百五十八两有奇不分改兑名色惟据数多寡给以轻赍支用使无彼此有余不足之患但轻赍银两各处不同一切筭扣当取多以益少取彼以益此若轻拟分数不无增减参差宜将起运粮石查照兑改原额酌量分派凡编帮领粮俱以全卫全所不必如前搭派致难照管三曰扣省大率谓轻赍自盘剥完粮支剩者例有扣省如车户经纪夫脚等约八项坐粮厅查扣贮库年终解纳太仓计京仓通仓密云天津蓟州共扣省银一十一万九千八十八两有奇今改每年照例解库诚为有裨边储但不得那移侵费亏损国计四曰羨余大率谓盘剥完粮扣省外又有羨余约该银三万七千三百七十六两有奇内该一分解淮二分给军往时为运官侵克穷卒不沾实惠今欲议革将见在旗军唱名给散已回南者扣贮另议宽恤运军诚为有见但革议单一款运粮官于粮完日给赏羨余银有差起粮无欠先给一分完掣通关后给一分既系旧额仍当遵行余法久弊生宜再申饬其把总指挥千百户给赏余银以尊卑为多寡其军旗计里远近计船多寡列为三等分别赏给如先已回南者即扣贮通库候次年查给敢有巧立名色科歛需索者治罪俱报可

○户部覆漕运侍郎江一麟总兵官灵璧侯汤世隆等条陈漕政三事一徵角□羊船料制运船一万二千一百余只转输漕粮四百万石额不可缺因杭芜二厂并各省直等所角□羊料匠银欠有一十六万二千余两以致造船不敷额数短少今议将远年拖欠者尽数豁免近年者带徵二分见年者全角□羊济用其徵科造船完者纪录不及数者罚治分别赏罚以警怠玩诚为调停得体一漕粮开仓先是漕臣立置漕单计水次之远近较兑粮之多寡酌过淮之程途定限注单运粮官奉单催取有司惟恐兑纳稍迟预于九月开仓早获者尚可卒办晚收者倍息贷输不免有滥恶充数因循塞责之弊今议

○辽东行太仆寺少卿乔应春议马政三事一走递太累谓马备徵操非供驿递先是以该镇大荒驿递不支暂拨接济遂沿为例今议申明见例凡擅拨与擅骑依京边事例一体降级仍责赔补一挑兑非法调选精锐本以壮戎但更班之时或选人而不用马或选马而不用人则膘壮瘦损无所劝惩人多规避怠于餵养弊习相沿殊非军政今议于选调换班时责令本营官于本军家选择壮丁补役不许各营家丁以马匹擅自兑换一罚治未明倒马罚俸原有定额但查参之后开有买补比前稍加者又一概受罚人无所劝益加玩习矣今议以上次点过倒失分数为准分别完欠酌量罚免如完过数多者量行奖赏若倒失未买又复倒失者每年终查覆参处兵部覆请如议

○升南京小教场管操指挥佾事李应麒充游击分守浙江杭嘉湖地方以分守辽东锦义右参将王有臣改充分守龙固地方右参将以江西都司佾书张应科铨注福建都司掌印

○戊辰 上御文华殿讲读

○巡抚都御史胡执礼巡按御史田乐奏勘苏松二府所属太仓吴江等十州县灾各有等除存留钱粮照例蠲免尚欲于漕粮尽数改折见徵五分蠲免五分及钞关贓罚银两悉留賑恤部覆照嘉靖年事例将今年额派存留钱粮如数蠲免从之

○己巳授庶吉士庄履豐陆可教杨德政冯琦杨起元为翰林院编修顾绍芳何雒书沈自邠余继登为翰林院简讨张鼎恩史继辰张养蒙费尚伊高尚忠万象春为六科给事中王国甘雨李植马象乾汪言臣曹一鹏张文熙为各道御史

○河南提学副使李向阳以巡按御史苏民望劾其徇情玩法任气作威命革任回籍

○以原任河南提学副使衷贞吉补河南副使

○升宣府龙川所守备路登云铨注大宁都司佾书

○兵部题推京城巡捕右参将刘印量升副总兵职銜分守辽东锦义地方得旨锦义地方见有虏警刘印巡捕屡次失事又经住俸捕贼不许

○辛未 上御文华殿致斋赐三辅臣上尊珍饌

○苏松等属邑水灾田荒赋逋诏减各驿马价十之四并停徵以前未完者

○赐云南巡抚右都御史升兵部右侍郎王凝祭葬如例

明神宗显皇帝实录卷之九十一

明神宗显皇帝实录卷之九十二

万历七年十月癸酉朔

上御皇极殿颁万历八年大统历特赐元辅张居正次辅张四维申时行及讲官何雒文等有差

○以分守宣府南路等处右参将栗卿改充分守辽东锦义地方右参将

○命贵州道御史陈世宝巡视京营

○以密云游击王诏充分守蓟镇参将

○升江西运粮把总戴应麟铨注江西都司佾书

○乙亥泗州等七州县水灾巡抚江一麟请于本年应免漕粮通行改折且分作三年徵解部覆从之令以二年解完○以淮安府属盐城等十州县照旧改属营田道令见任佾事史邦直充之仍给敕以便行事

○丙子以 中宫千秋节百官行庆贺礼赐元辅张居正次辅张四维申时行等上尊珍饌

○土鲁番速坛阿卜纳西儿呵黑麻袭立为王援例特遣头目卯刺纳等备方物马匹谢恩求贡命差贡使及所进方物悉照先年额数不许过多仍照五年一贡期限不得违例奏渎

○调五军七营练勇参将黄元忠充分守宣府南路地方参将以河南都司佾书魏孔与充密云游击

○己卯 上御文华殿讲读

○先是蓟辽总督梁梦龙塘报虏酋土蛮大举寇辽东辅臣张居正以警报闻命居正等拟旨谕兵部议驱剿之策居正入奏言九月初间有北虏俺答部下头目恰台吉差人于土蛮中侦知土蛮欲纠众向辽讲求贡市臣即驰语总督梁梦龙令其再侦核实多方设备传示辽东李成梁巡抚周咏虏若纠大众至勿轻与战但坚壁清野使野无所掠虏气自挫又使梁梦龙亲率师东行发往兵二枝出山海关为辽东声援令蓟镇总兵戚继光选精锐乘间出塞或捣其巢或邀其归以挠之今据报各官具如臣指梁梦龙已东驻永平遣参将许如继杨栗出关截杀戚继光移驻一片石伺间邀击辽东收保已毕虏以十月初二日至宁前向中所地方此中地窄人稀虏众无所掠势不能久旦夕必已退遁今敕兵部始议驱剿已后事机徒骇听闻耳且彼中戒备颇严谅无疏失上嘉慰之

○总督仓场尚书汪宗伊< 銚一金 >轻赍折蓆及给军羨余等三事轻赍银两随粮徵解原以备完粮之用例不得别项那移今当扣筭余银解纳太仓银库折蓆者因兑米二石该蓆一领折银五分交纳太仓库备用今当另开类解不许混入轻赍之内以滋他弊旧例以二分羨余给赏官军今运官俱称旗军南回不敢冒领已经扣留贮库不得别项那支宜咨户部议处给散务使旗军各沾实惠户部覆奏如议

○庚辰 上御文华殿讲读

○协理京营兵部尚书扬兆会同巡视京营给事中李廷仪奏核山东中都司各卫所掌印官完军完粮者照例奖赏其不及格者罚各有差

○调分守江西南赣等处参将尹湘充五军七营练勇参将升大同阳和守备翟景荣铨注河南都司佾书

○辛巳 上御文华殿讲读

○以苏松水灾赐减明年牲口药材等银十之五并暂停徵以前逋欠者○刑科初

覆奏请旨行刑命今年暂免辅臣张居正等上言 圣德固云好生但庆赏刑威乃朝廷大政去岁因 大婚庆典故暂免行刑今岁何名又欲停止若以刑杀于 圣心有所不忍则各犯有杀父母杀兄弟及劫夺殴杀者彼死者含冤不尤为可怜乎若不忍尽诛乞命再加详审拣其情罪尤重者< [] 疏 疏 疏 > 名上请量决数十人则好生之仁惩恶之义并行而不悖矣 上纳其言

○以四川按察使兼右参政吴善补四川右参政整饬建昌兵备兼管分巡粮储

○癸未原任都清兵巡道今调广西副使彭富贵州巡抚何起鸣劾其因循不振宜调简僻有旨命速赴任供职以劾之非实也

○诚意伯刘世延犯禁辄坐肩輿户科给事中傅作舟劾其骄纵灭法命闲住罚禄米一年

○朵颜等卫夷人头目阿里麻等九十四员赴京补贺 万寿圣节并长至令节赐宴赏如例

○巡按山东监察御史安九域勘核养善地方功次以李平胡等一千九百四十五员各炤款目升赏报可

○升统领井大民兵游击崔经充分守南赣地方参将

○甲申 上御文华殿讲读

○升山东副使赵睿为四川右参政

○乙酉虏酋土蛮等统四万余骑从前屯锦川营等堡深入攻掠敕蓟镇总督梁梦龙并辽东镇总兵李成梁等严加哨备酌发兵赴援并力逐剿

○升江西都司朱家将以参将职衔管统领井大民兵游击事

○丙戌兵部题覆巡抚贵州右佥都御史何起鸣奏所辖将裨郭成张奇峰等二十员应升赏李鸣凤等四员应革罚各有差如议 晋王慎鋹薨辍朝三日○旧制于太医院中碾磨药末送圣济殿修合丸散今提督御药房太监刘阳欲于内殿碾磨非制也礼部覆照旧规从之

○蠲苏松二府段疋军器等十之四仍于旧逋者暂行停徵以水灾异常故也

○升礼部精膳司郎中王廷诗为山东副使

○丁亥江西解丝绢原徵本色但非地产买解实难抚按官会题本折中半部覆自八年以后俱准本色六分折色四分相兼起解着为额

○吏科给事中杨言奏塞 皇陵旁开孔道谓 陵寝重即樵牧有犯法亦森然乃于 陵寝之侧大开孔道践踏驰驱恐损 祖宗之龙脉洩山陵之旺气况黄花镇密迩边塞若私道渐开防御未备意外之变更属可虞宜尽塞径道以保万全< [] 疏 疏 疏 > 入然之

○戊子以河南都司佥书江昌国充神枢十营游击以湖广行都司佥书袁日章铨注江西都司掌印以陕西都司佥书许登瀛铨注山西都司掌印

○命沂莒二卫所等班银自万历四年秋班起至五年秋班止其应追春秋二班工价名粮银两悉与蠲免以苏军困

○停武学生纳监事例以武官子弟视为捷径异省生儒诈冒籍贯故命停之

○广西郁林等处巢贼流劫杀虏无数该督臣调发两广官兵攻破贼巢斩获甚众总督侍郎刘尧诲叙大小文武官王原相朱汝贤等共四十三员奏升赏纪录有差得旨以面授方略功在总督同心调度功在巡抚仍厚赏刘尧诲张任等银币

○己丑主事林乔楠管临清仓失火延烧数多被劾关防不谨降二级管事

○有议欲开复故河巡抚周鉴巡按苏民望等题谓开复新集议有三难财用不敷其难一民力不堪其难二且时浚时淤其难三至于北陈一带<□□足 毓-金 >浚难于措手惟当各守堤防设官于丰碭徐沛会山东河南协修行缕二堤俾茶城以北无冲决之虞而浊河小浮桥听其分流无妨济运部覆依拟行

○总督两广侍郎刘尧海上言迩来贼盗繁兴皆由官箴不饬上下相仿贿赂公行查问刑条例凡卫所职官卖放正军包揽月粮至二十石以上者罢职发边卫守御凡沿边地方总副参游守备都司卫所官员但有科歛及扣减入己赃私至二百两以上者发边卫永远充军四百两以上者斩首示众事例一体通行沿海地方以后总参等官有犯此赃数者俱照例究处兵部覆奏允其议

○庚寅 诚孝昭皇后忌辰祭 献陵遣新宁伯谭国佐行礼

○辛卯升山西老营堡守备王佐铨注陕西都司僉书○朵颜等卫夷人入朝有福余卫头目伯忽五更入朝迷误走至崇文门被捉伤及守者门官奏闻得旨以夷性素蠢宽之量革半赏用示稍惩仍罚督馆主事乔岩以为疏于防简之戒

○户部议处边关银库以便收放如宣大蓟永密辽延甘等八镇银库俱以本部郎中同府县正官定期收放其出入封锁悉照太仓搜筒库例不得止同库官自收自放如宁夏固原等二镇官库俱系各道委官收放移文郎中知会但司道多不亲临至通判库官侵扣诸弊难以查简宜令司道官亲临收放郎中不时巡历清查不得止取空文回报如山西镇库先在代州治内主事亲往收放近移过通判衙内与州绝不相关宜行抚按官查照旧例如昌平镇库旧在分司旁宜改昌平州治内易州库旧在州治内宜查修原库添设厅房俱以管粮官同州官收放其河西务许墅临清九江等钞关原无库设每日同委官收□税船料暂贮本厅节解库州县库收贮季终公同验解以上开款条奏悉如议 甲午升应天巡抚右都御史胡执礼为户部右侍郎

○吏部核各省直提学官职业论次奏闻其升级供职俱以循资擢用

○巡按御史张宪祥奏固原镇并咸阳等县城垣缮修既完钱粮无滥本镇督工守备蒋松有劳宜赏报可

○乙未广西獠猺盘据八寨肆毒几载叛服无常抚按张任顾钐等会同总督刘尧海奏议进剿仍以贮解盐银五万七千二百余两留充兵饷报可

○丙申 上御文华殿讲读

○以昌平镇坐营官钱国用充本镇标下右骑营游击○丁酉 上御文华殿讲读

○升河南副使孙光祐为右佥都御史巡抚应天等府地方

○巡抚都御史胡执礼巡按御史田乐董光裕等上言常州镇江应天太平等四府属邑灾伤不等欲援苏松二府事例蠲免如数部覆谓苏松赋额甚重又加以灾伤异常宜从厚蠲赈应天等府赋额既轻水灾不重缓徵别赋已为不宜改折漕粮尤难轻议今据各官奏勘宜酌议应徵应免应折应停以灾之轻重为次其浙江抚按官吴善言谢师启亦以杭嘉湖三府之灾为言酌量蠲免数亦如之

○广西抚按官张任等〈○疏-金〉言柳州府所属五州县旱灾饥民当赈欲以贮库银一千四百五十余两留以赈荒并协济武宣粮银二百九十六两暂与停缓部覆从之○兵科左给事中李选题参陕西巡抚右副都御史傅希摯原〈○疏-金〉极言陇右矿贼猖獗又自任以督兵驱捕事盗具〈○疏-金〉既奉明旨諄切责成夫何时经半载寂无一言不知前项矿贼曾否剿除地方官员有无失事今已升户部右侍郎离任矣希摯本以庸才缪膺重寄背违 明旨旷废官常即其罔效于三秦奚取并联乎九列所当究治以惩玩怠奉旨傅希摯慢令旷职着革任闲住

○朵颜泰宁福余等卫夷官俱以进贡报事勤劳加赏币服有差

○升浙江提学僉事乔因阜为太仆寺少卿添注

○晋王慎鋤梦二子方孩以宁河王知□操守端谨命给敕摄国保孤但不预该府钱粮候嗣子袭封日还政

○女直夷人都督僉事等官八汗等各奏讨金带金顶大帽职事衣服译无违碍及覆查明白俱各给赏如例○ 上以两河工成赏总督河道官潘季驯江一麟等银币有差仍差科道官勘实以闻

○起原任山东左参政严大纪复除山西左参政升陕西右参议刘东星为浙江提学副使

○庚子

上御文华殿讲读

○虏酋土蛮等频年窃犯每遭挫衄于十月内拥众五万余骑突犯前屯总兵李成梁戚继光参将杨栗等并力拒斩虏贼始遁有旨以总督梁梦龙巡抚周咏张梦鲤等督率有方赏赉文武大小官员银币各有差

○以浙江总兵官署都督僉事黄应甲充镇守广东总兵官

○先是隆庆六年恩诏蠲免海内共沾而苏州松江常州安庆等四府完解在先未蒙抵蠲今抚按官胡执礼田乐董光裕等议以万历元年起解牲口银两内扣除三分以抵隆庆六年蠲免之数报可○陕西巡抚傅希摯〈○疏-金〉总兵陈守义参将梁文等共十三员当循资擢用参将魏璋等三人当革任回卫覆奏如议

○兴济县有强盗籍金等二十余名聚劫旅宦县官毛充学匿不以报抚按官劾奏并及府捕同知杨廷感兵备副使赖廷桧等降级罚俸有差

○户部奏减额外重大粮差以苏倒悬先是襄阳卫屯地共一千六百八十顷四十七亩八分零岁纳米麦一万四千五百八十七石有零后又清出余地共六千一百七十四顷二亩九分零增米麦一万三千四百石有奇照地增粮自当尽数全徵但所加之粮既倍原数而有不急之费尤非正供经抚按官酌议将各项冗费概从节缩共减徵米麦五千六百二十六石有奇裒益公平公私两便奏上报可

○壬寅 上御文华殿讲读

明神宗显皇帝实录卷之九十二

明神宗显皇帝实录卷之九十三

万历七年十一月癸卯朔应天巡抚吴执礼直隶巡按田乐董光裕等题常镇府属江阴靖江金坛等州县水灾议以协济各驿递马价自万历五年以前未完者三县俱暂停徵部覆从之

○以原任镇守镇守贵州总兵官吴国充镇守浙江地方总兵官

○甲辰祭 三皇于 景惠殿

○以陕西行都司佾书姜珂铨注陕西都司掌印

○丙午 上御文华殿讲读

○丁未升山东盐运使赖嘉谟为四川左参政升陕西佾事桑维高为陕西右参议

○己酉 上御文华殿讲读○以 圣母慈圣宣文皇太后万寿圣节赐元辅张居正白金五十两彩段四表里次辅张四维申时行各四十两三表里讲官何雒文等五员各二十两二表里仍赐万寿字金篆字金书黄符黄绶符各有差

○以浙江副使张希召为陕西太仆寺卿

○以原任河南佾事调简张应福补陕西佾事升河南左参议徐大任为陕西副使

○巡按广西御史顾铃题称镇守总兵官王尚文可备五府之任又举参将倪中化等劾都司韩文启等奉旨总兵官职任至重概同文武官举劾是旧例否且举荐总兵堪任五府亦非事体还会同都察院查明具奏部覆得旨着改正行

○庚戌 上御文华殿讲读○辛亥升光禄寺寺丞周弘祖为南京尚宝司卿以原任湖广左参议冯时雨复除河南左参议升广西右参议李一迪为浙江副使

○壬子 上御文华殿讲读

○四川抚按王廷瞻等题为照建昌地方被番烧劫站军杀虏人口已经奉旨率督该道剿抚但雕剿大渡河南番河北番必然助逆而河北官兵原非该道所辖调遣不便若使暂听节制事权归一庶可慑北番之心而孤南番之势剿抚易为成功但云暂听终属携贰至用兵讨贼尤难互分彼此以后通南北各道如或番贼扰乱遇有调遣兵马策应防守追捕不分南北悉听主兵该道节制功罪同之永为定例部覆允行

○甲寅升工部都水司郎中徐儒为广西副使○丁巳辅臣张居正等题工科都给事中王道成等请酌减织造段疋臣等看得岁造段疋原有定额

祖宗朝计一岁所造供费有余至嘉靖年间赏赉无时间以缺乏增织非可为常例也万历三年该库已称缺乏岁造外添至九万有余时以大婚赏赐浩繁该部不得已遵旨设处各地方库藏搜括已尽经今四年方得织完而添织之旨又下计开七万三千疋所费须银四五十万索之库藏则库藏已竭加派小民则民力已疲今岁南直隶浙江一带水灾顷蒙特恩蠲赈又取回织造太监罢民稍得安生乃又重复加派非 圣慈所以爱养元元培植邦本意也该库偶因三卫夷人赏赐段疋缺少虎豹一样服色及北虏俺答款贡赏赉岁增故请添织至于上供御用等项则近年南京太监许坤苏杭太监孙隆织进者已自足用不必又取办于岁造矣惟复俯从科臣之言一概减半织造其支费银两敕下户工二部酌处免复加派小民奉旨东南地方既有灾伤段疋准减半织造其支费银两着户工二部措处毋得加派小民

○以庶任镇守宁夏总兵官张杰仍充镇守宁夏总兵官

○宽奠参将徐国辅革任行巡按御严提究问以贪黷起衅致夷人怀愤抢窃为督抚梁梦龙所论劾也

○戊午以山东都司佾书张守成协守宁夏西路广武营地方

○己未兵部题覆总督两广侍郎刘尧诲题剿除八寨徭贼事宜已奉 明旨惟称广西巡抚咨请加兵四营与全军所用器械火药等项俱委东省处办所费不贲今江右岁歉米贵必增余广储方克有济容督行广东布政司及监军道量支解发调处给用今据征剿徭贼大兵克期进举并候命下行彼处巡按令风官一员随营纪验功次勿得委官虚应以致枉滥报可

○命清宣大等镇主客兵粮并将各省直军饷定为经制岁终奏报如边镇例

○癸亥以山东都司王秩充神机八营游击

○甲子四川杂谷安抚司都纲头目更哈监藏等赴京进贡给赏如例

○丙寅冬至 大祀 天子 圜丘遣公张溶恭代公徐文璧伯毛登大学士张四维申时行分献

○以冬至令节遣侯伯等官恭诣 各陵寝行礼

○是日赐元辅张居正次辅张四维申时行酒膳有差

○丁卯 上御皇极殿受贺赐三辅臣上尊珍饌 四川杂各安抚司差都纲头目一千二百七十四名各备珊瑚等物进贡给赏如例

○己巳朝鲜国王李昫差陪臣工曹参判权擘等三十六员赍捧表文方物马匹赴京庆贺冬至令节赏宴如例

○庚午上御文华殿讲读

○升福建右参议余立为贵州按察使

○升广东佥事刘倬为左参议

○以大同入卫游击麻承恩充分守大同井坪等处参将以神枢九营佐击戴采充延绥领军游击

○工部尚书李幼滋以久疾乞休许之

○壬午 上御文华殿讲读

○以大同宁虜守备沈栋充大同入卫游击升宣府赤城堡守备朱国相充神枢九营佐击

○御马监张诚奏乞转行太仆寺再选驷马三千匹送监调习以备护驾兵科都给事中戴光启奏却之

○甲申命原任左春坊左谕德兼翰林院侍读陈经邦以服满仍充日讲官○乙酉世宗肃皇帝忌辰祭永陵遣庆都伯杜继宗行礼

○丁亥以年节赐元辅张居正次辅张四维申时行及讲官何维文等银币有差

○赐泰宁卫进贡贺节夷人宴赏如例

○山西行太仆寺少卿职掌屯牧与各道牵制巡按御史黄应坤议行裁革仍以屯田令守巡道分理牧马随屯带管著为例

○戊子 上以讲幄勤劳升侍读三年考满何维文少詹事兼翰林院侍读学士掌院事朱赓与五品服色王家屏沈一贯陈于陛各升俸一级

○升户部左侍郎谢鹏举为南京都察院右都御史○辛卯 上御文华殿讲读

○升光禄寺寺丞孙代为江西提学副使

○壬辰 上御文华殿讲读

○升江西巡抚刘斯洁为户部左侍郎

○甲午 上特降手敕谕元辅张少师先生在京守制忠孝两全今当服满朕心忻慰时赐玉带一条大红坐蟒蟒衣各一袭金执壶一把金台盏一副用示昏知见朝毕候朕御平台召见以后朝参经筵俱照旧行居正< 跪 毓-金 >谢 上优诏答之

○礼部题先该大学士张居正等题称宗藩未妥事件乞敕本部将条例再加斟酌并

累朝见行事例系关宗藩者悉行裒集分类编录仍会多官议拟题请着为宪令开送纂入会典已经奉旨钦依待具有次第题请会官集议臣等礼部会同宗人府六部都察院各堂上官通政司大理寺各掌印官及该科官驸马都尉许从诚等将大学士张居正等所题宗藩条例未妥一十二事并推广未尽事宜及见行事例条例所未备者通行款开详加酌议惟求情法适中科条画一足以昭示久远为经常不易之规谨逐一开列前件具题上恭候 圣明裁定臣等礼部并将旧行条例刚去烦文止存节要会为一书进呈御览刊刻成帙颁布各王府永永遵承以后一应请乞但有不遵定例妄援渎扰者所奏事情径自立案不行仍听本部及该科参奏得旨依拟刊布纂入会典

请行督抚悉照旧额贡马行赏不得额外加增并人多于马上可其议○巡视京营给事中李廷仪御史陈世宝条陈戎政七事一复班操请罢班军工作令各都司统领官军随带器械同原定营军一体操练如有工程听工部将觅夫银两雇募不足量将各军粮盐银两凑济虽勋戚边臣不得违禁冒请一平马政议三大营马匹于春操将毕令总协科道会验巡捕营马匹令科道于夏月点军时就便一查至十月印烙会部寺科道行事其各营兑马部寺公同验看不得以病马给军有马匹倒死系年远免追桩者即与除豁一去虚文各营将官凡有各衙门公文止许差人投递把总等官专一在营演习武艺不许差遣一精选练开操较阅首火器次弓箭次刀枪各因武艺难易以定赏罚因以训练多寡别将领贤否而选取教师就于各营中谨择不得滥收无籍以开幸窞一重任用勇士四卫二营系亲密之兵所关甚重宜照三大营例坐营员缺该监开缺送部查推不得径自题补把总等有缺该监查取廉干者题补不得径自制委一定章程营中各项事宜如京班二军及钱粮等项国初若干今存若干其营制官属敕谕章奏并一应操练成法大阅事宜及勇士四卫二营本部近日题覆事宜通照次第刊刻成书以示画一一清钱粮太仆寺钱粮会收每月二次定期验收不必拘定三万之数亦不得以他事稽误至支放附余宜查实登报以杜侵渔营中公费立法稽查裁其余剩以备犒赏兵部如议具覆上从之命工部清查人役班价等项以济工费该寺会收一月三次行

○庚戌赐山阴王俊柵四书五经集注各一部所建书院赐额名乐善

○辛亥 孝恪皇后忌辰遣成安伯郭应乾致祭于 永陵

○广东巡按御史龚懋贤举劾将领< 足 毓-金 >内参碣石指挥王之野恣肆箴法应革职揭黄部覆以其罪重议当提问 上以武职官有犯不论管事带俸俱应参提问罪奏请定夺无径自革职揭黄者乃命该部更查以闻○壬子立春 上御皇极殿顺天府 进春百官称贺

○四川建昌傀厦洗马姑宰猥铁口等寨献凶酋葵咱呷等一十九名首级一颗并被虏男妇一十二名来降抚臣王廷瞻上诸臣功状及失事者兵部具覆命升王廷瞻俸一级赏总兵刘显飞鱼衣一袭参政房楠按察使吴善各赏银十五两守备刘天俸等各十两而革都司金书郭科掌印张万年任皆如部议

○兵科都给事中戴光启等奏今者山狭宣大诸酋款关请贡诚无足虑但频年以来武弁军民往往私通夷虏或擅行市易而应禁之货币潜投或密与约交而一切之关防顿废迨一事抵牾遂成嫌隙溃今日之大防貽将来之隐祸宜预为之所蓊门崇冈峻岭以守为上近来台墙并飭画地了防可谓算无遗策然台守之军类多虚冒宜立法稽查以期实用外藩属夷阳顺阴逆西虏敢与连姻东虏敢于勾引董长诸酋又数为乱方今土酋屡挫万一托彼向导乘虚一逞彼固甘心助逆者辽左比岁追剿动获奇功顷河西又以捷报谭者谓可期数年安堵然狼子野心肯忘反噬且开原应援辽阔锦义墩堡稀疏兼以兵力疲于久战众志成城懈于成功操危虑深更当有加于曩昔者 上是之章下

所司

○升蓟镇青山 提调陆弘道为山东都司佾书

○癸丑礼臣以复当会诚条上正文体密防闲核后场公分较四事 上是其议

○升陕西行都司掌印贺慎为宁夏东路右参将

○甲寅户部酌巡青三议以请一清荒地以杜欺隐一速通关以苏商困一举卑官以公赏罚 上悉从之○议在京五草场除已放外例贮一百五十万束今秋宜照数买足递自十二年以后隔年一放一召买三年一次出陈易新不必另立台名积之门外报可

○乙卯宣示辽镇大捷先是东虏土蛮速把亥等乘河冻冰坚纠众入驻辽河犯锦义等处总督尚书梁梦龙等提兵远击三军奋勇大破之是日 上遣官荐告郊 庙于御前宣捷百官称贺

○升云南都司佾书曹清为四川行都司掌印广东肇庆守备慕学为都司佾书

○考察方面有司官布政使等官郭斗陈万言华汝砺陶采等俱年老吴椿张仲谦徐柏贾馆等俱罢软王原相周良臣姚体信李廷观等俱不谨沉人种林烜章滕伯轮梁问孟沉子木房楠徐大任等俱不及得旨罢黜降调如例

○工科给事中周邦杰< 〇〇〇 毓-金 >言甲丁等内库交纳钱粮四弊一库臣冗蠹一覆验侵越一京棍勾引一外解揽冒乞详汰厘禁之户工二部覆请报可

○铸给礼部祠祭司提药材库关防一颗

○丙辰夜望月食

○丁巳 英宗睿皇帝忌辰遣保定侯梁继璠致祭于 裕陵

○戊午以四川道御史李时成提调庐凤淮扬滁徐和学政

○升太常寺少卿吴自峒为南京右通政

○己未先是江西永丰人梁汝元聚徒讲学讥议朝政吉水人罗巽亦与之游汝元杨言江陵首辅专制朝政必当入都昌言逐之首辅微问其语露意有司令简桺之有司承风旨毙之狱已而湖广贵州界获妖人曾光等造为妖语煽惑土司事发遂插入汝元罗巽姓名于内且号汝元为五知子罗巽为纯一真人云其惯习天文遁甲诸书欲因彗星见共谋不轨汝元已先死罗巽亦继毙狱竟不成湖广抚臣但具爰书以闻已下法司审讯并曾光亦非真也但据律发遣而已

○庚申苏州卫管镇抚司指挥宋木因常州府发来勘产追赃犯人管封周以贿脱逃御史田乐上其事 上怒敕加究处并罪本道参政徐用简疏纵降治

○升吏科都给事中陈三谟为太常寺少卿

○辛酉以詹事府少詹事兼翰林院侍读学士掌院事何雒文为礼部右侍郎兼官充经筵日讲如故

○升四川右布政使李江为左布政使福建按察使蔡汝贤陕西按察使舒应龙山

西按察使秦吉士四川按察使吴善俱为右布政使云南右参政王续之为按察使江广
西汝贤浙江应龙福建吉士本省善广西续之江西

○复除山东副使曹子登于陕西山西右参议张稽古于四川陕西右参议张思忠
于山东

○调浙江左布政使劳堪于福建广西提学副使高则益于四川广西左参议秦舜
翰于贵州

○壬戌以辽东红土城捷荐告 郊 庙于御前宣捷收回脯酒赐三辅臣

○癸亥 上御皇极门受百官贺捷

○以国子监祭酒陈思育为詹事府少詹事兼翰林院侍读学士掌院事照旧充经
筵讲官纂修会典

○蓟辽总督梁梦龙议修筑锦义边路等台七十二座以防狡虏剽掠兵部覆请从
之

○总督梁梦龙复请于铁岭添设游击一员就将备御王维贞升补兼管懿路等处
十一城堡其铁岭备御移驻镇西堡听调报可

○甲子升刑科都给事中周良寅为浙江右参政山西副使王基为本省参政○调
河南左布政使郑云璫于广西复除山西左布政使徐行于河南

○降原任礼部侍郎丘岳为河南左参政通政司左通政李勋为浙江左参议右通
政李琦为湖广右参议

○调原任陕西被勘副使钱进学于山西

○起原任陕西副使张昇补本省原职

○升四川副使史嗣元为陕西行太仆寺卿陕西副使李日强为辽东苑马寺卿莱
州府知府高世两为长芦运盐司运使苏州府知府李充实为陕西运盐司运使河南
佥事邢烺为陕西苑马寺少卿

○升户部云南司员外表昌祚为广西佥事提督学政

○裁革浙江巡抚标下游击一员其设省水陆官兵尽付总兵以下各将官统领训
练遇警调遣以专责成兵巡道止平时查阅不得占用亦不许主标兵家丁等项名色糜
饷冒功闽广等处有监军司道亦属牵制俱行查议以凭裁革

○叙红土城捷赏李成梁纁丝蟒衣一袭督臣梁梦龙抚臣周咏兵备佥事周于德
等各银币有差又以本兵有调度功赏尚书方逢时侍郎吴兑王一鄂等银币

○乙丑 孝静毅皇后忌辰遣新宁伯谭国佐致祭于 康陵

○升广西按察使林澄源为右布政使贵州右参政吴一澜河南右参政安嘉善山
西左参政蔡应阳俱为按察使贵州副使凌琯福建副使吴孔性广西副使彭富俱为参
政工部郎中王叔陵户部郎中程拱宸四川右参议范仑延平府知府管大勋石阡府知
府郑一信桂林府知府吴肇东高州府知府胡文处州府知府熊子臣大理府知府莫子

赋都匀府知府段孟贤广信府知府林梓俱为副使河南佥事陈尚伊广东佥事熊惟学俱为左参议澄源瑄一信俱四川一澜肇东俱福建嘉善应阳富仑孟贤梓俱原省孔性文子臣惟学俱云南子赋尚伊俱广西淑陵河南拱宸江西大勋湖广

○丙寅九卿科道官面纠来朝官员 上命姑宥着还任悉心干理在外者行文策励

○升山西平阳府知府蹇达为本省副使

○丁卯升湖广左参议李学一为贵州副使提督学政

○升云南按察使汤仰为右布政使广东左参政孙光祖为按察使浙江副使徐元气广西副使周舜岳为右参政刑部郎中张偲河南右参议冯时雨浙江右参议张子仁陈诏怀庆府知府胡汝钦俱为副使四川佥事李荐佳黄德洋为右参议仰广东光祖子仁广西元气河南舜岳德洋贵州时雨浙江偲福建汝钦陕西诏云南荐佳原省

○戊辰先是两广总督刘尧诲以广西官盐壅滞军饷缺额欲将韶连引数各行增益其广西官运民商听其兼行量宽禁例户部以产盐在广东行盐在湖广运盐在广西请下三省勘议诏从之

○仁圣皇太后圣诞文武百官朝贺天下诸王府各进贺表命妇免

○升刑科左给事中秦耀礼科左给事中顾九思兵科左给事中李选为都给事中吏科右给事中帅兰工科右给事中王致祥为左给事中耀兰吏科九思致祥本科选刑科

○升山东右参政魏体明为按察使山东提学副使周之屏陕西副使姚继可为参政山东右参议严用和山西右参议杨松太平府知府林炆俱为副使江西佥事李鲁福建佥事李乐陕西佥事周有光为参议体明云南之屏广东继可用和松原省炆广西鲁湖广乐江西有光河南

○升甘肃行太仆寺卿马出图为陕西参议复除万一贯为湖广佥事

○升江西道御史金阶陕西道御史许一德谢师启南京福建道御史方学孟吏科给事中杨言兵科给事中赵世勋湖广道试御史薛梦雷俱为佥事一德学孟浙江言世勋四川师启阶河南梦雷广东

○庚午 穆宗荣妃王氏薨 上辍朝一日其礼仪悉照荣悼安妃杨氏

○升陕西右参议洪忻为本省副使

大明神宗显皇帝实录卷之九十五终

大明神宗显皇帝实录卷之九十六

万历八年二月辛未朔日食

○升四川副使周大烈为甘肃行太仆寺卿广东副使孙隰为山东右参政河南开封府知府薛纶为陕西副使

○复除刘汉儒为山西右参政赵岩为江西佥事

○降广东副使王乾章辽东行太仆寺少卿刘凤朝俱为佥事乾章福建凤朝陕西

○升四川松藩东路游击吴鲸为左参将

○调原任山海关参将王通为游击统领蓟镇天津秋班官军○癸酉大学士张居正夺情用事复历三年吏部以秩满宜加恩请 上命查例从厚开拟

○升礼部郎中刘应麒为广东副使提督学较

○甲戌升吏部验封司郎中徐元太为山东左参政

○以北虏俺答西牧回剿恪遵约束议奖赉诸臣抚御功升宣大总督郅光先甘肃巡抚侯东莱俸一级又宁夏巡抚罗凤翔西宁参将李汶等各赉银币有差

○陕西矿盗劫掠徽州西和县等地方失事兵备等官李日强等各议罚治降调

○乙亥升陕西苑马寺少卿甲维岱为副使

○工科给事中尹瑾踏勘河工完将筑堰建闸入海处绘图以进因附奏黄淮之形势实关国家之命脉如知其为 祖陵之密迹则思培护之当严知其为京师之通津则思< 疏 疏-金 >浚之当豫知漕运关乎国用则思河务之当修知壤地切乎民生则思保障之当急知堰堤之绵亘则思上流之当防知坝闸之布列则思下流之当洩观今日之顺轨当思昔日之横流观上功之艰巨当思保守之不易择人以重其寄久任以责其成岁修以缉其工综核以稽其实言俱切至 上留览之

○丙子礼部议筑塞 山陵径路责成提督守备等官多植树以资蔽障禁樵采以绝蹊径调夜军以严防守加盘诘以惩奸细其山后西水峪至川草花顶一带并桃树庵张家口大小红山柳沟等处仍通行宣镇申严防守 上从之

○兵部题称俺答并套虏诸酋还巢纳款似可无虞但部落结聚性难尽驯边地安宁人易习玩宜申饬文武将吏悉心协谋外结犬羊之心内壮虎豹之势在宣大山西则当依期互市调停抚赏杜其无已之求时加哨探严设按伏防其未然之变在延绥则当思套虏众多边城辽阔防御尤须严密抚处亦宜通融在宁夏甘肃则当饬兵守险宣恩布信修我内治图保万全 上可其议

○旌表孝子一人永寿王府奉国将军秉楨孝事母夫人沈氏母目失明秉楨奉侍汤药日夜祈天数年母忽目明如旧人谓诚孝所感旌其门曰孝行节妇五人汝阳王府镇国中尉睦挺妻恭人路氏江西建昌府南城县生员夏训妻郑氏乐平县生员吴公治妻程氏福建莆田县民刘环未婚妻陈氏江西新喻县举人廖輓妻陈氏俱年未二十守节至老烈妇一人江西临川县民陈仁未婚妻傅氏仁死傅氏往事姑二十余年极尽孝养姑免傅氏殡葬如礼归母家不食死各旌其门曰节烈

○丁丑今大学士张四维祭先师孔子

○升户科右给事中姚学闵礼科右给事中刘中立刑科右给事中齐世臣为左给事中兵科给事中李廷仪工科给事中周邦杰尹瑾为右给事中学闵礼科中立邦杰兵科世臣刑科廷仪吏科瑾本科

德十六年进士改翰林院庶吉士除编修升修撰充经筵历官礼部左右侍郎改吏部寻晋礼部尚书以勘吏部尚书李默被赵文华诬奏事忤旨改南京吏部九年秩满加太子太保因病乞归万历七年七月卒于家礼部题本官学识纯正行履端方历官四十六年士林瞻望其风采家居一十三载乡人薰炙其仪型易名赐谥似亦相应得旨准照例与祭葬

○复除河南佥事丁维宁于陕西

○乙酉调山西副使蹇达于山东提督学政

○准南京太常寺卿徐浚致仕以御史王廷稷劾奏之也

○复除陕西道监察御史刘天衢于浙江道

○丁亥赐淮王载垕谥曰恭予以册文

○裁革苏松管粮参政先是吏部拟补前官大学士张居正谓此职系添设冗员不必推补 上乃命查议以闻吏部因奏近年内外官员视国初旧额已增数倍不顾民艰动滋烦扰如此非一 上是其言因命各省直兵备守巡及参游等官凡添设者俱一一查议具奏裁革以称省事尚实之意

○升山东济南府知府宋应昌为山西副使

○改宁夏领兵入卫游击吕豸于神枢三营

○陕西抚按臣以西安等府所属州县驿递疲救民不堪命乃酌议裁省列为八款一曰酌冲疲一曰裁支应一曰减夫车一曰酌派徵一曰处公用一曰明铺陈一曰预徵解一曰议南马兵部覆请皆从之

○戊子 上亲祀 先农坛毕行耕藉礼命定国公徐文璧彰武伯杨炳大学士张居正充三公大学士张四维兵部尚书方逢时吏部尚书王国光户部尚书汪宗伊礼部尚书潘晟戎政兵部尚书杨兆刑部尚书严清都御史陈爝吴兑充九卿各行伍推九推礼事竣赐陪祀执事官宴 上将奉 两宫皇太后率 后妃谒 山陵行春祭礼敕照嘉靖十五年例行礼臣谓 世庙初继大统故遍诣 诸陵 穆宗只诣 长陵 永陵其 各陵俱遣官行礼今次宜遵照隆庆二年例 皇上先诣 长陵祭毕恭奉 两宫皇太后率 后妃行谒拜礼次谒 永陵 昭陵俱如 长陵仪其 诸陵各遣官一员致祭

○己丑耕藉礼成赐定国公徐文璧彰武伯杨炳大学士张居正张四维尚书方逢时王国光汪宗伊潘晟杨兆严清都御史陈爝侍郎吴兑以表里段币及执事官员人等银布各有差

○恭仁康定景皇帝忌辰遣靖远伯王学礼祭 陵寝

○庚寅 上以谒陵应用银两内库缺乏着光禄寺将节省膳馐余积进十万两户科郝维乔等奏言岁时丰歉难料区区余积尚恐不支何堪取用乞仍酌量内库取充诸费以光俭德 上令从前旨

○辛卯吏部以直隶保安州管州事同知嵇巖历俸最久乞休以闻 上准其致仕因谕前旨各守令官贤能者不拘资格推用乃近来举贡出身在任稍久即便引疾显是上官泥于旧格不能综核奖拔以致悃悞之吏上进无阶自行引退今后该部凡行取推升务遵明旨力祛旧习惟贤是用以称朕审官安民之意

○直隶巡按林应训< 〇〇〇〇 毓-金 >言苏松诸郡古称泽国干河支港不下千百大则洩水以入海次则通湖以达江小则引流以灌田年久淤浅洩蓄无裨今将苏松常镇等河如吴淞江白土〇卯塘秀州塘蒲汇塘孟渎河舜河青昉港等处俱经设处兴工竣事苏松尚有支河数十处宜用民之半出力以赴工用官之半处费以给食事无中辍利可毕兴 上下其章于所司

○兵部以将谒 山陵请先申飭总督梁梦龙郑雒令于临期带选标兵在宣大总督则移驻居庸关外保护南山蓟镇总兵则移驻黄花镇防护 陵寝昌平总兵官则在山陵紧要关隘往来巡视余各镇巡参游等官各照信地严加防守诏从之

○壬辰铸给分守河西兼理屯田关防一顆

○南直隶丹徒县永生砥柱二洲新涨淤沙生芦渐广应天巡抚胡执礼奏请委官文明开垦先饷南京工部尚书沈应时奏称芦租原供织造充饷非宜户部酌覆请以芦课原额归南京工部余多银两角〇羊送巡抚以充军饷诏以洲地盈缩不时又出新淤计亩增税仍充芦课不得争扰

○癸巳赐铅山王弼干谥康禧予以册文

○升南京光禄寺卿陈联芳为南京太常寺卿

○加大同入卫游击王保参将衔管宁夏领军游击事

○甲午升直隶保定府知府贾仁元为山东副使

○临洮知府曹时聘密云游击魏孔与河南都司佥书崔景荣冒禁行驿递为山西抚臣高文荐所纠得旨夺时聘职为民革魏孔与崔景荣任俱下抚按问并行各抚按查朝覲官遣牌驰驿者一体参处之

○乙未命司经局洗马兼翰林院修撰周子义清理军政贴黄〇勒应天府府尹方良曙致仕调南赣巡抚蒙诏外任令河南巡抚周鉴策励供职以南京给事中傅作舟御史林应训等劾其冒滥故也

○荣河县知县郝朝臣以入覲科歛革职为民仍下抚按御史问奏

○升大理寺左少卿贾三近为南京光禄寺卿

○兵部以 圣驾将有事山陵先期条奏扈从守卫事宜 上以其分属欠明先后失序令另开具奏

○丙申升万全都司佥书麻承勋为大同入卫游击

○刑科给事中高尚忠奏称吏治坏于近名人情隳于晚节往见应朝之臣竣事而归也藩臬长贰则为吾事已毕惟望升转利弊兴革绝不置念守令诸臣则谓既以才留

便可肆志向之矫廉伪节一切弃之抚按监司谓其尝以贤能注考不复纠举此弊不除吏治何繇而饬乞敕吏部转行各抚按严加督率有類纵者不时参劾抚按容隐不举该部及科道纠劾之 上是其议

○丁酉遣定国公徐文璧代祀 大明于朝日坛

○给沿边沿海各巡按御史敕令查盘军需钱粮依期奏报

○戊戌升南京大理寺右寺正刘浑成为浙江副使

○诏蠲两淮盐场自嘉靖二十九年起到隆庆四年止消折盐二十八万七千五百引以宽灶丁

○总督郅光先条上御虏安边八事一重播告以宣威信选差官通遍谕河套松山西海诸虏令其严戒部落依期贡市勿生事求索有不遵者停革抚赏一别市地以便抚防互市合有分地自顺义王俺答西行达虏乘机流住两处射利宜申饬镇抚差的当官通谕各部首领于原市关口领赏不待搀越二优市长以责统约三边市场四所每市酋首一人主事内卜失兔阿不害切近黄台吉宾兔台吉丙兔台吉四酋为长宜给之敕谕量加赏赉仍优以市长名目令其约束本市酋夷一固人心以峻大防延宁取草塞外出入无时兰靖庄红地方人等希窃矿利潜出外境甘镇凉永等处向因虏众往来内地易为勾引兼之将领剥削有司科扰人心涣散反为外附宜行镇抚责成道将等官于各边隘口令守墩军夜严密盘诘敢有无故擅出塞外者即拏审重究沿边住种居民及各营堡军丁有科派苦累者一体参治一祛积累以实训练延宁军马入卫岁时抽选勾补骚然甘肃原无客饷取诸缺军以为节省四镇降夷通丁养贍不足人无固心转复流徙宜转行各镇抚自今延宁入卫兵马回镇即便整理如军缺则清勾户丁丁绝则另行召募马缺则议讨马价买补一切抽取之弊痛加禁革宁夏副总兵免其入卫以重边防甘肃节省之名悉行革除原缺额兵责成各该道逐一清勾召补将扣存还官主饷开报支销真虏降夷分别加给以示优养仍责成各该将各营堡军丁简选而训练之守巡各道稽察试验期臻实效一甄将材以肃军令严饬大小将领各持廉秉公禁私役止科扰恤饥寒同甘苦威爱并行即为良将当久其任崇其秩其有贪饕乖戾寡恩损威号令不严隳坏军法者即便参究永不叙用一严守歛以资保障四镇城堡整墙责成各该道将所辖者画地保守毋致损坏按季一阅如有齷薄坍塌即便修补遇迁转者比照兵马事例一一支代且款顺以来余丁寓民逐耕牧逼虏邻不惟孳蕃蕃庶致虏垂涎而土重难移收歛未易宜责令各道照节年编派守城之法相度地理编入就近堡所春耕夏作任其便宜秋成移驻堡内有警并力拒守听本堡该管官提调自守城之外毫不许干扰一假便宜以寄阃外先年西镇边患套虏为急故每过秋防总督移驻花马池陕西总兵亦于定边等处跟随今四镇俱有虏住则督臣宜听其便宜巡历以便调度延宁二镇各有总兵则陕西总兵官正宜专任固镇抚防番虏不必远赴摆守陕西三边军务重大与蓟辽宣大相同二镇中军官俱系钦设独该镇于废闲将官中自行选委事权甚轻宜一体

钦依升授部覆如议以请报可其免宁夏副总兵人马入卫命与蓟镇督抚更酌以闻

○延宁甘肃贡市告竣兵部叙诸臣供事劳 上命赏总督郅光先延绥巡抚宋可约宁夏巡抚罗凤翔甘肃巡抚侯东莱各银币有差总兵官雷龙等各升赏纪录

○河工告成工部开叙效劳诸臣 上降旨褒赉之加总河潘季驯太子太保升工部尚书兼都察院左副都御史荫一子升总漕江一麟都察院右都御史兼户部右侍郎各银币同季驯赐敕奖励加漕运总兵灵璧侯汤世隆太子太保前任山东巡抚赵贤户部尚书张学颜工部尚书曾省吾等俱升俸级赏银币有差

○己亥祭历代帝王命定国公徐文璧行礼 命成国公朱应祜武进伯朱世雍承袭祖爵

大明神宗显皇帝实录卷之九十六终

大明神宗显皇帝实录卷之九十七

万历八年三月庚子朔 孝肃皇后忌辰遣怀柔伯施光祖祭裕陵

○辛丑谕都察院以将谒 山陵百务俱从省约内外随行者不许骚扰百姓

○升湖广右布政使刘志伊为应天府府尹

○升户部郎中截耀为四川副使

○壬寅升四川巡抚都察院右佥都御史王廷瞻为右副都御史巡抚南赣汀韶等处

○辽东巡按御史安九域条上辽镇未尽事宜凡七款其五事下兵部至加军饷通海禁二事户部酌议覆请谓宁前军士月支粮银二钱五分苦于不给若议再加不惟太仓积贮有限恐锦义隘镇比例乞增何以应之只宜于荒歉时量加赈恤如有捷功则从厚犒赏至若< 通海禁查国初山东俱用本色辽饷故海运不得不通今既改用折色难于卒复其初且辽东积苦之贫军方谋逃伍若海禁一弛不惟充发者脱逃即土著者亦移家就食数年以后行伍益虚战守无措于时再行严禁势将何及宜旧弗通使 上从部议

○加宁夏灵州参将张维忠副总兵衔充总督陕西三边军门中军官

○癸卯以将扈 驾谒 陵赐辅臣张居正张四维申时行彩织蟒衣红罗及绿罗表里各一件蟒鸾带花绦椰瓢等事

○升大理寺右少卿褚鈇为左少卿而以太常寺少卿臧惟一为之右

○命户部发银一万两兵部行太仆寺支马价银一万两给辽镇充斩级颁赏之用

○甲辰 上将谒 山陵钦定防守扈卫诸臣护 驾则定国公徐文璧彰武伯杨炳居守则伏羌伯毛登左都御史陈爝守皇城六门各勋臣一员清平伯吴国乾惠安伯张元善成安伯郭应乾阳武侯薛鋹抚宁侯朱冈靖远伯王学礼京城九门各勋臣一员以文臣一员协之勋臣则西宁侯宋世恩永康侯徐乔松新建伯王承勋彭城伯张守忠武靖伯张光远宣城伯卫国本怀柔伯施光祖南宁伯毛国襄城伯李应臣文臣则右

费河道钱粮山东河南额派原多南直河道起澧沛至淮扬延袤千有余里淮以北则黄河汹涌淮以南则湖水弥漫葺修防守费用浩繁及查岁额桩草银两仅二千有奇加以连年灾沴每岁徵收不满数百安能支持千里之河宜从长计议或河南山东河道银两或运司挑河盐银或徐淮各处钞税或抚按赃罚多方措处每岁共凑银三千两为定额角□羊贮淮安府库专备两河修守之费部臣酌议覆请 上皆从之

○丙午 上御文华殿讲读月如常期

○续赐守正阳等门文武官西宁侯宋世恩右都御史吴兑等表里及随 驾等官有差

○升湖广按察使侯于赵为本省右布政使

○山西老营堡所儒学成铸给印记一颗

○丁未升山西左布政使张士佩为都察院右副都御史巡抚四川○治惠潮失贼误师罪副将晏继芳等以退缩发遣守备周汝敬等以受贿逗遛处决潮州府同知杨廷勋以缺乏军需行巡按提问

○戊申 慈圣皇太后以辅臣张居正张四维申时行扈 驾谒 陵赐银螯各一

○升湖广右参政晋应槐为按察使

○改陕西参将何极于宁夏灵州

○己酉太监高禄口传 上旨钦赏随 驾扈卫官军银六万着于部中处给大学士张居正等谓隆庆二年此项皆取之 内库部中处给非旧例今 内库既称缺乏恩赉又不可废拟下户兵二部于太仓折草太仆寺马价内各动支三万以济急需 上从之

○升山西右布政使秦吉士为左布政使

○裁庐凤淮扬四府本色马匹庐凤减七分为六分淮扬减新增一分二厘仍旧四分著为定例从南京太仆寺卿萧廩请○庚戌吏科给事中张鼎思< 𠄎 毓-金 >称考选推官知县欲定其人之才品当别其地之难易请将府州县地方分为三等大约以冲而疲者为难或冲或疲者次之遇有员缺则抡选贤者以充其任及升迁行取即以此分殿最且言考选之期宜数而额不宜多部覆报可

○赐平度王翊< 𠄎 敖 >选配韩氏为平度王妃

○辽东巡按安九域陈列辽事大概谓宁前一带偪邻虏穴开原孤悬一隅市夷骄横兼王台之子虎儿哈者奸狡异常将王杲逆雏私养营内昨行购取后必为害锦义墩台久颓田野荒芜宽奠属夷自王杲平后抚处失宜须防反覆海州声援辽阔宜宿重兵沈铁兵马不多宜议增戍遂列七款上请除议增饷通海与增马价外其四事一酌援辽机宜前屯一带与薊镇一片石坏地相接苟有警急两镇须辅车相倚以为救援一处广宁降夷虏性难驯按臣虑收养贻患欲转发解散然收抚既久一旦轻为迁从恐滋疑畏且该镇屡捷颇得其力尚须勘处以为万全一停选调军丁旧堡与新添三堡其兵马不

下八百遇有百十零贼势足追蹶今尽抽选以入各营何以守堡推虏今广宁正兵选练已成河东兵马自不得分调西防一处避事武职辽东武职多投操避印积功至五六级后出任事非系买功即属避事今后逐一清查定以限期更相互换故违推避者罚马示惩兵部具覆悉从之

○辛亥 上奉 两宫皇太后率 后妃发京次巩华城从官行礼毕薊辽总督官梁梦龙昌平总兵官杨四畏及昌平州官吏师生朝见于行宫赐元辅张居正及次辅张四维申时行膳酒有差

○壬子 驾发巩华城午时驻蹕感思殿赐辅臣张居正张四维申时行膳酒各如前

○谕户部曰朕兹躬谒 山陵经过地方百姓劳苦本年分田租量与蠲免以示优恤尔部酌开分数来看

○癸丑 上奉 两宫皇太后率后妃诣 长陵 永陵 昭陵行春祭礼遣公徐文璧侯李言恭伯陈王谟杜继宗陈景行李伟分祭 献陵 景陵 裕陵茂陵 泰陵康陵都督沉至祭 景皇帝陵寝李鹤祭 恭让章皇后中官祭 宪庙废后吴氏都指挥金事蒋克谦祭 哀冲 庄敬二太子各陵园侯张建元祭 天寿山之神初拟本日仍驻蹕感思殿 圣母与 上闻 陵所艰于得水因念六军难以久屯即日 驾回巩华城以扈 驾谒 陵行礼毕赐辅臣张居正张四维申时行白金纒币○谕兵部以薊辽昌平迎驾官军防护辛苦给赏如京军例又次赏宣大顶关防护官军以示朝廷优恤边兵之意

○ 武宗毅皇帝忌辰遣定远侯邓世栋祭 康陵

○镇武堡城内忽起火二块大如斗风迅延烧军民房屋五百余间毁馆驿并堆积官木三百余根及男妇十数人盔甲弓箭粮米无算

○甲寅 驾发巩华城暂驻蹕功德寺行宫复赐辅臣张居正等膳酒奉 两宫圣母御龙舟回京文武百官军民耆老俱于西直门外候迎 驾至居守文武大臣毛登陈爝伏谒 驾前致词行叩头礼 上还宫是行也 上自发京以至还宫往来皆乘马诸供亿悉从省约虽六军万乘车徒众盛而所过秋毫无犯居人老幼扶携载道瞻仰欢颂彻于远近焉○户部奉蠲免田租旨查隆庆二年例昌平州及宛大二县免十分之五调取夫匠供应器具地方免十之三从之

○东胜堡降天火延烧军民房屋四百余间烧死军士男妇一百四十余人粮草尽烧绝

○丁巳南京云南等道御史杨际熙等奏称镇江凶徒范梓等将私钱买米不遂辄糾合党与逼勒官府强出告示拥入盐漕二察院槌鼓誼称钱法不通及拆毁该府栅栏二院谕之不戢该府发官银五百两卖米仍将所拆栅栏免委官点闸众方解散似此凶徒渐不可长乞明正典刑因参该府同知毛似苏关防疏纵并当参治 上以奸恶逼胁

官府强行私钱比前苏松饥民聚夺不同朝廷唯恤穷民不宥乱民盐漕两御史既不能严加禁戢擒治首恶乃复擅发官银买米又令移拆栅栏免官点闸法纪荡然缓急何赖李栋茹宗舜候回道考察范粹等着抚按官即便分别问拟具奏

○戊午 上御皇极门以 躬祀 山陵礼成百官致词称贺

○庚申夺原任浙江副使张希召广西左参政彭文质江西袁州府知府郑惇典职勒云南副使徐可久致仕降调河南左布政使郑云璠广西副使钟继英陕西副使李贵和等各有差从科道官陈三谟王晓等奏也

○以廷试天下贡士命少师兼太子太师吏部尚书中极殿大学士张居正少保兼太子太保礼部尚书武英殿大学士张四维少保兼太子太保兵部尚书方逢时太子太保吏部尚书王国光礼部尚书兼文渊阁大学士申时行户部尚书张学颜刑部尚书严清工部尚书曾省吾都察院右都御史陈爝詹事府掌府事礼部左侍郎兼翰林院侍读学士余有丁通政司通政使倪光荐大理寺卿王友贤詹事府少詹事兼翰林院侍读学士掌院事陈思育充读卷官

○升大宁都司掌印署都指挥僉事张成为陕西参将

○辛酉大学士张居正上< 疏 >乞休其略谓 大礼 大婚鸿仪毕举圣志已定 圣德日新宜及时归政无使王事不终前功尽弃 上温旨谕留之

○升山西按察使辛应乾为本省右布政使副使贺邦泰为湖广右参政

○壬戌命大学士申时行撰拟策题是科阁臣张居正子敬修懋修俱应试张四维子泰徵亦应试居正以引嫌请 上允之因令时行撰马○癸亥大学士张居正再

< 疏 >乞休 上不允即日复降手敕谓奉 圣母慈谕勉留益恳居正

< 疏 >谢求暂调理 上许之仍令即出辅理时吏部尚书王国光等九卿科道阴武卿秦耀帅祥等咸合< 疏 >留居正 上是之

○大学士张四维< 疏 >请回避读卷 上不允

○除补刘光国为江西道监察御史

○夺应天府府尹陈于陞职以差官部角□羊脱逃故也

○甲子 上御皇极殿策试天下贡士萧良有等三百人于廷敕曰朕惟治古帝王大经大法具在周书洪范其所以宰持万化统摄九畴则建用皇极备矣而论者谓又用三德实为权衡又为皇极以体常以立本三德以尽变以趋时则正直刚柔固与建极殊路坎抑亦异用而同体也三季以还英辟代有若躬修玄嘿庶几刑措力行仁义身致太平与刑名绳下而表用循良柔道理物而总揽乾纲者于三德亦有合欤又有可疑者政务严切事从宽厚异施也胡以各适于治优柔好儒术威强则宣武异尚也胡以同归于衰含容姑息见谓养乱而仁柔有余刚武不足者胡以称庆历之隆猜忌刻薄遂致播迁而精于听断无复仁恩者胡以媲贞观之美至今唐虞夏殷之盛所谓平康之世也乃弼教以象刑格苗以干羽戮后会泣罪人敷政优优秉钺烈烈其治亦兼用刚柔何欤朕绍

休鸿业精求上理思建皇极为天下先尝深诏执事黜朋比期荡平去伪划浮敦本责实八载于兹矣然而教化未洽风俗未同吏治未尽还淳人心未尽归厚岂朕之不敏不明无能端好恶以示之极欤抑三德之用犹有未当欤昔人论治以水火喻宽猛以阴阳配刑德以琴瑟证缓急与夫芒刃斧斤之说梁内药石之譬是可采而行欤夫舍刚柔而求正直不善用三德而猥至极建朕不知其解也故进尔多士于廷爰咨爰度其尚闡折经训标揭化原若何以明教正俗驭吏率人俾斯世会归皇极用追古帝王之治悉心敷对称朕意焉毋有所讳

○升直隶大名府知府王嘉宾为山西副使 四川长宁安抚司并韩胡碉恰列等各差头目赴京进贡如例宴赏之

○乙丑勒辽东行太仆寺少卿乔应春致仕○丙寅大雨 上遣司礼监传免读卷命辅臣封进 上览以第三为第一第一为第二第二为第三第一大学士张居正子懋修也

○丁卯赐张懋修三百人进士及第出身有差

○戊辰 上致斋于文华殿大学士张居正入见以乞休未允致词谢 上申 圣母慈谕慰勉之居正奏云 皇上戒谕谆切臣不敢不尽死力但此后亦望 圣明留神政务以副天下仰望之心复以男懋修蒙 恩特赐及第谢 上优答之

大明神宗显皇帝实录卷之九十七终

大明神宗显皇帝实录卷之九十八

万历八年四月庚午朔 上亲享 太庙

○总理河漕潘季驯< 〇〇〇 〇〇〇 〇〇〇 > 辞恩命辄以指画授成归功元辅 上不允

○壬申以两淮各灶场饥 命该处按臣发运司贮济银一万二千两赈之

○户部< 〇〇〇 〇〇〇 〇〇〇 > 奏有司积谷救荒先年立法但止于州县不知各府为州县之表既有自理纸赎亦当照例存积以图共济请著为令上可其议

○癸酉江北等处连年饥命支营田银一万五千两并各仓贮粟赈之 ○甲戌命福建道监察御史甘雨巡督长芦等处盐课兼理河道浙江道监察御史王国巡按直隶等处印烙种马兼理屯田

○黜靖江王府奉国中尉邦蔡为庶人以冒禁鼓铸也

○益王厚炫薨命世孙翊衮袭封为益王淮王载垕无嗣命王亲弟建昌王载坚进封为淮王其嫡次庶子俱照依原封如制

○楚府管府事东安王显梲讦奏内使郭伦等事颇不实抚臣以闻诏以显梲昏聩不堪付托革其管理代奏人粟应瑞照例发遣

○乙亥复除四川道试御史赵卿为湖广道试御史

○丙子以辽东正兵营加衔参将秦得倚为广宁左营游击

○丁丑授张懋修为翰林院修撰萧良有王廷撰为编修

○赐原任刑部右侍郎张翀祭葬翀繇进士任西曹< 〇〇〇〇 毓-金 >攻严嵩廷杖谪戍 穆庙改元始复职寻改铨曹历转都察院右佥都御史巡抚广东有剿寇功旋复抚楚入为大理寺卿改右副都御史督漕转令官以病乞休万历七年八月卒于家礼部题本官夫志学问律已清修才猷懋著节概素孚所有应得恤典似当给与得旨准照例与祭一坛减半造葬

○赠恤辽东各路死事夜不收并走报墩军曹卜花等六十六人

○戊寅日讲官翰林院修撰陈于陛乞恩归省故事京官在任六年以上者方许给假于陛尚未及期首辅张居正< 〇〇〇〇 毓-金 >其为旧辅陈以勤子 上特许驰驿归仍赉之纒币路费又优赐以勤银币令抚按官具礼存问

○吏部左侍郎兼翰林院侍读学士姚弘谟再< 〇〇〇〇 毓-金 >引疾乞休 上许之

○己卯河南抚按官奏阳夏王载非口土纳妾不经奏选生子冒请名封 上命夺其禄米之半子降封为镇国将军其冒请名封者俱从革夺

○皇极门前明二梁损坏部议修换欲用班军以充工役 上以著有免役新令不许仍令著实在营操练

○庚辰命詹事府少詹事兼翰林院侍读学士掌院事陈思育仍充日讲官

○升山西右参议邓林乔为副使管大同左卫兵备事

○辛巳工科给事中万象春以钱法不行< 〇〇〇〇 毓-金 >请将金背火漆鍍边三样名色归一以便通行且请责成有司稽查铺行所使通塞至各地方存留钱粮及应纳纸赎愿输钱者即与收钱收放数目即于季报月报循环簿内开载申报户部如议具覆且言省直钱法阻滞非朝廷法令之不严该抚按司道与有司不实实行于境内也清样钱报钱数祇具虚文捕私铸禁与贩未见尽法玩忽既久上下相欺官钱既滥私铸易淆私钱既行官钱益壅重责成诚探本至论< 〇〇〇〇 毓-金 >入 上以铸钱一事申饬再三竟以空文塞责今再行禁饬如后废格科道官即便参奏吏部亦宜查科道章奏摘发幽隐者方许推升京堂已而直隶巡按御史田乐复奏五款一严首恶一开告捕一禁私贩一收低钱一许自新仍请通行各省直抚按严督属吏力治豪强窝隐之罪部覆 上悉从之

○虜王俺答差夷使恭进表文方物如隆庆五年例给赏之仍加赉银布其余酋首赏各有差

○升提督四川叙泸等处参将胡恩为松潘等处副总兵

○壬午 孝懿庄皇后忌辰遣固安伯陈景行致祭于 昭陵

○升刑部员外薛亨为山西佥事提调学政调河南副使梅友松于山西

○礼部覆礼科给事中顾九思< 〇〇〇〇 毓-金 >宗室请婚奏报事在亲王而亲王具奏权在辅导有本无情弊而辅导官多方抑勒不以时题奏者亦有辅导官具揭而布政司书吏故意沉匿致令愆期者及其到部稽迟据例停寝岂皆各宗之罪今后婚选之日

巡按官覆勘无碍照依类奏事例定于每年仲月具奏一次与王具本齐发布政司文结免其复具止用长史教授等结若抚按奏到半年以外而王奏与长史教授等结未到及请名请封王奏到三司以外而长史教授等结未到俱听本部每年查参一次将辅导官提问坐以抑勒之罪诏如议

○江西建昌府新设泸溪县铨选官员铸给本县印记及儒学医学阴阳学巡简司僧道司各印记一颗

○癸未赐辅臣张居正张四维申时行扇及讲官何雒文等五员各有差○南京户科给事中王蔚劾奏户部右侍郎吴执礼轻狡欺肆南京都察院右都御史谢鹏举因循废事部覆谓执礼才有可用宜策励供职鹏举忠诚素孚然迟暮之年宜致仕 上从之

○蠲陕西所属带徵逋粮以苏民困从督抚郃光先等请也

○原任佥事皇甫汸以纵子私铸为巡按御史田乐所参诏褫其职

○甲申命翰林院修撰沈懋孝张元忭孙继皋编修邓以赞管理文官诰敕

○改礼部左侍郎兼翰林院侍读学士余有丁为吏部左侍郎兼官并经筵讲官俱如旧

○兵科给事中费尚伊 < 隄 毓-金 > 论南京吏部尚书赵锦讲学谈禅招集虚浮讥议朝政兼衰病交寻宜赐罢黜 上不听

○升湖广左参议王参乾为河南副使

○调补四川佥事赵世勋于河南○先是夷酋赵销罗骨王兀堂等数遣零骑侵边复糾众千余从永奠堡入犯总兵官李成梁督兵追击之斩级七百五十有奇擒获一百六十名口且歼其酋首八人夷其坚巢数处所获马匹夷器甚多总督梁梦龙上其功状谓宜宣捷 上从之

○周府永宁王府镇国将军朝垆淫秽败伦降为庶人

○丙戌调补河南佥事李之茂于四川

○降应天府府丞杨标为湖广左参议

○广东罗旁道州地方有盗三十余人突出劫掠夺儒学印巡按御史参诸失事者总兵官陈璘照旧戴罪杀贼兵备佥事侯应爵等策励供职

○丁亥升太常寺卿管国子监祭酒事许国为詹事府詹事兼翰林院侍读学士掌詹事府事 ○戊子顺天抚按官奏称顺永二府裁革驿递冒滥所省额编协济数多议将见贮余银及户部管粮衙门税银量发各驿递抵充万历八年正支本年照数减免节年外省未完剩银系山民拖欠者一体尽蠲诏从之

○己丑升户部郎中甘来学为陕西副使

○升四川都司掌印署都指挥佥事陈道为提督四川叙泸等处左参将

○庚寅升刑部左侍郎陈瑞为南京都察院右都御史

○辛卯以辽东大捷荐告 郊 庙于 御前宣捷

○蓟镇总兵官戚继光为全镇盔甲战车损坏欲行修理冲锋器械便利欲行添造山海路车前营战车器械欲行补造各请给银两其冲锋器械乃继光新制其法似菱拒马体轻便利缓急可为营卫且便于收设每战令南兵前行马兵继后制为轻车每车一辆进则四人推运如飞上下山坂追奔虏马利器齐发步兵繇车空以出齐用长枪篋箠以制追杀但北方风劲竹易乾折故制铁篋箠以代之此三器旧无今系添造督臣梁梦龙代为之请工部覆言本部军器银两例不发边且虞衡司料银止八万岁入不给安得藉充额外之费但蓟昌重镇量为酌处三次给发以后毋得援以为例诏从之

○壬辰升户科左给事中萧崇业为都给事中礼科给事中萧彦刑科给事中王守诚吏科给事中张鼎思俱右给事中崇业兵科彦户科守诚礼科鼎思刑科

○癸巳大学士张四维以偶疾乞假得请寻遣医诊视之又赐以羊豕瓜茄等物

○升刑部右侍郎徐学谟为左侍郎而以都察院左副都御史王篆为之右

○云南左布政使张大忠僉事詹洪基各求终养许之

○叙辽东永奠堡捷功赏总兵官李成梁纁丝蟒衣一袭总督梁梦龙巡抚周咏副总兵孙朝梁寺各银币有差

○甲午 上御皇极殿遣定远侯邓世栋等为正使持节翰林院修撰黄凤翔等为副使捧册封楚恭王英_（火金_）世子华奎为楚王淮王载培亲弟建昌王载坚为淮王益恭王厚炫世孙翊劬为益王继夫人孙氏马盖王继妃鲁王颐垣庶第五子寿鈔为福安王宣宁昭荣王俊相长子充灿为宣宁王济南卫指挥僉事尹光辉女尹氏为德世子常清妃南城兵马副指挥张邦佐女张氏为德府宁海王翊铎妃东城兵马副指挥韩学礼女韩氏为衡府平度王翊_（金敖_）妃中城兵马副指挥周叔贵女周氏为广元王府长阳王宪焕妃

○总督梁梦龙议于滦阳地方召募土兵三千设立车后营与汉儿庄共成犄角移河南班军布守台头代出延绥卫兵驻防山海援辽宁夏入卫兵马永为罢免其募兵行月二粮营房安家及将领等官一应支费悉于宁夏所免卫兵额饷及大同原留未支钱粮并马价数内扣给至于募兵科条照依汉儿庄事例大同暂留马兵俟三年限满仍旧赴蓟入卫其兵应募待滦阳募兵事完再议报可

○乙未番僧劄石尖卒等三十五人贡马并方物宴赏如例

○御史甘霖糾南京大理寺左评事阮尚宾赍捧事竣枉道繇裕州地方骚扰驿递驿传僉事王胤祥遣人护之有旨着俱住俸听勘既而该省抚按谓尚宾枉道不遑胤祥失于觉察原未尝遣人护送乃调尚宾外任夺胤祥俸半年

○丁酉升都察院左僉都御史刘思问为左副都御史

○升司经局洗马兼翰林院修撰周子义为国子监祭酒○锦衣卫管卫事都督府都督同知冯邦宁以病乞休许之

○戊戌升云南右布政使陶幼学为左布政使

○复除广西副使贺幼殊于云南

○升广东南雄府知府陈颐正为云南副使

大明神宗显皇帝实录卷之九十八终

大明神宗显皇帝实录卷之九十九

万历八年闰四月己亥朔山东抚臣何起鸣疏为重营田以修实政议敕分守济南东兖海右三道专管开垦并稽查逋欺该部覆请 上以垦田劝农乃地方官本职巡抚既有专敕何必另敕分守各道不听

○户部以各省直积穀备荒多不及数抚按官间有不行题参亦无报册者议定为交代盘验之规蓄积画一之法责成抚按官查报 上以积穀备荒乃有司急务节经议覆已将分数递减地方官若能视国如家就中经画处置何至窒碍难行但上不核实考成下以虚文塞责甚有仓廩朽坏升合无储挽报虚数一遇灾荒乃请别项钱粮赈济抚按有司相率欺罔岂朝廷设官为民之意今姑依议通行查核有仍前毙部科务从实参处○部覆江西抚按刘斯洁所奏积穀经长事宜一议总积以定中数大约大府各贮三万石中府二万石小府一万石县亦分三等不足则追赎买补足则折价贮库一议减积以核实数上府千六百石中府千二百石下府八百石其上中下等县亦照数递减一议出陈以免耗折各有司于春夏间占其两晌时若豊稔可期将在官人役量其工食几何给以十分之三扣银在库及至秋成凡纳四差银两者准其输谷于仓即将所扣工食抵其纳数一议查盘以便接管每岁仲春委风力官员隔府须查各役承接亦于此时交盘一议专贮以禁那移收折银两另匣专贮不时稽查如遇赈济或即给银或以易谷酌量施行< 〇〇〇 铕-金 >入从之

○陕西法藏等六寺棘麻僧等三十名各备马匹方物赴京进贡赏给如例○庚子升南京都察院右佥都御史胡价为左佥都御史

○升广东按察使庄国祯为云南右布政使

○先是陕西苑马寺少卿申维岱条上马政二十四事其曰给军资者议以川坡山地通融拨给每牧军二顷一抵月粮以养身一为刍牧以养马体正课者议将养课马者每该课即加给地一顷以备骡驹刍牧之资处余驹者议以所余之驹查拨无驹牧军领养使余者得值无者得骡均牧马者议将牧地官为清丈牧军地多则养马多地少则养马少而严禁其强梁侵占之毙编比群者议编群以地联地以乡比地搭配率以群长不使离群作毙权事宜者议马匹倒死必追补本色若亏欠马驹则酌其盈缩量收折价劳劝相者议凡牧军养马者即给地一顷以养身不论儿骡即给地一顷以养马养骡马者又给一顷以养驹然后春督以搭配秋责以备草公兑俵者议道臣调军寺臣调马照期约至适中处公同对俵不许私拣瞻储贮者议将该寺纸赎尽折谷积贮以备凶荒筹边饷者议将大小二池盐课抵延宁固三镇主兵年例而蠲免牧军余地积逋以苏牧军之困其余诸款皆凿凿可行者及章下三司而维岱已迁副使至是该部会议以闻 上以

凡建议与行事之人其心未必皆同所见未必尽合若前后意见参差议论徒烦实效终鲜马政事宜既系维岱建白即着其实心经理久任责成不许徒滋口说乃升为苑马寺卿

○壬寅复除赵可怀为广东按察使○升黄州府知府杨节为四川副使提调学政

○癸卯升光禄寺卿傅孟春为南京都察院右佥都御史提督操江

○乙巳吏部以河工告成分别效劳诸臣拟加升工部郎中余毅中等级衔得旨今后凡奉特旨以功升级及添注管事各道遇有员缺不论资俸即便推补以副朝廷核实劝功之意

○改太仆寺卿胡嘉谟为光禄寺卿

○丙午 显陵稜恩殿修理工完遣湖广巡抚王之垣太监王祯俸请 睿宗献皇帝慈孝献皇后神位于殿内奉安并祭告纯德山神及 后土司土之神 赐楚恭王英 < 火金 > 庶第二子华璧封宣化王

○丁未以皇极门兴工命暂改文华门视事

○升通政司右通政朱南雍为太仆寺卿○改张纯为山东按察使整饬徐州等处兵备纯原为水利副使以河工成升二级为按察使其原管水利事务并归徐州道

○兵部题覆蓟镇督抚梁梦龙等条上买马事宜一议平价召买谓该镇岁补马五千匹俱系各营路委官私相贸易故侵克多端马不堪用今宜于密云镇城适中之处委廉能识马文武各一员公同收买刻日定估拣选不得虚费官银一议清耗还官谓往年蓟昌两镇买马并无羨余今自万历六年夏季至七年春季密云市上余银二千八十余以后宜将每年所余各随城卫发贮听用严禁私收以杜侵没一议徵马价该镇各营每年例该马五千匹除两镇自行补买三千匹太仆寺岁兑一千匹外果系缺少许奏请讨补但不过五百匹每匹银十二两于太仆寺马价内支给其永顺二府州县徵俵寄养俱照旧行 上可其议

○戊申巡按广东监察御史梅淳 < 足 毓-金 > 为综察吏治必自下而上议责守令以察其僚属责司道以察其守令责抚按以察其司道务使名实不混朋比莫容部覆谓宜如议申饬 上以抚按有徇私避怨肆行欺罔者即着部科体访得实据法奏参则人心自儆积习可除不必申饬若部科知而不言则欺罔之罪又在部科定行一体处治

○己酉升山西右参政萧大亨为都察院右佥都御史巡抚宁夏

○庆成王府奉国将军知□以吓诈欧仪宾武维杨至毙事觉降为庶人

○庚戌升顺天府府丞郭廷梧为通政司右通政

○添山海路参将标下援辽家丁六十名马三百六十九匹骡九十头且令他路不得援以为例○发太仆寺马价银一万六千二百两角□羊送宁夏互市支用

○辛亥南京吏部尚书赵锦致仕锦素负节介为科臣费尚伊所劾上 < 足 毓-金 > 乞休允之

○升陕西副使王士□□为本省右参政

○升蓟镇振武营游击陈伯恠为陇固二关右参将

○壬子升江西道监察御史赵焕为顺天府府丞

○海贼林道乾者窃据海岛中出没为患将士不能穷追而大泥暹罗为之窟穴既而逼胁大泥侵暴暹罗有通事言彼国愿往擒自效总督两广刘尧诲议重立赏格期于必获部覆为请从之

○命恭顺侯吴继爵佾书前军都督府事

○癸丑命右春坊右中允兼翰林院编修高启愚清理军职贴黄

○升兵部武库司员外刘奏为山西佾事 ○敖儿等族劄石禄等七十八人来贡方物赏之段绢银钞如例

○甲寅刑科都给事中李选等因热审届期条列明慎之本一曰严缉访之实厂卫之设专主缉捕但尔来多假以报功希图升赏且困而复私讎伤善类者法司衙门勿得偏听以致冤滥二曰严奏辩之实伸冤理枉虽系仁育但尔来奏辩俱支吾隐饰希图报复部院衙门须严究是非以为行止一严刑禁之实兵马司官止访拏盗贼拘提人犯而当刑当禁非彼得专至简验一节尤当遵会典委宛大二县勿委坊司以忽人命 上下之所司

○乙卯西河王表相< 〇〇〇 铨-金 >称日暮穷年诸宗欺玩请赐敕与长子知燧代为管理部议表相年方六十有三尚非哀暮之景止宜许长子代行礼仪赐敕并与铃束各宗一应府事父在子摄恐致起衅不容轻议从之

○铸楚府宣化王华璧麒麟钮镀金银印

○复除许子良为河南道监察御史

○己未蠲免福建所属驿递累年逋赋二十九万八千余两

○改原任浙江温处参将李希周为振武营游击

○庚申 上御经筵

○广西十寨瑶贼平先是诸贼据有八寨凶黠特甚以方有事古田始因其乞抚羈縻之继复杀逐龙蛤虫□布咳长官司占成十寨其恶愈炽督抚诸臣节奉明命调发汉土官兵剿之擒斩首从九千一百余级俘获男妇六千七百余名破其坚巢遂平

○辛酉裁革浙江驿传道及福建监军副使各一员

○吏科都给事中秦□以行太仆苑马寺官选格既轻事权不振< 〇〇〇 铨-金 >请申饬铨臣选择推用必以才力素优者充之抚按官假以事权俾之悉心经理若著有成绩亟为奏旌并同两京寺官不次推摧 上命升迁保荐俱与布按二司同

○蠲免山东驿递逋赋以苏民困

○壬戌以端阳令节近赐辅臣张居正张四维申时行牙扇艾虎等事及讲官何籬文等六员各有差

○升广东右参政刘经纬为贵州按察使

○裁革浙江左营游击一员

○癸亥升陕西苑马寺卿赵焯为山西按察使

○修筑永平通州蓟州丰润玉田迁安抚宁遵化怀柔等城

○甲子南科臣傅作舟< 〇〇〇 毓-金 > 纠工部主事黄金色司务雷汝恒贪饕冒昧制钱抵假致钱法壅滞金色汝恒亦各< 〇〇〇 毓-金 > 辩既而部覆谓其染指滋弊宜炤贪例褫职编氓从之

○升河南佾事朱东光为广东副使○蠲陕西苑马寺牧地积祖六万八百余两以宽牧军

○以热审届期命法司录系囚罪轻及情可矜疑者释放减拟如例

○乙丑以陕西副使申维岱为陕西苑马寺卿

○宣府总兵官马芳以病回卫命山西总兵署都督同知麻锦代之

○革浙江都司邓子龙任下巡按御史问奏子龙原任铜鼓石守备肆虐丛怨故为抚臣刘斯洁所劾

○丙寅复除陈经邦为左春坊左谕德兼翰林院侍读仍充日讲官

○复除原任四川副使唐炼于河南

○丁卯升直隶广平府知府薛钥为陕西副使

○戊辰 上御文华殿填祝版遣定国公徐文璧代祭 方泽至暮还宫

○升甘州左副总兵王国勋为都督佾事充总兵官镇守山西

大明神宗显皇帝实录卷之九十九终

大明神宗显皇帝实录卷之一百

万历八年五月己巳朔夏至遣定国公徐文璧代祀

地于方泽

○以端阳令节赐辅臣张居正张四维申时行书符金艾叶及讲官何雒文等六员有差

○修理 天寿山牌坊桥路等处工成遣工部侍郎杨成祭 后土之神

○壬申铸给分守下荆南道关防

○甲戌南京户科给事中傅作舟条上时政四事一议部差考核之典以一法守谓户工部司奉差回部者俱经节奉明旨考核此定制也乃芜湖仪真抽分及管庐州主事俱干系钱粮重大两年内奉差往返俱经臣批限销限卒未闻该部考核甚非所以一法度而肃官箴宜严行申饬令南京工部查议以报庶姑息者无所容而人情整肃矣一议僧道盘诘之法以清盗源谓此辈骁悍亡赖挟有盗资而鱼集鸟翔易于哨聚唯赖地方官觉察而驱逐之宜申严罚格凡盗贼失事地方官照常处分若内有游食僧道即以平日盘诘疏虞重加降斥一议淮安榷税之繁以惠穷民谓准设有四税乃一时权宜之计

○壬午遵化县地震至戊子方止每日俱数次
 ○升定州领军游击朱永祚为左参将分守大同东路
 ○癸未巡按直隶御史李栻以春防事竣奏别各营路将领功罪俱如议赏罚之
 ○四川金川寺演化禅师差都纲等赴京进贡宴赏如例
 ○叙剿平广西十寨功赏总督刘尧诲巡抚张任总兵王尚友各银币有差
 ○辽东鸭儿匭擒获贼属男女一百六十名据法俱应死总督梁梦龙奏从轻拟发各营军丁抚养从之
 ○裁革 显陵百户张仁等二十人仍存留旗帜百二十四名供役
 ○乙酉升河南都司金书李维为定州领军游击
 ○丙戌皇极门上梁遣工部尚书曾省吾祭 后土之神○丁亥升陕西副使曹子登为苑马寺卿张九一为右参政俱本省
 ○命右军都督府掌印定国公徐文璧掌后军都督府事
 ○总理河漕潘季驯奏复漕河旧规六月初旬于通济闸筑坝九月初旬开坝下所司知之 戊子以修山西利民神池偏头三城工完赏参政萧大亨等银各有差
 ○己丑复除陆万钟为浙江道监察御史
 ○命前军都督府金书太子太保恭顺侯吴继爵掌右军都督府事
 ○庚寅入伏者每日于午门前与百官吃香薷汤至六月二十二日止
 ○工部奏请复旧规以清街道列为六款一< 甬 甬 甬 甬 甬 甬 >河渠以通水道京城北有海子南接玉河桥东有泡子河西有河漕各街俱有长沟中城有臭水塘此皆水道脉络今多壅塞且有侵占者乞逐一清查给银开浚一复护墙以重保障都城内有拦马腰墙已护城外有沿濠河墙以护濠今悉坍塌且有踏成衢占城圃者宜以三年为期估计修复一议垫砌以平道路朝阳门一带粮运经繇宣武门大街车马蹂践日久成坑宜令本部督五城分垫一别朝市以肃邦畿棋盘街并正阳桥贸易者不许搀入禁牌之内一申旧例以防侵占凡军民盖造房屋必先呈报街道员外郎查无侵占方许兴作一专统摄以便责成请重管理街道事权得督察五城兵马之勤惰而责成功 上命着实奉行
 ○辛卯升户部广东司郎中岳凌霜为陕西副使
 ○两广总督刘尧诲广西巡抚张任巡按胡宥奏议十寨善后事宜一设三镇以重弹压八寨地形四寨官难制服应照古田三镇事例以周安古卯为一镇思吉古钵罗墨为一镇都者古蓬剥丁为一镇均其田里各建一城设土巡简守之总于思恩参将而隶于宾州一屯三里以树声援三里地形险要实为八寨门户先年议改思恩参将驻劄于此以资弹压因兵数未足城垣未缮署舍未葺而止今既值荡平宜定原兵之数令参将移驻居中坐镇增兵筑堡互为声援一分信地以重责成贼寨虽平镇城虽设然漏刃之余孽尚怀反侧新集之兵力未足备防宜令参将李应祥统领标兵调度倪中化等各画地分守残贼投生者就便安插不听约束者即行擒治一迁卫所以振武威南丹卫先年

增议政于三里已筑有城后因移入周安寨事复中止宜照原议将该卫见存官军移于三里与参将同城仍建造卫所衙门量给迁家银两使兵力合聚以成居重驭轻之势一议屯田以瓦优恤南丹卫既移住三里则各里残破之地不拘军屯民产割自杨渡水为界尽作南丹卫屯田尚存残民亦难准充为耕兵人给田三十亩岁纳子粒六石三年之后方照数开徵一开道路以通险阻谓寨贼所恃为梗者以四面阻山人迹不到今巢穴虽平而险阻如故宜开阻塞令庆远宾州途迳可达招募土民设堡屯种使思恩三里声势连络往来之人迹既通而负固之隙穴自杜一议钱粮以裕经费谓善后合用等费为数不费而西粤贫瘠之地措处甚难宜就大征支剩兵饷内凑给初年之用次年则于本省续获盐利及府江兵备道节缩年例饷银内通融给发如不足则严追两江各土府州司应角口羊折粮补支该部如议覆请皆报可

○命新建伯王承勋金书前军都督府事

○江南副总兵杨文犯赃谪戍边卫

○贵州麻哈州土同知管州事宋珠纵子犯大辟革其任易以流官令其子孙以州同知职銜于都司府办事不许干预州事

○甲午

穆宗庄皇帝忌辰遣固安伯陈景行祭

昭陵

○乙未总督仓场汪宗伊开浚白河以省起剥之费下之所司○浙江温处地方擒获生倭一十二名斩首一十一级抚臣吴善言以闻

○丙申升浙江宁波府知府游应乾为两浙都转运盐使司运使

○祭 中霤之神

○丁酉改户部尚书总督仓场汪宗伊为南京吏部尚书

○都察院覆山东抚按何起鸣钱岱劾奏江西布政使吕鸣珂浙江按察使李承式严州知府杨守仁淮安知府宋伯华宁州知州陆宗龙违例驰驿得旨清查驿递明旨禁敕何啻三令五申昨 圣母特遣皇亲为朕祈嗣亦俱给与路费不用一夫一马为臣者乃不体朝廷德意抗违明旨玩法殃民本当重治姑从宽处吕鸣珂李承式各降三级杨守仁宋伯华各降六级调用陆宗龙革职为民经过有司驿递阿奉者抚按官提问具奏

○定江北积谷额数庐州府一千四百石淮安府一千五百石凤阳扬州二府一千八百石著为令

大明神宗显皇帝实录卷之一百终

大明神宗显皇帝实录卷之一百一

万历八年六月己亥朔裁革宣大威远参将及广灵大山口守备

○庚子以户部左侍郎刘斯洁署总督仓场事

○辛丑升福建左布政使劳堪为都察院右副都御史巡抚本处地方

○升陕西右布政使张国彦为江西左布政使

○山西抚按高文荐黄应坤清查该省均徭里甲等项公费奏省太原平阳潞安三府泽辽沁汾四州并所属岁额五万四千四百余两上令吏部纪录叙用

○癸卯升河南右布政使张天驭为福建左布政使

○增临清各卫军上班月饷与平山济宁等卫同照原额加三之一

○定浙江积谷额数嘉兴府三千石绍兴府二千五百石金华府一千八百石杭州宁波温州三府各一千五百石处州府一千二百石湖州台州衢州严州四府各一千石著为令

○裁革三河霸州守备及长峪城提调并密云遵化永平三府武学提调各一员

○录辽东红土城及永奠二次功李成梁世袭伯爵梁梦龙荫一子锦衣卫百户周咏荫一子入监读书其余各升级有差

○河南荆门州系囚逸久匿不报命褫本州署印同知黄其暉职下抚按问拟并究处该通官○甲辰以淮安府安东县田荒民逃准改折漕粮俱于该府铸钱余利及军饷商税并该县运军行月粮等银抵解其本色暂借修河漕米四千石限三年后带徵补还

○裁革庐州府麻阜镇把总一员

○乙巳新制宝纛龙旗司礼监奏令工部日拨人匠助役该部以皇极门及府第等处工作方殷别无人匠堪拨只议进银助工上以工役浩繁着并银免进 丙午 上以近来边腹地方兵备守巡及武职参游等官添设太多非旧制着各抚按会议裁革以称朝廷省事尚实至意各省因会题应裁方面官山西宣府怀隆兵备副使一员河南总部京粮右参政一员督粮左参议一员睢陈兵备一员山东督粮左参政一员总部京粮左参政一员分巡东兖道僉事一员陕西督驿传左参政一员屯田水利副使一员浪庄兵备一员甘肃太仆寺少卿兼僉事一员广西督粮右参政一员永宁兵备副使一员四川督粮右参政一员水利驿传僉事一员叙泸兵备僉事一员广东督粮左参政一员湖广屯田水利副使一员江西饶州兵备副使一员僉事一员俱请裁革报可

○太原地震

○赐播州故宣慰使杨烈祭葬从其子杨应龙请也

○升都指挥同知李如柏为游击充总督标下坐营官

○丁未升浙江右参政龚大器湖广按察使徐节俱为右布政使大器河南节陕西

○武定侯郑昆卒赐祭葬如例

○夺南京工部尚书沈应时俸一年以部差不奉行考核为科臣傅作舟所纠也

○戊申贵州道监察御史龚懋贤以考选届期奏乞敕下该部院将科贡官视其才具所宜者不拘台省吏礼部属俱同甲科一概推补其选为御史者益加采访精拔务得真才无令儇巧涂饰者滥竽兹选 上是之令该部院如议行以称破格用人之意

○己酉升广东副使舒大猷为驻劄泰州整饬淮扬海防浙江右参政浙江湖州府

知府李颐为整饬苏松兵备湖广副使

○加广西右参议姜忻副使衔照旧管江右道事忻剿平十寨效有成劳且方议善后事宜责成正殷故加秩留之

○蠲免广东隆庆六年以前逋饷一十八万五千六百余两

○起补潘云程为神枢十营佐击

○庚戌原任蓟镇管粮郎中甘来学以待放正银报为积剩实数该部查核以闻上以其沽名欺罔降一级调外任仍谕该部考核各差属官务详加体访果无奸毙方与题请复职毋得采听虚誉乖乱名实失朝廷整厉庶官之意

○辛亥升福建左参议郑汝璧为广东副使

○升山东副使张崇功为本省左参政佥事周于德为本省副使以录红土城鸭儿匱二次功也

○蓟辽总督梁梦龙辞恩荫不允

○壬子升山西右参政刘汉儒为浙江按察使

○修 显陵工成叙诸臣效劳者加抚臣王之垣管工郎中张一通等俸级仍与按臣朱璉荆西道佥事傅霖等各加优赉又以该部与有成劳赏尚书曾省吾银币余各赏赉有差

○癸丑夜月食

○裁革杨舍守备一员

○甲寅改大同左卫兵备副使邓乔林管理西中二路兵备事以原缺裁革故也

○乙卯 睿宗献皇帝忌辰 奉先殿行祭礼

○改新升山西按察使赵焯于陕西照旧管苑马寺事而以新补本寺卿曹子登改山西右参政以焯为督抚郜光先等所留也

○丙辰考选王敬民刘三宅张世则顾问姚德重叶时新牛惟炳王三余聂良杞丁汝谦杨廷相田大年李宗鲁王凤竹常居敬冯露傅来鹏叶遵刘弘道为给事中吴瑄吴之美李国观为南京给事中曹一夔吴定刘士忠任养心韩国祜马允登范鸣谦蔡梦说何倬丁宾杨楫邢侗赫瀛李廷彦徐鸣鹤孙梦麟唐天祥孙旬顾尔行王国祚洪一谟敖选刘养元姚士观苏万民傅好礼王言为监察御史易以巽李士达郑之亮郭惟贤王有年徐奎星刘佐为南京监察御史敬民三宅世则问瑄俱吏科德重时新惟炳俱户科三余良杞汝谦之美俱礼科廷相大年宗鲁国观俱兵科凤竹居敬露俱刑科来鹏遵弘道俱工科一夔以巽定士忠养心士达俱江西道国祜允登之亮俱福建道鸣谦梦说有年俱湖广道倬宾楫俱山东道侗口俱山西道廷彦鸣鹤梦麟俱四川道天祥旬尔行俱陕西道国祚一谟选俱广东道养元士观俱广西道万民好礼奎星俱云南道定佐俱贵州道惟贤河南道是选也用御史龚懋贤言故举人傅来鹏选北科恩贡孙梦麟选北道皆异数也

○丁巳初辽东按臣议处辽镇降夷欲将旧降者抚用新来者发两广解散之抚臣周咏谓新降即行角□羊遣恐疑夷人心且绝其归附之路不便 上是之

○穆庙敬妃庄氏薨 上辍朝一日其礼仪一照庄僖荣妃王氏例

○戊午赐晋王慎錡谥曰惠原武王睦□谥庄惠○先是凤阳等处雨涝淮溢水薄泗城且至 祖陵壩中御史陈用宾以闻给事中王道成因< 錡-金 >言黄河未涨淮泗之间霖雨偶集而清河口已不能容洩万一震惊陵寝诚非细故宜令河臣设法< 錡-金 >导堵塞之总理河漕潘季驯谓黄淮合流东注势甚迅驶止因霪雨连绵而泗州岗阜盘折宣洩不及遂至涨溢若欲更求< 錡-金 >浚则下流已深浚无可施欲更事截塞则上流之水势难逆堵该部亦以为然覆议令季驯亲诣相度从之

○己未勒河南巡抚都察院右副都御史周镒致仕以复为科臣周邦杰所纠参也

○裁湖广总兵官命怀宁侯孙世忠回京听用

○先是夷酋阿志孛来因停革抚赏乘虚繇喜峰路董家口关外小径潜至青山口入犯杀百总金良等及合营追逐出境突遇伏贼军马损折数多督臣奏治失事诸将领罪兵部以闻命革副总兵史震游击陈忠等任下巡按御史拟问如律

○升大同中路右参将冯忠为宣府独石马营左参将

○庚申 上御文华殿讲读月如常期是日讲毕大学士张居正奏云今日所讲益者三乐损者三乐与前日所讲益者三友损者三友两章书甚有关于君德伏望 皇上回宫之后留心省览 上优答之居正又奏云昨日吏部覆科臣论河南巡抚周镒本原拟调南京用蒙 皇上特令致仕臣等仰服 圣断极当近来各处抚按官实心干事者少周镒遇事躲闪不肯实心干理今 皇上罢此一人则四方诸臣从此愈知警戒矣

○辛酉吏部以总督漕河员缺会推山西巡抚高文荐四川巡抚张士佩 上以河漕职任繁重宜用重臣乃命凌云翼以兵部尚书兼都察院左副都御史往同潘季驯经理未尽事宜寻改季驯为南京兵部尚书仍令候九月间水落事宁具奏赴任管事

○壬戌吏科都给事中秦耀奏称各省直考成期限抚按互异非所以明法守而肃群工宜饬部院今后遇紧急事情若覆勘提问议处催督查验等项其徵发期会务彼此公同参定毋致乖异使大小臣工莫敢不如期奏报以咸励精图治之功 上可其奏令该衙门如议行

○改太原参将王弼为大同中路右参将

○升蓟镇石门寨参将王抚民为本镇中路副总兵

○癸亥旌表山东孝子马致远等二人节妇曾氏等十四人烈妇黄氏等十二人

○辽东总兵官宁远伯李成梁辞免世袭不允

○甲子 孝庄睿皇帝忌辰遣南宁伯毛国器祭 裕陵

○改大同威远参将李芳于中路

○升蓟镇遵化鞬重营游击王軫昌平总兵标下游击毛策俱为参将軫喜峰口策

石门寨

○升蓟镇总兵营中军官黄宗统为统领南兵游击

○改统领蓟镇天津秋班游击王通于本镇总兵标下左营

○乙丑升大理寺左少卿褚鈇为都察院右佥都御史巡抚河南

○调原任四川按察使梁问孟于陕西

○丙寅 孝穆皇后忌辰遣襄城伯李应臣祭 茂陵

○裁革广东监军副使广州兵备佥事贵州督粮参政各一员其河南淮凤营田佥事俟核事实完并裁○丁卯以大学士张四维三年秩满命加少傅兼太子太傅荫一子入监读书四维< 〇〇〇 铨-金 > 辞 上不允 升应天府府丞申自修为大理寺左少卿

○裁京通二仓经历六员

○皇极门工成遣工部尚书曾省吾祭 后土司工之神

大明神宗显皇帝实录卷之一百一终

大明神宗显皇帝实录卷之一百二

万历八年七月戊辰朔

上亲享 太庙

○大学士张四维一品考满辞加少傅恩荫 上以加恩彝典不允辞

○己巳升神枢十营佐击潘云程神枢八营佐击王秩蓟镇遵化城守备郑廉俱为游击云程昌平总兵标下秩统领蓟镇天津秋班廉遵化辎重营

○以原任河南都司佥书钱梦祥管理练兵事务兼蓟镇总兵营中军官

○庚午升光禄寺少卿曹大野为应天府府丞

○礼部题宗藩事例郡王较役俱以二十四名为额除原系护卫佥拨者有护卫去处该卫拨与军余二十名民间佥拨十二名无护卫者俱于民间佥派每名每年于编徭内徵银十二两解送该府雇人代役原派民輟尽数掣回不得隐蔽惟晋府宁化庆成永和三府系太祖亲孙开国始封有功郡王钦拨军较相传八代与新旧郡王不同人数如仍应如旧诏依议

○徐州卫指挥许良弼纵旗甲插和运米盐灰事觉治罪并罚把总陆应元俸从巡漕御史茹宗舜奏也

○兵部议革陕西固原中路游击一员所遗军马分拨军门标下游击管领

○辛未 仁孝文皇后忌辰遣成国公朱应祜祭 长陵

○改广东副使刘世赏于广西

○户部以武职俸多冒滥< 〇〇〇 铨-金 > 称国朝设五府以统边腹都司都司以统辖省直卫所自指挥千百户至镇抚总旗不问子孙贤愚皆世其官不分职任称否皆世其禄迩年以来以功升者俸滥于原额以粟入者数倍于旧官虽冗员冗食难以遽议裁抑而冒支滥支亦当稍为查处谨条为八款一武职犯罪者奉有钦依提问者即行住俸

职闲住○庚辰升太仆寺少卿郑钦为南京光禄寺卿

○辛巳以太仆寺添注少卿乔国阜管理京营事

○壬午中元节遣临淮侯李言恭恭顺侯吴继爵武靖伯赵光远庆都伯杜继宗固安伯陈景行分祭 长陵 献陵 景陵 裕陵 茂陵 泰陵 康陵 永陵 昭陵 惠安伯张元善祭 景皇帝陵寝中官祭 恭让章皇后吴氏左都督李鹤祭 哀冲庄敬二太子各陵园

○裁革延宁甘固各游击及守备八员

○刑科给事中李选奏称 皇上惓惓以崇雅黜浮为心省文尚实为务故数年之间天下本章日有复古之渐不谓近日以来仍复纷纷即刑名一事浮泛不经者甚众议一小事必张其大说以快一时之谭议一轻罪必罗织其文以骇众人之听甚至有肆为污秽之语欺蔽之词而罔所忌惮者烦渎不恭殊非臣体宜中饬严禁其余本章亦要切直简明意尽而止毋得虚浮枝蔓报闻

○癸未升吏科左给事中帅兰工科左给事中王致祥俱为都给事中兰本科致祥兵科

○裁省延庆保安二州并永宁县均徭等项岁课三分之一著为定额

○甲申以两免讲读

○升山东按察使王元敬为广东右布政使湖广提学副使金学曾为云南左布政使副使章甫端为山西行太仆寺卿

○治甘肃脱班诸将领辛守臣赵继汪椿等罪如例

○苏松水利御史林应训奏称所属地方复被水灾议设法蠲赈 上以报灾请恤乃地方抚按事应训< 〇〇〇 毓-金 >洩无功又代请掩罪命工部同该科会查以报既而部科为地方水患固人事未尽亦天时适逢宜宽之以责后效乃令之策励供职○乙酉成祖文皇帝忌辰 奉先殿行祭礼遣永康侯徐乔松祭 长陵

○升山西行都司僉书杨培为大同入卫游击

○工部< 〇〇〇 毓-金 >据司礼监太监张宏以修皇极门工完奏请叙劳中称费省功多皆缘司礼内监掌印之臣约束严明所致宜加恩赉工科给事中王道成谓非有创建功诸臣效劳又才逾一月不宜滥叙升级以开幸门乃止赏张祜等银币曾省吾杨成等亦各优赉有差

○丙戌升陕西右参政李汶为山东按察使山东左参议张思忠为湖广副使

○以陕西都司僉书管领班军唐尧辅协守宁夏东路兴武营

○治山西絳县知县王思治以赎徒削籍因科罚淫刑贪酷有声故也 ○丁亥薊辽保定督抚梁梦龙等议裁革本镇标兵营游击及左营坐营都司各一员将标兵隶之总兵坐营领以千总车营改为骑营军营改为车营从之

○戊子升陕西副使张更化为本省右参政

○湖广巡抚王之垣奏为〈□足 铨-金〉通钱法将武衡荆三局铸钱之盈缩余剩之多寡行使之通塞兴贩夹带之有无一一总核奏报 上以钱法不宜与民争羨利第禁私铸私贩及铸造不如法者以垂久远可行

○己丑命广东南韶兵备僉事沈植照旧管事广州兵巡僉事张克家回籍听补初两广督臣议裁革广州兵巡而改克家于南韶令沈植回籍别用科臣秦耀谓广州裁其官而不裁其人南韶裁其人而不裁其官于事理未当故有是命

○辛卯赐原任后军都督府僉书署都督同知俞大猷祭葬如例大猷福建晋江人少补弟子员治经术既而袭官百户登会举第五人以功累迁至今官请老〈□足 铨-金〉三上乃许寻卒于家大猷为人廉而好施能折节下士至剔历东南大小百十余战所向无不剿灭而况机持重不期目睫功有古大将风云

○命兵部拨营军一千名采薪以供各厂烧造

○巡视京营给事中姚学闵条上班操五事一议选班官谓先年议将劄付官与巡捕官更番领班及听总协并巡视各官会同考察乃行法未免因循各官鬩茸如故宜行各该抚按令各道将所属武职加意遴选从公品隲贤能卓异者年终附荐以示激劝科索贪残者不时论革其往返动经数月宜明为资给使不至于剥军一议给军粮谓班军月粮例支两月安家其余角□羊部验其工操给散以杜侵渔而防逃脱但各军路费器械委无所出宜预支四月以贍之一议定班限旧例班期春以三月内上班八月终放回秋以九月内上班次年二月终回殊废农业无裨营操宜照蓟镇事例上班以正月七月初旬为期放班以六月十二月终为期如有挨延脱逃者罚治如法一议分营伍谓三都司上班官军分属各营虽有旧例而中都全班近万各营军数止三千有奇主客相悬纪律未肃宜剂量多寡均发随操一议厘积毙谓各军多雇倩代替班政弗严宜责令卫所掌印官公同劄付拣练壮丁每五十人各设队长类造年貌文册赍投巡视衙门查较如有雇替等毙从重究治部覆如议报可

○诏保定巡抚所属真定等府积谷如数以备凶荒数外多积尤见公勤宜加纪录不及数者岁终抚按照例参罚

○甲午命定国公徐文璧充知经筵官国子监祭酒周子义翰林院侍读罗万化光经筵讲官詹事府詹事兼翰林院侍读学士掌府事许国仍充经筵讲官

○大同井坪路地大震摇所倒城墙数百丈

○乙未南京兵部尚书凌云翼辞免总督河漕新命 上特以才望简卑不允

○命左军都督府僉书武靖伯赵光远为南京协同守备兼掌后军都督府事

○蠲免顺天府所属隆庆二年至万历四年积欠岁额以苏民困

○丁酉礼部为庆王倪〈□火 贵〉庶长子伸域庶次伸宣□佳请封再乞查勘上以请名部查无碍予之今何以未明行勘着准与之封

○赐宁远伯李成梁着以原荫都指挥同知李如松世袭伯爵以镇辽屡立边功再有红土城大捷故也

大明神宗显皇帝实录卷之一百二终

大明神宗显皇帝实录卷之一百三

万历八年八月戊戌朔户部以各省直开报招抚开垦文册多系虚数议咨行各该抚按及劄付阅寔营田郎中梁承学将发去原册转发该道委附近安静属官亲诣各州县逐一从公查勘不许将原籍人户捏报新收旧种熟地混作新开查明报部用以分别功罪 上以从来册报但是虚增查勘徒滋烦扰命今次且免查究八年以后俱要从实开报有仍踵宿弊者部科查核参治之

○命西宁侯宋世恩补左军都督府佾书管事

○升直隶白石口守备常钺为保定标兵营坐营都司

○土鲁番头目卯刺纳阿都马黑蛮等八名来贡马匹如例宴赏之

○己亥 上致斋于文华殿

○庚子 上亲祀 夜明于 夕月坛○辛丑以修皇极门工完赐辅臣张居正张四维申时行白金绶币

○癸卯以 万寿圣节近先期赐元辅居正次辅张四维申时行及讲官何雒文等六员银币各有差

○复除范谦为翰林院修撰

○顺天府府尹施尧臣议以南马协济等银抵充固安大城等州县明岁应徵站银之半以苏民困从之

○甲辰兵部< 疏 金 >称辽镇将领李成梁等招过降夷并回乡人口数多具< 疏 金 >请赏奉旨李成梁杨五典等各赏银有差

○升陕西提学副使李维楨为右参政参议文作为副使山东佾事赵允升贵州佾事黄镛为参议维楨河南作允升本省镛云南

○磔河南妖逆曹仑王迁善杨廷友于市而斩吉廷有等十二人余各处治如律仑以左道妖术倡乱犯仪封县城迁善廷友其助逆通谋者

○乙巳 孝康敬皇后忌辰遣新建伯王承勋祭 泰陵

○命宁远伯李成梁子如松充勋卫例推用

○总督京营戎政彰武伯杨炳奏称三备兵营军额缺少且多老弱宜召募年力精壮者充补之部议谓召募多系无籍棍徒宜用保勘以杜诈冒 上是其议

○丁未遣礼部尚书潘晟祭 先师孔子

○升兵科左给事中刘中立户科左给事中汤聘尹俱为参议河南道监察御史郭汝胡宥浙江道监察御史刘天衢俱为佾事中立陕西聘尹福建汝江西宥贵州天衢山东

○升湖广武昌府知府曹慎为本省副使调江西副使王世懋于陕西各提督学政○戊申 上亲祭 太社 太稷

○己酉 上御经筵如常期

○以 万寿圣节近复赐元辅张居正次辅张四维申时行金篆书符及讲官何籀文等六员各有差

○庚戌祭 历代帝王遣定国公徐文璧等行礼遣太常寺官祭 都城隍之神

○户部复以各省直改毁书院多有未行册报及议处未尽者议行各抚按查核以报 上是之

○癸丑遣顺天府官祭宋丞相文天祥

○甲寅 万寿圣节 上御皇极殿文武百官行庆贺礼天下各王府及文武各衙门进庆贺表

○遣隆平侯张炳定西侯蒋建元靖远伯王学礼庆都伯杜继宗永宁伯王伟祭长陵献陵 景陵 裕陵 茂陵 泰陵 康陵 永陵 昭陵惠安伯张元善祭 景皇帝陵寝

○朝鲜国王李昫差陪臣礼曹参判李增等赍表文方物马匹进贺 万寿圣节宴赉如例

○丁巳赐故锦衣卫带俸指挥同知陈书祭葬书系 孝洁肃皇后亲侄也

○戊午以违禁驰驿降四川按察使梁问孟副使高则益三级汉阳府知府万钟禄南宁府知府黎大启六级革嘉定州知州姚汝循职为民

○己未 宪宗纯皇帝忌辰 奉先殿行祭礼遣平江伯陈王镛祭 茂陵

○北虏顺义王俺答差酋长恰占吉等赍表来进鞍马方物总督郑雒为请加其次子不他失礼以将军名色并授常汉我不良台吉等职衔许之不他失礼加升骠骑将军常汉我不良台吉等各授百户共赐以敕书一道○庚申夜有异星见于东南方每夜形体渐长有光芒占为彗星至十一月望后始退

○补原任福建道监察御史李东于江西道

○复除范燧为四川副使

○南京工部尚书沈应时致仕先是应时以奉差司属失于考核为科臣万象春所追论因自陈不职既而以病乞休乃允其请

○升河南副使胡维新为右参政直隶徽州府知府徐成位湖广襄阳府知府王宇福建汀州府知府季膺俱为副使湖广佥事侯尧封为右参议维新广西成位山东宇狭西膺江西尧封本省

○南直隶庐凤淮扬等处水灾诏准改折漕粮及停徵岁额以被灾轻重为差从巡按御史陈用宾请也

○泰宁福余等卫夷人留成桶罕等赴京朝贺 万寿圣节各如例宴赏之

○辛酉革云南右参政吴孔性职闲住以违禁驰驿在奉旨查参之后也

○壬戌福建巡抚耿定向奏荐地方人才内举南京太仆寺少卿朱天球原任副使

○減河南所属均徭里甲公费岁额一十一万八千七百二十四两有奇

○敕礼部将中选子弟侯拱宸等通行原籍查勘乡贯保结以凭择日进看

○庚午霜降节遣定远侯邓世栋西宁侯宋世恩成安伯郭应乾庆都伯杜继宗固安伯陈景行分祭 长陵 献陵 景陵 裕陵 茂陵 泰陵 康陵 永陵 昭陵 惠安伯张元善祭 景皇帝陵寝都指挥僉事蒋尧谦祭哀冲 庄敬二太子陵园

○改保定总兵标下游击王维藩于密云奇兵营○补原任延绥西路参将高如桂于蓟镇燕河营

○升宣府马营堡守备王国翼为本镇东路游击

○辛未 孝恭章皇后忌辰遣清平伯吴国乾祭 景陵

○諭礼部宫中六尚缺人其选民间淑女二百人入内寻复罢之 壬申升工部右侍郎金立敬为左侍郎而以大理寺卿王友贤为之右

○改原任户部右侍郎郭应聘为兵部右侍郎兼都察院右僉都御史巡抚广西

○賜巡抚宁夏都察院右副都御史罗凤翔祭葬如例

○癸酉大学士张居正等奏称节奉敕諭令臣等重修大明会典已经开馆纂修近该副总裁等官呈送草稿止将旧会典并嘉靖二十九年续修旧稿誊写一遍稍益以近年事例中间体例尚有未当纪载颇多缺遗良繇诸臣各有部事相妨无暇讨论讲究夫事必专任乃可责成力不他分乃能就绪臣等看得吏部左侍郎余有丁詹事府詹事许国文学素优年力方富属以此事似可责成宜将余有丁暂解部事以本官仍掌詹事府事许国协管府事俱充副总裁各暂停升转将会典新旧原本令其专心考究至原题副总裁官唯以部务稍暇相与讨论不必限以章程致令两误 上是之

○甲戌南京吏部尚书汪宗尹以病乞休许之

○命户部严核河南浙江等角□羊官穆守文刘启亨等所角□羊绵花商税等银已纳未完有无侵那尽行查究以凭参罚从科臣张鼎思请也

○加宣大总督军门中军官参将朱瀚为副总兵仍管前事瀚新调马水口总督郑雒称其廉慎勤敏熟练夷情故请加衔以留之

○丁丑复补秦时吉为贵州道监察御史○户科给事史继辰言士风为人才吏治所关宜杜幸门绝私谒州县官提调生儒止许按季考较此外不得滥收一人私立门墙以长奔竞 上是之

○怀仁王府镇国中尉廷垓肆行不法为逋盗数事觉革为庶人

○戊寅命翰林院修撰沈懋孝范谦编修邓以赞王懋德充大明会典纂修官

○起用刘一儒复为大理寺卿

○以霜降后命法司录系囚情可矜疑者减拟各有差

○己卯命左春坊左谕德兼翰林院侍读陈经邦翰林院侍讲朱赓典武举试

○庚辰江西抚臣王宗载以本省钱局数多匠役冗滥不便关防议设专管汰鑪冶

栋匠役该部为之覆请从之

○户部< 田 疏-金 >称山东抚按何起鸣陈功所奏邹平县会昌侯孙忠莹田地九顷胶州阳武侯薛禄户丁承种祖遗田地三十七顷覆查不系钦赐之数优免又无明文可据议各量除二顷以为祭祀之资其余照依民地例纳 上是之

○福建清丈田粮事竣抚臣劳堪以闻部覆谓宜刊定成书并造入黄册使奸豪者不得变乱 上可其奏

○辛巳庆府真宁恭简王倪火□安沈府云和王铨□宿迁王炤□各卒无嗣奏缴金银印

○壬午 上以江西守御所舍人谢耀奏原任御史刘台恶迹本发下内阁今拟旨逮究辅臣张居正以夙憾欲授意抚臣王宗载文致之乃诡云台暴横闾里受害者多逮则贻累干连诸人不知下□处抚按详鞫 上允之

○改南京刑部尚书何宽为南京吏部尚书

○癸未裁革福建督粮右参政一员及运盐司判官提举司提举吏目又以省城并设三县不便乃裁怀安县自知县以下俱革

○甲申裁革辽东行太仆寺少卿及本寺主簿

○广西巡按御史胡宥奏称本省盐利及存积戍兵年例宜令各司府属立循环簿按季送抚按稽查其湖广衡永二府盐价宜与时高下每发官盐一包准搭□盐一包同卖一岁一运可获盐利万五千余金提举司添设副提举二员宜裁其一以省冗费该部如议覆请从之 乙酉命原任右春坊右谕德范应期掌南京翰林院印信

○升吏部右侍郎赵贤为本部左侍郎改刑部右侍郎王篆为之右 升南京都察院右都御史陈瑞为南京刑部尚书

○丙戌裁减山东所属地方均徭里甲岁额银九万六千四百有奇以宽民力

○赐益府铜陵王翊钰谥端僖舒城王载< 田 土充 >谥康简怀庆王载溍谥端懿各予以册文

○命发太仆寺寄养马千匹及常盈库马价万五千两于蓟昌二镇

○广西柳州府武定县有盗越城劫库降分守江右参议姜忻本府知府季遇春各一级革分守参将倪中化任及本县知县饶养浩指挥同知李惟聪俱褫职革任下抚按问拟

○丁亥裁减福建里甲均徭岁额六万四千五百余两

○敕贵州巡抚严查兵粮总定数刊成一书永为遵守岁终 奏报有巡抚兵备等官无故虚糜者核实参处

○朵颜等卫夷人大你赤等赴京朝贺 万寿圣节宴赏如例

○鲁府安丘王府奉国中尉寿金□攸夤夜拥众入郡学殴官仆至死命降为庶人

○戊子升大理寺卿刘一儒为刑部右侍郎

○兵部奏称天气渐寒河水将冻西虏虽已款关变诈叵测东虏屡窥边塞出没无常议行各边总督严飭各将领防备之 上是其议

○己丑裁革福建行都司屯局僉书一员○改浙江军门标下游击童绍祖掌都司印

○升河南都司掌印刘允庆为马水口参将

○庚寅升福建僉事彭应时为广西右参议

○以南昌卫指挥刘縉为云南迤东并贵州等处守备

○辛卯 上御文华殿讲读月如常期

○南京府军并建阳等卫所屯田灾命南京户部选委司官一员同管屯御史亲诣查勘将本年屯粮以被灾重轻递减其折银分数

○以原任镇守福建总兵官都督僉事胡守仁僉书南京前军都督府事

○壬辰升江西南康府知府卢整为福建副使

○命进故太子少保礼部尚书兼文渊阁大学士赠太子太保高俄为光禄大夫谥文端从其子中书舍人高循学请也

○以神枢十营佐击雷以诚掌河南都司印○裁革广西昭平参将改设守备于本地方

○以违禁驰驿降四川顺庆府知府郑迁江西抚州府知府左之贤云南永昌府知府单诗各六级

○癸巳赐原任南京礼部尚书林<■火廉>祭葬如例<■火廉>初以进士改翰林院庶吉士授简讨历官国子监祭酒迁礼部侍郎改吏部俱直经筵日讲会进讲语切直为谗者所中忽中旨调南进工部尚书复改礼部以万历八年六月十五日卒于家<■火廉>雅尚儒素性恬而温至大节则皦然莫夺不能比附以投权贵欢故卒与时齟齬其风流节概克世其家云

○甲午吏科给事中顾问奏称官生授职须计其年资六七年以上然后酌其才品在内升部寺司属在外升府佐贰官俟其晓畅吏治效有功能然后陟为知府藩臬其远方知府必选科目出身治行高等者为之勿以轻畀恩荫该部议覆报可

○乙未 上致斋于文华殿

○升户部左侍郎刘斯洁为南京都察院右都御史其考满应得诰命恩荫如例升巡抚保定右副都御史张鹵为大理寺卿

○丙申 上御文华殿致斋如常

○甲字库太监王效等奏称岁额银朱等料缺乏户部尚书张学颜覆<■足 毓一金>其略曰库中物料岁派俱有定额徵角□羊多不依期第费少则用自饶费多则用必竭恭睹 先帝遗诏凡内府钱粮加意节省往往裁之额内我 皇上登极一诏亦将不急不经之费尽行停免数年以来各项浮费有昔减而今复旧者有前少而后反多者又

○河南怀庆等府灾诏蠲本年额赋及减折屯粮有差仍支仓贮赈之

○辛亥陕西他笼哈古等族番人各备马匹盔甲等物赴京进贡各赏给如例

○戒谕乌撒府知府安承祖以后额纳贵州秋粮每年如数徵角□羊以充军饷无亏额以取参治○甲寅裁革云南督粮参政一员

○乙卯升山西布政使辛应乾为左布政使浙江金华府知府王懋德为副使应乾本省懋德江西

○丁巳升陕西按察使蔡应扬为左布政使湖广岳州府知府张澜为陕西苑马寺少卿

○以违禁驰驿降福建运使杜思三级汀州府知府季膺庆远府知府赵成妥六级革原任四川松潘游击沈茂冠带下两广督臣问拟

○戊午复除宋仕为浙江道御史

○诏编审光禄寺上供商人其行户繁重者家道殷实照旧存留中有消乏者审实退役责令众商公报顶补不得仍前重报致滋规避

○顺天府府尹施尧臣条陈差役事宜一通融丁地以均银力一酌量门银以均贫富一流寓之置产者照例编差以纾土著之困累一差役之雇觅者明编实数以免小民之派□其余若核优免裁差徭清税银定工食除滥役等项共十事该部为之覆请命如议行之

○己未升山西左参政严大纪为按察使江西南昌府知府王三锡为福建运盐司运使

○改山西管粮右参政胡来贡为分守河东左参政改湖广副使沈伯龙于江西

○礼科给事中丁汝谦奏称近来河南白莲妖贼已伏其辜而宣府又以激变游民告矣夫奸民之结党肆逆与游民之越境为非皆有司之过也近见曹仑辈假藉妖术蛊惑愚民其事非一日其徒非一人而有司者既不能开谕之于前又不能禁缉之于后直待养成巨恶逆谋败露然后动众剿之其有损于地方不既多乎马树林子等繇延安抵宣府奔逃播越几千里矣携带男女扶持兵刃走马卖械卜封施药几百人矣其经过把截去处又不知其几也何竟无一人盘诘之向使为有司者能觉察访范于平时其流祸宁至于此且此辈莽伏非独河南宣府为然即南北地方京城内外处处有之夫衅每起于不虞患恒生于所忽宜敕该部院在京行五城御史在外行各处巡按将曹仑马树林子等情由令所属刊刻榜文晓谕黎庶仍严行保甲不时讥察其于地方不无少裨矣该部如议覆请 上是之

○庚申广东副使郑汝璧称病乞休允之

○勘过定国公等庄田应召佃收租者敕布政司官为徵收令各爵家人支领以杜侵占之弊其额外应折徵者角□羊充各府禄粮

○辛酉改河南右参政姜继曾于山西 ○甲子敕京堂官给由者照旧规单奏面

○夷酋王兀堂等复纠众从宽奠堡入犯副总兵姚大都督兵追击之斩首虏六十七级生擒一十一名督臣以闻命先赏姚大节银二十两纁丝一表里参政张崇功等各十五两余有差

○革洮阶副总兵陈守义西宁参将杨维芳任下巡按问拟而以凉州副总兵季煦原任固原中路游击王泰代之从督臣郃光先奏也

○大虏糾众入犯锦义大凌河右屯等处总兵李成梁督率将领军丁奋勇邀击出境颇有斩获功诏赏督镇梁梦龙李成梁与周咏威继光等各银币有差

○丁丑复除查铎为广东副使

○江西右参议李乐以患病乞休致许之

○革宣府管粮郎中吕子桂易州管粮员外秦邦彦任听勘科臣郝维乔劾其贪肆也○裁革云南临元参将改设守备

○戊寅先是 上夜宴宫中为近侍孙海客用所惑杖二内使几毙 慈圣皇太后闻之不乐训戒甚切 上悔悟即宣谕内臣曰孙海客用凡事引诱朕无所不为今降为小火者安置南京尔司礼监等既受朝廷豢养之恩见朕偶尔昏迷就应力谏乃图朕一时欢喜阿顺不言赖 圣母慈诲今朕已改过立逐奸邪以后但有此等小人即同举名来奏仍命文书房官宣示内阁阁臣张居正等谓降黜未尽其辜宜充净军乃稍正法 上从之次日复谕辅臣曰朕昨者御笔帖子先生已看否孙海客用坏法乱国今虽逐去朕愈思愈怒之但先生既为辅弼大臣宗庙社稷所系非轻焉忍坐视不言先生便应谏朕使朕为尧舜之君先生等亦为尧舜之臣居正等回奏曰自 圣上临御以来讲学勤政 圣德日新乃数月之间仰窥圣意所向稍不如前微闻宫中起居颇失常度但臣等身隔外庭未敢轻信而朝廷庶政未见有缺故不敢妄有所言然前者恭侍日讲亦曾举益者三乐损者三乐益者三友损者三友两章书请 皇上加意省览盖已阴寓讽谏之意近始知孙海客用引诱 皇上夜游别宫宴处无节释去法服走马持兵又数进奇巧戏玩之物肆为蛊惑幸而 圣母谆谆教戒 皇上卜 口番然改悔又宣谕臣等尽心辅导此皆 九庙列圣之灵所默启也但古语云树德务滋除恶务尽如司礼监太监孙德秀温恭兵仗局周海罪状亦不在海用二人下宜一体降黜其各监等官俱令自陈老成廉慎者存之諂佞放恣者汰之且近日 皇穹垂象彗芒扫宦者四星宜大行扫除以应天变以光 圣德臣又闻汉臣诸葛亮云宫中府中宜为一体陟罚臧否不宜异同臣等待罪辅弼宫中之事皆宜与闻此后不敢复以外臣自限凡 皇上起居与宫壶内事但有所闻即竭忠敷奏及左右近习有奸佞不忠者亦不避嫌怨必举 祖宗之法奏请处治皇上亦宜痛自改悔戒饮宴以重起居专精神以广胤嗣节赏赉以省浮费却玩好以定心志亲万几以明庶政勤讲学以资治理则将来 圣德愈为光显矣疏入 上特奏圣母亟允所请

○司礼监太监冯保自叙先朝知遇与受顾命之隆及今荫锡之厚欲以衰病乞休

不允 朝鲜国王李昫及朵颜等卫夷人各差陪臣头目赴京朝贺冬至宴赉如例

○复贵州土舍安国宁冠带国宁先以东川勒兵有罪参革既而悔祸立功自赎抚按为请故复之

○己卯升贵州佥事高任重为四川右参议

○光禄寺少卿萧崇业< 〇〇〇 毓-金 >辞出使琉球馈金诏该国使臣携去

○革宁夏副总兵祁栋任以陕西按臣罗应鹤参之也

○命驿递支应酌量减编兼革朋帮马匹以恤庐州府属疲民兼通行各府州县一体查议○辛巳以 圣母万寿圣节赐三辅臣银币金篆书符及讲官何雒文寺六员各有差

○升南京礼部祠祭司郎中王□为贵州佥事

○礼部尚书潘晟以被言引疾乞休 上谕留之

○壬午裁革广东阳电海防及朝州陆路参将并总兵标下练兵把总各一员

○癸未司礼监传旨奉 圣母慈谕以本月二十八日朝天宫建保国安民穰灾谢祐醮典三昼夜停刑禁屠三日

○裁减浙江所属料价公费徭编岁额八万八千七百四十余两

○乙酉 慈圣皇太后 万寿圣节文武百官朝贺诸王府各进贺表三辅臣仍诣隆宗门行叩贺礼

○高家堰石工将兴乡官常三省等倡言有妨 祖陵具揭欲沮之河臣潘季驯< 〇〇〇 毓-金 >陈其舛谬不经且请再行勘议 上命修筑以终前功而革常三省职为民

○致仕少傅大学士陈以勤荷赐存问特准子于陞给假归省< 〇〇〇 毓-金 >谢报闻

○戊子陕西按臣罗应鹤参论佥事张应福昏庸衰劣状命革职闲住

○诏保定等六府起角□羊京边钱粮自委官部运所给掇解雇募车夫盘费外不许再用官车以扰小民着为令

○初都指挥使杨亮奉使没于虏庭部请赠衔优恤之报可 琉球国遣陪臣子郑周郑迪蔡常三名求入太学读书习礼命送南京国子监肄业如例给与衣粮

○乙丑录剿平广西十寨功升督臣刘尧诲俸二级优恤死事抚臣张任如例及副总兵王尚文副使侯国治等升赏有差

○户部奏造黄册将专督理核田数清户口严里书发寄庄别飞诡慎推收均里甲诸项刊刻成书颁布天下府州县著为式○癸巳兵科给事中刘朝璽< 〇〇〇 毓-金 >参礼部侍郎林士章揭其通番私税二事谓宜罢斥士章自陈不职求去且辩其被诬状部覆谓士章素清谨科臣论劾出于风闻宜令之照旧供职 上从之

○革陕西副使王宇薛纶任听勘以刑科给事中张鼎思论其□贿容奸故也

○复除原任山东右参议任彬于陕西

○裁革山西大同府所属均徭银力岁额五千七百余两

○甲午太子太保吏部尚书王国光以疾乞休 上命之暂假调理仍赐以羊豕米酒等物国光奏谢 上优答之

○乙未升户部郎中李溥为陕西副使

○复除山西右参政王汝梅于陕西 ○礼科给事中聂良杞奏称吏治之考成未肃远方之法网尤疏如荐举尚滥纠治尚宽科贡之资格尚泥抚按之耳目尚偏宜一番整饬以隆化理该部如议覆请 上是之

○吏科给事中王敬民奏称鲁府宗室恣情玩法屡经抚按官参治缘本王权轻难以禁治宜照周藩事例令亲王得以统治于一国郡王得以各治其宗人毋使纵恣贻害于民部覆如议请给鲁王敕并及晋楚岷代等府 上以亲王总治一国体统事权本自隆重不必给敕

○蠲免河南所属万历九年分应派河堡夫银六万两

大明神宗显皇帝实录卷之一百六终

大明神宗显皇帝实录卷之一百七

万历八年十二月丙申朔礼部右侍郎林士章再疏引罪乞罢上不允

○戒有司积穀备賑不得指名科罚以充贪吏囊橐违者参治

○兵部考核军政令总兵副总兵自陈参游以下照各省直开注贤否存留降革俱如例

○戊戌夺原任陕西参议何汝成职闲住调广东参政周浩简僻以给事有史继辰论劾其贪故也

○刑科给事中商尚忠 < 銚-金 > 论吏部尚书王国光庇亲行私升同知卫重鉴为运同通判杨枝为评事宜因其称病自陈准其致仕国光奏辩乞罢 上谕留之

○陕西柏林七占等族番人进献马匹方物给赏绢钞如例 ○己亥 慈孝献皇后忌辰 奉先殿行祭礼

○朝鲜陪臣吏曹参判梁喜在馆病故命如例与祭一坛及行兵部应付人夫送还本国

○命故武安侯郑昆庶长子惟忠承袭祖爵

○广西副使侯国治以疾乞休许之

○庚子陕西崇隆等寺棘麻番僧共卜尖咎等赴京进贡如例宴赏之

○辛丑宜妃杨氏薨 上辍朝二日其丧祭事宜俱照 世庙荣昭德妃张氏例行

○顺义王俺答纳款归化因遣夷使请敕赐所盖造寺名并加西番僧觉义为大觉禅师从之

○革府军前卫掌印隆平侯张炳及署指挥同知毛澄任闲住从兵部考核也

州领军游击

○夜望月食

○辛亥赐元辅张居正次辅张四维申时行及讲官何雒文等六员白金彩段各有差

○复除原任山东道御史董裕于湖广道

○升陕西都司佾书王国翰掌山西都司印山东都司佾书周印掌湖广都司印河南都司佾书黄明臣充保定巡抚标兵坐营官

○河南祥符人李相首倡白莲教煽惑远近造拐妖书妄意纠众超手中原事觉诏收磔之余各编戍

○壬子夺保定巡抚张鹵俸三月以荐举长芦运同卫重鉴非其所属为科臣秦耀参其违例故也

○赐原任南京礼部尚书尹台祭葬如例

○癸丑升刑部右侍郎刘一儒为左侍郎而以都察院左副都御史刘思问为之右
○赐总督漕运都察院右都御史兼户部右侍郎江一麟祭葬如例一麟繇嘉靖癸丑进士起家州守历广东副使参政按察使浙江左右布政使升右副都御史巡抚南赣至今官所在著绩其在广东招抚从贼徐寿等三千余人擒贼首会一本等一鼓而歼倭寇与山寇苏继相山酋杜高连合之众数千解电白之陷于倭者旋即安堵其在南赣有积年巨寇叶秸聚众剽掠乃谕以顺逆祸福传示归顺免死牌于各堡悉皆顺服楷自缢死平其地设长宁县治其绩尤伟及督漕时水患方剧灾伤频仍荒度抚摩逾年而两河复故至是卒于官

○调大同新平参将陈琦于本镇北西路而起原任宣府万全副总兵李泮以原衔代之

○先是广东龙川县猴岭巢逆贼鲍时秀等四出剽掠督臣檄行该省官兵剿平之捷闻 上命赏刘尧诲银币升总兵黄应甲职二级参将李金一级仍与参议刘倬副使张尧年等赏各有差

○甲寅赐原任户部尚书马森祭葬如例森初为户部主事榷税九江即以廉能著声迨出守雪冤狱裁貂铛减供亿治行甲江南迁副使历副都御史俱有惠政及为户部尚书有中使传旨取官帑买金入内森力持不可遂止旋以母老终养后屡荐弗起其为人尚修介且深明理学多所著述学者宗焉

○乙卯管河工部郎中加四品服俸余毅中卒诏赠太仆寺卿以恤其劳

○宣大等处贡市竣叙诸臣劳于事者督抚郑维张佳胤买应元高文荐并总兵郭琥等各赏银币有差

○命武平伯陈永禄掌府军前卫印

○丙辰 上御文华殿讲读月如常期○召巡抚山西都察院右副都御史高文荐

回院管事

○巡仓御史刘致中条议仓漕要务六事一互呈样朱以防插和一广辟晒场以速完纳一限制斛口以示均平一酌裁门税以免稽迟一曲体运官以禁需索一预塞弊孔以绝盗贼该部酌议覆请 上依其拟只门税照旧不准停免

○丁巳顺天府进春 上御皇极殿受之百官致词称贺

○降广西按察使林澄源江西左参政余希周三级桂林府知府吴肇东潯州府知府萧腾凤六级革同知米成武等职为民以违禁驰驿也

○戊午吏部引奏大选给繇官员 上亲裁决如制

○赐大理寺卿宋仪望祭葬如例○升山东副使洪济远为辽东苑马寺卿云南保定军民府知府辛存仁为副使

○改广东潮州参将叶欢于西山

○己未升山西左布政使辛应乾为都察院右佥都御史巡抚本地方

○升陕西按察使孙坤为四川右布政使

○改原任山东左参政欧希稷广西右参政王天爵于江西

○庚申升户部郎中谭启为福建副使查勘田营

○户部郎中柴承学奏称淮凤所开之地原是熟田抛荒并未创开无粮荒地间有以旧种熟田冒称新开者招回人口虽暂安插未必领牛种田以至塘坪树株半属虚增册内原报地数人数半多虚捏部议谓在事诸臣肆为欺罔宜重处以惩之 上命革监督营田副使史邦直职其查处府州县卫各官悉如部议 命原任镇守湖广总兵怀宁侯孙世忠掌前军都督府印

○升宣府副总兵贾国忠署都督佥事充延绥总兵官

○以南京右军都督府佥书安大朝充贵州总兵官

○以镇武堡游击曹篔蓯镇马兰峪参将陶世臣居庸关参将葛臣镇番参将汪廷佐延绥镇靖堡参将刘滋俱为副总兵篔辽阳世臣延绥臣甘州廷佐凉州滋宁夏

○以南京前军都督府都督佥事胡守仁为神机营右副将

○巡视京营礼科给事中姚学闵等举劾各营将领以肃戎政俱如议黜陟之

○辛酉兵部引奏大选官员 上亲裁决如制

○召礼部三法司官赐以岁终湔除敕○升湖广右布政使侯于赵为山西左布政使陕西左参政李戴为按察使直隶顺德府知府杨邦宪为山东副使

○命清平伯吴国乾管理义刀围子手口陕西慧济寺番僧并哈尔占吉古车禄等族各备马匹方物进贡给赏如例

○癸亥 上御文华殿致斋

○升湖广按察使晋应槐为右布政使山西副使霍维恭为陕西右参政

○陕西道御史孙旬 < 孙 毓-金 > 论抚臣张鹵数其四罪其一谓荐举卫重鉴为

造局大使一员都察院司狱一员通政使司右通政一员眷黄右通政一员大理寺左评事一员顺天府管军匠通判各一员都税司正阳门分司各副使一员国子监助教四员学录一员太常寺博士一员协律郎一员赞礼郎五员司乐十二员光禄寺典簿一员大官署署丞一员尚宝司司丞一员上林苑监蕃育署良牧署录事各一员未补给事中户科四员礼科二员兵科五员刑科四员中书舍人二员行人司右司副一员行人五员詹事府主簿厅录事一员俱应裁革遗下事务各衙门归并兼管因言去弊贵果更化宜渐事体人情并行不悖庶为停妥今应裁官员携家跋涉苦尽令回籍守候计二三年除补方毕各官多系始进向用方新空延岁月不无向隅之悲合无各令照旧在任供事待有升迁事故原缺停补 上曰各官既已裁革又令照旧管事殊非政体姑着在任候裁以后有缺每三员以二员尽候裁填补务在一年之内尽数补完以称朕省官责实之意余依拟○升南京吏部验封司郎中王鼎爵为河南提学副使

○命提督狼山副总兵戚继美金书南京右军都督府事

○癸酉大虏二万余骑犯辽东从大镇堡入突攻锦州分掠小凌河松山杏山等处总兵李成梁督兵驰援斩获虏首一十八颗翌日虏出境初九日虏二百余骑犯辽阳长宁堡副总兵曹簠帅兵迎敌斩虏首二颗督抚梁梦龙等上其事言参将熊朝臣血战保城乞加重赏簠斩获虽不多士气顿增阵亡加衔游击周之望效死报国俱应赏录并列参将栗卿等疏虞之罪部覆上请乞查勘 上从之诏赏熊朝臣等银两有差○甲戌命太监杨辉督修正一真人张国祥祖坛庙二科给事中王道成等上言 皇上登极以来雅重儒术修明王道故尝笃信尧舜禹汤文武相授之心法彼异端之徒正明主所亟斥而远屏焉者今国祥何人其祖坛庙不过一方士冢耳岂宜与之修理且禁近内臣不轻差出往年太监杨辉曾差往承天修 显陵矣惟 陛下岂重 圣祖则有是命非常典也今亦使内臣为之督工岂不失轻重之伦哉即 陛下所施与捐自宫中然亦莫非小民膏血乞赐 乾断勿徇国祥所请< 足 铤-金 >入纳之

○乙亥总督陕西右都御史郅光先奏称定边道地属两镇事多掣肘相应裁革所遗边墙城堡盐法事务属延镇者归并靖边属宁镇者归并宁夏各管理部议从之

○巡按直隶御史刘光国会勘原任易州粮储员外秦邦彦管粮重入轻出召买通□侵克官箴扫荡乞提问追究得旨秦邦彦照贪例革职为民巡按御史提问具奏

○赐山阴王俊栅书院额名乐善仍给与经书从王请也

○丙子 上御文华殿讲读

○以协守漳潮等处副总兵侯继高提督狼山等处副总兵官

○试御史范鸣谦题本月初五日狂霾蔽天人情悚惧随蒙 皇上传谕边仰见遇灾忧惧之诚但边防固所当饬而内治尤所当修如刑罚未当乞敕有司不许混拟久监惟图取盈赃罚贪墨未息乞敕新选官员不许借贷豪门致赴任责收无措横肆诛求荒芜未垦乞敕淮凤二府官员留心农事如山东沂州费县久称荒壤渐变桑麻盗贼未

管马通判一员五城兵马副指挥各一员留守五卫千户所吏目各一员

○吏部尚书王国光引年乞休 上慰留不允

○海西者刺等卫女直夷人都督佥事歪卜等来朝贡宴赉如例

○壬午 英宗睿皇帝忌辰 奉先殿行祭礼遣中官祭 裕陵

○甲申 上视朝

○命中都留守司佥书署副留守庞成裕充五军营游击○丙戌 上命翰林侍直诸臣不拘诗词歌颂每员各撰一首以进

○升湖广布政使晋应槐为本省左布政使山西按察使严大纪为本省右布政使

○兵部覆顺天抚按张梦鲤等题称顺永二府所属州县额编驿递站银并军卫协济及外省南马价银共一十四万九千余两近遵例查议于地亩均徭内通融酌量减徵五万七千四百有奇实编银九万一千五百两有奇乞永为遵守以宽民力其外省协济马价在永平者相应照旧角□羊给在顺天者仍角□羊该府收贮以备各驿递闰月及荒歉不虞之用 上命如议行

○丁亥 上御文华殿讲读是日出玄兔图命辅臣及日讲侍直诸臣各咏诗一首

○户部覆顺天湖广陕西四川新减存留银数顺天实编银二十九万六百余两减去银一十一万五千九百余两湖广实编银五十七万三千七百余两减去银一十一万九千七百余两陕西实编银五十一万七千九百余两减去银七万五千余两四川实编银五十二万九千余两减去银五万六百余两乞刊成书行所属永为遵守从之

○诏吏部今后选南京户部山西司管粮主事本官凭内添注凤阳仓定限三年照边镇管粮郎中事例仍听本部考核从南京户部尚书王好问等请也

○戊子赐敕赏套虏都督同知卜失兔阿不害等彩币陕西总督题其监市无扰故也

○兵部上言大阅之礼国家重典 皇上登极九年正当举行之时伏祈 圣明钦定吉期躬临大阅用张九戍之威 上命定于三月初三日查隆庆三年事例行于是礼部上大阅仪注

○发太仆寺银三万八千七百两于宣府充本年市本

○兵部题浙江御史帅祥勘过万历八年四月内倭贼突犯浙江韭山等处外洋官兵先后攻击沉其舟六擒斩九十五名颢并列有功效劳文武诸臣应叙赏例 上命赏巡抚吴善言银二十两纁丝二表里总兵吴国银二十两兵备唐本尧等各十五两游击张澡等银有差其获功被伤官军俱升赉如例

○升广西按察使孙光祖为湖广右布政使山西左参政贾待问为山西按察使

○己丑命大同入卫游击彭时万充参将提调宣府南山

○月犯南斗魁第三星

○庚寅大学士张居正张四维申时行考察遵例自陈 上温旨慰留不允○辛卯

张稽古俱为本省副使原任山东副使张国修为陕西副使原任云南副使郑岳为广东副使裁革原任陕西右参政兼佥事王汝梅改补陕西右参政升湖广永州府知府华启直为贵州副使

○广西左布政使郑云璫以疾乞致仕许之

○癸卯祭大明于朝日坛遣公徐文璧行礼

○陕西贡市竣赏督抚郃光先等银币有差

○户部题覆河南抚按褚鈇许子良奏称所属州县额编驿递银四十五万一千六百两裁过十万有奇今遵旨查核复裁十万有奇止编二十四万七千七百两通行各属永为遵守得旨依拟行

○考选军政都司许登瀛指挥侯汝谏等留用黜革如例

○南京兵科给事中李国观御史张一鯤等以军政拾遗论劾宣府总兵麻锦福建总兵呼良朋贵州总兵郭成南京守备魏国公徐邦瑞广东总兵黄应甲副总兵陈璘南直副总兵郭坚四川松潘副总兵胡恩五军营左副将焦泽延绥参将濮东阳等当罢斥兵部覆请得旨黄应甲陈璘留用麻锦呼良朋降三级着策励供职胡恩郭坚革任

○甲辰孝贞纯皇后忌辰奉先殿行祭礼遣伏羌伯毛登祭茂陵

○祭三皇于景惠殿遣侍郎何雒文行礼

○左通政陈学曾右通政郭廷梧大理寺左少卿臧惟一右少卿刘良弼鸿胪卿贾名儒提督四夷馆太常少卿蒋遵箴太常少卿林景旻陈三谟太仆少卿刘世曾裴应章乔因阜顺天府丞赵焕各自陈不职吏部覆请得旨陈学曾等照旧供职郭廷梧陈三谟调南京用

○升贵州副使余一龙为江西右参政河南佥事胡时化为广东左参议湖广佥事傅霖为陕西右参议河南佥事王胤祥为四川左参议○是日上命文书官丘得用传谕内阁欲将永年伯王伟弟男加恩授职辅臣拟王伟弟俊男栋各锦衣卫正千户顷之得用复传圣意曰正德年间皇亲夏助等俱授锦衣卫指挥使等官世袭今何止授千户又无世袭字样辅臣张居正等回奏正德间虽有此例至世宗皇帝登极后悉已厘革凡皇亲授官大小虽不同皆不许世袭故太和伯陈万言系元配孝洁皇后之父伊男陈绍祖止授尚宝司丞文官又查隆庆年间今仁圣懿安皇太后之父固安伯陈景行伊男陈昌言初亦止授锦衣千户至皇上上两宫尊号方升昌言锦衣卫指挥佥事次男陈嘉言锦衣副千户慈圣宣文皇太后父李伟封武清伯男李文全授锦衣卫指挥佥事次男李文贵授锦衣副千户俱无世袭字样当先帝龙飞之日皇上嗣统之初加恩陈李二家例止此皇上虽欲优厚外戚岂可踰于两宫皇太后之家乎今奉圣谕令臣等改拟谨斟酌近例拟将王伟男王栋授锦衣卫指挥佥事弟王俊授锦衣卫正千户至世袭则祖宗旧例决不敢违越次日上复遣文书官宋坤传谕内阁令查德平伯李铭事例居正等复奏查得隆庆二年穆宗皇帝封锦衣卫副千户李铭

为德平伯铭为其弟锦衣百户李钰乞升锦衣卫指挥僉事比时并无荫授伊男官职事例至李铭故伊男舍人李鹤奏袭前职该部覆称皇亲封爵原不世袭特旨李鹤准授都督同知不为例臣等看得李铭系 先帝元配 孝懿皇后之父当授封之时并无恩例李钰虽蒙升职乃是于其祖职上加级非荫授也至其子李鹤当李铭在时止是舍人铭故后乃蒙特恩授今官亦非生前荫授也臣等窃谓若比前例反为太薄不如仍用臣等昨日所拟似为极当 上允之

○工科给事中刘弘海题为敦俭朴省织造以光 圣德事伏读 祖宗谟训见我成祖服敝垢之衣语侍臣曰朕虽日十易新衣未尝无但自念当惜福故每浣濯更进因备称 太祖见 高皇后躬补缉喜曰富贵勤俭若此正可为子孙法故常守先训不忘此 祖宗家法正 陛下所宜恪守勿替者今织造样制新巧繁多其于 二祖之意谓何矧近年边境桀虏肆侵东南洪水重沴元气稍稍虚惫矣伏愿 皇上守崇俭惜福之训敦悯灾省费之实将已前未完段疋姑暂停缓近降新样必不容已量酌减数庶节俭以昭财力不匮而 圣德光于天下矣既部覆请如科臣言 上命新旧兼织机匠不必增添其新样改派苏杭抚按官督造角□羊用

○乙巳升湖广右布政使孙光祖为广西左布政使荆州知府秦宠为广西副使

○丙午 上御经筵

○遣顺天府官祭 先农之神

○升广东右参议王来贤为贵州副使河南怀庆府知府曹子朝为湖广副使除原任山东右参政郝杰为河南右参政兼僉事

○巡按顺天张梦鲸以泰宁卫都指挥僉事虎秃罕虎兔孛来朵颜卫孛儿□福余卫脱力赤蟒吉儿在边向化有进马劳乞加衣一袭表里三随贡关领以劝忠顺诏可

○汰苏松徽宁兵备所辖官兵七百七十九员名岁省饷六千六百两有奇

○丁未 上视朝○升河南按察使安嘉善为湖广右布政

○给事中秦耀御史钱岱等以考察拾遗论劾兵部尚书方逢时南京礼部尚书陶承学工部左侍郎金立敬丁忧刑部左侍郎王宗沐南京户部右侍郎程嗣功大理卿张鹵巡抚甘肃侯东莱原任听调巡抚曾同亨顺天府尹施尧臣巡抚云南饶仁侃南京掌院事右谕德范应期等不职当罢既而南京科道外吴瑄杨际熙等复糾逢时宗沐嗣功尧臣东莱及侍郎胡执礼等宜罢陶承学宜致仕得旨方逢时程嗣功留用陶承学王宗沐金立敬侯东莱曾同亨致仕施尧臣饶仁侃各降一级调外任张鹵范应期调南京别用胡执礼策励供职

○祭 历代帝王遣公徐文璧行礼 ○陕西宁夏督抚郅光先等条陈四事一花马池兴武营中卫俱屯兵贮饷之所城垣土筑应用甃石包砌玉井营宜另建甃城添兵防守一贺兰山一带关口三十七处关墙数重近皆倾圯宜循故址以渐修复广武边界抵中卫至镇关墩原筑边墙高抵不齐难恃防守应加高厚一东中兴武三路边长兵少

不足战守乞将议免入卫新游兵并镇武奇旧二营官军就近土居照数兑拨加添操备一兴武广武二营协同职衔体统稍轻乞更名游击仍管前项信地部覆从之

○戊申总督蓟辽梁梦龙宣大郑雒陕西三边郃光先两广刘尧诲漕运凌云翼巡抚顺天张梦鲸辽东周咏保定辛自修浙江吴善言山西辛应乾应天孙光祐大同贾应元宣府张佳胤江西王宗载湖广王之垣广西郭应聘山东何起鸣河南褚鈇福建劳谦陕西李尧德四川张士佩宁夏萧大亨延绥宋守约南赣王廷瞻贵州王缉邠阳杨俊民各以考察自陈诏俱照旧供职

○升河南道御史李栻为浙江副使浙江道御史陆万钟为广东右参议翰林院修撰范谦为福建左参议吏部主事成逊为山东左参议翰林院编修赵鹏程为河南右参议兼佥事福建道御史甘雨为福建佥事山西道御史刘致中为陕西佥事兵科给事中费尚伊为四川佥事

○升河南左参政丘岳为本省按察使

○己酉考察南京庶官六十七员黜降如例

○庚戌 上视朝赐驸马都尉侯拱宸诰命及冠服仪仗鞍马

○南京吏部尚书何宽户部王好问兵部潘季驯刑部陈瑞工部杨成右都御史刘斯洁总督粮储右侍郎程嗣功大理寺卿陈道基太常卿陈联芳应天府尹刘志伊光禄卿郑钦太常卿李辅国子祭酒戴洵各以考察自陈 上命联芳致仕余供职如故

○祭京都 太仓之神遣侍郎胡执礼行礼

○遣顺天府官祭宋丞相文天祥

○兵部尚书方逢时以屡经论列三< 疏 疏 >乞罢 上以大阅伊迺命安心供职不允辞

○辛亥升山东副使周思稷为河南左参政

○壬子 上御文华殿讲读

○癸丑 景皇帝忌辰遣宣城伯卫国本祭 陵寝

○改补钦依裁革原任浙江副使刘浑成为山东副使

○兵部题隆庆大阅例先期请钦定文武大臣二员提督守卫并九门各差京堂官锦衣卫官及废将一员监守 上曰前此大阅偶因边倣故各门戒严今时不同只照郊坛例行以武清伯李伟守卫○甲寅巡抚广西右副都御史张任卒诏赠兵部左侍郎荫一子入监读书给与祭葬任山西人部称其清谨素著在任有平妖功复卒于官虽三品未经考满得旨照例加优

○乙卯辅臣张居正等上言先该臣等题请命翰林诸臣将 累朝宝训实录摘其切于君德治道者分为四十款次第纂修陆续进呈随该讲官何雒文等以所辑第一款俱

太祖高皇帝开天肇基之事具稿到阁臣等稍为更定勒为创业艰难上篇僭题其

名曰训录类篇缮写进呈伏乞 圣明裁定俟日讲之日遵照前旨于文华殿如先年进讲帝鉴图说例从容讲角□羊一二条以后每纂完一卷即次第进呈接续入讲庶于圣学圣政少有裨益 上欣然留览

○蓟镇三屯营喜峰口各地震○辽东总兵李成梁击虜于柅 □粤郎兔败之时东虜土蛮黑石炭等糾众谋犯广宁屯住边外成梁侦知之于十九日督兵从大宁堡出境昼夜驰进离边四百余里至地名袄郎兔遇虜迎敌成梁督前锋精锐奋勇夹击自辰至未虜披靡败遁我师团营回次日虜复来追袭官兵回迎奋击且战且行二十三日五鼓入境在阵斩获虜首三百四十三颗内有名酋首阿亥恰脱柰等八颗达马四百三十匹夷器八百有奇捷闻 上遣官祭告 郊 庙文武百官各称贺

○福建道御史安九域勘上倭犯彭湖等处功罪官兵先后犁倭船伍擒斩倭贼二十名颗夺回被掳三十一名兵部覆请诏赏副使徐汝翼都司秦经国银各十两把总吴一崙俞咨益失于追逐夺俸三月○调镇虜堡守备郭朝纲于弘赐堡以正兵营千总王德义升补

○录辽东长宁等堡获功阵亡官军李宁等四十二员名升赏如例

○月犯心宿东星

○丙辰革山西行太仆寺卿章甫端职闲住以巡抚王之垣劾其原任兵备举动乖张也

○海西弗思木等卫女直都督僉事并台等一百八十九人赴京进贡宴赉如例

○丁巳 上视朝以大阅扈从赐辅臣张居正等大红彩织蟒衣一袭蟒鸾带茄袋花绦银椰瓢五事并扈从文武诸臣大红罗纒鸾带等有差

○命编修盛纳充编纂六曹章奏官○升右给事中李廷仪周邦杰尹瑾萧彦为左给事中史继辰为右给事中廷仪吏科邦杰户科瑾兵科彦工科继辰礼科

○河东巡盐御史房寰上言辽沁六州县旧食河东引盐路远难至亏额病民乞改行太汾票盐照例抽税供边官民两便部覆从之

○戊午清明节遣侯李言恭蒋建元伯李应臣杜继宗陈景行分祭诸 陵伯张元善祭 景皇帝陵寝都指挥僉事蒋克谦祭 哀冲 庄敬太子坟所 己未升礼部左侍郎林士章为南京礼部尚书

○仓场左侍郎胡执礼以人言乞罢诏照旧供职

○升巡抚顺天右僉都御史张梦鲤为右副都御史巡抚甘肃地方

○调大理寺卿张鹵为南京太常寺卿以巡抚山东右副都御史何起鸣为大理寺卿起原任太常寺少卿吕藿为太常寺少卿○庚申升都察院右副都御史高文荐为工部左侍郎太常寺少卿林景旻为南京右通政山东左布政王宫用为太仆寺卿

○以浙江布政使朱卿为顺天府尹

○原任镇守宣府总兵官马芳卒赐祭葬如例芳故夷产勇敢善战练习夷情尤善

抚家丁临戎对敌斩馘最多一时边塞倚之称名将云

○巡抚大同贾应元巡按直隶茹宗舜< 〇〇〇 铨-金 >称乐昌王自嘉靖三十三年奉旨迁移朔州而本府奉国将军廷土〇道廷宣〇住廷塘廷址故违 明旨延住镇城内廷土〇道廷宣〇住尤为稔恶乞分别罚治其镇辅奉国将军中尉仪宾等俱延挨未迁合无姑准镇城居住悉听代府铃束应支禄粮仍在大同关支至请名请封等项仍启乐昌王依例奏报礼部覆请得旨廷土〇道等各罚禄米一年廷塘等半年各宗都免迁移着代府铃束其名封等项应否亦听代府类奏

○辛酉 上御文华殿讲读

○火星顺行犯井宿北第一星

○癸亥 上视朝兵部引奏大选官员 上亲裁决如制

○顺天府尹施尧臣以拾遗降调奏称衰病不堪再任查例乞恩原职致仕许之

○升大理寺右寺丞郭思极为左寺丞江西道御史邵陞为右寺丞

○诏裁减湖广驿递银六万六千二百五十两实编银一十二万六千七百九十两有奇从抚按王之坦等议也

明神宗显皇帝实录卷之一百九

大明神宗显皇帝实录卷之一百一十

万历九年三月甲子朔升山东右布政使管理漕运事游季勋为浙江左布政使以右布政使杨一魁为本省左布政使副使袁弘德为山西行太仆寺卿兼佥事

○升吏部文选司员外署郎中事池浴德为太常寺少卿

○以大阅发太仆寺银三万两给赏各营军人三钱

○减杭州等府额编驿递银一万七千七百三十两有奇米一百五十石永免派徵从浙江抚按议也

○乙丑以礼部右侍郎何雒文为左侍郎升詹事府詹事兼翰林院侍读学士许国为右侍郎仍充副总裁专管纂修事

○诏升抚治郟阳右佥都御史杨俊民为右副都御史巡抚山东其郟阳并顺天巡抚官设自何年今应否裁革查议来说〇以都察院左佥都御史胡禔为左副都御史

○升太仆寺少卿刘世曾为右佥都御史巡抚云南等处地方

○除原任四川左参议苏民牧为山东左参议兼佥事

○升山东按察使翟绣裳为本省右布政使

○海西哈儿等卫女直都指挥佥事儂龙哈等入贡宴赉如例

○兵部覆保定抚按官张卤等< 〇〇〇 铨-金 >称易州城工完先今效劳官宜分别叙录 上曰内地修理城垣是地方官应行常事本等职业与边工不同如何便议升赏着抚按官查实在效劳人员量行犒赏其司道等官该部纪录并以为例

○丙寅大阅是日早遣临淮侯李言恭祭旗纛之神 上幸阅武场亲阅营阵并较

台一百一座铲削偏坡五百八十七丈建潮河川大桥一座昌镇修边墙四千六百四十一丈敌台十座铲削偏坡五十五处俱高坚壮丽钱粮更无破冒兵部乞录该镇效劳诸臣上以蓟昌密迩京陵与寻常边工不同诏加梁梦龙太子少保戚继光荫一子锦衣卫百户杨四畏升右都督张梦鲸升俸一级该镇文武升赏有差仍敕叙录后阅视不得再叙如有损坏虚冒仍照前旨查参其余紧要隘口即自十年兴工不必拘定递歇之期惟延绥等处入卫边兵今后再不许用做工务加意抚循养其锐气以备防蓟援辽调用

○甲申裁革应天福建仓大使等冗官四十六员

○诏旌表武学生尹文妻丘氏氏工部郎中丘瓚女幼适文文病危氏即以死誓文死尽鬻衣饰为夫及已营葬具乃拜辞舅姑水浆不入口凡十四日而绝御史邢侗上其事故有是命

○升湖广武岗守备王惟一为本省行都司佥书

○命南京锦衣卫佥书景应光掌南京锦衣卫事 乙酉升刑部右侍郎刘思问为户部左侍郎总督仓场

○总督南京粮储户部右侍郎程嗣功乞致仕许之

○巡抚宁夏萧大亨题称万历九年互市以八年用过钱粮为则例计少银一万七千余两乞于本镇客兵银二万两内动发一万两以备本年互市应用以后年分定为规则照数给发部议互市羁虏固不可骤行减赏亦不可每年加增万历七年以虏王俺答东归该镇请讨客兵银四万两本部酌发银二万作八年年例备互市支用今复请讨客兵银一万两作九年互市又欲开销借过银两费溢往时年复一年何所底止臣等酌议客饷当每岁量支主饷当禁其再借乞将陕西布政司库贮口税盐课等银共足一万之数听备该镇九年互市以后年年分准发客兵银一万两不许将主兵银擅行借支 上如部议

○命中都留守司协同佥书杨森掌江西都司事云南都司佥书赵琼掌本省都司事

○巡按山东于应昌奏称勘过万历八年夷酋王兀堂糾众入犯宽奠副总兵姚大节督兵迎敌出边追击克破巢寨斩首六十七级内有贼首金继道等三名大节应加府衔守宽奠指挥佥事王懋德亦应免究有功员役应行升赏

上命升大节署都督佥事余依拟行

○应天抚按孙光祐陈荐题称徽宁池太安广六府州所属驿递节年支剩银一万八千六百九十两有奇抵充万历九年分应编支应等数各府州应编站银自十年为始每年共减编一万九千七百五十两有奇永免派徵实编六万八千一百三十两有奇乞通行遵守部覆从之

○命提督京城内外巡捕王化熙佥书南京前军都督府事

○丙戌升神机营佐击孙锦充五军营游击

千九百四十两有奇但原报开田十分今计上二分招复人户十分今查止四分府州县治农等官均应参究部覆分别上请 上以各官捏报招垦虚数罔上要功降周守愚二级余依拟行

○虜克石炭以儿邓小歹青等聚众从长安堡深入辽阳副总兵曹簠领兵驰追至堡东陷虜伏中杀伤千总陈鹏把总曹汝楫阵亡官军三百一十七员名射死马四百六十四匹掳去男妇二百九十八口牲畜粮米数百御史于应昌上闻因劾簠寡谋丧师都司张奇功策应观望备御崔吉等设备不严乞分别重处抚镇官素有功相应免究 上命革曹簠张奇功任并崔吉等下巡按御史提问周咏等免究

○先是盗劫丹阳县乡官贺邦泰家科臣王致祥< [] 铨-金 >其事兵部言地方官不行奏报缉捕乃蒙蔽延迟如科臣所言该道府县罪固不可逃而抚按并应量加罚治 上谓镇江失盗是去年秋间事其夥盗已于别处捕获抚按官如何说是十月间事上下蒙蔽法度不行职守何在罚孙光祐田乐俸三月李熙半年钟庚阳等俱住俸缉捕仍命有怠玩僨事者两京科道官劾奏

○丙午 孝懿庄皇后忌辰 奉先殿行祭礼遣庆都伯杜继宗祭 昭陵

○丁未命总督薊辽兵部尚书梁梦龙回部管事

○诏旌表汝阳王府已故镇国中尉睦挺恭人路氏子勤懿从河南抚按< [] 铨-金 >其母子节孝也

○礼部题覆衡府宁阳王载埉具奏冒嫡夺爵查得载埉系衡庄王庶五子与兄庶二子载圭同一妾母王氏所生缘载圭以庶长子进封亲王故王氏以夫人追封继妃载圭薨无子则庶三子载封以长袭兄爵似于伦序相应载埉惑于母氏封妃之故乃隐匿其父嫡妃于氏欲冒嫡挤兄觊觎王爵此必听信奸人拨置故敢妄陈乞再行查勘以服其心得旨该藩袭爵伦序据牒册题例已开载明悉不必行查载封仍准册封载埉匿情妄奏且不究辅导官并同谋拨置之人着巡按御史提问其亲王妾应否封为继妃还查明改正行

○发太仆寺马价银六千两于薊镇充造新兵营房

○戊申调江西左参政萧遍为山东左参政

○己酉裁革江西陕西延绥郟阳等处司府州县佐贰杂职等官共三十一员

○户部题各省直抚按等衙门每年应角□羊赃罚银两赴部济边遵行已久但各官升迁事故接代不常以致未角□羊银两互相推诿乞通行抚按等官以后务将实在地方日月扣算每年照数依期完角□羊弗得仍前新旧相诿 上曰赃罚银两未经奏留支销即系私用该部便行与各抚按官互相稽查曾否奏留作何支用作速具奏原无额数者还与酌量定额

○诏寿阳长公主五日一朝若遇节令不拘日期○山西蔚州地震有声如雷房屋震裂同时大同镇堡各州县俱地震有声

○庚戌

上御皇极殿传制遣西宁侯宋世恩等为正使持节翰林院修撰沈懋学等为副使捧册封秦世子谊湣为秦王进封代府太平王鼐铉为代王衡府武定王载封为衡王王氏为衡王妃益府世曾孙常<□□? 迁>为益世子夫人王氏为益世子妃辅国将军常溱为黎丘王常浆为浦阳王常汭为淳河王常汛为华山王常涑为筠溪王常湑为罗川王舒城府嫡长子翊银为舒城王吉府庶长子常淳为吉世子岷府善化王嫡长子干土□□为善化王余氏为善化王妃崇府庶二子常□? 水聿□为南阳王周府博平王嫡长子勤火□矣为博平王夫人刘氏为博平王妃仪封王嫡长子肃□? 必皿□为仪封王鲁府庶六子寿鎡为富平王庶七子寿铉为常德王庆府庶长子伸域为绥德王庶二子伸宣□佳为镇原王楚府庶二子华璧为宣化王襄府庶长子厚燧为镇宁王西域兵马副指挥洪一慎女洪氏为德府安陵王妃平凉府民王立新女王氏为韩府长吉王妃

○辛亥 上御文华殿讲读有顷辅臣张居正等入至后殿讲训录毕以南科给事中傅作舟<□□? 毓-金 >进览居正因奏云今江北淮凤及江南苏松等府连被灾伤民多乏食徐宿之间至以树皮充饥或相聚为盗大有可忧 上曰淮凤频年告灾何也居正对云此地从来多荒少熟即如训录中所载元末之乱亦起于此今当大破常格赈济以安之臣等拟令户部议处动支各州县库银仓谷不足则南京见贮银米尽有赢余可以协济民惟邦本愿特加 圣心 上曰依先生议处居正言 皇上天性至仁爱民如子臣等每奏灾伤即惻然悯念凡请蠲请赈未尝不慨然赐允而臣等亦仰体 圣衷无日不以忧民为心安民为事四方奏乞蠲贷拟旨允行者无月无之而在外诸司往往营私背公剥民罔上非惟不体 皇上子惠穷困之德意且不知臣等仰赞 皇上之愚忠殊可恨也且人臣居官食禄皆有养民之责故虞舜咨十有二牧牧者养也今有司坐视民瘼痛痒不相关如作舟<□□? 毓-金 >云报灾则曰不敢报又云请赈则曰不敢请此亦何不敢之有不过推调支吾归过 君上何尝有忧民之心即如积谷一事屡奉旨申饬竟成虚文彼皆有自理赃赎未尝佐公家之急则将焉往臣等不胜愤懑窃以为此辈若遇 圣祖不知当以何法 上怒形于色曰有司为民害者当着实重处居正对云今后有犯者当如 圣谕居正复奏云近年以来正赋不亏府库充实皆以考成法行徵角□羊如期之故今大江南北荒歉如此河南又有风灾畿辅之地雨泽愆期二麦将稿将来议蠲议赈势不容已赋税所入岂能如往年惟 皇上量入为出加意撙节如宫中一切用度及服御之类可减者减之赏赉可裁者裁之至如施舍一节尤当禁止与其惠缙黄之流以求福利孰若宽恤百姓全活亿兆之命其功德尤为大乎 上曰然今宫中用度皆从节省赏赐亦照常例无所增加居正云 皇上所谓常例亦近年相沿如今年暂行明年即据为例非 祖宗旧例也臣不敢远引如嘉靖中 世宗皇帝用度最为浩繁然内库银两尚有积余隆庆初年东裕库尚积百余万今每岁金花银一百二十万按季预进随取随足常称缺乏有限之财安能当无穷之费乎臣等职在辅导为国家长久之

虑不敢不尽言惟 皇上留神省察 上曰先生每忠爱朕知道了居正等叩头退

○命右都御史管兵部左侍郎事吴兑以原官总督蓟辽保定军务兼理粮饷

○壬子诏送琉球国官生郑周蔡常郑迪于南京国子监肄业

○癸丑 上御文华殿讲读有顷御后殿辅臣张居正等进讲训录是日吏部会推兵部左侍郎< 〇〇〇 毓-金 >上列工部右侍郎高文荐巡抚宣府右副都御史张佳胤二人名以请居正因奏总督陕西三边员缺日久 上曰是郅光先居正曰光先近守制边务重大急须人代文荐堪任此职 上曰随材器使正好居正曰若待部推未免更淹时日不如即于此< 〇〇〇 毓-金 >批出令其上紧往代嘉靖中 世宗用人间于旨内径批不由部推 上曰朕见 皇祖时票帖如此类者甚多先生每拟票来居正等出 上随令文书官趣票入即日得旨文荐改兵部左侍郎兼右佥都御史总督陕西三边军务而以兵部右侍郎王一鹗转左佳胤升右侍郎

○铸整饬兵巡下川南道管理清军驿传屯田盐茶水利关防二颗从四川巡抚张士佩请也

○乌思藏朵甘思宣慰等司国师喃哈孟喇麻温等进贡方物宴赉如例

○甲寅应天抚按孙光祐等题称应天苏松等十一府州县条编均徭里甲驿传每岁原编银八十七万八千六百三十余两今递减公费等银七万八千五百余两又改入平米银一万一千七百四十余两实编银七十七万八千三百八十余两乞刊册颁布以便遵守部覆如拟

○礼部奏题昨奉 明旨亲王之妾应否封为继妃臣等看得亲王庶子受封其母止封为夫人此旧例也其后始议亲王袭封而嫡母不存其生母应封夫人者准封次妃又其后缘蜀王宣圻之请其生母应封次妃者加封为继妃夫继者绝而复续之谓也今制正妃故而遵例继选者乃谓之继妃以所生母而称之曰继岂所谓名正言顺乎此衡府宁阳王之拟嫡挤兄争端所由起也今后亲王生母止照正德年间例许进封次妃不得仍前滥请继妃封号乞永为定制 上是其议

○乙卯户部覆南京给事中傅作舟奏南直灾伤< 〇〇〇 毓-金 > 上命南京户部发银七万两江北四万江南三万即差官二员分投赉付各抚按官查各在仓米谷及未角口羊南粮设法赉济务使贫民得沾实惠余俱依拟仍敕部曰朕自即位以来蠲赈之令无岁不下一切裁省清查亦无一念不在于邦民乃各地方官全不体朝廷德意剥下< 〇〇〇 贝巴 >已罔上行私据被劾赃迹动盈千百其号称贤能亦不过善于趋承结纳何有爱民实意即如积谷一节原以备赉亦都不着实奉行及至灾伤束手无策不知平日所理赃罚作何支销抚按相与朦胧欺罔及归怨朝廷饰非掩罪好生负国殃民且姑不查究今后再有这等拏来重处抚按官一体治罪

○户部进万历会计录先是尚书王国光辑部中前后条例编纂成书濒行奏上请刊布中外 上览之嘉其留心国计命户部再加订证至是书成凡四十三卷名万历会

计录部臣缮写进呈仍乞刊布 上命留览依拟刊行仍送史馆采录

○丁巳裁革四川司府州县佐贰杂职等官共二十六员

○戊午升大理寺卿何起鸣为工部右侍郎

○南京试御史郭惟贤劾南祭酒戴洵庸肆不堪成均南给事中吴之美亦论操江都御史胡嘉谟庸劣并参洵乞俱罢斥嘉谟具〈疏〉乞罢部覆上请 上命嘉谟回籍调理洵调外任用洵具奏乞休着以原职致仕

○己未吏部题称抚治郟阳都御史添设百余年来更置州县安集大定且三省各有巡抚而郟阳所属有参政副使四员使能协谋夹持必不误事抚治都御史似当裁革至顺天地方先年原未设有总督止巡抚一员至嘉靖二十九年始设总督而疆场不过千里查得淮扬两广总督俱兼巡抚彼地方辽远且然况密云去遵化止二百余里则顺天巡抚委宜裁革归并总督兼管 上从之仍命总督吴兑兼兵部左侍郎管巡抚事

○户部题称顺天八府州县丈出并首出宫勋备边牧马军屯等地共二千八百三十五顷有奇每年额徵银六千九百二十两粮二十四石有奇及勋戚新旧庄田一万一千五百五十余顷除成国公朱应桢等应照旧管业其驸马戚畹子孙谢文铨等酌议减夺有差报可

○户部以外进金花不敷宫中用度太滥上言近日宫中赏赐或因一事偶加或因一事暂加遂据为例实非 祖宗旧例也使时和岁稔小民徵输不欠有司角□羊运依期臣等犹望 皇上严谕内监加意撙节停止买办银两以复旧额况今江北江南天灾流行民多饿莩止计金花一项拖欠已多糊口无资钱粮何办若不预行题请临期有误恭进伏乞俯念地方灾伤一时起运不敷少宽限期改于本年六月初旬待各省角□羊到前银一并恭进更望查复赏赐旧例查革额外增银是亦遇灾恤民之实政 上以端阳节近内库缺乏着暂于太仓银库凑数进用仍着上紧催角□羊补还

○调延绥副总兵陶世臣管分守蓟镇古北口参将事古北路参将杜桐加副总兵职衔调协守延绥等处地方从总督梁梦龙请以桐任事勤勇世臣熟知险隘兼得夷情故有是命

○诏再免河南班军三年扣价角□羊班以资修工造器从部覆督抚官郑雒等议也

○庚申虏酋俺答请讨番僧诏前番僧坚参扎巴等往事完仍回

○辛酉命巡抚宁夏右佥都御史萧大亨以原官巡抚宣府地方赞理军务○升巡抚甘肃右副都御史张梦鲤为大理寺卿

○先是巡按广东梅淳劾王朝兴赃迹甚多至是奏拟赎徒发原籍为民 上曰王朝兴原劾赃私甚多及勘问通无下落止将一二轻赃坐罪若非先劾不实必是后勘循情王朝兴姑依拟前有旨各巡抚官访有所属官员恶迹或被告讦即便严提干证面质果有实迹方行论劾近来各官通不遵行始则轻行论劾以著风力终则模糊问拟图了

前件以致公道不明罪有枉纵今后再有这等吏部都察院从公查参处治

明神宗显皇帝实录卷之一百一十一

大明神宗显皇帝实录卷之一百一十二

万历九年五月癸亥朔工部题覆河南抚按褚鈇许子良以地方灾疲乞将节年拖欠钱粮蠲缓得旨河南地方既灾重民饥各项拖欠钱粮准尽行蠲免以苏民困着抚按督率有司遍行晓谕使知朝廷恩惠

○甲子起原任南京户部右侍郎粟永禄为兵部右侍郎兼右金都御史巡抚甘肃等处地方

○升太常寺少卿吕藿为南京右金都御史提督操江兼巡江事

○巡按山西御史房寰参山西左布政使秦吉士钱粮出没致腾物议奉旨照不谨例冠带闲住

○原任太仆寺卿朱南雍乞回籍调理许之

○礼科都给事中帅兰等题称迺者亢阳垂象日赤无光地震不宁金宿失色风霾连旬步占家咸称旱徵入夏雨泽愆期四方灾告者踵至乞敕各衙门除循例修省外务精白乃心夙夜不懈如有恣玩甘悖官常封殖不恤民隐者容臣等指实参究斯则上下交儆庶阴阳和而灵雨零矣部覆请严行申飭 上纳其言

○诏给番僧朵儿只唱与僧徒歹鬼骨儿各救命图书从总督郑雒 < 足 毓-金 > 称顺义王俺答陈乞也

○乙丑以端阳节赐三辅臣及讲官何雒文等六员金书黄红符金艾叶有差

○铸武昌湖北上湖南下湖南荆西各分守道及辰州府管粮通判关防

○丙寅升兵科都给事中王道成为太常寺少卿户科都给事中郝维乔为江西左参政

○广东从化增城龙门等县大雨溪壑泛涨禾田尽没倾毁民居淹死男妇不计其数

○海西可令河等卫都指挥僉事等官脱脱等男孙□□邦手等十五名求袭替换敕兵部覆请许之

○丁卯升湖广左布政使晋应槐为右金都御史巡抚宁夏地方赞理军务

○升右春坊右中允高启愚为南京国子监祭酒

○户部言勋戚庄田先因冒滥数多该屯田御史沈阳节行查出共地二万二千七百二十五顷六十亩零每年徵银四万一百六十两有奇既经追还官即当照例徵银角□羊部而州县官不行严追容纵欺隐致原额渐缺乞将顺天保定河间三府节年备边银两严查有无侵匿其未完银两严限追究如仍亏原额并原经催各官分别参奏得旨允行

○录辽东宁远地方阵亡被伤官军任茂等三十八名升赏如例

○升山西右参政张柱为本省按察使

○户部题覆凤阳抚按凌云翼等奏称淮安府属安东县治滨临河海嘉靖间河决草湾口水势直趋该县田土淹没后虽筑塞冷沙淤积不长五谷前巡抚胡桂芳有废县之议今两河工完草湾口渐复淤塞而士民安土重迁俱不愿废况该县盐盗充斥废县必须设兵反滋多事县治仍旧存留惟一应差粮须破格优处乞严敕该县掌印治农等官用心抚绥设法招复勿滥准词状以生骚扰勿过索供费以肆诛求如三年之内民安地垦县官< 〇〇〇 〇〇〇 〇〇〇 >荐擢用不职者即行参处< 〇〇〇 〇〇〇 〇〇〇 >入允行

○丁丑南京右都御史刘思洁< 〇〇〇 〇〇〇 〇〇〇 >言京察重典河南道职专咨访以备参酌而御史陈王道屡行催促竟无一字呈报怠肆偷安蔑弃大典乞查照议处以为人臣不职之戒诏降一级调外任用

○工部题称 永陵宝城黄土自嘉靖十八年以来至今四十二年不为不久乃十分尚亏其八谨稽往牒参以时宜条为六款乞 圣明裁定施行 上曰 皇祖宝城培土如何四十余年尚未完就这工程重大若用陵军班军未免又耽延时月终无完局依拟通行雇募刻期报完其应用钱粮着户部太仆寺查堪动银两酌量协济事例准再开三年余俱依拟行朕前恭谒 陵寝见 昭陵宝城亦欠高厚着一体加培俱不许苟且了事

○戊寅升山西副使梅友松为本省右参政

○诏释高墙庶人倪府口火宪< 〇〇〇 〇〇〇 〇〇〇 >旭榭家属

○己卯巡按陕西御史赵楫论劾洮岷兵备右参政马出图年老敕令致仕

○庚辰升山西佥事季遐龄为本省左参议

○裁革湖广总兵官掣回怀宁侯孙世恩到京听用

○辛巳升湖广右参政马文炜为本省按察使陕西西安府知府罗维垣为本省副使

○户部题覆光禄寺卿萧廩奏言大官等署白粮先年入浮于出寺臣虑其朽腐条奏本折间年一派及人匠粟米折银改支白米近年存积数少恐后供应不敷今岁东南岁饥姑准再折一年十年以后通派本色以十分为率每年上米准折二分中米准折一分永为后例其人匠粟米照旧折银不得仍支白米从之○癸未升户部署郎中事主事张惟诚为山西佥事直隶广平府推官鲍希颜为湖广佥事

○铸督理马政关防从太仆少卿裴应章议也

○甲申以辽东屡被虏灾诏预支各军月粮三月

○乙酉升浙江衢州府知府陈润为本省副使

○保定抚按辛自修等奏保定六府均徭里甲银计九十二万一千一百四十余两内角口羊部及兵饷等银二十九万五千八百二十余两无容议减其公费并工食等银六十二万五千三百一十九两先题议减银五万五千八百五十余两今复议减银六万

两余实徵银八十万五千二百八十五两有奇乞刊行各属永为遵守诏如议行

○丙戌部覆南京屯田御史陈王道奏南京锦衣等四十二卫屯田坐落星散官舍豪民诡名冒种占为世业前委官清查丈出余地一千九百八十余顷科粮二千六百石银三千一百余两行令各卫输纳更给新繇以便各军掺种从之

○锦衣卫乞裁五城及通州坐季千户二员百户二员以省冗散因言本卫以缉访为职间有不能悉知者多由五城兵马司密行申报近来往往隐匿容臣等行五城兵马司以后密报不得仍前怠玩 上曰厂卫系缉事衙门非广布耳目何由摘发幽隐以后五城兵马司都着遵照旧规但有紧要事情即密行申报如有抗违参来重治前有旨禁缉各官宴会及馈遗贿赂近闻宴会复多馈送如故厂卫所缉何事着用心访着

○戊子 穆宗庄皇帝忌辰 奉先殿行祭礼遣隆平侯张炳祭 昭陵

○南京试御史徐金星论劾南礼部尚书林士章太常卿张鹵不堪祀典乞赐罢斥吏部覆士章原无显过仍宜留用鹵屡经论列似难展布 上令士章照旧供职张鹵回籍听用已而士章引疾乞致仕许之

○蓟辽督抚吴兑等奏称开原逼近虏穴兵备官难久缺而新推副使杨邦宪到任无期乞严行催促或就近另推部请先行推补仍令湖广抚按官查勘具奏 上如部议命革邦宪任听勘

○吏科给事中顾问言臣前待罪任丘目击滹沱河每遇夏秋水涨漂流庐舍淹没民田不可胜纪而额粮见存百姓岁苦赔垫大半逃亡前抚按官计议< 疏-金 >浚或欲开故道或欲开新河未免此利彼害以邻国为壑终非长计莫若将饶阳河间以卞水占之地悉让为河动支该府节省并贖罚银两召募夫役挑凿河身使水有所容创筑堤岸使水有所束以图永久之规毋争目前之利其额徵钱粮若必不可缺即于府属州县每石量加分厘或有见淤沃壤清查照亩起科通融摊派部是其言请行抚按查看具奏从之

○庚寅戎政尚书杨兆引疾乞归不允

○升户部署郎中事员外靖四方为山东佥事

○辛卯命分守辽东宽佃等处参将姚大节为协守辽阳副总兵

○升顺天巡抚标下中军谷九皋为分守蓟镇石塘岭地方参将

○兵部上言国初战马原系官牧嗣因承平散养民间课驹起俵后以课驹不堪征战改为买角□羊大马之法寄养近郊其种马尚在民间百十年来困苦已极 穆宗皇帝采太常少卿武金议始革一半犹未尽除兹蒙 皇上俯容臣等议处臣等再三□□□田□画先年变卖未尽种马委宜通行变卖量徵草料银两以佐买马之费庶民害永除武事有备 上然之曰种马既全与起角□羊无干徒苦累小民依拟着行变卖以苏民困

○升应天府府尹刘志尹为南京大理寺卿广西副使刘世赏为浙江左参政

苏困苦一议就近给饷以恤运军一议扩充仓场以革包揽一议申严责成以保漕船上允行之

○庚戌升南京大理寺卿王廷瞻为南京户部右侍郎

○命宣府游击马孔英充大同入卫游击

○辛亥升福建右布政使舒应龙为本省左布政使○安南都统使莫茂洽差宣抚司同知梁逢辰等赍捧表文补贡嘉靖三十六三十九年分正贡万历三年六年分方物部覆茂洽并进四贡忠顺可嘉诏赐宴赏仍给敕褒之

○有流星如盏大青白色尾迹有光起天棊星行至西北二小星随之

○癸丑 上御文华殿讲读

○升福建按察使吴一澜为本省右布政使

○兵部言京营战车二枝兵马每秋出防蓟镇实欲习劳练战近因巡视官姚学闵等陈乞罢免随行该镇查议总督吴兑称边势稍缓应暂停止候有大警临时相机请发从之

○镇分守汝南道关防从抚治郟阳杨俊民请以督抚既革南阳隔壤难以扼奸防毙故给与之

○甲寅总督陕西郃光先劾延安兵备副使胡汝钦识闇才疏宜调简僻部覆上请诏汝钦冠带闲住○保定抚按辛自修李栋言西山一带系畿右重地各口设有官军防范矿徒乃者矿贼齐本敖等糾众拒捕杀伤官军虽擒获余党而贼首远遁把总官陈经翰何明疏虞失事乞分别罚治诏姑罚俸半年

○陕西督抚郃光先等题称万历八年七月内西海住牧贡夷丙兔糾众越河掠番混掳汉人头蓄伤死男女口负六名该镇宣布朝廷恩威而顺义王俺答等驰书切责丙兔悔罪送还原掳汉人并熟番男妇四十九名愿罚服马牛羊七百匹只执献作歹夷人火力赤等六名似应准其照旧市赏以彰信义仍行顺义王传谕河套松山诸酋恪守贡市如有生事作歹者一体处治其俺答卜失兔等各笃恭顺应分别叙赉至罚伏马匹牛羊原为伸威非利所有乞照宣镇银定台吉事例分给诸酋兵部覆请如议 上曰虏酋既认罪远徙执献贼夷自甘重罚姑准赦宥照旧抚赏火力赤等都饶死着拏送俺答以夷法处治其罚处头畜亦不必进边都给与俺答部众人等俺答约束西部恭顺可嘉赏银三十两大红纒丝蟒衣一袭彩段六表里布二十疋卜失兔阿不害切尽黄台吉各赏银二十两大红狮子纒丝一袭彩段二表里布十疋以示劝奖余俱依拟

○乙卯 上视朝

○赐辅臣府部大臣及讲官鲋鱼少顷复特赐辅臣张居正等及讲官何雒文等有差

○丙辰巡仓御史顾尔行条议水次三事一谓小滩水次向因河南粮户赍银至彼买米致奸棍营求包揽插和不堪宜行禁戢一谓遮阳海船年久损坏宜行修葺一谓运

官率多衰老不堪宜加慎选部覆如议因言浙江杭嘉湖漕粮本部旧差主事一员监兑后因科臣建议停差以巡盐御史事简议令兼摄而御史不能亲临致粮米粗恶系干国储查有先差旧例相应议覆得旨允行 上敕谕礼部 穆庙和妃赵氏于六月二十三日薨逝合行事宜照昭靖敬妃庄氏例行

○丁巳以开平卫指挥同知张三纲守备宣府紫沟堡地方

○戊午 孝庄睿皇后忌辰遣新建伯王承勋祭 裕陵

○诏新升宽奠参将杨绍勋以参将职衔仍留管前屯游击事调锦义参将栗卿补分守宽奠参将从总督吴兑请也

○叙山西边工督抚吴兑郑雒等升赉有差

○总督宣大郑雒言宣府贡夷满五大青把都部夷银定倘不浪等藉言赶牲于独石马营等堡射死军民掳去人畜因言满五大近因潜犯辽东方行服罪乃其散夷敢于作歹中必有说乞先停革本酋贡市遣使责问如送还所掠人畜执献罪夷抵偿死命姑容贡市倘执迷不服即将满酋一枝官职市赏通行革绝该镇严防剿处其副总兵董一元等身当一面谋之万全所当并罚 上命该镇督抚官相机处置务要妥当潜消衅萌

○己未升四川左布政使刘庠为应天府府尹

○庚申 上御文华殿致斋 孝穆皇后忌辰遣彭城伯张守忠祭 茂陵

○发宣大山西主客兵饷四十万六千三百九十八两

○辛酉升浙江右布政蔡汝贤为四川左布政使

明神宗显皇帝实录卷之一百一十三

大明神宗显皇帝实录卷之一百一十四

万历九年七月壬戌朔 上亲享 太庙

○调原任广东按察使周浩为广西兵备副使

○总督漕运凌云翼奏称仪真闸税宜酌水势不必拘泥取盈其瓜仪各闸坝应归并南河郎中管理不必添设主事部覆如议因言河道岁修钱粮宜敕督臣照各边年饷事例岁费若干存留若干悉角□羊工部贮库遇河工缺乏通融请给从之

○云翼又言茶城至留城一带运道咽喉节因黄水倒灌停淤渐高运船率多浅阻臣已督行司道兴工挑浚乞照往年事例暂停进贡船只支用钱粮俟工完核实具奏章下所司○癸亥升浙江按察使刘汉儒为本省右布政使

○甲子 上视朝


○乙丑考试实授范鸣谦等十四人为各道监察御史

○升河南右参政郝杰为浙江按察使

○户科给事中姚学闵等参获嘉知县张一心所报招垦人户田地俱抄写旧册乞行重处并将抚按等官量加罚治 上以张一心虚文塞责着降俸二级管事褚鈇等且免究

○丙寅兵部言国初设立巡简司皆在州邑交界及扼塞之处缉盗安民法制至善嘉靖末年有司率意条陈抚按轻听改革至有移巡简司于城内以便听事差遣者遂至盗贼易生缉捕不便今应天抚按等官欲将婺源泾县旌德各巡简司照旧复设有裨地方乞如议施行允之

○丁卯补原任福建右参政刘伯燮为河南右参政○河南抚按奏称裁过都司领班守备及所属宣武十五卫所指挥等官各供应额银六千五百八十余两后有越外科歛占役者听抚按指实参劾部覆报可

○兵部覆江西抚按〈 疏〉言江西站银原额十万有奇万历五年题减十分之三闾阎顿苏今抚按官复加撙节三年积银遂至十余万两每年约用四万则节省十分之六矣乞将余银六万八千七百五十两抵充万历十年正支至十一年照前减数派徵 上曰该省驿传既积有余银准免派一年以苏民困

○戊辰兵部题蓟镇曹家寨绕出虏地八十余里东为墙子岭西为古北口系极冲地方建有关塞六十六处形如葫芦近该总督勘覆郎中费年议自将军台横截至大〈风-几〉谷止正当葫芦柄处应修台三十座以为内险仍存旧有台墙照常责令军兵了守修葺以为外险且可出奇制虏委属万全之策奉 旨允行

○己巳调山东按察使张九一为山西按察使

○升湖广佥事张镗为贵州右参议

○加升原任鴈平兵备佥事季遐龄为山西副使

○以湖广德安府知府卢渐为福建都转运盐运使

○升户部郎中梁承学为陕西副使

○诏铸监兑浙江漕粮关防

○铸贵州清军兼理粮储关防从巡请以粮储参政已经裁革也

○福建福安县霪雨不止洪水骤至踰城官民庐舍漂没殆尽

○毛怜等卫女直都督失刺卜等进贡宴赏如例

○以延绥领军游击许汝继为左参将分守宁夏灵川地方

○庚午山西督抚郑雒等言该镇总副参游卫所等官公费每年原编一万四千三十余两今减二千一百八十两有奇各官军伴等役三千二百九十四名今减六百七十一名乞永为定规遵守部覆从之

○辛未 上御文华殿讲读

○壬申以原任肃州参将姜显宗充延绥领军游击

○兵部上言安南都统使莫茂洽祖福海先经请给敕书遗嘱宏灃权管司事比宏灃尚未袭职中道而没今伊子茂洽恳切陈情请袭都统使敕书以彰传继之统相应请给容其回使领赉以慰远人效顺之心允之

○命协守蓟镇中路副总兵王抚民为右副总兵分守凉州地方

○癸酉宣大总督郑维言山西镇市本积有桩朋银两可足九年十年之用其十一年后无从出办乞支积余客饷七千定为岁费部议客饷以供客兵桩朋以为市本原难兼支况山西止老营堡互市一次所费甚少而桩朋至十一年安知再无积剩每年增银七千似属过多应行管粮主事于扣剩客兵银内量支五千两充十一年互市用以后桩朋积有赢余不得再动客兵银报可

○甲戌巡按御史陈用宾以淮凤等府灾伤欲将万历八年以前拖欠钱粮通行蠲免九年京边漕粮尽数免徵以兴水利部议江北地方频年旱潦荷蒙 圣恩事多破格自隆庆二年至万历七年已蠲过折色银九十二万余两本色粮九十万石赈济一十三次矣今查四府州所属除停免外应徵各项俱系内府各边紧急供应之数在彼少角□羊一分当于别项另补一分今春虽有微灾已累发银赈济秋禾将成若无故免徵后将何继况所赈贫民贫民未必有粮所蠲富民富民不系饥困用宾所题难以轻允各该地方水利果当<□□ 钰-金 >浚者宜行州县长吏加意<□□ 钰-金 >通沿河处所随宜建闸俾蓄洩有资以备旱涝勿仍前视为虚文全无实效 上从部议○乙亥广东提学副使刘应麒以疾乞休许之

○升湖广左参议杨标为浙江副使

○兵部条上慎用武臣四事一核考语一公推用一重加职一严交代大略言武职考语疏缺不便甄叙推用无格有妨激劝加衔太易人怀躁心交代不明事终无绪谨酌议条上乞赐施行 上以所奏深得除弊搜才之要依议着实行

○丙子铸广东清军兼督粮道及湖广管理驿传屯田关防从两省督抚请也

○丁丑以礼部员外郎署郎中事支可大为广东提学副使

○升陕西副使张崇谦为山东按察使复除原任河南佥事乔木为本官除补原任广西按察使沉子木为湖广左参议

○录辽东锦州大福堡辽东长宁堡有功阵亡员役熊全等一百九十二名升赏追赠有差

○戊寅辅臣张居正以疾不入阁数日 上遣御医四员诊视居正<□□ 钰-金 >谢仍谕以慎加调摄不妨兼理阁务

○裁革湖广广东郟阳等处司府州县佐贰杂职等官共七十四员

○己卯 成祖文皇帝忌辰 奉先殿行祭礼遣官祭 长陵

○命副总兵管分守蓟镇马兰峪参将事张爵充副总兵协守蓟镇中路

○庚辰 上视朝

○吏科给事中张世则参陕西巡抚李尧德贪鄙废弛乞赐罢斥既而尧德<□□ 钰-金 >辩事皆风闻诏尧德回籍听彼处按臣勘奏

○礼科给事中帅兰等稽查章奏参抚院孙光祐等分别罚治 上以今次考成未完颇少姑恕之

恐将来终难结绝伏乞 圣明裁夺 上命通行原宥豁免

○庚寅升河南副使范偁为山西右参政兼佥事湖广右参议李琦为陕西副使浙江佥事唐本尧为本省右参议

○辛卯以原任太仆寺卿舒化为光禄寺卿

○兵科给事中万象春劾延绥巡抚宋守约克减台工私通厚赂诸不法状乞行罢斥 上令守约回籍听勘

明神宗显皇帝实录卷之一百一十四

大明神宗显皇帝实录卷之一百一十五

万历九年八月壬辰朔升四川佥事萧九成为湖广右参议

○甲午赐商河王载堦书楼额名勉学高堂王厚焕书院额名思训从其请也

○升都给事中李选为江西左参政给事中李宗鲁为浙江佥事御史苏民望为陕西副使田乐为河南副使唐天祥为湖广佥事王言为四川佥事

○补原任御史吴之彦为河南道御史

○丙申 上致斋文华殿

○陕西提学副使王世懋以疾乞休许之

○丁酉祭 先师孔子遣吏部尚书王国光行礼

○原任浙江左布政使升顺天府尹朱卿以疾再乞休诏以升职致仕○吏科给事中秦耀等奏郟阳督抚原辖荆南汝南关南商雒四道而郟阳襄阳荆州南阳汉中五府及西安商州皆隶焉丝牵绳联以故百余年来民安盗息晏然无警近郟阳督抚裁革该湖广抚按议以均州守道改驻郟阳比照辰沅兵备隶贵州巡抚事例并隶河南陕西二处抚臣及与南阳汉中兵备协谋夹持其为地方善后之策庶几周详矣然使汝南汉中各道不受制于湖广抚臣则亦未为完计何也郟阳地错三省复岭重山实滋衅孽堤防慎固之计所赖汝南汉中守巡各道者甚重往时统辖在督抚是以各道一禀于法度若于分既不相临则其事权亦无所遥制乃欲同心协力为地方弭衅销萌未必然也臣窃谓汝南及汉中各道宜如往时隶郟阳督府事例并听湖广巡抚节制一遇有警协同郟阳分守相机控制如境宇保安一体荐若彼此推诿即行参处不贷务使千里有犄角之固三陲成辅车之规其于地方似为长便下所司

○陕西都指挥使司奏起送阿木等族番人仓列等七十七名赴京进贡诏赏赐如例

○发马价银一万二千两于大同镇备万历十年市本从督抚郑雒请也

○戊戌 上亲祀 太社 太稷

○己亥 孝康敬皇后忌辰 奉先殿行祭礼

○庚子 上视朝

○以 万寿圣节赐三辅臣及讲官何雒文等银币有差

○辽东定辽等卫雨雹如鸡卵秋禾尽伤自长安堡至青石岭约百余里

○以原任山东副使潘允哲为陕西提学副使

○辛丑 孝慈高皇后忌辰 奉先殿行祭礼

○升陕西右参政王汝梅为右佥都御史巡抚延绥等处地方赞理军务

○升江西左布政使张国彦为顺天府尹

○升左给事中周邦杰为刑科都给事中右给事中张鼎思吏科史继辰礼科张养蒙刑科俱左给事中

○先是衍圣公孔尚贤庶母郭氏受尚贤陵辄不堪讦奏尚贤滥用女乐贿受船户及岁贺入京骚扰驿递诸不法事下抚按勘覆 上命且从宽贷痛加省改以后同三氏子孙都着三年朝覲时入贺

○以统领沈阳秋班游击杨四德充参将分守蓟镇石门寨地方石匣营统领南兵游击胡天定充参将分守蓟镇燕河营地方

○壬寅 上御文华殿讲读辅臣张居正疾愈入谢

○赐三辅臣及讲官何雒文等万寿金篆字金银书黄红绶符各有差

○怀远侯常胤绪袭爵○顺义王俺答差酋长黄金榜等赍表文进马九匹其子侄头目共进马二百五十四匹诏各赏金币遣还

○癸卯 上御经筵 辅臣张居正等奏言该文书官传 圣意命博选淑女以备侍御臣等窃闻古者天子一后三夫人九嫔所以广储嗣也今 皇上仰承 宗庙 社稷之重远为万世长久之图而内职未备储嗣未蕃亦臣等日夜悬切者但选用宫女事体太轻恐名门淑女不乐应选非所以重万乘求令淑也臣等查得嘉靖九年 世宗皇帝有敕谕礼部慎选九嫔事例在今日似为相合伏乞 皇上奏知 圣母上请 慈谕施行

○甲辰命辽东镇城坐营刘崇正充辽东领兵游击清河堡守备宿振武为沈阳游击

○乙巳祭 夜明于 夕月坛遣公徐文璧行礼尚书张学颜分献

○丙午中元节遣侯孙世忠吴继爵陈永禄杜继宗王伟分祀 九陵伯元善祭景皇帝陵寝内官祭 恭让章皇后陵寝 宪庙废后吴氏坟所都指挥佥事陈昌言祭哀冲 庄敬二太子坟所

○丁未扬州泰兴海门如皋等处狂风大作屋瓦皆飞骤雨如注塘圩坡埂尽决漂没官民庐舍数千间男妇死者不计其数

○戊申 万寿圣节 上御皇极殿受百官朝贺以雨命免宣表止行八拜礼

○赐三辅臣上尊珍馐及寿面酒膳有差

○以 圣节遣公朱应祯侯朱纲伯王学礼王承勋卫国本分祀 诸陵伯张元善

○ 宪宗纯皇帝忌辰 奉先殿行祭礼遣官祭 茂陵

○命蓟镇李家谷关守备戴朝弁充游击领蓟镇沈阳秋班官军天寿山守备文应诏充神机五营佐击

○甲寅朝鲜国王李昫遣户曹参判权克礼等赍表文方物贺 万寿圣节先是八年十月辽东都司奏漂流朝鲜夷人梁成贵等 上命各给衣履差官送回至是并谢前事诏宴赉如例

○乙卯 上御文华殿讲读

○升江西按察司副使沈伯龙为湖广布政司左参政

○建州等卫女直夷人都督纳木章等赴京进贡照如例宴赏

○顺义王俺答都督黄台吉赍表贡鞍马弓矢等物赏赉如例仍授其子孙头目等为百户一体给赏

○丁巳 上视朝吏部引奏大选官员 上亲裁决如制

○复除原任山西道御史贾如式为浙江道监察御史

○补原任山东副使林乔相为江西按察司副使

○兵部上言脱脱倘不浪等受国抚赏宜坚效顺乃敢假名追降抢杀人畜委当革其贡赏但系散夷鼠窃原非酋首贖张今悔祸受罚送还原掠相应少从宽假其凶夷黄害射死哨军本宜明正典刑既该顺义王俺答照夷法罚治似应姑宥

上命发与俺答处治余依拟○己未凤阳抚按凌云翼等以地方屡被灾伤乞将今岁漕粮量改折十五万石酌派重灾州县立限催徵部覆上请 上允行之

○庚申车刺阿宗等族番人青蒋等入贡给赏如例

○辛酉 上御文华殿讲读

明神宗显皇帝实录卷之一百一十五

大明神宗显皇帝实录卷一百一十六

万历九年九月壬戌朔礼部进 大报等祀册 上御皇极殿受之

○是日谕礼部 皇四妹长成宜择婚配该部查照选择例行

○贵州宣慰司土舍安国亨差舍人安乐等三名贡马贺 万寿圣节泰宁等卫夷人头目阿都赤及建州等卫都督等官纳木章等俱赴京朝贺各赐宴赉如例内建州指挥使咬郎等十员失落敕书十道暂行停赏俟辽东巡抚官查明另给

○癸亥 上御经筵

○顺义王俺答酋长都督黄台吉等赍表贡马匹鞍辔撒带弓箭等物宴赉如例因请升赏夷人及兀慎摆腰二酋求各给敕书一道又宁镇病故虏官宾兔台吉等三人请各令子弟袭替 上俱从之

○乙丑裁革直隶苏州等府递运所等官八员云南临安等府知事等官三员

○丙寅 上御文华殿讲读

○月犯天江下星

○丁卯 上视朝

○升福建右参议郑秉厚为贵州副使江西左参议李天植为湖广副使

○户部奏蒲州守御千户所屯地坐落临晋等县在山西抚按以非本省所辖不行丈量在直隶抚按不知坐落地方又概称额全免丈若非 明旨着再查明则一时隐射遂为将来之成案而莫可究矣臣等窃谓屯地犬牙相制各省直坐落本境者少跨在别境者多减于原额者少加于原额者多宜敕抚按官互勘交查有过额数多者照军民各地当差姑免入官庶正额咸复永无隐射之弊疏入允行○兵部覆叙万历七年剿广西十寨蛮贼功汉土官旗军民郑以忠等七千六百五十员名升赏有差

○戊辰湖广广元王宪焮久疾请以术雕代行本府礼仪并钤束宗室 上以宗室年老止许其子代行礼仪以示优老之意至一应府事父在子摄不惟嫌于自专抑恐他日起衅仍令广元王自行管理

○己巳停宁夏角□羊部赃赎银照旧存留从巡抚萧大亨奏边镇孤悬赃罚原少故也

○升陕西僉事丁惟宁为江西左参议福建僉事张封为本省右参议

○庚午升光禄寺少卿萧崇业为太仆寺少卿

○辛未兵部覆山东巡按于应昌勘过辽东袄郎兔大捷功次得旨总督梁梦龙总兵李成梁原荫锦衣各升一级成梁加禄米一百石巡抚周咏升俸一级加授勋阶诰命余将吏军丁等升赏开伍有差

○兵部覆江西抚按官王宗载等题减该省膳夫差马工食料价银三万六千五百七十余两贮库俟积多免该省一岁派徵允之

○诏以山东灾疫青登莱三府八年以前拖欠班余俱准蠲免九年以后减半徵角□羊

○复除原任通政司左参议梁子琦为本司左参议管右参议事升大理寺评事张正道为福建僉事调补原任河南僉事徐学诗为陕西僉事

○毛怜等卫女直夷人都督傅羊公等一百员名赴京进贡宴赏如例

○癸酉 上御经筵 改南京尚宝司卿王蔚为光禄寺少卿

○甲戌 上视朝

○革山东参议赵允升职闲住从巡抚何起鸣劾其才识素庸关防不慎故也

○乙亥升南京吏部考功司郎中李己为南京尚宝司卿

○山东抚按何起鸣陈功奏奉 旨清丈通省军民屯粮地民地原额七十六万三千八百五十八顷丈出地三十六万三千四百八十七顷零屯地原额三万六千九百一十五顷丈出地二千二百六十八顷粮悉照旧往日荒地包赔者以余地均减先是丈地均粮屡奉 明旨有司通不遵行惟山东首先完报又调停疲累区画周详 上深嘉之

并司道官杨一魁等都着吏部纪录

○丙子霜降节遣侯蒋建元伯费甲金等祭 九陵伯张元善祭 景皇帝陵寝

○ 上御皇极殿视朝

○给寿阳长公主庄田二千五百九十五顷零有司徵银角□羊给

○湖广抚按陈省等题景王薨逝官校回京乞免荆州府属坐派月粮及称旧制荆州协济郟阳承天府又协济荆州彼此转解劳费不贲议将二府协济更调一蠲额外之徵一省转输之费部覆从之

○升浙江右营游击李趋为分守福建南路参将

○戊寅 上御文华殿讲读

○署织染局御马监太监张钺奏请钦定织造内称 上用袍服 两宫圣母 中宫等宫 册封九嫔及 潞王 公主婚礼应用段疋共计一十二万工科给事中李廷仪具题查得万历四年三月造 上用绞丝纱罗奉旨减半止织二万九千余疋五月内织造大婚袍服又减三分之一止五万八千夫礼莫重于大婚制莫急于袍服差官分织仅仅前数今该监胡为有额外之请耶且苏杭节被灾伤民困已极先日 皇上特允科臣之奏取回太监孙隆停免额外织造近日特允部臣之议以帑金仓谷赈济苏松嘉湖今停织未几增织随至赈恤方行征派即加 皇上之心亦必有所不忍者 上曰诸项皆供用急需既东南财匱民穷其陆续从容织进

○福余等卫指挥那木塞等八十三员赴京朝贺 万寿圣节赏赉如例

○少傅兼太子太傅英国公张溶卒溶三朝勋旧茂著勤劳诏辍朝一日并与赠官葬祭

○巡按直隶监察御史王国上屯田六议一议军卫额粮谓屯地有老粮新增之殊徵收遂有本折轻重之异然人情避重就轻不免移新遮旧宜逐一清大將两项本折搭派以免偏累一议达官地土谓降夷贍田具有额数二百年来户绝者没于豪右户蕃者买占民田宜取国初老册清丈照品给与如先朝永不起科例其有踰额数多者照地当差一议查参期限谓屯田完欠久立查参宪单向每隔一年始行致未徵者耽延已完者侵费拖欠愈甚自万历十年为始每岁定于次年三月查参一议丈后余地谓屯地荒芜尚多丈后不无续垦若概拘例停止是弃良田也宜听民开垦酌量起科以补荒年蠲免额项一议经收谓屯牧一应钱粮旧以管屯官徵收私贮乾没难于查考宜令卫经历兼之一议冗员谓京卫一设管屯即有军伴烦费今后惟额多者照旧凡米豆不满百石银不足百两者管屯官悉行裁革户部覆其可行允之

○庚辰兵部覆议五开卫处置事宜言五开接壤苗仲款久滋弊宜更张者六事一移靖州参将于五开以资弹压二移辰州通判于靖州专司粮饷三责成卫官以戢罪本四严捕首恶以遏乱萌五辰泥道兼制黎平通五开血脉六更调兵备龙宗武张思忠疏上得旨该卫去年擅逐守备逼死职官本当剿除念作恶止款首数人且着陈省严督兵

○刑部奏请处决重囚 上命暂免行刑

○戊子户部奏临德二仓节年全收本色以防漕粮缺额今河道通行漕额无欠两处积粟至一百万石年久恐成朽腐合无暂住本色改角□羊折色俟陈粮支放过半仍收本色为便从之

○以湖广历年水旱免本省积欠协济贵州等项银两又命该省起运钦赏诸绢悉改官角□羊不得复金小民承运库贮绢见支二年许折价一年从湖广抚按陈省等奏也○福余等卫都指挥使打都等差头目桶罕贡马朝贺赏赉如例

○己丑 上御文华殿致斋

○山西督抚郑雒等奏称偏老二所及太原等卫灾伤重大乞将屯粮改折一年每石徵银三钱部覆如议

○福建抚按劳场安九域题称兴化府城西北高冈遗在城外以险予敌先年两经残破合用府库积剩无碍银两开拓城垣二百丈包高冈于城内诚为控扼绸缪之计上允其请

○庚寅番僧坚参札巴等四员名自虏帐传经还 上多其有化道属之功赏禅衣坐具及僧服靴袜等物有差

明神宗显皇帝实录卷之一百一十六

大明神宗显皇帝实录卷之一百一十七

万历九年十月辛卯朔钦天监进万历十年大统历 上御皇极殿受之传制给赐百官颁行天下加赐辅臣讲官等有差

○是日 上亲享 太庙

○壬辰 孝洁肃皇后忌辰 奉先殿行祭礼

○甲午 中宫千秋节赐三辅臣上尊珍馐

○以新宁伯谈国佐掌南京左军都督府事

○丙申定福建所属各州县积谷额数先是巡抚刘尧诲已有册报所列过多后抚劳堪恐有司积不如额反因而横歛为害列上中下三等徵之○庆云见于宜阳凝结如盖历已尽午方散河南巡抚褚鈇上其状兵科给事中刘朝璽奏言自古极治莫如唐虞然君臣相敬未闻以祥瑞为言我朝洪武八年七月确山县野蚕成茧 太祖谓其不足以衣被天下辞不受贺又寿星见于永乐十五年七月百官朝贺我 成祖亦不之喜曰朕所瑞者在时和年豊贤者在位焉耳况区区云物聚散何常纵令有之何不见于时和年豊之世而乃偏见于水旱频仍之区且褚鈇匿其灾伤不闻而故以庆云献媚宜降旨切责之疏入得旨四方祥异守臣皆当以闻原非导谀朝廷亦未尝以此为瑞寝之

○丁酉 上御文华殿讲读

○命翰林院编修王懋德充编纂六曹章奏官

○铸山东清军兼管驿传盐法道关防以传盐归并清军道也○戊戌定浙江兵马

钱粮见在总数以万历七年为额实在卫所并附支官军共六万四千九百一十二员名岁支月粮六十二万六百二十余石添设备倭防矿将领军丁三万三千二百九十员名岁支饷银三十四万八千三百一十余两

○兵部覆两广总督刘尧诲等会题修举十寨善后事宜徙南丹卫设参将一员土巡检三员开辟道路四百一十里大熟田二万七千九百五十亩照亩起科事毕上效劳员役职名尧诲又奏拓广东罗旁两山复田五万八千四百一十亩 上命兵部刘世赏徐时以下给赏有差

○诏以山西应浑朔大同怀仁山马七州县灾伤甚重自四年至六年拖欠民屯银粮本折尽蠲七年后方带徵二分又右卫等十九卫见年应纳屯粮俱与改折仍动支预备仓谷分别赈济

○发凤翔知县王明汲充军以按臣龚懋赏劾其累赃几至八百刑毙至于六命故也

○己亥 上视朝

○定直隶保定河间真定顺德广平五府驿递站银岁编一十八万七千一百九十余两旧额三十三万有奇节年驿禁通行应付简少递减十四万有奇其江浙苏松等府协济马价并免派徵□以成山伯王应龙为右军都督府佾书

○庚子土鲁番天方国撒马儿罕鲁迷哈密等伍地面头目各差人贡马匹方物赏赉如例

○复除原任福建道御史沉涵为河南道御史○黜原任湖广右参议蒋劝能为民提学副使金学曾降三级左参议李学一调简僻用从湖广巡按朱璉论劾也

○辛丑以神机营右副将曰福为镇守保定地方总兵官

○发太仆寺寄养马一千匹于蓟昌二镇补各营路倒死缺额仍拨马价一万五千两给之

○先是北虏银定儗不浪等犯抢独石我兵责问俺答随遣头目恰台吉等诘其部长满伍大青把都回称散夷作歹原不知情愿甘罚治又先年中路波儿哈都抢掳掩答力主罚处至是并赏俺答大红蟒衣白金彩段恰台吉黄台吉等纁丝银布有差

○留新升山西参政梅友松备兵冀北如故督抚称友松熟谙边务会新副使季遐龄致仕因留之

○设宜善巡检司于广东连山县以徭目莫京彪等愿附编氓故也○礼科给事中王三余劾论新起甘肃巡抚栗永禄老病不能就道及其前任守催赃罚事部覆本官到任具有奏本而前任亦风闻无据 上竟起之

○户科叶时新论劾大理卿张梦鲤庸劣宜罢梦鲤亦自陈求去部覆谓本官未闻过举宜令供职从之

○革衍圣公孔尚贤供应女乐二十六户其林庙洒扫及大礼奏乐听于庙户内拨

用

○世庙皇贵妃沈氏薨 上辍朝五日

○壬寅 上御文华殿讲读

○贵州苗坪天漂等一百五十六寨苗民党银阿盖等相率归附更其寨为归化编入都匀府版籍

○裁操江军饷供费银三百三十余两及应革军舍余丁岁减粮饷一千五百五十余石

○升山西副使许守谦为湖广右参政江西副使黄思近为云南左参政兵部郎中马时可为贵州提学副使山西大同知府马呈书为福建盐运使山东登州知府刘自化为山东盐运使

○定 世庙皇贵妃圻域以 孝洁肃皇后遗址为之时 肃后已迁祔 永陵有旨改用

○削陕西乡官任重任惟一籍遣配追夺救命巡按御史龚懋贤劾其恃势武断殴死人命故也

○河南口丘县地震

○甲辰山东巡按马允登勘过万历九年四月虏犯沈阳及上榆林堡官军御敌功罪称广宁参将孙守廉等勇于赴援宜加叙赏上榆林堡指挥孟杰沈阳参将黑云龙失误防守相应罚治得旨孙守廉等各赏银八两孟杰照例罚赎黑云龙姑免提问

○升尚宝司卿雒遵为太常寺少卿山东副使严用和为山西右参政工部营缮司郎中金应徵为江西副使○以宁远伯应袭李如松为神机营右副将

○乙巳以宁夏镇红山等处修筑边墙纪录兵粮道刘凤朝守备董延龄等功候阅边类叙

○丙午命原任左春坊左赞善沈鲤仍充日讲官

○升云南副使马顾泽为山东右参政

○以南直金山参将杨为栋为督理广州海防参将

○戊申 上御文华殿讲读

○稽查应天等府书院先后共六十四处或改公署或给原主或行毁废其紫阳崇正金山石门天泉五书院存留如故

○琉球国中山王尚永差正议大夫梁灿等赴京进贡宴赏如例

○修固原镇及下马关城垣固原系四镇总会下马关当延宁要冲总督高文荐巡抚李尧德俱以砌甃为请从之

○己酉升山西佥事刘思中为本省右参议○以神枢三营参将姚龙为南直金山参将

○庚戌 上御文华殿讲读

○升尚宝司少卿张彦为尚宝司卿

○户部题称赃罚银两追收罪犯为甚难滥充私费为甚易数官存积为甚难一官支销为甚易南直操江都御史自元年起至八年总计咨报二万一千五百余两今都御史吕藿咨称各府州县在库仅银一千六百两虽节年修船操赏等费皆在取给未见支销细数不无私馈情弊合行通查 上命南科差给事中一员同操江都御史查明具奏不许隐护

○户部题广东东安西宁二县田土原系德庆等七州县徵粮额地因附近罗旁两山贼人侵占以致田粮失额岁久无徵万历五年凌云翼荡复旧强建设二县时方草昧尚无的额今查九年为始实在起科田地三十七万一千四百余亩定藉两县丁粮一万五千四百八十三两俱作两县存留支销其七州县缺额荒粮悉与豁免诏依拟行

○工部覆应天抚按疏言苏郡四门官塘嘉定海塘武进无锡二县芙蓉湖堤及各州县渠岸桥闸修浚工完用银一万六百九十余两御史林应训区画四年劳久功多宜行纪录及知府穆炜朱文科应分别开俸优奖从之

○命贵州参议赵莘致仕按臣马呈图劾其年衰目眩也

○辛亥发诚意伯刘世延原籍为民先是南京兵科等衙门会勘世延违法及诋毁皇祖明旨事情法司奏当论死 上念其祖佐命功止革职为民抚按官羁管禁住仍许子孙承袭

○壬子以户部郎中刘尧卿为陕西副使

○裁宁夏镇领班都司二员其春秋上下班军悉归并操捕都司从巡抚萧大亨等议也

○ 显陵奉祀官都督僉事蒋华年老乞休命其子克崇代袭奉祀

○癸丑 上视朝

○以宣府南山参将管逵干为神枢三营参将

○实授于有年郭惟贤李世达徐金星郑之亮刘佐六员为南京各道监察御史

○以私铸制钱降曲江王府镇国将军勤口言于火口为庶人闲宅禁锢余降禄墩锁有差

○乙卯 上御文华殿讲读

○升礼部右侍郎许国为左侍郎詹事府少詹事陈思育为礼部右侍郎仍充经筵日讲官

○以临淮侯李言恭守备南京掌中军都督府事

○丙辰诏汰浙江各卫所衙门供费银二千五百六十二两各官军伴五百九十二名襍役三百六十名各营效劳员役不系卫所实职尽行裁革仍刊册以便遵守○丁巳上御文华殿讲读

○以编修黄洪宪仍充会典纂修官

○升光禄寺寺丞徐元春为尚宝司少卿

○补裁革原任四川右参政赵睿为云南右参政升陕西佥事李甘□向为山西右参议

○以淮凤徐所属荒田重多诏各掌印治农官自十年为始照依每年分数设法开垦年终抚按官分别参奏其卫所屯田不许混入有司开垦数内以滋烦扰

○戊午升左春坊左谕德陈经邦为侍读学士掌院事仍充经筵日讲官

○吏科都给事中秦耀劾陕西左布政朱炳如广西左布政孙光祖福建右布政吴一烂俱衰病闇弱宜令休致从之

○给事中叶遵论劾太仆寺卿王宫用河南左布政徐行江西右布政杨芷衰庸不职俱准致仕○命各省直抚按论劾府佐县正官员如本系贪污及年力衰庸不得轻拟改教以致学政不兴貽坏士习从陕西巡按龚懋贤题请也

○己未以南京刑部郎中焦子春为陕西佥事

○郑王厚烷有疾世子载堉亦久病朝祭行礼不便请以世孙翊锡代行因乞赐翼善冠服如鲁世孙健<木戈>例礼部谓鲁世子已故今载堉尚存似难比例但朝祭大典使世孙以常服行礼非惟观瞻不便抑且恭敬未伸相应给与允之

○庚申 上御文华殿讲读

明神宗显皇帝实录卷之一百一十七

大明神宗显皇帝实录卷之一百一十八

万历九年十一月辛酉朔以南京都察院右都御史刘斯洁为南礼部尚书

○户部奏河南府起角□羊太仓额银四万四千七十余两计少五百九十六两锭数不依部题法马全用私铸据总督刘思问科道万象春等审究情节系知府赵于敏扣克所致宜通行提问以正侵盗之罪得旨赵于敏并经手人役与四样法马都着抚按官提角□羊来京与原解官李湘对讯

○癸亥

上视朝

○以成山伯王应龙掌左军都督府事

○甲子祭 三皇于 景惠殿

○播州宣慰使杨应龙遣长官赵仕贤等三员贡马贺 万寿圣节赏赉如例○乙丑 上御文华殿讲读

○以总督两广兵部左侍郎刘尧诲为南京都察院右都御史大理寺左少卿臧惟一为太仆寺卿

○升河南右布政龚大器四川右布政孙坤云南右布政庄国祯俱为左布政使大器仍河南坤陕西国祯广西

○以四川右参议李荐佳为贵州副使

○丙寅兵部覆云南抚按刘世胄等题称该省松林等二十六驿系站户亲当原无站银惟滇阳等三十三驿额设站银一万九千有奇今减去三千五十一两实编一万六千余两其支剩见银一千四百六十七两贮本省库俟积谷一年抵该驿一岁派徵 上依拟

○山东金乡鱼台二县水灾诏酌免本年存留钱粮仍勘实免数具奏○户科给事中姚德重奏近该福建按臣安九域题称晋江等七县蠲赈稽迟议将知县朱廷益等量从宽假尹贞度相应罚治臣等反覆参详漳泉二府之灾在七年秋间有司于二年后始报赈已属迟缓乃同安晋江赈过户口数多而银谷殊少计口算之不过银三分谷数升耳曾不足充小民奔走守候一饭之费又二县及漳浦南安捐俸以博名高益属不情乃罪同罚异岂按臣之意以甲科曲全朱廷益等而以乡科薄尹贞度耶恐非所以昭大公也得旨该省赈济二年之外方行册报给过银谷数目尽是虚文及称捐俸备赈尤属矫诈着户部查参来说

○原任少傅兼太子太保工部尚书雷礼卒照例给与祭葬加赠太保礼江西豊城人博物洽闻扬历中外鼎建陵殿积有劳能虽经言官岑用宾等论其邀宠保位实以礼始终焉○丁卯 上御文华殿讲读

○升大理寺右少卿刘良弼为本寺左少卿右寺丞郭思极为右少卿

○升湖广僉事万一贯为四川右参议

○以宁夏领班备御赵完璧管理宁夏镇城兼屯田水利山西北楼口参将时尔直为宁夏北路参将 戊辰以南京刑部尚书陈瑞总督两广军务

○许虏酋满五大及波儿哈都台吉贡市如初以前部夷银定倘不浪等愿甘罚伏故也

○己巳以通政司左参议管右参议事梁子琦填补左参议

○升大理寺右寺丞邵陞为左寺丞北直提学御史□为正为右寺丞

○升广西右参政陈应春为本省按察使浙江副使陈诰为云南左参政山东青州府同知王圻为湖广按察司僉事○改补礼部署员外郎主事李祯为光禄寺丞

○庚午 上御文华殿讲读 以 圣母慈圣宣文皇太后万寿圣节赐三辅臣及讲官陈思育等五员银币有差

○辛未升尚宝司丞周继为光禄寺少卿原任太常寺少卿方九功补南京鸿胪寺卿

○升湖广副使项思教为广西右参政

○癸酉以 圣母万寿圣节加赐三辅臣及讲官金万寿字金篆字金银书黄红符各有差

○以候裁尚宝司丞韩必显填补原职

○补候裁山东参政陶大顺为湖广左参政贵州布政钱藻为湖广左布政司使

○复除原任广东布政徐作为福建右布政浙江参议詹贞吉为贵州左参议

○以通州参将谢天祐为山西北楼口参将

○礼部题蜀府南川王让樨病故长子承火□果先以病亡并无嫡子止火□果妾胡氏生子宣卤□翟年十二岁旧制郡王嫡长子孙十岁授封次嫡庶子年十五岁方准请封今宣卤□翟父祖俱故又无嫡子比于嫡长授封之期似亦相应宜听准袭许之

○户部覆科臣姚德重奏称救荒无奇策惟给发速则慰待哺之情举行实则鲜冒领之弊今晋江等各县报赈稽迟虚文饰诈若不重惩何以毖后拟将尹贞度等三员照不及例降调马伯瞻等四员并从重处抚按失于参督亦宜谅行罚治其放过银谷又蠲免改折数目逐一清究限十年三月内奏报以凭覆请定夺得旨抚按官姑免究尹贞度等降级罚俸如议

○先是各省直角□羊部杂项钱粮该部于元年十月题行巡按御史备查解解至是部称如期角□羊到十无一二必有那移别用及官吏欺隐情币乞酌量省直远近立限再行巡按御史逐年照款尽数追究仍载入考成簿差满报部查参奉旨允行

○乙亥以南京后军都督府佾书刘凤翔为右军佾书西宁侯宋世恩掌前军都督府事

○互调太平路副总兵胡懋功居庸关参将贾应隆从督臣吴兑镇臣戚继光等奏也

○修泗州城外石堤泗城 陵寝重地势极洼下旧有石包土堤藉以护城御水久被淮流冲坏抚按凌云翼陈用宾等各请大举修筑以为一劳永逸之计诏亟行之

○丁丑冬至 大祀 天于 圜丘命公徐文璧恭代免百官行庆成礼

○是日遣隆平侯张炳等分祭 九陵武平伯陈永禄祭 景皇帝陵寝左都督李鹤祭 哀冲 庄敬二太子坟所

○戊寅 孝烈皇后 孝惠皇后忌辰遣遂安伯陈澍祭 永陵彭城伯张守忠祭茂陵

○朝鲜国王李昫差刑曹参判柳希霖等正从三十四员进冬至令节表文礼物宴赉如例仍给十年大统历一百本

○己卯 慈圣宣文皇太后万寿节 上御皇极门百官致词称贺毕三辅臣随诣隆宗门行叩头礼赐寿面酒膳有差

○辛巳少师兼太子太师吏部尚书中极殿大学士张居正正一品十二年考满上遣文书官吴忠赐银一百两纁丝四表里内大红坐蟒一表里蟒衣一表里钞一万贯及茶饭羊酒又特遣司礼监太监张诚赉手敕谕曰卿亲受 先帝遗嘱辅朕十年四海昇平外夷宾服实赖卿匡弼之功精忠大勋朕言不能述官不能酬兹历十五年考绩特于常典外赐银一百两坐蟒蟒衣各一袭岁加禄米二百石薄示褒眷先生其钦承之勿辞于是居正< 踰 毓-金 >谢有吏职有一之未修皆臣表率之无状民生有一之未遂

皆臣调燮之多乖语 上优诏答之是日司礼监太监冯保传旨谕吏礼两部曰元辅居正受 先帝顾命夙夜在公任劳任怨虽称十二年考满实在阁办事十有五年忠勋与常不同恩荫例当从厚其酌议来看

○以广西道御史朱珽提调北直学校

○壬午起用户部尚书殷正茂为南京刑部尚书

○以考察不及调福建左布政沉人种为贵州左布政

○癸未 上视朝

○吏部上大学士恩数曰元辅居正托孤受遗正群情窥伺之始而乃竭忠殚赤振百年因循之弊人所不能为者为之所不敢为者亦为之恩怨莫问国尔忘家今实历经十有五年隆恩异数当不得拘杨廷和徐阶旧例 上然之命支伯爵禄加上柱国太傅给与应得诰命写敕奖谕仍赐宴礼部荫一子尚宝司丞随命司礼监造文字号太傅牙牌一面给之

○甲申大学士张居正辞免恩命曰人道所最忌者非望之福 明主所深惜者无功之赏臣待罪十年虽幸四海乂安百蛮宾服然皆 皇上神威广运所致臣安敢妄贪天功滥冒非分以累日月之明除诰命藉荣先世敕奖风励臣工谨已祇领其余非分所安者万乞俯鉴下诚收回成命 上不许

○陕西巡按龚懋贤< 陞-金 >言关南自凤翔宝鸡以达汉中宁羌等处万山连云林谷深茂奸徒窃白画劫人行旅渐梗宜略仿边庭事例择要害处所设墩堡金丁壮仍移置将领于凤县适中镇之或将汉中守备兼住凤县汉中往来调度其驿站旧用武职酌改流官驿丞部覆允行

○革南京五城有役弓兵先后八十四名白役弓兵三百四十一名除白役原无工食外其有役弓兵工食尽行裁革俱于苏松等府疲惫县分酌量免编及嘉靖元年至隆庆六年果系小民拖欠者悉蠲之万历元年至九年每年带徵三分角□羊部从南京兵部尚书潘季驯议也

○蓟辽总督吴兑题本年十月初九日东虏土蛮糾众十余万从镇安镇静二堡入边分攻广宁义州十三山等处总兵李成梁率军丁奋勇敌战至十四日前虏从大清大静路退还各营斩首十八颗内名酋二颗获马驼夷器等物又十三日虏三千骑从宁远长岭山人围连山驿我兵复击走之各官俱应叙录乞速勘以便行赏部覆从之

○减湖广巡抚衙门岁角□羊赃赎银五千两如江西抚治例岁分二次角□羊部济边其万历八年以前未角□羊银数各官既皆去任俱免补角□羊

○丙戌以山东都司佾书朱心学为统领蓟镇春班游击

○以直隶真定顺德广平三府风灾从巡按御史范鸣谦奏分别蠲賑夏税全徵者秋粮内抵免之

○丁亥大学士张居正复上辞< 陞-金 >准辞免伯禄上柱国部宴○增云南

岁进九成金一千两云南旧不贡金自嘉靖元年派进一千两十三年后加成色金一千两寻奉停止至是奉 旨再加二千两该部备陈采办之苦输贡之艰且言事必系国家典章生民休戚一时议定世守不刊始谓之例今取金非惟正之供加派非惠民之政著以为例后世何观节年内府供用渐踰旧制不可胜纪今又增买前金以为年例臣等若阿顺不言亏 皇上节用爱人之德是上负国恩不忠之甚者臣等实所不敢亦所不忍上是之然终以宫中岁用不敷命且着加九成金一千两

○戊子酌免福建汀邵延建兴漳泉七府驿站银免编一年以历年节省积剩贮库银足抵一年故也

○裁徽州府营兵一百名及各县侦卒三百名岁省银五千五百一十二两池州池阳营额兵五百减二百名岁省银一千七百二十六两

○己丑遣刑部司属施梦龙往北直程正谊往山东王道纯往山西阎漳往河南吴同春往陕西王任往湖广蒋三近往江南张一坤往江北霍震东往浙江冯孜往江西李良柱往福建王桥往广东孙从龙往广西大理寺寺正陈明经往云贵各恤刑

○庚寅建州卫女直夷人都督松塔寺一百员名赴京进贡宴赏如例

明神宗显皇帝实录卷之一百一十八

大明神宗显皇帝实录卷之一百一十九

万历九年十二月辛卯朔以原任贵州总兵郭成为镇守四川总兵官

○壬辰 上御文华殿讲读

○兵部奏裁过大小文武京职一百六十五员应减柴薪直堂五百八十九名岁省银六千九百七十四两行直隶山东山西河南四省直照例免派从之

○癸巳 上视朝

○给大学士张居正太傅诰命

○金星与土星合犯顺行入危宿度

○甲午 慈孝敬皇后忌辰 奉先殿行祭礼

○ 皇第一女生○原任南京礼部尚书林廷机卒廷机福建闽县人由庶吉士历今官简重著声讷闻赐祭葬如例

○原任贵州巡抚右副都御史蔡文卒文福建龙溪人由庶吉士改兵部历官三品未考满与祭一坛葬减半

○原任左军都督府掌府事少保兼太子太保镇远侯顾寰卒寰历事三朝忠勤颇著命照例给祭葬赠太保还与他谥

○泰宁等卫夷人头目升合儿等赴京贺冬至节宴赏如例

○乙未以清丈田亩怠缓松江知府阎邦宁池州知府郭四维安庆知府叶梦熊徽州掌印同知李好问各住俸戴罪管事

○丁酉以 皇女诞生 上具吉服告 奉先殿仍御皇极门百官致词称贺赐三

辅臣及讲官陈思育等花币有差○命太仓光禄寺各进银十万两备宫中喜事赏赐巡视太仓兵科给事中万象春等奏言国家内外帑藏供用自有定规如金花子粒贮之内库专供御前之用京边钱粮贮之太仓专备军国之需前者 圣母诞辰恭祝万寿 皇妹婚礼制办妆奁犹谓太仓不可借支旋从停止今柰何取之充 皇女赏赉之用乎且太仓虽有赢余不过仅支本年应用若不及时节省备三年九年之蓄脱有水旱盗贼何以应之会光禄寺少卿袁三接巡视光禄给事中高尚忠亦交章争之未从

○南京吏科给事中吴琯论大理寺卿张梦鲤广交延誉依阿承奉南大理卿刘志伊立身无节御下无纪俱不可充廷尉称平之选上命都着策励供职

○定四川巡按衙门角□羊部赃罚银额岁八千两陕西巡茶御史岁六百两

○己亥丈江西六十六州县官民塘池原额外丈出地六万一千四百五十九顷五十四亩免另行升科即将抵补该省节年小民包赔虚粮又查出南丰县召佃租田四万七千三百石武宁县未卖没官田三百七十一亩通行认价得银三万六千四百九十两角□羊部济边其清丈官抚按王宗载陈世宝及参政乔懋敬等六十二员纪录有差

○先是江西南昌屯地坐落直隶东流县抚州饶州二所屯地坐落建德县隔省不便稽查往往为奸豪占夺及清大命下建德县豪民徐宗式等阻挠大量徽宁兵备道程拱宸复为部民党护 上命拱宸住俸督大尽将徐宗式等九年拖欠追夺还官建德东流二县许江西抚按遥制完欠一体查究

○以大宁都司佾书黑晓为宣府游击宣府西路参将李栋为分守南路参将

○宁阳侯陈应诏袭爵

○庚子 上御文华殿讲读

○以 皇女诞生复赐辅臣及讲官银币

○甘肃巡抚栗永禄致仕以山西右参政王土□□为都察院右佾都御史巡抚甘肃地方

○除原任广东副使徐汝阳为浙江副使

○减徵蓟镇均徭银三千一十三两昌镇五百三十一两

○筑太平府甑城从抚按孙光祐陈荐奏以该郡留都上游最为要害故也○查明建州卫指挥咬郎等十员名失落敕书补赏如例

○辛丑山西太原潞安二府并辽沁泽三州灾巡抚辛应乾后期乃闻户科给事中姚学闵奏言地方水旱灾伤抚臣即时奏闻不俟再查按臣勘明即题不俟部覆所以急民隐宣主德也今灾已数月而辛应乾候勘乃奏迟留小民之疾苦壅闭朝廷之德意荒政何裨宜通为勒限夏灾定以五月秋灾定以七月敢有耽延过期不报者罪之又西北一带边方气候不同腹里八九月间在腹里为盖藏之期在边方为登获之候霜雹下零子粒凋枯灾伤此时为甚若拘定报期地方官恐罹后至之罚反匿边屯之苦不以上闻今后惟腹里各州县严督如例边庭不妨宽之 上以为然辛应乾姑免究

○以原任河间游击江昌国分守宣府西路参将

○壬寅 上御文华殿讲读

○礼部类奏年终灾异报闻

○减保定总兵参游等官公费八百九十一两保定左等二十五卫所均徭银八千五百一十三两无银力差人役原额二万一千五百一十七名止存一万九千六百七十五名各关营将官差占人役二千二百七十八名止存一千一百三十四名永免金派

○清丈南京芦洲其芦课完欠有司官许管芦主事年终照马船料价事例酌量完欠甄别以闻

○癸卯 上视朝

○以原任神机七营参将马应奎为河间领军游击○甲辰 世宗肃皇帝忌辰奉先殿行祭礼遣靖远伯王学礼祭 永陵

○乙巳以年节赐辅臣及讲官银币有差

○ 景皇后忌辰遣都指挥佾事李文全祭 陵寝

○巡仓御史顾尔行奏内府诸库上纳最艰小民视如天上故歇家惶惑之说易行而赔累至不可算臣等裁定规则刊榜晓谕每白米百石除铺垫三两其余琐费诸款各库俱有的额向来积弊一时具厘纳户便之人白粮旧例住泊丁字沽复雇剥船至通州石坝囤房堆寄俟漕粮过尽方行尽纳起剥赁积之需居房火烛之患不可胜言宜令原船直抵河西务住泊照漕粮事例请官船起剥载入议单永为定规 上从之仍令有指称抑勒等弊指实参奏○丙午补山西左参政胡来贡为原官

○丁未 上御文华殿讲读

○戊申除原任湖广左参议栗在庭为山西左参议

○直隶巡按刘光国等奏保勘过节妇宋氏等一十四人烈妇何氏等十五人烈女刘氏等三人照例旌表以励风俗得旨允行

○庚戌辅臣张居正等奏今年两论讲完明春应讲孟子已经面奏惟通鉴讲至宋徽宗年间虽未全完然自此以后皆徽钦北狩宋室南迁之事无可进讲者查得隆庆五年 先帝时讲通鉴亦只至宋徽宗止以后即以贞观政要接讲臣等看得贞观政要一书于君德治道实为切要拟于明春即以此书进讲 上然之

○勋卫张元功袭爵英国公

○以原任江西副使王象坤为河南提学副使户部署郎中事主事苗勃然为陕西佾事○工科给事中刘弘道劾奏南京礼部尚书刘斯洁赋性既多褊浅御物益少优容年力衰颓行事周章乞赐罢斥以为大臣不知止足之戒 上曰近来朝政清明大臣皆知重简修职即有性气稍偏而大节无亏亦自不可轻弃今后科道官宜体朕录用旧人之意无得搜索琐细动行抨击及轻听流言为人报复致乖清朝和平之美

○朵颜等卫都督花歹等头目火爾赤等二起共一百九十三员名赴京贺冬至节

宴赏如例

○定福建总兵副参及都司守备把总等官公费柴马屯耗等银原额八千七百七十四两止存七千一百十两七钱差役军丁八千二百五十二名止存六千五百八十九名余悉裁减永免派徵○兵部题参管理红盔官军豊城侯李环南和伯方烨遂安伯陈澍占卖直军八百五十余名革任闲住平江勋卫陈胤兆占用直军一百名革俸半年得旨依拟行

○甲寅辅臣张居正等以年终将讲过经书通鉴讲章缮本进呈仍乞发下司礼监接续刊行 上允之

○先是户科给事中叶时新建议罢浙中募兵并裁总兵参将等官兵部下抚按会议至是抚按吴善言等题称浙兵缺额过半益以募兵尚不满旧海寇叵测防御当周理难遽罢定海总兵及嘉湖参将俱不可裁止裁总兵标下官兵四百八十余名定海海宁把总各一员岁省饷银五万八千余两部覆允行

○筑河间府甌城从抚按辛自修等题请也

○乙卯兵科给事中杨廷相劾云南左布政使陶幼学望轻年暮命致仕○丙辰除原任刑科给事中韩绍为吏科授庶吉士林休徵为河南道御史

○四川巡抚张士佩论劾西充知县张巽< 〇〇〇 毓-金 >内形容太过非章奏之体给事中秦耀查参罚俸一月

○以永康侯徐乔松武定侯郭大诚定国勋卫徐廷辅管理红盔将军

○以神枢三营游击吕豸为五军八营参将辽东庆云堡备御载良栋为五军九营游击神机二营参将侯之胄为神枢营右副将广东游击周勋为广西永宁参将

○更调福建总兵呼良朋广西总兵王尚文各还旧地从兵科王致祥题请也

○丁巳 上御文华殿致斋

○先是周府宗室勤〇〇鱼在涪川地方与居民路刚等赌博并调戏其妹争嚷告县署印照磨孙健责之勤〇〇鱼赴京伸愬 上谓卑官敢擅打宗室谕内阁拟旨处治辅臣张居正等上言勤〇〇鱼擅出封疆违例赌博调戏女子先自处于有罪之地县官因其来告遂加责打或不辨其为宗室亦未可知盖涪川非宗室分封之地也又宗室不许擅越奏扰奉有明例今据勤〇〇鱼所奏乃一面之词其中始末缘由有无亏枉皆未可知若便出特旨究治将来豪宗得惯动辄出郭奏扰亲王不敢约束抚按不敢谁何恐皇上亦不胜其烦渎矣臣愚以为只宜照常下部行该抚按官查勘果罪在照磨自当尽法重处若罪在本宗亦当启知周王照例处治庶法得其平足以服天下之心 上从之○礼科都给事中帅兰等题请裁定司寺职典以一官守言我朝置通政使司职掌出纳司封驳之权与部院诸大臣共议国是而鸿胪寺之设惟司仪其职也官制判然两途非可假借乃今四方陈请建言等事一切< 〇〇〇 毓-金 >劄不在通政而在鸿胪者强半矣体统不别分属未明制涉于背驰迹嫌于侵夺甚非祖宗建官初意乞据会典折衷改正

明白除庆贺奏捷进贡朝见等项题本会典开载者仍由鸿胪寺奏进其他凡天下臣民无问王府总兵外夷有所陈乞控诉讦辩事情尽属通政司该寺不得一毫干预得旨允行

○戊午补原任陕西副使胡穗铨为本官

○己未 上亲诣 太庙行禘祭礼

○礼部上 皇女弥月命名剪发仪注

明神宗显皇帝实录卷之一百一十九

明神宗显皇帝实录卷之一百二十

万历十年正月庚甲朔 上御皇极殿受百官朝贺遣侯将建先邓世栋伯卫国本李应臣郭应乾左都督李鹤都指挥佾事陈昌言祭长陵等 九陵及 景皇帝陵 哀冲 庄敬二太子坟

○壬戌立春 上御皇极殿受群臣贺赐三辅臣上尊珍饌

○ 宣宗章皇帝忌辰祀于 奉先殿遣伯刘嗣德祭 景陵

○升陕西苑马寺少卿邢玠为山西行太仆寺卿兼佾事驻宁武湖广宝庆府知府李大吉为福建都转运盐使司运使

○丙寅发太仆寺马价银一万两备蓟镇春防

○遣刑科都给事中周邦杰往蓟辽保定工科左给事中萧彦往延宁甘固兵科给事中田大年往宣大山西各阅视

○丁卯 上亲享 太庙○兵部题清黄差宜如例报可

○己巳 上传谕三辅臣诣西苑观灯各赐酒饭

○南京兵部尚书潘季驯题议五事一充营伍以重防御额军逃亡数多严行各省勒限勾补一定城守以便责成江浦县守卫等事责之县令该部节制一裕作养以备选用行武选司将各官袭职回者拣选年青志学优骑射者送武学一清丈量以息争端江浦县水夫营基铺地太平府青峰等处草场行屯田御史同本部吊册清丈一均兵饷以便操练广武英武飞熊等三卫舍余军丁栋选池河营操练一千八百名俱给以月粮部覆从之○革神枢营游击陈汝德任以山东巡按陈功论其前任不职故也

○两广总督刘尧诲题减广东均徭银力并均平民壮驿传额编添编及原漏报扣充饷银五万四千三百四十两有奇以宽民力将八年以后见存驿传余银二万六千五百二十二两零并续徵完各年拖欠与九年支剩银二千九百余两俱抵十年支应充饷全省免编半年其未完银两自元年至四年

○姑念兵燹蠲免五年至八年分三年带徵报闻

○庚午 孝恪皇后忌辰祀于 奉先殿遣伯杜继宗祭 永陵

○ 上御文华殿讲读

○准福建按察司佾事甘雨致仕○先是巡抚陕西右佾都御史李尧德被劾行勘

至是巡按御史龚懋贤奏所言皆无据且言其年力未衰素谙边务有难遽弃部覆御史言是诏推用尧德

○保定巡抚辛自修奏清丈过所属田土共增出地一万七千五百八十余顷增子粒银四千二百六十两民粮一万三千六百石及称曲阳阜平二县地土墾墾可耕者未半而粮马差徭反重于他方任丘县水患相仍濒河千有余顷而岁入银两取盈旧额邢台沙河二县水冲河压多至失额请将四县起运钱粮于每年分派之时坐以轻价仓口其存留者止派正支任丘县濒河粮额遇水均摊各承委官参政曹子登纪录知县余启元等分别降处户部覆请允行

○大同大过所属民地实在三万一千五百三十九顷七十九亩零实派粮一十一万四千一百八十四石有奇屯地实在四万七千八百一十一顷四亩有零实徵粮一十五万一千九百九十九石有奇比旧各增三分之一而巡抚贾应元议各州县土兵每名俱免粮五石以恤其私山阴马邑灵丘三县牛具河浦军储粮草银两改入民税即以安东卫中所公费草价地银照数抵补山西北楼口隔占应州民地与振武卫认纳子粒地土各粮草遗在本州赔纳者俱准开豁大同前后右玉等十一卫所抛荒及虚报新增水冲地粮及各州县河压水滩不等地粮俱以首出余地酌补浑源州牧地粮草改附安东卫中前二所徵纳各承委官参政梅友松等录用知县李实馨等分别罚革提问户部覆请得旨如议行

○先是锦衣卫较尉张寿冒升副千户事发充密云中卫军后诈为副千户脱伍复冒功历升指挥使刑科给事中为露劾其当罪及言辽左大捷奸人多挂名冒级两广福建报功冒滥恐不止辽东一镇张寿一人也宜行督抚衙门除正军外一应效劳听用等员役备造咨送收用衙门清册送部科遇有功查核兵部言随征官军照旧开造如系报效听用员役及充军立功人犯即于本名下注明某时某衙门咨送调取某衙门收用原犯某事充军立功本部酌情罪之重轻功次之真伪一并题覆诏下张寿于巡按御史问责各该巡按严革冒功级称报效听用者

○辛未巡抚山东右副都御史杨俊民奏该省民穷财尽应节减以苏重困除岁额角口羊京银三千五百一十三两有奇照旧徵收外其公费银共该徵一万九千两有奇今裁十之一差占军丁人役通共九千九百五名今裁一千四百六十八名部覆报可

○从辽镇总督吴兑请诏修义州城垣并台楼等用广宁库银八千五百九十八两有奇

○漉南京兵部车驾司郎中刘学朱江浦知县余乾贞职闲住坐考察彼此揭辩故

○通泰淮安三分司所属豊利等三十场风雨暴作海水泛涨一时淹死男妇二千六百七十丁口淹消盐课二十四万八千八百余引巡盐御史任养心以闻请将两淮库贮经纪换帖纳稻等银一万二百一十二两有奇准令照数动支分别赈给其淹消盐课行令各该总灶陆续完补听候商人关支部亦以为言诏曰可

依拟行

○辛巳 上御文华殿讲读

○南京户部尚书王好问再< 疏-金 >乞休不允○先是阳城王薨长子载土□常当封以罪废为庶人次子镇国将军载垓请袭部议阳城王已没载垓无改封长子之理且载土□常原系应袭王爵被废与以罪削夺王爵不许承袭例近然载土□常故未封 予夺唯命诏载垓以本职管理府事

○壬午升湖广副使叶朝阳为广西右参政湖广左参议刘鲁为山东副使陕西固原兵备副使角□羊学礼为本省右参政

○予原任南京礼部右侍郎殷迈祭葬如例

○予原任巡抚贵州都察院右副都御史陈洪蒙祭葬如例

○户部覆凤阳巡抚凌云翼题淮安府属安东县原额六十一里徐州属萧县四十六里沛县三十八里迩因黄河变迁地失人逃议并安东县为四十里萧县三十七里沛县三十里仍严督各县官查明见存人户照军民匠灶原籍归附里甲当差填注赋役册内永为遵守报可

○两广总督刘尧诲题清查遇广东通省总副参游守把都司卫所营路等官一应当饷军需共裁减银四万二千三百一十一两有奇革去食粮余丁本折米七百六十三石清出占用旗军三百四十三名舍余四百五十三名报闻 复定大理寺左寺官六员以浙江福建山东四川广东贵州六司道狱词属之右寺官七员以江西湖广河南山西陕西云南广西七司道狱词属之从刑科左给事中张养蒙奏也

○癸未 上御文华殿讲读

○准皇亲沉至男承宪袭锦衣卫带俸指挥僉事

○甲申 孝靖毅皇后忌辰祀 奉先殿遣伯赵泰修祭 康陵○文书官宋坤传谕内阁册封九嫔奉 慈圣皇太后慈谕礼部其择日具仪以闻盖比照 世宗皇帝奉章圣皇太后慈训例也辅臣张居正等言臣等细详今日事体与嘉靖年间不同比时世宗皇帝虽并奉 两宫皇太后而 昭圣乃 世庙伯母故一切典礼独奉 章圣慈训以行今日 仁圣 慈圣皆 皇上之母伯侄之与子母情分自殊故前 皇上大婚等项典礼皆奉 两宫圣母慈谕行臣等窃以册嫔之礼仍宜并奉 两宫圣母慈谕为当 上从之

○礼科给事中聂良杞题乡贤名宦关系礼典今多滥冒及司府州县等官建立生祠徒长奔竞宜核礼部覆给事中言是 上诏各抚按提学官严默冒滥仍报部以凭稽考以后应入祀者务严禁之○升湖广右参议侯尧封为本省副使

○革河南参议周有光职为民仍下陕西巡按御史问坐前任宁夏兵粮道贪恣不简为三边总督高文荐所劾奏云

○豁先年山西修边隔占应州民地一百八十六顷有奇边墙壕窖占用民地一百

乎有司规避罪责往往将见年所徵那作带徵名为完旧欠实则减新收也今岁之所减即为明年之拖欠见在之所欠又是将来之带徵诛求无已民何以堪况头绪繁多年分混杂愚民竭脂膏以供里胥指交纳以欺甚有不才官吏因而渔猎夫与其媮穷民膏血以实奸贪之橐孰施旷荡之恩使小民戴上之仁哉查户部自隆庆元年至万历七年各省直未完带徵钱粮一百余万兵工二部马价料价不与焉而苏松两府至七十余万盖以彼处税粮原重故逋负独多耳昨应天巡抚孙光祐具奏请蠲户部以干系国计未敢擅议臣等窃为德惠当出朝廷若令地方官请而得之则恩归于下怨归于上矣乞特谕户部会同兵工二部查万历七年以前节年逋负除金花银两系共 上用例不议免外其余悉蠲止将见年正供之数责令尽完夫以当年之所入完当年之所供在百姓易于办纳在有司易于催徵闾阎免诛求之烦贪吏省侵渔之弊是官民两利也况今考成法行公私积贮颇饶即蠲此积逋于国赋初无所损而令膏泽洽乎黎庶颂声溢于寰宇久安长治之道计无便于此者 上纳其言寻有诏朕闻各处带徵未完钱粮苦累小民户部其查节年所欠几何即今应否蠲免止将见年正供之数勒限完纳会同兵工二部议处以闻一户部因言查得江南苏松等府拖欠本折银七十一万一千三百五十余两淮扬等府二十三万九千六百三十余两山东三十三万二千七百一十余两兵部查题准带徵未完银二十九万五千九百九十七两未题拖欠银一十六万四千二百六十两有奇南京户部查湖广等处拖欠南储钱粮本折银二十七万五千一十余两一体蠲免从之此视汉蠲租之诏不啻过之矣

○以恭写 永宁长公主金册赐辅臣各银币有差○修兰州城费银三千五百四十二两有奇皆动支于修边支剩银内

○蓟辽总督吴兑等题各马房牧地与民社互相错杂今照巡青衙门原题数逐一清查通州昌平武清东安顺义各原题少而今报多香河大兴宛平各原题多而今报少议以多余之地补失额之粮除抛荒水占不堪耕种及牧马养赡公廨营房道路河渠杂占外实在现徵子粒地共一万八百一十七顷一十一亩有奇徵银二万三千三十一两有奇岁为定额其东安县大坝马房水占地听从民便量摊鱼课银五十三万照旧徵纳部覆从之

○戊戌祭 太社 太稷以公徐文璧代

○赐戴圣夫人金氏房价银七千两○己亥 孝贞纯皇后忌辰祀 奉先殿遣侯李环祭 茂陵

○庚子 上御文华殿讲读

○罢分守杭嘉湖参将李应麒

○辛丑 上御经筵

○壬寅 上视朝

○铸给各分守道关防

○兵部题贵筑一区蜀之播州八司襟带于前楚之平清偏镇四卫联络于中而贵思石铜镇五府反环抱于外黎平一府又在辰沅间与五开卫同城颇有鞭长不及腹之虑今巡按马呈图欲割播州八司平清偏镇四卫尽隶贵州及镇雄乌撒东川乌蒙四府官吏悉入贵州巡按考察举劾乞行湖广四川各抚按勘议会奏后及雕剿事宜报曰可

○癸卯甘肃赤白云气见

○升游击张应选为浙江参将

○甲辰裁革湖广澧州顺林驿口

○乙巳 上御皇极殿谕内阁朕遵 皇祖时选中淑女册封为九嫔卿等传示礼部行

○丙午赐三辅臣果饼

○户部进万历会计录四十四册

○丁未升南京福建道御史郑之亮为江西佥事江西道御史李士逵为四川佥事

○复除石应岳为礼科都给事中

○革云南新兴州贪知州张于京职为民

○户部题各省赃罚银自万历九年至十年旧数外共增银四万五千七百三十八两零照地方之烦简定额数之多寡若诸臣肯体国奉公不充私费私馈则每年所入自足额角□羊之数但恐角□羊数稍增馈用不减乃入仍旧所出反多公私之费日赢库藏之蓄渐缩抚按必以多责司道司道必以多责有司有司希悦上官以多相胜罪一人而连及数人应无力而概以有力律止赎杖则拟满徒银应给主则拟入官甚至罚干证科良民有司曰不加益则上官驳详抚按曰不加益则岁角□羊不敷是本部清查赎金之议反为殃民剥下之媒朝廷富有四海何利此赎金为贪利口实耶查抚按衙门公费纸红薪菜吏书廩粮等项皆正项应支又分外给赏公差及供送过客乡官一省所费或以五六千计经年累月追之甚难片纸只字耗之甚易殊员 皇上禁贪责实之意 上曰前旨稽查赃赎意在禁私馈私用若馈用不减徒倚角□羊进克取将令狱讼滋多诛求苛刻反成弊政即行各衙门知之

○礼科左给事中史继宸言近日诸臣偷惰御门犹恐点闸及朔望殿殿奏请庆贺及一应大礼大节班列寥寥应请旨点闸至于朝参公座并载典制近多托故注籍既误随班兼废职业今后如非真病经月不出者容臣等指名参奏 上是其言因谕礼部近日各衙门官升堂大迟日过辰已尚未公座酒席宴会仍复盛行尔等堂上官宜率属勤修以称朝廷励精图治之意怠肆旷职者参处如堂上官姑息容隐科道官一并参奏

○补锦衣卫南镇抚司佥书管事署指挥使许茂樛王汝梅佥事殷宗传

○革甘肃总兵雷龙回卫阅科田大年参其贪也

○以昌镇守备李太初为真定车营游击

○录七年八年九年修完小团山寨见山松山寺等堡各边台十九座剩银三千二

百六十余两米器具称是一赏按察使李松参将裴永勋等有差

○戊申 上亲祭 大明于 朝日坛

○ 恭仁康定景皇帝忌辰遣伯张元善祭 陵寝

○辛亥 上御经筵

○巡按直隶御史曾士楚以病罢先是士楚< 〇〇〇 毓-金 >留大学士张居正夺情为编修吴中行简讨赵用贤所斥至是将按苏松士楚曰吾何面目见吴赵诸君子遂引疾去

○革云南曲靖年衰副使胡文职闲住

○叙宣府修边功赏总兵麻锦等有差

○壬子 上视朝

○升太常寺卿阴武卿为右副都御史巡抚保定贵州巡抚右佥都御史王缉为右副都御史巡抚南赣

○革浙江金衢副使李士迪职闲住巡按言其罢软故

○陕西副使任彬以病罢○陕西番木竹镇纳的楚药〇等进贡方物赏赐如例

○癸丑革湖广原任不谨知府王宇职闲住

○罢大同参将王吉及守备孙效武王廷臣蔡国贍

○甲寅改南太常寺卿李辅为太常寺卿

○禁外官仪从輿卫毋许越礼从礼部覆礼科给事中帅兰所建白也

○以山西偏头关参将李东旻为宣府右卫右参将

○以孙国臣充总兵官镇守甘肃

○先是内承运库以急缺段疋奏行浙江南直等司府动支无碍官银织造各色纁丝纱罗绫绉锦布共十万七千四百九十五疋工科都给事中李廷仪争之言万历四年该内织染局题造袍段五万八千余疋八九两年又题造一十三万余疋 上用固不缺也万历三四两年该库坐派段疋一十二万六千余疋七年又坐派三万六千四百余疋供用赏用又不缺也且织踰十万非银百五十万不能办钱粮各有正项库藏类属空虚无碍官银何从取给夫坐派甚易织造甚难制用有节费用无经如谓九嫔之岁币当增虜王之加赏踰额亦宜酌定数处钱粮分派各省似不可频行坐派使灾民无息肩之期如谓库贮已竭则查岁造拖欠严行催督盖加征不如催正供之为易新派不如完旧欠之为速耳仍望遵 祖宗之制定出纳之经赏赉必省弊蠹必清无令至于不可继 上纳其言因谕该库以后酌量撙节非十分缺乏无得辄题加派致累小民

○敕司礼监太监李佑管理浙直织造先是工部题织造一事顷蒙 皇上悯念地方灾伤展限分运地方官民不胜感戴但中间系上用龙袍及各样新出细巧花样颜色总非民间所易知倘有丝毫差错迨角〇羊进之时各地方官罪将谁诿至于上误国用下损民生又有不可言者乞谕令该监择一精巧官匠并金星牙尺早为给发庶不误事

上怒其迁延故有是敕云

○礼科左给事中史继宸条议宗藩未尽事宜一查会典亲郡王外禄入皆厚今天潢繁衍关支禄米且浮于二税之入合自镇国将军下至中尉如例递减而听其相生相养一无所禁则岁减禄米而时给之当亦所甚愿也

○查会典郡主仪宾而下岁禄多者八百小者亦二百中尉天潢尚用袒免而量减岂编氓上婚久享全禄乎除亲王郡王及仪宾外县主仪宾以下递减其半或减三之一而有司于仪宾稍加礼待及优免其差役彼虽半禄计必甘之矣二查会典仪宾犯充军者必待主君身后发遣夫宗室一干禁固尚不少贷今以主君故而法不行于仪宾非平也以后仪宾凡犯充戎者姑照议罚应得禄米三之二以赎其身待主君身后另议庶不废法亦不失议亲章下所司

○修济阳仓

○乙卯升兵科右给事中万象春为户科给事中姚德重牛惟炳为右给事中绍吏科问户科德重礼科惟炳刑科

○升福建兴化府知府陆通霄为云南副使

○改补浙江副使张子仁

○调补陕西西宁副使张孔修

○发宣府客饷银三万两充市本从宣大总督郑雒等奏也

○陕西按臣请复邠州宜禄镇为县得旨增设县治果否便民或系附近生儒建议图立学增贡不准行该抚按会奏○丙辰 上御文华殿讲读

○升光禄寺卿舒化为南京太常寺卿

○丁巳 上御文华殿讲读

○敕狭西湖广督抚按会勘楚府牧地丙辰应天府府尹刘庠为右副都御史巡抚贵州

○命南京吏科给事中吴琯巡视南京营务

○升大同车营游击计安国为大同西路左参将蓟镇大营游击王继英为遵化参将 戊午先是吉王翊銮为其世子常淳生母何氏乞封次妃礼部言亲王之妾其子已袭封亲王而嫡妃不存者方准封为次妃常淳嫡母妃虽故尚系世子应照亲王之妾有子者例封为夫人 上是之

○改太仆寺卿臧惟 为光禄寺卿

○革延海左营游击崔养浩陕西都司汪口任回卫

明神宗显皇帝实录卷之一百二十

明神宗显皇帝实录卷之一百二十二

万历十年三月己未朔

孝肃皇后忌辰祀于 奉先殿遣候吴继爵祭 裕陵

○行皇女百日命名礼成赐三辅臣金币有差

○升南京光禄寺卿郑钦为应天府府尹

○勒福建副使谭启致仕坐久病故

○革浙江贪都司吴宪职仍下巡按御史问

○以大同指挥佥事张邦奇为山西西路右参将 增筑保定府雄县横堤八里工食取诸修城余银退河间府任丘县东堤自满堂村至召公堡二十里工食取之裁省浅夫银以滹沱水患抚按辛自修敖鯤请也

○庚申 上御经筵

○命通政使司知事马从志鸿胪寺署丞沉云庆补起居注馆誊录官

○杭州兵变初杭州东西二大营兵每名月给饷银九钱巡抚都御史吴善言奉例议减三之一各兵稍有怨言至是拥诉巡按张文熙且言春汛届期例应防海兼搭铜钱不便携带文熙好慰遣之善言遽出示曰饷减已定不愿者听其归农次日兵遂大噪三司官往谕因围绕不放行文熙传牌谕止始释而拥入督抚衙门缚善言以出痛殴之文熙率三司官吴宪等及巡盐御史孙旬工部主事王谦光先后至多方戒谕始角□羊散归善言文熙因劾善言抚驭乖方自貽感辱杭严道佥事王许之都司鲁邦游击吕应阳无驭众法各罚治至于营卒受朝廷豢养即月饷少减自宜声诉以听议处乃敢瞑目横行且以秉钺重臣而公行戮辱法纪凌夷尚可言乎应严治首恶以定人心孙旬亦言募兵难散饷不可减卫弁统辖未便游击难于议裁会城仓库狱囚所系匪细而门禁悉付乌合恐有他虞此曹骄悍今又造此大衅各怀疑畏近日倭奴窃窥防汛尽属若辈万一从此角□羊体卒有警何以应之宜勾补军丁时加训练客兵有缺即以补之兵聚则势重散处则势轻今防汛分哨之地各有兵备汛毕即隶各道不必尽归会城且治监军道游击都司以不能钤辖之罪因言兵变之后奸宄睥睨必得才望大臣为之弹压而又重其事权假之岁月庶乱可定耳部覆以闻 上以兵部侍郎张佳胤代吴善言巡抚仍听便宜行事而勒善言归降王许之三级调用夺鲁邦吕应阳俸各一年○升蓟镇守备戚金为大水峪游击以山西副总兵李真充总兵官镇守陕西

○革河南府知府赵于敏职为民于敏先以侵克官银问遣因具< 硃-金 >自辩部议借抵钱粮查明补徵在库于敏情可原乃释

○辛酉山西右参政范汲以病乞致仕许之

○崇府仪宾张敏尹怡赵乾占诬奏怀西王长子载垕擅婚冒禄诸不法事巡按覆勘无据各仪宾行按臣问拟而载垕听信群奸不遵藩度夺禄半年

○南京国子监祭酒高启愚请革监生号银动支馔米月粮协南京工部修饰本监号舍节年拖欠膳夫乾鱼银两该部檄有司速角□羊允之

○兵部覆湖广巡抚陈省言全楚驿递支应烦多除武昌无剩银宝庆彬州无驿递外荆岳永衡辰常郧襄黄靖十府州自五年至九年贮库支剩银一万三千八百八十八

两有奇未完民欠银二万六千八百七十八两有奇并承德汉长四府未报积剩在库及民欠银两通行查追凑足十年之用黄州府尚欠额银一千九百四十三两有奇将各州县无碍官银抵补永州府多剩银一百七十七两有奇照旧贮库积穀一年另行议抵其余剩民欠未完银一万六千五百八十八两有奇尽行蠲免仍将本年应派正数银两及议革冗费银三千六百五十五两各免编断自十一年以后止实编银三万二千三十两永为定例报可

○壬戌 上御文华殿讲读 升太常寺少卿蒋遵箴为南京光禄寺卿改南京太仆寺卿陆树德为太仆寺卿

○准南京户部尚书王好问养病

○改陕西参将张咸为神机二营练勇参将

○癸亥清明节遣公朱应祜侯张炳常胤绪伯陈永禄刘嗣德张元善祭 长陵等九陵及 景皇帝陵左都督李鹤祭 哀冲 庄敬二太子坟

○太常寺少卿池浴德巡按陕西御史龚懋贤各以病请部覆皆许之

○户部覆保定巡抚辛自修题易州防秋之费原为巡抚驻防设也今抚臣免防其岁派各府公费犒赏供应自万历十年为始悉应停免除易州库有支剩犒赏民壮工食及角□羊到未用银共四千一百三十七两有奇验明贮库河大二府原派八九年供应银各三百两作速催角□羊并收该库专 防秋支用报可 甲子 上御皇极殿传制册九嫔周氏为端嫔郑氏为淑嫔王氏为安嫔邵氏为敬嫔李氏为德嫔梁氏为和嫔李氏为荣嫔张氏为顺嫔魏氏为慎嫔

○一册封九嫔祭告 奉先殿赐三辅臣果酒及白金币钞有差○升吏部郎中孙维清为太常寺少卿提督四夷馆南京右通政林景旸为南京太仆寺卿

○发户部太仓兵部马价银五万五千二百三十一两有奇于蓟昌二镇备修筑犒恤之用

○辽东巡抚周咏题丈出屯地八千九百三顷五十余亩屯粮一十九万九千八百四十石科地米地二万四千一百八十八顷七十余亩科粮地米九万九百石户部言虽未足国初原额而较节年已十增其一矣中间应行事宜如屯粮最重量为递减养廉马军等田及额外尖粮严行裁削营田屯田各从卫所之便科粮地米仍照节年徵收其关银赔补二项惟广宁屯卫浮粮无田抵补准与开豁及纪录参政李松等分别降罚指挥文道等 上以该镇屯粮久失嘉咏允登督率清查功并李松等俱纪于录

○升蓟镇参将陶世臣为山西副总兵大同游击马孔英为大同右参将

○镇江府妖僧汪元□等潜谋不轨事露伏诛

○乙丑升昭妃父刘应节为指挥佥事端嫔父周清为指挥同知郑承宪王秀邵名李士亮梁顺李山张榛魏承志各授正千户锦衣卫带俸

○兵部题五军三大营缺额马一千五百三十四匹通州营缺六十七匹旗手卫缺五

匹乞于太仆寺寄养马内调取报可

○升神机十营佐击郭之翰为蓟镇宁山游击蓟镇游击李秉德为陕西参将宣府阳和守备杨国臣为固原游击

○丙寅 上御文华殿讲读

○丁卯 上视朝元辅张居正再< 请假阁中事务票拟题奏等项容臣私寓办理 上敕从暂假且曰卿其慎加调摄不妨兼理阁务痊可即出辅理 ○南京吏部尚书何宽称病乞休 上慰留之

○改补四川佥事丁元复于福建

○升太仆寺少卿乔因阜为南京右通政

○应天府府尹郑钦以病免

○户部覆蓟辽抚按吴兑敖鲲题顺永二府丈量永清县多出备边地五顷四十二亩及新给寿阳长公主地一千顷共加徵银六百一两有奇霸州文安坐落京营牧马抛荒地五百五十二顷四十六亩零原徵银五百五十二两有奇皆九河下稍节年水占人户逃亡贻累里屯应与除豁还官仍作牧马草场其原徵银即以今丈出粮银通融补足尚余银四百六十两可资边饷武清县坐落备边地内有庆阳伯夏臣等原还官地九十七顷七十五亩零先年清查不明误以亩为顷以致钱粮无从徵角口羊应尽豁除及将参政雷以仁等纪录从之

○以缉盗功赏巡捕提督赵崇璧参将兰熠秦岐等有差

○保定巡抚辛自修咨先经革过保茂等卫金台等一十七驿站军并各余丁抽垛正军千名与密云一千营更番防操本以省冗费而均劳逸但站军数少若并其帮丁选垛一千势必至于逃避合给与原粮额布将站军作为备兵余丁免其抽垛俱发本卫编徵银差每年除六百两角口羊发一千营给军为衣鞋之费其原议增月粮布花银三千六百二十八两有奇仍存保定府收贮各年行粮草料悉免派徵兵部题宜如议报可

○戊辰赐锦衣卫带俸指挥使陈嘉言妻祭葬嘉言 仁圣懿安皇太后兄也

○改四川巴州米仓关巡简司于南江县大坝

○以大宁都司佥书史金为神机十营佐击

○夺福建漳州府知府周铎等俸有差坐强盗越狱为抚按劳堪安九域各劾奏也

○己巳 上御文华殿讲读

○升吏科都给事中秦耀为太常寺御史于鲸为太仆寺各少卿

○以狼山副总兵侯继高为南京后军都督府佥书

○庚午先是滹沱河水经流真定河间保定三府地方常多淹占在真定则有饶阳县该起运粮银三百两摊徵于二十八州县在保定则有雄县水占地共六百六十三顷九十亩零在河间则有任丘县该进宫给爵备边租银共二千五百八十一两有奇巡抚辛自修议保定新支出地一千二百九十顷零堪通融徵派而任丘进宫给爵银一千六

百二十六两均摊水占地内徵办备边银尽数豁除饶阳水退堪种仍归本县毋累邻国户部覆从之

○修山西西中东三路所属唐家会石岩铺等紧要边墙墩堡用银七万七百八十三两有奇拟动支修边剩银及库贮胖袄变卖木价丰贍等库民壮角口羊剩等项无碍银外至动存积客饷银一万七千九百两户部言客饷原备客兵紧急若以修工倘虏警卒至何以待之且工非一年可完银非一时支给别项银两任发而客饷宜止 上亦以为然

○陕西番七巴冉家蛮等进贡马匹盔甲腰刀给赏有差

○辛未谕阁臣连岁雨泽愆期近复风霾蔽日京城内外灾疾流行人民死者甚众朕心昼夜忧思此实不德所致可传示礼部择日竭诚虔祷于有祀宫庙内外其痛加修省以回天意

○南京礼部尚书刘斯洁再< 〇〇〇 毓-金 >乞休下其章所司吏部言斯洁老成当惜留之

○壬申 武宗毅皇帝忌辰祀于 奉先殿遣侯郑惟忠祭 康陵

○户部言先是陕西巡抚萧廩题延庆平三府所属地临边境风气高寒农种岁止一季额税向不能完地瘠民贫连年灾伤逃窜实系凋疲未完分数皆由小民拖欠固非收头侵费亦非各官布恩怠缓乞将三府边疲地方量破九分之利各官原住降俸级一体开复臣部覆核猥应如拟报可

○升职方司郎中赵云翔凤阳府知府张登云俱陕西副使

○癸酉 上遣司礼监太监张鲸诣元辅张居正第视疾赐银一百两蟒衣一袭及余物有差居正< 〇〇〇 毓-金 >谢报闻○保定浮图峪灾

○升福余夷目伯忽阿儿扎脱力伯忽为都指挥僉事并准朵颜卫都指挥僉事猛古歹伯彦帖忽思换敕赏其恪修职贡传报虏情也

○以蓟镇右营游击李贤为曹家寨游击松棚峪游击薛经为古北口参将

○甲戌 上视朝

○山西抚按辛应乾刘士忠题该省民屯田支出欺隐地五千一百余顷其潞安泽辽沁汾改派轻重粮价仍炤四年旧数派徵原代辽沁等八州县重粮应减派以苏民困至武乡榆社和顺三县被累尤甚应再减粮一千五百二十余石查汾州旧清出熟地一千顷零该徵税粮六千四百二十五石于中通融抵补各官如左布政使侯于赵等应纪录知县裴希孟分别罚治户部覆请诏纪录辛应乾刘士忠侯于赵等夺裴希孟俸半年张桥改教郭应龙下巡按御史问

○修宗藩要例书成先是大学士张居正等题宗藩未妥事宜< 〇〇〇 毓-金 >下部议礼部乃裒集 累朝事例删烦撮要分为四十一条附奏格册式于各条之后乞令史馆纂入会典颁示各藩 上览而嘉之命今名云

○丙子虏酋速把亥寇义州总兵李成梁击斩之俘获百余人兵部言官军奋勇名王就歼从来摧锋血战犹是击其归路未有堂堂迎敌殊死陷坚剪除祸本如此举者上喜命宣捷祭告如常仪

○丁丑以祈雨遣公徐文璧朱应祜侯吴继爵孙世忠伯毛登祭告 天地 社稷山川风云雷雨等坛赐三辅臣祭设

○是日 穆庙庄妃刘氏薨 上震悼辍朝一日 ○升山东副使顾寰为福建参政常州府知府穆炜潞安府知府麻永吉各副使炜河南永吉山西

○升兵科给事中尹瑾为吏科都给事中礼科给事中王三余为兵科右给事中

○以宣大游击鲍崇德为大同北西路左参将仍留广东游击范朝恩于刘河

○戊寅赐三辅臣及府部大臣日讲官鲜藕 沈王恬炆薨抚按以闻 上震悼辍朝三日

○以浙江温处参将沉思学为狼山副总兵

○封德府纪城王常澍选高氏为妃

○庚辰 上御经筵

○以山西右参议李甘□向为河南右参议兼佥事备兵霸州

○辛巳 上视朝

○赐太子太保平江伯陈王谟母祭葬如例

○以神机四营佐击李栋为宣大右掖游击○先是河漕总督凌云翼言清江浦河堤夹邻黄河迤来水势南趋淤沙日被冲刷恐黄河决啗运道可虞欲于城南窑湾自马家嘴历龙江至杨家涧出武家墩另开新河以通运道在司道张誉等初议则从武家墩折而东仍合通济闸出口于是兵科给事中尹瑾议清浦之河其来已久河堤之外一望平田并无冈阜遮隔虽杨家涧新开河渠相距亦不过十余里必清浦之堤无虞而后淮安无虞一河两岸无虞而后杨家涧之新河无虞设清浦一决其害不止清浦而已且粮船经由淮城则夹带违禁易以稽查若径由窑湾入马家嘴则中有一河之隔又有大湖之遥脱有顽军梗悍作奸犯科失误粮运咎将谁归至武家墩出口尤为可虞盖本墩地势高亢天将设之以屏障淮河者墩内地高难为挑挖墩外湖阔难以湾泊冬春之交粮运紧急则苦浅涸伏秋之候淮水泛滥又苦奔冲且武家墩与高家堰共为一堤相去甚近开武家墩是即开高家堰则又害全河矣无已则道济闸合流之议为可从耳已而云翼请遣官往勘给事中李廷仪吴琯言今日治河之事宜开新河以避流守旧堤以固清浦武家墩不可开新坝不可筑事势昭然遣官覆勘徒滋道旁议耳部覆给事中言皆是上令云翼计永利以闻

○壬午江西左参议丁惟宁以病乞休许之○添设宁夏镇城广裕库库官一员

○癸未升广西副使吴哲为江西右参政兼佥事备兵杭严

○赐 永宁长公主庄田二千五百余顷如 寿阳长公主例

○以宣府守备麻柏为蓟镇游击昌平游击吴海占为浙江温州参将改保定坐营游击黄明为大同入卫游击

○甲申 上视朝

○命英国勋卫张元功宁阳勋卫陈应诏各袭祖爵

○夺江西瑞昌王府奉国将军多火口皂镇国中尉谋堡谋埵禄米半年仪宾徐振廉提问坐诡田冒粮为抚按王宗载贾如式参论也

○乙酉 上遣文书官吴忠诣元辅张居正第问疾赐银八宝四十两银叶二十两食物有差居正< 〇〇〇〇 毓-金 >谢因乞再假二十日温旨允之

○丙戌赐辅臣果饼馐馐

○惠州河源博罗大水

○荫兵部右侍郎王凝男祉翰林院习字出身

○兵部覆应天巡抚孙光祜蔡梦说题苏松常镇所属各将领部下汰名色把总等官三十九员家丁百长等役七十八名减银一千五百四两有奇苏松等卫吴松等所减公费银一千六百八十九两有奇徽宁等处所属新安等卫减公费银一千二百六两有奇革建阳安庆二卫军舍岁省粮一千五百五十五石零九江卫军舍安庆等营各将领部下岁减廩给纸劄银二十二两有奇通自万历九年编派已定者炤旧徵贮官库听候别项公用十年以后悉免派徵从之

○进封蕲水王致< 〇〇〇〇 木盛 >长子宪火口恩母封夫人李氏为妃○革辽阳副总兵姚大节任回籍

○以大宁都司佾书赵继光为保定游击

○丁亥户科左给事中万象春以镇江妖僧倡乱请严剃度之禁礼部覆在京责巡视御史在外责巡按严禁毋许容留游食僧道报可

明神宗实录卷之一百二十二终

明神宗显皇帝实录卷之一百二十三

万历十年四月戊子朔孟夏 上亲享 太庙

○谕礼部令民及时农桑毋事游惰

○升湖广佾事马鸣鸾本省右参议

○铸给福建清军兼理粮饷关防是时督粮参政已裁而诸务总归右布政使故有是给

○辛卯赐三辅臣及日讲官宫扇有差

○是日午大风扬尘四塞

○革山东都司夏继藩任

○以锦义参将秦得倚为辽阳副总兵

○癸巳 上视朝

○复除江西右参政葛大纪○住河南抚按褚鈇赵楫俸先是河南丈量新册与旧册不爽升合为户科所摘户部因请覆核遂命住俸严勘以闻

○免原任南京操江右佥都御史张岳职闲住降胡嘉谟一级调外任先是岳上< 䟽 疏-金 >劝居正终丧居正颺之业令自陈调外任矣至是南京都察院吕藿吏科给事中吴琯希居正意查刷操江衙门赃赎银两因劾岳违例滥费并及嘉谟故谪

○甲午封宣宁王充灿选续氏为继妃

○宁夏灵州土军马景等作乱杀参将许汝继屠其家巡抚晋应槐捕斩之

○裁革福建林墩驿

○以广西浔梧左参将朱先为浙江军门游击福建行都司佥书钱经济为浙江总捕都司

○乙未以辽东都指挥佥事熊朝臣为锦义参将

○论延绥宁夏甘肃三镇贡市功赏总督高文荐巡抚侯东莱王汝梅晋应槐捕斩之

○裁革福建林墩驿

○以广西浔梧左参将朱先为浙江军门游击福建行都司佥书钱经济为浙江总捕都司

○乙未以辽东都指挥佥事熊朝臣为锦义参将

○论延绥宁夏甘肃三镇贡市功赏总督高文荐巡抚侯东莱王汝梅晋应槐总兵雷龙张杰贾国忠及道将等银币各有差

○予锦衣卫管卫事指挥同知史继书父母祭一坛仍给其父史际半葬以军功故

○丙申辅臣张居正等请存问原任少师大学士徐阶言阶当严氏乱政之后矫枉以正澄浊为清惩贪墨以安民生定经制以核边费扶植公论奖引才贤一时称为治平皆其力也且言 先帝潜居藩邸

世庙一日忽有疑于 先帝命简 成祖于 仁宗故事阶从容譬角□羊以释其疑 先帝登大宝阶为翼戴首臣 皇上正位东宫常预册立大议今致仕家居年已八十应特赐优礼以昭太平盛事 上纳其言命所司议行

○命韩府襄陵王融焚子谟塏袭封襄陵王夫人任氏为妃

○荫吏部左侍郎赵贤孙得卯入监读书以贤考满故 升浙江左布政使游季勋为应天府府尹

○少保兼太子太保镇远侯顾寰卒无嗣以嫡侄承光袭爵

○升刑部员外郎夏良心为湖广佥事

○丁酉 上御文华殿讲读

○巡抚保定辛自修议边陲要害八事内惟留真保标兵以资弹压禁差使枉道及填发勘合以恤驿困部如议报可

○戊戌巡按江西御史陈世宝以病乞归许之

○予原任南京工部尚书徐棡祭葬如例棡升尚书未任以人言归部拟祭炤新衙葬依旧炤得旨准炤二品例祭葬○下巡漕御史提问苏州等卫管屯掌印指挥李天祐等坐怠惰欺罔催徵不完为巡抚所劾也

○户部题管粮远者六七千里近亦四五千里往河道阻塞粮运多虞荷 皇上轸念国储归并河漕督臣专责各省巡抚及添设御史通行巡察各兵备画地分修故途年道路< 距 铨-金 >通不踰春月俱达天津北至白河咫尺京师反不能依期抵坝何也一则起剥甚难一则浚河不力盖剥船仅八百每船不过百余石每剥往返须两日三百余万之粮必欲尽用剥船恐剥船已尽河涨无期转盼伏雨时行陆运既阻于泥泞入仓又难于晒扬虽捐轻赍而尽用之亦安望米色乾洁无浥烂耶宜令仓漕各衙门严行沿河承委州县官令其昼夜驻劄临河各分信地督催堤夫浅夫挑浚白河一带平河漫流浅阻务期深阔无滞如原设夫役不敷许量动官银雇募协助俟粮运完日报部议补仍将各官勤怠酌议题请以示劝惩报可

○四川保宁府地震如雷

○兵部覆广西督抚右侍郎郭应聘刘尧海题贺县里松八峒与樊屯势江等獠往盘据万山中时肆流劫顷年就抚输粮愿为编户樊屯势江俱已建立土司住守迄今宁谧惟里松八峒延袤百里界联三省奸徒逋逃于中招主吓骗于外里排利其膏腴往往告兵征剿诸夷身虽向化心尚怀疑乞炤樊屯例于适中处所建立土司即以名色把总犁邦伯移家住守管束獠民三年之后果地方安靖各准以副土巡简职衔世守其土若失策误事据法处治仍于本峒界近湖广江夏等处堤口设立一堡移兵把守以资弹压 上然其言○叙大同修边功赏抚郑雒等银币有差

○己亥 上御经筵

○裁湖广新店把总散其卒而选卫所官量带军余六十名住防

○以原任浙江总捕都司米万春为山东都司佾书福建守备虞鼎臣为本省行都司佾书甘肃游击王国柱为西宁参将广西都土白玉为浔梧参将

○庚子以旱祈雨遣公朱应祯吴继爵孙世忠伯毛登王应龙祭告 天地 社稷山川云雨风雷等坛仍命停刑禁屠群臣修省七日

○是日 孝懿庄皇后忌辰祀 奉先殿遣庆都伯杜继宗祭 泰陵

○陕西番木沙等族章哈尔节等各进贡方物给赏有差

○谕刑部今天气暄热两法司及锦衣卫见监囚犯笞罪无干证者释之徒流以下即减等拟审发落并开重囚情可矜疑及枷号者以闻寻以刑部开奏免枷号犯人叶丽春等十三名

○辛丑升湖广鄖阳府知府张九歌为陕西副使

○四川参政赖嘉谟以病乞致仕许之

○升翰林院简讨刘楚先为修撰编修刘虞夔刘元震为侍读○以南京江防游击王如璧为江西都司佥书

○丙午赐锦衣卫带俸都指挥佥事江鱼祭葬如例鱼 世庙肃妃兄也

○丁未赐元辅张居正大红五彩五毒艾叶双缠身蟒纱及胸背各一件

○戊申 上御文华殿讲读

○革广东考察听降贪副使张尧年职为民被黜知府张敷潜下巡按勘

○蓟辽总督吴兑题榆林土木二驿坐宣镇而隶昌镇鞭长不及故站军得以推避凡应付往来官使中途推诿怀来保安岔道三城防操军马代为接递今二驿应听昌宣两镇兼属其应付事宜仍听怀保二守备料理责令径送无预城操及以岁支本色粮银均分一半各支給半年第昌镇额饷例难擅更合听宣镇借发年终仍于昌镇取补部议亦以为然从之○云南巡抚刘世曾等题陇川宣抚司逼近腾永外捍诸夷藉为内地藩屏自宣抚多士宁物故头目岳凤久蓄异谋其子曩乌辈济恶遂投附莽莫杀害士宁妻子占据士宁爵土假称传幼传贤攘执印牌勘合法不容诛宜先选差通事员役谕以朝廷威德开陈祸福令将印信金牌勘合底簿交还明白查王应继之人为该司宣抚或待凤不死以广自新如冥顽负固即调集土汉官兵并力剿捕泉凤父子传示边隅兵部覆请 上可其奏

○己酉发太仆寺马价银七千四十五两有奇于辽东备宁前买马给新军从总督吴兑请也

○庚戌 上视朝

○革四川贪右布政使刘经纬职闲住以前任参政被劾故

○褫广东惠州参将季金真定延绥游击路登云赵武职各以贪纵为抚按所劾也

○降西和县知县刘凤鸣二级凤鸣御下无法民有拒捕而衙役纵火致全家三十一人于煨烬者抚按萧廩吴定劾谪之

○给庆都伯杜继宗坟价银一万五千两坟地十六顷继宗 孝恪皇太后之弟也援武清伯李伟例以请 上以例不合特给半价继宗时以年老子幼预行陈乞事殊创见云

○辛亥端午节近赐辅臣讲官等篋袋花绦画扇各有差

○户部覆两广总督刘思海题总计广东军饷岁派四十三万迩来民间拖欠者查追不严军伍杂陈者稽核不密以致积剩存留数少今查任内存积饷银见贮库二十四万四千五百余两各属未完银六万八百九十余两分别各贮以备紧急一切岁支常饷不得那移诏可

○壬子 上御文华殿传制遣阳武侯薛鏗定远侯邓世栋翰林院编修节以赞王懋德冯琦尚宝司少卿徐元春给事中万象春史继宸姚德重聂良杞张养蒙行人司司副沈瑞临行人林士弘周光复林廷升唐仲寅中书舍人祝大舟吴岳秀等充正副使持

节册封德王翊鎔嫡第四子常注为嘉祥王益王翊釬嫡第十子常溱为安仁王铜陵瑞禧王翊鉞嫡第一子常派为铜陵王蜀府南川王让樨庶第一子宣鹵□翟为南川王晋府靖安恭懿王知火□昏嫡长子新环为靖安王荆府富顺王厚焜庶长子载烘为富顺王周府原武庄惠王睦木□频嫡长子勤燾为原武王松滋恭肃王致糠嫡长子宪<□火量>为松滋王蕲水端懿王致<□木盛>庶长子宪火□恩为蕲水王乐昌温靖王充火□薰嫡长子廷堧为乐昌王代王鼎铉妃郭氏为代妃秦王谊湜妃许氏为秦妃纪城王常澍选高氏黎丘王常溱选刘氏浦阳王常浆选夏氏原武王勤燾夫人陈氏南阳王常□? 甘聿□选钟氏休宁王郎鏐选史氏松滋王宪<□火量>夫人刘氏蕲水王宪火□恩夫人李氏肃宁王宪火□藜选胡氏乐昌王廷堧夫人刘氏各为王妃

○升应天府府尹曹大野为都察院右佥都御史巡抚江西

○四川按察司佥事岳钟英以疾乞致仕许之

○山西抚按辛应乾刘士忠清查过各郡王下军民厨役有原系钦拨炤旧存留者有王爵见存尚多役占者有节年薨绝未裁者有散宗违例滥用者并各该余丁俱革发四卫回藉当差其应给军厨府分就将散宗并薨绝郡王看坟所革人数拨补部覆得是之

○先是浙江抚按题浙江应织六分袍服该用工料银八十八万八百余两而本省司库已竭本年两运不敷议将见在减兵扣省变易书院等项银四万余两并未角□羊工部节银粮银八万余两应用以后乞炤四年例留户工二部关税工科赃罚等项钱粮凑处候袍服通完炤旧起角□羊应天巡抚亦言该地方织造新样綾疋查炤上年事例详允动支户工二部钱粮织完差官起角□羊将用过银两移咨户部知会乞准作支销而户部称袍服系工部奉旨织造司农何与马况本部岁额进用无虑五百余万历年借过太仓库银二百四十八两未补若再留额角□羊不一二年内府之借应日乏各边之军饷告急于时事例必无可开小民又难加派令本部何以为计乎且前借奉旨应还本部者还尚无期而借者又至钱粮各有攸司匱乏更难曲徇<□足 铤-金 >入下部再议已户工二部因议留户部济边银二万七千一百余两于浙江焉

○甲寅赐三辅臣及文武堂上官各扇绦臂索艾虎有差

○增边镇马匹草料银四千四百余两

○下贵州铜仁守备李应南于巡按御史问应南擅监熟苗龙木恰恶苗藉口声冤纠众攻孟溪一带寻虽角□羊散起衅殊可罪也故治之

○以原任宁武游击杨芳为延绥入卫游击

○增岁供木炭三百万斤

○乙卯升南京尚宝司卿李己为应天府府丞

○下革任游击路登云于御史问以其违例乘輿故也

○以广东都司成大儒为水寨海防参将原任京营参将陈善为真定游击

○甲子 孝宗敬皇帝忌辰祀于 奉先殿遣彭城伯张守忠祭 泰陵

○礼科都给事中石应岳等题窃见四月末旬彗星出于五车前此雨泽愆期风霾蔽日人民疫死农务无依继此下月朔日有食之在河西则赤光白气匝绕半天浮图峪白石口则台房箭具天光烧毁在浙江则标兵殴辱抚臣在灵州则士卒屠戮参将臣愚不知天文星纬之术然备观史册天象变异皆所以警戒人主也今天异人变叠见可谓警戒矣倘或不知惺悟增修德政上干天怒祸可言乎惟 陛下当天心仁爱时念人民之失所眷贼盗之滋章抑左右之专欲斥侍从之谀佞用虽锱铢勿轻恩虽戚近勿滥损燕私过度之乐罢营缮不急之工用人必惟其公议狱必求其当简择将帅慎固边圉以及蠲恤之旨屡颁而有司尚有阻格侵削者条鞭之法虽详而守令尚有额外科罚者均丈之法虽行缉访之令虽申而郡县尚有假手作弊避罪要功者种种时政皆当严禁御史马象乾等亦谓朝廷一面蠲贷有司且奉文以催徵一面节省使者又衔命而织造春蚕未成罗绮之办愈急秋稻未熟粟米之赋更严民力既竭人心易摇惟

陛下加意修省以图实政报曰玄象示异朕心寔深儆惕内外大小臣工其一体痛加修省务实保民用答天戒

○乙丑

上御文华殿讲读

○遣行人涂时相存问致仕少师大学士徐阶敕曰朕闻古者公孤在朝则坐而论道更老在学则宪而乞言惟尊贤尚齿之义实褒德劝功之典眷言耆硕著有勋庸世咸仰为达尊朕岂靳于殊数卿才优王佐学擅儒宗早驰誉于清华历试功于盘错简知皇祖晋陟台司履忠顺以事一人持廉靖而先百辟当儉壬之既黜更治化以维新惩贪污而仕路肃清奖忠直而真才汇进申明典制多安边裕国之筹默运枢机有尊主庇民之略定邦本于危疑之际宣 上德于弥留之中翼我 先皇嗣基图而抚方夏保予冲子升储贰以奉宗祧方倚重于黄扉遽乞间于绿野后先多绩朝廷资其典型终始完名寰宇想其风采自天纯祐俾尔寿康届兹八旬敛时五福匪直先民之楷式实惟盛世之祯祥朕祇遹先猷追惟旧德粤稽功勳载锡宠章兹特遣行人涂时相赉敕存问仍赐银五十两大红纁丝蟒衣一袭彩币四表里以示朕眷于戏卫武虽在耄年箴儆不忘于国晋公已角□羊机务安危犹系其身惟我宗工不殊前哲其茂绥蕃祉慎保修龄尚谋黄发之询用慰苍生之望钦哉已而阶具< 跪 毓-金 >遣孙监生元普赉谢 上特授元普中书舍人

○刑科右给事中牛惟炳条陈四事一慎简抚臣一外官给由一申明将权一禁革窝访下所司议吏部言抚臣超擢与转自各该地方惟边方可行内地则宜转自京堂或擢之他省不惟明微且以肃体良是如前项资望不孚即本省亦不妨间用至谓给由违限多为抚按会考所稽如抚按一人缺则一人单考此又酌量事体人情之甚当者也兵部则谓督抚居重驭轻非标兵无以资弹压应炤旧便都察院言访察所以防奸窝访实

为蠹政势要土豪本管得以开送害人衙役被害得以陈告有司贤否道府州县考语可凭本官言动文移可质此皆切要之论宜依拟诏曰部院言是

○铸四川松潘威茂各管粮通判关防已予肃昭王妃郭氏祭葬如例

○发太仆寺子粒银三千两于戎政府给贫军是时瘟疫盛行营军死者众刑科给事中王凤竹以为言故有是赈部请并中都山东河南三都司班军京操病故者咸得人沾二两为盛惠云

○逮问滁州卫指挥佾事毆澜澜违制指称公费扣留军粮为巡视京营给事中王凤竹所劾故也○丙寅大名兵备道副使张昇以病乞休准以左参政新衔致仕

○梟五开逆犯胡国瑞等二十五名遣杨启仁等二十九名国瑞等皆华人结为款党逐官毁署戕杀多人及官兵进剿犹敢□城抗拒故就彼梟示并变卖其家口入官而降五开卫指挥钟鸣震等级调边卫

○丁卯 太祖高皇帝忌辰祭于 奉先殿

○调河南副使唐铈于山东

○以从化番禺增城龙门四县水灾蠲免九年以前拖欠夏秋存粮有差

○叙五开功升巡抚陈省为兵部右侍郎佾事龙宗武为右参议巡按钱岱等各赏赉有差

○戊辰 上御文华殿讲读○哈密卫畏兀儿哈刺灰署都督印指挥同知站卜刺差夷使也先卜刺等并袭国师马你阿纳的纳等袭都督同知舍人米尔马黑麻等各朝贡袭职给赏如例四宴刺麻番僧速南班班等

○己巳 仁宗昭皇帝忌辰祀于 奉先殿遣新建伯王承勋祭献陵

○工部左侍郎陈道基三年秩满荫其子金铉为国子生

○升山西佾事房如式为河南左参议福建福州府知府潘颐龙为河南副使

○免河东运司逋粮先是自万历元年至九年共该宣大山西年例银一百五十五万六千四百余两未完尚八万五千二百九十余两节因水旱池盐不生以致逋欠于是巡盐御史邢侗比炤带徵民粮事例请蠲从之

○靖江王任昌贵溪王厚燧汉阳王厚福□火薨各祭葬如例

○庚午 上视朝 ○户部以云南抚按奏免加金覆请 上不允命文书官田义至阁持前旨大学士张居正等因言云南原不产金每年收买徒苦小民彼中连岁不登夷情骚动臣等每见抚按奏揭窃以为虑盖云南古西南夷我朝始入版图夷獠丛居原无起运钱粮间有不靖往往以兵定之殊糜中国财力赖 圣明在御稍觉宁谧陇川木邦等处乱槩已萌若徵没繁兴民不安业裔夷之地易扰难驯异日恐烦 圣虑乞俯听臣言如议罢免若以岁用偶缺或如抚按言准其角□羊价来京令户部如数买进从之

○辛未辰太白昼见

○镇守四川总兵官都督同知刘□卒赐祭葬如例

○壬申复除翰林院侍读韩世能

○南京吏部尚书何宽再< 銚-金 >乞致仕吏部言宽清贞宏远茂著声猷再< 銚-金 >词切情迫宜许之以遂其私报允

○癸酉先是福建汀州府捕盗抚民通判新建镇馆于河头坪通判陈文灿畏不肯赴巡抚劳堪上书劾之因言河头坪系上杭境内见有兵备弹压无资府官请以汀州府同知兼管总捕而裁捕盗通判便吏部以河头坪路通两广山峒素为盗藪先该两省抚臣会题设城加兵专官坐镇今不数年复又议革事关地方乞行各抚按从长会议并定职守以闻诏如部议而恶文灿旷职夺俸半年

○甲戌升浙江右布政刘汉儒广西右布政胡定各本省左布政

○陕西右参议桑维高以劳成疾准回籍养病

○升福建按察使张楚城于本省陕西按察使李戴于四川各右布政使

○湖广抚按陈省钱岱请添库官库吏以重国课部议添设纷更已之便 上以各处库藏吏弊全在司府州县官洁己奉公不在添设官吏该部言是

○升辽东巡抚周咏为兵部右侍郎兼右佥都御史巡抚如故

○减淮王载坚岁禄米一千石比秦晋等府例也

○以孳生驹不及额夺陕西苑马寺少卿张澜俸一月

○郑王厚烷请补修府第银一万八千两不许

○乙亥 上御皇极殿

○升鸿胪寺右寺丞韩国宝为左寺丞随堂主簿张钊为右寺丞

○丙子命翰林院侍讲韩世能编修黄洪宪充纂修六曹章奏

○升浙江按察使郝杰广东按察使赵可怀各右布政使杰本省可怀广西

○降补陕西右参议汤仰

○故事领马官军遵旧例追桩近给市马一军有倒死三四疋者照疋徵桩以致月粮尽扣军贫不能自存总督侍郎高文荐题所给市马领养一年至三年倒死者比照延镇例分别军丁酌扣银粮其给领或在营或在途及三月以里倒死者如山西入市俵给例止追内脏银两乞将万历元年至六年旧欠桩朋银二千四百两尽行蠲免七年以后照旧扣存以苏军困部覆从之

○盗杀人于顺德府境住捕盗同知李琮钜鹿县知县何文极俸捕贼新河知县庄杰夺俸三月以杰发人追逐足相掩也

○初工部供办各监局年例并内外工作率召高买办后以差役偏重给价后时奸商规避就轻贫商独受其累当事者定为轮转法通以预支苦乐适均缓急有济稍稍称便至是奉存恤商人之谕部乃上言编役已逾二年能无更变中间丁力堪充者尚多而消乏者亦有分别豁存外惟惜薪司一役年例柴炭 上用业有常数经管员役比旧渐多人众弊丛实多赔累其在易州厂地称穹远运纳艰难各役负债破家逃亡相继尤为

极苦所当重加体恤以苏畿民从之

○丁丑以致斋赐三辅臣果饼肴馔

○戊寅升吏部左侍郎赵贤为南京吏部尚书

○己卯夏至大祭 地于

方泽遣恭顺侯吴继爵代以侯孙世忠伯杨炳大学士张四维尚书王国光分献五岳之神

○给赏陕西泯州卫大崇教寺七寺番僧速南班班等及阶州卫山峒等族狗儿等各有差

○庚辰户科右给事中顾问言顺天等八府自万历八年雨暘愆期收成寡薄至九年十年恒暘肆虐禾苗尽槁菽麦无收穷困极矣兼以额办钱粮追徵紧急尺布斗粟尽以输官大牲小畜悉行供役村店萧条杼轴虚竭是以民有菜色元气重伤天降灾星蔓延益烈生者逃移死者枕藉见之伤心闻之酸鼻其在真大一带尤甚迩闻钜鹿县等处群盗蜂起方巾绣服大剑长枪凡中产之家夤夜劫掠即以其所劫之财施济老弱收录壮锐此其祸故不小也夫事穷迫则变易生民摇动则乱易成惟皇上大沛湛恩特加赈恤如去岁赈济江南事例遣官分投抚按查各府州县仓廩积粟库藏剩银尽数给发以救饥窘至于今岁田租酌量蠲免无使恶少一呼饥夫响应至于结聚而后剿除恐上廛宵旰之虑而干大地之和 上览< 〇〇〇 毓-金 > 恻然命赈恤如议因念各处灾伤奏报后期致小民不能时徼德意殊非为民设官之意该科参揭以闻

○壬午南京刑部尚书殷正茂再引年乞罢温旨谕留之

○提问肃州卫参将毕景从坐番虏互掠堵抚失宜为巡按吴定劾奏也

○鲁府邹平王府奉国将军观焯以殴杀平人革为庶人幽之闲宅

○癸未 穆宗庄皇帝忌辰祀于 奉先殿遣固安伯陈景行祭 昭陵

○改灵州大小盐池巡简为大使

○两浙盐法之弊也有司秦越怠于徵角□羊一也开熟灶地丈入民田以希上意二也此二者弊之在有司者也边商中盐到浙关引虽定四月回司无定限行引无定规边引无定价奸商擅利引自积壅三也批验所掣放不时致三季余盐并于一季四也此二者弊之在奸商者也江南盐徒越境兴贩五也则害在商矣商人住卖引盐嘱托有司分派里递徵价还商捕获私盐内多消折虚数铺户变价包赔六也则害又在民矣巡盐御史孙旬欲劾查参民粮事例考成有司以核逋负炤丈量民田事例委官丈勘以清荡田引程以五月为限新引到司存司旧引内商上紧卖销一面兼行新引边商关引于内商酌定价值以< 〇〇〇 毓-金 > 积滞三批验所每季终掣毕引盐余盐限五十日内尽纳发运行盐地方住卖违限者计日问罪浙江应天巡抚及操江衙门于各该参游守把俱给与批劄不妨原务兼捕盐盗引盐运到州县随责原编牙铺两平货买获到私盐开报运司拨商支掣以通余盐以杜私贩以苏民困部覆俱如议独巡缉私盐已有州县佐贰

责成将领者为大夥盐徒耳今概行批割恐将领指有明文滥差兵卒妄拏肩挑背负贫民及受巨窝贿嘱交通容纵当责盐臣不时访参奉旨如议

○甲申 上御文华殿讲读

○遣司礼监太监张鲸诣元辅张居正第视疾赐银八宝四十两食物有差居正

< 硃-金 > 谢报闻

○起补吏部左侍郎杨巍

○升浙江右参政王湘山东左参政徐元泰广东右参政徐时可各按察使湘时可本省元泰陕西调补福建按察使周浩

○追封衡王载封生母李氏为衡庄王次妃例也

○以山西右参将许登羸分守宁夏东路宁夏游击唐尧辅为分守灵州左参将

○乙酉初杭州兵变以才望简张佳胤往抚佳胤甫入境而会城有市民之变丁仕卿者上虞流民也久蓄奸谋奋行保甲借建言号召市民指恨乡官为名啸聚纳喊折更楼栅门焚劫乡官宅舍肆行擄掠佳胤驰入会城出榜安谕不听围绕巡按衙门拘留二司迫民出枪刀分投焚剽势益猖獗城中火光烛天哭声振地佳胤乃召营兵密谕曰若曹造弥天之罪欲不死当以功赎众皆感奋分布各衙门且守且擒佳胤随榜角□羊散胁从且论各兵对敌擒获方准论功胁从逃归者毋许擒拏若有杀伤仍以杀伤论陆续擒乱民一百五十余人以便宜梟斩韩谨等五十二人杖毙丁仕卿等九十五名事平佳胤文熙飞< 硃-金 >以闻且叙知府刘伯缙原任游击徐景星知县陈良栋孙琬功而劾同知吴日强及文武巡捕之罪 上览奏嘉叹赏佳胤大红纓丝飞鱼衣一袭银三十两彩段二表里文熙银二十两彩段一表里刘伯缙等纪录徐景星推用吴日强夺俸三月巡捕各官抚按逮问佳胤当入境之初奋身犯难定变俄顷尽夷乱党振久弛之颓纲虽佳胤之能实假便宜之效也

○工科都给事中李廷仪题国家钱粮京边为重稽考亦严抚按查参于事终户部比较于朝覲故完多欠少至工部钱粮原系京运如匠价柴夫料银为内府年例胖袄段疋折价赏赉所需麻铁砖料以备营修弓箭弦条以充军器关系匪轻特以比较稍宽故拖欠特甚自万历五年议行考成数年积逋次第报完此其明效大验也近奉 圣谕议蠲带徵则七年以前既从豁免七年以后可复逋乎兹当朝覲之期宜申明旧例严加责成行将八九两年额输本部钱粮备查某州县某项已完若干未完若干已完者有无取获批收未完者缘何不行完角□羊分别多寡立限查参及言钱粮以起运为重存留为轻部参原为起运而各省文册混造起存故有抚按免参该部参者宜申明画一章下所司

○丙戌 上视朝

○山东巡抚杨俊民题该省兖州等六府库贮各驿递节年积剩站银共一十二万一千三百余两请免编万历十一年分额徵银两以宽民力部覆从之

明神宗实录卷之一百二十四终

明神宗显皇帝实录卷之一百二十五

万历十年六月丁亥朔日有食之

○升山东副使王庭诗河南副使王藻福建副使徐汝翼各左右参政庭诗浙江藻山东汝翼广东

○准巡按广西御史敖选养病

○以原任蓟镇协守李汝楨为宁夏游击河南都司雷以诚陕西都司孟孝臣各右参将以诚太原孝臣肃州

○黜湖广长沙府贪酷通判时瑞岳州府平江县贪知县朱嘉猷各为民

○戊子 上御文华殿讲读

○以陕西左参政暴孟奇督造黄册○蓟镇总督吴兑题该镇防春客兵夏深劳久山东河南北直隶班军定以六月撒放休息工完者先放未完者候完赎放各路主兵南兵并应留延绥宣大保定兵马仍分信地防守有警听其调发部覆从之

○己丑升工科给事中刘弘道为山东佥事

○庚寅除补浙江道御史涂杰

○授庶吉士冯梦禎为翰林院编修

○免云南巡抚赃罚银一千一百两有奇为前任巡抚饶仁侃候代日所欠巡抚刘世曾奏罢之

○革浙江总兵官吴国任悍卒奸民两番倡乱国未展一筹而贪残无比言者劾之故罢

○壬辰 上视朝

○降浮躁浙江监兑员外郎袁禎级调外任○兵部题 上供柴炭出办在本部审编在五城收受在惜薪司挂号纠察在巡视科道经理非不密而商人日困法之不善可知也至烦 宸哀軫念臣等议为七款一复召商良法二定预给钱粮三宽恤采办四宽假途禁五宽减秤头六设立公所七永安商人乞敕遵行以图实效制曰可

○礼科都给事中石应岳申明科场事宜一正文体作文阅文务与实纯正一严防范关防搜简交通传递之弊一重内帘各省俱以朱卷送内帘一定程式即刻士子朱卷一公选举卷面房数中式后始印以便通融一重廷对罢黜对策不称者部覆依拟

○赐原任南京刑部尚书冯岳祭葬如例岳浙江慈溪人登嘉靖丙戌进士授工部主事历知府藩臬京兆尹擢右副都御史巡抚升兵部右侍郎兼佥都总督以擒斩叛苗功升右都御史兼侍郎如故未几升刑部尚书踰岁引疾归以 上登极覃恩诏有司备羊酒彩币存问至是卒岳素负清望兼富军功在朝在乡居然型范士论重之

○癸巳两广总督刘尧诲题该省见在卫所官军共三万四千一百一十三名应支月俸粮米四十万一千五百五十石有奇将领水陆官兵征马共三万九千一百一十八

员名匹应支饷银三十八万二千四十二两有奇角□羊部济边银二万九千九百九十二两有奇其余米四千五百八十三石零及余银二万一百九十三两零留备缓急部覆从之

○以胡守仁充总兵官镇守浙江

○叛人绰力哥伏诛力哥系汉人勾水泉堡伏虜入犯杀伤官军故诛

○甲午 上御文华殿讲读 ○致仕少保兼太子太保礼部尚书武英殿大学士殷士儆卒辍朝赐祭葬如例士瞻山东历城人嘉靖丁未进士改庶吉士授简讨分试礼闈侍 裕邸讲读是时 世皇方精简儒臣为辅导官士儆念天下治忽所系每进讲必斋戒存诚至君德治道所关及理乱兴亡之际权奸女宠宦寺外戚之祸未常不危切言之冀有所感动洊历宫寮典顺天试 穆庙即位以讲读旧臣擢学士掌院寻升礼部右侍郎充经筵日讲改吏部充 世庙实录副总裁俄晋礼部尚书加太子太保奉特简改文渊阁大学士未几以封贡功加少保武英殿大学士荫一子中书舍人为相不甚柄用与新郑不合又以不从廷推为□论所薄不一年□乞依归归十有二年而终赠太保谥文庄○南京司钥库每年实放钞锭外尚欠钞七十三万三千一百余贯户部覆应炤例折银支放以免浥烂买扰且使官军得沾实惠报可

○乙未 上视朝

○宣辽左大捷遣恭顺侯吴继爵成国公朱应祜武清伯李伟告 郊 庙群臣称贺以收回祭设赐三辅臣

○元辅张居正以病乞罢有诏优答慰留

○丙申改江西赣州府捕盗通判专管两关商税练兵同知兼管捕盗从巡抚张焕等会请也

○丁酉叙辽左大捷功进元辅居正太师荫一子锦衣卫世袭指挥同知次辅四维太子太师荫一子锦衣卫世袭百户时行太子太保各兼官如故居正等< 疏 疏-金 >辞不允

○赐宁远伯李成梁第赏银一百两大红纁丝蟒衣一袭荫一子锦衣卫世袭指挥使兵部尚书梁梦龙总督吴兑各赏银五十两大红纁丝蟒飞鱼衣一袭升兑兵部尚书兼右都御史巡抚周咏赏银三十两彩段四表里升俸二级各荫一子锦衣卫百户王一鸚张佳胤升俸一级及诸道将各赏银币有差发太仆寺马价银一万两赏该镇军士

○元辅张居正再< 疏 疏-金 >乞休 上优诏报曰卿受 皇考顾命夙夜勤劳弼成治理朕方虚已仰成眷倚甚切卿何忍遽欲舍朕而去览之心动其专心静摄以俟辅理

○以南京右军都督府佾书戚继美充总兵官镇守贵州

○戊戌选中书舍人王继充唐尧钦行人袁国臣陈烨孙玮田畴推官陈与郊阮子孝太常博士冯景隆为给事中与郊国臣吏科继光户科玮兵科畴刑科尧钦工科子孝

南刑科景隆南工科博士雷士楨中书洪声远黄钟行人王世扬龚一清江东人杨四知
漵瑄陈性学方万山推官韩应庚邓炼魏允贞毛在杨鸣凤知县张问达孙继先向日红
张应诏张维诚各试御史士楨浙江道声远江西道应庚福建道世扬湖广道一清炼河
南道东之山东道允贞问达山西道四知陕西道继先四川道钟广东道瑄广西道在日
红云南道性学应诏贵州道鸣凤南福建道维诚南湖广道万山南河南道

○己亥长芦巡盐御史曹一夔条陈盐政九事一清宠地一豁重差一禁私盐一蠲
积逋一课私煎一复盐引一更盐场改富国为盐场新镇为银场从商便也一减没银缴
引目一官买余盐部覆惟官买一节已经题革仍行查勘奉旨巡缉私盐各军卫有司俱
有专设员役若能如法稽查私贩自少不当但于一二要地详诘且食盐日用所需当
从民便今后任商告指地方自行发卖不必派发派散徒滋扰民其余俱依拟

○铸工部管理街道关防

○铸换河南巡抚关防

○庚子遣司礼监太监魏朝诣元辅居正第视疾赐银八宝四十两食物有差仍降
乎敕谕曰朕自冲龄登极赖先生启沃佐理心无不尽迄今十载海内昇平朕垂拱受成
先生真足以光 先帝顾命朕方切永赖乃屡以疾辞忍离朕耶朕知先生竭力国事致
此劳瘁然不妨在京调理阁务且总大纲令次辅等办理先生其专精神省思虑自然康
复庶慰朕朝夕惓惓至意居正< 疏 疏-金 >谢报闻以恭视写 恭妃册文赐三辅臣
银币有差○壬寅遣定国公徐文璧大学士张四维持奉节册封王氏为 恭妃 皇元
子母也其册文曰六寝建官礼特隆于妃秩万年锡胤庆实始于闺门爰资四德之良用
备三宫之制咨尔王氏惠质夙成温仪为度衾裯肃肃既承鱼贯之恩弓鞶雍雍遂兆燕
祿之吉眷徽猷之茂著迓景福于方来宜溥渥恩特升华序兹特遣使持节封尔为恭妃
锡之册命于戏翟弗翠衣晋贰龙轩之宠画堂甲观早开麟趾之祥尚遵鸣佩之芳规永
赞求衣之盛治钦哉

○以册封 恭妃遣驸马侯拱宸告内殿收回祭设赐三辅臣免百官朝贺

○荫保定巡抚右副都御史阴武卿男阴镕国子监读书○复除广西僉事王廷简
降补湖广右参议梁问孟升浙江温州府知府李际寅为云南副使工部员外王豫为福
建僉事

○工科给事中傅来鹏御史顾尔行条议银库四事一州县起角□羊银两每锭皆
凿官吏银匠姓名一各处库用法马以部降为准旧者一概角□羊部销毁一太仓羨余
不必取盈三万一在外司府角□羊银不许另立添锭名色以滋巧取部议亦以为然报
允

○太原平潞三府大饥蠲年例赃罚八千两发库贮赃罚银一万两及本处仓谷相
兼賑济仍于商税及无碍银两凑支务使民沾实惠

○是夜月食

○癸卯 睿宗献皇帝忌辰 奉先殿行祭礼

○甲辰 上御文华殿讲读 ○遣司礼监太监张鲸斋手敕谕太师张先生今日闻先生病势不粥朕为深虑国家大计当为朕一言之仍赐八宝四十两食物有差居正力疾< 〇〇〇 毓-金 >谢因具密揭封进盖荐潘晟余有丁也

○总督漕运兵部尚书凌云翼以病乞休不许

○乙巳 上视朝辅臣取原任太子太保礼部尚书潘晟以原官兼武英殿大学士升掌詹事府事吏部左侍郎余有丁礼部尚书兼文渊阁大学士俱入阁办事

○乌思藏辅教王大乘法王差国王劄大旺修藏卜坚参各以铜佛珊瑚等物入贡赏段钞有差

○以五军营左副将焦泽为南京右军都督府佾书○丙午太师兼太子太师吏部尚书中极殿大学士张居正卒 上震悼辍朝一日遣司礼监太监张诚经纪其丧仍赐银五百两纁丝六表里罗纱柴布香烛茶米油钞盐炭有差 两宫太后及 中宫各赐银币如之既而礼部以例闻赐祭九坛加祭七坛遣官造葬谥文忠仍赠上柱国荫一子尚宝司司丞居正湖广江陵人登嘉靖丁未进士改庶吉士授编修常侍 裕邸讲读颇贤之洊侍读学士预修永乐 大典兴都志 先帝即位迁礼部右侍郎升吏部左入内阁充 世宗实录总裁知经筵主会试历礼部尚书转吏部加少保兼太子太保至今官人臣之位极矣居正沉深机警多智数为史官时常潜求国家典故及政务之切时者剖衷之遇人多所咨询及赞政毅然有独任之志受顾命于主少国疑之际遂去首辅手揽大政劝 上力守 祖宗法度 上亦悉心听纳十年内海< 〇〇〇 宁禹 >肃清四夷誓服太仓粟可支数年罔寺积金钱至四百余万成君德抑近幸严考成综名实清邮传核地亩洵经济之才也使其开诚布公容贤逮佞持止足之戒惇宽大之风虽古贤相何以加焉惜其褊衷多忌小器易盈箝制言官倚信佞幸方其怙宠夺情时本根已斲矣威权震主祸萌驂乘何怪乎身死未几而戮辱随之也识者谓居正功在社稷过在身家谅夫后数十年人追讼其功天启元年辛酉复其官如制

○礼部尚书东阁大学士余有丁< 〇〇〇 毓-金 >辞新命不允

○赐彭城伯张守忠母陆氏祭葬如例

○革河南都司吴大观任○丁未赐辅臣张四维申时行及府部大臣讲官陈思育等六员齎笋有差

○逮革任辽东都司冯文弼坐假差放军犯兵科给事中杨廷相劾之也

○戊申颁暹罗国王印信仍赏其使握闷辣等有差

○乙酉

上视朝

○命礼部尚书兼文渊阁大学士余有丁充总裁及同知经筵官日侍讲读

○升陕西巩昌府知府郑国仕为河南副使

百六十七顷四十一亩零各炤民地额例通融减徵外将卫所地各炤等则酌量递减其养廉贍军学田等地有原未徵银者量行徵粮地多粮少地肥粮轻与有地无粮者俱尽数丈出以补水滩沙压有粮无地粮重减轻之数包赔者悉与开除影射者尽行厘革及将参议等官王学书等酌量录用通判冯明世等分别罚治部覆从之

○丁巳赐三辅臣鲋鱼 升礼部右侍郎陈思育为礼部左侍郎翰林院侍读学士陈经邦为礼部右侍郎各炤旧经筵日讲

○起兵部右侍郎王达

○戊午 上视朝

○己未 仁孝文皇后忌辰祀于奉先殿遣成国公朱应祜祭 长陵

○大学士张四维等言前岁蒙 皇上俯允臣等所奏将 累朝宝训实录分类编摩为四十款每遇讲筵既毕臣等讲角□羊一二条其诸司章< 〇〇〇 〇〇〇 〇〇〇 >有紧要者即于讲后面奏请裁已于去岁春月奉行因臣居正在告暂行停止今时已入秋天气渐凉伏望 皇上每御经幄之日容臣等仍以训录进讲并以紧要章< 〇〇〇 〇〇〇 〇〇〇 >面请其或不值讲期容臣等将章< 〇〇〇 〇〇〇 〇〇〇 >另作一封具揭上请裁决报闻

○调福建左布政使舒应龙陕西右布政使李汶按察使徐元太云南右参政邵元哲山东副使徐成位福建僉事张正道于浙江其浙江右布政使刘汉儒福建右布政使郝杰按察使王湘调陕西参政吴哲调云南僉事许一德调山东李宗鲁调广西

○起复湖广道御史许乐善以中途患病乞归许之

○庚申保定巡抚阴武卿等题清查过万历七年以前拖欠保定府清苑等八州县草场京营租粒草料银四千八百六十五两零协济顺天河间二府站银九百四十三两零河间府静海等州县驿站夫皂银五千七百八十四两零俱系逃亡贫户拖欠应一并蠲免以霁 圣泽兵部覆请诏曰可

○勒周府镇平王府宗室勤爚自尽以其谋兄刃妻毒杀三命也

○辛酉 上御 皇极殿

○命有司祭 历代帝王陵寝

○命左春坊左赞善沈鲤翰林院修撰沈懋孝为应天主考

○复设山东济南府东昌府各管马通判○应天巡抚孙光祜题清丈过江南十一府州县田地山塘四十五万一千五百八十顷五十余亩补足失额者一万二千一十余顷多余均摊者九千五百四十余顷在各卫田地九千八百九十九顷九十余亩补足失额者三百二十余顷多余均摊者一千八百六十余顷举节年加损那移紊乱旧科者一归原额使徵派均平小民无累及将府丞等官曹大野等纪录知府阎邦宁等分别罚治户部覆如其议 上令纪录光祜等

○壬戌户部言两广总督陈瑞题万历八年督徵七年分通省屯粮除已完及抛荒无徵外止未完米一万四千六百余石折粮银一百七两零应与带徵民粮一体蠲免各

官住降俸级者俱应开复诏依议行

○癸亥贵州巡抚王缉题该省应丈民田三十二万八千五百二十九亩屯田三十三万五千九百六十四亩科田八万八千二十六亩节年失额民田四千二百三十亩屯田四万七千五十一亩科田五百一十二亩今次丈出隐占等项各除抵补外尚有余剩民田一十四万二千三百一十四亩屯田一万七千一百八十一亩遵议不得增粮应于额田通融摊派至于普安永宁赤水毕节乌撒五卫被夷占去屯田计其丈出之数不足抵补就于丈出五卫新垦科田七千二百七十七亩内摊粮拨补足额尚有贵前龙里等卫余剩科田一千九百一十五亩查系军舍新垦在不屯田数内该起粮一百三石零又清丈出贵州前卫故绝地三十六亩有奇该起粮七石零其普安州夏税地清丈止有二千三百二十七亩而黄册以亩作顷明系差讹相应改正其先误增前卫屯军余田浮粮一十一石九斗应与豁除及将参政史檟等纪录知州赖万筠等分别罚治部覆可之

○以山东都司佥书梁大任为神机九营佐击

○革广东广州参将杨为栋任

○以福建都司佥书秦经国升补

○甲子升左春坊左赞善沈鲤为翰林院侍读学士掌院事

○浙江开化大水

○户部覆广西巡按郭应聘题清丈过该省田粮除补足国初原额外多余官民田七百六十八顷八十七亩零该粮三千八百九十八石零于内余粮不多者并入实徵原科过重均摊减轻如富川县多粮割属昭平县徵收者今恐岁费不敷仍听徵输其余州县卫所节年隐占失额田粮俱清复完足赋役条编悉炤旧额外有兴安融江六峒诸徭丈复田粮已加数倍若复科重恐有不堪议炤各府每石纳银三钱五分免其襍差以安夷心及将右布政使吴善等循资擢用知县何士瞿等分别降罚俱如议

○乙丑 上御文华殿讲读

○户部题顺天府拨过 世庙庄顺安荣贞靖皇贵妃沈氏并荣惠宜妃杨氏坟所贍坟民地各五顷该价银一千九百二十五两应行宛大二县于存留银内炤数支给其应免税粮马草等项钱粮炤数豁除 上可之

○丙寅赐三辅臣及讲官等鲑鱼有差

○升吏部左侍郎杨巍为南京户部尚书都察院左副都御史胡价为刑部右侍郎

○漕运总督凌云翼题清查过庐凤淮扬徐五府州未完万历七年以前各驿协济水夫站银及南京兵部柴薪直堂银中都留守司十七卫所未完春秋两班工价名粮等粮共五万六千九百五十七两零一体蠲免部覆允之○兵部覆山西巡抚辛应乾题所属永宁沁州沁源榆杜荣河五州县未完万历七年以前站银共一千六百五十二两零俱系灾伤拖欠应一体豁免其榆杜县那借站银五十一两零即于该县未完颜料银炤数追补诏曰可

○丁卯升浙江副使杨标为福建右参政松江府知府阎邦宁为山西副使

○荫巡抚辽东兵部右侍郎周咏男嘉善入监读书以咏三年满也

○江西巡抚王宗载题该省奉新萍乡万载三县改建砖城合用工料银二万七百二十四两除将库贮无碍赃赎等银应用外尚少银一万八千二百一十五两无从措处应于南豊武宁二县变卖官田价银二万两内动支部覆许之

○准袁承恩袭都指挥佥事南镇抚司管事袁彬孙也

○陕西好地坪等族番人郝卜等进贡给赏有差○戊辰保定巡抚阴武卿题保定骑营新买完马一千五百匹每年该料草银三千一百三十七两有奇应于年终存留余剩银内炤数动支并将九年存剩银内动支二千四十五两零补九年冬季应支草料之数如已借支别项银两管粮郎中炤数扣还部覆如其言从之

○改折鲁府食盐银四百两从巡盐御史曹一夔请也

○以提督京城巡捕署都督佥事李超为南京前军都督府佥书

○陕西旱灾

○太平大水

○己巳调补浙江副使张稽古

○巡按山西御史刘士忠以病乞归许之

○江西巡抚王宗载题该省万历七年以前未完礼部南京户部各项钱粮兵部马船工料柴直径山等驿马价等银皆属小民拖欠应免之数及本省应支廩给夫马等项额编未完银三万一千九百余两乞概准蠲免以苏民困部覆是之诏如议

○庚午中元节遣恭顺侯吴继爵隆平侯张炳南和伯方焯新建伯王承勋靖远伯王学礼遂安伯陈澍等祭 长陵等九陵及 景皇帝陵指挥使朱文贵祭 哀冲 庄敬二太子坟

○升翰林院侍读朱赉为左春坊左谕德翰林院侍读罗万化为右春坊右谕德俱兼侍读翰林院修撰王家屏为司经局洗马兼修撰各掌管各坊局印翰林院编修沈一贯为左春坊左中允与五品服色

○升吏部右侍郎王篆为本部左侍郎巡抚四川右副都御史张士佩为吏部右侍郎巡抚福建右副都御史劳堪为左副都御史协理院事

○陕西巡抚萧廩题陕西平庆延三府属被灾九分临巩二府被灾七分其余灾非甚重均宜赈恤乞将全狭积贮仓粮委官分赈灾重者各免存留钱粮之外候勘报至日仍量蠲起运夏税被灾卫所炤例改折仍在万历十年济边商税银三万两及巡按龚懋贤题抵年例银四万两内查取以备缓急施赈候有秋成余剩另议部臣言抵年例银四万已角□羊延绥难以改用余应如议 上以该地方界邻羌虜被灾广阔布政司商税及御史奏角□羊银两俱准支赈毋缓

○山西巡抚辛应乾题编审过所属太原平潞三府泽辽沁汾四州各属州县万历

十年十一年徭役人丁共一百五十一万二千二百八十一丁除役占优免外实在与差人一百四十四万二百二十八丁卫所共七万一千一百六十二丁除役占优免外实在与差人四万一千八百五十六丁其委官同知邢子严等纪录知州张燃等分别罚治部以为然从之

○户部覆山东巡抚杨俊民题本省见徵万历八年起运钱粮已完九分有奇未完银二万一千四百九十两有奇俱系武定等十五州县拖欠该管官应炤新例查参但该年派徵税粮内多抛荒包赔且拖欠不及二分乞定限至万历十年十二月完报以便督催报可

○叙街道工功升赏工部尚书曾省吾等各有差是役也历三载费银三十余万叙功升赏不无过滥

○辛未 上视朝

○升江西道御史安九域为四川右参议

○革浙江参将袁日章任回卫○直隶巡按杨楫题入夏以来雨泽愆期济宁临清一带闸河浅涩提督泉源工部主事马玉麟将南旺迤北闸座闭塞借水南流致北流之水粮船浅阁兖州府管河通判詹<言 恣>一筹莫措阻误粮运且本官物议沸腾官守有玷应分别罚处仍行各管河分司官将南旺马场安山诸湖逐一清查原界集募人夫开浚深广其减水闸坝查有损坏即行修葺务要以时蓄洩永保运道如道府等官因循故套苟且了事听其指实参奏<言 恣 金>入下部覆夺马玉麟俸三月降詹<言 恣>闲散其修湖储水系济漕要务其依议申饬行

○壬申四川道御史孙梦麟以病乞归许之○吏部覆吏科给事中尹瑾等河南道御史陈功等各以朝覲考察条陈六事一稽实政以定人品二核实迹以慎注考三持公正以核方面四辨难易以计有司五惩贪酷以儆官邪六禁私揭以杜中伤言皆是 上报曰甄别吏治当以及民实政为据抚按官不行咨核荐民之所怨斥民之所依吏治何由而兴民生何由而遂今次考察其秉公博访痛革弊习所议俱准行

○癸酉 成祖文皇帝忌辰祀 奉先殿遣定西侯蒋建元祭 长陵

○升巡抚应天右佥都御史孙光祜为副都御史巡抚四川广西右布政使赵可怀为右佥都御史巡抚福建

○革宽奠参将栗卿任回卫以原任参将杨燮补之

○甲戌复除陈允升为四川提学佥事

○以福建南路参将李趋为浙江参将分守台金严○巡抚浙江右侍郎张佳胤题浙江大乱之后所有善后事宜一兵饷当复二名色把总当录三左游击当复即以原任蓟镇陈文澄补之而以效劳游击徐景星补右游击四城守军当再行抽选五土著兵当渐加选补部覆

上嘉纳允行

○乙亥 上御文华殿讲读

○升四川按察使郑旻为广西右布政使

○先是三月二十一日倭寇温州副使陈润参将沉思学率兵击走之夺其二船生擒倭贼四十七名斩首五颗焚溺水者不可胜计至是巡抚张佳胤以开且议有功大武各官及阵亡军丁纪录恤赏部覆从之

○丙子升国子监司业王弘诲为右春坊右谕德掌南京翰林院事大理寺右少卿郭思极为右佥都御史巡抚应天

○给永宁公主庄田二千五百九十五顷八十二亩

○以武定侯郭大成为左军都督府管事

○河南巡抚褚鈇题该省驿递站银自万历七年以前未完三万三千三百余两山东巡抚杨俊民题济南兖州二府自万历七年以前未完种马草料备用马价等银三千三百九十两及济兖青莱登五府未完驿传站银四万六百余两并江浙苏松凤阳等处未完协济马价水夫等银四万三千七百余两俱系逃荒拖逋年久催角□羊不前部覆应炤 明旨一体蠲免允之

○丁丑升广东右参政张明政为四川按察使

○以四川掌印都司李斌为福建南路参将调大同西路参将马孔英为入卫游击以大同入卫游击李联芳为西路参将

○以武进伯朱世雍管理红盔将军○戊寅户部覆顺天府府尹张国彦题宛大二县往年一应杂派钱粮咸资税契铺行银两一抵均徭一抵里甲近蒙宽减二项而杂用零支未免加徵二县将何取给议将万历八年以后存留税粮酌量催徵并库贮银两抵补税契铺行宽减之数其余一切不时加派取用除本部糯米帮价并代办通判菓品银两照旧外各项钱粮各衙门通融措处不得偏累畿民报可

○己卯 上御文华殿讲读

○升云南副使胡心得为广东右参政

○浙江巡抚张佳胤题清丈过所属各府州县各卫所田地山场等项除补足原额外属民者多余田地一万六千一百一十二顷一十亩基地二万九千七百五十余亩间税粮五万七千二百七十余石租丝一十三万九千二百五十两钞一千四百一十两锭属军者多余地田三十四顷五亩有奇税粮五百六十石即以多出税粮均派军民额徵数内通融减派将各官民田土因地定则因则徵粮各将各废寺湖田官地荒地等项清查变价共银九千六百七十两有奇充饷自此豪滑侵隐可以尽革闾阎赔累可以尽苏其奉行各官如左布政使刘汉儒等应纪录擢用通判陈瑚等分别斥降部覆从之

○庚辰 上御文华殿讲读

○先是晋府与宁化王府争田各具奏山西抚按辛应乾刘士忠为之逐一清丈其晋府庄田坐落太原等处实在地七千二百三顷五十亩有奇宁化府坐落聂营等屯实

在五百七十五顷五十二亩有奇其古城大陵二屯原系宁化王敕赐祖产仍令永久管业部为覆请 上然之

○予原任太子少保兵部尚书郭乾祭葬○以湖广永州道守备何一龙为神机四营佐击

○辛巳准甘肃行太仆寺卿兼佥事周大烈致仕

○褫两淮贪运使陈楠职为民下巡按逮问

○哈密卫都督同知米尔马黑麻等乞袭职许之

○壬午升大理寺左寺丞邵陞为本寺少卿

○升安庆府知府叶梦熊为云南副使

○改调高淳县知县李永永宰邑严乡官副使张蕴知州张应亮陈时文恨其追徵钱粮鼓愚民陈灼等诬告之应天巡抚孙光祜以闻 上以近来法令废格皆因势豪阻挠褫张蕴冠带革陈时文职俱为民与张应亮俱令按臣逮讯

○遣京堂锦衣卫官各一员护故太师张居正柩归葬

○癸未升陕西苑马寺少卿张澜为甘肃行太仆寺卿兼佥事江西临江府知府杨归儒为两淮运使○甲申差司礼监太监陈政护送故太师张居正母赵氏给驿归 升大理寺右寺丞商为正为本寺左寺丞浙江道御史张简为右寺丞翰林院修撰黄凤翔为右春坊右中允管国子监司业事山西管粮参政杜文兰开垦荒田著有实迹也

○湖广巡抚陈省题会议得五开卫及湖北一带善后十三事一移驻镇议抚臣事权宜重凡遇有警即亲赴徵调一整兵防议五靖镇箠清浪两参将辰沅常德兵备守巡三道各驻劄统辖之地居常弹压有事防剿俱不可无兵应撤武左蕲黄等卫所官军及浚浦会同各县打手之无用者回卫另募选补即以所撤各兵粮饷给之一分卫所一重事权议改贵州黎平府为黎平军民府以五开卫所军舍听其专制而以该府属官贤否听湖广抚按举劾一更卫官一革巡司一清军伍五开靖铜等卫天柱汶溪等所刁徒丛集为患叵测应查情罪重轻分发著伍一拨哨班一定赏格一酌调遣议永顺保靖二司土兵原无堪用调至未见有功而沿途杀掳惨不可言以后各省寇乱不得擅议再调一设坐镇一核兵饷议该省各卫所官军月粮先尽各该卫所屯粮放给扣算不足方于民饷银内凑支各哨募兵仍于饷银内支领其原派银两与扣追民壮等银自十年为始每年免派银三万二千两米一万石停派三年仍旧全派一年其各属未完银米俱系万历七年以前应一体蠲免一严参罚议武汉荆黄等府及各卫所民粮拖欠应照本部见行查参事例严行催督部覆惟移驻镇分卫所更卫官革巡简司拨哨班定赏格设坐镇七事仍应炤旧不必纷更其余如议从之○乙酉升浙江金华府知府梁式为陕西苑马寺少卿兼佥事

○免辽东苑马寺卿洪济远入覲以海盖等处虏患方殷也

○南京刑部尚书殷正茂再< 疏 金 >乞休不允

明神宗实录卷之一百二十六终

明神宗显皇帝实录卷之一百二十七

万历十年八月丙戌朔 上御皇极殿

○丁亥祭 先师孔子遣吏部尚书王国光代

○戊子 上亲祭 太社 太稷

○庚寅升福建佥事王乾章为云南右参议

○凤阳抚按凌云翼姚士观题江北境内凤阳一府清丈出隐田一万八千二百九十顷除补失额外剩一万一千二十余顷淮阳徐二府一州清丈出隐田一万二千二百四十余顷除抵补外尚有沙压水滩并水深难量地四万九千四百八十余顷凤阳淮安等卫所清丈出屯地七百一十三顷二十余亩除抵补外尚有水滩沙压地三百六十八顷八十余亩扬州等卫清丈出地五百七十六顷七十三亩除抵补外剩五百五十九顷九十余亩遵例通融滩派年来叠遭灾伤有派无徵所欠民屯粮除系漕粮者全徵外其凤阳等府仓粮十万五千一百三十余石将本地商税权抵暂拟停徵各卫所抛荒滩压地欠粮二万七千四百一十余石拨给卫所见在食粮军士抵粮一月听从佃种渐次开垦以宽民力及将参政舒大猷等叙录通判郭绍等分别罚治部覆从之

○辛卯 上视朝 以 万寿圣节赐三辅臣及讲官各银币有差

○命左春坊左谕德兼翰林院侍读朱赓翰林院侍讲韩世能主顺天乡试

○降调山西左参议韩应元以巡按刘士忠劾其执拗乖谬也

○革山西东路参将魏廷臣任回卫

○壬辰升河南佥事谢思启为福建右参议○降贵州乖戾右参议秦舜翰

○铸给云南分守安普金沧洱海临元各道关防

○癸巳 孝康敬皇后忌辰祀 奉先殿遣惠安伯张元善祭 泰陵

○以 万寿圣节赐三辅臣及讲官各金万寿字等有差

○甲午 上视朝

○升浙江杭州府知府刘伯缙为山西副使

○以山西偏关游击潘云程为代州左参将

○乙未 孝慈高皇后忌辰 奉先殿行祭礼

○考选云南道试御史杨寅秋贵州道试御史赵楷

○升工部郎中金从洋为贵州右参议陕西左参议王应吉为河南副使

○河东巡盐御史邢侗题角□羊池官盐多被陕西富平等三县卤泊滩地附近奸民倚藉纳粮为名私自煎贩以致官盐阻滞议将前地稅銀洒入各县地内勿令奸徒藉口明立界限轮拨保甲巡守部覆行抚按会议从之

○丙申未时 皇元子生 恭妃王氏出也

○以甘肃西宁参将张承业为山西老营堡游击

○丁酉 上御经筵

○谕内阁传示取太仓银二十万两光禄寺银十万两充赏户部言旧例岁徵金花银一百万两续增买办银二十万两每年共一百二十万两皆供 皇上赐赏之用但近年金花拖欠数多已借过备边银一百余万两尚未补还今年二月钦奉蠲免带徵等项本色绢布一百四十二万七千二百余疋本色颜料蜡茶三十三万七千一百六十斤起存本折各项银一百三万六千六百余两本色粮米六十五万五千二百余石马草一百七十七万九千一百三十余束未入考成拖欠钱粮约计本折南有二百余万两伏望节省报闻○戊戌以 皇子生遣成国公朱应祜恭顺侯吴继爵武清伯李伟彰武伯杨炳祭告 郊 庙 社稷 上御皇极殿群臣称贺

○保定巡抚辛自修题清查过保定府新城县未完备边银四百九十七两零系景府等府重复改拨地土无从徵角□羊河间府静海县沧州天津三卫未完八千四百二十八两零俱系地方旱灾花户拖欠势难追徵应一体蠲免部覆从之

○注王道亨锦衣卫带俸指挥道亨 恭妃兄也

○己亥辅臣张四维等题 皇子诞生诏告天下宜有颁恩条件臣等窃惟 皇上临御十年纲纪修明中外奉法仓库充盈四夷宾服足称治安但近岁灾异屡见今年南北各处水灾甚多兼以文武各官不知朝廷励精本意往往务为促急烦碎以致徵敛无艺禁令乖忤使治平之世民不安业中外嗷嗷失其乐生之心有可隐忧仰惟 皇上如天之仁惠鲜怀保孜孜在念宜乘此大庆明降德音蠲荡烦苛弘敷惠泽使四方万国翕然佩戴 皇仁鼓舞欣畅此固结人心培延国脉之大端也上嘉纳之

○庚子中秋令节赐三辅臣上尊珍饌

○以 皇子生赐三辅臣及讲官各银币有差

○升江西副使程拱宸为本省右参政山东道御史杨楫为陕西佥事

○壬寅 万寿圣节上御皇极殿文武百官致词称贺

○遣定远侯邓世栋怀远侯常胤绪忻城伯赵泰修庆都伯杜继宗伏羌伯毛登及遂安伯陈澍祭 长陵等 九陵及 景皇帝陵 哀冲 庄敬二太子坟

○赐三辅臣及寿面膳酒有差○甲辰谕礼部朕寅奉 宗祧于今十<□□□□> 冀 >大婚成礼亦已五年仰承 圣母仁圣懿安皇太后 圣母慈圣宣文皇太后洪恩恒以胤嗣为念兹蒙

皇天眷祐 祖考垂庥 元子诞生 慈颜怿豫永惟厚德罔极莫罄报酬宜加上徽称致隆 尊养尔礼部便择日具仪来行

○升扬州府知府周标为江西副使

○乙巳先是大学士张四维等拟上 两宫圣母徽号各加二字 上令改拟

圣母慈圣宣文皇太后徽号增为四字四维等<□□□□> 言 皇上孝奉 慈闱以天下养百顺承欢极隆无二此天亲固然人莫得而议也至于 两宫典礼则有

祖宗之家法古今之通制岂可违越况尊称大典关系尤重将告之 郊 庙颁示四方皇上睿智明达伦制兼尽岂可以非礼奉 亲自陷于过举以千万世之公议耶臣等谨遵 圣谕改拟二号进览所有字数未敢增加 上纳之

○丁未 宪宗纯皇帝忌辰祀 奉先殿遣武定侯郭大诚祭 茂陵

○蠲涉县汤阴林县卢氏狭州新安沔池七州县夏税以灾故

○祁门县水灾发粟赈之

○发延宁客饷一万两赈延安绥德榆林三卫以亢旱从巡抚王汝梅奏也

○戊申 上御皇极殿心泰宁等卫夷人脱孙孛罗等指挥头目卜儿等进马匹方物庆贺 万寿圣节各赏赉如例

○月入井宿与火星相犯

○先是陕西宜君县回民田守岩等与乾州民赵进忠等游食三水县因而打抢乡民劫杀过客官兵袭至遂擒进忠巡抚萧廩会同总督招安回夷以闻 上责其玩寇废法令相机处置以靖地方

○兵部覆福建巡抚劳堪题倭寇一自北洋一自广海突入意在窥犯兴化漳南地方又有夥船出没东涌澎湖欲图联势劫掠实系内地奸徒勾引各官兵奋勇扑剿两战皆胜共擒斩倭贼三十余人夺回被虏六十余人乞将效劳被伤官军分别赏恤及将倭贼梟示从之

○己酉加赏故顺义王妻哈屯并子黄台吉布帛以其督率部落恪修职责也

○庚戌以秋分祭 夜明于 夕月坛遣恭顺侯吴继爵行礼

○辛亥以 皇子将弥月命礼部具剪发仪注以闻

○壬子 上御文华殿讲读

○癸丑荫兵部左侍郎王遴孙伯镛入监读书○顺天府府尹张国彦等题 皇储天降适四海人才汇进之期本府试录进呈御览 上悦

○调降原任开封府知府薛纶

○陕西总督高文荐题宁夏全镇灾伤乞蠲折本色屯粮及动支主饷银二万两召集流民兴筑边堡城垣计工给食以寓赈恤仍于成热堡寨趁时收买粮食以备困急部覆报可

○以亢旱免保定河间真定顺德广平大名六府夏秋税从抚按阴武卿敖鲲范鸣谦请也

○甲寅工科右给事中王敬民等条陈四事一处积余以备实用盔甲王恭二厂库贮物料岁有积余怀烂可惜宜量计多寡尽数成造或各省直角□羊厂偶欠准令兑支或移文应角□羊省分扣数停角□羊准纳折色一酌成造以省繁费各项军器有数当多备亦有势难久贮者宜酌量缓急分别营造如盔甲弓箭易于锈烂当于年例之中量为裁减带修旧者不必增造以滋滥费一禁冒滥以清匠役清查各役汰其老弱简年力

氏出上副 两宫圣母忧勤之念下慰四海臣民仰戴之情粤稽旧章用覃大赉所有恩例开列于后一自万历十年九月初六日昧爽以前官吏军民人等有犯除谋反叛逆子孙谋杀祖父母父母妻妾杀夫奴婢杀家长杀一家非死罪三人采生折割人谋杀蛊毒魇魅毒药杀人强盗妖言奸党失机并事干边方夷情及人命十恶至死罪者及永远充军人犯不赦外其余已发觉未发觉已结证未结证罪无大小咸赦除之敢有以赦前事相告言者以其罪罪之一各王府分封既久宗枝日繁禄米岁增民间地亩所出有限兼以有司怠于催徵地方时运方歉以致常禄拖欠养贍不周深为可悯诏书到日抚按官各将境内宗禄及坐派民粮派数通融计算严行设法徵给如有不敷仍酌议裒益通变事宜奏闻朝廷区处毋使贫难失所有孤亲亲之意一凤阳高墙庶人已故所遗子孙妻妾抚按官查明奏请释放其节年越关赴京递回闲宅拘住者如止系请乞奏辩别无违碍亦准释放一公侯驸马伯并内外文武官员旗士人等有因事革去罚住禄米俸粮者准照旧关支一两京三品以上文官例该荫子在任未及三年考满者俱准荫一子入监读书一两京文武官员署职试职并试御史俱与实授一内外文职官员有等养病致仕年力未衰才识可用曾经科道及抚按官荐举者吏部查奏起用其一应因事考察去任的永不许用其一应冠带闲住者与致仕为民者与冠带闲住一近年以来四方灾报频仍民困日久一应夏秋税粮马草农桑人丁丝绢布疋棉花绒户口盐钞皇庄子粒屯田牧马新增草场子粒租银历日防夫水夫民壮弓兵机兵芦课富户等项除万历七年以前带徵拖欠者已有旨尽数蠲免外其诸色课程门摊商税鱼课枣株钞贯果品等项已徵在官者截数起角□羊其未徵分数自万历八年以前悉与蠲免一天下税粮除万历八年九年十年照旧徵角□羊陕西河南山西等处灾重地方抚按官作速勘明将本年钱粮奏请蠲恤外其万历十一年各项税粮不分起运存留准免十分之三以苏民困一隆庆六年以前各省直金花银两查系小民拖欠年远难完者准与全免准凤等府拖欠改折漕粮万历七年以前带徵者准免一半一南直隶江浙湖广节报水灾万历十一年分漕粮四百万石除旧例折银及应免分数外其余以十分为率地方有灾者准改折五分无灾者改折三分不分正兑改兑俱照万历七年事例连蓆板楞木每石徵银六钱其岁熟米贱去处不愿改折者听其仍运本色一充军充徒并编发口外为民及迁徙安置人犯已到配所者军除永远迁徙安置人除谋叛家属不赦外其余悉准放回原卫原籍宁家随住一侵欠还官银两虽情重数多例不应免或系嘉靖年间事犯正犯已经监故正法拘禁家属年久产尽者及各项追赃人犯系查盘坐侵访寨坐入风闻参论原无证据或正犯已故监并家属累及亲族者户部法司备细查明分别年月久近赃数多寡将应免应释人犯开具奏请定夺一万历九年以前沿边沿海仓场官攒商人守支粮料草东五年之外查盘涸烂亏折不系正数者不分正犯家属军罪以上开具奏请徒罪以下俱准免追释放一浙江等总运粮官员有因漂流挂欠监追五年之上产尽或身故者子孙准其袭替照例扣俸还官如系侵盗正犯奏请定夺其违限诿误及中都等处违误领

班各题参住俸降级立功者准与查复宥免一天下各盐运司盐课司提举司万历八年以前额课拖欠并存积年久风雨消折巡盐御史勘实尽行蠲免如数内已经开中商人赴场听支者准予办课赢余场分自行买补量于割没盐斤数内扣除一天下司府州县税课抽分衙门旧有定额近年各路关津货物经由处所擅立牙行抽税罔利病民诏书到日抚按司道官查系额外私设者尽行裁革违者两京科道官访实参奏一铸钱本以利民近因铸造不精私钱淆褻及不系产铜去处买运艰难领发行使阻滞不便诏书到日各该开局铸钱地方暂行停止如地方钱法通行官民相安愿仍前鼓铸者听从其便一各省直清丈田粮除丈派均平军民称便者炤今次造报文册坐派徵收外如有短缩步弓虚增地亩及将山陂湖荡屋基坟墓并积荒地土升则派粮贻累军民者抚按官摘查明实准与更正但不许概行覆丈反增劳扰一万历九年以前各处府州县官各卫所掌印管屯官催徵民屯钱粮完不及数住俸者俱准开复补支降俸降级立功调卫者抚按官通查原欠分数奏请定夺其有司积谷不及分数住俸者俱准开俸补支降俸者复俸不补支其以捏报虚数在任参革者不准开复去任后参降者准开复一各处角□羊部赃罚银两节年已有定额近因加增数多致问刑官故入人罪横肆科罚刑狱枉滥伤和召灾自万历十一年为始各抚按官赃罚俱炤旧数角□羊部济边如有积余留贮各府备賑司道有司敢有故入滥科等弊抚按官不时参奏处治一军职万历十年八月以前为事降调两广等处烟瘴卫所病故不分已未到卫子孙为因路远不能赴所调卫分起文承袭者许令原卫起送承袭带俸差操其充终身军已经开伍回卫年六十以上者比炤为民事例子孙准其承袭其降级年六十以上子孙赴部替职者准复祖职未及六十者止许暂替所降职事其为立功者许令复职差操与支半俸扣至限满全支有限未病故者子孙复职免其减俸一凡应袭武职比试违限应该住俸者免其住俸比试不中应给半俸者准支全俸俟二年之后起送再比总小旗因误并枪革役者该卫所查无碍不论年月久近许令起补并还役一湖广四川广西等处宣慰等司土舍应纳银袭替日久不能完纳者炤万历九年兵部题准云贵事例免其纳银径令冠带管事以后土官袭替俱令昭旧赴京或地方有事或贫寒不能赴京者具告该管抚按衙门查明代奏就彼袭替一畿内各府州县节年寄养马匹有瘦弱不堪者负累小民餽养诏书到日各掌印官即便勘寔呈报该寺炤依时估变价角□羊寺贮库其节年倒死勘无作践情弊准免赔补一京营并在外各营骑操及苑仆孳牧马匹倒失被盗应追买补桩赃等银除已徵在官截数起角□羊外其万历十年八月以前未完者俱准蠲免一南北直隶山东河南各府州县应徵万历十一年牧马草场子粒余地租银俱量免十分之三其备用马匹除本色外万历十一年派徵折色者每匹价银免三分之一其十一年派徵本色者于十二年折色内亦免三分之一一各边将领平昔谋勇出众累立战功偶因失事及诖误革职闲住立功充军等项年力未衰尚堪任使者诏书到日限三个月以里抚按官查访的实

本源之自诚天高地厚以难名藉积累之仁同日升月恒而弥茂欲罄罔极之报宜崇莫大之称谨率文武群臣敬奉册宝加上 尊号曰 仁圣懿安康静皇太后伏愿璇穹笃祐宝算增华 寿考万年戩谷永绥于天保子孙千亿含饴遥逮于云仍臣 诚欢诚忭稽首顿首谨言○是日以上 两宫圣母徽号遣公朱应祜侯吴继爵伯李伟毛登祭告郊 庙 社稷及 奉先殿

○以重阳令节赐三辅臣上尊珍饌

○乙丑 上诣 慈宁宫恭上 慈圣宣大明肃皇太后徽号群臣随至思喜门行礼曰文曰子皇帝臣 谨稽首再拜上言伏以 庆集 重闱嘉璇源之茂衍谋贻后胤占宝祚之弥昌祗荐鸿称用彰燕翼恭惟 圣母慈圣宣文皇太后陛下钦明俪极圣善扬徽天命集于洽阳佐 先皇而弼成内治虹裨应乎华渚迪冲质而光抚太平每尘长乐之怀冀蕃胤嗣遄发画堂之瑞诞育无孙盖商由简狄而兴蚤叶燕禘之吉乃周则大任为烈实开麟趾之徽仰惟佑启之功未酬高厚爱举推崇之典勉极形容谨率文武群臣敬奉 册宝加上 尊号曰 慈圣宣文明肃皇太后伏愿景贶郅隆纯禧骈臻得名必得寿万年祝圣算以无疆多子复多孙百世绵本支而勿替臣 诚欢诚忭稽首顿首谨言

○是日以上尊 慈圣宣文明肃皇太后徽号祭告 奉先殿收回脯醢果酒赐三辅臣

○升河南归德府知府邹学柱为江西副使

○丙寅 上御皇极殿以加上 两宫皇太后徽号诏告天下诏曰朕闻国家之祥无逾于昌后帝王之孝莫大乎尊亲累朝以来著于彝宪朕以寡昧纂承 祖宗之遗业惧弗克堪惟我 圣母仁圣懿安皇太后 圣母慈圣宣文皇太后拥翼教诲式臻治理乃眷怀 宗祧之重于嗣续大

计尤惓惓焉兹者恭荷 天庥诞生元嗣发祥钟庆寔惟慈泽之所贻永念深恩宜登显号爰祗告 郊 庙 社稷率文武群臣奉 册宝加上 圣母仁圣懿安皇太后尊号曰 仁圣懿安康静皇太后 圣母慈圣宣文皇太后尊号曰

慈圣宣文明肃皇太后用闱扬盛嫩仰答洪慈载考旧章庸敷庆典所有恩例开示于后一亲王八十以上者俱奏遣使存问亲郡王年七十以上者赐羊酒币帛地方官存问一应礼仪有衰病不能自行者许子为代行将军以下年七十以上者各赐米十石绢十疋庶人量给三分之一一各王府亲郡王嫡母与生母并存者其嫡许奏请加称为太妃生母准授封为次妃与敕知会亲王庶子受封后生母例封夫人将军中尉受封后生母例封夫淑恭宜安人者果年踰七十奏勘无碍亦准给与诰敕一宗室节年因事减革禄粮者除败伦伤化奸盗人命重情外其余全革者准支三分减一分二分者准炤旧全支一宗室如有飭躬修行孝亲敬长乐善好学敦宗睦族足以激励世风者许各抚按官具实奏闻奖劝一勋臣公侯伯袭封见爵者俱给与应得诰命未领者准补给一文官一

品致仕及养病等项家居日久者有司给米三石岁拨人夫四名应用二品以上年及八十者备彩币羊酒存问九十以上者具奏遣使存问五品以上者以礼致仕年七十以上者进本品散官一阶其中有廉贫不能自存众所共知者有司量与资给一两京文官一品至九品未及三年考满者各给与应得诰敕先已给领者与进本品勋阶如品同而职衔不同照见任改给有愿移封移赠者听若先已移封移赠今给与本等诰敕行取到部中书行人官已题授部属侯缺者补官之日一体给与在外布按二司苑仆二寺正佐官历俸二年以上运府正佐及州县二官历俸三年以上无过者俱系给与诰敕如父母见存已先受封其子官职迁转者服色许与子同其前母继嫡母准照三母例封赠继妻受封已故者见在继妻准封一武官应得诰敕已经请给年远未曾撰黄者眷黄官即与查撰给散一各王府官有年老愿致仕者进散官一阶其历俸三年无过父母见存者给与应得诰敕一军民之家有年七十以上者许一丁侍养免具杂泛差役八十以上仍给与绢一疋棉一斤米一石肉十斤九十以上者倍之其男子若有德行著闻为乡里所敬服者给与冠带荣身一军民之家五世以上同居共爨者有司勘实奏闻旌表诏书到日先给羊酒奖劝一义大节妇孝子顺孙有司即与勘实奏闻照例旌表但不许诡窃冒滥及子孙自行陈乞其已旌表年及六十者男子与冠带荣身妇人炤年八十以上例给赐绢帛米肉一鬴寡孤独及废疾无依者有司炤例存恤勿令失所见在养济院者各给米三斗布一疋肉二斤一天下儒学生员有亲老无人侍养愿告侍亲者听亲终之日仍许复学其五十以上者许告衣巾终身有食粮年深挨贡不前者许告给冠带正贡及期不愿出仕者提学官开送吏部遥授儒官职衔俱免本身杂泛差役一大汉将军侍卫二年半以上者给与冠带已冠带又历四年半以上者授试百户其年及五十侍卫二十年以上者不拘在役退闲俱与冠带荣身于戏敦孝治于九重申举綦隆之典霈德音于万国弘施不匮之仁播告寰区咸宜知悉


○王子弥月行剪发礼如常仪

○丁卯 两宫覃恩加元辅张四维少师次辅申时行少保兼官如故各荫一子尚宝司司丞余有丁加太子太保荫一子中书舍人四维等疏辞不允

○加皇亲固安伯陈景行岁给粮米一百石荫二子锦衣卫百户左都督李鹤食米六十石进封皇亲武清伯李伟为武清侯升都指挥僉事李文全指挥使李文贵左都督副千户李文松指挥使

○荫司礼监太监冯保弟侄一人为都督僉事太监张宏等及慈庆 慈宁乾清宫各管事牌子太监冯明等佑圣夫人徐氏等各荫锦衣卫指挥千百户有差

○升锦衣卫指挥同知王鉴为指挥使世袭

○大学士张四维等〈 疏金〉言今次大庆特施异恩臣等敢不遵承第中有一二逾越典常碍于施行者如左都督为武职极品各边将帅有屡建大功终身不得者李文贵等骤升至此不厌物情且武清伯进侯封恩礼已非常典左都督似可少杀也又

在前内廷诸臣荫典无过千百户者今冯保等荫至都督佥事都督列衔五府阶级最崇自来无荫授者典制所系岂得轻越其三宫管事牌子答应人等通行荫叙亦在前所无虽皇仁浩荡名器亦不可不慎也不听已而给事中张鼎思等御史崔廷试等及南京科道阮子孝徐金星等各有言谕所司知之

○己巳予原任大学士徐阶孙徐元普荫授中书舍人时元普赍祖< 〇〇〇〇 铨-金 >谢存问适与覃恩值因有是命○南京礼部尚书刘斯洁乞休不允

○南京河南道御史郭维贤< 〇〇〇〇 铨-金 >荐原任编修吴中行简讨赵用贤员外艾穆主事沉思孝进士邹元标等上怒其党救降二级调江山县县丞已而给事中尹瑾等御史帅祥等< 〇〇〇〇 铨-金 >救各罚俸有差

○南京广东道御史林应训条陈五事一惩巨墨以警人心一宥小过以全器使一简资望以充藩臬一慎署印以重民牧一严访缉以杜奸谋吏部覆议谓皆有裨覲典俱依议行

○庚午贵州新归化苗头阿呀等贡马赏钞锭有差

○上谕礼部曰朕弟潞王已长理宜婚配尔部其榜示城内外官民良善之家有女子德性淳厚容貌端庄者许报名候选○陕西巡茶御史赫瀛题陕西苑马寺开城等七监本年十分荒旱牧军饥困可悯应将九年以前拖欠倒亏马价银三千二百四十三两有奇马驹二千八百一十六匹并十年八月已前倒亏马价马匹悉行蠲免动支库贮肉脏支价及老马变赏等银四千两同积贮谷至分别给赈部覆从之

○兵部题京营骑操马匹倒损议每年发马价银九千六百两买马六百匹与兑领寄养马相兼骑操并免扣朋银一年以苏军困报可

○以巡抚刘世曾请改顺宁土府于守巡金沧道

○赐原任兵部左侍郎汪道昆父母祭葬

○辛未 上视朝

○命翰林院侍读刘元震修撰刘楚先管理诰敕○壬申命翰林院侍读刘虞夔刘元震充编纂六曹章奏官

○考察天下提学官叙南直隶李时成北直隶朱珪浙江刘东星河南王象坤王鼎爵山西陆檄江西孙代广东刘应麟陕西王世懋等九员录山东蹇达广东支可大广西袁昌祚山西薛亨福建王希元陕西潘允哲贵州冯时可等及巡按江北姚士观甘肃胡定宣大徐鸣鹤辽东马允登等广管大勋龙宗武广东唐可封等十四员改调四川杨节降云南荆光裕革湖广曹慎职

○辽东苑马寺卿洪济远乞休许之

○补荫原任巡抚江西兵部右侍郎兼右佥都御史李一元嗣男李钥入监读书

○先是广积库太监焦科题买净硝三百万斤熟黄一百五十万斤送库备用工科都给事中李廷议争之言该库硝黄例应十年题派一次硝买二百万斤黄将贮库生黄

煎剔备用今期限未及又节经查盘库贮尚足十年之用而辄行具题该库不过利其出纳耳踰岁科等复以库贮为言廷议不可言题派以十年为限而科欲减之硝以二百万斤为限而科欲增之将来冒破之弊尚可言乎及工部不能争执覆准量买硝一百五十万斤黄五十万斤 上允其奏仍令以后务照旧规十年派买一次不许违例妄题

○癸酉升锦衣卫指挥使罗秀曹诏为都指挥僉事正千户王春为指挥僉事副千户陈胤徵为正千户百户陈承德为副千户

○兵科右给事中王三余题迩年以来京师及各省直岁报决囚数殆近千虽除恶务尽恐所讫重辟未必尽能得情决过囚数未必真无冤枉昔年各处巡按决人数多者皆蒙纪录而数少罚俸有差是以杀人受赏而以不嗜杀人被罚也奉承之下何所不为万一有如往者王奎荷花等之冤死其有累于 陛下仁明之治岂浅鲜哉今次审决请敕各巡按御史务仁恕能平反决囚宁少毋多疑狱宁缓毋急则好生之德即尧舜无以加矣报闻

○甲戌升礼科给事中聂良杞为云南提学僉事

○调湖广武昌兵备僉事王圻提督学政

○升直隶安庆府知府刘守仁为山东副使

○乙亥升湖广副使曹子朝为辽东苑马寺卿兼僉事

○应天巡按蔡梦说题勘过应天太平二府所属地方灾伤蠲免应于存留粮内除豁但存留钱粮俱系官吏师生人等俸廩月粮毫不可缺即议免徵终须处补势必复派于民惟有各县仓贮稻谷原备荒年赈恤之用似堪尽数支赈然时已秋成且漕粮开徵之期不远议将各乡都被灾田地应纳漕粮免追准将仓稻抵数以恤民困部覆从之

○命翰林院编修黄洪宪工科右给事中王敬民使朝鲜颁 皇子诞生诏敕仍赐国王并妃锦币有差

○贵州宣慰使司宣慰使宋德懋贡马赏币钞如例

○丙子户部题编商事宜准预支足兑给速发给禁需索平斛秤酌价值慎审编共减去各商一百三十六名 上允行

○丁丑 上御经筵

○升湖广右参议梁问孟陕西右参议汤仰各湖广副使

○革隰州王府镇国中尉廷絳为庶人以其匿名越关妄奏也

○戊寅 上视朝

○以大庆覃恩日讲官陈思育陈经邦各加太子宾客沈鲤改侍读学士与四品服色朱赓升左庶子王家屏右庶子俱兼侍读炤旧掌管坊局印信沈一贯升右谕德兼侍读正字官马继文徐继申各加俸一级徐继申仍与四品服色

○以四川都司江东之为五军五营佐击

○先是歙人杨文学流落素以烧丹诳人至松江府遇私自净身男郑喜相结为欺

文学假称宁府散诞皇喜从之称石城王府内使僭用官服私造批牌逼死平民事发浙江抚按问拟文学诈称官律奏闻 上以其情罪深重令法司改拟于是刑部引诈传诏旨律及私自净身律以请文学梟示喜坐斩

○己卯升山东左参议苏民望为湖广副使陕西佥事刘致中为陕西右参议

○庚辰 上御文华殿讲读

○兵科左给事中韩绍条陈四事一重监司以兴吏治一精甄拔以挽士习一通吁告以达下情一慎勘议以昭国是部覆如议行○户部覆云南巡按董裕题云南地气暑湿积聚稻谷易于腐烂亏折赔累小民不便议令每府州县各建仓廩以贮谷春夏之交酌量放给各衙门在官人役扣其工食银两贮库以备赈恤是之

○以贵州坝阳守备周于德为四川都司

○辛巳霜降节遣成国公朱应祜镇远侯顾承先广宁伯刘嗣德庆都伯杜继宗武平伯陈永祚惠安伯张元善左都督李鹤祭 长陵等 九陵及 景皇帝陵寝

○调陕西屯田佥事杨楫驻劄凤翔府分巡关西道改补山东佥事张克家

○壬午 上御皇极殿

○更铸山东布政使司银印从抚按请也

○命驸马侯拱宸掌管宗人府事○癸未赐三辅臣饼果肴馔

○圣母发帑银二十万两太仆寺马价三十万两犒赏守边军士

○甲申以镇远侯顾承先管领大汉将军

○先是内官监等衙门以大庆覃恩为官匠陈乞五百七十余人都给事中李廷仪 < 珪-金 > 言官匠月有廩粮工作乃其常职自来覃恩未有滥及此辈者夫匠役至微名器至重荣以冠带已非其据加以俸级尤非其宜且近不常裁省冗员耶一日而升俸级数百人岂其冒滥名器抑且虚糜廩粮矧额员之所裁殊少而额外之所增殊多有限之财安能供无穷之费乎章下所司及部覆不能执争后遂援为例云

明神宗实录卷之一百二十八终

明神宗显皇帝实录卷之一百二十九

万历十年十月乙酉朔 上亲享 太庙

○颁万历十一年大统历

○以恩诏荫吏部左侍郎兼侍读学士掌詹事府事许国男立功总督仓场户部左侍郎刘思问男承遇礼部左侍郎兼侍读学士陈经邦孙钟岱刑部右侍郎胡价男可化巡抚大同右副都御史贾应元男维铉大理寺卿辛自修男启元太常寺卿李辅男大纲顺天府府尹张国彦男我鱗光禄寺卿臧惟一男尔用太仆寺卿陆树德男彦祜为国子生

○以覃恩发银二十万犒京边军士○丙戌 孝洁肃皇后忌辰祀于 奉先殿遣成山伯王应龙祭 永陵

○以宝城工完遣工部尚书曾省吾祭 永陵 昭陵并谢 后土司工之神

○戊子 中宫千秋节免命妇朝贺赐三辅臣上尊珍饌

○升兵部郎中王承休为陕西左参议

○己丑 上御文华殿讲读

○以 皇子诞生恭视写诏赐三辅臣银币有差

○铸福建福宁漳南建南各守道关防

○叙 永陵 昭陵宝城工赐辅臣张四维申时行余有丁各银五十两纁丝四表里工部尚书曾省吾侍郎陈道基各四十两二表里省吾仍加太子太保其余升赏有差仍荫太监张楨侄张绍恩锦衣卫百户冯保赏视辅臣张鲸等递杀之是役也工部叙内臣功甚侈焉○辛卯 上御文华殿讲读

○夺喜峰路参将王軫镇虏营游击王维藩曹家路游击李秉德职回卫

○壬辰予原任陕西巡抚右佥都御史张祉祭一坛

○癸巳以冷口关提调彭友德为密云奇兵游击江西都司杨森为陕西参将遵化参将王继□为墙子岭参将

○予南京工部尚书吕光洵祭葬如例

○御马监太监刘阳以覃恩为太医院使钱增等乞升右通政等官礼科都给事中石应岳持不可礼部覆寝之

○甲午以 尊上 两宫圣母徽号礼成赐三辅臣及中书官各银币有差

○追封荣昌昭靖王翊镜为淮王谥曰昭镜淮王嫡子也未袭封而卒无嗣其叔嗣淮王载坚以请礼部覆许之

○申增进学额数通三年内大府务足六十大州县四十五以地方为差科第多者仍量增

○乙未赐属夷故都督王台敕及办祭彩段四表里如例

○丙申以水灾蠲赈苏松等府有差总计冲毁庐舍十万区漂流田禾十万顷淹死人口至二万财赋奥区遭此昏垫故有此赈

○丁酉 上视朝

○云南道御史杨寅秋纠吏部尚书王国光六罪擅支工部银一万两修理火房罪一取抄没仇鸾家石狮充玩好罪二宴客宣武门楼罪三纳沧州知州张与行所献美女二人罪四勒司务胡诰引疾而以内姻江学诗补之罪五覆用贪副使韩应元不谨知府薛纶受其厚贿罪六 上览< 〇〇〇 毓-金 >大怒诏王国光欺君蔑法念系大臣姑落职冠带闲住复胡诰职黜江学诗为民

○申飭巡按及守巡官申冤理枉巡行放告毋许州县官阻抑从科臣韩绍条议也

○己亥御史曹一夔论王国光并元辅张四维< 〇〇〇 毓-金 >入留中而遣文书官孙斌诣四维第谕之曰王国光欺肆卿亦未知朕亦不信宜安心佐理不必介意四维因

○陕西利族等族番人枪卜萧等入贡给赏如例

○阅视宣大山西边务给事中田大年题臣毕历三镇备询八事如兵马非不备也工作之役未罢则羸弱犹存买补之令未除则月饷尽费差递无停勤动万状乘此歇役之候宜广安集时简阅以固结士心钱粮非不富也屯官旧苦降调则扣除多无地之军召买不能尽停则守支受赔累之苦其或本折兼放稍豁升斗则又剥贫卒之脂膏以益仓库之虚耗乘此查销之际宜酌储积严扣兑以剂量出纳修险隘者补形势耳顾当事者急于图报而表见者恐其后时故岁岁未有息肩今后十年所修者通为旧管即以旧工补葺者开为新收而于不急之役一切报罢整器械者恐钝朽耳然旧置者未经试用而新造者又复陈朽今后以十年所造通行整搦即以今所整備者开为新收而议处多余缺蚀之数仍令军士分习一艺时常操演务俾熟闲边屯原广惟当查复旧额各镇新开即以补每年屯粮不足之数不必别起徵科边屯盐引当恤土商每岁盐引无论主客尽付总督衙门通派土著之民任其从便上纳收胡马者本以备骑操今虏悉出下驷责领徒累贫军自今市马不堪者即行估计变卖收佐市本操马不足明请马价另行买给散逆党者第恐亡命之诱虏各镇抚道密定筹画相机待时角□羊散板升仍严通夷之禁不许阑出至于史车二酋曲为堤防议处无使为心腹之患则西巡抚王宗载题南昌十一府属军饷钱粮俱民屯二项徵派并无盐课等项支用民兵银二万一千七百四十余两军卫公费银五百六十三两俱已裁减其昔缘流寇题设驻防兵将裁革已久见在守备把总一应官兵俱属紧要殊难再减报闻

○升黄花路参将李如柏为蓟镇东路协守副总兵该参以黄花镇守备周之士升补原任广东雷廉参将陈濠为蓟镇游击辽东暖阳守备王有翼为正安堡车营游击辽东都指挥同知李成材为横岭口参将大宁都司王科为龙固二关参将延绥游击姜显宗为蓟镇燕河营参将

○戊申 上御文华殿讲读

○庚戌 上视朝

○敕后府吏户礼兵四部朕弟潞王年已长成其岁支禄米一万石今在京岁且支三千石钞一万贯待之国复全支仍慎简学行端方者除王府官仪卫司及群牧所官亦选诚实的当者拨堪用旗尉六百名精壮军一千名充王府随侍及群牧所用其余合行事宜悉依益王例广辛亥赐沈王恬燦谥曰宣赵府江宁王载堉谥庄惠南乐王厚火□留谥康顺衡府汉阳王厚□谥温文

○壬子以保定坐营中军杨元年为辽东游击

○总督陕西左侍郎高文荐绘进延宁甘固四镇事宜图说因言在固家镇裴家川一带沿河筑墩置卒以谨侦瞭分兵戍守以成犄角洮河刍粮告匱改贮粮银训练土著密置墩塘添募家丁抚绥西番等族分道约束在甘镇各城堡额兵消耗勾补招徕务足原额各道钱粮本折不一细加会计酌量请讨仍切责屯田<□□□□>通盐引镇羌

宁远等堡增拨官兵防守标下游击移驻高台应援高阜处筑墩盖房通贼道路多窞坑堑结好瓦刺番夷使为我用在宁镇平虏黄峽广武等处修复边墙关隘斩削沟岔山坡横城马头一带高阜应筑短墙低洼采造排栅仍五里筑墩昼夜瞭望中卫胜金关地方每处置房百间拨委官军戍守并修复关东旧威济堡开浚贺阑山下古渠灵州参将移驻横城副总兵统军二千移驻玉泉与广武游击首尾相联将玉泉营守备裁革庆阳官军掣回花马西安军士仍附游兵额军逃亡按籍勾补在延镇各城堡去边辽远宜将向水移之文家岔清平移之鹰窠山龙州移之化窑寺北高粱至于把都新兴石涝饶阳四堡之泉一并于柳树涧仍割还永兴堡属神木以便责成并修守旧边添筑寨堡查拨军余就便种牧波罗大河镇羌□□只山柏林宁寨等处沙岸崩颓建巨石长桥以便防守入卫蓟镇之兵消耗过半酌量减罢各处角□羊边钱粮取其附近地方俱改本色收贮备用兵部覆 上虑该地方荒歉恐道将偏见率易更建或致他虞仍令文荐会同各抚镇虚心计永利以闻

○癸丑准南京礼部尚书刘斯洁回籍养病斯洁三<□□ 毓-金 >乞休部覆斯洁清恬始终一节未宜遽弃故有是命令 广巡抚陈省题清文过所属武郴等府州官民田地山荡湖共八十三万八千五百二十五顷四十六亩零除补足失额九千五百六十七顷二十四亩外尚多五十二万六百八顷六亩零通融减派起存官民夏税麦一十三万二千有奇秋粮二百三万二百八十石有奇鱼课银七百一十二两有奇武左等卫屯田地山塘堰七万七千七百五十六顷二十一亩零除补足原额屯粮三十九万六千一百二十石有奇尚多地三万一千二百九十五顷四十八亩零应科屯粮五万一千八石有奇及将左布政钱藻等纪录知县吴邦达等分别罚治户部覆 上曰楚地广远省等综核详密甚副平赋便民之意与钱藻等俱纪于录

○甲寅 上御文华殿讲读

明神宗显皇帝实录卷之一百二十九

明神宗显皇帝实录卷之一百三十

万历十年十一月乙卯朔命蓟辽总督太子少保兵部尚书吴兑回部管事兑

<□□ 毓-金 >辞不允

○户部覆宁夏巡抚晋应槐题该镇除抵补承顶无影塌压并客户开豁外增出地六十八顷九十四亩有奇全减粮三百二十八石有奇全减穀草五十八束地亩银三两徵作正项军饷通融减徵民屯田地各照等则递减其粮少地多与有地无粮者尽数查出以补塌压无影之数及将副使刘尧卿等纪录指挥彭洞提问制曰可

○陕西番答牙骆驼巷族纳麻节等入贡给赏如例

○丙辰除补江西道御史李植

○升辽东宁前兵备按察使李松为山东右布政岢岚道兵备左参政胡来贡冀北道兵备右参政梅友松湖广右参政许守谦永平兵备右参政雷以仁紫荆关右参政曹

子澄各按察使来贡友松山西守谦湖广以仁子澄山东冀北道兵备副使邓林乔为右参政阳和兵备右参议刘思中为山西副使口北道兵备佥事刘葵为山西右参政

○丁巳 上视朝

○鸿胪寺宣奏岭南辽左大捷群臣称贺遣国公朱应祜侯孙世忠李伟祭告 郊庙以脯醢果酒赐三辅臣

○先是广东数若倭而蛋贼梁本豪复聚众挟倭焚剽郡邑流毒已久总督尚书陈瑞击破之斩本豪后先擒斩倭贼一千六百有奇犁沉倭船蛋艇二百余只歼余孽殆尽而建州逆杲遗子阿台勾连北虏抢掠孤山阴图大逞总督吴兑檄镇巡提兵袭击俘斩一千八百余名王十六获达马几五百露布先后至 上喜命同日宣捷

○黜阳和兵备右参政蔡应阳以阅边给事中田大年劾其赃迹已著也

○山西灾免徵十年秋粮从巡抚辛应乾请也是役也免徵银二十万六千九百九十两其起运存留边仓及代府禄粮十万四百六十两皆岁支正数不可缺议留本年抚按各衙门纸赎及事例抛荒银二万六千二百二十两外尚少七万四千二百三十两在积余主兵银内酌量动支

○以大同坐营王颢为右掖营游击

○戊午四川巡抚张士佩题所属军民田地除补足原额及豁无徵虚粮水滩沙压粮外尚多余田地二十七万四千五百二十余顷通融减派及将左布政蔡汝贤等知县张燧等分别赏罚部覆是之

○维扬古称沃壤而地形洼下大海环其东诸湖绕其西所赖堤厚支河通斯田地可耕民灶俱利自范堤坍塌高宝堤亦冲决不守其中大小支河所在淤塞于是以高宝兴泰四州县为壑而洩水无路民灶罹于昏垫矣河道尚书凌云翼言臣等躬亲勘视度地形探水势其治之道有二惟< 疏金 >上流使入江洩下流使入海沿漕堤一带之水为上流沿范堤一带之水为下流如西引邵伯湖之水转南至新安湖复东入运河至芒稻河入江有余则听其直泻不足则引以济漕则上流< 疏金 >矣如牛湾河姜家堰庙湾为三大海口引各支河东会于串场河北会于躬阳湖俱入海则下流洩矣而兴化之堂子镇戴家窑海沟河白驹三十团灶则牛湾河之支河也黄土沟皂角树至冈门登瀛桥河则姜堰之支河也安丰镇至清沟灌铺则庙湾之支河也其河埭场至白驹场一带阻浅尤甚又河东一带旧系粮盐大河洪水冲决河身与岸相平故水不轨道而淤溪秦潼艾陵葑子诸湖之水北淹民田亿千万顷处处俱当挑浚俱费经营惟是工有先后势有缓急今将范堤数十里先行修筑使外潮不得入串场支河六七道尽行< 疏金 >浚使内水有所出果蓄洩利便积水可消则海口不开亦可如支河既通之后水患如故即并开海口置闸以备蓄洩其修筑范堤该银四万二千四百两浚支河六道该银二万一千四百四十两俱于盐价门租浚河存剩银等银支用部覆河臣策是定限今年十二月初兴工明年十月报完务须费省工坚诏从所请

○己未 上御文华殿讲读
○升巡抚大同右副都御史贾应元为兵部左侍郎
○以兵部左侍郎王遴协理京营戎政 升巡抚辽东兵部右侍郎兼右佥都御史周咏为兵部左侍郎兼右佥都御史周咏为兵部左侍郎兼右佥都御史总督蓟辽保定
○升云南府知府洪邦光为贵州副使
○予原任协理京营兵部左侍郎王一鶚父母祭葬如例
○叙辽左岭南功先赏总兵李成梁黄应甲等总督吴兑陈瑞等各银币有差发马价银六千两犒赏出边官军其余应叙功敕巡按御史速勘以闻
○庚申予中军都督府带俸都督佥事蒋华祭葬如例华 慈孝敬皇后侄也
○户科给事中王继光条奏四事一恤保甲一定税课一议支应一酌接递大略欲除革保甲差遣等项不许府州县擅立税课多派支应及抚按司道发牌不许夫马交界迎接虽部覆如议而言殊琐屑云
○禁儒童散考遗才○壬戌改南京兵部尚书杨成为南京礼部尚书
○升宁前兵备山东右布政使李松为右佥都御史巡抚辽东
○升岢岚兵备山西按察使胡来贡为右佥都御史巡抚大同
○升鸿胪寺右寺丞张栋
○翰林院修撰沈懋学以病免
○升尚宝司司丞沈玄华添注尚宝司卿
○以大同镇灾伤免八年带徵未完本折十年见徵屯粮本色例改折徵查动各仓积穀賑济灾民边军月粮多给本色量减有司积穀之半从巡抚贾应元请也
○铸给贵州分守贵宁道新镇道关防
○癸亥升山东东昌府知府莫与齐为本省副使
○甲子遣礼部右侍郎陈经邦祭 三皇于 景惠殿○以圣母慈圣宣文明肃皇太后 万寿圣节赐元辅张四维次辅中时行余有丁及讲官陈思育等各银币金万寿字有差
○调补山西按察使许守谦升山东右参议岳汴为本省副使
○乙丑 上御文华殿讲读
○升兵部协理戎政左侍郎王遴为南京工部尚书
○陕西提学副使潘允哲贵州按察使郭孝各患病乞休吏部覆许之
○革阳曲王府仪宾高国梁为民以其拨置辅国中尉新垞等朦胧请封也
○丙寅改补山东左参议兼佥事叶宪升浙江副使冯时雨为湖广右参政
○丁卯 上视朝
○先是有旨谕户部取 潞王婚礼金珠户部题 潞王婚礼妆奁等宜丰厚以广因心之爱第自万历六年至今除金花银五百万外增进过买办金珠银九十万两系那

借备边正项之数 大明会典开载亲王定亲礼物金止五十两珍珠十两今虽数倍于前亦不至如该库所开之多且内府各府库俱有额设买办钱粮承运库自六年始增前银未增之先该库原未告匮既增之后何以反称不足若细查节年花销细数必有不系买办正支者据款开各色金三千八百六十九两青红宝石八千七百块各样珍珠八万五千余颗珊瑚珍珠二万四千八百余颗京师虽百货所萃此等珍奇与日用粟帛不同即召商凑买安从时刻取盈且奸人乘机坐索高价无论凑完前数所费不貲虽仅完一二必用银数万近加升锦衣卫职官至五百余员每年增俸已踰万臣等日夜筹思一二年后必有掣襟露肘之忧今又增买金珠银至十余万两 皇上留神深思必有悚然不宁者不听

○先是四川永宁宣抚司土妇奢世统与掌印土妇奢世续争印讐杀各奏行勘总兵郭成参将马呈文假会勘为名发兵千余深入落红欲利所有世续亦发兵尾其后沙卜拒敌我军颇有伤者成等复差官目索沙卜于世统卜不从杀把总黄希忠等三人拘审指挥禹嘉绩仍聚苗兵万余欲攻永宁洩忿巡按御史宋仕劾成等徼利启衅伤众损威部覆郭成戴罪马呈文革职降充为事官该道万一贯量罚 上怒其轻率损威如拟责呈文成带罪抚戢一贯夺俸三月

○戊辰升贵州左参政史檉为贵州按察使南京户部郎中成宪为陕西提学副使改礼部仪制司主事王执礼为尚宝司丞调补浙江副使叶梦熊

○予锦衣卫带俸都指挥僉事陈昌言祭葬如例昌言 仁圣懿安康静皇太后兄也

○工部申明街道事宜一洁净皇城四门一洒扫街道沟渠一保护河墙一保固城濠一专设经费钱粮一稍重司官事权得旨依拟

○己巳升山东巡抚都察院右副都御史杨俊民为兵部右侍郎以兵部左侍郎贾应元协理京营戎政

○巡按湖广御史钱岱劾罢不谨僉事赵思诚罢软右参议萧九成降不及原任僉事唐天祥部覆从之

○庚午 潞王府第工完遣尚书曾省吾祭谢 后土司工 ○改补贵州右参政周舜岳升云南右参议胡僖为云南副使

○南京江西道御史张一鯤以病免

○以遵化游击张玠为分守蓟镇喜峰口参将宣府独石城守备杭大才为延绥游击

○辛未太仆寺少卿萧崇业以种马寄养地方官员催徵本折殿最不一举知州崔汝孝等劾知县赵一科等兵部覆请诏可之

○升四川重庆知府傅良谏为广东副使

○兵科给事中孙玮言各局商人投结挂号徒滋骗诈今后在银库者责巡视在京

粮库者责巡青免赴巡视挂号以便商人部亦以为然制曰可

○虏寇宁前新兴堡游击刘登泰击走之

○以湖广巡按钱岱言革都司佾书范思任回卫

○壬申 孝惠皇后 孝烈皇后忌辰祀 奉先殿遣新建伯王承勋祭 茂陵靖远伯王学礼祭 永陵○癸酉 圣母慈圣宣文明肃皇太后 万寿圣节 上御皇极门百官称贺大学士张四维等仍诣隆宗门行叩头礼

○吏科给事中袁国臣条议四事一赈济之实欲< 䟽 铨-金 >通驿递俾饥民得以趁食一弭盗之实欲严禁三弊俾保甲不至藏奸一捐免之实欲暂罢带徵人纳户亲填以防侵匿一招抚之实欲承种逃产庶逃亡复业还产以免追呼两部覆驿递仍当严禁荒政自宜别图其三议凿凿可从当通行申飭 上是部议

○甲戌以 皇子命名祭告 奉先殿收回果酒赐三辅臣

○乙亥升山东佾事许一德为湖广右参议湖广佾事王廷稷为云南右参议

○初肃王溥< 䟽 火贵 >奏乞折禄庄田户部言先因怀王故绝该府折禄庄田久议抵充甘固年例 肃王以旁枝袭封微恩已厚若复奏讨全禄违旨越分臣实未见其可况各处宗室绝田滩派宗粮抵充军饷者甚多或准其请各宗必将援例何以应之上令量给其半

○丙子行 皇子命名礼 上御皇极门敕礼部朕元子已恭请命于 皇祖 皇考名曰 可登识于所司故敕

○丁丑全狭沙磧荒芜正供多逋总督高文荐言七年带徵屯粮终难望完请炤民粮一体蠲免宁夏粮草不敷支放应于节省主客粮草数内处补部覆宜从是之

○戊寅 上御皇极殿

○升太仆寺卿陆树德为都察院右佾都御史巡抚山东

○升浙江副使刘东星为山东左参政

○己卯阅视延宁甘固边务工科左给事中萧彦言肃州虏众屡掠番人攻我民寨伤我官军岁无宁月臣目击河西危急之状有当亟议者如该镇额兵九万有奇今不及其半宜先足兵兵以射艺火器为能乃阅试不中咸以工作为辞宜先训练酌议修筑高台处应援之中古浪当孤悬之口原裁游击操守宜复先年议练乡兵题铨屯兵同知宜补石硖安远备御官军统以都司轮至更番人无斗心宜更将领易召募肃州连年多故诸番避居关厢即今虏中逃回往往投兵希养收拾人心宜施优恤之策虏时出入肃州凉庄镇永间当时拒阻即以掘墙啁喝若不渐处图防将窥我虚实熟我险易一旦渝盟悔将何及宜讲华夷之防部言该镇边备久弛是奏皆安边制虏之策宜行督抚计议以闻 上可其奏

○升山东莱州府知府孔惟德为本省副使调补湖广佾事刘弘道

○以镇虏关提调胡大受为遵化左营游击○庚辰以命 皇子名赐元辅张四维

次辅申时行余有丁银币有差

○大学士申时行以病乞假允暂假数日即出辅理

○壬午冬至 大祀 天子 圜丘命成国公朱应祜恭代以侯吴继爵伯杨炳尚书梁梦龙徐学谟分献

大明 夜明星辰云雨风雷坛免百官行庆成庆贺礼遣侯蒋建元薛鋹伯李应臣费甲金郭应乾陈澍左都督李文全祭 长陵等 九陵及 恭仁康定景皇帝陵寝哀冲 庄敬二太子坟○癸未以冬至令节赐三辅臣上尊珍饌

○宗人府灾

○甲申日讲官太子宾客礼部右侍郎陈经邦以病乞假

上允之遣中使耿清颁赐牢豕粢醴食物有差经邦< 〇〇〇〇 〇〇〇〇 〇〇〇〇 〇〇〇〇 >谢报闻

明神宗实录卷之一百三十终

明神宗显皇帝实录卷之一百三十一

万历十年十二月乙酉朔 上遣医视大学士申时行疾

○升大理寺左少卿刘良弼为太仆寺卿

○起原任陕西提学副使王世懋补江西提学副使升刑部员外郎金应韶为山东金事

○朝鲜国陪臣孙轼等以庆贺及进贡赐宴赏如例

○丙戌 上遣中使任淮赉赐大学士申时行鲜猪鲜羊米酒食物

○户部题漕运粮米自嘉靖隆庆间节遭河患各总卫所官军率多漂流挂欠在外官军颇有家产有司易于追处间或完报南京各卫官军原无产业自查参以来降级住俸革任追比十不完一今南京兵部尚书潘季驯查算明白应韶恩例复职免追从之

○陕西总督兵部侍郎高文荐题勘议得东河桥递运所大使应裁管驿不用百户止设驿丞草凉梁山三岔安山武关青桥开山黄沙青阳柏林十驿仍用军职管理再选汉宁二卫指挥一员驻劄凤县统率军壮往来防御五年一换开山黄沙顺政青阳金牛柏林黄坝七驿隘口军壮责令宁沔褒汉州县各巡捕官兼管东河桥隘口军壮责令管驿百户与益门镇巡简分岭防御汉中守备不时查验兵部覆如议

○叙广西马平獐贼功赏总督刘尧诲等银币有差

○兵部题万历十一年分应徵马匹于保定保德广平河间永平兖州东昌归德八府原额马内仍照九年规则派本色三分折色七分凤阳府九年原派折色今量改派本色一分折色九分本色马匹拣选方壮方许起俵折色马价每匹徵银二十四两真定大名济南开封卫辉彰德六府并应天庐州等处俱尽派折色南直隶原系本色后改折色徵银三十两原系折色徵银二十四两淮扬二府徐州等州县本色减徵银二十四两折色减徵银一十八两并真定等府折色马价俱遵奉恩诏每匹蠲免三分之一其各府该角口羊挤乳马五十匹龙骧等七十二卫所本色马七十二匹俱韶旧角口羊俵报闻

○賜兵部左侍郎王一鶚父王世爵祭葬如例

○丁亥 上視朝 升順天府府丞趙煥為大理寺左少卿

○陝西撫按蕭廩陳荐題全陝地方頻年苦旱錢糧追徵原難今歲夏秋災沴尤甚議將延慶平三府州縣除蠲免存留外量免起運邠耀二州潼關三水等五縣止免存留俱于萬曆十年應徵夏秋糧內除豁共實免過起存本折糧銀四千九百四十六兩有奇恐虧國課查有節年收貯夏糧并扣門皂工食等銀可以抵補其平涼固原慶陽安東環縣等衛所屯糧暫改折色西安鳳翔二府被災稍輕分別賑恤部覆從之

○戊子戶科給事中王繼光參工部尚書曾省吾十罪一街道工程冒破錢糧二囑托吏部干预选法三濫荐將材把持武選四接受賄賂阻壞鹽法五耽嗜宴樂蔑棄禮法六差派買辦科害鋪商七荒淫偷暇曠廢職業八廢格詔令苦累部商九罔上行私市恩受謝十會推吏兵尚書不得怨望君上末言其貌類狐鼠心似豺狼倚勢凌人薰蒸之氣可畏招權納賄溪壑之欲難填人心共攷國法難容 上勒之致仕

○陝西巡按吳定劾為民肅州兵備僉事李甘口向貪酷仍提問分巡隴右道僉事徐學詩不謹閑住 己丑升光祿寺少卿袁三接為順天府府丞

○除補翰林院侍讀徐顯卿

○予固安伯陳景行祭葬如例并謚景行 仁聖皇太后父也

○庚寅升朵顏衛所鎮撫土兒罕等為都指揮僉事以總督吳兌言其忠順向化及有進馬功故有是命

○辛卯 上御文華殿講讀

○升南京尚寶司卿傅作舟為光祿寺少卿

○山西懷仁王府奉國將軍聰口_？氏口口等越關來京奏稱自嘉靖四十年起至萬曆十年止共二十一年應得祿糧分毫未給乞將河東運司余鹽或有司無碍官銀轉行布政司查補部覆宗室越關禁例森嚴應革爵降為庶人幽之閑宅 上以宗祿拖欠年久著司府官多方催處每年量給一二季以資養贍聰口_？氏口口等免發閑宅

○山東道御史江東之劾錦衣衛指揮同知徐爵以犯罪逃軍賁緣馮保門下濫叨武職擅入禁庭為謀叵測應亟行竄逐以清宮府因并論吏部尚書梁夢龍先用銀三萬兩托爵賄保謀補銓缺又將孫女許聘保弟為兒婦謝恩之日即往拜爵款狎留飲二鼓而歸受命公朝拜恩私室清明之世豈容有此舉動 上下爵詔獄嚴訊送刑部擬斬夢龍_{（ ）}辨有青令供職已而御史鄧煉趙楷各有言遂令致仕

○壬辰以司禮監太監張鯨掌東廠是日江西道御史李植參司禮監太監馮保當誅十二罪有旨保欺君蠹國罪惡深重本當顯戮念系 皇考付托效勞日久姑從寬降奉御發南京閑住伊弟侄馮佑等都革職發原籍為民張大受等降小史者發 孝陵司香仍將各犯財產抄沒入官

○左都御史陳爌以病乞休不許

○户部覆两广总督陈瑞题清丈过所属官民田地山塘共三十二万九千六百顷三十亩零除补足原额二十五万九千五百五顷七十二亩零尚余七万九千四百五十八亩零都司所属屯田地塘共七千九百六十九顷四十八亩零除补足原额六千八百五十一顷四十二亩零尚余一千一百一十八顷六亩零其节年失额停徵水冲少压等项官民田地二万四千五百四十六顷七十三亩零屯地六百八十九顷三十四亩零通融摊派炤则减徵及将左布政李江等纪录擢用知县王荣等罢斥从之

○顺天府府尹张国彦题加收大耗当禁滥收商税当革驿递殷实马头当除流寓银两必不当徵积谷铸钱应暂停以济荒假公营私博名害众者宜显斥六事及称所部各州县官玩忽特甚应仿古京兆意不时查参不则于涿州等处别建一府领在外州县专听抚按各道纠察户部覆惟禁大耗革商税及所部州县听该府严治如议余俱仍旧报可

○革刘河游击濮朝宗任回卫

○山东巡按马允登言辽左属夷王台病故仰逞二奴乘机构衅与虎儿罕讎杀今西虏黄台吉等阳以助虎儿罕为名阴收白虎赤等以自益其兼并之志昭然仰逞二奴尚未悔祸罢兵虎儿罕外迫强敌内虞众叛安保不委心西虏阳顺阴逆将不可测在二奴则当防其横逸以折其气在虎儿罕则当杜其外交以系其心在黄台吉则当绝其覬覦以伐其谋乞敕抚镇诸臣宣布二夷使各罢兵仍谕虎儿罕等益坚效顺勿为西虏所愚脱或二奴狂逆亦须早图善后之策建夷近虽大创然党与尚多渠魁未歼即责二奴虎儿罕缚献阿台经今月余绝无影响而阿台尚依险负固拥兵自防恐迁延日久人心懈弛并敕诸臣加意购除以绝祸本 上是其言

○甲午先是直隶巡按王国_{（即）}毓_{（金）}论逆珰冯保专权纳贿即辅臣张居正病故保全徐爵索其家名琴七张夜明珠九颗珍珠帘五副金三万两银十万两因劾吏部左侍郎王篆送保玉带十束银二万两谋掌都察院并乞罢斥以儆官邪篆_{（即）}毓_{（金）}辩乞罢有旨调南京别卫门用已而御史李廷彦复追数其贪纵不法诸事 上令冠带闲住

○总督漕运兵部尚书凌云翼辞免加恩不准

○泰宁等卫头目虎州罕等朝贺至陕西弘化寺灵藏族番僧领真俄竹等进贡至赐宴赏如例

○乙未 上御文华殿讲读

○陕西总督兵部侍郎高文荐题本镇三厂互市酋首最多止设宁夏二道饬备督饷经理难周议将灵州驻劄行太仆寺中路少卿郭汝经理清水营互市兵粮道副使刘尧卿经理平虏中卫互市各请给敕谕一道部覆从之

○丙申吏科给事中陈与郊论礼部左侍郎陈思育太仆寺少卿于鲸夤缘徐爵结纳冯保朋奸误国亟当罢黜以清仕路有旨陈思育留用于鲸降二级调外任已而思育

抗章求辩复为礼科给事中陈烨所劾言思育以大臣被论不思阖门省过乃摭拾强辩大乖法纪因尽发其营私黷货纵欲宣淫诸不法事其最甚者乘机诈梁驸马银二千两致伊父发揭索取结纳故相张居正家人游七凭藉吹嘘制一手卷题曰楚滨欣赏捏写同院诸臣姓号诗赋连篇贺之因得玉杯古画犀带为谢典试预通关节贿卖举人查谦亨等十数名纳成国公管家为门下受馈银千两令伊子滥买武科

上览< 硃-金 >令思育回籍听调

○戊戌 世宗肃皇帝忌辰祀

奉先殿遣庆都伯杜继宗祭 永陵

○革三屯游击陈第保定定州辽东建昌各都司何天爵杨国臣张世勋朱寿任回籍

○陕西道御史杨四知论故太师张居正十四罪大略言其贪滥僭奢招权树党忘亲欺君蔽主殃民有诏居正朕虚心委任宠待甚隆不思尽忠报国顾乃怙宠行私殊负恩眷念系 皇考付托侍朕冲龄有十年辅理之功今已歿姑贷不究以全始终庞清冯昨游七锦衣卫拏送镇抚司打问仍谕大小臣工其奉公守正各修职业以图自效不必追言往事

○己亥 贞惠安和景皇后忌辰遣遂安伯陈澍祭 陵寝

○庚子 上视朝

○以年节赐三辅臣及讲官银币有差

○以恩诏予巡抚湖广兵部右侍郎陈省南京户部右侍郎王廷瞻南京大理寺卿刘志伊太常寺卿舒化南京光禄寺卿蒋遵箴南京太仆寺卿林景旻应天府府尹游季勋各荫一子入监读书

○辛丑大学士申时行以疾辞俸不允

○升南京广东道御史林应训为南京尚宝司卿

○蓟辽总督吴兑题查议过顺永二府民壮岁该徵银一万八千两又有帮贴家丁银二千二百五十万赔累已极应停免该镇岁支除霸州等州县炤旧办纳及蓟滦等州县本色屯豆并贴丁徭银九千九十七两有奇抵补外仍少银一万一千一百五十二两有奇应于永蓟密昌四处通融计算于岁剩银内拨补其自元年至今未完银两俱系小民拖欠九年系见徵之数仍令炤旧完纳七年以前未完者查例蠲免部覆民壮既罢远戍以宽其力自当取其工食以供军需若将额定银两免徵必累四镇饷银查四镇节年并无积剩必累太仓银库年复一年后将难继合令炤旧徵输为是 上以民壮徵银原非正赋其减徵拨补蠲免等项俱如督抚议以苏畿民

○壬寅四川道御史孙继先言自古英君谊辟欲建久安长治之功必重直言敢谏之士前者翰林院编修吴中行简讨赵用贤刑部员外艾穆主事沉思孝刑部办事进士邹元标各以故辅居正夺情一事建言得罪至廷杖遣戍夫 皇上英明天纵岂不知诸

臣无罪但以为不如是不足以安居正耳居正亦不请宥其罪而还其职顷见 皇上纳御史李植言斥冯保而没其家纳御史江东之言籍徐爵而寘之法纳御史杨四知言怒居正而追问坏事之人似非有心深罪诸臣者奈之何赐环犹稽使人有遗佚之叹也至于忤触居正被黜如南京给事中余懋学以不与送丧被黜如御史赵应元以申救言官被黜如御史傅应祯南御史朱鸿谟孟一脉以参劾居正被黜如员外王用汲等亦当一体复用以开言路已而吏科给事中陈与郊云南道御史向日红各有言得旨朕一时误听奸言以致降罚失中本内有名建言得罪者俱起用因复郭维贤职王国光以原职致仕

○太子少保兵部尚书吴兑辞免都察院兼衔允之

○升南京太仆寺少卿张孟男为南京太仆寺卿浙江右参议顾养谦为山东副使

○云南副使陈尚伊患病乞休许之

○癸卯兵科给事中孙玮劾协理院事左副都御史劳堪倚法作奸杀人媚势神人共攻国法难容国朝大臣未有无故冤死狱中者原任刑部侍郎洪朝选以勘辽藩事得罪居正堪希居正意杀朝选媚之极其惨酷至其子洪兢赴阙控诉堪飞书冯保廷杖几死有臣如此将焉用之 上为罢堪口陕西答石膻哈等族番人劄石革等入贡给赏如例

○兵科给事中孙玮 < 孙 铨 - 金 > 论太监魏朝东厂办事官郑如金言二人冯保心腹谋主也凡保专权乱政蠹国害民皆二人赞助之今保已斥而逆党不除内外交通臣窃危之仍释朝不问而下如金诏狱已而给事中田大年复极论朝不宜用弗听

○刑科给事中田畴言近日门禁疏虞卫官懈弛每见杂员冗职出入各禁门者前呼后拥不辨其为何官厮贱庸流往来禁地者逐队随行不审其系何役连肩接袂十百为群不曰内府官身则曰里面答应以致奇投淫巧视为渊藪无赖亡命倚为窟宅直军不敢拦阻卫官莫敢谁何平居则假借威势纳贿行私遇便则窜名簿籍钻求官职乞升者升乞俸者俸欺君玩法无所不至如徐爵张大受等可为殷鉴乞敕锦衣卫督令旗尉严加缉访并行兵部严谕守卫官军谨守门禁 上是其言下所司知之

○甲辰 上御文华殿讲读○例升吏科都给事中尹瑾为南京太仆寺少卿广东道御史朱珽为云南副使浙江道御史曹一夔为浙江佥事云南道试御史向日红为陕西佥事文选司员外王緘为浙江副使

○以工科给事中傅来鹏巡视京营

○乙巳改南京户部尚书杨巍为工部尚书

○升太子宾客礼部右侍郎陈经邦为吏部左侍郎兼官如故

○四川道御史孙继先言自古帝王欲图至治莫不决于去小人急于用君子故虞舜即位即诛四凶收用元恺顷 陛下罢工部尚书曾省吾等以清部署之奸逐司礼监太监冯保等以除左右之慝去恶可谓断矣乃有摧折权奸屏迹山林如听调南京都察

院右都御史魏学曾养病户部左侍郎胡执礼都察院右佥都御史宋熏毛纲光禄寺卿贾三近太常寺卿温纯验封司郎中陈有年福建提学佥事赵参鲁给假礼部右侍郎王锡爵听降南京都察院右佥都御史张岳致仕顺天府府尹曹科浙江道御史朱光宇之数臣者品格虽殊要皆才德优隆志行高洁或宜于密勿或宜于部堂或宜于拊循皆海内之正人士林之君子也语云山有猛兽则狐狸藏形国有贤臣则奸邪隐迹愿 陛下及时起用以收进贤之效章下所司

○丙午山西道御史魏允贞言吏部为六曹之长得其人则黜陟皆当而庶僚正非其人则黜陟皆私而庶僚愿自 陛下临御以来张翰王国光梁梦龙已三易矣与其显斥于既用之后以坏 陛下之官材孰若精简于未用之先以清 陛下之铨法颇闻往者会推之先吏部皆密受意于阁臣或司礼监掌印太监名氏已定然后会推九卿科道徒取充数未推不闻咨访既推不闻参驳以知厚干请而进者十九以德器才望而进者十一以故铨衡不正仕路不清孟子曰国君进贤如不得已愿今后慎之重之章下所司

○广东惠州浙江严州直隶徽州等府各水灾直隶保定府天火延烧四川保宁府地震陕西甘凉地方赤白云气匝绕半天又西北有彗星形如匹练各灾异例礼部类题修省得旨朕寅畏天戒尔中外大小臣工其一体修省恪共职业毋事虚文

○丁未 上视朝

○吏部引奏大选官员亲决如制

○改刑部尚书严清为吏部尚书清 < 銮-金 > 辞不允

○予原任兵部左侍郎迟凤翔祭葬如例

○以湖广都司周印为分守广东雷廉海防参将神枢三营参将管逵干为五军营左副将

○戊申大学士张四维等题进万历十年讲过经书及贞观政要一本万几之暇时加观览以求温故知新之益仍乞发下司礼监接续刊行 上从之

○予原任礼部右侍郎兼掌国子监祭酒事万浩祭葬如例

○工科左给事中萧彦题阅视过延宁甘固四镇如积钱粮则甘宁固为优延镇主饷告匮难以概论修险隘则四镇并优而延宁为最练兵马则四镇标正并优诸路亦称而宁之东路甘之西路次之整器械则四镇不相上下而延宁固稍优开屯田宁为最延次之甘又次之收胡马则延甘为最宁次之固原原无胡马散逆党则固为最延宁次之甘肃又次之因条陈四事一申节省之议以图实政一酌修守之宜以休军力一议入卫之兵以苏积困一宽互市之期以伐虏谋诏著实举行

○陕西延安庆阳平凉临洮巩昌各府大饥借延镇主客银四万两充赈○陕西巡抚萧廩题清丈过全狭官地共一千二百八十顷四十七亩零比原额少一顷二十七亩零民地五十五万二千二百九十九顷二十五亩零除足额外多地三万九百八十八顷二十三亩零应通融减派均摊足额其鄜州等二十七州县仍少额抛荒民地一万九千五

百三十八顷六十六亩零固原镇东河等卫所少额屯地一千五十顷八十七亩零并前少额官地俱系先年虚增抛荒之数应与除豁及将左布政孙坤等纪录擢用华州知州王簧等分别罚治部覆如议行

○庚戌敕协守大同副总兵麻贵为镇守宁夏地方总兵官

○以山西都司吴国臣为神枢三营参将○辛亥除补分守台涂严参将徐正以延绥游击陈愚闻为分守孤山参将宁塞当守备王鉄块为延绥游击大同右卫守备冯大壮为宁夏兴武营游击庄浪右卫参将刘承嗣为永昌参将五军四营游击孙锦为延绥中路参将 癸丑以军政加摠督京营戎政彰武伯杨炳太子太保炳辞 上不允铸给崇文门通州草场各分司关防 甲寅 上诣 太庙 祧庙 诸陵行 袷祭礼以收回祭设 赐三辅臣

大明神宗显皇帝实录卷之一百三十一

明神宗显皇帝实录卷之一百三十二

万历十一年正月乙卯朔 上御皇极殿百官致词称贺

○赐三辅臣上尊珍饌

○松江府地震

○丁巳 宣宗章皇帝忌辰遣官祭 景陵

○己未以御史罗应鹤提督北直隶学政王国提督南直隶学政

○改南京兵部尚书潘季驯为刑部尚书

○升南京右都御史刘尧诲为南京户部尚书升保定巡抚右副都御史阴武卿为左副都御史协理院事升国子监祭酒周子义为礼部右侍郎


○升浙江分守温处参议顾养谦为杭严副使监督营务○诏录用建言谪戍为民诸臣编修吴中行简讨赵用贤给事中余懋学御史赵应元傅应祯南京御史朱鸿谟孟一脉员外郎王用汲艾穆主事沉思孝俱补原官

○辛酉时享 太庙

○遣内官祭 司户之神

○京师风霾

○改宣大中军副总兵朱瀚为大同副总兵白洋口游击马应元为延绥领军游击升兰州管参将事游击常三略为庄浪参将

○壬戌谕内阁昨日申初偶尔大风陡作四下昏浊朕甚忧惧既灵台所奏主边兵朕闻奏甚惧兹又遇灯节卿等可传与兵部传示各边将官慎加防备大学士张四维等具〈 铤-金 >仰惟我 皇上翼翼小心克谨天戒兹因风异占主边兵特軫 圣怀今西虏款顺求袭王封东虏虽称弗驯势亦渐涣可虞者年来边政苛烦人心离怨狭西荒旱人不聊生恐有内虞耳臣等即传示兵部谕各边慎加防备

○御史张应诏劾南京刑部尚书殷正茂总督两广兵部尚书陈瑞皆列其括取所

属官金银珠私馈张居正冯保及居正家奴游七瑞抚楚时往吊居正入门加孝帽痛哭请见居正母时内官向鲸在侧居正母属瑞曰陈公祖看顾向官儿瑞起答只有向公公看顾得陈瑞瑞安能看顾得向公公其奴颜婢膝多类此 上命殷正茂陈瑞致仕向鲸着司礼监鞫问

○癸亥改刑科都给事中周邦杰为吏科都给事中

○甲子命礼部右侍郎周子义兼侍读学士充会典副总裁官复除侍读徐显卿仍充会典纂修官

○起原任侍读于慎行仍充日讲官○升陕西游击原进学为兰州参将调蓟辽游击李维原于五军四营大同参将朱永祚为宣大总督中军 大同督抚郑雒等题本镇应修军屯民堡二百五十七座应添敌台一千二十八座今四年之间止修完冲堡四十一座敌台一百六十八座未完者今春当修但工费全藉河南班价今视旧减额更复拖欠工费无资乞行河南巡抚将拖欠班价仍照旧额全扣及议留游兵原为助修村堡今村堡未完似难入卫亦乞再留三年兵部覆七年以后减徵银数既奉钦依难以增复余俱如拟

○乙丑 孝恪皇后忌辰遣官祭 永陵

○御史陈性学劾江西参政李选广西僉事李宗鲁先备官谏垣结纳游七选取游七妻表妹宗鲁娶游七妻表侄女叙会姻亲飞觞促席故相闻其事叱辱之相继外补二臣不罢斥追夺不足雪衣冠之耻下其章于吏部

○御史毛在劾锦衣卫掌卫事都督同知刘守有与同官李延禄指挥张照郭尚文千户庞清冯昕焦兰同恶相济先奉旨著守有封锁徐爵冯保张太受周海等房守有搬运鼠窃报官者十一二耳至房屋田产公行欺隐各犯家属浼张照等转为方便党恶欺君何以自解 上诘责守有逆犯财产还著尽心稽查如再有容隐脱漏定行重治张照等都著革任闲住

○丁卯 上御皇极殿顺天府官进春百官称贺

○赐三辅臣上尊珍饌

○嘉兴湖州各地震

○改神枢三营参将吴国臣为大同东路参将升宁夏玉泉营守备董延龄为陕西军门标下游击○陕西总督高文荐题延宁二镇丈出荒田一万八千九百九十余顷招过流移耕种三年起科以充军饷阅视都给事中萧彦驳其< 田 疏 金 > 俱下户部户部覆开垦荒田永不起科原系旧例二镇地方沙碛领过田数未必处处可耕若屯粮额完自足原派供边之费旱荒相继安能驱待毙余丁领久荒之田认无影之税应听军民告官自垦永不起科从之

○甘肃巡抚王士□□会同陕西总督高文荐题肃州屡次失事委因番虏互相窃掠原非背盟犯顺今屡遣通官并调套酋切尽黄台吉差虏使去火落赤帐内传宣朝廷

行大学士张四维等〈四 疏-金〉曰预建 山陵乃古圣帝明王达节后世则讳言之我 太祖 成祖 世祖三圣皆尝预修诚千古之旷举也我 皇上欲因春祀预择寿宫宏度卓识真与 三祖同符臣等不胜钦仰谨遵旨拟谕一道进呈伏候 圣裁发礼部施行臣等又惟 山陵重事必须详慎今 天寿山吉壤固多未知何地最胜合照世祖先年事例命文武大臣带领钦天监及深晓地利风水之人先行相择二三处画图贴说进上御览恭候 圣驾亲阅钦定然后营建以为万万年寿藏 上从之乃谕礼部查嘉靖十五年例择日具仪来闻

○起原任兵部尚书掌南京都察院事石茂华为兵部尚书兼左副都御史总督陕西三边军务

○改南京工部尚书王遴为南京兵部尚书参赞机务○起原任保定巡抚右佥都御史宋纁以原官巡抚保定等处提督紫荆关并管河道升广西巡抚右佥都御史郭应聘为右都御史兼兵部右侍郎总督两广升广东左布政使李江为右副都御史巡抚湖广

○戊寅复除云南右参政李文续于云南调广西右参议姜忻为云南左参议降云南左参议李良臣为云南佥事

○吏部言考核部寺衙门各差官员但行事已完即查在差有无功过随咨本部以便推升不待其回部回寺致资俸浅者反得越次两京提学御史各省提学副使佥事俱不必另行考核从之

○兵部尚书吴兑再陈不职乞罢黜以谢人言不允

○己卯 孝静毅皇后忌辰 奉先殿祭祀遣怀远侯常胤绪祭 康陵

○升广东右布政使王元敬于本省山西右布政使严大纪于河南云南右布政使魏体明于四川江西右布政使王续之于广西各左布政使

○庚辰日讲官侍读学士沈鲤病遣中使赐牲酒等物

○复除江西佥事武尚耕为福建佥事山东佥事王民顺为广东佥事降原任浙江按察使李承式为陕西右参议

○户部乞停买金珠或量支太仓银两交进库内径自收买不允

○辛巳升湖广按察使马文炜于江西广西按察陈应春于广东山西按察使张九一于山西云南按察使徐元气于云南河南按察使董汝汉于本省各右布政使升河南提学副使王象坤于本省江西提学副使孙代于浙江各右参政升兵部郎中任天祚于山东费尧年于山西延安知府党馨永平知府任铠于陕西各副使升兵部员外于达真于山西佥事

○赠原任少保兼太子太保礼部尚书武英殿大学士殷士儋为太保谥文通并给诰命○壬午复除原任兵科都给事中戴光启于刑科御史姜璧于河南道

○起原任户部右侍郎吴文华为兵部右侍郎兼都察院右佥都御史巡抚广西

○升工科右给事中王敬民于吏科户科右给事中顾问于刑科礼科右给事中姚德重于工科各左给事中兵科给事中杨廷相于吏科右给事中

○复顺天郟阳二巡抚先裁革御史王国言顺天迤邻北虏郟阳叛乱之区两镇巡抚必不可缺从之

○癸未 圣母仁圣懿安康静皇太后万寿圣节 上御皇极门百官致词称贺

○赐三辅臣上尊珍馐

○升湖广左参政乔懋敬于本省四川右参政杨一桂于河南陕西右参政姚继可于山西江西左参政欧希稷于广西江西右参政王天爵于云南山东右参政孙鏞于江西广西左参政彭富于贵州各按察使

○御史杨四知言纪纲不立国非其国今一岁中浙江毆巡抚灵州屠主帅土目戕委官此其渐不可长也为今之计莫如重督抚选主帅优恤而保爱之武弁有剥削粮饷凌虐卒伍者明正国法则兵众感恩畏威效死恐后安有自干天宪者 上然之

○贵州巡抚刘庠巡抚傅顺孙各题四川永宁宣抚司已故宣抚奢效忠妻妾奢世统奢世续讦奏事情原止争给冠带掌管印信总兵郭成勘处差指挥禹嘉绩轻入夷寨被其拘留又差伊男名色把总郭天心等横行需索致世统纠集夷兵万余围住永宁后巡按亲临禁谕夷兵方散嘉绩放出乞将郭成罢斥与郭天心禹嘉绩俱行抚按究问奢世统讦奏事情听四川另委廉能官员勘处 上令贵州巡抚官会勘郭成戴罪供职

○以考成查参未完事件将经管抚按曹大野刘世曾贾如式傅顺孙孙光祐等罚俸有差

明神宗显皇帝实录卷之一百三十二

明神宗显皇帝实录卷之一百三十三

万历十一年二月甲申朔大学士张四维等题二月十二日经筵开讲去年秋讲四书书经讲完今见讲诗经仍该用一经进讲周易一书先王明天道以修人纪其理虽奥衍宏深至于拟议言行会通典礼关于君德治道最为详切故自 祖宗列圣以来凡幸太学必令儒臣以是书敷讲厥有深意合无今次以周易同诗经进讲用为 圣学缉熙之助 上然之

○祭 三皇于 景惠殿以祭余赐三辅臣

○黜锦衣卫千百户王杲等遣戍为民有差

○刑科给事中田畴言逆犯范登贪肆异常言官论列尚未及阿附邪臣如宣大巡抚贾应元徇其占窝大坏盐法文选郎中蒋遵箴藉登私宅纳贿卖官御史于鲸顾尔行皆听嘱托受贿乞将四臣一体罢黜以清仕路< 足 毓-金 >下吏部吏部覆蒋遵箴降三级调外任顾尔行降远方杂职于鲸闲住应元以他赃另勘从之

○乙酉升工部左侍郎陈道基为南京刑部尚书升户部左侍郎刘思问为南京右都御史升礼部右侍郎周子义为左侍郎翰林院侍读学士沈鲤为右侍郎各仍兼侍读

○下庞清冯昕于镇抚司

○丁亥礼部奉命预卜 寿宫请同钦天监谳晓地理员役及本部工部属官一员先诣相视报闻

○遣礼部侍郎许国祭 先师孔子○升陕西副使岳凌霄为本省苑马寺卿陕西僉事李承选为本省行太仆寺卿

○改江西副使邹学柱升河南右参议赵鹏程为河南副使起原任贵州副使李蓁为山东副使原任福建僉事赵参鲁为福建僉事各提调学政

○升池州知府郭四维为河南副使整饬霸州兵务

○升刑部郎中王道纯开封知府孟学易于四川吏部郎中沈应文于江西刑部郎中王桥程正谊绍兴知府傅宠梧州知府陆万垓于云南南安知府陈祖尧于贵州广西右参议彭应时于本省平阳知府王汝鲁于山西保定知府张振先饶州知府管稷汝宁知府杨可大于湖广建宁知府徐秋鹗于福建各按察司副使

○升青州知府王世能于河东保宁知府萧守身于山东各运使○戊子祭 太社太稷

○承天府地震

○以南京右军都督府掌印崇信伯费甲金为南京提督操江兼管巡江

○命镇守蓟永等处总兵官少保兼太子太保左都督戚继光以原官镇守辽东地方因兵科都给事中张鼎思言继光先在闽浙战多克捷今蓟永未効功能乞改南以便其才故有是命

○以神枢五营佐击文应诏为锦衣卫南镇抚司掌印以锦衣卫指挥僉事苏荣张希思为南镇抚司僉书

○己丑会试天下贡士以大学士余有丁吏部左侍郎兼侍读学士许国为考试官

○升江西僉事朱一松于本省广东僉事侯应爵于贵州刑部郎中李良柱于广西各布政司参议

○户科给事中王继光劾兵部尚书吴兑交结逆保多受将领馈遗侍郎贾应元先开府时太平王被参以停封为辞致该府馈银九千仍勒送万金方许请封而罢追赃及赂游七冯保诸不法状 上令行彼处巡按御史勘应元受代府赃数而置吴兑不问

○命司礼监将冯保名下郭清好生打问

○庚寅升通政使倪光荐为工部左侍郎仍管通政使事

○升湖广右布政使贾待问为本省左布政使

○辛卯 上御皇极殿册李氏为 潞王妃遣定国公徐文璧大学士申时行持节捧册行纳徵礼其册文曰经国之道莫先于正家昌后庥之必谨于择配岂惟重彝伦之始亦以弘化理之原懿范具存仪章斯举朕弟潞王翊鏐禀资岐嶷赋性温醇冠礼既加婚时甫及李氏乃兵马指挥淲时之女夙受姆仪克娴阃则宜匹王室以替中闺兹特授

金册封尔为潞王妃尔宜祇服荣恩恪修妇道永膺多福用广宗支尔惟钦哉

○赠 仁圣懿安康靖皇太后父固安伯陈景行太子太保

○以总督漕运兼管河道太子少保兵部尚书兼左副都御史凌云翼为兵部协理京营戎政升户部右侍郎王之垣为本部左侍郎南京户部右侍郎王廷瞻为户部右侍郎升顺天府尹张国彦为右副都御史抚治郟阳升山东右布政使翟绣裳为右佥都御史整饬蓟州等处边备兼巡抚顺天

○改南京大理寺卿刘志伊为大理寺卿升尚宝寺少卿徐元春为光禄寺少卿

○升刑科右给事牛维炳于礼科兵科右给事中王三余于兵科俱左给事中升兵科给事中田大年于户科刑科给事中王凤竹于礼科兵科给事中冯露于工科俱右给事中○复刘台原官御史仍赠光禄寺少卿

○兵部尚书吴兑满三年考复以继光论劾乞罢 上慰留之

○御史于有年劾左都御史陈爌阿谀权势倾害忠良先御史赵应元按楚时当大学士张居正回籍葬父独未往吊爌参论应元落职为民员外王用汲忠愤所激具< 疏-金 >参论被爌挟私中伤亦坐为民乞将陈爌罢斥为大臣諂谀之戒 上曰言官论人须当审事实参详公论若不谙事情始末不分人品高下輒肆诋排大臣将人人自危岂成政体于有年躁妄当治姑从轻罚俸半年近日科道官争以奸党为言斥退已多今后务体国惜才用養和平之福若再有违旨搜索往事的定行重治不饶

○以朝鲜国王李昫押送漂洋人口赏银一百两锦四段纁丝十二表里赐敕奖谕陪臣军从人等给赏有差

○壬辰月犯井宿○命礼部选民间女子年十一以上十五以下者三百人进宫预教

○升大理寺右少卿邵陞为本寺左少卿复除原任山西行太仆寺卿季采菲为甘肃行太仆寺卿改原任甘肃行太仆寺少卿石禳为陕西行太仆寺少卿

○癸巳 孝贞纯皇后忌辰 奉先殿行祭礼遣靖远伯王学礼祭 茂陵

○升陕西按察使王湘于湖广山东按察使蔡淑逵于本省各右布政使升四川左参议王胤祥于陕西刑部郎中霍镇东于云南各副使升刑部员外郎吴显于江西南京刑部员外郎容若玉于河南户部员外郎艾穆刑部员外郎谢诏于四川户部郎中郑人逵刑部员外郎王用汲于广东南京工部郎中来经济于广西各佥事

○调浙江副使王緘为河南副使王緘为河南副使调原任广西佥事王一卿为云南佥事○甲午升光禄寺卿臧惟一为顺天府府尹大理寺左寺丞□为正为大理寺右少卿尚宝司司丞韩必显为本司少卿

○兵部尚书吴兑左都御史陈爌各以人言乞罢 上俱慰留之

○丙申升直隶徐州同知张位为尚宝司司丞

○改太仆寺卿刘良弼为光禄寺卿

○都察院左都御史陈炯再乞休 上温旨留之

○浙江巡抚张佳胤巡按张文熙乞照恩例豁免已故尚书赵文华侵冒未完军饷银六万有奇伊男赵慎思拟充军 上曰赵文华侵冒军饷十万有余未曾正法今又迁就豁免何以惩恶伊男赵慎思姑依拟发烟瘴地面永远充军

○丁酉谕礼部闰二月十二日朕躬谒 山陵行春祭礼率 后妃同行一应礼仪事务著各该衙门俱照万历八年例行○河南进表都司杨正蒙以枉道回籍革任

○戊戌礼部题据祠祭司员外郎陈述龄会同工部都水司主事阎邦钦天监监副张邦垣等及带在京谙晓地理人连世昌先诣 天寿山四顾相视择得 永陵东边一地名潭峪岭 昭陵北边一地名祥子岭东井南边一地名勒草洼俱为吉壤乞钦命文武大臣□臣学谟工部署印侍郎何起鸣领该司郎中并各该员役详加选择 上命公徐文璧大学士张四维司礼监太监张宏同去相择内外大小官员有谙晓地理见在京的尔部里开来令同去

○兵科都给事中张鼎思等言蓟镇久安夷情难料辽左仰逞二奴势渐向盛阿台未擒终为祸本宣大黄酋乞封必使严束部落谨奉贡市然后为请延绥荒旱速当破格蠲恤甘肃东套诸酋住牧名虽抢番寔则犯汉近议请出帑金一万以为市赏若不早为拒绝将来岁为故事且甘肃原额兵九万今不及半乞转行各镇督抚悉心经画兵部覆如议独谓黄酋收父妾而子侄扯力艮那吉等纠合以抗此族属离披势分积弱之渐不宜强之和合以增其势也补练兵马当着实整理但中国长伎在火器各边应仿宣大及蓟镇大炮式多为成造兼造三眼枪以用中国之长不惟易于剿零即虏大举且破之矣报可

○诏浙江总兵移住省城先是以倭变始设总兵于定海省城兵民两变巡抚张佳胤为请故有是命

○录宣大山西贡市事竣功赏总督郑雒巡抚贾应元萧大亨总兵官郭琥等银币有差

○户部覆甘肃巡抚王士□□巡按吴定题称甘肃镇地土瘠薄天气寒冷耕种无时附近力勤者种一歇二方能收获地远力薄者三四年方种一次且屯科二项徵输屯重科轻恒称偏累无力耕种遗累逃窜屯额渐亏今次清丈实在地四万五千九百九十三顷三十五亩零定为地额无论屯科概拟一则分别上中下三等徵输共粮二十一万六千一百八十五石零定为粮额其水退淤出额外抛荒等地俱听各军随便自行开垦永不起科从之

○改居庸昌平总兵右都督杨四畏为镇守蓟州永平山海等处总兵官

○诏范登监候处决从刑部所覆奏也

○己亥遣顺天府堂上官祭 先农之神

○庚子谕礼部朕春祀 山陵潞王于德胜门送驾西直门迎驾礼部便具仪来看

○礼部言新升南京刑部尚书陈道基通政使司左参议梁子琦贵州佥事胡宥俱究心地埋乞命同往 山凌相择从之

○诏皇城内外设钦依把总二员东西分管以给事中田畴言门军逃役上直指挥事权轻也○降原任南京右佥都御史董尧封为浙江右参议原任南京右佥都御史张岳为四川左参议原任江西右参政余希周为本省佥事 升蓟镇大水峪游击戚金为古北口参将

○屯田御史王国清查出豊润玉田等县成国公朱应祜退出苇地及民间告垦未入册地寔丈过通徵银八千有奇豆一千九百一十一石有奇永为定额俱角口羊备边报可

○录雕剿石城县乌兔多浪二阜蛋贼功刘尧诲张明正等各叙录赏赉有差

○辛丑升工部右侍郎何起鸣为左侍郎起原任工部右侍郎熊汝达为工部右侍郎

○起原任南京右都御史魏学曾为南京户部右侍郎总督粮储

○起原任户部右侍郎傅希摯为户部右侍郎兼右佥都御史总督漕运巡抚凤阳等处

○升巡抚南赣副都御史王缉为南京大理寺卿○改南京国子监祭酒高启愚为国子监祭酒

○升福建右布政使张楚城为云南左布政使起原任广东按察使顾章志为山东按察使

○升宣府副总兵董一元为署都督佥事充总兵官镇守居庸昌平等处

○罢三屯辘重营游击夏时山东都司佥书常钺河南都司杨正蒙从御史王国所劾也

○陕西道御史杨四知言圣王为民设官所与共理天下者守令是也今天下文巧之吏剥民奉上而吏良悃悞无华虽拂上官之意弗顾也上官悦趋承恶介特耳目寄之吏胥毁誉采之窝访不肖县官阴结窝访阳事上官而吏事毕矣朝廷德泽不究职此之故今当黜幽之期乞敕吏部责成监司务求实政仍查监司崇尚虚声是非混淆者黜之以为戒 上然之

○壬寅 恭仁康定景皇帝忌辰遣惠安伯张元善祭 陵寝行礼○升户部郎中郭性之为山西佥事

○录万历十年温州擒倭功巡抚张佳胤副使陈润参将沉思孝等赏赉有差

○赐西山阳洞长官司酋长韦昌金冠带先是属贵州黎平府正统间叛今昌金率众来归复赐之待三年后果能输纳粮差准与承袭祖职

○总督两广尚书陈瑞巡抚广西侍郎郭应聘各题边关凭祥等州善后三议先是通事范可久伴送安南夷使还凭祥土官李德胜索夷礼物以致各夷攘夺混失范可久

批文可久自刎行广西巡按查勘德胜已监故地方道府罚治有差至是陈善后事宜一谓夷使入贡广东海北广西左江二道宜亲履地方严饬防范一谓凭祥逼近交南不便改设流官宜将官族李仁管理州事仍隶思明府一谓诸夷馈送致启衅端宜严行禁止得旨如议行

○诏修武英殿工料价银于节慎库收贮料银内支給工完之日监工科道查核造册奏缴

○癸卯升四川右参政凌瑄为陕西按察使

○诏顺义蓟州遵化豊润玉田五州县驿递炤通州等州县例各驿马骡徵银召募应差不得编金人户

○乙巳以元辅张四维往择 寿宫吉地还赏银五十两纒丝斗牛胸背四表里

○调原任浙江右布政使蔡汝贤为福建右布政使四川副使郑一信为广西副使

○复除原任山东左参政陈文烛为四川左参政

○丙午南京科道阮子孝子有年等各糾劾冒濫京堂巡抚宁夏右佥都御史晋应槐巡抚福建左副都御史劳堪太仆寺少卿杜友兰吏部覆应槐回籍听勘劳堪降一级与杜友兰俱调南京用○丁未礼部题查得嘉靖十五年节奉 世宗皇帝敕谕祭告天寿山 长陵等七陵朕躬叩拜西山 皇高祖妣恭让章皇后 皇曾叔祖景皇帝陵所示展拜一次庶慰朕追感之情钦此又查得万历八年 皇上奉 两宫皇太后率后妃谒 陵先诣 长陵次诣 永陵 昭陵其 各陵俱遣官行礼臣等仰惟 皇上大孝因心真诚法 祖顷岁 圣驾诣 陵惟 长陵 永陵 昭陵躬行祭告其 列圣陵寝多系命官恭代揆之 圣心追远感时尚有歉然其未尽者今次谒 陵合无仰稽 皇祖世宗皇帝彝宪酌分二日以次展拜庶礼意周洽诚敬流通而 累朝之旷典以昭 皇上之孝思以慰矣

○大学士张四维等题今日蒙发下文书内有礼部春祀 山陵仪注一本开称九陵俱 圣躬亲祭礼仪俱同臣等恭查嘉靖十五年 皇祖世宗皇帝谕礼部 诸陵惟 长陵上香八拜执事自献帛爵 六陵并 二寝俱上香四拜为礼而不可不别诸庙也又谕 七陵朕俱躬上香惟 长陵仍奠帛初献以尊 太宗钦此臣等仰惟皇祖奉先之孝议礼之精登杀品节诚可为万世法兹礼部只依该司旧按录拟仪文大碍况今又增 永陵 昭陵不惟 圣躬太劳抑恐日力不给今次似当遵炤 世祖更定礼节惟 长陵与 永陵 昭陵俱上香八拜亲奠帛初献其 六陵 二寝上香四拜执事官代献帛爵为便上请 圣裁 上批礼部< 足 毓-金 >云 长陵 永陵 昭陵依拟行礼 六陵 二寝恭遵 皇祖世宗钦定朕躬上香四拜其奠帛三献俱执事官代仍谕 潞王候驾幕次不必搭盖

○朝鲜国王李昖表进方物马匹进贺 仁圣懿安康靖皇太后 慈圣宣文明肃皇太后徽号陪臣吏曹参判郑彦智等宴赏有差

○起原任湖广副使林偕春为浙江副使提调学校

○升云南临安府知府甘一骥为山东运使

○起原任游击卢彻管领保定官军安廷灿管领定州官军

○戊申升南京翰林院掌院事右谕德王弘诲为南京国子监祭酒

○升大理寺左少卿邵陞为右副都御史巡抚南赣

○巡抚江西御史贾如式言原任御史刘台之劾居正居正未必欲致之死也有台同宗原任国子监监丞刘伯朝举人刘寿康与台有宿憾欲中台奇祸以结居正欢心适值台买谢燿地偿价未厌其心燿恨之伯朝等嗾燿讦奏谋之吉安推官刘绅绅为备资促之行勘问时伯朝对理台有口何能辩至于辽东赃银五千两台贫不能完徒累富室代纳乞敕都察院将伯朝绅究处臣并提刘寿康谢燿勘问得旨着抚按官提问

○己酉升太常寺少卿雒遵为太仆寺卿

○升南直隶运粮把总陈颂为山东都司佾书南直隶京口图山把总徐道为河南都司佾书

○革凉庄游击王心一山丹守备薛如玉仪真守备左良辅川沙把总刘懋功任

○庚戌会试取中式举人李廷机等三百五十名近额三百名以 皇嗣覃恩命增五十名

○武英殿兴工遣尚书杨巍祭告 后土司工之神

○ 潞王出府礼部请以明日百官赴府行四拜礼得旨免○升南京户部郎中冷文煜为云南佾事

○升大同北东路参将李迎恩为协守宣府地方副总兵

○辛亥兵部题恭遇 圣驾诣 陵例该宣大总督郑雒移住居庸关外保护南山一带蓟镇总督周咏移驻黄花镇防护 陵寝见调蓟镇总兵官杨四畏暂留昌镇其余各该镇巡兵备副参游守等官照信地严加防守报闻

○大学士张四维等言今日蒙发下户部本欲将云南库贮矿课银两起解二十万臣等看得该省远在万里近者緬贼莽应里猖獗陇川逆逋岳阳及木邦罕虔党助窥伺腾越永昌之间大为骚扰镇巡官调汉土官军军兴粮饷所费不貲似应仍留彼处以济缓急从之

○升大理寺右寺丞张简为左寺丞河南道御史贺一桂为大理寺右寺丞

○升礼科都给事中石应岳为太仆寺少卿○诏苏松二府关税银每年量留五千两凑织解袍用

○升南直隶掘港守备王廷臣为浙江巡抚标下中军都司

○壬子以 圣驾躬诣 山陵命公徐文璧伯杨炳随侍护 驾命镇远侯顾承光同左都督李文全勋卫孙承恩统领带刀府军等卫官三十员大汉将军三百名随直圣驾往回

○建州逆梟子阿台复诱虏酋阿海等从静远榆林入寇总兵李成梁督兵破之二酋就戮荡扫巢穴斩获者二千三百有奇督臣周咏以捷闻

○升吏部员外郎傅作雨为江西左参政

○癸丑以 圣驾谒 陵先期一日祭告 天寿山遣公朱应楨行礼

○遣公徐文璧祭 大明于 朝日坛

○升吏部文选司郎中卢维楨为太常寺少卿

明神宗显皇帝实录卷之一百三十三

明神宗显皇帝实录卷之一百三十四

万历十一年闰二月甲寅朔以 圣驾诣 山陵命靖远伯王学礼等分守皇城六门定远侯郑世栋等分守京城九门

○起原任南京户部尚书毕锵为南京工部尚书

○升巡抚河南右金都御史褚鈇为左金都御史协理院事

○升山西右布政使张九一为右金都御史巡抚宁夏

○升贵州左布政使沉人种为南京光禄寺卿

○巡按直隶御史徐金星言江北屯田自庐滁抵六合延袤七十二圩一遇山水暴发滄没不救查旧开浦口黑水河二十里未完工程仅二里有奇乞拨军人开挖工止一月所救济则数万顷之沃壤也部覆如议○乙卯谕礼部都察院朕躬诣 天寿山凡仪卫扈从等项务从省约内外随行官员人等不许沿途生事扰害百姓有违犯的著厂卫访拏科道官指名参奏

○ 上览刑部录进王大臣招情得旨此事如何这每就了查原问官与冯保质对大学士张四维等言事经十年原问官厂即冯保卫乃朱希孝今罪犯已决希孝又死陈希美奏王大臣系冯保潜引亦无的据若复加根究恐骇观听 上乃置不问

○丙辰命伯毛登守卫

○谕朕兹谒 陵赏扈卫围宿大汉将军及各项官军银三万两山后守备并巡山各官军银二万两御马监勇士官军及内官监拽船东厂锦衣卫围宿官较旗军银一万两着户兵二部各措处三万两支给

○应天巡抚右金都御史郭思极以前巡按湖广时取中张懋修乞罢不允○戊午升太仆寺少卿萧崇业为提督四夷馆太常寺少卿

○升户科左给事中万象春于礼科吏科左给事中王敬民于工科俱都给事中升工科给事中傅来鹏于兵科工科给事中叶遵于刑科俱右给事中

○复除鸿胪寺左少卿刘儒添注

○己未 上御皇极门宣辽东大捷百官称贺遣官祭告公朱应楨 南郊侯孙世忠 北郊李伟 太庙各行礼以祭余赐三辅臣

○周府岁禄不给河南抚臣 < 銜-金 > 请留解部济边银九万 上令阁臣拟

旨大学士张四维等持不可命该部酌议经久之法

○改大同参将管杀胡堡守备事何山为大同北东路参将升广州游击秦经国为福建南路参将大同守备郭朝纲为甘肃庄凉游击

○庚申以扈 驾赐大学士张四维等蟒段鸾带伽袋花绦椰瓢金事件刀儿各物

○辛酉敕武清侯李伟左都御史陈爌朕兹躬诣 祖宗陵寝特命尔等居守统率守门守城等项文武官员严督京营并巡捕官军五城兵马夫甲人等讷察奸盗防备火烛用保无虞各官如有怠玩不率应参奏者听尔等指名参奏应拏问者径自拏送法司问理其有紧要事务即便差人奏闻钦哉故敕

○以辽东沈阳之捷赏总兵李成梁银一百两大红蟒衣一袭彩段四表里总督周咏银六十两大红飞鱼衣一袭巡抚李松等银币有差仍发银五万两充补损失战马之费

○升山东左布政使杨一魁为右副都御史巡抚河南

○升应天府府丞李己为大理寺左少卿

○镇守大同总兵官郭琥乞致仕许之仍以其劳绩加左都督驰驿去岁拨军六名

○壬戌京师风霾

○复除原任御史赵卿为浙江道御史

○户科都给事中萧彦等言户部停买金珠折价五万以输内库金珠凑买非额也折价非名也乞赐停免不允

○癸亥大学士张四维等言风霾陡作黄沙蔽天臣等恭睹 高皇帝祖训谨出入条云凡动止有占乃临时之变且如将出或烈风迅雷逆前而来此神之报也国之福也若已出在外则详察左右防慎而回未出则止伏望 皇上思绎明训克谨天戒今次春祀 山陵照常遣官行礼 上温词答之仍谕礼已将成不敢中止传示与护驾及本兵大臣各严加堤备

○谕驾驻感思殿从卫官较并红门以里摆守官军等人马都着分两班每日轮番就水一次着该管官整点肃慎出入不许諠扰及旷误执事

○升四川左参议张岳为太仆寺少卿

○升浙江右参议董尧封为应天府府丞

○升浙江右布政李汶于山东广西右布政郑昊于贵州各左布政使

○秦王奏永寿王府辅国中尉有四凶曰怀圭□刃怀墉怀□□土怀□□右土□皆傲狠不才请治罪怀圭□刃赐死怀墉等革为庶人

○甲子封虜酋黄台吉为顺义王仍赏大红五彩纒丝蟒衣一袭彩段八表里伊男扯力充袭授龙虎将军

○调宁夏总兵官署都督僉事麻贵为大同挂印总兵官

○以燕山左卫指挥使马敦管理左东皇城内外及北安等门把总金吾前卫指挥

金事王国贤管理右西皇城内外及玄武等门把总把总之设自此始原留守点城指挥十员听把总约束而受成于兵部该管员外郎岁终听巡视科道举劾

○緬贼莽酋犯永昌腾越先是永昌参将已裁革永腾独守备一人抚臣刘世曾请以湖广参将邓子龙为永昌参将南京小教场坐营刘綎为游击管腾冲守备事使之募兵防御报可

○革松潘南路游击江腾龙任

○乙丑 上率 后妃发京 潞王送于德胜门月城内居守大臣文武百官送于德胜门外 驾至清河赐元辅张四维等酒膳 驾次巩华城从官行礼毕蓟辽总督周永总兵杨四畏等及昌平州官吏师生耆老人等朝见于 行宫赐元辅张四维等酒膳定国公徐文璧彰武伯杨炳共甜食一盒

○丙寅 驾发巩华城午驻蹕感思殿赐元辅张四维等酒膳

○谕蓟辽总督昌平总兵调来官军防护劳苦着照八年例与京营一体给赏其宣大总督宣府总兵调来顶关防护官军也着人赏银三钱俱兵部处给

○大学士张四维等言适闻飞云辇内坐褥生烟随即扑灭天心仁爱乞申饬近从人等慎防火烛以消未然之虞

○丁卯 上诣 长陵 永陵 献陵 景陵行春祭礼 长陵 永陵俱率 后妃谒见

○赐元辅张四维等银豆叶三十两银五十两纒丝四表里次辅申时行余有丁各银豆叶二十两银四十两纒丝二表里

○戊辰 上诣 昭陵 裕陵 茂陵 泰陵 康陵行礼 昭陵率 后妃谒见

○大学士张四维等题今早文书官宋坤传示 圣意明日欲登 长陵 永陵昭陵主山绝顶瞻眺毕然后诣钦天监所奏 寿宫三地相择窃惟 长 永二陵主山极其崇峻不能攀援风气所关不宜开凿道路乞止行相择吉地 上命文书房传谕先到祥子岭次到杨翠岭次到潭峪岭次到勒草洼次到东山口圣绩亭 长陵 昭陵不去了

○命经过昌平宛大地方烦劳百姓本年分田粮除恩诏蠲免外仍照八年例其未经驻蹕应免三分者并恩例共免六分驻临之处应免五分者全免

○己巳 上亲诣祥子岭潭峪岭勒草洼相择 寿宫至东山口登圣绩亭赐三辅臣手盒三副酒六瓶

○庚午 上率 后妃发感思殿诣 恭让章皇后 景皇帝陵行礼毕驻蹕功德寺行宫 以清明节遣都督李文贵祭 庄敬 哀冲二太子内官祭 宪庙废后吴氏各坟园

○流星出自文昌北行后有三小星随之

○辛未 驾发功德寺还京 潞王并居守大臣等迎候如前

○壬申谕工部功德寺驻蹕行宫每用板蓆搭盖不惟骚扰烦费益且防卫难肃着于附近相择善地量估经用营建行宫一区如用原地其寺僧官为移置别所○定国公徐文璧大学士张四维题今日 圣驾亲历 灵山遍阅淑胜 圣明玄鉴必有定所臣等奉命恭同各官遍历诸地据钦天监副臣张邦垣等称原奏三地惟祥子岭最吉虽已画图贴说进呈 御览然山川形胜有非图说所能尽述臣等谨明白开具揭呈随本上进望赐鉴裁 上报闻仍谕礼工二部并钦天监官再相吉地二三处来看

○乙亥礼部题相择 寿宫臣等既已寡昧乃谙晓地理之人见多官聚议辄生观望臣愚窃以为今次宜豫令钦天监副张邦垣领阴阳术士先赴前山稍宽其限备择数处画图贴说回报前来容臣等勋辅大臣复诣勘定二三处以凭 圣明采择报可

○工部题巩华城行宫之建原专为 圣驾谒 陵往来驻蹕而设且城池巩固易于防卫则功德寺道路 圣驾可以不繇板殿即不盖设可也况迩者预建 寿宫及修理武英殿等工费重大乞将前项工程停止 上曰候修理武英殿工程有次序之日奏来

○升浙江按察使徐元泰于浙江山东按察使曹子登于山西广东按察使徐时可于广西各右布政使

○丙子 上御皇极门以亲祀 山陵礼咸百官致词称贺

○通政使司左参议梁子琦言监副张邦垣不谙地理臣领术士别行相择得吉壤三处一曰皇山寺西岭在 献陵之右二曰团山三曰珠窝圈乞敕礼部另选精通地理人员前去公同详阅据实绘图以献 上即命子琦与礼工二部司属同去相择

○吏科给事中陈与郊言臣伏睹会典进士廷试后命工部于国子立石题名自隆庆辛未以来四科寝阁夫曲江鴈塔自昔荣之乌可遗搜罗盛美不载章下礼部○南京吏部尚书赵贤以病乞休不允

○四川提调学政僉事陈允升以病乞休允之

○丁丑升浙江右参政吴自新广东左参政周之屏各为本省按察使山东济南府知府余国宾为山东副使户部郎中杨佩训为四川左参议礼部员外郎耿鸣世为陕西僉事


○降原任辽东巡抚僉都御史毛纲为浙江右参议

○复南京兵部右侍郎先裁革尚书潘季驯以枢务繁重奏请复之

○南京兵部尚书潘季驯条陈留都兵务一严交代以便责成凡三营都督坐营等官寻常升调俱候新官交代一通警报以便应援应天淮扬巡抚衙门及嘉湖道九江道湖广下江防道遇有警即宜飞报本部以便处置战守之具一收军丁以实营伍留都操军原额十有二万今仅存二万有奇祖军与选充者参半选充例不收补营伍日虚合无比照祖军例准令替补一议调选以均事权大教场军仅盈千而把总二选锋队军二千而把总一小教场舍人队军以百计而把总二步队军五千而把总亦二此官之总辖未

均也小教场军与大教场埒而选锋半之此兵之多寡未均也合无于大教场舍人队把总调一员加充选锋把总小教场即于步队军内再挑选一千名亦以舍人队把总调一员加充选锋把总兵部覆如议独谓祖军尚宜勾补选充军替补不得强所不欲以杜将来应募之心诏从之

○兵科都给事中张鼎思等言莽酋内犯陇川岳凤助逆贼势已极抚镇诸臣方请设将添兵其策似缓宜责镇臣沐昌祚速当出驻近地调度土兵据守要害及时防剿一应粮赏许于议留矿课及备边等项租银内动支三宣木邦等司势虽附莽未必皆其本心宜听立功自赎果能剿平莽岳二酋即加叙录以旌其伐报可

○蓟辽总督周咏以前抚辽时与巡按于应昌会勘刘台事应昌被劾抚臣不宜独免具〈 疏-金〉乞休不允 戊寅升南京户部右侍郎魏学曾为右都御史兼户部右侍郎总督仓场

○升巡抚浙江兵部右侍郎兼金都御史张佳胤为兵部左侍郎

○升户部郎中曹楼为四川副使提调学政

○升分守洮岷副总兵李煦为镇守宁夏总兵官

○改徐州参将戴寅为黎平五靖参将升福建都司方伯为广州海防参将升四川叙泸守备王一桂为叠茂南路游击

○改给镇守蓟州等处总兵官关防先有总理练兵字今去之

○命甘肃真景水磨川二驿并为一驿改名怀远驿移于永昌卫城○楚王华奎奏称陕西西安州海刺都特地一处已归本府乞申锡敕书许之

○则已故固安伯陈景行坟房供器银二千两

○己卯升广西副使徐儒于广东河南副使王应乾于浙江各参政

○革南京锦衣等卫巡仓御史归并凤阳仓差

○赐已故南京工部尚书沈应时巡抚河南副都御史周鉴祭葬如例

○庚辰以南京刑科给事中阮子孝巡视南京营务

○天寿山太监捉获夷人忱捍子等三名审系汉人被虏逃回信地不行觉察夺南山参将彭时万东路参将林鹏俸各三月千总指挥刘承惠等行巡按御史提问

○辛巳升南京大理寺卿王缉为南京户部右侍郎总督粮储

○升提督鴈门等关兼巡抚山西副都御史辛应乾为南京兵部右侍郎○升巡抚陕西金都御史萧廩为右副都御史巡抚浙江

○复除原任翰林院侍讲张一桂原官

○升户部郎中韦以诚为河南副使兵部郎中陈希美为广西佥事

○吏科给事中袁国臣条陈四事一布按司道不宜兼衔使庖俎相越一官员请告宜许之以奖恬退一内外官裁革数多宜酌量议复一科道缺多行取宜每年一举部覆如议

○录浙江兵变定乱功升原任巡抚今兵部左侍郎张佳胤为右都御史仍管兵部左侍郎事副使徐汝阳顾养谦各升俸一级中军游击徐景星加副总兵职衔游击庞溟等赏赉有差

○壬午勘明原任延绥巡抚副都御史宋守约委无赃私因严起谤着以原职听用
○兵部题王府民较屡经题请悉准折价荆王常盗奏欲仍旧解役非昼一之法诏令依近例徵银雇役不许勾补扰民其在府旧役情愿应当者听

明神宗显皇帝实录卷之一百三十四

明神宗显皇帝实录卷之一百三十五

万历十一年三月癸未朔

孝肃皇后忌辰遣成山伯王应龙祭 裕陵

○升延绥参将李芳为洮岷副总兵起原任福建南路参将梅应奎为徐州参将

○甲申升山西左布政使侯于赵为副都御史提督鴈门等关巡抚山西 升山东左布政李汶为佾都御史巡抚陕西

○陕西总督高文荐以固原清丈额外荒地请三年起科 上以固原与延宁俱边境遵前永不起科之旨

○ 上览大理寺所上游守礼冯昕等狱词命夺张居正上柱国太师兼太子太师伊子锦衣卫指挥张简修为民潘晟冠带闲住游守礼冯昕胡守元等大辟遣戍有差

○乙酉命右庶子兼侍读王家屏掌左春坊印信右谕德兼侍读沈一员掌司经局印信侍讲于慎行张一桂充会典纂修官

○吏部题请推官知县历俸四年以上政行足称者坐名行取其中行博士等官候临选之时一体取选所取之数以缺为差 上命举贡推官知县以四分之一选用

○户部题本部岁办供用库万历十一年应用黄白蜡芽茶蒲杖灯草盐斤等项遵奉诏书各免十分之三万历七年以前拖欠之数已奉旨蠲免不得重徵扰民十一年免过三分之数行该库在历年积剩未用各数内樽节凑支不得另议召商补买报可

○户部题南京供用库蜡茶等料恩例应免十分之三但已于十年二月内预行题派如今年尚未徵收遵诏减免若已全徵在官乞于十二年内减免三分报可

○镇守云南总兵官黔国公沐昌祚以莽酋犯顺军机奏报请讨火牌号纸许之

○

○巡按直隶御史李植劾山海关参将谷承功约同台头路副总兵黄孝石门路游击杨四德燕河路参将姜显宗当 圣驾谒 陵之日擅离信地远赴三屯参谒总兵官上令革任提问仍诘责总兵官不行禁止

○赐礼部右侍郎王锡爵父王梦祥祭葬如例

○丙戌山西道御史吴允贞< 銚-銚 >言救弊四事一曰公文武之用言文吏隶于吏部武吏隶于兵部文如九卿武如总兵皆多官会推此定制也故大学士张居正

辅政文武职一命而上必令吏兵二部预为关白 陛下宜与辅臣精察二部之长而以其职事归之所推不当阁臣得以驳易科道官得以指参二曰严科场之防言 肃皇帝时辅臣翟鸾二子登第革职为民罢诸考官顷岁居正欺 陛下冲龄诸子后先及第乞陛下申饬前旨读卷官务秉公竭明敢有结知权门受请富室科道官指实具奏辅臣子弟中式者如张甲徵申用懋廷试读卷宜照内外官引嫌回避事例俱以卑避尊其怀才抱志堪及第中秘者退任以后听从自便三曰慎台谏之选言今之给事中御史皆有言责者也居正辅政所选授多亲友死党有所欲为则托之昌言有所欲去则讽之论罢乞陛下痛惩前弊当选之年吏部科道官于才干操守之外博行延访以不通京书不受知权门刚果而有气节者为一等以练达世务明解朝章忠实而有识见者为一等匪是则虽有浮名弗得与四曰务战守之实言今东西二虏最强纳款既久上下懈弛三军月饷既扣其半以充市虏之费又扣其半以奉贵人辽东虏岁犯輒以捷闻乞遣给事中同御史查明毋以被掳民军充虏首级毋以罪行赏 上以其漫逞私臆语多过当令都察院参看

○大学士张四维上< 疏 >言御史魏允贞条陈四事除行取考选见方举行务战守之实听兵部议覆其二款公文武之用严科举之防干系臣职守名节臣不容无辩自成祖建置内阁赞理机务百司之事咸赖经画 祖宗列圣但视辅臣之贤不肖而任用废斥之未尝因辅臣之有不肖而遂废其职守今以臣之不肖 皇上使臣待罪内阁百司之事与之审详订议不特吏兵二部为然然亦惟关系重大者耳今因前臣行私而欲臣不与闻吏兵之事臣良获优逸将使 主上日焦劳万几与百司相酬应乎此臣之职守不容不辩也科举之制惟才是取原不限于世类宋宰臣韩亿四子皆登上第而绛维缜皆继登台鼎人不以为疑也其一涉怀私若秦桧子熺为天下后世嗤笑安可诬耶臣有五子而二子向学故前岁蒙大庆覃恩臣以第三子承荫中书舍人今臣长子年三十余攻苦半世始掇一第乃复疑其行私人亦不幸而为辅臣之子也此臣名节所关不容不辩也伏望 圣慈察臣悃诚特赐骸骨 上曰阁臣辅理自当与闻大政至若文衡公器安所容私卿秉公体国茂宣劳勩朕正切倚信岂得遽以浮言介意宜亟出辅治不允辞○大学士申时行亦< 疏 >辩言御史魏允贞条陈四事大略诋议前任辅臣追论往事而臣四维及臣子中式有私国朝科举定制原不分孤寒与仕宦至如辅臣之子掇取科第如商良臣谢丕杨慎费懋中陈于陛等皆历历可证人未有疑其私者如必令辅臣之子皆不识丁不应举以示公道而远嫌疑则亦不近于人情矣允贞之言臣一付之公评但臣伴食有年守官无状伏望 皇上允臣休致以息疑喙 上曰兹事朕已洞悉卿宅心至公褫已素慎原无可疑不必以浮言介意宜即出赞理不允辞

○升陕西右布政使郝杰于山东四川右布政使李戴于山西各左布政使升山东按察使雷以仁为本省右布政使

○命兵部拨班军三十名修理武英殿及宫后苑给事中傅来鹏言班军在营操练

复令营修工程万一有警安望有勇御敌复诏免拨

○丁亥 上遣中官孙斌捧手谕慰留张四维申时行日谕元辅等朕昨览御史魏允贞条陈四事内言科举之防其言疑讥卿等允贞恣意妄言语多过当已着都察院看卿等但事关政务照旧安心佐理不必介意即出辅政以慰朕怀四维等< 〇〇〇 铨-金 > 谢报闻

○南京礼部尚书杨成以病乞休不允

○按察司副使朱璉以母病致仕

○戊子升山西按察使梅友松于陕西四川按察使张明正于本省各右布政使升山东左参议成逊为本省副使

○庚寅升南京太常寺卿舒化为南京大理寺卿○礼部言 皇上以河南抚臣< 〇〇〇 铨-金 > 陈宗禄不敷恤宗通变事宜着五府九卿科道官从长会议据诸臣之疏不过曰限封爵之制开四民之业弛出入之禁乃或称便或称不便发言者盈庭而当事者輒付之寝阁盖 祖训之不可重违而 主权之难于擅拟也宗地有肥瘠宗额有多寡而禄粮之饶乏遂相径庭若不与各宗从容商度谕以朝廷不得已之意一旦下尺一诏亟令自裁恐情激于骇闻嫌生于暴削臣等安所逃其变乱之罪乎 上命差给事中一员前去河南山东等处宗禄不敷府分行令长史司启王集通达有识宗正郡王等条议汇送抚按官与该科从长参酌务求便宜可行的作速会奏以凭廷议

○南京兵部尚书潘季驯言南京寺观庵院实避讐亡命之窟盗所繇生宜令住持每月朔望赴本部投递结状以凭查考如访捕有获具结者连坐礼部覆如议

○辛卯命张四维子张甲徵申时行子申用懋照常廷试四维时行读卷准回避录内仍列衔

○赐已故甘肃巡抚兵部右侍郎兼右佥都御史栗永祿南京刑部尚书李迁太仆寺卿顾存仁各祭葬如例

○壬辰起原任南京太常寺卿袁洪愈为南京太常寺卿

○户部员外郎李三才言辅臣子不宜登第允贞言是所陈四事乞敕该部查覆施行 上曰魏允贞方奉旨参看尚未处分这厮辄敢出位妄言窥探上意好生当护欺肆本党重处姑从宽降三级调外□

○癸巳赐代府永庆王鼐釭谥懿简韩府西德王融火□□谥康惠华阳王承爝谥庄靖 铸鲁府宁德王寿铖泰兴王寿镛德府清平王常濊各麒麟钮镀金银印

○调河南副使韦以诚为山西副使四川参议赵楫为山东参议

○户部言延镇抚赏原以商税充用易马市本在客饷剩余银内量支自万历八年虜王西牧支费浩繁商税数少故九年借用客饷二千四百有奇为抚赏用十年又借三千二百有奇该镇连年荒歉商贾罕通税银自少当准令开销其十一年抚赏不足准亦在应支市本内凑用十二年以后仍用税银不得再议动支报可

劄宜禄镇同知一员训导一员○礼部等部题该礼部郎中李一中工部郎中刘复礼同通政司参议梁子琦钦天监监副张邦垣等并术士连世昌等恭诣 山陵周遭相择寿宫吉地除参议梁子琦径自具奏外据监副张邦垣呈称自东山口至九龙池逐一寻择得形龙山吉地一处勒草洼前面吉地一处西井左边大峪山吉地一处宝山吉地一处东井左边平冈吉地一处又据术士连世昌等呈称西井左边大峪山地东井左边平冈地又有黄山地一处俱吉前二处与该监呈内图写相同惟增出黄山地一处臣等犹恐扶同不的因见工部都水司主事阎邦谳晓风水即令本官覆阅大都与前项所开无异臣学谟即会同工部尚书臣巍率领各员役细加踏看要见何处最吉可容规制取具图式另呈 御览 上曰卿等率各相择员役前去将内六图并梁子琦八图一一从容覆视详议折衷择取上吉地三四处尽图来看

○丁未复除原任陕西参政张更化为湖广右参政兼按察司佥事

○调原任广西副使提调学政钟继英为湖广副使

○荫原任大学士徐阶孙徐元普为中书舍人阶以元普羸弱乞改荫普男迎庆从之

○太子少保兵部尚书吴兑再以休徵言乞罢准令致仕

○以高家堰河工成参政舒大猷等纪录

○戊申升甘肃行太仆寺卿兼陕西佥事李采菲为山西左参政

○升福建左参议范谦为广西副使提调学政

○起原任浙江副使丁应璧为山西副使○己酉浑源州地震

○庚戌授第一甲进士朱国祚为翰林院修撰李廷机刘应秋为编修

○山西巡抚辛应乾题该省去年麦田未种今春亢旱相仍饥民死伤已将库贮贖罚商税银四万五千有奇及各州县仓谷发赈乞准开销仍乞酌发京运银两接济赈救 上令赈过银谷准销仍动支该省积剩主兵银三万两分别赈济

○辛亥德王翊鎬奏历城章丘二县庄田一千三百二十顷有奇九年奉旨丈量被奸民拨委官将数内地土截七十顷有奇改派民粮乞仍归管业户部议覆谓丈出余地必奸人投献额外侵夺当下山东抚按覆行查勘报可

○德王奏该府原额白熟粳糙米一千石坐落苏州府递年徵角□羊本色今改议折银山东地方不产米食用匱乏仍乞徵角□羊本色许之

明神宗显皇帝实录卷之一百三十

明神宗显皇帝实录卷之一百三十六

万历十一年四月壬子朔时享

太庙

○癸丑大学士张四维等拟 御制古文真宝前序后跋及 昭仁殿箴 弘德殿箴恭进 御览

○改户部尚书张学领为兵部尚书

○南京河南道御史方万山条陈四事一清丈田地增税殃民南京后湖图册按形编号因地起赋今并其字号亩步尽更易之图籍几废一临清钞关旧额二三万今加至八万货入运河临清抽六分至河西务者抽补四分至京者崇文门亦然今崇文门仍取十分虽有临清之票勿问宜如旧例一淮安牙行脚夫等税与穷民较纤毫之利琐屑已甚宜速蠲裁一省直私设税课无处无之宜严行查革下其章于户部部覆谓后湖册式炤成弘间旧稿各府县未行清丈之先字号亦未必相同宜炤各处实徵为准其有短缩弓步虚增地亩者查摘改正为便淮安税行漕运衙门酌处余如议

○赐潞王通州等处抄没庄宅炤原租十分减一徵收

○甲寅大学士张四维等言江西连年多事百姓困瘁烧造磁器如碗碟瓶罐等项不可缺者量减分数至烛台棋盘屏风笔管从来皆用铜锡竹木制造未闻用磁似应停免以节民力工科都给事中王敬民等亦〈○疏_一金〉止烧造以章俭德诏下所司

○礼部尚书徐学谟工部尚书杨巍题臣等遵 旨会同前员役恭诣 天寿山将前各开报 寿宫地图逐一覆视随择得形龙山石门沟山西井左边大峪山三地并称吉壤堪以营兆相应画图贴说仰尘 睿览臣等愚昧不谙地理止据形势可观营建稍便始敢呈览伏望 圣明另遣重臣再行覆阅 上仍命公徐文璧大学士张四维同司礼监太监张宏秋后覆阅以闻

○丙辰谕刑部热审

○丁巳凤翔陇州大风雹

○大学士张四维闻父丧申时行等具〈○疏_一金〉以闻 上命礼部从优拟恤

○戊午遣太监王禄捧 圣谕诣元辅张四维第朕昨览二辅所奏知卿父辞世十余日了朕心甚悼虽人子孝情当尽还宜节哀以慰朕怀以副众望卿宜体四维奏谢并请简用阁臣报闻

○己未大学士申时行等以四维守制〈○疏_一金〉请会推阁臣 上特命日讲官詹事府掌府事吏部左侍郎许国升礼部尚书兼东阁大学士入阁办事

○升陕西副使张孔修为甘肃行太仆寺卿刑部郎中王任为陕西参议改广东参议漆彬为福建参议○巡按直隶御史江东之劾驸马侯拱宸侯叔一诚挟势豪横强夺民田乞加究处 上令严行访拏究治

○庚申巩昌秦州俱地震

○改工部尚书杨巍为户部尚书

○差礼科都给事中万象春往河南山狭等处议处宗藩事宜给敕书关防

○赐敕褒奖周王在铤益王翊釬以二王忠敬孝友为抚臣所奏请也 赐已故左都御史潘恩祭葬如例赠少保仍与谥

○辛酉詹事府掌府事吏部左侍郎兼翰林院侍读学士许国奏辞 新命 上曰

卿性行端慎学识宏深内阁重任特兹简畀宜殫竭猷为以襄治理不允所辞

○壬戌 赐大学士张四维父张允龄祭葬如例仍加祭四坛差官致祭造葬 赐四维路费银一百两彩段六表里驰驿去差行人护送

○复除御史傅好礼为山东道御史

○南京六科十三道冯景隆刘佐等< 疏 疏 疏 >救御史魏允贞 上切责之

○癸亥 赐大学士张四维父张允龄贖仪银三百两纁丝六表里新钞一万贯白米二十石香油一百斤各样碎香二十斤蜡烛五十对麻布五十疋 圣母仁圣懿安康静皇太后 圣母慈圣宣文明肃皇太后各遣中使赉赐元辅张四维父贖仪银一百两纁丝四表里新钞一万贯白米十石香油一百斤各样碎香二十斤蜡烛五十对麻布三十疋

○直隶巡按御史蔡梦说劾南京前府掌府事西宁侯宋世恩侵夺民产世恩疏辩上命抚按官从公勘问世恩革任听勘

○甲子 孝懿庄皇后忌辰 奉先殿行祭礼遣遂安伯陈澍祭 昭陵○大学士张四维言臣母王氏三受一品夫人之赠例应与臣父合葬乞于臣父祭文内并列臣母均蒙纶綍之荣诏许之

○升松潘参将吴鲸为狼山副总兵改宣府东路游击马应元以原官管居庸关参将事

○裁陕西都司领班佾书改为甘凉备御都司复设高台游击古浪操守从总督石茂华请也

○云南抚镇刘世曾等各题称芥苜应里用罕虔岳凤之计以酋叔阿瓦猛别率领诸夷分道入寇又用附近奸夷为内应如刀落参兄弟谋袭腾越放正堂叔侄父子拥兵潞江景宗真放国忠辈谋袭顺永四面皆兵动称数万幸二刀三放天夺其魄随已就擒各隘将士倚险出奇顺宁平戛土舍猛效忠莽惠力抗贼兵二月之内所获功次三百五十余颗正拟具题忽有都司王三聘贼兵方退辄为猛淋之移轻信寡谋损威伤重乞将所报功次典失事官员通查功罪奏请定夺土舍猛效忠莽惠重加奖赏 上命王三聘着巡按御史提问有功有罪人员并查勘具奏

○甘肃抚镇官都御史王士□□等条陈边务一议处游兵永昌参将黑松游击皆于各城堡拨发游兵游兵在本处既支月粮在彼处又支行粮往来疲劳两无实用合无掣回防御永昌黑松另召精壮充补一选练营军各营官军家丁内拣精壮一等选锋若干各营次等马步官军若干时常训练武艺渐熟依次升拔一量增战马虏马多老瘦给散各军无益于骑一经倒损勒令买补是马为军害也虏马中有老瘦不堪宜估值易价官为买给一酌修工程墩台墩院皆不可缓应创筑帮筑者及原无墩院应增圈墙共长一万七千一百丈计工七年方完委不容已合令渐次筑修一召选战兵家丁骁勇官军恃为先锋宜另立家丁一营选惯战谋勇把总官二员统之与各选锋专备截杀免其应

杂差一议实远塞凡犯罪该发边卫分及饶死充军各省该发辽东合令将邻近山西河南四川及陕西俱解发甘肃镇填实冲堡兵备覆谓练选营军有奖戒而无举劾恐人无劝沮合行守巡兵备严加考覆即以练兵分数为将领贤否听督抚举劾甘肃与辽东缓急不同陕西军犯许就近编发甘肃镇他省仍编发辽东余如议○丙寅起原任协理京营戎政兵部尚书杨兆为工部尚书

○丁卯夜望月食

○命礼部尚书兼东阁大学士许国充大明会典总裁及同知经筵官日侍讲读太子宾客吏部左侍郎兼翰林院侍读学士陈经邦以原职掌詹事府事照旧充经筵日讲官右中允管国子监司业事黄凤翔升右谕德掌南京翰林院事

○戊辰以锦衣卫衣中所都指挥同知曹诏为南镇抚司佾书

○升四川掌印都司曹清为松潘东路参将大同守备李熙为宣府东路游击

○辽东督抚周咏等分别练兵勤惰各官右参政张崇功副总兵李平等纪录游击周思忠等罚治革任有差

○命太仆寺于常盈库贮马价银内支一万两解发辽东巡抚凑先给赏马价五万两为今年买马支用十二年以后于年例一万两外每年准增银三万两的系在阵倒损马疋方准买补

○巡按广东御史罗应鹤题分守东山副总兵管参将事陈璘扣减兵饷三个月又调兵三百名擡木起盖庙寺众兵怨恨激变劫掠四五州县之间罗定兵备佾事侯万爵东安知县陈公大玩寇遗患并宜加惩上谓陈璘虐军致变革了职戴罪管事立功自赎侯应爵降一级调用陈公大罚俸半年流劫叛兵着郭应聘作速相机处置毋得玩寇貽患

○兵部题近年工部以助工开纳武职事例今诸工已完乞行停止报可

○己巳大学士张四维廷解上谕令于文华殿西室进见四维面辞上曰先生辅政有年启沃功多方切倚信偶尔忧归慎勿过哀以慰朕意四维致词叩头谢上曰先生奏谢朕知道了四维复顿首云臣行能薄劣日侍左右无所裨益今当远离伏望皇上法祖孝亲讲学勤政清心寡欲惜财爱民日慎一日保终如始臣不胜惓惓大马至愿上曰朕知道了因赐银五十两纁丝四表里复赐酒饭

○原任少师兼太子太师吏部尚书建极殿大学士徐阶卒阶松江华亭县人弱冠登嘉靖二年进士第三人授编修上更孔庙礼制诘王号易木主阶持不可斥为延平府推官迁黄州同知未任擢浙江佾事江西副使皆视学政以皇太子出阁召拜司经局洗马擢国子监祭酒礼部右侍郎寻改吏部进礼部尚书召入直无逸殿庐撰斋词赐飞鱼服以万寿恩加太子太保虏簿都城上书求贡阶请计缓之以待援兵上称善加少保兼文渊阁大学士参预机务一品满三载进柱国再进兼太子太傅武英殿大学士满六载加少傅满九载改兼吏部尚书阶与严嵩共事颇见忌杨继盛劾嵩语连二王

嵩欲根究阶危语动嵩以安二王嵩败旋以 万寿加建极殿大学士阶之始为礼部以至首辅十五年请立 太子者数四 上欲南幸阶力持中止无何大渐 穆宗即位与高拱交恶拱予告阶满十八年考进少师兼太子太师赐敕褒谕宴礼部乞骸骨赐驰驿归既归拱再入执政修憾于阶三子皆被系拱罢事乃解至 神宗即位之十年阶年八十遣行人即家赐玺书褒谕锡金币及绣蟒服阶事 上恭谨 上有所委使通夕不敢假寐能以宽大广 上意优假言路人人皆得发舒其志士大夫多称之竟以寿终恩遇不替

○赐大学士徐阶祭九坛复加四坛妻赠一品夫人沈氏并祭遣官治葬赠太师谥文贞荫一子尚宝司司丞

○以苏松二府灾免驿传马价银六万八千九百有奇

○庚午命工部挖九龙池到石底止若无石底往下再挖三尺工部言九龙池原无石底恐深挖致倾石岸本池与 昭陵切近龙脉所关尤当慎重 上是之

○甘肃抚镇王士□□等题本镇火器盔甲见在者殊多不堪通行加铁改造西安府解到弓箭料物短小不堪要动料价易买陕西布政司节年拖欠凉州等卫所未领料物各照年分补给并将各府额徵本镇水角牛筋翎毛欲行徵银解发随便置买工部覆如议○辛未赐韩府咸阳王璟 旻麒麟钮镀金银印

○复除原任陕西副使张登云为陕西副使

○兵科都给事中张鼎思等言缅贼入犯顺宁烧毁村寨猛林伤毙将领罪不专在兵备都司等官抚镇亦难追责镇守庄兵颇称可用沐昌祚宜挑选精健委官统领与抚臣协谋分布要害相机战守兵部覆如议

○弘化寺番僧劄实藏等来贡方物给赏如例

○壬申南京吏部尚书赵贤以病乞休许之

○升保定标下游击吴若为太原参将升定州游击张秉忠为蓟镇天津秋班游击

○复设利名堡偏头关守备各一员

○贵州蛮夷长官司土舍安国臣准就彼替授祖职○巡按直隶御史李植题禁革驿递意非不善但缙绅冠盖与担荷细人同投逆旅名分凌夷诚使酌立规程酌量品级定拟数目颁立成式庶朝廷有体恤之恩驿递有画一之法兵部覆京堂三品以上布按二司掌印官入覲俱给勘合京职及方面以上许宿公馆量送薪米报可

○赐兵部右侍郎王凝母沈氏祭葬如例

○戴圣夫人金氏奏讨抄没冯祐庄地户部言前项庄地价四千有奇恩数太滥得旨准给与

○甲戌命大学士余有丁补撰辛未甲戌丁丑三科题名记

○以詹事府掌府事太子宾客吏部左侍郎兼翰林院侍读学士陈经邦充 大明会典副总裁官

○以端阳令节赐三辅臣各彩炽五毒艾叶金梁篋袋一个花绦一条画面扇字扇及讲官陈经邦等六员各有差

○承天府大雨江水暴涨入城漂没官民庐舍溺死人畜无算

○革太原营参将雷以诚任利民堡参将贾斌听勘宁武守备宋汤绪提问滑石涧堡守备江鳌改调腹里

○乙亥金州大雨河溢城尽没

○升浙江右参议毛纲为南京太常寺少卿

○调湖广副使张思忠为陕西副使

○丙子升河南都司佾书孙绍庆为保定车营游击

○革龙固二关参将王科职下巡按御史提问

○革盐城守备蒋尚孟东海把总朱<□□王巳>凤阳右卫指挥何汉任蒋尚孟何汉仍著巡按御史提问

○云南纳楼茶甸长官司副长官土舍普鼎禄贵州赤溪涵洞长官司土舍杨国威俱准就彼袭授祖职

○丁丑赐三辅臣画扇丝绦五彩金线臂索金艾虎画艾虎及文武百官各有差

○复除原任翰林院侍讲李长春原官○调广西副使范谦为山东副使提调学政

○升福建佾事丁元复为浙江右参议

○赐永康侯徐乔松祭葬如例

○戊寅 上御皇极殿传制遣尚宝司卿韩必显简讨沈自邠等为正使行人唐仲寅等为副使持节捧册宝冠服封衡王载封嫡长子翊钁为世子夫人吴氏为世子妃蜀世子奉铨选刘氏为世子妃韩王朗铎庶第二子璟□ 夔封为咸阳王顺靖王融焚嫡长子谟塏为襄陵王夫人任氏进封为妃昭顺王融熨庶一子谟垆为乐平王保德王璟法□虎选左氏为妃绥平王璟雒选傅氏为妃鲁王颐坦庶八子寿铖为宁德王九子寿镛为泰兴王德王翊鎔嫡五子常□□ 大岁□为清平王庄惠王厚<□□火廉>庶长子载垆为怀安王夫人傅氏为妃康裕王弼干庶一子缙筒马铅山王会宁王缙□廿一火□选王氏为妃恭俗王胤木□乃庶长子恬□廿一火□为清源王夫人甘氏为妃瑞金王在钠选张氏为妃南充王干踉选萧氏为妃建德王载揆选张氏为妃宣宁王光灿选续氏为妃

○升南京礼部郎中范应期为司经局洗马管国子监司业事

○广东巡按御史罗应鹤言查勘过官兵征剿东西二海翁厓潭洲凤凰山等处倭蛋二贼功次与原报首功互异总兵官都督佾事黄应甲兵备副使未秉光广州推官陈绍功功固可录罪亦难辞合将前项功次免行再叙念其劳绩姑与免究部覆从之

○四川起送董卜韩胡宣慰使司加渴瓦差来都纲头目那麻强灿等贡珊瑚等物恩赏如例

○己卯升翰林院编修盛讷为侍读以九年秩满也

○追论新兴营等堡御达贼功巡抚李松游击刘登泰等赏赉有差

○庚辰原任少傅兼太子太傅礼部尚书武英殿大学士吕本年八十赐羊酒命浙江抚按官存问仍月给食米四石岁给人夫八石

○起原任广东副使刘应麟为广西副使提调学政

○调大同井坪参将麻承恩为山西利民堡参将五军七营参将卫镐为龙固二关参将

○黜原任江西参政闲住李选为民选奏辩联姻游七事 上以其考察罢斥违例奏辩黜之

○户部言浙江漕粮杭州数少嘉湖数多乞将监兑主事衙门移湖州驻劄以便督催报可

○蓟镇督抚官侍郎周咏等题各镇边兵入卫垂三十余年练主减客竟属虚谈近密云标下左营就近募兵许以双粮两月间召到民兵一千六百一十名又选到城操军一百九十名足抵延绥额兵之数又选过密云辘重军一千名足抵保定额兵之数连本营原设杂流共三千一百八十一名编成队伍堪备战阵马匹料草查有大同停免一校并令延绥保定应撤所遗尚该二千五十匹于密云县寄养寺马就近兑给其延绥撤兵仍归该镇永免入卫保定额军并辘重余军凑发石匣营补伍以后再募民兵选练期于土著日充客兵尽撤 上命于秋防毕日减撤

○甘肃巡抚王士□□条陈三事一改派民运甘肃镇每年额派民运粮折银共二十九万五千有奇分解各边除西宁道出入相当不必再议如分巡肃州二道各仓岁入有余分守庄浪二道岁入不足庄浪节经借过肃州民运银十万余两合无就中裒益将西汉等府额徵分巡道属甘肃仓民运粮内改派分守道属广储仓二万两额徵肃州道属肃州仓银内改派庄浪仓一万五千两原借支过肃州仓银亦免补还一议裁垦军拨军开垦荒田终年不赴差操又将垦军月粮扣充租税以种田之虚名致使军伍缺额兵农两夫乞将垦军革回营伍地土另行召种一调停刍饷卫所军士支粮不同精壮守墩者支一石各衙门差用者支八斗老幼军丁六斗八月原支布疋乞改为本折粮银原减粮银照数添给其采打秋青湖草定拟马军九十束步军六十束务要通完不许扣粮抵兑户部覆如议○南京湖广道御史孙维城言宁国府生员吴仕期间闻故相张居正不丁忧上书劝其守制不料原任太平府同知龙宗武求悦辅臣偶有芜湖县生员王律伪造海瑞指斥张居正奏稿事发操院胡价批宗武鞫审宗武乘机拏仕期酷拷操院密报相国宗武令狱大绝仕期饮食七日未亡复以囊沙促死仕期冤死勘问者宗武主之者操院胡价也无罪杀士乞将胡价罢斥并宗武敕下法司追勘 上命抚按官查明具奏胡價回籍听勘

○辛巳起原任南京吏部尚书赵锦为原官

然之

○戊子 孝宗敬皇帝忌辰 奉先殿行祭礼遣武安侯郑惟忠祭 泰陵

○己丑以定远侯邓世栋掌南京前军都督府印

○以广宁伯刘嗣德管理红盔将军

○以宣府右参府林鹏为五军七营练勇参将

○升宣府入卫游击雷洪为大同井坪参将升陕西坐营中军王赋业为固原游击

○庚寅罢原任副都御史劳堪闲住以冤杀原任刑部左侍郎洪朝选为给事中戴光启等所劾也

○辛卯 太祖高皇帝忌辰 奉先殿行祭礼

○升广东右布政使陈应眷为山东左布政使江西广信知府钱拱宸为福建副使

○降广东副使应存卓为贵州左参议

○裁革汀州捕盗通判

○裁革都税司及正阳门宣课司各大使

○壬辰升国子监祭酒高启愚为礼部右侍郎兼翰林院侍读学士

○改巡抚广西兵部右侍郎兼佥都御史吴文华为刑部右侍郎

○赐已故南京工部右侍郎方廉祭一坛减半造葬

○改贵州平越卫清平驿属清平县

○癸巳 仁宗昭皇帝忌辰遣成安伯郭应乾祭 献陵

○升广东练兵游击李栋为山西参将大同入卫游击黄明臣为宣府东路参将

○以原任密云游击刘远图为宣府入卫游击○户科右给事中田大年等条陈十库钱粮一议查盘每三年一次会同验粮验试各委官及巡视科道官亲诣各库逐一查盘著为定例一议收支自万历十一年始置立空白文簿申送各该衙门印发遇有收放钱粮逐次登簿每十日一次赍投科道以便稽覆一议循环各库置立循环簿先送各衙门印发分为新收开除实在按季倒换年终听巡视科道吊查一议物料丁字库积贓罚三库所贮羊毛翎毛床卓等物年久浥烂宜行科道各该衙门官覆验径行弃毁移置别所量变价值作正支销庶新旧钱粮不致混淆一议职守各该掌库内臣将支放数目逐月交与官吏磨对登记庶不互相推诿上令如议行

○总督陕西三边军务兵部尚书石茂华条陈救荒事宜一添给赈济平凉府库贮行太仆寺马价银借支一万两分发各道及搜刷支剩仓粮分投赈济乞准令开销一议补战马亢旱马饥倒死数多乞于固原州库贮京运马价及平凉府库贮马价动支二万买马二千匹并令岁洮河茶司解马一百四十匹酌量印发一议恤驿递平庆二府驿递因站银追徵不得各役逃窜已尽乞于平凉库贮马价银内借支五千两分发二府驿递仍再借支五千两酌散别府驿递一体优恤一储备本色该镇军丁告支本色余买价贵已溢额外一万三千九百有奇乞银库补发并再发帑银三四万两秋成收买预备一借

给牛种被灾五郡死徙数多既乏人耕又缺牛种借动固原镇饷银三千四百八十两市买给发秋成司道查核如果贫不能偿具奏豁免一议增折色固原折色军粮每石四钱五分今米价每斗二钱五分乞要每石量加一钱五分子本镇节省银两扣抵一议处余本于庆阳府民运银内分解被灾五府每府酌发五千两秋成买杂粮收贮备荒一酌议开纳凡纳粟员役陕西山西河南地方本布政司暂停开纳悉赴延固二镇上纳本色户兵二部覆俱如议

○甲午吏部尚书严清以病乞休 上温诏令慎加调摄暂解印务着张士佩署掌

○命抄没犯人冯保通州等处房地通给与潞府管业

○兵部覆给事中唐尧钦等题皇城禁地武备废弛乞要振饬列为四款一议整器仗各军盔甲枪刀等项名数虽存半系钝朽应通行查验开送军器局修理换给三年照例呈请兑换一议修铺舍皇城内外红铺工部逐一踏勘估计修理自后照例三年一修三年内若有损塌将督铺指挥等官题参降罚一议操官军大汉将军与红盔明甲官军照旧加意操演围子手官军每月除上直日期外系隶五军备兵营操练其守卫官军分守门铺更番上直免其操练一议给粮赏每月将应放直米各卫掌印官开造花名文册用印铃盖先送科道衙门核实仍将领未小票用关防铃记预给各军临期会同户部监督官躬诣该仓验票给散以杜权豪占领之弊得旨俱依拟

○丙申升新坪堡守备王铠为大同入卫游击广东都司佾书洪梦鲤为广东练兵游击

○丁酉陕西河州弘化寺番僧锁南坚挫袭替大国师职事换给诰命

○戊戌升右谕德兼翰林院侍读罗万化为国子监祭酒升光禄寺卿刘良弼为右佾都御史巡抚广西

○以翰林院侍读徐显卿侍讲张一桂李长春编修吴中行简讨赵用贤管会典参对较正事务○兵部覆山东抚按都御史陆树德等题称该省民兵原系各道团练快壮因蓟门多警改为民兵调赴蓟镇防守隆庆六年议改每年徵银二万四千两解送蓟镇至万历二年又议改徵银五万六千两贫民既苦不堪地方又患无兵委属偏累查得河南民兵工食既以免解则山东尤所当免乞自十一年为始还令山东司道查得各府州县徵银名数马兵改募马快手步兵改募民壮听各道统领操练蓟镇银缺乏听督抚另自奏请得旨这民兵银两既克蓟镇岁用姑照隆庆六年例徵解二万四千两其余存留本省募兵团练

○山西总督郑雒大同巡抚胡来贡题称山西河南等处民粮岁解大同原有定额恩诏蠲免十一年分十分之三共免过该镇额银二十三万五千六百有奇今该镇库贮止有十万一千尽抵前免之数尚少岁额一十三万四千六百有奇乞发帑银接济户部覆该镇所缺岁额系主兵军饷势不可缺发帑银八万接济余行该镇别项银两另行处补从之

○陕西总督石茂华巡抚萧廩题延平庆临巩五府及西安等七州县旱灾免过起运银两一十八万四千七百七十余两皆系边饷及王府禄粮正额势不可缺乞发帑补给户部覆该镇所请委应给发但内帑缺乏量发一十万以备急用余行该镇更议别项银两抵补从之

○己亥巡按直隶御史徐鸣鹤言奉旨勘侍郎贾应元勒索代府赃银勘吊原卷启王令旨委无勒索银两各情具奏 上曰代府为太平王时有过岂肯认授与彼贾应元着革职冠带闲住

○庚子京师大雨雹

○改太仆寺卿雒遵为光禄寺卿

○以云南清丈事竣巡抚刘世曾等纪录

○辛丑周王在铤奏称定限封爵大不利于宗姓其弛禁开科等情有干 祖宗宪制似难轻议本省各项钱粮每岁数十余万有司若肯留心催徵宗禄尚有余裕乞要姑从旧制 上曰周王所奏着差去科臣会同抚按官一并酌议具奏

○礼科左给事中牛惟炳御史马允登等言近见礼部接出揭帖诸王馆选五城续报女子未足钦定三百之数命礼部再行选报天府深严女使多寡非臣等所敢知然两次选中已将百人若必取盈恐媒妁纷纭愚民无知谓 皇上志渐移于女谒也章下所司○南京兵部尚书王遴条议营务一分布行伍言今南京大小教场见操新旧官军二万三千有余合比照北京各边之制每三千一百二十人立为一枝以一千四十人为中哨以一千四十人为左哨以一千四十人为右哨总计官军二万三千共得兵七枝若有余剩置之旗鼓下作为备兵专听各营缺军取补一添设坐营官南京设有都督官三员焦泽分管大教场合给兵三枝李超分管小教场合给兵三枝侯继高分管神机营兼管巡捕事务巡捕另有官军二千四百员名提调烦劳不必议给其大小教场各分兵三枝两都督自领一枝两坐营官分领一枝尚余一枝各再设坐营官一员责令分领一处给器械言旧军一万九千五百余名弓箭刀枪牌笏之类颇足应用惟神枪等火器不敢私造容臣等再行选委的当官员动支本部收贮草场租银并缺官柴薪船科等银鞭銃再造一千把乌銃再造一千把务要坚致如法分发各营演放新选补军人几四千余名合用披执宣帽号衣弓箭枪刀牌笏每名给粮银五钱置办一议禁革差拨言南都根本重地近年以来营伍废弛做工擡扛无日无之自后南京工部搬运物料应自雇觅南京内府搬运钱粮亦应着落内守备官经拨该监军民匠应用如有重大事务必须用军搬运亦要预题奉旨臣等方敢遵照差拨一议设备兵言北京三大营之外各设备兵一营专验发新军暂收操练以备各营队伍中有缺取补今南京大小教场神机营亦是三大营查得各营原有管鼓官合就改名备兵把总专司旗鼓兼管备兵班军操练兵部覆大小教场既各设三营每营当设坐营一员若都督自领一枝则此一枝为都督亲兵外二枝为都督部兵似属不便合将两教场各分兵三枝坐营三员每员分领一枝都督总领

调度庶节制不紊余俱如议报可

○壬寅起原任南京太仆寺卿石星为太仆寺卿

○户部覆陕西巡抚萧廩言陕西钱法行使之初人颇称便近来私钱混杂官钱日阻遵旨诏书即应停止但查钱局原动官银收买铜料见贮数多值兹荒岁卒难变价乞将见贮铜斤仍行鼓铸铜尽为止如官吏俸廩站价民皂工食悉以银八钱二为准俟一二年后审民情事势再为议拟报可○癸卯陕西巡茶御史王世扬题称陕西苑马寺开城等七监十分灾苦牧卒逃亡马匹凋耗当亟为破格议处一要将续赈借动过茶课银二千两特准开销一要将赦后应追马匹应课马驹共七千五百四十二匹俱准蠲免一要将开城等七监十年未纳余地粮及十一年见徵银两悉行蠲豁两年粮数系额解固原边粮势湏抵补要将见贮茶课银动支二千一百六十三两解抵十年之数其十一年候本年新课解到分作两年补给一要增买种马二千匹每匹议定价银八两于平凉府库贮陕西行太仆寺朋合地亩银内动支一万六千两发令关西等道买马解监户兵二部覆如奏

○甲辰三屯营喜峰口地震

○乙巳以宣城伯卫国本为后军都督府佾书○兵部右侍郎辛自修条陈武学事宜一定考验言每遇双月臣会同戎政勋臣督率司属官下学考验一次岁终本部堂上三臣戎政总协二臣公同会阅一次以定收黜一复专官言向来武库司专设主事一员管理武学近裁去请照旧专设一重教职言会典开载教官每日升堂都指挥见授三品并执弟子礼请申严典例立为程式如官生抗违学规听教官呈部重处若教官怠废职业本部定下考参黜一正始进言武学以教各卫幼官与应袭至于舍余旗较原不在武学作养之数近滥收不可究诘宜一切禁绝勿使并进一明赏罚言府部考验之日如马射不到步射方到者减去半赏较射虽到较文不到者全革其赏临场托故避考验者径黜一重乡试言武举当如会试规格箭把俱要如式一场马上四箭方准入二场下场步下二箭方准入三场三场论策俱成方准中式取额悉照顺天乡试之数不及数者不必取盈 上曰舍余查系见在武官亲弟亲男有志上进的亦准考收作养其余依议行

○大同巡抚右佾都御史胡来贡条陈边务四事一定操练言云中之营兵马多不满三千内选武艺精熟者一千为先锋武艺初习者一千为伍军老弱者一千为杂差先锋之内五百为弓箭手五百为火器手选打放惯熟者立为教师使一人教十百人教千委惯晓战阵千总官一员每十日总一千合营略为布阵之法待一千练有次第另选一千如前操练期年之内一营可得精兵一千二年之内可得精兵二千余一千又渐更徐易务期人人精强足裨实用一慎召补言大同兵马以八万计内除官员占役边墩哨备其实入营军士五万五千有奇耳与其多而无裨不若精而有用以后但遇逃亡军士截日扣支空月银粮择骁健有妻子者方准召补宁虚伍以待募无滥收以取盈一慎委用军官言一营之内既有将总三官以操发纵又有中军以听传宣千人主千总三百人立

一把总足矣各官俱于边方实职内选用不许设冗员以滋军官一议冲途供应言大同一岁中客使往来所需廩给夫马不减于内地而因简袭陋营马以供乘传营军以供輿台且扣月粮以食使者欲士马殷殷以当一队而应敌安能哉查要冲之地随宜区处马骡廩饷仆夫之类随其烦简定额有差责成守备官管理该道严为稽查计无便于此者兵部覆如奏

○丙午革总兵官麻锦任下巡按御史勘奏以御史陈性学劾其贪淫酷暴也

○湖广抚按李江等题永顺保靖二司原隶镇筸参将因未载敕书以致事权未重威令难行乞将二司并荆瞿守备施州卫施南等宣抚司各官照旧听镇筸参将节制载入敕书其永安强虎筸子洞口镇溪所乾州等哨舍把俱用土官亲枝听参将选委防御兵部覆如奏

○丁未 穆宗庄皇帝忌辰 奉先殿行祭礼遣庆都伯杜继宗祭 昭陵

○戊申命大学士申时行等及吏礼二部堂上官考选进士得季道统等二十八人改庶吉人同一甲进士朱国祚李廷机刘应秋送翰林院读书

○户部覆福建巡按御史龚一清言福建西路样船过大装盐数多夹带难免先该巡按敖鯤题议每船于原派引三百道之外加引一百道以杜夹带之弊比时虽题加引未有请引加课之议今议要将编帮未卖各帮船每只刊刷繇票一百张抵引一百道送院挂号发口凑卖加税银七十两其未编帮船照依近议足引计引追课以垂永久再照盘掣不严拘拘于船只之大小防闲愈密弊端愈多合并行巡按御史查照淮浙等运司事例每引一道许照盐一包每包照旧二百斤一船限以四百引更有余盐二百斤外再有余数即系夹带严究割没以正奸欺若引目不敷福建运司呈详巡按差官径赴关领庶法立弊除国课自裕报可

○己酉以提督京城内外巡捕都督佥事赵崇璧为镇守宣府总兵官

明神宗显皇帝实录卷之一百三十七

明神宗显皇帝实录卷之一百三十八

万历十一年六月辛亥朔枣强王府辅国将军充火口壬以稔恶败伦赐死

○壬子升翰林院编修吴中行为右中允兼编修掌右春坊印信简讨赵用贤为右赞善兼简讨

○升江西右参政余一龙为浙江按察使湖广承天府知府刘禹谟为四川副使

○遣司礼监太监张宏祭中霤之神

○赐大学士余有丁妻水氏祭葬如例

○吏部覆巡抚宣府萧大亨巡按徐鸣鹤议将宣府分巡道春秋驻劄赤城督同将吏防御冬夏仍回镇城与守道分理兵政 上曰该道原奉敕驻劄赤城如何通不遵依偷安规避抚按官輒为遮饰且不究以后如故违敕旨恋驻镇城该科指名参来○改镇守保定总兵官都督佥事曰福提督京城内外巡捕

○癸丑命景府徵收芜湖青布太仓夏布京店纸货江西油纸扇糴好麻徽州茶叶青靛经纪李真甄大海皂矾共八条仍归福德等三店属潞府管业

○甲寅流星起自房宿南行至近浊尾迹炸散

○乙卯吏部尚书严清复以病乞休 上仍慰留之

○升蓟镇中路副总兵张爵为署都督佥事充总兵官镇守保定

○刑部覆礼科给事中陈焯< 踰 毓-金 >言律文内侵盗钱粮者监守四十贯斩常人八十贯绞然皆准徒五年非真犯死罪比也后因轻易犯包侵日多复设条例监守自盗四十两常人盗八十两者俱永远充军而沿边沿海盗至二百两以上者斩首近应天巡抚胡执礼援例为请欲将腹里钱粮侵至四百两以上者照边海事例处斩行之数年斩刈颇惨上干天和臣等窃谓充军下死罪一等而永远世世勾补与死埒矣宜仍照原定条例钦遵施行再照监守自盗一节罪不专在侵盗之辈而在司府使藩司郡牧将每年应解钱粮起数先后编次在册起程之日先期报部以凭查催违限三月即逮家属追问如此而有侵克者鲜矣追赃一節其弊甚多赃犯事发肆行扳害枝连蔓引原赃未补分毫而侵犯之家肥矣宜通行严禁不许扳扰 上曰侵盗腹里钱粮新例既非 祖宗成法着停止照旧例行以后侵盗事发务将本犯财产追并尽绝监至一年以上不完即将正犯发遣拘家属代比毋容隐漏扳指累及无辜各司府掌印官金尾起解钱粮务要的当员役若听嘱滥差稽查不审以致侵盗数多的抚按官一体参究

○巡视南城御史黄钟言锦衣卫与兵部司各有巡缉之责原非以兵部司隶之锦衣卫而使为千百户为旗较者皆得以奔走而奴隶之也乞亟赐禁革俾各循职守毋得相侵以滋扰害 上曰锦衣卫严督五城兵马昼夜巡逻等项事宜原开载敕内如何说职守相侵章下所司

○丁巳户部覆延绥巡抚王汝梅言延东中二路军士月粮每月本色二斗折色八斗今值旱荒米贵军士告乏议于折色八斗之中改给本色一斗照依时估折银二钱除七分仍作主兵正支余银一钱三分借动修边召军马价银二万两加给四个月候停止之日查明的数请补许之

○刑科给事中戴光启题乞修问刑条例以饬法守刑部尚书潘季驯请会同九卿衙门各堂上官将屡年奉行事例除简明切要情罪适均者照旧遵行外中间如有关略疑以滞碍逐一简察酌议务使因革增损允协舆论足垂久远完日开奏报可

○戊午总督宣大山西等处右都御史兼兵部右侍郎郑雒言御史陈性学劾总兵麻锦谓其子独石参将麻承勋索玉带一条银二百两为总督寿总督即臣雒是也御史或者传闻之误然臣宜退避以俟公议 上温诏答之不允辞

○升山西偏头关右参将张邦奇为蓟镇中路副总兵

○蓟辽督抚官周咏等条议四事一酌营制以便操练言兵以专胜力分则弱各营专设将官领军不满一千合无镇虏奇兵营遵化三屯二辋重营密云奇兵营通行裁革

将镇虏奇兵营步军改分镇虏提调马军改分墙子岭参将各管领遵化三屯二辋重营军士补左右营各足三千之数一裁冗员以苏军困言近来军官太滥各营管事人员数万宜遵照旧规千人设一千总五百人设一把总五十人设管队一员通计各营共裁去管事数千员一清杂流以实军伍言将领合用旗鼓牢伴医生匠役等项不下万余不征操不修工宜裁革编伍一体操练一还额兵以固边关言蓟□以□为守临机调遣不必坐食一城如尖哨尖夜等项宜发还本伍以省内地行粮兵部覆俱依拟

○己未以詹事府掌府事太子宾客吏部左侍郎兼翰林院侍读学士陈经邦礼部左侍郎兼翰林院侍读学士周子义教习庶吉士○升四川副使戴耀为江西右参政

○庚申月犯房宿 辛酉升南京太常寺卿袁洪愈为南京工部右侍郎

○调山西副使王汝鲁为四川副使

○升大同标下中军计安国为山西偏头关参将

○录万历十年曹子谷尧平阿台城捷功及十一年克剿阿台阿海城寨捷功李成梁岁加禄米一百石荫一子本卫指挥僉事世袭周咏升右都御史兼兵部右侍郎照旧总督还与吴兑各先荫锦衣儿男俱升一级世袭李松升右副都御史照旧巡抚荫一子入监读书张崇功靖四方等各升赏有差

○甲子升南京太仆寺卿张孟男为南京太常寺卿

○升山西左参议栗在庭为山东副使○南京礼部尚书杨成以病乞休不允

○升山西水平营守备杨一名为大同游击管巡抚标下中军事

○刑部会同兵部各衙门查将捕盗条格五款京城内外捕盗例一款失囚例一款参酌时宜稍加删改 上令入问刑条例刊布遵行

○乙丑以湖广郧襄承汉四府水患命巡抚官将本布政司库贮无碍银两并邻近府县银两仓谷酌量赈恤

○顺义王俺答嫡孙原授昭勇将军把汉那吉卒以其首先归款忠顺可嘉准给与办祭彩段六表里绵布三十疋

○丙寅升南京太常寺少卿毛纲为南京太仆寺卿

○复除原任山西左参政王基为山西左参政

○录万历十年达贼入犯清河堵剿功游击陈朝升等奖赏有差

○丁卯○睿宗献皇帝忌辰 奉先殿行祭礼

○录万历十年延宁甘肃三镇贡市竣功督抚石茂华等赏赉有差

○蓟镇督抚周咏等题本年六月夷妇大嬖只部落达子约六百余骑在古北口边外抢去出关牧放马一百七十一匹杀尖夜家丁一十一名抢去军人一十七名官军并无追赶对阵古北路游击戚金等指称开关放马私役军人采木致贼夷窥伏杀掳与提调陈泰萧如蕙均应提问副总兵陈文治应罚治兵备副使张崇谦似应免究兵部覆言夷妇大嬖只系顺义王乞庆恰之妾先年与草蛮部落诱杀参将苑宗儒朝廷赦其旧恶

姑准照常通贡今又抢杀邻边军马若不声其怙终之罪诸虏益骄渐不可长督抚官以后如有属夷要挟抢杀即相机擒剿仍将沿边关口尽行严禁非丁夜哨探不许私放一人出入有差人出边采木者坐赃参究 上命戚金陈泰革了任与萧如蕙都着巡按御史提问陈文治张崇谦各夺俸所议制御事宜着督抚官相机处置

○戊辰升光禄寺少卿周继为南京太常寺少卿

○庚午升四川佥事艾穆为光禄寺少卿

○户部言积谷备荒乃恤民实政有司能及原额者甚少其疲敝灾伤词讼原少者酌量裁减仍照例查核限三年为期分别蓄积实在之数照例旌奖降罚如三年偶遇升迁事故抚按官即按年考核积谷如数方许离任考满朝覲俱照例施行 上是之仍命抚按官崇俭务实除额解赃罚外须撙节存贮以佐地方之急毋得滥支虚费

○以互市事竣酋首卜失兔等赏赉如例○高邑县民王得运被强盗杀死数命知县安远典史赵良卿隐匿不报事觉俱黜为民

○各卜上箆箆等族番人曾把淹中等贡马及盔甲腰刀给赏如例

○辛未以辽左捷功加升辽海东宁参政张崇功为按察使开元兵备佥事靖四方为右参议

○畿辅获鹿等州县灾抚臣宋纁按臣汪言臣等动支仓库赈恤方具题 上曰仓库银谷都是百姓每脂膏遇有灾伤固应赈恤这近京地方原无重灾如何不候明旨擅自支放抚按官且不究银谷既散与小民姑准开销以后惟重大饥荒及地方穹远的方许便宜赈济其余报灾奏请蠲赈都遵照近旨行

○以河南阳武等县灾命抚按行布政司动支无碍官银及邻近州县仓库银粮多方赈恤无令失所酌量被灾轻重免存留夏税分数有差

○礼科左给事中牛惟炳言朝仪不肃侍班官北向无繇遍察两傍目所不及者责之摆班序班东西两班各三员合各增设一员以司纠举京官四品以上及领敕官不面纠翰林院学士照四品例从之

○南京内守备张廷于 孝陵寝殿捕司香内官李□□密等檄锁皇城内南京给事中冯景隆御史孟一脉交劾其震惊 寝庙大不敬得旨张廷革了任着彼处闲住

○癸酉赐三辅臣及府部大臣日讲官鲜鲋鱼

○升延绥领军游击龚成为延绥西路左参将广东都司掌印钟维岳为琼崖陆路兼管白沙水寨海防参将

○以原任密云奇兵营游击魏孔与守备山西水泉营地方○甲戌赐益阳王宪燝谥庄懿

○升福建左参议漆彬为四川副使

○复设鸿胪寺鸣赞一员序班六员

○乙亥升太仆寺少卿张岳为右佥都御史巡抚南赣汀韶等处

○刑部左侍郎刘一儒以病乞休不允

○总督漕运傅希摯言淮扬徐州榷税原议留三年以备河工今十一年限满若改解部不免又费区处乞准永留户部覆河漕固所当急边饷尤不容缓合无再留三年满日照例解部报可

○户部覆宣大总督郑雒巡抚宣府萧大亨言宣府镇岁入民运等项钱粮系主兵额饷近奉恩诏十一年分蠲免过银二十四万五千有奇本色粮三万九千八百五十九石有奇岁额不敷该镇库贮主兵余银见存九十四万七千有奇本色粮见存三十二万四千三百余石乞于此内照数动支抵补前项蠲免之数 御览大阅等项册内明白附记开销准以实数比对从之

○吏科给事中周邦杰兵科给事中王三余等各 < 銜-金 > 荐赵世卿宜破例起用且引嘉靖七年诏书有考察罢职官员中间果有正直廉洁材器超卓久为公论共惜者着两京六科十三道从公荐举吏部查议奏请起用以伸公道世卿正与 圣祖明诏令请将赵世卿即以郎中职衔起用不为例 上许之仍谕京官五品以下在外方面以下除考察外着科道官从公会举不许徇私滥及

○丙子 孝庄睿皇后忌辰 奉先殿行祭礼遣宁晋伯刘应元祭 裕陵

○复除原任云南右参议骆问礼为福建左参议 锋铁城等族番人焦吉巴等贡马匹盔甲腰刀给赏如例

○丁丑太白犯荧或口火

○赐大学士申时行等各古文真宝二部

○升尚宝司卿张彦为太仆寺少卿

○命五军等营拨军士三千名采打杂草芦苇以供烧造以后照旧例一年一次行

○戊寅 孝穆皇后忌辰遣平江伯陈王谟祭 茂陵

○调大同平虏参将李联芳为北东路参将以原任参将王弼为平虏参将

○升陕西都司佾书方济文为延绥领军游击○己卯新封顺义王黄台吉差夷使賚表文马匹谢恩赐台吉等蟒段绢钞有差大学士申时行等言虏酋黄台吉感恩进贡外仍送臣等各马一匹人臣义无私交应否辞受恭候 圣裁 上曰外夷向化乃卿等运筹赞襄不可拒绝宜收受以慰外夷之心

○兵部尚书张学颜以虏酋遗马一匹为请 上命受之

○升浙江左参议唐本尧为江西副使

明神宗显皇帝实录卷之一百三十八

明神宗显皇帝实录卷之一百三十九

万历十一年七月庚辰朔孟秋时享

太庙

○辛巳升礼部郎中李一中为浙江左参议

○壬午达虏犯大宁堡守堡官端世武死之杀掠官军一百有奇 上命巡按御史查勘失事文武官仍以秋防谕督抚总兵申饬备御毋得疏忽

○癸未 仁孝文皇后忌辰 奉先殿行祭祀遣定西侯蒋建元祭 长陵

○南京河南道御史郭惟贤劾都御史陈炯为其以养病忝罢御史赵应元赵耀皆为媚居正计也< 〇〇〇 〇〇〇 〇〇〇 >下吏部○巡按直隶御史江东之言臣职屯牧万历十一年分应徵皇庄王府给爵子粒及备荒牧马苇课等项银两乞照税粮恩例免十分之三上命户部查别项钱粮堪抵补者以闻户部覆称新增备边银两原非税粮额数合抵补应用报可

○南京管理黄册给事中等官余懋学等言各省直未到驳册违慢官吏俱要截俸住支册到方准开俸复请给传敕以重事权从之

○甲申谕兵部司礼监太监田玉调内官监太监提督太岳太和山兼分守湖广行都司等处地方大学士申时行等言先年柳朝谭彦敕稿俱止提督本山事务今奉明旨添入分守湖广行都司等事宜已经撰稿进呈昨文书官刘恺复传 圣谕查先年王佐吕祥敕书除王佐稿散失无存止查有吕祥一稿臣等复加参阅委与柳朝等不同但查柳朝奉差在隆庆元年其敕乃 皇考所定遵行已久在太和山提督专奉香火为国家祝厘祈福在郟阳都御史专整饬军务为国家弭盗安民事有定规即百世不易可也今臣等已于稿内增入分守事权有会同抚治都御史督令军卫有司量调官军民快等项皆近年稿内所未有者盖比于吕祥之敕职任更简而易遵比于柳朝等敕体统已尊而不褻既不违 皇上特令分守之旨又不失 皇考所以更定之意 上命如前旨行

○吏部尚书严清以病乞休赐驰驿回籍调理

○贵州巡抚刘庠言铜仁府兵势寡弱各苗猖獗总兵标下应募兵一千名每名月饷九钱除将裁革打手银抵充外尚该银八千两乞于该省开纳事例处给户兵二部覆如议

○录贵州擒斩仲民老顶宋等功赏巡抚刘庠以下银币有差

○乙酉命户部浙江司江西司福建司山东司山西司河南司四川司陕西司云南司贵州司礼部仪制司祠祭司主客司兵部武选司职方司各复设主事一员车驾司添设主事一员刑部浙江司江西司广东司广西司河南司山西司四川司云南司贵州司各复设主事一员工部营缮司复设重城员外郎一员屯田司复设台基厂主事一员通政使司复设右通政一员大理寺左寺复设左评事一员太常寺复设博士一员典簿一员协律郎一员赞礼郎三员司乐七员顺天府复设管军匠通判一员光禄寺复设典簿一员大官署署丞一员监事一员太仆寺复设西路少卿一员寺丞一员尚宝司复设司丞一员上林苑监蕃育署良牧署各复设录事一员户科兵科刑科复设给事中各二员礼科复设给中一员行人司复设右寺副一员行人五员中书科复设中书舍人二员詹事府复设录事一员各衙门原裁革归并事务照依原分职掌管理

○都察院左都御史陈炯再以郭惟贤< 銚-金 >参乞罢 上仍温旨留之

○丙戌复设南京户部湖广司江西司员外郎各一员山西司云南司礼部仪制司祠祭司刑部浙江司湖广司广西司主事各一员工部营缮司员外郎一员虞衡司主事一员通政使司右参议一员大理寺右寺丞一员左寺左评事右寺右评事各一员太常寺赞理郎一员山川坛祠祭署奉祀一员鸿胪寺鸣赞一员序班三员应天府管马通判一员○升真定车营游击李太初为陕西参将

○丁亥升应天府府丞董尧封为右佥都御史巡抚甘肃等处 录北虏黄酋嗣封礼成功升总督郑雒兵部尚书兼副都御史照旧总督给与应得诰命还赏银五十两大红纁丝飞鱼衣一袭巡抚胡来贡萧大亨各升俸一级纁丝二表里总兵麻贵升一级参将郑林乔等赏赉有差原任巡按贾应元准复职致仕 兵部覆蓟镇督抚周咏等题密云标下右营召完民兵九百名应用马九百匹例于太仆寺寄养马内兑给许之 巡按广西御史马呈图言广西官盐通湖广衡永地方取息为古田兵饷广东韶连引目每年议折三千六百道以给之今督臣私折引一万道给连韶之□连韶之盐多则衡永之□去是西盐不禁而自禁也户科都给事中萧彦等言两广督臣刘尧诲谓官盐行十年间减去梧镇额饷及纳堂牙利等项大约十一二万金得不偿失官盐利于夹带军饷当其名而奸豪享其利不可不议覆也今两广督郭应聘先任广西巡抚两省利弊皆其周知宜责成应聘画十全之策户部覆如给事言 戊子户科都给事中萧彦等条陈五事一曰积谷言积谷备荒多称不便者何也成而上抚按之赎也徒而上司道之赎也有司自理惟杖而下耳郡与州县非分土也州县积谷制也郡积谷非制也抚按赃罚解京者无论已其二分备赈者与司道赃罚并付有司自理通筹可也如是即按成数而查核之何辞哉一曰□税言河西务至张家湾百里之内辖者三官一货之来榷者数税夫船料旧也条船非旧也出店进店重税皆非旧也淮安四税下及脚抽仪真既非旧制亦无重获均可罢也一曰催科言钱粮完不及九分住俸又将宿负带徵是一年完十分上也如九分之议则不宜复筹带徵一曰盐法言河东池遭水患盐花不生浇晒日行则盐根日薄欲盐生之复不可得也陕西花马二池亦河东所辖二池之盐积若丘山试举而转移之令商人纳银河东支盐陕西二池之盐既可通行解池之盐得免浇晒三年之后照旧不为例可也一曰边储言榆镇四望不毛灾荒日甚宜借用客本多建仓廩西则收宁夏余粮东则收兴临保德余粮以待不时匱乏且宁夏粮贱无所用之诚有所用之而人皆力田塞下实矣户部覆如议 海西者刺等卫女直夷人歪卜等贡马宴赏如例 己丑调太仆寺少卿杜友兰为应天府府丞 复设山东督粮道左参政一员兖州府管马兼捕务通判一员改临清兵备为分巡东昌道曹濮兵备为分巡兖州道归并沂州济宁二道分巡事务于兖州道复设山西布政司粮屯道右参政一员太原府监收同知一员代州监收同知一员绛州管粮判官一员沁州巡捕判官一员 赐已故光禄寺卿裴天祐祭葬如例 庚寅改户部尚书杨巍为吏部尚书○六科十三道周邦杰等遵旨会举

京官五品在外方面以下汪文辉岳相陈有年王鉴等三十九人宜即赐昭雪起用 上曰这官既公同推举着吏部再加参酌陆续叙用非罪去官的分别议处

○命勇士四卫二营马匹照旧于太仆寺印烙以给事中王凤竹建议于护国寺印烙 上谕事关 祖制科道官不许建议纷更

○赐靖江王任昌造坟全料以靖江分封不宜与他郡王例特给之

○辛卯月犯建星 都察院左都御史陈爝乞休准令致仕仍赐驰驿 升山东备倭都指挥僉事董承祺为真定车营游击 以苏松二府灾免十年分应徵禄米盐布等项钱粮四万四千五百有奇停徵九万二千六十两有奇 以山西军噪夺总兵王国勋兵备寺卿邢玠俸有差○赐已故工部左侍郎陈一松延绥巡抚右副都御史宋守约各祭葬如例 海西古城等卫女直夷人阿儿吉纳等贡马宴赏如例

○壬辰户部覆蓟镇督抚官周咏等题山东民兵银五万六千两系蓟镇额饷今已奉旨将三万二千两留本省支用合动支太仓银库银补给蓟镇从之

○甲午中元节遣武定侯郭大诚阳武侯薛錕忻城伯赵太修宣城伯卫国本惠安伯张元善分祭 九陵靖远伯王学礼祭 景皇帝中官祭 恭让章皇后及废后吴氏左都督李文全祭 哀冲 庄敬二太子各陵园

○礼部题请 潞王出府秋讲宜于本府书堂照旧讲读从之 赐敕奖鲁王颐垣以其仁孝懿行为山东抚按官所请也○乙未贼夷小阿卜户入犯黑谷关蓟镇督抚周咏翟绣裳以堵截功闻巡按御史李植言臣巡历边关见烧香寨烽台等处残破烧毁之状督抚言堵截者漫也周咏翟绣裳疏辩烧香寨先年归并非贼所蹂躏巡按李植遂备陈督抚扶同欺罔乞别遣官勘究 上命屯田御史江东之会同抚按勘明具奏 以大宁堡失事降参将熊朝臣二级照旧管事下朱延庆等于巡按御史问 革左军都督府都督僉事黄应甲任以其贪妒残怯为兵科张鼎思所糾也

○丁酉 成祖文皇帝忌辰 奉先殿祭祀遣成国公朱应楨祭 长陵

○戊戌赐三辅臣及府部大臣日讲官鲜杨梅 升山西总兵官都督僉事王国勋为左军都督府僉书○己亥复除原任翰林院编修陆可教原职 复除原任贵州道御史张治具于湖广道 复除原任陕西参政陈蕖于山西右参政 升山西右参政严用和为陕西按察使工部郎中屠元沭为山东左参政湖广副使李颐为浙江右参政 调山西冀北道副使韦以诚为阳和兵备

○巡按直隶御史徐鸣鹤条陈边务一议贡市以图永安言简练兵马器械修战守之具无恃款偷安一实边城以固疆圉言大同右卫平虏宣府马营皆冲边须世胄富家同心固守不许徙居别城一归原伍以周防御言各城堡军士专听守操官操练御敌不许总兵副将挑选以溢标下使营伍空虚一买营马以备战具言互市马多老瘦宜支官银买膘壮马以备战一处属夷以杜后患言属夷既迁内地宜得比于军士之养或选其精锐隶于营伍亦收拾之机也一修民堡以防虏患言民堡颓废宜拨官军修筑阖堡人

数汇造在官丁内不时点察以备防御一酌清勾以需实用言清勾之令糜饷无益不如令军籍人户徵军装银三两六钱类解各边别募一宽修工以息军力言上工歇工务依常度以恤其疲劳兵部覆属夷一事夷性无厌月粮一开后将无措清勾之法乃 祖宗定制应照旧余俱如拟

○庚子改南京吏部尚书赵锦为都察院左都御史改南京兵部尚书王遴为户部尚书○辛丑太白昼见 遣辅臣申时行同公徐文璧太监张宏覆阅 天寿山所择寿宫永康候徐文炜承袭祖爵 升山东副使刘浑成为山西右参政广西左参议李涑为湖广副使户部郎中许云涛为山西佥事 升神机营右副将都督佥事李如松为镇守山西总兵官

○礼部言 潞王初未出府三大节礼仪俱于宫中举行今已出府查有万历六年中极殿行礼之例 万寿圣节在迩 潞王于是日早进中极殿门外伺 上位升座引礼引王诣殿中行八拜礼仍引出然后执事官进仍伺 旨两宫 圣母前 皇后前各宫中如仪行正旦冬至亦如之其 两宫圣母圣诞 中宫节令亦合于各宫中举行上如其奏 延绥巡抚王汝梅题榆林绥德延安三卫贫病屯余虽经赈恤今夏初青黄不接较之去冬危急犹甚借支库贮银两赈济过极贫屯余共三万五千二百余人借过班价银一万九千一百九十七两六钱乞准作正开销报可

○壬寅谕礼部朕于九月内躬诣 天寿山行秋祭礼一应事务俱照嘉靖十五年例行

○癸卯月犯井宿 升神机七营参将袁漳为神机营右副将 升德州春班游击陈汝忠为山西太原左参将 改建昌营游击朱文达为四川松潘东路游击 以辽东各路招徕降夷总兵官李成梁副总兵秦得倚等赏赉有差 宣大督抚郑雒等言大同额饷所蠲免民运之数已蒙发帑银八万补给尚欠银五万四千六百有奇再乞发帑抵补许之 苏松二府以灾免额派南京库寺各项钱粮二万二千有奇 浙江巡抚张佳胤言织造袍服及坐派赏段共该银一百二十九万一千二百两有奇尽括库藏尚不足用乞将税银存留漕粮改折 上谕织造钱粮既难措处准宽限解进其请留各项银两凑补及改折漕粮仍行该部看议工科给事中王敬民言钱粮乃边费之需漕粮乃军国之赋不宜留折宜减织造以纾民困诏下所司

○以陕西金州被水患移州治于城南二里

○甲辰改南京工部尚书毕锵为南京吏部尚书改南京户部尚书刘尧诲为南京兵部尚书参赞军务

○起原任浙江道御史朱光宇于浙江道起原任广东副使李材为山东副使

○以四川盐井坍塌免无徵解银九千五百余两○苏松巡抚郭思极巡按邢侗题万历十一年各项钱粮恩诏俱免十分之三苏松常三府白粮系岁供额数势不可免计数应免二万六百石乞将起运漕粮照数免徵抵充应免白粮之数户部覆如议

○乙巳以虜王嗣封叙功加升山西参政邓林乔为按察使山西副使刘思中为右参政

○吏部覆科道官公举佚才疏中非罪去官分别议处诸人将王继祖以原官知府起用王一言以知县调简僻高自治调闲散曹时聘以知府王懋忠以知县各降三级用黄金色再行查勘从之

○海西弗思木等卫女直夷人庄台等朝贡宴赏如例

○丙午命甘肃行太仆寺卿仍兼佥事驻劄镇城总理屯田乡兵兼管甘凉肃三道马政并通镇驿传事务少卿不必复设改设陕西副使一员驻劄庄浪整饬兵备兼理庄西二道马政换给敕书并铸关防一颗

○赐已故巡抚甘肃兵部右侍郎兼佥都御史侯东莱祭葬如例

○礼科左给事中牛维炳陕西道御史赫瀛等题称净身男子元年六年內共收过六千余名本年二月內齐进喜等具本陈乞奉旨驱逐今复收二千名有背前次驱逐之旨诏下所司

○丁未升刑部左侍郎刘一儒为南京工部尚书

○戊申礼部题兹遇 圣驾秋祭 山陵查秋祭礼仪嘉靖十五年止 长陵躬诣致祭 诸陵皆遣官行礼仍奉 皇太后及 后妃同行 天寿山未经奉旨致祭及查本年春祭 皇上止率 后妃同行 奉 两宫圣母 天寿山亦遣官致祭合无今次皇上仍诣 长陵 永陵 照陵亲祭余皆照例遣官代之 天寿山亦应遣官致祭候陵祭毕恭请 圣驾于相择 寿宫处躬诣阅视回銮之日似仍驻巩华城便

或繇功德寺还宫得旨朕率后妃行朕亲谒 长陵 及 永 昭二陵其 诸陵俱遣官代行北安门出德胜门回繇旧路

○升五军九营游击戴良栋为神机七营练勇参将

○升大宁都司佥书路宰为建昌游击山东都司佥书檀武臣为蓟镇德州春班游击

○以陕西平临巩三府灾发帑银三万两抵补民运拖欠之数以充额饷

○己酉调山西左参政李采菲量兼按察司佥事为井坪威远兵备道○赐已故刑部尚书刘自强祭葬如例兵部部言南京官军原额一十二万今见在三万四千二百有奇南京内外守备每年奏报本内惟开原额实在之数未详营军消耗之繇合无行南京兵部调取后湖军籍老册逐一查明并一应勾补填实事宜作速议处详妥具奏 上谕南京根本重地营军既消耗数多如何通不处补着南京兵部备查明白具奏仍将题准清勾替补事宜着实举行

明神宗显皇帝实录卷之一百三十九

明神宗显皇帝实录卷之一百四十

万历十一年八月庚戌朔永平府电雨大作各台杆上有火光

○升工部右侍郎熊汝达为刑部左侍郎

○河东巡盐御史王国祚言解池旱涸盐花不生商人预纳包陪积至九十余万该司额盐六十二万引乞每年拨十万引补还各商余五十二万引徵完分解各镇得旨准拨十万引如遇盐花盛生之年仍行奏请额外添拨

○两浙巡盐御史孙旬条陈七事一横歛当革言钱粮止照原定则例不许额外科索一带徵当宽言八九年以前拖欠当宽其程限一蠲恤当溥言苏松灾伤重大十年以后尚宜减徵十之二三待三年后全徵一赈济当预言留巡按解京贓罚备賑一徭役当均言粮长解户重差无令富室幸免一徵解当舒言钱粮纳官完足给文领解无以虚批解发一布折当议言布纳本色不必勒令折银户部覆减徵与贓罚仍照旧布折再行查议余俱如议行

○贵州巡抚都史刘庠条陈巴香狗场诸贼善后事宜一设镇坐官以严防御将陆广防御官兵改移巴香更添兵五十名属把总驻镇一分立管摄以安余党言各寨夷人设立土舍分管听把总约束一编立保甲以示约束言保甲当如汉法使不得为非一禁科扰以安夷庶言正籍之后不许土司科歛剥削兵部覆保甲一事恐夷性初驯难绳以腹里良民之法余俱依拟

○辛亥复设福建布政司督粮右参政一员分守福宁道参政仍驻兴化府兼管福泉二府福宁一州海道副使移驻省城汛期巡历沿海兼理边储

○复设山西按察司大同兵备副使一员驻劄左卫仍管北西中威远三路城堡整饬边备守巡二道各照原辖地方管分守道仍驻朔州换给敕书关防其大同南路通判专驻平虏城

○壬子以礼部右侍郎高启愚祭酒罗万化充经筵讲官编修王懋德冯琦充展书官简讨张应元编纂六曹章奏□起原任大理寺右少卿丘橐为通政司右通政

○升湖广副使梁问孟为山西左参政

○改陕西金州为兴安州

○免河东花马大池万历八年以前拖欠消折盐七十六万五千九十八石有奇小池一百四十九万九百石有奇

○广东东山叛兵平总督郭应聘等赏赉有差 ○癸丑谕兵部朕躬诣 山陵行杖祭礼各边正值秋防着该督抚总兵官申饬各关隘口将领严加提备毋得怠玩致有疏虞兵部便行文与他每知道

○升江西副使王懋德为福建右参政

○起原任山西副使王学谟为山西副使

○巡视厂库科道官姚德重等奏内府钱粮分为十库其系隶不同而巡视之职掌亦异如甲子等九库则系户部而巡视之者库藏科道也戊字库专贮工部军器而巡视之者厂库科道也今库藏科道欲将戊字库循环查盘兼而理之伏乞申饬各循职掌不

相侵越庶帑藏有专责不敢耽延误事工部覆如奏从之

○户部覆浙江抚按张佳胤张文熙各〈□ 铨-金〉言浙省徭役条鞭之法刻成均平录经久可行近编经制书裁削太过以致酿变兵民自万历十一年为始每年派银四十四万九千五百三十一两零以均平录为准永为遵守从之

○升神机七营参将袁漳为署都督僉事充神机营右副将

○升昌镇标下中军吴显为五军九营游系

○甲寅升大理寺卿刘志伊为工部右侍郎

○差礼科都给事中万象春往河南等处启亲王集宗正郡王与抚按酌议宗禄象春随与抚臣杨一魁按臣姜璧题称该省各王府录银共该二十六万八千四百余两及查该省存留钱粮共该四十四万七千三百余两不专备宗录支用而凡官吏师生之俸粮各卫军士之补支以及孤老之月粮皆取给焉岁计可十三万有奇而抛荒地亩有派无徵者又不下十万余即使其余悉数完徵尚不足以备宗录之用而矧为有司者每以查参不及怠于催徵年复一年积逋愈甚此前巡抚褚鈇所以有奏留解部银两之请也立法查参委不容已合将各项录银责成守道行令各府州县照依起运京边钱粮事例查参其每年布政司放给禄粮须尽存留徵完银两尽数支給有不足则取杂派工价商税及新增地亩等银凑给之不足则于解部赃罚历日等项银两量留给之目前通融处补计无出于此者至于限爵开科干系禁制尚容酌议上请诏下所司知之

○工部覆浙江抚按请减织造〈□ 铨-金〉袍服每年二运止解一运赏段减半织解其工费先尽本部开纳事例银两动支不足方许于议留工科银内凑补大学士申时行等言每岁二运已有定规固难减省但于每运之中将原定数目酌量宽减则工费易于措办财用可以少纾 上曰国计民力朕岂不知节爱但袍段系供用所需委不容已尔部里既这等说准将原定岁运数目酌量宽减工费银两依拟动支凑补一年二运仍照旧行

○乙卯以 万寿圣节赐元辅申时行银六十两斗牛段及彩段四表里次辅余有丁许国各银五十两彩段四表里日讲官陈经邦等六员各银二十两彩段一表里

○工科给事中唐尧钦条陈三事一辨真才言考选科道宜志节行谊朴直忠亮为上重厚端介次之一选大吏言慎择抚按且重谬举连坐之法以严举劾都察院于御史实授及差回从公甄别有不堪风宪者具题改用一省烦文言抚按司道于所属惟当考询职业无责备苛礼 上曰近来士习吏治多虚少实这所议深得崇本救弊之意俱依拟着实行○辽东总督镇巡官右都御史周咏等言海西属夷猛骨孛罗初立乞给敕书一道以便弹压诸夷逞仰二奴用贿纠结西夷交通建夷欲夹攻讎杀猛骨孛罗意欲收括海建犄粗福余凭陵辽沈容等等设先处二奴次图别虏 上命猛骨孛罗准给敕书约束部落其余夷情着督抚官悉心计画便宜处置

○兵部题恭遇 圣驾谒 陵在通关系甚重防护事宜各总督总兵兵备副参游

守等官带官防护如春祭时报闻

○丙辰遣公徐文璧朱应桢为正使大学士申时行余有丁为副使持捧节册封淑嫔郑氏为德妃宫人常人常氏为顺妃其德妃册文曰朕观鸡鸣儆戒思得贤妃麟趾繁昌应繇淑女盖欲佐宣乎内治亦将茂衍乎宗支匪嗣徽音曷孚显命咨尔淑嫔郑氏柔嘉玉质婉孌兰仪九御升华恪守衾稠之度双环授宠弥遵图史之规宜陟崇班用彰异渥兹特遣使持节进封尔为德妃锡之册命于戏四星之象为妃朕既登贤于峻列万化之原在德当思义于嘉名祇服光荣无忘敬慎丕荷龙章之贲永貽燕翼之休钦哉顺妃册文曰朕惟二南成化寔始宫闈六寝备官爰资女士盖以翼宣乎阴教亦将绵衍乎天横咨尔常氏冠族储庥笄年挺秀宣下陈之蚤誉鸣佩无违效中壶之宵征梦兰有庆既茂绥乎景祐宜昭受乎明恩兹特遣使持节封尔为顺妃锡之册命于戏桂殿椒宫进副翟褕之宠桑弧蓬矢冀延螽羽之祥尚遵彤管之徽音祇赞瑶斋之令范钦哉○以山西灾十一年分石楼永和太宁汾西宁乡五县夏秋税粮全免隰吉永宁州临县武乡榆社和顺四县夏税免额解宣大三关军饷王禄银四万六千九百有奇准动该司库银并积剩站银起解抵补前项蠲免之数

○遣公朱应桢祭 夜明于 夕月坛

○礼部进 圣驾诣 天寿山行秋祭礼仪注择九月初六日辰时 圣驾发京十一日回銮 上是之惟回銮改十三日

○遵化县获奸细打木儿供称虏九月初旬犯永平遵化等处总督周咏以闻兵科都给事中张鼎思等言边报戒严秋祀宜遣官恭代万不得已所祭者 三陵耳三四日间即可竣事回銮之期不宜迟至十三日 上命阅寿宫毕次日即回

○丁巳 孝康敬皇后忌辰 奉先殿行祭礼遣南和伯方烨祭 泰陵○遣大学士许国祭 先师孔子

○戊午遣公徐文璧祭 太社 太稷

○追夺故相张居正谥

○命德妃郑氏父锦衣卫正千户郑承宪升本卫指挥使带俸

○屯田御史江东之会同辽东抚按勘黑谷关失事言虏之犯黑谷也分守则游击李尚贤协守则副将陈文治提调则齐鸣鹤汪道化高卧不知闻急不赴该关杀掠男妇知名氏者三十余名口明知本关失守呈文报功文治遣鸣鹤督守堡官方臣将尸移至口外四散埋藏甚至烧化会勘之日连掘九尸总兵杨四畏之欺则文治误之督抚二臣之欺则先勘官副使张崇谦误之也诏陈文治李尚贤齐鸣鹤革任方臣汪道化并副使张崇谦下巡按御史提问总兵杨四畏降一级照旧管事总督周咏巡抚翟绣裳夺俸半年着策励供职○己未 孝慈高皇后忌辰 奉先殿行祭祀

○以册封二妃礼成赐元辅申时行银三十两纁丝二表里罗二表里钞三千贯次辅余有丁许国各银二十两纁丝一表里罗一表里钞二千贯中书官马继文等十六员

各银十两罗一表里钞一千贯又以时行有丁捧册各赐银三十两纁丝一表里罗一表里钞三千贯

○庚申协理京营戎政太子少保兵部尚书凌云翼以病乞休许之

○裁革批验茶引所官吏

○命山西恩免过军饷钱粮十一万六千九百八十余两本色粮八千八百七十九石准予该镇积剩客饷内照旧抵补

○辛酉以武英殿工完遣尚书杨兆祭 后土司工之神

○以 万寿圣节赐元辅申时行金万寿字四副金篆字十个金书黄符二道金书红符二道次辅余有丁许国各金万寿字二副金篆字八个金书黄符一道金书红符一道及日讲官陈经邦等六员有差

○特除进士邹元标为吏科给事中

○调蓟镇东路副总兵李如柏为蓟镇西路副总兵

○壬戌以诣 山陵命公徐文璧伯杨炳随侍护 驾命镇远侯顾承光统领勋卫孙承恩锦衣卫指挥使李承恩并带刀府军等卫官二十员大汉将军三百名随直 圣驾 山陵往回

○广东网贼劫程乡县狱库知县蒋蒙吉被伤抚臣郭应聘以闻诏罢知县闲住卫所官住俸戴罪缉捕务尽数拿获

○海西脱伦兀卫女直夷人兀失等朝贡赐宴如例

○癸亥遣公朱应楨侯吴继爵郑惟忠伯王应龙朱世雍张元善都督李鹤李文全分祭 献陵 景陵 裕陵 茂陵 泰陵 康陵 恭让章皇后 景皇帝各陵园侯孙世忠祭告天寿山之神

○吏部考选得推官等官一十八员俱堪任给事中陈大科胡希舜吏科杨芳王三宅徐三畏户科王士性苗朝阳李以谦礼科王亮张维新黄道瞻兵科陈璧刘尚志刑科王毓阳张栋曲迁乔工科刘一相南京吏科钟宇淳南京兵科

○考选得知县等官三十五员俱堪任御史沈时叙浙江道李载阳苏鄯江西道范俊徐待湖广道詹事讲王九仪河南道丁此吕荆州土姚三让刘怀恕曾乾亨山东道原一魁陈登云山西道吴世宾马朝阳褚顺陕西道赵崇善四川道连格屠叔广东道张养志董子行广西道黄师颜蔡时鼎羊可立喻文伟云南道朱应穀周之翰贵州道李一阳南京浙江道谭思南京福建道黄学曾南京湖广道田一麟南京山西道沈汝梁南京广西道郭宗贤南京云南道党杰南京贵州道

○改霸州兵备河南副使郭四维整饬密云兵备事务

○吏部等衙门覆南京户科给事中余懋学奏言故成国公朱希忠追赠定襄王繇其弟都督朱希孝远照宁阳王张懋事例陈乞及夤缘故大学士张居正票拟曲从宜追夺王爵并禁后来陈乞 上命张懋朱希忠赠王都着追夺谥准免革今后妄徼逾制的

该部科执奏革夺

○兵部言湖广平清偏镇四卫与贵州接壤实系全楚藩篱改隶贵州事多牵制播州八司难在贵州平溪襟带之前实在重庆綦南腹心之内改隶贵州亦属不便况系国初建设旧制岂可变更既经湖广四川抚按官勘议前来均应依拟照旧从之○甲子以圣驾诣 山陵命靖远伯王学礼等分守皇城六门隆平侯张炳吏部左侍郎张士佩等分守京城九门诏京城内外地方十分严备提督及五城御史并力缉巡不得两相推诿

○以蓟镇屡报虏情捉获奸细又有火光之异 上传谕边备须当十分谨严蓟镇兵免调总督官周咏免至巩华城送迎专心整理边务

○以中秋节令赐三辅臣上尊珍饌

○遣顺天府官祭宋丞相文天祥

○升副总兵管宁远参将事杨绍勋为蓟镇东路副总兵

○丙寅 万寿圣节 上御皇极殿文武百官行庆贺礼

○以 万寿圣节遣隆平侯张炳阳武侯薛鋹成山伯王应龙遂安伯陈澍成安伯郭应乾分祭 九陵武平伯陈承祿祭 恭仁康定景皇帝中官祭 恭让章皇后各陵园○升湖广左参议田乐义为山东副使整饬临清兵备

○丁卯谕秋祭赏扈卫各项官军如春祭例行

○谕仪卫扈从等项务从省约内外随行官员人等不许沿途生事扰害百姓

○命礼部左侍郎兼翰林院侍读学士周子义解部务专管教习庶吉士

○调宽奠参将杨燮为宁远左参将

○己巳升尚宝司卿沈玄华为太仆寺少卿

○升礼科给事中牛维炳于湖广四川道御史刘维于广西各参议升广东道御史王国祚于江西贵州道御史张应诏于湖广各佾事

○升辽东参将管车营游击事杨五典为宽奠参将

○以谒 陵改考试武举于九月十九日二十二日二十五日行○兵部题谒 陵居守护 驾并分派各门文武重臣及该营分派京城内外摆守官军虽各有成命恐人心怠玩防守疏虞宜令科道官不时巡视点闸报闻

○以武英殿工成赏尚书杨巍等锦衣卫掌卫事刘守有监督科道唐尧钦等并司礼监太监张宏等银币有差

○朝鲜国王李昫差陪臣崔滉等进贺 万寿圣节并谢恩表文方物宴赏如例

○庚午命定国公徐文璧大学士申时行司礼监太监张宏同礼工二部堂上官恭诣 天寿山覆择 寿宫吉地

○复除原任福建副使聂廷璧为山东副使

○贵州宣慰使安国亨宋德懋等贡马庆贺 万寿圣节给赏如例

○辛未月犯井宿

○宪宗纯皇帝忌辰 奉先殿行祭礼遣官祭 茂陵○南京守备司礼监太监丘得用以南京兵部尚书王遴奏准禁革差拨营军为不便仍乞查照酌定数目差拨应用上许之给事中张鼎思执奏以为诏旨不宜反汗不允

○巡视南京营务给事中阮子孝等条陈京营切要四事一议处神机营火器言该营军丁三千六百余名止关领神枪五百把宜增造鸟銃鞭銃随宜操演一议处新江营官军言长江盗贼易发宜选骁勇卫官领之勿以软脆官军备数一议修浦口营城垣言该城被水冲坏宜令该部修砌一议补舍人哨军言舍人哨丁多逃故宜令各官舍余挑选精壮发营操练兵部覆如议

○癸酉定国公徐文璧大学士申时行题臣等谨于八月二十一日恭诣 天寿山将择过吉地逐一细加详视看得该监所呈形龙山大峪山二处风水形势诚天造地设允为万世 圣子神孙钟灵毓秀之区与臣等所见相合俱称上吉其余位次参差砂水倾侧委不堪用候 圣驾诣 陵之日重加 睿阅裁定施行谨将形龙大峪二处图说进呈 御览报闻

○户部覆两广总督等官郭应聘等会同条议艚舡盐法事宜言民间有愿捐本造船者听止许装运盐货本省贸迁韶连二路引盐折引三千六百道不许再加以阻广西官运从之

○甲戌通政司参议梁子琦以覆阅吉地不得列名参论礼部尚书徐学谟与辅臣申时行为儿女亲家附势植党时行学谟各疏辩言子琦所择之地石门沟山坐南向北逼窄难用黄山一岭在 献 裕二陵之间位次非宜而又不满于形龙大峪执拗纷争何时得决 上以子琦挟私渎奏夺俸三月○升南京都察院右都御史刘思问为南京户部尚书

○升都察院左佥都御史褚钦为大理寺卿

○升河南道御史傅应祯为南京大理寺右寺丞

○乙亥复除刑科给事中常居敬原官

○吏部覆南京科道余懋学杨鸣凤各奏荐原任光禄寺少卿岳相等一十四员陆续起用原任给事中魏时亮等四员酌量叙用从之

○调原任蓟镇三屯鞬重营游击管一方为大同新平堡游击管参将事

○兵部覆广西巡按御史马呈图疏言粤西土司徭彳 口童各保界宇并无侵犯中有彼此讐杀多系地方官贪残喜功所致也今户口虚耗生理未复宜休兵息民培养元气不宜更言大征报可

○丁丑敕武清侯李伟太子少保刑部尚书潘季驯朕兹躬诣 祖宗陵寝特命尔等居守统率守城守门等项文武官员严督京营并巡捕官军五城兵马夫甲人等讷察奸盗防备火烛用保无虞各官如有怠玩不率应参奏者听尔等指名参奏应拏问者径自拏送法司问理其有紧要事务即便差人奏闻钦哉故敕

○刑部等卫门会看得故御史刘台戍死一事该江西巡抚曹大野勘得原任巡抚王宗载先以密帖示署安福县事推官陈绅嗾谢耀诬奏台台族人博士刘伯朝举人刘寿康合谋构之绅出赀助耀赴京讦奏事下宗载与巡按陈世宝问共相诬捏以成其罪又该辽东巡抚李松勘得原任御史刘台各赃俱无指证原奉勘承委各官巡按御史于应昌勘详矢于明允分守参政张崇功分巡副使周于德会审断案殊欠精详管粮通判陈柱薛思敬虚坐赃私勘报不实均属有罪会议得王宗载应照律文官司故入人罪全入者以全罪论议军于应昌应照律文奉制推案问事报上不以实者拟徒刘寿康依教唆词讼诬告人者律革去举人发边卫充军终身谢耀比依诬告人因而致死随行有服亲属一人律绞仍令谢耀名下备偿路费又将财产一半断付刘台家养贍其余治罪有差 上曰这厮每挟私枉法陷害无辜险狠可恶王宗载主谋故入律应反抵着发边卫充军于应昌承勘虚捏姑依拟与陈绅刘伯朝都革了职为民张崇功周于德俱降一级调用陈柱薛思敬着辽东抚按官提问谢耀监候审决其余俱依拟

○甲申 上率 后妃发京居守大臣及文武百官于德胜门外送 驾 驾至清河赐辅臣申时行等酒膳 驾次巩华城从官行礼毕昌镇总兵董一元及昌平州官吏师生耆老人等朝见于 行宫赐辅臣申时行等酒膳定国公徐文璧彰武伯杨炳共甜食一盒

○谕内阁今日偶然大风陡作灵台奏有惊火边兵卿等传示兵部还遵照节次明旨马上差人申飭各边十分严谨防御毋得疏忽

○乙酉 驾发巩华城午驻蹕感思殿○谕兵部蓟昌保定各镇调来防护官军照本年春祭例与京军一体给赏其宣大总督宣府总兵调来顶关防护官军着人赏银三钱俱兵部处给

○丙戌 上率 后妃诣 长陵 永陵 昭陵行秋祭礼其 六陵 二寝俱遣官代

○丁亥 上亲诣形龙山大峪山等处相择 寿宫

○谕内阁寿宫吉地用大峪山卿等传示礼部并钦天监知道

○以扈 驾谒 陵并择 寿宫赐元辅申时行银豆叶三十两次辅余有丁许国各银豆叶二十两

○戊子 上驻蹕感思殿行宫传谕歇息一日大学士申时行等言前蓟镇传报夷情该司疏止 圣驾奉有阅 寿宫毕次日即回之旨成命具在难以忽更愿 銮輿早回乃可万全无虑科道官亦以为言俱令奉旨行○ 圣驾幸东山口遣中官苏用传旨问大学士申时行等春间曾说东山口该筑墙如有不见修筑时行等言皇上春祭 山陵 驾幸东山口该前任大学士臣四维及臣等随从曾蒙垂问欲照得胜口筑建墙垣彼时共议皆言西北诸水俱出此口一遇春夏水发冲沙滚石漂木浮薪势甚迅激筑墙建桥难成易坏非数十万钱粮不可故止建敌台二座此口通黄花镇彼

处自有边墙险阻重兵备御可保无虞似不必兴难成之工以费难处之财 上命罢之

○巡按直隶御史江东之因 上秋祀 山陵乞将昌平银力二差恩赐优免用示殊典于解部数内酌议存留以资供应得旨该州切近 祖宗陵寝地隘差烦委宜破格优恤下所司看议户部覆该州二差既免应将该州何项解部银两存留供应犹难悬断宜令顺天府抚按官查数明白酌议停妥庶便题覆不致迟碍难行 上是之

○命昌平州宛大二县田粮春间免过尚剩四分者尽数蠲免

○己丑 驾发感思殿还京居守大臣及文武百官军民耆老人等俱于城外迎驾

○癸巳升浙江右布政使徐光泰为浙江左布政使广西右布政使徐时可为广西左布政使

○甲午 上御皇极门以 陵祀礼成及阅定寿宫文武百官致词称贺

○以秋祀礼成赐元辅申时行银五十两纁丝四表里次辅余有丁许国各银四十两纁丝二表里

○以河工叙劳升工部郎中张誉为太仆寺添注少卿○复除原任江西左参政艾可久为陕西左参政升户部郎中王大用为山东右参政大理寺右寺正刘绍恤为云南佥事

○复设南京中左二府佥书

○以灾伤命长沙等府八年九年分未完各项钱粮暂停催徵十年分解剩赃罚银十一年分应解赃罚银共七千五百两留停该省赈济

○兵科给事中张维新言通参之职非不通显而人不乐就者以行取应选之际吏部协同司礼监官及通政司掌印官公定去留金瑯之辈假借以市私恩投刺门生因循成习有志之士大以为辱乞行革去投刺门生之习仍酌量才俸与各衙门一体推迁庶臣节自励而皆乐于效用矣 上命如旧例行工部侍郎仍管通政司事倪光荐言已曾与考选未尝投刺门生交结司礼被以辱贱之名何颜就列乞赐罢斥 上命光荐仍旧供职且谕通参吏部定拟取自上裁如何说市私恩张维新不谙事体姑不究

○刑科给事中刘尚志题参原任大理寺寺丞贺一桂言一桂与简讨习孔教素称莫逆一事相左挤陷罢官御史刘台之死王宗载能先得谢燿奏稿授意陈绅者一桂之为也亟宜罢斥究问又故御史陈世宝与宗载同勘台事宗载已遣戍夺诰敕世宝虽死不宜独免得旨贺一桂黜为民陈世宝原官诰敕俱行追夺

○刑科都给事中戴光启言近年朝审例在矜疑者大约不过十余人窃谓应恤者多虽三四十人不为纵应恤者少虽不满十人不为苛要于至当诏下所司

○朝鲜国王李昰差陪臣崔滉等贺 万寿圣节宴赏如例○乙未以吉壤礼成加恩前任辅臣张四维荫一子入监读书赏银五十两彩段四表里首辅申时行加少傅兼太子太傅改吏部尚书建极殿大学士荫一子入监读书余有丁加少保改户部尚书武

英殿大学士许国加太子太保兼文渊阁大学士余官照旧各给应得诰命定国公徐文璧加少保兼太子太保彰武伯杨炳加太子太傅礼部尚书徐学谟工部尚书杨兆各加太子少保礼部侍郎高启愚工部侍郎何起鸣并司属官吕兴周葛昕阎邦各升俸一级钦天监副张邦垣升二级主簿杨汝常欧承意各一级司礼监太监张宏荫弟侄一人
为锦衣卫正千户

○升广东按察使周之屏于浙江湖广按察使乔懋敬于广西各右布政使

○吏科都给事中周邦杰劾通政司参议梁子琦相择 寿宫与尚书徐学谟忿争不宜以意见相左輒指大臣为奸党吏部覆党之一字不可为训但子琦已经罚治姑免再究从之

○巡按陕西御史韩应庚条陈救荒十事一散赈票以稽饥民言被灾州县正官置立印票选委殷实公正之人沿乡挨查贫难丁口酌量等则慎给赈票按次关领一平斗斛以均实惠言各仓斛斗与市廛较量两平印烙钉固足数给散一清库余以抚逃移言将查出被灾州县库贮无碍官银行令各官设法招徕酌量查给一借俸廩以助春耕言各官俸廩量减一二为贫民牛种之资一酌催科以苏困苦地方钱粮有势不可已者审定等则酌量催徵一省供亿以宽里甲言祭祀乡饮宴会馈赏等费大加减革以宽民力一减讼狱以贻休息州县正官不得滥受民词法外苛刻一停口税以通货财额课银两暂行停息一裁冗役以资士类言裁革各衙门冗役所遗工食银两分给学较贫士一设官兵以弭盗贼行被灾州县卫所各巡捕官督率千百户分投四乡不时稽察户部覆如奏第借俸助耕一节官俸之减有限如近日总督石茂华所议借军饷银两给买牛种秋成抵还如无军饷处所许动支在库无碍官银及期果贫不能还者量准豁免 上俱报可

○丙申升礼部右侍郎高启愚为左侍郎左庶子朱赆为右侍郎俱仍兼侍读学士经筵日讲照旧

○升刑部左侍郎熊汝达为南京右都御史

○命巡关御史准复差一员○停止监生不许先期纳银授光禄寺监事

○丁酉黜蓟辽总督周咏为民以勘刘台赃扶同虚捏为给事中戴光启所劾也

○工科给事中王毓阳劾原任吏部左侍郎王篆假故相姻戚引用朋党王宗载等陷害忠良元凶巨蠹不宜使优游田里得旨王篆黜为民

○朵颜等卫夷人小思苦等补贺万历十年分长至节宴赏如例

○礼部题 寿宫吉地大峪山动土兴工吉期行钦天监选择 上曰待朕躬请两宫圣母看阅毕尔部钦天监便择日具仪来看御史朱应穀疏止 圣躬不必再阅两宫圣母不宜再劳章下所司

○调河曲参将郑尚金于偏关利民堡参将麻承恩于河曲偏关参将计安国于利民堡○戊戌升湖广左参政沉子木于湖广河南右参政刘伯燮于广东各按察使

○复除原任山西副使杨松为陕西副使

○调大同游击李魁为甘肃游击

○己亥南京工科给事中冯景隆奏蓟辽总督周咏大宁堡失事为总兵李成梁祈免请罚咏实自为之地成梁屡奏擒斩首级多系捏报贿升世爵宜行议夺兵部覆李成梁前后大捷共计十次斩首五六千级皆亲临战阵奋死督兵若捏报冒功安能尽涂全辽耳目 上曰边事重大将材难得若大将尽忠奋勇替朝廷出死力的郤误信浮言横加诋斥反不如避事偷安可免訾议这等是非倒置功罪不明何以服人心作士气李成梁封爵照旧着益加奋励勿以人言隳沮有负国恩冯景隆轻率妄言着调外任

○庚子以协理京营戎政兵部尚书张佳胤兼都察院左副都御史总督蓟辽

○命右春坊右庶子兼翰林院侍读王家屏翰林院侍读徐显卿主考会试武举

○壬寅升右庶子兼侍读王家屏为少詹事兼翰林院侍读学士掌院事

○升刑部郎中冯孜为河南副使

○降山西行太仆寺卿袁弘德为湖广右参议

○南京户部尚书刘思问以病乞休准令致仕

○户部言晋府庄田近因本部题行有司徵收今管府事宁河王欲乞照德楚二府例自行管业取自 圣裁得旨这庄田着该府自行收管

○癸卯升都察院左副都御史阴武卿为兵部右侍郎升南京大理寺卿舒化为刑部右侍郎○复设淮安府管河同知一员

○海西塔古河等卫夷人押儿卜等朝贡宴赏如例

○东西二虏犯前屯 上命兵部行与该镇巡官用心防御相机堵截

○甲辰工科给事中冯景隆以劾李成梁调外任科道官具公< 疏 疏 疏 > 申救不听吏科给事中邹元标言景隆以成梁故不安其位成梁为名将谕国大体必忸然不自安欲其缓带边陲难矣乞复景隆职御将之恩容谏之仁乃两得之报已有旨

○兵科给事中王亮条陈一议武试言以膂力骑射为上不必文之中绳墨一议实边言斗殴杀人律应抵死者准令全家徙边以赎其罪逃者杀无赦一议抚夷言夷求讨无厌宜峻拒之宴赏月日严示定期以便诸夷遵守一议任将言纨裤子弟第可用之居守至紧要将官宜招徕四方豪杰一议召募言各军犯罪百年以前者俱免勾取将名下月粮募壮丁以补队伍一议南兵言南兵鸟銃箠笮藤牌弓箭皆其长技宜稍加体恤无令怨望一议工役言要害之区照常修筑其驿递夫役宜严禁以养精锐之气一议招携言板升夷人众至十万宜令通事及亲识者密谕德意许其率所部来降照宣抚宣慰事例授以世官兵部覆武试专取技力则智谋之士反遗实边抵死恐启巨恶漏网清勾之法系干旧例难以更议板升之人久处夷地狼子野心终不可驯宜酌量审处余四事俱应如议诏从之

○乙巳吏部推升宣大总督郑雒为协理京营戎政四川巡抚孙光裕为南京大理

寺卿 上曰雒在边镇节省钱粮是好官边上该用他如推他京营放在闲散孙光裕在任未久如何又推升大学士申时行等言雒在边九年劳绩已久光裕前任应天巡抚三年今任四川又一年资俸应及 上曰既卿等所奏朕已点用今后但凡各处要紧事情重大的不必以资格历俸为则必须推其堪任的用

○升广西都司戴应麟为浔梧参将

○升宣府马林堡守备王三聘为大同入卫游击

○罢贵州总兵戚继美温处管参将事游击吴海占涿州守备刘凤麟任

○丙午吏部覆吏科都给事中周邦杰等劾各兵备山西大同副使王学谟云南洱海僉事王一卿陕西行太仆寺卿兼僉事李承选陕西延安副使梁承学又言慎择督抚豫令九卿科道各举所知核其功罪并坐举者得旨一卿学谟冠带闲住承选致仕承学调简荐举边才依拟仍谕各边镇有事地方见任司道官有不相应者作速酌量更调

○镇守云南总兵官黔国公沐昌祚奏一谓土官袭替保勘繁难动经年岁纳穀无力承袭愆期一谓藩臬司道等官揖见迎送坐次公文与巡抚衙门相同今礼体紊废文移并不申呈一谓随征官军廩粮行催愆期家人口粮自备不贖一谓臣祖贻规每选家人教习武艺后因被论无复修举乞许令教演置造兵器得旨该省总兵官专制遐方体统原自隆重前已奉有敕谕各司道官如何通不遵依及边境有事亦不关白殊失朝廷委任责成之意这本内所奏的着彼处抚按官查参来说今后有这等的听尔指名参奏处治余下所司兵部覆土官承袭即于申呈内明开查勘年月如迟岁月即系勒索从重参究余俱依拟报可

○丁未复设宁镇屯田都司一员○戊申升南直隶江南副总兵张澡为署督都僉事镇守贵州兼提督平清等卫地方总兵官升浙江左营游击庞溟为温处参将

○诏知县降闲该从七品如无从七品缺正八品以下如知事照磨简较俱得降用仍支从七品俸

明神宗显皇帝实录卷之一百四十一

明神宗显皇帝实录卷之一百四十二

万历十一年十月己酉朔 上御皇极殿颁万历十二年大统历

○时享 太庙

○升河间长芦运使高世雨为陕西行太仆寺卿兼僉事升山西大原府知府孙化龙于山西户部郎中赵九思于陕西贵州参议詹贞吉于云南各副使

○以漕河高堰工完尚书潘季驯原任兵部尚书凌云翼等赏赉有差

○庚戌 孝洁肃皇后忌辰 奉先殿祭祀遣平江伯陈王谟祭 永陵 ○升南京兵部右侍郎辛应乾为兵部左侍郎协理京营戎政升光禄寺卿雒遵为都察院右僉都御史巡抚四川

○御史孙继先曾乾亨各疏劾兵部尚书张学颜言学颜先为辽抚与按臣刘台有

隙捏造台赃私揭之居正故后之勘问勘此赃也营入本兵冯景隆疏论李成梁学颜辅叙成梁之功激 圣主之怒而重言官之罪险局备张亟宜罢斥 上以二人党护景隆牵合刘台事诬害大臣继先乾亨皆降一级调外任科道官周邦杰赫瀛等公疏申救不允

○兵部尚书张学颜疏辩言刘台按辽时值李成梁擒逆梟斩土蛮台具奏献俘又为成梁树坊与臣原无嫌隙谢耀奏台臣已离辽二年何为无故投揭以害忠直臣覆李成梁事自有公论今二臣皆以论臣降调臣难覩颜就列 上温诏留之○辛亥升右春坊右谕德兼侍讲掌司经局事沈一贯为左春坊左庶子司经局洗马管国子监司业事范应期为右春坊右庶子俱兼翰林院侍读升翰林院侍讲于慎行为左春坊左谕德兼侍讲

○命武举官生取中一百名

○壬子 中宫令节赐三辅臣上尊珍饌

○复除原任两浙运使许天赐为长芦运使

○吏部覆顺天巡抚翟绣裳既经言官指摘但历任颇有勤劳宜令致仕或回籍听用上以边镇有事仍令照旧用心供职以图后效

○癸丑起原任工部右侍郎陆光祖为南京兵部右侍郎升通政使司右通政丘橐为都察院左副都御史改南京光禄寺卿沉人种为光禄寺卿

○设束鹿县百尺巡筒司

○广西田州土官知州岑太禄等差官贡马及银香炉等件给赏如例○甲寅调浙江杭严兵备副使顾养谦于蓟州兵备道调蓟州兵备副使费尧年于杭严道调山东副使李材于辽东开原道调云南右参政兼佥事赵睿于贵州右参政调四川佥事李士达于云南佥事调云南佥事杨际熙于四川佥事

○工科左给事中姚德重题今西北边军马困敝已极虏因讲和赏赐不赀边吏克剥军粮以充之士卒日困夷人专以疲羸不堪之马入觅高价军士给领十不一生乞敕兵部严行山西宣大抚按今后讨赏夷人或裁其名数或减其赏赐不然亦当另行动本省口税与缺官俸薪勿再克剥军粮互市马匹或裁其旧额或验其壮盛不然亦当另行给发驿递或货之民间勿再强给军士庶常胜之具在我国之神气日振矣得旨各镇军马既称困敝委当酌处兵部便行与督抚官着实行○乙卯兵部尚书张学颜复疏恳罢斥 上仍慰留之

○命大学士余有丁主武举宴

○西虏哈不慎北虏大委正等糾聚大众入犯前屯至山海关中前所高岭驿等处蓟辽二镇官军拒堵退之

○丙辰升湖广右参议马鸣銮于云南山东兖州知府杨材于本省各副使

○丁巳升山东副使顾章志为南京光寺卿升通政使司左参议梁子琦为右通政

○命提学官考贡止一正一陪进学名数如人才众多地方酌量宽取但不许徇情过滥

○陕西博峪等族到京番人阿鹅等备腰刀进贡给赏如例

○戊午礼部覆陕西总督兵部尚书石茂华题称土鲁番速坛马黑麻虎答遍迭新立为王遣使叩关谢恩求贡明年大贡届期相应俯从所请止许正使一名从人七名所进方物悉照先年额数仍遵照五年一贡期限许之

○刑部覆礼科给事中李以谦题每岁录囚不曰处决而曰审决恐临决之有冤抑而再加详审也近年各省直遇审决之期但择情重者决之是处决而非审决也宜行巡按御史虚心详谏有情与律背事与招违者即为辩理事虽不冤执词不服者亦缓决以待下年再审不得一概行刑至于元恶大憝有会审批允十数年不到部院者应将稽迟官吏坐赃重究庶狡恶者不得幸免 上是之

○工部覆总督漕运户部右侍郎傅希摯奏清江浦至西桥一带堤岸当黄淮扫湾之冲近年黄流日刷堤岸单薄万一啮决则运道生民俱受其害合将旧堤亟为修砌限万历十二年秋黄水未发之先报完完日将工费核实奏缴从之

○己未升吏部左侍郎张士佩为南京户部尚书○庚申升尚宝司司丞张位为左春坊左中允管国子监司业事

○升湖广左参政沈伯龙为山东按察使调山东右参议靖四方为湖广右参议

○户部覆兵部尚书王遴奏一议分别追赔以恤军言运军最苦在卫则给月粮在运则支行粮中途病故给银二两存恤二年月粮羨余一体给领今欲并逃者故者俱扣安家月粮及追预支银两夫故与逃不同逃者宜追故者宜免一议改留正官以修军政言军政所恃以修举者在掌印指挥不当与左右佥书更番领运宜令专留该卫修举军政祇选廉干左右佥书更番代运从之

○琉球国中山王尚永差官梁灼赍贡表文方物马匹宴赏如例

○辛酉先是河南巡抚褚鈇有恤宗通变事宜之请周府各宗心疑宗正睦木□挈倡其议会议之日郡王及将军中尉睦采睦穰睦<田木离>朝土□聂朝榿睦<田田朵>勤黑□<田九、>丛欧宗正睦木□挈裂其衣冠奉差科臣万象春及河南抚按官杨一魁等上其事诏革睦穰睦采睦<田木离>禄米一半朝土□聂朝榿睦<田田朵>勤黑□<田九、>三分之一睦穰所犯不止喉欧睦木□挈依抚按开列罪状诏革为庶人发住高墙

○升五军七营练勇参将林鹏为南直江南副总兵升浙江总捕都司钱经济为浙江军门标下左营游击起原任陕西都司掌印署都指挥佥事姜河为宁夏屯田水利都司

○镇守辽东总兵官宁远伯李成梁因南京工科给事中冯景隆参奏疏辞伯爵不允

○壬戌吏科给事中邹元标疏陈五事一培君德言 陛下际鼎盛之年何欲不遂宜味孟氏寡欲之训研几于声色臭味之间居处有时行幸有节此非独养德也养身亦在其中矣一亲臣工言大政事如人才钱谷礼乐兵戎刑狱工作宜召内阁九卿侍从儒臣面为杨确科道官旁为纠正则 圣心日益开明 圣政日益广大矣一肃宪纪言台中奉差诸臣不患无才患身不正而威令日弛也回院考察惟以砥节者为上操守端则宪纪肃宪纪肃则群吏畏慑贪黷者且闻风而靡矣一崇儒术言私创书院毁之诚是乃将先贤遗踪一概折废宜敕礼部令郡邑或概议修复或量为调停一饬抚臣言抚者安养休息之谓也除边方专理军务如腹里抚臣宜思抚摩之义正身率属以爱民节用为本政安则民和民和则天地之和应之矣 上是其言谓事关朕躬知道了余下所司

○都察院覆给事中邹元标疏肃宪纪饬抚臣二事言诸差按臣务激浊扬清以肃吏治赃罚银两除解部备赈外不得私自取用亦不许妄行馈遗至于巡抚专制各省关系尤重平居则为民均户口宽徭役为休养生息之本一遇水旱灾伤或发廩或劝借务使流离得所庶吏治民生均之有裨诏从之

○礼部覆吏科给事中邹元标兵科给事中王亮各言书院一事人情向背视上指挥若不办公私毁之未几而复之旋继又滋地方一番骚扰私创书院已经拆毁者不必概复如果有先贤所遗或系本朝敕建者曾经拆毁量为查复其天真书院既云先臣王守仁专祠仍行抚按查先年奉何明文盖造动支何项钱粮所称书院学田是否学徒置买应否归入里甲俱议拟前来以凭斟酌覆奏其各省学田原额不一今书院拆毁之后田归何处一并查明到部请旨处分 上曰重道崇儒原无讲学之禁亦不系书院有无若近年私创已经拆毁变卖的不必一概议复以费财扰民

○癸亥改兵部职方司主事徐贞明为尚宝司司丞

○升湖广副使张仰为湖广左参政

○命畿辅地方今岁都免行刑

○甲子夜望月食

○升南京太仆寺寺丞赵志皋为南京国子监司业复除原任湖广道御史许乐善于江西道升兵部郎中黄鹤为湖广副使

○升江南副总兵张澡为署都督僉事充总兵官镇守贵州 复设顺天府宛平县大兴县各县丞一员通州本州递运所三河关递运所蓟州南关递运所玉田县蓝田递运所豊润县东关递运所各大使一员保定清苑县管粮主簿一员复设凤阳府知事一员简较一员寿州仓副使一员徐州永成库大使一员霍山县巡简一员凤阳府太和县倪丘集已革巡简司改复于洪山庙地方名洪山巡简司庐州府焦湖已革河泊所复焦湖巡简司各复设巡简一员

○丙寅 诚孝昭皇后忌辰遣官祭 献陵

○升神机八营佐击刘光祚为五军七营练勇参将

○以恩诏免坝大等马房子粒钱粮三分之一该监修理公用命户部照数抵补

○礼科给事中苗朝阳刑科给事中陈璧条议将开归二府盐就近改入长芦工科给事中曲迁乔条议河东解池旱涸国课有□将开归二府改行长芦就增长芦引目以补河东额课户部覆开归二府逼近黄河舟楫直达若行准盐视之长芦更易为力地接齐鲁或行山东之盐犹可以杜绝私贩宜移咨河南山西山东淮杨各抚按河东长芦淮扬各巡盐御史会同各司道从长会议务使两地均便报可

○礼科给事中王士性条陈兵戎四事一中州武备言河南兵力寡弱扣留解部民兵银数万宜以其半募勇壮立参游一员专令操练随军门标下统之无事壮省会之势有事移兵袭击一全晋要害言大同居东北偏头老营居西北山西之极边也大同之内为鴈门偏老之内为宁武山西之重门也宜移宁武总兵驻偏关而以参将驻宁武山西巡抚兼巡宁鴈大同有警则出鴈门偏头有警则出宁武以策应之一北虏机宜言自顺义请封边塞官军遂一切偷惰乞行各督抚挑选精锐简练以备未然一辽左战功言前黑谷关之事蓟门去鞏谷不数百里而以败为胜况辽左数千里之外以后凡有报至行巡按御史查勘的确毋得止听督抚虚章赏赉滥及兵部覆河南民兵银两奏准留本省经今十九年未见支用下落宜行河南抚按备细查明召募勇壮添设参游有无窒碍全晋要害一事宜行山西督抚查照三关地里远近时势缓急会议停妥具奏余二事依议从之

○丁卯升福建左参议骆问礼为湖广副使

○己巳兵部覆南京兵部尚书王遴条陈计安留都十二事内八事系干兵戎一议量增月粮以恤精壮言舍人舍余旗军余丁选系精壮者月粮宜与正军相同一议遵例收操以安运军言运军因改折在卫者宜准发操食粮一议量均船差以救偏累言马船快船宜停分拨差一议改派马匹以蠲民累言营操马匹乞令大仆寺尽于解京备用马匹内改派不必贻累大户承买一议设添标兵以重事权言南京三大营都督俱有标兵参赞大臣宜增置标兵以听调遣一议酌处骄悍以正人心言自振武营之变以来尚仍骄悍之习自后鼓众群噪即将为首者斩以徇一议量添举劾以警旷官言巡逻把总遣拨厂把总宜照三大营例年终举劾除增月粮安运军二事宜行南京户兵二部计议添置标兵不必另立本部名色止于三大营各添设标兵一百名操演调用余俱依拟报可

○刑部覆南京兵部尚书王遴奏内一议申明职掌以端正体言南京内外守备衙门止为守御而设不宜滥受词讼侵法司之权各城兵马主讯察巡警非令干预刑名者也缉获人犯不宜问招拟罪委当遵照敕书各明职掌得旨守备参赞衙门着遵前旨各照职掌行事一应琐细词讼不必干预兵马司亦不许受词拟罪有违犯的科道参奏处治

○庚午陕西道御史杨四知言足民莫先劝农宜申严屠牛之禁章下都察院

○辛未降原任陕西副使甘来学为福建左参议

○升插箭岭守备卢洪秋为神机八营佐击

○吏科给事中邹元标疏言南京户部尚书张士佩去年一抚臣耳未几吏部侍郎未几而尚书有骤进之嫌礼部尚书徐学谟山陵回后物议沸腾犹复覩颜就列无易退之节疏下所司士佩疏请罢斥命以吏部左侍郎致仕学谟疏言元标左袒梁子琦微词冷击迫臣之去乞放归田里得旨准令致仕仍赐驰驿

○户部覆户科给事中杨芳条议查盘事上曰近来查盘烦数科罪枉滥殊为扰民今后抚按等官每年会同委官查盘一次不许另差

○以水灾命河南口水等四十四州县分别赈恤

○改长武县宜禄巡简司于窑店名窑店巡简司

○壬申户科给事中王三宅劾南京户部侍郎王缉贪黷不法得旨王缉着冠带闲住

○六科十三道周邦杰等各举边才兵部侍郎杨俊民王一鹗刑部侍郎王宗沐王部侍郎王友贤总督郃光先巡抚孙丕扬杨一魁申佐萧廩李文张西铭廖逢节操江傅孟春太常寺卿陈于陞光禄寺卿沉人种贾三近太仆寺卿舒应龙少卿裴应章行太仆寺卿邢玠布政使李戴贾待问郝杰严大纪徐元泰徐作梅友松曹子登卢仲佃滕伯轮按察使许守谦朱孟震姚继可严用和参政蹇达贾仁元冯敏功李材李廷仪李采菲赖廷桧梁问孟王基李颐副使叶梦熊顾养谦穆炜莫与齐余国宾费尧年蔡廷臣潘民模郑汝璧陈宗儒许守谦文作李承式栗在廷冯子履随府朱东光郭四维王胤祥参议郃永春佥事刘葵知府李时芳燕好爵朱衣王再聘郝汝松萧应宫郎中王谦田时秀郑有年李承志员外朱正色主事万世德上曰这科道官荐举边才内有曾经被论及采访未当的吏部还仔细查核酌量推用

○以冯保空坟一区并庄房等项给永年伯王伟

○以贵州九股苗夷归顺赏巡抚刘庠前巡抚王缉李江参政项思教苏愚等银币有差

○辽东总督周咏奏请叙前屯山海关高岭驿二镇堵截斩获功上命巡按御史查覆明实具奏

○乙亥拣选工部郎中杨允中为通政使司左参议户部主事田蕙为通政使司右参议

○以忻城伯赵泰修为南京左军都督府佥书安远侯柳震为南京中军都督府佥书

○吏部题本部黜陟凭抚按举劾据巡盐御史王国祚所举梁承学品题过实殊乏藻鉴乞赐究治为谬举者之戒上令王国祚冠带闲住

○以水灾免湖广宁卿等二十七州县十一年分存留税粮照被灾分数减免有差

○丙子河南道御史赵应元题为灾异频仍乞比照先年事例考核两京大小官员

以奠民生以弭灾变大学士申时行等疏言其不可罢之

○丁丑升太子宾客吏部左侍郎兼侍读学士掌詹事府事陈经邦为礼部尚书升吏部右侍郎沈鲤为左侍郎兼管经筵日讲俱照旧改南京兵部右侍郎陆光祖为吏部右侍郎

○户部覆巡按山东御史吴定奏言各省直地方旱潦灾伤虽同而被灾分数不一宜令各抚按先查禾稼被伤轻重分数若概县被灾如一即以概县奏报如一县之内某里被灾几分应免几分不得轻重倒置勘报不实得旨各州县灾伤有司不行履亩勘实止以虚文申报上司抚按官据以奏闻致有混冒朝廷虽屡行蠲赈实惠何繇及民这所议俱依拟着实行

○户部覆湖广道御史董裕条陈言地方水旱有奏有不奏以致闾阎茹苦朝廷莫闻今后遇境内灾荒州县官即时申报抚按抚按即时奏闻一面从实勘报如申报愆期抚按即以不职参论又言滇狭库藏空虚要留抚按赃罚以备兵荒近经本部奏议赃罚照旧独云南腾永一带被兵地方不可以常例拘即将本年应解赃罚及事例银两量准存留一半赈给如或不敷仍将今年题留矿银一十六万两内酌量动支造册奏闻从之

○戊寅考选知县四员为给事中杨文举吏科张希皋兵科伍可受南京礼科孙世禎南京工科考选推官知县共一十员为试监察御史张文耀浙江道谭耀福建道杨东野河南道陈遇文山东道张允孚山西道徐申四川道李植广西道叶承遇云南道王制贵州道潘维岳南京江西道

○广西巡抚右佥都御史刘良弼以病乞休许之

明神宗显皇帝实录卷之一百四十二

明神宗显皇帝实录卷之一百四十三

万历十一年十一月己卯朔日有食之 升总督仓场右都御史兼户部右侍郎魏学曾为南京户部尚书

○升云南右参政李文续为云南按察使

○革延绥都司刘秉忠游击方济文王允恭任秉忠仍行巡按御史提门

○兵部覆给事中王三余御史陈登云各条议驿递站银裁削过当欲酌量议复无使致累贫民为照站银宜行各省直抚按备查本管驿递旧额原银若干万历五年后减编若干如经过官员仍前昌滥只宜清裁禁革如果正支不敷亦要查明奏请量为议复不得概行加增从之○以虏犯山海前毛邻关散屯被抢调宁前副使岳汧简僻游击刘登泰等戴罪管事仍候巡按御史勘奏定夺

○庚辰户部覆巡按陕西御史陈荐条陈一议备荒言责令有司酌量乡村远近建立社仓州县正官应积谷石除足预备仓额外余者分贮社出借贫民凶年就近施赈一议催徵言有司沽抚字之名纵令顽民逋欠今宜遵旧限查参庶派徵可免一议官俸言全狭地半寒苦宜将缺官柴俸银两除每年额解延镇五千两外如有余剩即为补佐贰

首领及教官缺俸一议盐筴言近因河东解池盐花不生议将花马二池有余之盐行于西凤汉等府然二池盐实在甚少访出新边外有徇盐一池产盐甚多但出境三四十里或启戎心宜行河东巡盐陕西巡按各御史并咨总督军门延绥宁夏各巡抚会同各盐法道会议停妥奏请定夺从之

○户部覆顺天府府尹臧惟一言编审事一银力二差分配丁田每亩科银二分涉于过重不若以丁门为主丁门上中则先尽力差重者编审其丁门下则并地亩编审轻差不得拘定每亩二分之例一差徭以丁田为主而又有门银者富家援例丁得优免故富者照门审差上中六则照门银等则编审下户既出丁银不得复议门银一力差代役额外需求以致正户倍累必每差明编实用之数除听本户亲当外代当者徵银解各衙门当官给领不许额外需求一流寓土著莫非王民除寄庄未久产业无多者照例每地一亩徵银三分止编银差外其住居年久置有地土房舍者即令收籍与土民一体审差一优免滥冒其弊难言凡系内使将军较尉等项职役务要该衙门印信公文查验分别品级见役歇役照例优免一各衙门裁革官员门皂人役宜查明免编以宽民力一各州县地有繁简故所用人役自有多寡将应减应增照数编审庶冗费可省而差用亦敷一差有银力轻重不同旧审银差有应改力差者或旧审力差有应改银差者随宜改编亦通变便民之法一添注官员既非额设则跟用人役亦宜随时酌量一昌平州地本冲繁委宜优恤先该御史江东之题请俟抚按查议题覆得旨如议行

○勘过大宁堡失事降守备朱延庆三级千户端世武照阵亡升录○辛巳礼科给事中陈烨劾南京右通政乔因阜言因阜先为浙江提学副使沙汰浙士太甚得上考遂有太仆少卿之擢今以不理于口乃图南转逃避人言得旨因阜降一级调外任

○壬午改礼部左侍郎兼翰林院侍读学士周子义为吏左侍郎掌詹事府事仍教习庶吉士

○癸未 恭让章皇后忌辰遣内官祭 陵寝

○兵科给事中王亮言国初勋臣运筹帷幄如诚意伯刘基仗节死义如花云其后嗣或无爵禄或有爵禄而夺之今刘基之裔刘世延有定变功被权相倾陷拟罪夺爵大为可惜花云一门忠节宜访其后裔表扬优恤 上命刘世延着复爵照旧于南京都督府带俸原住过禄米准与补支一年遇缺推用花云子孙着该抚按官查访的确具奏叙录

○云南巡按御史崔廷试言岳酋犯顺秋凉瘴消正宜相机剿抚滇境迤南有三江口一路哀牢山一路虽为崎岖乘虚潜入极为捷便乞令多方戒备 上曰该省贼情叵测一应剿抚防御机宜着沐昌祚刘世曾悉力殚心遵照前旨行事务保万全

○甲申遣侍郎高启愚祭 三皇于 景惠殿

○升陕西副使文作为云南右参政刑部员外郎施学龙为江西副使

○户科给事中徐三畏劾南京右都御史熊汝达向督工 昭陵损陷被黜蒙恩起

用即乞恤典所请不遂宜有赧容自决进退 上命汝达着冠带闲住○以灾免延安绥德榆林三卫应徵十年分屯粮五万四千七百三十八石其免过之数照例每石补银三钱准予布政司库贮织造变价支剩及夏秋粮银内动支抵补

○总督宣大兵部尚书郑雒< 〇〇〇 铨-金 >言十事一 审夷情言者谓黄酋桀骜必为边患夫入饵之酋嗜甘成性黄酋即强力肆逆安能以一人拂群情哉一 议贡市言者若有不足于贡市然自纳款以来生息日多积贮不贲孰非此贡市也使虏即变盟无论边备经营皆有次第即边臣出所积之五六十万而继之以太仓所积一量发焉养士士强买马马盛视之未款前兵饷两乏者果何如哉一 明抚赏三镇抚赏皆抚臣该道主之将官无赏夷之责无有取足于军粮者惟是市马朋领垦荒田种采积青草亦有扣除然宣镇昔有今无未尝行之于山大也一 计市马互市藉此羁縻而已非谓与虏一一算贲息计盈余也强者给军以备骑操弱者变卖以资市本若谓马给驿递一镇驿递几何能派此一岁若干之马乎惟价不取贲于重估则军士不困马不苛责于夷人则贡市可久一 计征操夫市马既以堪骑者给军言者有请马价另买北马之说今塞下无事即使发银买马祇縻正帑数年之后卒然有变然马已疲矣惟操演军士蓄养锐气而所牧胡马尽可骑操一 裁猾酋纳款之初抚赏既节马数亦少后来虏情渐猾乞讨无制明岁当贡市之时臣申明旧规不轻添亦不轻减实可必其不僨事也一 治叛夷近见塘报谓哈不慎率众犯辽哈不慎者青酋弟也如果入犯是实臣行该镇总兵责问青酋将哈不慎来年市赏尽行阻绝俟其查照初盟尽法罚治誓改前非然后容其市赏一处夷犯三镇延袤数千里即有散夷行窃非酋长为逆也一经责罚事遂宁帖风闻者遂以为边方不戒以后如有夷情变动据实请旨声罪如夷非大夥人无伤重督抚力能制驭年终类报起数分别劝惩庶边臣得以展布一 慎招纳议款之初首及散逆顾群酋每借索降之名以起衅端臣窃意板升之众用计招徠一呼可至若彼酋虏执词索逋边臣何辞以应欲贡市则不可招板升招板升则必至僨市贡未有两利而俱存之善策也一 酌工役近有停工养士之说顾马军操演是矣步军不责以工役不日骄乎残废民堡皆宜修治惟在酌工程缓急量士卒气力不贲以终岁之苦战固有恃守亦可资矣奉旨朝廷许虏贡市原为外示羁縻内修守备一应抚御事情全在督臣便与经画这所奏虏情边务详明的确便会同各镇抚臣着实举行毋以风闻臆说自生疑阻有碍大计

○乙酉升湖广武昌府知府刘易从为山东副使

○丙戌遣侯郭大诚郑惟忠伯王学礼张元善刘嗣德分祭 九陵伯毛登祭 景皇帝陵寝中官祭 恭让章皇后及废后吴氏都督李文贵祭 哀冲 庄敬二太子各陵园

○丁亥以明日冬至遣公徐文璧祭 南郊侯李伟告 太庙公朱应楨侯吴继爵大学士申时行余有丁分祭 四坛

○以 圣母慈圣宣文明肃皇太后万寿圣节赐元辅申时行银五十两纁丝三表

里次辅余有丁许国各银四十两纁丝三表里讲官陈经邦等六员各银二十两纁丝二表里

○命各防秋班营官军依期彻放蓟镇兵马着严谨分布防御毋得疏懈从总督尚书张佳胤所奏也

○戊子冬至赐三辅臣上尊珍馐

○陕西道御史杨四知进 成祖 仁宗 宣宗 三朝圣谕录大学士李东阳所辑 孝宗燕对录大学士李时所辑 世宗召对录请退朝之暇宣召臣工咨访是非报闻三录留览

○己丑怀仁王府奉国将军聪□□氏□□俊彬等六人年皆六十余诣阙诉称自嘉靖四十年春至万历十年冬计二十一年八十四季禄米无领饥寒迫身救死无策良繇有司不加轸恤视宗室为得已之人禄粮为不急之务是以臣等应得之物竟为吏胥温饱之资 上以其情词迫切与原无名封例不当请者不同命所司速议补给○庚寅以 圣母慈圣宣文明肃皇太后万寿圣节赐元辅申时行金万寿字三副金篆字八个金书黄符二道金书红符二道次辅余有丁许国各金万寿字二副金篆字六个金书黄符二道金书红符二道及讲官沈鲤等五员各有差

○以原任燕河营参将张礼为延绥左营领军游击原任宣府上西路参将张刚为右营领军游击

○命给太仆寺马一千匹仍发马价银一万五千两于蓟昌两镇买补倒死马匹

○北虏顺义王黄台吉恭进表文鞍马督抚官郑雒等为代请黄台吉要改名乞庆洽其部千户沙赤星台吉乞升指挥僉事河西明受台吉等乞袭父职俱从之

○辛卯贵州道试御史周之翰劾右通政梁子琦言子琦忿覆阅 寿宫不得与列议奏礼部尚书徐学谟欺罔今大峪山奉 宸断并不在梁子琦所献八地之中则徐学谟之不得为欺罔明矣学谟既去子琦岂宜独留 上降子琦为右参议闲住不许起用

○钦差给事中万象春会同陕西抚按李汶等言秦肃庆三府岁派禄无缺额惟韩府坐派府属连岁荒歉积久数多乞量留工部事例银二年抵补其各王府递年积久折禄折钞等银既难措处准与除豁以绝觊觎从之 朝鲜国王李昫差陪臣金亿龄等进贺冬至令节赐宴如例

○壬辰升南京鸿胪寺卿方九功为南京通政使司右通政

○升户部员外郎李春光为陕西副使

○礼科给事中王士性劾巡抚应天右僉都御史郭思极前以御史监临湖广科场时取中故相张居正子张懋修又因讲学士人何心隐昌言居正短丧之失毙之狱中此与吴仕期之冤何异太仆寺卿张彦无功绩而骤转京堂俱应罢斥吏部覆郭思极巡抚应天人称其善张彦循资例转亦未为骤宜令照旧供职报可

○以镇江西北洪口盐徒杀死官兵夺海防同知边有猷俸三月下指挥孙光裕千

户刘余庆于巡按御史提问 癸巳升户部右侍郎王廷瞻为左侍郎总督仓场升保定巡抚右佥都御史宋纁为总督南京粮储户部右侍郎升应天府府尹吴善为右副都御史巡抚广西

○顺天巡抚右佥都御史翟绣裳以御史杨芳参论乞罢准令回籍听用

○甲午升光禄寺少卿徐元春为南京鸿胪寺卿

○甘肃巡抚王士□□劾前任西宁道副使岳凌霜贪纵残虐吏部覆凌霜自任副使多称其贤行巡按御史查勘具奏从之○南京户科给事中余懋学御史谭希思等各< 〇〇〇 毓-金 >救御史孙继先曾乾亨乞赐召还 上俱切责之各夺俸二月

○乙未四川播州宣慰使司宣慰使杨应龙贡马庆贺 万寿圣节给赏如例

○丙申 孝惠皇后忌辰遣阳武侯薛鋹祭 茂陵 孝烈皇后忌辰遣成安伯郭应乾祭 永陵

○丁酉 圣母慈圣宣文明肃皇太后万寿圣节 上御皇极门百官致词称贺赐三辅臣上尊珍饌

○命取原任翰林院修撰陈于陞仍充日讲官驰驿来京

○命右庶子兼侍读范应期待讲张一桂右中允兼编修吴中行右赞善兼简讨赵用贤俱充经筵讲官

○兵科给事中黄道瞻劾兵部尚书张学颜才若可用而事被指摘难以展布宜择各边总督才猷素著者入为本兵而遣学颜解去部务以代之南京兵部尚书刘尧诲年已衰暮而行又贪污宜行罢斥又称总兵戚继光胡守仁宜互相更调李成梁父子不当各镇守重地原任总督郜光先等宜酌量起用 上以道瞻更调尚书总兵擅拟处分殊为轻妄着降调外任用

○南京陕西道御史孟一脉< 〇〇〇 毓-金 >奏一曰保 圣躬言御用宫女急急选取非节宣之道亲诣秋祭阅 寿宫勤劳甚矣诸臣章奏宜下部臣覆议阁臣拟旨而竟自处分于 圣心自觉劳勩皆非所以保 圣躬也一曰正人心言仕重始进宜敕各省提学先品格而后才华趣向端而士风自定一曰厚民生言差役繁重民力日竭宜令司牧之官委心抚字使民不流移有司以垦田之多寡为殿最一曰禁淫巧言浮梁之磁珠翠之宝龙床之添设露顶之添造元宵灯服端阳五毒吉服等物百姓不知以为服饬之贵华靡群起则效莫可禁止一曰整戎兵言边疆多以败为功边臣每相继入本兵廷臣言者下本兵覆议则中伤随之宜敕兵部勿以前愆为讳选将诘戎振国威而作士气上曰朕孝事 两宫近年织造袍服及器物等项专备供奉皆不容已况发有内帑银两原不扰民孟一脉这厮如何轻率渎奏姑着调外任今后言官建白时政都不许掇拾浮词摭摭旧事卖直沽名再有这等的重治不饶六科十三道各具公< 〇〇〇 毓-金 >申救上俱切责之夺为首俸三月

○己亥流星赤色起自胃宿西南行有声如沉雷后有二小星随之○辛丑改总督

两广右都御史兼兵部右侍郎郭应聘为南京都察院右都御史

○改抚治郟阳右副都御史张国彦为整饬蓟州等处边备兼巡抚顺天不必候代

○升大理寺左少卿李己为右佥都御史巡抚保定

○兵部尚书张学颜被言乞罢且恳复科臣黄道瞻原职 上温谕慰留之

○以灾分别苏松二府十一年分起运工部钱粮应徵应停应免有差

○壬寅谕兵部云南緬贼猖獗战守机宜镇巡官作何处置尔部里马上差人传示彼处着沐昌祚刘世曾务遵前旨同心戮力共保无虞兵饷事宜会同户部即与设处腾

永等处有无声息总兵官一月一报如系紧急半月一报候事宁止应给火牌便查与他

○升广东左布政使王元敬为应天府府尹升福建佥事赵参鲁为光禄寺少卿升南京

礼部郎中陈瓚为南京通政使司右参议升陕西副使胡穗为陕西苑马寺卿广西佥事

王廷简为广西右参议

○赐致仕刑部左侍郎朱大器祭葬如例

○顺义王黄台吉差酋长□言恰等赍捧番表马匹并各枝贡马给赏如例仍颁赐敕书奖谕

○工部覆浙江巡抚萧廩言岁造段疋金素本有旧额迩因赏赉独王新增改织二千独行浙江然岁造原分各府则改织不当独派一方宜分浙江福建苏州松江常州镇

江徽州宁国扬州等府及广德州庶众轻易举从之○癸卯升大理寺右少卿□为正为左少卿左寺丞张简为右少卿

○朵颜等卫夷人头目穹子等朝贺长至令节赐宴如例

○以灾命扬州八九十年分工部钱粮应免应停有差并准改派段运之期

○甲辰起原任总督陕西三边军务右都御史兼兵部左侍郎郅光先为原官升刑部左侍郎吴文华为右都御史兼兵部右侍郎总督两广兼巡抚广东升南京太仆寺卿

毛钢为右副都御史抚治郟阳

○赐魏国公徐鹏举妻童氏开圻合葬

○乙巳 皇第二女生 德妃郑氏出也

○命吏部左侍郎兼翰林院侍读学士沈鲤充会典副总裁○升福建右布政使蔡汝贤为广东左布政使湖广黄州府知府邹迪光为福建副使提调学政浙江处州府知

府李实为陕西副使调原任四川副使郭棐为广西副使□□设湖广郟阳府房县县丞上津县主簿本府大豊仓副使郟县郟阳水驿驿丞襄阳府知事均州均阳水驿驿丞河

南南阳府内乡县县丞各一员

○晋府方山王府辅国中尉慎□金户巳□原未奉旨擅婚郭氏诏慎□金户巳

□罚住禄米三分之一郭氏革退另选原勘官左布政李戴等罚俸一月长史郑璉等下巡按御史问

○丙午以 皇女生赐元辅申时行红云纒丝二疋银抹金脚花二枝次辅余有丁

许国及讲官沈鲤等五员各红绉丝一疋银脚花一枝

○丁未升提督四夷馆太常寺少卿萧崇业为南京太仆寺卿

○升福建按察使陶大顺于福建江西按察孙隰于河南各右布政使

○云南巡抚都御史刘世曾题永腾设在滇西之极莽酋猖乱两处各募兵三千名防守备多力寡乞将永腾募兵各加二千名以足五千之数操练防剿目今主客兵饷除库贮堪动银五万五千九百二十九两仍将节年未解扣罚官俸盐课等项及矿课等银五万一千一百八十三两留凑支用万历十二年以后募兵粮饷将额解抚按赃罚等项银共七万三千三百四十七两俱存留与扣剩备边税粮等银相兼支給仍乞行川湖二省各借库贮官银十余万两协济以补不足兵部覆如议从之

○戊申复设大同威远参将

明神宗显皇帝实录卷之一百四十三

明神宗显皇帝实录卷之一百四十四

万历十一年十二月己酉朔谕鸿胪寺朕偶感风寒暂须静摄暂免朝讲数日

○诏取太仓银十万两光禄寺银五万两为宫中喜事赏用大学士申时行等言各处钱粮既多免徵减太仓之岁入西北军饷又通行抵补增太仓之岁出明年岁用不敷难于措处乃令光禄寺取十万两太仓五万两时行等再执奏不可 上命停取太仓银两谕光禄寺取银十万两进用光禄寺官巡视光禄科道等官俱言库贮匮乏乞赐停止报已有旨

○命总督漕运巡抚凤阳户部右侍郎兼右佥都御史傅希摯回部管事

○升四川右参政陈文烛为福建按察使复除原任贵州按察使余立为江西按察使○庚戌山东巡抚右佥都御史陆树德以病乞休许之

○辛亥调云南右参议王延稷为四川右参议

○壬子 慈孝献皇后忌辰 奉先殿行祭礼

○癸丑提原任浙江巡抚右副都御史李世达以原任总督漕运兼巡抚凤阳等处

○升太常寺卿李辅为右副都御史巡抚山东

○升山东副使李材为云南右参政

○兵部覆陕西巡按御史韩应庚兵科都给事中张鼎思各题称西番拥兵七千余骑从八盘岭透黄羊川行走虎酋阿赤兔等带领精兵亦繇此迎番庄浪凉永之间杀戮残毁势必不免宜行巡按御史查勘具奏从之○夷妇大嬖只本年六月入犯古北口闭关停赏后将原抢人马节次献还钻刀说誓永称效顺督抚官张佳胤等乞将原革旧赏开复以安夷心兵部覆如议从之

○南京兵部尚书刘尧诲等题南京各营国初额设官军一十二万六千五百一十名见在祖军一万九千八百四十六名事故一十万六千六百六十四名节年召募军丁一万八千四百八十二名今见在并续补共一万六千九百三十六名事故一千五百四

十六名即今题奉钦依准照祖军事例收补一时投充顶补者四千一百三名已经收发各营操备外其祖军节年逃故者自宣德四年以后在册清勾者尚有六万一千三百三十六名乞通行各省直清军御史将本部造到文册严督司道清军等官照名挨查勒限起解每年终有司解过军人数目仍听清军御史照例分别举劾奖戒兵部覆如议 上曰近来勾补军士有司官不行挨查起解营操卫所官不行存恤以致隐漏逃亡卒伍虚耗以后着该巡按御史设法清查有仍前慢令行私需索等弊尽法处治

○甲寅起原任宣府协守副总兵潘忠为大同威远城参将

○革墙子岭参将王继英等任下三屯营守备俞绶等于总督衙门提问调参将王通等于标营腹里从总督尚书张佳胤之奏也

○乙卯调河南副使王緘为山东副使

○礼科都给事中万象春题臣奉敕前往河南山西陕西会同各抚按官行令各王府长史等官启王集宗正郡王等条议随该秦晋伐沈诸王府所呈大约愿将见在额派之禄通融均用日后子孙不拘多寡均此取给则朝廷无减削之名而各宗得分愿之正自今以至万年可也下其疏于礼部礼部覆言科臣所称诚为当今便计但各宗条议止于河南山西陕西三省其山东湖广江西广西四川五省尚未议到宜另行催五省抚按官俟奏到之日另行题请大集廷臣会议请自 宸断然之

○丙辰起原任太常寺卿温纯为原官

○升四川都司黄斌为四川松潘东路左参将

○复设云南临元参将一员添设顺蒙参将一员

○戊午广东道御史洪一谟奏称族弟洪一慎亲女选配安陵王妃相应外补许之

○己未降广西左参议项用宾为福建僉事

○升贵州都司掌印刘招桂为顺蒙参将四川行都司僉书刘天俸为临元参将

○升原任游击彭友德为墙子岭参将调横岭路参将李成材为黄花岭参将擦厓子守备高彻为遵化坐营都司原任都司朱寿为三屯营守备密云副总兵徐从义调管燕河营参将事浙江瑞安所副千户江应龙管南兵营游击事原任坐营曹簋为遵化左营游击调浙江中军徐景星为密云右营游击

○庚申福余等卫夷人把歹等表贺长至令节朵颜等卫夷人土儿阿等补贺 万寿圣节宴赏如例

○壬戌 世宗肃皇帝忌辰 奉先殿祭祀遣宁晋伯刘应元祭 永陵

○癸亥 孝惠安和景皇后忌辰遣南柏伯方焯祭 陵寝

○铸给山东清军督粮道各关防

○升山东都司僉书米万眷为横岭口参将升山西北楼口守备俞应乾为昌平标兵营游击升浙江都司僉书王接武为浙江军门标下右营游击

○降原任宁夏总兵署都督僉事张臣为蓟镇马兰峪游击

○甲子户部尚书王遴等言太仓银库岁入银三百六十七万六千一百有奇岁出银四百二十二万四千七百有奇万历十一年分奉诏蠲免并灾伤织造议留共银一百七十六万一千有奇俱该太仓抵补岁入视岁出共少银二百三十万一千有奇况岁入未必能如数完解岁出则毫末不容减少今太仓存积除老库外仅三百余两不足当年抵补之资矣国家岁运漕粮四百万石今京通二仓实在粮共一千八百一十八万五千四百石有奇每年军匠在官人等实支本色米二百二十万石银少粮多臣等拟改折一百五十万石暂行三年此计之两得者也 上曰漕粮改折了一时要米怎能得到大学士申时行等复言近年京仓积米足支八九年愈多则愈浥烂且议折三分之一固非全折但欲暂行三年则为期太远本色太亏宜暂准一年以济目前之急 上从阁拟

○以年节赐元辅申时行银五十两彩段四表里次辅余有丁许国各银四十两彩段二表里讲官沈鲤等五员各银二十两彩段一表里

○礼部类奏万历十一年四方灾异 上曰灾异示戒朕心深切警惕中外大小臣工都着一体修省恪供职业以回天意

○停徵万历十一年分苏松二府牲口银两

○乙丑命翰林院编修曾朝节陆可教冯琦简讨余继登充会典纂修官

○应天巡抚郭思极以人言< 踰 毓-金 >辩乞罢 上命回籍听用○兵部覆吏科给事中杨文举条议抚剿莽酋岳罕机宜十款一加巡抚以提督川贵之权合将云南巡抚暂加兼督川贵兵饷职衔二省司道并听节制一议总兵官接待司道之礼黔国体统既复无以事权任我别出事端抚按藩臬亦毋得过为裁抑一置将领以资弹压临元参将兼制曲靖抚按原未议及顺蒙参将抚按议于顺大适中驻劄而科臣则欲移驻顺蒙姚景之交事干更置宜行抚按再加酌议一议兵食以裕边防云南米价腾踊迤西一带鳞次递运之法与折赎开纳奖劝之例亟当议处一乘时会以收人心谓各土司头目所当相机鼓舞勿咎已往有能擒斩岳罕诸酋者破格加恩至罕进忠乃木邦宣慰罕拔之子穷迫归我尤宜收之以慰夷情一酌边禁以寓招来但有通夷之人肯实心内向者待以不死有能擒斩酋首成功者许破格题叙一宽驿站以通脉络所属驿站应动何项钱粮稍为宽恤一改隶土府以便钤束科臣欲将顺宁蒙化二府改隶金腾但澜沧金腾二道俱各专领兵饷重寄惟协谋共济以不必再议改隶一议置镇戍以巩边防候故疆尽复之后行抚按于各要区应开设县所移驻将兵逐一会议停妥具奏一宽文法以鼓边吏地方官果有留心边务立有功绩者破格优异每年进表不许将兵备官员差遣至于恢复木邦三宣以壮腾永声援以固金滇门户尤为保障地方完策抚镇官宜悉心协力遵节次题准 明旨施行得旨云南巡抚官准兼督川贵兵饷其余事情着该镇巡官遵照节次明旨用心经略相机处置应奏请的具奏定夺○丁卯命陕西汉中府羊税咸阳县皮布税及泾咸静平等十七州县并雪阳永乐二镇店私立税银尽行裁革

○直隶巡按御史方万山言马政每年赃罚额八百两至万历九年题准种马变卖

价银解部印烙不行罚赎何取欲将每岁额解赃罚革免户部覆如议从之

○以江西金花银拖欠数多抚按官不查催夺抚臣曹大野俸三月经该有司还着查参

○分别蓟镇春秋两防领班官游击戴采等一十六员纪录江应宪等六员夺俸三月孙绍庆等革任为民

○云南巡抚刘世曾言查探夷情事莽瑞体干万历八年檄招腾越州卫职官往见兵备道恐出木邦罕拔诈计乃密差通事募小坑等五人携币帛鞍马入缅侦探不意道为罕拔所执拔遂益以人文送之摆古小坑等至即罄所携物自馈莽贼贼内而遣归附以犴段锦布数种狂悖语具在竹叶书中无款贡意且求贡之文甫至而易置宣抚窥伺腾永之文继之一时二事自相矛盾随委通事谕以告文优以金帛兼奖异罕拔俾终贡事适莽酋死子应里嗣不见使不受汉赏且怒罕拔贰已囚之而攻袭其地此其悖悖明甚今但当多方设策图之不必区区以彼之贡不贡为也上曰先年莽酋桀骜侵夺土司地方官漫不经心偷安养乱以致藩篱尽撤边境多事却又捏称本酋献物求通好生饰虚罔上以前经该官员着该科即便查参来说

○戊辰赠原任太子少保吏部尚书兼翰林院学士李默为太子太保

○命修筑山海关城其工费于太仆寺马价内照数动支从总督张佳胤所奏也

○己巳应天巡抚郭思极言沿江芦课新增数多乞要除豁工部覆芦洲日当巨流有淤滩新出者亦有冲_□土册_□汨没者以此抵彼势难顿增宜豁免九年分新增课银仍令以后五年一丈量实在洲场方行追徵从之

○庚午兵科都给事中张鼎思等言莽酋父子雄据摆古蚕食土夷抚慰诸司输款于莽为彼向道已非一日地方诸臣酿祸养寇差使侦探而附以重币是贼不求通于我而我先求通于贼也竹叶书中原无款贡之文而遽议行赏竟为所却如此而又捏称献物欺罔之罪其又何辞乞分别治罪上以各官误事罔上巡按刘维副使胡心得革职为民巡抚饶仁侃冠带闲住黔国公沐昌祚策励立功自赎按察使魏体明罚俸半年都司赵琼提问具奏布政使陶承学已致仕免究

○夜一更 慈宁宫火 圣母移居乾清宫○辛未 上召礼部等官至会极门司礼监张宏等传奉 圣谕 慈宁宫灾系 上天示戒朕心切警惕中外大小臣工各宜省愆思职共图消弭以承天心

○起原任南京国子监祭酒姜宝为太常寺少卿提督四夷馆

○南京兵部尚书刘尧诲以人言乞罢准令致仕

○工部右侍郎刘志伊以先任湖广布政取中张懋修为应天巡抚郭思极辩疏中及之奏辩乞罢得旨令照旧供职

○巡视京营科道傅来鹏等荐举勋卫徐汝城等副将参游等官杨鲤宋兰等劾参将戴良栋等革任俱依拟

○赐原任通政使吴三乐祭葬如例

○赐原任少师徐阶继室张氏祭开圻合葬

○新建丹徒大犊山丹阳黄泥坝二开

○壬申赐乐安王多口四书五经集注各一部书院名为博文从乐安王所请也

○升大宁都司佾书霍贡为保定车营游击

○癸酉以 慈宁宫灾命百官修省三日

○大学士申时行等将讲过讲章梁惠王章句下一本贞观政要任贤一本类写装演进呈 以立春赐三辅臣上尊珍饌

○复除原任刑科左给事中齐世臣于礼科

○南京礼部尚书杨成以病乞休许之

○都察院左副都御史丘橈以风纪不振条陈数事一曰考绩谓各官考满岂都称职宜择不职之尤者注劣考以抑之一曰请托谓持斧之使未出都门而密嘱之姓名贿买之简札已接踵矣堂堂豸冠岂可听人颐指一曰访察谓二司考语必托之有司有司亦皆托之有司美语密达彼此交通是非倒置一曰举劾谓庸劣去任者登白简百足之<风-几>无一不在优荐一曰捉问谓纠治贪残止有提问一节乃或批驳以相延或朦朧以竟免一曰拘资格谓有司举荐先尽甲科而纠劾则先尽举监不问贤否而先计出身之途一曰处卑职谓佐贰教官等之刍狗而不问其职业一曰馈遗谓劾者不肯自任为仇而举者乃冒认以为德明送暗投钱神铜臭恬不为非乞 皇上敕下部院振作方新万一踵袭旧套不革前非臆部院< 銚-金 >名降黜六科官指实纠弹则颓风可挽仕路获清 上可其奏令著实举行

○革浙江总兵官胡守仁任以其贪险凶暴为兵科给事中张鼎思所劾也

○甲戌 上传旨赠皇亲李伟国公大学士申时行等言 皇祖世宗皇帝厘正封典未有赠公者如吏部所引泰和安平二家皆 皇祖所春遇赠官不过太保及太子太保至如玉田伯乃 慈孝献皇后外家蒋轮没后赠亦不过太保而已正德中寿宁侯张峦故事不可为训若 圣意必欲从厚合无加赠太傅以仰慰 圣母罔极之怀 上令中官传谕今 圣母在上朕当从厚岂可与蒋家比竟赠安国公

○起原任礼部右侍郎管国子监祭酒事孙应鳌为刑部右侍郎

○升应天府尹王元敬为右副都御史巡抚应天

○乙亥命庐阳淮阳四府滁和徐三州照旧属南直隶提学御史衡永辰三府郴靖二州照旧属湖广提学黎平府照旧属贵州提学江北巡按上湖南道分巡辰沅兵备俱仍管各该原务不得干预学政原领敕书换给

○赐赠太傅安国公李伟祭十六坛仍加六坛并与谥○辽东逞仰二奴并西虜入犯砍伤备御霍九皋抚臣李松镇臣李成梁伏兵歼之二奴授首共斩获一千五百有奇督臣张佳胤以闻兵部请荐告 郊 庙宣示中外以昭殊烈 上是之

○先是给事中姚学闵题革湖广省城总兵官兵部覆如给事言 上以 皇祖明旨不许革除命兵部再议

○丙子秦王宜湣奏称祖秦宣王第四子辅国中尉敬金□勉并父秦靖王第二子奉国中尉宜□? □夕□第三子奉国中尉宜湣乞各赐郡王封号及将秦靖王第一女亦请郡主封号礼科都给事中万象春等言万历十年题准宗藩条例明开进封亲王子孙除承袭外其余不准加封照原封世次授职秦王陈乞事属违例礼部据例执奏如给事言 上是之仍谕以后各王府再不许越例陈乞

○礼部类奏晋府等府各宗越关奏扰得旨晋府长史照例降调怀仁王府教授罚俸一年

○升后军都督府佥书都督佥事王化熙为镇守浙江地方总兵官升神枢十营佐击蒋国忠为神机七营练勇参将

○巡视京营科道傅来鹏曹一鹏条陈营务一精简选以壮军威言兵不贵多贵精合将营军挑选分别三等各足三千为一营余军收备兵营操练候补不堪应役者责令摘牌替役革除名粮选锋缺伍止许在营军内挑选一议粮饷以恤将士言各营将官量加养赡米石月粮之放每月限至初十日放完庶将士得及时之养一议马政以苏军困言三大营马匹月给草料银五钱六分五厘单月又扣朋银五分一日所费止于一分七厘合无量行加添至于朋银特免扣除凡遇印烙估卖之时照依倒死马例量出桩银无桩老马止照肉脏稍增益之庶军不偏苦一复旧制以补将材言五年考选军政止照原题直省腹里从公选汰其京营九边将领仍旧听阅视等衙门循例举劾不得一概并考徒滋扰弊一饬班政以裨实用言宜通行各省直抚道衙门将京操班军月粮折银责有司预期追完应先领者足数给与应解京者即差官随领班都司押解到部先给一半以资赡养班满之日再给一半以充路费兵部覆复旧制以备将材一事以后遇考选军政之年京营将领免其考察九边将领仍与各直省一体考察余四事俱应依拟从之

○命发太仓银十一万三千四百七十两并固原延绥镇库贮节省客饷银十万两发陕西四镇抵补西凤等五府蠲免民粮之数

○以陕西灾伤重大民困未苏临巩二府所属十八州县并延安等二十卫所未完八九年分带徵钱粮尽行蠲豁

○戊寅禘祭 太庙

○以明日正旦遣隆平侯张炳阳武侯薛鏗成山伯王应龙遂安伯陈澍宣城伯卫国本分祭 九陵武平伯陈永禄祭 景皇帝陵寝都指挥佥事克谦祭 哀冲 庄敬二太子内官祭 恭让章皇后及废后吴氏各坟园

明神宗显皇帝实录卷之一百四十四

大明神宗范天合道哲肃敦简光文章武安仁止孝显皇帝实录卷之一百四十五
敕修万历十二年正月己卯朔上御皇极殿百官行庆贺礼赐三辅臣上尊珍饌

诏令有司备彩币羊酒扁额示旌

戊子

上御文华殿讲读

己丑

孝恪皇后忌辰 祀于

奉先殿 遣成安伯郭应乾祭 永陵

户部尚书王遴覆湖广抚按李江等〈○疏-金〉以长常二府监税并兴国等处七十七州县原额杂税辰靖盐木油税常德茶炭税既系军需兵饷祭祀与宗禄官俸等费照旧抽收每年扣一千五百两角○羊部济边余存听用其武昌府大冶等六州县税银既已盈余令酌定数目徵角○羊支销毋得仍自起税报可 御史张文耀奏革湖广摠兵官事下兵部议未定文耀又〈○疏-金〉陈因革始末极言复设不便状部议复设但不必专用世臣得 旨还于侯伯内推廉勇堪任者去 福建巡按御史龚一清查核过南澳铜山功官兵冲沉倭舡四只生擒倭贼二十八名斩首十二级夺被掳者六十余名文武官于蒿等优叙奖赏有差 两广摠督右都御史郭应聘请会官勘处安南与下雷归顺等州峒地界或退还安南或立石定界庶杜彼此之争端一华夷之大分从之兵部覆辽抚赵维卿请增广宁等马骡料价允之 铸福建督粮清军关防 云南府地震 庚寅 升宋兰为后军都督府佾书王桂为神机营佐击将军 建州卫女直夷人都督王忽等进方物宴赏如例 乙未 英宗皇帝忌辰 祀于奉先殿 遣惠安伯张元善祭 裕陵 丙申 上偶不豫文书官传鸿胪寺改宣捷祭告期大学士申时行等言 圣体偶尔违和暂湏静摄天心眷佑当即康宁但连日风寒正峭气候难调伏望皇上顺时珍护茂膺景福 戊戌 大学士申时行等言昨奉谕 旨暂免朝讲仰惟皇上一身乃 上帝所眷绥百神所拥护暂时违豫不日就康但臣等窃惟六气之邪乘虚乃入必保养完固则外邪不侵尤望慎节起居导迎和气以茂庸康宁之福 己亥 以怀宁侯孙世忠挂印充摠兵官镇守湖广 升南京工部右侍郎袁洪愈为南京都察院右都御史巡抚贵州右副都御史刘庠为南京兵部右侍郎 下西宁参将王国柱于吏部副使张登云夺俸坐虏酋着力免等糾西海虏酋领虏八千余骑抢西宁番族突入境内杀场番汉土人并头畜甚众为甘肃抚按董尧封等参劾故究治 南京刑科给事中阮子孝等广西道御史沈汝梁等先后〈○疏-金〉荐原任保定巡抚孙丕扬等三十二人负时望有边材章俱下吏部 庚子 补翰林院修撰陈于陞充日讲官 浙江抚按范鸣谦条上备賑荒等事下户部覆 安南都统使莫茂洽自袭职来節年贡仪不缺兹当三年之期预以正贡二部来请两○阙字应聘为具题兵部覆请诏允开关验进

○辛丑以辽东大捷遣公徐文璧侯吴继爵伯王祔祭告 郊 庙○右春坊右赞善赵用贤以病乞归不允

○准湖广副使钟继英致仕

○山西抚按侯于赵等会参原任辽东巡按于应昌杀刘台事章下都察院

○以巡抚郭思极言苏州等十府上元等八县灾诏免四司料价及黄白麻鱼课等十之三

○壬寅升广东副使朱东光为广东右参政分守岭西道

○四川下川东道副使王汝鲁以病免

○癸卯 孝静毅皇后忌辰祀 奉先殿遣靖远伯王学礼祭 康陵

○叙辽东大捷功督抚镇而下各进秩赏赉有差先是兵部尚书张学颜题辽镇督抚镇巡等官张佳胤等报万历十一年十二月初一等日逆虏逞仰加二奴纠借大虏指以讐杀猛骨孛罗为名实欲犯抢开原辽沈抚臣宣谕不从因潜兵四起当阵斩获仰加奴逞加奴等首级共三百一十一颗及外应李总兵伏兵斩获塞土地贼首级一千二百五十二颗并获马匹夷器衣甲等物无算有功官员应优叙阵亡官军应优恤其二奴遗下夷部即如该镇议悉归猛骨孛罗约束再照辽地马匹原少马价不敷合于原额四万之外量加一万两作为年例再发二万两以补今次从征缺数俱于太仆寺支給 上奇其功诏岁加李成梁禄米二百石先荫本卫指挥僉事改锦衣卫升二级世袭赏银一百两大红纁丝蟒衣一袭彩段六表里张佳胤加太子少保荫一子锦衣卫百户世袭赏银五十两纁丝四表里李松升兵部右侍郎兼都察院右僉都御史照旧巡抚荫一子锦衣卫百户赏银四十两纁丝四表里与佳胤各给与应得诰命任天祚升一级宿振武加副总兵职衔仍赏实职一级霍九皋加参将各赏银二十两纁丝二表里曹子朝赵维卿升俸一级与李兴等各赏银二十两内李兴李宁各升祖职二级秦得贵史儒学应时各加游击职衔刘言李维藩各加参将与章应选俱遇缺推用查大受等各赏银十五两内郭仲举孟承勋各升试百户其余俱依拟军士血战劳苦发马价银二万两差科臣一员会同抚按官赏犒差官另勘本兵调度有功张学颜赏银五十两纁丝四表里辛自脩阴武卿各二十两二表里该司郎中银十两余各八两

○先是覆辽东功文书官刘成口传加恩阁臣大学士申时行等上言 皇上留意边防軫念将吏劳苦升赏俱从优厚诚激劝人心之大典至欲叙及臣等则万不敢当盖此边镇奇捷皆繇

皇上神武布昭威灵振叠将士协心所致臣等叨侍帷幄迨会其成有何劳能可录况边功不叙阁臣已奉有明旨且臣等岂宜分将士之功增冒滥之罪至是复有旨辽东大捷实元辅等预授庙谋所致既不拟旨受荫今特赐元辅银二百两蟒衣一袭彩段四表里二辅各银八十两蟒衣一袭彩段二表里卿等承之勿辞时行等俱< 叩 头 谢 > 谢

○议覆郟阳南阳汉中三道各照先年领给敕书专管本省地方不必互相兼制

○升太仆寺卿舒应龙为都察院右副都御史巡抚贵州兼督理湖北川东等处军务又升国子监祭酒罗万化为南京礼部右侍郎

○准武清侯李伟祭十六坛仍加四坛予谥及护敕祠额

○工部请鼎新 慈宁宫急缺苏州砖料诏该地方速造起解

○兵科给事中张鼎思题边功赏叙惟凭勘覆报捷甫至叙赏即行遂至有诈冒追夺如先年长定之后是也于是有报到先赏勘明后叙之例如累年曹子谷功次是也又有阅验三日奏请叙赏之例如顷者辽沈功次是也事例屡更法守未定谓宜阅验则稍宽其期不必三日查勘则重严其限不许推委阅勘既毕随行奏闻赏赉录荫并行为便兵部覆请 上曰赏不踰时乃能激励将士近来各该御史覆功奏册多有日久不到者以致奸弊繁滋功罪失实何以示劝今后凡遇报捷巡按御史随验首级十日内具奏勘覆功次一月内具奏升赏并行延缓过期者该科参治

○以修理 孝陵楼殿工完赏工部尚书杨兆等银币有差

○壬戌秦府仪宾周谈< 〇〇〇 毓-金 > 讦秦王淫恶宠妾章下都察院

○予原任太子少保吏部尚书兼翰林院学士李默谥文愍默福建建安人博雅有才辨以气节自高 世庙时繇吏侍擢冢卿旋忤旨罢去久之 上念默召复其官值赵文华怙柄相宠颐指六卿莫不唯唯默自念受 上特知事多立异分宜颺之适试选人策目文华乃指为谤讪具奏 上怒下法司讯拟默大辟竟瘦死狱中士论冤之至是默妻魏氏上请礼部覆其孤忠矫俗遂中谗锋故有是谥○予原任工部尚书李幼滋祭葬

○升张孟男为南京大理寺卿

○升黄凤翔为南京国子监祭酒

○辽东总兵李成梁奏父子叨冒重镇并乞骸骨

上谓成梁忠勇素著累立战功朝廷倚任方切并伊男各照旧供职毋疑阻浮言

○癸亥 上视朝

○遣户部侍郎王廷瞻祭京都 太仓之神

○甲子遣顺天府堂上官祭 先农之神

○直隶巡按王国荐原任兵部侍郎王一鄂等二十人并参原任副使郑汝璧章下吏部

○国又言故相张居正欺 陛下于冲年窃威福以劫人心戕国脉亲死不终制而高口犬朴忠良诸子列清华而摧抑正直呼朋植党半是奸人赖 圣明独断罢黜群奸追叙刘台召还邹元标等寰海内外仰 大圣人之作为出寻常万万矣顾犹有抱忠守正之士为清议所重者除原任礼部侍郎王锡爵见在守制外如原任礼部尚书陆树声户部侍郎胡执礼福建巡抚耿定向应天巡抚海瑞广东按察使胡直苑马寺卿颜鲸见任南京吏部主事魏允贞皆表表寰中清议久重伏乞及时擢用章下吏部

○四川乌蒙府乌虑妻实佐< 〇〇〇 毓-金 > 言暴恶抗违宪断杀死亲弟下部看议

○都察院覆山西巡抚侯于赵问过原任辽东巡抚于应昌以枉赃坐刘台 上令于应昌追赎为民

○直隶巡按御史汪言臣条陈四事内一驱逐窝住以清矿源言阜平县柳树沟有矿山北邻山西铁铺村系晋府官庄以故矿盗窝住乘间突来掏空官军追逐则退归本村盘踞王庄究诘不易乞行山西抚按严行驱逐启王知会毋得私容此辈到庄潜住兵部覆如议行

○陕西巡按御史王世扬题庄浪迤西一带住牧番人写尔等八族近因虏酋寻抢仇杀归附求免今蒙招抚给茶各番感戴愿将样马请易茶篋岁为例许之

○乙丑予原任户部右侍郎黄养蒙祭葬

○升顾章志为应天府府尹姜宝为南京太常寺卿

○兵部覆山西总督郑雒题总兵移住偏关不便宜照旧住劄居中调度报可

○丙寅 上视朝

○ 恭仁康定景皇帝忌辰遣南和伯方烨祭陵寝

○先是户科给事中萧彦言侵欺钱粮律有明禁徒戍大辟详且当矣顷议者谓腹里与边海不同尚宜计赃多寡酌论上深然之下部议至是刑部酌议以请 上曰侵欺人犯未发遣而先故者依拟拘的亲子孙解补毋累疏属正犯应追财产抚按官督有司确查追进不得宽纵攀及无辜○工部以鼎建慈宁宫派处物料差委官拨雇军夫等项请报可且令严催速办候有次第择日兴工

○丁卯都察院覆萧彦条议一抚按各有职掌巡抚主拊循巡按主纠察除重大事情照旧会行外余各举其职不得复相侵越一墨吏害民罪赎科罚贿赂其显者也而钱粮之加耗里甲之支应则人人被毒其抚按参论贪酷等官巡按即当勘结如官已离任一行原任巡按究问一行原籍巡按督发过限不到即据被害及干证人等研审定罪转行原籍追赃发落众证即同狱成不许本官奏辩得旨允行

○京师地震有声

○江西道试御史李载阳参南京尚宝司卿林应训原任南京御史时曲事要津潜通厚贿并数其罪恶显著者五事诏削应训籍

○戊辰升马文炜为都察院右佥都御史巡抚江西地方兼理军务贾待问为南京光禄寺卿

○起王友贤为南京工部右侍郎

○遣工部尚书杨兆祭鼎建 慈宁宫 司工之神工部侍郎何起鸣祭修理金水河周帮 后土 司工之神

○己巳 上御经筵

○直隶巡按御史江东之题恪遵恩诏宜查各处田粮虚冒改正 上谓已有旨摘查抚按官何不着实奉行所奏户部看议以闻有要誉害民如车大任者褫其职

○广东道御史屠叔方请宥释忠臣外亲略曰窃见恩诏内开一革除间被罪诸臣忠于所事甘蹈刑戮有死无二皆我太祖高皇帝所储养忠臣义士 成祖文皇帝当时

亦有练子宁若在朕犹当用之之语今仰遵 圣祖遗意褒表忠魂建祠致祭其坟墓苗裔厚加恤录姻党犹蔽覆益如江西忠臣胡闰一族赤矣内亲尽矣犹抄解外甥分戍若此者不一而足乞敕查前项姻戚有在戍者并宥还乡部覆愿回者放回不愿回者给与免帖 上曰革除被罪诸臣除齐泰黄子澄外其方孝孺等连及罪累者俱令查勘豁免

○吏部覆丘橐摘陈一二贤否等事得旨各官既经查议劳堪张一鲲都褫职为民钱岱降三级调外任在外贪肆官员抚按官遵照屡旨着实参来在京大小臣工各要砥砺口力名节禁绝馈遗

○云南巡抚刘世曾报征缅甸捷先斩穿红头目数十从贼千余后擒斩六百余名口

○免浙江所属府州县小民拖欠马站银米从巡抚萧廩请也

○山西巡抚侯于赵条陈边务三事一选精锐以作士气二广变卖以汰弩马三追桩银以免偏累部覆如议行

○庚午升周之屏为江西左布政王湘为湖广左布政

○准原任吏部右侍郎兼翰林院侍读学士诸大绶男诸万里荫仍予谥

○南京广西道御史沈汝梁条议被灾地方有田者免其税粮无田者免其丁口盐钞庶贫富一体民困获苏报可

○先是大理寺言据刑部送审犯人李玄张大受有旨着再拟至是刑部覆审得情具覆议绞上谓两犯交通习学邪术怀奸侮上情重律轻其加等处斩

○辛未以太常寺少卿秦耀提督四夷馆

○遣公朱应祯祭

历代帝王

○敕于嵩升署都督僉事充总兵官镇守福建

○壬申 上御文华殿讲读

○四川道试御史徐申参国子监祭酒范应期文书官传旨范应期系何人荐起今被论应坐荐者大学士申时行等奏范应期原以乙丑进士任修撰历中允谕德丁忧起补原官随该科道官拾遗纠论奉旨调南京别衙门用参访舆论咸为本官出自翰林曾侍讲读偶被指摘多出风闻宜与翰林官一体挨次升转历查先后原无荐举之人今徐申所论即前时科道所论之事别无大过但本官已经论列难以表率师儒应令致仕或降调南京别衙门用 上乃准范应期致仕

○升衷贞吉为浙江右布政姚继可为湖广右布政

○给事中陈璧劾南京兵部右侍郎刘庠不职 上曰刘庠既溺职吏部如何推之时行等又以人才难知为解且云陈璧论劾或出风闻或有所据皆不可知概信之不亏枉宜令该部详看部覆罢之

○初铸湖广荆州府抚夷同知关防

○癸酉大学士申时行等题前蒙发下资治通鉴纲目一部证类本草一部草韵辨

体一部令臣等拟撰各序跋付内府重刻谨拟撰各书前序三篇后跋三篇录呈 御览
因赐银币有差

○以凶险贪暴挟众抗旨革新会王睦密为庶人发高墙禁住

○是时陈请恤典者纷然吏部< 〇〇〇〇 〇〇〇〇 >言摘议当否以行 上然之

○升余懋学为南京尚宝司卿

○命侍郎何起鸣提督工程刘志伊催僱物料

○工部题请于四川等处采买木料并行开纳事例报允

○甲戌清明节遣侯薛銀郑惟忠伯王应龙陈澍刘应元祭 诸陵遣伯卫国本祭
恭仁康定景皇帝陵左都督李鹤祭 哀冲 庄敬二太子坟

○湖广巡抚李江议处五开机宜事下法司

○江西巡抚曹大野< 〇〇〇〇 〇〇〇〇 >查议选宾兼便宗氏章下礼部

○户科< 〇〇〇〇 〇〇〇〇 >仰体 宸衷敷陈清田事宜诏户部看议以闻○乙亥诏谕
兵部今后凡选官于二十八日行

○丙子 上视朝

○兵部题蓟镇半买夷马等项银两俱应如数给发合行太仆寺于常盈库贮马价
银内动支蓟镇半价九千两延绥客兵马价银四千一百六十四两原议本镇市木银一
万二千两再岁增一万两共三万五千一百六十四两本部照数给发宣府与该镇减哨
银两相兼接济专备万历十二年市木之用其宁夏客兵马价银三千六百两听候另发
蓟镇支用从之

○ 仁圣懿安康静皇太后圣诞文武百官吉服称贺

○升刘世赏为河南按察使梁问孟为山西按察使 丁丑升周邦杰为太仆寺少
卿孙矿为太常寺少卿○工科给事中张栋题今徒言丈量之害而不言所以害不归咎
于行法而归咎于法之病民或云覆旧之为得或云重丈之为得臣皆未敢谓其然也
与其重丈而劳费不费孰若就其已丈者而为之查改与其复旧除新而虚粮不去孰若
就其新丈者而为之设处与其掇抵更动而利害犹未必相当孰若就其已成者而为之补
偏弊其省劳节费相去万万诏下所司并议

○原任翰林院编修史钶补原官

明神宗显皇帝实录卷之一百四十六

明神宗实录卷之一百四十七

万历十二年三月戊寅朔赐益王翊鈿书院额曰逊学仍给四书五经一部

○刑科给事中田畴言近日急务四事一曰慎内批谓不肖被劾者当下部勘定与
众弃之二曰酌律例谓枉法引例律也以枉论引例非律也三曰省诏狱谓机密重情下
诏狱其余下法司四曰清厂卫谓厂卫原止缉奸安得受词侵有司事近张桐为张氏所
告老妇出名壮丁隐匿招情互异听断不公是令奸人得志良善含冤也 上曰张桐残

忍受赃正合贪酷为民之例该厂奉旨拏问何谓听断不公田畴姑夺俸五月○兵部覆四川巡抚孙光祜贵州巡抚刘庠各言主将致愤招衅土妇奢世统奢世续争印讐杀乞将二妇俱给冠带各管原住地方其宣抚司印信令伊子奢崇周收掌候出幼赴袭理事总兵郭成应提问从之

○己卯 上御经筵

○升尚宝司少卿韩必显为顺天府府丞江西副使林乔相为浙江左参政补冯敏为山东左参政张一霁为山西左参政熊惟学为陕西右参议

○应天巡抚郭思极言应天苏松等府织造借用银两既已作正支销宜严行照数补还以后解部济边银两不得那借是之

○叙万历八年广东东山石牛青水道州抱虎福永洞鼓< 韶 粤 > 等处有功官员千户刘应朝等各升赏有差○升广西游击金丹为湖广参将

○庚辰升南京稽勋司郎中顾大典为山东副使福州府知府宋尧武为江西副使

○升潮漳副总兵于嵩为中军都督府都督僉事

○辛巳 上御文华殿讲读

○巩昌府地震

○升锦衣卫南镇抚司僉书指挥使许茂樨堂上僉书

○裁革广东潮州守备复设参将

○兵科都给事中张鼎思条陈边务五事曰练步军曰养战马曰酌脩堡曰一马价曰核市册兵部覆报可

○壬午叙雕剿柳州东欧桐具姨娘早岭等处功次指挥王天爵等各升赏有差

○荫总督张佳胤一子锦衣卫百户世袭癸未 上视朝

○礼科都给事中万象春请照先朝例以甲科官为鸿胪寺卿吏科给事中胡希舜亦以为请弗许

○礼科给事中李以谦参太仆寺寺丞傅点太常寺典簿刘元泰助祭 长陵持扇摆棍行刑诸不敬状得旨俱降三级调外任

○兵科给事中王亮< 韶 金 > 荐寰区人望陆树声刘应节杨成刘斯洁王锡爵海瑞魏时亮颜鲸徐用简甘雨等十人章下吏部

○甲申命兵部右侍郎辛自脩左僉都御史石星清理贴黄

○兵部覆曹六野< 韶 金 > 通查节年京军金花银两欠多者得旨夺知府钱若赓等俸三月布政杨芷革职闲住

○升孙应鳌为南京工部尚书 起胡执礼为兵部左侍郎管南京兵部右侍郎事张位为国子监祭酒仍充经筵讲官

○兵科给事中张维新言工部右侍郎刘志伊昔在湖广科场取故相居正子懋脩中高等附权欺罔难膺大工之任令致仕去

○乙酉以李光先锦衣卫南镇抚司金书管事

○礼科给事中苗朝阳条陈四事一驱伏奸二清输纳三申驿禁四禁刁风所奏皆切时弊

上然之

○丙戌命南京国子监司业赵志皋为右春坊右谕德掌南京翰林院事

○起原任太常寺少卿何源复旧职

○升礼部郎中施策为尚宝司少卿

○丁亥升广西按察使欧希稷为河南右布政杭州知府张振之为浙江副使

○升齐世臣吏科顾问刑科各都给事中杨廷相吏科田大年户科各左给事中王继光礼科陈烨兵科各右给事中

○戊子命楚府江夏王谟琬长子英楼袭封江夏王

○给赏广东雕剿石城乌兔多浪二阜等处功次官旗朱大振等银两有差

○己丑升湖广右参政项思孝为广西按察使

○兵部覆刘世曾言耿马贼罕处附莽有年弄兵无忌今参将邓子龙擒贼八十二名斩级三百九十六俘获贼属三百余战象马牛殆百其生擒贼人相应处决梟示报可

○庚寅 上视朝

○工科给事中唐尧钦题今天下嗷嗷未已者曰故相张居正顾居正可恨而所尤可恨者则误居正之臣原任太子太保工部尚书致仕曾省吾是也盖省吾与玉篆数人同恶相济以欺居正居正日为卖弄不觉而竟成误国之罪今居正谥已追夺四子褫职王篆贺一桂等亦俱为民则奸险如省吾者亦宜重处以谢朝廷至如浙江佥事曹一夔藉省吾为泰山结冯保为心腹仗徐爵为介绍巡盐长芦送保不下万金差往四川千金馈爵二千馈保言之实污口颊可使复滥仕籍哉诏褫省吾一夔职

○升鸿胪寺少卿杨宗仲为本寺卿

○户部覆屯田御史江东之户工二科萧彦张栋等< 〇〇〇 毓-金 >改正虚粮抽查等则得旨清丈田地本为查豁虚粮永除民累尔部既议停当俱依拟

○辛卯升左副都御史丘橐为刑部右侍郎大理寺卿楮鈇为工部右侍郎

○吏部覆吏科给事中胡希舜条陈四事一议大臣赴任毋许迟延一议激扬监司不妨参论一议贤否文册应送吏科一议谪官迁转宜核贤否从之

○升兵部郎中陈长祚为湖广右参政

○复除通政司左参议杜其骄原职

○叙福建乌土口兵外洋等地方功次升仲绍光等赏秦鸣珂等有差

○癸巳 上视朝○左副都御史丘橐条陈三款其一请广搜屈抑之士言给事中魏时亮周世选御史张橧李复聘皆以言忤辅臣高拱吏部郎中胡汝桂以抗直忤堂官均宜及时搜起其二请均处邪媚之臣近日芟除邪党如江西巡抚王宗载巡按于应昌

上御经筵

○谕内阁曰朕于天下事不得尽知常要咨访内阁若各项事体都不与闻设内阁何用张文熙多言先生不必介意于是大学士申时行等言 皇上圣德谦虚纯心委任不以臣等不肖每欲咨询又以御史多言俯垂慰谕臣等方切感激更复何言但国家典制及阁臣责任言官皆不得深考不敢不为 皇上明之其一谓部院各衙门不当制考成簿送阁查考查得 祖宗旧制各衙门每月关领内府精微文簿开写事件月终送内阁收掌年终类送六科廊此二百年成规也今考成文簿与精微文簿相同但详略稍异耳然则各衙门事体未尝不使阁臣与闻也若于诸司之事全不与闻即 皇上有问臣等凭何奏对即有票拟臣等凭何参酌又谓吏兵二部升除不当一一取裁又谓各处督抚巡按不当密揭请教夫阁臣以平章政事为职而用人则政事之大者故文官自京堂武官自参将以上部臣亦与臣等商量无非虚心为国以示慎重公平之意但当问所用公与不公不当问臣等知与不知也至于各地方事情若关系重大督抚等官岂得不与臣等言之如陕西等处重灾作何赈济辽东虏情作何防剿云南莽贼作何备御此皆朝廷大计但论事体当与不当不必论臣等知与不知也又谓票旨不使同列与知则臣时行在阁无一事不与二臣拟议即文熙亦谓其同寅和衷原无此事何从禁革假令臣等居位食禄事事皆委之不知岂不安逸然 祖宗建立阁臣之意谓何臣等受 皇上高厚之恩谓何而推委自便即万死何以塞责 上谕曰朕方以大政悉委卿等各衙门事务岂得不与闻卿等忠慎公勤朕所洞鉴其殫谋协恭副朕至意时行等具< 〇〇〇 毓-金 > 称谢

○南京山西道御史田一麟< 〇〇〇 毓-金 > 参商为正曹一夔皆奔走居正门下素行可鄙 上令削一夔籍为正致仕

○工科都给事中王敬民极言磁器烧造之苦与玲珑奇巧之难得旨棋盘屏风减半烧造

○升光禄寺卿沉人种为太常寺卿河南道御史赵应元为南京大理寺寺丞

○庚子初铸眷黄清黄立事关防

○升五军营右副将都督佥事杨鲤为南京左军都督府佥书

○工部题恭建 慈宁宫殿及预建 寿宫合用楠杉大木题行采办缘大库拙乏酌议开纳事例是之

○辛丑起光禄寺卿贾三近为原官复除湖广佥事鲍希颜于陕西原职升直隶河间府知府燕好爵为陕西副使

○山东道御史荆州玉条陈吏治六事一曰操守当严二曰实政当崇三曰刑罚当慎四曰里甲当省五曰差遣当禁六曰谄谀当杜悉允行

○癸卯上视朝

○吏部覆御史丁此吕< 〇〇〇 毓-金 > 原任礼部侍郎何雒文词章虽足炫世名节

○都察院左都御史赵锦等〈附 疏-金〉请优慰大臣申饬言官以正人心以定国是山东道御史刘怀恕等亦以为言 上嘉纳之诏曰大臣为群寮表率且其人品邪正论定已久何可輒指正为邪极言诬诋卿等其宣谕诸臣共持公论无得再肆渎扰失朕优重大臣之体

○吏部尚书杨巍右侍郎陆光祖各〈附 疏-金〉乞休时巍已得眷留之旨仍谕光祖安心供职○壬子以命 皇第二女名赐辅臣中书官银币有差

○陕西道御史马朝阳请豁山狭二省新垦荒田起科部覆从之并行各边镇悉与厘正

○癸丑赐辅臣及讲官银彩扇

○陕西督抚郜光先董尧封等条陈边务计处边饷议改盐引调停民运三事部覆允行之

○甲寅四川马瑚府土舍王命奏言异姓冒袭祖职章下兵部

○兵科给事中张维新言丁此吕为论高启愚等该部题覆奉旨调外以至台省交章大臣乞休群言沸起乞谕大臣虚已言官秉公共图国是得旨人臣当各秉公心若因言疑阻挟私排击皆非纯臣之义此〈附 疏-金〉有关国体吏部知之○户部尚书王遴言民困财拙查万历十一年正月起至十二月终太仓银库所入银止三百七十二万有奇而所出则五百六十五万有奇是所出较所入浮一百九十三万矣当此之时财不在官又不以民臣不能讲求其故斟酌其宜庸劣可见臣尝〈附 疏-金〉请乞敕多官各陈理财之要以凭会议今踰四月并无为臣画一策者伏望矜悯臣愚容令休致别选才力素优者代臣庶民困获苏国用自裕 上慰谕不允

○刑部覆奏侵盗漕粮事例已经议拟停当请纂入会典遵守从之

○乙卯 上视朝

○初铸清理贴黄关防

○革副留守郑世勋回卫

○直隶巡按李植劾督抚隐罪冒功摭辩欺罔得旨陈文治李尚贤俱监候详决

○辽庄王府次妃王氏奏张居正谋陷亲王强占钦赐祖寝霸夺产业势侵金宝部覆奉旨张居正侵盗王府金宝伊父占葬王坟掘陷人墓罪犯深重如何通不究拟令司礼监太监张诚刑部侍郎丘橐左给事中杨廷相锦衣卫都指挥曹应魁前去会同抚按官查照本内王府仓基房屋并湖地洲田及一应财产都抄没入官变卖解京原占坟地归湘府军较管守积欠税课追并完纳还将王氏奏内金银宝玩等物务根查明白一并追解如有漏透容藏者重治已而刑部查居正在京庄房价值一万六百七十两原住宅内金二千四百余两银十万七千七百两金器三千七百一十两金首饰九百余两银器五千二百余两银首饰一万两玉带一十六条蟒衣袖段纱罗珍珠玛瑙宝石玳瑁尚未的据

○丙辰兵科张维新请旨差官颁赏辽左事下所司

○左都御史赵锦言辽庄王次妃王氏所奏及湖广巡抚李江所勘报故大学士张居正并其家所犯事情将会_{〔〕}上请退复相顾追惟往事不得不上闻圣祖时故大学士严嵩特受眷知首参机务嵩不能仰体倚毗之心而怙宠行私其子世蕃复大为奸利于是言者四起而圣祖亦旋悟放逐嵩收捕世蕃言者犹不已至谓世蕃有谋反状于是正世蕃之罪而籍其家维时承勘者与抚按诸臣惧无以上应明诏重干不测则虚上所当籍数而其实不副则又为株连影捕旁摻远取所籍之物强半出于无辜之民今日久事明世蕃实未有叛状徒流毒江西一省臣等切恨之今居正蒙皇上心膂之寄其际遇实倍于嵩而复不能感恩图报以至自干罪戾臣等亦何以为之讳皇上量同覆载明并日月居正之家臣等不敢谓其一无所藏然比之冯保万分不侔初抄没世蕃令下仓卒所得犹仅若此今居正之罪迁延日久即有微藏亦多散灭况人心愤恨言常过当万一复有如世蕃往日之事则其所得当不及世蕃十分之一而其流毒三楚更有十倍于江西之民者况居正身死名毁生平所蒙官爵谥号与其子弟官职悉从褫夺亦足正其罪恶而垂戒将来然实未尝别有异志而其受先帝顾托翊戴皇上于冲龄夙夜勤劳中外宁谧其功亦有不容尽泯者倘蒙俯垂体察特赐哀怜亦足以光圣德曲全国体上曰张居正负朕恩眷蔑法恣情至侵占王府坟地产业岂可姑息尔等大臣何乃輒行申救

○丁巳 上御文华殿讲读大学士申时行许国致词谢谕留

○ 上祈雨命百官于十三日起致斋三日

○御史朱光宇_{〔〕}陈二议一曰催科之弊在清火耗禁里甲催头一曰起解之弊在清锭数责备解官报可

○先是岳凤屯陇遮见我兵声大振遣侄岳亨诣腾永军中听抚抚臣选委游击刘縯宣谕朝廷威德岳凤遂遣妻刁氏及幼子喃歇请降縯率兵至腊底擒获贼谍言緬人散夺已知我动静縯乃兼程前进抵陇川岳凤率妻子弟侄及所部夷人等于道左迎降而散夺则已于先日驾象遁去但留遮改四人并随从数十名驻陇川而已縯既分兵驰追散夺乃身督将士四面围陇川_{〔〕}岳凤从中而应各贼突围而出縯跃马擒其贼首官兵兢前所留余贼三十六名悉就缚夺获緬书緬碗緬银緬伞緬袱蟒牙衣甲刀枪鞍马等物甚众蛮莫知岳凤已内附即飞报莽贼约各土司将会兵寇陇縯乘胜长驱整兵三道并进掩蛮莫所未备击之贼仓皇败走我兵追入贼_{〔〕}贼窘甚因乞降縯以五事一擒陪臣二追获罕民并于崖印信三献伪篆四夺回被虏人民五招□□来迤西限以五日贼遂生擒緬人一十八名象一只马五匹并莽酋所给伪关防一颗诣军前投献云南抚镇官刘世曾沐昌祚以捷闻 上谕镇巡官相机处置一应善后事宜以前功次巡按御史速勘奏闻

○戊午辽东总兵李成梁再_{〔〕} 上允改注荫锦衣卫者于

本卫○右春坊右赞善赵用贤具〈□疏-金〉乞归不允

○己未 孝懿庄皇后忌辰祀于 奉先殿遣广宁伯刘嗣德祭 昭陵

○庚申命司经局洗马兼翰林院修撰陈于陞翰林院编修史钶杨德政充会典纂修官

○以虏犯辽东夺失事官李得功等俸王志启等下巡按问

○御马监奏讨骗马三千匹兵部言按会典每岁进该监乳马五十匹并无奏讨民马之例 上命照数给与给事中王三余御史张文耀各争之不听

○调辽东兵备岳汴以擅离地方故

○辛酉戌时初刻月食

○命原任山东道御史李栋为浙江道御史

○壬戌申飭抚按官有司贤否止令该管上司访察开报其以私揭投进者重惩之

○以原任山西佾事薛亨为本省提学佾事升山东右参政蹇达为湖广按察使

○原任大学士今丁忧张四维奏谢祭葬谕慰之

○癸亥 上御文华殿讲读

○谕今天气暄热两法司并锦衣卫见监罪囚笞杖无干证者释之徒流以下减等拟审发落重囚情可矜疑并枷号者备奏以闻

○蓟辽总督张佳胤奏狡虏屡次犯边追斩首级一百三十余颗相应遵例祭告宣捷部覆报可

○河南道御史詹事讲条陈边事二款内及贡市土著招携事宜兵部覆言均于边务有裨诏依议行

○工科给事中王言循〈□疏-金〉陈光禄寺冒领奸弊部覆得旨今后该寺应支库银差官亲领方许给发○革广东布政司参议胡时化职

○予原任南京刑部右侍郎徐陟祭葬

○甲子升山东副使孔惟德为本省右参政福建延平府知府易可久为广东副使

○乙丑南京吏科给事中刘一相劾高启愚佞奸臣王篆习知居正厌称周伊乃为舜禹禅受图以寿居正故出舜亦以命禹题 上怒曰王篆附党献谀黷法乱政高启愚出题谬妄附媚干进都当重处姑各革职为民追夺诰命

○从南京给事中钟宇淳〈□疏-金〉陈科场大弊褫原任御史张一鯤职为民举人朱天民黜

○丙寅准代王府勘明地土照旧管业

○都察院覆李江参贪肆武官纵军鼓噪命巡按勘问以闻

○丁卯命总兵官戚继光住劄广东会城巡历潮惠广肇○戊辰河南道御史詹事讲条陈四事一曰慎举错二曰正吏治三曰辩资格四曰储边才并于时政有益 上是之

○庚辰端午节赐三辅臣上尊珍饌

○刑部主事韩济估计故相张居正在京房产等物解进银一万六百两有奇缴进御笔扁额四面敕諭二面

○升南京礼部郎中习孔教为南京国子监司业

○以大宁属虏犯边斩获功次命岁加李成梁禄米五十石改荫伊男及张佳胤荫男各升一级李松男世袭仍各赐银币任天祚升俸一级与赵三聘李平胡等各赏银币有差

○辛巳吏部尚书杨巍以衰病乞骸骨温旨留之

○先是太和山守备田玉请独掌制山分守道毋得干与诏改该道敕书兵科等科给事中王三余等各词争之不听至是左都御史赵锦言太和山名止一山而幅员八百余里实在三省之间分守参政不得协行则抚治都御史亦难完诘不幸有如刘千斤曹仑辈窃发其间将责之内臣乎抑责之分守抚治等官乎奏入不报

○壬午准真人张国祥照例换给勘合三年一覲礼科都给事中万象春兵科左给事中王三余并言左道无民社之寄不当入覲不听

○癸未以河南道御史房寰提督南直隶学政

○准新升南京刑部右侍郎王世贞在籍调理

○刑部主事董基言去年 车驾还自 山陵即闻欲练兵内廷外议纷纷皆谓皇上幸西城阅营较射日夕乃罢一时该操中官久立炎蒸中不胜困惫垂死者数人夫兵凶器也内廷清严之地乃无故而聚三千之众轻以凶器尝试于清严之地臣谨按其当止者四曰杜意外之变曰养安静之福曰止群小之怨曰省无经之费诏曰朕将奉圣母恭诣 山陵应扈从者预行演习原无调动营卫及支取钱粮董基不系言官逞臆渎扰其降二级调边方

○甲申大学士申时行等言 潞王藩府地方臣等传諭礼工二部尚书陈经邦杨兆左都御史赵锦等公同议拟湖广衡州府为上河南卫辉府次之盖衡州府地当南岳山川凝秀物产肥饶民俗淳美从来曾封建卫辉府地当要冲民物蕃盛风俗淳朴亦宜建府计道里则卫辉为近衡州为远以地方相较则卫辉不及衡州为最善如必求近地则惟卫辉为宜有旨府第于湖广衡州府盖造已而 潞王奏臣愿就近地庶几咫尺天颜从之

○叙韭山洋功升赏有差

○建州右等卫女直夷人都督来留住等进贡名马方物宴赏如例

○升陕西行太仆寺少卿兼佾事石禔为本省副使以原任本省苑马寺少卿赵焯代广平府知府贾应璧为湖广副使以原任浙江嘉兴府知府王以修代

○乙酉 太祖高皇帝忌辰 奉先殿行祭礼

○丙戌命詹事府少詹事兼翰林院侍读学士掌院事沈一贯教习庶吉士

○陕西巡抚郅光先题万历十一年分甘肃将领练过军士分数甄别优劣兵部覆请夺臧继武等俸二月

○吏部等衙门尚书等官杨巍等合〈足 铨-金〉言主事董基以谏止内操得罪乞宥基以彰 圣度并采其说停止内操科道等官王三余等亦合词申救

○司经局洗马管国子监司业事吴中行又乞休不允

○先是浙江巡按御史范鸣谦劾温州府知府李际寅贪酷状旨下御史问引因公科歛所属财物计赃以枉法论发充军至是都察院覆际寅犯在革前相应遵诏宥免第所引官吏受财枉法之例而所犯则系因公科歛之赃似与例意有间缘因公科歛罪止于徒而赃多情重者恐无以示惩故问刑者往往引前例发遣乞纂入问刑条例以惩贪墨得旨际寅追赃完日为民贪官赃多情重者刑部拟条例以闻于是刑部言赃至五百两以上者即引枉法例充军若止因公科歛第依律议以杂犯绞罪准徒抚按论劾人亦不得苛求诬枉从之

○丁亥 仁宗昭皇帝忌辰祀于 奉先殿遣隆平侯张炳祭 献陵

○云南巡抚刘世曾题游击刘綎生擒岳凤父子兵不血刃陇川已陷之境一朝克复手缚渠魁应献俘以彰天讨兵部覆岳凤父子本以华人甘为逆党三宣六慰远近震惊实神人所共愤王法所必诛者委应献俘阙下并先擒获逆犯罕虔等十五名如监候未决均宜献俘报可

○命礼部通行各省直乡试朱卷誊毕尽送内帘其墨卷封锁外帘以杜私弊

○戊子命翰林院编修黄洪宪史钶管理诰敕

○从应天巡按郭思极请覆勘太仓等十五州县田粮

○革江西建德县贴役耗头科派里甲等弊

○己丑兵科给事中张维新题慎举错宥枉直以光盛德言邹元标速宜超擢董基不宜重处忤旨夺俸半年

○庚寅夏至日 大祭 地于 方泽遣驸马侯拱宸恭代公朱应祜侯吴继爵大学士申时行余有丁分献 五岳等神

○辛卯上视朝

○癸巳修岢岚等处边墙○甲午 上视朝

○京师地震有声

○吏部尚书杨巍再以衰病乞归不允

○丙申

上御文华殿讲读

○南京云南道试御史郭宗贤条陈四事一曰兼名实二曰严公私三曰酌用舍四曰审进退其酌用舍一节言舍固贵得其宜用尤不可不慎近来荐用贤者固多其间或以他事获罪本宜摈斥而一概荐起是使虎皮羊质尺直寻枉者亦得躡用也其余亦关

切时弊吏部覆御史言是报可

○革汉中府捕盗通判不必驻劄渔渡

○己亥 上御文华殿讲读

○云南猛密安抚司与莽兵交战失利巡抚刘世曾报闻○诏镇巡官严督各该将领相机协力防御剿杀

○总督三边兵部尚书石茂华卒华山东益都人嘉靖甲辰进士繇县令入主户部事忤仇鸾有声出守扬州不附赵文华以御寇功加秩历藩臬拜佾都御史巡抚甘肃艰归会虏陷汾石再起往抚晋兵部左侍郎总督陕西三边以贡市奏功拜兵部尚书致仕寻起仍督抚狭军中积劳呕血卒礼官言其砥节砺行竭诚死官请赠太子少保谥恭襄吁华亦太平之良臣也

○升四川右参议陈用宾为浙江副使陕西凤翔府知府赵钦汤为本省副使

○修盖先臣王守仁天真书院赐祠额曰勋贤

○庚子降补山东左参议叶宪为四川佾事

○辛丑 穆宗庄皇帝忌辰祀于 奉先殿遣成安伯郭应乾祭 昭陵○湖广巡抚李江分别参政项思教佾事夏良心参将邓子龙等协剿恶苗金道侣王伽俄等功兵部覆如议命赏李江等银币有差

○壬寅准各府州县粮米暂行改折于临德二仓照旧拨补

○癸卯逮荆州府知府郝如松以太监张诚奏张居正男敬修自缢故也刑科给事中刘尚志言如松疏虞可罪贿纵可原乞免逮问 上怒其渎扰夺俸三月刑部尚书潘季训言 陛下闻张敬修自缢而赫然罪其守臣曾不齿及财物之多寡仰见保全旧臣后裔之初心顾诚虑严既下该府防闲倍密逾八之母柔脆之子若媳恐俱莫必旦暮伏乞特降恩纶将居正家属暂行保放会吏部等衙门尚书杨巍等亦以为言有诏令湖广抚按申饬保全于是大学士申时行等言臣等仰惟 皇上扩大舜好生之心体文王不孥之意其于敕罚之义恤穷之仁真并行而不悖矣昨部科道诸臣皆以居正老母为言明旨尚未之及诸臣咸责臣等以不能赞成德意则臣等亦有不容已于言者窃见故臣居正虽以苛刻擅专自干宪典然 天威有赫籍没其家则国典已正众愤已洩矣若其八旬老母衣食供给不周子孙死亡相继仰窥 圣心必有惻然不忍者伏望特敕诸臣务将居正老母保全周恤与之衣食宽其子孙勿令颠连失所而攀连受寄之家如果的确自合严追若威刑妄招展转掺杂则地方不无骚扰得旨居正大负恩眷遗祸及亲既伊母垂毙失所诚为可悯其以空房一所田地十顷资贍养

○原任礼科给事中周世选为户科给事中原任南京太仆寺少卿朱天球固言四川副使王道纯私相交结倒置贤否淆乱是非乞敕该部查访 上深是其言革王道纯职闲住邹善朱天球行吏部看议以闻

○甲辰 上视朝

○原任云南都指挥王三聘奏言血战有功信地无失反遭遣戍章下都察院

○乙巳赐衡府高唐王厚焜谥端裕益府阜平王载土口集谥懿简舒城王翊银谥怀庄

明神宗显皇帝实录卷之一百四十九

明神显皇帝实录卷之一百五十

万历十二年六月丙午朔 皇第三女生 安嫔王氏出也

○丁未赐三辅臣及讲官金花红币有差

○云南巡抚刘世曾劾参将邓子龙游击刘綎驭军不肃致两军互有杀伤兵部覆二将屡立战功未经叙录乞宥其小过责以同心旨从部议

○复广东粮储参议及广州府清军同知

○差工部主事王绍先同太监崔卿改建潞王府第于河南卫辉府

○戊申升广东肇庆府知府王泮河南开封府知府黄焯为副使泮本省焯四川

○兵部覆直隶巡按陈性学参总兵麻锦贪婪残暴宜罪如律麻柏冒名顶替革任提问王国翼江昌国降级倪尚忠等夺俸是之

○己酉漕运总督李世达言河工告成敷陈善后事宜下工部○降补原任河南左参政周思稷为广东左参议

○四川巡抚雒遵陈采木苦累商民状甚悉下所司

○叙三镇贡市劳赏郃光先王汝梅张九一王璇等各银币有差及赏酋首都督等官夷卜失兔阿不害等

○工科给事中曲迂乔荐原任广东右布政使邹善原任南京太仆寺少卿朱天球部覆得旨朱天球候缺推补邹善既素有声且系拾遗诬害准起用

○是夜有异星出房宿

○庚戌赐百官香霏汤至次月初六日止

○起原任南京刑部尚书孙植为南京工部尚书升总督漕运右副都御史李世达为南京兵部右侍郎南京太常寺卿姜宝为南京刑部右侍郎

○礼科给事中万象春请慎选王官破格迁擢庶亲藩辅导不致失人下吏部

○山西御史原一魁参兵部尚书张学颜籍李成梁之边功以登显秩怙张居正之故宠以滥本兵官箴已玷士论不容乞放归田里下所司知之

○辛亥

上视朝

○升山东副使帅祥为本省左参政

○以云南用兵免该省夏税秋粮及一应逋负

○壬子故辽王宪<火节>男术玺奏逆奴杨秀陷主得旨杨秀奸狡异常踪迹诡秘必知辽府虚实张诚等其逮讯以闻

固守墙台勿信虚张之伪报选练兵马勿避怨谤之流言辽东宜严防城堡远探虏情勿恃胜怠防勿轻虏堕诱 上是之敕边臣严备

○辛酉 上视朝

○复除原任贵州副使王来贤于山东

○吏礼二科给事中齐世臣等劾陈性学直隶按臣本不繇通政司径达会极门有违 祖制章下都察院

○癸亥予原任大学士李春芳祭葬仍加祭四坛赠太师谥文达荫一子尚宝司司丞春芳为人醇谨阔大有声词林典礼佐铨建树表表其入纶扉也当分宜专恣之后一以忠诚镇静剂之事 先帝五年代华亭秉政同事为新郑江陵而能上成 君德中协寮友下戢庶司寅恭匪懈默赞昇平之治□太平宰相云

○工部言采木之苦载在图说至今全蜀疮痍三四十年元气犹未尽复今委七总又先发库银诚有鉴于商民赔累之苦一应木价并拽运等费俱于该省议处七十万两内支給各省直量行办济今陕西济边银两既难议留相应照旧徵解其给发工价宜用心稽查诏如议行

○甲子 上视朝

○南京等科给事中孙世禎等合词谏止内操并还董基原职 上怒其党护夺为首者俸一年余谷五月南京等道御史田一麟等言如之亦夺俸

○乙丑陕西洮岷环住番族向听土官杨臻约束自俺答迎佛西海致诸酋恋牧河西近复蚁聚莽刺渐逼洮河将为内患巡抚李汶以为言诏集兵防备

○丙寅 上御文华殿讲读

○发马价银八万二百七十五两给赏辽东沈阳抚顺等堡战功

○户部覆湖广抚按李江任养心会同太监田玉勘过屯田佃户均州所额屯原奉敕建修武当山优免宣德间修山军丁绝故顶种者非修山人数报纳仔粒六百六十余石万历初丈出余屯二万三千余亩徵银二百七十八两二分解充郟阳军饷一分存留本所备赈命遵守行

○升户部右侍郎傅希摯为左侍郎总督仓场

○补翰林院侍读田一俊原官

○丁卯礼部覆礼科请详定恤典事宜一议勋臣加官及辞任者查因何加授果以劳进秩方许照会典公侯十六坛伯十五坛如因事加恩功业未副止照二等祭七坛例其乞休者查生平有功无过仍照见任优恤一议文臣被劾及考察致仕与乞致仕者备查致仕之繇雅负时望恳乞休者照见任例被劾及自陈致仕者二品曾经考满全给未考者祭二坛半葬三品曾经考满祭照旧半葬未考者止祭一坛至于四品虽经考满亦不准祭其被劾自陈日久论定照例优恤若清评共弃不问见任致仕悉寝之至于父母妻曾受本等封者应得祭葬亦视本身致仕缘繇为差一议文臣被劾听

用者照前被劾自陈致仕官递减之例公论已明者全给听调亦如之至于听勘未明仍行原勘衙门查明分别予夺如有显过无论听用听调径照闲住例不准其父母妻恤典亦稽其子若夫之功过为等差一拟京官三品升四品者毋问四品己未考满俱照三品未考满例祭一坛半葬父母妻授封三品者与同而授四品者止祭一坛原以三品降而后升四品者不得援例一议三品文臣父母授本等封者一视其子为差一议文臣通叙年劳准与父母祭葬若子二品三品共历三年以上虽未考满其父母曾受四品五品封亦准予三品祭葬三品四品共历三年以上虽未考四品满父母授五品封者亦予祭一坛其未经受封及止授六七品者不准一议三品以上文臣有乞本身及妻诰命移封本生授二品封者于一祭之外量给半葬三品者量予祭一坛以示降私亲之义一议二三品文臣曾经赐葬者妻故在后俱许附葬惟授封夫人者例给开圻夫价若妻先故其已封夫人照例祭葬外其余俟夫故附葬一议都督同知僉事真署都督僉事止予祭四坛照品级造葬而升署同知仍照僉事例若繇署僉事升同知者量予祭二坛半葬一议留守正副亲军卫分都指挥使赠都督同知者止于本职上加祭一坛半葬一申明谥典文武臣各行所司查生平履历有无论劾广加咨询必其节概为朝野之具瞻勋猷系国家之休戚公论久服毫无訾毁者具议请

上裁行业平常虽秩隆毋许滥议 上诏纂入会典

○戊辰升浙江处州府同知周守愚为本省僉事

○己巳以延庆平三府灾免其逋赋

○庚午 上御皇极殿

○兵部言近来罢闲纳级武职营求荐用冒滥多端今后各该督抚官务从公核实必系将材卓异及年劳堪叙者方许荐列报可 升浙江巡抚萧廩为南京工部右侍郎改南京粮储户部右侍郎宋纁为户部右侍郎○吏部覆都御史李汶< 〇〇〇〇 〇〇〇〇 〇〇〇〇 〇〇〇〇 >边徼频年荒旱民困难廖有司全不设法救援请削刘汝江籍王天爵冠带闲住陈恩调闲散熊进改教刘栋调简僻用从之

○落南京御史郭惟贤职以谏内操救董基也

○都御史李汶条议水利言关中八郡水泽鲜钟一遇凶年束手莫措乞将水利应修应创者督令该管清军道分照所属着实举行工部覆如议勿拘岁月勿牵文法务收实效年终抚按官将修过渠堰用过钱粮造册奏报仍将经管官勤惰贤否遇入覲给繇日填送查考报曰可

○礼科给事中万象春请慎斋居重祀典暂离深宫之燕闲从事大廷之严肃上曰朕于 郊 庙 社稷祀典每加严谨但便殿斋居护从人众隆冬盛暑喧杂难容故于宫中致斋诚敬精虔未尝有间象春何乃輒来烦渎姑夺俸三月

○辛未大学士许国言大臣之义在定国是今黑白混淆纪纲紊乱国是如此而臣不能定一宜去大臣之义在正人心今流言广布谗说肆行人心如此而臣不能正二宜

余人着出旨查问大学士申时行等言臣等前见诸大臣< 䟽 毓-金 >内曾有此言问之则云出湖广抚按承差口彼时大臣欲仰祈 圣恩宽宥罪孽惟知模写其可怜之状一时轻信无所逃罪若加查究则必提解承差方可质对往返旬月之间大臣俱当待罪衙门事务未免耽误伏乞宽宥 上怒未解仍令核其官已闻已而工科给事中杨毓阳上书认罪谓臣实言之实不知为风闻所误有诏夺毓阳俸一年

○升南京太常寺卿曾同亨为大理寺卿顺天府尹臧惟一为右副都御史巡抚河南

○准贵州提学副使冯时可致仕

○降用陕西苑马寺少卿梁式罢宁夏道副使任铠从巡按王世扬请也

○都城白昼抢劫中城御史陈遇文获贼以闻诏夺蒋伦俸三月强贼付法司从重拟罪

○户部覆浙江巡抚萧廩请减织造议工费大约谓数年灾伤民力大困不能搽已尽之库藏乞求减免原额 上谓既济边银难以议留工部于事例银内那湊

○以武官袭替事例繁杂命兵部刊邦政条例以行

○巡按苏鄴言边地水利灼见可兴工部覆议宜令该抚按责成司道督率有司如实心任事果有成效容臣等不时举荐报曰可

○庚辰 皇第四女生 恭妃王氏出也

○苏鄴奏请以原任参将谷承功补曹家寨参将中军丘阶补黄花镇游击 上以武职应该部推补或督抚荐举御史如何辄拟姑释之

○太监张诚题张居正宜抄没者已行抄没其衰母宜调恤者亦行调恤空宅一所田十顷拨付伊子嗣修惟曾省吾等三家受寄银两应否追解会巡抚李江亦以保全旧臣请有旨家产既抄眷属准保放曾省吾等受寄银两其查审追解以闻○吏科等科给事中齐世臣等福建等道监察御史窦如式等合词请还郭惟贤御史 上怒其救扰降旨切责

○云南道御史黄师颜请原任祭酒蔡清布衣胡居仁陈真晟等应从祀下所司

○蓟辽总督张佳胤言猾虏节次突犯官军斩获首级有旨剿处黠夷关系重大兵部即从长计议具奏

○辛巳以假满翰林院侍读田一俊修撰孙继皋简讨沈自邠仍充大明会典纂修官

○升方九功为南京太常寺卿沉思孝为光禄寺卿

○户部覆苏鄴条陈边务极称派商召买之困价值太减查盘太扰请督有司照时估酌定应从其议至收支以便军饷一节甫奉 明旨遵行似难更处至谓沿河等口仓无积粮恐临时负运不前欲将本道赎银余米分发要口计军千名积米千石一半存留一半夏初给军秋成抵斗还仓有裨边计 上从部议

乐杨宗仲庸劣尸素

上怒下举贤于理

○吏部覆李茂材改荫尚宝司司丞李茂功荫中书舍人

○武库司主事郭秉改尚宝司司丞

○己丑升浙江按察使余一龙为左布政河南左参政宋应昌为山东按察使

○以中元节遣侯吴继爵郑惟忠伯王应龙卫国本祭

长陵等 九陵及 景皇帝陵 哀冲 庄敬二太子坟

○升衡州府知府李焘为长芦运使

○户部奏籍没张居正金银宝玩共一百十杠命内库查收

○黜刑部尚书潘季驯为民从江西道御史李植劾也植< 〇〇〇 隍-金 >略曰故辅居正挟权阉之重柄藐 皇上于冲龄残害忠良荼毒海内即斩棺斫尸尚有余罪夫何季驯昔为私党深衔卵翼之恩今藉恤旧甘为蹠犬之吠不曰居正宜抄而曰好货贪财不曰居正之罪宜诛而曰损德伤体奉差籍没诸臣少加推问季驯又倡言惑众至谓铜椀鉄夹断肢解体拷毙数命饥死十人询之楚人以为并无此事季驯不惟诬 皇上于前而且欺 皇上于今日矣若不速行斥逐恐以下訕上以臣议君相率成风莫知底止诏季驯对状季驯遂上< 〇〇〇 隍-金 >认罪 上怒黜之仍夺其诰命

○庚寅赐大学士余有丁羊豕酒米

○达贼四千余骑从三山三道沟锦川三路入犯抚臣李松谓土虏固为首帜董长实生祸阶宜声罪剿捣便而蓟辽总督张佳胤则谓属夷当剿地阻崎岖宜缓剿便兵科给事中王三余亦恐边地险阻将帅不习宜慎处万全方可言战兵部覆言宁前要冲属夷董狐狸长昂等盘据突犯近者更番窥掠弊在哨夜贪夷人之利故入抢且不报况望其引兵出塞不堕虏阱乎宜亟革积年尖夜精选殷实者充役领以谋勇之官如差遣谕虏剿虏有功请授世职倘侦探不实漏洩军机亦法毋赦亟停二酋月赏待其扣关求请然后数其犯辽掠蓟之罪责其献出所抢夷酋放还所掳辽人方与贡赏或逞愤更掠伏兵擒剿未晚 上然之仍令该督抚相机审势便宜从事务保万全

○辛卯降南京礼科给事中伍可受以劾大学士许国也

○工部员外萧景训请从祀先儒罗钦顺罗洪先章下礼部

○升湖广参政冯时雨为浙江按察使

○壬辰 成祖文皇帝忌辰祀于 奉先殿遣成国公朱应祜祭 长陵

○宣大总督郑雒以昇平日久条陈边务 上嘉纳之下兵部看议

○癸巳大学士许国< 〇〇〇 隍-金 >请休致优诏慰留

○河南巡抚杨一魁言国计甚匮民瘼可忧< 〇〇〇 隍-金 >下该部

○准河南道御史林休徵养病

○山东道御史陈遇文参涂嘉会假充旗尉吓骗职官财物下法司逮问

○金星昼见

○司礼监太监张诚等恭报事完复命 上令通候完日回京

○甲午 皇第五女生 德妃李氏出也

○顺天巡抚张国彦请招徕被虏华人以消逆党是之

○升广东佥事周采为南京通政司右参议河南副使穆炜为湖广右参政

○山西巡抚侯于赵奏遵旨经画北虏又请酌定三镇贡市马价抚赏规则俱下该

部

○乙未以 皇女生赐三辅臣及讲官花币有差

○陕西西安府地震有声

○升太常寺少卿陈瓚为通政司右通政

○户部奏抄进张居正金物第三运一百一十杠命该库查收

○吏部覆南京都察院奏考选试御史党杰谭希思沈汝梁李一阳田一麟郭宗贤黄学曾潘维岳等各实授上以希思逞臆妄言还候覆奏请夺

○户部覆礼科给事中王继光条陈明会估以便输纳一款得旨物科令江南湖广等处俱解本色不得违误

○谕礼部以八月七日进封 贵妃郑氏册封 荣妃王氏

○丙申大学士许国再< 〇〇〇 毓-金 >乞休致并请宥言官复下优诏慰留

○月犯井宿

○以浙江台州下洋擒斩倭贼功赏抚臣萧廩等银两有差

○丁酉 上视朝

○戊戌毛怜等卫女直夷人都督都指挥付羊古等来朝贡

○庚子 上视朝

○升陕西苑马寺少卿郭汝为本省副使补南京光禄寺卿周弘祖为太常寺少卿以南阳知府张一通为陕西苑马寺少卿

○是时 上衔故辅甚疑诸大臣党护迨刘一相< 〇〇〇 毓-金 >入心益动迫于辅臣言犹降严谕已而以李植逐潘季驯遂深向用植等乃下诏吏部御史李植江东之羊可立尽忠言事摘发大奸有功俱于京堂不次擢用吏部覆李植太仆寺少卿江东之光禄寺少卿羊可立尚宝司少卿

○亦辖等族番人竹木等留边番人立足等贡方物

○辛丑大学士许国言臣三< 〇〇〇 毓-金 >乞休奉旨卿< 〇〇〇 毓-金 >再救言官具见雅量大臣以君命国事为重卿勿坚持去志其即出辅理以副眷怀臣不胜惊惧皇上之尊天也其威命雷霆也今臣屡< 〇〇〇 毓-金 >烦渎不即谴斥乃为开霁褒以雅量戒其坚持且谓大臣以君命国事为重虽父母之谕子未有温于此者臣虽至愚极陋亦有耳目心胸顾敢负恩方命违 天而干雷霆哉然而臣区区愚心有万不得已者盖

皇上之命臣非徒以禄位宠荣之也欲其任事而大臣之任事非必能奔走躬亲也欲其率人今臣数被诋斥既已不能率人纵使再列班行又何以能任事是以俯揣分义仰恃恩私奉旨愈温而陈情愈切不自知其戆且数也 上报曰卿累< 〇〇〇 铨-金 >诚恳朕非不体悉但机枢重地倚藉正殷岂可独遂高尚册礼在迩卿其亟出将事毋辞

○升陕西僉事焦子春为山西行太仆寺少卿

○礼部覆礼科给事中王继光< 〇〇〇 铨-金 >言诸藩生齿日繁请名请封选婚选继正题另题名粮口粮与夫各衙门行查禄粮养赡丧葬等项随到随填随查犹尚不给似难会同科臣以增拥塞卷簿如山似难另行类造以增贫宗稽滞之叹合无申飭司属将前项册籍一一填写一一磨对其岁贡廷试必文理十分纰缪者姑量驳一二小疵不妨尽留岁考四等停粮照旧例不作缺五等作缺递降岁考三等即准收复廩生考贡及大比文理不堪止发回肄业不必复行降黜 上从部议

○山西总督郑雒言抚臣忧制正值秋防请乞就近推补事下吏部

○壬寅国子监祭酒张位< 〇〇〇 铨-金 >陈国学事宜六事一曰修衢舍以饬学宫二曰优叙迂以重儒官三曰简生徒以需任用四曰储经籍以备教典五曰复科举以广试途六曰议考选以通铨法诏下所司

○礼部题恭进册封 贵妃 荣妃仪注一钦天监择到万历十二年八月初七日辰时吉行册封礼一先期行内府造贵妃金册金印

荣妃金册各冠服玉圭等件一先期一日鸿胪寺设节册印案于皇极殿内节案居左册印案居右设节册印彩舆于丹墀内教坊司设中和韶乐于皇极殿内设大乐于皇极门内锦衣卫设仪仗如仪一是日早内官设 贵妃受册位于宫中设节册印案于受册位之北节案居左册印案居右设香案于节册印案之前中设 荣妃受册位于宫中设节册案于受册位之北节案居左册案居右设香案于节册案前之中设内赞各三人引礼各二人是日早遣官以册封 贵妃 荣妃代告于 奉先殿太常寺备香帛脯醢酒果翰林院撰告文一是日皇极殿发册执事官朝服侍班鸿胪寺官引正副使各具朝服入就拜位执事官举节册印案繇殿左门出置御道中赞行四拜礼毕执事官举节册印置彩舆中用黄盖遮送大乐前导节册印舆至归极门外正副使北向立内官举 贵妃节册印舆入将至宫门引礼请 贵妃具礼服出迎于宫门外内官捧节册印繇正门入 贵妃随至拜位内官以节册印置于案内赞赞四拜赞宣册赞跪宣册女官取册立宣于贵妃之左赞搢圭替受册宣册内官以册跪授于 贵妃受讫以册授女官女官跪受于贵妃之右立于西赞受印女官以印跪受于 贵妃受讫以印授女官女官跪受于贵妃之右立于西赞出圭赞兴四拜礼毕又荣妃节册舆入将至宫门引礼请 荣妃具礼服出迎于宫门外内官捧节册繇正门入 荣妃随至拜位内官以节册置于案内赞赞四拜赞宣册赞跪宣册女官取册立宣于 荣妃之左赞搢圭赞受册宣册内官以册跪授于 荣妃受讫以册授女官女官跪受于 荣妃之右立于西赞兴四拜礼毕内官

持节繇正门出 贵妃 荣妃各送出宫门外内官赍节出至归极门外以节授正副使
报礼毕正副使得报持节复命一行谒告礼是日册封毕 贵妃 荣妃各具礼服候
皇上率诣 奉先殿行谒告礼用祝文祭品如常仪一行谢恩礼是日谒告礼毕 贵妃
荣妃各具礼服诣 仁圣懿安康静皇太后前 慈圣宣文明肃皇太后前俱行八拜礼
毕诣乾清宫候上服皮弁服 皇后亦具服各升座赞引女官引 贵妃 荣妃各就拜
位行八拜礼毕各还宫一次日 上御皇极门文武百官各具吉服鸿胪寺官致词称贺
明神宗显皇帝实录卷之一百五十一

明神宗显皇帝实录卷之一百五十二

万历十二年八月甲辰朔唯户部左侍郎王之垣在籍调理

○户部尚书王遴等言织造物料属工部盐引纸价属户部钱粮各有职掌载在令
甲先因大婚袍服及赏用段疋共留过济边银九万三千零凑织事出权宜节经本部题
明业奉不许那借之旨盖重军国急边饷也今复留引价抵充工部料银非所以信明旨
一法守矣 上以兴作繁殷引价暂借协济

○鹞子坪巴哑等族番人来朝贡方物

○准河北三府冲疲改折漕运

○乙巳以写篆 贵妃 荣妃金册金印赐三辅及中书官银币有差

○山西道御史原一魁请乞推广优处言官德意俯宥建言获罪诸臣如邹元标郭
惟贤冯景隆孙继先黄道瞻曾同亨丁此吕伍可受谭希思董基范俊等乞下吏部分别
量处 上怒其乘机市恩夺俸三月

○礼部覆礼科给事中万象春等摘参考成未完杨应魁陆树德李辅涂杰任养心
邢侗宋仕姜璧吴定黄钟林休徵黄师颜于有年等各夺俸有差

○山东道御史傅好礼以母老身疾乞归许之

○升陕西副使李琦为本省右参政兵部员外朱正□为陕西佥事

○丙午乌思藏获教王番徒喃哈坚参等五起进贡

○丁未祭 先师孔子遣礼部尚书陈经邦行礼

○升福建佥事武尚耕为湖广右参议

○戊申祭 太社 太稷遣公朱应岐行礼

○升山西按察使许守谦为右佥都御史巡抚山西兵部左侍郎辛自修为南京右
都御史

○平乐营兵鼓噪杀伤四十余人执掳乡官王佩瑶等勒官兵讨之斩馘略尽叛首
徐凯被擒自缢死两广督吴文华以闻有旨逮知府周祈来京问

○己酉 上视朝

○庚戌遣定国公徐文璧大学士申时行为正使恭顺侯吴继爵彰武伯杨炳大学
士许国为副使各持捧节册进封 德妃郑氏为贵妃 安嫔王氏为荣妃 贵妃册文

曰兰殿升华实佐二南之化椒涂贰体特高九御之班惟芳徽简在于宸闈宜宠渥增崇于位序咨尔德妃郑氏仪容淑慎性质柔嘉供奉下陈肃肃谨授环之节周旋中壺雍雍协佩玉之和用能效傲于鸡鸣匪独承荣于鱼贯爰跻峻列载示新恩兹特遣使持节进封尔为贵妃锡之册命于戏位因德进芳名已冠于紫庭贵以谦居令范无愆于彤管用翼轩龙之教聿臻祿燕之祥钦哉 荣妃册文曰化始闺门崇建六宫之职礼隆妃掖眷求四德之良爰举彝章宜敷茂渥咨尔安嫔王氏柔嘉维则敬慎有仪蚤参法相之班祇率小星之度珩璜象美弓鞬开祥方有誉于宫闈肆特升于位号兹遣使持节封尔为荣妃锡之册命于戏荣颁祿翟既永依日月之华体亚轩龙尚益谨夙宵之节庶流淑问无忝训词钦哉

○以册二妃遣驸马都尉侯拱宸祭告 内殿

○谕礼部九月十三日躬谒 山陵行秋祭礼奉 两宫圣母率后妃同行一应礼仪事务照万历八年例行

○例推御史贾如式为河南副使工科给事中王毓阳户科给事中徐三畏御史原一魁张耀陈性学为佥事毓阳河南三畏一魁陕西文耀福建性学广东

○辛亥遣伯刘嗣德以 孝康敬皇后忌辰于 泰陵行礼○升锦衣卫指挥使郑承宪为都指挥使锦衣卫正千户王文锦为指挥佥事俱带俸承宪贵妃父文锦荣妃父也

○工部题修理乾光殿金海亭轩等处

○壬子先是逐潘季驯等外论汹汹谓废辽必复居正且戮尸至是文书官宋坤发下会议辽府本传旨拟复废辽爵及重论居正之罪大学士申时行等言居正罪状已著法无可加复爵一议变 皇考明罚飭法之典开诸藩观望觊觎之端修废第于民穷财尽之时复废国于宗多祿少之日举朝无一人以为宜者即如勘事诸臣原< 〇〇〇 毓-金 >亦言居正所犯自足丧家辽庶所犯自足倾国两事原不相蒙今既许归葬又与花生子口粮给伊母王氏养贍恩已厚矣复爵之议臣等知其不可 上顾左右曰内阁言是乃罢复辽议旨下廷臣翕然称服

○升山西右参政陈渠为陕西按察使河南府知府李时芳衢州府知府史诩为山西贵州各副使

○户部题河东解州盐池遭水盐花不生科臣屡< 〇〇〇 毓-金 >欲改行芦盐以苏民困在山东抚按欲将有余之盐行归开二府淮扬抚按拟以开封改长芦以归德改山东而长芦巡盐据二知府议割河以北隶长芦河以南改复山东而又有历议四难欲仍行河东盐池者今御史喻文炜直陈改图必行之便合行三省抚按各巡盐商确通变毋太拘泥贻害地方报曰可

○山东抚按李辅等以登莱二府水旱相仍请蠲二府拖欠存留麦米一十七万四百余石草钞银四千二百余两并留香税杂钱一千九百四十六万五千余文备赈从之

○刑部覆斩辽府逆奴杨秀

○癸丑以

万寿节赐三辅臣及讲官银币有差

○甲寅升宋纁为户部左侍郎阴武卿为兵部左侍郎石星为兵部右侍郎改李世达为户部右侍郎

○河南巡抚杨一魁言旱雪冰雹迭为灾异章下户部

○乙卯 上御经筵

○升山西行太仆寺卿兼佥事邢玠为本省右参政

○丙辰文书官刘愷口传内阁拟旨取户部太仆寺银三十万两充赏大学士申时行等反覆请减语甚切至上从之即减其半是日谕户兵二部秋祭 山陵赏赐各项人等取太仓银五万两太仆寺马价银十万两应用兵部复持不可不听

○降原任贵州按察使史檟为陕西右参政

○都察院等衙门覆参故相张居正< 珣-金 > 奉旨张居正诬蔑亲藩侵夺王坟府第箝制言官蔽塞朕聪专权乱政罔上负恩谋国不忠本当斲棺戮尸念效劳有年姑免尽法伊属居易嗣修顺书都永戍烟瘴都察院其榜居正罪状于省直夫居正以长驾远驭之才当 主少国疑之际卒能不顾诽誉独揽大权综核吏治厘剔奸弊十年来民安其业吏称其职虽古贤相何以加惜其褊衷多忌小器易盈怙宠夺情本根已断卒之身死名戮祸至丧家若其才其功则固卓乎不可及矣 丁巳升左佥都御史耿定向为左副都御史协理院事光禄寺卿贾三近为右佥都御史巡抚保定复除原任陕西苑马寺卿兼佥事申维岳为山西行太仆寺卿兼佥事

○吏科给事中陈大科言江南漕艘历高宝抵淮宝应汜光一湖浩荡无际槐角楼一带据湖之中其形如雉两翼向为运道梗所司议开越河而一主圈田以防夹攻一主靠堤以省修筑昔白侍郎昂康济一河圈田之制也比吴尚书桂芳靠堤开越河十余年来未闻冲圯臣以为靠堤便总督漕运李世达亦然其议部覆报可

○朝鲜国王李昖请赐会典成书为其先康献王李旦洗冤礼部以梓未竣工请先降敕昭示以慰远人从之

○兵部覆南京太仆寺卿萧崇业条议种马累民所应永罢其清查牧地钱粮举劾管马有司二事一革隐占之奸一振因循之弊均于牧政有裨许之

○戊午中秋节赐三辅臣上尊珍饌

○兵部题云南巡抚刘世曾擒拿逆贼岳凤等相应祭告 郊 庙宣捷献俘报可

○庚申 万寿节

上御皇极殿受贺

○赐三辅臣膳并寿面长春酒

○赐朝鲜入贺陪臣礼曹参判宋贺等宴

○辛酉南京都察院勘得南京福建道御史谭希思称国宪家猷内一款阁内有丝纶簿其后官寺惠恣收于内宪章录内一款洪武五年六月定内官禁令命工部造红牌镌戒悬之宫门今亦无存希思偶感时事谬以为宜复此二者言诚狂瞽心则无它请特赐优容以广忠益

上曰本朝典故不系颁行制书岂足凭据希思姑降褫职

○壬戌以南赣巡抚张岳为左佾都御史协理院事河南左布政严大纪为光禄寺卿建昌府知府许孚远为陕西提学副使

○兵部言万乘临边御防宜慎一预哨探二守台墙三慎分布四慎信地总督郑雒照旧驻劄关外张佳胤应否前赴昌平有旨哨探防守俱依拟总督例在镇经理不必候驾

○癸亥诏以伯王伟左都御史赵锦居守以公徐文璧伯杨炳护驾随侍

○甲子谕户部随驾各衙门物料合用官尉旗军并内官内使骑坐马匹及草料各衙门人役口粮户兵二部照例关领拨发

○乙丑宪宗纯皇帝忌辰祀于 奉先殿遣伯王应龙祭 茂陵

○复除庄国祯为河南左布政

○丙寅 上视朝

○月犯井宿

○戊辰升光禄寺卿贾待问为左副都御史巡抚南赣汀韶等处

○己巳 上视朝

○户部覆宁夏巡抚张九一条议边务一议开荒除先丈出额外荒田四千三十一顷外其余一听开垦宽恤一议添官宁镇四路旧有管粮通判可以兼摄抚臣责司道司道责通判及管屯卫所官庶不扰民其余立寨通渠分给牛种俱听抚臣便宜举行年终将开过数目青册送部查考社仓盐课俱如议行

○蓟辽总督张佳胤巡抚张国彦会题三屯遵化各营主兵照今议改支折色七个月草一束折银一分九厘豆一石折银三钱四分其收买本色行令各兵备会同各镇管粮司官一应粮草务趁秋成严行州县正官取具的确时估呈部派商收买仍旧摄以州同其应行文卷悉付州同接管该镇管粮通判关防径呈礼部改给蓟州州同关防该漕粮二万七千石自十三年为始于内再折一万三千二百石每石照例折银七钱户部覆从之

○庚午升太常寺少卿周弘祖为南京光禄寺卿

○赐朝鲜国陪臣黄廷或等二起宴以奏事入贺事完回国也

○顺天府房山县民史锦奏请开矿命抚按查勘以闻

○允给永年伯王伟肩輿礼科给事中万象春言公侯伯皇亲驸马不许乘輿 祖制也瑞安伯陈景行武清伯李伟为

人商于陇川凤黠而多智因投宣抚多士宁为记室士宁妻以妹凤媚士宁而夺其权与三宣六慰各土舍罕拔等插血谋叛乃诱士宁往摆古见缅甸莽瑞体凤与子曩乌口士宁杀之并杀其妻子夺其钦颁金牌印信勘合因受莽酋伪命自称宣抚莽瑞体死其子应里立凤父子诱我师败之献故主士宁母胡氏及族亲六百余人于应里尽杀之又潜陷罕拔投之水密约刁落参同心助逆而说莽酋以大兵压境凤与参各起象兵数十万分道内侵攻雷弄盞达干岸南甸木邦老姚思甸等处据地杀人窥腾冲永昌大理蒙化顺宁景东镇沅元江等郡又寇顺宁烧毁府治遂破盞达携男妇八百人又令曩乌率缅兵六万突主猛淋指挥吴继勋千户杨维垣百户徐应彩战死之邓川州土知州何某者与凤为寮婿遣通事等招凤凤缚献莽酋七月应里催凤父子进兵入犯东寇姚关北据湾甸芒市何知州开谕百方与之盟誓九月凤始差头目入见继令兄子亨赴永昌投见各道俱厚赏遣回游击刘縉遣人谕以祸福十二月方遣妻子及大头目陇汉等率夷民九十六人来见縉差张把总责取敕书金牌许以招降蛮莫猛蛮赎罪二十六日縉以送凤妻子回陇川为名遂分兵于沙木笼山诸处凤度四面皆兵欲遁无门明年正月朔凤诣军门降縉复分兵追緝擒能改刻里乜腿莽恼等又率大兵直捣陇川曩乌亦降乃携凤父子攻降蛮莫招抚猛养等处莽阔母答乘象走我师追之斩百余人亲缚莽阔母帅乜莽糜哑晏得皮喇慢渺等及杀缅贼百余擒乃刹等获贼象战马伪关防等縉又督兵围猛脸猛擒尚著等罕虔子招罕招色等据三尖山参将邓子龙袭击之擒招色等西南平是役也凤以一叛民篡故主而攘其印结连土舍勾引缅夷分道入寇伤残数郡蹂躪一方白骨青磷人至今切齿云

○兵部覆张佳胤报属夷长昂下达贼一千一百余自麻地谷驰奔刘家口琵琶堡折墙抢掠我兵拒之斩获夷级五颗夷器八百五十三件阵亡及伤重者八名轻伤百余掳去男妇四十三名口夫蓊镇修筑台墙原以匹马不入为功贼夷拆墙进边守台官军若罔闻防守何在徐从义张绍芳宜革职充为事官管事勒限立功赎罪杨四畏杨绍勋等俱戴罪候秋防毕奏请议处从之

○顺天巡抚张国彦报贼夷长昂自犯刘家口之后又向西虏哈不慎等借兵纠聚达子四万余欲于九月入犯兵部言今 圣驾谒

陵而虏警边至容臣部移咨该督抚镇擐甲待战仍远斥堠毋许近边

○吏部右侍郎陆光祖因年可立言乞休不允

○丙子南京右佥都御史赵焕奏高宝湖堤大坏乞敕宪臣督理章下都察院

○升直隶提学御史罗应鹤为大理寺右寺丞

○谕兵部驾驻感思殿从卫官尉并红门以里摆设官军人马各分两班每日轮番就水一次各该管官整点肃慎出入不许喧嚷及旷误执事谕都察院朕诣 山陵行秋祭礼一应事务俱从省约内外随行官员人等不许沿途生事扰害百姓违者锦衣卫访拏科道官参奏

○谕户兵二部各措处犒赏围宿官军银三万两

○戊寅以献俘礼成加内阁辅臣时行少师兼太子太师进中极殿大学士荫一子尚宝司司丞有丁少傅兼太子太傅建极殿大学士国少保兼太子太保武英殿大学士余官照旧各荫一子中书舍人都照新衔给应得诰命时行等< 銙-金 >辞至再不允

○漕运总督李世达题黄流日进乞修砌郡城石堤以图永赖章下工部

○以擒岳凤罕虔功诏升刘世曾右都御史兼兵部右侍郎照旧巡抚沐昌祚加太子太保岁加禄米一百石各荫一子锦衣卫百户世袭仍各赐银币世曾飞鱼衣昌祚蟒衣各一袭邓子龙刘綎各加副总兵职衔照旧管事各升实职二级世袭传宠张忻各升二级管事俱赐银币有差张楚城陈化鹏王桥陈嘉勋等各升赏有差张学颜加太子太保赐银币蟒衣亲自修阴武卿石星各银币该司郎中与实授仍升俸一级先后巡按董裕崔廷试亦各赐银币

○升延绥巡抚王汝梅为右副都御史照旧巡抚

○授左都御史赵锦资德大夫仍加太子少保

○准山东道御史刘怀恕养病

○己卯

上视朝

○罢大理寺少卿张简调左通政陈学曾南京别衙门用

○福建左布政刘汉儒僉事徐金星俱照不及例调简僻

○准新升湖广右参政穆炜致仕以刘承嗣为协守甘肃地方左副总兵陈璘为提督狼山等处地方副总兵解节为分守南路参将○庚辰大学士申时行等言辽东总兵官李成梁辞任蒙圣谕令臣等拟旨慰留臣等看得成梁身经百战屡立奇功夷虏惮其威名封疆赖其保障 皇上委任不疑深得用人之体顾功名忌于太盛成梁身为主帅世授伯爵一门父子两镇总兵似当稍为限制而后可以保全伊子如松见任山西总兵应令辞免其成材如柏止任偏裨仍令照旧庶足以安成梁之心息谗谤之口诏慰留成梁准如松回京注府管事

○蓟辽总督张佳胤题蓟昌两镇马匹近奉钦依每年给发寺马并帑银买补今查万历十二年秋季起至次年夏季止该兑给寺马一千匹并马价一万五千两密云左右营原有延绥大同马军二千余名今召募民兵已将延大兵马减撤其倒死马每年约三百匹每匹给价一十二两应增银三千六百两移彼与此增请不多兵部覆于寄养马内调取一千匹分给于常盈库贮马价银内动支一万五千两及今议撤大同客兵马价一千八百两减撤延绥客兵马价一千八百两俱发该镇买马永为定例是之

○河南报冰雹异常打毁二麦

○壬午重阳节赐三辅臣上尊珍饌

九有之欢心 睿览周详遂定万年之吉壤人谋毕协神祝骈臻臣等叨有事于达观幸受成于独断恭逢 大庆喜倍恒情

○赐朝从官照旧酒饭命随 驾官先诣巩华城接驾

○直隶巡按苏鄯奏夷情声息并行该镇督抚官用心防御

○庚寅命赏蓟辽昌平迎驾官军及宣大等关防御官军各恤给有差

○福建道御史谭耀言圣驾回自 山陵至凉水河忽有惊马冲入扈从前队群马一时狂奔内兵跌伤人众相应查究 上曰马逸偶然耳勿问

○辛卯 驾还宫

○蓟辽总督张佳胤< 疏 金 >报东西大虏纠众入犯得旨蓟镇虏情紧急各镇其整饬人马以备应援一应战守事宜督抚官用心调度年例军饷准给与

○壬辰大学士申时行等言兹者恭遇 皇上展谒 山陵躬行秋祭导迎 圣母阅定 寿宫永绥 列圣之神灵预卜万年之兆域连日以来仰见 皇上周旋对越陟降临观及鸾舆往来程途跋涉 圣体不无勤劳臣等犬马私情何胜依恋幸赖 天心眷佑风景晴和 圣母万安 圣躬万福茂迓神人之祉允孚朝野之心优诏报闻

○癸巳进封 贵妃 荣妃礼成赐三辅臣中书官银币有差

○起原任江西左参议李复聘湖广左参议升福建按察使陈文烛为本省右布政

○甲午谕礼工二部朕奉 两宫圣母阅定大峪山吉地兹仰承 慈命遵 皇祖故事预作寿宫一应营建事宜礼工二部会同择日来行

○兵科给事中王三余言狡虏东西连兵声势重大乞敕各镇边臣悉心防御以保万全有急宜申饬者三事一在固守边墙一在罢其互市至于二镇辅车相倚大臣须协恭共济并宜申饬诏兵部行各该督抚官知之

○丙申京师浓雾

○ 上御皇极殿以 陵祀礼成兼阅定 寿宫百官称贺

○丁酉起原任广东按察使胡直补福建按察使

○兵部题勘过辽东各路将领招□□来降夷并回乡人口一千五十八名口应加给赏诏赏总兵官李成梁等银币有差

○戊戌浙江抚按萧廩范鸣谦各< 疏 金 >请严查边储以清奸币章下户部

○降山东右参政徐用简为福建副使

○升马应奎为神机七营练勇参将以胡承勋为五军四营游击杨一经分守广东西山参将

○敕镇守保定等处总兵官署都指挥僉事张爵镇守山西等处

○陕西都司李芳奏番僧进贡印信模糊著抚按作速奏换下礼部知之

○己亥 上视朝

○升尚宝司卿王用汲为大理寺右少卿

○礼部进 寿宫兴工仪注

○湖广道御史徐待奏讲画边方水利章下工部

○以屡次扈驾谒 陵勤劳加公徐文璧太保伯杨炳少傅各兼太子太傅

○庚子大学士余有丁言久病未瘳再< 〇〇〇 〇〇 〇〇 > 恳归 上下手救卿疾未愈宜专精省虑静俟平复何乃又有此奏准宽假调摄痊可即出辅理以副眷怀

○兵科等科左给事中王三余等礼科给事中万象春合词止内操

○奉差司礼监太监张诚等奏遵旨覆究严追抄故相张居正并追寄放财物得旨各犯财物既覆究严追明白在官者着便起解未完及变价者抚按陆续起解不许延缓差去内外官准回京

○准宣府总兵官赵崇璧回籍调理

○南京刑科给事中阮子孝< 〇〇〇 〇〇 〇〇 > 救郭惟贤谏止内操江西等道御史潘惟岳等亦以为言 上以事久处分恶其救扰夺为首俸六月其余三月

○福建巡抚赵可怀参提学副使邹迪光狂肆内言一生员夜粘揭于臣门臣稍愆之迪光嫌其碍己遂拂然去各官留之坚不可挽越一日忽自回举动乖张殊非师范上命镌二秩

○以唐家相为河南领军游击

○辛丑升稽勋司郎中王鉴为尚宝司卿

○礼部题臣等查得嘉靖十五年 世宗皇帝预择寿宫既得吉兆随命官营建以故规制尽善福祚无疆今我 皇上睿谋达识亲卜大峪山吉地恭奉两宫圣母同阅定为万万年寿域随敕臣等会议预建事宜仰见 大圣人之作为真同符 皇祖超越百王臣等祇承

纶命敢不殚心经画仰赞钜典谨遵照嘉靖十五年事例参以今所应行逐一议拟开列上请一钦天监选择预建 寿宫开山伐木用十月初六日卯时吉动土兴工用十一月初六日辰时吉一伐木日祭告本山之神合钦遣大臣一员行礼一兴工日祭告九陵各一坛 天寿山之神一坛 后土之神 司工之神共一坛合钦遣大臣十一员行礼一翰林院撰各祝文一太常寺备办各祭品香烛制帛一请敕命知建造事勋臣一员内阁辅臣一员总拟< 〇〇〇 〇〇 〇〇 > 制礼部堂上官一员总督工程工部堂上官一员提督大石窝及催僦物料工部堂上官一员总督官军兵部堂上官一员巡视工程锦衣卫堂上官一员监收物料点闸官军科道各一员一敕命内官监总督提督工程官二三员一 寿宫< 〇〇〇 〇〇 〇〇 > 制礼工二部会同内官监区画画图上请钦定一兵部查照先年事例议拨做工官军并委司官二员管理一工部议奏委官处办木植甄石物料钱粮工匠夫役等项一钦天监择官随督工官审穴定向仍差拨阴阳生四名候时一太医院差拨医士四名随带药饵调治军匠诏从之伐木祭告遣公徐文璧兴工告 九陵遣公徐文璧朱应祯侯吴继爵郭大诚蒋建元伯王学礼刘应元卫国本王伟 天寿山驸马侯

拱宸 后土等神尚书杨兆各行礼

○壬寅户部尚书王遴请查各省直存留钱粮明白以备本处支用报可

○吏部右侍郎陆光祖连章乞休 上以其素望起用不允

○云南道御史叶承遇参福建提学邹迪光原任黄州府赃私令湖广抚按官从公勘问以闻仍严限勿令稽缓

○钦天监题推筭万历十二年十一月初一日癸酉朔日食依大统历日食九十二秒依回回历不食已而回回律果验下礼部

明神宗显皇帝实录卷之一百五十三

明神宗显皇帝实录卷之一百五十四

万历十二年十月癸卯朔 上亲享 太庙

○钦天监奏进明年大统历 上御皇极殿受之颁赐文武群臣

○甲辰 孝洁肃皇后忌辰祀于 奉先殿遣伯刘应元祭 永陵

○大学士申时行等请修 玉牒报可

○复除浙江提学副使王世懋为福建提学副使

○以毛希遂为五军十营佐击将军

○乙巳 上视朝

○敕左府佾书都督佾事王国勋以原官挂印充总兵官镇守宣府

○敕镇守蓟镇总兵官都督同知杨四畏以原官改镇保定

○丙午以 中宫千秋节赐三辅臣上尊珍饌○升江西佾事郑之亮为陕西苑马寺少卿兼佾事四川右布政张明正为贵州左布政

○以贵州浸豁免被冲田地粮差

○起补周希旦为浙江道御史

○准河南副使赵慎修致仕 升郟阳抚治毛纲为南京兵部右侍郎复除原任云南副使熊子臣为广东副使

○吏部题提讯江西临江府知府钱若赓改限

上曰此系奉旨立限不在考成常例人犯见在地方亦易问结何乃经久未完其令抚按官速奏再迟该科参治

○丁未湖广道御史徐待言尚宝司司丞徐贞明所条陈沿边水利垦田事宜户部覆畿辅沿边之兵恒苦食之难给而一带空地多称沃壤向因北人不谙水利以致抛荒淤积无虑千万顷先御史苏鄴今御史徐待俱议破格招恤所谓撤流民之禁四事尤凿凿可见之行信能举行不惟转输省而兵食可足亦沟渠密而戎马可限合咨各抚臣选南人谙识水利专委司道官多方讲求许南来游食之民自备资本任力开垦永不起科有司官员开垦数多即行分别奖荐超擢仍不得责以期限差人骚扰如有奸民指托势豪转相隐匿及阻挠不法者访拿究治每年终核实具奏以凭奖劝从之

○戊申 上视朝

○升四川按察使朱孟震为本省右布政刑部郎中沈文为河南副使兵部郎中史元熙为江西佥事

○己酉工部以 寿宫营建事宜请敕定国公徐文璧大学士申时行知建造兵部尚书张学颜工部尚书杨兆总督工程侍郎何起鸣提督王友贤催儻阴武卿专管礼部尚书陈经邦总拟规制又太监张宏总督刘济提督张清王昇马良管理

○ 钦定 寿宫式样丈尺

○升都督佥事史纲为左府佥书

○兵部覆南京兵科给事中钟宇淳所言粤西兵变虽已告宁善后事宜不可不讲请安三洞练土著诏行两广督抚官议处以闻

○敕陕西右布政梅友松为右佥都御史巡抚延绥

○敕原任浙江巡抚右副都御史方弘静以原官抚治郟阳

○升四川左参政赖廷桢为本省按察使

○巡视太仓礼科右给事中王继光等言金花银两每年一百万两分四季类进自万历六年始每季加五万外解不前因以边饷银那进今借边饷一十七万有奇乞将加进二十万停免不允

○准北虏哑班台吉等袭父职

○庚戌 上御文华殿讲读

○陕西总督郃光先条陈边防八事一曰重培养以固根本二曰复将领以备应援三曰精简练以图战守四曰酌冲边以备险隘五曰申初盟以杜觊觎六曰正罚服以昭威信七曰饬监司以肃边纪八曰行激劝以振玩愒部覆得旨如议行

○辛亥户科右给事中周世选举原任礼部左侍郎王锡爵刑部尚书刘应节操江吴时来巡抚孙丕扬太常寺卿陈于陞少卿胡汝桂张櫟布政参政副使参议佥事等官张天驭刘继文陈惟直赵国璧查铎郃永春王瑾等章下吏部

○壬子宴入贡刺麻番僧共卜尖替等

○升昌平游击米万春为马水口参将

○敕马兰峪副总兵张臣为镇守蓟镇总兵官副总兵陶世臣调马兰

○升湖广副使李天植为四川左参政

○都察院覆蓟辽总督张佳胤〈○ 铨-金〉酌处苏口便军事宜内称官之查盘太烦商之受累最重臣等谓有司仓库当属按差各边仓场当属关差别衙门皆不得与阅视照六年九年一差亦不必拘三年更不得轻拟重辟诏从之

○都察院覆御史任养心〈○ 铨-金〉奉旨查参怠缓官员湖广巡抚李江巡按涂杰等为查勘张居正事合与开俸不许

○贵州参议金从洋〈○ 铨-金〉报有苗慕义来格章下该部

○癸丑升山西按察使梁问孟为陕西右布政

○以副总兵署都督僉事徐枝为神机营左副将游击侯继祖为分守横岭口参将游击王胤柏以原官调曹家寨调东路游击王赋业补中路复设游击降原任参将杨栗补东路

○甲寅以户科给事中田大年监收

寿宫物料

○工部题建造潞王府第据太监崔卿等题卫辉府勘过府第基址为照卫辉一城延袤仅六里先年汝府旧基实当东南大半宜照诸臣会议拆卸旧府照拟定基址盖造通为一城不妨展拓开东门留城河一道环绕府前崇本书院楼遵旨存留其余一照各王府规式建造报可

○乙卯 上视朝

○以命 皇第四女名赐三辅臣及中书官银币有差

○以山西左参政张一霁为本省按察使调原任陕西副使覃应元为湖广副使

○丙辰兵部覆陕西总督郃光先所议石空寺堡宜革操守而更守备玉泉营仍旧守备不必改设参将应添兵马量拨各官自足防御所议市虏甘肃匾都口开市既极言不便督臣所见必真所议积逋万历七年以前站银逋者已奉旨蠲免改派西安那补兵饷便否有无听彼中抚按酌议从之

○丁巳以预建 寿宫于大峪山择吉伐木大学士申时行奉敕恭诣看视○谕刑部今岁两直隶并各省俱免行刑以广朕钦恤好生之意

○起补原任湖广右参政陈惟直为山西左参政

○准浙江副使张振之致仕

○以昌镇都司田汝经为蓟镇大水峪游击调白金岩参将徐正为黎平参将升灰岭口守备周如旦为德州秋班游击

○戊午内官监请年例抽印木植得旨河池既旧系木厂抚按官其查给之

○漕运总督王廷瞻奏宝应新开越河分为三工每工司道二员相兼总管报可

○庚申大学士申时行回自大峪山

○礼部尚书陈经邦以人言乞休不允

○工部覆司礼监太监张宏传砖料内粗糙着申饬烧造官务亲查验敲之有声断之无孔方准发运诏申饬之

○辛酉

上视朝

○谪白盐井提举杜渐戍边先是莽患初起抚道檄渐司饷渐托疾迨岳罕擒复持推官一牒回视事于是巡抚刘世曾劾其宜罢

○壬戌大学士余有丁再以病乞休 上优慰之

累月欠粮迫迫无聊之情也既已背叛岂得不行诛戮非尽周祈之罪若因此一事既逮知府又逮守备兵备等官远方军士闻之皆谓司府在其掌握稍不如意动辄噪呼将来司府官畏军士如狼虎不敢约束天下自此多事矣且非独平乐一府广西一省即今九边军士数十万余其军饷支放不等有后月支前月者有后季支前季者若此声一传各边军士效尤而起督抚皆束手蹙额恐生意外之变窃谓周祈宜付法司从重拟罪而免应龙朝阳方于纪纲有裨 上览毕令中官传谕云先生言是遂放周祈为民禴应龙职贬朝阳下法司拟罪

○刑部主事俞显卿劾礼部主事屠隆与西宁侯宋世恩淫纵诸状并及陈经邦上以显卿出位渎奏并屠隆宋世恩等该科其参看以闻

○升江西都司成大器为浙江分守参将

○升贵州右参政赵睿为四川按察使复除原任河南副使蔡廷臣为浙江副使

○乙丑刑科给事中刘尚志条议邦刑一曰重人命谓人命至重不宜委兵马二曰清圉圉谓附近人犯解发各府州县监收三曰慎有词谓将有词者详加推鞠务得真情若事远证亡遂尔藉口者不准 上深然之令所司着实议行

○起复翰林院编修余孟麟原职调补原任湖广右参议王恩民于贵州

○丙寅以命 皇第五女名赐三辅臣及中书官银币有差

○南京刑部尚书今起工部尚书孙植奏衰老不堪就职章下吏部准致仕

○以水旱雹蝗灾诏免湖广山东各被伤地方民屯钱粮

○万历十一年虏犯前屯山海等功罪赏杨四畏等银两有差崔奔儿会审详决

○礼部主事屠隆上〈□ 铨-金〉自辩并参俞显卿西宁侯宋世恩亦上〈□ 铨-金〉自辩于是吏科都给事中齐世臣等交参之 上削隆显卿籍夺世恩禄米半年朱宗吉等法司提问

○丁卯复除翰林院简讨顾绍芳原职 升吏部左侍郎沈鲤为礼部尚书兼翰林院学士

○戊辰

上视朝 赐唐府荡阴王宙启谥荣简

○宗人府进缴敕谕 上责其不谙发还原敕候纂修完日缴

○吏部左侍郎兼翰林院侍读学士沈鲤〈□ 铨-金〉辞新命不允

○己巳兵部覆直隶巡按宋仕〈□ 铨-金〉江洋盐盗拒杀诏孙光裕等依拟陆希闵等会审详决未获者严限缉拿 庚午升右赞善赵用贤为司经局洗马管国子监司业事○司礼监太监张诚言往还湖广沿途不骚扰驿递恐地方虚开请行稽核报闻

○辛未升翰林院侍读田一俊为右谕德掌南京翰林院事

○起原任云南副使吴时来为湖广副使

○以延绥游击杭大才为分守喜峰口参将

明神宗显皇帝实录卷之一百五十四

明神宗实录卷之一百五十五

万历十二年十一月癸酉朔升刑部左侍郎舒化为刑部尚书刑部右侍郎丘橐为左侍郎各加俸一级升吏部右侍郎陆光祖为本部左侍郎改礼部右侍郎王家屏为吏部右侍郎兼官并经筵日讲如旧

○午刻日应食不食

○甲戌祭 三皇于 景惠殿遣侍郎朱赆行礼

○以田一俊为右春坊右谕德掌南京翰林院事

○升延绥守备王汝弼充延绥游击

○丁丑升少詹事沈一贯为礼部右侍郎兼官并经筵日讲如旧

○戊寅刑部左侍郎丘橐举刺委用方面诏吏部纪录王相等褫许一德张应诏革职为民王希尧抚按逮讯 ○司礼监张诚< 〇〇〇 毓-金 >抄没张嗣修等银十二万共装一百楨押解真定府柏乡县内被盗一楨下该县印捕官于御史提问

○己卯诏该科照前旨议故辽王太妃养贍

○辛巳南京给繇户部照磨蔡复赏上孔圣全书有旨轻率渎奏姑降一级调外任

○壬午升国子监祭酒张位为詹事府少詹事兼翰林院侍读学士掌院事

○礼科给事中王士性劾南京刑部右侍郎姜宝 上贤宝不报

○兵部< 〇〇〇 毓-金 >请查催未缴勘合得旨依拟

○癸未升吏部左侍郎陆光祖为南京工部尚书

○改南京工部右侍郎萧廩为刑部右侍郎

○河南巡抚杨一魁举劾有司 上以论列止卑僚司府岂无不职者令该科看详参奏以闻

○河南巡按刘士忠劾杨谔张鯤 上付谔鯤等于巡按提问追赃张鯤惨酷冤毙多命令从重拟罪

○甲申以 圣母慈圣皇太后万寿圣节赐辅臣讲官银币有差

○论贼犯刘家口各官功罪加路宰参将冯梦凤发遣

○升贵州右参议金从洋为云南副使以户部郎中苏雨为湖广佥事降原任山西右参议左熙应为四川佥事

○直隶巡按周之翰< 〇〇〇 毓-金 >参陆光祖 上以光祖屡旨留用又该九卿会推之翰何得摭拾渎扰已而左副都御史耿定向言光祖厚于宅心< 〇〇〇 毓-金 >于守口忠于为国拙于谋身任真推分率意坦衷真邦家之司直善类之基仗也请留光祖而容之翰得旨陆光祖业有旨留用言官论人不访公论任意诋排殊失国体姑不究○宁夏总兵李晌以病罢

○乙酉赠故刑部尚书毛恺户部尚书马森各太子少保

○升甘州副总兵刘承嗣署都督金事挂印充总兵官镇守宁夏

○月犯井宿

○己丑大学士余有丁卒上震悼辍朝遣文书官刘恺诣第视丧赐银币米烛柴炭等物予祭九坛又遣行人护灵归葬谥文敏有丁浙江鄞县人以嘉靖壬戌进士历春坊祭酒礼吏侍郎入阁与申王并相和衷共济宴如也国朝二百年来一甲一时入相者惟壬戌一科而已生平性阔大喜宾客不设城府其在黄扉如救张居正无逆状陆光祖为正人二事尤表表者 上谓其赞襄密勿茂著勤劳故始终优厚焉

○升户部右侍郎李世达为吏部左侍郎左谕德徐显卿为国子监祭酒

○吏部左侍郎陆光祖又以人言乞休慰留之

○升广东副使郑岳为云南右参政降原任江西左布政吕鸣珂为山东副使

○庚寅准王守仁陈献章胡居仁从祀学宫先是隆庆元年给事中赵思诚御史石檟< 跬 毓-金 >题王守仁陈献章不宜从祀而副都御史徐枋给事中魏时亮赵参鲁宗洪选御史谢廷杰梁许萧廩徐乾贞进士邹德泳俱言二臣应从祀其后御史詹事讲上言孔子有功万世宜飨万世之祀诸儒有功孔子宜从孔子之祀我 太祖高皇帝表扬

先师加意斯学二百年间诸儒聿兴直肩斯道若薛文清瑄王文成守仁陈简讨献章其最著者也曩言官以三人从祀上请皇上从礼臣议以薛瑄入祀矣乃守仁献章格于议而不得与夫守仁之功烈文章献章之出处大节谁不知之臣考其学问虽专言良知专言主静若近于偏枯顾言知而未始废行言静而未尝离动合一之功与宋诸大儒之论同归一致独奈何议论之纷纷也臣欲 陛下大奋乾断为斯文主将王守仁陈献章从祀下礼部议部请敕多官详议以闻而议者襍举多端于守仁犹訾诋部议独祀胡居仁 上因询内阁文臣从祀奈何不及武臣阁臣言武臣从祀于 太庙所以彰武功儒臣从祀于孔庭所以表文治武功莫盛于 二祖文治莫隆于 皇上此典礼之不可缺者 上悦于是申时行等乃言彼訾诋守仁献章者谓其各立门户必离经叛圣如佛老庄列之徒而后可若守仁言致知出于大学言良知本于孟子献章主静沿于宋儒周敦颐程颢皆祖述经训羽翼圣真岂其自创一门户耶谓其禅家宗旨必外伦理遗世务而后可今孝友如献章出处如献章而谓之禅可乎气节如守仁文章如守仁功业如守仁而谓之禅可乎谓其无功圣门岂必著述而后为功圣贤于道有以身发明者比于以言发明功尤大也谓其崇王则废未不知道固互相发明并行而不悖在宋时朱陆两家如鬮隙今并祀学宫朱氏之学昔既不以陆废今独以王废乎诚祀守仁献章一以明真儒之有用而不安于拘曲一以明实学之自得而不专于见闻斯于 圣化大有裨若居仁之纯心笃行众议所归亦宜并祀伏惟 圣明裁断主持益此三贤列于薛瑄之次以昭熙代文运之隆 上曰 皇祖世宗尝称王守仁有用道学并陈献章胡居仁既众论推许咸准从祀孔庙朝廷重道崇儒原尚本实操修经济都是学问亦不必别立门户聚

讲空谈反累盛典礼部其遵旨行

○升襄阳府知府吴道迩为广东副使

○刑科给事中陈璧条陈三事一曰任事贵人凡条议有关国体者合行省直着实举行二曰民事贵重仿古人劝农之意闻行奖戒补助三曰财用贵节愿 皇上留意节之一字内自宫壶外及边陲悉罢一切不急之费户部覆给事言是从之

○ 圣母慈圣宣文明肃皇太后万寿圣节 上御皇极门百官致词称贺赐辅臣上尊珍饌

○壬辰冬至节祀 天于 圜丘遣公徐文璧恭代 大明等各坛公朱明时侯吴继爵大学士申时行尚书沈鲤各行礼遣侯郑惟思陈应诏伯张元善方烨刘嗣德祭诸陵伯陈王谟祭 恭仁康定景皇帝及 哀冲 庄敬二太子坟□朝鲜国王昡差陪臣吏曹参判尹伊涵等来贺冬至

○癸巳以冬至节赐辅臣上尊珍饌

○以 寿宫兴工赐元辅时行银币

○甲午礼科给事中李以谦论耿定向代陆光祖辩而诋周之翰非是有诏是非自有公论进退予夺当听朝廷处分今后言官论人务秉公据实大臣亦不得偏执争辩以伤协和之体

○罢广东总兵官戚继光为兵科给事中张希皋等劾也

○乙未 上视朝

○丙申大学士申时行等请推阁臣命会推堪任者五六员以闻

○左副都御史耿定向求去温旨留之

○丁酉逮崇庆知州陈邦谟于狱以巡按赫瀛参其藉采木科罚故也

○鸿胪寺卿杨宗仲< 〇〇〇 毓-金 >参狂悖寺属程应伟王材斋戒酗酒下法司问□改南京兵部右侍郎毛纲为户部右侍郎升甘肃巡抚董尧封为南京工部右侍郎

○戊戌以右军都督佥事刘凤翔充总兵官镇守广东

○吏部左侍郎陆光祖又< 〇〇〇 毓-金 >乞休不允

○下遵化游击曹簠于按臣问

○贵州新归化苗头楞仰等差头目宋祥通事陈文瑞来贡方物

○己亥升山西右布政曹子登为右佥都御史巡抚甘肃

○辛丑 上视朝○夺尚宝司卿王鉴并锦衣卫百户李应爵俸二月鉴面恩致词声小御史周之翰糾之仍糾参将贾应龙未赞先跪均失仪 上特置应龙而罚鉴与应爵以爵奉旨不即拿故也因命礼部看议谢恩见辞官应否赞跪吉服日期应否面糾以闻之翰具< 〇〇〇 毓-金 >言鸿胪寺卿杨宗仲不谙礼仪先年山西参将朱瀚朱永祚辞朝未赞先跪经御史刘致中等面糾成规具在宗仲庇属求胜无人臣礼并下部议礼部以文武各官俱有常职常署独参将未知何属移兵部查兵部言参将各有分守地方系

外官移京营方属京官于是礼部言贾应龙既系外官自应引上御路赞跪方跪若参将无引赞面糾之例则先年刘致中糾朱瀚朱永祚时该寺即宜糾止何乃至今日始争也至于吉服日期不面糾仪注未载但云斋戒之日例不面糾盖致严祀事非它吉日比万寿圣节前后吉服七日通政司俱不奏事则自无失仪可糾若 皇太后 中宫寿旦节前后吉服三日惟正寿旦日不奏事其余照常奏事则失仪面糾亦如常矣既面恩见辞起数完后该寺仍呼奏事正导之糾仪也若谓吉服日期不当面糾则朝见起数不必具侍班官不必夹御路北向立而起数完后亦不必呼奏事臣等参酌参将在京者照京官在外者照外官各仪注朝见凡有失仪俱应面糾吉服日期除斋戒外其余照常奏事者即照常糾仪报曰可

○礼部尚书沈鲤因御史龚一清言乞休慰留不允

○壬寅吏科给事中齐世臣等条上五事一曰遵会推之制稽 祖宗典制内阁吏兵二部尚书会同九卿各堂上官及科道印官推举各部尚书侍郎左右都御史副金都御史通政司大理卿各处巡抚则会部院通大三品以上堂上官推举两京祭酒照巡抚例会推乃比年用大学士尚书或繇 圣心特简或繇辅臣揭荐乞照旧会推以昭公道二曰申职守之义国家言责归台諫政事繇六曹各有专职毋许越俎言事如俞显卿翟举贤辈以乖政体三曰核糾察之实如指其贪即取一不义足矣不必尽括无影之赃指其酷即杀一不辜足矣不必概举有罪之鬼四曰充台諫之任行取宜岁一举行视所选为羸缩冀拔三而得二也五曰慎督学之选以春官为储才之地铨曹博采海内文行之士而藉之以待春官之选宗伯又熟察而籍之以备督学之选报可

○ 寿宫铸督催物料监察工程各关防

○升广东左参议韩绍为广西副使

明神宗显皇帝实录卷之一百五十五

明神宗显皇帝实录卷之一百五十六

万历十二年十二月癸卯朔无逸殿灾

○大学士申时行等上言此殿为 皇祖所建以省耕歛观稼穡知小民之艰而固二业之本一旦被毁盖 上天出谴告以示仁爱欲使 圣志忧勤侧身修行思患豫防非偶然而已也臣等辅导无状调燮乖方致兹大警除席藁待罪外其内外大小臣工皆当一体修省洗心涤虑以应天变

○降原任福建右参政杨标为广东左参议升湖广按察使沉子木为山西右布政

○礼部尚书沈鲤又 < 疏 毓-金 > 乞休不允

○兵科给事中张希皋条陈四事一西北市马膘壮给军羸弱卖充市本披阅视册宣天山西三年内新收胡马十万四千四百零约费市本九十二万二百有奇随查开除数略相当而桩银仅十之一宜设法调停褒多益寡勿出市本旧额之外二东南客兵骄悍成习浙省之变一倡而东山府江相继见告宜时拣汰易以土著已汰者给道里费遣

回三储养将材各卫所应袭官舍先令送学读书两月府卫正官考试每岁守巡两道考阅起送之时抚按试弓马韬略熟闲者方准起送四清理军伍每军下务列继丁二三名或一二名注籍听继不俟绝伍始勾将领毋许克剥部覆俱如议独边方官舍难尽绳以肄习诏申飭行○甲辰升王锡爵礼部尚书兼文渊阁大学士王家屏吏部左侍郎兼东阁大学士俱入内阁办事

○谕礼部无逸殿灾系 上天示戒朕衷深切警惕其内外大小臣工著一体修省以回 天变

○户科给事中苗朝阳言各边新垦荒田永免起科及议盐政请托之弊户部覆从其言

○逮曹州知州方复乾下于理以山东巡抚李辅参其惨酷致伤多命也

○褫延安府贪同知石巍真宁县贪知县刘衢职为民下巡按提问

○乙巳吏部右侍郎兼翰林院侍读学士王家屏辞免新命不允

○以缉获功荫太监张鲸弟侄一人为锦衣卫百户赏羊酒新钞

○丙午升四川右参政李成式为湖广按察使调浙江副使叶梦熊为山东副使整饬永平

○升锦衣卫掌卫事都督同知刘守有为左都督提督巡捕锦衣卫都指挥僉事杨俊为都指挥使各赏羊酒钞锭王汝梅升都指挥僉事庄福德等各升一级镇抚司管事指挥使许茂樛升都指挥僉事宋金李如柏俱指挥僉事调王有翼分守山海参将

○工部言大工肇兴铺商窑灰等及车户宜酌议均派不得营求搀越是之○工部覆应天巡抚王元敬议留苏州府织造银两除十年十一年十二年共十一万五千七百二十四两零准留外已后大工不得再留报可

○丁未吏部申飭明年朝覲应行应革事宜

○吏部覆刑科给事中陈璧条陈三事一曰起废贵慎除品隲素定举之不敢不先或月旦时更考实行核报二曰名实贵办卓犖而蚤有誉沉笃而终有誉者实名也有所覬而赴有所托而遁者虚名也课名程实则臣等事也三曰用舍贵当大臣进退关国体人才用舍关世道臣等敢不虚心秉公广询博访以闻从之

○礼部言崇王乞改封第二子南阳王常□_？水聿□为世子妃钟氏为世子妃诏改封恐有朦胧情弊行抚按查核以闻

○升贵州副使华启直为四川右参政补原任陕西副使张孙绳为浙江副使

○以辽东都司僉书韩元功为沈阳游击

○庚戌广西饥

○两广总督吴文华广西巡抚吴善各<□□_？ 毓-金 >徭贼纠党为患相机扑剿以靖地方留中

○授成国朱应槐勋卫 升礼部右侍郎沈一贯为吏部右侍郎兼经筵日讲

○楚王华奎奏宗室英火口尔不法诏夺火口尔禄米抚按官勘问以闻

○礼部题朝鲜国王李昫送还漂海华人一名 上嘉其诚命该部登记候至数名以上照例类请给赏

○辛亥 上视朝

○火星逆行张宿度分

○命大学士王家屏充会典总裁及同知经筵日侍讲读

○崇王差承奉高朝来礼科给事中万象春参王府内役潜迹营干 上令该城御史究明奏闻

○壬子已故永乐间忠臣都御史景清戍所丁绝连累亲故陕西抚按李汶曹一鹏以为言部覆奏诏令豁伍○樵斋戒酗酒鸣赞程应伟王材职为民

○广东巡按邓炼< 鄧 毓-金 >荐地方人材何维柏海瑞林大春黄可大陈堂得旨海瑞即起用

○兵部尚书张学颜题无逸殿灾宜严巡禁内皇城各门昔止内使二三今增四五十昔犹住直房今皆私建房各门皆然西城尤甚内操兵虽止三千而仆从无算地在内苑守御者不敢问事干近臣巡视者艰于察宜一申饬应送问者送问应参究者参究上谓尚书言是皇城巡禁事例依拟通行申饬还著司礼监严行各门不许放游食无籍之人混入

○先是刑科给事中刘尚志题重人命等三事至是刑部申其言良是请从之报可

○升贵州左参议应存卓为本省副使

○癸丑上御文华殿讲读

○礼科等科都给事中万象春等因灾修省条上六事一曰重抚按之责有司不贤抚按得而劾奏朝廷凭而黜削其甚者仍令提问法也近见一二贪酷有司 皇上遣官逮问无论威褻则易玩道路之驿骚可胜道哉今后除重大必须廷鞫者逮治外其余请付抚按究奏徇情者容臣等指参并治二曰止禁地之兵今天下之兵养之非不厚也少有所激輒脱巾攘臂如往岁浙中近日粤西可为殷鉴内操诸兵固非其比然岂尽忠义脱有不如意鼓噪行伍之间虽万万自取齏粉于国威得无少损哉三曰存撙节之心 皇上尝揭节用之戒于殿庑以故数年间太仓盈溢而日来渐耗如马料金价之请动盈数万 皇上虽诏许之然未尝不轸念经费旬日来绝无加取愿 皇上之常持此心也野火漏卮可为炯鉴四曰宽言路之禁顷一二建言被斥诸臣铨臣不察其悔悟与否遽拟量移遂烦明旨切责第云另题请耳非禁之使勿用也该部职在敬共心存疑畏苟非明示德音恐诸臣终无赐环之期五曰一宫府之法法者天子与天下共岂以内外而有异同此后内廷有犯悉付所司如律究治奏入报闻

○降补原任副使程学博为贵州左参议

○甲寅命少詹事兼侍读学士掌院事张位右春坊右谕德兼侍讲吴中行俱充日

讲官

○乙卯先是刑科言近来逮问不便 上怒言者夺为首俸三月余二月至是刑部覆御史黄学曾给事中陈璧一欲慎逮系以正纪纲一欲振国威以肃反侧今周祈已赦情法两伸惟逮问一节雷霆时褻民志日骄以后职官有犯请在内付法司在外付抚按庶

主势益尊朝廷益重报曰朕軫念军民间一逮有司之玩法纪阻德意者以示惩戒所奏已知之矣

○山东巡按吴定< 〇〇〇 毓-金 >止内操请内兵发京营操练上责定不谙事体夺俸五月

○丙辰 世宗肃皇帝忌辰祀于 奉先殿遣遂安伯陈澍祭 永陵

○南京刑部右侍郎姜宝自陈衰庸求去不允

○三镇贡市事竣甄叙文武效劳官员赏郑雒萧大亨等银币有差

○丁巳 贞思安和景皇后忌辰遣靖远伯王学礼祭 陵寝

○锦衣卫都指挥佾事王汝梅罢 改南京吏部右侍郎兼翰林院侍读学士

○工部侍郎何起鸣条陈营建大工十二事一议办物料甄须有声无孔石须色鲜体坚一议贮物料贮于

昭陵神马房西井两庀空房一议运物料遇大雨时行水路运至汤山及朝宗桥一议放工价半月一给挨号散银一议恤夫匠一议处车户一预备器具一议设防守一议处供应一议处住房一议委责成允之

○戊午 上视朝

○修完南山厄要工程诏赏郑雒等银币有差

○广西巡按黄钟报徭贼出劫诏抚按官相机堵剿

○己未以年节赐辅臣讲官各银币

○以西兴堡失事程邦奇等革任夺俸有差

○宴赏泰宁等卫朝贺长至夷目小思等福余等卫朝贺 万寿圣节夷日把歹等有差

○礼部仪制司郎中赵世卿以万象春参崇王翊< 〇〇〇 爵 >事上< 〇〇〇 毓-金 >求罢上谓该科参究王府指称员役原不及部何必辩世卿其照旧供职于是象春亦求罢不允

○云南巡抚刘世曾辞升荫总兵沐昌祚辞加太子太保并加禄荫子俱不允

○庚申兵部覆虜犯三山营等功次允升赏 予原任左都御史陈玠右佾都御史刘良弼祭葬

○从尚书郭应聘言准南京会同馆增复原额以后解到马骡夫价不必扣库作正支销

○升户部郎中侯世卿为山西副使

○升广东都司王椿为琼崖海防参将加保宁参将臧士劝副总兵职衔

○壬戌予故大学士严讷及妻祭葬仍加祭二坛赠太保赐谥荫一子中书舍人讷直隶常熟县人繇嘉靖辛丑进士改庶吉士授编修同考礼闈教习内书堂纂修大明会典主试应天历侍读太常寺少卿掌院事吏礼二部侍郎晋二部尚书加太子太保兼武英殿大学士总裁兴都志引疾乘传归笑傲虞山拂水间几二十年始卒讷幼有异祲爽垞多才略而文章纱一时典礼于青词竞进之朝秉铨于权贿交横之日能不易所守而名位日隆则醇默之效也赞政虽无异勋亦汉石丞相之流匹矣

○癸亥予原任工部尚书孙应鳌祭葬并予谥

○大学士许国乞恩改荫许立德送监读书许立功荫中书舍人

○以工部奏罢开矿

○甲子 上御文华殿讲读○兵部尚书张学颜言 寿工鼎建班军赴工应行应革事宜合行申请京营协理如敕奉行报可

○以陈承德为锦衣卫指挥佥事带俸承德 仁圣皇太后侄也

○乙丑命詹事府少詹事兼侍读学士掌院事张位右春坊右谕德兼侍讲吴中行翰林院编修余孟麟简讨顾绍芳俱充会典纂修官

○丙寅兵部尚书张学颜以母老乞休慰留不允

○丁卯大学士申时行等请缓钱若赓之死准令监候处决既以增光 圣德亦使臣等稍逭不职之罪从之 初设黄庄巡简司

○戊辰通政司缺左通政廷议举海瑞吴时来 上以吴时来为左通政海瑞原任都御史令查相应职起之

○复除兵科都给事中王致祥原职

○己巳 上御文华殿

○广西等道御史许子良等乞宽钱若赓 上怒云尔等为朝廷耳目酷吏害人如何先不参论夺为首俸三月

○予已故刑部尚书毛恺谥并赐其妻夫人杨氏祭葬

○予已故户部尚书马森谥

○左副将管逵干罢

○云南道御史黄师颜言公论已明乞复洪朝选原职章下吏部

○工部言搭盖席殿艰难 上曰搭盖席殿虚费钱粮候 慈宁宫及 寿宫建造有次第日议造行宫以省烦费

○庚午敕司礼监太监孙政守备承天

○升冯露礼科王继先刑科俱左给事中田畴吏科唐尧钦兵科常居敬刑科俱右给事中

明神宗显皇帝实录卷之一百五十六

明神宗显皇帝实录卷之一百五十七

敕脩

万历十三年正月癸酉朔 上御皇极殿受文武群臣及四夷贡使朝贺 赐三辅臣上尊珍饌

○乙亥 宣宗章皇帝忌辰遣官祭 景陵

○戊寅立春顺天府臣进春 上御皇极殿受之文武群臣行庆贺礼

○己卯孟春 上亲享 太庙

○庚辰荧惑逆行入轩辕犯南第五星 总督蓟辽兵部尚书兼都察院左都御史张佳胤奏甄别八卫客班将领举游击傅垣等十有三人劾游击张秉忠革任都司徐天衢等夺俸半年 巡抚宣府右副都御史萧大亨以秋防事竣上所部功罪举总兵官李迎恩等二十人劾游击黑晓革任守备白国卿调用 泰宁卫都指挥僉事大成朵颜卫都指挥僉事伯彦帖忽思福余卫都指挥僉事那彦孛来以贡马至自言守边有功例加三表里及衣一袭许之 壬午起僉都御史海瑞为南京都察院僉都御史 蓟辽总督张佳胤疏言兵备副使顾养谦陈防御二事一脩大举险要言蓟之患不在零窃而在大举大举之足忧不在平陆而在水口当水涸时处处筑墙为守水涨輒坏劳而无功今议大兴桥工与台墙相兼立限脩完一<图>零窃文法言虏以数十百人自口外潜入掠近边人畜将领多以此获罪夫问刑条例原有情轻律重奏请定夺之文宜斟酌律例明著为令使将士得一意办贼疏下兵部取脩边之策而难于更律令也 上曰该镇密近陵京防御宜慎以后遇有零窃督抚官从寔奏报巡关御史勘核失事轻重分别奏请若真有斩获酌量准赎朝廷亦不苛责 铸陇川宣抚司及孟定府印升 密安抚司为宣抚司添设安抚司二曰蛮莫曰耿马长官

二曰猛脸曰猛养千户所二一居姚关一居猛淋砦皆名之曰镇安并铸印记建大将行署于蛮莫从云南抚臣刘世曾之议也

○以金花银积逋夺直隶苏州府知府朱文科通判张东暘广东潮州府知府郭子章通判梅鹭月俸有差

○癸未 孝恪皇后忌辰遣侯薛銀祭 永陵

○改南京左军都督府僉书都督僉事杨鲤为中军都督府僉书升署都指挥僉事谢天祐秦岐充五军营左右副将任大同充神枢营右副将○石城王府奉国将军拱栢有罪降为庶人闲宅禁住奉国将军多□□火等革禄米三之一辅国中尉谋起等停禄米半年江西乐安等八府宗室万历十二年分常禄例于十一年税内徵给本年奉诏减三徵七故布政使周之屏不能应冬季逾期拱栢等集钟陵淄川等府宗室拱樞多料等偪辱南昌知府胥遇遇逊词获免明日又诉于南昌道王希元适抚臣马文炜出噪呼而前投瓦石及輿抚臣自劾部科亦交章论列而拱栢者隆庆六年越关上书请分宜故相

籍产经乐安王参奏废锢其子请代得释也 上震怒降夺有差而置文炜之屏等不问

○丙戌升五军营右副将李应祥为南京左军都督府佾书

○墙子岭桥工黑峪关城工告成叙都司陈子成等升赏有差○丁亥以上元节赐三辅臣元宵膳酒有差

○己丑 英宗睿皇帝忌辰 奉先殿行祭礼遣伯陈澍祭 裕陵

○诏除闰考之法国制察典京朝官六年外官三年以为期后执政者有所处分輒间一行之谓之闰考而参政王时槐林梓等皆以察处巡抚南贛张岳伉疏荐之吏部因言非时闰考以后委宜停止不得妄请报可

○先是有旨三年阅视差官渐成故事今次罢遣敕各该巡按御史遍阅所属而御史张文熙谓蓟密永昌保己所部也既而兵部尚书张学颜开坐巡关御史苏鄴文熙怒参学颜违旨乖谬专权巧诈四罪因发其陷前御史刘台事学颜疏辩并求罢斥 上留学颜而夺文熙俸三月○辛卯遣成国公朱应祜持节大学士申时行奉册追封皇第二子为邠哀王时 上不临轩领出节册于宜春宫行礼册曰王者支子备位宗藩情具属于天亲恩奚间于存歿朕故第二子常淑含灵孕秀已弥震夙之期应兆诞祥冀睹岐嶷之状甫聆口口<派-彳>泣猝报沦殒嗟美玉之难完讶庆云之易变倏惊 慈听殊骇朕衷爰举彝章式昭愍念特追封尔为邠王谥曰哀呜呼锡以名称用备成人之礼炯如英爽尚歆有国之封

○四川建武所故九丝地也以平都蛮置始立军府镇之其标下兵恃功而骄总兵沉思学至镇骤绳以法士有受杖荷械以殉者革逐偏裨悉补亲信众遂不堪焚思学于廨舍或投以戟中脑及肩得不死声言索其子弘猷欲杀之坐营周尺守备王继先谕之方退越三日复聚歃血竖大旗阻兵观变抚臣雒遵不能制驿上其事且请暂示安辑如浙兵故事革思学任推就近官莅事朝廷并从之仍责遵等相机处置

○壬辰通政司右通政陈瓚乞罢不允通政奏事率繇拣选而瓚方以公望起废不拜 上闻之敕该司官一体升擢无得偏抑

○诏毁天下私创庵院寻不果毁户部尚书王遴以财用诎乏条八事内一事言近年佛家道家白莲等教各立期会布金出米举国如狂伏睹 太祖高皇帝榜示天下曰凡寺观僧道无奔走于外交构有司以书册称为题疏强求人财无私创精庐暨我 成祖以浙江诸郡少年越京请度牒者千八百人尽以戍辽东甘肃 祖宗深意万世所宜守也礼部题僧道之禁节经言官建白本部议覆不啻三令五申矣而斋醮施舍愈昌愈炽岂尽左道之愚人亦崇尚者之自愚耳今宜敕各抚按严督守令以移风易俗为先申明 圣谕劝化愚民教以君臣父子之常道示以农桑衣食之恒业晓以惠迪从逆之实理丧葬必依家礼擅作佛事者罚祈年方社以时揭榜消禳者罪大经既正邪慝渐消行之既久以此署考庶几教化可兴世道有赖奉旨着中外大小臣工严查各处寺观庵院毁新创存旧陞矣数日复谕都察院曰前有旨清寺观庵院恐奉行过严一时军民惊扰

其令五城御史停之仍禁以后不得私创犯者重拟

○户部言各省直卫所民屯存留钱粮原系计军定饷迩来尺籍耗废军少粮余事理必然请自万历二三年奏报之日为始十年之中每年原额若干见在官军若干尽籍其数其有赢余解部济边此皆朝廷因田制赋非徵于外也 上是其言下所在行之

○行取礼部尚书文渊阁大学士王锡爵疏辞新命 上温旨报之不允辞

○升署都指挥僉事等官朱光浙江宁绍杨文通京城巡捕黄斌湖广黎平卢述四川松潘王三聘大同东路董延龄延绥中路李维宣府南路梁文宁夏北路马成龙倒马关高彻松棚峪孙应奎河州各参将常世爵蓟镇秋班任弘道蓟镇南兵姜河陕西标下骆尚志大同入卫陆贤甘肃标兵王有麟广东练兵卢名世蓟镇春班各游击将军

○蠲海门县坍江粮一百九十一石从凤阳抚臣王廷瞻之请也

○丁酉 孝靖毅皇后忌辰 奉先殿行祭礼遣伯王学礼祭 康陵

○命福建抚按即讯原任总兵王尚文按臣杨四知糾其贪也

○谪顺天府通判周弘禴于远方弘禴论兵部尚书张学颜太仆寺少卿李植吏科给事中齐世臣其其略谓学颜之被论屡矣 皇上为逐一给事中三御史矣昨者御史张文熙之论劾皆诸臣之所已言也其结兄弟于张鲸又二三言官所不敢輒及者也李植之论冯保则张宏门客乐新炉为之谋主因论保而交好于宏 皇上逐居正之后事有不下部院竟从中票者必 皇上之独断也宏等号于植而谓悉繇中人之调发植等又号于众而谓悉繇御史之指挥此公论所最不容也 祖训大小官许至御前言事而齐世臣乃敢露章禁部臣言事夫前任吏科者周邦杰也又前任吏科者秦耀也当居正时在耀甘为猎犬在邦杰自同寒蝉独员外郎艾穆等首发其奸部臣言事何负于国哉居正谓台省人少易于牢笼部寺人多难于收拾故穆等最得重谴其次恶员外管志道之条陈也御史龚懋贤承其指而考以老疾恶主事赵世卿之条陈也尚书王国光主其画而辄以左官世卿卒从昭雪志道尚属废况论者切齿懋贤国光谓其附权臣而弃直言之臣也乞将学颜植罢斥耀邦杰世臣分别处治其不时内批望悉停罢有旨朕昔在幼冲内外有专擅欺蔽者近已正法乃今诸司章奏大小政务朕自省览岂容交结阻滞且朝廷设科道官专司言责各衙门自有官守若人人得逞胸臆岂成政体张学颜已屡有旨留用李植齐世臣皆好官如何掎词诋斥周弘禴狂躁出位降三级调边方用后谪代州判官

○诏重惩贪吏严禁馈遗从部覆户部尚书王遴之议也○赠故工部尚书朱衡太子太保初衡以事被废落太子太保至是追复以为赠官焉

○命南京左军都督府署都督僉事李应祥以原官充总兵官镇守四川

○先是陕西西安府同知江中晓坐监仓多收斛面为抚臣张师载所发事在隆庆二年已升南户部郎矣至是始正其罪追赃为民又以原籍勘问减拟赃数都察院赵锦因参巡按御史赫瀛及按察使朱孟震有旨夺孟震俸二月

○辛丑 仁圣皇太后 万寿圣节免百官朝贺先一日中使至阁传 圣体偶违和故免

○赐原任太子太保吏部尚书武英殿大学士严纳太保户部尚书建极殿大学士余有丁一品恤典遣官造葬

○太常寺少卿秦耀太仆少卿李植周邦杰吏科都给事中齐世臣各奏辩周弘禴参疏并乞罢不许

○礼部尚书兼学士沈鲤以疾乞归不许予之告

○巡按直隶御史许乐善以疾乞归许之

明神宗显皇帝实录卷之一百五十七

明神宗显皇帝实录卷之一百五十八

万历十三年二月壬寅朔诏定科场事宜先是各省乡试以巡按御史及二司充总裁官内外无复讥防又预自撰录有主者未入闈而文已传于外矣关节既易大臣子弟多幸中而中式举人得自写原卷送部名曰公据其朱墨卷不以解部即有物议无从磨勘言者病之科臣王继先请照嘉靖七年例用京朝官主考科臣张栋请程式就中式士卷稍为删润依制刊刻科臣万象春请将朱墨真卷解部本部会同该科辨验惟覆试一事科臣张维新则概指大臣子弟科臣王士性则专指京堂三品以上子弟万象春则谓无议而试于事非雅不若无分大臣及民间子弟但有夤缘实迹著闻即行参奏试经书论策各一篇荒谬不堪者黜落并罪主者于是礼部集其议以覆 上曰科场事宜既有成议各处考试官照嘉靖七年例差用还酌地方远近先期奏请监临官不得干预帘以内事余并如议

○命国子监祭酒徐显卿右谕德李长春修撰刘楚先编修黄洪宪史钶充经筵讲官

○甲辰遣礼部侍郎朱赓祭三皇于景惠殿太医院官祭先医之神

○莽酋之役原任云南巡按御史陈文燧屯田副使罗汝芳兵备副使胡心得与焉而皆被废吏科给事中杨文举疏讼其功略曰文燧按滇莽瑞体凭陵思个抚臣王凝讳兵养寇文燧独抗疏条上十事预策于五年之前而悉验于五年之后此曲突徙薪之功故文燧当叙也汝芳理学名儒其代署金腾兵备严哨守练土著精间谍军声大振抚臣憇之旗牌之遣一日五至而汝芳之兵撤又其在永昌腾越昆阳皆著水利之功故汝芳当叙也心得单骑入腾有盍西之捷腊底之捷且计擒张大本父子斩刀落参而岳凤失势其妄报莽贡则罕拔误之罪不足掩其功故心得当叙也吏部独覆文燧擢用而谓汝芳已老不宜复烦吏事 上为诘责前之论汝芳者而不果用与心得并勒致仕

○议裁海门县归并州治下其事凤阳抚按覆奏

○好地坪番族郝卜羊家保等贡马及方物给赏如例

○总督陕西三边兵部右侍郎郃光先等上边计八事一重事权以专责成言甘镇

三营总兵副总兵游击各领其一殊碍责成宜俱听总兵官节制二申抚堵以振积玩言套虏西行报复经繇内地不免骚扰宜抚堵并行斯为驾馭长策三严选练以重劝惩言兵备将领等官所司不过选练兵马宜岁终考核并行举刺四选土著以防重地言永昌高台系极边要区召募不足宜于卫所屯余五丁抽一示寓兵于农之意五练夷兵以固藩篱言诸番为虏輟辄宜选其精锐一体操演亦潜代虏谋之一端也六禁盗马以杜衅端言虏之掠番率以窃马为名宜严禁诸番不许窃虏马犯者重罚七修险隘以遏虏骑言甘肃隘口原有边榨宜一一补葺无者亦宜创置八兴民利以济穷边言甘镇地饶宜兴农事又羊毛多织纺可行部覆并如议

○礼部言近日科臣万象春奏称崇府承奉高朝等赍贿入京求改封世子讯之虽无验然臣犹谓弗过防之弊未有极也从来惟王府章奏最为繁多有应单本者亲郡王名封婚礼丧礼管理府事参处犯宗奏辩冤抑是也有应类本者将军以下名封是也宜令抚按单本不特代奏类本每季仲月一代奏该府不必遣人而又有势必遣人者如赍捧庆贺表笺是也亦定大府无过三人郡府无过二人照会典送会同馆安住听本部提督主事关防民间不得居停道地既清诸藩不至困累臣等亦无嫌可避无奸可禁时部科皆有此议诏

○复封乐昌王府辅国将军充棚嫡第二子廷魁嫡第三子廷睢为奉国将军初乐昌王充熏以私憾指为擅婚子革封至是辩复本爵

○土鲁番头目沙亦等贡方物套虏威正等邀而夺之巡按御史屠叔方言虏公然寇攘失今不问边事将不可为且虏酋贪汉物虏妇极惧捣巢宜断其抚赏声言剿杀斯制骆之机也 上是其言

○总督陕西三边郃光先会各边巡抚陕西李汶宁夏张九一甘肃董尧封延绥梅友松上所部诸将功罪擢用纪录革任有差

○勒苑马寺卿岳凌霄冠带闲住

○诏以山西水泉一营滑石黄龙寺坞三堡额外开垦地予贫军领种永不起科粮数载会计录者除之时抚臣许守谦以请户部覆曰开荒之议惟在辟土以聚众不在加赋以病人况砂碛之地暖迟霜早若概徵之是速其困且逃也 上乃许之

○总督宣大尚书郑雒言天下之事有今之所有古之所无者如北虏纳款是也方虏款之初当事者犹以虏警怀疑臣自万历七年任事痛抑猾虏犯者必问□□弃其叛去伸我威信而虏亦俛首受戎索募墙有罚扰塾有罚盗马有罚扑捉人有罚今三镇年终类报罚处生事夷人宣镇九起大同七起视之腹里且为鲜少而说者以贡市比汉和亲过矣因上请弁功罪麻承恩等纪录吴国臣等夺俸 上报曰边计虏情督抚官便宜抚馭无以议论同异隳阻任事之心

○逮方复乾于诏狱复乾知曹州多杀无罪抚臣李辅劾之逮赴诏狱寻下法司问欲当以杖 上以为不蔽罪当以远戍

饷溧阳新募官兵又一万二千六百两备万历十四年抚赏

○丙辰遣侍郎傅希摯祭京都太仓之神○升礼科左给事中冯露为湖广副使江西道御史曹一鹏为镇江府知府云南道御史叶成遇南京云南道御史郭宗贤南京刑科给事中刘一相广西道御史李植俱佥事成遇江西宗贤山西一相陕西植福建

○刑部尚书舒化言 皇上仁心出于真性故钱若赓以酷闻而服上刑方复乾以酷闻而蒙远戍今大小用刑衙门曰杖责曰枷责曰监禁亦宜使遵照律例不得淫刑以毙多命 上报曰有司酷刑淹禁致毙无辜所奏依议申饬称朕好生之意化又言大明律一书 高皇帝揭诸两庑手为更定今未经详断者有从重拟罪之旨已经定议者有加等处斩之旨是谓律不足用也去冬雨雪不时两京皇城之内频见不戢之灾咎当在此 上亦优诏答之

○巡抚陕西都御史李汶等条议编审驿递当佥反募一当议昔僻今冲二当议通融掣兑三当议酌改支直四当议部覆从之

○戊午升太常寺少卿秦耀为太仆寺卿

○升山东参议赵楫为湖广副使

○虏犯沈阳静远堡遂掠懿路从蒲河之十方寺堡出边一昼一夜杀掠无算

○银作局太监孙暹奏 慈宁宫镀造用黄金三千二百两户部尚书王遴请视嘉靖十七年 慈庆宫例减为一千五百两给事中萧彦亦以为言不听

○总督蓟辽尚书张佳胤等奏蓟昌两镇共修边墙六千四十丈敌台墩台一百四十七座带修遵化城工七百余丈所省工价犒恤不费皆文武将吏之功宜分别叙录其都司郭晚等罚治提问从之

○庚申恭仁康定景皇帝忌辰遣伯张元善祭金山 陵寝○新升司经局洗马管司业事赵用贤以病请告不允

○命太常寺少卿沉思学以原官提督四夷馆工部营缮司郎中唐鹤徵为尚宝司司丞

○诏蠲顺天府属田租以顺天府臣言前岁驾出谒 陵也供张除道者十之五调发所及十之三昌平一州全免

○壬戌敕广元王长子术雕管理府事术雕者辽恭王嫡长曾孙为沅陵等六王致枇等所讦抚按勘明故礼部为之请

○升礼部主客司主事苏浚为浙江佥事提督学政

○兵科左给事中王三余劾承天守备太监王楨违法十罪有旨王楨降三级南京新房闲住于是湖广抚臣李江亦劾其参随贾本厚韩之瑞等下御史即讯

○甲子遣成国公朱应祜祭大明于朝日坛

○先是四川巡按御史赫瀛以采木科歛参知州等官刘冠南陈邦谟梁有贞吴郡石佩王遴蹇来亨等七人系诏狱严讯不承有旨诘责抚按官而冠南等犹羈邸舍以待

彼处分于是刑科给事中常居敬等言守令者天子所命以临众庶者也若绌辱不以其罪则继此任事者难矣自今逮问之举犹郑重焉报闻

○朝鲜国陪臣吏曹判书李友直等三十六人入谢宴赏如例

○乙丑升户科都给事中萧彦为太常寺少卿礼科都给事中万象春为山东参政

○丙寅升刑部郎中史继志为浙江副史降广西右布政使卢仲佃为广东副使

○丁卯京师旱自去秋八月至于今春二月不雨河井竭谕内阁传礼部祈雨

○戊辰祭历代帝王遣公文璧行礼侯继爵伯炳尚书巍尚书遴分献

○改神枢左营都督佥事侯之胄为南京左军都督府佥书○录贵州平苗功赉巡抚都御史舒应龙前任都御史刘庠镇守总兵都督佥事张澡都清兵备副使洪邦光银币有差初贵州都匀府平定司苗阿韶乐平司苗乐三以土官宋瓚科索为名攻陷司治杀戮甚惨抚臣舒应龙檄参将张奇峰讨之斩首一百九十八级获阿韶以下十有四人夷中有险地曰者牙砦贼所保也至是立营驻兵为防守之计焉

○录云南平莽酋功赉巡抚都御史刘世曾黔国公沐昌祚银币荫世曾子纁昌祚子睿世袭锦衣卫百户授名色把总高国春世袭本卫副千户猛密土舍思化四品服色游击刘縻刘天俸参将邓子龙优叙余文武吏士升赏有差是役也国春以五百人破贼数万解五章之围穷追旬日连摧六营为西南战功第一

○庚午大雪

明神宗显皇帝实录卷之一百五十八

明神宗显皇帝实录卷之一百五十九

万历十三年三月壬申朔 孝肃皇后忌辰遣广宁伯刘嗣德祭 裕陵新除给事中三人卢逵吏科王问卿兵科吴岳秀南京吏科试监察御史七人蔡系周浙江道杨有仁河南道刘元霖山东道孙愈贤山西道黄正色南京山东道

○有事于 寿宫工部议伐石需材及调发班军番代皆万人府尹徐元太亦言运石僦车畿民重苦御史邓炼因早上疏曰 世宗皇帝即位十有七年而为此役又迟回者数年盖慎之也 皇上春秋方盛且用民之力必以其时诗曰我稼既同上入执公功盍姑已诸不报

○丁丑日亭午大风从西北来有声黄埃蔽天占曰边兵起○叙录建言诸臣兵科给事中张维新上封事内一事言推用忠鯁以杜壅蔽有旨黄道瞻等分别叙用范镌罢于是补南部主事者二人邹元标兵部孙继先刑部推官四人黄道瞻河间府曾乾亨大名府伍可受开封府冯景隆南阳府判官一人谭希思钦州

○谕止内操兵科都给事中王致祥疏略曰臣闻天下快心适意而其实有不可测之忧方其无事将狃于所可乐疑言者之过而不信及其破坏决裂而后捄焉则其计已晚今日内操是已夫 皇上之意不过陈扈从备军容焉则已耳而左右近习之臣揣知意指遂部署队伍以进 皇上见其甲队之齐羽旄之美因乐此而不倦矣 祖宗之法

非宿卫之士不得持寸兵今群不逞之徒授以利兵出入禁门莫可问或有奸邪窜迹其中为祸岂细哉况 皇上春秋鼎盛血气方刚虽聚精会神以颐玉体犹惧不足可日逐逐焉轻试戎马之间乎方今内廷火灾河井涸竭若下令修省宜莫切于罢内操疏入留中是日敕谕内阁曰内操原有 祖制向缘扈从 南北郊及 皇陵恭祀事毕而止殆无常操之理而言者不知妄引非喻亦是其职今已停止卿等知之

○升久次科臣姚德重礼科都田畴礼科左陈大对礼科右胡希舜工科右

○大学士申时行等奏昨日风霾之异臣等甚惧宣大二镇虏方款贡必无他虞惟蓟镇属夷长昂犹肆桀骜辽东土蛮尚在近边宜行督抚总镇傲师以备之 上敕谕兵部曰昨日风异示傲恐虏有谋尔部马上差人传与东边慎加防备无怠○南京户部尚书魏学曾再疏乞休许之

○复除户科都给事中姚学闵给事中叶时新原职

○录福建十二年春汛斩获功赉海坛山名色把总黄道分守参政顾褒日南山水砦把总白斯清等银两有差是役也获生倭深酉梦等十有九人

○戊寅山西山阴县地震旬有五日乃止

○以 慈宁宫视工赐三辅臣银币及斗牛麒麟孔雀服

○朝鲜国陪臣李友直事毕命尚书沈鲤宴而遣之

○蓟辽总督张佳胤等奏蓟昌两镇修边工价四万二千一百两有奇犒恤银三万一千五百两有奇户七兵三例也又以桥工钜赏格宜厚有功各役请升实级从之

○抚治郟阳都御史毛纲奏劾荆州府知府郝汝松赋贿巨万皆于藉江陵故相及诸宗室取之得旨下抚按官逮讯

○己卯荧或口火逆行至是始顺度循軌

○以清明节遣侯薛鋹徐文炜伯王应龙刘应元卫国本分祭 九陵伯陈王谟祭恭仁康定景皇帝金山 陵都督李鹤祭 哀冲 庄敬二太子园寝

○以河北道左参政戴光启改驻卫辉督修府第时抚臣臧惟一言府第之费约六十万七千八百两有奇大木仍采之楚蜀挽拽丁夫官为之募请以光启不妨巡历兼领其事故有是命

○诏改折各省直万历十三年分起运漕粮一百五十万石甲字库绵布一十万二千四百一十疋承运库绢四万三千五百二十有二疋采户科给事中萧彦之议特万历十二年年终奏缴岁出浮于岁入一百一十八万国用不足也

○初黎平府属中林长官司土官杨相科敛无度弟栋欲夺其官因众之怒糾管内苗候其父子至砦戕之事露栋毙于狱相父子既死遗妻龙氏抚其孤孙龙氏妇人信任左右遂致娄罗砦之乱杀其用事者数人齧食之而龙氏以谋杀其孙诉府知府王事圣者遽檄守备周弘谟永从县知县陈常临之以兵苗遂逆命始闻于辰沅兵备副使管稷调靖铜伍三卫合三千人讨平之改娄罗砦为平罗而首恶逃逸湖广抚臣李江以闻赏

稷银十两事圣以先削籍去不问

○谪南京户部署郎中事唐伯元三级调外伯元上疏丑诋新建伯不宜从祀且谓六经无心学之说孔门无心学之教守仁言良知邪说诬民又进石经大学云得之安福举人邹德溥已为制序南兵科给事中钟汝淳特疏糾之后降海州判官

○以总督仓场户部左侍郎傅希摯为南京户部尚书顺天巡抚副都御史张国彦为户部右侍郎

○土鲁番使者马黑麻羽速来朝求入贡命彰武伯炳宴于礼部

○云南献驯象王师征缅甸获也

○行取大学士王锡爵再疏控辞 上优诏答曰朕慎简辅弼以卿宏才硕望特兹召起宜遵成命用副倚毗锡爵又疏谢父梦祥恤典报闻

○甲申大雩

○乙酉 武宗毅皇帝忌辰 奉先殿行祭礼遣靖远伯王学礼祭 康陵

○己丑巡抚辽东兵部侍郎李松总兵官宁远伯李成梁帅师大破虜于边外斩首八百余级获其马五百余匹甲仗称是先是二月虜入犯沈阳盘据近边不散声犯开铁抚镇知贼必复逞集兵以备之以参政任天祚副使王緘监军十一日壬午师次河东甲申次虎皮驿降夷来言挽儿花大抄花等同西虜以儿邓将以五月犯广宁及关门东西于是抚镇议曰贼有谋矣不如乘此兵力出剿之乃遣游击韩元功缚浮桥于丁字泊戊子济师宁远伯分兵为叠阵一字阵冲砍二字阵继进夹击明日战于打大边外地也离边墙一百五十里我师奋击虜众摧败以大捷闻

○工科给事中张栋请尽蠲带徵钱粮户部尚书王遴覆之曰常赋不可轻蠲犹有罪者不可轻赦赦罪之令屡下而犯法益众蠲赋之令屡下而逋负益多臣愚以为本年之起运全完然后先年之带徵可免 上是其言○庚寅百官集阙下俄有旨传免以圣躬小违和大学士申时行等具疏起居

○定山东均徭银力二差及里甲公费为八十三万五千八百两有奇刊刻书册永为遵守有司私派小民者抚按官以名闻

○兵部尚书张学颜入疏乞休许之仍给驿归

○复除原任陕西道御史龚懋贤浙江道

○以户部侍郎宋纁总督仓场

○蒞喱等番族千不少等王马黑麻虎答扁迭遣使羽速等贡马并方物给赏如例

○壬辰尚宝司司丞徐贞明先为给事中议请于近京濒海沿边之地疏沟洫建屯营尝历真保蓟永某泉可引某水可渠言之凿凿有据会御史傅应祯建言廷杖贞明视之为迂者所迹被谪行次潞河著潞水客谭一书兵部尚书谭纶见之曰纶久历塞上知其必可行也时顺天抚臣张国彦道臣顾养谦方有事于兴水田行之蓟永玉田丰润而效于是贞明召还为尚宝丞矣工科都给事中王敬民疏荐贞明 上特加贞明尚宝司

少卿赐专敕令与抚按官勘议贞明谓凡民难与虑始条列数款以释民疑 上命抚按官晓谕所在军民而巡关御史苏鄯复疏言曰治水与垦田相济未有水不治而田可垦者也畿郡之水为患莫如芦沟滹沱二河芦沟发源于桑乾滹沱发源于泰戏源远流长又合涑易濡雹沙滋诸水散入各淀而泉渠溪港悉从而注之是以高桥白洋等淀大者广圆一二百里小者四五十里汇为巨浸每当夏秋霖潦之时膏腴变为鵩卤菽麦化为萑蒲矣夫水患之当除大概有三曰浚河以决水之壅也曰< 渠以杀淀之势也曰撤曲防以均民之利也唐刺史卢暉于河间开长丰渠引水东流以溉田宋临津令黄懋屯田雄莫等州置斗门引淀水灌溉民赖其利嘉靖初巡抚许宗鲁浚三岔口引渚淀入海而景州知州刘深开千顷洼导决河入渠民免水患此皆昔人遗法而近世行之有效者也工部请以鄯议并令贞明遍历郊关与抚按司道讲求疏浚潴蓄之法焉

○诏减袍服织造从浙江抚臣王世杨之请也旧例每年一万疋后增至一万二千疋至是一年二运一运止四千疋矣

○守备承天太监孙政请自治抚臣所参官旗贾秉厚等无属有司 上不许仍命抚按官会讯之

○诏发太仓折粮草银一十九万五千六百两有奇充大同年例

○起原任刑部主事董基为南京礼部主事基以言内操谪时方叙建言诸臣故有是命

○鲁王颐坦以宗室骄横难制疏辞管理贻书慰王不允所请

○予靖江王府辅国中尉经切嫡第二子等四十二位名封经言口癸嫡三子等二十三位名粮时皆过期十年十五年 上以地远人众特许之仍责抚按官申饬

○诏减尚衣监料银尚衣主造冠服龙凤鞠衣其料价自嘉靖以至万历四年皆六百六十两十年增至二千一百两有奇工部以为言有旨视十年之数减其半焉

○释革除年坐忠臣方孝孺等谪戍者浙江七百一十三人江西三百七十一人福建二百四十四人四川四十一人广东三十四人

○以王遴为兵部尚书毕锵为户部尚书

○礼部奏沈王埈尧嫡世孙效墉进封为沈世子选配崔氏封为世子妃德平王长子恬燇封为德平王华阳长子宣墉封为华阳王继夫人王氏进封为继妃

○庚子倪光荐为工部尚书仍管通政使事

○以福建巡抚赵可怀为副都御史巡抚顺天

明神宗显皇帝实录卷之一百五十九

明神宗显皇帝实录卷之一百六十

万历十三年四月壬寅朔 上亲享 太庙是日太常寺卿沉人种赞福胙及还宫折旋失度 上遣中使至阁传谕诘之时人种已推闽抚几欲停推阁臣解之乃已

○丙午大雩

○丁未东虏哈不慎寇边初哈酋以窃犯辽东革抚赏至是见诸酋领赏艳之又为其兄青把都所诃故愤而拥众入以挟赏为名按臣徐申以闻 上令督抚官便宜处置

○录荫故御史赠光禄少卿刘台子孟铣为国子生○巡抚江西右佥都御史马文炜以疾乞归不许

○补荫故南京礼部尚书林庭机次子光为国子生庭机以太常卿满荫长子烜烜后成进士奏荫其弟

○升刑部左侍郎丘橐为南京吏部尚书左副都御史耿定向为刑部左侍郎

○敕太常寺卿沉人种为都察院右佥都御史巡抚福建

○命吏部右侍郎沈一贯礼部左侍郎朱赆右侍郎王弘诲充会典副总裁

○南京工部尚书陆光祖薨辽总督尚书张佳胤同时旧人以功业相期光祖南行阻冻因忆佳胤枉道过密云佳胤客之与并骑纵观长城谈论弥日佳胤书抵京师盛称其谙晓兵略御史杨有仁疏劾光祖诋以受财嘱托应同兵部尚书张学颜并勒致仕吏部尚书杨巍覆疏明其事且谓老成可惜固请留之有旨趣令之官

○诏减湖广长衡荆辰靖等府铜五等卫永顺宣慰司军饷米二千九百石有奇银七千六百两有奇酌为定数刊入赋役全书从抚臣李江之请也

○戊申诏录囚徒刑部以钦恤请 上曰此因旱申理冤抑与寻常热审不同还通行各省直着巡按御史一体奉行又以刑科给事中王继先疏请宣湮郁以召和气有诏释凤阳庶宗过误犯法及禁住年久者时禁者百八十七人抚按疏入放百四十有六人

○以佥都御史张岳为左副都御史协理院事如故时岳进四议一曰马市二曰宗藩三曰条编四曰治河其言马市为害因仍不改边备日弛财源日耗其论宗藩欲以世次递其封典而亲尽者开四民之业其论修编之法便于富户而不便于细民便于市井通衢而不便于穷乡僻邑此法不罢贪风必不可息其论治河谓夏镇固当开而沽头不可弃欲罢贡市废条边法复沽头旧迹礼科给事中苗朝阳兵科都给事中王致祥交章驳之遂寝

○湖广饥以郟阳府库饷军银八千两同前次饷军银五千两分赈郟襄承德四郡

○辛亥赐辅臣申时行等及讲官沈一贯等彩扇有差

○诏发南京户部银十万两于云南按臣李廷彦言滇中运饷之艰三四金而致一石引正统间征麓川例求助邻省而部覆以南户部银请时楚蜀有采木之役

○问刑条例书成先是礼部修大明会典移咨刑部于是尚书化与吏部尚书巍辑嘉靖三十四年以后诏令及宗藩条例军政条例捕盗条格漕运议单与刑名相关者律为正文例为附注凡三百八十二条刊布中外问刑衙门奉书从事○升大理寺少卿何源为太常寺卿大理寺左寺丞敖鲲为本寺右少卿文选司郎中陈有年为太常寺少卿浙江道御史王晓为大理寺右寺丞

○壬子万全都司霰星如火天鼓鸣如雷

○诏增发南京户部银二十万两于四川采木从御史龚懋贤之请也

○癸丑我师出边御哈酋走之

○命内阁进省直历科解额

○议城青泉等十三堡总督尚书郑雒言宣镇南卫 陵京虏款年久人民蔽野而不修备非策今北中路青泉诸堡当虏之冲请设版焉约费不过三万余两以万全都司库贮班价给之

○甲寅 孝慈庄皇后忌辰 奉先殿行祭礼遣遂安伯陈澍祭昭陵

○乙卯夜望月食约五分余

○以三镇贡市报完赏总督陕西三边侍郎郃光先银三十两大红飞鱼衣一袭及巡抚董尧封张九一梅友松总兵孙国臣刘承嗣贾国忠等银币有差

○谕内阁曰兹三祈雨泽 天未霈施心甚忧惧朕步行亲诣南郊祭祷卿等传礼臣具仪

○先是御史邓炼陈四事一曰缓寿宫之建二曰减烧造之费三曰行赈济之实四曰宽赎醵之追语皆切至是日中使持御史疏至阁传烧造磁器内有屏风烛台棋盘花瓶已造成者拣进未造者可停止阁臣附奏云臣等又闻烧造数内新式大龙缸亦属难成请并停之票入 上欣然从焉

○礼部进 南郊祷雨仪注上香进帛三献八拜牲用特熟荐不番柴不奉 祖配用嘉靖十七年四月礼而步行不乘辇出 上意亲定

○丙辰 上致斋于武英殿

○丁巳以雩祀告于 奉先殿暨 圣母前仍致斋武英殿○戊午昧爽上如 郊坛躬御布素步出大明门百官以班前导至 坛位礼成召见辅臣及九卿于幄次谕曰天时亢旱虽繇朕不德亦因天下有司贪赃坏法剥害小民不肯爱养百姓以致上干天和今后还著该部慎加选用申时行对曰 皇上为民祈祷不惮劬劳一念精神天心必然感格此皆臣等奉职无状所致其天下有司官诚不能仰体 皇上德意臣等即与该部商量申饬 上曰还行文与天下知之将还近侍请进 法驾 上遽挥却日昃上至自 郊坛御皇极门时行等起居 上答曰先生劳苦时行等顿首谢复诣 奉先殿暨 圣母告至是行也往返几二十里群下虑劳 圣躬而 上亲举玉趾无难色圣容俨然若思穆然若深省百官万姓无不举首加额欢呼颂 圣德焉

○兵部主事张甲徵散班挥扇为御史龚仲庆所糾夺俸半年

○是日分遣驸马许从诚等索飧诸宫庙

○敕六部都察院曰兹者天时亢旱雨泽愆期朕夙夜殷忧屡祷未应虽朕不德所致亦因天下有司官多贪赃坏法酷害百姓不肯抚恤爱养上干 天和该部今后宜慎加选用都察院便移文申饬务修实政无事虚文朝廷加意小民欲新吏治有故违不奉行者重罪不宥故敕

○蠲被灾所在今年田租乃谕户部曰朕思民为邦本今小民困苦各灾伤地方钱粮出办艰难朕心惻然户部便查各抚按官奏到灾伤重大者勘覆明实准蠲免一年其带徵难完者酌量具奏定夺以副朕轸恤穷民至意○大学士申时行以调燮无状疏求罢斥 上不允遣中使至第谕指时行疏谢自是大臣以旱灾引咎者 上并优诏答之 并免百官自陈

○庚申葬邠哀王

○加都御史赵锦兵部尚书掌院事如故时通政倪光荐新升工部尚书班锦上锦出语吏部尚书杨巍曰部院大臣品级相同而班有先后则以衙门为序今光荐品仅与锦同而仍掌通政事乃欲班锦上是以通政加于都察院之上非制也光荐疏上其事故有是命因敕凡以尚书改者仍系部衔

○赐原任南京吏部尚书王本固宣府总兵官都督佥事赵崇璧祭葬如例

○壬戌日晡大风扬沙蔽日

○夺南京给事中孙世楨御史方万山俸三月以先叙录言臣有范俊罢之旨而二臣各疏请录俊也○改南京提督操江佥都御史赵焕为都察院左佥都御史协理院事升南京太仆寺卿萧崇业为佥都御史提督操江

○乙丑虹县地方涌血是日有小河北人王禄等至姚垒家投宿比晚见满地涌出鲜血禄等惊走至市市亦流血乡人击器物噪之方止

○ 上于宫中见明心宝鉴而悦之命辅臣订正制序

○户部言太仓银库每岁加金花银二十万两内操马三千匹岁加葛料银七万余两此皆额外之数岁可三十万十岁则三百万矣请金花之银仍复旧额内操之马散归京营 上未之许也兵部亦以随操马为请有旨留用减葛五十万束料五千石

○福建道御史谭耀上疏略谓兹者旱魃为虐 皇上命官三祷矣已复 躬祷矣数日以来蕴隆愈炽则何故也诗曰惠此京师以绥四国今旱既太甚矣昨蒙 皇上面谕辅臣谓天下有司不肯爱养百姓以致上干 天和大哉 皇言闻者泣下然臣以为人君出治必自心身宫闈以及朝廷百官然后达于国都以暨于天下此本末之序也冯京告神宗曰陛下避殿减膳不足以回天变当痛自责己广求善言夫熙宁之弊政何多也天下藉青苗保甲之法暴虐百姓者何众也而冯京告君必先望其责己故有桑林之自责而后能改过不吝有云汉之侧身修行而后子遗之民终将赖之也诚望 升下毋以停操理枉为自足而独观于念虑之微毋以减造蠲恤为已尽而昭察于性情之隐中夜奋思以求其故昔何以顺今何以违必有毅然防一念之偏而归于大道之正者消弭之道莫此为切疏入报闻

○南京光禄寺卿周弘祖以谒 陵穿红为南京御史王学曾所劾黜为民○戊辰浙江道监察御史蔡系周奏弹太仆寺少卿李植略谓晋太康中大旱天阴解而复合刘毅上书曰此必有阿党之臣奸以事君者当诛而不赦也又汉永元中京师旱时雒阳有

冤囚帝幸雒阳寺录囚行未还宫两大泽是知朝有权臣则旱狱有冤囚则旱今日之旱殆繇李植宫省事秘谁能知者而曰 皇上呼己为儿每观藉没宝玩则必喜己以市其重而鬻狱渔色靡事不为 皇上谕刑部矜冤枉而刑部尚书之冤尚未之雪责天下有司剥害小民而顺天小民之情尚未之理顺天小民者宛平县人张廷舟植巡方时所故入刑部尚书则植所攻而削籍之潘季驯也又曰植资吴中行等之阴谋中行等亦借植之威势植迫欲得中行之拜相而善其后中行亦迫欲得植之为冢宰而行其私万一计行势必尽伤善类今日旱灾其小者耳江西道御史孙愈贤亦交章劾之而尚宝司少卿羊可立者抗言向者冯保张居正蔽主专权台省诸臣并起攻之一时奸党怀冯保张居正私恩者造为无影之言传播中外倾陷建言诸臣以为李植不去则冯保不来故首攻植以渐及于江东之及臣矣因自乞罢疏入送至阁大学士申时行等奏愈贤等疏尚未处分可立何繇争之且问可立奸党为谁有何实迹 上手敕谕内阁曰览卿等奏揭欲使羊可立明说奸党人情急之必妄有扳指于国体何朕今发一札子卿等知之明日敕谕都察院曰谏官务存国家大体何得以公灭私挑激争端淆乱国是自今各修尔职不许琐词渎扰敢有仍前不悛重治无贷于是可立疏得旨冯保张居正事出朕独断久已处分谁敢怀私报复自干宪典以后不许借言奸党攻讦争辩违者罪之

○太仆寺少卿李植谕德吴中行太常寺少卿沉思孝光禄寺少卿江东之尚宝司少卿羊可立等各疏求罢不许

○以太仆寺少卿石应岳为南京太仆寺卿以陕西左布政使孙坤为南京光禄寺卿

○诏临清砖厂凡军民船户纳价雇运其价以船之大小为差

○庚午传制分遣永康侯徐文炜持节往庆府等府行册封礼

明神宗显皇帝实录卷之一百六十

明神宗显皇帝实录卷之一百六十一

万历十三年五月辛未朔诏开西安凤翔汉中三郡茶禁时巡茶御史董子行以请户部议之曰国家设茶课以资马政如地与番邻者不得不过防之若三郡之民固腹里也而使之不知茶味可乎且近年市马之茶取办于湖南而川狭所产谓之余茶又可使积于不用乎此私贩日多劫杀之祸自此起御史言是请自今量招官商给与文引自备价收买每引百斤抽三十斤入官余听卖之报可

○癸酉葬□□大山□居公主

○以吏科给事中杨文举户部主事彭梦祖为云南考试官以工部员外郎周梦暘刑部主事熊敦朴为贵州考试官

○升江西按察使余立为山东右布政使

○乙亥端午节赐辅臣申时行等讲官沈一贯等金书黄符金艾叶有差○升甘肃巡抚董尧封为南京工部右侍郎尧封以母老不拜乞终养许之

○丙子宣辽东捷遣公徐文璧等告于 郊 庙 上御皇极门受群臣贺

○六科十三道齐世臣吴定等以羊可立代李植展辩交章论之得旨朕方忧旱焦劳各官亦宜省躬修职不许纷纭争辩

○复杨舍守备以原任崇明把总管懋光充之杨舍外御倭内防盐盗故应天抚按为之请

○录辽东沈阳战功加宁远伯李成梁岁禄一百石升其子锦衣卫指挥使如桢都指挥使世袭赏银一百两大红纁丝蟒衣一袭彩段六有副加总督张佳胤太子太保升其子锦衣卫百户叔琦副千户世袭加巡抚李松兵部左侍郎巡抚如故升其子锦衣卫百户焮暘副千户世袭各赏银币有差参将任天祚等升一级游击等官唐伯美等三十一人各升实职一级发太仆寺银一万两大赉战士成梁不听解任赐之玺书

○丁丑 孝宗敬皇帝忌辰 奉先殿行祭礼遣官祭 泰陵

○谕户部取金银作局太监张守义题称五公主婚礼合用黄金行户部买进该部奏万历六年二月内奉旨每季添进金花银五万两采买金珠迄今七年通进过一百四十万两自寿阳长公主以下婚礼咸取给焉又嘉靖三十三年三十五年恭遇公主下降该局亦尝取金然不过三百两为数不多今闻奏各色金至二千三百余两珠宝称是太仓之积非如流泉其何能支户科亦有疏争之得旨减三之一

○以辽东宣捷加恩辅臣中使至阁传中书官拟谕升荫辅臣辞免许之赐元辅申时行银一百两蟒衣一袭彩段四有副次辅国家屏银八十两彩段四有副

○永年伯王伟请没官第宅一区为子娶妇伟陈情已多不许

○庚辰 太祖高皇帝忌辰 奉先殿行祭礼

○升参政王象坤帅兰为按察使象坤江西兰广西

○吏部推巡抚郟阳副都御史方弘静为南京工部右侍郎 上以迁太骤有旨诘责

○辛巳遣太常寺官祭都城隍之神

○都御史赵锦摘陈御史封事可采者浙江道朱光宇一事申饬有司在责成守巡道与府正严加考核福建道崔廷试三事一禁有司滥费里甲一禁佐贰滥受民词一禁守令滥通馈遗江西道吴定二事一禁秤头之取一禁罪外之罚 上是其言责抚按官加意督视有仍前弊都察院以名闻

○杂谷安抚司头目藏伽等法藏等六寺番僧相竹领占等各进贡珊瑚璣璣盃甲画轴诸方物赏给彩段绢疋有差

○南京兵部尚书郭应聘条勾补事宜一议南北改编如北直陕西山西山后并兴和路辽东应解南者俱量改北南直浙江福建湖广江西广东应解北者俱量改南视其额数彼此更换其以罪谪戍者亦如之一议先后起解今南京应勾之军数至六万四千四百有奇若一概勾索则一军之所株连者人或数户户或数人当不下二三十万人矣

宜行清军衙门止勾年近者以次而上至天顺以前径与豁免一议宽恤屯匠国初分锦衣等卫军士屯种于庐凤滁和之间其后逃亡日众实在屯军止一万一千七百六十六名至嘉靖间屯田御史张鉴请核各卫屯田听舍余军余顶补共补过屯军三万二千二百八十八名又议立营操练每年终查见在逃亡之数随即召补具在屯田御史敕书未改也今各卫不查召补明例仍将远年逃亡概行造报清勾即解到一二彼此争讦势必夺已召补者所耕田土给与新军彼此俱病矣此屯军所当宽恤者也至内官监撮造军匠七百三十五名本以充工作之役缘各军不谙技艺另募民匠为之每月令纳工卯银二钱五分五厘但军匠多贫徵纳不前应将月粮通融折银如工卯之数解补该监此匠军所当宽恤者也其应勾屯军匠军暂行停勾而屯丁仍听屯田御史召补且耕且操以备缓急一议收补丁壮各卫余丁并养子赘婿外孙载在册籍此辈土著无逃亡之虞苟得月粮无不乐从嘉靖间尚书张鏊万历元年本部刘体乾皆间一行之今也舍见在之丁壮而取足于远年之逃故非策部覆惟谪戍一款另议余并报可

○革郃阳王府镇国中尉怀潭为庶人闲宅禁住以殴杀亲弟故也

○壬午 仁宗昭皇帝忌辰遣宣城伯卫国本祭献陵

○癸未遣太常寺官祭汉前将军寿亭侯

○乙酉宛平县玉河乡大雨雹伤人畜以千计

○户部浙江司署员外郎事主事闻道立以旱陈三事一曰法祖宗之制以勤召对二曰推蠲赈之仁以议大工其三则广钦恤之恩以一法纪略谓故相张居正之处乾刚独断正其罪逐其党与矣臣有请者其母以就木之年罹其忧苦恐所给田产不足以养生送死而曾省吾以受寄之赃取盈追偿势必牵连恐 皇祖潜龙之乡不免亡猿之祸今荆南一路首罹灾伤其惨更甚则天意可知请下法司量行豁免疏中亦及钱若赓事上怒其出位镌一秩调用道立差出临清粮储又贵阳人也而论故相处分之过一时封事所未之及

○丙戌两谕礼部 上天垂仁雨泽大霑朕心欣荷祈祷着停止遣官告谢具仪来行

○以元辅申时行一品秩满赐白金彩币大红金丝蟒袈衣及钞定羊酒中使赉至第加特进光禄大夫支正一品俸荫一子中书舍人锡宴礼部时行疏辞不许

○以翰林院编修黄洪宪兵部主事蔡文范为福建考试官兵科右给事中唐尧钦刑部主事王德新为四川考试官吏科左给事中杨廷相兵部员外郎江铎为广东考试官工科给事中张栋刑部主事林兆珂为广西考试官

○升副使郑秉厚江西参政参议孙佩湖广副使复除副使陈颐贵州副使

○丁亥虏犯沈阳游击韩元功死之时虏伏墙外以零骑诱我遂为所掩诏改折浙江一省万历十三年分漕粮十之三并免徵行粮新城于潜昌化三县全改折一年从抚臣温纯之请也

○巡抚凤阳兼河道右侍郎王廷瞻奏凤淮阳三府徐泗等八州县频年灾沴河役烦兴请自今年始备用马价俱照万历九年事例派徵系本色改折色者每匹徵银二十四两原系折色者每匹徵银一十八两永为定例兵部言军国所急惟焉今本色改而为折色三十两者改而为二十四两二十四两者改而为一十八两暂改以三年为期者改而为永例于民得矣于国事何臣等职掌所在谊当执奏 上是部臣言准暂改派一年后如故

○南京户部山东司主事王鳞以南京地震陈言略曰易卦以地道臣道比类而言谓其代终之义同也今地道弗宁于稽其类必臣道失矣以大端言之自高拱张居正当事尽欲进其所喜退其所忌而科道之臣望风承旨乃指其所忌弹劾之择其所喜推荐之不复顾万世是非奚取其为台谏哉今此风少殄将来可戒也昔嘉靖之末隆庆之初除阶辅政用舍颇公自高拱起尽取阶所任者摈斥之及居正用又取拱所任者摈斥之不复问人材贤否奚取为辅相哉今此风少殄将来可戒也夫留京者 祖宗创业之根本也而地震于兹 皇上宜惕然深思法 祖宗为治矣 祖宗朝有因火灾忧及徭役屡兴赋敛不时者有因地震止土木之事者今频年荒歉内府部寺岂无蠹财之冗可清耗财之人可裁无益之费可省不急之务可停者乎是修省一宜法也 祖宗朝乘舆服御以铜代金或减除赋枣四十万今岂无采买可省赏赉可惜者乎是节俭一宜法也 祖宗朝尝下诏求直言教官张恒吴从权不言则窜之国子监李思迪马懿不言则责之戍卒张真上言则赐衣钞嘉赉之今 皇上已谕科臣言叙录建言诸臣矣犹乞除出位之禁凡以言获罪者皆谅其忠直恕其狂谬可也是广言路一宜法也 祖宗朝视政之暇尝与儒臣讲学论道或召大臣议政如宋濂解缙等之常侍左右李贤刘大夏之常被顾问今也日讲虽勤未闻 天语发问退朝之后不见召一大臣 祖宗之亲贤臣好咨议者又一宜法也因及慎任使核实政择要职重守令育贤才数事 上初览鳞疏而称之以为多有可采至是吏部题覆 上曰朕虚怀求治当召见辅臣商确政理尔大小臣工亦各勤修职业以称朕意

○黜通判杨廷楠张子孝杨万言知州邝祖禹知县杨谔谢匏赵光启等为民坐贪也时又有巡按直隶御史徐申所参应州知州刘审问贫者逋赋拘及富民男子脱逃系其妇女有旨逮治后死狱中其余赍贿狼籍见于弹文者不可胜纪惟工科给事中曲迁乔疏言民间患苦近有四事一曰大户二曰均徭三曰里甲四曰头役其祛民患苦治行超绝者臣得一人曰原任东阿令白栋初栋起家进士为令于万历二年编徭之时核县中在册丁地及一年赋役每地一亩徵银一分一厘差银九厘二毫每人一丁徵银一钱三分而夏税秋粮均徭里甲之额数具是焉既官收官解又通改力差为银差则大户头役俱免行之一年逃移自首归业者一万一千余家民为起祠岁时祀不绝后为御史失柄臣意中考功法去迁乔特疏荐之称为一代循良焉

○戊子以灵雨应祈遣官祭谢 郊坛宫庙

○升陕西行太仆寺少卿赵焯为陕西苑马寺卿兼金事吏部员外郎李杜为河南布政使司参议石阡府知府袁亮为陕西行太仆寺少卿兼金事

○己丑 上视朝退召见辅臣于平台 上手一牍授元辅时行曰此陕西巡按御史董子行疏也时行受牍且披且奏曰臣昨日见董御史揭能知其略其一说抚镇官当亲自巡历地方其二说巡抚当久任责成其三时行方简疏中条件未及言 上曰是说方面官也时行曰是沿边兵备宜加优异其四言沿边同知通判等官宜慎选用破格迁除言亦多切上曰不然边事重大抚镇不亲历地方专委小官岂不误事时行等曰诚如圣鉴边事全赖抚镇若每年巡历地方下人不敢欺自能尽心料理时行又言巡抚迁转昨蒙 皇上以方弘静任浅不准推升臣等深服 圣断久任法行不惟人才得以展布而百姓亦得相安 上曰然即有年久者宁加俸加衔不可轻易更动此疏先生将去看来自今有政事再与先生商之时行等顿首谢辅臣召对之典自 孝庙后至是再举焉

○乙未夏至 大祀 方泽遣公徐文璧代

○丙申穆宗庄皇帝忌辰 奉先殿行祭礼遣伯王伟祭 昭陵

○礼部奏帝王之所以整齐天下者不过礼刑二端顾刑惟治之于已然之后而礼则坊之于未然之前故圣王不遽用刑而必有礼以先之我国家稽古立法品式具备如大明会典诸书官民服色冠带房舍鞍马之类贵贱各有定制但风会久而易流兼之方策所载申布不常市肆罕鬻士生斯世尚有懵然不知者况蚩蚩之民乎臣等敬循职掌仰遵 大明律洪武礼制诸书及 累朝事例参酌摘要数条即以今之踰侈诡异者附列其下刊勒成书传布天下报可

○命司经局洗马管司业事赵用贤以原官兼修撰同谕德赵志皋等纂修玉牒

○云南车里宣慰力糯猛来降献驯象金瓶花象齿西洋布緬盒旃檀诸物以沅江府土舍那恕招之也有诏受之听袭祖职仍与那恕各赏银币有差

○升南京大理寺卿张孟男为南京工部右侍郎南京太常寺卿方九功为南京大理寺卿

明神宗显皇帝实录卷之一百六十一

明神宗显皇帝实录卷之一百六十二

万历十三年六月庚子朔

○补原任南京国子监司业刘城为国子监司业

○以右通政陈瓚为南京太常寺卿太仆寺少卿沈玄华为通政司右通政

○升兵部武库司主事郭子直为广东金事提督学政云南按察使李文续为云南右布政江西右参政程拱宸为云南按察使江西副使周标为江西右参政湖广参议牛惟炳为江西副使

○辛丑 慈宁宫成工部奏经始于甲申岁二月建竖寔今二月及是工完才踰时耳先年营是宫也费至四十八万今止十五万 上嘉悦有旨各官效劳从厚给恩典于

是元辅时行荫一子中书舍人次辅国家屏各荫一子国子生尚书兆加太子太保荫一子国子生侍郎起鸣升本部尚书工科陈大科升通政司右参议御史许子良升大理寺右寺丞缮部郎中郑有年升太仆寺少卿仍管司事掌锦衣卫事左都督刘守有加太子少保各赉银币有差太监张诚加恩五等张鲸三等张祯二等各荫弟侄一人锦衣卫诚千户鲸及祯百户其余各官升赉有差

○户部以内操马匹增派山东芻料银一万四千两有奇时东省方旱抚臣李辅 < 距 铨-金 > 争之诋尚书遴助天为虐遴不得已就派徵数内减其七千八百两有奇俟马归罔寺仍复原额从之○赐原任太子太保兵部尚书张学颜母周氏祭葬如例

○壬寅钦宴大学士申时行于礼部命六部尚书侍郎都察院都御史待

○建武所乱卒范大龙等伏诛先是科臣王致祥言建武之乱军人乘夜犯门戮伤主将玺书旗牌丧失大半其变不小若祇谕以温词许预给月粮非军政也有旨切责抚臣惟遵于是始分兵捕斩大龙缚李德等十人正法传首所部遵等亦得叙功矣

○诏豫发户部年例银二十六万有奇于延镇充十四年分主客饷银总督郃光先议储粮谷借为余本也

○谕德吴中行三疏乞归许之

○安南都统使司都统使莫茂洽差宣抚使阮允钦等四十人进九年十二年分贡银器象牙方物加赏锦一段彩段四有副并赏给贡官如例

○顺天府府尹徐元太以该府所属杂派银力二差四万两有奇题请均拟各省直代办事下户部题覆量于草束银内减派三千两以苏畿民报可

○以左副都御史张岳清理军职贴黄

○浙江道御史龚懋贤疏言今天下所少者有五在 皇上心膂少在中外兵少在民间财少在士论公道少在天下任事之臣少所多者有三在朝廷冗费多在天下刑狱多在时事隐忧多夫 皇上所倚为心膂者何人也二三辅臣仅备票拟九卿百司越在外寮诸臣即有忠爱之心而情为势阻投合无繇臣是以谓 皇上之心膂少也京营之兵可守而不可战九边之兵可战而不可胜至于郡县而战守皆不足恃矣臣是以谓中外兵少也江南之漕挽楚蜀之开采以及江北河南山左诸路灾伤洊至闾里萧条即京城军民之家气象渐窘大非往日之旧臣是以谓民间财少也士大夫以爱憎为毁誉不恤是非之公争独擅乎名高也则如恐他人白璧之不瑕矣竞猎取乎崇显也则如恐他人脱颡而即出矣乃至攻讦大臣备极丑诋不复计昔日之为材贤臣是以谓士论公道少也昔者张居正之任事 皇上自能明之未必以人而废而旁观者若谓居正以任事得祸而有心之士欲以有为不敢明白直前引为己任则国家安所恃乎虽任事则任怨固难任然人臣之义死生以之不谓诸臣之见偶不及此臣是以谓任事之臣少也此臣所谓今之所少者五也夫内府所入何啻百万又往往有不时之取而忧时乏财岂非此用其一而彼用其二公取其三而私耗其九者不尽无耶则冗费多也广东陕西臣所

○礼部尚书兼文渊阁大学士王锡爵朝见命充会典总裁同知经筵日侍讲读

○以右谕德张一桂补日讲官

○虏酋威正等款关还所夺回夷贡物且输罪诏复市赏如故

○丙辰 睿宗献皇帝忌辰 奉先殿行祭礼

○丁巳以重辑明心宝鉴进呈赐元辅时行银一百两彩段四表里次辅国家屏各银八十两彩段三表里

○以直隶真顺广大四府旱灾诏蠲夏税存留钱粮其起运京边俟秋成徵十之五余待次年带徵补解卫所屯粮每石折银三钱

○戊午以元辅申时行恭祝 寿宫治石赐喜花二枝大红云纹丝二疋银五十两纹丝四表里

○以翰林院修撰孙继皋刑科右给事中常居敬为浙江考试官编修史珂户科给事中叶时新为江西考试官简讨张应元礼部员外郎李同芳为湖广考试官史珂以疾疏辞命编修余孟麟代之

○贵州土夷安国亨以窃砂不便越奏请撤马鞍山防御官兵抚臣舒应龙劾之部覆以国亨从征叛苗有微劳薄其罪令采木自赎许之

○庚申凤阳府灵璧县大潦○谪巡抚四川右佥都御史雒遵外任时遵以参治州官及兵乱二事为都御史赵锦所抑衔之不得发会京师旱乃托以陈言当退奸臣进忠臣奸臣谓锦忠臣则海侍郎瑞邹主事元标及原任巡抚今革职邹应龙也初锦以论分宜被逮为民后起为南吏部尚书复与江陵不合去至是总宪甚有时望而邹应龙者亦尝论分宜子世蕃其抚滇以贪败又遵以巡抚挟总宪一时大骇御史周希旦科臣陈与郊交章攻之下其事吏部会议皆不直遵 上乃以混淆公论斥之外遵又上其为给事时进贤退不肖疏略盛自夸大有诏切责

○以大理寺卿曾同亨为工部右侍郎左通政吴时来为大理寺卿南大理寺丞魏时亮为左通政以原任太仆寺少卿张橧补南大理寺丞

○壬戌遣内臣祭中霤之神

○夺怀柔伯施光祖禄米一年以挟妓犯夜为逻卒所执也

○敕蓟州兵备副使顾养谦为都察院右佥都御史巡抚辽东

○户部员外郎王一凤德州管仓差满主事王乾亨往代之乾亨揭于户部侍郎宋纁言一凤库银多剪边数且缩一凤回部为纁所劾下法司问一凤上疏自理言乾亨昔为监兑侨寓德州尝求贷未许今凤任内积出附余银若干粟若干尽数报部不留后来支用益心恨之故为此揭中伤也 上令山东巡按御史勘明奏报

○夷酋董狐狸款关献人畜服罪求复抚赏许之

○乙丑 孝庄睿皇后忌辰 奉先殿行祭礼遣伯王学礼祭 裕陵

○夺南京巡仓御史杨鸣凤俸半年以在差访察搏击为科臣叶时新所参也○先

纵之 圣躬万安则拘之以是为无君一可罪轻信人言谓张居正家属毙于狱者数十人二可罪以二罪较无君之罪大轻信之罪小乃今年之后是非颇定咸谓罪之大者非真罪之小者为真罪非真而显斥之罪非大而重法之 陛下必有不忍于心者矣李之疏曰臣栋行部淮安闻隆庆间河决崔镇运道为梗七八年民居既宅河水安流修筑十万五千余丈经营一千三百余里两河之岸屹如长城咸曰此潘尚书功也昔永乐间工部尚书宋礼治通惠河功成而未易名 皇上允督臣万恭之请予谥予荫今季驯之功不在礼下又当身存之日使与编户伍宁不隳诸臣任事之心失朝廷报功之典哉疏入俱夺俸一年

○户部奏各镇抚按报万历十二年主客兵马钱粮额数 上览之曰近年国计空虚边费浩繁朕心惕然尔部及边镇诸臣各用心经理剂量出入以副朕节用阜财之意

○辛巳夜有星如盃贯于沈丘县之莲花集天鼓鸣星随散灭

○壬午命太常寺少卿陈有年以原官提督四夷馆

○升福建参政顾褒为本省按察使

○改补太仆寺少卿衣□非应章为太常寺少卿

○诏修 乾运龙德二殿寻报罢时 寿宫及 乾光殿金海亭西安门众役并与户科给事中田大年工科王敬民< 〇〇〇 毓-金 >争之也

○除给事中八人穆来辅户科钟羽正礼科陆懋龙李弘道兵科胡汝宁李国士刑科白希绣工科王嗣美南京户科试监察御史十六人李天麟浙江道李尧民江西道孙充湖广道饶位傅光宅河南道周盘山东道辛志登山西道柯挺陕西道刘汝立四川道李瑄广西道黄纪贤顾云程云南道王国弼贵州道陈奇谋南京陕西道孙鸣治南京四川道王藩臣南京广东道

○升管理中河工部都水司郎中陈瑛为山东参政管漕运事○太常寺少卿沉思孝太仆寺少卿李植各疏辩御史龚仲庆< 〇〇〇 毓-金 >参并求去不允

○甲申以中元节遣侯吴继爵陈良弼伯朱世雍陈王谟吴国乾分祭 九陵伯张元善祭 恭仁康定景皇帝金山 陵都指挥使蒋克谨祭哀冲庄敬二太子寝园

○以兵科左给事中王三余礼部主事孙成名为山东考试官以礼科右给事中陈大科吏部主事邹观光为河南考试官吏部员外郎王教刑部员外郎魏允孚为山西考试官

○先是户科给事中叶时新因旱陈四事曰明职掌曰禁访察曰并查盘曰申饬滥受词讼皆为南京各差御史而发 上为夺巡仓御史杨凤鸣月俸矣于是南京掌院右都御史辛自修< 〇〇〇 毓-金 >请申饬都察院题覆 上曰近来访察查盘诸事牵率苛扰反累地方访察照前旨禁断查盘事宜著南京都察院会各巡按御史虚心详议具奏如今百姓艰苦朕意只在省事安民各官宜仰体奉行不得偏执争论

○丙戌西安府及高陵县地震势如风声若雷

○丁亥 成祖文皇帝忌辰 奉先殿行祭礼遣侯徐文炜祭 长陵

○命翰林院侍读盛讷编修萧良有充会典纂修官

○戊子震郊坛之广利门兽吻震伤榜题利字及斋宫之北门兽吻有旨 郊坛重地 天意示儆朕心深用兢惕大小臣工各宜修省以答 天戒礼科姚德重等言国之大事莫过于 郊社之祀书曰类于上帝禋于六宗传曰吾不与祭如不祭 皇上敬天毖祀靡神弗周而文华致斋不无少间 郊社歆享时或弗亲惟厥咎无在多可不敬哉报闻○以京城巡捕都督僉事曰福僉书后军都督府事

○论宝应河功河道都御史王廷瞻升户部尚书兼官巡抚如故总督漕运太子太保灵璧侯汤世隆加少保中河郎中许应逵加正四品服俸京堂内推补前任中河郎中陈瑛主事罗用敬兵备副使莫与齐各升一级海防兵备按察使舒大猷升一级照旧致仕故漕储左参政冯敏功赠太仆寺卿淮安府知府张允济升服俸一级与尚书杨兆王遴李世达何起鸣等各赏银币有差因诏以后河功边功疏中不得叙内阁辅臣

○降庆成王府镇国中尉知焯为庶人将军慎金□龟中尉知鯤革禄米一半坐结党敝人财也

○敕右军都督府僉书都督僉事李如松以原官提督京城内外巡捕

○以原任游击任弘道为广西柳庆参将延绥守备侯璉为延绥左营游击

○吏部验封司主事邹元标以母老不拜< 〇〇〇〇 〇〇〇〇 〇〇〇〇 〇〇〇〇 > 求改南不许

○敕原任兵部侍郎王一鹗以原官兼右僉都御史整饬蓟辽边备巡抚顺天先是顺天缺巡抚吏部推闽抚赵可怀已得旨矣兵科给事中王问卿以不堪边任< 〇〇〇〇 〇〇〇〇 〇〇〇〇 〇〇〇〇 > 论之乃改推一鹗

○逮沈汝梁于诏狱论戍汝梁南御史巡视下江以馈遗为名尽取所部贖鍰入京而僉都御史萧崇业转自南太仆语掌院都御史辛自修曰崇业与沈御史素无交往今赃罚簿内有送太仆寺礼银若干两不申本院几为所诬试取簿观之则南中各署开列殆遍询之无有也自修大駭叹露章劾之 上遣中使持其章至阁传今日欲出朝与先生等面议偶因动火免朝昨者南京掌院御史参劾御史沈汝梁赍贿不下二千两屡有明旨彼乃故违卿等票旨重治自修持正守法可票旨奖励又传旨密问南京辛都御史到任未久即能参论属官赵都御史人皆称其公正何以二三年来不参一人时行等云南中地远法弛有可论之人此中在鞬鞞下固应不同因附中使奏之随具< 〇〇〇〇 〇〇〇〇 〇〇〇〇 〇〇〇〇 > 请禁断一切私交并拟进传帖一道 上复谕内阁卿等此奏深合朕意所拟传帖改写手敕是日敕吏部都察院曰朕軫民生留神吏治比者重惩贪墨严禁馈遗前又面谕部院大臣以有司贪赃坏法宜申饬重治各官通不遵守乃有御史沈汝梁贪肆不简本院都御史指实参论已有旨重处朕思御史职任风纪却先自犯赃何以除奸革弊肃吏安民各该地方赃罚银两除济边外专备灾伤赈恤今后务设法稽查分毫不许擅动巡抚官听科道纠劾巡按御史回道本院查其在任有无擅用赃罚开入考察款内分别去

应图因及国子监博士陈泰来为应图点定< 图 毓-金 >稿居中侍伺章下所司

○丙午 孝康敬皇后忌辰 奉先殿行祭礼遣伯刘嗣德祭 泰陵

○发太仆寺银一万二千两于大同充十四年分市本○巡按四川御史赫瀛以盐法日坏豁免废井课银三千六百两有奇清出新井增课银二千三百两有奇其一千二百两有奇以巫山县买盐牙用银及州县私盐变价纸赎银抵之旧额仍足部覆从之

○丁未遣大学士王锡爵祭先师孔子

○以万寿圣节赐元辅申时行银六十两彩段四表里次辅许国王锡爵王家屏各银五十两彩段四表里讲官沈一贯等六员各银二十两彩段一表里

○戊申祭 太社 太稷遣公徐文璧代

○孝慈高皇后忌辰 奉先殿行祭礼

○己酉京师地震

○以 圣母慈圣皇太后还御 慈宁宫赐元辅时行银一百两彩段四表里次辅国锡爵家屏各银八十两彩段四表里又赐金银万寿簪银吉庆字寿字黄红符有差

○谪李植江东之羊可立初植以参冯保徐爵得 上意乃扳赵用贤为重而结吴中行沉思孝江东之羊可立自助其余朝士直陵出其上自去年四月丁此吕论礼部侍郎高启愚南场命题为劝进尚书杨巍以为不可植等恶之及巍与辅臣求去大学士许国上< 图 毓-金 >保留则又恶国相构不休为言路所攻 上虽屡旨切责然尚未有意去之也 寿宫议起寔倾执政而阴推其教习师大学士锡爵又以通晓堪舆荐引侍郎张岳太常寺卿何源而三人皆拒之出< 图 毓-金 >自明锡爵疏尤切略谓臣有当去者三大臣不能帅群臣当去师不能训弟子当去老成而为恶少年所推亦当去不平者八张冯事初发时果尽假耳目于诸臣乎将 圣志先定言者适投其会也而诸臣自附于赵用贤等攫鳞折槛之党其不平一矣 皇上明烛群奸天旋地转然犹推功言之而诸臣尽攘天功其不平二矣古人规随期于济国近乃创为一种风尚以为普天之下除却建言之臣别无人品建言之中除却摻括张冯旧事别无同志其不平三矣臣尝私论居正门客取适一时冰山既泮不忘死生之交者鲜矣况本非安石谁为张蔡而诸臣动称报复其不平四矣周公之功卫武之髦而几几抑抑虞悔吝之且及也况乎以中人之资乘一言之会起越朝右如花之始发正雨欺风妒之时雨日寻戈矛惟敌是求其不平五矣大臣如许国杨巍舒化辈诸臣不尝交口赞誉以为正人君子哉一言相左日谋剗刃其腹其不平六矣大学士申时行泊然处中重国体惜人才乃诸臣以为不足畏而凌之受其容愈以为靡我而疑之被言则以为嫉人攻之求去而票允则以为逐之票留则以为苦之喘息纵横千荆万棘自古及今岂有人臣操 天子之权小臣制大臣之命而国是不淆者乎其不平七矣臣尝阅诸臣前后争辩之< 图 毓-金 >其自命一则曰孤臣一则曰善类夫古以孤臣孽子并称此为臣子不得意于 君父者言也今诸臣自谓得君乎不得 君乎臣以为此其臣不孤语称舜跖之分在善与利今之幸幸岂尽为公得

无争先于径路患失于凤池乎又得无凭城社而盗威福者乎臣以为此其类未必善而诸臣居之不疑其不平八矣夫此八不平者使其说出于居正所荐引及与诸臣竞进之人则尚可指之曰党曰忌曰素所不悦也今臣乃居正切齿之讎而又诸臣所严事推毂之友臣非异物岂有反攻同志而快仇讎者哉臣山居八年朽株枯木原不适庙廊之用今值此千载难遇之时天清日明本无一事不幸为骄臣苦争无影之是非而市井狭邪如马应图辈亦得藉建言之名以逃考察而希荣进臣不能有所匡正惟有去耳不然则诸臣又以为回护同官苟贪伴食臣既义不借诸臣之誉则亦不能复受诸臣之毁

＜□□ 毓-金＞入 上意始移会台省章交上乃于工科给事中王敬民＜□□ 毓-金＞批出镌其三秩部覆植户部东之兵部员外郎可立大理寺评事各添注管事

○勘哈酋犯云川堡夺守备方继武参将麻承勋兵备参议刘葵月俸有差

○癸丑 慈圣皇太后还御新宫免百官及命妇朝贺○遣侍郎宋纁祭 京都太仓之神

○以中秋令节赐四辅臣上尊珍饌

○升户科给事中周世选为南京尚宝司卿

○升光禄寺寺丞谢杰为本寺少卿 乙卯 万寿圣节 上御皇极殿文武群臣致词称贺遣侯吴继爵郑惟忠伯王学礼方焯刘应元分祭 九陵伯陈澍祭 恭仁康定景皇帝金山 陵

○赐四辅臣上尊珍饌

○朝鲜国差陪臣安容等三十有四人入贺各赏给衣服布疋鞞袜

○朵颜等卫夷人索罗等七十有七人入贺各赐马价并赏给金段鞞袜折绢银有差

○丁巳 慈圣皇太后诰諭 皇帝古称帝王之德莫加于孝子正位长乐十有三年于兹矣惟 皇帝自在冲龄夙有至性承颜顺志朝夕不违临御以来祇肃训词进德修业勤图治理慎节起居继述有光予衷允恻顷者慈宁宫灾寔予不德所致 皇帝震惊戒惧引咎责躬亲率后宫左右趋慰爰因旧址鼎建新宫虔诚感孚告成不日乃以中秋之望奉予还御望舒圆满轮奐辉煌意甚适焉予喜 皇帝之孝特用褒扬以示永久其自今万福来同百祥咸集寿算比冈陵之固子孙如瓜瓞之绵保此鸿图助予燕喜使万世称帝王之孝与天无极是予愿也故諭

○己未 上奉表谢其文云 子皇帝臣御名稽首顿首慈宫鼎建依宸极以居尊懿训荣褒焕天章而垂耀欢腾中壺典轶前徽恭惟 圣母慈圣宣文明肃皇太后陛下至性安贞惠心渊穆佐 先皇而抚运庆泽深培佑冲眇以承家丕基孔固纯禧方茂景命重申肆建新宫增崇旧贯金輿至止迎秋气之澄清宝册传宣表慈衷之悦豫美哉轮奐敢云致孝宁亲炳若丹青猥荷谄谋翼子臣起居疏节经始微劳未酬九字之恩特拜十行之札念敢忘于诵服情倍切于瞻依燕寝攸宁百顺集周京之履遐龄弥衍万年称

汉殿之觴

○升兵部左侍郎阴武卿为南京工部尚书南京尚宝司卿余懋学南京光禄寺少卿赵参鲁俱入为太仆寺少卿

○庚申 宪宗纯皇帝忌辰 奉先殿行祭礼遣伯陈如松祭 茂陵

○延绥巡抚梅有松条上边事一量复城堡同知二员一驻榆林镇一驻靖边营一议处路将营兵改保宁堡守备为参将加募兵五百名以便防御一添复城堡守备清水双山怀远柳树涧四营堡原系权委操守宜改复守备一厘正城墩职掌各营堡军丁专备守御卫官不得占役一议处西班牙军言班军脆弱止堪版筑之役今岁无大工宜量徵班价以备修工之用部覆俱依议从之○夷酋小阿卜户叩关服罪求复马松二路抚赏许之

○湖广抚按奏岷王定燿忠孝性成恭俭夙著捐己禄以赈乏置学田以崇儒部覆赐敕旌焉

○兵部尚书王遴以严驿传参入贺 圣节官夺新伯谭国佐岁禄布政使徐元气等月俸有差

○升福建副使王世懋为本省参政

○兵科给事中李弘道请录用五臣谓吴中行赵用贤沉思孝艾穆邹元标也章下所司

○改刑部右侍郎萧廩为兵部左侍郎左副都御史张岳为刑部右侍郎

○调山东副使顾大典于福建提督学政

○赐故东宁伯焦文曜子梦熊优给俟其出幼具奏承袭

○乙丑 上阅监正张邦垣所进大峪山图西北角微有石块欲稍移往前命公徐文璧大学士申时行太监张诚再诣大峪山阅视○丙寅遣侯吴继爵祭 夜明及星于夕月坛

○丁卯大学士时行至自大峪山复命是日 上谕朕以后九月六日再阅 寿宫传礼臣具仪

○户部言钱之轻重不常轻则歛之重则散之故无壅阏匱乏之患今之钱法万历金背每银一分五文嘉靖金背银一分四文及查嘉靖隆庆万历之初铸也一分十文火漆旋边亦如之仅踰十年而轻重不同不啻相半凡市巷间荷担而贩负耒而耕手尺布肩斗粟所需于钱独多钱重而物价腾贵又 寿宫吉典方兴工匠军夫无虑二三人此时坐视低昂不为亟处钱必日重一日今宜以术散之将库贮万历金背俟各商领价给十之二视官俸一体关支以八文准一分且隆庆金背 先帝临御之年号铢两体质与二金背无别也乃至沉积在库何谓哉宜将见贮库中者与万历金背酌量多寡通给官商如有阻挠听巡城御史治之庶见钱流溢物价平而民困苏也报可

明神宗显皇帝实录卷之一百六十四

大明神宗显皇帝实录卷之一百六十五

万历十三年九月戊辰朔张岳罢时岳上直陈国事疏列二十一人元辅时行次辅国锡爵尚书杨巍舒化陆光祖科臣齐世臣御史吴定孙愈贤皆极褒美而微含刺讥修撰赵用贤侍讲吴中行府尹沉思孝博士陈泰来主事马应图无讥焉谓李植江东之羊可立当各令宣力一方以赏功惜才保全终始盖为之地而故尚书潘季驯御史龚懋贤蔡系周龚仲庆谄让特深且参三御史宜亟罢斥有旨此疏称美阁部大臣殊非事体且又枝蔓多端如何能定国是于是吏科给事中袁国臣工科曲迁乔户科姚学闵交章劾岳败露贪官故假建言摭絺遂罢归○己巳诏河南阳武等县被灾地方各照灾之轻重蠲免夏税存留粮分数有差

○改南京太常寺卿陈瓚为右副都御史协理院事

○以南京光禄寺卿孙坤为南京太常寺卿大理寺少卿敖鲲为南京光禄寺卿

○辛未 孝恭章皇后忌辰遣伯王应龙祭 景陵

○壬申月犯房宿北第一星

○晋嗣王敏淳年少绍封部议令宁河王知己口火不妨府事往来赞辅三年惟钱谷无预报可

○夷酋长昂遣其姨母土阿等叩关服罪求复抚赏许之并请佛经盖庙图记三事兵部题覆独经像可与耳夷言图记其实印也国朝惟忠顺顺义二王得之他无故事不许○诏工部铸万历金背制钱十五万锭

○乙亥谕驾幸山 陵免潞王送迎

○户科给事中萧彦言水田之议其不可不成者有四而不可不审议者亦有四国家定鼎燕京转漕东南水利既兴昔取诸东南今取诸堂奥之外也不可不成者一也西北有水利则东南可以息肩而漕挽之费所省又多不可不成者二也虜利于骑不利于步沟洫有制是不墙而堵不兵而卫也不可不成者三也昔也旷莽今也蕃育生聚教训安边长利不可不成者四也然西北之不谙水田者旧矣驱而为之缓之则无济于事急之则有戾于民是人情之议也不可不审者一也垦田之夫每邑不下千人派之民耶以为厉矣徵之江南耶千里赍粮远赴田作有望而走耳是垦田之夫之议也不可不审者二也臣彦往阅宁夏古称塞北江南也又素有水田藉汉唐二渠不烦徵力然往往就荒驱之领田如赴汤火又尝阅甘肃有先抚臣杨锦者为垦田之议而军不愿种乃分派各堡另立垦军卒无成功此边人之习也垦田百万法当给五万人若曰自领之而自垦之脱无领者将不垦之乎是领田之户之议也不可不审者三也沿边无粮旷土军民利而私种之久矣垦而为田势必起科能欣然就耶至于广野有沙压之虞水滨有泛滥之虞但一相度可知已是起科之议也不可不审者四也章下所司

○丙子以重阳节赐四辅臣上尊珍饌

○丁丑以尚宝司卿徐贞名兼监察御史领垦田使铸督理垦田水利关防户部言国家任事之臣难至于本非其职而慨然有

见于国计民生之所在即勇敢奋发以为己任尤难也今尚宝司少卿徐贞明奉旨查勘垦田水利乃周历京东地方相土原隰之宜测水分合之势欲使诸地皆垦而可耕诸水有利而无患所条陈详悉諄切谨参酌上请其一曰专责成夫农桑衣食之原也各该有司以垦治牧养为重留心振举设法调停地之荒芜者辟之水之冲漫者堤之如是以最闻不则听断虽优亦列下考本官职任尚宝无民事之寄谓宜畀之事权加以宪职有司之勤能偷惰听其分别而奖饬之庶乎权足以鼓舞而功可期也一曰宽课督南北异而燥湿殊北之宜于黍犹南之宜于稌也今垦田议论纷纷其说有三北方大山峻谷雷雨骤发滚石推沙莫可为功一也原野之地向来黍稷麦豆民并赖之概欲改垦人情未便二也雨后所在焦枯与南方之池沼潴水者不同三也今据议地势低下偏宜稻者以渐劝率之宜黍宜粟者仍其故荒芜焦枯之地以渐导之而不遽责其成则于后二说无所复疑惟骤雨冲决尚未之及令本官相度水有当疏或有当避期于利便不必胶执庶乎事易成而民亦相安于不惊也一曰善训率北人之不习种稻也必得南农以倡导之今宜募南民之谙晓穡事者工费衣食为之处办以一教十以十教百以百教千数年之后庶乎种稻之利可与黍稷埒也一曰广招徕夫怀土者未必乐迁也宜多方鼓动以柔远而能迓据议欲令负来而来者能垦田百亩以上即为世业子弟得寄籍入学问有才能率众先劳趣事绰有明效者仿古孝弟力田之科量授乡遂都鄙之长庶乎有所激劝而归附者踵至也一曰时赈贷开荒之地新集之民早潦不时饥馑无备据议万历十四年为始每年应积谷石三分之一留仓备赈一出陈易新其一春作之时有司巡行阡陌有垦荒无力_{□□}铤_{—金}水无资者贷之秋成还官如遇旱涝无收免其偿庶贫民有所恃而垦荒疏渠得以兼资也一曰辟久荒南农应募居食牛种总倚办于官宜于太仓银库内动支二万两付顺天抚臣听少卿徐贞明便宜支給初垦之年许其自收二年之后方议一半还官庶应募之民有所觊而益坚也一曰苏久役各州县民壮因田起役即古寓兵于农之意也然每岁操练不过三个月今用以治田未免终岁勤苦据议宜照旧例止役三月在秋场既毕夏禾未种之时便之疏河划草预为耕作之地其垦治田土宜募专工庶兵可息肩而农有定业也得旨垦田导水乃利民首务依议行银两于德州仓给发贞明著兼宪职承委官照抚按例一体举劾有推诿阻挠者参处重治

○改大理寺卿吴时来为刑部右侍郎大理寺左寺丞罗应鹤为右少卿

○江西临江府民赴阙上书请释知府钱若赓之罪 上怒置狱讯之事繇医官王民祉并逮即讯

○革永安王府辅国中尉英火□尔为庶人闲宅禁住先经楚王华奎参住禄米不悛特请加罚也

○戊寅命切近行宫处随路及在山与定国公徐文璧彰武伯杨炳大学士申时行许国王锡爵王家屏各安帐房一座

○辛巳谕兵部取银十万两司礼监太监张诚传奉朕阅视 寿宫赏赉不足尔部

可于太仆寺马价内进十万两户科右给事中杨芳言马价系京边买马之用与别项可以那借者不同自万历九年钦赏辽东获功官军取用以来至今陆续支费通计八十万此旧例之所本无涓涓之流安足以盈漏卮之洩不听

○原任兵部左侍郎冀炼卒炼益都人嘉靖甲辰进士起家县令为民曹郎忤权不调累官光禄少卿顺天府丞遂以都御史巡抚河南改宣府兼兵部侍郎予告起南京兵部右侍郎转户部右侍郎未及赴而卒礼部称其在边有获斩功赐葬祭如例

○诏免泉州府属浔浯浞三场盐课加复米银及定浔浯浞惠四场税兵银二百两漳州府属漳浦诏安海澄三县民户税兵银九百两即充本处军饷

○广东程乡县妖人刘青山立无为教社聚党为乱官军攻之斩获七十余人首恶逃逸

○升福建道御史崔廷试为大理寺右寺丞

○叙转久次科臣王三余礼科都唐钦尧工科左叶特新吏科杨芳户科俱右

○礼科给事中钟羽正建议廷臣各举才堪将帅者兵部覆 上曰将才甚难非屡战阵何缘识别还著总督抚按访求果有异才许予例荐外特举推用其各衙门会荐己之

○丁亥谕都察院朕兹阅视大峪山 寿宫一应事务俱从省约内外从官有沿途扰民者科道官以名闻

○谕户兵二部朕兹阅视 寿宫赏扈卫围宿将军并官军及山后守巡在工各官军共银五万两御马监勇士内官监拽船东厂锦衣卫围宿官旗银一万两户兵二部各出三万两支给○赠游击将军韩元功都督同知荫一子本卫千户世袭 戊子彗星出羽林傍形如弹丸尾长尺许指东北其色苍白后每夕移东行芒体渐缩小

○怀仁王府奉国将军充火□于以老病不能行礼请以第三子廷埴代之将军中尉例不许代以怀仁另城王府故许其请其钤束宗仪仍不许代

○南京刑部尚书陈道基以被言乞休许之

○以辽镇招徕夷汉归正人一千四百八十二名口赉宁远伯成梁银币及守备刘崇正等升赏有差

○兵部尚书王遴罢时有御用监人持御批红本称 圣驾阅寿宫取兵部马若干匹给该监遴疑内府题本有衙门印信繇司礼监传奉会极门接出该科发抄无径赍赴部例乃援故事执奏 上以稽留御批切责而宥之犹夺郎中俸三月初杨继盛之死也遴以女妻其子甚为时论所称及为大司马过于严急至于驿传参朝集使声誉大损遂为御史传光宅黄纪贤顾云程李琯所劾因 < 毳毼 毼-毼 > 求罢有旨卿刚直素著委任方殷览奏词特准致仕仍给驿归

○壬辰敕武清伯李文全太子少保兵部尚书兼都察院右都御史掌院事赵锦朕兹恭谒 祖宗陵寝阅视 寿宫特命尔等居守统率守门守城等项文武官员严督京

边兵谕部

○甲辰驾发巩华城日中驻蹕感思殿以元辅时行前次再阅 寿宫赐白金五十两彩段二有副○乙巳 上率 后妃亲诣 长陵 永陵 昭陵毕 上亲阅 寿宫于大峪山是日九卿吏部尚书杨巍户部尚书毕锵礼部尚书沈鲤刑部尚书舒化工部尚书杨兆何起鸣倪光荐兵部侍郎石星辛应乾金都御史赵焕大理寺少卿王用汲太常寺卿何源礼科都给事中王三余御史周希旦武臣定国公徐文璧恭顺侯吴继爵等皆有〈 ䷇ ䷇-金 〉请勿改卜

○丙午 上阅黄山一岭至于宝山及复遂升大峪山覆阅至于东井平冈地阅竟于 幄次召四辅臣入谕云朕遍阅诸山惟宝山与大峪相等但宝山在 二祖陵之间朕不敢僭分还用大峪传与所司兴事无辍时行等褒赞 圣德 上亦劳之有旨赐随侍勋臣辅臣九卿茶公文璧等入谢因致词称贺而退驾还感思殿辅臣时行等迎于道傍 上于马上回顾四臣命司礼监太监张诚召入殿门有顷 上御东室召四臣入又赐罗衣一袭元辅时行次辅国加赐玉带一具并谕公文璧侯继爵赐视元辅于是时行等顿首趋出及门 上遽命中使止之仍召入东室 上以部院诸〈 ䷇ ䷇-金 〉授时行等曰兹事朕自主张而纷纷如此竟是何竟时行对云诸臣之意不过仰赞 圣裁亦无他也 上意未释复以李植及御史柯挺二〈 ䷇ ䷇-金 〉授时行曰挺初〈 ䷇ ䷇-金 〉说向简山今〈 ䷇ ䷇-金 〉都不及此可令对状植等原择三地宝山地差胜可调外任又谕明日还京四臣顿首出植之〈 ䷇ ䷇-金 〉曰玄宫后凿石横涧数十丈如屏风其下便如石地今欲用之则宝座安砌石上挺之〈 ䷇ ䷇-金 〉曰夫大峪之山万马奔腾四势完美殆天秘真龙以待 陛下植既斥外挺亦被诘寻与监生张邦垣同夺俸邦垣四月挺二月先是 上谓左右曰今外廷诸臣为 寿宫事争言风水夫在德不在险昔秦皇营骊山何尝不求选风水未几见发选求何益我 祖宗山陵及卜于 天寿山 圣子神孙千秋万岁皆当归葬此山安得许多吉壤朕志定矣

○丁未驾发感思殿驻蹕功德寺行宫

○戊申驾发功德寺行宫还于京师

○癸丑夜望月食约五分余

○朵颜卫头目咬儿干求升都指挥僉事管束部夷许之仍赐之敕

○以江西道御史吴定提督北直隶学政副使郑国仕为山西参政僉事饱希颜为湖广参议杨楫为陕西参议

○乙卯召太子太保兵部尚书兼副都御史张佳胤于蓟镇还理部事佳胤辞免宪职许之先是有旨举熟知边略堪任本兵者部推佳胤及郑雒郃光先 上命再推数人而工部尚书杨兆兵部侍郎王一鹗与焉外间传 上属意兆御史李瑄顾云程黄纪贤前日击去王遴者乃各〈 ䷇ ䷇-金 〉争之略谓遴实刚愎兆尤熟软弃遴用兆犹朝三暮四也 上以为窥探夺四人俸两月乃用佳胤部〈 ䷇ ䷇-金 〉于初四日上是日始

得旨云

○以阅视叙劳予总督蓟辽尚书张佳胤一品诰命荫一子国子生赐敕褒励巡抚张国彦升俸一级与李松贾三近及前任朱绣裳宋纁各赉银币加宁远伯李成梁岁禄五十石其余将吏升赏有差

○东虏银灯西虏以儿邓合数万骑寇蒲河沈阳报至谕兵部辽东虏贼入犯马上传与总督镇巡加意防御无怠

○戊午 第三公主薨后追封静乐公主者也○授庶吉士官翰林院十人邹德溥王□叶向高周应宾方从哲俱编修葛曦徐待聘杨元祥邓宗龄季道统俱简讨给事中五人姜应麟户科梅国楼礼科邵庶兵科胡世麟刑科史孟麟工科御史六人吴龙徵浙江道沈权江西道王之栋福建道徐大化湖广道杨绍程河南道梅鹄祚山东道部属二人甯中立礼部主事刘大武兵部主事

○复套虏互市于宁镇之清水中卫平虏三厂初虏抄胡儿青把都诸酋以逆佛为名恋牧河西市厂隔远故抚臣改于甘镇之扁都口至是诸酋被回达挫衄渐次归巢督抚议复旧便诏可

○敕巡抚顺天兵部左侍郎右佥都御史王一鶚以原官总督蓟镇保定军务兼理粮饷

○升太常寺卿何源为大理寺卿光禄寺卿严大纪为太常寺卿太仆寺卿秦擢为光禄寺卿太常寺少卿裴应章为太仆寺卿○升浙江道御史龚懋贤为河南副使户科左给事中田大年为陕西副使河南道御史龚一清为江西参议贵州道御史周之翰为四川佥事

○工部尚书杨兆以人言乞休 上温诏留之

○敕湖广按察使蹇达为右佥都御史整饬蓟州等处边备巡抚顺天

○庚申升参政王基为湖广按察使整饬苏松常镇地方兵备副使刘应麒为四川参政

○诏以覆阅 寿宫免断今岁死刑又俞刑部之请南京并各小炤京师例停免时刑科给事中顾问等亦以为言 上报有旨

○户部覆科臣姚学闵言京东垦荒< 田 毓-金 >水之利诚阜民安边之长虑也宜推广行于东南及宣府等处责令各省抚按官率所属府州县但有荒芜地土谕小民尽力开垦尽心劝相示之以凿陂塘筑圩岸之方贫户不能备牛种出仓谷助之秋成还仓有司以开垦多少为殿最岁终稽核奏报所开地土每亩纳谷三升另贮以备荒歉俟大熟之时择其肥饶者升为下则额粮均摊瘠薄者仍其故炤求不起科之例至于宣府该科曾经阅视目击沿河数处类多水田尚有滨河旷衍弃为榛莽而不垦者惧加粮之遗累与屯军之告争也该科欲并令尚宝司少卿徐贞明亲履其地治水开荒然本官方经理圻内远涉边地势或难周该镇抚按皆实心任事之臣不如移咨彼处就便督责新

开荒田或纳谷三升或量升下则一视腹里如或稽核不实奏报失期该科得以白简从其后 上命抚按官著实举行

○增派河南十三年分税粮马草绵花颜料等银八千九百六十五两有奇按臣刘士忠请以本院所余库贮赃罚补之无派及小民部覆如议惟绵花颜料应纳本色者炤旧徵解报可

○升署都指挥等官李宁五军二营王子孝神枢二营王维贞宽奠李宗召海盖钱应祥横岭陈子成太平陈霞陕西李熙柴沟堡各参将黄应魁铁岭周于德松潘尹凤竹偏关阎金皋定州龚子敬南京袁日章保定朱口大同入卫各游击将军蒋助掌山西行都司印张守遇僉书山东都司军政

○加升辽东兵备苑马寺卿曹子朝以按察使衔仍管原任地方事

○改荫大学士许国次子立功为中书舍人

○刑科左给事中王继先奏近见兵部题覆阅视总督郑雒加太子少傅荫一子锦衣卫百户张佳胤给与应得诰命荫一子入监读书而各官恩荫升赏各有差窃以为过也今边圉无事诸臣谨守筦钥修理微劳亦其职分即使城隍尽浚整堡尽修以视血战当录者万万不侔而况其未必然乎 皇上嘉诸臣之功不过曰整理边务效有劳绩如是而已而遽以邀延世之赏如持左券岁复一岁在边臣视为应得而何有于激劝之实且今边事亦有隐忧畚耜新而戈矛敝雉堞壮而士卒羸万一丑虏败盟诸臣身当矢石又何以加之臣考万历三年阅视恩例在督抚大臣不过奖以玺书赉以金帛升荫之典绝未之及允为中制迨至七年则稍稍崇官阶而胄监之荫一人以钻刺得之乃至今日隆以宫保不已也而荫矣荫以太学不已也而锦衣矣一笑一颦明主所爱愿 皇上名器之当重阅视行赏悉仿三年事例其雒等升荫许令辞免 上是其言敕以后遇有加恩该部酌量题请无得过滥

○甲子大学士王锡爵以病请假 上报曰卿偶疾准暂调摄痊可即辅理

○丙寅赐大学士锡爵米酒蔬肉中使赉至第锡爵< 跽 跪 > 谢

明神宗显皇帝实录卷之一百六十六

明神宗显皇帝实录卷之一百六十七

万历十三年十月丁卯朔 上御皇极殿钦天监进万历十四年大统历传制给赐百官颁行天下是日 上亲享 太庙

○起太常寺卿孙维清原官

○戊辰 孝洁肃皇后忌辰 奉先殿行祭礼遣官祭 永陵

○升陕西参议熊惟学为广西提学副使礼部员外郎孙成名为湖广提学僉事河南副使刘中立为山西参政监解州东西两盐池

○巡按直隶御史苏瓚条上边事在蓟镇者有九一重蓟东以备冲边言假全镇之力修筑滦东工役自黄土领至燕子窝拓城修堡以壮内势一移军府以便策应言三道

三协守各守信地然相去或不及百里或所辖在百六七十里之外宜移三屯协守于汉庄营移燕河参将于刘家营其建昌原营秋间抚臣移驻则冲边皆有重兵而徵调不至隔阂一处募兵以期实用言募兵旋补旋逃宜稽其名籍程其技能填注兵单验发各营训练一厚存恤以安解发言解到新军几六万而额不加多者安插无法而逃者多也开垦荒田宜查给以为世业分地错居耦耕并作而营伍可渐充矣一筑险要以防大举言潘家口龙井关桃林口罗文峪诸处河水直通内境宜筑桥防御虏谋自杜一复废堡以资守望言沿边一带先年设有寨堡安插军余后因归并居民失业今宜查明开复无粮边地许其尽力开垦一练军实以壮声援言辽为蓟之肩臂宁远为辽之咽喉山海宁远俱宜宿重兵如虏犯辽西蓟出前兵援之从一片石直趋铁场堡等处虏犯蓟东辽出前兵援之从背阴障直趋挂牌山等处彼此犄角虏必夺气一广招降以携逆党言虏中来归者宥其罪愿蠲其差役又多为间谍使彼此疑猜未免顾惧一宽关禁以开边利言关外草木蓊郁禁不敢取宜每月许出关六日先采三日纳充公费后采三日与各军资贍在保镇者有三一核各隘以固关辅言紫荆最号雄关然所恃以为固者在各隘耳宜于川谷宽空者尽为栽植于径路躡开者尽为堞塞又昌镇之横岭为最冲修边建台犹为首务一酌驻守以节军力言保定前此达官舍余矿悍难驯不能不藉总兵弹压今岁久帖然宜令该镇常住易州紫荆直下至州南一带傍水荒田就拨各军开垦一复乡夫以预防守言山广昌灵丘等县原派乡夫与易州各县乡夫分守隘口后奉文裁革宜令山西广昌等县仍听易州道兼管分派乡夫查认原分信地协力防御在各镇者有二一精简练以选军锋言三镇之兵不为不多然而未获实用者宜严行镇道等官精阅为上中下三等每月协守合练每季总兵合练岁终抚按通练重犒而峻罚营路将官即以兵之强弱为殿最一议增给以恤战骑言昌平各路所少马数不多止草料应题入岁饷支給蓟镇各路马一万五千有奇每年支料六月支草三月委为不敷宜酌量通融处给保定五营两路共马四千一百八十有奇其倒死之马在本镇防守者议给寺马折色在蓟镇入卫者议给部发马价庶军不虚赔马有实用 上令各镇督抚议之

○升浙江参议李一中为河南副使广东佥事王圻为陕西参议○顺天举人史纪纯钶之子也冯诗章维宁者张一桂之馆宾也同时董邵陈邦训杨日章孙唵胡正道等皆以冒顺天籍中式事渐闻禁中一日 上谕礼部都察院曰朕惟 祖宗设科取士不为不严近来各省直多有冒籍无耻之人幸得取中提学官通不稽察亦有嘱托倚势滥行收录者以后务分别侨旧不许循情隐蔽致伤风化有蹈前弊许诸生人等即时讦奏重治不宥于是礼科署科事给事中钟羽正< [] 隩-金 >参八人而提学御史董裕坐不先查革镌秩一级事下部院请比嘉靖年例革回充附中使持< [] 隩-金 >至阁传旨二百年科场太滥冒籍诸人先枷号治罪张一桂史钶岂是不知今亦无面目在此都著致仕时行等言冒认户籍有司之弊考官不得而知张一桂久在翰林平日谨慎故臣等题充日讲冯诗章维宁虽曾馆于其家不久辞去帘内只看朱卷何从认识且部科

○内批以御医蔡文亨陆得元徐文元为太医院院判并敕御医历俸六年以上得遇缺升补吏部据例争之不听

○谪南京湖广道御史王学曾外任学增言臣接邸报见中旨谕河南抚按官进麒麟窃谓麟产于光山 皇上深居九重何以知之无亦左右小臣访求于外为容悦耳若此者非 皇上之所宜闻也有旨朕于异物原无好尚麟皮偶一取视未尝侈祲祥举行庆贺王学曾乃邀名沽直既说左右取悦何不指名姑降一级调外任后判兴国州

○丙子大学士王锡爵以病乞归 上曰朕以卿忠猷亮节特召起家兹眷倚方殷岂可遽以微疾求去宜慎加调摄痊可即出不允所辞

○庚辰遣太医院官朱儒等五人诣大学士锡爵第视疾锡爵< 〇〇〇 毓-金 >谢再具< 〇〇〇 毓-金 >乞归甚恳仍温诏留之

○内批谪云南道御史蔡时鼎于远方冒籍事起特鼎自外差还都闻之乃上言近日处分非常或有不繇外庭纠举径从中出使举朝惶惑皆以为挟私之徒造为飞语密揭直达御前此其渐不可长即如冒籍一案尽疑部院科臣为扶同回护夫部院 皇上之股肱耳目为不足信岂所信之人皆忠信无私可托腹心有逾于诸臣者乎若 籍诸人罪至削籍已无复加今使二人荷械以徇万一严寒之下毙于桎梏 皇上后必悔之< 〇〇〇 毓-金 >入 上手札谕内阁出旨重治是日阁臣时行锡爵俱在告国家屏在直乃连四臣名具< 〇〇〇 毓-金 >请稍减时日以全冯诗章维宁之生姑从薄罚以宽蔡时鼎之罪拟时鼎罚俸半年 上不从次日改定批下冒籍原发自该科何谓轻信人言且科场禁例甚严处分非过蔡时鼎疑君讪上本当重治姑降杂职于极边不许朦胧推用上既改批御史< 〇〇〇 毓-金 >发下又先使人调知冒籍举人董劭等解发宽纵传旨云凡解发为民应自有法今劭等仍戴巾衣程子衣既从阜成门出又从便门入寻常用两人解一人今以一人解三人传顺天府臣令对状于是国家屏又上< 〇〇〇 毓-金 >曰自古人君贵明不贵察故冕旒蔽目黈纆塞耳未有任一己之见闻自行访察之术也即一州郡之长闾阎细事尚难周知况 人君御万几之繁其任愈大其体愈尊必也猜防苛细即使听断甚精如汉宣帝唐德宗竟何补于治哉且使奸人得以乘机中伤善类淆乱政刑将来之患有不可胜言者愿停查访以崇大体宥言官以明 圣度 上览

< 〇〇〇 毓-金 >怒次日手批曰朕严禁冒籍本为端士风以正人心苟行同穿窬又何取焉卿等又何进焉近因同类奸人党救讪上故使人觐视问其纵法之罪卿等乃以此为苛细且朝廷分职非一人所敢专擅但臣下秉公奉法何惧于严察必若所言是处朕于蒙昧之中而事皆听决于臣下卿等其心安耶否耶是日 上思辅臣时行特遣中使问于其第二辅既被诘责< 〇〇〇 毓-金 >谢执争如初会 上意稍解报闻时行入惟具< 〇〇〇 毓-金 >陈谢而顺天府臣沉思孝等具奏伏罪亦坐夺俸级三等

○壬午原任少师兼太子太师吏部尚书中极殿大学士张四维卒四维蒲州人嘉靖癸丑进士改庶吉士授编修充经筵日讲官预修永乐大典书成升中允予五品服累

官翰林院学士掌院事转吏部侍郎掌詹事府事东宫侍班万历三年八月升礼部尚书兼东阁大学士入内阁办事五年加太子太保进文渊阁大学士余官如故六年加少保进武英殿大学士余官如故荫一子中书舍人八年加少傅兼太子太傅余如故荫一子入监读书十年加兼太子太师余如故荫一子锦衣卫世袭百户是年又加少师兼太子太师吏部尚书中极殿大学士荫一子尚宝司司丞十一年以父封少师张允龄之丧终制还里至是卒赠太师荫一子尚宝司司丞谥祭十有三赐谥文毅初四维与江陵相共事最久江陵秉政颇尚锲急会卒密< 〇〇〇〇 〇〇〇〇 〇〇〇〇 >请宽大罢一切法令又请拔用海内直士久被抑弃者既而言者捥摭诸党人不已则又言于 上请与之更始时论多之其为首辅才期月也尝称杨文襄翁襄敏气略磊砢无书生文吏习盖自况云

〇先是总督尚书郑雒有辞升荫以谢人言一< 〇〇〇〇 〇〇〇〇 〇〇〇〇 >语侵科臣王继先且自夸大于是工科给事中白希綉特< 〇〇〇〇 〇〇〇〇 〇〇〇〇 >参雒上以言官不体朝廷优劝边臣至意责而宥之

〇甲申 诚孝昭皇后忌辰遣宁阳侯陈应诏祭 献陵〇南京操江右佥都御史萧崇业以母老应天府府尹袁三接以年至并乞休许之

〇补荫故南京刑部尚书李迁次子一鹤国子生

〇命右谕德赵志皋洗马赵用贤编修杨起元王廷撰俱充大明会典纂修官侍读盛讷直起居注馆编纂章奏

〇先是巡抚四川都御史雒遵言松潘等处大小粟谷诸砦番人攻堡戕职官找架七稍礮依险为乱请讨之而蜀于是乎用兵既遵调任代者未至声息寂然兵科给事中王致祥奏番人乱者止麦儿一砦遽用大师未免张皇总兵李应祥以新将御悍卒所徼播州天全诸土司兵未易集亦调度需人部覆以为失策于是大学士时行等言松潘叠茂即古维州吐蕃地本朝置戍屯兵略示羁縻之意然山谷险远粮运艰难丑夷聚如蜂蚁散如鸟兽其道在以剿为先声抚为权术如一种作恶则整< 〇〇〇〇 〇〇〇〇 >镇军出其不意歼厥渠魁或毁其碉房或烧其青稞名曰雕剿其余各种并不搜求故番人怀德畏威虽小有草窃旋即底定此制御诸番之要术也今该省官轻率寡谋一闻有警輒欲徵调大兵番人闻知得以为备且四川近有采木之事民间骚动军饷又已空虚若兵连祸结为患非小谨拟进传帖一道明日谕兵部曰前日四川抚按官奏称松潘等处番贼为患即今有无宁息一应剿抚事宜新推抚镇其相机制置务保万全无生事贪功无匿情养乱尔部马上差人传彼中知之

〇河南道试御史饶位奏弹工部尚书杨兆< 〇〇〇〇 〇〇〇〇 〇〇〇〇 >中及徐枝事徐枝者京营佐击以负责一夕自杀家人诉于官供其贷子钱行贿而事不成时兆适与本兵之推人谓事繇兆也< 〇〇〇〇 〇〇〇〇 〇〇〇〇 >入有旨夺俸五月〇加房山县知县马永亨同知永平府衔以矿盗起特重县令事权从顺天抚臣张国彦之请也

〇升刑部郎中沈九畴为江西提学副使

○改国子监祭酒徐显卿为少詹事充日讲官

○乙未以 大祀 南郊 上御皇极殿誓文武群臣致斋三日

明神宗显皇帝实录卷之一百六十七

明神宗显皇帝实录卷之一百六十八

万历十三年十一月丁酉朔礼科都给事中王三余等〈附 疏-金〉言王者父天母地而为之子所敬畏者莫过于天我 祖宗以来凡遇 郊祀必躬必亲载在会典传之 累朝记曰王者飨帝于郊而寒暑节风雨时春秋传曰如有明信溪毛潦水可荐神明言诚也乃者秋七月雷震 郊坛恭绎 皇上德音天戒示警朕心深用兢惕大小臣工宜共图修省畏天之诚可谓至矣今岁似宜亲 郊以答天戒代摄之举未可以为常也〈附 疏-金〉入 上以三余等奏请不早诘责而宥之且曰朕敬事 上帝 郊祀大典本欲亲行但新从 山陵还体未耐劳恐难成礼且遵前旨行○戊戌冬至 大祀 天于 圜丘遣公徐文璧代

○以冬至节遣侯徐文炜蒋建元陈如松王学礼陈澍分祭 九陵伯刘应元祭 恭仁康定景皇帝金山 陵寝指挥佾事蒋克谨祭哀冲庄敬二太子寝园

○锡四辅臣上尊珍饌

○朝鲜国王李昡差陪臣刑曹参判柳永立等三十五人入贺长至宴赉如例

○以原任都察院右副都御史孙丕扬为应天府府尹先是奉旨改南京别衙门用故有是命

○大学士王锡爵奏臣于十月十九日再〈附 疏-金〉乞休伏读御批大臣之义体国忘家前已有旨勉留岂可忽然遽去卿疾未愈宜在任调理副朕眷怀大义严词真有出于家人父子提耳教训之外者臣于此时不觉一字一泪而臣母亦且义激于中誓不复以家事关臣矣不意本月二十七日臣男监生衡信到内称臣弟原任河南提学副使鼎爵已于闰九月二十五日病故臣母闻报昼夜哀号成疾不起臣窃自伤门祚衰薄目前止有一母一子形影相吊而皆穷愁旅邸宛转床榻之间又至此极臣闻人臣之义不得有身况敢有家然就事势之缓急而论堂堂盛朝茅茹汇征之时即无臣等以百数何亏于国而臣母区区所托以托命者独臣一身臣之区区所恃以报母者又独此一日此臣所以早夜呼天饮涕而疾愈困请愈亟者也 上答曰览卿奏具悉至情但辅弼重臣奉公为急宜勉思大义痊可即出赞理副朕延伫慎勿又辞

○辛丑 恭让章皇后忌辰遣官祭金山 陵寝

○初兵科都给事中王致祥言河西五郡本汉建之以断匈奴右臂昔年有番无虜自俺答抢番留孽子丙兔等七枝盘据海西而套内部落亦以大小松山为巢穴又初款之时止丙兔七枝今威正等共二十九枝环甘皆虜矣将所统士马仅以千计责之守御譬以羸羊搏猛虎也请增饷数万以俟召募诏下彼中督抚议之至是抚臣李汶上洮河守御十事修筑险隘以固边防驱逐黠虜以抒边患散还原戍以济急塞联络战守以杜

散同此一官也同此一时也岂能朝夷暮跖变幻无常哉督臣则以为空群之驥而抚臣则以为败群之羊督抚二臣有事地方不为不久非若入境之初咨询犹未确也何为甲可乙否颠倒一至于此 上令巡按御史查核归一具奏

○甲寅 孝惠皇后忌辰遣侯常胤绪祭 茂陵 孝烈皇后忌辰遣伯王应龙祭 永陵

○敕广东右布政滕伯轮为都察院右佥都御史提督操江时吏部已□太仆卿裴应章太常少卿陈有年 上以二臣任未久特命改推

○乙卯 圣慈皇太后 万寿圣节 上御皇极门文武群臣致词称贺赐元辅申时行银五十两纒丝三表里次辅许国王锡爵王家屏各银四十两纒丝三表里及讲官沈一贯等六员各银二十两纒丝二表里又赐金万寿字金篆字金书黄符红符有差

○升云南参政李材为本省按察使备兵腾冲○巡抚福建都御史沉人种奏提学副使王希元以故御史朱珽作令崇安帅诸生起祠亲为撰碑时希元转江西参政被言当调简僻用奏至特以卑諂削籍

○戊午月犯角宿南星

○命右春坊右谕德兼翰林院侍讲李长春清理贴黄

○蛮莫思顺之逃也事繇刘綎初綎以将家子有父显故时部曲颇多健儿綎拥以自雄征緬之役勒兵金沙筑将台于王驥旧陟纠合诸夷收功斩馘与高国春五章之捷相亚然性贪御下无法兵还至腾皆甲而噪以把总廖文耀王化龙等克削军粮为讨焚城中居民一百七十余家州官系印于肘綎时在蛮莫行署闻之驰至腾以五百人自卫兵不敢动亦莫肯还伍乃出私财犒之并与兵备傅宠谋动支饷银五十两人与一金始定复至行署而思顺逃至是抚按官奏副总兵綎受思顺金宝牙锦诸物又纵把总谢世禄夏世勋陈其正等淫其妻妹使其情甚不堪仓皇出奔宜治綎罪 上念其功从轻降为游击将军革任听用而以谢世禄等属抚按逮讯兵备傅宠同知陈一化通判陈晨降黜有差

○升副使沈应文彭应时吕鸣珂为参政应文江西应时云南鸣珂福建广东参议薛梦雷为本省副使

○诏五城食贫民籍其名二千九百四十四人支米一千三百八十六石薪价银三百一十五两起仲冬讫于孟春从御史辛志登请也

○诏以锦衣卫指挥佥事陈承德为本卫指挥使承德 仁圣皇太后兄昌言之子也

○以秩满升总督陕西三边军务都御史右都御史兼兵部左侍郎郅光先为兵部尚书兼都察院左副都御史总督如故

○升工部郎中刘伯渊为江西按察司副使○初加辽东苑马寺卿山东按察使衔以原任山东左布政使听降郝杰为之

○塞登州龙湾决河以泰山香税银二千两给之从山东抚臣李辅请也

○传升太医院医士万汝栋为南城兵马副指挥

○升广东佥事王民顺为本省参议刑部郎中万文卿为广东副使

○以沈府黎城王府奉国将军恬炼平遥王府辅国中尉埤垆各管其府事仍赐之敕

○甲子大学士申时行等题今日中使至阁持六安州民本传旨令臣等拟票欲将首恶逮问其余彼中监候臣等看详为犯大辟夏钺等所奏株连甚多臣等读之三四不能通晓此必钺等所犯情重成狱欲行展脱故不于抚按司道诉告而蓦越赴京耳国家宪典一切问断刑狱未有不自下而上揆之政体自当如此若小民之奏一一听于宸断将来干渎 圣聪有不胜其烦者谨拟票进次日得旨本内事情牵蔓多端抚按从公审明具奏 上复令中使传谕天下刁风既多冤枉者亦不少先生既如此说如票批行时行等对云 皇上两言真灼见人情自后民本果系冤枉情可矜悯者方与听理如其词刁诈亦当惩治难以轻信中使还奏 上颌之

○以内织染局尚衣监叙文思院官年劳授鸿胪寺序班者一人鸿胪寺主簿者一人本院大使副使半俸加全俸者六人授本院副使者三人

○丙寅北虏顺义王乞庆哈及西番答赖等表文鞍马弓矢方物至自边顺义并妻一枝百一十六人兀慎一枝一十七人摆腰一枝一十六人扯力克一枝六十四人青把都一枝百十六人永邵卜合罗气兄弟一枝五十六人俱给赏如例部夷冷克本等许袭祖父职级阿出答等量授百户赐王蟒狮白毡裘衣赐僧以僧帽袈裟绢布

○升署都指挥佥事等官谭敬承狼山李崇义洮岷陈霞甘州各充副总兵高节分守陕西马应元紫荆杨一名大同杨元居庸林桐山西傅桓靖虏檀武臣镇箠方印郟阳黑云龙锦义马栋宣府蔡兆吉临沅张昕宁夏潘云程太原马继武金山各充参将指挥佥事等官彭九畴宁夏牛应诏固原李文芹锦州杨浚庄凉于凤仪大同车营曹篪辽东领兵萧如兰延绥入卫刘斌口金延绥领兵王永寿金一清宋三省俱蓟镇春班崔张名兴武营各充游击将军谢纶大宁宰调元四川各掌都司军政印李同春广西王邦奇中都各佥书都司军政

明神宗显皇帝实录卷之一百六十八

明神宗显皇帝实录卷之一百六十九

万历十三年十二月丁卯朔诏裁惜薪司冗官减大炭以斤计者一十五万时山厂设于易州而数百里外林麓都尽旧额长装大炭岁五十五万嘉靖间以斋醮复加三十万又各厂中贵五百六十八员皆有分例边商苦之工科给事中王敬民以为言工部题覆于是改加三十万为十五万候积剩足用并与停止而司礼太监陈政等亦奏该司自掌厂佥书等官存留外其余不许预收放止令带衔供事

○夺南户科给事中王嗣美御史王藩臣俸一级以论救王学曾蔡时鼎也

□□东宁伯焦文耀少师张四维之恤辍朝一日

○朵颜等卫夷人脱伯老撤等二百一十有四人贡马贺 万寿圣节宴赉如例

○初蓟镇车骑二营各设游击自为一军后议车营改为都司受骑营节制事多掣肘营制遂坏督臣王一鄂等请以密云之振武营遵化之右营三屯之车前营车后营昌平之左车营右营照旧复为游击即以见任各都司管游击事候其秩满为真 上是之仍敕以后军政并遵旧制不得轻议更置

○夺御史辛志登俸志登劾奏宣大总督郑雒十二罪其一曰广人蒋遵箴夤缘旧辅为文选郎遵箴有妻之丧闻雒有女及笄托志登求之不得再托所厚善王篆求之亦不得适宜大缺出雒请篆篆要之曰兄必欲得军门须成蒋婚事雒即许之且属篆得相公一见为信篆遵箴过居正语如雒指雒随往谢而婚媾谐不五日遂有总督之命雒妻一闻而绝女哭且詈雒亦无可如何 上以志登搆求追论为夺俸半年

○总督漕运户部尚书改南京刑部尚书王廷瞻< 〇〇〇〇 毓-金 > 辞新命总督三边都御史兵部左侍郎郜光先辞加恩总督两广都御史兵部右侍郎吴文华辞荫子 上皆优诏答之不允所辞

○己丑霾

○调补原任四川僉事费尚伊于陕西

○升陕西副使张思忠为本省参政

○兵科给事中邵庶< 〇〇〇〇 毓-金 > 劾京城巡捕都督僉事李如松蓟镇副总兵指挥同知李如柏兄弟并从门荫列位机机而所为不法语曰乳哺多则致痼病富贵盛则生骄疾宜损过盛之权保全终始 上曰人臣为国效劳即当委任何论父子亲故成梁身捍冲边久著劳绩其子如松如柏亦各因战功升职与寻常恩荫不同无搆求牵蔓隳阻边臣任事之心

○壬辰铸管理怀庆王府事关防

○命湖广总兵怀宁侯孙世忠提督漕运镇守淮安

○兵科都给事中王致祥等以军政拾遗< 〇〇〇〇 毓-金 > 参恭顺侯吴继爵武定侯郭大诚新宁伯谭国佐安远侯柳震指挥同知方日中及山西总兵官今升后军都督府管事张爵陕西总兵官李真等不职兵部题覆有旨继爵留用余革任

○虏酋哈不慎立誓悔罪求贡市许之 上嘉顺义王恭顺特赐白金彩段蟒绣及其部落银币有差

○乙未 上诣 太庙行 大禘礼

○以正旦节遣侯郭大诚常胤绪伯陈如松刘应元吴国乾分祭 九陵遣伯陈澍祭 恭仁康定景皇帝陵寝都指挥僉事蒋国谦祭哀冲 庄敬二太子坟园

明神宗显皇帝实录卷之一百六十九

明神宗显皇帝实录卷之一百七十

万历十四年正月丙申朔 上 贺

○赐辅臣上尊珍饌

○丁酉夺苏松巡按邓鍊俸二月以查看通判王应龙违限也吏科亦有< 銚 铨 - 金 > 参报闻

○戊戌谕吏部孟春时享在迓太常寺卿宜择礼仪闲熟者先是岁暮 大袷太常卿严大纪失仪蒙旨责问至是认罪有旨夺俸三月

○宣宗皇帝忌辰遣官祭景陵

○庚子 皇第三子生大学士申时行等题今日恭遇 皇第三子诞生仰惟 皇上圣德格天至仁昌后熊占协吉欣逢再索之祥夙历开熙适应三阳之候庆延 宗社喜动寰区臣等欢忭私惊倍万恒品不胜踊跃瞻戴之至○辛丑以 皇第三子生告奉先殿遣驸马侯拱宸行礼

○以宣府云州堡守备张暉为游击统领蓟镇通津春班官军宣府龙门所守备梁秀为游击管宣府巡抚标下中军坐营事务分守蓟镇墙子岭参将彭友德为分守古北口等处地方参将

○革福建都司军政金书金来相黄船厂把总南京留守后卫掌印田弼任回卫

○升宣府靖胡堡守备邸然为昌平总兵下标兵营游击

○壬寅 上以宫中赏赉内库缺乏命取太仓银二十万两辅臣持奏近日京边岁费日增太仓积贮日少司计之臣方以匱乏为虑一时遽取二十万为数太多伏望少加裁节于是拟帖取十万两 上仍添五万两明日谕户部取进

○升太仆寺卿裴应章为太常寺卿○命南京协同守备兼掌南京后军都督府事武靖伯赵光远充总兵官镇守湖广等处地方中都留守司掌印周易为五军三营参将分守凉州右副总兵王抚民充总兵官镇守狭口地方以分守浙江温处参将口溟为分守宁绍地方参将

○癸卯孟春时享 太庙遣定国公徐文璧恭代

○甲辰 世庙雍妃陈氏薨逝命炤温静懿妃赵氏礼行

○乙巳以 皇子诞生赐辅臣讲官币花有差

○丙午升左通政魏时亮为太仆寺卿

○巡视京营刑科左给事中杨芳等条陈京营六事一选将领副参等官有缺务选边邮经战之将或腹里杰出之才疏名内转责之训练三军俟有成劳优加迁叙一拣庶职欲将会试武举分班留用挨次推补务期三年用尽一精训练一慎选补一择选锋谓选锋之名或以将官家人而寄名冒充或以市井无籍而钻求占役耗二军之粮乏匹夫之勇弊孰甚焉以后选锋有缺务择忠实平民膂力过人者从公替补一修马政当严谕将官督令官军加意喂养每年春秋操毕接管衙门分阅次第倒死数多者照例参究再照营中买马初行甚便近则马少价高各官称苦似当亟行停止俟数年后间一举行养

马之外如车战等营尚有骆驼六十余只岁费草料八百余金谈者谓分发驼房或附近宣蓟等处就彼牧放省费为多又当并议者也兵部覆议拣庶职一款恐人多缺少难慰待用之心此往彼来益滋费劳之怨合无将在京卫者咨送京营在边腹者仍咨督抚酌量委任余五事俱应依拟从之

○兵部覆巡视京营科道举参将等官王治等五十二员参指挥同知等官陈直等二十二员革任○命原任南京前军都督府佾书兼提督小教场事务应城伯孙文栋为南京协同守备兼掌南京后军都督府事以中都留守司军政佾书副留守角□羊元为中都留守司军政掌印以锦衣卫右所指挥使伯子祥为锦衣卫南镇抚司佾书

○兵部覆兵科给事中陆懋龙等荐举指挥同知郎应魁等一十七员参指挥佾事李达澍等三员革任江良翰等四员夺俸三月

○丁未革嘉湖参将都司佾书张应选蓟镇李家谷关提调陈良玘任回卫

○宣府督抚郑雒等题宣镇缺乏市本银前后共一万四千四百两乞自万历十四年为始每年于太仆寺马价银内炤数给发宣镇以补扣减之数或念马价银内岁出为难议于宣镇市马内拣择最良者如数兑给蓟镇官军骑操部覆议于万历十五年为始太仆寺将额发蓟镇马一千匹于派本色分数中行令该州县每匹炤例徵银三十两仍角□羊该寺交纳总得银三万两每年止以二万四千两运送蓟镇收买土马即可得马二千匹给军骑操及查辽东虏患频仍节经请讨马价不敷别无长计今余银六千两即角□羊送辽东接济买马应用每年炤例仍发太仆寺银九千两给与宣镇以充市本其宣镇变买夷马价银并给军草料盘缠委官犒赏银两岁该若干造册送部查明别项支用是一调停之间在小民可免俵角□羊之包赔在近郊可免寄养之苦累在蓟镇得免夷马之虚名在辽镇可得马价之接济在太仆可免兑给之烦扰在宣镇可免市本之缺乏在本部可得变买之马价一举而七利存焉权宜掇弊之策莫善于此得旨该寺岁拨蓟镇马匹依拟改派徵银分发两镇宣府应给马价炤旧行

○戊申以泰视写 瑞安长公主金册赐辅臣银币有差

○升沈玄华为本司左通政太仆寺少卿周邦杰为右通政时吏部推邦杰左而特旨如此

○命神枢十营佐击署都指挥佾事王柱为分守通州地方兼管练兵事务参将南京小教场坐营署指挥佾事吴允忠为浙江军门标下左营游击陕西总督标下左营游击姜河为分守宁夏东路地方右参将

○发蓟镇义兵银一万两充春防犒赏依总督王一鹏请也

○己酉泰宁朵颜福余三卫夷人都指挥等官董庾等十五员各奏称进送马匹传报消息在边效劳有功乞各随贡加添三表里衣服一袭从之○工部覆直隶巡按苏鄯题少卿徐贞明奉命经略水患穷源溯委遍历周咨措处财用一一列款于畿甸水患大有裨益一疏浚深州霸州等处河道共该夫役银一万九千三百一十三两一钱除霸州

甲援旂梟獍万状声犯师宗则居民奔溃四野无烟声犯广西则郡城震悸画相矍视臣令开诚安抚翼犹可以暂寝邪谋贼竟尔负固威羈往抚职官恣杀资氏夷众毁其村寨更分其兵为七哨各路犯顺之势勃不可遏盖贼有不虚生之殊骨故有不可返之雄心贼地称独险跨三省之襟喉计复多年兼万端之变诈跳梁伏穴皆有所资而我患切剥肤稍难为力除便宜迭集近兵调度防御及与按臣多方筹画相机处剿合先驰奏有旨这土夷凶顽叛逆地方官如何不先制驭致令猖獗姑不查处著令抚镇臣相机剿处以靖地方

○乙卯以南京镇抚许国威任南京小教场坐营

○命浙江军门游击王接武分守杭嘉湖地方参将京城巡捕把总徐尚忠为神枢十营佐击陕西总兵坐营中军何崇德为总督标下左营游击

○升浙江副使费尧年为福建左参政复除原任浙江右参政王廷诗为山东右参政升山东登州府知府王以纁为河东运使补升陕西右布政使梁问孟为本司左布政使○复除原任礼科都给事中顾九思为兵科都给事中

○以河南按察使刘世赏为河南右布政四川按察使赵睿为广西右布政广西右参政张偲为福建按察使顺德府知府王守诚为山东副使贵阳府知府周一经为四川副使高州府知府李熙为广西副使庆远府知府王文炳为贵州副使巩昌府同知李启源为四川佥事兵部职方司署员外郎事主事万世德为陕西佥事荆州府同知高则益为云南佥事

○革龙虎左卫指挥佥事鲍举广洋卫署都指挥佥事赵云龙任以兵部题参贪纵不简也

○兵部题锦衣卫已故都指挥同知陈书妻吴氏奏乞将男陈尚思递减承袭一节为炤陈万言授职之后据例止应再袭一辈缘以 世庙元后之家节奉特旨准令承袭是以陈书得减袭都指挥同知陈应龙得减袭指挥佥事通计已减袭三辈辈矣今陈尚思系四辈似难准其再袭但系 世庙元后懿亲与别戚不同而陈应龙授职未久旋即病故情亦可悯应否减级量袭伏乞 圣裁有旨陈尚思准袭副千户一辈以后再不许越例陈乞仍令该科记之

○以大宁都司军政佥书署都指挥佥事齐擢为山东都司军政掌印

○丙辰吏部将考察各官徐时可等一十八员复加评品分别以听 上裁俱依拟其赃私数多仍行巡按提问

○太子少保吏部尚书杨巍< 疏-金 >请罢归 上温旨慰留之

○总督宣大山西等处太子少傅兵部尚书兼都察院右副都御史郑雒以御史辛志登弹劾十二罪奏辩略云臣抚大同前官所留商税不过六七百两臣到任三年有余所积至八千余两升任之日造册留与接管官员逃故军粮严行各营径自还库今谓动支商税逃粮打造银器及受郭总兵之金是谁为之而冤及于臣也三镇市货俱各巡抚

○太子少保吏部尚书杨巍再< 〇〇〇 毓-金 >乞休上温旨慰留○以前军都督府金书定西侯蒋建元掌南京左军都督府印管事左军都督府泰宁侯陈良弼掌前军都督府印管事南京中军都督府带俸忻城伯赵泰修为南京中军都督府金书管事

○以陕西都司军政金书署都指挥金事田雨为陕西行都司掌印神枢营右副将署都督金事任大同为南京后军都督府金书管事神枢营左副将署都督金事王□为南京右军都督府金书管事

○以管理红盔将军武进伯朱世雍为后军都督府金书管事

○以万全都司军政金书署都指挥金事许国忠为大宁都司军政掌印浙江总捕都司署都指挥金事金秉钺为浙江军门标下右营游击管理中军事务○庚申 孝静毅皇后忌辰遣南和伯方烨祭 康陵

○辛酉升陕西副使党馨为本省右参政陕西苑马寺卿兼按察司副使赵焯为本省右参政山西副使栗在庭为山东右参政山东提学副使范谦为湖广右参政福建金事刘朝疆为湖广右参议

○升山西右参政刘浑成为本省按察使直隶真定知府王在聘为陕西副使徽州知府高时为浙江副使

○升江西右布政使苏愚为广西左布政使

○起用原任江西左布政使刘继文为四川左布政使原任湖广右参议梁纲为陕西左参议

○升山东按察使宋应昌为江西右布政使河南右参政李廷仪为陕西按察使福建右参议乔木为云南副使南京兵部武选司署郎○庚申 孝静毅皇后忌辰遣南和伯方烨祭 康陵

○辛酉升陕西副使党馨为本省右参政陕西苑马寺卿兼按察司副使赵焯为本省右参政山西副使栗在庭为山东右参政山东提学副使范谦为湖广右参政福建金事刘朝疆为湖广右参议

○升山西右参政刘浑成为本省按察使直隶真定知府王在聘为陕西副使徽州知府高时为浙江副使

○升江西右布政使苏愚为广西左布政使

○起用原任江西左布政使刘继文为四川左布政使原任湖广右参议梁纲为陕西左参议

○升山东按察使宋应昌为江西右布政使河南右参政李廷仪为陕西按察使福建右参议乔木为云南副使南京兵部武选司署郎中事主事杨时宁为陕西金事

○升广西太平府知府王命爵为两浙运使

○兵科都给事中顾九思等< 〇〇〇 毓-金 >言贵州抚按官舒应龙毛在谓贵州会城有藩臬而无府县隆庆间设有贵阳府县犹未备今议改程蕃旧治为州就彼弹压诸

司及以贵竹平伐二土司并归化新哨二里改入会城为县率以流官治之程蕃改府为州改通判为知州等官虽名色稍变而事体无更又城池学教公廨等项依然具在无烦改作彼中人情似亦相安是计之得者若贵竹平伐二司昔以土司世世相承而今流官矣昔以土司雄长一方而今丞簿矣规制一更其情或有所不便体统少杀其心或有所不堪而番苗杂处狼子野心未必人人贴服遵我文告可为土人虑者一县之设于会城也尊官大吏环而临之不下数十辈而地当滇南孔道轮蹄络绎土司各分其疆而县官拥一虚位供亿繁冗何以应之此为县官虑者二库贮之钱价有限营运之费用不貲能不那借官帑取办民财乎可为全省虑者三且今滇南不靖蜀复多故而贵阳与二徼接壤其可虑不又有大哉章下所司

○兵部题覆巡按直隶御史孙愈贤< 銜-金 >谓北虏顺义王乞庆哈于万历十三年十二月病故铃束无人名位未定诸夷散乱事属可虞宜申饬边防至于嗣封一节俟彼大势既定伦次已明听其自行乞求然后徐为酌应必使操纵之权我制人而不制于人斯为万全之策有旨该镇防范抚驭机宜督抚官用心处置○加北路参将麻承勋上西路参将倪尚忠副总兵职衔仍管该地方参将事

○辽东总兵官宁远伯李成梁以兵科给事中邵庶论其怙宠挟权疏辩乞休有旨慰留

○延绥巡抚梅友松题请延镇东路永兴堡向来改属孤山参将管理其中兵马又摘发强半隶之神木参将操备彼此牵制遇警推诿要将永兴堡地方军马及墩台三十五座与所管边段俱归属神木参将统辖即于神木参将敕书内增入永兴堡于孤山参将敕书内除去永兴堡部覆依议 上从之

○革协守松潘东路左参将王一桂任回卫

○刑部等衙门廷劾朝覲官员及在外见任者玩愒岁月怠缓政务请治其岁有旨姑宥令还任供职在外者行文策励○宗人府掌府事驸马都尉侯拱宸奏 永宁公主府中使赵禄率领赵大等阉者董进等拥众入其府第行凶以拱宸责其卒役也 上令究治公主府中使而仍戒拱宸令谨守礼法不得容纵下人

○壬戌赐驸马都尉万炜诰命及冠服仪仗鞍马

○礼部题会试事宜请广会试制额 上特命取三百五十人著为例

○又议试录程文宜炤乡试例删润原卷不宜尽掩初意至于经房额设一十七员书易经旧例各有四房易经卷多合增一房从之

○升神机二营参将张成为神枢营左副将京城巡捕左参将王治为神枢营右副将

○癸亥六科查参考成辅臣票拟罚俸 上疑其太轻辅臣奏云考成之法所以稽查勘合催督未完初年类参常一二百件摘参常四五十件俱不过罚治今次六科本内类参不过四十件摘参止五件则是报完者多未完者少比于先年不啻倍蓰其所以不

能尽完之故则请为皇上毕陈之如催徵钱粮有水旱灾伤及差繁赋重疲敝刁顽该部以起运钱粮不肯议蠲有司以库藏空虚无从措处多方捶楚则无辜就毙百姓不安盗贼蠹起此臣等所大惧也又如捕获贼犯一节亡命之徒四散奔逸潜踪隐迹无人识认即使朝廷之力不能得之于四方而况抚按专驻一方岂能搜之于别省若以此重责抚按亦不过严督司道比较州县州县无策唯凭应捕人役将平民拷逼承认抵数报完无辜被冤此臣等所大虑也又如提问官员一节有升任远处黜回原籍者行文提取非数月不至或人证不齐招承不服及例应驳问者文移往返又非数月不完若畏避参罚急促了事又恐有锻炼文致潦草疏略之弊此亦非治体之所宜也 皇上所以警飭臣工肃清吏治不过欲事治民安而已事苟治不必苛责民苟安不必外求今次罚治仍炤节年明旨为当 上然之

○吏部推礼部精膳司郎中张志调补主客司郎中 上曰精膳主客二司职任相等以后只遇缺升补不必挨次调用

○吏部题考察既毕恐有遗贤未举遗奸未汰宜申饬抚按加意咨询悉心甄别上曰抚按考察所属官员须秉公核实毋但以趋承炫耀推荐非人及以仇揭私憎诬枉善类尔部宜覆加详核务协公评

○左都御史员缺吏部会推刑部尚书舒化总督仓场户部左侍郎宋纁南京户部尚书傅希摯吏部左侍郎李世达兵部左侍郎石星上以司寇重任舒化执法平允不必改用而特用辛自修为左都御史

○升河南副使贾如式为陕西苑马寺卿兼按察司僉事

○升南京吏部考功司郎中屠谦为山东副使提督学较

○户部覆山东巡抚都御史李辅题称德府原讨白云湖周围五十四里六十步计田一千三百二十顷三十一亩零原未履亩清丈四至参错不齐万历五年曾经前抚按因宋登仕等讦告行府丈勘裁出余地七十一里计田七十顷四亩有零应还历章二县延久未结至万历九年奉例清丈仍将前地裁出断归二县致德王复行具奏今经司道会委多官丈勘明白合将丈余民田七十顷四亩零内以三十五顷二亩一分零给与德府管业余地三十五顷二亩零仍归历章二县炤旧给民承种办纳钱粮丈田书册改正的数庶上下妥便经久可行 上曰湖地既清文明白准炤数分给管业承种不许纷争渎扰

○革福建总兵官于嵩任广东总兵官刘凤翔著策励供职四川总兵官李应祥准戴罪管事依兵部覆科道纠拾也

○兵部覆大同督抚郑雒题拒墙拒门破胡铁山曰堡地属极边妥用操守其权反轻镇河破虏牛心威平四堡系近内地推用守备其权反重乞将镇河堡守备与拒墙堡操守破虏堡守备与拒门堡操守牛心堡守备与破胡堡操守威平堡守备与铁山堡操守互相更调所管军马钱粮器械等项仍仍旧贯不必纷更从之○甲子 圣母仁圣懿

安康静皇太后万寿圣节赐四辅臣上尊珍饌

○是日命礼部右侍郎兼翰林院侍读学士王弘海国子监祭酒韩世能左春坊左谕德兼翰林院侍读赵志皋司经局洗马兼翰林院修撰赵用贤俱补充经筵讲官

○兵部覆郑雒题本镇北东路边垣城堡俱已修葺完固惟镇河镇虜二堡尚系土筑不堪防守应用甃石包砌合用军夫匠役应支口粮俱于河南班军所省行粮每年一万石之数内动支盐菜炭价木植等银俱于河南班军价银内动支自本年三月起工限万历十五年九月完报俱依拟从之

○稽查未完章奏夺马文炜任养心等俸有差仍申饬严催○乙丑升湖广右参政张更化为山东按察使湖广僉事夏良心为山西右参议户部浙江司郎中李承志为四川僉事

○降补原任云南左参政金学曾为福建僉事

○云南巡抚刘世曾题兵备官遇有升迁事故必候交代乃南中叵测夷情与西北埒而兵备之任亦不为不重顾候代之例未有奉行脱去后有事谁任其咎乞敕查议上曰边方兵备官候代离任已有明例该省如何不遵令该科查参

明神宗实录卷之一百七十终

明神宗显皇帝实录卷之一百七十一

万历十四年二月丙寅朔兵科给事中李弘道< 隄 毓-金 >荐海瑞颜鲸傅应禎梁纲管志道皆君子之当进者谓兵部尚书张佳胤总督蓟辽时营干回部威逼中军张爌剖心以死且以千金令七人携送夷人之桀骜者被夷人杀死六人大损国威是小人之当退者乞将佳胤罢斥员缺即以海瑞补之颜鲸等并速行起用其于世道不止小补上览奏谓其牵掎排挤且擅自指缺定拟罚治之

○总督宣大太子少傅兵部尚书兼都察院左副都御史郑雒以历官年久罪状日深身既蒙污人将侧目恳恩休致 上慰留之令勿畏避疑谤

○丁卯遣大学士王家屏祭先师孔子○户部覆工科给事中曲迁乔等条议二事一议官解甲字等十库钱粮各官解运本色愿自上纳者即行准听毋许官商暗计阻挠扰害将审编一十四名官商查炤派定班次挨拨毋许夤缘搀越一议召买国家设立内库专受四方任土之贡以备取用岁有定数相沿二百余年未闻不足即嘉靖隆庆年间或有召买而数亦不多历查万历元年至十三年供用库约该价银一十三万八千七十四两甲字库价银三万四千八百四十两丁字库价银二十五万五千二百五十七两承运库价银二十八万二千八百二十三两丙字库丝绵价银三万九千八百九十二两银作局金价银二万三千六百三两三通共价银七十七万四千四百八十九两夫供用等库之香蜡银朱铜锡油漆金两丝绵等料若掌库将节年存余及新角□羊之物撙节调停奚啻充溢香蜡焚烧有时铜锡油漆制造诸器体质坚固堪用二三十年近亦十余年丝绵温暖柔细亦堪十余年而该监乃动以缺乏为词数烦 宸听不知器用将贮何所给

何人而复屡行召买是不可不稽查者 皇上聪明天纵恭俭性成顷未减工部木炭之浮数汰惜薪司内臣之冗员电发飏驰无少疑贰真可为 大圣人之作为矣夫合抱之木蠹自内生日侵月蚀敝坏随之隙漏无几而千丈之堤一旦溃败渐使然也乞敕司礼监将各项召买物料与库收各年物料之数及造作物件见贮若干未造若干应该物料各若干其器物可久用不必新置若干试一简阅而查核之则应否缺欠有无冒破自较然明白矣又乞严谕各库内臣存心体国勿得视前浪请斯或可杜请讨之万一也有旨内库召买间行已有旨今后著加意撙节毋得妄费

○以内殿行礼太常寺失误礼部不申明知会罚治有差

○戊辰祭 太社 太稷遣公徐文璧恭代

○大学士申时行等题恳乞 宸断册立东宫以重国本事窃惟国本系于元良主器莫若长子故汉臣有云蚤建太子所以尊 宗庙重 社稷也仰惟 皇上受 天眷命纘 祖洪图德泽浹于寰区嘉祥钟于胤嗣自万历十年 元子诞生诏告天下五年于兹矣即今麟趾螽斯方兴未艾正名定分宜在于兹查得 祖宗朝故事 宣宗以宣德三年立 英宗为 皇太子时年二岁 宪宗以成化十一年立孝宗为 皇太子时年六岁 孝宗以弘治五年立 武宗为 皇太子尚未周岁也盖豕岁升储所以明震器之重冲年胎哲所以端蒙养之功成宪具存昭然可考今 元子聪明克类岐嶷夙成中外臣民属心已久及兹睿龄渐长阳德方亨册立礼仪允宜修举伏望祇率 祖宗之旧章深惟国家之大计以今春月吉旦敕下礼官早建储位以慰亿兆人之望以固千万世之基至于出阁讲学及朝贺等仪稍俟一二年后睿体充实次第上请伏惟 圣明裁断施行有旨元子婴弱稍俟二三年举行

○升南京太仆寺丞丁此吕为湖广佥事

○升吏部左侍郎李世达为南京吏部尚书右侍郎海瑞为南京都察院右都御史时吏部推举世达瑞其副也瑞命系特旨云

○太子太保兵部尚书张佳胤因李弘道论劾力辩乞休 上慰留之

○己巳吏部题覆礼科给事中王三余题今岁开科当考选庶吉士窃谓抡材嫌于 < 黜 铨 金 > 不嫌于数而官材之道贵于精不贵于多必裒益之适均斯经常而可久今后凡遇科年考选吉士率以二十余人储养成才留授编简官无过七八辈其余酌量才品分授科道部属等官著为定例永远遵守 上是之

○升河南佥事容若玉为江西右参议

○庚午大学士申时行等题为再乞 宸断册立东宫以重国本事自古享国长久莫若成周善辅养太子亦莫若成周盖自孩提有识而已备师傅之官抗世子之法矣何者以少成若性胎哲自初不可不早建而预教也本朝 列圣建储多以冲年实取法成周遗意今 元子方及五龄虽未甚壮然比之 宪孝两朝实已过期矣如欲修讲学之故事备朝贺之盛仪则恐婴弱之年勤劳未习臣等岂不知仰承 圣意爱惜睿体今但

举行册立之礼在宫中不过一受册在文华不过一受朝仪不甚繁劳不甚久而名号既正则千万世之统攸关典礼一新则亿兆人之心斯慰臣等所以不避烦渎而再有恳祈者也伏祈 皇上念主鬯承祧之重为久安长治之图先议册立以正储位其讲学等仪遵奉 明旨少俟二三年举行则贻燕之谋保爱之道两得之矣 上仍命遵前旨行

○兵部尚书张佳胤再引疾乞休 上仍慰留之

○辛未命礼部尚书兼文渊阁大学士王锡吏部左侍郎兼翰林院侍读学士掌詹事府事周子义充会试考试官

○吏科给事中齐世臣题查云南金腾兵备按察使傅宠临安兵备副使程正谊俱前后闻忧去任世曾所指意者在此据西北见行事例凡丁忧官要将任内经管事务造册呈委邻近该道交明方许离任不知世曾所谓不候代者果不候邻近道抑不候新官乎又不知所指者谁也嘉靖四十二年一例山狭蓟辽兵巡官员如遇升迁务候新官交代其考察被论不在此限万历三年一例陕西边方兵巡官员亦要将任内经管事务造册呈委邻近该道交明不许擅自离任盖亦未言必候新官也及万历十二年题覆奉旨今后冲要边方兵备官员虽系降调还听候交代不许擅离是降调者视昔加严而丁忧者仍循旧例也夫既曰边方则何分于东西南北既当候代则何分于事故升迁乞再申飭凡带兵备职衔者不论升迁降调一体候代其丁忧者亦须呈委邻道交明方许离任不得托言恋事之嫌即图释手以便其私有旨不候代官员著抚按查明具奏余俱依拟

○礼部题查得鲁王第十一子寿鎔系次妃张氏所出第九子寿鏞系寿鎔同母已于万历十一年遣官册封为泰兴王今寿鎔既经查明别无违碍例应一体准封上以该府庶封甚多令抚按查明具奏

○内旨传礼仪房供奉锦衣卫指挥僉事可贵等六员各升同知僉事有差礼仪房应役写字催事锦衣卫衣左等所冠带总旗李寿等八十余员各升级有差下兵部

○壬申准原任湖广副使颜鲸广东僉事管志道以原衔致仕鲸志道被察科道交章荐举部覆谓其大计被黜祇缘修憾于权门公论既明未可辄入于盛世但破格之典固所以待贤者而守法之慎亦所以防幸途合依例以原官致仕 上从之且曰考察重典 先朝禁例甚严若以一二人诬枉破坏成法开夤缘干进之门殊乖政体今后考察正数官员再不许违者混荐

○准河南巡抚都御史臧惟一回籍调理

○科道交章请册立东宫俱报闻

○都察院左副都御史陈瓚题查盘所以查奸摘弊事何可已但南京江仓屯马加以巡按巡盐共计五差而巡抚不与焉往年人各委官纷纭四出不惟胥役之问罪重叠牵连抑且地方之供迎络绎骚扰官民盖俱病之臣等反复思维窃谓各差既有专管钱粮而收支完欠之数不使与闻将滋奸弊委于事体未妥若仍听各差自委查盘则纷纭骚扰依然如旧非所以体 皇上省事安民之意也臣等酌于二者之中惟岁中会查极

为简便 上依拟

○吏科给事中陈与郊< 〇〇〇 铨-金 >请严禁馈遗有旨申飭 ○癸酉吏部推刑部右侍郎吴时来堪任吏部左侍郎 上命沈一贯升吏部左侍郎兼官日讲炤旧而改时来为右

○改南京刑部右侍郎姜宝为南京吏部右侍郎

○降太常寺少卿孙维清一级调外以前任考功主察附权行私也

○户科给事中姜应麟题正名定分国本所以安别嫌明微君道所以正恭睹 圣谕贵妃郑氏著进封皇贵妃臣愚窃谓礼贵别嫌事当慎始 贵妃以孕育蒙恩岂曰不宜但名号大崇亦所宜虑 贵妃虽贤所生固 皇上第三子也犹然亚位中宫则 恭妃诞育 元嗣主鬯承祧乃其发祥顾当翻令居下耶揆之伦理则不顺质之人心则不安传之天下万世则不典非所以重储贰定众志也伏乞 皇上俯从末议收回成命以协輿情其或情不容已势不可回则愿首册 恭妃为 皇贵妃次及 贵妃两典一时不妨并举则礼既不违情亦不废长幼之分明而本支之义得矣抑臣之所议者末也未及其本也 皇上诚欲正名定分别嫌明微莫若俯从阁臣之请册立 元嗣为东宫以定天下之本则臣民之望慰而 宗社之庆长矣 上怒责其窥探命降极边杂职得山西广昌县典史

○甲戌遣礼部侍郎朱赓祭 三皇于景惠殿太医院官祭 先医之神赐辅臣祭余

○吏部验封司员外郎沈璟亦< 〇〇〇 铨-金 >请立储而并及议封 皇贵妃并封恭妃庶无独进之嫌 上怒命谪三级得行人司司正

○乙亥升云南副使王桥为江西参政

○礼部请立 皇储因议并封 皇贵妃上不听○四川永宁宣抚司土奢崇周代职抚子女土官奢世续奏部目沙卜蒸奸阿著拨置凶淫更名奢世口故违明旨阻挠坐镇

○四川军民府土官知府禄荣奏安国亨因借兵不从怀恨诬奏且谋夺职 上俱令抚按勘报

○兵科都给事中顾九思等奏本月初六日见传升礼仪房供奉锦衣卫指挥僉事等职几至百员相顾而骇既而知为 皇嗣升赏事属有因昔年 元嗣诞育庆莫大焉故一时恩典隆号 两宫普泽九有然当时犹以传升一节于制无当今日之庆较之元嗣则有间矣何独于礼仪房员役有此非分之赏传升非 祖制偏赏非公典独不可以大义止之乎乞收成命悉从寝阁

上不允

○丁丑 上御经筵

○上谕内阁言科道救姜应麟沈璟朕之降处非为册封恶其疑朕立幼废长揣摩

○祭 太仓之神命侍郎毛钢行礼

○南京吏部尚书丘橐于十三年十二月在任病故予祭葬如例赠太子少保特命予谥

○原任太子太保吏部尚书梁梦龙奏父封太子太保吏部尚书病故乞赐祭葬予之如例

○原任顺天府府尹李敏于十三年二月在家病故诏例予祭减半造葬

○辛巳起补原任南京湖广道御史胡用宾为湖广道御史升大理寺寺副丁应诏为江西佥事

○命佥都御史赵焕署掌院篆

○壬午革原任中军坐营都司王有麟任○升五军营左副将谢天祐为南京前军都督府佥书管事四川都司军政佥书程世文为兴都留守司军政掌印

○升授泰宁福余卫头目又哈来等三名都指挥佥事颁给敕书令赍捧回卫管未部落恪守职贡

○命管理红盔将军广宁伯刘嗣德左军都督府佥书管事管理大汉将军镇远侯顾承光前军都督府佥书管事

○癸未升南京太常寺卿孙坤为都察院右副都御史巡抚湖广

○郟阳巡抚方弘静循例引年乞休 上不允

○升山东巡抚李辅为都察院右副都御史协理院事

○升江西按察使王象坤为浙江右布政使

○户部覆浙江道御史宋仕陈禁革羨余议处公费二事深于又治民生有裨相应依拟 上曰近来小民困苦各该地方官正宜刻意节省务加抚恤若以交际议增公费终为民累著遵屡旨一应馈遗通行禁革有故违私增者科道指名参究

○命原任南京守备魏国公徐邦瑞南京守备掌南京中军都督府事

○甲申除补原任山东道御史刘怀恕为河南道御史

○刑部山西司主事孙如法< 孙 毓-金 >奏宜允阁臣礼部之请册立 东宫 贵妃 恭妃宜同时进封以释群疑召复姜应麟沈璟原职仍加褒奖以彰虚怀纳谏之度 上怒曰立储定序已屡旨明示孙如法不系言官如何出位渎扰救护且宫闈事体彼何由知好生狂躁本当重处姑降极边杂职再有妄言者重治如法得广东潮阳县典史添注

○南京吏部右侍郎海瑞恳恩致仕兼陈一日治安天下事谓礼大夫七十致仕臣今过而三矣狐死首丘人情同然 皇上其不一假之乎自张居正刑犯而后乾纲独断无一时一事不惟小民之念有其心不收其效者失之有刑而刑轻也诸臣莫以其故闻诸臣皆是贪风俗中人待士有礼之说借口而非其正不可信夫待士当礼而民何辜乎太祖初剥皮囊草洪武三十年定枉法八十贯绞之律弘治士多廉介之节民无渔夺之

○兵部题逃故军人角□羊补原伍此系清勾旧例自改编之事例一开而告改卫所者源源相继将符伍日渐消耗军卫日就空虚即蓟辽山狭一带重镇军人且将望风逃匿图脱边伍是尤不可不为之虑者莫若仍炤旧例遵行为便有旨军人南北改编既称不便以后勾军补伍只遵炤旧例勿得辄议纷更

○戊子升顺天府府丞韩必显为通政司左通政

○发太仆寺马价银三万三千三百六十四两于宣府为万历十四年市本之用

○己丑升陕西庆阳府知府景嵩为四川副使山西右布政沉子木为本省左布政使

○革贵州新科举人尹新以原籍江西冒贵州也 ○升大同入卫游击钱禄为分守大同北东路地方右参将河间领军游击唐嘉相为五军七营练勇参将

○庚寅升陕西道御史张文熙为顺天府府丞

○贵州新添乌撒二卫坍塌城垣兴工修理将普安州治移入卫城官舍互换从抚按请也

○工部题御用监传造天灯万寿灯及春联门对等项估算工价计十万余两即见无大工亦必竭库藏之储方可办此今 寿宫兴造伊始至议及开纳亦万不得已之计而在外采木采石一切运价又俱倚办于此倘日后措处不前臣罪何赎且去岁乾运龙德二殿已荷 皇上纳臣所奏谓大工方兴特准停止及减织造烧造 皇上节用爱民至德即大禹克俭何加焉如此则前项天灯似应暂准停止庶不顾此失彼财用亦可措办 上览奏犹令措办工料三分之二应用

○辛卯升山西按察使李采菲为本省右布政使

○升河间守备朱维祯为河间领军游击

○升吏部文选司郎中李尚思为太常寺少卿

○升山西按察司僉事郭性之为本省右参议

○壬辰蓟杭等处提督织造司礼监太监孙隆奏请内帑袍服归并五府织染局四千疋数内通令食粮额匠织造则前项见行民匠可免顾募而每岁工费可省数千余两得旨内帑银织造袍服每运三百疋准并大运四千疋内派织角□羊进

○癸巳升张家口堡守备奚应魁为大同入卫游击

○甲午大风霾

○以恭视写篆皇贵妃 德妃册宝赐辅臣银币有差

○兵科都给事中顾九思等太子少保恭顺侯吴继爵贪秽久彰物议沸腾拾遗之 < 硃-金 > 台省交章 < 硃-金 > 墨尚新人言未息 皇上既不去之独奈何又从而进之乎乞收回成命亟行罢黜管理大汉将军员缺另行推补 上不听

○礼部取中会试举人袁宗道等三百五十名

○乙未通政司参奏南京新房闲住奉御冯保差家人冯继清赍本投司乞要恩赦

还乡夫冯保者极恶穷凶神人共愤蒙恩薄贬南中已宽斧钺之诛第宜窜伏悔罪少延须臾之命何当辄有此奏伏乞大奋乾纲将冯保从重正罪殄绝妖孽 上命锦衣卫讯究冯继清主使之人

明神宗实录卷之一百七十一终

明神宗显皇帝实录卷之一百八十一

万历十四年十二月辛酉朔吏科左给事中张养蒙< 隹 钺-金 >言新升锦衣卫都指挥同知堂上金书管事罗秀本太监滕祥家奴抱琵琶而入侍者也凭藉主费累息钜万贿官该卫殊骇听闻往岁即营求上堂管事兵部尚书王遴持正不从中螯而去未几考选军政啧有烦言秀贿嘱多门竟尔漏网王遴之去曾几何时已由镇抚司贿上大堂矣命下之日朝臣相与目笑心诽下至九衢吏胥三尺竖子亦喧传为奇事兵部公然推之物议纷纷其故盖难言矣伏乞 皇上洞察贱流贿进之由亟加褫黜仍乞谕戒本兵张佳胤忠清报国勿以簠簋损名章下所司部覆革任回卫 上令致仕

○壬戌工部左侍郎曾同亨三年考满录荫一子

○太子太保兵部尚书张佳胤以罗秀被纠引嫌乞休 上慰留之

○覆吏科都给事中杨廷相等题考察京官列为四事一曰核名实如往者故相专擅一时附和斥逐殆尽乃今之刻礪者多借之以行私闪烁者又饬之以自诡宜精察贤否使名实不紊二曰端趋向夫昔之奔竞者俛首濡足易知也间有机械变诈之夫自知踪迹及已势莫能逃亦托之乎条上封事以簧鼓耳目其心固幸不察则免即不免且藉口以为后图此非大奔竞乎宜显黜之三曰辨暧昧夫贤士每特立而独行奸人恒抵隙而投间事贵章明不宜暧昧毋惑浮议毋信单辞必使奸狡不行善类无枉四曰公纠拾顷者大计外吏曾拾有司之遗乃今京官考察仅拾京堂而不及庶官是中外二体也宜查嘉隆旧例兼拾庶官之遗为便又御史王国等亦条为三议一公鉴别一戒逢迎一明趋向吏部据覆有旨近来人情士习巧伪多端往往有怀私报复狭诈逢迎淆乱公是考察宜虚心咨访精核名实毋得轻信偏执有大公平之体

○户部题临清两仓岁收山东河南粟米一十九万四千四百名原为预备拨补漕粮之数逐年漕运依期无藉拨补遂致两仓粟米积久成腐今议每年二仓共留米五十万石以备灾伤改折凑补余米支运太仓即以太仓免运米内炤数改折角□羊贮太仓以为前项官军四月十月折色之用 上从之○礼部以唐王冒禁请封妾子援例执奏以明法守 上以特恩出自朝廷原不为例后有援例渎请者执奏参治

○刑部申明刺字事例以一法守律文内监守自盗及常人盗仓库钱粮者俱于右臂刺益官物三字又有以盗论者刺字准盗者免刺载诸名例律甚明然二百年来以盗论者亦未以刺字之法一切绳之 列圣相承大都宥免多官建白毕竟从宽盖盗贼之行与侵欺之辈犯自不同故以之为罪与真盗之罪终属稍间如以良家之子视同盗贼孰肯当朝廷之赋役而蒙孝子慈孙所不改之耻哉且今中外犯法者有议赎之条系窃

盜者原不准贖刺而發配彼亦甘心若糧里庫役有力者准納贖矣又從而刺之無乃太甚乎得旨盜犯贓貫原有正律以從真盜實贓不論犯徒減徒務遵前旨其查盤坐侵等項准照舊免刺不必引用新例

○癸亥南京工部右侍郎張孟男三年考滿錄蔭一子

○原任戶部右侍郎兼都察院右僉都御史楊俊民以回部管事辭免兼銜從之

○革沁源王長子效錚為庶人姑發閑宅禁住奪沁源王瑄墀祿米三分之一以山西撫按參其不法也

○甲子河南道試監察御史許守恩題 皇上聰明睿智如直海瑞而起擢不次賢辛自修而特批中台是至明也臣以為擴此至明請于召問加之意退朝之暇便殿之中降一清問經筵日講問難講官況京察臨途公卿之賢否忠邪應對時可以見之 皇上勿以為難也 皇上寬仁愛人如憂旱而步禱南郊恤災而特發帑賑是至仁也臣以為廣此至仁請于節用加之意珠寶磁器寧不可罷取而寬民力耶夫珠磁飢不可以為食寒不可以為衣況海內盡災流離載道尤當軫恤 皇上勿以為迂也國家雖安不可忘武 皇上戎衣謁 陵乘騎往 郊天下咸頌 聖天子之神武臣以為 天子之武在慎選名將固守封疆況今邊衅漸開黠虜時發尤拊髀之秋乎誠得名將而任之則謹烽燧精火器善陣戰設埋伏使邊疆之無虞者將次第舉矣人之聲音發于丹田 皇上天音宏暢后聲悠長天下咸頌

聖天子必萬壽臣以為養壽之道在于節其酒色強固 聖躬況今 皇子沖齡聖躬關於 宗社者尤為至重乎思其重而節其欲則親儒碩勤召對御暖閣閱章奏凡保身以保國者自次第舉矣臣又聞之有仁明英武之 聖君主之于上亦必有德望隆重之大臣佐之于下乃可以壓服天下之心震懾四夷之胆今兵部尚書張佳胤肆貪饕而營求本兵宣大總督鄭雒忘骨肉而求得美官皆廉耻掃地縉紳不齒以是而寄重任望輕人侮將北虜動易与之心而國家受小人之禍矣乞速賜罷斥有旨報聞兩臣留用

○山東道御史朱應穀為用法非常民不知避言錦衣立枷之慘甚于重辟乞將罪輕情重相應枷示者開擬數款題請為例犯非此例者不得一概引用 上不聽

○乙丑遼東撫按會題遼鎮今歲雨水風虫相繼為災議照被災輕重蠲免有差共虧餉銀二萬六千八百八十六兩即于賑銀五萬兩內照數扣抵余銀二萬三千一百一十三兩分发五道多寡有差該部依覆從之

○丙寅太子太保兵部尚書張佳胤再< 跽 銃-金 >乞休會御史徐元復有論劾上留之○朵顏等衛夷人阿里麻等二起共一百八十有三人來賀長至令節并補萬壽聖節宴賚如例

○丁卯賜故南京戶部尚書黃光昇祭葬如例光昇福建晉江人嘉靖八年進士官知縣選授給事中歷廣東廉使再晉方伯以定交南莫宏翼之襲及討定猺黎新會賊之功晉右副都御史巡撫四川以三殿采木有功晉兵部侍郎總制蜀楚黔三省討叛苗多

所抚降诏赐白金大绮召入工部寻拜南京户部尚书寻召刑部后请老归居四年复召为南京户部尚书泊就道有以稽命劾者免归至是卒诏赠太子少保谥恭肃光昇掌邦宪屡谏诏狱通罕入犯薊抚徐绅初与杨选同论死而复从末减相嵩子世蕃被鞫时台寺欲当以磔且欲连罪嵩光昇执不可止世蕃伏诛海忠介瑞上封事 肃皇怒甚罪且莫测光昇与执政谋具重辟而所列罪词则不应辟奏上得不下盖委曲平亭光昇先后具有苦心焉

○戊辰都察院左都御史辛自修引疾乞休 上不允

○乙巳大学士申时行等复请补阁臣 上不允

○复除原任浙江道监察御史赵卿为广东道监察御史

○与肃王缙< 火贵 >甘凉等处未给半分庄田草场从部覆与

○辛未山西巡按御史陈登云条议救荒二事一曰尽盐利议于盐花生时权令附近居民籍名于官任其捞取或炤商人中盐之例量分十之二三以偿其劳一曰借塞谷那借三分之二代九县应纳本色仍量留三分之一以备边关缓急之用部覆从之○原任通政使李际春在籍病故与祭如例

○壬申原任巡抚陕西地方都察院右佥都御史今升南京大理寺卿李汶以母老引疾乞休从之

○诏械系衡府长史郑复亨承奉张成来京究问以抚臣李戴奏其不法也

○癸酉总督宣大太子少傅兵部尚书兼都察院左副都御史郑雒以许守恩参论疏辩乞休 上慰留之且戒言官不得以琐事指摘隳阻任事之心

○江西道试监察御史郭万里参论掌詹事府事吏部左侍郎兼侍读学士周子义文学虽长节无可取宜罢 上以其学行素优留之

○与原任少傅兼太子太傅礼部尚书武英殿大学士吕本妻夏氏祭如例加一坛

○甲戌操江都御史滕伯轮条奏江防三事一议口粮欲将附选锋一千名炤前选锋例每月各给银二钱一议赎缓谓操江兵马钱粮自裁省之后窘束太甚要将南京屯田巡仓御史每年各应解银八百两除量免外乞解贮镇江安庆二府以补裁革备饷之需一议改恤欲将新江口额设官军每月行粮四斗折银二钱关领无非怜恤贫军之意部覆唯口粮依拟赎缓另行议处改恤行南京户部酌议从之

○发临德二仓米于大名等处为明春鬻粥之用俞抚按请也 世宗肃皇帝忌辰奉先殿行礼遣成山伯王应龙祭 永陵

○乙亥 贞惠安和景皇后忌辰遣惠安伯张元善祭 陵寝

○丙子准太子太保兵部尚书张佳胤致仕令乘传去

○詹事府掌府事吏部左侍郎兼翰林院侍读学士周子义以人言乞休至再 上皆留之

○时畿辅灾伤重大部依抚按议将冀州等处除存留钱粮炤前议蠲免其起运秋

○陕西总督郃光先题宣大酋虜麦力哥把兔等来由川底西讎敌人马并困刍养无资前来肃州求市求赏固为乞怜常情但纠众入边直薄城下混挟人畜则有所挟而然也挟而许之则其心益骄虜情款玩之久不可不济之剿堵而甘肃积弱之势时当利用乎威严因献三议一曰持常胜之策东虜麦力哥等大众出边还我人畜将尽我见得伊三虜太阿之柄在我伸缩得以自由如或怙终不悛复犯内地便将三虜梟示旌于大振不测之威倘悔罪哀恳其情可原姑施不测之恩与之薄赏与之小市将三虜徐议放还以彰 天朝不杀之仁亦以寓羁质之意二曰振鼓舞之策乞将甘肃赈济银三万两星速解至为赈犒悬募之资三曰饬制驭之策谓虜在宣大源也甘肃流也不止防于始达之地而拒堵于放海之时亦晚矣欲宣大督臣同心共济部覆依拟 上报可

○原任南京兵部尚书戴才在籍病故与祭葬如例赠太子少保妻田氏合葬并祭

○特与河南宗正睦<□□木挈>辅国将军葬恤以示优崇<□□木挈>系中尉而孝友博雅迥出等伦舆论重之

○甲申礼部进宗藩要例且言恩施无节则后将难继事例不定则人易为奸愿皇上念此例出自钦定斟酌损益至为详妥于凡宗人请乞一皆以例为准则 圣心可以不劳而 圣惠所及公平广大恩莫有著于此矣 上览之曰今后王府奏请例内应得者即与题覆如有未合还奏请定夺务体朕敦睦至意毋容下人作弊留难

○与原任都察院右都御史兼兵部左侍郎何栋祭葬如例栋于元年病故其子至是始行陈乞部覆与之

○三镇贡市事竣叙录效劳文武诸臣赏郑雒萧大亨银币有差

○乙酉郑雒再疏乞休 上复留之

○巡按山西御史陈登云题本省五台山木非边防所关议欲暂弛山禁俾各饥民樵采以博鬻贩之利一谓平阳潞泽地方距边千数百里原派修工民壮宜令角□羊银招募以充勾摄之烦及称海内凶荒民多为暴各处民壮所当及时整顿以防内患部依覆 上曰各处民壮通不操练止供迎送杂差缓急何赖依拟行各抚按严督兵巡等官精选强壮著实团操遇有盗贼生发即便剿捕如仍前疏懈失事重治

○丙戌更定江西南昌卫所军余丁差徭银募役不许卫所官占役包纳从按臣陈有年请也

○升广东都司掌印署都指挥僉事董永遂为浙江温处地方参将神枢四营佐击署都指挥僉事熊文济为万全都司军政掌印

○丁亥 潞府讲官董樾等九年考满 上谕阁臣请将董樾升本院修撰仍暂管简讨讲读事务郭文灿升王事仍管侍书事务

○ 上以天旱遣官祭 南郊 北郊 神祇坛且行令河南等处巡抚祭其境内岳神○巡抚大同都御史胡来贡请改祀北岳于浑源川礼部言大明集礼所载汉唐宋北岳之祭皆在定州曲阳县与史俱合至于浑源之称北岳止见于州志碑文而稽之经

传茫无可考窃恐未可以轻易也仍遵宪典祀于曲阳县其浑源恒山宜炤弘治中原题行彼处官司量加修葺用存古迹庶为两全从之

○戊子 上御皇极殿顺天府官进万历十五年春百官致词称贺赐百官春饼

○是日又特赐三辅臣上尊珍饌

○升巡抚贵州地方军务都察院右副都御史舒应龙为南京大理寺卿一己丑上亲诣 太庙行 大袷礼

明神宗实录卷之一百八十一终

明神宗显皇帝实录卷之一百八十二

万历十五年正月庚寅朔 上御皇极殿受百官朝贺

○寅时得风从东北艮方来四方晴明

○壬辰发帑金赈宗室充火口于等仍命照数给之先是怀仁王府奉国将军充火口于奏各宗贫窘可悯状 上惻然久之户部因请陕西河南山西山东岁大凶照怀仁府一体赈给

○户科给事中李廷谏题往西镇虏未款住牧不过松山宾兔西海丙兔两枝自虜王西迎以来河东灾旱恋牧窃据白马阿赤把都儿台吉等族类滋繁若肃州则火落赤峡口则抄胡儿海上高台南山诸处不下数十部落煽集逐水草抄胡儿先登空墙火落赤把汉台吉引众党助当事诸臣巽懦畏缩仅仅堵遏幸其出境援以为功竟使套虏拥众数万指名邀赏执请市之文该镇董世彦等乃泄泄然效薄赏小市之议以求缓目睫而调度额兵仅仅一千五百名不精地形斥候弓弩火器戈矛钲鼓之司该镇之罪不问可知惟是虏封未定部落生心明知宣大贡市不可久及此时河西多衅选帅练卒公赏罚克语戎兵以安甘镇是计安河西者即所以计安诸镇也命下所司

○甲午诏兵部武弁若属世职存留管事加纳者严加考核果有勇略功劳分别叙用不堪者应革回籍兵部因分列二款如侯之胄清浪抚定苗夷边腹多勩林鹏善骑射卢述创台薊门破倭龚子敬骁勇过人遵旨存留管事钱应祥等十九员略无功能可纪相应革回 上可其奏复谕非系世职武举不许领敕行事及朦胧推升咨用自是武弁之滥者稍清矣

○丁酉 上亲享 太庙

○是日午时西南有雷声夜四更见火星逆口入太微垣测在轸宿度分

○戊戌刑科给事中李国上上言先年河决桃源崔镇口等与高家堰黄浦浅诸处徐邳间俱成巨津赖旧总河臣潘季驯创建遥堤修闸坝筑堰口导汜滥东归云梯关入海五六年来无水患顷秋水霪潦横流河决万家口凡百余丈诸臣用力葺塞稍得缓流可用决排之力若春涨波涛汹涌新塞之口必决值粮运未过之日深为可忧非严飭该衙门官员乘时修治不可 上曰河渠岁修先年漕臣题有旧例著该衙门严督所属用心毋得怠弛

寡定为名额以严综核明举措得旨迩来仕途冗濩选法滋壅今后举人岁贡就教酌量定数不许过多援纳人员额例会同工户二部议之

○左都御史辛自修上言京官考察关系重大惟凭台谏铨曹访单为据毁誉出爱憎是非半讹传中伤念多为国念少以致彼此抵牾公私夹襍今诸臣务矢心无私鉴别必求根据留意必及孤立然后党同伐异之风可销得旨考察事宜务虚心秉公恪为遵守以称甄别大典

○丙午 英宗睿皇帝忌辰遣官祭 裕陵

○丁未大学士申时行等请 皇长子建储及 皇第三子封王 上嘉纳之即日祭告 南郊 北郊 社稷 神祇

○戊申 上命部院考察于旬日内急行以绝浮议从吏科陈与郊之请也

○己酉御史梅鹵祚言兵部宜久任而后责成功无旁挠而后能久任不然是繫驥之足缚孟贲之手自固者鲜矣本部尚书王遴被言劾未几请用以不用罗秀也科臣张养蒙弹本部尚书张佳胤以用罗秀也罗秀者善音乐精于琵琶有投刺之求故也今于私情交通苞苴败名之事亟宜禁之 上曰王遴前日擅留御批众言官交章论劾朕念大臣优礼致仕众言官又称荐之朝廷设立言官要别是非贤否近年惟任意爱憎全无定论反归咎朝廷数易本兵遂夺梅鹵祚俸四月

○户部奏御史方万山言救灾莫若缓征而宫府撙节尤为先务如偶值缺乏召买不免宁减无增时遇节令赏赉不免宁节无滥冗食可省痛革其虚冒冗员可裁查复其旧额务量入为出勿时诎举赢庶应天以实天变可消 上可其奏

○谕户部雨雪流移馧余等事系该本部职掌随行各该抚按严督司道有司将被灾地方雨雪愆期务要竭诚祈祷流民逃移务要设法招抚仍每月一次奏报至于积有米谷邻境地方务要通融协助不许馧余户部因奏报灾地方惟山西陕西山东三省河南卫辉彰德怀庆三府北直隶真定顺德广平大名四府系灾伤重大之处虽先蒙 皇上发银差官往赈祇恐前银不足委应接济余买以救然眉惟南京户部稍有余积合量行动支又查临德二仓除节经发赈抵补外尚有粟米二十六万余石亦应权宜动支接济 上如其议

○陕西鲁班等七寺刺麻番僧剗石尖卒等二十五名赴京进贡赐筵宴如例

○兵部右侍郎萧廩三年考满命复职

○壬子大学士申时行请建储封王 上命候旨行

○都给事中王三余御史何倬钟化民王慎德各< 疏 疏-金 >请建储不报

○御史杨四知因岁多凶荒陈驿递苦累有司滥费民财使臣分外索折乾银不使得旨近来有司驿递沿习弊套糜费民财抚按如何不严行禁革兵部便行敢有违犯及容纵科臣参奏处治

○癸丑文书官刘成口传 圣旨今日午朝未尝具有仪注起数如何造次惊扰礼

部鸿胪寺回将话来既而部寺俱以大小衙门讹传奏 上命各夺俸二月仍查讹传起自何衙门鸿胪寺以人众奔趋实难指实命百官俱夺俸二月

○户部题盐城兴化二县灾伤重大先本部题奉准将本年额徵漕粮五万八千二百余石内暂停二万九千石于临清仓借拨支用其余二万九千余石仍徵本色兑运不准改折漕运督臣巡按各题二县灾民困苦已极前项应兑本色委无措办各权宜于贮库别项官银暂为那借抵作二县改折之数以后年分不得比援为例二县应运十四年漕粮除临清仓借拨二万九千石其原二万九千二百三十石五斗七升俱宜暂改折每正兑一石折六钱改兑一石折五钱定限本年二月终解部以便给发其借过官银候豊年照数追补 上从之

○甲寅 孝静毅皇后忌辰遣官祭 康陵

○丙辰进呈 大明会典仪注前期一日设表案于皇极殿丹陛东设书案于丹墀中设宝輿香亭于史馆前教坊司设中和韶乐及大乐如常仪是日早锦衣卫设鹵簿驾纂修官具朝服捧书置宝輿中 上具皮弁服御中极殿鸿胪寺官导迎宝輿用鼓乐伞盖纂修官后随繇二桥行至皇极殿繇左门入至丹墀于輿内捧书置于案乐止宝輿香亭退鸿胪寺官奏执事官行礼讫奏请升殿导驾官前导乐作 上御皇极殿文武百官各具朝服侍班乐止鸣鞭纂修官入班乐作鸿胪寺官赞鞠躬四拜兴平身乐止赞进书乐作序班举书案繇中道升班首官繇左阶升序班以书案置于殿中乐止班首官繇殿东门入至案前赞跪纂修官皆跪乐作赞俯伏兴平身乐止班首官复位赞进表乐作序班举表案置于殿中乐止赞宣表赞跪鸿胪寺展表宣讫赞俯伏兴乐作赞四拜兴平身乐止序班举表案书案置于殿内稍东进书官退于东班侍立文武百官入班行礼如常仪 上可其奏

○升工部左侍郎何起鸣为本部尚书

○赐辽府沅陵王致批谥恭僖予以册文

○总督蓟辽右都御史王一鹗题先督臣谭纶题准召募浙江鸟銃手三千名与同蓟镇客兵标兵相兼训练三年有成然后遣归又督臣刘应节议添调南兵六千九百余名新旧三枝共九千九百余名专为守台之用将官中军等日支有差管台百总两防戍月每日每名加工仓银一分此饷额开载定数也十数年来二虏未敢窥伺蓟门固因墙台步骑精好亦南兵昼夜防守之力也但三路兵多饷耗其中奸弊渐多如中军千把总等官营兵千总一缺数十人谋补且有见面生日年节支粮造册等例台兵被其科扰若无见缺唆人讦告坐缺顶补不得即播流言镇守忧谗畏讥为之扼腕弊一先年守台官兵每台有台头台副二名百总一名常守南兵五名两防又有主客北军三十七名分派协守至于千总把总各协不过六十余员今每台南兵有止于三四名者而管台千把百总则中协七百一十四员名东协六百一十四员名西协五百五十三员名大踰旧额视台兵为奇货或已缺不补扣克月饷即有补者惟视贿多寡而不论武艺中西二营将官

下杂流兵士一百名东营将官下有杂流六十九名管兵中军千把百总员下亦有书记家丁杂流等项名色夫台兵异乡戍守故月支银一两五钱若书记牢伴止供役使即三人朋兼二兵之饷尤倍于北军粮数乃以此闲丁冒滥工食乎弊二又南兵中陆兵聚一城可旦夕操练水兵散各港可挂帆稽查若蓟镇南兵三营将官各统一部兵练于一隅距边二三十里台兵部散沿边数百里外峻岭叠嶂未能遍台上而路提驻劄关营信地有限咫尺墙台反无统摄之权各兵以非路提所属不听稽查无事且参口有事能不推诿又南兵曰调操者始议南兵尽发守台即于春秋两防前后每台或调一名或二名赴南将操练操毕仍发守台另调一班赴操如古更番之意立法原善第承平日久南将既不操练徒使千把总乘机为奸虚捏名粮或遇调操临期雇倩充数若委官查点则曰将官调操尚未发回所造营册止开某部兵几百名杂流与队兵混造一处共兵几百名又有不分守台调操名项含糊不辨以便染指则是有功蓟镇者固南营之台兵而有蠹于蓟镇之饷者亦南营冗役也今臣酌为久屯之计该镇除台头台副并两防分派北军协防外每台一座率拨南兵五名三十台立一千总十五台立一把总三协共台一千三百六十四座及镇守标下听用并各调操一部共应存千把百总一千五百五十三员名杂流二百六十三名其余悉行汰革千总改为把总把总百总改抵营台等兵不愿改兵者听每台五名之外余兵增入极冲墙台及待拨补操备续召新兵在营训练挨次发台如足裁出祇增名数不必再募以后新建台座即以余兵拨补如有不敷即于本路主兵凑拨不必另增台总俱听就近统管兵并听该协路将守提约束该操之期南将会同路将调操适中地方不得更番调取各该工食饷司照册封发协路督同在台千把总分啻给散不许南将干预遇有千把总员缺该营公选年劳相应者呈请总督抚镇衙门查明委用百总台兵名缺亦要选勇健者呈送镇道等官验补敢有私相顶替虚捏冒粮及逞奸流言挠乱机务者听府督官及巡关御史严拏奏处部覆以闻 上曰该镇员役冗滥糜饷剥军积弊多端该督抚官乃能用心稽汰具见奉公任事千把总杂流应存应革者俱依拟以后如有拨补都令报部备查不许朦胧添复○戊午 仁圣懿安康靖皇太后圣旦文武百官朝贺命妇免赐三辅臣上尊珍饌

○户部题巡茶御史祝大舟称茶课本为羈縻戎心充实边厯汉中府属岁徵课茶五万四千余斤解运茶司易马支用又徵篋工银一百三十余两中间转运艰辛弊窳官民俱困且口茶岁有余积课茶粗恶不堪议改折色听备买马及各处所获私茶就地变价类解专备赏番其年例私茶买马一百四十匹便宜酌处且与四川事例合自十五年为始每斤徵银二分共该银一千八十七两一钱一分收贮汉中府库听解苑马寺买马支用其加派大户徭银茶夫脚价银两悉免徵派从之

明神宗显皇帝实录卷之一百八十二

明神宗显皇帝实录卷之一百八十三

万历十五年二月庚申朔癸亥夜初更绥靖边城各堡上脊兽旗杆俱出火光众军

执棍扑火棍亦生火三更方息

○礼部题原任蓟辽都御史王忬破虏平倭功业可纪偶以虏众突入阴触权奸竟主刎身死非其罪原任浙江巡抚朱纨清直耿介祇因严禁通番遂中媒孽继改巡视輿疾督兵竟被谗追论听勘饮鸩之日家无宿储迄今妻子寄食于人不能自存若不破格优恤非所以鼓效忠之心振任事之气也忬合照例祭二坛造坟安葬纨合照例与祭一坛减半造葬从之

○兵部右侍郎萧廩秩三年满荫一子如例

○以工部左侍郎曾同亨提督工程○兵科给事中和震奏安民弭盗其要有六一宣德意二饬武备三责职守四禁窝藏五慎缉捕六销巨盗 上是其议谓朝廷轸念灾民屡行蠲赈有司多不仰体德意著实奉行致使民不沾惠自今各该抚按官务要率先抚字痛革烦苛但有贪暴的遵照前旨特许参治

○兵科都给事中顾九思等奏今之河西镇孤悬天末实番虏之要冲自 世宗先朝臣杨一清杨博等先后经略有端绪乃款贡以来人情懈弛事机坐失住虏数十种窃据其中东虏数十万环扰其外饷薄兵疲虏穷力促虏日骄我日挫是以和自愚也臣谓各镇自抚河西自战昔日河西宜抚今日河西宜战无论住虏流虏但入内地侵掠即便剿杀追逐出境无以开衅为嫌有逗遛不追违误大计者自罹军法然一在议将吏肃州参将孟孝臣等烽火已及郊关犹云未闻消息以若辈而抗方张之虏何异使童子执槊当猛虎故欲议战必先议将也一在议兵饷河西一镇额设步兵九万有奇而今不及三之一当损饷以周之 皇上往年饷辽左矣然辽左虏在境外河西虏在腹中岂容兵饷不给致有脱巾之虞一议番族河西北则虏南则番吾以一线之路横亘其中使番人无交通北虏之忧中国坐受茶马之利所以不令番与虏合也夫番众受虏患深怨恨入骨往往有猛图一逞者我因而用之则皆成劲卒庇则为我用而获安唇齿弃则为虏用而有害腹背利害之间自当深结于番矣一议赏罚赏宜从重罚宜从轻上之而捣巢犁穴者予金章铁券次迎敌决战追奔逐北者予爵又次堵截信地控扼险隘示我有备者予白金文绮一切扒墙零窃之罪深文苛责之条悉与宽假如是而文武有退避失策蹙地辱国则国有三尺不少贷也部覆如议

○甲子祭 三皇于 景惠殿命礼部侍郎王弘诲行礼

○以云南副使陆万垓为本布政司右参政湖广参议霍维荇为四川副使

○乙丑大学士申时行等题昨夜初臣等望见皇城东北角有火光不胜惊愕今早进朝始知司设监失火烧毁连房随即救息近日火星留天庭中其应或在于此但皇城暮夜火光照耀近彻宫庭人语喧传或虞 圣虑愿 皇上克谨天戒以承天休报闻

○左通政周邦杰右通政赵参鲁大理寺左少卿罗应鹤右少卿崔廷试鸿胪寺卿杨宗仲太常寺少卿齐世臣萧彦李尚思太仆寺少卿王致祥余懋学徐元春许应逵工部营缮司管司事太仆寺少卿郑有年并制敕房办事太仆寺少卿兼司经局正字徐继

申顺天府府丞刘先国十五员各自陈不职 上各命供职惟周邦杰调南京刘光国调外任用

○兵部覆顺天巡抚蹇达称地土起存税粮自有定例但天灾流行似不分于民屯草场被灾草场租银应照依原勘灾伤地亩分数量免四分该银三千四十七两有奇其无灾地土并应徵六分共该银四千五百四十一两有奇尽数起解从之

○巡抚四川兵部右侍郎徐元泰奏各塞番蛮自春夏荡平后凡经剿仅存者皆股粟而改图有纳降全活者悉输稞以明感似可无烦过虑顾蜂蚕不测桑土宜先臣谨条防御之要以渎 圣聪一添置守备以专弹压照得松藩南路黄沙坝当诸番环列之冲最称要害左右皆羊肠一线而此独宽平约二里余故每肆猖狂必糾聚于斯兼以往来松叠隔城百里稍据险阻声援立绝本处须设守备一员见于原留修守兵内挑选三千名再于该路抽拨主戍军兵五百名协守西宁关起至平定堡止一十五关堡往来巡视管束汉土夷民一训练民兵以庄军威属地濒夷米盐生兢易以启衅今吐番西獬夷猥南惊夫兵不预练旋调土司道里辽阔未易朝檄夕至该臣业督布政司将通省民兵查以旧编名数经减者量复经增者量裁务在不逾旧额挑选精兵以充训练各道有卫所者则益以军兵就听该道督各操捕官团练省会则益以成都等卫军兵委一将职专理团操亦听分巡川西道为之监督事下部覆依议○以山东解京香税并事例银两每年量留一半为修理鲁府之用

○升山东副使田乐义为湖广左参政贵州右参议张克家为云南副使督屯兼管水利

○户部覆应天巡抚王元敬题称酌加派勘<□□土册>荒二事议役马役水夫工食盐钞等银嘉靖四年会派苏州府八万七千三百有奇松江府四万八千五百有奇常州府三万一千九百有奇至四十五年以后苏州府增银十五万五千有松江增银八万五百有奇常州增银六万三千一百有奇镇江府历年加派虽不入会计内其额亦非嘉靖四年之旧巡按邓炼题称苏州府嘉靖十五年以前各项杂派不过三万五千五百两至四十年通计原额外新增比旧加二十三万八千六百两松江府比旧加一十一万四千六十两常州府比旧加八万一千五百两镇江府比旧加四万四千一百两及称四府加减民壮弓兵留充兵饷银一万三千一百四两苏松二府急缺大红段价及借□□互织造布银乞行户工二部查议那者准作正支无处者量留赃罚然四府原派银一万三千一百四两仍应每年派徵以充军饷四府协济银不须动支营兵不必议减其赃罚银两系供边正额照旧解部济边以后织造不敷于工部项下钱粮留庶钱粮各有职司不致那借免加派之扰苏州一府荒粮三万四千七百余石近议于平米上通融加派士民未服所报<□□土册>荒多有以熟作荒减重作轻之弊合将前项<□□土册>荒田亩即委各州县正官先令地户开报坐落地方亩数及四邻立标清出四至掌印官同四邻逐自查勘如果<□□土册>荒即与除豁新涨成熟尽数起科如再相抵不足方于平米

均派务使民情允服不得以见在成熟之田概作<□□土册>荒依议行之

○丁卯遣礼部尚书沈鲤祭先师孔子

○夜四更观见火星逆行翼宿度分

○升湖广右参议刘尧卿为四川兵备副使

○大明会典成宴总裁纂修官于礼部命定国公徐文璧等待之

○戊辰祭太社太稷遣定国公徐文璧行礼

○升福建僉事张文耀为贵州右参议

○刑科给事中万自约题故相张居正一切苛刻聚斂天下病之今正供不可缓其他浮徵浪费天下郡县所徵公费可汰也皇上迩来减造磁器止进化木皆称美政策尚有益出制外者可节也内臣专掌各监局今增至万余人糜费他如传升概与旗较冒功匠役影射可制也若御用诸物造作之费不费能一省数千金则可为千万家巨产矣得旨在内人员近来原无增设旗较匠役前已清减该部知之

○礼部奏近日士子为文不用六经甚取佛经道藏摘其句法口语为之敝至此极金揭晓之后即将中试朱卷尽解参阅有犯前项禁约即指名查处上曰近来文体轻浮险怪依拟各提学官仍将考取优卷送部稽查如有故违者从重参治科场后参阅朱卷节年题有定例今后务要着实举行毋事空言

○己巳升河南僉事王毓阳为湖广右参议武库司郎中郭元柱为陕西僉事

○调山东副使鲍希颜巡辽海官衔如旧河南副使张修吉为山西副使

○庚午大学士申时行等题今日该文书官李兴传免经筵臣等恭问起居始知圣体连日动火时作眩晕于兹春令方中木气上腾因励精霄旰临御勤劳以致圣体不宁惟望皇上清心寡欲养气宁神而倍加慎重则自然圣躬康豫福祉骈臻臣等不胜仰望

○升南京国子监祭酒赵志皋为少詹事兼侍读学士掌本府印信

○吏科河南道交章劾工部尚书何起鸣兵部左侍郎辛应乾礼部左侍郎陈思育南京工部右侍郎方九功兵部右侍郎李松大同巡抚胡来贡陕西巡抚韩必显太常寺少卿池浴□□左通政陈学曾添注太仆寺少卿许应逵张誉大理寺右寺正詹全党刑部广东司郎中张正鹄十员上分别有差唯起鸣应乾照旧留用

○以户部左侍郎张国彦总督仓场

○升太常寺少卿萧彦为右僉都御史巡抚贵州兼理湖北川东等处军务

○赠原任礼部尚书万士和为太子太保给祭葬如例○旧例都司得于本省推用指挥镇抚俱于本卫掌事御史史旌贤以为军官依凭故土擅作威福欲将都司隔省指挥镇抚隔卫各更调选用从之

○壬申升翰林院编修杨德政为福建右参议

○升刑科都给事中顾问为右参政左给事中杨芳为副使给事中李国士为僉事

问国士俱浙江芳河南

○升御史马允登王国俱为副使姚士观谭耀俱知府允登山东国四川士观音州府耀延平府

○以大理寺右寺丞许子良为本寺左寺丞御史李栋为右寺丞

○升工科都给事中王敬民为太常寺少卿浙江道御史宋仕为顺天府丞

○调四川提学副使杨节为山东副使浙江副使徐汝阳为福建副使

○兵部覆直隶御史孙愈贤题抚赏马市在宣府则八万两在大同则七万两每岁冬督抚差官领银分买年来奸伪丛生听差官员视为利藪货物滥恶故意迁延贿买衙役甚至有假勘合之便故当秋冬之交众虏云集讨赏开市货物缺乏无以应之夫利归于委官信失于夷狄苟豺狼改虑不坏我边事乎今后务择廉洁者定以其限督抚查验如货精到早者行奖迟误即以失误军事按律论冒侵者以监守自盗论得旨各镇置买抚夷市货银两明是沿边钱粮且关系虏情边计以后有侵冒者临时酌估计赃定罪照沿边事例行

○甲戌遣恭顺侯吴继爵祭大明于朝日坛文书官李恩口传 圣体偶因动火服凉药过多下注于足搔破贴药朝讲暂免顷之大学士申时行等奏 皇上宜节慎起居以迎春气

○南京右都御史海瑞以年衰引退 上慰留不允

○乙亥夜望月食约九分余其体赤黄色测在轸宿度分至亥正三刻复圆正西

○户部覆漕运都御史杨一魁等题称淮扬地方旱涝相仍米价腾贵乞将淮大二卫见运苏州府未运过淮兑运漕粮内量留四万石分派缺米地方平糶每米一石运耗轻赍折银七钱共该银二万八千两借动赃罚等银折价解部以补漕额 上可其奏

○户部题辽东去年水灾原议留贮通粮一十万石不足辽军两月之饷乞将新运漕粮共留二十万石贮天津仓以待辽东军兵自运又乞发去粮米每石一平一尖运粮船只仍准带货以为工食每石折银六钱事例于该镇应发年例军饷银内照数扣银三万六千两解发天津仓□□互放军七月粮再扣银六万两留贮太仓银库以备四月十月折放官军月粮从之

○以户部右侍郎杨俊民为本部左侍郎温纯为右侍郎○升右庶子赵用贤为南京国子监祭酒广西巡抚吴善为南京工部右侍郎陕西右布政邓林乔为右佥都御史巡抚大同

○总督漕运巡抚杨一魁奏淮安自新河永清闸越城历高堰达清口溯清江出草湾繇赤晏庙以至安东复繇高岭马家湖蒯家洼张家洼柳浦湾范家口海神庙礼字坝遗惠庄临淮庄以至西桥往回四百余里河势有曲折地形有高下堤防有缓急数年以来堤溃于冲激地易于陵谷昏垫之后下民其鱼待决一口方修一口不惟钱粮糜费无纪而运道所关 皇陵所护民生所系匪细务也今议清河上黄河独行堤制无虞清河

○升山东副使王俸为湖广右参政

○升提督操江南京右佥都御史胜伯轮为副都御史巡抚浙江

○以巡抚宣府地方兵部右侍郎萧大亨协理京营戎政

○辛巳升池州府知府刘孟雷为福建副使

○工科给事中郭显忠条陈救荒之策曰酌起解议将扣减民庄变价官马草料之类及裁革抚按赃罚口税课程以苏灾民曰弛盐禁凡山东河南山狭北直隶凤阳等处将大夥盐徒严捕外其余硝鹺地方听贫民煎鬻易米度日不许一概禁约曰议罪赎府州县自理纸赎俱令折谷不许纳银有徒杖不能全完者量减石数其充军罪重情轻者亦许纳赎为储蓄救荒之计部覆如议惟抚按赃罚口税课程系济边钱粮一切仍旧

○癸未以苏松孝子王敬臣为博士敬臣割股庐墓孝行有闻故有是命

○降南京吏部郎中刘世亨刑部郎中任春元各一级调外任奉 上命也

○升南京礼部郎中李三才为山东佥事整饬武定等处兵备

○诏责科道官朝廷但用一人言官便纷纷攻击予夺进退皆不听上主张是何政体今工部尚书何起鸣已去该科十三道灼见何人堪任即便推举来说不许推诿大臣须要纯心奉公痛改前非不许挟私忿争有负委任○乙酉以都察院右副都御史许守谦仍以原官巡抚宣府地方赞理军务顺天府尹王用汲为南京右副都御史兼提督操江四川左布政刘继文为右副都御史巡抚广西地方

○升南京尚宝司卿沈节甫为南京通政司右参议

○丙戌命修撰庄履丰编纂六曹章奏

○升太仆寺卿周继为顺天府尹

○戊子升礼科右给事中张希皋户科右给事中陈与郊俱左给事中吏科给事中卢逵户科给事中穆来辅礼科给事中钟羽正俱右给事中希皋户科与郊羽正俱工科来辅兵科逵仍吏科

○升福建副使李盛春山西太原府知府吴同春俱提学副使盛春仍福建同春山东○诏抚按官责成有司着实举行荒政其贤不肖不时举劾具奏从御史林文英之请也

○免淮扬等处巡伤地方旧逋粮四万二千四百九十四石银一万九千五百一十二两一分

○除授庶吉士范醇敬为翰林院简讨

○升山西左布政沉子木为右副都御史提督鴈门等关兼巡抚山西地方

○己丑是日清明祭 诸陵遣豊城侯李环等各行礼遣惠安伯张元善祭 恭仁康定景皇帝陵寝遣内官祭 恭让章皇后及废后吴氏遣都督同知陈承恩祭 哀冲庄敬二太子各陵寝

明神宗显皇帝实录卷之一百八十三

明神宗显皇帝实录卷之一百八十四

万历十五年三月庚寅朔 孝肃皇后忌辰遣官祭 裕陵

○给铸管理湖广等处粮储关防一颗

○辛卯降御史高维崧三级赵世卿张鸣岗左之宜各一级俱调外任余夺俸一年崧等上< 疏 金 >激聒 上恶其抗旨求胜故有是命

○总督两广兵部右侍郎吴文华秩三年满复职给诰命如例

○升广东按察使管大勋为广西右布政

○壬辰工科给事中郭显忠上言河工每当伏秋防守水之暴涨也不过旬日其溃决多繇堤顶漫流其直射扫湾而决者绝少今石砌范家口等堤工或难卒办不可拘限必先就卑薄要害处尽行加帮且清挑而上河道已成使秋涨不决则水流愈急水流急则刷河愈深刷河深则海口愈阔盱泗高宝等处自可无虞至原设堤浅夫约二千名趁此画地分工及至伏秋令各管河佐贰带领原设浅夫使自防守亦可保无事然沿河疲民困苦尤甚其施为之时只宜召募游民不可金派以滋骚扰命下所司

○是日开封府地震三次所辖一十四州县及彰德卫辉怀庆三府俱同日震

○癸巳升大理寺少卿罗应鹤为太仆寺卿大理寺右少卿崔廷试为本寺左少卿太常寺少卿李尚思为大理寺右少卿

○升浙江左参政林乔相为广东按察使○甲午原任工部尚书何起鸣< 疏 金 >救高维崧等 上曰近来言官不谙政体往往抗旨争胜故薄处示惩不专为卿

○乙未总督尚书郑雒乞休不允

○升浙江右布政王象坤为山西左布政

○追赠吏部左侍郎兼翰林院侍读学士掌詹事府事周子义为礼部尚书与祭二坛照二品例造葬

○兵科给事中陆懋龙言推升武职一节迟速异效而贤不肖同科速者一岁两迁迟者终身不调甚至贤者不必用用者不必贤则傲福钱神藉援势要也令莫要于严正荐旁荐以三准荐之一或以五准正荐之一必正荐者推升已尽而后以旁荐例荐继之不者终不得推也命下本部知之

○丙申刑部尚书舒化以疾求去不允○丁酉除河南右布政杨一桂为浙江右布政

○升吏部文选司员外郎黄克念为太常寺少卿考功司郎中徐一禛为文选司郎中

○戊戌以兵部左侍郎石星为工部尚书

○吏科都给事中杨廷相等上言以科道高维崧等参工部尚书何起鸣至干 圣怒谪罚随之夫进退予夺 大君之威福而简贤别不肖言官之职掌今不原其心而罪其言毋乃纳谏之道未尽乎伏乞 圣明宽宥各赐复职 上曰尔等既知进退予夺当

听朝廷今抗旨求胜者正该惩处如何輒来救扰遂夺廷相俸二个月

○以吏部右侍郎吴时来为都察院左都御史○己亥文书官李浚口传 圣谕说与吏部近日所降御史如何不与补官容他迁延在京未几高维崧降福建按察司照磨赵世卿张鸣岗左之宜各调州判添注世卿汝州鸣岗广德州之宜泽州

○吏科给事中张养蒙< 〇〇〇 毓-金 >救维崧四人 上曰大工方殷工部两尚书一时论去尔等不识国体不以大工为重御史等抗旨降罚却纷纷来救显是党护况六科已有公本养蒙如何又来渎扰着夺俸三个月

○宴甘州北官寄住哈密卫头目都督同知米尔马黑麻等一十五名以进贡事毕还卫也

○升吏部验封司郎中刘四科为考功郎中

○以户部左侍郎杨俊民为兵部左侍郎工部右侍郎赵焕为吏部右侍郎○壬寅吏部稽勋司主事顾宪成上言高维崧四臣参何起鸣一时谴谪臣且疑且骇 皇上以为用人出自朝廷是也今日起鸣讦自修则罢自修讦维崧则降维崧等可谓出自朝廷与臣愿 皇上端本澄源无论大臣小臣近臣远臣而皆视之为一体无论讽谏直谏法言巽言而皆择之以用中其维崧四臣各令照旧供职有旨这本党护高维崧等肆言沽名顾宪成姑降三级调外任前谕各部司属所陈都呈稟堂官定义具奏顾宪成曾否呈稟亦速回话来既而吏部引咎仍戒谕司属各修职业不得出位妄言顷之刑部主事王德新亦言高维崧不宜谪降何起鸣结纳左右以簧鼓请甘斧钺不避 上曰朕亲览章奏何事不繇独断今日特用何起鸣言官却挟私攻故降罚示惩如何说是左右簧鼓王德新这厮妄意揣疑肆口非议视朕为何如主好生狂恣此必造言主使之入者锦衣卫拏送镇抚司追究明白仍问曾否呈稟堂上官著回话

○上视朝 圣体初安百官贺毕 上召三辅臣申时行等至皇极门暖阁 上曰朕偶有微疾不得出朝先生每忧心时行等叩头谢 上于袖中出二< 〇〇〇 毓-金 >手授时行乃主事王德新顾宪成< 〇〇〇 毓-金 >也 上曰如今用人岂有一人不是朕主张二主事肆言却说不是朕独断极为狂妄时行对曰 皇上天纵聪明乾刚独运即今朝廷政事各衙门章奏无一不经 御览无事不出 圣裁司属小臣不知妄言原无损于 皇上圣德 上曰臣下事君上原有道理二臣把朕全不在意朕非幼冲之时如何说左右簧鼓先生所拟太轻还改票来时行奏曰二臣狂妄罪实难逭但臣等仰见 皇上明并日月量同天地区区小臣不足以褻雷霆之威即外论疑及臣等宁使臣等受诬蒙谤不必轻动 圣怒 上曰先生等是朕股肱与别官不同须要为朕任怨若只要外边好看难为君上时行对曰臣等受 皇上厚恩虽犬马无知当自图报敢不任怨 上曰诸臣说话必有主使之入著追究出来时行对曰建言者亦有几等有忠实之人出自己见不知忌讳者有愚昧之人不谙事体道听途说未必出于主使语未竟 上曰还是沽名卖直者多若不重处不肯休歇前有旨各衙门戒谕司属通不遵依亦问他时行等

令天下郡县广置义仓复 祖宗预备之旧即于一乡中推择有德行身家者主其事听凭歛散每年以五分仿常平之法余新卖故以二分周恤孤贫大饥则发一岁之所歛而赈之以为水旱之备 上曰可○甲辰升大理寺卿孙丕扬为户部右侍郎温纯为本部左侍郎都察院右副都御史李辅为工部右侍郎

○以尚宝司丞郭东为光禄寺少卿

○户部覆山东巡抚李戴等称登莱二府卫所屯田斥卤沙薄军逃地荒应行山东抚按将登州等十四卫所并莱州等七卫所屯地每名给繇帖一张明开荒熟四至条段数目官军姓名各收永为己业抵兑月粮退出屯丁及莱州等卫兑剩屯地量派公费上报可

○乙巳 上视朝

○升浙江副使蔡廷臣为本省参政

○礼部覆山阴王俊柵奏高墙放回罪宗听滞庶生第二子乾哥等九名乞要赐名求名粮得旨准岁与名粮十二石终身

○升四川佥事周之翰为陕西苑马寺少卿兼佥事分理马政

○以詹事府少詹事兼侍读学士赵志皋充 玉牒纂修官○戊申升巡抚保定右金都御史贾三近为大理寺卿都察院左佥都御史魏时亮为左副都御史

○升御史胡用宾为尚宝司丞

○己酉调原任顺天府府丞许光国为浙江兵备副使

○升南京户科给事中王嗣美为四川佥事

○庚戌升广东佥事郑人逵为贵州左参议

○礼部题左佥都御史魏时亮条议一勤召对以运泰机 皇上临御以来臣下以召对言者不啻数四荷蒙嘉纳屡赐召问海内喁喁喜跃然军国大事必须详审精确方可见之施行或乘朝讲之便或时御便殿宣召内阁辅臣翰苑及各堂上官俯赐清问面陈可否以俟裁决或容台省各一员随入以资献替一资诵读以培 圣德 皇上日御讲筵虚心听纳即如尚书一经讲读再周惟是益勤问学虽深宫清燕仍将讲过经书史鉴及大学衍义等书时为览阅以资 圣修至于 祖宗敬 天勤民亲贤纳谏等事原有纂成 训录万几之暇日览二三条以观传心经世之法得旨览奏今后条陈章奏事关联躬已奉旨者不必再覆

○礼科给事中凌登瀛上言三日而朝暇日尚多早朝而退暇时尚多窃恐侍御奔走声色逸豫有以中之 皇上养德养身非常御殿阁亲近儒臣不可 皇上大婚十许年矣螽斯之庆已见而未甚繁者或者爱有所专而情有所不节也曷不御文华取诸司奏章阅之令阁部大臣词林及科道官以次轮对议论口确不妨再三议定逐一批答暇则召应直儒臣谭经史考古今优游涵泳事毕还宫则上下同心情孚意契未必不如内廷给侍之快意也游息于经史之中琴瑟诗歌法书之内天机活泼未必不如丝竹歌舞

之乐也 上纳之

○刑部尚书舒化覆山东巡按御史毛在为审录罪囚内问矜疑十六条奉旨下法司今按臣谓审有矜疑行有司问明通详巡按衙门参酌停妥然后奏请夫矜疑必请详于御史报可始许具题是恤刑官为御史一理刑官也何谓专敕又审过矜疑若干令法司覆行恤刑官照数具题是恤刑官尽受成于御史也何谓钦差且宪臣主于执法部臣主于宽恩各有所重原不相制若一一尽专于御史惟一御史足矣又何须五年特遣部臣恤刑为已奉旨下法司卷查先山东巡按御史毛在题为审录重囚本部覆题奉旨巡按御史及恤刑官审录各照旧行事不必纷更今合候命下使事权各有所属职业两不相妨得旨

○免南直隶兴化等州县积逋各年分钱粮并织造运木借支过银两尽行蠲免其盐城高邮五河等十四州县量徵二分三分其淮安府十四年分起运工部钱粮仍令抚按官严督起解不得借口希免

○辛亥升南京太仆寺少卿詹仰庇为都察院左佥都御史

○以巡抚辽东右佥都御史张西铭为巡抚保定等处提督紫荆等关兼河道

○兵部覆总督尚书郑雒题东西虏情在宣大止是多罗土蛮等一枝潜迹西行复讐瓦刺并无作歹之事此皆陕西群酋假借宣大大虏部落虚疑恫喝今各酋业已出边麦力艮近复回巢及虏王嗣封后各部终当大夥西去报讐势必假旧繇之途索赏要在该镇督抚官善为抚御夫名为借路实貽骚扰系干边防虏果西行在宣大则当谕虏王禁戢申明信义勿以西虏勾引为解在陕西则当慎御备机宜救谨封疆勿以东虏侵轶为辞共成安攘长策 上报可

○以修冗大同天城堡黄土堡功赏副总兵尤继先等各银十两牛希儒等各五两

○壬子调原任南京太仆寺少卿朱天球为广东副使

○户部覆云南巡抚刘世增题称罗雄州两遭兵燹民罹荼毒要将十四十五年两年税粮蠲免以苏民困罗雄为滇省遐荒先遭屠戮复值逃匿再叛之殃始为内应以脱州官既为向导以杀逆贼悉系效死之民尤当加惠该州每年额徵税粮五百三十余石两年共该一千有奇悉行蠲免准以巡抚贖罚银两照数抵补得旨○户部覆两浙巡盐御史李天麟条陈一开金塘等山以尽地利浙东沿海一带如金塘大榭等山先因奔倭他徒遂成荒丘迩海道澄清豪民占种原经同知陈文丈过田三万一千余亩山四万七千余亩如系奸豪隐占令自首报官即召定海有力无地民开垦侍三年奏有成效然后起科或迁附近卫所军丁屯种一收余盐以惠灶丁夫官盐之阻私贩为梗故欲行官盐非绝私贩不可势豪窝顿私相贸易私贩盛行官盐不得不壅今灶丁煎剩余盐官为收买公平给价勿得短少亏累一革盐捕以锄民害夫盐禁甚不可弛而盐捕俱选正身充当不许仍容积棍揽役以滋民害一省烦扰以图实效本差事简而漕粮干系甚重以部臣领敕则职系专掌以巡盐更捥则抵为带差恐将来事体不便仍旧为可 上命依拟行

○诏工部官京通二仓廩座工科用银数多不无虚冒糜费以后务照编定字号及将经手员役严行查考如有不久损坏及各项情弊该管侍郎同科道官指名参奏重治

○癸丑升尚宝司卿施策为南京太仆寺少卿

○总督陕西兵部尚书郅光先题会同甘肃巡抚曹子登臣等窃惟甘肃全镇其大害莫甚于虏行穿塞一端其孤危莫急于肃州西宁二路徂为故道遽难闭关远乏辅车最忧孤注所以曲防而策应者不可不及时讲而先事计也一重门户夫洪水水泉二堡地方俱系大虏往来经繇门户而洪水扁都口又立有市厂乃与虏互易总会地也洪水虽设有守备水泉止委有防守然官卑权轻既不足以弹压兵马单弱又不足以防御譬之司閤者以弱厮贱仆而部土鸡瓦犬之流何怪乎窥伺者之有玩心哉以今时势权之则洪水宜设游击水泉宜设守备以重门户之防但设官又恐增费臣等查得陕西行都司额设掌印都司一员屯政局补金书二员似属闲冗若将金书二员内一员改为游击移驻洪水堡将洪水守备改移水泉堡一转移之间则官仍旧员费不增加而地方均有恃赖矣一塞岐路查得分守西宁道所辖自水泉堡閤门起至高古城堡三十里高古城堡至大营堡八十余里大营堡直至扁都口閤门九十里通计二百里中间有防守官军边堡二处系虏经行之路分巡西宁道所辖自石硖口堡閤门起繇东南定羌堡羊湖水头一十五里羊湖水头过茹连打班二十里茹连打班过暖泉墩二十里黑暖泉墩过大营堡七十余里大营堡直至扁都口六十里通计一百八十五里中间有防守官军边堡二处系虏经行之路又有一路繇石硖口閤门起至暖泉堡五十五里内挨临李家庄郑家庄张奉庄薛家庄陈虎寨张邦庄老军寨范家营民堡八处暖泉堡至花寨堡二十里内又挨临马黑刺寺端家庄新堡子刘家园茨沟口民堡四处花寨堡至黑城堡二十里内又挨临上下土军沟寨二百户寨河西寨周家庄钟古寨牛家庄民堡七处黑城堡至吴家庄一十里吴家庄过洪水堡直至扁都口六十里通计一百六十五里中间有守防官军边堡五处民堡庄寨共十九处亦属分巡西宁道管辖虏或舍前二路而间经繇此路者盖因堡寨联络民居稠密田土饶沃孳蓄亦繁各虏歆此内地不无垂涎防微杜渐相应断塞合将此路之口两傍设立大墩并墩院拨兵把守中间筑墙削堑不许容虏经行其虏酋或因曲水泉閤门及石硖口閤门而入者各繇前二路而行该管将领统兵押送限以日期直出扁都口境外不许容留恋住自西海回巢者一体防送守巡二道仍各相度二路经繇之处择其要害设立墩台墩院以便瞭望设伏以防奔溃各该将领如纵虏迟回漫散不繇正路者参治不贷一发拨兵臣军门标下右营游击一员统领军马三千名匹该臣题准听臣巡阅甘固及甘固有事调遣之用今甘镇多事似应专备甘镇应援而甘镇当援之地尤莫急于肃州与西宁也固原距肃州二千五百余里距西宁一千四百余里地里既遥恐缓不济事如肃州有警先发镇城兵马西宁有警先发凉庄兵马各驰赴应援标下右营兵马听抚臣咨取或一千二千臣即时遣发听抚臣相地分布协力防御然客兵外至未历险夷必须领兵本官熟知地利统是兵者游击钱载乃宁夏人

而宁夏游击彭九畴河西产也统驭虽俱其所长而地利则彭九畴为习似应互相更调行事如调遣过河即听抚臣约束不许自分主客其合用廩给行粮料草照例关支如虜情少缓免得调取共图省节固镇洮河有警听臣另行调遣以期两全一倡土兵夫庄浪一路汉土二营并设河西咽喉无足虑矣然鲁氏土人遍居山谷皆兵也各地苦于召募之难而此土人乃繁衍之甚缘有万历乙亥鼓噪谈者讳之殊未知土人一也先世屡有调用之捷后人乃有脱巾之呼繇统驭之不得其人而鼓舞之未善其法耳今土官以都指挥体统行事指挥使鲁光祖发迹庠序有志功名统练土操一营甚为整肃合无换给敕书责成本官平时则协守本地有事则应援全镇不拘地方随警策应如有奇功即行优擢虽加秩衔不出本镇庶经理戎事管束土人俱为便益一调缺兵查得甘镇额兵七万有奇节年逃亡消耗大损原额总计见在马步止四万有奇而所食粮饷屡经会计减削近因召军买马虽尝题请补发然计口计饷外无赢余今各营堪战有马军丁镇城正兵数不满三千奇标与各路副参俱不满二千各游击不满一千守备则止数百而已若欲补足原额柰清勾无及应募无人终成画饼河西大势本自涣散必有能将能用寡者在责成训练不必一概议补惟是洪水既改游击水泉既调守备硃石都司镇羌守备均有闔门兵甚单弱且守墩传塘出哨而分之是无兵矣将领纵有用寡之能何所施之夫洪口原有六百余名应召八百名水泉原有五百余名应召五百名硃口原有土著军三百余名应召五百名镇羌原有土著三百余名应召二百名以上所召补之兵尚不足原额之数非于额外加增也马匹动甘肃行太仆寺并庄浪道各收贮桩朋马价银两收买骑操兵马既补粮饷自应议处但内帑既无盈需盐粮亦有定额于两者权之照前名数仍拨盐引为便或于各镇壅滞者改拨往年盐口止派其粮未派其草合无粮草均派或以草桂之说准令粮六草四以济急用及查本镇寒苦如水泉硃口则又不毛之地苦寒尤甚者一行召募其谁乐从夫各处召丁粮以一石五斗安家银以三两各为则例粮听盐引银取草价庶足兵足食而冲险有赖繇是观虜中之归巢与否而用间伐谋察虜之循盟与否而沉机预待此臣等区区犬马之心所以捐糜矢效也臣等又有说焉河西番族非无兵也顷自款塞之后海虜流虜侵扰诸番积愤深恨非一日矣其间岂无黠杰豪侠之长愿与虜一角而召之必有应者缘北虜仗中国之宠灵但曰我贡虜也汉兵一护但曰彼纳马番我贡市虜也在彼未见显然渝款在我不见轻易鼓簧此时且责诸将御虜保番过此以后又相时乘机而图之耳然惟全镇险易非图莫见臣等督会总兵官刘承嗣备查某处为川底境外某处为虜营穿塞之路某处为虜住西海之区某处某处为肃州西宁二路俱穹远孤悬画图说注恭緘 上进得旨图说留览事下所司

○以兵部左侍郎杨俊民兼管贴黄

○巡抚保定右佥都御史贾三近总督兼兵部右侍郎王一鹗条陈边事一严各隘以固关辅一酌驻土以节军力一精简练以选军锋一议增给以恤战骑一复乡夫以预防守 上报可

○乙卯升尚宝司少卿李楨为本司卿

○准扯力袭封顺义王鼐兔台吉并不他失礼俱与做龙虎将军虜王妻敕封忠顺夫人仍赏彩币有差

○丙辰赐三辅臣及日讲官鲜藕

○丁巳以尚宝司司丞唐鹤徵为本司少卿○敕奖鲁阳王勤灰睦<木离>等仍令抚按官办送彩段羊酒优之以输谷救荒故有是命

○工部覆请苏杭水旱为灾将织造未解段疋暂行停罢俟后年豊再议不允

○戊午兵部覆总督宣大尚书郑雒题扯酋嗣封以后须实修军政为制驭之法近年许其贡市无非是彼羈縻修我战守原不借此为久安各镇战守两端预为讲究不可专恃款贡亦不可渐起衅端得旨虜王并伊妻既袭封授封还传谕各部申明约束图报国恩一应边计虜情都该督抚官相机处置毋得疏玩

○夜戌时平凉府天鼓鸣有大星坠光灿如电○己未吏部覆山东巡按毛在题有司官考满有造册赍册之费往返万里盘费不貲既有使费难免科求所属府州县正官考满不分荐举有无一体来奏两广有司亦照云贵事例本布政司差八类缴文□□□直不许援以为例得旨两广有司照云贵例行各该考满官员敢有科歛馈遗及在京夤缘等弊抚按官指实参奏缉事衙门访拏重治

明神宗显皇帝实录卷之一百八十四终

明神宗显皇帝实录卷之一百八十五

万历十五年四月庚申朔 上亲享 太庙

○升总督蓟辽等处右都御史兼兵部右侍郎王一鹗为兵部尚书

○复除翰林院修撰张元忭官如故

○辛酉 上御经筵

○刘保定等处赎银三千六百四十八两为修理北岳庙

○都察院考试实授御史钟化民等二十三员 上曰所考刑名章奏<足 毓-金>通及稍通未通者分别等第来看已而吏部覆试止郭万里秦文夔二员仍候再考定夺○壬戌户部覆刑科左给事中张栋一核荒田二宽改折三审徭役从之

○午时候得西北风大有声扬尘涨天四方昏浊至申时渐息

○癸亥赐郑王厚烷书院名额曰景贤

○赐病故套酋龙虎将军切尽黄台吉祭

○甲子以户部左侍郎张国彦为右都御史总督蓟辽等处

○吏部题今士子行文险怪转移之责全在提学凡提学有缺内外各衙门必文学德行年力资望皆备者方许推用如果称职照往岁故事于京堂内升用不才者令抚按参论

○乙丑巡按陕西御史杨有仁上言臣奉命巡柝西陲已周一载于凡边关要害地

势缓急虏众出没番情向背兵之强弱饷之虚实自到地方日与诸司道悉心讲求窃见去岁六月以来东虏流聚边报交驰新春连月风霾灾异屡见民生边计日夕关心剥肤然眉拯救无术臣私心凛凛焉而洮河诸处保镇全关虏酋住牧近在境内兵饷寡弱祸患易萌尤不可不为之切虑者计关中大势计之西凤譬之堂室洮河譬之门庭河西五郡譬之藩篱藩篱决则室家不支门庭坏则堂奥不守今议者欲增兵选将以固河西盖重藩篱也藩篱常固而门庭却疏万一丙兔克臭连结海上诸虏托言抢番犯我内地一旦洮河失守以东则临巩无素练之兵势难捍御以西则五郡当孤悬之势复断咽喉全关之地可为寒心臣查得洮河地方旧无虏患止是防番故当时原额兵额亦不加多自俺酋迎佛建寺招结众住持莽刺寺川一以恋水草之丰一以图诸番之利久假不归遂成巢穴且又招引西海诸酋往来住牧而洮河门屏之间遂为腥膻屯聚之所矣是当日关狭止有三边而今又增洮河一边也要害孤危既与延宁诸镇相埒而兵卒粮饷一如旧日无事之时不为议处可乎今日之所议者有七事焉一议洮州兵洮州番虏之冲而兵不满七百当增兵马也一议河州营以沿边二十四关皆贼通行要路兵不满千应增也一议马匹该卫操马一千一百匹应给马匹于茶牧马内太仆寺马价银内动支也一议军饷旧洮州召军与家丁共一千一百名月粮料草共该银一万三千七百四十两或于内帑银内或各边节省银内拨给也一议重番站归德去河州八百余里万山中止是番站六处马八匹军八人若虏变难于传报内援当添头目与军也一议设守备瓮家大通弘化寺千观台堡其地并与边垣可恃堵截逆虏以操守官卑应改设守备一员也一议抚番族洮河诸番岁以茶马招之使勿与虏合虏强番弱以番附虏难制也命下所司

○丙寅赐元辅申时行次辅许国王锡爵及讲官朱赓等五员彩扇有差

○巡视京营兵科左给事中苗朝阳题京营官军马匹业已奉旨严查归伍乃各衙门于巡军马匹夤缘骑占夜看私宅循为故事大约五六名亦有多至数十名且皆关锁门内即本军亦以看宅自恃不随众伍动则某官宅内假借影射以致斜径曲巷一二里余无一人巡捕即有盗贼生发何能一时招聚追捕亦城中之患也得旨巡军但有占用者都着一体清查○丁卯命修撰张元忬编纂六曹章奏

○升广东右参议王民顺为本省副使

○升应天府府丞张檟为大理寺左少卿

○起致仕兵部侍郎胡执礼总督仓场

○调户部主事麻溶为吏部稽勋司主事 上曰今年考察后尔部司属独无外转还从公查照近例行

○戊辰旌表临清卫节妇张氏及男妇黄氏张氏

○己巳谕刑部今天气暄热两法司并锦衣卫见在监罪囚答罪无干证的俱释放徒流以下便减等拟审发落重囚情可矜疑并枷号的都写来看

○升陕西副使许孚远为顺天府府丞○庚午工部覆宣慰杨应龙地方进献大木

七十根内多美材先经赏赐飞鱼彩段加升职级亦云厚矣乃复比例陈乞委属过求所引伊粗杨斌得赐蟒衣原系克服叛苗出自朝廷特恩未可为例 上以应龙既赏过服色准升授都指挥使职衔仍给与诰命

○辛未 上不御经筵

○补云南左参政应存卓为广东左参政

○升袁国臣礼科左给事中陆懋龙吏科湖汝宁户科白希绣礼科梅国楼工科俱右给事中

○巡按直隶御史孙愈贤题北虏款市已十六年取既款后十五年与未款前十五年较之通计二镇所省几一千一百二十八万有零又城堡赖以修边地赖以垦盐法< 䟽 䟽-金 >通蓄积称富而生齿亦号蕃庶款市之利不既彰彰哉自今以往必先定马数今宣府马数较大同已出三万外视初市时不啻倍蓰矣宜及此时与初大同止于一万匹宣府二万匹不然闭关谢绝之庶无经之费以节而市本可继也又必限常额盖各枝大小头目男妇滋息日繁求乞日盛死者未除生者日增溪壑无厌漏卮难塞今定约大枝每年若干小枝每年若干不拘老少存亡止有此数不得妄行请乞又必明军令盖今大酋如顺义如青永遵我约束如初惟细枝小丑不遂所欲乘间窃发或捉我墩军或扒墙突入杀我牛马甚有讲事不合拟马回巢将官遣飞骑邀之纳侮养乱渐不可长宜及今明布军令使沿边将士常抖擞精神毋怀疑畏如有前项故态轻则罚处重则扑杀庶有以慑犬羊之气而明中国之尊也得旨

○敕工部盖造营直等房钱粮着各该经手官员务要稽查撙节不许妄费○准代府潞城王长子廷埴承袭父爵进封夫人宋氏为妃

○壬子兵部右侍郎萧廩乞休不允

○升直隶大名府知府蒋科为山东兵备副使

○琉球国中山王尚永差都通事赉表文进贡方物赐彩段钞锭及宴待如例

○癸酉谕礼部朕见今春雨雪降少入夏以来风霾屡作霈泽未沾三农失望尔礼部行顺天府于各宫庙洁诚祈祷

○升湖广副使贾应璧为云南右参政

○铸管理漕船钱粮关防一颗

○巡按山东御史毛在题今岁山东荒旱水陆两途极为冲要驿递之苦臣有概于中久矣然大要不过有司之糜费与驿递之冒破两端如廩给水路多从折乾陆路多从办送山东原无两项并出之例夫马多过五倍今则有逾原额十倍以上者半从折乾箱损夫动支千名不堪赔补站银言及尊官有失帘远堂高之别事干内侍不无投鼠忌器之嫌今后分外横索者许有司驿递密报抚院文官开揭送吏部武官开揭送兵部劣处上曰驿递事宜屡经题准申明刊布遵守及明旨戒谕甚严各该地方官若能举行执法岂容肆行冒滥还着抚按官查照屡旨着实遵行有违律犯禁的不许姑息容隐

○乙亥 上视朝毕驾兴命锦衣卫鸿胪寺查点常朝文武官员不到者共四百四十三员夺俸各二月因谕礼部宗伯乃典礼之官袭爵引礼如何不到朕视朝虽蚤诸臣亦当伺候着回将话来

○升山东右参议薛亨为湖广副使○查盘小池盐料除掣放外尚少盐六万八千二百三十六石余将原任庆阳府通判齐闻韶管盐固原州同知高诗提问管盐副使赵惟卿夺俸三月

○户部覆两淮巡盐御史陈遇文条陈如各盐仓墙垣旧皆土筑低薄< 土册 >塌遂致盐料消折将仓墙周围俱用砖砌并修盖官厅看仓等房估计共用银一万二千一十六两七钱二分五厘八毫海州旧有蔷薇河一道以通临洪兴庄盐运乃年久淤塞遂致迂道东海方达淮安中间苦难较前十倍乃自窑湾起至周家堰共长二千六百五丈五尺工价银共一千二百五十四两九钱七分五厘此处挑浚有便盐运 上曰可

○兵部覆甘肃督抚郅光先等会题谓甘镇三面逼虏合用兵饷大率在内帑发者逐次加增在本处运者累年拖欠督抚诸臣议欲置加兵饷夫往者官军五万三千六百有奇马骡三万二千余匹头本折兼支岁用充裕最后历年兵马视前数差减顾京运渐增使若每岁请讨每岁给发太仓有限积储安能应诸边无已之求合于洪水准召军四百名并旧军六百名共一千名水泉准召军三百名并旧军三百名共六百名硖石止当汰老弱补逃亡给以原饷不必再召镇羌准召军二百名并旧军三百名共五百名以上增军九百名除盐引分派九边原有定额难以更改安家银每名三两准于草价银内动支收买马匹草料听抚臣随宜设处月粮每名一石五斗岁该粮一万六千二百石照例每石折银七钱共该银一万二千三百四十两总计该镇粮饷通融那凑尽可敷用但全狭灾荒一应钱粮蠲停数多况值寇在门庭尤宜蚤为戒备今酌议发银一万两暂济紧急后不为例得旨该镇近进图说内兵额减少岁饷增多又往往请发内帑殊非备边久计着督抚官将本镇民屯等项钱粮查理明白从长议奏

○丙子礼部尚书沈鲤等奏本月十六日早朝有新袭灵璧侯汤之诰上表谢恩例该臣等引奏缘臣等趋至掖门钟声已严不敢前进有误引奏具本认罪 上曰尔部职掌礼仪宜敬慎事上以倡僚属乃先自迟误失仪何以率人既认罪姑各夺俸一月

○鸿胪寺查朝参不到官员薛钰等四百四十三员奉旨这朝参不到官员姑夺俸各二月公差患病的准开豁昨朕亲见通政司奏事止二员鸿胪寺宣念止三员还有未到者何不详开回将话来既而本寺以通政韩国宝序班李承华二名奏上亦各夺俸二月

○升礼部郎中余寅为陕西提学副使○丁丑文书房口传 圣旨前日视朝六科奏事西边一员仓忙上御路跪不言语的也着鸿胪寺查来

○兵部覆陕西督抚郅光先等题石峡安远二堡原设领班都司各二员轮流来往不便责成今议将次班见任陈扬陈达道专任河西专理操练防御头班赵时正艾应诏

零抵补春夏二季免徵外兗青东莱四府共剩银三万六百一十两零将济南等六府春夏二季站银悉行免徵即于各府积余银内动支抵补给发各驿递应用 上是其议

○癸巳端午节赐三辅臣上尊珍馐

○赏总兵李成梁顾养谦等银币不一以斩获东西虜入犯有功也

○命应天抚按存问原任礼部尚书陆树声树声年踰八旬齿德俱尊故有是命

○喜峰口大雨雹如枣栗堆积尺余田禾瓜菓尽伤

○赐 寿宫工人汤药及老弱饥号难以回乡者给路费

○甲午遣官祭 南北郊 社稷 山川 风云雷雨之神○大学士申时行等题兹者天时亢阳雨泽鲜少沴气所感疫病盛行 祖宗来设有惠民药局 皇祖世宗屡旨举行乞敕礼部劄行太医院多发药材精选医官分割于京城内外给药病人以广好生之德

○命兵部协理戎政左侍郎萧大亨回部管事

○乙未发遣贪官万泉县知县符嘉训永宁知州李鈇仍谕以后抚按官论劾赃多官员务究问的确成招定罪照例奏请不许轻率含糊如复命之时不及究问止行参提听后官问结具奏如抚按官违旨尔部中及该科指名查参亦不许容隐

○礼部题覆南京御史陈邦科< 銜 銜 銜 銜 >开崇实学以罗真才言士必学古而后可以入官故初试经书义七篇而参之二三场以验其博雅与其时务本末先后亦自有不可易者乞敕以后乡会试卷务要三场匀称方许中试如后场驰骋该博而初场不过平平者拔真前列以示激劝 上然之

○丙申谕礼部朕闻近日京城内外灾疫盛行小民无钱可备医药尔部便行太医院精选医官人等多发药料分投诊视施给以称朕救民疾苦之意仍照嘉靖年间例每家量给与银钱一次

○改南京兵部尚书傅希掣为兵部尚书协理京营戎政

○赠大同巡抚右佥都御史申佐祭一坛嘉边功也

○太仆寺卿罗应鹤等题国之大事在戎兵之最急在马 祖宗朝有种儿马十二万散之辅地有备用马二万寄养近畿卖种马尽收其直是寺帑所蓄非银也即马也近年诸臣轻视国马挹寺帑若不竭之府予者已穷索者未厌即一切无关马政者复名之曰借此岂老成谋国者即如辽东十一年祇给买马万金十二年四万十三年七万十四年十一万七千八百有奇夫辽为九边之一耳三四年輒增逾十万辽左十年费内帑马价百数十万若延绥请发马价似矣然该镇昔以马上战斗为事其杀伤过当尚不闻入请金钱出买战马今何反请于无事之秋也即欲买补该镇桩朋地亩向来自足取盈每间一岁又几领茶马二千使饲牧得宜岂遽乏用今损国马以益边骑是何异剖割心腹以补四肢甚非所以重京师而厚根本也且寺帑所贮又非若大司农岁入有常盈区区铢两之积即尽买种马之银譬之两集涇盈涸可立候臣等以为不若早禁之便部覆如

议○都察院等官吴时来等覆巡按福建连格等奏原任都察院简较先为民今叙用洪兢称父朝选致位卿贰恩赐闲居为劳堪所杀缘朝选与故相张居正不协又勘察辽狱朝选轻其罪居正衔之世讐刘梦龙等乘其隙行间激怒居正劳堪受居正之意遂与同安知县金枝谋堪差把总杨昌言授以朱笔票帖一张差兵三百名暗妆口人引朝选出即扭辱解县禁之冷铺堪又差官军中途催促两日夜驰五百里至省禁二日身死堪又言朝选在四川有还魂丹禁六日不许殓后臭腐方许舁出先是洪兢上< 金 疏 >命锦衣卫打八十解回为民给事中孙玮戴光启御史黄师颜奏堪冤杀朝选倚法作奸杀人媚人 上命巡按会同司道勘问据医生何禄干证林子荣等称密授红帖扮作口计擒金枝合谋遣军押送十七日至枫亭驿十八日至兴化府送劳军门收禁禁子张贵喊朝选缢死乃二十四日也堪又命其讐林弼验视果死所云还丹堪果有此言又据各官审朝选以进士致侍郎居乡武断夺人产业且专利弟侄恃势吞骗乡人产业刁恶凶党投为奴仆搅扰口税皆有原害为证朝选不为禁止以致怨皆归己拟问弟朝冕等四名充军童绍玉等十八名俱徒罪讐家刘梦龙吕应魁告状吓财以快己私劳堪已经牌行泉州府拘解审得刘梦龙钜奸异常构兴大狱吕应魁擯帮捏诬然受故相之意微暖无证盖朝选有自致之尤而死过其罪弃如腐鼠亦惨而可伤此洪兢之诉良士论不平者也得旨劳堪所犯情罪尔法司既会议明白依拟着押发边卫充军刘梦龙原拟发遣

○丁酉兵部覆湖广抚按孙坤等奏先年麻阳地方苗夷不靖桐信哨置设官军以示弹压顾近时贵苗出没率繇杜脏一路审时度势则桐信似缓而杜脏为急所据移营哨守诚为思患预防 上是其议

○赠原任太子太保工部尚书杨兆为少保荫一子以大工有劳也

○以京城疫气盛行命选太医院精医分拨五城地方诊视给药仍每家给与银六分钱十文俱于房号内太仓动支仍令五城御史给散不许兵番人等作弊及无病平人混冒重支

○给事中唐尧钦条陈一饬和衷一明职掌一专久任得旨近来人情往往重内轻外殊失朝廷设官为民至意今后该部须加意慎择如果称职久任超迁务使有司有所观法以振起吏治毋得循袭旧套

○秦敬王谊溍薨无子母妃吴氏奏请以弟紫阳王谊澍进封礼臣言敬王服制未满足于法不得请封如以边境难镇则恃有管理之纶言如以宫用不敷则当徼特霈之恩泽何可早数月之封以乱朝廷之法 上以谊澍满日在前岁册封之先扣查明白于例无碍止因路远预奏已有旨准封你每如何執拗着便遵前旨行毋使下人刁难得计

○己亥改南京吏部尚书李世达为南京兵部尚书参赞机务

○夜五更金星犯土星约离五十分余测入胃宿度分俱顺行金星在下

○庚子升山西副使胡同文为江西左参政

○辛丑户部覆宁夏巡抚梁问孟等议处将官养廉等事曰查地土先是湖滩十座岁采草六万余束为各官养廉之资今总兵等官已愿退三座该采草一万八千九百三十束每年照数收贮各正支销余听各官照旧管业曰革屯田加收宁镇额设屯田每五十亩为一分每分纳地亩银五分谷草九束然须官为定置天平使银不加收印烙官验草每束重一十八斤使草不少纳乃为两便曰减修坝颜料每田一分或沙桩一束白茨七束红柳六束其榭条木每田二分朋纳一根在官既不缺用而屯丁亦免重徵之扰曰裁修墩牛车凡遇修理互市等项官物即于附近卫所城堡有车之家轮流借拨运送就时放归更不必分派有力屯余餽养以滋偏累曰裁徵麦穗凡城垣仓廩公廨之修理必资麦穗以防风雨剥落之患每年轮流一卫每田一分准纳麦穗二十五斤若遇灾伤之年即行免徵至于仓场之常例盐粮之折减口人之椽席铺行之段疋一一厘革不得更生枝节以苦口民如议

○巡按直隶御史孙愈贤题臣按属大同府所辖十一州县应州未完钱粮六千九百三十七两怀仁未完三千七百九十七两十三年以前拖欠银两应将应州怀仁县逋赋尽数蠲免或量免五分其额徵岁粮马草脚价自十五年为始怀仁县量减三分应州量减二分朔州山阴马邑量减一分如平虏井坪马邑怀仁四卫所屯粮每每难完应与州县一并蠲免 上曰边方州县卫所既岁荒人逃民屯钱粮旧欠者依拟蠲免见徵粮照旧行

○户部覆广西抚按题右江所属怀远十寨二处善后饷银先年俱于大征支剩军饷及奏留银内支用今前银已尽要将该司见贮税亩缺官柴马口税鱼课酒税共银一万零四十二两二钱三分三厘二毫请留本省凑支夫粤西先年因用兵饷缺官各项银两屡经奏留近官地方宁谧营兵既减饷不繁况今太仓告匮边费难支前项银两原系解京济边钱粮似难准其尽留该布政司自万历十三年正月日起至十四年十二月终止见贮岁亩银六千六百五十五两二钱二分六厘缺官裁马银二千二百二十八两七钱二分一厘八毫以上二项准留该省凑支怀远十寨兵食其口税银六百四十二两二钱一分九厘二毫七丝鱼课银二百三十八两九钱九丝七忽酒税银二百八十二两一钱六分六厘以上二项即行差官解部照旧充济边之用再照广西一省万历十四年以前寔徵秋粮米止三十六万九千二百二石五斗二升六合至万历十五年二月内据巡抚都御史吴善册报摘查过该省实徵秋粮米四十二万四千八百八十九石六升一合五勺零数目到部已经照数派徵较之近额每岁多米五万五千六百八十六石五十三升五合五勺零依数徵输自足充饷以后一应解部钱粮俱要尽数起解不得再议留用从之

○壬寅兵部题宁夏巡抚梁问孟条议金发新军诚欲填实塞伍以裨战守至于拨给荒地垦种尤得寓兵于农之意陕西归德一堡地里孤悬又以募兵为苦欲将全狭河南充戍人犯悉遣本堡充实行伍查得花马池与套虏为邻实为冲要之地今参将所部

兵不过千余实在操练者又仅止于数百壁垒空虚急缓何赖要将充发新军填实塞伍以后新军例应边遣者俱发归德堡花马池不许逃伍分拨荒地令其垦种永不起科从之

○癸卯改南京礼部尚书袁洪愈为南京兵部尚书

○户部覆刑科都给事中唐尧卿条陈银库封识等四议一曰银库封识二曰京粮出纳三曰官解批销四曰内用借办得旨岁增买办银两还照旧进余俱依拟

○户部题臣惟国家大计在边储而屯田盐法则皆边储之最要者近日各边年例曾至三百一十五万九千四百余两视弘治初且八倍方今诸虏款贡疆圉宁谧欲举屯额而垦复之将抛荒屯田随宜开垦至于陕西宁夏甘肃等镇地方孤远果有□人愿备工本赴彼开荒中盐者听其垦种输纳合通行各边督抚诸臣备查原额屯田今失额抛荒或额外尚有堪种余地尽数清出限本年十月内各具数造册如前地无人承种有□人愿备资本赴彼开垦者听巡抚衙门随其报认籍名于官计垦田之分数为中盐之多寡派籍垦田所入以资中盐之费杜今日占窝之奸 上曰召□垦田事宜看该督抚官着实举行以济边储

○甲申代州振武卫鴈门所太原阳曲徐沟交城同日俱地震

○乙巳夏至祭 地于 方泽遣官行礼

○丙午 穆宗庄皇帝忌辰遣官祭 昭陵

○丁未谕礼部雨泽未足朕衷深切兢惶日日在内虔祷其大臣轮祷坛庙各秉精虔务回天意

○己酉赐讲官礼部侍郎张位驰驿回籍仍路费银二十两纁丝二表里

○改南京刑部尚书姜宝为南京礼部尚书○以蓟镇春防已毕撤回山东河南北直隶及保定骑营各班军仍留本镇主兵南兵与延绥宣大各防夏兵马分布信地防守从总督王一鹗之请也

○升丁家泊堡官军姚太节等九百三十四员赏杨德秀等一千一十七员并领兵斩首阵亡伤故毋承宣等四百一十四员俱于太仆寺马价银内给发

○壬子吏部题中书黄仲春浮躁浅露例应降级王鸿唐应运田应璧愈守德童偕素行不谨例应斥逐乃亦止降一级概得存留非所以为平 上曰尔部中既如此说王鸿等降二级办事不必执奏

○免石灰甗等项税银

○癸丑改原任南京工部尚书陆光祖为南京刑部尚书

○以成国公朱应祜庶长男鼎臣承袭仍优给如例

○赠原任总督蓟辽右都御史王忬为兵部尚书忬累树边功构罹谗祸至是其子世贞奏请故有是命

○斩南兵吴公泰陆文昌何天行叶子求四名枷号徐洪三月发极边卫分充军以

讹言惑众擅离信地也仍谕军中但有捏造如公泰等许各军擒拿出首重加升赏容隐不举者坐

○丙辰遣定国公徐文璧祭 南北郊 社稷 山川 风云雷雨等坛谢雨仍赐三辅臣脯醢酒果

○户部覆巡抚福建贾待问题查盘过福建所属各府州县自万历十一年起至十三年止总计实在仓谷四十五万九千六百三十五石五斗零在库纸赎谷价银八万六千二百九十一两六钱零该折谷三十四万九千二百石三斗零亏折谷一千八百三十石九斗见今追倍其折谷各官除积贮合例及积多不及十石积少不及三分并丁忧罢革劣升考察降调去任等项与积少三分五分六分并任浅各开名以闻从之

○户部覆南京户科给事中吴之鹏奏国家设督粮水利道以总理于上设同知通判判官县丞主簿等官以分理于下而修筑< 疏 疏 >浚之以备旱劳迩来有司惟从事于簿书期会修筑圩岸< 疏 疏 >浚防塘等项事宜漫不经心一遇岁凶茫无措手今欲令有司劝农兼兴水利而抚按司道府州县等官相其原湿因势利导凡水利地利有裨农务者或殫力图之司种饷者务与水利各道共修农事因以殿最有司 上是之

○丁巳吏部覆吏科都给事中顾九思题蓟州道副使朱衣先任潞安郡中称治向会举边材列其名本部遇缺推用今筹边损于治郡非名过其实则用违其才合调腹里地方云南副使陈严之当蛮夷纳款之后而统驭乖方致猛密以强吞弱略无忌惮参政文作值罗雄底定之初而防御失策致遗贼就灭余烬复张虽专责带管为任稍异而启侮玩冠厥罪惟均相应依拟调处以示惩戒 上曰以后抚按官荐举所属有才堪边用者令于荐语内明白开列以备擢用

○戊午刑部尚书舒化致仕

○升保定车营游击袁日章为统领蓟镇南兵游击

明神宗显皇帝实录卷之一百八十六终

明神宗显皇帝实录卷之一百八十七

万历十五年六月己未朔文书官李俊口传 圣旨问工部前抄没张居正房屋曾否有人居住何久不卖去

○户部题覆轻赍银两每年类解漕司分为三七三分给帮运本官以备沿途支费如遇盘剥俱要呈明督押参政或管理河闸仓钞部属及兵备等官批与执照方许动支然此天津迤南事也天津迤北设有官船船户各有专辖其脚价随地远近以为多寡载在议单运官不得另雇民船以滋糜费自桃花浅至王家摆渡等处俱呈请钞关主事自里二泗至西坝俱呈请通粮郎中不许奸顽旗军卖私货以图尽剥从之○光禄寺少卿谢杰题尚膳监传帖二次到臣东门令行户每日进凉粉二百块酪二十瓶分进旋传凉粉乳酪一分不用真菲饮食之盛心也今行口纷纷告苦钱粮进而不用无价可关然犹

朝而擡进夕而回销臣知食之不可卖之不能徒有赔累而已始苦于取今又苦于取而不用计二项积至一月费银七十二两有奇贫民身家几何堪此破费恐不出一月彼之逃亡必所不免矣乞悯贫行亟将前项取讨钱粮尽行停止报闻

○总督尚书郑雒等题虜王嗣封之后所当传谕处置其切要有三一定马数大同一万匹宣府二万匹按臣题约以二万与兵部定额之议相同况青永打刺明安三大枝部落甚众有难以等诸他夷即欲减去一万徒烦议论势难必其听从或遇夷马之少即二万匹上下可如遇夷马之多即准以三万数亦可惟在撙节之中少寓通融一限赏额自隆庆来赏银辄至四万七千余两迄今若不限以赏额有限之财何以填无穷之壑今以万历十四年为准旧例原无不得轻为加添以恣其欲一切赏格务不出原议钱粮之外一明军令款久则玩玩则积衰而招寇务在我者马壮器利修险备粟以实军需能相机奋勇者无畏首畏尾务制狂虜跳梁之气部覆如议

○工部覆芦沟桥抽分事宜一议物价低昂难以预定板木丈尺可以先平凡应抽材物须酌量轻重议定中平价值以便遵守一议钱粮收贮该局原未设有官库欲于每月终令该局官吏将收过银两尽数解出赴巡视官验明解送本部发库收贮一议该局原有水手二十五名在于磨石等处专为推运 上用顺柴及口人筏木之用须行宛平县量拨数名给以工食专令看守一议公署倾颓久不修葺有原变价银二百余两本局本色可举一议钱粮必生弊竇俟差完交代之际查盘一次以稽实数如议行

○庚申升云南右参政姜忻为按察使云南副使杨标为右参政陕西右参议于达真为兵备副使各本省

○户科右给事中胡汝宁题京师民贫材尽有二大害曰知县差役倾破民家曰贵戚铺行侵夺民利 上曰内府库局铺垫等项屡经酌议裁减监收部官及贵戚家果有专利害民者自当依律究治尔等何不指名来奏却只含糊建白○升五军五营佐击梁宫为保定游击

○辛酉夜云阴雷雨雹如栗子大从西北乾方来

○癸亥升江西副使宋尧武为云南右参政直隶永平府知府张世烈为山西兵备副使广西右参政丘浙为云南按察使

○赐应天府尹方良曙祭一坛

○敕封皇六妹为延庆长公主选南城兵马指挥司副指挥王鼎铉男王昺为驸马都尉

○升山西都指挥僉事郭懋忠为大同参将都指挥使王有翼为宣府右参将

○鲁王颐垣以先为观火口于等诬奏< 毘 毓-金 >辞管理 上曰王守礼奉藩贤名素著览奏朕已洞悉诬奏的已处分了王宜遵旨据法着实钤束宗仪毋自隳阻

○武英殿大学士吕本卒本浙江余姚人嘉靖十一年进士改庶吉士历升少詹事入阁屡请册立东宫 裕王冠礼北虜入犯召见面对条画御虜之策议新戎政筑外城三年

考满进阶光禄大夫勋柱国未几加少傅以母忧守制回籍至是卒赐祭九坛与故妻夫人夏氏开圻合葬如例

○乙丑赐三辅臣及日讲官鲜笋

○升广东副使陆万钟为广西右参政四川左参议李学一为广西副使福建参议金学曾为江西副使

○夜昏月犯火星测在轸宿度约离五十分余月在东

○丙寅大学士申时行等题今日文书官传 圣旨今三宫及各项赏赐外夷求讨俱不足用织造虽多原着陆续织进不是一时就完令臣等拟票始知派数甚多为费甚钜臣亦同有为国为民之责者若不为 皇上明之是不忠也 累朝定制岁造段疋不过三万余疋 上用赏赐俱在其中虽有急缺题派不过间一举行未有如近年频数者前此各部钱粮颇有赢余各处库藏颇可掺括亦未如近年匮乏者今前项织造至十二万有余费以数千万计各部无从那借且前此织造尚未完期提督内臣尚未复命又加以此项织造恐地方必不能供故臣等亦以裁减数目为便万历四年减去三分之一万历七年奉旨减半织造今民穷财尽伏望特霁德音大加减省以弘惠下之仁 上曰财匱民穷朕非不轸恤但近来三宫岁用及赏赐等项不敷织造委非得已着查照原题减三分之一派造合用钱粮工部从长议处毋得困累小民

○改南京兵部尚书李世达为刑部尚书

○礼部题覆称 陵寝祭祀宜虔乞加申饬以肃臣纪 上曰陵祀重典着遵旧规行如有迟慢喧杂等项监礼御史及该管衙门各参奏拏问

○兵部覆巡按御史孙愈贤条陈边政一重边材以备缓急一恤边卒以重本根一核边军以实营伍一申边禁以责实效一储边器以资防御一置边将以保孤镇依议行之

○以蓟镇南兵营副总兵朱相先充五军八营参将

○丁卯升山东左参政陈瑛为广东按察使广东佥事来经济为四川左参议陕西右参议郜永春为山西副使

○调四川副使柴祥为福建副使○先是东虏麦力艮台吉等流住肃州要挟市赏我中拒堵因而跳梁时差官宣布恩威停封革赏责令调虏仍宣谕扯力克三娘子既声多罗土蛮西行生事之罪有碍袭封及得扯酋三娘子回书遵奉宣谕之辞旋发调虏之令几无事矣至是甘肃巡抚曹子登细陈诸虏情形除松山宾兔妻男等酋其在海上者又除威正恰因抢生番被箭射死各部落烧化尸骨久携回套外如市虏克具近来互市方以我僧大人命相讲夫我僧大既夜间为盗而又先杀我军姚二我官军亦追射杀之此歹言黄台吉义子克臭亲子也后来执我杀死台吉我中亦执曰尔先杀我提塘千户求以相抵原非一官彼亦语塞火落赤主持前来将尸烧化去讫此正麦力艮犯肃州求市赏时也道里日期原不相及而扯酋三娘子书执此为言此明是诸酋诬词以给扯酋

三娘子存而不论可也歹火二酋投番文要我中为筑城修寺永不作歹我已严拒之而彼亦俚指退矣三酋与市虏丙兔阿拜台吉把都儿台吉把尔谷台吉且且台吉瓦刺他卜囊撒温等联络西海此虏在海上也抄胡儿青把都儿苦赛把汉刺叭矮木素阿机大兄弟叔侄并都儿他卜囊蟒速儿他卜囊古羊我尔六撒户俄眺罕台吉刺叭台吉把秃台吉歹奔阿卜害台吉虎动台吉哈坛把都儿歹牙乞青山他卜能威正他卜能王把都儿及歹成等枝与各部落近在嘉峪关七百里以外声抢瓦刺西去臣恐其胜则乘锐败则乘愤俱不利于我已严行防御外又报抄酋兄弟口称西抢得胜欲收水塘因命各将官率兵马协堵要口彼亦惩石峡口一击之力恳词哀求督臣遣官申谕延镇吉囊差其使画匠等亦来行调兄弟遂将部落置镇夷边外先至镇番昌宁湖边外会其母妻东回套矣母妻部落群然于西即使暂归而马壮复来皆不可必他酋仍散部肃镇边外此原系套虏人去西抢者然也麦力良台吉舍刺乞炭同心而来遂生荆棘又遣官散其党与俱东回套讫其部落尚在肃州一带边外此旧抢肃州者然也以上虏情旦夕纷纭情固叵测而官军防御亦不懈怠且春间督臣振旅三千直部硖口渡河已有先声扯酋已宣谕于帐中恐亦不至猖獗也再照河西诸虏盘踞海上兼之去秋源源来者又不知其几顷令诸虏声势相倚特一时安静耳鸱梟不可以不鸣而谓之孔鸾豺狼不可以不噬而谓之良兽臣岂敢保诸虏之不生心惟有内飭边防使虏常不得窥我深浅外相机变使我有不可测之恩威虚示羁縻实整兵马选将决战明示以威正所以折虏之骄保我之市以固封强也唯 圣明采纳施行议下兵部

○辰时兖州平阴县天无云一星如斗形带火光起东南落西北忽西北震响如雷声一刻方止

○朝鲜国陪臣裴三益等三十五员赴京谢恩赐宴赏给如例

○戊辰总督尚书郜光先乞休不允

○给慎妃父原锦衣卫正千户魏承志祭葬银三百二十两

○敕两京各省文武官凡宫室舆马衣服以至婚冠丧祭之类务遵照合式不得踰制从给事中吴之鹏奏也

○己巳改南京工部尚书阴武卿为南京兵部尚书参赞机务○升山西参政麻永吉为四川按察使陕西佥事原一魁为本省左参议浙江宁波府知府蔡贵易广东右参议徐大任各副使贵易贵州大任广西

○工部题据承运库太监孙顺等题称 上用供用表里服色毡竹门帘一应家火等件及官旗夷人等项合用报足动以百千万计派浙江直隶苏松等府织造纁丝纱罗绫绉布每疋长四丈二尺内膝襴长四丈五尺及袖襴十二个葫芦头长一尺六寸锦每段长二丈二尺俱阔二尺务宜丝缕缜密颜色鲜明花样真正长阔如式腰封填写抚按等官职名内开坐派各色纁丝纱罗绫绉锦布共十二万七千三百十五疋段通抄到部送司案查万历七年内至十年内不过十万七千余疋已奉旨戒以勿再加派致累小民

然已一万八千余疋矣万历十一年至十四年止各省直岁造段疋又欠二万六千余疋今该前因又约费银一百六十余万两新旧压徵实难措办今复以十二万余疋之织造坐派于水旱灾伤地方毋论百六十万金无所从出窃恐困敝之民徒有扶老携幼而窜耳此与 明旨所谓十分缺乏毋得辄题加派致累小民者不相悖乎是内度于内帑外观于地方民情而坐派之举诚可以已矣若谓赏赉浩繁备用宜预则岁造传派所拖欠节年不下四万疋督并通完以佐额解二三年间亦足以支盖与其新派而难完不若徵旧之为便与其重费而疲民不苦省费之为愈伏望前项派织段疋暂赐停止拖欠之数容本部严行催并勒限解完以济急用 皇上将绉丝纱罗绫绉锦布等件大赐恩减山西潞绉尽行停免或俟豊年另题补造未几科臣常居敬亦以为言得旨已有旨减三分之一合用钱粮着所司从长计议派造

○庚午礼部覆南京刑科给事中徐桓奏国家取士必以圣贤理奥发明为佳近来士子忘正雅而务剽窃陋经传而尚佛老难僻子书偶一牵合遂称名家其于圣贤白文大义茫然不知所谓浅学之士多为时刻所惑欲将坊间时文板刻悉行烧毁以救时弊又恐坊间会文切理之文难以一概焚毁惟严禁于后除中试程墨外其时义有子书佛书险僻异怪悉令弃毁而文体正矣 上然之

○辛未升山东副使高尚忠为江西右参政山西副使乔严为本省右参政福建右参政石鸣珂为陕西按察使

○户部题臣惟国家设立钱法参酌古制与银货并行民甚便之故嘉靖金背每五文折银一分万历金背每八文折银一分遵行已非一日两月以来将嘉靖金背悉置不用而为万历金背专用之盖繇富口大贾设谋网利欲贵卖其所积以图目前之饶则偏重行之欲贱收其所弃以规日后之利则惑众阻之钱法不行率是之故也宜严行为禁止 上曰兹制钱依拟通行晓谕务要相兼行使如有阻挠壅遏的着厂卫衙门并五城御史严行缉拏枷号重治

○壬申命修理卿云宫宫在先年为 圣祖发祥之源在今日为 圣灵安寝之所擎柱抱柱蚁蛀朽坏不堪以工部之请故有是命

○癸酉升总督两广巡抚兼兵部右侍郎吴文华为南京工部尚书

○升湖广副使张葑为福建右参政

○甲戌赐永安王府已故奉国中尉华土□敖妻许氏牌坊价银名曰贞烈以风各藩许氏年一十七岁适土□敖家贫未及请封甫二年华土□敖病故无出氏代夫奉姑樊氏一十三年姑病癭瘤十年亲为吮舐侍药敷膏朝夕不怠母兄怜其幼寡几欲夺节氏誓不移姑病笃乃焚香吁天代命至万历十二年八月二十一日姑亡即触棺自缢祖姑李氏亲叔华土□于等多方劝阻竟七日不食死

○乙亥升河南左参议李杜为湖广副使

○户部覆直隶巡按御史孙愈贤条议清边储以祛积弊沿边城堡置有仓廩先因

虏患文官不敢亲临一应收支付之守操任其挽和甚至以谷充米支粮之军受制本官至于上纳粮米又在隆冬以水湿米一遇查盘亏折浥烂仓斗受累议令通判亲自监收非十月以前正月以后不许开仓严禁武官不许干预钱粮从之

○兵部覆陕西总督郅光先甘肃巡抚曹子登题称东虏麦力艮等要挟之后防抚最严见今住牧俱各安静仍乞酌势宣调并议制敌机宜大率谓虏王扯力克三娘子已将麦酋调回止有歹言黄台吉黑劳赤台吉在西住牧俟虏使至镇再行宣谕诸虏果皆移帐东归并止各部不西策之上也纵尔不归意在瓦刺趁牧水草照今安静策之次也倘扯酋等果能宣调诸虏东回后虽不回遵奉约束秋毫无犯事完量请恩赉以示优异如不服大酋之令则惟内饬边防外相机变应抚则抚应剿必剿斟酌行事以保孤镇上曰驭虏事宜屡经督抚官条议着相机着实行毋事空言

○礼部覆太仆寺卿魏时亮题称时议当慎谓法之议也非议之难而难于行法之行也非善始之贵而贵有终我祖宗立法经画于艰难之中博稽逖采糜事弗慎其为后世法程至备也第时移势易不无少俟调停而怀忠竭智之士各出己见纷纷轻议成法矣而当事诸臣虑有异同卒多迁就题覆幸蒙俞允施行其中有法甫立而随弊生朝议可而夕报罢者致使国事纷然所关匪细请谕今后中外臣工凡所建白非真有大识见灼中利病不得摭饰沽名致滋琐渎其部院大臣议覆事体或虚心博访或大集廷议必其言出一人可协天下之公论行之一时足为万世之訏谟方与覆请不则亦须各列是非不必曲徇彼见惟求事理之允当无嫌人已之相形则庶乎法行无弊而纪纲益肃矣上曰可

○丙子升南京工部右侍郎吴善为兵部右侍郎总督两广军务巡抚广东地方
○太子太保礼部尚书兼翰林院学士沈鲤引疾求去不允

○户部覆漕运御史杨一魁总兵怀宁侯孙世忠题一革通漕宿弊以苏运军一委把总长摧以便责成一设总兵公署以省冗费一处运官盘费以杜科扰一免参政入京以速新运命如议行之

○升游击职衔管辽东中固城备御事刘仲文为辽东沈阳游击南直隶福山港把总署指挥佥事裴采为凤阳军门中军都司通州张家湾守备指挥使罗希周为五军九营游击

○戊寅礼部题奉 圣谕施药救京师灾疫即于五城开局按病依方散药复差委祠祭司署员外郎高桂等五员分城监督设法给散随于五月三十日据中城等兵马司造册呈报五城地方给散银钱共散过患病男妇李爰等一万六百九十九名口共用银六百四十一两九钱四分钱十万六千九百九十文五城会齐俱于五月二十一日给散一切病民委沾实惠太医院委官御医张一龙等造册呈报自五月十五日开局以来抱病就医问病给药日计千百旬月之外疫气已解五城共医过男妇孟景云等十万九千五百九十名口共用过药料一万四千六百六十八斤八两相应住止仰惟 皇上仁无

不覆施有所先遂使疲癯之民悉蒙再造之赐即今疫渐消减人遂安宁化愁叹为讴歌易扎瘥为仁寿不惟病愈瞻依实是蒸黎感悦至于给散银钱虽止一次而领药无算计其所费实数倍之不但贫民得生且于平民之家更益普济此 天地生成之仁也报闻

○己卯命礼部刻 大明会典颁行天下

○庚辰户部覆甘镇自万历十二年以来增兵加饷本部议改客盐并清出屯口税拨抵站价等项计银一万三千余两岁增京运七万两比旧额已增八万三千余两又十五年四月督抚郃光先会题洪水水泉峡口镇羌四处共召兵二千名合酌发银一万两暂济紧急后不为例近进图说内兵额减少岁饷增多又往往请发内帑殊非备边久计今甘镇秋青湖草采办重困议将采草军丁酌量减派并各道请加主客军饷共银一十二万九千余两又查草束原额四百二十余万据十四年开除止支草二百七十三万四千二百七十一束既支用不尽不妨就中量减 上是之

○准给密云镇年例银一十八万五千五百六十八两六钱六分四厘八丝八忽蓟州镇银二十二万五千五百八十四两六分一厘八毫六丝四忽俱于太仓库贮折粮银内支給

○先是朝鲜国王李昞以前陪臣南馆失火及方物失盗遣官赴京陈情谢罪 上嘉其忠慎命写敕奖谕仍赏大红纁丝蟒衣一袭彩段四表里

○辛巳大学士申时行等问 上万安

○赐秦府紫阳王谊漈曾祖母继妃林氏祭葬铭旌冥器等项

○癸未升国子监祭酒李长春为南京工部右侍郎

○追犯人余志道陈其第赃仍发回原籍为民志道坐因公擅私科歛其策坐监守自盗也

○甲申大学士申时行等遵旨将辛未丁丑二科进士题名记文撰完恭录进呈御览发工部刻石○总督南京粮储户部右侍郎方弘靖乞休不许

○调浙江副使赵耀为河南副使

○命各省抚按官将未解赃罚银两上紧查催解部济边不许违误

○户部覆巡仓御史傅霈题四事一定门税一增脚价一广船户一严举劾从之

○命临清钞关应徵船料口税自万历十五年七月初一日为始逐年本折兼收一半折色解银太仓其一半本色查照见年事例除七分扣二分外将应解钱钞责令经收库役照数买完每年分为两次解送广惠库交纳凡河西务浒墅九江淮安扬州北新等各关亦照此例

○户部覆工部咨称宁夏巡抚都御史梁问孟奉命修西岔河口横堤及拦沙顺水等堤共一千七百二十余丈准于附近各场积贮年例银那借应用务使河工军需两不相妨

○乙酉调分守蓟镇喜峰口参将抗大才为神枢二营练勇参将升真定车营游击

董承祺为分守马水口参将

○丙戌升左谕德兼翰林院侍讲充王牒纂修官田一儒为国子监祭酒

○旌表孝子韩锡等二名节妇周氏等十二人烈妇贾氏等五人烈女张闇儿等三人从巡按直隶韩国祯奏也

○丁亥调广东副使万文卿为浙江副使

○户部覆礼科左给事中袁国臣等题条鞭之法有司分外又行增派扰民殊甚宜行各抚按查验除小民相安外或有未便于民中间应增应减酌议妥当务求官民两便如有分外复派里甲者听抚按官参治 上曰各处编审粮差于条鞭之外重派里甲系有司任情坏法扰害小民着抚按官严行禁约着实参治不许姑息纵容

○是时京师灾荒叠见六月间风雨陡作冰雹横击大雨如注官民墙屋所在倾颓人口被溺被压颠连困苦至不忍见闻 上命顺天府细查被害贫民每户量给银五钱米五斗压死男妇每名口给银一两米一石压伤男妇每名口给银七钱米七斗务令各沾实惠

明神宗显皇帝实录卷之一百八十七终

明神宗显皇帝实录卷之一百八十八

万历十五年七月戊子朔享 太庙 上遣长随三人于庙门外护视辅臣次日常大学士申时行等奏谢

○以游击管山海关参将事谷承功为蓟镇喜峰口参将

○己丑升江西右参议龚一清为广东副使整饬南韶兵巡分管练兵事务

○吏部覆议行取之期节年或三年一取或一岁一取大率以科道题缺为准科臣杨廷相等念有司久任之劳酌以三年两取至人缺有多寡资俸有浅深又随时斟酌或间岁一行或一岁一行科臣之见与臣等同也又维往时科道员缺以部寺各属选改既惩一二夤缘遂停此举且以有司在外劳苦持以行取优之然部寺各属岂无自有司升者如以京官在内易于夤缘则博士中行等官独非在京者乎夫同为进士何独二甲不可为言官今二甲进士每厌薄知州而计图< 阙 矢见 > 避不过以其无行取之望人将以白眼待之耳使其升员外而又得改台谏人亦何惮而思避也今后科道有缺除照常行取外如有司资俸未及才望相应者少查照旧例以部寺各属间行改除有司资俸深而不遇行取之期即径升部属以待他日科道之选从之

○兵部覆浙江抚按题将标下左游击改管坐营与东营右游击改管西营各事务及裁总捕都司改设守备报可

○以保定总兵标下坐营中军李绳武为真定车营游击

○辛卯赐辅臣及讲官枇杷升河南副使陈荐为江西左参政分守南昌道

○太子少保礼部尚书兼翰林院学士沈鲤再< 阙 足 毓-金 > 乞休不允○暂管协理京营戎政左副都御史魏时亮陈安攘要务十四议京边摘议二一曰置火器二曰重

选练京营摘议一曰京边互练各边摘议六一曰博罗将才二曰实伍优边三曰察险控要四曰广屯召粟五曰招抚归降六曰及时修守贡市摘议一曰严核通官甘肃摘议一曰攘虏绥番昌镇摘议一曰禁扰胎安根本要议二一曰节财庇兵二曰隆德运治 上纳其言戎政边务下所司覆行

○礼科左给事中袁国臣言据户部副册内开岁入三百八十九万余两岁出五百九十二万余两出数浮于入数二百余万矣其匱乏一至于此夫裕财无多术在生之节之而已乞 皇上于非分之请不时之索加意省抑申饬边臣于练兵修堡夷赏诸务不至滥费而又修水利广储积议条鞭崇节俭巡历咨访专责守巡以务生财之实章下所司覆奏 上从其议○壬辰太子少保吏部尚书杨巍再< 疏 金 >乞休不允

○升广东佥事陈性学为本省右参议

○癸巳改敕浙江宁波一府分巡事务专属海道副使兼管其宁绍台分巡道裁去宁波止管绍台二府分巡至于宁绍兵备仍属海道台州兵备仍属巡道各管理从抚按温纯等之请也

○户部题韩王朗铎奏称各宗应得本色禄粮自万历十年起至十五年止共欠银二十九万余两折色自万历元年至今止得二年相应咨查果与奏符行原派西安平凉凤翔汉中庆阳临洮巩昌七府属州县速为催解及查司府库贮有何堪动银两酌量题请补给报可

○浙江巡抚温纯巡按傅好礼会题嘉湖二府白粮船一百二十五只各关徵收钞税及临清带砖费银约一千八百余两议照漕粮事例免徵户部覆奏自万历十六年为始嘉湖白粮船到关躬亲查验米所带土宜止四十石照原题免税放行如数外夹带私货照漕船私货事例以一半入官仍治其罪其过税银嘉兴府于夫车官银减徵湖州府于粮户各免出办至于带砖一节 寿宫用砖方急相应照旧待落成之日每船量减四十块以二百块著为定例苏松常三府各有白粮其免税带砖及减派船价悉照今议报可

○乙未升浙江右参政胡续为河南按察使开州知州金应照为广东佥事

○陕西三边总督郃光先题擒虏卜刺执虏俄大认罪伏罚以军法捆打姑准放还毛大免究巡边达虏按月支給口粮布疋其追获人口头畜查给各主收领罚服马驼牛羊羶皮等物照数变价贮库候赏虏支用未获头畜免追其速可身尸亦给虏领埋兵部议覆从之○周府海阳王府狂男子朝唯诣阙上十事字画差讹句语难读以意会之一曰行门银欲定房制也一曰除民行欲禁官价也一曰审正军欲革顶替也一曰清军地欲防盗卖也一曰治盐法欲禁私贩也一曰清仕路欲杜贿赂之门也一曰添王官欲设甲科长史也一曰藏无经欲禁无为教也一曰除限稿欲无减宗禄也一曰取冤王欲脱宗室睦樞于非罪也得旨奏内有可采者该部看议来说部臣以 上虚怀纳言悉与题覆惟添王官取冤王二事不行

奏行本处抚按简勘 上命抚按勘实具招仍解京问兵科给事中和震言拏解未便恐长刁风 上曰朕哀小民惟恐匹夫匹妇不得其所此本内事情或有冤抑未伸抚按问理未当者特令解京鞫审以示详慎若奸徒越诉自有正律原无偏徇仍遵前旨行

○庚申 上视朝毕御暖阁谕辅臣曰朕见各处奏报灾伤小民不得安生心甚忧悯事有关吏弊切民生者卿等深思详议来行时行等对陕西亢旱江南大水江北蝗<风-几>河南被黄河冲决灾伤重大 皇上圣德方隆岂宜有此皆臣等奉职无状所致 上曰近来有司官贪墨不恤百姓刑狱多冤抚按不为伸理致伤害和气惩贪墨理冤狱是第一事该部院行与在外衙门知道时行对 圣见高明深切吏弊民生臣等不胜仰服臣等窃谓今日救荒之政有二曰蠲免曰赈济 上曰虽是蠲赈有司官多侵充囊橐小民不沾实惠时行对曰有司不才在上官稽察朝廷恩泽自不可已如钱粮出自田地田地既荒即日加槌楚终不能办 皇上若施旷荡之恩大赐蠲免人心方得少安 上曰灾伤须分别轻重使实惠及民 上犹谆谆言有司虚应故事视诏令如故纸时行奏 皇上有此德意有司当不敢违至无田无食之民蠲免所不及者不加赈恤则饿死道路强暴者起为盗贼 上曰有司刻剥百姓百姓安得不为盗贼时行对今湏查各处仓库见贮银谷或散谷或煮粥可救旦夕之命 上曰先生议拟来行时行叩头退○谕吏部都察院曰朕奉天子民惟恐匹夫匹妇不得其所乃者南北水旱灾沴频仍百姓何辜罹此酷罚朕心悯焉不宁守令为民父母以宣上德达下情为职乃者贪墨之吏剥下罔上肥己瘠民或罢软废事炫耀博名侈费伤财阿承取悦朝廷虽有蠲免实惠不及于民其问断狱情每多冤抑抚按官亦不为虚心听理淹禁日久干连多人以致毙狱情尤可矜所以伤和致灾皆繇于此尔部院今后选择守令毋用匪人毋纵不职仍严饬各该抚按官务在惩贪墨理冤狱举察所属有犯必治以称朕计安元元克谨天戒至意一应合行事宜次第修举

○谕户部曰朕见南北异常水旱灾报日闻小民流离困穷殊可矜悯书不云乎民惟邦本本固邦宁若民生不宁国计何赖各该灾伤地方蠲赈委宜亟举但湏分别轻重务使实惠及民尔户部查照累年事例及节次明旨如果灾重去处斟酌起存本折减免分数从优议恤仍查见贮仓库银谷放赈煮粥许以便宜行事灾轻地方止照常格不得混报妄援各该抚按有司毋得玩视民艰壅阏德意

○吏部遵敕题清吏要在惩贪惩贪要在核实以后举劾专责抚按司道不得依违致乖公论得旨前屡旨责抚按司道官督察有司近来举劾多未精核吏治何繇而兴今后尔部还着实查访有未当者指名参治各处开造属官贤否年终报部查复旧<□□矢见>行

○户部遵敕题蠲赈事宜得旨各处灾伤地方巡按御史着实勘明分别轻重上紧具奏蠲恤事宜照敕谕行

○都察院遵敕题申饬抚按专督监司事宜得旨抚按官滥寄耳目致司道体统陵

额稍减于前官然时势不同于往日委无赃私可以指摘第以天时人事适有参差如各省之采木四川之用兵则荆关本年税额殊不可执以为例者惟在奉差诸臣洁已奉公便民勤事得旨杜伟准复职各关抽税比旧数短少者或本官侵克或关防太疏纵容下人作弊俱属不职以后严加考核分别议处○诏免山东被灾州县民粮折被灾卫所屯粮轻重有差无粮贫民免丁口盐钞停徵登州府属带徵未完万历十三年存留麦米四万五千二十七石三斗零草钞银一千三百五十八两九钱零宁海靖海太山三卫所带徵万历十二年屯粮三百五十四石四斗零大嵩靖海宁海海阳寻山金山大山七卫所未完万历十三年屯粮八百八石八斗零待豊年完报官吏师生俸廩军士月粮听于题留解部二分民屯支剩银内通融凑补被灾六分以上小民准予各属库贮存留一分备兵荒民屯银内动支随宜賑济其十五年起运夏税照旧徵解

○工科都给事中常居敬等题开封等府狭州灵宝等州县自七月初十等日霪雨黄河泛涨冲决堤防漂溺人畜乞敕河南山东凡有河道地方除管河副使专理外各守巡道照所管地方分工督理卷扫筑坝补隙塞决明立赏罚昼夜并工务俾安澜无貽漕患工部覆奏从之

○乙丑 孝康敬皇后忌辰遣武平伯陈如松祭 泰陵

○巡视京营科道苗朝阳等条议设教场以练官兵重捕官以责实效议赏功以示激励核马匹以实营伍章下兵部覆行

○丙寅赐辅臣及讲官杨梅

○以 万寿圣节赐辅臣申时行许国王锡爵及讲官朱赓等银弊有差

○调大同入卫游击许守诚为管理保定巡抚标兵兼坐营游击

○户科给事中李廷谟奏往者松潘大举选将练兵如林之士非不足用第募兵所习者行伍成列而不闲于升阪走峻惟土兵生长箐峒视险如夷蜀之制夷兼用汉土势则然也全蜀土司错置森列苦播州酉阳天全诸种号称忠勇松垒荡平曾用其力今当失事仍宜调而用之川蜀三面滨夷钱粮存留司库者甚多窃计松师所费不过数十万今所余尚数倍也但值债败浪费之秋輒尔请饷不免顾忌抚镇有是心而不敢持其议皇上诚叮咛而责成焉则其任事之勇当有倍于前建寇不足平膩夷不足创矣章下兵部议覆从之

○诏免河南被灾地方今年站银有差即将各府节年积剩驿传银两抵补

○命公侯伯见袭未任事者及应袭年十六以上三十五以下者总协教习弓马策论才行可录者科道特荐见袭者即推任事应袭者授勋卫其原经荐授勋卫未推用者一体酌用管事未经教习者勿得推用应送不送者薄罚禄米示惩从协理京营魏时亮之请也○丁卯祭 先师孔子遣吏部尚书杨巍行礼

○顺义王扯力克并妻忠顺夫人三娘子进表文及白马九匹以嗣封礼成也 上嘉其诚顺赏赉有差

○顺义王扯力克送辅臣申时行等及兵部尚书王一鹗各马一匹 上命受之

○命礼部会同翰林院取定开国至嘉靖初年中式文字一百十余篇刊布学宫以为准则

○兵科都给事中顾九思等言顷自扯酋嗣封说者谓可数千年无事臣窃惧其知燕雀之安而不知桑土之撤也盖自治莫先择将择将莫先大帅近如蓟永总兵张臣年向衰颓事多首鼠保定总兵陶世臣夤缘得志一筹莫展他若建牙父母之邦者虽称世将而纵宗族亲党暴横乡里伏钺濒海之区者虽无显过而走兼金文绮结纳权要又维国以择将为先将以恤军为要将吏谓虏且议款无所事兵悍者养之日至于骄而有尾大之势弱者剥之日至于疲而有鹄立之苦士卒安得不逃亡行伍安得不空虚也夫国家承平日久尺藉宜倍而视原额多不及半且东虏三卫与东西板升徒聚耕牧者皆我黔首甘为虏用彼何乐去其乡哉实将吏为之殴耳乞将各边大将分别调处通行各督抚镇官约束将领严立法制培养士卒一切繁苛刻剥之事痛行蠲革章下兵部议覆张臣以处置大嬖只猛可真等功姑令策励供职陶世臣革任听调余如议

○戊辰祭 太社 太稷遣公徐文璧恭代

○命翰林院修撰扬起元编纂六曹章奏

○辛未升陕西右参政李琦为湖广下江防道兵备广东韶州府知府蒋思孝为云南副使管屯田水利

○是夜月食

○壬申以中秋节赐三辅臣上尊珍饌

○以山东都司佾书汪宗尧为大同入卫游击

○癸酉升山西佾事杨时宁为陕西口确道右参议

○甲戌 万寿圣节 上御皇极殿百官行庆贺礼赐辅臣等上尊珍饌有差

○遣侍郎孙丕扬祭京都 太仓之神

○丁丑月掩犯毕宿大星

○以湖广道御史张治具为江西副使整饬赣州兵备兼理分巡岭北道河南道御史杨有仁为湖广佾事整饬武昌兵备户科给事中朱朝聘为山西佾事分巡河东道带管隰州兼理兵备

○戊寅都察院左都御史詹仰庇陈御史出巡事宜曰倚重监司谓御史不得属视监司凡守令之不肖者令得便宜纠劾以共成宪体曰分道巡历谓责成御史令守巡二道每岁巡历该管地方二次则吏治可睹曰审取官评谓考语宜责司道守巡府州县正官开报不必专任推官曰委任府佐谓同知通判皆可择贤而用一切查盘差委不必專屬推官曰督责县令谓举刺奖戒毋宽甲科而刻举贡曰整饬纪纲谓如留茶留饭宜有等差不得于常礼有加曰详慎审录谓案临会审必从容细阅使罪人尽言执辩不得拘审日完事以致疏略曰亲审词状谓放告日期务进赴告之人当堂亲审不必令推官先

审应否准行任其去留曰拏问官员谓遇贪酷官员除司道知府另行参提外其余先行勘实定拟然后请发落曰严禁访察谓御史亲受词讼虚心咨访则奸恶毕见或拏问批问自足行法无待访察且令省窝访之弊曰躬行节俭谓庆贺宴会过宾交际宜加意节省曰爱民实政谓御史宜悉心体访不分甲科举贡果无爱民实政一例严行惩究曰致虔典祀谓坛宇仪物宜督有司虔举以安神福民曰申明职掌谓巡抚应行事宜止具文巡按知会倘有不公不法听其纠劾而已今则互相和同事多兼管有司两行申请致批详不一遂至停阁宜遵会典檄示所司毋得混累 上以所奏有裨风纪命都察院议行今后巡按御史敢有任情行事不遵宪纲者该院从实查参于回道考察之日分别议处

○己卯 宪宗纯皇帝忌辰遣伏羌伯毛澄祭 茂陵

○遣侯吴继爵祭 夜明于 夕月坛

○庚辰户部覆南京户部尚书王友贤题今岁江南米价腾踊议将各卫武职官员本年八月折布俸粮比照先年事例改放本色候丰熟之年添折一月以补前数报可

○户部覆四川道御史刘应龙题将万历十五年被灾州县钱粮除蠲免停徵外如应徵五分者已完三分即作六分已完五分即作全完其完不及数者照灾疲事例减等参罚至于查盘止发大奸巨恶如侵欺埋没等弊其湮烂亏折情有可原者责令照数陪偿不许一概拟罪至于各该抚按节次未完考成事件凡系催徵拖欠带徵钱粮者姑准宽免报可

○山东巡抚李戴题将万历十二年正月日起至十四年十二月终止积谷过额如额知府等官李伯春等二十三员分别奖劝少积四分以上知县郑汲县丞褚伦各夺俸三月户部覆奏 上是之仍谕各处积谷三年总计查参题有定例今止山东奏到其余省直有无及期户部开入考成听该科查参毋得隐漏○以蓟镇东路副总兵杨绍勋为保定总兵官

○调宣府总兵官董一元为蓟州永平山海等处总兵官

○兵部题覆蓟镇督抚张国奇等题称贼夷小阿卜户等先仗酋妇猛可真部夷节犯墙子岭黑峪关杀虏军夜近经该路将官擒质夷人二十三名猛酋悔罪献还华人八十余名又献真夷六名要挟执夷人内大嬖只下五名原非作歹先行释放猛可真下一十八名内摘出一十二名并抵献六名皆系厮奴俱先释回止留紧关头目六名勒令轮番更替以为羈縻总兵官张臣等优叙纪录史宸杨继祖各复职听用管事报可

○以扯酋嗣封礼成加宣大总督郑雒太子太保先荫锦衣升一级仍赏银四十两纒丝四表里邓林乔许守谦升俸一级还与胡来贡萧大亨沉子木各赏银三十两纒丝三表里胡来贡仍遇缺推用麻贵等十七员赏有差王崇古竭忠首事三封告成功劳难泯原荫锦衣世职着升袭一级有司以礼存问本兵区画有劳王一鹗赏银三十两纒丝二表里杨俊民十五两一表里该司即中银八两

○辛巳赐大学士王锡爵给价调理仍酒米等物

○南京兵部尚书傅希摯乞休不允

○兵部题覆本部左侍郎杨俊民咨议大峪山做工军夫数多要将在营副将六员分为三班大峪山一员大石窝一员各以歇操之日轮流查点催督半月一换山东班军行令连工三月中都河南班军一月一换各军应给粮银本部专管司官随工给散报可

○原任蓟镇总兵张臣以原官铨注左军都督府佾书

○以前军都督府佾书新建伯王承勋兼管理红盔将军

○壬午祭历代帝王遣公徐文璧行礼

○癸未升户部贵州司郎中赵范为浙江副使整饬温处二府兵备兼分巡

○除授庶吉士舒弘绪为吏科给事中

○以巡捕提督李如松为宣府总兵官

○以山西副总兵麻承恩为蓟镇东路副总兵官

○乙酉吏部尚书杨巍等题去年奉旨行灾伤省直抚按官将不职有司量行议处至今未到合无再行抚按官督令该道亲诣所属州县考核掌印正官其于一切荒政能否修举如有年力衰颓才识昏暗及恣肆怠缓不恤民瘼者或应休致调简改教从实开报至于督责倡率全在该道诸臣或有年力近衰才猷未称抚按官亦择其甚者一并议处通限一月内具奏仍望 皇上严谕抚按官行令该道有司将臣等所言救饥民防乱民者如何调停撙节区处如何申明缉捕修缮团练凡可以兴利除害思患预防有臣等言所未及者务着实修举勿事虚文 上从其议

○工部题将节慎库事例银两另雇炉头量行添铸专济大工每月一次约钱二百万文解发工所候工有次第夫匠数少即行停止报可

○ 上以大工繁重钱粮不敷命兵部于太仆寺南京工部于苇课等银各动支三十万两协济从工部尚书石星之请也

○丙戌南京户 给事中吴之鹏奏称西北陕西山西河南等处连年旱灾陕西为甚意将户工二部事例照旧许令附近地方米谷麦菽随便上纳再令有力囚犯纳赎备赈东南太平宁国苏松常杭嘉湖等府所在水灾议将见年起运钱粮蠲免一岁以苏民困户部覆议蠲免事宜候各巡按勘报至日酌量轻重另行议覆工部事例原为大工而设前因关中灾甚虽借开一年今大工用银方急相应停止其户部事例山狭二省舟楫不通口贩罕至姑准再开一年至于杂犯以下纳赎律有明条相应依拟纳米谷备赈但死罪准赎减等不可为训似难准从 上是之

○南京江西道试御史林可成奏江南江北恒旻恒雨俱被重灾议破格蠲赈及陕西连年旱甚无粟可余乞发临德二仓余粮转运接济户部覆议浙直等处见将税粮停徵候各巡按核勘至日酌量蠲赈陕西荒以继荒斗米二钱委宜发粟接济但临德二仓之米去岁两次俱以发尽且六月以来据报雨泽沾足秋成或有可望其见在余米银两仍行抚臣照依原议酌发有收地方余买接济报可

明神宗显皇帝实录卷之一百八十九

大明神宗显皇帝实录卷之一百九十

万历十五年九月丁亥朔日有食之云阴不见

○以左军都督府佥书都督佥事史纲提督京营内外巡捕副总兵管宣大军门中军事朱永祚为山西老营堡副总兵

○革西宁游击王铁块任提问以达虏入犯疏玩失事也

○己丑山西蒲州安邑解州同日地震声如雷

○升河南汝州判官赵卿为南京太仆寺寺丞卿以御史奉旨迁谪至是升今官

○云南巡抚刘世曾以入言求去不允

○南京湖广道试御史陈邦科陈救荒五事曰酌议折兑曰通行借留曰严禁遏余曰核实分赈曰破格蠲免仍乞 皇上躬节俭汰糜费无益者罢之不急者止之未甚缺者停之派有余者减之章下户部议覆改折漕粮破格蠲免候各按臣勘报酌议遏余之禁应行申饬备留漕粮除山狭舟楫不通难以轻议外河南及新运经行之处俱有漕粮今既请被灾州县暂从改折即所谓不留之留也又将运到漕粮中途借留大损岁漕之额且与其留各省运到之粮不若留本处应运之粮从而改折之便分赈以银不若以粟诚为确论但临德两仓上年支放已尽合于遇灾地方随宜设处及无碍官银给脚价赴有收地方余粮以赈饥民从之

○以灾伤重大各省直暂免行刑

○庚寅 孝恭章皇后忌辰遣武定侯郭大成祭 景陵

○朵颜等卫夷人阿里麻等一百四十九员朝贺冬至赐宴赏如例

○辛卯朝鲜差陪臣朴崇原等三十三员进 万寿圣节表文礼物赐宴赏如例

○大学士王锡爵引疾乞休 上慰留之○都察院左副都御史魏时亮陈吏治转移全在举劾道府官宜岁一按行所部亲察贤否 上闻从之

○两淮巡盐御史沈权条陈盐法四事一审查消长以便有司分派年久户口有生耗河道有变迁宜行查审量为曾减务不失原额总数仍行仪准二盐所每年照数拨口往卖以后年久迭为消长不妨再为审派一儆虚搭以便小灶灶户全靠纳剩火盐易米度日乃口人夤缘为奸虚报搭单复验影射不行承买遂致小灶无所聊生要严禁巡司不许虚搭并行桥坝委官置验讫私记于放过船只逐包印记仍令淮南自仪字六百三十七单淮北自淮字三百三十八单为始其名引名之盐不许分堆别垣每堆前立一小水牌填写某单第几名的名引名某人盐若干引每垣后立一总牌办验巡盐御史每年选委廉能官员查盘一次以前上堆者亦如前式临掣之日下堆委官验放一革银匠以便内口议自万历十五年秋季余银为始以原额炭硝工食银八分退口听其雇匠自倾依期自纳每锭务足五十两五钱仍选殷实银匠二名验看足色解官即收不许刁难一改单盐以便铺口议自十六年为始量减引目扬州府止派一千八百引淮安府止派

一千二百引责之桥坝委官淮南淮北每单各抽盐三百引一年共足三千引注簿明白令口上堆运司移文二府金报殷实铺户纳银给票运回折卖其每引原价二两六分三厘令铺户增银一钱买之铺户每斤本银四厘食户增银五毫买之不敷仍以捉获私盐凑补每斤三厘不与单盐同价庶口民俱便而陪累夹带之弊可免矣户部议覆从之

○户部覆蓟镇督抚张国彦等会咨各仓米豆春防坐支将尽专望额徵民屯本色以为秋防之用今忽遇水灾民屯钱粮多应减免议照上年事例预发本镇十六年年例银二万两酌量余买本色并与盐粮及折色相兼接济其银即于下年年例扣除报可

○以管理义刀团子手永康侯徐文炜兼左府金书

○壬辰河南宗室勤口火几昆口伏诛焚其尸以杀嫡母及父妾也

○癸巳降庆成王府辅国中尉新走口求为庶人以越关来京也

○甲午永昌卫地震凉州天鼓鸣地震

○吏部题钦天监太医院及太常寺寺丞以下并文华武英二殿制诰两房带俸等官有九年考满官阶已尽例应升俸者则其所升之俸即其所任之官降俸级另行扣算毋得混引不拘升俸之说朦朧通考著为令

○寿宫明楼石碑角柱安竖遣官行礼

○以五军二营练勇参将张元实管理宣大军门中军事务

○巡视南京营务礼科给事中朱维藩奏兵防六事一重营卫之选一严捕逃之责一修保甲之法一均粮赏之惠一革役占之弊一苏工役之累章下所司覆行

○乙未午时 皇第四子生礼部上称贺仪注一本月十一日早 上具吉服以皇子诞生告闻于 奉先殿一是日 上御皇极门文武百官各具吉服鸿胪寺官致词称贺行五拜三叩头礼一文武百官自本月初九日始十九日止俱吉服朝参办事

○以重阳节赐三辅臣上尊珍馐

○原任巡抚保定右金都御史今升大理寺卿贾三近乞休许之○山西恤刑员外郎黄克缙言岁饥民穷无知犯法乞将三年以内犯罪饥民斟酌情法开自新之路以昭朝廷浩荡之恩 上以被灾贫民已加轸恤若以饥荒为名肆行劫夺岂得轻纵以长乱萌

○丙申 上取光禄寺银二十万两

○以 皇子诞生赐辅臣讲官花弊有差

○泰宁等卫夷人同陆忽思等一百二十七员贺 万寿圣节赐宴赏如例

○丁酉以 皇第四子生 上御皇极门百官行庆贺礼旋赐辅臣讲官银弊有差

○戊戌以提调宣府南山参将李蕡实调补五军二营练勇将军

○己亥升光禄寺卿孙籛为大理寺卿补原任刑科给事中陈璧为礼科

○户部覆礼科给事中侯先春陈苏松常嘉湖五府白粮四事曰定囤房给剥船革杂用责歇家从之

○以永昌参将李魁为副总兵管西宁参将事游击何崇德为参将仍兼游击事分守永昌

○庚子河南道御史傅光宅言将途当广将体当存将权当重将过当量又荐原任总兵戚继光左府佥书张臣副总兵郭英 上以继光会经论劾下科看覆夺光宅俸二月

○辛丑改南京太仆寺卿周世选为光禄寺卿

○兵部覆蓟辽总督张国彦题通州城周围共长一千七百六十八丈二尺除量行剝修不议工科外实应折修补修者共用银四万一千五百四十二两五钱九分四厘查将户部口税船价银一万五千两兵部马价银七千七百四十两为修城之费尚少一万八千八百余两听抚按多方计处合用通津营军四千名免上边差操合用米二万一千六百石于通仓支給限十六年三月兴工报可

○壬寅户部覆浙江巡抚滕伯轮巡按傅好礼各题灾伤重大乞停织造折漕粮留盐课预赈恤等事相应依拟惟盐课赃罚系济边正项难以准留 上是之诏民屯钱粮应停免改折者俱如议以苏民困

○镇守云南总兵官黔国公沐昌祚请设中军 上以非 祖制不许

○癸卯升湖广左布政使王湘为南京太仆寺卿

○诏陕西山西被灾民屯钱粮蠲折有差

○以河南都司掌印署都指挥佥事蓝汝忠为提调宣府南山参将

○甲辰以撰仁寿寺护敕赐辅臣银币有差

○以分守思仁道移驻思南府改拟兼管抚夷并兼制播州夷司地方将分巡思仁道移驻铜仁府添入兼抚苗照旧兼制镇筸平茶酉阳等处地方将平清二卫改属思仁道兼制偏镇二卫仍属新镇道管理

○以湖广右布政使陈惟直补左布政使○以皇第四子生谕知宗藩御书礼物付王府进表人员顺赏

○工部题见贮戊子库堪用盔甲各二十三万顶副盔甲王恭二厂堪用盔甲三万七千顶副积贮尚多连年各省灾荒钱粮难徵议将预造盔甲暂行停止 上命减半成造

○乙巳户部覆户科给事中彭国光题查参有司积谷 上以积谷本为备荒先年设法查参既称不便及减数宽限又说该每年查参议论繁多法令数易岂成政体今后各处积谷着抚按官每年查数报部仍遵前旨三年类参有全无积贮及虚捏要名者重治

○夺土酋安国亨飞鱼服命戴罪立功初国亨报献大木遂行赏赍至是查验无实故夺之

○丁未霜降节遣武定侯郭大诚隆平侯张炳豊城侯李环泰宁侯陈良弼宁晋伯

虞难以姑容而惩一戒百应从酌议将张君恩赏进忠俱革去管事与杨国相重加罚治陈善道罚俸二月歹酋妻妾部落姑免追罚牛的一个等六名质留在边宣谕歹酋之妻使知格斗兵端原自虏起如诸酋输情伏罪牛的一个等以军法捆打许放生还如以复讎为名敢于跳梁作歹即行梟示边关其火酋二使脱谷大博思痛念彼酋王有功姑许捆打释放今火落赤等酋盘驻海上时为窥窃尤当万分戎严如按臣所谓无事为有事之图有事而享无事之利此诸臣所当惓惓在念者 上从之

○乙卯内阁传 圣谕朕前以卯初起御门一时头目晕眩因暂免朝讲数日静摄服药兹当孟冬时享 太庙遣公徐文璧代其陪祀官员慎加敬肃卿等可传示彼知非朕敢偷逸恐弗成礼

○是日文书房官口传 圣旨河道岁用多少钱粮如何常有淤阻沿河该管官曾否开报着工部查职名来看工部列名以奏得旨近年河道安流该管官不无懈弛间有淤浅亦不即行开报< 硃 金 >浚致有阻滞仍通行严饬有怠玩误事者该部科指名参奏

○礼部尚书沈鲤以疾乞休不允○户部覆顺天府府尹周继等题称宛大二县铺行税契银两奉旨减免所入不足以充正额议将今次变染绢布包里等费银三千一百零八两查照十四年事例仍暂于本部处给仍将宛大二县铺行税契银两清查议处务使一岁所入足以供一岁之用 上是之

○以参将管宣大总督军门标下抚夷事马应时为肃州右参将

明神宗显皇帝实录卷之一百九十终

明神宗显皇帝实录卷之一百九十一

万历十五年冬十月丙辰朔享 太庙

○ 上御皇极殿颁明年大统历

○丁巳礼部上 皇第四子翦发仪注一前期 上择内夫人之敬慎者使为师姆及慈姆保姆以奉 皇子翦发是日早师姆抱 皇子于寝宫翦发为髻留羈如礼一是日 上具常服御便殿升座 皇后率 皇贵妃各具服朝见行四拜礼毕 皇后侍立东面 皇贵妃中立师姆抱 皇子出自寝繇西至殿内授 皇子于 皇贵妃内赞奏曰 皇贵妃敢用吉日祇见 皇子 上降座而抚之 皇贵妃左还授 皇子于师姆还寝 皇后复率 皇贵妃仍行四拜礼一是日 皇后率 皇贵妃见 皇子毕随具服诣 慈庆宫朝见 圣母仁圣懿安康静皇太后行四拜礼内赞奏曰妇 皇后王氏率 皇贵妃郑氏今日弥月吉期祇用朝见 皇后 皇贵妃仍行四拜礼毕随诣 慈宁宫朝见 圣母慈圣宣文明肃皇太后礼同前行礼毕各还宫 孝洁肃皇后忌辰遣伏羌伯毛登祭 永陵

○工部题今岁霪雨异常都重二城坍塌数多请次第修理 上命各巡城御史就近监工

○壬戌升山东东昌府知府萧应宫为陕西副使山西右参议夏良心为浙江副使

○四川巡抚徐元太题剿处建昌祠槽越嵩黑骨等夷自十四年十二月初六日起至十五年七月二十八日止擒斩功级并俘获幼男妇女共二千八十六名颗口夺回被虏军民男妇五十名口招安过投降夷猱大小西番约三十余名口夺获器仗一千九百余件牛马猪羊六百一十余头只烧毁夷房一千五百余间见监恶犯大老虎必他等审决梟示下兵部覆○南京礼科给事中朱维藩奏蠲恤赈济八款一汰浮冗之征一裁供亿之费一苏里甲之累一约关税之数一广储蓄之途一议远余之令一倡义助之风一申赈粥之法章下所司覆行

○诏顺天广平大名三府被灾州县钱粮徵免停补有差

○户部覆甘肃巡按御史徐大化题将临巩府属被灾二十一州县量免起运通计起存共该补银七千九百八十九两五钱八分零查有临巩二府见贮布政司库余米银一万七千二百两准予内支补其免剩应徵粮草及设处银谷赈济等事悉依议行报可

○北虏顺义王扯力克进表文鞍马弓矢河西套虏都督同知卜失免阿不害刺麻番僧觉义答赖等各贡马○以大宁都司佾书姚国忠为宁夏兴武营游击

○癸亥以撰仁寿寺碑文赐辅臣银币有差

○甲子升南京贵州道御史党杰为山东东昌府知府

○升陕西佾事冯子履为山西右参议遇防秋移住忻州

○河东巡盐御史李尧民题动支盐丁赈济旷役银修筑池墙报闻

○都察院左都御史吴时来等题台差复命之规除丁忧被论遵旨不许举劾外遇有养病升迁等项在地方十月以上虽地阔事繁巡历未周其官吏贤否司道册报者业已三季则闻见宜真或半年以上未及十月然地狭事简巡历已周或完及八九分者俱许一体举劾及惟近年御史在差告病者数多虽间有不得已之情而一方政事废弛亦多其在巡按前差一年以病无举劾而后差须二年方得举劾则三年间不惟铨司无凭去留而在外清浊何所激扬乎若十月以上无举劾及连二差俱以病告不复命者纵有苦怀亦涉推避回道之日以举劾有无当否考其称职与否报可

○改湖广巡抚副都御史孙坤为南京别衙门用广西按察使屠元沐与左布政使职衔致仕四川按察使麻永吉浙江副使令狐一槐衡州府知府许倬各调简四川副使霍维荇陕西右参政张孔修宝庆府知府胡榘寻甸府知府赵文明各致仕从给事中杨廷相奏也

○丙寅命陕西西安府水利厅清军道管理凤汉延平临巩各守巡兵道就近督行各官职衔增减管水利四字各府清军同知通判亦兼管水利事务

○以灾伤免派江西纸劄银一万三千八百二十九两四钱于工部事例银内扣留造办

○丁卯兵科给事中吴之佳< 銮-金 >论戎政尚书傅希摯衰老 上以希摯

屡经会荐以清望起用近疏引年已奉旨慰留方来到任輒便论劾不谙大体姑不究

○礼科给事中陈璧言卿贰大臣引年乞骸者其说有四或高蹈远引或度可知难或揣精量力或忧逸畏讥宜甄别年力宜休致者休致以优耆硕而全末路疏下吏部吏部尚书杨巍覆奏引年诸臣皆向来废弃之人因台省交荐起用概令休致恐非 皇上用耆旧惜老成之初心不若听科臣细加甄别指名论奏倘科臣用意忠厚不肯指名望皇上许诸臣自陈又虑诸臣风节自励去就不苟令其自陈不去不止章奏纷然有烦圣听至于年力惟臣最衰才品惟臣最劣则第一不可留者 上以大臣进退出自朝廷各官先经科道会荐以宿望召起及遵例引年俱奉旨留任何必又行甄别大臣能纯心为国修职奉公正是臣节若但洁身为高自图安便国事何赖卿巍首安心供职各官都不必自陈先是大学士王锡爵两疏乞休 上谕留之于初十日廷见至是复言甄别年力才品择所宜去请自臣始 上曰卿辅弼重臣不与别衙门比朕特召深知勉留敦谕宠待亦自不同岂可专事洁身忽然求去宜即去辅理以副倚眷至意慎勿又辞

○诏保河二府被灾民屯钱粮蠲抵改折有差

○命河东巡盐御史将积欠盐课并未缴引目查明具奏○以扯酋嗣封效顺命效劳夷人也卒大儿倘不浪等三十一名准量授百户番僧答赖准升朵儿只唱名号仍给敕命图书僧徒把汉忽同兔等三名各量授都刚仍各给敕命一道忠顺夫人女竹根大儿阿不害照例给赏河西套虏阿害扼不能准袭伊父指挥同知猛克力库拓不能准替伊父指挥僉事顺义王下刀儿计台吉准袭伊父指挥僉事威宰生恰准袭伊父副千户修贡虏王并各枝虏官夷使及出马未授官夷番僧各照例给赏切尽妣吉照伊夫切尽黄台吉例给赏

○都察院左都御史吴时来等申明律例未明未尽条件一律称庶人之家不许存养奴婢盖谓功臣家方给赏奴婢庶民当自服勤劳故不得存养有犯者皆称雇工人初未言及缙绅之家也且雇工人多有不同拟罪自当有间至若缙绅之家固不得上比功臣亦不可下同黎庶存养家人势所不免合令法司酌议无论官民之家有立券用值工作有年限者皆以雇工人论有受值微少工作止计月日者仍以凡人论若财买十五以下恩养已久十六以上配有室家者照例同子孙论或恩养未久不曾配合者在庶人之家仍以雇工人论在缙绅之家比照奴婢律论一律称伪造诸衙门印信者斩惟铜铁私铸者是已故斩若削木磨石团泥镕蜡等项描画印文用力雕刻其篆文虽印其形质非印也不可以谓之伪造故例又起描摸克军之条以后伪造印信人犯必须获有铜铁印信方坐以斩其木石泥蜡如刑文虽全覆试虽同者止引描摸之例如虑不置重典则伪不止合无描摸者引例问发若再犯拟斩其行使止一次而赃不满徒者准窃盗论如再犯引例三犯引律如此则奸伪惩而用刑适中矣一律称窃盗三犯者绞以曾经刺字为坐但赃有多寡即拟有轻重问刑条例内载 英宗皇帝圣旨今后窃盗初犯再犯赦后又犯的准三犯论还将所犯赦前赦后开奏明白定夺以后凡遇窃盗三犯俱在赦前俱

在赦后者依律论绞或赦前一次赦厚二次或赦前二次赦后一次者皆得酌情拟断奏请定夺审录官附入矜疑辩问< 〇〇〇 钰-金 >内并与改遣一强盗明火执杖肆行劫杀创首者在前接踵者在后按赃拟辟决不待时但就擒论罪之时有人赃并获者有获后得赃有赃费无存者其中岂无罗织讐扳妄拿抵罪者乎以后务加意参详赃迹未确续缉报扳名姓未真者不得遽戮仍行问刑衙门或赃证未明遽难悬断者俱问拟秋后斩罪一律称同谋共殴人以致命伤重下手者论绞原谋余人各得其罪其有两三人共殴一人各成重伤难定下手及系造谋主令之人遇有在监禁毙者即以论抵今恤刑官矜疑题藁内有发配发落之后在家病故且在数年之后即云某人之死亦可抵某人之命将见监下手之人拟从矜宥是以病亡之躯而抵殴死之命殊属纵滥以后毋得一概准抵将见监者幸免庶生与死两无憾也一在京恶逆与强盗贡犯虽遇停刑之年亦不时处决乃凶恶至于杀父即时凌迟犹有余憾而在此类反得迁延岁月是谓失刑臣看福建有揭罗生兄弟谋杀其父杀后将首领皮肉线缝涂以七人不觉心寒毛竦发道送寺拟可单奏追查之故事当待类奏无单奏例夫单奏急词也类奏缓词也如此狱在外数年方转详到院道寺徘徊辄复年余使其在狱尚可正典刑如或瘐死将何以快神人之愤哉合无今后在外凡有此者御史单详到院院寺单奏决单一到御史在处或分巡住劄处即时处决其死者下府州县戮其尸庶典刑以正而可以惧天下之贼子矣得旨律例未尽条件还会同部寺酌议来看

○戊辰都察院左都御史吴时来等言科臣甄别去留之义以七十致仕执礼之训为据詎知老成人国之典刑亦诗之训乎科臣未言诸臣章已数上今科臣有言岂能靦然一日安于位哉昨吏部尚书杨巍兵部尚书傅希摯刑部侍郎陈瓚翩翩< 〇〇〇 钰-金 >上矣南京礼部尚书姜宝不蘄而< 〇〇〇 钰-金 >至乞 皇上特发纶音明朝廷所以向用老成之意仍宣谕数臣勿以微言遽坚去志且去留惟贤不肖何如耳不必以年拘也如其贤虽老宜留如不贤虽未老宜去臣等年虽未及七十而精力先衰且素望猥劣不及诸臣远甚乞将臣等三人即赐罢去庶乎幸位去而贤路开矣 上是其言仍以朝廷任用老成共图政理去留进退朕自有主张卿等各安心供职

○调云南按察使丘浙于广西

○以湖广右参政蔡国珍为四川按察使分巡下川南道云南副使陈学博为甘肃行太仆寺卿兼佥事礼部仪制司署郎中事主事丁汝谦为四川副使整饬安绵石泉等处兵备户部陕西司署郎中事主事李丁为陕西副使分巡陇西道○以万历十四年延宁甘肃三镇贡市告竣赏总督郃光先及文武各官银币有差

○周府胙城王府无名封宗人小长哥以糾众上盗押发高墙

○庚午起原任南赣巡抚右佥都御史邵陞巡抚湖广

○以万历十四年辽镇各路将领招徕降夷赏李城梁等银币有差

○工部题 寿宫开纳事例从之

< 〇〇〇〇十见 > 事例期限以破开纳之格开纳事例非为备荒而设近因陕西旱灾抚臣议将二部开纳事例俱令本省输粟备赈限十五年终停止今抚臣复议再行一年准工部咨称大工用银正急难从宽限系本部者准再行一年至十六年终停止 上从其议

○癸酉 诚孝昭皇后忌辰遣新建伯王承勋祭 献陵

○升司经局洗马管国子监司业事盛讷为右春坊右庶子补充 玉牒纂修官

○四川杂谷按抚司都纲番僧板伽监藏等贡方物给赏如例

○甲戌以视写延庆长公主金册赐辅臣申时行等银币有差

○乙亥大学士申时行等题国家运道全赖黄河河从东注下徐邳会淮入海则运道通河从北决徐淮之流浅阻则运道塞此咽喉命脉所关最为紧要先年河尝北决张秋决金龙口等处皆命大臣往治夫役钱粮动以数十万计然后成功嘉靖以来河之冲决多在徐沛以南自朱衡开南阳新河潘季驯塞崔镇筑高堰以后河道安流粮运无阻故近年以来惟见下流之通而不虞上流之害河南一带地方修防疏弛堤岸卑薄者间亦有之今年河流散漫自开封封丘偃师等处及直隶东明长垣地方多有冲决失今而不治明年河水再至势将北徙正流不下徐淮则运道甚可忧虑此不可不亟为之图也查得先年设有河道都御史凡河南山东南北直隶河漕经行之处皆属统辖近来裁革此官分属各巡抚管理责任既分事权不得归一今黄河冲决多河南而余流所及又在直隶若冲安平曹濮又在山东各该巡抚虽已委官相视画地修筑然或彼此不相照应万一推诿必致误事臣谓河道未至大坏不必复设都御史但差风力老成给事中一员往河南等处踏看冲决处所稽察各该管河官员就便催督兴工各处钱粮会同巡抚官随宜调发期以初春起工夏间毕事即伏秋水发河流不至北徙徐淮以下自然安流而运道可保无患矣是日传谕工部朕闻河南等处地方黄河漫流先年旧堤多被冲决即今曾否修筑未见奏报着各该抚按官督率管河官员用心经理还选差风力老成给事中一员前去各该地方踏看并催督工程如有怠玩旷职推诿误事以致妨害运道者即指名参奏拿治

○兵部尚书协理京营戎政傅希摯以人言屡 < 〇〇〇〇 铨-金 > 乞休不允

○光禄寺署寺事少卿谢杰题银库自进过十万两之后实在止七万七千七百七十八两零徵解后期供应日广出数浮于入数臣尝筹之不过一二年可尽万不得已愿酌未完之徵行令原派地方量灾之有无轻重以为数之多寡宜停者许其暂停宜解者责其即解必使见徵带徵相兼而入查珍羞署粳米常有余而糯米常不足见今署中粳米尚足十数年之用乞敕户部酌议于无锡县原派粳米一千一百九十七石一斗八合额中改派一百九十七石一斗八合徵作糯米解寺以足岁用三百余石之数其余一千石将万历十五年以后三年未徵者尽数改折是又一说也至如经厂高玄之好事御前取讨之额外景命祝厘浇头切面出于不时之赐者不可以已乎是在 皇上加之意而已 < 〇〇〇〇 铨-金 > 入报闻

○以游击管大同井坪城参将事张惟忠为大同中路右参将○工部覆浙江抚按题杭嘉湖三府水灾乞停织造 上以段疋赏用不敷命该部处与钱粮陆续织造解进勿致累民工部覆本部问纳事例多款东南输纳亦必不少其六年苏松浙江事例银两准留一年以备织造之用报可

○丙子命翰林院侍讲冯琦修撰杨起元沈自邠撰理诰敕

○赐沈府稷山王恬火口甲谥康和册文

○兵部覆河南司署郎中事主事陈于阶奉命陕西赈济陈全狭事宜一议清勾看得按籍清勾为百世不刊之典出金召募乃一时应变之权合无应清勾者照旧清勾应召募者即以缺伍之饷募土著之人为便一练番兵据题番族恨虏日深心切报复今欲乘机攻养以备缓急先该甘肃督府屡陈操练夷兵钦依通行相应再行申饬然非我族类其心必异必统驭得人操演有法土番各有攸归庶免争端粮饷各有正额庶免脱伍斯可收以夷攻夷之效也 上从其议

○都察院题巡视下江苏松等处御史黄正色祖籍嘉兴守御千户所旧隶苏州卫相应回避因言南京御史总计一十三员差不过四五然巡江仓屯等差于南直隶各府官民俱有干涉今后考选比照浙江苏松人不选户部事例凡南直人不选南道以便差用上是之

○都察院覆鲁王奏钜野王府镇国中尉观烟纵欲灭伦宣淫败义 上命革观烟禄米候抚按勘明具奏定夺

○工科都给事中常居敬陈河道事宜一开报之当时议令管河司属各官将河道有无通塞河工有无修举俱季报部科以便查考一钱粮之当稽议令河道诸臣一切岁修经费年终明开条件具< 疏 >奏闻奏册青册部科备照庶因钱粮以稽河工而虚冒之弊可免一责成之当严议令管河府州县官查照典制各住分管地方不许别项差委督抚管河司道时常巡视督率修防遇有涨决一面具报一面兴修如废职怠事即据实参奏一河臣之当择议令河道员缺容本部查司属中才望相应者咨送吏部勿泥资序部覆如议

○丁丑命翰林院修撰余继登编纂六曹章奏

○是日谕内阁朕奉 圣母面谕胡良巨马二桥今被大水冲坏行人甚苦我本宫发银 皇帝可差廉翰之人同本宫管事龚代牌子马臣以董其事还命工部照先年选官一员兼管其钱粮俱不必费用该部今谕卿等可传与该部查照先年事例行

○太子宾客吏部左侍郎兼翰林院侍读学士今给假省亲沈一贯乞致仕侍养不允

○升福建盐运使李大吉为江西右参政○以灾伤诏庐凤淮阳徐滁和等处民屯钱粮徵免改折有差

○柏林七占等族番人进贡马匹盔甲腰刀等物

○戊寅吏科左给事中张养蒙言部臣改科道非 祖制也今虽题奉 明旨改选无期然待取者已多觊觎之心旁观者已起纷纭之议人言未必皆然多口亦自可畏臣谓改选之例不可不止也四川巡抚徐元太误听人谋擅征赋夷欲收掩袭之功竟堕夷术一军尽覆元太当力求贬削以谢将士柰何专委罪于三将违制与佥事郑东昇等失谋乎假令幸捷元太当以矫制论与抑以奇捷闻与始则巡抚主其成议后则巡抚避其失机捷则巡抚冒其功败则巡抚逃其罚专制之义谓何臣谓元太之罪不可不治也得旨部属不系旧例不准改选川南失事巡抚职任提督徐元太如何不行认罪姑念用兵之际著策励供职候事宁通论功罪定夺

○户部覆陕西道御史孙旬疏国家财用费于边镇而生民命脉困于诛求议行各该御史取各镇历年支销卷册查原额兵马若干今实在若干原额主客兵钱粮若干今增若干昔丑虏匪茹以原额之数未闻加少今边境宁谧以岁增之数犹称不足至于市卖之布帛修筑之工费家丁之双粮有无冒虚查明奏报其各被灾地方合行申饬招集流移开垦地利一切横歛冗费滥词淫刑悉行禁革使赈者无事虚文蠲者务沾实惠上从之

○己卯敕工科都给事中常居敬查看河道催督工程命礼部铸给关防○庚辰起原任南京刑部右侍郎李长春为南京礼部右侍郎

○升右通政周采为佾都御史巡抚福建

○升翰林院简讨王祖嫡为国子监司业

○以游击管大同东路左参将事王三聘为大同井坪城参将

○辛巳上林苑右监丞徐琰言 祖训制书会典集礼 大明律宪纲诸书并无监官拜提督四署中官之条今韩印欲监丞及署官行拜礼臣不敢违国典以成印僭踰之罪 上以提督官奉旨差用相见自有旧规如何忿争渎扰夺琰俸二月

○壬午文书官刘成口传 圣旨往 天寿山去一带道路近因雨水冲坏着工部委官修垫其运料车两及人马往来俱系两边行不许作践

○户部题河东盐课自嘉靖三十二年岁定六十二万引办课银一十九万七千三百七十六两乃隆庆以来额课日缩夫坐结虽繇天时料理实赖人力今科臣田畴欲自十六年为始巡盐御史差满预将该司岁办盐课已未完数目具奏仍年终将经管官分别劝惩相应依拟报可

○琉球国中山王尚永差正议大夫郑礼等贡方物谢恩赐宴赏如例

○癸未升南京大理寺卿舒应龙为南京工部右侍郎

○户部覆大同督抚郑雒等言山西河南节年拖欠本镇军饷禄粮 上命该巡抚官照数徵解接济

○以灾伤诏密云昌平霸州蓟永五道所属州县民屯钱粮蠲折抵补有差○赐韩府休宁王朗鏐谥端惠册文

○先是山西巡按陈登云言各省主试京考不便 上以科场事宜屡经言官建议该部覆请裁定才行一次岂得遽意纷更况京官主考系 先朝旧例如何说是新法陈登云不谙事体且不究科臣王三余等看详酌议仍言大省才多当加添房考下礼部覆奏报可

○礼部覆山西抚按沉子木等题阳曲王府管理府事辅国将军表马□宋纵恶蔑法酿祸有繇议将表马□宋革去管理府事别选贤能管理从之

○以大同入卫游击骆尚志为大同东路左参将

○甲申以山西右参政王学书为本省按察使分巡冀北道

○吏部题开原兵备王緘奉旨拿问新调副使李复聘到任尚未有期议将原任永平道副使成逊除补山东副使管理开原兵备事务李复聘候缺另补报可

○以水灾诏免苏松药材银及量免牲口料银以苏民困

○南京兵部尚书阴武卿言营务六事一补丁壮以实营伍一徵折色以买操马一增火器以重营镇一优抚馭以重游巡一严捕盗以翼都会一稽职守以肃官常下兵部覆行

○乙酉南京兵部尚书阴武卿题南都连岁灾歉京军尤极困疲议将锦衣卫快手船小甲未完年例油艖等银共四千二十八两八钱二分六厘零尽行蠲免章下兵部

明神宗显皇帝实录卷之一百九十一

明神宗显皇帝实录卷之一百九十二

万历十五年十一月丙戌朔复除原任湖广佥事王亮为四川佥事管清军屯田驿传水利盐法茶法

○升山西左参政郑国仕为四川按察使分巡川北道户部郎中韩取善为山西右参政驻宣府

○南京兵部尚书阴武卿等题卫所军余各差快平船重矣而次则有黄船有运粮有军斗有小职字有长巡有夜巡有修仓有看仓有夜歇有看守草库有跟随巡捕有守内外城门有内府幼匠有工部烧窑有供应机户掺筒有御马监养马有武学听事凡十八等要之快船独当七八别差共居二三旧例各差原有分认自船差困极以来每遇缺乏輒以别差余丁拨捕而别差有缺亦拨船差之人补还议著为定例快平快丁银悉以今册为据子孙永远办纳遇有消长即于册内人丁增减不许将别差人丁拨补亦不计将快船余丁拨补别差则输银有定籍力役有定差各军子孙相安于无事矣下所司议覆允行

○以大同守口堡守备王应熊为大同入卫游击

○以灾伤诏量停免徐州泰兴江都如皋仪真海门宝应兴化等县拖欠工部料价银有差

○以灾伤诏顺天府三河县应解工部木柴料价协济军器等银共七百三十三两

官传谕内阁本内说有功则首叙有罪则谕之人巡抚亦该处大学士申时行奏辽东三面皆虏四时皆防于九边最为劳苦养谦抚辽边务皆有调理与李成梁同心协力共保冲边此边臣中之最有才能者海西属夷乃开原藩蔽仰逞二奴乃海西讎敌今二奴侵凌海西其势日强恐他日为开原患故养谦与成梁议主于剿王緘议论互有异同始主抚谕后复支吾故养谦参论示警不过降调其鞫问则出自 宸断科臣为緘不平遂论养谦失事推谕今二奴未尝入犯开原未尝被兵原无失事其请剿二奴在先参论王緘在后原无推谕若遽将养谦议处则边臣闻之皆避怨畏祸不敢主张一事不敢参论一人而边事益壤矣 上允之命养谦供职养谦请宽緘罪兵科给事中吴之佳蓟辽总督张国彦俱请宽緘以作任事之心 上命候旨行

○补河南右参政兼佥事王淑陵为四川右参政盖以考察拾遗调简也

○辛卯除补原任陕西副使成宪为山西潞安兵备副使

○诏河道堤防节年修筑不坚以致冲决该管官五年内者巡抚夺俸三月道官降俸一级内养病致仕者不许推用见论劾者从重议处余年远者姑免究○壬辰升太仆寺少卿余懋学为南京光禄寺卿

○甲午祭 三皇于 景惠殿遣侍郎于慎行行礼

○命河南抚按将存积赃罚银一万两采买杂粮分发赈济

○乙未赐延庆长公主金册并驸马王昺冠带袍服

○是日文书房口传谕刑部先年严尚书在部亦曾遣人听记如今为何不容若从公问理无有私弊何畏人听记时以太常寺参大兴县知县王偕擅责乐舞生事下法司上密遣较尉二人侦之因令听记招词以奏二较初见尚书李世达婉谓之人犯未齐尚未审问且事必先经该司而后呈堂明日当来听记次日巡风主事孙承荣以故事无法司问理狱情而较尉入视者如奉密旨则当潜听窃访岂得公行入视且真伪未可知因拒却之二较还奏且言王偕青衣乘马随从多人杨扬入法司状 上怒令文书官传谕阁中欲以其事掣回镇抚司鞫问并传旨云云已而世达等谢罪居数日 上意解夺司官俸二月仍以事属法司刑科都给事中唐尧钦等疏言较尉司缉访者也可施于民间不可加于部院且听记原非 祖制严尚书时镇抚司较尉押犯人到部于庭上站立非为听记也况一事每经多官岂容纵枉而必取信于较尉之口乎是日伊口称有旨及尚书李世达出迎又全无凭据孰辨真假乞 上全体统以安大臣 上以奉旨究问人犯皇祖时曾有听记非自今日始况该役带有信牌如何凭据御史郭万里等给事中和震郭显忠梅国楼侯先春御史文德交章言其不可 上不听○韩府镇国中尉融悖 口爨收禁间宅以越关奏扰也

○丙申以 圣母慈圣宣文明肃皇太后万寿圣节赐辅臣讲官等金万寿字等物及银币有差

○以前军都督府佥事管理红盔将军新建伯王承勋为南京协同守备兼掌南京

后军都督府事

○丁酉升刑部在侍郎耿定向为南京右都御史

○戊戌户部覆应天巡抚余立苏松巡按荆州土题所属积过谷数议将知县等官分别奖罚 上是之仍命升迁离任官应将任内积谷截日稽察不在三年总参之限如何一概开豁

○户部覆福建巡抚贾待问条议清查寺田以资军储平巢仓谷以重邦本报闻

○庚子以府军前卫掌印怀远侯常胤绪为前军都督府佾书○辛丑升太常寺卿裴应章为右副都御史抚治郟阳

○壬寅升提督四夷馆太常寺少卿赵世卿为右通政

○以后军都督府佾书宣城伯卫国本兼理经盔将军

○癸卯 孝惠皇后忌辰遣城安伯郭邦柱祭 茂陵 孝烈皇后忌辰遣宣城伯卫国本祭 永陵

○改刑部右侍郎陈瓚为左侍郎南京吏部右侍郎何源为左侍郎

○以临淮侯应袭勋卫李宗城充府军前卫掌印官

○命勋臣出营及革任才力堪用者科道三年会举兵部酌量推用

○甲辰 圣母慈圣宣文明肃皇太后圣旦 上御皇极门百官致词称贺三辅臣仍诣 慈宁宫门叩头赐辅臣各酒饭一卓烧割一分又赐上尊珍饌○以顺天府尹周继为太常寺卿

○升原任吏部文选司郎中邵仲禄为太常寺少卿提督四夷馆

○升浙江右参政黄鹤为湖广荆西兵备按察使

○陕西巡抚王士□□题賑济动支过各仓事例义输备荒社仓等粮八万八千六百三十一石二斗零备賑事例等银一万八千四百二十两一钱零俱准开销其支剩银一百一十五两六钱零仍听备荒支用报闻

○乙巳以陕西佾事苗淳然为陕西行太仆寺少卿兼佾事

○丙午吏部拟南京太仆寺卿王湘为顺天府尹 上以湘新任京职如何又推夺该司官俸三月另推应天府尹石应岳改任

○戊申冬至 大祀 天子于圜丘遣定国公徐文璧恭代次日加文璧太傅遣隆平侯张炳怀远侯常胤绪阳武侯薛钰西宁侯宋世恩豊城侯李瓌武平伯陈如松成山伯王应龙靖远伯王学礼永年伯王伟分祭 诸陵武清伯李全祭 景皇帝陵寢 上不御殿免称贺及赐宴次日赐三辅臣上尊珍饌

○庚戌朝鲜国王李昫差陪臣李淳仍等三十五员朝贺冬至赐宴赏如例

○辛亥礼部上 皇第四子命名仪注一钦定命名百日该用十二月十九所有吉时合行钦天监选择一翰林院预拟 皇子睿名上请 圣明简定一前期一日 上以命 皇子名告闻于 奉先殿一是日命 皇子名 上具皮弁服御乾清宫升座 皇

后率 皇贵妃各具服朝见行四拜礼毕 皇后侍立东面 皇贵妃中立师姆抱 皇子出自寝繇西至殿内授 皇子于 皇贵妃内赞奏曰 皇贵妃郑氏敢用吉日祇见皇子 上降座抚 皇子之首咳而赐之名 皇贵妃承旨毕左还授 皇子于师姆还寝 皇后复率 皇贵妃四拜礼毕各还宫一是日命名毕 上以 皇子名遣使闻于仁圣懿安康静皇太后 慈圣宣文明肃皇太后一次日 上御皇极门钦降手敕以皇子睿名传谕礼部行移宗人府上册 玉牒

○壬子诏应天等府所属被灾州县漕屯钱粮徵免改折有差

○陕西巡抚王士□□言全狭救荒无策议借漕粮运贮孟津县繇陆至狭州繇舟至关中接济或岁贮数万于孟津以备山狭河南三省缓急 上命陕西抚按将收贮余本银内酌发数百万于孟津等处采买米粟自孟津从陆运至狭州每石酌费银几何自狭州从舟运至关中每石约费银几何其孟津以西砥柱以东中间水路约三百里可否舟行仍会同河东巡盐御史一并议奏

○癸丑以嘉兴知府龚勉为浙江右参政广西副使韩绍为江西左参政管粮带催料价南京礼部郎中方端为贵州佥事分巡思仁道调湖广副使刘思中分巡下荆南道驻襄阳

○以擒获岑贼黄清等功升南赣巡抚秦耀俸一级与江西巡抚陈有年各赏银二十两纁丝二表里参政史继辰等准各纪录各赏银十两知府叶明元等各五两

○甲寅大学士申时行等题今日该文书官刘成将下镇抚司问过王緘本口传圣旨本内招称先年开原地方贪功生事多杀无辜还将任天祚宿振武等拏来与王緘质对窃惟先年开原地方属夷王杲为患赖有海西王台擒获王果献俘阙下边境始安及王台既死王杲之子结连仰逞二奴为父报讐于是李成梁提兵出塞擒杀王杲之子后仰逞二奴见王台二子微弱欲行虐害于是李成梁又拟杀仰逞二奴其事情始末兵部具有功次卷案臣等之所知也然则海西诸夷顺即当抚叛即当剿其理甚明据王緘招内亦云屡抚不听欲杀其有罪达子则緘亦已知二奴之不当抚矣而又不不言剿其言以持两端此所以致巡抚之参也若王緘欲脱其主抚之失而反咎主剿之非以驱除凶孽为贪功以斩馘夷众为妄杀则朝廷赏罚边境安危所系臣等窃以为不可也且王緘自以兵备不与调遣则任天祚亦兵备耳即使拏到面质一以为有一以为无岂肯输服必行彼处巡按将前项功次勘明然后真伪始白则功罪始定臣等犹有说焉今九边事情独辽东为难九边将官忠勇独李成梁为最数年以来无岁不战无日不防可谓竭尽心力矣至于用兵之际遇有夷虏岂能一一审问而后诛杀至谓种田百姓则边外之田原非我有属夷所在原无民居万无杀及良民之理今以其血战之功为妄以其报国之忠为欺则将官隳心解体任夷虏之纵横而不敢言剿边臣亦钳口结舌任边事之废坏而不敢参论其为害岂浅浅哉今任天祚已考察降官宿振武已革任二人亦何足惜但剿夷出塞原系李成梁之事而以一人之偏辞多生支节尽没李成梁之功此则臣等

之所深惜也伏望 皇上特赐体察

○泰宁等卫夷人阿都赤等进马匹朝贺冬至给赏如例

○差通事官伴送南京国子监读书琉球国官生郑周等三名回国任用○复大庾县儒学设官铸给学给

大明神宗显皇帝实录卷之一百九十二

明神宗显皇帝实录卷之一百九十三

万历十五年乙卯朔御史马朝阳复除浙江道修撰朱国祚复除原职

○升浙江金华府知府曾如春为湖广副使

○原任南京吏部尚书何宽卒赐祭葬如例

○河南抚按衷贞吉等参永城知县赵廷璧重徵里甲诏追赃为民

○浙江抚按滕伯翰等题金秋异常风潮将海盐石塘冲决全坍三百七丈一尺议从新起筑半坍一百八十九丈二尺五寸稍坍六百六十八丈五尺九寸议行筑砌方今冬月潮退即议兴工以防来岁秋潮下工部覆奏报可

○丙辰升兵科都给事中顾九思为太仆寺少卿专管京营○升少詹事赵志皋为南京吏部右侍郎

○升大理寺左少卿张橧为应天府府尹

○诏辽镇灾伤重大屯站钱粮徵折蠲免有差

○革原任兵部侍郎李松为民生欧辱县官徐东渐为顺天抚按所劾也

○诏以管修筑黄河堤岸府佐官如有升迁行取不许离任期来年三月通完奏报

○丁酉直隶提学御史詹事讲< 〇〇〇〇 〇〇〇〇 >论吴县乡官原任兵部尚书凌云翼家人韩文欧死生员章士伟诱辱道学生员张元辅等 上命抚按严究具奏凌云翼候问明定夺南京给事中徐植等御史陈奇谋等连< 〇〇〇〇 〇〇〇〇 >劾之

○江西道御史郭万里< 〇〇〇〇 〇〇〇〇 >言知县王阶贵乐舞生该部鞠实具奏犹弗当 圣心广东石匠越奏工食命行抚按查理二事似过用其法臣虑失之滥李松护婿纵家人欧辱县官郟阳鼓噪军人免死二事似缓用其法臣虑失之纵

○戊午赐三辅臣及讲官鲜藕

○己未升大理寺右少卿李尚思为左少卿左寺丞许子良为右少卿

○礼部覆南京礼部尚书姜宝奏科场八事一教官徵聘宜停一主考裁定宜专一孤经命题宜正大一后场较阅宜更互一援例生宜号舍隔别一附选生宜原籍考送一誊对宜添人而勤督理一积棍宜严拏而尽行驱逐 上从其议

○庚申先是 上念京师饥民甚众遣文书官问阁臣今五城见在煮粥赈饥否如犹未也则拟旨行之阁臣对前已题奉钦依于各寺观煮粥第未知所发谷米之数及煮粥处所当令户部开报是日开报各寺观所领米石及日赈饥民之数 上复令文书官传旨五城赈济贫民难以限定人数今后不拘多寡但有就食者便与户部奏银米不敷

于银库太仓补发再于各煮粥处所赁邻近空房两月安插就食之人将各草场放剩陈草每名给十五斤铺垫报可

○以山东荒歉暂减万历十五年应解赃罚银二千两

○户部覆南京户部尚书王友贤题将湖州府万历十五年本色水兑米一万七千八百八十四石八斗零白熟粳米一千五百九石三斗零照数徵派其折色米银五千九百零九两三钱八分零定场草银一千五百二十五两五分暂与停徵以苏民困从之

○直隶应天等府自五月以来霪雨连绵江湖泛滥平地水深丈余田庐没为巨浸七月终旬飓风大作张浸滋甚环数百里之地一望成湖太平地势最低被祸更烈诏被災地方钱粮停免有差

○辛酉升大理寺右寺丞李栋为左寺丞直隶提学御史吴定为右寺丞

○贵州新归化上下二牌苗头阿保等六名差头目袁文进贡马六匹给赏如例

○壬戌命太子宾客礼部左侍郎兼翰林院侍读学士王弘诲掌詹事府印

○南京吏部尚书袁洪愈引疾乞休 上以洪愈清望允孚加太子少保致仕

○升广东左参议吴显为本省副使专管屯田盐法水利

○癸亥巡抚云南刘世曾乞休不允

○以湖广右参政兼佥事詹贞吉调补本司右参政提督 大岳太和山兼管抚民及分守下荆南道以郟阳军变新升参政王俸病未到任故也

○甲子升南京浙江道御史李一阳为广东左参议分守岭东道

○朵颜等卫夷人小思苦等二起共一百八十二员名朝贺长至令节并补贺 万寿圣节赐宴赏如例

○以定州领军游击阎金皋为神枢二营练勇参将

○刑科给事中许弘纲言数月以来四方民本接踵一月之中至数十如陈强陈其陈天周等且一事三本矣赃吏之遣戍军将之银钱又纷纷渎扰矣窃恐民伪日长 圣听日烦乞严禁以尊朝廷以正邦国 上以民本间有准行本欲通下情伸冤抑事之虚实仍听各抚按从公问断原无偏主今后奸徒挟私诬捏及琐细渎扰者法司审实重责以警刁顽

○南京工部署部事户部右侍郎方弘静言准工部题奉钦依于南京工部库贮银两动支协济 寿宫查得本部钱粮除节年各项正支外止有堪动银九万二千三百二十一两八钱一分零及漆铁皮张料价银一十八万八千七百二十二两六钱五分零共银二十八万一千四十四两四钱六分尽数解济工部覆再将苇课银内动支一万八千九百五十两有余凑足钦定三十万之数解部济工从之

○乙丑升湖广副使田乐为山西右参政

○升昌镇右骑营游击褚东山为大同井坪城参将

○丙寅升广东副使王泮为湖广右参政兼佥事整饬岳州九永等处兵备

○命陕西道御史杨四知提督北直隶学政

○诏免陕西苑马寺七监应徵十五年收租银二千一百七十一两五钱七分五厘准于茶课内如数动支解补

○巡视京营兵科给事中苗朝阳等言京营条陈款目烦多十五年来不啻百余关系紧要不越数端第前者偶一得而议更后者惮剿说而稍变朝更夕改多事增扰臣以为果有利可兴弊可革者许不时条奏至于年终无拘条陈旧例以滋纷扰庶议论可省而营务有裨矣 上是其言仍谕近来条议纷纷轻变数易有乖政体不独京营为然今后各衙门务厘省虚谈共修实政部院亦毋得徇情题覆致有纷更

○丁卯以 皇第四子命名赐辅臣申时行许国王锡爵及中书徐继申等银币有差

○延庆长公主婚礼成命驸马王昺于后军都督府带俸

○升兵科左给事中苗朝阳为礼科户科左给事中张希皋为兵科俱都给事中刑科右给事中陈焯为本科左给事中

○升工部都水司郎中顾其志为湖广兵备副使

○刑科给事中唐尧钦言惩贪宜严劾勘宜详抚按官不得藉口长厚曲庇养奸上以惩贪已有新例及谕旨严饬不啻数四未见贪风尽息止因抚按官咨访不确论劾未当今后务遵屡旨着实举行不许苟且塞责避怨市恩科道官务用心体访从公糾劾

○给甘肃巡按兼提学敕

○工部题泉河闸坝事宜将卫水先尽漕运勿以灌溉相妨茶城口务保万全勿以苟且塞责坎河口作何捍御使蓄洩可恃管泉官作何责成使职守不隳至闸河禁例奉有累旨一应官民船只待积水而行有违抗争先者毋问官豪势要径呈本部以凭参治从之

○戊辰 世宗肃皇帝忌辰遣阳武侯薛钰祭 永陵

○以广东惠州府知府黄时雨为本省高肇兵备副使

○己巳 贞惠安和景皇后忌辰遣南和伯方焯祭 陵寝

○起原任南京礼部尚书杨成为南京吏部尚书

○以礼部右侍郎于慎行为左侍郎詹事徐显卿为右侍郎○调补原任浙江副使刘光国为陕西凤翔水利副使

○庚午命太子宾客吏部左侍郎兼侍读学士朱赉不妨教习兼掌翰林院印

○承天府卿云宫兴工遣抚臣行礼

○辛未以左通政赵参鲁为南京太常寺卿

○壬申以云南按察使程拱宸为广东右布政

○辽东总兵李成梁以王緘揭辩指及请罢斥待勘 上以二奴系奉旨剿处该巡按御史核勘原非贪功李成梁不准辞

○癸酉以太常寺少卿黄克念为右通政右通政赵世卿为左通政

○调云南临安兵备按察使边维垣为本司按察使

○甲戌敕谕礼部朕第四子已恭请命于 皇祖名曰常治可登识于所司

○旌表四川节妇杨氏等十二口烈妇王氏等二十二口孝女解氏一口 ○差南京福建道御史彭而珩巡视下江

○乙亥以神机营右副将欧继宗为南京前军都督府佥书

○调漕运总督杨一魁南京别衙门以御史祝大舟劾其怠缓迂漫也

○以江西建昌府知府季膺为云南临安道兵备副使

○左都御史吴时来言前户部尚书毕锵告老蒙给驿而未进级今袁洪愈蒙进级而月米岁夫敕谕存问犹然未举乞查 祖宗旧典一体颁给 上以朝廷优礼大臣以示激劝当有斟酌吏部查议分别来看

○巡视光禄御史王九仪言自万历十四年十二月初一日至万历十五年十一月终用过并钦取银共三十万九千八百二十七两一钱一厘七毫四丝九忽贮库实在银四万四千五百五十两一钱四厘九毫六丝二忽六微二纤来年供应势不能足望 皇上节不急之费停额外之传取报闻

○赏万历十三年三月内丁字泊堡获功阵亡被伤员役有差

○刑部尚书李世达题覆御史孙旬申明律例十六款左律开载甚明而听断者或失于深入在例参酌甚当而捕引者不免于牵合阙多枉滥每有冤抑今开款阐明详确易晓相应通行申饬 上是之命以后问刑官只将颁行律例讲究明白遵照拟断不许妄引轻入致有冤抑

○丁丑大学士申时行等言今岁自开讲一次之后未蒙再御虽燕闲温习或不废于深宫而开导敷陈则久疏于广厦宋儒有言明君以务学为急盖学者所以学为治天下之道也帝王修齐治平之理具在经传废兴存亡之迹具在史书人主日览经传讨论义理则治平之效可致日览史书鉴观成败则危亡之辙可更我 太祖经营草昧勤劳可知然日与儒臣宋濂陶安王祎朱升等讲易讲书讲大学论语孟子至洪武二十九年圣寿几七十矣犹命博士许存仁进讲史书 皇祖世宗经筵日讲之外复讲大学衍义盖临御二十余年 圣龄几四十未尝间也 皇上以 二祖为法自明岁春和以后留神经史勤御旃帷则 圣学日益渊邃 圣志日益清明其于 圣德 圣政裨益不浅矣臣等又惟日讲必以清晨则 圣躬不无勤劳臣等接见必以日讲则情意不无间隔伏望 皇上临御讲筵不拘时刻即辰巳以后亦无不可或有政事下问臣等不拘日讲及御门之日随便宣召亦无不可臣等随事纳忠尽心图报万不敢以空言塞责也次日上赐手敕曰朕昨览卿等所奏悉见忠君之心柰朕前入年以来屡屡动火眩晕不时非朕偷逸自荒又常思启沃开导日闻说言乃治国之要今已岁暮待新春稍豫与卿等讲习时行等奏谢

○戊寅命南道选用回避本贯见任南道御史黄正色江有源改北道

○乌思藏阐化王差番僧领真等六百名进方物给赏如例

○兵科都给事中张希皋等陈责成边臣三款一曰举动不可不慎二曰侦探不可不早三曰奏报不可不实又言各司道或守歉粹白或才逊冲繁或守官无疵意见偶差事体相左者宜分别酌议章下兵部

○己卯以灾伤诏蠲免徐州拖欠牲口银及量免扬州宁国拖欠药味银五分

○赐赵府南乐王戴土口无谥恭恪册文○庚辰以阅视届期命照十二年举行

○辛巳改南京工部右侍郎舒应龙为户部右侍郎兼佥都御史总督漕运

○升刑部山西司员外何存教为云南按察司佥事

○奖交城王府管理府事中尉知鱈以铃束宗人有法也

○壬午江西巡抚陈有年请将难成瓷器尽行免造南昌渔课暂免今岁解补从之

○癸未以行 大袷礼祭告 太庙 祧庙遣驸马许从诚侯拱宸行礼

○户部覆户科给事中彭国光题京师米贵议军匠月粮于十六年正二月各预支五斗待秋熟将本月应放折色银扣除各卫本管官需索常例并行议革及行各被灾州县稽察蠲折有无如法如数俾小民得沾实惠 上以近来灾伤地方朝廷屡有蠲恤各该有司是否著实举行抚按官逐一稽查将见徵蠲折数目报部查考有纵容吏胥作弊多余派徵者指名参奏重治余依拟行

○甲申岁暮 上亲享 太庙行 大袷礼遣公徐文璧侯继爵分献遣官祭 太岁月将之神

○工部覆督理河工给事中常居敬议于大社集南新修月堤之内复取土填实深潭再加筑堤以联旧址次将大社集以东至白茅集百余里堤议旧增修其毛家潭三尖口等处决口与东明县护城堤并议修筑土方工食俱于该府库贮嵩草及存粮银内如数动支 上从其议

○以元旦节遣隆平侯张炳武定侯郭大诚怀远侯常胤绪阳武侯薛钰西宁侯宋世恩泰宁侯陈良弼成山伯王应龙宣城伯卫国本武平伯陈如松祭 诸陵宁晋伯刘应元祭 景皇帝陵寝都指挥同知周清祭 庄敬太子 哀冲太子坟所

明神宗显皇帝实录卷之九十三

明神宗显皇帝实录卷一百九十四

万历十六年正月乙酉朔 上御皇极殿受朝贺

○赐三辅臣上尊珍饌

○丁亥兵部覆议辽东镇武堡等处功罪总兵官李成梁参政栗在廷等优赉守堡官王承勋等提问诏从之 南京陕西道御史陈奇谋条上留都营政切要四事一明教法以储才谓武弁恐其不学故设武学以教之今不在学者未尝不官不成材者未尝不用则学谓缀庞矣欲将一切应袭尽查送学非繇提督武学主事考选起送者兵部不许

袭替推用一严铨补以示信谓卫所各官凡经调卫发操者不得推补掌印及夤缘管事令甲照然今调卫而宥归者朦胧掌印发操而回卫者夤缘推升非所以信法令矣欲再行申飭凡系调发不得复补印屯之缺一简士卒以鼓气谓各营旧有选锋为其勇悍出众足以批坚陷敌为一军之冠也今不论其勇力技艺止凭坐营开报则冒滥多而士鲜实用矣欲责令兵部会选力能举三百斤挽弓一石矢十发九中方补选锋稍优异之部臣不时简阅以作敌忾之气一核催料以裕蓄谓兵部有草场分司岁额租银万五千余两武弁夤缘管徵恣为耗蠹有方当查理而已奉单领运有明认侵欺而扣俸还官俸几何而所侵累百弊至此极矣欲选委卫所佾书递年分管年终分司查理查理未结不许抵差别委致滋混扰

○己丑升文选司郎中徐一槿太常寺少卿

○壬辰调紫荆关参将马应元补五军八营参将河洲参将杨浚补兰州参将升刘河游击张榜金山参将 癸巳乌思藏阐化王遣使真朵尔只等千人贡方物

○工部覆摠督漕运右佾都御史杨一魁条陈十事一改闸座以便防守谓古洪当黄水之冲为入运咽喉闸制上阔下狭闸极难下水入易游且石座太低一遇泛涨水从上漫千夫辟易无可柰何欲将前闸乘时改修高下广狭务俱一律此计之善者也拟允行一严启闭以杜淤垫谓古洪内华二闸建设之初原为伏秋水涨恐致漫淤闭闸坚守不得擅开以严其防也但地居冲要官使猬集势难阻遏欲比照淮安通济闸事例每年于六月终筑坝不许擅开即贡解船只亦酌量盘剥此固为运道完计第官民口贾国课攸关一旦筑塞不独困口且税额缩矣况贡艘旧屯留京又不可辄议乎拟仍旧一开支河以备缓急谓运舟自茶城入闸乃其故道与河隔远自河决秦沟改繇浊河口入徐淮乃与茶城紧相对冲又戚家港湍溜难挽舟多覆没前道臣舒应龙另开塔山支河颇称利便而坝闸未建旋复淤阻中河郎陈瑛始开古洪内华以代塔山五年于兹而复遭淤塞安可不为之计也欲挑浚塔山支河建立坝闸令与内华相等八九月后公私船只两道并出固亦有见第闸河水泉不多分而为二不识能常继否拟会勘一移官夫以资策应谓古洪内华堤夫六百名伏秋水涨修守不足且责闸官以调度弗能也欲将吕梁洪夫分调一半移住古洪以资修浚管河同知原任邳州者移住境山遇有紧急往来督视固属远虑第吕梁古洪相去颇遥安土之民难以骤徙与职官改驻不同也拟会勘一复故道以定长策谓黄河旧出小浮桥水势顺利运道安行累岁变迁致梗运道虽建闸启闭独时淤塞非本计也欲修复故道自归德以下丁家道口浚至石将军庙令河仍自小浮桥出若抚按各为其民则止浚碭山韩家口河五十里诚亦有见第其费有出与否其道可开与否宜行令抚按勘科酌议以请者也议会勘一放浊溢以固堤岸谓黄河缕堤修筑加高而堤内洼下夏秋间河水外涨雨水内浸其堤易坏欲仿拷栳湾堤势将徐邳一带堤内洼处春间开洩水其与遥堤隔远者从便筑小月堤以防其溢此计之便者也

言在耳天和可颐未必非保摄之助一法 祖养心在宫闱体验 高皇帝尝曰吾每于宫中无事辄取孔子之言观之真万世之师又曰道在正心人心乘气机以出入操之甚难 文皇帝读解缙正心章讲义谕曰朕每退朝常思管束此心为切要其汲汲于操心盖如此 皇上诚于法宫清暇常取人心道心之辨戒惧慎独之训口诵而心体之则可以立万化之本一法祖建事握行政任人之机 高皇帝每得章奏便思亟行每夜间度事当速行者笔记待旦有奏正心之说者称为大儒有请及时娱乐者目为赵高 敬皇帝时召大臣面问几务又与臣曰朕图新政理乐闻谏言其时纶音集忠益辨贤否而纳谏诤如此伏乞 皇上速下章奏时行召对察忠佞之分容逆耳之规则可以建大有为之业一法 祖希尧笃信古反求之志 肃皇帝读大学衍义有感赋诗慨慕于变之治又作敬一箴宛然钦明之范其以帝尧为必可学也如此伏乞 皇上尚友千古钦天戒轸民瘼必如帝尧而后已则可比德于放勋 上纳之

○赐陕西乌思藏阐化王使者真朵尔只十五人及崇隆等寺刺麻僧共卜尖咎等二十九人宴命临淮侯李言恭待

○礼部覆巡抚大同右佥都御史邓乔林咨议定宗室封限自万历十六年以后凡擅婚子女系嘉靖二十八年以前者遵照万历七年 明旨及会议事例照常请封其万历十五年以前已经另题立案者不准奏辩请改封代府宗室鼐锹充熨廷土口豕廷堇为奉国将军鼐口金口巴口充火口晶等十位为镇國中尉充鮑为辅國中尉各该诰命行吏部关给禄米行户部查照近例题请定夺鼐镗等三十九位行抚按给名粮无令失所诏依拟行

○户科都给事中田畴奏国家之财赋谨积贮严出纳而以台省官巡视者有四光禄膳羞之储也太仆马价之储也节慎库工部料价之储也太仓银库百官之廩禄九边之军需所取给也然衡其数之多寡太仓岁入约三百七十万有奇出称之节慎四之一太仆十之一光禄则十之毫厘耳乃光禄太仆节慎并以巡视主之司官受成而已十手十目人怀廩廩奸弊无所自作独太仓巡视虽设而出纳不与俱防闲既疏侵盗易滋故有若桂承胤刘兑之败宜另设台臣一员比照光禄一年一换或照太仆节慎两臣轮视仍申饬责成之于国计必有补矣章下户部

○升广西游击任道统湖广参将神枢四营游击王应祥五军七营参将

○丁未加浙江左布政使张一雾太仆寺卿致仕一雾初以不附权贵移告故虽为巡方所指而部议优之

○论巡捕功提督史纲等升赉有差仍谕以后捕官非久任经荐叙者不许推用

○升浙江左参政朱文科云南按察使分巡洱海道

○命陕西苑马寺卿兼佥事覃应元致仕以抚臣王璇劾其衰庸宜罢也

○戊申刑部尚书李世达引疾乞致仕 上不允○己酉孝静毅皇后忌辰遣平江伯陈王谟诣 康陵行礼

○升浙江右布政使王基为左布政使河南副使王之屏为浙江左参政山东副使杨节为升陕西苑马寺卿兼金事分巡平凉水利

○升中都留守司金书署副留守房润神枢营游击万全都司熊文济广西参将

○御史刘汝立以终养乞致仕许之

○辽东顾养兼奏顷者王緘被逮饰辩虽蒙 圣明洞烛褫秩而供揭遍传诚恐乱听如王台二奴俱海西属夷台存颇知忠顺台亡二奴恃强屡谋内犯乃曰忠顺如故二奴既剿其子那林孛罗卜寨不复贡市者五年于兹矣乃曰两关贡市如故二酋既不贡市踵父之智结西虏而攻歹口歹口者王台子孙我属夷也剿逆孽以安属夷乃曰贪功徼赏奴儿哈赤者建州黠酋也骁骑已盈数千乃曰奄奄垂毙倘闻者不察谓开原之情形果尔则辽事去矣况叛剿之议皆发自緘文牒具在而反覆若此臣若因言而阻剿处之计必遗封强他日之忧不言而径行剿恐贻当事以他日之祸乞敕督臣张国彦速至开原查明那林孛罗卜寨等酋果否叛逆相机剿抚仍褫臣如緘以谢言者章下兵部

○庚戌 上视朝毕命所司录文武官不至者八十有二人各夺俸二月

○吏部尚书杨巍再上< 䟽 疏 金 >乞致仕 上温谕即出不允辞○套虏卜失兔圪阿诸酋在陕西边者市赏已毕而结聚不解意图窥伺挟求无己为我军截杀数多擒三人皆骁悍虏将获其马四十匹群虏大创卜酋乃为谢过量求加赏督臣郅光先抚臣梅友松以闻

○刑部尚书李世达都察院左都御史吴时来大理寺卿孙鑰等题申明律例未尽条款凡六事一奴婢官民之家凡倩工作之人立有文券议有年限者以雇工论只是短雇受值不多者以凡人论其财买义男恩养年久配有室家者同子孙论恩养未久不曾配合者士庶家以雇工论缙绅家以奴婢论一窃盗三犯中有赃数不多或赦前一次赦后二次或赦前二次赦后一次者俱入矜疑奏请改遣一强盗审有赃证明确当时见获者照例即决其夥贼供证明白年久无获赃亦花费夥贼已决无证者俱候秋后处决一共殴下手绞犯未结之前遇有造谋主使共殴重伤之人在监与解审在途病故者准抵若配发事结在家病亡者不得准抵仍将下手之人一并处决一子孙谋杀祖父母父母者单具即决毙狱仍戮其尸一伪造印文者斩不问何物成造 上允行

○辛亥饶平令文体循以贪悍斥为民仍行提问从御史蔡梦说劾也

○壬子谕文武官朝仪不肃至有哥侧咳吐无复畏忌者核其人以闻

○癸丑 圣母仁圣懿安康静皇太后圣诞草场灾谕免贺○大学士申时行等上言地近禁城震惊不免事关积贮耗损实多殆天戒之昭垂致 圣衷之警惕臣等分忧无术召沴有繇不胜惶惧即今烟焰已息风气益和当 慈闈燕喜之辰在几务繁劳之暇伏望 皇上顺承天祐少纾 圣怀 上报闻

○是日赐三辅臣上尊珍饌

○南京吏部尚书袁洪愈乞致仕许之特加太子少保为其清望允孚也左都御史

吴时来因言大臣之去国有体朝廷之优典宜隆历举 世庙初陈玉从兰杨廷和蒋冕等并赐加衔驰驿月廩岁夫之典称异数而万历十年恩诏赐给存问有加今以近时毕锵袁洪愈优例推之若尚书张瀚严清陆树声何维柏陶承学王崇古郭宗皋赵锦右都御史曹亨或德望著于岩廊或勋猷树于疆圉并当优异以旌耆德于是严清陆树声俱加太子少保张瀚等给月粮岁夫如恩诏令

○升浙江按察使吴自新本省右布政使

○升大宁都司佾书靳雷万全都司掌印

明神宗显皇帝实录卷之一百九十四

明神宗显皇帝实录卷之一百九十五

万历十六年二月甲寅朔升山东左参政万象春浙江按察使广东副使易可久四川右布政使

○乙卯赐朝鲜使臣宴命尚书沈鲤待

○兵部覆议辽抚顺养谦请命督臣张国彦亲到开原查明那林孛罗卜寨及猛骨孛罗温姐叛逆缘繇相机剿抚盖闻王緘贪功徼赏之说重起忧谗畏讥之心也然前请宽王緘< 〇〇〇 毓-金 >中已明例叛逆情状又准督臣咨称二好遗孽逆状昭昭若因多口剿议不决则抚之亦不必听且恐稳恶速祸间不容发是勘议不亦可已乎< 〇〇〇 毓-金 >上得旨令抚镇协心行事督臣从宜调度毋得疑虑推诿致务边计

○丙辰 上御皇极殿传制遣大学士许国祭 先师孔子

○复除原任参政郝维乔山东左参政分守东兗

○戊午祭 社稷遣定国公徐文璧恭代

○协理戎政尚书傅希摯请侍经筵许之

○庚申赐元辅申时行次辅许国王锡爵各白镵彩币有差以撰述 圣母慈圣宣文明肃皇太后母安国公夫人王氏诰命也

○免陕西西安凤翔府属州县卫所起存银两三万四千有奇以苏灾民从御史姚三让请也

○南京湖广道御史陈邦科请录用建言进士彭遵古顾允成诸寿贤不许先是南京都察院右都御史海瑞自筮仕来砥节清苦慷慨敢谏屡黜复起抗< 〇〇〇 毓-金 >乞骸时三臣始第进士< 〇〇〇 毓-金 >留之 上以新进士位褫其职及海瑞卒溢恤有加而三臣犹锢故邦科云人臣甘心苦节务为刻意皦皦之行必守之克终而后其品始定人臣羽翼善类务为排众矫矫之论必所举之人克终而后其说匪私故举人者与举于人者其道相成而失举则罚得举则赏亦不宜相背也< 〇〇〇 毓-金 >下部覆竟有特处示惩之命

○刑部覆巡城御史史旌贤参天津指挥贺君寿藉捕盗之权作攫金之计居常视上官为木偶临事倚上官为冰山语侵副使查志隆宜行彼处抚按就便问结 上从之

又宋儒真德秀大学衍义一书 世宗尝讲之洵经史格言之林也诚入奏 上复命诚传谕魏徵忘君事讎大节已亏纵有善言亦是虚饰何足采择竟罢贞观政要礼经云是日 上命往复再三讲读官侯宴良久知 上留意经史评论古今莫不叹服称庆阁臣退以所对上言仰惟 皇上天纵总明日新学问其于剖析义理权衡人物是非贤否卓有定评非臣等愚昧所及臣等窃闻之论人于三代之上不可不严论人于三代之下不得不恕如唐太宗开基创业身致太平史称其平隋之乱比迹汤武致治之美庶几成康尤可称者纳谏如流改过不吝亦三代以下之贤君也至于胁父杀兄闺门惭德如 圣谕所评则深中太宗之失视古帝王诚有愧矣魏徵事有为之主当不讳之朝知无不言言无不尽王圭称其耻君不及尧舜以谏诤为已任十思十渐后世以为说言亦三代以下之直臣也至于失身隐太子忘君事讎如 圣谕所警则切当魏徵之罪其于人臣大节信有亏矣故君必如尧舜禹汤文武而后为圣君臣必如皋夔稷契伊傅周召而后为纯臣臣等至愚极陋不敢希望古人之万一至于惓惓效忠之心惟愿 皇上以二帝三王为必可师唐虞三代之治为必可复日慎一日新之又新 宗社臣民不胜幸甚今所讲诸书如孟子称述唐虞三代之德尚书备载唐虞三代之事至于礼记虽多汉儒之附会实本圣经之微言谨奉圣谕分日进讲臣又闻先儒有言读经则师其意读史则师其迹盖史书所载乃古今治乱兴亡之迹善可为法恶可为戒弘治间 孝宗命阁臣纂集通鉴以备进讲名曰通鉴纂要 世宗于日讲之外仍讲大学衍义臣愚尤望以此二书相兼进讲伏候 圣裁明日谕大学士申时行等曰朕昨览卿等奏朕论太宗魏徵之失有中彼过朕又思人之得失善恶无如五伦之重五伦失一复可得为人乎又何取小节而掩大义饰恶而图善正所谓失大取小终不可掩人耳目又思九经皆圣贤所作岂可不知若大学衍义一书明修齐治平之道至于通鉴书善恶得失之事有如悬镜而照妍媸又书经乃为君之至要何可一日不温习哉朕于三书朝夕常看今且以礼记代政要通鉴候尚书完日续讲时行因复言纲常伦理乃自古帝王所以立国臣子所以立身不可一日而不明者纲常废坠则国事日非伦理亏缺则他美莫赎伏承 圣训照然若揭日月而垂星辰将来书之史册播之寰区可与成周之洪范 宣庙之全书后先并曜臣等不胜仰服至于大学衍义备修齐治平之方通鉴一书载善恶得失之事 皇上特与尚书时常省览尤见 圣智之高明 圣功之勤敏臣等不胜欣慰谨将礼记撰写讲章次第进讲其鉴书遵旨候尚书完日接讲施行 圣论一道敬藏之阁中以彰 皇上典学惇伦之美 上报闻

○南京礼部尚书姜宝以引年乞致仕 上慰留之

○行太仆寺少卿苗勃然以陕西佥事升自谓才品足当大任同司非其所安遂讦奏巡抚王士口旋文选司郎中徐一樞害己科臣杨廷相洪有复交章劾其挟私逞愤大干法纪部议落职

○工部题覆沁水入黄河卫水入运河其来已久顷者沁水决木栾莲花口而东督

建文条格悉复旧制今年称三十五年而已然皆一时逢迎之臣从谏为此后世不察遂谓成祖独断归过君父使亲亲之心不白不可二或谓成祖定鼎功同再造如复革除则师疑无名夫天下者太祖之天下也太祖之视成祖建文同一子孙也今日之视二祖同一祖宗也不革除谓不能仰体成祖心必革除其为仰体太祖心乎书靖难所以彰成祖再造之功不革除所以纪建文在位之实何悖之有矧成祖谟烈昭垂岂以革除显不革除晦乎不可三国史野史上下并传世往往信野史而疑国史若谓国事多讳不若求之野耳夫年既革除事必散逸今纪建文者无虑数十家谬无相承至有不忍读者逞其雌黄遂淆朱紫岂细故也哉不可四革除者不过使天下后世不复知有建文耳而千万世之后宁能以建文之实历为洪武之虚年乎大书特书固将不免与其纪年立史于千万禩之后孰与今日之为得乎不可五臣之疑附录何也睿皇帝赫怒振旅虽曰失计然非游猎也景皇帝监国正位虽曰权宜然为社稷也名异两朝事归一录又何说乎臣谓景泰之录不可附者亦有五伏读成化十一年十二月宪宗纯皇帝敕廷臣曰曩者朕叔郕王践祚戡难定邦寢疾之际奸臣幸功妄兴谗构请去帝号先帝寻知诬妄深用悔恨以次抵奸于法不幸上宾未即举正朕嗣大统间以复帝号一事质之圣母亦曰此先帝本意宜即举行朕祇服慈训用成先志其仍复皇帝号会议尊谥以闻夫既加恭仁康定之尊谥而不去废帝郕戾之旧名前后背拂不可一臣尝反覆录中凡涉问安奉迎之文并为裁削闻之耆旧盖编摩者承望云尔时于谦王文之狱固曰不如是则事出无名吁加人以恶侈己之功不可二诗于兄弟戒勿相犹谓弟薄而兄效之也景帝之薄不敢曲为之解英宗始虽惑于谗构终竟怀乎悔恨在宪宗之敕具见不知者谓英宗犹之而不敢改没虞帝亲爱之意貽汉文粟布之讥不可三晋元宋高岂真有戡定之续徒以皇皇之际收拾人心稍能立功故虽区区作史者不得不与之景皇帝萃涣倾否外攘内修北狩回銮神州如故七年之烈曾不得如晋宋之例后世谓何不可四编年之义所以明岁时严统系也故僭伪附偏闰附夷狄附大义也以景皇帝之录而从附谓之舛以景泰之事参之正统天顺之间谓之淆不可五且景泰之忠臣皆天顺改元之奸邪也修录者咸正之而不从至于景泰帝顾从之而弗正乎臣又伏读隆庆六年上两宫圣母徽号诏书内一款曰革除年间死事之臣有司以时祀之而建文以太祖嫡孙临御四载别无他过不得援诸臣之例以慰幽魄恐成祖之心亦必有未安者今宜复建文位号仍付史馆将四年事绩修辑为录尽废野史不经之说其景泰自为一录削郕戾旧名与正统天顺承接弗紊其于善继善述之大孝所关非眇小也< 皇 毓-金 > 下礼部

○工部覆议黄河为患自古已然而治河之难中州为甚何也其地沙壅土
< 皇 毓-金 > 修筑既难平原多旷一望千里无崇山复岭之束独特卷扫以列防自为悍蔽故功难就而费亦滋今据科臣常居敬抚臣衷贞吉按臣王世扬会勘集议工程地亘千里连十县界两省而唐家口为黄河要害在考城曹县之间两省居民互相盗决尤

于运道火有关者宜分地专管严程修筑工在祥符荣泽中牟三县者属河道金事余希周领之在封丘阳武二县者属大梁道参政王来贤领之在兰阳仪封二县及考城县芝麻庄陈隆庄唐家口帮筑堤坝属兵备副使王之屏领之河内武陟沁河诸冲属河北道参政徐三畏领之堤坝以丈计者凡三万三千一百五十约费至八万四千六百余金事竣一体查叙 上命依拟及时修筑依限报完其两省交界处有盗决者设法严禁毋得推诿

○戊寅大学士申时行恭进 圣祖御书以备清览仰惟我 太祖高皇帝圣神首出文武兼资巍乎功烈光被于寰区焕乎文章昭垂于简册其在 宝训实录及御制文集臣皆得庄诵而仰窥之至于 御书墨妙则未之睹也近简阅书籍伏见 太祖御笔尚有贮藏经阁中者凡七十六道或片楮短札或累牍长篇朱书墨书真体草体灿然具备臣等輿水跼读拭目疏观难谓天生上智圣又多能吮墨挥毫独超千古从心应手妙夺天工有非前代帝王所能仿佛者盖自国初至今二百余载而奎章宸翰宛然若新其殆 圣灵之所依凭以为镇世传家之宝神物之所呵护以为书林册府之光者也乃令典籍臣吴果等装潢成册注写释文不揣芜陋敬跋数语于末谨用进呈仰干睿览恭惟皇上学务缉熙孝隆继述留神卷帙不忘游艺之功系念羹墙每切绍庭之志如以万几余暇特赐省观则手泽具存有若剑舄衣冠之旧而音容恍接不啻天球琬琰之陈臣又绎而思之我 圣祖经营草昧总览枢机当其时代言非乏人而载笔之士非阙员也然犹勤劳若此则是圣祖之精神无一息不流于海宇意念无一息不在于政务宏纲细目无一事而不周详大庭深宫无一时而自暇逸其所以开创基图贻 圣子神孙万世之安者岂徒负宸凝旒拱揖指麾而已哉伏望 皇上于语言文字之中求 圣祖之精蕴于陟降著存之顷法 圣祖之忧勤此又区区芹曝之诚愿为覲扬之一助者也

< 硃-金 >入 上谕 圣祖御笔留览并查取 累朝宝训宝录藁来进

○升建宁知府张淳湖广副使

○赐总督宣大山西尚书郑雒巡抚许守谦邓林乔沉子木总兵麻贵李迎恩董一元李如松等以下各银币有差以三镇岁市报竣也○户部覆议河南抚按奏称该省连岁灾荒民食无措请蠲免停徵宜照陕西例分别量允其京边紧要钱粮以口税抵解开归二府改食长芦山东盐引南阳汝宁归德三府仓储许开封等处重灾地方平糶煮粥收价候秋成买补诏依拟行

○己卯祭大明于 朝日坛遣公徐文璧代

○升浙江参政王桥云南按察使

○庚辰巡按浙江御史傅好礼劾乡绅副使吴遵晦左布政使陶幼学苑马寺少卿戴凤翔招纳投献蔑法欺公事迹彰著乞提问如法诏许之

○升太仆寺少卿王致祥本寺卿

○壬午祭 历代帝王遣侯吴继爵行礼伯王应龙毛登尚书宋纁王一鄂分献

空言逆于耳思或为利言逊于心思或为戾毋恣厥情虚心执契勿谓已明察见渊鱼勿谓已断决事庭除思古哲王用人有余勿谓予喜赏或为僭勿谓予怒刑或为滥思古哲王监于成宪朝以出政则思其终纷更之戒画一之从夕以修令则思其始毋狗彘辞毋眩多指是之为师规万世安天命不易为君实难人亦有言日中则昃无疆惟休无疆为恤思之思之鬼神通之户牖有箴蒙史诵之养心斋箴亿兆之众环拱一人则君为民心耳目之官率彼大体则心为身主夫心也敛之方寸曾不盈掬是在所养曰惟寡欲消长靡常譬彼山木日夜所息雨露所滋平旦之气萌蘖几希惟此几希岂胜攻斗憧憧往来与接为构淫声冶色伐心之斧斤毋亦却听收视以培吾真靡丽玩好牧心之牛羊毋亦守素抱朴以葆吾光神以恬愉而况涵则摇形以安适而驰骋则劳存心恭嘿居以逍遥优游于道德之途偃息于仁义之圃无间十寒无咻群楚众欲退听惟敬作所天君泰然乃有宁宇昔在帝尧允执厥中舜禹相授精一其功明明 皇祖丕阐敬一心问是传心箴是释我皇端居独观昭旷澄彻本原屏除诸妄以虚为室以灵为台宥密退藏重门洞开清明在躬贯穿古今远绍帝学近绳祖武敬稽首而献箴愿顾諟于庭户省心斋箴道心惟微人心惟危詎云三省厥有万几既省其几又省其康休咎省岁率作省成是犹省事未若省心人惟此心易佚难伏辨之在早慎之在独内省不疚闇然而章其究千里其端毫芒防于未萌察于方朕克艰厥后克念乃圣莫见乎隐莫显乎微若终日言退私其私无有作好无有作恶若虞机张往省于度听讲则肃视朝则严相在尔室不遇有愆无有师保如承宾祭此心何如操之弗替胡然焦火胡然凝冰有欲思室有忿思愆勿曰予尊人莫予违一念之泰百度之隳勿曰予圣人莫予若一夕之矜终身之恻溢水可捧而志难宁□□乏驾调而气难驯凛若馭朽惕若持盈于穆斯斋初明之舍几牖有铭盘盂有诫近臣进规贄御诵箴我其夙夜上帝是临乐志斋箴圣人作易次豫于谦喜起之歌始以敕天我皇鉴止弗懈于位有毖斯斋惟以乐志其乐伊何匪遨匪游其志伊何乐而不流乐有从理亦有从欲安危之机辨之幽独何以辨之惟志之持志一常安志定常怡大昕视朝向晦宴寝起居雍容适于驰骋目玩坟典耳听法言穆然清风润于管弦玄酒为酌大羹为味式宴以衍饫于甘脆前凝后丞左咨左谏都俞一堂美于曼柔时惟几暇无逸乃逸 两宫奉欢四海承德于以鼓琴于室之阳被之薰风虞弦是张于以矢诗繇庚既醉黄发载赓和声四暨是谓至乐君子攸居如登春台如游华胥既登既游保之不易无已太康职思其惧愿言九扈易灾而穰愿言重译来享来王以答畴恣以纾旰食此乐此志万年无斁

○大学士申时行等上言先奉 圣谕以 圣体偶尔违和暂免朝讲连日以来每从内使恭问起居并称万安曷胜欣慰第臣等不奉 天颜半月有余经筵常朝多从传免岂 圣躬虽已康豫尚未耐劳 圣志虽切忧勤犹须静摄耶犬马私心实深瞻恋伏望 皇上顺承时令保养太和以迓天休以慰众志臣等无任仰祈恭候

○丁亥以清明节遣武定侯郭大成等九员各赴 长陵 献陵 景陵 裕陵

茂陵 泰陵 康陵 永陵 昭陵各行礼

○以原任通参杜其骄添注通政使司左参议

○复除礼科给事中王士性

○总督宣大山西太子太保兵部尚书兼左都御史郑雒引疾乞致仕 上慰留不允
○荫已故大学士翟銮孙翟思祜中书舍人

○戊子文书房官宋坤传谕 宝训实录 皇史宬无从寻觅恐 世宗请去西城万寿宫被灾今自 太祖及 累朝训录都着誊写装潢进览大学士申时行上言嘉靖十三年重写 宝训实录降敕开馆取用多官盖 世宗欲以圣神谟烈闳之金匱玉函以传万世之信所重在于尊藏今 皇上特命誊写是欲以累朝典故置之法宫秘殿以备乙夜之观所重在于披览臣等窃谓 训录旧本体式太宽今宜改从书册并省卷帙容臣等查例施行 上是之即降手敕曰前者卿等所进 圣祖御书朕恭睹睿藻弘谟真乃天授非纯圣至神而何因思 祖宗训录乃今朝之史鉴岂可不知前命卿等进藁及见卿等回奏即命查取旧本无有乃命卿等以在阁 累朝训录副本誊写装进庶可以知祖宗治国治家之法修身勤政之要非图褻玩别意也大学士申时行复奏仰惟我太祖至神上圣度越古初睿藻弘谟真繇天授 皇上特垂省览深致揄扬仰见 皇上契悟之精覲扬之孝臣等不胜钦服至于因览御书欲观 训录尤见 皇上志存法祖念在绍庭切近精实之功广大高明之识非臣等愚昧所能仰赞万一者也书录完日呈览其 圣谕一道谨尊藏阁中彰 皇上法 祖典学之美谨具题以闻

○己丑赐陕西贡僧宴命临淮侯李言恭侍○光禄寺题本寺库藏匱拙内供取用不敷乞敕该监查议除正供外偶因一时取用不系紧要者悉与裁革其户工拖欠接济钱粮催徵那解以备急需上命户部查处接济节年拖欠者严限督催不许迟误

○庚寅升浙江副使林一材云南参政

○升贵州道御史史旌贤浙江佥事

○辛卯复除张鼎思吏科都给事中姚德重户科都给事中升穆来辅户科陆懋龙礼科胡汝宁兵科俱左给事中邵庶刑科右给事中

○撤江防游巡营兵归并新江口从操江都御史王用汲请也

○工部题皇本车户苦累顺天州县 上命免编徵银雇役仍禁厂司借用

○南京所属州县上仓米豆准改折停徵仍分别灾伤轻重为停折之多寡从直隶巡按御史王藩臣请也又淮扬巡按御史刘怀恕奏庐凤淮安灾甚请各仓本折米麦草料等岁运在十二年以前积逋未输者免十三年十四年者暂停追呼十五年运解如额其米豆积多者亦以灾伤轻重分别改折之数报可

○管理太仓主事张悌奏称视事凡三阅月经收各省解纳银五十五万五千一百九十两有奇其见贮交代于刘主事者九十万二千九百三十八两有奇共一百四十五万八千有奇而月俸禄米军匠赏劳料价及边镇年例之出至一百四十二万二千尚不

○升延绥游击刘承思石门参将

○乙未敕吏部内外考选诸臣鳞集阙下务严行<言恣>访要以志节坚贞操履清介为上参之才识抡选得人以端始进从御史吴达可请也

○丙申升湖广参政范谦山西按察使管倒马龙泉三关谦忤故相张居正自翰林外调至是渐加向用

○丁酉 武宗毅皇帝忌辰遣成安伯郭邦柱诣 裕陵行礼

○大学士申时行等奏数日以来不奉天颜殊切驰恋正欲具题恭候适文书房宫李兴传 圣体尚未即安暂免朝讲仰惟 皇上以鼎盛之年元神独王当春生之候壮火易升以故暂尔违和当自勿药但保身之道以清心寡欲为先摄生之方以固气宁神为要伏望 皇上珍调饮膳慎节起居以凝宇宙之和防阴阳之沴犬马下情不胜瞻仰恳祈之至

○原任兵部左侍郎邹应龙因巡抚云南失事论夺至是命复其官以巡抚陕西右佥都御史王璇奏其任御史时论劾权奸盖棺论定请破格优恤以励臣节也

○陕西起送法藏等陆寺番僧相竹领占等三十人好地坪等族番人郝百等二百四十七人寨坪等族番人羊加保等一百二十七人各贡方物如例赏彩币银钞有差

○工部覆巡抚浙江都御史滕伯轮题重修海盐捍海石塘凡十款大略委官经费储材鸠工切要事宜 上允行仍令抚按官用心督率

○戊戌升甘肃巡抚曹子登都察院右副都御史巡抚如故子登三年考绩多斩获功故有是命

○升甘肃守备姜直延绥游击

○己亥先是都察院左副都御史魏时亮条议浚筑储蓄导利平贼清狱弭盗善俗七事欲令巡抚官责成守令每岁终逐一分款注册送吏部院科稽核犹恐开报不赏每三年定为会纠之法如拾遗例其岁报文册通入科院考成例内以凭综核至是复以目击乱民拯灾无术并陈吏治民瘼责在所司部覆概为申饬诏如议行○庚子兵部题各边马价旧例俱听市完解给但货物收办宜早而钱粮预借甚难又站银积逋至二万五千余两边人困苦极矣总督三边郅光先请先给市本及催解站银以苏军累亟宜咨行上从之

○复除原任副使赵钦山东副使

○辛酉升成都知府耿定力福建提学副使

○谕都察院点差御史如遇免朝三次着具奏请点盖因尔时临御稍间御史为弹压要相故急之

○改土司思明州属太平府辖治时思明土舍黄拱圣阴谋夺袭纠多凶杀母兄黄拱极五命而思明知府黄承祖乘乱掠其村寨为之援抚按请以黄拱圣及多凶正法思明州改属流府革黄承祖名爵立功自赎而追其所掠更令族人黄恩护拱极妻许氏抚

遗孤世延待其长官之

○应天府尹许孚远乞致仕刑部右侍郎何源引疾乞休俱不允

○癸丑巡抚陕西右佥都御史王璇奏巩昌府陇西县天鼓鸣请申饬边政以备虏警

○壬寅升云南参政彭应时广西按察使

○癸卯巡按云南御史苏鄯勘劾破緬功次虚妄不可信者七一查前报四寸内緬兵数万见劄遮浪五月十七日迤西蛮莫合兵杀死者无算随领部众至腾冲贡象归款今乃云向往未知至六月初五日即报緬兵已到密堵夫密堵离腾越四十五程去摆古约三十程何往来不及一月也一查河瓦江在猛密南威緬隔冈勒北原非策应顺路道臣李材向于永昌创院讲学七月十七日乃其生日游击刘天泽以初九日赴贺府官悉与面见< 〇〇〇〇 銃-金 >内发兵次日未尝离腾越一步今乃云贼栅以阿瓦江为险本道移驻腾越刘游击进驻威緬何也一查密堵正迤西败緬之地原无城守与遮鲁博薛等处皆村寨或傍密堵或近蛮哈相去远甚緬兵从在败归夷酋方来投报今云七月初八日发兵东破遮鲁八城十三日至密堵大战当在何时也一据报破緬众万擒斩三千余级炎瘴难运标积听验今查见级不满一千其余俱称思化烧毁夫首级未运应在密堵运回应在腾冲思化江屯相去各数百里未尝交战何从被毁也一据报夺回夷民一千二百四十名口生擒六百八十九名今查夺回者未见给还何部生擒者未见安插何所诘之第云各夷不肯解出夫既系官兵夺回何被各夷执留明乎擒夺原出各夷而安插尽属饰说矣一据报遮鲁八城每城约兵二千密堵精兵二三万战象数百乘胜追杀尸横遍野果尔则器械亦应山积矣今查所获象二只夷器六十三件而已岂数万贼兵皆张空拳就死耶一据报连克八城拓地千里似皆归受约束矣今查猛密为緬兵屯据蛮莫为思化驱略三宣以外尚未屈服岂诸夷倔强尚在数百里内而开拓顾踰千里乎总繇道臣李村虚望骤躋急欲以边功自见抚臣且为所欺而郡将又何论也< 〇〇〇〇 銃-金 >上命部科参看来说

○兵部题改平梧二府清军同知各加江防职衔府门等五驿为水马驿从两广督臣吴善请也

○升浙江副使胥遇云南参政○丁未兵部题陕西有罗哩贼之变从秦州石门山据险立寨敌伤官兵各经抚按会报至今尚未削平宜申速行剿除之令 上俞命督抚上紧剿捕以靖地方

○巡抚南赣汀韶都察院右佥都御史秦耀会江西巡抚陈有年巡按朱鸿谟复议岑冈善后事宜五事一兼节制以便机宜一增官吏以镇要地一置徼巡以守险厄一复额兵以资捍卫一移营兵以急调度章下兵部

○补荫原任巡抚张玘孙男张维送监读书

○戊申吏部都察院题考选行取博士中书行人推知等官安文璧陈效荆州俊霍

从教潘士藻张天德陈子贞龚云致梅国祯连标王道增周班爵李化龙李光祖崔景荣管九皋陈达张季思曹楷颜洪范方万策何出光赵一鹏王麟趾陈扬善刘寅李自谦俞咨禹凡二十九人各志行端谨器识老成足任风宪之司分注南北各道御史试职张应登丁懋逊李汝相李献可任让李周策吴文梓孟养浩杨文焕杨恂李文郁罗万程章尚学李汝华杜华先徐常吉凡十七人各练习朝常丰采凝重足任补救之司分注南北各给事中 上如拟仍训饬靖共以无负考选之意

○升工部郎中周梦暘浙江副使

○辛亥国子监祭酒田一俊奏为奉旨较刻十三经注< 〇〇〇 铤-金 >尚书先完恭进御前命留览

明神宗显皇帝实录卷之一百九十六

明神宗显皇帝实录卷之一百九十七

万历十六年四月甲寅朔 上御殿享 太庙

○准截留漕粮二石万发凤淮扬滁四府州平糶赈饥从漕臣舒应龙请也

○直隶巡按御史乔璧星奏河道冲决为患请率旧典复设专官以一事权盖自古治河止于除害我国家仰给东南岁输四百万石自淮至徐实藉河利顾溃决浅涩之患往往有之永乐九年分设部司督理或命部院大臣往视事已辄罢正德四年乃议专设宪臣为总理河南之开封归德山东之曹濮临沂北直之大名天津南直之淮扬徐颍咸属节制建牙如督抚重河防也然理河者不复虑漕而理漕者亦不复虑河则亦专设河臣之衅矣万历五年偶因两臣意见相左遂并河于漕在河南山东北直者以巡抚兼领之责分而官无专督故修浚之功怠于无事急于临渴河患日深顷者勘科常居敬亦有专设大臣之议非直备官要在得人试按嘉靖以来河渐北徙济宁以下多淤而刘天和之修复鲁桥朱衡之开通南阳潘季驯之浚刷崔镇河道赖之此专设得人之明验也

< 〇〇〇 铤-金 >下部覆如议 上命督河再设以老成才望者任之

○丙辰巡按直隶御史任养心劾辽东总兵李成梁父子兄弟列据宣辽蓟保恐有尾大之患谓石亨仇鸾未叛时并先握兵柄幸皆早发其奸扑灭故易今成梁驻辽左如松驻宣府如柏驻密云成材驻黄花而李平湖李兴李宁王维藩皆姻旧厮养为列镇参游不可胜数环神京左右蟠据横骄莫可摇动而如柏贪淫跋扈犹甚若驱逐后时恐生他变 上命如柏革任回卫听勘仍谕朝廷论功使能只要尽忠报国若以父子兄弟并用辄加猜疑则任事之臣何以展布成梁等勿得牵及

○丁巳兵部覆议陕西巡抚王璇因天鼓之变请饬边备谓丙兔克臭等夷勾结抢番宜行大同甘镇驱逐回巢如必蟠牧西海听其五市暂系虏心勿令复入莽刺以静洮西而安生热之命 上如议

○南京国子监祭酒赵用贤条上申饬南雍七事一复勋胄入监之制请命公侯驸马伯子孙非从成均教习者不准承袭一修遗贤荐用之典请录用举人邓元锡刘元卿

王之任一严监生久旷之罚岁久不复班者竟黜即举贡不少假借一查银两积逋之弊请载入考成一正儒臣崇重之体请定司业朝班六堂迁转与北雍同一禁在监加纳之例谓方在走班已先纳选朝而衣巾从容班次暮而冠带招摇闾巷非所以肃教政而抑奔趋也一复监试防简之役请用五城弓兵并供祭祀洒扫部覆允行刘元卿咨取会试邓元锡议用王之任给冠带

○戊午兵部题云南远在炎荒诸夷杂处自莽酋倡乱以来增兵添饷设险营城通血脉于三宣固唇齿于六诏业不遗余力矣用是蛮莫诸酋曩为缅贼所劫者今皆合兵攻缅以树功一时将吏宜奖录示劝使之鼓舞向化已耳乃原任按察使李材副使陈严之等张星攘窃饰虚为实如勘臣苏鄯纠劾七事将何词以自解乎请究斥如律 上怒其欺冈命逮治材等镇臣沐昌祚夺禄米一年抚臣刘世曾斥余依拟

○大学士申时行奏滇南功次原系蛮莫罕送拒敌缅兵之功事在土夷宜从实奏报乃刘天俸既贪其功以为已有李材又张其功以报上官陈严之附会饰虚宋儒陈克侯扶同结勘罪诚不宥至于刘世曾沐昌祚虽会本报捷原请行御史勘覆盖一时轻信之失情有可原罪当未减臣又思云南万里耳目难真欲张其功固易于夸称欲文其罪亦易于谤毁先年因循养患以致缅寇猖獗近年选将用兵擒获岳罕边境始安盖 皇上委任边臣展布之明效也今处分太重则土司有轻边臣之心边臣遇事务为引避谁复有血诚任事之人哉臣等以为李材陈严之既已去位即镌秩已不为轻刘天俸辈行御史提讯亦不为纵若缙骑四出殊骇听闻请霁威矜宥 上弗许

○荫原任兵部右侍郎王元敬孙王承芳送监读书

○直隶大名河南开封等五府水旱相仍饿殍载道从御史孙琬奏发归德米价银五万两直隶存留银七千两分行赈济

○赐原任兵部侍郎邹应龙祭葬如例

○巡按广西御史孙愈贤奏西南地方虽不至如山狭之久旱吴越之洪水而兵戈饥馑之苦千里萧条宜随事加恤条上四事一裁减地方免其入覲以省道途之费一禁盘仓库妄报羨余以免波累之苦一远官文凭咨院行巡按衙门给发以杜赍索之弊一盗劫严为捕捉无滋宽纵之害章下所司○己未 上视朝行取翰林院编修邓以赞充起居注馆编纂章奏官

○以文体险怪夺浙江提学官苏浚等俸各两月

○庚申兵科给事中张希皋奏辽左猛骨那林之剿顷报破其寨栅者斩首五百余级二酋乞和歹口效顺中国可谓张挾伐之威寒毡裘之胆矣顾二酋负险筑坚输服恐未可信而建州夷奴儿哈赤及北虏恍惚太结连助逆实烦有徒不可一日而忘备也一切善从事宜乞敕抚镇从长酌议具奏章下兵部

○工部覆科臣常居敬条上漕河事宜一严启闭以杜淤塞请岁行申飭山阳通济等闸三月初运毕即为封锁瓜州二闸俟苏浙运毕封锁官私船只照旧车盘势豪干挠

议修坝埽以防危急王公堤累经冲决与黄河止隔丈许两河夹之势最危急议于本堤设法增筑实土石于鴈翅之内密钉桩木于卷埽之外并设顺水坝一座逼水北流一开创月河以避冲决谓既设顺水坝以逼黄河之北流复于运河之南开月河以引漕水之南去则二水相隔颇遥时加培筑可保无虞一筑宝应西堤以束漕流盖宝应湖口运道所必经近来挑浚徒劳浅涩日甚缘水势散缓泥沙易停议于阳山一带培筑西堤以束水势令无壅淤则粮艘不阻一砌邵伯湖堤以免岁修盖邵伯湖一浅二浅等处正当波涛冲击而排桩厢板其何能御应尽包石以捍其锐一浚理河身以利长运自淮安至仪真内河旧三年一浚后岁一浚之久之且置勿浚矣合于重运过毕清坝工完之后乘时挑浚并查复浅船之制一酌议分地以便责成以梁境至首闸属之夏镇主事茶城至清口黄河属之中河郎中而夏镇及南旺两主事并给关防敕书视河道郎中例以重事权一移官夫以资策应吕梁徐州二洪水势既平洪夫稍暇且属流寓随地可安议拨六百三十三名均派新旧五闸余者留二洪拽运而管河同知改住境山策应一设山阳长夫以便河工盖山阳河夫向皆市侩雇觅故增减之弊滋而逃亡莫可禁议令诸侩入银官雇注名立册按册拨夫实为长便一寝开支河以防善淤盖闸河水泉不多难分为二宜寝其工一查议故道以省繁费盖闸河出口无不与黄值即改避而南亦难远害况弱汶之流不足以湿淤沙故道之议固应并寝一停拆三坝以保成功崔镇徐昇季太三坝原为洩水而设议拆者为其高而坝外堤岸更高于坝是存之未碍宣洩之利拆之反滋泛滥之虞也一停浚草湾以节财用草湾一河阔二百余丈先尝开之以保淮城耳淮黄之水藉以分流而开塞靡常无烦浚凿俱如议行

○原任少傅兼太子太傅吏部尚书武英殿大学士郭朴奏妻李氏封一品夫人病故乞求例恤命如例加祭一坛

○甲子升国子监司业王祖嫡司经局洗马兼翰林院修撰充 玉牒纂修官

○南京国子监祭酒赵用贤奏求修理国学以肃教政许之

○升大理少卿许子良都察院右佥都御史巡抚贵州

○延绥副总兵臧士劝蓟镇游击庄盛谷革任回卫抚按劾其不职也

○乙丑 上御经筵赐三辅臣藕鲜○大学士申时行以六年考绩乞致仕

< 疏 > 曰臣草茅微贱幸以章句笔札周旋 世穆两朝暨事 皇上不自意蒙过误之宠拔之讲幄滥厕纶扉十有余年于兹矣臣才最下秩最崇望最轻恩最重岂敢遽图私便仰负 圣明顾臣叨一品六年属当再考绩殿最有成课黜陟有旧章而臣自考甚真当去已审盖臣弼臣也燮理赞襄实臣之责而顷者天鸣地动水潦旱乾岁屡不登人至相食流民因而劫夺悍卒每至噪呼纲纪之凌替可虞习尚之倾危难挽臣日与本兵忧盗计部忧民而拊膺自伤束手无措徒有旷瘵之咎曾无匡济之能臣之不职可见于此矣况臣秉受素薄血气早衰五十以前须发尽白今踰五望六怔忡多悸恍惚善忘且渐成重听其何以赞佐万几仰承清问当艰钜剧烦之任乎伏乞 皇上察其悃诚

○丙午调广东按察使陈瑛山东按察使备兵徐州

○丁未 上御皇极殿

○大学士申时行等奏上 太祖高皇帝 成祖文皇帝实录各十五卷○吏部奏题考选知县等官叶初春兵科董道醇南工科各给事中林道南湖广道林国材山西道陈忭广东道袁应文贵州道王以道南贵州道各试职诏如拟

○改南京兵部员外郎张一桂国子监司业仍支正五品俸

○戊申太子少保礼部尚书沈鲤题奉 圣谕修省请饬内外臣工勤修职业更愿我 皇上绎节用爱人之旨思财散民聚之言供亿营建有可减省者酌议蠲贷则民心悦而天意可回矣 上谕近来各官宴会往来废坠公务奢侈耗费屡行禁止肆然不遵今后勤慎职业毋但虚文塞责如仍前不遵科道官指名参奏所议俱依拟行

○己酉刑科给事中杨文焕< 〇〇〇〇 毓-金 >天灾流行安民无术劾王道亨郑承宪凭恃威畹肆毒小民诸不法事 上谕戚臣受国厚恩当安分守法何以辄行横肆郑承宪王道亨应如法即讯姑以宽政全亲亲之谊听其省改< 〇〇〇〇 毓-金 >内多犯都付法司提问

○巡抚延绥右副都御史梅友松奏称前任右佥都御史考满历有边功屡经赏赉乞比巡抚曹子登例荫叙许之

○山东巡抚右副都御史李戴题称鲁王颐坦捐禄买余至一千二百余石以助赈恤 上赐敕奖谕

○升户部郎中陈朴湖广副使蕲州江防

○庚戌升保定知府顾显仁河南副使分巡汝南

○辛亥祭 地祇于 方泽遣文徐文璧代

○壬子巡抚山东右副都御史李戴奏祈祷不效弭灾无术引罪求罢时四方旱报日至戴奉命躬祷泰山而雨泽未遍故有是< 〇〇〇〇 毓-金 >得旨抚臣受事一方岁灾民困正当竭力分忧岂可辄自引退李戴不允辞

明神宗显皇帝实录卷之一百九十八

明神宗显皇帝实录卷之一百九十九

万历十六年六月癸丑朔原任吏部尚书严清奏谢存问报闻

○命按察使丘浙知府杨沂周良贵致仕参政应存卓林偕春调用以吏科张鼎思劾其不职也

○升遵化守备朱士元昌平游击

○甲寅原任郟阳巡抚右佥都御史今逮问李材奏辩御史苏瓚论劾事大略谓臣任云南金腾兵备见岳凤虽擒缅贼犹肆土夷猛养蛮莫皆叛附之岁为边患臣思二酋不归边无息肩之日多设间谍谕以祸福令其诛缅自效大朗长者缅腹心也散夺缅甸目也二酋入间前来受计既而缅贼果遣兵三万驻劄遮浪前来报讎猛养惶惧乞救臣

行借用以致循袭为例民不堪命法当申饬禁革以恤灾黎从之

○壬申兵部覆革湖广总兵并罢武靖伯赵光远弗许

○甲戌廷试天下愿就教职贡生下吏部

○丙子升陕西参议原一魁山西副使昌平兵备

○戊寅 孝庄睿皇后忌辰遣靖远伯王学礼 裕陵行礼○升武库司郎中李蕴
陕西参议

○己卯云南道御史方万策< 疏-金 >征剿湖寇机宜扼要害防内应孤贼党
备邻疆禁奸民接济优将领凡六事部覆如议行

○河南道御史梅国桢言修省实政要在抚贫民恤疲军消内乱绝外衅修武备防
盗贼语多关切 上如议申饬

○应天巡抚余立奏湖盗平 上报闻先是湖中之盗三吴戒严以为萑苻之警此
其最钜颇虞当事之忧乃马山官兵方集一旦化为乌有零星搽缉仅获数魁用作结案
故御史彭而珩随有抽吴淞游兵入湖防守之议亦善后之思也

○庚辰 孝穆皇后忌辰遣丰城侯李环 茂陵行礼

明神宗显皇帝实录卷之一百九十九

明神宗显皇帝实录卷之二百

万历十六年闰六月壬午朔给肃世子绅尧管理府事关防候册封日进缴

○吏部题论官固当辨才考德犹重知止据刑科给事中杨恂奏内外仕途并称壅
滞盖繇铨补太宽起用太滥以致易退之义不明希进之风日炽也自今听补候降各官
宜察其气性或偏才能稍弱而行能未可即弃年力尚未甚衰者议用如品卑年暮进之
徒以废职殃民退之犹可全名善后者即令致仕起用各官察其功在 社稷望系苍生
者急为推补节义素著才力超群者酌量叙用如才不踰人位已称德不妨成其恬退之
雅或虚名罔实干进无厌尤当抑其奔兢之谋则甄别与爱惜并行而仕途清矣报可

○兵部题总督陕西郃光先巡抚曹子登奏称十四年东虏火落赤及套虏抄胡儿纠司
海虏抢掠洮河诸处西番随遣通官副千户李福保等六员往谕为生番思哥奇密所杀
宜加恤录以励边将报可户科左给事中穆来辅奏筹边要略谓今之扼腕边事者惟辽
左是急夫辽自庚戌后三卫为构不北合土蛮则西连青虏故势日以危然青虏虽时阑
入终畏宣镇有盟而所与共抗者土蛮者我备诚预犹机上肉耳则是辽之危不在外虏
之凭陵实在内地之残耗辽夙饶沃其民鸷悍迹以蹂躏饥馑之故日就衰弱救之莫如
严海运以足食核贪冒以足兵开原宁远之间塹濠堙谷以控其出入金复海盖之处设
兵议饷以壮其根本为辽计者此其要矣至于薊门自棒槌崖一挫土蛮十五年不敢近
塞西虏青哈等称臣独三卫阳顺阴逆挟求无厌计莫如蓄吾之力而伺间图之乃今筑
边之议原限已半功未什一盖缘缓急不分细巧徒糜故耳夫河口狭隘胡骑难驰秋水
横流桥梁易决如潘家口桃林口营功未半付之洪涛矣至若台墙以御虏耳方石水磨

仰徼 明旨与三镇将吏奉行之一曰定马市以节市费议贡之初宣镇抚赏无节市马无数当日利款事之速成耳大同山西虽有额数而每当开市夷人恣意要索或自称用事头目乞增一赏或自称在市效劳乞卖一马叩首乞哀嗔喝不去当事者不得已而丝丝与之积成丈尺臣自任事来于例额之外一马一布不假九年之内三镇所供幸无溢数今须查照去年旧额抚臣力主于镇城总兵该道副参而下力主于市场大都宣府马数以二万匹上下不得踰三万大同一万四千山西六千如数则市不如数闭关绝之极力主持使虏不敢恣所要求亦不至遂开衅隙事毕类题然后市费不浮而款事可久也二曰公临场以重市事三镇事在宣府者市张家口守道为主分巡怀隆道协之大同在德胜堡分巡道为主分守大同阳和三道协之新平守口则阳和道为主分守道协之山西水泉则岢岚道为主鴈平宁武两道协之此往例也始时人心齐肃主协毕集或公审市夷或分验马匹或稽查钱货或简验段布皮张盖重之也其后协理者多不至或一至即去此人心玩而弊窦多耳必偕至市场公同验视货贖必查价浮必问其有不堪冒破抵塞者条上督抚而罪委官则人心肃市赏整事完而用节矣三曰清营马以省主饷初议马军乘暇操练步军分拨修工老家司主守城堡其后步军工作不休马军坐享草料于是马军日多步军日少久之马倒不报桩钱不纳而营马日增饷因以耗据报自互市至十二年已增至三万四百七十四匹每年约费草料六万五百许金至动积余客饷济之则拣汰之令何得不严乎而汰马表卖之令累下不报固宜于关支草料之日道臣遍历营房查验其老疲不堪餽养者悉行汰去数外量留以备补额夷马入市或养或给或卖分别具知以凭岁报至于步军之苦酌议优恤无令与马军相悬尤急务也四曰严防御以壮国威盖虏以盗窃为生制御在我迩以边塞荒歉夷人罗雀掘鼠为食五六月暑雨时行边墙倒塌修边士卒里粮而行乞食夷人攘臂思起如新平堡墙坏摆腰小酋率众挟赏及遣通事诘问兼谕发兵而酋已遁窃去人马随即付还顾三边犬牙千里各部穷夷能无如摆腰闯入之事乎宜申饬将吏待以整暇勿徇虚喝勿轻私饵如昔年贿虏故套以苟旦夕之安也五曰慎举动以杜边衅夫兵不可轻威不可褻臣累言之昔年宣镇大军出边樵采哨探已知段柰台吉将率众索降欲一逞我军即敛避未为不可乃厉气一往磔其酋首虏归屈于我今其衅尚未息也近报四海沿边外生夷行走臣谕以夷自行猎不必探问而将士轻遣哨探致伤哨军此皆用威之过也宜饬镇道小过弗责小隙必杜先开谕而后攻战则威常伸而体常正矣

○升山东参政余国宾江西按察使

○乙未升山西右布政李采菲本省左布政使○山西行一条鞭法将每岁额徵税粮马草酌定银数分限徵收以省纷纷头绪致滋里书飞洒之奸从抚臣沉子木之请也

○丁酉升四川按察使傅作霖山西右布政使河南参政刘东星山东按察使督理紫荆关

○调山西游击杨文管惠州参将事

待罪土夷耳前< 〇〇〇 毓-金 >自称安慰而再< 〇〇〇 毓-金 >复称土舍贵州三运验无本酋大木半年之后方云起运在途且口人深入土司采木则前后左右皆为土人口人何能肆抢乃巡抚参论土司原有弹压之体而土司遽参巡抚可谓辱宪体轻朝廷矣矧国亨凶狡之迹详隆庆 实录献木情形应令彼地查问奏上如阁臣议

○升宁夏游击姚国忠分守大同平虏参将

○禁各差御史不许濫出马票占用坐马违者都察院参奏

○甲辰 上视朝毕命锦衣鸿胪寺简文武官不至者七十一人夺俸二月○巡抚河南右副都御史袁贞吉奏賑理灾伤五事一恳请改折一类解民运一次第征输一改征王府民较一优恤死亡下户部

○乙巳升山西守备孙锦宁夏游击

○丙午太常寺卿李尚思奏四孟享祭惟秋以子时余皆用午载太常考不言其意义春冬正寒孟夏未暑隔日省牲可无虞矣孟秋残暑正隆牲久恐变故以子今奉 明旨改于午时骏奔之仪诚肃而视牲之期亦宜少移得旨于祭日寅时省宰

○丁未以写篆 世庙端惠安荣靖妃卢氏神主圻志赐辅臣申时行等银钞有差

○南京湖广御史陈邦科< 〇〇〇 毓-金 >理金腾兵备被逮李材之冤乞行勘问不许仍夺俸半年

○戊申 上御皇极殿

○太子少保礼部尚书沈鲤引疾乞休 上谕令暂摄痊可即出理部事不允辞

○己酉总督河道都察院右副都御史潘季驯题黄河之水浊而强汶泗之水清而弱交会之处则茶地是也每伏秋黄水盛发则倒灌入淮沙停而淤势所必至黄水消落漕水随之沙随水刷不待浚而自通矣纵有浅阻不过旬日如万历十年中河郎中陈瑛创建古洪内华二闸每遇黄水暴发即下板以遏浊流之横而闸内无壅阻之苦黄水消落则启板以纵泉水之出而闸外有洗涤之功去伏稍失开闭之防遂至漂壅失常廛惟当宁臣于前月望至宿迁阅视同知徐申谓本月望前黄水偶长丈余浸入洪口即令严下闸板至二十一日报黄河稍落于是启板通漕冲刷成河通行无滞至闰六月等日复然前不过七日后不过三日随长随落此即二水胜负通塞之故也勘科常居敬复建口闸一座去河愈近则吐纳愈易足为永利但建闸易守闸难运贡之驰行固急势豪之开放不时数日之羁程不能待而千百年之利害且决裂矣乞持赐纶音如万历八年清江浦三闸之法以严启闭庶河渠永有赖矣部覆如请

明神宗显皇帝实录卷之二百

明神宗显皇帝实录卷之二百一

万历十六年七月壬子朔孟秋 上享 太庙遣定国公徐文璧临淮侯李言恭分献

○总督四川兵部尚书徐元泰奏平赋乃诸夷功次谓赋乃久据凉山地近马湖黄

免请行各兵备道起造清册非抛荒六年之外者不名开垦承佃之后果有沙压水冲核实方准免科违者听屯田御史参治 上是之

○原任礼部尚书陆树声< 〇〇〇 钰-金 >谢存问 上报闻

○贵州宣慰司土舍安国亨奏抚臣舒应龙携私阻抑补贡大木以明不欺部议罪其非法拟革冠带 上谕令省改冠带免革木著验收

○己未礼部尚书沈鲤引疾乞休不允

○礼部尚书沈鲤援科臣陈与郊御史张天德等< 〇〇〇 钰-金 >并 累朝分封成例请命 潞王之国之期以便戒事 上谕奏知 圣母于明春举行○户部覆御史刘霖题戚臣庄田除 皇后之亲传派五世准留一百顷为世业驸马传派五世准留十顷供主祀其诸妃家传三世即尽数还官庶尊卑有别而 皇仁可永 上俞行第令有出之妃赐田原在百顷以下者准留

○升山东都司佾书俞允升兴都留守

○癸亥升黄浦川守备郭淇延绥中路参将

○乙丑寅时 皇第四子薨大学士申时行等具< 〇〇〇 钰-金 >恭慰

○升刑部右侍郎何源本部左侍郎大理卿孙鑰刑部右侍郎

○丙寅以中元节遣恭顺侯吴继爵成山伯王应龙等诣 九陵各行礼遣惠安伯张元善祭 恭仁康定景皇帝陵遣都指挥佾事蒋克谦祭 庄敬哀冲二太子

○丁卯吏部覆议南科臣徐常吉劾副使房寰贪肆其实才守无玷第负气太高执法太峻宜调用以示裁抑从之

○ 成祖文皇帝忌辰遣阳武侯薛钰诣 长陵行礼

○兵部覆应天巡抚余立题湖盗已平善后应议一设兵船请于吴淞游兵巡司弓手各量拨二三百名赴湖协守一守险要请于胥口叶港沙塘下埠独山门等处分拨兵船相机策应一议设官请改陆营把总移驻太湖统领兵哨一编鱼舟请将沿湖鱼船大罟船尽查编号十船一甲十甲一舟□□各相觉察互为声援一严保甲请于沿湖有山处所申明逻辑凡有潜踪密聚者即便擒治一禁越关请于七里桥戚墅堰花渡桥等处置立木栅放农阻□严行守把 上依议

○己巳巡抚贵州右佾都御史萧彦奏平答干叛酋阿其功次阿其者都匀府答干寨黠苗也凭恃险远屠戮恫喝殆无虚日虽蒙诏为土司长不能制道臣杨寅秋上其事为必剿之策会同蒙诏父子计擒阿其而后纵兵捣其巢穴答干平寅秋之力居多焉< 〇〇〇 钰-金 >下兵部

○升四川副使武尚耕本省右参政武昌知府王俨江西副使

○升广西巡抚刘继文兵部右侍郎总督两广军务

○升顺天巡抚蹇达大理寺卿

○巡按山东御史许守恩< 〇〇〇 钰-金 >劾辽东总兵李成梁应罢不听

○庚午 上视朝

○南大理寺卿余立引疾乞休许之

○吏部题覆陕西巡抚右佥都御史王璇三年考绩升副都御史照旧巡抚因遵旨酌定边臣考绩事例蓟辽七边三年考满佥都升副都照三品恩荫又三年升侍郎加二品服俸副都除应得恩荫外升侍郎加二品服俸又三年升尚书予二品应得诰命其以侍郎都御史尚书总督各边者递升加宫保俱要实历边俸即有别俸通理亦必边俸居三分之二及无地方失事或曾失事而罪不掩功方准照例题给其未及三年别以军功蒙恩升荫不再议若保定山狭三边虽无失事亦无军功止复职诏如议行

○辛未周王肃奏鲁阳王勤灰因水旱时闻皇泽覃敷愿将岁支禄米一千石自本年起至终身止俱扣留京师以资公用 上赐敕嘉奖

○升重庆府知府陈明经四川副使分巡川南

○壬申升福建左布政使陶大顺都察院右副都御史巡抚广西

○升太仆寺卿王致祥都察院右佥都御史巡抚顺天

○升浙江左布政使王基都察院右副都御史巡抚大同

○改襄城一县仍食河南官盐以盐行河南等府襄城为必经之途也

○癸酉升浙江右布政使吴自新本省左布政使福建右布政使帅兰本省左布政使

○乙亥赐辅臣及日讲官杨梅

○以恭视 皇四子沅怀王铭旌赐辅臣以下银币有差

○兵部覆广西抚按官刘继文等题思恩军民府既改为流初无仓库狱囚亦无周防卫所议将湖广额调戍守柳州永州宝庆官军各量移一百人改戍思恩加设职官一员统之至于上下班期同至柳州践更往返行粮建营诸务抚按酌行庶守备严而兵饷亦无加设诏如议行

○丙子以恭视 皇四二沅怀王谥册赐辅臣以下银币有差

○升山东按察使王应乾浙江右布政使福建按察使张偲本省右布政使云南副使胡维新行太仆寺卿

○升太仆寺少卿徐元春本寺卿

○刑部尚书李世达等都察院左都御史吴时来大理寺左少卿李栋会审犯官李材等緬捷一事反覆先后章< 毘 毓-金 >李材刘天俸因孟养之请援即发兵以策应壮土夷合战之力败緬贼方张之势设谋用间以夷攻夷其功良不可泯但急于报捷过于夸张斩级擒生原非实数破城拓地尤属溢词志在贪功迹涉虚伪罪复何辞至于杀夷割尸罪在军士不肯首服论惟轻惟重之议故应以疑而宽况外夷新附之初尤当以功为主李材刘天俸当褫夺拟徒陈严之宋儒等当降级待用 上怒其情词互异革镇抚司李登云等回卫令材等从重拟坐

○丙戌礼部题重刻 大明会典成进呈颁布如奏

○升辽东正安堡游击姚大节副总兵协守东路

○提督漕运怀宁侯孙世忠以母疾乞侍养 上慰留之

○兵部题巡按御史何倬勘报平赋乃功其俘获验其壮年改入生擒生擒审系被虏改入全活并枯级女功幼功例不准功外验实凡擒斩一千六百九十五名颗俘获七百三十名口全活被虏三百三十四名口投降二千二百三十八名口退还原占地凡六百七十五里罪决梟示如令功次别叙其南京刑科给事中徐桓< 〇〇〇〇 〇〇〇〇 〇〇〇〇 〇〇〇〇 >免再勘

○礼部尚书沈鲤引疾乞休 上温谕不允

○丁亥 上亲阅 寿宫命伯李文全左都御史吴时来居守

○遣大学士王锡爵祭 先师孔子

○升光禄寺丞魏允贞本寺少卿户部郎中于文熙河南副使

○戊子祭 太社 太稷遣国公徐文璧行礼

○太常寺题 万寿圣节遣侯陈良弼常胤绪徐文炜宋世恩郭大诚伯王应龙方焯卫国本陈如松诣 诸陵行礼遣伯张元善祭景皇帝陵

○大同巡抚梅友松总督郅光先题叙市赏功次谓万历十三年套虏梗贡欲比宣大事例本镇力持故十五年之市官民交易报罢匆匆遗其归晏卷帐而去意图强逞及我边有备屡挫贼锋而常乐之生擒三虏镇羌之夺马四十一匹遂令强胡丧气私相怨悔故卜失兔上书自白炒忽儿率众扣关拒之以正辞慑之以国威虏乃走使入谢复成今岁之市还其原俘仍行罚治各该将吏奋不顾身战皆取胜使虏酋不招而自来贡市几断而复续功次应叙< 〇〇〇〇 〇〇〇〇 〇〇〇〇 〇〇〇〇 >下兵部

○命建言进士诸寿贤顾允成彭遵古改授教职用从御史荆州土请也

○己丑以 万寿圣节赐辅臣申时行等及日讲官朱赓等 万寿字金篆银书红黄符各有差

○礼部题朝鲜国王李昞遣陪臣议政府右议政柳< 〇〇〇〇 〇〇〇〇 〇〇〇〇 〇〇〇〇 >等六十员赴京谢恩赐宴如例遣左侍郎于慎行待先是江西南赣巡抚秦耀解南安府所获朝鲜国夷人二名一金介同系前罗左道水军节度使能射一金彦世系槽军能驾船因与倭船夜战被捉向南番放卖二人流入南安盘诘具题情真应付来使带回仍给衣物以示恩赏诏如议

○ 孝康敬皇后忌辰祭 泰陵遣宁晋伯刘应元行礼

○庚寅大比试于乡命翰林科部等官往直隶各省主考

○礼部尚书沈鲤引疾力请致仕 上慰留仍命不必固辞

○户部覆陕西总督郅光先等条上边务凡六事垦复屯田催徵逋负清查逃故< 〇〇〇〇 〇〇〇〇 〇〇〇〇 〇〇〇〇 >通盐引惩戢腴削裁革冗糜 上允行

○辛卯以 万寿圣节赐大学士申时行王锡爵许国讲官朱赓等银币有差

○壬辰命翰林院修撰朱国祚编修邹德溥充经筵展书官

○癸巳 上御经筵

○甲午 皇第六女生大学士申时行等具〈□疏-金〉称贺报闻

○总督陕西三边尚书郃光先巡抚梁问孟议宁夏申饬四事一严清勾以防行伍虚耗之渐一绝私易以杜内外交通之渐一远住牧以杜外夷窥伺之渐一慎招降以杜猾虏起衅之渐〈□疏-金〉下兵部

○乙未礼部题 皇女生百官致辞称贺免

○司礼监太监张诚传谕 圣节阅 陵赏赐繁多内库不给于太仓取二十万进用户部尚书宋勋奏帑银缺乏状乞免不听

○丙申以中秋令节赐辅臣申时行等上尊珍饌有差

○戊戌 万寿圣节 上御皇极殿百官行庆贺礼

○赐辅臣申时行王锡爵许国面食长春酒○己亥礼部题朝鲜国陪臣韩准等进贺表到柳〈□土典〉等谢恩毕赐筵宴如例遣侍郎徐显卿待

○刑部尚书李世达覆参驸马都尉侯拱辰召游棍为家人听从拨置纳投献为已业滥肆侵渔私刑拷毙人命凶犯业已拟抵法当并究贵在应议伏候 圣裁 上令革其管事送国子监严禁习礼省过百日来说

○辛丑工科都给事中常居敬论劾工部主事王绍先差竣注籍既不入署又不请告应缴关防久留私寓僻怪迂狂殊乖臣节 上命拿送镇抚司打问来说

○癸卯 宪宗纯皇帝忌辰遣靖远伯王学礼 茂陵行礼

○以 皇女诞生赐大学士申时行等讲官朱赓等花币有差

○甲辰 上视朝○兵部题覆甘肃总督郃光先巡抚曹子登劾参将马应时驱回互市回夷增赏媚虏已经处分并议虏酋尔失革之马委宜明载市册以杜隐漏此后市马各照原额虏抢贡夷如在嘉峪关外听其自行追赔入关疏虞方查参将领奉旨是

○总督漕运户部右侍郎舒应龙〈□疏-金〉辩土舍安国亨之奏谓国亨向因侵夺沾益及毒祖杀叔拒敌官兵等事革秩免任而用其子安民负罪非一日矣万历十三年臣抚贵州国亨申文献木冀赏复职兵部驳议不允渠亦灰阻付奸商魏良海等运常材数株出涪竟被盗卖既良海与何贵争木事起乃欲借以诱罪〈□疏-金〉臣差官夺木阻其贡献今贵木三运已毕而国亨所报尚无归著则黠伪可知乞敕查木正法并请罢斥 上谕令供职置国亨不问

○丙午升行人司正沈璟光禄寺丞

○补荫原任南京户部侍郎栗永禄男栗嘉实送监读书

○户部题覆 潞王奏讨景王遗下庄田房课盐店盐税湖地河泊等所柴州水租坑税等项如例通给今查义和盐店虽经给与赵府地关封内自应改给其湖广湖地河泊等所柴州坑套原系民间佃种纳粮地土景王奏讨随经改给今欲复归王府恐上亏

国课下病民生宜行该省官查核将河南卫辉府属新乡获嘉及宁山卫地二百二十六顷余开封府属河阴汜水阳武原武怀庆府属武陟温县地五百九十八余顷并义和盐店万县盐税湖广德安府属随州应山安陆云梦等县地名红庙等庄房七处孝感县东山汉川县刘家隔等四处水租房地凡九百余顷通应拨给其湖广湖地河泊州坑系民产者仍还业主以纳公税原系官湖官地而小民承佃者造册送府以凭管业 上谕庄田准给抚按官仍与丈勘立界以便永远遵守再察相应地土不妨数外加给副朕友爱同气至意

○丁未 上视朝

○太子少保礼部尚书沈鲤因 圣寿届期奏乞早议册立钜典以对群情以昭大信谓先是大学士申时行曾以国本为请 上谕朕见元子婴弱少候二三年举行今计明年己丑已逾三年 元子千秋亦且八岁举行 大典此其时矣况值万国嵩呼之会慰四海仰望之心 宗社无疆之庆端在于此 上命候旨行是日都给事中苗朝阳御史李天麟亦以为请未允

○户科等科都给事中姚德重等合奏江西副使房寰捏诬言官大伤国体乞赐罢斥盖科臣张鼎思劾寰奸贪寰揭其前任提学御史时鼎思为其子嘱托不行携恨引抚臣王元敬手书以证故德重等合纠而丁懋逊李献可袁应文交章论之 上怒其朋庇姑不究

○巡按直隶御史王之栋劾宣府总兵李如松口北道参政王学书先是抚臣阅操如松引坐与并学书力却之语不相下竟为披发之争台臣因论如松骄横并核其生平倾险贪肆状请罢斥并论学书暴戾请降调 上谕边臣当协和任事何得以小节互争秋防护驾在迩大将不宜轻易俱令策励供职各夺俸三月

○戊申大学士申时行题文书房官刘恺传谕李材等招情转展支吾功则归己罪则推人著问斩仰惟 皇上明同日月威著雷霆欲处欺谩之臣以警人心杨国宪甚盛心也臣等职在赞襄亦知体仰德意前见刑部拟李材等罪止徒配亦窃怪其轻改拟边卫充军然已非律文正条特于法外重拟不啻足矣若于充军之上更欲重加则法例有所未合情罪有所未当臣等不敢不为 皇上明之盖失陷城寨失误军机则有斩律其他若妄割被杀首级冒功掩败皆量其轻重或降级或充军此见行法例也今细阅法司招情则获功是实发兵是实止以多报首级希图冒功为可恶耳若论割尸则有下手之军士故纵则有领兵之将官李材之罪终当未减坐以处斩不无过重昔 世宗朝边臣亦有被逮处斩者然皆临阵失机无功有罪之人若原曾获功止于虚报首级则未有如此刑者也今必以妄报论斩则失陷城寨何以加之伏望皇上少霁天威深详律意将李材刘天俸从拟问发庶国法伸而边臣亦心服矣 上不允竟引官员说谎例拟斩盖独断云

○都察院左都御史吴时来奏试得御史颜孔范等二十四员刑名章奏俱各

< 通请咨实授 上如拟

○改南京工部尚书吴文华南京兵部尚书

明神宗显皇帝实录卷之二百二

明神宗显皇帝实录卷之二百三

万历十六年九月辛亥朔礼官进 大祀日册 上御皇极殿受之

○壬子霜降节祭 九陵遣候陈良弼薛铎李环伯王应龙陈如松方烨刘应元王谟王伟诣各陵行礼祭 恭仁康定景皇帝遣惠伯张元善行礼祭 庄敬 哀冲二太子遣指挥同知周清行礼

○礼部题朝鲜进贺使臣韩准等赐宴命侍郎徐显卿待

○升工部右侍郎李辅南京工部尚书

○广东道试御管九皋劾应天府丞许孚远先是李材滇南一狱发自台臣苏瓚孚远与材以讲学相友善出揭讼之咎台臣之苛而伸材之功故九皋劾其代为反噬 上亦怒孚远出位代辩降二级调外任用○甲寅 孝恭章皇后忌辰遣灵璧候汤之诰诣景陵行礼

○以诞生 皇女赐辅臣申时行等及日讲官银币有差

○乙卯太子少保礼部尚书沈鲤引疾恳乞致仕 上谕卿学行素优典礼清慎朕委任方敷乃屡以疾辞情词恳切暂允调理痊可具奏起用仍赐金币驰驿

○升工科都给事常居敬太仆寺少卿

○丙辰扈 驾阅视 寿宫赐辅臣申时等金币银花有差寻又赐大红彩织金蟒衣罗一表里绿罗一表里

○直隶巡按御史高举奏报魏县频年旱荒今秋又被漳河淹没请蠲秋粮五分仍酌行赈济 上从之

○户部覆巡茶御史钟化民题川狭以茶易马此驭虏之一策而私茶出关之禁不严则奸诡易生宜分任责成在狭者汉中府所属关南道臣督之府佐一人专驻鱼渡坝查理在川者保宁府所属川北道臣督之府佐一人专驻鸡猴坝查理各立哨官率州县官兵为防守缉补之政于茶生之候尤严官收别有司存以稽出入为市虏之用其园户余茶行所在官司给票引与官商贸易其无票引者论如盐法抵罪第督之在道臣而守法则两府佐实司纲纪焉悉听巡茶核治 上从之

○戊午巡按直隶甘士价劾蓟镇总兵董一元调别用

○升河南巡抚衷贞吉工部右侍郎

○己未以重阳令节赐辅臣上尊珍饌

○以元辅申时行扈送 圣驾阅视 寿宫工程特赐金喜字大红袖一端仍命制衣于驾阅之日穿用

○敕武清伯李文全都察院左都御史吴时来朕兹恭诣 天寿山阅视 寿宫特

哈赤亦因结北关亲以歹口为事歹口敌益多故大帅有东征之师欲诛二酋以安歹口报王台之忠顺竦四夷之观望耳暨誓师而二酋负固乃纵兵破其重城发大炮坏其墙屋贼有洞胸死者二酋始惧愿和歹口臣等是以班师而身留开原铁岭间以图善后之完计先是康古陆以参将李宗召至囚之至二酋破愿入马奉贡猛酋子母亦请归命而皆若怀疑不前则以古陆囚未释也臣等是以决策释康古陆曰汝能收温姐来不尔杀也酋果偕温姐骈首谢臣等赉而遣之又虑歹口弱不能立久之或为诸酋并则名为后王台实亡之耳乃复令奴儿奔北关婚歹口二酋闻之亦争与歹口和而开原高枕矣但两关终以敕书不平为争盖自永乐来给海西诸夷自都督而下至百户凡九百九十九道以强弱分多寡今两关之强弱可睹也臣等是以酌南北平分之而北少其一以存右南关之意诸酋皆服然两关以争故皆失田业告饥而南关之歹口为甚因出粟赈之次第给牛种歹口等各感泣而去无何康酋死遗言戴中国恩母反未几温姐亦死于是卜寨那林猛骨卜罗歹口四酋重约婚姻争先向顺而建酋贡已先入矣此东夷向背曲折之略也至于剿抚功次责在有司臣何敢闻< 䟽 毓-金 >下兵部

○吏部覆议房寰张鼎思揭奏一事寰前任提学被议调外再经论劾业准留用分宜省过恪职乃持旧藏私书攻讦报复大非君子之行拟降调鼎思言官纠弹固其职事然手书列伊子姓名嘱托似难辞免拟罚俸王元敬代人转书亦非法纪以回籍拟免究上不允谓迩来嘱托徇私挟讎告讦大坏士风鼎思寰俱降二级听调元敬革原职间住书内有名的仍查参议处

明神宗显皇帝实录卷之二百三

大明神宗显皇帝实录卷之二百四

万历十六年十月辛巳朔以孟冬享 太庙

○是日 上御皇极殿钦天监进万历十七年大统历传制给赐百官颁行天下

○赐辅臣及日讲官历日有差

○敕甘肃巡抚右副都御史曹子登以原官巡抚保定因兵变议调从御史徐大化< 䟽 毓-金 >也

○升南光禄寺少卿王执礼南大理丞

○升左通政赵世卿

○升四川参政刘应麒湖广按察使江西副使金学曾本省右参政分守湖东

○改山西副使成宪本省提学副使

○癸未 上视朝

○甲申以阅视 寿宫暨 中宫千秋节赐辅臣申时行等银币酒馔有差○工部覆总督河道潘季驯条上河工八事一久任部臣谓水性有顺逆河情有分合地势有险夷如某处迎溜作何捲筑以当其冲某处扫湾作何帮护以防其泄事在分司宜委任南中两河郎中满三考方与优擢则练习久而河防自熟一责成长令谓理河如理家然家

务繁琐不妨分任而庀材鳩工则督主之今濒河州县长犹家督也调集夫役备办物料宜专属之至于巡行督率责之行河者而郡守亦有总理之责焉疏虞并坐一禁调官夫谓治河有补偏救弊之法无一劳永逸之事禹奏平成不数百年而祖乙之都圯则防守弛也故曰防河无止工宜申饬沿河官夫专以河为事不得别差擅调致误河防一预定工料谓黄河泛涨每在伏秋修筑不预往往为河所乘宜于十月中旬即行踏勘分工备物务令正月兴作四月报竣后时者罚一立法增筑谓徐淮之间只尺河流倚遥堤一线为捍蔽而风雨剥蚀车马蹂躪日就卑薄宜令每岁修堤高厚俱以五寸为限遇低薄处随宜加筑遍植樟柳不如法者听总河参治一添设堤官谓高堰柳浦湾二堤绵亘二百余里一大使往来防守未兑疏虞宜另增柳浦湾大使一员夫役即于高堰南河数内哀出五百余名属之以密堤防一加帮真土谓淮水发源桐柏挟七十二溪之水经凤泗入海而基运山横截河中涌涨时作仅恃石堤一带为捍御而石内之土多系浮沙一遇霖雨辄至<土册>损土既圯矣石将安附宜觅取真土帮筑完固以捍汹涌一接筑旧堤谓清口乃淮黄交会而淮黄原自不敌然清口不至壅淤者以王家口之堤筑全淮皆从此出其势足与黄敌也自商贩盗决前堤挖渠利涉淮势渐分将来清口必致淤阻宜接筑长堤就近责清河令监守稍有疏虞即行参治命依拟行

○乙酉从御史柯廷奏蠲湖广龙阳等州县屯粮存留等银以苏灾民

○巡按广东御史蔡梦说请释故相张居正子嗣修雷州之戍悯其情罪未确流离困苦也 上不允

○升礼部右侍郎徐显卿吏部右侍郎赵焕改左侍郎

○升陕西按察使李廷仪都察院右佥都御史巡抚甘肃

○升尚宝司丞董裕南京光禄寺少卿

○丁亥升山西副使郜永春河南参政贵州参议杨寅秋云南副使山东佥事刘弘道江西参议

○升两淮运判李宜春太仆寺丞

○敕工部员外马玉麟监修卿云宫从部覆湖广抚按邵陛等请也○戊子火星犯太微垣左执法

○升工科左给事中陈与郊吏科都给事中

○升大理寺右少卿宋仕左少卿左寺丞吴定右少卿

○升滴水涯守备张维城昌平游击山东都司佥书潘儒神机营游击福建都司卢鼎臣广西参将

○巡按陕西御史徐大化题河西于九边为多事而肃州于河西为最孤今边将报虏酋杪胡儿把汉及青把台吉大落赤等各部各枝与东套虏首吉囊合兵西来不下数万虽声言谋抢瓦刺而意固叵测也又闻庄酋抱水塘之讎实图一逞故鼓煽而来理之可信者其何以应之臣谨以巡关所得列为数事以闻焉一重关宜建盖虏入未有不掠

番者倘番折而入虏不但撤我藩篱且虞为彼向导矣肃州临城附住番夷我属夷也其长安插临城而支族部落安插迤北境外累中虏患渐移内境近以招选夷兵自具粮马随众操演第散处水草调集为难肃城东门外地基平阜可建重关听夷兵男妇保聚其中且多盖管房安插新旧家丁以成犬牙相制之势置族长以施教化立保甲以便稽查战守其有资矣一墩台宜密甘凉庄西四郡三里一墩五里一台颇称周密惟肃州二十里而一墩焉应次第增筑以资瞭望而墩堡既立守候在人则严之以查阅恤之以更番尤要机也一夷兵宜鼓肃州地既孤悬守兵不满四千近议增兵饷无从出而镇城左右有回回哈刺各种夷人中多劲悍恨东酋之荼毒有年矣且处我郊关依我怙恃我若动以大义特加鼓舞各选把目以长之量课食粮以饱之按季操阅稍立章程平则以夷卫我急则以夷攻夷视召募者不啻过之矣一信地宜明肃州镇夷原属守备后改设游击一员而割下古城隶之计下古城去肃州四十里去镇夷一百五十里地之远近既殊肃州守兵尚有三千镇夷止五百余名军之多寡并异策应有鞭长之患而失事有旁委之端不如将下古城仍还肃州责成参将闻警则提兵星赴失事则毋得推诿更觉妥便其或南北交警镇夷游击移住盐池肃州参将移住临水适中调度庶缓急有赖矣章下兵部覆请依拟行

○己丑 上视朝

○庚寅大学士申时行等题授庶吉士林承芳吴应宾袁宗道全天叙萧云举王图彭烺黄汝良铨注翰林院编修简讨李沂刘弘宝王孟煦薛三才刘为楫林祖述赵标会砺胡克俭王道正量授科道官 上如拟○调山西按察使王学书陕西按察使

○起升太常少卿卢维楨右通政

○辛卯升左都御史魏时亮工部左侍郎

○升祭酒田一俊礼部左侍郎兼翰林院侍读学士

○升蓟镇游击宋三省京营参将宁夏游击王应禄庄浪参将

○壬辰升陕西右参政石檟山西按察使广信知府孙从龙江西副使户部郎中陈于阶山西副使

○升吏科给事中王士性四川参议兵科给事中和震山东佥事御史章邦翰许士恩福建河南各佥事徐大化陈奇谋九江韶州各知府○乙未起日讲官礼部右侍郎兼翰林院侍读学士张位驰驿来京照旧供事仍协理詹事府升太子宾客礼部左侍郎兼翰林院侍读学士掌詹事府事王弘海吏部左侍郎

○敕泰宁侯陈良弼掌南京中军都督府事怕城伯赵泰修掌南京前军都督府事

○升佥都御史詹仰庇左副都御史协理院事

○起升原任南京祭酒黄凤翔国子监祭酒

○云南巡抚萧彦奏孟养宣慰司遣使贡方物驯象 上命差官伴送夷人至京以广朝廷怀柔之意

○丙申礼部题建州等卫女直夷人都督松塔等一百五十四人赴京朝贡赐宴如例遣临淮侯李言恭待

○升甘肃守备熊国臣宁夏游击大宁都司掌印许国忠宣府参将分守南路中都副留守韩启阳蓟镇游击

○户部覆河南巡盐御史吴达可条上四事一顺天时以定课程不论盐花盛生靳生酌定岁额四十二万一严责成以固盐池改蒲角□羊二州守量加运同职衔修筑渠堰一清票税以补额饷太原汾沁既食票盐其税应角□羊司抵课一均力役以恤贫丁分盐丁为三等上一作三中一作二下一作一如议行

○己亥升宁夏巡抚梁问孟都察院左佥都御史协理院事

○以 寿宫恩叙升户科左给事中穆束辅通政司左参议江西道御史洪声远大理寺丞

○升山东副使刘鲁陕西参政

○辛丑礼部题泰宁卫夷人伯彦卜儿等二十员名朝贡贺 万寿圣节兼补十五年长至节表文赐宴如例命临淮侯李言恭待○壬寅升西安知府叶明光贵州副使

○礼部题原任兵部尚书张佳胤机略素闲才猷克壮专阃两弭祸变筹边屡奏肤切宜照例赠恤 上予祭九坛仍行造葬议谥

○癸卯大学士申时行等题近日朝讲久废臣等不胜恋恋偶文书房官刘恺送本到阁恭问始知 圣体火动臣等犬马微忱思得时尚隆冬气方严肃伏望顺时调护以慰臣等悬切 上报闻

○礼部题北虏顺义王扯力克等及河西套虏都督同知卜失兔等进番表贡马及鞍辔弓矢有差

○升甘肃总兵官刘承嗣后军都督府佥书管事

○兵部覆巡关御史勘阅边政< 䟽 毓-金 > 督臣张国彦抚臣顾养谦镇臣李成梁以下荫贲升级有差叶邦荣等提问斥革有差 上依拟

○甲辰 诚孝昭皇后忌辰遣靖远伯王学礼诣 献陵行礼

○原任南京兵部尚书郭宗皋奏谢存问 上报闻

○乙巳礼部题泰宁福余等卫都指挥伯彦卜儿那木塞等进马贡贺 万寿圣节及补贡十五年长至令节给赏如例

○升陕西左布政使姚继可都察院右副都御史巡抚宁夏

○丙午赐原任户部右侍郎吕时中祭葬以其直声早著掖垣清望久孚林壑也

○工部覆总河潘季驯题请罢开复黄河故道及凿支渠合沁卫诸议一意修筑堤防 上报可仍申饬河臣毋因循以致疏虞纷议以妨实事违者听总河参究

○敕分守洮岷副将李煦以原官挂印充总兵官镇守甘肃

○丁未赐三辅臣鲜藕○山西道御史王道增论奏甘肃总兵刘承嗣激变军士罪

当严斥今抚按皆坐议而承嗣得金书后府非法之平< 〇〇〇 铨-金 >下兵部覆议得旨承嗣赴总督军门听用

○戊申升广宁备御王绍芳义州参将

○己酉 上御皇极殿太常寺奏请 大祀 天子 圜丘

○升河南右布政使王体复陕西左布政使

大明神宗显皇帝实录卷之二百四终

明神宗显皇帝实录卷之二百五

万历十六年十一月庚戌朔 上御皇极殿以 大祀 天子圜丘传制誓戒百户

○礼科都给事中苗朝阳因山东生儒不服搜简顺天监生诡窃贤科奏请禁诸生不许陈说民情利害官员贤否违者以不遵卧碑黜革问遣国学援例非原籍查明身家并无违碍者不许上纳如夤缘假籍礼部即行参究< 〇〇〇 铨-金 >下该部覆请依拟

○升陕西右参政王藻本省按察使备兵庄浪

○保定巡抚曹子登罢以甘肃营兵之变为御史连标所劾也

○朝鲜国王李昫遣陪臣李准等奉表文方物贺冬至令节○南京兵部右侍郎王世贞条上军政一武官六年比试首二场马步射不入格者仍令入第三场其骑射策论各有一长者免黜若才伟略明识博览绰绰乎蓺文之表者即杜预之力不穿札韦睿之弱不习骑亦破格收录一国制自公侯以下凡系武职皆乘骑不得用扼盖欲其便骑而习武也今南都自把总以上无不輿者浮慕縉绅褻博之风豢就纨袴骄惰之态安能披坚执锐分士卒横草之功抑纵控送工疆场趋风之技哉至兵马指挥职在干掇与武臣同宜一体禁革一达官指挥千百户姓名皆因其故回夷饮食丧葬皆仍其俗虽解辫之化已覃蛮夷之法未尽宜于军册更其夷号而回夷色目入不得别造寺宇崇奉满刺诸祀以时一统之盛一清勾之法虽云典制而应勾者孱弱易毙奸黠多逋且军一而押解者二人无罪而使之废庐产鬻妻子触冒寒暑凌历险瘴与军人共一旦之命于万里之外非情也宜于所籍五百里内从便改补则伍不缺而情法安矣< 〇〇〇 铨-金 >下所司

○升浙江参将朱先狼山副总兵陕西参将傅桓洮岷副总兵河南都司金书乔一麟蓟镇游击

○辛亥升广东按察使林乔相河南布政使专理粮料

○升两淮运使杨归儒陕西右参政

○吏部题 亲王之国应用辅导官奉旨左右长史于进士出身审理纪善于举监出身官内择其学行端谨者< 〇〇〇 铨-金 >名上请部拟刑部主事杨同善户部主事刘以平国子监博士李维美学正李琛中书舍人戈履亨程启元改除 潞府长史司等官其戈履亨程启元仍支从六品俸 上如拟 ○癸丑冬至祀 天子 圜丘遣公徐文璧代遣侯常胤绪薛钲李环伯王应龙方焯刘应元陈王谟陈如松王炜诣 九陵行礼

○升山东参政徐用简广东按察使

○升平凉知府姚继可行太仆寺少卿

○礼部题建州卫女直夷人都督指挥阿台等一百五十七人朝贡赐宴如例命临淮侯李言恭侍

○改敕苏松水利副使许应逵兼督府粮储从侍郎王世贞请也

○甲寅冬至令节免朝三辅臣诣会极门行礼赐上尊珍饌

○祭 三皇于 景惠殿俊赐辅臣

○礼部请如例给赐朝鲜国历日一百本报可○升大理少卿宋仕都察院右佥都御史巡抚保定提督紫荆等关

○改陕西右参议陈文烛山东左参议管理漕运

○南京兵部右侍郎王世贞引疾乞休 上不允

○升神机营佐击郭应坤五军营参将

○升延绥游击萧如兰靖虏参将四川游击周于德浙江参将分守金台

○己未礼部题朝鲜陪臣李准等四川乌思藏国师番徒阿南坚参等各致方物贡贺如例赐宴 上命临淮侯李言恭尚书朱赓侍

○升密云游击姜显宗山海关参将

○庚申巡抚广西右佥都御史刘继文条上制驭粤西土夷切要四事一训官男以移土习谓官男自幼不学耳目闻见不过杀戮之事淫乱之行故争斗易生宜令各土司生子报名道府因定嫡庶长幼之序焉稍长送入府学读书习礼凡三年乃得依序承袭庶教化行而驯服易伦序明而争端可息也一立村长以约獠丁谓獠獠素为民患迩来额知向化然类聚群争易启衅端宜于错居村落编成排甲立一甲首使明约束不率者稟究庶夷俗可以渐变而边圉可以永安也 正典刑以惩逆目土夷俗无上如田州思恩之乱皆逆日倡之则以汉法不行而敢于狂逞耳宜定为律土目擅杀本管土官者除主谋下手外但同族与谋俱比部民律骈斩则逆目知畏法而土司赖以保全矣一立社学以教獠竖谓獠獠俗固鸷悍然性亦犹人间有良者颇知向学往岁社学虽设而督率尚无责成宜行提学道查建申饬庶渐磨之久夷风可永革也< 〇〇〇 〇〇〇 >下兵部

○巡抚广西右副都御史刘继文题东兰州土官韦应龙暴戾不仁废长立幼残害族属生六子而杀其三弟应虬惧避之南那二州龙遂杀其妻子家属无噍类虬怒纠二州之兵相讎杀臣禁止之而恶目陈星陈蒙欲乘机以龙幼子文略袭龙不从乃执龙并其第四子文奎幽于武篆寨匿州印臣行拘龙虬奎略至搜获州印数其罪度不能尽以汉法治也量惩之而送文奎还州视事乃星蒙辈自知罪大又立文奎非其意遂集众屯武篆山寨隘峒阴刺文奎尽取龙子女宝玉献田州土司岑太禄为之援于是臣等不得不遵敕议剿矣业发镇守总兵张澡调集营兵数千及泗城思恩等土州官兵分为三哨令参将熊文济刘綎佥书汪弘器领之按察使彭应时参议陈性学监督军事俟事定分别功罪以闻章以兵部

○甘肃海虏瓦剌他不囊拥众自南川入杀副将李魁及中军阿承印等亡失多兵科都给事中张希皋劾总督郃光先巡抚曹子登总兵刘承嗣佥事万世德等宜分别治罪又谓套虏岁以甘镇为壑近闻虏王乞庆哈寓书宣大督臣欲亲送番僧拥众西下若其行果无论赏犒之费不费而窥伺之衅其可再乎先事图谋相机操纵责在督抚而已命兵部酌议以闻

○兵部覆陕西总督郃光先题互市事竣延镇台吉等比宣大效劳夷人例给冠带量授职衔 上报可令以后勿得滥增 ○镇守辽东总兵官宁远伯李成梁以疾乞回卫不允

○升山西副使刘葵陕西右参政分守西宁

○辛酉命武定侯郭大诚后军都督府佥书管事

○谕内阁 皇第六女命名轩姚

○左佥都御史詹仰庇题章< 〇〇〇〇 毓-金 >乃臣子对君之言称谓敷陈自有体式如言事而及其人则书姓书名未闻以官以地者词主明白质实不以藻丽为工篇期简切谨严不以繁多为富近见诸臣所上不曰故相某人也而曰江陵分宜不曰总兵某人也而曰大帅大将军律以君前臣名之礼亦悖甚矣而词兢新奇篇务瞻博抽黄对白骈四骊六数说之外又有一说事尽意穷刺刺不休以尘乙夜之观何暇竟乎殊为失体宜行申戒< 〇〇〇〇 毓-金 >入嘉纳仍命部院申明体式违者参治

○壬戌贵州道御史何出光劾内侍张鲸及其党鸿胪寺序班邢尚智锦衣卫都督刘守有相倚为奸专擅威福罪当死者八赃私未易缕指 上命张鲸策励供事邢尚智刘守有等革任余犯法司提问自是给事中张尚象吴文梓杨文焕御史方万策崔景荣相继论之 上各报闻

○吏部尚书杨巍请申饬朝覲官员考察事宜报可

○癸亥 圣母慈圣宣文明肃皇太后 万寿圣节赐辅臣及日讲官金币有差

○甲子工部覆河南巡按御史王世扬奏河南境内黄河自潼关至归德开封等处奔流二千余里去总河督臣远甚利害之切见闻之近必先抚臣宜于抚臣敕书增兼理河道一条与督臣协同行事诏从之

○乙丑 上视朝以 圣母寿节赐辅臣及日讲官金字符书

○丙寅以碾伯游系张一贵管西宁参将事从督臣郃光先请也

○丁卯 孝惠皇后忌辰遣灵璧侯汤之诰行礼 孝烈皇后忌辰遣宣城伯卫国本行礼

○兵部覆议西宁失事之罪督臣郃光先夺俸三月道臣万世德降俸二级游击张一贵夺俸半年千户彭大胤等提问

○刑科给事中李文郁劾陕西总督郃光先以营兵谋杀巡抚在曹子登已议罢而未及总督故论及之部覆光先功叙素优瓦酋卜囊入犯一事正在责成严备宜姑从薄

○吏部尚书杨巍等奏伸公论正国法以慰群情事因张鲸处分未明合< 〇〇〇 铨-金 >以去就争也 上报闻谕令即出理事不允辞

○升南康知府潘志伊江西副使分巡湖西四川佥事王亮苑马寺少卿整饬靖虏兵粮

○河南道御史马象乾奏先是御史何出光等论列东厂太监张鲸有旨令策励供事比刑部勘问覆请有旨鲸候处分而供事如故党与虽惩元凶漏网矣臣不胜痛愤窃谓 皇上英明不世出往冯保怙藉宠灵操弄威福一发其奸弃如脱屣今鲸恶不全保下而去鲸不若去保之断何也岂鲸日夜以微劳陈乞而 皇上过听之遂使大憨盘据宫闱千人指之不能去万贿坐之不能动三尺行于疏贱而贵近则格成何法纪至治极辨之世不能胜一狐媚豢养之奸上亏圣德下貽后忧成何景象臣等小臣所赖力清君侧善成 圣德者非一二阁臣乎连日以来累息延颈冀必有言而寂无闻也则又冀台谏之交章职票拟者当分别是非少塞众怒而竟无闻也古者阴阳不调方外有警且归责宰辅况禁近之地贻御之人昭昭于目前危而不持焉用彼相昔 武宗朝逆瑾擅权内阁有刘健等九卿有韩文等叩阁力争持章不下使瑾皇怖乞南乞闲不可得诸臣即不欲过激如往辙力劝 皇上远其人而不诛夺其权而不藉可耳何至以阿意顺旨为调停以局促避怨为忠原使四海疑谤尽归朝廷亏损 圣明郁积众愤无论非宰相之事亦非张鲸之福也伏乞 皇上以臣言下内阁令其自陈出鲸罪案使远近传闻则明断过寻常万万矣< 〇〇〇 铨-金 >入 上震怒下象乾镇抚司打问

○丁丑大学士申时行等< 〇〇〇 铨-金 >救御史马象乾谓臣等既以失职仰负圣眷又以拒谏累及言官臣等乃万世罪人宁与象乾同赴司刑万无靦颜在位之理且不见近日张居正之事乎 皇上始为居正谴责言者卒之公论不容身受恶名家被显祸若象乾得罪臣等异日即居正之续耳伏乞 圣慈鉴察曲全臣等谨封还御批具题以闻不报○戊寅大学士许国王锡爵各< 〇〇〇 铨-金 >申救象乾国< 〇〇〇 铨-金 >云言官言事乃其职耳 祖制特许风闻虽误不究况据事直陈者乎臣为讲官时易朝廷为张居正捩辱言官臣心痛愤恨不及食居正之肉今乃蹈其覆辙使旁观者复欲食臣之肉如万世讥笑何且近日论张鲸< 〇〇〇 铨-金 >甚多悉置不闻乃独为臣等发愤究问使臣等得罪于天下后世又甚于鲸矣锡爵< 〇〇〇 铨-金 >云马象乾论臣等阿从失职义正词严 皇上宜赐采行使人知前后诏旨俱出臣等票拟原非 圣意则人情自定 圣德有光矣柰何抵之罪乎先年张居正以夺情迁怒徂击言官臣于是时稍能请让居正为言者解所以居正败而臣得进用夫 皇上本以忤居正用臣而今又即以处居正之事处臣臣之不才纵不能道扬 主德维持国论亦何忍见朝堂之上再有此异常举动使天下万世谓臣外援忤权之名以进身内挟当权之势以沮众臣今日即死上何以见 九庙在天之灵下何以见刘健等于地下明何以谢举朝士大夫之公论幽何以辞张居正之鬼责哉臣身轻如羽使万世蒙诟而有益于 皇上臣不敢避今身

日< 䟽 毓-金 >救李沂谓张鲸之事言官交章论劾何独李沂一人致干 圣怒及取其< 䟽 毓-金 >读之果属狂缘李沂系庶吉士授官未及两月新进书生不识忌讳若居正冯保在日彼犹未入仕途原无恩讎何为报复不过风闻建白心实无他似不必深罪且昨为马象乾所言 皇上犹为臣等曲全褒臣雅量况 皇上天地之量何所不容而苛求一无知之小臣哉不报

○辛巳礼部题海西弗秃等卫女直夷人都指挥往吉奴等一百一名进贡如例赐宴命临淮候李言恭待

○顺天巡按御史孙旬勘报密云蓟州昌平永平各道所属府州县灾伤请照例蠲免民屯钱粮以恤灾民 上从之○起升原任副使陈文焕四川副使

○南刑部主事刘以焕革职听勘以御史陈扬善劾其受贿枉断李镗一事也

○升刑部员外朱熙洽山西佥事分守赤城

○谕给原任都察院左都御史王廷月米岁夫如例从四川抚按徐元泰何倬之请也

○命成安伯郭邦相承袭祖爵

○壬午升山西参政刘中立陕西按察使

○癸未镇抚司打问过给事中李沂奏上御批李沂既刑究明白拏在午门前杖六十斥为民文书官刘成将本到阁阁臣申时行等大惊欲具< 䟽 毓-金 >救且留御批未发刘成不可竟持去而 上已遣太监张诚出监杖矣时行等惶遽上< 䟽 毓-金 >曰李沂上干圣怒已蒙打问死生未保再行廷杖重复加刑恐万无主理此 累朝以来所未有仰累 圣德关系不小臣等不能匡救必难覩颜在列伏望少霁 天威俯全言官垂死之命躬诣会极门候旨有顷传谕云先生每说话依得的依了依不得的也难依如前日马象乾就依了李沂放下各处贪官污吏不说却说我贪这等掙污君父岂可轻宥时行等复向张诚极言诚不可竟杖之

○礼部尚书朱赉吏科左给事中王继光相继言内竖之收宜罢 圣意已定不欲变但令供事老病者汰革

○户部题覆 潞王再请湖广河泊等所柴洲坑套等项地亩合如数给发以抵添给之数其州田额税行湖广抚按酌议报可

○甲申添设河南开封府同知一员驻劄荆隆口祥符县丞荣泽主簿各一员专管河务○升河南副使齐一经山西参政分守河东

○礼部题 潞王之国以 兄皇遣弟虽与 父皇遣子有间而礼未尝不同查得景王之国先期一日王与妃恭诣御前面辞行五拜三叩头礼祇祝受训命毕诣母妃前行四拜礼出明日王赴大明门陛辞启行繇朝阳门出先期一日百官赴府辞至日具朝服侍班候王行礼毕出易吉服至朝阳门桥东左右序立候王辂过而罢今 潞王之行已经奉旨照景王例行前项礼仪伏候裁定 上曰是

○追夺都察院左副都御史劳堪等诰命二十六轴内府印绶监会官烧毁

○翰林院编修邓以赞引疾乞假许之

○乙酉巡抚宣府都察院右副都御史许守谦三年考绩荫子许其德送监读书

○丙戌大学士申时行等题庶吉士王德完补授给事中 ○户科给事中薛三才
< 〇〇 铨-金 > 救李沂谓 皇上躬亲览断博采芻蕘言官论事雅荷包容顾独震怒于沂者岂真为张鲸罪沂哉亦以沂之狂戆示惩耳夫妄拾齐民晬传之语形诸奏牍非对君之体沂诚失言然意在耸动 圣听以除君侧之恶非敢有心捩污也至云为张居正冯保复讎则二奸擅权时沂尚诸生度未识面世岂有触雷霆甘斧钺为素不识面之人图报复者哉况沂罪而言官之气结矣何以励臣节乎时太常寺卿李尚思等吏科给事中陈与郊等各有< 〇〇 铨-金 >语多切至俱不报

○升河南参议徐三畏本省副使备兵磁州

○丁亥予原任吏部尚书汪宗祭二坛造葬部覆其执法郎曹宣劳中外晚节克全舆论推也○戊子工部尚书石星覆总督河道潘季驯题称河南黄河上流三门七泽而下地平土疏每易冲决特非运道所经往往忽视以为无虞而不知上源既决运道未有不阻者故修守之法在河南尤属紧要其故道繇新集出小浮桥铜帮铁底所当开复而岁俭费繁未能遽行惟慎加修守庶保无虞因条列六议一黄河北岸逼漕南岸逼省先臣刘大夏于两岸各筑长堤绵亘千有余里百年来颇受其利乃坍塌冲汕岁久易湮宜刻期修筑一沁水发源沁州至武陟与黄合势最湍悍而莲花池金圪垯其险要也生灵无算寄命一堤危若累卵而最险处止四百余丈即尽甃以石工亦易辨所当亟议石堤以图永赖者也一河工甚钜而所恃工费止河堡夫银而已近缘并入条鞭有司辄急京运而缓河道任民逋负甚至已徵而别用竟不扣还河工所以坠误也今议从前借用者如数抵还在民者徵解贮开封待不时之用一役民用其力当恤其私今议开归怀三郡近堤没官田地给堡老六亩堡夫五亩不足则以旷工银置产以授之则民有身家之患防堤益力矣一河之害在河南尤大则治河之功在河南尤难往秋防举劾仅行于淮徐而不及河南诚为缺典宜一体甄别以示激劝一河南虽非运道所经而河清水性与淮徐无异固当以治淮徐之法治之则夫责郡邑长吏以一事权核岁修工程以预兴举增补卷筑以固堤防所当通行者也诏如议行

○己丑宣大总督兵部尚书郑维引疾乞致仕不允○升刑部郎中熊瑞湖广副使

○庚寅大学士申时行奏问起居以李沂一事 上怒甚连日称疾不视朝也

○大学士许国奏昨廷杖李沂一事臣备员辅弼既不能潜消众议调护于先是以清 主上之听又不能披豁微诚挽回于临时以霁 主上之威致使 圣心焦劳外观震骇而臣一辞莫措一筹莫施得罪群臣贻讥万世失职之罪莫此为甚伏望 皇上将臣罢斥别选忠贤列在枢机共跻治平宣扬盛美臣虽跼伏田野犹瞻仰阙廷也得旨卿辅政多年忠勤端亮正赖分猷弼违岂可遽自引退即出辅理不允辞

时召用光佐 圣明且官必择人人惟求旧 上得忠贤以资明谟弼谐之益下得僚采以成同心共济之功此臣等荐贤为国之愚忠以人事君之职分也 上谕令撰手敕来行

○升神机七营参将郭三翰神机营副将 以马阑参将俞应乾调补神枢营 礼部题江西巡按朱鸿谟奏保孝子徐信等二人节妇刘氏等二十五人烈妇王氏等八人命旌表如例 乙未 兵部题覆臚乃功次得

旨徐元泰加二品服俸李应祥升一级李士达周光镐各升一级朱文达等各升实职二级并赏金币有差 礼部屡类奏灾异大略谓山西偏关及陕西泾州固原陇西孤山等处俱天鼓鸣或如炮或如雷而镇番卫石灰沟天鼓震响云中有如犬状乱吠有声直隶滦州山东乐陵武定河南叶县浙江嘉兴府辽东金盖广宁及陕西宁夏云南卫府州县十余处俱地震或有声如雷鼓山裂石飞毁屋杀人甚则震倒城楼铺舍城垣衙宇民居压死男妇百余牛畜无算山东

德府宫殿灾兖州风雷暴作

鲁府西顺门左右房扫一空滋阳同时吹倒城垛坊牌及衙舍民居毙居民八人镇番卫异风蔽天拔木吹倒外城垛边墙百余丈 延绥九月大雨雹伤苗西北二路七月严霜杀稼 宁夏八月大雪积地尺许军士冻伤 南京旧西安门脊钟鼓楼各兽头及竿杆等俱被雷毁灾异纷出叠见皆上天谴告之符也盖据总督抚按等官各以所属地方官所申报者入告云疏入 诏诸司共图消弭勿事虚文 丙申 大学士申时行等题上拟撰手敕

敕吏部原任大学士王家屏升礼部尚书兼东阁大学士入阁办事遣官行取驰驿来京如敕奉行 与原任兵部右侍郎曹金 原任南京兵部尚书阴武卿各祭葬如例丁酉 以年节颁赐辅臣申时行等及日讲官徐显卿等金币有差 太常寺题岁暮行大禘于太庙东西两庑分献命公徐文璧侯李言恭前一日祭告太庙祧庙遣驸马许从诚万炜各行礼祭 太岁月将之神遣太常寺卿行礼

命镇守陕西总兵官王抚民为右府佾书管事 礼部题海西脱伦兀等卫女直夷人都指挥几失等四起共一百四十五人进贡如例宴赏

命临淮侯李言恭待 礼部题正旦令节朝覲官同在京官给宴赏钞锭

上报可 户部尚书宋纁以疾乞休致仕上温谕慰留不允 复除河南道御史赫瀛 升南京刑部郎中黄子美为德安府知府 升四川副使周思敬为本省参政 戊戌 升太常寺少卿王敬民为大理寺左少卿 己亥 礼部题译出几失等例求金带金损帽职事衣服 太常寺题正旦祭

九陵遣侯郭大诚徐文炜常绪 < 彘 - 丿 > 汤之诰陈应诏宋世恩李环伯方烨卫国本诣各

陵行礼恭仁康定景皇帝陵遣伯刘应元

哀冲 庄敬二太子坟指挥同知周清各行礼 庚子 山西布政傅作雨调补浙江右布政使 兵部题覆陕西总督尚书郅光先奏称虏酋吉囊与庄秃赖各领部众乞求内地过边住牧及顺义王护送番僧西回乞讨市赏恐诸酋合堤备为难且甘镇孤悬处处当防在延宁一镇远为哨探果虏王起帐西来从近边行走随宜抚处甘镇动支预备银犒赏酌量冲缓分兵防御如虏王必趋海上切近洮河归德一带则固镇道将哨备宜先督臣临时斟酌移镇调度及寅大总督尚书郑雒揭相同今吉囊乞过闾门虽觉安静而移帐高古城尚未出我门庭庄秃赖声言西抢鱼尾吉囊而要求水塘住牧寔欲处我堂奥顺义王送僧之举恐为假道伐虢之谋若各镇并力处置得宜则虏人虽宜入我有以逸待劳之势若彼众合谋声势联络则甘肃孤危我有以寡敌众之虞要之以抚为体以堵为用以守为正以战为奇及先时侦探宣谕临时防抚应援一切机宜诚为长虑应如议申飭

上是之 太和县知县潘应期革职提问从御史苏鄯劾其投贿求脱也 礼部题海西顺劄等卫女直夷人都指挥宿人害等一百五人进贡方物如例赐宴命临淮侯李元恭待 南京江西道御史林可咸吏科等科给事中杜华先并疏张鲸宜正典刑盖未知已有处分也 壬寅升山西按察使吕鸣珂为山西右布政使

敕右府金书张臣充总兵官镇守陕西 户部题覆宣大总督尚书郑雒及大同巡抚王基条议六事 一禁增年例大同年例自嘉庆十五年会议经制每岁京运主兵银二十六万九千六百三十八两 客兵银一十四万两在主兵军马有定数费用有定额在客兵则抚赏互市陕西经过八卫游兵支用不费额内固难议减要当以前数为定毋得增添 一垦复屯田本镇抛荒地三千二百八十七顷该粮一万四千一百二十九石草二万四千五百六十三束应督令土运二商并所在居民开垦商人议给盐引居民俟三年成熟起科如民贫无力官给予种秋熟徵还庶屯额渐复而边饷可给 一催徵逋负大同民运坐派西山河南自万历十二年至十五年山西积逋粮九千一百余石银四十一万余两河南积逋银七万一千余两以至官军待哺过时未给今议除十二年十三年两年奉

诏蠲免外其十四十五年者勒限徵究以救燃眉之急 一清查冒破军士行月粮银马匹草料俱有程限而逃故倒死应照数扣支但恐法久懈弛宜行各道加意查核以严冒破 一清查盐引各边盐引土运二商报中上纳本色粮草分贮要地报中不得过三千引输纳不得踰三越月务于岁终会报成数今大同额盐一十一万三千八百余引该价四万五千六百余两分派各路上纳者任意延阁宜申飭督催违者提问 一惩戢腹削将领之腹削乃其故习本镇给散军粮先以道臣验封继以委官唱散终始不经将领之手但恐法令虽密而需索多端宜行各道严加体访如有贤能将领与士卒同甘苦者即列上考其贪饕剥削者即指名参劾 诏如议行 癸卯 以正旦令节

上赐辅臣及日讲官吊屏神笈诸物有差 兵科右给事中李廷谟题臣以典试历

湖广江西南直诸处以比年饥馑民不聊生所在盗起然未有若湖广之停前驿南直之风香驿者贼首刘绍溪等杀伤官捕流劫民间淫纵荼毒为害甚惨出没于英山潜山太湖宿松蕲黄黄梅广济之间地界两省互相推诿漫无剿捕恐日久势盛或致他虞乞

敕兵道江防加意严缉下兵部覆议 警家营支河工罢从总河潘季驯议也 乙巳大学士申时行等题奉

圣谕写累朝实录陆续进呈先于五月内太祖高皇帝宝训十五卷今又再进

实录自 洪武壬辰岁二月至三十一年闰五月止凡二百(三)[五](起居注)十七卷计七十三本装潢成帙呈上 御览 丙午 以祭告

太庙祧庙俊赐三辅臣 礼部题顺嫔张氏薨逝礼遵世庙裕嫔王氏例行礼下(抱本)于后一等 礼部题十七年正月朔日辰时日蚀例免朝贺上如奏命礼部侍郎田一俊魏时亮视 顺嫔葬地

大明神宗范天合道哲肃敦简光文章武安仁止孝显皇帝实录卷之二百六终
明神宗显皇帝实录卷之二百七

万历十七年正月己酉朔日食

○元旦节免群臣朝贺

○赐三辅臣上尊珍饌

○庚戌大学士申时行许国王锡爵上言恭遇元旦礼当庆贺 皇上克勤天戒特免常仪臣等备员辅弼与在廷诸臣不同谨诣会极门行五拜三叩头礼

○辛亥 宣宗章皇帝忌辰遣伯杨世阶祭 景陵

○甲寅兵部言 潞王之国旨照 景王例行近本府裁定事口加意节省从行员役悉给印票严行禁约但恐有司未能周知宜刊成书册先行传布所开载者预备所不载者免备止用民力不加徵民财其应用银两将见在库贮可动者暂行支用事完处补内外官员军人廩给口粮各抚按总计所辖驿递每程若干每员名各应支若干委的当官员逐名另封头运二运总解押运官处给散三运在内者解承奉司在外者解长史司给散有司指称科派者参究报丁

○大盗刘汝国楚人也与余孟新等啸聚南直隶太湖宿松湖广黄州接壤山中倡乱于枫香驿始仅数十人旬月至数百乘夜行劫所焚掠无算张黄帜以顺天为号毁停前驿太湖宿松各起兵攻战不胜郡邑戒严抚按匿不以闻兵科右给事中李廷谟稍列其状章下兵部夺兵备巡捕各官俸而核推诿隐匿者

○工部言畿民铺商之役困累至极查本部各役万历十三年原金四十余名曾未三年有削发为僧弃家远遁者祇因先年裁减旧价矫枉过直相应更正如 寿宫监工厂库巡视各科道衙门公用量增价值仍行买办若系本部及四司者悉自买如修仓木植系各役买办令议准收全木余材贮作公用不退与商如供用库油桩大槐原属宛大二县买办近归本部木大难致旧价不敷今议量增其价分派夥办其该监收木不问长

围尤无凭据合酌议定数而糴麻等料加耗并议量减其他款类尚多惟将会估重加订正则物价自平众情自安矣乃若积苦极患无如惜薪司柴炭诸费据称内厂收柴不甚亏累独外厂日难一日查得嘉靖问题准每木柴百斤明加十五斤炭五篓半每篓二十斤作一百斤此于人情物理最为得中其铺垫以供该厂公费虽非正法查万历十三年该监题准总计一岁之额该银二万四千余两奉有钦依乃各役苦称增益数多不可不处其内官内使额炭折色查会典开载每名每月该柴一百五十斤折价银一钱五分嘉靖开题准每年折色六个月该银一万二千七百四十八两五钱至今称便如将内官内使应给木炭每年照例准折六个月在各监领价买办不缺于用而该厂加耗铺垫之费可以少省乞敕下司礼监著以为例其旧商消乏者除退殷实者留用仍令从公开报在京殷实人户中量选□名兼搭应没本部旧会估簿悉心讲求重加更正不得仍旧减削以重□告事完之日另行题请得旨宫中合用柴炭数多照旧办送炭不必折各厂务平准秤收不许多索公费银两亦不许勒添苦累各商余如祈请○工部覆 潞王疏言河南卫辉府城外议盖蓆殿一所工费浩大今仰体 皇上节财爱民之心奏免因念仪卫等司官员未有房舍欲以蓆殿之费量为添盖查会典前项廡宇原未开载奏内举 景王旧例合移文湖广备查酌议覆请至于王辞 陵启行照例红门内沙河通州搭盖蓆殿张家湾搭盖茶棚张家湾以往经历地方数被水旱措办不前窃思 亲王临境官员礼当朝见交界蓆殿一座诚不可已查得通州汤阴各有蓆殿顺天河南抚按各官就彼行礼惟通州抵德州临清大名等处合行直隶山东抚按会议交界处所或合搭或各搭不系交界地方一概停止若毳毼彩绢宜量减以昭王之令德报可

○乙卯孟春 上亲享 太庙○丁巳安庆指挥陈越率兵攻刘汝国于陈汉山大败死之又蕲州兵与战于长□山杀伤略相当南京兵科给事中杜糜应天巡抚周继湖广巡抚邵陞后先以闻章付兵部

○戊午司设监造完 奉先殿 九庙各室黄花绫帐幔铺陈等件遣驸马许从诚奉安行礼

○云南猛密宣抚司土同知思化占争蛮莫聚众暴横抚镇官萧彦等欲相机剿除乃称蛮莫乃罕送旧土欲扶立罕送仍归蛮莫以系夷心兵部议腾冲以三宣为护卫三宣与蛮莫为接壤三宣安内地得宁蛮莫靖外藩可固令思化乘思顺奔窜之隙凭陵蛮莫势将不支□□不兴问罪之师如三宣动摇后益难制尤不得不靖震邻之难惟兵加于播告之后则出为有名议定于询谋之同则衅可永杜至谓立罕送以系蛮莫因可制思顺而遏猛密此中俱难遥度合咨抚镇官严谕思化晓以顺逆若能悔过效顺即与休兵若果稔恶怙终即行挾伐其一应调度兵饷及扶立罕送事体悉听便宜行之报允

○以擒斩緬贼功加姚安军民府土同知高金宸四品服色管事照旧升永昌府管下乌邑寨土舍莽承业为千户长给武定府和曲州目把僕世功冠带俱从云南抚镇官请也

○兵部覆巡视京营科道杨文焕等疏议补军买马二事令三大营将官每月终类报缺伍名数径行各卫所选补送部核验食粮差操果超距异等即补选锋旧军老弱残疾者径革不必退回备兵其备兵阙伍亦照前选补京营买马原议价银一十六两但委官牙佞多端侵渔自万历十七年为始每马一匹量增四两每岁戎政衙门将应补马数报部除免给寄养马匹外请发官银一万二千两买马六百匹每月定期三次公同看验当即给价印发骑操官军马商俱免守候马价俱贮官库无落把总之手至责成将领尤为有见诸边补军买马皆将领以身任之何京营不然今查复旧<□□矢见>并听巡视科道据实举参惟遇调遣则缺军取之备兵缺马取之寄养报可

○升永平城守备陈燮为昌镇左车营游击

○康陵 永陵多盗至是守 陵者以闻革守备内监闲住罪把总等官

○己未 孝恪皇后忌辰遣官祭 永陵

○逐静身男子先是选用曹进忠等二十名进内府其余尚潜住京师礼部以为请故有是命

○庚申有星陨甘肃西宁卫大如月天鼓鸣 ○吏科给事中张应登请册立 东宫以应青阳为第一急务太常寺卿李尚思等南京礼科给事中朱维藩等南京兵科给事中杜縻各有疏俱不报

○户科右给事中杨其休请 上御朝以风励入覲诸臣报闻

○吏部题朝覲官员惟用二司等查点举人入试其余领敕后领水程出城可杜私交不废大礼旨免

○辛酉许虏酋段奈台吉照旧贡市赏虏王扯力克忠顺夫人及青把都等银币有差先是段奈台吉率众扰边因顺义王及青把都谕令输服罚赎驼马牛羊准其贡市总督郑雒以请从之

○原任左都御史王廷卒廷南充人嘉靖壬辰进士授户部主事改御史疏劾吏部尚书汪鋐奸鄙状鋐罢廷谪亳州判官历升右副都御史治河晋户部侍郎兼都御史治漕抚江北四郡以斩获岛夷功加俸二级升南京礼部尚书改左都御史有小瑯以事诟御史李学道道笞之群瑯摔御史于午门外廷列其状以闻戍其首恶余充南京静军廷素与元辅徐阶善给事中张齐者希次辅高拱旨诋阶以去廷发击齐使边纳赋下诏狱编尺籍廷谢事归科臣为齐讼冤齐释廷镌秩为民迨拱败廷得还故官蒙存问赐廩輿没予祭葬如制谥恭节

○癸亥吏部都察院考察方面官贪广东副使易可久等素行不谨浙江佥事吴世宾等罢软广西副使陈浩等才力不及浙江副使钱顺德等年老浙江副使令狐一槐等有疾陕西佥事王国弼等及府州县杂职等官列名上请得旨为民闲住致仕降调俱如例○甘肃巡按徐大化条陈三事一临巩二府起解钱粮州县解府收贮俟至五七千或一万以上总委官类解一库藏钱粮添库吏一名专管出纳掌印官按季稽查一条鞭之

法各省直遵行已久今议奏陇之间通行从之

○陕西巡茶钟化民言宁镇每年动军饷银一万八百两余粮二万七千余石以备官军本色月粮支用乃委官转托匪人以致派扰阖镇及徵解给军每多愆期今议将垦荒见贮谷豆二万七千余石抵充十六年应余本色以后年分先查垦荒所入杂粮除抵还年犒赏外尽其所余抵充银易如额粮不敷酌动饷银官为余买不得仍前派及阖镇部覆报可

○南京御史王藩臣言丈田军粮原系惠民实政乃虚文塞责合行抚按咨访果有文书报结而覆丈不完覆入虽完而粮则不完与夫委官丈勘以致奸弊丛生者提究得旨近因清丈田地增弊扰民还立限督催不许延缓

○壬戌宁夏地震

○癸亥星陨于山西之新开口万全都司天鼓鸣

○甲子月食

○延绥东虏乘小市之期犯镇羌又犯神木神木侦得之设伏兵擒哮罗等六名虏获永兴操守鲁槐以归边臣久之始报

○乙丑 英宗睿皇帝忌辰遣伯陈王谟祭 裕陵

○丁卯升榆林守备徐龙为右参将分守宁夏东路

○调南京后军都督府佾书署都指挥佾事任大同为左军都督府佾书

○升河南备御赵时正为甘肃洪水堡游击

○戊辰吏科都给事中陈与交等御史徐申等遵例拾遗劾奏左布政使李文续汤仰等吏部分别议处从之○大学士王家屏在籍上疏辞召命不允

○户部尚书宋纁刑部尚书李世达后先乞归皆不允

○己巳下举人林春元于法司提问元本闽人流寓南都屡肆不法以嘱托挟讐中伤刑部主事刘以焕至革职南京刑科给事中徐桓劾奏故有是旨

○庚午大学士申时行等择于二月初二日请 上御讲筵日讲如常报可

○户部因浙江应运白粳糯未违限不到请查实降黜旨著抚按查参

○保定巡抚宋仕等言 潞王之国经繇河间大名二府其支給廩粮及拽船夫役等项费用浩大连岁荒疫委难措处乞于天津仓动支米一万七千石临清仓动支米一万一千石旨允

○礼部主客司郎中高桂言万历十六年顺天乡试蒙旨以右庶子黄洪宪等往其中式举人第四名郑国望藁止五篇第十五名李鸿股中有一囡字询之吴人土音以生女为囡孟义书经结尾文义难通第二十三名屠大壮大率不通他若二十一名茅一桂二十二名潘之惺二十八名任家相三十二名李鼎七十名张毓塘即字句之疵不必过求然亦啧有烦言且朱卷遗匿辨验无自不知本房作何评口主考曾否商订主事于孔兼业已批送该科科臣竟无言以摘发之职业云何方今会试之期多士云集若不大加

惩创何以新观听伏乞敕下九卿会同科道官将顺天府取中试卷逐一简阅要见原卷见在多少有无情弊据实上请以候处分其有迹涉可疑及文理纰缪者通行议处明著为例以严将来之防自故相之子先后并进一时大臣之子遂无有见信于天下者今辅臣王锡爵之子素号多才岂其不能致身青云之上而人之疑信相半亦乞并将榜首王衡与茅一桂等一同覆试庶大臣之心迹益明矣得旨草藁不全事在外帘朱卷混失事在场后字句讹疵或一时造次有无弊端该部科一并查明来说不必覆试自后科场照旧规严加防范毋滋纷纷议论有伤国体

○甘肃巡抚曹子登言套虏西抢谋非一日吉囊为套虏之主名位与顺义比其所率部落甚多亦不减先年顺义之来西也令部落先繇川底而西祇本酋与头目内走今吉酋不远数千里携帐而来岂直报讐瓦刺其抢番不待言矣且吉酋先行庄酋尾后庄酋不肯繇水泉闇门坚求水塘之去两酋特角无非报我十五年中剿虏之讐耳水泉闇门原系通海大路顺义王于本门进边节年以来通行无阻今吉囊遣部落行繇川底而自提大众拥逼水泉若不容其闇门祸速而大放其闇门祸缓而小如吉酋出边庄酋亦繇边外而往照旧行犒以慰远来若必不从在吉囊尚未可加兵庄酋必穹边而入又不得以兵马堵之一牧于南一伺于北水塘百余里原无藩篱其成败利钝皆不可逆睹也章下兵部覆听便宜行事

○辛未 上视朝

○刑部尚书李世达等廷劾天下来朝考察存留官员不职请加速问 上宥之令回任用心供奉在外者行文示知

○是日朝覲官参差不整罪在引礼 上诘责鸿胪夺鸣赞任大祐等俸

○大学士申时行王锡爵以高桂论科场事词连锡爵子衡时行婿李鸿各上疏自明且求放归 上俱慰留之

○复除云南副使程正谊于四川广西佥事陈希美于云南各原职

○升江西右布政使彭富广西右布政使管大勋云南右布政使戴耀各左布政使应昌福建富大勋耀俱本省

○升左给事中王继先为户科都给事中右给事中邵庶杨其休李廷谟各左给事中庶户科其休刑科廷谟工科

○吏部尚书杨巍乞归不允

○甘肃兵变巡按郭万里几为乱卒所杀事闻曹于登听勘归以陕西按察使李廷仪为右佥都御史代登巡抚复以激变罢总兵官刘承嗣则从御史王道增之言也

○户部覆凤阳抚按舒应龙等疏言江北水潦米价腾踊将应兑漕粮三十万石留十分之三每石折银七钱先动库贮无碍银六万三千两与本色漕粮一齐运角□羊候青黄不接之时棗价还库余银与同轻赍蓆银贮府将本年新运轻赍银内各照数减徵从之○壬申刑科给事中李文郁参总理三边兵部尚书郅光先言甘镇营兵鼓噪西宁

堵虏失律皆光先不职部覆得旨著策励供职后光先上疏求罢亦弗许

○礼部覆科臣苗朝阳李周策条陈科场事宜其慎较文免送试核试卷严誉录各依拟惟墨卷照旧于填榜日送进不得先二三日

○礼部开卷 潞王之国仪注之国前一日王恭诣御前行面辞礼王冕服妃翟衣由东华门入 上御宫至御前王左妃右行五拜 叩头礼跪听 上训命 上赐以酒王跪饮诣 圣母仁圣懿安康静皇太后前 圣母慈圣宣文明肃皇太后前俱行五拜三叩头礼 中宫前行四拜礼回府文武百官各吉服入王府内行四拜礼之国之日上御皇极门王具冕服由东华门入文武百官各具朝服侍班王从金水二桥至皇极门御座前行五拜三叩头礼毕 上起身送王至东阶目送王出午门 上还宫文武百官以次退王至承天门易服祭承天门之神礼毕乘輿出长安左门至府同妃启行由朝阳门出百官易吉服至桥东左右序立候王辂过而回得旨依拟行

○以宁阳侯陈应诏署都督佥事刘光祚各南京都督府佥书应诏中府光祚后府

○癸酉 孝□毅皇后忌辰遣伯吴国乾祭 康陵

○大学士申时行等言两京各省解到试卷发部科看详今礼部司官不纠摘南京各省而独摘顺天不通摘三场而止摘字句殆有深意必待会官覆试而后有无真伪耳目难掩 上命礼部会同都察院及科道官当堂覆试看阅具奏锦衣卫还差官与高桂一同巡视○升曲靖府知府王任重汉中府知府繇礼门杭州府知府余良枢饶州府知府刘惠乔桂林府知府周宪梧州府知府林乔楠刑部郎中游朴各按察司副使任重云南礼门山西良枢浙江惠乔四川宪朴俱广东乔楠广西

○吏科都给事中陈与郊等请留吏部尚书杨巍户部尚书宋纁刑部尚书李世达言大臣审利病则先民计安危则先国不得言养痍言衰言耄况杨巍表率百僚尤不当言去为诸臣倡得旨老成耆宿国家所重岂可相继求去不得复有所陈

○吏部以科道纠拾官悉依部覆独调简参政孙佩未得旨补牍以请旨如拟

○缉捕驰驿伪锦衣千户陶绍勋由广西抚按发也

○甲戌赐海西女直建州夷人兀失等金带大帽职事衣服○大学士王锡爵再疏乞休以父子期许甚厚而不见信于高桂为耻 上温旨慰留

○升云南按察使边维垣山东按察使曹子朝云南按察使姜忻湖广按察使范仑各布政司右布政使维垣江西子朝四川忻广西仑云南

○广西巡按御史孙愈贤以病请告许之

○升湖广右布政使孙鏞为河南左布政使

○乙亥升山东按察司副使查志隆河南按察司副使赵耀各布政司左参政江西按察司副使沈九畴湖广按察司副使虞德焯广西按察司副使熊惟学贵州按察司副使陈颐各布政司右参政志隆本省耀山西九畴四川德焯云南惟学广东颐本省郟阳府知府房守士宁国府知府范可奇各按察司副使守士陕西可奇广西浙江按察司佥

事苏浚为陕西布政司右参议

○户部覆巡视太仓银库给事中张应登等疏一各省直解进银两传闻大姓窝藏解官倾销旧锭变重为轻应行抚按访拏惩治一每锭不必滴珠一火錠旧钱难强各口支领合无仍贮在库折给工部铜价一买办各商如珠宝草料之类待以后编审酌其便与不便相那接管一养济院原为孤老而设乃有不孤不老甚至有名无人一人兼领数人之粮者合行查革外省流来贫民果年老颠连者送入旛竿舍饭寺收养不必驱逐如拟行之

○旌浙江输米谷助赈义民董钦等之门不系职官者予冠带

○直隶巡按陈邦科条陈四事其一因应安二府米价腾踊截漕粮分发二府平糶查军船尚未开帮准留十分之三如凤阳等府例允行余三议寝之邦科又请免安庆府属钱粮部覆亦不许

○礼科都给事中苗朝阳因高桂摘其无言乃称科场暧昧影响难凭且风檐忙迫一时笔画之误为书生常事惟遗失朱卷不能无疑因引万历十年覆试应天举人狄猷明等事例请将李鸿等覆试旨下礼部

○丙子升浙江布政司左参政蔡□臣广东布政司左参政邹学柱福建布政司左参政冯孜各按察使廷臣本省学柱云南孜贵州

○右庶子黄洪宪辩高桂疏言桂既称贿赂便当直指行者受者过付见证何人何所何乃捕风捉摸绝人廷辩之端古者立贤无方何论朱门白屋场中糊名易书使高桂主考能预别某为寒酸当取某为势要当置乎臣等于八月二十九日揭晓二十八日拆卷则监试提调及百执事人役咸在填榜既毕即将朱卷公同交付顺天府官用印铃盖毕随同诸臣出闱后来混失考试官安得而知监试提调诸臣交章查参收卷疏失官员已经奉旨可覆按也况墨卷系举人亲笔墨卷既存虽灭朱卷将谁欺乎请将臣放归田里以谢人言其本内有名举人乞敕该部院及科道官严行覆试仍令郎中高桂眼同监阅得旨覆试已有旨黄洪宪照旧供职

○总督蓟辽右都御史张国彦以其孙张毓塘为高桂指摘上疏奏辩疑桂与其子我续同官有却故波及之因自求罢请覆试毓塘有旨如前而留国彦

○升宁夏副总兵刘滋为都督僉事充神枢营左副将 ○密云草场火毁草四十六万一千九百八十一束罚管粮主事孙瑀俸两月

○丁丑 圣母仁圣懿安康靖皇太后万寿圣节传免朝三辅臣诣会极门叩头赐上尊珍饌

○提督工程尚书曾同亨等以 寿宫工程已有次第事务渐简请裁减内外各项员役二百四十七员名廩马盐粮等项住给以后每厂作遇事完次第撤回以节冗费从之止留锦衣卫催工官六员

神宗实录卷之二百七终

明神宗显皇帝实录卷之二百八

万历十七年二月戊寅朔升浙江按察司副使万文卿本省左参政刑部郎中曹司勋为福建左参政

○升礼部郎中李同芳为浙江按察司副使南京吏部郎中朱廷益为江西按察司佥事调福建按察司副使杨德政于广西各提督学政

○补原任江西按察司副使林梓于湖广整饬靖州兵备

○升贵州布政司左参议张文耀凤阳府知府曹时聘松江府知府喻均衢州府知府廖希元各按察司副使文耀云南时聘均俱山东希元贵州○礼部会同都察院及科道等官覆试举人王衡等是日尚书朱赓以疾未出右侍郎田一俊擢自祭酒以八人皆国子生引嫌不与左侍郎于慎行都御史吴时来副都御史詹仰庇都给事中陈与郊等御史姜璧等同试试毕阅卷慎行次序分二等王衡等七人平通屠大壮一人亦通疏入得旨文理俱通都准会试次日慎行同礼科上疏言诸生覆试无甚相悬中式未必有弊字句虽有疵讹然瑕瑜不掩郑国望稿止全文五篇其第四篇第七篇止一二行弥封员役殊为怠玩似与本生无干欲将弥封官罚治得旨免罚而以高桂轻率论奏夺两月俸

○工科都给事中张养蒙等以考成摘参巡按林文英等俱夺俸两月惟黄纪贤以新任免

○己卯 上御文华殿讲读○原任工部尚书何起鸣辞 寿宫恩数不允

○升陕西按察使党馨为湖广右布政使

○庚辰升云南按察司副使金从洋为陕西苑马寺卿兼佥事兖州府知府熊汝器为陕西行太仆寺少卿兼佥事

○升常德府知府萧腾凤泉州府知府贡靖国各盐运司运使腾凤两淮靖国两浙

○调陕西布政司左参议李蕴于广东管理粮储

○升山西按察司副使梅淳山东按察司副使李瑱为陕西布政司左右参政淳分守关内瑱兴安州抚民江西按察司佥事顾云程为贵州布政司右参议分守思仁

○四川巡抚徐元泰请以采木未获除销筭外该还官银一十三万四千四百两有奇米三千五百石有奇谷一万一千四百石有奇照数追还今岁秋成有歉议将夏税秋粮免十分之三所应起解京料先尽正供其贵州布米钱粮时支散扣回并积余银米如额抵角□羊户部覆田租免十分之二其追补如议从之

○户部覆陕西总督郃光先等言甘镇银两共欠六十二万八千七百余缘全狭连灾逋负数多今西凤平汉临巩六府岁颇有收前欠粮银应乘时设法陆续徵角□羊报可

○以原任副总兵史宸充游击管顺天巡抚标下中军事

○裁山东济南参将曹州武定守备

○直隶巡按高举以病请告许之

○辛巳以修撰萧良有充编纂章奏官○南京都察院右都御史耿定向求罢弗许

○吏部尚书杨巍复以老疾乞归不允

○巡抚四川兵部右侍郎兼右佥都御史徐元泰以疾乞归许之

○礼部尚书朱赓因病不克总理会试事宜以右侍郎田一俊代之

○调协守蓟镇副总兵角□羊一清于宁夏督抚请留弗许

○升蓟镇游击江应龙为署都指挥佥事分守广东雷廉兼海防参将

○壬午以少傅兼太子太傅礼部尚书建极殿大学士许国太子宾客吏部左侍郎兼翰林院侍读学士掌詹事府事王弘诲为会试主考官

○以剿琼州生黎罗定徭贼功赏赉前总督两广吴文华等银币有差

○周府奉国将军朝正□佳欧父成疾并欧其母赐自尽○癸未兵部覆云南巡抚萧彦条议四事一并将权当定将领体统节制俾臂指可以相使一省兵费腾永兵粮每年预发饷银丰则余贮一毋广边地户撒等田还之陇川猛卯等田给之多俺盍西岳元等寨归之本酋一毋轻边任金腾临安二道假之便宜宽之岁月成功者加级积劳者殊擢报允

○改徐州参将陈嘉勋为四川叙泸参将

○甲申祭 三皇于景惠殿遣礼部侍郎田一俊行礼颁饩三辅臣

○以礼部右侍郎兼翰林院侍读学士田一俊翰林院侍讲冯琦为经筵讲官

○大学士王锡爵言臣男覆试卷见经多官会拟第一 皇上准留会试臣之心迹明矣顾念 祖宗二百年来辅臣子见疑而覆试自臣始北京解元见疑而覆试自章礼与臣男始使臣男班于章礼权门狗盗之例此为谁辱而又可使再辱乎臣男本官生望退回荫籍量授一官臣身在事外亦可昂首谭科场之事文章自古无凭虽前辈名家尚未识真是真非乃今新进初学以字句小讹被以关节之名幽不有鬼神明不有公论乎夫考官惟患其不亲较阅而今搜及落卷便为舌端名挂势家遂当觳觫则何不尽废科场驱天下士子使投笔从军入钱补吏乎国家欲惩张居正之覆辙则真赃实犯不惜重处欲复弘正以前之文体则僻字险语量为戒饬岂可诬天下清白之士尽行罗织臣诚不见自古有此淳美风俗也 上不允其退避令吏礼二部看议科场事宜以闻后吏部尚书杨巍等言近年申饬甚严总之正文体防奸弊而已文体责在帘内关防责在帘外若因字讹目为关节或据风闻言为实事则文场取士之典反为陷阱且覆试已明求过不已士子蒙无稽之谤考官抱不白之冤大伤国体莫甚于此也旨以为是

○右庶子黄洪宪言郎中高桂劈空造诬恶言丑诋幸 圣明洞察弗以罪臣举人经多官覆试俱准会试臣复何憾顾公论有真不勘明何由得实臣与右庶子盛讷 陛辞入闈分卷则有掌卷官阅卷则有同考官王衡张毓塘系春秋是行人邹德泳取李鸿屠大壮系书经是原任行人司正沈璟取茅一桂系易经是进士苏舜臣取任家相系易经是沈璟简出进士康梦相取潘之惺系诗经是进士章宪文取郑国望系易经是沈璟

简出教谕王心取臣与讷分经总裁臣阅书经诗经讷阅易经春秋礼记交互批评何所容私今覆试毕矣士之才不才见矣请将桂诬臣无所指实之言一一根究桂所自见桂自言之桂所不见而闻之他人者亦必明言其人如臣有毫发之私岂直当褫臣官愿就鼎镬以为徇私之戒如一无影响是臣之心迹因桂益明再乞放归田里得旨事已查明遵前旨供职

○刑部云南司主事饶伸上疏曰科目者国家鼓舞天下之大柄君不得私诸臣父不得与诸子自张居正二子连占科名而辅臣遂成故事然未有大通关节如黄洪宪者以为一第不足重则居然举首矣势高者无子则录其婿利厚者非子则及其孙矣覆试之日尚多不能文者在都御史吴时来不分可否辄曰通得朦胧拟请大学士王锡爵辩疏字字剑戟锡爵为相三年忠臣贤士悉被斥远佞夫儉人躐跻显要其势将为居正之续吴时来附权灭法不称台长王锡爵庇党恃势殊乏相度均乞速赐罢斥疏上次日王锡爵求罢又次日申时行求罢许国方典试入场诸司章奏送时行私第票拟时行仍封还 上惊问曰阁中竟无一人耶甚非国体乃慰留时行锡爵怒伸出位妄言朋奸逞臆送镇抚司究问薄暮三疏并下皆出 宸断次日时行进阁疏谢

○乙酉春分祭 大明于 朝日坛遣公徐文璧行礼

○先是 东应试生员夏宗尧以怀挟抵罪诸生群噪者数十人内贾三凤登是科乡榜按臣吴龙徵欲概惩之部议发国子监肄业三年方许会试允之

○陕西巡按徐大化条上三事立条鞭以徵站银清户籍以杜影射整武备以御地方皆如议行

○以五军营副将麻承勋为协守蓟镇西路副总兵○以广东都司佾书耿大烈为蓟镇石匣地方游击

○丙戌升山东按察司副使房楠为陕西布政司右参政山西布政司右参议冯子履为河南按察司副使广东布政司左参议李一阳为江西按察司副使

○予原任南京刑部尚书陈其学月米岁夫从山东抚按请也

○改中都署留守解元为署都指挥佾事分守徐州参将

○ 上欲奉 两宫圣母阅视 寿宫工科都给事中张养蒙等言 皇上于去年九月内亲阅今仅四月耳费用不资已病于给发之不继矣若 两宫并驾 万乘再临芦殿道途椒掖近侍羽林甲士从官屯军赏赉费用无端可减顷纠计吏 皇上免朝为动火静摄也春风多厉奈何山路驰驱不思静摄乎 永陵 康陵顷两被盗虽行宫驻蹕虎豹当关而戒在垂堂可无虑乎伏乞銮輿暨停俟大工告竣通请阅临报闻

○丁亥 孝贞纯皇后忌辰遣伯王学礼祭 茂陵

○是日祭 先师孔子遣尚书宋纁行礼

○以翰林院编修袁宗道充经筵展书官

○都察院左都御史吴时来左副都御史唐仰庇各上疏辩饶伸所言覆试事时来

言伸以诸生多不能文臣覆试而蔽护之文完纳卷臣一过目送于慎行传送科道诸臣阅看臣曰事由高桂今须桂亦同阅正欲桂寻其弊端以申法纪夜深各臣定有次第慎行悉照安叠谓臣朦胧拟请同事十八人与臣同罪也谁敢为之哉因乞罢归以全生平仰庇言弊之有无全凭覆试即有曳白或不能完卷及其中有纰缪虽无弊亦当黜革今各卷文理俱通即当无议至若锡爵时来为正为邪公论有在臣不敢强辩重冒附权庇党之刺也 上慰留时来谕仰庇职司风纪当分别邪正共挽颓风

○礼部左侍郎于慎行因饶伸以党蔽之罪攻吴时来言阅卷之事部臣攸司会题之疏宪臣居后臣心何敢自安乞察始末则事在时来与否自明疏入报已有旨

○戊子祭 大社 大稷遣公徐文璧代

○命工部尚书曾同亨侍经筵

○大学士申时行等左都御史吴时来各上疏求宽饶伸不允

○己丑免经筵

○火星逆行入氐度

○大学士王锡爵言愧苦难胜乞恩休致不允又言吴时来疏内称 皇上发怒似专为臣夫伸攻臣虽力乃专以相度不弘为人饰非坐臣之罪若科场事毕竟不能掀一事实则其本心自明臣且耻与争辩矣 皇上又何必为臣发怒乎不报

○升广东按察司僉事郭子直为山西右参议

○庚寅宴朵颜等卫贡夷脱伯等一百五十员名侯李言恭待自是多言言恭者

○礼部言 潞王之国 皇第一子当行辞礼旨以幼免时方八岁也

○兵科左给事中胡汝宁劾奏高桂饶伸言高桂因字迹可疑而有言未为不是乃造为私揭暗投各官以致饶伸误信妄生多端旨下部院查桂揭以闻嗣则礼科左给事中陆懋龙刑科给事中杨文焕河南道御史林祖述广东道御史管九皋云南道御史毛在等连章击桂及伸祖述谓伸为出位文焕谓桂为诬害在则论桂而及议制司主事于孔兼疏入旋奉有出位沽名淆乱国是堂上官严行禁谕之旨最后提学御史杨四知上疏曰国家建立台谏职主纠弹六卿率属各有攸司职业克修即为忠非必建白而后忠也 世宗威如雷霆主事海瑞起而犯之严嵩之毒甚于虎狼主事杨继盛列其罪状二臣皆无所为而为故天下信之后世仰之 先帝于继盛追表忠魂 皇上于海瑞眷注超擢皆赏谏以劝忠也往张居正窃弄太阿台省诸臣如刘台傅应祯余懋学李涑朱鸿谟孟一脉之属皆能言之威劫窜逐言官气沮然后赵世卿王用汲艾穆之俦言之 皇上鉴其忠悃有一岁中累迁至九卿者此赏谏之典宜然而诸臣未尝念及此也乃群臣知 上意所向人人欲以言显其间谋国输悃者固有而文奸饰诈者十常六七智巧之士有知其将考察而上疏者有知其将补外而上疏者甚则报复私讐混淆邪正一蒙谴斥谈笑出门自以公卿可鼓足而待及被召用睥睨一世自视海内之人莫己若今日择某官明日谋某缺岂当时建言之心为今日求官地耶今诸臣不能禁之使无言可采则

采不可则已狂妄者置之勿听其已经斥逐特加录用者应考察仍考察应外补仍外补无令藉为大用之阶也 上俞其言

○工部言两广山东督抚等官请将三省司道府州县兼管水利官移咨吏部以后领凭领敕查照增改年终考核稽查报可

○辛卯调山西按察司僉事朱熙洽于福建

○加陕西按察司副使许评参政衔致仕

○右庶子黄洪宪辩饶伸疏言据伸诬臣者三事一谓辅臣王锡爵之子衡不宜居首夫王衡自幼负奇天下莫不闻惟时春秋房考行人邹德泳首取口主考右庶子盛讷先评之同考官提调监试诸臣共阅靡不同声称宜第一者臣因与众定之将避其势而遂摈其文耶其一谓势高者录婿盖谓李鸿也李鸿乃书一房行人沈璟所取臣焉能预知为辅臣之婿而戒同考官不取乎其一谓利厚者录孙盖谓张国彦之孙张毓塘也毓塘亦是邹德泳所取盛讷所评定伸其问之二臣有私乎无私乎而独苛责于臣也又谓臣拆卷对号之日反覆搜寻夫拆卷对号乃在慎榜题名之日此时止有中式朱墨卷在列何处搜寻伸徒欲文致以入人罪遂不自知其诬耳因乞归 上不允报已有旨

○命兵部右侍郎萧大亨护送 潞王之团锦衣卫指挥同知凌玄德从○东兰州土官韦应龙废长立幼残害族民其弟韦应虬逃入南那二州纠兵报讐土司陈星等欲乘危立应龙幼子文略不遂缚应龙匿其印总督两广刘继文鞫治应龙应虬追还州印以韦文奎承袭星等复集党据寨将应龙妾女及珍宝土地献田州土司岑太禄太禄发兵助之劫田州泗峒继文调泗城等诸土司及各标兵进剿获星并获其党黄淋等兰州平继文请录有功道将亡何广西巡按孙愈贤言星等就缚非真擒也参将熊文济纳其贿留其妇女槛致以为功旨革文济职命御史鞫审以闻

○升五军营参将马应元为署都督僉事充本营将副

○壬辰部覆云南抚按萧彦等疏户部二事一言临元金沧洱海三守道各有矿场宜照属分管不必专属临元一言丽江不得市剑川界内夷田民田兵部覆五事一将武定云南二府军务俱属普安道管辖即改为兵巡道一将沾平守备听临安参将节制一土司袭替有司司道不得多方抑勒任意迁延一令各该兵备道将土官员下未袭土舍逐一查明照依嫡庶长幼次序开立简明文簿后遇告袭便于保勘一将土官量行举劾足示劝惩俱如拟行惟土司举劾寝之

○户部覆陕西总督郃光先等疏言延镇缺饷其预发年例该二十五万六千三百九十两今帑藏空虚候有解到银两请发所有十七年应补主客二饷银七万六千三百九十两有奇即于库贮动支解运得旨延镇缺饷数多军士困乏可悯户部预发年例银五万两兵部借马价银五万两与见补一同给发

○流贼刘汝国未平责令应天巡抚周继湖广巡抚邵陛江西巡抚庄国禎提督操江王周汲督率所属协力剿捕

○甲午祭 太仓之神遣侍郎胡执礼行礼

○升广西布政司参政游应乾为云南按察使工部郎中甯化龙为山西按察司副使

○升山西道御史蔡梦说为浙江按察司副使户科给事中李汝相江西道御史郭万里山西道御史林国材贵州道御史袁应文广西道御史张季思各按察司佥事汝相山西万里国材俱山东应文云南季思陕西

○升刑科给事中罗万程为广东按察司佥事提督学政

○升河南道御史朱鸿谟为光禄寺少卿○升福建按察司副使沈应科为广西布政使司左参政

○大学士王家屏再疏辞召命行人敦促

○乙未赠原任南京兵部尚书阴武卿太子少保

○宴朵颜泰宁福余三卫都指挥使哈哈等一百二十五员名赏贡马头目脱伯等马价彩段等物如例

○大学士王锡爵称母病乞休 上命鸿胪寺宣谕以留锡爵< 錡-金 >谢越七日进阁视事

○丙申祭 历代帝王遣侯吴继爵行礼伯毛登王应龙尚书宋纁王一鄂分献

○是日 景皇帝忌辰遣伯刘应元祭 陵寝

○镇抚司讯饶仲疏上得旨伸革职为民高桂降二级调边方用后吏部覆科臣胡汝宁等疏参桂指摘科场本属多事至具私揭是诚何心降级若足示惩仍行各衙门官责不在己事不甚重勿轻言具揭章奏有不得旨径自抄报者究得旨章奏未奉旨不许辄便抄写

○吴淞领兵指挥陈懋功等与贼刘汝国战胜之夺其大将军印及济贫王招贤燾斩获二百五十余人巡简汪焕获余孟新哨官郎子机获刘汝国又广德州盗凌子登欲从汝国为知州所擒余党悉平巡按直隶乔璧星以闻论功行赏有差诛汝国孟新赠战死陈钺官

○御史陈邦科请免太湖宿松被劫二县漕粮部议不允

○升陕西行都司署都指挥佥事宋世祥为五军营参将江西把总以都指挥体统行事刘宗尧为神机营佐击大同守备麻承训为真定游击

○丁酉南京兵科给事中杜縻等广东道御史王藩臣等纠劾原任湖广左布政今升南京大理寺卿王湘原任福建左布政今升广西巡抚陶大顺均属冒滥部覆湘回籍听用大顺年老致仕从之 ○礼部仪制司主事于孔兼言臣奉本部札委磨勘顺天中式朱墨卷内李鸿卷首篇有不典之字屠大壮卷三场多难解之辞即时呈禀本堂复批送礼科听其覆阅不意郎中高桂言之桂之指摘不尽出臣而李鸿屠大壮实臣所简明今桂以言被摘臣以默见容臣复何颜忝列部署哉至御史毛在参论高桂未及于臣谓

不发觉而托之科臣科臣不言而托之部僚则过听矣避祸而貽人以祸其谁听之扶同隐默臣不敢也全躯自保臣不敢也因自劾求罢部礼言孔兼以首事由己貽祸同官且因御史波及乞罢情有可原旨免究

○予原任少保兵部尚书王崇古祭葬谥赠崇古蒲州人嘉靖辛丑进士授刑部主事累升苏松常镇兵备副使以斩倭功升俸荐晋宁夏巡抚金都御史加副都升兵部侍郎总督陕西三边在西陲斩虏级一千有奇升右都御史调宣大受把汉那吉降酋目俺答叩关执叛悔罪加太子少保兵部尚书封贡既定晋太子太保回京协理戎务加少保改刑部旋正本兵寻致仕归三封成蒙存问给廩與予世荫亲军指挥前后钦赏无算朝议本官忠猷夙抱经济不群屡督边镇勋著华夷遣官营葬致祭赠太保谥襄毅

○戊戌升广平府知府蒋以忠为福建按察司副使分巡兴泉兵备

○己亥原任吏部左侍郎兼翰林院侍读学士姚弘谟卒弘谟秀水人嘉靖癸丑进士由翰林编修降六安州判官旋迁留曹洊历藩臬入为南太常少卿领南祭酒陟礼吏二部侍郎充经筵讲官以疾归至是卒予祭葬如例○庚子清明节遣侯郭大诚徐文烨常胤绪薛钰汤之浩宋世恩伯王应龙方烨毛登分祭 九陵侯张元善祭 景皇帝陵寝都督同知陈承恩祭 哀冲 庄敬二太子坟

○加宁夏总管标兵参将哮拜以副总兵衔致仕许其子哮承恩袭职从之抚梁问孟请也拜原系夷虏来降屡立战功授宁夏卫世袭都指挥使年六十三自求休致云

○以大计后申饬抚按官凡存留而改节者不时参劾遭蹶而易辙者毋拘成心从吏科给事中丁懋逊请也

○辛丑南京鸿胪寺卿王鉴乞休吏部称其清廉恬退以太仆寺卿致仕

○壬寅升南京太仆寺卿朱天球为南京大理寺卿

○升太常寺卿李尚思为都察院右副都御史巡抚四川

○升广东左布政使蔡汝贤为都察院右副都御史巡抚广西

○癸卯辽东盖州卫地震三日

○甲辰宴赏朵颜三卫补进贡马夷人小思苦等二百七十七员名如例

○礼部尚书朱赓以疾再疏乞归不许

○升太仆寺卿徐元春为太常寺卿

○户部覆陕西总督郃光先疏一清查冒破有逃故军丁截日申报开除不得朦朧冒支月粮一疏通盐引其余买上纳照岁时之丰歉定斗头之高下如有远赴余买亦量为裁酌一惩戢腴削行该道戎谕将领仍不时访实揭报一糜费当裁冗食当革若地方非重大警急不得妄议增兵若民屯钱粮及时督催二池盐课务要足数不得拖欠废弛如拟

○南京御史刘寅以畿辅频值凶荒请约束潞藩随员役及禁有司科派供应旨是其言○乙巳赏泰宁等卫入贺夷人主兰台等彩段等物朵颜等卫贡贺夷人小思苦

等马价等物

○复除原任云南布政使张大忠于广东

○升光禄寺少卿艾穆为南京鸿胪寺卿

○升顺天府府丞郭东为南京太仆寺卿

○南京云南道御史方万策江西道御史林可成交章劾吏部右侍郎徐显卿言其挤排张位沈一贯使告退李长春韩世能使改南及结纳富商媚事大珰僭越淫乱夤缘纳贿诸不法事旨下吏部

○丙午 大明会典成遣官赉送南京礼部转发各衙门

○礼部取中会试举人陶望龄等三百五十名

○升吏部郎中蔡国炳为广东左参政分守岭东

○丁未吏部右侍郎徐显卿疏辩首言位一贯告假各有至情世能长春南迁各由资序因分晰疏中事求罢斥凡再上不许○升右通政卢维禎为太仆寺卿

○升尚宝司少卿唐鹤徵为光禄寺少卿

○先是有倭船三突至浙江外洋官兵亟击之沉其船斩首四十八级生擒者六巡抚滕伯轮以闻行巡按勘报伯轮已故赠兵部左侍郎将士赏赉有差

明神宗显皇帝实录卷之二百九

万历十七年三月戊申朔 孝肃皇后忌辰遣伯卫国本祭 裕陵

○南京兵部侍郎王世贞乞休不允

○己酉升太常寺少卿邵仲禄为右通政

○升尚宝司司丞孟秋为本司少卿

○庚戌兵科给事中叶初春劾奏协理戎政兵部尚书傅希摯南京工部右侍郎张西铭俱衰朽当罢章下吏部

○辛亥改南京户部郎中何以尚为尚宝司司丞

○升太仆寺少卿杨廷相为太常寺少卿提督四夷馆

○以庐凤淮扬等被灾府州县万历十六年分起运本色米每石改折银六钱麦每石改折银四钱○壬子右春坊右谕德掌南京翰林院事习孔教以亲老乞归许之

○蓟镇夷酋小阿卜户猛可真等将部落毛什哈所掳我戍卒送还其被杀者缚献作歹真夷克什个抵偿叩关服罪以求额赏督抚张国彦等以闻并请释放古北口留质诸夷而诛其就缚者予赏如故从之

○工部以江南数郡屡遭水旱未完四司料银等项银两系十四十五年者常镇二府每年带徵二分苏松二府尤宜缓徵从之

○癸丑升刑科都给事中唐尧钦为太仆寺少卿

○升陕西道御史孙旬为顺天府府丞

○协理戎政兵部尚书傅希摯闻言乞休旨慰留

○甲寅以原任南京刑部尚书钱邦彦年当九十给月米岁夫使命及门而邦彦卒邦彦吴县人成进士为高安令超拜吏部主事至考功郎迁南京通政司参议晋太常少卿再迁大理卿刑部左右侍郎遂转尚书乞归恩晋一品勋阶林居垂三十年生平详慎居官无公私谴渊嘿易亮乡邦视为楷模考终完名予祭葬如例

○礼部题十九日 潞王之国百官候送改进士宴于次日从之

○乙卯升司经局洗马管司业事余孟麟为南京翰林院侍读学士掌院事

○宁夏巡抚梁问孟言开垦荒田一十万八千四十一亩余丁商人陆续认过外见在军士实垦田三万八百八十二亩一分三年之内收获过谷麦等项除补还借库并犒赏军士一万二千三百八十石零见在二万八千一百九十八石零阅视议以二万七千石抵充易银余作种粮等项中间经理农亩之事实已殚厥心力其有一二未尽者一曰核屯余领种之实迹闻已领丁余将所领之地不行开垦专务草苗以鬻之商人上纳草束遂使原田复就荒芜宜责成该管官核报二曰留见在军种之田垦荒甚难三年之间费尽心力才得成熟余丁遂告认领及领之后听其生草以蹈前辙今只用军六百八十九名每军分垦四五十亩不必招人认领三曰申永不起科之令四曰录荒田垦种之官部覆如议惟免科一事本部先议将各商原认准浙盐八万四千五百六十八引姑令上纳盐粮其原认荒地二千七百二十亩九分永免起科即以所入为上纳盐粮之用已奉俞旨当照原题事理行从之

○户部酌议应天抚按及南京兵部侍郎王世贞疏言浚导方兴水利道不能兼掇粮储粮储道亦不必另设暂令苏松兵备押运过江免其过淮报可○南京兵部尚书吴文华南京户科给事中吴之鹏御史黄仁荣各疏言官攒军斗为奸粮多搀和浥烂以致军士誼哗户部覆宜将粮米逐一验看果有浥烂搀和者即行筛扬地势低洼者原加铺垫其朋比为奸者究遣各卫所支粮如不堪食许亲管官赴部告理兵部覆请照营规什伍之法每遇放粮之期递相钤制军士誼哗管官什伍并罪工部覆天策诸仓地势洼下者宜改建有沟渠湮塞者宜疏浚并从之

○丙辰 上久不视朝是日遣内使言奏对数多不耐劳剧大学士申时行等奏谢恩见辞人员应候面者除升任出京已奉旨遵行其在京升授应面恩者如免朝三次具疏奏知因拟传谕帖以进 上即宣付鸿臚从此临御益稀矣吏户兵三部覆四川抚按条议川南善后事宜一议马湖府荣赖二乡添设安边通判一员一议建昌行都司添设抚夷通判一员于成都府带衔管理宁越二卫军伍粮饷词讼一议黄郎地方设一巡简司即立贾积为土巡简听蛮夷司提调一议将见在军中任事通判汪京加同知衔管安边知县邹凤仪加通判衔管抚夷知县张邦敬调繁难于新设县典史张廷贵为峨眉县主簿一议雷坡本属马湖亲管一旦叛马湖而附赋乃今既破巢一切差粮依界种办一议中镇一带地方委官丈出四千六百亩有奇令土民开荒三年后照屯田籽粒分别纳米其六牌村土民既入县籍旧额马匹公费等项照数认办一议大河坝复业流民二百

余家应在马湖府城中建立一县设知县县丞典史各一员其泥溪等司里甲钱粮皆属县管理一议将叙马泸兵备移驻马湖一议马湖大河坝逼近赋巢设守备一员建堡筑城令其驻劄留兵三营营各六百仍于西宁水池各留兵一营以为犄角一议邛部长官司已故土官岭柏遗有一孙年幼势弱扶立甚艰而柏妻沙氏奸夫之子岭凤起颇为夷人所推议将土司印信暂令凤起署掌柏孙后果成立能得夷心不妨改正一议建昌五卫设居极边于建昌置兵一千四百名越嵩置兵一千九百名宁番置兵八百名会川盐井二处置兵六百名共该四千七百名原设关堡应修石城者五修土城者七因旧而增修者十先尽见在兵二千二百名分拨把戍不敷者酌量召选一议嘉峨建马一带三面皆受夷患今于官廖山新建一堡委才力武职防守又于茜鸡坪修葺旧堡委峨嵋县佐贰一员统兵拊民建二小墩于西河水槽以便往来探报裁鱼耶黎头湾二巡简即取弓兵工食以饷戍兵一议赋夷已平将戍守班军撤回本卫一议会川夷类杂处守备责任匪轻将指挥佥事张可大推补得旨新设通判驻劄镇名新乡新设县名屏山巡简司名龙源叙马泸兵备官往来建武马湖整理弹压不得专驻一城余各如拟

○以延绥守备麻济邦为游击

○丁巳南京山东道御史刘寅条议五事一肃官箴一禁远近一选教职一恤近地一轻鞭朴俱报可

○户科给事中李献可请裁发章奏不报

○戊午织造冬至 大祀章服遣尚书石星致祭○南京云南道御史俞咨禹等请宥言官李沂复其原官正权阉张鲸之罪以彰国法报已有旨南京兵科给事中杜縻疏请纳谏报闻

○以旧例给真人张国祥本身诰命

○户部覆河南抚按疏言河南非产稻地方 潞王岁该禄米一万石内徵本色粳米四千石其六千石每石折银九钱从之

○以大宁都司佥书署都指挥佥事杨孟春为陕西行都司掌印

○己未南京工部右侍郎张西铭闻言乞休不允

○协理戎政兵部尚书傅希摯再疏乞休准加太子少保致仕驰驿去

○升光禄寺寺丞王汝训为尚宝司少卿

○应天巡按乔璧星上疏规大学士王锡爵言王衡素号多才高桂心虽过猜词实微婉锡爵即屈抑难甘一鸣可也乃至再至三中间投笔从军等语亦自知动气矣 君父之前何可使气锡爵者世所谓贤人君子也一著少差声价顿减乞念硕辅难得申谕锡爵养海阔天空之量庶相道得而国体全矣得旨乔璧星既称硕辅难得何必多言且不究

○河南抚按以连年水旱地多荒芜请留贖罚银两召佃买牛开种部议贖罚已留备賑令难再留其十六年见徵钱粮分别徵豁处补并十七年仍派以轻折各该掌印管

粮官照灾疲减等查参旨依拟而责成有司开垦

○浙江布政司及苏松等府金花银两拖欠违限各掌印官俱夺俸催徵

○兵部覆三边总督郅光先疏其御虏保番恤士事宜俱如原议惟西宁失事是我自开衅隙战备当饬而不可喜功生事以起兵端熟番纳款有素是我所恃为藩篱故抢番当援而难于概保生番以丛夷怨至于督臣每遇秋防相机巡督仍侦探虏王西行的息调度抚防无拘花马池防秋旧例旨命督抚著实遵行

○庚申以廷士礼部贡士命少师兼太子太师吏部尚书中极殿大学士申时行少傅兼太子太傅礼部尚书建极殿大学士许国太子太保礼部尚书兼武英殿大学士王锡爵太子太保吏部尚书杨巍户部尚书宋纁太子少保兵部尚书王一鹗刑部尚书李世达太子少保工部尚书石星都察院左都御史吴时来太子宾客吏部左侍郎兼翰林院侍读学士掌詹事府事王弘海吏部右侍郎兼翰林院侍读学士徐显卿工部右侍郎管通政使司事张孟男大理寺卿蹇达太常寺少卿兼翰林院侍读学士掌院事刘虞夔充读卷官○大学士王锡爵上疏曰臣一闻璧星谗言不觉回面以惭虚衿而受臣行年五十有六而惩忿补过尚待人言璧星责臣是也臣过信古书以专容彦圣有技为休休而璧星兼通时务以并容媚嫉为休休臣之为国计其忧深璧星之为臣计其见广 皇上试两存其说而折衷之报闻

○命南京修理仓廩以户四工六协办

○辛酉 武宗毅皇帝忌辰遣伯杨世阶祭 康陵

○铁岭卫平顶山等处旗竿出火

○升翰林院修撰杨起光为国子监司业

○改礼部主客司员外郎詹沂为光禄寺寺丞补原任广西道御史董子行于河南道

○升礼科左给事中陆懋龙为刑科都给事中工科右给事中彭国光为吏科左给事中吏科给事中杨文举礼科给事中侯先春兵科给事中吴之佳各右给事中文举户科先春兵科之佳刑科

○壬戌策试礼部贡士三百四十七名制曰朕惟自古帝王立纲陈纪移风易俗一禀于礼法使尊卑有等上下相承然后体统正于朝廷教化行于邦国所以长久安宁有此具也当周之隆天子总六官六官总百执事分职率属而万国理朕甚嘉之甚慕之是操何术而臻此迨其叔季先王之遗泽固在也何以陵夷若是其兴衰得失之故可指而言欤至汉文时有以弃礼义捐廉耻长太息者神爵中有以述旧礼明王制为本务者宋嘉佑间有论审势称殷之先罚者有疏谨习比唐之季世者或谓西汉贵刑名而阙于礼文宋盛声容而疏于法制然则诸臣之言果皆应古谊合时宜者欤我 太祖高皇帝用夏变夷敷政立教尝谕侍臣曰礼法明则人志定上下安又曰制礼立法非难遵礼守法为难乃集为礼制著为定式颁律令大诰于天下洋洋 圣谟布在方策可得而杨厉欤

朕以冲昧嗣守鸿业十有七年夙夜兢兢惟 成宪旧章是监是率间者深诏儒臣进讲礼经重辑会典使诸司有所遵守庶几绍休 圣绪以兴太平乃世教寢衰物情滋玩习尚亦少敝焉其甚者士伍辱将师豪右凌有司宗庶讪亲藩属吏傲官长陵替若此何以消其悖慢使就约束欤贪黷败节奢侈踰制谗说殄行虚声贸实诡异坏心术倾危乱国是浇漓若此何以救其頽靡使还雅道欤今诏书数下申令既严而帘陛之间犖谷之下犹有壅阏不行者无乃礼教不修法度不饬欤抑风会日流而不返积习已成而难变欤将朕闇于大道无能率作省成而示之极也兹欲礼达而分定法举而令行纲维振肃习俗淳美以覲扬 圣祖之光烈而远追成周之隆何施而可尔多士其悉抒所蕴详著于篇称朕意焉毋有所讳

○户部覆长芦巡盐刘应龙请自万历十七年始长芦盐行开封府属祥符等二十三州县山东盐行归德府属九县并开封属仪封等五县二运司共认河东额课银四万八千两解宣府充河东年例交纳外长芦余银七千六百有奇贮司备后来亏损山东余银二千三百有奇补辽东军饷其引目暂准给票从之

○甘肃巡按郭万里勘过灾伤免兰州等处存粮有差其应徵屯粮每石折银三钱

○郟阳镇军饷汉中府该银一千五百六十两有奇例于减扣民壮机兵弓兵银内徵解因部革额外一概停徵以致军饷无措抚治都御史裴应章以请部议仍咨陕西巡抚行查汉中府州县派徵解郟阳府交收备该镇团练军兵支用报可

○命大木经过地方所司严行攒运依限前来

○癸亥除补原任广东道御史连格于江西道

○云南腾姚两营兵大哗于行间先是腾永夙号乐土自岳罕倡乱始议募兵所募皆川蜀楚粤间亡命也设腾姚两营刘綎将腾邓子龙将姚两将不相能两营兵因而角斗刘天俸被逮邓子龙以副总兵兼统之腾兵亦隶麾下子龙始稍稍自戢兵将相安至半年后瑕衅复萌每以工作虐使腾兵暨用师陇川两营皆在子龙故为低昂椎牛飨士姚倍于腾姚兵又挟主将以凌腾腾不堪极矣三宣岁丰谷贱石米八钱兵利给银而子龙必给未兵愤恚日甚亡何有讹言罢子龙者腾兵讙噪欲结队归兵备姜忻令木元瑞摄腾兵因抚定之而子龙还姚营姚兵久为子龙所骄因索饷汹汹子龙欲俟腾营散遍乃给姚营众遂奋臂大呼至教场张大纛杀掠居民夺其马声言要赏且聚众至永昌城门昼闭黔国公沐昌祚以闻章下兵部

○南京吏科给事中杜华先劾宣府巡抚许守谦贪鄙不职吏部言谦边才当惜旨从部

○甲子以贡市竣贲总督郑雒等银币有差

○工部言运河水源浅涩全赖南旺蜀山马场等湖蓄水接济嘉靖间兵部侍郎王以旂筑大堤封为水柜年久圯废往年科臣常居敬踏勘议于南旺湖筑长堤蜀山马场湖各筑子堤今总理河臣潘季驯言水势弥漫长堤子堤俱在湖心难以施工宜将嘉靖

年间旧堤培筑高厚其纳水处所不便筑堤仍密栽柳树以为封界报可

○乙丑赐贡士焦竑吴道南陶望龄进士及第其余出身有差是日 上不御殿传膳如常仪

○盖州卫风霾坏廨宇庐舍

○丙寅 潞王之国 上御皇极门王面辞 上降座临陛目送恍然弗怪群臣多感动者

○戊辰福州府地震

○吏部右侍郎兼翰林院侍读学士徐显卿三疏乞归许之以日讲官予金币驰驿

○己巳进士焦竑等上谢恩表

○大学士王家屏复以病辞旨令沿途调理仍宜加慎以副眷怀

○以总督宣大太子太保兵部尚书兼都察院左副都御史郑维协理京营戎政

○虏入义州仅二三十骑掠井家沟而出次日复入太平堡把总朱永寿指挥潘应商率百骑追之去堡稍远永寿欲还应商不可至贾家庄遇虏骑二百余将士死战复有虏骑四五百从西北来攻之官兵大败永寿等歼焉辽东巡抚顾养谦以闻又追叙正月中李如柏出塞事斩虏四十一级为功养谦多历兵事人称其才乃能借事饰败善归功边吏如此

○辛未升福建南路参将解节为潮漳副总兵

○升五军十营佐击陈仲堪为神枢三营参将○巡城御史陈汴请驱逐山人游客因论列周训等十人诸不法事有旨下锦衣卫捕逮法司究罪

○壬申升兵部右侍郎萧大亨为右都御史兼官如故总督宣大山西军务

○癸酉予原任南京都察院右佥都御史萧崇业祭葬如例

○巡旨给事中杨文焕等言畿民报商原非 祖制嘉靖间山东参政常道奏准徵银解部召商上纳乃一时救弊之权而不知其害至此也查得各商惟酒醋局供用库二项称难御马仓天师庵中府三项称便夫酒醋二项钱粮不过一万六千有奇而御马仓三项则二十余万也多者称便而少者反难盖缘数多则不敢委之于人御马仓诸商人皆殷实有材能者也若局库二项则殷实有材能者皆以计免非中人之家则庸琐之流其势必至于任人任人不当一二年间家业已荡然矣求去害之策莫若以多兼少以易兼难至象房牛房内者称难外者称便亦当一体均派内外钱粮各半又列为便商四事一曰平价值一曰省脚价一曰便堆草一曰杜重役户部酌议以其便者兼其难者将御马仓商人带供用库钱粮中府天师庵商人带酒醋局钱粮各五分其平价值则将库局豆麦各比照御马仓加斛每石加二斗钱粮当年支放亦比照御马仓每石止加一升五合其更堆草既将内象房草归并外象房并于西城围内堆栖以便看守其杜重役查系本部商人给与印票不许重报别役独省脚价一款恐禁地不使用小车寝之得旨如拟

○原任礼部侍郎张位再疏以病辞召允之

○升蓟州守备程鹏为河南都司佾书

○升四川掌印都司蒋基为福建南路参将

○甲戌予定远侯邓世栋祭准合葬如例

○河东巡盐秦大夔称河东商人苦困欲将开封府所属州县自黄河以南二十五州县仍行河东盐以杜越贩户部以为河东盐法不便于开归盖以道里险远且晒盐味苦民不堪食除襄城一县行河东盐以通运道其二府改食山东长芦盐二运司分认河东盐课银四万八千两河东每年止该正课银十万二千四百两成命方新似难再议是之

○乙亥南京都察院右都御史耿定向乞归不许○升山西巡抚右副都御史沉子木为兵部右侍郎

○兵部覆南京兵部尚书吴文华条陈留都营务练精兵重要地诸事其参赞大臣请给令旗令牌遇惰卒煽奸许以军法从事巨寇临境听其便宜调兵仍增入参赞敕内以便遵守俱依拟

○巡抚浙江右副都御史滕伯轮卒予赠祭全葬伯轮瓯宁人嘉靖戊戌进士授番禺知县历升副使提督两浙学政寻转其省参政平罗旁有功□廿□(彳 □存)□擢南京右佾都御史提督操江加副都巡抚浙江卒赠兵部左侍郎酬海上功也三品未满考予全葬自伯轮始

○丙子命顺天府官祈祷雨泽○右庶子黄洪宪引疾乞归以讲读需人不许

○授第一甲进士焦竑为翰林院修撰吴道南陶望龄为编修

神宗卷之二百九终

明神宗显皇帝实录卷之二百一十

万历十七年四月丁丑朔 上亲享 太庙

○升广东布政司右布政使程拱宸为广西左布政使

○戊寅以右春坊右庶子兼翰林院侍读盛讷充日讲官

○升山西布政司左布政使李采菲为都察院右副都御史巡抚山西

○广东琼州贼李茂陈德乐等与林凤各据海岛肆行劫掠林凤不知所往茂等阳就招抚尚拥众据住海南铺前其党屡盗珠池有司计散之留者买田归农茂自投督府宥罪久之为盗如故所司收其船器拆毁庐舍移居府城终弗悛也因捕治之参将陈居仁杨友桂各利其资纵去贼党扬帆入海袭破清澜城又犯万州陵水毁民居及兵船商舶总督刘继文先后以闻兵科都给事中张希皋□友桂可罪者四贼势可虑者四俱下兵部

○庚辰升彰德府知府钟昌为福建运盐使司运使

○升广西按察使沈应文为广东布政司右布政使四川按察司副使谢诏为云南布政司右参政贵州按察司副使黄文炳为陕西苑马寺卿兼佾事分巡平凉

○升陕西布政司右布政使艾可久为山西左布政使

○宁夏巡抚梁问孟言小盐池额课增至二十六万有奇第从口捞采未能足数报部半系虚捏请定额二十万其余减去部覆仍照原额但令增井召夫悉心捞办诏从部
○户部覆两淮巡盐陈禹谟疏一复牒掣成规每岁该掣八单每单八万五千引定于五月十一日中旬牒掣务挨单顺序不得搀越一定催捆委官盐自内商上河发卖水商下河承买运之江广解作小捆装船启行若非委官于仪真盐所以时催督则延捱观望价必腾踊奸猾积棍把持行市莫可究诘宜将见在添注判官与该司运同运副轮流督捆俟捆装掣放已尽方许别委一豁疲场代办五祐场原额盐二万二千三百一十四引至正统间加代徐渌场三千二百引成化间加代天赐场二千三百二十引近连遭海患总灶消乏议欲将天赐场代办盐课改派逃亡项下召商买补免纳洮河赈济银两徐渌场照旧一建积谷仓庾两淮三十场灶丁每遇岁荒赈恤罔措宜于各属场分度量灶丁多寡于适中高阜所在每分司建仓二处动支赈银买稻上仓遇荒请赈其开囤积一款恐势豪收买商盐囤放索价恤孤贫一款即将穷困灶丁收入各州县养济院不必创建垦草场一款恐灶丁分心他务且草荡尽垦煎烧不足俱寢允之

○怀仁隰川二王府庶宗充利口鱼等以奏请月粮为名擅入南京妄作马口匡财又怀仁府镇国中尉俊山口麻以故兄诰命借人山西抚按以闻命戒饬庶宗而夺俊山口麻禄三月

○辛巳兵部言武职袭替有奸宄诈托吏胥多方设骗无知堕其陷阱得旨捕逐已从法司拟遣戍

○壬午升山西按察使陈蕖为陕西布政司右布政使

○御史王之栋刘怀恕阅视宣大报竣循例举刺加前总督郑雒勋阶柱国余赏罚有差○南京巡视库藏给事中徐桓条议祛弊苏商四事部覆明职掌定收则二款举行其酌时估织造历日罗二款行勘诏从工部言

○癸未升浙江布政司右参政顾问为广西按察使四川布政司左参议来经济广西布政司右参议陈性学各按察司副使经济本省性学贵州

○南京国子监祭酒赵用贤以病诣告不允

○罗雄克捷叙功还原任巡抚刘世曾冠带沐昌祚等赏赉有差

○铸给四川新设屏山县龙源巡简司印

○乙酉赐辅臣及日讲官鲜藕

○升四川按察司副使郭子章为浙江布政司右参政湖广按察司佥事丁此吕为四川布政司左参议

○调四川布政司右参议王士性于广西○刑科左给事中杨恂论劾南京总督粮储户部右侍郎方弘静衰颓当致仕部覆两请报留

○以五军营佐击都指挥佥事沈栋为蓟辽总督标下游击

○以神枢营参将署都指挥佾事阎金皋为山西中路参将

○加蓟镇总兵营中军以都指挥体统行事茹宗汤游击仍隶总兵标下

○妖僧李圆朗谋乱于广东始兴县先是圆朗居朔源下洞水宝庆庵造妖书煽动人心言有易死还生先天演禽及剪纸为人马夜则飞动并飞劫杀人诸秘法诡称翁源人王子龙为黄巢之后有巢遗金十二窖愿从者瓜分之又言子龙乃弥勒降生子丑年天有大灾鬼将啖人捐资自投者给朱符可免因聚众数百人分兵至东桃隘饭罗峒封牲祭纛鸣金下令东桃人惊走因肆焚劫又犯南雄府有司集乡兵以御之斩子龙擒圆朗余党悉平南赣巡抚以闻赉耀等有差圆朗伏诛

○太子少保兵部尚书兼都察院左副都御史总督陕西三边军务郜光先卒光先长冶县人嘉靖己未进士授上海知县徵为御史按黔发中丞奸状按楚治强藩党置之辟累升右佾都御史抚延绥襄款贡议移镇陕西擒徊贼渠魁加右副都再加左协理院事寻阅视蓟辽军务升兵部左右侍郎右都御史总督陕西三边叙边勋晋尚书兼左都御史又晋太子少保在制府八年条具四十余事皆得请虜王拥众西牧往来无哗海虜犯甘州炒胡儿犯峡口卜失兔犯永兴庄秃赖犯水塘湖俱堵截不害剿罗贼数百人甘州卒谋乱不成亡出塞捕得首事者皆伏诛然言者犹以此资之卒于官赠太子太保予祭葬护送如例

○丙戌大学士申时行等上疏曰国家之患有二曰水旱曰盗贼伏睹三四年间山狭河南及真顺等府屡有旱灾江浙直隶苏松等处屡有水灾蒙 皇上特采廷议捐金发粟蠲逋赋折漕粮賑恤之具无不备至乃今自春徂夏雨泽愆期从兹不雨则四方大半皆被旱灾此臣等所大虑也异时山西之矿贼陕西之罗贼江南之湖贼皆以荒年乏食啸聚出没幸地方有备不至延蔓然蕲黄安庆之间刘汝国等二三逋贼耳杀二武臣一州官郡县为之骚动至会省直之兵调播州之卒仅乃克之近赣州南雄等处又有妖僧圆朗之事琼州又以珠贼报矣李茂陈德乐皆以据贼听招今虽就擒而徒党甚众联<舟宗>出海未可旬月荡平臣等才识无奇不能销弥制馭焉 皇上纾宵旰之怀无所逃罪然愿 皇上体仁爱谴告之心务恐惧修省之实朝讲临御以时章奏逐日览裁此感孚天意维系人心之大端臣等所惓惓愿望而不容默者

○南京兵部尚书吴文华乞归不允后再疏许之

○吏科都给事中陈与郊等论劾南京户部尚书王友贤久不赴任巡抚陕西右副都御史王士□□异病缠绵皆当去旨留友贤准璇回籍

○升山西提学副使成宪为山东布政司右参政

○丁亥火星自氐度逆行历亢入角○升南京河南道御史方万山为四川按察司副使提督学政

○调浙江按察司佾事史旌贤于湖广

○升江西按察司佾事丁应诏为四川布政司右参议

○广西巡按孙愈贤言粤西抚镇同在会城两江皆属遥制以宾州为两江门户议将总兵移镇其地又言各省皆四通八达惟云贵仅一线之路粤之田州经行十三程可达普安由普安入云走贵往来甚便故道可寻驿站可复议将上驿改流建哨榷税其利有五从之

○德王薨承奉杨进等素不利于世子颇行魘魅进水银药物放火焚宫事露词连安陵王常清纪城王常澍法司拟辟以请进等诛革夺二王禄米有差○广东道御史陈勛言除民蠹二事一曰宗室骄横之害一曰积年访察之害下部议

○临清州孀妇秦鏜妻张氏输米八百石赈荒诏旌其门

○戊子大雨雹

○戚畹带俸都督同知郑承宪卒其子国泰请袭父职兵部言承袭非例然持之不堪坚 上予国泰都指挥使越数日兵科都给事中张希皋言都指挥使下都督一等原系流官例不承袭会典昭然郑承宪既居极品国泰又得崇阶 皇贵妃之家如此则皇后之家又当何如乞收回成命以示节制不报

○乙丑 孝□庄皇后忌辰遣伯吴国乾祭 昭陵

○予原任南京工部右侍郎董尧封父母祭葬如例

○降补原任福建按察司副使邹迪光为浙江按察司佥事○复除原任山东按察司副使张一坤于江西

○南京刑部右侍郎李江以病乞休不允

○庚寅调陕西按察司佥事范守己以原官提督山西学政

○辛卯广西巡按孙愈贤请以湖南衡永等府但行粤盐地方其州县即听粤按臣统辖从之

○通政司右通政黄克念以病乞休允之

○壬辰内阁考过愿就教职举人三百九十三名取中上卷八卷中卷三百六十八卷

○起原任巡抚顺天都察院右副都御史赵可怀巡抚陕西

○癸巳复除浙江按察司佥事匡铎于陕西

○甲午铸给四川新设新乡镇安边抚夷各通判关防○乙未沅陵王薨无嗣奉国将军宪□自言王侄当承嗣因讦署国广元王术雕虐害科索下抚按勘奏因申饬宗室毋得诬讦本管

○吏部推太常寺少卿徐一灏为通政司左通政旨升邵仲禄为左以一灏右之

○调分守南赣参将署都指挥佥事吴绅为神枢营参将

○丙申福建巡抚周采言漳州沿海居民往贩各番大者勾引倭夷窥伺沿海小者导引各番劫掠商船今列为二款一定限船之法查海禁原议给引以五十张为率每国限船二三只今照原禁势所不能宜为定限如东洋吕宋一国水路稍近今酌量以十六

只其余大率准此以后商贩告票造船应往某国者海防官查明数外不准打造一薄税银之征商饷规则每货值一两者税银二分又西洋船阔一尺税银六两东洋船阔一尺税银四两二钱既税其货又税其船无乃苛乎除船税照旧其货物以见在时价哀益剂量兵部覆东西二洋各限船四十四只

○丁酉予原任兵部左侍郎吴嘉会祭葬如例

○除补原任河南道御史饶位于福建道

○唐王硕燠言新野王府辅国中尉硕烧及其子器<山垒>毒杀发冢刺王吞产诸不法状下抚按勘究

○直隶巡按方万策请逐真人张国祥不得以醮坛符法惑人并禁假借入覲携带道徒劳费驿递不允

○命阳曲王府镇国中尉知𩇑管理府事

○四川总兵官李应祥虚冒营粮为巡按御史傅霈面诘行贿千金乞免霈发之旨褫祥而旌霈

○戊戌免经筵阁臣候安请寡欲以清心平顺以养气不报○顺义王乞庆哈投书总督郑雒言乃祖俺答先年迎奉佛僧今僧物故欲会各台吉送归乞照旧额市赏雒令其从边外行甘肃巡抚李廷仪言套虏瓦剌原有夙讐纠结虏王已非一日先年俺答西来假以迎佛未遂所图比时借道经行原有抚赏事例今乞庆哈假以送佛倾巢而西无非俺答故智也但犒赏似难峻绝而戒备自当加严开列二款一议防守酌虏情众寡地方远近左行则左应右行则右应倘有紧急不待调遣速行策救一议抚赏俺答经过本镇前任抚臣预买赏犒等物共用一万四千四百余两今乞庆哈西来抚赏止照旧规固不可峻拒生嫌亦不可滥予糜费兵部覆请如议

○调湖广黎平参将署都指挥僉事黄斌于南赣

○己亥予原任刑部左侍郎陈瓚祭葬如例仍赠右都御史

○予诚意伯刘世延父母祭葬如例○礼部尚书兼东阁大学士王家屏入阁办事

○革琼崖参将杨友桂听御史勘奏升掌印都司邵曾和代之

○庚子复已故户部尚书张守直言后仍予二品祭葬

○辛丑予原任南京兵部尚书郭宗皋祭葬如例宗皋福山县人嘉靖己丑进士授刑部主事改御史抗疏廷杖累升兵部侍郎总督宣大以地方失事廷杖谪戍隆庆初释归寻起刑部侍郎至南京兵部尚书乞休奉旨存问年九十卒虽备尝艰苦而未荷恩恤云

○升南京尚宝司司丞郭惟贤为南京通政司右参议

○复除原任广东按察司副使薛梦雷于浙江整饬通泰海防

○漕运总督舒应龙请以江南出海船只比照江北渔船编立船甲互相觉察但顾与下海之人行劫者以分赃未分拟坐辟戍从之○壬寅大学士王锡爵上疏曰臣窃见

今年二月以来 皇上仅一出朝送 潞王殿下再出行 太庙时享其余常朝日期尽行传免经筵春讲至今未开臣等因近侍得以剽间音旨若外廷百司耳目不接谁能无疑昼居却事或曰不如向晦之安酒醪祛疾或曰不如勿药之喜燕婉当御或曰不如前凝后丞之严玩好充陈或曰不如左图右史之乐 皇上苟欲明其不然则莫如勤御朝讲日亲外臣使人人得以望下风而承休问则天下幸甚或以天暑静摄则十二时中以六时宴息三时游衍一时定省 慈闱二时看阅章奏使群下晓然知意在尊生不在厌事在色养不在佚乐也则天下亦幸甚又或以天工人代不必事事身勤则早定根本之计升储出阁发旨自中然后委诸事于阁部则天下亦幸甚今留中诸疏动至经时册建吉期杳无明示阁臣兼旬累月不承顾访又何颜面立群臣之上哉昔我 皇祖世宗亦尝斋居西内然手不操奇赢之算躬不狎驰骋之劳虑不忘稼穡之苦所以能始终盛德保身保民也 皇上即今动法 世宗何不试取 宝训实录观之当时边庭警报大吏升除与夫稽古考文祈年忧旱等事手批数下口宣数及不必亟见群臣血脉通矣 穆庙在邸时人情颇亦危疑然宫闱无别子笏箠无私御则不必更议册立大本定矣今皇长子伦序久定 皇上三年前 明旨已宣付史馆播传天下册立之举去年未行犹曰年未及也今年未行犹曰 潞王未之国也过是皆无说矣不早下九卿台谏之议以顺臣民瞻戴之情此臣之所以日夜无膺而出血也疏入温旨报闻

○南京兵部武选司主事周弘禴上疏曰迩者远近喧传谓上奏之疏十留六七以臣所睹记似亦不诬姑即南京言之正月以来兵部尚书等官吴文华陆光祖姜宝等有疏矣太常寺国子监礼科等衙门给事中等官朱维藩赵用贤赵参鲁等有疏矣旷月因循迄无 明旨果已经 上裁而不及批发乎抑未经裁定而有为通政司之所停阁文书房之所阻滞调旨辅臣之所规避乎 皇长子年已八龄正出就外传之日大小臣工不谋而合接踵连疏可以知人心矣 皇上竟未闻发号正名晓示天下徒使无知之人据私意而揣摩乞采举朝舆论一应章疏俱赐省发册立大事尤宜独断则国本定而言路通万世之治安可保矣不报○癸卯成安伯郭邦相承袭祖爵

○甲辰遣阳武侯薛钺修撰唐文献等为正使简讨徐应聘行人陈容淳等为副使持节册封衡王翊鏞妃吴氏荆世子繇樊周世子恭枏东垣王翊铠妃高氏稷山王瑄培妃王氏铅山王缙鬻妃匡氏罗川王常潯妃曾氏安仁王常灏妃张氏铜陵王常派妃饶氏永福王谟埴妃王氏宁德王寿钺妃刘氏泰兴王寿鏞妃王氏

○以南京太仆寺寺丞赵卿为尚宝司司丞

○乙巳晋府宁河王知弓□火还政于晋王先是王幼命知弓□火赞理至是三年限满仍褒奖之

○丙午内阁会同翰林院官考各处岁贡取中上卷八卷中卷三百七十卷其下卷三卷发回该学肄业○以广西都司佾书署都指挥佾事汪弘器为广东都司掌印

○以提督京城巡捕都督佾事史纲充总兵官镇守四川

○礼部覆河南巡抚衷贞吉疏言临汝汝阳二王府宗生勤鱼□徽勤毅□□未可轻议量授奉国中尉名号仍食本等粮廩子孙不得混请从之

○

明神宗显皇帝实录卷之二百一十终

明神宗显皇帝实录卷之二百一十一

万历十七年五月丁未朔赐元辅银彩扇五把银钉铰扇十把砗磲扇二十把次辅讲官有差

○以泰宁侯陈良弼掌行 孝陵礼仪

○光禄寺卿赵世卿以亲老身病乞休不允

○戊申赐元辅金书黄符红符各四道金艾叶四副次辅讲官有差

○太常寺卿徐元春乞归许之

○工部议稽核南京修理鼓铸之法并及时整修南京武英殿大庖二处俱从南京署工科给事中朱维藩请也

○吏部言潞府讲读官供事勤劳宜遵前旨遇缺升布政司参议从之○己酉总督仓场户部左侍郎胡执礼言太仓收放银数月报开具四月五月共费过买办银五万两借凑金花银三万两做工官库盐粮赏劳等银六千四百余两丝绵铜价银四千余两钱三十四万香油等价四千七百余两钱四十四万外库无余借支窖房银两今计所借者已八十五万余矣请乞停减不允

○升蓟镇领班游击署都指挥僉事王永寿金一清为参将永寿五军营一清分守黎平

○以都督僉事任大同提督京城巡捕

○工科都给事中张养蒙等言四川采木原额已定今并比商民原领价银还官民不堪扰乞将已出水及在山者酌价拣收工部覆今之余木可以偿有木之买价而不可以免无木者之并比且其中有短折半朽纤细之材似难概用至于买木之费一运木之费十使处分未妥不如无事反覆思惟凡逋负乾没终难尽追不若将见徵在官者抵买木及运木之价其余大施旷荡姑准蠲豁惟有包揽侵欺大猾取一二重治之旨念累民允以截数抵官余从变卖

○辽东督抚张国彦等言查阅万历十六年分辽镇各路大小将领总计增补训练堪战精壮官军家丁共一万七百七十九员名增补买过膘壮马骡共九千八百九十五匹头增造修整明盔一万六千七百顶明青甲一万六千七百四十副臂手三千三百副虎眼等枪二千二百一十七杆将副总兵等官分别勤惰议处从之

○辛亥西宁卫天鼓鸣地震越七日复震

○起原任都察院右僉都御史傅孟春以原官巡抚浙江

○升巡抚延绥都察院右副都御史梅友松为兵部左侍郎兼右僉都御史总督狭

西三边军务

○壬子升光禄寺卿赵世卿为太常寺卿

○饶阳昌化二王府镇国中尉廷<□土仆>廷□及无名禄三哥等亡赖不法山西抚按以闻得旨革<□土仆>爵为庶人同三哥等闲宅禁锢夺□禄米三之一

○潞王请将开封府属应食长芦盐归并卫辉府义和店令其赴店搬运户部覆以河南食盐堆放河北商人坐享厚利小民穷年奔驰人情事体均属未便且小贩有盐无引奸民乘机夹带事干国计委难曲从旨仍旧

○四川道御史李光祖言太仓窖房银两 祖宗二百年来积之为子孙万年有备无患之虑 皇上取而用之所余无几比年北则伤旱南则伤水河南山东南直浙江等处至人相食骄军悍卒在在鼓噪鼠窃狗盗往往啸聚时事之可忧亦未有甚于此时者也 皇上惕然深思俯从部臣之请少存万分之一以为缓急之备自乘舆服御以至醪膳珍羞供应之需少加裁损左右近侍毋滥市恩私勋戚贵臣毋曲从请乞一切无益悉从停止器具一从简朴宝玩屏而不用既可养德而养心亦可省财而省用臣愿敕下该部将御用并诸宫及监局供应之物详加计议要见某项系旧例某项系新增某项当存某项当革为经久良规上请裁定著为令典则冒破者无所容其奸所省不啻万万也 上以内廷供应比先年裁减以多责光祖职司纠察舍贪酷官及欺蔽不法事情不实参奏而事事归过于上夺其俸两月

○癸丑 孝宗敬皇帝忌辰遣伯刘应元祭 泰陵

○甲寅以山东布政司右布政使贾仁元为都察院右佥都御史巡抚延绥○以太仆寺卿卢维禎为光禄寺卿有旨两卿官品相同以后不必递改

○乙卯升南京礼部主客郎中张世则为四川按察司佥事安绵兵备

○丙辰夏至大祭 地于 方泽遣公徐文璧代侯吴继爵李言恭大学士许国王家屏分献五岳等神驸马许从诚先期代诣 太庙请配

○是日 太祖高皇帝忌辰致祭于 奉先殿

○升通政使司左通政邵仲禄为太仆寺卿

○升山东按察使叶梦熊为本省布政司右布政使

○戊午 仁宗昭皇帝忌辰遣伯王学礼祭 献陵

○己未宴建州等卫朝贡女直夷人都督少童等八十二员名如例

○升南京通政使司右通政周邦杰为通政使司左通政

○复除原任山东按察使张更化原官○留湖广布政司右布政使党馨于陕西以新衔兼按察司副使整饬固原兵备从巡抚王璇请也

○加冀北道山西布政使司右参议郭性之为按察司副使仍兼原官

○南京户部右侍郎方弘静乞休不许

○大同巡抚王基言本镇缺饷请以十七年下半载扣除预借临清仓银五万两补

发暂济目前俟今秋解有民运容俱于十八十九两年主兵年例数内扣除户部议本镇十七年例银该扣十五万两恐其不敷止于上下半年各扣五万两其五万两拟于十八年扣除今有此奏姑将下半年扣过客兵银二万五千两照数补发此项银并未扣银五万两总于十八年主客年例银内扣除报可

○诏修守清河浦运道○宣大总督郑维等条议垦复屯田催徵逋负清查逃故疏通盐引惩戢朘削裁革糜冗六事户部覆本镇原额并新增屯田地共三万六千四百三十五顷该徵籽粒九万六千四百三十余石牛具银一千二十余两每年照数徵纳以充军饷又查得东路广武并崞县地方有荒地八十顷七十亩零见给商人分垦每亩准给盐引纳杂粮五升庶盐引日通地利日广其余请俱依拟从之

○吏科给事中张应登因旌奖周府孝行庶宗勤鱼□徽等推广四事内奖谕一款已经举行其振宗学恤贫宗二款礼部言宗藩要例内宗室之子十岁以上俱入宗学其师即以本府教授纪善充之或于宗室中择举学行兼优者一人以为宗正迺惟周府宗正之设最称得人自睦<□□木挈>物故概未之闻也至于连岁荒歉宗室贫者死亡相继相应行抚按官会同该府推举宗正一员教有成绩即行举荐宗生文理粗通者优之以廩每岁提学官考试分别等第以示劝惩有如勤鱼□徽勤毅□□者不妨荐扬以为乐善之劝其宗藩有能建立义仓义田等项费至百两以上捐粟至二三百石者抚按官具奏奖赏其有生不能婚没不能葬者另行赙给郡王故绝所遗财产除量留宫眷养瞻听管理府事居用外一应田土查明置册如遇荒岁即以分贍贫宗旨报可独开仕禁一款礼部未敢遽任

○晋王敏淳请给河东王府镇国将军新墻二庶子名封从之先是墻选娶妾媵为奸人洗改窜易事发作奸者伏罪山西抚按核墻实不豫知故二子得还其封禄

○以宁夏中路参将邓凤管庄浪参将事调宁夏东路参将徐龙于中路皆从督抚议也

○庚申 皇六女灵丘公主薨礼部拟丧葬仪如制

○宴陕西大崇散等寺刺麻僧三十五名

○太常寺少卿徐一灏以病请告许之

○刑部左侍郎何源乞休不允

○以原任浙江总兵都督佥事王化熙为南京右军都督府佥书

○广东督抚劾白鸽门把总今升中都留守司佥书童龙纵贼珠旨令革任提问

○辛酉铸给永平府通判移驻山海关关防一颗

○升河南按察使王廷诗为湖广右布政使○壬戌南京刑科给事中徐桓言 太祖钦定律令本无遣戍后因作奸者律文多不该载始著军例以备律所不及又酌其情罪轻重有终身永远附近远之别必发遣者无脱逃收管者无卖放斯足以绝奸顽而实军伍今犯罪解发者有一实在乎卫官喜其来得常例又利其去得口粮安得不纵其有

充发极边者长解畏途远跋涉辄贿兵部吏典勘合径行该卫虚出收管而足迹曾不一到徒令亲族有科歛军装之费里递有长途押解之扰国家法网祇为若辈利藪良可痛恨乞申饬问刑官止引本律科断毋得辄引例遣徬本律未尽其辜量加年限未为不可查死罪杂犯者准徒军独不可以减徒乎至若徒流无力者做工摆站瞭哨情重者煎盐炒铁此制也乃今徒夫配驿官吏索银入手即行放回穷囚无钱锢禁黑狱死即以病疫申埋名虽问徒实则拟死请申饬问刑衙门凡定配拨以邻近驿分每遇星轺责令徒夫驿夫相兼走递庶瘳恶之典好生之仁并彰矣章下法司难其议旨依部覆但令稽查毋疏而已

○癸亥南京户部尚书王友贤乞休不许

○升河南布政使司左参政王来贤为本省按察使河间府知府钱楷为陕西按察司副使

○甲子宴刺麻进贡僧速南班班等三十五名如例

○潞王报四月二十六日至国

○升南京光禄寺卿余懋学为南京通政使

○丁卯大学士申时行等以阁臣王家屏自蒙召用尚未面恩欲待秋凉请上视朝经筵以慰大小臣工之望

○升通政使司左参议杜其骄为右通政

○升山东布政司左布政使徐元气为南京光禄寺卿○调宣大参将署都指挥僉事张克实为山西太原参将

○己巳升浙江布政司右布政使傅作雨为山东左布政使

○兵部条议邦政事例一严究妄保军职袭替许以大保小不得以小保大如有诈冒即将保勘职官查究揭黄一外省冒功今后本部咨送有立边功即注本镇卫所随操有告注原籍者革其例前授职已注原籍者子孙袭替改注立功地方不愿政调者革如不系本部咨送者明系冒功即革一平蛮功次南蛮与北虏迥异旧例止升一级将罗旁立功子孙袭替一级者准袭二级以上止袭一级余俱查革一优养生子凡官舍残疾支俸优养以后不分新旧不拘年限生子准袭一舍人犯罪凡军职犯罪者革发差操许子孙承袭舍人犯罪则令次房子孙承袭似为未平以后当照职官例一指挥使阵亡以后指挥使阵亡者长男升袭都指挥僉事次男与做小旗死难独惨者与做冠带总旗若本枝绝别枝止袭祖职一武职继嗣军职故绝例该伦序相应者承袭或生前以远族侄立为继子以后亲枝承袭家产则分继子一武举升袭查舍人中式武举者袭替之日于祖职上加升若推升将官已经革闲之后袭职者止袭祖职一诸母封赠今后宜照文职事例再醮者不许封赠嫡母已故生母在准封故准赠生母未封妻不得封赠一生母优养凡军官故绝亲母月支米五石继母及嫡母视妻例月支米二石乃生母独支米一石似为失均以后生母亦月给米二石旨依拟○顺义王扯力克忠顺夫人贻书宣大总督郑

雒言二十余年各守先王之约今讐邦瓦剌犯我疆界欲往讨之已与各部头目期会于地名多罗土蛮先有永舍布矮力汉倪不浪生事于西宁又有袄儿都司威静招秃赖台吉作难于甘肃我心不安自先祖款贡竭尽心力不想败于今日今我星驰调永舍布黑刺慎两家头目随我前往定此二事又调取西海驻牧夷人并送佛僧骸骨乞从里边行并照先王旧例给赐抚赏留下法度一纸与管理贡事头目但有大小事情照例罚处夷使外边往行不便乞念旧规同通官从里口伴送西海毋阻等情雒口讯夷使言顺义王及忠顺夫人于五月初一日自多罗土蛮移帐西行各部落亦随而西雒言西行之事既屡谕不听宜循边外何得取道甘肃虜王夫人素号相信今何骚扰内地夷使言复讐瓦剌则从边外便今西海夷酋兵免物故顺义王欲收其部落且闻诸虜有起衅甘肃者欲往镇定耳雒因谕之曰既假道必疾行毋因逗遛别增事端彼中抚赏不能多毋厌薄也万一构难连兵于西尔妻孥部落之在此者无内顾之忧乎我与若相处十年今且还朝汝恪守前规萧督府来仍善遇汝母为人诱自诒伊感也夷使又援例求通官二人同西往以便传达雒恐其藉二人为邀求然不忍竟拒问何时抵甘肃当在八月乃许以七月遣通官至陕西从彼受译焉夷使唯唯退至是雒缄其书并述口语以闻人谓雒在西陲善于羈縻其所以控驭骄虜结欢年久者方略多类此○庚午 上谕内阁朕自前月服平肝清心之剂至今饮食少思寝不成寐疾少愈即御门听讲传与诸司各尽心乃听不可因朕疾久以废政事大学士申时行等因上疏恭候

○宴罕东左卫都督同知阿东把力差进贡头目拜把的等一十三名如例

○刑科右给事中吴之佳请储仓谷练民兵章下部议

○吏科左给事中彭国光条上浚筑陂塘树艺桑麻社仓积储军粮支給崇祀典弥盗贼六事部议以考成法讲求实举从之

○辛未宣大巡按林文英劾奏参将许国忠造言倡乱鼓惑众心旨革任

○壬申 穆宗庄皇帝忌辰遣侯郭大诚祭 昭陵○闽人柯守岳等作乱于广业里抚按官捕治就擒部拟斩戍有差因言广业里乃莆仙福永四县接壤处宜建巡司从之名其司曰大洋

○工科给事中章尚学上疏言疲民不可复事剥削乱军不可复事姑息方今饥馑未已米价尚腾饥寒切身则寇盗易起而州县尚仍贪黷之风故大猾如刘汝国山氓如柯守岳乘机扇乱假号称兵至乱军则有可恨者自浙卒倡乱神木甘镇相继噪呼未几而南军又告变矣云南姚营之卒又称兵矣当事者平居漫不经意及呼噪四起则又不免畏之大过奉若骄子凡其所欲无不曲徇朦胧遮饰不曰首恶已擒则曰胁从罔治未必一一皆真此其势不至于大弊极坏不止者望取真正凶恶数十人正其罪而戮之传首号令天下庶一惩百警而大难弥矣章下部

○癸酉复除原任河南布政使司右参政李维祯原○升四川按察使蔡国珍为浙江布政使司右布政使

○甲戌加巡抚湖广都察院右佥都御史邵陞为左佥都御史协理院事

○改南京吏部尚书杨成为南京兵部尚书参赞机务

○升山西都司掌印署都指挥佥事王国柱为神枢营参将

○乙亥泰宁等卫都指挥同知干多罗忽等进贡马匹赐马价彩段等物有差

○都察院左都御史吴时来以病乞归不允

○巡关御史甘士价言建昌营有所谓盐米舍人之说盖自正统年设镇守中官奸豪舍余投用避差岁纳银一两八钱甚至隐庇全户其后中官罢去而相沿迨今即以兴州一卫言之影免贴丁三百人矣尽占富丁则摊累贫丁矣当查先年初设若干酌为定额每名仍编一两八钱准入均徭正项其新投用者撤回该卫一例均差从之

○以雨泽大霁遣公徐文璧等告谢 天地神祇赐四辅臣收回祭设二卓
明神宗显皇帝实录卷之二百一十一终

明神宗显皇帝实录卷之二百一十二

万历十七年六月丙子朔

○丁丑予原任礼部尚书兼翰林院学士汪鏜祭葬如例鏜浙江人嘉靖丁未进士改翰林院庶吉士授编修历升国子监祭酒礼部右侍郎万历初充经筵官甲戌丁丑两知贡举改吏部左侍郎教习庶吉士掌署詹事府翰林院印信 两朝实录成以副总裁前后受上赏升礼部尚书掌府教习炤旧五< 〇〇〇〇 〇〇〇〇 >乞休准致仕赐驰驿归归十年而卒鏜学识渊泓笃厚持重得大臣之体至于杜门养晦隐然负羽仪巍望云

○改南京刑部尚书陆光祖为南京吏部尚书○升提督南赣军务都察院右佥都御史秦耀为右副都御史巡抚湖广

○南京广东道御史王藩臣参劾应天巡抚周维恃才妄作大拂民情部覆炤旧供职旨如部拟

○工科给事中李汝乖参劾刑部左侍郎何源久病当去原任太常寺卿今回籍徐元春急辩非体源引病乞归许之

○复赵府辅国将军厚焯夫人李氏子女原封夫人因请诰命吏胥为奸礼科奏革并夺其子奉国将军载< 〇〇〇〇 〇〇〇〇 >女阳夏县君等封载< 〇〇〇〇 〇〇〇〇 >陈冤礼部覆实昭雪故有是命

○改山海卫永远充军原任户部员外郎王一凤为终身军先是一凤管德州仓以羨银三百余两报部接管主事王乾亨衔之遂揭其将成锭大银剪边藏匿交代盘诘方思补偿事闻坐以京通临淮徐德六仓有监守盗银三十两以上者永成至是一凤奏辩刑部覆其正数原无短少赔偿在于额外似涉有冤但银有缺边难泯形迹请改终身

○云南抚镇萧彦等参劾副总兵邓子龙约束无术酿成兵变旨革子龙以顺蒙参将刘招桂代之

○兵部覆宣大总督郑雒等疏言虏王经过务要整兵设伏以备不虞若收兵免平

西夷自当听之即讐杀瓦剌宜按兵自守观其胜败惟不许生事扰我边疆其余悉如督臣言报可

○延绥巡抚梅友松言东酋款塞无敢渝盟惟是秃酋物故寡妇幼子惟部落之言是听去岁犯我镇羌恐神木兵来援以故于正月小市之期一半奔镇羌一半奔神木幸神木哨探甚早伏兵以俟擒六人永兴操守鲁槐为其所获知其为官自愿送还且请罚治又欲早完今岁贡事若补过之不遑者其酋首阿计大台吉宜赐宽宥照旧贡马领赏故还擒贼以彰不杀之仁从之

○兵科左给事中胡汝宁言扯酋西牧边臣新易在宣大则郑维不可以将离任而生怠心在陕西则梅友松不可以初到彼而生惧心章下兵部

○升宣府守备祁光祖为署都指挥僉事以游击管南路参将事

○己卯原任广东巡按御史今升按察司副使蔡梦说称病乞以原职致仕有旨梦说告病在先升任在后准以原职养病病痊听补升职著为例若京官已升外任后告病者以升职致仕○调补四川右参政沈九畴为江西左参政

○升南京兵部右侍郎王世贞为南京刑部尚书

○庚辰悼嫔耿氏薨礼仪照顺嫔张氏例行

○应诚伯孙允恭承袭祖爵

○升大理寺右少卿王敬民为都察院右僉都御史巡抚南赣地方

○升南京大理寺卿朱天球为南京刑部右侍郎

○辛巳予原任浙直总督少保兼太子太保兵部尚书胡宗宪祭葬宗宪在嘉靖间削平岛夷勋庸懋著一时才臣罕出其右逮系而死天下伤之已复原官至是特得祭九坛造坟安葬

○石峡水泉堡天鼓鸣殷如雷

○降原任云南提学副使荆光裕为四川布政司右参议

○是夜运艘泊青县仓州静海吴桥诸岸颶风作船多相击沉于河旗军篙工溺者二十三人失米二千一百五十七石有奇米从羨余取盈死者恤

○壬午升严州府知府郑锐为浙江按察司副使

○吏部推大理寺左寺丞韩国祜为大理寺左少卿旨升吴定为左以国祜右之

○工部奏庐凤淮扬等府滁和等州料价事例银两系十二十三两年拖欠已改限十六年十二月以前完解今未完者尚有一万六千有奇拟分两次带徵限十七年一半十八年尽完过限照例查参报可

○癸未升应天府府尹张懋为大理寺卿

○吏部推巡抚山东都察院右副都御史李戴为刑部左侍郎旨升孙籛为左以戴右之

○升提督操江南京都察院右副都御史王用汲为南京兵部右侍郎

○甲申吏部推河南道御史姜璧为大理寺左寺丞旨升任养心为左以璧右之

○吏科给事中张应登请破格行取举知县黄中色功罪可准李梦麟起家邑佐部议不从

○户部奏准都察院咨凡边镇有司钱粮每岁查盘归之巡关三年查盘归之巡按互相觉察查出侵沓等弊已问罪者不再问报可

○浙江飓风大发海水沸涌杭州嘉兴宁波绍兴台州等属县廨宇庐舍倾圮者县以数百计碎官民船及战舸压溺者二百余人桑麻田禾皆没于卤父老为万历十五年后又一变也

○乙酉南京礼部尚书姜宝以年踰七旬乞休加太子少保致仕

○升江西布政司左布政使陈文烛为应天府府尹

○以翰林院编修刘应秋充起居馆编纂六曹章奏

○都察院左都御史吴时来等吏科都给事中陈与郊等各称科道乏人乞照例行取报允

○升顺天府府尹石应岳为南京都察院右副都御史提督操江兼管巡江

○升福建布政司左布政使宋应昌为都察院右副都御史巡抚山东○南京吏部右侍郎赵志□上疏曰臣近岁以少詹事侍朝讲恭睹 天颜和粹稍有和一养旋复何自冬相延至今也得非衽席之爱不能割面藁之好不能克乎有一于此皆足以耗伤元气愿 皇上念 天地 祖宗子孙人民之重于宫中娱乐视之若花鸟水时然行之有节而不沉溺则元气常足 圣躬自泰矣然人心必有所寄宋儒真德秀曰惟学可以养此心惟亲近君子可以维持此心愿 皇上日临讲幄与二三儒臣讲究义理如常视朝召三公九卿商确庶政退则将所讲经史所上奏章覆玩而遍阅之则 圣虑日清而圣躬无不坚固矣报闻

○上久不御朝南北诸臣多疑以张鲸不用遂废朝政者吏部尚书杨巍等言皇上不视朝则诸臣猜疑益甚愿俯从臣等所言加意珍摄庶秋日可以视朝群心胥庆岂但释诸臣之疑哉太常寺卿赵世卿等亦具公疏以请俱报闻

○丙戌予原任南京工部尚书曹亨祭葬如例亨新蔡县人嘉靖乙未进士授刑部主事历升八座以病致政中外劳勩始终清修蒙给月米岁夫有司存问未几寿终于家

○宴赐加渴瓦寺入贡番僧加舍领占等三员名罕东左卫入贡头目拜把的等一十二名如例

○山西巡抚沉子木言本镇互市应用段疋梭布水獭狐皮等物发价银四万余两委官往各省收买在湖广其弊制于牙行在苏杭其弊制于委官以后欲将皮张行湖广抚臣临期定价收买段布行应天浙江抚臣先期审定机户织造从之

○丁亥升江西布政司右布政使边维垣为本司左布政使○刑科给事中刘为楫条上四劄一曰 圣躬保护宜慎 陛下静摄法宫闻正言见正事接正人之时少靡丽

悦心易沉溺当以礼制情严加屏绝即不能黜而不御亦当使御而有节去其耗散精神者精神自然收摄药饵自然奏効二曰内使关防宜严臣每辰起趋朝见内臣拥门夹道所谈吐类皆宫禁事无复顾忌夫既不能深言其内以夸示于人则亦何难掇拾其外以眩上之听从古猜间之祸必自此始甚非所以重泰交而绝嫌疑也宜敕诸监掌印并皇城四门司钥内臣严加约束以防外洩内构之端三曰诸司章奏宜核近日建白多寝不报昨诸臣以稽查请亦并留中臣私心揣度陛下时方静摄不遑省览暂尔稽迟未至蒙蔽乃大小臣工甚抱不必然之虑诚恐霄人借便肆为欺罔事关军国弹及权邪通同隐匿臣等封驳之司无从稽考内外睽违养奸蓄乱乞特敕文书房凡有章疏即按会极门奏目一一进览勿得过三日更敕科臣二员每日亦具奏目册子赴会极门同司礼监官接收一应章疏纪其件数以备稽查如有欺隐即便据册奏闻以防壅蔽四曰法令督责宜信京邑四方之极法令之行必自近始乃今一切禁谕多格而不行异言异服之人僭奢淫佚之辈肩摩踵接五城宪约轻同并髦何可令四方万里闻且见也当申饬宪度勿徒视为故事得旨朝讲已有谕章奏间留省览应行事体原无停阁内使出入各有职事而以科臣为渎扰不究

○河南道御史董子行以天颜旷睹群疑日甚乞示朝讲之期以慰中外不报

○戊子赐四辅臣及讲官鲜笋

○复除原任贵州布政司左布政使张明正于福○户科都给事中王继光等请将山东山西河南北直隶真顺广大见在银两及存余事例等银余谷备赈陕西原发余本银要行清查户部覆行各该抚按查素无积蓄凋疲州县酌量分发趁时采买山西借过牛种不必追银准准谷代仍量从宽估至陕西除抵补宗禄民粮及借给主饷外其分发各府五万两要见用过若干见在若干其延庆二府开荒银二万一千一百余两备将领银人户及垦过荒田的数送册查考得旨余本银两专为储谷备荒之用陕西乃借抵禄饷殊非政体凶荒无米可采丰收又不时采抚臣全不以体国恤民为念各处册报实在者巡按逐一稽查册报不明者上紧查明具奏

○蓟辽总督张国彦等言天旱米贵蓟镇本色不敷议将本年漕粮改拨三万石径抵蓟仓上纳每石照例扣银七钱作万历十八年该镇年例之数部覆从之

○己丑升江西按察使余国宾为江西布政司右布政使

○姚营乱兵势甚张所过剽掠妇女前驱传呼趋市肆具酒食墀户不内者毁垣入之从大理至澜沧澜沧道所徵调夷兵渐集乱兵稍稍惧而数千为群方行如故过会城彼猖益甚屯杨林与官兵相持土同知禄华诰斩其五人因诡降以缓我师次日冲围出宁州武定临安云南寻甸兵夹攻之败于土主山又败于大河口馘斩八十四级擒获四百余人宥余党许自新至是巡抚萧彦以闻得旨邓子龙提问姜忻调用文武官奖赏有差见在乱兵分别拟罪

○庚寅内阁会同翰林院官考过愿就教职岁贡上卷十卷中卷三百一十八卷

○升太子宾客吏部左侍郎兼翰林院侍读学士掌詹事府事王弘诲为南京礼部尚书○左都御史吴时来再疏乞休不允

○辛卯升福建布政司右参政张崧为江西按察使河南按察司副使杨芳为山东布政司右参政

○壬辰辽东巡按徐元言领兵营兵马防修宁前边工免其入卫原有客饷近该营改为协守新营有月支粮饷将前银停止然此兵自河东调至宁前非若土著有田产可以资给连年灾荒乞将修工银照旧给发户部言前银原备宁前四千军士月粮今一千营已调广宁止余三千名而欲发四千之饷似难依拟若调去一千名既有月粮又新议每名加饷三两六钱不为不厚矣岂得一概滥给乎除宁前修工银一万八千两已题发讫其一千营应裁革八千五百两该补发九千五百两以后照数改作额饷随年例一体题发报可

○保定巡抚宋仕言倒马茨沟两关并各口军士布花银厚薄不等应久近通融俱以九钱为准部覆报可

○礼部议改定南京告献大典 万寿元旦两节百官朝贺后俱吉服赴 孝陵行礼不必复更素服若夫冬至节南京官俱先一日出城候子时行大祭礼毕随即赴部朝贺至于陪祭官参差错乱监礼御史参奏旨依拟

○抚治郟阳裴应章乞休不允

○兵科左给事中胡汝宁言腾姚诸营官兵其缅甸就缚兵夙迎降皆克战之功诚有功于滇西近汰兵省费之议出欲令数千之众撤于一朝此兵之所以激也应募而来遽勒回籍治生无策安得不乱滇产富饶民出粟米以贍兵兵出死力以卫身似无用此过省为也章下兵部○癸巳改进士王肯堂刘曰宁顾际明庄天合董其昌蒋孟育区大相黄辉冯有经傅新德周如砥朱国祯乔胤唐倣纯林尧俞孙羽侯徐彦登包见捷罗栋吴鸿功冯从吾郭士吉二十二人为庶吉士

○以礼部左侍郎兼翰林院侍读学士于慎行改吏部左侍郎兼官如故掌詹事府事

○大学士王锡爵引疾乞归温旨慰留

○升广东按察司副使王民顺为福建布政司右参议管粮储礼部郎中王之猷为河南按察司副使整饬颍州兵备

○巡视芦沟桥御史胡克俭言马鞍山新城桥每车税钱五文驮税三文担者二文负者一文甚至徒手过者亦不免土民谓此桥日得万余钱至红桥视前又甚计二桥所获岁不下七八千金前五月间有商人告木一筏抽大木四根不惟侵民之利而且挠国之税所当处分者也得旨桥梁本为便民抽税修桥照旧行但不许下人生事

○总理河道潘季驯言黄水暴涨汹涌异常冲开兽医口月堤者一漫出李景高口新堤者一冲入夏镇内河浸坏田庐溺死居民者一其余或水与堤平或堤没者尺许势

且不测科臣张养蒙等言前此工程培之未高筑之未坚以召此患部议咨行河道督率各官筑塞增修要使束水归漕人以河臣驻劄济宁去河南千里余该省抚臣咫尺黄河本院先经题覆凡仓卒有患则抚臣一面相机筑浚一面驰报河臣议处得旨堤完未久遽有冲决显是修筑不坚经管官各夺俸三月

○乙未浙江道御史安文璧参劾原任南京右通政今升左通政周邦杰原任常州府知府今改黄州府谭桂原任松江府知府今升天津道兵备副使喻均皆文选司郎中谢廷采所推用人失当邦杰邪人所当速罢吏部尚书杨巍言邦杰因京察有议调南京用然未至狼藉又尝以起用副使王学谟论臣臣以其初任无锡人称清苦今转实臣巍所拟若桂均虽廷采所拟亦不为过乞将邦杰等仍旧升补廷采免议从之

○工科都给事中张养蒙又上疏曰近睹总理河道潘季驯报成叙功两疏诸臣劳绩了然在目极称工程坚固足保无虞 陛下且不吝爵赏以酬之矣盖成功非难保功为难淤决委之天灾挑塞归之人力报成未几惧有后虞求脱纷纷此其故皆由于河臣不久任也官不久任不便有三后先异见也人已异谋也功罪难执也功名之心孰不有之前者以功升赏矣代其任者守画一而袭故常则疑于亡所事事于是不白某故道当开则曰某新坝当改不曰某堰工可废则曰某湖池可耕幸邀异绩欲求多前人此后先之异见也人情易分尔我功出于我则修守常勤功出于人则修守常懈勤则修筑可保无虞懈则堤渠必至渐坏此人已之异谋也功罪可执而后赏罚不淆假令一堤之筑也旻坚旻溃一渠之浚也倏通倏壅前者蔽罪于后工之不继后者推罪于前工之本虚罪前已非见任之官幸免追论罪后又以新任之放得从亮原此虽赏罚之不明亦由功罪之难执也查万历五年有管河司道等官都著久任不许升转之旨 世宗末年有查分管官员职名藉已在簿日后有不坚固即便指名参治之旨今右都御史潘季驯三任河漕熟谙水道 陛下起用之意固欲责其新功首宜久任以重河务其司道各官并令一体久任盖治河如治虏边方总督有十年一镇者矣兵备有佥事加至布政使者矣河道之臣胡为不行久任哉再惟人臣报君职掌有在岂足言功今兹之叙完有成议矣以后年年修筑疏防皆河臣职守所当自尽更不必琐琐叙录致启幸途从之

○刑科给事中许弘纲上疏责成抚按四事一曰不与庶民争便二曰不与有司争能三曰不与司道争权四曰不与天下争功部覆得旨抚按为属官表率务实心任事毋尚虚名

○丙申南京吏科给事中杜华先言盗贼窃发有司不以时闻者请罪有司兵部覆隐匿之弊往往有之甚至有怒失主而罪失主怒保甲而罪保甲又有盗已输供而令失主不许认证者盗知官之必不追捕无所忌惮是避捕盗之条而实贻滋盗之害应行抚按如有隐匿指名参究旨以盗贼行劫有司避参不报抚按亦未觉察今后该科一并参治

○己亥升贵州布政司布政使朱孟震为顺天府府尹

○升刑部郎中王一乾为广东按察司副使

○庚子旌衣直隶等处节妇杨氏等十七口烈妇杨氏等十六口烈女陶氏一口

○辛丑 孝庄睿皇后忌辰遣伯王应龙祭 裕陵

○赐四辅臣及讲官枇杷果

○庐州镇江等处地震

○南京御史李自谦请视朝以联上下之交不报

○癸卯 孝穆皇后忌辰遣侯宋世恩祭 茂陵

○上谕内阁朕前者以疾暂辍朝讲欲静摄服药迨今将及九旬头眩未止心肝二经之火未降近又中暑湿腹泻身软每致 圣母忧顾屡差人谕以用心静养朕遵承慈命急欲少痊面谒 圣母庶可以尽子职而少纾 慈念又思孟秋时享在迩力疾难行今次暂遣官恭代可传与遣官及陪祀官务各禀虔洁故谕

○先是南京御史王藩臣劾应天巡抚周继疏已发而南京右都御史耿定向尚未见也闻而恚之谓藩臣易已因上疏自劾不职乞赐罢免并申飭台纲诸将藩臣罚治因历数御史方万山之劾江西巡抚陈有年王麟趾之劾四川巡抚徐元泰咸公论不协乞将周继陈有年徐元泰亟赐录用章下部已刑科给事中许弘纲言臣职在看详有概者三为公论也为台体也为定向生平也陈有年徐泰之才品方万山王麟趾之章奏所不敢论周继抚应天惓惓节省原为地方任事乃若躁急乖张即甚爱者又安得讳之都御史督率台臣率之以正耳风闻言事固其职掌可否自有朝廷去留自有该部安得而箝其口以阻塞言路臣故深为公论惜也定向不尝为御史乎章奏先发后闻自是相沿情礼藩臣之发而不闻过也然一言诘责悔谢不皇何至遽读 圣听此疏一行论人者将跋胡蹙尾之事多而扬眉吐气之日少矣摧刚为脆堂堂柱史风采谓何臣故深为台体惜也定向雅负时望当张居正时独以同乡皜然不染昔御史周之翰论劾尚书陆光祖定向时为副都御史及劾之翰幸而获售今又来套弄矣二品宪臣行年望七乃羞恶是非不曾理会四十年聚徒讲学身心受用几何臣欲深为定向惜也礼科给事中王孟煦又言凡为御史者忧其缄默不言而不忧其敢言为御史者责御史以所不言而不沮其所得言往者部属言事旨谕堂上官严行禁止谓其出位也藩臣等亦称出位乎给事中李沂狂言犯上 皇上犹不加斧钺之诛所以伸士气也定向身总风纪不能伸士气而反挫之其自言不职也臣以为欲止藩臣等而使之不言正其不职耳俱不报

○总督仓场户部左侍郎胡执礼卒执礼世居兰州后徙家为永昌人嘉靖己未进士授保定府推官历迁至文选郎擢右通政提督眷黄太仆光禄太常三寺卿所条黄浩马政事宜皆厘入会典迁都察院右副都御史巡抚应天会太平诸生吴仕期以诽谤辅臣居正坐死南操院欲罗织沈修撰懋学趣执礼会题弗应再为户部左侍郎督仓场与妻同日卒赠户部尚书予祭葬如例○乙巳吏部推南京礼部右侍郎李长春为礼部左侍郎旨以田一俊升左长春居右兼翰林院侍读学士

○升福建按察使费尧年广西按察使彭应时各本省布政司右布政使

○升户部左侍郎温纯为都察院右都御史兼户部右侍郎总督仓场

○升云南布政司右布政使范仑为贵州左布政使

○吴地大旱震泽化为夷陆斗米几二钱袤至江以北浙以东道殣相枕藉应天巡抚周继凤阳巡抚舒应龙浙江巡按蔡系周后先驢奏中外骚然于是上封事条晰荒政者给事中王继光等御史陈禹谟等南京给事中朱维藩御史刘寅等或言军国征输一切蠲除或言勘灾伤分数酌免或言发内帑南户部帑暨临德仓困或言改折漕粮白粮停徵金花银两或言留关税盐课赃罚散赈余买或言清驿递禁止苏杭织造或言假抚按便宜责成贤能有司毋令猾胥扣克或言劝富民输粟给冠带徒流以下纳粟赎罪或宽囚停刑以召和气埋鬻瘞赂以消怨厉练乡兵固城池以弥盗贼开水利筑河工使饥民受佣糊口章满公车该部俱酌议具覆 上无弗俞又奉特旨文武官俸米亦准改折浙江南粮折银留给军饷已得旨浙直为财赋重地被灾小民流离困苦朕心惻然还查照近年山狭等处赈济事例差老成风力给事中一员查理钱粮拊恤饥贫禁治劫夺司道不职者即时参处因发太仆寺银二十万南京户部银二十万南直隶府州县分银三十万浙江十万户科右给事中杨文举衔命以往

明神宗显皇帝实录卷之二百一十二终

明神宗显皇帝实录卷之二百一十三

万历十七年七月丙午朔时享 太庙遣公徐文璧恭代侯李言恭吴继爵分献

○丁未升湖广按察使文作为云南右布政使广东左参政徐汝阳广西右参政徐汝翼各按察使汝阳福建汝翼本省

○己酉 仁孝文皇后忌辰遣侯常胤绪祭 长陵

○宣府地震越数日复震

○吏部推大理寺卿蹇达为户部左侍郎旨升孙丕扬为左以达右之

○补原任四川按察使麻永吉于湖广

○升陕西按察司副使余之祜为广东左参政长芦运盐使司运使李焘为广西右参政○原任太子少保南京吏部尚书袁洪愈卒洪愈吴县人嘉靖丙午举应天解元明年成进士授中书舍人选礼科给事中由藩臬入为太仆少卿礼吏二部尚书凡八迁皆南京当其为给事上疏言检讨梁绍儒奔走权要文选郎中白璧招权 官并论尚书万鏜等不能表正 世庙为切责尚书侍郎下璧于狱而罢绍儒长南台有御史抗章忤旨代为申雪得不问橐无厚积为德于乡里乡之人尸而祝之其子治中一鹗蚤失官以贫死都御史周孔教抚吴中捐金葬之予谥安节则名副厥实云

○庚戌赐四辅臣及日讲官鲋鱼

○大学士申时行等言近日南京浙直等处俱遭大旱群情汹汹且南京军士骄悍成风近因放粮之时米色稍恶几至激变故今日所当亟处者南京仓粮是已宜敕南京

户部将见在仓粮盘验足几年放支是否俱堪食用如有不堪作何区处预备至各处灾伤宜俟勘到之日覆请优恤

○是日 上谕户部朕闻南京地方荒旱军士贫苦见在仓粮足支几年如有不敷作何处补著南京户部会同科道查验计议具奏其各处灾伤候巡按御史勘到从优议恤务称朝廷悯念军民之意

○辛亥升卫辉府知府周思宸为陕西副使榆林兵备

○升临江府知府蔡斗移为长芦运盐使司运使

○ 寿工就绪命管工尚宝司卿葛昕回司管事

○左都御史吴时来言士风偷薄长官以优容为盛德属官以偃蹇为风裁惟都察院<■矢见>矩不大凌夷以故院臣有缺必求曾为御史者一人居之为其能持此<■矢见>矩勿失也今王藩臣揭帖独不投堂若不一申则又安用南京都察院为哉乞严谕南京十三道恪守堂<■矢见>一照北院将王藩臣量行罚治以重纲纪之司至于陈有年羔羊之节骨鲠之风表表士林定向既知其人能视其罢斥乎得旨夺潘臣俸二月又因吏部覆命定向供职如旧

○壬子应天巡抚周继以人言再疏求罢不许

○癸丑升巡抚福建右佥都御史周采为大理寺卿

○大学士王锡爵屡以母病乞归 上免留之再疏固请命其子扶侍还乡仍差官护送而从锡爵视事

○巡视京营给事中洪有复言勇士营官马临印烙时少二百二十五匹缘该营督自内监营官藉口恣为欺冒乞行处治章付兵部○乙卯先是礼部尚书朱赓丁内艰吏部推于慎行以代疏上不报又有荐迁谪科臣姜应麟部臣孙如法者吏部覆请亦不报许弘纲王孟煦二疏亦留中未发兵科给事中薛三才言此三事关大臣之擢用铨部之题覆言官之论劾于国体匪轻乞赐批决报闻

○南京御史刘寅言有司巧取民财以结纳过客善事上官徵收则先扣羨余支放则侵克钱粮批词滥及佐领两造俱罚爰赎种种吏弊乞严行参究得旨申飭抚按官开款禁革

○丙辰南京礼科给事中朱维藩言南京各卫军储有本折之分故支放亦有兼搭之令自万历十五年米价腾涌专放本色是一年而支两年之用矣所存几何况十五十六两年解者不及十三十七年犹未可知大都又视十六年而减耳南京内城三山门直溯江流舟船如织而今已湮塞各府仓粮悉由水道运进今尽失其旧舍舟而徒费不可言臣以为在仓粮则宜会计其数足支几年少则分投督催又不敷则于丰足处收余在河渠则由城外以达城隅责成所司作速挑浚章下户工二部户覆各府未完粮未除见灾缓徵外余严督徵解工覆河渠淤塞责成成都水司及应天府水利官查勘设处俱允

○戊午礼部尚书朱赓忧去以讲读劳准予其父母祭葬仍赐银币驰驿

○己未福建福州兴化浙江温州杭州绍兴皆地震

○大学士王锡爵辞免差官奉母留京从之○协理京营兵部左侍郎杨俊民言总协二臣部下摺兵数各五百欲于三备兵营内选增二千名共合一营训练从之

○庚申月食

○中元节遣侯郭大诚汤之诰伯王应龙方焯毛登刘应元卫国本吴国乾王学礼分祭 九陵伯张元善祭 景皇帝陵寝都指挥同知周清祭 哀冲 庄敬二太子坟

○乌思藏长河西鱼通宁远等处宣慰司各遣人贡方物赏赉如例

○辛酉火星顺行犯房宿第二星

○吏科都给事中陈与郊等奏荐原任江西巡抚陈有年原任顺天巡抚翟绣裳原任应天巡抚郭思极原任宁夏巡抚张九一原任江西巡抚马文炜当及时推用论劾柳州府知府沈淇南阳府知府林敬冕平凉府知府殷三礼巩昌府知府路榘所当议处吏部覆有年等遇缺推用淇三礼年老致仕敬冕榘不及改调报可

○壬戌三屯营地震越二日复震

○广西提学副使杨德政致仕调陕西按察司副使周思宸以代

○升云南右参政陆万垓为福建按察使

○升山东按察司使管辽东苑马寺事郝杰为都察院右佥都御史巡抚辽东

○湖广道御史王世扬等言大学士王锡爵累疏乞归朝廷日下留行之诏人臣日上去国之疏非所以明臣节也乞责以君臣大义不得动以母子为请报已有旨

○铸给管理延绥人路城堡铸换宣府在城同知关防各一颗

○河南巡抚周世选等言潞府应添各官房舍查景府旧构数少不备欲添至九百二十八间工部覆王府眷属仪卫司群牧所及教授等官系府僚正员委不容已其他职事委琐宜裁减于中酌量止将 潞王请免搭棚银一万三千六百九十余两尽数支用不得数外更加从之

○癸亥 成祖文皇帝忌辰遣侯徐文炜祭 长陵

○前太常寺卿陈于陞以原官起补

○刑部办事进士薛敷教上疏曰臣顷见左都御史吴时来欲申饬南台宪<□□矢见>其言专为耿定向而发必欲立仗稀鸣创一警百吁亦狡矣掌院者 陛下之掌院言官者 陛下之言官时来安得视友僚为重而视 陛下为轻耶往王事饶伸论及时来阿附拷之诏狱羈之编氓辛苦流离路人酸鼻向犹为已鴟张今乃代人狼噬虐焰方燃渐不可长使宪<□□矢见>果系当□何不白于班行杂乱之时土偶台卿椽曹柱史抑何悖也海瑞先朝遗直也房寰丑诋犹且包容定向何人敢妨言路为时来者不惟不能参驳反尔朋连无论愧古名臣即回想抗论严嵩一事有靦面目已大抵少年励志多思树立垂颓颜辄丧生平道心难固势利易迷习尚使然也即如一二辅臣阳托饮醇之名阴图登垄之实貌庆历之和气而掩其争齿贞观之协谋而讳其断平津曲学金陵险

法禁止受累何穷乞令科道官会同监收查革诸弊仍乞命司礼监晓谕各监局内官将前项弊端尽行禁革其耗米铺垫务照先年题准则例不许加增违者参究得旨白粮解役苦累可悯各库局如有分外勒索者著司礼监查革○大学士许国言薛敷教论吴时来党护耿定向语侵辅臣极其诋诮新进小生未谙政体臣何庸于辩独念臣滥叨恩厚伴食有年而敷教又臣今春所举士也使其言是耶则臣之辅理为失职失职当罢即其言非耶则臣之贡举为非人非人亦当罢且臣宽厚不如时行直亮不如锡爵简重不如家屏而犬马之齿又长于三臣是三臣皆举其职原无可指摘而敷教所指臣实当之但平津曲学曾导謏阿世否金陵险谲曾改法害民否臣年六十有三老矣正敷教励志之日而臣愚颓颜之秋也并诸大臣谓无有人心臣窃耻之乞将臣屏归田里别求和而能争如韩范谋而能断如房壮者俾与三臣共事则后进之心服而尚言之风息矣旨慰留○左都御史吴时来闻言乞罢言不堪再进都察院者有八因力诋敷教及饶伸辈旨慰留

○丙寅宴乌思藏辅教等王遣来入贡国师琐喃远丹等四十员名如例

○督理易州山厂工部主事张新言易厂所司专为柴炭而设岁计柴价银三十余万两惟红萝大炭乃御前所用每岁该七十万斤本厂领价烧造此炭非杂本可烧止用三种曰青信曰白枣曰牛觔总谓之甲木尊其名也由柴荆六十里至金水口始有此木则所谓炮架藩篱正应禁者山厂以供应为急而边隘以边墙为重不若就厂后种植今有隙地九顷可种四万余株得以经久永赖章付部

○丁卯升广西按察司副使李熙为云南右佥政潞安府知府李杜为陕西按察司副使○刑部左侍郎何源卒源江西广昌县人前吏部尚书文渊刑部尚书乔新之后嘉靖己未进士授嘉兴知县靖江王盘游至浙所过驿骚时饥民待赈者数千人源令民哀噪求赈于王王遁去召为都水主事治吕梁调职方裁抑内竖不得典京营太和山提督不得行分守事历考功郎典甲戌计事以公虚称累升南京吏部侍郎改刑部右侍郎闻言乞休未几卒赠右都御史谥靖惠

○戊辰大学士申时行等言先是 圣谕以唐太宗魏徵五伦失一何取小节而掩大义思九经圣贤所作其可不知若大学衍义明修齐治平之道至于通鉴善恶得失有若明镜而照妍媸书经乃为君至要可先将礼记代贞观政要通鉴候书经完日读讲今秦誓已完应遵 圣谕将鉴书进讲臣等查得通鉴纂要一书乃 孝宗命阁臣纂辑以备进讲者臣等拟令讲官分撰讲章接续书经之后日每进览庶几可以知善恶得失之归鉴治乱兴亡之迹其于 圣学不无小补 旨俞其言

○国子监祭酒黄凤翔等言先是较刻十三经注疏已经陆续恭进顷 皇上罢去贞观政要进讲礼经臣等将礼记注疏再加繙阅则见有切于今要务者如曾子论孝则曰敬父母遗体见 圣躬之当珍护焉学记篇有云学然后知不足见 圣学之当缉熙为月令篇当以四时敷政法天行健见 圣政之当勤飭焉教世子篇有保傅之设齿学

之仪见 皇储之当蚤建预教焉因将所刻装满以进报闻

○以蓟镇三屯车前营游击张守愚等各就近升调从督抚张国彦议也

○己巳陕西西宁地震○庚午吏部左侍郎赵焕以疾乞归许之

○直隶巡抚王之栋以病请告许之

○新选南京刑部主事蔡献臣请开张 圣德慎寝兴省药饵远声色薄滋味明诏
视朝之期亲近耆硕屏去内诱而后建诸日讲次第举行不报

○升广西右参议杨佩训训为本省按察司副使

○改礼部员外郎董基为光禄寺寺丞

○辛未吏科左给事中彭国光请重南都诸臣之选吏部覆九卿缺南北互推科道
果有风裁推升京缺报

○壬申山西道御史钟化民以 圣诞将临臣工毕集请及时朝讲不报○甲戌吏
科都给事中陈与郊因薛敷教事上疏丑诋建言诸臣谓其击鼎司排宪职侵言路专为
钓名躐住地旨是其言

○两广总督兵部右侍郎刘继文言雷廉东洋海面有乌料双桅广船联< 舟宗
>一百余只每犯杨梅断望一带禁池偷盗珠螺各寨哨官兵生擒贼犯一千一百二十一
名斩级六十六颗请优叙效劳官员蒙赏赉有差

明神宗显皇帝实录卷之二百一十三

明神宗显皇帝实录卷之二百十四

万历十七年八月丙子朔大学士申时行等言时值中秋 天开万寿望 皇上仰
求 天庆俯察群情特出御门视事经筵秋讲如期举行

○甘肃巡抚李廷仪申饬堤防四议一重关宜建二墩台宜修三夷兵宜鼓四信地
宜明章下兵部

○改刑部左侍郎孙鑰为吏部左侍郎

○户部言旧例金花银一百万两坐派苏松江浙福建广东湖广等处每季分进二
十五万两此 祖宗定例至万历六年奉旨每季加银五万两作买办应用计每年增进
银二十万两原无坐派今已一十二载计银已二百余万乞念边饷为急锡予为缓每季
买办银五万两暂准停止不允

○丁丑祭 先师孔子遣大学士王家屏行礼

○巡仓御史荆州俊参劾监督主事王显先贪秽狼藉革显先职

○南京工部尚书曹三旻卒三旻宜兴县人嘉靖甲辰进士授大理寺评事知济南
府遇景王之国裁省无名供亿累迁右副都御史巡抚云南劾黔国罪状夺黔爵寘南京
复滇岁贡黄金故额迨正南京工部故辅居正不奔丧南九卿欲上< 足 毓-金 >以阿
其指三旻与赵锦持不可事乃寝亡何予告归里居数年人颇有訾之者卒后赠太子太
保

○升张家口守备以都指挥体统行事朱朝臣为宣府入卫游击山西都司佾书署都指挥佾事王国柱为昌平标兵营游击

○壬午升南京国子监祭酒赵用贤为南京礼部右侍郎

○升左春坊左庶子兼翰林院侍读刘元震为国子监祭酒仍充经筵讲官

○复召司礼监太监张鲸入内庭供奉吏科都给事中陈与郊等言 皇上亲见张鲸罪过削夺其权罢置私家以允天下之公望何乃出不终岁而复宣入乎奔走供奉者掖庭小节予夺进退者朝廷大纲一岁之中随退随进使盈庭苦口悉付流水此邦家大忧也广西道御史贾希夷等又言鲸倚任邢尚智辈擅作威福尚智已问重辟鲸安得无罪乞炤旧令鲸私宅闲住别选老成勤慎者以任厥职后南京吏部尚书陆光祖等南京户科给事中徐常吉等南京贵州道御史王以通等亦以为言俱不听

○癸未 孝康敬皇后忌辰遣伯吴国乾祭 泰陵

○升右春坊右庶子兼翰林院侍读黄洪宪为詹事府少詹事兼翰林院侍读学士掌院事

○起原任日讲官翰林院侍读学士今服阕陈于陛驰驿来京与经筵讲官翰林院侍读冯琦俱补充日讲官

○升户部郎中张世科为湖广按察使司副使整饬郴桂兵备

○升南京太仆寺卿郭东为南京太常寺卿

○吏部推巡抚宣府都察院右副都御史许守谦为刑部左侍郎旨升李戴为左以守谦右之○户部覆前巡抚陕西右副都御史王士□□（即 毓-金）言花马大小二池盐料甚少前巡按陈荐欲将边外狗盐池募丁捞盐又户部郎中陈于陛欲令汉中改食川盐凤翔改食池盐然修复狗盐池远隔边墙费用不貲恐启边衅池盐行于凤翔不难于行而难于认课盖角□羊盐课重价高池盐课轻价贱欲行盐则必认课欲认课则必增价则池盐不可行于凤翔也票盐行于汉中在河东称便而川中称不便盖川盐至汉中是为分彼之有票课归河东是为济此之无济此则见以为益分彼则见以为损是川盐不可行于汉中也为今之计惟在修护角□羊池使盐料常生优恤官商使盐价常贱易售则纷纷之议可无用矣报可

○光禄寺卿卢惟禎言本寺无锡县上白粳米专供 上用岁派一千三百三十一石零岁用七百余石累岁积见有一万二千余石南直隶浙江各府上白粳米系翰林院等衙门供给岁派一万二千一百一十五石累岁积见有四万余石乞于原折二分外再折三分则新角□羊可以足岁供而旧贮者可与中白兼放东南民困或少济其万一也从之

○甲申

万寿圣节赐元辅银六十两彩段四表里又赐金万寿字四副金篆字十个金书黄符二道金书红符二道次辅以下及日讲官有差

○升怀庆知府赵以康为贵州按察司副使整饬思石兵备

○命总督仓场右都御史温纯侍经筵

○吏科给事中张应登< 〇〇〇 铨-金 >请临朝不报

○吏科右给事中钟羽正言 陛下御宇以来惟政学为兢兢乃数年而更朝讲十九免者十一又数年而更朝讲十三免者十七今且一概免焉向也朝讲形神康泰今也不朝不讲时复违和则烦劳动火似不在朝讲之间也临御日少则上下交睽中外异议于是有置而不览之奏有览而不用之言至举朝以为不可犹排众论而行之如张鲸者罪而且赦赦而且用试思驱恶罚罪之心岂容有此臣愿 陛下一听臣言出御朝讲将章奏留中者次第发出斥逐张鲸以慰臣民之望报闻 乙酉 孝慈高皇后忌辰致祭于 奉先殿

○升太常寺少卿提督四夷馆杨廷相为南太仆寺卿

○升大理寺左寺丞任养心为本寺右少卿

○工部右侍郎管通政使司事张孟男言日进章奏不为不多 陛下不一御门间隔滋甚四方恒旻不雨未必非此之由至若诸臣之< 〇〇〇 铨-金 >关系天下大计固当随时批发民间所奏亦有躯命所关者请加省览即赐 宸断报闻○丁亥秋分祭夜明于 夕月坛遣侯吴继爵行礼

○钦定赈荒科臣关防名曰督理荒政

○升南京国子监司业张一桂为本监祭酒

○吏部推湖广道御史王世扬为大理寺左寺丞旨升姜璧为左世扬右之

○升山西按察使王学书为都察院右佥都御史巡抚宣府地方

○升太仆寺少卿陈大科为太常寺少卿提督四夷馆

○户部请将 潞王遗下大兴等州县原拨给济边庄田查照往年旧额令各州县徵收子粒银角□羊送太仓银库其通州店课地租每年徵完角□羊部类进承运库交收报可

○总督三边兵部左侍郎梅友松等言庄秃赖明爱台吉原系榆林市虏盘住河西曾一挫于甘镇再挫于肃州二酋挟忿图报行过肃州剽掠生事本当革赏但主酋言囊追还人畜听从罚服其阳顺阴逆虽不可知而追罚效劳亦当激劝请如例给赏放还擒虏失事官量加罚治从之

○戊子发太仆寺马价银一万二千两于大同备明年互市货物

○铸给山西新设广武庄巡简司印

○己丑巨马河石桥落成命大学士申时行纪事勒石

○大学士王家屏上< 〇〇〇 铨-金 >曰臣叨蒙特召再点班行入京以来已踰三月尚未一瞻 天表独念堂陛之交惟有朝讲军国之政惟有章< 〇〇〇 铨-金 >臣往年窃睹宵衣听政日昃横经无时少懈乃今久辍不御原其初偶以 圣躬静摄暂时传免耳

○大学士许国满六年考晋兼太子太师吏部尚书余官如故荫一子中书舍人累辞不允

○南京浙江道御史王麟趾言右都御史耿定向论御史王藩臣科臣言者接踵矣左都御史吴时来独违众参覆藩臣被论不过以投揭之迟查投揭 大明会典无文诸臣意起之耳况北台< 王 璠-金 >入即闻故次日投揭纵人知之亦难为力若南台道里远一被人知且有从而媒孽之者如御史孙鸣治论劾守备徐邦瑞寅缘得免御史陈扬善劾主事刘以焕托留不获竟挟仇及噬此皆往事可鉴故迩来呈堂有延及一月者盖亦相沿之例非自藩臣始也时来不察其所以忿气厉词是诚何心乎进士薛敷教抱愤抗论乃大学士许国副都御史詹仰庇弹章相继夫国阁臣定国是于庙堂仰庇宪臣表风裁于朝著者也不能植善锄恶反尔党同伐异国故碌碌仰庇则负时名者亦若此他尚何望哉时来当纠邪之任而躬自为邪居言官之长而阻人之言国家何用此人为哉乞赐罢斥以为不忠之戒其投堂台< 王 矢见 >应否在三日之内明白申饬以便遵守

○壬寅大学士许国因南道御史王麟趾< 王 璠-金 >及言小臣一开口不必其是便以为风节大臣一开口不必其非便以为朋党小臣百诋大臣辄以为不可屈而抗威权大臣一侵小臣便以为不能容而阻言路世道如此亦可慨矣伏望将臣罢斥则政本重而愚分亦安旨慰留之

○丙寅诏严禁匿名投揭造谤者是时南都有传流一书名曰逐客鸣冤中多指斥朝政之语南给事中杜縻徐桓以为言故奉兹谕云○南京广西道御史黄仁荣言大臣当为国家持大体不当与言官竞小节御史上< 王 璠-金 >公朝投揭私署迩来陋习耳御史偶失之罪不至参罚 祖宗设两京都御史固得参论御史而御史亦得弹射都御史均以论劾为职与部寺堂属不同且投揭之不便者三不必者二近事可鉴者一御史章< 王 璠-金 > 皇上尚未赐省都御史先得博观不敬莫大焉一不便南都去阙下二千余里一有传播百弊丛生二不便弹劾之< 王 璠-金 >驱逐豺狼常虞反噬语曰谋未发而闻于外则危三不便御史风闻论人即有未当御史身当其罪不及都御史也不必者一论劾官员即有权贵为势所必避门生故吏为情所必徇御史言之都御史将止之乎不必者二迩来章< 王 璠-金 >或至途中而进返或至阙下而不投总之私橐先传可援而止此所谓可监也定向昔副北院既极言以抵周之翰今总南院又借事以参王藩臣今日之事非有大不可者已祇因周继一二知厚急索< 王 璠-金 >稿不得耳吴时来既同总持之责宜有救正之言乃其持说益悖不胜恣睢陵轹之意总之一希北台之转一急冢宰之椎皆欲以风力受知如往事也

○癸卯左都御史吴时来言南京御史王麟趾黄仁荣连章论臣乞将臣罢免以偿御史两月之俸旨慰留

○升陕西右参政李春光为本省按察使专驻宁夏

○山东抚按李戴等〈脚 铤-金〉称衡府商河王载堪贤声素著乞赐旌奖许之

○甲辰工部言铸钱一事南京工部应铸六万锭一分进司钥库五分送太仓顷因式样不合行使不便议角□羊料代铸然国家钱币务裨寔用假使民间委置匪但虚靡银两且于钱法阻滞其角□羊太仓五万锭留一万锭以便搭用余四万锭先角□羊一万锭余三万锭炤例角□羊料续铸其内库钱一万锭本部不能代铸炤旧角□羊进至禁伪钱收杂钱俱于钱法有裨而往代杂钱流布外郡已久合从其便鞏穀近地一应房号税课宜多收制钱得旨南京铸钱不堪行使准炤数角□羊料工部一并铸造应进内库者于太仓数内拨补务足一万锭之数伪钱杂钱严行禁治

明神宗显皇帝实录卷之二百十四终

明神宗显皇帝实录卷之二百一十五

万历十七年九月乙巳朔颁给朝鲜国王李昫会典全书从其请也

○丙申 孝恭章皇后忌辰遣侯薛钺祭 景陵

○升吏科左给事中彭国光为山东按察司副使刑科给事中李文郁为湖广按察司僉事广西道御史王道正为河南按察司僉事广东道御史管九皋为陕西按察司僉事

○长芦巡盐御史龚云致言长芦山东二运司分解宣府饷银共四万八千两欲比山东布运二司额解辽东民运事例一体类解太仓转发从之○岷世子干跬以嫡母妃歿生母夫人卢氏请照例加封次妃礼部举要例职掌报允但不给冠服册命

○黔国公沐昌祚每与司道官竞礼昌祚曾获姚营乱兵五人发按察司收锢不纳比抚臣同三司于教场会献兵噪事昌祚又不预遂不胜愤上疏言状因求罢旨慰留特命抚按议该镇与司道相接礼仪

○己酉福建兴化府知府范梅谒巡按不长跪并欲以此礼见巡抚巡抚周采巡按马应乾交章劾之部覆降级调用允之

○衡府汉阳王长子戴尘卒夫人崔氏自缢以殉山东抚按以闻建坊旌表赐名贞烈

○庚戌吏部尚书杨巍覆南道御史王麟趾黄仁荣等疏言呈堂揭帖必不可废定向时来皆负重望大学士许国等系一时正人麟趾等论一事而别生枝节肆起波涛岂圣世所宜有哉总宪大臣申明宪规辄欲罢斥诚不知其可也旨以体统宪纲不宜纷争妄诋夺两御史俸麟趾半年仁荣三月以后南道揭堂论事者三日参官者五日著为令

○辛亥火星逆行犯南斗杓第二星

○礼部言庶宗请给名粮必先奏报各府皆同独秦府奏报止于中尉不及庶人以故请粮必须行勘往往有得不得之异今后合奏报如例庶法令画一从之

○壬子以礼部左侍郎兼翰林院侍读学士李长春礼部右侍郎兼翰林院侍读学士黄凤翔翰林院修撰余继登萧良有俱补经筵讲官简讨葛曦范醇敬补展书官

○升尚宝司少卿王汝训为光禄寺少卿○癸丑以重阳节赐四辅臣上尊珍饌

○甲寅山阴王俊柵称老乞以长子充熙摄理府事从之

○河南巡抚周世选疏称周府宗学长辅国中尉勤美宗学生镇国中尉睦禾□木皆孝行可嘉乞旌奖许之

○乙卯肃王缙<□火贵>薨子绅尧幼冲命亲支辅国将军缙福□火协助府事仍给尧世子冠服

○泰宁等卫夷人阿把秃等七十三员朝贺赐马价绢疋靴袜如例

○提学御史杨四知言纪纲不振由于用舍不慎甘肃地当孤悬诘戎久废总兵刘承嗣整饬行阵忠于谋国非刻削者比也乃乱卒一呼总兵报罢诚为非计至于乱卒欲胁抚臣以戕总兵尤非抚臣之罪明矣抚臣曹子登相机设法以安反侧顾泯其功而击其去尚谓之有纪纲乎乞将子登推用并承嗣兼录则纪纲可振逆志可消矣章下吏兵二部

○始命建州夷酋都指挥奴儿哈赤为都督僉事

○丙辰追赠前少师大学士赠太师张四维特进光禄大夫

○命司经局洗马兼翰林院修撰王祖嫡翰林院侍讲陆可教为武举考试官中武举赵绅等一百员名

○戊午霜降节遣侯张炳李环宋世恩伯王学礼方焯刘应元谭国佐朱世雍吴国乾分祭 九陵伯张元善祭 景皇帝陵寝都督同知陈承恩祭 哀冲 庄敬二太子坟

○袁州府万载县以霜降行祭忽闻天鼓鸣有黑烟腾起陨石于演武厅畔

○工科给事中李汝华参劾戎政尚书郑雒少詹事黄洪宪宣府巡抚王学书得旨雒洪宪各供职学书别用○吏科给事中史孟麟疏参少詹事黄洪宪左都御史吴时来言洪宪典试北场改正朱卷以行私失去墨卷以灭迹以孙坤浩之文作程而以巢士洪之名中式时来为都御史 皇上覆试举人时来以党护洪宪南台不授揭帖时来乃请立宪规箝言官之口乞察时来惩其改节许令致仕黄洪宪或令闲住或调别官报已有旨

○总督仓场右都御史温纯以忧归升南京都察院右都御史耿定向为户部尚书总督仓场

○己未宴朵颜等卫朝贺夷人干堆孛来等七十三员名如例

○南京广西道御史黄仁荣论劾南京兵部右侍郎今升南京刑部尚书王世贞言其补兵部侍郎未久前任以巡抚升大理卿被劾回籍不得通理前俸违例考满希图恩荫并参吏部挟同欺罔吏部尚书杨巍辩世贞被劾在籍养病历经荐举起用自当另议与论劾改调以后任之日为始者不同今工部尚书曾同亨户部左侍郎孙丕扬皆然非自世贞始也得旨考满通理参酌公评既系题准事例王世贞照旧供职于是工部尚书

曾同亨户部左侍郎孙丕扬皆上疏求罢俱不允

○东虏脑毛大纠合西虏白洪大入辽东平虏堡总兵李成梁遣兵逐之备御李有年手刃数虏虏以骁骑围有年磔杀之把总冯文昇赴救被创亦毙转战良久虏小郤遂班师获二十四级丁夷死亡者百三十余人矣次日虏亦徙去吴大积等遇之于镇边堡报斩首三十五级虏遂犯沈阳及蒲河皆有所杀掠又分数千骑入榆林堡凡七日而出境督抚按臣后先以闻所报不无小异后李琯疏言属夷长昂入寇李成梁之兵歿于阵者八百人边吏匿不报

○庚申大学士申时行等进遵旨誊写过 成祖文皇帝实录一百三十卷共计四十六本

○少詹事黄洪宪辩科场一节已经覆试公道昭明自无可议矣今汝华之论曰覆试特以论文关节则干法纪礼部题准事例凡参奏举人会同部院科道并原奏官覆试真伪自明今未覆试则曰其文劣也既覆试则又曰其文虽优而有有关节也以无形无影之言为的据以其见共闻之文为难凭沉冤何由而雪哉在孟麟则论臣改正朱卷以行私失去墨卷以成迹夫朱卷同考官先阅取中方送总裁谁为改正若墨卷见在礼部可查何尝失去其谓臣以孙监生之文进呈以巢士洪之名中式请特发进呈录并取刊行试录与巢士洪墨卷公同查对则群疑不辩而自释矣因乞归田里左都御史吴时来亦辩科臣孟麟指摘臣以覆试投揭二事覆试须凭文字臣与同事十七八人各秉丹心各具只眼谁敢欺瞒而诋臣为党护乎自设南京都察院即有此揭帖二百年来南道多少忠讷不闻缘此阻塞臣与耿定向因事申饬而诋为阻塞言路不思开言路须令都御史伸一喙乎乞容休致以息人言旨俱优答不允其去疏各再上亦不允

○先是万历十三年长西河等司进贡国师以病归未领买茶勘合归而诸番日以争茶斗至刻木为信乃已至是贡夷求两度勘合且请浮于额礼部言茶禁甚严不可多鬻十七年勘合照例给予所请十三年勘合止补其半以俟后来更给报可

○壬戌予安乡伯张紘祭葬如例

○诏给太仆寺马价银四万二千六百两于蓟镇从督抚张国彦请也○癸亥直隶巡按徐申请动支顺永保河四府赃罚发各府余谷备赈允之仍著为例

○甲子代王鼐铉请追封生母吴氏为次妃与父恭王合葬许之工价自备仍准王出城省祭

○原任南京礼部尚书姜宝以业田千亩创立义庄赈给贫族请旨照先年大学士徐溥事例将地亩册籍印发府县永远遵守许之

○法司当虑囚 上命户部尚书宋纁主笔疏上以改拟钦定人犯焦文灿语责不允刑部尚书李世达执奏文灿之狱原系株连臣等查冤辨枉乃其专责故于此少致详慎纁亦疏陈刑科给事中杨恂言纁与世达素称端亮拟狱甚平毫无宽纵皆不报

○丙寅以写篆灵丘公主神主圻志赐元辅银二十两纁丝二表里次辅银十五两

纒丝一表里中书官六员有差○魏国公徐维志承袭祖爵

○调分守大同等参将事署都督佥事李联芳为洮岷副总兵

○丁卯予原任南京户部右侍郎程嗣功祭葬如例

○湖广辰沅草坪苗与天星苗争田积衅抚按委官行勘百户黄钟音杨兵以喝之为苗所杀地青苗与官兵协讨擒其酋杨庆和等湖广巡按甘士价以闻

○庚午益王请出城省墓许以往返四日

○甲戌怀仁王府辅国中尉充鱼□米充鮠充奢庶宗俊木□乘以禄粮为辞越关奏扰降鱼□米等为庶人闲宅禁住木□乘递回该府收管

○曾子六十二代孙世袭五经博士曾承业比颜孟二氏例请给祭田礼部请行抚按查数议拨从之○以宣府游击张国将为大同右参将

○河南汲县知县李赋秀投揭抚按言原任卫辉府知府今升广西提学副使周思宸侵冒潞府修造及之国迎接银两事连同知薛应麟抚按以闻请将思宸应麟赋秀各革任行提勘问 潞王亦据赋秀启具疏工部覆迎接银两未经销算其修造府第本部差主事王绍先与内臣管理计工费银六十余万用银三十余万营直等房原估未及亦在数内则承委司道已加意撙节无复冒破矣今赋秀一面之词未可遽信必革任行提两相质对庶可正法纪而服人心疏入发票不下久之巡抚周世选又上疏言赋秀一日投二揭于按臣皆无端捏造乞速行查议至于参讯未行辄被反噬乞将臣先行罢免亦报以有旨

明神宗显皇帝实录卷之二百一十五终

明神宗显皇帝实录卷之二百一十六

万历十七年十月乙亥朔时享 太庙遣公徐文璧代侯李言恭吴继爵分献

○以明年大统历赐文武群臣颁行天下

○丙子 孝洁肃皇后忌辰遣侯徐文炜祭 永陵

○四川巡按傅霈言前任抚臣徐元泰不候交代离任今后当申严令甲务覲面交代旨以新抚已入境不究

○升河南按察使郭四维为都察院右佥都御史巡抚宣府地方

○升黎平军民府知府阎漳为陕西苑马寺少卿兼按察司佥事○升广西平乐府知府郑时章为广东按察司副使吏部郎中徐秉正为福建布政司左参议

○升户部左侍郎孙丕扬为南京都察院右都御史

○安南都统使司都统使吴茂洽以补贡及应贡二仪诣两广军门陈请诏许之

○戊寅 中宫千秋令节免命妇朝贺赐四辅臣上尊珍饌

○复除原任浙江按察司副使高时于河南整饬密云兵备

○吏部推抚冶郟阳都察院右副都御史裴应章为户部左侍郎旨升蹇达为左以裴应章右之

○除补原任刑科给事中万自约于户科

○以河间守备时逢春为宣府游击

○以广东练兵游击孟宗文升补东山参将

○辛巳升浙江按察司副使刘尚志户部郎中吴中传各布政司右参政尚志江西中传湖广○以湖广都司金书陈闰生掌湖广行都司印

○壬午山西道御史钟化民等疏请杨巍吴时来速出视事得旨铨衡风纪职务繁重大臣义不得辞后御史林祖述陈汴等闻都御史杜门公疏特疏相继保留

○原任吏部左侍郎兼侍读学士沈一贯疏辞召命不允

○改巡抚贵州都察院右佥都御史许子良以原官抚治郟阳等处地方

○升山东右参政管淮安府事张允济为浙江按察使整饬淮扬海防

○调原任宣府总兵李如松于山西调山西总兵李迎恩于宣府如松偶经论劾兵科给事中叶初春疏荐之请与别镇总兵互相更易故有是调

○癸未以各处奏报灾伤暂免行刑

○太常寺少卿司汝霖请复张姓更名汝济○起补原任巡抚宁夏都察院右佥都御史张九一以原官巡抚贵州

○升襄阳府知府张国辅为浙江按察司副使

○升湖广郟襄守备王鸣鹤为湖广行都司金书

○升四川行都司金书段文炳为广东游击

○丙戌宫嫔王氏卒命礼仪照 世庙康妃例行赐号僖妃

○河东巡盐御史秦大夔言河东课银或因割地认课或由太仓补发未尝开析致难分解请将各镇应解应减的数分析明白遵照办解户部查得宣府镇额课银八万两除延绥扣抵并开归认解每年实解银二万八千七百七十八两零山西镇额课七万四千二百五十九两零除太仓补发并汰沁汾辽票税抵解每年实解银二万一千三十六两零大同镇仍照原额每年解银四万三千一百一十六两零行河东运司遵照分解其拖欠宣府十六年课银二万两应照旧追解报可

○丁亥除补原任礼科给事中杨凤于户科

○总督陕西兵部左侍郎梅友松言甘肃孤悬河东积衰未振多故相仍去岁海虜瓦剌他卜囊以款夷犯顺至于覆军杀将虽报缚虜送畜未足明正其罪酋首大落赤承领讲处却又未见结局宣大督臣报虜王两行有要来平此大事之语寓书臣等亦略相同兹已过宁夏边外咫尺甘境矣甘镇边塞何处非虜而肃州为甚春间庄秃赖等犯肃罚处之后不大跳梁而鼠窃狗偷间亦有之若西宁殆又甚焉六月间宰僧阿赤兔等以抢番混掠内地安知非为瓦酋窥我强弱近者宾兔妻男等互市已完临行向参将鲁元祖言我母子看守朝廷地方未敢作歹讨添些市赏不准比那边达子西宁生事抚赏未革还与他厚赏这样的那分得出好歹来此其言难尽信亦未必无因虜王领忠顺夫人

及各部落过宁夏虽不免于饶舌然不过赏马计赏耳臣驻靖虏卫调度操纵总之不越先年俺答旧规其讲处瓦剌一事急在局睫必得透知虏情者以用之则游击徐龙其人也第不知虏王号令果能行于西海否为今之计听臣等宣言朝廷恩威彼此曲直与虏王多方极力面相讲折如其处治得当则已不则坚令闭关修我戎政岁省市赏千金用张敌忤河泽之间岂终夷虏盘据之地臣等复遣通事帖谕套酋卜失兔及致书虏王各铃束诸部约以达子在西生事使行该镇捣其巢穴更望宣大督抚不时遣一通事劳问虏王谕以朝廷命令使知西边顺逆为贡市成败以牵其内顾之私而杜其侵扰之念西镇庶几其少安矣章付兵部

○己丑升翰林院侍讲曾朝节为左春坊左谕德兼侍读以会典成也

○升四川按察司副使程正谊为广西左参政刑部郎中朱运昌为四川按察司副使户部郎中周大谟为云南右参议

○庚寅除补原任广东道御史黄钟于湖广

○辛卯南京刑部尚书王世贞申辩考察事因求罢斥不允

○壬辰 诚孝昭皇后忌辰遣伯王龙龙祭 献陵○登州府天鼓鸣

○予原任南赣巡抚右佥都御史张焕祭

○癸巳升广东按察司佥事许国瓚为贵州左参议

○靖江王履焘援诏比例乞将嫡母支氏加称太妃生母赵氏授封次妃许之

○西宁副总兵龚成革任以延绥游击孙朝梁升补并将守备刘凤悟等各就近升调从总督梅友松议也又以巡按崔景荣言夺西宁兵备李丁俸三月

○甲午 上命内阁传谕九卿因药饵罔效不克视朝阁臣即日< 〇〇〇〇 毓-金 >候

○以桥工撰碑赐元辅时行银五十两纁丝四表里次辅国锡爵家屏各三十两二表里

○衍圣公孔尚贤自被弹后三岁一朝至是请仍旧典每岁率颜曾孟三氏子孙入贺 万寿部议许之○乙未吏部推太常寺少卿张汝济为通政司左通政旨升杜其骄为左以张汝济右之

○调陕西按察司佥事管九皋于广东整饬雷廉兵备

○吏部尚书杨巍等合辞请御朝讲 上言朕疾未愈食寝尚废非取安逸卿等为国大臣当为君任职为民任事岂以文言沽誉为是太常寺卿陈于陞等亦合辞以请报已有旨

○丙申陕西巡按崔景荣言威正等酋结聚红崖堡要在水塘湖过冬火落赤等酋要在捏工川建寺而真相台吉又欲移驻捏工川盖垂涎洮河之意渐入门庭之内矣宜行督抚诸臣力言于虏王务正界限使各虏不许近边至将官畏起衅之罚甚于畏虏虏且因而挟制如近日永昌地方虏射墩军墩军亦射杀虏后虏来讲罚而问官具招曰墩军还射不意中虏天弯弓返射不中虏欲何为乎边情至此良可长叹不知西宁丧师非

>乞令二臣照旧供职得旨吏部看了来说于是户科都给事中王继光上< 〇〇〇 毓-金 >曰南星条陈四害辩论官邪课督吏治自其职掌而眷开摘其中一事参论南星原< 〇〇〇 毓-金 >未下而眷开乃先得旨则该部何以看何以说焉夫时来之钻代杨巍也为谋久矣且其不公不法之事甚多詹仰庇隆庆初建言廷杖卧口门受口人多贿向同乡嘱托大为时论所薄后夤缘起用黄洪宪科场一事屡被弹章倾排礼部尚书沈鲤侍郎张位使之引疾以去赵用贤直节伟抱官在讲筵处之中南此三臣者不可不亟斥也乞将时来等亟赐罢斥沈鲤等早为起用将南星原< 〇〇〇 毓-金 >发下令人人共睹真是真非必有能辨之者不报

○刑科右给事中吴之佳请简一二紧要章奏速赐批发不报

○少詹事黄洪宪请回籍省亲不许

明神宗显皇帝实录卷之二百一十六

明神宗显皇帝实录卷之二百一十七

万历十七年十一月乙巳朔复除原任户科右给事中曲乔迁于工科

○升尚宝司司丞曾乾亨为本司少卿

○升南京工部右侍郎张西铭为南京户部尚书户科给事中万自约劾西铭衰朽往巡抚保定时沉阁公文至新旧交代未批发又当考选时揭害元城知县张烨西铭因求罢不许

○丙午复除广东道御史屠叔方于江西道

○升兵部郎中许鋌为山东按察司副使整饬临清兵备

○戊申升南京光禄寺卿徐元气为南京通政使○宣大总督萧大亨等言顺义王扯力克入贡乞将各酋部下效劳夷人各儿猛克台吉等二十七名照例量升百户职衔夷妇沙赤星比妓等五口照例给赏设刺克炭台吉等准袭伊父龙虎将军指挥同知千百户等官其虜王与各官每枝颁敕一道从之

○己酉 恭让章皇后忌辰遣官祭 陵寝

○予原仕日讲官礼部右侍郎张位父母祭全葬原任刑部右侍郎万虞恺祭半葬俱如例

○升南京礼部郎中汪应蛟为福建按察司副使

○庚戌升太常寺少卿沈节甫为南京光禄寺卿

○辛亥大学士申时行等请发河南抚按周世选等所论知县李赋秀讦知府周思宸并调知府何继高于江西二< 〇〇〇 毓-金 >不报

○宴朝鲜国入贺陪臣户曹参判奇苓等仍饯如例奇苓等奏本年六月十二日有异舡一只向本国全罗道南桃浦抛泊官军以炮击之舟中人攒手乞命持印信公文俱写 大明万历字样将男妇四十六名获至译得一名要宇一名厚女注口俱系大琉球国人与邻居淳于波口等同坐一舡于本年五月十八日将大小米等物载向本国于祈

祷所完纳遭风飘淌查照嘉靖年间有琉球国七人漂到连人奏角□羊今人口数多先将要宇厚女注口二名带向京师其余俱送辽东都司转角□羊礼部查果有嘉靖年事例请敕奖朝鲜令要宇等暂住会同馆咨行辽东将四十四人角□羊京仍赏胖袄
<革翁>鞋给与关文差通事送至福建遇便遣归从之

○壬子发太仆寺银二万两于宁夏充十八年互市

○癸丑南京刑科给事中徐桓以漕运总督舒应龙所议京口兴工挑浚多不便户部咨督抚再议○兵科左给事中胡汝宁言甘肃被虏其将士怯弱粮饷不敷乞将马价银两给发数万以振士气兵部议支太仆寺银十万两角□羊贮该镇如止项角□羊运未到许借支角□羊到日补还万不得已奏请开销从之

○甲寅祭 三皇子 景惠殿遣礼部侍郎黄凤翔行礼太医官朱儒李华分献

○改南京太常寺少卿谢杰为太常寺少卿

○以辽东督抚咨送将官杨绍先升署都指挥僉事充沈阳游击

○乙卯定潞府各官军本折俸粮俱照景府例行

○湖广永州府靖西小水永明三营额设军丁六百五十名指挥周国望等贿免二百余名守备彭显谟借事核查军士噪起显谟仅以身免抚按请按律罪遣章下兵部

○工部尚书石星言山西潞州原非正额万历十五年传造二千四百有奇除完角□羊外尚该一千六百有奇今复传造五千足民不胜困望收回成命如供奉 两宫势不可缺请将已派未角□羊者上紧催完得旨陆续僉进工科都给事中张养蒙又言旧逋方督新派复临多至五千公私告匱顷岁苏杭遭灾织造称累 陛下嘉纳部科议或准减半或准暂停潞州连遭大侵忽有传造使东南各郡加额腾欢西北一隅拊心吁苦其何忍也又从来传奉织造具题者系内库票拟者属内阁抄发必经该科议覆始及该部今不繇阁票不繇科抄如天下之疑何报已有旨○丙辰改原任太仆寺少卿顾九思为南京太常寺少卿从所请也

○丁巳巡视南京营务吏科给事中杜华先条例三款一曰拔将材谓一经论列朝上夕黜数被荐扬没齿不调一曰恤军士谓常伍岁困工役选锋月苦游巡一曰实选锋谓选锋止于五千请于右营内各选五六百名与左营一体团练广东道御史王藩臣条列四款一曰营官久滞当拔即华先拔将材一议也一曰军需急缺尝补谓目今三仓放尽请发银委官于丰稔去处买贮抵补原数一曰硝磺厉禁当严查出硝之处宜申明严禁夹带者与私盐一体治罪一曰将材推擢当先则荐左军都督僉事侯之胄也兵部覆侯之胄侯立功叙录硝磺准禁余行南京兵部酌议○戊午冬至 大祀 天于 圜丘遣公徐文璧代侯吴继爵李言恭大学士许国王家屏分献各坛驸马许从诚先期代诣太庙请配

○遣侯郭大诚张炳常胤绪汤之诰伯杨世阶卫国本王学礼方烨刘应元分祭九陵伯张元善祭 景皇帝陵寝都指挥同知周清祭 哀冲 庄敬二太子坟

○己未免群臣朝贺大学士申时行等诣会极门行五拜三叩头礼

○赐四辅臣上尊珍饌

○右佥都御史詹仰庇言近来章< 〇〇〇 铨-金 >失体如不曰故相某人而曰江陵分宜不曰总兵某人而曰大帅大将军不曰某人之< 〇〇〇 铨-金 >而曰某姓之< 〇〇〇 铨-金 >律以居前臣名之体悖矣而其词则新奇隐僻动至千言不思一日万几何暇竟览宜严加申饬参奏究治得旨近来章< 〇〇〇 铨-金 >烦冗锁屑殊可厌恶着礼部申明体式部覆体式有六一曰建白无尚高论一曰题覆毋徇物情一曰谏诤毋好名高一曰举刺毋工组织一曰陈谢毋叙勤劳一曰奏报毋蹈欺罔诏悉遵行

○礼科给事中杨东明言 圣躬未安宜加爱养宜召辅臣讲臣入候起居随事启沃不报

○辛酉 皇第二女薨丧葬视灵丘公主例行

○壬戌 孝思皇后忌辰遣伯吴国乾祭 茂陵 孝烈皇后忌辰遣侯宋世恩祭 永陵

○以 慈圣皇太后万寿圣节赐元辅金万寿字四副金篆字十个金书黄符红符各二道次辅及讲官有差

○巡抚应天右副都御史周继言上海县季家洪老观嘴筑塘包石以捍海水不可已武进县横林等处于浅已甚运河泥底尽露筑浚之功不可缓据所用工费在筑海塘计该银八万余两在开运河计该银六万两乞于南京帑银内给发责令趁时兴工工部覆内外匱乏人工并举恐非所宜南京帑银三次题发已四十万两亦难再请合候水利工完渐次举行漕河果系淤塞应行挑浚银两即于河道漕运衙门修河正项银两动支报可

○癸亥 圣母慈圣宣文明萧皇太后万寿节 上御皇极门受贺

○四辅臣仍诣隆宗门行叩头礼赐上尊珍饌复赐酒饭烧割

○传谕常朝暂免大学士申时行等言 皇上特以 圣母万寿临视群臣一举趾之间增光 圣孝鼓舞人心至于常朝或以隆冬盛寒欲深居静摄即一月之中止二三次少遂群臣瞻仰之私惟是诸司章奏关系国家政事望赐裁决则政事< 〇〇〇 铨-金 >通而臣等亦可免于旷官之责

○是日诘问吏科等官何不侍班鸿胪寺何不北向立次日吏科都给事中陈与郊等鸿胪寺卿杨宗仲等引罪各夺一月俸

○原任户部福建司郎中候补姜士昌陈用舍劝惩要务一曰黜奸邪以张位大节不滓而徐显卿构之以赵用贤刚方直亮而黄洪宪忌之此二臣者无可玷清班需大用之理也一曰培士节邹元标吕坤李三才宜加甄拔一曰定国论寻常缄默之人终身无患正色立朝之士举足招尤一曰核名实如陈有年之清素许孚远之诚笃黄道瞻之峻洁马犹龙之风采李复阳之恺悌王绍先之狷介不亟行擢起廉吏安所劝乎一曰汰罪

赎有一讼而两造并蒙其辜有一事而两地并徵其赎有不肖监司以有司不多拟罪而遂甘心之者有不肖有司以丞倅不多拟罪而遂甘心之者乞敕有司停免赎罪至角
□羊赃赎亦当量时减省其有裨于民甚文章下所司

○吏部尚书杨巍覆给事中李春开〈〇〇〇 铨-金〉言员外郎赵南星偏于嫉邪似无别情姑赐宽宥时来等生平大节人所共知宜即出供职得旨时来仰庇供职南星免究令戒谕司属毋得妄生议论

○顺义王乞庆哈忠顺夫人龙虎将军一克黄台吉等拥数万众西行绕至贺兰山后援俺答赤木口事例致书宁夏督抚请买马互市往复久之乃从其言计市赏费八千有奇较先年俺答市赏缩千余金宁夏巡抚姚继可等以闻因言前银原系预备河套山后诸虏十七年市赏乞照数给补准发太仆寺马价银补之

○甲子以山东都司掌印署都指挥僉事齐擢为宣府南山参将

○乙丑吏科都给事中陈与郊等参劾广东参政徐应奎僉事许国瓚隐庇徐闻县极贪知县陆荣所当议处其藩泉寮旷者请一议汰又荐举原任布政使邹善钱藻郑云璫原任参政邢玠乔岩李鞬原任副使郑汝璧龚懋贤冯时可原任陕西行太仆寺少卿邢侗原任参议李乐戢汝止并请简用原任知县陈杨产不当终弃吏部覆应奎国瓚行巡按查劾酌议扬产闲住难以复议善云璫俱经奏荐起用藻等查访酌量起用得旨如拟并申饬司道官不得容庇贪肆○南京吏科给事中杜华先论劾南京户部尚书王友贤原任南京右都御史今升户部尚书耿定向贤而老病俱当休致南京太仆寺卿郭东衰迈庸材应天府府丞周希旦贪而衰老乞赐罢斥内友贤已致仕诏定向已有旨东照旧供职希旦致仕

○升司经局洗马兼修撰王祖嫡为右春坊右庶子兼侍读掌坊事翰林院侍讲陆可教冯琦为右春坊右谕德兼侍讲掌司经局事

○升南京坐营以都指挥体统行事徐时雍为河南都司僉书

○镇守云南黔国公沐昌祚言钦赐庄田俱不坐粮有司一概丈量科粮六百八十石请比照各边事例于家丁内选壮勇五百余名充作月粮又请阉者二十名礼科给事中徐学聚言向者沐朝弼跋扈肃皇帝逮系不贷为昌祚者正宜怀恩惮威奈何纷纷陈乞复有阉者之请查会典亲王内使不过十名昌祚犹然臣子何得擅用静身男子至二十人往岁缅甸倡乱顷者腾姚噪呼赖文武诸臣戮力底定昌祚坐受上赏请加敕则换给矣参司道则改调矣参县官则查问矣语曰婴儿伤饱贵臣伤宠昌祚此请恐难令众庶见也旨寝昌祚之请

○顺天府府丞孙甸条上审编事宜一曰酌地丁以均差徭二曰革头役以免偏累三曰复优免以杜影射四曰革冗浮以〈〇〇〇 六十见〉民力五曰慎加增以节民财六曰裁大户以省赔累七曰查流寓以〈〇〇〇 六十见〉土著八曰核增减以清徵派九曰均编派以恤陵户十曰饬有司以专责成部覆报允

○戊辰少詹事兼侍读学士黄洪宪辩赵南星等〈明史 铨-金〉言沈鲤张位清望硕德臣素师承有何排挤惟赵用贤起家时曾效田画相规之义贻书忠告语欠和平此一事乃臣所自悔自讼者而用贤亦初未尝以臣言为过自臣致书之后用贤繇替善而转洗马转庶子今已致位卿贰駸駸柄用安见其以赞阻也且用贤于申时行为会试门生于王锡爵为乡试同年得以朝夕亟见而臣在史馆经年无一私谒乃欲以远间近以疏间亲其将能乎吴中行沉思孝皆批鳞敢谏之士当时偶挂弹颊臣方典试福建相去六千余里毫不与闻臣不知南星所指为潜者何人顾思二臣之去其事谓何而曷尝以譖去哉因再〈明史 铨-金〉求罢许之以日讲官赐金币驰驿

○吏部尚书杨巍以老再〈明史 铨-金〉乞休不允

○己巳南京修葺 奉先殿成奉安 神主命大臣祭告○予安乡伯张鉉祭葬如例

○以山东都司佾书都指挥佾事刘守圭掌司印

○左都御史吴时来左副都御史詹仰庇各上〈明史 铨-金〉自辩因求罢不许

○原任南京右副都御史今升总督仓场户部尚书耿定向复以疾乞休许之

○升湖广洞庭湖巡视以都指挥体统行事孟儒为神机营佐击

○宗人府掌府事驸马都尉万炜言司官老婢沈银蟾及内使李忠等侵盗金银反肆诟辱乞正法纪 上怒炜当 圣母万寿之时烦言琐渎革其印信蟒玉发国子监习礼六月仍访拏拨置之人

○辛未礼部言周府宗室蕃衍贫困日多致有奏请愆期名封稽误因分别另勘免勘及擅婚私婚罪宗子孙口粮本色其过期立案者给米养赡未名者赐名允之

○总理河道都御史潘季驯奏劾嘉兴府部运通判刘应台于济宁州启闸福建进表都司邢坦于汶上县启闸走洩水利浅阁粮缸乞并究治以肃漕规允之

○升翰林院侍读学士陈于陞为詹事府詹事兼翰林院侍读学士掌院事

○癸酉予原任南京工部右侍郎方九功祭

明神宗显皇帝实录卷之二百一十七

明神宗显皇帝实录卷之二百一十八

万历十七年十二月甲戌朔除补原任福建按察司佾事李瑄以原官分巡福宁道

○两广总督刘继文上琼南抚安防御要机八事一绥戢安业抚民不令携贰一遣逐流寓奸徒不为盗媒一墟废铺前房舍不为巢窟一设法稽查保甲不致窝盗一议增水寨分总以广游哨一议复陆路督备以振威武一选练乡勇壮丁以销客兵一设添哨兵协守以固要地部覆悉如所拟

○乙亥升南京大理寺右寺丞王执礼为应天府府丞

○升巡抚云南右佾都御史萧彦为右副都御史抚治郟阳

○升陕西左布政使党馨为右佾都御史巡抚宁夏○浙江巡按王道增以御史杨

四知荐刘承嗣起用言承嗣臣所论列也四知所见执骄兵以原主将为纪纲也臣所见惩叛卒以溯首祸亦为纪纲也及部覆则尽掩承嗣激变之罪令以后士卒鼓噪毋得轻易将领以长骄心若重惩臣言之过者夫甘肃兵乱非承嗣酿成之乎抚按二臣皆相次调转而承嗣有枢府之转祸首罪魁独得善地夫承嗣御军刻礪至于激变叛卒昏夜操戈万一按臣遭其荼毒不知承嗣宜调耶罢耶今猥执纪纲曲贷将官所谓惩噎废食也岂不过哉乞将刘承嗣照旧罢黜旨谓将才难得用舍出自朝廷仍留承嗣听用

○丙子宴朵颜等卫入贺头目孩子等一百一员名如例

○浙江巡抚傅孟春请修太傅兵部尚书于谦乡祠因言谦社稷名臣被谗蒙戮得谥肃愍于谥法似未尽协欲改谥忠愍以慰九原部覆谦有鞠躬报国之节有定倾保大之勋第当表其所以成不必悼其所以死合将肃愍二字并为更拟报允后更赐曰忠肃

○丁丑升光禄少卿何以尚为南京大理寺右寺丞

○升守口堡守备杨登山为大同入卫游击

○戊寅四川茂州地震

○升翰林院修撰余继登为右春坊右中允兼翰林院编修

○以礼部左侍郎兼翰林院侍读学士李长春同余继登俱充日讲官

○升兵部左侍郎杨俊民为户部尚书总督仓场

○升大理寺左少卿吴定为右佥都御史巡抚云南

○改户部左侍郎蹇达为兵部左侍郎○升尚宝司司丞赵卿为光禄寺少卿

○升刑部郎中孙有敷为广西右参议

○升南京广西道御史黄仁荣为广东按察司佥事整饬南韶兵备南京吏科给事中杜华先为陕西按察司佥事整饬延安兵备

○庚辰南京礼科给事中朱维藩言南户兵二部堂上官钱谷兵务所关当免其贲捧礼部覆除总督仓场及参赞机务例不贲捧如二官缺则代管者亦难轻离如不缺仍照例轮差报可

○直隶巡按高举条奏三事一酌东防以均劳逸请将真定车营代定州营春防一处营马以期实用见官马羸弱请改用自马一罢远操以恤贫余言真定卫操余在保定团练道远苦累俱行督抚会议覆奏定州营每年额赴蓟镇秋防又五年之中全营秋防一次又拨摘一千名春防一次是五年七防矣宜将拨摘春防于固关营拨取将全营春防令车营军代替其官马羸弱即照前阅视侍郎江道昆议令步兵动支官银买马给领骑操其真定操余改于真定守备统领从之

○是日始发 潞王疏并发工部疏令周思宸等俱革任立限抚按从公勘奏

○辛巳江西道御史荆州俊劾管工部营缮司事太仆寺少卿徐泰时受贿匿□阻挠木税工部覆 寿宫缺少鹰平等木差官抗关采买各□于正木之外每有余木正木兼给水脚余木止给价值故本部向来正备兼收至私商各木若遇急用亦间收买但应

抽税不得幸免也近通州一带奸商匿税数多御史加意振刷泰时輒为批发虽无庇商之私难免径情之罪旨令泰时回籍听勘

○壬午吏部推顺天府府丞孙旬为大理寺左少卿旨升任养心为左以句右之

○升河南按察司副使陈九仞为苑马寺卿兼陕西僉事分巡平凉

○癸未升兵部郎中李志为广西按察司副使提督学政

○吏科给事中李春开言吏部员外赵南星户部郎中姜士昌二疏中间举刺大有可疑南星见任大选已握进退之柄又夺人举刺之职士昌附和南星如相向应赵用贤见任南京礼部侍郎不为不用吴中行养病沉思孝丁忧不为遽舍何待二臣之荐且荐沉思孝而置艾穆荐黄道瞻而置姜应麟等犹不可解体统决裂是非浑淆乞集九卿科道秉公分别章下吏部

○甲申吏部尚书杨巍言赵南星姜士昌相继条陈事多窒碍其可行者又已经科道官言之今吏科给事中李春开所奏于二臣本内荐人刺人之事极言其非赵南星已荷免究望将姜士昌一体宽容仍通行南北衙门大小官员各修本等职业其荐人刺人之权仍属之科道旨免究士昌以荐举论刺原科道职掌戒各衙门不得任意侵越

○吏科给事中史孟麟言李春开疏总之以阻塞言路为职掌以阿顺大臣为国体以攻击善路为国是以颠倒是非为世道人心而其大指不过摘赵南星姜士昌条陈之非以伸己保留吴时来詹仰庇之是臣伏思之论吴时来黄洪宪者臣也凡再阅月继臣而论时来仰庇洪宪者南星也 明旨未下而论南星保时来仰庇者春开也继南星而论洪宪者士昌也是臣与南星士昌之言是则俱是非则俱非而春开与臣同列吏垣是非不并立何颜比肩而事 皇上哉三四年来凡建议者不曰出位则曰好名大者杖小者谪隐者外转矣有部堂约束司属之旨有未奉旨不许发抄之令而言者如故则自今而后部寺诸臣宁必无南星士昌而谏垣台宪亦岂皆春开之辈窃谓知而不言罪在言官言而进退决自大臣去留听之 皇上非臣等所与乃春开一疏不已再疏复兴臣虽顽钝无耻不能共事且春开谓南星士昌为伤国体淆国是则臣实为首乞将臣罢黜章下吏部

○保定巡抚宋仕言河间真定二府官军俸粮布花内有仰给河南二省者节年拖欠支放不敷欲将应解蓟永易昌宣府五镇边储如数扣存行令二省解部转发部覆成法难变止许借支库贮候催解补还报可

○南京鸿胪寺卿艾穆请补还原领敕诰许之盖穆先为刑部郎建言忤故相为其矫诏追夺也

○刑部山东司主事吴正志言吏科给事中李春开钻刺夤缘得据言路受官之日疏诋员外郎赵南星再疏击郎中姜士昌夫赵用贤吴中行诸臣或留滞周南或愆蹇林壑其气力非如总宪也徒以正士日就危疑一白其冤抑耳奈何谭其改节之重臣则目之为倾陷谭其远弃之孤臣则目之为周比令申有颂言大臣德政之律有许诸人直言

无隐之条今春开倡疏御史陈沛林祖述等和之一时台谏业已干颂言之禁而又禁司属之直言天下士可尽箝其口耶迹年以来言者固不乏人诋之者不以为出位即以为沽名才一启吻輒加罪谪又严谕堂官各毖所司可谓至严酷矣然煽乱是非从中指使陷春开于恶者吏科都给事中陈与郊也与郊方王篆用事时与那个方范顾尔行等投篆门下为客后篆事败五先生相继劣处与郊不知以何术得免叨掌吏垣日招权纳贿沈鲤辛自修张位之去实阴挤之近又朦胧冒荐邢侗等舆论切齿久矣春开一入衙门欢若平生先设为似是之说鼓惑其心志而春开阴堕其术中甘心背公植党而不恤乞将春开与郊重究以为言官党护大臣之戒得旨李春开钻刺夤缘有无实迹本内出位沽名严谕堂官原系朕旨如何说是严酷着吴正志回奏

○刑科给事中丁应泰上疏讽大小臣工协恭和衷泛引宋事为喻

○工科给事中林材言大臣有缺必公同会推奈何相沿日久浸失初制会推所举不过出吏部之素定者唯唯具题如京营缺尚书而会推郑雒矣贵州缺巡抚而会推张九一矣夫雒之女远嫁于蒋遵箴也以江陵作主盟之父依王篆为系足之媒致令其结发之妻哭女而伤命又勒其坦腹之婿寄籍以快私此等人何以峨冠于八座也九一之身岂生于空桑乎苦块之中酖饮达旦歌舞通宵至若求严世蕃之结欢望张居正之鉴识此等人何以坐镇于一方也愿将雒九一亟赐罢黜仍申饬该部凡所推用必正必公勿容奸而恶直则进退无偏议论自息矣章下吏部

○升河南右参议李三才为本省按察司副使管理河工

○升尚宝司少卿李楨为顺天府府丞

○乙酉改刑部主事张程为尚宝司司丞

○升山西按察司副使于达真为河南右参政

○协理京营戎政兵部尚书郑雒辩林材疏因求罢黜旨责材摭拾渎扰留雒供职然远嫁事雒亦不能讳也○丙戌宴朵颜等卫入贺头目干买等一百五十员名如例

○旌表山东海丰县已故夫妇双节张氏高氏而张氏者吏部尚书杨巍祖母也山东巡抚宋应昌以请仍予祭一坛

○云南巡抚萧彦等言滇为极边而腾永为滇极边其伺我如緬其构夷如岳罕之俦不少也滇不可无兵而议兵当先议食查得腾永募兵增至一万有奇岁饷银约一十七万有奇于是有减兵之议今除顺临外腾永之兵尚六千饷不下十万至内地运饷之苦又有不恶言者大理鹤庆蒙化姚安楚雄五郡邑无遗村遗户不死而徙耳客兵不除本色不免则五郡永昌必不可苏顷议留六千则既举两营而留之腾兵鼓噪方藉姚兵为制姚兵动于邪谋空营而出谕以犒赏而悍者散悍而狡者留潜回者且伺吾消息以为动止其包藏祸心视叛散者且甚而永昌之民往往识其姓名恨不剗其胸此而复留恐永昌之变不发于兵而必发于民臣等乃量给路费以归之欲留之而不可也腾永皆边地而腾最孤悬近以罕景诸酋勾緬入犯焚施甸窥永昌故姚始称重与腾等腾营

>也旨切责诸臣原无重大兴革及非常用舍安得忿争求胜有失协恭和衷之体俱不允其去○升福建按察司副使李得阳为广东左参政

○庚寅月犯轩辕星

○吏部尚书杨巍覆林材< 〇〇〇 铨-金 >言郑雒嫁女一节已经奉旨张九一先调外任已而部覆边功抚科< 〇〇〇 铨-金 >荐起补前官今科臣指摘犹曩时议论臣巍未符人望乞归田里旨令九一回籍听用而留巍视事

○升霸州兵备副使蒋科为山东右参政兼佥事整饬开原兵备

○户部言万历十七年正月日起至十二月初十日止除旧管外岁入太仓银三百二十七万有奇岁出太仓银三百四十六万有奇计岁出之数浮于岁入令太仓见在外库银止三十一万有奇查得万历十八年上半年应发年例除辽东镇已经题发宁夏固原二镇上半年扣足应发之数余候下半年补足外其宣府大同山西蓟州永平密云昌平易州井陘甘肃凡十镇年例岁额并补延绥一镇欠少共该银一百三十一万有奇皆系紧急军需今因连岁灾伤蠲停数多各省应解钱粮又多拖欠以致外库不敷查得原贮外窖房银四百万两余十六十七年动支过一百七十五万有奇见在银二百二十四万有奇原备京边紧急支用似应动支一百六万有奇并外库见在银动支二十五万两凑足一百三十一万有奇炤依各边镇应发数目差官解运其下半年年例银两待各督抚等官奏到之日通将各镇收过各项银两谷石与上年节省钱粮酌量扣抵另行议发允之

○礼部言各郡王勋臣大臣于万历十六年十七年内病故者俱应辍朝一日拟于本年十二月二十一日报可

○辛卯金火二星相合

○壬辰命顺天府官祈雪○癸巳以年节赐元辅时行银五十两彩段四表里次辅国锡爵家屏银四十两彩段二表里讲官李长春等五员有差

○补调简原任湖广右参议张维新于山东

○南京太常寺卿郭东乞休不允

○升荆州府知府张斗开封府知府王见宾各按察司副使斗福建见宾山西

○甲午大学士申时行等将接年所撰孟子讲章四本类写装潢进呈请加观览并发司礼监续刊

○大理寺左评事雒于仁上< 〇〇〇 铨-金 >曰臣入京阅岁余仅朝见于 皇上者三此外惟见经年动火常日体软即 郊祀 庙享遣官代之

圣政久废而不亲 圣学久辍而不讲臣以是知 皇上之恙药饵难攻者也惟臣四箴可以疗病请敬陈之 皇上之病在酒色财气者也夫纵酒则溃胃好色则耗精贪财则乱神尚气则损肝以 皇上八珍在御宜思德将无醉也何醲味是耽日饮不足继之长夜此其病在嗜酒者也以 皇上妃嫔在侧宜思戒之在色也何幸十俊以开骗门

溺爱郑妃惟言是从 储位应建而久不建此其病在恋色者也以 皇上富有四海宜思慎乃俭德也夫何取银动支几十万索潞紬至几千疋甚至拷宦官得银则喜无银则不喜沂之疮痍未平而鲸凭钱神复入此其病在贪财者也以 皇上不怒而威宜思有忿速惩也夫何今日杖宫女明日杖宦官彼诚有罪置以法律责之逐之可也竟使毙于杖下甚则宿怨藏怒于直臣范俊姜应麟孙如法俾幽滞拘禁抱屈而不伸此其病在尚气者也夫君犹表也表端则影正 皇上诚嗜酒矣何以禁臣下之宴会 皇上诚恋色矣何以禁臣下之淫荡 皇上诚贪财矣何以惩臣下之饕餮 皇上诚尚气矣何以劝臣下之和衷四者之病缠绕心身臣特撰四箴以进对症之药石也望采纳之戒酒箴曰酖彼麴蘖昕夕不辍心志内懵威仪外缺神禹< 〇〇〇 毓-金 >狄夏治兴隆晋武衔杯糟丘成风进药 陛下醲醕勿崇戒色箴曰艳彼妖冶食息在侧启宠纳侮争妍误国成汤不迩享有遐寿汉成昵姬历年不久进药 陛下内嬖勿厚戒财箴曰竞彼鏐镣锱铢不剩公帑称赢私家尘甑武散鹿台八百归心随炆剥利天命难诛进药 陛下货贿勿侵戒气箴曰逞彼忿怒恣睢任情法尚操切政盭公平虞舜温恭和以致祥秦皇暴戾群怨孔彰进药 陛下旧怨勿藏〇乙未宴朵颜等卫入贺头目小思苦等一百七十二员名如例

〇大学士王家屏言人主置相使辅养君德职亲任重非庶官比也人主出入起居之节庶官所不及知者相臣得先知之耳目心志之娱庶官敢不敢谏者相臣得豫谏之足以能防欲于微妙百司庶职其将顺之不遑尚何妄议之有妄议之兴咎在相臣失职匡救之不力也顷大理寺左评事雒于仁谓 圣体愆和病在酒色财气列为四箴以进臣初讶其词语狂悖已而思之于仁庶官也于 皇上之起居愆达尚及知能谏臣职亲于庶官反有所不知不谏不知失职也知之而不谏亦失职也安可独罪于仁哉于仁四箴以规 皇上则为妄试之医以备养生未必非延历之术也若臣者从諛承意缄默苟容上亏 圣明之誉而下陷庶官俾以愚戆蒙不测之威此乃真不忠之臣不可一日在左右者也< 〇〇〇 毓-金 >入并于仁< 〇〇〇 毓-金 >留中数日而有元旦召对之命

〇起原任南京礼部右侍郎罗万化为南京吏部右侍郎

〇升山东左布政使叶梦熊为都察院右佥都御史巡抚贵州

〇丙申巡青右给事中吴之佳等报验过坝大二十四马房等处壮马六百三十四匹驹七十五匹驼四只牛羊驴骡各有数

〇四川南渠二县饥发仓赈恤

〇伊庶人典樛卒于高□妻方氏卒于途其子安乐王褒< 〇〇〇 火节 >奉铃束卒于周邸万安王褒火□危言其两世三丧乞赐归葬许之

〇戊戌南京礼科给事中朱维藩言原任总督郑雒为给事中李时华论劾纒纒奏辩陈其功伐反藉是以自表见臣不能无疑尚书杨巍等请视朝御讲旨以为文言沽誉臣不能无惧望 皇上戒谕各臣凡遇人言不必争辩求胜言之有益于政治者乞赐茹

然勿药有喜不必过虑 上曰朕去年为心肝二经之火时常举发头目眩晕胸膈胀满近调理稍可又为雒于仁奏本肆口妄言触起朕怒以致肝火复发至今未愈时行等奏圣躬关系最重无知小臣狂戆轻率不足以动 圣意 上以雒于仁本手授时行云先生每看这本说朕酒色财气试为朕一评时行方展< ䷆ 铨-金 >未及对 上遽云他说朕好酒谁人不饮酒若酒后持刀舞剑非帝王举动岂有是事又说朕好色偏宠贵妃郑氏朕只因郑氏勤劳朕每至一宫他必相随朝夕间小心侍奉勤劳如恭妃王氏他有长子朕著他调护照管母子相依所以不能朝夕侍奉何尝有偏他说朕贪财因受张鲸贿赂所以用他去年李沂也这等说朕为天子富有四海天下之财皆朕之财朕若贪张鲸之财何不抄没了他又说朕尚气古云少时戒之在色壮时戒之在斗斗即是气朕岂不知但人孰无气且如先生每也有童仆家人难道更不责治如今内侍宫人等或有触犯及失误差使的也曾杖责然亦有疾疫死者如何说都是杖死先生每将这本去票拟重处时行等对曰此无知小臣误听道路之言轻率渎奏 上曰他还是出位沽名时行等对曰他既沽名 皇上若重处之适成其名反损 皇上圣德唯< ䷆ 宀十见 >容不较乃见 圣德之盛复以其< ䷆ 铨-金 >缴置御前 上沉吟答曰这也说的是到不事损了朕德却损了朕度时行等对曰 圣上圣度如天地何所不容 上复取其< ䷆ 铨-金 >再授时行使详阅之时行稍阅大意 上连语曰朕气他不过必须重处时行云此本原是轻信讹传若票拟处分传之四方反以为实臣等愚见 皇上宜照旧留中为是容臣等载之史书传之万世使万世颂 皇上为尧舜之君复以其< ䷆ 铨-金 >送御前 上复云如何设法处他时行等云此本既不可发出亦无他法处之还望皇上宽宥臣等传语本寺堂官使之去任可也 上首肯 天颜稍和因先生每是亲近之臣朕有举动先生每还知道些安有是事时行对曰九重深邃宫闈秘密臣等也不能详知何况疏远小臣 上曰人臣事君该知道理如今没个尊卑上下信口胡说先年御史党杰也曾数落我我也容了如今雒于仁亦然因不曾惩创所以如此时行等曰人臣进言虽出忠爱然须从容和婉臣等常时惟事体不得不言者方敢陈奏臣等岂敢不与皇上同心如此小臣臣等亦岂敢回护只是以 圣德圣躬为重 上曰先生每尚知尊卑上下他每小臣却这等放肆近来只见议论纷纷以正为邪以邪为正一本论的还未及览又有一本辩的使朕应接不暇朕如今张灯后看字不甚分明如何能一一遍览这等殊不成个朝纲先生每为朕股肱也要做个张主时行等对曰臣等财薄望轻因鉴人前覆辙一应事体上则禀 皇上之独断下则付外廷之公论所以不敢擅自主张 上曰不然朕就是心先生每是股肱心非股肱安能运动朕既委任先生每有何畏避还要替朕主张任劳任怨不要推诿时行等叩头谢曰 皇上以腹心股肱优待臣等臣等敢不尽心图报任劳任怨四字臣等当书之座右朝夕服膺语毕时行复进曰 皇上近来进药否 上曰朕日每进药二次时行等云 皇上须慎重拣选良药 上曰医书朕也常看脉理朕都知道时行等云 皇上宜以保养 圣躬为重清心寡欲戒怒平情 圣

体自然康豫矣时行等又云臣等久不瞻睹 天颜今日幸蒙宣召刍蕘之见敢不一一倾吐近来 皇上朝讲稀疏外廷日切悬望今 圣体常欲静摄臣等亦不敢数数烦劳起居但一月之间或三四次间一临朝亦足以慰群情之瞻仰 上曰朕疾愈岂不欲出即如 祖宗庙祀大典也要亲行 圣母生身大恩也要时常定省只是腰痛脚软行走不便时行等又云册立 东宫系 宗社大计望 皇上蚤定 上曰朕知之朕无嫡子长幼自有定序郑妃再三陈请恐外间有疑但长子犹弱欲俟其壮健使出就外才放心时行等又云 皇长子年已九龄蒙养豫教正在今日宜令出阁读书 上曰人资性不同或生而知之或学而知之或困而知之也要生来自然聪明安能一一教训时行等对曰资禀赋于天学问成于人虽有睿哲之资未有不教而能成者须及时豫教乃能成德上曰朕已知之先生每回阁去罢仍命各赐酒饭时行等叩头谢遂出去宫门数十武上复命司礼监内臣追止之云且少俟 皇上已令人宣长哥来著先生每一见时行等复还至宫门内立待良久 上令内臣觐视申阁老等闻召长哥亦喜否时行等语内臣云我等得见 睿容便如睹景星庆云真是不胜之喜内臣入奏 上微哂颌之有顷上命司礼监二太监谓时行等可唤张鲸来先生每责训他时行等云张鲸乃左右近臣皇上既已责训何须臣等司礼监入奏 上复令传谕云此朕命不可不遵有顷张鲸至向上跪时行等传 上意云尔受 上厚恩宜尽心图报奉公守法鲸自称以多言得罪时行等云臣事君犹子事父子不可不孝臣不可不忠鲸呼万岁者三乃退司礼入奏上曰这才是 不辱君命久之司礼监大监传言 皇长子至矣 皇三子亦至但不能离乳保遂复引入西室至御榻前则 皇长子在榻右 上手携之 皇三子旁立一乳母拥其后时行等既见因贺 上云 皇长子龙姿凤目岐嶷非凡仰见 皇上昌后之仁齐天之福 上欣然曰此 祖宗德泽 圣母恩庇朕何敢当时行等奏 皇长子春秋渐长正当读书进学 上曰已令内侍授书诵读矣时行云 皇上正位东宫时年方九龄即已读书 皇长子读书已晚矣 上曰朕五岁即能读书复指 皇三子是儿亦五岁尚不能离乳母且数病时行等稍前熟视 皇长子 上手引皇长子向明正立时行等注视良久因奏云 皇上有此美玉何不蚤加琢磨使之成器愿 皇上蚤定大计宗社幸甚乃叩头出随具 < 硃-金 > 谢是日时行等以传免朝贺特诣会极门行礼忽闻宣召急趋而入历禁门数重乃至毓德宫从来阁臣召见未有至此者且 天语淳复 圣容和粹蔼然如家人父子 累朝以来所未有也

○丙午 宣宗章皇帝忌辰祭 景陵遣新宁伯谭国佐行礼

○大学士申时行等奏昨蒙 皇上召见臣等于毓德宫 天语春温 圣容开霁皇上一言如镌金石臣等一见如睹日星 宗社大计须臾立决臣等伏见 皇长子年龄已茂气体已充正当就传之时乞 皇上亟下明诏以今春举行册立大典及出阁诸礼又见 皇子并侍膝前未有章服此皆立号未正等威未隆乞于 皇长子册立之日并 皇三子一并册封 < 硃-金 > 入 上曰昨已命卿等自见外虽岐嶷内本质弱

以黄梅县与南直宿松太湖接壤向为盗贼渊藪议于直隶陈汉山地方添设防兵而以原设安庆守备移驻统领< 〇〇〇〇 〇〇〇〇 >下部议

〇辛酉礼部以今年庚寅请 上亲祭 东郊 上命暂遣公徐文璧行礼

〇壬戌辅臣申时行等以豫教已有 明旨请 皇上亲定出阁吉期< 〇〇〇〇 〇〇〇〇 >入留中

〇升吏科都给事陈与郊为太常寺少卿提督四夷馆

〇甲子改南京光禄寺少卿董裕为光禄寺少卿

〇刑部侍郎詹仰庇以病乞休不允

〇吏部尚书杨巍以病乞休 上慰留不允

〇升山东副使吴同春为山东右布政使管理漕运事务〇乙丑巡抚甘肃李廷仪奏言十月十二日套虏吉囊糾合火落赤等指抢生番两路并进侵犯射死居民抢掠牲畜乞敕兵部查议虏酋吉囊等容臣等差通官诘责如果认罪罚服免革市赏如或不悛重则问罪兴师轻则闭关谢绝以为款虏犯顺者之戒并行巡按御史分别各官功罪有无隐匿 上令兵部议覆

〇巡按广东御史黄正色奏议防珠池四事一添设官兵以扼险要一限制船器以去盗资一分信盘诘以遏入路一重惩窝贩以杜匿藏俱如议行

〇丁卯命左春坊左谕德兼翰林院侍读曾朝节右春坊右谕德兼翰林院侍读陆可教充 玉牒纂修官

〇戊辰 孝静毅皇后忌辰祭 康陵遣南和伯方烨行礼

〇升河南参议李化龙为山东提学副使〇升广东参议李蕴为贵州威清兵备副使

〇辛未升南京大理寺卿张橧为工部右侍郎

〇以万全都司佥书李茂春充大同入卫游击 壬申 仁圣懿安康静皇太后圣节奉旨免朝

〇赐四辅臣上尊珍饌

明神宗显皇帝实录卷之二百一十九

明神宗显皇帝实录卷之二百二十

万历十八年二月癸酉朔吏部尚书杨巍奏南京御史王麟趾论臣大率以杜华先黄仁荣过期升转谓有心处之及所举弃者未尽如众议且谓杜华先尝论耿定向等黄仁荣尝论吴时来王世贞等谓臣报复不知科道外转原非劣处如言官但指摘一大臣即吏部避嫌不敢升转则科道之畏外转者亦但攻一大臣足矣若升官迟速自有职掌今诸臣未升者则以为遗弃已升者则以为粉饰不知必如何而可免乎麟趾之议耶

< 〇〇〇〇 〇〇〇〇 >入 上以麟趾出于怨望挟私妄言降二级调外任

〇山东道试御史王明参陈与郊儉媚小人资俸俱浅猎转大拂輿评乞即行罢斥

授蜀府德阳王府镇国中尉承杰为宗正从御史傅霈请也

○以五军三营参将王椿充神枢营左副将

○壬戌起原任南京礼部左侍郎韩世能为礼部左侍郎兼翰林院侍读学士工部右侍郎魏时亮为南京刑部尚书

○以石星为户部尚书

○以宣大山西贡市事竣赏督抚镇诸臣郑雒萧大亨等银币有差

○升江西南昌知府范涑为江西副使

○癸亥以擒斩黎贼论功原任总督吴善赠官佾事许国瓚等各赏有差

○调南京刑部右侍郎朱天球于工部○己巳以总督漕运户部右侍郎兼右佾都御史舒应龙为南京工部尚书巡抚江西右副都御史庄国祯为南京刑部右侍郎

○以副总兵管分守辽东海州参将事孙守廉协守辽东东路地方

明神宗显皇帝实录卷之二百二十二

万历十八年四月壬申朔以孟夏时享 太庙遣公徐文璧代侯吴继爵李言恭分献

○先是福建道御史钱一本论劾原任巡按江西御史祝大舟贪赃不法奉旨扭角□羊来京究问大舟亦将一本前任庐陵知县贪赃不法事奏辩并下法司于是都御史吴时来等言都察院乃纲纪百寮之地御史乃执法风宪之官今一本论大舟丁忧闻报两日票取三千金彼事无质证即镇抚司打问安能尽吐情实人卷无徵即法司详议安能单词悬断乞持遣执法风力官前往江西勘实具奏庶公道既昭纲纪以肃得旨钱一本奏内原说有祝大舟支取赃银案卷著刑部便差官前去守取来京地方官不许遗漏容隐○陕西固原州天鼓鸣

○癸酉禁擅击登闻鼓令各王府宗室军民人等非系重大事情蓦越禁地击鼓称冤者依律重惩

○乙亥升五军三营参将王椿为神枢营左副将

○辽东镇西堡旗竿上忽起火光一尺经时方灭

○丙子升大理寺左少卿任养心为右佾都御史巡抚江西大理寺卿周采为兵部右侍郎兼右佾都御史总督漕运巡抚凤阳等处

○兵部覆巡按陕西御史崔景荣奏言明爱威正二酋款贡有年今乃肆行侵掠残害地方渐不可长先应革其市赏俟其悔罪乞哀方为奏请开复质其擒虏俟其尽还人畜方将原虏放还仍请治在事文武诸臣之罪< 足 銃-金 >入令依拟坐营官胡世英革任指挥防守官穆应登等提问同知王梦熊等罚俸

○诏发太仆寺马价银一十一万七千两有奇于辽东买补马匹从巡抚郝杰请也

○丁丑宣辽东捷先是东虏土蛮男卜言吕周等会合西虏义汉塔塔儿糾众入犯总兵官李成梁等领兵斩首二百八十四颗礼部题请于是日 皇上常朝之期行宣捷

礼百官称贺如例遣公徐文璧祭告 南郊侯吴继爵 北郊驸马许从诚 太庙各祭告

○论辽东剿虏功加李成梁岁禄五千石原荫男李如楨本卫金书张国彦郝杰各荫一子入监读书本兵王一鹏等赏银币其余文武将士各升赏有差

○高邑县人杨大银耕地忽闻天上如鼓响白云一股自天垂地似大风声少时声息气散地上有坑半尺余坑内一石高三寸方三寸三棱乌黑色

○戊寅大学士王锡爵以母病乞暂假调理许之

○升大理寺右少卿孙旬为左少卿以左寺丞姜璧为右

○南京都察院右都御史孙丕扬以疾乞休不允

○升太常寺少卿卢维楨为大理寺卿

○陕西鲁班等七寺刺麻番僧领占瓦丹等三十四名赴京进贡宴赏如例

○巡按直隶御史乔璧星奏言安庆府各仓库银米光任典守各官或擅行侵欺或通行侵欠丛奸积弊所当严查乞敕该抚按官一切钱粮从宁邸事变查起其干碍各官请旨重治部议以年月久远势难尽查转滋耽延宜止自隆庆初年查起得旨依拟○南京户科给事中郝杰陈学政数事一禁党聚一禁改学一禁呈言一禁钻刺仍乞敕提学官考试惟以激劝德行为先不专以品课词章为主礼部议覆从之

○庚辰大学士申时行等因灾异陈言请 上亟举三事一曰勤视朝以修 圣政二曰教 元子以重国本三曰恤刑狱以召和气言臣等先于正月有册立 元子之请册立未许乃请豫教又于三月有朝讲之请日讲未御专望视朝今皆未蒙裁答未见举行然欲慰人心仰承天意莫切于此至于人命最重狱情难知若用法不平多有冤抑其冤气菀结亦足以上干天和今 圣躬偶因动火静摄计日万安乞示御门之期使群臣得瞻 天表信豫教之旨使 元子得养圣功及今热审届期特下明诏令两京法司及各问刑衙门见在轻重囚犯虚心研审如可矜疑亟为伸雪其余大小政务乞敕诸臣加意讲求务在涤虑省躬修职任事此臣之所惓惓愿望者也伏惟 圣明裁察

○升北直提学御史杨四知为大理寺右寺丞

○辛巳升浙江左布政使吴自新为太常寺卿

○南京福建道御史彭而珩奏言各边屯政缘无专官督理以致废弛日甚乞特遣御史二员专理屯政部议以边土荒凉财力告匮增设专官益滋供应烦费宜责令各该巡按官就便举行诏如部议

○工部覆蓟辽总督张国彦奏广宁九卫地属河西原不出产铜铁岁造军器每年俱辽阳收买海州等处装运往返数百里车牛倒损屯民苦累议以九卫军器局作改设套岫峪各卫摘发局匠就彼成造从之

○诏以山东布政司库贮衡府奏辞任支银两给发七千九百九十余两量补本府历年欠禄衡府新封匱乏甚于诸藩至是王以为请故也

○御史彭应参条上边事一劾边臣言往年套虏跳梁西宁副总兵李魁奋不顾身效死边疆议者犹罪其丧师不许子孙承袭镇臣刘承嗣抚臣曹子登平时不惜士卒贪暴相济以致激乱家丁乃甘肃之役论去未几而仍复向用劝惩之谓何乞敕部议李魁阵亡仍令子孙承袭刘承嗣如谓其才尚可用见今西宁多事令调任以副将立功曹子登贪暴无奇不必复议用部议以李魁当瓦酋认还人畜餽刀说誓之时而乃穷追不已以致殒身丧师本部覆勘尚未奏报未尝定议不准承袭刘承嗣以训练之严激变军士已经勘明奉旨起用似难别议近日该镇虏情叵测正本官立功报效之时宜令承嗣移驻虏窺附近处所侦探调度以保万全仍行该巡按官将李魁子孙应否承袭速勘具奏报可○癸未 上谕法司近来灾异叠见雨泽愆期朕衷深用警惕恐刑狱冤滥上干天和两法司并锦衣卫见监罪囚答罪无干证的放了徒流以下便减等拟审发落重囚情可矜疑者著虚心鞫审并枷号的都写来看南京及各省一体通行

○赐原任南京户部尚书蔡尧廉祭葬从其子兵部主事应麟请也

○甲申 孝懿庄皇后忌辰祭 昭陵遣武平伯陈如松行礼

○工部议以全楚灾伤自十七年春起至十八年冬止该省未角□羊事例银两尽数扣留以济饥民从之

○乙酉 上谕内阁昨览卿等所奏具见忠恳朕因去岁动火屡服凉药过度以致下部虚软虽然尚可支持自新春以来心肺二经之火上攻两目涩瘴不能远视怕见风日非朕偷逸前已著人传示卿等知之待朕疾少瘳即与卿等面晤卿等今说人命至重狱情冤抑狴犴菟结此皆刑法不中百姓困苦朕虽有失感格之方亦皆诸司奉职乖戾卿等还传示刑部都察院著行文与南北两京并天下诸司问刑衙门今后务要虚心审理勿致枉直不分以干上天和气豫教事已知仍候旨行是日时行等具< 跽 毓-金 >候 万安仍再申前请不报

○丙戌升湖广按察使刘应麟为浙江右布政使

○诏发太仆寺银六千两差官犒赉辽东从征军士从督抚诸臣请也

○升陕西都司佾书滕光国充宁夏游击

○陕西督抚梅友松等奏言虏酋火落赤等糾众逼近归德所谋移捩工川建寺住牧为谋叵测又称固镇河挑一带旧无虏患自俺答遗子丙免后与酋首克臭等恋住莽刺川遂成巢穴若火酋再据捩工川则为关陇腹心之患因条上御虏诸务部议以固镇归德所属虽内地而远处番丛势甚单弱捩工川虽属番穴而密迩河洮实我藩篱宜令该文武官倍常毖飭仍责火落赤等谕以大义令其回巢如或执迷不悟内振兵威外鼓番族严行驱逐仍谕令顺义王谨守款约无听要结一切战守事宜督抚官详议行得旨该镇虏情著督抚官相机处置毋致疏虞

○戊子以祈祷雨泽祭告遣定国公徐文璧于 南郊恭顺侯吴继爵于 北郊临淮侯李言恭于 山川伏羗伯毛登于 风云雷雨坛各行礼

怪起不支悔将何及乞屏去鲸或早遣留都以杜隐忧诏下所司

○云南道御史朱应穀< 〇〇〇〇 铨-金 >论辽东捷音未可信以为实甘肃失事未可
视以为轻宜敕该部早为计处并乞申饬各督抚官共捐习套保守边强仍望 皇上常
召辅臣本兵讲求安壤至计< 〇〇〇〇 铨-金 >入 上以其轻信妄言置之

○甲寅大学士王锡爵以疾在告 上命中使赐猪羊米酒甜酱瓜茄等物旋具
< 〇〇〇〇 铨-金 >谢

○乙卯升云南副使王任重为陕西行太仆寺卿兼佥事分管点闸马匹

○丙辰 上视朝时 圣体初安步履尚艰因各处灾伤勉出仍令速议蠲赈以闻
于是大学士申时行等奏言窃闻旱灾甚广自北直隶地方至河南山东江北夏麦俱已
全枯秋禾未能布种但夏灾奏报列在五月间然小民冀望 圣恩甚于饥渴若不待奏
报先布德音尤足以收拾人心消弥祸乱至于饥荒之际盗贼易于窃发亦宜通行申饬
以备不疏 上谕户部朕念小民贫苦今岁又罹旱灾各该被灾地方著抚臣上紧具奏
巡按御史勘实前来查照分数蠲免其积有谷石去处便从宜放赈重灾地方还多方设
处赈恤谕兵部朕念各处灾伤地方盗贼易起所司往往避事偷安不行用心缉捕甚则
隐匿不言玩寇养乱各该抚按官还严行稽察务督率所属申饬保甲实练兵壮潜消祸
本无得疏懈

○丁巳 上命文书官李相到阁著辅臣时行等传与家屏令到阁办事时行等
< 〇〇〇〇 铨-金 >请仍乞发下家屏原< 〇〇〇〇 铨-金 >不报是日家屏随具< 〇〇〇〇 铨-金
>谢仍请假调理许之

○命翰林院修撰王庭撰编修周应宾简讨季道统编纂六曹章奏

○户部尚书石星等奏言太仓银数今岁出数不下四百余万及查见在库银仅四
十余万窖房银仅一百一十七万今南直浙江湖广诸处见被灾疫淮扬以北连河南山
东北直隶山西陕西俱报旱荒若不及今破格一处各边年例四百余万之资何所给发
各省直亿万生灵之众何所倚赖各寺库数十万两之费何所措办除内庭供应监局例
有近年所增浮于 祖宗之旧者容臣等酌议请省仍乞敕下南北九卿科道官悉心计
处覆请施行 上令各条议以闻

○升刑部尚书李世达为左都御史

○己未调分守宣府中路葛峪谷左参将马栋为宣府北路独石等处左参将

○礼部覆衡王翊鏞嫡三子常□? □贝□以辅国将军改封为镇国将军言令甲
郡王入继亲王日后子孙除继统之外当为镇国将军翊鏞既进封亲王反降其子为辅
国是并本等爵级而降之矣所据第三子常□? □贝□当照原封郡王世次转封本等
爵级诏如例

○辛酉夏至祭 地于 方泽遣公徐文璧代侯吴继爵李言恭大学士许国礼部
尚书于慎行分献○大学士王家屏以疾在告 上命中使赐猪羊酒米甜酱瓜茄家屏

具< 䟽 铨-金 >谢

○陕西慧济扯把等寺僧马尔完卜等八名进贡宴赏如例

○癸亥 仁宗昭皇帝忌辰祭 献陵遣怀远侯常胤绪行礼

○户部奏大造天下黄册

○甲子勘西宁阵亡失事功罪游击张一贵革任回卫佥事万世德降调阵亡阿承印等各升职追赠李魁原无祖职荫一子冠带总旗把总彭大胤等各拟罪发落

○追赠原任少师吏部尚书大学士李春芳特进以其子茂材考满加恩故也

○升南京吏部尚书陆光祖为刑部尚书

○工部覆巡视厂库科道官条议四事一裁库役一复鞘单一清预支一核事例并乞将巡视道臣以一年为满如谓增差不便巡视芦沟桥差务稍简可以兼管都察院议覆从之

○以吏部右侍郎孙籛为南京礼部尚书

○兵科给事中薛三才言近日辽东捷报未必尽实乞行该巡按御史严勘部议以辽阳报捷系巡按徐元具奏唯按臣于辨验首级之后有核勘功罪之< 䟽 铨-金 >乞敕速奏以别真伪从之

○丙寅 穆宗庄皇帝忌辰祭 昭陵遣永康侯徐文炜行礼

○兵部覆两广督抚奏广西总兵原驻省城移镇宾州三里实为未便乞敕停罢于本省参将内选谋勇兼资夷情惯熟者思恩参将驻劄三里诏可

○己巳 上视朝

○兵部以下雷山口冏土官男许应圭父子建功乞改升州应圭升州判官命依拟明神宗显皇帝实录卷之二百二十三

明神宗显皇帝实录卷之二百二十四

万历十八年六月辛未朔改兵部左侍郎衷贞吉为吏部左侍郎

○壬申大学士王家屏再< 䟽 铨-金 >乞休慰留不允

○癸酉以海盐塘工成叙赉先后在事诸臣巡抚傅孟春以下升赏录荫有差

○升贵州铜仁以都指挥行事王一麟充四川松潘东路游击

○延绥督抚梅友松等奏言明爱二酋生事甘肃宜声其犯顺整师行讨仍明谕卜失兔等如能追问罚服各酋献还人口姑令贡市如其不悛即闭关谢绝俟其入犯决意征剿文武诸臣果能破敌摧锋大加褒赏少有损失无绳以文法兵部议覆从之

○甲戌以雨泽大霁告谢 南郊 北郊 社稷 山川等神赐辅臣祭品○升宣府云州堡守备张臣充蓟镇松棚谷地方游击

○乙亥礼部奏言本年七月朔孟秋时享 太庙旧例以午时为定期今日食初亏在本日未正三刻恐 皇上将事之后执事陪祀各官赴部救护奔趋未便请暂更巳时庙享从之

○以原任大学士郭朴年八十遣官存问岁给月米人夫有差

○升工部右侍郎朱天球为左侍郎以左副都御史陈于陞为右

○丙子陕西甘肃临洮诸处地震坏城郭庐舍压死人畜无算

○升木口寻梧参将童元镇为副总兵管思恩参将事驻劄三里思恩参将洪梦鲤以原官移补木口寻梧从两广督抚请也

○丁丑太常寺少卿谢杰言 懿文太子谊则至亲分则至贵 累朝以来岁行九祭祭之之文咸称御名乃仅以祠祭署之奉祀主之疏以承尊贱以承贵苟非其类神必吐之斯何望懿文之来歆即至尊之体亦甚褻矣乞比照 哀冲 庄敬二太子及中山王徐达事例遣侯伯等官行礼礼部议覆 上命以后遣南京五府金书官行礼

○戊寅升左金都御史邵陞为左副都御史协理院事

○调副总兵管分守山海偏头关右参将事署都指挥金事郑尚金为左参将分守宣府西路万全右卫等处

○己卯户部议真顺保大四府各被灾地方存留夏税起运钱粮分别蠲停以苏民困从之

○都察院左都御史吴时来卒 上命照例与祭葬时来浙江仙居人嘉靖癸丑进士授推官选刑科给事中建言劾故相严嵩廷杖遣戍隆庆改元补吏科给事中历顺天府丞南京右金都御史提督操江寻以巡抚广东被论调云南副使闲住万历乙亥起补湖广副使升左通政大理卿吏部刑部侍郎历今官初时来以直节著称抗< 珥 金 >权奸投荒万里颇为士论所推许及再起人微有訾之者然侃侃不愧大臣风节云

○庚辰以寿宫成升监督工程官穆来辅为通政司右通政洪声远为大理寺右少卿

○辛巳升巡抚河南右金都御史周世选为左金都御史协理院事

○广西道试御史熊元奏条议恤灾裕饷诸款一申命令以肃人心一留赎缓以备赈济一复盐法以实边储户部议覆俱如议行

○壬午南京兵部尚书杨成以疾乞休不允

○癸未 上视朝

○甲申虜酋火落赤等入境攻围旧洮州古尔占堡四散抢番洮岷副总兵李联芳分兵追逐陷伏阵亡督抚臣以闻

○先是 上以岁荒民困国用缺乏命两京九卿科道集议奏闻工科都给事中邵庶等言国家经制定赋远过前代至于今日利孔已尽无可复开唯是岁入日缩岁出日多臣愚以为当此国匮民穷之日宜行严稽如内而锦衣之带俸官役礼部鸿胪寺之译字生通事序班光禄寺之厨役各监局之工匠外而佐贰首领之添设九边年例与主客市赏之供亿诸如此类或昔无今有昔设今增者酌其缓急渐以革汰是谓以节之之道生之财不期裕而自裕矣臣等又闻增修城楼旦暮兴工夫以既竭之物力营不急之工

见在寄养之多寡以为盈缩虽有二万之额并未及二万之数起俵大马旧例本色每匹徵银三十两折色徵银二十四两如遇次荒乃有减徵之请宜令该寺将见在寄养马匹除老弱不堪调兑者即行变卖每年派马先计见在寄养之数如足二万即多派折色以恤民困其折色马匹每匹仍以二十四两徵角□羊诏如部议

○丙戌大学士王锡爵再< 硃-金 >乞休不允

○升光禄寺卿张汝济为太常寺卿

○兵部覆河南抚按周世选奏言河南卢氏县矿徒于本年春间盗矿官兵攻击杀死二十四人捉获二十一名余各角□羊散其失事文武诸臣宜令功过相准效劳被伤官役宜加优恤并议善后诸事仍请以嵩县守备冬春移住栾州夏秋仍住嵩城如议

○己丑国子监祭酒刘元震奏驸马都尉万炜习礼六月已满命炜回府习学

○旌表孝子马锦等三名节妇时等三十一口烈妇刘氏等十四口

○庚寅升分守蓟镇石塘岭参将杨元为神枢营右副将 ○甲午督理荒政给事中杨文举以賑荒事竣荐举效劳官员命海防道等官张允济等纪录

○户部覆光禄寺卿张汝济等条议一革歇家揽骗一议修廩经费一核菜户实纳诏如议行

○协理京营戎政尚书郑雒以疾乞休不允

○丙申 孝庄睿皇后忌辰祭 裕陵遣宁晋伯刘应元行礼

○升右通政陈大科为光禄寺卿

○升翰林院简讨顾绍芳为左赞善兼编修

○丁酉兵部覆巡按陕西张天德奏条议茶马二事一酌议俵马以裕骑操自万历十九年为始应给固镇马匹照各镇例于每年中马之时令本军执册径至派定各茶司亲领马匹该监免牧养之苦各军亦免更换之扰一拣汰马驹以实苑厩各苑监见牧马匹如领养年久不堪骑操令其变银凑买大马以补老马之数其裸马生驹果堪牧养俟其成马给与牧地其不堪者亦令变银凑买大马以补缺驹之数庶牧地不至虚给牧马皆得实用< 硃-金 >上报如议

○陕西道御史冯应凤等条议经用诸款一核边储言太仓每岁所入大约以四百万为率其角□羊给各镇兵饷至三百余万而虚冒之弊日甚若辽镇南兵每年所费不下五六十万乞敕部议令各该督抚官应减应存例银刻期奏报如南兵中有逃故老疾者报部扣给一议内供言各省直角□羊内库黄白绢疋漆蜡颜料皮胶等物各监局俱有余积渐至腐烂宜逐为查简各监库积余若干足备几年之用暂停本色改角□羊折色以济目前之急至若内库金花银两每岁进入以百万计嗣后又有二十万之增似为无名并乞 皇上身先撙节培养财原一革滥员言祖宗时建官立制原有定员今则冗滥极矣在外十三省如不繁不冲之佐领杂流不边不海之参游备总虚冗可裁者固多而在京各衙门更甚若太医院锦衣各官若鸿胪带衔若工匠所官以至译字乐舞之类

杂沓不可枚举不特此也中官之设 祖宗朝亦有定额我 皇上登极初年数不过以万计历年选用策名食禄不啻倍之在外乞敕该部在内乞敕该司礼监查照旧额裁去滥员内外肃清浮费亦省一议那济言川贵湖广先年奉旨动支官银采办木料据四川一省该银七十万两招口采木 明旨止买三分之一未卖余银约该二十余万举一省则各处可推宜敕该省将前银就近角口羊赴陕西抵充本年军饷一通钱法言西北用钱从来称便而朝更夕改东南亦尝行钱而随行随壅则以公私不相流布也如官给之民则银钱参用如民输之官则尽去其钱上下异法谁则应之宜通行京城省直各官司凡房号税赎以及存留起角口羊钱粮一切收支徵角口羊银钱相兼上流于下下输于上此古者灌输之法而泉布之遗也< 口羊 钱 金 >入 上以黄白绢等料原无余积不必议停内官前已减派近来人数虽增钱粮照旧不必查革余下所司

○丁酉大学士申时行等题近该陕西三边督臣以虏情边患上请及时整饬下部议覆间随该陕西抚臣揭报本年六月内虏骑入境攻围旧洮州古尔占堡我兵渐集遂四散抢番洮岷副总兵李继芳分兵追逐陷伏阵亡夫虏虽入境城堡番恙犹为失事之小者第将官兵寡力分遂致丧败损威伤重殊骇听闻盖先年俺答款贡套虏吉能及松山西海诸部并听约束驯至于今西镇之不用兵殆二十年矣及吉能父子皆死其孙卜失兔幼弱不能制驭诸部而用事夷酋如切尽黄台吉者又相继死以故各酋涣散不相统一或以转堡受赏于延绥或以借路生事于甘肃或受赏于东而窃掠于西或罚服于此而狂逞于彼或驻牧近边驱之则曰吾不犯内地也或抢掠番族问之则曰吾不扰汉人也欲绝之则彼以款贡为词难于峻拒欲抚之则彼实要索无厌难以曲从先因西宁将官一时僨事身既不保虏益见轻边衅遂开兵端不息此西镇虏情之大略也顾边疆事势军旅机宜譬之随病制方不能执一今虏既桀黠无状掠我属番杀我裨将公背盟约蔑视天朝此其势不得不战然一二小酋虽已猖獗而大酋全部尚在羁縻顺义在西酋犹称平事卜酋回套犹听调还初未尝聚众连兵合谋犯顺此其势不得不抚然或阳顺阴逆已去而复来虽尝卤掠而或送还人畜认罚无词虽有杀伤而或缚献罪夷誓不再犯此其势又不得不酌于战抚之间而应之务得其情施之务当其可顾今久安之后荐灾之余卒伍之缺者未能召补则无可可用之兵粮饷之逋者不能完角口羊则无可恃之饷当事者未及整顿而虏患遽已剥肤方欲经营而人言更多掣肘必须宽其文法假以便宜惟务责成不为中制然后可以尽心展布毕力安攘此今日边计之大略也伏乞皇上天语丁宁庙谟指授使封疆之臣皆知 皇上留神边务烛照夷情凜然日鉴之常临而罔敢怠玩肃然天威之远布而莫不奋扬服虏安边在此举矣拟传帖一道进览伏惟 圣明裁定施行

○谕兵部虏酋款贡多年各边修守防抚自应安静无虞近来陕西甘肃洮岷等处如何屡报虏寇屡有损失是否虏众狂逞渝盟犯顺及边备久弛制御乖方你部里便行与该镇督抚官查问虏中作歹是何部落近日失事是何信地务要分别顺逆详核功罪

邻路预探虏情及应援有功者俱从优叙一议协心共济言边境之不和者有二一曰文武不和司道于将领是也一曰将士不和将帅于军丁是也宜协心联束毋蹈覆辙命如议行其不协心任事者抚按官参奏抚按官参奏

○诏赠原任大学士赵贞吉为光禄大夫以其子景柱考满奏请也

○辛亥 上视朝

○户部覆给事中刘弘宝奏言万历十年屯田御史王国大查屯种余地并达官地共一万一百八十五顷有余量徵银六千四百三十两有奇今年久成熟人乐佃种宜酌量加科改为济边正数从之○先是浙江抚按傅孟春等请存问原任礼部尚书董份于是御史万国钦上言份当严嵩父子用事时曲意阿承公论不齿及居乡恃富淫纵曾为御史庞尚鹏发觉且其衣冠已褫犹然罪人也于此典未协乞敕停止部覆以份被论削籍虽遇恩诏不在存问之列已之

○广西道御史熊元< 〇〇〇〇 钰-金 >参总督梅友松为国重臣岁费朝廷军饷数百万不能控制诸虏罪同误国又荐原任佥事万世德才可用南京右府佥书王化熙原任保定副将尹秉衡皆可当阃外之任 上命梅友松姑策励供职侯事宁定夺

○巡按直隶御史周孔教< 〇〇〇〇 钰-金 >列西镇失事罪状因追论前任督臣郃光先当西宁首祸之时不能议剿一味媚虏以致虏日猖獗又言甘肃抚臣李廷仪守虏巢穴失于堤防事已危急不以上闻均当议罪并论司道官钱楷李丁等非边吏才宜更置得旨郃光先总督年久既已亡故姑追夺诰命李廷仪调腹里用钱楷等革职闲住余俱如拟

○甲寅以中元节遣隆平侯张炳阳武侯薛钰等彰武伯杨世楷靖远伯王学礼等分祀 诸陵

○大学士王锡爵四< 〇〇〇〇 钰-金 >乞休不允

○诏发太仆寺马价银十万两于甘肃以备支用

○补原任山西按察使石檟于陕西抚治西宁

○升四川右参政李承志为陕西副使洮岷兵备升陕西右参政余之禛为都察院右佥都御史巡抚甘肃

○刑部右侍郎詹仰庇以被论乞罢斥令供职如故

○丁巳 成祖文皇帝忌辰祭 长陵遣怀远侯常胤绪行礼

○陕西固原州雨雹大如拳如鸡卵伤禾稼坏人畜

○升河南副使徐三畏为陕西右参政兼佥事西路兵备佥事许守恩为四川右参议兼佥事威茂兵备

○庚申谕辅臣申时行等令将三边总督梅友松奏报虏情本详看且诘责各边督抚全不治事但推诿小官致边备废弛又引嘉靖年间失事为证令时行等将各边事分理应更置者督抚官亦勿庇护于是时行等回奏言近日虏情与嘉靖年间不同今虏方

款贡自宣大至于甘肃不用兵者已二十年洮州失事系火落赤作歹虜王过河抢番亦系火落赤邀请今日之计当晓谕虜王使无助逆并革绝火落赤市赏密图剿处若一有疏失边官尽更使丑虜反得挟以为重矣

○升提督操江南京右副都御史石应岳为南京兵部右侍郎

○以南京河渠工完叙录有功员役侍郎张櫟等升赏有差仍诏以其余银岁修河渠

○建州左等卫女直夷人都督都指挥马哈塔吉等进贡宴赏如例

○壬戌升狭副使李学一为陕西苑马寺卿兼按察司僉事

○总督三边梅友松奏言宁镇边事议令详酌增设要地守备以戒不虞言宁夏延袤广止额设守备三员清水堡营套虜市厂在焉大灞堡当黄河之口虜谋决堤兹为要地宜各设守备一员以军丁五百人隶之下兵部议覆如议行

○乙丑 上视朝

○是日 上御门毕召辅臣时行等见于皇极门暖阁 上出陕西巡抚赵可怀奏报虜情本手授时行曰朕近览陕西总督抚梅友松等所奏说虜王引兵过河侵犯内地这事情如何时行等对近日洮州失事杀将损军臣等正切忧虑伏蒙 圣问臣等敢以略节具陈洮河边外都是番族番族有两样中茶纳马的是熟番其余的是生番先年虜骑不到只是防备番贼所以武备单虚仓卒不能堵遏如今虜王过河是被火落赤勾引多为抢番又恐中国救护故声言内犯然虜情狡诈不可不防 上曰番人也是朕之赤子番人地方都是 祖宗开拓的封疆督抚官奉有敕书受朝廷委托平日所干何事既不能预先防范到虜酋过河才来奏报可见边备废弛 皇祖时各边失事督抚官都拿来重处朝廷自有法度时行等对 皇上责备督抚不能修举边务仰见 圣明英断边臣亦当心服如今正要责成他选将练兵及时整理 上曰近时督抚等官平日把将官凌虐牵制不得展布有事却才用他且如各边但有功劳督抚有升有赏认做己功及失事便推与将官虚文搪塞时行等对各边文武将吏各有职掌如总督巡抚只是督率调度若临战阵定用武官自总兵以下有副总兵有参将游击守备各分信地如有失事自当论罪 上曰古文臣如杜预身不跨鞍射不穿札诸葛亮纶巾羽扇都能将兵立功何必定是武臣时行等对此两名臣古来绝少人才难得臣等即当传与兵部转谕督抚诸臣尽心经理以纾 皇上宵旰之忧 上曰将官必要谋勇兼全曾经战阵方好时行等对将材难得自款贡以来边将经战者亦少 上曰重赏之下必有勇夫只是不善用之虽有关张之勇亦不济事时行等对近日科道建言要推举将材臣等曾语兵部及早题覆今九卿科道会同推举 上曰前日有御史荐两将官时行等对所荐将官一是王化熙曾提督巡捕臣等亲见亦是中才只宜腹里总兵一是尹秉衡曾称良将今老矣 上曰不论年老赵充国岂非老将只要有谋时行等对将在谋不在勇 圣见高明非臣等所及 上又曰朕在九重之内边事不能悉知卿等为朕股肱宜用心分理如今边备废

弛不止陕西或差有风力的科道或九卿大臣前去如军伍有该补足钱粮有该设处着
一一整顿书云事事有备无患须趁如今收拾往后大坏愈难时行等对当初许虏款贡
原为内修守备外示羈縻只为人情偷安日渐废弛所以三年阅视或差科臣或差彼处
巡按御史 上曰三年阅视是常差如今要特差时行等对臣等在阁中口议要推大臣
一员前去经略且重其事权使各边声势联络庶便行事容臣等撰拟传帖恭请 圣裁
上曰还拟两人来行已复言款贡事 上称 皇考圣断者再时行等言自俺答献逆求
封赖 皇考神谟独断许通款贡已二十年各边保全生灵何止百万 上曰款贡亦不
可久恃宋事可鉴时行等对我朝与宋事不同宋时中国弱夷狄强原是敌国今北虏称
臣纳款中国之体自尊但不可因而忘备耳 上曰虽是不同然亦不可媚虏虏心骄意
大岂有厌足须自家修整武备保守封疆时行等对今日边事既未可轻于决战又不可
专于主抚只是保守封疆据险守隘坚壁清野使虏不得肆掠乃是万全之策 皇上庙
谟弘远边臣庶有所持循至于失事有大小情事有轻重若失事本小而论罪过罪则边
臣观望退缩虏酋反得挟以为重又非所以激励人心自今尤望 皇上宽文法核功罪
上曰如今失事却也不轻时行等对 圣恩从宽处分容臣传示边臣使感恩图报 上
复问次辅病安否何如时行等对臣锡爵实病屡< 錡-金 >求去情非得已 上曰
如今有事时正宜竭忠赞襄如何去时行等对 皇上注念锡爵是优厚辅臣至意臣
等亦知感激但锡爵病势果系缠绵臣等亲至其卧内见其形体羸瘦神思愁苦亦不能
强留 上曰着从容调理痊可即出时行等唯唯因叩头奏臣等半月不睹 天颜今日
视朝仰知 圣体万安不胜忻慰 上曰朕尚头眩臂痛步履不便今日特为边事出与
卿等口议时行等叩头奏伏望 皇上万分宝重 上又曰闻山西五台一路多有矿贼
啸聚劫掠地方官如何隐匿不报时行等奏近闻河南嵩县等处聚有矿贼巡抚官发兵
驱逐业已角口羊散 上曰是山西地方五台因释氏故知之 上恐时行等误以为失
事也复曰释氏是佛家曾遣人进香耳时行等对地方既有盗贼啸聚地方官隐匿不报
其罪不止疏玩而已容臣等传示兵部令查明具奏遂叩头出初 上切责督抚声色俱
厉及论边事久 天颜愈和神采焕发语亶亶不休时行等退而称叹 上留意边防明
习政事如此 宗社生灵之福也

○谕兵部西镇边备废弛虏情狡诈还用大臣一员前去经略兵部便会同九卿科
道官推举来看其各边将帅须要得人也着会同推举堪用的以备缓急近来督抚等官
不能选用将材平时牵制掣肘不得展布及至失事又诿罪于他殊失用人之体今后须
加意鼓舞使文武将吏同心戮力共济边事毋得仍袭敝套

○又谕兵部朕近览陕西督抚奏报虏情本殊用惕然朕惟洮岷乃西镇要害诸番
为中国藩篱 祖宗开拓疆土经画边备具有成法督抚官奉敕行事须常时选择将领
整搦兵马联属番夷今虏众猖獗抢掠番族侵逼内地各官平时不能制驭临时不能堵
遏职守何在岂不隳误边事大负委使朕已宽其罪罚姑令策励其各边武备废弛亦与

○丁丑 孝康敬皇后忌辰祭 泰陵遣安乡伯张世恩行礼

○吏部尚书宋纁祭 至圣先师孔子

○戊寅祭 太社 太稷遣公徐文璧代

○以 万寿圣节赐大学士申时行等及讲官李长春等金银寿篆字金银书红黄符有差

○己卯又赐大学士申时行等及讲官李长春等各银币有差

○先是属夷史二官儿等携男妇二千余众出边兵部以边将失于抚驭各拟降罚上以督抚官统率制驭岂得无罪令萧大亨等各夺俸而参将麻承诏降级守备马一龙等提问俱如拟

○兵部议处边防事宜言迩来稽核边备虽每年事竣有叙三年阅视有行然弥缝于事后不若责成于事先乞敕各镇甄别将领简练兵马每于春秋二防分布之先预为部署一切战守诸具详款开报又言蓟镇累年修防台墙险隘足恃以守而于战宜加之意辽东数年召练家丁降夷可用以战惟于守当加之意宣大山西之间城堡足恃而兵马未试于战然必得军之心乃可鼓军之气延绥之兵马素劲可以言战然因抚虏之难及积荒之后兵饷交匱宜为区处宁夏有河山为险可以言守而军困积弱尚难言战甘肃之兵力素弱粮饷缺乏既难以战又难以守陕西之兵止为防番未为备虏近遭诸虏之荼毒将失番族之藩篱应俟经略大臣临镇一应事宜与督抚官会议奏闻至于腹里入卫戍守诸兵亦宜及时整顿以备缓急调遣俱如议仍令各总督镇巡官用心整理不许疏玩

○庚辰大学士申时行等请 上御经筵日讲 上以圣体未安暂免

○安南都统使莫茂洽差宣抚副使赖敏等进贡宴赏如例

○升四川左参议丁此吕为陕西副使庄浪兵备

○命总督蓟辽兵部尚书兼左副都御史张国彦协理京营戎政以兵部左侍郎蹇达代

○壬午升给事中侯先春吏科吴之佳户科洪有复礼科钟羽正工科俱左给事中丁茂逊户科右给事中

○以宁夏都司守备赵备改大坝堡守备徐应祯改清水营堡守备

○南京给事中徐常吉请复设常镇兵备 上以官多民扰裁革已久已之

○以洮州失事论罪并恤录死事诸臣李联芳赠都督同知刘承嗣等带罪管事高崇谦等提问

○甲申以中秋节赐辅臣上尊珍饌是日大学士王锡爵入阁办事

○丙戌 万寿圣节遣官分祀 诸陵免百官朝贺赐辅臣上尊珍饌

○己丑遣户部尚书杨俊民祭 太仓之神

○泰宁等卫夷人头目孩子等一百二十四员名赴京进贺宴赏如例

○工部以各省直岁造军器多不堪用请半议改折以裕经费从之

○辛卯 宪宗纯皇后忌辰祭 茂陵遣怀远侯常胤绪行礼

○刑部右侍郎詹仰庇以疾乞休准回藉调理

○壬辰祭 夜明于 夕月坛遣侯吴继爵行礼尚书石星分献

○谕兵部洮河虏贼曾否出境近日失事后作何整理防御兵部便马上差人传与督抚官着三日一报来不许违误

○癸巳山东道御史任应徵< 〇〇〇〇 毓-金 >参兵部尚书王一鹗身任枢筦视边事若罔闻虏方猖獗洮河宜一大创而顾泄泄焉宣大是图说者谓宣大之役用抚居多一鹗实主之及我师再败按臣入奏越二日始以闻何其闇而欺也因荐原任兵部尚书王遴精诚体国宜膺秉枢之寄于是一鹗奏乞罢斥以谢言者< 〇〇〇〇 毓-金 >俱留中是日传谕阁臣前者因西边虏情出朝召对量处置事宜如今科道官都有本荐举将材兵部倒没有本王一鹗却又告病这是何故于是大学士申时行等回奏言臣等前蒙 皇上特赐召对亲涣 玉音庙筭周详神威宣鬯以故洮河之战我兵与虏虽互有胜负然虏终不敢深入今已出境遁去此固 皇上圣武有以慑之然亦本兵居中调度之力也至于推举将材各衙门咨访该部类覆分别可用与否乃系旧例非本兵独无本也又言王一鹗钦遣分献偶闻人言理当待罪不得不以病请并乞 皇上将御史参本早发令一鹗即出视事< 〇〇〇〇 毓-金 >再入 上简前< 〇〇〇〇 毓-金 >以边方有事如何擅拟易置本兵任应徵等姑不究令一鹗供职如故

○甲午改南京工部尚书舒应龙为南京户部尚书

○朝鲜国陪臣刑曹参判李山甫进贺赴京宴赏如例

○四川达思蛮长官司都纲头目番僧加蓝藏等四名赴京进贡宴赏如例

○户部奏言沿江一带卢洲田不止万有余亩宜设法清理应追复者追复应起科者起科应开垦者开垦报可

○户部以河南应纳临德二仓米改折一年以济边用

○兵部会荐将材给事中张希皋等荐总兵杨绍等十八员御史李本固等荐总兵麻承恩等二十员吏部尚书宋纁等荐副总兵尤继先等十九员○乙未祭 历代帝王遣侯李言恭行礼伯毛登王应龙尚书于慎行王一鹗分献

○升南京户科给事中徐常吉为浙江佥事

○礼部右侍郎兼翰林院侍读学士黄凤翔言方今诸司四夷鳞集阙下复值此虏酋内讧羽檄交驰之会而 陛下频免朝讲徒令凝眸倾耳者谓 明明天子犹然耽溺宴安臣窃耻之愿 陛下深唯酖毒之儆缉熙忧勤之念屏游宴御朝讲与大寮庶采共图修攘又云今天下大计惟用人理财二端宋臣有言平居有极言敢谏之臣则临难有敌愆敢死之士吏部员外邹元标直声劲节业已受知 陛下顷铨司特拟召用而 圣意顿改于前建言谪外诸臣如潘士藻孙如法台省交章荐举铨司为请量移而章

撑西支乘危徼幸未有如此而能得志者又言前月伏蒙召对口确边事臣之词未终而玉音之答如响臣与同官退而窃叹 皇上聪明英断留意边防宜录示本兵使传播外廷以彰盛美今举反覆问难之语尽以为发臣之奸不知 皇上于时果以臣为奸而发之乎王一鹗久历边方其任本兵以庭推简用梅友松臣曾未与识面何得为臣私人至谓臣贿嘱王国勋等夫贿至千万必有过送之迹 皇上试逮国勋等令多官廷鞫如臣有一毫沾染臣即悬首挫尸心亦甘之乞 皇上罢斥臣以谢言者其西镇事仍乞敕九卿科道集议上请得旨卿为首臣竭忠谋国持廉秉公顷筹画边情具有次第既遣大臣经略付以便宜责其成功不必又议以滋烦扰其他诬蔑浮言原无影响何足介意朕方倾心信任岂人言所能间宜深体此意亟出辅理匡持国是以慰朕怀

○癸卯 孝恭章皇后忌辰祭 景陵遣宁晋伯刘应元行礼

○升户部右侍郎裴应章为左侍郎以南京刑部右侍郎庄国祯代以山西右布政使兼按察司副使邢玠巡抚大同

○升都察院右佥都御史周世选为左副都御史协理院事

○甲辰大学士申时行再< 疏 >乞罢因自陈当去者三并请免国钦降级上优答不允

○乙巳礼科给事中任让参大学士许国耳聋目昏头摇足蹇因劾其不堪辅弼者八事< 疏 >入 上以让妄言轻诋令罚俸半年

○兵部尚书王一鹗奏辩乞休言臣未尝为辅臣私人亦未尝专主和不主战向者推广 圣谕分别顺逆谓使虏之顺者不为助逆其党散而不合我之战者得专剿逆其力并而不分非专用抚也 上以其情已明令一鹗即出经理

○大学士许国上< 疏 >乞罢言以臣之庸当事机之旁午又复衰老头足耳目皆非其故科臣之责臣甚当其状臣甚真臣无容辩独其所列八事关臣名节臣不容无言夫 贾星卜贱技也声乐燕会盛仪也亲戚故旧私交也部木引盐公课也子壻宗族至亲也需索请托大弊也延贱技以盛仪徇私交以公课纵至亲以大弊此少知廉耻者所不为而况身列衣冠者乎原任侍郎汪道昆臣卿先达倜傥有文才可比吴中王世贞臣偶举所知言之铨部原未起用若呵叱司官把持选法今文选郎见在可问也李如松许从诚与臣旧识臣知如松有胆略善抚士卒会众举将材臣虽向人言之原未荐用若其倚势剥军岁馈数千金该镇巡按御史在可查问也许从诚虽属戚里臣亦待罪鼎司臣复何求而甘拜其门下纵有宝珠金币谁为将送许都尉家见在京师可问也臣家人弟侄绝无中盐长芦河东者如果榷卖横行掣肘号令有巡按御史在可拏问也臣男中书许立功奉旨代臣归葬旧冬始北来清源咫尺曾不须臾乃遽打死驿丞地方有司见在可访问也< 疏 >入得旨卿体国奉公闻望素著任让妄奏事情朕已洞鉴卿宜即出辅理以副委任所辞不允

○先是虏酋火落赤等糾众再犯洮河我兵与战杀伤略相当会天雨总兵刘承嗣

惜小费为之若开矿止于求利必须计筭工本募徒之费若干防兵之费若干与开煎所得之利若干果见出少入多不为虚费而后可斟酌举行非造次可因民间私请隔境遥度而朝廷便可议开者也户部所以迟回未覆之意一者防患二者惜财三者恐差官骚动地方四者亦不欲宣露国家窘急之状传闻四夷愈轻中国既蒙 圣问惓惓容臣等传谕该部令各抚按官查议具奏毋使先事张皇利未得而先酿患唯 圣明采纳

○升太仆寺卿常居敬为右副都御史巡抚浙江

○辛亥巡按直隶御史连标< 〇〇〇 铨-金 >论兵部尚书王一鹗乞赐罢斥得旨留用

○兵部侍郎许守谦以疾乞休不允

○壬子升南京鸿胪寺卿艾穆为太仆寺卿

○癸丑巨奸徐从善父子交结大珰盗窃内库金宝为御史黄卷所奏 上令将本犯籍没家财拏送镇抚司打问

○甲寅兵部尚书王一鹗< 〇〇〇 铨-金 >辩乞休得旨卿秉公任事物望素孚这奏辩事情已知宜即选将安边以副委任不允辞

○升顺天府尹朱孟震为通政使

○○乙卯以霜降节遣阳武侯薛钰隆平侯张炳等武进伯朱世雍武平伯陈如松等分祀 诸陵

○大学士许国奏乞罢免因言近年以来士习日异主于搏击以为名节大臣含容而务为退避言官争胜而不计枉直其究也将使朝廷之上不得用一人不得行一事唯众言之是听又曰往时省台议论不甚分扰而内阁诸臣自为异同今内阁诸臣颇称同心而省台之间议论纷扰得旨览卿奏足见正论国是混淆正赖卿等秉公主持如何反欲避谗引去所辞不允

○户部请停岁进买办银两以济边费不允

○升陕西左布政使王体复为顺天府尹

○升光禄寺少卿王汝训为南京大理寺右寺丞

○戊午寿阳长公主薨

○己未大学士许国以疾在告 上命赐猪羊米酒甜酱瓜茹等< 〇〇〇 铨-金 >谢报闻

○庚申诏发太仆寺马价银二十万两以备西镇支用

○壬戌经略尚书郑雒奏言全陕西镇唯延兵素称强劲嘉靖四十五年定经制之时尚有官军五万五千有奇今该镇所存者止四万九千六百五十有奇矣盖繇尺籍耗于凶年精猛疲于远戍流亡失额召补无术年复一年遂成积弱宜责令该镇官召募土著择其精勇者充为家丁每名给安家银五两仍严禁逃窜务足三千之数其马匹盔甲弓箭另为议处又召募既以家丁为名必另编司队方可调遣又恐新募之卒未履行阵

肆行抢掠中国复即以偷马遗患为名不行保护遂使支党离心门庭生寇土民随而内扰宜择宿将假以抚夷职衔令抚安番族绝其交通仍约以有事互相应援如御虏有功一体升赏部覆从之

○壬申以 中宫千秋令节赐辅臣上尊珍饌

○命巡抚贵州右佥都御史叶梦熊以原官巡抚陕西

○兵部尚书王一鹗等以策虏失职乞罢免不允

○命协守大同副总兵尤继先充总兵官镇守陕西以原任甘肃游击王国柱充左参将分守庄浪原任镇守陕西总兵官李真充参将分守榆林保宁等堡

○巡抚四川都御史李尚思< 〇〇〇 毓-金 >称插儿蝉虏达已破尔阿坝寨虏势渐逼松潘臣已檄造火器甲仗角□羊贮松潘及一应修守盘诘选将厉兵犒番积饷事务次第举行仍遣标下游击万鏊将兵协守参将郭成等各移驻近地以便策应又召天全等土司兵马候警调遣令三道亲督战守臣即提兵巡边居中调庭誓靖疆场部覆依拟因言松潘以此月□章腊以南山势险峻虏难长驱其间番寨土达亦多劲悍若我及时联络谕以利害使为犄角因以精兵骁将所在设伏可使匹马不返是我失利于陇取偿于蜀也至狡虏叵测仍咨西镇督抚凡二川虏情缓急俱报四川以便防御 上然之令该省督抚等官用心防御务保无虞

○癸酉辅臣申时行以疾在告遣中使赐猪羊酒米瓜茄等< 〇〇〇 毓-金 >谢报闻

○起用原任太常寺少卿孙矿

○诏定助边升赏则例输银千两者升一级至三级而止加衔至闻散五品止其五千两以上从优酌议

○甲戌大学士许国以病乞归慰留不允

○乙亥升四川左布政使彭富为右副都御史巡抚贵州

○丙子巡按陕西御史崔景荣奏虏妇切尽比吉率部众西来假以看寺念经讲要人命挟索重赏未遂统众掠回夷西番杀虏甚众或言皆原任参将马应时妻弟虎刺力等所引因劾参将杨浚虏残内地不能拒堵失事之后复不据实以报罪当重惩但本官素称战将一时乏人相应量降俸级照旧管事署甘肃事朱正色委值卧病似应免究马应时议论不一亦乞免勘问其切尽比吉宜行督抚诸臣令索还掠去番回或革市赏以惩逆虏< 〇〇〇 毓-金 >下所司○丁丑大学士许国再< 〇〇〇 毓-金 >乞休因请保圣躬勤朝讲定储贰三事得旨览卿奏具见忠爱卿既欲报国自效何乃又屡< 〇〇〇 毓-金 >求去所辞不允

○起补原任广西左布政使郑云釜为四川左布政使

○授德阳王府镇国中尉承杰为蜀府宗正

○命协守宣府副总兵署都督僉事李东旻充副总兵协守大同地方

○升四川行都司僉书王之翰充松潘东路游击

○戊寅诏蠲赈临洮被虏地方军民

○己卯大学士申时行以病乞归慰留不允

○是日大学士许国力疾请早定 宗社大计言储贰者 宗社之本十龄者就傅之期长幼者天秩之序册立者人望之归愿顺人情出 乾断命有司具仪諏日即于春初举行则臣愚去留皆安不报○庚辰命副总兵管分守宣府西路万全等处左参将事郑尚金充协守宣府副总兵

○南京给事中徐桓< 〇〇〇〇 〇〇〇〇 〇〇〇〇 〇〇〇〇 >陈边事乞严饬边臣革欺罔之弊以防守为先决战为策革扯酋之封以孤其势遣使阴款立三娘子爱子不他失礼而各边部落中酋长果能坚守盟约各照所住牧地封以王爵如汉五单于故事则虏势分力寡安边长策似无出此< 〇〇〇〇 〇〇〇〇 〇〇〇〇 〇〇〇〇 >下所司

○辛巳东虏土蛮糾西虏赤把都等谋犯宁前等处 上谕兵部适见辽东塘报声息紧急你部便马上差人传与督抚等官着用心防御务保无虞

○甲申大学士申时行力疾申明边计言传闻南部主事蔡时鼎南监司业刘应秋皆有< 〇〇〇〇 〇〇〇〇 〇〇〇〇 〇〇〇〇 >论臣又接南道御史章守诚揭帖大抵以边事责臣佐万国钦之说论者之意以为不言和议不足激天下之愤不言主和不足以甚臣之罪不知款贡之议实 先帝主之先任辅臣赞之于时安得有臣而欲甚其罪乎臣以边事再次揭奏具在御前臣所议拟 皇上采用具见节次明旨臣何尝专主和议专言不战者乎臣前< 〇〇〇〇 〇〇〇〇 〇〇〇〇 〇〇〇〇 >中欲以专力创西虏以全力制大虏至边镇之情犹有未能尽者则以彼已之当较顺逆之当别缓急之当权羸拙之当酌凡臣所以次第图战者大率如此惟皇上以兵事责经略以边事责各镇督诸臣仍将近日诸臣建议各边大害积弊亟为汰除侯根本既壮徐观虏势任其去来则中国自尊外夷自服今九卿大臣皆明习国家事乞 皇上召集阙庭质以臣言使议其可否上请 圣裁断而行之庶国是始定人言始息得旨卿社稷元臣安危所倚这边计既主张至当何必疑虑念卿虚心为国欲副公论便着九卿堂上官会同酌议来说

○兵部覆保定抚按奏言汤家庄等处银矿山深路遐矿洞难寻即有一二亦铅多银少而各山实与 天寿山脉相连挖取恐伤灵气且计差官诸费得不偿失又虑矿盗生发扑灭未易开矿一事臣等实未见其便乞仍旧封闭更令官兵严加防守得旨矿洞既称开挖有碍害多利少看照旧封闭地方官用心防御勿致疏虞

○经略尚书郑雒奏称臣于八月出京从宣大山西偏关渡河黄甫川陕西地方多于沿途广询边备虏情俱曰虏王东归其庄卜等酋俱在巢穴未动建节而西自榆林花马池至固原会督臣梅友松出三娘子一书大都理穷认罪而不他失礼一书犹为激切火真二酋向哨在莽捏二川今遁迹益深复令熟番远为哨探务得情形臣同赞画金事万世德先至庄浪再相事机直抵甘州候大同副总兵尤继先所部家丁至日酌量分布总督梅友松于兰固之间往来调度巡抚赵可怀驻扎洮河相为犄角若逆奴兽徒鸟举

自难以深入须情形的确彼已熟知谋出万全乃敢举事或声示大虏以牵制其东归或威慑套虏以羁縻其西向期以多集兵饷广用间谍鼓舞诸番先伐狂寇之交徐问必诛之罪伏望 皇上少宽西顾假臣日时臣当与督抚诸臣戮力同心共殄此虏得旨朝廷既假卿便宜一切制虏方略务要随机措置以保万全

○丙戌 诚孝昭皇后忌辰祭 献陵遣靖远伯王学礼行礼

○以灾伤免上林苑良牧署银一千九百五十两○丁亥大学士申时行等恳请建储以定中外人心言臣等备员辅弼窃念当今大计无如册立 元子数年以来章已十数上矣虽蒙嘉纳未见举行夫 祖宗家法储位未有不归元嗣者 皇长子当正储位万万不可摇动一也元旦之辰 皇上亲携元子令臣等谛观又亲谕臣等长幼自有定序言犹在耳 皇上岂得失信于天下于臣等二也向来道路讹传皆谓 皇贵妃独蒙眷注属意所生京师百万军民颇倡后议今郑国泰之< 硃-金 >已票而不行则外间又生疑议且以为 皇贵妃姑令国泰塞责 皇上姑为 皇贵妃角口羊纷何以杜军民之口副四海之心三也臣等窃谓 祖宗一定之家法决不可不遵 皇上已出之纶音决不可不信 皇贵妃未白之心事决不可不明 皇上何不蚤发德音定以明春册立 元子敕礼部具仪择日立决大计尽释群疑使臣等得关其忠臣等之言尽于今日臣等之去就决于今日惟 圣明鉴察< 硃-金 >入 上谕内阁朕览卿等所奏固是但皇子体脆质弱再少俟时月朕自有旨其于长幼之序岂有摇乱内虽皇贵妃之尝赞言以定名分以免疑议朕前已面谕卿等知之今卿等又来陈奏朕岂不知朕意必待朕自处不喜于聒激耳岂有谣言而惑朕哉卿等可看两京大小文武自十四年至于今日有一年一月一日之不聒激者盖此辈心怀无父志欲求荣不思君上之疾但虑身家之望固于此时欲激君上之加疾以遂己之心志朕度此辈意欲离间父子之天性以成己买直图报之逆志耳其安心甚远其立意甚详可见其沽名悖逆之甚卿等可思子乃朕子岂有父子无亲之理岂有越定序之理朕又思安有子不望于君父之旨而私结人心以言激君父成者孰理乎孰否乎而为臣者以言激之其为忠乎其求荣乎欲朕之疾剧乎朕固于所陈奏一概留中不发者朕怪其聒激渎扰归过于上要直于身耳非有别故至于郑国泰之奏朕欲留中恐卿等不知故与卿知之又思我朝戚臣未敢有言于国政者而国泰出位妄奏甚非礼制朕古且容之耳其建储之事还候旨行不必又有陈渎徒费纸笔卿等可安心赞襄协猷共治不可学此辈以激言之事虚文塞责

○戊子大学士申时行题臣等捧读 圣谕敢不钦遵传示然文武诸臣之意实亦无他止为 元子年及十龄正宜豫教又见京师军民妄传谣言故欲 皇上早定此举以安人心耳至于臣等尤股肱心膂之臣窃谓此举一日不定则流言一日不息其意实望 皇上早出自中之 圣断以杜后来之聒激所以不请发外庭诸< 硃-金 >輒票郑国泰之旨者盖以言出戚臣则盛美皆归之宫禁外庭自无所要功正见臣等不沽名誉赤心忠爱之忱也且如疏远之臣可以言离间国泰乃 皇贵妃亲弟岂有反离间

臣每每催激早立但迟亦是立早亦是立不知早立何意迟立何意不知尔辈心为何使虽皇贵妃跪泣诤立之言可不言牝鸡晨鸣为家之索这立储之事还候旨行不必以烦言间离天性

○论碾伯古鄯等处失事罪游击祁德降级管事守备莫负时革任副使李丁姑免究○降洪水游击张光祖为守备高台游击张三策红崖守备钱大有各夺俸三月以虏贼抢掠隐匿不报也

○辛卯 上遣鸿胪寺官宣慰大学士申时行许国王锡爵朕倚任内阁赞襄治理所赖分忧共念一德相成顷者西陲不宁烦嚣沸起一切妄言朕悉置不省昨已从首辅所奏命廷臣会议军国大许正须卿等主持至若册建元储伦序已定少待时日候旨举行亦须卿等决策乃卿等杜门不出交章乞休但知洁身其如致主何今特遣鸿胪寺官宣慰卿等尚念股肱之托共图羽翼之功勉为国留亟出任事勿复疑阻负朕眷怀是日时行国锡爵各具〈 跪 疏-金 〉陈谢〈 跪 疏-金 〉中复申册储之请俱优诏答之

○升辰州知府赵健为江西左参政

○兵部尚书王一鹗再〈 跪 疏-金 〉乞休因言虏款未宜尽罢慰留不允○礼部尚书于慎行等〈 跪 疏-金 〉请册立 元子言臣等待罪礼官关系职掌若及时不请责有所归至于长幼之分序已定迟早之间似无容虑臣等亟请举行惟以早立则侍从可简谕导可修人心安而烦言可息所以体 皇上爱子之心成教子之益也惟是臣等才望轻微不能感动 圣听乞赐罢斥以为失职之戒奉旨尔等既言长幼久奉明旨以定如何又屡屡催激迨无虚日至言尔等职典邦礼其于要君疑上淆乱国本亦难逃责姑各罚俸三月

○癸巳总理河道右都御史潘季驯引年乞休不允

○甲午初大学士申时行等谢〈 跪 疏-金 〉下阁辅臣王家屏拟进时行〈 跪 疏-金 〉随发而国与锡爵〈 跪 疏-金 〉留中不出家屏揭请 上手札谕家屏朕览卿昨者所奏揭帖欲讨二次辅陈谢本朕已发之朕思卿等为国辅弼大臣托股肱之任前者谕旨着卿等传示诸司以释众惑非以诋毁卿等而卿等受兹委托朕正赖卿等与朕分析以角□羊摇乱卿等岂可自生疑贰纷纷求退朕又思卿等以此去留之术要挟于朕朕恐此非为臣大义卿可传示朕意着二次辅亟即入阁办事不必又有指摘陈辞至于册立之事朕以诚实待天下岂有溺爱偏执之意少待过十岁朕自有旨册立出阁一并举行不必烦言催渎今谕卿知之是日家屏奏复言臣等备员禁近岂不欲宣示德音使诸司诵圣顾事关 宗社大计非臣等一口舌所能定今诸臣屡请 皇上不之许又重罪之臣等于此岂但不能传示德意以释众惑角□羊摇乱方且为众所疑为众所诋下不能逃责于有司上不能得请于 君父势不得不以去就引决犬马至情诚非得已夫欲释众惑莫若 圣志之早定虽目前举行未敢遽必而欲过十岁则似大迟谨遵旨传二臣入阁容臣等恭请 宸断不报

○吏部等衙门奏言自西虏犯顺言事之臣皆追论款贡之非语侵辅臣辅臣因
< 〇〇〇 铨-金 > 陈国体边情大臣之义命下廷议夫款虏一事向因俺答爱子来降 穆
皇帝玺书报可遂以款糜虏几二十年而封疆之臣狃处堂之安遂忘彻桑之虑此则战
备之未修非款贡之不善也各王酋承奉表 天朝敕谕抚赏前代所无乃谓国体与弱
宋同误矣至河湟之役覆军债将计当必剿顾虏势众强我兵单弱不若少迟时月厚集
刍饷精选士马先撤虏王之东归后讨火酋之逆罪其他奉约不渝者羈縻如故此老成
持重之见在 皇上英断勿为群议所惑耳夫天下之事成于实而边事之坏坏于虚合
无以督抚司道责之吏部以总副参游责之本兵各选实心任事者充之有功必赏有罪
必罚而边备不修国威不振未之有也又闻之杜牧愤河朔之横曰上策莫如自治今羌
夷接軫境外矛盾先起朝绅自古未有不安内而可攘外者乞敕大小臣工同心体国内
务修举外务镇定以安人心得旨首辅原奏驭虏机宜朕已灼知允当卿等又公同计虑
酌议周详这应剿应抚方略俱依拟行经略大臣及各该督抚等官须要着实修举严法
考成勿得仍前玩寇偷安虚文塞责各边文武官员你吏兵二部还精选慎用务在得人
再有浮言阻挠国计的重治不宥

○诏延绥入卫兵暂留本镇大同原留助工兵马拨赴蓟镇以后仍轮番入卫

○乙未以原任吏部尚书张瀚年八十浙江抚按< 〇〇〇 铨-金 > 其齿德并茂特赐
存问

○丙申 上使文书官至阁口传 圣谕册立事如明年春夏科道等衙门不来渎
扰便于明年冬传旨册立如再来渎扰直待十五岁册立辅臣王家屏< 〇〇〇 铨-金 > 谢
因言口传 天语宣布未周不如 皇上亲发纶音播告尤速谨拟传帖一道伏望览裁
发下 上复宣谕内阁札子不必用只须口传着明年各办钱粮后年春举行册立再有
渎扰者定如前旨待十五岁行

○御史彭应参论巡抚甘肃余之祯大同邢玠各不职并及经略尚书郑维荐副使
未正色按察使吕坤大理卿李汶原任巡抚王旋原任南户部魏学曾俱宜推用部覆魏
学曾等俱一时之贤容遇缺推用邢玠才名勇略似难轻议余之祯乞暂准回籍郑维仍
谕令殫忠勿以浮言自陈致妨军务得旨如部拟

明神宗显皇帝实录卷之二百二十八

明神宗显皇帝实录卷之二百二十九

万历十八年十一月己亥朔大学士申时行奏乞假调理并请发蔡时鼎刘应秋等
留中< 〇〇〇 铨-金 > 以明心迹得旨蔡时鼎等无根泛辞朕以洞察虚妄本俱当发出重
处因体卿雅量留中都不深究卿宜体朕至意即出任事

○升楚雄知府黄大年为陕西行太仆寺卿

○巡抚陕西都御史赵可怀奏火酋等已移捩工迤南桑脑住牧用差通丁熟番至
拘牙卜将所积建寺木植悉焚烧且闻此酋欲渐移莽刺与直相台吉同住恐我兵报复

荣祖父者各听纳谷预为贮积部覆如议行

○丁未周王肃奏等奏称安吉王勤<火勃>等庶双生八子朝土□守等各年长成乞请封选婚礼部议以朝土□守等系过期私婚所生之子例难准其请封各照近题事例将朝土□守朝垄各给与口粮十二石以资养贍其选婚合照庶人例听其自行婚娶以后不许朦朧奏扰报可

○命辅国将军任晟摄靖江王府事

○辽东御史胡克俭奏十月十六日达贼大举入境深至鞍山甘泉土河结营自海州东南析木城等处抢掠至二十三日仍从原路出境其地方失事容查勘上闻

○戊申河东巡盐御史林祖述题各王府食盐引数共计三千七十引及查山狭诸藩高平等王二十一府既经革绝相应开除其韩府食盐于宁夏小池支肃府于延镇大池支周府改长芦关支部覆从之

○升大同兵车营游击张秉忠为右参将分守大同中路地方○己酉除起复庶吉士吴之望为吏科给事中

○赐太常寺少卿马从谦祭葬从其子马有骅奏请也

○庚戌给事中徐学聚言江省宗室自宸濠逆诛以来久无亲王统御骄悍难驯近日如拱樵因罗曰伊催租债相殴身死情罪既真自有正法多火□丰等乃乘机讙聚众劫掠戕害良民若不严加禁缉其为地方隐祸非小仍乞照周府例设立宗学听抚按官举学行兼优者为宗正选教授等官为之分教有不遵约束者许宗正参奏重处部覆如议

○辛亥传奉 圣旨驸马都尉万炜前者革玉带蟒衣服色今恭逢 圣母万寿节仍照旧给与

○壬子以 圣母万寿圣节赐辅臣及讲官银币有差○巡视京营科道官张应登等奏上京营核实八事一曰简军之实言每岁春操之前当公同清汰汰一老弱则增一壮健至营军之弊每见官军食粮一册营操又一册以营操册对食粮册错综混杂以故无从清查宜如隆庆五年议以三四卫或一二卫并为一营庶一展册而行伍在是名粮亦在是种种影冒之奸可理二曰练军之实各营分操日呈殿最日行赏罚春秋各操毕计诸殿最而升降之则人知慕畏而火器在军中为最重尤不可忽三曰恤军之实营军月粮有几而诛求无艺宜将一切科歛差用逐一查出参酌俱行裁革四曰核选锋之实营中选锋共计五千人战兵每营仅三百车兵每营仅二百非居重张干之理宜增成一万使缓急可赖五曰省器械之实六曰稽马匹之实七曰甄别将领之实京营将领各有职分其才品总在营伍之中此后甄别不必别加会议惟春秋操毕将各营以三四日为期逐一查阅视军马之强弱以为将领之殿最八曰清理禁兵之实三大营外有四卫营勇士营军数踰一万马数踰三千岁时训练如三大营而隶其籍于御马监每岁费大司农可三十余万而名有开操实无团练一遇点闸多方雇觅乞敕兵部并御马监同臣等

备养患马一龙等依拟

○己未经略尚书郑雒题称西镇积弱原设兵马三万七千有奇今堪战止六千乞咨督抚责成兵备将领挑选精壮户丁更补及另召土著先足一万之数以济急用且延宁甘固仅足自防所据山西兵马必须酌调精勇已移该镇总兵官李如松于原选一千数内拔五百员名委勇敢千总一员统领前至兰州听用各该用过银两并先调游击马孔英所带家丁七十名银两俱动支马价抵补仍乞申飭陕西督抚等官将不堪兵马大加整顿务期勇悍得旨该镇见在官军堪战数少向称操练通属虚文着经略督抚等官着实整理训练务济实用如有怠玩惰误的即指名参奏重治各边都着一体遵行○先是序班刘文润以输银助边调添注詹事府录事大学士申时行等题詹事府清华重地虽守领官不宜以赘郎升除下吏部改补别用

○尚书宋纁以病乞罢慰留不允

○庚申升大同乃河堡守备王吉充延绥入卫游击

○壬戌命原任西宁参将孙朝梁补分守延绥孤山等处参将

○巡抚广西都御史蔡汝贤奏称自靖江王薨逝中尉经扣等结党横行昼夜若狂聚众毆按察使顾问几死臣差官往角□羊乃突围救出又逼勒程布政改换禄帖言词悖慢抢夺财物毆打平民一城震惊人心汹汹乞分别情罪重轻将首恶经扣并庶人经言□犯同恶经谭经谊等奏请治罪部覆上请诏革经扣为庶人并经言□犯都照例发高墙经谭等俱革为庶人发闲宅禁住邦甘□屈姑着府严加戒飭墩锁一月以后本府管理及抚按官务要同心钤束不许疏纵

○榆林卫武举署指挥同知黄廷臣升守备延绥柳树涧堡地方

○癸丑大学士申时行等题该兵部覆经略尚书郑雒要拒止西虏借路臣等票拟进览今日文书官李相将下原本口传 圣旨令臣等改票臣等详看事情绎思 圣意必谓先年许虏借路致起衅端边臣不能无罪臣等查得先年科臣顾九思及近日御史周孔教科臣张栋参究失事之臣已将前任督抚董世彦郜光先见任梅友松赵可怀等追夺降革则先年借路之失近日误事之罪已经处治法无可加自今以后务要力鉴前非永杜后患使虏众不敢入边经行则内地易于备御臣等故有此票今蒙 圣谕臣等再拟末后一二句令各官不敢复蹈前非自然人知警惕不必别有拟议○甲子冬至大祀 天子 圜丘遣公徐文璧代侯吴继爵李言恭大学士许国王锡爵分献

○赐辅臣上尊珍饌

○丙寅大学士王家屏以疾乞归慰留不允

○升顺天府丞李祯为右佥都御史巡抚湖广升光禄寺少卿为太仆寺少卿

明神宗显皇帝实录卷之二百二十九

明神宗显皇帝实录卷之二百三十

万历十八年十二月己巳朔经略尚书郑雒言顷者陕西督臣缺以臣权理总督事

务伏念陕西三边延袤万里素称重镇款虏以来上下因循边事大坏虏志日骄譬之颓坏之墙非一木可支臣欲往甘肃则洮河难顾欲驱流寇则套虏难防恐四夷闻之谓臣一人之身忽然而经略又忽然而总督边事日去国体益轻 上以雒边计虏情谙练已久才猷素裕委任特专不允所辞

○兵科给事中薛三才奏言顷接经略尚书郑雒揭大约谓三边延袤甚广势难遥制专设一督臣然后得以并力西事大创火酋臣窃以为陕西四镇昔岂无虏止设一总督者正以一则专两则分经略之于总督事权并重万一意见互异往返关白彼此顾望终成蹉跎于封疆岂有赖焉且论事权经略之权重于总督论责任总督之责专于经略一人操其重权又一人分其专责事体未便乞敕该部酌议仍敕郑雒兼理总督庶事权不分而雒亦得以安心殫力于西陲矣

○除补原任南直隶提学御史詹事讲为河南道御史

○庚午升尚宝司少卿曾乾亨为光禄寺少卿升应天府丞郭惟贤为顺天府丞升户部江西司郎中姜士昌为浙江提学副使

○朵颜等夷人头目打挨等一百七十八员名赴京进贺宴赏如例

○户部以各关课税钱粮有司起角□羊稽迟令各抚按官严核参治仍著为例

○壬申先是吏部文选司员外缺邹元标调补< 〇〇〇〇 铨-金 >再上不报吏部以职掌请并乞简发前推补刘志选孙如法< 〇〇〇〇 铨-金 >得旨尔等职司铨责部署缺人既久宜即另行题请如何只言元标可用天下才品岂有二三独擅视诸尘芥绝无人类者尔等为国大臣尚有布恩望报姑且不究元标为改南京别衙门用不必再来渎扰于是一时诸臣以言元标事得罪者给事中则杨文焕杨文举刘弘宝张应登等御史则何选各罚治文焕降边方杂职选降三级调外任最后户部尚书石星亦< 〇〇〇〇 铨-金 >请如诸指 上报曰卿为大臣职有专任卿欲取誉于人不若洁己奉公于本部廉身去饬率所司岂以留复罪官为职业而已于是吏部拟元标南兵部职方司命改礼刑二部用部覆以南京礼部员外郎已经裁革命即于刑部用遂调元标南刑部广东司署员外郎主事添注

○原任工部尚书朱衡治河有功土人立祠至是都御史潘季驯请加修葺改为敕建祠宇从之○朝鲜国王李昫差陪臣工曹参判郑士伟等三十四员名进贺又差陪臣礼曹参议金伟等二十八员进贡各赴京宴赏如例

○乙亥考察军政天下武职官员锦衣卫南镇抚司署指挥同知杨汝业指挥佥事严梦象李维藩北镇抚司署正千户傅国义各以不职革任

○丙子吏科给事中杨文举河南道御史秦大夔等各上公< 〇〇〇〇 铨-金 >乞免杨文焕何选降调不许文举等各罚俸五月

○吏科左给事中侯先春言顷者 皇上特遣诸臣分边阅视窃计诸臣靡不矢天自效以求无负任使顾边事积坏已非一日今当事诸臣必且虞其罪之及已又虞其罪

之及人务匿其情以欺阅视彼阅视者欲以一手一足之力而洞悉二十余年之积弊其道无繇臣窃谓莫若< 〇〇〇〇十见 > 其文法与之更始使边臣晓然知 上意旨各输情实共剔弊端一切情弊自万历十八年以前悉从宽减唯夫以少作多以虚作实则必正其欺罔之罪立法若此庶乎边臣皆知虚文无所逃罪而莫敢不以实应矣又言赏罚者鼓舞人心之大机赏必当功罚必当罪然后赏可信罚可必也今阅视事例八事修举者与斩获同赏废坠者与失机同罚夫八事修举之与斩获八事废坠之与失机原自不同唯必欲比而同之无惑乎冒斩获之功者比比皆是而复失机之罪者竟寥寥也乞敕该部详议申饬期在必行毋厌更张< 〇〇〇〇 毓-金 > 下兵部议覆如议行

○南京给事中徐桓条议兵饷诸款兵部覆其可行者二事一武职署试等职照例实授既经革任不得仍支原俸以清冒滥一锦衣卫军士御马监腾骧四卫勇士逃故老疾者速为开除不得顶替雇倩以滋虚冒从之○诏复原任翰林院学士兼右春坊大学士角〇羊缙官缙江西吉水人中洪武二十一年进士选中书庶吉士改监察御史建文初谪河州卫已召入翰林院待诏永乐壬午升翰林院侍读入直文渊阁升翰林院学兼右春坊大学士五年出为广西参议寻改交趾参议八年逮系诏狱十三年卒于狱中成化元年以子中书舍人祜亮恩追赠朝议大夫赞治少尹原职广西参议如故礼部覆吏部验封司邹元标< 〇〇〇〇 毓-金 > 称缙英资间气奥学宏才初荷宠于 高皇而选列台端屡效献纳之益继受知于 成祖而简参政本尤多匡赞之谟盖振代之才人亦济时之哲辅也祇以 仁庙升储密决大计遂致逆藩构谤竟陷沉冤故 文皇帝已悼惜于当年而士论尤惋悲于今日所当赠官赐谥以慰忠魂得旨准赠谥

○以宁夏卫指挥袁尚忠充玉泉营守备

○丁丑调补原任太仆寺少卿苗朝阳为应天府丞

○己卯国子监较刻诗经注< 〇〇〇〇 毓-金 > 成祭酒刘元震进呈因上言臣观诗三百篇中有大本三焉读关雎麟趾篇即知修身正家钟贤裕后为安定邦国之本读鸿鴈庭燎篇即知惠下安民励精图治为系属人心之本读昊天有成命及敬之篇即知不敢康宁夙夜有密日就月将学有缉熙为格天凝命长治久安之本是三本者所关甚大阙其一则虚阙其二则废三者无一有则危凡诗人所咨嗟惩戒悉此类也修其一则定修其二则理三者修之全则固凡诗人所赞美感叹悉此类也夫帝王心传具在经籍虽 圣明靡弗洞照尤当加之 圣心儆蒙 皇上清燕之暇特采愚蒙垂赐乙夜之观深究全诗之旨载绎三本之说用为万机之先将无悠然悟锐然兴乎是臣等所大愿也 上嘉纳之

○辛巳辅臣王家屏到阁办事

○革延绥左营游击刘凤梧任以原任游击吴显代从经略大臣请也

○兵部以四川合江县大盗黄朝甫等聚众劫掠请治地方官隐匿失事罪奉旨隐匿盗贼屡奉明旨载在条牒有司官乃敢故违知县陈良遇革职提问刘惠乔系兵备官

罚俸半年

○朵颜等卫夷人头目邦失等一百四十三员名赴京进贡宴赏如例

○壬午夜望月食 世宗肃皇帝忌辰祭 永陵遣武安侯郭惟忠行礼

○癸未 贞惠孝和景皇后忌辰祭 景陵遣南和伯方焯行礼○巡按湖广御史敖选以疾< 〇〇〇 毓-金 >请回藉 上以选才到地方如何輒便告病不准仍敕以后巡按御史患病仍令巡抚官勘实代奏

○刑部尚书陆光祖以被论乞休不允

○礼部右侍郎兼翰林院侍读学士黄凤翔以疾乞休许之初凤翔< 〇〇〇 毓-金 >上辅臣拟旨调理 上命中使持改票遂有是命

○户部尚书石星以疾乞休不允

○诏清理南京织染局匠役

○旌表孝子张诰等二名七世同居萧梅一名节妇张氏等十口烈妇胡氏等六口

○巡抚福建都御史赵参鲁议防山矿海贩所当禁革者二事礼兵二部各覆如议

○先是贵州巡抚都御史叶梦熊< 〇〇〇 毓-金 >论播州宣慰扬应龙凶恶诸事并参川东道副使朱运昌容情故纵不行会勘巡按御史陈效则历数杨应龙十二大罪而复次其怙凶阻勘之状及四川抚臣李尚思议防御松潘宜调宣慰司土兵令备协守而按臣李化龙亦< 〇〇〇 毓-金 >请暂免勘问俟徵兵御虏之后再为议处部覆以应龙革职仍戴罪立功会勘改限朱运昌罚俸久之两省抚按各< 〇〇〇 毓-金 >奏辩在四川则谓应龙无可剿之罪在贵州则谓四川有私昵应龙之心于是都给事中张希皋给事中陈尚象各具< 〇〇〇 毓-金 >以事属重大两省利害亦岂漫不相关者乞敕下从公会勘或剿或宥毋执成心俱下部议

○甲申升浙江副使李伯春为湖广右参政

○钦遣阅视官员右通政穆来辅蓟镇兼阅保定昌平大理寺右少卿王世扬延绥光禄寺少卿曾乾亨大同尚宝司丞周弘禴宁夏兵科给事中张栋固原吏科左给事中侯先春辽东工科右给事中钟羽正宣府兵科给事中张贞观山西工科给事中李汝华甘肃穆来辅等仍兼宪职来辅河南道世扬弘禴陕西道乾亨山西道

○镇守云南总兵官黔国公沐昌祚以军政考察自陈 上谕令供职如故

○镇守湖广武靖伯赵光远自陈不职令光远回京听用

○论剿平曹滴司叛苗功巡抚舒应龙以下各赏银币有差

○丁亥以年节赐元辅申时行银五十两彩段四表里次辅许国王锡爵王家屏各银四十两彩段二表里讲官李长春等各银二十两彩段一表里

○兵部尚书王一鹗刑部尚书陆光祖各以疾乞休不允○调补云南右参政林一材为山西左参政

○改南京礼部右侍郎赵用贤为礼部右侍郎兼翰林院侍读学士

○巡按云南御史杨绍程以前参劾黔国公沐昌祚骄横僭窃诸事反被蔑诬自求罢斥并乞俯察昌祚狂悖使无恣肆部覆以绍程无罪宜令安心供职昌祚遵前旨戴罪管事加意省改拨置人犯该巡按官速行提问从之

○吏部都察院奏会议荐举< 阙 矢见 > 则言各处荐举方面官不许该荐无劾有司官不拘科贡照万历九年以前旧额应荐者止居四分之一必以才守兼优民安事集为主而更以人品廉正者为重兼论地方之难易以为差等凡荐语必直书其事勿以骈词溢美如有贪残为民害者提问既明方为参奏又必责该道府官从实甄别其所举刺即以定各官之贤否各差御史如有循清市恩滥收偏重举刺不当部院与该科参处从之

○庚寅 累朝训录誊写成先是 上谕时行等曰前者卿等所进 圣祖御笔朕恭睹其睿藻弘谟真乃天授非纯神至圣而何因思 祖宗训录乃今朝之史鉴岂可不得而知之其令誊写装成书帙以便朝夕览观庶可以知我 祖宗治国家之法修身勤政之要非图表玩别意也

○又奉 圣谕曰今自 太祖起及 累朝训录都誊写装潢进览有几部就进几部来至是大学士申时行等进呈共一千九百二十八卷

○辛卯申时行等进自万历十七年所撰讲章孟子离娄章句上下共二本礼记曲礼上下共三本以备省览仍乞发司礼监接续刊行

○科道官张栋等拾遗参恭顺侯吴继爵宣城伯卫国本锦衣卫掌印柏子祥忻城伯赵泰修署都督佥事李迎恩兵部分别议覆 上令吴继爵照旧管事卫国本等革任闲住李迎恩等革任军门听用

○壬辰以誊写 训录书完查叙效劳人员制造两房中书徐继申吴杲等各升叙有差

○以正旦令节赐辅臣吊屏门神等物及讲官李长春等各有差

○贵州土舍安国亨进献大木援例乞恩 上令给与追夺原赏银两服色俟再有功劳抚按官题请授职

○通政司右通政穆来辅等条议阅视未尽事宜一戒科歛一惩欺弊一禁虚糜一禁迎送一处供亿一议委官一搜遗材部覆如议

○以新升大同中路参将张秉忠及新升车兵营游击管中军事焦承勋互相更调以督抚奏其各有所宜故也

○原任南京刑部尚书陈其学年踰八旬山东抚按请赐存问准照例行○礼部覆御史何选奏言黔国公沐昌祚贪淫不法请比照诸勋胄事例将昌祚应袭长男选国子监习读待三五年后德进学修方准出学 上令就彼读书习礼免其起送

○甲午升国子监祭酒刘元震为南礼部右侍郎

○乙未大学士申时行等奏言近日各该衙门事体有已经题覆而未奉览裁及臣

○乙巳蓟州马兰路地震

○起原任广东副使郑汝璧补山西副使

○以沈阳游击杨绍先充参将分守辽东宁远地方以遵化辎重营游击田维藩升神枢二营练勇参将

○先是陕西巡按连格题称自火真入犯之后洮河虽为有备而狂逞难再防御湏先谨陈备边三事一核功罪之实以励士气各边抚夷务查照原额一堡立为一册分给各官其抚给数目如例坚执者擢若仍前损军媚虏律以三尺一并操牧之权以便防御谓海刺乃边塞要冲今为楚藩牧地复设门官以挠操守之柄何以责其展布宜敕楚王收回门官其牧卒则操守兼领之其地课则通判徵角□羊之庶藩国之岁入不亏而疆场之事权可一也一移骑墙之墩以便专哨谓延绥一带边军逼近边墙虏易攀越议将墩台东西接处尽行截断砌以砖石仍去墩北二丈外另筑边墙一如瓮城之例则墩势空悬敌无可乘我有可据矣部部如议行○升四川军门标下练兵游击万鏊为龙安参将而以行都司金书司懋官改补练兵游击

○升参将陈汝忠署都督僉事充神机营右副将

○会推中军都督府僉事侯之胄以原官充总兵官镇守贵州等处地方协守大同副总兵署都督僉事李东旻以原官挂印充总兵官镇守宣府地方

○丙午以阳城侯薛钰任前军都督府僉事以管理红盔将军平江伯陈胤兆管理义刀围子手以南和伯方晔任中军都督府僉事以保定车营游击梁宫分守龙固二关右参将以河间领军游击姜显祚分守大同北西路左参将

○以南京中军都督府僉事宁阳侯陈应诏任左军都督府僉书以豊城侯李环任前军都督府僉书○以游击祁光祖调管宣府柴沟堡等处参将杨登山调管大同新平堡等处参将

○丁未以锦衣卫掌卫事都指挥同知许茂樾提督东司房官较办事

○戊申以游击张世爵管分守辽东宽奠等处参将事佟养直升平虏堡备御詹鞠养升中前所备御各以都指挥体统行事

○朵颜卫都督长昂等一十四名奏称进送马匹传报消息在边效劳有功求加赏升职抚臣王致祥奏今次所进马匹既已查收姑准各添三表里衣服一套为各夷效顺之劝以后酌拟定<□□矢见>颁行永杜冒滥部覆报可

○以考察不职将领革去浙江宁绍参将吴允忠贵州都司掌印陈洪范京营佐击时尔学北楼小石口守备李应徵老营堡守备王勋两广分守潮州参将蔡春及总兵标下坐营中军金梧各回原卫○以唐伯美补辽东沈阳游击以副总兵管宣大总督中军事倪尚忠任协守大同副总兵

○己酉顺天府进春百官行庆贺礼

○大学士申时行<□□踰 毓-金 >辞特恩加禄米不允是日以立春令节赐四辅臣

上尊珍饈

○大学士申时行许国等以恭进 训录蒙赏谢恩

○以魏国公徐继忠为南京中军都督府佾书管事

○庚戌兵部题推南京前军都督府佾事欧继宗堪任左军都督府佾事原任镇守保定总兵官尹秉衡堪起用右军都督府佾事武平伯陈如松堪任管理红盔将军南京右军都督府佾事王化熙堪任中军都督府佾事各从之

○辛亥铸给阅视蓟镇等处右通政兼河南道监察御史各关防

○壬子大学士申时行以加禄米具< 硃 钰-金 >谢

○陕西崇隆等六寺刺麻番僧共卜尖等三十名赴京进贡筵宴如例仍着临淮侯李言恭待

○癸丑兵部题推大同杀胡堡守备孙仁堪任宣府入卫游击大同保定堡守备谷遂堪任大同入卫游击大同前卫署所镇抚逯源堪任大同浑源城守备神机营大号头署指挥佾事沈国卿堪任五军十营佐击南直隶江北运粮把总饶怀鞠堪任神机九营游击原任分守蓟镇燕河营参将王通堪起用五军九营游击原任游击管蓟镇墙子岭参将事李信堪起用五军五营游击遮洋运粮把总许得盛堪任神机十营佐击各依拟用

○甲寅 英宗睿皇帝忌辰遣抚宁侯朱继祖行礼

○以大同镇城中军坐营高策为大同入卫游击

○乙卯以锦衣卫指挥使宋金提督本卫巡捕○丙辰以沈阳中屯卫指挥佾事冯大恩守备白石口地方京城巡捕营掌号中军王问为蓟镇建昌营坐营

○丁巳 荣妃王氏薨合行礼仪着礼部遵照荣惠宜妃杨氏例行

○裁革顺天府遵化县平谷仓副使一员永安府永豊仓大使一员江西瑞州府高安上高新昌等县各捕盗主簿一员云南武定军民府元谋县县丞一员

○先是达虏屡次闯边官军拒战报称生擒斩首八十一名颗俘获夷妇一名达马骆驼牛驴并夷器盔甲弓箭等件又投降真夷五十六名其抄胡儿青台吉打儿二部达虏共五千七百名俱驱出边外经略郑雒以闻 上着该抚按官勘实具奏

○以神枢三营参将郑维藩分守湖广黎平五靖等处参将延绥守备梁继祖为宁夏兴武营游击大同铁山堡守备梁琦为宁夏游击神枢七营练勇参将王国柱调守宣府南路等处参将定州领军游击施朝卿分守山西北楼口参将浙江掌印都司王元周任杭嘉湖地方参将延绥右营游击萧如薰为宁夏北路参将昌镇右车营游击王文元为浙江宁绍参将

○以京城督捕各官三千类奏获盗功次把总任大同等各赏银升职有差

○兵部题称将材难得求之贵广用之贵宜其京营戎政衙门凡听用将官卫官非系本部据有荐本奉有 明旨查有实职明白开送者不许收用庶杜干进之媒以广召

用之路报可

○以五军营左副将胡大忠为南京前军都督府佥书管事

○戊午大学士申时行等题以二月初七日请御讲筵是日以左春坊左赞善兼翰林院编修顾绍芳充日讲官

○升国子监司业杨起元为司经局洗马兼翰林院修撰充 玉牒纂修官

○吏部尚书宋熏上〈臣疏-金〉乞休不许

○经略郑雒上〈臣疏-金〉曰莽捩二川地在甘肃之南今为流虜渊藪皆繇甘肃借路不行力拒臣再三申饬凡诸虜自南而北者准开一路押发出边自北而南者极力谕阻使其回巢谕之不从敢于扒墙闯边者必须相机堵剿将吏奋勇先经俘获八十一名颗已具奏报虜亦稍行远遁惟卜失兔屡次住牧甘肃大肆抢掠仍率众西行应援火酋当被捕剿共斩获虜首九十五颗头目首级三颗夺其坐纛及原授敕书卜酋被伤奔窜所获骆驼马驼牛羊则一万八百有奇戎器达衣帐房行李则三千六百有奇是役也西镇之捷未之前闻其镇巡等官张臣余之楨等主事兵备等官梁云龙万世德等参将等官何崇德李国用等各宜分别升赏以励边臣此酋既被大创应行捣穴但念伊母太虎罕同素称恭顺且在套住牧与群酋保寨如常臣先将本酋市贡停革以示杜绝仍行各镇抚谕沿边住牧群夷使知闯边者必诛无自作歹佯卜失兔悔过认罪另行酌议章下所司

○以大同左卫守备刘继本为河间领军游击潮漳等处南澳副总兵角□羊节为南京后军都督府佥事

○己未兵部题监犯游击刘天俸造完破虜火器经试已验今西虜跳梁需战具甚急得战士甚难乞押赴经略军门立功从之

○大同卫指挥使郭翰勋王栾犯监守自盗律各系杂犯准徒照例发营路立功

○庚申内传 皇上偶患目疾右目有红瘀肉大学士申时行等具〈臣疏-金〉问安

○南京兵部尚书杨成具〈臣疏-金〉乞休不允

○四川右布政使邹善乞休准升太常寺卿致仕○大理寺卿卢维禎题参府军前卫左千户李鸾受银十二两以刘保等冒补逃故军名羽林前卫指挥同知夏恺擅役军人等二十名燕山右卫左千户胡志受新运军人张栾银三钱听依雇人替验李鸾依官受财枉法照例发边方立功夏恺胡志照例运灰赎罪刘保张栾等依例的决各依拟

○辛酉户部尚书石星覆题南京虎贲左卫等仓官攒军斗詹峰等亏欠粮米委系守支年久原耗减尽亏及正数查无虚出侵盗等情今将递年应减耗米照例抵算应免者开销应补者严行追赔着如意行

○郑王厚烷薨厚烷嘉靖六年九月册封二十七年因建言时政革爵送高墙四十五年十二月释还复爵卒年七十三子载堉以讷闻 上辍朝三日与祭葬如例

○岳池知县叶中彦因徵收取耗羨以赎谷扣工食问徒追赃回籍为民○左都御史李世达参详山东巡按胡克俭奏问千户秦得贵强奸室女事系隔年告讦难以遽坐惟奸抢谢大姐卖与张朝相为妾赃证俱真依律改拟绞罪监候审决仍照例揭黄不许承袭从之

○壬戌 孝静毅皇后忌辰遣宣城伯卫国本行礼

○先是吏部调验封司员外邹元标补文选司< 〇〇〇 铨-金 >留中不下给事中杨文焕御史何选连章言之各降谪有差吏部尚书宋纁再疏言之特旨切责至是南京给事中朱维藩等御史俞咨禹等合< 〇〇〇 铨-金 >抗言 上以烦渎党救各罚俸有差

○以锦衣卫署都指挥佾事李光先任本卫堂上佾书管事○癸亥升詹事府詹事兼翰林院侍读学士陈于陞为礼部右侍郎仍掌詹事府印信

○通州参将李应诏协守潮漳等处驻南澳副总兵官

○兵部覆御史何选题革云南黔国公沐昌祚服色俟其改省方准复给不允

○以南镇抚司佾事王继祖任锦衣卫堂上佾书

○原任都督佾事黄应甲奏称御夷多用火器火器惟大将军炮为最毒而重数百斤举用甚难佛郎机虽能巧中仅可毙一骑而官造给发价重请以木代之其法用木一段凿空其中束以麻索实以药弹轻可举移费亦不多并有心制火龙火炮火柜等件最为破敌长技又闻古者行兵皆以车战为务今乃以狡虏善破车战束草上风焚之遂愆而不用当反因其计以收功先将车轴凿空暗藏火药铅弹大小共二十余铳而以机括安置火母药线仍以衣粮杂战具交锋之际佯北弃车令虏抢掠其机一发火弹齐举虏必大创则永不敢破车然后修吾车阵之法务令牢不可破此又一技也今各边山口虏出入之处甚多若以前木铳多方埋伏虏马一踏机括自动毙杀必众至于城堡阵营亦用此铳明暗摆列胜于挑濠挖堑远矣 上令画图来看黄应甲复将奏内火器绘图系说进呈 上着营官试验

○甲子工科杨其休奏题请停减烧造磁器不允工部复< 〇〇〇 铨-金 >称午楼磁器见贝□亭甚多供用未乏烧造即不准停亦当量减大学士申时行亦以为言不报

○升广东按察使徐用简为四川右布政使

○乙丑以教习庶吉士礼部左侍郎兼翰林院侍读学士田一俊掌翰林院印信

○周王灞奏称镇国中尉睦木□弱以岁歉计拙愿捐禄米四百石以助国用诏抚按备礼旌奖仍敕褒嘉以示优劝

○以浙江杭嘉湖三府霪雨连绵其漕粮过淮日期准宽限至三月中从抚按之请也

○工部题称乙字库胖袄差官□米女页□角□羊于用无裨比照福建两广事例每副折银一两五钱角□羊部委官督造如式送乙字库收贮与在库胖袄新旧兼搭给军庶徵角□羊不烦军民两利不允

○以湖广四川贵州三省采运大木事完加恩效劳各官其抚臣舒应龙给与应得诰命李江孙坤徐元泰各赏银二十两纁丝二表里按臣徐养心等各十两一表里余官各赏银升服俸有差○庚午礼部尚书于慎行以疾乞休不允

○礼部覆国子监祭酒刘元震条陈国学空虚人才稀少乞常贡额外六年间行选贡之法尽数送南北二监肄业以充太学仍于监中置立彰善纪过二簿以昭劝惩并申明经学以端士习诏如议行

○以原任参将李沛充游击管保定巡抚标下中军

○以游击姜直为延绥中路参将

○右军都督府掌府事成山伯王应龙革任回卫

○兵部覆议南京科道拾遗总兵李栋等依议革任李如松着策励供职

○以按臣胡克俭勘明万历十七年虏贼入犯开原等处各官军获功失事缘由赏总兵王惟贞等各银十五两游击杨绍祖等各银十两指挥同知吴一臣等各照陈言边务事例罚米备赈助饷○辛未升云南左参政贾应璧为广东按察使湖广副使曾如春为陕西参政

○兵部覆甘肃抚臣余之祜条议鼓舞乡兵一款着如议行

○壬申以靖远伯王学礼掌左军都督府管事

○户部主事王阶请停阅视之差惟严责按臣从实查核部覆以闻 上曰差官阅视原为振饬边防先年虚文积弊已该各官条陈厘革岂得又议停止着遵前旨行

○经略陕西宣大山西等处边务尚书郑维请辞免总督三边军务以便专力经略从之

○定州中所副千户朱朝阳侵费所收秋青马草等银二百余两依监守自盗律发遣

○癸酉内传 圣体未安暂辍初七日讲之期大学士申时行等题称经筵以十二日开讲恭候驾临并请钦定吉辰另开日讲

○升广东副使黄时雨为云南右参政○升狼山等处副总兵朱光充总兵官镇守广东地方

○升河南都司军政僉书朱九经为湖广都司掌印真定守备张效祖为山东都司军政僉书

○以重囚越狱诏安县知县蔡宗尧拏获申报未明着降一级调用闽县知县陈惇临捕获已尽免究

○以牛房草场灾管理主事李甲罚俸一月

○甲戌祭 三皇于 景惠殿遣侍郎李长春行礼院使朱儒院判陆得元分献颁赐四辅臣祭品

○南京礼科给事中朱维藩请端政本言近 圣体以偶违和屡闻静摄乞自今常

朝如期临御经筵日讲随时修举暇仍召见大臣口确用人行政其边情民瘼尤宜加意咨諏部覆以闻不报

○升山东按察使赵钦汤为湖广左布政○乙亥总督漕运巡抚凤阳等处右佥都御史周采以母病乞回籍调理不允

○经略陕西宣大山西等处边务尚书郑雒以考满加少保

○以彰武伯杨世阶为右军都督府佥书以甘肃守备李希松为延绥领军游击宣府守备方时春为真定车营游击

○以国子监祭酒盛訥司经局洗马兼翰林院修撰杨起元充经筵讲官

○丙子以戎政兵部尚书张国彦侍经筵班

○荫佥都御史郝杰男郝雒图入监读书

○命原任巡抚大同右佥都御史邓乔林总督陕西三边军务着与经略协心戮力共图安攘

○以广西按臣饶位题参柳庆参将熊文济功罪相准革回原籍为民

○以河南都司佥书李皆春为蓟镇游击

○丁丑祭先师孔子遣大学士王家屏行礼○孝贞纯皇后忌辰遣永康侯徐文炜行礼

○以江西都司掌印张宏为云南临元等处参将以参将张榜提督狼山等处副总兵是日亥时甘肃凉州见有白气傍月穿心移时方散

○戊寅祭太社太稷遣定国公徐文璧恭代

○以参将蒋助为京城巡捕右参将

○以东兰州土目陈蒙等囚主夺印拥兵拒捕黄琳据寨助恶着即处决与已故陈星同泉示众韦琏乘危离心虽称胁从而同谋共获着监候处决

○以锦衣卫指挥李先珍张叔琦吴有孚为镇抚司佥书管事

○以延绥游击庞勃为宁夏灵州右参将

○以兵科等科摘参抚按官未完事件分别繁简多寡罚屠叔芳等各俸有差○己卯广西巡按饶位与抚臣遵议会荐将材见任总兵官张澡宜久任以戢地方副总兵童元镇参将刘綎各智勇兼资堪任将帅事下部覆纪籍酌用得旨

○以宁镇城坐营中军赵宠为延绥领军游击

○辽东抚臣郝杰条上备边五事一议分别查参以责成将领一议酌量冲缓以缮修城堡一议抽垛以补选锋一议降罚以查营马一议照蓟镇事例以选用中军章下所司

○庚辰升云南副使刘朝璽为贵州右参政分守新镇道事务

○南京兵部尚书杨成以病累乞休着加太子少保致仕

○南京通政使徐元气自陈不职乞罢不允

○以神机五营佐击王维藩为神机八营参将

○以陕西按臣张天德劾参将孙朝梁守备白泽着革职回卫

○升中都留守司金书朱冠充江西都司掌印○升凉州副总兵陈霞都督金事充五军营左副将

○楚府武冈王显槐病故以前奉 旨革禄米三分之一除谥号候覆勘其所有祭葬表仪依例给半仍差行人掌礼

○广西参将韦国祯以患病准回卫调理

○辛巳户部议给藩禄除亲郡王禄米照旧以遣官册封到日为始支给其题给宗仪各项禄米养贍口粮俱以命下之日查照地方远近酌为定则明文到日开支着如议行

○户部尚书石星覆题延绥抚臣贾仁元同经略尚书郑雒及按臣连格条议五事一核军丁谓官军家丁缺额者宜补未补者扣粮报部一汰驽马谓延绥实在马骡溢额者宜汰第足经制旧数不得私增以糜料草一增引价谓本镇盐引岁额派有定价今每引欲加一钱但浙盐池盐利薄逋多似难加增准芦议尚未定该年盐引俱照上年引价不必议增以滋纷扰一查虚冒谓各镇如遇军逃马倒应支料粮截日住支申报知会按季报部如有虚冒侵克者从重参治一停工作谓沿边城堡三十八处酌量缓冲随时兴修于城守步军抽十分之三专备修工更番休息至于客饷出陈易新按季造入边储簿以便稽查着依议行


○壬午升福建左参议徐秉正为云南副使整饬云南武定二府兵备

○癸未南京礼部王弘诲题称南京各监揭开乾清宫传奉 圣旨加添各项鱼菜等物夫上供方物查据职掌岁有定额供应果系缺乏自当敕下该部移咨加办岂有传奉揭帖而可以通行天下者有如兵马钱粮军国重务亦听其径传而擅发乎且历考岁额未闻迭有加增今十四年已加添一次今所增又倍之无论采捕之劳输纳之苦而管角□羊员役夤缘骚扰害可胜言哉乞收回成命照旧角□羊进不允○定国公徐文璧等奏称世爵承袭间有继绝者虽云旁支弟侄自始祖视之皆其子孙朝廷以爵禄报始祖之功非为绝嗣者设也禄米乞准照铁券数目免行减半 上令旁支承袭减过一次者准免递减原禄不及五百石者不必议减以称优礼功臣之意

○甲申升山东右参议张维新为清军副使带管驿传

○升福建金事朱熙洽为左参议

○以广德州重囚越狱知州任春元同知陈诰各罚俸三月建平县失事县丞廖焕典史秦宗合各革职为民未获逃犯着务缉获

○乙酉兵部覆兵科张栋等〈 疏-金〉称虏犯辽阳论罪当以副总兵孙守廉为首玩寇殃民罪不容逭已行巡按御史究问其甘肃水泉之捷论功当以血战为上运筹次之湏勘明部下斩获功级不得没军士临阵之劳得旨西镇功次着巡按御史□明

瑜等交章论瑞部院会议以闻 上以熊瑞挟私诬讦大坏法纪着照例革职为民

○庆府管理府事绥德王伸域薨准亲弟镇原王伸宣□佳暂行管理以伸域子尚幼未便请封也

○丁亥内传 圣体未安经筵可免讲章写进以备朝夕省览日讲讲章照旧写进孟子讲完即讲易经其开讲待疾愈择日行大学士申时行等仍具题恭候

○是日祭 京都太仓之神遣尚书杨俊民行礼

○戊子贵州抚臣叶梦熊与按臣陈效< 〇〇〇 〇〇〇 〇〇〇 〇〇〇 >劾杨应龙逆恶已奉旨会勘而四川按臣李化龙欲宽应龙之罪复题应龙罪犯必诛其所辖五司与土同知俱背之来归愿属重庆众叛亲离何至有不测之虑且五司等既无归路将驱而归之应龙保无悉怛谋境上之惨乞特遣科臣公勘章下部覆以应龙未见抗命而不服会勘四川按臣未尝庇应龙而执不会勘查勘还属之两省科臣可无议遣也其五司等苗果否愿属重庆作何安插相应详加议处 上曰杨应龙已有旨了归附人众安插改属事宜着该抚按从长计议停当具奏毋得推诿

○经略尚书郑雒题称凉州副总兵陈霞与甘肃总兵张臣因争礼成衅欲具奏行勘念虏未灭议将陈霞与保定副总兵李真互相更调部覆如议以请 上曰边镇有事文武湏同心为国如何辄以私忿小嫌凌抗争竞依拟通行戒谕

○江西抚按题问犯人罗曰伊因索债打乐安府奉国将军拱遮致死行相验间有瑞昌府庶宗家人喜凤等及石城府镇国中尉多坳乘机抢曰伊家财毁折房屋镇国中尉多米□炎仍掳其义女羁留在府行奸曰伊依律论斩喜凤抢夺为首照例发边卫充军多米□炎等仍候参治部覆会同法司勘议 上命革多米□炎为庶人押发高墙禁住多坳姑革禄米三分之一与拱梓等本府分别戒饬

○己丑升南京工部尚书张孟男为南京户部尚书

○庚寅升陕西总兵坐营中军陈松为固原游击

○长芦运使蔡斗心患病乞休许之

○辛卯户科题称镇远伯王学礼以弟袭兄爵镇远侯顾承光以侄袭伯爵宜照例减支禄米部覆遵依前旨以承光系顾溥裔孙顾溥已减一次宜免议王学礼原禄已满千石向未经减似当依例请减以后有以弟侄继袭者依惠安伯张瑛例减一百石以旁支继袭者依镇远侯顾溥抚宁侯朱冈阳武侯薛鋹例减二百石如减一次及不满五百石者准免有旨如议行

○壬辰河道都御史潘季驯因病乞休吏部题覆催请三次工部催请一次大学士申时行等先曾揭请俱不报时行等恐误河防或妨运道复具< 〇〇〇 〇〇〇 〇〇〇 >请题

○先是浙江上虞县乡官原任副使金柱屡向本县蔡淑逵嘱托不从因淑逵祈雨礼拜不诚随倡生员薛于中葛焯以贪酷上告内称杖毙石辂等十九命及钱粮等款淑逵亦以金柱挟隙诬告通详招审按臣参奏到部驳覆得旨金柱着革职为民蔡淑逵姑

降二级调用

○以副总兵任自强为蓟镇东路副总兵

○升南京右都御史衷贞吉为南京工部尚书○癸巳以礼科左给事中洪有复为广东副使给事中徐学聚为湖广佥事监察御史黄正色为福建副使荆州俊为山东左参议余懋中为福建佥事王道显为山东佥事南京御史施懋为云南佥事

○升贵州都匀府知府姜奇方为长芦运使

○甲午以緬贼突犯腾永危急其革任提问原任游击邓子龙先年破虏有功谙熟夷情准免勘问管事立功

○户部题两淮巡盐御史徐图议称开存积增引价二事难行宜停免其所议加带割设盐斤淮南每引带盐十斤徵银五分共十六单淮北每引带盐二十斤徵银一钱共八单暂行二年另议诏可

○乙未祭 大明于 朝日坛遣公国公徐文璧恭代

○升工部左侍郎朱天球为南京都察院右副都御史○调蓟镇参将袁日章为广东参将

○兵部题称甘镇以一线之路界番虏之间惟断生番不使附虏导熟番使之捍虏制虏之策莫善于此今据经略尚书郑谔招抚被虏诸番并访僧给割责成招抚仍悬赏格购擒火真诸酋随有马其撒卜<□□人小>加等七族西番告投老少二千余口安插旧喜风堡一带又有宾兔妻投递夷文将前收红帽西番杂毛扎<□□人小>日□勺等共一十四圈上马男子四百有奇老少男妇八百有奇各安插住牧及各奖赏外又委赞画主事梁云龙于河州一带佥事万世德于西宁一带分给空名割付招抚未来番族而河州各番编兵作队者二千余人梁云龙欲将陈思忠陈霞等先行纪录各番仍听照旧纳中茶马其土官杨臻加守备虚衔给割以示鼓舞其有拒敌功级照例升赏此皆以剪虏之羽翼而壮我之藩篱也合如议施行但宾兔妻之归我红帽或恐为缓兵之计先为内间之投当密周防以图善后得旨番族渐次收复各官抚处得宜依各纪录通叙其安插防范事情着该经略督抚等官斟酌行

○丙申祭 历代帝王遣侯吴继爵行礼伯毛登王应龙尚书石星王一鹏分献

○是日未时兴化府地震

○总督蓟镇右侍郎蹇达及抚按官会题留副使王毓阳久任永平部覆着赴开原新任从之

大明神宗显皇帝实录卷之二百三十二

大明神宗显皇帝实录卷之二百三十三

万历十九年三月丁酉朔 孝肃皇后忌辰遣武进伯朱世雍行礼

○授庶吉士李启美为翰林院简讨

○礼部尚书于慎行再<□□ 毓-金 >乞休不允

○部覆蓟镇总督蹇达< 蹇-土-小 >题春秋二防将领功罪应纪录者分别奖赏外游击< 蹇-土-小 >充应革任回卫都司张时中等革任听降中军曹永昌等革任回卫差操千总魏嵩等革去管事提问俱依拟行

○部覆山西督抚萧大亨等所陈条议俱于边务有裨一择选锋议多方搜取有勇略技艺者另为甄别一勤训练月课计程优者加赏劣者重罚应加之饷着于塞田粮米及各余银支給一补额军三关一路隘口每口旧设兵一百名有逃故者或应勾补或应募补务足原额如仍以采办及长差累军者重究一更守备议得东路原设平刑北楼广武三守备后以边长冲要于盘道梁口添设操守一员与三守备分地防守同一责任而职衔独异宜将操守改为守备以重事权一申旧例往时京东有警例该北楼参将领兵入援太原参将移驻马兰口俱属鴈平道调遣策应后将太原参将改属蓟宁道将不知本营之当调遣兵不知本地之当防守宜照旧例调援分守信地一造戎车议自代而东抵平刑西连八角地势宽平堪以行车宜于东中西诸路每营各造辘重车数辆每辆用骡四头其骡取之南营又造独轮车二百辆三面用板内安火器其制造工料俱于岁积余银取给一置局料议开局庀材鸠工治器专官以董其事三年一大修岁修季修月修渐次缮治诏依议行

○戊戌升丁懋逊礼科李献可刑科俱左给事中孟养浩礼科杨恂刑科章尚学工科俱右给事中

○以延绥游击戴延春补石塘岭参将

○己亥贵州抚臣叶梦熊题荐将官朱鹤龄等及参指挥金符等有旨金符等提问具奏

○升副留守李震为蓟镇马松地方游击

○应天府崔一麟惯雕假印与税粮科书手张济男张文炳文炜假印关文盗领官银又有杜一鲤伪造劄付先后骗卖其同夥王章亦以诡劄付冒顶衣冠刑部审将崔一麟杜一鲤依律论斩王章拟戍张文炜亦依监守自盗库钱论斩着各依拟处决

○山东观城县知县乔昆广东大埔县知县杨文炳俱以贪被告抚按官奏题追赃革职为民○庚子南京鸿胪寺卿何以尚乞休准升太仆寺卿致仕

○广东雷廉参将胡绍忠以侵扣被按臣劾奏照例问遣边卫充军

○辛丑大学士申时行等题请李材系狱三年先曾发兵攻缅甸乞照刘天俸邓子龙事例释放立功谨将兵部覆本票拟具闻不报

○以山西镇坐营中军俞尚德为延绥游击

○癸卯吏部推升陈于陞为工部左侍郎周世选为右侍郎已经票拟未发吏部覆行催请大学士申时行等亦以为言越日得旨从之

○自俺酋建寺之后东套二虏藉口礼拜迎佛肆行抢掠至是经略郑惟振威堵剿扯酋遣使认罪归还所掠并三娘子俱各回巢出口经略欲俟其归复大建旗鼓剿捕火

酋仍将夷寺尽行烧毁以绝二虏西牧之念与南科臣所议毁寺之议见相同具题以请从之○甲辰升总督两广刘继文为户部右侍郎

○以南京工部右侍郎张橧考满准咨送男张应祥入监读书

○礼部左侍郎兼翰林院侍读学士田一俊以病乞归准回籍调理病痊具奏起用

○乙巳以教习庶吉士礼部右侍郎兼翰林院侍读学士韩世能掌翰林院事以翰林院编修方从哲充编纂六曹章奏官

○江西驿传副使范涑题参淮扬御史龚云致枉道回家骚择驿递及原任苏州府推官唐斯盛以丁忧而借用勘合见任澧州知州王志远以起用而僭行牌票事下部院会议得旨御史自不简饬何以察奸龚云致不堪宪职着降杂职南京衙门用范涑免议处唐斯盛等姑各降一级调用○有袁林李得陶谅各投诚意伯刘世延府中倚主生事吓骗人财万历六年拨置世延将陆锐等八十三家所开垦塔山官塘田占为己业仅给还工本之资经南京科道访奏世延革爵官塘田给还本主至十二年世延复爵复争占前田讦告不休又勒献张仁接佃洲田诡领在库官银一百八十两抚臣李涑具奏袁林李得依律发充边卫永远军陶谅发充边卫终身军世延候请定夺得旨各犯依拟发遣世延罚住禄米一年着痛加省改

○总理河道潘季驯议以镇口闸去河甚近虽淤易为< 硃-金 >通宜照旧道挑浚科臣复称引众议欲开月河以分水势通苏泊湖以导积水部覆 上命河漕等衙门勘议妥当具奏

○是夜柳州地震○丙午以光禄寺署丞朱益光输银二千两优升二级仍建坊表以示激劝

○以大同抚臣邢玠参守备张麒着革任提问

○丁未大学士申时行以窃禄多年奉职无状上< 硃-金 >乞休不允

○起原任南京工部右侍郎董尧封为南京户部右侍郎总督粮储

○以郟阳右副都御史萧彦总督两广军务兼理粮饷盐法巡抚广东地方

○补御史姚三让为浙江道监察御史

○礼部主事王阶请停京考之差罢阅视之官并议裁科场三冗一裁外帘四所供应等员不必远取府县正官一省角□羊京试录分送不宜太滥一革走报光棍勒索重赏部覆禁多携试录及夺录索赏棍徒二条如议施行○以和川王府奉国将军廷堂用铁尺击死萧天福分裂其尸革为庶人照例发高墙禁住

○戊申户部题万历二十年各边盐引当预为开派查照节年题准事例遵依时估定拟斗头斤重永为遵守内除辽东本折兼开外其余各边俱令上纳本色粮草分贮专备主客兵马支用限本年十二月尽数完报各边常股存积盐共一百四十五万六千八百六十八引每引价银甘肃镇准盐四钱五分浙盐三钱延绥固原宁夏镇准盐五钱浙盐三钱五分宣府准盐五钱芦盐三钱土□仍旧二钱大同镇准盐五钱芦盐二钱辽东

○宣府游击时逢春以患病准回卫调理

○丁巳升应天府尹邵仲禄为操江都御史兼管巡江

○户部覆题御史蒋春芳条陈一款清屯政以饶军饷备行各边所在屯田开垦欲尽输纳欲轻额数欲明其将官养廉之资自总兵而下皆议为定额仍委官履亩清查一概用徵本色不得立折四折七之名又照宣府抚按题本镇屯田自万历十年清丈之后定上中下三等九则编派徵纳咸称轻省其总兵二将养廉额外所余成熟地亩仍于万历二年量留者议各裁一半责成原佃承种徵收贮库作正项支用以后不得多占私收着如议行○延绥召垦过荒田惟榆林道官给牛种督军开垦地四百三十七顷有奇收获杂粮草还官给军动用外及除开垦二费实纳过细粮一千四百四十余石部覆将各道将分别纪录其怠缓容隐如白振张虎二员宜革任以示劝惩从之

○贵州杨义土司田亩原属苗民管办差银续以半属清平二卫官舍买种半属该司苗民自耕致推闪差役交争讦告抚按官奏从公均丈分别等则以田定赋其差银军舍苗民分认军舍贾如垣与土官金世忠等以田粮渎奏彼此多虚各拟徒杖有差部覆报可

○兵部题称将领人地相宜者当议加衔久任将谢廷芝石松姚国忠各升参将管本地方事李承勋田应元各加参将职衔仍管游击事从之

○戊午升山西按察使吕坤为陕西右布政○吏部覆题南京太常寺卿郭东年力衰迈似难议留太常寺卿唐鹤徵豪宕不拘科臣王德完方行指摘王遵训复尔力诋相应酌处 上令郭东致仕唐鹤徵调南京用

○兵科张应登等复请出李材以御緬立功章下所司

○兵部以緬寇势甚剽疾议悬赏格有能生擒莽应鲤子莽几著抓并思个贺正及阿瓦洞吾等酋首者超升世职有能招诱阿瓦洞吾等夷降附者亦从重升赏擒斩贼级每颗十两缉获奸细者如之生夺战象一只赏六十两斩杀战象者半之或奸细悔悟以贼情内输致有成功者计功酌量加赏俱如议行

○以剿广东番禺县积贼杨彦明等功各官张大忠郑维新等依拟纪录○兵部题军政五年考选其贤能管事及平等全支俸之例无容再议若老疾支半俸为年已六十不堪差操又无堪承替者而言如应替袭敕令退職无子者全俸优养至于贪残不法须经参奏问结止月支一石若仅凭考语亦难遽减革有改过自新者下次考选准与题覆怙终者照例减支此法守之当画一也卫所隶于武选营官隶于职方各有分属考察文册当亦照见在管事造名分送各听考察此营卫之当分别者也应考官员本部拟定日期先期示谕赴考以凭分别用舍乃有如锦衣卫千户李登科等数十员俱临期不到迄今三月未验销不加罚治何以示儆此违玩之当惩创也议上着罚李登等三月俸余如议行

○以筑四州一带护城石堤工完各官知府李骥等纪录奖戒悉依部覆施行

○己未升南京太仆寺卿杨廷相为应天府尹○升礼部郎中向东为江西副使

○延绥抚臣贾仁元会同经略郑雒题延镇兵力单弱虏情叵测欲尽撤入卫蓟镇之兵蓟镇督臣蹇达按臣王致祥亦称蓟镇内护 陵京外逼虏穴戍兵委难尽撤部覆延镇兵马一枝仍旧入戍蓟镇其暂撤一枝俟二年满日与大同兵马轮流入卫所议召补家丁分投召募务期充实从之

○庚申罗定州西宁县大雨雹

○升大理寺右寺丞毛在为左寺丞御史郝瀛为右寺丞户科给事中王继光为太常寺少卿

○升山东左参政郝维乔为山西按察使

○部覆南京礼科朱维藩条议抚按论劾不问方面甲科但官常有玷者宜一体参究朝覲官员有借名馈赈科歛贻累者宜据实奏处至于奏留正官果地方有重大事情者听本部酌覆俱如议行○户部题蓟辽总督蹇达会同辽东抚按郝杰胡克俭议称除停工作一事本镇随宜修葺不费官银外一核军丁本镇见在军丁八万一千有奇并无虚数惟减各营之家丁裁宁前之□只粮厘革适宜一汰弩马本镇见在马骡四万三千有奇比原额数少无可议汰惟复州营添设马一千匹尚有一半未补复州地近腹里军无征逐此项应裁一查虚冒本镇军马逃故倒死数目按月呈报查有壮士马接济降夷马家丁马复州未补马四项随任家丁与宁全金州头目□只粮等项均属可裁一年可省一万一千余两堪抵年例一增引价本镇原派淮盐六万三千九百二引每引加银一钱共银六千三百九十两二钱又将□只山海州向留抚赏盐税银一千四百充饷而宁前中前二十二处原未开中盐引亦可量增引目至以军马实数专责将领尤为吃紧之论有旨盐引价银已题准免法宜画一着一体遵行余俱依拟

○以抄没徐性善盐引准查发变价济边

○以直隶按臣连标参劾守备朱邦宁着革任提问王承恩革任回卫

○总理河道潘季驯题称河防吃紧伏秋为严而臣三<□□> 毓-金 > 乞休病已阽危湏有司道官画地巡行如有疏虞照地参究从之仍着在任调治用心经理督察

○辛酉起原任南京户部尚书魏学曾为兵部尚书兼都察院右副都御史总督陕西三边军务

○升太仆寺少卿唐尧钦为南京太仆寺卿

○礼部左侍郎兼翰林院侍读学士李长春以三年考满给与应得诰命准袭其子李□□□月□□祥入监读书

○以陕西按臣周盘参劾游击张光祖着革任提问○壬戌升刑科给事中陆懋龙为湖广右参政

○以山西守备袁镗为昌镇右车营游击

○兵科张栋等军政条议三事一议定奏察之期凡遇考选军政年分各省抚按各

○大学士申时行男用嘉赘于故给事董道醇因就试浙江中式有言其越省弊中者时行奏请覆试 上以无私不必再试至是御史李用中复言之时行请革其子举人准承荫入监并恳乞休 上优答之命供职如故

○升侯先春户科吴之佳刑科俱都给事中李汝华叶初春户科俱右给事中升礼部郎中吕兴周为光禄寺少卿

○升南京通政使司右参议胡用宾为南京太仆寺少卿

○先是御史任应徵参山西抚臣李采菲御寇疏玩山西学臣范守己督学纵恣宜从罢斥部覆李采菲回籍听调范守己调别省用各从之○丁卯调陕西按察使刘葵为山西按察使驻劄偏关管偏老岢岚等处兵备

○补原任河南道御史傅光宅除原职

○陕西道御史傅霈以患病回籍

○户部题称山西总督抚按所议清屯政以增军饷事谓本镇屯田并无失额混冒因管徵皆属武弁甘心参罚以致拖欠湏严行该道加意清查如贿通拖欠者坐赃参处该道亦照分数参罚其抛荒屯地设法开垦以垦多少量行奖罚所议增积贮以恤军乏宜乘时召买设法催徵严行各道备将收贮粮料造册报部其节年带徵并见年应徵屯粮勒限完角□羊着如议行

○以山西守备刘一藩为昌平游击甘肃水泉堡守备丁昂为洪水堡游击

○福建所属建安瓯宁政和浦城诸铁炉旧已禁开其宝丰遂应二银坑邻近有支提寺奸宄易藏僧大迁等称奉赐藏经将铜物旗仗等件贮住又海上有番僧欲效香山故事乞内地建寺抚臣曹参鲁请将支提寺僧移入省城寺中并申矿禁其海上勾番者分别首从照私通日本禁例重治贩广□船许至高州部覆从之

○时边将听凭夜役辄行妄报军情如总兵张臣称吉酋蓄谋报复或称谋犯河州或称垂涎凤翔祭祖西安种种虚妄摇惑军机经略郑雒请一体申严侦探务得实情有如前讹传者参治部覆以闻仍乞勤瞭望密侦谍其一战守机宜悉听经略督抚指授从之

○己巳昌平州地震

○太仓银库岁入三百七十四万五百两有奇岁出京官俸□价等银六十三万两各边年例等银三百四十三万五千余两所出已浮于所入而银库各项济边止收有七十余万户部请酌议列款以便阅视诸臣一议边储文册例分旧管新收开除实在造报宜核一议家丁有各等名色粮饷亦有单□只有马无马殊支宜逐款分别毋得混冒非大举战阵不许滥收糜饷一议武学止于两京不及各省乃蓟镇独有遵化密云永平等三学宜查裁革一议将领如辽东近日用兵以来假称报捷冒功授官者甚多在蓟镇一边分为四镇一镇又分三路设官比原额几二十倍在宣大又多罢闲答应各将领应留应革宜加查议一议各边将领有占用杂流书记轿夫牢伴马匹者又有私放军士买闲

雇点及役见军采运者宜各清汰一议各边城堡应停缓者即议停缓应修筑者必较量尺寸勘定实费毋致侵耗一议器械务期精美以资战守至于战车先当审度地势量造勿得虚费一议各边军士逃亡马匹倒死严查扣除其开报责之将官如有隐匿听部科查参一议蓟镇滦汉二营先议归并其车营无裨教练亦应并裁一议各边年例皆当年给发惟辽东延绥因先年水旱预发饷银今遂沿以为常宜乘此二镇年丰多方酌处以复原额一议鴈平道册报积银积粮积布除借给抵灾济饥及修建等项外尚剩十八万有余宜通行各镇备查各道有无积贮以课功能一议宣大山西三镇节年市马加增比之原额不啻数倍宜申明约束以某年为准不许要胁增添一议各镇置买市货近改委府佐官稍闻节省所省何在先年大同预借市货银两所逋何因及今停革扯酋市贡存留见充何用又各夷马变价多为将吏所侵应一一清查以省增讨一议各边兵马钱粮俱有定额嘉靖四十五年议定经制万历九年刻有会计录迩来增减不一所载数目俱不相合宜申明画一将查明裁革见在等项逐款贴注仍造册奏缴上曰近来边费浩繁财用匱乏依拟着阅视官会同各督抚等官详议停妥具奏定夺

○予原任刑部尚书刘应节照例祭葬应节山东人由进士除户部主事历任转升至兵部右侍郎兼右佥都御史总督蓟辽保定以敌台工完升俸二级以御虏大捷升右都御史照旧总督后以南京工部尚书改兵刑二部尚书自陈致仕内节蒙钦赏十五次于万历十八年六月在家卒

○庚午西镇水泉之捷行勘已逾两月南山之捷题报亦复月余功次尚未具奏于是兵部题请核功贵实以防欺诈颁赏贵速以示激劝报可

○以万历十八年二月酋妇妣吉抢夺肃州地方查勘各该城堡将官疎玩之罪分别罚治毛臣罚俸三月朱鸾等提问朱正色姑免究

○盔甲王恭二厂旧例每三年总计正造盔甲銃炮等器共一万七千余件而营军数多复领戊字库原贮外角□羊器械修理充数部议各省直所角□羊军器减半折造务期精利如式至于两厂成造修造未尽事宜一并酌议一裁定两厂年例修造一酌议修理京营战具一预处门班官军盔甲一裁革料造名色一议吊铁甲以绵布易口袋一核实修造工价一议两厂旧器年久损坏及难用者改为废铜废铁给发以备打造俱如议行

○云南镇臣沐昌祚因其左右被劾乃以边警陈乞暂免提问候事宁定夺科臣题参今緬贼内侵孟养失守镇臣不急为地方立功而乃请为免罪何其忘公而急私也亟宜调度兵马削平緬乱不得因言退托并乘机渎奏候事宁之日将原参人犯奏请定夺部覆从之

○辛未调河南副使李三才为山西副使提督学政

○除补御史王之栋为江西道御史陈登云为河南道御史

○调补边道李春光为陕西按察使整饬洮岷地方兵备

原职

○以蓟镇参将林桐升山西副总兵驻劄老营堡

○以福建都司掌印朱正色为广东潮州地参将

○己卯 上谕科道曰迩来风尚贿嘱事尚趋赴内之效外外之借内甚无公直好生欺蔽且前者 天垂星变群奸不道汝等职司言责何无一喙之忠以免瘵旷之罪汝等市恩取誉辄屡借风闻之语讪上要直至于鬻货欺君嗜利不轨汝等何独无言且尔等岂不闻宫府中事皆一体之语乎何每以揄扬君恶沽名速迁为也尔等食何之爵受何之禄至于长奸酿乱而傍观避祸无斥奸去逆之忠职任何在本部该拿问重治姑且从轻各罚俸一年

○金花银二十五万系各省直徵角□羊万历九年因徵角□羊不前进用不敷暂于太仓库凑进节年共借银一百三十八万有奇户部题请今后角□羊徵有踰数者宜查照年数补库以备急用既不缺各省应进之数亦不貽角□羊解官久候之苦着依拟行○户部覆按臣周孔教题称盐法条议增引价则□人病开引目则正盐壅增余盐则正课妨所当议者一严禁占窝一预关引目查处灶粮一修复屯盐着依议行

○庚辰沐昌祚以骄横被参抚臣因置造板榜备誉 明旨及会参情节禁革事件竖于布政司之东在其府第南忽于正月十九日移镇征缅甸之前夜将前榜撤去抚臣吴定复〈[疏](#)〉参题有旨沐昌祚着策励省改立功自赎

○壬申升通政司左参议田蕙为本司左通政升南京吏部署郎中事主事冯嘉隆为江西副使管屯并水利

○ 上以虏酋跳梁边事废弛边方督抚司道选用湏要得人着九卿科道官从公会举于是六部衙门等官石星等科臣杨文举等道臣李廷彦等各会同荐举以原任兵部尚书王遴为首科臣王德完特本独荐王遴及何东序内各言款不可恃战不可忘而预修备徵欺蔽尤为边务要紧南京各衙门尚书孙鑰等科臣郝世科等道臣彭而珩等亦各〈[疏](#)〉荐以原任南京兵部尚书吴文华为首而科臣谓当明赏罚专委任以一其权道臣谓当惩玩愒厘文饰惜人才假事权以救其弊下吏部议覆其荐举互有异同内经考察拾遗则有王宗沐冒滥糾劾则有何东序为河工不准推用则有褚鉄因劾革职则有刘经纬既得旨这会荐边材数多还慎加查访酌量叙用毋得轻徇滥及

○户部以太仓缺乏支放官俸月钱不给临时开铸费难区处乞于司钥广惠二库见贮万历金背钱每季量发三百万文至给散布花量发五百万文以备搭放支给待太仓库少充即行停止不允

○升真定游击麻承训为蓟镇台头营等处参将

○癸未莽酋犯顺逼近永腾合省徵兵粮饷无从措办于是抚臣吴定议咨四川将库贮应动银一十万两速角□羊接济复咨南京户部动支库银十万两角□羊给并乞查屯田有无开垦土兵有无精练土司军民有无捐贖尚义逐一议处报可

情无一可者乞亟行停止以安畿民杜冒请着照前旨行

○赐原任太子太保兵部尚书张佳□□ 幺月□□同妻封夫人向氏祭葬

○戊子礼部题称宗室旧条例定于嘉靖四十四年而擅婚滥妾则各以题准之年为例擅婚例在三十八年滥妾例在二十三年今代宗肅錡等四十八位奏辨封爵除充火□衣一位病故俊拙等六位查无文卷所据肅錡四十位既经抚按查勘明白宜准改封辅国奉国镇国将军及辅国中尉盖代府僻在穷边各宗资身无计贫苦之状委与别府不同且先以擅婚滥妾另题名粮所以督抚诸臣累为奏请内地诸宗不许援例妾乞从之

○己丑礼部题异端之害惟佛为甚缘此辈有白莲明宗白云诸教易以惑世生乱故禁宜严近福建有僧妄称钦差欲重建支提寺以觊银坑之利又有番僧亦乞内地造寺为通番之计汉上栈道亦复有游僧妄称差遣即京师中近有五台僧自号密藏禅师潜住惑众合严行禁逐 上命严逐重治之

○原任广东总兵官中军都督府右都督张元勋病故着照例与祭葬

○都察院题御史奉差不得枉道回籍家果有妻孥当送父母当省者量宽月日准令取道过家但不得迁延违限诏可

○工部题右都御史潘季驯议称漕河自淄沟至姜家桥一带堤岸系运舟牵挽必经之地因在湖中屡遭风浪冲塌宜用石包砌每三里留水门一道计用银九千四百四十两于岁修并轻赍米银内动支着如议行

○庚寅万历十八年达贼入犯旧洮州官军获功者另奏其失事守备高崇谦发边远充军终身孙继祖等各坐不应从巡抚周盘之请也

○辛卯升河南嵩县守备柯鹰扬为河南都司军政佾书○兵部题武学之设以教世胄而储将材一议严进退一简定考验一分别升降一议定补饩一严查拨差一议派幼小一赏明箭赏一议覆饩粮一拟送考语俱着如议行

○兵部题巡视科道官张应登条陈责实戎政数款一曰简军之实京军三大营战军守城照旧通融拨补其收补开除分卫造报以便户部查对每春秋着实派选即以派选虚实课诸将功罪一曰练军之实各营日分教练春秋二操通计最者升补选锋殿者降为散军而每营火器为要宜以两大营赴北厅燃放一大营在南厅列队每五日为率更番轮演火器以便查点一曰恤军之实各项差拨应行禁革至于擡灯扒沙扫雪等役必不能免惟该管员役为之体恤其有借差以歛费假费而卖差者营官以军法从事一曰核选锋之实选锋以一人食二人之饷必膂力技艺一人可当数人之敌如有老弱者游惰者严加汰革务使五千之众实皆精锐倘营多精锐堪补选锋另行题补即以所汰老弱之饷饷之一曰稽马匹之实营马有二三大营马计一万七千有奇巡捕营马计五千六百有奇惟当禁借骑尽归操捕时课牧毋容瘠损违者指名参究一曰甄别将领之实营官贤否惟于春秋操毕将各营军马技艺逐一查阅以分殿最行简操守临期又宜

互为参考一曰清理禁兵之实四卫营勇士营号称禁兵军踰一万马踰三千岁费二十余万乃有名无实宜逐一清查如法教练勿致缺伍冒额滥支草料俱着依议行惟勇士营四卫营只着该监着实查理训练

○壬辰大学士申时行等题昨奉 圣谕切责言官通加罚俸群臣莫不震悚但宫廷地隔不能一一闻知遂使肘腋之患上廛 圣虑今罪魁已逐党与就擒以法绳之不必过怒然与其惩于后孰若谨于先旧例入皇城者不得持寸刃经断罪者不得入宿卫乃内操虽已停久而兵器犹各藏带宜申明禁制防之于渐具题以闻

○吏部题户科给事中陈尚象所荐编修邓以赞已经升用朱鸿谟杨时乔丁宾颜素蔡悉乔应春凌瑄郑继之卫成芳九员或急流勇退或林樾养高人品卓然宜遇缺推用许孚远雅望称高公论称屈候服满推用王绍先萧汝芳授政难以共功取节亦足励俗应待困衡录用从之

○万历十八年正月点虜宾兔妻等窆边官军防堵获功除吴大臣王英等八名经赏外指挥鲁光祖参政胡维新各赏银十两

○癸巳原任抚治郟阳右副都御史裴应章升户部左侍郎以病准回籍调理○甲午 上谕内阁览卿等所奏悉见忠爱至意前者责遣奸逆已谕卿等知矣但此辈余类心怀报复潜蓄不道为放火毒药之举赖 皇天默佑启朕先知虽则伏法其党甚多朕已命所该掌管之人日夜谨慎至于切责言官朕恕其失职负君但知常时于君父之事每借以风闻沽名至于群奸怀谋筭上则委之不知好生不忠姑从轻罚而已卿等可安心赞治其余朕知道了

○是日大学士申时行等题称比来臣工徯望 天颜不啻饥渴今孟夏时享适值宫禁肃清之日乞移蹕对越以慰神人之望

○乙未原任江西道御史王象蒙复除原职

○兵部题御史张大谟议称虜酋凭肆急在武备宜选将简兵并募雇徵角□羊逐一议处停妥其边镇抚督务湏申严威令毋容姑息明定功罪毋致混淆应袭到部严加比试武举重在骑射毋得专取论策待武臣必加礼遇驭士卒必加训练若有器械钝朽不堪供战及保甲不行反加骚扰者俱听参治从之

大明神宗显皇帝实录卷之二百三十四

大明神宗显皇帝实录卷之二百三十五

万历十九年四月丙申朔

上亲享 太庙

○是日大学士申时行等题辽东副总兵李平胡等报称虜糾众入犯即先期出边搗剿斩获二百余级仰见 圣武布昭将士用命谨将塘报先行进呈

○御史樊玉衡条陈屯马数款一豫派割先行各州县将原徵马价草料银给各马头责令豫买依期角□羊寺且以二年为率通融伸缩则于二万旧额可以常足一并役

头凡湿马头角□羊本色必用俵户马头不可废矣若乾马头角□羊折色已派条鞭马头何用宜合用湿马头止照地亩数目编派勿使推避亦不得别行勾扰一均取兑凡巡验上膘者册注堪兑次膘注备兑及遇兑军必取上膘以备骑操而巡历在先取兑在后能餽养成膘则备兑之马已在堪兑之数矣宜逐一查验部覆俱依议行

○丁酉兵部题御史连标条陈有裨边务一议定互市银马毋使腴剥贫军以充市本一议核大同战马毋使那移充数以滋侵扣着如议行

○戊戌赐准王河东王府等各嫡庶子名各给敕书如例

○议勘播州杨应龙事宜时贵州抚臣叶梦熊主议五司改土为流悉属重庆而四川按臣李化龙意与相左遂因小嫌求斥部覆化龙比士计吏及期不得引嫌思去其会勘扬应龙并改属五司从长计议报可○己亥改封安东王载环嫡第三子翊媛为长子会昌王弼栋庶一子缙木□炭为长子

○兵科张应登题参按察使刘葵申维岱僉事马应梦李启原苑马少卿阎漳均非边材且有烦议宜从罢斥部覆刘葵降级调用马应梦改调腹里李启原申维岱阎漳各致仕从之

○翰林院简讨杨元祥复除原职

○准给寿阳公主护坟地土一千五百顷余退还入官其造葬银一千六百九十九两零给驸马侯拱宸自行营造

○庚子升南京户部右侍郎刘继文为本部左侍郎改兵部右侍郎

○补调简副使张稽古为山东副使整饬辽东开原等处兵备

○兵部题科臣胡汝宁所条陈修省一款谓扯酋东归火酋远遁虽云巢穴可扫然甘凉一线之地自兰州渡河以至肃州各酌量兵力于额兵之外募练三万以备边防盖缘彗为兵象修备不可不密也宜下经略督抚从长计议从之

○总督两广刘继文题称渠吞等十六村原属武黎废县界于思明府忠州江州之间遂为忠州占据后为江州贿夺今既设新宁州治而以武黎四都隶之则此十六村当属新宁管辖但江州原出戍兵见存九百名曾派之该村今村既改属宜减三百名以示轻省土官黄河汉姑行戒饬庶户籍可定争端永杜矣部覆着减率兵二百名余依议行

○辛丑吏部尚书宋熏四< 銙-金 >乞休不许

○以山东僉事郭东里调补陕西僉事

○调山东右参政杨芬为山西右参政驻劄偏关

○改补免勘右参政胡维新为陕西右参政驻劄肃州

○以序班陈一熊伴送夷人骚扰驿递严行追究重拟从浙江抚臣常居敬之请也
○刑部题恤刑四款一恩恤宜广奉差官湏虚心详审惟求至当不拘人数本部题覆亦惟详其恤之当否不得以数多参驳一鞫审宜慎狱情变伪无穷湏不厌烦劳吊取始末卷案前后招对细简严查临审时详问证佐务得真情以洗沉冤一平反宜公恤臣主于

原情按臣主于执法各不相戾苟惟摘一二按臣所经参驳之狱以为矜恤安用恤录为哉宜去雷同尚平允按臣亦宜和衷共沛德意一事权宜重每恤臣所历地方专责理刑一员听其委分驳勘府州县正官俱不得相抗玩怠违者揭呈重则参奏恤录官事竣亦听该科分别考核部覆着如议行

○壬寅兵部题总督萧大亨等会议得平虏卫有屯田地以拨给屯军者次有地亩地自屯军外给各军养赡者又次有拨附地又次有牛具地系舍余开垦者宜设法清查照地肥瘠派纳粮草果粮多地少即与豁除果地多而粮少亦亟为通融合行总阅抚按官严督委官分别责成又议得屯在阳和天城者俱本色在高山镇虏者俱折色地本相联徵粮迥异委为未妥亦宜沿丘履亩从公踏勘定为厚薄二则厚者每石折七钱薄者折三钱五分如地有余多将粮均摊惟不失原额以全国课着依议行

○经略尚书郑雒会巡按御史周盘题称逆酋火落赤等闻我兵调集声言剿杀遂踏冰宵遁其可卜列宗< 土答 > 儿等五百余人以冰开隔在莽刺南山潜住属番哈六束韩六等侦报明白总兵刘继先同原进学等率番汉兵于二月十八日驰赴莽刺川遇贼格斗斩获首级一百四十三颗生擒十二名马牛羊约三千余匹又续报获首级十一颗生擒二名虽火酋远奔元凶未获授首而恶部诛夷疆裘亦已落胆将领尤继先等各宜叙功文臣如巡抚叶梦熊等各宜优叙至于番族哈六束韩六等素称恭顺屡次剿虏有功俱应重加升赏以励后效其生擒幼虏拐卜歹姑乞存恤以广仁恩章下部议

○兵部王德完言虏情叵测其诈言归而不归也诚恐蓄奸图逞蹂< 足 闾 > 必甚往时李本固欲乘时决战又恐未得胜算即近时所报捷功不过窆边流虏莽刺南山余孽假如桀虏合而内向我能直捣而长驱乎倘徒以虚声恐喝之能使彼必畏乎宜敕经略深思远虑虏王果否欲归夷寺果否焚毁士马果否精练饷粮果否充赡番族果否无二心且魏学曾总督任重尚可以逡巡就道乎于达真谋勇名者何不令驰驱塞上乎< 足 铨-金 > 上兵部题覆自经略郑雒报称虏王认罪东归约由嘉峪关外归巢道颇纡曲台省诸臣蒿目忧时有谓扯酋归复宜更与订约禁其迎佛假道抢番启衅而陈制御之三策者有谓宜增兵往来应援者有谓虏于纡道回巢则火真可讨其去来俱宜备而尤宜铃束归番者又如科臣刘为楫欲乘此复市之时绳以俺酋初约毋务修媚而不修备道臣李本固请遣将提兵海上勒虏东归不归则战且当慎防番族勿以轻信受侮俱应酌议题行今科臣王德完复有此议皆与诸臣之言相为表里宜行经督诸臣相机调度魏学曾宜催赴任于达真咨吏部酌用从之○癸卯升陕西行太仆寺少卿熊汝器为山西行太仆寺卿兼佾事

○升顺德府知府张延庭为陕西苑马寺少卿兼佾事

○升兵部职方司署员外郎主事白栋为山东佾事

○新宁县锦衣卫张文被强贼劫掠伤死其掌印千户李名臣等着巡按提问知县张炳通判文似韩知府刘应望等各罚俸三月巡道李得阳等姑免究未获贼严限缉拿

务期必获

○甲辰吏部覆河南道御史马象乾等条陈六事均有裨计典一稽核当实其考语册文外另造一册列所访事实送部以凭黜陟一论拟当虚毋姑免见在而以去任者塞责毋党护正官而以卑秩者充数一采集当广其五花考语册文预行司道府州县从实开送抚院抚院参酌访明攒造毋得转委滋弊一开报当预考语事迹册俱限九月终送部过期者以怠玩参罚一交际当禁一切公程私饷概从禁革尤当自京官始一署摄当议不许听凭请托私庇亲旧仍将署印官通行考核分别荐劾着依议行

○以陕西左参政余寅补山东右参政

○巡按福建御史俞文伟以病准回籍调理痊可赴部听用

○德世子常邦□清先守父制已满又承重继曾祖母郭氏之服至十九年七月方阙乞预赐册封以服满之日开支禄米已奉旨准今岁册封扣日支禄礼臣执称法莫重于封爵礼莫大于服制宜遵例恪守但念本藩变丧频仍准予服满之日扣日支禄以资养贍其遣官册封仍候明岁 上命遵前旨行

○乙巳火星犯箕

○升汉阳知府司马祉为陕西行太仆寺少卿○西路保德等仓节年拖欠召买未完米豆二千余石草七万余束广积仓攒典胡邦宁侵盗仓米二千余石各有明案同知郝应芳曲意摭篦指拖欠为加增掩侵盗为借支又守备贾谟等侵盗月粮被参各未审结部覆乞严究问以后管粮官仍听粮储郎中注考以凭黜陟着依议行

○丙午赐元辅及讲官等扇有差

○调补郑国仕为陕西左参政

○以镇海卫千户王廷相假称功次升职回所支粮管事为主事闻金和清黄查出着拏来京问罪

○戊申 孝懿庄皇后忌辰遣武平伯陈如松行礼

○以南京光禄寺卿沈节甫为南京太常寺卿

○辛亥户部尚书石星以科臣胡汝宁修省< 黜陟-金 >请缓带徵并乞行均丈之法议分数之减悬招徕之令仍责成有司破资格铨选报可

○壬子京师雨雹

○以右通政使谢杰为南京光禄寺卿

○予戚属庆都伯杜继宗祭九坛照例造坟安葬

○癸丑以广东巡抚蔡汝贤为南京兵部右侍郎

○甲寅以太常寺少卿孙矿为右通政

○以南京吏部主事汤聘尹为广东副使

○乙卯以广东副使陈文衡为湖广右参政

○丙辰改刑部尚书陆光祖为吏部尚书

○升通政司右参议李观光为左参议选用南京兵部郎中张书为右参议

○先是闲住郎中公一扬假名建白纳贿干进为辅臣王锡爵所奏 上令革职为民严提究问科臣杨一举复请严假托之禁曰章< 〇〇〇 〇〇 〇〇 >宜发曰议覆当慎曰法守当严部覆以建言诸臣人品原自不同惟当核所言之当否参以操行之纯疵如有为干请者严加访捕以清仕路报可

○丁巳大学士申时行等< 〇〇〇 〇〇 〇〇 >请视朝 上传谕以 庙享回一向头目眩晕体未大安时行等复< 〇〇〇 〇〇 〇〇 >恭候

○以广德州知州任春元为广东佥事驻劄罗定

○吏部题科臣叶初春所议升转事将户部监督禄米仓改为年差通州三差改为三年题差以省注选候补俸资深者间升二司知府未及格者仍有缺填补所议举劾事方面官有贪酷衰庸者如例参处不得曲徇以示长厚抚按不举者听部从公径处着依议行

○以遵化游击柴登科侵扣军饷革职提问其武官近年专为结纳馈遗却刻剥军士侵冒钱粮以充私费已属积弊仍着严禁抚按官不时参奏重治

○以镇朔卫副千户桑国琛侵匿柴炭银一百两致累印官着追赃遣戍仍革职为民许次房降级承袭

○以广西桂林卫试百户王国威拨置宗室殴官虐民降调边卫总旗余犯遣戍

○戊午以保宁副总兵李真改充分守凉州右副总兵董一元仍留西宁练兵从经略郑雒之请也

○调改李秉德为延绥八卫游击李希松为凉庄游击互相更调从抚臣贾仁元之请也

○宣府东路副总兵张充实剥军黠货为阅视科臣钟羽正参劾着革职回卫

○大梁兵备佥事王九仪患病乞致仕从之

○礼科给事中胡汝宁议正人心端士习二事部覆依议行○日讲官左春坊赞善兼翰林院编修顾绍芳告病准回籍调理着驰驿去

○己未赐贡夷海西忽鲁女直夷人都督佥事羊孛罗等宴

○兵科给事中张应登言辽虏速酋男糾合入犯官兵迎敌斩首二百四十七颗夺获马甲倍之可谓大捷但官马射死九百而官军死伤不及三百其斩获并阵亡俱当核实至目前之计当饬备以防虏之报复虏退虏来俱宜防备而尤铃束归番宣大之间当多方以牵虏之必返东西互相策应部覆从之

○工科左给事中钟羽正言史酋背叛出关其情状未可遽测因议守御之备有五一谓墩军长哨粮饷当加并免其领马采柴使专心哨防一谓东路游兵行粮当给即以逃兵之数抵充一谓新设下北路参将营当召精卒六百人而以八百之粮厚之一谓召兵当量给以属夷所革之赏一谓东路下北路冲边处所墩台有疏稀低矮者湏为添补

加帮即以修边及抚赏未用之银办之部覆报可

○庚申刑部尚书陆光祖奏辞吏部尚书不允

○南京刑部主事汤显祖因星变陈言劾辅臣申时行欺蔽吏科给事中杨文举经理荒政受贿多赃礼科给事中胡汝宁一虾蟆给事皆辅臣党护诏切责之

○以刑部员外莫睿户部主事李开藻主考云南工部员外盛万年大理寺右寺丞黎芳主考贵州○大同督抚官萧大亨言大虏将归门庭之寇可虑牖户之计宜固议处兵将以图实用议拨捕冲城额军议墩台号令专官议改造全镇火器议摘修紧要边堡议沿边屯捕兼官部覆俱依议行

○命辽东各镇买级窃功情弊着实清查禁革从御史胡克俭劾也

○辛酉遵化县提举庄太平庄二处天鼓鸣如炮响空中有火光各陨石一块重各数斤

○江西巡按御史陈禹谟勘过妖贼许戒明等分别斩决高尚忠等赏赉有差从之

○命赏夷衣服等项近来增添数多着通行查明酌减

○工部覆礼科给事中胡汝宁议徐州河患乘水消之时亟宜修培请停江西数年烧造以苏民困依议行

○壬戌传制遣隆平侯张炳彰武伯杨世阶武进伯朱世雍太常寺少卿王继先光禄寺少卿吕兴周尚宝司丞赵崇善兵科给事中薛三才为正使简讨范醇敬给事中刘弘宝杨恂中书舍人翟思顺行人宋附隼中立赵乔年为副使持节册封德府等府王常邦□清等并妃尹氏等至各王府行礼

○予永年伯王伟祭一十六坛坟穴碑亭等项量与修造

○癸亥升大同守备李芳春为左营游击

○甲子以端阳令节赐辅臣申时行等讲官李长春等金书黄符金艾叶有差

○升五军九营游击王通为榆林参将以原任副总兵李如柏为宣府东路参将

大明神宗显皇帝实录卷之二百三十五

大明神宗显皇帝实录卷之二百三十六

万历十九年五月乙丑朔

○先是五台矿盗张守清自开矿洞招纳亡命三千余众设立头子二百余名缔婚代藩潞城新宁二王势甚张大矿徒不遵约束者立毙杖下远近村落咸惧其焰按臣连标疏乞敕守清改过散党仍谕二王绝婚已有旨依议守清乃复自请纳税阅视科臣张贞观奏称当此财用匱乏之时分砂取税似不无少补但彼先窃据而我以法徇人盗居其重我居其轻非所以为观于天下也宜角□羊散其党封洞置守部覆报可

○丙寅祭地于方泽遣公徐文璧恭代○工部虞衡司主事盛万年贵州主试因母病告辞允之

○丁卯谕内阁朕因玄象示异奸恶不轨故特谕内外臣工恪恭乃职省己乘公用

弭天变以图治安今各不任所责归咎元辅前万国钦捏诬诋辱朕念系言官已薄罚了汤显祖以南部为散局不遂已志故假借国事攻击元辅本当重究姑从轻处了卿等可说与元辅不必以浮言介意卿等俱安心供职还着鸿胪寺传示元辅即出办事勿负朕意

○以山西河东苦地滩地五十一顷零行安邑夏县居民召佃每亩徵银一钱共徵银五百一十二两八钱充饷从御史林祖述之请也

○是日漳州府地震

○己巳 上以端午令节赐四辅臣上尊珍馐

○以南京鸿胪寺卿施策为太仆寺少卿○以原任兵部尚书赵锦补刑部尚书

○升四川左布政陈藻巡抚广西

○升文选司郎中朱来远太常寺少卿

○复设广州海防参将驻劄南头地方以游击陈策管理虎头门设立把总即以把总刘宗汉改补裁革广海游击另设守备从广东总督刘继文之请也

○虏入石门路杀吴家庄居民五名杀伤中军千把总踰十员御史荆州土奏闻

○以十八年虏犯陕西地方查勘各失事将领守备丁昂等着降俸一级夏尚忠罚俸二个月余功过相准者免议从巡按周盘之请也

○参将孙朝梁行巡按御史提问巡按周盘劾之也

○庚午大学士许国请发六科公本为吏礼二科都给事中杨文举胡汝宁被南京主事汤显祖讦奏乞并批发以安诸臣之心○辛未 孝宗敬皇帝忌辰遣抚宁侯朱继祖行礼

○兵科给事中张应登言前哨三卫系我属夷岁有抚赏来有流赏柰何由石门路恶谷而入寇贼夷不知为谁而喜峰报称东虏银灯调长昂部落犯抢辽东山海是朋呼类引非一朝一夕何谋密不泄而我卒不能先得也恶谷无墙驰突诚易我岂不据险为守而今贼夷五十余骑丑入寅出攻我边堡杀我哨军如入无人之境且将领损失甚多何以伤官而不伤军失人而不失马也我之抚夷甚厚夷之谋我常狡即如长昂一夷无论年来给我内帑不费即石门路新增赏物长昂已得十之二三屡赏屡抢初不以羈縻为意者东西二虏号称百万而以长昂介乎其间岁时祭祖之说未必非盟神会话之谋东构西连恐临期而并举者不止一恶谷也恶谷之失事宜核蓟镇之军令宜饬部覆从之

○以广东中书舍人袁学贞家习贩珠有违禁例革职为民壬申巡抚辽东都察院郝杰总兵李成梁各引咎乞归以山东巡按胡克俭劾其遣副将李宁出剿镇夷堡邀功威敌致多损伤也不允

○癸酉刑科参永宁王府辅国中尉朝拈等擅离封城越二百里外吊丧与县官抗礼复越关诬奏宜罚治如例章诏部议

○吏科杨文举礼科胡汝宁各辩南京主事汤显祖疏乞归不允

○江西道御史王之栋论赵锦年老不宜任刑部尚尚并劾吏部尚书陆光祖 上切责之仍令降杂职调外用

○总督河道都御史潘季驯议开魁山支河条议四事一瓮石堤以固保障一设长夫以备修守一改堤夫以专< 甬 疏 金 >浚一信法守以防淤阻部覆俱依议行

○甲戌吏部尚书陆光祖以御史王之栋之劾奏辩乞归不许

○户科给事中王继光议覆边饷行各镇道查议密蓟永昌四镇主客钱粮势不可裁者仍议照旧其有因事增设而沿为旧规因事归并而类浮于额与凡浮费冗役悉从裁减计可永省者每岁共省折色银二万二千三百二十余两本色米四千五百余石豆六百四十余石照数扣除部覆依议行

○福建长泰县反狱重囚三十五名已获并物故三十四名未获一名参政邹墀罚俸二月知县李学诗革职闲住

○是日漳州地复震

○太平路喜峰口并雷击墩台折伤官军

○乙亥吏部尚书宋纁卒于官准照例与祭葬还与谥○云南缅甸入寇官兵堵截有功令从优叙仍议以秋冬遣使宣谕暹罗牛达喇令其夹攻从镇抚吴定之请也

○史车二酋以外夷收留边内豢养三十余年一旦背叛出关 上命革赏不许复入乃恋赏要求令其子吉妹在永宁边墙偷赶居民牛羊总督宣大都御史萧大亨命游击抗大才将二酋亲男计擒为质史酋恐惧将牛羊退还求赎其子复阴谋扑捉参守易子复赏抗大才得降人言预行堤备到边与史酋讲说将抗大才左乳射中官军奋勇对敌生擒一十二名内有史酋子红亥女哥镇斩首十五颗内有史酋妻能他儿大等获达马五十五匹请行优叙部覆从之

○丙子 仁宗昭皇帝忌辰遣武安侯郑惟忠行礼

○命国子监祭酒盛讷为詹事府少詹事兼翰林院侍读学士充日讲官○兵部尚书王一鹏告病乞归不允

○以礼科给事中孟养浩与礼部员外姜镜主考福建

○户科给事中陈尚象主考四川

○吏部主事唐世尧刑部主事叶修主考广东

○兵部员外胡桂芳工部主事吴家喜主考广西

○丁丑

上视朝

○户科给事中陈尚象参吏部主事周应鳌贪污不宜入铨部覆调南京别衙门用

○命山东河南应纳临德各仓改折钱粮着尽数完角□羊如有拖欠照例查参

○戊寅河东巡盐御史林祖述条陈七事一荐管盐官以便责成一议派盐引以苏

民累一折王府盐以省转运一练巡盐池兵以固防守一量存口本以存积困一调停掣放以恤坝夫一增斗底银以裕边饷部覆依议行

○命御史陈唯芝勘应天巡抚李涑所参苏州知府石昆玉擅动吴县库银事完方许交代

○己卯广西巡按钱一本言河间景州交河等处地方口人鬻盐坐卧市肆结托有司计丁摊派甚至一岁数次而且杂以沙土民为累害夫边储所急需在盐课而生民所资食在官盐必官盐大通斯边储有济迩来私盐盛行官盐日阻口人有坐守之虞而有司有缴引之责此摊派之端所由启也而小民始受包赔之苦矣宜严禁摊派重革插和等弊部覆从之

○命给永年伯王伟护坟地六十顷

○给已故工部尚书何鸣起祭葬仍加祭一坛○庚辰亥时月食

○降南京礼部主事汤显祖为徐闻县典史添注

○以海西友帖忽里等卫夷人辞朝吃宴互争侍班御史邵以仁参究各官疏慢奉旨着罚俸

○辛巳四川道御史傅光宅奏御史王之栋 上切责之

○除原任工科给事中梅国楼为刑科给事中

○调原任浙江左布政余一龙为四川左布政

○提调直隶学较御史徐申患病请乞回籍许之

○宣大督抚萧大亨条议禄饷参罚事例部覆从之

○命春秋两班官军同管军歇操之日一体撤放将每年五月十一日班军应支行粮及 寿宫军三千名城工军七千名应支盐菜照数折银角口羊送工部酌量工程缓急雇募精壮应役从户科给事叶初春之请也○壬午赐四辅臣鲜笋

○调山西副使王守诚为山东副使

○四川四哨番贼作乱巡抚李尚思大举兵剿斩获七百余级巢穴尽空请叙功有差部覆从之

○癸未赠吏部尚书宋纁太子太保荫一子宋纁忠勤有恪端洁无私由司农而秉铨叙輿望素孚迨属纆戒其二子勿得陈请 上特俞家臣陆光祖等< 䟽 毓-金 >予之

○甲申兵科给事中张应登言史酋一门妻已授首子女就缚必痛心舍死含忿内向不可不加备该阅臣钟羽正条议真切应亟议行龙门主兵加饷召集之后客兵自应抽减务定久远之计无误战守之宜部覆从之

○乙酉升吏部右侍郎王国汲为南京刑部尚书

○升南京国子监祭酒张一桂任国子监祭酒○降阳和兵备部永春一级照旧管事 御史刘士忠劾也

○户科给事中王遵训言贤才世道所关方今加意旁撙沈一贯刘东星耿定力等皆系逸品似当登崇至大小郎署郡国子大夫之属有闇然自修如唐伯元李开藻汤显祖诸臣而未见破调获用唐鹤徵素有浮名而两挂弹章大张秽迹始知众誉者藏污群毁者负俗而况孟一脉之不阿至令踟躅乎世途郑国仕实庇余懋学弹者何竟投之偃蹇也言官不可不详辨也馆士宜令晓畅民事散馆之时列置东省西台郎署亦当分授铨司升补之时如果当用即一省而二三人可也如不当用即一省无人可也若一来一去名为推让其实皆过抚臣开府一方宜巡行郡国考察群吏以周知利病庶举刺无错人才出自学较宜择其学行兼优者往否则无遣边方多事择吏尤湏慎重若节度朱旛州伯邑令宜年力并茂才守兼雄与甲科之美迁擢比之腹里略示优异至闲散杂员人情所轻闻有一二尽可驱驰不宜闭以无前之路着覆内外诸臣才品酌量减用余如议行

○是日马水口雷火烧台

○壬辰西城兵马何价酷刑打死李盖三命巡视御史刘思瑜曲为庇护着降一级调外任并令巡城不许滥准词状兵马不得擅行考掠从都察院李世达之劾也

○升尚宝司司丞孟一脉南京通政司参议

○升工部郎中沈修为山东参政

○总督漕运都御史周采病乞归不允

○癸巳降按察使郜永春山西参政

○举参将朱鹤龄等参都司段宸革任回卫从巡按贵州陈效之劾也

大明神宗显皇帝实录卷之二百三十六

大明神宗显皇帝实录卷之二百三十七

万历十九年六月甲午朔以工部左侍郎陈于陞总督漕运巡抚凤阳

○兵部覆题雷廉珠池自涸州设有专官外寇远遁内盗随擒游击陈震参政龚锡爵等功当首叙从之

○以原任山海关参将吴惟忠任蓟镇统兵游击

○乙未以翰林院修撰萧良有升右春坊右中允管国子监司业事

○以南京吏部文选司署郎中主事谭希恩改尚宝司司丞

○以云南副使徐秉正任贵州提学

○兵部覆给事中李汝华言扯酋之归原为孤火酋之势今扯酋仅移帐狼湾去仰华才五百里虏无虑数万经略兵止数千原马价三十二万止余一十四万饷费不贲此时不当求虏唯先自治湏调集兵马多积粮饷预据险要使战胜守固虏之归不归第听之耳至于火真二酋罪在无赦使其远遁海上则悬赏购之复窥近边则就近剿之毋得畏敌养患报可

○以魁山一带河渠工完费省效劳各官分别升奖

○庚午以南京大理寺右寺丞王汝训任南京太仆寺少卿

○辛丑以巡抚福建右副都御史赵彦鲁任大理寺卿

○壬寅阳和城星殒又天鼓鸣

○大学士申时行奏乞休致不允

○巡按四川御史李化龙题叠茂诸番糾结为乱势甚猖獗官兵奋勇攻剿先后俘馘已八百有余获功首从人员通候事完勘验过功级合先题报

○阅视蓟昌右通政兼御史穆来辅言近日长昂男伯晕反率众窃犯石门路条陈八议一严媚虏之禁一预怠玩之戒一整关隘之兵一饬侦探之法一申台烽之令一恤炎夜之苦一核抚赏之弊一重提调之任着如议行

○癸卯吏科给事中杨文举因人言告病请乞回籍许之

○以翰林院编修李廷机刑科右给事中梅国楼主考浙江翰林院修撰朱国祚户科右给事中叶初春主考江西兵科左给事中张应登礼部仪制主事唐伯元主考湖广

○陕西巡抚叶梦熊言虏酋结谋内犯频遣奸细今活拏一起系火落赤所差一起永邵卜所差阴谋毕露凶计潜消宜审勘正法获功员役另分别议赏

○甲辰大学士申时行辩南道李用中之揭言臣不必辩者二与臣无干者二吏科杨文举资序自该掌印臣何能私臣家人申炳但给使令何能受贿鬻官若抚臣李涑之参石昆玉以钱粮而臣之行勘昆玉正以显明其心迹吴县令周应鳌抚院荐草具在自应拟铨以被论调南何与臣事乞求放归优诏答之

○上命今次延绥各镇边储不拘三年内外无分主客京运民运俱听阅臣查核从阅视少卿王世扬之请也

○四川巡抚李尚思奏剿松坪恶番屯据大雪山顶总计擒斩俘获共二百六十五名颗连前共一千九十七名颗功次悉听验核

○福建中路游击孙继爵直隶金吾卫李廷宗延绥清平营参将左国卿守备王大玺山西五军营左副将朱永祚等各革任回卫俱从各巡阅之劾也○丙午巡按直隶御史张鹤鸣题朵颜三卫各夷阳顺阴逆动肆要求条陈防御之策八款一稽哨拨一速哨报一严瞭望一防险隘一便应援一择路将一慎抚赏一决征剿部覆从之

○河东王府奉国将军新墙吓财殴毙僧人张真玉性成子二命革爵降为庶人押发高墙

○丁未以太常寺卿张汝济巡抚福建提督军务

○戊申大学士王锡爵奏闻母病乞放归省不允

○上谕各边卫屯盐本折钱粮俱系每年正额分毫难缺岂可藉口灾荒缓催科以误边计查参事宜酌议停当都依拟行从户部尚书石星覆各阅视诸臣之疏也

○时湖广贵州用兵经费浩繁上从总督张岳议将各卫所官旗赴京比试许纳银米济边免试○山东抚臣宋应昌题荐衡王鲁王贤孝礼部请差官奖励给与坊扁以

示表异从之

○己酉吏部尚书陆光祖奏被御史陈登云< 䟽 铨-金 >论乃疑其不利于己辄为先发制人之谋请乞查勘并赐罢斥不允

○上命芜湖龙江瓦屑三关榷税系供南京御用袍服并修理 陵殿城垣等项工料着该县官查照单开银数亲自兑验收库起角□羊税银赴该关主事挂号选的当人役角□羊部各关主事一年差满将角□羊过税银造册投部考核从南京工部尚书衷贞吉之请也

○庚戌宁波府慈溪县茅家浦村间池涌鲜血溅船船即出血溅人足足即出血半时方止

○兵科给事中张应登言四方灾异频见九塞虏情报急皆将吏卧薪尝胆之时若顾养谦之勇力智谋曹子登之严练军士于达真之鞭撻贡夷李时芳之辑抚岢岚皆当任用又言逆贼恩个糾緬为乱接得永腾等处听选教谕揭帖称緬罪当征陇川最大北接金腾南通缅甸西傍迤西东邻木邦宜移腾越参将驻劄彼中筑城屯田团练卿兵以联络诸夷控制六慰

○奉圣夫人柴氏造坟诏准给葬价银五百两后不为例

○辛亥 上谕大学士王锡爵曰朕览卿所奏忽闻母病恳切求去朕思臣事君之道忠孝岂能两全卿之忧苦朕岂不知柰今边方多事所赖卿与元辅等共济时艰岂可辄为引退既卿母微疾见有卿子衡在籍侍养卿可安心调理待母病痊差官迎取来京奉养以全子道岂不忠孝两全卿不必忧思过虑即出佐理共图国事慎勿再辞○经略尚书郑雒言臣奉 皇上敕谕廷臣会议务使虏王东归毋再垂涎于西土火真二酋合归原寨毋令盘据于内地乃陕西巡抚叶梦熊辄移书于臣并布之长安大抵欲以战雪耻夫兵凶战危未易轻举臣度其时势虏未可轻动不欲委生灵于锋镝以貽君父忧若驱逐虏王俟其远离王号应革市赏应绝资之庙谟自有定义如主梦熊之见孟浪用兵非所敢闻报可

○壬子火星犯箕

○大学士王锡爵准假三个月驰驿归省特赐路费银一百两纁丝四表里仍差官伴送促令如限前来

○户部覆陕西巡抚叶梦熊条陈一修墩堡一增年例等费各依议行

○癸丑兵部言自经略尚书郑雒之报虏将东归而今尚西驻也言者纷纷及甘肃阅臣< 䟽 铨-金 >至大虏果去仰华群丑果徙远寨人疑稍释今但不知近日之虏情因以知经略之定计大率谓兵必出于有名将多蹶于趋利虏方远遁轻出为难若乘秋再逞正当蓄锐以俟惟在先几而运万全务伐狡谋以收胜筭昔赵充国之服先零计不在此又言魏学曾议欲绝款贡专修战御夫绝款之始湏以虚实缓急权之不宜斩然俱断以动各边之虏唯在督臣便宜从事相机制胜至于经略有事特遣专意选集锐师西

熊极论经略之欺妄揭送一鄂一鄂遣归而阴以报雠雠是以有同事异议之疏乞处分二臣以除误国之罪有旨本兵居中调度经略专制便宜徐琰好生轻率姑不究

○以原任福建总兵于嵩起补五军营左副将

○乙丑广西南< 粵 >地震

○命催原任尚书魏学曾赴镇任事以虏患方急也

○总督蓟辽兵部侍郎蹇达题辽东巡抚郝杰辽镇事宜一改移车营劄武靖营以防抢掠一增设备御于马鞍驿以便应援一议改清阳提调为备御以重事权着依议行

○丙寅甘肃地震○以工科右给事中李周策补吏科以礼科右给事孟养浩补户科俱左给事中

○以山东副使陈文燧升补云南右参政

○兵部尚书王一鄂奏辩徐琰论其赍回叶梦熊劾郑雒< 铨-金 >揭因求致仕不允

○光禄寺寺丞朱维京奏经略郑雒听王志宝计龙之邪谋御虏辄为两可之词以相愚弄至可虑者雒主和而总督魏学曾巡抚叶梦熊主战抵牾如此能无僨事合将雒还京别用或暂回籍以经略总督之任专委学曾令与梦熊同心展布复剖判功罪严行赏罚如四川全军覆没按臣以不报外补而督府大吏居然无恙李廷仪纵寇入关改调南京未正典刑甚非奔走群材之道也 上曰已有旨

○兵部覆巡抚陕西都御史叶梦熊荐举将领等官除陈璘奉旨不许推用外将麻承恩杨绍勋王化熙李承勋等附记将籍随宜推调董一元刘缙国等方听用西镇邓子龙方立功云南候事宁酌量叙用陈燮张沛等移文彼处衙门送陕西巡抚军前听用候有功绩荐叙升擢从之

○丁卯命谕德陆可教余继登为应天乡试考官

○以户部书手蒋晓伪造本部印信及太仓银库关防钤空头劄付骗卖与姚守谦蒋晓拟为首律斩刻匠方良相为从发遣

○镇口一闸遇挑浚时粮艘民船停留数日巡漕御史贾名儒请将本闸之东有新开支河处再开一口建闸三座名为东镇闸与西闸递相启闭使挑浚行舟各不相碍其工费取办岁修银内乞作速勘议

○ 仁孝文皇后忌辰遣灵璧侯汤之诰行礼

○戊辰户部奏请十三年以前各省直税银马草杂派银两及浙直十四五六年分起运盐钞等银已经尽行蠲免其拖欠在民者不追而已徵在官者宜角□羊今查浙江册报已徵在库银一万九千零江西册报一万六千九百零宜敕各省直将已徵未角□羊银限二个月尽行起角□羊以佐边需从之

○兵部题郟阳巡抚萧彦荐举都司守备指挥等官王鸣鹤王梦吉谢应徵等及原任四川松潘参将王一柱附记将材薄酌量推用荆瞿守备郑□□木心□明革任回卫

从之

○以神枢七营参将聂大经调分守蓟镇马兰峪地方参将

○光禄寺供应红器柴炭二项自万历元年至今岁增一岁靡有纪极工部尚书曾同亨议以红器一项将万历十九年之数该成造一万四千八百七十件著为额例柴炭则以十九年刻票为额例此外即为续添俱系本部召口买办庶额例常存续添纵多不致滥额太甚从之○己巳工部左侍郎金立敬予祭一坛立敬浙江临海人由进士授兵部主事历任至山西按察使以母老乞侍养终丧复除江西按察使升至工部左侍郎被论致仕

○先是辽东生儒许附顺天乡试量加额五名皆为内地所占御史胡克俭请于卷面注边字阅时少加宽收部覆以宣府辽东均试顺天今独好处辽士似难轻议惟合将下第朱墨卷转发各处照文理厚加奖赏从之

○庚午大学士申时行六_〇疏_一 乞休以 圣谕勉留谢恩即日到阁办事

○以河南副使周梦旸升山东右参政

○以户部山东司郎中周文卿升陕西副使

○以原任四川右参政王淑陵复除湖广左参政○以原任云南副使高则益调补四川副使

○以原任翰林院编修吴应宾补除原职

○户部尚书石星题甘肃巡抚贾待问条议谓支放钱粮稽核最要宜置立饷册饷票预行各将领查实见在军马册报给票照数给散月粮如有逃故军马应扣者一一登入册票之尾临散扣除还官毋得隐匿着依议行

○阅视宣府边务左给事中钟羽正题称该称钱粮有用之市赏不尽者谨酌定额数开款以闻一定抚赏之额查得会计录抚赏除哨赏外止用银二万而今节加至五万二千零此俱地方官阴加暗派宜每岁定银五万二千两其不足者合将都司各卫课程及仓蓆皮剩银并各衙门纸赎驿递等项顶抵此外上下西路中路等处尚有哨赏每岁用减哨银一万四千八百余两仍旧动支俱不得科派官军亦不得加添夷人一定市马之额宣镇市马万历三年报一万八千匹银一十二万两乃历年递至三万六千匹长此安极合以费银一十八万五千两为率除用客饷及太仆寺发本镇扣兑马价并各项等银外尚少二万四千一百两零查得该镇有旧例朋合银肉脏银河南班价各项等银共可足十八万五千之数一议市赏之使查得本镇有久猾通使为夷人指引索货或以他马使卖而分其直为罪莫甚合宜专委中军参将等官有能杜其要求者即不次擢用照旧量行犒赏如加增则通使通官及抚夷官照分数论罪章下所司

○以光禄寺卿陈大科任太常寺卿

○兵部题四川巡按御史李化龙奏称新桥堡失事审获逆番阿呼等俱言受豊_〇 承业扰害故恣狂逞宜加重辟以服番心于是新桥堡千户梁继武宁州卫百户谢

继祖以寇来疏防逃窜罪掌所印百户陶克孝以索取番货惹祸罪至指挥曹守爵怯懦不前千户张启轻信掣军各着巡按御史提问

○壬申以江西道御史苏鄯为大理寺左寺丞

○云南巡抚吴定以抱病忧亲乞休部覆谓云南外则缅甸侵犯未宁内则镇臣议论未息宜令照旧供职从之

○癸酉建州等卫女直野人差阿台等进贡着临淮侯李言恭待

○兵部题经略尚书郑雒奏称巡抚叶梦熊叠书谓火酋率众复过黄河而西宁侦探却称火酋尚巢海脑两报互异又据梦熊书称苗兵已至狭境必尽诛火酋因与约日出兵但西宁及两川布满皆番番抄虏形差别不远恐将卒要功杀番充虏屠戮无辜宜经略主河西之兵仍以万世德为赞画巡抚主河东之兵即以梁云龙为监军两军前驱必用熟番能辨识生番曾经杀虏者以为向导庶成犄角之势又无玉石之□□参着如议行

○巡按山东御史胡克俭上〈□疏-金〉曰总兵李成梁虚张贼势去年十月闻虏大举奔逃今春阅科到镇乃袭杀板升汉人二百余颗以张功回兵遇贼李宁先奔蹂躏死者无算臣扼腕边事参李宁微及成梁大学士申时行与许国各为曲庇本兵王一鹏遂半年不覆李宁参〈□疏-金〉矣督臣蹇达亦受成梁金帛置巡抚郝杰会稿功罪一〈□疏-金〉另行具奏岂杰亲临者不知其罪而达遥制者乃又知其功耶兵科给事中张应登结如楨为兄弟甘作李氏鹰犬而劾申维岱刘葵更欲甘心于抚臣杰三窟自卫百足势成矣成梁自知袭杀属夷已盈众口遂密教郭梦徵诱夷人以石门花谷之富指引道路啖令抢掳以证属夷之罪又忌副将孙朝梁恐其成功令李平胡购买夷人专抢辽阳一日二三次又密令备御张栋等策应支吾俾朝梁不得与贼合阵于是应登题参石门之事以实成梁掩杀之功一唱一和捷如响应又其甚者十一年冬贼犯十方等寺共割汉人首三百余级报验十六年春剿那林孛罗攻围不克军丁死者半又复制死军五百五十余颗报验掩败冒功前御史陈登云许守恩各欲参劾而巡抚张学颜乃比功尹吉甫遽请封伯遵何例也总之成梁于前后巡抚异己者挤之附己者姑容之鼓弄圈套以致边事大坏惟核虏入犯不战之罪与严核出塞斩获之功则全辽幸甚有旨先年节次边功俱系巡按御史核实具奏方与叙录彼时胡克俭不曾亲验如何悬度妄议牵蔓多端

○大学士许国尚书王一鹏以胡克俭参劾扯及各求去位俱不许

○巡按山东御史胡克俭参论左都御史李世达所糾御史刘思瑜为作威行媚与前所驳犯官李惟萼宜分赃不宜并赃为曲庇盗官不可令其窃位于是世达请休并乞劄行辽东巡按将前狱虚心研审左副都陈有年等题胡克俭挟私妄奏大学士申时行亦题克俭妄排执法之堂官应拟降调 上曰李世达参驳事情正见表率僚属振肃纪纲胡克俭輒敢党护同官挟私丑诋好生狂肆本当重处姑从轻降二级调外任用李世

达着供职如故○甲戌西宁巴暖等处星陨天鼓鸣

○以南京光禄寺卿谢杰任光禄寺卿

○以云南副使王士性调河南提学副使

○以原任河南道试御史梅国祯复除浙江道御史

○兵部覆总督两广刘继文等题称琼南黎岐错居始因上舍庄佃之克剥复以安贼逃兵之交通糾党出劫杀掳男妇乃显示诛剿乘机安抚一时诸黎归命恐后所据与事各官宜分别叙论仍咨吏部将琼州府通判带衔抚黎及咨礼部请铸关防赍发行事从之

○乙亥大学士许国题谢恩入阁办事

○礼部题延长王真澆病故○经略尚书郑雒陕西巡抚叶梦熊各题称哨获奸细阿歹完卜领贞等已经角□羊审正法其有功员役分别拟奏乃洮州西宁二报互异所据虏王收拾行李约于六月内回巢火真住牧海南河脑若虏王果遣留部落复犯两川当严兵擐甲以待决战抚镇二臣于归德临河地方称兵堵截至于属番刺麻每以往乌思藏为由经过虏地私通传洩务严加抚谕以固藩篱部覆从之

○丙子以原任南京太仆寺卿沉思孝为南京光禄寺卿

○陕西巡抚叶梦熊题称贵州苗夷骁勇欲募三千以充选锋已经部覆移文经略从长酌处乃议奏未见报而苗兵三千各已于四月内起程自备银米盘费进狭境矣于是科臣王德完劾奏梦熊轻召苗兵请加赦罚 上令免之而经略郑雒以苗兵赴义难以阻回奏乞犒赏并处月饷部覆以统领安插教习调辑一切事宜俱当酌议停妥从之

○直隶巡按御史荆州土举劾副参游守等官史宸等三十五员俱附记将籍循资推用王弘羊革任回卫张守职吴惟璘候改调用着依议行

○扯酋假道言归复变路从镇羌愈变愈狡吉囊亦诈为罚服暗招套虏复图后举西海诸虏列市延宁而驰蹂五郡要币宣大而流毒两河陕西巡按王有功请合各镇以制之各责其越扰革赏捣巢以绝火酋党与使不能横行甘肃洮巩一带其虏王一年停赏二十万金当给甘肃为战守之资且西海之虏自宣大延宁而来甘洮之患自宣大延宁所贻当借财宣大借力延宁协同夹击庶易为力仍谕扯酋作速东归海上诸虏亦谕令角□羊散若扯酋已归即探火酋住止以得元凶以申群愤着如议行○阅视辽东科臣侯先春题兵部< 䟽 銃-金 >称将领贩易夷马之蠹军士买补营马之苦自今以后凡营马尽数官买之将领富□不得私买一马凡军马尽数官给之将领富□亦不得私卖一马私买既禁收马自良利一价无高擡马价自省利二马少疲弩操马充实利三军由官给军免稍银利四倒死渐半军不赔偿利五马无私收军不受累利六收马愈多子银愈积利七厘弊苏军法无便此章下所司

○戊寅遣武定侯郭大诚等往各陵行礼

○吏部题台谏乏人委应选取以充任使将在外推官知县历俸四年八个月以上

查得考荐优异者行取从公选授从之

○己卯以户部陕西司郎中张悌任陕西左参议

○以原任贵州副使冯时可任提学副使

○以南京太仆寺少卿胡用宾乞休请恳准致仕○巡按御史贾名儒条议漕务一申明兑限以速粮运一议加润米以弭争衅一申明职业以苏偏累一减运官以省冗员一议催白粮以重例限部覆谓加润米是许收润米也将黑腐充数大坏漕规矣余俱如议行从之

○山东六月中预传主考给事中李周策副考主事杨凤巡按何出光先贻揭于御史李以唐至是礼部请题山东考官果周策与凤为李以唐所劾乃改给事刘为楫主事蔡应麟 上命罚礼部堂上官司官各俸有差

○庚辰松江太阴等处飓风海啸坍房害人

○降湖广道御史胡克俭为湖广蕲水县县丞添注

○工部题甘肃巡抚贾待问条议一挑渠坝谓甘镇屯田惟藉水利且渠坝故道具在合严行修浚一精器械谓甘镇地当虏冲战守器械尤宜整齐合行沿边各道严令管局官员督率工匠如法打造务期精坚足以御敌从之

○辛巳 成祖文皇帝忌辰遣永康侯徐文炜行礼

○壬午以江西副使袁国臣任山东右参政刑部贵州司郎中阎芹任湖广副使以张栋补兵科都给事中钟羽正补吏科都给事中

○命给南京巡视京营御史兼管巡视仓场敕一道仍铸关防一颗

○癸未大学士许国等题昨得浙江福建抚臣共报日本倭奴招诱琉球入犯盖缘顷年达虏猖獗于北番戎蠢动于西缅夷侵扰于南未经大创以致岛寇生心乘间窃发中外小臣争务攻击始焉以卑凌尊继焉以外制内大臣纷纷求去谁敢为国家任事者伏乞大奋乾刚申谕诸臣各修职业毋恣胸臆 上谕六部都察院曰 祖宗设官分职使之上下相统内外相维体式俱存纪纲攸系是以官守言责各有司存岂容紊乱近年以来人各有心众思为政或以卑凌尊或以新闻旧或以僚属而詈官长或以外吏而排阁臣以致国是纷纷朝纲陵替大臣角□羊体争欲乞身国无其人谁与共理内治不举外患渐生四夷交侵职此之故今后但有干名犯分抵冒诬蔑肆无忌惮者宪典昭然定不轻贷仍行与南直隶浙江福建滇广镇守督抚等衙门预讲调度兵食之计申严备御海汛之方钦哉故谕

○河南道御史傅光宅题乞还胡克俭原职如郭惟贤邹元标例不许

○甲申吏部题总督粮储南京户部右侍郎董尧封宜照旧供职从之

○吏部奏湖广巡抚李楨条陈吏治六事一守令臧否宜责成司道考语抚按荐举明开某官所举与某咨访相同以防阿庇一考语宜直书事实毋得支蔓徒列套语一论刺宜公虚如知县梁道凝治行循良反注劣考合行巡抚查其徇私注考姓名以儆将来

一有司曾经荐举恐末路隳节宜遵时查参以励宦成一不得崇显秩而略小官合自州县佐贰下至驿递河泊诸职如有赵蛟扬果之流不妨举荐以寓鼓舞着如议行

○乙酉吏科给事中吴之望条上行取官员四议一议绝私揭之淆乱以定公论一议酌中外之推升以鼓吏治一议禁入覲掇括以安地方一议慎佐贰委署以绝弊端章下所司

○礼部题礼科都给事中胡汝宁所奏科场事宜一访棍徒禁投匿以绝浮议一分责任明职守以便查核一别字号宽法禁以惜人才着依议行

○以宁夏镇中军坐营郭淮任分守延绥清平等堡参将○各监局匠先是隆庆元年额定一万五千八百八十四员名此为旧典至隆庆三年额定一万三千三百六十七员名此为新典科臣杨其休以诈冒多端蠹耗为甚请于新典额数之外有缺勿补 上谓匠役额数已有明旨只照旧行不必议减

○以甘肃流虜未归兵荒钱粮缺乏准于四川贮库银二十一万五千二百两内量支一十二万起角□羊甘肃济用从兵部之请也

○丁亥火星犯南斗

○革福建僉事李瑄为民李瑄奏大学士申时行十罪一寝训导庞尚鸿玄宫有水之疏一唱为欲易储之说使已有拥立之功一请敕諭以禁言路一司业刘应秋御史章守诚主事蔡时鼎开列时行罪状乃留中不下甚于张居正之欺蔽一其子用嘉以冒籍浙江中其婿李鸿冒籍纳监沈璟强汪让代为取中一纵家人宋九通贿纳京卫经历未尝历俸竟得只□只封一受郃光先之贿授以总制致火真盘据两州一受李成梁之金辽阵没者八百人以奏捷议赏一代秦燿报怨而阴挤尚书宋熏为徐泰时复讎而令张养蒙外补一受听勘胡维新之珠宝而起用一受提问李时孝之宝玉而免勘王锡爵感时行援引之私情而攻李植玄宫有水之议其女为妖蛇所污计为掩饰作晏阳子传自称曰奉道弟子私黄洪宪主场而其子王衡幸中角□羊元排公一扬受贿建言使 皇上疑言官皆为阴私以遂指鹿为马之谋同恶相济宜亟罢斥以正欺蔽之奸 上着部科参看来说于是吏部等衙门会题李瑄以外吏而诋辅臣名为建白实肆倾危似宜褫革以为妄言之戒 上曰寿宫储典皆出朕断今大工已就绪美完定册久有諭旨李瑄如何横生异议且妄引 先朝凶逆排诋辅臣不但倾陷忠良实挠乱 宗社大计狂肆欺罔本当拏问姑革职永不叙用

○推蓟镇沈阳秋班游击卞时雍为神枢营参将

○戊子阅视宁夏边务尚宝司司丞兼御史周弘禴题参巡抚梁问孟取行银御史钟化民致敬而化民取银复礼又取银与总兵官致敬而总兵官倍致谢礼查抚臣取银则票称纸赎然纸赎已经报部则其取即军储也按臣取银票称赃罚然巡茶赃罚绝无分文贮库则其所取亦皆军储也又何以绳将领而核冒破哉章下所司

○以原任广东副使古之贤调补云南兵备副使

○原任南京刑部尚书魏时亮准照例予祭时亮由进士授中书舍人历史科兵科出使朝鲜升太仆寺少卿养病回籍被察闲住复以科道交荐起南京大理寺寺丞历升南京工部尚书

○桐柏县知县刘弘祚太和县知县潘应期俱以论赃革职为民

○庚寅赐辅臣杨梅各一簋

○都察院左都御史李世达兵部尚书王一鹗各以疾求去位不许

○五经博士曾承业比颜孟例奏讨祭田庙户户部请将前所原有者先行拨给其不足俟该县渐次增补从之

○以辽东石门失事议义院口提调程灿革任游击陈愚闻沈茂任自强梁心等戴罪立功各降职有差李尚仁等提问其余有斩贼功者照例升赏阵亡者照例恤录

○以山东佥事白栋任山西兵备佥事

○壬辰辽数年中虏患最悖□参于是阅视科臣侯先春议以镇臣于八九月宜尽率所部兵马移驻辽阳虏信渐急则率营中裨帅军于辽阳之中辽阳副将军于辽阳之北海州参将军于海州之东各据要害互相犄角不得株守城中逗遛观望又檄开原铁岭将领移军沈阳等处金复将领移军耀州宽奠将领移军拆木以备策应其有功将领以振威堵截虏不入境为上夜击惊扰虏即出境及救回掳掠多人者次之不能堵截不能惊扰止击惰归邀回被掳人口功罪相准其婴城自卫纵贼杀掠及割夺首级报功者究问如律总之抚道以稽察得实为功不以获截为功以扶同隐蔽为罪不以损失为罪则勘官不至迎承而将官无所假借矣章下所司

大明神宗显皇帝实录卷之二百三十八

大明神宗显皇帝实录卷之二百三十九

万历十九年八月癸巳朔时辽东敝坏已极边臣罔欺太甚科臣王德完以李成梁李如松一门兵权太盛乞量加裁抑

上以秋防在迩李成梁父子都着策励供职

○经略尚书郑雒上疏曰自五月以来虏王迟归群疑复起所哨报卜酋调兵未必有据但边臣各有职掌封守各有疆域在甘肃抚镇宜慎守堤防如松套诸虏蠢动亟称兵堵截在固原抚镇宜因火真二酋远遁慎守归德遏其南渡次亦当称兵拒堵使洮河之地堂奥无虞至松山之虏实在贺兰山后安牧无他宜照常市抚又慎修战备则宁夏抚镇之责也若延绥一镇大烦经画宜权术制驭无事暂与相安有警则飞报甘肃互为犄角此延绥抚镇之责也职掌分明战守各得于安边制虏稍有裨矣章下所司○兵部题兵科给事中王德完奏称辽左安危自今日功罪核实始西陲安危自今日假道内地始辽东按臣宜将李罗湖获功失事公研勘明至若扯酋之归复请由镇羌不无骇听合移文经略各该督抚按臣严查扯酋果归不归作何进止诸酋见遁何处作何剿伐毋因循迁就致误事机从之

○科臣王德完题近云南所报夷贼乘机蠢动又接福建所报贡夷附报倭衅在滇惟患缅甸与丁苴白改不同且患沐昌祚骄纵与抚按藩臬久相矛盾也若倭则与虏共称桀黠而堤防宜得要领者一议兵必广募善游以御之海精练土著以御之陆二议船造福清之大舰以资冲突儼仓沙之快舸以便哨望三议食前倭患称息户部岁取福建济边银约有四万今宜存留本省四议将往年大将俞刘戚皆称智谋勇略今闽越总兵刘大勋侯继高皆骄纵不简谋勇无闻宜会荐将材就近速补五议禁倭奴煽祸皆私贩为外援恶少为内应宜令通倭者必诛举首者重赏六议法宜队伍森严赏罚不爽器械以制撻伐革陋规以化骄悍 上曰滇中夷寇纷扰皆守土之责抚镇官共事地方岂可自相矛盾致误军机务在同谋力图戡定刘大勋革任听用侯继高策励供职其余各省修防事宜都依拟行

○兵科给事中王德完上〈 疏 〉曰今士气日弱戎事日废边陲日坏以三蠹未除而二策未审也何谓三蠹一曰欺边吏以谩罔为生计也二曰徇市赏以虏求为曲应也三曰虚失事已经一年未见某处设险某处置防聚粮若干益兵若干苟且虚文后将何底止也何谓二策有目前之策有经久之策虑众寡强弱之不敌而恐一战貽九边之衅谨守誓盟薪不搏噬此计在目前大修战具务令虏不敢窥则百年可保无事此计在经久经略郑维抚臣叶梦熊责任本同意各异此曰虏可和彼曰虏可创试看擒获奸细之〈 疏 〉方疑其为讹而逆酋潜窥之奏始知其为确则安可为梦熊非国乎决战非良药也 上曰据所议御虏事宜便行经督镇抚官务实心修备合志筹边勿以偏见互相耽误国事

○甲午丁改等处贼首普应春霸生等剽劫村寨流毒州县巡抚吴定请发土汉官兵令杨威攻其东邓子龙攻其西而移檄元江土舍那怒擒角□羊逋逃毋令窜匿诏从之

○阅视宁夏寺丞周弘禴题虏酋逆顺未可知诸部落去不去未可凭惟宜以市赏牵制之盖虏西行似在七八月其开市湏待十月如虏恋市必不西行则吾可不糜市赏非徒为宁镇计实为甘固谋也若扯酋前约由扁都口归五月约由嘉峪关归今已六月无归志宜迟市赏而系未动之酋预收敛而防过轶之寇张疑兵而遏其必趋之路分重兵而尾其既退之辙此备目前之计也若善后之策有三来春马弱虏复远遁遣众分据二州召生熟二番共为犄角南联松茂北联甘宁拓地千里随议屯种俟秋高虏至我险已守番翼已成上策也移督帅于洮河委归德为孤注修二十四关隘而分兵守之二川之虏往来弗定久之虏必疲于奔命而照旧求款中策也若虏退议款虏来议战往来无定战款孟浪下策也虏且笑中国之无人矣章下兵部

○福建巡抚赵参鲁奏称琉球贡使预报倭警法当御之于水勿使登岸奸徒勾引法当防之于内勿使乘间岁角□羊济边银两乞为存留推补水寨将领宜为慎选至于增战舰募水军齐式廓添陆营皆为制胜之机足为先事之备部覆从之

○丙申巡按辽东御史胡克俭审问犯官李惟萼高应登王俊并赃引例之罪时李惟萼等罪止分银赃非满贯左都御史李世达为之驳回台臣刘怀恕科臣吴之佳亦各以赃罪不协律例未明归咎于辽海道鲍希颜也合照例改拟并前案论斩徐仲魁等一十名论戍郭宗善等一十九名俱宜以误拟题覆改正着依拟行仍罚鲍希颜俸二个月

○丁亥命礼部尚书于慎行致祭于 至圣先师孔子○以韩学信为吏科罗大紘礼科许子伟兵科王建中刑科张辅之工科俱给事中陈容淳南京吏科给事中

○以顾龙祯为山东道徐兆魁山西道邹德泳云南道戴燦南京浙江道各试御史

○以原任浙江道御史李天麟复除云南道御史

○以河南地方连岁灾伤民困已极准于十六年分如新乡获嘉汲县等十三州县不分起运存留尽行蠲免温县孟县济原等十一县系存留者听留本处支用如系起运京边钱粮现贮在库者限一月内角□羊部十七年未完银两尽数徵完十五年带徵二分一并角□羊部从抚按之请也

○浙直诸郡今岁漕运黑润之米几一百万余石仓场尚书杨俊民请饬有司等官十九年漕粮如有湿米搪塞照前起运者责在有司运官交兑之后纵容旗军沿途盗取插和责在运官悉听漕运衙门与巡漕御史查参究治从之

○临巩兵备道刘光国同将领出塞招谕报收过生熟番人部落二万一千三百余名安插原住牧地方于是经略郑雒巡抚叶梦熊奏请熟番则照原额生番则依定数一体中马领茶以示羁縻如遇掳掠一面堵截一面报道发兵应援今次有功文武各官宜分别叙录着依拟行

○西宁分巡肃州等道报招过熟番八万二百七十余名经抚题称熟番复归生番亦附番既慕义虏亦畏威甚获其利又据各道臣石檟等所酌议安插保护六事一湔除往罪一番族不得苛绳汉法一议升国师协管生番货物审听熟番引至城下交易一各道审时谐俗便于番情一番僧班著<□□人小>等七名升受国师各请敕印或先给剖割责成管理并加赏赉议有功文武各官并应叙录诏从之

○戊戌以 万寿圣节赐大学士申时行等银币各有差

○科臣杨文举奉命发帑救荒贪肆不简为汤显祖李用中论劾南道臣章守诚复糾其公论不容者十事部覆以闻 上命降极边杂职

○己亥礼部奏请经筵御讲 圣旦受朝 上曰览奏具见忠爱但朕尚在调摄经筵暂免朝贺候旨行

○命左春坊左中允管国子监司业事萧良有充经筵讲官

○河南道御史傅光宅题京师天下根本古北口前辙可虞宜于京营十万军中挑选勇敢者一万五千人择将领五员统摄之又择文臣一员监督之

○庚子 孝康敬皇帝忌辰遣新宁伯谭国佐行礼○礼部尚书于慎行以御史何出光论劾考官传洩事上疏求去不许

○辛丑以甘肃嘉峪关守备查勇为甘肃镇海堡游击

○以宁夏横城堡守备江廷辅为宁夏城中军坐营

○壬寅辽东巡抚郝杰以老病求去不许

○兵部题辽东巡按胡克俭疏称副参游守等官祖承训等十一员附记将籍擢用参将郭梦徵等俱革任回籍从之

○癸卯 皇第五子生

○兵部尚书王一鹗以老疾求去位不许

○礼部题朝鲜供报倭奴声息与琉球所报相同宜奖赏激劝从之

○以广西都司佾书张启贤升广东掌印都司

○以原任昌平总兵标下游击王国柱起五军九营游击以大宁都司佾书赵以钦升蓟镇沈阳秋班官军游击

○以真定车营游击方时春任蓟镇墙子路参将

○甲辰试庶吉士十五名上卷八名黄辉庄天合王肯堂刘曰宁区大相周如砥林尧俞冯有经铨注翰林院编修简讨中卷七名吴鸿功罗栋郭士吉乔□□ 月□□徐彦登冯从吾顾际明授科道等官

○南京黄船改编未久复称不便南京部请将管船军头驾船旧军新募驾军及增议修理事宜一如科臣所议仍晓谕各黄船军头刊刻书册遵守部覆从之

○浙江巡抚常居敬以倭奴警息请备查险要修理城垣制造火器拣选将领仍将切要事宜列为三款一增造一号福船三十二只每只兵七十名并现在福船及草搬等船共兵三千二百二十名一于临观二卫及定昌二卫军役各选练一营以备协守至舟山越在海中合于金衢募精兵五百名汛期调赴其珠明炎亭合于温处参将标下添设陆兵一总于金乡盘石等卫挑选军兵一总以备策应一前项添造兵船增置营伍计费银八万四千八百余两浙中并无措处惟有两关□税银抚按司道府县赃罚银蜡茶折银派剩米折银户部事例银俱乞暂留一年俟下年加派庶沿海地方不至误事矣章下所司

○总督两广兵部侍郎刘继文题新升广东总兵官朱先广西总兵官童元镇宜为更调从之

○经略尚书郑雒题据镇道各塘报夷酋撤户阿赤克等至镇羌出境并无停留骚扰此酋既为前导则扯酋与卜永诸酋亦相继东还宜严行该镇道文武将吏将镇羌堡一带弹压制驭不许曲徇虏情筵赏供馈从之○乙巳山东巡按何出光题称武场伊迩将材宜储一所重在骑射而文墨次之二额数当增而束省尤所重三试日当宽勿以日逼而苟且试事四遗材当录勿以短文采而手□宾弃五武学当建勿徒设于北直等处从之

○阅视蓟昌保定右通政穆来辅题称西史夷名下夷人并赶兔营达子讨赏又达

贼百余潜伏该总兵麻承恩统家丁攻斩虏首级五颗兵部覆称史夷以背叛革赏今复索讨理宜出剿赶免营原非史夷之属其抚赏自在蓟镇何敢助彼讨赏其所斩五颗果系是史夷部落或有赶免部落未免藉口生衅合行核勘从之

○河西新收生番报称有火落赤达子部落来西宁城打听消息俱投东关厢住歇已经各道译息是的经略郑维奏以厮汗等割失等包藏祸心阴谋奸孽宜速行天诛朵<人小>只善以中国藩篱之隶为狡虏盗贼之媒法当勿赦其余分别定罪所密报识认生番应宜重赏其文武有功官员将吏照次纪录从之

○福建沿海船只水陆主客官兵向以承平减设至是倭报洊至抚臣赵参鲁请于五寨共添福鸟船四十只海坛游增福船一只鸟船四只浯铜游增福船二只鸟船四只共用船价五千九百余两应增器械火药约用三千余两北中二路共增浙兵三营共一千九百名有零岁增饷二万四千七百余两其银宜留角□羊边钱粮支用部覆从之

○丙午以漳州府知府李载阳为陕西行太仆寺少卿

○巡抚云南都御史吴定劾奏总镇沐昌祚悖戾僨事近罕处之子贺正勾引緬兵作乱经部题准购得首级者破格升赏昌祚已督责将官约刻日进兵忽飞递密帖内称此系籽粒良民勿取后悔贼亦于黄旗上写籽粒良民四字应之诸将遂尔退师此其专擅之罪可知镇臣湏选勇略武臣暂摄而定亦自乞去位 上曰地方有事文武守臣政宜协心吴定着照旧任事沐昌祚姑令痛自省改这本内拨置人犯着巡按御史严行提问具奏

○丁未以中秋令节赐辅臣上尊珍饌

○以户部尚书石星改兵部尚书

○延绥镇逼邻虏巢最称冲要原有陕西西安四卫官军河南南阳等卫官军共一万二千六百三十六名各轮班赴镇与营堡官军相兼战守后各扣银角□羊镇以备边用暂令免班其后城堡边垣年年损坏只以本镇战兵修除工作疲劳至是抚臣贾仁元奏请将西安四卫潼关蒲州卫所官军逐名拣选照旧赴边其南阳颍上宁山三卫所仍听徵银角□羊镇每名以原徵额银五两四钱为率若以虏情紧急另议通行调取庶旧制不隳冲边有裨矣章下下所司

○阅视大同边务光禄寺少卿曾乾亨条陈备边事宜一联正兵以捍要地谓大同正兵营有马官军一万余名六千在镇其余四千零各散城堡宜分隶各路无令四千人虚糜六万岁饷一重步卒以振兵威由平远以出天城及新平破胡等处叠嶂深溪步卒为上宜将本镇八万官军分为三等或教弓弩或教枪戟或教刀牌毋得工作役使一革采责以苏军困云镇年来将领托言公费不足每秋间马步官军俱令采打青草上纳乘机占役至月粮布花一到仍扣取草价军士甚困宜行禁止其公费会议酌处一裁土兵以裕正饷全镇土兵其正赋粮一万二千二百零皆各兵自行徵讨勒取花户小民不胜困苦且土兵止供县官差遣宜于广灵无兵地方留土兵二百人其余尽行裁革一缓补

伍以核还官本镇军马逃故其还官钱粮最称浩大今凡军丁补役宜每岁分为二次查明逃故召补其买补马匹亦照此酌行一议蠹伍以省军储自大营查点及沿海墩台中老弱总计四千余名宜止令食粮五斗以备樵焚饲抹及守仓巡城之用每年共减饷银一万六千余两仍将各营挑选有膂力出群当五当十者即以五人十人之粮食之一议预积贮以实冲边该镇每岁淮芦盐引共一十一万三千八百有奇宜将额派引目先发一年到镇酌定分派尽行揭示通衢谕令有本口人换上先纳出给实收官司既省督责奸卖亦无金口赞刺倘部议以先发引目非便则本镇弩马草料一万六千两及近日查出还官并减老弱饷银分发要紧城堡此尤当今第一先务也部覆着依议行

○己酉大学士许国等题恭遇 圣节于会极门外行五拜三叩礼赐辅臣尊饌有差

○辛亥户部尚书石星辞兵部尚书不许

○壬子大学士申时行题请册立 太子有旨知道了

○工部营缮清吏司主事张有德奏请册立 太子 上令二十一年举行张有德罚俸三个月于是尚书曾同亨复请明春册立毋为改期并请罚治以为不能率属之戒上曰小臣枉肆妄言卿等如何不行训戒反来聒激救扰册立已有旨卿等安心供职毋得妄言激朕

○命核造火器如大将军毒虎连珠等炮及只口只头单头三眼等枪俱着实精造其余佛狼机火筒等件既称军伍不习朽敝无用相应改造从科臣张贞观之条陈也

○癸丑大学士申时行请申前谕明春册立

○太子有旨知道了

○以总督仓场户部尚书杨俊民任户部尚书

○以兵科左给事中张应登为山东副使浙江道御史蔡系周为江西副使户科给事中王遵训为江西佥事山西道御史任应登为河南佥事广西道御史邵以仁为山东佥事

○以原任翰林院简讨王图补原职

○兵科署科事给事中王德完题云南总兵沐昌祚跋扈骄蹇种种恶状宜仿 肃皇帝逮治沐朝弼故事令昌祚安置南京使其子继父爵或优以藩王之例角口羊其兵柄即采抚臣议别遣忠勇大将为总兵摄之仍令昌祚胄子送国学读书数年后始听归滇庶处置得宜足服其心也部覆昌祚罪既浮于朝弼法当严于逮问如科臣抚臣所云亦裁抑保全之道也 上曰昌祚骄恣玩法屡戒不悛着革去服色听候处分其首恶李时孝等着锦衣卫差官较拏角口羊审问余党听抚按官提究

○甲寅 宪宗纯皇帝忌辰特遣成安伯郭邦相行礼

○大学士申时行等同题请明春册立太子 上曰已有旨

○河南道御史陈登云参冯时可奔丧迟缓不堪学宪乞改任降调以示惩戒部覆

改调别用从之

○汉中府褒城县知县邓硕辅被论赃私八百两勘问止二百四十两 上令照原参赃数应问充军抚按覆问至是会题邓硕辅原参多赃强半在陈守节陶大义买求之数问官勘问屡更该县并无二人姓亦无义民输粟毆死正妻二事仍依原拟徒为民从之

○工部尚书曾同亨题南工部尚书衷贞吉条议五事一请铸关防给管库管城各官收掌以重出纳一改委各卫廉能经历二员分管州城工作其本部属官专管城内各工年终分别奖戒以示劝惩一南京城外遇有倒坏里城全用甃砌其上撤去蜈蚣木架俱用飞檐瓦盖庶为可久一南京各衙门查系国初建立者准与科估此外若添设亭榭不得滥行估价仍酌定期举行以便遵守一池州府东流等县沿江芦洲告称清丈频数科索苦累以后定为十年清丈一次其有新涨坍塌亲诣丈明申部增补开除通候大丈之期一并造册奏缴从之

○乙卯以江西右参政高尚忠任江西按察使

○以瑞州府知府章润升四川副使

○以原任浙江道御史马朝阳复除原职

○礼科给事中罗大紘题请来岁建立 太子 上命罚俸三个月

○阅视固原科臣张栋上疏曰今扯酋负固不归卜酋鹜黠如故火真二酋雄据海上玩寇启衅经略郑雒实为之何可使委责以去而留祸以遗之后人也宜将经略之事专责郑雒必使甘肃之间番自为番虏自为虏雒斯有生还之望乃雒之欺罔王一鸮实为三窟一鸮去而雒始不得不尽心经略之事矣章下所司

○丙辰礼部尚书于慎行以老病求去位不许

○户部尚书杨俊民求去位不许

○丁巳以刑部左侍郎李戴升都察院右都御史兼户部右侍郎总督仓场

○戊午以新宁州左州各建学一十八年养利州建学一十六年人材渐盛乞照上思隆安等州县开贡事例三年一贡其起贡盘费亦如三州县查给从抚按之请也

○朵颜海西进贡诸夷到馆起程各有横索一出都门扰驿递取瓜果攘鸡豚凌妇女计五年共一万五千人中原道路京师虚实靡不周知礼部主事张我续计依北虏事例贡赏在边镇勿使入京不则亦宜照西番事例减其人数入京余各在边听赏庶于内夏外夷之防少补云章下所司

○巡按直隶御史吴礼嘉等题勘史车二酋久居内地受豢养之恩一朝逃出边外却乃狂逞要挟幸而哨探严明先事有备妻戮子虏巢倾卵覆皆督抚方略将领奋勇之所致也其文武官员有功各照查勘分别叙赉章下所司

○己未大学士申时行题请 皇第五子命名

○原任翰林院编修今升南京国子监祭酒邓以赞以母老求终养不许

○阅视宁夏司丞周弘禴题原任陕西行太仆寺少卿兼佥事陈学曾所当休致原任都察院右佥都御史梁问孟所当罢职前任巡抚宁夏钟化民所当改调从之

○陕西巡茶御史王有功题庄浪兵备参政胡维新等收复各番安插照例中马给茶仍设法稽查明示禁令不许纵虏尤得善后之虑其有功文武官员抚夷通事分别录部覆报可

○以辽东义州备御李都为辽东铁岭卫游击

○新收生番密稟火落赤达子随西番七八十骑进境探听消息随被番头目认获奸细劄失等又据董一元报往西川生擒达贼二十六名内厮汗系火落赤部下又据孛拜稟擒真虏共九名经抚已将生番照例给赏仍题有功文武查核收录其厮汗等角
□羊京梟示余听彼处处决着依议行

○以南赣参将黄斌调分守金山参将

○庚申右都御史兼户部右侍郎总督仓场李戴乞辞新任不许○以邵陞升刑部左侍郎陈有年为刑部右侍郎

○以山西太原府知府韩萃善升浙江副使

○以河南左参政李维祯补江西右参政

○巡按直隶御史安文璧题参游等官许守诚等六员宜酌用崔炳宜革任提问从之

○以原任辽东中后所游击杨绍祖为真定车营游击

○抚臣叶梦熊疏题徐琰言枢臣王一鹗还臣论郑维之疏是乃误出风闻惟虏情不胜变幻边臣百计弥缝实为无穷之祸今举皆知其危而边臣独以为无事不过心知其无可奈何姑为调停脱手之计斯秦贾之所以误宋也奉旨疏揭有无不必深辩其余兵部看了来说

○总督尚书魏学曾上疏曰顷臣阅邸报已知 皇上怒扯酋之变诈着经略勒限驱逐再不遵即绝赏革封行大同山西捣巢臣似不必复言绝贡市但今将绝未绝之际恐有摇惑 圣听乞谢一切喜和误国者之言臣当督将吏戮力逐虏即劳瘁至死亦所甘心至经略总督既分为二万一意见异同各该抚镇何所适从宜经略管摄宣大山西之兵各镇抚俱听节制独兵机所在总督仍照先年事体径行抚镇施行只移文经略知会听臣之言而不能驱虏出边愿治臣以不效之罪以为尝试者之戒 上命兵部会同该科详议以闻

○蓟镇三卫属夷领抚赏银两每岁额该银五万九千九两向自帑发银二万七千四百两外皆取足于夷马变价及采办柴价煤课利息等项在经费虽无外增在各军实多劳累于是蓟镇阅臣穆来辅议将采办等项悉行裁革令军各着伍前项抚赏着户部发银及马价以足额数庶军困可苏夷情可戢 上曰抚赏额费既已酌定规则都依议行以后如有额外加增及那移侵冒等弊从重参究

○以户科给事中罗栋巡视京营

○巡关御史张鹤鸣题荐副参游守等官史宸等四员可备大将张守愚等八员可备副将蔺熠等六员可备参将赵以钦等一十八员可备游击都司东路副总兵任自强等五员均应革任内杨勋改调从之

○分守燕河参将孟尚义准回籍调理 ○壬戌以河南道御史马象乾提督南直隶学校

大明神宗显皇帝实录卷之二百三十九

大明神宗显皇帝实录卷之二百四十

万历十九年九月癸亥朔以左佥都御史傅孟春升左副都御史协理院事

○升刑科给事中梅国楼为河南左参议

○以南京户科给事中吴之鹏升福建佥事

○礼科给事中罗大紘奏臣于本月二十二日见内阁所下久病大学士申时行密揭辩明阁臣建储公疏初不与知不宜列名至于近事漫无可否但云 社稷之计裁自宸衷毋惑群言奉旨览卿所奏朕已悉知建储之事已有旨了卿可安心调掇即出赞襄钦此未几科吏白时行欲睹御札遣人取回原揭臣误许之踰日稽留臣造门索之遂拒弗与臣乃悔许之为非也夫青琐森严而使纶音漏于薇垣臣奉职无状罪谴何辞但观时行密奏遁其辞以卖友秘其语以误君阳附群臣请立之议而阴缓其事以为内交之计 陛下尚宽而不诛 高庙神灵必阴殛之乞与臣一并罢斥奉旨元辅奏揭原为解朕之怒非有别意罗大紘见前所逞私臆不遂因借言污诋辅臣况屡旨不许激聒以迟大典罗大紘明知故违好生可恶着降边方杂职不许朦胧升转

○大学士申时行亦奏谓病中一揭所奏批答取回尊藏罗大紘遂以为欺君玩法此未察臣心事未考阁中旧规也建储大典已谕明春必行乃以张有德之 < 疏 毓-金 > 改后一年臣方谓得之如此其难挠之如此其易既深恨有德之轻言亦颇悔阁臣之早发故仓卒揭请一则谓 圣意已定可无激聒一则劝 皇上勿因小臣妨误大典冀有挽回其曰阁中公揭臣不与知此以委曲之词寓调停之意庶几或可斡旋臣之心即大紘参有德之心也臣何尝有毋惑群言之语阁臣题揭或别奉答谕或就批原揭各留阁中此乃相沿旧规维时臣不在阁文书官遂将臣揭并各本一同送科臣原据实而言何敢欺漫取回送阁尊藏何敢私匿乃以为欺君玩法不已甚乎伏乞允臣退休幸甚

上优答令供职如故 ○礼科都给事中胡汝宁题昨揭帖一事谓许国进揭若先白时行必有酌处乃不知会而列其名于首是许国先失之也且阁帖不必送科而送科未必无意揭既落科而时行亟令索回不欲拟抄乃见其有成心矣此时行后失之也乞严谕二臣协恭和衷羽翼元储以全君臣始终之义 上曰二臣辅政多年同心共济所奏揭帖各失于意有何嫌隙姑免究

○经略郑雒疏催魏学曾到镇任事命兵部行文催赴

○给事中胡汝宁题称倭夷与浙直闽广相对乘风扬帆数日即至宜选求名将多增战船广募水兵及梭枪榔笊火器等项制造演习部覆从之

○以神机五营佐击褚东山分守蓟镇燕河参将 ○以顺天巡抚标下中军彭友德协守蓟镇东路副总兵

○以甘肃镇游击达云分守永昌参将

○甲子大学士申时行以罗大紘论已被谪又都给事中胡汝宁谓与许国不和自相戕害乞薄罚大紘免其降调不许大学士许国亦奏辩乞退不允

○兵科给事中王德完奏顷以大司农石星为大司马必能不负任使敢陈十议蕲效切劘之益一惩金口赞刺以公升擢之典二辨真材以罗豪杰之士三禁朘削以延士卒之命四重事权以隆将帅之体五开禁例以塞媚虏之源六宽文法以作敌忾之勇七奋精神以起晏安之习八修实政以省议论之烦九假便宜以收专阃之效十核功罪以严诛赏之格部覆允行

○以辽事未宁军饷告急辽东总小旗仍照前例就近开纳至于陕西宣大山西湖广四川河南山东云南贵州等处亦应并依辽东例开纳着准议暂行

○兵科给事中许子伟疏陈备倭六要一涣纶音以宣国威 皇上前传谕浙直闽广讲兵食严海汛及今诸司俱在阙下一临门宣谕之岂特诸臣仰瞻图报而先声亦可夺人气也二审贤才以重委任文如谭纶汪道昆武如俞大猷戚继光特加甄收任用允得胜筭三多方略以困险阻凡倭奴所从入之路或暗金口赞石磴或丛植渔桁或杂用纵焚或潜行凿漏而又严接济之禁密侦探之令预水轮火器之需四练民兵以强本实沿海守令于保甲中集其健壮教以技艺而以善谋多智统率之有功者辄不次予以官爵五合心兵以壮忠猷凡沿海文武务远近相维缓急相济如倭入铜山寨则闽广共防倭犯烽火门则浙闽协御六定功罪以信大法如邀截则以寇不得入为功否则罪追剿则以寇不得骋为功否则罪各有信地也必功固圉而罪失守各领兵众也必功整肃而罪失律贵相策应也必功救援而罪袖手部覆允行

○武英殿中书舍人黄正宾奏臣睹申时行所进揭帖与所奏本大相矛盾其揭云以请册立原非其意而辅臣许国代书之总恐犯首事之罪而外欲博建立之名万一激渎 上怒必将归咎于两辅惟知排挤同官而不计其丑状至此乞严加罢斥得旨黄正宾以卑官擅言国事诬论辅臣内必有主使之入着锦衣卫拏送镇抚司打着究问

○兵科给事中王德完奏山西巡抚朱孟震与湖广巡抚李楨宜为更调陕西巡抚叶梦熊与甘肃巡抚贾待问宜为更调宣府巡抚郭四维器堪坐镇才足盘错不宜边上令朱孟震照旧供职郭四维贾待问回籍听调

○乙丑阅视宁夏司丞周弘禴题全狭民屯钱粮积年拖欠听抚臣酌定应徵应蠲务于应徵内督催遵限通完其宣大山西蓟辽等镇每年济边钱粮有派在邻境者合行各镇督抚输完不得迁延拖累部覆从之

○以史车二酋忘恩叛去糾夷要狭着令薊镇宣大督抚官搗剿仍谕安兔二夷不得助逆

○甘肃抚臣贾待问等题肃州参将杨浚纵令降虏夏中等十一人出牧仅以汉丁以防出押其夏中等拏获正法杨浚降级管事以下罚革有差从之

○以副总兵标下中军杨元任协守薊镇西路副总兵

○以原任金山参将吴显忠起广东练兵游击

○丙寅 孝恭章皇后忌辰遣侯郑惟忠行礼

○大学士申时行再疏求去优答留之许国亦上疏乞休 上曰卿前次误随小人后以迟大典今又烦聒何也可即出赞理王家屏亦以储贰未立人言无已虽严加谴斥而旋斥旋言安能日厉谴责疏乞明示拟定来春以安二臣之心

○以云南副使黄思近任本省左参政

○以御史钟化民改调行人司司正

○以参将马应龙任协守甘州副总兵以宁夏游击熊国臣分守宁夏西路参将以甘州游击张三策分守宁夏东路参将

○以中军都督府佾书王化熙镇守广西总兵 ○丁卯以巡抚保定佾都御史宋仕任左佾都御史协理院事

○太子太保兵部尚书赵锦以老病乞致仕不许

○陕西巡抚叶梦熊会同经略尚书郑雒题称见驻客兵并家丁至年终尚欠饷数月民运拖欠每至四十余万合将延庆等二府余本开荒支剩银并买粮银兰州见贮马价支剩银共有八万四千悉准动支尚有陕西巡茶河东巡盐等官十七年赃罚册内角□羊京剩银一万七千两尽数角□羊送接济军需从之

○戊辰霜降遣官赴 茂陵行礼

○以广东琼州府知府周希贤任云南副使

○以四川提学副使冯时可补广西副使

○降礼科给事中罗大紘授广东潮州府揭阳县典史

○兵部题阅视固原给事中张栋疏称扯酋负固不归经略玩寇贻患乞先斩王志宝以为卖国者之戒乃近接郑雒揭称扯酋率众东归诸酋复还松套其所未获独火酋真酋耳经略料理已有次第仍令郑雒移住近便会同各督抚声罪致讨务成斩获之功而四镇之事尽委魏学曾经略报可

○以山西总兵官李如松任中军都督府佾书

○以原任统领薊镇南兵游击龚子敬任甘肃镇夷游击

○以统领薊镇南兵游击李霁任神枢五营游击

○经略尚书郑雒奏臣初至金城知河西四郡流虏浸淫殊失前代断匈奴右臂之意故廓清两川湏先堵截流虏臣与各道公同诘责虏王认罪之使执称洮州之事虏王

尚在甘州河州之事恨火落赤误引入汉地今惟趣此扯酋归巢则套虏卜酋松虏宰酋皆可次第角口羊散彼虏王称归不归套虏言去不去皆由火真等挽留虏王迟发故今日请扁都明日由川底诡词深藏何怪乎徐琰之纷纷也今松套二虏部由镇羌出虏王今部由白石崖出虽为便其归路实已杀其势矣

上优答之

○先是辽东有买功卖功为都指挥千百户者各数百计行文清查十不报一至是吏科给事中侯先春疏言之部覆冒功将领自备御以下俱行黜革有祖职者照祖职支俸无祖职者停革从之

○时泗州水患异常公署州治水渰三尺其城内原有水关后因淮水高于城濠故筑塞水关以防水灌致城内积水不洩居民十九渰没工部尚书曾同亨上其事

上令河漕督抚会同巡按御史勘议要见泗城积淤何以宣洩淮水停涨何以疏通填土增高有无可以捍御周家椿是否应浚施家桥是否可开张福堤是否阻碍或别有可开之处为地方之利者具奏以闻

○己巳 上谕大学士申时行等曰朕近年以来因痰火之疾不得举发朝政久缺心神烦乱昨因张有德违旨渎扰以致朕怒卿等正宜调元赞化寅亮天工反随小臣雷同附和朕岂不怒自古宰相协和然后可以保国卿等今各为身谋不为国计意欲高蹈置朕孤立则天下国家万民庶政望谁理乎忠君者顾如是乎昨家屏在阁今日陡然有疾册立之事昨以明白传示父子至情岂不在心今四方从事阁务繁重卿等宜遵屡旨亟入阁共成康济之功勿得再有托陈卿等其钦承之故谕还着吏部传示朕意于是大学士申时行奏以明日入阁办事王家屏亦上表具谢 上复优答之

○大学士许国请假调理 上许之

○辛未月犯荧惑

○大学士申时行以邹德泳论其理应自陈待罪复求去位不许

○大学士王锡爵以假归省亲到家上表具谢是日以重阳令节赐辅臣上尊珍饌

○ 命革罗大紘职为民以六科都给事中钟羽正等上疏乞免降罚故也羽正等亦罚俸有差

○南京给事中郝世科条陈备倭四议一通番之禁例宜严一旧派之钱粮宜核一海上之穷民宜恤一沿海之官吏宜汰章下所司

○壬申大学士许国四疏乞归准回籍调理仍命驰驿去

○癸酉大学士王家屏援许国准予回籍再疏乞休去位不许

○夺御史马朝阳等俸一年以其申救罗大紘故也

○ 潞王进献子粒银两赐银五百两衣三袭以隆优眷

○宴朵颜朝贡夷人以临淮侯李言恭待

○山西五台矿徒张守清等招集数千人肆行鼓铸劫掠闾里给票许散回籍三限

军占地盗粮冒马媚虜子复冒功升职故也

○戊寅凤阳府地震

○礼部尚书于慎行以老病求致仕许之 ○应天巡抚李涑准回籍调理痊日起用顺天巡抚王致祥准致仕从御史陈登云之请也

○户部尚书杨俊民覆南京户部尚书张孟男条议起运等事一议各省督粮参政查漕粮兑完亟催南粮起运一议责成管粮司道及州县官考满升迁行取等项查南运税粮未完者不许离任一议凡起运钱粮务先将部运官员职名造册咨部不许顺带及别委卑官误事一议角口羊役务金殷实粮长不许积棍包揽一议查参南粮完欠岁终例该督储衙门举劾如署印官亦要照例查参一议修仓南京仓廩除大修户工二部四六出办如小修听督储衙门委官缮修不得角口羊送工部一议差委扬州淮安北新三关差颇称闲银库是非易起江北仓差劳而且费今议互更轮委其原定注选七差差满回部一体挨差以示均劳之意着如议行

○户部尚书杨俊民覆阅视给事中张贞观条议一稽查市赏银货造册类送阅视衙门查盘一各边阅视京盘二差各互行通查果有钱粮遗漏不妨核报以见相成之美着依议行

○浙江嘉湖二府霪雨夹旬洪水灾伤御史黄钟疏乞蠲折赈给户部覆行该省将各属被灾分数计算免徵将府州县无碍官银抵补其湖州所屯粮照灾重例每石折银三钱通融抵作军粮被灾者稍轻量行县动支仓穀赈恤诏从之

○户部尚书杨俊民覆总漕周采等会议一议船单凡漕船过淮其米色不类者于单内印米色不堪四字以凭赏罚一议船限浙省运船比江北水路较远难依十年制造之期宜改定九年如未及九年损坏者究处一议边粮昌密二镇边粮自通州水陆盘三四次方得抵仓弊孔多端宜申饬巡缉凭勤惰以为奖戒一议长剥漕船运抵白河原自桃花浅长剥至湾后三四次节剥委不便今照旧长剥脚价于轻赍银内动支俱从之

○予故南京刑部尚书孙植照例议谥

○命陕西山西宣大总督抚按官将擒获奸细常应秋张二等再审以其招报互异故也

○兵部覆阅视左给事中钟羽正参论参将麻承诏守备张时化应提问追赃吴国孝等应革任张国将等降调梁秀以游击管中军事从之

○夺陈懋功李明忠王承统等俸有差此以桂东县知县于应龙文凭被劫故也

○兵部覆阅视大同少卿曾同亨题称该镇市马一万五千五百匹额银十万为准抚赏银以二万二千两为准将各项银凑入兼支额定之后不得擅增仍申立禁约一不许将领私相贸易二不许将倒死马匹充数三不许夷人久留境上四不许加增额数五不许入市带寸铁并市硝磺等物从之

○部覆陕西总兵尤继先准回籍调理

○钦赏总督萧大亨银二十两纒丝二表里巡抚郭四维总兵李东旻银十五两一表里孙化龙杭大才等各赏银有差以擒获史酋妻子也

○戎政尚书张国彦上疏内治莫先京营京营莫先训练每秋操以冬至始住则冱寒之苦不堪宜寅而进午而敢戴盔甲以习其技捷射艺以观其能凡军人替役奉验多至数阅月则茹苦益甚自今过堂及赴验领粮不过十日此所以恤军者也将领自边方者给贍米五石而腹里不与则一视同仁之典宜举边将之懦劣者入营备员冀望躡等则扛鼎穿杨之能宜别而杜请托禁讹言则纪纲肃而戎政举矣部覆允行

○以原任蓟镇台头参将王国翼任昌平左车营游击 ○革掌印都司朱冠回卫角□羊元梁文元等附簿推用

○发遣贵州铜仁长官李永边卫充军其土官事该府委官暂理候其子袭替接管陈胜一等各追赃赎完日发落以抚按参论故也

○己卯阅视给事中张贞观参论山西岢岚道按察使李时芳奏报失实市赏加额应宜降调以后抚赏额定五万四千两永为遵守部覆从之

○追原任长垣县知县高知止赃赎完日回籍为民

○追辽海卫指挥同知何清侵欺赃银发边方立功

○庚辰兵部覆穆来辅荐举王见宾白希绣陈鸣华陈履吏部纪录徐道方时春李沛赵梦邻本部纪录张国维革任回卫从之

○辛巳以陕西巡抚叶梦熊任甘肃巡抚 ○以阅视延绥大理寺左少卿王世杨任宣府巡抚

○兵部左侍郎许守谦着致仕

○原任礼部尚书于慎行回籍上疏称谢 上赐银三十两纒丝二表里

○壬午吏部尚书陆光祖奏称故事凡推吏兵二部尚书三边总督内阁大臣俱吏部九卿科道会推近闻申时行密荐赵志皋张位今乃果然虽二臣之贤不负所举然一听独举密荐恐开徇私植党之门得旨阁臣既士论称服足见元辅至公后不为例

○吏部左侍郎赵志皋以阁臣不经会推恳辞相位不许

○以刑部主事王大谟升云南提学副使

○兵科给事中王德完劾通政使杜其骄南京户部尚书张孟男均当罢去不允

○以原任辽阳副总兵秦得倚协守辽东西路副总兵

○以游击管辽东镇西堡备御事王守官任广宁左营游击

○罢李鹄党与庞忠吴保诈官捕人得财枷号戍遣余各杖有差

○癸未以辅臣王锡爵假限已满差官敦趣奉母驰驿来京

○吏部右侍郎周采以病求回籍养亲不许

○南京户科给事中吴之鹏劾南京大理寺卿陈文烛收徐绳勋赃私轻纵义男杨凤杀主徐尧年之罪章下吏部都察院

○差行人刘景辰取张位入阁办事

○浙江巡按御史韩介荐举副总兵马继武等附簿推用田应元余自强降用从之

○以游击管延绥东路右参将事张网任协守宁夏副总兵

○以王基为户部左侍郎陈有年为兵部左侍郎

○以礼部左侍郎李长春为礼部尚书长春疏辞不允 ○南京吏部右侍郎罗万化任吏部左侍郎

○以南京光禄寺卿沉思孝为佾都御史巡抚陕西

○以扬州府知府徐应聘为福建副使备兵兴泉

○户部尚书杨俊民覆宣府阅臣钟羽正疏称本镇屯团地亩徵收酌量肥瘠务足原额此外新垦并退出养廉等项地亩各照则起科抵充主兵京运之数其公务驿传等项余地粮银俱充市本备衙门公费如仍前科索革任追赃每年先期造册报部抵扣年例从之

○以真顺广大各被蝗旱灾伤照分数蠲免有差至冬春之交仍支穀賑恤从抚按请也

○赏朵颜等卫贡夷有差

○兵部尚书石星陈邦政七事一禁剥削二杜金口赞刺三禁馈遗四重将权五甄边材六重司属七严功罪 上嘉纳之

○命固原总兵尤继先照旧管事以出师期迫旧疾且愈也

○逮戴罪立功参将杨缙角口羊京监候处决指挥裴应元等着大同巡按御史提闻以镇河堡墙垣倒塌克减银料故也

○乙酉通政使杜其骄以王德完论劾求去位不许

○兵部尚书石星题天下虽安忘战必危今虏已开市又复肆掠是贡市为名不如宋人之和而酿虏貽害不免宋人之弊宜文武戮力内外同心张国彦叶梦熊尤宜整顿战守事宜为中外倡从之

○以镇守居庸昌平等处总兵官麻承恩任镇守宣府总兵官

○兵部尚书石星覆大同阅视总督抚按等官会议该镇战马裁去四千匹仍将裁去之马轻估变卖四千匹计银八千两除五千湊充市本其三千两准买补驿站骡一百二十八头余交贮银库听买马骡支用如倒死马匹每匹买补以十二两十两八两为率不许将官以驽马勒军贵买如总兵麻贵虚冒营马八百匹已经参题革职外着行查勘俱如议行

○兵部题属夷长昂受国恩养顷乃窃犯石门又暗约青酋部落夷哈不慎等潜为东行之助合专差忠勇通官面谕青把都约束哈不慎等不得东助长昂窃犯以致革绝市赏如能缚长昂来献益显青酋忠顺该镇道将吏尤要早夜堤防以保万全从之

○以原任昌镇右车营游击陈燮任遵化辋重营游击

○丙戌 潞王奏称依景府事例较军每军全支本色部覆允行

○革广海游击管广州海防参将事陈策回卫行巡按御史提问重拟具奏以投递六百银手本于两广总督处被刘继文参劾故也

○兵部尚书石星题宣镇市赏岁费二十余万已为滥觞乃典守各官如范江等又冒破重开任意删增向非阅臣钟羽正极力清查弊何由革合行巡按御史提问具奏报可

○以马水口参将董承祺为黄花镇参将

○丁亥以江西巡抚任养心为保定巡抚提督紫荆等关

○以礼部右侍郎韩世能升本部左侍郎

○以四川巡抚李尚思任刑部右侍郎

○革京营参将朱士元等回卫刘守圭降祖职一级卞时雍降充游击照旧管事程鹏等各罚俸有差从穆来辅之请也

○以遵化右车营游击华从周为神机七营练勇参将

○以史酋糾合安兔带领二千余骑从宣府大边常清墩台拆墙进口杀掳军人参罚失事诸臣巡道郑汝璧游击杭大才各加罚俸被害军丁给银优恤仍敕督抚总兵官设法擒剿

○以镇守保定总兵杨绍勋任镇守居庸昌平总兵

○戊子以少詹事盛讷升掌詹事府印信仍兼日讲

○先是工部以冗役冒滥糜费多端当用新典以节浮糜具奏 上下其议于部及工部移揭司礼监查议题覆而该监径自具揭得旨匠役额数照旧不必议减给事中杨其休以该监未经会议该部尚书未题覆而旨从中出非所以大出令之公慎未然之防也 上纳其议

○己丑平阳府地震

○兵科给事中张应登奏房山县及福建绍安县长泰县各强盗劫掠情重宜行严究部覆各县官参罚沿革重刊处例增入捕盗条格之内以便遵守从之

○以京城内外巡捕任大同为神枢营副将

○以提督操江都御史邵仲禄为巡抚江西都御史

○以协理都察院右佥都御史宋仕任巡抚应天都御史

○以山西按察使成逊为顺天巡抚

○以山东左参政张之屏调陕西右参政

○以协守大同副总兵倪尚忠为镇守保定总兵官

○癸卯兵部奏边镇地方多事史车二酋窥犯叶梦熊速赴甘肃任事陕西事务交与魏学曾暂管即催沉思孝赴陕西任事王世扬赴宣府任事候代巡抚贾待问郭四维严加经理从之

○甲辰以简讨敖文桢补日讲官量升右春坊右赞善与韩世能一体供事

○吏科都给事中钟羽正劾礼部侍郎韩世能之眊鄙总督蓟辽蹇达之贪懦大理寺少卿杨四知之险秽洪声远之庸昧均当罢斥章下吏部

○兵科给事中王德完极言大理寺少卿杨四知附势反覆险秽攘官法当罢斥章下吏部

大明神宗显皇帝实录卷之二百四十

大明神宗显皇帝实录卷之二百四十一

万历十九年十月癸巳朔以孟冬时享

太庙遣公徐文璧恭代侯吴继爵伯毛登分献

○颁二十年大统历日于天下

○以右通政孙矿为左佥都御史协理院事

○以浙江左布政蔡国珍提督操江都御史

○以管延绥左右营游击吴显为延绥东路参将

○以广西柳庆参将卢鼎臣为广东雷廉等处参将

○时在京军官听信流言谓各官俸粮议行裁减群聚入长安门内欲候辅臣控诉适遇工部尚书曾同亨遂行鬩嚷兵部尚书石星至方传谕角口羊散因自陈失职乞赐罢斥其把门指挥官不行拦阻致令闯入并乞罚治 上令石星安心任事五府堂上官及京营总督与该科俱着回话守门官着法司提问○辽东总兵宁远伯李成梁以人言求去位不许

○甲午 孝洁肃皇后忌辰遣豊城侯李环行礼

○尚书曾同亨以武弁围嚷乃其弟乾亨阅视大同条陈内有减俸粮一节各官传说遂欲洩忿乞将原疏播示并求去位不许

○户部尚书杨俊民覆两淮巡盐御史徐图条议一复掣摯以裨口课一清额地以疏盐法一稽食盐以杜夹带一禁罔利以通壅滞一恤茺独以重盐筴从之

○户部覆辽东阅视督抚等官会议国计军需等事一议核造报凡侵欺银穀俱勒限追完造报实数一议支布花辽左孤寒布花难减又有应领胖袄准改折色给军自置布袄更为利便一议查积贮凡官仓义仓预备仓所贮粮米照旧存留以备赈恤一饬经制辽镇主客兵饷银以六十二万四千三百八十两零为经又将辽阳口税并裁革各衙门公费尽角口羊广宁左库其草价苇炭等银为接济降夷新官俸赏支用听管粮郎中通融支放着依议行

○兵部覆奏扯酋归巢一事在陕西总督魏学曾则称扯酋部落虽归阴留精兵二万于嘉峪关欲助火真入寇是宜题兵暂驻靖虜兰州视西事缓急再为移动在宣大督抚萧大亨则称扯酋套虜东归甘固似属无事惟宣大贡款未定宜令经略郑雒将前选带兵马遣归宣大以备叵测夫扯酋所部不过二三万人既云东归则不应留兵经略既议防虜陕西则不得遽归宣大須远行侦探扯酋果留兵则郑雒叶梦熊务详慎战备果

火真远遁则陕西各镇俱付学曾而郑雒还归宣大仍移咨萧大亨遣忠勇通官径入虏巢面谕扯酋令撤回多兵勿自坏款并取真正番文实报有各行已私哨报异同合宜重惩以一法守得旨扯酋已就东归郑雒原带人马俟西事平定掣回宣大其将领传报虏情互异明系迎合误事匪轻以后如有这等各督抚官从重参究

○乙未日讲官左侍郎韩世能以钟羽正论劾求去不许

○丙申原任大学士王锡爵求终养不许

○以中宫千秋令节赐二辅臣上尊珍馐

○上谕吏兵二部曰近来新进后生得司耳目之职全不持公心专以挟私报复妄逞胸腹三五成群互相攻讦淆乱国政不胜不已是何景象且为本兵正当镇静以宽夫叠石之冈势非不峻而草木不茂金铁之溪水非不清而鱼鳖不生前日各卫军官誼哗禁庭是何法纪都本当重处恐伤国体还着吏兵二部都察院一体申饬今后再有这等该部院指名参来重治罪不宥故谕○大学士王家屏上疏以政体不可不宽而国法亦不可不肃今各卫原役群噪禁庭窘辱大臣如敕谕所云是何法纪则骄悍有不得不惩疏纵有不容不戢者是未可尽以摘发为挟私振刷为峻厉也但令正直之内常存忠厚之心严毅之中无伤宽大之度则公是与公非并著国法与国体并伸矣

○以提督四夷馆太仆寺少卿刘希孟升通政司右通政

○以山东右布政范谦任太仆寺卿

○以刑部主事杨植升山东佥事备兵蓟州

○以原任湖广道试御史刘芳誉复除湖广道试御史

○以浙江右布政刘应麟补浙江左布政

○户部覆宁夏巡抚党馨条陈一议边垣亟修要紧山口以遏虏冲一议钱粮责成抚臣查报以杜积逋从之

○丁酉以刑部主事王大谟升南京提学佥事

○以京城巡捕左参将宋三省任提督京城内外巡捕官署都督佥事

○戊戌山丹卫地震坏城

○以山东按察使张更化升山东右布政

○以浙江嘉兴府知府王貽德升河南副使

○以原任浙江右布政王应龙复除原职

○兵部覆阅视科臣李汝华疏称河西非战不安积习拘挛宜破若罪人未得国威未伸积弱未起元气未固经略有未得息肩者至四镇之事魏学曾已身任之必使遗孽尽歼流虏尽逐凡剥军媚虏积弊一切祛除非特以大虏一归遂为完策也上曰河西地方疲劳已极着经略悉详议务贻久安该镇督抚官仍期加意拊绥以苏重困毋得踵承宿弊玩寇殃民

○兵部覆蓟辽总督蹇达揭称夷情势已结聚计必窥犯蓟东凡主将客将各宜调

遣应援宣大闻警即赴怀来保护 陵寝保定闻警径赴通州防护京通若东虏犯薊其辽西宁前兵马一面入援一面捣巢牵制毋得自分彼此得旨薊镇为 陵京近地边防军令委宜倍加谨严这分布将领调度节制事宜着该镇督抚亟行申饬仍行宣大保定督抚等官闻警星夜赴援毋逗遛观望致误军机其京营总协大臣亦湏悉心筹画以图防守

○兵部尚书石星奏曾乾亨裁冗员以节经费一疏原不为京卫官而言乃郎中张国玺出示安众而语涉糊涂众情疑畏致谗语责臣大损国体皇城把总陈忠秦瀚职司门禁全废巡守宜俱罚治而讹言起事之人尤宜重究以正法纪至御史顾龙楨言臣革弊太速厘害太骤委中臣病亟赐罢斥以为不肃军职之戒 上优答之令供职如旧

○ 上以御史傅光宅谓抚镇更调繁数欲降敕宣谕吏部稿下到阁大学士王家屏等具疏言尚书陆光祖老成练达鲠介精严其进贤退不肖之心真有夙夜匪懈角羊者但综核太锐故更置稍频乃其意则为公而不为私任怨而非任德也若颁降纶音特加戒谕不惟隳其任事之心将难居表率之地乞停止敕谕庶天言不至褻玩国体共荷优容也

○时三吴四五月间霖雨连绵低田尽没至七月霪雨几昼夜有村落尽洗不留一家者有举家流溺不遗一人者御史甘士价上< 足 毓-金 >漕粮诸改折色起运少赐蠲停滄没加意赈恤部覆将各项钱粮内应徵应停应折应蠲开款晓谕俾小氓稍沾赈恤之政其苏松常镇等属各分别被灾分数改折免徵有差着依议行

○建州卫女直夷人进贡以恭顺侯吴继爵待宴

○敕成逊速赴辽东任总督事杨植速给凭任兵备事以薊镇告急故也

○副总兵管宣府东路参将事李如柏准回籍养病以角□羊生补其缺革宣府南山参将靳雷回卫以孟尚义补之

○寿州霍丘县甘廷谏以赃私革职为民从御史高举请也

○庚子薊辽总督蹇达以人言恳求交代去位不许

○以太常寺少卿朱来远为提督四夷馆太常寺少卿

○户部侍郎石应岳调南京用从御史周盘言也

○以山东右参政管运使事甘一骥补河南右参政

○蜀王捐银一千两助充军需 上诏褒嘉之

○兵科给事中章尚学上疏言御虏不出战抚两策议论之兴自河西始则一议论尊贵成诚方今之急务也盖郑雒之意主于抚报雒者或过为平定之词魏学曾之意主于剿报学曾者或过为生事之说所以有虏归不归之纷纷也宜令郑雒回宣大行事魏学曾任其便宜庶事有责成而议论亦从此息矣

○辛丑 上敕兵部曰朕览薊镇边报虏警势甚猖獗李言恭奏疏各门派拨军马各守信地朕心惊悸兵部便马上差人传与该镇督抚镇巡等官分布军马严加堤备贼

夷入犯要相机截杀制胜万全及在京总协等官一体严加备御务保无虞故敕

○命翰林院编修袁宗道简讨杨元祥编纂六曹章奏

○以原任凉州副总兵陈霞任京城巡捕左参将

○壬寅以皇子诞生赐辅臣王家屏等银两有差

○大学士王家屏请章奏已票未票者早赐批发勿复壅滞

○以贵州左参政王时槐任南京鸿胪寺卿

○以湖广右参政郭棐任山西按察使

○户部覆阅视钟羽正奏称宣镇兵马务求精壮老弱残惫者清汰逃故倒失者扣除市赏坚持定额秋成发银余贮至于屯田成熟者照例徵粮荒芜者召人垦种盐□上纳粮草稍宽时估勿令包赔各管粮官先将样米呈道方准收纳积贮多者通融匮乏处支放浥烂拖欠者尽法追补俱依议行

○戎政尚书张国彦言东西二虏谋犯蓟镇必有奸细潜入探听宜通行内外衙门凡有诈降人口及假妆僧道乞丐等项踪迹可疑之人擒拏审究从之

○署兵科都给事中章尚学以武臣围囔上疏请罪着罚俸一年余罚俸六个月

○兵部主事王士骥奏辞赐祭葬缴还工部备葬价银以祖忬冤陷大辟父世贞遗嘱裸身附葬穴旁不忍别莹故也得旨赐葬系朝廷恤恩不准辞○吏部覆科臣钟羽正条议科中事宜内有以二司为左迁南京为凉局者盖缘近年六科惧当外补移疾告归甚非政体自今非真病不得请告中外南北通融酌升至堂上赴科画本系出王章惟晏房坐次相应仍旧制曰可

○户部都察院会议景府遗下庄田先年奏钦依查给 潞府管业乃今地亩半失原额租收比昔较少 潞王具奏请勘诚有不堪欺隐霸占者合将庄房委官公勘租课实徵角□羊纳其钱粮分派二十五州县者加意催督角□羊送从之

○南京工部尚书衷贞吉以老病求去位不允

○兵科给事中章尚学奏武臣鼓噪乞究为首与主谋之人以伸法纪从之

○兵部以经略尚书郑雒所奏按察使石檟参将曾光祖等新收番族工巴等一百二十四族各愿中马九百五匹石檟先升俸一级各官优叙从之

○防守永宁堡指挥南凤鸣纵军赶虏遗落牛羊被虏杀死经略郑雒上其事部覆凤鸣故违军令宜行巡按御史提究以后防哨官军有下墩远探挑衅生事者严法惩治从之

○兵部奏四川斩获白泥杨柳等番宜将差来韩邦宁等引至御前宣读捷音并赏奏捷员役衣服从之

○时扬州风雨连日湖淮涨溢江都县北一浅邵伯淳家湾旧堤冲决五十余丈高邮州南北闸等处俱被冲决总理河道季驯上其事工科都给事中杨其休劾管河通判刘汝大州判张九思等故违节制海防道张允济查核疏虞总理潘季驯俱宜同坐部覆

海防通判州判等官俱应议罚潘季驯既屡次催督宜速行道府上紧备筑以励后效得旨刘汝大等各罚俸三个月张允济姑免究

○乙巳大学士王家屏以张贞观论其受李采菲馈遗节仪求去位不许

○总督蓟辽都御史蹇达以再经论列才望轻微乞去位不许

○阅视山西张贞观条议一祛敛扣以恤军卒一议召买以杜弊端一罢营田以实行伍一查积银以豫粮饷一折赎镌以充积贮部覆谓折赎一议以交际太滥要折纳米豆以杜冒支此惟在上司洁己奉公不在法善与不善仍照旧例银穀分纳余俱宜依议从之

○兵部以御史傅光宅称镇守官不宜更调因陈更调之由大同为九边安危之本麻贵既以贪败而李东旻素有廉声且经战阵故以代贵若麻承恩系贵之侄嫌于世将故不用之大同而用之宣府又忠勇可以制青史二酋杨绍勋辽东战将为虏所惮故以守昌平倪尚忠未经大战故用之保定俱系人地相宜不得不调从之

○赐原任左军都督府佾书黄应甲银二十两彩段一表里以献火器图说也

○以南京光禄寺董基任大理寺右寺丞

○降原任操江都御史胡嘉谟为贵州左参议

○议减保定县平谷县寄养马匹 上以畿民疲累量减议以示宽恤从抚按请也

○宣大总督萧大亨会同大同巡抚邢玠议该镇惟桦门堡最冲已经奉旨用甃石包砌修筑外值天雨连绵地寒又早改限二十年七月终完报章下兵部

○掌后军府事定国公徐文璧以武职侮辱大臣查访的据羽林右卫替职指挥张祐优给百户李山永清右卫百户旻文通州卫百户王惟政暨燕山等卫李钦刘豸俱素称泼恶糾众喧嚷腾骧右卫指挥潘相隐庇凶泼竟未糾举宜并行提问重究从之

○日讲官韩世能以钟羽正再疏论劾求去位不许

○以总督粮储南京户部右侍郎董尧封任户部右侍郎

○以大同威远城参政姚国忠任分守大同北路东路右参政

○以总领经略家丁参将刘缙国分领总督宣大标下左掖兵游击

○掌后府事徐文璧以章尚学论其要狭敕使辞府任不许

○兵部以神机七营参将华宗周赴任无期以陈汝忠补其缺许之

○戊申以南京太常寺卿沈节甫为南京大理寺卿以南京太仆寺少卿王汝训任太常寺少卿

○以江西副使潘志伊任甘肃行太仆寺卿兼按察司佾事

○以陕西西安府知府郭有金任陕西苑马寺少卿兼按察司佾事

○兵部上疏谓近洮河之役议者皆欲灭此而后朝食乃郑雒独相机观变隐忍俟时御史周盘谓以更始善后二事付托郑雒必能令群虏渐携西事就绪其各边市赏之规在宣大则责成郑雒在陕西则责成魏学曾务讲折申订脱有渝盟即便停赏加兵得

旨按臣亲履地方闻见必真所议更始善后事宜便行与经略督抚官委任责成务靖封疆以垂永久毋得苟且误事

○时虏王东归经略总督所报去留互异兵部乃遗书总督萧大亨回称通事王汉林亲见扯酋三娘子归巢已真兵部上疏谓虏王既归经略宜遵旨东还以定战款之略陕西四镇宜悉付魏学曾防御得旨扯酋归巢既的郑维俟两川廓清便作速来还酌议款战大计其西镇防御事宜着魏学曾督率总镇戮力以收后效

○上令京营各军弓矢每三年一次折价给军自备其明盔甲还依见今题准事例每年拣选应修者五百副送回本部着盔甲王恭二厂修理精好送营从兵工二部覆张国彦请也

○己酉追浙江淳安县龚釜赃完日发遣

○阅视侯先春条议辽事一核散军粮以防侵扣一别土口外口以定领盐分数一储积仓穀以丰盖藏一酌取地利查议开矿烧砂等处一给回乡银两以便安插一消隐忧宜于屯盐积贮之利多方修举优恤招集之策加意调停部覆俱依议行

○夺零陵县知县杨胜梧俸以狱卒王应森索重囚酒醉囚乘间脱逃也

○革游击杨登山等回卫卢应奎准听用骆尚志等革任听调杨登山郝三聘等仍行御史提问从曾乾亨请也

○庚戌 诚孝昭皇后忌辰遣南和伯方烨行礼

○辛亥都察院李世达以河南道傅光宅论其差次不明乞去位不许

○工部尚书曾同亨再疏求去不许 ○以原任太仆寺朱鸿谟任大理寺左少卿

○以太仆寺少卿董裕任大理寺右少卿

○以尚宝司司丞周弘禴任尚宝司少卿

○壬子大学士王家屏以吏兵二部都察院因御史傅光宅论其轻率更调差次未明各具本辩明又定国公徐文璧因科论其教使卫官亦具本自陈俱已拟票未蒙发下具疏乞早赐批发如拟票未当亦乞明示 圣意容改拟以定人心

○先是 上命国子监较刻十三经注疏司业萧良有率属分较孟子注疏至是北口衣成因举篇中要旨上陈其略曰孝思法舜 两宫之尊养宜隆庄岳语齐储贰之薰陶贵豫发政以施仁为本视民如伤伤心以寡欲为先畏天时保以至亲贤臣隆手足之谊明刑政备桑土之谋靡不触目警心反躬实践庶 帝王之学与韦布不同而太平之功亦旦夕可奏矣

○癸丑固原总兵尤继先准以目疾养病痊日起用李昫降充副总兵官管陕西总兵事从部覆总督魏学曾言也

○以阅视科臣张贞观参论各将官命李如松遵新命策励供职张天辅等革任阎金皋行巡按御史提问

○发柴登科烟瘴地面永远充军常明一等发配以管军枉法科敛也

○兵部奏三吴财赋重地内虞水荒外虞海寇日者闽越倭报人心益惧故科臣张辅之有修水利豫备防之疏如蓄水涉水等处堰闸堤坝等工务使一劳永逸以至抚流移补卒伍斤债帅给粮饷饬朽钝以及墩台战舰皆宜整顿适用毋使苟且塞责 上嘉纳之

○乙卯以四川擒斩番贼捷音祭告 南郊遣公徐文璧 北郊遣侯吴继爵 太庙驸马万炜各行礼

○以原任南京鸿胪寺少卿王樵起补南京太仆寺少卿

○以礼部仪制司主事唐伯元改补尚宝司司丞

○以南京刑部右侍郎余懋学任南京户部右侍郎总督粮储以太常寺卿管国子监祭酒事张一桂任南京礼部右侍郎

○南京户部尚书张孟男以王德完论劾求去不许

○时宣府仓场库驿军需钱粮被王三槐等侵盗亏折浥烂阅臣钟羽正上其事以魏瑄赵世勋发边卫永远充军余哨了纳赎有差从之

○阅视蓟昌等处右通政穆来辅同督抚巡关诸臣奏称各属荒地以十分为率尽数开垦者纪录一半以上奖赏无开垦者罚治又各卫屯粮将前年拖欠并本年钱粮完至八九分以上者遵例免议仍令三月内报完部覆允之

○赐大同阳和右参政郜永春银十五两贮丝一表里着吏部纪录张世烈遇缺推用张后甲与马林等各赏银十两速原改调阅臣曾乾亨荐其边材可用也

○丙辰左都御史李世达再疏求去不许御史傅光宅仍以误注台差抗辩罚俸

○以福建右布政张明正为南京太常寺卿

○以山东青州府知府袁年升江西副使备兵袁州

○户部覆科臣韩学信条议一申条鞭之法不得分外科派假公济私一革富户之累不许金立殷实名色以滋劳扰一剔积穀之弊不得滥罚折价私充囊橐违者各宜参治着如议行

○获西宁前所奸细三十四名械系来京送法司梟首传示各边

○纪录鴈平道右参政吴同春等各加衔候平盗功次勘明一并优叙从部覆阅臣张贞观请也

○工部覆应天巡抚李涑御史张士价奏各府属被灾地方如胖袄等项银料及停徵免徵带徵分数着地方官出示晓谕从之

○丁巳以湖广副使林梓任湖广右参政

○赐总兵麻承恩银二十两纒丝一表里张邦政马魁武各赏银十五两余各分别纪录从御史刘尚忠奏其斩获史酋功也

○赐四川巡抚李尚思银三十两纒丝三表里仍荫一子入监读书总兵李纲银三

十两纒丝二表里李士达来经济各升一级赏银二十两纒丝一表里朱文达实授副总兵余各升职有差以杨柳白沙等处擒斩番蛮有功故有是赏

○吏科给事中韩学信奏西宁总兵尤继先在经略则以病愈议留在总督则以未愈议去若以临戎安望同心共济此边臣乖忤当戒也又见总督蹇达报虜入犯十四万提督李言恭遂请设九门兵马近知所报皆属虚张是边臣与京营之轻率当戒也包敕尚书诸臣以公心举错而部臣亦无轻为用舍虜情以实事奏闻而内地亦无过为张皇上然之

○兵部覆魏学曾奏去岁虜犯洮河论逆不独火真今各酋出边论顺不独扯酋顺逆俱同制驭宜一有绝有不绝何以服虜心惟火真在固原当绝赏专剿其余俟衅绝之更欲于不罢款市之中寓限制防闲之义如零虜讨赏者革岁时馈送者革不遵市期径入抚院夜呼城门者禁市锦绣珍奇者禁宴待拘执人员者绝市马病损索我高价者绝诸如此类皆定为章程七镇坚守依我则抚否则与战每年巡按御史核奏毋得虚文塞责得旨各镇驭虜事宜既该督臣建议便行与经略抚按等官酌审虜情更定约束务痛革滥增横索等弊

○戊午总督魏学曾奏虜庄秃赖明爱等额赏停革报可

○己未易州天鼓鸣

○礼部奏请冬至日临御

○兵部覆尚书郑雒巡抚叶梦熊修内安边条议一置将官洮州当虜冲要地宜于临洮适中处设参将一员景古城设守备一员归德保定站复添守备防御二员庶缓急有资唇齿自固一留班军旧例临河之卒往戍甘凉今洮河危急视甘凉殆甚合将临兰河岷四卫共兵三千二百二十五名议留本地戍守一募冲锋一增年例一修器械一严番族一议援兵 上令如议着实举行

○庚申以太仆寺卿范谦量为太常寺卿管国子监祭酒事

○以原任广西左布政管大勋复除福建左布政

○礼部覆御史杨镐奏故民赵彦妻孙氏因夫故绝食身死宜表贞烈从之

○辛酉以江西佥事朱廷益任南京光禄寺少卿

○以河南左参政张养蒙任太仆寺少卿

○以四川左参政周思敬任太仆寺少卿

○赐大理寺卿李汶母封太夫人父李登与祭减半造葬

○壬戌宣镇总兵李东旻等守备杜光宇等俱罚俸有差千总刘继孝等革任着御史提问以火焰山永宁墩达贼两处入犯杀伤军丁焚烧房屋为督抚参劾也

大明神宗显皇帝实录卷之二百四十一

大明神宗显皇帝实录卷之二百四十二

万历十九年十一月癸亥朔角□羊绛二州地震

○刑科题赵锦奉旨起刑部尚书迁延未赴今岁五月大审九月朝审皆法司重务更值各省直五年审恤之期诸臣恤疏纷纷非署理一人所能独办宜责令赴任倘其固逊乞允致仕以示优异 上令速来供职

○河南道御史林祖述题参蓟辽总督蹇达节报虏情张皇轻率哨探非真而急遽求援摇惑京师致烦 圣虑且前一见于按臣胡克俭之弹章再见于科臣钟羽正之指摘乞易人以镇边疆不允

○兵部题阅视大同少卿曾乾亨题称搜罗将材在外有二议一责成大将一责成司道在庙堂有二议一常格当破一调用当称其所荐京营戎政中军何良臣巡抚标下千总常鹤侯绩著会题升转余经部访应革任别用从之

○兵部题经略尚书郑雒延绥巡抚贾仁元及阅视延绥少卿王世扬会称战守事宜一市马抚赏该镇岁定银一万三千六百两后因诸酋要求增赏费且百倍今宜止照定额一扼塞战守延镇边长难守如东路宜易守备为参将以专分辖中路三堡宜勾补买马充实以资弹压西路极冲宜拨军赴噶口寨听充领操防从之

○工部题河道都御史潘季驯条议一放水淤平内地以图坚久谓缕遥二堤俱为防河善法但宿迁以南有遥无缕独直河以西地势卑洼岁岁患水宜将遥堤查阅坚固却将缕堤相度地势开缺放水沙随水入地随沙高庶消患而费可省一接筑遥堤以防夺河谓黄河之势分则河遂夺缓则沙遂停宜自永赖亭以下接筑遥堤计五百四十丈至董家沟止庶河无分流而事可永赖一增支渠大堤以杜淤浅谓徐城积潦悉由新开支河洩出惟魁山迤北王家林一段约长十余丈迤南倪家林一段约长三十余丈宜仿支河新堤之法筑大堤一道自无塌损之患积水势若建瓴矣一增砌石堤以固保障谓高家堰当湖之处中段原厢石堤足当风浪其石堤南北俱系土堤岁修无已议照中段一概砌石徐州道与河南分司各管砌工以二十一年为始应用钱粮俱于岁修银内剖处八年之内准可通完矣一浚河避湖以利漕渠谓自夏镇闸迤南起经李家口等处挑开里河一道计七十余里从满家闸西筑拦一坝使汶泗上源之水尽归新挑河不得洩入诸河以致势分力弱又李家口设减水闸以洩沛县积水将仍前议新砌湖边石堤移建东岸以当风浪则新河既可隔绝湖水砌石又可捍御河堤于运道民生所利非浅但工费浩大合依所议备行淮扬抚按官查勘另行题请着依拟行

○甲子祭 三皇于 景惠殿收回祭品赐诸辅臣

○以河南左布政使孙鏞升太仆寺卿

○以原任广东佥事管志道起补湖广佥事专在靖州并天柱所等处整饬兵备

○以直隶保定府祁州知州随府升陕西行太仆寺少卿兼佥事管理苑马池兵粮屯种水利盐法

○以甘肃镇羌堡守备范良才升甘肃庄凉游击

○命河西镇道文武将吏每当市赏之时严兵境上执持定额如狡虏不服即称兵

剿处但以振威为功不以挑衅论罪一应事宜随时斟酌从阅视少卿曾乾亨之请也

○河南道御史傅光宅以京师根本重地条陈选兵选将置监督明训练四事兵科王德完等以傅光宅所议凿凿可行监督之事请即以光宅督之 上曰京营将士只着总协官从公选练加意振刷如有徇私隳务等弊听巡视科道等糾参不必更制设官徒滋纷扰

○乙丑以隰川王府管理府事镇国中尉俊秧之子充倓仍管理府事

○以游击魏廷臣为山西中路右参将

○以神枢坐营周易为神机三营游击

○升游击熊世锦分守大同东路左参将

○以宣府入卫游击孙仁为大同新平堡等处参将

○兵部题凤阳抚按官陈于陞等条陈事宜一议添兵原隶陆路长兵俱分布洋港要害每年春汛又于军银内量动三千两雇募短兵补守单弱隘口出汛以七十五日为期一议将领谓往年设参将都司于扬州以防倭夷突趋陈前等岛后独守徐州虽为漕运咽喉之路卒有倭犯安得迳达徐泗今议于海寇报警之时暂移中军都司于扬州移徐州参将于淮安庶官非重设而事无推诿一议调发谓淮扬五道边腹相连往倭夷入寇尝调五道之兵赴淮扬以卫 陵京盖倭不得先淮扬而犯五道故也今宜咨凤阳河南山东巡抚申飭各兵道早简练以备调遣着依拟行

○丙寅以四川副使陈明经升四川左参政

○以福建副使耿定力升河南左参政

○管理九门盐法主事马迈呈称各仓场库局召买料草当因年岁豊嗇增减价值宜照万历八年以前一年两估上半年拟于五月初旬下半年拟于八月初旬毋得徇私增减致生弊端诏可

○朝鲜国王李昞具报本年五月内有倭人僧俗相杂称关白平秀吉并吞六十余州琉球南蛮皆服明年三月间要来侵犯必许和方角□羊有旨着兵部申飭沿海堤防该国侦察具见忠顺加赏以示激劝

○以原任镇守蓟永等处总兵董一元任协守宁夏副总兵

○丁卯以署指挥僉事李从吉任总督宣大标下右掖游击以守备周弘谟任宣府入卫游击

○戊辰以四川右布政徐用简补河南左布政

○荫原任锦衣卫经历沈炼孙沈存德入监初炼由进士授锦衣卫以建言诋严嵩谪戍塞上寻为奸党诬陷被诛后 穆宗悯其忠直诏赠光禄荫子沈襄入监襄以贡为县令荫让弟袞至是袞复以让襄子存德许之

○以彰德府宫焚毁命该布政司将见在住支派剩禄银一万六千一百两零先给修建仍照鲁府事例量留香税银两一半以充修缮从宋应昌议也

○以浙直漕粮黑润数多临仓挂欠又甚苏松监兑杨应宿浙江监兑黄璜及苏松浙江粮道俱各罚俸

○刑科给事中王建中题称蓟镇尺籍空虚卫所单薄宜将京操班军照旧就近操练居庸关以东至西海冶及南山等处要害无备湏复八千额兵选将特镇之至戎政莫重团营训练久废其提督坐营必择雄勇骑射统领训练禁地莫重于公朝门禁久弛宜择锦衣卫指挥轮直东西二门以绝非虞部覆以闻诏曰可

○己巳冬至令节特赐辅臣上尊珍饌

○遣侯郭大成等祭告 九陵

○辛未赐敕嘉奖蜀王以千金助饷从巡抚四川都御史李尚思之请也

○壬申

孝惠皇后忌辰遣豊城侯行礼

○以南雄府知府黄门升山东都转盐运使

○以河南按察使王来贤升四川右布政

○大同阅视少卿曾乾亨条议八款户部酌议其三款一议核造报仓场主客料草粮银被积书隐匿侵涸等项的系年远人亡者俱准开销一议支布花惟见在征操哨守各军照旧给散余俱裁革以抵年例一饬经制阅过见在官军定为额数应用本折月粮等项除各项银两尽数抵凑外尚少若干遇闰月应补若干准予老弱减省饷银抵补其互市抚赏已经覆议每年用银一十二万二千两在户兵二部分发俱依议行

○铸给登莱等处备倭关防

○兵部覆阅视山西科臣张贞观会同督抚萧大亨等题议五款俱于边务有裨一议家丁总兵官家丁定以六十名副参三十名游击二十名俱加只口只粮其粮即于本营逃故老弱项内汰补一汰将领该镇酌议信地各有分守均难议裁惟据汾州应复参将河曲应添守备未易悬断俟咨行督抚确议覆请定夺一清占役该镇营伍原有额数惟责该道各制粉牌刊刻姓名于上树之公署以便稽查一议修筑该镇沿边应修城堡宜逐一核实工料酌量请给一议市货积久市物能无亏耗宜严为稽核毋致浥坏以滋冒破着依议行

○癸酉山西猗氏县天鼓鸣白气凝聚

○大学士王家屏等以玄西廊下火起延烧连房虽已扑灭恐惊动起居谨具疏题

○总督陕西尚书魏学曾谓虏情叵测各路将湏远行侦探不得贼到彷徨总兵湏早出预待不得贼到徐出违者即以逗遛论罪部覆从之

○兵部题据朝鲜咨报倭贼入犯似真沿海防汛将兵务要远哨堵截外洋毋得各省互相推诿巡抚未赴任者着作急催促从之

○总督陕西尚书魏学曾咨部称副总兵唐尧辅应革任回卫游击原进学应提问参将刘光前应降用其延绥入卫游击李秉德调河西参将宁夏广武游击李绍祖调孤

山参将而以宁夏中路参将庞渤调补之军门标下右营游击来保调宁夏中路参将而以原任游击赵武调补之各依议行

○阅视宁夏尚宝司司丞周弘禴议将宁夏河东有汉坝秦坝照依河西先年金事汪文辉所修汉唐二坝用石包砌凡系洪流冲激处通用石砌以计长久仍于筭利渠之外再浚大渠一道北达鸳鸯诸湖等处以兴水利以遏胡骑报可

○甲戌大学士王家屏请临朝讲决章奏

○以镇江府知府范世美任山东副使

○吏部题南京大理寺寺丞董基回籍调理

○礼科左给事中丁懋逊论劾湖广提学金事邹迪光职方司员外郎殷都宜改调别职依议行

○云南道御史顾际明劾协理戎政尚书张国彦身居京兆职司提调而三子并中高等是何奥援副都御史宋仕曾与巡按同论林茂桂复以王锡爵之门生致贻揭荐以媚抚臣是何反覆江西金事王遵训嗜利则假故尚书宋纁之名以马□匡人脱害则介史继书之仆以通政府是何禾□岁鄙并宜罢斥以肃官箴得旨张国彦照旧供职宋仕另行议覆王遵训着冠带闲住

○以南京太仆寺少卿王樵任南京光禄寺卿

○户部覆凤阳巡抚陈于陞所议战船每样各造二只大船一只为正兵围以小船十只为奇兵船费俱于淮扬库贮□税船税银内动支又漕库积有余银三万九千二百零见今差官起角□羊时值海报紧急合将前银仍留淮库以备急需事宁仍角□羊济边报可

○以官军荡平普雄村叛酋阿法建平道周光镐应论首功余各论功有差

○以甘肃石浪守备纳惟量升甘肃巡抚标下游击

○以大同灭胡堡守备赵从政升大同井坪城参将

○辽东掌印都司裴邦翰升海州地方参将

○左都御史李世达等覆德王常邦□清所参奏本府临胸王翊金□牛采骂亲母两伤嫡妻逼死婢母及违抗亲王戒谕合咨抚按官拘提人证审究从之

○左都御史李世达等题朝觐期迩照例应行禁约凡在京官吏人等不许递揭陷害外官入觐官员不许营求打点被论官员不许诬讦留用官员入觐官与京官不许馈遗交际从之

○以河湖并涨修守事竣将知府陈廉等及州县官五十三员优奖知府张问礼等及县官四十七员量奖主簿贾应元王阶提问县丞邓鸿等六员各行戒飭

○乙亥经略尚书郑雒谓扯酋东归火真远遁西邮业已就绪即赴宣大申明约束其西镇虏情除庄明等酋应剿外余松套各虏勿令疑畏务况几密画期收胜筭诏可

○兵部覆经略尚书郑雒题吉囊率达虏二千入犯游击姜河提兵迎敌斩首级五

颖为照卜失兔作孽有年诛剿宜亟其松套各虏宜别顺逆以为剿抚毋得曲意徇虏依议行

○丙子吏部左侍郎兼东阁大学士张位以病乞仍在籍调理

○吏部题各道新选御史小差要疏通律例政事修举方准题实授中差以实授资次先后为序大差口口人中差回道先后及大差未滿仍候大差以复除日为序至六科升转悉凭资望不得躐制曰可

○吏部会同都察院题御史陈登云所奏考选科道当慎始进必端方直亮有识之士然后可维持国是当详其考荐之优劣行取之资序复考试奏牒因其议论发舒以卜心术邪正至言路不堪例应外补者不得以金宪为劣转之官庶言路愈重而不才不得侥幸矣着如议行

○原任南京太仆寺卿升陕西巡抚沉思孝以老疾乞在籍调理不允

○兵部题经略尚书郑雒奏称选锋兵马至西海仰华寺将房一时焚烧各虏望见火光驰至官军对敌昏夜射死不及取首生擒达虏二名余虏逃奔山后合将芥刺水泉功次并有功官员覆议并叙 上着该部查前后功次一并题覆

○刑部左侍郎邵陞等题卫官聚嚷禁地侮辱大臣甚非法纪后军都督府掌府事定国公徐文璧武官皆属统辖而所参仅六名虚捏二名枉报三名止李钦一名既非首恶又不堪刑拷含糊塞责国法何在宜确查真犯审究大学士王家屏亦以为言得旨徐文璧罚住禄米半年还查真犯具奏

○丁丑吏部题兵科给事中张贞观论劾郭子直以参议调简沉子木调南京别衙门李采菲闲住从之

○以原任云南按察使邹学柱复除河南按察使

○兵部右侍郎陈有年左副都御史傅孟春各以湖广衡州府同知沈鈇参论原任抚臣秦耀支银分送各< 硃-金 >称辩并乞罢斥 上曰指馈饰赃贪官通弊各着依旧供职

○协理戎政张国彦因顾际明论劾以老疾求归不允

○户部题大同巡抚邢玠咨称该镇市赏货物合选委府佐等官赍银前往浙直同彼处委官分发机户照式立限完买仍带机户一名到镇验对从之

○巡按广东御史钱一本题请罗伦罗洪先陈真晟曹端从祀孔庙有旨这祀典屡经奏请未有定论如何又来烦渎

○甘肃山丹洪水等处天鼓鸣夜火星陨于永昌古城堡

○戊寅吏科都给事中钟羽正为交际馈遗滥觞滋甚乞因大计严行禁绝有旨今后阁部大臣凡公事都于朝房会议不许私宅接客受书其交际礼文吏部会同都察院酌定条约通行

○辽东巡抚郝杰奏辩原疏孙守廉与守备胡泽随营升官缘由并以衰老乞罢吏

部题称郝杰才猷心性阅臣按臣称其贤即科臣疏中亦谓初以微文致疑旋已闻其清直宜令照旧供职从之

○以原任福建提学副使李盛春起补福建原职

○巡按直隶御史甘士价题本年五六月苏松二府霖雨水灾异常人口渰死数万各属钱粮准依改折仍查勘被灾分数蠲停其角□羊礼部牲料银两行光禄寺查议回称 上供缺乏难保停徵诏依议行

○己卯工部尚书曾同亨等题阅视大同少卿曾乾亨条议造器械一款将先年京师颁降该镇铜佛即机教习演放其不堪铜铁炮铳变价改造要紧器械又阅视山西兵科给事中张贞观议军火器械无过连珠毒虎等炮三眼双头等枪而攻守利器无过攒枪偏箱二车其工费于减过马匹所省草料银两取用着如议行

○庚辰 孝烈皇后忌辰遣成山伯王应龙行礼

○以南京兵部职方司主事薛士彦任湖广提学金事

○经略尚书郑雒题称甘肃为青海门户归德为两川咽喉而归德宜添设守备防守部覆 上着督抚官勘议奏

○兵部覆御史张鹤鸣题称辽东总兵李成梁血器既衰罪恶贯盈乞亟去以全始终从之

○辛巳 慈圣宣文明肃皇太后圣旦各王府庆贺表午门监官捧进命妇免贺仍赐辅臣讲官等有差

○壬午 皇第五子名常浩告 奉先殿

○以吏科都给事中舒弘绪除补原职

○总督两广侍郎刘继文备陈防倭条议其议险要当以沿海要害处多设疑兵其议师旅当于水寨专练主兵截之外洋一戎器为长技合用喷筒等烧帆焚橹复用绵甲遮避箭炮一将领宜惯海如陈璘武应隆宜令大立战功保荐叙用民兵当练而借调□船渔船以备缓急奸徒当禁尽追没私贩财产以重赏赉惠潮海南二兵巡道准给军门原领旗牌一面假以便宜又查蓟镇御虏事宜容虏匹马入犯即坐失机之罪宜照例刊布晓示有警守巡总兵官督纪功罪信赏必罚至<□□>粤>夷内集恐虞不测合于<□□>粤>门外建抽盘厂于香山大埔雍陌地方汛至以同知驻劄新安通判驻劄雍陌汛毕方回仍将倭奴入犯情节晓谕<□□>粤>夷令其擒斩关白入献重加赏赉尤销患安邦之一策也着如议行

○以浙江都司佾书江大与任湖广掌印都司

○以永平守备王洪任神枢五营佐击

○以镇守居庸昌平总兵杨绍勋任镇守辽东挂印总兵

○癸酉礼部覆科臣张应登题讲明历法荐原任知县冷逢震得刘愷之传或取用或遣历官资究仍博访明历官民生儒以裨任使章下所司

○甲申刑部左侍郎邵陞以兵科给事中刘为楫劾其贪墨上疏奏辩 上着依旧供职

○新升提督操江南京右都御史蔡国珍乞养病不许

○乙酉南京户部尚书张孟男以兵科给事中王德完劾其庸琐乞养病不许

○户部题阅视山西给事中张贞观条议一议核造报谓钱粮系主客边饷盈亏沓烂者必当立限追纳一议支布花谓守边守城军士劳苦照例支給若占役杂流军伴俱应裁革以抵年例一议查逃故凡军马逃亡倒死其月粮料草截日扣还官不得侵没一查预发谓本镇额派本色折徵银两其脚价多有余剩趁今丰收发余贮仓若遇荒年踊贵扣留折色而以所贮米豆照数抵给一饬经制该镇主兵军马除额派岁入本折银粮支放外各项裁革与正支剩银共二万一千九百八十两零专备采买客兵粮料不许别顷那借着依议行

○湖广巡抚李楨题该省科举额徵银一万二千两近岁多一千八百一十三两议将试官员领鹿鸣等宴及杂费等项又会试举人及教官作兴长夫等项通行裁省共银四千一百余两行布政司刊刻成案部覆如议行

○兵部题官军鼓噪屡经科道劾参徐文璧已经住俸本部已参究三人锦衣已刺发四人其胁从姑免深究有旨以后官军有骄悍造言倡乱的还严禁缉毋得姑息以长刁风

○阅视宣府给事中钟羽正题称张三纲魏廷臣王国翼王翊可推参游之选颇贵王承业张守愚车允执董雄李汝植可当偏帅之寄张守愚宜加衔镇抚王之麟纪录以需大用部覆从之

○丙戌保定巡抚宋仕山东巡抚宋应昌各以王德完论劾奏辩乞罢不许

○准山西巡抚朱孟震回籍调理病痊起用

○丁亥户部题漕粮改折缘各省直漕罹灾伤姑为委曲乃地方官漫不加意致军饷不敷合行催限十二月中完角□羊不完者府州县等官听本部于入覲时查参分别降罚从之

○戊子以擒获火落赤奸细竹大呆列聂填班大耳同五名角□羊京梟示仍将首级传示蓟镇等处

○总督两广侍郎刘继文奏称三江鲈包水口地方强贼劫掠□船并失敕命其失事官员马标脱梦龙邹达晏传合应提究祝惟敬量罚文似韩李得阳郑时章量免究仍严缉贼犯从之

○己丑以延绥定边副总兵王保任镇守居庸昌平等处总兵

○掌后军都督府事定国公徐文璧以御史贾希夷都给事中钟羽正侍郎邵陞参劾乞罢职不准辞

○辛卯琉球中山王世子尚宁差官郑礼等照例赏赐着尚书李长春宴侍仍移咨

该国世子速请袭封镇压彼国毋以地方多事为辞

○壬辰总理河道右都御史潘季驯以先年给由加太子太保工部尚书兼都察院左都御史照旧管事

○杭嘉湖参将王元周患病回籍以游击黄嘉谋升补其听用参将董永隆补军门标下右营游击

大明神宗显皇帝实录卷之二百四十二

大明神宗显皇帝实录卷之二百四十三

万历十九年十二月癸巳朔原任礼部右侍郎今行取入阁办事张位再疏乞辞不许

○山东巡抚宋应昌以知县崔士桀报灾失实拟调又参议荆州俊退有后言复劾州俊科臣王德完因与应昌辩论曲直应昌具本乞休部覆巡抚以参知县而遽听乞休非所以饬纪纲也得旨宋应昌尽心供职荆州俊调用

○以户部郎中侯应徵为江西副使工部署郎中事主事何应奇为山西副使

○阅视延绥少卿王世扬会同总督魏学曾等奏新兴三山石涝三堡距边颇远宜移于瓦楂梁并为一堡设守备坐营各一员饶阳堡原无信地应归并盐场堡至于安边所官军所居在此而所守在彼尤为不便合令掌印官仍移原所即以营所官军于野马涧寨城更番防御至屯盐粮料草束其额派三山石涝新兴者俱归新筑堡仓饶阳盐场俱归盐场堡仓就便关支仍铸二堡仓印给之俱依议行

○追千总叶国祯戴世臣李舟赃发边卫充军总督魏学曾劾其卖放军人盗支粮饷也

○甲午大学士王家屏疏乞明春建储以塞道路揣摩之口销墙帷牵制之私不报

○制定戚臣庄田 皇后家派传五世留一百顷 皇贵妃并贵妃家派传五世留七十顷以为香火地后家不论旁枝别派永远给付遵守妃家无正派传至三世不论多少尽数还官其驸马传至三世准留十顷以为公主香火地永远给付遵守余着还官王栋陈承恩李鹤郑国泰姑准照旧以后养贍香火庄田递减都照今规则永远为例

○以陕西都司佾书史著勋升延绥领军游击

○以原任延绥总兵薰一奎升协守洮岷副总兵

○乙未以光禄寺少卿吕兴周升应天府丞

○兵部覆总督魏学曾奏四镇防御机宜如一路有犯则各路救援以催其余一镇有警则各镇捣巢以纾其急以战御为四镇长画而无务偷安以市赏为一时权宜而无畏恫喝凡计歼火庄二酋悉听便宜从事不相遥制 上优答之

○兵部覆浙江巡按御史黄钟荐参游等官周于德等一十四员附簿擢用刘炳革任回卫李承勋以游击戴罪管事从之

○丙申以协理京营戎政兵部尚书兼右副都御史张国彦为刑部尚书

○以陕西右布政吕坤为提督鴈门等关巡抚山西都御史

○以应天府尹杨廷相为南京通政使

○以南京右军都督府掌印崇信伯费甲金调中军都督府掌印

○○以游击管陕西参将事王鹤鸣调分守永昌参将

○以游击管榆林堡参将事王通任分守延绥参将

○戊戌吏部覆御史吴龙徵劾总督蹇达言属有据但兵卒骄悍稍有节缩即布流言不可以风闻而炎振饬之心得旨蹇达宜尽心振饬边事毋自疑阻

○经略尚书郑雒上疏乞归并辩人言媚虏养乱负六不白之冤 上慰答褒嘉赐银三十两蟒衣一袭着任事如故

○己亥经略尚书郑雒奏称参将何崇德游击王国柱等招回番族人马归附日众宜安插得所渐为我使毋使抚驭失宜自生携贰报可

○以南京后军都督府管事新建伯王承勋任南京右军都督府掌印

○经略尚书郑雒奏自西宁起行节次塘报虏情在甘肃称境南境北并无往来达虏在宁夏则称市规已定群夷安妥即卜酋亦已回套在延绥则庄酋近虽作歹而余虏且已就市四镇夷情似无别虞不敢以己离地方不以上闻也章下兵部

○革延绥总兵杜桐参将庞渤等离任回卫唐尧辅着巡按御史提问从阅臣王世扬言也

○庚子吏科给事中舒弘绪劾尚书张国彦倾险贪戾市井无赖宜罢斥以为大臣险邪之戒不听

○以礼部祠祭司员外郎马犹龙为江西提学僉事

○泰宁卫夷人贺长至令节以临淮侯李言恭侍

○礼部奏建储一事去岁十月之旨出自 圣心之独断乃格天感人之大信也今岁八月之旨由于小臣之偶激乃逆耳拂意之余威也譬之于天大信犹日月星辰之昭布有常而不可易余威犹雷霆风雨之骤至旋霁而不可过矧朝覲会试之届期正四海九州之毕集霁余威而昭明信此其时矣得旨着遵新旨行

○加副使袁弘德升俸一级参将杨浚升副总兵职衔仍赏银十五两达云查勇各赏银十两李君柄等各八两陕西御史周盘叙其斩获抄胡儿部落功也

○ 上以巡盐两浙御史韩介举刺不当甚非激扬吏治之体着在京别衙门用从都御史李世达考也

○辛丑以浙江按察使张允济升陕西左布政

○南京刑部郎中陈应芳升福建僉事户部郎中张一元升光禄寺少卿

○户部覆巡抚应天都御史李涑奏处春汛切要事宜一提编兵饷将苏松常镇今岁冬月会计二十年分钱粮查照现编款数徵银贮库若无警报留抵下年岁用一请留钱粮提编银两未能全完要将浒墅钞关税银准留一年再发南京帑银八万两如无警

仍旧起角□羊一修葺城垣常州修城之费准留本部济边银及救荒事例银凑足二千五十七两七钱以修城垣着俱依议行

○以江西湖东道右参政陆万钟厨房失火延烧衙房并原奉敕书着令罚治

○前刑科给事中王建中奏江西人乐新炉与湖广胡怀玉福建王怀忠徽州汪鉞俱托迹山人影借权贵诈骗财物但乐新炉已经奉旨拏问立枷仍将本内有名罗给事杨御史王郎中查究独王怀忠三人从轻释放乞并严罪之刑部右侍郎邵陞乃言群邪修隙百计报复罗给事中等宜听吏部都察院公论不得枉是非之实怀忠等宜拏究上命王怀忠发御史重究仍将胡怀玉汪鉞拏问发边卫充军

○大理寺拟军职聚噪禁地侮辱大臣罪状得旨杨绍臣高清等用大枷一个月满日发遣发配彭汝宁首恶如何展辩角□羊脱照例发遣

○壬寅以南京尚宝司卿詹沂任南京大理寺右寺丞

○以新升刑部尚书张国彦再疏乞求养病许回籍病痊调用

○以南京右军都督府掌印新建伯王承勋任提督操江兼管巡江事

○以南京中军都督府佥书魏国公徐继志任南京协同守备兼掌南京后军都督府事

○以吏部考功司署郎中事主事俞沾任河南副使

○河南周府宗室朝桔与无名宗室桂山德川越禁城访所知因宿店斗殴诈索财物为杨凤图扯稟扶沟知县冯盛明清正有执爱民如子作令期月大著贤声时不知为宗室误责朝桔朝桔令人赴京具奏行抚按勘问部覆得旨朝桔罚住其禄米三个月桂山德川行该府戒飭守门百户方进忠教授杨希震着提问冯盛明亦以误责宗室改调○甲辰日犯土星在井宿度

○以户部郎中陈三策为浙江副使

○以原任山东右参政成宪复除山东右参政

○吏科给事中钟羽正等奏吏部前推应天府丞正推孟一脉陪推吕兴周又江西提学正推蔡时鼎陪推马犹龙乃陪推俱依拟用而正推故置之得非以一脉时鼎曾建言得罪忌其后用而故抑之乎窃恐中外以言为讳销忠直之气结谏臣之舌所系非渺小也得旨这点用官员内有浮躁喜事非为国为民者故不点用至若为君去邪逐佞怀忠尽职的不待你等烦聒钟羽正狗私妄奏朋党窥探好生可恶本该重究姑罚俸一年其余各八个月

○工部尚书曾同亨复疏求去不许

○万法宝殿灾魏朝着拏送刑部拟罪

○乙亥户部覆阅臣王世扬等会奏延绥地方砂碛召□垦荒输粟给引□多不愿且屯多荒芜俱因屯丁未复苦累未除稽查未严三弊所致合行该道明谕见在屯户开将逃丁查照勾还拨与原产官给牛种至秋成量收补还仍严查荒熟田地无使苦累一

报得旨妄杀邀功事情重大刘继文孙秉阳沈茂都革任与总兵李栋等通候勘明议处杨寿甫刘世懋等着巡按御史勘问毋得畏避容隐以后按臣勘覆功次奏报不实者事发一体治罪

○以京城巡捕左参将陈霞任分守居庸关参将

○以原任孤山参将孙朝梁任宁夏广武营游击

○以成安伯郭邦相任南京中军都督府佾书

○以大同东路左参将熊世锦任分守徐州参将

○以居庸关参将李著实任协守宁夏副总兵

○以宣大总督标下左掖游击刘缙国任分守大同东路参将

○兵部覆刑科李献可奏称火酋住牧未归长昂内犯无忌皆由大小将领推诿猜疑阻丧之三弊致陵夷废弛之二渐要励勇敢以作士气伸国法以固人心及宽文法以驭将帅从之

○己酉礼科给事中胡汝宁劾文选司郎中王教力足以驱鹰犬权足以压堂官如张一元陈应芳忿争并谪调外公论是应芳而非一元乃一元升光禄寺少卿应芳止升佾事盖缘一元与教同乡同年使今日有如御史傅好古之劾谢廷采则安能一日居朝廷之上乎 上着吏部堂官回话

○予原任日讲官吏部左侍郎回籍守制沈一贯父沈仁佶祭葬并赐母淑人洪氏并祭合葬

○兵部覆阅视延绥王世扬奏称该镇各营路将领并延庆二府将应徵桩册地亩土兵粮价等银徵完贮库遇有各军倒死马骡即日开报照议定年分如数给发买补敢有规避参罚逼军私赔致累户人及土兵粮价追徵不完致有困乏者俱听巡抚参究仍晓谕土兵户人自粮价车装之外不许重累从之

○阅视蓟昌保定穆来辅阅视辽东侯先春各奏称阅视过各镇八事修举分数及叙论文武各官功罪如按察使成逊顾显仁等副总兵王輓等所当优叙参将朱士元倪敏政等宜革任刘崇政李宁提问至积钱粮在蓟辽为最米豆昌镇为优辽镇次之保镇又次之修险隘练兵马蓟辽为最保镇次之整器械开屯田蓟昌为最辽镇次之保镇又次之理盐法蓟辽昌保皆无收胡马散逆党辽镇为最蓟昌次之保镇原无胡马逆党而屯田又次之得旨各官整理边备效有劳绩张国彦加太子少保候用赏银四十两纁丝飞鱼一袭郝杰升右副都御史照旧巡抚蹇达与郝杰王致祥各赏银三十两纁丝二表里余文武等官顾养谦张邦奇等各加俸升级赏银有差

○庚戌赐临洮知府岳维华银十五两升俸一级以极力婴城功多于罪邓凤严惟忠发边卫充军从部覆御史周盘核勘洮河失事也

○辛亥遣公徐文璧驸马许从诚岁暮行 大袷礼于 太庙

○以湖广都司佾书吴士俊为山西都司掌印

○以五军二营参将王永寿为京城巡捕左参将

○工部尚书曾同亨等奏今秋河决山阳堤田冲溃及江都邵伯等处湖水下注州县浸伤皆由管河各官怠误修守科臣朱维藩欲特设巡河御史一员督理宜即敕管河各官务安着实修守有怠误者会总河衙门参究不必另设宪臣以滋劳费从之

○巡按御史姚三让奏南直泰安等府十三年至十七年拖欠钱粮照被灾分数酌量蠲免十八年带徵钱粮量停一半徵纳一半其年分起存钱粮依旧徵角□羊从之

○工部覆巡按御史高举奏江北等府被灾伤重将高邮等州县自万历十三年起至十七年止甄料匠价等银俱行蠲免其胖袄军器并十八年应角□羊工部钱粮除已徵在官者截数起角□羊未完者分三年带徵织造借用银两照原数徵完其仪真等州县十七年以前各项钱粮亦照例将已徵完者截数起角□羊未完者分三年带徵其十八年各项银两照常徵角□羊从之

○壬子以年节赐辅臣及讲官银币各有差

○礼部覆御史崔景荣条陈科场事宜一议内帘员数入帘日照御史取到员数派阅各经不必更议增减亦不许指名用人一议弥封事规每受一卷随即弥封不许一人私阅不得一刻延缓一议分经阅卷各房分卷务照各官所治本经但许内经内裒多益寡不许别经官欲求数均以致越俎一议公平落卷必参酌于各房裁定于主考湏正各卷公评不如落卷然后准中一议刊刻程文凡乡会试录前场文字多用士子原卷量加修饰至策题深奥士子条答或有未畅止许补足题意不许全卷另作俱依拟行

○癸丑兵部覆钟羽正曾乾亨张贞观各奏称阅视过各镇八事修举及叙论文武各官功罪如萧大亨王基郭四维邢玠吕三才俱宜优赉角□羊生马栋等本部纪录叙用韩恭友等宜量罚处至积钱粮则宣府为最大同山西次之修险隘宣府为最大同山西次之练兵马宣府为最大同山西次之整器械大同为最宣府山西次之开屯田宣府为最大同山西次之收胡马大同为最宣府山西次之得旨各官升赏各有差

○上以训导庞尚鹏所进边事果有裨边务可将原板刷印颁行不必发薊镇翻刻其飞鱼飞舟湏试有实效方可制造毋得虚糜工费

○大理寺右少卿董裕等奏云南沐总兵府内旗牌官王朝京私自阉割李时孝罢职长史胡桐知县戴官各犯投充势豪吓骗财物拨置打死人命强占地土等罪李时孝依律处斩王朝京胡桐戴官各发边卫充军从之

○甲寅以立春令节赐辅臣上尊珍馐

○大学士王家屏奏接得延绥总兵杜桐塘报达虏明安土昧等酋分犯榆林保宁向水波罗等堡本官率将分兵出击斩获首级四百五十余颗生擒贼夷二十六名口并塘报封奏

○遣新宁伯谭国佐等各 陵寝行元旦礼

○以大同天城守备朱孔阳为湖广都司僉书

○兵部覆阅视延绥王世扬条陈边务一议道驻以重弹压该镇惟定边营最冲宜令兵道于夏秋则驻定边以振威武春冬则还驻靖边以理庶务一严点查以杜虚冒按册稽核不令老弱混留其壮者量加粮额汰者另行选补一查养廉以除军害各官养廉地土只令军人承种纳租听各官关领不许私种民田擅役军丁一练乡兵以安内地照村落远近联为什伍各备器械训练而又择有胆智者为之长令人自为兵一禁驰边以专操练非沿边驻劄官员不许枉道经由边堡致边军供亿骚然俱依议行

○以神机十营佐击黄孝敢为五军二营练勇参将

○乙卯大学士王家屏以十八十九年所撰讲过经书讲章类写进呈

○广东总兵童元镇未任旧总兵朱光以候代称疾 上敕朱光速任福建防海而元镇未任着行御史查奏

○丙辰礼部以正旦请御朝受贺 ○丁巳旌表孝子杜惠扁其门曰孝行节妇十五人刘世朝妻张氏贾时雍妻郭氏张榛妻李氏艾元嗣妻贾氏褚岑妻蒋氏邬世禄妻万氏张子升妻闵氏李乐妻于氏李泮妻汪氏梁栋妻李氏郑世妻黄氏陈所蕴妻吴氏王令辰妻张氏赵得珍妻张氏尤性妻黄氏各扁其门曰贞节烈女八人胡得水妻李氏荆衍祚妻李氏董可爱妻孙氏王汝芝妻万氏陈木桓妻胡氏赵怀城妻潘氏弟怀珍妻沈氏鲍文化妻濮氏俱年未二十夫亡自尽各扁其门曰贞烈

○以蓟州城守备贾< 啓-曰山 >任神机十营佐击

○工部尚书曾同亨以病求去位命暂调理痊日供职

○以礼科左给事中丁懋逊为户科都给事中户科给事中刘弘宝为吏科兵科给事中张贞观为工科俱右给事中

○以刑部右侍郎李尚思为户部右侍郎董尧封为户部左侍郎

○以原任南京右都御史孙丕扬为刑部尚书

○以山西按察使张孙绳为福建右布政

○以原任四川巡抚兵部右侍郎徐元泰为南京刑部侍郎

○吏部等衙门会奏正旦请御殿视朝

○以原任广东琼崖参将汪道之起四川松潘东路游击

○己未陕西都司掌印王梦吉为四川巡抚标下练兵游击

○礼部以大计届期乞举行宴赏清廉拏问贪酷以重劝惩仍令各抚按巡历去处不许各官私迎送易服色以抑奔竞报可

○庚申以祭告 太庙 祧庙收回脯果酒赐辅臣

○遣定国公徐文璧代行裕礼 ○大学士王家屏因请元旦登殿受贺

○以贵州右参议胡嘉谟任南京太仆寺少卿

○以南京吏部稽勋司郎中陆长庚升湖广右参议以山西左参政赵耀升山西按察使

以神枢营左副将王椿为南京右军都督府佥事 乙亥 升刑科左给事中李献可为礼科都给事中户科右给事中叶初春为礼科左给事中 以山东济青登莱四府灾命新旧钱粮带徵仍徵有差 丙子 户科左给事中孟养浩劾副都御史傅孟春贪鄙宜罢侍郎韩世能被言不去非大臣崇廉耻之意宜致仕章下吏部 礼部以会试屈期条议科场规则六事一正文体非纯正典雅者不收一议程录悉用士子原文一专阅卷房考必阅本经一别字号五经卷号不得相混一核墨卷真草不全者不得中式一公填榜拆卷后毋引嫌輒更上曰立考为国抡才湏文理纯正经术通明方许收录其有文词险怪背经离传者场后卷发礼部戒飭程文须用真卷勿得改拟示欺余如议行

○丁丑兵科都给事中张栋奏延绥总兵杜桐及总督三边尚书魏学曾塘报虏酋土昧明安挟赏犯边官军剿杀计首级四百五十有奇生擒二十余名乃未几道路流传有生事冒功之说究其所繇实自神木兵备副使李杜始呈稟具在总之言宜剿以投督臣魏学曾之好又言不宜剿以结经略郑雒之欢愿借尚方斩马剑诛之兵部请姑降级戴罪管事以资战守诏可

○戊寅 英宗睿皇帝忌辰遣成山伯王应龙祭 裕陵

○御史张应扬言顷外计不免者省臣三台臣二当日考选则吏部尚书杨巍都御史吴时来文选郎中刘希孟吏科都给事中陈与郊实司之闻各官行贿数千遂厕言路乃有治行殊尤而仅博南曹甚且劣选者今恃来盖棺事定矣巍晚节不终去矣希孟木偶人也与郊提木偶者也选台谏希孟奇货也与郊居奇货而求善价者也均当罢斥以儆官邪< 〇〇〇〇 铨-金 >下吏部

○己卯左副都御史傅孟春奏辩科臣孟养浩论取赎银十万及依附江陵相升清卿起抚浙江动军饷厚馈过客诸事乞罢斥行勘以白心迹< 〇〇〇〇 铨-金 >并下部

○礼部左侍郎韩世能辩科臣孟养浩论列三事言讲官繇阁臣选备启沃安所容求原任南京礼部侍郎京察属官皆尚书手定岂能偏处一人顷被言蒙留明旨自天而谓有内援将谁欺乎乞罢以明贞臣不可辱 上谓世能日直讲筵命仍供职

○庚辰升蓟镇副总兵杨元为神枢营左副将

○辛巳户部题王府食盐不许沿途贩卖例也潞王贤明安安静远迩共闻乃典宝马文辅蒙主煽威与奸徒孙龙等夹贩私盐关津不敢诘有司不得问谓盐政何岁盐宜照正额径解本府严禁沿途夹贩者若需盐价则有未之国例在 上是其言命长史启王戒飭文辅等余下巡盐御史逮治

○遣工科右给事张贞观往勘泗州水患开浚工程

○壬午礼科都给事中李献可等奏请预教皇子言甚切 上以小臣烦激违旨侮君降献可职调外任余俱夺俸大学士王家屏封还御批言详阅< 〇〇〇〇 铨-金 >词第请谕教非请册立 皇上念谕教当早宜纳其言即不然宜贷其过而遽加降罚窃恐转滋争论烦聒无宁时不报

○升山西都司杨宗业为大同威远参将

○兵部言国家驭武臣严失机以惩僨事开赎罪以责效死然许赎复者惟终身军非概容幸免也杨时魏宗瀚失误军机免死遣戍乃冒微功奏荐复职而世及如故何以示惩杨时犯在例前孙世隆降袭千户宗瀚犯在例后子桂芳姑袭小旗总督抚按官以后务遵明例各弁犯永戍者有功止照军卫拟升庶幸门塞而世官重矣从之

○癸未宣西镇水泉莽刺二捷祭告 郊 庙

○甲申吏科给事中钟羽正奏科臣李献可< 〇〇〇 铨-金 >请训储大典臣等皆从臾之今献可降职臣止夺俸何颜见六署诸臣乞与献可同降调 上怒曰羽正职在科长不能规正同官乃朋救激君姑降极边杂职用吏科给事中舒弘绪亦言教谕元良国家大事献可之疏臣实与焉愿代受谴 上怒弘绪党救聒激著调南京别衙门用会吏部尚书陆光祖推升饶伸万国钦皆建言奉处分者 上谓推升原有屡旨而以钦降诸臣读请畏势市恩该司官俱夺职旨下大学士赵志皋因奏谏臣言事过激欲摭忠悃之心 皇上并包有容实为天地之量至昨吏部推升亦仰体宥过之仁非有私也今一事连谪三科臣又一事尽斥选司诸臣谓 圣度何乞霁雷霆免其降黜奉旨小臣营身激上卿为国佐治乃文言要誉谓七诛三窜何殊失义礼钟羽正等本当重究姑照原旨行辅臣家屏希名托疾卿毋效尤有妨庶政

○大学士王家屏以辅理无状< 〇〇〇 铨-金 >乞罢免言汲黯云天子置公卿辅弼之臣宁令从谏承意陷主于不义乎且己在其位纵爱身柰辱朝廷何每感斯言惕然内省自幸遭逢 明圣诚使朝政无阙即将顺不为从谏乃年来九阁重闭五位深居郊庙既疏堂帘日隔天灾民事漠不关心臣不能婉道密规防未萌之欲又不能明诤显谏扶将坏之枢自愧旷鰥殊惭高厚至于升储大典 九庙式灵万方属望即册立可待而豫教宜先科臣原非谬言 皇上儆恶读扰报罢足矣甚则罚俸足矣何至降调外任且复迁怒申救诸臣概加谴谪臣实不忍明主蒙拂谏之名清朝有横施之罚若复依违保禄渎忍苟容正汲黯所谓从谏承意以陷主不义貽辱朝廷者耳死有余僂晚节谓何不报

○吏科右给事中陈尚象奏台省诸臣< 〇〇〇 铨-金 >请豫教不允中外臣工莫测圣意所注臣固知册立 明旨信如四时然谕教不早终无以解天下之疑有旨切责尚象佞言巧救欺君无礼褫其职

○丙戌 孝静毅皇后忌辰遣武定侯郭大诚祭 康陵

○户科左给事中孟养浩奏科臣李献可等< 〇〇〇 铨-金 >请豫教輒蒙严旨罪以侮君显斥加焉有五不可乞收成命择吉举行章入 上大怒曰册立出讲前旨一并举行且册立已谕明春矣养浩疑君惑众无人臣礼着廷杖一百夺职为民

○兵部题延镇自庄酋狂逞黠虏效尤土明挟赏杀军声言入寇盖徇于二十年款市之态谓莫可谁何督臣魏学曾决策抚镇贾仁元杜桐协心诸将士用命俘获几五百

吹毛輒来陈救甚失大臣之礼

○吏部尚书陆光祖奏顷推饶伸为主事万国钦为推官二臣前论辅臣获罪量推原非优转注拟实出于臣选司叶隆光唐世尧陈遴玮第循例署名一日夺职岂所以昭劝励乎有旨责其庇救不公仍令安心供职

○调广西浔梧左参将洪梦鲤分守福建南路以副总兵管宣府左参将事李熙充协守蓟镇西路副总兵官

○辛卯 上遣文书官李浚谕大学士王家屏迩年以来喜事小臣狂肆不道逞臆激扰姑以薄罚卿为佐治见此要名不义之徒自宜调停厝处缓词解谏却乃径驳御批故激朕怒甚失礼体及朕怒起卿又不忍受假疾具< 疏 疏-金 >文言求去朕想卿真欲以此挟君废政沽名逸卧岂人臣之义哉且卿辅朕燮理赞襄佐治有年方今国务多艰卿忽然高卧其心安乎卿既有疾准暂假数日即出入阁办事卿宜钦承之故谕于是家屏上< 疏 疏-金 >谢仍乞罢留中 ○太常寺卿陈大科等< 疏 疏-金 >救斥谪诸臣 上仍切责之

○山东抚按官宋应昌等谓倭奴情形已著防御宜先议选练精兵搜罗谋勇从之兵部覆奏

明神宗显皇帝实录卷之二百四十四 明神宗显皇帝实录卷之二百四十五

万历二十年二月壬辰朔录水草莽刺镇羌及西宁石羊等功俘获计四百斩其名王一赏经略尚书郑雒银五十两大红蟒衣一袭荫一子国子生巡抚叶梦熊贾待问各银四十两纁丝三表里梦熊仍升俸一级总兵张臣尤继先各升袭职一级臣实授都督同知继先实授都督僉事参将何崇德实授副总兵坐营李国用加都司僉书按察使石檟参政刘光国升俸一级胡希舜胡应辰等升调赏赉有差兵部尚书石星等并赐银币

○癸巳升四川都司吴光宇为广西浔梧参将以中都副留守万鹿年为山东备倭游击

○甲午祭三皇于景惠殿

○以云南都司僉书潘继祖为四川行都司掌印官

○差行人诸葛表催辅臣张位赴京

○乙未户部言甘肃巡按御史周盘议清屯盐以广储积核仓库以杜侵渔夫屯额彻底稽查既三令五申矣盐引宽斗头佐输运事在彼中听酌长便以闻边镇钱粮宜设通判专司出入选委武职催徵革杂流之夤缘管事者从之

○丙申遣钦天监副杨汝常往泗州 祖陵审看水口

○革冒职蓟镇参将麻承训任麻来等九员下巡按御史问

○丁酉祭先师孔子命尚书李长春行礼

○大学士王家屏等题日讲例俱正月上旬开讲今岁阻于祭期二月复缘会试董俟三月上旬卜日以请

○戊戌祭 太社 太稷遣公徐文璧恭代

○以会试天下举人命礼部右侍郎兼翰林院侍读学士掌詹事府事陈于陞詹事府詹事兼翰林院侍读学士掌翰林院事盛讷充考试官

○命吏部左侍郎兼翰林院侍读学士罗万化太常寺卿管国子监祭酒事范谦充经筵讲官

○大学士王家屏复以病乞罢留中是日大学士赵志皋< 〇〇〇 毓-金 >请钦点廷推阁臣一二员并乞留家屏办事

○庚子调辽东宁远左参将杨绍先分守宣府西路

○辛丑 孝贞纯皇后忌辰遣宁阳侯陈应诏祭 茂陵

○以辽东中固城备御指挥使宿振文为武靖堡游击

○辽东守备李如梅推升宣府坐营中军命仍留辽东巡抚标下用听抚臣郝杰言也

○壬寅升南京太常寺少卿顾九思为通政司右通政

○癸卯升右给事薛三才刘为楫刘弘宝为左给事中三才户科为楫礼科弘宝刑科

○兵部题 祖陵为国家王气所钟额设陵户操军逃亡宜补老羸宜汰守备官宜训练巡缉有警则调四卫官军策应足备不虞矣柰何欲尽留泗州军及改折粮储更制滋扰乎奉祀朱宗唐言妄 上是部议命遵旧制行

○甲辰吏部推升春季年例山西道御史秦大夔为湖广兵备副使以兵部郎中刘大武陪南直提调学政御史曾象乾为山东兵备副使以工部郎中吴之龙陪河南道御史林祖述为江西管粮参议以工部郎中萧雍陪河南道御史刘芳誉为湖广佥事以户部员外郎李应祥陪 上俱点用陪推者

○两广总督刘继文为科臣王德完论劾< 〇〇〇 毓-金 >辩剿叛摧关并无妄杀一人妄取一物乞遣官会勘兵部覆请 上命广东巡按御史确勘以闻

○调分守辽东复州参将佟养正分守宽奠地方

○山西按臣乔璧星劾总兵官解一清违禁送礼币于巡按衙门宜究兵部覆称总兵与抚按交际明禁甚严一清敢于违玩其广结权贵培克军士可知今各边币习屡奉严禁乃剥粮占役如故冒滥侵欺如故习以成风无从针砭遂致行伍空虚忠义解体虏窥虚实肆然无忌总繇上令不行下慢不惩耳督抚按臣查有干犯坏法者悉宜重议奉旨边将剥军结援以致戎备不修屡奉明禁一清公然抗违姑革任调用仍命吏部纪录璧星以旌风裁

○乙巳大学士赵志皋言昨吏部推四御史为监司是谓年例外转国家旧制姑以部郎陪推伏蒙尽点部臣则御史幸而得免而吏部事权不行无以弹压人心不报

○论平五台山矿盗功罪总督萧大亨原任兵备吴同春守备黄天爰参将刘为栋

等赉银币有差知县陈说王允中削职为民

○兵部覆甘肃巡抚都御史叶梦熊题回夷马黑麻羽速犯大辟自愿领瓦刺兵剿火真赎罪我不烦一矢而坐收歼逆之效诚以夷攻夷上策也惟夷兵不得经内地以绝衅端仍飭沿边将领慎守山西

○丙午伏羌伯毛登卒与祭葬如例

○赐原任巡抚宁夏右副都御史赠户部右侍郎李璋葬祭璋顺天府大兴县人弘治进士初授刑部主事以执法忤权珰刘瑾杖谪兴国州判官瑾诛还职历陕西佥事洮岷兵备副使俱有杀贼功繇山西布政升右副都御史巡抚宁夏嗣勘白莲妖贼李午事干武定侯郭勋忤旨下狱廷杖谪戍雷州卒于雷隆庆元年奉遗诏赠前官巡按御史庞尚鹏称其英风劲气百折不回刘士忠亦言其忠鯁刚方不避权贵至是璋孙必美奏乞恤典礼部覆请 上谓璋刚正受祸忠节可嘉故事三品未满考例祭一坛半葬璋给全葬则特恩云

○发太仆寺及经略存留马价共银一万二千两与甘镇领造大神炮一千御虏具从甘肃巡抚叶梦熊请也

○丁未翰林院编修李廷机九年考满升侍读 ○兵科给事许子伟奏两广督臣刘继文< 〇〇〇 毓-金 >辩科臣论劾犹曰涛张螫毒之常态乃至辇金入都多方打点不亦污都门而羞朝宁之士乎他如抚按交际将帅金〇赞刺覲官馈遗明禁森严乃营升脱罪殊未衰止爵赏刑诛不能无溷职此繇矣有旨着厂卫五城严刑缉治

○戊申改南京兵部尚书舒应龙为工部尚书总督河道管理军务升大理寺卿赵参鲁为刑部右侍郎

○命新升宁夏参将张三策仍守甘肃高台调参将傅桓代镇城中军江廷辅充宁夏玉泉游击升指挥哮承恩代从总督三边尚书魏学曾请也

○升陕西靖虏参将王通充协守延绥定边副总兵官

○己酉宴朝鲜进贡陪臣韩应寅等四十二人给赏如例

○庚戌祭历代帝王遣公徐文璧恭代 ○ 恭仁康定景皇帝忌辰遣安卿伯张世恩祭 陵寝

○大学士给假省亲王锡爵奏顷再< 〇〇〇 毓-金 >陈情罪大言烦已甘永弃乃恭诵 圣旨犹惓惓寤寐思臣虚席待臣设更端之词以致臣悬再归之约以安臣过荷知眷至此忍负千载一时之遇乎顾臣母病势病情万分狼狈岂复可那足一步使四千里盼乡不及眼六十岁侍亲不到头之身肝肠碎于道路颜面靦于班行而尚能启沃禁廷计安 宗社者天下无无母之人内阁无久虚之位乞照京官独子终养例苟延旦夕死有余辜 上答曰卿累< 〇〇〇 毓-金 >终养固当体谅乃国家多事边鄙未宁辅臣宜旦夕丞弼匡济时艰而再三陈情非移孝为忠之道也还即赴召以慰眷怀 ○追夺左都御史吴时来谥补谥御史杨爵先是礼部员外郎于孔兼奏称国谥典劝惩寓焉如副

都御史孙燧谥忠烈副使许逵谥忠节兵部员外杨继盛谥忠愍南京右都御史海瑞谥忠介皆名称其情乃左都御史吴时来何以谥忠恪也特来往为给事中曾斥严嵩杖戍士论黷之晚节顿见依阿公评殊多疵类屡为台省论列查先朝御史杨爵精忠激烈至死不靡近者刑部侍郎陈王□赞清标劲节尚宝少卿孟秋苦志笃行是宜蒙一字之褒者礼部覆如孔兼言而谓王□赞秋为时未久尚俟论定 上从之诏以后大臣有奉命予谥者礼部稽素履采公评详议请裁不得徇情有玷盛典

○兵部题倭奴诳吓诸国谋犯天朝朝鲜已具侦报而诬以乡导之名此本国君臣所痛愤不与贼俱生者乞察国王效忠无愧厥祖令之戮力剿除亦彼雪耻之一机矣上曰倭奴变诈虚喝春汛宜加严慎仍谕朝鲜密侦声息并督沿边将吏各守要害以防不虞

○升游击姜显祚为参将仍管大同西北路革朔州守备刘允康任以镇羌堡守备林凤腾调守朔州都司金书朱孔阳充镇羌堡守备从巡抚大同都御史邢玠奏也

○辛亥以固原守备陈守义为靖虏参将遵化游击李春芳为通州参将蓟镇中军指挥使赵文明为保定坐营游击

○兵部覆南京福建道御史章守诚条陈控要害一款言吴淞乃三吴咽喉而竹泊沙又吴淞门户也移游总以防倭仍增筑宝山以备瞭望诚为固保障要着乃屯劄经营非行抚按确勘不可从之

○壬子以辽沈阳游击唐伯美为宁远左参将

○升工部员外马鲁卿为云南按察司僉事分巡洱海道永平知府孙维城为山西副使仍管赤城屯牧

○癸丑论万历十九年春秋两防将领功罪命兵部纪录参将张守愚等革副总兵王輓等任夺游击李皆春等俸百户王尚周下督抚衙门问

○起原任甘肃游击陈栋管宁夏广武营降原任总兵官角□羊一清为蓟镇副总兵协守中路

○四川渠县知县冯昉因公擅科歛淫刑监毙者九十人为御史李化龙论劾诏追赃发遣如例

○甲寅经略陕西四镇及宣大山西边务兵部尚书郑雒再辞京营戎政之命以病乞罢许之

○改南京刑部左侍郎徐元太为户部左侍郎升江西左布政使边维垣为右副都御史巡抚江西兼理军务

○巡关御史刘会劾原任总兵官张爵占役冒粮肆横不法宜追赃降祖职二级兵部覆请从之

○乙卯起原任吏科给事中史孟麟礼科给事中许弘纲各补本科给事中

○户部尚书杨俊民覆议阅视甘肃给事中李汝华条陈三事一开自然之科言甘

肃地多可耕臣父杨博巡抚时设法招垦兵饷以裕后乃鞠为茂草边臣宜严虏防使民尽力南亩即用之殿最可也一杜收放之奸言钱粮出纳宜专责监收官事事躬亲登籍以备稽查一察拖欠之弊言边储有民屯盐易四种民屯二粮秋成宜勘分数起徵盐粮宜宽斗头银易宜依时估报可

○丙辰清明节遣侯郭大诚张炳宋世恩郑惟忠朱继祖伯王应龙陈如松杨世阶刘永和祭 九陵

○伯张元善祭 恭仁康定景皇帝陵寝

○指挥同知周清祭 庄敬 哀冲二太子坟所

○丁巳命会试举人取三百名副榜同时填写以昭慎重之意

○戊午织造冬至大祀 上用十二章袞服皮弁服遣尚书曾同亨祭告

○会试取中式举人吴默等三百名

○大学士赵志皋言三月十五日殿试例用九卿詹翰掌印讲读学士等官阅卷类送阁臣择取十二卷进读则殿试一事阁臣责任颇重今内阁止臣一人乞命王家屏入阁供事并点用廷推阁臣一二员不报

○庚申山西道御史彭好古奏奉旨廷推阁臣宜遵 祖宗旧制特令吏部破格旁求凡大小九卿中德业闻望可称名世者俱得与翰林同举 上曰 祖宗时大臣必量才擢用正所谓知臣莫若君岂若近年借口会推徇私幸举今后奉旨任用者倘有仍前造言挤击者欲图市恩必罪不宥

○调真定车营游击丘从周管遵化左营游击

明神宗显皇帝实录卷之二百四十五

明神宗显皇帝实录卷之二百四十六

万历二十年三月辛酉朔 孝肃皇后忌辰遣新宁伯谭国佐祭 裕陵

○革延绥游击孙朝梁任下巡按御史逮治以领兵防虏违查勘钦限故也

○壬戌四川参将刘縯奏父原任南京中军都督同知刘显封赠诰命毁于火兵部言显旧历边疆功劳茂著补给有例从之

○御史王明奏臣巡盐两淮兼有河漕地方之责目睹淮为泗患漕抚陈于陞欲开周家桥以< 漕 疏 金 >之使遂开则六州县生灵为鱼四百万漕粮俱梗而三十六盐场其沼矣宜令河臣上寻旧支而杀其势下浚旧口而广其途勿苟目前贻后日害户科给事中耿随龙亦言泗州苦水议< 漕 疏 金 >周家桥施家沟以高宝二湖为壑将运道民业立尽臣曾令宝应闻见颇真夫黄河自徐邳直下东折入海淮亦东北趋会之无所壅遏故不病泗也自黄夺通济闸横于南淮遂不得东因潞泗州为 祖陵患又黄之夺闸南也宝湖受淤淮无所洩运道遂不可守欲弭河患非复通济闸不可工部覆议上请 上曰河道众论纷持张贞观着先勘泗州其余河患仍与地方官诣勘务图永利毋徒目前塞责仍改给勘议河道关防

○甲子巡按陕西御史李本固言秦自洮河中虜民困已极况频年荒旱流亡十七有司奉征求近例参罚既严鞭棰益酷哀哀独宁能堪此乞将延安庆阳平凉三郡止徵见年尽免带徵户部覆称御史为穷民请命良是但民运乃边饷所关此减则彼缺宜量免十四十五年带徵以昭轸恤至意 上从之

○宴四川杂谷安抚司进贡都纲头目番僧申坚藏等八名赏赉如例

○乙丑原任刑部左侍郎兼都察院右佥都御史阅视宣大山西边防王宗沐卒宗沐浙江临海人登嘉靖中进士繇刑部历督学藩臬总漕工部侍郎改今官万历四年以原官领阅视至是卒于家礼部言其学有渊源才长经济虽经论罢仍奉廷推 上命与祭葬如例

○丁卯朝鲜陪臣韩应寅等赴奏倭情贡毕赐宴遣还

○刑科给事中王建中等言滇南僻在遐徼土司蛮獍抚则驯□□宾则判全赖抚按镇巡诸臣戡定而联属之乃者猷琛竟以妒匿致梯航阻而功罪淆如抚臣刘世曾镇臣沐昌祚按臣苏赞□□可恨也顷云南举贡朱万元等呈称原任金腾按察使今罪犯李材收蛮莫抚孟养破緬扬威孟养贡象归款实感天朝发兵杀緬之恩时按臣参疏已发欲文致李材之罪遂匿不以闻然夷文则三堂三司分巡道府皆有之镇抚二臣扶同欺隐忌成没功俱宜究治得旨法司会议仍着抚按官勘确以闻

○戊辰礼部题朝鲜王李昞克修职贡归我漂海华氓备陈倭情狡诈耻言向导顾效防御宜示旌嘉 上命赐敕奖之并赖银币

○宁夏镇四营官军家丁围杀巡抚党馨副使石继芳数其侵克残暴二十事并杀卫官李承恩供应官陈汉于市放狱囚毁文卷镇守总兵张维忠以闻 上谓边军穷苦抚臣等不加体恤维忠不能伸理禁戢当逮治念其素颇廉爱姑降职戴罪抚处事定所司议奏

○庚午 皇第七女生

○辛未大学士王家屏以久病辞免读卷乞与生还 上念其情词恳切许之赐传回籍

○大学士赵志皋言吏部尚书陆光祖为科臣乔□□ 幺月□□论列乞罢 <□□ 铨-金 >下所司光祖平生刚直不阿典铨用贤去否不无过执致乖人情若乃狗人污己之行可盟天日乞慰免以昭礼下至意留中

○改南京吏部尚书孙鑰为南京兵部尚书参赞机务

○升陕西副使朱正色为右佥都御史巡抚宁夏赞理军务

○故锦衣卫带俸指挥佥事文龙男文继祖乞袭父职兵部执奏外戚加恩例止一辈如马福沈承宪乃一时特恩非例也况继祖亲疏之分已殊何得妄引 上是部言不许

○兵部题宁兵戕杀抚道激变虽曰有因干犯实关重典乃镇原王奏称各军恳将

勤民视朝听讲任辅弼惜老成收罪谪之臣斥贪残之吏及议虏情水患叛丁倭寇诸事尤惓惓于皇储册立系宗社根本至计留中

○宁镇叛卒刘东旻擅收总兵敕印管事许朝唵承恩助逆披猖会游击梁琦守备马承光互市回至北门诸叛卒砍杀之于是游击土文秀千总唵云拥兵入城总兵张维忠自缢死陕西总督魏学曾以闻兵部谓学曾业奉旨令星驰本镇擒首恶而宥胁从矣闻变十余日何尚逡巡固原乎乞严责戡定假以便宜发马价悬赏格文秀承恩倘能擒斩立功仍与贲罪论赏尤宜布兵要路伐勾虏之谋行各抚臣移师近地用资弹压查谪戍总兵麻贵原任总兵尤继先刘承嗣见任游击马孔英加以参将俱可备仓卒用上命学曾驰赴宁镇擒元凶赦余党听便宜处置务昭朝廷恩威毋得延误军机余如部奏

○升协守洮岷副总兵董一奎为署都督僉事充镇守宁夏总兵官

○戊寅赐翁正春等三百名进士及第出身有差

○先是叛贼刘东旻自署总兵遣唵承恩围玉泉营缚参将傅桓势张甚总督魏学曾谓宁镇内多虏外且逼虏非广集兵马钱粮难以扑灭便宜调总兵李煦副使杨时宁进剿< 〇〇〇〇 〇〇〇〇 >乞全狭钱粮听其那借所属官听其委用仍求户兵二部速发饷银以备悬购贼平分别参叙以闻兵部覆称乱卒亟宜戡定倘秋高虏劲虑乃大矣宜悬赏格刘东旻等自相擒献待以不死唵承恩土文秀并许擒逆赎罪可也 上曰叛丁滔天罪恶东旻等法在必诛余党胁从姑不深究督臣星驰征剿便宜调兵悬购毋稽时日

○庚辰以皇女命名赐辅臣赵志皋及讲官韩世能等银币有差

○南京兵部尚书舒应龙疏辞总河新命 上以黄河为梗淮水积湮着即赴任会科臣勘议不允辞

○锦州游击柏朝翠出边采木被达贼设伏诱追中箭死杀官军三百有奇督抚蹇达等< 〇〇〇〇 〇〇〇〇 >闻兵部谓朝翠闻警疾驰挺身出塞与拥兵坐视不同若但功过相准恐无以劝边臣至本道鲍希颜不能申禁于先而徒以启衅归咎罚治何辞 上命巡按御史勘奏夺希颜俸二月

○阅视辽东科臣侯先春奏称马市权贵把持害军蠹国今后入市夷马务令官买官给巡抚郝杰亦以为言兵部覆如二臣奏有将领富口私买私卖一马者治以重法报可

○辛巳升刑部右侍郎赵参鲁为左侍郎左副都御史傅孟春为刑部右侍郎

○升左给事中李汝华章尚学李周策薛三才刘为楫刘弘宝为都给事中汝华吏科尚学户科周策礼科三才兵科为楫刑科弘宝工科

○升分守阶文参将陆贤充协守洮岷副总兵

○壬午改兵部右侍郎陈有年为吏部右侍郎

○福建道御史贾希夷等以宁夏兵变异常请循先朝故事命重臣往诛有罪贷无罪兵部谓边卒干犯关系安危处置得宜则片言可定不然虽杀数万人无益也嘉靖二年大同军乱杀巡抚张文锦遣侍郎李昆赦赏之几赏叛矣主事汪秦力言不可已而

叛卒果胁巡抚蔡天佑复遣侍郎胡王□赞往讨幸得完事此初变失策也十二年再乱杀总兵李瑾胁巡抚潘仿请赦总督刘源清帅师讨之清及总兵邵永贪功嗜杀以致叛卒讹言洗城煽虏入犯杀掳无算始罢二臣遣侍郎张王□赞往累年而后定此再变失策也今宁变与嘉靖大同等臣言渠魁必歼以鉴李昆曲赦之失亦言胁从罔治以杜源清洗城之讹至督臣魏学曾威望素隆机宜晓畅且四镇皆属节制果亲诣其地谕令擒献首恶余悉不问将单骑可降如终抗拒立调四镇兵剿之若别遣重臣不惟学曾掣肘恐乱兵转相煽惑复谓洗城如嘉靖间岂计之得乎 上从其言仍命兵部凡遇条陈宜酌行止无概为覆题致摇观听

○癸未户部言潞王食盐两淮距卫辉道远恐官旗藉差生事奏改长芦运司宜行长芦巡盐御史查照景王例岁给如额仍行南京兵部照拨运船若引目则止为各□贸易设各王府所无不得滥请 上是其言

○乙酉升四川参政武尚耕为本省按察使河南参政甘一骥为贵州按察使工部员外郎黄廷宝为云南普安道分巡僉事刑部郎中陈良栋为广东罗定道练兵僉事

○原任顺天府府尹孙一正卒一正陕西渭南人起家户部历知府藩臬以府尹回籍予祭葬如例

○逆贼刘东旻等以白牌传示各城将领令各回避哮承恩攻中卫参将熊国臣先逃所过多望风靡者独平虏参将萧如薰孤城拒贼坚守不下督臣魏学曾以闻兵部覆言今日事以九边纪纲为重一隅休戚为轻将官不用命者副总先戴死罪杀贼参游知府以下悉听军法从事不得拘拘请上致误军机宣大督臣及各抚镇官各宜预备兵马行粮以应缓急闻调即当星驰 上曰哮贼世受厚恩前令擒凶自赎乃夷性难变輒敢率兵攻掠罪恶又在刘东旻上矣魏学曾兵到首谕斩承恩头许以侯伯延世各贼互相擒献亦俱赦罪议赏天朝全盛岂容小丑横行各镇文武诸臣协力剿贼其调遣一听督臣便宜不必请旨萧如薰升副总兵管事营军破格赏赉余如兵部言

○丁亥江西道御史曾砺奏太宰职掌人物顷推左都御史李世达兵部尚书石星圣意留世达表率谓兵部不可顷刻缺人再推工部尚书曾同亨刑部尚书孙丕扬南京兵部尚书孙鑰皆夙负时名然同亨见辱武弁丕扬未即起家鑰又远在留都莫若改世达吏部于孙丕扬陈有年择一人以掌院事 上谓委任大臣当听朝廷裁夺曾砺逞臆擅议徒以属官市恩罪应重究姑降级调外用

○朝鲜陪臣尹又新等谢恩回国赐宴如例

○戊子改南京兵部尚书参赞机务孙鑰为吏部尚书

○授一甲一名翁正春翰林院修撰二名史继阶三名顾天峻俱翰林院编修

○己丑兵部题宁夏乱卒恣横首虑勾连松虏顷平虏城萧如薰坚守不下则虏不敢径入河东矣贺兰水草极艰宾免部落住牧颇远闻虏中冬春大雪头畜多□□员目今马尚未肥宜分兵守要害仍谕黄台吉等受我厚恩遇贼勾连即当缚献庄秃赖土味

或窥延绥乘虚入犯皆不可不预防乃若黄河水高宁夏城数丈决坝灌之贼当立死亟遣劲兵先据大灞以渥胜机仍绝其饷道则一城坐困必有斩贼出应者是在督臣力任而已诏如议行

明神宗显皇帝实录卷之二百四十六

明神宗显皇帝实录卷之二百四十七

万历二十年四月庚寅朔孟夏时享 太庙遣公徐文璧恭代

○以苏松常镇四府灾所属应解凤阳淮安滁州等仓粮蠲免带徵有差

○遣宁远伯李成梁督选宣大山西兵往宁夏从御史梅国桢涂杰荐也复以兵部尚书石星言起原任副使蔡可贤及解饷职方司主事赵梦麟俱赴督臣魏学曾军门赞画

○总督漕运兵部侍郎陈于陞以御史王明论其浚河失策具< 疏 >乞罢工部言会勘河工于陞与总河尚书舒应龙俱属首事大臣以国事为急岂可因言求退负任使宜命与盐臣虚心共济无拘小嫌从之○壬辰定常朝班次尚宝卿少卿列翰林讲读下司丞列修撰编简下时尚宝少卿周弘禴等奏朝班宜序品级欲以司丞先史官修撰焦竑等备考旧章及历奉 累朝特旨引证甚详会廷试赐宴史官与司丞寺丞论位次不决御史黄钟以闻礼部覆奏历科恩荣宴登科录俱史官在司丞寺丞之上得旨如议

○发马价银三万命兵部主事刑云路赍往延镇赏恤有功及阵亡官军以明安等部入犯斩其名酋俘馘五百从兵部赏不逾时奏也

○癸巳工部尚书曾同亨以会推被言乞罢 上嘉其清慎忠勤慰留之

○巡按陕西御史李本固竣差以病请 上曰御史差竣輒多请告不复命政体谓何下所司查奏

○甲午升刑科给事中许弘纲兵科给事中王德完吏科给事中吴之望史孟麟韩学信为右给事中弘纲吏科德完户科之望礼科孟麟兵科学信刑科

○升提督操江南京右副都御史蔡国珍为左副都御史协理院事

○命总督蓟辽右都御史兼兵部右侍郎蹇达协理京营戎政

○兵部言宁卒叛乱扑灭未期宜首严军法斩西路逃将熊国臣祭游击梁琦守备马承光恤其家事宁升袭 上从其言熊国臣下御史逮问

○丙申河南巡抚吴自新奏陈州卫军以新行条鞭工食未给适本州署印同知赵贞明阅兵行法糾众鼓噪拥至教场括给数千金始散兵科给事中王德完谓宁兵借克减以诬死者而生者灰心假激变以鼓一边而九边攘臂陈军又乘机噪挟矣夫人主鞭笞万国天下震慑而莫敢越者以能制其死命也今顺者缺饷噪者得金跋扈者无惩操练者有罚倒持太阿岂所以震慑天下乎窃谓宁卒当梟示元恶百余人陈军亦当梟示十数使在在股栗莫敢藉口庶中外可息肩也又言条鞭利贫不利富利军不利官故武

性以壑邻谓之障顺水性以闲其溢谓之防水涨无堤必泛滥不循軌堤者正导之以入于海也禹贡九泽既陂四海会同何尝不以堤哉或疑水愈高则堤愈增不知水虽涨亦止丈许且无旬日不消者则堤之高不过踰丈而已一谓昔年徐吕二洪怪石浮水面湍激如雷今皆无声得非沙掩臣曰二洪体甚高沙能掩之是无徐州矣徐洪为主事郭昇吕洪为主事陈洪范铲石志记具存其时黄河决而二洪涸实天假以成诸臣之功也若云石平而水不能刷沙则河长几二千里岂尽二洪激水所刷也甚谓诸臣冤耳一谓海口沙塞以致河蓄不流臣曰黄河万里别无分洩滔滔迅溜何尝少停大约伏秋长多消少冬春长少消多上源雨多则长雨霁则消今海口塞则消于何往耶臣委勘亲阅并无淤梗一谓黄高于徐淮高于泗可不谓之所乎臣曰自开归以至安东地皆卑于河不独徐泗汤迁亳仲丁迁囂亶甲迁相祖乙迁耿盘庚迁殷以避黄也岂不惮烦宋景祐中泗州张守曾筑护城堤三丈三尺以捍淮矣河之不能使卑如是去国之臣心犹在河亦自尽其犬马之忱而已工部言季驯久熟河事极源委析利害言当不谬但运道民生所关宜行勘河科臣张贞观及督河抚按舒应龙陈于陞等从公勘议以闻毋徒两可调停以误大计从之

○庚子大学士张位遵旨入阁办事

○升陕西按察使李颐为河南右布政使

○壬寅 孝懿庄皇后忌辰遣阳武侯薛钰祭 昭陵

○大学士赵志皋题同官张位同知经筵日讲及提调纂修玉牒一体供奉

○总督三边尚书魏学曾题官兵剿叛夺回城堡斩获凶丁至玉泉营距镇城不百里而近土文秀哮云迎战内有达虏数百广武等堡达虏阑入颇多询之谓哮王子有约虏所称哮王子即哮拜也拜以降虏骁勇先任诸抚臣加授总兵招结亡命千余人捣巢輒捷遂为一镇雄兵且题其子哮承恩为都司轩横自负目中久无抚镇初犹借激变之名令东旻许朝倡逆佯为不与今且公然勾虏称王子自干天讨臣已权示赏格乞敕将领一心务扫妖氛仍发马价给赏庶几戡定有期奉旨承恩父子恣逆勾虏罪在不赦督臣宜率将领并剿有能擒献哮贼与世封套虏谕令出边毋得助逆再发马价五万犒师

○癸卯升徽州府知府卫承芳为浙江兵备副使归德府知府陈禔为河南兵备副使原任浙江按察使万象春复除陕西按察使

○甲辰以大理寺左少卿朱鸿谟为提督操江右佥都御史起大理寺卿贾三近为兵部右侍郎升南京大理寺卿沈节甫为南京刑部右侍郎

○命李如松以原官提督陕西军务充总兵官着即赴镇督臣魏学曾赴灵州就近调度抚臣朱正色刻期过河督率将领剿贼从兵部言也仍命石星居中料理不必亲行

○总督三边尚书魏学曾奏宁兵初以激变为名实是谋为叛逆阳以刘许为首实是哮拜主谋贼过鸣沙为官兵擒斩气稍阻夺回城堡渐近镇城不谓勾虏鸱张外有强援以故招之不从剿之不易非调选宣大骁兵助战恐无以剪灭此也 上命宣大督抚

即选骁兵六七千择勇将星夜督赴宁夏助讨督臣务责将领杀贼毋令披猖

○兵部题宁贼扑灭未期副总兵李蕢实非应变材原任大同总兵谪戍麻贵奉命讨贼闻已抵镇贵素骁勇多壮丁宜令戴罪暂管副总兵事以代蕢实顺义王等既擒史酋仅足赎罪谕令照俺答故事约束松套诸虏勿得应贼方与定款亦一策也 上曰叛丁罪恶滔天诸虏不念抚赏恩辄来助贼法当讨顺义王果如擒史酋故事约束套虏出边永不为逆开市且有厚赏魏学曾督兵已久不能预探虏情阻其内牧殊负委任着率诸将戮力剿贼毋缓军中事五日一奏麻贵戴罪管副总兵事俱如部议行

○乙巳起原任参政于达补陕西布政司右参政升工部郎中李端为贵州布政司右参议

○南京右副都御史邵仲禄卒于官礼部言其清介端方自榷税而掌铨苞苴独绝历京兆而开府擘画殊多实以死勤事者命与祭葬如例赠兵部左侍郎

○以神机八营佐击周一乾为神机七营参将 ○兵部覆科臣王德完题称杨应龙罪在嗜杀非叛也宜令解职听袭待以不死主谋冯时熙李斌等宜服上刑归附之众宜酌量安插改属请行川贵抚按勒限勘奏从之

○浙江道御史梅国桢题宁夏之变臣知祸必不小故两< 足 铤-金 >谓迟一日则祸深一日今果勾虏为援势且蔓延矣非近据灵州则远袭潼关恐终非魏学曾所能定也若听其迁延不决臣徒抱赤心当别图以死报 陛下耳 上命国桢即同李如松前往监军并纪功次

○丙午大学士赵志皋张位言御史梅国桢愤宁变未平有请纓自往意已奉旨令往监军而兵部所开知兵司属杨于庭复蒙钦点恐两遣行事未便乞收成命升右给事许弘纲张贞观王德完吴之望史孟麟韩学信为左给事中弘纲吏科贞观户科德完礼科之望兵科孟麟刑科学信工科

○升浙江右参政徐大任为南京鸿胪寺卿广西副使许孚远为通政司右通政起原任太常寺卿赵世卿为顺天府府尹

○兵部题宁变关九边安危势方岌岌别遣重臣经略缓不及也甘肃巡抚叶梦熊毅然以讨贼为己任臣等心甚壮之相距不远官命以原官赴宁镇 上曰梦熊杀贼自任忠义可嘉着以原官提兵星驰同魏学曾朱正色一心并力克期剿灭其从征文武官员兵粮悉听兼理调度

○丁未兵部言京营协理戎政需人蓟辽总督蹇达已奉召命起原任侍郎顾养谦代之养谦未至则达不得代也赵彦贲库贮济边银八万两给讨叛边兵行粮 ○初科臣王德完极论都督李如松父子不宜更叨兵权于是如松自言忧危畏讥之身当戡乱定变之任万一指摘再及无论心分气索且不知死所矣 上以如松素称勇敢命竭力讨贼不必疑虑固辞

○诏发行军犒赏银二十万赏从征宁夏军丁每名二两其中军千把总等官听总

督酌给余备临阵先登斩获等用

○命陕西巡抚沉思孝移驻下马关为魏学曾声援保定山西河南抚按官各防守潼关

○戊申擢陕西按察使田乐为都察院右佥都御史巡抚甘肃地方赞理军务

○铸给李如松讨逆军务关防

○御史梅国桢条上监军灭贼事宜一假威令如古遣将拔佩刀赐之以诛将士不用命者二勿拘文法使得戎服督战三凡有谋勇自效者悉听收用四李成梁老成多算宜即同赴军中资其调度不必以父子避嫌五些须利钝勿遽忧喜进止迟速勿輒督催六纪功惟列某官献计某将破阵某军获贼至于擒斩名数听按臣勘报 上曰御史职司糾察须与督抚将领议行成梁着随后去

○己酉礼尚书李长春等题国家敦睦宗亲令甲昭垂已久万历十年要例尤详沈王理尧奏称王弟理埜理埏俱例前进封者之子孙乞封郡爵随经礼科参驳本部止与案候今复申奏若准补封是法不当得者皆可覬觐例不许援者皆可渎扰何以信藩国而垂宪万世辅导官不能諫阻渎奏宜下巡按御史提问奉旨王以例前请封二弟奏词迫切特念懿亲准封郡王礼部再执以为不可 上曰特恩原不为例着遵前旨行

○诏大同参将孙仁昌平游击赵梦麟宣府坐营颇贵听李如松委用都司李如樟等仍听委押兵马赴镇

○镇守辽东总兵官宁远伯李成梁以科臣王德完拒虎进狼之劾及御史龚文选责成策励之疑乞免督兵宁镇诏赴京候遣不准辞

○庚戌升巡抚山东右副都御史宋应昌为大理寺卿巡抚应天右副都御史宋仕为南京大理寺卿原任右参议刘弘道复除福建左参议

○辛亥起原任顺天府丞张文熙补太仆寺少卿管京营事

○诏三边督抚委司道有司买运粮料刍束以备军需

○壬子起原任云南左布政徐作补山西左布政使升湖广按察使刘浑成为浙江右布政使陕西左布政使吕鸣珂为南京太仆寺卿云南右布政使文作为广西左布政使

○原任浙江巡抚右副都御史邬璉卒命与祭葬如例 ○发原任参将杨缙永戍边卫缙先犯失机罪应斩叙功准赎乃赎管城工侵盗刑部覆议从之

○癸丑升尚宝司丞赵崇善为本司少卿户部郎中李际春为陕西布政司右参议

○兵部奏宁贼与虏合尽烧城外粮草我军无所得食督臣魏学曾初误听其缓兵之计蔓延至此今新抚朱正色宜督兵渡河叶梦熊宜速赴协剿如或推诿科道官指名参奏务乘虏马未肥克期灭贼可也诏学曾速会梦熊正色率各将官相机剿贼不得迟延取罪

○甲寅升左给事中许弘纲为都给事中许子伟王建中张辅之吴鸿功罗栋郭士

吉为右给事中弘纲兵科子伟吏科建中户科辅之礼科鸿功兵科士吉工科

○升山西副使冯子履为河南右参政江西副使王俨为广东右参政袁州府知府郑一麟为福建副使户部郎中李洙叙州府知府唐守钦俱云南副使兵部郎中吴麟为福建参议宝庆府知府李茂德为山东盐运司运使高州府知府张邦伊为陕西苑马寺少卿

○升左佥都御史孙矿为右副都御史巡抚山东提督营田军务

○升湖广按察使侯世卿为云南右布政使江西副使张一坤为本省右参政原任右参政金学曾复补湖广左参政

○大学士赵志皋等以热审请宥李材留中

○兵科左给事中吴之望言宣大督臣萧大亨题扯酋东归缚叛酋史二官儿及用事头目叩关献俘乞复市赏夫扯酋助火真犯岷巩戕杀将吏蹂躏生灵 皇上震怒命将出师乃始挟妇东归擒叛自赎姑许十九年以后款贡足矣何更以十八年请乎然而御虏操纵不可胶柱鼓也向我犹得全力制虏今宁夏倡乱而松焰已张延绥构兵而套恨入骨若于缚叛献俘者处之失策万一豺狼易心将无汉过先也善御夷者在贰其心一旦贪财物而剪腹心彼缚叛来投我我相机以应是虏常入制驭中也即复赏似无不可惟是吉妹之首未授安兔之怨未平套虏怀讐松虏首鼠可不熟计宜稍赏以酬前功仍留市以责后效操我朝三暮四之术携彼联翩并栖之心在当事臣工酌之兵部覆议上请 上曰虏王擒获叛夷忠顺可嘉准复二年市赏给悬购银以示恩信效劳各虏赐银币升职有差余听督抚官犒赏仍谕约束诸部无得扰边取罪文武有功员役叙赉史酋等验实具奏不必械送京师

○发马价银三千给监军御史梅国桢督军李如松沿途犒赏 ○遣翰林院修撰焦竑等官册韩王庶子璟渭为固原王上饶王嫡长子载堦袭封上饶王继夫人皮氏进封王妃沈丘王嫡长子朝耆袭封沈丘王夫人王氏进封王妃颖川王庶孙朝壑袭封颖川王嘉祥王常注选兵马副指挥孙伯承女孙氏清平王常□□大岁□选兵马副指挥张国山女张氏俱封为王妃靖江王庶子辅国将军任晟进封靖江王荣阳王庶子镇国将军翊铭进封荣阳王

○丙辰兵部题督臣魏学曾揭称叛贼勾虏迎战官兵屡挫贼锋贼首哮云中箭濒死副总兵王通血战被伤会切尽酋妇传谕部落不许助逆于是逆贼挟庆府三王求罢兵势虽稍缩恐狡谋守险蔓乃难图乞颁敕谕诛首恶宥胁从使城中士庶晓然知朝廷意酋妇效顺去逆请加抚赏至萧如薰以千余卒破虏方张射贼云而夺其魄即古名将何加焉尤宜特加赏劳以示鼓舞 上曰学曾督兵讨逆斩获数多如薰孤城摧敌李煦王通牛维忠临阵奋勇各赏银币有差余着督臣分别赉恤明旨屡颁何无援叛自赎也着严督将领会兵征剿无论首从亦无得别有顾忌致误军机

○戊午以端阳令节赐辅臣赵志皋张位金书黄红符金艾叶各二讲官韩世能等

银书黄符金艾叶各一

○升陕西右布政李春光为左布政使

明神宗显皇帝实录卷之二百四十七

明神宗显皇帝实录卷之二百四十八

万历二十年五月庚申朔礼部言十五夜月食该监推算差一日宜究奉旨救护改正行监官李钦等各罚俸二月

○壬戌进士熊应占乞旌庶祖母李氏孀节奉旨表扬重典陈乞非例着礼部通行各抚按官核实奏闻无滥

○升四川都司杨威为湖广分守镇筸参将

○巡抚南赣右佥都御史王敬民< 王 毓-金 > 辩御史李时华所论通贿选司及攻排李植江东之事乞放归田里吏部言其素行清谨未宜去命仍供职不允辞

○原任御史陈勛复补河南道邓炼复补福建道原任左参政徐三畏复补陕西分巡西宁道原任副使郑继之起补江西副使原任参议杨楫起补陕西固原兵备原任按察使徐汝阳复补湖广按察使 ○兵部言经略尚书郑雒所领马价四十万经阅视科臣李汝华及部道各官查报锱铢不爽则无重利啖虏东归之事明甚卜酋被创奔逃火真渡河远遁虏王八九万骑出边秋毫无犯今遵谕执献史酋操纵在我谓非雒有成筭不可即阅臣亦谓甘肃流虏渐稀军民乐业矣雒老成威望虏所素服多事之日柰何久投林麓灰边臣任事心乎 上曰郑雒既非媚虏且有安边经略功着遇缺起用

○甲子以端阳令节赐辅臣上尊珍饌

○户部题军需半藉盐饷国初引有定数纳有常期今宁卒煽乱徵兵诛讨费饷不贲议添开盐引量减价值一年及将新开事例并移该镇援纳职级照议本色输运以备刍粟即计日廓清亦可资经营之费也从之

○阅叙延绥甘肃固原三镇文武官八事修举功贾仁元升右副都御史石榘房守士杨时宁张纲各升俸一级鲁光祖加副总兵李绍祖升参将李杜复副使职张思忠徐三畏王藻以原官起用仍与朱正色张臣等各贲银币有差

○丙寅 孝宗敬皇帝忌辰遣官祭 泰陵

○诏发库贮济边银十万两给补甘肃镇经略借支及备召军之用从兵部覆议抚臣叶梦熊奏也

○丁卯大学士今给假省亲王锡爵四恳收回召命以终一日之养 上曰卿< 王 毓-金 > 终养屡旨慰留原为边鄙未宁特资匡济今叛贼勾虏披猖柰何坐视且闻卿母已痊何不为朕一出姑待事平归养乎行人何崇业着敦促上道以慰眷怀

○总督尚书魏学曾奏官兵大战贼败入城勇丁高盖等三名乘胜扑入杀贼颇多后兵不继竟死于贼乞先行恤录以劝来者及原任甘肃游击徐龙虽经阅臣论劾提问访其在任挫扯力克夷使事甚伟且咸称其为骁勇才又如见监李材云南之事诚未悉

颠末但素有谋略曾经备倭缓急安危之秋苟可巩边陲而慰宵旰固当破格用之耳兵部覆请奉旨高盖等奋勇杀身可悯先给祭以慰忠魂仍各赏优恤银一百两赠荫作速议奏徐龙着赴军前戴罪杀贼

○命蓟镇义院口等十五关提调俱改守备职衔管事以重抚夷要冲

○己巳以虏酋不他失礼那木儿台吉擒逆效顺升职示优仍赐敕文各一道

○朝鲜国王咨称倭船数百直犯釜山焚烧房屋势甚猖獗兵部以闻诏辽东山东沿海省直督抚道镇等官严加整练防御无致疏虞

○辛未 仁宗昭皇帝忌辰遣侯郑惟忠祭献陵

○礼部题原参举人王兆河等七名到部已齐请于朝堂覆试以服人心从之

○壬申夏至祭 地于 方泽遣公徐文璧恭代

○大学士赵志皋等言应天等府起送本年选贡生员一百二十余名省直岁贡生员一千二百有奇谨同掌翰林院事盛讷考试分别上卷中卷进呈御览报闻

○监军御史梅国桢陈六议一重急公师克在和事僨于忌今讨逆诸臣皆负时望不患谋勇不足患不相为使宜令总督等官分派诸将务释嫌疑首尾应而犄角资有分甲乙逗遛者参治一鼓忠义爵禄待有功朝廷励世之典萧如薰全孤城射死逆贼及各军虽经升赏仍查城内居民并加优恤可也一散虏党督臣魏学曾萧大亨宜宣谕国恩令无助逆顺义王新复市赏尤当自效务分等第悬以赏格其甘心助逆者严剿之一专责成宁夏用兵虏乘间思逞者不少各镇文武官宜严哨守勿得疏虞一豫储山口侍千里运粮兵家所忌今关外绝无刍粟宿饱谓何宜相要地委官驻劄般运务足军需一禁妄杀除临阵斩获以首级报功余听抚按确审破贼之后尤不许妄杀一人违者梟示兵部如奏覆请奉旨着实行

○癸酉大学士赵志皋等题 圣谕询史酋是虏王擒献何以并叙文武各官照得史酋以降夷背恩屡犯边塞实扯力克兄弟安兔之亲也力克东归求复市赏乘机责令擒献繇本镇督抚等官计议即各员役并与有劳隆庆时俺答擒赵全直中国叛贼耳犹叙赏有加此而不叙胡以鼓边臣任事之心既而总督宣大尚书萧大亨以分别叙赉请上曰虏王擒献史酋皆繇督抚诸臣筹画忠劳可嘉允宜特叙其余文武员役效有勤劳兵部并查具奏

○甲戌夜月食

○革万安守备张国威任以江西巡抚论劾也

○乙亥吏科给事中李汝华奏已故巡抚右副都御史邵仲禄奉旨赠兵部右侍郎夫侍郎崇秩非有骏业鸿猷何可加赠今仲禄繇通政而仆卿而府尹既无事可见操江不数月巡抚未履任又无功可书祭葬已足示荣赠官实为非分所引巡抚熊桴右都御史海瑞尚书李辅魏时亮并属不伦未任者赠官则久任当何如无功者赠官则有功者当何如署吏部事左侍郎罗万化服其持论之正而称仲禄平生廉孝历任贤能人品政

绩有足嘉者上命赠官遵前旨行

○河州擒获虏酋奸细按臣核实以闻巡抚叶梦熊参政刘光国原任总兵沉思学马孔英等各赏银有差

○湖广抚按劾洞庭守备史建侯等革任

○万全都司掌印张崇德以病废事调任宣府守备范尚忠杨礼李国忠以贪纵不职革尚忠仍下御史提问

○丙子以云南广西府知府沈桥为两淮盐运使四川龙安府知府阮尚宾为长芦盐运使

○丁丑以月食时刻分秒监官推算失真礼部再疏参罚夺监正张应候历官李钦等俸有差

○先是陕西巡抚沉思孝言逆贼勾虏诸部向应而陕兵调遣无余欲募浙兵五千宣大骑兵五千乞发帑银充饷并释李材赴用兵部会户部覆议募兵远地势难立至无如就陕招募土兵三五千可济防守所请银两务救燃眉李材谋略素称宜从抚臣之请诏发太仆寺马价十万两着思孝即于本地募兵练习防御仍命户部发银五万充饷其李材欺君罔上照前旨行

○戊寅升山西右参政杨归儒为云南按察使

○协守洮岷副总兵陆贤不堪冲边改调以原任陕西总兵官刘承嗣充副总兵代之升山东都司僉书倪思立为山西都司掌印官

○己卯升礼部员外郎李开藻为山西提学僉事南京兵部郎中张璧为广西僉事整饬江左道

○庚辰升福建盐运使钟昌为浙江左参政

○司经局洗马兼修撰杨起元回籍养病

○总督蓟辽蹇达揭报倭犯朝鲜辽左戒备乞将保定总兵倪尚忠移驻天津总管二镇兵马从之

○南京河南道御史陈邦科题黄淮水患堤不可恃水不可障欲除淮害须开瓦埠河以杀上流欲除黄害须多开遥堤缕堤诸埠口以杀下流欲御高宝诸湖患须挑浚湾头庙湾等处三工以归之江海成大工者不惜费乞发帑银济用庶平成之绩可奏工部言御史原官湖邑近复经行廉访必真如挑浚修复先后科臣原有条议其开瓦埠河曾经覆勘中止而遥缕二堤多开闸口则诸臣所未及者乞行勘河科臣会同河漕部院确勘并核工费以闻报可

○辛巳再发库贮济边银五万两给巡抚沉思孝备募兵月粮之用

○蓟镇三屯勇壮千余以月粮未结又验马料过严拥遵化城鼓噪按臣刘士忠以闻兵部谓诸军拥噪虽梟戾之谋未成而干犯之迹已露即诛夷不为过但每岁春秋两防宜按月支行粮照例给马料诸军不得已之情有可原者今后依期给散姑与更新令

其戴不杀之恩奋血战之勇再有干纪勿事姑息可也 上曰防守行粮准照月给毋过期马料并如议

○户部题金花银专供 上用省直因循不解致借库贮济边银两今西陲多警岂容复借宜行应天江浙广湖福建抚按严督所属如数解进有旨切责各抚按官着督有司追徵完解违者参来究治仍着该科不时参处

○黔国公沐昌祚以骄恣革蟒玉半载具疏乞复科臣吴鸿功等参奏昌祚未闻省改輒敢乞恩如果恪职宜听该省抚按核实以闻兵部言近据抚臣吴定叙功疏亦称昌祚能自新独御史勘报未至 上曰昌祚既经抚臣 < 鄧 铨-金 > 称省改姑念镇守远方准与服色以便行事如仍不悛抚按参来重究

○以陕西都司佾书王梦书充军政掌印官

○以虜王擒献史车二酋叙文武诸臣功加总督尚书萧大亨太子少保升大同巡抚邢玠右副都御史马林副总兵王志宝参将师国勋都司安天爵守备与宣府巡抚王世扬守巡道韩取善王象乾旧经略尚书郑雒兵部尚书石星侍郎王基陈有年杨于庭各赏银币有差

○癸未南京刑部尚书王用汲再以病极乞休吏部覆请许之

○甲申升浙江副使李同芳为湖广右参政整饬岳州兵备道广西参议李国士为云南副使分巡临沅道

○浙江巡抚常居敬言浙兵素称骁勇去岁倭警特汰老弱募精壮申严节制一时将卒人人有灭贼心如宁绍参将杨文等听用参将叶欢等俱身经血战勇冠一时愿于所练各兵选一千名令统赴宁镇为督臣冲锋犄角之用粮饷器械俱臣措给上以助兵讨逆特嘉其忠着该将官统赴杀贼

○乙酉 穆宗庄皇帝忌辰遣彰武伯杨世阶祭 昭陵 ○改兵部主事孙玮为尚宝司司丞

○兵部言延绥巡抚贾仁元奏称达贼聚众犯榆林官军奋勇斩级二十七颗夺获器畜称是总兵董一元坐营石尚文制胜有功并该镇昨冬擒斩安明等首级四百八十二名颗俱宜勘叙 上曰虜贼内犯官兵奋力敌杀忠勇可嘉应叙应赏员役抚按官并前擒斩安明功次速行勘奏以示激劝

○署宁夏总兵事副总兵李煦以咸望素轻机会屡失革任回卫

○丙戌升刑部郎中杨时誉为山东按察司佾事备兵宁前道思南知府陆从平为两浙盐运使延平知府周保为福建盐运使

○丁亥升陕西副使房守士为山西右参政备兵易州道山东副使彭国光四川副使陈文焕俱为浙江右参政陕西副使甯化龙为山西右参政 ○以泗州水灾免原议协济徐邳河夫银四百五十两从户部覆勘河科臣请也

○勘河给事中张贞观奏 祖陵为国家根本即运道民生莫与较重然岁漕四百

万赖一线以给京师凤泗淮扬又汤沐襟喉重地则运道民生所关亦非细也臣展谒祖陵见淮水一望无际泗城如水上浮盂而盂中之水复满气象愁悒 臣参不忍睹闻虽祖陵玄宫高耸乃自神路至三桥并诸仪卫丹墀无一不被水矣且高堰一堤危如累卵倘溃则里河之民生运道立尽此又高宝意外隐祸也今欲洩淮当以辟海口积沙为第一义然洩淮不若杀黄而杀黄于淮流之既合不若杀于未合但杀于既合者与运无妨杀于未合者与运稍碍别标本究利害必当杀于未合之先至于广入海之途则自鲍家口王家营至鱼沟金城一带地势颇下因而利导之似当并议者工部覆称科臣亲历地方拟议详确皆前诸臣所未及者惟是黄河杀于未合运道仍宜计处若挑浚淮口停沙及利导鲍家口一带当即如议措费兴工以纾 圣明南顾未尽事宜通候酌请其移州治开周家桥瓦埠河既称不便即应停止从之

○酉刻一星自中天西南流青白色尾有光

○戊子升南京大理寺右寺丞詹沂为南京太常寺少卿四川按察司佥事张世则为陕西行太仆寺少卿

○命福建道御史饶位提调南直学政

○宁夏巡抚朱正色题逆贼据险勾虏攻战俱难而粮饷缺乏城堡空虚虏三路为贼应援势殊岌岌乞发饷数十万仍简部院大臣专督边储民运户部覆议太仓库贮原备九边年例查得四川河南省库尚有余积而距陕非遥宜于四川动十万河南动八万转解备用陕西民运积逋抚臣须严督催无分秦越三边督臣敕书请加兼理粮饷四字庶便节制不必增设大臣滋扰督粮参政顾其志宜给专敕作速买运刍粮赴镇务济时难 上命速如议行

○礼部等衙门侍郎韩世能等同原参官工部主事周如纶御史綦才于午门覆试被参幸中举人王兆河等六名公同弥封详品文理平通四卷文理亦通二卷进呈裁定上命将卷传与九卿翰林科道各掌印官详阅奏闻内被参举人屠大壮奏闻母丧乞回守制礼部覆请同众覆试大壮径行临期不到 上谓大壮违旨规避革退为民仍行巡按御史查勘丁忧有无具奏

明神宗显皇帝实录卷之二百四十八

大明神宗显皇帝实录卷之二百四十九

万历二十年六月己丑朔以湖巡抚李楨为都察院左佥都御史协理院事

○以泗州水灾改折漕粮三年每石银五钱后不为例

○升副总兵萧如薰为署都督佥事克宁夏讨贼总兵官

○革横海卫指挥秦嘉谟职与坐营徐大宾方规等俱着南京刑部提问仍查司揭事情奏闻

○兵部题哮贼勾虏势益张虽经宣谕未颁赏格令松套诸部纷纷助逆计非虏不能制松套非督臣萧大亨不能服虏宜命悉心力谕虏王及不他失礼令即约束松套撤

兵回巢有能擒献哮拜父子赏银二万封龙虎将军擒献刘东旻许朝土文秀赏银一万封都指挥使至于督抚和衷然后边患可弭顷者东主抚西主战各督臣既相衲凿而本镇督抚亦各抵牾非大臣体国之谊也乞谕诸臣同心并赐魏学曾尚方剑斩临阵不用命者以肃军法 上切责学曾讨贼数月未平致虏助逆威令不肃诸将生玩其间复有希功忌能观望之念以方用兵姑与更新赐学曾剑一口将帅不用命者军前斩首以殉叶梦熊朱正色各务同心协谋退虏剿贼大亨宣谕虏王赏格如议东西二镇一体讨贼如或退避阻挠兵部参来重治

○兵部覆议三屯勇壮聚闽讨粮诸文武臣应免应究者 上谓朝廷屡旨恤军何以行粮遇期不给千总李绍祖苛刻歛怨命革任永不叙用军士捆治为首一二人余不究

○庚寅升礼部郎中沈一中为湖广副使临洮知府岳维华为陕西副使广西右参议孙有敷为四川副使山西副使梁云龙调山东副使整饬天津兵备道

○命辽东抚镇发精兵二枝应援朝鲜仍发银二万角□羊赴彼国犒军赐国王大红纁丝二表里慰劳之仍发年例银二十万给辽镇备用从兵部奏也

○以原任游击金秉钺为神机八营佐击

○辛卯河南按察司副使詹思谦调陕西副使整饬潼关兵备道

○升南京刑部郎中沈王□赞为江西佥事户部郎中向僎为四川佥事

○礼部题被参举人王兆河等六名覆试卷遵旨传送九卿翰林科道掌印官详阅文理平通四卷亦通二卷与原议无异 上命卷既俱通免革

○是日奏进朝鲜国王谢恩方物马匹报闻

○壬辰升兵部郎中王谦为太仆寺少卿兼河南道监察御史阅视保定等处军务以陕西佥事张季思为本省左参议

○追夺惠安伯张元善侵占地亩花利仍罚禄米一年拨置家人陈嘉猷等发遣发配有差

○原任榆林守备升甘肃游击徐龙被劾查无的据而才器可使按臣孙琬以为言上命戴罪杀贼

○命右军都督佥事尹秉衡操练募到防倭南北兵

○癸巳升济南知府崔应麟为河南按察司副使马湖知府尹廷俊为河东盐运使

○以户科左给事中张贞观为礼科都给事中吏科右给事中许子伟为本科左给事中

○甲午户部覆议抚臣宋仕按臣刘士忠等条陈防倭事宜天津逼近海口留军募兵必粮饷夙备庶资战守宜将漕粮六七万石截留支用其议留运船以充战艘不若将遮洋海船四百余只尽数留用为便从之

○都察院言题差条约凡实授未差御史丁忧复除者序候大差告病复除者仍列

中差以杜规避广西贵州俱作大差命著为例

○江西巡按御史秦大夔题恤刑推广 皇仁情罪可矜疑者多请免死充军但发边卫永戍往返万里角□羊人中途累毙是免死者未必得生而无辜者已先丧命新例许着伍子孙替役不许行勾原籍然或着伍无子不免行勾是真犯罪止一身而矜疑者反貽祸无穷谓宜通行恤刑诸臣非有决单不必概题名数多寡不必盈额真可矜疑者该省另问减释一二量拟充军卫分必分南北不出三千里内以免长角□羊之告不必永戍以免勾补之累刑部覆议重囚罪难末减即使悯其勾角□羊之艰终难尽停边永之例惟当如御史言毋累长角□羊毋混勾补从之

○乙未革游击佟養中吴嗣勋等任坐补练无功为蓟镇督臣论劾故也

○试御史綦才题倭夷警急山东无备乞遣卿寺科臣一人查核沿海兵食兵部谓沿海设防抚按事也不必遣官增扰宜行各该省直督抚军门练兵固圉今已临渴掘井岂复如燕处堂巡按巡关各御史遇地方行军对敌须亲临监督稽核功罪以肃人心上是其言

○丙申礼部题北虏顺义王扯力克等贡马五百匹镀金鞍辔撒袋弓箭俱全本王归巢认罪忠顺夫人三娘子认罪乞恩献骆驼马各六皮铁甲各一刀四红氍毹四蓝二紫绿青黑各一先经切责其罪夷使恳叩归诚今且计擒史奢二酋则讨逆之忠可嘉也命如例赏大红蟒白□□罩纁衣彩段银两绢布有差

○三边总督魏学曾题副总兵萧如薰生擒虏满克兔等五名操守官石柱等斩反贼首级三颗抚臣朱正色自灵州趋横城过河与总兵董一奎合营今日之事杀贼攻城为急此外或随机招安或决水灌城业已分布各将同心共济< 〇〇〇〇 〇〇〇〇 >下所司

○丁酉兵部覆议科道诸臣劾宁夏总兵李煦刘承嗣等罪上怒李煦掩败为功罪当不赦着巡按御史械送来京究问刘承嗣革去职衔充为事官管事从来失事情罪督抚官确查奏间仍督诸将毋观望推诿致误军机犯者军前处斩

○己亥升顺天府府丞郭惟贤为右佥都御史巡抚湖广提督军务

○升工部郎中叶云初为四川副使贵州副使叶明元为广西右参政

○以总督仓场右都御史李戴为南京工部尚书改工部左侍郎周世选为兵部左侍郎协理京营戎政

○升山西副使高时为右参政驻劄井陘福建佥事陈应芳以原官督学浙江

○调四川参将刘綎添注五军三营参将管事 ○三边总督魏学曾题酋妇赛汉住为庄明二酋稟求赦罪复市赏念哮贼挟虏为重正我收虏心以孤贼势之时宜许之第令送还所抢人口余不必苛求也< 〇〇〇〇 〇〇〇〇 >下兵部

○庚子诏宁镇虏贼蹂践军民困苦已极览抚臣朱正色奏深为恻然其尽蠲河东河西今年屯粮以示优恤仍着户部查堪动粮银角□羊补时尚书杨俊民议行按臣分别被伤分数量免 上命尽数蠲之

○三边总督魏学曾题称黄酋妇传谕着打二酋人马回营哮喊因具禀求原任总兵张杰入城招安倥遂帖然亦从权制变之一策也命兵部看议具奏既而兵部覆议我无胜算贼或甘言以缓我师俟虏入而蹢躅如故矣 上曰叛贼抗拒王师屡生变诈学曾徒凭懦将欺诳堕其奸谋殊负委任招安事情不可轻信着与叶梦熊朱正色同心定议督率兵将克期剿贼堂堂天朝因么么小丑连兵累月未奏荡平岂不辱国秋高马壮事在须臾若复迟误者罪不宥

○授青把酋子我角敬台吉白酋子打利台吉各指挥僉事以青白二酋禁约部落不敢内犯从兵部奏也

○辛丑升光禄寺少卿魏允贞为顺天府府丞工部郎中张乔松为福建兵备僉事起原任陕西按察使王藻为山东按察使整饬霸州兵备

○土鲁番回夷头目阿都沙他儿等八名赴京进贡赐宴如例

○壬寅升云南掌印都司奇德为四川南路游击

○兵部言朝鲜陪臣闻倭夷荼毒声息哭泣乞归命即遣还先已发兵救援仍慰谕国王毋倭强弱不敌务力战剿贼以副朝廷怀远之意

○诏庄明二酋既认罪乞赦准复市赏从兵部覆三边督抚奏也

○工科给事中侯庆远劾奏陕西巡抚沉思孝舍门户而守堂奥设逻卒以卫其孥至请募通泰盐徒毫颖游手多乞浙卒自为谋则密为天下谋则疏兵部覆称思孝长虑苦心不为未见而请乞至再有骇听闻南人未习边事御虏或非所宜得旨调思孝腹里用速推谗练边事有才望者代之

○命督抚魏学曾叶梦熊等就近募兵选用安家器甲银两即于前项马价动支以兵部覆科臣刘为楫言从其奏也

○兵部题都督尹秉衡奉命募兵事体隆重据称旗总高风谳晓倭情似审量升职衔诸凡简练鼓舞必有赏费差去寺臣王谦暂于附近司府借支完日奏请太仆寺马价分补 上命谦等如奏即往募兵高风升署指挥僉事

○乙巳 睿宗献皇帝忌辰 奉先殿行祭礼

○谕内阁近日宁镇逆贼叛乱三阅月矣未见剿灭魏学曾身任总督闻乱即当亲临地方设法抚处乃酿成祸胎方行奏闻不能设法于先今又畏怯于后袖手坐视费饷损兵显是玩寇辱威推诿误事责任何在着该部马上差人传与学曾严督将领克期攻城灭贼以盖前愆毋得逗遛观望虚文塞责卿等会同该部不时商榷边计务保地方宁谧钦哉故谕

○起原任巡抚宁夏右副都御史姚继可巡抚陕西赞理军务原任都察院左都御史辛自修为南京刑部尚书

○升陕西凤翔知府张尧臣为湖广副使四川右参议李国士为陕西副使福建左参议朱熙洽为贵州副使

○命户部左侍郎徐元太总督仓场

○以神枢九营佐击饶怀鞠为云南都司掌印官

○兵部覆题宝坻豊润为蓟镇沿海适中地方游击吴惟忠堪领南兵驻劄从之

○刑部言宁夏逃将熊国臣审照边将被贼攻城不行固守輒弃去因而失陷者律斩秋后决照例揭黄 上怒国臣弃城脱逃忘义失节着即处决仍梟示彼处以肃军法

○丙午山东抚按捐称倭寇朝鲜东省环海于保甲军余中简选壮丁分拨防守乞留民屯屯粮银四万并事例班价给饷户部覆奏许之

○礼部题土鲁番王哈喇哈失贡献金钢金□赞玉石回回青等方物验回回青非真惟嘉其效顺悯其跋涉姑与进收以后甘肃抚按宜先辨验方许起送 上是其言

○陕西巡按御史刘芳誉等奏甘凉孤悬河外延袤旷阔国初令洮岷临巩班军更番防御意良深远抚臣叶梦熊先抚河东议撤以守临河及抚河西旋欲议复而河东议撤以守临河及抚河西旋欲议复而河东抚臣已遵前谕分营着伍矣始有加粮助饷之<□□ 铨-金 >臣谓粮饷似不可加召募似不可得而班军有不容不再议者宜命总督大臣主持其间如东西孰冲饷价孰廉募兵孰便必求至当无失 祖宗立法之意亦无减临河戍守之卒可也<□□ 铨-金 >下所司

○三边总督魏学曾言总兵董一奎攻贼城坚急不得下今虏已听抚出边逆贼势窘闻原任总兵张杰领兵至恳求招安已迎入城且议请抚臣朱正色入献恶党势将平定则今日之宁夏抚绥急而战门口斗次之一奎虽骁无所用武宜调回洮州防秋以御火真诸虏 上怒宁贼未平奈何遽议散兵调将兵部确议以闻

○丁未考选庶吉士取王象节李名芳刘孔当沈<□□ 奎 >刘生中李腾芳何熊祥高克正杨继礼姚文蔚韩熿邹廷彦陈维春马文卿张同德赵之翰林应元陈懿典等十八人送院读书

○戊申兵部题蓟辽督抚蹇达等揭称朝鲜国王斩获倭级一百一十颗特差陪臣角□羊验当颠沛流离之际执礼益恭忠敬可嘉得旨国王遣官赍验倭级足徵忠顺諭王戮力歼贼差去官兵并力协剿毋分彼此陪臣六员各赏银二十两每级赏银五两昭朝廷优厚之意

○兵部覆宣大总督萧大亨揭称两镇兵马预令总兵麻承恩李东旻等挑选一万六千以备倭警应咨户部议发帑银数十万题差大臣一员就近督理粮饷庶免临时匮乏得旨允行

○己酉升御史涂杰为光禄寺少卿

○以参将陈璘素熟倭情屡经荐牍命添注神机七营参将马上差人守催星夜前来听候调遣

○兵科都给事中许弘纲奏听言贵广周人贵专今军情太漏议论太多宁事宜听彼中随机应变据实上闻廷臣条议不必雷同炫异 上曰国是军机至重好事小臣议

论混淆该部不得概覆诸分任御虏攻城督饷事该镇督抚酌行

○兵部言昨发精兵二枝沿江为朝鲜应援此在本国未请之先今巡抚郝杰咨称朝鲜请兵甚急先差游击止于鸭绿江未敢前进夫存亡呼吸尚可牵制如此乎乞敕相机援剿奉旨援兵久遣岂容迟误今后各边镇紧急事务毋拘奏请致误军机

○壬子晓金水土三星合聚井宿

○升工部右侍郎卢继楨为左侍郎大理寺卿宋应昌为工部右侍郎河南右布政使李颐为都察院右佥都御史巡抚顺天整饬蓟州边备

○原任广东右参政胡心得复除福建左参政 ○癸丑升吏部左侍郎罗万化为礼部尚书兼翰林院学士礼部右侍郎赵用贤为左侍郎仍兼翰林院侍读学士俱教习庶吉士

○兵部覆总督魏学曾请将董一奎调守洮岷张杰署宁夏总兵事及科臣刘道隆参< 〇〇〇 〇〇 〇〇 >谓贼逆滔天法无可赦即使窘急告降亦当自缚军门生死惟命未有给我将领入城要求免死而可为招安者一奎奉命讨贼贼既未诛何云虽骁无所用武乎秋防在迩火酋可虞为固原洮岷谋则副总兵刘承嗣可使也 上命萧如薰同一奎在宁夏协力讨贼承嗣赴洮岷管事

○甲寅 孝庄睿皇后忌辰遣伯陈如松祭 裕陵

○升福建按察使陆万垓为河南右布政使河南左参政郑汝璧为陕西按察使备兵榆林

○兵部覆抚臣叶梦熊按臣刘芳誉< 〇〇〇 〇〇 〇〇 >议河南班军照旧赴河西戍守勿更报可

○乙卯太常寺少卿王汝训言叛卒么么屡月不定倭破属国且中原矣 陛下至仁纯孝祀事咸秩正宜百灵协鬯享太平之盛乃安居深宫久废临御得无屏德弃政不享于天地鬼神而赫然示儆乎鲁祀闕宫推于夷貊咸率禹谟曰至诚感神矧兹有苗伏乞躬崇大祀下诏修省转危为安莫先于此 上曰朕念孟秋 庙享罔敢安逸近因行步稍艰遣官暂代各体朕心加敬毋怠

○以河南都司佥书陈蚕为蓟镇游击统领南兵驻石匣神机营指挥佥事宋人斌为天津海防游击

○兵部请遣素有威信服虏大臣一员经略宁夏仍发帑银二十万听便宜御虏平贼再遣知兵文武大臣各一员统领蓟辽南北兵马直抵朝鲜存属国以固门庭 上命府部科道官会议具奏

○丙辰 孝穆皇后忌辰遣伯王应龙祭 茂陵

○旌表升西孝子刘燧等二名节妇梁氏等六名烈妇凌氏等四名烈女张氏等三名

○丁巳升河南副使王之猷为浙江左参政山西佥事李汝相为河南左参议

○兵部题洮岷切邻火真往岁已遭蹂躏今秋更虞奔突力陕西兵将尽调宁夏可虑也计李如松督宣大精兵已抵宁镇则狭卒似宜量彻董一奎威望著于洮岷可与萧如薰更调以便应援得旨董一奎改陕西萧如薰改宁夏换与制敕各管总兵事

大明神宗显皇帝实录卷之二百四十九终

明神宗显皇帝实录卷之二百五十

万历二十年七月戊午朔孟秋时享

太庙遣公徐文璧恭代

○铸仪制司管理 玉牒关防

○己未吏科给事中李汝华< 疏 金 >论礼部尚书李长春争枚卜而台有文章礼部左侍郎韩世能不堪大受屈求讲官兵部左侍郎王基历任狼狽郟阳巡抚姜璧西台碌碌俱宜去李材讲学殊无实用郑雒经略底定无能及蔡可贤袁黄俱不宜用沿边沿海各有专官各有信地弃职业为讨贼之务舍见任为添设之名未行先升京堂未事先为条议皆举动不妥人心不服者也萧如薰孤堡抗贼竟杀哮云擒五虏视拥众数万者何如督抚镇患不如薰耳不必两巡抚二总兵也宁贼原无大志诸虏暂贪贼贿即倭奴亦何能为而汲汲募兵尽可用否止知募兵不知一家添一兵则父子兄弟不胜苦止知遣官不知一处添一官则往来供应不胜烦今日召兵平日所养之兵何在今日添官平日所设之官何为臣谓宁夏兵数万止当足饷蓟镇昌保兵可备倭召募不必取盈庙堂持以镇定封疆主以真心南北贼如釜鱼穴鼠耳章下所司

○礼部题襄垣王府镇国中尉俊木口孚等妄结弟滥妾之子为兄嫡配之嗣宜严惩以戒宗室不法者命罚革禄米如例

○起原任甘肃参将达云为本镇游击将军

○兵部言辽东抚臣郝杰揭称倭贼过大同江朝鲜君臣即遁恐国王兵败入辽拒之不仁纳之难处宜令割险要以待天兵仍号召通国勤王之师以口恢复诏倭陷朝鲜国王逃避可悯援兵既遣仍谕彼国大臣集兵固守控险隘以图恢复岂得坐视丧亡其余酌议具奏

○庚申兵科都给事中许弘纲题顷兵部惴心边事议遣经略大臣赍帑抚虏又遣文武二大臣帅师往朝鲜剿倭臣惟治乱如治丝也急则头绪难寻宽则条理自见今西师日老诘责方严经略与总督事权相同意见或异窃虞已遣者为道旁之舍又令继遣者为九牧之羊乎如谓抚虏必设专则虏与经略何亲利吾赏耳苟厚利啖虏何督抚不解市恩而驰九列犂帑金公然以媾虏分阃乎该部谓中国御倭当于门庭夫边鄙中国门庭也四夷则篱辅耳闻守在四夷不闻为四夷守朝鲜虽忠顺然被兵则慰谕请兵则赴援献俘则颁赏尽所以待属国矣望风逃窜弃国授人渠自土崩我欲一苇障之乎夫倭未弱于虏也在虏则欲抚之大军之前在倭则欲歼之累胜之后倭重倭也即虞内地

左侍郎山东按察使鲍希颜为都察院右佥都御史巡抚辽东赞理军务

○原任兵部左侍郎兼右佥都御史万恭卒恭江西新建人繇进士授南京吏部主事历光禄太仆大理兵部左侍郎巡抚山西总理河道考满被言回籍卒于家礼部请照递减例与祭一坛半葬从之

○兵部言科臣李汝华请召募非策许弘纲极论东西大臣不宜遣窃以为安民先剿贼又先退虏议遣虏所信服大臣御之随机抚战未尝欲贿以二十万金也至倭遂寇辽其祸犹浅若有朝鲜以与我邻是我之女直蒙古矣况朝鲜不战而逃深为可异故欲及其未灭发兵讨之万一变出意外则必设文武大臣而后事权归一肤功可奏且使倭闻而寝谋或更得朝鲜所以不战之情不徒贖贖凭一二侦卒语也承平既久尺伍耗尽昨沉思孝乞浙直援兵矣蹇达请募南兵防海矣彭国光揭无一兵矣无米何炊谓平日所养之兵何为此可以诘边吏非所以为朝廷计也王谦部俸十数年其才可备边抚之选京堂募兵非骤蔡可贤生平不无媒褻而胆略器度足定反侧臣因台荐覆请起用不效则臣当其罚不敢累吏部也况一郑雒也同日而科道一荐一效一陕西经略也同日而台臣请遣科臣请勿遣当局者心力拮据旁观者以十手十目揶揄之当局者生死负担旁观者以痛痒繇人姗笑之万一疆伤不戒责臣乎责诸臣乎乞容臣等展布筹画仍敕廷臣虚心共济时艰儆臣言无当请先罢斥 上曰边疆多事卿居中调度殫忠尽瘁朕所深知言官各陈所见宜酌可否行勿因而阻挠王谦蔡可贤俱着策励供职

○丁卯谕内阁昨览所进卫生二帙乃陈义之勤欲朕动息起居保和颐养具见忠爱朕当嘉纳但边情政务赖卿等赞襄宜宣猷佐理毋因朕疾坐视以慰朕怀

○戊辰升兖州知府易登瀛为山西副使南京吏部主事潘士藻为尚宝司丞黄州知府杨守仁为广东海道副使

○原任吏部右侍郎周采卒采江西安福人嘉靖中进士繇县令历铨部藩臬通参巡抚福建晋大理寺卿以兵部右侍郎总督漕运改吏部右侍郎请告卒于家礼部言采励志端方禔躬清洁例应祭一坛减半造葬从之

○铸蓟镇海防道关防

○己巳改南京礼部右侍郎刘元震为南京吏部右侍郎升顺天府尹赵世卿为大理寺卿河南巡抚吴自新为南京刑部右侍郎工部郎中冯时泰为山东右参议分巡辽海道

○庚午 孝安皇后忌辰遣官祭 昭陵

○以九门城楼竣工加尚书曾同亨太子少保进勋阶侍郎周世选卢维楨朱天球陈于陞给与诰命世选加二品服俸仍各赉银币升都给事中章尚学为通政司右参议御史刘怀恕为大理寺寺丞给事中邵庶侯庆远各升俸一级郎中叶云初吴鸿洙等升职俸有差总督京营临淮侯李言恭加少保兵部尚书石星侍郎王基许守谦陈有年给事中刘弘宝张辅之等御史黄卷李时孳等郎中闵世翔等各赉银币锦衣卫都指挥使

许茂麟升都督佥事指挥同知凌玄超升指挥使司礼监太监张诚加恩三等荫弟侄一人锦衣卫正千户内官监太监陈朝用李禄各加恩一等荫弟侄一人锦衣卫冠带总旗

○辛未升光禄寺卿谢杰为顺天府尹兵部员外丁继嗣为河南佥事兵备颍州道

○以原任四川总兵官沉思学为南京中府佥书四川副总兵马继武为南营后府佥书

○提督军务右副都御史叶梦熊题昨与督抚发兵马及攻城器具六月十八日渡河十九日泊宁夏城二十一日准总兵董一奎李煦麻贵塘报参将马孔英等奉令迎战达贼北遁反贼逃入宁城就阵生擒斩首共一百一十八名颗大挫贼锋攻城破在旦夕上命兵部知之

○壬申七月中元节遣侯张炳等祭 九陵伯张元善祭 恭仁康定景皇帝陵寝都督同知陈承恩祭哀冲庄敬二太子坟所

○升通政司右参议张书为左参议户部郎中屈灼为通政司右参议

○命陕西巡抚右佥都御史沉思孝以原官巡抚河南提督军务升南京国子监祭酒邓以赞为南京礼部右侍郎

○兵部题南京协守府臣徐维志争营属点卯一事科臣陈容淳徐桓先后参奏臣谓法不可废体不可褻宜咨南京兵部查勘营官应否点卯维志果否点军秦加谟等曾否造揭拨置分别情罪以凭覆请仍敕维志镇静行事上是其言

○癸酉升太常寺卿掌国子监祭酒事范谦为詹事府詹事兼翰林院侍读学士起原任右庶子孙继皋为少詹事充玉牒纂修官

○改南京太仆寺卿吕鸣珂为光禄寺卿调湖广副使赵楫为山西副使备兵宁武道

○户部覆刑科给事中张问达题宁武贼未灭防患当预全狭钱粮自十四年至十八年一切拖欠带徵尽行蠲免从之

○礼部覆四川佥事张世则奏进貂珣史鉴曰评曰考曰论为箴为赞为诗善可为法身享令名国亦受福读之令人慕恶可为戒国将受害身先诛夷读之令人畏夫 祖制貂珣识字有禁宣德以后始立内书堂教以忠鉴录世则所进宜俱定为课程庶几口诵心维可以迁善改过虽然近侍熟覘好恶在人主善听之耳我朝金英以一言定储位覃吉以正学辅东宫则听之得也如王振之误国刘瑾之惑主其恶至今恨之则听之失也 皇上幸览而留意焉 上嘉纳之

○兵部言督臣魏学曾奏称六月十六日甘肃虏众犯抢总兵杨浚斩获首级七十颗驱逐三百余里应即勘明升赏 上命按臣速勘以闻

○总督三边魏学曾题六月十九日抚臣叶梦熊朱正色主事赵梦麟副使蔡可贤定义攻城斩级四十余颗生擒七十余名城中射出两帖子述各贼防守窘迫及官兵进攻计画甚详乞竭力克期以便内应又监军御史梅国桢提督军务李如松兵马已到宁

镇似可计日成功< 䟽 毓-金 >下兵部

○辽东巡抚郝杰题倭犯朝鲜郡城半陷国王穷迫来归乞敕该部暂择城堡安置兵部言朝鲜僥陷螫必中辽则固我藩篱壮彼声势亦势不可已者沿江一带宜盛陈兵马防守以振威声国王来投江上择居完固城堡司道躬为存慰一应供饷从厚随行人马给以刍粮用示抚恤无容狡倭混入探听前所发兵不足再加一枝为犄角之势可也奉旨朝鲜请益援兵须确议具奏王来择善地居之

○乙亥 成祖文皇帝忌辰遣侯李环祭 长陵

○升河南左布政使徐用简为南京太仆寺卿

○抚治郟阳佥都御史姜璧为科臣李汝华论劾吏部覆奏命调南京别衙门用

○命四川副总兵万贄以原官分守建武地方

○丙子大学士张位奏王公设陷以守其国国家定鼎燕京三面邻边与前代都中原者不同 成祖三犁虏庭兵力强盛厥后大宁撒防东胜失守关隘弥近拱卫宜严今京东距薊镇不二百里京西去宣镇不四百里东南去天津口不二百里西南去紫荆关不三百里嘉靖庚戌虏入径至城下犂穀万姓米爨所需城门一闭内困外阻况今虏警倭防桑土绸缪尤亟臣以为近京周围十里宜卜水土要害特建辅城四座以卫京师每城置兵万人内设营房外设教场照常操练声势犄角猝有外患城门可开遵照五军旧制以三大营官兵为中军其四城应拨营兵各万或取京卫京营各屯余丁选精壮以充数择五府官知兵者统之听戎政大臣节制将领一视大营城内多贮刍粟再设宪司文臣二员监操督饷兼储边才量拨近地给军耕种四隅联络墩堡以严守望周遭开沟植树以扼戎马此国家强本之图也汉设南北二军相制为安金陵天险 太祖复营浦子口屯兵积饷具有深意谨绘城图进览上报曰京师根本之地添筑四城深为巩卫至计该部看议以闻

○丁丑升山东右布政张更化为河南左布政使

○戊寅谕内阁昨览次辅位所进创建辅城定兵制图说足见为国安民之本乃亿万年巩固长策朕甚嘉之但事体重大国储匮乏卿等还同该部会议停妥待倭叛宁谧举行辅臣赵志皋等随具< 䟽 毓-金 >称神谟远虑真出万全其工役缓急次第容与该部从长议奏

○升陕西右参政刘光国为分巡西宁按察使

○总督三边尚书魏学曾以贼叛四月未平人言掩败为功< 䟽 毓-金 >报不实请罢仍乞科臣往勘 上谓学曾忠义任事功已垂成着与叶梦熊等同心剿逆勿介意人言李煦姑免拏解令讨贼赎罪

○己卯升山西按察使郝维乔为陕西右布政使 ○礼部覆巡盐御史黄卷题称长芦原设运学教授训导各一员久废未复议照河东一体建置学宫文庙师生以兴教化诸费派在盐引不烦有司从之

○工部覆江西按臣秦大夔言豪商假借部批夹贩木植檀树黄旗僭称 上用掘官陂役乡夫委难轻贷以后南京工部应解司礼监木植宜照北部召买给价无听告批以滋扰害报可

○辛巳大学士赵志皋言云南年例解金奉旨再加三千户部极言不可未蒙俞允访得金出永昌采之山石有无多寡难必即年例二千率取足于川陕加至五千民不堪命请旧徵者永为定额新增者姑行一年 上曰览奏具见忠恳恤民之意但 皇祖时曾有额取矿金例朕岂不念民艰着减一千两岁进四千不许违限 ○升礼科左给事中王德完为户科都户科右给事中王建中为本科左刑科给事乔□□玄月□□为吏科右给事中

○升四川右参政周光镐为陕西按察使备兵临巩道

○壬午升大理寺左少卿董裕为都察院右佥都御史抚治郟阳右谕德兼侍读曾朝节为国子监祭酒南京掌翰林院侍读学士余孟麟为南京国子监祭酒

○原任陕西道御史张光绪复补山东道

○陕西副使李楠以原官备兵西路镇守居庸总兵署都督佥事王保以原官镇守山西

○监军御史梅国桢题顷渡河连战数日李如松董一奎李晌刘承嗣皆亲冒矢石贼用炮石损伤我兵颇多李如樟率领辽东宣大军士已上南城而贼烧梯忽起大风传令备火箭烧城楼皆云无箭臣忿欲参奏始齐射烧毁上城梯仍伤折有城内百户姚钦武生张遐龄射出二帖约是晚攻城举火内应各将匿帖不令臣知钦等放火机事遂洩跳滚下城贼因杀内应五十余人悬首城上矣刘承嗣用枪炮射伤多贼李如松探知贼遣通官往调着酋即差标下李有声等斩获真夷十八级生擒十一名悬首高竿使知外援既绝亦平贼一机也柰将心不一但知忌功乞严谕责成信赏必罚若更因循全陕祸将不测臣目击不敢不言 上曰览奏攻城日久不下皆因主帅不严调度失策致各将忌功不用命殊误国事兵部即议奏闻

○癸未升浙江右参政郭子章为山西按察使刑部郎中萧察为陕西佥事备兵延安

○兵部题称征倭遣文武大臣已会府部九卿科道官酌议诸臣所议不同大臣且宜缓遣 上念朝鲜被陷国王请兵甚急既经会议宜速救援无贻他日边疆患

○甲申总督三边兵部尚书兼右都御史魏学曾以射贼久无成功命回籍候叙

○命邓子龙充为事官调管金山参将事

○乙酉升大理寺右少卿张养蒙为左少卿右寺丞曾乾亨为右少卿江西按察使高尚志为山东右布政使

○以山东都司刘守圭为四川松潘南路参将蓟镇副总兵解一清充镇守居庸昌平总兵官

○丙戌宣延镇捷祭告 郊 庙

○升四川副使刘惠乔为右参政分巡建昌道工部郎中高维崧为湖广兵备佥事山东右参政曹时聘以原官备兵徐州

○吏科都给事中李汝华等〈附 疏-金〉荐边才大理寺卿李汶等二十人河南道御史傅好礼等会荐边才原任尚书王遴等二十九人俱下吏部 ○浙江道御史邓炼等〈附 疏-金〉荐将材副总兵朱文达等二十四人兵科都给事中许弘纲等〈附 疏-金〉荐将材副总兵杨浚等二十四人俱下兵部

○丁亥大学士赵志皋等题自贼夷煽乱台省诸臣请 上御朝视讲修德勤政以张威除逆〈附 疏-金〉满公车未奉 俞旨兹际中秋令节内外百官祝 圣寿望天颜伏乞临朝受贺从此面议大政声震四夷么么岂足平哉未报

○升宁夏巡抚右副都御史叶梦熊为兵部右侍郎总督陕西三边军务代魏学曾原赐尚方剑与梦熊领管

○以游击管贵州清浪参将事王一麟为云南腾冲参将

明神宗显皇帝实录卷之二百五十

大明神宗显皇帝实录卷之二百五十一

万历二十年八月戊子朔升四川副使叶云初为山东右参政工部郎中吴鸿洙为浙江右参议原任南京湖广道御史陈杨善复补南京江西道

○日讲官礼部左侍郎韩世能乞假迁葬并请三品满考荫叙诏予假驰驿回籍给路费二十两纁丝二表里考满恩荫如例

○兵部题近闻宁夏诸将忌功不相下且据督抚报知麻贵李如松亲冒矢石斩获功多董一奎衰老无能应令回籍刘承嗣亦乏骁勇不堪冲边副使蔡可贤数月未见树绩宜令策励自效萧如薰已任大师请以固原甘肃延绥宁夏各裨将兵尽付如薰而麻贵副之是谓主兵有不用命者听军法从事李如松正帅宣大山西辽东兵是谓客兵有不用命者听军法从事苗兵浙江则听总督随宜分置务便责成至总督自如薰麻贵以下不用命者听以赐剑从事监军则各兵凡在行间皆得监察有不用命者听不时纠劾监军以纠察功罪为主总督不得阻挠总督以调度诸将为主监军不得侵越至诸将贪封拜之赏但急攻城不知转饷御虏均为上功特议斩虏赏格以致其锐令先奏分布将官姓名误事责有所归若臣星待罪本兵调度督抚者也令督臣更矣乞贬一秩以为调度不效者之戒 上曰宁夏讨贼无功皆因主帅军令不肃叶梦熊既受新命凡军中俱受节制听便宜行诸将不用命者以军法处斩监军专司监纪无侵事权萧如薰速交代讨贼麻贵李如松既能奋勇自当优异董一奎革回御虏另分一枝兵主功成并叙石星调度勤劳不必退让

○以福建都司李继春为山东都司掌印官辽东副总兵李平胡为协守蓟镇中路副总兵

○兵部覆议御史黄卷请查省直民壮额数募选壮丁有谋勇者特加训练无募兵之名有土著之实战守兼资诚为便计命各该总督抚按官责令司道有司着实举行

○勘过延镇官军出塞斩级四百八十有奇内酋首一颗录文武诸臣功加总督魏学曾太子少保荫一子锦衣卫副千户世袭巡抚贾仁元兵部右侍郎荫一子锦衣卫百户世袭总兵官杜桐右都督荫一子本卫指挥使世袭副使房守士等参游江显谟王通等各升一级张纲加府衔高彻等升游击石尚文等加俸严逢时纪录石星调度有功荫一子入监读书侍郎王基陈有年升俸一级仍各赉银币该司郎中升俸并各司赏赉有差

○己丑升陕西副使吴道卿为四川右参政

○南京户科给事中郝世科奏南京户部库贮宜备南中支用非有重大事情不得擅发户部覆议顷者苏松御倭云南御緬无从措处不得已借及南库实非所以备缓急也科臣言是报可

○庚寅升南京大理寺右寺丞谭希思为应天府府丞

○诏金花上供屡旨太仓凑纳是何政体着立限与抚按官督催有司住俸徵完方许开支从户部言也

○土鲁番地面番王哈喇哈失贡方物赏赉如例 ○升广东练兵游击吴显忠充镇守贵州参将山西行都司掌印余庆充分守山西东路参将

○辛卯大学士张位奏宁夏讨叛初招安而计画多误继攻城而士卒受伤师久无功未得攻取良法故也臣前遗督抚诸边臣书亟言冒暑攻坚兵法所忌惟分兵退虏围城护粮巡堡不当攻城只当困城定时而迭扰之部署而专责之我兵常得休息彼贼应接不遑不出十日必将内乱乘其倦怠鼓勇先登未有久而不破者谨编戎器要略八事攻城要略二十事进呈 上报曰览奏知卿素谙武备留意边防惓惓为国可嘉着该镇督抚官议行

○户部左侍郎董尧封卒与祭葬如例尧封河南人嘉靖间进士繇推官选御史历藩泉府丞仆少提督操江巡抚甘肃南户工二部侍郎改户部未任卒于家礼部言尧封三品未经考满而居乡雅称孝友历官懋著勋猷例应祭一坛减半造葬从之

○升副总兵管延绥参将事张刚光镇守陕西总兵官

○初监军御史梅国桢< 〇〇〇 毓-金 >称原任佥事随府身带关防从城跳下伤臂已救过营贼令四人下城取府总兵董一奎遣人往救无听者竟绑府上城贼于数丈高城下取府如拾芥而我军咫尺不肯前彼此军令可见达虏数万大入断我粮道杀掠无算匿不以闻诸将用兵不及儿戏报捷尽属欺罔乞早罢斥不忍见贼虏横行兵法荡然至此兵部言军令不肃士不用命应行督抚勘治 上谓酿乱损军耽延日久致贼勾虏入犯残黎民绝饷道皆前督魏学曾辱国之罪命锦衣卫逮系来京究问

○壬辰升右谕德陆可教为侍读学士掌南京翰林院印信

○赐行人薛藩品服奉敕宣谕朝鲜

○兵科给事中许弘纲题据报副总兵祖承训征倭兵马攻入平壤城游总史儒张国忠马世龙等俱伤官兵多损夫承训何人不遵相机进止之谕而贪功取败至此反令全辽丧气倭势鸱张宜亟正失机之罪仍令督抚申饬诸将勿以小败自阻亦不必以深入为功兵部覆议如科臣言命革承训任行巡按御史提问

○原任临洮副总兵原进学以守备不设被虏人民遣戍边卫

○癸巳升詹事掌院事盛讷为礼部右侍郎掌詹事府印信

○吏部尚书孙鑰等奏旧例三品京堂考满无过犯弹劾者方与荫子乃礼部左侍郎韩世能屡经弹劾未敢具请今已自乞得之政体舛矣 上谓讲官荫出自特恩着遵旨行

○起原任蓟辽总督顾养谦为兵部右侍郎刻期到任升礼部右侍郎张一桂为左侍郎詹事范谦为礼部右侍郎兼官经筵俱照旧

○命参将杨浚以副总兵仍管肃州参将事

○以神枢七营参将卞时雍为广东游击

○提督军务叶梦熊题称卜失兔庄秃赖等酋蓄忿已久又为逆贼贿勾乘虚深入叛贼枪手错杂其中与寻常入犯不同臣等攻城兵仅三万被伤者多虏众厌境不无顾彼失此乞再发兵一二枝应援仍饬陕西抚按督催粮运以救孤悬奉旨发兵催粮事宜该部速议行

○甲午升右谕德冯琦为左庶子掌左春坊印信右中允余继登为右谕德掌右春坊印信右赞善敖文祜右中允管国子监司业萧良友为司经局洗马文祜掌司经局印信侍读李廷机为右中允

○升广东左参政李得阳为江西按察使

○兵部题宁贼勾虏粮道阻绝固原一带无重兵万一长驱关狭震动今宜深计者惟讨贼御虏转饷饬兵四事决水灌城固应亟行尤令官兵画地分守如贼出虏入于信地以失机论亟发精兵截虏陕西巡抚调集各堡兵军预责地方收斂使无所掠僥运道已梗则陕西原贮旧粮量支数万济急仍发马价十万角□羊往犒军行南京户部发银二十万付陕西巡抚召募战守之用从之

○升延绥守备史见充为延绥东路参将

○乙未 孝康敬皇后忌辰遣伯王应龙祭 泰陵 ○以河道锥任命改总理河道提督军务职衔

○原任大理寺卿起兵部右侍郎贾三近 < 錡-金 > 乞在籍养病许之

○江西巡按御史秦大夔以额外节省纸赎银四千两济边报闻

○以万全都司佥书马化龙为山西行都司掌印官

○兵部请于宣大山西三镇再选兵三千四川选兵三千俱与安家行粮择骁将统

赴陕西听总督抚镇节制调遣

○丙申起右春坊右谕德刁孔教为詹事府少詹事掌翰林院印信

○以 万寿圣节赐大学士赵志皋张位讲官陈于陞等五员金银万寿字金篆字金书红符银书黄符有差

○兵部言哮贼威胁众丁助逆而百户姚钦方正武生张延龄万死一生密谋内应我军坐失事机致诸人尽歼贼手钦等缒城来奔忠义激烈非加升授不足示劝宜行督抚镇监军衙门遵命特升世袭仍具三人冠带鼓吹前导炫耀城中使贼丁知之鼓其来归 上命姚钦方正授本卫指挥使张延龄正千户各世袭

○丁酉遣尚书李长春祭 先师孔子

○以 万寿圣节赐大学士赵志皋张位讲官陈于陞等五员银绶有差

○命司经局洗马萧良有光日讲官

○升福建左参议刘弘道为湖广副使河南左参议梅国楼为四川副使河南副使刘霖为广东左参政

○建州卫都督奴儿哈赤等奏文四道乞升赏职衔冠服敕书及奏高丽杀死所管部落五十余名命所司知之并赐宴如例

○吏部言贡途淹滞皆因举人署职者多礼部请每科副榜举人限取一百三十名非真正备卷不录乞恩限送一百五十名非远方科深年老者不与报可

○总督魏学曾奏西宁副总兵鲁光祖碾白游击祁德土官李春先三家各有骁健土兵召之可得万余已行本道调赴御虏非奉明旨尚恐迁延不及事兵部覆请 上命作速调赴宁夏御虏讨贼功成升赏如例

○命镇守蓟永总兵官张邦奇充左军都督府佾书神机九营佐击华周宗充神枢七营参将山西行督司佾书贾邦直充陕西行都司掌印官

○勘河给事中张贞观题会总河尚书舒应龙总漕陈于陞巡按御史高举彭应参王明勘得淮黄同趋者惟海而淮之繇河达海者惟清口自海沙开浚无期因而河身日高自河流倒灌无已因而清口日塞以致淮水停蓄于盱泗者上浸 祖陵下垫民社近且漫及高宝兴泰运堤亦苦冲决矣今据司道等议一辟清口之沙计费二万有奇一分黄河之流计费三十四万有奇清口有大挑之工又议常设之役使不复淤也分黄于淮之上流先杀其势也上流必于清河上十里去口不远不致为运道梗即少梗而力易图也分于上复合于下冲海之力专也合必于草湾之下恐其复冲正河为淮城患也鲍家口王家营必塞者二决横冲新河恐教溢无归也两岸俱堤以地势东北下恐溃决则清沐海安之民不得即业也是役也费固烦而效亦广若海口浅塞欲求浚治之策即朝汐莫窥其涯况可弛畚鍤哉惟全淮合黄东下或河身涤而渐深海口刷而渐阔亦事理所可必者工部覆议勘臣筹画凿凿其工费道计三十六万七千有奇议支两淮余盐兖州东昌河道银南京芦课等银不足则抚按设处本月兴工限明年六月报完命如议行

○工部覆蓟辽抚按言通州大运三仓积贮数百万石六军之命系焉其地倭船可以径达胡马亦尝再至是以新旧二城并建凡以树藩屏护储胥也旧城前圯已经修完新城时久单薄当尽拆修费将五万迩来库藏角□羊部济边殆尽户工二部给发空虚乞借太仆寺马价二万济用诏可

○戊戌祭 太社 太稷遣公徐文璧恭代

○兵部再议郟阳抚治衙门挑选标兵一千择委骁将统赴陕西讨贼从之

○己亥调山西总兵王保为镇守蓟永山海总兵官

○庚子改工部右侍郎宋应昌为兵部右侍郎

○壬寅以中秋令节赐二辅臣上尊珍饌

○兵部尚书石星以宁贼纵横倭奴猖獗东西征剿无功为科臣罗栋所劾乞罢上谓寇贼倡乱本兵焦劳匡定务底厥功岂可困言阻挠不允

○赐朝鲜陪臣柳梦鼎等宴命侍郎范谦待

○甲辰以 万寿圣节遣侯郭大诚等祭告 九陵伯卫国本祭告 恭仁康定景皇帝陵寢是日赐二辅臣上尊珍饌寿面长春酒

○乙巳命兵部右侍郎宋应昌往保蓟辽东等处经略备倭事宜

○丙午兵部覆阅练少卿王谦等奏行保定督抚衙门于河间真保三府召募北兵三千余郡尽免诏可

○丁未祭 历代帝王遣公徐文璧行礼

○升南京国子监司业刘应秋为右中允官国子监司业事

○升南安府知府宋万叶为云南按察司副使

○己酉宪宗纯皇帝忌辰遣伯陈如松祭 茂陵

○升山西道御史秦大夔为河南副使兵科左给事中吴之望为福建左参议浙江道御史吴龙徵为河南左参议

○命各省直督抚官招选将才不必拘数务得真才济用无以虚文塞责仍严举主赏罚之令从兵部覆南京科臣徐桓< 徐 铨-金 >也

○庚戌升尚宝司司丞冯梦楨为南京国子监司业

○加延绥巡抚贾仁元兵部右侍郎巡抚如故

○铸经略保蓟辽东等处关防

○命总兵张邦奇仍留蓟镇策励供职王保镇守山西游击陈愚闻革任回卫行按臣关臣勘奏总兵祖承训着辽东抚按另核以闻从兵部覆议御史徐兆魁< 徐 铨-金 >也

○漕运总兵怀宁侯孙世忠回籍养病南京协同守备魏国公徐维志角□羊任调理维志为科臣郝世科所劾以病乞休兵部覆题得请

○辛亥兵部覆兵科都给事中许弘纲等言东事废于因循西事失于调剂宁夏灌

城拒虏将心不齐士气未振督臣调度灵州武臣当督战城下乃诿其事于监军御史且诸将咸受督臣节制李如松何独不然夫如松敕书原令仍听节制特陞遣稍与各将不同耳近闻如松全不关白督臣科臣所以有言也倭据朝鲜意图入犯虽祖承训偏师少挫岂宜弛万全之谋陆战兵马酌议已定惟海战必用兵船杨允恭献策召募江南沙船沙兵聚为精锐退为故业路余三千一月能至科臣谓凿凿可行臣等面询亦似有据宜量授署指挥僉事充海营中军官前往召募添设备倭都督游击各一员选领仍遣科道官专司钱粮劝赏所议召募各费请动支太仆寺马价及南京兵部草场租银可也奉旨督抚统制三军总兵以下俱当听命着叶梦熊严申号令居中调度朱正色率诸将相机攻讨李如松虽有专敕通受总督节制梅国桢但纪功罪毋侵兵权违者梦熊径自参奏其召募沙船沙兵差风力御史一员去添设都督游击与杨允恭职衔给发银两诸事俱如奏

○刑部尚书孙丕扬等言折狱欲速而待折之民常苦于迟繇文移牵制故耳议断业既成部寺各主长单本部送审挂号次日即送大理大理审允挂号次日即还本部参差各自究处庶事体一而夙弊消至于打断相验例会御史而罪人以速结为愿狱魂以早出为安三六九日照例会同余日止会寺官以速发落徒流而上部寺审鞫不厌其详笞杖小过听堂簿处分不为纵也命如议行

○壬子升礼部主事颜素为尚宝司司丞

○兵部言右侍郎宋应昌奏称辽左天津皆畿辅要害承平日久军务废弛乞赐专敕便宜行事及请发钱粮制造器炮以本部主事袁黄刘黄裳随行赞画 上曰经略关系重大应昌忠勇任事督抚官毋得阻挠将领以下一听节制违者以军法行马价发二十万余如所奏

○癸丑原任御史郭实除补河南道钱梦得除补山西道

○命新建伯王承勋充总兵官提督漕运

○甲寅命定西侯蒋建元掌南京后军都督府事

○乙卯工部覆直隶巡按御史彭应参< 〇〇〇 铨-金 >称巡历稽查工程小民纷纷诉僉派克价罚旷之苦而管河通判胡传尤为极贫已行提问今西苦贼东备倭淮扬一带添将招兵日且多事顷据泗州报淮水自决张福堤已消二尺七寸 祖陵或可无虞窃谓河工可暂停也应令科臣河臣熟计行止 上是其言

○丙辰以豊城侯李环掌右军都督府印

○命浙江道御史周孔教提调北直学政复除翟思梁为太仆寺寺丞

大明神宗显皇帝实录卷之二百五十一终

大明神宗显皇帝实录卷之二百五十二

万历二十年九月丁巳朔吏科右给事中乔〇〇 〇月〇〇< 〇〇〇 铨-金 >救总督魏学曾攻城师老之罪为可原而退虏斩获之功不可不录乞免逮问以全国体并参巡

抚朱正色心险行譎职方司郎中杨于廷贪诈巧媚学曾之祸金谓正色于廷媒蘖之若不罢斥则叶梦熊受事方新不为所倾陷者几希矣且一切兵事筹画在本兵裁决在圣断按臣自能纪功何必另设监军各道自能御倭何必更添海防地方官自可募兵何必特遣御史命九卿科道官会议以闻

○戊午大学士王锡爵再< 疏 疏-金 >母病先已送归乃接家信病益危迫不得不驰家庭见母又不敢不诣高邮待命口诉心事以终前< 疏 疏-金 >之本情然后束身子舍退甘放遣以了将母之初念惟 圣仁哀而察之 上曰卿屡陈情固当体亮但东西倭寇交作日夜焦劳卿亦岂能坐视长途一水可到即宜载母同行以副眷倚勿再辞

○己未太仆寺卿孙鏊以病乞免许之

○总督魏学曾题称虏数万内犯分兵堵退贼粮将尽人马饥死总兵萧如薰已到并攻城内生齿三十万水灌将尽为鱼未卜竟能招安与否 上命新总督叶梦熊申军令一众心招安不必行

○命后军都督府佾书武进伯朱世雍掌南京左府印南京左军都督府掌印新宁伯谭国佐前府佾书管事

○庚申 孝恭章皇后忌辰遣侯朱继祖祭 景陵

○命户部左侍郎徐元泰以正二品服俸管兵部左侍郎事起原任工部右侍郎褚鈇除补原职

○锦衣卫带俸指挥使李承恩以戚畹损资二千五百两助军需户部查助银升级事例久停况承恩三品官也若加二级无衔可署该科参驳相同诏查无例免助银

○命南京右军都督府掌印豊城侯李环提督操江定西侯蒋建元协同守备仍掌后军都督府事

○壬戌升太常寺少卿王汝训为太仆寺卿

○礼科给事中马邦良等题东安等门官军四百余名中珰占役不营什九且将各军直米多方扣勒如内侍郭钦姜朝等已经确查宜加惩创又玄武等门每月逢四开设内市刀剑弓矢不禁万众出入无忌九五深邃之地即承平犹宜慎防况倭虏交讐乎上谓内市开设已久多事之际只宜严稽不须罢革郭钦等着司礼监查究责降有差

○总漕侍郎陈于陞以时值倭警议将右布政使张允济专理海防不必兼摄河务工科都给事中刘弘宝等谓允济昨已升任特为河工请留今工完之奏未闻调移之章已上防河不效去而防海倘防海复不效将安去乎工部覆称允济河工依限完否正属分别功罪之时似当移咨总河尚书舒应龙确议以闻诏可

○癸亥江西按臣秦大夔题原任吏部左侍郎张元楨学有本源志存经济宜照薛文清等补溢礼部议行抚按详核乡评官迹以凭酌议从之

○升广东拓林守备吴广为广州海防参将 ○甲子工部主事乐元声奏 陞

下 社稷之主阁臣 社稷之辅也元辅王锡爵给假经年贼虏方张倭奴交讟主忧日辱未有宁居锡爵忠节自负必当卧不安枕乃屡召屡< 〇〇〇 〇〇 〇〇 >动以母病为辞以救焚拯溺之政务俟逗遛玩愒之元臣毋乃谋 社稷者轻乎且今时政御史监军募船旋议遣旋议罢海防官旋议增旋议革督臣旋议逮旋议宥当事者以蚊负山旁观者越庖代俎败衄日闻首尾衡决总繇政本虚悬任事角〇羊体乞敕廷推德望足服众志才识足定时艰者亟行首登听锡爵去可也奉旨元辅国家重臣多事正资臣济元声轻词妄议姑不究

〇大学士赵志皋以乐元声< 〇〇〇 〇〇 〇〇 >乞罢 上优诏留之

〇升松江府知府詹思虞为山东副使河南左参政耿定力为太常寺少卿

〇吏部等衙门会议科臣乔〇〇 〇〇 〇〇< 〇〇〇 〇〇 〇〇 >救总督魏学曾言学曾铤于立功疏于料敌罪诚有之然挫贼锋摧强虏一念为国绝无推诿妒忌欺罔之心倘免其逮问姑令闲住或如科臣言夺其加官荫子亦示优恤边臣之意 上命遵前旨行

〇铸防海御倭军务都督及大同东路管粮同知各关防

〇论平壤覆军各官罪命辽东巡抚郝杰照旧供职总兵杨绍勋等姑免究祖承训充为事官立功赎罪仍优恤阵亡官军史儒等

〇乙丑以重阳令节赐二辅臣上尊珍饌

〇吏部言内阁题制敕房中书官例于举人内考取授以试中书舍人推升六部司属先年吴国伦严杰原以甲科选台省自后无闻焉夫推升京职已为优异非果才品卓绝公论同推未宜考选以开幸门命例既不合免行

〇兵部右侍郎宋应昌以被言辞经略防倭之命 上嘉其忠信任事不宜困言自阻不允辞

〇升陕西右参政曾如春为按察使备兵巩昌道

〇丙寅户部题两淮巡盐御史王明揭称两淮行盐地蹙额引日壅先因西镇缺饷议带余盐或增引价或议开中无非权宜之策但两淮加带过多至今不得赴掣因议量带斤数又查宁镇额派淮浙盐引并无实收回报应照盐臣酌议带盐徵银仍催宁镇完额至于江西南赣言三府派食广盐广信一府派食浙盐遵行已久欲复准则纷更难以轻议者也上是其言

〇先是御史樊玉衡劾奏总督戎政李言恭役占官军贪索常例宜选边方威名总兵代之及议协理文臣不得骤转仍汰营中老弱及选州县民壮精壮者补选锋粮兵部谓言恭督戎政营垒颇觉改观当事实难请令策励供职至于京营总督例属勋臣良有深意边镇总帅自非其伦而预教勋卫久任协理选练营兵皆当断在必行者命言恭用心振饬营务余如议行

〇丁卯命左庶子冯琦右谕德余继登为武举考试官

〇阅视少卿王谦请将河大五营山海关营及新募兵共八营专设海防总兵统之

居常屯练汛期守海将领悉听调度本总听节制于军门拜省海防游击免河大五营官军赴蓟修工即以所省粮菜银为募夫费兵部覆行蓟保督抚确议以闻命勒限具奏

○戊辰升山东副使李化龙为河南分守左参政四川副使朱运昌为本省左参政湖广佥事李文郁为陕西右参议江西副使冯景龙提调学政

○己巳原任四川右布政使刘经纬复补广西

○庚午以南京吏部文选司郎中周应治为山东佥事提调学政平凉知府徐濂为陕西苑马寺少卿

○以河兰临洮等州县夏灾蠲免存留税粮折赈有差

○辛未以南京礼科给事中朱维藩为江西副使福建道御史张德为江西右参议

○兵部右侍郎宋应昌以御史郭实论经略不可者七再陈不任乞议别简贤能奉旨应昌特遣经略止为郭实一言畏避不去沿海边务责成何人浮言重于朝命国纪谓何倭报已急着即启行九卿科道官依违观望不必会议郭实逞私阻挠降极边杂职用再有渎扰并究

○朵颜等卫夷人邦失等一百二十二员赴京进贺 万寿圣节赐宴如例

○兵部言永平副总兵彭友德揭称达贼入犯我军堵截斩二十五级访闻乃伏军诱杀以堵截称功宜行顺天巡按巡关御史确查以闻诏可

○壬申升南京工部郎中沈瑞临为四川佥事分巡上川南道以武安侯郑维忠为后军都督府佥书

○癸酉霜降节遣侯张炳等祭 九陵伯张元善祭 恭仁康定景皇帝陵寝都指挥同知周清祭 庄敬 哀冲二太子坟所

○升福建提学副使李盛春广东副使王一乾俱为浙江参政

○命西宁侯宋世恩管理红盔将军 ○浙江巡抚常居敬题奉旨调取防倭战船浙船大者重滞且尖底木碇难以涉海惟有沙唬二船可繇内河抵天津随即调取八十只哨官五员捕舵兵士杂流共一千五百有奇随船军火器械三千六百余件药铅子六千余斤行粮安家船租银共支过八千二百余两原任坐营都司吴天赏熟于海务把总韩光张良相才俱可用委领各船赴天津听候调遣上嘉居敬先事急公命与纪录

○甲戌修理 恭仁康定景皇帝陵寝遣侍郎范谦祭告

○宁夏巡抚朱正色题八月初七日搜出着力兔与哮贼书一纸约集虏兵三万余骑定期过河助贼随行道将严哨探定方略李如松萧如薰调发游击李宁等迎敌斩获达级三十五颗生擒虏贼男女十四名夺获马畜一千一百有奇已闻达贼万余渡河大举仍统麻贵马化英等迎敌冲斫二十余阵斩级六十九颗生擒勾虏反贼二名器械马畜无算查各边亦尝创虏然皆袭击刁剿令贼与虏合陷阵摧锋擒斩数多匪但报沙湃之讐抑且褫哮拜之魄杨国威张士气诸贼授首有期矣 上谓贼已被围虏复大创厥功可嘉着叶梦熊严督将领厚抚军士申饬同心戮力功成叙赏其被伤者优恤之

○庚辰兵部上总督叶梦熊监军梅国桢飞报九月十六日攻破宁城平贼捷音诏逆贼久逋天诛闻捷深用慰悦俟奏至日告郊 庙宣捷仍大升赏以答忠劳 ○陕西按臣刘芳誉劾靖虏参将尹濂掩败虚报兵部覆议尹濂不能御虏妄报饰罪命巡按御史逮治

○监军御史梅国桢以前奉无得侵越事权之旨< 〇〇〇 铨-金 >辩受事以来止司监察毫无越俎乞罢归听勘命部院知之

○辛巳兵部言叛贼勾虏入犯官军先后擒斩一百二十名颗夺获虏马牛畜一千四百有奇器甲称是告 庙宣捷升擢尚俟查报督抚而下先宜优赉 上嘉各官协心奋力退虏功多赏总督叶梦熊巡抚朱正色提督李如松监军御史梅国桢副参麻贵王通参游李宁马孔英赵梦麟李如樟司道马鸣銮蔡可贤张季思各银贮有差

○壬午大学士赵志皋以仪制司主事诸寿贤< 〇〇〇 铨-金 >论无才无识无量无局奏乞罢斥 上优诏留之

○升南京礼部郎中沈桐为南京光禄寺少卿

○癸未兵科右给事中吴鸿功言京察大典五品下俱载访册乃吏部四司独不列名曰旧规曰体面何以服天下至如邵仲禄之庸庸而赠官尚执前说邹观光之邪鄙而请病溢以美辞法纪荡然矣吏部覆称访册送科道四司官不列名惟送阁及都察院堂上官始列名相沿已久邵仲禄清节苦心邹观光好修任怨臣等不敢有私得旨诘问铨属不列访册始自何年查明具奏

○升山西右参政栗在庭为阳和兵备按察使

○宴暹罗国进贡陪臣命侍郎范谦待

○以蓟镇守备薛虎臣充密云镇武营游击

○乙酉兵部尚书石星以被言乞罢且言总督魏学曾经理宁夏素号忠廉乃首功竟蒙逮系昧死请释 上曰西贼授首正赖区画善后且倭防孔亟大臣以国事为重何乃介意浮言学曾仍候旨行

○工部覆总河舒应龙漕抚陈于陞勘河张贞观按臣曹楷王明会题先年议开盐河海口洩湖水固运堤分为东南北三工今东工告竣北工有绪惟南工钱粮缺乏未举而东工尚当浚港开支北工改挑取直南工开新河浚旧河通计工费一万五千八百议动运司挑河等银及先复江都三塘以验灌溉乞行总河督抚科院诸臣照限兴工报完诏可

○丙戌蓟镇督抚郝杰等议将新设海防游击驻劄乐亭县地方南兵三千增募七百廩粮料草约银七万一千兵部酌照户七兵三分给从之

大明神宗显皇帝实录卷之二百五十二终

明神宗显皇帝实录卷之二百五十三

万历二十年十月丁亥朔以孟冬时享 太庙遣公徐文璧恭代

○钦天监进二十一年大统历给赐百官颁行天下加赐二辅臣及日讲官有差

○升山东副使白希绣为山西右参政

○改南京工部尚书李戴为户部尚书兼都察院右副都御史总督漕运巡抚凤阳起原任礼部右侍郎黄凤翔为礼部左侍郎

○以水灾蠲免真顺广大府属存留秋粮仍支仓储赈济

○起原任副总兵林桐为分守山西河曲参将

○兵部题浙江巡抚常居敬差参将杨文等领浙江讨叛今宁贼既克自应撤还但蓟北需兵甚急浙中汛候已过应就近调充御倭防海之用乞行蓟镇军门安插信地预借粮饷从之

○兵部覆议给事中张贞观言淮扬运道咽喉徐邳则由海入江之径道宜再募土兵一千合瓜仪等兵增一参将专驻扬州再于徐邳募土兵一千五百量与各卫军丁训练以备调发报可

○戊子 孝洁肃皇后忌辰遣伯陈如松祭 永陵

○大学士王锡爵以工部主事乐元声论其诈托观望奏< 〇〇〇 铨-金 >曾云千欺万欺何恶以慈母疾痛不祥之言为谁无父母当不至如元声语也第谓身非完璧才难定乱元声知臣胜于臣之自知实以助臣推贤让能之美乞亟放免别选才贤 上温旨慰促之

○以都察院左都御史李世达六载考绩加太子少保< 〇〇〇 铨-金 >辞不允

○原任河南道御史陈登云复除本道

○己丑监军御史梅国桢奏前任督臣魏学曾以师久无功上干 宸怒今逆贼平矣退虜灌城招降三事学曾先期布置与有功焉独闻变时似蹈迟缓耳臣前请切责诸臣止欲振起士气乃逮学曾之旨发自臣< 〇〇〇 铨-金 >悔恨若无所容使学曾不蚤白臣将受万世訾议何怪目前谤诋纷纷也乞宽宥以慰人心不报

○庚寅 中宫千秋令节赐二辅臣上尊珍饌

○命总督南京粮储户部右侍郎余懋学兼都察院右佥都御史从该部重事权之议也

○辛卯以南京都察院右都御史朱天球为南京工部尚书

○兵部尚书石星题宁贼虽已就擒倭寇复尔告急经略未至辽东近报倭逼鸭绿道旁之谋恐终误事臣愿即日就道往决战守必使一倭不入然后奏凯以还如其不效自甘军法共事武臣必得宁远伯李成梁及选京营壮丁千余随行 上谓星感愤时危自请征讨足见忠贞但本兵居中调度不宜轻行还着经略宋应昌往任其事

○工部覆大学士张位奏建四辅城及御史樊玉衡给事中刘弘宝等城外建营练兵< 〇〇〇 铨-金 >命待倭寇平日次第举行

○壬辰吏部奉旨查奏铨属言访册非定自令甲不过密行咨访于吏科河南道二

臣以报堂官故不自列其名非昔年列而后不列也况考察以各堂官考语为据又不卢凭访册乎今请京察年分访单送科者不列科臣名送道者不列道臣名不必刊刻访册报可

○调山东海防金事杨镐管永平兵备选练主兵兼理屯田马政 ○朝鲜陪臣郑昆寿等以国王越在草莽实主辱臣死之秋乞免赐宴礼部请照例折给俾得遄归从之

○兵部言近报倭贼欲犯义州拒敌势不容缓宜行经略及督抚责令吴惟忠统领南兵火器手各三千限五日内往辽并发到兵马及本镇兵丁一万克日赴义州同朝鲜兵将协力堵剿蓟保两镇各选精兵五千宣大各选精兵八千马步相半择将统领文到五日即往辽东听经略调遣户部速办粮料并秋文四川巡抚速催刘綎兵马星夜前来各督抚挑选精壮无徒虚文塞责及谕国王固守义州以俟天兵恢复勿蹈甘弃社稷之罪 上命如议行

○甲午大学士赵志皋等奉旨誊写日讲孟子直解二本进览

○升吏部左侍郎陈有年为南京都察院右都御史 ○赐故御史杨爵谥忠介先是礼部主事于孔兼奏爵忠节表表奉旨补谥随行陕西巡按御史确查至是覆奏爵棱棱大节耿耿孤忠立朝谏言百折不替居乡德望历世弥彰礼部覆与易名特可其奏

○以征剿云南丁改十寨逆贼斩级一千二百生擒一百四十俘获贼属一千九百招抚胁从六千六百宣捷祭告 郊 庙

○丙申命编修林承芳编纂六曹章奏

○礼部尚书李长春奏称乞休疏十四上屡荷慰留至责以不畏 明旨敢不祇从顾皇上为典礼留臣而礼孰大于皇长子之册立前奏明春册立出阁之旨为期匪远乞决意举行仍于礼成赐臣骸骨庶进退有据不报

○靖虏兵粮道苑马寺少卿王亮移家避虏致将官尹濂隐匿边情为陕西按臣刘芳誉论劾得旨王亮以新任苑马寺卿降一级用

○命南京中军都督府金书沉思学提督狼山副总兵神枢营副将许从谦充南京左府金书

○丁酉升吏部右侍郎陈于陞为左侍郎兼管日讲照旧改户部右侍郎李尚思为吏部右侍郎

○建州等卫进贡夷人都督指挥马哈哈吉等九十八名赴京进贡赐宴如例

○礼部言蜀王宣圻奏举德阳王府辅国中尉宣堦温良练达汶川王府奉国将军承之 炎博雅孝友俱堪协理宗学随经四川抚按具题宜如所请从之

○礼部主事龙膺疏称西事告捷乞大赦天下并首释魏学曾李材以恤任事老臣不报

○兵部题倭奴声势甚大辽东兵马不敷宜行浙江抚臣选募义乌东阳劲兵数千

听遣山西抚臣挑选精兵二千策应保定抚镇选练达舍土达万余备援得旨如议行

○总督陕西三边叶梦熊题宁夏大逆皆哮贼父子造谋因臣前后设间以离其心遂手刃东阳等妄求脱罪家丁尚二千人真夷过半恐奔虏构祸朔方终非我有臣痛心切齿会同巡抚朱正色监军御史梅国桢授计总兵李如松参将杨文等限十七日灭哮氏哮承恩冲出至南关杨文登时擒获李如松同如樟攻围哮拜贼丁披甲□□弃死拒敌如松谕令投顺者给令箭免罪乃渐弃甲投奔哮拜独与真夷抗敌用火攻之如樟扑入斩首真夷尽戮果不出十七之期其总副萧如薰麻贵等及同谋诸臣候查详另叙臣十八日入城见宗室并僉事随府乡官通政穆来辅俱无恙童叟欢呼动地颂 陛下救活之恩臣与抚臣极力安定更无他虞矣命兵部知之

○戊戌征剿云南丁改等十寨功巡抚吴定升右副都御史荫一子入监读书黔国公沐昌祚加少保参将邓子龙复副总兵仍管金山参将事杨威实授参将布政文作僉事袁应文各升俸一级副使杨寅秋升俸一级与僉事施懋以今官调用中军杨思忠等三员同知李鞞等二员升职复职纪录仍各赏银纒本兵石星侍郎王基等该司郎中等官及布政使林乔相等并赏银币有差

○己亥暹罗国夷使二十七员赴京进贡给赏冠带如例

○升神机七营练勇参将陈璘为神枢右副将

○庚子兵部题宁夏总督叶梦熊疏称元恶就擒同党并无脱网哮承恩等解送献俘俟解到日择吉宣捷请 上临朝受贺仍乞慰问庆藩及行监军御史查明有功文武将士特加升赏从之 ○以居庸关参将陈霞充协守蓟镇东路副总兵游击管蓟镇参将事褚东山充分守墙子岭参将

○辛丑吏部覆蓟辽督抚疏言海防道新设原因倭警以便责成而关臣徐兆魁备言不便欲罢专设改并霸州道以免掣肘夫专设既罢又兼摄于霸州道恐掣肘如故窃谓沿海一应防御事宜仍听蓟密永三道各照信地整备庶无牵掣推诿之虞宜增入敕书永为遵守从之

○升两广总督右副都御史萧彦为户部右侍郎

○壬寅原任给事中任让除补户科右给事中

○以提督陕西讨逆军务总兵官李如松充提督蓟辽保定山东等处防海御倭总兵官

○癸卯总督陕西三边军务兵部右侍郎叶梦熊以宁贼荡平遣官具露布以闻命下兵部

○甲辰 诚孝昭皇后忌辰遣侯陈应诏祭 献陵

○升广西巡抚陈藻为右副都御史总督两广军务

○以蓟镇游击管一方充燕河路参将京城巡捕参将蒋助为分守居庸关参将

○乙巳浙江金衢严湖四府灾命蠲免存留钱粮发仓赈济有差

○丙午升四川副使汪应蛟为山东分守济南道右参政

○起升原任辽东参将栗卿为五军营左副将

○丁未大学士赵志皋等题原任总督魏学曾扭解到京窃思学曾被逮诸臣救学曾者章几数十乞加详览倘念学曾有斩获微录其功可也即以为缓师延日薄罚其罪亦可也昨总兵李如松来见言学曾被逮三军号泣送之可以验人心矣逆贼荡平方行升赏可令独向隅乎拟票恭候 圣裁

○宴四川进贡番僧命侯吴继爵待

○论擒斩緬贼一百七十余颗功赏巡抚吴定总兵黔国公沐昌祚副使张文耀布政使文作同知漆文昌土官多思化等银币各有差

○以山西都司倪思立为山西中路参将五军七营参将宗彭年为京营巡捕参将

○戊申升太常寺卿陈大科为都察院右副都御史巡抚广西

○礼部题宁贼荡平当如总督叶梦熊奏差官领敕慰问庆藩以彰敦睦至意从之

○己酉升蓟镇白马关守备杨濂为本镇标下游击

○兵部覆辽镇督抚郝杰等题称朝鲜国王咨报官军斩获倭级一千二百五十有奇烧毁倭船一百二十只夺获达马九十七匹器械称是夫倭寇猝至朝鲜举国奔逃兹幸各道陪臣鼓勇截杀斩级千余足以洩义愤挫贼锋乞发内库银三千两赏有功及死事员役 上谓朝鲜御倭员役忠勇可嘉准给赏赉仍谕国王严督道将集兵恢复无负中国援救之意

○庚戌吏部题考选得推官等官堪授给事中一十四员杨廷兰朱爵吏科赵完璧吴应明项应祥户科王嘉谟王佐礼科侯廷佩刘道亨兵科卢明谏王如坚刑科曹大成工科张文华南京礼科卢大中南京兵科又会同都察院考选得中书舍人等官堪授各道御史共二十四员刘曰梧李楠浙江道姚思仁杨宏科江西道吴崇礼方大美福建道薛继茂吴弘济湖广道王立贤崔邦亮河南道李炳李日茂山西道毛寿南宋兴祖陕西道谢朝佐四川道蔡思穆曹学程广东道萧重望云南道徐元正江环贵州道柳佐南京浙江道萧如松南京陕西道陈惇临南京广西道段尚绣南京贵州道俱奉旨准授

○辛亥升光禄寺卿吕鸣珂为太常寺卿

○壬子升定州领军游击程鹏为分守龙固二关参将神机九营佐击藺登瀛为五军七营参将

○癸丑升江西赣州知府黄克缵为四川提学副使

○铸提督军务防海御倭关防

○以山东都司佾书张故祖为山西都司掌印官

○甲寅升中都留守司佾书牛伯英为神机九营佐击保定总兵陈世禄为定州领军游击

○乙卯命右春坊右中允李廷机清理军职贴黄

○升太仆寺少卿王汝训为

御史不察生平显著之节而横加以影响危疑之事乞罢归全臣末路 上谓卿学行著闻特命教习以端师范造言中伤已经切责何足介意不允辞

○壬戌吏部覆巡按山东御史李时孳劾原任巡抚辽东今补兵部侍郎顾养谦取帑藏以媚政府指抚夷以润私囊养谦奏辩乞褫职以谢言官看得养谦胆气豪雄智术卓犖九卿科道以边才会荐者宜略往事而责新功 上曰养谦以边才起用何得以往事苛求着即出供职

○户部覆三边总督叶梦熊疏言叛贼虽灭库藏俱空镇民流离宜加赈恤查本部先发银两及各省转解各府库银应将存剩俱解灵州横城召买本色以实仓储其被害人民设法赈济务称 皇上悯念边方至意报可

○户部言经略侍郎宋应昌题称永平山海额设刍粮止为防虏今调集大兵防倭主客兵饷一时兼应召买无从先年顾巡抚议开海运拨临德仓粮数万石繇天津达山海至辽东以备大兵支用诚便计也所用船只篙工悉听抚臣酌行奉旨各倭粮饷既有运道可通着行漕抚等衙门速以备春防无误

○礼部左侍郎兼翰林院侍读学士张一桂卒一桂河南祥符县人繇隆庆戊辰进士改庶吉士授编修升修撰侍读调南职方员外郎历司业祭酒加太常寺卿南京吏部右侍郎改今官部称其直谅褫身端严造士曾侍讲帙应从优恤命与祭一坛特给全葬

○原任漕运总兵怀宁侯孙世忠卒男承恩奏乞恤典部言世忠历官三十年掌府总漕忠勤清白例当与祭七坛造坟安葬若其驰驱王事竟以身殉宜加祭为劳臣劝命与祭葬如例加祭二坛 ○工部题铸造制钱九万锭旧规以六分为率一分进内府司钥库五分进太仓计每年该铸送内库钱一万五千锭昨奉明旨再送内库五千锭工科都给事中刘弘宝执奏内供赏赉非加于昔羽檄旁午军兴取给太仓者万倍于昔奈何欲减太仓之额以增内供且内库进钱铺垫银岁费一千一百有奇炉商困苦不堪乞谕铸进如例从之

○癸亥宁镇游击龚子敬以乘胜追虏阵亡

○ 上嘉其忠勇命赠都督佥事荫一子正千户世袭仍于本镇立祠祭祀游守梁琦马承光等查明并祠

○甲子祭二皇于景惠殿

○升鸿胪寺右少卿韩国宝为本寺左少卿

○宁夏督抚叶梦熊题倭倡乱上而宗室下而四民其间忠愤所激横被锋刃者何限内知名如庆宪王正妃方氏游击陈栋等男妇共五十余人蹈刃捐躯请加旌恤兵部谓王妃全节增重天潢及生儒男妇应与赠褒事属礼部其武职陈栋等四十人宜行宁镇建祠列位岁时致祭用慰忠魂并查有官者作何升荫无官者作何赠恤或表其门或志其墓垂芳图史示劝将来奉旨如议速行

○户部题春汛伊迺宁绍温嘉一带倭警戒严储饷徵兵万不容已抚臣常居敬按

臣李以唐议将该省田地山荡每亩量派三厘共银一十二万六千五百两藉以养兵卫民事宜停止允为便计 上是其言仍命清查嘉靖年间该省田地山荡银两未经蠲除曾否支销乾没抚按从实以闻

○乙丑大学士赵志皋等奏请御门宣捷献俘受贺报闻

○丁卯升大理寺卿赵世卿为兵部右侍郎兼右佥都御史巡抚河南提督军务

○原任太仆寺少卿升太仆寺卿施策以病辞新命许之

○升鸿胪寺左寺丞李承华为本寺右少卿

○补原任广西副使杨佩为四川副使

○刑部审具叛贼哮承恩等罪状命磔哮承恩何应时陈雷白鸾陈继武斩哮承宠哮洪大王文德各梟示九边

○戊辰 上御皇极门朝百官宣宁夏擒逆捷礼毕 上憩暖阁大学士赵志皋张位面奏臣等久不奉瞻 天颜今见 圣容和粹曷胜庆幸伏愿更加调燮慎节起居又奏西夏荡平皆赖 皇上威德今宣捷献俘欣逢盛典惟倭贼未宁臣等当与兵部商确调度定期剿灭无劳 圣虑上曰先生等宜与兵部相机剿除志皋又奏原任总督魏学曾蒙以缓师逮问学曾忠义老臣军中勤劳颇见成绩乞赐宽宥上曰功魁罪首自有定夺二臣承旨退 上御五凤楼鸿胪寺官奏献俘刑部引俘见毕百官称贺

○以宁夏奏捷祭告 郊 庙

○夜火星犯氏宿

○己巳御札谕内阁宁夏平定逆党已正典刑皆我 祖宗威灵默佑卿等赞猷文武效力朕甚嘉之督抚镇巡将吏待勘明该部从公议奏魏学曾虽复城堡四十余处不能早计定乱功魁实罪首也本当置之重典姑从轻夺职为民回籍当差可传与该部知大学士赵志皋等随具疏谢是日命阁臣凡遇常朝御门侍班时可登阶于滴水上站立志皋等复具疏谢

○原任兵科给事中吕兆熊复补原官 ○庚午升巡抚云南右副都御史吴定为大理寺卿广东副使游朴为湖广分守荆西道右参政

○巡抚陕西姚继可题贼虏倡乱关陕生灵死于锋刃者无算乞将军囚暂免行刑疏下刑部

○辛未 圣母慈圣宣文明肃皇太后万寿圣节赐辅臣赵志皋张位讲官陈于陞等各金银万寿字金篆字金书红黄符有差

○礼科左给事中曲迁乔言山东北联畿辅南接徐淮西通运道东临大海最为防倭要害欲免春季班军以备防守添留武德参游以资弹压及增士兵整器械浚城池训武艺皆绸缪至计兵部覆如迁乔议请行京营戎政及蓟镇山东督抚衙门区画以闻诏可

○壬申以 圣母慈圣宣文明肃皇太后万寿圣节赐辅臣赵志皋张位讲官陈于

陞等各銀纒有差

○礼科给事中王佐疏劾礼部郎中姜镜并及其与大学士赵志皋辩折语谓镜当罢志皋既致人疑当敕吏部会推阁臣协赞奉旨辅臣志皋忠诚为国眷倚方新着安心办事姜镜造言诬惑姑夺职为民

○甲戌冬至大祀 天子 圜丘遣公徐文璧恭代

○遣侯张炳等祭 九陵伯张元善祭 恭仁康定景皇帝陵寝左都督李鹤祭庄敬 哀冲二太子坟所

○乙亥 圣母慈圣宣文明肃皇太后万寿节 上御皇极门百官称贺大学士赵志皋张位再诣隆宗门行庆祝礼赐二辅臣上尊珍饌加赐酒饭一卓烧割一分

○铸管理苏松常镇粮储水利及提督备倭金书各关防 ○以提督京城巡捕署都督金事宋三省充协守保镇天津海防副总兵官

○丙子大学士赵志皋等以长至令节奉旨免贺诣会极门行叩头礼仍赐上尊珍饌

○丁丑大学士赵志皋奏部臣姜镜疏摘中官而连及臣此在 圣明有洞察廷臣有公论乃镜已奉处分而臣犹蒙慰任科臣王佐恐后来议论愈多体统愈衰诚药石也易言君子见几而作不俟终日乞放臣去亟催元辅王锡爵前来主特国政又多选词臣有器量才品如王佐所言者协赞以成正大光明之业 上曰卿忠劳为国眷以方隆谗言巧诬朕心洞悉镜已经黜再有挟私害正者部院科道参来重处卿宜安心佐理勿复介怀

○命后军都督府金书杜桐提督京城内外巡捕 ○戊寅升协理京营戎政兵部左侍郎周世选为都察院右都御史兼户部右侍郎总督仓场山西布政使陈荐为都察院右金都御史巡抚云南赞理军务工部郎中黄曰谨为广东按察司副使

○己卯吏科都给事中李汝华等掌河南道御史刘士忠等各条陈明岁京察事宜章下所司

○调山西右参政吕三才分巡冀北道

○工科给事中曹大咸疏论宁夏通政穆来辅金事随府言来辅生平缩朒洪涩阅视蓟昌虚文塞责素无许国之忠随府令滑以不简调兵备密云以贪残勘夤缘起守躐宪关中莫展一筹惟日承党馨之风旨迨叛贼据城勾虏甘受禁锢含垢事讐廉耻尽丧罢来辅而重治随府 上是其言命该科参看以闻吏科都给事中李汝华等参看得悖贼倡乱穆来辅随府身被牢笼不能仗节而死科臣责以大义何说之辞要以来辅乡官也无可为之势不死特庸庸自保随府司道也有讨贼之责不死则降志辱身所议当罢当罪诚为确言乞行彼处按臣勘实具奏上曰人臣临难偷生名节扫地穆来辅随府俱着锦衣卫逮问

○庚辰礼部尚书兼翰林院学士李长春再乞省墓命驰驿回仍给路费银三十两

纒丝二表里

○改中府金书倪尚忠为右府金书

○辛巳总督陕西三边军务叶梦熊以病乞归且言与前督臣魏学曾功罪相同今宁夏已平学曾未蒙宽宥臣愧愈深臣病愈剧奉旨宁夏被贼伤残一切善后事宜全赖总督倡率各官抚循区处梦熊功高望著向用方殷岂可引疾求退宜保民靖塞以纾西顾不允辞

○原任工科给事中林材除补户科云南道御史周维翰除补广东道福建金事章邦翰除湖广兵备

○壬午升兵部左侍郎徐元泰为都察院右都御史协理京营戎政以陕西按察使万象春为山西右布政使

○先是山西道御史钱梦得疏参南京大理寺卿宋仕南京通政使杨廷相谓仕昔按吴中阿附相门至抚真定受馈遗克粮饷廷相作令黷货物议沸腾为谏垣保辅臣保冢宰借察害正招权通贿吏部覆称二臣曾被人言已经剖白前后请告志在决去乃台臣复有此论当出风闻之误然义不可留矣 上命宋仕杨廷相俱回籍

○吏科给事中杨廷兰疏论太仆寺少卿张文熙曩按越中叛军之变闭门不出太常寺少卿朱来远作令贿谋吏部典选卖官鬻爵宜亟罢斥以清仕路章下所司

○甲申户部尚书杨俊民正二品考满复职乞将父杨博照马文升例进勋加赠吏部覆请得旨杨博历事三朝勋猷茂著准加赠左柱国太师

○以湖广右参政吴中传为陕西按察使

○命山西总兵王保蓊镇总兵张邦奇互相更调兵部言邦奇被论乞休而才可驱策晋中宜得镇重之帅弹压之王保身轻战阵勇冠戎行蓊镇防虏防倭保骁雄足备折冲之用 上从其奏仍令王保刻期交代

○工科都给事中刘弘宝会推议审之例甚公典也久而成套宜预分一单各摠所见先期交送届期画题则当事之权不分亦可广集思之益昨见犯人李材囊头钳足卫士咨嗟有泣下者彼何私何德岂非人心有公论乎魏学曾值宁夏之变经画苦心虽平定收功在新督臣然兵变以来拮据料理当功过相准者也城工叙功一节议论纷纭该部折衷量叙内外臣工蒙颁当有差而诸臣先后恳辞或者恩数过隆义有不安者在乎乃若南京开浚城河浙省修筑海塘视城工轻重久暂何如亦从叙功之例何也且有赏必有罚今议赏则欲从厚即苏松水利未成且有不叙之嗟议罚则欲从轻即河工隳误罚俸且有过严之议起于赏罚不明旧例易沿耳乞敕部议凡新创大工或照例核实题叙其余一应修理虽关 陵寝宫阙勿叙可也即当叙亦止赏赉纪录不必升授爵秩可也间有蒙赏未几而工即隳坏即重惩罚治不止罚俸可也工部覆称人臣随事宜力义不言功国家因事酬劳所以示劝但锡予不可无辨赏罚尤当并行今后在内工程但有文武大臣科道监阅者工完之日本部将内监题请乞恩事理行监视官核实然后分别

上请在外重大河工先行按臣核实亦照例分别覆叙其余不论创建修理果有劳绩止拟赏赉纪录重者加俸不得概议升荫若工作不坚未久隳坏部科查明参究原得恩典请旨褫夺命如议行

○丙戌考选推官张允升授四川道试御史

○宴泰宁等卫进贺冬至夷人火人□<□人小>等一百四名命侯吴继爵待

明神宗显皇帝实录卷之二百五十四

明神宗显皇帝实录卷之二百五十五

万历二十年十二月丁亥朔命教习庶吉士礼部尚书兼翰林院学士罗万化延绥巡抚兵部左侍郎兼右佥都御史贾仁元各回部管事

○三边总督叶梦熊题宁贼荡平皆出 圣断庙谟谁敢欺 陛下欺 上天以要功希宠者臣奉敕书曰宁夏哮承恩据城倡乱勾虏内牧蹂<□□閩>疆场宜亟天讨夫止言承恩不及刘许等则知 圣意专讨哮氏明断超越千古非从征文武诸臣所能测也近观御史梅国桢疏谓臣不当擒承恩杀哮拜及尽诛其真夷家丁又题诗公署云军门忽下坑降令官市翻为劫夺场果尔则臣为 陛下罪人矣前此谋叛者有安化王半月成擒有宁王四十日成擒哮贼何至七月余而后平哉盖真藩宸濠不能勾虏哮拜生长虏中与酋深结故叛后更不入城惟住著力兔帐房以便调度臣六月六日到灵州十九进兵二十到城下哮拜领达虏家兵迎敌被副参麻贵马孔英等擒斩一百一十八名颢追拜入城从此不敢再出虽有数万虏入边阻不渡河以不得见拜为之招也此断招虏之始也臣代总督报虏初至即令提督李如松等迎击张亮堡之战杀虏一百二十颢诸虏从此解体此断招虏之终也虏绝则宁夏大计定因决水围之行间离之扰城疲之垫土临冲以惧之皆庙筭所授与魏学曾将成之绪孰敢认为己功且哮拜托刘东旸为难首待事成而后居之事败则二千真夷家丁足制刘许之命不得已亦可收仇钺之功本谋狡矣故攻城用间无一刻忘哮氏比承恩在囚槛每念笼中跳出是男儿之句怨谓今何置我笼中乎又差王机通蜡书昨事平后毕邪气等缴回见在柰何堕其计中为监候请旨之说夫以二千敢死士缓一二日而刘许之党复集岂俛首待监候者耶我将士得意而骄人人思归其谁与敌臣宁负杀降之名以绝祸本保封疆虽斧钺不辞倘党机不断徇众人之见以误国寸斩何益至谓各贼资财足供犒赏昨入城后数万官兵垂涎贼资即城中被害者今而后得反其何以禁古谓秋毫无犯者言不扰居民不侵府库非与兵士争贼财物也乞敕按臣查勘坑者何人劫者何家哮贼应否当灭当宥庶公道明而人心白矣章下所司

○戊子巡抚四川右佥都御史艾穆以病请告许之 ○以浙江副使廖恒吉为湖广右参政

○河南巡按御史周孔教言中州为道德节义之乡二程明正学于伊雒其徒尹焞谢良佐张泽李吁辈从之六经之道始揭日月后有元儒许衡者讲明其学人称鲁斋先

生其以节义称者龙逢比干而后代不乏人唐则张巡许远之孤城抗贼颜真卿杲卿之兄弟就义宋则岳飞志复神州而孤忠竟屈宗泽百战身歼而壮志不酬最著矣他如马璘死贝安涛死郑谢颙死汝张克戩死汾程迪死永兴向子韶死淮宁潘炎死扶沟韩浩死潍杜炎死辉傅察死金史抗死代康保裔死高阳种朴死河州宋炎死陕州皆忠义足贯天日者我明斌斌称盛于道德之臣得二人学正曹端为理学倡主事尤时熙接明道之脉节义之臣得八人铁铉殉节革除许逵捐躯宸庶不具论大理寺卿薛嵩不屈犁贼副使李情讨贼而死嘉善主簿李锡饶州幕马骢同死于难主事王冕不屈于乱卒梁山主簿时植城陷骂贼死之妻贾氏女三才亦不辱而死以上诸臣其已祀已旌者宜饰祠宇录子孙其未祀旌者宜阐幽微补阙略乞诏有司采中州古今道德节义祠祀于大梁以昭重道励节之意业查余赎无碍银一千五百有奇足备经费矣礼部覆题既设祠宇应载祀典乞敕抚按访勘酌议具奏诏可

○己丑吏部覆湖广道试御史吴弘济疏福建巡抚张汝济阿媚故相张居正云南巡抚升大理寺卿吴定附邪挤正及抚云南并害李材杀属夷以冒功看得汝济温文爽练而以故相同里疑行难白定雅称执法能集事近经台臣会荐推用奈何以请托诬之上命汝济回籍听用定以会荐叙迁着遵新命前来供职

○庚寅慈孝献皇后忌辰 奉先殿行祭礼

○礼部尚书罗万化疏辞新命不允

○命抚按官严禁属官参辞节寿等仪从都察院覆山西巡抚吕坤奏也

○工部覆勘河科臣张贞观题称泗城护陵大堤向因里口未添帮石致多□□员坏议行添砌勒限兴工计费一千二百五十有奇即于该州库贮赈济余银动支从之

○辛卯吏部覆南京广东道御史陈所问疏论南京户部尚书张孟男操行贪鄙礼部尚书李长春物议沸腾长春已蒙子假若孟男忠诚谨恪台臣所论事繇司属不待勘而后明也奉旨张孟男因司属谤言被论求去着供职不允辞其管库主事江来岷发局匹银两数少命南京科道官查奏

○以陕西左布政使李春光为右佥都御史巡抚延绥赞理军务南京光禄寺卿王樵为南京大理寺卿

○原任陕西道御史徐元复除浙江道升礼部祠祭司郎中蔡逢时为浙江温处备兵副使

○湖广按察使升云南右布政使侯世卿以病请准与新衔致仕

○论虏贼伏兵窃犯锦州死事官军及失事员役功罪游击柏朝翠准给赠荫立祠致祭与千总周维屏唐机赵承泗王珂路必繇应袭儿男各加升二级为死事劝王尚文听诱轻敌守备全疎戍边立功自赎

○升辽东游击宿振文为分守义州右参将保定巡抚中军李沛为沈阳游击

○兵部题会同左都御史李世达等议得总督叶梦熊言御史梅国桢疏谓不当杀

哮贼诛夷丁又题诗有坑降之句乞行巡按查勘夫哮贼养健卒勾虏谋叛实宗社之忧也招降本待以不死然势窘而后降贼计出无奈不忘一逞之谋以松套不可制之虏合哮贼不可制之卒非及时剿定为患岂有已耶国桢原疏似无的据无容深辩当时南关甫下大城尚坚不有监军谕帖则势同负隅然督臣密传蜡书则计深用间可知矣大城既克哮贼犹存不有督臣严令则祸貽出押然监军能啖许朝之心则欲食哮氏之肉可知矣议论虽相左谋断实相成宜令各安心尽职其已杀贼党已耗贼资俱不必勘仍行甘肃按臣确查功次限明年正月奏报奉旨功成论定意见异同何疑不必行勘功次着作速奏闻

○壬辰户部题南京屯田御史自二十一年为始将旗手等四十二卫田亩银尽革各卫造册工食听南京户部于库贮新增银支用从之

○甲午以宁夏逆贼荡平布告天下

○命吏部右侍郎兼翰林院侍读学士陈于陞教习庶吉士

○乙未命掌南京翰林院侍读学士陆可教充玉牒纂修官

○丙申以南京太常寺少卿艾可久为南京通政使以通政使司右通政许孚远为都察院右佥都御史巡抚福建提督军务

○升山东按察使郭棐为云南右布政使原任云南左布政使戴耀复除陕西

○以太常寺少卿王继光为都察院右佥都御史巡抚四川提督军务南京太仆寺少卿胡加谟为南京光禄寺卿

○原任游击杨绍祖除补辽东武靖堡游击

○戊戌命翰林院简讨范醇敬编纂六曹章奏

○升光禄寺少卿张一元为太常寺少卿

○太常寺少卿朱来远疏辩科臣杨廷兰论列以病乞休许之

○升山西左布政使徐作为太仆寺卿顺天府府丞魏允贞为通政司右通政

○升山东左参政成宪为南京太仆寺少卿

○以水灾蠲免静海青县兴济沧州河间献县京仓备边等粮仍发德州仓漕粮二万石分给天津静海等县彭城等卫赈饥

○己亥宁夏河西道副使蔡可贤奏称亲老病笃弃官去吏科参其径行吏部谓去在事平之后督抚已录其功与规避者有间命姑准致仕

○经略侍郎宋应昌言游击沈惟敬称倭贼头目有愿将平壤王京一带还天朝不与朝鲜等语至于义州存贮粮料豆草及辽阳仓积可供五万兵马数月之用兵部覆题大兵徵调日虑刍饷不敷转运难继今士饱马腾便当相机进剿多方接济以图万全所称退还平壤王京一带或观望窥伺不得恃此忘备也奉旨览奏具知兵饷已备着经略相机剿除以绝后患

○庚子世宗肃皇帝忌辰遣官祭 永陵

○起原任右谕德吴中行为侍读学士掌南京翰林院

○太仆寺少卿张文熙以科臣杨廷兰论列奏辩按浙勘定兵民二变及乡场申用加非幸中事甚晰因以病乞放归许之

○改应天府府丞谭希思为顺天府府丞以河南右布政万垓为山西左布政使

○原任吏部左侍郎升右都御史总督仓场张士佩疏辞新命吏部覆称士佩轩爽有才刚执任怨御史顾际明论其猎升少宰奔走于张居正作福弄权之时考士佩以四川巡抚升吏部侍郎在张居正已故后昔虽似骤今一废十年才甚可惜但方蒙召用辄有弹章大臣出处之义决无来理 上命士佩在籍听用 兵部题关白平秀吉倡乱元凶妖僧亥苏实为谋主有能擒斩二贼来献者照前议通候重赏外平秀次既承秀吉有能擒斩者与斩秀吉同赏其斩平秀如平秀忠平行长平义智平镇信宗逸者赏银五千世袭指挥使若海外各岛头目有能擒斩各贼来献许即封为日本国王仍加厚赉奉旨赏格部议已定着经略并各镇及朝鲜等处宣示军中仍行各省直通谕海外诸国遵照共图剿灭凶残各安境土成中外荡平宁辑之治 辛丑 贞惠安和景皇后忌辰遣伯卫国本祭 陵寝 先是御史高举言新升工部侍郎沈节甫家食再请月旦称贤然卿二尊官一岁三迁不应神速至是四川巡抚艾穆当年抗疏素推骨鲠然床褥呻吟兵马钱粮谁与料理为二臣计似与休沐为便也部覆艾穆先奉 钦依回籍节甫清望素著资深叙迁原不为骤上命节甫速赴供职 改礼部左侍郎黄凤翔为吏部左侍郎原任兵部右侍郎贾三近卒三近山东峰县人繇隆庆戊辰进士改庶吉士历谏垣京卿升右佥都御史巡抚保定予告回籍叙功起兵部右侍郎以亲年逾迈辞卒于家部称其声翔谏省绩著抚畿辞荣归侍凋沦堪惜 命照例与祭一坛减半造葬 礼部覆河南抚按勘报周王肃溱母妃袁氏事姑澹_灑 随必亲痛夫追慕不已缟衣粝饭赈孤恤贫勉子训孙惓惓势国周王肃溱谦冲俭约乐善敬修友于兄弟宜其民人宜遣官赉敕旌奖以昭崇重亲贤至意从之 以四川行都司军政佥书徐中武充陕西行都司掌印官 兵部题辽东征倭边腹大兵渐集播州宣慰司杨应龙家丁五千不必调遣报可 壬寅 遣山东按察使王藻为河南右布政司河南提学副使王士性为山东督粮左参政 起原任总督漕运户部右侍郎杨一魁为南京太常寺卿 癸卯 改太仆寺少卿周思敬为太常寺少卿提督四夷馆 铸河南济军道及协守保镇天津gd改ga海防副总兵各关防 原任总督南京粮储右副都御史曾于拱卒与祭葬如例于拱江西泰和人繇进士历部郎藩臬迁太仆寺卿养病起原官升前职为科臣王治论列闲住寻奉 恩诏致仕抚按部科前后交荐二十余次卒于家部称其居官洁已爱民归田读书谈道公论已明人品无玷请照例与祭一坛减半造葬从之甲辰升礼部右侍郎范谦为左侍郎改南京吏部右侍郎刘元震为礼部左侍郎兼翰林院侍读学士 四川右参议许守恩以原官调补山东整饬霸州兵备 乙巳以年节赐辅臣赵志皋张位讲官陈于陞等各银币有差 丙午升河南左参政李化龙为太仆寺少卿添注光禄寺

少卿程奎填注实职 升江西左参政李盛春为太仆寺少卿陕西副使荆州俊以原官管理河东兵粮道 礼部类奏本年灾异甘肃诸镇浙粤诸省地震不止一隅荣河等邑蒲解等州天鸣适当同日雹飞石陨再见闽中水涌山崩复闻狭右火光流而坼土白气亘而冲霄霪雨飓风禾苗立毙漂溺积骸人畜胥残定非气数自然实是昇平炯戒 上曰今岁灾异叠见朕用惕心大小官员各宜省愆尽职毋得欺公坏法致干和气 遣太常博士吴楷致祭庆宪王妃方氏于应得祭四坛外加祭五坛工部差官行葬礼并给银两有建立坊 钦赐祠名褒节坊名宗烈本府择内官司香火岁遣守巡官春秋二祭 丁未以两浙荐饥命民屯等粮再免年徭外止带徭旧欠一年仍行各省直著为例从户部覆狭西边御史宋兴祖疏也 戊申 大学士赵志皋等题章奏所以宣上德达下情皇上临御以来未有留中不下者近始有之或再请不发窒碍多矣即如科臣刘道亨疏论侍郎李尚思至今未发欲出不可欲去不能吏部拟升邹元标为应天府府丞亦至今不发既不敢以他官填补又不敢虚屈久待又科臣林材疏论辅臣王锡爵素性刚方奉母趋朝被言必生疑阻伏愿特加慰谕所论臣等辅理无状即赐处分并将留中前后廷疏下部覆请臣等幸甚 改南京礼部右侍郎邓以赞为南京吏部右侍郎 升广副使徐秋鹤为浙江左参政山西佥事杜华光为河南左参议 以游击管陕西参将事王鸣鹤充镇守贵州清浪参将 己酉 大学士赵志皋等以岁终将讲过经书讲章通鉴纂修要类缮写进呈 辛亥 以正旦令节赐二辅臣吊屏门神判子福禄狮子葫芦等物及讲官陈于陞等六员各有差 以山西副使王国为河南提学副使 初御史姚思仁劾奏总督宣大萧大亨言扯力克奉 旨革赏责令擒献火落赤而大亨改令擒献史二赎罪两年市赏遂全给之且仅拘史二于东岳庙中其子吉妹等拥众求进辄令巡抚[抚]王世扬弗拒而二百七十骑复入盘踞如故也大亨具疏剖辨并求罢斥 上曰萧大亨总督西陲抚绥强虏边疆赖之岂可因言求去不允辞至处置降夷着督抚镇官从长计议毋贻后患 升广东左参议马千乘为雷廉兵备副使河间府同知周有光为陕西汉羌兵备副使 升分守紫荆关参将韩光为神枢营右副将 陕西都司王梦书为分守陕西参将 壬子工部尚书曾同亨乞归许之以年来各工效劳独多赐驰驿归仍赏银三十两纁丝二表里吏部右侍郎李尚思以被论乞休应天巡抚刘应麒乞回籍养亲吏部覆请许之 甲寅以岁暮告 太庙 祧庙

大明神宗显皇帝实录卷之二百五十六

万历二十一年正月丙辰朔元旦免百官朝贺

○赐二辅臣上尊珍饌

○吏部尚书孙鑰等题今距京察非远论劾益多恐拾遗不足以致揆挾太过流为刻核令科道毋复有所论劾其抄到者一切不覆俱候考察自陈取自 上裁以后凡遇京察年分自十二月初一日为始即不许有所论劾 上从之著为例

○兵部尚书石星题宁夏捷功节经题奉钦依行勘因俘因解至特为先请宣告而

行勤未来故未敢议赏 上令依限奏报以役直勤各边功次俱严限不得踰一月之外

○升浙江参政夏良心为山东按察使广西副使李鋹为广东参政工部都水司郎中陈九畴为山西副使分巡河东直隶顺德府同知周应中为山西佥事潞安兵备

○戊午礼部尚书罗万化奏正旦令节亲郡王及天下文武衙门赍捧贺表一千九十通 太后 中宫表笺如之

○命妇朝贺并免

○庚申立春节赐二辅臣上尊珍饌

○辛酉以孟春时享 太庙遣公徐文璧恭代祭 太岁月将之神遣太常寺卿行礼

○总督两广都御史萧彦奏暹罗居极西去日本万余里近有贡使请于兵部愿效勤王兵部覆令发兵直捣日本又念海道旷远夷心叵测要行停请兵部议关白以贼厮篡夺淫虐奸狡凭陵诸国今复占据朝鲜潜图内犯致糜王师乃暹罗贡使愤兹不道既效勤王之忠亦笃恤邻之义臣等特为请遣一以风厉远邦一以牵制倭众盖兵家固有多方以误之者初非以堂堂中国恃兹岛夷之力为也 明旨既嘉其忠义又重其事机必待督臣酌议取彼回文方可颁敕深识远见隐然具在今督臣坐镇炎荒海邦机宜悉如指掌合令查照题议事理将本部差去号召官员悉听酌量行止如已达彼国即便责差忠勇通官传檄宣谕暹罗国王遵照 明旨整饬舟师回文奏报另听敕书至日遵行从之

○壬戌命协守蓟镇副总兵署都督佥事陈璘充统领蓟辽保定山东等处防海御倭副总兵分守山西左参将赵勋为五军三营参将蓟镇车后营游击朱绍庆为五军八营参将降分守延绥孤山参将孙朝梁为延绥入卫游击

○甲子命提督操江南京都察院右佥都御史朱鸿谟为都察院右副都御史巡抚应天南京刑部尚书辛自修为工部尚书都察院左副都御史蔡国珍为吏部右侍郎

○升南京礼部精膳司署郎中事主事甘两为广西提学佥事陕西行太仆寺少卿兼佥事张世则为陕西苑马寺卿兼佥事

○调分守徐州参将解元分守山西

○丁卯命协理京营戎政都察院右都御史兼兵部右侍郎徐元泰为南京刑部尚书都察院左佥都御史李祯为左副都御史大理寺左少卿张养蒙为南京都察院右佥都御史提督操江

○以浙江副使余良枢为陕西行太仆寺少卿兼佥事 ○戊辰礼部尚书罗万化题顺义王并忠顺夫人请讨番僧传习经典无非戒杀之意督臣代为咨取今将前项番僧领占班麻等四名令其随带番经刻限起程仍咨总督衙门差人转发虏庭听其事完日送回该镇从之

○升五军五营佐击卢继忠为分守徐州参将福建都司佥书黄冈管兴都留守事

○己巳以贵州副使陈性学为湖广右参政

○调山西副使王国提督河南学政

○庚午以光禄寺卿王汝训为都察院左佥都御史

○辛未大学士王锡爵见朝谢恩< 〇〇〇 毓-金 >言从来大臣有日侍左右以晋接承恩者矣未有在远而弥亲求退而反进者也有当事在先以老成起废者矣未有班在第三秩不满再考而一旦骤躡首揆者也亦有持禄养交以脂韦遇合者矣未有硃硃负俗之行而顾以此受鉴赏者也又有名高望重以众论推毂者矣未有志行不孚毁言时至未信于友而先获乎上者也臣么< 〇〇〇 麻骨 >一介兼而有之真恩并于高天厚地而荣逾于三聘九迁 皇上侁始终爱臣而欲全之更望多简时贤共参密务不必以聪明专寄之臣则臣口乎可以寡过耳 上悦特赐银一百两纁丝四表里麒麟胸背一袭

○壬申 英宗睿皇帝忌辰遣侯薛钺 裕陵行礼

○癸酉御史徐兆魁奏本月十四日长昂犯抢大毛山堡请治参将樊崇礼把总张尚武提调王勇等罪有差

○甲戌以总督蓟辽保定兵部右侍郎郝杰协理京营戎政

○升湖广右布政陈用宾为佥都御史巡抚云南 ○给事中韩学信言戎务方急办理升迁太骤徐元泰长于才而短于品不宜以所短弃所长未可轻易元泰因上

< 〇〇〇 毓-金 >辞不允

○户部覆总督三边都御史叶梦熊条陈四事一酌盐引减原欠盐粮每银一钱纳粮一斗每银一分纳草一束其新增一十万引通行均派各口勒完俱填入二十一年勘合二修水利修葺旧渠灌溉屯田役军每日给银一分五厘借支军饷三造器械谓应用料银四千八百余两工匠计日共银几三千两四计兵饷宁镇荡平见粮俱尽议催南京户部银二十万两并二十一年年例市本马价预支等项从之

○户部覆甘肃巡抚田乐< 〇〇〇 毓-金 >甘肃地方孤悬千里恃强兵足食全在广储一清屯粮严豪猾之积逋二浚水利设专官以责成三垦荒土免田壤之永科禁官豪之占夺至请复本色向因本镇环隶河外为挽输不易始改徵折色止缘浹岁以来叠罹灾荒以致拖欠之数多至四十八万有余臣等先曾题奉钦依令陕西抚臣加意督催无分秦越若使以民运之负欠发帑金以给补非特内财有限亦恐外输益拖请命本部移咨陕西甘肃各巡抚将沙井庄浪一带附近临巩州县地方者改运本色依限尽完不许欠缺以后年分悉照此行从之

○以云南参议卢一麟为贵州副使整饬毕节兵备

○以山西行都司佥书张棟为五军五营佐击

○丙子以云南佥事袁应文为本省右参议

○丁丑大学士王锡爵密奏臣惟今国家之事莫大于建储 皇上之美莫美于揽权独断乃前者册典垂行而輒为小臣激聒改迟此群臣负 皇上已幸 皇上亲发大

马房既竣条陈四事一阅实厩马二清理牧地三议定口额四酌议料革报可

○上谕礼部朕所生三皇子长幼自有定序但思 祖训立嫡之条因此少迟册立以待皇后生子今皇长子及皇第三子俱已长成皇第五子虽在弱质欲暂一并封王以待将来有嫡立嫡无敌立长尔礼部便择日具仪来行

○以河南按察使邹学柱为湖广右布政四川副使郑人逵为广东左参政分守岭南

○壬午光禄寺寺丞朱维京为 三王并封事上< 疏 疏-金 >其略曰臣闻信者国之大宝匹夫自好且不肯使不信于人况堂堂 天子之尊赫赫纶綍之重而可使不信于天下后世乎往者 圣谕有二一年册立之旨今忽改而为分封之诏夫分封册立二事也 皇子诸王异等也悖前旨而更新令臣民仰望之心谓何 人主大信之道谓何天下后世以 皇上为何如主耶臣又惟 圣谕谓立嫡为 祖训诚然臣闻立嗣之道以嫡以长此不但我朝 祖制即唐虞三代以来有道之君孰能外之但谓少迟册立以待 中宫之生嫡嗣则 祖宗以来实无此制臣历考本朝 宣宗之立则以洪熙元年 英宗之立则以宣德三年 宪宗之立则以正统十四年 孝宗之立则以成化十一年维时 中宫正位嫡嗣皆虚而 列宗曾不少待即 皇上册立亦在 先帝二年之春近事不远 皇上何不取而证之耶臣又私料 三王并封之意或 皇上有鉴于世宗皇祖末年之事殊不知 世宗未尝不举册立之典查得嘉靖十八年 世宗手敕册立 东宫太子并封二王同在一日册文仪记载在国史班班可考至于末年盛典久稽乃当时大臣不能引 君于道岂 世宗初年之意乎臣闻礼莫大于分分莫大于名圣人为政必先正名今也分封之典 三王并举则冠服宫室混而无别车马仪仗杂而无章府僚庶采同而无辨名分不正猜望愈多 皇上虽家谕户晓亦岂能解臣民之惑息道路之疑乎 皇上念及 中宫嫡嗣之未举册立之典原不相妨 中宫春秋方盛前星一耀则所册 元子自当避位退就藩服古今彝典何嫌何疑今以将来预期之事格见在已成之命臣恐 中宫闻之亦必有大不安于衷者矣然臣因是而不能不责备于今之元辅焉古云大臣以道事君不可则止今大学士王锡爵夙以忠义自负迩者千里而来海内延颈而望以为必能收遇巷之功寔安汉之策乃者 皇上虽有分封之意犹不遽行而以 手札咨之为锡爵者即不能如李沆之引烛焚书独不能如李泌之委曲叩请反覆披陈至再至三必求转移 圣意而后已如其不然则王家屏之高迹尚在皇上优礼大臣必无韩瑗来济之辱也柰何智不出此噤无一语即刻如旨拟敕若吏书之承行惟恐后者绝裾而行兼程而至所为若此难以厌中外之人矣伏望 皇上收回成命照十九年前旨举行册立大典如或以 皇次子三子亦当分封请查照嘉靖十八年事例与册立 元子一并举行 上怒谪维京戍极边

○刑科给事中王如坚上< 疏 疏-金 >略曰臣谨按十四年正月内 圣旨卿等以册立元子请朕见婴儿弱少候二三年举行夫明长子之为元子也意有属也臣又捧

彰必望 皇上俯从初议早息众器不报

○癸未礼部等衙门仪制司主事等官张纳陛等上< 䟽 䟽-金 >争并封略曰二十五日 皇上出禁中密札竟付元辅王锡爵私邸值元辅自陈待罪之日臣等不知札中所云至次早礼部接出 圣谕则 元子暨 皇三子 皇五子一并封王而锡爵亦且入阁办事臣等始遂不能无疑及闻人言啧啧封王之谕乃锡爵以寸晷立就即次辅志皋位并不得与闻而礼臣罗万化科臣张贞观部臣于孔兼等俱至锡爵私寓乃不得其一面始知今日之谕 皇上止谕锡爵一人议之昔人有言天下事非一家私事盖言公也况以 宗庙 社稷之计而可付之一人之手乎 皇上柰何易视之阁臣柰何尝试之也臣且不敢危言以激 皇上兼忤阁臣调停之意直据 世宗肃皇帝 穆宗庄皇帝近事请 皇上法之 世宗肃皇帝于嘉靖十八年册立 东宫礼臣具题故实见在并未有三王并封之事而自 皇上创见之臣故知 皇上之必有不安于心也且 圣谕大旨惓惓以 皇后生子为言则 皇上不记昔年 正位东宫之日乎维时 仁圣皇太后亦在盛年而 穆宗庄皇帝曾不设为必然之事以少迟大计法 祖自近此言 皇上可思也如其虚借文辞掩饰过举以藉奸臣而滋固宠忠臣义士饮血椎心宁死不忍见此举动 上谕以遵新旨行

○旌奖沈王理尧节行从巡抚吕坤巡 旌奖沈王理尧节行从巡抚吕坤巡按乔璧星之请也

○光禄寺寺丞朱维京刑科给事中王汝坚以争并封谪戍大学士锡爵< 䟽 䟽-金 >救得旨免戍为民不许朦朧推用

○升礼科左给事中曲迁乔为刑科都给事中礼科右给事中张辅之为兵科左给事中礼科给事中马邦良为户科兵科给事中刘道隆为刑科各右给事中

○协理京营戎政郝杰< 䟽 䟽-金 >辞不允

○督抚宁夏侍郎叶梦熊题酋妇切尽妣吉带领酋首着力兔宰僧庄秃赖铁雷合落赤打< 人小 >汉把都儿等从花马池长城关下悔罪乞求开市中间着宰二酋再四哀恳愿立奇功各差夷使进马七匹今进马各酋会同抚镇等官讲处俟得完策另报惟是着宰诸酋助逆入犯欲准其市似于前耻未雪欲拒之不许在我事尚未备故为迁就调停之计事关款战机宜乞要酌议兵科都给事中许弘纲等言着力兔宰僧二酋嗜贼一勾终始助逆贼在则招之不来贼亡则不招自至今日求款明日称兵为今之计莫若姑许明卜诸酋以离其党严拒宰僧着力兔以折其心熟察其情而徐为之计 上以梦熊前后所议款战自相矛盾朝廷既假以便宜不复尽拘初议但逆酋虽称悔罪求款未见立有奇功柰何轻许堕其奸计其务振扬威武勒令尽献隐匿叛人立功自赎方许开贡如苟且玩寇致貽后悔责有所归

○升广西左参政程正谊于河南四川左参政应存卓于贵州各按察使

○升平川堡守备谢诏高台游击汉中守备李苾调龙沟堡甘州卫指挥王之翰平

川堡镇番卫指挥马如豸红崖堡各守备

○甲申 仁圣皇太后万寿圣节赐三辅臣上尊珍饌

○监察御史李炳吴弘济交章论郝杰顾养谦迁转大骤不听

○礼部尚书罗万化< 〇〇〇 毓-金 > 谏并封 上谕已有旨

○翰林院编修等官周应宾等上< 〇〇〇 毓-金 > 争并封大略言古之史臣或据法而争商嗣或引礼而趣唐封臣等独何敢忘斯义顷并封诏下礼官以为不可言官以为不可各部寺诸臣以为不可九卿大臣又皆以为不可 陛下宁谓群臣尽非耶夫太子者储贰之称也本也王者藩辅之称也支也今独封王而不册太子则是支而无本非所以示天下重也王爵虽尊然我朝以加诸宗藩则仅比古公侯耳柰何以 元子而被之人臣之号至于长幼定序 圣意昭然明甚 皇天后土实闻斯言臣等亦何敢设必不然之事以疑 陛下然犹固以请者无他汉臣曰早建太子所以重宗庙社稷不忘天下也盖储位一日未建则国本一日无属国本一日无属则人心一日不安宗庙何以尊社稷何以固 陛下纵不恤人言独不自为 宗庙 社稷计乎且夫别名分以杜覬覦非特安 元子亦所以安众子也所以安宫闱与戚畹也臣等又愿 陛下之熟计之也臣等伏读 孝宗皇帝诏群臣议 陵庙事曰考据古今大典礼须用翰林院臣等历稽前代载籍 列圣典章并无待嫡之文 祖训所云立嫡不立庶特为宗藩入继者言非为 皇子言也亦为嫡子见在者言非为将来言也 世宗皇帝十二年 皇储初生诏谕天下曰继位嗣艰惟宜立长此独非旧章之确然可据者哉 陛下不胜惟窃之爱牵引 祖训以间执天下之口而不恤 宗社大计臣等不敢不据典以请传曰君举必书书而不法后嗣何观臣等不敢不据职以争不报

大明神宗显皇帝实录卷之二百五十六

大明神宗显皇帝实录卷之二百五十七

万历二十一年二月丙戌朔吏部考察各官罢少卿郑有年徐泰时寺丞赫瀛苏鄯都给事中杨文举胡汝宁郎中余继善及参政副使佥事陆梦熊马鲁卿吴谦孙玄马玉麟蔡系周杜业周文卿等其余降调有差

○乐昌县地震有声

○兵部题倭奴占据朝鲜致该国君臣宗祀失守播越江千仰赖我 皇上慨然命将兴师大兵甫至平壤遂一鼓而下前后节据揭报大约擒斩倭奴一千六百有余焚溺死者以万计中国之威已大振矣但平壤既得防守宜严该国君臣岂宜仍前播越请如经臣宋应昌议谕令该王还居平壤 上曰平壤既复便行与朝鲜国王仍旧居守还令乘胜鼓勇会兵进剿务期荡平

○丁亥祭先师孔子遣大学士赵志皋行礼

○大学士王锡爵题谋国无状人言朋兴乞敕多官会议报曰朕意已定不必廷议

○又< 〇〇〇 毓-金 > 会议之请既不蒙允从乞 上不待常朝赐臣一见从长口议

务求调停至当之术不报

○戊子祭 太社 太稷遣公徐文璧恭代

○大学士赵志皋张位< 〇〇〇 毓-金 >议礼未定乞从元辅请博采廷议以定 宗社大计未言事有天定当尽人谋愿 皇上稍迟并封且既有立嫡之意当为 中宫计笃修交泰蚤兆高禘仿古帝王清心竭诚祈祷哲嗣天心必有感应者万一稍迟愿如元辅所拟第二谕札将 皇长子为 中宫之子育之宫中如三后故事可行也如必欲一时并封则当优异 皇长子礼仪不与 二皇子同以别等差以明定分不报

○己丑升户科左给事中王建中于福建兵科右给事中吴鸿功于江西兵科给事中品兆熊于河南各佥事江西道御史马朝阳为四川右参议山西道御史彭好古为四川佥事陕西道御史李化龙为河南左参议福建道御史林文英为江西副使南京刑科给事中徐桓为四川副使兼参议南京御史彭而珩为广东副使杨廷谏为云南佥事

○庚寅吏部题太子少保兵部尚书石星考满职居二品俸历六年应加授资德大夫散官从之

○升提督四夷馆太常寺少卿周思敬为光禄卿起补原任河南佥事李弘道原任山东右参政兼佥事刘易从各于陕西原任江西右参议李乐于广西

○升参将韩光署都督佥事

○辛卯大学士王锡爵言先是 三皇子并封谕下会臣以自陈在家中使守等回奏彼时寮采既不在前书籍又无查考止据臆见匆匆具答虽首尾词意主于册立一说不合拘守阁中故事两票并拟其误一也答谕之后始从庶子冯琦借得 祖训观之乃知立嫡之条原为藩封入继而言悔不早见为 皇上分角口羊其误二也又初奉立嫡立长之谕臣见老成相告以为明妥亦遂自信而不知 三王并册礼臣无可据之仪明旨数更天下无可凭之信其误三也臣有此三误虽 皇上终以无心恕臣而在廷百执事以 祖宗典故责臣臣愧 祖宗矣以 皇上过举责臣臣愧 皇上矣以天下后世衅端责臣臣愧天下后世矣抚心内省毕竟臣之委曲规劝不如诸臣之说正而严臣之仓皇陈答不如诸臣之虑深而速用敢具< 〇〇〇 毓-金 >自劾伏乞 天恩容令认罪改正 上曰朕为人君耻为臣下挟制今卿又有此奏若自认错置朕何地朕正为卿含忍欲商量别处之法卿毋党众激恼以辜朕意既如此俱不必封少俟二三年中宫无出再行册立

○户科给事中吴应明< 〇〇〇 毓-金 >驳并封剖析甚悉不报

○驸马都尉侯拱宸奏讨杨舟房屋改祠工科都给事中刘弘宝言驸马奏讨祠宇自嘉靖六年邬景和始嗣后十五十六等年淳安永康等公主出府援例奏讨各给银二千五百两自行买造至嘉靖二十一年谢诏遂请没官房屋计房八十间地十五亩蒙允拨给自行修理彼时原奉特恩后遂相沿为例然料价房屋从来多未并给至琉璃花边瓦料非宫殿工程原不轻造今侯拱宸妄援旧例请乞过多如特恩不当为例宜直绝其

请如谓戚畹可念或照邬景和等例量给银两或照谢诏例查给相应房屋令自行修理上给侯拱宸刘寔房屋自行修理建祠不为例

○兵部覆陕西巡抚都御史姚继可所题互市各官率以早完为功迟报为罪彼酋知之故意延缓当事者畏惧迟误惟幸其速市亦何暇计其刁勒与否乎然则虏志如之何不骄市事如之何不坏夫法久则变变则通今当西虏寒盟之日正西市更始之秋所据抚臣议照隆庆五年事例酌议定额虏来则市不来则已市者不得辄有加增虽随完即报而不以为功不市者不得复有补给虽隔年不市而不以为罪违约则闭关谢绝生事则随便诛剿从之

○以广东都司佾书许国威为中都留守司掌印四川巡抚标下练兵游击王梦吉协守四川松潘右参将

○壬辰升河南副使王恩民为贵州左参政云南府知府易以巽为贵州副使调补原任江西不及佾事胡麟于云南分巡金沧

○癸巳礼部题吏部侍郎陈于陛父母祭葬报可

○甲午大学士王锡爵题连日繙阅 祖训委无待嫡之条且 累朝二百年来从无 长子封王之例礼官所执委难通融止有 穆庙在 世宗朝曾封为王然压于庄敬太子之下并未尝以元子受封也今幸 圣心洞然旋止封王之命而再订二三年册立之期真古帝王转圜从善之盛德群臣自可无言顾臣私忧过计在 皇上已成之诏旨虽不争二三年迟速之期而在今日未定之事机恐难息千万人疑讪之口所以然者去年之命既改于今年焉知今日之命不改于他日此群臣之所以疑也 皇长子始生业为之颁诏覃恩诏书内所称祇承 宗社及臣民仰戴等语明以 皇太子之礼待之矣又称 大婚有年熊祥未协又明露彼时不能待嫡之意矣此诏一颁深山穷谷九夷八蛮之人皆知之而到今十二年后却反别寻题目虚储位以待嫡子此群臣所以又大疑也 皇上既有此含忍之心莫若遂决此狐疑之计使册立豫教一旦并行百官万民群疑尽释岂非千古快事哉不报

○起补广西副使杨德政于河南专管修河

○乙未 孝贞纯皇后忌辰遣侯陈应诏 茂陵行礼 ○兵部题驿递冒滥宜痛加责成务择廉能委官挂号长单务查的数交界处所严加查核以杜过客枉道及承舍欺诈之弊其江浙二省额派协济徐州所属东岸桃山利国石山四驿马价银四千五百余两行江浙淮扬各抚按会议将徐州起解钱粮查派四千五百余两于江浙而以江浙原给徐州所属马价更派徐州与夫隔远地方应否添站一并会议具奏报可

○工部覆今日河道之患皆起于河身高故自鱼沛至徐邳一带泛漫滄溺大为可虞甚且淮流梗塞弥及 祖陵致廬 圣明隐忧特差给事中张贞观会议查勘今本官报命内议开归徐一带达小河口以救徐邳之溢议导浊河入小浮桥故道以纾镇口之患事经阅历闻见必真又议引沁一节其剖析利害凿凿可据合行河臣会集地方司道

等官逐一从长计议要见镇口之壅作何宣洩徐邳之溢作何消导小河浊河两议利害事体孰为缓急钱粮孰为繁省或应与前项腰舖工役一并举行或应于支河三议之中求一长策至其引沁之策事出创议更宜详慎如利多害少务在必行或有患无功毋得轻动

○丙申吏科等科考察拾遗协理戎政右都御史蹇达吏部右侍郎李尚思刑部右侍郎傅孟春南京工部右侍郎张櫟通政使杜其骄南京太仆寺卿徐用简詹事府少詹事黄洪宪南京国子监祭酒余梦麟右通政徐一櫟 上留尚思用简而调孟春南京梦麟别衙门蹇达黄洪宪在籍听勘张櫟杜其骄致仕徐一櫟冠带闲住

○河南等道考察拾遗如科< 〇〇〇 〇〇 〇〇 >所指而无傅孟春余梦麟加原任詹事刘虞夔南京户部右侍郎余懋学南京兵部右侍郎蔡汝贤得旨留虞夔免汝贤懋学余如前

○春分祭 大明于 朝日坛遣公徐文璧代

○四川抚按艾穆等奏选叠茂建武营兵三千付刘綎统赴御倭建武营哗不愿从征及议汰革归农即又拥众插血谋为不轨 上谕拏究首恶以安余党抚按自合便宜处分何乃数千里候旨

○谪户部员外郎王一凤戍山海先是一凤差管德州仓接管主事王乾亨揭之故也

○己亥起补湖广副使张淳于浙江分巡杭严道

○壬寅以分守大同北东路右参将姚国忠为分守山西东路左参将

○癸卯倭奴结聚王京经略宋应昌请添兵马兵部议以南兵备登莱者往援从之

○蓬莱县知县董守绪以盗库钱拟永戍

○调参将管巡抚大同标下中军张秉忠分守大同东路

○甲辰 恭仁康定景皇帝忌辰遣伯卫国本诣 陵寝行礼

○升吏科都给事中李汝华为太常寺少卿大理寺左寺丞李廷彦为本寺少卿

○升湖广按察使徐汝阳为陕西右布政

○乙巳庆府镇王伸宣口佳以哮贼幽禁勒索金币粮食一空上书求賑并求移住腹里 上以分封定制止允其賑

○丙午升福建道御史邓炼为大理寺左寺丞山东道御史傅好礼为光禄寺少卿

○以河南右参政李杜为湖广按察使

○丁未兵部奏哮贼既灭捷音已至择日祭告 郊 庙

○以礼部主客司郎中俞士章为湖广提学僉事

○戊申衡王翊鏞薨世子常< 〇〇〇 〇〇 〇〇 >暂管府事 ○己酉升吏部考功司员外刘卿于河南福建道御史彭而珩于广东兼提学直隶凤阳府知府李骥于河南各副使

○庚戌遣官祭历代帝王

○辛亥铸给宁夏右屯卫百户中屯卫左千户所印各添一之字以原印失于贼故也

○癸丑南京河南等道考察拾遗得旨留王弘诲免李长春宋仕刘希孟调王敬民南京别衙门卢维祯等已有旨

○南京吏科等科考察拾遗得旨留邢玠黄克念调张文熙南京王体复致仕蹇达等已有旨

○甲寅敕谕东征将士顷者倭奴猖獗攻陷朝鲜朕远惟东人僊后之思迩切内地震邻之虑肆彰天讨授钺往征赖尔等将士齐心用力不避艰险先收平壤再捷开城朕深嘉尔等之功所望克日荡平大加升赏兹闻天时渐热水潦不收贼众尚多城守方固重念尔等悬军深入急难全胜饥寒暴露疾病死伤势所不免朕用是痛心流涕卧不安寝已令所司亟发银十五万两赍赴军前从宜犒赏优恤仍一面行山东等处召商余粟方舟而下一面行浙江等处徵兵选将分道而前务使尔等财力有余得以安心战守早夷大憝永靖边疆尔等尚亦宜体朕远怀勉图报称垂功名于竹帛流福荫于子孙钦哉故谕

○谕户工二部目今倭贼大众据朝鲜与辽接壤朕以门庭切近之忧命将出师势非得已适见经略宋应昌奏称兵力单弱粮草不敷恐有疏虞前功尽弃尔部职司兵食义当并力一心共济国事所有合用粮草户部一面发银或从山东海道召口高价余买或就近输运务使东征四五万人可穀半年之用兵部一面督催新调精兵前往接济征剿其见在久战伤残及马兵不习地利者行令斟酌退回务使饷可资兵兵不糜饷早平大寇庶宽朕东顾之怀其或彼此互相推诿以致缓急误事责有所归故谕

○广西道御史陈惟芝争并封大略曰万国之本首重元良少阳之宫实先震位况端正仁孝无有过 陛下长嗣去年八月奉 旨册立之事着于二十一年行诚重之也顷者大臣不能力成 皇上之美忽改为三王并封国本未属大信又失臣恐 陛下爱元子之心终始自坚而左右近侍或有未喻 陛下之旨别生异议夺俸

大明神宗显皇帝实录卷之二百五十七

大明神宗显皇帝实录卷之二百五十八

万历二十一年三月丙辰朔南京吏部等衙门考察御史黄正色太仆寺丞赵卿高维崧郎中张问达喻应台主事江东岷等俱罢职司业余梦麟等吏部郎中王永宁等俱降调有差

○云南罗次县学舍新设礼部覆请设官铸印从之

○以翰林院编修林承芳为浙江右参议

○以吴中行为侍读学士礼科给事中王嘉谟拾旧闻论之部覆中行昔居翰苑抗熏天之势焰扶坠地之纲常业已捐躯何知荣进今再废再起等辈已公卿矣科臣复以

查各匠役姓名开除年久物故者而明开某年月日系部文增收造册送寺各役亲诣关给如按验不实及诡名代领者径行查革不允

○壬戌升延绥入卫游击孙朝梁为分守延绥参将辽东守备曹文焕为辽东镇武堡游击湖广行都司金书安如山为行都司掌印辽东备御郎国忠为辽东正堡车营游击延绥右营游击师以律为分守延绥参将

○乙丑升史孟麟吏科都给事中郭士吉户科乔□□ 幺月□□礼科俱左给事中张问达礼科侯庆远兵科俱右给事中

○予原任延绥巡抚右副都御史王汝梅祭梅直隶安肃人中嘉靖四十一年进士历知县户部主事郎中以考察降知华州升兵部员外转藩臬升金都御史巡抚延绥升右副都旋经拾遗在籍听勘至是卒予祭不予葬

○丙寅□□士王锡爵等奏辩礼部郎中陈泰来<□□ 铨-金 >仍乞罢斥次日次□□位亦以此乞罢皆不允

○升刑科都给事中曲迁乔于浙江湖广副使江铎于山东各右参政迁乔淮扬海道铎驻劄淮安

○己巳 武宗毅皇帝忌辰遣伯杨世楷 康陵行礼

○庚午起林如楚于浙江陈尚伊于云南各副使

○辛未以杨时乔为应天府丞

○长芦巡盐御史彭好古条议六事一开引目增永平开中二万引每引定价四钱二定监斤额引正盐五百六十斤外多四十斤纳银一钱过六百斤以外没盐毁引三议牙税昌平等七处引盐水程先验通州挂号又赴九门验发各处牙行税繁乞令运司徵税解部尽革各项打卯等费四革飞税真顺九府引盐河西务不许拦截报税五禁侵占宿州原食东盐今告食淮盐宜中饬改正六定进解长芦灶户每年白盐进解内府不敢近前乞定堆垛各处每一百斤定加五十斤以外不许多增户部议引目纳□挽越有碍边引军需其宿州争食淮盐俟行查余依议

○壬申宣大总督萧大亨奏中国制驭夷狄顺则抚之逆则剿之史车二夷受我豢养四十余年一旦叛去未几衷求内附本不当许顾以安兔勾留兼之困穷思攫屡肆窃犯官军先擒酋子妇女红亥白言介等于前虜王擒献酋首史二官我列于后骈首羈囚仍姑缓其死者诚以戮之无益边事存之可系夷心今酋子吉妹并哮罗等果率众来归又斩安兔伏路贼夷三级以明其心自与安兔讐绝则收集安插复其抚赏牧地仍宥史酋等之死留质镇城吉妹哮罗等各另驻牧多设头领不令统属而聚散之机隐然具在兵部覆督臣言是使生者感恩归者效顺而未降者思归外伐安兔之谋内资侦探之力宜从允之

○癸酉南京兵科给事中徐桓<□□ 铨-金 >漕运旗甲之苦一经金点如赴汤火今议复运规金运甲修运船革运弊四事下所司议

- 甲戌未封八公主薨祭葬如例
- 以分守镇边城参将王应祥为神机营左副将
- 乙亥升南京光禄寺少卿沈桐为南京尚宝司卿
- 礼部题戚继光血战歼倭勋垂闽浙壮猷御虏望著幽燕乞照例赐与恤典从之
- 河南巡抚吴自新< 〇〇〇 铨-金 >故都御史轩輗少保谥端肃顾佐修葺祀墓无资轩輗久当补谥得旨轩輗准补谥
- 以浙江都司军政佾书刘臣安为南都司军政掌印
- 丙子调河南副使杨德政于陕西提督学政
- 丁丑吏部题覆自陈巡抚调浙抚常居敬南京别衙门余如故
- 覆南京刑科等科河南等道所糾拾刑部郎中方沆户部郎中吕子桂主事胡载道大理寺左评事朱禹臣罢斥刑部郎中沈尧中降调旧稽勋司主事冯景隆文选司主事周应治已经外转并工部主事闵世翔俱仍原职从之
- 以五军营大号头署指挥同知姚洪为神机九营佐击
- 戊寅蓟辽总兵标下名色中军千总王君锡等奏开易州阜平并蓟永等处矿洞给事中马邦良陈其不可遂寝
- 己卯命翰林院编修黄汝良全天叙编纂六曹章奏
- 大学士王锡爵等题见刑部议覆云南抚按官勘报李材功罪< 〇〇〇 铨-金 >因念前此救材诸臣不核事实不持平心而但以人品学问为功伐宜乎其说愈长而愈激愈忤且愈重材罪也夫 皇上所以怒材为其欺冒耳今据材原勘< 〇〇〇 铨-金 >当孟养告急时材实曾遣兵助战获金沙之捷孟养进贡夷文又明称 天朝赏发天兵则其功不可谓不出于材矣至于多报首级不过据将官之报失加查核轻为人叙功而未尝自以为功此其虚冒乃实多虚少之事律以周官八议正在所可议者 皇上于罪中原情或为民或充军使万里驰驱之旧臣数年縲继之余命获保首领以没亦见 皇上慈悲无量功德耳不报
- 升兵部车驾司署郎中事主事于若瀛为河南佾事专管修河
- 以福建巡抚标下把总指挥使千以临为浙江都司佾书
- 辛巳以宁镇宣捷祭告 郊 庙收回脯醢果酒赐三辅臣三卓
- 壬午大学士王锡爵屡< 〇〇〇 铨-金 >求休 上曰朕知卿忠诚再四勉留自有深意朕因新春积火上升两目疼痛卿可即出待朕少愈召卿面商国事必使卿安心慎毋疑鸿臚官其宣示朕意
- 升韩学信刑科都给事中马邦良刑科左给事中林材吏科杨廷兰工科俱右给事中
- 调五军二营练勇参将黄孝敢分守镇边城
- 癸未先是礼部精膳司署员外郎事陈泰来< 〇〇〇 铨-金 >论察典其略曰臣叨

○山西巡抚都御史吕坤条陈五款裁冗员蠲宿负宽带徵别分数严催科下所司议

○追叙肃州嘉峪关外御虏功镇巡而下赏赉有差

○起复户部左侍郎裴应章原职以工部右侍郎褚鈇为刑部左侍郎太常寺卿吕鸣珂为通政使

○以湖广副使刘玉成为云南右参政兼佥事整饬滕冲

○癸卯命云南左布政使林乔相为都察院右副都御史巡抚贵州

○命南京太常寺卿杨一魁为南京户部右侍郎兼都察院右佥都御史总督南京粮储

○沈王理尧乞恩加封许之礼部及礼科给事中张贞观力争以宗藩条例颁布于世宗之四十四年宗藩要例又申定于 皇上之十年其亲王封典款下开载亲王绝嗣许亲弟亲侄进封为亲王如无亲弟亲侄以次推及伦序相应者进封日后子孙除承袭亲王外其余俱照依原封世次授以本等爵级不准加封今理尧之祖灵川王□□ 玄月□□移以沈恭王再从侄孙进封是正所谓郡王进亲王者次嫡庶子孙如理堉理埏查照例止应递袭将军爵职在理尧胡得以兄弟之私爱必千郡爵之荣在 皇上何为以屡定之明例轻狗踰分之请 上谕遵前旨行

○甲辰户部题覆户科都给事中王德完题金花漕折皆属御用军需最为吃紧先是应天巡抚刘应麒因见势豪逋负过多肩任劳怨请旨查理遂致无端流谤解组而归今合行查乡官凌云翼倚势箴法积拖正赋二千余两有无补纳其各处如凌云翼负欠者几人俱要从实参奏仍谕新任巡抚朱鸿谟遵照前旨催徵毋得畏狗延缓 上是之

○乙巳江夏王英燠卒长子华墀服满乞恩承袭报可

○礼部题择本年四月二十六日传制遣官行各王府册封礼 上以奏内遗沈府非亲亲之情令再开来只与封王名色仍支将军禄米情法两全再不必执奏

○刑科给事中刘道隆言臣初言拾遗事系臣职掌惟欲将虞淳熙等再求量处并未瑕指赵南星而同事者遂甘心于臣以为攻辅臣救南星地 陛下今以诸臣激怒一概遣谪而不知事起于于孔兼陈泰来张纳陛之代人鼓煽而其余则皆被其诬惑者也近来新进后生转相眩惑谓天下之名莫高于逆辅臣故藉此以掩前疵而媒后利莫垢于附辅臣故藉此以辱天下之士箝众庶之口使不得发彼阴私以恣其无忌惮之为岂堂堂 天朝遂为暧昧世界耶不报

○升陕西左参议张季思为湖广副使管理屯盐水利山东左参议胡桂芳为广东副使备兵琼州兼摄学政

○丙午大学士王锡爵揭请视朝不报

○改南京吏部尚书温纯为工部尚书从陪推也

○升少詹事习孔教为南京礼部右侍郎

○升都察院左佥都御史王汝训为右副都御史巡抚浙江升光禄寺卿胡嘉谟为南京太常寺卿

○礼部覆哮贼倡乱庆宪王妃方氏节烈里合建祠其死节指挥赵承先母李氏妻李氏百户陈缙妻梅氏冠带官熊彦吉妻林氏千户杨湛母朱氏杨采妻范氏白缙母王氏明理妻王氏一体旌表今御史刘芳誉续题家丁孙时顺妻谢氏军丁罗伏受妻马氏与前李氏等一同建祠祭祀允之

○丁未升神机营右副将署都督佥事陈汝忠镇守贵州总兵宁夏副总兵署都督佥事麻贵镇守延绥等处总兵

○己酉升光禄寺卿周思敬为太常寺卿江西左布政使沈应文为顺天府府尹山东左布政使傅作雨为南京光禄寺卿

○予原任刑部右侍郎洪朝选祭葬从其子户部照磨洪兢考满所请朝选原经谪戍者

○赐海西忽把等卫入贡夷人劄失卜等九十员名筵宴遣侯徐文炜待

○升浙江按察使王之屏为福建右布政使湖广佥事王道增为陕西左参议陕西按察使郑汝璧为山东右布政使分守海右道

○庚戌大学士王锡爵等题今日以沈藩事传谕仰窥 圣意即古尧亲九族同封同姓之盛心而至于就中撙节不给全禄不为后例又未尝全挠有司之法臣等向已屡次传谕该部使之遵行但该部所据者条例所循者职掌致蒙 皇上切责而臣等亦为之反侧不安者也今该部既已题定钦依于二十六日遣官册封今尚以沈府事不决纵使礼官将顺臣等窃以事势度之从来新封王子必当先行宗人府查具履历然后行翰林院定拟封号次第行各衙门铸印造册具袍服事绪多端必非旦夕可办亦必不能及四月内各府册封之期不如且停今年定以别年举行免其再行争扰庶上不失 皇上惇伦睦族之恩下不误目前传制册封之典从之

○升南京都察院右都御史陈有年为南京吏部尚书翰林院侍读学士陆可教为南京国子监祭酒

○升工部都水司郎中李民质为陕西副使分巡关内道

○辛亥传谕天气暄热两法司并锦衣卫见监罪囚笞罪无千证者许放徒流以下减等发落重囚情可矜疑并枷号者写来看

○以副总兵管分守黄花镇参将事董承祺为神机右副将

○壬子礼部题准周府应城端康王勤燝嫡长孙在<田火定>袭封应城王夫人苏氏进封应城王妃淮府德兴王厚<田火或>嫡长子载土□保袭封德兴王吉安王厚□夕火番□嫡第三子载堞袭封吉安王肃府延长庄懿王真澆嫡长孙缙<田火受>袭封延长王韩府襄陵王朗□金夫贝□选平凉府镇原县生员李柱女李氏封襄陵王妃庆府弘农恭顺王倪□亻□田火□嫡长子仲□□甘中土□袭封弘农王选宁夏

中卫指挥李麒女李氏封弘农王妃赵府临漳庄惠王载土口兹庶长子翊翎袭封临漳王大人陈氏进封临漳王妃焚府江夏王英火口冀嫡长子华墀袭封江夏王继夫人进封江夏王继妃复行钦天监择本年五月初六日卯时吉行册封礼报可

○癸丑以端阳令节赐三辅臣及讲官金符艾叶

大明神宗显皇帝实录卷之二百五十九

大明神宗显皇帝实录卷之二百六十

万历二十一年五月甲寅朔辽东铁岭卫灾

○以巡抚山西都察院右佥都御史吕坤为左佥都御史协理院事

○升文选司署郎中事主事刘元霖为太常寺少卿

○保定巡抚刘东星奏静海天津沧州河间被灾军民化离之状最苦该部题覆发德州漕粮二万石分赈又八万石平糶煮粥给米从之

○赐郑府德庆王翊金口奕妃杜氏东垣王翊铠妃高氏祭葬如例

○宣镇督抚萧大亨等题留下西路管参将事游击王尚忠部覆依拟 上曰朝廷用人内外并重近来文官不乐外补武官不便内升其故何在吏兵二部务要详究弊端酌处停当毋使人自择官以滋奔竞

○户部覆三边督抚反巡盐御史所题将大池额办二十万九千八百五十六石该徵银一万三千六百四十两六钱四分除减去五万二千四百六十四石该银三千四百一十一两一钱六分尚存一十五万七千三百九十二石徵银一万二百三十两四钱八分为额内将七千二百五十一两八钱四分解抵延宁二镇主兵年例额饷余银二千九百七十八两六钱四分并裁省秤斗工食银一百四十四两共三千一百二十二两六钱四分解抵固镇年例不敷七百五十两五钱零仍在大小二池通融凑补其小池额盐二十六万四千八百四十石该银一万七千二百一十四两六钱除减去六万四千八百四十石该银四千二百一十四两六钱尚存二十万石徵银一万三千两为额尽解抵宁镇年例所减课银四千二百一十四两六钱二十一年准于太仓补发二十二年照数增入年例内题发以前年分拖欠盐石徒悬虚数悉准蠲免以后管盐官全完荐扬升擢九分八分分别奖励七分六分奖戒并免五分重加戒饬不及五分与四分以下者参治罢斥儆日后大小二池盐花盛生捞采有余不妨议复原额徵银充饷无得听管盐官侵匿隐漏

○乙卯升江西右布政使冯孜于本省山东右布政使高思忠于山东各左布政使

○调副总兵管分守宣府西路参将事李如樟分守黄花镇以四川都司佥书黄榜为浙江都司掌印

○丙辰四川都指挥使司起送乌思藏护教王并董卜韩胡宣慰使司别思寨安抚司及朵甘思直管招讨司宣慰使司各差国师进贡方物

○丁巳朝鲜国使臣韩准等以国难未平辞宴礼部覆近虽报王京收复而庙社丘墟君臣草莽委非燕乐之时相应俯从辞免从之

○戊午端午节赐三辅臣上尊珍饌

○起右庶子兼侍读刘夔先为少詹事兼侍读学士充 玉牒纂修官

○命左庶子兼侍读冯琦暂署翰林院印信

○升司经局洗马兼修撰杨起元为南京翰林院侍读学士掌本院印信

○复除御史杨绍程于河南道

○己未传制遣简讨李启美等为正使行人陈鏊等为副使持节册封应城王在铨等各印册冠服如例

○庚申 孝宗敬皇帝忌辰遣侯郑惟忠泰陵行礼

○大学士王锡爵等以群倭尽遁朝鲜复完请御朝献俘受贺

○辛酉大学士王锡爵上泰交要务四事一题覆宜慎凡一切章奏悉下部议使天下议论总条贯而归六部六部题覆别白黑而定一尊一听纳宜公就言论言就人论人使士绝踰涯之望无所为而言自公朝开翕受之途无所激而气自平一甄别宜先天下人品不齐然必先用其贤而徐简其不贤庶几举直而枉自错忘我而人自安一勘核宜审论人者务求根据部覆者必凭实迹的列年月明指左验被言者虚实既定言之者是非自明矣 上可其奏仍令部院悉心确议着实举行

○壬戌以昌平标兵营游击刘一藩为神机二营练勇参将

○调延绥八卫游击赵龙于宁夏升游击管神机五营李震分守金山参将

○癸亥延绥巡抚李春光题延镇二十年分应垦地一千九百四十七顷一十二亩因虏骑充斥开耕失时少垦地四百三十八顷零虏情叵测请暂行停罢 上以开垦系实边要务该管官用心经理毋以虏患为辞因循怠废倚纳内帑

○甲子吏科都给事中李汝华等言郟阳巡抚姜璧被论违例举劾所当议处并言以后凡荐举溢额者严为参究考察被黜者追究举主不报

○丙寅调甘肃巡抚标兵游击徐龙于延绥

○丁卯大学士王锡爵等请讲诗经孝经以诗得性情之正孝为德教所先以此进讲庶乎博而有要可以羽翼诸经日新 圣学不报

○工部题覆漕河防守向在伏秋今不意春雨异尝自济宁暨淮湖一带堤岸冲决关系匪细近该河臣舒应龙奏在济宁上下湖水涨溢则议筑堦城闸坝以遏汶水之南开马踏湖月河口以导汶水之北在淮扬之间则议开通济闸傍月河土坝以及文华寺前一坝以杀水势且欲帮筑湖堤开洩< 疏 >洞广募夫役早派委官及责成府州县掌印官俱目前事势所不容已者而科臣刘弘宝一< 疏 > 尤有深虑< 疏 > 内原拟各款逐一举行以图万全从之

○戊辰湖广抚按题全楚赋税徵解规则向来开载全书历岁寢久增减那移亟当厘正编刻全书竖石通衢使楚民永为遵守 上是之

○以锦衣卫南镇抚司佾书指挥佾事张叔琦掌本司印

○己巳户部题覆御史薛继茂< 〇〇〇 铨-金 >顺天府灾议以本府属预备仓谷共计十余石赈之报可

○南京吏科给事中陈容淳以祖陵雷火上< 〇〇〇 铨-金 >略曰本月十四日卯时雷电交作见于 祖陵本所头铺地方大松树孔中忽然起火竟日方灭夫雷天之号令也人君之诏诰象之 陛下册立之旨屡更俄且报罢虚前星之位缺预教之典纶綍如戏群听大骇宜天之号令感而弗顺与雷居震位于乾坤为长子助阳折甲万物莫不寄命焉气弗平则鸣势大鬯则洩此雷之所以迅而火之所以生也 皇长子芳龄及期典礼未定四海怅望愤愤欲鸣而雷为之不平与又或者天之意若曰怨岂在明祸必有孔肺腑之内妖孽窟之隙窞之开妒害深矣火之始然犹可扑灭当明见而早决与又或者天之意若曰君之树国比之树木木之枝叶虽茂而中虚则焚国之文物虽隆而本摇则病太子社稷之本也预建之典累叶相承濡滞何缘动摇是虑 祖宗之灵有弗安与昔宋仁宗嘉祐时京师大雨赵忬范镇皆以为天变之发本于储贰之虚乞速赐裁定以塞天变今 祖陵不轻于京师雷火不减于大雨诸臣之恳请不殊于赵范而 陛下之盛德岂独逊于宋宗哉不报

○南京工科给事中陈洪烈为灾异叠见陈修省要务大略言李材之议辟与穆来辅之议戍均为失平王教钟羽正万国钦之□□宾弃均为可惜漂没之漕粮责偿运官赔累小民均为非政乞善处以回天意不报

○庚午命翰林院修撰唐文献编纂章奏

○壬申以提督京城内外巡捕右都督杜桐为镇守保定等处地方总兵

○癸酉升广东按察使邹墀于江西山东按察使田畴于山东各右布政使以贵州左参政蔡贵易为浙江按察使贵州左布政使范仑为光禄寺卿

○甲戌起升吏部左侍郎赵焕为南京都察院右都御史以总督仓场都察院右都御史兼户部右侍郎周世选为南京户部尚书以右通政魏允贞为都察院右佥都御史巡抚山西

○兵部言年来将领轻内重外已后凡遇京营员缺本部不拘内外将领查其资荐酌量优筭推补待其任事稍久试有局干谋勇堪以重用者其资俸较之在外亦准优筭不时拔擢边省以尽其长得旨京营根本地使人视为劣升营务何繇振举今后务慎选优待破格擢用以励贤能

○蓟镇属夷长昂入犯查参失事官员总兵张邦奇等罚俸有差 ○两淮巡盐御史綦才条议一复榜派照嘉靖旧规将盐商中到勘合排定时刻次序即将上中下三等场分及查本色折色逃亡三项相兼品搭每年二次榜派关引二开囤积金驯善市民充铺户令将水商运盐接买收囤以便细民惟王府势要人家不许商人亦不许勒索高价三严私贩选委佐贰于梅岭及玉山地方巡缉广浙私贩四宽公罪盐商入场出场到桥到坝二十个月准小违限二十五个月准科大违限至割没盐斤夹带滋弊不得宽假

部覆御史言是允之

○礼部题覆太医院条议一预授填注二分科顶补三内外通叙四大考等第五甄别医官六收补习学从之

○陕西巡按刘芳誉题嗜贼倡乱各堡闻风响应惟常信堡坐堡百户陈缙督率堡军保守甚严初贼差逆丁张保等向缙逼取牛车转运缙杀之贼恨缙刺骨选贼中素与缙有瓜葛者十余人假投降诱开门旋缚缙出堡民男妇几百人号哭追赶遇伏起执男妇八人去贼碎缙等尸内二妇至死骂不绝后逆贼吴敖坝勾虏二千攻陷本堡屠之除百户陈缙应赠应升外其余死难官民于该堡择地建祠春秋委官致祭礼部覆允祠名褒节

○又题游击梁琦守备马承光总旗安宗学等四十一员名百户陈汉仓吏杜祥指挥使王琦等六十九员名或以抗贼碎尸或以骂贼灭族分别赠袭职级建祠给田以永香火仍贍给其家祠名显忠

○兵部覆兵科都给事中许弘纲等题顷缘倭事紧急稍从便宜区处今事稍定亟宜明著诏令宣示中外自后用人悉照旧制循资格罢间将吏不许金口赞刺复官无藉棍徒不许夤缘进用果有才能凭抚按采录不得上书投揭通政司严为遏绝其虚銜如程鹏起辈速为削夺浙直川广徵调兵士岁费帑金数百万今聚易散难处置之方铃束之法宜首及将领严为之令归而一部无哗者该管升不踰时沿途生事者罚报可

○巡抚甘肃都御史田乐题西夷进贡回还所发勘合既填实柜又填空柜使得有置货之具迁延满载非便兵部覆勘合止填在京原有之柜则空柜正系原有应填之数议减恐启外夷角口央望争扰之端该抚按凡遇西夷入贡备查箱柜必系满载方给车辆如有货少柜多希图买卖者先为量减以清其源及回还之日本部仍照原来柜数填给勘合若原数之外另有多置空柜即行裁革仍责成道府严督所属州县驿递预备车马廩饩随至随发无致迁延如迟至五日外不行即将官吏提究从之

○以南京兵部职方司署郎中事主事刘养志为山西佥事驻劄宁武

○乙亥大学士王锡爵等题臣等考古人养生家言以月令冬夏二至为阴阳相争之候最易损人即今节交夏至一阴始生正阴争于阳之候惟我 皇上清心寡欲平气怡神以养其内节食戒饮昼动夜息以养其外

○加陕西总督都察院右都御史叶梦熊兵部右侍郎兼銜

○改许弘纲吏科都给事中张问达工科左给事中吴岳秀户科右给事中

○吏部题推补大臣必其历俸稍深勋业闻望已著今两京六部等衙门员缺甚多老成甚少以后紧要京堂以上员缺查其应推官员如或俸浅而资深或资浅而望重酌量人缺相应陆续推补俟既推之后责成久任需以俸深方行推转庶乎目前之急缺可济将来之实效可臻从之

○调山西被劾佥事范守巳于四川驻劄建昌

○丙子大学士王锡爵等题今日奉旨根究倭寇声息仰见 皇上身处九重心悬万里不以战胜忘忧不以敌去忘备敢不直述所闻以对倭奴大众久屯王京图望甚远赖我 皇上独断乾刚大彰天讨文武将吏奉庙堂之成筭乘战胜之余威因而驰遣辩士说谕归巢仍间离其伪帅丰行长清正等委于前月十九等日络绎离王京而南今已行过四五百里节经抚塘报时日又得一报谓倭虽尽行而在路每人徒步担五斗粮日行不勾四五十里又闻自王京至釜山半路间却又停止创建或已经禀命被其中止其三闻鲜人积受荼毒欲乘其远归饥乏之际追袭报讐或者因知此信所以欲行复止立寨自防凡此皆不与中国事乃臣等独忧我兵怵于浮议昧于大体有如见利而动亦为鲜人所为则不惟自亏大信其曲在我抑恐远追穷寇全胜难期已经节次贻书经略阻之再惟兵家进退决机呼吸今该部见有议撤召募南兵及处分缅甸事皆关系军机紧急乞即发下以定边计

○户部题覆科臣王德完刘弘宝所奏凤淮扬三府灾水特甚议行蠲赈从之

○以五军营右副将署都督佥事马应元提督京城内外巡捕

○丁丑夏至祭 地于方泽遣公徐文璧恭代

○宴赏入贡夷人海西安河等卫都指挥歪卜等八十五员名忽儿海等卫都指挥阿失卜等八十九员名

○起补湖广左布政使钱藻广西右参议董樾各原职于贵州升广东右参政龚锡爵为本省按察使补浙江副使徐成位于山东巡察海道

○戊寅宴赏苟家坪等族林家山等族青石山等族各入贡番人

○己卯 穆宗庄皇帝忌辰遣伯杨世阶 昭陵行礼

○庚辰赐大学士赵志皋张位各银币以东岳庙工完撰文故也

○以镇守陕西总兵官署都督佥事董一奎为五军营右副将改游击张奇功于昌平标兵营

○辛巳兵科都给事中许弘纲力辞调科铨臣刘四科言弘纲揣辅臣意存许子伟故尔推逊辅臣< 〇〇〇 铨-金 > 辩 上慰劳辅臣而下二臣< 〇〇〇 铨-金 > 于六科议

○庶吉士董其昌铨注翰林院编修 ○升石昆玉山东按察司副使管两淮运使司事盖重盐官之选如科臣议也

○巡漕御史李时华上漕政六事一漕船缺额当议二运官更换当议三押空委官当议四印运更番当议五江南浚河当议六总兵入京当议

○蓟辽总督顾养谦揭顺永二府所属地方宝坻武清东安灤县香河等五县频罹重灾民贫彻朋骨口道根树皮已尽虽经赈贷而嗷嗷众口所济几何议将梁城所剩粮五千余石就近给散又请通州漕粮二万石户部覆许将梁城所剩米并各预备仓义仓贮谷听委官严核贫民等级分投给散至于京通所贮漕粮向无擅动之例 上从部议

○升四川副使陈勛为广东右参政分守海北道 ○壬午礼部题宗室奏请婚

封奉有成命始得入府成婚今瑞昌王府镇国中尉多燉选配范氏于嘉靖二十五年三月内入府成婚二十六年八月授封恭人是入府在未封之先以致多火口雀讦奏擅婚本部已将谋野口爻等题奉钦依革爵讦随该本部议覆江西巡按御史赵燿条议擅婚得旨分别在二十八年以前者姑准照常请封今多燉诸子比援前例请复封爵相应题请谋野口爻谋樽谋堂谋口走口早口合无补封为辅国中尉报可

○癸未礼兵二部覆倭贼倡乱生员蒋三重纳赋童生郭自谦李友桂武生陈嵩义不辱身骂贼而死例应一体表扬生员尤凤李乔张有知张守约王桐王<口口心>德同谋杀贼协力除王<口口心>德已授冠带官被戮应破格优处其尤凤等五名查比廩生获级事例准取入监以奖忠义内尤凤与周国柱同功国柱已蒙上赏尤凤仍应于历满咨选之日破例优叙生员陈廷义等六十八名童生杨重华等十八名武生吴大忠吴应举等各设谋协力不论成否均切不共戴天之心被囚不计久近皆存见危授命之志生员相应分别赏赉童生暂取寄学候考以上生童仍宜刻石黄宫以为世世仗义者劝内武生吴大忠仍同蒋三重等并祠从之

大明神宗显皇帝实录卷之二百六十

大明神宗显皇帝实录卷之二百六十一

万历二十一年六月甲申朔兵科给事中侯庆远题倭奴中途筑垒固险为久驻计我师追蹶已度王京三百里独苦无糗糒臣窃谓初我师出境无敢谓百全必克者暨平壤一捷开城再捷颇以倭为易与于是有碧蹄之败因败而怨持重自保于是乎有许和之议倭奉约而南又见谓师老气竭惰归可乘于是乎有尾击之说窃怪我与倭何讐也诚不忍属国之剪覆特为勤数道之师挈两都而手授之朝鲜存亡兴灭义声赫于海表我之为朝鲜者亦足矣而复为之苦战以横挑已讲之倭恐非完策也朝鲜谊不与倭共戴天则五合六聚而挠之以贸首为快不惜其他势也倭欲归弗得计大创追兵未可平行无虞则蒙死不返顾亦势也今我助朝鲜以斗假朝鲜推大国以为锋而我又欲先用朝鲜之众以为尝两军争便倭得张疑以持我而并锐以走朝鲜朝鲜不支我师亦难独立矣凭怒求战致毒必深何可不虑害也王者之师不趋小利不徼小胜我以德植朝鲜以信屈倭奴全归而归所获实多若旋结言而旋倍之是谓不祥即馘数千百级不足以称武而厮舆有一不备适足以损重而貽羞乌容不审权也伏念倭既不能殄之而除本则莫若纵之以成信朝鲜不可轻动亦不可中弃则莫若少留锐师以为之声援宜亟敕兵部谕东征文武诸臣毋狃敌毋信降毋妄希奇捷毋不虑隐患朝廷以完师为功不以深入多杀为右要以早休士马速纾东顾而已 上是之敕兵部不必议覆驰示东征官令其从长酌处但以旋师退贼为功毋得惶惑自扰以误大计

○以中都正留守许国威为蓟镇南兵游击

○丙戌大学士王锡爵等题臣等连日出阁至朝房与各部诸臣相见兵部则催下原覆薛继茂条陈缅甸夷情都察院则催下所拟史善言兄弟逼嫁继母情罪户工二部

申劾之下兵部看奏

○兵部题覆陕西流虏二入犯功叶梦熊田乐张臣徐三畏等赏赉有差

○壬辰宴赏海西弗秃等卫入贡夷人都指挥往吉奴等一百八员名

○兵部覆巡视京营科道张辅之等所奏申饬上班官军务选补精壮查系正身方准督发上班到京之日听巡视科道本部司官按册查点如有年貌互异及考弱不堪者该省直军卫有司并领班都司劄付各官俱听从重参处其二营军勇移文内监衙门行令各营不许照前侵占仍专责巡视科道查照食粮见名时加点闸但有隐占名役悉行查出尽归营操违玩各官悉听一体参究从之

○

○刑部题李荣拟徒当配其母刘氏以残年告乞准赎养老据大明律内有除犯死罪非常赦所不原者而祖父母父母老疾应侍家无以次成丁者收赎存留养亲乞恩一如圣祖瘁恶之中仍存教孝之意从之

○先是兵部以马继武镇守浙江得旨矣后又以副总兵李应诏材优于武请易之不允于是兵科给事中侯廷佩言事贵慎始始之弗确而顾欲更于既命之后形会推之疏显已见之独非体马继武既经本兵请易势难仍旧或简可当冲边大将彼此更调务人与地宜李应诏仍候推补上用应诏镇浙江而留继武旧任

○乙未准南京礼部尚书王弘海回籍调理候召

○丙申予原任都察院左都御史起工部尚书辛自修祭葬赠太子太保并予谥

○礼部议缅甸莽应里因缘黎京桂一通把进贡方物又无金叶缅文止托孟璉土司代进而又求赏赉求差使颁谕封号台臣薛继茂欲允其贡嘉与更始科臣张贞观欲遣京桂等诘以已贡而复构兵之繇语以已赏而复暂停之故无非慎重驭夷远虑合移该抚按从长计议或先颁已行之赏以示我信而后责其背盟之故以察彼情果真有乞贡之意亦必申明约束以后毋得肆毒属夷借口未犯天朝为解即孽缘别部不得以不知为辞然后徐议封贡从之

○山西道御史李日茂题直隶按臣黄卷请复长芦运司学宜从下礼部议

○以工部屯田清吏司署郎中主事王志为四川佥事分巡北道

○丁酉大学士王锡爵等题吏部尚书孙鑰第十次乞休< 鑰-金 >臣等先因本官称病甚危执词甚决心切苦之然大臣告休阁中无径自票允之理去留通候圣裁如皇上尚欲留鑰乞将臣等所票御史牛应元< 应元-金 >先将鑰所荐邹元标等酌量叙录行鑰之言则鑰庶乎可留耳不报

○刑部题犯法愚民何处不有而冤民亦何处不有若非每岁清理必待五年差官冤抑难免合无照两京矜疑事例岁酌一行请于巡按每岁审录外再立澄清圉圉之法师两京会审之规为抚按会< 抚按-金 >之例方春时和每岁听两直隶十三省各抚按官会行所属问刑衙门各审部内轻重囚犯按察司居省会即审省会之囚守巡道有分土即审各道之囚皆亲身巡行不得调

○壬子礼部题湖广山东等处孝子贾应进节妇杜氏等十九口烈妇吴氏等十一口孝女杨氏烈女潘圣姑等二口例应旌表从之

大明神宗显皇帝实录卷之二百六十一

大明神宗显皇帝实录卷之二百六十二

万历二十一年七月癸丑朔以孟秋时享 太庙遣公徐文璧恭代

○赐吏部尚书孙鑰乘传回籍

○升吏部左侍郎兼侍读学士黄凤翔为南京礼部尚书山西左布政使陆万垓为都察院右佥都御史巡抚江西

○推南京通政使司右参议孟一脉为应天府府丞沈桐副之 上用副者

○兵部议留刘綎吴惟忠骆尚志所部南兵及沈茂兵分防大丘鸟岭王京各险要而辽东系朝鲜要害量留精兵三千以备叵测查南北将领谋勇者酌留数员各带亲信家丁惯熟炮手从宜随驻各镇兵马尽行撤放天气炎蒸恐途中壅挤应先发蓟镇宣大有虏患者次山西次保定各照例给与行粮料草途中不得骚扰违者军法从事从之

○升河南佥事任应徵为陕西行太仆寺少卿兼佥事

○甲寅先是工科都给事中刘弘宝等题总理河道尚书舒应龙霪雨异常

< 疏 疏 疏 疏 疏 > 请赈沿河各州县又本部署部事左侍郎沈节甫题浙直闽閩萧条乞停龙袍之运至是工部覆准徐一带被水灾民救抚按作速勘实破格蠲赈浙直织造 龙袍除春运已到外以后未到运数量免一二以节民力不允

○升蓟镇大安口守备徐栋为遵化辋重营游击

○乙卯夜五鼓彗星见于井度长三尺余

○丙辰予鲁府福安王寿鈇祭葬如例

○ 仁孝文皇后忌辰遣伯陈如松 长陵行礼

○己未河南巡抚赵世卿言卫辉府获嘉县路居冲要差役浩繁兼自万历七年以来灾沴频仍瘟疫盛作人户逃亡过半户部议请将本县孝和等社确碾荒地一百四十四顷五十三亩有奇该粮六百一十八石有奇尽行除豁并蠲其已前积逋从之

○户部覆云南西井原额盐课减去实徵定数崖泉新兴二井既废课银明与除豁其东新井照今议每岁徵银如数尽作新增入额充饷以后废井复兴及别地产卤不许隐匿私窃僦盐卤先盛后衰即当勘议酌处以苏灶困从之

○礼科都给事中张贞观言祀典关系甚重日久遣代非宜我 太祖高皇帝制为祖训一书其款约十有二而始于持守即继以严祀谓凡祀 天地 社稷 宗庙精诚则感格怠慢则祸生故祭祀之时皆当极其精诚其风云雷雨山川等神亦必敬慎自祭勿遣官代至于明著遣官代祀者惟 历代帝王并 旗纛 孔子等庙而前一日犹沐浴更衣处于斋宫□□稟□□稟焉不敢即安也 祖宗一代之谋谟实子孙万世之法守 列圣相承罔或失坠即我 皇上御极以来始何常不兢祀事后特以 圣体违和

间有遣代耳乃今则视遣代为固然无论 郊社之隔越即 太庙咫尺犹尔矣无论冬夏之寒燠即春秋适调犹尔矣诗云顾我蒸尝汤孙之将明非类不飨耳兹所遣代者不过勋戚之胄彼其气果能与 祖考通乎抑安在其为飨以类也方今淮甸之水畿辅之旱湖襄之风霾兖豫之淫潦所在为沴而地震天鸣甘宁殆无虚月流星火光辽蓟屡有报闻沈阳之天火焚毁千家留都之迅雷煨及 陵树固可以徵天心之仁爱而亦可以见宗公之怨恫则竭诚以格 祖回天正今日吃紧第一义不报 ○庚申吏部题科道乏人查照先今题准事例将在外进士举贡出身推官知县等官历俸四年以上查访其考荐优异舆论共推足堪台谏之选者坐名行取其在京行人博士与进士出身中书舍人国子监博士等官候临选之时一体取选南京者先行查取大约俱以历俸四年以上为准从之

○礼科都给事中张贞观复< 疏 >请 庙享缘秋祭届期恐 圣心玩愒日久复以遣代为常谨援 祖训披愚衷预渎宸严盖冀 皇上之卜 口番然一悟格 祖回天也而复有旨暂委公徐文璧恭代矣夫今兹之祭秋祭也其自宫至庙为地几何奠献裸将为时几何质明而行顷刻可竣何得以暑为解即 圣体之调摄为信乎则陛下之久处深宫果日飡苓饵木耶抑不免耽麴孽也果日歛精啬神耶抑不免溺佳冶也果寝兴有度耶抑不免俾昼作夜也 陛下当自知之可信于 陛下之心即可信于臣民之心可信于臣民之心即可信于 列圣在天之心 陛下虽遣代而臣等谓可必其来享也倘不能自信于 陛下之心何望信于列圣九皋之鹤鸣闻于天宫钟之鼓声闻于外即人不可欺而况于神乎已不可欺而况 祖考之与 皇上一气感通尤为日监在兹者乎不报

○辛酉总督仓场覆御马监仓场原额料岁派四万七千石三场草共一百七十四万束自万历十三年增添内操马三千匹岁增料二万五千石草六十万束去岁业经户科条议本部题覆清查见在马骡驴头共止二千六百六十五匹又查出余积四色料共七万九百九石三场余积草共一百四十五万六千九百九束题请酌议裁减随奉减料三千石草十万束之旨夫题请清查马匹正欲据见在实数酌派料草无使虚冒也其清查料草正欲据羨余实数作正支销可减召买也今马匹清矣而料草不为酌议与不清何异羨余报矣而不得作正支销与不报何异据查余积料七万余石仅减三千余积草一百四十余万束减十万与不减又何异且料如豌豆黑豆尚可久积若菽豆大麦则一年即坏耳料积而腐草积而朽孰与存银在库不虑亏折乎腐朽则不可饲马孰与尽行支放使马常食新乎夫岁费十六七万金以供马匹日耗则餽养之无效可见去岁夫师庵草尽被灾而草尚积余则革料之当减甚明始无原额马匹草料即十三年增马三千增料二万五千草六十万矣乃今见在马匹止二千六百有奇耳不惟原额无存且于增添之数不满然则原派草料尚可议裁况新增草料犹然不革乎臣查该场注销文簿止有收放数目并无马匹及日支数目虚冒显然况该仓场见有余料七万九百足支二年

余草一百四十五万六千九百九束亦足支年半若不及今支放必到腐朽是以有用之物而置诸无用之地也不允

○浙江巡按彭应参题顷朝鲜用兵两师压境经略宋应昌令沈惟敬往来如织及碧蹄一战我师长驱之气已沮倭奴请贡之词愈傲而经略代求之说愈坚时台省诸臣争之甚力随奉不得轻许通贡之旨臣切思倭奴通贡断不宜许 皇上可一言而决耳今旨谓不得轻许是明示以权宜可许之意也及得当事手书称倭奴碧蹄馆一战之后畏威服罪乞哀通贡不出五月可了夫是役也大将仅以身免倭奴何畏之有而固乞哀求贡岂真有心悔罪耶不过经略以师出异域久无成功阴许通贡速得倭奴回巢归朝叙功耳臣窃计之倭奴通贡势必自宁波入而绍兴杭嘉等处皆必经之地臣恐地方惊扰设备劳费万一乘便肆螫则边海重地财赋奥区其受荼毒当不知何如烈也此其害之在地方者又思天下财赋岁入不过四百万北虏款贡浸淫至今岁费三百六十万罄天下之财仅足以当虏贡所幸东南无事耳倘倭贡之套再成则自淮扬苏松两浙闽广间在在皆可开市皆当御备而喜功黷货之夫又复簸弄其间则东南市费当亦不减西北此其害之在国家者臣愿 皇上断然不得许贡不必调停两可开诸臣以藉口之隙愿辅臣本兵各输忠赤毋过听匪人自便之计仍敕兵部严谕经略诸臣乘今六师既集沿海有备之时极力长驱务令倭奴片帆不返下所司议

○壬戌以礼部左侍郎赵用贤为吏部左侍郎

○升四川按察使李士达为山西右布政使

○癸亥命礼部左侍郎兼侍读学士范谦教习庶吉士

○吏部题原任礼科给事中杨东明起补吏科原任山西道御史敖选起补福建道原任浙江道御史赵士登复除原职

○升陕西副使杨德政为山东左参政

○甲子大学士王锡爵等题时交秋令阴两新凉论 皇上调燮之常理静久当动论臣子瞻依之至愿蓄久当通属者天象示变 圣心警惕亟下修省之诏计 皇上独居宫中左右顾问之无人亦必有穆然深念思与臣等一见者臣等窃惟事天以实不以文降服乘幔撤乐出次者修省之文也君臣和德饬纲陈纪者修省之实也惟是朝讲久旷堂陛不交往往有 天语亲传而德意不宣于下 宸翰亲决而威权不制于上合无乘此修省之时少赐须臾之间使臣等与百执事皆得仰睹威颜于以尽舒久郁之人望大振积弛之朝纲庶几和气可回灾祲可弭且臣等夜视彗星渐近紫微垣于象为君于地为藏神布政之所尤不可不深畏尝闻天地之理阳伏则阴飞正赢则邪缩在里舍愚民尚有禳星镇宅之法而况 皇上身系泰阶之符五行七曜所从受纪顾当此非常之谴异而欲以寻常修省弭之岂有响应之理更望慎起居于宫闱缓督责于左右寡嗜欲以防疾散积聚以广恩于以上应紫微垣示戒 君身之象此亦 天子之厌禳也不报

○赐日讲官掌司经局洗马兼修撰敖文祯乘传养病给路费纁丝

○吏部推南京刑部主事邹元标为陕西提学以工部郎中沈季文副 上点副者

○丁卯总督仓场户部右侍郎褚鈇题臣见一年所入止四百五十一万二千有奇所出至五百四十六万五千有奇是所出返多所入九十五万三千有奇而钱不与焉再三看详不胜骇愕臣窃惟自古圣王必量入为出而周礼冢宰制国用计三十年之通必余十年之积我国家财赋岁有常供迩来耗费日甚去岁宁夏之平朝鲜之援输饷四出动逾百万有识之士大为寒心乃北虏犹然效顺省直无大灾沴而一岁之入尚不能供一岁之出设使天下有意外之事接踵而至不识将何以应之乞敕户部会同九卿科道从长计议究其匱拙之繇豫撙节之实诸凡冗官冗食可裁者裁各省直历年拖欠当追者催比务俾储蓄丰盈 上是之

○礼部题查勘过宁夏达贼入犯井沟口官军就阵擒斩贼级一百七十六名颗口夷器马驼牛羊称是照例择日宣捷并告 郊 庙

○户科给事中吴应明题近见兵部差沈丙懿密访夷情内称关白中毒已毙平柴二贼相图经略总督了无报闻臣观倭奴攻陷朝鲜易于破竹乘胜之师何所不逞乃我师一集辄弃开平而不顾守王京而不坚岂诚畏威远遁哉自古行师不战而退者非军中有疫则国中有变未可知也夫倭奴情形未有真见我师进止当有定画粮少当请增饷不当请还兵若惮远追当议聚屯不当议撤放朝鲜之地岂无平衍可黍可稻者相其地利务为耕种略如充国之屯金城孔明之田渭 口 宾而时以馈运相济兵虽留不忧食也至于所谓留兵唯阳示之战以张其形不当急迫之战以疲其力惟协守开平王京以固其防不当散守各路诸岭以分其势则清野坚壁亦可长不困矣而胡为遽议撤乎惟撤兵之议起于如松议者纷纷谓其人本无奇恐一举不当尽露平生故欲退而为规避之计或谓其富贵已极故欲坐而为安享之图古人云匈奴未灭无以家为如松世受国恩身膺推毂宁可如是伏乞 皇上特旨宣慰如松嘉其旧绩勉以新功务拒岛寇归巢务期朝鲜复祚仍申谕应昌移驻王京身先倡率务与如松同心协议下所司议

○户部尚书杨俊民以科臣杨兰论劾乞休不允

○戊辰巡抚宣府金都御史王世扬题斩获安兔下部夷首级三十七颗请议升赏

○以礼部左侍郎兼侍读学士范谦同陈于陞教习庶吉士

○庚午 成祖文皇帝忌辰遣侯孙承恩 长陵行礼

○兵部覆四川巡按王象蒙参土官杨应龙 上以应龙既无叛逆重情彼处抚按行提酌量情法具奏不必差官往谕

○南京监察御史萧如松申论杨酋罪恶自言为贵阳府推官时曾以公委往勘播事稔知之者下所司议

○予阳夏王载非 口 土祭葬如例

○大学士王锡爵等题臣等谬尘心膺原与外廷不同必精神常相流通然后得以展布今 皇上口传御批间常颁出然所颁者十不二是 上意未尽下宣也臣等露

章密揭亦有敷陈然所陈者十无六七是下情未尽上达也臣请今后 皇上凡有宣諭更不须中官口传愿 皇上亲洒宸翰随意数行俯示臣等容臣等即时据实条奏以俟圣裁臣等凡有所闻亦不必频具章奏容臣等随事且陈简明数语便达御前望 圣断即时信笔批出此亦联属泰交之一机也况臣等每见 皇上御笔发出捧诵欣玩 天语确当出口成章 宸翰道劲信手称妙中间即有涂改增窜愈见注思之详审落笔之变化乃近来往往有蝇头细书亲自挥洒而反托之内臣眷真不惟掩昧手札抑且朦胧独断使外廷之臣尽以为臣等之润色及左右之诈传尤可惜也窃考 先朝故事 太祖高皇帝与 世宗肃皇帝斋居决事常信笔皃皃数十百言比时近臣即逐款手书复奏 君臣之间真若家人父子是以宫府无壅而治化光明方今朝事纷纭人情观望臣等既未得朝夕望见 天颜因感 圣谕惓惓附效愚忠如此不报

○辛未以陕西宣捷祭告 郊 庙

○巡视陕西茶马御史徐彦登奏仆苑之官守日轻马价之侵渔日甚远番之慕义当安孳牧之厩苑当复四事部覆原设番厂久坏夷人无栖宜于河州及西宁洮州修筑添补厩牧无房亦令修治增设从之

○南京兵部尚书衷贞吉题京口当运道咽喉顷倭报旁午科臣台臣建议复设总兵先年盐徒秦蕃王艮之乱添设镇江总兵事平裁革续因倭寇入犯议设江南副总兵驻劄吴淞居中调度金山京口俱在所辖若京口复添总兵一柄两操不便今巡抚都御史朱鸿谟都御史操江张养蒙等酌议省总兵添兵道每当春汛即调备倭都督统率水陆兵赴守镇江似为得策合无除平时将陆兵驻守留都江岸要区水兵分防江关紧要外每岁春汛备倭都督统率陆兵三千前赴镇江京口防汛一应官兵廩费行粮支給既无本项公帑加派必至扰民应行该巡抚查议处给或将解京银两量留支用候汛毕官兵即行撤回庶京口留都各保无虞矣下所司议

○癸酉礼部题管理王府员外照提督四夷馆例久任三年专修本职不得别有差遣满日考其成绩移咨吏部兼论其资俸与仪制郎中一体升转著为永例从之

○叙宁镇井沟口血战功升赏叶梦熊朱正色萧如薰等有差

○御史薛继茂题民隶于有司必有司有清白之操而后生民得所今有司多以赃败非其性固然势非得已也臣谓府州县正官事权较重嫌迹当严佐领以下即于附近省分铨补亦无大碍或人多缺少远不过二三百千里在文选司一调停间耳军隶于卫所必卫官有抚绥之泽而后军士归心今科索军余视如讐敌盖指挥千百户皆至京袭职转文有驳查起送有常例比五府挂号部堂发司有使用土司有至一二百两者吏胥视为奇货店主吓诈多方不曰驳回行查则曰新例降级内家人外家人大走空小走空稍不如意或藏匿其黄册或洗改其父文一经驳回竟不能袭先年哮承恩袭职怀恨遂萌反心可为明鉴臣谓云贵两广四川福建等省指挥官职稍崇必须赴京千百户以下令该卫结送都司兵备道互查送抚按覆核比试公文季送兵部查明选替如有情弊不妨

驳查其劄付季咨抚臣转发于该卫衙门谢恩到任在武选司一振刷间耳不报

○升光禄寺寺丞蔡悉为南京光禄寺少卿

○甲戌南京监察御史柳佐论四川巡抚艾穆背违明例所禁 上姑寘艾穆而责该科不糾今后故违容隐者一体究

○乙亥彗星逆行入紫微垣犯华盖星

○巡按福建陈子贞题闽省土窄人稠五谷稀少故边海之民皆以船为家以海为田以贩番为命向年未通番而地方多事迹来既通番而内外又安明效彰彰耳目一旦禁之则利源阻塞生计萧条情困计穷势必啸聚况压冬者不得回日切故乡之想佣贩者不得去徒兴望洋之悲万一乘风揭竿扬帆海外无从追补死党一成勾连入寇孔子所谓谋动干戈不在颡臾也今据布按二司左布政使管大勋等及总兵官朱先等勘议前来相应于东西二洋照旧通市而日本仍禁如初严其限引验其货物一有夹带硝磺等项必加显戮彼商民固有父母妻子坟墓之思者方以生理为快又何敢接济勾引自蹈不赦哉且洋船往来习闻动静可为吾侦探之助舳舻舵梢风涛惯熟可供吾调遣之役额饷二万计岁取盈又可充吾军实之需是其利不独在民而且在官也下所司议

○丙子赐辅臣鲋鱼

○礼部题隰川王府无禄宗室充< 火禹 >等奏讦同宗充摭等欧逼宫眷诸恶查本年六月内充摭等越关奏讦充倓越序管理为恶多端已经行文彼处抚按查勘外今充< 火禹 >等复有此奏果如所云则充摭等恶极矣安可讦人之恶自掩其恶也且既称充倓以贤能素著会保管理如其果贤又何必改弦易辙耶乞敕臣等移文该抚按严加查勘充< 火禹 >所讦充摭等不法事情果否的实其管理充倓果否贤能堪任不必议更逐一查审明白并究充< 火禹 >等越关渎奏之罪及管理府事并辅导等官一体参奏报可

○霍丘霍山二县大雨淹没田庐人畜无算

○丁丑户科都给事中王德完< 距 毓 金 >条议宗藩四事一曰严催徵之法向者各州县另立王庄名色每年查参降罚与起运同王粮不足分数者不许给繇乃今各王府奏欠比比而降罚给繇诸令并未见行也二曰清奏请之蠹诸藩遇一奏请则保结用印出结覆看皆有常例于是议改属巡抚衙门代奏然仅可省其外蠹耳至于鞬鞞之下猾吏积书串同需索内蠹又曷可胜向鲁王尝称奏请之费起于稽查之严则省勘驳尤恤宗之关键也三曰定选举之制与之入学中式将军以下改官升转四曰重宗正之选从宗室中推举学行一人为正二人为副繇抚按选择亦听其举劾预请敕諭申飭正养育成就之机者也下所司议

○以协守洮岷副总兵署都指挥佥事刘承嗣为镇守四川等处总兵官

○辛巳夜四更火星逆行入室度

○以分守兰州参将署都指挥佥事孟孝臣为协守洮岷副总兵官

误事

○甲申大学士王锡爵复奏昨捧 御札谕元辅自彗星示现朕心甚忧惧警惕卿上密揭意欲以大典为禳角□羊甚见爱君忧国之心卿之忠赤朕岂不知且夫册立之事本欲蚤行朕怒群小烦聒疑或故屡改移况今春有旨候二三年与出讲一并举行朕意已定今又发旨是又无定言矣夫二三年亦未为迟且星变之灾乃朕之不逮咎在朕身非卿失职卿可安心辅治册立事还候旨行夫 圣意久定 皇上自知之臣等亦共知之乃呶呶群小无端烦聒怒之是矣然为群小而自轻父天母地 九庙社稷之身不仁天心仁爱其昭然示警者为群小乎为 皇上乎使星占万有一验果群小当之乎皇上当之乎二三年举行之旨骤更诚为无定然不难更屡年久定之旨而反欲守今年新定之旨不知 上天之怒以 皇上食言而怒乎以不食言而怒乎 圣谕到臣宅臣开臣闭无有知者幸翻然更赐裁决勿复以成命难改为嫌

○总理河道舒应龙< 疏 金 >五月既望以来大两倾注河流涨溢邳州城邑业已陷没高宝等处湖堤冲决及今修筑其要有四一优夫役在从宽估二亟赈贷冀发帑金及所积金花银三溥 圣惠徐淮数郡山东河南二省均乞遍及四专委任在假河臣便宜下所司议

○丙戌因星变谕曰 皇帝敕谕内外群臣顷者 皇天垂戒灾异洊臻孽火飞流河水横溢漕船损于飓风禾稼伤于霪雨至于彗星之变尤属非常朕仰承 天心仁爱且感且惧已斋居思过反已责躬兼敕大小臣工痛加修省外尤恐穷檐蔀屋之下极边荒徼之外耳目不周军民失所以干天和是用痛心疾首申谕尔等朕念频年以来各处民穷财尽虽繇兵饷增加供亿烦费亦多因有司官不勤抚字恣意贪渔或烦词讼以利赎缓或重徵收以取余羨甚或积逋之税已蠲而复徵宽恤之旨屡下而终格以烦扰为精采以刻励为风裁狡猾者市直以文奸鬪茸者偷安而苟禄凡此数条虽罪有重轻同为民害而抚按官或偏信毁誉专任爱憎捷径金□赞刺者登荐书悃悞无华者列下考劝惩倒置吏治何繇得清今后但以小民得所为有司之贤否以有司得职为抚按官之贤否其不恤民瘼无益地方者即时议处奸贪不法酷虐害民者参奏拏问如有真心实政德意及民者即据实迹特举以凭优异至若有灾地方倍宜轸念责成司道课督守令躬自踏勘一应蠲赈事宜作速详议奏闻不许苟且塞责又朕往岁敕督抚官条上各边优恤事宜今余一年何故寂然无闻有事则动至张皇无事则不行体恤恩威并损何以使人且国家养兵原自优厚只因官不恤将将不恤兵或指借公费扣减多端或给散不时银数短少贪将窃以为利骄兵借以为名追惟乱源岂独在下今后督抚等官痛湔夙弊立科条散银给饷定为时日不得顷刻那移公礼私费一切裁省不得丝毫扣减此外如有呼噪倡乱者断当明正典刑不得过为姑息其举劾将官亦须加意体访必公无得轻忽武弁任意颠倒使将官不知自爱以隳军政朕又念东征将士荷戈异邦三伏炎蒸重以阴两直以恤小御暴不得不然其在朕心宁无悯恻前经略所报将士斩获功劳

朝禁内起居倍加珍摄使 天光必遂于仰瞻巽命无虞于再反

○兵部议将杨应龙提到官逐一查勘从南御史萧如松言也

○升乔□□ 幺月□□刑科都给事中吴岳秀吏科林材兵科俱左给事中吴应明兵科右给事中

○升刘元震本部左侍郎兼翰林院侍读学士盛讷回部管事兼官日讲如旧

○升邢玠南京兵部右侍郎改赵世卿户部右侍郎

○升孙矿刑部左侍郎傅好礼太仆寺少卿

○升河南佥事王孟煦为陕西右参议住劄商州起补陕西右布政李承式于山东备兵开原

○癸巳改补四川东路游击署都指挥佥事王之翰于南路统领天津春班游击署都指挥佥事王承业为天津海防

○甲午辰时太白见井度

○升吏部左侍郎兼翰林院侍读学士陈于陞为礼部尚书兼翰林院学士掌詹事府事日讲教习如故

○吏科都给事中许弘纲题臣闻政先识体法贵宜人如外官考满俱令给繇赴部祖制也嗣缘事近繁文则府州县官免矣州县佐以下免矣云贵等处免矣仅一府佐遵行而比年以来府佐之科甲著声者往往以公事留其不留而赴部率举贡之无援者耳启行有长夫进京有交际皆民脂也致令或中道乞休或过家自便浮慕综核之名大开旷官之窠不知朝廷胡取一二通判同知妆点目前光景耶至南京各官清苦实甚六年大察尚听彼中而必拘拘赴部之例总之非实政矣傥谓其系两京官员则三年而一考者免六年而再考者来似亦仿佛旧制此给繇之法所当变通者也巡抚历任年久方许推升不得骤迁数易此万历十三年旨也乃今有一岁而推者有半岁而推者夫巡抚之任古之所谓保厘也上下之精神意气不久则不孚事体之斟酌调停不久则不当地方之利病得失不久则不明而乃以建牙开府之尊为邮传迎送之地虽有贤者何以见功应照该部原定年限不得骤议推升即副都佥都大率三年而代至于边方督抚果属威望素孚长城系重更宜加銜久任以责成功此久任之法所当修举者也章奏体式先年礼部之题覆亦既明且尽矣据臣近日看详殊多可议或隐语寄字以为高或吁嗟咏叹之不足闺门鄙媠敢渎至尊俚语私书尽登白简其词务枝叶不务简明其体务浮华不务质实回视前辈诸名臣奏议盖愈下矣夫对君有体文章亦各有体岂惟足验世风抑亦有关臣礼应照先年题准定规严为申饬仍前不改者听臣等各科不时参罚庶可以黜浮诞尊朝廷此章奏之体所当厘正者也下所司议

○吏科都给事中许弘纲劾南京工部尚书朱天球宁夏巡抚朱正色河南布政张更化广西布政徐汝翼山西参政李琦河南参议李化龙陕西副使李承志云南佥事杨廷谏下所司分别议上 上留天球调正色南京别衙门加更化太仆寺卿致仕汝翼琦廷谏俱致仕化龙承志降用

○乙未大学士王锡爵等题昨该文书官口传催徵苏杭织造钱粮之旨臣等谨按江南财赋甲于天下相传国初太祖高皇帝愤百姓为张士诚为固守抗拒天兵贼平之日遂将富民租薄定为粮额累朝二百年来头绪转多如王府粮练兵银之类但有加增并无宽减连年虽因水旱频仍每年蠲缓之令而蠲租止于存留已属虚名缓徵并于别年反滋扰累此小民之所以贫苦无聊而嗷嗷思乱也然外乱不生则内乱或可潜弭江北稍熟则江南尚可息肩今狡倭窥境剥肤将及以至沿海地方无地不增兵无兵不增饷其势不得不取足于民而徐扬间方数千里滔天大水庐舍禾稼荡然无遗其势又不得不取偿于江南此如一息之关性命其危且急何如者若不及今将养有如外倭内盗乘间交发其钜万供亿更将于何取之大抵方今国患在于民穷民穷繇于财尽其始也有司犹可行捶楚之威于小民抚按犹可行参罚之令于有司令民至困而捶楚无所加则有司穷有司穷而奉行不能前则抚按穷至于抚按穷而诏令有格而不行则部院亦穷矣然漕粮金花之类原系紧要上供不可以穷为辞至于苏杭之织造江西之磁器云南之取金在皇上省之今春臣锡爵之母北来亲见道上累累卖男女之民有索银五七分弃子去者臣母为之痛苦稍施钱周之近京之民如此则远京之民可知赋轻之地如此则赋重之地可知言甚切摯不报

○万寿圣节该朝鲜国王李昫差陪臣吏曹参判洪麟祥等赍捧表文方物入贡赐宴赏如例

○升郑汝璧都察院右佥都御史巡抚大同梅国祜都察院右佥都御史巡抚山东沉思孝以原官巡抚河南万自约为光禄寺少卿

○兵部言自师救朝鲜据经略塘报数有斩获碧蹄之役委为血战倭之退归来降盖有其故今谓无威可畏恐伤战士之心但倭情反覆自古记之即称投降宁可尽信按臣陈惟芝见谓畿辅近地难令降夷杂居诚为远虑祖宗朝每得岛夷悉置川陕远方间关险阻意自深长况今人数既多尤当分散以杀其势李如松先后收降解到经略军情者计一百六十余名除解蓟八十四名内该督臣留蓟镇六十四名分置各路其解京二十名本部于译审次日即分发宣大两镇去讫仍行令如松后有降倭务斟酌不得滥收致生他虞

○升御史陈勳为河南佥事

○丁酉改补游击管分守辽东右参将李如梅为天津春班游击

○戊戌万寿圣节免百官庆贺赐三辅臣上尊珍馐又赐膳品寿面长春酒有差

○亲郡王及天下文武衙门进贺万寿表文共一千九十通

○辛丑准以晋王禄粮剩银岁给无名贫宗及无禄寡妇人仍行诸藩为例

○先是吏部尚书缺拟礼部尚书罗万化科臣朱爵言万化非宜意不欲词林为之也且谓为次辅志皋位意指以罗为二辅同年也志皋位力辩原未与闻上诘吏部吏部亦言出廷臣公举何与二辅上以爵妄言调外任于是吏科等科都给事中许弘纲

言以二辅惟以托用罗万化为罪故汲汲自明 皇以惟以托用二辅为嫌故仆仆亟问不知宰相之职在以人事君而已耳其人不贤即模棱而听人之推祇为溺职其人可用即补牍而奋然推毂何损忠公赵用贤之欲推罗万化以其人也二辅同心而赞之非私也继而不推以故事也三日三易其说亦非私也用贤惟信二辅之非私故不嫌于更改使二辅亦信用贤之非私又何骇且异哉朱爵之所言皆外廷所实有谓其不能少自茹忍则可耳安得而尽罪其妄乎故辅臣之意以为必问用贤而后足以自明不知所以自明者不待问也 皇上之意以为必处朱爵而后安辅臣不知所以安之者正不在处也窃谓万化之议推犹不失为荐贤之公而朱爵之被罪不无少损容贤之量 皇上谓辅臣如此安耶不安耶昔周墀为相谓韦澳曰何以教我澳曰愿相公无权墀愕然澳曰爵赏刑罚人主之柄公无以喜怒行之俾庶官各举其职则公歛手庙堂之上天下治矣焉用权宋韩亿在中书见摭拾人过者辄不怩曰今天下太平人主之心虽虫鱼草木皆欲得所奈何辄人于圣世夫韦澳之言相臣之大体也而韩亿之语相臣之用心也

< 銙-金 > 入仍依前旨

○铸给四川新设坝驿记广西怀集县儒学记各一颗以原记覆舟沉失故也

○壬寅升周敬思南京大理寺卿

○升蔡国珍为吏部左侍郎改邓以赞为吏部右侍郎兼官如故

○工部覆御史李时华参论管河参政曹时聘等 上夺时聘俸三月余依拟

○复除江西左参政沈九畴于山东分守海右道 ○癸卯 宪宗纯皇帝忌辰

遣侯郑惟忠 茂陵行礼

○升尚宝司司丞孙玮为本司少卿

○授庶吉士包见捷户科给事中

○户部覆御史綦才所奏盐场滨海水灾三十盐场被灾灶丁分别极次贫计算丁口动支运司仓贮备谷二千一百八十石并收贮巡盐项下积余赃罚与挑河等银内通融凑赈从之

○ 上谕近来各官矫饬清名暗行贪肆各堂上官并抚按官着实稽察参奏并清查吏胥奸弊不许容隐违者科道糾劾重治因科臣赵完璧星变陈言及此也

○甲辰升太仆寺卿徐作为太常寺卿

○ 恭仁康定景皇帝 陵寝殿宇工成遣侍郎沈节甫奉安 神位 ○都察院言原任广州府推官鲁点被劾严行驳究而前后按臣鞫讯俱谓险僚讎诬实无赃私即臣等博询公论亦啧啧为点称枉惟处邓舜学狱情一事失出止宜赎杖还职乃按臣议欲罪外降用以惩其少年性傲才疏之失应将鲁点行广东巡按追完杖赎起送赴部降用以昭公道其原论御史蔡梦说按事虽有未确然舆论亦谓梦说锐于任事意本在于惩贪而不幸为乡人通判林邦柱所误今邦柱随经论黜梦说业以此外补告病而去似应免究从之

○户部覆江北水患截留备倭漕粮二十万石赈散灾黎 上以要地重灾依拟作速赈济仍责有司掌印官各要亲自巡行阡陌酌量给散务使民被实惠毋得委用非人虚文塞责事完分别功罪具奏

○起镇守延绥总兵官署都督同知董一元为中军都督府佾书 ○乙巳户部题苏松等四府叠罹灾危议将金花除见年徵完及十一十二十三等年停徵外其十四十五十六十七十八十九六年未完限每年带徵一年未完漕折亦每年带徵一年 上曰应停应徵年分该巡抚明白揭示毋容吏书影射混徵有辜朝廷宽恤灾民之意其余依拟

○总督仓场户部右侍郎褚鈇题例该进金花银十万两买办银五万两金花银各省直并无解到已借进窖房银十五万两矣此银每年一百万两系从来内供之数诚不容已买办银二十万两令甲原未开载始于万历六年一时取用遂沿为例计今一十五年进过银三百万两节经前任督臣奏请奉有候积贮充日停取之旨今又数年竟未停止太仓银库揭报六月七月收银二十五万三百余两放银六十万七千四百余两除老库外实在银止一十七万八千一百余两是帑藏之匮未有甚于此时也买办银两尚可年复一年因循而不止乎不允

○是日升广西按察使熊惟学为本省右布政贵州副使萧良干为河南右参政汉中府知府郭显忠为浙江清军驿传南康府知府田瑄为云南曲靖兵备刑部山西司郎中王允中为陕西各副使山西佾事白栋为本省左参议湖广右布政邹学柱为河南左布政

○陕西敖儿等族番人割世禄等八十七名入贡宴赏如例

○丙午升补南京吏部考功司署郎中事左评事蒋时馨为尚宝司司丞翰林院编修周应宾为国子监司业

○朵颜等卫夷人邦失等九十八员名入贺 万寿圣节表文赐宴赏如例

○都察院覆浙江巡按彭应参问过原任临安县知县郑日近科罚赃迹已明徒赎从之

○丁未本年九月初四日恭遇 孝恭章皇后忌辰遣侯孙承恩 景陵行礼

○升翰林院简讨季道统为南京国子监司业改太常寺少卿刘元霖提督四夷馆

○是日升四川左参政薛亨为山西按察使

○戊申升提督四夷馆太常寺少卿张一元为通政司右通政

○秋分遣侯吴继寿于夕月坛行礼

○己酉升通政司右参议屈灼为本司左参议李宜春升补右参议

○庚戌升左庶子兼侍读冯琦为少詹事

○礼部覆礼科都给事中张贞观为星变示异请申奢禁言臣尝庄诵 大明会典大诰续编及大明律令诸书 太祖高皇帝奢靡之禁盖亦甚严我 皇上即位以来再

三申饬至十三年因科臣言命本部将题禁事宜通行内外不数年间颓靡如故岂惟小民蠢愚而无知抑亦有司奉行之不实今天下水旱饥馑之灾连州亘县公私之藏甚见匱拙而闾巷竞奢市肆斗巧切云之冠曳地之衣雕鞍绣毂纵横衢路游手子弟偶占一役动致千金婚嫁拟于公孙宅舍埽乎卿士惰游之民转相仿倣北里之弦管益繁南亩之耒耜渐稀淫渎无界莫此为甚京师四方之表簪绅众庶之标从风易向不可不谨诚有如科臣所言者行父区区相鲁而家无衣帛之妾平仲仅仅显君而口甘脱粟之饭翼翼京邑民极所归赫赫师尹具瞻攸属诚不可不厚自准绳首先士庶以副 圣天子还淳崇俭之意 上曰近来士庶奢靡成风僭分违制依拟严行内外衙门访拏究治法之不行自上犯之近闻在京庶官概住大房肩輿出入昼夜会饮鞶毂之下奢纵无忌如此厂卫部院一并访缉参究

大明神宗显皇帝实录卷之二百六十三

大明神宗显皇帝实录卷之二百六十四

万历二十一年九月壬子朔升文选司郎中刘四科为太常寺少卿

○山西巡抚吕坤申严荐举连坐法劾参议和震副使陈九畴平阳府知府任甲第官多不肖而止报一人幽本当黜而注云可荐参政李琦佥事周应中不出巡而考政致以循良为贪懦当罚 上以吕坤所奏深得朝廷饬吏安民之意和震等姑依拟降调近来抚按衙门专寄耳目于进士有司以致道府等官畏徇成风注考失实吏治何繇得清尔部今后还严核抚按官如吕坤任怨者不次推用其有偏信非人论劾倒置亦照新例一并连坐该部院故容亦不得辞责科道官识之

○癸丑户部覆庐凤淮扬水灾特甚除京运钱粮照旧徵纳其余照各州县被灾轻重分别蠲赈从之

○升右春坊右谕德兼翰林院侍讲余继登为左春坊左庶子兼侍读司经局洗马兼翰林院修撰萧良有为右春坊右谕德兼侍讲右春坊右中允兼翰林院修撰李廷机为司经局洗马仍兼修撰各掌本坊局印信

○升四川按察使武尚耕为湖广右布政

○乙卯吏部题凡请告诸臣务从堂官代奏及严勘结以防饰诈不啻三令五申柰何有欲借请告之名谢速化之迹倡避嫌之路开去国之端如科臣赵完璧之所称者自今如遇科臣请告容臣等酌议不得允放 上曰人臣恬退知止原系士节但近来每饰虚名以退为进致使职业旷废升迁躐等徒长浇风于国家何赖尔部还严核名实以一政体内外官果有廉静实行仍不次推擢用示风励

○礼部尚书掌詹事府事陈于陞请敕纂辑本朝正史臣考史家之体有二一曰编年之体以事繁日月而先之年者是已一曰纪表志传之体凡君臣事迹朝家大政各自为始终者是已左马以来代有述作两者并行而宋世去我朝为近制度尤彪炳可考自建隆后编年之书谓之日历即所称采百司奏对事实为时政记取柱下见闻为起居类

次而润色之为日历修而成之为实录以备史官之采择者是已其纪表志传之书谓之正史如真宗祥符间王旦等撰进太祖太宗两朝正史为纪六卷志五十五列传五十九仁宗天圣间吕夷简等增入真宗朝名三朝国史为纪十卷志六十列传八十者是已此外又有辑录祖宗宏谟要政分门拆类以便御览裨帝学之书如王曾取三朝圣语政事分政体听断谨灾省费等类为宝训三十卷范祖禹撰仁皇训典六卷自圣孝至爱物凡三百七条以备迩英进读与国史实录并行者是已以上三书体裁殊致各有取义乃有国之不可阙者我朝兴造功业建立法制事事超越而史书独有 列圣实录藏之金匱石室似只仿宋世编年日历之体但可谓之备史未可谓之正史至于大明会典屡修颁布凡六曹政体因革损益之宜虽已该载而庙堂之谟谋册诰臣工之论议文章不与焉但可谓之国家典制百司遵行之书而非史家之体盖本朝纪表志传之正史经二百余年来学士大夫踵袭因循阙略不讲在今日似不可不亟图者如 实录有 圣德之总叙 宝训皆 列圣之渊猷此外有 御制文集有 圣政记有 皇明诏制及诸家所编如大政记昭代典则孤树哀谈宪章鸿猷录之类参以三朝 圣谕录前后北征录天顺日录燕对宣召视草 宸章等录更加采辑藻润即可以为 列圣大纪 帝系宗谱有 玉牒分候绍封有兵曹底簿封爵考参以吾学编同姓异姓王侯内阁典铨诸表及列卿表之类更加考订增益即可以为 累朝年表制书如一统志官制 大明令律例 大明集礼洪武礼制明伦大典之类诸司刊布者如宗藩军政条例会计录太仓考漕河图志海运编太学马政盐法志之类四方形势如广舆图九边图说星槎胜览瀛涯胜览炎徼纪闻殊域周咨录之类折衷以 实录会典所纪载参以衍义补名臣经济录 < 皇极经世一 > 议诸书吾学编中天文地理三礼百官四夷北虏诸考述即可以为国家诸大志 实录中有 后妃事迹廷臣三品以上有小传益以开国靖难功臣录群忠备遗录名臣言行录名臣记献实殿阁词林记琬琰录今献备遗之类其诸高逸孝节等目更采摭于郡国志即可以为国史之列传特诸书散轶浩瀚未经哀聚彙括茫无统纪是以昭代久虚之典必须 圣明在上力为表章整辑然后可以苞举艺文总一流略勒成钜编垂著万世此真千载一时也臣惟国之正史必以 列圣实录为主修正史之序当以国家诸大志为先请将 郊 庙礼乐律历天文灾祥五行藩封郡国舆服学较选举职官经籍艺文赋役食货漕运盐法屯田兵制马政刑法河渠四夷之类量分为二十余目修辑成书使朝廷之上经制典法炳然可考实为要务志成之日即宜恭纂 列圣大纪次之则 后妃及诸王公侯之表传又次之则名臣良将循吏儒林文林高行烈女之传随修完者即以进呈大郡起于开国之初至隆庆末年而止其进读节要之书查得洪武七年宋濂詹同等纂日历成请更辑 圣政为书分四十类自敬天至制蛮夷名曰 皇明宝训 列圣实录修完之日各有纂成宝训近日阁臣得旨纂 训录类编亦分四十类始创业艰难终饬武御夷已经进呈恐尚未备宜仿此例推广成书不俟正史成日先以奏御恭备九重燕闲之览遇文华临讲日儒臣得以执帙进读如此则本朝史书诸

体具备 圣祖 神宗之丰功峻德悬日月而无穷明君良臣之鸿猷嘉谟炳天壤而不朽岂非我 皇明之丕业万世一钜观哉下所司议

○兵部覆总督尚书魏学曾题达虏入犯管镇夷游击事守备龚子敬带领苗兵用火炮打死达虏甚重虏众并围孤军陷没遂死之子敬当赠都督佥事荫一子正千户其荫子应加升二级以后接辈子孙止世袭正千户仍立祠致祭从之

○起补四川佥事王嗣美于山西升郟阳府知府马翰如为山西副使潞安兵备

○丙辰修理 孝陵工成赏袁贞吉米天球张櫜邢隆刘朝用陈良弼蒋建元舒应龙各有差

○礼部议凡官与地宜加衔久任者即照新衔行礼惟文移则府仰县县申府上不言官吏下不署衔名庶嫌隙不生体统亦正从之

○兵部覆延绥巡抚所奏西安四卫军士自万历二十二年为始分为两班照依原定信地轮年递戍每班每年以三月十五日到边十月初十日撤归脱或秋防边防多警仍将下班军士便宜调取分防事毕即行撤归如或照常秋防不得概行调取从之

○ 铸给山西布政司清军道淮安海防监军道各关防一颗

○戊午赐三辅臣杨梅

○刑部尚书孙丕扬条陈省刑约束一律例原无宜省刑四条勿用磨骨钉寸寸紧夹棍勿用数百斤三四人立枷勿用带根板水缸杖生树棍勿用脑箍竹笠嘴掌背花二论理当重宜省刑四条父子兄弟告者恕父兄刑夫妻尊长告者恕夫与尊长刑子弟替父兄诬告者省子弟刑妻妾替夫诬告者省妻妾刑三刑流防过省刑四条先枷捩者后莫枷捩人枷捩者我莫枷捩已刑下体莫刑上体已捩输家莫捩赢家四情偏防过省刑四条勿偏听原被告加刑勿过疑证佐加刑勿出我聪明加刑勿怒人强项加刑五避天时省刑四条早晨宜省刑寒暑宜省刑霜雪宜省刑节令宜省刑六体人情省刑四条尸亲宜省刑口讷宜省刑救尊长者宜省刑诉冤枉者宜省刑七人可矜者省刑四条老少者宜省刑饥寒者宜省刑病初愈者宜省刑残废笃疾者宜省刑八人可疑者省刑四条官员宜省刑生儒宜省刑妇女宜省刑贼情暧昧宜省刑又省罚约束一省罪内罚四条勿轻罪已拟而又罚勿重罪轻拟而加罚勿改无力赎为有力赎勿改轻罪赎为重罪赎二省罪外罚四条勿因事白罚富民勿胁短明取罪民勿罚纸谷暗收折价勿受贿赂故出人罪三省钱粮罚四条勿取常例宽限勿取重收秤头勿染投柜拆封勿留多派大户四省里甲罚四条勿明徵会银暗用里甲勿里长轮支又派殷实勿用银多而累管支包补勿用银少而令行户出物五省指公费罚四条勿指迎送科罚勿指来朝科罚勿指士夫科罚勿指截粮科罚六省指上司罚四条勿指上司取无碍银罚勿指上司送长夫银罚勿指上司发奖励银罚勿指上司送寿节礼罚七省克扣罚四条勿克扣船车官银勿克扣各役工食勿克扣各行税银勿派取地方土宜八省纸谷罚四条勿克上司官银仓谷抵数勿克自理赎银余谷作正勿克赈济银两发仓欺人勿克修理公银劝借肥己 上

下诏褒之曰卿等言是朝廷设官养民岂容贪酷吏法外刑罚上千天和即行各该抚按官通行出榜禁约以后复命考满日严查有无违禁以论贤否不得朦胧姑息

○己未大学士王锡爵上< 疏 铨-金 >求面不报

○升杨廷兰户科赵完璧礼科俱左给事中王嘉谟吏科右给事中

○升河南副使王国为山东右参政兼佥事整饬霸州江西右参政张治具为四川福建左参政胡心得为广西各按察使云南副使顾云程为四川福建左参政胡心得为广西各按察使云南副使顾云程为四川右参政江西右布政邹墀为本省左布政使

○庚申命都察院左副都御史李楨为户部右侍郎

○命周光镐为都察院右佥都御史巡抚宁夏

○起补云南右参政谢诏为山西河东分守

○予户部右侍郎林应亮祭葬应亮福建侯官人中嘉靖十一年进士授知县历户部主事礼部员外郎中升常德府知府副使参政臬藩长南太仆卿总理河道副都御史总督仓场侍郎回籍以子如楚任南刑部主事覃恩进通议大夫林下三十余年寿八十八万历二十一年五月二十六日卒起家循良游臻臬仕退居林壑乐享耆年宦迹乡评两俱无玷

○辛酉升江西按察使李得阳为本省右布政副使郑继之为右参政直隶广平府知府陈简于河南福建邵武府知府周裔登于云南宁国府知府萧良誉于河南各副使福建佥事余懋中为本省左参议良誉则提学云

○壬戌茂州地震

○吏部侍郎赵用贤奏辩原任御史今听降吴之彦退婚事先用贤为简讨之彦任中书用贤生女三月之彦定以二币后用贤以星变弹辅臣居正为民时之彦为御史巡按福建过里门遂与用贤绝且待之甚倨用贤讶之至之彦行后探其故则之彦出京时受指于王篆者也用贤愤然封还前币之彦父受之不报直至用贤起官之彦时为山东佥事用贤过德州之彦具书仪悔罪用贤不受遗书绝之之彦亦不复言又踰年用贤以赞善为封使还家始以女另许蒋参议子出嫁生二女又阅六年而之彦始令其子告争时正用贤升吏部之日之彦被吴定弹劾听降之时之彦又疑弹劾为用贤使也部院勘议台省交章各有偏护辅臣奏用贤之失在绝婚轻易使人难堪之彦之失在声言不早使人难处今为折衷之论准用贤病痊叙用免之彦降处庶两造得平从之

○兵科都给事中张辅之言昨接经略宋应昌两揭两书总为倭事揭陈功伐其词详中间叙述始末料理若无意于许贡也者书吐真情其词简末言不用前法安能奏功又若决意于许贡也者本兵固甚盛德而昨贻臣书亦不能无疑于应昌矣乃知公揭所以示众私书聊以尝臣托言于请封实讳言于许贡夫沈惟敬非端人也许贡非奇策也应昌一用于平壤再用于王京又用于釜山三用而三幸不败此果应昌之智耶抑亦倭奴之愚耶夫脱屣内地株守海隅□宾不可谓非倭奴之愚也借今日之空言责他日之实利不可尽谓倭奴之愚也我以贡愚倭而倭亦以贡愚我何应昌之不知变而借此退

多方之误复致书与惟敬仍欲乞贡退归臣复思就其请贡行成之机可施钓虎离山之术是以徯许行长之成责令惟敬专主其事以释其疑发谕帖开晓利害以示其诚遣二使给旗牌监督其归以示其信分布将领不许偷杀零倭以示其仁责以速还王子陪臣途间不许生事以结其义亟为题请颁发 明旨晓谕以固其心繇是倭方信臣为真于四月十九日遁出王京不二旬而尽至釜山王京迤南千有余里故土尽复向使臣拒行长之求惟恃攻取之胜倭酋知无归计并力致斗臣恐东征无罢兵之日矣此再事讲贡计出王京之说也后倭屯驻釜山臣屡檄大兵扼守大丘善山南原云峰一带预咨国王令其速调全罗等道水兵灶船前赴釜山海口乃力不从心事难如愿在朝鲜兵舡为倭奴隔绝不能前来在我将士又称乏食病馁遂尔撤回第牌责惟敬久在倭营不归之罪仍令其晓谕倭将行长清正等缘何尚结釜山不归乃惟敬于六月二十日自釜山起身带领倭将小西飞弹守并倭众三十名前来乞贡于时复报倭奴攻犯晋州欲逼全罗臣疑其阳顺阴逆随令如松发兵协守全罗救援晋州外另牌复行如松如惟敬与倭将来乞贡即便晓谕尔今不放还王子陪臣不调归釜山倭众不令二使前来此贡断难准许就将倭将羁留勿得轻放至七月十二日如松具禀称惟敬带倭将前来入见责以背约犯晋州之罪倭将惟伏叩头当差从持书往谕倭众前赴釜山去讫会先遣二使谢用梓徐一贯自日本回至釜山云已面见关白关白极其恭谨礼待愿顺 天朝二使及随从人俱赠赉有差于是行长等即送出王子陪臣并家眷与二使供张祖饯于七月二十日自釜山前回大众倭奴俱乘舡浮海离釜山远去惟行长量带倭众亦远在海中西生浦暂住以待小西飞回音属国尽复王子陪臣二使尽归此目前讲贡计退釜山之说也夫倭酋前后虽有乞贡之称臣实假贡取事原无真许之意且今军前马价角口羊发有限支用有数管理有人登记有籍事完造册逐项奏缴又无分毫取以媚倭惟是度量军情似应如此故将机就机托以空言求济其事耳盖我国兵马原来止三万有奇而大半多脆弱不堪中间又有阵亡病故者至若续调陈璘兵马则留蓟镇矣而臣所徵调之数又皆有名无实今臣不得已止于从征大兵之中选留防守者一万六千人耳余俱遵旨撤回本镇况朝鲜新复之后疮痍残破尤难料理臣之心谓宜乘彼乞贡之际将倭将小西飞羁置不放缓其数月之期使我留守之兵分布已定朝鲜之兵操练已熟该国修设险隘置造器械俱已完备斯可战可守方无后虞此又善后讲贡消弭祸萌之说也臣前后讲贡之繇实是借贡以退倭未曾轻许而误国今倭将小西飞等见在军前或显戮示武或应否许其通贡并臣所陈稽时日以便修守为今日急务不容斯须迟误者俱作速议覆请旨颁发以便遵行

○癸亥升陕西右参政刘易从为本省按察使临巩兵备福建右参政史继辰为江西按察使刑部河南司郎中董宋儒于江西直隶扬州府知府吴秀于福建各副使

○甲子升尚宝司司丞颜素为南京尚宝司卿

○旌表邳州河决负亲避溺孝子廩生张缜从巡按李时华请也

○兵部题朝

鲜善后事宜 上如拟大兵令经略酌撤

○乙丑升刘东星都察院左副都御史

○准南京工部尚书朱天球大理寺卿吴定请告

○升浙江提学佾事陈应芳为福建右参议

○泰宁等卫夷人脱孙孛罗等九十六名来朝贡宴赏如例

○丙寅准工部尚书温纯侍养

○朝鲜国王李昫三都既复疆域再造上表谢恩进方物

○刑部看过原任新昌县知县宋尧化赃私追完发原籍为民

○升户部贵州司郎中孙瑀为贵州副使

○丁卯起补广东副使支可大于浙江升礼部仪制司郎中徐即登副使于福建南京文选司署郎中主事周应治佾事于山东各提督学政升浙江右布政刘浑成为本省左布政使 ○戊辰经略奏留兵一万六千防守朝鲜月该饷五万余两皆户兵二部出给而朝鲜量助衣鞋食米等费部议向者该国请留銃手五千粮饷自措今何增至三倍而饷又何出也虚内实外殊非长策据议川兵五千原在请留之数合无即以刘綎加署都督佾事督率训练钱粮该国自办若该国君臣怠缓如前或掣肘令刘綎从实具奏川兵径自撤回不复再为料理从之

○兵部尚书石星言利以诱之者兵家之胜算假以便宜者御将之微权经略宋应昌始末讲贡之繇恢复朝鲜之故大抵以挾伐为威以许贡为权惟冀成功无嫌诈计而其遣使往探行间捐金则臣星实与之谋焉今科臣张辅之等疑其书揭之异同按臣周维翰慨其事机之已去夫按臣亲赴查核闻见必真科臣职司封驳议论自当应昌处置稍有阙谬或书揭间有矛盾而台省诸臣所不释然者尤在通贡册封之事非较计于言语文字之间也所幸 皇上威德遐宣 苍穹孚佑倭奴已尽遁归朝鲜已尽收复东征之役至此应昌之心诚苦而绩亦已著科臣< 疏 銃-金 >谓不掩其功似无庸于苛责惟是通贡一节关系重大屡经言官建白本部题覆 明旨昭然孰敢妄议又倭奴谲诡即如塘报所称六月间一面遣小西飞求贡一面侵犯全罗倘非我兵往救朝鲜之复无日矣故谓贡不可许不独鉴于往时之变诈亦有愆于近日之反侧也顾倭性本难于信凭虽退还王京送回王子迹有似乎听命然封号尤难轻假况行长尚在西浦关白未具表文计尚出于要求揆之国体夷情未可遽听合无亟剿经略速谕行长率众归巢毋得留滞倘或阳顺阴逆即当悉力剪除防御一如科臣按臣之议有如行长归巢关白具奏表至日转奏仍当辨其是否真伪察其有无恭谨容题请会议取自 上裁上以倭奴非我叛臣今既称畏威悔罪朕以大信受降岂追既往但彼远夷尚未知中国法度岂有兵留近地未见输服真情便可轻许尔部作速传谕宋应昌一意严兵防守勒令尽数归巢之后许其上表称臣请封永为属国仍遵旨免其入贡防内地奸民勾引生衅有辜朝廷盛怀远人不贵异物之意经略重任原奉敕便宜行事如何牵制议论奏揭参差念其处

分战款原无失计姑不深究着用心区处善后事宜无貽后悔方许同李如松还朝受赏

○户部覆河南重罹水灾开封归德河南三府并汝州所属州县系河之南俱照灾重例不分正兑改兑每石折银五钱徵解太仓候给军饷其彰德卫辉怀庆三府所属州县系河之北原无重灾尚堪出办仍照旧徵纳本色坐拨天津蓟密等仓从之

○朝鲜国使臣郑澈等进贡方物因国难未平不敢当宴恳辞求免照例折给

○泰宁等卫夷人脱孙索罗等九十八员名赴京进贡宴赐如例

○予襄府枣阳王厚燭益府罗川王常湑祭葬如例

○升浙江副使张淳为陕西右参政

○己巳都察院覆浙江巡按彭应参问过处州府龙泉县知县谢桂芳贪酷追赃完日发原籍为民

○升福建按察使刘尚志为浙江右布政使

○庚午兵部职方司主事曾伟芳奏臣窃睹倭奴款贡之害三尺竖子类能言之乃当事诸臣犹踌躇而不能决非谓不款则倭不去乎臣则曰款亦去不款亦去又非谓倭不款而去将必复来乎臣则曰款亦来不款亦来臣请借箸为画当平壤一创倭已知奄据朝鲜不成其志固惟掳掠不归将金帛子女安所寘之迂延釜山数月非不去也前者陆续驱重费浮海而东其后者徐为殿也况今大众已还仅遣小西飞三十余人至王京乞贡行长留一枝以待知吾大兵未撤其不能以此日一矢相加遗也明甚欲归报关白卷土重来则风汛不利正冬苦寒势又不能故曰不款亦去本谓我战平壤斩馘数万浮尸蔽江燹臭十里可明汉兵若风雷意倭奴大创而去当不复来今称克开城复王京还王子陪臣以议款故则彼又何威我慑我而能就我束縛守我盟誓哉且以沈惟敬前在倭营见与为媾咸安随陷晋州垂拔而欲恃此许款冀来年之不复攻则速之款者速之来耳故曰款亦来夫不款无忧其不去则何必借款以市其去款之难保其不来则何必重款以饵其来今日之计则惟郤其贡而严其守顾以朝鲜而守朝鲜则易中国为朝鲜守则难不留兵乎将前功尽弃欲宿重兵则师老力困祸无已时恐外藩未固内变先作然则舍料理国王外虽使孙吴韩白复生无能为朝鲜谋矣朝鲜折分八道幅员中员绵亘东西三千里南北四千里其地饶五谷火耕水耨不假力而足所在窖藏陈腐相因自昔以富强抗衡中国唐太宗亲驾者再不能成功乃今倭夷一入如履无人之境则岂非其主媮媮啾窳废而不治以至此与以李昫荒淫沉湎自致然前尚有可餽者曰安今破滅之余卧薪尝胆正惟此际若犹不悛提土木列槌挺矛戟于前而助之斗可乎今未能遽谋燕众置君后去谓宜亟请敕一道专人数国王以失守社稷罪朝廷已为若糜金百数十万恢复境土全以畀汝若不亟图天且厌弃虽天朝何能狎为若德如果不可化诲闻其子光海君瑋颇堪托国命经略就彼熟察众心愿戴密约彼中一二大臣沉毅有谋者呼吸从事仍以敕谕王令自退闲传国世子略如肃宗灵武故事新王既立革故俗抚遗民吊死问孤练兵积粟号召诸路忠义及父屠子戮愿啖倭肉之民与共为计

万一倭急燃眉一时疮罢单弱未能遽起则可令众建王族如田单宗人守莒即墨克复全齐不然则捐海外迤倭一带弃之豪杰如汉任韩信黥布彭越三人关以东各自为战夫与其敌来不守至委土地以啖倭孰若出分吾国而犹不失为吾守之利人情惟忍不能割螯手弗断及亡其躯凡此皆可与新王陈说利害晓譬祸福俾自处分一地之剖一官之置我中国无所与焉诚为彼定乱而已如此则虽朝鲜未必不乐从于我天下事何遽不可为至吾留兵所许不当过初议五千岁犒不过数万行月诸粮尽责朝鲜取给亦当俟其国君臣卑词再请哭师在庭然后与之约曰若能誓心固圉则许能屏远君侧荒惑则许能出金帛捐土地以礼贤俊则许能睦吾卒无相彳口青则许能日费不需中国一金则许不然则否且夫靳而后与则与之足以示德彼亦因靳而生激乌有彼不求援而吾皇皇焉自为留兵万六千岁费数十万当先逢迎如奉骄子彼固惟引喙承沫仰人授己目为当然虽与之千万适以益其疾而教之媮竟何补于胜败哉故必使彼自哀其请自供其费然后能知难知难然后能自守夫惟自守而后可与之共守此料理国王之道善后良规更莫有先于此者释是不务而猥云议款猥云留兵是使中国岁以朝鲜自役也故臣愿当事者亟图之也 上以< 〇〇〇 铨-金 >内料度倭奴去来情形及留兵一节须待朝鲜自请良是下所司议行

○辛未升云南右参政王桥为福建按察使 ○壬申十月初五日审录重囚遣尚书石星主笔

○兵科都给事中张辅之言经略宋应昌之奉命东征也逾匝岁于兹矣据其奏报其所自鸣则报捷叙功已耳其所谓倭则畏威悔罪已耳初未尝显言某日议贡某日议封也借贡退倭之说至今月初八日始见应昌< 〇〇〇 铨-金 >中而同谋借贡之说至今月十八日再见本兵石星< 〇〇〇 铨-金 >中夫绝贡之旨屡下两人胡以擅许也彼托之兵道尚诡非真许也许贡之谋已久而诸臣胡以不闻也彼托之兵事贵密难轻洩也譬如养疽而不虞腹心之将溃乎倭之乞贡志在内窥果徒抱尺一之纸处穷海之外耶倭之屯聚志在劫盟能使小西飞之出王京平行长之离西浦耶拥众而挟则我弗可许也浮海而去则我弗能驱也不封不贡则倭必螫毒于朝鲜而祸在今日许封许贡则倭且垂涎于中国而祸贻将来毋论阶祸试使诸臣比德度力何如 祖宗朝迺欲臣二百年来不可臣之倭哉此皆沈惟敬倡其说以误应昌而应昌复溺其说以误阁部石星素号忠诚不加深察而谬欲以身担之脱或有误虽百身奚赎

○癸酉起吴文华南京工部尚书李涑以原官巡抚保定改衷贞吉工部尚书升胡嘉谟大理寺卿

○礼部覆东城御史李炳题已故锦衣卫衣中所銜輿司旗尉周臣妻俞氏饿死殉夫应< 〇〇〇 监-皿立 >坊旌表从之

○都察院覆湖广巡按问过长沙府善化县贪滥知县陈一鉴追赃完日为民

○南京御史陈邦科题治河之法不外< 〇〇〇 铨-金 >筑浚< 〇〇〇 铨-金 >者多

穿漕渠以分其势迤河身日高恐分之则流缓而沙愈壅筑者固堤束水以刷沙然徐邳以南节年增卑培薄不遗余力矣卒未收刷沙之利而反滋冲决之害至于扬州高庙一带至仪真闸口地势本亢兼之积淤渐垫当事者不务浚扬仪之浅而岁增高宝之堤湖水常蓄深至一二丈余而运堤遂以不支则河之未可专恃筑而刷沙之未可专恃水亦明矣浚者去沙以涤其淤其方有三迤冬春涸之候率河干浅夫乘时捞浅则沙因捞取不停而去此浚之不费官钱者也官舟运艘商舶民船往来如织船尾悉系犁耙乘风掺涤则沙因掺涤不宁而去此浚之不动官夫者也水碓水磨水激自旋若令智巧匠仿其意置为木机乘水滚荡则沙因滚荡不留而去此浚之不劳人力者也用此三者积日累月水赴海则沙亦赴海河不挑而深矣水漫堤则沙亦垫堤岸不培而高矣水决坎则沙亦盈坎洼不填而平矣用此法以浚黄流则黄身日就剥落淮出可以无梗而免风泗之危用此以浚扬仪则扬不虞浅涩湖水方可以少蓄而免运堤之危此外如淮必不可不会黄故高堰断不可弃湖水盈溢必伤堤故周家桥等处断不可开已弃故道必淤满故老黄河草湾等处决难复下所司议

○甲戌夜四更火星逆行入室度

○命左庶子兼侍读余继登署翰林院印

○乙亥都察院题韩府通渭王府未禄宗室谩土□突罪状命发高墙

○又覆襄陵王府中尉融□而火页□乐平王府中尉融火□卯及襄陵王府无名庶宗朱秋哥罪恶 上黜融□而火页□为庶人与秋哥都发闲宅

○升山东佥事王道显为云南右参议贵州副使钱拱宸为福建右参政分守建南湖广左参政赵钦汤为山东按察使分巡济南

○丙子 皇帝敕谕朝鲜国王李昫昨者王以大兵驱倭出境还归旧国上表进方物来谢朕心深用嘉悦念兹复国重事不可照常报闻今特遣使降谕仍赐王大红蟒衣二袭彩段四表里以示朕惓惓为王遥慰之意顾朕又惟该国虽介居山海中传祚最久昔在先朝未沾王化尚能拓地守险雄视诸夷今为我朝春秋贡献之邦以世世凭席宠灵蓄养财力宜益强富乃近者倭奴一入而王城不守原野□日出大□□骨庙社为墟追思丧败之因岂尽适然之致或言王偷玩细娱信惑群小不恤民命不修军实启侮海盜已非一朝而臣下未有言者前车之覆后车可不戒哉惠徼福于尔祖及我师战胜之威俾王之君臣父子相保岂不甚幸第不知王新从播越之余归见黍离之故宫烧残之丘泆与素服郊迎之士众噬脐疾首何以为心改弦易辙何以为计朕之视王虽称外藩然朝聘礼文之外原无烦王一兵一役今日之事止以大义发愤哀存式微固非王之所当责德于朕也大兵且撤王今自还国而治之尺寸之土朕无与焉其可更以越国救援为常事使尔国恃之而不设备则处堂厝火行复自及猝有他变朕不能为王谋已是用预申告戒以古人卧薪尝胆之义相勉其尚及今息肩外侮再展国容之时抚疮痍招流散远斥埃壘缮城隍厉甲兵实仓廩毋湛于酒色毋荒于游盘毋偏信独任以阙下情毋峻

刑苦役以丛民怨庶几殷忧愤耻之后先业可兴大讐可雪此则继自今存亡治乱之机在王不在朕王其戒之慎之故谕

○吏部覆原任吏部左侍郎今起南京都察院右都御史赵焕称亲老乞休巡抚辽东右佥都御史赵燿亦云业蒙酌拟一人侍养之旨臣等就二臣酌之燿身为长子且劳于封疆之日久矣似应暂准归侍焕新承简命且优游奉亲之日已久似应督供职展其移孝之忠 上从之

○升南京太仆寺卿徐用简为南京太常寺卿升云南右参政兼佥事刘玉成为湖广左参政升湖广右参政陈文衡为山东按察使青州兵备四川重庆府知府王轩为贵州副使思石兵备

○丁丑予总督仓场户部右侍郎褚鈇父母祭葬

○予原任南京刑部尚书陈其学陈道基祭葬

○己卯以贵州左布政使钱藻为南京太仆寺卿

○升江西右参政张一坤为云南按察使备兵腾冲浙江副使丁此吕为湖广右参政

○庚辰霜降节遣官诣 九陵并 景皇帝陵行礼

大明神宗显皇帝实录卷之二百六十四

大明神宗显皇帝实录卷之二百六十五

万历二十一年十月辛巳朔孟冬时享 太庙遣公徐文璧恭代

○总督仓场户部侍郎褚鈇奏各省直自万历十四年起至二十年止共欠京运银七百六十四万一千一百余两乞严责抚按官酌量挨定年分报完从之

○升云南副使陈尚伊为江西右参政湖广副使邵伯悌补浙江四川右布政使王来贤升贵州左布政使

○癸未 恭仁康定景皇帝陵寝殿宇修完遣侍郎沈节甫行礼

○户部题 潞府奏讨景府遗业已经道府查补派租明白请开住俸官员俸从之

○升云南按察使杨归儒为四川右布政使山东莱州府知府刘任为湖广副使整饬荆西户部浙江司署郎中事主事伍可受为云南佥事驻劄楚雄 ○甲申以 中宫千秋令节赐三辅臣上尊珍饌

○山西巡抚吕坤题京差主试及同考试取聘太远非旧章下所司议

○予女直夷人猛骨索罗及羊索罗金带金顶大帽并职事衣服如例

○山东督抚军门令旗及刀枪头皆出火鸣响有声

○乙酉升刘縯为备倭副总兵署都督佥事暂留朝鲜

○丙戌武进江阴等县大冰雹损五谷

○禁锢襄陵王府凶淫镇国中尉融□而火页□于高墙

○升贵州右参政陈洙为云南按察使

- 丁亥改南京户部尚书周世选为南京兵部尚书
- 命山西右布政使韩取善巡抚辽东
- 戊子是日升陕西左参政郑国仕为贵州按察使兼参议分守新镇
- 己丑大学士王锡爵等议户部郎中郑材因本部侍郎李楨驳奏其所论赵吴婚姻事语侵其父愤激争辩应拟处以存堂属之体
- 赐户部左侍郎王之垣父母祭葬
- 宴海西弗思木等卫贡夷庄台等一百一十名伯费甲金待
- 辛卯以郝杰为南京户部尚书
- 予前任总督仓场户部右侍郎林应亮祭葬
- 升大理寺卿胡嘉谟刑部右侍郎
- 予魏国公徐维志祭十二坛照例造坟安葬
- 升江西副使冯景隆为陕西左参政分守关内
- 壬辰予锦衣卫署都指挥僉事李光先祭葬
- 升山东僉事杨植为河南右参议
- 山西潞安府知府王度为陕西苑马寺少卿兼僉事陕西副使詹思谦调河南
- 癸巳延绥巡抚李春元题近见三二总兵不繇督抚会题竟自称病乞归避难之风易炽请今后总兵有病许督抚具题托病释负者立案不行 上是之
- 准举人王国昌会试礼部怜其再荐贤书故也
- 乙未升沉思孝大理寺卿贾仁元都察院右都御史兼兵部右侍郎协理京营戎政

○升礼部主客司员外郎查允元为江西提学僉事云南僉事王大谟为广西左参议兵部职方司署员外郎事主事项德楨为山东僉事蓟州兵备河南开封府知府陈廉为陕西副使整饬潼关卫

- 丙申都察院覆福建抚按问过尤溪县不法知县黄思谏迫脏为民
- 今岁暂免行刑
- 戊戌陕西天鼓鸣星霰大如斗

○大学士王锡爵等题目前第一重事为百官日夜翘首者无过册储先是八月初旬窃职该部科而下皆预撰< 册 储 金 >草待 圣节过而上之臣等不胜忙悚以为此< 册 储 金 >岂无闲暇之日而必于燕喜之时连夜致书九卿台谏令其各谕意察属毋得遽请幸诸臣曲从至今今岁功将暮正当预备来春之册典以慰久郁之人情若皇上默无消息则满朝又将摇笔舌呼朋类而进者矣况 皇长子明年便交十三岁冠婚之期且迫除册立豫教外更有何说更有何处将使人愈不信 皇上之言愈不测皇上之心而臣等拙词微力又何恃而复能屹立风波矛盾之中为 皇上解焚也兴言至此追思春间扰扰之状可为寒心伏望一察迩言永维大计霈然降谕断在明春举行

历知府井陘兵备副使按察使布政擢山西巡抚晋兵部侍郎协理戎政自陈致仕万历二十年九月十四日卒应乾勋庸久著行谊克孚在官在乡两无愧焉


○海西脱伦等卫夷人都督都指挥指挥兀失等一百一十一员名赴京进贡赐宴赏

○乙卯赐鲁府福安王寿鈇谥宪惠

○兵部言倭陷朝鲜远廛王师救援克复土宇今据咨国王罔知惩艾陪臣互相观望略不为备箕子之记殆其忽诸乞赐严旨责令严督陪臣尹斗寿尹根寿协助光海君李瑋出居全庆总管户兵工三判书韩准李恒福金命元及吏曹判书李山甫各照职业将应运刍粮应练兵马应制器械应修险隘与留守将刘縯等及时料理整顿果能一一遵依所留兵马暂与协守若仍泄然怠缓兵将即径撤还辽东沿江一带驻防内地听该国自为战守从之

○戊午巡视京营兵科右给事中吴应明条奏六事一重将领将领以廉为首二训士卒训练以忠义孝弟礼教职业德意法纪为主而操射次之三增选锋五千选锋之外宜增三千人四议班军山东中都酌兑或春秋一班五严召募募兵补缺以四仲月为期试验弓石注籍给票赴卫限结不许积棍揽卖六广营屯各营屯地及闲旷余地分给穷军尽力开种岁入子粒下兵部

○刑部覆原任临洮府通判李思问赎罪为民从之

○己未先是郑世子载堉自以郑简王第四支不宜越三支进封累（ 铨-金让爵至是又因祧议力辞推长支载玺礼部议成宪难易如世子坚子臧之节听以世子号终而封其子翊锡以继其统下该抚按议

○辛酉礼部题宗藩条议一书法至明备顾于中摘一二可议者下部科议议得追封郡王惟世长子进封亲郡王次子以下仍遵条例不准加封管理府事仍依条例果系派属方行推举亲同论齿齿同论贤一派中皆鬪葺狼狽方准别支贤能庶不生争兢至婚礼奏请期限照旧该王奏及抚巡官核实其名封及管理本部即与查题不以年限虽过期亦免勘并报生文结亦不经繇抚按直达本部其擅婚子女各府婚配不经奏选不请封号径自成婚者尽以私婚目之第奏请奉文迟速久不能待或入府在未封之先止量罚米仍开其子女封禄 上俱依拟内追封一节查无违碍又虑禄粮难敷还照原例一体加封不必加禄其抚按奏请虽革焉知该部吏胥及该府管理无勒措留难尔部还要严加申饬

○癸亥河南抚按官所奏叶县矿徒乞加厚赈恤以安辑其心重惩首恶窝藏以杜塞其源严行保甲举首以遏绝其本抚治郟阳董裕题各徒窃矿迫于饥寒即今角□羊散安保不来文马等洞虽添兵防守而必须大加赈恤以安其生及南阳守备巡捕裕州叶县印捕各官业住俸带罪拿贼今既角□羊散应开兵部覆两从之

○甲子改孙丕扬都察院左都御史

○升吴文梓兵科都给事中杨东明刑科右给事中

○升浙江副使支可大为江西参政分守南昌 ○乙丑户科都给事中王德完为河南民饥矿盗啸聚条陈赐钦赈蠲起运行平余三事部覆民饥盗发恐酿大患除起运例不蠲免与内府济边正项必当抵补其钦赈平余二款酌议被灾府州县动支贮库饷银并奏留贖罚等银各官仓谷务委任得人俾合勺毫厘尽归饥民至减价平余将彰卫怀三府漕粮九万余石截留转发河南分别灾伤重轻发米多寡量减市价遍地出糶以覃 皇恩从之

○丙寅礼部传出 圣谕皇长子出阁在迓合先行冠礼以见讲官但册立未举既不可遽用东宫之仪又不可同亲王之服暂用常服出讲待册立日行冠礼

○缅甸莽应里等进贡方物

○四川巡抚王继光等题杨应龙抗拒不出听勘大张虐焰监奏民家属造各色兵具旋贵州抚臣称其招集恶苗杀虏人畜前恶既盈后恶益炽乞会同贵州抚臣相机酌处止擒首恶不及无辜 上以凶酋既不服勘问难再姑息该抚按官便宜擒治正法朝廷为民除害罪止一人协从自归者咸与更始不许贪功妄杀

○调云南提学副使李际春于广西

○丁卯以 圣母慈圣宣文明肃皇太后万寿圣节赐辅臣金银万寿字金篆字金银牌黄红符及讲官陈于陞等有差

○赐衡王翊镠谥曰定益府黎丘王常溱谥庄懿淳河王常洵谥怀僖晋府河中王知矩谥恭靖

○浙江巡抚报杭嘉湖三府属安吉仁和钱塘等一十五州县灾部议分轻重漕粮改折从之

○升江西左参议萧雍为浙江副使提调学政 ○戊辰 孝烈皇后忌辰遣伯陈如松 永陵行礼

○户部题覆应天抚按所奏望江等四县太平等十县被灾轻重分改折蠲赈多寡从之

○南京兵部尚书衷贞吉条陈十事酌兵数易教场修营台减船数增赏费裕火药造器械权支费制盔甲禁流言可其议

○予原任抚治郟阳升户部左侍郎裴应章父母祭葬

○兵科右给事中吴应明言杨应龙残杀多命纵恣欺罔贿赂公行此其罪已不容诛矣 明旨屡奉听勘而迁延愆期官司亲谕祸福而扼险誓众诚自取 天诛者也第兴兵大事而服戎要在攻心其不赴勘綦江而犹住插旗山虽屡闭门托疾而犹令子朝栋出见则其逆命之中实乃畏死之意与哮贼未可同日语也苟处之者弗当则兴师动众虽足纾目前之忧即改土为流容或有意外之患为今计固不得专务姑息以成不掉亦不得径事扑灭以致俱焚所宜集兵境上以夺其气不厌委官单车诣州以察其情如果俛首服罪则姑从末减抑或党类缚献则诛止元俘若今拥兵设卫伤敌王师则彼之

不听莅勘再复何辞而我之爰整其旅要非得已重兵压境明慎用刑固今日处应龙之道也大抵天下事最不可狃近虑而忘远忧方应龙羁勘重庆时明正其罪不过一吏足矣奈之何听调征倭纵虎出匣今日议释明日议征举棋不定何以胜耦徒为么< 麻骨 >之窃笑耳臣又闻川有杨酋贵有安酋夷狄内讷庶几相制今无一外惧难免后忧则拒虎进狼之说不可不知若果灭此朝食置余党于编民臣又恐非我族类其志终异两川从兹多事善后事宜又不可不长虑却顾之也下所司议

○四川长宁安抚司都纲番僧板地儿歪等来贡方物宴待并关给在边番僧贡赏如例

○己巳 圣母慈圣宣文明肃皇太后 万寿圣节 上御皇极门百官致词称贺毕 上独召辅臣锡爵至暖阁锡爵叩头致词谢累次降谕敦趣钦赐银两服色恩眷臣不胜感戴再叩头奏今日又蒙 独赐召对臣仰见 皇上圣容充晬 圣体康宁真万万年 宗社无疆之福臣又不胜欣喜再叩头贺毕 上谕曰卿为国远来辛苦朕心良悦锡爵对曰臣受 皇上天高地厚之恩粉骨碎身尚不能报何况区区奔走之劳 上又谕卿扶母来京可谓忠孝两全锡爵又叩头对曰臣今日正恐忠孝两亏 皇上召臣本付以国事今诸务虽渐有绪苦于朝廷之上论议日繁止因册立一事不定生出无数疑心 皇上受了无数烦恼此皆臣不职有累 皇上所以连进密揭力劝早断使人无辞 上曰朕意久定迟早总则一般岂为人言动摇锡爵对 圣意岂不定臣等岂不知但外人见无消息莫遏胡言臣窃痛 皇上有何不明心难决之事平白受此间气 上曰已知朕恐后中宫有生却如何处锡爵又对此事数年前说起犹可今 皇长子年至十三岁待到何时况自古至今岂有人家子弟十三岁不读书之理何况 皇子 上曰已知朕子明年该长发之期卿所奏洞悉苦心锡爵又奏臣今日见 皇上不知再见何时伏望 皇上念臣之苦三思臣言将此事作速早断不必待冬至后礼部礼科再请连臣等二三阁臣亦若不与其事者省了多少烦恼自此之后更望 皇上时出御朝频召臣等商量政事天下幸甚 上曰朕也要与先生每常见只是朕体不时动火锡爵对曰动火原是小疾止望 皇上清心寡欲保养 圣躬万安以慰群臣愿见之望即如今日圣驾一出满朝欢呼可见勤政视朝是治安急务言毕 圣驾欲起又叩头而出

○是日以 圣母万寿圣节赐三辅臣上尊珍馐又颁赐各酒饭烧割

○大学士王锡爵题今日群臣朝贺毕蒙 皇上独召臣锡爵至暖阁微观 圣意虽怜臣之忠而尚未决行臣之言仍以 皇子待嫡迟速一般为言臣复不胜惊惶不胜惭窘臣忝为辅弼之首今春 三皇子并封之议 皇上独与臣谋今日暖阁召见又皇上独对臣言 皇上分明对众使之侧目于臣若寂无影响天下之责皆归于臣必将曰是故展转文上过者又必曰是阴持两端首鼠观祸败者如此则臣身粉碎家族灭犹有余辜而臣焉能受之先是 累朝阁臣既罢归则希有再入朝之理臣蒙 皇上破格追召以安危属之臣遇 主之谓何而今日第一国计将以谁诿此其苦一矣奄奄病母

交春且满八十强之万里輿衬而来苦之终日面墙而卧臣负亲之谓何而今日芹曝微忠又不得展乃 圣谕奖臣忠孝两全实自以为忠孝两负此其苦二矣入仕三十余年颇猎清名乃独为今春册立一事未定外廷有目者笑臣有口者詈臣甚而 天语所亲传御笔所亲点亦莫不理外冤臣臣受辱之谓何此其苦三矣方春中扰扰臣折衷调停其间意谓不得于册立必得于谕教今 皇长子睿龄愈茂 圣谕亦谓其明年当长发以时以势岂可再迟乃册立以待嫡为词而谕教又以何为词以十三岁 皇长子尚为未发之蒙付阿保之手非臣之误国而谁此其苦四矣 皇上请查一年来臣之密揭有几并不敢外传此为何心岂非为 主疼痛不欲以身受名乎至诚之谓何而博不得一分功效反成 皇上之过举此其苦五矣今早朝堂一御暖阁一召群臣竦观传颂以为希有古之人臣赐召赐问则立增万倍光采而臣以 圣断未决反愁下午出阁后无面见人无言支对臣受宠之谓何而以荣为辱至此此其苦六矣臣茹此诸苦总为 皇上而 皇上又未必容其旦暮脱身而去然则 君臣之间相怜相护终不得全臣空蒙此殊眷空抱此赤忠空甘此苦节空受此恶名何为也侧闻外间又有一种议论以锢宠阴谋皆归之 皇贵妃臣恐郑氏举族皆不得安所忧不但身之不全耳已臣为此不觉痛心疾首谨一面谢恩一面哀恳伏望 皇上三思

○升赵焕刑部尚书程拱宸南京通政使司通政使

○升江西赣州府知府黄克缵为四川提学副使

○户部题覆江西抚按所奏建昌府属新城南城泸溪并上饶铅山等县水旱灾伤轻重不等酌量改折蠲赈从之

○兵部题经略侍郎宋应昌报于十月二十三日责令沈惟敬等驰往宣谕计一月方至海上又一月方通日本又必月余而后知表文之至与不至则年终事也续接提督李如松揭倭奴大众浮海止有行长亲随千余守候小西飞回信若然则倭众已退我仍留兵与守祈寒异域劳费俱困伏奉 明旨暴露骚扰彼此不便诚哉明见万里已久戍非宜议撤不为无据即将吴惟忠骆尚志等留守南北官兵尽数撤回刘綎系专敕御倭兵将方奉部命似当仍留彼中暂协防练但属孤军亦听择地驻劄相机进止其沈惟敬等既责令在后讲折封贡俱听督抚调度节制至于许封一事小西飞等亦听督抚责委原守兵量移就近馆谷防护俟其表文至日察果恭顺无他计处停妥具奏 上以朝廷原以大义兴师今既战胜敌服又何所求撤兵事依拟大兵既撤除刘綎一枝暂留宋应昌李如松候有倭归确报回朝一切防御事各督抚用心料理毋怠于是兵科给事中吴文梓言天子守在四夷未闻为四夷守者矧千里馈粮兵法所忌久戍思归人情所同撤兵之议是也第倭夷变诈叵测如松私揭难凭使倭果有必退之势经略胡不奏闻以纾东顾臣等事专职掌胡不与闻俾知虚实据称大众浮海矣行长独不惧王师之尾其后乎犹安然盘据何所恃而轻视若此也惰归所当击矣如松等独不能相机决策以彰天威而纷然讲和无已何所畏而退怯若是也小西飞尚未回话行长能必关白之如议

否遽敢擅自退兵臣知其必不然矣款贡未奉 明旨应昌何得轻恃以待表文之至臣更不得其繇矣倭夷逐利如犬之逐臭小利则小入大利则大入方其未议封贡之前则志在朝鲜及既议封贡之后则志在中国我既与之盟姑为缓兵之计彼独不能执之为辞拥众为挟盟之举耶大兵撤矣徒以防御之责委之刘綎綎虽勇特裨将耳兵卒特数千耳前经略提督统兵甲之众挟粮饷之富尚不能得志今日议贡明日议封仅能诱之至西生浦倭突然乘虚而入不识綎数千之师果能御数十万之众否下所司议

○以云南佥事黄廷宝调云南提学

○庚午冬至节 九陵并 景皇帝陵遣官行礼

○以 三皇殿工完撰文赐元辅锡爵次辅志皋位银弊有差

○升江西副使卜维新为本省左参政管粮

○辛未礼部覆奉国中尉内有不愿授封者准停封禄听入学应举照出身资格授官罢闲后不得重封其淹滞不举愿归旧封者听

○升山东佥事杨镐为本省右参议分守辽海

○壬申降补广西副使林乔楠为云南右参议兼佥事 ○癸酉擢云南左布政使张孙绳为应天府府尹

○调四川左参政顾云程于山东兼佥事整饬霸州

○甲戌大学士王锡爵题今日进阁办事随蒙发下手札谕元辅昨卿所奏已知朕览卿累次揭帖俱有 皇贵妃字是何说彼虽屡次进劝朕亦难允况 祖训有言后妃不干预外事岂可輒而听信今谕卿知之臣开读之时见有同官臣位在阁念系股肱一体之人不得不以示之皆低首蹙额而不敢言吐舌相顾而不能解夫 祖训所谓后妃不预外事者不预外廷用人行政之事也若册立乃 皇上家事而 皇第三子为 皇贵妃亲子 皇上家事不谋之后妃一家之人而谁谋乎 皇贵妃亲子不为之谋万世安全之计而将谁为乎且使 皇上早定则已矣一日不定则一日与 皇长子相形者惟 皇贵妃之子天下不疑 皇贵妃而谁疑 皇贵妃不自任以为己责而谁责先是臣在家每阅抄报见诸司小臣连章累牍指斥 皇上未尝不及 皇贵妃臣之视 皇上犹父也则其视 皇贵妃亦有母道岂有孝子之心见人之无礼于父母至此而恬不动心默无一言者乎况臣连揭所指本出自 皇上昔时跪请之言是 皇上明称 皇贵妃之贤欲使臣下知之矣而今日顾反以干预外事不輒听信然则必欲使 皇贵妃受尽天下之愤愤忍尽天下之喁喁然后为不与外事而可信乎臣老且病 皇上所亲见区区为 主苦心饶舌幸蒙哀怜以为犬马报恩止有此第一义而今日所奉 圣谕顾以臣称引 皇贵妃为疑夫 皇贵妃久侍 皇上至亲且贤臣之所不敢言也而外廷之纷纷归怨于 皇贵妃又臣之所不忍闻也以不敢言之心合不忍闻之心孰轻孰重且六十老臣力捍天下之口归功 皇贵妃 皇上尚以为疑然则必如群少年盛气以攻 皇贵妃而 皇上反快于心乎臣今日进阁本谋将昨谕允答之旨稍洩于外镇

亦将颂之矣其册立一节不徒曰候旨而曰少候可见候亦不久臣等自可计日而待本不敢再有烦聒惟是 圣谕所云朕不老又无重疾以此为词乃似一向迟疑之故所嫌专在于此臣不得不一剖明之夫今日臣等之所以直吐忠臆毫无忌讳者正谓 皇上春秋鼎盛气体康强且将卜年千万与天长久而不必拘此世俗之嫌也汉文帝践祚之初年其臣即曰子启最长请建为太子此岂老而有重疾者乎 祖宗列圣册立 皇子多不过数龄此亦岂为身之老疾而遽为不可知之虑乎幸 皇上勿以为疑亦勿泥待嫡之旨久虚储位以生众疑其 皇长子 皇三子一并出阁自皇上而言有子而均爱之口教之固慈父一体之念然自外廷而观 皇长子明年十三岁 皇三子明年九岁前后相去四年岂得为之相等大抵 皇子生十岁而入学今 皇长子则太迟 皇三子则又早以事体言早固胜迟而以形迹言则以 皇长子之太迟形 皇三子之太早先后缓急之间一不慎而 圣心又晦矣且此举本为安人心有如人心更于迟早生议论而不得安一场好事更不得分晓此臣锡爵所以不敢主张并出之议且使事有次第可以从容举行人知 上心可以安静不扰此必然之便计而 皇上万无可疑也

○壬午谕礼部皇长子册立一事久已断自朕心但以方在壮年不妨待嫡稍缓今欲明春先行出阁讲学礼其皇三子少待次年另行长幼之序即此为定尔部便传谕各衙门如敕奉行不许又来激扰一应礼仪临期酌议来看

○癸未皇亲锦衣卫带俸都指挥使郑国泰亲伯顺天府儒学附学生员郑承恩奏请册立东宫以彰 皇贵妃之贤以免郑国泰之罪 上怒黜承恩为民

○都察院覆问过管理夏镇署郎中事主事余继善庆阳府同知宁夏理刑王道俱追赃为民

○甲申予赞善日讲官顾绍芳祭一坛绍芳直隶太仓人万历五年进士改庶吉士授简讨升赞善充经筵日讲予告本年二月二十二日卒以日讲劳特恩予祭

○乙酉户部覆宣大各属卫所灾荒分别蠲赈从之

○兵部题参辽东镇守总兵杨绍勋懦怯贪婪革任回卫从之

○丙戌大学士张位以妻丧假赐银伍十两钞币斋粮

○都察院题覆湖广襄阳宣城县知县景世芳贪污追赃为民

○是日升浙江副使卫承芳为山东左参政改云南佥事黄廷宝提督本省学政

○丁亥宴泰宁等卫贡夷头目升合儿等一百三十员名侯李言恭代

○戊子予户部右侍郎萧彦祭葬

○以山西佥事辛志登为岢岚兵备

○命尤继先以原官挂印充镇守辽东总兵

○庚寅调山东副使张朝瑞于浙江整饬金衢

○辛卯赐周府莱阳王勤慎谥庄懿

○大学士王锡爵奏近行人高攀龙御史徐元< 錡-金 >以惜才为词而以喜

同恶异疑臣等其责臣等甚冤臣等一恃有 皇上亲口亲笔为证臣等心事断然明矣既而思之自古人臣尚有故迂其身显为疑事使诽在己誉在上如管仲子罕之为者彼岂异人而臣等独不为 主分谤任怨乎而必欲借 皇上亲口亲笔之言为解乎乃两三年来士大夫每扼腕而思叩阁之士反唇而献炆灶之疑者臣知其解矣怒一人而或迂之众人斥一人而或锢之一世又有抵触本轻而责之太重者有容忍在前而复旁发于他事者部院能请不能必其下臣等能言不能必其行诸臣求其说而不得则争争之而又不得则激于是始以见逐者为尽君子逐之者为尽有心而其说且支离胶固而不可复破矣今将何以平之汉高帝即位初年先封异己之雍齿夫雍齿非功臣也而高帝反借之以服天下古帝王厉世磨钝往往用心于此今废谪诸臣久震雷霆之威正枯鱼仰沫可以用恩之时合敕部院平心甄别< 銛-金 >名上请且如诸臣之中一般建言一般触忤而其人多有怀忠自奋肝胆无他者则当与阴趋捷径之士别论有砥行好修物论素许者则当与假装头面之士别论有书生悃悃误寄耳目于人者则当与翕訛纵横之士别论又有遣逐久而惩创深练于人情世故者则当与新进虚懦之士别论又有言虽逆耳而所争天下之计所守当官之职者则又当与事不干己凿空絮扰之事别论天下谁不翕然心服 口蕃然鼓舞而废起之人亦谁不相与程功见事尽剝成心以归于大冶熔铸之中而何至反遗 君父拒谏之名也

○壬辰大学士王锡爵等题今日发下文书有御史吴弘济本御批此事已有旨自合听朝廷处分吴弘济党救渎扰擅敢定拟降二级调用钦此伏惟 皇上天纵神明近者事事惩张居正专权之轍章奏 亲览处分亲断而小臣道听涂说妄疑激扰如此臣等岂敢以 皇上发怒为不是顾直以为不必怒耳方陈泰来等之以妄言得罪而臣等救之有暗地不能窥明愚人不能知圣之说 皇上即此两言推之何忤不容何妄不遣况高攀龙本疑臣等不敢直犯 皇上攀龙之言已可付之一笑矣而弘济顾直得发怒乎今赫然处断降调并行以 皇上自为发怒乎则 皇上天地也人病风丧心而指天斥地者天地果有损否以 皇上为臣等发怒乎则臣等草木也草木风挠之拆霜凋之瘁今弘济方以干旋前后大小臣工责臣等而并其身之不保臣等弱草腐木愈不能胜众咻矣伏望 天慈矜宥免其重处

○山西巡抚魏允贞题为山西市马并派各营军士牵领迨因骑牧无成又兼草料弗给悉令估价变卖上耗国储下储众怨失计殊甚臣愚以为岁易夷马通将本镇自副总参游以至守备千总等官酌营伍大小官员多寡派领马若干匹加意饒养年终各道通查等第呈报以凭奖戒其合用草料银两即于臣赎银或公费内动支窃谓如此行之有成则互市非虚名其便一边有马用其便二军不知领马之苦其便三因别各官之能否其便四银不加派而得宽马军其便五伏乞敕部查议从之

○予刑部左侍郎赠右都御史陈王 赞谥

○户部覆甘肃抚按所议将该镇一十五卫所自万历十四年起至十八年止带徵

屯田粮草悉从蠲豁亦免抵补十九年以后钱粮责成各道催徵不许仍前拖欠及准原参住俸印屯等官开俸不许补支巡抚田乐受任以来诚心干济核粮饷之侵扣官帑稍赢酌战守之机宜人情思奋以故近日虏警以稀边城晏救较曩昔无岁不被虏攻每攻必遭败蔑者相距倍蓰 上以田乐实心任事命吏部识之

○癸巳御史吴弘济题臣顷见户部郎中杨应宿< 〇〇〇 毓-金 >奉旨近来小臣不修本等职业更关是非该部院会同该科从实问他何以见得吏部有许多赃私及高攀龙为顾宪成所使亦问攀龙何以见得朕一事不管亲批亲点俱出辅臣之意明白参看来说不许徇私党护钦此臣捧诵纶音不觉战栗一喜又兼一惧焉喜者喜应宿之有所惩而小人有去国之日惧者惧攀龙之蒙诘责而人臣被进言之辜攀龙之履历臣诚不暇究其详但即其< 〇〇〇 毓-金 >则君子小人进退消长之机至于责备阁臣亦无他意天下国家之事莫大于用人而人之贤不肖与夫进退之间其机握之 皇上所以干旋其间者全在阁臣今前后大小臣工凡以贤名者接踵而去去者以 皇上之明旨也而中外莫不以票拟疑阁臣此阁臣所以不白于天下而攀龙所以有言也亦属望阁臣之心也昨部院奉旨会问诸臣方待罪靡宁而应宿独敢蔑视鸱张若上无朝廷下无公论者臣窃疑其或妄有所挟而视人莫敢谁何也 上怒弘济党救擅拟降二级调

○云南巡抚吴定解进康州土官刁闷恩贡象及方物

○甲午行人司行人高攀龙奏臣观汉臣诸葛亮曰亲贤臣远小人此先汉所以兴隆也亲小人远贤臣此后汉所以倾颓也臣自去冬奉差迄今复命中间不及期年伏见朝廷之上善类几空大臣则孙鑰李世达赵用贤去矣小臣则赵南星陈泰来顾允成薛敷教张纳陛于孔兼贾岩黜矣近李楨曾乾亨复不安其位乞去矣选司孟化鲤等又以推用言官张栋空署黜矣臣惟天地生才实难国家需人甚急废出如此后将焉继徒使正人扼腕曲士弹冠常人有为善之心而中疑小人有为恶之志而愈决今诸臣罢黜中外群言不曰辅臣欲除不附己则曰近侍不利用正人果以为皆出自 圣怒则诸臣自化鲤而外亦未见忤 皇上之旨何以皆至罢黜即使批鳞逆耳向如董基等其人 皇上已即收录显用何独于诸臣不然臣诚有不能不深忧于其间矣臣恐 皇上有去邪之果断而左右反得行其媚嫉之私 皇上有容言之盛心而臣下反遗 皇上以拒谏之谤传之四海垂诸史册其为 圣德累不小也辅臣王锡爵等迹其自待若愈于张居正申时行察其用心何以异于五十步视百步臣不敢毛举即如诸臣之罢黜果以为当然与则是非邪正一恒人能辩之何忍自昧秉彝之良心果以为不当然与则深知隆眷谁出辅臣之右何忍坐成 皇上之过举虽间有揭救者得非外迫于公议而姑为观听之美乎更有不可知者实内洩其私愤而利于斥逐之尽乎抑臣复有忧焉君子小人贞胜之机间不容发故小人稍长则君子立消即一年之中刘道隆不已而为许子伟子伟不已而为陈勛勛不已而为郑材杨应宿至材与应宿而猖獗益甚假以是之义理乱天下之真是非乘小人之邪谋攻一时之众君子应宿借不附吏部之名致其阿徇阁臣之

金 > 论乞休 皇上俯留欲其率属材则司属也司属有郑材桢不去不休堂官有李桢材不言不止倪念桢清节雅操堪任卿二或改材别部或计俸升转庶全大臣之体安堂属之心 上调材南京

○升云南右参政刘天衢为山西按察使湖广佥事徐学聚为江西左参议管粮

○辛亥勘问过山东东昌府临清州知州王立道追赃为民

○以工部营缮司郎中张后甲为四川佥事分巡上川东道 ○壬子礼部题覆乡场考官科道互相争论下九卿会议议曰臣等参酌 大明会典前后诏令窃谓法无取于纷更治贵遵乎成宪国初之制教官主考慎选老成端方之士皆自远方聘至不使本省一官得预其间行之既久法废柄移则改而署事举人矣又改而京官进士矣又改而博选廷臣矣并未有以较文归守土如近议用两司者盖事外之官必立于耳目之表而后可以专弹压事内之官必绝于嫌疑之地而后可以操权衡布按二司皆守土之吏向用为提调监试而不用为考试杜请托绝嫌疑 祖制之所当恪守者也翰林为 天子文学之臣较文本其责任然内有侍班讲筵之事次年又有会试入帘之役不宜多遣请以四员主考给事中为 天子耳目之臣以谏诤为职请以三员主考而礼科勿与焉六部司属颇称优暇但吏部系铨选流品之官请以二员主考而礼部勿与焉其户兵刑工四部每部遣司属四员或兵工二部人少不敷则取盈别部而大理寺属官亦遣一员以足考官之数以上诸臣不但取文学优长亦须访其操履端纯者临期列名上请以至同考官旧聘教职或谓品鉴稍有未精至欲改用本省甲榜推官知州知县则又失祖制不用守土官之意且前项有司在本省属官也入帘则考官也将仍待以属官则于取聘教职不得一体将概待以考官则于御史二司不便相临请听御史于隔省聘取甲榜府佐推官或迁谪闲散之臣大省量用三四员小者量用二三员以为领袖其余仍旧聘取教职而知州知县有地方之任者不与焉一应科场之事在外听御史糾劾在内听礼部礼科参驳毋得阿徇著为定例庶职掌画一名实不淆报曰各衙门选差京考不必拘定数候临期官闲人众者多差几员余悉如拟科场公典以得人为重今后毋以体面纷争

○癸丑大学士王锡爵等题今日简阁中旧籍始知 累朝皇子出阁先行冠礼以便接见讲官今 皇长子讲读之期择于明春二月初四日则冠礼应于一月半月之前举行乞预行传示

○以光禄寺少卿程奎为太仆寺少卿分管东路

○升湖广右参议陆长庚为本省副使广东肇庆府知府朱天应为广西副使

○甲寅改兵部职方司主事冯渠为尚宝司司丞 ○乙卯大学士王锡爵等题今日奉到手札谕内阁昨览卿等奏朕意亦虑皇长子出阁未行冠礼着何冠服以见讲官欲待明春正月中旬询于卿等奏来甚合朕意且朕查大明典礼东宫与王充冕皮弁二服冠则皆同其服□□目□□异今欲行冠礼宜从何行朕意欲暂常服出讲待册立

后再行加冠礼未迟臣等愚昧之见止据旧案谓典礼之当次第行者不敢不请而谕旨之当自上传者不敢不重盖遵皇长子即所以尊皇上也兹蒙皇上俯赐加纳因而裁示东宫亲王冠服之异同先期加冠之难处欲暂着常服出讲圣虑精详圣见高远非臣等之所及谨即遵旨另拟传帖上进

○升陕西太仆寺卿兼佥事王任重为云南右参政 ○丙辰大学士王锡爵等题今日又蒙赐手札谕内阁朕览卿等所奏已知买办之数乃朕亲自删裁出讲在外虽则简约在内各衙门造所用器皿物件及备用等项所费不少若该部科言其过费出讲还少候二三年与册立并行庶可省费臣等伏读后当即封送该科使传谕该部一体奉行盖自古朝廷举大事者自当不惜小费而人臣将顺大美亦自不必固争小节不知自臣等而言乃一力护皇上之深惟恐部科诸臣之有言也盖臣昨出阁后部臣杨俊民等科臣王德完等一齐见臣等于朝房商量此事在部臣则谓两日查遍旧案并不见有出阁传买金玉之事即据皇上册立后出阁亦无此项钱粮疑为内臣开写之误此以事言者也在科臣则谓皇长子养正之初正宜示之以俭岂可使未亲圣贤先亲货宝未购书籍先购服玩此以理言者也此两言者臣等已经苦口折之大约谓天子之子与庶人不同宫禁之费与外家不同即今圣谕中所云臣等已先为皇上言之矣夫臣等之外为皇上担当口舌如此则安得不内为皇上倾吐腹心以求君臣之两全公私之易处乎至于近日出阁命下朝士已有喧传圣心原无意举行他日必将别生事端要行改悔者臣等造次闻之不觉为之血喷于口发冲于冠以为人臣疑谤君父至此决当隋口土阿鼻拔舌之刑而今圣谕忽出少俟后举省费之说使尧舜之明一举一动皆被人算破此臣等之所以为皇上不甘也伏望俯采愚忠亟先下昨拟常服出讲之旨以绝人疑其买办一节或别敕该监裁示减省之数或明谕部臣即此就将来册立钱粮令其从容办纳庶国计可以支吾人情不甚惊扰

○改盛讷吏部右侍郎兼管经筵日讲

○兵部题称东征大兵既撤合撤回经略专任督抚上以大兵尽撤宋应昌李如松俱取回倭情变诈未可遽称事完督抚官遥制不便顾养谦才略素闻星夜往彼处相机料理务保成功其蓟镇虏防暂令顺天府巡抚代管宋应昌仍候顾养谦至日交代回京余依拟

○丁巳赏陕西他笼哈古等族贡番恼秀等一百三十六名绢银钞币如例

○推德阳王府辅国中尉宣仁 □ 垒补蜀府宗副

○戊午兵部咨蓟辽宣大山西延宁甘固各督抚今后暂获虏级除数多者报捷外零星斩获虏级头畜器仗俱于秋防毕日类报如地方失事无论大小即时奏报不得借此含糊隐蔽中有一二斩获务责确实无侈虚文以图掩饰从御史宋兴祖言也

○己未大学士王锡爵等题今日复蒙皇上手札谕内阁朕昨览卿等奏悉见为君忧国之诚此费乃不得已若当册立之用十难充一旦册立上而尊上徽号下而仪仗

器物及铺宫等项所费甚多不穀充用臣等庄诵不胜惶恐自愧闇浅知识不见天地之高寒酸伎俩止惜锱铢之费即已传谕该部科勉为将顺助成大典惟是屈指出阁之期距今止一月半而所用珍宝之类约费银三十余万两此三十余万两之银尚可措处而三十余万两之货恐少不能飞空躡地而至也今且责部臣一面召买一面少宽其期或少减其数至于册立之费既不勾用臣等不敢强 皇上以曲从姑俟将来再处又臣等连奉 皇上手札直草无不精妙今日偶阅翰林官所撰年节赏人对联忽起贪心意欲求皇上万几之暇手书五字或七字一联训勉臣等令得奉为传家之宝亦不枉臣等一生之遭遇也

○降原任分守宁夏右参将崔张名为广武营游击

○庚申以 圣母慈圣宣文明肃皇太后万寿圣节赐元辅次辅及讲官银币有差

○辛酉罢长芦运学从科臣张贞观言也

○大学士王锡爵请增推阁臣

○升国子监祭酒曾朝节为詹事府少詹事

○壬戌升杨浚署都督佥事总兵官镇守陕西

○癸亥 世宗肃皇帝忌辰遣侯郭大诚 永陵行礼

○授起复庶吉士孙羽侯为给事中

○甲子 贞惠安和景皇后忌辰遣伯张元善 景陵行礼 ○升孙继皋为礼部右侍郎

○乙丑赐岷世子干陔谥僖靖

○吏部考选科道以清丰县知县周玄暉为南京云南道试御史各官谒部玄暉抗立公堂谓不宜辱以南台盛气幸容踉跄指顾旁若无人部臣至求自罢以谢之 上怒其蔑纪降玄暉三级调边方

○顺天府官进春

○以立春节赐三辅臣上尊珍饌

○毛怜等女直夷人伏羊古等九十九员来朝贡宴赏如例

○丙寅礼部覆浙江巡按彭应参言该省灾伤乞赐停减袍段 上厌其渎请不允

○丁卯旌表孝子周勃勃湖广奉新县民幼失母事父至孝父年八十病疽勃口衔药洗疽且尝粪延其父六年从御史旌之

○旌表节妇二十五口归德卫军侯天□彳 □月□□妻赵氏汜水县民穆守礼妻张氏鄆陵县生员剡古妻周氏雒阳县民姬仁妻焦氏上元县生员杨希仁妻李氏高淳县陈时美妻萧氏上元县举人沈九思妻廖氏宣城县生员殷云卿妻吴氏亳州民怀木妻刘氏北直新城县监生王承训妻尚氏滦州民李发妻陈氏庆都县吏朱应奎妻王氏淑浦县民忧学臣未婚妻丁美音黄岗县生员倪天瑞妻刘氏武陵县贡生史荣妻韩氏临武县民曾显爵妻陈氏江夏县民李瑀妻向氏大城县生员傅守妻张氏烈妇三口兴

鸿洙为本省副使备兵台州

○升广东游击吴广为福建参将

○以辽东都司佾书郎国忠为宣府游击

○庚寅 孝恪皇后忌辰遣广宁伯刘允正祭 永陵

○升广东副使洪有复为本省参政兼佾事分管练兵事

○升顺天府府丞谭希思为右佾都御史巡抚四川

○起原任太子宾客吏部左侍郎兼侍读学士沈一贯为南京礼部尚书

○以原任山东布政使陈瑛为本省参政兼佾事徐州兵备

○山东道御史顾龙祯言先年廷臣有言考不便者下其议于九卿科道有称便有称不便而礼部参决之曰便究竟何从又言裁驿递之费节款馈之礼重监临之权严未到之防消掣肘之衅部覆京考如旧余拟

○辛卯升江西广信府知府王之麟为湖广副使靖州兵备

○升南京礼部右侍郎习孔教为南京吏部右侍郎

○以右军都督府都督佾事李如柏添注五军营副将

○壬辰德王奏缺内使准予八名

○以都指挥使李宁为锦州游击

○癸巳以原任云南按察使张一坤补广东商肇兵备

○甲午以 皇长子出阁命大学士王锡爵赵志皋张位提调礼部左侍郎范谦洗马李廷机充侍班官修撰唐文献焦竑编修邹德溥郭正域全天叙简讨箫云举充讲读官

○丙申 英宗睿皇帝忌辰遣襄城伯李承功祭 裕陵

○广东道御史唐一鹏劾总兵李如松贪功掩败衅祸三罪冒滥伯爵成于张学颜盘踞宣镇庇于申宋九倾陷文臣傅霖刘葵武臣杨绍勋刘綎及宣淫嗜杀状因言经略宋应昌过信不明 上命吏兵二部从公据实查奏

○戊戌升詹事府少詹兼侍读学士刘楚先为南京礼部右侍郎

○是夜保定青山口有飞星甚大余光若彗长二十余丈

○己亥大学士王锡爵等言中原一带荒乱异常守令为亲民之吏抚按为督率之官果能实心修政则灾至而不害寇伏而不作乃今驰鹜于虚文不知安静牧养为何事乞敕吏部综核名实分别用舍附以沿海择官为汛防先事之备纳之

○是日 上谕吏部曰昨岁各省灾伤山东河南及徐淮近河之地为尤甚民间至有剥树皮屑草子为食又至有割死尸杀生人而食者朕虽居深宫之中念切恫瘝不遑寝处曾经屡旨蠲赈不知有司曾否奉行小民有无沾惠况值此公私交绌之时不知各该地方除内帑漕粮或留或发之外别有急救便宜措处方略否其各处矿徒劫盗啸聚成群又不知安插归农防御备否目今四方吏治全不务讲求荒政牧养小民止以搏击风力为名声交际趋承为职业费用侈于公庭追呼遍于闾里嚣讼者不能禁止流亡者

不能招徕遇有盗贼生发则或互相隐匿或故意纵舍以避地方失事之咎其各该抚按官亦只知请赈请蠲姑了目前之事不知汰一苛吏革一弊法痛裁冗费务省虚文乃永远便民之本如此上下相蒙酿成大乱朕甚忧之又如沿海地方备御久疏倭寇情形未定一应城池器械练兵战守之备尤在所急而近者将领之权既轻不免责成于文吏乃文吏又习为饰虚取誉首鼠避难以兵马钱谷之任为劣处以强力干事之臣为粗材好议论而不好成功信耳闻而不信目见此尤当今第一弊风最能误事者弭盗安民得人为本以后巡抚官缺你吏部务要选用老成敏练曾经扬历外任著有成效之人毋得专采虚望其要害地方非但司道当择即府州县及江防海防同知等官皆宜慎选优叙毋得尽拘资格如有前项不修实政不饬兵防纵有浮名小才于地方百姓何补若抚按官不亟行参劾以失职连坐你部里若咨访的确亦不必待人奏闻即便议更议调以安地方近来人心玩愒朝廷诏令通不著实举行题覆纷然竟归两可科道官亦不用心参驳成何法纪自今日谕出之后各务奉宣德意严立标准凡遇升迁行取考察等项一以安民弭盗实政为抚按有司之黜陟言简必信法简必行如有仍前玩视欺隐定行重治不宥

○庚子兵部尚书石星言总督顾养谦已代经略宋应昌乃科臣包见捷陈世恩有申饬责成之议台臣许闻造有诏旨叮咛之请且督过于臣乞赐罢斥 上令养谦便宜进止但保成功余无所制星亦安心调度勿更托陈

○从山西巡抚吕坤奏凡巡按录囚除未奉决单及曾经驳问情可矜疑者照常送审其情真罪当者册报免角□羊以省烦累

○辛丑 上札谕内阁曰朕览礼部拟皇长子出阁行预教礼其告 奉先殿朝谒两宫俱依议行且皇长子未行册立如何遽行贺礼况出讲非册立加冠还著查东宫亲王出讲礼仪酌议来看大学士王锡爵等回奏言 皇上于出阁一事衡量参合可谓至详但 圣谕中御门及 皇长子受贺俱非该部撰出盖出讲与册立加冠各自有贺至皇长子既谒 两宫则 上位 中宫母妃之前岂容不谒有如 皇三子 皇五子幼冲则或行或免自在宫中该部亦不必再拟其每日讲读诸仪则 东宫与亲王无大异同也

○南京户部尚书郝杰以病乞休者再不允

○左都御史孙丕扬三< 疏 >引疾求退 上慰留之

○铸给各省直审录关防

○壬寅礼部议 皇长子出讲礼一演礼一告内殿一出阁一谒谢庆贺一复命一百官行庆贺谒见得旨預告 奉先殿朝谒 两宫俱如议御门及 皇太子受贺俱免出讲礼还酌议来 山西道御史梁铨上言今者数见 明旨曰党救曰朋奸凡参论辩援一切以朋党名之恐一二小人借此以倾君子则其祸难言特乞慎重 明旨论是非不论同异庶公道昭而群嚣息 上以铨意在要誉夺俸一年

○工科给事中桂有根以江北河南山东水灾条上弭荒事宜发帑藏以苏重困停徵额以示宽恤省繁文以专责成禁流言以安反侧部覆内帑称拙但于本省直起运银两除光禄京边照旧起解其见贮库者河南留六万两山东江北各留二万两至如漕粟河南江北已共留二十余万山东亦尽改折无从议留而南粮搬运不便先经借支备倭米豆三万余石本省漕折银二万两以上三处平余给赈较所请更多余俱如科臣拟报可

○允兵部覆凤阳抚按议将沿海通泰等七卫所秋班军二千九百余名尽留防海事宁入卫

○先是工科给事中黎道炤言 献陵修自隆庆六年部臣贺盛瑞三至其地见庙貌如故即微有漏损量为补葺足矣计大修费且六万金乞敕该部会同科道估计费不过千金请以所省赈山东河南淮徐饥民部覆俞之

○甲辰 孝静毅皇后忌辰遣宣城伯卫国本祭 康陵

○刑科给事中李先芳以青徐兖豫灾条上诸事户部言借运米一款合依先芳议酌定平余米价解部俟丰岁召商和余至概免贖贫民虽幸沾恩富奸反致漏网其委系难完者准豁余照旧追徵二分买谷备赈八分解部济边允之

○礼部覆郑世子载育条奏七事一宗室子弟自奉国中尉以下有不愿受封者许同民俊考送泮学一宗生旧制虽有考验换授之文弟辅国中尉以上诚难更授请如近议不应举者照旧宗学作养无得杂青衿就试督学一宗藩子弟入学者如生员永冠一奉国中尉等即以赐名应试若无名禄者从便起名不混同 玉牒中式榜录皆著国姓下书宗室封爵一镇国辅国等兼官署事之例请自 上裁一铨除考课向来宗生未闻巾式候临期奏请一宗室入学自世子郡王以至庶宗但视名以别齿 上令即行各藩大破恂孳从公用舍以称朝廷激励贤宗之意

○丙午命编修董其昌简讨区大相周如砥林尧俞编纂六曹章奏

○户部覆刑科左给事中马邦良< 〇〇〇 铨-金 >各商拖欠钱粮并条议八事一酌缓急各库物料偶缺候解到支用不得轻议召买听奸商领银一酌本折轻贳银两解到掣批先回免其守候本部选商办纳立限完销一酌时价甲丁等库召买物料与秋收物件因岁丰歉会估不同合以上年估定之数为准一酌用舍审存富商查革积棍一酌解户须殷实正身一酌亲纳不许歇家揽头侵骗一酌类角口羊不得零星以滋烦累一酌责成坐委验粮司官管理一年方许更替< 〇〇〇 铨-金 >入如拟

○以江西石城王府镇国中尉谋炜宜春王府辅国将军拱木〇界各管理府事瑞昌王府多燧哀毫以镇国中尉多忻代

○给事中桂有根言河工雇额月给银一两是以供事者少僥增额广募自可计日告成至如性义岭当兖徐之交河臣舒应龙议开渠洩昭阳等湖以免金鱼各县之淹没杜运河堤岸之冲决令抚按速行勘报以数万金量增雇直则兴工随以寓赈部覆从之

○丁未命编修吴道南庄天合简讨王图管理诰敕

奉严旨申饬

○户兵二部会议备行河南山东江北抚按严查被灾州县历年积谷数目曾否发赈给繇官员曾否因之殿最其余苏松浙江等省一体行查并议无灾地方应纳本年上供税粮酌道里相近者改令输纳米谷运至有灾去处赈济按数扣留发去赈银准抵无灾地方正供价值照时估算其搬运脚费准予所纳本色内减免因河南巡抚张一元揭请内帑故有是议

○赐晋宁府宁河王知弓口火溢恭懿

○戊寅朝鲜国王差陪臣金晬等二十员赍进方物上表谢恩宴赏伴送如例

○礼部郎中何乔远奏朝鲜陪臣金晬等涕言倭夷猖獗李如松既与讲和抑勒朝鲜任其杀戮束手受刃者六万余人倭语悖慢无礼沈惟敬与倭讲和皆六和亲辄曰乞降悔罪臣谨将万历十九年中国被掠人许仪后所寄内地书主事洪启睿面审金晬情节倭夷答副总兵刘綎书及历来入寇处置之宜进览乞特敕亟止封贡若下部便成故纸仍下兵部

明神宗显皇帝实录卷之二百七十终

明神宗显皇帝实录卷之二百七十一

万历二十二年三月己卯朔 孝肃皇后忌辰遣彰武伯杨世阶祭 裕陵

○大学士王锡爵等奏适奉传旨以河南巡按陈登云封进饥民所食鴈粪持示臣等不胜痛感见今国财耗竭万难措处请尽辞俸薪助赈并乞 皇上暨 两宫各院量发内藏分投布施

○是日随接 圣谕曰昨者朕览饥民图说时有皇贵妃侍因问此是何图画着死人又有赴水的朕说此乃刑科给事中杨东明所进河南饥民之图今彼处甚是荒乱有吃树皮的有人相食的故上此图欲上知之速行蠲赈以救危亡于旦夕皇贵妃闻说自愿出累年所赐合用之积以施救本地之民奏朕未知可否朕说甚好且皇贵妃已进赈银五千两朕意其少欲待再有进助一并发出今见卿所奏着明早发与该部差官解彼赈用其中宫等朕传着各出所积之费以助赈卿等欲捐俸薪甚见忧国为民至意且待钟化民奏到再作区处

○升吏科都给事中许弘纲为太常寺少卿

○起原任山西参政乔岩为本省左分守河东

○兵部言河南饥民啸聚风闻江南亦有乱形然国法民命所关岂宜枉纵 上令抚按慎发早断以防煽惑亦不得株连善类

○兵部尚书石星奏总督顾养谦至辽细译倭情恭顺委止请封兵不可烦抚臣韩取善三至朝鲜察之既真况许封不许贡已奉 明旨宜驰谕釜山倭户勒令尽数归窠封事乃决若捧表过为疑畏恐示人不广据朝鲜< 金 毓 金 >奏情节在上年闰十一月以前养谦所报则今年正月沈惟敬入营宣谕后事也 上谓封事必须养谦保得倭

总之封为虚号止以完目前防为实际乃以图远计也 上谓星既张主自当听从事成功有所归不成责亦难诿

○乙酉允封沈府理圯埕埏为郡王禄仍镇国将军如有援例渎请者以违制论

○丙戌给事中李先芳言封不出于彼之求而出于我之媮诚非得策但经略提督业误于始谋遽为明绝是我未备而速之投袂矣莫若阴简卒乘裕储蓄而坚持尽去之说以邀之纵西飞弹守等归谕行长云朝廷原无过督但屯师属国而以兵请封疆之吏不敢 上闻料往复经时内备可集倭果尽去我又何责倭若不去我复有词疏入下部

○丁亥吏部言纠劾事例节奉 明旨乃近据各弹章轻重失伦初终互异至于论贪则悬坐成数全无的证论酷则不指何事果系几人势不容不请勘问顾原参之抚按尚在则主以成心离任则遂多开释非纵即枉合再申明 上敕抚按官论劾有司须据实定拟毋得任意轻重亦不许隐约套词

○升甘肃行太仆寺卿潘志伊为广西参政 ○内阁传出 圣谕 两宫圣母闻河南饥荒发内帑银三万三千两著该部角□羊去济賑部请分发河南山东江北得允

○河南巡按陈登云极言两河饥民骨肉相食状请留鲁山宝豊应角□羊兑军银两迟至麦秋徵补请据副使王任议暂许开矿以救旦夕请发临德二仓米二万石请给南京漕银三十万两候岁稔加二抵还请严飭邻郡不得遏余违者听抚按题参 上览奏深嘉之仍令纪录依部覆南京库银准借十万食米缺乏势难再给开矿事行抚按查勘余如议

○戊子起原任山西副使萧应宫为陕西固原兵备

○播酋杨应龙拒杀官兵四川巡按吴礼嘉查参失事以闻部议参将郭成游击丁光宇戴罪副使胡应辰同知汪京重罚总兵刘承嗣甫任非辜巡抚王继光候代宜免然未离地方责难委卸仍促新抚谭希思刻期赴任檄问罪酋务得真情转奏军中一切悉听便宜 上以巡按所报与本酋奏辩悬殊仍令查确川省会同贵州抚镇相机征剿余如议行

○己丑改南京工部右侍郎边维垣为南京户部兼右佥都御史总督粮储

○升右通政李盛春为右佥都御史巡抚保定提督紫荆等关

○先是南京祭酒陆可教条奏一均制额分拨贡生就试南京并增角□羊额一慎稽核严禁杂流入费太学民俊亦必限年试艺其以学行闻者奖一定课程诸生须习经书正文及大诰通鉴集要大明律令一优礼遇有司不得鄙夷诸生当隆重体貌以重简押一广书籍自购给四方内府藏书外其永乐间所纂大典令出差御史分刻颁贮两雍部覆俱如议但贡生不必分试增额

○庚寅礼部尚书陈于陞先以纂修本朝正史请允之于是阁臣王锡爵等条上事宜一请敕一开馆一设官一聚书一分任一责成旨下礼部

○升山东副使徐成位为本省参政兼佥事徐州兵备
○以广西副使周一经为甘肃昌游击许国威驻劄马松
○以原任贵州参将张奇峰为四川行太仆寺卿兼陕西佥事 ○辛卯赐三辅
臣鲜□甘耒另□

○调蓟镇建巡抚标下游击
○壬辰 武宗毅皇帝忌辰遣武平伯陈如松祭 康陵
○癸巳升太仆寺少卿李化龙为右通政
○升浙江严州府知府方亮工为陕西副使宾州兵备
○礼部尚书罗万化覆湖广巡按李天麟议于楚藩废第改建宗学及推选宗正宗副宗讲凡子弟除愿入儒学应举外其不愿者十岁悉入宗学俟十五请封给禄米三之一更肄习五年方奏请出学授全禄诸骄纵不法者学师启王训责参降其有学行贤宗并置义仓义田之类抚按亟为荐奖敕下遵行

○ 上以封事未定小西飞不可遽待以客礼命兵部另择处所安置防范亦勿先是猜疑致阻向化

○加贵州制额五名
○调蓟镇游击李皆春驻劄建昌统领南兵
○是夜月食
○甲午大学士赵志皋三疏求去温答慰留
○升南京光禄寺卿傅作雨为南京太常寺卿
○升礼部郎中张泰徵为河南参议分守怀庆
○乌思藏阐教等王遣国师番徒畜竹坚参等四十员名进贡宴赏如例
○乙未允经略侍郎宋应昌回籍
○三边总督叶梦熊以固镇钱粮匱乏请照宁镇例开纳输粟以备军需部覆陕西一省上纳量地远近千里以下三百里以上递为减免附近州县临仓交纳酌减车脚限二十三年十二月停止命亟行 ○丙申以标兵右营佐击牛伯英为蓟镇游击

○工科右给事中张涛言东封一事石星折于众论稍欲改悔应昌苦于百口明肆挟制凡贲金行成不惟欲发星私书且形之劄子矣石星之指授应昌但属厌兵而无远猷应昌之迫胁石星全是恶机而胎隐祸刑科给事中叶继美亦云星有为国之心而无其力苟且图成偏听致误

○丁酉升林材吏科赵完璧工科俱都给事中杨恂吏科左给事中卢明谏户科遼中立兵科俱右给事中

○升山东参政王士性为太仆寺少卿管京营
○改南京太仆寺卿钱藻为南京光禄寺卿
○释高墙已故宗庶一中祔 □共祔 □化誉榷家属

昭垂千万世哉兹特命卿等俱充总裁官查照该部题覆纂修本朝正史事理择日开馆博选儒臣照依古史旧体分类派撰刻期完稿具送卿等商定裁酌卿等宜督率各官悉心考究编辑成书务求隐括不遗议论至当以成一代不川之典用副朕法 祖右文至意其副总裁及纂修等官职名并合行事宜还陆续开具奏闻

○晋王敏淳请升补承奉宋永忠等内批补承奉副孙春典宝正刘明给事中包见捷乞寝不从

○予工部尚书温纯父朝凤祭葬

○甲辰纂修正史以礼部尚书陈于陛南京礼部尚书沈一贯詹事刘虞夔少詹事冯琦充副总裁官礼部尚书罗万化吏部右侍郎盛讷礼部左侍郎范谦刘元震右侍郎孙继皋少詹事曾朝节祭酒陆可教兼充副总裁官左庶子余继登右谕德萧良有洗马李廷机右中允刘应秋修撰唐文献焦竑编修邹德溥郭正域黄汝良全天叙吴道南黄辉庄天合董其昌简讨王图萧云举区大相周如砥林尧俞充纂修官

○琼州府雷火发于军器局毁屋伤人

○协理戎政兵部右侍郎贾仁元因人言乞归允其去加兵部尚书

○乙巳榆林卫地震

○允南京御史林培请着各抚按于被灾等处有司贤能者留贪残者黜每乡设义仓分上中下三户会立仓立仓长仓书经纪其事官为提衡秋成歛之青黄不接散之越明年薄息收之如古井田遗意

○铸沈府灵寿王琯埭六合王琯埭麟钮银印

○丙午升礼部郎中张鼎思为福建参议

○升南京浙江道御史戴璟为山东佾事

○升南京礼科给事中张文华为陕西佾事

○先是光禄寺丞钟化民以麦熟尚距两月糜粥难支且请免解布政司库贮吏承贴班银户工二部事例银历年积剩站银共二万五千余两急济燃眉 上令该部通查内外捐助之数户部奏称前银固准留更有妃至辅臣并一切官员共捐过一万二千三百有奇乞钦定分角□羊听各抚按与化民通融普济得旨河南七千两山东三千两余发江北

○丁未大学士王锡爵以病乞休不允

○戊申 上以痰火怔忡命文书官李文传示辅臣 庙享暂遣官代大学士王锡爵等因请顺时调摄

○司业周应宾< 毳毼 >进较刊公羊穀梁周礼仪礼尔雅诏留览
明神宗显皇帝实录卷之二百七十一终
明神宗显皇帝实录卷之二百七十二

万历二十二年四月己酉朔日有食之

○乙丑升广东左布政费尧年为南京太仆寺卿

○升刑部郎中徐师张为福建副使

○升刑部员外方端为贵州佥事

○升杨恂户科都给事中杨东明礼科包见捷兵科俱左给事中耿随龙吏科右给事中

○户部覆巡抚吕坤奏谓三关军士月粮每年扣银一万九千余两抵充市本公费既难强嗇私情委属可矜查山西通省民壮一万六千五百名罔裨边计徒耗民财合于富庶州县堪以徵银者共减三千名每年省工食一万九千五百两即解充市本其大原等营军粮准复旧额永远遵行诏如议

○丁卯改南礼部右侍郎刘楚先为南吏部右侍郎

○以兵部右侍郎李汶协理京营戎政

○升通政使吕鸣珂为兵部右侍郎兼右佥都御史巡抚陕西

○是日以兖州灾许该抚按动支官银五千两分给宗仪酌量极贫次贫有差从鲁王颺坦请也

○周王肃溱暨母妃袁氏□□□银一千两原武王朝瑜永宁府宗室睦<□□木离>各□□□银一百两镇平府宗室睦采□□□穀三百石散赈贫宗又安昌王在鉷及睦<□□木离>孝义著闻各分别褒励 ○戊辰大学士赵志皋张位为首辅王锡爵代恳给假回籍报闻

○己巳大学士王锡爵以卧病一月恐久废事复请简用阁臣

○升湖广副使阎芹为本省参政兼佥事荆西兵备

○升河南副使王任为本省参政

○升广东右布政游应乾为本省左布政

○上以庆藩异变饘贍缺乏准王子师金□卒袭封勿为例时帅铤仅八龄且母妃服制未阕阁臣执奏庆藩兵变以后贫难不给今与全禄已恤其私其册封一節宜如礼臣议姑俟明年从之

○升广西游击吴显忠为云南腾冲参将

○庚午灵藏赞善王差番僧锁南瓦秀等二十名进贡各赏给之 ○辛未升贵州按察使应存卓为广东右布政

○升广西佥事伍让为河南参议

○礼部请封奉新王等八王义宁王妃等七妃共十二府议遣光禄寺少卿万自约暨给事行人中书礼部司属官十六员充正副使该部先以封差乏人请遵会典兼用礼属奉旨暂遣至是止命自约等十四人往仍不及部

○乌思藏护教王并董卜韩胡宣慰等各进贡给赏有差

○金坛等县逆犯赵州平等私蓄兵器妖书巡按陈遇文擒获以报因请安人心严

稽察诏令本犯勿得枉纵姑赦胁从仍饬保甲

○壬申升江西道御史连格为大理寺右寺丞以右寺丞荆州土为左

○吉王翊銮奏继母吉端王妃叶氏乞与先王祔葬部请许之

○命户部主事李徽猷刑部主事陆梦履典云南试刑部主事朱思明大理寺评事
窆子偁典贵州试

○升延绥中军周国柱为固原游击

○升广东游击陈震为广西浔梧参将

○癸酉调贵州分守新镇郑国仕为本省按察使

○宣府督抚萧大亨王世扬会题各镇款贡市赏皆有定额惟此镇独无诸酋任意
求索殊觉太费先年蒙敕阅臣查核口北道布政王象乾极力裁减虏亦勉从三年间
省钱粮八万四千有奇使市赏有额而虏酋无哗非真正边才不能当破格大用部请纪
录象乾功其裁节银两扣留抵发年例并咨各边镇依照多方节省 上可其言

○尚宝司卿赵崇善< 〇〇〇 铨-金 >云不主封贡当议战守朝鲜北面与辽接壤而
三面距海东西皆崇山绝岛连亘阻塞惟南面釜山乃倭夷入路倭欲繇釜山入王京必
经全罗庆尚二道而全庆之间如云峰大丘皆有险可据此地设防一诚当百今刘綎五
千川兵尚在再加南兵三千令之训练朝鲜士卒彼国田最膏腴因粮以练兵无徵输之
烦而有安攘之利盖倭酋不得朝鲜则朝鲜四南有莲化飞盖诸岛阻隔非但不能陆窥
辽左亦不能水犯天津若倭酋据有朝鲜则王京之汉阳江开城之临津江平壤之大同
江处处可以通海直达畿辅不必渡鸭绿走辽阳也是故欲安中国必守朝鲜欲安朝鲜
必守全庆奏入下所司

○调神机二营游击刘一藩为大同入卫游击

○甲戌补原任陕西参政蔡可贤于山东兼佥事备兵宁前

○以修理紫禁城垣遣尚书袁贞吉祭告 后土司工之神

○弋阳王府管理奉国将军多煌曾经抚按举荐煌子谋壮请恤典部议加祭一坛
为贤宗劝报允

○科臣王嘉谟等< 〇〇〇 铨-金 >言御前之奏登闻鼓之设非大逆大冤不许今一
上书輒行抚按恐奸徒益肆轻渎滋扰此后民奏诉请下法司详鞠果系枉抑方与行勘
诏可之

○乙亥册封各府诸王及王妃遣驸马万炜告内殿

○升太常寺卿徐作为通政使

○升少詹事曾朝节为南京礼部右侍郎

○起原任太子少保礼部尚书兼翰林院学士沈鲤为南京礼部尚书 ○升两
广军门中军裴以义为濶州游击

○丙子大学士王锡爵病中上言目前国事莫急于倭虏倭若真心向化决无绝理

若分外要求决无许理羈縻驾馭惟此两端其他众论勇至欲岁縻百万之财而怯不敢通一介之使则非臣之所角□羊至东虜跳梁虽起于乘虚伺隙其实皆因将不得人兵不识将功罪倒置故闖茸致此察其敝而亟反之可保其虞即留臣经年所守只此数语上以料理素定曲当机宜令痊可即出用纾东顾

○广东道御史杨一鹏以李如松家塾诸龙光叩马投首和亲之说因核如松及宋应昌石星顾养谦刘黄裳争相欺罔乞下法司速鞫分别典刑 上以事情重大令九卿科道虚心会议不许徇私偏执

○丁丑改刑部左侍郎孙矿为兵部左侍郎

明神宗显皇帝实录卷之贰百七十二

明神宗显皇帝实录卷之二百七十三

万历二十二年五月戊寅朔天火降烧铁岭房屋千余家

○柴沟堡怀安堡同时地震

○李信屯堡地震

○楚藩庶宗盈哥犯罪江夏知县何杰据法刑之各宗拥入县庭群毁公座事闻上从部议盈哥拘禁拥众为首者通行戒饬何杰罚俸二月

○赐左都御史葛守礼妻王氏祭葬以其孙尚宝卿葛昕得请也

○陕西术沙割来等族番人章哈尔节等入京进贡 ○九卿科道奉旨会议倭事尚书陈有年侍郎赵参鲁科道林材甘士价等则各具〈□足 銃-金〉揭总之以罢款议守为主不得已而与款犹当遵明旨守部议兵部尚书石星采集以闻因言因言款事之始终以平壤缓兵而约以王京愿退而许以晋州之破而再拒以王子陪臣之还而再订然后有封而不贡之说有退而后封之说其成与否臣又何心今或降敕一道付小西飞归谕关白尽撤釜山兵以观诚伪则请如罗万化议或遣使往谕必如中国约乃许倭使具表偕来请封及守鸭绿以西宜尽责督臣则请如孙矿议或封贡并绝自修内备令朝鲜淬砺图存而我遥为声援兵饷俱难再助则请如陈有年赵参鲁议而众论之所僉同者莫不汲汲于选将练兵储器〈□彳 侍〉饷屯田扼险皆本计也 上以降敕事大未可轻拟还令顾养谦谕众悉归查验表文如果皆实即奏请处分其一应防御督抚官加慎整理若将吏有款后弛边备者重处余依议

○兵部尚书石星〈□足 銃-金〉辩御史唐一鹏参论李如松等和亲事 上令不必会议第究问诸龙光主使何人

○己卯复除原任湖广参政王泮于本省

○升工部郎中袁奎为湖广副使

○升广西梧州府知府周宗礼为本省副使

○ 福王捐录三千两助赈遣官赉敕币嘉奖

○闭住知府王九德生员李来庭何中鲤各捐穀助赈照例分别旌表

越轻裘覆众久以捷闻今且失望于南司寇请亟加窜逐以惩欺罔不报

○河南巡抚李时华以论副使刘卿与巡抚张一元抚治郟阳董裕不合各具疏求去御史甘士价请旨申饬今后不得雷同附会亦不得偶异生嫌惟求当可乞并谕福建抚按许孚远陈子贞勿以前日纠劾异同之故互为疑忌从之

○给太子少保礼部尚书姜宝暨妻刘氏祭葬赐谥姑待论定

○调万全右卫游击王尚忠管宣府巡抚中军事

○丁亥 太祖高 皇帝忌辰致祭于 奉先殿

○兵部尚书石星引病求归 上以边事紧急令勿推避

○吏部会推阁臣七员原任东阁大学士王家屏南京礼部尚书沈鲤原任吏部尚书孙鑰礼部尚书沈一贯左都御史孙丕扬原任吏部右侍郎邓以赞少詹事冯琦 上以原旨不拘资品为先年陆光祖谋推自用今何又推吏部并掌院御史显属徇私仍将前次所推通写来看

○铸给协守辽镇< 田 六十见 > 奠等处备倭副总兵关防

○廷试选贡生员一千三十三名岁贡生员三百九十四名

○己丑 仁宗昭皇帝忌辰遣怀柔伯施光祖祭 献陵

○庚寅升户部郎中周世科为云南佥事管屯田水利

○升福建左布政管大勋为南京光禄寺少卿

○升山东右布政李承式为福建左布政

○是日命翰林院简讨王图兵部员外方应选往福建兵部主事江中信刑部主事袁茂英往四川兵部主事曾伟芳刑部主事刘毅往广东刑部主事熊守奇工部主事蔡宗明往广西各典试

○沈王珵尧输银千两为辽左助边米千石发赈两河颁敕旌劝

○调参将朱朝臣分守宣府万全右卫等处

○辛卯都给事中林材以薊辽总督劾使臣贪纵本河南巡抚举劾有司本二票不对具< 田 铨-金 > 参奏大学士赵志皋张位惶悚谢罪 上以阁务繁冗偶失无过但改正行

○吏部遵旨通开前两次原推阁臣初推沈鲤李世达罗万化陈于陞赵用贤再推朱赓于慎行石星曾同亨邓以赞并今与推者以请 上命于陞一贯入内阁办事诘责该部世达系掌院御史家屏系起用辅臣岂得一概列名司降调杂职

○辽东缺马兵部议将寄养马匹调取三千给发及督抚又云捐马数多兵部覆议给马价银五万两太仆寺卿杨时乔力争谓京师根本辽则边疆未闻舍根本而事边疆者乃辽镇一隅半年内折色五万本色三千费本寺四中之一后岂能应敕下部议

○大学士王锡爵以会推阁臣严谴吏部具< 田 铨-金 > 解救温旨慰之

○大学士陈于陞< 田 铨-金 > 辞新命至再不允

○兵科右给事中逯中立< 〇〇〇 铨-金 > 救顾宪成得旨中立降调并削卢明谏等职

○以中军都督府佾书都督同知董一元为辽东总兵官

○癸卯穆宗庄皇帝忌辰遣官祭 昭陵

○大学士赵志皋题阁臣陈于陛同知经筵官日侍讲读并充正史总裁逢三日侍皇长子讲读

○靖江王府宗幼邦甘口吻殴祖母致死勒令自尽

○总督顾养谦参革沈阳庸劣都司刘秉节清河贪纵守备郎名忠部覆如议

○甲辰予南京兵部尚书郭宗皋祭葬宗皋山东福山人嘉靖八年进士以御史抗< 〇〇〇 铨-金 > 两受廷杖复职洊历兵部侍郎总督宣大亲履行阵斩首九十余筑边墙百余里以地方失事奉旨廷杖谪戍隆庆改元得赦起历留枢致仕令有司存问给月米年九十卒礼部覆其雅著清声力追古道固自表表

○都给事中吴文粹题称虏患在剥肤利用驱之使去倭患在撤藩利用杜之弗来因言士马以外又宜明赏罚以示劝惩毋有功不叙如庄定国无功冒叙如吕应钟之类部覆可之

○兵部覆巡视皇城御史乔廷栋条议重举劾以示责成叙贤能以寓激劝补队伍以防影射皆言守卫官军及红盔围子手等其举劾一款则欲旗手等二十四卫掌印官听科道年终与守卫官一体考察有贪污怠玩者不时参处命如议行

○己巳改南京后军都督府佾书郑尚全为中军都督府佾书

○予南京通政使艾可久祭一坛减半造葬照三品未考满例也

○丙午都给事中林材原< 〇〇〇 铨-金 > 申明计典言有司方面不可舍考注而任咨访弃咨访而凭考注府县之贤否失实坐司道则考察之贤否未当坐抚按又言稽郡县之烦简以定难易严里甲之掎克以侵渔戒揭帖之飞投以杜报复限出城之日期以绝交通部覆俱无异议但馈遗之禁不得严于科道< 〇〇〇 六十见 > 于闲曹概宜严禁若坐棚之制未可尽省或量存以为各官听候地得旨是之

○丁未大学士王锡爵启行陈恂 上谕以炎暑长途慎重调摄

○调辽东掌都司事游击崔吉为中右所游击

○升宣府守备董雄为沈阳游击

明神宗显皇帝实录卷之二百七十三终

明神宗显皇帝实录卷之二百七十四

万历二十二年六月戊申朔吏部尚书陈有年通查待罪司属列名请裁 上又责其渎奏于是大学士赵志皋等申救言 皇上所以罪诸臣者为往日推举斥黜之官非为今日会推阁臣之故因为司官黄缙章嘉楨王同休黄中色等求量罚 上意稍解令嘉楨姑降一级调外缙如前旨有年随引罪求罢不允

○甲寅升大理寺寺丞荆州土为本寺右少卿以右少卿邓炼为左

○乙卯四川金川等寺都纲头目窝熟监藏等四员名陕西崇隆等六寺刺麻番僧共卜尖咎等二十九名各进贡给赏伴送如例

○丙辰临汾襄陵翼城同时天鼓鸣

○肃州卫地震天鼓复鸣


○大学士赵志皋仍以前言求去温旨慰留仍令鸿胪寺官宣谕

○通州旧设西南中三仓分贮漕粟各监督一员南得其四中得其六西仓十有二合中南收发事务不足当一西仓于是管理员外杨应中请以南仓归并中仓兼理部覆报可


○南京屯田御史陈所问请近屯州县设立社仓以本职及前御史赎银余穀贮之赎稻一并寄贮春给贫军以为子种秋成加二还官岁为常部覆如议但立仓烦扰不若分发各印官董其事可之

○永宁长公主薨礼部考 寿阳公主丧礼上之从所拟

○太监张诚籍没故相张居正家贖其子敬修自经死因奏知府郝如松疏纵 上疑汝松受贿下诚等提问刑科给事中刘尚志言累囚无行贿以求死之理守臣亦无纳贿以纵死之情乞宥汝松不报

○刑科给事中常居敬以藉没张居正株连曾省吾等受寄贖财_{（ 铨-金）}请审释不报


○丁巳靖边营军人家雌鸡化为雄 ○以甘镇哈刺卜他获级功赏总督叶梦熊等银币有差

○戊午承天守备太监孙政参论钟祥知县李来命稽慢贡物有旨逮问大学士赵志皋等以事轻罚重_{（ 铨-金）}请免逮量惩

○升南京光禄寺少卿江东之为大理寺右寺丞以右丞连格为左

○起原任大常寺少卿耿定力

○复除原任山东副使张维新为天津兵备

○衡定王妃吴氏薨世子常_{（ 庶）}乞遣官祭葬礼部以亲王妃止遣本府内官从之

○都给事中林材以西华门楼悉毁条上阙失谓宵旰关 君德之勤经筵阙 圣学之粹享祀关 天 亲之格赏罚关是非之平用舍关邪正之界珍玩关好尚之端喜怒关危微之际听纳关治乱之机亟宜兼听并观朝乾夕惕以仰答 天心章入不报

○己未以原任礼部尚书兼翰林院学士朱赉掌詹事府印

○上以虏犯辽左深罪抚臣韩取善道臣冯时泰都给事中吴文梓等言将领事堵剿抚道事稽核今边将退缩二臣具实以报反获重谴恐长欺蔽之渐奏入留中

○庚申大学士赵志皋等言辽东失事皆总兵之责非抚道所专任今杨绍勋止于

某饷因某拖欠湊补屯田屯粮既足应否奏寝总计一年所得所用及節年额外新增者应否裁省若干一一清查报部奏夺又言东征官军多所虚冒听辽东巡按严查开报毋得任彼捏造伪册部覆从之

○兵部覆巡视京营科道杨东明等条陈五事练火器公选验增赏犒选教师明举刺 上令责实举行

○乙丑西宁天鼓鸣

○命礼部左侍郎兼侍读学士刘元震补经筵日讲

○兵部酌议南京兵科给事中卢大中条奏四款核卫官以拔将材言科臣欲年终营卫并加考选但卫官有领运等差举劾咨访法已繁密惟于原行之法咨访者精核举劾者量增为便一清马差以苏军困言都督用马把总班马等项俱酌量裁减如仍冗占私拨听巡视衙门查参一减工役以惠贫军言正撮二工节经题奉钦依拨军额有定数各造册执票送科道稽查不许多增及私自拨折索取一分部曲以专成责言将新江口头二班改为左右营军马船只等项分属管理游巡营分管春秋二班京操官军与左右两营轮班操演朔望合操其游巡军防守信地合操应免诏如议行

○丙寅升右谕德萧良有为左庶子兼侍读洗马李廷机为右谕德兼侍讲右中允刘应秋为洗马兼修撰各掌本坊局印经筵日讲仍旧

○改司业周应宾为右中允兼编修

○升江西道御史李东为南京光禄寺少卿

○给右副都御史李邦珍一祭以被劾递减也

○予鲁王次妃张氏祭一坛

○丁卯以擒强贼王自简等功颍州兵备副使李骥干等纪录优叙余各赏银有差

○己巳夜有飞星如弹赤色有光后有二小星随之 ○庚午大学士赵志皋等以六部事权匪轻尚书关系良重而吏户礼三部杜门请告天变时警边鄙未宁乞札谕令其即出视事

○蠲广东饶平县积欠盐课续增浮额银三千五百有奇后止旧额

○旌表孝子新建县生员樊傲会昌县儒士欧于复鄱阳县民李岐密县监生陈邦宠浦城县民徐彪泉州府训导王熺儒士王文昇等各亲没卢墓扁其门曰孝行節妇庐陵县训导刘泮妻尹氏浮梁县民詹文镇妻鲍氏临川县民詹滚妻黄氏安福县民邹美妻周氏宜春县生员袁应豸妻熊氏唐县民符子言妻吕氏澠池县民苗桐妻史氏温县民田以先妻刘氏雒阳县生员张九祚妻戴氏河南府生员薛惟诚妻于氏鹿邑县民刘廷弼妻李氏太康县民毕锦妻李氏欧宁县民吴元旻妻谢氏漳浦县儒士苏可教妻胡氏龙溪县生员黄弘妻郑氏等俱夫亡守節各扁其门贞節烈妇宁羗州生员王以谏妻靳氏太康县民廖尚义妻郭氏睢州监生杨廷彦妻张氏福清县儒士郑汝舟妻林氏惠安县生员陈文锈妻姚氏等烈女灵宝县民李时新女李宝坠扶风县民张文< 王巳

>长女存儿次女桂花福清县童生林一连未婚妻魏聚金福清县生员严仕擢未婚妻郑勤娘晋江县民蔡遵课未婚妻陈氏政和县知县游铨女游九娘等俱夫亡自缢各扁其门曰贞烈

○南京河南道御史林培纠参诚意伯刘世延先后诸不法状部覆当回原籍听勘仍行南法司提问党恶诸人 上以世延素狂悖因念其先世勋已从薄罚今既不悛概如部议

○辛未起补原任山西参政张世烈于本省

○降补原任四川副使方万山为江西佥事南昌兵备 ○户部覆巡视京营科道杨东明等条议选锋粮饷言标兵二营居重驭轻之地议加选锋千名诚不容已但欲取给太仓则太仓匱乏请照兵部原题于故绝班军行粮兑抵为便且东明及何倬曾云备兵一营虚糜月饷若将缺额停补岁可省千名之粮即堪那抵新饷更似便益容备行二臣听其径自酌处报可

○命刑科左给事中王嘉谟工部主事叶庶典陕西试

○崇明县报获倭船一只倭三十四名兵部言但令应天抚按研审真伪不必解从之

○壬申 上谕内阁入夏以来常中暑湿孟秋时享遣官代行

○癸酉 孝庄睿皇后忌辰遣阳武侯薛钰祭 裕陵 ○甲戌赐大学士张位妻曹氏祭葬仍加祭一坛以位< 〇 钰-金 >请故

○云南巡按李本固< 〇 钰-金 >言中国何负于缅甸亦何憾于中国独亦思化为兵端因数化五罪且不能为我藩篱而貽患中国请或置之潞江或小陇川等处勿听其径归蛮莫即以沃壤为蛮哈等练关堡之屯不然即以地给附近诸夷籍名为戍犹胜客兵又不然即空其地使缅无所略而易舍弃则属夷挑衅之端自塞矣诏下兵部

○乙亥 孝穆皇后忌辰遣宣城伯卫国本祭 茂陵

○吏部右侍郎盛讷丁内艰 上念日讲勤劳准其父盛德母刘氏并祭全葬兼赐银币以归

○兵部查经略宋应昌事竣之日收放钱粮通判王君荣册载马价银共五十五万除用过四十八万八千九百四十两零支剩见在六万一千四百六十八两零又查刘黄裳同袁黄监收过银三万五千余两似无虚冒仍听兵科一并稽核因言辽镇马匹甚匱不得不请同寺以救急凡有事干马价宜行各边巡按乘阅视查明实报从之

○丙子礼部题称唐王硕熿为长庶器壻请封世子并选婚臣部当请封郡爵时有王嫡妃在议俟终王之世今嫡妃已逝器壻宜袭唐封况年已十六选婚及期不当以终王之世为拘可其奏

明神宗显皇帝实录卷之二百七十四终明神宗显皇帝实录卷之二百七十五

万历二十二年七月丁丑朔以孟秋享 太庙遣定国公徐文璧恭代

○升天津游击王承业为台路参将

○调密云游击陈燮天津海防

○己卯原任吏部左侍郎沈一贯<[] 銃-金 >辞礼部尚书正史副总裁得旨卿以硕望新膺简命政本重地方资赞襄宜上紧前来副朕咨求之意<[] 銃-金 >至时已有枚卜之命也

○升翰林院编修叶向高为国子监司业 ○礼部覆御史薛继茂敷陈科场事宜议外帘摻简编号贴卷卷式试录钱粮捷报凡八条而以正文体为第一义谓纯正典雅之词不出倾邪侧媚之口怪诞险诋之说必非坦夷平直之衷近日士习敝坏皆繇主司不务崇雅黜浮而奇诡获售宜其从风而靡也今后会试主考宜申饬分房务取纯雅合式不得杂牧奇僻为海内标其两京各省试录朱墨卷解到礼部逐一查看详如有仍踵弊风者士子除名试官参处 上是其议

○以昌平游击张奇功调辽东巡抚中军

○升山东都司佾书方时晖为昌平游击

○庚辰 仁孝文皇后忌辰遣官祭 长陵

○以兵部左侍郎孙矿兼右佾都御史代顾养谦总督蓟辽经略养谦回部管事

○辽海卫生员张大谋妻孙氏以夫病躬调药食者二年夫死痛悲不已自缢于柩旁年二十三岁巡按御史以闻章下礼部

○辛巳命右春坊右谕德兼侍读李廷机右春坊右中允兼编修周应宾典应天乡试

○予原任南京通政使杨廷相祭一坛给半葬不为例

○山东巡按御史周维翰勘覆东征功次以平壤之胜不可以为败碧蹄之战败不可以为胜倭小首级真不可以为假倭之大首级假不可以为真议将副总兵李如柏张世爵等升赏副总兵杨元游击王承恩参将杨绍元等提问指挥李有昇游击周弘谟把总庄定国等赠恤经略宋应昌总督李如松赞画刘黄裳及王京功罪事完另议其督抚等官亦附经总并议兵部覆称朝鲜君臣王子还都已逾一年留守兵将已议撤回春汛已终封议已罢前局收拾不过如此除按臣所议功罪外前项经略提督赞画督抚部司通判与事官员留守兵将均当一体勘叙以昭国是以励人心 上曰朝廷为岛夷陷没朝鲜命将兴师三载功成全复与国树我藩篱前后斩获首级一千六百余颗功可嘉尚尔部里还当先拟告 庙宣捷以慰 祖宗之灵后通行叙录升赏不必再行查勘

○壬午户部题本年四月支放军粮府军等五卫仓共亏折米二千三百九十石查繇郎中刘师鲁主事李来凤等疏纵作弊除二官物故无从究问量治经管人外此后监督不可择也纵下刁难则病在军狗情宽假则亏在课惟选任廉明则振刷有人矣官攒不可不议也死亡则无可追偿丁忧则乘机脱卸惟丁庄佾充服满着役则守支自清矣余米不可不核也攒斗覬侵其羨盈监督任情以支放惟查报必严则那借弊绝矣俱

如议并严行申饬

○兵部覆巡按直隶御史张允升奏以天津邻近畿辅当漕运冲而倭氛未靖亟为备御宜将河间等卫防边官军<■六十见>其修筑内选精锐合守舡南兵三千之数分配各船劄营南北兼练与陆营兵三千相犄角遇警水陆夹攻可挫贼锋而武清杨村等沿河地方增立保甲整堡以捍盗贼合行镇道酌议具奏从之

○癸未 上以吏部尚书陈有年屡<■足 铨-金 >称病乞休准暂调理着赵参鲁署印

○乙酉遣武城中卫经历孙臣解银河南赈饥臣曾捐银千两备赈又施庄田助学向能慕义故命之仍令吏部优叙

○以原任游击李如梧补辽东正安堡

○以宁山参将高策调蓟辽总督标下

○丙戌升浙江副使韩萃善为陕西参政

○兵部覆南京兵部尚书周世选奏一议战兵南北沿海沿江军兵俱拣择精壮查补虚名行伍不足者召募本处耆民渔户充数厚其募直练为游兵资我保障一议将领查选谋勇忠义将官不拘世职行伍见任废闲本镇外省授任管领有功破格升赏仍降空头劄付给与督抚斟酌类题以示鼓舞一议哨探沿海官兵哨探之法久弛率以故套相蒙严行抚镇选熟知水道之人出洋远探遇警星传仍以贼势及失事之大小议行赏罚一议防御倭若入犯以邀击海洋为功若纵令登岸不与陆兵夹剿则水路任其咎仍照失事大小议罪一议城守各该抚镇以城堡责成有司整台责成将领修补完固可以收歛储蓄保障人民为持久计一议策应大江南北两镇官兵固宜同心共济而邻近郡邑亦相与为援或设疑捣虚或出奇伏阱且悬先至之赏而严坐视之罚一议责任临时推诿皆由责成不严凡属沿海均当申饬如蓟辽保定山东浙江应天凤阳福建广东操江及总督抚按严行守土道将各任职事不得玩忽致误一议赏罚先该东倭猖獗题定赏格合照前悬示以激励人心至如陆战冲锋水战沉船俱为上功不论斩获首级其退缩者必罪得旨如议行但近来伪劄诈官甚多不得轻准空头劄付以滋冒滥

○户部覆宁夏巡抚周光镐条议边政谓边储钱粮责成不专则蠹耗易生催科无术则逋负愈多合将一应钱粮俱监收经管各官呈明兵粮道核实批允方许出纳开销民运拖欠专督布政司严行州县除蠲免外挨年解完岁终备开完欠职名以凭咨部处分庶那移永杜而怠玩知警矣边氓聚散由抚字之得失宁镇值凋残之后逃亡过半若不加意休息催科太急是驱之使去也宜尽蠲二十一年未完屯粮止令办纳见年租税且军饷已经处给无庸抵补是既无亏于额饷又不病乎贫军矣报允

○丁亥大学士赵志皋奏称南京浙江道御史柳佐论臣谓 皇上因会推合臣尽逐司官皆臣激怒谴谪谏官卢明谏遂中立司官黄娼缙勿申救又言臣以陆光祖同科臣诣会推为非而欲急引私人作为专擅地此数事 皇上之知而捉风影以论臣臣固当

之无愧但既被人言应赐罢斥 上慰留之

○是日以御札传谕次辅等曰朕见近来科道小臣不以国事为重专以挟私附和部属南北朋谋结党诬诋大臣朕已洞悉故每重治之念卿等屡来申救俱姑从薄罚了柳佐狂畜将朕独断故捏言掇拾引救同类朕欲加之以罪犹恐元辅之心不安故置之不问元辅公忠自守朕素知之闻与卿等同心协理朕心嘉悦卿等可传示元辅不必疑阻宜即出安心辅理以副眷怀志皋< 〇〇〇〇 〇〇〇〇 > 谢

○戊子以江西副使侯应徵升山东参政

○以户部郎中陈履升广西副使

○遣吏部主事刘文卿兵部主事贾维钥往河南户部员外王登才主事韩邦域往山东工部员外朱汝器户部主事金时舒往山西各典试

○己丑兵部尚书石星因人言十八< 〇〇〇〇 〇〇〇〇 > 告病求罢 上以虏情紧急不允

○以石城王府辅国将军多燾为该府奉祀先是多燾之祖安恪王宸浮不附逆濠致遭诬陷掳劫印册尚未追封至是礼部覆请与之

○从陕西巡按刘芳誉请以庆阳府理刑同知兼管本镇屯田水利给与关防

○三边总督叶梦熊题宁夏叛贼马世杰张敖坝已经奉旨梟首传示其扯布等三名仍行监候以广招徕 〇来章下所司

○兵部覆延绥巡抚李春光奏套虏纳款已久自明安被戮而酋恨深西夏党逆而贡市绝延镇连年多事矣今东西各酋乞款不休而卜失免要挟思逞种种叵测且边长兵寡宜察虏情度时势如有必犯之形严行道将加意堵截止于血战为功偶或小失应< 〇〇〇〇 〇〇〇〇 > 吏议以图决胜倘真心效顺量与议抚亦不可恃抚而忘战 上曰该镇抚剿便宜听督抚官酌量虏情顺逆从事临阵但以血战为功事后总论功罪若遇偶尔损折勿遽以文法苛求反启掩饰之弊还移文各边一体遵行

○左都御史孙丕扬考察得巡按御史陈遇文心地过实宪体略疏如苏州越狱当报不报知府逸囚当参不参又从而保之至给吏书衣饩为之分人分县抑又何也相应罚俸回道管事 上嘉丕扬持法秉公遇文依拟罚俸

○吏科都给事中林材< 〇〇〇〇 〇〇〇〇 > 请行取各官以充掖垣优容言路以惜人才不报

○庚寅升户部郎中陈一简为山西佥事备兵昌平

○辛卯以中元节遣武定侯郭大成隆平侯张炳怀宁侯孙承恩安远侯柳懋勋东宁伯焦梦熊广宁伯刘允正武平伯陈如松新宁伯谭国佐惠安伯张元善分祭 九陵彰武伯杨世阶祭 恭仁康定景皇帝陵寝都指挥同知周清祭 哀冲 庄敬二太子坟所

○刑科给事中李先芳言倭踞釜山东事未结诸臣朋比称功人心不服宜先赏偏

裨而受命蒙恩如督李如松等姑从再勘以示赏罚之公又巡按彭应参狠性偏听逼死儒臣范应期公论不平宜窘治奸民而干誉阿指如知县张应望亟行罢斥以示酿乱之戒下部院看议

○壬辰大学士沈一贯< 〇〇〇〇 〇〇〇〇 > 辞新命至再不允

○刑部覆浙江巡按御史彭应参所题原任祭酒范应期家人范臣状称逆奴俞潮沈惠等讐主造谤构党李明章科等争论屋产率众丑诋以致本官不甘自缢夫以厮役之流竟殒缙绅之命纲纪凌夷固应依律究拟但俞潮等之于应期分属主仆即使强悍无状非有必不可胜之势与必不可吐之情何至饮恨甘心而不顾且其妻命女口负与亲子侄未有指实控吁恐应期之死或别有故乞敕该省抚按详审定夺 上曰范应期致仕儒臣纵有重大事情亦当奏闻何一旦致死中间或有隐情不可专委罪于家仆着行抚按官秉公严查具闻

○是夜雷击祈穀坛东天门左吻 ○甲午 成祖文皇帝忌辰遣抚宁侯朱继勋祭 长陵

○礼部尚书罗万化言国家有大征伐叙录功次本兵主之其告 庙宣捷臣部主之东征之事王京以后尚未勘明宜先叙偏裨将士以励人心而作士气至于宣告似宜有待如虑反汗则宜止告平壤开城碧蹄之事庶可示中外而愜人心 上以有旨择日着作速遵行

○以保定坐营游击赵文明管蓟镇宁山事

○乙未兵部覆宁夏巡抚周光镐所陈一修边政振画一之法一练边兵汰不堪之卒一定边额清家丁之滥一罢边戍停老弱之充一消边孽防降虏之衅可其议

○丙申叙和政驿并朱家山地方斩获达贼首级功指挥同知孙继祖升指挥使阵亡副千户何天衢男何雒文升指挥僉事

○丁酉升山东登州府知府梁策为陕西副使

○升广东潮州府知府徐一唯为广东参政

○吏部尚书陈有年十三< 〇〇〇〇 〇〇〇〇 > 乞休乃允着驰驲去痊可之日抚按具奏起用

○戊戌以守备郭酉科为中都留守司僉书

○吏科给事中耿随龙奏福建巡抚许浮远岁荒不赈顿减米价以致商贩不通人情愈困且< 〇〇〇〇 〇〇〇〇 > 释抢米市猾劫掠公行几成大乱始行擒治抚驭乖方所当亟罢别选才望以奠海邦浙江巡抚王汝训巡按彭应参不能理枉戢器反多激发遂使刁民凌铄乡绅讐告不已肆行逼胁范应期饮恨自经知县张应望尤为首祸宜议处抚按县官惩究诸奸棍明法纪以肃人心苏州府知府卢大顺同知徐希明疏纵狱禁重囚越逃不得轻宥丹阳县民赵州平等恶少酒狂初非倡乱不得误入不报

○府军右卫经历陈维贤〇〇〇月〇〇〇〇千石赴济南南阳等府赈饥 上命优叙

推用务须才品相参无使虚名眩实此抚臣不可不择也各部大臣统率庶僚分掌大政如吏部尚书陈有年刑部尚书赵焕秉铨执法有古大臣风乃一忤 圣衷輒加让责夫情所难堪则必去志不得行则必去此难易退之义也惟念大臣义关休戚其实心任事为 皇上引用正人主持国宪者尤当优礼以安其身此大臣不可不重也科道职司耳目凡有阙失皆得正言无讳迩者会推阁臣以来屡奉 明旨切责不曰逢迎则曰朋党及近日< 〇〇〇〇 铨-金 >请行取则又留中不报失 皇上经年静摄所幸朝纲国是不至大坏者只言路一脉耳若一意窥伺凡因事获罪者概不伸救将来是非邪正孰从办之即有内外权奸窃弄威福又谁敢抗< 〇〇〇〇 铨-金 >纠弹壅蔽之祸有不可胜道者所当惟 宗祖设立言官之意俯从< 〇〇〇〇 十见 >宥蚤发题请行取原< 〇〇〇〇 铨-金 >此言路不可不通也< 〇〇〇〇 铨-金 >入不报

明神宗显皇帝实录卷之二百七十五终

明神宗显皇帝实录卷之二百七十六

万历二十二年八月丙午朔霍州地震

○ 上既从兵部尚书石星之请欲尽叙东征功次而兵科都给事中吴文粹等争之谓平壤三战乃王京以前事今釜倭未归川兵未撤小西飞未还新经略初遣不可遽为完局且复将亡之国而归之朝鲜或难以罪掩其功当可乘之会而欺误自蔽何尽以功掩其罪此今日将士之劳勩非速叙则不劝而经略诸臣之叙录非查议则不定廷臣多主此议于是吏兵二部会覆亦以经略提督之功罪督臣尚未具奏按臣尚未核勘况王京以后事未验明难以悬断宜将三战有功偏裨员役照原议等第先行升赏其宋应昌李如松是功是罪行总督据实奏叙巡按核勘议拟上请 上以平壤三战斩获数多兴复疆土且石星每称例该重叙惟恐朝廷失信后难用人及奉旨查勘又复含糊非大臣体着遵前旨告 庙宣捷通行叙录升赏王京以后仍行巡按御史查明奏报

○户科都给事中杨恂等言各边马价之虚糜东征兵饷之冒破因劾武库司郎中刘黄裳侵染数多宜行罢斥裳< 〇〇〇〇 铨-金 >辩事下所司兵部以黄裳委无情弊而辽东征倭耗马迥异他镇一时买补不前势必请给寺马今后事干价应行各边镇巡按乘阅视年分查确实奏 上着兵科查看科臣吴文粹以黄裳冒饷有据令回籍听得旨该部再勘

○贵州道御史许闻造上言 陛下顷岁以来谓 郊 庙为常事朝讲为虚文公忠为党同直为激聒吏部职司进退而拂其所贤刑部职司讞比而挠其所执兵部职司推毂而专其所遣光禄太仆之帑搜括几空缇骑缀衣之缺虚悬不补高□犬朴之卜□参遍于宫闈柵械之命接于道路论救忠良则愈甚其罪谏止贡献则愈加其额大臣一时杜门者六事几尽言官废锢草野者几七十人今欲摘改一事则虑益甚其事欲摘救一人则恐益非其人上执此以拒建言之臣下因此而塞进言之路将郁积不宣阻隔愈甚唯 陛下当万寿之日开天下以舍旧从新之图则人心共快 圣度益昭此歛福

○辛亥 顺妃常氏薨逝照 端靖荣妃王氏丧礼行

○命左春坊左庶子兼侍读萧良有司经局洗马兼修撰刘应秋典顺天乡试

○壬子刑科给事中乔□□□月□□等〈□□足 毓-金〉救冯时泰谓臣等与刑部诸臣俱以法事 陛下今查时泰所犯罪止于杖律无可加且 圣谕谓已问拟明白柰何因一不识忌讳之言遽加重谴乞褫职免戍 上怒改时泰烟火□章地面永远充军

○癸丑 孝康敬皇后忌辰遣官祭 泰陵

○以秋分祭 夜明于 夕月坛遣侯徐文炜行礼 ○巡抚甘肃田乐题诸虏合谋抢犯情势已露吉囊有复讎之愤永邵卜火落赤耻市赏之革扯酋有助逆之形乃著力免宰僧欲勾吉囊而南永火欲率诸酋而北或欲共攻或欲分掠使甘凉庄肃西宁一带首尾不应故制胜之策不可不豫而巡按方元彦亦以秋防届期边事多衅为请部覆令固原总兵杨浚移驻兰州以为声援甘肃总兵张臣仍驻甘州居中调度策应东西仍远侦探张疑设伏不令深入狂逞其延宁抚镇熟察虏情以为进止如果西犯即发兵捣巢牵其内顾诏如议

○乙卯 孝慈高皇后忌辰于 奉先殿行祭礼

○颁赐辅臣赵志皋张位陈于陞等讲官刘元震等金银万寿字金银符篆银币有差以 万寿节赐也

○大学士赵志皋病目给假赐猪羊米酒酱菜〈□□足 毓-金〉谢

○丙辰以蓟镇游击李皆春调补宁山

○丁巳四川播酋杨应龙奏何恩之愬七姓之词皆属讎陷乞戴罪立功不允

○西海住牧虏酋永邵卜并瓦刺他卜囊乞款前后按臣及各道议如刘芳誉余良枢刘光国周有光则言款便方元彦郭师古陈所璽耳□戈朝聘则言勿款便甘肃巡抚田乐与三边总督叶梦熊酌议谓馭夷之法当视虏情之去留向背以施操纵之术量彼己之众寡强弱以定款战之宜臣等非不欲暂与之款以图湟中之安顾款一开而虏志纵又恐貽甘肃之祸非不能严绝其款以贻甘肃之安顾款一绝而虏情愤又恐重湟中之危非不欲驱之回巢方许以款第百年狡寇猝未易拔非不欲令其馘火酋以自效第狐兔情切离间难施且我方兵力单弱粮饷空虚而彼求款不得角□央想思逞勾连火酋犯此牵彼为患非小似宜暂为羈縻不款之以金帛利赂之物而款之以往来笼络之术缓彼狡谋循我内备彼恭顺而无改吾力足以制之款之固为无害我之守御已具彼或忿给而狂谋绝之更为有名兵部议覆 上谕该镇战款事宜着行督抚官酌量虏情缓急便宜计处务要保安边境毋徒以议论塞责误事

○朝鲜国王差陪臣黄佐汉等进贺 万寿宴赏如例

○己未调浙江参将骆尚志管蓟镇建昌游击事

○以陕西总兵中军吴继祖为靖虏游击

○庚申以中秋節賜三輔臣上尊珍饌又賜膳酒月饼有差 ○大学士赵志皋

憎勿避恩怨以公心秉直笔乃可传信将来达幽隐则博访民间凡有关风化者悉为采录无令窘乡下邑泯而不彰節士闺贞幽而不闻< 〇〇〇 铨-金 >留中

〇甲戌以平壤奏捷遣定国公徐文璧恭顺侯吴继爵驸马侯拱宸祭告 南北郊太庙各行礼

〇是日颁赐三辅臣祭品

〇刑部尚书赵焕三< 〇〇〇 铨-金 >以病乞归不允

〇顺天府乡试事竣府丞徐申恭进试录

〇乙亥以南京提学御史饶位为湖广副使

〇以江西道御史孙琬为陕西参议

〇改刑部尚书衷贞吉为都察院左都御史

〇升吏部左侍郎赵参鲁为南京刑部尚书

〇以总督漕运户部尚书李戴为南京户部尚书 〇以海营中军署都指挥佥事杨允恭守备掘港地方

明神宗显皇帝实录卷之二百七十六终

明神宗显皇帝实录卷之二百七十七

万历二十二年九月丙子朔以庶吉士杨继礼陈懿典韩爌授翰林院编修王象蔭沈< 〇〇〇 〇〇〇 >高克正刘生中李腾芳传新德授翰林院简讨张同德姚文蔚陈维春授给事中何熊祥赵之翰马文卿授御史

〇升湖广参政王泮为河南按察使

〇升江西参议张天德为本省副使

〇兵部叙覆东征功次谓倭据平壤朝鲜七道并没且诡言请贡战款犹在两可经略宋应昌提督李如松慨然主战乃若擘画机宜措调兵饷办器械明赏罚则应昌任之卒成兹捷其劳最著至统领官军奋扬威武与诸将分道并攻一鼓登城则如松之劳当与应昌从优升赏郎中刘黄裳机参帷幄主事艾维新计周转输通判王君荣出纳不爽皆当分别以酬其劳又如副将李如柏等以下乞照原额赏格次第升赏若王京虽复实许以封贡而非战功倭奴尚屯釜山未经勘覆止据平壤功次通叙以闻 上命升宋应昌为右都御史李如松太子太保加给禄米一百石各赏银币其文武吏士升赏有差石星赐蟒并赏杨俊民银币

〇礼部尚书罗万化七< 〇〇〇 铨-金 >以病乞休准在任调理印着侍郎刘元震暂署

〇丁丑差御史钱梦得巡抚真定许闻造〇〇〇青

〇赐礼部尚书罗万化猪羊酒米酱菜< 〇〇〇 铨-金 >谢 〇戊寅升陕西苑马寺卿张世则为江西参议

〇升广西佥事张璧为广西参议

○降原任广东参政蔡国珍补四川佥事

○降原任陕西副使李承志补湖广参议

○延绥巡抚李春光题套虏卜失免糾诸款虏声将入犯延镇兵寡边长势难独御部覆宜敕督抚镇道行大小将领严加堵截互为犄角期图剿灭更差忠勇通官诘青顺义晓谕黄妇并差宰二酋毋得阳竖款顺阴为助逆从之

○己卯 孝恭章皇后忌辰遣宣城伯卫国本祭 景陵

○升总督仓场户部右侍郎褚鈇为尚书兼副都御史总督漕运

○以总督河道工部尚书舒应龙回部管事 ○调原任云南副使杨寅秋为广西副使

○升陕西苑马寺少卿兼佥事查伟为本寺卿兼官如故

○庚辰光禄寺少卿兼河南道御史钟化民河南赈饥事竣复命曰臣入中州见流离满道饿莩盈途仰体 皇上好生之心备为设处首恤贫宗加惠寒士多开粥厂以活将亡之命审别贫户以矜窘迫之人大荒之后必有大疫则施医药以疗之流移之民欲归无赖则分钱粟以给之妻妾子女之贱卖他人者官为收赎以全其天性田畴丘垄之荒芜抛弃者官给牛种以助其耕耘复思救荒于已然不若备荒于未然行各州县劝务农桑课勤纺绩期为不饥不寒之民乡设义仓官修常平期为三年九年之积设四礼以谕士民冠婚有仪丧祭有则各遵品節而毋为靡费遵 圣谕以申乡约十家为甲十甲为保人自为兵而不假召募谨以救荒始末善后事宜各绘一图图著一说呈览 上嘉纳之

○以原任游击戚金为刘河游击

○辛巳广东琼山县地震

○文昌县地震雷鸣怪风作

○陕西西宁地震天鼓鸣三日 壬午以刑部右侍郎胡嘉谟为户部左侍郎

○升通政使徐作为工部右侍郎

○升南京总督粮储户部右侍郎边维垣为右都御史总督仓场

○以陕西苑马寺卿王亮降补本寺少卿仍兼佥事

○升兵部左侍郎顾养谦为工部尚书总理河道

○升都察院左副都御史刘东星为吏部右侍郎

○癸未改礼部左侍郎范谦为吏部左侍郎掌詹事府印余官以故 ○差御史陈子贞提督南直隶学政

○户部覆延宁粮储郎中郑璧所议催科积则贮谓钱粮逋欠固照分数为参罚尤当论地土肥瘠年岁豊歉宜查西北各省不及数州县以二十一年为准比旧多完一内每年递增亦迁转其不系灾伤较前短少倍加降罚又延镇在沙漠之中本色诚为吃紧第久贮有浥烂之虞出陈有追收之苦该镇积贮颇多而虏款以来陈腐尤甚宜将积久

○升宣府巡抚王世扬为左副都御史协理院事

○升通政司左通政田蕙为通政使

○翰林院简讨周如砥以母于氏殉父死节未获表扬乞付史局收采入传伯母孙氏抚养恩深乞假归葬许之

○起原任游击叶邦荣为蓟镇三屯车营游击

○以原任游击王必迪为蓟镇南兵营游击

○己丑差御史陈遇文巡按顺天唐一鹏僦运粮储

○上以朝鲜国王为倭夷请封以保社稷因怒前此议阻封贡诸臣切责兵部不能主张大事追咎河南道御史今刑部主事郭实首倡阻挠革职为民兵部通查两京前后条陈东事职名另开造言阻封贡者大学士赵志皋等言惟东事喧争请封请贡许许议罢逾年未结使秉枢者果有定画纵发言盈庭自当毅然担荷乃朝议夕更竟同筑舍此诚本官之责也兹停封贡业已数月据朝鲜为倭乞款之奏则小西飞尚在辽阳群倭尚屯釜山请而不遂祸必中于朝鲜为忧方大非 皇上留心边计特发严谕则昔之建议者默默无言任事者泄泄自处国事安危岂得晏然宜敕兵部将屡次督责严旨备行经略孙矿速探夷情熟议上请在廷诸臣俱宜静听不妄谈其以前条议倭事诸臣意见异同均乞包涵勿轻处分其郭实谴罚似宜谅从< 〇六十见 > 贷庶几国体人情两无所伤 上令该分别诸议言有可用采择议行凡逞臆烦言者开奏郭实遵照前旨其余战守封贡事情作速详议务保万全

○升顺天府府丞徐申为左通政

○庚寅兵科给事中吴文粹言东未竣仰烦 宸虑所谓遣兵驱去者此臣等上愿也当事者常委于势之不能所谓再来而出兵征之者此应敌之策然孰若先事而防使其不来之为愈也惟不许贡但许往市则不宜轻开此衅嘉靖间先以交市延寇后以罢市久安利害较然乃今驱之市于异域良民决不肯去而奸民利之因而勾引召乱汪直之覆辙可鉴自夷贡华其尊在我言者犹恐为中国祸若令往市是举中国而奉外夷非所以存国体也 皇上思善后必令督抚议处奏闻今新督抚孙矿李化龙夙负才望力排和议必能计出万全顾夷情动静未确士马死伤未补器具弃坏未修< 〇六十见 > 奠地非临江辽阔难守客兵粮饷寡少调发不前无一不责备于督抚之身乃授之以策恐策至而机移临之以命恐命达而局变且侦探奏报动数月恐时不可失而机不可洩也惟假以便宜相机战守但责成功不拘文法则施为不致掣肘庶海氛可扫而东顾之忧可释矣若宋应昌等受命而出不终事而归不加谴责已为过幸乃授以显爵华衮兼金骈番宠渥人皆扼腕柰何复有本兵之请也夫宁夏之事魏学曾实有功焉 皇上犹以不即奏凯至加速系虽复原官而终靳其赏今应昌视学曾何如而冒恩乃尔耶近奉 明旨及本兵叙功之< 〇〇〇 毓-金 > 皆谓倭奴盘据釜山尚未结局而欲滥受世荫臣切知其不可也< 〇〇〇 毓-金 > 入不报

- 户部尚书杨俊民五< 〇〇〇 〇〇 〇〇 〇〇 〇〇 >乞休不允
- 镇守云南黔国公沐昌祚以患病乞闲请将应袭男沐睿承爵章下兵部
- 辛卯升山西右布政使王象乾为巡抚宣府右佥都御史
- 升提督操江右佥都御史张养蒙为左佥都御史协理院事
- 予前任工部侍郎沈蓓甫父沈塾祭一坛母闵氏并祭仍给半葬不为例
- 兵部尚书石星劾诚意伯刘世延凶横不法以南京守备定西侯蒋元建揭世延欲论星故也星亦乞罢不允勒世延回籍元建建不行参奏止投部揭罚俸二月
- 壬辰吏科都给事中林材劾原任总督顾养谦虚冒宠荣祗图规避不能防海安能治河不报
- 大学士赵志皋等< 〇〇〇 〇〇 〇〇 〇〇 〇〇 >救郭实免革职并免查言事诸臣兵部尚书石星亦上< 〇〇〇 〇〇 〇〇 〇〇 〇〇 >解之不允
- 癸巳升山西佥事何名奇为本省参议
- 升陕西副使郭万里为本省参政分守西宁
- 甲午复江西南昌新建二县岁运南米九千二百石有奇仍徵改折角□羊赴南京上纳以抚按奏请本色非旧例也
- 遣鸿胪寺宣谕辅臣赵志皋入阁
- 丙申户部以各省岁办承运库绢疋近因积猾包侵滥恶充数退换滋多积欠益甚照湖广抚按奏将原绢价值每年三月定委廉干府佐一员领银督造务在八月尽完虽遇升迁必待事完方许离任著为定例仍取原收各处合式绢二疋送部印钤一发照造一发验收违式者罪如该库作难驳换听部科参奏从之
- 大学士赵志皋再< 〇〇〇 〇〇 〇〇 〇〇 〇〇 >为郭实及言东事诸臣申解 上谕凡职当所司有责任者姑准东事完日具奏其出位妄言沽名惑乱者查明定夺郭实如前旨
- 丁酉江西道御史姚思仁申救前御史冀体谓体以参论元辅取罪奉旨降三级乞复还原官免其降调或责其戆直重加罚治以昭从谏之量安辅臣之心<< 〇〇〇 〇〇 〇〇 〇〇 〇〇 >>入降冀体杂职
- 升浙江道御史刘士忠为顺天府府丞
- 锦衣卫正千户梁慎故妻潘氏系和嫔梁氏之母准给与祭葬梁慎身后不许再乞
- 管御用库太监客用盗取本库珠宝金银拟斩
- 戊戌起任陕西巡抚赵可怀为南京右副都御史提督操江
- 改礼部左侍郎刘元震为吏部左侍郎兼官如故
- 韩庄新河上成总督河道工部尚书舒应龙加太子少保赏银币管闸主事尹从教管河参政梅淳参议邵以仁同知罗大奎等各升赏纪录有差
- 己亥六科给事中林材等以冀体被谪合辞申救援宋唐介劾文彦博彦博复引介

为谏官故事中多讥刺志皋语 上愈怒将冀体革职为民林材等为首者罚俸一年余各八月

○庚子 上因南京户科任彦槩< 〇〇〇 毓-金 >降处吏部司官黄〇〇晋冯生虞等辅臣赵志皋等< 〇〇〇 毓-金 >救且云昨见任彦槩奏谓臣等于得罪诸臣阳为申救阴实挤之此等屈抑 圣心自明何敢置辩今乃复为救解者亦以国体所在不敢不竭其诚耳得旨冯养志等姑免降调各罚俸一年冯生虞黄〇〇晋任彦槩俱遵前旨行

○升两广总督陈渠为南京户部右侍郎兼右佥都御史总督粮储

○起原任河南副使刘卿补四川分巡川西

○辛丑命翰林院编修杨继礼陈懿典韩爌简讨传新德刘生中高克正王蒙節李腾芳充正史纂修官

○南昌义民朱光吴父子输穀一千石賑饥命官给银三十两自行建坊仍免杂役以示风励

○广东海贼万廷贵等先以盗珠遣戍复逃匿啸聚纵掠海上至是官兵合剿悉诛之

○乙巳军舍徐文场与内臣郝金杨明伪造 太后懿旨诓骗民财并拟斩余从分别定罪

○升保定总督中军杨方亨为五军营副将

明神宗显皇帝实录卷之二百七十七终

明神宗显皇帝实录卷之二百七十八

万历二十二年十月乙巳朔以孟冬享 太庙遣定国公徐文璧恭代

○皇极门给赐百官二十三年大统历颁行天下辅臣及日讲官特赐历有差

○差御史周维翰巡按福建

○丙午 孝洁肃皇后忌辰遣官祭 永陵

○丁未大学士赵志皋催行取各官谓 皇上所以不即允部院考选之请者岂因近日诸臣好为议论欲于稽迟之中默寓裁抑之意然与其嘿示天下以意不若明示天下以权宜令再加咨访实心惠民者取之而搏击勿取恬澹自守者取之而矫廉勿取平易近民者取之而任意负性勿取悃悞无华者取之而务外好高勿取考选授官之后其建白果当始嘉纳以鼓其进否则惩创以警其余一转移间而蹇谔得献其忠邪佞不得肆其辩矣不报

○升协理詹事府事吏部左侍郎范谦为礼部尚书兼翰林院学士

○升广西巡抚陈大科为兵部右侍郎兼右副都御史总两广

○升南京吏部右侍郎刘楚先为礼部左侍郎兼侍读学士

○卜虏犯边宁夏总兵萧如薰延绥副兵姜直观望不前总督叶梦熊劾奏俱革职直仍行巡按御史提问

○福建巡抚许孚远奏吕宋酋长之子讼我奸民之隶其部而袭杀其父夺其宝逃者兵部覆议将获犯正法厚遣酋使以坚内向之心且藉侦日本夷情邵可

○戊申 中宫千秋节命妇免朝贺赐三辅臣上尊珍饌

○唐王硕燠□□□月□银赈贫宗贫民及府县师生之贫者抚按上其事命撰敕奖之

○蠲被灾望江怀宁等税粮有差

○辽阳雷动烁电雪霰异常

○东宁卫雨雪雷电击死男子及驴

○己酉夜渤海所一明星落南门楼上陡火烧毁殆尽

○武进江阴大雨雹

○庚戌升福建佥事莫睿为贵州参议 ○升江西副使袁年为云南参政

○复德州二卫军人布花银向因京操裁革今戍守永平台头等处照防边例给之

○辛亥升陕西布政使戴耀为右副都御史巡抚广西

○敕居庸总兵解一清以原官挂印镇守宁夏

○敕陕西总兵杨浚以原官挂印镇守甘肃

○癸丑升陕西副使萧应宫为本省参政

○以浙江游击钱世祯为蓟镇海防游击

○先是命川贵协剿播州土官司杨应龙久无结局黔抚林乔相称自西路违制失律遽尔撤兵酋势益蹶屡谕不从终不悔祸势必动兵贵州仓库有限军困民窘若协应再举则军士嗷嗷何以鼓其戮力若不协应则责臣秦越相视何以自解惟大柄握自朝廷庙谟独断臣下可以遵行巡按薛继茂称贵州贫瘠兼以饥馑师旅民何以堪况播州原辖于川未尝侵及于贵何劳民伤财剜腹心而事肘腋且远道移会必误军机宜令川省自为收局而贵州量调土兵防守要害川抚谭希思称杨应龙所居之地虽辖四川其部内五长官司钱粮兵马则供贵州总之两省兵士皆朝廷赤子财物皆朝廷积贮合则兵力全而奸酋之向风有日分则大体褻而反侧之归命难期必须贵州抚臣协力共济礼科给事中杨东明谓应龙负固纵杀问罪之师诚不可罢然向者两调征剿所在血战及部民讦告拘之即至械系经年甫释縲囚即请征倭进退惟命第重庆之狱未结即放既放旋提我多反覆致生其疑非真有叛状而遽请用兵遂据险出掠冒难追之诛皆处置失宜之过也两省之事宜责两两省之臣乃在黔已无同心共济之义而在蜀又无独力敢任之能则专制之臣所宜蚤遣速令就近省分整备兵马刍粮以应缓急特选才望大臣一员往勘事有可原即赦其死不悛即总督军务调发川湖云贵之兵便宜行事更立赏格以募酋部之能斩应龙出献者将不数月悬首阙下矣部覆如科臣议 上以杨应龙负固拒敌罪无可赦令川贵抚臣整兵备饷协心剿除以安地方刘綎李如柏星夜前去并推才望大臣以为总督

就近给粮令驻劄山海石门操练遇有倭警调发凤凰城一带防御无事仍回蓟镇若倭信紧急则再调守台南兵庶几兵力易集一议调客兵部议调发蓟镇一万保镇八千第多调持久不免疲累议于两镇止挑选堪战兵六千马步各半选委忠勇将官统领有急调发三千每半年更替或屯江防守或渡江征剿倭信再急方调足一万八千又急乃调及宣大山西庶战守有资不至疲困一撤回川兵刘綎久戍朝鲜人多思归须撤回辽阳挑选量留堪用兵三千余名其余及客兵愿归者尽行发回庶兵有实用饷不虚糜一添设大将川浙宽奠蓟保等兵共五枝各副参游分领不相统属恐临期难使协力拟添设倭总兵一员驻劄辽阳待倭情变动总领各将官酌量剿御庶事权归一可以责成一预备粮饷刘綎吴惟忠所统及宽奠蓟保兵约二万一千七百有奇每月粮饷及赏犒杂用约四万一年须四十余万若倭患稍宁可次第渐减否则即府藏空虚亦宜曲处不可因饷废兵致遗后患诏下所司

○辛酉予泰宁侯陈良弼妻谢氏祭葬良弼身后不得重奏造坟

○以神机四营佐击刘有德充五军九营游击

○壬戌 诚孝昭皇后忌辰遣怀柔伯施光祖祭 献陵

○以海州参将祖承训为辽东副总兵

○是夜马城堡大星若斗落地天鼓鸣

○癸亥差御史李炳巡按云南 ○升刑部郎中姚尚德为江西副使

○升平乐府知府黄文炳为广西副使

○升工部郎中王元命为山西副使

○夺云南姚安军民府知府陶绅职追赃完日为民

○原任国子监祭酒致仕范应期妻吴氏赴京诉应期及其子女讷冤死状巡按彭应参知县张应望逮问巡抚王汝训落职听勘

○甲子以大同中路游击焦承勋充北西路参将

○乙丑刑科都给事中乔□□□月□□等言按臣彭应参宜勘不宜逮 上怒

□□□月□□党救降一级调外任李先芳夺俸一年

○以锦州游击李宁为海州参

○丙寅差御史乔廷栋巡按甘肃 ○大学士赵志皋< 璠-金 >救乔□□□月□□等不听

○以工部郎中盛万年为福建副使

○ 上以范应期事怒浙江抚按扰害地方传谕切责吏部都察院任用匪人有负任使尚书孙丕扬左都御史袁贞吉上< 璠-金 >引咎意稍解

○先是长昂以七千骑犯中后所赵梦麟悉歛人畜遣家丁赵子明等保小屯台斩虏哨三级又射毙一酋虏怒攻台破子明等力战死之当小屯危急时副总兵秦得倚赵梦麟各遣兵挑战虏始歛众北归副总兵李平胡游击崔吉参将张应种列阵大战追至

半边山虏复并力来攻我兵遂却各阻险自守独得倚梦麟两军在阵鏖战良久多所杀伤备御高清领兵百余自东来徘徊不进虏见尘起疑有伏遁去兵部上功罪秦得倚赵梦麟各赏银十五两梦麟以功准罪张应种崔吉等褫职提问有差

○大常寺典簿王时文为其父赠礼部尚书王希烈请谥许之

○丁卯以神机营参将周一乾为山西参将

○兵部尚书石星< 踰 毓-金 >请封倭略曰方倭之陷没朝鲜迹涉匪茹则利用威及其退还王京送回王子陪臣则利用信 皇上慨然许封敷布诏旨则一封而倭奴以退朝鲜以保外患以息内备以修无烦再许惟久住釜山我之欲封不封既已失信彼之请封未封又复怀疑故封后而敕令尽归宜无不得封前而数为责备似难必行宜一面令小西飞进京确示予封之信一面谕行长速退以待册使之临即行长不敢遽归许令待册使而后返亦无不可盖既予封则朝鲜必有三五年之安彼固乘此以自为战守我亦因之以自为备具若复设难成之约则祸中朝鲜全罗必失辽左以残破之余虏乘其内倭攻其外其何以支又况海内兵端屡动无处无患所在兵疲饷竭无一堪恃乃不为中国而为属国是舍腹心而救四肢也又言封后或有反覆臣请自往莅之不济则治臣罪 上允其奏准小西飞进京许其予封如倭奴不去则兴兵正罪一意征剿仍令督抚及时修备

○以蓟镇游击钱烨为宣府参将

○戊辰皇长子寒疾未愈大学士赵志皋请暂停讲读 上谕皇长子禀质原弱本无疾恙且进修琢磨正在冲年岂可暂辍

○河南开封南阳等府陈州尉氏等州县水灾巡按御史勘报五十六处蠲免州县应徵本年存留粮银折徵卫所屯粮其免折分数以被灾轻重为准 ○山西巡抚魏允贞题三晋屯田地瘠薄半是山岭钱穀不敷兼苦水旱惟節省一法可以惠民督率属吏凡冗役虚费悉从裁减计每岁共减银二万八千一百四十余两< 監-皿立 >石永遵 上善之通行各省巡抚照允贞所议酌裁具题

○己巳赠甘肃游击谢诏为都督僉事另荫一子正千户赠百户马载图为指挥僉事加升其子副千户各世袭仍于本镇立祠致祭赐额愍忠以海虏入犯二人堵截战歿也

○以铁岭游击王评管锦州事

○庚午亥时 皇第六子生

○ 上谕兵部昨内阁揭奏虏贼入犯辽东总兵官董一元等督率将士扼险露宿临阵奋勇斩首五百余级驼马夷器过千是仰仗 祖宗威灵神武布昭抚镇效劳勋可嘉尚尔部便马上差人传示该镇文武同心僇力慎加防御速将有功人员查报先行慰劳还急行巡按御史上紧勘奏

○升湖广长沙府知府吴道行为山西参政

○辛未遣驸马侯拱宸以 皇第六子生告 奉先殿

○赐三辅臣醢脯酒果

○是日免贺

○壬申前卜失免犯张春井等处各路将领以斩获报功既而众虏充斥内地转掠一月始出边游击李经史见参将李鯤守备杜松等以二千六百余骑击虏于马莲井先有斩获后误入伏中史见张禄遂战歿而李经杜松等各重伤所□□员士马亦众惟总兵麻贵战于下马关斩首百余颗虏始却郤行诸将徘徊尾虏听其自去兵部覆按失事人员得旨游击萧韶成等降罚有差总督叶梦熊延绥巡抚李春光陕西巡抚吕鸣珂候勘另议梁继祖张名奇革任提问 ○癸酉以 皇子诞生赐辅臣及讲官红纒金银花有差

○甲戌升广西右布政使熊惟学为本省左

○陕西参议王嘉谟调河南

○调四川僉事张后甲于湖广

○铸给邢玠总督川贵军务关防

○起原任山西参将周易为沈阳参将

明神宗显皇帝实录卷之二百七十八终

明神宗显皇帝实录卷之二百七十九

万历二十二年十一月乙亥朔户科都给事中杨恂等奏称数口之家须稍存盈羨以备不虞曾谓太仓钱粮可毫无积贮谨以节省一事条为四议一议折征内库所贮香蜡颜料布绢羽毛皮张之类积剩盈余浥烂蠹朽员役通同角□羊户虚名实报抵筭易悉宜逐一清理委果不敷与仅足供用者照徵本色其余俱徵折色银两角□羊部济边二议汰冗国家冗官译字生冠带儒士通事序班带俸中书官作乐舞生及大工升除者冗役如官匠民匠甲斗脚夫厨役及大婚选授者每年廩粮百余万石俸薪数千万两宜逐一清汰除原系额设与精晓艺术者存留供事此外尽革册送部科与太仓支放注销卷簿查对以杜冒滥三议料草二十四马房有名无实瘦□□员不堪且借觅应点倒死隐匿买补侵价宜加查议除金鞍马三百匹与各马房三五十匹者如旧其多至一二百者各减五六十匹并供应库所发磨驴三百余匹倒死将尽相应除以省耗费至于御马三仓原额料五万二千石三场草共一百九十五万束业经裁减因内操暂增停罢之后马数虽减而所派草料比原额更多亟请清查著为定制四议牧地马房地场五十六处实在二万六千三百五十一顷本部征牧地共二万一千七百五十八顷零计银五万二千八百九十两有奇该监徵收修理地共四百三十顷计银一千二百九十两有奇其未经召佃之地尚多年久弊滋征收之数本部少银八千有奇该监多银七千有奇宜敕巡青科道踏勘州县原地若干见今徵银部少监多应否改正其抛荒侵占逋负作何区处务使利归公帑勿致侵渔又蕃牧牺牲各所官军多至三千一百余员其间空名冒支已

○朝鲜国王李昞无嫡子请以庶第二子瑋为世子礼部谓尚有长子伦序难淆李瑋见总军务止可赐敕以便节制报可

明神宗显皇帝实录卷之二百七十九终

大明神宗显皇帝实录卷之二百八十

万历二十二年十二月甲辰朔升湖广按察使李杜为江西右布政使

○予武进伯朱世雍母顾氏祭二坛开矿合葬

○沁水王府奉国将军恬鰲越关奏扰降为庶人递发闲宅拘住

○永宁长公主薨逝与已故驸马都尉梁邦瑞合葬并祭一坛

○衡定王妃发丧世子常_{□□}庶_{□□}请出城送葬当日即回许之

○以蓟镇副总兵李熙充总兵官镇守昌平

○乙巳以原任浙江佾事史旌贤调补湖广

○丙午蓟辽总督孙矿辽东巡抚李化龙山东巡按宋兴祖会议谓辽东大小将领旧有家丁多至百余少亦不下三四十每遇征战家丁当先有支双粮者皆顶逃故军粮不烦经费自阅视裁减而冲锋破敌之士皆鸟散别镇辽兵遂不能战议将守备御仍止十名凡副总参游系辽东人准五十名上下系关西人准百名上下若李如梅赵梦麟等不妨多养先报各道查实仍解抚镇试验骁健善骑射者月食双粮给与官马行粮搞赏操练其脆弱不堪即行革退户部覆请从之

○以遵化副总兵李春芳协守蓟镇

○丁未 慈孝献皇后忌辰于 奉先殿行祭礼

○升兵部署郎中事司务李根为陕西佾事

○以原任湖广按察使詹贞吉复除本省

○免广西全州杨朔等处垦荒虚粮前是抚按以垦田多寡为有司殿最而深山穷谷多不可耕率伪增田数虚粮遗累兹下所司查豁并开府江桂林苍梧水陆险阻斩木划石决淤疏湍俾徭夷不得出没丛薄江流无冲激之患从抚按陈大科涂宗浚请也

○己酉以 皇子诞生赐辅臣及日讲官银币各有差

○庚戌以右中允周应宾编修袁宗道充正使纂修官

○壬子调山东参政蔡可贤以原官备兵开原

○兵部覆宁夏巡抚周光镐条议战守款贡欲于顺者与之款阳顺阴逆者惟往来笼络既不遽与亦不遽绝亟修内备观衅而行乃按臣李楠题督臣弛备疏防复奉 明旨以主战为胜筭无轻许款则夫罢款主战是在该镇督臣加意行之伏乞敕下移文宁夏镇抚衙门审察虏情一意战守在将帅则整搦军马在部道则计处粮饷务期同心共济毋轻许款以闻衅端如其止以智术牢笼此非真与之款而明与之约也亦听便宜不尽拘以文法可其奏 ○癸丑以册封端妃敬妃视写册礼成各颁赐辅臣银币封钞及中书官有差

百万辽东疲极难支倘仍复用兵不知又费兵马钱粮几何将国计益诎辽左益危而几辅重地或生他变臣等是以仰奉 明旨与本兵详议且以一封完目前之事其战守机宜不妨随事整理即他日有衅可因时补救今倭使已至议论将定乃谕旨复颁恐廷臣不能仰窥周悉慎重之意各以烦言阻挠如国家大事何再四筹度谨将今日谕旨收藏阁中另拟谕兵部一道乞裁定发行又尚书石星恐皇上未信远夷之情欲请自往体勘臣等谓本兵未可轻出星又云须遣知兵文武重臣二人前去庶可备得夷情以纾东顾之忧似属可行再乞裁夺

○癸亥以岁节颁赐辅臣赵志皋张位陈于陞沈一贯及讲官刘元霖等银币有差

○丙寅大学士赵志皋进万历二十一年起所撰讲章易经诗经礼记通鉴纂要以备温习仍另书发司礼监刊板

○故驸马都尉梁邦瑞父兵马副指挥梁桂奏讨永宁长公主庄田户部覆奏公主出嫁生前有赐给庄田以资养赡薨后有护坟地土以供香火但公主薨逝而驸马尚存者方得承受改留地土虽为死者而崇祀典实为生者而垂优渥今驸马梁邦瑞已先公主而卒又无子孙难以见存驸马之例且香火供奉几何安得遽请二千五百余顷之田今拟将原发养赡庄田内准留五十顷岁徵子粒给梁桂专备公主香火其余地土租银悉皆退入济边诏既无亲支着与香火地五顷

○升工科左给事中侯廷佩为刑科都给事中户科右给事中陈世恩为本科左礼科右给事中林熙春为兵科左兵科右给事中陈成楚为刑科左刑科给事中叶继美为吏科右

○礼部覆题礼科都给事中薛三才〈錡 錡-金〉谓恤典之设非徒酬既往实以劝将来其祭葬赠谥之有无隆杀本部向遵会典钦例具有典例开载未备者合依科臣所奏酌议以请如三品以上被劾闲住官因子考满复职请恤者行吏部查其历官守职无大显过或量与祭一坛否则不准其子孙妄以覃恩复职陈乞者概寝不行此例之所当议明者也如赐谥者以上下中下分等而议查有人品行业与谥法不相合者许各该按抚及科道廉其官迹乡许据实从公举奏本部复加咨访果得真确题改正一如补谥之例其子孙自行乞改者仍行该省抚按官查勘明实具奏定夺此例之当议增者也又如任子官有子发迹贤科官阶四品以上已经考满曾授本等封者照例议给祭葬未经考满未授本等封者仍照例递减至于本身实历三品查有功迹显着者准照品级与祭葬其居官平常者或量与祭一坛不准给葬其子孙妄授陈乞者不行此例之所当议定者也诏准刊附条例遵行

○兵部尚书石星会集大学士赵志皋等定国公徐文璧等及九卿科道于左阙研译倭使请封始末遽小西飞对大都谓日本曾托朝鲜求封给误不达又赚杀日本人此为兵端原无敢犯 天朝之意先虽封贡并请今得封亦去其运粮盖房俱因守候天使且誓永不侵叛及天使到釜山兵马即归其他辞往复俱恭顺具列以闻 上谕倭使既

译审的确封名册使等项着详议具奏尔部先差官宣谕倭将率众尽数回巢待朝鲜王奏到之日遣使往封

○丁卯赐辅臣及日讲官正旦节物吊屏门神判子等件

○己巳礼科都给事中薛三才以秦王请封谊< 淄-田夕 >郡爵再上< 铤-金 >曰今天下室繁衍所以约束而整齐之者惟制例定然后法守明觊觎绝故世次有所必稽爵级有所必限恩数有所必节事例有所必严秦藩请封一事按宗藩事例凡亲支例前进封亲王者姑照常行若原系一从再从之亲进封虽在例前其次嫡庶子止授以世次本等官职已经袭封者待本王身终停袭制例昭然秦藩自僖王无嗣怀王志均以渭南王进封康王志洁以富平王进封此兄终弟及犹六亲支至昭王秉纛以临潼王进封则简王之一从侄也宣王怀瑾以镇国中尉进封又定王之再从侄也论亲再从之< 铤-金 >属不得窃比于亲支论世则中尉之原封不得妄希乎王爵论例即以亲支进封者其子孙且不许加封于例后况以再从进封者其支裔又安得比于例前秦王此请逾越甚矣今一时请加郡爵者如荆府韩府益府皆因事例不合概从停寝秦虽首藩谊< 淄-田夕 >一奉国中尉耳一请再请如持券责偿是例行于诸藩而独格于秦也往者秦王敬谿为其弟敬金□勉请封郡爵是时据例授辅国中尉谊谊< 淄-田夕 >于今王为庶免于宣王为庶孙视敬金□勉之亲递降矣而所得封爵不啻过之是例行于敬金□勉而不行于谊< 淄-田夕 >也前沈府请封曰永不为例未几而秦府援之以请今秦府请封亦曰仍不为例安知不为后来地乎虽曰靳其禄米第属虚名然朝廷所惜者名器其可假而徇之耶臣闻法行有自禁行在先乞将停寝秦封以信制例于天下则请谒自杜约束可行亦诸藩之福也 上谓业准秦封自宜遵行以后不许援例渎请

○庚午立春顺天府臣进春受百官朝贺

○颁赐辅臣上尊珍饌

○给事吴文粹御史崔景荣等合< 铤-金 >申救林材谓计典伊迩吏科实司纠正必阅历咨访而能举其职林材留心计事业有真知一旦解任去即使以才智代之而时日迫促咨访难周况材为六科之长则甄别才品职掌所专非出位渎扰者比乞免降调以完计典以重言路< 铤-金 >入文粹等各罚俸林材降杂职调极边方

○升应天府府丞白栋为太常寺少卿

○癸酉允兵部尚书石星之请敕临淮侯勋卫李宗城授授署都督金事充正使以五军营右副将署都督金事杨方亨充副使各赐武官一品服釜山封倭令沈惟敬同往

○以岁暮行 大裕礼于 太庙遣定国公徐文璧恭代恭顺侯吴继爵崇信伯费甲金分献

明神宗显皇帝实录卷之二百八十终

大明神宗显皇帝实录卷之二百八十一

万历二十三年正月甲戌朔元旦节免庆贺

○大学士赵志皋张位陈于陞沈一贯题称臣等备员辅弼受恩深重与在廷诸臣不同谨诣会极门行庆贺礼是日颁赐四辅臣上尊珍饌 仁圣懿安康静皇太后 慈圣宣文明肃皇太后 皇后俱免命妇朝贺

○礼部尚书范谦题元旦令节亲郡王及天下文武衙门赉进贺表既经免朝照例送内府交收从之

○丙子敕吏部都察院今当朝覲考察之期□□小部院甄别贤否明示黜陟此我祖宗法古图治之盛典也比年考察后群言籍籍有廉直自持任怨劳者或被屈抑贪黷无耻浮躁饰非者附和结纳以致是非淆乱纪纲日颓士风日坏又有等不循法守专挟制人之术嘱托营私甚废公直□□小部院再行申饬如有庸劣之徒昏夜乞哀如许茂樨之肆行馈遗的□□小部院体访得实即时指名奏来重治

○吏部尚书孙丕扬等奉敕上言臣等今次考察誓秉至公加意廉访卑官下吏或稍茹纳以示兼容方面大僚必严责备以重督率素营三窟者必不惑于善巧之弥缝凭依百足者必不惕于词锋之恐喝臣等如有不公不法悉听公评自甘伏锷其有救援党与假公济私请托不行肆言流谤及馈遗纳交昏夜乞哀等辈容臣等访实参奏重治报可

○己卯孟春享 太庙命公徐文璧代东西两庑遣侯吴继爵费甲金分献

○庚辰礼部范谦请给豊臣平秀吉皮弁冠服纓丝等项及诰命诏敕印章先是小西飞称日本已无国王以秀吉上请本部拟封为顺化王奉旨平秀吉准封日本国王故事外夷袭封例赐皮弁冠服及诰敕等项惟始封例有印章日本自永乐初锡封赐有龟钮金印时小西飞供称旧印已无似宜另行铸给故兼有是请诏从之

○辛巳升山东副使尹应元为陕西右参政管宁夏粮储起原任四川副使王继祖补山东副使兵备宁前

○壬午升礼科左给事中杨东明为吏科都给事中刑科右给事中卢傅元为工科左给事中刑科给事中李先芳为户科工科给事中黎道炤为礼科桂有根为兵科俱右给事中

○兵部议覆巡关御史张允昇条陈边防九事一守重关山海系蓟辽要地土蛮长昂等日图狂逞宜选调腹里精税兵马令将锐赴山海堤备应援一议城工蓟东边墙疏薄自昌镇工竣应并力修筑山海石门诸冲边以便防守一议协营蓟镇三协营石门山海二路偏在东隅而建昌迤北数里即为冷口关虏犯极冲宜以建昌副总兵移住台头营则协守适中而冷口冲关防御为便一清马匹营马给军以备操战原期堪用岂论额价惟倒死逐一清查扣其草料勒令买补验系膘壮方准给军一实行伍各营路军兵俱有额数今东征丧失须将各营军兵查点实数有阵亡病故者亟为清勾募补一精器械各营路军器甲仗自东征以还委多损失今宜上紧造补一议南兵蓟镇三协各路俱用南兵当虏犯石门等处千总黄宗懋等奋勇驰援已经题叙自后果有才勇绝伦

屡立军功者不拘白衣酌量录用一责久任边方各属大小将领或应久任以需成功或应加衔以责后效者督抚按关诸臣不时咨题以凭酌请一禁骚扰营路兵马岁费帑金钜万专以防边今后敢有假借权豪声势出边需求擅役营军私乘边马与者借者一体治罪奏入诏从之

○癸未蓟辽总督孙矿奏言前臣建议及部覆皆称倭众尽退然后议封而倭将又称待使臣到然后尽撤兵部既请旨特准与封又奉旨令臣矿整饬兵马以防他虞请光调海防营浙兵三千前往朝鲜协防遣官宣谕倭众在釜山者尽数退去然后使臣赍诰册往封竣许同使臣具表谢恩仍行福建巡抚衙门随宜侦探沿海一带选将练兵积粮治器以备不虞兵部覆请报可

○铸给青州莱州登州各海防同知兼管清军驿传盐捕关防

○甲申户部题覆光禄寺卿钱藻奏称珍羞署所贮白粮当拣年近精美者以需上供年久不堪者改贮别廩以充口粮得旨如议

○乙酉兵部石星题关白具表乞封 上特准封为日本国王查隆庆年间初封顺义王旧例其头目效顺者授以龙虎将军等职朵颜三卫头目见各授都督等官今平秀吉既受 皇上锡封则行长诸人即为 天朝臣子恭候旨下将豊臣行长豊臣秀家豊臣长盛豊臣三成豊臣吉继豊臣家康豊臣辉元豊臣秀保各授都督僉事小西飞间关万里纳款仍应加赏赉以旌其劳其日本禅师僧玄苏应给衣帽等项本部俱于京营犒赏银内酌给奉旨如议行

○兵部题班军饷银例应随军解送接济今指挥王邦瑞等违者不行催解致动库银曲抵既经科道题参应移文山东凤阳各巡抚分别究治其原借班价银即着照数追完解部补库从之

○兵部议自套虏入犯延固官军捣巢马匹倒损数多委宜买补除将见在桩册银动支外仍劄太仆寺于常盈库马价银内照数动支二万六千两遣官解送延绥巡抚衙门收发各道买马给军务遵节支费有裨实用又议四镇虏情俱属叵测而套虏尤甚乞动支太仆寺马价银九万两差官解送总督衙门转发甘宁固镇专备买补战马 上俱从之

○丙戌兵部议覆倭寇朝鲜刘綎以五千川卒请行窃嘉其勇敢遂因经略 < 綎 金 > 题升加府衔令綎戍守朝鲜已奉旨撤兵适播酋抗拒王师四川缺镇守綎旧为川将谙播事复升四川总兵官乃綎觐勘功优叙私馈按臣宋兴祖随彼参劾法应褫革第念其朝鲜二年苦戍功难尽掩相应候旨将綎革去原征云南岳凤功级仍旧管事其王京以后功次亦不准收录以示惩罚按臣宋兴祖举发私馈有裨风纪并乞敕吏部纪录 上报可

○丁亥兵部尚书石星等题册封日本事出创始正副使李宗城等呈称关防旗牌符节符验与随从员役廩粮官兵等项皆不可少合候旨移咨礼部请给正副使符节关

然又有销兵养兵简兵三策所以治其本者为 皇上献何谓销兵营中老弱过半有以退脚之议进者其说谓老弱愿去者各择强壮自代俾量出脚价以贴之其言似矣而不知即顶酋之别名也虔台赏功银前此每月常用及百金今臣就中取十二金会同守巡坐营官有一老弱能荐一壮士自代者赏银一两五钱一月之中以前十二金计之可销兵八九名并操汰物故者不五年而虔营老弱悉变为精锐矣何谓养兵臣自罪袁氏诸豪歛迹不敢出息借人然不能禁兵之不重借也虔营岁饷三万五千有奇量借千二百以为营本亦使守巡坐营主之月发百金借兵之果有急者息视民间三分之半其法仿宋朱熹社仓遗意岁出母钱千二百金可得子钱一百八十金不出七年军中自有债本并饷金可无动矣何谓简兵兵之名目甚多有精兵有火兵有马兵有亲兵有大营兵有外营兵精兵者战阵之兵也臣今所简能提三百斤石而舞重刀者也火兵者九兵而一火以执爨者也臣今销兵之策行老弱皆去火兵亦壮丁也马兵者养马者也亲兵向有百名以卫辕门近节省归伍而臣缓急无赖矣计羊角水长宁二营吊归大营者共七十名今将四十名为亲兵而以三十名不补让为马兵饷又以马兵不责练而杀其饷又以马兵止备侦探而不用于战且减其十则亲兵之增岁费饷无几矣此臣所云治本者如此疏入 上下其议于所司

○甲午陕西抚治西宁番夷副使余良枢以调任未推河间府知府刘敏宽补之

○乙未陕西总督叶梦熊题总兵官黄明臣报称河外达虏聚结苗头将犯靖虏随督兵众逆战斩获首级一百一十七颗内生擒一名又宁夏中卫游击石尚仁报称斩获贼虏首级五十名其有功员役既经查确具题相应叙赏示劝 上下兵部议之

○丙申 上视朝三法司科道纠劾朝覲官员 上命都饶这遭著回去用心供职

○户部题南兵阵亡病故可悯月粮银两既经总督孙矿等查核相应照例户七兵三移割仓场管理银库主司如数补给以示优叙从之

○丁酉以吏部左侍郎兼翰林院侍读学士刘元震掌詹事府印其经筵日讲并正史副总裁如旧

○以河南汝宁府知府霍鹏升陕西副使驻劄肃州抚治番夷 ○四川道监察御史綦才奏三事一曰抑武臣平壤王京之捷李如松不可谓无功然叙功以来每遇总兵员缺即推如松且即推其所亲信刘綎张世爵今刘綎以贿闻矣五侯贵显末路难期臣愿敕李氏自为计而刘綎赃私狼籍是宜亟行罢斥以示贪戒一曰惩贿臣闻官之失德宠赂章也许茂樨多贲珠宝公行贿赂一经投获竟从未减此风一倡自后爵以贿进罪以贿免复何忌惮臣谓许茂樨仍应提问以示行贿之戒一曰究勋臣国家所恃以驱使人群众此诏令与三尺法耳武尚耕将旧衅解进特奏请稍迟 皇上赫然震怒夺其原职谪以边方何物刘世延不许潜住南京之旨奉之久矣恬不回籍尚耕未违玩已有显罚世延实违玩輒置不问臣恐奸雄得以窥朝廷之浅深矣臣谓世延宜亟行重处以绝祸萌

疏入 上命议处刘綎张世爵各有差而綦才因事党救尚耕削籍綦

才罚俸六月

○戊戌巡抚陕西吕鸣珂题松山丑虏逼邻兰靖近聚众入犯颇肆鸱张不一大创恐无以遏其凶心而杜后患随会督臣叶梦熊调发官兵乘冬春草枯马弱侦探虏帐酌量缓急或乘间袭击或出塞捣巢歼兹丑虏务伸国威使其慑怖诏下其议

○己亥总督蓟辽经略孙矿题奉 上旨动马价银二万两将临阵将士各官给赏宴待其见获骆驼五百只解京旧例每骆驼给发银十两今通计银五千两臣会同辽东巡抚李化龙查得近日解到川兵月饷见有余剩合无于内扣除五千两给发驼价以慰战士心从之

○工科等科广东等道吴应明曹学程等乞恩认罪先是圣驾御临毕文书房官李文辅传 圣旨科道奏事纠仪侍班错乱嗽吐不恭故有是请已奉旨各罚俸二月

○庚子尚宝司卿赵崇善升任员缺推南京尚宝司卿颜素题补

○辛丑大学士赵志皋等题上年庶吉士邹廷彦养病回籍未蒙除授今覆考廷彦才识< 踰 铨-金 >通堪任谏职乞敕吏部查六科员缺除补

○兵部尚书石星题覆御史綦才参论邪媚三臣内李如柏张世爵救朝鲜时按臣核勘斩级功多题叙大将员缺准用已捕如柏贵州总兵世爵昌平总兵矣继因山西套虏入犯世爵屡经战阵改调山西刘綎统领川兵远戍朝鲜撤还时值播酋抗命本部复以綎久谙播事改四川此三臣推用之由也綎以私馈按臣参处相应议革征岳凤功次降充副总兵管事世爵原以征倭获功推用若以綎故波及恐将士解体似难别议诏从之

○总督孙矿题东虏炒花等酋住牧临边零掠大举攻台杀人颇横近抚镇出城交代乘虚直犯广宁及闻镇臣还又西犯大清堡各官奋勇拒巢则有镇守总兵董一元先声禡虏游兵左营参将方时春防守效力镇武堡都司曹文焕应援不爽坐使孤城保全均有微劳而有罪官员宜转行御史核勘分别究治 上从之

○壬寅大学士赵志皋等题为恭遇 仁圣懿安康静皇太后 万寿圣节奉旨免朝臣等备员辅弼谨赴会极门行庆贺礼是日颁赐四辅臣上尊珍馐

○冀北道缺参议以户部署郎中事李甲升补

○癸卯遣使册封日本

明神宗显皇帝实录卷之二百八十一

明神宗显皇帝实录卷之二百八十二

万历二十三年二月甲辰朔祭 三皇于 景惠殿以祭品颁赐四辅臣

○乙巳大学士陈于陞陈时政之要六事以进一接见大臣乞每月一再御朝间亲讲读其有军国大事特召阁部院大臣从容口决一录用人才往言事诸臣困衡既久少者壮壮者老宜敕下吏部分别才品上请简用一劝奖外吏令考选科道者推知与州守并预进士与科贡并预郡守声绩卓异六年以上得径升京堂则守令之职重矣凡推用

册使启行无得生事起衅以误重典尔仍同到日本宣谕一应册封礼仪悉照朝鲜事例预先申明约要及谕平秀吉及合国人等锡封之后皆我臣属务要永遵臣节不得别求贡市慎修邻睦不得再犯朝鲜六十六搗之众悉归农业不得窃掠边海诸凡约束三事调戢两国俱属尔专责应行事务听尔便宜处置朝鲜日本诸色人等不得阻挠要在上尊国体下定夷情事毕还日将尔前后功次一并叙录如或贪黷债事轻率损威法不轻贷尔宜慎之故谕

○丁未李廷机升左庶子掌左春坊印信邹德溥升右春坊右中允

○诏以南京都察院右副都御史杨一魁升工部尚书兼都察院右副都御史总督河道

○升左庶子萧良有为国子监祭酒

○礼部题东虏炒酋纠众犯武镇堡时督抚镇道同心运筹士卒用命俘斩贼级四百有余夺获驼马二千以上眷兹奇捷相应荐告于 郊 庙宣示中外奉旨选吉日行南郊遣公徐文璧 北郊侯吴继爵 太庙驸马万炜各行礼

○是月会试天下举人诏礼部尚书兼文渊阁大学士张位吏部左侍郎兼翰林院侍读学士掌詹事府事刘元震为考试官

○皇第六子命名常润祭告 奉先殿 ○己酉升广东副使陈璧为湖广左参政户部郎中陈一洙为江西副使湖广郟阳府知府魏良臣为广西副使

○庚戌原任南光禄署正王汝立捐银三千两助筑淮安庙湾城抚按请加衔建坊以示激劝又管清江厂工部员外包应魁将庙湾盐所抽分柴蓆银一千五百两助役并乞纪录工部覆奏宜如所请从之

○工部覆奏河防工竣经管各官会核勤惰既明今将扬州等府同知等官刘不息等高邮等州正官许一诚等山阳等县正官何际可等各优叙纪录其各州县佐领武职另行奖赏并失事应戒者俱请旨举行从之

○辛亥升陕西按察使赵健为福建右布政山东左参政梅亨为浙江按察使山东右参政沈九畴为四川按察使浙江金衢道副使张朝瑞为左参政福建汀州知府万振孙为湖广副使工部郎中岑应春为山东左参议浙江右布政使推原任福建右布政张偲山西提学副使推江西吉安府知府汪可受

○升太仆寺卿杨时乔为南京太常寺卿

○壬子升户部左侍郎胡嘉谟为南京都察院右都御史

○吏部推礼部右侍郎孙继皋为南京吏部右侍郎曾朝节堪升吏部左侍郎诏以本部右侍郎刘东星改左而以孙继皋为右其兼官经筵副总裁如故

○以山东右参政卫承芳升应天府丞直隶大名府知府涂时相升光禄寺卿河南佥事于若瀛升尚宝司卿时尚宝卿正推福建参议陈应芳而钦点若瀛也 ○是日复以广东副使沈孟化升广西右参政直隶庐州府知府乔学诗升四川副使户部郎中

洪敷诰升广东副使广东雷州府知府林廷升广西副使湖广佥事章邦翰升右参议

○户部覆巡按陕西御史林道楠议处客兵粮草以济实用慎边仓署掌以杜侵渔二事大概边仓收贮客兵粮料草束往往浥烂居半皆繇旧例贮俟客兵始发以至官攒赔累今议散粮草时无论主客挨陈搭放其余新收者如客兵至即以此支给但草料贮久腐多宜定折数明注销使得沾实惠乃若边仓署掌尤须得人往民输粮脚价使费率三石致一而署仓者侵储动至数百石宜委选千百户廉干者一年满日核其出入果无乾没亏折即委操守坐堡中军等官此激劝之大法也

○礼部题覆兵部左侍郎今致仕贾应元奏母太恭人傅氏例乞恤典例三品文官曾授本等封者俱照例与祭葬应元虽闲住继经督臣郑雒题边劳追叙复职虽未经考满得与祭一坛减半造葬 上从之

○兵部议犬夷互相讎杀朝廷处置贵宜夷官马斗斛擅操兵戈致部民马邦聘等相图报讎而覃玉鉴覃文瑞等与斗斛姻亲轻自举兵助虐应移文湖广抚按严行禁谕仍行四川抚按选委廉干官员虚心详勘务在分别曲直俾夷情帖服永杜兵端诏从之

○兵部以延宁甘固四镇已经阅视其文武将吏劳绩最次据实覆奏 上以督臣叶梦熊抚臣田乐功最升荫赏赉特优其抚臣李春光周光镐姚继可刘光国贾仁元升级起用赏赉有差总兵麻贵加级赏赉道臣杨时宁等将领俞尚德等各升赏有差

○工科都给事中吴应明〈附 疏-金〉言近奉旨行陕西织造羊绒其数七万四千七百有奇估价一百六十余万两陕西先有洮河蹂躏后有宁夏叛逆獍虏窥关狼烟接燧无岁不调兵无月不徵饷灾伤迭见户口逃亡岂堪此额外重役不报

○癸丑大学士赵志皋等题蓟辽总督孙矿所奏封倭事宜蒙旨发臣等拟票窃思东封一事迟疑二年自 圣谕许封而群议始息近矿因叶靖国宣谕回镇疑封事未妥致有此奏及阅兵部覆本似灼见请封甚恳保无他虞遂身任其事况诏敕已颁若迟疑何以彰信乞严谕李宗城同沈惟敬前往早完此局以示信外夷报可

○升礼部郎中陈鸣华为广东提学副使湖广按察司副使韩济为布政司右参政大理寺左少卿邓炼升太仆寺卿

○乙卯调原任浙江佥事方万策补贵州佥事

○吏科林材〈附 疏-金〉论成宪刘元震冯梦禎儒臣贪鄙随降级调外任科道吴文梓崔景荣等合〈附 疏-金〉救之南御史张蒲等复抗言申救不报

○先是总督孙矿曾撰榜文差官叶靖国同部差沈嘉旺等宣谕日本责以倭众尽数退还本岛不得因封求贡又不得侵掠朝鲜三事时行长初与僧玄素口议有难色既传报关白听命三事而不许贡市一节终不之及矿又以日本山城君见在有文禄历日可诬而小西飞称其已亡皆种种可疑即云退兵焉知不诈伏近岛以给我乃〈附 疏-金〉请仍调海防营兵与天津新兵兼增水兵预堤备以俟便宜援剿仍改封平秀吉为顺化王兵部尚书石星覆册封日本一事业因议纷停寝后因朝鲜国王代恳荷 皇上

特旨予封责臣星担任今行长三事既以回报听命封事已成印册已备冠服已制使臣李宗城已遣游击沈惟敬已行而督抚孙矿李化龙请更号停使阻惟敬无往并议调兵防剿将无过信叶靖国而小西飞面审之言皆不足听耶乞遵成命如前果倭情反覆听督抚便宜援剿诏从之

○兵部覆宁镇松山住牧宰僧等酋与河套卜土诸夷毳幕联络二千余里向盘据套内为西北大患自昨秋今春松酋屡入犯陕西督臣叶梦熊与各抚镇道将同心戮力俘斩虏一百六十六名颗相应行御史勘实叙赏就于该镇先发马价银内动支前数造册奏缴虏虽暂挫必怀报复尚敕加谨堤备期保无虞从之

○工部左侍郎沉思孝奏言陕西织造羊绒既奉 明旨宽恤每岁解进一运以四千为率酌工料银一十万两查隆庆先年传造羊绒工料俱属陕西动支通省库贮各项银两顷年兵荒残破民不聊生不得不取给于臣部然所恃以协济者户部耳臣与杨俊民酌议处银三十万两派为三分户部九万两工部十一万两该省十万两即户部以户三工七为辞而臣部工料银两将竭似难准从通候工完之日将织过袍服用过银两数目造册奏缴

○内官监太监张诚奏 大方龙凤等舟桥座亭轩岁久损坏伏乞敕下工部踏看修理诏俟别项工程有次第议行

○丙辰升山东副使詹思虞为参政整飭宁前兵备

○吏部推大理寺左寺丞连格右寺丞江东之俱堪升左少卿 上诏本寺右少卿荆州土升左少卿而江东之升右

○升南京吏部郎中林震为广东右参议贵州右参议董木口赴为四川副使

○户部议织造协济乞仍照户三工七之例诏从之

○户部覆宁镇御史李楠条议八事内四事一增兵饷以济目前议添马一千四百匹家丁七百名其月饷草粮行该道按月查核兵马实数暂于本镇主饷内借给俟召买完日题请补还一修马政以程料草议攒槽验膘五马一槽两槽一厩责令管队按月总领每十厩煮料二石照槽遍给双月本道验膘以定赏罚一垦荒屯以豁虚粮议将河崩沙压等项屯田丈勘豁粮必成丁者方报官拨田其新涨芦洲任便开耕止派草茨免其杂役一留牛种以备余本议还官牛种银有拖欠者每两许其纳米一石二斗准销前数不则每岁秋成酌动二万两乘时召买本色以备豊凶诏从之

○户部题覆大学士陈于陞议清边饷一款近见各边今日请增兵明日请增饷权宜措处殊非经久之策合咨行各镇将兵马钱粮原额若干某年加增若干某年议减若干其减存钱粮曾否抵充部发年例又严示将军丁逃故马匹倒死不报者罪征调军马以少开多者罪债觅顶替知而不举者罪更遴选饷司廉洁任事者董之庶将弃腹削兵粮填充私橐者少息奏入 上诏著实举行

○丁巳升右通政李汝华为南京光禄寺卿原任陕西左参议张悌为陕西按察使

原任浙江右参政彭国光起补湖广右参政

○二月二十二日礼部奏祭 历代帝王 上遣公徐文璧侯吴继爵伯王学礼尚书杨俊民范谦分献

○己未辽东奏捷祭告 郊 庙

○礼部覆太常寺少卿钟化民所请故太傅于谦在京祠祀谦丹心捧日赤手擎天当君出虏入之秋坚排迂主战之议再造功高独担心苦一腔热血宁减柴市之哀万里孤魂忍隋口土牛山之泪虽常血食于所生犹未萃灵于死地既经乡人捐俸置馆本少保之旧寓为太傅之新祠相应比照宋文祥事例准令春秋祭祀先期十日太常寺具题遣本寺堂上官行礼兼乞赐额名以垂久远以慰忠魂诏祠名忠节

○代恭王廷琦妃陈氏奏庶一子代王鼐铉已故乞将庶二子新宁王鼐匀管理府事礼部范谦执称管理府事必其伦次相应素履无咎者今据御史连标奏参鼐匀事情则诬讦亲兄交通矿盗居丧宣淫革禄省谕未见悛改若冒管理国即可因此以希王爵相应咨该省抚按严查稔恶有无悔迁以凭题请 上诏鼐匀暂理府事参奏事情待抚按勘报再议

○户部尚书杨俊民题粤东地逼海隅饬兵经费甚钜乃总督两广今升南京户部右侍郎陈蕖于两年任内节省旷饷等银多至九万有奇自非养心廉静天忠谋国何得有此合无量加恩赉以示旌异诏赐银币褒之

○辛酉兵部覆陕西巡按林道楠议恤墩军以明烽火抽游兵以防虏冲设芦关以扼边险三事按墩台烽堠以哨外虏情形以传内地防斂所系诚重如议每墩十人选其精壮更番休息明赏罚戒剥削庶缓急有赖便一设军以卫居民而住各城堡离边太远救援安能济事如议把都河等六堡抽各堡军三分之一以为游兵仍委官就近屯住统练以待不虞便二延安为三秦咽喉揆时度势应于芦关设一操守挑选精锐五百名统领防御其增官建堡公费须从长计议永久遵行便三从之

○兵部奏辽东镇武之捷斩馘获级至五百四十有奇生擒莽吉唤气大酋伯言把兔被伤而死乞破格优议 上诏董一元升左都督加太子太保荫一子世袭指挥督抚孙矿李化龙各加升荫子其守巡王邦俊刘三才等副参游李平胡张世爵等皆升级赐银币有差而石星以调度有功加宫宝赏赉特厚

○乙丑升云南按察使陈洙为湖广右布政使山西按察使薛亨为河南右布政使湖广德安府知府杨以忠为云南副使

○起原任陕西右布政使张思忠为山东右布政管辽东苑马寺马政整饬金复海盖兵备

○兵部尚书石星奏辞少保因言董一元功既非常臣部纪录嗣有斩获请加封爵以鼓励人心 上准辞免加官董一元着纪录俟再奏功优叙

○巡按四川监察御史王慎德议剿播酋宜蚤先是慎德奏播酋杨应龙抗杀将领

叛逆已彰特列征播三议一曰国体当重奸徒徐宗达兵部念与应龙有旧差同赵梦龙等往播州宣谕大似讲解辱国非宜一曰赞画宜罢杨酋虽负固川贵间一孤雏耳设总督已属张皇至赞画将安用之一曰党与宜剪贵川宣慰司酉阳宣抚司原与播司相唇齿阳顺阴助岂能得其死力宜有以离其势而绝其援奏入尚书石星因言徐宗达为应龙入京打点律有明条臣何敢庇惟是赞画二员业已奉命前驱遽为议罢似亦非体张国玺资俸既深相应查有川省兵备员缺就近铨补刘一相赞画事毕查缺另用为便若乃催邢玠之赴任责土司以大义悬封赏以分茅相应一听按臣从宜处置 上诏勘剿播酋着抚按官相机行余如拟

○丙寅大学士赵志皋等揭为吏部误升官员蒙御批苏应旻曹珩系见提问官如何擅拟升转该司官沈昌期等朦朧市恩著降极边杂职用臣等仰见 皇上综察之明独断之威无不悚服但吏部相沿旧规以王官为议处今该司升苏应旻王府实罢黜其人非市恩也至于曹珩户部覆本在御前未发户部无所据以咨吏部吏部无从知之是以有此误升沈昌期询访历履委欠详慎不能无罪但亦公事失错乞重加罚俸余员外主事量加罚俸以为不慎重之戒则用法平人心服矣不报

○丁卯大学士赵志皋等因吏部大选官员请改期具揭再申前请且言尚书孙丕扬秉铨公忠必欲罪沈昌期等一司尽空亦非所以安丕扬心合无将司官重加罚治令其即出以完明日大选 上诏司官为首的遵旨行余各罚俸一年既而丕扬自陈愿赐罢斥以宽司属不报

○应天巡抚朱鸿谟揭所属广德州界在浙直万山中舟楫难通欲比照嘉定县永远改折事例户部覆奏准折三年俟果输纳如法再听抚按覆请从之

○戊辰兵部覆陕西总督叶梦熊题叙延绥功次斩获虏级共二百五十颗总兵麻贵功尤最宜颁不踰时之赏以励边臣乞即行按臣查勘并将宁塞下马关靖虏地方所获捷功与套虏深入固镇有功失事员役一一查明庶功罪昭明人心激劝诏从之

○己巳户部覆总督漕运褚鉄咨行本部上纳蜡茶等件有浙江解官经历洪一麟漂没蜡斤事出不测既经督臣勘实应照前江西解官李时登例一体豁免督令布政司查勘库贮无碍官银照数买补解纳从之

○庚午清明遣官赴 长陵行礼

○辛未升太常寺少卿耿定力为通政司右通政

○兵部覆巡视京营科道杨东明等条议京营五事一清汰老弱务在公选京军一考选双粮必绝营托应募一犒赏军士比艺量为加优一稽查钱粮核实毋使侵冒一调和将士协心毋使忘功诏从之

○癸酉礼部覆四川巡抚谭希思咨称年例贡扇常数外奉新旨添造扇柄解到二千六百柄谨送内府交收诏著为例

○兵部议陕西布政司积欠民运二十五万九千有奇延绥大盐池欠课银六千五

追赃完日遣戍烟瘴彭应参诏狱未释

○丁丑兵部题滇南镇臣沐昌祚委患痼疾伊男沐睿堪以替袭诏本部与吏部议奏

○戊寅内阁题病痊编修陶望龄充正使纂修官起复中书舍人李尚珍充誊录官

○己卯蓟辽经略孙旷题辽左将士昨岁虏入颇有战守功今闻虏谋犯锦义广宁冀复前讎镇臣董一元虑岁宴虏将乘我亟发兵西巡以遏其锋臣亦约抚臣李化龙留弱兵于广宁数数西发以疑虏而镇臣提健卒踏水渡河监军杨镐与之偕行度墨山天大雪士卒气愈倍三日夜乃至而虏再惊遁是役也镇臣董一元扬威塞外抚臣李化龙运筹帐中将领备御高策祖承训李如梅等皆有汗马劳道臣杨镐梁云龙郭性之皆有发纵犄角功并宜议叙 上下其疏于兵部

○庚辰兵部尚书石星题封日本册使戒行后总兵董一元坐营官陈云鸿屡报釜倭闻命即退业已具题而按臣宋兴祖虞因封求贡且疑讲析封事者或有隐情但查原题许封不许贡先后奉旨甚明安所容隐情容臣催封使李宗城遄往朝鲜著沈惟敬前至釜山宣谕其封外如无他求即据实奏闻果有别情亦著驰奏听督抚调兵援剿从之

○辛巳吏部推兵科都给事中吴文粹升太常寺少卿以工科都给事中吴应明陪上点用应明大学士赵志皋等以两臣资俸次序不合请改从部拟有旨如故吏部孙丕扬亦具疏请改不从

○推礼科都给事中薛三才升山东右参政户部郎中于仕廉陪推

○南道御史陈登云升大理寺右寺丞山东道御史甘士价陪 上俱点用陪推

○铸给江西清军道云南清军道各关防 ○秦王谊漈为其庶兄镇国将军谊< 淄-田夕 >乞改封郡王礼科薛三才参看宗藩条例进封亲王一一款除承袭亲王外其余俱照原封世次授以本等爵级不准加封先是王祖靖王以再从侄嗣定王比亲弟侄承继者已自不同夫亲弟承继者次嫡庶子尚不准加封况再从乎且谊< 淄-田夕 >原封奉国中尉今已超爵五级而加镇国将军复非分妄干长此安穷随具疏参 上念首藩准与郡封而不给禄且诏以不为例事下礼部尚书范谦复执旧制以争力请停止不听

○壬午大学士赵志皋等题日讲书礼既毕今毛诗见在进讲易讲序卦传将完臣等拟将春秋书预撰讲章进呈以裨 圣学

○湖广按察司副使员缺推御史吴礼嘉职方即中董元学 上点用元学

○例推南京湖广等道御史张蒲升江西副使陈焯升湖广佥事邢云路升河南佥事

○礼部题三月十五日殿试中式举人汤宾尹等三百名及前科未经殿试举人任时芳等共三百四名一体送试报闻

○兵部尚书石星题缅贼构兵三宣几沦为夷壤幸镇抚运筹将士戮力复我故土

遏彼狂锋其劾劳文武功罪宜别既经御史勘明具题相应分别赏赉 上诏陈用宾沐昌祚卢承爵张光□□□月□□沐灿刘天衢胡时麟等各赏□有差

○兵部题固镇遭虏突犯内地被伤皆因兵马单弱陝□总督叶梦熊议募兵买马诚目前急务合移文总督令各衙□□召家丁二千名及割付太仆寺动支马价二万两为买马之用其家丁务选精壮马匹务挑肥大仍开数造册奏缴从之

○抚治郟阳董裕题裕叶舞沁州县饥民偶乱大噪赖汝南守道刘卿调兵剿抚不浹旬平之方行勘报而按臣李时华论卿不职差御史钟化民查勘刘卿功大罪小奉旨补用独千户杨可久方玉成等并毛兵王继春等行御史参究夫罪继春等为其妄杀王江川也罪可久等为其纵继春妄杀也然王江川叔侄兄弟皆大盗江川因被获死继春等无罪况可以罪杨可久等哉乞速赐查勘分别题请庶赏罚昭而人心服诏下兵部议

○甲申吏部覆奏陝西奇捷叙功除参议张悌已补原官其原任巡抚姚继可巡抚刘国光俱应起用杨时宁加升右布政李杜加升按察使报可

○乙酉升山东辽海道右参议王邦俊为右参政调陝西左参议张悌管榆林东路兵备事

○巡抚甘肃田乐题松虏入犯一时失事将领若王彪王辅国白泽张应学俱应褫罚惩治兵备朱朝聘相应免究 上下兵部议

○丙戌原任大学士王锡爵奏母吴氏一品夫人病故乞恩查例给与应得恤典圣谕览奏知卿寿母仙逝朕甚悯焉特令部从厚查例赐赙银一百两纁丝四表里白布苧布各二百疋新钞三万贯礼部差官赉往以示朕优眷元辅至意

○内阁拟殿试策题上请 皇帝制曰朕惟文武并用长久之术每慎操二柄以驭寰宇庶几内顺外威臻至治焉然观昔之开基英主以投戈讲艺选士弘文为美谭而周公训克诰召公诫张皇顾諄切于成康郅隆之际岂世乱则宁济以文世平则戒备以武道又各有攸重欤洪惟我 太祖高皇帝混一函夏成祖文皇帝驱荡胡氛于铄哉既以神武之略为万民请命迺礼贤置馆即当缔造之功延儒直阁亦在御临之始以武戡定用文持之盖规摹宏远矣 列圣祗绍谟烈显承迨于朕躬嗣膺丕绪光抚太平之业且二百三十禩余威愴于四裔方内安于覆孟而谭者乃谓今文具太盛武备寢弛试举其概如京师禁旅春秋教练严矣而冒蠹犹未清何以壮居重之势诸边戍卒主客供亿烦矣而行伍犹未实何以张挾伐之威至于中外府卫纲维秋然綰符袭组材官非乏也而阃钺偶虚动称无将列屯坐食尺籍具存也而□□佳苻窃发輒苦无兵其弊安在意者人情狃于宴安而法制隳于积习非大为振飭不可欤考之前史有上言兵之要四中国之长技五者有因府兵之坏作原十六卫者有请与大臣论武于朝举忠谋之士委之边任者有以选勇果习战斗为治兵之实者此皆承熙洽之后鳧鳧于经武保邦筹虑甚远又或谓安边捍盗必先治内谓无兵无将由朝廷三弊者岂根极之务更有在欤抑谋之廊庙修之纪纲自可以精神折冲而无烦师旅欤今天下虽称泰宁而方隅多警斯亦居

安虑危之时也朕既未能舞干而来橐弓而理将欲经文纬武图修攘之实政以为长治久安计则何施而可尔诸士其悉忠摅画明著于篇毋有所隐朕且采择而行焉

○工科都给事中吴应明御史甘士价以陪推特蒙钦点各具〈□疏〉辞不允

○户部尚书杨俊民题覆阁臣陈于陞条议清查边饷一款内称饷臣须重事权盖清理军马稽核粮料乃饷臣第一义若不畀以举刺纵兼宪秩亦难济事乞慎择公廉宪臣将所辖寨路口堡管饷府州县佐贰及参游守备等官查有筹边节省及纵恣冒克者岁终〈□疏〉名举劾吏部即以著有成绩者超京职不则重加参处以示劝惩其举刺事权亦应添载敕内以便责成从之

○三边总督叶梦熊揭称永瓦二酋求款未遂结连火酋谋欲大犯今查河洮一带主兵不满四千必须调发固原正游东西各枝兵马恐套虏又在窥伺顾此瞻彼殆难为计若临时集众徵兵犹易厝饷实难乞照先年备虏故事慨发帑金延宁甘固每镇十万两以备粮刍等用户部覆议陕西四镇自平叛后兵饷已增至一十九万有余况今帑藏匱乏似难轻议督臣既称虏谋叵测合无将四镇年例银一并运发听其通融接济至冒破应裁老弱当汰听督臣一意清查以臻实效奏入 上从部议

○兵部尚书石星题蓟镇地当 陵寝密迩 宸居虏隔一墙干系甚重故蓟镇以守为战匹马不入为功顷昂酋革赏拥众千余突犯石门路木马谷地方幸不失事今复令小郎儿等潜入喜峰口射杀哨夜该路官兵愤驰生禽七夷而小郎儿乃昂酋心腹一旦就缚足寒虏心宜加叙录以激劝士气 上诏虏酋入犯各官擒堵有功总兵王保副总兵张守愚陈霞兵备詹思谦项德楨及游击管一方等各升级有差

○丁亥兵部覆大学士陈于陞议储养将材一款武举之外不以一技为限行边镇省直御史会同督抚博访数人各给路费同乡试中式武生一体赴京听总协科道仿会举事例公同较阅果堪实用者系世袭即为推用系白衣咨送各督抚俟其有功荐用而长材异能又不拘资格起用庶异品登庸有阶矣诏从之

○戊子礼部题会试下第举人七百余名乞恩就教然恐举人署职之多有妨贡途合将三年内乞恩副榜酌定三百名与贡士各拟分数相次待选庶科贡并收起贤书者进取有阶而资禄养者亦不至久淹黉序从之

○兵部题辽镇逼邻虏穴狡酋纠众大犯环攻右屯五昼夜孙守廉以孤军死拒幸保无虞乃扼险设防万不容缓既经督抚孙矿等会题相应请旨将广宁左营游击改移右屯卫备御改移大凌河广宁添设车营游击一员孙守廉准以副总兵管右屯游击事而方时春赵梦麟祖承教等俱令分地调防至募兵给马及粮料□□角羊□舍等项亦乞预为议处报可

○兵部尚书石星题 先朝太傅于谦当 英庙之北巡值迁都之鼎沸抗志以死社稷独力而拒强胡少保胡宗宪愤岛夷之蹂躪歼出奇弄鲸鲵于股掌绸缪善后即疏

大节宁掩大功迄今公论大明优崇尚廛乞于二臣之荫典赠谥从优另拟将于谦原荫杭州前卫指挥同知与做指挥使改注锦衣卫世袭胡宗宪原荫锦衣卫副千户与做指挥金事世袭仍移咨礼部予宗宪谥号以表忠勋诏从之

○巡抚宁夏周光镐题松套诸虏近千横城入犯参守等官李鲲姚钦等高坐堡城漫不清野堤备遂使设防军丁被虏突杀损亡数多法应参究先行革任提问至河东道荆州俊地方失事罪亦难辞诏下兵部议

○兵部覆御史李楠阅视宁镇所条八议内一移副将以守玉泉盖玉泉乃宁镇迤西极冲先虽改设游击而军马无多议将镇城副将移驻增募兵马二千以备防守应援一创上边以防山口向虏入赖有边墙拦阻今弗加修筑矣据议宜于广武枣园石空等处分别冲缓估计兴修一定桩朋以厘偏重马匹倒死按年追桩朋银两往往至十五年余人不堪命应照京营例分别领马定以三年其马不堪即为变卖无致偏累一浚重渠以增重险平羌堡西抵胜金关地势平衍不足为恃旧有渠漕湮遏弗修今议穿凿成渠外遏强胡内灌田畴但渠口碎石作何开凿应用公费作何措办如其无益不妨度量停止诏从部议

○直隶御史吴崇礼题凤泗陵寝重地淮扬漕运咽喉边长兵少诚不敷用查旧饷十万供旧兵七千近增新兵一万四千有奇战马一千三百余疋租雇沙船并修战船火器犒赏等项每年饷增一十九万即准留盐课马价关税等银共十三万尚不给用臣思岁漕四百万必经淮扬使留十万石分贮淮扬各仓遇丰则收米遇灾则折银俱可给兵抵饷五万再乞留马价一万两以补天津发回船兵之饷诏下部议

○巡抚辽东李化龙题东镇三面邻虏窥伺内侵岁无虚月近官军奋勇斩获首级一百八十四颗生擒真夷六名所得达马牛驴夷器验确乞敕下兵部转行御史查勘酌议升赏从之 ○癸巳原任南京兵部尚书今起南京工部尚书吴文华力恳乞休吏部覆奏谓其辞情迫切请俯容休致优以月米岁夫以成其志 上允之

○甲午山西巡抚魏允贞题为山西一省分属州县独平阳居多岁派钱粮亦平阳为最每年额徵站银七万六千三百七十余两纤毫不容拖欠小民脂膏已竭臣自受事以来严禁驿传冒滥得撙节支剩站银八万六千余两若将前项站银免编并臣去岁议裁冗役岁可省银十万山西之民或可少苏 上下所司如议

○吏部题在外推知王业弘李宗延等官在京中行评博及国博等官历俸四年八个月以上通行考选诏从之

○兵部覆延绥总督叶梦熊所议安边四事一清兵额延镇官军已减原额二万六千一百有奇今欲补额饷无从处第有禁占冒核逃故严加查阅汰老弱而易以精壮至留卫兵增年例则未敢轻议一严简练兵以练精旧例更番操演置簿以稽勤惰分等以行赏罚而抚道臣岁月查核焉其有道将视若具文听督抚与臣部兵科参处一议功罪将领功罪议于岁终分别举刺勿使赏罚失当至于镇道亦一体著督抚举行庶整饬严

而边务日新一重将权将者三军之司命权弗重偏裨得凌侮又近如总兵麻贵宿将也诸凡充操赏犒亲丁皆宜优厚而副参以下有显过可指临阵退缩者悉听参治庶有以责其成功从之

○兵部题议淮扬按臣吴崇礼< 〇〇〇 铨-金 >称训练民壮既成行伍务时加训练不得始勤终怠至所议留马价一万两见今国库罄竭何敢强从徐州等七卫所班军仍照原题抚按官于内挑选一千名暂留防海余俱赴京入卫从之

○乙未升耿随龙户科陈世恩工科俱都给事中张企程礼科左给事中孙羽侯刑科右给事中

○调陕西僉事张文华整饬海羌兵备升浙江台州府知府阎邦任广东副使

○原任礼科给事中王佐病痊到部仍补原官

○兵部尚书石星题镇武堡功次既经御史宋兴祖勘明相应请旨将尤彪甘〇寺照开款升赏追赠其官军斩级愿领赏银两者行太仆寺动支马价给发报可

○廷试天下贡士三百四名赐朱之蕃孙慎行汤宾尹甘〇寺及第出身有差

○丙申光禄寺寺丞兼河南道御史钟化民劾河南郟县知县叶时荣侵克赈饥银两及劝借科罚甘〇寺项 上怒逮系诏狱时荣展辩诏将印信揭单发回抚按官逐一勘问具奏令毋轻纵

○工部议覆〇安府管河同知唐民敏因勘徐州管河州判彭鹤侵克河工岁修银一百八十两以至牛市口溃决先经总河潘季驯题参民敏不即承问致彭鹤亡去遂并劾民敏革职盖民敏与彭鹤先同官徐州季驯疑其有庇也乃勘科张贞观极称民敏清吏才吏止争磨脐河总河主塞民敏主留遂銜民敏借彭鹤事以发之除彭鹤追赃发遣民敏相应怜惜遇缺推补从之

○丁酉户部尚书杨俊民题奉旨长公主婚礼成合用金两珠石敕户部照数买进臣甘〇寺念灾沴频仍边饷倍缺帑金既竭珠宝难市查瑞安公主婚配时蒙 皇上俯念本部钱粮缺乏准减三分之一乞照例减免户科右给事中李先芳亦以为言 上从部< 〇〇〇 铨-金 >减三分之一

○戊戌考察调简陕西按察使吴中传补云南按察使原任山东右参政今奏荐到部余寅补福建左参政原任广西副使林泾补浙江副使

○升梦雷为福建右布政麻溶为山西按察使黄廷宝为四川副使

○总督川广邢玠题臣依限入川传闻土酋杨应龙借口官兵仇害不肯听勘臣一面宣谕朝廷恩威一面牌催两省刻期整饬兵粮如其负固自当议剿仍俟臣甘〇寺细察情形临时具奏

○庚子推山西右参政白希绣为山东按察使管理漕运

○礼部题已故南京户部尚书张西铭恤典 上与祭葬其谥荫以俟论定

○孟夏时享 太庙礼部先期题请行礼 上命公徐文璧代

○礼部题会试下第举人翟文卿甘□寺愿就教职照例廷试分别次第咨送吏部除授 上诏题准三百名外加一倍选用

○四川韩胡碉哈列寺都纲僧目多惹等四名来贡照例赐宴命伯费甲金待

○先是辽镇锦义十三山站大小凌河等处狡虏入犯 上怒诸将吏退缩特罢抚臣韩取善逮道臣冯时泰提问镇臣杨绍勋至是兵部奏言绍勋身挂弹章犹未离任坐视纵虏游击郎国忠隐情匿报遣戍非枉其他游守应罢应降查勘悉明惟抚臣取善履任方新虏出不意犹亲冒矢石道臣当虏攻围急督战守城堡尚赖保全今遽加罢遣得无过重

○工部覆蓟辽总督孙矿抚按李化龙宋兴祖所请戊字库旧贮盔甲弓箭撒袋及京库旧贮三眼枪快枪合行量给以济军兴他边镇不得援以为例从之

○壬寅礼部覆 益王翊劬庶第十二子常洞年已十岁例封为郡王候册封遣使从之

○兵部石星题册使日本李宗城等径抵朝鲜而小西飞未奉 明旨未敢渡江今据朝鲜咨称委官俞大武之传报陪臣李时发之启状则倭臣行长之恭奉约束急望天使真有喜其来而虑其晚者督臣孙矿念切封疆不欲同遣而大信难爽合无敕下小西飞等同二使作速渡江暂驻朝鲜俟釜倭一退即据实驰奏以便册使遄往诏夷使准渡江还待朝鲜国王奏报至日同册使前去

卷终

明神宗显皇帝实录卷之二百八十四

万历二十三年四月癸卯朔大学士赵志皋奏言齿甲岁增衰残日甚乞放归以全晚节

○户部覆御史崔邦亮言一稽仓庾以严出纳京通二仓米粟凡系出纳无论巨细悉报巡仓御史令与仓场衙门互相稽察一处工食以苏积困大通桥各役工食量将扫积土米抵发然亦湏裁冒滥不得偏累车户一公给散以祛宿弊运粮旗军岁有应给官银各运官具呈邻河巡道验给不得侵克一严挂欠以绝侵渔往旗军水次折乾沿途盗卖因而逃躲贻累运官今行本卫官严追变产补偿不许朦胧更运一禁赌博以免偷盗合编十缸为一甲有发觉不首告及帮官隐匿者管运衙门并为参处诏可之

○祭酒萧良有言选贡骤增历揆大壅乞将选贡分隶南北两监稍拨数用人才而又酌量地方人数品搭均齐分而为五派定某年考选某京某省期以十载一周如此监既陆续有人而历亦不致堆积久滞至拨历而出散归本省如遇乡试之年仍与庠士一体应试诏下礼部议

○甲辰升户部郎中刘兑为陕西右参政山东右参政汪应蛟为山西按察使原任浙江按察使调简王之屏补山东副使原任浙江调简按察使龚勉补山东按察使

○总督陕西叶梦熊题称虏屡犯宁固边疆抚镇道臣屡挫其锋共计斩首五十二颗夺获夷畜器颇多所据有功将吏如延宁抚臣李春光周光镐总兵麻贵解一清道臣赵楫荆州俊副参游等官马孔英王輓王威等均应议叙 上下兵部议

○辛亥初秦王谊漉为其庶兄谊< 田夕 >请封郡爵既非成例而屡旨与封礼部因请谊< 田夕 >准封郡王安人李氏准封郡王妃仍支本等奉国中尉禄米再乞严谕各藩如再有援例渎请者许臣等执奏将辅导等官治以违例之罚从之

○壬子大学士赵志皋再< 金 >乞休 上仍优诏慰留

○大学士赵志皋等题推少詹事余继登升詹事掌府事其兼官如旧

○原任福建右布政使起浙江右布政使张偲以终养请诏下所司

○南京操江右佥都御史升都察院左佥都御史张养蒙引疾乞归 上不许

○礼部左侍郎刘楚先题升任到京例应面恩时遇免朝谨遵前旨到任仍补面恩诏可之

○国子监博士杨景淳奏杨应龙历代土司淫纵杀戮固其常熊当事诸臣过听七一奏讦后先屡误一误于勘再误于纵又再误于剿误之故有三以喜事误以纳贿误又以避嫌误乃今之议者惟抚与剿而未及处分夫应龙负隅之虎也广幅千里四面皆山食足兵强非可旦夕下即使需之岁月无不成擒而所伤实多国家何利于此督臣邢玠猥云今杨酋速出听勘夫彼原以听勘逮系百计脱去今尚肯复出以就死乎臣谓今日之事不过一使人任而诸臣未之及也诚下一诏明正其罪从宽治之贬其爵削其土仍袭其子治其首恶拨置之人彼无不俛首听命今督抚奉命而往功必欲已收地方诸臣并力经营又皆视以为奇货而必俟滋蔓以图之若然则人臣之利岂国家之福哉伏乞皇上下询贵州有无杀掳之状如臣所云酌量行之仍敕诸臣以不战而屈之者受上赏而严贪功喜事之戒诏下兵部议

○甲寅兵部覆御史李楠巡视川狭茶马议一收岷州番马以充征骑按西镇番族岁各中马而岷州城外番族何独不然宜宣谕番僧陆竹瓦咱等自今岁始今纳马一百二十匹以赵世福充为族头约束诸夷中马完日优加犒赏一慎桩朋马价之支以杜侵渔按边镇桩朋马价向贮之行太仆寺今不解仆寺将官一遇马死往往擅请支销出纳倒补止凭文移为据侵渔莫觉渐不可长今后须通详巡马衙门批允方许给领其有借支侵克者罪无赦诏如议行

○乙卯 上以命 皇第六子名赐辅臣赵志皋等及中书官马继文等银币各有差

○吏部右给事中叶继美< 金 >参国子监祭酒萧良有言其媚政府以求合借吏兵二部以行私语极丑诋良有< 金 >辩甚详 上以良有闻望素著著照旧供职 ○起原任四川右参政宿度补山西右参政

○丙辰广西思明等府万承归顺安平等州各备贡马差族目入覲以违限减半给

赏

○兵部石星题宁镇逼邻虏穴士马雕敝臣等所议清兵额一款尤该镇之吃紧者但清勾之法徒属具文即使旋勾旋至又皆未练之徒难以御虏合无移文宁镇督抚衙门转行各镇道将逃故缺伍军士通行各卫所备造姓籍文册严加清解以完缺定为奖罚其清勾未至者不妨召募土著骁勇者以备征操俟原军清勾到日其新召者或抵汰除老弱或即改充家丁是亦急救燃眉之策也从之

○戊午大学士赵志皋等题万历壬辰乙未进士题名记文尚未撰述奉旨命张位陈于陞各撰

○户部覆巡仓御史柳佐条议凤阳仓粮六事一议改折往岁猾胥借灾折色重克贫军宜严行地方核实分数以定全半改折无令朘削者得行其私一议折放军士月粮除照例折色每石三钱其本色米麦偶遇支尽即以各州县原解米六钱麦四钱尽数给发永为定例一半给散每月给散班军粮银议委贤能首领公平给散无得仍前短少卫所有侵克者尽法参治一明职掌所属府州县已完军粮不许别项那借有朦申别衙门完销者听御史查参一专责成严责各府管粮官将所属应徵本色折色备文送巡仓御史酌量完欠分别举刺以示劝惩一戢衙役积年奸蠹刁难解户莫可谁何须听巡仓御史廉访得实属有司者径自拏问属分司者会同管仓司官拏究正罪诏从之

○己未 上以 慈圣太后 万寿圣节颁赐辅臣赵志皋等及讲官刘震元等银币有差

○升协理戎政兵部右侍郎李汶为陕西总督右都御史兼兵部右侍郎升山东右布政使张允济为山东巡抚右佥都御史

○顺天府府尹沈应文升南京大理寺卿



○兵部覆靖虏被掠一时失事将领除按察使刘易从以穹远免究将官孟一阳等各议赎罪回卫差操其亡故军丁即于该镇库贮银内动支优恤从之

○兵部覆陕西巡抚吕鸣珂议河洮地方逼邻莽捩虏穴势甚孤悬宜移将练兵分地控守将洮州副总兵改移临洮府临洮参将改守洮州并兰河阶四参将等官俱属副总兵管辖仍听固原总兵节制遇警策应赴调有推诿观望者督抚据实参处报可

○庚申大学士赵志皋等题廷试就教举人三百名取中试卷封进以俟 圣裁诏如议

○升陕西按察使刘易从为四川右布政使陈文衡为广西右布政

○原任四川副使来经济降补贵州左参议原任浙江左参政钟昌复除山东左参政湖广襄阳府知府尤锡类升云南副使

○辛酉广东道御史况上进〈 毓-金〉论元辅赵志皋引年当听志皋因〈 毓-金〉恳允放归田 上慰留如故夺上进俸六月

○予故中府署都督佥事郑尚金祭一坛例不给葬

○兵部覆大虏入犯固镇已将退缩失事将领萧如薰姜直等参革乃延绥总兵麻贵奉调赴援提兵深入所斩获首二百三十级获牲畜踰一万五千差收桑榆之功另宜优赏以奖敢战之气乞荐告 郊 庙宣示捷音 上可其奏

○壬戌总督陕西李汶< 〇〇〇 毓-金 >辞新命诏以西边多事李汶素著才略特简督理不准辞

○予原任大学士吕调阳妻张氏祭葬仍加祭一坛

○巡抚山西魏允贞题荐指挥丘云霄孙维张世勋等可堪冲边用许国钱承恩朱正色等可堪次冲用 上下兵部核之

○癸亥册封日本正使都督僉事李宗城等题称于四月初七日已渡鸭绿江抵义州旋差武举孔闻诏等同游击沈惟敬前往釜山宣谕倭众乞臣等径诣朝鲜暂驻俟差官回报据实奏闻

○刑部尚书赵焕复以疾请 上见其情曷准驰驿回籍

○直隶巡按牛应元因瞻谒 祖陵目击河患乃绘图以进随上< 〇〇〇 毓-金 >言黄淮交会其来已久今独黄高淮壅者起于嘉靖末年管河部臣见徐吕二洪巨石巉岩横亘水中运船不便令工凿去河失冲激之势而沙日停河身日高于是溃决起矣当事者计无所之旁河两岸筑长堤以夹束之名曰缕堤缕堤复决更于数里外筑重堤以防之名曰遥堤虽岁决岁补而莫可谁何矣但黄淮原有交会处黄从西北来自清河县北二十里骆家营折而东至大河口会淮所称老黄河是也永乐初年平江伯陈瑄以其迂曲从骆家营开一支河为见今河道而老黄河淤矣庆历年间复从草湾开一支河黄舍故道而趋以致清口交会处二水相持淮不胜黄则窜入各涧口淮安士民于各涧口筑一土埂以防之嗣后黄淮暴涨水退沙停清口遂淤今所称门限沙是也此时当事者不思挑辟门限沙惟习筑塞之故智费钜万金钱傍土埂筑大堰横亘六十里名曰高堰全淮正流之口置不为理复将从旁入黄河福口一并筑堤塞之遂倒流而为 陵泗患矣前岁勘科张贞观始议辟门限沙裁张福堤其所重又在支河腰铺之开总之全口淤沙未尽挑辟即腰铺功成淮水未能出也况目今下流鲍王诸口已决难以施功岂若复黄河故道尽辟清口淤沙之为要乎至欲于上流施功则不如科臣吴应明< 〇〇〇 毓-金 >中所引就草湾下流浚诸决口俾由安东归伍港是一策也不则原议周家桥量为< 〇〇〇 毓-金 >通亦为一策若乃急将黄堍戎家等见决水口早为堤防又于萧荡等弥漫处挑成渠道又于符离集一带河身浅阻处量为< 〇〇〇 毓-金 >利至宿迁县西旧有小河一道为睢水入黄正路急宜挑辟使有所归大意唯以复淮故道辟门限沙为主而腰铺之开海口之浚在所缓者已而总河舒应龙报称张福堤已决百余丈辟口挑沙见在行功至腰铺之开尤不可废事下工部侍郎沉思孝因奏言臣顷道出淮口询问父老皆谓黄高势猛淮弱倒灌抒此患者惟有复老黄河于上以夺其势辟清口沙于下以通其流因询所为老黄河则自桃源县三义镇起至叶家冲仅八千余丈河形尚存工费似

植为右通政

○丁丑诏总督宣大萧大亨入为刑部尚书太子太保如故南京翰林院侍读学士杨起元入国子监祭酒

○予原任兵部左侍郎汪道昆祭葬道昆擅文誉著述脍炙人口任边地颇著军功于是部请量加优厚诏仍加祭一坛其谥以曾经拾遗科臣薛三才参驳不予

○礼部覆祭酒萧良有< 〇〇〇〇 毓-金 > 拨历酌贡期〇< 〇〇〇〇 毓-金 > 议以丙申年为始俱取阳年三省一次分搭轮选十年而〇则多寡适均不< 〇〇〇〇 毓-金 > 不数人才弗苦壅滞而太学亦弗患空虚〇第所议乡闈各归省试诸士当不分皿号体校艺以昭大公〇如议

○礼部题原任太子少保礼部尚书徐学谟祭葬学谟郎祠部守荆州多可称述晚节失誉为礼卿常被论列以故议者弗予 上仅诏与祭葬如例 ○戊寅升工部虞衡司郎中文运熙任浙江右参政

○吏科叶继美户科李先芳俱以右给事转左工科张同德以给事中转右

○原任山西副使李三才起补山东提学副使湖广右参政李同芳升贵州按察使云南副使李先著升云南右参政福建泉州知府汪道亨升福建副使江西佥事吴鸿功升陕西右参议

○兵部题下马关置将增兵所给马价赢余七千二百三十六两于内扣除兵三月饷外尚余五千一百五十二两准扣作二十四年募丁月饷之需从之

○己卯先是吏部会推朱鸿谟升户部左侍郎邵庶推补礼科都给事中高桂推补兵部郎中 上皆留中不下廷臣莫测所以于大学士赵志皋等< 〇〇〇〇 毓-金 > 请 圣断蚤为裁决以释群疑不报 ○御史周希圣< 〇〇〇〇 毓-金 > 言蜀地传造扇柄倍溢往额窃思蜀民经黑番之跳梁播酋之弩鹜奔走于徼兵运饷力既不支而又以午夏所用一物穷极雕饰殫竭膏脂恐为 圣德之累乞赐罢免 上以希圣洁直要名罚俸一年进解造扇如故

○辛巳大学士赵志皋六< 〇〇〇〇 毓-金 > 乞休固称衰老辞甚迫切 上谕以边情孔亟时事多艰岂得称老自便必不听卿去

○大学士赵志皋等因科臣陈世恩等财拙民穷织造当节一< 〇〇〇〇 毓-金 > 合辞恳 上大赐减免仍下部议处工价协济免行加派穷民 上颔之终不报

○原任福建右参政王民顺起补广东右参政陕西左参议王道升陕西副使

○福建道御史蒋汝瑚< 〇〇〇〇 毓-金 > 论河南巡抚张一〇〇〇是中州水灾室庐漂没道殣相枕 上惻然軫念大赐捐赈而一元以守土重臣不思设法安抚独主劝借给米之说至群呼抢攘几成大变又纵毛兵肆横推诿道臣刘卿而代为饰辩复罗织诸司冀脱己罪此其抚众率属胥失之矣诏下部议

○工科给事中郭如星< 〇〇〇〇 毓-金 > 论宁夏巡抚周光镐言宁夏孤悬河外三面

司空随协戎政满腹机心机事横口招利招权或忌人之轧已则阳交而阴排之或欲己之御人则暗计而明争之铨曹受其挟制国柄惟其主持思孝一日不去世道人心未有帖宁之时也疏入 上怒以奏内插入思孝东明< 〇〇〇 铨-金 >有诬扯阴害人语疑东明主使廷彦夺俸一年东明降三级调边方用

〇代府广灵王府奉国将军聪箠与宗室相约为幼宗之无禄者请求禄于时博野王府奉国将军廷土〇甲饶阳王府庶宗乾罔等各遽金与聪箠令其首倡已长史禁谕聪箠不得告则已拒不与闻矣乾罔等因屡辱骂之箠不能忍遽自经抚按以闻刑部具往例应坐法诏廷土〇甲革禄米三分之一乾罔充焱充火〇任等各墩锁罚禄有差

〇壬辰大学士赵志皋等< 〇〇〇 铨-金 >救科臣杨东明言 皇上励精加意用人或舍正而点陪或正陪俱不点外廷疑议滋生思孝以陪推京营点用而杨东明形之< 〇〇〇 铨-金 >章罪其轻信人言则诚有之罪以欲擅威福受人主使则非东明所敢当也又东明素耿直河南赈荒为民请命颇有功力乞宽其狂愚免其谪降以昭 圣德之优容并及御史谢廷策周希圣请一体宽宥不许

〇河南御史蒋汝瑚< 〇〇〇 铨-金 >论巡抚张一元救荒以偏执致乱又芟薙及于良民宜罢吏部议设法以救饥用兵以弭乱未可以一青遽叶 上诏一元策励供职

〇昌化王府宗室充〇革而火〇因索债凌逼乡民李大东致东妻投沟死而充〇革而火〇向为父俊木〇香诉其拔发大逆经代府禁錮抚按勘实法司援往例以请诏充〇革而火〇行彼抚按勒自尽俊木〇香罚禄半年

〇癸巳庆成王府奉国将军知鱼〇妥杀其庶兄知革〇庶并其妻子与婢六〇先是鱼〇妥挟革〇庶与寡嫂奸而吓其赘虑革〇庶图报遂乘父丧令甥郝汝礪妻兄武大禄仆从陈良贤排墙入杀之府县廉得其状覆审不枉遂具往例二请一斩首焚尸一勒自尽诏从勒自尽例财产给知革〇庶之家妻子发闲宅禁住从者俱抵死 〇甲午孟津王载土〇坐奏讨四书五经集注并 皇明祖训为善阴隲孝行等书并书院名额诏准给之额名勉学

〇升兵科左给事中林熙春为工科都给事中王佐吏科邹廷彦户科俱右给事中

〇总督漕运褚鉄因漕艘事竣引疾求放诏在任调理不允

〇兵部推左营副将署都督佥事董一奎以原官充总兵官镇守山西地方

〇兵部覆郟阳抚臣董裕条陈三事一重守备以便责成南阳添设守备原以防盗而职衔独署唐县故文移沮滞事权日隳宜改称南阳守备使得资其弹压一减班价以恤贫军南阳卫五所班军之戍榆林者旧例免班银五两四钱后减至二两四钱近复议如旧而各军月粮止三两六钱今议将应得月粮尽数抵解而仍免其补负以苏其困一增步兵以益操备南阳盗贼渊藪依山负阻非步兵不能深入今议将各州县所招义勇内减马一半以添步兵查见在马匹羸弱者变卖倒死者勿补扣其草料以次召募并取毛兵之勇健有身家者充选从之

○乙未都御史衷贞吉< 〇〇〇 毓-金 >救御史谢廷策周希圣亲讲幄为黼宸之芳规录直臣为清朝之盛事减用物苏民困亦 圣哲之卓轨廷策希圣所言虽近于狂率而被谴实伤于优容乞特宥二臣以作敢言之气 上以喜事狂肆降杂职如故

○先是套虏卜失兔西犯定边阑入固原塞防守副将姜直不能御虏既从沙梁溃墙入直抵下马关而总兵萧如薰等皆观望莫敢先自八月十七日入犯至九月十三日出至马莲井官兵御之失利游击史见死之蹂躏一月全狭几震已而延绥总兵麻贵乘宁夏塞捣巢之锐驰至下马关督率副将萧如兰等力战于薛家洼斩获首一百一十九颗而发纵决策者延绥巡抚李春光也料理得宜则兵备赵楫奋勇敢战参游等官王威王国栋马孔英萧如兰杜松李震其失事文武将吏郑官杨天恩等凡一十四人经按臣勘实兵部叙次以闻 上诏麻贵升级荫一子本卫正千户李春光荫一子入监读书赏银币特原余升赏罚治有差

○总督两广陈大科奏请更调广西总兵王化熙于广东而调广东总兵童元镇于广西以化熙常镇浙江习于海道而元镇旧历柳庆诸地熟于箐麓要害故也诏下兵部议之

○吏部孙丕扬选法用掣签颇称无私河南岁贡生曹上吉以拣中选陕西高陵县知县先为范洋江少峰所卖遂索重贿已郎中蒋时馨闻之令兵马司缉获洋等研审尽得其情尚书丕扬遂< 〇〇〇 毓-金 >言上吉躁竞干进请褫其职洋等乞下法司严究时巡视御史周家栋亦请穷治皆报可

○丙申陕西升任督臣叶梦熊题套虏青把都儿大犯甘镇总兵杨浚督军奋勇截杀镇番参将马应龙斩级一百七十有奇各营副总兵何崇德游击朱翰明等亦各有斩获共计六百三十余颗其有功人员斩级首从通俟查明题叙诏下兵部

○巡抚山西魏允贞奏改汾州为府另立附郭县为汾阳县各铸给印汾州旧辖平遥介休孝义三县今议割永宁州宁乡县临县与平阳府之灵石县及沁州并沁源武乡县益之俱隶分守冀南道改州所辖为县改州官为县官而增建县址恢州治为府治设知府一同知推官经历司狱各一计薪廩廨舍酌量工费俱有次第督臣萧大亨按臣刘应龙黄一龙核实具题户部覆奏请如所议但以汾所属十一州县钱粮数多须设管粮通判一员庶便督责总理 上允之

○琉球国使者于灞等为世子尚宁请封琉球故世奉正朔自关白扰害欲臣之世子不为屈故于灞等来乞封闽抚臣许孚远代为请礼科薛三才以故事琉球请封必俟世子表请若祇凭夷使而遽与之似为大褻礼臣范谦请遣官班封于福建省城俟世子具表前来然后许封听使臣面领从之

○丁酉推原任浙江调简副使郑锐补湖广副使

○晋王敏淳< 〇〇〇 毓-金 >乞出城祭扫祖墓 上允之礼臣范谦执奏追远虽属孝思出城向有明禁乞行山西抚按候秋收完日王始出城祭扫庶免护送骚扰践踏之

害报可

○兵部覆陕西抚臣吕鸣珂奏岁终举劾捕盗举富平县知县焦光等劾凤县知县江大鯤等各纪录罚治有差报可

○延绥宁塞下马关二捷 上嘉尚书石星侍郎李楨筹画劳赏赉银币有差星等具〈□疏-金〉辞免谓先是固原失事臣既免于罚今延镇获功岂可冒赏〈□疏-金〉入从之

○有僧德清与其徒大林大义游行至即墨劳山得旧观音庵址建寺居之名曰海印清初与内监张本善本奉 太后懿旨赍藏经分散名山而寺无主名本遽填海印字与清劳山道士耿义兰争其地具奏 上闻法司拟本以诈旨论死德清谪戍大林等杖愆报可

○戊戌南京户部尚书员缺会推兵部左侍郎李楨户部左侍郎陈于陞 上点用于陞

○御史秦懋义称河工艰钜督臣杨一魁力薄难肩欲以总漕户部尚书褚鈇代之吏部覆称用人须尽其长当机不宜辄易宜令照旧供职便从之

○升南京刑部右侍郎王樵为南京右都御史

○升南操江右副都御史贾待问为兵部右侍郎巡抚陕西左佥都御史张养蒙升左副都御史协理院事

○先是浙江提学萧雍陈学政勤考较崇正学广进取三事既下其〈□疏-金〉于礼部科臣薛三才复请重加申饬礼臣范谦谓二〈□疏-金〉严范端习大有裨学政宜通行天下著为令诏如议行

○辰沅属卫哨兵张胜豪等借缺饷为名倡众呼庚参将奇德守备袁时泰不能禁麻阳县知县罗俊民出城抚谕犒以牛酒借动库银给散尚未肯戢所过毁公署胁各哨劫掠几叵测既守道陈性学给示宣谕朝廷恩威晓以祸福访获首乱张胜豪等三人正法余释罔治抚按以闻兵部覆请将该管指挥蔡国镇等行抚按提问时泰革任德降调性学亦以地方失事量加罚俸俊民宜加纪录诏如议

○己亥工部署部事左侍郎徐作奏 上供段疋虽系急需而民力困穷尤宜轸恤乞将苏杭应天织造暂赐停止不则或大加裁减容臣等严催拖欠之数以济急用而民困庶几稍舒不允

○庚子升陕西右参议王孟煦任四川提学副使户部署郎中事刘廷蕙任云南提学金事

○礼部题二十五日丁酉巳时京师地震自西北乾方徐往东南方连震二次各衙门大小官员痛加修省各青衣角带朝参办事三日尤望 皇上勤批答接阁部纳直言录废弃恤四方水旱之灾严九边戎兵之诘以图消弭之实 上诏天心示警朕衷加惕著各衙门痛加修省

○御史高举< 疏-金 >称黄河为患自古记之未闻淮水之为患也淮之患起于高堰之筑张福之堤臣往岁祇役江北曾议< 疏-金 >周家桥以杀淮裁张福堤辟门限沙以洩淮至高堰东捍高宝淮扬未可尽去惟当于周家桥大涧口小涧口武家墩绿杨沟及前所挑惠通河诸处详择要地建滚水石坝各于坝外浚河筑岸使行地中由白马汜光等湖会入邵伯水入邵伯虑害高宝闻河塘埂旧建十二闸闸外< 疏-金 >成十二河皆洩湖水而注之海者宜改前闸为坝辟入海之途又湾头而下旧有芒稻河扬州而南旧有瓜仪闸皆洩湖水而注之江者宜将芒稻河大加< 疏-金 >掘□□宾江处多建水闸以广入江之途然而海口日壅则河泥日积河身日高欲二渎安流不得也顾海口沆漭不能为力有灌口者视诸口颇大而近日所决蒋家鲍家吴家三口直射此口若挑浚成河俾径由灌口入海似为上策有谓自三义口骆家营修复老黄河故道又是一策然而有治人无治法委任责成则惟 天语敕厉耳已而南京工部主事樊兆程上言欲导淮先< 疏-金 >黄欲< 疏-金 >黄先辟海口然而旧海口决不可浚当自鲍家营至五港口挑浚成河令从灌口入海俱下工部议部臣沉思孝覆言御史巡历其地见闻既真议论皆凿凿可行至治人责成之说尤探本之论今科臣奉命往勘宜将此< 疏-金 >及兆程五口入海之奏并行勘议以图永利诏行勘河科臣并总理河漕及各御史将各< 疏-金 >条议与< 疏-金 >中未尽事宜一一□确具奏

明神宗显皇帝实录卷之二百八十五

明神宗显皇帝实录卷之二百八十六

万历二十三年六月壬寅朔升山东副使詹思虞为福建右参政

○都察院衷员吉等请释肃州卫左所百户张庄戌时庄坐侵粮料已拟戍力辩不服御史方元彦复行案验无实故有是请诏罚原问推官洪国材俸而释之

○癸卯升巡抚南赣右副都御史谢杰为南京刑部右侍郎以原任巡抚云南右佥都御史陈荐为南京都察院右佥都御史提督操江

○总理河道工部尚书杨一魁以御史秦□木爻木心□义论其力薄不堪艰钜乃上< 疏-金 >乞罢且言清口宜浚黄河故道宜复高堰不必修石堤不必砌减水闸坝不必用乞查臣先后奏议并行司道文移苟有可采勿因臣去而废其言诏以尽心任事不允辞

○改广西总兵官王化熙署都督同知镇守广东改广东总兵官童元镇以原官挂印镇守广西以元镇习于西镇故互调以尽所长从兵部请也

○甲辰诏设青州守备一员团练民兵弹压濒海剧盗从抚臣郑汝璧请也

○乙巳大学士赵志皋等奏 皇长子讲读日期礼部原拟盛夏辍免今三伏太暑将临天道炎热气候郁蒸臣甘□寺拟于本月初九日至七月初九日暂辍待秋气清爽炤旧讲读便诏以工夫不可间断不允

○以扬州游击李承勋为统领蓟镇海防游击

○丙午升尚宝司司丞冯渠为南京光禄寺少卿

○给发各省直审录官关防 ○户部请以南直隶之江南及浙江一省旧免漕粮脚米量复二升折银二万一千余两以为河工溜夫工食报可

○丁未云南抚按官陈用宾李炳奏称清汰虚冒老弱之兵岁可省饷五万三千二百八十两并清出新增矿盐二课庄粮等项银三万三千余两并旧额税粮等银约勾官兵饷银十二万九千余两自此兵以渐消饷以渐积而川省军兴协济之银或可免借户部具覆报可

○戊申直隶巡按钱梦淦请以赎醵二万四千两分给畿南四郡量地方大小民生贫富余穀贮仓仿古常平之法以备灾荒户部覆从之

○升游击管蓟台头营参将王承业于本镇太平寨

○赠榆林死事游击史见为都督佥事荫一子炤祖职加三级仍于本镇主祠致祭

○己酉巡视南京营务兼管巡仓御史段尚绣条陈仓储八事一曰酌雇役每月令军余出钱少许募工以恤其困一曰议协管每仓及时修理不必拘会估以误其期一曰稽实用量其不堪贮米者先修以别缓急一曰核成数预查一应贮廩数若干以定岁修一曰速开报从小损者亟修葺以省工役一曰慎委官专责廉能以计成功一曰审制度务修筑高厚如法以图永久一曰重考成必查任内修理劳绩以责实效先行南京户工二部酌议至是工部覆请诏悉报可

○庚戌诏云南土官思化仍驻蛮莫令约束部落不得轻挑衅以启兵端

○命原任游击崔张名参将石松督修宁夏边墙

○礼科左给事中张企程言臣奉命勘河或惮于炎暑慑于波涛而涉览有遗地或误听人言拗执己见而商确有遗谋或蓄疑犹豫持论模棱有所讳而不言或阿附要津阻挠豪右有所畏而不行皆臣之罪若其身先庶职虔始虑终则总河臣之责也至于督漕巡漕按郡治醮部司诸臣所与共事地方者职各有属人各有谋倘据先入之说持偏执之见秦越异视齟齬难合阳是而阴非甫行而輒罢则勘为徒劳而议为徒说矣候命下备咨总河漕部院行令司道管河各官及咨都察院转行巡历各御史务秉虚心以图永利诏如所议

○御史区大伦因地震直陈修省数事大要在 上亲讲学躬禋祀勤问省频批答举延对奖骨鲠召废弃时寝兴慎喜怒而已不报

○辛亥兵部奏据辽东甄别< 兵部 兵部 兵部 >内将兵马之旧额新增器械之补缺添造一一开载按籍而阅兴废犁然乞通行蓟昌保定宣大山西延宁甘固各督抚衙门自二十三年春防为始于年终甄别< 兵部 兵部 兵部 >内将兵马器械有无增补召募果否修举废弛俱照辽东< 兵部 兵部 兵部 >例开注以议功罪定赏罚诏曰可

○壬子调原任贵州调简左布政使王来贤为山西右布政驻商州

○升山西副使李三才为南京通政使司右参议河南副使陈应芳为南京大理寺右寺丞福建右参议吴之鹏为山东副使管理清军驿传

○赐原任礼部尚书罗万化祭葬仍令与谥万化戊辰鼎元勤力编摩著劳讲幄造士成均佐铨典礼皆无可訾议至是以陈情侍养终于家故有是命

○御史夏子臣< 〇〇〇 铨-金 >请决高堰其略曰高堰者即台臣高举所云大涧口淮水所由以直趋东注之处也筑之自旧河臣潘季驯始臣常读其治河之< 〇〇〇 铨-金 >矣谓海口无可浚之理惟当导河以归之海河又非可以人力导也欲顺其性先惧其溢惟当缮治堤防俾无傍溢此其大指也毋论海口终塞无岁不有导黄之役即淮水之旧自西而东稍折而北由清口会黄入海此故道也而强弱无敌清口渐淤今所称门限沙是矣淮水欲出清口会黄既不可得则就下顺流取道大涧口而滔滔东注非其性则然哉而奈何阻之彼一淮也既为黄遏而不得入海又为堰阻而不得入湖弥漫泛涨固其所矣 三祖真穴名旧龙觜其地冬夏草色常青旺气所钟者也万历初年堰成而金水河壅而不行节年河流日增 玄宫之上水且盈丈议者既不敢言又不能救初建堤以障之而堤内之水自若也寻又建子堤以障之而子堤内之水自若也寻又设水车于子堤以撤之而随撤随盈旧龙觜之淹又自若也前勘河使者亦明知之第以高堰糜帑可数百万一旦破之则前功尽弃于首事诸臣不便遂决意庇之而以治黄为请有欲开海口者有欲劈横沙者有欲开云梯关者不惟无救于淮亦无救于黄何则海口之决不可开也横沙下为铁板沙上为柔沙人力莫施其不可劈行道之人皆知之草子湖在高堰之东今非不流草湾河在清河之南即黄河见流之处皆无俟开也惟腰铺议开新河至周家庄四十里其地洩水不多开之徒费财力云梯关又在安东之下隔黄甚远更为迂阔就令各路可开亦当责效数年之后近者按臣欲开施家沟周家桥使淮由高宝湖而出此即开高堰之意但二处各数百里费出不赀即开亦以年计急救 祖陵非开高堰不可臣请举不开高堰之说一一破之彼以堤束水以水刷沙之说数十年无一效无容借口矣有托形胜之说以存高堰者必曰淮黄合襟形胜在焉然当淮黄会合笃生圣祖之时未有高堰也相传旧龙觜 玄宫也校合襟孰重今沉水底有年矣且讳而不言而力争合襟以侈言形胜乎又有为运道及危高宝之说以存高堰者然而高堰之筑才二十余年而国家转饷二百余年矣未有高堰之先岂遂无运乎且运道经黄入闸固不畏黄也宁畏淮乎纵可畏尚可移高堰石堤之费以修湖堤也奈何藉口湖堤强存高堰也如曰高宝受害则盱泗未尝不害况高宝之害不在淮水之去而在湖水之未洩高堰虽障上流实为危窳历年以来土堤之在高良涧者每遇伏秋即遭冲决石堤之在大涧口者每遇汹涛即见崩溃使历年愈久能保其不颓而无伤乎然则高堰在为高宝之利小而高堰决则高宝之害非大也孰若明议而明开之使之趋避乎闻科臣张贞观勘议之时高宝之民哄如聚讼然试引高宝土民有识者至 祖陵一寓目之则孰轻孰重有人心者宜于此焉变也< 〇〇〇 铨-金 >上工部覆奏以事难悬度今既遣科臣会勘应

并行酌议 上从之

○甲寅大学士赵志皋等奏以准改庶吉士高承祚何宗彦顾秉谦黄志清林秉汉白瑜郭淙孙如游朱延禧赵用光邓士龙梁有年南师仲陈之龙刘一燝刘纲刘余泽俱祺等一十八人与同一甲进士朱之蕃汤宾尹孙慎行俱送翰林院读书进学

○升副总兵管大同东路左参将事任自强为神枢营右副将

○诏放蓟镇春防客兵

○乙卯升户部郎中刘应蕙佥事云南陕西参议王孟煦四川副使各提学

○虏犯靖虏颇伤残游守吴继祖高佩等提问革任有差佥事张文华罚俸三月以坐营麻济邦为游击管靖虏参将事

○丙辰宁夏花马池参将邓凤捣巢失利按臣林道楠以闻请革任提问兵部覆本官意在杀贼情有可原应革任回卫免其提问诏从之

○以山阴王俊柵一日毙家奴六命罚俸米二年次子镇国将军充完□旻革禄米三分之一

○丁巳初宁夏巡抚周光镐上〈足 毓-金〉引疾总兵解一清揭留之给事中张同德言国家设官文武相维有镇臣以总督兵马有抚臣以弹压各镇总兵有罪巡抚得指实纠劾是总兵受制巡抚者也非可去留巡抚者也光镐才品称与不称缙绅有公论吏部有定评 陛下有独断既以病请去留之命唯 陛下处分一清何人敢为荐扬名分体统亦甚谬戾矣 上下其奏于所司

○戊午赐弘农王府奉国将军熏木□券嫡第二子名倪鳅第三子名倪吹第四子名倪酋□火第五子名倪愀熏柵第二子名倪豚□火熏楸第三子名倪耿熏李第二子名倪耳□秋镇国中尉倪白□火第一子名伸夜□佳奉国将军熏栲第一子名倪鱼□火滴斋第一子名伸圭□佳真宁王府镇国中尉熏榘第一子名倪犴□炎第三子名倪虫□炎熏木□庵第一子名倪琰熏木□庵子化斋第一子名伸危□佳第二子名伸兆□佳第三子名伸令□佳辅国中尉倪炯第一子名伸付□佳第二子名伸艾□佳镇国中尉熏〈木盛〉第二子名倪睽第三子名倪耳□炎第四子名倪悛熏木□志庶第二子名倪广□炎第三子名倪黑□炎熏榘嫡第一子名倪田□炎熏榘第一子名倪耳□炎第二子名倪日□炎熏榘子腊哥第二子名伸旱□佳熏榘第一子名倪虫□茨熏挺第一子名倪毛□焱丰林王府辅国将军台洸第一子名熏桃安化王府辅国中尉熏榆庶第一子名倪贝□光倪火□室嫡第一子名伸□□十佳□第二子名伸先□佳倪炆第一子名伸瓘□佳第二子名伸青□佳第三子名伸唐□佳第四子名伸常□佳庶宗伸玲嫡第一子名帅□金□(力□女)□辅国中尉倪府□火第二子名伸雅第四子名伸华□佳庶第一子名伸□□佳倪覩庶第三子名伸而□佳倪府□火子念斋第一子名帅金□攸镇国中尉熏榘第一子名倪琰第二子名倪□□弃各派给粮禄

○己未升礼部郎中李景元为河南副使湖广佥事俞士章为福建左参议分守漳

南道江西左参议徐学聚为山东副使调陕西副使张我续为河南副使各提督学政

○升山西草垛山守备袁登为固原游击宁夏巡抚标下中军官李国用为陕西总督标下右营游击延绥入卫游击王学诗为延绥中路参将

○庚申革福建参将王有麟职以需索部内赃败故 ○辛酉吏部尚书孙丕扬以考满< 〇〇〇 〇〇〇 〇〇〇 > 辞加太子少保优诏不允

○改神枢二营练勇参将田维藩分守山西太原调曹家路游击李承蕙于石匣营调石匣营游击马魁武于曹家路以抚臣李颐言其材各有宜也

○壬戌以南京右军都督府口书王椿为狼山副总兵

○南京兵科给事中卢大中以地方失盗参劾巡逻坐营官张天秩革任因言武臣敢于坏法乱纪者以革其管事而不革其职衔今日革之明日即金口赞求进用随革随补故套牢不可破请自今而后武臣犯赃者比照文职终身不叙兵部覆奏诏悉如议

○甲子以礼部左侍郎刘楚先充纂修正史副总裁修撰朱国祚编修顾天峻俱充纂修官

○户科给事中黄运泰言治河之策当治下流今日欲安 祖陵不得不洩淮水欲洩淮水不得不浚黄河下流以杀其夺淮之势倘黄河下流未洩而遽开高堰周桥以洩淮水则淮流南下黄必乘之无论高宝数郡尽为池沼运道月河势必冲溃即淮水且终为黄所遏抑而壅如故大旨欲别寻五港口浚之达观口以入于海工部覆请诏令勘河管河各官悉心会议

○乙丑升右春坊右中允周应宾为右谕德掌口京翰林院事

○南京户部尚书李戴改北工部尚书< 〇〇〇 〇〇〇 〇〇〇 > 辞新命兼引疾乞休优诏不允

○有男子刘行洁诣阙自刎 上以有司不与民伸冤理枉所致传示都察院令行该巡按御史责公正官员详细审问不许偏护

○以神枢四营游击李如梧为神枢二营练勇参将

○革备倭副总兵杨文任以御史俞价论其贪暴故也

○丙寅赐原任吏部尚书孙鑰祭葬仍与谥鑰起家进士历官部寺典南北铨衡无所私为人浑璞重而进退克全故有是优恤

○丁卯 孝壮睿皇后忌辰遣侯朱继勋行礼

○旌表孝子二名河间府生员吴应奎为父母负土筑莹茹素庐墓者三年华亭县原任户科给事中杨允绳男应奎以父忤相嵩下狱奏乞身代不允冤抑不食而死各扁其门曰孝行节妇三十四华亭孝子杨应祈妻袁氏江阴县民徐璋妻徐氏武进县民周之美妻李氏安庄卫舍余倪学妻赵氏普安卫军宋名臣妻丁氏贵州宣慰司生员潘汝明妻杨氏麻城县故推官李采妻梅氏无锡县生员华梦旭妻胡氏太仓民胡尹妻钱氏昌平州民刘大寅妻王氏三河县生员赵应贞妻岳氏黄冈县举人卢静妻方氏新化县

军余许铉妻何氏远安县民孙铨妻谈氏光化县生员韩应诏妻齐氏漳浦县民刘养大妻陈氏长洲县举人蒋焕妻杨氏番州生员罗纹妻陈氏应城县生员陈艺妻彭氏等俱夫亡守节各扁其门曰贞节烈妇七口思南府乡官知县任效廉妻杨氏麻城县乡官知县王宠麟妻李氏麟游县生员石可贞妻董氏蓝田县生员阎视妻葛氏涿州生员魏尔直妻张氏束鹿县生员王希礼妻乔氏宁远卫生员娄思明妻同氏烈女一人无锡县民徐文美未婚妻陈氏俱夫亡自缢各扁其门曰贞烈

○初福建所遣侦探日本刘可贤受关白财物又私带夷僧入境按臣周维翰以可贤既邀重货必有轻诺日本既捐大利必有厚望恐因而启衅因请申飭沿海一带练兵厉械以防未然兵部覆奏诏今后沿海地方只宜修整防御毋得擅遣侦探以生事端

○戊辰南京户部李戴因接济陕西边饷动支老库太多乃言万历二三年间地方无事银库收多放少自三年起至十二年止并入老库共银二百五十万两自十五年至今屡经借支协济老库止存银一百五万余两二十二年岁收止一十七万余而支放反三十余万两计不出四五年老库必罄乞念留都根本重地留此以备缓急以后遇有各边镇协济须别为措处仍乞补还原借户部覆奏诏以钱粮缺乏务宜节省行与各边将应减应汰便著实清查具奏毋事虚文

○以南京后府佾书马继武为右府佾书管事兼提督大教场湖广都司佾书兰台为四川巡抚标下练兵游击分守湖广镇箠钱世禎为分守山东登州参将升宣府深井堡守备胡泽为保定车营游击

○己巳初兵部议令山西练兵三千专策应延绥山西督抚奏称晋之力非有余于秦套虏之强不及顺义三娘子客兵远赴地利不谙号令无素徒见其损未见其益乞下该部再行酌议将原借兵马免行调发兵部覆奏山西虏情尚在稍缓宣大兵力亦颇有余乞仍照原题以张犄角诏从之

○庚午命允成袭豊润伯爵

○予京营戎政兵部尚书贾仁元祭葬

○辛未赐晋王敏淳四书五经各一部赐书院额名宝善 上嘉其好学故得请

○升神枢五营佐击张守贵为神枢四营游击

明神宗显皇帝实录卷之二百八十六

明神宗显皇帝实录卷之二百八十七

万历二十三年七月壬申朔新推守备葛峪堡王国臣因抚臣王象乾以国臣习虏
< 䟽 铨-金 > 留抚夷以榆林卫指挥佾事臧世懋改补

○癸酉以湖广都司佾书江天与为镇箠分守右参将以南京中府添注佾书于嵩为后府佾书管事以蓟镇司马台关提调陈其学充神枢五营佐击

○乙亥以詹事府掌府事吏部左侍郎兼侍读学士刘元震礼部左侍郎兼侍读学士刘楚先同教习庶吉士

○以绥德卫指挥吴平虏守备宁夏信安堡

○丁丑兵部题青酋素称狡黠流螫甘凉分投入犯幸抚镇司道戮力同心深入不

毛大奋犁扫追奔二百余里斩首六百有奇聿稽 会典并考新例允宜荐告 郊 庙
宣示中外以彰殊勋礼部覆题本月十三日 皇上常朝之期御前宣捷遣官祭告

○新推守备新开口堡黑仓亦以原官留抚夷用

○时泗州水患议遣科臣张企程往勘企程具奏欲遣使致祭 祖陵兼折漕粮蠲
马价且欲勘臣与河臣和衷共济无致参□ 上报可

○戊寅原任南京都察院右都御史胡嘉谟卒其子东光知县胡珪援例请给祭葬
上允之

○翰林院简讨王象节卒于官妻毕氏年二十七视含歛毕请宗长进士王之都托
以立继因自缢礼官以闻 上嘉其志烈特与祭仍令所司立坊表焉 ○以泗州水
患从抚臣请免本州马价草料三岁

○己卯 上谕内阁朕屡旨惩贪戒污通未见改图御史论蒋时馨鬻官受贿不啻
数千金朕又览丕扬本全无指实铨司吏弊多端廉竭者固有贪婪者不无卿等可传示
该部今后务各精白乃心是日大学士赵志皋等上言御史赵文炳论郎中蒋时馨受贿
至数千金而尚书孙丕扬则言部中面试抽签立法甚严似无前项情弊臣等窃思丕扬
素志澄清正己率属一时人心翕然归服若司官有此不肖之事岂肯姑息纵容事出风
闻不下廷臣从公评论无以明铨臣之诬而服言官之心遂下丕扬本拟票进

○以直隶嘉定县土不宜稻令漕粮永折每石六钱著为令

○申饬陕西四镇以甘镇新捷恐虏乘秋图报复督抚萧大亨等官当厉兵秣马鼓
舞番族以备不虞因敕宣大山西严谕市虏坚守贡约仍令动支草粮银六万两解赴该
镇以充赏功

○以甘肃总兵官杨浚金书中军都督府

○庚辰以司经局洗马刘应秋为右谕德兼侍讲翰林院修撰朱国祚为洗马各管
印以编修郭正域为右春坊右中允

○赐右屯卫阵亡省祭今赠正千户朱正祠额名曰愍忠

○准改大学士殷士儋谥士儋起家庶常由翰简历官詹侍讲读任教习典礼敷文
皆勤慎足纪在阁争北虏马市遂拂衣去家居清俭讲学湖南以初谥曰通不类其耿直
故命改焉 ○准与原任南京兵部尚书郭宗皋谥宗皋亦起家庶常历台谏藩臬巡

抚宣大以至今官曾以星变省躬抗< 硃-金 >受杖在宣大有斩获功再镌秩再起
乞身归年九十赐存问人尚其风概故有是予

○辛巳准成山伯王应龙祭葬

○吏部文选司郎中蒋时馨请与赵文炳面质是非留中

○原任大学士王锡爵奏谢父母并祭葬优答之

○升赏延绥镇宁塞营有功将士张迁等各有差

○壬午大学士赵志皋等题试过贡生上中卷俱堪授教职下之吏部

○诏减折泗州漕粮著为令 ○山西巡抚魏允贞奏金作赎刑自古不废我朝令甲徒流以下皆准纳赎专听备荒臣属三府四州所属八十州县生齿虽不甚繁而小民率多健讼计臣任事二年共积赎银二万有奇除地方正务支过外尚剩银六千余两请行有司将前银余穀一万余石贮之各处以备荒年赈济借贷之用 上从之

○贵州定番州木爪长官司副长官顾宸擅杀妻黄氏妾阿纪下巡按官捕治

○癸未升南京光禄寺卿李汝华为都察院右佥都御史巡抚南赣太仆寺少卿王士性为都察院右佥都御史巡抚河南

○南京工部尚书叶梦熊不之任称病乞休 上不允

○甲申以甘镇奏捷宣告 郊 庙遣公徐文璧侯吴继爵驸马万炜各行礼仍以撤回脯醢赐四辅臣

○湖广偏桥卫前所百户何梦熊侵克兵饷贵州都司卫所千户韩邦先侵克害民俱下所司治之

○命协守临洮副总兵王赋业充总兵官挂印镇守甘肃

○丙戌中元节遣侯郭大成朱继勋孙承恩宋世恩柳懋勋伯焦梦熊张世恩刘允正杨世阶各致祭于 诸陵遣都督同知杜维忠致祭于 庄敬 哀冲二太子坟

○御史赵文炳< 〇〇〇 毓-金 >论蒋时馨已有旨令廷议而台臣高举等有言官论人会议非体之奏时馨遂上< 〇〇〇 毓-金 >力求评议言文炳受沉思孝主使因陈思孝于大计时求庇护丁此吕不得又自求少宰不得遂结江东之刘应秋等合谋造款托李三才授之文炳实欲乘此陷太宰而代之< 〇〇〇 毓-金 >闻 上以时馨强辩渎扰削其籍文炳随< 〇〇〇 毓-金 >辩宁死不肯就质御史严一鹏等复请罢评议 上皆可之

○调太仆寺少卿王国于外王士性于南京时士性< 〇〇〇 毓-金 >辞河南巡抚白云言□剪劣多病且品望资序不及王国 上怒其矫情托故且谓王国使气致之故有是命

○户部题覆南京兵料给事中卢大中条议京卫漕船四事一曰增修船之工价以便责成二曰酌地方之轮兑以均苦乐三曰立食粮之军单以杜偏累四曰核空船之到数以便修补报可

○丁亥陕西大小盐池捞盐缺额各官例应参治以经虏犯宥之

○命补嘉靖乙未等四科隆庆辛未等五科及万历己丑科各进士题名记令四辅臣分科撰述从科臣黎道炤请也

○初代恭王廷琦薨无嫡子庶长子鼐铉嗣旋复薨绝乃命其庶二子新宁王鼐匀暂管府事恭王妃陈氏遂< 〇〇〇 毓-金 >请敕书有旨命礼部给之礼臣因科臣薛三才言鼐匀前以居丧宣□? □缶□革禄之半近复以交通矿盗行勘未结乃具二说以请一欲移咨抚按先勘结而后与敕一谓新命方颁难于反汗先给敕而即勘核 上命先与之敕

○丙申大学士赵志皋等言丁此吕不谨闲住已为尽法且考察大典久奉处分偶一时争辩之言再有逮问之旨恐事体纷纭人心惶惑况孙丕扬因时馨罹罪局缩不安加罪此吕愈速其去乞收成命以安丕扬之心不答

○总督陕西三边右都御史李汶上防边十四事一曰申调遣以一法令嘉靖以前秋防旧规军门每于八月初旬提兵赴花马池亲自控御定靖沙梁等处延宁巡抚狗师毕会两镇总兵官悉整棚材官彊骑环甲待战固原总兵官或趋堵定边或屯聚下马关联络靖兰环庆诸路以厚内备近则不然旧岁套虏倾巢内讧独延绥总兵麻贵斩鞞可纪宁夏总兵萧如薰檄之不前坐视盐池韦州之虔刘固原总兵杨浚远去河洮逗遛观望竟不见一虏大将若此偏裨可知俱宜按军法参处一曰控东虏以恤于邻自顺义结大众连海虏一入临洮而几亡秦陇旧岁原中深入各旃部复煽恶助逆以助套虏譬九州之水澎湃并于一国治之甚难惟愿河东申大义于顺义使寻盟无西而套虏之势自燔矣一曰置大将以免推诿旧岁卜失兔猝犯定边掠平巩固原镇守杨浚方远备河洮而靖兰各路勒兵不前是以内地空虚虏得饱扬而去临洮新设副将属固原镇守节制相距千里声势不联合于临洮罢副将改设镇守总兵凡河洮岷阶皆属统辖其于责成甚便一曰别顺逆以昭大义套海诸虏延绥则有卜失兔庄秃赖之属宁夏则有黄台吉著力兔之属松山则宾兔遗种两川则火真诸部部落既殊顺逆亦异如戕败我王略则却贡绝款务申国威苟抑我鼻息则虽时有犒予非为耗拙一曰收番族以携虏志番族利我之茶以蕃生故抑我而作我侦探树我藩篱自海虏住牧两川诸番畏其劫杀阳顺阴逆甘自首鼠今宜于番部之环我疆圉者重以结纳要以盟誓不论生熟远迩皆推心置腹使戴我而乐役于我一曰宥胁逆以杜衅端哮贼之乱一时助逆通丁有脱身亡命甘心异域而冀缓须臾死者然皆胁从类也宜令通夜执招降牌数百遍行树插束手来归者即为良民斩首虏来者照例赏其有诛名王酋首来者验实封赏毫无所靳如此不惟开叛逆自新之路亦且起丑虏猜怨之端其自相戮屠必矣一曰惩婪债以作士气将领之有馈遗其筐筥相属不过多方筭及卒伍以图自便今后各属有非礼馈遗及非礼授受者俱行参处一曰清塞野以绝掳掠虏之入寇大率乘我衅瑕望屋而食因粮于我内地每慢藏而侮之川原相望畜牧遍野直如处堂燕雀胡骑一入荡然失守合行分属各将领约其附近墩院村落一遇有警即并归城堡山寨俾丑虏进无所掠退不能急脱是亦坚戍清野之法也一曰储精骑以伐虏谋虏之敢于长驱肆掠量我之莫敢击其惰归也宜令延夏两镇各选精兵三千人责勇略宿将统之侦计出入所经固垒不动方其闯入即搜巢捣穴以殄其种及其惰归即腰击尾剪以挫其锋此形格势禁之术也一曰饬摆守以振军势重镇要塞戍兵每称不足岂尽强脆多寡之判然哉夫今之守墙守墩传塘按伏皆兵也惟置之散地无所训练虏溃墙直入涣然离耳今陕西延绵数千里在在皆兵必令各将领先事简练派定信地一闻虏入各守城堡俟其分掠或犄或角或设奇以挠之兵不别徵饷无再籍此亦无兵得兵之胜筭也一曰消疑二以肃纪纲督抚之

于司道将领同为国家捍卫疆圉固不宜形迹判之令堂属监临之间稍有不悦或虏未至而甲可乙否虏既入而此町彼畦何利之有今而后同心共济一膈相照庶几内胜自强之术乎一曰均恩赉以恤劳臣狭中东联云谷再东蓟辽鼎峙云联非有轩轾且边起洮河嘉峪蜿蜒数千里悉属战场沿塞各司道身历戎行拮据惊尘殆无虚晷固职分当尔惟是三年阅视东镇诸边道计功程劳超晋二级三边司道仅一晋俸隆杀甚悬何以为任事之劝令愿一体均劳秩赉所加一如云谷蓟辽< 〇〇〇〇 〇〇〇〇 〇〇〇〇 >上兵部覆议以请悉从之

○丁酉改南太仆寺卿徐大任南光禄寺卿

○御史何尔健上言自古治乱不一未有不由言路之重轻重言官所以为朝廷未闻有摭拾言者之短反唇以相击阴阳主上之意而乘机以倾陷甚者〇〇弃舍一官之去而引绳以批根牵连同官之众而逐影以疑形言者未已辩者踵至辩者未已继辩者又踵至群啄竞起无复定论若波及而皆处则薰莠混而难为下波及而不处则主权褻而难为上究使上心日猜下心日竞纪纲不正劝惩不立岂细故哉今后文武大小臣工果奸邪植党与不才坏法者科道但有见闻即指实劾奏被言者杜门席藁听部院之覆议明旨之裁处论人者不得复行渎击以求必胜被论者不得率尔展辩以冀必免如此则言路重而议论省处分省而 君权振清净宁一之理一申饬间而可得矣 上是其语下所司

○户部题覆三边总督李汶议防边十四事其二事系户部一专责司道以理民屯之积逋而因以完欠定考成一预储客饷以备调集之军丁而因以新陈递迁易此皆计饷之大者报可

○游击沈惟敬报倭众定义焚栅渡海兵部以闻 上甚悦

○戊戌提督鴈门兼巡抚山西都御史魏允贞节省赎醵余穀以备赈贷户部以闻诏从之

○己亥工科右给事中张同德等劾虞衡司署司事员外郎徐庭竹所管铸钱出纳有弊并及署部事左侍郎徐作回互掩盖 上命庭竹吏部议徐作照旧供职

○命徐弘基袭魏国公爵

○庚子朝鲜国王李昞以日本谢恩人船取道对马岛经由本国恐复起衅端愿依督臣顾养谦所议贡道仍出宁波而兵部尚书石星酷信沈惟敬之言以为关白恪遵三事约束计日焚栅卷众悉归不宜示以猜疑之端诏从之

明神宗显皇帝实录卷之二百八十七

明神宗显皇帝实录卷之二百八十八

万历二十三年八月辛丑朔固原地震

○勒原任浙江巡抚常居敬闲住以科臣勘河失护 祖陵罪也

○长芦巡盐御史徐元正奏盐正六事其设防守一事隶兵部职掌外五事一开草

场北起山海南接利津延袤千里皆可垦田俟成熟时炤灶地起科一清荡地灶产民产各有界限合州县相侵匿者清出以归运司一酌徵收查某场系某州县该秋粮马草若干与民佃折课若干总归运司徵纳一复关津凡行盐处严禁商舡越渡因防棍徒夹带之奸一重责成有司不得纵容私贩以壅官引兼以缉捕勤惰分别惩劝户部覆报可

○兵部以广宁总兵官董一元捣巢大捷请择日宣捷祭告 郊 庙 上从之

○锦衣卫北镇抚司理刑指挥同知周嘉庆请给假治丧从之

○以山西行都司掌印都指挥僉事张国将为分守大同井坪城参将

○壬寅升国子监司业叶向高为中春坊右中允兼编修充正史馆纂修官

○大学士张位陈于陛撰万历壬辰乙未二科进士题名记进览且请命工部镌刻从之

○以前游击史儒征倭死事加升其子史凤鸣实职三级其次子史凤举荫授本卫正千户世袭

○癸卯 上以万寿节颁赐四辅臣及讲官刘元震廿口寺金银万寿字及金银书符各有差

○调原任太仆寺少卿王士性为南京鸿胪寺卿王国为山西副使分巡河东道

○以五军二营练勇参将许大成为京城巡捕右参将

○甲辰治原任固原总兵杨浚遇虏退缩罪革其任从科臣吴文梓请也

○勘河给事中张企程奏兼程抵泗州展谒 祖陵见长淮激湍洪波汨流诚有如御史牛应元所图上者前此河不为 陵患自隆庆末年高宝淮扬告急当事狃于目前清口既淤又筑高堰以遏之堤张福以束之涨全淮之水与黄角胜不虞其势不敌也迨后磬石加筑堙塞愈坚举七十二溪之水汇于泗者仅留数丈一口出之出者什一停者什九河身日高流日壅淮日益不得出而潴蓄日益深安得不倒流旁溢为 陵泗患乎今论< 疏 疏-金 >淮以安 陵有谓清口当辟有谓高堰当决有谓周家桥武家墩当开有谓高良涧施家沟当浚论< 疏 疏-金 >黄以导淮有谓腰铺可仍有谓老黄河故道可复有谓鲍王二口可因有王家坝五港口可寻顾淮水之涨虽由高堰之筑而工程浩钜未可议废且以屏捍高宝淮扬亦不可少周家桥北去高堰五十里有支河下接草子湖若并未挑三十余里大加开浚一由金家湾入芒稻河注之江一由子婴沟入广洋湖达之海则淮水上流半有宣洩矣武家墩南去高堰十五里逼邻永济河引水由窑湾闸出口直达泾河从射阳湖入海则淮水下流半有归宿矣此急救 祖陵第一议也工部覆议诏作速< 疏 疏-金 >浚毋得推诿观望

○乙巳掌院事余继登奏纂修正史兼探家乘乡评以备考订下所司

○以副总兵刘綎充镇守临洮总兵官 ○丁未遣大学士张位释奠于 先师

○时御史强思< 疏 疏-金 >劾大理寺少卿江东之倾陷蒋时馨东之遂

< 疏 疏-金 >辩且言吏部近因推补员缺间有未蒙点用者遂以躁急之心逞无忌惮

正谏鲍佐正史馆办事包文綱为诰敕房办事方仑张大续为起居注馆办事 ○戊辰大学士赵志皋等言锦衣卫缺掌印官已几二年人无统摄事无主持昨见兵部尚书石星言今冬当军政考察之年卫官贤否皆出掌印而兵部据以考察若无掌印则兵部无从咨访察典未免淆乱已具本奏 上欲臣等为之代请据其< 〇〇〇 毓-金 >开王之祯等四人而又极称宋金之可用盖因屡荐不允不敢列之于前然金老成清慎在卫几三十年卫中事体谙练贤否周知似无贤于金者 上纳之是日即以宋金为锦衣卫掌印管事

○吏部尚书孙丕扬乞休优诏不允

○户科给事中黄运泰< 〇〇〇 毓-金 >论江东之结纳阴邪陷害良善阴险败露不引罪求去而摇唇鼓舌密口甘言以希留用复妄扯祸因点用之说以倾谏官且奸且邪凶狠无赖满朝臣工见者侧目闻者切齿赵文炳以法官误受指使即无颜就列然风闻言事犹可自解高桂早年负气不畏豪强发觉科场一< 〇〇〇 毓-金 >风采〇〇稟然今乃投足权门甘心蝇拊助邪为虐尽失生平所宜并斥< 〇〇〇 毓-金 >入不报江东之复< 〇〇〇 毓-金 >辩言蒋时馨之贪既经论劾奉旨处分冯从吾黄运泰欲为时馨报复诸臣皆置时馨之赃于不问而专论文炳之论时馨为臣主使则 皇上之斥时馨也将谓谁使之且论贪官与护贪官人品孰优孰劣忤吏部与媚吏部心术孰正孰邪因乞罢诏已有旨不必辩辞

○先是陕西巡按李楠奏禁湖南茶引以绝夹带至是巡按刘景辰谓禁其新报不当追其旧给从来茶引必三四年后方得茶到若前引尽追则旧储既空新招未至空乏可虞户部以请从之 ○南京工部奏南京内官监成造幪金膳卓膳盒擎灯圆炉寺器共计共料银二十二万六千七百余议分四运二年造解一运今第一运第二运已完解讫见今成造第三运尚缺银二万四千有奇准于本部应解户部新增芦课及应天府别项堪动银两共支造完其未造四运缘库藏匱乏支給不敷乞行暂停以纾财用工部覆请不允

○己巳南京大理寺右寺丞今升右通政李植乞休不允

○江北凤阳淮安等处四十五州县大水漕运总督褚鈇具灾状以闻户部请行巡盐御史吴崇礼勘实具报从之

○遣侯吴继爵宴建州等卫夷人少童等九十九名

明神宗显皇帝实录卷之二百八十八

明神宗显皇帝实录卷之二百八十九

万历二十三年九月庚午朔御史赵文炳言强思冯从吾称蒋时馨之廉为失实因言台省谕事必访之他人臣< 〇〇〇 毓-金 >论时馨范洋一事江东之知状曾一访之亦未受稿于东之也奏上诏以已有旨下所司知之

○朝鲜国王李昫以长庶子临海君李肆久陷贼中虽获生还惊忧成疾不堪继嗣

次子光海君李暉收集离散功绩茂著已奉敕谕驻劄全庆地方经理防御请立为嗣礼臣范谦执奏继统大义长幼定分不宜僭差奉旨移文止之至是复以举国臣民启状上陈且引永乐年间本国恭定王例以请事下所司礼科薛三才参驳其非制且不宜以播迁之余轻率立少失宗社大计于是礼臣复奏李昫以次子请封业奉明旨报罢今复执有功之说谓出自通国之公即所奏尽实臣等何由知之即谓世乱先有功亦宜俟其邦家绥靖而徐议今日似未可遽许诏曰可

○申飭蓟镇督抚等官协力防御以报东虏土蛮纠众近边故也

○河南巡按御史涂宗浚以陈州等州县灾荒议留解部种马草料及缺官柴马等银备赈兵部以军兴正殷难允上从部议

○升协守漳潮副总兵周于德为南京右军都督府佾书管事

○辛未宴毛怜等卫贡夷尚加秃等伯费甲金待

○诚意伯刘世延妄言灾祥< 〇〇〇〇 毓-金 >言大峪山寿宫龙穴非真通政司不肯为达屡强之通政使田蕙奏其狂妄前后南北台省交章论劾皆不报

○免河南陈州等处被灾州县杂役各有差

○以延绥镇节省钱粮可嘉赏赉抚臣李春光郎中郑璧银有差

○壬申原任日讲官何雒文以输粟助赈赏赉银币具< 〇〇〇〇 毓-金 >陈谢

○以锦衣卫堂上佾书王之祜为锦衣卫提督

○调蓟镇宁山春班游击李皆春于海防

○癸酉孝恭章皇后忌辰遣伯陈如松致享于景陵

○原任兵部武选司郎中起复候补高桂< 〇〇〇〇 毓-金 >辩冯从吾黄运泰称与江东之结党事出讪因乞休上以有旨不问

○兵科都给事中吴文粹等奏称武科之设原以骑为主末场论策亦观其韬略不取其浮华骑射既精方略可采即点缀不甚工亦不宜轻弃至既列贤科当照文举鳞次甄录随材委用不当使其沦弃兵部覆请诏悉从之

○甲戌固原靖虏中卫官军松山捣巢有功赏赉宁夏巡抚周光镐及守备马跃龙

○宁夏兴武营守备马梦麟杜世威烧荒获级赏赉有差

○乙亥大学士赵志皋等以万历丙戌乙丑二科缺题名记请官撰述

○升四川左布政使余一龙为南京太仆寺卿 ○户部覆屯田御史曹学程清查抛荒隐占地土四千四百四十五顷为税八千一百六十两改入备边项下输纳其塔薄不堪并遇灾伤勘实酌减从之

○遣候徐文炜宴朵颜等卫夷人失邦等七十九人

○丙子命南北直隶提学御史及各省提学官行所属采访地方人物行实类报以备正史纂修从詹事余继登请也

○丁丑命南京都察院右都御史王樵致仕

○吏部尚书孙丕扬引疾乞归词甚迫切优诏不允

○礼科给事中杨天民< 〇〇〇 毓-金 >论沉思孝恃眷肆讦昧心恋位不报

○以分守徐州游击卢继忠为分守福建南路参将陕西都司金书张世忠为蓟镇通津春班游击京营佐击包节为五军四营游击

○御马监右监丞吴朝犯法决杖百仍发 孝陵卫种菜

○铸给临洮总兵关防

○戊寅以重阳令节颁赐四辅臣上尊珍馐

○协理京营戎政右都御史沉思孝< 〇〇〇 毓-金 >辩杨天民论劾因称疾乞休上论留之

○改浙江被灾地方新建等县漕粮各有差

○云南沅江卫署印指挥孙继美上行馈遗临安兵备副使李瑞发之下巡按提问

○己卯大学士赵志皋甘〇寺以九月十五日应考试天下武举生请考试官二员乃列左庶子李廷机洗马朱国祚名以请

○原任礼部右侍郎黄凤翔升南京礼部尚书以母老恳辞准以新銜在籍候用

○直隶巡按御史马文卿劾沉思孝江东之党护讦人不报 ○以直隶清河盱眙桃源高邮宝应兴化六州县淮水为患其岁运漕粮暂准改折二年

○革浙江分守温处参将高可学分守台金严参将黄嘉谋直隶沙川堡把总陈其学任皆以贪纵不法故也

○江北巡按御史崔邦亮条陈治河事宜有曰今日之事不在勘议而在果断今日之功不在谋始而在考成欲事之成必专责巡河御史而御史中当于高举牛应元内择一人任之以二臣旧按江北经历指陈皆所素练且言开决处欲取地方甘结< 〇〇〇 毓-金 >上工科都给事中林熙春甘〇寺言遣台臣巡河有三不便莫若令科臣张企程< 〇〇〇 宀十见 >限以相度成功为按臣蒋春芳加敕以稽核钱粮敕诸臣以同心共济毋争职掌以隳成功而图规避户科给事中程绍复言邦亮意在忿争不为通论均为王臣苟利 社稷何分台省谓科臣主于勘议心无穷而限易满则何不代请< 〇〇〇 宀十见 >限而必欲另遣一臣以滋纷更之议哉今急救 祖陵不敢谓于生民运道全未有碍然亦当次第行之可耳若必欲取士民甘结而后行事则筑舍道傍之说也< 〇〇〇 毓-金 >下工部部臣据熙春二说以请 上报可

○庚辰大学士赵志皋甘〇寺言蒙发下礼部一本内覆给事中杨天民御史牛应元< 〇〇〇 毓-金 >乞于纂修正史内议复建文年号覆< 〇〇〇 毓-金 >考订详明议论正大似宜准从谨拟票帖呈览

○以大理寺右少卿江东之为本寺左少卿四川道监察御史牛应元以各部院题请进士病本太多兄杂非体欲立限给假归省下所司

○原任协理京营戎政都察院右都御史兼兵部右侍郎贾仁元卒仁元山西人以

作洪武虚号得乎此于势亦有难掩 太祖以天下挈而授之建文建文委天下旋而归于 成祖今以 太祖之所亲授革而除之无乃非 太祖贻谋之意亦非 成祖善继之心乎于情亦有未愜况师曰靖难有顺天应人之举无更朝易肆之劳 成祖之嗣服也以戡乱建文之出亡也以逊国其名正其言顺何嫌何疑而假掩饰以起后世纷纭之议于事亦不必尔者 太祖定天下首命儒臣纂修元史且于元主以顺帝谥之 成祖即位之初称建文为少帝在位诸臣有不念旧恶之旨我 皇上登极诏内开革除被罪诸臣令各祠于其乡其坟墓苗裔有存者厚加恤录万历十六年允本部题覆司业王祖嫡< 足 毓-金 >特复 景皇帝实录俟纂改正夫元史可修奈何失其寔于当代胜国之君可谥奈何削其号于本朝景泰之位号可改奈何靳其名于建文一时死事之臣可褒奈何遗弃其君而令淹没于百世愿及此纂修之时命史局于 高庙实录中摘洪武三十二年逮三十五年遗事复称建文年号辑为少帝本纪奏上诏以建文事迹附 太祖高皇帝之末而存其年号

○套虏入犯延绥宁塞靖安诸将王国栋等拒战不力把都河操守许相义不以报下巡按罪之

○戊子调陕西副使马朝阳于四川安绵兵备

○以山东巡抚标下中军梁文为蓟辽总督标下右营游击

○己丑霜降节遣侯朱继勋宋世恩孙承恩柳□木爻木心□勋伯杨世阶陈如松朱世雍刘允正张世恩致祭于 诸陵伯张元善致祭于 景皇帝陵都督同知陈承恩致祭于 哀冲 庄敬二太子坟

○遣伯费甲金宴毛怜等卫夷人尚加秃甘□寺九十九名

○始兵部以倭封就绪议撤沿海水陆官兵檄蓟镇将永平防海南兵炤天津议撤督抚报蓟门与天津冲缓不同昂酋内睚伯彦西窥无日无警况各兵弃业从戎归无所依一概撤回健士可惜部据以覆除愿归农者厚给资饷令归愿充兵者查台操见缺填补未尽补者责成新任游击李皆春加意操练陆续挨补从之

○庚寅升大理寺左寺丞连格为本寺右少卿四川参政朱运昌为广西按察使

○协理戎政右都御史沉思孝刑部左侍郎吕坤皆因疾乞休不允 ○郑世子戴埴通于历学采众说为书名曰律历通融取大统与授时二历相较考古则气差三日推令则时差九刻或以为授时减分大峻失之先天大统不减失之后天或谓授时近密大统为疏或谓授时未必全二历强弱之间宜有所折衷且引洪武间监正元统造大统历以洪武甲子为历元上考下推无消长之法时监副李德芳驳之谓不与经史相合宜用许衡辛巳元历及消长之法 上曰二统皆难凭只验七政交会行度无差者为是于是和会二家酌取中数编撰成书名曰万年历遣人诣阙上之疏下礼官覆奏以大统历造自 太祖行之二百余年此万世不可易者一旦欲更新其名既失创法至意又骇华夷听闻又考元历志至元四年西域札马鲁丁撰进万年历稍颁行之后改授时历颁行

讨或加亦因转徙今拟罢剿则当分别优恤令有司给照安插一增设安边府官以资弹压娄山以北松坎以南颇称乐土顷以播司构难相率逃移非设官拊循民将何归应将重庆府捕盗通判改为抚夷同知移驻前项地方听其不时巡历设法招抚一议发避住土官以复故业播州土同知罗时豊与应龙同籍同官讎隙未深因去岁议剿移驻贵竹土司今应龙已俛首听勘时豊当听督抚差官押送故土诏悉从之仍谕以夷性无常详慎善后敕邢玠作速勘处

○丙申大学士赵志皋等奏丁此吕考察被黜访单暗投或出于讎口或得于风闻吏部虽据以注考从未上闻且此吕颇有才名自负意气廓落不羈容或有之贪污不法未必肯为前此下诏狱者皆有实迹可查非若访单匿名暗投可据以为罪伏望将此吕迳送法司从公究问吏部尚书孙丕扬亦奏三年考察赃私狼籍确有实据者注贪罢为民议论虽烦情涉影响者止以不谨革职并未有拏问之条丁此吕罪止冠带闲住而被扭解非所以为平乞念成法已定仍照不谨论黜免其逮问且纶涣已颁愿解到之日敕下法司究问覆请皆以已有旨答之

○时治河诸臣议论稍异河臣既欲分黄以导淮而漕臣以黄家坝之役工力重大宜在所缓御史牛应元折衷其说言治水犹治病病有的证药有缓急淮黄的证也初因草湾之开宣洩不利遂致黄流上壅继因黄流之壅遇涨逼阻遂致淮流下决寻因淮流下决清口空隙河水乘而上演遂致有门限沙之势至沙势堤防淮壅而溃为患遂滋今欲治标之图则如漕臣言导河南下大破曲防诸溃俱洩势便而功甚易若清口之壅如故则病根原在欲为治本之图则如河臣言分黄他避淮流无侵功大而利远但水势之通塞难定而交会之风脉有妨若岁月不效则受病无已科臣林熙春言河臣杨一魁业奉重托科臣张企程业奉特遣分黄勘议业奉明旨是河臣既身肩大役原疏所请亦不过六十八万金而止国家亦何靳于此惟是蠲免不可不议劝赉不可不先侵克不可不禁纪律不可不严愿俯允河臣之请以鼓亿兆之心工部两具覆上从之

○丁酉升山西按察使刘葵为山东右布政浙江副使范涑为四川左参政以南京太仆寺少卿万自约为太仆寺少卿

○戊戌调陕西副使杨楫为山东天津兵备

明神宗显皇帝实录卷之二百八十九

明神宗显皇帝实录卷之二百九十

万历二十三年十月庚子朔以孟冬时享太庙礼官请圣驾躬临致祭诏遣公徐文璧恭代遣侯吴继爵徐文炜分献于雨庑

○颁赐四辅臣及讲官刘元震等历日有差

○海虏入犯甘肃参将达云游击白泽设伏邀击馘首虏六百七十余级

○大学士赵志皋等奏今日朔旦恭遇颁历方同百官拜领恩赐讫到阁办事接得三边督抚李汶田乐塘报川海虏酋永邵卜等于九月九日内犯参将达云游击白泽等

卒蒙报罢会议且为非例堂官查议例安在耶伏乞敕令文炳照旧供职已后勿执成心以滋多事报可

○辛亥改南京工部右侍郎周思敬为户部右侍郎

○叙延绥斩虏功加总督叶梦熊太子少保巡抚李春光右副都御史总兵麻贵荫一子实授百户并前荫正千户俱世袭仍各赏银币有差参政赵楫升一级游击杜松升参将及参游王威王国栋郭有光郎中郑璧守操等官陈孝等同知等官颜若愚等赏银各有差

○勘河给事中张企程奏限期已迫耑候部覆回京而河臣杨一魁邀与共事因言有二可留四不可留意欲专责抚按与河臣同心共济勿以意见之歉致误成功工部据< 〇〇〇 钰-金 >具覆且谓河臣< 〇〇〇 钰-金 >留科臣已奉 明旨无容别议但望坚始终委任之心假以便宜以消疑阻 上悉从之

○壬子赐故翰林学士工部侍郎全元立妻丁氏并祭祔葬从其孙编修全天叙请也

○赐原任右春坊右谕德吴中行祭中行直隶武进人选庶吉士授编修万历五年< 〇〇〇 钰-金 >论故相江陵起复事廷杖削籍人重其风节焉十一年特旨起用历中允洗马谕德充经筵日讲官累< 〇〇〇 钰-金 >乞归给驿传家居杜门讲学起南掌院不赴至是卒以讲官例特予之祭

○勘报延宁二镇功次镇将王輓马孔英等赏银各有差

○甲寅以原任山西副使王学谟为山东海道

○原任日讲官吏部右侍郎兼翰林院侍读学士盛讷卒讷陕西潼关卫人隆庆辛未进士改庶吉士授编修充会典纂修官万历庚辰充会试同考辛巳以九年考满升侍读丙戌复充会试同考随充会试武举主考由洗马迁庶子戊子主考顺天乡试己丑充经筵日讲历祭酒詹事礼部右侍郎壬辰充会试主考改吏部丁母忧给驿传归未终丧而歿讷荐历华贯礼遇优渥端方渊懿士林重之未及大用而卒论者惜焉

○乙卯升陕西副使朱朝聘为陕西右参政分守关西道

○南京吏科给事中祝世祿请去沉思孝以安孙丕扬不报

○丙辰浙江道试御史李宗延请改议岁清大略谓每岁罪纪内有熟审外有岁清熟审会集多官众议佥同岁清止一道臣似属率易且春为岁清冬为处决中为审录上解者三又属劳扰乞敕刑部咨行各省直抚按官罢岁清而比照熟审事例每五月六月流徒笞杖各减二等应枷号者暂免二月其充军死罪情可矜疑入官给主赃多监久者按臣会审明的未奉单者径自发落已奉单者差终题豁则熟审之恩遍于天下矣刑部覆请从之

○丁巳 诚孝昭皇后忌辰遣伯李承功致享于 献陵

○兵科给事中王士昌奏称春秋一经家是其旨人异其说未有画一之论天各经

殫忠运谋劳绩可嘉兹特加恩元辅志皋加少保兼太子太保户部尚书还赏银六十两彩段四表里次辅张位加太子太保陈于陞沈一贯各加太子少保还各赏银五十两彩段四表里尚书大学士如故还各给与应得诰命如敕奉行窃惟 皇上加意边防不憚功赏以鼓舞将吏之气因軫念辅弼之劳臣等非不仰感 圣恩但念臣等备员密勿宠渥踰涯每以不能赞襄 庙谟寝烽息燧为愧兹者大捷实我 皇上圣武布昭神威远播督抚运筹将士奋勇及本部居中调度所致臣等何劳之有况边功不叙阁臣前已奉有 明旨使今复冒受则是朝廷之明旨不信臣子之分义有乖此臣等所决不敢当者诏以甘镇奇捷乃卿等共竭运谋懋绩可嘉晋秩示酬寔遵旧典宜遵成命不允辞

○加京营佐击陈云鸿游击职衔与原任游击季金统押防海南兵发回原籍有不听命者以军法从事

○丁卯大学士赵志皋等复奏阁臣不与边功之赏旧矣先年间有受者或以安攘大绩首论运筹或以绥靖巨功先推决策若临阵斩获首级虽多虏患未除边疆常事可以辅弼之臣滥膺克敌之赏哉且临敌奋勇者将士之功相机调度者督抚之谋条条画担当者本兵之责遇有失机僨事辅臣既不同其罚又安可与其赏况功罪赏罚辅臣日代赞襄若与边臣均行论叙则将来或启扶同掩护之弊非朝廷福矣 上以成命已颁不允所辞

○戊辰户部尚书杨俊民请追给母诰命许之

○工科右给事中张同德奏外造军器既因题准本折各半乃省直州县恬不经意拖欠日多朽钝日甚至起解折色银两多低假不足数皆因平日无考成之法至奸弊相沿日甚一日宜敕工部移咨该地方毋蹈前弊以致参处工部覆请报可

○建州左等卫都督等官马哈<土答>吉等一百名赴京进贡方物宴赏伴送如例

明神宗显皇帝实录卷之二百九十

明神宗显皇帝实录卷之二百九十一

万历二十三年十一月己巳朔初河漕诸臣欲以南直隶江南等府及浙江原免过江脚米内量复三升准银一分五厘又欲于江西湖广二省每石加二升准银一分以助河工户部酌议以江湖二省民力困敝不堪加增止以江南浙江原免脚米量复二升以覆报可

○时防海南兵鼓噪既已命将押回兵科给事中吴文粹等复恐首恶未必正法撤留未必宜合欲敕兵部严饬该镇将解京首恶务得真正主谋回南各兵官军加意防范俱毋苟且容纵兵部覆请报可御史马经纶复言南兵屡噪乃蓟镇痼疾然向来鼓噪止挟众要恩今则渐成逆乱若复过为姑息不行尽数驱逐貽患必深因条五事以请一裁冗将以杜科索蓟镇三协各设南兵营游击一员统南兵三千操备今兵皆发守边台宜即本协路将官领之而革其游击并中军把总等官则南兵免科索之害而国家省冗滥

工程亟行兴举其高家堰应决与否仍听科臣会同河诸臣从常酌议诏报可

○壬申升兵部武选司员外伍袁萃为浙江佥事分巡杭严道调河南右参议李弘道为陕西右参议驻劄兴安州

○癸酉升直隶淮安府知府马化龙为山东副使天津兵备改湖广副使王之麟为浙江副使管理清军加榆林兵备陕西右参政赵楫为按察使

○以陕西起解袍段缺额巡抚吕鸣珂巡按林道楠及经管官俱罚俸有差

○甲戌遣侍郎刘楚先祭 三皇于 景惠殿以脯醢颁赐四辅臣

○吏部尚书孙丕扬称痼病废事请以右侍郎孙继皋暂理印务 上不允

○朝鲜国差陪官郑淑夏等十六员进贺冬至方物表文

○为延镇阵亡游击史见征倭阵亡游击史儒立祠致祭赐额愍忠

○工科给事中毛一公言南兵既撤不须更募当急练土著以代之而练土著须用廉将当重惩贪污者以振之兵部覆报可

○宁夏总兵解一清老病乞回卫许之

○乙亥礼部奏称本月二十二日冬至 大祀 天于 圜丘该十八日面奏祭祀十九日百官听受誓戒是日恭遇 慈圣皇太后圣旦该百官致词行庆贺礼仪庆贺誓戒俱系重典一日委难并行合移印务 上不允

○朝鲜国差陪官郑淑夏等十六员进贺冬至方物表文

○为延镇阵亡游击史见征倭阵亡游击史儒立祠致祭赐额愍忠

○工科给事中毛一公言南兵既撤不须更募当急练土著以代之而练土著须用廉将当重惩贪污者以振之兵部覆报可

○宁夏总兵解一清老病乞回卫许之

○乙亥礼部奏称本月二十二日冬至 大祀 天于 圜丘该十八日面奏祭祀十九日百官听受誓戒是日恭遇 慈圣皇太后圣旦该百官致词行庆贺礼仪庆贺誓戒俱系重典一日委难并行合移奏祭祀于十七日移听受誓戒于十八日其十九日专行庆贺礼诏从之

○丙子顺天府尹钱藻< 字 毓-金 >所属州县凡二十有七一切□□□壬□役三年一编兹当编审之期三年内事有告之纷纭而当酌者影射滋巧而当详者陪费负累而当恤者冗费错杂而当省者事关民患而当增者弊切边计而当议者因条为六款以请议驿递议丁力议大户议工食议城堤议革庄头户部覆奏报可

○丁丑工部虞衡司员外乐元声< 字 毓-金 >蒋时馨既以贪斥而强思黄运泰祝世禄等相附和而曲庇之遂波及沉思江东之等于是以言官攻言官而言官之体伤以大臣攻大臣而大臣之体伤言官大臣更相攻击而朝廷之体伤今孙丕扬等既辞之不胜辞而留之不胜留不若因而皆罢之以全臣节< 字 毓-金 >上不报

○戊寅兵部尚书石星辞少保许之

○甲午山西巡抚魏允贞题为山西三关在偏老北邻大虏款贡方竖在河保西邻套虏跳梁殊甚往岁之防急在北今岁之防急在西去年楼子营添设守备防卫稍周而河会尚属空阔缓急何赖据今该道所议添设守备负军买马诚为深虑况月饷则取给于经制之空粮草料则取给于原有之班价分毫不请内帑而已俨然增一保障矣伏乞敕部查议施行部覆如议

○工部员外郎乐元声因御史赵文炳俞价强思给事中黄运泰交章论劾其比党上< 銚 銚-銚 >陈辩 上以已有旨谕之

○复除福建副使郑一麟于河南驿传

○乙未夜四更有星流于东北如盏青白之色尾有光

○原任总督陕西三边兵部尚书今改南京工部尚书叶梦熊引疾乞休不允

○升山东左参议邵以仁为云南副使腾冲兵备

○山西巡抚魏允贞乞恩终养自叙起家进士由推官选台职以言事谪外自謫籍升郎署改光禄历府丞通政以至今官付以边疆责以安攘臣蒙恩至渥即积劳成病复何敢言惟是臣有老父已近九十即使满百此去不过十年臣愿以二十年犬马之力事陛下亦愿以十年乌鸟之私依臣父 陛下方孝养 两宫以风天下伏望俯准照例终养 上从之

○治兰州虏入失事罪革游击成尚仁任操守匡文等行巡按提问具奏

○改宁夏东路副总兵来保宁夏兴武营游击

○丙申升巡抚延绥都察院右副都御史李春光为户部左侍郎巡抚宁夏都察院右佥都御史周光镐为大理寺卿湖广左布政李得阳为巡抚湖广都察院右佥都御史

○丁酉以奏捷祭告 郊 庙收回脯醢颁赐四辅臣

○戊戌升湖广副使沈一中为山东左参政 ○后府掌府事定国公徐文璧总督京营戎政临淮侯李言恭右府掌府事恭顺侯吴继爵中府掌府事崇信伯费甲金锦衣卫掌卫事都指挥佥事宋金俱自陈不职诏皆令视事如故

明神宗显皇帝实录卷之二百九十一

明神宗显皇帝实录卷之二百九十二

万历二十三年十二月己亥朔准代王鼐铉弟新宁王鼐匀暂管府事

○加山东参政余寅太常寺少卿令致仕

○遣礼部主事王宗蓁郭如川于河南山东选择端秀子弟

○初廷川端穆王庶长子倪焯以擅婚停爵其所生第一子已赐名伸顶□土而未有封禄庆府掌府事镇原王伸宣□佳以请礼部查怀庆王第一子翊< 銚 采 >事例授以奉国将军报可

○追封会宁庄惠王长子弼楹为会宁王从其子会宁王缙□(焱□舛)□□□请也

金书署都督金事欧继宗后府金书武安侯郑惟忠管理红盔将军武平伯陈如松俱革任闲住

○甲辰以翰林院编修杨道宾袁宗道黄辉补充编修纂章奏官

○以播酋受勘升总督邢玠都察院右都御史仍与巡抚谭希恩林乔相各赏银币有差其文武将吏各升赏有差

○治南兵鼓噪罪首叛胡怀德及伪军师李无逸等凌迟暂首有差仍令梟示各边镇

○乙巳升南京吏部文选司郎中陈所蕴为湖广右参议兼金事岳州江防兵备直隶永平府知府马崇谦为湖广副使归施兵备山东右布政使张思忠为河南左布政使补原任广西左布政使王续之于湖广福建副使徐即登为本省左参政分守福宁道

○添设河会守备筑堡寘戍拒套虏于河上从宣大督抚王世扬魏允贞请也

○以永康侯勋卫徐应坤管理红盔将军

○兵部以考选军政第南京五府锦衣卫等官功中府金书灵璧侯汤之诰前府掌印怀远侯常□□月□□绪署都督金事胡大忠后府金书署都督金事于嵩俱照旧供职左府掌印成安伯郭邦相金书署都督金事王治锦衣卫掌印署都指挥同知梅应魁俱革任闲住

○南京吏科给事中祝世祿奏禹之治水浚之也非堤之也三十年来当事者不师禹而师鲧徐淮之河东之以缕堤堤善决决而塞不胜塞也又外加以□□□堤盖缘曲护运道故以筑塞奏功亦以筑塞贻害顷者议主<□□□ 疏-金 >浚分黄以治其本导淮以治其标分黄功先下流安东五港别开海口至为得策独导淮除浚清口外议开高良涧子婴沟放淮从广阳湖东入于海议开武家墩泾河放淮从射阳湖东入于海广阳湖阔仅八里射阳名为湖实则为河阔仅二十五丈离海且三百里迂回浅窄高宝等七州县之水唯此一线宣洩之宣洩不及即苦滄没若又决淮注焉田庐盐场必无幸矣广阳湖东有一湖名太湖方广六十里湖北口有旧官河自官荡直至盐城石<□□石达 >口通海只五十三里此河见阔六七丈若加深挑广此导淮下流入海之一便也至云开周家桥放淮下高宝诸湖从金家湾芒稻河南入于江而此湾此河入江之路甚隘十不能入其一二非开广十五丈深五尺许不可工部据<□□□ 疏-金 >覆请诏令与勘河科臣总河总漕及各御史等官从长酌议以奏

○丙午升广东南雄府知府张东旻为山东都转运盐使司运使

○户部覆报陕西四镇岁额共节省银五十四万一千四百九十七两督抚司道等官咨吏部纪录诏曰可

○以五军七营练勇参将霍玠分守山西中路

○丁未吏部尚书孙丕扬

<□□□ 疏-金 >乞休不允

○戊申 昭陵卫指挥金事唐国麒考查被黜投揭逞辩兵部以闻命发调边卫

○加镇番副总兵马应龙甘州副总兵何崇德署都督僉事

○己酉敕魏国公徐弘基奉祀 孝陵

○原任贵州巡抚右副都御史彭富卒其子请祭葬礼官核往例三品官未经考满被劾致仕者有祭无葬援以覆请报可

○缅甸莽应里既托孟璉孟银二土司求纳款且致方物议者遂令原官差官黎京桂等赍银弊往赐之至境托词不受抚臣陈用宾以闻敕下云南抚按等官从长计议礼部覆请言缅甸阻我使人却我赏赉罪不胜诛然当初惟据黎京桂往来转说及璉银二司转申之文其于缅甸原无的据京桂原系首事宜从重问拟以为贪功纳侮之戒 上诏如部议

○庚戌调原任云南副使张文耀补广西苍梧兵备

○户部覆甘肃巡按乔廷栋条陈边储事宜一责司道随时稽查一责监收总理本折一议更置各仓粮斛一议仓场粮草照例加减折耗一议革歛查盘杂费诏悉从之

○升神机右营副将董承祺为南京左军都督府僉书管事以怀宁侯孙承恩为后军都督府僉书管事以镇守陕西总兵官黄明臣为右军都督府僉书管事

○以参将管顺天巡抚中军郭梦祯为神枢二营练勇参将以分守紫荆关参将周思文为南京锦衣卫掌印管事

○南京守备掌中府事泰宁侯陈良弼协同守备掌后府事定西侯蒋建元提督操江掌右府事丰城侯李环俱自陈不职兵部议诏陈良弼李环留用而革蒋建元任

○诏奸犯柯润僧觉经隐匿军器著镇抚司打问刑部请并拘解官周德对质拟罪从之

○刑部问拟犯人丁此吕徒贖 上命发极边卫充军

○辛亥大学士赵志皋等言臣等在阁办事该文书房发下兵部遵例拾遗本奉圣旨昨览兵部考选黜留本中锦衣一卫内如何以副千户未行题奏輒署四品之职该部附结市恩泛滥授予该科通若不闻职守何在吴文梓与该司官韩范俱降杂职刘仕贍曾伟芳等各降三级调极边方不许朦朧推升昨者区大伦张同德屡行渎扰前俞价强思频章以无指实之事参劾党附结纳至该部司官趋媚假官的亦无一言其于公而忘私何在区大伦张同德俞价强思也著降三级调外任用且兵部近来诈冒贿买之官屡经东厂获奏尚无畏慎堂上官姑各罚俸二月著策励供职又该刑部接出 圣谕今日览科道会参武职本内劾崇信伯费甲金隐匿逆犯客用家财欺君玩法革任闲住仍革去禄米三分之二该部还严追所寄赃物解收其原奉旨官王坤觉大义提问拟罪来说宋金革职为民王之楨等姑各降一级策励供职东厂及该卫东西二司房陆彩等及五所掌印官都革职为民与宋金俱永不叙用夫一日之内两奉严纶大小内外衙门官黜罚过多窃惟兵部考查官员名数繁夥容或一时拟议未精无以仰当 圣心但念五年考选系国家大典而品流猥杂最难甄别者又无如武弁一途今年赖尚书石星殫精

陆彩等已革降有差复令查前任官杨一珍等尽行黜革且竣谕兵部勿复仍前私拟升用既而部以南京后府缺掌印以西宁侯宋世恩安远侯柳懋勋请 上以世恩先年曾经科道论劾奉旨处分乃屡屡推用岂无受贿情弊遂将本部司务官降三级调外任且谓科道官緘无一言革区大伦张同德任为民而命柳懋勋为南京右军都督府掌印宋世恩革任闲住

○丁巳 上以年节颁赐四辅臣及讲官刘元震等银币各有差

○户科都给事中耿随龙以畿南盗贼窃发请复民壮旧制州县大者二百名次者百五十名小者百名拣选勇健授以器械时常操练量悬赏格以专捕盗贼兵部覆奏报可

○戊午以 慈圣皇太后万寿圣节颁赐四辅臣银币及讲官刘元震等各有差

○升光禄寺少卿孙玮为太仆寺少卿直隶顺德府知府樊东谟为山东副使永平兵备

○己未以时方沍寒命顺天府通判何鲤督修养济院房舍以处孤贫

○太常寺奏本年十二月二十九日岁暮行 大裕礼请 圣驾至期亲诣 太庙致祭命公徐文璧恭代遣侯徐文炜伯王学礼分献于两庑

○庚申大学士赵志皋等言前日该吏部接出 圣谕近来两京科道官专徇己私附和结党抗违君命要直沽名为事每每以无指实之事兴疑惑众无上乱政且如昨者兵部欺君鬻爵朋奸结纳箝口无言纠奸发邪耳目之责何在全失职守都当重治尔吏部查两京六科都给事中及十三道掌道御史姑各降三级调外任用不许朦胧推升其余姑各罚俸一年还开写职名来看传示到阁臣等捧读不胜骇惧窃见近日兵部考选军政屡奉严旨因副千户未经题奏辄署四品一事臣等未得其人屡询尚书石星亦云圣意渊深未知的确臣等日夜竞惕思进一言而未敢轻发也今又奉严谕概将两京科道衙门尽行降谪此我 皇上临御以来未有之事一时人心惊惶摇动臣等叨居密勿若复畏避不言匡辅之谊谓何窃惟朝廷设立科道以发奸摘伏为职 皇上责其平日专务沽名临事不能纠发诸臣诚无所逃罪但念此事臣等尚未真知满朝大小臣工亦云未知似难遽责其緘默也南都去京师三千里章< 足 铤-金 > 邸报近一月乃达此中政务安能逆知而预发之即使知之安敢以揣摩未确之语轻渎 君父之前此尤当垂宽宥者也见六科员数仅仅十余人御史先蒙降谪管城五人兹又降谪数多台省事务将令何人理办南京六科见止五人十三掌道人亦不多若尽行降谪则留都台省一空政纪淆紊事势窒碍有决不可行者至尚书石星考选一事虽未当 圣心但平日之劳烦多一时之误似小更望大赐宽容以曲全礼遇大臣之体不报兵部尚书石星随奏前旨切责有以副千户未经题奏辄署四品之职臣备将行过事迹日夜思维未有不经题奏辄敢署职者惟查有锦衣卫衣中所副千户霍文炳通状告要并级伊祖霍奉原补祖役冠带总旗将本官副千户上加祖役冠带总旗授署指挥同知事实授指挥僉事三

月初十日具题十二日奉旨伏思前旨未蒙明示姓名妄意事或在此比时止据该卫查明无碍未及访其生平奉旨切责以来访之人言啧啧似谓素行狼籍有累并职之举不明之罪委无所逃乞赐放归以全末路诏已有旨如何又来饰辩且此事已经屡旨今方觉悟卿居兵曹选官授职不加慎惜辄为滥与今却又言素行狼籍其于授职奉旨先后番覆何说姑且不究著遵前旨策励供职不允所辞

○命巡抚贵州右佥都御史杨时宁以原官巡抚宁夏

○辛酉大学士赵志皋等奏请于新岁二月上旬择日开讲是日奏以万历二十二年至今所撰讲章易经夬卦至杂卦传诗经小雅秩秩斯干章至鼓钟坎坎止通鉴纂要孝景帝元年起至孝宣帝木始末年以颍川太守黄霸守京兆尹止类写装潢进呈伏望万几之暇时加观览以求温故知新之益

○壬戌刑部奏费甲金隐匿事情已提客用及王坤觉大义等严刑考讯而苦不招承恐此狱终无完期费甲金系勋庸世臣难以提问莫若严责费甲金速将赃物从实解进免家属徒毙杖下 上以其支吾了事堂上官姑不究该司官降一级调外任仍令尽法严追不许仍前纵容

○癸亥 皇陵内火起延烧草木

○铸完秦府崇信王谊< 淄田夕 > 韩府汶阳王璟衮德府德安王常洞各麒麟钮镀金银印

○大学士赵志皋等请于二十七日放史馆官吏假许之

○吏部等衙门尚书等官孙丕扬等奏言官者所以发奸触邪以匡佐休明之治者也 皇上优体言官二十三年于兹矣今逐吴文粹未已而刘仕瞻张同德亦已波及逐区大伦未已而俞价强思及五城御史悉皆禾口朱连曾不三日两都言官又空国而逐之夫六科人各职掌十三道轮流建白犹九卿之各一其职也一兵科事而概处各科非道臣事而并处各道是以兵部事而可尽处九卿也通国诸臣人人自危岂尧舜之世所宜有哉伏乞收回成命将科道诸臣通议罚处仍令还职造福宗社诚非渺小< 躄 毓 金 > 奏 上曰卿等说科道摘发奸恶今有阉竖背主欺君连姻外戚倚势坏法擅作威福通若罔闻置彼等何用至如昨者兵部以有旨不许擅升的霍文炳辄罔上并职彼等亦无一言且近来两衙门专徇己私南北通同朋党附和扰乱朝廷此等何益国家朕今责处尚姑从轻卿等如何又来渎救著遵新旨行

○署兵科事刑科左给事中徐成楚以东封未有成据言东封之役使臣揭报似在垂成道路烦言不无隐祸夫釜山之倭百十余年矣祖宗坟墓谁不系心安土重迁情难遽割乃数十万之众颐指沈惟敬之一语而不难东徙岂一封之力所能制乎臣未敢信也惟敬市井无赖非有忠信廉洁之行可倚而仗彼其所以说行长与报该部者未必尽符也抑阴予彼国以情而阳欺该部以术亦不可知据报关白习礼已属支吾行长输诚尤多虚幻即姑置勿论惟是本年七月八月报倭众渡海者六万八千余矣今又四阅月

不下数百所而市店遍于都市所积之费都人号为百乐川至于假功署四品要篆彼何人斯秉章绶钥摄局理刑则朝廷用贤之谓何安可置而弗问耶张锡张士登势若飞虎被害者饮泪吞声莫敢谁何则朝廷为民除害之谓何而仅使之为民还乡并非所以洩民愤而昭大法也闻近日军政考察如李东旻等动以千金结纳受诸王馈遗如襄庆等王动以万数是皆假 皇上之威以要其利而收其功此尚谓之有 君耶得旨张诚谄狡巨奸假作威福胁骗 亲王权中外尔等如何先无一言之忠今已发露方行参劾其余触邪指佞之责何在姑且不究治张诚既所为过恶多端本当重治姑念效役年久着降奉御发南京 孝陵司香其所霸占势买及本犯应有庄田财物尽行抄没人官不许徇私容纵张勋霍文炳等都着镇抚司监候事完请旨定夺

○司礼监大监孙暹等题将犯人张楨张勋等都城内外房屋并附近庄房地土俱各入官张楨首称寄去原籍平乡县银四万余两乞敕彼处抚按官严追解进霍文炳往逃徐州差官缉访务在得获报可

○己巳甘肃巡抚田乐题青酋部落伯颜兔吾降称有虏见在半个山图谋入犯游击葛赖等于念三年九月念二日督兵追赶斩获虏首四十七颗乞将葛赖等并总兵王赋业以下分别升赏章下所司

○庚午 宣宗章皇帝忌辰遣官祭 景陵

○辛未夺应天巡抚朱鸿谟等俸有差以其角□羊进段疋不堪仍敕自后各该织造地方抚按严率司府等官用心督造

○癸酉孟春享 太庙遣定国公徐文璧行礼 ○兵科署科事刑科左给事中徐成楚题据辽东巡抚李化龙报东虏伯彦罕等西夷以儿邓等期于正月犯河东西虽各异路而市抢之报纷然臣窃照东虏惩高平之败薪胆愤郁必欲甘心辽左计非朝夕矣祇以疮痍未起羽翼尚孤扣关纳质插盟求市岂心实悔祸而不难引咎若徒庭款塞者比哉毋亦裂眦之怒藏于嬉笑阳款我而阴伺之隙以需时也未几东西之党既协猖獗之谋毕露五合六聚声东击西虽该镇运筹借筋必不玩寇以疏防而狡虏惊饵伤弓计且思深而虑远况彼十围五攻而我以寡敌众则格之难彼无所不攻而我无所不应则备之难万一三军之众狃前日之捷视为易与则胜负之数当未可知安可不预为之计乞敕严谕相机决策协力剿捕章下所司

○以后军都督府佾书怀宁侯孙承恩管右军都督府事 ○丙子大学士陈于陞奏恳特宥言官以光 圣治近以严旨切责罪及南北台省诸臣三十余人网亦少密焉夫 皇上切责言官者谓其往日言事不当与近之遇事不言耳而臣窃以为诸臣尚有可矜宥者请一一为解释之古称齿马有诛投鼠有忌禁密之事臣子所难言也况 皇上御极以来法行自左右始台省诸臣已习知之即偶有风闻惧不得实岂敢遽行摘发以为 天威咫尺自无所逃其罪耳乌足烦白简哉非忍为欺蔽以负 皇上也诸臣当矜宥者一人臣旷官有罚侵官亦有罚军政一事兵科主之别科固不得预也掌道御

史必建白牌轮及遇事乃言其余不过附名牒中而已至于南都科道远在三千里外焉能先事以发奸各差御史自有本等地方致务奚暇越职以言事今祇因一事而概谴谪之不已甚乎诸臣当矜宥者二士当有道之朝常不患其随而患其过激数年以前台省诸臣争务批鳞论事尚蒙曲赐包容一二年来臣等每晤诸臣常戒其喜事博强直之声谕以安静养和平之福诸臣亦颇有相信者诘意今番谴罚之重株累之多倍甚曩时恐此后台省间又将以昔之激抗者为可自表见而臣等之调停者为迂庸无当矣诸臣当矜宥者三诸臣今日固以缄默得罪然稽考其平日岂无有一二露章输赤触冒 宸严劓切贵要者 皇上又以为不当而罚之是诸臣言亦罪不言亦罪将今何所措其手足乎且恐中外私相揣摩以为 皇上明罪其缄默实厌其切直从此士气阻销以言为讳即有大奸大蠹谁为纠发其貽患国家尤有甚于前所虑者诸臣当矜宥者四伏望 皇上留神采纳将新奉旨降谪官二十三人特敕吏部分别上请系南京及各差者量从宽宥其在京任事者姑重加罚治令其策励供职得旨肘腋奸逆张诚甚于冯保言官不行谪发专徇己私烦言琐渎沽名要誉姑已从轻卿如何又来救激前南北二京科道官耿随龙等都降杂职调极边方用不许朦胧推升

○大学士沈一贯是日亦申救言官得旨已有旨了

○以游击佟养直管辽东巡抚标下中军事

○升大同中军坐营署指挥僉事王三聘为延绥巡抚标下游击大同守备署指挥僉事陈愚衷为延绥领军游击都司僉书署都指挥僉事阎逢时为兰州参将大宁都司僉书王养民为河南都司掌印

○丁丑吏部等衙门尚书等官孙丕扬等奏言官改谪新旨过重内言天下之患莫大于法家拂士之日远而惟其出言之莫违古者罪一人以惧百人今日罚数十人以竟一狱恐非所以为赏罚也乞行宽宥得旨言官失职屡有明旨卿等如何又来救激其两京科道耿随龙等都革职为民不许朦胧推用留任叶继美等姑各夺俸一年

○是日左都御史衷贞吉奏言官降斥太多乞令改图以全国体且以一言之失去台臣十有九人致令台差并缺尤为非法不听

○升固原东路游击孙邦熙提调宣府南山地方参将

○戊寅 孝恪皇后忌辰遣官祭 永陵

○户部题复永平伯王栋伯爵本折禄米一千石内本色七百石折色三百石如议

○户部题降封奉国将军伸顶口土禄米照例题给报可

○户部题绍金衢三府南粮通准改折自万历二十四年为始以后仓粮倘有不敷听南部临时酌请 上命三府准改折五年仍徵本色

○户部覆山西抚按官魏允贞等题高平县原任知县杨性鲁任内侵欺钱粮九百七十六两以其多增额丁二千七百余丁后官觉发乞行提质 上命巡按提问具奏

○升蓟镇守备王建中为定州游击

○己卯吏部题覆巡抚辽东李化龙奏留兵备张思忠以左布政新衔照旧管事从之

○以镇远侯勋卫顾大礼管理红盔将军事 ○以神枢营右副将署都督佥事任自强为镇守居庸昌平等处总兵官

○升广东都司佥书顾白□木为广东惠州海防参将

○庚辰调湖广按察司佥事史旌贤为江西按察司佥事

○升山西布政司右布政使房守士河南左布政使

○兵部题京营人马固当练习将领尤当拣选 祖宗团营旧<□□矢见>有阅视主于较量武艺考选则论平昔贤否三年一次举行乞照先年旧<□□矢见>特命司礼监官一员会同各营内外提督官及兵部堂上官巡视科道官将左营坐营以下至把总等官通行考察开具应留应去缘繇具奏请裁在 世穆两朝皆有故事而 皇上登极以来四经申饬伏乞如例举行报可于三月内命司礼监太监田义阅视团营

○凤阳守备太监杜用奏万历二十三年十二月二十五日 陵内西南角火起众称起火之处并无人迹到彼突于树巅忽然沿火草木事出异常幸赖 皇祖在天之灵早为知觉将火随时扑灭殿宇城垣仰托无虞且 皇陵周围外筑土城内建甃城四面共计二十八里原设 皇陵一卫官军两班共计三千二百余员名守护巡逻素甚严谨实系天灾非人所致 上报 祖陵火燃草木幸赖 皇祖默祐随时扑灭朕心深切警惕此乃时常巡逻不严偷安不敬杜用着降三级取回私家闲住

○壬午升贵州都司掌印周应熊为贵州参将山东都司佥书张承宗为辽东参将

○福建巡抚金学曾题报地方旱灾乞赐酌处将福建比照延宁等处边方限期夏灾七月秋灾十月具报着为定例章下户部

○甲申 英宗睿皇帝忌辰遣官祭 裕陵

○工部覆工科都给事中林熙春题河工<□□足 毓-金 >窃念导淮分黄两役并举至为重钜而分黄之工比之导淮分数尤多在事诸臣矢心协力业有成效但今漕船过淮在迤淮凤播种届期春夏雨水多少尤难预度若不趁此春和刻期僦完将来国计民力何能兼济科臣林熙春题议及此诚为有见乞敕各官将导淮分黄一应工程各照分管地方责令夫后昼夜兼工依限完报若有怠玩误事许该科与勘河科臣指实参奏庶祖陵永安河患永弭而运道农时两无妨碍矣如议行

○兵科署科事刑科左给事中徐成楚题近奉旨敕李宗城授署都督佥事充正使杨方亨以原官充副使各赐武官一品服色与沈惟敬前去日本定封窃照东封之役盈庭聚众仰赖 睿谟宸断主持于上该部违众一力赞佐于下迄今边烽息警将士休戈盖一岁往矣臣何容置喙顾节据使臣之揭报似在垂成博采道路之烦言不无隐祸臣之私忧过计有万不容默者夫釜山之倭非创自今日业百十余年矣祖宗坟墓谁不系心安土重迁情难遽割乃以十数万之众颐指于沈惟敬之一语而不难东徙岂靡靡一

封之力所能制乎此臣之所未敢信也夫惟敬市井无赖子耳非有忠信廉洁之行可倚而仗彼其所以说行长与所以报该部者未必尽符也抑或阴与彼国以情而阳欺该部以术乎据报关白习礼已属支吾行长输诚尤多虚幻即姑置勿论惟是本年七月初六日起至二十八日止已报渡海者三万余倭矣八月初三日起至二十九日止又报渡海者三万八千余倭矣迄今又肆越月计釜山之游魂余种单只无遗而关白之纳款酬恩旦晚可至为李宗城者亦何所顾忌而趑趄不前耶此臣之所未敢信也臣闻长蛇封豕渐不可开桑土衣衲备之在预今辽海并边将吏为讲封撤警久无专责有如重译无闻而启疆思逞彼惟敬者不北走胡则南走越耳顾安得执前言责后效乎大都釜倭即不尽归何妨封典而役役于釜山以待尽则反褻尊严狡臣即不输款何损泰宁而汲汲于予款以见欺则大伤威重况时更期月不可谓不久士马数千不可谓不费乃使臣狼狽于境上倭奴桀骜于岛中彼求刘敬之盟我忍嫚书之辱悠悠道路之誼腾臣即不敢尽信以为实然不敢尽疑以为虚也乞敕使臣李宗城等将彼中事宜据实奏报如或欺罔罪有所归仍祈敕下该部严勒报命之限谨修沿海之防于以仰慰 圣怀俯安众志不然者臣请以白简绳其后事下兵部

○吏科给事中张正学题日本居东海中国初因其狡诈绝其朝贡载在 祖训可考永乐间复求封贡矢以盟约嗣后渐为边患至嘉靖中奸徒舶主为乡导遗害边海郡者十数年至今彼中士民谈之犹为扼腕以故绝贡者五十余年顷缘朝鲜受患请兵天朝 皇上弘恤小之仁不靳一旅以振其难平壤之捷保全王京奏凯西旋倭奴东遁惟时烟销氛靖各归土从此养威蓄锐永绝衅端但令朝鲜饬备自卫所谓以不治治之奚不可者枢臣石星信沈惟敬之言因为请封欲效顺义王故事以冀久安顾东南海岛出没靡常原非西北可同倭奴狡诈尤非可以化诲而震叠之者仰赖 皇上明烛无疆同符 圣祖谕旨周悉不啻再三如行长谕以不许留住房屋谕以尽行烧毁倭夷谕以尽数退回朝鲜谕以探实奏报且云详审情伪订盟永无他变睿算神谟真无遗策矣枢臣自谓遵奉严旨一力担当以故 圣意允俞容其进入当小西飞审译时业以自认天使一到釜山兵马悉退行长即回惟时诸臣闻之将谓东封之成应在旦夕且谓小西飞远来乞封既得恩谕即当归报其主一面烧毁栅房撤出兵伍一面遣官出境以迎使臣方为恭顺之意何二臣衔命将及逾年久住朝鲜未闻渡海顷接邸报见东封二疏据正使李宗城则云行长伍营尚在清正犹未归巢据巡抚李化龙则云清正未行或报阻封惧诛或报留迎册使据沈惟敬则云已择十二月初六日随册使渡海又云若是日风汛不便定于十六日行凡此数语俱涉支吾以臣愚观之窃未敢深信其然也夫曰伍营尚在清正未归可谓之栅房尽毁而一倭不留乎既曰阻封惧诛则清正者固封事之梗也而又何以留迎册使乎既曰初六日渡海矣而又曰风汛不便十六日始行假使十六日亦风汛不便将终不渡海乎自春徂冬一年将过秋风迅发西北最甚岂独无一日风汛之便乎况朝鲜之奏杳焉无闻而所传者乃辽东之信原议参议杨镐覆勘未行而所据

者乃董一元之报乎京师去釜山五千里程耳不过两月可至柰何 天朝命使赍捧纶音暴露道途已更裘葛犹然杳无结局乎臣惧丑夷非类譬之虎豹在山岛屿称雄原无忌惮未必仅仅利 天朝之一命而已也藉使真心效顺欲假一命以服海邦即当恭敬如期以迎二使何濡滞至今乎臣窃忧当事之臣轻信无赖误国损威非鲜且俾海徼丑夷得以轻中国而肆欺侮也乞敕下该部会议速差风力台臣一员星夜驰至釜山境上查勘事情别申警备下兵部覆

○兵部题束封一事久无结局臣等仰念宵旰攸关昼夜筹昼顷该科臣徐成楚张正学各有敷陈随据册使李宗城称往封之期多在新岁宽奠副总兵马栋称沈惟敬于去冬尽已发兵马先行渡海而两使督发军马及朝鲜人众于正月十五十六两日已经并渡大海至日本地方南沟崖倭得平调信随带船二百余前后到釜山迎接册使又关白传调清正作速回巢报似真确且宗城以通侯之子身膺正使若封事不完何以避责但事体重大岁月延绵若不亟为督催何以刻期竣事恭候命下臣等差人亟谕册使李宗城沈惟敬从实具报以听参处仍令辽东抚按各遣官入探有无别情具奏釜山各倭除原随行长入犯尽令回巢外其或生长年久不为扰害者不妨量为安插应如科臣所议至如沿海备倭事宜已经屡旨堤备今春汛届期尤宜慎加防守或致疏虞罪有所归其册使若已渡海责令先将到日与一应封事驰报仰慰 圣怀 上报如议仍差人谕李宗城等严令倭将速迎诏册渡海奏报毋得羈迟

○革内犯马钦亲属马应忠等职役为民 ○以伏羌伯李成功后军都督府僉书管事

○直隶巡按陈遇文奏惯贼左文俊纠党千人拒捕 上以强贼敢于京城近地聚众劫财其严究正罪不许玩视容纵

○月犯土星在张宿度分

○丁亥升吏部右侍郎孙继皋为本部左侍郎兼官仍旧

○起原任户部左侍郎裴应章为吏部右侍郎

○升大理寺左少卿江东之为都察院右僉都御史巡抚贵州

○升山东右布政使刘奎为右僉都御史巡抚延绥

○以管理红盔将军安乡伯张世恩掌南京左都督府印

○戊子陕西嘉石草坡等族番人戎肖等进献马匹铜塔等物赏给段□□□月□钞锭如例

○己丑江西道试御史周家栋题令甲凡 大祀文官五品以上武官四品以上及六科都给事中皆陪今祭孟秋臣与御史马从聘例得监礼乃所称陪祭者辅臣而下十数人而已次早谢胙者辅臣而下又才数人而已其不与者果皆一一有碍者乎夫不祭不谢胙则不知有 君亲也都厚膺显日月之际而耽安苟便以自弃典礼是其所以尊宗庙乎令甲侍卫大朝会则用全直常朝则更番除会极等门各有所直而列午门内外

者较尉五百人其余方巾青衣铜带铜牌之属不与马岂故为是美观哉所以耸臣子恭肃之心而销其颇僻之念也今各门持仗者果能举旧制之半乎臣巡视见兵卫不能糊口角口羊铜牌市之酒肆而主者不之诘细民阑入走禁地如鹜而无忌至亡等也故事臣下章奏奉旨批发六科而后禁抄岂非以明至公且以示至信乎往禁之不得抄固非所以广四海乃近阅邸报则有未及进呈而播之报房者矣有原未进呈而且不知所从来者矣甚至私帖小牒传布寰区其辱国事甚矣此非小故也奸人借此为传谤之邮而远方承听之徒不及察而开横辩之端将人心实自此坏之何没没也乞敕下部院申飭大小臣工如遇朝祭常期恪遵令甲不得玩愒以滋弊风其报非六科发抄者严禁不得乱传以淆听睹部覆如议

○河南道御史马经纶奏言近者斥逐台省至二十三人毋乃太甚乎去者不明署其应得之罪适以成其名留者不明署其姑恕之繇徒以增其愧道路传闻啧有烦言咸谓皇上以泥沙视贤才以草芥待台省辱国伤重莫此为甚夫皇上年来厌恶言官动责以括扰今忽变而以箝口无言罪之夫以无言罪言官言官何辞臣窃见皇上所为言者犹浅之乎罪言官也乃言官今日之箝口不言者有五大罪焉臣请为皇上列其状皇上不郊天者有年曾不能排闥牵裾诤如典故是陷我皇上不敬祖者臣等言官也罪二皇上辍朝不御停讲不举言官第言之耳而竟不能强得之是陷我皇上不能如祖宗朝之勤政矣罪三皇上任贤不笃去邪不决言官第言之耳而竟不能强得之是陷我皇上不能如祖宗朝之用人矣罪四皇上好货有癖而御下少恩肘腋之间丛怨蓄变言官共虑之而卒不能批鳞谏止是陷我皇上弃万历美政而不克终矣罪五言官负此五大罪人人俱知惭愧皇上奋然励精而以五罪罪言官之不言岂不当哉柰何所谓箝口而不言者不与此而与彼也以此知皇上实恶切直而故以缄口加之罪耳上怒不报随谕吏部今日览文书有御史马经纶心与奸逆报复故讪君无上借言申救恐负奸逆之私此必素日党类之人宪职重任何可置此奸肆之辈本该重治姑且降三级调外任用不许朦胧推升其存留两京科道叶继美等必有唆使情弊俱夺俸一年

○升游击李承祖为蓟镇参将

○庚寅升湖广佥事丁继嗣为本省兵备参议

○工科等都给事中等官林熙春等奏顷者御史马经纶慷慨陈言忠诚报国皇上诚罪诸臣以不言矣幸有敢言如经纶者计转圜在旦夕乃吏部接出圣谕竟从调降圣意深远未测其果以言罪抑以不言罪臣等未之角口羊言甚切至得旨降级调外其马经纶降边方杂职

○是日四川等道御史鹿久徵等亦上疏欲与诸臣同其罪谓初军政考察不当斥及兵科诸给事足矣并各科斥之又并各掌道御史斥之及职名一上而处分愈甚何为者也谓其不言耶间多向之敢言者谓其目击时事不言耶间多奉差在外者人复一人

日甚一日是 皇上以不言者为罪之名而以言者为罪之实是名以不言之罪罪今日而实以言之罪罪往日耳则何以尽服诸臣之心而示天下后世乎疏入仍降级调外二疏列名诸臣俱夺俸

○起原镇守陕西总兵官署都督佥事张刚充神机营右副将

○升协守潮漳副总兵汪弘器署都督佥事南京右军都督府佥书兼提督大教场

○吏部尚书孙丕扬屡疏休乞 上以其公清直亮众论所推不允所辞

○月掩犯心宿大星

○辛卯工部覆工科都给事中林熙春题河工乘时报完等事 上命便行与管河各官严督工程毋致延缓

○与原任工部尚书李戴父母祭葬如例

○差御史毕三才往长芦巡盐

○国子监司业叶向高奏进较完唐书 上命留览

○原任江西参政韩绍降补湖广副使

○升大宁都司柯鹰扬为马水口参将

○壬辰 孝静毅皇后忌辰遣官祭 康陵 ○甲午升原任编修方从哲为国子监司业

○升江西按察使沈修为山东右布政使

○升陕西按察使高时为山西右布政使

○礼部题覆吉王翊銮奏乞将二子常汶三子常俯赐改封郡爵照理埤埏谊

<田夕>等事例早正名分其常汶夫人陈氏常夫人周氏亦乞改封为妃夫本王以庶长子龙阳王进封今爵嫡弟薨而庶兄继则相传以承本爵者惟长子耳其余众子皆照原封世次授以本等爵级不准加封今乃称二子三子已封镇国将军应得爵级特援沈王秦王事为据二府事先经执奏俱奉 明旨后不为例本王此请前之有不应加之明例后之有不许援之新旨无一可者也况礼有继统不继嗣之文例无加恩再加恩之理乞敕该省抚按转行该府长史司启王务遵成例毋得妄希封典得旨吉府系朕亲支常汶常□□日廿支□准照秦府改封仍不为例

○礼部覆吏科左给事中黎道炤题宗藩违例擅婚妄报请名请封谓宗藩事例条例要例诸书其中典制犁然具备逮万历二十一年本部复益之以酌例四款始未常不念宗人而为之优恤也今以科臣之疏请参酌往例而再折之先年议擅婚子女一款议得婚姻之礼男女欲其敌体男既有爵女须有号若选到未封许其因便成婚是以民女配王家礼仪冠服之间殊有不称恐宗藩有识者顾惜大体或未必安于此也况将军中尉年及十五即便请封选婚纵文移往返动经岁月犹不逾弱冠之期何至便为怨旷且子女封爵并以母氏封号为凭若一概婚不待封他日私婚与擅婚将何所辩乎非所以重天潢而正伦理也则擅婚之不便旧例已曾及之祇缘前任部臣止议罚住本身禄米

一年而擅婚之禁竟从报罢不知世封之爵与一年之禄孰重在宗人固以甘冒罚而为之及子女请封之时本身已有物故者则罚禄特具文耳其何惮而不擅耶且如酌例议擅婚之禁亦曰已经另题者不在此限乃今题过口粮及远年之案勘给输情者俱藉口辩复大非所以遵典制也臣愚以为宜从条例一切擅婚者禁止之为便如谓以擅婚一旨绝其世封于法不无过刻则先年科臣万象春条议谓擅婚子女查在奉到勘合以后者仍许请封惟复稍示降等或给半禄或止给三分之一日后子孙亦如之此议独不可采而行之乎臣等又查条例开称擅婚子女如系听继王爵人数临期请旨定夺自万历十一年怀庆王载湫子翊_{金采}查系擅婚本部题请降封奉国将军奉祀法亦严矣合无于擅婚子女其封爵如科臣之议止递降一等而禄亦给其半则罚及子孙宗人终有所顾忌而世封不绝又未尝不寓宽恤之意也然亦湏断自二十四年之例之日为始其前此例未开时犯者即属故违纵于情可原而于法不可假贷惟是二十一年准开酌例之后或有不待封而成婚者宜稍一酌处如是或可免陈乞之纷纷而已行条例亦不致妨碍矣至于请奏期限一款除无奏报者例应查勘外其有奏请过期者仍照旧例云二十年以上立案不行者今或议至二十五年而止而年太多者固不容一概无限也又科臣万象春条议谓各省右布政使职务颇简各宗事宜相应专理而奏请一节专属之巡抚尤为简便此其议尤今日之所当采行者至于抚按具题仍宜会稿而本部题覆则不拘抚按先后有一院先到者随到随题如是则不失查核之初意而名封亦可无愆期乎乃若宗支奏报旧例原系按季类奏其不依期及保结不明者长史教授等官一体参治盖报生初册实日后名封婚嗣之地关系不轻也至如玉牒攢造送部原有混淆舛错增减之禁迩年玉牒开造子女有前后多寡不同者有生年日月互异者有受封入府之舛错不齐者以致本部议行勘议另题议立案者亦纷纷异致从来各藩奏请到京内外员役率皆视为奇货吏胥固挟而诿索而差来原役亦藉是以影侵上下隔绝彼此朦胧实可痛恨臣请自今以后立一格册颁式各藩其格一书年月日次父母封期次某年请名某年请封又某年请婚并明注某年月日颁到敕书及勘合之期又次则某年生儿子某年生儿女又次或本身有无过犯人注一纸各以类开列盖此报生之册原议规则大约类是亦一简便之法乎盖法取其平例垂可久要在随事核实使贫宗蒙惠而积弊一清如是而已得旨宗藩事宜还照先年旧例行

○乙未都察院题急缺风宪言官乞敕速议行取章下吏部

○吏科署科事右给事中王佐等题掖垣之人选用宜急不报

○御马监奉御刘灿奏拏妄男子李明石文暗携人头潜入禁地为谋叵测下锦衣卫问

○兵部题留蓟辽总督孙旷不允请告从之 ○升贵州副使易以巽为广西参政 上以 圣母万寿节颁赐四辅臣上尊珍饌

○丁酉升蓟镇总兵营中军刘养廉为遵化左营游击

大明神宗显皇帝实录卷之二百九十三

大明神宗显皇帝实录卷之二百九十四

万历二十四年二月戊戌朔礼科给事中杨天民题吉府改封一< 毳毼-金 >与要例不合秦沈改封 皇上已误于前岂容再误于后伏乞 圣明念旧章之当率防幸窞之易滋将吉府常汶常□□□日廿支□二郡封停罢一如部覆 上不纳

○己亥初改讲期大学士赵志皋等题日讲原于正月上旬举行今岁有碍祭祀谨择本月十六日吉恭请 皇上临御讲筵从之

○礼部奏广西象州等衙门庆贺表笺破坏差错 上命各该巡按御史提问

○四川抚按谭希思等奏播酋已勘敬陈处置事宜加升开封府通判蒲林重庆府同知职衔重庆府通判李培根以原官改住黄平章下吏部

○陕西巡抚贾待问题番人琐尔吉传火落赤揣库儿要往莽刺川来从绰逊河等处过河回套又哨得莽刺川地名舍龙抽藏一带轻骑往来采猎游走群虏围抢熟番拔刺等族随报抢番达子系真相台吉满古赤克臭等枝我兵潜从便道截于近番之上地名夥儿沟按伏复出边行至沙麻族各劄营待拒守护熟番当阵斩获夺获各虏返回从原路六杓沟回巢番长哈六卜领众番二十人探听虏情六卜假以送赏到于真相台吉帐内真相要其往套六卜不从暗行逃回随将同行番人虎卜害等羈留随闻真相差板胜恰并散虏来六卜帐内般取帐房河州参将周国柱统兵出关至哈帐生擒板胜恰其散虏阿兰夕潜入鸦关札麻儿旧寺探听我中消息仍率兵擒获执换原留虎卜害等以安番心以坚内向夫真酋遣使虽称挟番般帐实亦躡我动静幸被周国柱计擒则狡虏之谋已伐所据国柱议要安□车而女□监二虏换前拘留之番是亦一策第火真诸酋蟠据莽捩睥睨河洮实秦陇腹心之患乃今火酋统部回套已渡黄河之北情形似确尚遗孽子与真相似收故巢彼真酋者自知火酋之熏焰既已远流诸番之踪迹亦复涣散雄心寡助意在窥我虚实故假遣使以觐边备以夺番人事非泛泛可浸无警觉乞敕兵部覆议章下所司

○刑科都给事中侯廷佩题张诚一事已经孙暹查籍无容议矣第霍文炳以一卑仆骤冒显职家货钜万私蓄违禁宝物罪恶滔天今反惧法脱逃宜严拏文炳一二亲属讯鞫庶法不漏网而三窟无可逃之奸矣从之

○庚子差御史叶永盛巡视坝大马房

○升国子监祭酒杨起元为南京礼部右侍郎

○以礼部左侍郎兼翰林院侍读学士刘楚先充经筵讲官

○升云南参议林乔楠为贵州副使

○升山西右参政甯化龙为陕西按察使

○总督川贵兵部左侍郎邢玠以疾乞休 上命沿途调理前来供职

○制敕房办事大仆寺少卿兼司经局正字马继文升太常寺少卿照旧办事文以

九年考满故有是命

○以科目选补署正员缺从光禄寺卿田畴请也

○改原任大学士殷士儋谥文庄 ○降原任御史马经纶为陕西米脂县典史

○辛丑升大理寺右少卿连格为本寺左少卿

○升太常寺少卿提督四夷馆白栋为大理寺右少卿

○升河南右参政兼佥事伍让为江西按察使整饬赣州兵备

○升宣府巡抚标下中军坐营游击王尚忠为大同参将

○壬寅礼部题尝稽周制天子之元子冠礼之年近则十二远则十五国朝典礼实参用之著于 大明集礼 大明会典 累朝所遵行者今 皇长子春秋已十有五矣揆之典礼正合行冠礼之年先该万历二十一年臣等钦奉 圣谕皇长子出阁在迩合先行冠礼以见讲官但思尚未册立既不可据用东宫之仪又不可下同亲王之服姑令暂著常服出讲以待册立之日再行冠礼如敕奉行夫册立大事 圣衷默定至于 皇长子加冠之礼累有成命欲行于册立之后今年当十五过此则愆期矣夫礼有定期而不以时举则溺其职臣之所不敢也 上有成命而不以时申则溺其旨臣之所大惧也况选婚亦且届期礼当次第而举候诏施行报闻先是礼科给事中杨天民亦有是请不报

○升原任海盖兵备孙承荣为山东副使

○差兵部左侍郎李楨左副都御史张养蒙清理军政贴黄

○癸卯户部题赈济白河平利洵阳等三县及兴安州酌量彼灾多寡行之报可

○升广东练兵游击周易为琼崖等处参将陕西都司彭绍贤为分守金山参将

○甲辰 上以祭 三皇于 景惠殿收回祭设颁赐四辅臣

○除补原任湖广副使刘大武为河南副使

○降工科给事中林熙春茶陵州判官御史鹿久徵泽州判官

○礼部题戎政侍郎沉思孝经筵侍班报可

○已故武靖伯赵光远祭葬如例

○月犯毕宿

○丁未 孝贞纯皇后忌辰遣官致祭 茂陵

○祭 先师孔子遣大学士陈于陞行礼

○陕西巡按乔廷栋题海虏拥众入犯官军奋勇截杀乞叙文武将士并及经略郑惟用番成功并行赏赉章下兵部

○升山西副使易登瀛为本省参政凤翔知府朱南英为广东副使

○戊申遣公徐文璧代祭 社稷之神

○己酉兵科署科事刑科左给事中徐成楚题封信无期倭情叵测近闻外廷浮议或谓关白闭塞海口未通一舟或谓行长羈留册使要求五事或谓釜倭未见焚巢或谓

无日无抢甚则犯西宁而杀副将李魁继犯洮州而杀副使李联芳三犯洮河而杀游击李芳致廛廷议遣大臣经略断其假道革其市赏焚其寺刹而永火穷酋尚尔远窜西脑遁逃天诛迄今神人愤恨靡不欲縛其首歼其类而甘心焉乃永酋怙迷负固仍逞故态要挟市赏纠众内窥幸督抚道将屡遵庙谟鼓作番汉严行侦探虏方横行直闯穹榨越关而不知已堕伏中我攻其内番攻其外夹击摧残首尾不救几致只蹄不返头目把都儿恰即系亲杀李魁之人地名朵尔峡口即系李魁歹口员命之地且前后两时皆于九月则又若天道好还之报前后共计斩首六百八十三颗而久积不雪之愤庶少快其一二此一役也官军之截战诚为首功番众之夹击亦为殊绩而收番以待今日之可用者非经略郑雒乎当雒之奉命经略也时多以不战罪雒而不以收番为雒功庸知今日之用番乃前日收番之力而前日之不战正收战胜之功于今日也事肇于数年之前而收功于数年之后似应并叙至于本兵之调度中台之经画皆所当优以壮宣告之猷者也得旨该镇擒斩首虏六百余级奇功可嘉李汶升兵部尚书兼都察院左副都御史照旧总督荫一子锦衣卫副千户世袭田乐升都察院右都御史兼兵部侍郎照旧巡抚原荫儿男升指挥同知世袭照新衔给与应得诰命郑雒收番有功遇缺起用原荫儿男升指挥僉事世袭达云升署都督同知管事候大将员缺推用仍荫一子本卫指挥使世袭刘敏宽升职二级候有积劳遇边方巡抚员缺推用朱朝聘颜宇坪各升俸一级梁云龙万世德各升俸二级遇缺超升龙膺纪录推用柴国柱加都司僉书管事石星调度有功著加少保李侦余立各升俸一级该司郎中与实授仍加一级升用其余各赏银币有差

○准成山伯王应龙男王允忠袭爵

○甲寅大学士赵志皋等奏辞加恩不允

○兵部尚书石星以疾辞荫不允

○戎政侍郎沉思孝以林培论劾求去 上免之供职不允所辞 ○贵州巡抚江东之辞新命不允

○兵部尚书石星题科臣以封事久羈流言可畏恐沿海别有疏失特请申饬修防虑远忧深臣甚韪之但臣思倭果志不在封则坐候釜山已逾三年抢掠不闻守株自食是将何所待耶及今册使入营随带员役数百一切馆穀船只皆为供亿人多费重毫无敢缺是又何所求耶即此情形昭如黑白臣因是益信今日之事惟当安静以待使臣相机行事决能外完封典内慰 圣心至于查勘事体已将结局情形不在釜山往亦无益应候事竣或仍遣该镇监或别遣风力科臣往勘 上从之

○潞王奏府门突被火灾乞行修理 上报曰览王奏府门被灾行与该抚按官作速修理

○敕总兵杜桐即出料理春防 ○准总兵麻贵回卫调理

○乙卯遣襄城伯李承功祭 恭仁康定景皇帝

○工部题修理延祺宫措办物料从之

○改太仆寺少卿郑继之为太常寺少卿提督四夷馆

○升户部郎中周之鼎为广东佥事

○选到河南山东子弟李茂等择日赴诸王馆会选

○遣公徐文璧祭历代帝王

○差御史赵文炳往湖广龚文选往应天吴崇礼往陕西各巡按

○丙辰 恭仁康定景皇帝忌辰遣官祭 陵寝

○丁巳以浙江海宁海塘工成各官效有劳绩王汝训刘元霖刘浑成薛梦雷各赏银有差罗应辰纪录擢用徐廷谏分别奖励盖海宁地方滨海县治之外即当潮水之冲一带塘堤延袤三十余里费仅一万二千有奇减省银一万二千三百四十八两因工部题故有是命

○戊午大学士赵志皋等三辞恩命 上准其辞荫加秩之辞不允

○南京吏部尚书蔡国珍引年致仕 上以其清望素著不允

○降御史林培为福建运司知事

○庚申差御史袁九皋往山西秦懋义往苏松叶永盛往江西各巡按

○升光禄寺卿田畴为顺天府府尹

○起原任湖广参政冯露为山西参政

○辛酉总督蓟辽孙矿题封倭一事乞敕兵部坚守前约行令李宗城等且停住釜山无轻渡海务必遵奉敕旨一倭不留朝鲜王奏报然后渡海往封明与说定一日不退一日不渡以此相持即多延岁月亦所不计倘彼欲行强要或耳目非是即系彼违前约非我失信二使臣即明白具奏完节还朝沈惟敬见关白果有别情作速来京回复或二使具奏以候朝廷处分慎毋欲速轻进章下所司议覆

○兵部题覆辽东巡抚李化龙倭情转换可疑乞要相机审处盖谓小西飞乞封之日内外官公同译审逐款亲答所以侵犯朝鲜之故请封之繇封后不敢求贡指天自夫一一供明然后议发册使乃遣使踰年尚未结局以故流言蜂起申外惶惑随该科臣徐成楚题称春汛渐逼封报可疑方在议覆闻又该册使李宗城奏封事虽迟倭情无异沈惟敬三四月间回迎渡海竣事似已有期今该镇督抚孙矿等因其迟回疑有狡诈一谓册使不宜轻易渡海一谓朝鲜战守所宜卑图皆以职共封疆不妨预思戒备始以倭众侵据七道朝鲜奔号请救 皇上悯其颠沛兴师往援继众退还釜山朝鲜代奏请封 皇上嘉以款诚许与封号及小西飞待命阙廷两次会译此一时大小臣工所共见者伏蒙 圣断从其所请颁给册使乃平秀吉等敕谕亦止一封不得别求贡市今遽云别有要求虽出流言有无难必然使臣所奉者敕书所守者国法岂容擅许沈惟敬虽系凡庸亦知畏死曷敢私与即诸臣妄许于外臣必不敢曲徇于中而矫诏辱国督抚处在密迩所闻或较臣为真册使身在釜营所见必较督抚尤的若果恭敬如初一封完事即当酌量前进以终大典如或一封之外别有要求即当据实奏报候旨西还盖宁使失在彼不

○敕原任副总兵杨元以原官管山海关参将

大明神宗显皇帝实录卷之二百九十四

大明神宗显皇帝实录卷之二百九十五

万历二十四年三月戊辰朔 孝肃皇后忌辰遣官致祭 裕陵

○巡抚浙江都察院右佥都御史刘元霖以疾乞休不允

○升宣府守备胡世芳为大同游击

○兵部题修葺应州城南关从之以总督王世扬巡抚梅国桢请故也

○庚午吏部等衙门尚书等官孙丕扬等题勘明原任戎政侍郎蹇达受贿事迹奉旨著在籍听候起用

○升河南参议张泰徵为陕西副使

○吏部题大学士赵志皋历从一品俸三年考满命吏部从优厚恩典至是上请报曰元辅志皋赞襄密勿茂著忠勋兹当考满朕心嘉悦加少傅兼太子太傅进建极殿大学士荫一子尚宝司司丞赐宴礼部以示优礼元辅之意

○兵部覆兵科署科事刑科左给事中徐成楚题总兵麻贵历任冲边夙著劳绩乞仍留管事料理边防从之

○辛未兵科徐成楚题劾总督仓场侍郎边维垣总督戎政临淮侯李言恭老病不堪任事章下所司

○协理京营戎政都察院右都御史沉思孝以病乞休 上以阅视重务令其供职

○礼部覆故顺天府府尹钱藻恤典给祭葬如例

○礼部题织造冬至 大祀 上用十二章袞服并皮弁服

○壬申升甘肃守备蔡梦熊为庄凉游击 ○癸酉礼部覆故南京吏部尚书袁洪愈恤典准给祭葬如例

○兵科徐成楚题长昂盘据三卫距 陵寝仅数舍许自革赏之后东纠西结志在必逞虽顺义抵牾未应而赶兔猖獗可凭乌合衡连势所必至近闻督抚与枢臣会议裁其贡而与之款亦羈縻一策然未可常恃也可忧者一云中上谷为神京锁钥往者青把都未死顺义故壮久称恭顺今渐非初矣戎足易猖兽心叵测积薪厝火未可谓安况青酋遗有五孽控弦不下万指少者渐壮壮者渐黠可忧者二甘镇久为永邵卜所苦该镇不胜愤郁诱其款而屠之雪耻除凶功诚不细然或者谓杀降不武诱款不信启衅不祥夫边臣任事最难兵法致人有训阌外便宜岂堪苛责然亦该镇之一隙也可忧者三辽左北逼虏南逼倭最称要害自高平大创虏谋小寝所难御者独倭耳夫釜山故非土著传者误以为土著乃今筑塘构室屯粮增兵俨然一土居意矣朝鲜能无恙乎朝鲜危则辽左危可忧者四西夏自孽哮之后摧残略尽火落赤著力兔诸虏又从而蹂践之迄今贫者逃富者徒丁壮死于征戍老弱疲于转输所为国家有者独区区版图耳肩事者不以此时力为培植安保无如元昊者出为宋患乎可忧者五封疆之臣守土为职我国家

○命王学礼宴待慧济扯把等寺番僧马尔完卜等八名

○己卯大学士赵志皋张位陈于陞沈一贯各以灾异乞罢 上报朕遇灾兢惕正赖卿交交警调燮举行修省实政共回 天意岂可因此求去宜即出供职以副眷倚不允所辞

○庚辰户部覆山西巡抚魏允贞揭汾州府照依今定穀数每年额积一千三百石及行汾阳县每年额积七百石皆自二十四年为始从之

○辛巳 武宗毅皇帝忌辰遣官致祭 康陵

○户部题在京文武官员本年四月五月本色俸粮每米二石折绢一疋行各衙门查明照例每绢一疋折银七钱咨南京户部将文武官员四月折绢八月折布于内承运库并甲子库遵照旧例各给本色从之

○礼部题遇灾祭告遣公徐文璧祭 朝日坛侯陈应诏祭 夕月坛都督同知陈承恩杜惟忠祭 太岁东岳各祠其北极佑圣真君汉寿亭侯都城隍金阙玉阙真君五处神祇遣太常寺堂上官分诣行礼 ○起原任广西参将韦国祯为徐州参将

○壬午兵部覆兵科给事中张正学题抽京营蓟辽等镇精壮为选锋加以双粮科臣谓当无事而预为之备庶不致临敌求兵而事变可弭臣等谓当随地而各为之备庶不致添兵增饷而中外无扰整饬防范与酌量机宜固并行而相济者也报可

○月应食不食先是春官正李钦等推算望月食三分七十抄候至寅正初刻月体未亏亦无占咎

○癸未大学士赵志皋等三< 跪 疏-金 >求免上皆温旨悬留

○户部覆宁夏巡抚周光镐题马匹料草议将支剩卧引斗底银辮补支給及将王府食盐抚赏等项用过银两照数开销从之

○户部题催河南应天额设折色俸粮报可 ○甲申 上谕内阁以 圣体不安因灾惊惧目眩体颤不能跼立升殿以阁臣因文书官附奏请 上视朝以发诏敕故也

○吏部等衙门尚书孙丕扬等官各奏因灾乞赐罢免 上皆温谕慰留通政司田蕙奏罢命照旧供职其两京四品以下及督抚总兵官等官俱著用心供职不必自陈烦扰

○礼部题代恭王已故庶第一子代王鼐铉薨逝无嗣庶第二子新宁王鼐匀进封为代王许之

○乙酉日讲官吏部左侍郎兼翰林院侍读学士刘元宸吏部左侍郎兼翰林院侍读学士孙继皋及各部左右侍郎大小九卿等俱遇灾自陈 上命供职

○丙戌礼部题吉府常汶常□□日廿亥□二郡停封内言天下之为亲支者不独一吉府天下之欲为子请封者不独一翊奎也设复有继此而请者 皇上将概与之耶乞收回成命报闻仍遵前旨

○丁亥大学士赵志皋等题停减织造烧造议如部覆拟票上请不报

○戊子谕文武群臣朕恭承天命嗣纘丕基二纪于兹不敢荒豫乃今三月初九日夜乾清坤宁宫灾天降异殃明昭严谴煨烬 累朝之缔构震惊 圣母之起居罪繇眇躬何所逃责夙夜惶惕思省愆尤盖缘朕自静摄以来 郊 庙弗躬朝讲希御批答停阁听受阔疏以致赏罚乖违臣邻玩愒大僚不以准绳简下而曲徇人情诸司不以勤恪莅官而但图私便巧文繁请销铄之口何多畏事避难肩荷之人实眇爵赏日颁而谁为激劝民力日竭而莫之省忧慎刑有令而出入或失其平惩贪虽严而馈遗尚仍乎旧供亿繁滋而邑里称扰战守未息而师徒告劳凡尔等之旷官亦朕躬之失德干和召变职此之繇振纪肃纲宜自今始兹用敕尔文武群臣其各大湔积习痛加修省有官守者勿任情优游而废坏庶事有言责者勿徇私雷同以长奸乱政事关朕躬当与天下更始责在尔等其尚交修儆予诸凡衅萌悉加补塞更勿矫厉虚名饬增诡行但长俘伪益滋烦苛如乖理道之经致拂天人之意宪章具在朕勿敢私巽命重颁咸宜恪守仍申飭在外郡国边镇军民有司一体遵行庶几仰对 上天仁爱之心永迓 宗社和平之福

○命陕西巡抚刘光国致仕以其为兵科徐成楚所参也 ○总督陕西李汶奏辞恩命不允

○吏部题辽东巡抚李化龙以病乞休 上念辽镇多事不准辞

○户部题两池盐课早涝相妨难与怠旷者同例参肃察等各免议报可

○户部题广东琼州府澄迈县民谢大成奏称本府增饷条鞭税亩峒黎及灶户冒免田粮数事俱系假公济私惟有增派秋粮一款委涉偏累今议减去秋粮银五百九十七两以示宽赦从之

○兵部题关白营寨三分已焚其二似无他说但朝鲜恨倭已深既欲我之亟罢封以洩前讎又欲我之再兴师以助报复故倭营便有举动辄便惊惶务甚其词况主封者行长破封者清正今行长不在釜山或清正故露其形以疑朝鲜而摇中国亦未可知乞查盖楼布种索图窖冰是否真的并陈训练兵马事宜得旨依拟行还著马上差人前去探听回报

○革陕西固原参将王国柱回卫

○工部奏乾清坤宁被灾乞减织造烧造二事留此数百万之费以充大工之用奉旨这都是现缺应用进 两宫圣母及赐各宫年例赏赉内外并夷人等义不可缺难以停减还著遵前旨行

○己丑兵部尚书石星奏封事未成速赐罢斥 上曰边方多事东封未完正赖卿居中筹画以副倚任岂可因人言求去宜即出供职不准辞

○户部题蠲济广西恭城永福阳朔等州县从之 ○革原中顺天乡试屠大壮为民

○辛卯户部题军粮支放务照较定斛斗平准给散不许短少升合奉旨便行与经

稿一级

○丙申升五军右营游击陈安邦为大同参将

○升延绥守备许光先为延绥游击

○升云南参将张宏为四川松番等处副总兵

○工部覆御史蒋春芳题分黄导淮之说真是石尽第分黄即所以导淮而分黄之工未就则清河口之辟沙高良涧武家墩之建闸周家桥之疏河抚臣之议亦确乎其不可易者盖所以避时下泛涨之水纾 祖陵眉捷之急也若分黄大工就绪门限淤沙尽辟 祖陵无恙黄淮顺轨则此数处不妨堵塞使淮水专繇清口而出亦无不可今二流春流无恙各工渐次底绩乃喜事异论丛尔多口泥堪輿者曰分黄之工遂成则淮黄不交有伤王气拘区见者曰高家之堰不折则淮流泛滥终滄 祖陵不知武家墩高良涧周家桥即所称高家堰也高良涧其中而武家墩周家桥其首尾也开此三处即折周家堰矣必如何方谓之折也而堪輿之说尤无根据盖二流之合始于 武庙初年 祖陵之葬肇于胜国未造我国家熙运过卜原不系此况分黄工程毋论淮黄依合且有重添一合襟者而论者特未之思耳信如彼折堰之说水直南射与黄风马牛不相及合襟安在风气安在信口而谈其于国事若秦越人之视肥瘠不足听也徒使当事者闻之噤然灰其任事之心惟是分黄与辟清口沙为第一要务但往者黄流未分一时积淮宣洩未及故不得不开周家桥武家墩等处以洩泛涨之水权为急救 祖陵之计若高家堰之不当折则固无容议者乞禁浮言庶便责成议论既定而肤功可奏疏入从之

大明神宗显皇帝实录卷之二百九十五

大明神宗显皇帝实录卷之二百九十六

万历二十四年四月丁酉朔大学士赵志皋等因 上宣召御医恭问万安

○兵部尚书石星奏工部郎中岳元声< 疏 疏 疏 >论东事误国乞赐罢斥待封事成否正臣之罪 上曰卿竭忠任事原无欺蔽朕所素知今虏倭未靖本兵安危所寄岂可因一二浮言遽欲求去宜遵旨即出供职不允所辞

○浙江道御史何尔健奏 郊 庙一节所持以抒发 圣孝孚契 祖灵者在是臣于此谓 皇上必不可已也况诏旨初颁言犹在耳皇华方遣于国驷牡未出于 郊乃取所为祭而观之则昔日一公今日犹一公昔日一侯今日犹一侯使 祖宗而无知也祭不必事而官可无遣也如其有知当谓 皇上何传曰人穷则反本 皇上于火光中尝默祷 祖宗之灵而念及 祖宗之庇矣曾不数日仍复狃宴安之积习循遣官之故事岂遂忘默祷之虔心而不思庇佑之弘功耶天心仁爱人君有不德则出灾示儆冀万一之能改耳今 宸居尽灰躬自暴露此之不改则更无改时恐 天地 祖宗绝望于前百官万民绝望于下载载兀兀独处深宫即玩好盈目珠玉满前能长有乎并及礼臣范谦引例恭代为容悦不忠罪当斥疏入留中

○协理京营戎政右都御史沉思孝奏回天第一实政乞行 皇长子冠礼

○朝鲜国王李昫奏乞封世子章下礼部

○兵部题预报倭退日本迎接种使报闻 ○工科给事中杨应文题顷者河高淮壅 陵寝沮洳 皇上惻然动念遣科往勘俯允分黄导淮之请讵谓福建右参政钱拱辰又有拆高堰之揭夫高堰一开维扬高宝为壑利害较然彼一则曰高堰筑而淮水不能归湖黄河不能兼受一则曰导淮无藉于分黄一则曰决堰即所以导淮此说一倡便成掣肘将令担事者灰心勘议者眩见趋役幸败恶成固理所必然者按臣蒋春芳曰河工垂成乞敕河漕大臣勘河科臣无畏浮言安心料理并禁中外不得阻挠云者是当机之断也伏乞俯采臣言勿惑钱拱辰之谬说趁春和日暖分黄导淮奏平成以答 圣怀部议 陵泗受患委因淮壅所致然淮之壅非尽繇高堰所邻以黄强灌清口淤沙日积使淮不能纵之而出耳若黄流既分清口沙尽辟则淮将得繇故道虽周桥武墩等处建设闸坝及疏浚子婴泾河等工似亦在可缓矣又何必以开高堰为哉应从科道两臣之议以图竣事

○工部题鼎建乾清坤宁宫门座围廊等项该用木石等料上紧造办择吉兴举所有条议各款事宜皆大工之至切者一议徵逋负一议协济一议开事例一议铸钱一查库料等项一议分工一议楠杉大木产在川贵湖广等处差官采办一议采石一议车户一议烧甄一议苏州甄一议买杉木一议发见钱一议稽查夫匠一议明职掌一议加铺户一议会估一议兵马并小委官贤否一议木植一议停别工奉旨鼎建乾清坤宁二宫工程重大经费浩繁你部即计处周悉内协济开纳等项事关别部的便酌议停当如议以行

○庚子大学士赵志皋奏恳恩辞免 上谕朕顷戒谕群臣恪守职业卿为元辅受国重任谊切股肱正当为朕表率百僚殚忠图报岂可屡疏求去宜遵旨入阁办事用副眷倚至意遣鸿胪寺堂上官宣谕即出

○辽东巡抚李化龙题倭众原有十六营烧毁十一营现在五营停海岸即如约亦甚易撤惟敬奄奄日久寂无嗣音非欲侵朝鲜而肆其兼并必且轻中国而别有覬觎夫朝鲜不能自备而我坐待之是宋忘辽之见也若倭遽有朝鲜则以日本之技用朝鲜之人是以一辽支二倭而国家他日之患恐不独在辽也事宜早定以伐其谋章下兵部

○兵科署科事徐成楚恭报清正束装在即釜倭渡海有期据册使李宗城揭帖仰宽 皇上东顾报闻

○南京工部尚书叶梦熊辞免恩荫 上报以西镇屡捷加恩酬庸已有成命不允所辞

○辛丑朝鲜国差陪臣韩应寅等二十五员进贡方物马匹赐各衣服靴袜并折段银两

○刑科都给事中侯廷佩题参兵科徐成楚救内侍张诚张诚之恶其在昔也尚隐孙玮王如坚诸君子欲去之而不可得其在也恶已露成楚欲留之而不得此忠奸可

天颜 祖宗亦思时歆其气类 上意所注人必景从臣引 皇祖旧例遣官祭告一事为臣之罪允宜罢斥疏入不报 ○三边总督李汶恭报大捷三月十四日莽刺川脑斩获虏酋一百三十六颗头畜二万有余章下兵部

○户部覆陕西巡按御史乔廷栋题严追广储仓侵欺粮料一万四千有奇员役拟斩戍徒者二十四名乞正罪得旨

○丁未户部覆大同巡抚梅国桢题大同府属各州县岁派徭役银两系先年抚按定数难以再减今次编审力差行令一条鞭徵以从民便报可

○直隶巡按蒋春芳题灾变示警乞行册立以回 天意以安 两宫以慰海内人心疏入不报

○戊申山西巡抚魏允贞奏参三关管粮户部主事李修吉昏肆乞赐议处章下吏户二部

○兵科署科事刑科给事中徐成楚奏西镇报捷首功互异督臣报称擒斩一百三十六颗抚臣报称擒斩一百五十余颗与总兵刘綎报数不同乞严行查勘以防欺冒章下兵部

○己酉 孝懿庄皇后忌辰遣官致祭 昭陵

○革中都留守任承爵任御史提问革守备杨允恭回籍从总督漕运褚鈇巡按蒋春芳奏也

○庚戌南京吏部尚书蔡国珍户部尚书周世选刑部尚书赵参鲁各题 两宫灾引罪俱奉旨慰留

○两广总督陈大科题游击彭信古以千金馈遗乞赐提问章下兵部

○壬子加升辽东副使杨镐山东参政职衔以其开垦屯田故也

○差行人李璠往周府治丧

○癸丑大学士陈于陞沈一贯奏昨日臣等出阁到朝房接见吏部左侍郎孙继皋都察院左都御史衷贞吉左副都御史张养蒙并言科道缺人之多未有如今日之甚者行取一事不容再缓查得六科中见在止有掌科一人署印五人册封又该二人此外守科仅有四人十三道中并无一人主印止借巡视京营御史一人暂管其外巡视光禄一人巡视五城三人夫往时科道满朝日注其精神耳目以司纠弹鉴察之职尚不能无奸回污口日出大米口背公行私窃权乱政之辈而今寥寥如此则作奸犯科之人复何所顾忌而能稍加禁戢乎今日行取命下尚虑其晚至如给事罗栋邵庶刘为楫御史冯应凤赵标俱待次阙下动至经年每上启事概未发下在吏部又言科道之缺不补则中书行人推官知县等缺不出而选法益将窒碍难通乃其职掌所关尤不容不披沥以请疏入不报

○原任巡抚陕西今回籍听用刘光国奏辩媚虏私市谓历任五年并无大虏寇边之事而永火复市为边将羁縻之语原未题请何得遽为实事乞敕兵部移文甘镇查西

宁自二十一年二月二十四日起七月终止有无大虏逼住近城要挟市赏曾否听从将官与之私市用何钱粮害何军民丐为昭雪章下兵部

○礼部覆晋王敏淳奏乞将郝九皋转补承奉副郭春员缺高珍转补典宝副尹铎员缺齐荣升补典膳正杨鉴员缺杜选升补典服正郝九皋员缺各今到任管事夫王府内官例当循资迁转今本王辄以己意改用资序俱属踰越且先年钦拨见今在府供事若复越补则前官置之何地在本王再三奏请不过欲遂其私昵之情乃国家明例显然谁敢辄乱乎已成之令且吉府张朝事例此系一时特恩岂可援引为例先年既经奉旨停罢今该科又行参驳相应题寝但系亲王具奏应否升补恩典出自朝廷得旨准王奏郝九皋等名照缺升补写书与王

○甲寅吏部题山东博平县训导孙显吾以斩倭功量升州同从之

○旌山东富平王寿铮孝行

○户部酌议裁革监兑主事下吏部及抚按虚心评隲再报

○乙卯兵部尚书石星题釜山等营倭众将稻种散给随倭住户高丽耕种以为秋收得利今又从日本来船载各物口称来营换班又查得沈惟敬同行长正成于二月初渡海原不为礼节但因事体不明又与册使不和移住南柯崖沈惟敬营千总谢隆禀称关白起兵二十余万目下要犯 天朝其封事万分不妥请册使早计出营用保万全又清正将随营住户高丽每日放出种田至晚逐名收在营内关防恐其逃走本年四月十五日据探倭委官慎懋龙胡应元禀称正使于初三日半夜止带孔闻诏并家人三名逃出正使既出釜营封事谅已难成关白必先发愤朝鲜乘机入犯是皆当为亟备者其调兵转饷事宜及时议处并移文宣大顺保等处督抚各将应援兵马选练候调各沿海如天津永平山东闽广浙直等处一体防范务保万全至于朝鲜虽应救援天兵应在何所粮饷作何处给俱听督抚速行计议奏请定夺其正使李宗城虽以出营副使杨方亨及各随从员役尚在釜山与同沈惟敬先次渡海者并听督抚相机设处不令失陷异域致伤国体臣星妄担封事实冀为国家省财力全生灵以仰舒 皇上宵旰之忧不意明不足以知人智不足以料敌稽迟抵牾遂至于此臣负恩误国罪曷容辞乞亟选忠贤代任得旨倭情既有变更册使何不报来你部便马上差人前去侦探的确回奏先屡有旨着督抚官训练防御兵马预备战守还再行申飭计处余如议行军机事重卿竭忠为国朕所素知不得自此退阻宜即出任事悉心筹画毋致疏虞

○勘过子弟杨春元等三名择日引至御前选用

○丙辰兵部覆两广总督陈大科奏峒贼纠众劫掠獐村 上命督抚官相机剿处以安地方无使滋乱

○兵科署科事徐成楚题沈惟敬隋口土关白术中枢臣又隋口土惟敬术中以致溃败决裂不可收拾此女直蒙古之兆非匈奴突厥之比参论石星章下兵部

○户部题两京各卫所旗军力士家丁人等该赏冬衣布花钞锭岁终类解先将总

部部运官职名具奏以凭查核从之

○丁巳大学士赵志皋题谢内言倭情反覆册使潜回王京不胜惊骇身为大臣不能为国安攘遗我皇上东顾之忧罪实难诿切思食君之禄自当分君之忧当此时艰何敢坚卧求去谨遵圣谕入阁办事与在廷诸臣谋求备御之策以舒宵旰之怀但念军国重务乞皇上面陈商确俾任事诸臣遵以奉行且使外夷闻之知皇上锐意边防无不悚服矣上报览知奏谢卿以军国重务恳请面陈朕意亦欲召见卿等但朕近来动火不时眩晕连日服药须当静摄卿宜遵谕速出办事以副眷怀其备御事机卿等与该部详议具奏

○兵部尚书石星题关白自遣倭使小西飞具奏求封臣等奉命再三译审取有誓词内云封后不敢求贡朝鲜不敢再犯撤兵尽数归国等语此皆达之天听传之众闻天地鬼神实鉴临之乃一旦无故渝盟有如所报即使倭奴狡诈似不至此今正使李宗城虽已出营尚未具有揭报臣复身在都门又有难于悬断若但以堤防责之督抚则臣居其逸人代其劳若但以罢斥恳之皇上则始妄担以误事继规避以自全且自臣始之而不自臣终之将兵连祸结生灵涂炭社稷震惊即加臣鼎镬死有余辜矣昔孔明街亭败绩上疏贬秩行事臣虽非其人窃有其志事势至此谊不容辞伏乞皇上将臣官衔削夺准照前任尚书毛伯温杨博勘定安南右卫事例容臣以兵部尚书量兼宪职前去会同督抚巡按查勘倭情因何变动册使凭何出营若以误传臣仍取行长小西飞面加诘责或令二使往封或令沈惟敬带同行长等前去颁封完事如果违约是真执迷不悔则衅自彼开信非我失臣即据实奏闻与同督抚诸臣大调兵马声罪致讨赖皇上之威灵藉文武之智力必期片帆不返永奠东隅但愿皇上专任责成假之事权容臣等便宜处置臣必得当以报国恩上报卿为本兵一应军机悉当居中调度倭事但须详议审处不必亲自往勘宜遵旨即出任事

○兵部覆陕西总督李汶题称真相等虏自洮州境外抢西番拔刺等族回至地方野牛川等处住牧今又纠合昆揣等虏意欲密抢哈家番人乘便窥犯内地又有人在思打令族内窃探谋抢即会陕西巡抚道将督发参将周国柱韩完卜等汉番兵马于本月十四日莽刺川脑与昆都鲁歹成他卜囊等贼相遇对敌斩获首虏一百三十六名颗是□旱获头牧约二万有余夷器无算兵马保全无失臣照火落赤等虏自移居海上挟诱顺义西来大入河洮备肆荼毒一时覆军杀将全狭大震数年间薪胆虽殷聚痛如故人人搯<孽-屮>腐心积辱未释兹天厌其凶虽未至汛扫两川亦足以少雪往愤陕西巡抚贾待问题总兵官刘綎报级至一百五十颗科臣徐成楚所以有勘核之疏也正在议核而贾待问随有兵戈扰攘之际查数未的果属一百三十六颗具题候夺

○谕兵部朕昨览文书见辽东抚按叠奏倭情反覆册使李宗城暗窃逃回沈惟敬縛执拘留其情形已露势甚猖獗可马上传与抚按镇巡等官严加设防堤备其调积兵马粮饷即与议处并行文与朝鲜著彼国君臣各路积兵防备侦探务保万全勿致疏虞

○谕内阁赵志皋卿翼赞忠劳朕所洞知虽有浮言信任不移近以两次谕即出办事何乃尚未进阁迩者天变示儆又闻倭情变动军国事殷卿为首辅重臣正当竭忠宣力为朕分忧岂得坚卧求去于心何安兹特遣宣谕宜即出以副朕惓惓倚望至怀

○戊午金星犯井宿

○命内阁誊进 累朝宝训及 实录以乾清宫大殿灾旧本忘失补之

○革广州海防游击彭信古任行巡按御史提问以陈大科参奏馈遗请托也

○问过犯官夹江县知县赵应裕拟徒

○谕刑部天气暄热两法司及锦衣卫见监罪囚答罪无诬者宥之徒流以下减等拟罪发落重囚情可矜疑并枷号人犯都酌量奏进定夺

○己未大理寺卿周光镐奏辞新命 上命供职

○工部郎中岳元声奏参石星主封误国乞亲临御敕廷臣严决战守不报

○吏科给事中戴士衡奏台省缺人乞开言路急行选补疏入不报

○礼部覆应天巡抚赵可怀题原任尚书毕锵年八十与存问 上命准加太子少保存问如例

○兵科署科事徐成楚奏倭之为中国患久矣顾今之倭非昔之倭则今之备亦不当仅同于昔日之备先年倭患多在东南如永乐有望海塌之役正统有桃渚大嵩之犯嘉靖有浙直闽广之扰彼其欲不过子女玉帛其人不过鼠窃狗偷我第以一二岩邑委之然后邀其稊载击其隋口土归往往得志今舍东南不犯直趋西北又屯田筑舍为持久计所谓舍肢体而攻腹心此其志足畏也前此倭患虽棘大抵不过数千我以众敌寡以静制噪犹时有猖獗之患今动辄以十数万计即囊沙增灶未必皆真而投鞭断流人情易撼此其众足畏也昔朝鲜之役不过行长提衡耳王京之陷势如破竹今平秀吉且俨然自将封豕长蛇游窥上国恫疑虚喝先声震动此其气足畏也臣故曰今之倭非昔之倭夫朝鲜 天朝之属国辽左之藩篱也军储内竭士马外残其不足以当日本之凭陵明甚我不援则彼必折而入于倭援之则我代朝鲜被兵而先受其弊且登莱系山东门户天津亦神京肘腋扬帆飞楫可以旆至其重俱不在辽左下臣故曰今之备倭不当仅同于昔日之备今除调兵选将及议处粮饷戒谕朝鲜已经奉有敕谕听该部议覆外惟是辽阳作何战守登莱天津作何预备朝鲜应否再援南兵应否调募副使杨方亨等应否提兵撤取并一切未尽机宜伏乞敕下兵部悉心酌议开款题请臣闻轻敌者败重敌者无成功往者西北视虏太重故并边吏士骈首就戮至不能望贼加一矢顷一二文武大帅极力振刷屡有奇捷未闻钝兵挫刃此其效可知也今我之视倭亦太重矣夫兵法带甲十万日费千金千里馈粮师不宿饱今日本越大海操舟楫而与我争胜于戎马之郊所谓万里行师也其不能裹粮以从明甚彼深入则虞归浅入则罔利欲掠则我清野以绝其望欲战则我坚壁以疲其锋或断乌岭之道扼旅顺之险塞成山之口使进无所犯或密谕福建巡抚亟选良将锐卒直捣沙街护屋使退无所归夫不戒赤壁之败曹

瞞而效符坚之窥晋朔臣以为关白送死或未可知是在文武将吏协力同心伺其便以图之耳章下兵部

○庚申谕内阁传示兵部览卿等奏揭甚见为国忠劳至意昨日抚镇李化龙董一元奏釜山倭奴赶拏杀死随使从人其谲诈变动已真卿等传谕本兵便星夜马上传与督抚镇巡等官及沿海一带调积兵马相机防御严加侦探合行事宜遵谕便议来行勿使迟缓事若疏虞罪有所归

○辛酉夏至大祭 地于 方泽遣公徐文璧恭代

○壬戌兵部尚书石星题封事情形忽变据辽东巡抚李化龙报正使于本月初三日日出营据李宗城家人冯景生称有倭通事二人来对正使说行长到倭京与关白计议回来将沈惟敬调至前路一捆惟敬归罪使臣即催二使过海正使得信即行潜出王中军随后亦出又据拨马官孟良相称在草溪迎遇李正使中军走马仓慌密言李正使于初三日夜二更带领家人密自出营不知何往据哨探军士宋如汉称有釜山出来倭子跟赶至东业梁山李正使未获止赶回随行人役二十余名俱拏进釜山内杀死一名又云杨副使家人等具禀倭营并无变动其称李宗城出营沈惟敬被执关酋自将提兵入犯则初五日内事也其称杨副使差官与各抚按所遣员役皆自釜回云倭营并无变动则初九日内事也参详前报则倭变情形在辽东尚无的报臣等何繇悬断第正使出营已真未详何故俟杨方亨差官到日乃有定论耳得旨览奏倭情前后揭报互异殊为可疑还行与抚按衙门从实奏闻

○兵部尚书石星题正使李宗城已出倭情已变臣等即将一切倭防事宜题请申飭调集兵饷今据督臣议用陆兵以击其前用水兵以绝其后均为制御长策移文宣大督抚即预备精兵六千山东巡抚民兵三千浙江巡抚调发标兵一营仍调惯战水兵三千并应用福仓艚哨船只随军器械候倭情紧急请旨调发方令水陆智勇将官统领直赴蓟辽军门分布防范各兵合用安家行粮安家属兵部行粮属户部俱照先今征倭事例给处其浙江水兵所备一年本色米菜各船堪否装载可否径从海道过辽如一时发解不及准与该省镇衙门查堪动钱粮暂借支給至于粮饷乃三军司命既议调兵宜先备饷除所请户部三十万两听其委官解发外本部先劄行太仆寺动支马价十万以备安家犒赏之用其督兵将官臣等所见虽有其人然必督臣自择所知臂指易于相使听其速选南北大将咨报会推遣用其应援朝鲜各兵驻劄应在何所俱听督臣便宜料理及移文朝鲜国王令其整集兵马据守险隘预备粮草以待救援督臣孙矿备倭备虏虽皆其职任而目今所急在倭应仍移住辽阳或朝鲜近便地方庶声息易通调度尤便所有蓟保总督事务查照二十二年事例暂令顺天巡抚李颐带管再照釜山事情据报虽有异同应援已有成命如此后续报倘倭酋原无他变事出误传臣仍与督抚虚心酌处量完封事以彰 皇上怀远之仁若关白果已背盟别图狂逞臣亦与督抚同心计议务保疆场以纾 皇上宵旰之虑伏乞特赐 乾断将臣官衔削夺准以尚书管理待臣俟

有成绪听候 圣明处分得旨孙矿著移驻朝鲜近地以便调度蓟保事著李颐暂管卿
枢筦重臣官衔不必辞调兵转饷选将等事俱如议行

○癸亥大学士赵志皋奏长子凤梧改荫得旨赵凤梧准改尚宝司司丞赵世庠补
送国子监读书

○南京吏科给事中祝世禄题应变陈言内称今日严旨一切不许朦胧推升将士
壮者老老者死此辈得后世之名而 皇上不得当时之用深为 陛下惜之真修真省
去失去咎莫如信任大臣开释罪废众臣而起用之 陛下为此不难第从见灾而惧之
初心一转移之而已臣仰荷 圣慈偶不以不言去俯念臣职宁忍终以不言留有如行
臣之言不见效臣请伏妄言之诛疏入不报

○礼部尚书范谦题感疾乞休不允

○靖远伯王学礼题大汉将军守直不到 上命严行查点不许宽纵

○甲子吏科给事中戴士衡参论石星欺误五大罪未报

○刑科给事中李应策亦交章论星误国罪无所逃先正典刑李宗城宋应昌顾养
谦并行议处以肃军政及多方整理兵饷以待不虞 上报有旨其余事情俱下兵部

○是日复谕各衙门御倭战守事宜令九卿科道官将李应策戴士衡所奏秉公竭
忠会议停当上闻

○吏部尚书孙丕扬求免疏至十三上 上勉以致身大义倡率群僚坚意求去有
负委任所辞不允

○改册封事于五月初旬行复谕见今各科缺人正使着翰林官去所推另拟来用

○户部题调兵防御合用刍粮所据请发银三十万值今帑库内绌难以全发合先
发银一十二万该臣劄行管粮郎中于见存年例银内通融凑济余俟续解如倭警辑宁
前项准充二十五年年例正额不得别项借用至于浙江水陆兵并山东原募兵途间行
粮听各该巡抚计扣程限即于彼处先行查给本部仍咨蓟辽总督并浙江山东辽东各
巡抚知会报可

○乙丑兵部题副使杨方亨奏称臣奉命封日本迄今已踰一年游击沈惟敬同行
长渡海之后釜倭大势帖然无哗虽市有被虏在倭之人流言互异殊无的据倭将义
智沙古鴈门等各禀报关白闻封甚喜盖造馆舍已完祇迎册使在途但俟风顺行长即
到乃四月初三日夜正使李宗城变服前去中军官王承烈把总王世贤徐延寿续后亦
去其余员役至晓方觉众心汹汹倭奴分投追赶臣恐倭众深入朝鲜致生他患即令通
事林小乌传倭将义智等将追倭沙古鴈门等撤回其遗下行李止有日本国王金印册
使关防各一颗夫东封一事所系匪轻以事出创始本兵择举元勋贵品弹压岛夷且小
西飞自阙下随出久传彼国极知郑重今昏夜潜去不惟倭众失望臣等亦各无依恐讹
言播惑竟不知倭报孰的窃谓事若不妥釜营大势帖然沈惟敬行长虽未回屡有禀报
事若既妥正使何至变服潜出乞传谕正使速回釜山并差风力台臣前来相机行事部

议沈惟敬李宗城止据谢隆等无端流言遂间道出营倭众虽行追赶一闻方亨传调即回未常不奉约束而杨方亨称金印尚在营中倭众甚喜是望封之心在彼似犹甚切而颁封之典在我詎容中止但李宗城既已出营无复再入之理杨方亨未奉 明旨难以擅自行事伏乞俯从臣请将册封日本敕印及使关防令杨方亨就彼收管待倭将来迎之日面证无他据实奏报或添遣文臣以杨方亨充正使完册封事李宗城轻信飞言仓惶潜出国体所关非细但倭情狡诈原自难测相机行事又奉钦依乞暂行宽假取令回京待事完另议棍徒谢隆妄称关白起兵屡催册使出营又慎懋龙未见沈惟敬消息关白真情辄听倭通事密传驾空捏言互相煽乱以惑人心又有家丁张应宿者扶同假报昨至京师本部唤令一审辄即逃匿其诈可知盖此辈惟计册使出则必罢封封事罢则必用战于是得应募行间以图厚利耳倘或封事果从此徯兵端果从此起诸臣亦以此重臣误国之罪臣死不足惜而兵火牵连于异邦苍生涂炭于原野流祸岂浅合无敕下辽东巡按御史速将谢隆慎懋龙拏解来京其张应宿亟五城御史缉获从重究处示儆其调兵转饷选将事宜并督抚移驻等项虽已奉有 明旨仍容暂停数日以俟后报上怒据杨方亨揭报倭情既未变诈著照旧选风力科臣一员与杨方亨去册封李宗城身膺正使为何潜夜私逃辱褻国体令彼处抚按即便扭解来京究问谢隆慎懋龙抚按官严审兴谣惑众情繇具奏张应宿五城御史严加缉拏其调兵转饷遣将防御机宜遵旨行勿得有误军机

○准户部郎中郑璧升五品京堂以其管理兵饷节省至四十余万优擢以为各边饷臣之劝户部题也

大明神宗显皇帝实录卷之二百九十六

大明神宗显皇帝实录卷之二百九十七

万历二十四年五月丁卯朔河南道御史周孔教题参石星误国并参赵志皋内言东事之始志皋不顾 宗社大计曲昵私交引同乡宋应昌几败乃公事先是台臣郭实上疏力争不可语侵志皋乃志皋切齿贬而去之闻彼时刑部侍郎朱鸿谟自南都移书责之词严义正志皋怫然不悦夫宋应昌通国皆曰不可用志皋独曰可用东倭通国皆曰不可封志皋独曰可封力排群议从谏石星为此祸阶实其戎首乞并加罪 上命九卿科道一并会议停妥务期万全勿贻后日忧患 ○遣武安侯郑惟忠新宁伯谭国佐编修吴道南杨继礼董其昌简讨傅新德编修汤宾尹史继阶寺丞张鸣山□冈行人刘尚宾崔廷健潘国重黄化龙中书萧近高册封衡府衡定王翊护世子常渡袭封为衡王妃王氏进封为衡王妃新乐王载玺嫡第一子翊镠袭封为新乐王代封新宁王鼐勺进封为代王吉府吉王翊銮庶第二子镇国将军常汶加封为德化王夫人陈氏加封为德化王妃又庶第三子镇国将军常□□□日廿支□加封为福清王夫人周氏加封为福清王妃穀城昭宪王翊铉嫡长子常灇袭封为穀城王夫人吴氏进封为穀城王妃晋府宁河恭懿王知□尸□火□庶第一子新睭袭封为宁河王楚府东安康惠王显梲庶

长子英燧袭封为东安王周府保宁端河王在鍛嫡第一子肃湫袭封为保宁王遂宁康僖王在钰嫡长子肃瀾袭封为遂宁王海阳庄恪王勤炆嫡长子朝升袭封为海阳王夫人张氏进封为海阳王妃韩府乐平王谟赤口同选女张氏封为乐平王妃

○礼部题朝鲜国王李昫奏臣守藩无状几坠先臣之绪今日之所冀以盖愆者惟有择嗣一事而庶子之中长曰临海君肆次曰光海君琿盖二子同母而母亡臣固无他意于取舍也肆性质凡近臣为择师傅授以经术求以变化气质而既长之后亦不遵臣戒君国子民之寄决难承当曩于万历二十年小邦猝被寇祸国内崩溃臣分遣诸子号召四方以图收复而肆往咸镜道不善绥集终陷贼中琿早自好学聪明端厚又能斥去纷华简俭自奉臣谓此子为贤嗣续之托夙有所属及国土残破义州正当贼冲令琿奉庙社主从以若干臣僚往驻江界倚险自保而诸臣劝琿速行琿涕泣言曰今日之事惟进往东南通一国气脉乃犯雾露披荆棘出平安历黄海东至江原道伊川县所过传檄招募谕以大义旬日之间得众数万遂北归咸镜南通畿邑且遏黄海诸路使平壤之贼后顾而不即西向又以臣在西声势相悬还驻平安道成川府调遣陪臣李鉴等协助臣所遣诸将堵截顺安等处顺抢之路以待天兵之至天兵既至则奔走肃川永柔龙冈之间督运刍粮接济军前凡所驻劄经行之地去贼窟皆不过一二舍之远此天朝诸将之所目见当此之时臣栖泊一隅所恃者徒以琿在耳肆既陷于贼其生其死莫得闻知及肆自贼中还惊忧成病琿于兄弟之间尤且友敬日笃故臣于立嗣一节不复致疑初疏只照例请封至于再疏始举文武陪臣耆老合词之请此实出于群情之不可抑非臣所得为己子张皇也部议主器必长子礼之常也乱世先有功事之变也然所谓有功者必基业中兴事同再造安危所系愚智相悬未有一则失德未彰一则大功未建可舍此而立彼者也朝鲜当卧薪之时为当璧之请谅非曲徇爱憎自阶丧乱而紊典常秉礼之国恐非所宜且光海君若能奖率三军枕戈待旦外捍桀黠内靖郊圻民望所归国将焉往若当扰攘之会先拂长幼之经此既以弟而先兄事原不顺彼且以强而凌弱兵岂无名臣等之执持非但为万世守典礼亦为本国计长久也得旨如议传与朝鲜王尚书范谦以朝鲜易封一事已三上疏时国储未立中外惕疑故部议长少之分俨然其不可假辞正而意则微矣

○吏科左给事中叶继美题东封一事大约星之智不用之以料敌而用之以弥缝杨方亨等之言非倭中之情形乃受星之指使夫倭封之不可满朝知之流害于今日今复听一细人之揭决意不肯罢封是何星之奸性不移而皇上之信奸不拔若是乎上曰朝廷差科臣往便来推诿明系避难不以君命为重著即推来不许迟误

○验封司主事王就学题各王府诰命愆期章下所司

○江西道御史马从聘题参李宗城乃临淮侯李言恭之子宗城既以辱命被逮言恭应解兵柄罢斥不听

○吏部覆山东巡按李思孝核东征功罪 上依拟

○戊辰敕陈良弼总督京

营戎政

○敕王保以原官充海防御倭总兵

○户部题差主事王阶往浙江郭惟宁往江西赵世德往湖广魏可简往苏松沈榜往山东各监兑所属府州县尽数解完本年钱粮方许离任若果拖欠于布政司库银借支起解催徵补完有未完者照例参治俱载入监兑敕从之

○己巳大学士赵志皋陈于陛沈一贯题差科臣往封日本于计未便旧例册封遣使必用正副二员盖虑正使倘有事故则副使可以代摄是副使者本所以为正使不虞之备也今李宗城既以出营而杨方亨尚在彼处以副代正于理为宜况今倭情传闻纷纭实难预料若尚属恭顺则一杨方亨沈惟敬亦足完事若真有变动则前此正使轻出已失观望万一今次差出之人更有迟延趑趄之状则于国体所伤益多故臣等以为即令二人在彼充使于事为便是日志皋又奏为备陈东事许封始末乞赐审察以定大计并乞罢臣以息群喙夫倭奴猖獗之初朝鲜八道俱已残破行长清正等盘踞平壤咸镜诸处声言内犯朝野鬩然于是议遣经略大臣徵调诸路兵马一以救援属国一以代彼狂谋战胜平壤直抵开城而行长等不识我兵虚实自愿退出王京与王子陪臣并求封贡其时东征之臣以士卒困疲马匹倒亡粮食不敷应援不至遂因机就计以取王京而又欲示信于倭因以封贡为请 皇上俯念兵力倭既退遁赦不穷追姑允其言然亦未曾经许屡奉 明旨一则曰倭奴既称畏威悔罪朕以大信受降岂追既往一则曰传谕宋应昌一意严兵防守勒令尽数归巢一则曰倭情变诈只是羁縻使曲在彼岂有今日遂以悔罪为真通行沿海撤备之理令愈加严谨朝鲜太修战具防倭再举一则曰防御事务行该督抚官用心料理是议封之始原为羁縻初未尝藉封以忘战守也继而经略宋应昌因人言乞归我 皇上复遣顾养谦料理东征未几养谦又被人言孙矿往代即欲主战而夷使小西飞已至辽阳朝鲜国王又力为倭夷乞款具奏节奉 圣谕议行于时小西飞入京多官会议皆云可封订以三事然 皇上敕谕册使往封暂住辽左以待乃先住王京继住釜山延迟几及一年其迹不无可疑然其供奉甚谨册使屡报倭并无哗新造船只以迎册使又若无可疑者臣考之旧典自洪武以至嘉靖常遣使宣谕日本日本遣人修贡自汪直倡乱东南而贡遂绝矣不意今日因开朝鲜之衅而复有此请也夫中国之御夷狄顺抚逆剿本为常经因经行权亦当通变册使奉命经年李宗城轻率逃出不无可疑而方亨之报又谓并无变诈已经督抚诸臣揭部转奏朝鲜倚我为命必不背我以向倭使果为变必能驰报顺逆未定而举朝之人先自张皇亦非所以示中国之威于外夷也且倭奴远在海外去中国五千余里国家兵饷正值疲乏岂易以兴大众而弊中国臣谓今日机宜剖决在即倘海上的报再至倭夷照旧帖然则我亦难以挑衅科臣已奉旨差遣敢不遵行但册使守候逾年恐事久又生别变不若只以杨方亨充正使谕令众倭尽退不许别样要求暂与一封以结目前之局申饬朝鲜上紧设险练兵多差侦探以备不虞然人臣竭忠报国不必执有成心拘泥已说以坏国事诸臣何遂纷纷

谓臣为误国也臣不去诸臣议论不止乞赐罢臣以定国计 上谕卿数年以来为朕筹画倭事主战主封殫猷竭忠皆朕所鉴知原议以一封羈縻兼安华夷之民沿边备御亦不废弛倭若果变乃彼自逆天我无所失随机战守自当殄灭何必以未定情形预先仓皇诋封为误国卿勿因浮言辄求引去宜安心即出辅理不允所辞 ○是日谕内阁自前岁关白乞求许封南北纷纷言不可者十有七八说可者未见一二 祖宗时封朝鲜琉球诸国或内臣或文臣为正使亦未全用武臣况李宗城暗窃逃回其彼中事体从遣使至今有言万分停妥并无他虞有言变诈已真调兵防御彼此互异难以测度虽副使之从原为正使他故非为偷生辱命待以为预也且今欲遣科臣充正使者一以知忠义之道二就以完封而勘彼中情形以杜狂惑又实遵 累朝故事何为不可乃科臣辄自推诿多设游词且本兵所言恐识破彼意故来阻挠若依其请但虑虽完事于目下尚遗患于后日罪有所归

○庚午大学士赵志皋陈于陛沈一贯题仰惟 皇上留神边事洞悉倭情欲封事之早完责科臣以避难又谓完封目下尚恐遗患后日尤为计虑万全臣等不胜悚服窃以正使即用杨方亨免差科臣一节先该本兵言之阁中公揭及臣志皋疏中亦言之揆之事体似属便宜伏乞 圣明早赐裁允施行至于谕中所言臣等为 皇上一一剖晰伏读 圣谕云自前岁关白乞求许封南北纷纷言不可者十有七八说可者未见一二盖天下事建议则易当任则难顷者倭夷侵犯属国我兵远出救援士马损折甚多钱粮耗费无算故不得已因其请封而许之在本兵则不欲损无辜之生灵于锋镝之下在司农则不欲弃有限之膏血于沟壑之中而臣等亦欲为国家息事安民主持此议所谓虑切同舟者止此数人耳此言可封者之所以少也其他则皆事外旁观之人信口而谈随声而和但取一时之言说可听而不顾国家之利害何如言之而偶中则自诧其寄言之而不效亦无以为罪何怪其纷纷呶呶日多不已哉至近日册使既逃则言不可者愈益甚而言可者愈益孤然臣等终以言可者为老成忧国之计言不可者为幸灾喜事之谋此 圣明所当洞察者一也伏读 圣谕云彼中事体从遣使至今有言万分停妥并无他虞有言变诈已真调兵防御彼此互异难以测度夫此两端议论相持已久殆非一日在主封之人喜其事之速就故凡所谋所讲者多属恭顺之言在破封之人疑其事之难成故凡所谋所讲者多系变动之语况破封之人或素怀执拗之成心或身任封疆之重寄平时虽无乱形尚有异说而况有正使之逃岂不执之以为据但见今倭形实未尝变乱副使尚安处在彼关白又未有抗命犯顺之迹若止因正使之出遽为变诈已真似未然也臣等窃虚心详之册使入营已久渡海无期或者关白意望尚多邀求未遂因此推捱日月此诚可疑之端也然自讲封以来已二年矣关白即欲称兵窥犯谁则禁之乃驻营釜山绝无哗动奉我册使供馈惟谨此实恭顺之效也若但信李宗城褫魄宵奔之言而遂弃二使臣于度外止凭谢隆慎懋龙等道路不根之说而尽疑杨方亨之揭为虚诞便停封事换易前局则诸臣之虑过矣此 圣明所当洞察者二也伏读 圣谕云今欲

差科臣充正使者一以知忠义之道二就以完封事而勘彼中情形又谕云本兵所言恐识破彼意故来阻挠窃思 皇上之神明精察似疑倭情之终属难料而必倚托科臣以核实也又疑本兵之苟且完事而故阻挠科臣之往勘也臣等以为夷情狡黠险于山川兵家变态在于呼吸此诚难以逆料而预知者但本兵石星年来力主许封无非为 主上惜民省事图安国家以仰宽东顾之忧岂有一念自为身谋近日倭情变动朝议纷纭遂至饮食俱废病踈欲死臣等未尝不怜其操心之危而悲其任事之苦况封之一事华夷万众所共见闻岂可以一手尽掩人之耳目使册使即今渡海亦必待其竣事回还岛夷数年无所侵犯乃可言封事之成星又安能以一人譎巧掩飾数年之久使无破绽乎今封事未可遽停且当责成本兵付之杨方亨等不必更怀他疑又添一科道往勘此 圣明所当洞察者三也伏读 圣谕云虑虽完事于目下倭果不退若遗患害于后日罪有所归此诚我 皇上长念却顾万全久安之至虑窃惟倭酋虽至桀骜夷情虽至狡诈操纵驾馭其权原在于我今日议论即甚纷纭总之不过三端一曰封二曰守三曰战要在当事者慎酌其事机之缓急而行之耳夫本兵之议以为今李宗城虽还一使尚驻釜山一使尚留海岛群倭未有变动而遽欲罢封恐无以服远夷之心不若暂以封事为羁縻之计即有他变所为师直为壮蔑不胜矣此许封之议似尚可从也廷臣之议有谓调兵防御为急者夫总督抚镇皆有封疆之责敕书中原兼有御倭职任及今调集兵马预备储饷或先拣选良将量带劲兵前往朝鲜为之教练士卒固守险隘可以振中国之先声壮使臣之胆气使属国有所凭恃不至折而入倭至于主战一事督臣廷臣之议即欲以大兵直抵朝鲜逼临釜倭臣等窃以为未可盖我师远出倭若执称无变踈伏不动或潜踪远遁不来应敌炎风暑雨之下师旅难以久驻势必至于溃乱此忧在外者也万里转输数十钟而后致一即使督趣严办供馈无阙边镇疲民畿辅重地谁能堪此此忧在内者也历览前史如谢玄淝水之捷虞允文米石之战皆尝以少卒孤军力抗大敌竟收胜算其在本朝嘉靖庚戌之事又如近岁宁夏之乱亦皆迫而后应危而复安未有以堂堂 天朝临区区一岛夷远寇未临辄尔张惶失厝如今日诸臣所扼腕争谈者臣等窃料事机大略如此但望 皇上主持于上仍将以后推用文武官员速赐批发但使内外之任事有人战守之机宜不失虽有他患亦必不至为 社稷之深忧矣

○兵部尚书石星奏文武体统不同夷狄情形亦异查得琉球出使皆用文臣虜王颁封皆用武弁今日本之封正与虜王相类又事系创始礼节难周在武臣或可权宜在文臣岂容假借倘威仪不备顺之不可责之不能将安从乎况李宗城既出倭必驰报关白向虽恭顺无哗今则情形难料科臣到彼不入则无以报命轻进则恐蹈不测是不可不熟虑也且关白欲封果真必已遣将来迎方亨来便前去事机甚便若科臣奉命计其请敕等项旬日始得出京即兼程前去亦必两月始到稽迟既久变故易生一番举动又成尽饼顷者册封诸王 皇上念六科乏人不准差用而外夷之封较之诸王犹轻是又可以无遣矣星复称病 上言昨元辅等亦说科臣往封不便恐破坏彼中事情招衅失

信依拟令杨方亨充正使沈惟敬充副使待日本来迎渡海行礼其会议战守准左右侍郎代

○壬申直隶巡按曹学程题倭情已变封事宜停本兵谓辽东抚按之报见谓流言今册使李宗城之揭将不足凭乎倭情已变犹云未便封事已坏犹云可成贼臣误国一至于此吾谁欺欺天乎今据李宗城揭称关白执沈惟敬要求七事原不为封虽不显言大都有据倭情变诈异常贪饕无厌得封不已必求入贡入贡不已必求互市互市不已必求和婚和婚不已必求朝鲜纳赋纳赋不已必求割地割地不已必席卷朝鲜渡鸭绿红而薊辽危矣倭情吐露不待今日宋应昌经略之始李如松入援之时沈惟敬使倭之日已与敌盟即不尽许七事业已轻诺二三顾养谦封贡一疏李如松与沈惟敬一札情形败露不在于沈惟敬就擒之日已觉发于诸龙光未死之先矣不然朝鲜日本一苇可航悠悠年余何不一决此其故不难于一封而难于七事不辩可知也石星狼狠自用志皋碌碌倚阿元辅枢臣不得辞其责矣 上报曰今差科臣乃是 上意且 累朝往封朝鲜琉球或内臣或文臣充正使副使今李宗城紈裤乳子偷生辱命欲着一风力科臣前去一以完封二以看彼中情形何 君命方下辄纷纷阻挠推倭常时每以微细之故喋喋烦渎欲伏斧钺不辞及至委用又捱迟不遵其附和取荣背 君弃义又明矣奉旨原推科臣未推御史辄来徇私抗渎内必有贿嘱关节下学程锦衣卫问

○癸酉 孝宗敬皇帝忌辰遣官致祭 泰陵 ○协理京营戎政右都御史沉思孝奏封事三策一谓战守亟宜修而会议不当稍缓以失事机一谓科臣似不必遣即往勘亦不宜深入致损国体一谓会议务各伸其说人见其长以俟采择主议者毋得以位高曲从非则必斥毋得以职卑故斥是则兼收报曰只令九卿科道官遵旨便会议覆奏如何延迟推倭徒事空言纷纷渎扰

○甲戌谕吏部急推风力科臣一员来用

○工部都水司郎中岳元声题参石星内言三辱四耻初遣祖承训全军覆没一辱也再遣李如松碧蹄横溃二辱也三坏于宋应昌密谋受和三辱也惟是三辱不羞遂生四耻小西飞过阙不下耻一石星卑辞厚赠耻二沈惟敬主盟赴约耻三李宗城夤夜逃走耻四岂惟四耻兼有五恨石星用心腹刘肖海购买蟒衣金币赍送关白者无算市贾通知一可恨用亡命沈惟敬挑选战马三百余匹赍送渡海不返二可恨密谋杨方亨捏写军情至与抚按揭报互异欺蔽显然三可恨撤刘綎甲兵自决我军节制四可恨诸龙光死南兵杀王保且复用五可恨五恨不戒且有五难五难者何即近日李宗城所揭报要求七事臣闻其五未闻其二也彼倭奴全以金币要我我必不能饱犬羊无厌之欲一难彼倭奴且以割地朝鲜要我我不救援而弃以与狄则唇亡齿寒之忧我必不能免二难彼倭奴且以贡要我我必不许彼将借不许贡为兵端三难彼倭奴且以市要我我必不许彼将借不许市为兵端四难彼倭奴且以和亲要我我必不许彼将借不许和亲为兵端五难惟是五难不备必有五危有如倭奴长驱朝鲜朝鲜自度不支且暮称降则藩篱

危有如倭奴逞兵鸭绿宽伺辽左攻我无备则屏翰危有如倭奴席指直沽飘泊天津震动畿辅则肘腋危有如倭奴东寇登莱厄塞要害伺我粮道则咽喉危有如倭奴乌举城下所向螫毒束手失策则社稷危目前急着惟有急调刘綎屯兵鸭绿急遣风力台省一员如梅国桢监军宁夏事例以防欺蔽急补廉干有识之将如萧如薰安置畿辅以备缓急疏入留中

○乙亥胙城王府已故宗室朝舒弑父命斩首焚尸

○吏科等科给事中叶继美等上疏认罪 上怒其抗违渎扰食禄忘君受爵避难革叶继美王佐职为民夺刘道亨等俸一年并夺礼兵二部堂上官俸四月该司官蔡宗明贾维钥亦革职为民其余俱降杂职 上意欲推风力科臣一员往勘而部科久不报致触 圣怒

○谕吏部近来各部属官不修本等职业往往徇私狂妄烦言乱政朱长春以候补之官言会议之事必岳元声见彼言未下故暗相嘱使本俱当拏问姑从轻朱长春岳元声都革职为民

○敕豊城侯李环为南京守备掌中军都督府事

○丙子 太祖高皇帝忌辰 奉先殿行祭礼

○兵部等衙门左侍郎李祯等题覆李应策戴士衡徐成楚周孔教奏< 臣等 疏 金 >及会议各官孙丕扬萧大亨杨俊民边维垣范谦徐作田蕙连格叶继美沉思孝疏揭通抄到部该本部备录分送九卿科道衙门于东阙会议战守及倭封等事虽言人人殊大略谓宜守朝鲜而或又谓朝鲜不易守宜调兵马而或又谓兵马不易调宜运粮饷而或又谓粮饷不易运深思远虑无非谋国忠猷臣等参详众论酌量时宜今日所议者惟战守封三事耳封则正使虽出杨方亨等尚在营中遽尔言罢无论数百人员皆将化为左衽转为乡导而我之兵力未集仓卒难应尤属可虑谨遵诏旨今杨方亨等在彼静待关白来迎则封不迎则罢若兵家所谓用间缓敌者我惟以战守为实务固不可张皇启衅亦不可怠玩疏防今关白虽狡诈难信我兵即远不过御之朝鲜止耳未有越海往征者但战守之具如兵如饷皆当预讲业已遵旨转行蓟镇督抚专阃调援至于粮饷作何备办海运应否开复系户部职掌听其详议奏请今朝鲜已经残破粮饷空虚代守固难而不援朝鲜将为倭有不惟前功尽隳且虑不支折而从之又增一外敌也第宜将蓟辽重兵日加训练用防鸭绿成虎豹在山之势近倭处所扼其要害仍令朝鲜自加奋励选将练兵修屯足饷且朝鲜素号守礼之邦严禁我兵秋毫勿犯可以得其心我兵资其屯饷省我内运如诸葛之杂居渭滨魏民安堵如故勿徒止以禁约之文了事至于直隶山东浙闽地方原有防海卫所统于将帅只在各该督抚精于整顿足成常山蛇势而京营当居重之势尤宜精整如此封可也不封亦可也何畏彼弹丸之倭哉并及元辅本兵当去 上报朕览诸臣条议多有为国忠谋今不论封事成否战守二端在我原不可废况蓟辽督抚等官见带有御倭职任着便用两镇兵马加意整练亲自巡阅近朝鲜地方周

视要害积兵储饷仍选谋勇将领量带精兵申严纪律前往朝鲜协同教练士卒固守险隘其天津登莱浙直闽广等处通行各该督抚将吏一体严饬守御宣大边兵及浙兵俱拣选听调自古兵行粮随若储饷不充调兵何益令户部与地方官多方设法转运或开通海道或就辽东采买务使军兴不乏并薊辽总督作速传谕朝鲜国王令其厚积刍粮以待我兵救援 天朝决无越数千里转饷为彼战守之理各省直将官有曾经御倭惯水战者兵部便博加访求移调畿辅重地各召赴京营听用其议中条件尚有可采择者该部不妨参酌另请昨旨原议战守事宜未议大臣去留辄擅评议姑且不究元辅及本兵俱已有旨

○丁丑大学士赵志皋奏辩台省及沉思孝诸臣论其欺误蒙蔽内言议封之始系本兵力为担当比小西飞至订以三事止许一封公疏尽知列名诸臣尽允毫无间言今据杨方亨屡报尚谓倭奴如旧前者所报关白统兵二十余万已至南原崖又未见有下落而封疆之臣见在议兵积饷以待其来初不因封以忘战实未尝为欺为误为蒙蔽也惟因疾乞骸以谢诸臣 上谕封倭一事原系本兵集议朕心独断卿有何欺误蒙蔽不必深辩今虽倭情未定朕且欲以一封羈縻其诸战守机宜方在督饬中外着实修举未尝失策卿耆硕首臣受恩深重正当为朕任事分忧岂可因浮言横诋力求引退宜即出入阁辅理毋得再辞

○浙江副使萧雍致仕

○户部题本部协济大工银两难于措置旧增贖罚银两已蒙停止第减银数十年竟无着落官民何所裨益乞行照旧加增解部济工其自山东浙江等省司道各加银有差从之

○戊寅 仁宗昭皇帝忌辰遣官致祭 献陵

○兵部尚书石星奏群言淆乱人情疑畏乞将妻子寄往京师自解部务往朝鲜地方便宜处置若关白恭顺来迎即催督杨方亨等遵奉新旨渡海完封万一关白以正使出营之故及调兵征剿之说疑畏变动即檄召行长小西飞等面加诘责宣布德威至于一切战守事务一听督抚整理臣毫无干预倘倭果不驯即听督抚征调兵马大行扫除如或未允臣行乞从罢斥之请以谢人言 上报曰卿再疏恳请自料理封倭事情足见为国任劳欲释主忧之意但本兵职总枢机关系甚重岂可轻易远出还着安心居中调度以副委任其妄言诬蔑者已有旨薄处不必畏辩疑阻

○户部题周府汝阳王府镇国中尉勤焰等滥妄之子朝筹等七名各岁给本色米十二石以文到之日支給不许先期昌支从之

○山东巡抚张允济题留标兵三千免其征调照旧本处防海章下兵部

○工部题赵府请修 社稷坛宇 上曰大工方兴此工暂停

○刑部题乞宽御史曹学程遍简大明律例并无应拟罪名恳宥不报

○庚辰科臣叶继美王佐以遣官倭封事与兵礼二部司官并削职堂上官亦夺俸

阁部大臣皆有疏救至是于礼部尚书范谦疏得旨卿为大臣见国家有大事义当效职尽忠分忧释惑如何以奉行之旨尚尔畏难违背今摭以别故又救激渎扰姑且不究礼部该司官周嘉宾等与司务徐文斗等都革职为民不许朦胧推用

○吏部题降谪诸臣有专任其事者有教习驸马万建昆赖克俊差往山海关张时显并署员外郎张日新主事杨东野朱诰俱先期奉旨公差在外似难并降 上报蔡宗明贾维钥等遵前旨行万建昆等及张时显等姑免降止夺俸一年

○起原任云南副使金节为福建副使

○准赵祖荫承袭祖爵

○申冤男子一名王良在朝自刎

○原任莱阳知县王从正男王士侗为父声冤章下都察院

○升太平府知府顾汝学为四川副使

○辛巳兵部题据游击沈惟敬塘报先是行长正成称封事迁延日久非日本愆期盖缘 天朝各衙门往往奉差员役及朝鲜人等进营言语不一是非颠倒以致清正好事密报大合日本人心多疑行长不实因而未决今见游击先渡海事无虚谬方深怒清正阻惑坏事复据豊臣三成长盛禀称清正以诈谋欲妨大典罪难逃遁又纵群卒作贼书翰分明今令尽撤清正等众俱各渡海责成行长正成专理船只馆穀迎天使务在笃敬除东莱营已经本年正月十五日焚讫分设将机张竹岛加德安骨浦各营栅房尽行烧毁仍令千总沈懋时汪明和守催朝鲜各倭退地方府郡县官员具领管过地土印信结状完日另行具申今惟敬暂驻护屋地方系日本咽喉去处一动一静皆得闻知亦吃紧着也据前后塘报真的则倭情原无变动封局无事更张惟是使臣所捧符节与关白诰敕冠服圭舄印池等项皆册封之所必用者今据称似各无存止有册使关防敕书及册封金印其原颁关白诏书虽存亦损坏不堪事属外夷观瞻相应敕下礼部移文内府该衙门亟行补给赉副杨方亨等以便渡海往封 上曰这倭情原无变动已有确报止因我使臣出营乃致封事迟延其符节诏敕冠服等项该衙门即便补给作速差官赉去交与杨方亨管领往封以后塘报员役依拟立限与他如或稽迟误事及有造言坏事者俱以军法处治卿星忠清任事妄言诬蔑朕心洞知不必再行鞫问镇抚司将差来人役面审彼中情形虚实覆奏

○户部题南京创修虎贲等卫仓廩一十五座计工科银五千二百五十九两户四工六动支修造完日缴报可

○吏部题东事告急开纳事例出身银两有差从之 ○壬午吏部题福建右参议张鼎思马邦良各转副使照旧管事以其人地相宜业有成绩报可

○户部题辽镇一隅饷银有限经费不足合将见行事例款内摘其便于上纳者行该镇抚无拘土著及各省流寓随任经□人等该镇告纳并附近北直永平蓟州山东登莱等府米穀饶裕处照依后开各项银数自运米豆等粮径赴辽东管粮衙门告役分拨

各缺粮仓口上纳其载运脚价在山东登莱等府航海者递减脚价其山海管关主事听该部割付凡遇运纳人员到彼验实放行每月终将放过人役姓名其所运粮石开送管粮司官上紧催纳以杜奸人影冒及出关玩法之弊报可

○差行人储舜臣往建德王府主祭

○命各省直府州县官员缺官俸银收过商税及无碍钱粮查出解部协济大工

○癸未升蓟镇松棚路游击贾应龙为蓟镇建昌路参将

○总督蓟辽经略御倭右都御史孙矿题倭情一事关系封疆甚重必须集众思广忠益尤必须设有专职分任责成乃克有济今蓟辽两镇各部道有司等官俱各有分土难以带摄合照近例酌量添设数员专理倭事应给敕书关防者照例请给一应俸薪廩费等项俱照直隶辽东部道有司例议处通候事完之日查照资俸及功次分别优叙相应题请一议赞画查得近年经略虏倭播夷诸臣俱设有部属赞画今兹倭情重大合无于兵部司属中遴选心存忠义多智虑知兵事者一员随臣赞画资其筹算口确成机一议监军查得各省有戎政处所间设有监军道今所调各镇各省兵马出于四镇边防之外别为一项合无专设按察司官一员简阅兵马出内钱粮监督战守稽察奸弊查有臣所属昌平道金事陈一简志虑忠绳沉毅多算堪以改用合量加布政司参议一议经略朝鲜为捍蔽今御倭必须朝鲜为主而我助之又我兵若往援朝鲜必须与彼国将士犄角防御是必意孚情贯然后可以共图决胜辽东各道遥制为难合无特设按察司官一员为辽东备倭道选材智出众略远而虑精者委任责成专一料理朝鲜兵务会同朝鲜国王将该国武备加意振饬凡抽兵派饷生聚训练扼守险要一应防御事宜酌议停妥从实修举我兵到彼会同总兵官及赞画监军道将该国兵众与我救援兵马酌量分派协力战守我人与朝鲜人如有争就俱听断理一切公文自我达朝鲜自朝鲜达我俱系转行驻劄处所从本官自行择定一议管粮官员查先次经略设有管粮主事一员合无仍委辽东粮储郎中总管再添设府佐四员二员分管户部钱粮一员专管兵部钱粮一员专管朝鲜钱粮俱于见任有司中择廉明有心计者查照资俸酌量升擢改用章下所司

○吏部尚书孙丕扬乞休< 銙-金 >十六上 上谕卿为掌铨大臣值国家多事用人之际正当竭力致身率众效职何乃称病久卧求去不已殊非朕委托之意宜遵旨即出供职不得再辞

○户部题石土二坝改造官船一百只以备漕粮起剥之用从之

○兵部题册封日本副使杨方亨稟称朝鲜先奉旨差官侦探倭情护军黄慎见住釜营慎系彼国戊子科文状元非通事类也二十八日又有朝鲜国王差问慰使持字至职若倭情果变朝鲜逃走不暇国王何暇问慰于我差官又何敢出入釜山国王与职字一并呈送本部又据游击沈惟敬称十四日至相马岛十七日抵南皮计程六百里惟见随路馆舍俱系新设一应供给甚备十八日釜山营倭将平调信报至内称李正使见驻

庆州去往未决且清正之撤已有关白成令今惟敬此行惟恐清正乘隙报知李正使出营致使关白心存恍惚必当一会以安其心庶彼此信义明白事体无有不妥十八日至南皮人家颇多新造板房三处又比相马岛支应加厚各官皆备倭卒喝道据报具题较之前报尤确大抵在釜山者帖然无哗在海外者履约惟谨恭慎不言可知 上报闻

○户部题计自东征以来本部供办粮饷动发帑银至踰一百余万两仓穀几四十万石此皆出于岁额之外臣等焦心殫思多方计处仅乃充之至于辽左蕞尔之区输挽刍饷远出异域以致军民老穉窜逃不啻过半车马殒毙千里尽为丘墟彼中之人迨今谈及犹疾首蹙额如不欲生幸藉 皇上德威覃被凶渠泥首乞封乃得偃革休兵人情稍有生气不意顷者海外流传正使惊遁议者将欲旦夕间提十万之师为属国防守其词激烈岂非为国忠谋顾今度势审时较量重轻似有难于遽发者除先题发帑银一十二万两解送辽镇管粮郎中另项收贮并摘开援纳事例题请听附近邻省各项员役尽输本色粮米赴紧要仓口上纳倭果侵犯方准支用再查得登莱二府密接辽东年岁收成米豆饶裕从海道搬运旬日可到行各督抚官协恭计议采买输运及劄管粮郎中查本镇军需暂放折色一月将存积本色听候别用一转移间事可有济至于倭情靡定经费难量臣等自当酌察缓急曲加料理务使军兴不乏以纾 皇上东顾之忧 上报闻 諭以卿职司储饷宜悉心经理以济缓急亦不得虚糜国用

○江西彭泽县生员方事仁进资易太平书一部以光 圣孝以广 圣治 上命留览章下礼部

○乙酉升肃州参将姜河为甘州副总兵

○丁亥大学士赵志皋题取中岁选贡生卷进呈

○兵部题李宗城门下中军王承烈传播流言恐吓正使 上命锦衣卫扭解来京问

○兵部覆陕西巡按乔廷栋查据火落赤揣库儿及板胜等在事诸臣功罪得旨萧应宫张栋纪录尚贤武大振等各赏银有差仍纪录优用扳胜恰阿兰歹监候取决

○戊子刑部题黄岗县知县刘梦周父刘申重辟系狱年八十以上乞求开释行恤刑衙门吊卷查明入于矜疑项下具奏从之

○又题四川巴县民徐起建叫冤皇极门称被同乡举人刘世辅夺坟杀弟进皇木一万一千二十根银十万两穀一万石行四川抚按查审从之

○己丑大学士赵志皋题编修杨道宾袁宗道简讨区大相管理诰敕

○先是巡盐御史杨光训题称行盐地方割减盐引增多商困引壅要将宁辽新增引目除二十四年以前奉有勘劄投到者照前关支徵纳余银解部补库外其二十五年为始亟议停止如宁远不可忘备兵饷更祈不悛内帑时发佐边俾盐息养数年之后再议增引充饷户部覆奏谓引藉盐以注销民贩盐以纳课若民食未尽即增引何益向来设兵加饷计无所出不得已添引输粮无非权宜之计今御史杨光训目击壅滞故有此

建白但增引遽停前项兵饷从何供办况今倭警防大工协助并在吃紧请给太仓则贮积无多加派田亩则各省直罹灾频仍民贫彻骨至于内帑钱粮尤难擅议应行总督宁夏巡抚辽东及陕西巡按两淮长芦巡盐各御史并劄管粮郎中将前项宁辽新增淮芦引盐自二十五年以前奉有勘劄者照旧招商报中速令完粮填给勘合投缴运司查照前例即于产盐场分买盐附掣严追余没银两另项解补太仓解发之数其二十六年以后宁辽新增盐引悉行停止且两淮边中额引止七十余万而该司掣单限销九十万计若据其中少销多引从何壅今谓行盐地缩民食有限掣销不及每岁止销六十七万余引以致壅积近报各边未到额引六十余万已到未销四十余万存司违没等引一十六万余俱系岁派额引事关正课应行巡盐御史严行运司将未到未销者依限掣销分别头项报可

○庚寅兵部题覆各镇疏陕西三边东起榆林西尽嘉峪南抵洮河北至贺兰延袤四千余里套酋卜失兔等无日不思报复无岁不图劫掠盖忿水泉之败明安之诛观衅乘暇已非一日宜分布官军于定边甄井旧安边柳树涧宁塞镇静等处以遏虏之大举一宁夏镇于花马池兴平营等处分兵驻援责令副总兵马孔英督理一固原镇移陕西总兵驻下马关西援庄浪西宁北救海刺安会一甘肃镇合镇城正奇游三营之官军相度缓急以为战守总兵官居中调度如虏犯要区各布兵马严加防御一酌守边东自延镇镇靖西至宁夏横城量拨步兵分段摆守四布轮番一呼即集防守良策莫便于此一议总兵延镇总兵移驻镇靖宁镇协守应援下马陕西总兵移驻该关犄角战御若河洮虏情稍缓临洮总兵亦即移驻安会以防套虏一申策援夷情告急防守为艰如西宁有警兰河兵马过河夹攻归德有警西宁兵马速驰犄角一议劝赏赏功银两在甘镇者俱已用尽宁镇未报延镇固镇所存无多欲行再发收贮以备不时之需一更将领如兰州参将副总兵马应龙西路总兵熊世锦宜革任左营游击萧韶成右营游击都司李国用原任游击丁光宇陕西坐营都司姚德明宜酌调一议城堡安会一带乃狡虏入犯必繇之路宜速修葺务期坚完得旨如议行

○朝鲜国王李昖奏据陪臣黄慎状启臣蒙差跟随游击沈惟敬四月二十五日前往熊川倭将平行长营里宣谕各屯倭酋至五月初五日行长率其从倭若干下海而去于六月二十六日日本回来说称关白已定撤兵之议差官迎候册使勾当自此各屯倭兵声言装束下海臣分遣通事及哨探员役遍行各营查看下龙塘德桥芥浦森浦长门浦苏津浦永登浦七处倭设营栅房屋已行撤毁金海府城房屋系是本国旧设蒙游击府分付未烧西生浦倭兵移驻头毛浦林郎浦倭兵移驻安骨浦营栅俱已烧毁又据陪臣李恒福状启有册封副使及正使为因平行长正成等要请不已本月初八等日自密阳府起身进入釜山倭营又据沈惟敬咨十月内倭将平行长差小将平调信往报关白今调信回称天使宠临须烦朝鲜一二陪臣同渡面修旧好本府调戢两国贵国亦宜权衡为之结局又于正月二十日陪臣黄慎启有酋平行长正成小西飞玄苏等要与游击

府先行过海于本月五日驾船下洋结小邦庆尚道沿海地方者自左道蔚山郡至右道巨济县首尾二三百里之地总有一十六营钦蒙 皇上特遣游击将军沈惟敬奉旨宣谕自上年七月以后各营倭兵有渐次撤回之形焚毁营栅房屋者已有九处而顾惟釜山竹岛加德骨安四处倭兵尚无渡海之期倭将清正移据头毛气势颇盛册封正副二使尚留釜山未进念倭贼要得小邦通信盖欲试臣以义所难从之事而其为计实所难测小邦与倭奴隔海而国固有比邻之义今既无故兴兵烧焚屠戮至于祸及丘墓讎怨已深实不忍与伊相通况此贼凶狡有素难以信义相期设使臣欲释怨包羞苟纾目前之急恐不足为伊去留之决而必且益肆反覆以启衅端则小邦将无以应之而后患方大此臣之所以惭愤迫蹙不知为计者报闻

○兵部覆陕西巡按林道楠查核延绥清平镇朔等处获功员役乞行赏赉 上以功次既核明白应升赏追赠俱依拟银两着太仆寺给发

○辛卯大学士赵志皋等题翰林院修撰翁正春编修冯有经充起居注馆史官

○兵部覆原任总督叶梦熊男叶世仍加锦衣卫指挥同知总督李汶男李国桢荫授锦衣卫左所副千户世袭达云男达奇勋荫授凉州卫指挥使世袭俱报可

○壬辰 穆宗庄皇帝忌辰遣官致祭 昭陵

○给总兵王保防海御倭总兵官关防

○乙未兵部题西宁大捷先行纪录俟后有功并叙 上报西宁斩获虏首力战可嘉李汶田乐王赋业刘敏宽达云龙应高第余世威黄天泽柳天泽各升俸赏赉有差

○旌口府通山王府奉国将军华焯孝行

○顺天抚按李颐等题五月十四夜有坠星下抚宁至地为石

○关白将清正等所住房屋尽行烧毁共五千二百三十间

大明神宗显皇帝实录卷之二百九十七

大明神宗显皇帝实录卷之二百九十八

万历二十四年六月丁酉朔大学士赵志皋奏东事未宁群言波及光阴已暮国是难定当此之际虽周公复生犹当思避况臣以不肖之身敢复一日居于位哉疏入 上谕朕于卿信任甚笃凡浮言巧诬皆洞烛其情并无疑惑今国家多事何可因此遂忍求去昨见倭报安静纷纭妄渎者多自渐沮益见卿特议慎重为国效忠偶疾不妨暂时調理即出供职毋得固辞有负眷倚

○户部覆浙江巡抚刘元霖题将蜡茶银两暂借织造其赃罚银两解部协济大工从之

○礼部题朝鲜国王李昫差来陪臣户曹参判具岁寺辞宴应移文光禄寺照例折给报可

○起原任延绥游击左国卿为固原游击 ○升陕西总督标下左营游击萧韶成为协守宁夏东路副总兵

○吏部覆巡抚浙江刘元霖题为考满官员傍荐三次照例准给恩典傍荐二次者查勘另题

○吏部题留南京都察院杨成奏辞免新命 上命赴任供职

○戊戌通政司田蕙奏参杨应龙差人杨鳌送银一百两乞赐究问得旨田蕙发奸守己宜用心供职杨鳌下法司

○庚子兵科给事中徐成楚条陈黎莫二酋剿抚事宜章下兵部

○吏部覆浙江巡抚刘元霖题水利副使薛梦雷升参政与金严道唐守谦更调

○礼部题考过岁贡吴献策等分送南北二监读书

○兵部题倭将清正果于初十日过海报闻

○又题杨方亨奏称流言军马被倭将杀死数多今造册送科俟回还之日查点有无欺蔽报可

○协理京营戎政沉思孝乞休不允

○升都司僉书管密云车营游击王宗道为延绥八卫游击甘肃高台游击罗星为甘肃巡抚标下游击延绥甯甘堡守备高廷梧为宁夏兴武营游击原任甘肃庄凉游击范良材为陕西总督军门标下游击

○甘肃巡抚田乐题火酋求路归套章下兵部议

○辛丑浙江道御史何尔健题捉获播州宣府司杨应龙下贼目张文在京窥伺踪迹下法司

○降侵冒钱粮南京工部主事赵学仕饶州府通判

○改淮安兵备曲迁乔专管扬州徐州兵备徐成位分管淮安地方

○户部题总督漕运尚书褚鈇会同总兵官新建伯王承勋巡漕御史况上进揭称每年浙江江西湖广应天苏松四道督粮兵备等道管押重运粮船过洪毕日回任每道仍各委通判二员押运至徐立法精详足称至善但道府各官乘坐船只并随从员役经过直隶地方供应浩繁小民苦累要将浙江江西湖广徽宁四道参政等官以后止令督押所属粮船尽数催入瓜仪闸内即与漕储道交代回任其苏松四府漕粮独多计程止隔一江仍令该道督押过洪每道止选委精明通判一员尾催至徐州方回如遇改折漕粮不及十万道府俱免押运仍通行申谕各官不许多带从人骚扰驿递糜费供应报可

○壬寅南京浙江道御史黄华秀题倭情叵测难恃恳乞思患预防内言朝鲜嗣于位且危疑请以此时令其以功自见能定倭乱者封之调南兵非策请就宣大沿边去处召募徵发有事易聚无事易散速催智勇之将议战修备 上报已有旨

○司礼监太监田义奏乞简发内外诸司章疏不报

○升崔黄口守备冯几思为密云振武营游击

○升都司僉书管甘肃古浪守备事任应举为甘肃高台游击 ○癸卯赏朝鲜差来陪臣内库段疋

○命南京法司扭解小教场把总朱印来京问以杨应龙用事张文杨鳌供称央求转升故也

○甲辰户科给事中程绍题参原任巡抚周光镐议其捏报军饷事属欺罔章下兵部

○南京吏科给事中祝世禄奏议天津卫添设总兵一员以防海路下所司

○兵部题加刺卜<☰人小>国师名号给与敕印于番俗中择其威信服众者量加一二名千百户名色令其统束各番坚心侦御从之

○乙巳兵部覆火酋归套恐其假路镇羗宜再加讲求堤防务保无虞报可

○丁未司礼监太监田义奏乞宽宫人内官刑罚不报 ○加升西宁兵备参政刘敏宽按察使

○己酉先是安南黎维潭擅兵攻杀贡夷劫夺印信已而束身待命退地代身一一恭听处分惟谓金印失去无存开关受事有日矣黎维潭一夕遁去总督两广侍郎陈大科题奏谓安南之事虽一切移文称名黎维潭而其实权臣郑松主之莫弱而黎强故莫今日不得不折而入于黎然黎庸而郑狡黎在他日将终为郑所有耳据谍报黎维潭之回国也盖郑松星夜飞骑四次来追维潭遂冒大雷雨而去盖郑松惟恐潭一朝被天朝之名号则彼将不得肆焉以行其篡夺之谋蠢尔维潭堕其术中不之觉耳科臣徐成楚谓交南自黎莫两酋构乱几五年所即该督抚按诸臣奉旨勘处亦既三年于兹矣乃问金印之存毁燹尔清化失落又燹尔描摸误用议莫氏之安插燹尔恭听处分又燹尔未敢闻命代身之金人已验旋复暮夜持还款贡之表疏已完猥云器具未办彼黎维潭者何所闻而来抑何所见而去也臣闻日中不斲是为失时操刃不割失利之期此亦斲割之一时也乃彼方以款迟我我复以款自迟徒幸彼之不过为黎利为莫登庸而不察我之所以处利登庸者抑何容易也大都督抚利在释负故不惮以延缓为羁縻黎酋志在养威故不难以支吾为恭顺万一庙堂误听臣恐损威辱国玩寇酿乱未必不自今日始兵部覆议移文广西总督抚按将题议事理诘黎维潭缘何辄行宵遁若实系郑松主使作何处治务期操纵在我处置得宜勒限完报以凭覆请定夺得旨依议行

○兵部题先解草粮一十万两动用其应解本部文武缺官俸薪并马价地租银两容设法催进以助大工报可

○慧星见东北方芒指西南

○庚戌賑恤过漳泉福兴四府所属被灾县分人民

○加升巡抚大同梅国桢右副都御史

○辛亥升河西安远堡备倭李文汉为甘肃洪水堡游击

○壬子大学士赵志皋等捐俸助工 上览奏褒谕嘉其忠爱报闻次日复谕内阁昨览卿等所奏捐俸助工具见忠君体国之义且卿等夙夜在公殫忠竭力匡襄佐理足称尽职况俸以养廉禄以酬功乃国家常典今既卿等又揭其允所请

○差员外韩光曙管放军士冬衣布花

○癸丑 睿宗献皇帝忌辰 奉先殿行祭礼

○吏科给事中刘道亨奏今天下因循丛挫之故盖有二病一在废官一在侵官然侵官之病在废官始也如工部尚书职掌邦土诸营缮河梁烧织器用于是乎总理顷宸居鼎建而独不得大司空董成非所以为重也南京吏部佐尚书统驭百官今留铨之贰既久虚非所以率属也通政司职司喉舌宣上达下今且数推不允国子监祭酒表率六馆素称美官今一推不补而以司业代之太仆寺少卿修马政今数推不补而别官署之礼部莫重于仪制王朝典礼各藩名封之类赖以裁决可虚无人乎兵部最要职方九边谋议将领黜陟之类繇其主持可悬缺久待乎两浙多士之区六年不经岁考迹且士习凭陵非藉学使者振肃之则滥觞可畏也天津北拱神京南通运河舳舻之会冠盖之场鸭绿扬帆三日可至今该道缺而以易州道带管之则孤悬可虑也滇南番汉错处岢岚当虏骑之冲陇右值秋高之际关西卫关隘之梗皆延褒阔绝铃析是惊今无专官管理此攻彼瑕不能两完则及州洮河之事可监也至如科臣参驳诸事今掌科无人而以散员署之一人而领十差奔走不暇参驳而守科直鼓又谁为之代庖乎台臣责任尤烦且重今二人而掌十道即今河南等六七差报满又谁为之揽辔乎夫官之设为民非为官也百官之补民之利非官之利也阙而不补于官何损而民则实受其祸非所以自为社稷计矣昔杨巍为吏部职守废今孙丕扬为吏部而职守亦废盖昔之废在私滥而今之废在壅隔欲安丕扬则当使尽职欲尽其职则当取先后所上推补及行取诸疏次第批发以补诸司及台省之缺 圣心一念转移间而丕扬与内外多官各得其职而治平可立待矣疏入不报

○给青州府颜神镇捕盗关防

○与原任广西总兵呼良朋祭葬如例

○免熟审过犯人徐栋等一十三人裴贤等二十九人枷号原拟发配发落释放笞罪等犯人一百四十名

○甲寅兵部题河南都司凌应登劄令星夜前来统领京班报可

○命工部侍郎徐作不妨部事提督工程

○南京刑部题禁地盗铜戴海陈用等下法司

○乙卯府军前卫千户仲春等奏开采以济大工命工部查例差官

○升太原知府赵彦为岢岚兵备副使

○丙辰升游击管辽东金城守备事刘大宗为辽东广宁车营游击

○丁巳吏部覆户科给事中程绍参宁夏巡抚周光镐回籍听勘

○庚申兵部题沈游击与杨正使禀帖云五月初四日至和泉州界津地方次日正成从山城州来见言三城长盛来接后关白亲至相迎正成复往山城惟敬在王莲寺驻歇十三日正成又至禀称大阁之子年方四岁本日在彼立做关白因有许多事体未及

决命争胜此酋万一长驱而入宁独塞上罹其荼毒而 陵京震动所损岂细故哉再咨应修城堡酌议冲要分派军丁上紧修完其功要查勘明确酌议上请下兵部

○甲子 孝穆皇后忌辰遣官祭 茂陵

○乙丑户部题差官勘矿意谓千闻不如一见地之孰厚孰薄矿之或衰或旺采空煎烧作何置办工食器具作何处给管理应用何官收护当用何兵矿徒作何禁戢奸宄作何防御一切停当奏闻其千户仲春等原无执事令其在京等待不必前去 上言方今国家多艰官民两竭且开采先年已经科道屡请照嘉靖年间例差户部锦衣卫官各一员押同原奏官赴彼开采陆续解进只督百姓自行采取不得支费公帑骚扰该抚按仍调兵防护务保安静不许阻挠

○工部题请四火黄铜 上以备各衙门年例奏讨不许其铸钱令买办随工鼓造
明神宗显皇帝实录卷之二百九十八

大明神宗显皇帝实录卷之二百九十九

万历二十四年七月丙寅朔甘肃巡抚田乐< 〇〇〇 铨-金 >荐参政陈所职朱朝聘守备副使刘敏宽霍鹏黄子美管甘肃行太仆寺事按察副周一经俱于兵防有赖章下吏部

○命户兵部出银二万两一千有奇约户三兵一给临洮总兵刘綎家丁充饷即刘綎移镇以原议省兵轮戍前饷停

○赐朝鲜陪使沈友胜等银币如例并给劄伴送

○丁卯吏部尚书孙丕扬奏数月以来廷推阁矣行取停矣年例废矣诸臣中或以功高优叙或以资深量迁或服阙而除补或覆题而注授其生平素履原不在摈弃之列者乞体国政设官之意念国步多事之日将近日推官章< 〇〇〇 铨-金 >简发间有注拟未当亦乞明示另推容臣再行酌补不报

○南刑科给事中郑明选劾论南福建司主事褚国贤窃盗库银副书役□文举皂众刘淮等夺之而散于国贤为莫夜之金于刘淮为白昼之掠偷夺之风上行而下甚事下法司问

○工科署科事给事中杨应文奏府军前卫副千户官仲春等开矿有害无利乞行停止户科给事程绍亦交章议罢内称嘉靖二十五年七月内奉旨差官开采矿硎自本年十月起至三十六年十二月止委用官四十余员防守兵一千一百八十名每名廩食并合用器具铅炭总计费银三万余往来夫马之劳供应之扰又数千计及考矿之所出才有二万八千五百有奇所得不足以偿所费蒙 皇祖洞察特下禁采之令其事竟废言甚切至不报

○兵部奏宽奠副总兵马栋言行长婿平义智率部下从倭兵二十五船于十二日蚁渡值风且止而行长闻我天兵将至惶惧不安屡请使臣杨方亨先行渡海留副使沈惟敬中军李大谏暂住釜山候救命符节至日即督烧营栅似出恭顺至情别无要挟万

勿过听浮言发兵过江则前功尽弃关系匪轻渡海之举约在六月十五日游击陈云鸿则云初九日倭众已渡而但量留倭小西飞船以候救命至十五日行长率众渡讫因船不敷留平调信待对马岛船至续载语前后参差而又云李大谏沈懋时亦留在营候倭焚营在营谓在倭营也

○戊辰四川道御史汪以时奏地方缺官之害藩司分守臬司分巡职掌各属每遇员缺则抚按必择近便者一人使之摄理职钱谷而摄军屯职兵戎而摄盐马夙昔未获<女间>习旦夕乌能旁通颠委不暇究心咎刻难于判发聪明少有未遍宁免乖违才力稍有不同岂无愆谬舞文者乘此弄其机械玩法者藉是恣其浸渔文移之往来狱讼之听断近者数十里远者数百里又远者千有余里道路奔走岁月牵缠费用不支劳苦勿恤或鬻买其妻子而事尚未完或转死于沟壑而冤莫可诉司道缺官废事病民为害大端如斯至于君□邑县守令最为亲民民之倚命守令不啻赤子于其乳母使君□邑县而可缺官则是赤子而可断乳也使守令而可常使署摄则是赤子而可终岁寄养也盖专管如桉匱之典守故任怨劳而不辞摄职若传舍之经行谁肯竭心力以从事乞行推补不报

○定海卫镇远楼于五月二十五日灾军器毁

○浙江抚按勘过原任尚书董份纵仆招尤祭酒范应期儒臣极冤未雪事章下部院复

○下南京工部主事赵学仕户部主事褚国贤法司问学仕自起家县令累以墨败及为南户以抽扣□银耗支木价于二十一年为工部侍郎周思敬所纠初拟谪戍而后乃蔽罪家童量为外调抑迁就之处分也至是为御史朱吾弼申劾而因及尚书赵参鲁之失出阁臣赵志皋之庇覆故学仕褫职与褚国贤并发南京法司讯

○差郎中戴绍科往河南开矿 上命户部曰开矿事宜着遵照前旨行毋得糜费官钱骚扰地方卿等预言四事恐启异日衅端足见为国远虑各该抚按悉心经画设法防护毋得推诿务保无虞开采之端一开废弃白望献矿硎者日至初差部属董之犹可而后竟以原奏官自领之害益滋矣

○命户部遵旨于真保蓟永所属汤庄地方开采仍差官押领原奏官员陆续解进不许抗渎烦扰

○詹事府录事曾长庆等奏顾县所属英旗岭有矿乞开采 上命遵新旨行

○锦衣卫百户陆松鸿庐寺随堂官许龙等顺天府教授冯时行等经历等官赵凤华等各奏 宸居鼎建等事无虑以开采为名章下户部

○己巳 仁孝文皇后忌辰遣官祭 长陵

○赐辅臣赵志皋张位陈于陞沈一贯等鱼鲜

○协理京营戎政都察院右都御史沉思孝以疾求去不允

○吏部文选司郎中唐伯元奏铨曹之职昔称要津今为畏府臣日与堂官计议如

何一清铨法如何一洗积垢凡利在百代害在一时者必行不敢少贬以殉浮议凡利在部内害在部外者必革不敢姑息以市恩私每遇内外员缺臣度量注拟具呈堂官请自上裁间有奉旨点陪者知上意独断也有奉旨另推者知上意慎重也乃数月以来则有一概留中不答者矣台省郎署方面赴部候补者动至经年多至盈庭内外官俸大半踰期不得迁转各边道事情紧急无可代庖贤愚同滞朝野咨嗟莫知其解此诚臣拟议不当圣心以致封章不蒙批答乞赐罢斥上不报特允其去盖伯元以秩满宜升太仆寺少卿独以请下留中一疏失上意竟罢

○命内府收襍各安抚司各寺都纲头目彻吉丹班藏等补贡方物

○给赏副总兵马孔英来保银两有差以黠虏节经入犯英保等斩获有功斥都司金书刘继爵怠玩回卫

○刑科都给事中侯廷佩奏差官热审其典甚盛臣昨同诸臣业已会审其轻重罪犯放释俱当情罪夫臣所见者皆已成之狱耳其监候未成之狱在陛下慎之而已岂无有穷治庶狱至于累年者乎岂无有猥于承旨明知故待者乎岂无有小吏惶恐诸所连及一切陷入者乎岂无有见涉影响定以无可解之辞事类传声坐以不可逃之罪者乎至于出口招祸发语传喋输之司寇辱之奴隶小吏骂詈则有不可令众庶见者有一于此则冤塞之气皆足以伤天地之和而召灾变之至昔唐宪宗问李绛曰谏官多讪朝政皆无事实朕欲摘其尤者一二人以警其余如何绛对曰此殆非上意必有邪臣谋壅蔽聪明也人臣生杀系人主喜怒敢发口者有几昼夜度思朝暮删减比得上达十无一二故人主孜孜求谏犹惧不至况罪之乎臣以为近日司寇请解曹侍御之狱宜亟俞之至于永戍之条以一身之罪而祸延子孙法为尤毒乞敕法司务秉公直一切刑狱与其议开释于既成之后孰若慎议拟于未成之先疏入留中

○命钦天监择日鼎建乾清宫以七月初十日辰时治木

○庚午敕都察院转行江北巡按御史勘明河工并稽官员勤惰钱粮出纳

○尚宝司卿徐璞致仕

○壬申工部左侍郎徐作题条陈大工十款一议水运一议木值一议夫匠一议灰户一议预支一议支放一议给钱一议巡缉一议书役一议久任上以其有裨大工如议行

○差御史刘景辰监督工程

○癸酉册封日本正使杨方亨奏于六月十五日渡海册封关白

○户部尚书杨俊民题蓟永真保易州等处开矿恐伤龙脉乞行封闭并求治陆松王应龙言利之罪上以其离隔祖陵远且曰皇祖时已开过着遵前旨便差官开采陆续解进该地方官不得借言阻抗

○礼部题南京礼部尚书林庭机谥许之

○中元节遣武定侯郭大诚隆平侯张炳阳武侯薛钰宣城伯卫国本东宁伯焦梦

熊武靖伯赵祖荫清平伯吴国乾成安伯郭邦相永年伯王栋于 九陵行礼都指挥使李承恩于 哀冲太子 庄敬太子坟所行礼惠安伯张元善于 景皇帝陵寝行礼致祭

○赐四川裸谷安抚司都纲头目番僧彻吉等宴以侯徐文炜待

○甲戌巡漕御史况上进题议改建闸座筑坝束水工部覆奏如议行

○兵部尚书石星条复善后事宜盖因正使先渡对马岛谓封局可结故耳 上谕许倭乞封原系羁縻一切海防善后事宜即行与各省直总督抚按官遵照条议着实修举若有仍前怠玩虚文塞责着该科参奏重治还行文责今朝鲜国王亟图战守自保宗社以全 天朝字小之恩勿得恃安自□卍 角羊□

○兵部题册使渡海讹言易兴乞行禁止 上报曰近来内外棍徒将伪揭私书抄誊传播惑乱视听不特倭报一事委宜惩究着厂卫五城缉事衙门访拏重治还行蓟辽总督抚按官于册封渡海之后务要侦探的实具奏不许轻信流言仍前妄报余如议行

○抄过犯人张诚等庄园坟地赏给皇亲郑国泰及原衙门者如数领发其民地无从查给俱入乾清宫子粒地内徵收在余田地东厂暂管货佃徵租于年终类进

○丁丑大学士赵志皋张位陈于陛沈一贯上 圣母仁圣太皇后起居以闻

○夜昏刻东南方有白气贯月一更月犯南斗魁第二星

○慧星见西北方如弹丸大苍白色芒指东南入翼宿度约长尺余往西北行入

○协理京营戎政右都御史沉思孝参副留守何良臣山东都司吴檄章下兵部

○升陕西副使李国土为陕西参政广东副使徐应奎为河南参政

○广东巡按刘惠奏地方异常旱灾乞行蠲恤章下户部

○戊寅 仁圣懿安康定皇太后崩遗诰内外文武群臣予以菲德获配 穆宗庄皇帝于潜邸者九年比即位初元升俪宸极母仪天下者六年不幸 昭陵上宾予莹莹在疚赖今 皇帝光纘历服纯孝天至屡荐徽称聿隆敬养者又二十四年于兹尊荣祉福亦既备绥顷当寝疾危憊 皇帝躬省药膳叩祷神祇尤极虔恫兹得永终天年复侍先帝左右夫复何憾念惟 皇帝负荷 祖宗鸿业艰钜忧劳宜以万几为重不得过于哀戚中外文武群臣务协恭秉忠匡赞治理以永亿万年无疆之祚丧制悉遵 先朝典礼以日易月二十七日而除君臣皆同毋废 郊社 宗庙百神常祀毋禁中外臣民音乐嫁娶宗室诸王但遣人进香在外大小文武衙门并免进香特兹告谕其恪遵行之

○谕内阁今日午时 圣母仁圣懿安康静皇太后上宾乃朕积愆深祸延 圣母不胜悲恻谕卿等知

○阁臣赵志皋张位陈于陛沈一贯上奏恭慰

○礼部题已故侍郎蔡汝贤恤典如例子祭

○命礼部会同翰林院计议 圣母仁圣懿安康静皇太后丧礼

○免 皇太子讲读一百日

○命抄没地方俱入乾清宫照旧徵租类进其村落荒僻处所房屋行令该地方官作速变卖若香山乡冉家村宫村各地尽行入官不许私占其凉山河庄房田土俱着做寿宫皇庄着 天寿山守备暂管 ○己卯 仁圣皇太后寅时小殓未时大殓

○辅臣赵志皋扶病赴 慈庆宫门哭临行礼随入阁办事

○革副留守何良臣都司吴檄任回卫

○辛巳差中书行人等官赍捧遗诰前往各处开读

○造办 仁圣皇太后冥器

○敕云南贵州抚按严治沾益土酋安邦庆不许扰害其乌撒继立事宜作速公同勘处并将阿备兵形查实相机便宜擒剿

○谕内阁览卿等奏慰悉见忠爱至意但朕自入秋偶尔感冒适闻 大行圣母仁圣皇太后上宾惊仆哀恸头目眩晕身体战软昨以闻丧力疾趋赴几筵行礼奏谒 圣母面承 圣母慈谕着朕务遵遗诰抑情节哀以 社稷 宗庙为重勿得过伤致隳万几恭承 慈谕服药调摄以安慰 圣母爱子之心谕卿等知

○内使陈富于宝宁门外捉获不知姓名男子一人手持内阁出入关防牌一面上命锦衣卫拏送镇抚司究问

○壬午内阁诸臣恭诣徽音门外进香文武衙门各官恭诣 慈庆宫门进香其听选办事官员人等免

○癸未 成祖文皇帝忌辰遣官致祭 长陵

○甲申升太常寺少卿郑继之通政使司右通政左庶子李廷机国子监祭酒御史何悼光禄寺少卿安庆知府徐民式南京光禄寺少卿

○工科署科事给事中杨应文题 慈庆宫进香诸臣班行杂乱仪度周章乞行禁戢 上谕进香大礼禁地森严如何不行敬谨姑不查究以后各官行礼务要整齐严肃违者指名参奏重治

○乙酉差承运库太监王虎同户部郎中戴绍科锦衣卫佾书张懋忠于真保蓟永等处开采样沙进览

○敕河南抚按官防护开矿悉心计画务保安静

○镇抚司问过犯人王承烈下刑部拟罪提谢龙等到京俱系倭情事

○命礼部于二十一日百官恭听宣谕谥号 ○丙戌 皇帝制谕礼部朕惟母后恩深圣善德备生则享万方之养没则垂永世之名此国家慎终之彝章亦臣子追先之达孝也惟我 圣母大行仁圣懿安康静皇太后温柔有容柔嘉维则初配先 皇于潜邸襄阴教者九年既正 后位于中宫作母仪者六载肆朕冲龄而纘历服式承懿训以御家邦六宫繇之肃雍二纪赖以宁谧方祝寿祺永介何期孝养长捐罔极之恩莫酬终天之恨徒切怀徽音而增恸佩遗诰而兴悲鸣呼追维 圣德宏深人心协戴荐加显号国典攸存是宜采论于公援天而谥布告中外昭示无疆以称朕尊崇之意礼部其

即集廷臣博议以闻 ○命礼工二部堂上官各一员领钦天监会同内官监恭诣天寿山相度 大行仁圣皇太后祔葬 昭陵事理

○差镇抚金书杨宗吾往河南开矿

○吏科署科事给事中刘道亨参奏南京刑部尚书赵参鲁曲庇工部主事赵学仕敦梓里之好结相府之欢旻拟调外旻拟革职乞行切责严敕后来勘官从公执法章下吏部

○辅臣赵志皋奏辩明心迹不使貽累参鲁内称主事赵学仕系臣族叔虽系同宗原非亲分且其生平负高使气与人多不合一南一北音问甚疏其造船买木有无侵克事在彼中臣亦无繇而知上谕赵学仕已行勘问自有公议卿素怀敬慎此事原无相干不必介意宜安心供职以副眷倚

○丁亥户部尚书题据太仆尚宝寺司开称坐官捐捧以后除补新官系本部者径行扣捐系别衙门者令其移文本部知会扣捐以免渎奏至于升迁事故等顷即有新官继任俱于二十五年六月初一日方准开支事体画一 上从之

○戊子升辽东宁远参将麻承勋为副总兵管延绥巡抚标下游击事

○户部覆巡漕御史况上进一议慎重改折以固国储一议酌时定折以博实惠一议严飭印运以清旗甲一议酌除关禁以速回空一议责催粮银以苏军困一议责催空船以速新运得旨如议行 ○己丑巡抚陕西兵部右侍郎兼右佥都御史贾待问题六月二十四日真相等虏繇洮河谷口铁缠山入犯洮岷参将孙尚贤率领官兵对敌用枪炮打死达贼马匹数多就阵斩获首级一十三颗又二十五日于红山口要岷斩获虏级五颗乞敕查勘章下兵部

○礼部题 大行仁圣皇太后神主牌位罩座合用檀香栗木其伐木治木吉期转行钦天监选择

○兵部题关白历数清正过恶置之罪秀家为乞养女婿败露国中丑态姑念其效劳年久夺其事权散其土地人口削发流居据此则关白望封之心委属真切清首阻挠之事俱已败露并将沈惟敬原禀进览报闻

○西宁地方于六月十一日暴雨迅雷击碎桅杆震死班军范叔等

○顺天巡抚臣李颐疏陵京所关甚重采矿为利甚微祈严天戒保固地灵以永万年治安不听

○存问原任户部尚书毕锵奏谢

○庚寅刑科都给事中侯廷佩参奏南京刑部尚书赵参鲁不能执法俟赵学仕勘明另议盖吏科给事中刘道亨论劾既严侯廷佩复有此疏参鲁辩奏染指易为疏略案出诸司之会审多赃乃得调外议繇北部之处分章下所司

○给郎中戴绍科蓟永真保等处开矿关防

○潞王进银一万两助工 上览王奏捐禄助工嘉其忠爱敕撰书复王而自是王

府捐助之请亦累至

○辛卯发银二十万六千有奇补给蓟镇后半岁主客兵饷

○南京兵科等科署科事给事中郑明选等题复漕规以苏京军重漕臣以裨国计章下户部

○钦天监择八月初八日恭上 仁圣皇太后宝册七月二十九日卯时伐木八月初二日治木

○壬辰文武群臣议上 大行仁圣懿安康静皇太后尊谥伏以地称博厚乃持物而同天坤著顺承爰配大而言至于昭 圣母光缵皇图若稽懿行于当年宜著芳猷于来世斯薄海共尊亲之意亦明时大礼典之光也钦惟 大行仁圣懿安康静皇太后柔顺正中安贞静一藹于世庙配我 庄皇潜邸嗣徽壶范齐辉于储德 中宫正位母仪肇化于王风当荣华始盛之时豫根本万年之虑佐成 先皇之燕翼蚤建 上位于青宫迨乎践祚冲龄弘资保佑乃兹成仁必世大藉仪刑养备称尊福履之绥未艾得全履盛谦光之闻弥彰宫庭式衣练而度肃珩璜戚属屏流车而动循矩矱方期遐寿遽尔考终犹虞遗诏之颁顾念缵图之重戒兹百辟媚于一人训泽如新怅鸾舆之不返徽音孔赫祐麟趾以无疆臣等祇奉明纶逃稽谥典虽至德有难于蠡测乃鸿称实采于輿情宜天锡之曰 孝安贞懿恭纯温惠佐天弘圣皇后 上依拟送翰林院官拟撰册文进览

○礼部题 昭陵开工修整事宜命择日兴工

○兵部题给关白诰敕等件先于五月二十七日差官赉发七月初八日方抵釜营其李梦鹤等聚众作反系朝鲜叛贼该国自审讨平不在倭情事内报闻

明神宗显皇帝实录卷之二百九十九

大明神宗显皇帝实录卷之三百

万历二十四年八月丙申朔大学士赵志皋等题考天下贡士上中卷进呈

○大学士张位等题八月初八日恭上 大行仁圣皇太后尊谥初九日颁 尊谥诏乞 圣躬亲诣

○吏部等衙门题南京刑部尚书赵参鲁以宽释主事赵学仕一事遂致人言应念其素望容令策励供职其赵学仕行南京刑部等衙门公加究问毋再姑息 上从之

○敕南京刑部右侍郎谢杰照旧供职仍允给恩典 ○巡视京营户科给事中程绍等题参原任京营副将任自强神枢营副将佟正养五军营副将施朝卿保定游击胡泽山海关参将杨元俱行法司究勘以为行贿营迁之戒章下兵部

○命浙江杭湖衢严四府退换绢数至十四万疋二十四五年次第完纳无致虚耗

○户部覆南京兵科署科事给事中郑明选等题复漕规以苏京军重漕臣以裨国计等< 䟽 䟽-金 >从之

○锦衣卫百户吴应麒奏往山西平阳府夏县等地方开矿府军后卫指挥王允中

奏往山东青州等府沂水等州县开矿俱章下户部

○礼部题八月十七日 万寿圣节百官俱公服行礼以 仁圣皇太后在殡故也

○差主事李叔元往江南徐来仪往江北徐安往关内冯若舒往关外各审决

○丁酉谕内阁朕览卿等揭奏朕岂敢自逸偷安惟是昨者寒火上攻乍作乍可朕今频服药饵调摄且初八日恭上 尊谥大礼朕力疾亲行其于颁诏俟传免御卿等体君忠爱至意若 皇太子等质尚脆弱未暗礼仪难以陪从谕卿等知

○秋祀遣礼部尚书范谦于 先师孔子公徐文璧于 大社 大稷代行礼

○命礼部与做番国师印给国师刺卜<☰人小>

○礼部覆 昭陵开工事理及祭告 大行仁圣懿安康静皇太后几筵

○遣侯郭大诚张炳薛钰伯卫国本曹允成焦梦熊吴国乾杨世阶方烨祭告 长陵 献陵 景陵 裕陵 茂陵 泰陵 康陵 永陵 昭陵各行礼

○遣侍郎吕鸣珂祭 天寿山及 后土司工之神

○兵部覆操江都御史陈荐条陈七议一禁官军改差一议营基营房一议改造战船一议请给关防一议选任捕职一议核实功迹一议江海要区得旨如议行

○命管理河北郎中黄承玄挑浚南旺等处运河

○择八月十五日 昭陵兴工命礼部左侍郎刘楚先工部左侍郎徐作相度具奏

○戊戌以 万寿圣节钦赐四辅臣及日讲官等金银篆字符书有差

○大学士赵志皋等题御史员缺大差之人乞将都察院前疏发票不报

○大学士赵志皋屡疏乞休 上谕密勿赞襄朕正倚老成今中外多故卿居首辅当竭力尽忠以副眷注况精力未衰偶疾不妨调理何可屡次求去不允所辞

○原任袁州府通判华光大奏父华富制有神异火器职方试验堪用比报东虏小歹青入寇广平以火器攻虏虏辄扶伤奔北既而督抚传檄捣巢委督放火器得获大捷至水战大船不必挽桨止用二人潜以盘水车飞轮搅之一船可烧敌船百艘欲为天津通州海口备御计章下兵部

○刑部覆浙江巡抚刘元霖题乡官董份纵仆招尤儒臣范应期极冤未雪等事发遣章椿丘邦卿等发配王九龄陆应时等

○山东巡按李思孝题臣巡历沈阳中卫据辽东镇坐营中军陈九围正安堡参将张奇功镇堡守备张承祖报抄花卜言顾花大等在营传各家达子祭旗聚兵围抢广宁地方见在可可母林屯住副总兵李如梅领兵移沈阳督阵备御方时新游击王守官佟养直参将张奇功等于母林迤北离墙三百余里哨见达贼偶值天雨阴雾官兵一拥向前在阵擒斩一百九名颗内贼首一颗勘实以闻章下兵部

○己亥太常寺题恭上 仁圣皇太后尊谥先期遣公徐文璧祭 南郊侯徐文炜祭 北郊驸马许从诚祭 太庙伯王学礼祭 社稷

○辛丑有流星青白色尾有光自虚宿往西行后有二星随之

○礼科左给事中张企诚题 祖陵防患宜周河流分洩当亟乞将前勘应开下流诸工俟秋水农隙集夫兴举其凡一应开洩入海白驹场等处河道都俟再勘不妨暂停以省劳费章下工部

○壬寅命造真保蓟永开矿户部锦衣卫内官监各官关防

○西华门城楼工竣命侍郎徐作祭告 后土司工之神 ○初定讲期谕礼部如今天气炙热经筵暂免日讲照常行以后经筵春以二月十五日起至五月初二日免秋以八月十二日起至十月初二日免岁以为常

○经筵秋讲是年暂移八月二十二日嗣后仍照前旨以 大行仁圣皇太后丧礼故也

○工部题覆总督河道工部尚书杨一魁条议分黄导淮事宜十事一议展河岸以固堤防盖旧河身阔二百余丈尚有缕堤边堤以束之而新河面窄土松伏秋之防不可不虑宜于新渠中坚处所再辟二十丈以广容纳两岸倣边堤之制另筑厚堤一道以固冲击其王家口周三庄为运经之地令加浚凿并筑坚堤以便牵挽工期三载费约八万于大工余剩数内支用一议长夫以时修守盖黄坝至五港口约至三百余里河堤始创势易溃决议设夫一千七百名以待修救之用而州县之加派果难乃于镇口闸原议夫内裒四百名夫高家堰堤夫八百名尽调新河防守于山阳长夫裒拔高堰清江浦诸处分守又以折盐引银岁募五百名责令遇有浅阻亟为挑浚则夫不增而用足一议设专官以便责成盖修浚虽以夫役而督率要在专官其娘子庄以下应以府同知张兆元专为督察仍管清军马政而以总捕巡盐二事改委通判其旧用巡简者改设主簿二员各有信地则管理可以无虞一议裁新堤以免壅溃盖筑堤所以障淮而恐以泗为壑新堤可以议裁而恐裁去太多或貽后悔且应量裁数段以洩淮涨仍开瓜仪二闸以分高宝之害庶上有洩而下有归也一议修 祖陵以培国脉盖以二十五年为始查阅应修所在估料工费于粮漕衙门移文南京工部动支以凭开注类缴一议分河官以理淮泗盖以凤阳府同知兼管淮河泗州同知吁<□□日台>县县丞加管河名色专属南河分司遇有修筑前呈管河衙门料估起工岁终告成甄别一议设官兵以严讥察盖五港口淮口地方四邻河海既通奸宄出没应添设五港巡简司属安东县提调官吏方兵俸粮于盐课募夫数内动支专司讥察一议改湖水以疏漕渠盖高宝诸湖原系沃壤自淮黄逆壅冲决汪洋即岁加堤障犹多昏垫今入江入海之路既浚分黄导淮之功已成应于泾河子婴沟金湾河诸闸并瓜仪二闸并为开治大放湖水就湖疏渠与高宝越河相接既避运道风波之险而水固成田给民菽种渐议起科以充河费一议建庙宇以答灵贶盖河之有神所从来矣而自建功以至竣役河伯效顺酬报宜隆除岔庙及五港口立庙外议于黄坝周庄处所各建庙祀请赐庙额以示崇报一议备钱粮以储岁用盖守救之官役既立则物料亦宜并储宜于瓜洲通济镇口诸闸如仪真事例量取船税以济河工之用一议辟清口以导淮流盖清口为淮出之门而苦为黄壅今虽挑浚而恐水分势缓泥

沙复入合议岁修以图永利一议浚海口以免内涨盖以黄水倒灌正以海口为阻即分黄工就而伏秋水涨势恐复阨则石<□□石达>口廖家港白驹场诸处海口金湾芒稻诸河宜乘时开刷以为预图酌量工程修举者也疏上如议行 ○贵州宣慰司安疆臣奏副宣慰宋承恩以考较生儒为该学教谕熊梦祥率诸生殴辱并求更定 祖制下所司

○给敕书提督大工大臣并监察科道官员

○癸卯 孝康敬皇后忌辰遣官致祭 泰陵 上御皇极殿奉册宝诣 大行仁圣懿安康静皇太后几筵上尊谥册文曰维万历二十四年岁次丙申八月丙申朔八日癸卯孝子 皇帝臣 稽首百拜上言臣闻德茂坤纯祇仰母仪之备礼隆涣号光昭宗祐之休爰申殷荐之彝式播明章之烈恭惟 皇妣大行仁圣懿安康静皇太后浚猷渊靖并喆端凝蚤俪 先皇惕鸡鸣而佐理暨开冲<□□耳少>垂燕翼以貽谋奠神器而置诸安丕显简能之绩葆圣真而藏于密逾高幽赞之功四方从绋练之风万国景珩璜之教璇宫玉食方隆长乐之仪翠盖鸾旗遽返蓬莱之驾瞻隆天而罔极局厚地以增伤追惟至德无疆胥华夷而共戴是宜鸿名有赫焕日月以增辉庸叶人谋请从天锡谨奉册宝上 尊谥曰 孝安贞懿恭纯温惠佐天弘圣皇后伏愿 圣灵昭鉴载懿美于无穷慈祐长延配安贞而永久

○是日阁臣赵志皋等上奏恭慰

○户部题广东广州等十府乞议蠲存留停积逋赈穷民三事如议行

○八月十七日恭遇 万寿圣节遣抚宁侯朱继勋成山伯王允忠等九员于 各陵行礼

○日讲官礼部右侍郎兼翰林院侍读学士冯琦再疏以亲病乞归 上以其情词恳切准暂假回籍著驰驿给赏路费银二十两纁丝一表里

○甲辰颁 孝安皇后尊谥诏于天下诏曰朕惟盛德光昭必纪鸿名以立极尊亲礼备用襄达孝于慎终闵余疾怀祇循经制钦惟我 皇妣大行仁圣懿安康静皇太后安贞应地柔顺承天始俪 先皇殫忧勤而佐潜邸者九载旋正 后位秉雍肃以总阴教者六年诞弘樛木之施茂衍螽斯之庆抚朕冲昧嗣纘基图式承 文母之徽音获奠祖宗之洪业圣善昭垂于内则神功默运于中区爱日方殷二纪聿隆孝养昊天罔极寸心未报慈恩遽违长乐之欢倍切永怀之痛捧训词之淳切仰顾复以悲思追溯深仁亶揄扬而莫罄崇增显号庶招揭于无穷特谕礼官博参庭议协从令吉光备彝章以八月初八日敬告天地 宗庙 社稷恭上 皇妣尊谥曰 孝安贞懿恭纯温惠佐天弘圣皇后呜呼德并福以兼隆貽万<□□禘冀>母仪之懿范荣与哀其咸备罄九围黎庶之輿情诏布四方咸使闻知

○乙巳 孝慈高皇后忌辰 奉先殿行祭礼 上以万寿圣节颁赐元辅赵志皋次辅张位陈于陞沈一贯讲官刘元震等银币有差

○兵部题委指挥官王吉赉捧符节诰敕冠服等件已到梁山朝鲜陪臣黄慎等护送渡海倭将平调信等出营远迎龙节率众叩头参拜足见尊奉 天朝之体报闻

○命工部侍郎吕鸣珂提督 大行仁圣皇太后祔葬 昭陵工

○礼部题丧礼以日易月 先朝旧典但 梓宫在殡服色未用全吉在 宪宗皇帝居 孝庄皇太后丧服除后仍素翼善冠素服腰胫御西角门视事文武百官素服角带朝参不鸣钟鼓 武宗皇帝居 孝宗皇太后之丧服制亦如之待 神主祔 庙后礼部奏请变服此 累朝之旧典也至 世宗皇帝居 章圣皇太后丧服除次日即遇正旦朝会祭享皆为吉礼礼官仍举旧典酌议以请拟元旦 上服黑翼善冠浅淡袍黑犀角带御殿受贺屡请乃奉钦依具黑翼善冠黄袍御殿百官公服致辞居他处服黑布至丧次仍素服百官俱青素冠服 郊有事吉服作乐 庙有事浅色服不作乐奉引安灵仍用纁衣以终之此 皇祖之独断也臣等查据旧典斟酌礼仪除服之后大事未襄居艰仍遵 累朝之遗典遇有吉礼如 万寿圣节诸凡朝贺等事则遵 世庙之权宜报曰可

○准土番照例给文起送入贡

○提诚意伯刘世延究问 上谕刘世延屡被论劾稔恶不悛朕念旧勋姑容省改今乃擅用关防牌票私造兵器聚众杀人意欲何为其关防何年铸给下部核奏

○命户部开采河南叶县等矿以龙虎卫指挥陈永寿奏也

○保定巡抚李盛春奏停开矿内言畿辅重关矿连 陵脉 上谕开矿事着差去官斟酌采取如果关系 陵脉处所不许轻动

○原任户部尚书耿定向卒定向道学自命立朝侃侃初入台班即以弹劾权要忤严嵩再忤高拱张居正终以不能曲投时好致仕归未竟厥施士论惜之

○丙午赠已故南京礼部尚书林庭机太子太保

○刑部等衙门尚书萧大亨等奏明罪犯熟审应发恳求 圣断得旨鲍鸾等南京刑部查照遣配发落刘世延罪大恶极三法司会奏定夺

○给冯琦父母诰命以其日讲效劳不在考满例

○户部题总督漕运尚书褚鈇条议六事一久任运官以责成效一改造京船以省浮费一核实完欠以正赏罚一预启京口以速粮运一改解预支以防挂欠一更换交兑以便民情 上命如议行 ○己酉兵部覆陕西巡按徐侨题火真诸酋入犯极边防御事得旨防剿西虏事情行督抚镇守官酌量虏情顺逆相机调度勿致疏虞

○陕西巡按任万化题时正秋防警报踵至顺义王会同着力兔阿赤兔火落赤永邵卜分报侵犯约在八月十五日内顺天巡抚李颐奏八月初八日据西路副总兵李芳春报西虏部落要犯薊镇行各路道将严加防御章并下兵部

○敕黄明臣充总兵官镇守昌平居庸等处地方

○庚戌招集平日盗矿居民以其熟惯采取仍择富民编为矿头从太监王虎请也

○留守后卫百户王守仁奏以御赐祖遗财物仰助大工称叔祖王弼为开国功臣封定远侯长女则楚贞王元妃也弼卒子幼依妃而钦赐陕西庄田八十六处赤金六万八千余银二百五十余万珠宝不可胜计皆寄楚库凡六传至王锦楚府没其寄银而庄田之利自永乐至今凡八百余万愿尽所出以助大工事下部覆议具奏

○辛亥兵科署科事左给事中徐成楚奏黠虏合谋入犯边陲势甚可虞乞谕顺义王坚志内向无阳款阴逆致革市赏并敕当事疆臣便宜决策防御章下兵部

○礼部奏宁夏平虏城获功该赏功银三千六百两命于兵部马价给

○壬子 万寿圣节免朝贺

○江西萍乡县布衣民罗正彝奏进帝范录二部上留览下其章于礼部

○癸丑兵部题沈惟敬于六月二十五日到日本见关白恭敬感激 天朝差倭将沿途迎接正使并进日本地图续报正使同平行长于二十一日渡海讫专待关白会至釜山倭营尽毁 上览奏报闻

○礼部题 万寿圣节天下诸司进到表文凡一千一百一十八道进收报可

○甲寅兵部覆兵科署科事刑科左给事中徐成楚题参白羊城守备张永龄广东琼崖参将周易皆以行贿营升并及原任职方司郎中贾维钥舅张子忠受嘱等情上严旨切责张永龄周易著革任回卫听勘张子忠法司一并究问所奏金口赞刺干请全在该部执持秉公推用未可全倭荐举塞责这次各堂上官姑且罚俸二个月以后务要正己率属司官如有不法者当即参治毋得纵容姑息且近日武官升转频数无益地方徒启剥削营求之端以后还要久任责成庶得实用

○丙辰赐都刚头目彻吉丹班藏等该土司奉祀前朝名臣姜维李德裕李冰祠名灵佑封号仍照前代原官以其有功蜀土且从番夷信鬼之俗礼部请也

○福建巡抚金学曾题前刑部侍郎郑世威赠谥章下所司

○吏部题大学士陈于陞给繇加太子太保荫一子入监读书给与新衔诰命

○丁巳 宪宗纯皇帝忌辰遣官致祭 茂陵

○大学士陈于陞辞恩 上谕卿赞襄恪慎世效忠劳考续加恩朝廷彝典宜承眷命不允辞再疏奏谢报闻

○通州城工竣赏给辽总督孙矿顺天巡抚李颐直隶巡按高举密云兵备按察使王见宾通州知州陈登通津营参将王文元等银有差

○戊午山西巡抚魏允贞追论贪肆监司薛亨多赃革职闲住

○升山西参政冯露为湖广按察使

○升户部陕西司署郎中事员外郎郑璧为南京尚宝司卿

○复除江西左布政冯孜为湖广左布政 ○工部题 梓宫发引委员外叶蕙垫道

○己未蓟辽总督孙矿奏奉旨东巡敬陈御倭机宜一议形势一议设兵一议聚粮

一议额饷皆以遵旨所云不论封事成否战守二端在我原不可废乞加酌议章下兵部

○准总兵麻贵养病

○署兵科给事中徐成楚题枢筦善后事宜条陈论资论俸荐用正途而罢听用效劳等官内除大将不拘资叙复请宽文网以无掣当事之肘赦小过以无灰褻革之心与其数起数废孰若免其废而降罚以示惩与其倏参倏荐孰若恕其参而戒飭以使过乞行覆议章下兵部

○庚申大学士赵志皋五疏乞休 上仍谕留之

○南京吏部尚书蔡国珍以衰病乞罢温谕不允 ○浙江巡抚刘元霖题袍段料价缺乏下所司议

○辛酉原任刑部尚书舒化男舒体震请恤典章下所司

○壬戌大学士张位奏孙丕扬辞疏票拟招尤乞罢免以谢冢臣先是丕扬求去之疏已二十上阁票拟放而丕扬实无去意故銜之 上温旨谕位曰卿辅弼重臣忠诚清慎朕所鉴知奏辩朕已甚悉卿不必以此介怀宜即出安心辅政用副眷倚不允所辞

○大学士陈于陞以三年考满乞进父赠官缘父秩高先次两叨恩命皆不得给至是疏辞加恩纶音有世效忠劳之语奏讨加赠 上谕卿父以勤 先朝硕辅茂著忠勋准加赠太傅及卿嫡母并给诰命

○癸亥吏部尚书孙丕扬奏辅臣张位党沉思孝救丁此吕依御史周孔教给事中刘道亨为谋主共逐时贤时贤丕扬自予也其以票拟允放辄尔发愤 上谕奏内事情多涉鄙屑影响非朕倚任之意今后宜协恭和衷毋得自相抵牾以伤国体着照旧供职不允辞

○大学士陈于陞沈一贯题尚书孙丕扬揭帖为权臣主谋鹰犬效力其中疑诋大学士张位事多出一时粗鄙狠戾之语乞加体察保护以全阁臣之体仍赐纶音温留臣位将丕扬去留亲赐裁夺 上谕内阁览卿等所奏朕已洞知昨见丕扬之本因疑使气逞忿诬箴甚失体面正所谓含血喷人全无大臣风度而效儉夫之术可见前屡疏乞休乃矫情飾誉原非本心且次辅位久侍讲帷小心廉慎朕所素知况近政务皆朕独断敢谁簧鼓何所倚借丕扬以琐琐小事形于褚札其与小臣儉邪之计徇私逞臆不言可知至于本内所言三月未踵臣门已失古人远嫌之意而欲揽权招附明矣元辅亦以无根之言频欲求去卿等可传示二辅方今国家多事之秋正赖匡襄赞理及朕屡留之意不必以诬诋浮言疑畏介意可即遵旨入阁同寅协恭效古大臣休容之美共保太平之业谕卿等知

○甲子敕萧如薰左军都督府金书管事

○敕侍郎李祜管理乾清坤宁二宫大工班军 ○礼科等科奏稽察章奏随事考成夺刘元霖赵可怀徐兆魁等俸有差敕及时完报注销

○户部题 仁圣皇太后殡宫合用朱翠金银宝石急缺乞量赐裁减召买供进谕

系 大行丧仪之费实非得已着作速进

○给乾清坤宁二宫总提阅视监察等官提督东厂官较办事司礼监太监孙暹锦衣卫指挥使王之桢提督街道锦衣卫指挥同知李如桢巡视工程锦衣卫正千户王继祖各敕书一道

○秋分遣公徐文璧于 夕月坛行礼尚书杨俊民分献

明神宗显皇帝实录卷之三百

大明神宗显皇帝实录卷之三百一

万历二十四年闰八月乙丑朔大学士赵志皋奏谢 圣谕朕眷留元辅朝夕在心昨特传谕翼卿祇领机务烦重宜即遵承入阁办理慎无再有所陈

○大学士张位奏陈谢悃并乞放还臣奉职无状近被尚书孙丕扬恣言诬蔑有玷恩私连日省愆自艾席藁侍罪仰荷日月无私照临至隐不特斧钺宽贷更被华宠荣昨日阁臣沈一贯遵奉 上命诣臣私寓传示 圣主勉留大恩相与诵译 皇纶汪洋大训协寅恭而胥匡上理效休容以共保太平叩首钦承铭心佩服有 君如此奚忍负之独念臣孤根自怜一介寡合处实被诬抱愚不灵以洁身正己相规不虞直道招怨是积诚不足以孚人一无补也以忠 君爱国相勸不期巽言启疑是素行不足以信友二无补也矫情誦誉者哓哓尚利口之贤足徵其转移无术三无补也揽权招附者悻悻违革心之化足徵其表率不效四无补也 明主不蓄无用之臣愧也久矣尚可贪荣恋禄辱鼎铉而羞当世也与哉自 祖宗设立内阁以来体貌稍崇朝著怀妒今内阁清肃自守避迹远嫌乃吏部用舍任情蚁趋蝇附况蒙 乾断处分愈滋不悦颐指气使孰敢抗违恐阁臣难乎其居矣伏望 皇上矜臣自料自审之真悯臣知足知止之愿放归山林免堕免机俾全晚节 上温谕览奏卿既体朕惓惓眷注之怀何得尚言求去机务繁重宜即遵谕入阁佐理

○命太监陈增督同府军卫指挥曾守约往青州等府开矿不许动支官银及扰害地方

○兵部题朝鲜管拨官孟良相揭报倭将沙古鴈门五岛等与国王所差陪臣朴弘长相见执法甚恭宾主交让庶几封事可成盖仰赖 皇上一封息两国之争而联两国之好报闻

○原任詹事府少詹黄洪宪题勘明心迹屠大壮不候覆试擅自逃回乞勘大壮用贿有无章下部院

○命司礼监差公正内官领原奏留守后卫百户王守仁及抚按长史官查明恭进家财

○己正二刻日食初亏正西午初四刻食九分余

○丁卯大学士赵志皋奏天变屡形恳乞 圣明大振朝纲以回天心以维世道事臣惟天人相为感应变不虚生在人 君修德行政以转移之而已今年三月乾清坤宁

二宫灾六月钦天监奏慧星见又奏闰八月初一日日食至九分余此皆天变之所不常有者而见之于数月之内可不修德行政以消弭之乎臣愚以为修德行政之要则莫先于振纲纪国家二百余年纪纲何尝一日不立而今日之事则有大有可慨者矣 皇上临御以来日视朝讲万几亲总五夜夙兴又且留心民瘼加意人才召对辅臣咨访部院开诚纳谏虚己受言惟上而 圣心忧勤故下而臣工惕励大臣师师小臣济济称太平极盛矣迩年以来玩愒起于治平忧勤怠于安逸纪纲之不振未有甚于此时者臣私心虑之于此不言是终无可言之时也言而见诸行事臣之幸也事若不行犹有臣之言在也愿 皇上少垂听焉臣惟古之帝王南面而听天下向明而治居尊御卑繇近达远无有弗届 皇上之不视朝将十年于兹临御久虚人情渐弛虽法度未尝尽废而诈伪不可尽穷不及此事反之恐将来益难支矣 皇上意在效法 皇祖然 皇祖晚年亦为权奸蒙蔽左右诬罔贿赂公行浊乱朝政幸未一怒而举安然亦晚矣此乃前事之当鉴者而可复蹈之耶臣愿 皇上励精图治质明视朝或五日一出或一月三出 天威不违咫尺臣功俨然翼趋进而踧踖在朝退而恪恭尽职此朝纲不可不振者一也六曹章疏奏发有期数年以前 皇上虽不视朝章疏随时即发且多御批威如雷霆恩如雨露皆不可测乃今一概不发夫推官而不发则官不得职奏事而不发则事不得奉行近因尚书孙丕扬之请一日发下二十余本京城欢声动地然所未发者尚多也至于奏请行取盖选贤与能以司耳目也内而台谏不可久虚外而知推不宜久滞且使部中进士待选与起复养病补任者不致久稽也又内而部寺之升迁外而藩臬之听补守候甚久胡可迟之愿 皇上俯从部请照常票发俾人才不致阻滞此朝纲不可不振者二也国是人心关乎世道往时大小臣工同心一德朝无异政人无异言而迩来则渐乖隔各怀己私各持己见党同伐异乱是与非一人倡之十人从而和之必求胜而后已坏国家之事弗顾也又有不修职业而出位言事者志在彰己之直有自具疏草而倩人代上者意图售己之谋堂属有定分也欲逞其奸则侈口剧谈而不顾名分邪正有定论也欲肆其害则极口丑诋而故违其心徇私结党引类成群汉唐宋党锢之祸可立见也是在 皇上察其几而亟反之庶贤者得行其志而世道可挽回耳此朝纲之不可不振者三也官邪既以不正则頹风波及下贱彼不得用之小人因而哄然蠡起幸边疆之多事得以负戈从戎于其间流言道路惑乱听闻而好事者又从而乐道之以遂其攻人害成之谋诚不知其何心也又有一番罢闲官吏举监生儒如乐新炉之类藏匿京师投入势宦衙内作文写书四布投递旋即送入报房令人抄报传示四方夫报房即古之置邮传命以达之远近者也非奉命者不敢抄今则朝奏疏而夕发抄不待命下而已传之四方矣近日又有假刘世延一本论臣与位及兵部石星与李贞玩其词颇不类世延语因查通政司并无副本乃知儉邪小辈假此以诬诋善类其风岂可倡哉此朝纲不可不振者四也刘世延以穷凶极恶之姿肆乱臣贼子之行中外远近侧目已久今一旦置之于法举朝臣民无不欢忻鼓舞诵 皇上之英明神武而非寻常之所能测识矣然世延之恶虎狼之贪

也其肆恶也显而易见世固有心术险诋智巧艰深气焰足以薰灼一时机权足以笼络众志坏朝政而不顾国家之利害者此蛇虺之毒其肆恶也微而难知察之不早鲜有不误人之国者此朝纲之不可不振者五也王人者导利而布之上下者也孔孟大圣贤也孔子曰放于利而行多怨孟子曰王何必曰利盖防其源也利源一开则贿门遂辟奔兢之途启攘夺之患生未有不乱者是以王者贵五穀而贱金玉藏富于民而不藏富于国盖人君以天下为家四海为富锦衣玉食瑶台琼室何所不有安用此无尽藏之货宝充积后宫也此臣之所大惑也且利能令人智昏自古英明才智之主夫岂鲜哉一徇于利则志昏于得恣多取之念肆无馱之求凡可以瘠民而肥己者无不为之此唐德宗琼林大盈之积可鉴也彼世称为何如主哉臣不愿万世之下致皇上之昌此名也即近日采矿一事一疏允之十疏继之至有一省请开三十一处者小人之放肆至此然岂尽为国家谋哉无非逢 君之欲遂己之谋徒以长奸民之酿乱耳令除开采已有成命外以后再有闻风渎奏希图窃利者悉行禁止此朝纲之不可不振者六也夫昔年星变既已兆其乱萌今复再见岂可幸其无应伏望 皇上轸念 上天仁爱之心为先事消弭之术察臣出于爱国无以言为赘疣将所陈六事俯赐施行力加振作务使纪纲正而风俗还斯 宗社之福臣民之庆也疏入不报

○吏部尚书孙丕扬以切责不自安疏再上乞休 上命其驰驿回籍痊可起用

○陕西总督李汶题青把都儿抢掠镇番叙原游击以失事拟戍领兵官徐龙管队家丁李朝选宰桑务三人深入破敌功乞行查勘覆议章下兵部

○戊辰遣公徐文璧祭 历代帝王侯郭大诚伯方焯尚书杨俊民范谦各分献

○大学士赵志皋六疏乞休 上以君臣大义勉其与三臣协忠匡济为国任劳毋得自逸

○准协理京营都御史沉思孝驰驿回籍病痊起用孙丕扬既去沉思孝刘道亨周孔教周献臣相继求罢谓赵学仕一郎署以墨败事经即讯何以不俟到部而即为外补善地丕扬实主之既经南北交章论刺乃无端而指阁臣去己蔽罪诸人乞并罢斥以释险陂之憾 上允思孝去而道亨等留

○命太监陈增于山东沂州龙扒山虎头沟三山洞等处开矿

○命保定总兵杜桐填补延绥总兵

○己巳下李宗城于法司从重拟罪以其辱命损威偷生惑众为兵科左给事中徐成楚参奏故也

○差锦衣卫金书庄德福往楚府查明王弼家财

○西华门楼工成 ○司礼监太监孙举奏王弼家财千万悉寄楚府俱经承奉司收管切恐承奉郭伦等先行逃遁或将珍宝等物转匿乞敕抚按拘禁防守章下部院

○户部奏议开采事宜在江文进则称沂州矿有紫白黄三种紫者最佳龙扒山米家埠大银场十三洞次之郝承爵则并谓费县滕县石井大小银场皆第一刘鉴称登莱

二府栖霞招招远等县虎头沟三山洞并裸金矿马清则称文登赵良将称临朐王允中又言蓬莱福山师家沟陈庄掠口洞古集项邹家庵金家圳杏树坑石巷诸处其江文进与郝承爵说稍同而山东一省奏采者六官其直隶之永平房山及河南诸所尚不在是夫一矿之开则曰以其半与民为开凿运送之费不领于公帑且云勿扰民相度山原有关龙脉者勿动意岂不善而开采之衅一启亦何得而问之乞以次开凿勿并发于一时如煎采利薄开隙地方者罪之不报

○南京大理寺寺丞陈应芳奏犯人赵学仕招情刑部尚书赵参鲁辩疏盖谓招词必大理寺评允然后具奏今于臣前后驳词不一开列恐干清议谨直陈允驳缘繇以备再勘章下刑部

○准原任侍郎郑世威赠谥

○敕太监陈增并开山东栖霞招远等县金银矿

○四川护印土舍安云翔女土官者氏陇松各奏叛酋安绍庆越境擅杀职官乞敕擒剿章下兵部

○宥陕西巡抚贾待问织造愆期罪赦后运全数解进不许支吾渎扰

○免山东秋班官军调京

○癸酉朝鲜国王李昫奏乞将原调兵马于鸭绿迤西近边地方暂行驻劄以为声援并乞敕部裕饷以为兵行之计盖自李宗城逃归之后倭封之情形屡变一倭未彻而册使之渡海日以为言或云沈惟敬被缚要挟多端故总督李化龙一面整理军兴集众聚粮欲于全罗观变朝鲜翼封之俛成而患兵声一动封事必移故有是请章下兵部

○户部题覆总督孙矿议朝鲜设防以粮饷为先欲将东昌五仓米豆共一十万余发用又本部原发防倭银一十二万两以其半抵年例余暂留为朝鲜遇警应援之助得旨如议行

○刑部尚书萧大亨以老病乞休不允

○南京刑部主事刘冠南题狂勋肆恶等事 上谕今国家无事刘世延安指星象妖言惑众又诈旨擅造军器动称起兵入援征伐与反叛何异着南京三法司严拏究问听候处断芦洲事一并下部

○查明张家湾官店八座差内官照例徵收

○敕户部矿场关系 陵脉处所详细踏勘不许轻动

○给河南开采关防从锦衣卫指挥杨宗吾请也

○留守后卫沧所百户王守仁恭进家财册 上彻御览以便差官查取

○刑科都给事中侯廷佩疏楚府之寄托无因中使之遣行必妄乞行追回成命不听命夺俸一年

○遣鸿胪寺官宣谕大学士赵志皋入阁办事

○甲戌先是行人司宪奉使朝鲜颇滥受赃物有左验至是 上命刑部追比折纳银两解进

○乙亥礼部覆怀柔伯恤典给祭葬如例覆原任刑部尚书舒化恤典给祭葬如例还加谥

○丙子刑部浙江司犯人茅崇浩妻夏氏奏谓夫以代兄受罪事无主名久系不释兄死父母老将并死朝夕无以为生愿以身代夫受戮使夫得终孝养下法司

○钦定九月初六日审录重囚

○两广总督陈大科题裁革海北盐课司提举章下吏部覆准革

○原任仓场总督边维垣妻赵氏奏乞夫恤典

○原任日讲官刘虞夔弟刘虞龙奏乞赐兄恤典并给赠谥录荫祭葬俱章下礼部

○河南巡抚荆州土巡按涂宗浚奏停开矿 上报已有旨

○给已故尚书吴兑祭葬加祭一坛

○南京四川道御史陈燧参奏原任工部今转户部侍郎周思敬发奸庇奸从公勘问章下吏部

○辽东巡抚李化龙三恳休致不允

○原任宁夏巡抚今升大理寺卿周光镐被言乞勘下吏部

○己卯广西巡按黄纪贤奏安南反覆靡常而要领终归约束与倭虏事异乞宽岁月再行诘勘如不妨以羁縻为义则姑少持重以俟机倘必威严为功则亟宜命将出师斟酌缓急指受方略章下兵部

○敕造河南开矿内官锦衣卫鲁坤等各关防

○补铸楚府等府铜牌

○庚辰兵部覆兵科左给事中徐成楚题将官论资论俸论荐核实四议皆简要可循足以因时救弊如议行

○户部侍郎周思敬乞罢不敢以不肖之身累两京法司及冢辅诸臣以重其罪盖陈燧参思敬姑息以赵学仕多赃而止引余银一千一百余两侵水脚银三千两且曲为之解或无通同情弊似属阿附首揆之意章下吏部

○敕倪尚忠以原官充镇守保定等处地方总兵官

○兵部覆总督孙矿条议形势等事依议行

○差中书余廷檉造已故尚书舒化坟

○辛巳南京兵部尚书周世选以病乞休章下吏部

○给河南开矿户部关防

○壬午命御史姚思仁往河南黄一龙往广东各巡按

○特赏山西巡抚魏允贞银十两夷赏一事各边动称要挟而魏允贞岢岚一市六年之赏补发于一日而节省至六万有奇一岁所省足支六年之用虽岢岚道辛志登之才办优而督抚之功著矣故特赐赉赏云

○湖广巡抚李得阳以病乞休章下吏部

○癸未四川播州土司杨应龙子杨朝栋各进大木二十根以备大工之用下兵工

二部

○差工部司务邹明良领银二万两往南直隶采买木植

○增设河南怀庆府捕盗通判 ○命山东抚按接济开矿地方并造地名人数册奏报以沂州为天下第一矿洞故也

○先是奏回青出土鲁番异域去京师万余里去加峪关数十里而御用回青系西域回夷大小进贡买之甚难因命甘肃巡抚田乐设法召买解进以应烧造急用不许迟误

○给贵州巡抚郭廷梧祭如例

○癸未命户部督催各省直大工支费银于当年解完毋得延缓

○命陕西督抚衙门巡按御史将妖犯罗元即时处决梟示张朝臣监候处决张谏等依拟发落以伪造天书妖言惑众谋不轨为张朝宰张诏行所首刑部上请定夺

○升河南参议杨植为辽东宁前兵备副使山东参议岑应春为山西岢岚兵备副使 ○乙酉革河南卫辉府昭城县知县宋汝牧为民汝牧以笞责亲藩礼生遂毙杖下为巡抚参奏故有是命

○命辽东巡抚李化龙在任调理以该镇秋防事重故也

○起原任南京礼部尚书王弘海不允所辞

○升四川佥事张后甲为四川副使分守川东道

○升户部署郎中事主事颜宇坪为山东右参议整饬辽东等处兵备

○霜降节遣隆平侯张炳阳武侯薛钺武安侯郑惟忠定西侯蒋建元豊润伯曹允成南和伯方焯襄城伯李成功成山伯王允忠武平伯陈如松于 长陵 献陵 景陵 裕陵 茂陵 泰陵 康陵 永陵 昭陵都督同知杜惟忠于 哀冲太子 庄敬太子坟所惠安伯张元善于 景皇帝陵寝各行礼 ○给原任总督仓场右都御史兼户部右侍郎边维垣祭葬如例

○应天巡抚赵可怀题应天苏常等处灾伤章下户部

○敕太监王虎并开涑水房山等处矿洞

○敕太监王忠会并开永平矿洞

○命工部暂停战车修理

○朝鲜国王李昫奏册使已渡海报称即撤四营之众今关白留下釜山若干人众益为叵测或因此别有要挟惹起他衅为日后祸患亦未可知又要索小邦陪臣甚急今册使屡次移咨劝谕是必审时度势有不得已而然者已顺差原委查勘撤回倭营陪臣黄惟急速渡海追随册使听候伊情变动乞敕该部参酌预为拯济之地章下兵部夫督臣之请设备曾几何时朝鲜以为无事而今复为此奏何事机之不定也

○己丑改补原任右布政姚学闵为广东右布政

○命户部尚书杨俊民朝审主笔

○礼部题九月初一日进二十五年祀册服色原从吉以 仁圣皇太后梓宫在殡服色尚未改故奏如常行

○辛卯大学士赵志皋等题升右春坊右谕德兼翰林院侍讲刘应秋左春坊左庶子兼翰林院侍读掌本坊印信升司经局洗马兼翰林院修撰朱国祚右春坊右谕德兼翰林院侍讲掌右春坊印信升右春坊右中允兼翰林院编修邹德溥司经局洗马兼翰林院修撰掌管司经局印升翰林院修撰唐文献右春坊右中允兼翰林院编修报可

○壬辰给日讲官刘虞夔祭葬如例其父刘崇文祭一坛母合葬 ○西河王奏将故绝资产进献助工 上命会同抚按官查明具报

○工部覆浙江巡抚刘元霖巡按唐一鹏题织造龙袍缺少工料乞赐宽运暂停改造借留户部米麦折银折银查系户部钱粮称系每季进贡金花额不可缺难以准借停造又系现缺应用二者俱难准从乞将五运之数或每年一运或又分为十运则工料稍舒而措处易为力矣 上曰这织造袍段系供 上用难以停减倘每既称财用缺乏无从设处且准将五运之数每年一运照旧春秋二次起解再不许迟误渎扰

○兵部题乱兵平定等事 上命给赏蓟辽总督孙矿大红飞鱼一袭银五十两俟辽东捷功并叙顺天巡抚李颐升兵部右侍郎照旧巡抚赏纁丝二表里银四十两总兵王保升实授都督同知荫一子试百户不世袭仍赏银三十两其余副总兵陈霞李如樟游击陈云鸿季金参将管一方方时辉游击王必迪兵备方应选郎中李开芳各升职赏银有差

○择九月十七日辰时 皇太后梓宫发引二十二日卯时入金井掩土本日午时神主入 大明门二十八日午时奉安几筵

○兵部题山东原借留班军一千名仍到京补班著役毋得延缓致误大工并准徐抚按题催班军一体起解从之

明神宗显皇帝实录卷之三百一

大明神宗显皇帝实录卷之三百二

万历二十四年九月甲午朔应天巡抚赵可怀段价不敷乞原题户部关税米布草折等银暂行那用章下户部

○乙未 圣母孝安皇后梓宫发引到 山陵内官监太监卢宠复掩土尚膳监太监黄恩复题兵部给飞骑驰报

○兵部题升山西参将周一乾为署都督僉事神机营右副将

○起原任山西参将姚国忠为游击管山西东路代州等处左参将事

○丁酉 孝恭章皇后忌辰遣官祭 景陵

○升宣府镇抚姚九畴为宣府守备

○准原任南京兵部尚书杨成以原官致仕 ○戊戌兵部覆刘铤准授散官骠骑将军及母妻诰命

○山东巡抚张允济乞留班军准暂留防守

○云南巡抚马鸣鸾奏停止开矿 上敕用心防护随宜区处毋致滋乱

○兵部尚书石星奏少延残喘以毕东封事 上谕卿偶疾不妨调理痊可即出供职印务不必辞

○升陕西佥事李日茂为山东参议分守东兖道

○命太常寺少卿钟化民量升都察院右佥都御史巡抚河南向以赈荒之役大有施于中州故有是拟久不下阁臣赵志皋以为请至是报可

○起顾养谦都察院右都御史兼兵部右侍郎协理京营戎政

○工部奏河工告成宜加录叙以酬积勩如杨一魁褚鈇李戴沉思孝徐作吕鸣珂张天秩乐元声张企程蒋春芳杨俊民荆州土张允济杨光训况上进涂宗浚等及袁光等七员黄金玄等六员及有司官共效赞襄俱应分别升录荫叙即一手一足概当酬赉以竣通漕护 陵分黄导淮之绩

○兵科署科事刑科左给事中徐成楚奏东夷抄花卜言顾花大等会合五路并西夷头目以儿邓等于蛤亥额力素聚兵要从广宁镇静堡等处入犯东虏超立兔等大小头目共聚精兵二万余骑东虏黄达子哈喇哈银灯领万余骑俱要犯抢广宁昔高平之役大将首鼠观望赖抚臣严行振喇方始交锋遂成奇捷今除纵寇各官通候虏退之日斟酌功罪议处乞敕兵部移文辽镇克期驱剿据实奏闻章下兵部

○己亥户部题发陕西下马关等等营新召丁马月饷

○山西巡抚魏允贞请停矿役以光 圣德以安民生谓开采之说独二三武弁言其利而举朝争之不得窃谓矿自开辟以来当即有之曾不闻古圣帝明王开之硕辅良臣言之果有之何经传不一见也而大学之言大道商书之言不殖王孙圉之对简子齐威王之折魏惠又何凛凛也惟 陛下以尧舜汤武之政为法以天下四海之富为家诚无所藉于此即大工之举自有户兵工三部为之计画又奚事 宸衷之廑而群小之纷纷哉矧此时水旱遍于周秦之郊天鸣地动星流气射之异四方日报外夷匪茹中外军兴而嗜利小人借开采以肆饕餮倚公役以拓私囊倘衅繇中作决烈患生应之交忙而矿夫役留为祸尤长然后求投珠抵璧之说用之晚矣即必不可已且先试之一方较其有无多寡渐议举工毋令四出诱张使天地之气耗而民生之害滋也不报

○山东巡抚张允济奏既欲防矿并欲防倭内指言陈增未下吏科给事中戴士衡复疏内监招权渐不可长盖陈增疏云一应事宜听臣便宜行事事竣之日将所委文武职官会同抚按分别举刺鲁坤疏曰各官既承任于臣宜有所辖故科奏极言渐至之患以折其萌不报

○改景东卫儒学属景东府

○命兵部晓谕防护 圣母孝安皇太后梓宫执役官旗夫匠人等都守法度不许延途伤人田麦及放马匹作践亦不许扰乱居民偷盗财物及争兢喧闹或奸顽逃避不

来赴役耽误事务仍着缉事衙门访拏并许受害之人首告拏来从重治罪其该管人员铃束不严一体治罪

○命锦衣卫并五城兵马填垫平治京城街道至德胜门外土城以待 孝安皇后梓宫经过

○礼部题十月初四日 中宫殿下千秋令节命妇朝贺免

○庚子礼部题火真等酋入犯官军斩获有功以大捷告 庙 上遣公徐文璧祭告 南郊伯朱世雍祭告 北郊驸马侯拱宸祭告 太庙

○总督李汶巡抚贾待问总兵刘綎各升叙荫及佥事张栋参将周国柱以下有差及本兵石星李祯余立等叙火真入犯将士首虏功也

○敕驸马侯拱宸充奠献使护送 孝安皇后梓宫大学士张位题 主尚书范谦监礼

○壬寅云南巡按李炳奏左布政使杨芳却丽江府土官知府护印听袭土舍木青贿银一千两乞赐表异以风群吏章下吏部

○癸卯礼部题 孝安皇后灵柩至 陵之日遣侯张炳祭告 后土侯薛钰祭天寿山伯朱继勋等九员祭告 长陵等九陵

○礼部题 孝安皇后发引给官军人等行粮钞锭

○刑科都给事中侯廷佩奏 孝安皇后梓宫在殡今年暂乞停刑

○巡视芦沟桥御史蒋汝瑚奏东西河口税查阅地图分别疆界谓狭口从小直沽河入者应报东河而山西商自五台山运木繇新落河至赵堡口谓之西河与小直沽相去辽远而前旨并入东河则西河之税虚而御史可以不设说与管河郎中格不报

○甲辰兵部题 孝安皇后梓宫发引提督大臣四员总督京营戎政泰宁侯陈良弼中府掌印兼管大将军靖远伯王学礼左府佥书宁阳侯陈应诏右府佥书彰武伯杨世楷如拟

○总督漕运褚鈇奏再议分导未尽事宜修陈塞黄洞口等事章下工部

○山西巡抚魏允贞参革庆成王府辅国中尉新土口贵为庶人送闲宅以其致死人命抵罪

○乙巳吏部题改原任湖广提学薛士彦补陕西提学佥事

○差御史乔廷栋往真定巡按

○丙午太常寺题十一月初三日冬至祀 天 上遣公徐文璧恭代

○伏羌伯毛国辅卒弟毛国器奏袭爵章下吏部 ○户部题赈济真定府武邑安平二县灾伤发仓穀九百石蠲免大名府长垣县秋粮四分支仓穀一千三百六十五石易银抵补灾免之数依议行

○户部题应赏布花军士人等本折色如数给

○丁未礼部题十月初一日颁历百官朝服祇领

○遣行人王修仪封王府黄吉士彰德王府李朝寅南康王府各掌行祭礼

○遣行人曾守身与原任尚书吴兑造坟

○戊申谕礼部朕自闰八月初旬偶尔痰疾流注左足动履不便今 大行皇妣发引不能恭行攀送不胜哀恸着遣奠献使代行卿等还传示务要虔洁敬慎恭诚供奉

○命内官陈增并开山东文登县矿洞王虎并开房山县矿洞

○己酉大学士赵志皋等题 人主之孝以尊亲为大事亲之礼尤以送终为大祖宗旧典 至尊以 社稷为重固无远送之礼而亲捧神帛朝 祖及躬送至承天门则 累朝遵行未尝有改乞勉强一行成此送终大事以垂 圣孝于无穷奉 圣谕览卿等所奏朕知道了攀号送终大典孝道以光朕岂不知痰流注足屡服药饵以致软弱且足心踵痛不能蹈地朕保养此身祇承 社稷 宗庙之重寄耳昨谕着奠献使代行供事实为不得已之情即今哀痛不已非敢不重 母丧以图便安以贻讥议也卿等为朕辅弼股肱宜体悉之

○是日以发引祭告 诸神庙祭品赐辅臣

○庚戌吏科署科事给事中刘道亨题江西分守湖广道参政张世则不职既经部覆调简僻用但以才守无用之人止调简僻简之民奚罪焉迩来市恩远怨之情多而据法参处之人少江西此举可谓大破拘挛矣然论列既未尽其过端处分又不符其罪状乞行罢斥以为贪墨之戒章下吏部再议

○太监王虎参奏保定巡抚李盛春阻挠开采 上严旨切责朝廷差官开矿以济国用李盛春如何玩视不遵又捏旨惑众擅驱商贾惊扰居民好生违慢本当重处姑从宽其所拘执之人速释应役

○吏部左侍郎孙继皋刑科都给事中侯廷佩俱乞 圣躬亲送 母后以全大礼留中

○礼科左给事中张正学河南等道御史陈遇文等各奏请 皇上扶病勉出以光圣孝俱不报

○户部覆应天巡抚赵可怀奏留关税等银以济织造将苏松二府布折银两漕折银两宗人府折银两准议留通融分发二府供办织造其库贮事例与浒墅关税俱不许濶借从之

○辛亥三边总督李汶题狡虏突犯将士奋勇血战拒堵边外斩获首级行巡按御史查勘升赏

○又恭报大捷宁夏旧威镇堡达贼入犯官军斩获三百二十六颗俱下兵部

○壬子山东巡抚王允济巡按王立贤各陈地方艰苦之状乞罢开采俱严旨切责不允所奏

○礼部题十月初一日孟冬享 太庙遣公徐文璧代侯徐文炜伯朱世雍分献

○差钦天监副杨如常往淮安府改开堤沟

○准郟城王戴<■土鼎>出廓送兄安葬敕令当日即回

○礼部题韩王朗锜孝行著闻 上谕韩王孝思纯笃乐善施仁懿行著闻既经勘实照例写敕差官奖励有司具彩币羊酒并给与坊扁以示表异

○郟阳巡抚马鸣銮乞留上班官军防矿章下兵部

○癸丑原任鸿胪寺主簿今致仕张以述恭献白鹿一只银一千两助工 上报闻白鹿著该监喂养助工银两送部收用

○昌平兵备陈一简奏奉 明旨抒愚衷等事 上曰朕已阅地图这矿洞离 祖陵穹远与龙脉无妨着遵旨即便开采其防护等项照屡旨行不许又来渎扰

○甲寅巡视西城御史何尔健参奏原任鸿胪寺主簿张以述罢闲官员违例潜京上命释之

○乙卯兵部题日本山城州等处地震山倾海啸压溺焚死倭众万余人虽为彼中变异而诏使员役未损一人倭众益加敬畏且关白归咎清正阻封耽延日月以致异变衙宇倾颓人民多死为 天朝谈笑已拏清正诛戮待衙宇修补方请册使入城报闻

○差御史蒋汝瑚巡视山海关

○复通湾官店襍粮命司礼监查差张焯同赵承勋前去体勘

○太常寺题十月初一日孟冬请 圣驾亲祭 上遣公徐文璧代

○湖广道御史毕三才题靖远伯王学礼子王继科色服骑马不行回避 孝安皇后梓宫 上命法司提问

○丁巳大学士张位恭复题 主礼成

○楚王华奎奏王守仁非系王弼亲裔寄顿财物皆属虚诞假以进助为名希图承袭乞赐研究明正典刑以为欺 君之戒不报

○南京刑部奏诚意伯刘世延预逃立期候缉章下所司

○浙江巡抚刘元霖议裁各省监兑官员 上命照旧存留

○戊午湖广巡按赵文炳奏楚王请令避官掘搜疏入不报

○己未保定巡抚李盛春奏内臣王虎骄横受贿揽棍横行恐酿边关大害疏入留中

○总督蓟辽孙矿题赶兔自白马关失利之后屡差部夷在开连口等处扑杀拨夜石塘口副总兵戴延春西路协守副总兵李芳春亲统三屯营千把总罗文等密云右营副总兵梁文军门中军副总兵高策等于石塘岭关在阵斩获首级九颗恭报章下兵部

○敕王虎等会同该道分委廉能官全采房山矿

○差太监田进开昌黎矿

○庚申兵部题辽左之势倭犯繇海旅顺为冲必须添设水兵陆则南有金复东惟鸭绿地千余里安能无所不防惟俟朝鲜报警之后而复州兵将移之金州金州兵将移之黄骨岛岫岩设一备御增五百土兵九联故址新筑一城名曰镇江以为备倭之计从

之

○蓟永开矿户部郎中戴绍科奏费用孔亟矿砂尚微 上谕分投开采

○差行人张敦复往陕西奖励韩王孝行

○辛酉 孝安皇后神主回京谒 奉先殿遣奠献使侯拱宸恭捧 神主行礼

○兵部覆总督漕运尚书褚鈇巡按直隶御史蒋春芳等题扬州地方切近江海新设游击一员以防关白其分守扬州游击袁世忠新改天津游击但人地相宜久任近例乞将袁世忠仍分守淮扬其天津游击陈望东照旧留用报可

○楚王华奎再奏百户王守仁诬罔谓王弼止从蓝玉出征则偏裨耳而世所不经见之宝以千计及坐蓝玉党逆被戮而余金以数百万计庄田地以八千计固事之所必无且王妃之死与王钥之抚时差二十四年王云于先前之妄争已抵诏狱而楚府于武岗王之摄已经多官盘阅数世之净银止十八万何得复有数百万又云积年之租银至八百万此辈小人亏 圣德而残懿亲伤国体罪应殊死不报

○原任户部侍郎裴应章以疾辞任不允 ○南京刑部奏审录重囚 上命照例会官处决

○壬戌大学士赵志皋等题 皇妣孝安皇后神主还京奉安礼成仰惟 皇上孝通神明常遵典制尊亲大典既宣备于 慈闱在御之时孺慕深怀尤殷笃于 鸾驭升遐之日兹者祔 梓宫于陵寝归 屦主于几筵大事克襄 懿灵永安既送终而靡憾念追远之宜宽况顷承 宸翰知 圣躬方在调摄且近逼冬寒于时尤宜保卫伏惟 皇上抑情理性顺序颐养崇护 宗社神灵眷顾之身俯慰寰宇臣民瞻戴之愿 上谕朕以足疾不能恭行攀送奉迎之礼致缺大典深自痛恨览卿等所奏悉见忠爱忧虑至意

明神宗显皇帝实录卷之三百二

明神宗显皇帝实录卷之三百三

万历二十四年十月甲子朔 上颁赐四辅臣与日讲官历日各有差

○兵科署科事给事中刘道亨参奏户部四川司员外林世吉户部广东司主事潘守正工部司务黄崇学刑部河南司主事曾可东贪纵章下吏部议复

○巡视太仓银库吏科给事中等官张正学等参奏户部员外林世吉郎中何瑛贪冒不谨章下吏部议复

○乙丑 孝洁肃皇后忌辰遣官致祭 永陵

○丙寅工部覆直隶监察御史蒋春芳题河工告成善后事宜条为一十六款乞敕河漕部院等官遵照施行一筑遇堤以障溃决一砌新河以御冲刷一裁张福堤以纵淮流一岁浚清口以防壅塞一< 疏 金 >藉家河以分横流一辟五港口以助宣洩一建减水坝以分口日出大米口涨一积物料以济缓急一设铺舍以处夫匠一议修闸以杜 陵患一复浅船以< 疏 金 >河身一填泗城以护 陵寝一治沟渠以兴水利

到任管事又将选司郎中一并点用管理司事然后将在内在外官员令其次第推补此今日第一要务原拟蔡国珍衷贞吉萧大亨皆一时人望故阁臣力以为请

○改长酋堡备御为游击移驻镇江城地方以河南巡抚标下游击李都填补

○升都司金书管广东虎头门寨把总事刘宗汉为浔梧等处参将

○差序班魏实秀徐凤穆往浙江买鹰平等木

○庚午升福建副使杨济惠为湖广参政 ○刑部覆兵科徐成楚奏被逮使臣待命日久 上命李宗城监候刑部先核李宗城向在釜营经十四月而关白无一语相通又云防范渐密供应日减则传言沈惟敬之执固亦宜然而云中军杨贵千总谢隆俱向宗城泣诉谓关白志不在封要称兵内犯又云内有烦言不一则要挟之状可知宗城釋子惧而逃并失符节罪亦安所逭哉然以多证未集故拘而待讯

○刑部奏访获事 上谕醮典乃祀神之事甄常照等辄敢禁地抢窃醮银大肆不敬着加等斩罪监候处决傅常戴等都发烟障地面永远充军

○蠲陕西金县秦州秦安会宁秦州卫兰州卫二十二年以上逋赋河州漳县甘州中护卫临洮卫巩昌卫狄道渭源伏羌阶州陇西河州卫阶州千户所二十一年以上逋赋 ○户部题徽州府税契银俱照各省直每两三厘起数原税每两二分以其独重议改从之

○户部题云南赋役各将应徵税粮徭费数目增编后每岁实省银一万六千八百五十余两黑白安五肆提举司原编岁用并续增应朝路费每岁一裁省银六百九十三两著为令其总理左布政使杨芳等应加纪录从之

○辛未革江西左布政张世则职闲住以吏科给事中刘道亨再论贪肆故也

○吏部题河工诸臣杨一魁褚鈇徐作等各升叙荫录如工部议报可

○刑部尚书萧大亨 < 銚 - 金 > 言御史曹学程为议东封一事冒触 天威已经责问乞免拟超释 上怒曰曹学程抗违诏旨避难忘君无忠义心着遵逆臣失节斩罪监候处决

○免冬至节命妇朝贺

○命太仆寺给与互市节省文武官员银两

○刑科都给事中侯廷佩申救累臣曹学程谓持节而逃者身且有完肤为逃而諫者臀乃无完肉令学程告毙狱中使 皇上有杀諫臣之名大臣有顺上旨之谄即东事果竣亦非完典不报

○壬申户部题每年十一月初一日起至次年正月终止命各兵马委每日煮粥赈济贫民本部发银太仓发米务要人人沾足从之

○都察院左佥都御史郭惟贤奏摘陈风纪切要事宜乞赐采纳一曰行取不宜久停二曰言官不宜久系三曰台臣不宜缓补疏入留中

○升四川松潘东路游击王元周为本路参将

○升南直隶柘林把总署指挥佥事蓝芳威为河南巡抚标下练兵游击

○工科给事中杨应文奏乞查 陵工预支工价银核实收以清蠹弊章下工部

○赠原任刑部尚书舒化太子少保

○癸酉衍圣公孔尚贤参奏曲阜知县孔贞教罪大恶极不忠不孝欺 君者三背祖者二乞行褫职严治其罪章下吏部

○命侍郎曾朝节充讲筵侍班官

○甲戌大学士赵志皋等奏御史曹学程系狱日久屡欲恳请特恩宽释然意 皇上咎其所言未当或姑禁系困苦以示惩戒未敢遽陈昨见刑部< 足 毓-金 >谓其体伤捶楚棒疮溃裂淹禁患病狼狈可怜窃谓 圣慈垂恻必当曲贷不意严旨迅发臣等咸相顾错愕以为 皇上宽仁御下从来未尝轻加人罪如此且学程乃言事之官以言人罪尤非盛世事是以敢不避雷霆呼天而有请也学程言语不伦致干 天怒臣等不敢更为辩解但据政体言之人主以三尺之法整齐海内虽威福生杀繇于独断而拟议必定于刑官轻重必裁于律令正为示天下以公也见今司寇诸臣忠直不阿奉法惟谨若律例有可拟之罪岂肯纵以违 上命又岂敢代为解说而触 上怒哉正以原情定法如是足尔而不谓 天威严谴之遽至此也且学程身系言官所论者国家之事即狂戆妄发不能无罪但身无差遣之命非有所违抗而辞避慎重科臣之行意在随事而效忠今若以疏谬妄言褫夺降黜已为过甚矣焉有大辟极典而可辄加之乎朝廷设言官为耳目寄也今论事一不当遂加重罪岂但失法之平其于清朝治体不大有累耶臣等既叨辅弼窃念此事关系甚大何敢畏威缄默不言伏望 皇上扩天地之量垂父母之慈俯察臣等所言赤心无他将曹学程罪从末减重加谴罚庶刑法允当人情咸安不报

○乙亥工部题漕河黄埭口应塞应止公同会勘报可

○丙子兵部题勘过白马关功次总兵官王保副总兵李芳春等纪录升赏严谕虜王约束赶酋抚赏悉照原定额例不得分外加增如议

○升贵州署指挥佥事柴南仁为四川游击 ○兵部题榆林镇羗堡怀远堡功次纪录总督李汶等赏孤山参将王威银十两

○刑科题处决重囚已经三覆本 上命便行决

○广东道等衙门监察御史况上进等题虑囚将名籍开坐请决 上报已有旨暂免行刑令系狱如故

○丁丑刑科给事中侯廷佩等乞推广停刑普及天下不报

○吏科署科事给事中刘道亨参奏嘉兴县知县陈儒防简甚疏主事褚继良代金圻请托乞赐议处以警官邪章下吏部

○横岭开矿锦衣卫千户郑一麒奏地方官员欺 君箴旨参将梁心守备李获阳得旨梁心等阻挠矿事违背 上旨锦衣卫便差官较拏解来京究问李获阳姑且降一

祖宗所授之民非抚按之私民也苦 祖宗之民采天地之财以结貂珣之欢而适 陛下之意苟可覩颜谁不攘臂顾肯忤近幸抗至尊以取愆戾哉诚惧其生事酿祸以貽陛下之忧而甚异日封疆之重罪耳宦寺之忠非可望于风宪之职 陛下不惟不纳其谏又从而怒辱之一珣得志诸珣效尤一处鸱张各处虎噬巡抚斂手又何有于监司县官奴颜又何有于佐吏 陛下之赤子将无人做主矣且抚按所以能弹压四境全仗陛下宠灵恃有此威重也假令平日体已衰矣威已轻矣曾一武弁中贵之不若矣万一山洞骚然变超卒以捄过不暇之巡抚而欲责以必胜之方略治军则军不畏戢民则民不服氛雾交飞谁执其咎此时虽食啖其肉亦何救于败乎臣愿 陛下亟重抚按之权勿再惑于谗幸之说凡开矿地方听彼便宜约束差出监卫各官但有不遵诏旨纵下扰民仍听彼具实参奏处治庶纪纲有寄而祸端可潜消矣一曰进献之途渐重夫有道之君不贵异物匹夫荧惑厥有常刑故周武拒熬汉文却马史册美之穆王受白狼白虎荒服因以不至迩来市井之佞抑何纷纷也名藉大工实探 上意今日经历捐俸若干明日儒士助银若干此辈出身吏胥糊口何赖悦首书札剥髓何从然犹曰小人献芹或无他望至于王守仁捏无影之宝货盖欲骗久绝之侯封也而使 陛下恩薄于懿亲张以述购无用之白鹿盖欲复已褫之主簿也而使 陛下德损于玩物部臣纠之不听巡城御史纠之不听业已明示好恶大开受献之门媚于小人投袂竞起恐有无耻之近臣献灵瑞赋颂以博宠幸者矣恐有观衅之远臣贡珍禽奇兽以希分外之恩者矣恐有败节文吏犯赃武官冯藉钱神妄冀特准叙用者矣更恐上行下效殆有甚焉海市可趋冰山可倚咳唾可成雨露盼睐可灭瘢痕其究将使黄精白蜡悉入筐筐义子乾儿滥登枢阍不至如嘉靖末年之海内浊乱不已也书曰不矜细行终累大德诗曰尔之教矣民须效矣臣愿 陛下寡嗜欲端好尚正王守仁欺诳之罪以睦亲藩下张以述于理以为匹夫荧惑之戒再有进献瑶巧珍奇者重法不贷庶纪纲一清而幸门可求塞矣一曰内差之势渐重夫虎贲缀衣自周已备列在御但供扫除我 太祖戒内监之官不许干预外事何其严也浸淫于正统之初滥觞于正德之季赖 世宗英断一扫而革之海内苍生始获苏息 陛下在御二十四年而天下宴如也迩来中使纷然四出矣有开矿者有勘寄者有查店房者尚且乞请之章无一曰不上批答之旨无一曰不下矣夫细人之心见利则动 天子之贵岂当患贫惟 陛下有藉大工以实内藏之心故左右藉京弁以营差京弁藉左右以罔利拴成圈套诬惑 圣聪 陛下方厌外臣动多引例阻挠谓干办家事必须家奴一闻武弁之言喜有可据陆松等请差内相即差内相赵承勋请差张烨即差张烨百言百听如取如携岂卫弁皆急 君之义士而朝绅尽国之逆臣乎 陛下试思二十年前 圣意未动之先何京弁掖珣无一人一字及矿店等事乃今连章累奏指地坐名其为交结逢迎意亦可见惟是巧伺之党实烦有徒肘刺头金口赞靡所不至必将以小信而饬其大诈以小忠而济其大贪采矿不已渐及采珠皇店不已渐至皇庄继而营市舶继而复镇守内可以谋坐营外可以谋监军正德弊风其监不远恐非 社稷

苍生之福也臣愿 陛下早烛群竖之奸慎于再遣已遣出者宜即召还或严加戒飭勿得信凭牙爪痛毒地方庶郡县得保其命而纪纲亦不至凌替矣疏入留中

○己卯户部题浙江杭嘉湖三府水灾照被灾分数全半改折有差

○革辽东总兵官董一元任为兵科署科事徐成楚所参也

○革户部员外林世吉任为民刑部郎中曾可东冠带闲住户部郎中何瑛降二级调外任户部主事潘守正工部司务黄从学俱革任听勘

○庚辰差御史周盘往淮扬巡按

○升詹事府詹事兼翰林院侍读学士掌翰林院印信余继登礼部右侍郎兼官日讲

○升湖广参议章邦翰广东副使巡视海道

○升广西参议林震四川副使分巡川北

○南京刑部尚书赵参鲁以人言乞罢不允

○辛巳 诚孝昭皇后忌辰遣官致祭 献陵 ○换给工部右侍郎徐作关防提督工程右都御史

○壬午吏部题革曲阜知县孔贞教职听勘于本宗选用科贡一人补用

○兵科左给事中徐成楚奏蓟镇斩获虏酋四百九颗章下兵部

○是日又奏西虏变幻有年抚款机宜当慎乞敕当事诸臣虚心集议章并下

○原任河道都御史顾养谦奏辞新任京营协理不允

○癸未敕蓟州总兵都督同知王保挂印镇守辽东地方

○顺天巡抚李颐题罗文峪斩获虏级四十九颗章下兵部

○乙酉升江西参议支可大应大府府丞

○御马监左监丞张焯查勘得通湾店租额规每年四千两分为四季按季解进章下户部

○ 慈圣皇太后圣诞命妇朝贺免 ○丙戌刑部题各省直恤刑官照例宽限报可

○丁亥南京兵部尚书周世选再< 疏 >乞休不允

○户部题河南扶沟等州县弘农等卫所七十四处各罹秋灾其漕粮正折照灾伤分数如例徵收从之

○戊子光禄寺卿李植题节省过大官署器皿价值每岁八千两并乞发回用过器皿于本寺作正支销所省不费仍敕南北两京工部每造一器预进一样发下本寺为式章下工部

○己丑通政司左通政耿定力乞兄耿定向恤典章下礼部

○辛卯大学士赵志皋等题文书官史宾发下朝鲜国王一本为本内不填官名口传 圣意欲臣等拟旨诘问查得此系旧例不填名者尊中国敬朝廷也不必诘问

○给太监张烨徵收通湾租税关防 ○敕尤继先镇守蓟州永平等处地方兼
备倭总兵官

○壬辰总督邢玠以疾辞任 上命前来供职

○总督漕运褚鈇以病乞休不允

○朝鲜国王奏乞倭酋谢恩人数省约钤束章下兵部

○象房仓灾

明神宗显皇帝实录卷之三百三

大明神宗显皇帝实录卷之三百四

万历二十四年十一月癸巳朔甲午祭 三皇于 景惠殿彻祭品颁赐四辅臣等
官

○乙未冬至节遣抚宁侯朱继勋武定侯郭大诚武安侯郑惟忠武平伯陈如松豊
润伯曹元成南和伯方烨宣城伯卫国本东宁伯焦梦熊永年伯王栋于 长陵 献陵
景陵 裕陵 茂陵 泰陵 康陵 永陵 昭陵各行礼

○遣卫安伯张元善于 恭仁康定景皇帝陵寝致祭 上命遣官代填祝版

○遣伯朱世雍尚书杨俊民范谦轮看冬至祀牲

○丙申 郊祀告成赏定国公徐文璧银五十两纁丝四表里 ○蜀王进助工
银六千两命工部收答王书

○丁酉 恭让章皇后忌辰遣官祭 陵寝

○戊戌刑科都给事中侯廷佩题臣尝读汉史仲长统曰光武愠数世之失权矫枉
过直故不任下虽置三公事归台阁三公之职备员而已然政有不治犹加谴责反以策
让而欲望勋立于国家绩加于生民不亦远乎人主诚专委任三公实在责成而在位病
民举用失贤百姓不安争讼不息天地多变人物多妖然后可以分此罪也此仲长统之
言臣以为今之六部即汉之公辅也今政事任下否耶臣以为匪徒备员而已南北六卿
缺久未补是员且不备卿贰各部属官及外方面以百数而员亦不备铨部进拟少所
称可大臣数告之而不听谏官虽言之而不从候选各官云集歆叹在官无人位虚事
废庶民病器怨气已作以致阴阳失和水旱为灾职此之繇若积弊大坏祸乱并起虽
如汉之策让三公至于诛罚何济之有臣以为今日大小臣僚之位有缺急补慎补则
可久空则不可得人则可无人则不可分任则可不任则不可缺不得其人人不称其
缺令再推则不可不下则不可疏入留中

○蠲免河间等府被灾应钱粮

○己亥兵部题乌撒应继土宦以安效良为掌印知府照例世袭暂令禄墨妄安氏
抚養安咀旧为冠带知府令其催集钱粮并奉朝廷纲纪不得相倾并勘安绍庆有无
助逆仍责令擒献阿备正法以赎前罪如再桀骜定行剿处乌撒印信责奢陇高献
出从之

○兵部题辽东镇边堡达虏谋反官军追至可可母林擒斩一百九颗内有贼首一

颖缘系大捷理宜荐告 郊 庙择日宣读报可

○吏部题原任郎中黄承玄驻劄徐淮兼管吕梁洪徐州洪事务报可

○命成山伯王允忠南京右军都督府掌印管事

○命协守蓟镇东路副总兵署都指挥僉事陈霞右军都督府僉书管事

○改 慈庆宫子粒入乾清宫

○庚子礼部题请给榆林赏功银两 上以内库缺乏著太仆寺给与

○户部郎中戴绍科恭进样砂银成锭一百五十两饼银二十两砂二百斤验进自是进样砂样银亦复踵相接矣

○英国公张元功卒

○赵王进助工银一千两报闻览王奏捐禄助工可嘉答王书

○升分守蓟镇喜峰路参将署都督僉事张守愚为协守蓟镇东路副总兵

○辛丑命镇川北川东地方照粮数灾伤分给

○兵部题发遣原任协守辽东东路副总兵祖承训等于贵州都匀卫等处带俸差

操

○壬寅三边总督李汶题甘镇斩获虏级一百十三颗章下兵部

○癸卯河南开矿太监鲁坤恭进样砂银一百二十两砂三百斤进收

○南京工部侍郎董裕题异常水患淹没浙兵营房章下兵部

○甲辰南京浙江等道御史黄华秀等奏百户王守仁诬害亲藩乞免遣内臣专委抚按查勘据实回报疏入留中

○兵部题董一元报关白已于九月初一日受封初九日册使回已到南戈崖报闻

○礼部题侍郎冯琦讨父恤典命与祭一坛仍给全葬以日讲加恩故也

○又题原任户部右侍郎石应岳讨父恤典 上命与祭一坛减半造葬

○湖广靳州生员李建元奏进本章纲目五十八套章下礼部书留览

○刑部题武弁公行金口赞刺发陈彩等边卫充军

○丙午纪录云南布政杨芳却发重贿

○给耿定向祭葬如例命与谥

○差行人张养才往会宁王府赵可教往松滋王府各掌行丧礼

○丁未停止助工超选

○敕成山伯王允忠提督操江兼管巡江不妨府事

○肃王卫王各进银一千两助工

○户部题应天等府照灾伤分数改折徵收从之

○戊申改升神枢二营练勇参将署都指挥僉事欧阳寨为分守南赣参将

○升管蓟镇石塘岭参将署都指挥僉事戴延春为蓟辽保定军门标下右营游击

○横岭开矿太监王忠进样银三百两样砂六十斤进收

- 己酉户部题平虏卫破石槽等处冰雹灾伤乞行蠲免从之
- 差行人刘一焜与耿定向造坟
- 吏部题速简冢臣 上命从公再推候择 ○差御史汪以时管屯田印马
- 命工部严催本植甄石以济大工急需
- 庚戌 孝惠皇后忌辰遣官祭 茂陵 孝烈皇后忌辰遣官祭 永陵
- 辛亥 上以 圣母慈圣宣文明肃太皇后万寿圣节颁赐四辅臣上尊珍饌是日次辅臣张位沈一贯恭诣 慈庆宫门庆贺复赐酒饭烧割
- 升神机八营佐击署都指挥僉事余德荣为神枢二营练勇参将
- 升佐击管京营操兵左营事张宣为昌镇标下右骑营游击
- 升游击管万全都司掌印事陈邦哲为宣府东路永宁等处右参将
- 升遵化右车营游击署都指挥僉事张旆为分守蓟镇石塘岭等处参将
- 太监孙举奏寄顿钱粮等事 上报曰楚府寄顿财物符券既奉旨查勘承奉郭伦高擢等违抗藐视所奏册内皆本府之物且无符券非王弼家财承奉还严刑追究与同原奏官详审查对定夺其凤阳文册到日另行具奏
- 壬子命礼部将勋爵应袭送监读书
- 昌黎等处开矿太监恭进样银一百七十两样砂三十斤进收
- 甲寅敕御史李思孝阅视辽东
- 命宣武门东河桥小门南北各折十丈便运木石
- 乙卯开山东金岭等处矿
- 准毛国器袭兄伏羌伯爵
- 福建抚按金学曾等题本省地震章下吏部
- 丁巳给英国公张元功祭葬造坟如例
- 礼部覆禁文体诡异行各省直提学官将试卷限岁底解部得旨迩来文体险怪屡经 明旨申飭全无改正所奏依拟着实举行以后提学官务查有无转移士习为殿最不许概拟升转
- 吏部覆海防同知专防海事不许署府县印缺从之
- 己未赠耿定向太子太保
- 工部覆总督褚鈇黄垆口速行< 硃-金 >浚报可
- 江西南昌等府在京官吏人等钟枢等奏真仙祐护运艘陆危屡彰显应捐贖鼎建许真人庙宇乞赐碑额章下礼部
- 命侯陈良弼陪宴大宁卫夷人
- 府军前卫千户仲春奏广赐开采俯顺民情等事报朝廷差官开采原济匱竭况已屡有 明旨著差去官督同原奏官民亲诣开采矿洞处所提调督理如何违拗不遵姑不查究本内所报矿洞著差去各官分头照图从实开采照屡旨行不许仍前怠玩违

慢重治其本内擅设督务及分委王府官员人等俱革回原衙门供职不许如容留用其盗窃矿砂赵百户着锦衣卫便差官较扭角□羊来京究问

○庚申浙江巡抚刘元霖题乞罢徵调之议以安东南重地事内言浙之额兵额船势难复调臣抚浙则计浙亦如督臣之计辽也乞敕暂停以俟封事之定章下兵部

○敕礼部册封朕长女荣昌公主其选中驸马南城兵马司副指挥杨继男春元成婚先期合用册诰仪仗及一应礼仪都依旧例行

○择十二月初三日辽东功次宣捷遣官祭告 郊 庙

○赏麻贵解一清银两有差以陕西巡按于永清勘宁塞功次成也

明神宗显皇帝实录卷之三百四

大明神宗显皇帝实录卷之三百五

万历二十四年十二月癸亥朔总督三边尚书李汶辞免恩荫 上以其边功懋著加恩已有成命不允辞

○兵部题套虏畏威悔祸乞恩纳款急宜议处以安重镇事谓卜酋既已叩阙庄明缘何不至着宰二酋先经议款缘何复犯宁镇乞从长计议得旨套虏乞款事贡马既经收入依拟准动本镇银量给犒赏其应否许款还行与该督抚官再加详察虏情顺逆明立约束务要从长议处定夺

○送江西宗室多塘等闲宅居住

○礼部荣昌公主婚礼择正月十五日午时上冠十九日辰时上册一应礼仪开坐上请报可

○甲子给新选驸马杨春元诰命 ○命兵部严行催促班军以济大工

○乙丑吏科给事中刘道亨题吏治五议一慎推升以点陪推恐为巧官造化之资一罢掣签恐法久弊生美缺皆可预拟一严京官考满议将属官注考送部酌量升黜一禁被论抗辩一议酌外官考语以抚按注定为凭意在综核名实章下吏部

○丙寅 慈孝敬皇后忌辰 奉先殿行祭礼

○谕兵部朕见套虏乞款事在边臣则请在廷会议在该部又请在边详计虽意贵从长实互相推诿何时而决朕思战守正理款事羈縻均不可废果以诚乞款宜明定约束必须一年无犯方准一次款市恭顺在先给赏在后验其背向以为行止听边臣所请不必遥制前此革赏毋得轻补后此背约毋得掩饰明白正大威信两全你该部便着酌为定议行与九边遵守

○蓟辽总督孙矿奏朝鲜国王咨称关白因朝鲜不遣王子致谢复欲兴兵清正等今冬过海大兵明年调进乞要先调浙兵驻劄要害以为声援章下兵部

○宁夏巡抚杨时亨以疾乞休以边方重任着令供职

○戊辰兵科署科事刑科左给事中徐成楚题属国陆危乞早决战守大计以固藩篱以绝窥伺内献六议一救朝鲜一调浙兵一广储积一用间谍一假便宜一速应援章

下兵部

○己巳工科给事中杨应文奏奸口张泽等侵冒军器钱粮乞行严究以清库藏以防积蠹章下刑部

○是日又奏勉留漕臣褚鈇与河臣杨一魁同心协理章下工部

○命吏部注选仪制司主事一员教习驸马 ○命铸山西开矿内官关防

○庚午大学士张位沈一贯< 〇〇〇〇 毓-金 >近日科臣刘道亨论劾吏部侍郎孙继皋文选司员外蔡应麟及孙继皋具疏陈辩俱蒙发臣等拟票上进连日伺候未奉 宸断臣等殊切惶惶窃惟吏部衙门天下官员并集待选今十二月正当选期例有过堂点选考较眷缺推升急选等项事务烦琐时日急迫乃今堂属各官悉皆杜门待罪并无料理之人所有前< 〇〇〇〇 毓-金 >似应即发命九卿科道定其去留庶几铨事有归选法不误臣等又惟继皋为人久在词林素称清谨即科臣劾< 〇〇〇〇 毓-金 >亦皆牵连浮辞非有指实似难于轻弃者故于其自陈之疏僭拟照旧供职实系公论非敢私也伏乞 皇上俯垂鉴宥促其即出办事但彼终系副贰必须正官掌理部事方有主张更乞 皇上将前会推吏部各员特赐点用并将文选郎中早准定补此政体所关之大者不报

○原任大学士许国卒国南畿乡试第一人乙丑进士选翰林院庶吉士隆庆改元授翰林简讨万历改元自编修升右春坊右赞善充讲官时 上日御经帷无间寒暑而国斋心夙夜多所敷陈视侪辈有加 上手书责难陈善大字赐焉预修 两朝实录书成叙赉迁南国子监祭酒教人作士谆谆不倦天下名为人伦师表岁久不迁公论颇以为言国曰序固应尔其退让温文若此癸未春以吏部侍郎充会试副总裁夏简拜礼部尚书兼东阁大学士入赞机务己丑春再典会试时文体浸坏国激扬末流之弊所录粹然一出于正初有摘科场事语侵大臣者国请辨邪正以定国是谓昔之专恣在权贵今在下僚昔之淆乱是非在小人今在君子又言大臣犹楸楠也宜取其阅历略其寸污言官犹江河也宜导之< 〇〇〇〇 毓-金 >通息其风波时以为名言庚寅元日 上召见阁臣于毓德宫拥 皇长子膝前命阁臣谛视谕所以保爱之旨是冬国以三事进规其一册立深以不得所请为憾疏留不下久之有诏明年春举行册立戒群臣勿讙方静以待命而主事某之疏上国复揭以进冀有所调护 上不悦遣中使诘问国知言之非 上意也上书乞休五上乃得予告给传归国冲和笃粹有大臣体惜未竟所施云

○壬申差太监曹金开采浙江孝豐诸暨等处矿洞

○是日父差太监赵鉴开陕西西安等处矿洞

○礼部题原任工部尚书雷礼恤典 上命祭葬如例 ○甲戌楚王题奸恶诬蔑亲藩欺罔 天听等事 上悟谕朕初念开国旧勋故行查勘据王所奏册籍年远散逸无存又厄遇多艰姑不深究以示亲亲之意其差去内外官员及原奏都便回京还著部院该科将先年案卷缘繇查明详细具奏

○乙亥太子太保礼部尚书文渊阁大学士陈于陞卒大学士赵志皋等题陈于陞

○差御史赵仕登往顺天巡按

○礼部尚书范谦题已故大学士陈于陞家学渊源宪章淹贯十年侍从弘多启妖之功奕世弼谐坚守廉贞之节嘉猷时进共期协赞乎经纶正史总修方拟裁分乎究钺乃志坚而疾革业未竟而考终忠勤是悯礼数宜隆 上深加悯悼谕陈于陞讲读赞襄忠劳茂著准照例与祭葬加祭二坛差官护送还与他谥

○差行人张五典往韩府掌行丧礼江川等王薨逝二十一日辍朝

○命开陕西蓝田等县河南信阳州等矿洞

○戊寅大学士张位沈一贯题昨日蒙发留守中卫指挥王一清奏内言灰煤炭草欲收牙税今日蒙发通州卫指挥白龙奏内言临清李家道口请设店课臣等窃见近日言利纷纷俱出武弁之奏此辈原不知国家大体及民生利病苟可乘机设法以图取利肥己之事何所不为虽借言为国其实国家未得毫发之益而远近百姓将受剥削无穷之害终至利归彼身怨归朝廷厥心舍怒厥口诅詈鞶毂之下畿辅之间必至人人被害家家怀恨是以< 此夕 > 小微利而累 皇上爱养覆育之深仁盛德也其言岂可听信乎故臣等于此二本俱不敢拟行今后凡如此类伏望 皇上大奋 乾断痛加遏绝勿中群小借言行私之计凡事必经部院大臣拟议然后施行庶几 圣政光明人心爱戴而太平之治可以永保无虞矣不报

○己卯南京国子监祭酒冯梦禎题隆儒优士一曰加制额以拔优异二曰清久旷以核实效三曰严序拨以澄流品四曰优礼遇以作士气五曰催取举人入监以抑惰学六曰酌久任以图实效七曰补师属以专教习八曰隆接见以全监礼九曰督徵解以给廩饩章下礼部

○给存恤科道关防

○给已故英国公张元功坟价银三百两

○增直隶赃罚银四百两以济大工直隶巡按毕三才请也

○顺天府府尹田畴题清查孤贫 上报朝廷养济贫民须令各沾实惠下其章户部议覆

○庚辰南京吏科给事中祝世祿题言官有言反坐言官之罪故成否隔之形言官之罪滋大矣否隔生于裁抑之大过裁抑之太过生于厌薄之太深厌薄之心执而不化岂必言官安往而不厌焉吏部昔为荣阶今为罪府昔之擢吏部者弹冠相庆今之擢吏部者扼腕自吊甚至选郎不补冢宰虚悬台谏推之不报该部臣催之不报吏部亦何负于 陛下厌薄之至此宫工大兴屡请补司空董其事而 陛下故虚之台臣久系司寇原情定罪乞 陛下从未减而 陛下故重之自献金穴之武弁蠹起而文士结舌自采金穴之中贵四出而外臣掣肘以至今之阁臣非昔之阁臣也威福还之朝廷事权还之部院论道辅德固其所职而亦经时不睹 天颜大政阙失面陈无从托之密揭密揭不已至于露章然犹上不能一回当宁之心而下又无以解于天下人士之口其为否隔何

可胜道< 皇 毓-金 >入不报

○楚王进助工银二万两 上嘉其意进收复王书

○辛巳立春节百官行庆贺礼 ○是日以年节颁赐三辅臣及讲官刘元震等
银币有差

○河南佥事邢云鹭奏大统历差错乞赐改正大统推今年冬至在申正一刻而臣
测在未正一刻臣测立春在乙巳而大统推在丙午臣测夏至壬辰而大统推癸巳臣测
立冬己酉而大统推庚戌下礼部看议

○予原任礼部侍郎何雒文父何立恤典如例

○癸未南京工部尚书叶梦熊以疾辞任著赴任供职不准辞

○乙酉直隶巡按蒋春芳题运副赵凤威系元辅赵志皋子故事三公子不作外吏
乞量改两京相应之职章下吏部

○差主事周传诵护送已故大学士陈于陞灵柩归 ○丙戌直隶口矿太监王
虎参奏田进越俎妄行得旨田进着遵照敕内前去昌黎地方开采其蓟永所属等处及
新报矿洞着王虎遵敕开采不必争扰

○横岭开矿太监王忠进样银六百零四两样砂六十斤着银两进收不必再解

○礼部题类报灾异 上谕今年灾异多端朕心深切警惕尔中外大小臣工都要
痛加修省恪恭职业以仰承 上天仁爱至意无事虚文

○丁亥礼部尚书范谦题已故大学士许国雅量汪洋躬行长厚早依光于潜邸历
展采于清华词林著作蔚然周情孔思政本经纶允矣曹随杜断九年协辅中外颂贤相
勋猷累疏乞休进退著大臣风节方重东山之望遽动北印之悲允合赐谥易名照例加
祭谕许国辅政多年勤劳茂著准照例与祭葬仍加祭二坛与他谥辍朝礼与陈于陞同

○差尚宝司司丞张久徵与已故大学士陈于陞造坟

○大学士赵志皋代子赵凤威奏以原官致仕下吏部议

○命四川巡抚巡按将该省库贮银两买木解进

○辛卯行 大袷礼遣公徐文璧恭代遣侯徐文炜伯王学礼分献

○遣少卿徐世相祭五祀之神

○礼部题年终类缴敕谕 上是之近来各文武官有不领敕书竟自赴任者好生
玩忽该部科将不曾领去及遗漏不缴的通指名查参

○ 上以祭告 太庙 祧庙收回脯醢果酒颁赐三辅臣

○册封日本正使杨方亨题关白于九月初二日受封报闻
明神宗显皇帝实录卷之三百六

万历二十五年正月壬辰朔

上免群臣朝贺大学士赵志皋张位沈一贯诣会极门行礼

○是日赐三辅臣上尊珍饌

○四川地震三日

○甲午 宣宗章皇帝忌辰遣官祭 景陵

○丙申册封日本正使都督佾事杨方亨回至釜山以事竣奏闻兵部覆言关白平秀吉感激锡予封典迎候使臣始终无愆礼其谢恩表文宜如北虏俺答受封事例代为封奏免其入京以省劳扰惟是日本责望朝鲜一节在朝鲜咨报若谓情形叵测今行长有书到臣内称已与秀吉讲明悉听 天朝圣命处分又云从容善处决不违 天朝约束而沈惟敬揭中谓事体结局无难则日本调兵渡海之事在朝鲜固宜堤防亦不必过为张皇日本既听处分似宜量为分角□羊杨方亨令先回京复命沈惟敬令暂住釜山调戢两国朝鲜礼文当修则谕令陪臣举行而王子必不可遣日本余倭当撤则谕令尽数回巢而王子必不当索自今伊始余倭既退釜山仍属朝鲜以见日本奉约之诚其对马岛原系日本地方亦不许朝鲜妄扰自蹈起衅之咎有旨览奏日本受封恭顺可嘉但釜山余兵尚未尽撤既非原议而两国之疑终未尽释该部便行文与日本国王撤还釜兵以全大信又行文与朝鲜国王即差陪臣以修交好谢恩表文还令日本使臣同杨方亨先来复命沈惟敬待两国事完回还

○吏部左侍郎孙继皋上〈□ 铨-金〉乞罢以科臣程绍论劾故也不报

○丁酉以河间领军游击署都指挥佾事杨官为昌镇右车营游击宣府赤城堡守备署指挥佾事刘三省为署都指挥佾事充神机营游击

○吏科给事中戴士衡以署兵科给事中徐成楚参论原任副将施朝卿佟养正奏辩诸事语多侵已谓代二犯具〈□ 铨-金〉伸冤上〈□ 铨-金〉直陈巡视职掌以明心迹

○己亥刑科给事中李应策〈□ 铨-金〉言铨法偶废印务渐颓乞敕查例选补并决侍郎孙继皋去留以明 祖制留中

○辛丑工科给事中杨应文请究处锦衣卫百户李纶以其请差内官总理采木也

○壬寅 孝恪皇后忌辰遣官祭 永陵

○陕西敖儿等族番人割世禄等进献方物赐绢钞如例

○时河决黄埒口有言宜塞者有言不可塞不易塞不必塞者议无画一于是议浚小浮桥沂河甘□寺口以济徐邳运道以洩碭萧弥漫砌归仁堤以护 陵寝而总漕尚书褚鈇上〈□ 铨-金〉极言埒口宜塞纵不能尽塞亦宜量为节制不则全河南徙害将立见请行巡盐巡漕御史亲诣一勘工科给事中杨应文言埒口旁洩害大浮桥引水利微一浚诚为永赖则口可无塞如仅为一时权宜则塞口宜急请敕令酌议的确部覆从之

○癸卯以宣府入卫游击署都指挥佾事孙继盛为分守宣府中路葛峪堡等处左参将

○甲辰吏科给事中戴士衡言当今事势其不可知者有三天意不可知民心不可

万历二十五年二月壬戌朔

○癸亥大学士赵志皋廿口寺以日讲请因言经书俱已讲过我 祖宗嘉谟善政比隆帝王具载 实录中欲每日摘取一条进讲以备 皇上法 祖通今之助不报已得旨诗经讲完时请旨别讲他书不得輒撰讲章已再请钦定经书亦不报

○先是洮河火酋以三千余骑突犯松藩四川抚按谭希思王明奏言松藩一镇在蜀为极边从来未有虏患者以临洮足以饱溪壑吐番足以备捍蔽也今关中之兵势振矣势不得不舍彼而趋此各番之弱者抢掠尽矣势不得不踰番而内向蜀之堤防有不可一日弛者条议五事一移置阨帅总镇移驻松藩协守松藩副总兵改为游击移驻建武一增修墩堡一募兵买马一集饷制器一留用边需部覆报可

○嘉兴府地震湖州下黑雨落黄沙

○平凉府风霾瓦兽口内出火水灌不灭

○吏部左侍郎孙继皋上< 疏 金 >乞归不报

○吏科给事中戴士衡乞点吏部尚书不报

○兵科左给事中徐成楚以科事烦重奏乞协理官员不报

○甲子祭 三皇于 景惠殿遣礼部侍郎余继登行礼

○巡按直隶龚文选奏言革除时原任礼部侍郎黄观及其妻女同时赴水死节请行赠录并于原籍贵池县建祠表墓仍查释当时并逮姻党翟翁二姓永戍章下所司议行

○命铸给督理四川采木关防

○大学士赵志皋乞点吏部尚书并下留中未发诸< 疏 金 >应升补者次第升补不报

○乙丑以视写 荣昌公主册文赐辅臣赵志皋等缗币有差

○刑科给事中李应策奏请速补六科员缺不报

○丙寅集廷臣会议倭情时朝鲜陪臣刑曹郑期远痛哭求援辽东副总兵马栋报倭将清正领兵骑舡二百余只于正月十四日到朝鲜岸至原驻机张营驻劄给事中徐成楚言海舡一只小亦不下百人今称二百余只兵当不减二万余众防御事宜亟当早图乃下廷臣会议

○吏部左侍郎孙继皋乞休致不报

○丁卯祭先师孔子遣大学士张位行礼

○祭 大明于 朝日坛遣公徐文璧代

○山阴王俊柵请建储位剪发随本进献不报

○戊辰祭 太社 太稷遣公徐文璧代

○月犯五车

○己巳御史周孔教黄纪贤论劾枢臣石星辅臣赵志皋扶同欺罔 上命一并会议志皋< 疏 金 >乞罢斥以谢人言不允

○南京刑部右侍郎谢杰言 陛下迩来举动似稍不及前条为十规以献前此媚

击以下听督抚坐名咨请管粮官吏部速行选补其战守救援缓急进止俱听督抚总兵相机行事不许纵敌贻患亦不许轻动损威沿海地方该部严行防守毋致疏虞勿以虚文搪塞及怠缓误事违者科道官参治

○吏科给事中刘道亨以倭患震邻边海需人乞亟简铨臣不报

○癸酉辽东督抚孙矿李化龙各称病乞休 上以防御事殷督抚官正宜用心料理不许告病推诿

○甲戌先是万历十二年潞王借赁成国公朱鼎臣锦衣卫指挥钱世龙原开盐店二所及十七年 潞王之国复还两家仍开盐店至是八年矣管理皇店内监张烨查复旧租参皇亲家人李吉甘□寺阻挠 明旨私收盐利奉旨下镇抚司问送刑部拟罪主事洪其道谓烨奏为有据拟戍追银爰书已具尚书萧大亨面斥其非谓二店乃两家之私店堆盐取利亦两家之私租潞府讨盐而夺之民间岂奉有盐禁耶潞府之国而还其两家实其固有也盖潞府有店则旨行潞府归店则旨停当以之国之日为止内臣未差利当在民内臣差利方归官当以查复之日为始则所谓不奉 明旨私收盐利其说似是而非今追其租入已为过当而况欲重其罪乎其道具< 硃 金 >两请 上裁不报于是大亨直陈事情始末言张烨但知二店为潞府所借而不知为两家之民店故以侵利参劾 皇上亦不知为两家之民店故以阻挠拏问锦衣卫亦不开借赁缘由但坐两家历年所得租银七千二百两主事洪其道但见李吉甘□寺为被逮之人惧从轻有不测之罪既欲追银入官又以把持遣戍臣等极言其非法之平而诘曰两家盐店乃民店非官店也潞府当年价赁乃私借非奏借也潞府后来归还乃明给非暗给也潞府奏讨八店招商囤盐未尝奏禁民间不许囤盐也今天下盐商不止数万家天下盐店不止数万处若两家招住盐商为有罪则天下盐店皆有罪乎且两家所收八年店租在潞府既还之后皇店未立之前未见把持何人阻挠何事此事当从实从公具招拟罪岂宜畏罪诬民以欺 天听亦不报

○吏部左侍郎孙继皋恳求放归不报

○礼科给事中张正学河南道御史陈遇文奏倭将清正领兵舡二百驻机张营驱逐太守其势甚急请急救朝鲜速补吏部尚书以理铨事俱不报

○乙亥大学士张位沈一贯奏陈经理朝鲜事宜言欲为自固之谋先择要害适中处所以立根基使进可以战退可以守始为万全之计莫若于开城平壤二处开府立镇西接鸭绿旅顺东援王京乌岭势便则遣轻兵以趋利不便则虎踞此处以压其邪心练兵屯田用汉法以教朝鲜之人通商惠工开利源以佐军兴之费选贤用能立长帅以分署朝鲜八道之士开平既定次第取庆尚忠清黄海等处日逼月削倭可立尽既定此策即当通登莱入辽之海路从此转饷以资军兴渡军以讲水战使往来之人不疲于陆且令二镇联络可以相援又可以通朝鲜之黄城岛跬釜山而窥对马此为长策当急行者也言者欲转浙直舟师从海入辽北海风高少山屿无栖泊所不若从内地至登莱驾登

发其事志皋奏辩此事在三年前欲举发以谊属通家姑为隐忍当即将书斥还因乞赐罢以息人言溥旨心迹既明勿以浮言介意

○四川道御史汪以时条议仓漕八事部覆允行 ○丙戌马瑚府屏山县灾烧毁民房八百九十余家烧死男妇二十四名口

○丁亥广东道御史况上进< 〇〇〇 毓-金 >参兵部尚书石星卖官鬻爵误国欺君请速赐究处以快公愤

○大理寺左少卿连格以病乞归许之

○原任总河都御史今起协理京营戎政顾养谦两< 〇〇〇 毓-金 >恳辞溥旨准在籍调理

○命兵部侍郎李祜署本部印务

○升陕西参政萧应宫为山东按察使专管海防

○除授服阕起复庶吉士林应元为吏科给事中

○己丑兵科徐成楚奏石星逢君误国乞速赐罢斥仍毁裂沈惟敬杨方亨所进贿物不报

○四川道御史汪以时奏小人事露计穷驾言用兵妄希调度乞召还沈惟敬

○阿木等族番人安巴等十四名进献马匹方物各赏给马价绢疋钞锭

○庚寅直隶巡按蒋汝瑚奏册使杨方亨满载迁延乞搜赃正法仍正石星欺罔之罪不报

明神宗显皇帝实录卷之三百七

明神宗显皇帝实录卷之三百八

万历二十五年三月辛卯朔 孝肃皇后忌辰遣官祭 裕陵

○壬辰兵科左给事中徐成楚条陈武备六事守重地核守臣振武吏销内衅杜外隙练土著

○职方司郎中申用< 〇〇〇 楸心 >奏军机紧急题覆久稽乞赐早断以安边疆不报

○礼部请举行 皇长子冠礼婚礼不报

○癸巳浙江抚按刘元霖唐一鹏条上防海六议一严招募一建营房一练军兵一议更番一整战缸一议任将部覆允行

○吏科给事中戴士衡奏督抚纷纷请告事体非宜乞赐严敕以重封疆以薊辽三边山西辽东湖广四川甘〇寺处相继称病也

○山西道御史应朝卿奏倭患孔棘民心宜固乞罢采矿以弭乱萌

○吏科给事中戴士衡奏倭情狡诈奸臣欺蔽如石星沈惟敬杨方亨及奸党假捏伪报陈云鸿孟良相等请俱重加处治不报

○甲午大学士赵志皋等言 大明会典 皇子年十二或十五举行冠礼至于婚礼恒以十五十六为期今 皇长子年已十六揆诸典制不可更缓请于今岁举行冠礼

侍读学士詹事府詹事掌院事礼部右侍郎掌詹事府事< 〇〇〇 毓-金 >请立 东宫壬辰典会试寻改吏部右侍郎复转左癸巳满三品荫子入监复请册 东宫虽未赐俞而出 元子讲学有力焉已升礼部尚书兼翰林院学士仍掌詹事府事谓 实录宝训秘在金匱会典职掌漫漶野史更讹谬失真请及时修正史信今传后诏允行甲午 上特简为东阁大学士入参机务条上六事曰接大臣用人才奖外吏清边饷储将才选边吏上嘉纳以甘镇功进太子少保已满二品进太子太保仍录一子丙申冬 上切责言官落籍二十余人< 〇〇〇 毓-金 >救甚力未几 两宫灾叩 内殿请面不获引罢不许己从 南郊感寒卒 上命恤典有加遣官营葬护丧复谕 元子陈阁侍若讲读宜恤其丧 元子遣中官致金币此故事所未有也于陛世为史注心经世凡往代制典朝家令甲与名硕所规条考镜甚详故创正史之议易名时金谓惟勤学好问博闻多能可状予谥文宪比宋金华彭安福费铅山良不忝云

○兵部奏报倭将清正欲移驻庆州请敕督臣亟令吴惟忠杨元各将兵前往朝鲜扼险张威相机战守仍催总兵麻贵兼程前进以决长策 上是其言令各将官作速前去前议增设经理朝鲜巡抚许久不见推用边情重大如何若此怠玩其速行

○命宣大副总兵姜显祚升都督僉事管理总督标下中军事

○湖广道御史周惟翰乞允礼臣冠婚之请不报 ○山西巡抚魏允贞奏西河王知燧欲于安邑县角口羊州绛县等处差仪宾开矿富峪卫指挥王守信欲于平定州稷山甘口寺处开矿请并归太监张忠开采为便不报

○庚子 皇第七子生

○命发太仓库银四万二千三百七十余两为固镇下马关四营新丁本年月饷从总督请也

○赠管河主事袁光宇太仆寺少卿以其治河积劳也

○山西按察使刘天衢以病乞休命加太仆寺卿致仕

○工部都水司郎中孙健乞正石星假献取媚之罪仍将内监所收杨方亨所受倭物发出弃毁不报

○改贵州副使徐秉政提督河南学政 ○辛丑以 皇七子诞生赐元辅志皋大红云纒二疋金花一对次辅位一贯各大红云纒二疋银花一对及讲官刘元震等三员有差

○予原任吏部左侍郎赵用贤祭一坛以经筵久劳仍给全葬用贤常熟人隆庆辛未进士改庶吉士授翰林院简讨充纂修会典官< 〇〇〇 毓-金 >论首辅张居正夺情廷杖削籍癸未用荐起升右春坊右赞善时迁人皆召还意气发抒锐意更始异议者指为朋党用贤上< 〇〇〇 毓-金 >极言朋党之名非盛世所宜有引归不允已充经筵讲官升司经局洗马管国子监司业事右春坊右庶子掌坊事升南京国子监祭酒詹事府少詹事其在雍举高士邓元锡刘元卿修忠臣黄观庙子丑间请定储位宥言官李沂斥大珰

○兵部左侍郎李楨奏经理朝鲜事宜言平壤王京釜山三处乃朝鲜要地必城池高深可恃无恐各宜修建大城其善有五声援与策应两当坚壁与清野两得兵食两便战守两宜立屯与开镇两益得旨建城控险联络屯聚诚为保属长策便行总督会同经理及兵道便宜行事仍行朝鲜国王速为计处并申谕该国臣民俾知朝廷悯彼陷溺代为经营务各争先劝工克期竣事以振积衰之势

○兵部左侍郎李楨条议倭情十五事一定兵计一速救援一侦情形一明地利一审战守一用经理抚道一重总督事权一专防御谓督臣既奉旨经略不得坐镇蓟门救援事宜既设有专臣宜听督臣与新抚经理一预粮饷一严纪律一绝勾引欲将原册出使随从员役姓名照数招回使之立功自展毋弃以资敌一悬赏格一备战具一禁游客一广搜罗得旨举行

○朝鲜国王李昞上〈附 疏-金〉求援言倭贼不撤余众要遣陪臣既非 天朝原约及陪臣随册使前去又以官卑不纳盖欲借此为辞开衅动兵耳况蒙 天朝大恩诰命诞颁而驱迫册使克日渡海又不遣一倭恭谢悖慢之状此亦可见清正素慄悍今复领兵狂逞决不可以他计縻之若 天朝救援少迟则全庆忠黄被贼蹂躏鸭绿迤东遍为贼窟乞速发南兵数千为声援随调大军运粮饷水陆夹剿并乞给觔角硝磺等材以备战用部覆得旨救援兵将立限催发迟延以逗遛论罪兵行粮从势不可缓该国各办本色预待境上应用中国再从便发粮由山东海运接济毋得临期推诿误事

○户部覆保定巡抚李盛春奏防守天津事宜言倭情叵测春汛方殷议将天津营春秋两防歇班官军加给行粮留防海口既省召募之费且得修备之用矣报可

○浙江抚按刘元霖唐一鹏以观海卫孝封诸概八宝等处矿山遣官开采各上〈附 疏-金〉言浙滨海近倭防倭必不能防矿请停以消内外隐忧不报

○吏部奏科道缺人乞准行取不报

○吏部奏会推枢臣候旨日久乞于萧大亨甘□寺六员特简一员不报

○乙巳改户部左侍郎李春光为兵部左侍郎协理京营戎政

○升山东右参政杨镐为都察院右佥都御史经理朝鲜军务

○吏科给事中戴士衡〈附 疏-金〉请查核沿边吏不谙边务者部覆报可于是调登州兵备副使王学谟于兖西以曹州兵备张世烈补海防道并调山东巡抚张允济于腹地用

○升陕西分守陇右道副使郭显忠为本省右参政兼佥事专理靖虏兵粮潼关兵备副使张维新为本省参政分守陇右

○除补翰林院编修刘曰宁原职充正史馆纂修官

○兵科左给事中徐成楚奏倭患震邻内治尤急乞查核原额兵饷勿令诡冒更调沿海各官务求称职蓟镇督臣速赴鲜辽适中处所庶便策应真定抚臣当带领标下精兵暂住天津浙直闽广等处督抚兵宪甘□寺官各宜分驻海冲以防内犯不报

○丙午升管河运同罗大奎为山东副使仍管曹单黄河专督理小河口工程

○丁未以洮岷御虏功赏参政萧应宫守备武大振廿口寺银两有差

○除豁朔州卫军粮四百九十两以丈量增额累赔故也

○留云南查盘过三年钱粮充本省边储 ○戊申以原任陕西副使张登云降补河南右参议分守辽海原任户部郎中艾维新升山东右参议兼佥事备兵开原从蓟辽总督请也已而维新以病告许之而用河南佥事邢云路

○朝鲜国差陪臣权快等十三员陈奏倭情并请硝磺角准支太仆寺银二千两自买运回折宴赏如例

○己酉补原任四川佥事王志为福建分巡兴泉道兼管兵备事

○册封日本正使杨方亨回京上〈○疏-金〉直言封事颠末正欺罔以绝祸源臣于万历二十三年十二月蒙充副使自出都门至王京一应事机俱听正使行止臣住居昌随沈惟敬屡差中军请臣前进云一入釜山倭即撤还臣遂发密阳入釜山未几而正使李宗城亦入比时倭情帖然去年正月惟敬忽有预行教礼之说同行长渡海嗣闻惟敬住南戈崖行长往见关白相间二三月音信杳然宗城又被谢隆之惑蓦然潜出臣即揭报兵部备言倭情狡诈请遣台省或边道前来查勘可封即封可罢即罢当事者以文臣破败封事故不请遣乃改臣正使惟敬副之初议釜山一倭不留然后往封已奉兵部劄釜山倭户务安插得所又致书行长令臣或住对马岛或住南戈崖候钦补物件臣因于六月十五日渡海沿途馆舍委有新创供亿亦为丰足八月初四日至和泉州秀吉差倭将迎慰送礼闰八月十五日钦补诸物甫至行长驰奏秀吉即择九月初二日于大坂受封惟敬先去教礼封时委行五拜三叩头礼呼万岁次日至臣寓称说感戴天恩及言谢恩礼物俱被地震损伤臣于初四日拜秀吉秀吉云冬月西北风多渡海不便不敢久留天使及臣将行秀吉差倭僧向惟敬责备朝鲜礼文倭奴狡诈百端志在蚕食于此可见当事者尚以小酋行长为可恃欲苟完目前复责臣以谢表完事然受封之后倭众果退即谢表迟迟亦不为过今使节尚未还朝倭众仍旧集地即有表文亦何益也其表文臣见字迹欠恭书丙申纪年而不奉正朔乃兵部贻臣书云日本原未颁历与琉球朝鲜不同又贻书臣谓 皇上喜金珠天鹅绒惟敬因买猩猩毡天鹅绒以进诡称秀吉所送其名猩猩毡者出自南番秀吉铺地皆此物不过巧立名色耳天鹅绒即广东剪绒小事欺罔如此大事可知因以本兵密书十三纸封进书中大指欲苟完封事无令督抚破坏而已李宗城亦上〈○疏-金〉白心迹言去迫本兵踵聘来凭本兵致书于是本兵〈○疏-金〉论方亨反覆附会以向来书揭十五纸进呈语多涉督臣阴事〈○疏-金〉入 上令九卿科道看问明白以闻及会问而揭中所称清正与督臣通书受其彩币方亨不肯承亦并无哄诱宗城出营请节奏闻 上命将密揭公同验对果否方亨手笔并将李宗城慎〈○疏心〉龙面究具奏不许含糊欺隐已复会问奏闻得旨尔等既言石星欲息兵省饷但轻听误国情有可原姑革职候旨定夺又言清正复来非因孙矿所致今杜门逊避恐失事机亦革职听勘总督员缺即便会推杨方亨反覆小人本当重

处念其远使辛劳姑令革任永不叙用

○庚戌赐元辅银彩扇六把银钉铰扇十把车碾钉铰扇二十把次辅并讲官有差

○兵部左侍郎李祜奏倭报紧急阃外之事全在总督料理几遣将调兵扼要退倭望 天语丁宁务获万全宜敕朝鲜急令该国将士奋勇雪恨得旨览奏具见筹倭至计便行与总督殚心竭力及时料理仍谕朝鲜共图淬励保国拒敌

○吏部言急选多官候旨日久恳赐批发吏科署科事给事中刘道亨亦以为言俱不报

○户科给事中程绍劾两广总督陈大科贪纵乞赐显斥不报

○赐韩府通渭王谟土□尚谥惠穆楚府江夏王英土□异谥恭懿

○辛亥大学士赵志皋等请以性理大全接续进讲不报

○大学士赵志皋三恳引疾求归不允

○浙江巡按王业弘言开矿于浙不便者六五洞皆水未易乾涸一也泽国霪雨露处生疾二也民畏开采各有离心三也矿利喧传奸徒四起四也采取无获攻劫屠戮五也守御久弛烦兵费粮六也乞亟停不报

○都察院< 〇〇〇〇 铨-金 >催速发吏部行取诸臣之议以重风宪不报

○壬子升岳州知府李苏为两淮都转盐运使司运使

○吏科给事中戴士衡条上御备事宜一严防守一广召募一简守臣一处粮饷一搜异才一诘奸细一密军机一更侦役部覆得旨依议行其事干军机章< 〇〇〇〇 铨-金 >无令私抄传播若有违犯及奸徒假以献策为名聚集溷扰者厂卫五城严拏重治

○癸丑加苏松兵备曹时聘为湖广右布政使兼副使照旧管理 ○兵科署科事左给事中甘□寺官徐成楚甘□寺言枢臣讦奏杨方亨一十五纸已经九卿科道看问具奏星因清正一封方亨不认又出私揭四纸以求印证臣甘□寺密察其意不至甘心于督臣不已夫督臣何德于清正何仇于枢臣枢臣挟数万之贿不能使行长去督臣以四币之力何能使清正来试问石星倭而入寇督臣与之战耶枢臣与之战耶战如失利罪坐枢臣耶罪坐督臣耶盖督臣职专节钺身在利害之中枢臣责止运筹身在利害之外人情熟不趋利而避害彼坐观者贿倭使去乃当事者复诱使来矿虽至愚必不其然况清正主战行长主款阳若相左阴实相通以玩弄我股掌之上乃星不自悔为行长所卖而反诬总督与清正私通是愈堕其术中耳乞亟遣星归俟东事结局另议区处责成该部及督抚甘□寺官悉心料理务保全胜毋得以浮言堕阻庶才间不行狡夷自屈不报

○吏科给事中刘道亨奏乞俯允部院之请亟下行取之令不报

○甲寅河南道御史陈遇文甘□寺奏石星担当封事孙矿果有四币遗清正以坏封事星于此时何不即举以奏闻直待今日而后发觉乞遣星回籍敕该部及督抚严行堤备不报

○乙卯升归德知府丘度为陕西副使

○陕西督抚李汶以番族归降上分处事宜言河西属番 祖宗朝领敕纳马不侵不畔实为外臣东起金城西抵哈密南番北虏隔绝不通犹然汉武断匈奴右臂之故事也正德初年套虏亦不剌获罪于主降附中国栖迟于甘凉问引领望救当时地方官畏虏如虎不掇不纳虏见我之歉志于招纳又窥我有归还悉怛谋之意且深知我无如彼何遂窞我边垣经我内地占处青海残破五卫实由处置失策以致虏之右臂复联尽河湟两川混为虏巢驱两河诸番靡所寄命甘心为虏之耳目响导以戕虐于我顷者 皇威大震挾虏远徙各番有意内响又自以从虏之久趋趋观望而不敢入一得招番白旗消其疑畏之意西宁甘州陆续降附者万余人今当厚抚番之既归者以动其未归之心鼓舞番之向我者以制其夙仇之虏布恩令而俾之安居严约束而禁其通虏所以断匈奴既联之臂复 祖宗豫附之羗夷者端不外此部覆报可

○ 敬妃李氏薨逝传旨封为 皇贵妃礼仪照 世庙皇贵妃沈氏例行营葬吉地礼部请遣官于 天寿山悼灵左右相择 上命礼部尚书范谦钦天监监正张应侯往

○丙辰升太原知府赵彦为山西副使

○戊午大学士张住甘口寺言东方兵寄无踰邢玠乞用为总督萧大亨堪任本兵乞改兵部尚书杨镐适值亲丧宜夺情起复复再< 疏 疏 >保举大亨俱不报

○吏部左侍郎孙继皋乞归不报

○己未赐三辅臣鲜藕

○升兵部左侍郎邢玠为兵部尚书兼都察院右副都御史总督蓟辽保定军务兼理粮饷经略御倭

○自河决南徙徐邳复见清泗议者谓全河水微不利运道决口不塞貽害地方且恐下啗归仁为 二陵患独总河尚书杨一魁谓堙口深阔难塞议浚小浮桥沂河口小河口至是工程报竣运道通利奏言河徙无妨运道今日已有明验惟是议者尚以 祖陵为虑请徵往事洪武二十四年河决原武黑阳山经开城北又东南经项城太和颍州颍上至寿州镇阳卫入淮行之二十余年至永乐九年河稍北入鱼台塌场甘口寺口未几复南决由涡河经怀远县入淮时两河合流经凤阳历泗州以出清口若惠及 陵寝祖宗当何如为虑者而卒未闻计及也嗣后又行之四十余年至正统十三年河复北决冲张秋至景泰初先臣徐有贞塞之河乃复涡河东南入淮亦不闻病及 祖陵也嗣后又行之三十余年至弘治二年河复北决冲张秋先臣白昂刘大夏相继塞之复导河南流一由中牟至颍寿一由亳州涡河入淮一由宿迁小河口会泗时则全河大势纵横于颍亳凤泗之郊而下且愆溢于符离睢宿之境矣然卒不闻虞及 祖陵亦不闻堤及归仁也惟是正德三年以后河渐北徙或由小浮桥入漕或由飞云桥入漕或由穀亭入漕全河大势始尽趋徐邳出二洪运道虽稍资其接济之利而亦受其泛滥之害矣至嘉靖

十一年而河臣建议分导者始有涡河一支中经凤阳 祖陵未敢轻举之说夫当全河南徙之时不闻为 祖陵惠及全河徙之后仅议导一支乃反足为患乎然当时间有浚祥符之董盆口宁陵之五里铺荣泽之孙家渡兰阳之赵皮寨又或决睢州之地丘店界牌口野鸡冈宁陵之杨村铺俱入旧河从亳州凤阳甘口寺处入淮南流尚未绝也亦何尝闻 祖陵之被惠乎至嘉靖二十五年以后南流故道始尽塞或由秦沟入漕或由浊河入漕五十年来全河尽出徐邳夺泗入淮而当事者方认客作主日筑垣而居之以致河流日壅淮不敌黄退而内潴遂贻今日 祖陵之患此寔由于内水之停壅不由于外水之冲射也万历七年先臣潘季驯始虑黄流倒灌小河白洋甘口寺口挟诸河水之冲射 祖陵乃作归仁堤为保障计而复张大其说以为 祖陵命脉全赖此堤无怪乎议者习闻其说而遂疑黄堙之决或下啮归仁也不知自黄坝一决下流易洩必无上灌之虞况今小河不日工完引河归复故道去归仁益远何烦过计哉部覆报可

○兵部左侍郎邢玠奏防御朝鲜机宜 上以用兵进止听督经便宜催发兵饷责户兵二部同心共济敕各督抚镇道仍令朝鲜整顿备办以待大兵时督臣孙矿所徵南北官兵止一万九千余名部议以其数比先臣经略宋应昌往援兵马未及三分之一应听督经酌议得旨允行

○兵科署科事刑科左给事中徐成楚奏行长清正皆平秀吉腹心将领一向装成圈套谬相左以欺中国枢臣遂堕其术中而不觉兹据倭舡四十余只系行长管下装载军粮兵器又倭舡三十余只系清正管下进往西生浦其同心协力之状至此毕露且沈惟敬素主和议亦云调兵设兵以防未然彼此情形大略可睹援救朝鲜诚不可缓内地防守尤不可不严乞早简枢臣急图方略不报

○浙江巡抚刘元霖以庆元地方矿徒哨聚官兵驱逐业已 散但恐此防彼发滋蔓可虞不报

明神宗显皇帝实录卷之三百八

明神宗显皇帝实录卷之三百九

万历二十五年四月辛酉朔孟夏享

太庙遣公徐文璧代侯徐文炜伯王学礼分献

○户部条陈开垦沿海荒田加增芦浙盐引并纪录大同镇开荒官员俱允行

○甘肃西宁地震

○刑部左侍郎吕坤< 䟽 毓-金 >言收拾人心数事洮兰之间小民织造货贩以糊口自传造以来百姓苦于催逼弃桑农而捻线者数百万人提花染色日夜无休至于山西之绉苏松之纱罗段绢岁额已自日盈与其积于无用孰若定有以常如四季袍服岁用千疋则造一年预造一年是宫中省收藏之累天下无多取之忧而江南陕西之人心收以采木言之丈八之围非百年之物或孤生仞崖或丛长千里毒雾常浓人烟绝少寒暑饥渴瘟疫瘴疔而死者无论矣乃一木初卧千夫难移每行不过数步遭险跌伤死

镇守延绥

○壬辰大理寺访获强贼七名法宜决不待时 上以正当热审谕内阁停之

○癸巳总督邢玠言往岁救援朝鲜经略宋应昌督兵七万有奇今倭兵不下十余万而前督臣抽调各兵总计不及三万欲再行召募恐乌合之众教习为难事定之后角□羊散不易议选调川东施州卫八司酉阳石碛土司邑梅平茶二长官司湖广永顺保靖土司兵一万名不足再于叙马泸道属土司土妇奢世续下选补分为三营令参游吴文杰等三员各领一枝而以临洮大将刘綎统之以川东副使王士琦监之并用府佐吴良玺李培汪京三员随营查督然土兵必湏土官随行如无土官必不可入选行分作三截将官专管约束文官稽查虚冒更请将刑部尚书萧大亨速补本兵以便调度章下所司

○大学士张位沈一贯言臣等昨为本兵缺官特荐萧大亨今邢玠条陈东事亦请用大亨舆论所孚简任当亟乞将拟进票帖从中批发不报

○升湖广副使刘弘道浙江副使蔡逢时河南副使陈简各参政弘道浙江逢时湖广简本省陕西左参议张悌临江知府高从礼瑞州知府孟绍庆户部郎中余梦鲤杨应中各副使悌本省从礼福建绍庆云南梦鲤广东应中山西刑部郎中谢时泰兵部郎中杜允继各佥事时泰浙江允继河南浙江右布政使曾如春陕西右布政使郑国士各转本省左原任广东佥事黄仁荣补河南察降原任云南副使田瑄补广西右参议从署部杨俊民请也

○甲午礼科右给事中罗栋乞举行 皇长子冠婚大礼

○吏部侍郎孙继皋乞放不报

○直隶巡按龚文选言民间罪应死者每恤刑审录情法可矜疑者< 足 毓-金 >请改永远充军盖各犯之恶无干后代今日永远则子若孙世家于戍正法免一身之死而遣罪流累世之祸也虽新例以著伍后所生子孙替役不许行拘原籍子孙第各军在伍生有子孙其根本必思原籍其军装必寄原籍或明关或暗逃久而必致关文清勾里排管角□羊其骚扰有不可胜言者乞敕下法司斟酌拟议不报

○乙未以端阳节赐三辅臣上尊珍饌

○南京太仆寺卿余一龙以病乞休令回籍听用

○升河南知府张中鸿为山西副使管辽东苑马寺马政

○浙江巡抚刘元霖条议调兵事宜一择将言浙兵自山东天津撤回蓟镇杀戮之后人情畏怖今应调者闻讹生疑必择一素附之将领之始无他虞一恤兵令进有所用退有所归无至失所一水路由内河以进天津部覆水兵若由内河必湏计程定限毋以水浅为词致误事机余如议行

○丙申以京营参将陈寅千总谢用梓为蓟辽军门标下训领南兵将官从邢玠请也

谕盐商当铺量力积穀遇歉乏食平价糶卖事宁之日在官者易价还库在商者听其变价营运允行

○己酉 上御朝宣奏延镇捷音百官致词称贺行五拜三叩头礼是日祭告 郊庙遣公徐文璧侯徐文炜驸马许从诚各行礼先是万历二十四年三月延镇总督李汶等以套虏卜酋阳款阴逆分道出师首功四百有奇至是勘实如例宣捷

○庚戌升广东按察使张一坤山东按察使龚勉四川按察使沈九畴各右布政使一坤江西勉浙江九畴陕西皆以陪推用

○兵部覆总督邢玠调兵事宜言督臣议增调川湖土兵一万诚为得计但查川夷叛服靡常应量选六千员名所调用文武各官及分营定限一切事宜皆请如议得旨刘縯以原官充提督土汉官兵御倭总兵官王士琦加参政监军将官吴士杰甘口寺俱准调用同知吴良玺通判李培根长史汪京准加衔及改原官用该部差官守催不许推托稽延以误战守

○协理京营戎政兵部左侍郎李春光以选锋数少议增七千名以足二万部以粮饷太费量增二千名得旨准增一千名

○山东道御史乔璧星以倭情□夕□鸟□警异常< 䟽 䟽 金 >上四议临朝以鼓人心发帑以犒将士简枢臣以资调度罢矿店以弭内乱不报

○辛亥叙延镇文武将士功总督李汶加太子太保于原荫锦衣卫儿男加升一级世袭赏银八十两大红纒丝飞鱼一袭原任巡抚李春光右都御史荫一子锦衣卫试百户世袭赏银六十两大红纒丝四表里各给与诰命总兵麻贵加都督同知荫一子本卫正千户世袭赏银六十两大红纒丝四表里兵备道赵楫张悌萧察俱升一级边郎高拱辰升俸一级参将杜松王威师以律俱升副总兵孙朝梁寔授副总兵游击戴焯卜天兆郭有光俱升参将王国栋准复参将叙用袁登阁逢时俱加参将衔守备李震加游击衔傅栋遇缺推用冯大柱戴守礼各升实职一级自赵楫以下赏银有差以区画效劳李楨余立各升俸一级赏银四十两纒丝二表里李楨仍荫一子入监该司署印官升俸一级赏银十两余各八两原任尚书石星諂媚倭奴欺君辱国不准叙户部尚书杨俊民赏银三十两纒丝二表里署兵科给事中徐成楚陕西巡按御史于永清各赏银十五两

○浙江巡抚刘元霖条议靖海岛严催徵二事部覆允行

○壬子叙延镇功辅臣赵志皋加少傅兼太子太傅进建极殿大学士荫一子尚宝司丞张位加少保兼太子太保进武英殿大学士改吏部尚书沈一贯加太子太保进武英殿大学士改户部尚书各荫一子中书舍人仍各赏银币有差

○癸丑江西道御史黄纪贤请速简本兵亟图御倭之要不报

○先是刑部奉旨天气暄热将在监罪囚分别具题已蒙矜恤外又将御史曹学程亦祈缘例徼恩未下至是刑科都给事中侯廷佩亦以为言不报

○巡按山东王立贤以刀尖火起变出异常乞停罢山东开矿不报

○甲寅总督邢玠< 〇〇〇 毓-金 >陈倭情言今日传报者见倭不动輒曰安静不知其动以吓朝鲜不动以愚中国正狡倭变幻之术世岂有贼兵云集稍一按兵即谓之安静乎倘凭纸上之言而奸细又从中假捏传播 皇上一疑则各部必然掣肘部堂一疑则督抚必然掣肘请今后倭情容臣小者类报大者日报不动则不必报果撤兵返旆巨细即报不拘五日之期总之今日当严整兵粮为三年计万不可希侥幸图节省如先年议撤川兵南兵致今日仓皇无措也至所调边兵皆骑兵而朝鲜之地利于步不利于骑步兵惟南人可用宜南北兼募行浙江抚按委道将各一员召南兵四千行顺天抚按委蓟密永三道召北兵之有武艺者各二千共足万人用南将总领分练而议者于南北募兵虑其难散川湖土兵虑其易扰则天下无可调之兵惟恃边兵耳边兵可多调乎至如大将刘綎一时并用臣亦虑其两不相下然不用川兵则已用川兵非綎不可请敕令同心共济毋容参差其有兵将造谤及山人墨客星相罢闲诸人求书引用糜费钱粮者乞严行禁缉仍望庙堂以兵事责督抚以耳目寄巡按而私揭悉屏不听使东征文武将吏精神气力不分于毁誉是非之场又臣甘〇寺任事者之幸得旨朕以东事耑付于卿决不中制亦不为浮言所惑中外各该衙门都要协心共济以图成功探报但求的确不必拘定日期一应兵粮事宜上紧题覆无得轻听晓言致令掣肘误事部覆俱如议 上命南北兵如数召募将官务要同心共济不得分彼此异同游客诸人假托谈兵惑乱军事在京者厂卫巡城缉拏在外者各该御史及管关主事访察不许潜踪出入 ○乙卯赐三辅臣鲜笋

○丙辰 穆宗庄皇帝忌辰遣官祭 昭陵

明神宗显皇帝实录卷之三百一十

明神宗显皇帝实录卷之三百一十

万历二十五年六月庚申朔时摆腰台吉纠众近边声言讲事宜大总督王世扬言北虏自市马外仍有贡马市马每匹价止五七金贡马每匹除钦赏外必十金乃犬羊嗜利边臣姑息每年贡市之马一例老瘦另以厚价转求他马以进自臣抚宣以来谕各酋长好马十贡其一各酋长听命独摆酋经年不贡每来讨赏今且聚兵将寇边矣臣已转行各将飭兵以待俟其至边果遵约进马臣必不敢多事贻朝廷西顾之忧如其狂逞当相机堵剿以示创惩部覆得旨虏情行该督抚审察酌处以彰恩威毋得挑衅养患

○辛酉户科给事中程绍以矿变多端火光示异请罢开采不报

○京畿道御史连标以石星欺君辱国 陛下既已深悉宜速宥曹学程以明功罪不报

○壬戌南京兵部尚书周世选再< 〇〇〇 毓-金 >乞休不允

○调四川安绵兵备副使马朝阳于松藩道

○加升山西冀北道副使盛世承按察使兼参议炤旧管理

○癸亥先是湖广巡按赵文炳言巡抚李淦阳病将一载乞放归不报至是吏部以

先后进发续选三千三百名为一营挨次起行文武将吏以各兵之扰不扰为功罪至于倭奴水陆皆有备而我水兵止浙之三千及朝鲜水兵壹枝共止五六千耳湏再得二千稍可分布水兵惟浙直闽广为取但浙兵调发已多广东道里甚远于福建南日等寨或直隶吴淞等处抽募精兵二千随与器械兼程前来以为夹攻之用又先年官兵东征朝鲜苦之甚于苦倭今已行经理镇道各官严禁部军不许秋毫扰害乞再颁 明旨著为军令庶节制之师称矣得旨川兵水兵如数调发余下部议部言水兵一节督臣原议未有定属切谓吴闽皆防倭要区若二千之众取足一方不免以撤防为角□羊若强以不堪应命有名无实不若各抽取一千两地简发为便 上是其言各兵依议调发总督经理约束将士不许纤毫骚扰犯者即行斩首示众仍著为令

○丙子陕西木沙割来甘□寺族番人章合尔节甘□寺二十六名进献方物马匹给赏如例

○先是诚意伯刘世延有罪下狱至是热审南京刑部尚书赵参鲁以请 上以开国勋裔姑免死释放革去冠带发回原籍照沐朝弼例令其子承袭祖爵后世延仍住南京命法司差官押回令本处抚按官羁管

○丁丑内阁会同翰林院考试各处愿就教职岁贡取中上卷五卷中卷三百二十八卷

○浙江抚臣言兵饷已减倭情复变乞酌定减存额数以苏民困

○戊寅 三殿灾 上谕内阁传示礼部议行修省事宜以回 天意先是万历丙申三月丙子 两宫灾时诚意勋卫刘世学知象纬语所知曰火氛尚未已也至是火起归极门延至皇极甘□寺殿文昭武成二阁周围廊房一时俱烬永乐辛丑夏四月庚子三殿灾正统己巳夏六月南京 宫殿灾弘治戊午冬十月 两宫灾正德甲戌正月乾清宫灾嘉靖辛丑夏四月辛酉 九庙灾嘉靖辛酉 万寿宫灾皆以己酉午戌丙丁戊年月 宫殿俱灾则国朝以来所未有云 ○大学士赵志皋上〈足 毓-金〉恭慰张位沈一贯〈足 毓-金〉请面慰旨免因率文武大小诸臣诣仁德门行叩头礼

○己卯 皇七子命名祭告 奉先殿

○赐三辅臣收回祭设三卓

○大学士张位甘□寺言昨捧 圣谕曰失德曰惧切臣甘□寺诵之相顾泣下今欲挽回 天意惟在以实心行实政夫火神谓之郁攸气郁为火徵人郁为乱徵角□羊郁导和在 皇上一念耳今以群情郁结之最甚者条列以闻一引咎施恩颁示诏赦一戒谕臣工上下交修一御殿朝见批发章〈足 毓-金〉一躬亲 郊 庙一早定国本一除补缺官一行取科道一录用废弃一优客戇直一停减织造烧造一收回矿使一撤皇店税监一〈目 宀十见〉宥左右细过一开释系狱轻犯〈足 毓-金〉入 上答曰览奏悉见忠爱其事关联躬者已知诏赦蠲逋并戒谕百官卿甘□寺议拟以闻应缺官员吏部拟推来用卿甘□寺亦思元首股肱之义愈摅忠盖任怨任劳克赞化理共图消

弭勉励办事不必陈辞

○庚辰陕西鲁班甘□寺七寺番僧令治速南等三十五名进贡宴赏如例

○大学士张位等复< 〇〇〇 毓-金 >请矿店二事言臣昨所进言非欲即停止实欲调停善处使上不亏国课下不累穷民若以差官可信抚按部臣不可信则国家财赋千万皆托地方有司徵角□羊法度严密与无籍之徒欺罔侵隐者大相悬绝望特发 明旨收回矿店诸臣敕令抚按部臣管领其事其自陈一节或止令在京二品以上自陈其三品以下及南京与督抚甘□寺官止免以省烦扰

○大学士张位等拟请升殿常朝及发敕甘□寺项暂改于文华殿文华门

○大学士赵志皋< 〇〇〇 毓-金 >言时政一崇敬畏以格天心一躬祭祀以祈神祐一复朝仪以肃众志一定国本以慰人心一听忠言以举善政一行选取以惜人才一补缺官以修庶政一起罪废以慰人心一罢矿税以释民怨一平喜怒以安群情一慎刑狱以惜生命 上报闻

○礼部尚书范谦条上修省事宜一请 皇上躬告 郊 庙 社稷遣官分告秩祀神祇一延见群臣一戒谕百官一罪已肆赦一告谕诸藩一录用废弃一补大小缺官一行选取一撤矿使一罢畿辅店税得旨 上天示警朕心兢惕所奏修省事宜关联躬者已知其余该部速议来行务修实政以回 天意

○右副都御史张养蒙言重灾不可再玩实政不可再虚乞 圣明正己心以回天心戒心有四一曰好逸裡祀倦于躬亲朝堂倦于时御章奏倦于批览斋居静摄乾健不息似不如此一曰好疑遇人疑人遇事疑事疑及于近侍左右莫必其生疑及于外庭寮采莫举其职为物不二似不如此一曰好胜厉威严而宠愚智喜谄谀而恶戇直馱封驳而乐传宣下济光明似不如此一曰好货以聚歛为奉公以投献为尽节珠玉惟恐不丰锦绣惟恐不侈琼林大盈竟为谁积造物忌满似不如此四心既戒则百志惟熙以此回天心何灾异之难弭哉< 〇〇〇 毓-金 >入不报 ○大学士赵志皋张位沈一贯各上< 〇〇〇 毓-金 >劾罢以谢天谴 上令共图交儆不允所辞

○壬午吏部议上补官选取求言三事奉旨缺官准陆续推补科道官务选老成正直者见在听补者先具题请旨其钦降罢斥官员访择可用者分别甘□寺第< 〇〇〇 毓-金 >闻

○吏部奉旨分别为民官员人品正大心事光明急宜起用者王教范俊赵南星张栋王如坚马经纶王学曾钟羽正顾宪成郭实雒于仁李沂冯从吾张贞观才有足录过无可弃亦宜起用者乔□□□□罗大竑冀体任彦檠李献可区大伦王佐叶继美李来命武尚耕蒋时馨安希范张同德吴弘济李瑄冯生虞何选钦勾科道及因事因人误陆续起用者耿随龙邹廷彦黄运泰黎道炤毛一公王有功李宗延王慎德孙羽侯袁可立李本固费必兴卢大中柳佐李文熙聂应科叶龙光项复弘姜仲轼蔡宗明周嘉宾王宗蓁徐文斗钦降官人品正大心事光明急宜优用者邹元标林材万国钦林培韩范

遂中立林熙春杨恂何乔远朱爵才有可用者过有可原亦宜优擢者王绍先顾文选俞价孙如法杨东明张涛鹿久徵顾允成周希圣刘弘宝陈洪烈薛敷教曾砺谢廷策张纳陞胡克俭因人诬误陆续升用者刘士瞻黄中色章嘉祜时偕行杨述中江中信何出图郝名宦柴恪王金星袁惟庆钱焜胡士奇为民谪降内议论未定者卢洪春黄正宾钱一本孟养浩陈尚象涂杰丁<☰ 楸心>逊叶初春舒弘绪邹德泳吴之佳唐世尧陈遴玮杨其休谭一召孙继有卢明谏姚三让吴礼嘉岳元声朱长春姜镜夏思郑如川伍文焕綦才顾际明薛继茂何远于孔兼曾伟芳陈楚产程僖张集义强思杨文焕周弘禴周玄暉沈昌期夏之臣涂乔迁朱凤翔吴文梓王德完贾名儒

○刑科都给事中侯廷佩因灾上言谓臣有过君谴之君有过天谴之人怒以气天怒以火怒气彻天怒火发焉祭祀不亲则天怒开矿铲山则地怒故回天之怒务动天之喜唯即阁臣部臣所请速赐施行则人心悦天意亦悦矣

○礼部议上祭告事宜 上因惊颤服药调摄命暂遣官恭代

○通政司左参议屈灼请急行修省实政曰罢开矿<☰ 六十见>近侍赦曹学程起諫官勤朝讲亲 郊 庙下章奏举冠婚急行取停皇店不报

○癸未赐三辅臣鲋鱼

○大学士张位甘□寺拟暂停正史纂修事务以皇极门左右两廊被灾故也

○兵部左侍郎李桢请补本部尚书命吏部开原推职名具奏

○以浙江右参政唐守钦兼佾事调温处兵巡道从抚臣请也

○升左春坊左庶子兼翰林院侍读刘应秋为国子监祭酒

○甲申以火灾遣公徐文璧等分诣 南郊 北郊 社稷太庙 朝日 夕月坛及 太岁 东岳甘□寺神祇致祭 上于宫中行拜礼

○赐三辅臣收回祭设三卓

○复除科道官十一员刘为楫吏科都给事中杨廷兰吏科左侯庆远兵科右项应祥曹大咸俱礼科曹楷刘曰梧陈效俱浙江道御史赵标河南道冯应凤江西道张大谟湖广道

○六部九卿各上<☰ 铤-金 >自劾求罢不允惟吏部左侍郎孙继皋准回籍

○以宣大总督标下游击刘縉国为协守大同副总兵榆林卫副千户王武卿为延绥靖边营守备大同马邑城守备郑国珍为神枢营游击旧州守备丘英为神机营坐击

○命陕西总兵刘承嗣为南京前军都督府佾书甘肃总兵王赋业为右军都督府佾书

○以延绥参将王国栋为本镇领军游击原任副总兵骆尚志为神枢营右副将大同井坪城守备吴世登为总督宣大标下游击宣府四海冶堡守备宋德隆为大同入卫游击

○乙酉 孝庄睿皇后忌辰遣官祭 裕陵

○賜三輔臣及講官鮒魚有差

○丙戌戶部乞罷開礦店稅二事以圖修省實政不報

○丁亥 孝穆皇后忌辰遣伯吳國乾祭 茂陵

○諭禮部以 三殿災戒諭文武群臣及詔告天下其擇日具儀以聞

○己丑工部言修省事宜請停減織造及燒造二事不報

○翰林院庶吉士劉綱言天災重見譴告可虞懇乞 聖明實圖修省以弭凶敗并斥時祿輔臣趙志皋不報後當事以考功法鑄綱秩恚死公論惜之

明神宗顯皇帝實錄卷之三百十一

明神宗顯皇帝實錄卷之三百十二

萬曆二十五年七月庚寅朔黃花鎮雷火毀台垣及神火器具

○壬辰大學士張位甘口寺以戒諭百官請 上御文華門面發諭文旨暫免

○禮部上戒諭群臣及詔告天下儀注

○吏科給事中張正學言天變異常輔臣張位言礦店二事逢迎遷就甚為欺罔乞速停止以回 天意并容輔臣解任別置輔弼共圖泰運不報 ○直隸巡按蔣汝璠言火災示警請亟罷沿邊礦洞以杜虜衅不報癸巳敕諭群臣朕以涼德嗣守丕基夙夜兢兢克勤 天戒昨歲乾清坤寧宮災驚悸未定乃今年六月十九日皇極甘口寺三殿復災夫三殿乃朕奉 天紹 祖臨御萬方之地視寢宮猶重才踰歲所疊見咎徵變不虛生誰貽之戚蓋緣朕之不德闔于火中第防乾柄之下移不念亢陽之有悔諧臣頌為明聖則不覺其入深戇士激以危亡則更滋其不信上下之交否隔愆尤之積日多罹此大災罪其焉諉顧爾中外百職善能導朕者誰以模稜為長厚既無望其擔當以訕訐為風標亦奚資于補救言清行濁至誠感發之謂何陽是陰非盡力維持之安在事多請托官靡執持安攘無策而動輒誨張行業不修而竟為浮詭貪黷雖禁苞苴之入自如侈靡相高素絲之風絕少似此難窮之陋習已廬往歲之戒書曾莫省忱重干災變自懲自艾朕既知非分念分猷汝寧不愧茲用敕爾文武群臣其各痛滌前愆勉圖後效大臣務正已率屬無以禮法假人小臣務精白守官無以驕蕩凌德共建持危扶顛之策各摠奉公忱國之忱忠邪自炤于朕衷賞罰常懸于朕握國豈負爾爾無負予異命載頒咸宜遵守仍飭在外郡國邊鎮軍民有司一體遵行庶承 皇天仁愛之心用延國家靈長之祚欽哉故諭

○ 仁孝文皇后忌辰遣官祭 長陵

○是日例宜御門視事命暫于文華門行 ○直隸巡按馬從聘言近日泰山崩相離一里有余實由開礦斷絕地脈所致請亟停止以圖消彌不報

○刑部主事范鈞言明詔將下罪己之名雖聞罪己之實未睹即今二三輔臣泊各衙門條上事理當次第見之施行不報

○甲午升浙江左參政吳獻台為本省按察使

○调补原任湖广副使张尧臣于云南

○升宁波知府吴安国为浙江副使兵备金衢

○刑部尚书萧大亨请修实政以回 天意言今一事而株连数十人一题而迟留十数月有律无比附而钦定特重者有例无明载而遣戍极边者有谏言坐斩而在廷诸臣屡请未恤者有赃由风闻而家属淹禁无追者有罪止徒流笞杖应发落而不得释放者刑狱冤滥莫甚于此时将奉旨加罪十五名候旨未下并干连轻犯八十四名钦发追赃无证难结九名条列具陈不报

○乙未升山西右参政宿度为陕西按察使广东副使蔡应科为陕西右参政

○总督两广兵部侍郎陈大科因科臣徐成楚程绍论劾< 硃-金 > 辩乞休令供职如故

○予忻城伯赵泰修祭葬如例 ○予原任太子少保兵部尚书协理京营戎政傅希摯祭葬如例

○予原任太常寺卿徐元春祭葬已礼部言元春行贿败节不宜滥恩乞收回成命以示干进之戒

○延绥镇临边三道名曰三路中路则榆林西路则靖边东路则神木去秋中西二路套虏求款独东路庄秃赖桀骜不肯进马至是拥众离边一二十里结营御史于永清以闻请申饬督抚镇守诸臣相机战守部覆报可

○先是洋子江永生甘口寺洲为盗贼渊藪一值失事南北官兵互相推诿至是督抚议将永生洲地方添设把总一员召募官兵一千名雇觅沙舡四十只分哨巡守部覆从之

○吏部将升补各官查炤原题开列 上请定夺不报

○丁酉诏赦天下奉 天承运 皇帝诏曰朕仰荷 天庥恭膺宝历二十有五载于兹追惟嗣服之初盖亦无时豫怠第缘岁积颇恃政成兼以多病侵寻犹湏深居静摄郊 庙阙躬承之礼朝讲希临御之时喜怒有失其平用舍未归于当章奏每滞官曹半虚忠言寡闻民隐莫达方隅多故兵食之徵调日繁营造又兴开采之徵求四出加之旱乾水溢析民室家污吏贪官朘民膏血从此人怨屡干 天和乃于万历二十五年六月十九日皇极甘口寺殿皇极甘口寺门文昭武成二阁内外周回廊房一时被火夫寝宫煨烬曾几何时正殿崇严又复罹此震惊 列圣忧戚 慈闱踏地局天靡所容措况一人统御之地乃万国衣冠所归 天意若斯朕实不德兹已虔申吁祷痛加艾惩被志改图誓从今始严敕庶位各献忠猷惟 天视听在民惟民归依在德爰稽典制特布诏条庶藉有众之欢以回 皇穹之眷消咎徵于已往迓福祉于将来所有< 硃-金 > 恤事宜备列于后一自万历二十五年六月十九日昧爽以前官吏军民人甘口寺有犯除十恶至死与诈传诏旨交结近侍通夷失机强盗人命及侵盗服御边腹仓库漕运没官钱粮并贪赃枉法逆党左道营干金口赞刺指称诬骗潜住京师窥探为奸者不赦外其

余不分已发觉未发觉已结正未结正咸赦除之若奉钦依的还奏请定夺有以赦前事相告言者不许准理一凡政治得失军民利病及可以正士习纠官邪剔奸蠹裕军国甘□寺项中外臣工各宜讲求长便直陈的确以求实用如有不公不法科道官即时参奏不许容隐一凡钦降罢斥官员吏部遵炤新旨访择可用者分别甘□寺第查开职名议拟具奏其各衙门缺官准陆续推补相应员名补用一内外文武官员住俸戴罪者悉皆宥免炤旧开支管事一罢闲甘□寺官不系考察被劾贪酷在逃但因事诖误原为民者许复冠带原闲住者许复原官致仕举监生儒吏员人甘□寺有不系干碍行止违法受赃止因公众罪情将一二问革示警者许其<□□ 铨-金 >辩奏请定夺一抚按官专制一方朝廷重托乃有地方利弊通不究心官吏贤否偏信耳目供张僭侈费用浩繁岁时庆贺之仪不胜奔走廩饩常供之外复多馈遗司道官又借视听于窝访取私费于官库以致贪官污吏有恃无忌收徵则增加火耗更添劝借名色听断则无端株连惟求赃罚充盈仍复多揽浮薄生徒曲媚奸顽里老受贺仪纳旗帐收门生结通家建生祠立政碑官箴既已废隳惠泽何能及下除已往不究外自今以后抚按官宜正己率下申明宪条违法有司痛加戒饬参处以肃吏治以安民生抚按不称者科道官实指纠举毋得容隐一近来私揭公行颠倒是非奸人得志善类含冤至有属官揭害上官军民诬蔑本管若有仍行投递者各衙门不许受理举发治罪其奸徒驾言报效恐赫官民挟骗财物但有实迹许抚按官即便严拏正法重者问拟具奏一宗室子女奏请名封选婚者赍奏人役故将文书要紧字样涂改计骗以致立案不行及行查勘承奉长史甘□寺官搽寻抑勒年久无力停废失所今后凡经参驳作速查报该部勘无违碍即与题覆其事体不明者俱炤先年题准要例一体查勘选择仪宾只听宗室自择良配不许有司给文挨选反成担阁一宗室节年因事减革禄粮者除败伦伤化奸盗人命重情外其余诏书到日全革者准支三分减去一分二分者准复全支以资养赡一宗室禄粮除宗少禄足地方外其宗多禄少地方有司设处无措耽延欠缺养赡何资今后禄粮不足处所着布政司查炤旧题限禄之法将见在应给禄数均派概省田地出办以免设处偏累永为定额不复增减庶使宗禄无缺民困可舒一各宗庶人粮石多寡不同原因所犯有异近来有司不审来历不查要例概以宗室视之任意多寡有原多而给少者有原少而冒多者今后务查明白不许一概混施有失亲亲差甘□寺之意一各处孝子顺孙节妇列女多有贫微幽僻湮没无闻有司加意体访查实具奏旌表军民职官有歿于战阵王事未蒙优恤者抚按查勘明白奏请其道路遗骸所在有司务与掩埋无令暴露一各省直军民人户拖欠除金花漕运粮料王府禄粮炤旧催徵外其余夏税秋粮马草农桑人丁丝绢布疋丝绵花绒屯田庄田籽粒门摊商税户口食盐米钞诸色课程盐课鱼课富户甘□寺项自万历十七年以前如已徵在官及已经角□羊户人甘□寺收受者仍截数起角□羊其有未徵在官系小民拖欠者悉准蠲免不许将已徵捏作未完侵欺作弊如发觉治罪一苏松常镇四府钱粮较各省直拖欠独多念先年连被水灾特与蠲免万历十八年一年一

山东河南南北直隶各该牧马草场籽粒租银自万历十七年以前悉准蠲免一各省直岁办光禄寺菘笋果品厨料粳糯米折银青白盐斤粟米黄菘赤黑豆廿口寺项供用甲丁廿口寺库蜡茶银朱铜锡廿口寺料自万历十七年以前悉准蠲免一各处起角口羊粮草廿口寺项中途遇有水火盗贼曾经所在官司勘明到部者自万历十七年以前悉皆宥免一各镇曾有口人攒典侵欺浥坏本折米豆草束追赃正犯或系亲父及子孙与同居共爨兄弟监造五年之外勘无家产者银二百两米豆五百石草八千束以下者径自豁免银三百两米豆六百石草一万束以上者奏请定夺其余亲族与罪犯无干被累者不论年月远近欠数多少俱准豁免若有曾经奏请者仍奏请定夺一各处江河湖海有天涨涂田水荡砂塞冲徙不定粮税赔贝口皮累民逃窜者地方有司踏勘准与减免摊派但毋令钱粮亏损额数一鰥寡孤独废疾之人有司依例存恤勿令失所在京在外安插官房给散粮米务令均沾实惠毋许棍徒包揽侵匿虚耗钱粮一军职官被参降黜除一应重大事情不赦外其有牵挂失误被人指栽陷害情可矜疑及因父祖同寮连累与混保不应替袭查无贿嘱情弊廿口寺项罪名咸与湔除奏复许其自新一运粮管班管屯管捕管局廿口寺军官违限误事被参降调系二十五年六月以前者不拘已未问结该抚按官分别轻重久近具奏定夺屯田籽粒年远久拖者并议 上请蠲免一各边军民人廿口寺或因犯罪逃入虏中或因抢去遂为虏用有来归者咸赦往罪所在官司务加存恤安插如有率归众多及番夷归附者厚加抚恤仍具奏酌赏录用一武官袭职十年以上人文不到部者例不准袭但路有远近家有贫富概行革袭不无可悯今量 < 〇〇十见 > 二十年以内者仍准替袭其久未续黄许本卫所保勘明白准续一罪废将领见今征倭御虏有能自效立有功劳在叙赏之列者许其赎免若功次与赎相当有余仍与勘酌优叙如大僻永戍湏大功方赎其间更有特建奇功不妨越次重用一京营巡捕倒死马匹应追买补及桩棚廿口寺银除已徵在官外未完者悉与蠲免顺天廿口寺府寄养马匹有十年以上不堪充军负累小民餒養者太仆寺督令州县正官酌量变价角口羊寺买马支用一起角口羊清勾军人极为里甲苦累今后勾角口羊除嘉靖以后犯罪发遣军人仍旧外其远年祖军本族丁尽者准销有丁者许赴告清军衙门类题到部具奏改充附近地方一内外各衙门见监应决重犯今岁暂免行刑一内外问刑衙门有因正犯在逃监禁家属日久不获者除叛逆剧贼外其余悉令保候挨拏有情罪矜疑律例不合事难决断与人命无尸可简强盗赃仗不明及年久无赃人犯无证原问衙门未成狱者即与从轻当奏请者即与请谳寄监人犯暑月易生疾疫每夏四月比炤热审事例清查释放一充军终身人犯已经着伍如不系引例发遣及年七十以上并残废笃疾不堪差操者俱准释放一免死充军本因矜疑 < 〇〇十见 > 典而致累其子孙因轻及重深为可悯今后止发烟瘴极边充军终身若复逃归本乡仍坐以死一内外各衙门追赃正犯除情罪明显炤旧监追外其查盘坐侵访察出入原无证据者如果查勘家产尽绝不分年月久远不论还官入官给主约银一百两以下径自豁免一百两以上

奏请定夺内外各衙门追赃家属系正犯亲父及子孙与同居共爨兄弟监追五年之外勘无家产者银二百两以下径自豁免二百两以上奏请定夺其余亲族若平昔与犯罪之人无干被累者不论年月久近银五百两以下俱准豁免五百两以上及曾经题奉钦依者仍奏请定夺其经管钱粮人甘□寺查盘坐侵以监守自盗论向无刺字之例不许刺字一内外各处造作除城□□亘河道仓廩官舍急务具奏修理外其余一应不急之务暂且停止各衙门不许擅自移文兴工修造果有应造者奏请定夺一浙江布政司并南直隶松江镇江二府自万历十五年以前拖欠未角□羊纒丝纱罗绫锦诏书到日即查价银如系机户领出侵废见监追者不赦外凡系小民拖欠查明确数听彼处抚按官具奏请旨定夺一各省直甘□寺处额办四司料银匠价鹿皮狐皮翎毛天鹅毳麻毡料苇课黄麻铁甘□寺料折色银及额办白麻生铁红生熟铜生漆鱼胶桐油银朱猫竹水竹班竹棕毛树毛甘□寺项本色物料自万历十二年起至十五年止已徵办在官者截数起角□羊未徵在官果系小民拖欠者悉行蠲免一山西额派柴夫木柴银两自万历十二年起至十五年止如果小民拖欠未徵在官者抚按官查勘的实悉行蠲免其已徵在官者尽行起解以上俱不许乘机将已完者那补别项钱粮及经收员役侵克入己如有此甘□寺听抚按官参奏重处于戏我国家忠厚比于行苇旧德弘深予一人儆戒切于苞桑新恩溥被式慰渴悬之民望仰承 仁爱之天心敷告四方咸宜知悉

○时卿寺大臣各以修省自陈独刑部尚书萧大亨侍郎朱鸿谟都御史郭维贤掌詹事府侍郎刘元震协理京营都御史李春光顺天府府丞刘士忠<□□足 铨-金 >久不下至是阁臣张位甘□寺以简发请不报

○下江西副理问传相儒于法司问以所角□羊金花银两内有假锭也

○调补原任云南右参议袁应文于广西

○下吏部参看司经局洗马邹德溥先是霍文炳有没官宅一区内埋银二万五千余两德溥门生王良材侦得其实以告德溥遂相与僦房而分之至是东厂以闻御史况上进<□□足 铨-金 >论伪学盗臣请速行罢斥部覆得旨邹德溥隐匿官赃玷辱清班革去冠带为民永不叙用法司仍严追赃如数角□羊进

○金华府人赵汝宾援纳吏役值同郡贡生赵之宾挂选病故名籍颇相类而舞文积书姜应周遂与汝宾谋贿冒贡生名伪造文牒倩人赴试已选晋江簿及谒部为铨郎发觉事下刑部部议二犯俱斩从之 ○吏部应变陈言请亟简枢臣工臣不报

○吏科都给事中刘为楫言大臣引咎自陈乞分别忠佞以回天变请斥赵志皋范谦周思敬之奸下萧大亨李春光刘元震朱鸿谟郭惟贤刘士忠之<□□足 铨-金 >不报

○戊戌建州甘□寺卫夷人都督都指挥速儿哈赤甘□寺一百员名纳木章甘□寺一百员名俱赴京贡赐宴如例

○陕西鲁班甘□寺七寺刺麻番僧令治速南甘□寺三十五名赴京进贡赐宴如例

○辛丑以写篆 恭顺荣庄端静皇贵妃圻志赐二辅臣各银十两钞二千贯及中书官孙说廿口寺六员有差

○壬寅 孝安皇太后小祥辍朝不鸣钟鼓是日例于西角门视事亦改于文华门后以为常

○时山西巡抚魏允贞上君臣交倣< 〇〇〇 毓-金 >称召变致灾咎在辅弼欲 上一赐诘问使之改弦易辙因历数辅臣廿口寺罪于是大学士张位< 〇〇〇 毓-金 >辩臣素无意显融误蒙知遇一二知友见臣不希矫抗之名疑臣为曲学不知调和燮理之任与明争显谏殊科臣之所操是或一道也其谓臣昔以覆留拾遗之故而恨考功赵南星又以申救考功之故而处部臣六员不知部官专权结党之旨乃 天语非阁票也陈泰来廿口寺降级调外之旨乃 御批亦非阁票也况此时臣尝随同官揭救存阁可证乃驾此诬臣大不伦矣又谓臣恨尚书孙鑰倾之使去而因及其弟矿恨尚书孙丕扬倾之使去而因及其友吕坤此又允贞之误听也鑰矿与臣雅相钦重丕扬以病乞身每上一< 〇〇〇 毓-金 >辙有一帖与臣廿口寺求早生还臣愚以为信然于其第二十< 〇〇〇 毓-金 >为一票去也若夫吕坤之去则自言官论列 圣心独裁臣并无一票拟去而悠悠者平白巧诬臣不早引去奚胜为人射的哉乞赐罢免以为不职召灾者之戒得旨边抚自有职守如何干预朝政借言攻击辅臣殊失大体朕已置之不理卿不必苦辩即出佐理以副眷怀

○大学士赵志皋沈一贯各上< 〇〇〇 毓-金 >乞罢志皋辩馈所辞不允一贯言升荫一节乞尽划銜名亦不允

○尚宝司卿颜素以病乞归许之

○癸卯升湖广僉事陈惇临为本省左参议

○升陕西左参议李应祥为湖广副使

○升广东副使胡桂芳为湖广右参政兼僉事兵备岳州

○宁夏河西密迩松山河东逼近河套虏酋著力兔宰僧诸部落数盘据境外为患万历二十四年九月间入犯平虏横城地方官兵奋剿共斩首二百七十五颗按臣勘实以闻 上以斩获数多总督李汶加太子太傅于原荫儿男加升一级赏银六十两大红纒丝四表里巡抚杨时宁升右副都御史荫一子锦衣卫试百户不世袭赏银五十两纒丝四表里与李汶各炤新銜给与诰命总兵李如柏升右都督荫一子本卫试百户不世袭赏银四十两纒丝四表里参政尹应元升职一级副使王道增升俸一级副总兵马孔英遇大将员缺推补参将邓凤加副总兵斤衙事游击吴宗尧准实授应元以下各赏银有差

○甲辰荧惑犯岁

○中元节遣侯郭大诚等分祭 九陵伯张元善祭 景皇帝陵寝都指挥使郑国泰祭 庄敬 哀冲二太子坟

○山东巡抚张允济条上防海事宜一重将权以便统驭一添兵将以备莱海一复旧营以周控制即墨西流杜营增募官兵复设守备一员统练策应一分防守以扼要地一留班军以壮气势一讨民折以供新饷一并兵力以守险寨青州塘头寨西接天津中有大海口洱河甘口寺处取为要害原设官军单薄可虞议调乐安寿光二县乡兵各二百共原军五百名合操防守一复卫所以固藩篱部议山东原无路将不必添设大帅即将副总兵管登莱青备倭参将事莱州亦不必添设游击增募各兵仍听副总兵训练班军戍边难以借留余皆如议报可

○直隶巡按周盘条上防倭四事一议复饷兵以足战守淮南六营复官兵二千八百八十六名沙艇三十只淮北三营复官兵一千一百员名一移建营屯以据要害通州副将移驻狼山一增修城堡以资保障一稽练鱼艇以消祸患将沿海渔艇编伍约束仿保甲法部覆允行

○乙巳福建巡按金学曾条上防海四事一守要害谓倭自浙犯闽必自陈钱南麂分<■舟宗>台礮二山乃门户重地已令北路参将统舟师守之惟澎湖去泉州程仅一日绵亘延袤恐为倭据议以南路游击汛期往守一议节制谓福建总东原驻镇东但倭奴之来皆乘东北风福宁福州乃其先犯镇东反居下游欲将总兵于有警时移割定海以便水陆堵截一设应援造大小战艇四十只募兵三千名遇急分投应援一明赏罚部覆允行

○礼科署科事给事中项应祥陈修省急务言 郊 庙宜亲朝讲宜行 皇长子冠婚宜举章<■足 毓-金 >宜答刑罚宜平矿店宜罢不报

○山西巡抚魏允贞上言举佚贤以俾内治事臣闻晋欲谋虞其臣曰有宫之奇在淮南王谋反独计汉庭汲黯直谏守节宋以司马光为丞相辽人至谓其疆吏曰中国相司马矣慎无开隙则中国之所为制胜夷狄者不独边才也心膺之臣以德望胜则王家屏股肱之臣以才猷胜则陈有年沈鲤李世达王汝训耳目之臣以忠谏胜则史孟麟张栋万国钦马经纶郎署之臣以清议胜则顾宪成赵南星邹元标此数臣者或德可佐圣有论道经邦之谟或才足济时着率属倡牧之绩或清比冰玉一介不肯伤廉或忠贯金石百折不能易志或以执法受疑或以直言被放诚慨然起之废闲列于有位将不为司光马宫之奇汲黯诸人者乎且诸臣之贤群臣举者多矣 陛下一不见信岂以群臣所举皆私所好耶诸臣去任已久而公论金推正所谓国人皆曰贤也 陛下何疑焉乞将王家屏等亟赐起用庶显忠遂良风在朝廷向德畏威服在四夷其利奚止一边计一方面得人之比哉不报

○丙午升翰林院侍读朱国祚为左春坊左庶子仍兼原官右中允兼翰林院编修郭正域叶向高俱左春坊左谕德兼翰林院侍读国子监司业方从哲右中允唐文献俱右春坊右谕德兼翰林院侍讲编修全天叙为左春坊左中允简讨萧云举为左春坊左赞善俱兼官如故

○升户部右侍郎周思敬为左侍郎都察院左副都御史张养蒙为户部右侍郎

○命左军都督府佾书署都督同知萧如薰以原官充总兵官镇西陕西
○命陕西抚按官拏角□羊采矿百户刘议言来京究问以内监劾其诈伪骚扰也
○吏科甘□寺科都给事中等官刘为楫甘□寺言用人宜通矿店宜罢刑狱宜清郊庙不可不躬亲 皇长子不可久稽冠婚册立最为修省之大不报

○丁未 成祖文皇帝忌辰遣侯陈应诏祭 长陵

○礼部尚书范谦以吏科都给事中刘为楫论劾乞休温旨即令供职

○升户部郎中李开芳太原知府钱守成各副使开芳广东守成山西

○调河南副使李景元于陕西

○戊申山东道御史乔璧星为信诏旨行实政以弭天谴事一早罢开矿一早罢店税一早雪冤狱

○直隶巡按杨光训言 天心仁爱益彰 圣躬责修宜实请首举 皇长子冠婚之礼特沛新纶简三堂实两署除起复允行取补地方之缺员从铨衡之推拟起贬斥之臣释曹学程之囚停开矿之役诛献木之商罢石星以归田许孙继皋以回籍一转移间而国事振人心洽于回天谴也何有不报

○礼科给事中曹大咸乞用人图治以答 天心请察在廷诸臣寥落景象

○己酉山西巡盐吴楷直陈修省之要极言矿害乞罢开采不报

○庚戌升协守辽东西路副总兵署都指挥佾事赵梦麟为署都督佾事挂印充总兵官镇守甘肃甘□寺处

○辛亥时顺天府乡试届期例用府丞提调而刘士忠自陈<□□ 毓-金 >久不下于是阁臣再<□□ 毓-金 >简发不报已命太仆寺少卿孙玮提调科场

○壬子礼部言 皇长子冠婚大典不可再缓请择吉议行大学士张位甘□寺言皇长子年已十六冠礼逾于常期婚礼不能及期矣臣甘□寺每侍讲读窃见睿体豊隆睿性敏达日充日长大异往年及兹宜室宜家弘开麟趾此宫闈至乐望 皇上特谕下部即具仪注册立与冠婚并行因拟谕帖以进不报

○调山东副使杨植于河南湖广副使董元学于陕西

○升山西右布政使杨易从为山东左布政使 ○癸丑刑科都给事中侯廷佩言三殿告灾大臣自陈随蒙勉留独萧大亨朱鸿谟郭惟贤刘元震李春先刘士忠未下岂以大亨甘□寺可应天变乎不知召灾者大臣中有人劾首辅赵志皋

○甲寅升光禄寺寺丞张鸣冈为南京大理寺右寺丞改光禄寺少卿何倬为尚宝司卿南京吏部主事吴华为尚宝司司丞

○兵部左侍郎李楨请急补枢臣言部推六臣如邢玠已竭力疆场外其萧大亨李汶周世选田乐王世扬足备任使此外京都品位相当者杨俊民李春先徐作李颐而留都相应者陈于陞赵参鲁惟 上取而用之不报

○陕西巡按于永清直陈一日太平十事下章奏补缺官遂首辅之高允枢臣之去

正王守仁之法宥曹学程之罪允行取辍织造停矿役举行 郊 庙 朝讲不报

○乙卯大学士赵志皋廿□寺奏言自 恭顺荣庄端静皇贵妃薨逝暂免日讲讲章今发引事毕请接续撰进不报

○丙辰大学士赵志皋十三< 〇〇〇 毓-金 > 恳赐放归 上命鸿胪寺堂上官谕留不允所辞

○总督邢玠计拘沈惟敬请 旨处分 上命押解来京姑送法司监禁候事完问拟沈< 〇〇〇 懋心 > 时廿□寺递角□羊回籍余党着厂卫及巡城严加驱逐仍有潜匿京边者缉拏重究当玠受事时以惟敬出入倭营久恐其急而走险也先为二檄谕安之阴令大帅麻贵以惟敬属杨元四路设伏以防其走其原带辽兵二百余以更换为名令麻帅撤之及惟敬见事不成欲跳庆州与清正讲事元遂执送王京操纵缓急颇中机宜云

○以宣府保安旧城守备署指挥佥事白慎修为延绥游击辽东海州备御指挥佥事赵良俊为本镇游击辽东海州左参将张光先为分守本镇开原地方参将延绥守备署指挥佥事张迁为分守本镇高家堡地方参将

○总督邢玠条上用兵方略言先是总兵麻贵密报候宣大兵至乘倭未备先取釜山臣谓一取釜山则行长擒清正走自是奇着时该镇尚未至平壤杨元吴惟忠甫至王京拟遣二将分屯全罗之南原庆尚之大丘庆州大将军驻王京居中调度已闻南原城圯尽樵刍不继庆尚一道半为贼据孤军难入乃檄杨元赆饷整理南原吴惟忠姑住中州入夏雨如注麻将军七月初始至碧蹄计至王京去釜山千四百里而南原中州并相去数百里势难趋捣且行长营釜山清正营西生浦如破釜山陆路必由梁山梁山西北有峻岭路险绝南有三浪大江直通金海竹岛二处皆咽喉地倭并伏劲兵不可不防水路必由巨济加德安骨三处亦咽喉加德安骨倭舡鳞次独巨济尚无屯兵可以先据又恐一过梁山三浪江倭水陆各一枝在梁山东西扼险吾后无应援再益以机张廿□寺兵自东来益不可当如破清正陆路自西而东则由东莱机张自北而南则由庆州蔚山此路东南大海西北山岭稻田止可用步兵水路必自东而西由长鬐甘浦开云而长鬐水兵极单弱故虽有奇着而势未可乘臣以为倭所依者水而水战不利正兵湏东西各水兵一枝牵其回顾陆兵方可冲突仍一军屯南原捍全罗一军屯大丘扼庆尚一军屯全庆中如晋忠宜宁为中坚然后分向釜山机张两陆路水兵东西四面齐发此正着而兵粮不齐难轻动请持久以老之< 〇〇〇 毓-金 > 闻 上谕与经理总兵密图进止朝廷信任自专惟求全胜不论迟速

○丁巳先是顺天科场提调用太仆寺少卿孙玮吏科都给事中刘为楫言代庖不便请以府尹田畴兼摄 上以其阻挠专擅诘责回话为楫认罪乃夺俸半年

○命户部尚书杨俊民暂署都察院印信

○南京通政使司右通政孟一脉以病乞休许之 ○升户部主事梁祖龄为山东右参议兼佥事备兵宁前

○补调简原任江西右参政郑时章为云南副使备兵曲靖

○戊午直隶巡按周盘陈修省之寔以弥灾变事 郊庙必亲以答 天地 祖宗之贶朝讲必举以通内外远迩之情正储位以释群疑收矿使以消隐患起罪废于草莽贷狂直于囹圄铨补久缺官员批发屡停章奏出帑藏以佐公费止采买以苏民力御近习而广好生减织造而示俭约不报

明神宗显皇帝实录卷之三百十二

明神宗显皇帝实录卷之三百十三

万历二十五年八月己未朔庚申以

万寿圣节赐辅金万寿字二副银万寿字二副金篆字八个金书红符一道银书红符一道及讲官刘元震等二员有差

○除庶吉士朱延禧黄志清南师仲陈之龙何宗彦刘纲赵用光孙如游邓士龙顾秉谦为翰林院编修简讨

○授庶吉士刘余泽白瑜俱祺为科道官

○升云南右布政使王桥为贵州左布政使 ○辛酉大学士张位廿□寺言今日轮直讲所侍班窃见 皇长子读书写字功夫大进不胜主器之庆顾古今事迹具在史书而开发心灵湏知比时请今后将通鉴逐日与经书相兼讲角□羊或 皇长子属思成联随仿纸并呈 御览得旨览奏朕心嘉悦但皇长子质体脆弱不耐久劳通鉴俟旨进讲对句间日一行

○湖广巡抚李淦阳以久病乞归许之

○命发窖房银十五万三千六百八十余两角□羊运蓟永密三镇为新募南兵六千名行月二粮并马匹料草之用以户部言库贮不敷也

○直隶巡按乔廷栋请罢矿正储以回天意不报 ○壬戌京师风雹

○癸酉降原任广东右参政朱东光为广西右参议

○升副总兵管分守倒马关参将事署都指挥僉事王永寿为署都督僉事充五军营副将

○甲子宴乌斯藏阐化王进贡番僧朵尔廿□寺一十五名候徐文炜待

○丙寅 孝康敬皇后忌辰遣伯卫国本祭 泰陵

○大学士赵志皋以久病屡<□□ 毓-金 >乞休至是复进阁办事<□□ 毓-金 >请册立冠婚又请复常朝皆不报

○加总兵麻贵提督南北官兵御倭总兵官原任总兵董一元以原官充总督标下参赞从邢玠请也

○改中都署留守朱应兆为署都指挥僉事以参将銜管庙湾游击事

○丁卯祭 先师孔子遣尚书范谦行礼

○命中允全天叙修撰焦鉉主顺天试谕德朱国祚中允叶向高应天编修杨道宾

吏科给事中戴士衡浙江编修董其昌户科给事中程绍江西编修刘曰宁兵部员外郎黄炜福建编修冯有经兵部主事冯上知湖广尚宝司卿蒋春芳户部主事李长庚河南吏部主事钱养廉工部主事沈朝焕山东光禄寺少卿何倬大理寺寺副石九奏山西兵部主事田立家中书吴仁度陕西刑科给事中李应策中书侯执躬四川户部主事邓原岳行人陈嘉训广东工部主事张宗孔行人汪若霖广西户部主事王天合行人沈时来云南户部主事苏茂相中书钟兆斗贵州各主试

○加陕西兵粮道参政兼佥事尹应元为按察使 ○加浙江处州守道参政冯时可为按察使兼参议宁波海道副使吴鸿洙为右参政兼佥事炤旧管事以抚按奏久任也

○铸给充东充西各分巡道关防

○先是以黄埭塞口众议未定下漕盐御史会同河漕大臣详勘议具奏至是总河杨一魁仍主前议< 〇〇〇 毓-金 >言今黄河南旋至韩家道盘岔河丁家庄俱岸阔百丈深踰二丈名曰铜帮铁底故道也刘家洼始强半南流得山西坡永涸湖以为壑出溪口入符离河亦故道也惟徐邳运道浅涸诚为可虞所以首议< 〇〇〇 毓-金 >小浮桥寔因其势而图资其利乃小决小试颇有效验若将小浮桥再加挑辟未必不为运道之利计不出此而欲自黄埭挽回全河必须挑四百里淤高之河身筑三百里南岸之长堤不惟所费不貲抑恐后患无已御史杨光训周盘马从聘亦议止挑扫湾直渠展济浊河及筑山西坡归仁堤以济运护 陵费省功倍与总河合独总漕褚鈇意见不同部请再行会勘工科给事中徐观澜言埭口之堪三臣既同善均从众不必再勘请专任河臣以责成功 上是其言令该部行河臣悉心经画应与漕臣会议者不妨从长计议毋得各持异议

○戊辰祭 太社 太稷遣公徐文璧代

○己巳秋分祭 夜明于 夕月坛遣公徐文璧行礼 周天星辰甘口寺神遣尚书杨俊民分献

○时四川采木建昌去省城三千余里采运人夫历险渡泸触瘴死者积尸遍野御史况上进< 〇〇〇 毓-金 >陈其状言川民各就本地采木业有次第而陡有尽用建昌杉木之令此贪吏以杉木为奇货假公济私耳请行抚按官听民就近采取惟期坚实可用不必拘定地方并将官价令司道官先期给散无假手吏胥以滋乾没部覆从之

○工科给事中杨应文亦以建昌采木事论劾参政刘卿旨下吏部

○庚午升翰林院编修杨道宾为国子监司业

○调河南副使刘大武于山西备兵宁武

○升山东佥事戴燦为广东左参议

○辛未升神机营佐击署都指挥佥事白梁为五军营参将

○南京科道各遵旨会举边才俱未下

○壬申起原任应天巡抚都察院右佥都御史刘应麒以原官巡抚湖广

○升户部郎中王应霖为陕西左参议

○癸酉以中秋节赐三辅臣上尊珍饌

○乙亥以 万寿圣节遣候张炳甘□寺分祭 九陵伯陈如松祭 景皇帝陵寝

○賜三辅臣上尊珍饌

○朝鲜国差陪臣沈喜寿等三十三员进贺 万寿圣节并奏经理事宜给赏伴送如例

○丁丑倭破朝鲜闲山南原甘□寺处先是杨元以辽兵三千扼南原至是闲山失守倭遂薄南原十六日夜猝乘城元惊起帐中跣足跳走一军尽没游击陈愚衷在全州距百余里懦不发兵闻南原已破亦弃城北遁于是督臣请抽调南京浙直闽广水兵防倭内犯部覆命速行

○罰各省抚按官赵文炳甘□寺俸五月以考成未完也

○戊寅大学士赵志皋甘□寺以倭情紧急请点本兵力荐萧大亨不报

○升广西佥事陈堂为光禄寺少卿

○升贵州左参政王恩民为四川按察使贵州右参议莫睿为四川副使礼部主事来三聘为江西右参议

○升山东副使王学谟四川副使杨佩训山西副使杨绍程俱为右参政学谟绍程俱山西佩训广西旋改贵州

○兵科右给事中侯庆远言倭报旁午戎务纠纷乞亟定枢臣以弘济艰难

○己卯命左春坊左谕德方从哲翰林院编修袁道宗充 皇长子讲读官

○甘肃庄浪卫地震

○倭事孔棘刑科都给事中侯廷佩请发部堂自陈< 〇〇〇 毓-金 > 巡视京营给事中刘道亨请发戎政自陈< 〇〇〇 毓-金 > 吏科给事中林应元湖广道御史高举俱请简用枢臣皆不报

○庚辰 宪宗纯皇帝忌辰遣伯杨世楷祭 茂陵

○太湖县天降火光丈余不焚

○命编修史继偕顾天竣杨继礼陈懿典简讨传新德纂修六曹章奏

○升福建右布政使刘孟雷为山西左布政使 ○壬午榆林天鼓鸣

○遣户部侍郎周思敬祭 京都太仓之神

○癸未铸给高州府海防同知关防

○河南道御史赵标陈时事四大患一曰诏旨之不信一曰上下之不交一曰臣节之不振一曰人情之不安不报

○甲申京师地震礼部以修省寔事< 〇〇〇 毓-金 > 请得旨 上天仁爱不已朕心愈切省惕奏内事关朕躬者已知其大小臣工各要秉公除私尽职以图消弭

○辽阳开原广宁甘口寺卫俱震地裂涌水三日乃止宣府蓟镇甘口寺处俱震次日复震

○蒲州池塘无风生波涌溢三四尺 ○山东潍县昌邑安乐即墨皆震临淄县不雨濠水忽涨南北相向而斗又夏庄大湾忽见潮起随聚随开聚则丈余开则见底乐安小清河水逆涌流临清砖板二闸无风起大浪

○肃州凉州天有火光形如车轮尾分三股约长三丈松山天鼓鸣

○吏科左给事中杨廷兰因灾异频仍详举四方传报以闻

○云南大侯部夷奉学勾连猛廷瑞焚劫煽乱抚按以闻 上以奉学罪在不赦责廷瑞擒献自赎

○加李如梅署都督僉事充御倭副总兵赴朝鲜策应从邢玠请也

○浙江道御史刘曰梧请赐上方剑梟沈惟敬于境外即赐督臣有阻挠军机者以此从事又亟出曹学程于狱即令临阵监军不报

○丙戌协理京营都御史李春先再疏乞罢以吏科给事中杨廷兰劾其昏耗无为也不允

○吏科左给事中杨廷兰兵科给事中白瑜刑科右给事中罗栋因侍郎周思敬倡不救朝鲜之说各< 〇〇〇 〇〇 〇〇 >论其罪俱不报

○礼科给事中曹大咸言朝鲜与国不容轻弃引宋室不救辽金以为往事之验不报

○丁亥吏科都给事中刘为楫以天津兵寡备疏议行顺保永河真定地方查复壮快民兵部覆允行

○山东道御史涂宗浚以朝鲜危在旦夕沿海宜加堤防条上聚饷训兵用人赏功四事因荐原任巡抚郑汝璧甘口寺见任兵备万世德甘口寺使之拥旄建节以当一面

○礼部侍郎刘楚先再< 〇〇〇 〇〇 〇〇 >引疾不允

○经理朝鲜都御史杨镐条上朝鲜纳米十事一徵收新限该国税粮例于正月起徵今将禾熟早晚酌为限期大约不得过岁一加纳实职凡奉常事军器寺礼赞寺参奉奉事直长主簿判官僉正寺正甘口寺官俱开纳候补一外官升级一乞恩追赠一免罪纳赎一乡吏免役一奴丁免役该国驿递应承之人累世鬪族不许别业甚者驱闾阁为厮役良可痛恨今听其赎米还为良宗一贡紬折米一老军免役一尚义输官部覆如议上嘉纳之许以后都便宜行随具奏定夺

○刑部尚书萧大亨乞休得旨慰留

○浙江巡抚刘元霖三< 〇〇〇 〇〇 〇〇 >乞归以防倭事重不允

明神宗显皇帝实录卷之三百十三

明神宗显皇帝实录卷之三百四

万历二十四年十一月癸巳朔甲午祭 三皇于 景惠殿彻祭品颁赐四辅臣等

官

○乙未冬至节遣抚宁侯朱继勋武定侯郭大诚武安侯郑惟忠武平伯陈如松豊润伯曹元成南和伯方焯宣城伯卫国本东宁伯焦梦熊永年伯王栋于 长陵 献陵 景陵 裕陵 茂陵 泰陵 康陵 永陵 昭陵各行礼

○遣卫安伯张元善于 恭仁康定景皇帝陵寝致祭 上命遣官代填祝版

○遣伯朱世雍尚书杨俊民范谦轮看冬至祀牲 ○丙申 郊祀告成赏定国公徐文璧银五十两纁丝四表里

○蜀王进助工银六千两命工部收答王书

○丁酉 恭让章皇后忌辰遣官祭 陵寝

○戊戌刑科都给事中侯廷佩题臣尝读汉史仲长统曰光武愠数世之失权矫枉过直故不任下虽置三公事归台阁三公之职备员而已然政有不治犹加谴责反以策让而欲望勋立于国家绩加于生民不亦远乎人主诚专委任三公实在责成而在位病民举用失贤百姓不安争讼不息天地多变人物多妖然后可以分此罪也此仲长统之言臣以为今之六部即汉之公辅也今政事任下否耶臣以为匪徒备员而已南北六卿缺久未补是员且不备卿贰各部属官及外方面以百数而员亦不备铨部进拟少所称可大臣数告之而不听谏官虽言之而不从候选各官云集歛叹在官无人位虚事废庶民病嚣怨气已作以致阴阳失和水旱为灾职此之繇若积弊大坏祸乱并起虽如汉之策让三公至于诛罚何济之有臣以为今日大小臣僚之位有缺急补慎补则可久空则不可得人则可无人则不可分任则可不任则不可缺不得其人人不称其缺令再推则可不下则不可疏入留中

○蠲免河间等府被灾应钱粮

○己亥兵部题乌撒应继土宦以安效良为掌印知府照例世袭暂令禄墨妄安氏抚养安咀旧为冠带知府令其催集钱粮并奉朝廷纲纪不得相倾并勘安绍庆有无助逆仍责令擒献阿备正法以赎前罪如再桀骜定行剿处乌撒印信责奢陇高献出从之

○兵部题辽东镇边堡达虏谋反官军追至可可母林擒斩一百九颗内有贼首一颗缘系大捷理宜荐告 郊 庙择日宣读报可

○吏部题原任郎中黄承玄驻劄徐淮兼管吕梁洪徐州洪事务报可

○命成山伯王允忠南京右军都督府掌印管事

○命协守蓟镇东路副总兵署都指挥佥事陈霞右军都督府佥书管事

○改 慈庆宫子粒入乾清宫

○庚子礼部题请给榆林赏功银两 上以内库缺乏著太仆寺给与

○户部郎中戴绍科恭进样砂银成锭一百五十两饼银二十两砂二百斤验进自是进样砂样银亦复踵相接矣

○英国公张元功卒

- 赵王进助工银一千两报闻览王奏捐禄助工可嘉答王书
- 升分守蓟镇喜峰路参将署都督佥事张守愚为协守蓟镇东路副总兵
- 辛丑命镇川北川东地方照粮数灾伤分给 ○兵部题发遣原任协守辽东东路副总兵祖承训等于贵州都匀卫等处带俸差操
- 壬寅三边总督李汶题甘镇斩获虏级一百十三颗章下兵部
- 癸卯河南开矿太监鲁坤恭进样砂银一百二十两砂三百斤进收
- 南京工部侍郎董裕题异常水患淹没浙兵营房章下兵部
- 甲辰南京浙江等道御史黄华秀等奏百户王守仁诬害亲藩乞免遣内臣专委抚按查勘据实回报疏入留中
- 兵部题董一元报关白已于九月初一日受封初九日册使回已到南戈崖报闻
- 礼部题侍郎冯琦讨父恤典命与祭一坛仍给全葬以日讲加恩故也
- 又题原任户部右侍郎石应岳讨父恤典 上命与祭一坛减半造葬
- 湖广蕲州生员李建元奏进本章纲目五十八套章下礼部书留览
- 刑部题武弁公行金口赞刺发陈彩等边卫充军
- 丙午纪录云南布政杨芳却发重贿
- 给耿定向祭葬如例命与谥
- 差行人张养才往会宁王府赵可教往松滋王府各掌行丧礼
- 丁未停止助工超选
- 敕成山伯王允忠提督操江兼管巡江不妨府事
- 肃王卫王各进银一千两助工 ○户部题应天等府照灾伤分数改折徵收从之
- 戊申改升神枢二营练勇参将署都指挥佥事欧阳寨为分守南赣参将
- 升管蓟镇石塘岭参将署都指挥佥事戴延春为蓟辽保定军门标下右营游击
- 横岭开矿太监王忠进样银三百两样砂六十斤进收
- 己酉户部题平虏卫破石槽等处冰雹灾伤乞行蠲免从之
- 差行人刘一焜与耿定向造坟
- 吏部题速简冢臣 上命从公再推候择
- 差御史汪以时管屯田印马
- 命工部严催本植甄石以济大工急需 ○庚戌 孝惠皇后忌辰遣官祭茂陵 孝烈皇后忌辰遣官祭 永陵
- 辛亥 上以 圣母慈圣宣文明肃太皇后万寿圣节颁赐四辅臣上尊珍饌是日次辅臣张位沈一贯恭诣 慈庆宫门庆贺复赐酒饭烧割
- 升神机八营佐击署都指挥佥事余德荣为神枢二营练勇参将
- 升佐击管京营操兵左营事张宣为昌镇标下右骑营游击

○升游击管万全都司掌印事陈邦哲为宣府东路永宁等处右参将
○升遵化右车营游击署都指挥佾事张旆为分守蓟镇石塘岭等处参将
○太监孙举奏寄顿钱粮等事 上报曰楚府寄顿财物符券既奉旨查勘承奉郭伦高擢等违抗藐视所奏册内皆本府之物且无符券非王弼家财承奉还严刑追究与同原奏官详审查对定夺其凤阳文册到日另行具奏

○壬子命礼部将勋爵应袭送监读书

○昌黎等处开矿太监恭进样银一百七十两样砂三十斤进收

○甲寅敕御史李思孝阅视辽东

○命宣武门东河桥小门南北各折十丈便运木石

○乙卯开山东金岭等处矿

○准毛国器袭兄伏羌伯爵

○福建抚按金学曾等题本省地震章下吏部 ○丁巳给英国公张元功祭葬造坟如例

○礼部覆禁文体诡异行各省直提学官将试卷限岁底解部得旨迩来文体险怪屡经 明旨申飭全无改正所奏依拟着实举行以后提学官务查有无转移士习为殿最不许概拟升转

○吏部覆海防同知专防海事不许署府县印缺从之

○己未赠耿定向太子太保

○工部覆总督褚鈇黄垆口速行< 硃-金 >浚报可

○江西南昌等府在京官吏人等钟枢等奏真仙祐护运艘陆危屡彰显应捐贖鼎建许真人庙宇乞赐碑额章下礼部

○命侯陈良弼陪宴大宁卫夷人

○府军前卫千户仲春奏广赐开采俯顺民情等事报朝廷差官开采原济匱竭况已屡有 明旨著差去官督同原奏官民亲诣开采矿洞处所提调督理如何违拗不遵姑不查究本内所报矿洞著差去各官分头照图从实开采照屡旨行不许仍前怠玩违慢重治其本内擅设督务及分委王府官员人等俱革回原衙门供职不许如容留用其盗窃矿砂赵百户着锦衣卫便差官较扭角□羊来京究问

○庚申浙江巡抚刘元霖题乞罢徵调之议以安东南重地事内言浙之额兵额船势难复调臣抚浙则计浙亦如督臣之计辽也乞敕暂停以俟封事之定章下兵部

○敕礼部册封朕长女荣昌公主其选中駙马南城兵马司副指挥杨继男春元成婚先期合用册诰仪仗及一应礼仪都依旧例行

○择十二月初三日辽东功次宣捷遣官祭告 郊 庙

○赏麻贵解一清银两有差以陕西巡按于永清勘宁塞功次成也

明神宗显皇帝实录卷之三百四

大明神宗显皇帝实录卷之三百五

万历二十四年十二月癸亥朔总督三边尚书李汶辞免恩荫 上以其边功懋著加恩已有成命不允辞

○兵部题套虏畏威悔祸乞恩纳款急宜议处以安重镇事谓卜酋既已叩阙庄明缘何不至着宰二酋先经议款缘何复犯宁镇乞从长计议得旨套虏乞款事贡马既经收入依拟准动本镇银量给犒赏其应否许款还行与该督抚官再加详察虏情顺逆明立约束务要从长议处定夺

○送江西宗室多塘等闲宅居住

○礼部荣昌公主婚礼择正月十五日午时上冠十九日辰时上册一应礼仪开坐上请报可

○甲子给新选驸马杨春元诰命

○命兵部严行催促班军以济大工

○乙丑吏科给事中刘道亨题吏治五议一慎推升以点陪推恐为巧官造化之资一罢掣签恐法久弊生美缺皆可预拟一严京官考满议将属官注考送部酌量升黜一禁被论抗辩一议酌外官考语以抚按注定为凭意在综核名实章下吏部

○丙寅 慈孝敬皇后忌辰 奉先殿行祭礼

○谕兵部朕见套虏乞款事在边臣则请在廷会议在该部又请在边详计虽意贵从长实互相推诿何时而决朕思战守正理款事羁縻均不可废果以诚乞款宜明定约束必须一年无犯方准一次款市恭顺在先给赏在后验其背向以为行止听边臣所请不必遥制前此革赏毋得轻补后此背约毋得掩饰明白正大威信两全你该部便着酌为定议行与九边遵守

○蓟辽总督孙矿奏朝鲜国王咨称关白因朝鲜不遣王子致谢复欲兴兵清正等今冬过海大兵明年调进乞要先调浙兵驻劄要害以为声援章下兵部

○宁夏巡抚杨时亨以疾乞休以边方重任着令供职

○戊辰兵科署科事刑科左给事中徐成楚题属国陆危乞早决战守大计以固藩篱以绝窥伺内献六议一救朝鲜一调浙兵一广储积一用间谍一假便宜一速应援章下兵部

○己巳工科给事中杨应文奏奸口张泽等侵冒军器钱粮乞行严究以清库藏以防积蠹章下刑部

○是日又奏勉留漕臣褚鈇与河臣杨一魁同心协理章下工部

○命吏部注选仪制司主事一员教习驸马

○命铸山西开矿内官关防

○庚午大学士张位沈一贯 < 〇〇〇 毓-金 > 近日科臣刘道亨论劾吏部侍郎孙继皋文选司员外蔡应麟及孙继皋具疏陈辩俱蒙发臣等拟票上进连日伺候未奉 宸断臣等殊切惶惶窃惟吏部衙门天下官员并集待选今十二月正当选期例有过堂点

选考较誉缺推升急选等项事务烦琐时日急迫乃今堂属各官悉皆杜门待罪并无料理之人所有前< 〇〇〇 毓-金 >似应即发命九卿科道定其去留庶几铨事有归选法不误臣等又惟继皋为人久在词林素称清谨即科臣劾< 〇〇〇 毓-金 >亦皆牵连浮辞非有指实似难于轻弃者故于其自陈之疏僭拟照旧供职实系公论非敢私也伏乞 皇上俯垂鉴宥促其即出办事但彼终系副贰必须正官掌理部事方有主张更乞 皇上将前会推吏部各员特赐点用并将文选郎中早准定补此政体所关之大者不报

○原任大学士许国卒国南畿乡试第一人乙丑进士选翰林院庶吉士隆庆改元授翰林简讨万历改元自编修升右春坊右赞善充讲官时 上日御经帷无间寒暑而国斋心夙夜多所敷陈视侪辈有加 上手书责难陈善大字赐焉预修 两朝实录书成叙赉迁南国子监祭酒教人作士谆谆不倦天下名为人伦师表岁久不迁公论颇以为言国曰序固应尔其退让温文若此癸未春以吏部侍郎充会试副总裁夏简拜礼部尚书兼东阁大学士入赞机务己丑春再典会试时文体浸坏国激扬末流之弊所录粹然一出于正初有摘科场事语侵大臣者国请辨邪正以定国是谓昔之专恣在权贵今在下僚昔之淆乱是非在小人今在君子又言大臣犹榷楠也宜取其阅历略其寸污言官犹江河也宜导之< 〇〇〇 毓-金 >通息其风波时以为名言庚寅元日 上召见阁臣于毓德宫拥 皇长子膝前命阁臣谛视谕所以保爱之旨是冬国以三事进规其一册立深以不得所请为憾疏留不下久之有诏明年春举行册立戒群臣勿讙方静以待命而主事某之疏上国复揭以进冀有所调护 上不悦遣中使诘问国知言之非 上意也上书乞休五上乃得予告给传归国冲和笃粹有大臣体惜未竟所施云

○壬申差太监曹金开采浙江孝豐诸暨等处矿洞

○是日父差太监赵鉴开陕西西安等处矿洞

○礼部题原任工部尚书雷礼恤典 上命祭葬如例

○甲戌楚王题奸恶诬蔑亲藩欺罔 天听等事 上悟谕朕初念开国旧勋故行查勘据王所奏册籍年远散逸无存又厄遇多艰姑不深究以示亲亲之意其差去内外官员及原奏都便回京还著部院该科将先年案卷缘繇查明详细具奏

○乙亥太子太保礼部尚书文渊阁大学士陈于陞卒大学士赵志皋等题陈于陞自为修撰供事讲筵简在 圣心拔置辅弼奉公毖谨持身肃清虽世掌丝纶而俭如寒素明达国体多所赞决臣等方赖同心协力裨助万几项缘冬至分献感冒风寒一疾遽捐深可悲惜所有应得恤典伏乞敕下礼部查例上请以彰 圣朝逮下之仁奉旨览卿等所奏辅臣于陞偶疾长逝朕甚悯恻应得恤典着礼部从优查例来看陞举辛酉乡试戊辰进士改翰林院庶吉士庚午授编修充实录纂修官丁丑充日讲庚辰擢司经局洗马己丑再起日讲官迁詹事府詹事掌翰林院事庚寅上< 〇〇〇 毓-金 >请立东宫辛卯擢礼部右侍郎掌詹事府壬辰典会试已复同诸臣固请册立虽未俞允而并封中止皇储出阁大有力焉己又疏请 上勤朝讲接臣工如往岁不报是秋擢礼部尚书兼翰林

院学士仍掌詹事府陞少从父太傅习国家故实入词林后更留意通今之学国史家乘无不折衷而讨其至谓 实录宝训秘在金匱而会典职掌又涣而不属野史诸家更秕而不典苟不及此时修正史何以昭一代之盛乃上疏请仿宋正史例开局纂修诏允行甲午秋以原官兼东阁大学士入阁参机务 上知陞深陞亦感 上拔擢首上六事一曰接见大臣二曰采用人才三曰劝奖外吏四曰清察边饷五曰储养将材六曰选择边吏 上皆嘉纳允行乙未言官同时被旨落籍者二十余人陞救独力谓诸臣建白各有主者又或远在留都或奉使外省平时往往抗直不避概而逐之是言亦罪不言亦罪天下且谓 陛下阴恶其言而名以不言斥之臣等亦何以自解言极委婉 上虽不行而中外翕然诵之会 两宫灾陞同诸大臣直叩内殿问慰觐面陈政事不得见已上疏引咎乞罢不许及冬至有事 南郊感寒病竟不起

○提千户赵承勋孙龙来京与吴质等面质侵欺奸弊以管理通湾店税太监张烨参奏故也

○崇王进助工银一千两

○丙子 世宗肃皇帝忌辰遣官致祭 永陵

○赐江西许真人祠名灵祐以护运有功礼部请也 ○丁丑 贞惠安和景皇后忌辰遣官致祭 陵寝

○赐已故大学士陈于陞银一百两纁丝四表里及殡殓诸物

○兵部题朝鲜管拨官孟良相揭关白责备朝鲜礼节亦非尽虚杨方亨等住对马岛铁山地方的系守风别无他故臣等已宣谕 皇上予封大恩务令讲信终好不得背约启衅俟得册使的报另行题请报闻

○国子监奏进汉书三十册晋书三十册留览

○河道尚书杨一魁奏酌复漕河旧制谓黄埭口一股繇虞城夏邑接碭山萧县宿州至宿迁出白洋河一小股分萧县两河口出徐州小浮桥相去不满四十里且系先年河经故道所当疏浚与正河会接济运道夫役之用集山东河南徐邳徭夫二万限止两月更于镇口闸以里诸湖之水通放与小浮桥二水会则黄埭口不必塞而运道益无阻滞之患部覆如议行

○差御史赵仕登往顺天巡按

○礼部尚书范谦题已故大学士陈于陞家学渊源宪章淹贯十年侍从弘多启妖之功奕世弼谐坚守廉贞之节嘉猷时进共期协赞乎经纶正史总修方拟裁分乎充钺乃志坚而疾革业未竟而考终忠勤是悯礼数宜隆 上深加悯悼谕陈于陞讲读赞襄忠劳茂著准照例与祭葬加祭二坛差官护送还与他谥

○差行人张五典往韩府掌行丧礼江川等王薨逝二十一日辍朝 ○命开陕西蓝田等县河南信阳州等矿洞

○戊寅大学士张位沈一贯题昨日蒙发留守中卫指挥王一清奏内言灰煤炭草

欲收牙税今日蒙发通州卫指挥白龙奏内言临清李家道口请设店课臣等窃见近日言利纷纷俱出武弁之奏此辈原不知国家大体及民生利病苟可乘机设法以图取利肥己之事何所不为虽借言为国其实国家未得毫发之益而远近百姓将受剥削无穷之害终至利归彼身怨归朝廷厥心舍怒厥口诅詈鞏穀之下畿辅之间必至人人被害家家怀恨是以< 此夕 >小微利而累 皇上爱养覆育之深仁盛德也其言岂可听信乎故臣等于此二本俱不敢拟行今后凡如此类伏望 皇上大奋 乾断痛加遏绝勿中群小借言行私之计凡事必经部院大臣拟议然后施行庶几 圣政光明人心爱戴而太平之治可以永保无虞矣不报

○己卯南京国子监祭酒冯梦祜题隆儒优士一曰加制额以拔优异二曰清久旷以核实效三曰严序拨以澄流品四曰优礼遇以作士气五曰催取举人入监以抑惰学六曰酌久任以图实效七曰补师属以专教习八曰隆接见以全监礼九曰督徵解以给廩饩章下礼部

○给存恤科道关防

○给已故英国公张元功坟价银三百两

○增直隶赃罚银四百两以济大工直隶巡按毕三才请也 ○顺天府府尹田畴题清查孤贫 上报朝廷养济贫民须令各沾实惠下其章户部议覆

○庚辰南京吏科给事中祝世禄题言官有言反坐言官之罪故成否隔之形言官之罪滋大矣否隔生于裁抑之大过裁抑之太过生于厌薄之太深厌薄之心执而不化岂必言官安往而不厌焉吏部昔为荣阶今为罪府昔之擢吏部者弹冠相庆今之擢吏部者扼腕自吊甚至选郎不补冢宰虚悬台谏推之不报该部臣催之不报吏部亦何负于 陛下厌薄之至此宫工大兴屡请补司空董其事而 陛下故虚之台臣久系司寇原情定罪乞 陛下从未减而 陛下故重之自献金穴之武弁蠹起而文士结舌自采金穴之中贵四出而外臣掣肘以至今之阁臣非昔之阁臣也威福还之朝廷事权还之部院论道辅德固其所职而亦经时不睹 天颜大政阙失面陈无从托之密揭密揭不已至于露章然犹上不能一回当宁之心而下又无以解于天下人士之口其为否隔何可胜道< 此 铨-金 >入不报

○楚王进助工银二万两 上嘉其意进收复王书

○辛巳立春节百官行庆贺礼

○是日以年节颁赐三辅臣及讲官刘元震等银币有差

○河南佥事邢云鹭奏大统历差错乞赐改正大统推今年冬至在申正一刻而臣测在未正一刻臣测立春在乙巳而大统推在丙午臣测夏至壬辰而大统推癸巳臣测立冬己酉而大统推庚戌下礼部看议

○予原任礼部侍郎何雒文父何立恤典如例

○癸未南京工部尚书叶梦熊以疾辞任著赴任供职不准辞

○乙酉直隶巡按蒋春芳题运副赵凤威系元辅赵志皋子故事三公子不作外吏乞量改两京相应之职章下吏部

○差主事周传诵护送已故大学士陈于陞灵柩归

○丙戌直隶口矿太监王虎参奏田进越俎妄行得旨田进着遵照敕内前去昌黎地方开采其蓟永所属等处及新报矿洞着王虎遵敕开采不必争扰

○横岭开矿太监王忠进样银六百零四两样砂六十斤着银两进收不必再解

○礼部题类报灾异 上谕今年灾异多端朕心深切警惕尔中外大小臣工都要痛加修省恪恭职业以仰承 上天仁爱至意无事虚文

○丁亥礼部尚书范谦题已故大学士许国雅量汪洋躬行长厚早依光于潜邸历展采于清华词林著作蔚然周情孔思政本经纶允矣曹随杜断九年协辅中外颂贤相勋猷累疏乞休进退著大臣风节方重东山之望遽动北印之悲允合赐谥易名照例加祭谕许国辅政多年勤劳茂著准照例与祭葬仍加祭二坛与他谥辍朝礼与陈于陞同

○差尚宝司司丞张久徵与已故大学士陈于陞造坟

○大学士赵志皋代子赵凤威奏以原官致仕下吏部议

○命四川巡抚巡按将该省库贮银两买木解进

○辛卯行 大袷礼遣公徐文璧恭代遣侯徐文炜伯王学礼分献

○遣少卿徐世相祭五祀之神

○礼部题年终类缴敕谕 上是之近来各文武官有不领敕书竟自赴任者好生玩忽该部科将不曾领去及遗漏不缴的通指名查参

○ 上以祭告 太庙 桃庙收回脯醢果酒颁赐三辅臣

○册封日本正使杨方亨题关白于九月初二日受封报闻

明神宗显皇帝实录卷之三百六

万历二十五年正月壬辰朔

上免群臣朝贺大学士赵志皋张位沈一贯诣会极门行礼

○是日赐三辅臣上尊珍饌

○四川地震三日

○甲午 宣宗章皇帝忌辰遣官祭 景陵

○丙申册封日本正使都督佥事杨方亨回至釜山以事竣奏闻兵部覆言关白平秀吉感激锡予封典迎候使臣始终无愆礼其谢恩表文宜如北虏俺答受封事例代为封奏免其入京以省劳扰惟是日本责望朝鲜一节在朝鲜咨报若谓情形叵测今行长有书到臣内称已与秀吉讲明悉听 天朝圣命处分又云从容善处决不违 天朝约束而沈惟敬揭中谓事体结局无难则日本调兵渡海之事在朝鲜固宜堤防亦不必过为张皇日本既听处分似宜量为分角□羊杨方亨令先回京复命沈惟敬令暂住釜山调戢两国朝鲜礼文当修则谕令陪臣举行而王子必不可遣日本余倭当撤则谕令尽

○平凉府风霾瓦兽口内出火水灌不灭

○吏部左侍郎孙继皋上< 匚 铨-金 >乞归不报

○吏科给事中戴士衡乞点吏部尚书不报

○兵科左给事中徐成楚以科事烦重奏乞协理官员不报

○甲子祭 三皇于 景惠殿遣礼部侍郎余继登行礼

○巡按直隶龚文选奏言革除时原任礼部侍郎黄观及其妻女同时赴水死节请行赠录并于原籍贵池县建祠表墓仍查释当时并逮姻党翟翁二姓永戍章下所司议行

○命铸给督理四川采木关防

○大学士赵志皋乞点吏部尚书并下留中未发诸< 匚 铨-金 >应升补者次第升补不报

○乙丑以视写 荣昌公主册文赐辅臣赵志皋等缗币有差

○刑科给事中李应策奏请速补六科员缺不报

○丙寅集廷臣会议倭情时朝鲜陪臣刑曹郑期远痛哭求援辽东副总兵马栋报倭将清正领兵骑舡二百余只于正月十四日到朝鲜岸至原驻机张营驻劄给事中徐成楚言海舡一只小亦不下百人今称二百余只兵当不减二万余众防御事宜亟当早图乃下廷臣会议

○吏部左侍郎孙继皋乞休致不报

○丁卯祭先师孔子遣大学士张位行礼

○祭 大明于 朝日坛遣公徐文璧代

○山阴王俊柵请建储位剪发随本进献不报

○戊辰祭 太社 太稷遣公徐文璧代

○月犯五车

○己巳御史周孔教黄纪贤论劾枢臣石星辅臣赵志皋扶同欺罔 上命一并会议志皋< 匚 铨-金 >乞罢斥以谢人言不允

○南京刑部右侍郎谢杰言 陛下迩来举动似稍不及前条为十规以献前此媚于 两宫同一色养今则问寝之议久旷庆贺之礼亦疏 孝安皇太后发引之辰且一并送缺之矣是孝亲之美鲜克如初者一也前此 太庙四季之祭 圣驾无次不亲今则每祭皆代是尊 祖之美鲜克如初者二也前此 圣心研究文学扬确古今今则讲席讲官祇为虚设是好学之美鲜克如初者三也前此 驾出视朝子夜披星闻鼓颠倒趋跽今则大内深严累年不出是勤政之美鲜克如初者四也前此旱魃为灾至亲步郊坛今则 圜丘帝享久缺斋居 宸宫告灾未深修省是畏 天之美鲜克如初者五也前此水旱不时竭内帑远赈今则信用奸徒开矿抽税中原三辅之地骚然是爱民之美鲜克如初者六也前此宫中用度有节外府积贮充盈今则大官尚食不给度支边储

必儿卜廿口寺四名陕西大崇教等七寺刺麻僧速南九母廿口寺三十五名俱侯陈良弼待

○改南京吏部尚书蔡国珍为吏部尚书自丕扬去后悬缺数月是始补印务命户部尚书杨俊民暂署以俟国珍

○先是吏科署科事给事中刘道亨论劾吏部侍郎孙继皋员外蔡应麟不报至是道亨言大选自二百年来惟土木之变偶废一次旋即议补今昨冬已废二月又将复废实启于臣之一言乞赐处分以完重典 上命文选郎白所知以前听选官员于今月一并选用

○壬午清明节遣官分祭 诸陵 景皇帝陵寝 哀冲 庄敬二太子坟

○杭州府大火烧官民房屋一千三百余间岳州鸭含絮裹火插入屋椽竹茅中四散火起二十二日大炽至三月初五日方熄共烧民房四百余家

○癸未兵部尚书石星乞赐罢斥不报

○甲申以大选期迫改二十九日行

○先是万历二十二年乡试以廷试选贡生俱属北监不及拨南增额二十名至是礼部因南京祭酒冯梦禎加额之< 〇〇〇 铨-金 >请量加五名酌分北监十五名南监十名专待选贡士著为例从之

○西河王知燧奏山西安邑等县矿洞乞遣仪宾侯炳开采部议不便命下太监张忠并采

○福建巡按御史徐兆魁以福建濒海产盐地广食盐户多乃运司旧例每岁止行附海盐引一万二千余苦于不敷议添依山盐引三万三千四百四十引先期请发给商相兼办课部覆允行

○乙酉山东抚按官以该省逃犯五名年久难获请将考成注销部覆姑限二十五年七月以里完销过限该科参奏以后钦依缉捕强盗未及十年不获者各抚按毋得概请注销得旨越狱强犯严行督捕依限报完仍通行各抚按官不许轻与注销

○先是原任太常卿徐元春致书辅臣赵志皋以千金贿求起用至是御史况上进发其事志皋奏辩此事在三年前欲举发以谊属通家姑为隐忍当即将书斥还因乞赐罢以息人言得旨心迹既明勿以浮言介意

○四川道御史汪以时条议仓漕八事部覆允行

○丙戌马瑚府屏山县灾烧毁民房八百九十余家烧死男妇二十四名口

○丁亥广东道御史史况上进< 〇〇〇 铨-金 >参兵部尚书石星卖官鬻爵误国欺君请速赐究处以快公愤

○大理寺左少卿连格以病乞归许之

○原任总河都御史今起协理京营戎政顾养谦两< 〇〇〇 铨-金 >恳辞得旨准在籍调理

○命兵部侍郎李祯署本部印务

○升陕西参政萧应宫为山东按察使专管海防

○除授服阕起复庶吉士林应元为吏科给事中

○己丑兵科徐成楚奏石星逢君误国乞速赐罢斥仍毁裂沈惟敬杨方亨所进贽物不报

○四川道御史汪以时奏小人事露计穷驾言用兵妄希调度乞召还沈惟敬

○阿木等族番人安巴等十四名进献马匹方物各赏给马价绢疋钞錠

○庚寅直隶巡按蒋汝瑚奏册使杨方亨满载迁延乞搜赃正法仍正石星欺罔之罪不报

明神宗显皇帝实录卷之三百七

明神宗显皇帝实录卷之三百八

万历二十五年三月辛卯朔 孝肃皇后忌辰遣官祭 裕陵

○壬辰兵科左给事中徐成楚条陈武备六事守重地核守臣振武吏销内衅杜外隙练土著

○职方司郎中申用< 榘心 > 奏军机紧急题覆久稽乞赐早断以安边疆不报

○礼部请举行 皇长子冠礼婚礼不报

○癸巳浙江抚按刘元霖唐一鹏条上防海六议一严招募一建营房一练军兵一议更番一整战艇一议任将部覆允行

○吏科给事中戴士衡奏督抚纷纷请告事体非宜乞赐严敕以重封疆以蓟辽三边山西辽东湖广四川甘□寺处相继称病也

○山西道御史应朝卿奏倭患孔棘民心宜固乞罢采矿以弭乱萌

○吏科给事中戴士衡奏倭情狡诈奸臣欺蔽如石星沈惟敬杨方亨及奸党假捏伪报陈云鸿孟良相等请俱重加处治不报

○甲午大学士赵志皋等言 大明会典 皇子年十二或十五举行冠礼至于婚礼恒以十五十六为期今 皇长子年已十六揆诸典制不可更缓请于今岁举行冠礼明岁举行婚礼而 皇三子讲读届期亦请于明岁举行 上谕礼部 皇长子冠婚二礼其择日具仪以闻 皇三子出阁读书于明春举行

○乙未辽阳副总兵李如梅从镇西堡出塞邀虏失利杀将十员军丁一百六十余名马四百余匹事闻是役也如梅与参政杨镐便宜自决未受方略于督抚后如梅以血战重伤镐以新命经理俱免吏议

○大梁兵巡道副使贾希夷以病致仕

○赠原任少傅吏部尚书许国太保荫一子中书舍人国歙县人嘉靖乙丑进士改庶吉士授翰林院检讨历升右春坊右赞善充经筵日讲官甲戌典武试丙子典顺天试寻升司经洗马预修 两朝实录迁南京国子祭酒太常寺卿领国子祭酒事詹事府詹

丧 元子遣中官致金币此故事所未有也于陛世为史注心经世凡往代制典朝家令甲与名硕所规条考镜甚详故创正史之议易名时金谓惟勤学好问博闻多能可状予溢文宪比宋金华彭安福费铅山良不忝云

○兵部奏报倭将清正欲移驻庆州请敕督臣亟令吴惟忠杨元各将兵前往朝鲜扼险张威相机战守仍催总兵麻贵兼程前进以决长策 上是其言令各将官作速前去前议增设经理朝鲜巡抚许久不见推用边情重大如何若此怠玩其速行

○命宣大副总兵姜显祚升都督佥事管理总督标下中军事 ○湖广道御史周惟翰乞允礼臣冠婚之请不报

○山西巡抚魏允贞奏西河王知燧欲于安邑县角口羊州绛县等处差仪宾开矿富峪卫指挥王守信欲于平定州稷山甘口寺处开矿请并归太监张忠开采为便不报

○庚子 皇第七子生

○命发太仓库银四万二千三百七十余两为固镇下马关四营新丁本年月饷从总督请也

○赠管河主事袁光宇太仆寺少卿以其治河积劳也

○山西按察使刘天衢以病乞休命加太仆寺卿致仕

○工部都水司郎中孙健乞正石星假献取媚之罪仍将内监所收杨方亨所受倭物发出弃毁不报

○改贵州副使徐秉政提督河南学政

○辛丑以 皇七子诞生赐元辅志皋大红云纒二疋金花一对次辅位一贯各大红云纒二疋银花一对及讲官刘元震等三员有差

○予原任吏部左侍郎赵用贤祭一坛以经筵久劳仍给全葬用贤常熟人隆庆辛未进士改庶吉士授翰林院简讨充纂修会典官< 〇〇〇 毓-金 >论首辅张居正夺情廷杖削籍癸未用荐起升右春坊右赞善时迁人皆召还意气发抒锐意更始异议者指为朋党用贤上< 〇〇〇 毓-金 >极言朋党之名非盛世所宜有引归不允已充经筵讲官升司经局洗马管国子监司业事右春坊右庶子掌坊事升南京国子监祭酒詹事府少詹事其在雍举高士邓元锡刘元卿修忠臣黄观庙子丑间请定储位宥言官李沂斥大珰张鲸复引归不允已升南礼部右侍郎< 〇〇〇 毓-金 >请早教 元子移礼部左侍郎兼翰林院学士再引归不允会有 三王并封议即上书极陈不可癸巳升吏部左侍郎兼官如故是秋有监生吴镇讦奏之事镇故御史吴之彦子初用贤与之彦约婚及用贤削籍之彦恐不利己中悔用贤察其意以书币告绝之彦大喜为得计越十三年赵女已适人而镇突以绝婚奏先是用贤乞休< 〇〇〇 毓-金 >十二上曰不归无以谢忌者虽曾史夷由不点不止至是果然用贤性刚直持议岳岳意所不可虽贵显无所避当被杖时封败肉如掌妻陈恭腊而棣之輒持眦以诚而卒孤立行一意为同乡柄人所扼不得大用天下惜之 ○壬寅以 皇七子诞生告 内殿遣驸马侯拱宸行礼免群臣称贺

一广搜罗得旨举行

○朝鲜国王李昞上〈附 疏-金〉求援言倭贼不撤余众要遣陪臣既非 天朝原约及陪臣随册使前去又以官卑不纳盖欲借此为辞开衅动兵耳况蒙 天朝大恩诰命诞颁而驱迫册使克日渡海又不遣一倭恭谢悖慢之状此亦可见清正素慄悍今复领兵狂逞决不可以他计縻之若 天朝救援少迟则全庆忠黄被贼蹂躏鸭绿迤东遍为贼窟乞速发南兵数千为声援随调大军运粮饷水陆夹剿并乞给觔角硝磺等材以备战用部覆得旨救援兵将立限催发迟延以逗遛论罪兵行粮从势不可缓该国备办本色预待境上应用中国再从便发粮由山东海运接济毋得临期推诿误事

○户部覆保定巡抚李盛春奏防守天津事宜言倭情叵测春汛方殷议将天津营春秋两防歇班官军加给行粮留防海口既省召募之费且得修备之用矣报可

○浙江抚按刘元霖唐一鹏以观海卫孝封诸概八宝等处矿山遣官开采各上〈附 疏-金〉言浙滨海近倭防倭必不能防矿请停以消内外隐忧不报

○吏部奏科道缺人乞准行取不报

○吏部奏会推枢臣候旨日久乞于萧大亨廿□寺六员特简一员不报

○乙巳改户部左侍郎李春光为兵部左侍郎协理京营戎政

○升山东右参政杨镐为都察院右佥都御史经理朝鲜军务

○吏科给事中戴士衡〈附 疏-金〉请查核沿边吏不谙边务者部覆报可于是调登州兵备副使王学谟于兖西以曹州兵备张世烈补海防道并调山东巡抚张允济于腹地用

○升陕西分守陇右道副使郭显忠为本省右参政兼佥事专理靖虏兵粮潼关兵备副使张维新为本省参政分守陇右

○除补翰林院编修刘曰宁原职充正史馆纂修官

○兵科左给事中徐成楚奏倭患震邻内治尤急乞查核原额兵饷勿令诡冒更调沿海各官务求称职蓟镇督臣速赴鲜辽适中处所庶便策应真定抚臣当带领标下精兵暂住天津浙直闽广等处督抚兵宪廿□寺官各宜分驻海冲以防内犯不报

○丙午升管河运同罗大奎为山东副使仍管曹单黄河专督理小河口工程

○丁未以洮岷御虏功赏参政萧应宫守备武大振廿□寺银两有差

○除豁朔州卫军粮四百九十两以丈量增额累赔故也

○留云南查盘过三年钱粮充本省边储

○戊申以原任陕西副使张登云降补河南右参议分守辽海原任户部郎中艾维新升山东右参议兼佥事备兵开原从蓟辽总督请也已而维新以病告许之而用河南佥事邢云路

○朝鲜国差陪臣权快等十三员陈奏倭情并请硝磺觔角准支太仆寺银二千两自买运回折宴赏如例

○己酉补原任四川佥事王志为福建分巡兴泉道兼管兵备事

○册封日本正使杨方亨回京上〈□疏-金〉直言封事颠末正欺罔以绝祸源臣于万历二十三年十二月蒙充副使自出都门至王京一应事机俱听正使行止臣住居昌随沈惟敬屡差中军请臣前进云一入釜山倭即撤还臣遂发密阳入釜山未几而正使李宗城亦入比时倭情帖然去年正月惟敬忽有预行教礼之说同行长渡海嗣闻惟敬住南戈崖行长往见关白相问二三月音信杳然宗城又被谢隆之惑蓦然潜出臣即揭报兵部备言倭情狡诈请遣台省或边道前来查勘可封即封可罢即罢当事者以文臣破败封事故不请遣乃改臣正使惟敬副之初议釜山一倭不留然后往封已奉兵部劄釜山倭户务安插得所又致书行长令臣或住对马岛或住南戈崖候钦补物件臣因于六月十五日渡海沿途馆舍委有新创供亿亦为丰足八月初四日至和泉州秀吉差倭将迎慰送礼闰八月十五日钦补诸物甫至行长驰奏秀吉即择九月初二日于大坂受封惟敬先去教礼封时委行五拜三叩头礼呼万岁次日至臣寓称说感戴天恩及言谢恩礼物俱被地震损伤臣于初四日拜秀吉秀吉云冬月西北风多渡海不便不敢久留天使及臣将行秀吉差倭僧向惟敬责备朝鲜礼文倭奴狡诈百端志在蚕食于此可见当事者尚以小酋行长为可恃欲苟完目前复责臣以谢表完事然受封之后倭众果退即谢表迟迟亦不为过今使节尚未还朝倭众仍旧集地即有表文亦何益也其表文臣见字迹欠恭书丙申纪年而不奉正朔乃兵部贻臣书云日本原未颁历与琉球朝鲜不同又贻书臣谓 皇上喜金珠天鹅绒惟敬因买猩猩毡天鹅绒以进诡称秀吉所送其名猩猩毡者出自南番秀吉铺地皆此物不过巧立名色耳天鹅绒即广东剪绒小事欺罔如此大事可知因以本兵密书十三纸封进书中大指欲苟完封事无令督抚破坏而已李宗城亦上〈□疏-金〉白心迹言去迫本兵踵聘来凭本兵致书于是本兵〈□疏-金〉论方亨反覆附会以向来书揭十五纸进呈语多涉督臣阴事〈□疏-金〉入 上令九卿科道看问明白以闻及会问而揭中所称清正与督臣通书受其彩币方亨不肯承亦并无哄诱宗城出营请节奏闻 上命将密揭公同验对果否方亨手笔并将李宗城慎〈□疏心〉龙面究具奏不许含糊欺隐已复会问奏闻得旨尔等既言石星欲息兵省饷但轻听误国情有可原姑革职候旨定夺又言清正复来非因孙矿所致今杜门逊避恐失事机亦革职听勘总督员缺即便会推杨方亨反覆小人本当重处念其远使辛劳姑令革任永不叙用

○庚戌赐元辅银彩扇六把银钉铰扇十把车碾钉铰扇二十把次辅并讲官有差

○兵部左侍郎李祯奏倭报紧急阃外之事全在总督料理几遣将调兵扼要退倭望 天语丁宁务获万全宜敕朝鲜急令该国将士奋勇雪恨得旨览奏具见筹倭至计便行与总督殚心竭力及时料理仍谕朝鲜共图淬励保国拒敌

○吏部言急选多官候旨日久恳赐批发吏科署科事给事中刘道亨亦以为言俱不报

消其疑畏之意西宁甘州陆续降附者万余人今当厚抚番之既归者以动其未归之心鼓舞番之向我者以制其夙仇之虏布恩令而俾之安居严约束而禁其通虏所以断匈奴既联之臂复祖宗豫附之羗夷者端不外此部覆报可

○敬妃李氏薨逝传旨封为皇贵妃礼仪照世庙皇贵妃沈氏例行营葬吉地礼部请遣官于天寿山悼灵左右相择上命礼部尚书范谦钦天监监正张应侯往

○丙辰升太原知府赵彦为山西副使 ○戊午大学士张住甘口寺言东方兵寄无踰邢玠乞用为总督萧大亨堪任本兵乞改兵部尚书杨镐适值亲丧宜夺情起复复再< 銙-金 >保举大亨俱不报

○吏部左侍郎孙继皋乞归不报

○己未赐三辅臣鲜藕

○升兵部左侍郎邢玠为兵部尚书兼都察院右副都御史总督蓟辽保定军务兼理粮饷经略御倭

○自河决南徙徐邳复见清泗议者谓全河水微不利运道决口不塞贻害地方且恐下啗归仁为二陵患独总河尚书杨一魁谓堙口深阔难塞议浚小浮桥沂河口小河口至是工程报竣运道通利奏言河徙无妨运道今日已有明验惟是议者尚以祖陵为虑请徵往事洪武二十四年河决原武黑阳山经开城北又东南经项城太和颍州颍上至寿州镇阳卫入淮行之二十余年至永乐九年河稍北入鱼台塌场甘口寺口未几复南决由涡河经怀远县入淮时两河合流经凤阳历泗州以出清口若惠及陵寝祖宗当何如为虑者而卒未闻计及也嗣后又行之四十余年至正统十三年河复北决冲张秋至景泰初先臣徐有贞塞之河乃复涡河东南入淮亦不闻病及祖陵也嗣后又行之三十余年至弘治二年河复北决冲张秋先臣白昂刘大夏相继塞之复导河南流一由中牟至颍寿一由亳州涡河入淮一由宿迁小河口会泗时则全河大势纵横于颍亳凤泗之郊而下且愆溢于符离睢宿之境矣然卒不闻虞及祖陵亦不闻堤及归仁也惟是正德三年以后河渐北徙或由小浮桥入漕或由飞云桥入漕或由穀亭入漕全河大势始尽趋徐邳出二洪运道虽稍资其接济之利而亦受其泛滥之害矣至嘉靖十一年而河臣建议分导者始有涡河一支中经凤阳祖陵未敢轻举之说夫当全河南徙之时不闻为祖陵惠及全河徙之后仅议导一支乃反足为患乎然当时间有浚祥符之董盆口宁陵之五里铺荣泽之孙家渡兰阳之赵皮寨又或决睢州之地丘店界牌口野鸡冈宁陵之杨村铺俱入旧河从亳州凤阳甘口寺处入淮南流尚未绝也亦何尝闻祖陵之被惠乎至嘉靖二十五年以后南流故道始尽塞或由秦沟入漕或由浊河入漕五十年来全河尽出徐邳夺泗入淮而当事者方认客作主日筑垣而居之以致河流日壅淮不敌黄退而内潴遂贻今日祖陵之患此寔由于内水之停壅不由于外水之冲射也万历七年先臣潘季驯始虑黄流倒灌小河白洋甘口寺口挟诸河水之冲

射 祖陵乃作归仁堤为保障计而复张大其说以为 祖陵命脉全赖此堤无怪乎议者习闻其说而遂疑黄垆之决或下啮归仁也不知自黄坝一决下流易洩必无上灌之虞况今小河不日工完引河归复故道去归仁益远何烦过计哉部覆报可

○兵部左侍郎邢玠奏防御朝鲜机宜 上以用兵进止听督经便宜催发兵饷责户兵二部同心共济敕各督抚镇道仍令朝鲜整顿备办以待大兵时督臣孙矿所徵南北官兵止一万九千余名部议以其数比先臣经略宋应昌往援兵马未及三分之一应听督经酌议得旨允行 ○兵科署科事刑科左给事中徐成楚奏行长清正皆平秀吉腹心将领一向装成圈套谬相左以欺中国枢臣遂堕其术中而不觉兹据倭舡四十余只系行长管下装载军粮兵器又倭舡三十余只系清正管下进往西生浦其同心协力之状至此毕露且沈惟敬素主和议亦云调兵设兵以防未然彼此情形大略可睹援救朝鲜诚不可缓内地防守尤不可不严乞早简枢臣急图方略不报

○浙江巡抚刘元霖以庆元地方矿徒哨聚官兵驱逐业已 散但恐此防彼发滋蔓可虞不报

明神宗显皇帝实录卷之三百八

明神宗显皇帝实录卷之三百九

万历二十五年四月辛酉朔孟夏享

太庙遣公徐文璧代侯徐文炜伯王学礼分献

○户部条陈开垦沿海荒田加增芦浙盐引并纪录大同镇开荒官员俱允行

○甘肃西宁地震

○刑部左侍郎吕坤< 䟽 毓-金 >言收拾人心数事洮兰之间小民织造货贩以糊口自传造以来百姓苦于催逼弃桑农而捻线者数百万人提花染色日夜无休至于山西之紬苏松之纱罗段绢岁额已自日盈与其积于无用孰若定有以常如四季袍服岁用千疋则造一年预造一年是宫中省收藏之累天下无多取之忧而江南陕西之人心收以采木言之丈八之围非百年之物或孤生仞崖或丛长千里毒雾常浓人烟绝少寒暑饥渴瘟疫瘴疠而死者无论矣乃一木初卧千夫难移每行不过数步遭险跌伤死者常至百人至于磕撞之处岂无伤痕官责谓不合式依然重伐每木一根官价虽云千两比来都下费不止万金倘少其数目减其尺寸而川贵湖广之人心收嘉靖年开河南矿洞敕该省抚按谁敢侵剥殃民自一切在官供应矿夫工食官兵口粮皆倚办于殷实户而民多累死自都御史李盛春严旨切责而抚按避嫌劾抚马鸣鸾与臣书谓文家洞近二千人开之三月止见砂十六眼银之有无费之寡可概知矣今矿税无利散民间纳银民不能支括库银代角□羊朝廷得一金郡县费千金岂开矿之初意哉乞敕各省使臣严禁散砂不许借角□羊而各省之人心收自赵承勋造四千之说而皇店开自朝廷有内官之遣而事权重且冯保八店为屋几何而岁有四千金之课角□羊进数有四千徵收岂止数倍不夺市民将安取足乎纵使内臣廉静长随挂塔吞噬群侵内臣无由知

○命镇守延绥总兵官右都督杜桐以原官挂印镇守宁夏南京前军都督府佾书朱先充总兵官镇守广东已先以老病乞休令以新銜致仕而用浙江总兵侯继高

○乙亥山东道御史乔璧星以台谏缺人请将听补科臣项应祥甘□寺台臣赵标甘□寺复除不报

○礼部右侍郎余继登以病请告不报

○丙子升山西左布政万象春为都察院右副都御史巡抚山东

○刑部右侍郎吕坤以病乞归许之

○河南道御史高举上急图安攘要务<□□ 铨-金 >不报

○丁丑吏科给事中戴士衡参论叶梦熊吕坤孙矿甘□寺给事中刘道亨言士衡为辅臣张位所嫉盖位疑旧岁孙丕扬论位<□□ 铨-金 >出自坤手授意报复也于是张位<□□ 铨-金 >辩坤回籍之旨出自内批非臣所能参预乞留吕坤并罢臣以谢天下得旨言官怀疑妄言不必与辩吕坤之去乃朕心独断卿即出辅政不允辞

○通政司右参议李宜春为戴士衡论劾<□□ 铨-金 >乞休致许之

○吏科给事中刘道亨请允补听补科臣刘为楫杨廷兰侯庆远项应祥四员

○庚辰锦衣卫东司房小旗钱士魁私充沈惟敬旗鼓官从日本回缙帅王之禛以闻旨下法司监候

○辛巳大学士赵志皋以笃疾四<□□ 铨-金 >乞罢上温答不允

○壬午吏科给事中戴士衡因刘道亨<□□ 铨-金 >留吕坤复上<□□ 铨-金 >诋坤庇护石星拨置孙矿而道亨与星同乡力护封事以此恨臣得旨吕坤已去不必又说今后大臣被论科道建言俱听朝廷公断不得偏护争辩

○升工部主事何堪之为江西副使

○巡抚辽东兵部侍郎李化龙以病乞休许回籍调理

○癸未升户部郎中张应凤为陕西副使

○升山西右布政使高时为本省左布政使

○乙酉兵科左给事中徐成楚请简枢臣不报

○丙戌兵部左侍郎李禛言川陕接界而松藩向无虏患者以吐蕃为之屏蔽也自俺酋西牧遗孽两川全陕残扰迄无宁日近西镇戒严舍陇趋蜀将川上鲜宁溢之期矣臣阅地图自北界作儿革迤西至杀鹿塘毛儿革地方其间番族为虏所挟者十有八九是我之藩篱已与虏共而间道可达内地者多不隔三舍所幸中有层峦叠嶂屹然天险如镇虏堡为月□章腊门户虹桥关为松城咽喉堡关之外或岭或崖皆可据守守阿玉岭则虏必不能越出咿际而窥镇虏守黄胜场则虏必不敢踰绝塞墩而寇虹桥以至外而横山子不竟日可抵寡石崖二十里即达松城镇尤为要害皆当亟为防御请行该抚镇计画以闻报可

○赏榆林卫都指挥使河州参将周国柱银一百两副千户邓凤俸一级国柱前以

司

○大学士张位沈一贯言臣等昨为本兵缺官特荐萧大亨今邢玠条陈东事亦请用大亨舆论所孚简任当亟乞将拟进票帖从中批发不报

○升湖广副使刘弘道浙江副使蔡逢时河南副使陈简各参政弘道浙江逢时湖广简本省陕西左参议张悌临江知府高从礼瑞州知府孟绍庆户部郎中余梦鲤杨应中各副使悌本省从礼福建绍庆云南梦鲤广东应中山西刑部郎中谢时泰兵部郎中杜允继各佥事时泰浙江允继河南浙江右布政使曾如春陕西右布政使郑国士各转本省左原任广东佥事黄仁荣补河南察降原任云南副使田瑄补广西右参议从署部杨俊民请也

○甲午礼科右给事中罗栋乞举行 皇长子冠婚大礼

○吏部侍郎孙继皋乞放不报

○直隶巡按龚文选言民间罪应死者每恤刑审录情法可矜疑者< 足 毓-金 >请改永远充军盖各犯之恶无干后代今曰永远则子若孙世家于戍正法免一身之死而遣罪流累世之祸也虽新例以著伍后所生子孙替役不许行拘原籍子孙第各军在伍生有子孙其根本必思原籍其军装必寄原籍或明关或暗逃久而必致关文清勾里排管角口羊其骚扰有不可胜言者乞敕下法司斟酌拟议不报

○乙未以端阳节赐三辅臣上尊珍饌

○南京太仆寺卿余一龙以病乞休令回籍听用 ○升河南知府张中鸿为山西副使管辽东苑马寺马政

○浙江巡抚刘元霖条议调兵事宜一择将言浙兵自山东天津撤回蓟镇杀戮之后人情畏怖今应调者闻讹生疑必择一素附之将领之始无他虞一恤兵令进有所用退有所归无至失所一水路由内河以进天津部覆水兵若由内河必须计程定限毋以水浅为词致误事机余如议行

○丙申以京营参将陈寅千总谢用梓为蓟辽军门标下训领南兵将官从邢玠请也

○发太仆寺马价银二十五万七千两以备水陆各兵三月粮饷及防倭官兵犒赏

○升山西分守口北道按察使孙维城为右布政使驻劄宣府分管西南二路以宁北道兵备副使张国玺补口北道雁平道兵备副使赵彦调岢岚道从宣大督抚请也

○升浙江副使林烜为广东左参政

○兵部车驾司主事徐中素言 祖宗旧制有上下两利不得议复公私俱病而不得议更则招商开中以裕边酌议清勾以实伍是也按永乐中每盐一引输边粟二斗五升商人争出财力募民垦荒天顺中斗粟值银二分边储大裕成化中尚书叶淇议改折色商徙农散乐土变为莱芜后虽有仍徵米豆刍秣之令然不过十中之一二耳商人宁厚值以易粟无宁垦田以多费弊所从来久矣今诚沛下明旨渐复输粟之规不十

縱以原官充提督土汉官兵御倭总兵官王士琦加参政监军将官吴士杰甘口寺俱准调用同知吴良玺通判李培根长史汪京准加銜及改原官用该部差官守催不许推托稽延以误战守

○协理京营戎政兵部左侍郎李春光以选锋数少议增七千名以足二万部以粮饷太费量增二千名得旨准增一千名

○山东道御史乔璧星以倭情□夕□鸟□警异常< 䟽 䟽-金 >上四议临朝以鼓人心发帑以犒将士简枢臣以资调度罢矿店以弭内乱不报

○辛亥叙延镇文武将士功总督李汶加太子太保于原荫锦衣卫儿男加升一级世袭赏银八十两大红纒丝飞鱼一袭原任巡抚李春光右都御史荫一子锦衣卫试百户世袭赏银六十两大红纒丝四表里各给与诰命总兵麻贵加都督同知荫一子本卫正千户世袭赏银六十两大红纒丝四表里兵备道赵楫张悌萧察俱升一级边郎高拱辰升俸一级参将杜松王威师以律俱升副总兵孙朝梁寔授副总兵游击戴焯卜天兆郭有光俱升参将王国栋准复参将叙用袁登阁逢时俱加参将銜守备李震加游击銜傅栋遇缺推用冯大柱戴守礼各升实职一级自赵楫以下赏银有差以区画效劳李楨余立各升俸一级赏银四十两纒丝二表里李楨仍荫一子入监该司署印官升俸一级赏银十两余各八两原任尚书石星諂媚倭奴欺君辱国不准叙户部尚书杨俊民赏银三十两纒丝二表里署兵科给事中徐成楚陕西巡按御史于永清各赏银十五两

○浙江巡抚刘元霖条议靖海岛严催徵二事部覆允行

○壬子叙延镇功辅臣赵志皋加少傅兼太子太傅进建极殿大学士荫一子尚宝司丞张位加少保兼太子太保进武英殿大学士改吏部尚书沈一贯加太子太保进武英殿大学士改户部尚书各荫一子中书舍人仍各赏银币有差

○癸丑江西道御史黄纪贤请速简本兵亟图御倭之要不报

○先是刑部奉旨天气暄热将在监罪囚分别具题已蒙矜恤外又将御史曹学程亦祈缘例徼恩未下至是刑科都给事中侯廷佩亦以为言不报

○巡按山东王立贤以刀尖火起变出异常乞停罢山东开矿不报

○甲寅总督邢玠< 䟽 䟽-金 >陈倭情言今日传报者见倭不动輒曰安静不知其动以吓朝鲜不动以愚中国正狡倭变幻之术世岂有贼兵云集稍一按兵即谓之安静乎倘凭纸上之言而奸细又从中假捏传播 皇上一疑则各部必然掣肘部堂一疑则督抚必然掣肘请今后倭情容臣小者类报大者日报不动则不必报果撤兵返旆巨细即报不拘五日之期总之今日当严整兵粮为三年计万不可希侥幸图节省如先年议撤川兵南兵致今日仓皇无措也至所调边兵皆骑兵而朝鲜之地利于步不利于骑步兵惟南人可用宜南北兼募行浙江抚按委道将各一员召南兵四千行顺天抚按委蓟密永三道召北兵之有武艺者各二千共足万人用南将总领分练而议者于南北募兵虑其难散川湖土兵虑其易扰则天下无可用之兵惟恃边兵耳边兵可多调乎至如

大将刘綎一时并用臣亦虑其两不相下然不用川兵则已用川兵非綎不可请敕令同心共济毋容参差其有兵将造谤及山人墨客星相罢闲诸人求书引用糜费钱粮者乞严行禁缉仍望庙堂以兵事责督抚以耳目寄巡按而私揭悉屏不听使东征文武将吏精神气力不分于毁誉是非之场又臣甘口寺任事者之幸得旨朕以东事耑付于卿决不中制亦不为浮言所惑中外各该衙门都要协心共济以图成功探报但求的确不必拘定日期一应兵粮事宜上紧题覆无得轻听晓言致令掣肘误事部覆俱如议 上命南北兵如数召募将官务要同心共济不得分彼此异同游客诸人假托谈兵惑乱军事在京者厂卫巡城缉拏在外者各该御史及管关主事访察不许潜踪出入

○乙卯赐三辅臣鲜笋

○丙辰 穆宗庄皇帝忌辰遣官祭 昭陵

明神宗显皇帝实录卷之三百一十

明神宗显皇帝实录卷之三百二十一

万历二十六年四月乙卯朔时享

太庙遣侯徐文炜代

○兵科右给事中侯庆远题顷以东师众盛拜三大将各建旗鼓麻贵将骑刘綎将蜀陈璘将广进战为犄角之势屯守成首尾之形图贼于陆不患无良将矣然必楼船绝海直逼釜山庶几扼吭拊背而后步骑可效夹攻之力则横海大帅其要重不减于陆殆于过之虽设有周于德统领水兵然建议之初盖以之扼守天津锁钥畿甸也即防汛旅顺亦外严门户为堂奥计耳若令远离信地提师而往倘倭奴以兵缀我而飞舸入犯急不得还救根本天津震惊无乃非开镇之初谋乎臣愚谓宜特设水师大帅简取精锐直指朝鲜听督臣调发剿贼其留者令周于德连舰旅顺日夜训练以豫内防庶进讨者无内顾之忧居守者有绸缪之固章下兵部

○丙辰兵部题称征倭之兵水陆共九万余钦限五月终旬抵朝鲜矣三帅陆地并驰已成鼎峙之势各营副协亦不乏人独水营虽有周于德总之然协守未备终非完局顷取到听用原任副总兵邓之龙惯习水战宜令戴罪管旅顺甘口寺处水营副总兵事责选精坚统领出洋便宜扫穴截粮扼冲邀击与陆兵互相夹持其管领水兵游击沈茂陆斗优于水战宜改从陆用之所领水兵即以付之邓之龙亦一便也从之

○戊午论贵州讨平都匀土司功原任贵州巡抚林乔相副使郭廷良参将王鸣鹤知府王珽推官李珏知县魏自强土官蒙天眷甘口寺纪录贲金有差

○监生乔士浚捐穀一万石助饷

○福建巡按徐兆魁条陈巡历未尽事宜六议曰严课程以挽士习曰惩教职以端师范曰设钦依以重海坛曰垦日南以资兵饷曰禁官干以防隐祸曰禁邪术以遏乱萌章下部院

○庚申调原任江西副使卜维新于广东原任山西副使杜华先于云南

○加两广总督陈大科部衔以右都御史兼兵部右侍郎加广西巡抚戴耀宪职以兵部右侍郎兼右佥都御史

○升蓟州兵备参政赵寿祖为按察使复除原任福建右布政使赵健于江西原任贵州佥事方端于广东

○御史况上进论劾兵部左侍郎李楨庸鄙不堪及请补本兵奉旨本兵着推堪任的二三员与先推的一并通写来看李楨照旧供职

○南京吏部侍郎杨起元请补南京吏兵工各部尚书并都察院之长章下兵部

○壬戌礼科给事中曹大咸条议会推发访选官掣签并推选郎之法中有称赵南星材品之语诏会推大臣着遵 祖制令九卿科道掌印官各举所知一员吏部司官员缺令部院掌印官各举相应的数员俱开送吏部类奏待朕亲自点用赵南星旧经科道纠劾赃私罢斥有旨不许朦胧推用曹大咸如何市恩图报輒敢妄荐姑降一级调边方用今后科道建言都不许称荐吏部希凯美官定行重治掣签事还酌议来看章下吏部

○总兵陈璘统领广兵至山海关各兵挟粮鼓噪殴辱旗鼓官兵科右给事中侯庆远请行该抚遣道臣驰诣体勘果缘月粮将匮不妨再给薄责首事示惩若别有隐情明白具奏听朝廷处分仍切责陈璘简偏裨以佐之兵部如议覆请以副总兵吴广协同陈璘行事以安军心从之

○癸亥召吏部右侍郎裴应章诣文华门接出 圣谕吏部司官近来营干滥入作弊多端源既不清流岂能洁以致选举非人病国殃民伤和招灾实繇此辈着本堂上官会同都察院将在任在家人数甄别去留及应升应调的都写来看该司员缺令各部院掌印官择举中外堪任的数员送部类奏以待点用永著为令于是部院分别列名以上有旨南企仲王永光马大儒梅守峻潘洙俱留用钱养廉王就学王之栋穆深并斥为民瓮幼金李复阳罗朝国闵廷甲常道立盖国士韩策梁见孟邹观光唐伯元冯养志武之望曹愈恭洪文衡张泮常守信刘学曾赵邦柱廿口寺十八人俱调用

○赐韩府长吉王爆澜谥庄静

○甲子江西道御史黄纪贤上言 祖宗制律最慎淹禁一条非但计月且计日虽百刻曾不少假诚谓圜土秽恶冤郁足以干天和故兢兢慎之也今刑部狱则有原任御史曹学程原任天津兵备副使许守恩镇抚司狱则有原任福山知县韦国贤近者一二年远者三年淹矣学程之原 < 罪 疏 金 > 与守恩国贤之原情凿凿具在非有不赦之大罪也镇抚司之打问与刑部之议拟一一明确又非有不决之深疑也施不测之恩则还职可也放归可也行不测之威则遣配足矣削籍足矣奈何日复一日年复一年以效忠讞为地方之臣而与囚虏同桎梏臣不知其角口羊也且学程之母八十守恩之母九十国贤之妻子家口尚流离异乡三臣何负于 皇上乃令荼苦至此极也不报

○乙丑直隶巡按马从聘上言士气日靡世风益坏宜亟补卿贰台省以集思广益共维国是章下吏部

○设钦依把总一员于海坛

○差御史况上进巡按真定

○南京大理寺卿沈应文乞休许之 ○丙寅以李如梅以原官充备倭总兵从东征督抚诸臣议也

○丁卯 孝懿庄皇后忌辰遣阳武侯薛钰祭 昭陵

○河南巡按姚思仁进开采图说大略谓开采之役利不胜害得不偿失河雒之民溺河缢树刎颈断指之状 皇上目不得而见也鬻妻卖子哀号痛苦之声 皇上耳不得而闻也臣谨以巡历所睹记者付之画工谬立标题僭附贴说自发帑救荒以至福寿齐嵩共列二十四幅每幅必模拟情境指被害者之姓名然亦挂一漏万有说之所不能尽绘之所不能描者乞 皇上万几之暇留神披览停罢采取召还遣官不报

○虏寇辽东总兵李如松远出捣巢死之抚臣张思忠以闻 上悼惜之令恤荫加甘口寺即用抚臣议以李如梅自朝鲜驰还代任

○大学士张位沈一贯上言 皇上乾刚独断欲澄清铨司以饬吏治督责言路以杜私交雷霆奋迅举朝震疏但人才难得政体宜平部科诸臣皆数年精选有名之士以充紧要之官即奉职或有未当第宜稍加罚治以示惩戒创责其改图以需后效可也乃一旦汰去过多谴责过重中间岂无善类可惜忠良可存者乎乞将部科诸臣重加罚治许以自新或敕部院再加稽核才品斟酌去留以俟 圣明裁夺请处其一二坏事之尤者示警其余姑留策励供职其于怜才平政两得之矣不报

○己巳赐衡府商城王载堦谥康顺周府彰德王勤焯谥康懿华亭王朝垣谥恭穆鲁阳王勤灰谥庄宪仪封王肃谥庄简

○庚午改铜仁土司为铜仁县以土官李永授贪酷殃民罪既贯盈势难久贷从抚按议也

○辛未兵科给事中侯庆远奏言属者李如松捣巢中伏而死特命其弟李如梅继之如梅必且洒泣登坛上酬隆眷下振家声矣顾如梅信才勇必使之百事应手而后可责其自效今辽备有一足恃者乎士马耗单械储匱竭烟火几绝垒壁半圯而虏方东西合应动号十万控弦南下目无全辽欲战则无具欲守则无藉即如梅若之何哉臣与闻戎计忧心如醒窃惟镇抚同有疆场之任胜则分功败亦均罪往者虏大掠东偏亡失无筭今李如松又告陨矣东隅已失桑榆莫收何得令拥节如故宜罢张思忠以谢辽人简才往代且东讨事剧辽中诸将领稍铮铮者悉调去偏裨而下承乏者多宜大加甄别而易置之毋使庸懦辈玩愒时日隳颓边事辽马大耗宜发寄养健马二三千匹以济急用如虑亏故额改岁增派本色不难补足也欲完备必益兵益兵必益饷宜于年例外发银十余万以充悬募刍粮之资事平而后议减李如松以死事徼异数行间感泣宜推广之凡死倭死虏诸将士悉从优恤则人人戴恩而讐贼不思砺刃以割其腹者未之有也辽民几何死徙殆半所遗老稚尪羸舍耕牧以供口连缮垒堡日不暇给安望攘臂而向敌

乎宜令抚道诸臣拊循收恤不吝损上以振之不过再发帑金十万而辽民有起色即百役无怨咨矣章下兵部

○原任吏部尚书陆光祖卒光祖平湖人嘉靖丁未进士除浚县令升南礼部主事晋仪制郎痛革宗藩袭封请封诸滥费及裁抑近幸贵戚非分陈乞改吏部历考功文选郎澄汰简用皆当擢太常寺少卿会御史孙丕扬论其专擅削藉起历南京大间下署清正二字其改吏部实出 上意以秉公执法不少假借为中涓所憾几中蜚语遂力求去得乘传归五年卒予祭葬赠太子太保谥庄简

○差行人刘一焜掌行万安王褒火口危丧礼

○壬申诏百官各修省祈雨

○铸换巡抚甘肃甘口寺处关防

○命赠李如松少保宁远伯应袭儿男准授勋卫照本例职俸加升三级仍荫一子本卫指挥使世袭还赐谥立祠加祭营葬

○甲戌虏寇宁夏水塘沟地方官军对敌斩首一百二十三级巡抚杨时宁以捷闻

○除补吏科都给事中赵完璧左给事中包见捷给事中吴文灿户科给事中郭如星郝敬兵科给事中姚文蔚江西道御史顾龙祜福建道御史宋兴祖湖广道御史李楠

○补原任浙江都司俞尚忠海坛游击福建卫镇抚张国威南澳游击以李如梅挂印充镇守辽东兼备倭总兵官董一元充御倭总兵官

○乙亥命加封金山黑龙潭龙王庙号为护国济民神应龙王庙潭名为神应龙潭立碑刻文表扬纪述先是 上谒祭 天寿山回銮道经金山见一庙宇傍有泉名黑龙潭山形秀异泉水清奇驻蹕幸焉是后或遇祈雨遣祷輒应时 上忧旱甚每夜分宫中秉诚露祷复遣正一嗣教大真人张国祥赴潭祈祷旋获两泽四郊沾足故有是命赐张国祥玉带银币以旌祈雨之功

○戊寅征倭川兵鼓躁殴伤副将命督抚巡按查处具奏仍谕速报调兵鼓躁诸将纪律安在还严行戒谕再犯者重处

○予原任户部左侍郎周思敬祭葬

○辛巳起吴定为大理寺少卿

○升梅国桢为兵部右侍郎兼都察院右佥都御史总督宣大山西甘口寺处兼理粮饷

○升陈渠为户部左侍郎

○直隶滁州全椒县知县樊玉衡上根本大计封事内言 皇长子不册立不冠婚遗天下大虑自辅弼公卿大臣以及科道百执事合词而请人人恨不能剜心以告而皇上犹然未之许者何耶今天下万口一词皆曰 皇上虽无废长立幼之意而牵于皇贵妃体貌难处之故濡迟隐忍甘以 宗社为戏致令 天地 祖宗所付托之 元子不得及时被章服有室家也夫天下虑无不以典礼久稽归过 皇贵妃者而 皇上

又故迟之以成其过不知 皇贵妃异日何以自托而 皇上又何以托 皇贵妃于天下即帷< 帟 巾 >之爱不能割然亦非所以为爱也且男女之欲虽上智不免而血气之戒在茂龄尤难万一情欲之感或介乎容仪萋菲之嫌或成于贝锦而 皇上日月有所不照覆育有所不周又不知何辞以谢天下对 九庙在天之灵耶且因是而不行取科道若以册立冠婚之典恐言官激聒而故逆折其气也者不知此何甘 寺大事 皇上能拒公卿台谏之言其能箝天下臣民之口乎倘再迟回不断恐人情愈益汹汹即如苏安恒之上书安金藏之剖心男子郇模之持筐献子亦必有之何但廷臣跪门伏阙而已哉愿我 皇上亟听廷臣言早定 皇长子元良之位而次第举行冠婚大礼使天下以国本之安归功 皇贵妃得并受其福而中外臣民不至咨咨如有不可测之忧至于科道诸臣仍乞照常行取然后随其言之是非得失而去留之自无激聒之患而可收忠荩之益矣< 留 中 >

○兵部题覆京营总协陈良弼条上新设备倭两营事宜一议照战军营例每营军选共给寺马八百匹择殷实精武艺者领养练习以资战斗一议调神枢神机两营轻车三百八辆付备倭营训习以备缓急一议割付太仆寺每年量动京营子粒银二千两给两营为春秋操赏置办金鼓旗帜之用一议京营军伍原有定额今既抽选一万为备倭新营又兼逃亡故绝原额多亏合行各卫所清勾并召募补足原数以实行伍盖新营之设原以护卫都城为根本计耳报可

○壬午遣阳武侯薛钰隆平侯张炳甘 寺为正使光禄寺少卿陈堂编修顾秉谦甘 寺为副使持节册封荣府甘 寺府王并妃各印册冠服如例

○癸未升太常寺少卿万自约为顺天府府尹广西左布政使熊维学为应天府府尹浙江左布政使陈洙为南京光禄寺卿

○升密云兵备副使王见宾为都察院右佥都御史巡抚延绥甘 寺处赞理军务明神宗显皇帝实录卷之三百二十一

明神宗显皇帝实录卷之三百二十二

万历二十六年五月乙酉朔天津巡抚万世德题称钦奉玺书职掌海务而海堧延亘绵长将领星罗棋布一人之耳目有限难以编历周知乃兵备之官节制不行众心涣散合将海盖天津武德青州四处兵备道各加监军职衔假以事权听其节制平时训练稽查有警督察纪验事竣殿最品隲既周综核之方复联臂指之义庶精神相贯而军政益饬矣部覆依拟行

○降原任吏科给事中刘为楫辽东苑马寺主簿杨廷兰广东盐课司副提举

○山西巡抚魏允贞< 留 中 >求终养不允

○升浙江嘉兴知府刘庚分守杭嘉湖道副使杭州府同知吴木 寺为谦温处道佥事

○赠原任游击摆宝副总兵子升本所正千户世袭以其西陲劳勩东征首功应叙

也

○戊子广西太平府安平甘口寺州各备贡马差目把李雄甘口寺朝覲违限仍给全赏

○兵科给事中姚文蔚以调兵鼓噪捣巢失计< 〇〇〇 铨-金 >请择将领重出塞其大指谓兵之敢于鼓噪以将领之不恤士卒而克减甚也殒师之接踵以贪功者之轻率浪战而长戎心也< 〇〇〇 铨-金 >下兵部

○起陈有年南京都察院右都御史

○荫礼部右侍郎刘元震子胤贤入监读书

○诏旌原武王朝瑜以孝行可嘉也

○户部覆巡按直隶御史毕三才条议盐政一查灶地以清积案谓迩来灶地多被侵占灶丁日致逋逃宜令所司细查造册院司该场各存一焉侵占隐漏者论如法一专统辖以明职掌谓奉钦依优处灶丁有犯在抚按衙门发觉者除重情外听盐院治之有司不得动辄勾扰一裁增引以苏商困谓长芦额盐一十八万八百引有奇今倍之夫行盐之地不加广食盐之民不加多引增则壅矣宜以渐裁一还盐船以完国课谓运盐海船商人所自造而东征运粮尽行取困误掣即误课矣宜酌留坚致者以备运粮余船还商一议关引以速完课旧制商人纳完粮草运司差官赴南京户部关请引目发商行盐守候耽延动辄经年合咨催该部速行印发一议恤商以裕国计谓税使密如网罗商不堪命且取商船以运粮而遭风溺米复勒商赔补商何不幸而遭此荼毒也宜通行禁戢一处纳课以均苦乐谓小票行盐非法也乃北平不行盐地方概以小票纳课而私贩行焉宜量增课额严戢私贩庶行盐地方无苦乐不均之叹一禁大包以杜私弊谓盐包过大夹带公行议每包芦盐止许六百四十斤东盐止许六百一十六斤溢而纵者概寘之法一恤寄庄以纾灶役谓商人稍置庄田而寄土著之户徼徭倍于民夫灶役已重而复应额外之徵其何以堪尤宽恤之命如议行

○辛卯 孝宗敬皇帝忌辰遣宣城伯卫国本祭 泰陵

○吏科给事中吴文灿奏言 祖宗设立六部都察院综理庶政有缺旋补 皇上御极初年率繇兹轨迩来缺悬不补两京六卿之长缺者凡九而贰卿暨他署无论焉皇上试按 祖宗朝有署列一空兼摄强半如今日之甚者乎日者涣发 纶音欲复祖制会推大臣令九卿科道各举所知一员以候点用宜乎所推者朝奏< 〇〇〇 铨-金 >而夕报可矣乃诸臣矢公推举而寝阁不行岂举者犹未公乎往时会推徒循虚名主张全在吏部 皇上疑而不信恶其专也今散耳目于众而吏部特< 〇〇〇 铨-金 >名以闻耳 皇上犹然不信何也夫缺官则废事积废成弊积弊成乱所系非细故也不报

○升房守士为都察院右副都御史巡抚大同赞理军务

○癸巳 祖陵修培工完叙杨一魁褚鈇周盘甘口寺各赏银有差

○甲午 太祖高皇帝忌辰致祭于 奉先殿 ○升张子忠靖虜兵备副使

○蓟辽总督邢玠题吴广领水兵属刘綎节制陈璘领水兵赴鸭绿江从之

○起刘四科太常寺少卿章尚学通政司参议

○升甘士价大理寺少卿林烜太仆寺少卿孙炜太常寺少卿游应乾南太常卿郑继之南太仆寺卿连标顺天府府丞

○海西老哈甘口寺卫夷人来贡晏赏如例

○予英国公张元德祭葬

○升河南右布政赵钦汤为浙江左布政广东右布政胡心得为湖广左布政广东按察使王俨为福建右布政河南按察使王泮为湖广右布政陕西按察使甯化龙为山西右布政按察使吴道卿为浙江右布政贵州佥事沉思充为江西参议兵部郎中韩光曙为湖广参议户部郎中张存意为山西参议湖广佥事熊宇奇江西佥事史旌贤户部郎中黎芳俱为四川参议贵州佥事梁铨为本省参议

○起原任山东右参政杨德政为福建左参政湖广副使袁奎为河南左参政

○升湖广参议陈所蕴为河南副使广西知府卢泮为四川副使广东参议周应治为云南副使湖广参议丁继嗣兴化知府陈王庭俱江西副使山东参议卢传元莱州知府杜潜杭州知府季东鲁俱陕西副使永昌知府陈应魁韶州知府谢台卿俱广西副使刑部员外郎林掖章为湖广佥事

○复除原任佥事陈最于江西原任副使李楠于陕西

○铸给董一元备倭总兵关防

○差御史赵士登掌河南道管二十七年京察

○原任顺天府府尹听调田畴以人言引疾乞归许之

○丙申 仁宗昭皇帝忌辰遣抚宁候朱继勋祭 献陵

○兵部题东征裨将杨元南原之败亡官军二千七白马三千四百余请速正典刑从之

○命逮云南参政李先著来京究问以本省巡抚陈用宾巡按张应扬交章劾其背旨误机纳贿纵贼也

○吏科给事中赵完璧奏都城民年七十余死其妾袁氏哀恸不食亦死诏礼部议旌

○起温纯为都察院左都御史原任河南副使萧良誉为广西提学副使原任山西佥事李开藻为四川下东道兵备副使

○升谢杰为刑部左侍郎陈惟芝为大理寺右少卿姚学闾为河南左布政使沈修为广西左布政使王之屏为云南右布政使薛士彦为湖广右参议

○改南太仆寺少卿王守素为北太仆寺少卿

○升包见捷户科都给事中侯庆远户科罗朝栋礼科徐观澜兵科各左给事中程绍吏科李应策户科杨应文礼科各右给事

○庚子以 大祀 方泽命驸马许从诚告 太庙请 太祖高皇帝配

○ 上谕内阁曰览卿甘□寺所奏俱已悉知 皇长子年及冠婚 祖宗礼制天伦至亲朕岂不欲早传行但 皇长子素稟清弱所以迟缓者正要培养丰厚诚爱重之意今春至夏朕屡召 皇长子暨诸皇子问察习学之功见 皇长子气质比与去岁渐加充实且书仿对句颇有进益朕甚嘉悦 皇长子欲先行三加冠礼次及册立选婚朕思今未正名封而行加冠之礼冠服不便前已有旨况二宫不日落成待涣然一新行此大典庶嘉礼有所天下传闻以便臣民共瞻若其束发之冠须待选有婚仪择吉冠巾与冠笄同行此亦旧制也谕卿甘□寺知之

○升吏部右侍郎裴应章为本部左侍郎改礼部右侍郎杨起元为吏部右侍郎兼翰林院侍读学士

○降湖广按察使李同芳为广东参政

○升兵部郎中马怡为山东参议

○升李植为都察院右佥都御史巡抚辽东赞理军务兼管备倭

○辛丑吏部甘□寺衙门接出 圣谕朕昨览阁臣所奏时政敝坏心甚惕然且朕居深宫静摄一切大小政务诚心委任中外臣工意其仰体遵行要在国治民安而已今人心不古四夷交侵流言怨谤内外讹传奸邪乘机中伤善类况近来推升官吏不思己之贤否遂意者即诬营求劣转者旁牵报复其钱粮刑罚甘□寺项不便于己者投揭越告或指称权要金□赞刺或株连蔓引害人有官守言责者何以尽职效忠任劳担怨乎除已往姑不追究今后敢有恣肆怠玩及借称山人墨客医卜星术变诈之徒妄言乱政摇惑人心的着厂卫城捕缉事衙门不时访拏具奏必罪不宥都察院还行与各省直抚按官严行访拏究治仍晓谕官员军民人甘□寺知悉又前樊玉衡戴士衡假以建言报复私讐妄指宫禁干挠典礼惑世诬人捏造书词摇乱人心本当拏问严究重治姑着革职发烟瘴地面永远充军遇赦不宥

○又谕内阁曰朕见卿甘□寺再揭奏请具见恭敬详慎之意闰范一书乃朕赐与宫中朝夕阅览因其书理与女鉴相符使以为劝言之规前者卿甘□寺再揭奏请具见恭敬详慎之意闰范一书乃朕赐与宫中朝夕阅览因其书理与女鉴相符使以为劝言之规前者卿甘□寺所奏言人主不可以治乱安危关心即今人情倾险捏造流言坏乱朝政世道可虞亟宜修举政事收拾人心诚为腹心股肱为国谋猷忠爱殊可嘉尚且樊玉衡假以建言要名沽誉原本亦不必发票及戴士衡结党造言干挠大典妄指宫禁惑世诬人上干天和中伤善类若不重处何以儆戒将来

○补吴岳秀工科都给事中陈维春吏科给事中夏子阳户科给事中

○壬寅廷试岁贡九百五十一名选贡四百四十二名

○ 上谕内阁曰朕览卿甘□寺揭奏恭谢温谕及称处分得宜俱已悉知且朕日览万几皆附卿甘□寺票拟揭内言叠霈恩施朕因见姚绍勋之妄渎即忆入春东厂之

访奏遂乃发落王守仁甘□寺辈又见瘟疫流行故特将镇抚司所系囚犯着送法司详拟奏请定夺况天下安危利病朕居深宫岂得尽知所赖卿甘□寺心腹股肱辅佐赞襄共享太平之福方今国事多艰人心浇薄假公济私挟讐害人法令不振纲纪荡废朕甚惕然痛恨特谕卿甘□寺宜体悉之

○巡抚万世德参太监王朝戢下不严游击沈茂驭兵不肃以致彼此交哄毆死官军应行正法 上切责王朝夺沈茂俸三月

○升南大理寺寺丞张鸣冈为北大理寺左寺丞御史王明为大理寺右寺丞浙江按察使梅淳为广东右布政广东右参议王民顺为本省按察使河南左参议王嘉谟为本省副使

○以虏众内附加密云兵备陈一简副使职衔

○癸卯夏至祭 地于 方泽遣侯陈良弼行礼伯王学礼大学士沈一贯尚书杨俊民分献 岳渎之神

○以云南蛮莫奏捷加陈用宾右副都御史沐睿署都督同知各赏金币余各给赏有差

○升通政司左参议屈灼为右通政河南右参议章守诚为湖广副使户部郎中张汝蕴为陕西右参议浙江僉事伍袁萃为湖广左参议

○起原任御史丁宾为南大理寺右寺丞

○丁未兵科姚文蔚奏顷甘肃巡抚田乐陕西总督李汶揭称海虏大举入犯镇海都司余世威西宁参将赵希云甘□寺奋勇血战当略其轻敌之过录其敢战之功陕西巡按于永清揭则云将官尽杀军马全损挑祸启衅者余世威发纵指示者刘敏宽乃具< 硃-金 >奏闻欲杜欺罔以保疆场乞敕该部酌议处分并谕督抚一切功罪据实奏报不必过为曲护

○戊申升福建副使盛万年为广东右参政山东按察使张世烈为本省右布政广东右参政洪有复为浙江按察使云南楚雄府知府杨秉钺为本省副使蓟州兵备副使赵寿祖为辽海参政

○升鸿胪寺左寺丞王用贤为本寺右少卿

○庚戌 穆宗庄皇帝忌辰遣抚宁侯朱继勋祭 昭陵

○调湖广僉事李应祥以原官提督陕西学政升参政吴道行为河南按察使袁年为陕西按察使

○升原任参政许应逵为昌平道兵备副使 ○升湖广按察使冯露为广西右布政

○户科给事中郝敬以饷匱民穷条议权时裒益以佐军兴十事 上曰边饷浩烦既难加派扰民正宜酌盈济虚通融处办其下户部议于是户部酌其可行者数事如各府州县民壮抽十之四巡简司弓兵巡哨堡兵防夫抽十之二官建书院坟莹祠堂看守

人役一概查革各项额派工食俱解充饷各驿递自万历初年迄今裁禁冒滥节省余银贮库者悉查解接济各处缺官俸薪除解部外续有未解银两并积余存留牌坊甘口寺项备造册报量解一半充饷俱俟倭平停止从之

○癸丑升赣州府知府王明时为河南副使工部郎中孙健为湖广副使南吏部主事黄师文为广东参议刑部郎中黄齐贤魏养蒙俱湖广参议降参政陈勛为广东副使

○兵科给事中郝敬上言辽东京师之肘腋也屡挫之后称极弱矣今惟有聚众屯田且耕且守为上计臣简阅章奏去年济阳卫舍余李大用甘口寺一本称畿辅附近济阳甘口寺卫屯政额兵三十六万愿以万人自备粮饷随行征倭臣心疑之细访其故盖永乐年间靖难功成剩精兵四十八万将十二万选入十二团营余三十六万给赐屯田牧地种粒马价分置七十八卫于顺天府所属地方安插俱辖三千营听调征剿今二百余年生齿繁衍有司派以马户撑船运米甘口寺役极为繁难脱卸无计宁夏之变各余丁愿备粮随征以求免前役会宁夏平议遂寝二十五年倭奴警闻故李大用甘口寺有是请盖彼以三十六万之众止出万人是三十六人止抽一丁三十六家止贍一兵耳而得概免前役所损者小所获者大正为图便自利之计耳今东征师老可勿用此辈再往惟辽左空虚支吾无策合因群情之便为转移之方令该部同新抚臣李植急呼大用甘口寺面诘前情果无别碍即按各卫原籍每十抽一原数三十六万即除六万作耗尚可得兵三万人择廉干将领官统领前赴辽东驻劄开屯而于存留三十万人之中帮贴牛种庐舍之费亦每十贴一行令所在有司概免其前项差役开垦田成给为永业自耕自饷夫彼既无征倭险远之苦而又授田乐业愈欣欣乐从之恐后矣大约每兵一名限垦田二十五亩每亩量收子粒四五升一岁可积粟数万石以备不时之需至于画地经野之法听巡抚司道官布置考其成功此兵食两利之策也不报

明神宗显皇帝实录卷之三百二十二

明神宗显皇帝实录卷之三百二十三

万历二十六年六月甲寅朔户部尚书杨俊民以国用日增国赋日缩条上救时之计十款曰催徵钱粮见徵者通完逋负者带徵曰督解契税曰实报尽解赎醵曰查解一切税课曰查解农民纳吏免班银两曰凡地方官肯报解浮费及无碍堪动银充饷者纪录其余四款与科臣郝敬所议略同请于各省直接臣加敕一道严督所属 上是之命敕各巡按御史逐一清查依限起解以济国用回道时分别考核具奏

○乙卯大学士赵志皋以衰病痊可无期乞放 上慰留之

○丙辰谕内阁朕思阁臣 祖宗设立匡辅重任拟票丝纶实乃枢机政本之处今首辅调理三辅在告次辅位进阁办事况值中外多事之时如何不行题请卿甘口寺便详议来闻

○丁巳东征赞画主事丁应泰奏贪猾丧师酿乱权奸结党欺 君盖论辽东巡抚杨镐总兵麻贵副将李如梅甘口寺蔚山之败亡失无筭隐漏不以实闻而次辅张位三

日讲封僨事漏网诸臣及杨镐甘口寺今日果复与清正讲和查看得实一并逮治至经略邢玠受命而往躬亲阅历已踰一岁宜殫厥忠赤为国远虑悉心条画惩前毖后坚守具励战气以结东事之局可也下兵部议

○甘肃巡抚田乐陈湟中用兵始末并乞罢免又奏五月初六日古浪城楼大钟连响十余声章下该部

○御史赵文炳参襄城伯李承功玩违 明旨骚扰驿递诏罚承功禄米一年随从小人役下法司究问并行各省直抚按严饬禁约

○升孙炜为光禄寺卿

○直隶巡按赵之翰言臣偶阅邸报见郑承恩奏进忧危竝议一书内参戴士衡结交权奸假造伪书中伤善类以貽 祖宗隐忧赖 皇上日月之明雷霆之威将士衡发烟瘴永戍矣第谋不止于一人书不出于一手主计者位奉行者士衡与谋者徐作刘楚先刘应秋杨廷兰万建昆也之数人者为位腹心爪牙岂有此番举动不群聚金谋合手成书者乎今处一士衡而类士衡者独宽之处其为从而为首者反纵之非所以为平也诏部院看议以闻

○升陈荐为都察院左佥都御史协理院事汪应蛟为都察院右佥都御史经理朝鲜军务

○庚午山西巡抚魏允贞以无端捏造辱害难堪乞回籍听勘以明臣节盖以戴士衡捏造忧危竝议连及允贞也 上曰洞悉奸诬屡有明旨不允辞

○铸换云南布政司印

○吏科给事中程绍奏孤臣扶病趋朝惊闻毒口阴陷乞放归听勘亦以忧危竝议波及也不允

○福建巡抚金学曾以病乞休不允

○贵州巡按御史应朝卿奏叙剿捕劫掠山苗功江东之詹起东甘口寺各赏银有差杨治安蒙诏各加服色一级

○铸给提督四夷馆广宁宁前通判各关防

○加海口管粮郎中樊兆程四品职衔专管营田从凤阳巡抚李志请也

○南京工部尚书叶梦熊卒梦熊惠州归善人嘉靖乙丑进士授福清知县升户部主事转饷宁夏改山西道御史以建言谪郟阳县丞历升赣州知府平黄乡积寇钦赏叙录升历云南浙江副使以台省交荐边材改永平兵备造火车神銃事闻命解进大内面试称旨着兵部行九边为式加衔参政丙戌举贤能第一历转巡抚贵州火酋告急移巡抚陕西甘肃告急移巡抚甘肃未几宁夏变起总督魏学曾师久无功以梦熊代赐剑专征用蜡书约城中内应遂擒哮拜哮承恩以献荫一子锦衣千户世袭加都御史兼兵部左侍郎寻晋兵部尚书加太子太保赐飞鱼至是卒予祭葬如例仍加祭一坛

○癸酉先是御史赵之翰劾原任大学士张位以徐作甘口寺五臣为腹心所当并

遣下部院集议奏称右都御史徐作慈祥博大年来大工之役夙夜备极辛勤足称奉职匪懈但与张位原有粉榆之谊至生瓜李之嫌所当令其回籍听用侍郎刘楚先与张位未闻私交且署部屡有建明亦可谓忠恳任事者祭酒刘应秋虽位同乡先后词臣但本官意气慷慨耻为脂韦此二臣者似当令其照旧供职原任给事中杨廷兰有言其与位厚者有言其厚诋位者变态不可方物主事万建昆原非位私人但轻浮难于持重此二臣者当加降调以示惩戒有旨既参看明白刘楚先徐作都着回籍闲住刘应秋调外任杨廷兰万建昆俱降边方杂职 ○甲戌该部院又言伏睹张养蒙甘□寺辩

< 金 疏 > 屡奉 明旨谕以事情洞悉不必深辩且阁臣张位科臣戴士衡杨廷兰俱已奉旨处分今又欲波及诸臣恐非 皇上洞悉之初念也乞宽宥以存国体 上曰朕屡有旨洞悉伪书惑世诬人摇危国本乃原任大学士今冠带闲住张位倡言为首已遣永戍戴士衡樊玉衡从和俱经处分其张位昨又被论受贿美珠致债东事朕念侍讲辅政积有年劳故存国体姑准回籍冠带闲住汝甘□寺既这甘□寺说张位着革去冠带为民当差遇赦不宥若朦胧推荐科道即指名劾奏原奏官一并重治且徐作甘□寺虽系言官风闻参究其中不无趋附还分别处治奏来定夺

○大学士沈一贯乞宽假调理 上曰知卿积劳多郁成疾致有此请准暂假调理政本重地痊可即出匡辅以副眷怀

○差行人陈治则掌行安昌王丧礼

○升耿定力为南京都察院右僉都御史总督操江兼管巡江

○升工科都给事中吴岳秀为河南参政南京兵部郎中延论为江西僉事原任右布政应存卓为河南右布政

○调四川参政刘卿为山西参政

○降河南僉事任应徵为蔚州知州

○丙子诏更万世德经略朝鲜汪应蛟巡抚天津以监军陈效专驻朝鲜纪察功罪另差御史一员巡按辽东

○巡按陕西御史于永清议陕西苑马寺七监生员向随附近州县寄学不便请于清平监适中地方建立儒学收养牧军子弟礼部奏言创建所费不貲军民冒籍难诘事多掣肘未可轻议宜仍其旧将牧监童生散居州县者凡遇考随各州县类考另标一牧监名色而籍贯直书牧监字样以免相攻庶育才之意不失兴作之费可省矣

○起李戴为吏部尚书曾同亨南京吏部尚书刘东星为工部左侍郎兼都察院右僉都御史总理河道提督军务兼管漕运徐申仍为通政司左通政

○升田乐为兵部尚书李廷机为南京吏部右侍郎

○己卯 孝庄睿皇后忌辰遣豊润伯曹允成祭 裕陵

○起周世选为南京兵部尚书许弘纲仍为太常寺少卿

○辛巳 孝穆皇后忌辰遣广宁伯刘允正祭 茂陵

○升户科给事中侯庆远为刑科都给事中降原任给事中杨廷兰为广西怀仁县典史礼部主事万建昆为广西武缘县典史

○兵科给事中徐观澜奏查勘东征事宜一请敕谕朝鲜君臣前经理奉职无状业已罢还从此戢众整兵禁勿侵掠王宜尝胆卧薪练主兵储客饷兴复舆图之旧一请敕戒南北诸将朝廷录功使过恩德良厚宜释嫌疑共抒忠勇慎勿彼此异视今后凡有功罪从公赏罚敢有不遵谕旨者督抚以军法从事一诸敕督抚诸臣历查阵亡将卒或设祭以掩其骸或给赏以恤其家伤者厚抚而遣之还存者少优以作其气庶六师咸奋一请敕都察院速差巡按御史一员巡按辽东陈效速赴朝鲜会勘功罪庶查核任专日后军中不敢隐弊一请敕督抚诸臣共秉公忠各输肝胆会议丝毫无隐奏报从实具闻庶足明臣子不欺之义而抒 皇上东顾之忧下该部议

○癸未升户部郎中杨伯珂为四川佥事南京户部郎中陈震为陕西佥事起原任副使蔡梦说为山西副使林如楚为广东副使原任参政姜士昌为江西参政升陕西副使董元学为本省参政

○户科给事中郝敬建议谓 祖宗筹边至计惟屯田积粟塞下自屯政废坏畿辅东南沿海以至大江以北昔皆稼穡之场而今鞠为茂草矣顷者东征十余钟而不能致一石而数千里之膏腴任其荒芜计之左也乃条上屯田十六事其要者曰设专官久任而优恤曰勘荒田立界而分则曰广召募曰营庐舍曰先倡率曰治沟壑曰轻额税曰立户籍曰禁请讨曰杜争夺曰信命令而尤详于悬赏格四方豪杰有能自备工本督率垦田最多三年外升科输米如额者以指挥千百户冠带差甘口寺而递酬之以致贖郎援例齐民买爵良家子厕名学宫武职及有司官升级一切以垦荒为招人必争赴矣繇是田野既辟生聚日繁则什伍而简阅之因农以为兵兵有余因田以为食食则饱因屯以为守守则固此最胜之事永赖之业也但行之得人久而不倦五年之后可睹成功不报明神宗显皇帝实录卷之三百二十三

明神宗显皇帝实录卷之三百二十四

万历二十六年七月甲申朔时享太庙遣侯陈良弼代

○丙戌湖广道御史毕三才言故事省中六科每科设都给事中左右给事中各一员给事中三员总之不下四十人台中十三道每道多者十员少者七八员总之不下百人今尽台省新旧人数尚未足当额设之半在省中则章奏烦冗看详不周差务纷纭任使不给在台中兼差而不得辞差满而不得代且内而中行博士官曹闲冷外而推官知县政务烦劳其人类皆争自砥砺不愧台省之擢先是俸及三年即在取列近例非四年半以上者不与今则历俸五六年者有之七八年者有之当事者升之部属则非法留之候选则无期矧今值大选前者既壅后者复滞宜急下行取考选之令吏部亦言 祖宗设立科道而付之以参驳纠弹之任即尧舜明目达聪之意今言官不补不推遂使诸臣于 皇上有不喜言之疑臣固知 皇上非不喜言也特不喜乎浮诞狂琐者耳伏乞敕

下留考诸臣名数容臣会同都察院选择其忠谨老成练达国事者< 〇〇〇 毓-金 >名上请其浮薄喜事者必不使之滥竽清秩以伤 陛下知人之明皆不报

○罢南京祭酒冯梦禎两广总督陈大科回籍听勘先是南京户部主事欧阳东凤奏劾梦禎大科诸贪状是日给事中赵完璧等亦言大臣被论簠簋不饬祈赐查勘故有是命 ○升礼部郎中沈懃为福建提学副使

○神武卫千户朱仁等奏湖口船税岁可得万余金且系旧设税厂地方有旨户部查实具奏至是部覆朱仁之谬三乞绳以法无已行彼处抚按勘议万勿烦中使之遣上竟以内臣李道往但曰不许病口害民后又听鸿胪寺主簿田应璧之请复命鲁保掣卖两淮没官余盐科臣包见捷极陈利害祈并罢之 上不纳且有不许再渎之旨

○诏操江应天浙江江西湖广各巡抚如遇淮扬有倭警咨到驰援浙直有警亦如之从凤阳巡抚李志请也

○升山东提学副使徐学聚为本省参政

○予前任大理寺卿张梦鲤祭葬如例 ○丙戌总督邢玠奏免会勘东征功罪不允< 〇〇〇 毓-金 >略曰臣身为督臣节制抚镇抚镇有罪臣实共之 皇上不并罪臣而尚用臣使过之仁恩同天地除遵旨赴王京暂代经理外惟是会勘一节恐生嫌忌且抚臣既以革任臣亦难以独留合候新抚臣到日将臣特赐罢斥仍治臣以不效之罪别选才望大臣速来任事

○革福山知县韦国贤职为民以矿监陈增奏其阻挠税务故也

○夜二更东方有流星大如盞色青白光明照地复有二小星随之

○丁亥 仁孝文皇后忌辰遣武定侯郭大诚祭 长陵 ○兵部据巡抚贵州江东之揭题称土酋安疆臣以烧毁官□□角羊□劫擄家财为故土官安国贞次子安定所告疆臣使其党陈恩王嘉猷等杀定按臣参革疆臣冠带责令献出党犯听勘而疆臣不服其跋扈之状戕杀之惨稔恶怙终六师可移有不止于褫服严罚而已者近获其差遣走京之使得书鞫情谓贿职方司员外刘一澜求免革冠带贿车驾司郎中马怡求献木差回勘合填写钦赏字样臣部细加查核俱不根之言至于安国贞长子安邦查有先年宣慰使安万铨为安国亨所杀奉旨安插其孙安国贞于织金卧这地方设官坐镇事例应令安邦仍居故地坐镇官廨烧毁责令疆重修安插安定妻子于着陇私庄俾得所依王加臣等变夷归夏应收充填阳营兵俾得实用如安疆臣仍前抗违抚按官驰奏重处 上曰土司奸诈多端用贿事情既无根据不必究余依拟

○升余继登吏部左侍郎朱国祚礼部右侍郎方从哲国子监祭酒赵可怀工部左侍郎

○升刘敏宽都察院右佥都御史巡抚甘肃等处地方赞理军务

○升光禄寺少卿冷时相为南京太仆寺少卿四川副使王国为南京鸿胪寺卿

○升兵部郎中龚云致贵阳知府刘之龙俱为湖广副使

○调湖广副使孙健为登州海防副使

○己丑诏督饷兵部侍郎张养蒙回部管事

○庚寅吏部侍郎裴应章以人言求罢原任南京吏部尚书今起都察院左都御史温纯以病辞任俱不允

○兵科张辅之题贵州土酋安疆臣及广西徭贼逆节渐萌宜行各抚按相机制驭从之

○命礼部左侍郎兼翰林院侍读学士余继登右侍郎兼翰林院侍读学士朱国祚充日讲官

○考选庶吉士黄国鼎等二十一人送翰林院读书

○辛卯大学士沈一贯求罢 上以政本乏人机务烦重着鸿胪寺堂上官宣谕即出匡辅不允辞

○壬辰以刘敏宽巡抚甘肃寻罢之以礼科杨应文参枢臣徇私灭旨朦朧推举乞赐处分 上曰屡有旨会推官员都要秉公务求真才以济时用刘敏宽既在查勘李祯如何误举甘肃巡抚员缺另推来看以后不得徇情滥举祯回奏敏宽有两奉巡抚员缺推用之旨臣部谨记之非敢灭旨也 上怒其强辩调南京别衙门用

○诏李如松战歿虜地忠魂无依准照例衣冠归葬以示优异

○癸巳铸给查勘东征军务关防

○吏科给事中吴文灿条上四事曰开采当停店税当蠲买珠当罢罪臣当释大略为四方民穷已极枵腹悬磬在在如是宜加休息而可困以矿务乎则停之便畿辅民力已竭饥馑流离道路相望宜加抚循而可困以店税乎则蠲之便买珠之价动至四十万及户部执奏仅姑缓进其半而尤严续进之旨非所以明俭德也则罢之便曹学程久淹囹圄诸臣累牍哀请不啻再三而无宽假之期非所以慎用刑也则释之便不报

○乙未升谕德叶向高左庶子郭正域右庶子各掌本坊印信范醇敬司经局洗马掌本局印信袁宗道左中允

○丙申 孝安皇后忌辰遣抚宁朱继勋祭 昭陵

○丁酉南城兵马江榜缉获私铸伪钱钟二等有旨着该巡抚勒限拏角□羊至京即讯

○陕西博峪答石隴哈等族番人阿鹅等进贡方物各赏给如例

○戊戌中元节遣侯郭大诚等分祭 九陵及 景皇帝陵寝指挥同知许浚祥祭哀冲 庄敬二太子陵园

○原任祭酒刘应秋引疾乞归许之

○己亥监军御史陈效言东事难欺烦言难据大略谓抚臣杨镐负气任事严急招尤功次未分怨谤渐起失意奸将与被逐流客游言丧败都市如簧而赞画主事丁应泰堕奸将高策之计复以其身证之恐烦言一布士庶交疑恩仇徒快群谗国家反成戏局

乞专敕科臣公同总督熟察情形备查功罪虚实公私不辨自明矣而又极言撤兵减饷之不可总督邢珍亦言应泰以丧师酿乱奏报不实指摘抚镇除稷山青山蔚山之损失多寡与抚镇诸臣之罪状虚实已蒙遣官会勘显形可见无容臣言至谓抚镇媚清正而与讲和事亦有因盖兵不厌诈期于成功可以战胜则力用战可以间图则兼用间故古之用兵亦有以贿赂间有以亲密间有以文告间从古不以间为讳若忌和之别名而废间之实效文法一执动必掣肘况此酋最狡每遣奸细輒捏造臣等衙门假牌吴惟忠李宁累获可验而此一伪语即可信以为真乎至所云倭止四五万我兵不必加多饷不必加积节冗费息民力谈之至美亦臣等之所至愿但两敌正在相持岛夷观望以为去留将士观望以为进退朝鲜观望以为离合减撤之说可令闻之将士洩之倭奴乎有旨着差出科臣一并勘奏

○罢尚宝司卿郑璧回籍听勘以陕西巡按于永清论劾故也

○保定巡抚李盛春以病乞归原任工部右侍郎姚继可以衰病不能赴任辞俱不允

○刑部覆都给事中赵完璧明嗣绪以慎封爵< 足 毓-金 > 上曰宋世恩既遗有宗图开载长子光夏应袭甚明如何紊争其会同五府堂上官从公勘问具奏不得私庇

○庚子差御史李楠巡按浙江 ○命吏部左侍郎刘元震礼部右侍郎曾朝节教习庶吉士

○以编修冯有经充 皇长子讲官左庶子叶向高充 皇长子侍班官

○升焦承勋协守大同地方副总兵

○辛丑 成祖文皇帝忌辰遣武定侯郭大诚祭 长陵

○壬寅荫巡抚湖广右佥都御史赵可怀男士简入监读书以三年秩满故也

○甲辰户部覆山西巡按御史涂宗浚以简阅事竣条议三事内一款议支放以绝侵弊看得主客二兵均属正粮但主兵军有定额饷有常支客兵原以备不时缓急之用议主兵通融新旧兼放自万历二十六年为始即查镇属各路年例粮料每年应买主兵若干客兵若干各登簿籍另贮仓廩遇有支放不论主客止查入廩先后为序盖以客兵无用之积为主兵有用之支而即以主兵支余之粮为客兵预备之数及查盘之日止查实在亦不必更分主客则既无数年不支之粮又免二项重支之费 上从之

○升原任甘肃碾伯游击署都指挥佥事张守信分守甘肃西宁地方参将

○乙巳山西巡按吴楷言及时录用逐臣以弘化理内举吏部尚书孙丕扬蔡国珍刑部侍郎吕坤科臣杨恂刘道亨杨东明刘为楫台臣马经纶冯从吾俞价鹿久徵等科臣王如坚钟羽正乔□□□月□□遂中立朱爵任彦槩台臣郭实胡克俭李宗延谢廷策冀体柳佐部臣王教邹元标姜仲轼王绍先何乔远韩范黄中色江中信蔡宗明郝名宦或因建言获罪或因他人诬误其情可原其才可惜伏乞将孙丕扬等王如坚等召还

原职或遇缺推补不报

○丙午广西田州冠带土官岑懋仁等差族目岑元等朝贡赏给如例

○升工部郎中贺盛瑞为湖广参议

○赠原任南京户部尚书陈于陞太子太保荫一子国学生

○以国子监司业杨道宾掌南京翰林院印信

○诏广西副使林廷陞推官江中南甘□寺俱戴罪剿贼指挥朱庆元巡按御史提
候事平定夺以猺贼纠党倡乱为巡抚戴耀所奏也

○戊申予武安侯郑惟忠祭葬

○内官鲁保经理淮盐李道抽税湖口俱奉有节制有司之旨户科给事中包见捷
赵完璧郝敬甘□寺各< 疏 金 >极称节制不便者数事且云使天下后世谓内臣
节制外臣自 陛下始则所仰累 圣政者不细俱不报

○加升宁夏兵备王道增为按察使照旧管事

○庚戌礼部左侍郎兼翰林院侍读学士韩世能卒世能直隶长洲人隆庆二年进
士改庶吉士授编修与修 世宗 穆宗实录充经筵日讲官典顺天试两充会试同考
官历升侍讲祭酒礼部侍郎教习庶吉士以给事中钟羽正甘□寺劾其年齿衰頹才识
卑下回籍至是卒诏与祭葬如例以日讲官加祭一坛

○升贵州副使张斗为云南参政

○南京刑部尚书赵参鲁以病辞不赴任不允

○壬子升陈惟芝为右佥都御史总理粮储提督军务巡抚应天等处夏良心右副
都御史巡抚江西徐三畏右佥都御史巡抚应天等处夏良心右副都御史巡抚江西徐
三畏右佥都御史巡抚甘肃等处

明神宗显皇帝实录卷之三百二十四

明神宗显皇帝实录卷之三百二十五

万历二十六年八月甲寅朔升范仑为通政使许孚远为兵部左侍郎

○起赵焕为南京都察院右都御史

○升四川副使王孟煦为江西参政

○江西巡抚陆万垓告病许之

○铸给太仆寺督理库藏关防

○乙卯升澂江知府王禄兆为云南副使中河郎中黄承玄为济宁兵备副使

○丙辰直隶巡按马从聘以朝廷遣内臣掣卖两淮没官余盐奏言两淮岁课七十
万五千一百八十引此系灶丁额办输官专待边商报中商守支之数但海岸萧条灶丁
穷苦流离转徙逋欠难完倘有积盐早已补尽况查正引之外诸边新增引目每岁不下
二十万皆无正盐听□人买补又昨岁户部以大工缺费搜索准司远年余没老引六十
余万召□认卖引价余银共徵二十万两角□羊部助工亦系买补目今两淮盐法敝坏

已极不在场司之充盈而在行盐之难售盖二十三年来边防增饷户部助工两淮引价余银称一百二十余万今实渐至一百四十五万矣夫行盐地方食盐户口有限而新引日益则正引日壅以致口人纳银岁久掣盐不前资本渐亏积苦难控而奸人罔利每每金口赞求希图起掣今春京城市棍藉口淮盐献充兵饷幸赖 圣明置之不听乃复賂买田应璧驾言助工冀为必售之术以遂奸谋夤缘得行贪狼益肆凡口人纳银守支之课及期应掣之单皆得任其揜越侵夺从此边口裹足内商徙业军储国计两无所赖患将莫知所终矣不报

○大学士赵志皋等恭进 累朝宝训及实录 太祖高皇帝宝训十五卷实录二百五十七卷 成祖文皇帝宝训十五卷实录一百三十卷 仁宗昭皇帝宝训六卷实录十卷 宣宗章皇帝宝训十二卷实录一百一十五卷 英宗睿皇帝宝训十二卷实录三百六十一卷 宪宗纯皇帝宝训十卷实录二百九十三卷 孝宗敬皇帝宝训十卷实录二百二十四卷 武宗毅皇帝宝训十卷实录一百九十七卷 世宗肃皇帝宝训二十四卷实录五百六十六卷 穆宗庄皇帝宝训八卷实录七十卷通共二千三百四十五卷装为百套 上嘉悦命奉安御前恭备详览

○命戴耀以原官改总督两广军务兼理粮饷带管盐法巡抚广东地方

○丁巳祭 先师孔子遣侍郎刘元震行礼

○礼部题本月十七日适 皇上初度之辰本月十二日又经筵秋讲之始臣等忝窃礼官敬修职掌遍行各该衙门恭候至期行礼但迩来 皇上深居静摄警蹕稀传彤廷赤墀之下阔略于仪章而穆清宸扆之上不闻夫启沃盖数年于兹矣今华夷之使毕集陛阙而愿一伸庆祝之忱讲读之臣咸怀芹曝而愿一展论思之益无不喁喁仰望临御虑或传免者乘今新秋凉爽 圣体康和 寿辰方届讲幄将开伏望 皇上暂移玉辂俯贲金华受朝于 圣诞俾嵩呼华祝之众咸遂其望云就日之思御讲于经筵使广厦细旃之前少效夫纤尘滴露之助繇此传之四方闻之兆庶咸皆知 圣躬之万福而欣然相告亦咸知 圣德之日懋而肃然改观所以灵承 帝眷维系民心者非浅鲜矣不报

○戊午祭 太社 太稷遣侯陈良弼代

○礼科给事中项应祥奏申饬禁卫四事内一议皇城以内自非口贾贸易可到合将四门诸色口贾闲杂人等严行驱逐犯者送法司究治纵容之人一体参奏庶内地肃清潜奸屏迹部覆有旨如议行

○庚申朝鲜国王李昫奏大兵既集抚臣被参群情疑阻事机将失乞洞察实状亟回乾断策励抚镇以毕征讨 上曰杨镐等损师辱国扶同欺蔽特差科臣查勘是非自明不必代辩

○以编修董其昌充 皇长子讲官

○辛酉 孝康敬皇后忌辰遣宣城伯卫国本祭 泰陵

○壬戌工部题覆总理河漕尚书杨一魁〈○ 毓-金〉今日之可虑者不在漕而在河盖黄河决徙尚无归着既南忧其淤而不能受又北忧其来而无所容势当广挑故道以为容受之区与巡漕御史杨光训请复故道所见略同至目前为新运计有徐洪以下二三浅处或就浅捞浚或增添月河更将吕洪沙枋二处正河筑坝用闸节水以便经行则汶泗沂沭源泉微吕周柳诸湖加之小浮桥源流之水明春自足济运不至嗷嗷仰给于黄流而李吉口以下浚治之工亦可从容料理为万全永赖之计其碭山五圣庙下流一带中有浅滞处亦宜量行〈○ 毓-金〉浚盖河流通则徐邳不梗而漕利商虞不波而陵安此一举三益之策也至于查复徐邳故道之说果一劳可以永逸即宜早为设处以济新运 上是其议

○癸亥原任工部尚书李戴引病辞免不允

○好地坪锋铁城等族番人郝卜等朝贡赏赉如例

○ 孝慈高皇后忌辰致祭于 奉先殿

○甲子赐较对训录官曾朝节叶向高郭正域范醇敬袁宗道吴道南刘曰宁冯有经银币有差

○以山西副使盛世承调补阳和兵备李芳调补分守冀北道

○朝鲜国差陪臣金尚容等赍表文方物进贺赏赉如例

○乙丑惜薪司岁办柴炭每年题奉钦依共派兵工二部银二十余万两永为定额至是该监具奏求增科臣陈维春上〈○ 毓-金〉云大概岁进物料实供 上用者十之二三其余尽入私囊今复于额外求增不过厌其溪壑耳岂真为国家计盈缩哉不报

○丙寅升南京国子监司业黄汝良为右春坊右中允管国子监司业事

○戊辰督饷侍郎张养蒙条陈饷务五事其一谓江南造船工料不坚重费修舱宜申严督委侵冒之令二谓海运数千里稽延时日且多驾言漂损乘机侵渔宜严押运后时之罚以祛积习三谓本年额运粮饷俱至义州交卸方作实数通限岁终总考不及额者题参来岁仍照限半年考成四谓东征兵饷岁运米七十万石银百十万两有调募未到者原派粮料应该扣除以细核实支之数五谓广求海运可通之路宜咨山东保定各巡抚悉照饷臣所议将岁派粮饷分投各海道转运如山东登莱粮少移就济南粮多之所而济南兑运水次改赴利津新改漕船即向利津领兑该道运额取支应动预备仓粮与临德二仓本色尤为近便报可

○升郭正域为南京国子监祭酒

○己巳与原任南京太常寺卿张鹵一祭半葬

○庚午 万寿圣节文武百官朝贺遣祭 九陵及 景皇帝陵寝

○以都指挥佥事钱焯为参将分守大同井坪等处地方游击高崇谦为延绥左参将分守西路地方都司佥书张诗为陕西保宁堡参将分守靖虏地方

○辛未户科包见捷摘陈度支应议事宜一议海运先是督臣海运之议申明赏罚

业奉部覆顾横海一倚于舟楫而利涉全在于舵师必得坚致如沙船福船熟运如朱清张瑄然后可免风涛漂没之患且既峻科条以惩之尤必悬赏格以激之此海运之责成宜急也一议盐法军兴以来议增盐引数万而私贩者遂乘间充斥矣查嘉靖年间尝禁藩王不许擅差官旗人等下场兴贩又查条例凡越境兴贩官私盐及巡捕官乘机私贩二千斤以上者俱照例遣戍夫举藩封官旗与巡捕官而他可推也此盐法之申禁宜严也不报

○甲戌秋分祭 夜明于 夕月坛遣侯徐文炜代

○差御史王业弘往辽东巡按

○升广东海防参将都指挥佾事顾臬为广西参将分守永宁地方都司佾书张应种为辽东右参将分守义州地方协守辽东东路副总兵马栋为中军都督府佾书

○乙亥宪宗纯皇帝忌辰遣宁阳侯陈应诏祭 茂陵

○云南巡抚陈用宾议顺宁荡平宜改设流官以顺民情下该部议

○升怀庆知府江学诗为山东副使

○丙子革原任礼部主事万建昆职为民以奏辩御史赵之翰< 〇〇〇〇 〇〇〇〇 >论伪书合谋等事也

○总河尚书杨一魁奏请专设水利屯田宪臣一员于碭山安东等地方下部议

○起郝杰为南京工部尚书王基为南京刑部右侍郎马慥仍为尚宝司卿

○升南通政司参议李三才为大理寺右少卿陕西左布政使郑国仕为太常寺卿山东按察使白希綉为山西右布政使广西按察使朱运昌为福建右布政使河南副使郑一麟为山西布政司参政原任陕西副使荆州俊仍为陕西副使宝庆知府徐应箕为贵州副使兵部员外刘毅为山东提学佾事

○升陕西右布政沈九畴为江西左布政河南右布政应存卓为贵州左布政陕西副使杜潜为河南副使原任副使秦大夔仍为陕西副使

○以原任都给事中韩学信补工科都给事中

○丁丑祭 历代帝王遣侯陈良弼行礼

○夜四更京师地震

○重铸吏部印信

○戊寅御史宋兴祖以曹学程论东事获罪久羁诏狱母年八十思子成病竟日不食奄奄待毙乞宥学程以救耄母不报

○原任工部尚书曾同亨以病辞不赴任四川巡抚谭希思以病乞归俱不允

○升太常寺卿刘四科为太仆寺卿南京大理寺右寺丞朱廷益为南京通政司右参议

○升江西按察使盛世承为陕西右布政使河南按察使萧良干为河南右布政使云南参议王任重为山东按察使

○调湖广参议贺盛瑞于陕西陕西金事陈震于河南

○己卯兵部题加朝鲜经理万世德一品服从之

○庚辰祭 京都太仓之神遣侍郎赵世卿行礼

○原任南京吏部尚书温纯原任南京兵部尚书周世选各引疾辞不允

○予原任吏部尚书陈有年祭葬有年浙江余姚人嘉靖壬戌进士授刑部主事寻改吏部主事晋员外郎历稽勋验封郎中其在验封以执争成国公朱希忠赠王事不获请遂移病去江陵甚恚之里居十年起考功郎调文选时江陵已败众正汇进得之推毂者为多寻擢太常少卿晋右金都御史巡抚江西会上需陶器亟岁增额数千且多奇巧再< 〇〇〇〇 〇〇〇〇 〇〇〇〇 〇〇〇〇 >极谏为量减十之三复以岁禄< 〇〇〇〇 〇〇〇〇 〇〇〇〇 〇〇〇〇 >止口贩为豪口噉御史论罢再起南右金都御史提督操江迁协院右副都御史历刑兵吏三部左右侍郎南院右都御史特简吏部尚书是年正月卒于家四月起南右都御史至是抚按请恤诏与祭二坛给全葬赠太子太保谥恭介录一子国学生盖仍从冢宰例云

明神宗显皇帝实录卷之三百二十五

明神宗显皇帝实录卷之三百二十六

万历二十六年九月癸未朔遣王赋业以原官充总兵镇守临洮地方

○赠已故尚书陆光祖太子太保荫一子国学生赠已故工部侍郎吕鸣珂工部尚书

○甲申御史乔璧星议廷推谥法二事一敕吏部将五品以上资俸及推升规格开造书册按季送会推衙门先期讲究该部对众仿正陪之例斟酌资望才品稍加差别恭备 皇上采择一敕下礼部将二十年以来获谥诸臣开造书册送九卿科道衙门矢心评品亲注某应谥某应夺某应改某遗漏应补各牘列实迹封送该部类奏恭候 皇上予夺并劾考功司主事陈民志宜量调闲曹罢其考诏部看详

○乙酉大学士沈一贯四恳放归 上仍慰留之

○刑部尚书萧大亨以赞画主事丁应泰论其代庖本部与邢玠结党等情上< 〇〇〇〇 〇〇〇〇 〇〇〇〇 〇〇〇〇 >辞免以明心迹不允

○丙戌 孝恭章皇后忌辰遣侯徐文炜祭 景陵

○诏升山西巡抚魏允贞右副都御史巡抚如旧以三年秩满 上念其久历边关效有劳迹故也

○原任兵部侍郎今听调李祯以病乞休许之

○福建福清县举人林章特陈破倭全策章下兵部

○丁亥两广总督陈大科奏沿海多虞乞罢开采不纳 〇戊子兵科给事中姚文蔚上言东征之役一切战守机宜当专责经督二臣主断余人不得干扰其查核功罪责之监军御史勘覆奏事责之差去科臣主事丁应泰业已奉旨止据原奏会同勘明不许逞臆阻坏军机且师克在和兵事贵密会议举事恐有参差洩漏之虞 上曰东征事

权原系专责总督主持各官不得牵制

○己丑差御史蒋汝瑚巡按应天

○庚寅原任刑部尚书赵焕南京刑部侍郎谢杰各以病辞不允

○壬辰初会推铨部司官礼部郎中熊钟文中书舍人陈民志知县江盈科等为尚书萧大亨杨俊民所引荐户科给事中李应策劾之大亨俊民各具〈硃 毓-金〉求罢诏各供职如故改熊钟文等俱别衙门用

○以水灾蠲免浙江各府县钱粮有差从巡按御史方元彦奏也

○升文选司郎中南企仲为太常寺少卿

○癸巳益都县知县吴宗尧奏提督矿务太监陈增违旨营私状内言臣县令也不敢越职妄言惟是剥床及肤灾尤切近不得不冒死上陈原该青州知府范善先乞查勘益都县止有铅砂绝无银矿陈增徒以王府所在市货所聚服御饮食便于徵求如蚁恋膻据为窟穴狼籍城中日月之费海吸百川剥噬所加席卷一邑官民有不胜其毒害者谨据其剥官戕民种种不法事列状以闻不报

○甲午户科都给事中包见捷等上言自大工烦兴矿议蜂起矿监陈增饕餮为甚爪牙益张据知县吴宗尧一揭则不惟荼毒官民亦且弁髦 明旨种种横状不可见闻事有证据人有指名宗尧又岂漫言之乎臣以为速赐勘处并罢开采为便不然先行撤回无滋反噬亦所以重民命也 上曰开采矿务原为足国惜民陈增何不仰体始勤终怠姑着策励供职其原奏及差委如假公济私严行禁约参奏处治倘庇护不俊一并从重究处于是给事中郝敬具言开采不罢则 陛下之明旨不过为愚弄臣民之虚文耳柰何宦竖辈不弁髦视之乞先行停止然后以宗尧所奏令抚按一体查勘以正陈增之罪有旨陈增还着遵奉敕内事理洁己奉公严禁下人毋得自干法典吴宗尧借言官守奏揭狂逞显是要名姑且不究

○以范醇敬袁宗道充武场考试官

○加户部尚书杨俊民太子太保以三年秩满也俊民〈硃 毓-金〉辞不允

○予南京兵部尚书吴文华祭葬仍加祭一坛以酬军功

○丙申大学士沈一贯以病笃五恳放还上优诏留之 ○命侯陈良弼宴待四川乌思藏四王并长河西宣慰司五起进贡国师蓄竹筒参等

○丁酉吏部覆忻城伯赵世新袭祖爵许之

○己亥礼科左给事中罗栋奏举缺溢名臣以彰幽隐内举原任兵部尚书伍文定毛伯温吏部左侍郎张元祯南京刑部右侍郎吴悌都御史鲁穆大理寺卿夏时正礼部侍郎田一俊大理寺卿陈恪尚宝司卿孟秋中允郭希贤庶吉士邹智御史刘台中允张元忬等十三人诏令礼部从公勘议访实具奏以凭裁夺亦有溢之美恶未当其人查来俱改正行

○予镇远侯顾承光祭葬

○壬寅宴四川阐教等王遣太守侯陈良弼待

○癸卯河南巡抚曾同亨巡按崔邦亮题 潞王为 圣母爱子 皇上亲弟又当今诸藩之首迩来闻多出入无禁嬉游无度轻以千乘之贵尝试垂堂之危伏念中州灾沴之后每多啸聚之徒加以矿务烦兴亡赖四集即藩府叠户崇墉深居简出犹恐敌在舟中变生意外矧乃以 王牒亲贵恩迹尘埃往来驰骤为奸徒所垂涎此臣等所为忧心过计惴惴然夙夜靡宁也惟是长史辅导责任匪轻王有乖动即当苦口以诤必冀其从乃一味模棱罔思匡救何贵彼相为所当罚治以儆容悦者奉旨览奏王不遵

祖制微行出游朕深忧骇辅导官不能谏阻职守何在姑罚俸一年还着礼部便行与该抚按官启王极陈利害毋得再犯以慰朕心还查引诱之人具奏 ○总督邢玠恭报东征进取大略合水陆官兵七万分为三路绝其粮饷部覆得旨兵马分派既定尔部便急传邢玠刻期相机进剿阌外事务俱听便宜行事不必疑惑致误军机

○甲辰霜降节遣祭 九陵 景皇帝陵寝 哀冲 庄敬二太子陵园

○吏部题考选推官方大镇等十四员知县熊鸣夏等四十员乞亟允行以通选法不报

○浙江巡抚奏萧山县明月坊民贾九经家地下透出鲜血

○乙巳山东巡抚尹应元奏太监陈增违旨欺 君奸贪网利赃私贯盈螫毒地方骚扰驿递不法二十事有旨切责应元罢吴宗尧职为民郝敬上言臣观 陛下处陈增一事窃虑自今以后宦< 监-皿立 >之虐焰张天忠臣之正气扫地外廷之谏论绝响而逸夫之利口横生天下事莫知所终等语 上怒其抗旨党庇夺俸一年并夺应元俸半年

○南京刑部侍郎李江卒江山东武定人嘉靖己未进士授庐陵知县入为陕西道御史升四川监军副使荡平九丝蛮历升右副都御史巡抚湖广有平苗功两受金绮之赏寻告病归未几卒照例与祭葬以军功加祭二坛

○丙午天津徵收店税内使王朝死巡抚汪应蛟给事中包见捷各< 距 毓-金 >请罢勿补 上切责之

○ 圣母慈谕传与子潞王知道尔自之国以来我每望尔务行孝弟世衍邦家永享平康之福昨皇帝面奏据河南抚按等官会题尔数出禁城挟重游远我一闻知不胜伤感愤恚尔昔幼冲命 皇帝简择讲官使其读书明理正谓谨始虑终今尔不遵 祖训罔惜身名违禁私出远行招引无赖之辈殊失体统意欲何为如有不测之事必然宪典难容我命 皇帝严加戒飭 皇帝再三进劝姑念 皇帝之德且宽宥这遭自今以后洗心涤虑改过省愆恪遵 祖训谨守藩规深思天满之尊重以肃诸藩之观瞻我谕到日可即查内外答应引诱之人名字奏来勿得故违隐护特此故谕尔其遵承之钦哉是日 皇帝书与 弟潞王近该河南抚按官曾如春等会题据该道称王私出禁城挟重远游或只车单行或村居野宿其内外辅导官不能苦谏匡救相应罚治仍乞谕令

潞王恪守 祖训慎重起居等因朕一览闻殊为惊异恭惟 祖宗立法宗藩越城有禁矧王乃朕亲弟为诸藩观瞻不遵 祖训私出微行罔惜身名不加慎重所学孝弟之道果安在哉朕心岂得恬然当即面奏 圣母伏蒙 慈谕命朕谕旨严加戒饬当思亏体辱亲之训戒勿糜 圣母与朕之忧怀右云过则勿惮改悔过迁善朕今深切望于王焉已有旨责罚辅导及着礼部行该抚按官启王勿得再犯还查引诱之人指名具奏定夺嗣此以后王宜上遵 祖训谨守藩规省改前愆勉修后誉冀绵邦国之祚永享平康之福为善最乐岂不美乎朕念一气手足至情特此谕颁惟弟其体谅勗之

○己酉诏赐五官监候杨源祠额显忠仍予议谥先是河南抚按题据怀庆府孟县申五官监候杨源系江西丰城人乃忠臣浙江按察使杨瑄之子正德元年七月源上< ䷗ ䷗-金 >言占候得大角及心中动摇天璇天玑天权星不明乞安居深宫绝远游猎罢弓马严号令毋轻出入辟除内侍宠渎游逸小人节赏赐止工役亲元老大臣日侍讲习诗书< ䷗ ䷗-金 >下礼部礼部言源占候之言深切时弊源复< ䷗ ䷗-金 >言十月二十六日占候得连日霾雾交作为众邪之气阴昌于阳臣欺于 君小人擅权为下叛上引警甚切刘瑾怒矫旨杖三十源又< ䷗ ䷗-金 >言自正德二年来一向占候得火星入太微垣帝座前或东或西往来不一乞思患预防瑾又大怒骂源尔何官亦学为忠臣乎矫旨又杖三十谪戍肃州行至本县地方河阳驿棒疮举发而死其妻皮氏无资买棺以殓乃斩芦藁葬于驿之后至嘉靖年黄河水溢驿墓俱淹没无存今据本处乡民王笃信等结勘原坟在于驿城东门之外申乞转呈立坟以葬衣冠建祠以延血食府道司覆查相同除院道各捐俸银立祠修墓俱已告完呈乞具题请赠谥祠额以旌忠烈至是部覆得请赐额拟谥仍行该有司春秋祭祀永为定典

○庚戌贵州宣慰使宋承恩差舍人贡马庆贺 万寿圣节赏给如例

○广西巡按龚文选劾府江兵备林廷升诸贪状且云事以人误动多乖张宜革任闲住而以苍梧道副使张文耀代之章下吏部

○诏赏宣大总督王世扬银币以任内节省银一十万二千余两故也

○以宣大墩工成赏兵备赵彦徐守谦白金有差仍各纪录 ○荫户部侍郎张养蒙子张光斗为国学生

○辛亥逮原任益都知县吴宗尧锦衣卫讯问以太监陈增奏宗尧阻挠矿务有旨吴宗尧侵欺加派银两数多妄捏虚词饰贪邀誉降革未尽其辜着锦衣卫便差官尉拿角□羊来京究问陈增着遵新旨策励供职

○调四川佥事李开藻为本省提学

○升大同知府李芳为山西副使山西参议崔应麒为山西按察使工部都水司郎中蔡守愚为四川副使户部广东司郎中李茂春为陕西佥事

明神宗显皇帝实录卷之三百二十六

明神宗显皇帝实录卷之三百二十七

○予新建伯王承勋祭葬 ○癸亥诏建原任兵部侍郎曾铣祠春秋致祭先是巡按御史周盘疏称铣以嘉靖乙未进士授知县召入为御史巡按辽东值辽阳三城兵乱窘辱抚臣纵大散囚闭城拒命廷议发兵讨之铣< 銑 銑-金 >乞原宥以安边镇奋不顾身单骑往谕宣朝廷恩威三军欢呼动地兵不血刃缚其渠魁余皆安堵该部谓铣置身孤危计禽首恶安叛乱于入城之初捕凶顽于凭险之际功当第一升大理寺丞寻推右佥都御史壬寅巡抚山东城临清以破虏谋乙巳巡抚山西移镇鴈门遏虜于平型广陵虜不敢近边者二年丙午秋虜寇陕西督臣被逮而代难其人 肃皇帝以属铣擢侍郎兼程赴狭时贼十万骑由宁塞突入铣遣将李珍率劲卒捣其巢斩首百余示虜虜惧遁去亲督将士夜趋塞外邀击于前黎明虜至见大将旗鼓错愕大溃斩虜一百八十一级丁未出塞斩虜升俸一级铣目击狡虜住牧河套侵扰为患画陈八策大略谓河套古朔方地卫青所取河南张仁愿所城受降者也弘治八年虜编箠渡河掳掠士马十二年入寇自是占据数为边患今议者欲筑榆林边墙不过数年之谋若夫复套驱虜出塞临河作障天险为池可保数百年无事 肃皇帝深嘉纳之铣感激知遇复条上十八事日夜讲求虜之策攻捣虜穴虜大惊扰多移营渡河当是时仇鸾骄恣悖逆阴洩事机铣劾之鸾纳贿权奸共捏危言构铣下狱刑于东市天下冤之边人有相聚泣者隆庆初准复铣原官赠尚书赐谥荫祭葬铣忠烈功勋烜赫宇内宜建立祠宇春秋致祭仍择本官的派有行子孙一人看守庶祀典隆而忠魂大慰矣 上从之故有是命

○大雨雪喜峰路台上忽从西北楼内旋风大作响声震地黑气冲天旗捍倒折楼内上层有火光

○御史杨光训言故事会推阁臣词林诸曹并拟顷奉旨会推拟者七人率皆词臣而诸曹无一与焉无论非公评论相之道而二百年盛典自今日废矣乞敕诸臣从公别拟兼推以俟 上裁不报

○先是御史乔璧星有明公论以定国是议礼科给事中罗栋等有摘举缺谥名臣议礼部题覆将万历元年至今凡诸臣已得谥者尽行查出开写文册分送九卿詹翰科道诸臣虚心详议若应谥而未谥者诸臣果有灼见不妨明白开列如其当谥则明书行事如何公正心术如何粹白指实条具勿以私好而过为褒美勿以私恶而过为讥评勿以众咻而随声附和候通送到部类集具奏某官应予即明注系某官所议应夺者亦如之候 圣明裁夺倘所议不当日后被人指摘得实者将原议官一并议处庶予一人而众皆知荣夺一人而众皆知辱贤奸不淆于身后劝惩可裨于将来矣有旨令九卿等官虚心详议应谥者准与补谥若已谥者果于群议不协方许改正追夺毋过苛求以伤朝廷锡予之典

○南京户部尚书郝杰引疾求罢不允

○诏今岁南京及各省俱炤例暂免行刑

○发沈惟敬妻子于功臣家为奴

○乙丑 孝安皇后禫服 ○丙寅兵科都给事中张辅之等上言□国与倭相持凡七<□□ 冀>始误以和继矫以战岛山一挫赞画有词一参抚镇再参总督再参监军朝鲜国王既代庖司马在事诸臣靡不凛凛震恐于是感激思奋矢心歃血期共灭倭誓师祝词读之令人泪洒期于九月二十日诸路进兵以总兵刘綎董一元麻贵各统率陆兵陈璘专督水兵诸路夹攻贼孤无援我师电掣倭奴鼠伏虽一举而荡平之可也然师行粮从我师数万分道远出多不过持十日粮再多不过半月耳所有转饷多藉鲜人而四方之人有从朝鲜来者臣数访之咸云国王闭门待罪听勘该国大小臣民拥众数千赴各衙门痛哭叫号鸣冤勘官监院差官宣布皇恩催出视事国王犹忧懣不出臣民相视角□羊体水陆粮饷何人走□赞运绳以汉法祇重怨咨万一王师乏食倭奴乘虚袭我一路失守诸路咸溃则我 皇上七年之宵旰帑藏数百万之金钱三军郊外之暴露中外臣民朝夕之想望将遂令其决裂至此耶臣之所大惧也乞速发明诏宣谕国王以安其心而藉其力此不可旦夕缓者耳 上曰朕念朝鲜屡勤援救今水陆进兵破倭在即军饷时刻不可缓便著兵部马上差人传与总督邢玠宣谕国王星速催督本国兵饷协济共期成功毋支吾推诿致误军机

○初大工肇兴帑藏告匱 皇上不忍加派小民特允开采之议以佐目前之急诸臣陈说利害请罢遣中使者章数十上俱未奉俞旨今各开采之处岁角□羊已有成规御史秦懋义欲酌为定额责之抚按具<□□ 铨-金 >曰臣查邸报万历二十四年起至今二十六年历两年所顺天之所解进者共四万余两或秋盈而夏缩或彼多而此少臣按岁而派分之则每岁可二万者其大都也山东则解二万四千余两每岁可得一万两河南山西各解二万两每岁可各得八九千两浙江共解二千两每岁可得八九百两诚即此定额责成抚按令廉能府佐兼任其事另立开采银两名色如数勒限角□羊进怠缓者罚无赦若开采已完而无砂可采者即将坐落地方夫费抵角□羊又不然则量派概省稍稍如额而止犹愈掘坟发冢卖妻鬻子之惨也若湖口之抽分每岁于九江芜湖钞关量加数千金通湾天津之皇店岁进俱有钦定事例归并河西务临清等关每岁量加毫忽务足岁额另项起角□羊则税有定数商贾便于委输地方免于骚扰至于粤东采珠之使驻劄省城遥制雷廉惟差原奏虎狼数十辈催儻搜括不如兼委之宪臣尤易关防诸差臣竟可召还也不报

○诏薊州副总兵李如樟以原官管右军都督府佾书事

○己巳遣行人王孟震往荆府掌行丧礼

○大学士赵志皋奏病势已深乞赐生还遣御医诊视

○诏泗川倭贼既克贼势中断便行与总督宜益鼓舞诸将力图进取军中必血战乃能成功阵亡将士从优拟恤朝廷不以损伤为拘但期荡贼以安藩服

○旌上洛王勤□言□甘火□并长子朝瞿鄠城王府宗正宙楨各孝行

○永寿王府辅国中尉怀土□侵越奏长安知县沈听之贪酷蔑法凌虐宗室诸状

奉旨沈听之擅监宗人放纵无忌贪酷异常赃私狼藉著锦衣卫差的当官尉扭角口羊来京究问其永寿王府中尉怀土口侵越关来京著礼部送发本府收管礼科参看得怀土口侵所奏无非欲丑诋县官激怒 皇上其心术险恶机锋狼毒不意宗藩中亦有斯人也若县官果杖毙宗人谁能庇之即启亲王转奏何患不行而必欲犯越关之禁何为也据 祖宗令甲怀土口侵收管之后当降为庶人送发闲宅拘住礼部亦请降禁怀土口侵 上曰怀土口侵赍奏沈听之乃系辩明冤苦难比越关奏扰之例其遵前旨行

○庚午 诚孝昭皇后忌辰遣抚宁侯朱继勋祭 献陵

○以游击陈愚闻为蓟镇燕河路参将凉州副总兵姜河为神枢营右副将

○差御史赵文炳往山西巡按

○辛未奉安 孝安皇后神主于 昭陵神位于 奉先殿是日 上诣 慈庆宫行奉请礼恭送后诣 奉先殿行奉安礼其护行 神主遣驸马侯拱宸祭告奉安遣都督同知陈承恩各行礼

○ 皇第九女生祭告 奉先殿

○迁徐州碭山县城于秦家塘地方

○癸酉宴建州等卫进贡夷人奴儿哈赤等遣侯陈良弼待

○南京兵部尚书周世选三边总督李汶俱以病辞不允

○升甘肃永昌参将王铁块为神枢营右副总兵

○甲戌升浙江按察使曲迁乔为广西右布政使浙江参政薛梦雷为云南按察使湖广参政彭国光为山东按察使山东副使于仕廉为陕西参政湖广参政易登瀛为贵州按察使湖广副使郭廷良为贵州参政云南佥事郭宗贤为陕西行太仆寺少卿刘廷蕙为本省参议刑部郎中黄承玄为湖广参政贵州佥事方万策为本省参议衢州知府岳万阶为山西副使户部郎中徐来仪为贵州提学副使南京刑部郎中徐仲佳为四川参议孟醇为云南佥事

○乙亥河南巡抚曾如春奏先是七月内有奸人位世身在陈州卫将台原竖旗捍上张挂黄旗上书八月起首二十八日宿宝吾门开天祖先夺陈州汴城等语臣行该州卫官密缉寻获搜得妖书私帖经文分别首从正法

○诏畿辅重灾宜加蠲恤但大工方兴正需急用凡进宫钱粮毋得擅议蠲除

○原任南京吏部尚书温纯奏病剧请告不允

○戊寅升杨芳为都察院右副都御史巡抚广西地方

○赠已故尚书陈有年太子太保荫一子入监读书五官监候杨源五官灵台郎

○河道总督杨一魁恭进全河图说诏留览下工部知之

○宴朵颜等卫进贡夷人脱伯等遣侯陈良弼待

○升河南副使詹在泮为湖广右参政兵部主事杨东野为陕西右参议山西平阳府知府盛稔为山东副使

○庚辰蓟辽总督邢玠报西路总兵刘綎本月初二日用战车斫倒木栅烧毁倭巢六十余间杀伤无数我兵亦有损伤又报初三日水陆夹攻陆兵互有伤损水兵失利东路总兵麻贵遣兵袭剿焚寨烧粮斩获首级夺回鲜人得获畜器又奏中路将帅轻敌失防因惊丧师 上曰东师三路进取方望奏功如何中路有此失事明是法令不肃各将骄恣轻敌所致若不明正军法何时得收荡平著兵部从重参究详加议处以闻

○浚州五山守备升任湖广行都司佾书林武直提兵征徭抚定叛夷数万人披棘卧瘴竟卒于军中事平两广总督戴耀以闻诏赠官一级寻加赠骠骑将军都指挥使武直福建晋江人万历壬辰武进士卒之日五山夷民咸为号泣立祠岁时祀焉盖威信之感人云

明神宗实录卷之三百二十七终

明神宗显皇帝实录卷之三百二十八

万历二十六年十一月壬午朔先是倭奴分据三路联络固守我兵四路齐下水陆并进西路行酋已在围中东路亦破其三寨中路如晋州望晋山永春昆阳三四城寨相继而取而贼之老营如泗川左臂如东阳仓亦一时并焚止有临海新寨一坚巢耳不意诸将轻敌失防因惊丧师倭军一合马步皆逃追奔逐北所伤寔多是役也见敌先奔临阵四溃全无将纪大僨王师者都司马呈文游击郝三聘也号令不严致临戎失火施救无策因而避敌偷生者步兵彭信古茅国器叶邦荣蓝芳威马兵师道立柴登科祖承训总兵董一元筹倭既无胜算对垒益多轻率按法定罪均无可贵该总督邢玠分别
< 銙-金 > 参诏斩马呈文郝三聘以徇彭信古等充为事官董一元革官衔降府职三级各戴罪立功

○甲申隆宗门兴工遣侍郎余继登姚继可祭告

○夺保定巡抚李盛春直隶巡按黄纪贤各俸四月以查简店税银两久不进角
□羊故也

○丙戌御史许闻造上言臣本年正月内蒙 皇上命臣巡按甘肃臣泛舟回南由徐至淮八十里河身全徙而不复为国家之用由陆赴任自梁入秦四千余里亢暘不雨所在有盗贼之虞及过河南裕叶嵩卢之矿得不价失而掎克于大户入陕西临潼商雒之矿全无所而巧取诸条鞭在 陛下徒取诸山泽在矿使实夺诸闾阎凡所经临惨毒万状科臣赵完璧包见捷等言之按臣姚思仁绘图陈说又详言之不蒙采纳两载之间虎狼半天下残民逞欲以夺造化之权雨暘焉得时若运道焉得安流不报

○丁亥初秦府中尉怀土□侵越关奏扰 上以叫冤故辍贷之至是科臣杨应文因潞藩微行事闻追论及之欲以杜滥觞之渐严未然之防也

上切责之夺应文俸一年

○先是阁臣员缺吏部钦奉 上谕会推题旨已五阅月矣未蒙允用至是大学士沈一贯备陈先年内阁多至五六员少亦不下三四员惟张居正擅权与吕调阳二人在

阁年余此则覆辙所当鉴者今臣与志皋二人独膺此任且皆衰老余年精神耗竭一起一仆共济实难乞将新推阁臣立赐点用仍谕首辅速出以无误国事 上曰览奏情词恳切具见忠爱元辅便遣官宣谕守催即出以慰倚任伫望至意简用阁臣吏部知之

○兵部言陕西之松山界在甘宁实两镇往来通路靖固藩篱自流虜窃据而镇番中卫因之断隔贼遂得以窥我两河矣今督抚诸臣藉累胜之威大行搜剿著宰既已归套宾阿移遁贺兰举三十年经营兔窟一旦扫除五百里沦没故疆尽行恢复功岂不伟哉第恢复不易保守尤难及今筑墙筑堡移将移兵亟举而力图之虽经数年费钜万不惜断匈奴之右臂联甘宁之辅车作靖固之屏障此一劳永逸之计事机之会何可失也 上然之报曰松山为诸虜窃据流毒两河已非一日督抚官分道出师扫空恢复功绩可嘉以后作何修守永固藩篱令虜不敢复聚其集该镇详计以闻

○己丑黄河之役先是漕臣力主复故道之议新河臣有漕河并治之议又以复故道为治本挑运河为治标据议勘估工食费用四十七万有奇其搜括在工零余支剩并援例陈乞者二十五万有奇尚有二十余万无从措处科臣韩学信上言该部应从长计议果钱粮接济如数及期一听河臣料理 上以河徙无常议复故道迂远烦难下漕河臣再酌议之

○辛卯诏永和王庶第二子敏洼管理府事

○壬辰初朝议以东征师久无功汹汹谓当撤兵户科给事中郝敬上疏曰臣闻智者不贵计目前之利钝而贵有久安自固之策为今之计宜降敕一道数诸将以不宜亟战之罪论朝鲜君臣以勉图自存之策增修城池设建寨堡如朝廷念其残破之后物力虚乏更以帑金数万助其修筑留文武将吏各一员分兵数万与之使协济固守假以十年之力一切便宜不必上请有功则不次尊显之其余兵马尽撤还辽屯种操练以固守门庭大学士赵志皋亦言兵疲饷竭结局无期请令督臣邢玠仍归本镇与蓟辽抚臣一意制虜而以东方之事悉委抚臣万世德量留兵将分布坚守要害互为声援 上令府部九卿科道集议

○特旨降九江府经历樊国充杂职以湖口税监李道劾其阻挠商税故也

○癸巳以灾伤免萧县等县本色钱粮

○先是 上以没官积盐一事盐臣与田应璧所言互异命巡按御史同内监鲁保勘议于是御史马从聘具奏臣行运司等官偏查两淮三十盐场并无没官积盐具结确报向非 皇上洞烛情弊责令查实则国家二百年边计几坏于田应璧之一言户部具覆 上责其偏听执奏仍行差去内官会同巡盐御史查勘以闻 　　○兵科给事中姚文蔚奏言东征之役凡议罢兵者不过欲掩前日封贡之失无复愿国家之安危乞饬在事诸臣益图战守机宜务出万全不得浪战国是一定神气自张东师必有结局之期矣 上谕兵部会府部科道议之至是给事中张辅之亦言朝鲜为我藩篱救朝鲜所以自为捍御计耳盖国家建都北平京师其腹心蓟镇为肩背从此而西至青海玉门延袤八九

千里是右之肩背长而环抱颇固从此而东至辽左鸭绿逶迤仅二千里是左之肩背短而环抱亦疏兼之岁若虏患痿痹不仁所恃朝鲜固外卫而消内忧可坐视而不竭力以拯其难乎惟愿 皇上速罢会议之举一切战守听边臣及勘科会同监军御史据平日目击之真共图方略上报得策而百年无事则二臣当其功失策而他日基祸则二臣任其罪有不畏威承德悉心定计者否也上曰东征屡有旨朝廷不遥制还著一意进剿务旻荡平之功不必会议

○福建巡抚金学曾奏报关酋平秀吉死内难将作且与小西行长平素不睦必自相图倘水陆交攻歼此鲸鲵或其时也乞敕朝鲜经督诸臣再加侦察相机进剿以彰天讨毋为清正狡谋所疑章下兵部

○丁酉四川巡按赵标上言大工肇兴采办方始须材于蜀多在夷方往年止携盐茶绢布给赏任我出入无复阻塘近者西南诸夷酋在在离心角□羊体无论播酋负恩稔恶杀掳内地所有木枋闭关禁绝往来即建昌永宁素称产木之地原派木植全未完角□羊倘当事竟尔因循狂酋藐无畏惮攘臂雄据不惟阴阻大工亦且明弃疆宇臣所以腐心蒿目不容不直陈也章下该部

○升四川参议范涑为浙江按察使河南参政王之猷为浙江兵备按察使

○戊戌诏武安侯郑惟忠弟惟孝袭祖爵

○己亥 孝惠皇后忌辰遣宁阳侯陈应诏祭茂陵

○ 孝烈皇后忌辰遣惠安伯张元善祭 永陵

○庚子慈圣宣文明肃皇太后圣旦文武百官朝贺命妇免

○壬寅升陕西副使李景元为山西参政原任江西参政李维贞为四川参政南京兵部郎中杨维先为河南兵备佥事刑部郎中朱思明为河南参议

○甲辰诏国公张惟贤承袭祖爵 ○以冬至节遣祭 九陵并 景皇帝陵寝哀冲 庄敬二太子陵园

○乙巳升陕西参政李国仕为广西按察使浙江副使王之麟为山东参政

○浙江金华府经历胡奉正捐米三千石助饷

○丙午冬至 大祀 天于 圜丘遣侯陈良弼恭代

○陕西上箆篱寨坪菘 巾□匝等族番人湔竹等进贡方物马匹给赏如例

○赐淮府南康王厚□□火谥安懿

○戊申谕选 皇长子婚万历二十六年十一月二十七日礼部钦奉 圣谕朕惟册立分封东宫及亲王乃 祖训大典嫡庶长幼一定自有次序缘因皇长子禀质清弱气体未充况皇后年在妙冲又屡遭不讳大难姑不得已迟缓少俟耳非有别意乱危国家昨者 大行皇妣之服已满虽无三殿其二宫不日落成皇长子龄已过期体已充足尔该部便具选婚旧仪来看其册立加冠礼少俟二宫落成之日行朕又思三皇子五皇子六皇子七皇子俱已长成若再少待恐又费一番事不若亦于二宫完日一并加冠分

封之日庶免烦扰内皇三子皇五子年岁稍长待分封之日可著出阁读书亲近儒臣朝夕训诲以开蒙塞礼部知之

○己酉兵部奏东事自今夏以来廷议部覆一切战守机局听候勘科会同督抚监军查议不谓中路溃师人情复惑一时阁科诸臣各抒所见致有异同其议撤兵者抱虚内事外之忧欲息肩而省耗费其不欲撤兵者执攘外安内之议期灭贼以图全胜臣等奉旨会议间寻蒙 皇上俞科臣张辅之等请罢会议一意以进剿为事及查往年碧蹄挫败误中狡倭止兵之令一下遂致不可收拾而封议起比时按功罪者犹然痛惜当事不肯励兵讲武自失转败为胜之机今虽丧失而见在水陆之师犹不啻倍蓰往昔天下事尚可为可遂馁马自阻乎且倭所占据全庆海滨按图才得全属之十一而其十九固在我也今我之坚壁貔虎即为扼塞更合鲜人教之击刺修筑事事著实不为虚文相机而动必万全倭众不逃必将立尽但不得无谋浪战耳何可并什九者而捐之也夫以行间数万之众斗士岂至乏人特患诸将之心疑贰不坚鼓舞无术或为弱徒悍卒所累往往有之明功罪公赏罚问疾苦恤死伤执此鼓舞而士卒不用命者未之有也语曰千里馈粮士有饥色今不止千里矣既不胜其供亿之病又不胜其庚癸之虞倘欲从长计处盍查自来兵集朝鲜之日迄今用过该国本色若干酌定岁额使主客不致倒置如该国残破之后力惫不支亦当计其各道之入稍为调剂勿令专倚办于中国庶乎经久可行至于经理既为朝鲜专设该国之事一切部署战守屯筑选练悉宜委之督臣兼制倭虜仍各于适中调度与夫在事文武尤宜合志同心期于平贼利钝久速皆所不拘也上曰倭奴逆天悖德当以尽剿为期前旨朕所独断中外便宜恪遵不许更生异说惑乱军心所奏鼓舞士卒酌定饷额及部署战守同心任事等项俱依拟申饬著实举行该奏请的不时奏请朝廷但责荡平不拘久速信赏必罚决无假借军中亦要捐除嫌忌明别功罪勿纵勿枉使人踊跃用命仍须审度机宜详慎进止毋但以浪战为事若有违犯朕命必尽法处治

○升福建副使张鼎思为浙江参政广东副使陈鸣华为湖广参政长沙知府罗鯤为云南副使

○先是行取各官职名吏部久已疏请留中不发至是 上命复列其名以奏竟不报

○兵部覆查勘科臣徐观澜劣帅宜更< 黜 铤-金 > 上曰参核可据传闻处置须当审核各将罪状著彼处督抚科按等官会同虚心详议勿令枉纵致有从言

○辛亥兵科给事中张辅之奏东事当勘者有四而其不必轻听者亦有四幕南空庭且多物故吾安保士马之不损伤而多寡悬绝当勘者一市租兼金出入不问吾安保粮草之不耗费而乾没多寡当勘者二赏信罚必师之善经能无罔上邀功夺级掩罪乎当勘者三倭残属国久在目中能无汛埽奇谋结局长策乎当勘者四此四者皆 明旨之所及而诸臣有所凭以勘者也凡人对一人则相与专而其情易昵对众人则指视广而其私难投彼违众逞臆者一不必听凡人背相讥则雌黄一任乎口吻面相质则尔我

使有畏忌今秋冬以来羽书狎至川中当事之臣竟不闻发偏师以禁遏亦不闻遣一官以晓谕之虽经该省新旧按臣参题俱置不理以至此酋无虑于西而益并力于东攻围我城邑虐刘我民人非独民生之荼毒堪怜而国体之陵夷已甚臣在镇远月余傲报一日四五至未尝不怒发上指恨此逆酋并恨夫纵逆酋者窃谓四川巡抚谭希思可罢也下兵部

○初播酋目把何汉良统兵万余到本卫教场劊营围城指挥陈天宠陶应龙等开门延入守备伍万钟策应后时该部题准陈天宠着巡按御史提问具奏伍万钟革任戴罪立功

○己巳甘肃巡抚田乐以病辞本兵任原任工部尚书曾同亨以病辞南铨任俱不允

○升游击包良拭为五军三营参将江西都司都指挥佾事刘效节为贵州右参将

○庚午初青火等酋盘踞川海为甘镇患自两经大创蓄忿益深图谋愈狡乃分投狂肆我兵深入直探虏穴先后擒斩一百六十级督抚以闻至是宣捷御前遣侯陈良弼南郊侯徐文炜 北郊驸马侯拱宸 太庙各祭告文武百官朝贺

○查勘东征兵科左给事中徐观澜上言狡酋启衅残破属藩蓄诈多端怀叵测我皇上大发帑金大徵士马固望直捣长驱灭此而朝食也假令擒鹫酋于海上梟魁首于藁街詎不美与乃王师久顿外疆清行二酋竟逃诛僂臣与文武将吏俱不得辞其责矣今幸倭众尽归属藩不失旧物此 社稷之灵国家之福 陛下之神武所致也东征将士追亡逐北虽有斩获战胜攻取未合兵机若欲贪天功以为己力大张勋伐远勒威名臣身在戎行目击其事则何敢欺至于师中积蠹阍外虚文则尤有可叹者臣查核东路甫完四营阵亡兵数且近二千军士呼天拥告弊端种种臣未勘者尚十五营其奸弊不知更何如也臣厘奸剔蠹不敢远避嫌怨以妨军政若乃当今所最急者在善后之图盖关酋果死则倭不复来即来在数年之后我水陆两兵酌留二万即可扼釜山闲山等岛而本折二饷量责之朝鲜可也至如卒伍不畏偏裨不畏大帅啼饥号寒何谋不逞下怨上愤何变不生若迁延时日尚不撤还不但中国称拙朝鲜亦称拙不但中国忧乱朝鲜亦忧乱矣乞敕兵部亟咨督抚二臣速议班师及留兵善后长策永杜后艰庶不负扶危字小之仁矣章下兵部

○改提督操江南京都察院右佾都御史陈荐为都察院左佾都御史

○壬申录甘镇功次加李汶少保兼太子太保田乐太子太保各于原荫世袭加一级仍赏银币萧大亨李祯余立王世扬等各赏赉有差

○兵部题甘镇降虏盗马潜逃抚备哈光显不能密侦严防副将姜河亦难辞疏慢之罪命革光显任付巡按御史提问夺河俸二月梟示逃虏哈卜兔等

○礼部类奏灾异 上曰今年灾异频仍朕览类奏仰承上天仁爱之意深用傲惕尔大小臣工都要痛加修省尽心修职以祈时和民安毋事虚文

○乙亥大学士沈一贯复以阁务烦重乏人协理请 上曰自古国家政务君主于上臣任于下都俞吁咈唐虞赞襄之盛治乃我 祖宗设立内阁枢机政务最为详悉朕岂不知但念阁务烦重倚重尤切人之贤否遽难周知乃欲斟酌发行岂有不补之理便着吏部通将前推再推堪任数员开具来用卿宜尽心佐理不必疑畏以负眷怀

○山西巡抚魏允贞十< 〇〇〇 〇〇 〇〇 〇〇 〇〇 〇〇 〇〇 〇〇 〇〇 〇〇 > 恳求终养下吏部

○丙子先是南海锦山悍倭自二十九日战败之后愈匿愈深挑诱不出各贼虑我兵穷搜渡遁乙山川盘踞崖深路险比锦山尤甚总兵陈璘亲督所部于初十日夜领兵潜入包围岩洞偃旗息鼓天渐黎明乃发铙炮倭奴惊震拥众冲登后山以高临下为负嵎之势官兵奋勇仰攻斩级十颗贼向深箐潜逃至了口屯札官兵分道扼塞十一日再进奋战良久贼大败奔北璘乘胜蹙之擒斩九十余名颗复督兵爬搜无一余孽计璘自七月至今首功一千一百余颗

○丁丑兵科右给事中桂有根以东征荡平奏陈善后七议一议防守以弭再犯当于釜山机张西生一带筑城建堡以朝鲜兵将守之二议分兵以收全功我兵七八万众当以一二万屯南原庆尚间为釜机犄角以水兵一万联络于旅顺天津之中以防飞渡其老弱汰还原伍择精锐三万附住辽阳广宁倍加休养训练倭再举则东渡击倭虏或动则相机创虏未可轻罢三议清饷以裕军需查先年冒领帑金数万募老弱出关寻亡其半者尽法绳之核其实数并见积余粮足供三万人一岁月粮过此则取给于朝鲜岁供内可也四议去冗官以规省便督臣于料理朝鲜之后仍当驻劄辽阳兼制倭虏朝鲜止留一抚臣一司道水陆辽广之兵各留大将一员裨将数员其余总兵参游等官与天津新设抚臣俱应裁革五议久责任以底成功当仍令邢玠万世德经营长计假以三年之期必倭警永息虏焰全消然后徐议释兵振旅告成凯旋六议明赏罚以作士气勿以倭退概从宽假使中路前失事诸将更得幸生为将来坏法者之藉七议却虚文以图实效令督抚将领等官凡兵马火器以及操练之务悉增修实事种种堪用乃称武备< 〇〇〇 〇〇 〇〇 〇〇 〇〇 〇〇 〇〇 〇〇 〇〇 〇〇 > 下兵部

○戊寅先是松山恢复抚臣田乐善后一< 〇〇〇 〇〇 〇〇 〇〇 〇〇 〇〇 〇〇 〇〇 〇〇 〇〇 > 如所称将领军兵挑筑饷费只须随地改拨就彼那移不溢成额不烦内帑当使庄浪兰靖无梗咽剥肤之忧关陇安会无门庭堂奥之警屯守军民获耕种樵采之利海套诸虏无勾结闯越之虞是宜举而行之不待时矣但< 〇〇〇 〇〇 〇〇 〇〇 〇〇 〇〇 〇〇 〇〇 〇〇 〇〇 > 末又谓事关两镇仍俟陕西抚臣查议可否应修有无窒碍裁夺而抚臣李汶亦谓河东兰靖事体微异尚厝画未定宜稍待之于是兵科张辅之等奏言宰赛阿兔诸虏未尝一日忘松山也今秋畏威便倾巢而去明秋窥衅便卷帐复来及今不图其害有所必至者诸臣既为国家恢复沦失之土宇必为国家深维长久之至计第恐口颊易烦流光轻掷严限责成不无仰藉 明旨之申饬耳章下兵部

○己卯以虏众内附诏复萧大亨太子太保王世扬升右都御史俱管事如故仍各赏银币给与诰命梅国祯王象乾魏允贞俱各荫一子入监读书仍各赏银币麻承恩万

世德万象春徐三畏黄嘉善等各升赏有差

○庚辰大学士赵志皋奏辩给事中姚文蔚< 〇〇〇 毓-金 >谓东事始终 圣明独断孤臣累遭疑谤乞赐昭察放归 上曰卿有疾宜专精善养何为复因人言构思极辩科臣前< 〇〇〇 毓-金 >朕因关系军国大事故令会议倚毗已久岂有疑于卿阁臣一节着该部不必会议卿宜安心调摄早愈入阁辅理所辞不允

○兵部覆总督邢玠余倭荡平报 上曰览奏朝鲜南海余倭悉皆荡绝东征始收完局此乃皇天助顺俾朕得行诛暴之义兴继之仁连年东顾之怀朕方慰释邢玠先赏银一百两大红纁丝蟒衣一袭万世德赏银八十两大红纁丝飞鱼一袭文武将士功次着上紧叙来念其远征久劳许其从宽拟叙咸使沾被庆典

○辛巳岁暮行 大袷礼于 太庙遣侯陈良弼代

○以明日正旦遣侯张炳等伯方焯等分祭 九陵

明神显皇帝实录卷之三百二十九

明神宗显皇帝实录卷之三百三十

万历二十七年正月壬午朔免朝贺辅臣赵志皋沈一贯诣宫门行礼赐上尊珍饌

○丙戌命吏部会同都察院考察京官从公甄别勿拘旧数

○戊子两淮税监鲁保奏有私贩匿课盐商孟养志等乞重加罚治两淮盐课正股之外乞许行存积盐引岁进银十二万两从之

○革两淮盐运司副使丁偕为民以鲁保参其抗违故也

○兵部覆经略邢玠塘报前露梁洋之战生擒倭将一名诡称石曼子部下兹译审系关白心腹大总帅平正成乞改正以彰示四夷从之

○庚寅改新升广东左布政使曹时聘为湖广左布政使兼副使仍管苏松兵备事其新补苏松兵备詹在泮改河南右参政

○户部言辽东金复海盖四卫节年逋欠草豆等银请限三年带徵以十分为率同见年钱粮徵解不及数者管屯及掌印官分别查参从之

○户科都给事中包见捷等< 〇〇〇 毓-金 >参税监马堂刘忠鲁保等不报

○浙江抚按以金衢宁绍台五府灾议留应解南京粮银及减徵折色以苏民困南京户部执奏不从

○南京句容等十五县灾户部覆议灾重者改徵折色有差轻者仍徵本色其米豆芝麻等项共祀 陵庙之用不得改折报可

○兵部覆甘肃巡抚田乐所陈松山善后事宜以为松山界在河之东西而甘固实同唇齿且首倡迅扫繇甘镇屡创之威因而荡平又藉固镇协助之力开拓不易保守尤难议于松山自东徂西四百余里筑墙浚壕设墩置戍将扒沙营芦塘川各添参将一员阿坝岭红水河各设守备一员裴家营土门儿芦塘湖各设防守一员即以凉庄守备徐龙量升游击管扒沙参将事其余将官酌量推补所需兵饷及工资在河西者如议派支

甚反率为常古称货悖而入者亦悖而出又曰财聚则民散臣愚睹其入则虑其所以出也见其聚则忧其所以散也伏愿 陛下杜告讦之门革聚歛之风将陈增所奏速行停寝如欲查勘量从公平毋听增锻炼傅会之词使宗尧一家之哭更为东南万家之惨上不纳

○庚子吏部文选司主事魏可简以铃束从役不严降一级调用

○户部尚书杨俊民等言鲁保所奏先年违没淹消废引加罚银两并议开存积业奉 明旨臣何敢更渎第 明旨查没官积盐而存积非没官也 明旨恐亏正课而存积即正课也盖淮盐原额十七余万引正统以来节定七分常股为逐年开中之数三分存积备边粮急缺之需后因疆场多故不论常股存积一概召中以致盐法遂壅乃九边额饷又不可一日缓者故于存积三分脩而议停脩而议开迤者东征加饷及协济大工等费增至引二十余万倘有存积前何以增既无存积今何以开欲于额内岁取八万引则岁亏正额八万欲于额外岁加八万引则岁壅正引八万必然之理也至于违没淹消废引一十六万有奇曾经臣部查议每引召商纳价五钱共银八万余两助工仍纳余银共一十万九千余两济边见经行巡盐御史驳议数次非自鲁保今日始查出者伏望将鲁保请开存积及废引罚银仍令会巡盐御史虚心确核回奏 上令行文著鲁保及巡盐御史会查具奏不许偏执欺隐

○兵部覆兵科右给事中桂有根所陈东征善后七议一议设防守以弭再犯查得釜山机张西生一带最称要害为倭来必争之地宜乘今责成朝鲜因险修筑屯兵厄守与闲山南海等处相为联络尤宜禁约鲜人嗣后不得片帆入海以杜勾引之奸二议分兵马以收全功查得釜山去南原不远釜山与闲山南海既守则倭自不能登岸第恐鲜人被倭屠戮以来人怀畏惧不能支持我之舟师似宜仍留精锐与之协防以次渐撤而陆路亦酌留惯战劲兵用备策应但不得过多致人情物力各有所妨三议清粮饷以裕军需查得东征兵马随军粮饷有部臣与会勘科道稽查覆核听其开报至于海上带运粮米其间有无虚冒仍当令天津山东各巡抚会查的数具奏与夫留兵应饷本折作何议处合行总督衙门确议施行四议去冗官以规省便除裁革天津巡抚见经吏部议覆外至经理抚臣原为朝鲜而设善后事宜乃其专责自当留任以终其局若经略督臣之远任王京祇因奉旨暂代抚臣料理今抚臣已至仍合回镇所有文武将吏应撤者尽行撤回应推用者查缺推补悉听督臣区画妥当而行五议久责任以底成功查得狡倭虽云遁归而残属尚费整顿经理抚臣委当假以便宜需以时日俾与朝鲜君臣备将一切修守防御休息生养之策细加商确以图经远其留任久近一视事体缓急藩属便否似难预定六议明赏罚以作士气查得东征以来所有军前一二懦弁已经正法处分惟董一元失律丧师之罪彭信古右营失事之首见在核实确议应再行催蚤报务得情罪之当以申军纪至于赏不踰时尤为激劝要机况荡平之局已完擒馘之功颇烈应移文各该衙门速议施行七议却虚文以图实效倭氛虽息忘战则危科臣责实之议自是经常

之道应行督抚申饬所有留防朝鲜及辽阳等处策应水陆之兵士欲选马欲良舟楫欲坚固火器战械欲备修与夫操练演习之法俱乘暇从实举行有虚冒糜费者听科臣参劾诏如议

○辛丑以灾伤免山西夏县等州县秋粮有差其太原左卫等屯粮改折以被灾轻重为率

○壬寅吏部尚书李戴都察院左都御史温纯等各自陈乞罢不允

○叙灵州安定堡之功赉陕西总督李汶银币及巡抚杨时周光镐总兵刘承嗣副使王道增各白金有差

○兵部覆科臣张辅之奏言顷者甘肃巡抚田乐所陈松山善后事宜业奉 明旨以及时修守责成当事第恐河东之议未定致河西之议难行万一松虜窥衅重来拓疆之功或同画饼乞申饬彼中亟将分画河东事宜查照部覆一面酌举一面具奏勿各持空论致稽全绩 上然之

○癸卯大学士赵志皋自陈乞罢优诏留之

○吏部左侍郎裴应章都察院左副都御史郭惟贤左佥都御史陈荐各自陈乞罢不允

○降巡按陕西监察御史许闻造一级调极边用闻造上言顷者首辅赵志皋以老疾杜门次辅沈一贯以人言求去政本重地阁署几空遂至奸邪窃弄旁若无人因论政本潜移者三事其一谓户部侍郎张养蒙图窃政权坚辞饷务兵部侍郎李楨背公植党阳托条陈之名阴为养蒙之地其一谓工部侍郎徐作国子监祭酒刘应秋等居官立朝臣不与知而与去辅张位同乡是则何罪祇因踪迹往来遂尔株连屏窜吏部侍郎裴应章明知诸臣无辜而畏谭锋甚于畏 陛下侧身四顾巽慄脂韦遂使太阿之柄从中阴窃而不觉其一谓吏部主事洪其道< 洪其道 铨-金 > 辩冤枉裙摭枝蔓夤缘魏允中吕坤请臣欲明今日之诬兼为他日之地哆口论列傲然无惭凡此皆政柄潜移之渐也

< 洪其道 铨-金 > 奏吏科右给事中程绍言闻造大指在挟吏部以避考察重相权以媚政府参张养蒙等而附会张位徐作刘应秋变白为黑肺肝如见乞特赐罢斥 上以闻造牵连反覆排陷臣寮故降之

○升陕西行太仆寺卿兼按察司佥事韩绍云南佥事邓原岳山东右布政使黄克纘浙江管屯兼水利道林汝诏江西副使来三聘陕西参政徐秉正南京国子监司业傅新德顺天府丞乔璧星陕西分巡西宁道黄嘉善山东副使边有猷升礼科都给事中郭如星吏科左给事中程绍户科左给事中李应策刑科左给事中杨应文河南道监察御史崔景荣福建道监察御史方大美光禄寺少卿冯渠调南京大理寺左寺正曹学佺复除太仆寺丞曹钥升云南左布政使赵健调福建副使包应登复除副使尤锡类升署郎中四员董国光刘三才户部郭之干刑部顾云凤工部升员外九员王编礼部张与可王志远户部何子益段猷显兵部朱家法虞廷选工部张大孝朱芹刑部升主事十一员吴

士瑞刘启先廖如龙杨武烈杨標俱户部徐希孟礼部张宁方学龙王承钦俱刑部萧椿工部苏兆民南京户部升知府三员陆化淳浙江金华徐尧莘湖广荆州黄光懋浙江湖州先是吏部屡催留中至是复请乃用之

○甲辰原任甘肃巡抚田乐以甘镇剿虜功进太子太保加原荫一级仍赉银币乐奏辞升荫不允

○乙巳大学士沈一贯自陈乞罢优诏留之

○丙午礼科左给事中罗栋题臣等见 皇上近示阁臣因简阅道佛二藏而悟祖宗朝皆务以仁慈清静为理慨然嘉与海宇臣民同归善道无为而治此一念也扩而充之尧舜之治可臻矣臣等犹不能无言者盖以 皇上意念初动可引而至于无为犹虑 皇上意念不纯又驰而入于有为夫天下生一事不如省一事 武宗朝各省有内臣镇守 世庙在藩邸日稔闻其为地方之害一旦去之不疑至今颂中兴功德者必首及此事 皇上每事法祖顷以大工浩费内帑匱乏群小乘机争言利事风闻献矿者且远及于炎洲献税者且近及于九门矣攘臂接踵转相牵引 皇上禁勿使费官而彼之供亿浩繁费官钱特甚 皇上禁勿使扰民而彼之诛求苛急扰民生特甚今天下在在驿骚谓之安静可乎伏愿 皇上于万几之暇简阅二藏悟道家要指不过以清虚无欲为戒佛家要指不过以苦空去欲为教则津津言利者不足以荧惑 圣听纷纷病民者率至于同归善道无为之化可致而太平之烈益先矣 上曰朕以国家浩费不忍加派小民故为接济之计所奏已悉

○兵部赞昼主事丁应泰< 〇〇〇 钰-金 >论总督邢玠等赂倭卖国尚书萧大亨与科道张辅之姚文蔚等朋谋欺罔又言朝鲜阴结日本援海东记与争洲事为证语多不根 上寝其奏不下

○丁未命山西巡抚魏允贞照旧供职允贞以父老乞终养< 〇〇〇 钰-金 >至上部覆留之

○夺甘肃总兵达云俸四月降西宁兵备副使刘敏宽一级仍旧管事都司余世威行巡按御史提问先是海虜犯西宁阵亡参将赵希云等御史许闻造以闻乞将达云等轻重议罪兵部覆议从之

○大学士沈一贯奏近日朝鲜赞画丁应泰有< 〇〇〇 钰-金 >诋切东事臣惟东倭发难已经七年一旦荡平一削 天地 祖宗默祐国家无疆之大福一则 皇上智勇天锡独断不摇之大功然而十万将士披坚执锐万里远征其劳不可泯也若据奏赂倭卖国则将士皆当有罪不得言功矣此十万人者久劳于外瞻望恩泽如农之望有秋也一旦失其所望而又加以罪窃恐人心忿怨不可强制万一激变为梗是一倭去而一倭生损国威重亦不可知赂倭事情臣岂敢悬断其有无顾思屡旨责成惟取荡平既已荡平当从公论即应泰之能激励将士亦是一功所宜同录古称功疑从重罪疑从轻此圣王治天下之要道今日之事似宜务从宽厚溥加恩泽以慰士卒久劳之心以平各官

相持之情若牵连无已恐致误国不报

○庚戌赐 皇第九女名轩媵

○河南道御史牛应元< 〇〇〇〇 毓-金 >言近日会推之失以为 祖宗立法会推者何也盖用人本属吏部职掌惟以大臣责任既重难容私拟于是请旨下部会九卿科道于廷合公议而商求至当非徒凭众举而漫无主裁也乃近日会推殊异乎是九卿科道既集该部置一簿于案九卿以次各将所举姓名书于簿内科道以次画题该部遂据而题请矣举者自举曾无片言商及可否谓之各推可也恐非所以言会推也题者随题不敢一字问其是非谓之誊录可也恐非所以言吏部会推也顷该吏部申明钦奉 明旨既以专职归吏部而许其详加斟酌品第更以弹劾责科道而令其从实纠正不容循私欺罔大哉 皇言至矣尽矣臣愚反覆思之切谓即如 明旨所称用人原系卿部专职则其责难以他委其综核须务精确与别部泛泛者不同但如往者该部预先独定而止临时与众说知其于会议委有未尽合无今后会推责令该部先将才望素著资俸相应之人备详履历开具一单待九卿科道既集即以单开应推之人公同九卿逐一商确某也可某也不可某也堪正某也堪倍众议金举部又从而斟酌品第之务协至当然后以姓名登簿持示科道诸臣绝无间言然后以次画题除奉旨多推数员者不妨量为多拟其余止拟一正一陪不必概多致起滥端如是则在部得尽其专职而不得偏徇一己之私在与推各官得各尽其闻见不得各徇一己之私既尽会同之义兼收各举之实夫是之谓至公夫是之谓至当不然止凭众举而漫无主裁其弊且有不可言者< 〇〇〇〇 毓-金 >上留中

○辽东三万辽海二卫及中固城地震

明神宗显皇帝实录卷之三百三十

明神宗显皇帝实录卷之三百三十一

万历二十七年二月辛亥朔大学士赵志皋六< 〇〇〇〇 毓-金 >乞休温旨慰留仍令鸿胪寺官宣谕

○太子太保户部尚书杨俊民工部尚书杨一魁刑部尚书萧大亨日讲官礼部署部事左侍郎余继登各自陈乞罢 上俱优诏留之

○户部右侍郎张养蒙总督仓场右侍郎赵世卿掌翰林院事礼部右侍郎教习庶吉士曾朝节礼部右侍郎朱国祚兵部右侍郎王世扬刑部右侍郎董裕工部右侍郎姚继可户部左侍郎陈蕖等通政使范仑太仆寺卿刘四科太常寺卿郑国士光禄寺卿孙炜国子监祭酒方从哲顺天府府尹万自约等先后各自陈乞罢俱不允 ○朝鲜监军御史陈效奏辩东事 上命科臣一并勘报

○壬子以百户张宗仁奏复置浙江省舶遣内官刘成徵收税课

○户部言各省直税契带徵节省积余各项银两屡催未报即报解之数又多未尽观望依违何以纾燃眉之急乞 天语叮咛各该按臣严督有司清查勒限解部以济大

工 上命有仍前怠玩者指名参奏 河南天鼓鸣

○鲁王寿鏞奏庶人寿金口攸听妾弑母法难轻贷都察院以闻乞行山东抚按勘明具奏从之

○朝鲜王李昫奏辩丁应泰〈丁应泰 毓-金〉大略谓小邦服事之义天下所知正统癸亥迄嘉靖癸未癸丑丙辰等年俱获入犯之倭节次献俘屡蒙奖赏此皆小邦竭心殚力以效藩屏之职者也惟小邦不幸与倭为邻岁为边患对马一岛迫近于我遂因其纳款许其往来初来之时寓于荠浦釜山浦监浦等地所以有三浦倭户之说也至正统庚午戕杀金使李友曾小邦遂遣将剿灭自后绝不许居焉三浦之无倭户今已八十九年乃今谓小邦于万历二十年令世居倭户招诸倭同犯言之不近人情乃至于此至于海东记乃正统年间因其来使遣内陪臣申叔舟往日本通谕验察彼中情形得其国风俗世系地图遂因其本藁附以小邦馆待事例作为一册以为异国奇闻而今乃以覆瓿之断简作为陷人之奇货摭摭流闻捏造虚辞亦已甚矣若所谓夹江中洲者与小邦义洲只隔一水彼此人民交通贸易恐惹事端故嘉靖年间移咨奏闻立碑禁约小邦不曾与辽民争讼而乃云争讼都司不曾以此事断案而郤说断案至曰招倭同犯夺取辽河以东恢复旧土言之罔极至于是乎所自怜者臣守义拒贼矢死不变罹此丧败而终以引贼反君受诬臣谨奉 天朝一遵法制而终以不受正朔受诬臣期灭讎贼义不共戴而终以交通倭贼受诬臣竭诚摅忠开陈无隐而终以结党朋欺受诬使先臣二百年事上之诚至臣身而都丧环东土数千里沦为禽兽之区纵使讎贼尽灭疆土尽复恶名在身持此安归伏愿 圣明将臣所奏特下公庭查辩 上命兵部会廷臣看议以闻

○监察御史于永清奏辩丁应泰〈丁应泰 毓-金〉以为方倭之据朝鲜也宁独朝鲜危在旦夕既我兵既集尚凛凛然惧也此非救火拯溺同心并济时乎乃丁应泰请勘朝鲜之〈丁应泰 毓-金〉至矣臣愚不识忌讳谓勘之是疑之也疑之则朝鲜惧而倭奴色喜是助倭也臣于是有免勘朝鲜之请迨中军失利三路尚可支也乃元辅倡撤兵之说臣愚不识忌讳谓图之七年弃之一旦前功尽废后患谁担且事在海外议在庙堂是耳谭也臣是以有军国机宜不可悬断之请臣今两〈丁应泰 毓-金〉具在果为萧大亨邢玠计耶为国家计耶应泰既据诸将之囊橐而掣其肘复造不根之危谤而摇其心倭未退则曰我军有罪倭既退则曰我军无功甚至刺眉割发百计陵轹恐不激变不止也惟 皇上洞烛奸谋无隳已成之美业〈丁应泰 毓-金〉下部议

○丙辰通政使司左通政徐申大理寺左少卿甘士价右少卿李三才太常寺少卿南企仲太仆寺卿王守素林烜陈应芳鸿胪寺卿张栋顺天府丞乔璧星制敕房办事太常寺少卿马继文等自陈各令照旧供职惟右通政屈燭调外任从吏部覆也

○丁巳顺天巡抚李颐自陈乞罢不允 直隶常熟县地震

○祭 先师孔子遣侍郎刘元震行礼

○戊午祭 太社 太稷遣泰宁侯陈良弼代

梅革任回卫杨绍先刘仲文等行巡按御史提问具奏兵部覆参其拥兵怯战贻害地方故也

○南京都察院右都御史赵焕等奏南道御史额设三十九员今见任只有二员缺人废事乞敕下部院考选之时于南道多拟数员仍即起补原任服阕王藩臣朱吾弼萧如松等三员以济急用 上可其奏

○辛酉吏部覆科道纠拾原任户部郎中张似良礼部郎中曾凤仪兵部主事赵世德原任工部郎中贺盛瑞等各溺职奉旨似良冠带闲住盛瑞等俱降一级调外任用

○刑部尚书萧大亨奏辩丁应泰< 〇〇〇 毓-金 >言应泰知求快乎己忿而不思皇上宵旰七年之忧知肆赦心于诸臣而不思 皇上独断乃成之效且臣署兵部奉明旨以宣谕督抚战守赏罚自有 圣断臣何能与止因臣与邢玠同乡忌臣署事举臣与科道打入一网以为党与而耸 圣听臣不足惜国家之大体当惜督抚之功不必叙而将士之劳苦当叙计倭败遁已近两月军士暴露尚无归期皆以应泰挠扰既不叙其功反加其罪不知死者膏于草野生者不获寸功何以服数万军心何以令外夷威服且迟一月则费饷不止数万失其心将来何以用人此皆有关于国家之大者臣不敢不言上曰朕念将士辛苦屡旨催叙功次何为多生烦言自古功疑惟重罪疑惟轻朕今参酌事理独断于心其令从优叙录不必苛诘以示朕庆赏德意

○原任甘肃巡抚今升兵部尚书田乐以京察自陈乞罢不允

○户部上言东事已平财用宜省乞敕督抚诸臣从长计议见在兵马或留或撤留兵刍饷或朝鲜全出或中国量助务画万全之策 上命该总督经略定议以闻

○ 恭仁康定景皇帝忌辰遣东宁伯焦梦熊祀 陵寝

○东征勘科徐观澜< 〇〇〇 毓-金 >辩东事 上曰倭氛荡平宜叙功次以慰将士血战之心尔原奉查勘宜秉公持平仰体朝廷宽恤之意勿得苛求事竣即回仍令督抚会议善后事宜亟班师以省劳费

○壬戌户部尚书杨俊民言恭睹 皇长子睿质克茂 诸皇子振振长成冠婚之仪册立分封之典举行有期一应珠宝买办等费当预为区画典礼隆重若苟且应之心实不敢财用匱拙欲急遽办之势又不能伏望 皇上垂万世之令规永怀俭德悯一时之浩费特假宽恩查帑工部钱粮分别缓急陆续办进 上令如数亟办以济应用不可怠玩

○癸亥命制敕房办事礼部仪制司郎中包渐林以原官兼司经局正字同马继文轮写讲章 遣户部侍郎赵世卿致祭于 京都太仓之神

○甲子总督三边太子太傅兵部尚书兼都察院左副都御史李汶总督蓟辽经略御倭兵部尚书兼都察院右副都御史邢玠各自陈乞罢不允

○赐原任南京刑部右侍郎李江祭二坛造坟安葬妻徐氏高氏詹氏并祔江以巡以抚屡叙军功故加祭一坛

○乙丑总督宣大山西等处地方军务兼理粮饷兵部右侍郎兼都察院右佥都御史梅国祯自陈乞罢不允

○户科给事中包见捷等乞罢诸道税使之遣正陈保张宗仁等之罪不报

○户部尚书杨俊民等〈○疏〉论开采推店及市舶之害乞报罢不听

○丙寅夺蓟镇管粮郎中胡三省俸二月以敕书勘合遭火故也

○丁卯定国公徐文璧等会议言东事既两奉 明旨功疑惟重罪疑惟轻著从优叙录不必苛诘仰窥我 皇上明见万里国是已定人心翕服臣等即欲再议岂能出于圣断之外哉乞敕兵部移文督抚诸臣应议者速议应行者径行务仰副 皇上息劳省费德意 上曰丁应泰说贿倭退兵自可理断七年狂寇岂五千金能买其退败军国大事府部多官会议如何以数言覆奏了事昨发邢玠万世德〈○疏〉其再会同详议以闻

○戊辰大学士赵志皋七〈○疏〉乞休温旨慰留之

○南京礼部尚书王弘诲户部尚书张孟男右都御史赵焕各自陈乞罢 上俱勉以用心供职

○南京吏部右侍郎李廷机刑部右侍郎王基原任大理寺卿今升工部右侍郎沈应文通政使司通政使杨时乔等俱自陈乞罢不允

○保定巡抚今升南京兵部右侍郎李盛春自陈著致仕

○南京刑部尚书赵参鲁考满复任自陈乞罢令复任供职

○设市舶于福建遣内监高采带管矿务

○遣内监杨荣开矿云南陈奉徵荆州店税陈增徵山东林步等处店税及马疋土产孙隆带徵苏松等府税课鲁坤带徵河南孙朝徵税山西是时诸弁冯纲等望风言利皆朝奏夕可其所遣税监皆其所荐也

○户部覆保定巡抚李盛春题称河南山东二省协济直隶河间真定二府军士麦米布花价银或完或逋乞将已完者各掌印官移咨吏部纪录未完者行令严限督催从之

○逮南康府知府吴宝秀星子县知县吴一元巡简程资赴京究问时税监李道于湖口激变因参宝秀等明谋阻挠 上命逮之仍谪临江府知府顾起淹一级

○工部覆四川抚按题称三殿木料二运之木业已采就在未奉旨停折之先工费钱粮不可名状乞俯念蜀民之苦重弃已集之材自三号而下估炤先年事例通融折筭仍乞显派役夫以恤民力 上命已采集者姑许折筭以后务责令依式采进不得仍前藉口以误工作其派役民夫听便宜行

○工科都给事中韩学信等言殿工典礼方殷一切带造传办乞报罢以惜物力又言自开采徵税以来皆以助工济用为名乃内府之传宣有增无减而外地之征输有入无出窃意 陛下有此积聚不用之于宫殿不用之于 诸皇子将焉用之不报

○己巳南京太仆寺卿游应乾应天府尹熊惟学太仆寺卿郑继之光禄寺卿陈洙各自陈乞罢俱令炤旧供职

○吏科给事中陈维春< 〇〇〇 毓-金 >论丁应泰党倭误国乞亟处以安军情先是平秀吉死子幼国乱清正等焚营遁归我兵乘其后颇有斩获因大张功伐乃应泰既以赂倭诋诸将维春又以党倭诋应泰嘻亦甚矣

○工部题称皇长子婚礼并册立分封在迩合用各色纁丝纱罗等项请发花式长阔式样分派常镇徽宁扬州及福建等处炤数织造不许延缓 上可其奏仍命各该抚按严督司府织造立限解进

○辛未户部覆山东抚按题称鱼滕二处挑河占地亏欠额粮往将东平汶上所徵湖租抵补后因南旺四湖筑堤蓄水地寡租徵难责供输今议将前三年无地逋粮悉许蠲免以后鱼滕东汶四州县各炤地里均摊庶几国赋可完民暑无累 上许之

○周府宗犯文亨以避父逃罪潜入京师为捕官缉获命送周府问拟具奏仍戒各王府钤束宗人毋纵容游荡以干法纪

○以灾伤蠲顺天永平二府所属州县屯卫节年逋粮仍以轻重徵本折有差其地方灾重〇〇命有司发廩量賑以示朝廷轸念穷黎至意

○赐原任太子太保南京工部尚书叶梦熊妻〇人廖氏祭一坛开矿合葬

○兵部等衙门萧大亨等会议言诸臣参详督抚二< 〇〇〇 毓-金 >大都以国体军情为重竣事班师为急臣等窃谓主事丁应泰往年初< 〇〇〇 毓-金 >非尽无因其在在于今坚执求胜之私意遂致罗织之太苛将士既已离心属国复为滋惧仓卒驰归殊骇观听诸臣谓其损伤国体臣等亦以为然或令回籍或令回京仰听 圣明处分其勘科徐观澜宜令会同监军御史陈效各秉虚公从公确议驰奏还朝方为不负特遣其九月以后四路功罪与夫善后留撤兵将事宜俱应严行督抚监军等官速为勘处毋徒滋议以致虚糜至于朝鲜陪臣逡巡恐惧待命日久乞降敕驰慰王心俾晓然告戒国人共仰 皇上日月之明举国安心共图善后庶几于始终字小大义称完局矣 上曰国体军情皆朝廷大事朕岂以小臣私忿妄许不念将士久戍劳苦与属国军民泣吁苦情丁应泰举动乖谬几误大事姑令回籍听勘徐观澜奉有专命还赴王京会勘务须秉公持正以称任使一面行督抚详列四路功罪善后留撤事宜星夜驰奏朝鲜王你部里移咨慰谕俾知朕始终字小德意仍令戒谕国人益坚恭顺之节

○刑科左给事中杨应文等言吴宝秀吴一元等皆 皇上所托以惠养一方民命者罪状未按辄据一人单词令之囚首就鸷宝秀等即不足惜恐四方守令闻风解体相与畏罪偷安彼林林总总之众何所寄命天下自此多事矣望将李道所奏事情敕下抚按从公查勘不报

○命翰林院编修黄辉充 皇长子讲官仍与讲官刘曰宁俱升右春坊右中允兼翰林院编修供事制敕房办事鸿胪寺署丞罗万英兼翰林院侍书充 皇长子侍书官

○升太仆寺少卿王守素为右通政山东右参议邢云路为陕西副使福建运使周裔先为甘肃行太仆寺卿湖广副使马崇谦为山东右参政户部郎中董国先为陕西副使户部郎中刘三才工部郎中康梦相俱为四川右参议兼佥事

○南京国子监祭酒郭正域在籍自陈乞罢命赴任供职

○户部题覆应天抚按揭借各项银两以充段价其已借支万历十年绢布等银准其开销其二十五六年草米盐钞等银炤数徵解袍价不敷另行设处毋亏正供 上从之

○甲戌大学士沈一贯题近日杨应龙肆害三省抚按告急乞允部议改四川巡抚为总督兼辖川贵湖广三省以一事权仍促部会推刻期赴任

○升广东右布政使梅淳为云南左布政使

○命皇庄地土果树煤窑俱归上林苑监管业徵收欺隐者坐之从御马太监张隆之请也

○遣内监丘乘云督原奏千户翟应泰等徵税开矿于四川梁永督原奏千户乐纲等徵税于陕西

○诏征倭总兵刘綎以所部土汉官兵还四川防剿提督如故以前战功及今次撤发事宜命督抚详加议处以闻

○乙亥兵部覆黔抚江东之议请令川湖各扼要害以为犄角滇省那移银两以备募赏所参都司舒文俊等革任回卫所举王纳忠调补贵州都司佥书镇守湄潭杨惟中量加都司职衔炤旧管事 上是其议仍申飭各官不许玩寇

○丙子原任南京刑部右侍郎今升刑部左侍郎谢杰自陈乞罢不允

○遣御马监奉御潘相督理江西瓷厂命管理珠池内监李敬带管广东矿税

○丁丑春分节祭 大明于 朝日坛遣侯陈良弼代

○大学士沈一贯题 伏见 皇上圣明睿智动符帝王窃以为尧舜成康于今复睹而乃为群小所中竟开利端日遣中使四出络绎不绝至于上激霆怒逮系守臣列焰益张袞谋愈进 盛明之朝岂宜有此自古财赋之计未有不与臣工谋而与群小谋者盖臣工计其利复计其害则能斟酌于利害之际而处置有方群小顾其利不顾其害则当攘臂于掎克之谋而搅乱无极变法征利何等大事而乃随奏随准星火促行不令阁部议拟不许科道封驳不伤于太易乎 祖宗定制钱粮互相觉察故弊源清而奸窳塞今独使一人专敕行事惟意所为凭藉宠灵擅作威福以势凌抚按使不敢一问其出入以刑劫有司使不得一加其调停此所谓虎而翼者也群虎百出逢人咆哮寸寸张罗层层设阱于是裔旅必不行而赋税无所得且至于索居民矣于是居民见索生理日迫而祸且至于寻干戈为盗贼矣百孔千疮良医莫措其手土崩瓦解良吏莫施其力是 皇上歛财之意本以备不虞而反以召不虞也伏愿 皇上深惟理乱之原详审重轻之辨掣回所差内臣遣发原奏官民举天下财计尽责成户部俾悉心筹画以开财源明诏内

江之中原系浩渺贼藪彼欲得之为巢穴因而聚众起事此其志不小若不处治恐致他日滋蔓 上嘉辅臣忠爱恳切思虑周详命锦衣卫逮官等治之

○升河南佥事杜允继为山东右参议

○吏部覆京察自陈各巡抚辽东李植应天陈惟芝山东尹应元湖广支可大延绥王见宾南赣李汝华天津汪应蛟浙江刘元霖福建金学曾凤阳李鋹郟阳马鸣銮操江耿定力经理朝鲜万世德等皆勉修职业有裨地方 上命李植等各巡抚如故李鋹著致仕

○升郑继之为南京大理寺卿

○山东兖州府地震

○癸未大学士沈一贯恭视大内工程赐茶称谢嗣后月以为常

○兵部侍郎余立以自陈致仕 ○升陕西行太仆少卿靳绍谦山东按察使麻镛湖广屯盐道周传诵调陕西按察使王道增河南副使陈所蕴补刑部署员外余思明复除刑部员外阎汝坤湖广右参政兼佥事沈孟化升户部署郎中张邦政工部署郎中王在晋南京礼部署郎中刘涌陕西左布政使甯化龙广东左布政使王泮刑部署郎中邹希贤行人司正徐梦旸补户部署郎中韩子廉户部郎中杨初东升刑部署郎中吴来庭员外何伟主事杨松户部署员外胥从化工部署员外陈汝麟调南京工部主事洪文衡升江西左参政孙承荣贵州副使洪澄源改南京尚宝司卿陈堂升云南左参议周汝登广东副使萧雍朱东光湖广佥事周继昌云南副使田琯吏科右给事中吴文灿礼科左给事中项应祥右给事中杨天民兵科左给事中桂有根工科左给事中郭如星户科右给事中姚文蔚先是吏部屡催留中至是复请乃用之

○改孤山参将为协守副总兵以王威节制神木高家二路

○甲申大学士赵志皋八_日 銜-金 > 乞休 上慰留之

○凤阳巡抚李鋹上_日 銜-金 > 乞罢矿税不报

○徽州歙县人吴养晦投揭税监鲁保称其祖守礼为两淮巨商累费百余万伯叔时修等吞并无分且守礼在日曾逋盐课二十五万赂寝不追乞断追匿课并追给养晦应分家财于内愿献五万两以助大工鲁保为请 上命追课给产如保议 户部上言典礼在迩所需金珠宝石名香等项乞分派各省 上命俱于在京召商买办惟龙涎香行该省办进

○兵部覆天津巡抚汪应蛟条陈六事一简留水兵议将登莱旅顺二处水兵各简三千以陈梦斗马文焕统之分住登旅陆兵惟登总标下南兵仍留防倭余悉撤回一亟罢募船议将陈梦斗所募沙船悉发耆民领回即以武懋德所造操驾以省烦费一减存兵马天津先设水陆兵三千又设标下马兵三千兹议于标下选用入百听中军管理余俱撤回至于该营马匹应给标营家丁者听其留用转补真定各营者价银解部发寺备用议发蓟昌抵筭年例者查估价值径送顺天巡抚分发惟是据开见在之数比前额倒

损过半该镇未经战阵驰逐恐有克减盗卖等弊应令查明造册咨部覆议以实马政一联属声势议将登旅两寨联而为一船兵月饷管理于山东抚道俟东警已宁改总兵为副将驻劄专辖而节制于山东抚按沿海墩台及时修演以备不虞覆上报可

○乙酉先是辽左出寨捣巢我师败绩御史陈效查勘具奏部覆以闻诏赠阵亡参将王维贞署都督同知都司金尚礼署都督佥事各荫一子世袭如例仍立祠致祭周思义等行巡抚御史提问

○兵部覆太仆寺卿刘四科条议请令巡按屯马御史将各府州县卫所一应马价草场牧马地租屯营子粒等项逐款清查原额地土若干应徵钱粮若干州县立一小总每府结一大总造册送部寺永为查考已徵在官者严限起解逋欠者督令追徵有那移侵渔者指名参奏每年管马府佐各该清查册籍载入考成限一年之内俱完库藏寺丞不妨与少卿互掇仍行两京同寺一体施行 上然之

○兵部覆四川抚按会题防播事宜一设将领以固要害议于綦江合江各设游击驻劄安稳冈门二处以防贼冲一议兵饷以资战守二江既设将领一切兵食綦江责之上东道合江责之下南道核实训该游多方侦探遇警驰援一分疆界以便责成川黔接壤播界其中巡东思南二道各有信地失事不得他诿近议改设总督兼制川贵湖广三省正虑两地推诿之故方在奉行无庸再计矣其杨酋乘机窥探所宜严防内地官民有仍前勾引作奸悉如所议擒拏治罪 上然之令着实举行不得因循误事

○丙戌遣监丞高淮督原奏阎大经等往辽东开矿徵税

○户科都给事中包见捷言辽左三面逼虏蹂躪难支加以倭奴发难士马疲露死伤殆尽兹一开采榷有八可虑焉税役往来知织供亿如山滋置邮之扰一也塞外吏卒本以罪徙边轻去其土若推膏敲髓徒携边氓之心二也士卒乘障出万有一生之计以捍疆圉又令之防矿防税彼且谓上实芥视我是挫战守之气三也阃以外原假便宜而中使所经炙手薰天孰不望风解体是掣将吏之肘四也开原市易往寔宽其途今必铗括寸累则属夷以为非香火之情不露辨相向即掉臂以去是开夷丑之隙五也朝鲜之八道奄奄尪羸而税使以衔命往将彼为鱼肉此为刀俎是增属藩之怨六也边关出入之禁甚厉而冠带名目动称钦遣侯吏莫敢问倘有桀马而欲为中行说者乎则军情洩而虏谍张七也东征之师撤还伊迓即不悲杨柳歌饥渴亦已矣而卒与矿市值则鸣剑慷慨何堪苛索恐激兵噪之端八也夫辽东为神京左臂种种艰危何物奸弁輒为祸首此其结党岂在林章王官下 陛下不愆以三尺而并罢开采徵税之令则辽事必不可为岂惟辽左而国步随之矣勿谓微臣今日不言也辽东抚按及山海关主事吴钟英俱先后争之不报

○丁亥以郭子章为都察院右副都御史巡抚贵州兼督理湖北等处

○升兵部郎中黄炜为河南右参议升礼部仪制司署郎中庄懋华为山东副使

○工部覆总河刘东星议大约谓黄河自商虞而下历丁家道口马收集韩家道口

赵家圈石将军庙两河口出小浮桥下二洪乃贾鲁老黄河故道自元及我朝嘉靖年间行之甚利至三十七年北徙浊河而此河遂淤万历七年总河潘季驯议复开之以工费浩繁中罢令河果决黄堙而南徙繇韩家道口至赵家圈一百余里冲刷成河即先年议复之故道也繇赵家圈寻老黄河故道开挑繇东镇曲里铺石将军庙至两河口直接三山台新渠计长仅四十里据运同赵垆等估挑阔十丈深一丈募夫五万人费可八万余两不过一月有半可以竣工此河一开则目前大挑运河及小挑浊河工程俱可节省诚所谓事半功倍者也至于善后之策则永夏迤西一带旧堤宜行河南管河官修补朱家窝东北有母河旧渠宜接挑宽阔使足容受洪流赵家圈弥漫易淤宜先挑支河择迎溜处所开口仍于对河南岸卷埽筑矾嘴坝逼水直射以免复淤之患李吉口故道去冬已挑成数里前功似不可尽弃但自李吉口至镇口三百里而远不若自赵家圈至两河口四十里而近况大浮桥既已建闸节畜汶泗之水则镇口一带济运亦无藉于黄流也既经河臣 议详悉乞敕下遵奉举行报可

○戊子升光禄寺丞杨凤为□禄寺少卿 ○户部奏请裁省各监所取索以轸邦计不从时各监前后索金已逾二万七千三百两复以 两宫将成供应天灯等项索金三千二百四十余两银三千九百十七两 上皆今户部如数办进

○光禄寺卿孙玮等题开各省节年逋负正供额银乞分别查催 上责抚按及经管官怠玩旷职命勒限严催

○己丑升山东副使袁一骥为广东右参政

○庚寅升山东按察使王任重为云南右布政使

○壬辰户科都给事中包见捷等上言切惟矿市之害诸臣言之不啻详矣犹意陛下惜国体重民瘼万万无久而不厌厌而不罢之理乃迩来武弁参伍表里为奸交煽互惑不崇朝而省直之间开采棋置摧税星满甚至孤危如辽左计且为之也嗟嗟世界至此更无一处得乾净百姓至此更无一方得安乐从古及今有举动如斯光景如斯而能久安长治者未之尝闻乞亟罢矿店撤回中官俾人心早有一日之安则 宗社早有一日之福 上怒降旨切责谪见捷外任余各夺俸一年

○癸巳大学士沈一贯上< 疏 >乞宥包见捷以光 圣德 上褒其忠爱仍以见捷等逞臆烦扰谕之一贯复上言恭读 圣谕以忠君爱国奖臣臣亦私以此期许而不敢过逊臣见不忠之人若鹰鹯之逐恶鸟决不敢为之救解为之救解者亦必忠君爱国之臣也惟 皇上亮臣此意则孤臣有托矣

○升邵武府知府李之用为云南副使兵部郎中刘一澜为广东右参议四川佥事李开藻为山东右参议福建右参政沈季文为四川按察使 ○四川指挥李光祚以受贿通夷命巡按御史提问具奏

○遵化县天鼓鸣西北一星光如皎月流至东北方散

○甲午南京礼部尚书王弘诲引疾乞罢不允

堡同日火畿辅灾

○诏蠲诸逋赋发梁城所及山海关各仓粮委官分赈仍严禁有司怠玩苛刻侵没等弊

○丁巳大学士沈一贯乞留日讲官刘元震供职先是元震自陈留中引疾求去辅臣以讲筵乏人请留之

○户部尚书杨俊民以疾辞篆 上不允谕以善加调理

○录临洮功升陕西巡抚贾待问为右都御史赉银币原任兵备副使张栋升一级与吴鸿功张维新俱遇缺起用参将阎逢时加副总兵各赉银有差

○己未直隶巡按马从聘疏言顷者内臣鲁保条议加罚存积二事行臣查明回奏夫先年违役旧引乃户部因工费急乏题奉钦俟转行前任鹺臣悬价召商今一旦补罚于既赏之后恐无以示信于天下但已奉 明旨除候徵完听行恭进外惟是没官积盐委属无影臣安能昧心涂面指无为有以效其欺也今内臣又舍没官而谈存积矣夫盐政七分常派每岁开中以供立兵之饷三分存积遇倣开中以供客兵之饷 祖制也后因各边多故二项并开岁以为常岂惟并开且加增新引矣且补卖废引矣至加增补卖俱出额课之外遂至盐法之壅何至今日尚言存积也况场盐有蠲有折十年之外结绝净尽诸凡旁摭远引无过卖补搭单特难于显言耳若买补何患无盐见今岁课余银六十万皆买补也第害有所当维不敢不为 皇上详言之盖两淮煮海为盐原无不足特行盐地方食盐户口各有定限不能加也譬之饮水于河止于满腹腹已满矣河水虽多能复饮乎今两淮行盐之地固满而既溢之时也即有盐安所受之臣入境之初急请减新增之目非不欲增势不能也盖引减则盐易行而商乐附商乐附则盐价平而穷民食盐者众且私贩不禁而自戢矣其减乃所以为增也引增则盐日壅而商本亏商本亏则盐价涌而穷民淡食者多将私贩禁之而愈盛矣其增乃所以为减也故裕课惟在通商便民而通商便民惟在调停于引目多寡之间此理一定毫发不爽今人但知此有一引之加则彼有一引之减不知越单之弊窳一开 累朝之成规尽坏加以奸棍藉势行私公行夹带私贩充斥正引不行见今水商不肯赴仪买捆内商不肯下场支盐灶户停煎生理断绝人心皇皇恐生他虞伏乞 皇上加意边储留此盐政以垂永□如势不容己必欲越单乞令户部将新增边课尽行停革行盐场地量行查复再酌诸边之缓急审饷额之盈诎哀益多寡请自 圣裁非臣一人所敢擅也不报

○户部尚书杨俊民上疏极陈矿税之害乞撤回中使仍重绳原奏官民之罪以谢四海不报

○庚申以甘镇宣捷加恩辅臣赵志皋加兼太子太师进中极殿大学士荫一子尚宝司丞赉银五十两沈一贯加少保改吏部尚书荫一子中书舍人赉银四十两各彩段二表里二臣固辞加秩许之复连< 銮-金 >辞荫优答不允

○是日赵志皋等以倭寇荡平请御门献俘受贺

○癸酉大学士赵志皋< 〇〇〇 铨-金 >罢矿税以为矿税之行利归群小而怨归皇上剥削愈久酿祸滋深岂可不加体察如以费用不足尚有正大权宜可议者无如明白敕谕户工二部容臣等与之商议通融酌计每年或可量动何项钱粮更有何项设处可解进以备 上用谨拟上敕谕一道恭进御览留中

○南京工部尚书郝杰自陈乞罢不允

○甲戌 上御午门楼受总督邢玠等所献倭俘六十一人付所司正法百官致词称贺是日祭告 郊 庙遣公徐文璧侯陈良弼驸马都尉许从诚各行礼收回醕醢果酒颁赐辅臣

○江西监生胡士琇耆民丁果娄世洁经历黎金球各输穀助賑抚按以闻命旌奖有差

○丙子大学士沈一贯< 〇〇〇 铨-金 >请亟补阁臣以资辅理不报

○以纂修 玉牒起礼部右侍郎兼翰林院侍读学士冯琦右春坊右谕德兼翰林院侍讲唐文献为纂修官以制敕房办事太常寺少卿兼司经局正字马继文等二十八员为书写官

○赐原任宁夏巡抚都察院右佥都御史张九一祭一坛 ○先是户部请广开纳以济边饷内有考察及参论罢职为民府运佐州县正等官复级进阶及各处军民人等劄给品官两款户科给事中李应策上言国家令甲所籍以儆惕官邪者惟此黜陟举劾虽妄辩摭拾例不言宥今柰何欲轻之彼一贪污吏岂难百余金使其既破复完如知县复矣又进知州运判复矣又进运同固俨然金紫之荣也回视前综核安在而亦何贵于考察参论耶二百两外递加五十两即得腰金名器不应滥至此至各处军民人等一丁不识据旧开纳已过矣若从今例则文物名秩递加于里俸市会遐陬僻壤尽属之卫鹤齐鸡恐不终为经久计也善乎舆氏云无政事则财用不足今不别求足国裕民之政乃患开纳未广哉 上下部议

○丁丑以册封请告内殿遣驸马都尉万炜代行册封礼封荣府等府荣世子常滚等妃刘氏等遣正使光禄寺少卿杨凤翰林院编修顾天竣等副使行人司副李璠等各持节捧册

○赐东垣府翊铠书院额名循理

○夺勋卫王继芳等俸半年以宿卫官军不到数多也

○戊寅兵科左给事中桂有根上言贵州总兵沈尚文身为大将当地方失事株守观望不按法诛斥犹然滥窃重任东征失律董一元等久当伏法乃迁延濡滞至叙功献俘之日抚臣万世德缓颊求解似此姑息何以责将来将士之捐躯赴敌者乞将诸臣按法定罪 上下兵部议

○赐原任太子少保刑部尚书张国彦祭葬如例仍以军功加祭一坛 戊寅晚刻雨 太庙槐树雷火巡视兵科给事中桂有根以闻并祈修省以答天变上曰上天仁爱

○命南京礼部尚书王弘海遵旨视事 ○丙戌以平倭诏告天下诏曰朕纘承洪绪统理兆人海澨山陬皆吾赤子苟非元恶普欲包荒属者东夷小丑平秀吉猥以下隶敢发难端窃据裔封役属诸岛遂兴荐食之志窥我内附之邦伊岐对马之间鲸鲵四起乐浪玄菟之境锋镝交加君臣逋亡人民离散驰章告急请兵往援朕念朝鲜世称恭顺适遭困厄岂宜坐观若使弱者不扶谁其怀德强者逃罚谁其畏威况东方肩臂之藩则此贼亦门庭之寇遏但定乱在予一人于是少命偏师第加薄伐平壤一战已褫骄魂而贼负固多端阳顺阴逆本求伺影故作乞怜册使未还凶威复扇朕洞知狡状独断于心乃发郡国羽林之材无吝金钱勇爵之赏必尽弃服用澄海波仰赖 天地鸿庥 宗社阴隲神降之罚贼殒其魁而王师水陆并驱正奇互用爰分四路并协一心焚其刍粮薄其巢穴外援悉断内计无之于是同恶就歼群酋宵遁舳舻付于烈火海水沸腾戈甲积如高山氛祲净扫虽百年侨居之寇举一旦荡涤糜遗鸿鴈来归箕子之提封如故熊罴振旅汉家之威德播闻除所获首功封为京观乃槛致平秀政等六十一人弃尸藁街传首天下永垂凶逆之鉴戒大洩神人之愤心于戏我国家仁恩浩荡恭顺者无困不援义武奋扬跳梁者虽强必戮兹用布告天下昭示四夷明予非得己之心识予不敢赦之意毋越厥志而干显罚各守分 以享太平凡我文武内外大小臣工尚宜洁己爱民奉公体 以消萌衅以导禎祥更念雕力殫财为日已久嘉与休息正惟此时诸因东征加派钱粮一切尽令所司除豁务为存抚勿事烦苛咨尔多方宜悉朕意

○ 皇帝敕谕朝鲜国王李昫比者倭奴平秀吉肆为不道怀狡焉启疆之心以兵蹂躪尔邦荡无宁宇朕念王世共职贡深用悯恻故兹七年之中日以此贼为事始行薄伐继示兼容终加灵诛盖不杀乃天之心而用兵非予得己安疆靖乱宜取荡平神恶凶盈阴歼魁首大师乘之追奔逐北鲸鲵戮尽海隅载清捷书来闻忧劳始释今王令陪臣奉表称谢贡献方物具悉王怀德感恩之意特降敕奖励仍赐彩币表里就令陪臣赍去以答忠诚至可收领先曾陈吁所诬朕以心体亮本无疑于王下廷臣杂议又具言王必无他己有别旨昭雪想能知悉惟念王虽还旧物实同新造振雕起敝为力倍艰倭虽遁归族类尚在生心再逞亦未可知兹念经略尚书邢玠振旅旋归量留经理都御史万世德等分布偏师为王戍守王可咨求军略共商善后卧薪尝胆无忘前耻箠辘篮缕大作永图务材训农厚树根本吊死问孤以振士卒尚文虽美事而专务儒缓亦非救乱之资亡战必危古之深戒吾将士思归挽输非便行当尽撤尔可亟图务令倭闻声不敢复来即来亦无复足虑东海之表屹如金汤长垂襟卫之安永奠藩维之厚惟忠惟孝纘绍前休王其懋之懋之钦哉故谕

○升山东右布政使黄克纘为左布政使 礼部侍郎余继登以 太庙雷火示警乞严敕大小臣工各修职业共图消弭因陈修省之实三事其一谓天子主 天地 宗庙之祀此礼之至重者 皇上不亲 郊 庙积有岁时矣请 圣驾恭诣 太庙祭告以慰安 祖考之灵其一谓 皇长子睿龄十八已越婚期矣选婚一事既已告之 祖

考乃候旨未报乞特遣中使选择淑女举行吉典其一谓近来奸民妄献矿税椎骨及髓使祖宗之人民恒扰而不宁祖宗之天下危殆而不安乞布宽大之恩用苏閤閤之困上曰奏内事关朕躬朕已知悉祭告奉安暂遣官代大小臣工各恪修职业以回天意毋饰虚文

○命灵璧侯汤之诰掌南京前军都督府篆武安侯郑惟孝掌府军前卫篆

○仪真税监暨禄委官马承恩等以抽税激变禄耸词具奏且参守御杨应光推诿不救上命逮应光究治已获犯人陈真等送南京刑部重拟未获者严限缉拏仍申飭抚按及地方有司毋得各分彼此应光已逮禄复为乞原诏释之

○丁亥大学士沈一贯题昨日皇上以平倭诏天下满朝臣子莫不举手而相庆亦莫不动色而相勸盖是役也关白虽黠不过一人奴耳群类虽繁不能当我一大郡也螻蚁中于一隅师遂勤于七首数百万之裹粮六七年之奔命东功之成天幸不至之绝耳痛定思痛至今思之不能不为之栗栗者如火水焚溺可复蹈哉故周书有言制治于未乱保邦于未危盖□之于未乱未危者易为功而救之于已乱已危者难为力也今日举朝忠计咸谓国家之武功虽若可观而文治实多阙失如矿税扰民太甚閤閤民不聊生盗贼日夜窥伺而有窃发之虞守臣竭力补苴而有难支之势孔子有言有国家者不患寡而患不均不患贫而患不安忧不在颡臾而在萧墙之内臣每诵斯言輒为震惕自古荡析播迁之祸皆从上下不均民心好乱而起可不畏哉伏望皇上居高听卑思患预防勿任一己之情而拂百家之欲勿贪沾沾之利而轻丕丕之基夙夜栗栗常如倭患未平之时而不少怠荒社稷幸甚

○提督操江耿定力条陈江防事宜大略谓臣闻无事则修文有事则讲武今天下非无事也长江千余里可防者非一端也上江列营五备兵使者三下江列营五备兵使者二宜及此时取各卫军伍各营水兵简阅训练而荐举兵备者即以一道精兵多寡定殿最庶戎事其有振乎若州县民兵是古寓兵于农之意先臣谭纶张佳胤尝用之今扣减已多即有之只供有司送迎勾摄之役耳各郡邑所储赎醵原以待备赈饷之需先臣伍文定实行之今尽解助边即有之亦祇充有司囊橐竿之费耳臣请练民兵以备防御留存积以储缓急兵部覆言武事久弛江防可虞操臣责成兵备之言是也顾自湖口酿乱而后所在见告忧不独江浒而已请通行各省直地方官除戎修器以壮折冲至于郡县扣留存积余银旧以济边似难遽议悉留惟将见在民兵时加简练务令人人精锐亦自足用上命江防如议申飭仍通行各该抚按率兵备官用心料理以防不虞

○戊子大理寺右少卿刘怀恕捐俸助工报闻

○是时矿使四出人情汹汹内而勋戚大僚词臣科道外而各省抚按合词力争不能得于是办事进士谢廷赞陈内乱外变之形词甚激切而司礼监太监田义亦言之俱不报大学士沈一贯复言臣惟群臣言矿税者非直以专利为戒而实以酿乱为忧我国家如金甌无有伤缺何可无故因小利贻大害夫财者民之命也取民之财是是取民之

命也今穷天索产罄地伐毛尽宇宙间靡有留利黄旗相望于郊原虎冠遍满于麀市撤屋据坟搜藏发窖无论奸民乘机劫夺即良民亦宁能拱手而授人以命乎为抗为乱去为盗贼势所必然今边兵枵腹以待哺司农束手而忧死若脱巾之徒与潢池之盗所在并发何以待之 皇上勿以为天下事必不至此而无忧也

○己丑升广东惠州府知府程有守为广东副使 赐已故南京礼部尚书陶承学妻王氏并祭祔葬

○谕礼部去冬至今亢旱为灾已历三时河井乾竭二麦枯槁民何所赖朕日夜焦思深惟失德致此 尔部便具仪遣官祭告 天地 社稷 山川并应祀神庙竭诚祈祷内外大小臣工痛加修省各勤职业以回天意毋事虚文

○大学士沈一贯借讲章进规以为臣顷阅词臣所撰 皇太子讲章内齐宣王自言其好勇好货好色孟子历为解之言好勇如文王之遏密好货好色如公刘太王之同民即可为王道臣观此意大有裨于今日辄敢引以为喻盖自平秀吉煽乱 皇上赫然震怒爰整师旅以存朝鲜以惠中国非所谓一怒而安天下之民者耶真文王之大勇也顾自矿税之役烦兴而天下始有好货之疑矣则何以不为公刘自 皇长子大婚之礼久稽而天下又有怨旷之虑矣则何以不为太王夫削平倭奴永清瀚海树威异域之外至难也 皇上不惜夙夜忧勤而犹为之奠安民生使无反侧之忧诏行嘉礼使无怨旷之感不过一 明旨耳至易也 皇上何惮而久不为此望将冠婚大礼及矿税二事俯从所司奏请天下幸甚

○庚寅夜金星犯水星顺行在井度

○三边总督李汶奏辞升荫不允

○加大同兵备副使黄嘉善为按察使

○调河南副使李徽猷为陕西西宁道副使

○辛卯以祭告 太庙收回脯醢果酒颁赐二辅臣

○以户部所进典礼急需日久未完严旨督催

○辽左谍报虏情命督抚镇道申饬路将严加堤备

○壬辰升福建按察使陈性学为本省右布政使改新升顾其志为山东右布政使

○吏部左侍郎裴应章复引疾命宽假调理

○以巡抚陕西右都御史贾待问兼兵部右侍郎

○调江西副使来三聘为四川副使

○赐原任太子太保兵部尚书张学颜祭葬如例仍以军功加祭一坛

○癸巳蓟镇报修边垣甄别将领功罪李光先沈灿等纪录调罚各有差

○甲午山西巡抚魏允贞题开万历二十六年本镇主客兵马支过钱粮并催收民屯盐粮等项分别旧管新收开除实在省费多寡各总数目下户部知之 以久旱祭告南郊北郊 社稷 山川风云雷雨黑龙潭命公徐文璧侯陈长弼郭大诚伯王学礼驸

马侯拱宸真人张国祥各行礼

○命署都督佥事朱文达以原官总兵镇守福建并浙江金温地方

○乙未大学士沈一贯以 皇上静摄以来新政渐不如初因述万历十三年四五月中所行 圣政摘举要略恭备睿览< 〇〇〇 〇〇〇 〇〇〇 >言臣顷因祷雨省愆追思十三年四月中所行 圣政摘举要略恭备睿览 皇上亲御布素自武英殿徒步出大明门祇叩 郊坛虔申祭祷又召辅臣九卿谕以天下有司贪赃害民致干天和令该部慎加选用德意恳惻朝野欢呼于时 上励精口治从善如流匝月之内 圣政极多如亲享 太庙诘责太常卿沉人种转身轻慢复用为福建巡抚如念刑狱冤滥谕刑部轻者减等重者虚心鞫审如念烧造磁器屏风烛台及大龙缸糜费难成悉行停止又如灾伤地方蠲免一年之税婚礼钱粮减省三分之一至于并建众辅召见暖阁君臣唯诺上下交泰使循此不已尧舜何以过之 皇上不必远师帝王近法 列祖第以所尝躬行者反覆思维恍然省悟如寐斯觉如醉斯醒绍续前美荡涤后瑕四方之福也

○录宁镇功赉李汶银四十两大红纒丝四表里杨时宁半之汶候阅视优叙宁荫子世试百户王道增萧如薰张诗等升俸加衔赉银各有差

○命陕西巡抚贾待问以右都御史兼兵部右侍郎

○调江西副使来三聘为四川副使

○赐已故怀宁侯承恩祭葬如例 ○神机营副将侯国弼二营参将李宗望俱夺职听降调以科参违限也

○云南抚按陈用宾等会勘李先著吴显忠之狱谓先著受猛廷瑞金迹涉可疑然功亦难掩吴显忠有功无罪刑科参驳谓先著诚因循纵寇然其赃先发寄县其心亦可原也若显忠纵抢夷人财物安得谓之全无罪宜再行巡按覆勘刑部两存以请 上命不必再勘着三法司虚心会鞫勿枉勿纵

○湖广太监陈奉进税银乞申明界限 上命银两进收界限依湖广抚按所辖江右税监不得越徵

○丙申户部上言臣历稽 祖宗朝需索外府曾无银及二千四百余万两即往年皇上大婚及 潞王册封诸费各有经制卷案可查 皇长子 诸皇子选婚册封诸费何得过多百千倍也今边饷匱乏四方市旱臣等谬司国计心若坠渊惟 圣明裁察大学士沈一贯亦力言之 上虽嘉辅臣忠爱及谅计臣繁费然不能遽裁第令行文各省直严催未解积余以济急需而已

○东征把总梁天胤侵盗兵饷命严提追赃

○户部右侍郎张养蒙复以疾求去不允

○戒税监禁止额外需索毋得远差重徵及滥用匪人

○丁酉都察院左都御史温纯等< 〇〇〇 〇〇〇 〇〇〇 >请申饬宪纲一重激扬谓激扬之失荐剡滥也以后抚按遵奉 明旨如限荐举其绩效未著议论未定者勿轻荐以袭软

熟之风凡类报荐牍但直书廉勤公慎等语方面以上堪大用者仍书某任某事有已试之效数语于后一切绮语謏词如天日山岳金玉冰浆等喻尽行洗去以清吏治一肃宪体谓宪体之褻起于滥用赃罚间有造请删改以口掩饰则自以伪示之是在巡按正本清源一切繁縟仪文尽行禁革使所动支皆可入册登报清风劲节俨然为百吏师庶几台端吐气宪度惟贞一抑趋承谓吏治之怀筐筐盛也以后抚按严禁各属馈遗毋私授受以肃体统监司郡守能举发属官违例馈赂者即题请纪录一核巡历谓御史持斧一方必遍历郡邑而后民间疾苦得以周知奸豪有所斂戢毋因道里辽阔而马迹不及周毋沿吊<弓矢>旧规而远邑不亲历有仍前怠事者回道日以怠玩论一恤民隐谓国家所恃以父母斯民者有司耳然而贪吏之不能不染也大率染指在赎缓在税粮微解之秤头与站银工食之扣除合行抚按严行禁革永著为令一恤刑狱国家设三法司又使御史巡视五城为都城内外民杂讼繁欲轻重得其平也然有宜重而轻者如以人命付兵马司是也此辈智闇识短即利啖势惕皆可使之轻重其情宜专遣刑部司属覆简或分委顺天府推知鞫讯此重狱之当议者又有宜轻而重者如以笞杖与重辟同评是也夫郡县笞杖得自裁决民甚便之大司寇秩至隆重一笞杖而不能自裁何其轻也廷尉天下之平平其重者耳一笞杖而必经评允又何其琐也臣等以为笞杖徒罪宜自司呈堂发落免送寺可也是轻刑所当议者容与刑部大理寺再议请旨遵行一禁酷滥谓风宪之官当存心忠厚载在宪纲今后御史出巡先须以身率下毋得擅动惨刑凡有司等官有用酷刑残雪无辜者查实重参纵庇者考察日以不职论一重弹压谓四方多故责在弹压宜于无事时力倡司道多方抚绥吾民使之自爱而不忍走险万一有事与其议抚议剿于后不如设法解散于前刘六之乱可为殷鉴未雨彻桑是在今日抚按之预口而已议上留中

○恭顺侯吴继爵以病故报闻<足 毓-金>下吏部科臣程绍言令甲勋臣袭爵属之吏部报丧属之礼部今下吏部则票拟偶错盖缘阁务繁重次辅独力难胜乞将前后所拟阁臣简用数员与次辅协力襄赞大学士沈一贯引罪乞改正且言臣独身在阁力小任重所以日夜避贤求去请补阁员意正为此望别简贤者以重政本 上曰览奏具见敬慎前本下吏部题覆自有裁定亦未差错卿既奏请着改正行方今国事多艰元辅在告正赖卿匡襄辅弼岂宜屡言求去即出佐理以副眷怀翌日沈一贯<足 毓-金>谢言勋爵吏部职掌恩恤礼部职掌在私家以乞恩为重在朝廷以袭爵为重重朝廷而下之吏部以为查理袭爵之地亦非错也但科臣既谓臣错而臣与之辩似非休容之度故直任不辞耳仰蒙 皇上慈照不胜感佩但只身办事委实不前后此差错真恐不免伏望 皇上早增阁员实以重政本非独为臣私也又臣昨为户部请减典礼钱粮实因太仓罄扫无以酬应乞比炤 皇上大婚礼更加裁定一以正名分一以昭俭德且使该部得应目前军国之急以备不时仓卒之需裨益不少又昨五府六部九卿詹翰国学科道及在外抚按各<足 毓-金>言矿店害人之急实系天下汹汹民情群臣耿耿

忠计拱候德音有如时雨 皇上即不尽从亦宜将店事早赐处定免使小民抗上为乱以滋大忧不然今年海内必有不忍言之变不止如临清者尤臣日夜忧念一刻不能宁者也谨洒血披陈以闻

○己亥直隶巡按御史萧重望条陈安黔五策事关兵部者三部覆以闻一清尺籍谓贵州所辖有上下各六卫西四卫宜将各卫额军核实清查简壮勇汰老弱务收实用一议督镇原议督臣平时驻劄四川上游遇警移驻邻近有事去处调度则黔蜀皆得随便驻节无容更议矣惟是移铜仁总兵于偏桥移清浪参将于铜仁普安增兵将以备应援龙泉设府佐以资协守事体既属更张举动不厌详慎应行总督抚按会议具奏一拓疆圉谓黔省蕞尔单弱可虑拟待事定既割楚之偏镇平清以专黔辖又割蜀之永宁乌镇以拓黔壤但版口久定恐有窒碍应通行三省总督详加商确 上然之 ○户部覆宣大总督梅国桢议大同战马以三万四千匹为额马价粮料于二十七年客兵年例及标兵节省行粮动支从之

○兵部上言黔方用兵大将事权宜重请令总兵如巡抚例湖北川东军卫土司俱听节制调遣 上从之仍令广西云南协力捣援不得互分彼此

○山海滦州卢龙等县地震

○壬寅赠太子少保刑部尚书张国彦为太子太保荫一子入监国彦嘉靖四十一年进士宰邑著声选授给事中抗< 硃-金 >罢矿出为藩臬历官督抚司寇引疾乞归里旋以阅视叙劳加太子少保林居七载列荐八次卒于家吏部覆称其却虏多功抽簪独勇云

○赠原任南京兵部尚书吴文华太子少保文华嘉靖三十五年进士尝两仕督学得士为多迨开府两粤削平叛寇所擒馘数千级招抚数万人恢复土田数万亩晋南兵部尚书引疾乞归起为司空固请骸骨卒于家吏部覆称其伟略经邦精忠体国云

○释晋府罪宗新墙家属

○以雨泽沾足告谢 南郊 北郊 社稷 山川及风云雷雨黑龙潭之神遣公徐文璧侯陈良弼郭大诚伯王学礼驸马侯拱宸真人张国祥等各行礼

○戍广安店税役赵子稳广和店税役李过春等余党徒赎各有差皆税监张烨马堂所任群小也

○癸卯虏犯辽东我师拒之出塞然死伤多抚臣虑秋高复入请留东征回兵仍乞督臣邢玠暂驻辽阳以便弹压部覆以闻 上曰虏患方殷该镇宜加意防御东征回还兵将简阅精勇惯战者分防要地总督邢玠暂留辽阳俟初防事竣还蓟镇严行侦探应援不得误事

○大学士沈一贯上言臣闻近日各镇年例虽奉旨给发悉皆空文解官守候一月至今尚未得行军士乏粮有自去年至今未给者怨愤充盈不可胜闻此辈非孝子顺孙必致鼓噪该管官土畏督责缄口不言下口苟且束手无策臣不知将来当作何状事关

安危不敢不言惟 皇上蚤赐筹处

○以夏至将有事于 方泽先期视牲命公徐文璧代请 太祖配神命驸马许从诚代又命侯郭大诚朱继勋尚书杨一魁侍郎余继登轮流看牲

明神宗显皇帝实录卷之三百三十四

明神宗显皇帝实录卷之三百三十五

万历二十七年五月戊申朔夏至祀

地于 方泽遣定国公徐文璧代泰宁侯陈良弼靖远伯王学礼吏部尚书李戴兵部尚书田乐分献 五岳

○先是有旨谕户部你部题允各边年例如何日久不发军士悬望馈饷何以慰之既称库藏匮乏亦当用心会计区处安可玩愒度日若至误事罪当谁归往年必有储蓄以需缓急今收贮支放皆无定法日给尚且难支何称预备其亟求长久之策部臣陈渠上言往时库贮稍充可随允随发今库藏如洗未能倅办臣等神魂怔营何敢怠缓谨那凑酌发其通融催儆樽节等项容讲求详确具奏 上曰钱粮非一时取办之物岂可不预先讲求虚文题差何慰边军翘望宜速为处置毋再迟误

○赐原任陕西佥事李茂春母淑人边氏祭一坛

○兵部覆太仆寺少卿陈应芳条陈马政八议一议查核营军领马全不爱惜既将草料侵克肥家又复雇觅与人营利议令限三月终赴寺查比膘壮者注销羸瘦者重责递罚雇赁等项悉行禁革一议催徵京营老羸马匹变价银两例解回寺向发宛大二县催徵既有专责限解亦无愆期不虞后之改而营官也那移侵没至难究诘相应如议仍发两县徵解未完银两查实严追一议责成欲清马政必先责成将领自总兵而下降罚有差而京营何独不然议令少卿于年终会同巡视科道将副参以下等官查炤会典开载上中下三等一体举劾庶于督责之中得寓鼓舞之术一议立限马之雕耗一曰倒死一曰走失向来稽查无法以致欺伪滋多议立限期令军人从实首告倒死限以次日走失限以三日每月终将倒失等项月日移文下粮厅查对住支月日果否相同如有隐冒追究如律走失者买补不许以老羸搪塞一议交兑查得民间寄养马匹最称苦累缘交兑之际营军索贿抑勒多端宜严行禁革外来马户随到查收免其守候至于倒死马匹例追桩银计年递加仍著为令一议召买近来畜马日耗缓急何赖议将京营倒失之数悉支马价陆续买补仍于休养生息之中示藏马于民之意一议卫马太仆同政攸关职当问马然锦衣卫原系禁兵查验比较自有司存惟年终点烙宜仍旧隶于该寺点过马数径送户部以防冒料至于四卫勇士营马日耗宜于请补之日酌量兑给一议边马查得会典开载隆庆二年题准蓟昌宣府各镇骑操马匹置立循环簿送寺倒换稽查每年终听少卿点闸一次除巡历点闸年久不行辄难轻议其循环今亦废格近经部议依旧倒换踰年不报如密宣真蓟等处听督理寺臣径自提究诏如议

○辛亥大学士赵志皋等题纂修 玉牒事宜大都谓提调例属阁臣而盖造浮披

○辛酉大学士赵志皋十五< 〇〇〇 毓-金 >乞休且言近屡催阁臣未蒙点用外议咸谓以臣未去之故是以一病臣妨贤者路也 上曰国家多事朕在深宫日夜焦劳正赖卿与次辅同寅协恭赞襄不逮岂可坚持求去阁辅久缺便著会推在任在藉堪任及前推员数开具来用

○以太常寺卿郑国士为都察院右副都御史抚治郟阳等处

○户科左给事中李应策言近日派买珠宝杂料召商估直比旧价有增五六倍甚至有二十倍者都市喧传谓奸商魏良佐等贿郎中孙鋹等突增异价乞行勘估价旧卷及严查有无受贿情弊 上曰昨所派买珠石等项虽北往时稍多何至便费钜万常疑此中必有奸弊据奏奸商贿增价直明是赃官通同欺蔽盗国肥家着户部即行原估衙门备查估卷要见何时渐增何时大增孙鋹等曾否受贿核实以闻其商价会同多官从新酌估并查年前报到积余支剩有无虚实不许欺蔽

○壬戌大学士沈一贯揭催点用庶僚

○兵部尚书田乐奏辞赉荫不允

○御倭经略邢玠条陈东征善后事宜十事一留戎兵议留副总兵茅国器等步兵一万五千游击季金等水兵一万副总兵解生等马兵五千而抚臣标下选兵三千及巡捕杂流等共计合兵三万四千一百人马三千匹分戍朝鲜一定月饷官兵盐菜及新造唬船每年共该银九十一万八千九百六十余两各文武公费廩银尚俟酌议一定本色合用米豆分派辽东天津山东等处除起运及见贮者尽数催发外另每年分派米豆十三万石俟朝鲜收成之后徐议停运一留司府议裁东西二监军独留中路海防道即以新推杜潜改任此外第设一同知一通判以省多官之费一裁饷司兵额既定出纳有经督饷司官相应议裁一重将领参将俞尚德宜复副总守备姜良栋左聪量加游击以隆责任且示鼓舞一添巡捕自鸭绿至王京自王京至釜山地方寥远寇盗克斥前议留捕兵六百名即以把总李开先杨拱二人统之分地巡警一分汛地朝鲜要害首釜山次巨济次竹岛及闲山南海应以水步兵分驻扼要以马兵居中驰援而总兵李承勋驻劄安东提衡水陆之冲至于明斥堠谨烽火如加德天城绝影岛等处所宜设立烽台多置火炮以使侦探策应者也一议操练屯种择于宽便处所设立教场天兵丽兵相兼操练训以教师将官月试为小操镇道季临为大操抚臣春秋二汛为合操酌定赏格以为鼓舞分附汛地内有荒芜屯土者责开垦屯种出于朝鲜牛具给于官帑庶足兵足食两得之矣一责成朝鲜中国之兵不能久戍乞 天语叮咛彼国君臣亟图绸缪一二年后殫力自完使东征士卒蚤慰室家之思事下部议

○内官牛云鹤等吓诈税课命锦衣卫逮治之仍著司礼监申饬各监

○乙丑升山西副使刘鲁为本省右参政升大理寺左少卿刘怀恕右少卿张鸣冈太常寺少卿史孟麟南京鸿胪寺卿张朝瑞南京尚宝司卿蔡悉南京太仆寺卿詹沂福建副使李元实陕西苑马寺少卿谢时泰四川左参议崔斗瞻河南右参议饶景曜福建

按察使徐应奎河南右参政韩学信江西佾事骆日升江西副使戴燦湖广副使王应霖吏科都给事中项应祥户科都给事中李应策刑科都给事中郭如星贵州副使路云龙太常寺卿刘四科

○丙寅南京通政使杨时乔引疾乞归不允 ○丁卯命 皇长子暂辍讲俟七月初二日开读

○戊辰升谕德范醇敬唐文献为左右庶子兼翰林院侍读各掌坊篆中允袁宗道为左谕德兼翰林院侍讲掌司经局篆各纂修讲读如故

○宁镇谍报虏情命该镇用心堤备毋致疏虞

○己巳先是山海故有镇守府后革镇守改为军务衙门至是高淮献银五百两求为税店 上赐名福阳店

○庚午调左通政徐申为应天府丞

○福建巡抚金学曾再< 〇〇〇〇 毓-金 >乞休许之

○辛未追原任知县吴宗尧及各商吴榜吴时俸饘晦等银各有差余勒限严追宗尧未尽者命鲁保会抚按查审具奏知府胡士鳌同知燕祖召以庇宗尧各降一级调用赏告讦人原奏官程守训已革监生吴瑄等以税监陈增之奏也

○壬申大学士沈一贯< 〇〇〇〇 毓-金 > 恳简用阁臣

○贵州道御史涂宗浚< 〇〇〇〇 毓-金 > 参辽东税监高淮言迩来税使横矣犹未敢擅议大政残琢缙绅未有如高淮之怀奸越俎恣无忌惮者也夫报功抚按之任也而淮辄侵之镇守 皇上未有旨也而淮擅假之至近日一< 〇〇〇〇 毓-金 > 称虏患方深旧地难复贬驳抚臣自张智计若 皇上不察而听之必且以抚臣失筭不如内臣之计得也专任抚臣不如参用内臣之计善也镇守之事可执左券而取之矣不知抚臣复地之说久已议寝岂必借筹于高淮即使广集众思自有长计决不贻忧于宵旰且 皇上事事取法 皇祖其革除镇守一节神谟雄断高出千古书之史册万世以为美谈 圣心自有定主岂淮辈所能惑第其立心奸险舞智盗取尝试于 圣明之前其心为可诛其渐不可长耳伏乞严旨戒饬高淮以后止理税务至地方军兵边情专听督抚裁决不得一毫干预则小人窥伺之萌可杜而国家无疆之业可永矣

○升大理寺右寺丞王明为左寺丞起原任提学御史李尧民为右寺丞改礼部右侍郎冯琦为吏部右侍郎兼官如故

○总督邢玠以母老乞归侍养 上谓玠劳绩懋著眷倚方殷何遽以侍养为请况蓟辽秋防在迩宜亟还本镇用心督理

○升南京太常寺卿郑继之为大理寺卿

○赐武进伯朱世雍祭葬如例

○升陕西按察使曾士彦为河南右布政使

○兵仗局奉御刘福安奏奸商张佩包揽本局军器钱粮并无物料铺垫输局仍硬

夺官银九千两 上命锦衣卫逮治佩等仍诏工部别金殷实铺户承办工部言张佩所领预支银三万两该局尽数追入几及一年后来新金铺户安从措办 上令该局追入者行令自办完日具数过部开除余照原题补给另金铺户办送该局会同科道验收不得冒破 癸酉 穆宗庄皇帝忌辰遣抚宁侯朱继勋祀 昭陵

○甲戌大学士沈一贯题催考选行取官员

○乙亥户部覆总督仓场赵世卿〈○疏-金〉谓京储仓粮岁入岁出各有常数近因灾伤频仍改折数多输纳日歉于正额之中兼之倭虏交讧太仓告匱借支每溢于常数之外以致见在本色粮未不满三年之蓄臣等从长酌议乞行各该抚按严督司府州县以后额派漕粮俱要徵收本色依期兑运非遇大灾大祲不许擅请改折通仓粮米除本年应放四月外仍将八月分月粮再坐一月以抵京粮上年多放之数此后漕粮运到但遇借支本色俱要两仓均匀派支至于每年五月十月应放折色月粮虽属旧例然目今库无积贮势难全给合量给折色一月以储本色仍俟库贮稍裕依旧给放折色诏如议

○丙子先是户科左给事中李应策〈○疏-金〉驳万世德等所陈朝鲜善后十议大略谓倭夷已遁属国全复我之义声已著于天下矣生聚屯练在朝鲜当渐有成谋即欲恤其残荡量助兵饷何至竭中国以徇外夷也据议留兵三万余岁费饷银几百万米豆十三万石马三千此在全盛之时尚不能尽给而况今日匱乏之际乎因参世德前在天津虚冒罪状乞下户兵二部查议定夺给事中姚文蔚亦〈○疏-金〉论之户部会兵部酌议以为数年疲耗今始息肩尤宜内固根本不当更为烦费查得朝鲜当壬辰倭患之始请不过一万此时倭正在平壤也及癸巳倭败之后留兵不过五千此时倭未去釜山也盖该国兵荒之后不独苦倭之扰而亦苦我之扰故前后请留止于如此臣等以为今日善后之事仍当与彼国商之彼主也我兵也故宜先量彼饷之赢拙而后酌我兵之去留戍兵欲少而精选将欲慎而重廩粮宜简约不宜杂冗而作奸犯科之徒更加严禁务令我兵与鲜人两无病焉而后可至于增马匹增补标兵创立巡捕以至管饷府佐悉宜停止仍乞敕谕该国自计绸缪不得专恃 天朝 上曰东氛既净本宜振旅悉还念该国凋残留兵协守宜简实精确岂得多费无节奏内事理著督抚同国王斟酌停妥来奏仍宣谕该国当乘时自强勿得恃援因循致误长久之计

○丁丑工部覆总河刘东星〈○疏-金〉以河工告成甄叙效劳官员郎中刘不盈副使郭光复等乞行巡按覆勘分别以闻从之

明神宗显皇帝实录卷之三百三十五

明神宗显皇帝实录卷之三百三十六

万历二十七年六月戊寅朔兵部言近日东师返旆先后入关沿途俱称安静惟川中土汉等兵营聚通州日夜击斗纷扰以俟总兵刘綎为词及查刘綎已久入关乃沿途尚尔缓进合无严催速来随营宣谕督率前发如营官果有扣克宜从公处分以服其心

倘系各兵要挟仍申行军令毋得逗遛观望 上曰川兵留聚纷扰其素无纪律可知既称欲待刘綎便催令前来督发中间如有扣克要挟等情小则随宜处置大则军法从事不许迁延容缓罪有所归

○吏科都给事中项应祥等言臣于二十八日会推见诸臣所举以备六官者皆彬彬一时之选臣窃私喜庶几无幸窳无傍溪足为肃清仕路之一快也无何退食在寓忽接吏部画知单称会推南京户部侍郎李汝华刘元霖曾奉旨另推今改范仑吕坤二员臣见之不胜骇异臣思会时多官属目并无言及二臣者胡为一旦擅更至此夫用一大臣 皇上不专属之该部而必属之诸臣谓何爵人于朝与众共之俾该部不得擅其私也即以推举属之诸臣又以纠劾属之台省谓何少有邪曲人皆得而斥之俾诸臣不得逞其欲也今以议于廷者改于部定于众者更于独则用舍予夺一人司之足矣又安用此会推为也虽部臣心事无他臣非不谅之二臣之见推无他臣非不知之特此大体凌夷渐不可长万一他日当事者未必如该部见推者未必如二臣则藏奸作慝害可胜言也伏乞敕下该部以后凡遇会推须要三日以前发单知会至于临推有无干碍亦须预先料理登时改正不得仍于廷推之后擅为更置庶国法一而朝廷尊是非明而幸进可杜矣

○己卯以陕西督抚议裁黄甫川波罗宁塞守备改设参将升梁继祖张承胤各都司金书继祖管波罗堡参将事承胤管黄甫川参将事起姜直为游击管宁塞参将事正兵营添设游击一员永兴威武柏林各添设守备一员

○经理朝鲜万世德会同总督邢玠以叙平倭功举督抚镇道部属司府等官孙矿等章下部议

○户部尚书陈蘖言珠宝异物人间无多往时内供稀阔今数不啻什伯鬻少用多则贸易者贵各商操赢乘急挟取重货本部急于上供曲徇增价似非获己原任尚书杨俊民苦心拮据竟致殒身无容轻议郎中孙鋹杨应中等珠石各有所司受贿实无的据暮夜暧昧悬坐良难或商人为领头者始而借口价高欺官厚冒既而借口费广瞞众扣肥游声噂沓飞语流传遂致科臣风闻形之白简孙鋹等徇私失察之罪自不能辞所当分别罚治其年前各官支剩积余有查盘巡视册卷具存臣等何敢欺蔽谨将顺天府节年买办渐增大增价值开列以闻 上曰科臣参论必有所闻及至查核称无的据杨俊民素称公谨姑不追究孙鋹等徇私轻信浪费国财各降三级调用以后会估尔部同顺天府列等定价不得仍前冒破各仓库支剩积余报数务要严查的实不许各官虚报及接管代补以滋欺罔有故违者科道指名参奏

○辛巳赐都察院左都御史刘焘祭葬如例仍以军功加祭一坛焘嘉靖十七年进士历任边海并奏虜功而擒徐明山馘曾一本尤其最著者云

○壬午大学士沈一贯题催考选科道

○巡抚辽东李植言顷者税监高淮至辽臣厚礼之淮举动偶有乖张或地方不堪

之事臣一面温词婉语劝勉高淮一面晓譬利害戒谕商民恪为遵守淮在河西幸而不生变者臣就近委曲调停之力也比至开原严刑激变事在仓卒隔远不及调停而淮平空造捏归罪于臣借阻挠以激 皇上之怒假边事以挠臣等之权满纸机锋无非中伤臣待罪残边救疗无术忧郁成疾乞放归田 上慰论之令其调停矿税加慎秋防

○癸未户部覆屯田御史赵之翰题以直隶山东河南等处垦田数多任事各官效有劳绩请将按察司等官顾云程等知府秦邻晋等移咨吏部纪录仍行文各巡抚严督司道将所属报垦荒地自万历二十二年起至二十五年止共计一万一千六百四十五顷五十六亩并今次续垦新地备查原系有粮无粮某年实徵银各若干已徵在库者曾否起解存留者作何支销逐项核实造册送部以便稽考催解庶台臣荐扬本部议覆不记空言 上然之

○南京江西道御史王藩臣上言臣闻之书曰尔有嘉谋嘉猷则入告尔后于内又曰辞尚体要孔子曰辞达而已矣窃以为人臣进言之法莫尽于此国初士人言呐于口实浮于名成弘前一切章奏无不简实江河世变莫甚于今儉夫妄逞胸臆辄负敢言稽之无据遂以风闻自解而人益得以风闻解臣切惑焉夫所谓风闻言事者如夷狄盗贼之傲奸雄不轨之谋天时水旱莫测之灾地方卒然不虞之变一有所闻便当驰奏盖欲明主早见预图有备无患即或言之无当亦不失为效忠至于议论政事则当详其颠末较其利害乃可以辩是非品隲官僚则当考其生平原其心术乃可以别邪正柰何恣情失口不顾公议论事则或可或否而漫无定见论人则乍蹠乍夷而泛无的据甚或托言假设而包藏祸心阳与阴挤而安排机阱求之莫测其端倪而听之漫无所适从以致皇上不能无疑而纳练虚怀变为厌恶厌恶不已呵谴随之甚至诸凡章奏一概留中而行取大典且为停阁岂非以无稽之言乱听而故重为摧抑之也臣以为莫先定国是焉盖国家之事有重有轻有缓有急有利有害泛举则漫不决择偏执则失其权衡惟相提而并较则必有一定之是在焉于此明断而力持之则国是以定忠说自开章奏不期正而自正矣

○赐江西巡抚都察院右佥都御史马鸣銮父鲁卿祭一坛

○甲申兵科右给事中刘道隆驳经略万世德叙功< 銮-金 >以为倭寇荡平论功行赏持议固不可太刻而推恩亦何可太滥夫节钺大臣比邻同舟效有拮据之劳者可叙也而事非宣力止属寻常调遣者是不可以已乎共事司道其督兵转饷者固不可掩其尽瘁之劳而分藩授敕未必尽系防倭即不叙亦何损其望各府州县其诘戎备器者固不可泯其竭蹶之苦而专城拊循自有本等职业即不叙亦何害其贤其他协守参游以下多官并叙虽义存激劝无嫌覃恩第矢石捐躯者忠魂方栖于草野而优游制阃者姓字概列于褒章波涛殒命者义骨方葬于鲸鲵而从容坐镇者勋名悉驰于荐剌此中孰缓孰急孰轻孰重亦须斟酌次第以慰亡者死事之心而无灰生者任事之意也若乃各总兵大将等官艰关战阵虽云百死一生然就中功多于罪者固不可以罪而并

门及前途地方严查申饬各兵回镇之日四川抚按具报日期以凭查核 上从之仍戒渝近来将吏往往在京假托潜藏心怀叵测着厂卫城捕衙门挨访缉拏有违犯者坐之

○大学士沈一贯题臣惟东征川兵不服发回四散东行闻其内土官多姓杨必应龙之族其兵必应龙管下之兵夫应龙今方议剿而此辈精健矫捷腾跃如飞流入畿辅又无纪律今大工正兴军匠喧杂倘此辈中有乘机混入或为细作或肆狂图惊动 宸严大非稳便伏乞 皇上慎重起居申严门禁京城内外倍加戒严至若兵部堂上见在止一本兵京营之中兵皆市徒官皆债帅无一足恃臣愿 皇上加意于此多选谋略文臣入为侍郎以备督抚不时之用多选忠勇武臣入补京营以备将帅不时之用而又明正赏罚大肃纪纲使人有所严畏遵守其厂卫缉事乃国家紧要衙门官尉人等别无恩泽仅藉三年类奏升赏使之鼓舞效力乃今久吝不与无以为激劝之资乞循例推恩

上览奏褒嘉命传示各衙门申饬举行一贯复上言臣此揭原为杨酋而发事关军机宜加密秘今若显传嫌示此酋以弱倘蒙 皇上特发一谕俾兵部遵行尤见 圣明孜孜夙宵图治至意 上然之

○杨应龙陷綦江参将房加宠游击张良贤死之时綦江新募兵不满三千应龙以兵八万奄至张良贤率家丁五十人入其大众之中杀大酋鹿罕一人兵百余冒围突出仅损家丁十二人援绝城破犹巷战以死贼遂移檄重庆守臣恐缚送奏民何邦卿等归其质子尸厚贿之仅倭罪于一指挥以自解云

○己亥太常寺卿刘四科以恭遇时享请 圣驾亲临以展孝思 上曰朕心孝思无已但以连日偶中暑湿躬诣恐不成礼暂遣代摄岂敢自逸

○辛丑升蓟镇游击牛伯英为石门参将京营游击陈寅为南直隶镇江参将调山西参将谭经为神枢营参将

○丙午谕兵部大工未完门禁当慎着该管内外官员严加巡视关防你部里侍郎久缺着吏部加意遴选晓练机宜堪任的来用京营将官你部也选才堪将帅的来用京城内外地方如有异言异服无籍棍徒指称文武官吏潜住结党流言煽惑造作非为的厂卫城捕缉事衙门即便访拏具奏不得纵容其厂卫三年类奏升赏乃激劝恩典偶因提督管事升迁未定是以暂停着查照旧例举行传示各该衙门知道

○丁未置贵州税课遣内官张庆往以辅臣沈一贯极言罢之时大小臣工谏者连章未已 上患之因谕次辅曰贵州税课差官非专为货财欲访彼中军民之利病起衅之繇耳既闻卿言复念兵事方殷已从停寝但大臣义同休戚尤当仰体调停镇静何乃纷纷渎扰其如国体何特谕知之

○摧采肆出江南纷扰应天巡抚陈惟芝乞停矿税< 硃-金 >六上不报至是绘图 孝陵风水争之< 硃-金 >曰东南为财赋重区民劳而鱼赭臣抚兹三年忧深杼轴近大江南北所在开凿臣初惧貂珣横恣以厉民也及相山川形势匪厉民并以厉国钟阜紫金山 高皇帝卧弓剑之地二百余年王气钟焉山之祖也其牛渚石柱龙眠瓜步绵亘五六百里皆紫金之枝也枝凿则伤根谨恭绘 孝陵风水图细注源流 上览图即日报罢

明神宗显皇帝实录卷之三百三十六

明神宗显皇帝实录卷之三百三十七

万历二十七年七月戊申朔时享太庙遣定国公徐文璧恭代武安侯郭大诚靖远伯王学恺各分献

○赐南京太常寺卿张鹵一祭半葬

○命礼部遣官捧敕旌奖沈王埏尧以抚按举其孝友善行也

○工科左给事中郭如星请罢选贡礼部覆议以为选贡非祖制也其始欲以补岁贡之乏而其后遂至妨岁贡之途夫使与选者而皆才即散处庠序终当自奋贤科使与选者而未必皆才迟之十数年依然一老博士也而徒启幸进之窦国家亦安用之臣等窃以为停之便上然之

○三边总督李汶条议边防大略谓延宁甘固四镇均系虏冲各宜部署兵马控扼险要申明约束激励将士督率任之镇臣调度属之督抚虏小入则该路极力堵遏大入则邻境飞驰应援而此外当亟议者七事曰录废弃以开使过之门宽文法以作血战之勇饬边墙以固藩篱之防急收保以防蹂躪之虞联辅车以壮率然之势控东虏以孤狐兔之援祛浮议以杜匿揭之害兵部覆议以闻诏如议

○辛亥赠原任河南巡抚右佥都御史钟化民为右副都御史

○四川按臣赵标上言刘綎所部土兵大半难用且先事骤聚反起戎心宜俟新督抚至日图上方略兵部覆议以为按臣所虑诚为有见试观近日入关情形便知他日临阵光景已该本部题举钦依归伍归农各从其便合再移文四川督抚悉心裁酌图谋万全其兵马钱粮或更置或增补亟行计处一切军机俱听便宜行事从之

○协理京营戎政兵部右侍郎王世扬请铸给关防以便调度部覆报可

○壬子兵部左侍郎许孚远屡引疾乞罢命在籍调理痊日起用

○司礼监杨宇会同礼部尚书余继登等为香山公主卜地于洪达岭命择日兴工

○癸丑户部题近该总督邢玠咨请各兵月饷势若燃眉除本部动支解运外惟是东征以来运过本色以八十万计费过折银以四百余万计此皆额外摻括庾帑一空幸赖天威岛氛迅扫正宜节浮汰冗以苏物力今查前项开除各兵月饷多至二十二万有奇按月稽算则册上实数得无虚冒即逐名查核而中间事故截日不无扣存不可不察及查天津盐菜月定三钱朝鲜盐菜有九钱以至一两二钱者尤宜酌裁至于把总梁天胤借口募兵逗遛观望淮扬登旅虚费帑金几于四万及抵朝鲜倭已败遁今称十一月迄今又该补饷三万八十余两朝廷未得毫末之力而糜费已不貲矣艰窘帑藏何能堪此伏乞天语叮咛督抚二臣酌内外缓急之办念时事掣肘之艰从长计议月饷再加稽查盐菜应否裁酌务在有裨国计罔实漏卮上命银两准给发以后著督抚用心稽酌毋致浪费

○命四川总兵仍旧移驻建武协守副总兵驻松藩裁建武游击

内再行抽撤量留精锐实数足以夹持鲜兵而已俟明春汛毕全师悉还无令久淹于属国 上从部议仍令行与朝鲜及时修备

○赠太子太保户部尚书杨俊民少保俊民山西蒲州人嘉靖四十一年进士历官司徒以九年考满加太子太保拮据邦计竟卒于任吏部覆称其事君以将顺为极忠居官以服勤为尽节年来拮据调停夙夜匪懈亦可谓鞠躬尽瘁死而后已者矣

○庚申 孝安皇后忌辰遣丰润伯曹允成祀 昭陵

○以江西按察使史继辰为右布政使改新升四川按察使黄曰谨为江西按察使

○赠都察院左都御史刘焘为太子少保

○辛酉吏科都给事中项应祥等〈附 毓-金〉救府尹万自约 上怒其渎激再降自约四级调外任用

○夺会估科道桂有根俱祺俸各半年命顺天府通判何申等各降调

○户部言督臣顷议留兵以戍朝鲜而以全饷依赖中国岂未睹中国频年转输帑藏匮竭景象耶况朝鲜自奉旨后至今未报或厌我兵久住烦扰而默示不必留之意亦未可知除留兵饷本色朝鲜自备外一切饷银应否量助伏乞 圣裁 上曰留兵非难处饷为难该国若能供给多留亦所不惜必资朝廷只可量助还行与该国君臣奏请定夺

○壬戌中元节遣隆平侯张炳等分祀 九陵惠安伯张元善祀 恭仁康定景皇帝陵寝都指挥使郑国泰祀 哀冲 庄敬二太子坟所

○癸亥赠巡抚江西都察院右佥都御史陆万垓为右副都御史

○兵科都给事中张辅之等题昨见陕西按臣唐鹏〈附 毓-金〉称今年闰四月二十三日达贼自花马池安定堡剽入两日方去曾无一官一军拒堵蹂躪民庄杀掠人畜该管将士竟五日不报臣等因前日督抚之〈附 毓-金〉参以按臣今日之〈附 毓-金〉则逆贼二千与二百异矣当日出境与两日异矣头畜三十九只与万有余计异矣男妇三口与八十余口异矣夫失事固边境时有掩护亦边臣常态第多寡相悬几致什伯恐亦稀闻花马池固参将李鯤所辖而安定堡则守备刘凤鸣信地也疏虞隐匿厥罪惟均乞敕兵部将李鯤等革任提问至于道臣王登才姑以初任宥免同知王从诏当以扶同拟罪庶欺罔用惩将士知儆〈附 毓-金〉下兵部

○乙丑 成祖文皇帝忌辰遣抚宁侯朱继勋祀 长陵

○吏部尚书李戴等题原任南京国子监祭酒今听勘冯梦禎生平稔知自好而部臣欧阳东凤备极丑诋臣等奉命从公勘议则先后南京国子监掌印陈洙郭正域及河南道御史王藩臣随事逐款反覆查审竟无指实至谓其脱略细故招谤有因此尤至当至平之论乞令梦禎在籍听用从之

○大学士赵志皋十九〈附 毓-金〉乞休 上曰朕倚任老成日望痊可即出辅政何得频以致仕为请卿第澄心定虑亲近医药善加调摄必有痊期其令鸿胪寺堂上

官宣諭朕意翌日志舉具< 錡-金 >謝

○丙寅升大理寺右少卿張鳴岡為左少卿左寺丞王明為右少卿

○戶部題頃陝西四鎮奏報積剩實在銀兩督撫互異本部覆行巡按查明具奏隨該按臣于永清許聞造各查實數到部中間所報失銷錯漏銀糧既經勘明應准開銷實在者似當盡數扣除惟是邊方多事寧留有余不盡之財以備警急顧臣猶有言者向臣濫役兩廣彼中軍餉未及陝西一鎮也臣極意樽約甫及二年積銀十萬有奇後仕督臣陳大科踵行三年積過十六萬俱系實貯馳檄可取如陝西各鎮將甲年積銀那為乙年接放須乙年接支若干減該年年例若干以此之減証彼之積方成實數不然前為偽增後為虛冒將無成錮套乎願督撫諸臣加之意也 上曰四鎮錢糧既查明姑許開銷今國儲匱竭民力難供各督撫亦宜同加體念務要毫厘節省酌盈濟虛勿得循習膠套偽增虛冒以妨軍國大計

○禮部查訪選中淑女三名沈氏郭氏俱無違碍惟閻氏系庶母撫成 上命罷之

○丁卯命南京守備太監郝隆劉朝用開礦于南直寧國池州等處仍令會同撫按查議鋪稅以聞

○戊辰調原任兵部右侍郎沉子木為南京太常寺卿

○大學士沈一貫揭奏臣接四川督撫及巡按各揭言楊應龍已叛臣面審各承差皆言綦江已破重慶危急此酋久雄三已漢兵胆落土兵狐兔有情必須調募陝浙馬步萬余以為主兵又工部侍郎趙可懷系重慶人昨同本兵會臣言酋實勁敵蓄志不小為今之計一曰兵二曰餉川中皆乏戶兵二部宜破格區處三曰官有事地方不可但用文墨之士宜將各司道府縣官就近選調諳練機宜者充之庶群材畢集地方可保惟 皇上加意密諭遵行 上曰朕居深宮倚任文武將吏平治天下何乃倭方退遁虜即侵犯今楊酋又大肆跳梁官民被其慘害中國兵餉何以連年堪此其彼處督撫鎮巡等官職任安在卿忠君愛國可益竭心思籌畫緩急即便擬一傳諭來行

○巡撫雲南右副都御史陳用賓以母老乞歸不允

○己巳命吏部精推兵部左右侍郎及南京管糧戶部侍郎福建巡撫各員以待簡用

○改陝西兵備副使藏爾勛為提學副使 ○大學士沈一貫臣恭繹 聖諭責成文武將吏嚴督所及洞弊源矣云貴川廣原系遠方宦于是者謂之劣處今日之事大宜更調才賢特加激勵天下礦稅擾民即未能俱罷亦宜先罷四川蓋采木之苦已深用兵之累益甚雖不撤回亦無所得反滋其亂不如早撤以安人心也 皇上命臣益竭心思籌畫緩急今各部院良策亦盡有可采者謹擬上傳旨一道恭候 聖明裁定施行

○兵部上言近據川貴總督李化龍揭稱播酋大舉入犯綦江合江所在危急向奉旨募兵已經半載綦江道臣莫睿已如數募完合江道臣王貽德一兵未募賊鋒已迫劉綎尚未入蜀乞嚴敕劉綎刻期赴任毋得逗遛誤事一切防剿兵餉處治方略聽督撫便

宜举行紧要司道令吏部就近遴选以佐分猷 上曰应龙狂逞彼处抚镇文武等官何故任其窃发不早侦报原议招兵何故至今未备欺蔽玩纵莫此为甚该科便参看来李化龙许便宜行事刘綎世受国恩今叙功在迩特寄重任待之不薄何为迁延逗遛其驰骑催之司道官凡系用兵处所吏部就近遴才更调府县官许抚按于本省内拣选调用

○辛未湖广承天府沔阳州及岳州地震

○左都御史温纯等陈防播六事一慎择司道一搜罗异才一简收将领一厚集兵饷一多炼大器一广悬重购 上嘉其筹国忠猷令该部议行

○壬申兵科都给事中张辅之等奉旨参二江道臣王貽德莫睿俱应酌量调谪上谓司道玩寇酿乱抚臣贪功贾衅著一并从重参来

○癸酉张辅之等参四川听调抚臣谭希思怠玩军情一筹莫展贵州致仕抚臣江东之贪功浪战毒众生戎均应褫夺以为奉职无状之戒王貽德奉旨半年不募一兵忽简书而轻民命当置削籍之条莫睿城虽阨危兵犹尽募宜以不及重加降处 上命谭希思江东之俱褫职为民永不叙用逮王貽德来京究问降莫睿三级调用以后各官不论升迁降黜丁忧署管凡未经交代一日不许推诿误事责有所归

○甲戌大学士赵志皋上言臣伏枕服药间接四川揭报知綦江已陷西蜀危在旦夕不觉愤懑欲绝何物杨酋敢于悖逆至此彼盖窃窥中国之虚耳及今若不早收人心以固根本将来诚不忍言然所最吃紧者无如简用阁臣广开言路体养民生裁省糜费盖简阁臣则帷幄运筹之有资开言路则耳目聪明之有托养民生则内地久安之不摇节糜费则帑藏备用之不乏其云南川狭全楚等处一概榷采额外之征俱乞罢免以安人心则 圣政一新 王威孔赫无论杨酋鼠窜之不遑即西南诸夷无不仰颂中国之有圣人矣

○乙亥升巡抚浙江右佥都御史刘元霖为右副都御史以六年秩满也

○蓟辽总督邢玠以母老固求归养不允

○户科李应策姚文蔚各言川省播患方殷收拾人心为急乞召回中使停止矿税不报

○兵部陈防播六议一申明节制谓三省用兵节制参差难以联属宜并假川贵督臣事权一储用监司议于川贵各该监军二员敕下吏部就近推调或于田间有才望者起补勒限任事一备用兵将则原任总兵李应祥参将李经等兵则河南之毛兵天津之壮士宜檄令赴黔以备折冲一增置中军谓贵州总兵向无中军似非事体宜如例添设一慎重战守谓播虽小丑但我兵未集宜扼险保境俟厚集其阵相机图之毋轻举浪战致堕贼狡计一悬赏格谓应龙背逆华夷共愤请悬购募之令无论吾人土人有杀贼立功者或宠以世爵或畀之分土仍督责有司于各关津去处设法稽查但有播贼奸细即便擒拏获功人役报部以凭优赏 上俱如议仍令该部明白开列擒斩播酋赏格风示天下兵部复条议凡汉人土人或擒斩应龙父子或斩将破敌各以轻重大小定封爵有差

上命通行颁示

○丙子调陕西副使荆州俊为四川副使湖广右参议魏养蒙为四川左参议各命兼程赴任

○大学士沈一贯题前者贵州矿税蒙 皇上焕发天心即赐停止今四川尤急杨酋界在湖广川贵之间腹心之患若猖獗不休则无川贵无川贵即无云南三省若失则内地震动危矣故川省内使所宜早罢顾臣犹有忧焉姑毋论中原民心摇动将有乱虞而大可忧者又已形之云南矣云南孤悬天末自唐宋不入版图而我朝乃比于内藩第以处置得宜故也今 皇上遣中使往夷夏交被其殃臣初犹恃彼抚按或能善加调停不意中使与抚按大相抵牾彼远地之民既无抚按足恃而夷獠之性又苦中使诛求若一旦变告尤难措手播方烦兵又安能以余力余财越贵州一线路而为万里云南计乎必不暇矣臣中夜绕床而走不敢不为 皇上早言也

明神宗显皇帝实录卷之三百三十七

明神宗显皇帝实录卷之三百三十八

万历二十七年八月丁丑朔户部上言今川黔用兵太仓匱甚且钱粮浩大地里辽绝臣等思之与其仰给于远不若取办于近查湖广解京钱粮有节年派剩太仓银一十六万一千四百五十两听总督速发尺檄取解军前及查川省每年转解陕西年例银十万四百有奇蜀方有事不得馈秦一并留用以纾目前之急 上从之仍命预处黔饷

○以湖广税监陈奉奏切责按臣曹楷阻挠降知府李商耕赵文焕知州高则巽各一级逮推官华钰经历车任从重究问

○河南税监鲁坤进税银且言河南非产马之所乞听折价许之

○赐原任署都督僉事尹凤祭一坛

○四川綦江既陷用督臣李化龙议急徵诸道兵科臣张辅之上言徵发虽多顾逗遛不时至犹于蜀无救也宜各镇笃同心之义朝廷严后至之诛计今徵兵地方量度道里责限期某省近某省远近当某日发兵某日至远当某日发兵某日至发遣迟罪地方官司到日迟罪各该将领官司自督抚而下听臣等查参将领自副总而下听督抚重处无已尚方之剑不可特赐如宁夏朝鲜故事乎盖事大则权不得不重势急则法不得不严至于刘綎吴广陈璘等各兼程入蜀后期者必罪不宥 上然其言命兵部驰骑守催诸镇精兵违玩者罪之刘綎等督令兼程前进总督李化龙赐剑以重事权不用命者以军法从事 ○诏薊辽副总兵戴延春游击叶邦荣山西参将卢应亮陕西都司丁尚智原任代州参将余德荣固原参将陈松等各率亲兵赴川贵总督听用有愿往贵州自效者所在给廩传遣之将领应更应补俱听督臣便宜行事

○兵部覆左都御史温纯等条陈防播四事一搜罗异才军旅之兴需才为亟宜通行各省抚按一体咨访果有智谋摧锋之选破格收罗一简收将领所议增设中军及急调将领已经臣部列名上请外至刘綎屡奉催督明旨森严毋论綎不敢遽欲弛担即臣

部亦何敢临事易将以长避难之风也一多炼大器中国长技惟三眼枪大将军銃涌珠炮为最近闻各边多有应如议移文查取解用仍令川贵多方募工制造以收全胜一重悬重购臣部近已题开赏格乞明旨颁示遵行诏如议 ○兵部言播酋逆恶滔天惟陛下独断恭行天讨顾兴师之费必为预处乞令户部先发四十万兵部二十万酌给川贵收贮臣亦曾与督臣李化龙抚臣郭子章约将士可调则调无妄调以糜饷财赋可用则用毋滥用以困国有不足者或于近省掺发或明白开请其五司七姓奏民赴诉日久留之无益似当悉发川贵督抚衙门令其号召各血属亲识之陷在贼中者或就中取事或相率附降或为我向导或间彼腹心亦攻心伐谋之一策也 上曰应龙怙恶亟宜问罪朕心独断更无矜疑一切兵饷事宜不时开请裁夺军中用人务求实用谈士游徒糜财无益勿得滥收奏民俱发回听督抚从宜鼓舞仍密防诈冒反覆等情有潜留京师者禁之

○戊寅以 万寿圣节赐辅臣赵志皋沈一贯金书银书万寿字二幅红符二道金篆字八仍赐讲官有差

○发延绥兵马二千赴蜀

○命山西巡抚督发宁武标兵三千驻黄甫川为延绥声援

○吏部题推四川监军道二员原任四川左布政李士达陕西副使张栋贵州监军道二员广西兵备张文燿河南副使龚懋贤 上命用栋文燿而罢士达懋贤以二人为吏科项应祥论劾也

○辛巳辽东巡按王业弘 < 疏 疏-金 > 参税监高淮淮亦具 < 疏 疏-金 > 摭辩 上两寘之

○工部侍郎赵可怀条陈防播事宜内一款请亟练土著以备缓急兵部覆言臣观近日承平日久讳言兵事及卒然有变束手无策今播事危急督臣分投议调事势难已而要非经久之策应如所议责成督抚行各该有司于地方民丁设法挑选各以州县之大小定为差等取其里籍年貌造册送道转解军门收练不许滥用脆弱市滑充数即以汰退之多寡定该道州县之贤否不月余而可得壮丁数万其领兵之将即用练兵之官厚其粮饷利其器械则人自为防家自为战而且地利便物情宜足以持久而无老师匮财之虞矣抑臣等因是而推广之天下之无兵者不独蜀也卫所额军仅充武弁占役之资州县民壮止供有司呼拥之役卒有不虞蜀事可为殷鉴请通行各省将额设官军民壮查汰老弱易以健卒军有军操印官与操官主之民有民操正官与捕官主之府道不时稽核通将清过名数立营分伍造送督抚衙门近者限三月内远者限年终册报本部以凭有事按册徵发巡按御史各于巡历之日核实严查达者从重参处诏如议

○兵科右给事刘道隆上言蜀方用兵大将不宜逗遛乞敕兵部严催刘綎陈璘赴任各经过地方有司具出境入境时日驰报以凭稽考又言朝鲜戍兵一日未撤则月饷一日当给乞敕户部多方议处解发以济燃眉无致脱申部覆从之

○癸未改新升河南按察使江铎为山西按察使仍管易州道事

○礼部覆勘科杨应文题勘过荡平釜山倭寇四路共擒斩倭酋二千二百八十八名颖请择日宣捷祭告 郊 庙从之 孝康敬皇后忌辰遣伏羗伯毛国器祀 泰陵

○荫朝鲜监军御史陈效一子世袭锦衣卫试百户令该部从优拟恤

○乙酉以平倭宣捷祭告 郊 庙遣公徐文璧等各行礼

○兵部尚书田乐家任丘播酋杨朝栋遣人密投贿揭乐子尔耕捕其人送县驰状白乐乐具以闻且乞罢斥 上优诏褒嘉令乐益殫猷略以肃邦政所获人犯逮京究问党与潜伏者厂捕严缉毋令漏网大小官员及军民人等有能觉察告捕者倍加酬赏纵容者一体治罪乐复再< 硃-金 >求罢 上慰留之

○命新宁伯谭国佐男懋勋袭爵

○丙戌以 万寿伊迩赐辅臣赵志皋沈一贯银币及讲官刘元震等有差

○兵科都给事中张辅之上言杨酋区区么么一面分兵以扰贵州一面投贿以溷司马纵横颠倒真不知有天日也黔蜀方用兵而苦于乏饷近议兵部处二十万户部四十万酌以三十五万济贵州而以二十五万济四川所议诚当顾势若救焚无容缓步猥曰取偿于滇之十二万误矣堂堂天朝司农岂不能多方设处以贍三军至大司马当逆酋含沙溅血之日政宜主张挾伐如裴度之誓不与贼俱生无忧累自阻而堕贼计中也上曰兵饷着料理实济急用本兵业已奖谕以后有孳发贼人都以功论不得言累

○丙戌云南巡抚刘会< 硃-金 >言顷入省偶闻在监重犯周时清等串通原奏官千户张国臣微服暗入会草奏本其遗落草稿为同监犯人毛大忠所拾因而出首臣取其奏草阅之则皆论抚臣事大都为被逮李先著叛酋猛廷瑞求脱又以吴显忠木元瑞事诬抚臣以受贿此其事情自有 帝鉴臣亦无所容喙独其稿得之于狱中而奏则欲假之于税使万一群奸之计中抚臣之祸从滇始矣臣向未至滇不习滇事亦常以目论而耳食之今巡历将遍乃知滇千艰万艰之状而抚臣之所以处滇者亦罄其千辛万苦之思也以通省钱粮仅止十一万余而数十营兵饷取给于此数千两岁金取盈于此二十郡六十五州县各官吏俸钞取办于此军兴不测之需买象采石不时之费又一切皆措置于此臣见抚臣无日不为 陛下理财节用计也七载以来鞠躬尽瘁今年略三宣明年复蛮莫又明年则讨平顺又明年则计擒多俺计复猛密而六诏尽以还定至建八雄关于猛卯之外辟地千里营屯田万亩此皆事事闻之 陛下所钦嘉而褒赏者臣见抚臣无日不为陛下靖乱安边计也三十年仕途皤然不滓至今居仅旧庐田仅饷粥而葵藿一书皆激将率以忠义劝官吏以清勤臣见抚臣无日不为 陛下正己率属计也以抚臣任封疆重寄而李先著周时清猛廷瑞等结党煽凶谋欲自脱不赦之罪先加抚臣不白之冤而张国臣以原奏长随受嘱报复辄欲假貉瑯之气焰以甘心于抚臣他日流毒缙绅汉唐末季之乱即在此旦夕间伏乞 大振乾断独彰法纪将猛廷瑞周时清等亟正典刑李先著速炤近拟张国臣严拏回京仍谕该监慎严关防无滥用匪人

则庶乎国是定而人心安矣

○丁亥荫工部右侍郎姚继可孙成性为国子生以三年秩满也

○戊子户部题发辽东各兵行月饷银仍以帑藏匱极乞命督抚臣加意樽节 上可其奏

○国子监祭酒方从哲等乞罢矿税以为矿税之害在天下者诸臣言之不啻详矣臣等谨以其有损无益于 圣躬者陈之易曰何以聚人曰财大学曰有财此有用盖此一财也散之民间则人聚充之经费则用足此所为有益也若不以聚人制用而积之无用之处则谓之长物长物者言其委置贖余可无而不必有之物也今内帑所积外不以供六军内不以济大礼助大工将焉用此何苦歛百姓之怨鹄不急之物也非直无益又有大损昔华封人祝尧曰使圣人富尧曰辞多富则多事盖握算纵横其役神必甚商略盈缩其用心必劳我 皇上自静揖以来保护崇重若无所不至乃独为此锱铢小利劳心役神动有拂意震怒随之虽一时不自觉久之所伤必多非所以重珍揖也昔人谓为仁不富为富不仁 皇上遇旱步祷遇灾賑恤当时仁心仁闻信于四方乃今以采樵之故忍使所在驿骚元元愁叹非所以永终誉也帝王所藉以鼓舞臣民惟此命令今中外建白往往留中不报乃连章累牍率多聚歛之策三令五申半是诛求之谋屑越涣汗至此极矣非所以重国体也自近年骨鯁之臣废錡沉沦海内失望已非一日间者又以采樵之役不能奉承左右无故而罢抚臣又逆料新进忠讷之士必且力沮兹役并考选行取一向停阁恐正人解体直士灰心非所以得人心也天子之威譬如雷霆者以其不常用也今中涓少不当意必以衡命奏闻致使缙骑四出摧击之祸既惨雷霆之威亦褻非所以養威重也外宁内忧从古记之今东事虽云告宁播贼复再狂逞凋敝未起正宜休養生息以培元气何乃自启瑕衅使中国噐然摇动民志已离奸雄生心非所以固邦本也臣等草茅< 監-皿立 > 儒罔知忌讳惟 圣明裁察不报

○命武进伯朱世雍舍人朱天爵袭爵世雍乏嗣故天爵序袭

○户部言臣顷者议处征播兵饷将湖广应解京库银及川省解狭年例云南原借川银总计共五十余万俱系角□羊部正赋名虽外解实出帑额既省跋涉转输又便邻近接济但恐滇楚司道等官秦越相视起解濡迟缓不及事合再请旨严催如有支吾推诿致务军机者指名参奏从之

○己丑祀 历代帝王遣定国公徐文璧行礼泰宁侯陈良弼等分献

○礼科给事中杨天民< 跬 毓-金 > 论文选司郎中梅守峻品格卑污衷情险谄秉铨之日徇私鬻爵被劾之后昏夜乞哀不宜躡转太常 上命守峻拟外任用

○吏部以 圣寿届期乞蚤选行取诸臣以光金鉴不报 ○兵部覆山西督抚议谓倭寇荡平戍薊军马俱回本镇原额已经炤数召补而回还兵马应为酌议据陈虜情叵测防御宜周请令军分各营马发驹操补剩之军听其归农自便余剩之马变作正价支销诏如议

○庚子荫宣大总督梅国祯男嗣勋为国子生

○山东保定巡抚各以灾伤求蠲恤< 〇〇〇 〇〇〇 〇〇〇 >下户部

○辛丑调云南副使孙有敷为广西副使

○壬寅户科给事中李应策论赵寿祖司饷蓟镇为奸人熊应士等所欺盗领饷未几万石草十余万束银千余两全无稽查彼时户部以门生之故从轻议拟寿祖惧祸营荐调辽海东宁道值辽左多故虏警日闻乃展转图维求得善地今播虽狂逞西南虽乏人独少一寿祖哉何可令漫无综核者司出入也< 〇〇〇 〇〇〇 〇〇〇 >下该部

○户部言河东盐课系供宣大山西三镇军需隆庆三年以前盐花盛生岁派盐课六十万两嗣后池被水冲盐花不结于是割地减课岁定四十二万引迄今压欠未补商盐尚有二百余万盐法之弊至此极矣顷者百户吴应麒奏请变卖河东余积旧盐巡盐御史汪以时揭辩并参狂奔逃囚挽奏营私之状甚悉臣等具题未回 天听今奸棍董璉复覬觐鹺利创为新说明取于一池托言于两岸臣恐此盈彼歉今年犹为正额之亏断根竭源来岁绝无捞采之望公私交困溪壑难填彼为身谋则可朝廷为边镇计奚可惟小人之言是徇乎 上曰盐池若果有遗利何必拘额弃废但不得重徵叠扰你部以边饷所需争执亦一面之词还行彼处抚按会同内监并巡盐御史各捐成心参酌具奏

○癸卯升山西副使张仲鸿为右参政

○大学士沈一贯题催简用阁臣及考选科道< 〇〇〇 〇〇〇 〇〇〇 >留中

○甲辰火星犯魁宿

○先是缉获杨应龙投贿人犯内有赵春台系辅臣赵志皋族人科臣桂有根因< 〇〇〇 〇〇〇 〇〇〇 >劾志皋且言应龙系重庆时以数千金遗志皋得脱今复受应龙行贿上发其< 〇〇〇 〇〇〇 〇〇〇 >于次辅沈一贯令之拟票一贯言首辅供奉左右最久而 皇上洞察表里甚真知臣莫如君宜仰烦 乾断处分志皋因上< 〇〇〇 〇〇〇 〇〇〇 >力辩且乞廷鞫以昭极冤 上曰卿事朕多年老戚清亮朕素鉴知浮言诬诋不必深辩赵春台所司究问自明何烦廷鞫宜安心调捋以需痊可辅理

○右谕德唐文献起纂修 玉牒中道引疾命沿途调理前来供职

○乙巳吏部尚书李戴等上言臣顷用赵寿祖为蜀辖盖以寿祖颇负才名官迹所至屡有荐章近因四川有警众议欲用之彼处以济时艰然臣等初尚踌躇谓边道恐难遽夺适蓟辽总督邢玠有揭帖内称广宁道近稍见疑于抚院难以共事宜将该道别用故臣等拟升蜀辖一以解辽左之疑一以济川西之急总之为国非为私也 上曰赵寿祖既有辽东有碍改用非私宜益殫忠任事勿得顾避

○赐驸马都尉许从诚祭葬如例赐少保兼太子太保临淮侯李言恭祭葬如例言恭生平好士雅歌颇有儒者风

明神宗显皇帝实录卷之三百三十八

明神宗显皇帝实录卷之三百三十九

万历二十七年九月丁未朔大学士赵志皋等题乞亟发两淮巡盐御史应朝卿敕草

○赠朝鲜监军御史陈效光禄寺卿给一祭半葬

○戊申吏部以前户科李应策参奏覆令新升四川布政赵寿祖回籍听勘其熊应士等盗领钱粮数目乞敕户部严加查核 上从之

○己酉兵部覆御史涂宗浚征播四议一正辞伐罪以彰天讨杨酋众叛亲离第缘议剿未决尚属观望今虽一意专征而犹恐有改土为流之说坚其狐兔之心乞明诏诸夷以讨逆大意诛止首恶尺地不爱若安氏及七姓五司沿播诸苗有擒杨酋以献者即裂分其地使各世守一议移抚臣以便策应平清偏镇等处乃入黔要害之区且白泥飞练正播门户自辰沅转输必经其地非得重臣无以弹压乞命湖广抚臣移驻沅州一酌调士兵我兵新练未习地利而山岚溪涧步骑之所不可驰骋者非藉士兵未易得志议行广西抚臣于南丹东兰泗城诸土司选其精壮者每州三千合之可得万人听四川督臣调发进征以夷攻夷深为便策一宽假便宜播虽弹丸险阻足恃今欲进剿迟速之间皆当酌量且阌外机宜难以遥度乞行督抚悉心料理图上方略进止俱听便宜不为中制 上曰杨应龙负恩犯顺自干天顺诛止首恶更不株连土司自我朝开设以来因俗而治世效职责上下相安何必改土为流方是朝廷疆宇其宣谕朕意共鼓忠愤有能俘应龙以献即许代其世职若合谋成功各裂土酬赏一切用兵机宜俱听督抚便宜行事余如拟

○工部言顷南京鸿胪寺卿张朝瑞与臣一魁奏议治河得失意见各别科臣桂有根看详谓在臣以治 祖陵之水而决意于分黄导淮兼为运道民生之计在朝瑞目击萧碭宿迁之患而遂欲塞黄堍复徐邳而未深为 陵寝淮泗之图顾天下之事旁观者不若当局之为审今日河工固有重臣在也安可任盈廷之议以启纷争乞敕下河臣勘明具奏业奉 明旨允行间惟是朝瑞与臣一魁原< 疏 疏 >俱留中恐河臣无从勘核乞简发二< 疏 疏 >以便遵行 上命据各揭帖转行查勘竟从一魁议朝瑞议曰今之分黄导淮者有三失夫淮与河合自宋熙宁以来五百有余岁矣泗州向无水患也至万历七年泗州之东筑高家堰以遏淮而淮始为泗 陵患欲拯患宜导淮宜议高家堰漕臣褚铁谓泗 陵水患病在高家堰而开周家桥建高良闸正其对症之药柰何好事者偶为分黄导淮之议不知淮之患在泗州地方黄之流在清河地方相去二百里而遥黄为患宜分黄导黄淮为患宜分淮导淮各因水势而利导之乃分清河之黄以导泗州相去二百里之淮是隔靴搔痒也近日淮流稍安泗患稍减皆开桥建闸之功分黄曷与焉其失一凡水合则力强力强则流急流急则河辟分则力弱力弱则流缓流缓则沙淤河不两行所从来矣至入海之处尤宜会同神禹导河即分一为九以杀其汹涌之势复合九为一以迎其奔放之冲禹贡曰播为九河同为逆河入于海是也清河县黄家坝去入海处仅三十里乃开一新河分黄河而二之神禹合其流于入海之处河臣分

张企程已先取捷见效彼时周家桥高良闸尚未兴工伊妄称近日淮流稍顺泗患稍减皆开桥建闸之力将谁欺乎至谓黄流为患宜分黄导黄淮流为患宜分淮导淮弗思黄流宜分分则其势减而不为淮病淮流宜合合则其力全而不至为黄扼黄淮合流于清口二水相斗黄高一尺则淮壅一尺淮退一步则黄进一步黄倒灌淤沙横截上洪四五十里壅淮淤蓄于盱< 盱 虞 >之< 盱 虞 >汪洋如海夫是以有 祖陵之患顷自分黄以来始见清口淮及高黄及低长淮纵出将张福二口冲深一二丈阔百余丈而泗州堤下淮河之水顿落一丈湖波变为桑田民有平土而居可见分黄正所以导淮此有目者所共见伊独谓分清河之黄以导泗州相去二百里之淮是隔靴搔痒不知下流壅则上流溢水之源委尚未分晓乃敢妄谈是坐井观天也又谓河不两行似矣神禹只< 兖 兖 >九河今黄坝分< 兖 兖 >新河是分一为二下流仍合淮于周庄再会合于淮于港正师禹之意所谓同为逆河入于海也黄坝去海口凡三百里妄称仅三十里费银不满四十万妄称六十万又虑旧河塞有碍清河六十里运道而不知臣先已预为之计议将黄口河渠两头建闸以备运道之旧河更近且便臣原题称旧河浅则繇新河新河浅则繇旧河两河俱存奚碍运道伊称黄埭口宜塞查欲塞埭须先挑旧河臣曾荒度旧河淤高一丈之上计有三百五十里之远计公费非百万金不可工大费钜未敢轻举乃另看得小浮桥上源即涸下流也中间浅阻者仅四十里乃因势而利导之两年漕运颇得其济方图大加< 兖 兖 >浚误蒙简命俾臣回部幸得总督河漕侍郎刘东星代之所行无事仍从小浮桥上源导河今已挽回南徙之河十之七八下徐吕二洪运道通利何曾不复徐邳河道哉若塞黄涸是塞源而欲下流之通万无此理伊谓臣有三失臣常干虑幸有一得但与朝瑞私臆之见不免异同耳伏乞 皇上将臣此< 兖 兖 >与张朝瑞奏< 兖 兖 >敕下九卿科道一并参详恭候 圣裁

○吏科都给事中顷应祥言自万历十一年以来迁谪诸臣在六科则张栋刘为楫等在御史则王之栋马经纶等在部属则邹元标雒于仁等因衡日久锻炼益精宜舍其所短取其所长大彰 圣明使过之仁益励忠贤报国之心不报 庚戌霜降节遣隆平侯张炳等分祀 九陵惠安伯张元善祀 景皇帝陵寝都指挥使郑国泰祀 哀冲庄敬二太子坟所 孝恭章皇后忌辰遣武平伯陈如松祀 景陵

○辛亥月昼犯金星

○德平王载堞年逾七袞宗室举其温恭好善礼部以闻赐敕奖励命有司具彩币羊酒坊额以示风劝

○兵科都给事中张辅之等上言臣近接川贵督抚< 兖 兖 >揭在四川则綦江蹂躏重庆震邻一时镇道府县诸臣不闻出一奇乃怵于虚声归尸棺献钦犯惟酋之所索是听即加货与之勿惜焉是畏酋甚于畏法也在贵州则镇道守备寥寥无人新总兵童元镇在途不前旧总兵沈尚文杜门不出捧贖者还镇无期升任者裹足莫往是宁干 天子之法而不难冒杨酋之难也乞明查勘之实严规避之条申饬诸臣或令戴罪

飞挽异域计费奚啻什伯近闻大同调征倭军兵六千今回止二千一百原调马八千匹今回止四百宣府损失大较相同两镇如此他镇可知夫一士马物故即余一士马饷刍据奏病故阵亡者参半而造报支饷乃一并混开此非阳轻弃其财掷如泥沙则必阴重窃其货隐为囊橐且梁天胤屡经参劾未见处分总兵李承勋部下尚无的数乘机混报恣意开销内帑几何堪此冒破乞敕户兵二部核实重究 上以东征将士劳苦不欲尽究寝其奏不下

○壬戌户部言云南原借川饷十万业经题奉钦依俾解赴贵州应用今据回称止有征緬余银六万有奇合无暂将见在银两速行先解其余随即凑足务要同心共济无分彼此从之

○癸亥赐原任太子少保左都御史李世达祭葬如例仍令与谥

○户部言东征以来供亿浩烦庾帑一空乃前项选锋原支双粮今既歛归乞查三大营如有选锋名数即与顶补庶士无失所饷不加增 上然之

○户部言天津抚臣酌定兵马饷额以均劳逸深为得策惟是议增长芦盐引似非新诏一切蠲豁之意查得真顺广大四府岁有存剩扣解二分粮银原为济边之需即将此项听其酌留既无增引之烦又不亏及正赋报可

○福建巡按何熊祥言奸民吴顺等谋为不轨未发就擒乞处分如法举人潘枢身为家主纵非造谋宜坐同居之条未报顺瓯宁人以鬻柴米为生其党潘应选潘枢养仆也李元江西人为枢母卜地者也三人者既无雄才可以笼众又无豪货可以役贫徒以吴生妹降神出钟之讖李元峦头王气之占遽尔包藏祸心招兵造旗谋称大小帝军师将军等号而村民张应龙叶及春等从而附之藏兵器于潘家花园之中订逆期于冬至拜表之日一夫投首累累就缚可惊也亦可怪也

○南京监察御史王藩臣陈防播四议一曰申军令以作将士之气谓自应龙叛逆以来庙议遣将至亟而总兵刘綎犹然托病濡缩宜申严号令风示诸阍果能奋不顾身建立奇功即封拜不吝如仍前推诿三尺具在二曰严近幸以塞奸细之门谓迹来四方不职官民猬集犖下表里中官窥测意旨甚至有不繇通政司径彻御览气焰烜赫踪迹诡秘遐方奸细突焉而入切恐 皇上举动枢臣筹画皆得窥伺透漏可不为寒心哉乞丕振乾纲重暨谗说凡上书不繇通政司援引内臣言利希宠者即付法司推鞫庶几儆壬歛迹禁地肃清三曰循故策以收土司之用谓土司虽声势相倚而夷性猜忌假令应龙得志如黔之安蜀之奢岂甘心出其下乎诚智而使之谋而间之如沈希仪之于岑璋甚善即不尽然亦见朝廷不以应龙之故遍疑诸土司阳收我羽翼之用而阴离彼唇齿之盟亦一策也四曰明大谊以服远人之心谓朝廷之讨应龙非利其土地而郡县之直以逆天残人法不容赦耳宜宣明此旨播告远近凡邻近土司及所属头目能擒杀应龙归命者即以应龙之爵爵之又或应龙诸子不肯助父为逆束身归命更宜优给廩食待事平之日令其袭职故土尺土一民我无利焉若然则其邻必有韩魏肘接之谋其下必

廉继高俱革任回卫

○命马林以原官挂印镇守辽东地方兼备倭总兵官

○庚午调山东副使袁茂英为广东提学副使 ○辛未以原任参政汪道亨为江西右参政

○荫户部右侍郎张养蒙男光奎为国子生

○大学士赵志皋复上言臣顷者< 銮-金 >请缓刑盖以 两宫鼎建 元嗣择婚兼之东事告成 圣心嘉悦至涣温纶谓普天同庆共乐太平则何不令延颈伏锬之人略缓须臾之死使普天之下杀气潜藏和气充塞其所以联民心而光太平之盛者又何如也至于曹学程原系言官言事乃其本职况所言者东事实不为私虽辞语愚戆致触威严然无可死之罪况其母老无依其幼子又伏关请代情势悲苦诚不忍闻伏望皇上俯廓仁慈俾从末减一贯复力言之诏刑部所谏重辟业经三覆郑国锦沈惟敬等十九人会官处决余俱牢固监候

○壬申赠驸马都尉许从诚少保 ○以灾伤蠲保定河间二府州县存留银各有差

○癸酉大学士沈一贯固辞恩命仍求早补阁臣 上命勉遵屡旨勿复劳谦所请阁臣俟旨简用是日一贯揭报辽东义州虏警

○甲戌给总督仓场户部右侍郎赵可怀诰命以秩满也

○乙亥调贵州右参议方万策为广东右参议改四川副使陈与相为贵州副使

○蓟辽督抚报虏警命用心防御

明神宗显皇帝实录卷之三百三十九

明神宗显皇帝实录卷之三百四十

万历二十七年十月丁丑朔时享

太庙遣定国公徐文璧恭代泰宁侯陈良弼武定侯郭大诚各分献

○大学士沈一贯揭报辽左锦州虏警

○户科都给事中李应策言九月初五日未时日缠角太阴太白同尾度见于午午未次舍相逼星见异月同见尤异月犯金异月昼犯金尤异又陕西狄道山崩平地涌成山臣等考唐书所记天气不和寒暑隔人气不和赘疣生地气不和堆阜出今西北乾地妖沴并至此何兆也年来民穷财尽已被虏又复被灾已包砂又令包课苦于捶楚困于颠危苏轼所谓枯松强钻膏稿竹欲沥汁恐四方衅起关中其首祸者乎伏望 皇上恪谨天戒矜恤人穷惕然修省亟为军国更图不报

○兵部言川贵督按题称重庆缚献奏民贿送尸枢媚贼损威辱国已甚乞查当日系何官主持及綦江失事有罪人役勘明具奏 上曰逆酋敢行称乱亦缘处置失宜今各官但知畏贼不知畏法何繇讨逆正罪其令立限严查不得徇情欺隐

○复除原任顺天府丞连标为太仆寺少卿

○经略邢玠疏辞加恩优诏不允 ○戊寅大学士赵志皋沈一贯先后固辞恩命 上以其情词恳切俱从辞免以成劳谦后不为例

○己卯以 中宫千秋节赐二辅臣上尊珍饌

○经理朝鲜万世德请留朝鲜戍兵八千以三裨将统之并留同知一员纪功司饷抚镇道臣以次撤回兵部覆言经理之设原为救援朝鲜事未竟而诸臣遽欲议归留守诸将漫无统揖是字小不卒也臣愚以为抚镇道臣宜暂留彼中相机调度俟来春汛毕再议留撤倘以兵寡力微即将未撤副总张榜部下四千余名李承勋标兵三千六百余名均留助戍诏如议

○升四川左布政使程正谊为顺天府尹

○改原任山东巡抚右佥都御史郑汝璧为南京太常寺少卿 ○户部言备倭选锋前议归并战车二营候缺顶补今总协二臣以军心触望恐生它虞相应炤旧但有事故不许补缺从之 旌周府辅国中尉勤燁额名旌孝嘉其卢坟也

○辛巳济阳卫千户何其贤奏万历二十五年原任御史萧重望请查天下郡邑岁额会银解部益饷至今未见题覆乞敕内官同臣等首将浙江江西湖广省属库藏见贮无碍钱粮清查解进虽数十万两犹不可量 上责该部玩视前旨不行题覆命各处内监孙隆等会同抚按严查具奏有隐匿支吾指名参治

○腾骧卫百户仇世亨奏原任守备戴焯揭称湖广通省各府州县积贮各项存留羨余等银约有亿万余两及兴国州民漆有光报称民人徐鼎等朋掘古墓得黄金巨万乞命内官督臣等星驰查解 上命陈奉会同抚按并经管有司查明解进不得抗挠亦不许扰害地方

○壬午山东巡按王业弘以辽左失事重大< 〇〇〇 铨-金 >参抚臣李植总兵孙守廉副总兵麻承勋等

○癸未大学士赵志皋沈一贯乞贷被逮推官华铨等 上不许

○保定巡抚汪应蛟< 〇〇〇 铨-金 >辞加恩不允

○賑饥民

○甲申先是浙江抚按以织造婚礼段疋工费不敷欲将应解户部额银预留五年共四十万以抵工费户部言前项银两原系济边正供少一分即亏一分之饷且大婚所需工部司织造臣部司买办各有司存若织造不敷借用臣部买办不敷臣部将谁借乎今据抚按题称已徵贮库应解本部银四万二千有奇此顷量留以供一运之费倘有不足听工部设处臣部无与焉 上可其奏

○南京礼部尚书王弘海引疾乞休许之以弘海前任秩满给恩如例

○南京国子监祭酒郭正域条议申饬监规一曰广摭额以罗异材大略谓时文不足以尽才科目不足以得士请下礼部访求各州县九流异学之士稍如宋司马光十科例或善推步或谙钟律或通阵法或工六书各为一科府州县贡入礼部考核分别等第

选入两京国子监得炤选贡事例次者依旧附事例与之全廩一体拨选如异日太常诸属之选则取诸乐律科钦天诸属之选则取诸历象科殿阁中书之选取诸六书科幕府参赞之选取诸兵法科则平日养之有素而一旦求之如探囊而取物矣一曰严差拨以杜请托南雍诸差 祖制惟有小刷历与湖差耳后乃创立市书问安名日借差自便又举人以超拨为分内一拨之外又超一拨非法也臣已出示严革二差请著为令一曰申禁罚缓以一赏罚太学之中所恃为赏罚者止压班耳不知何年许压班监生输银自赎夫法贵一也令贵平也令无力者走班而有力者输银非平也臣已出示严革请著为令一曰勤课诵以修职业按太学仪节举贡不背书非制也臣请科贡诸生自本经之外别兼一经而新旧已未成材者自 大诰经书而外增大明律一条背书之日一体背诵以生熟为赏罚一曰改历期以向实学夫在监者肄业而在拨者办事肄业者有业可肄而历事者无事可历乃举贡肄业不过四月六月而历事辄多数月臣请量损历事之期积增肄业之期以彼无用之日月就此有用之工夫一曰复查押以警游荡按监规生员于各衙门办事者每晚必回监不许在外宿歇若画酉不到及点卯不在者痛决夫办事即拨历也画酉日日回监矣近来士子一拨之后任意猖狂莫敢谁何今在历放肆者臣以量惩一二请著为令见历事监生每月月尽日俱回监画押稍示防范有不简者掣签惩治庶监规明而人心肃矣疏下礼部覆议以为四科所以掺异材也然它途杂进恐开幸滥之门记诵所以课实学也然章句易溺贵有因材之诲历期业有定规仍旧遵行为便历监倘有放恣行本衙门约束为便其余各款俱如议

○乙酉户部右侍郎张养蒙乞假迁葬 上以部务方殷不允

○丙戌以征播乏饷从户部议命四川湖广地亩权宜加派总督于三省通融支用仍禁有司豪右巧避侵渔等弊毋累穷民兵罢之日即行蠲免

○山西饥沈王埏尧晋王敏淳辅国中尉充蕾庆成王慎钟永和王长子敏□□淮辅国中尉新堤等各捐金助赈抚按以闻 上嘉之各赐敕给扁以沈王所捐独多命抚按官竖坊备礼以彰优异 改四川总兵刘綎为南京右军都督府佾总兵万鏊游击紫尚仁职行巡按御史提问究罪命总督李化龙相机移驻重庆调度三省镇道官兵所需兵饷户部亟行处发仍禁漏洩处播军情时万鏊所部建武兵多有虚冒道府以法绳之鏊怒与尚仁纵家丁鼓噪分剽几酿大变督按以状闻并纠其通夷纳贿事情刘綎受命赴蜀逗遛不进建议征播必用精兵二十万人倍其饷不许损伤不限年月不繇中制不许指摘隆权重体惟其所为于是科道交章论之且言兵贵精不贵多今督臣以兵少迟留恐误疆事乞催令移驻重庆兵部覆议上请故有是命

○戊子制诏贵州抚按安疆臣既称忠顺朝廷嘉与维新其谕令感恩图报如能歼贼不爱非常之赏陈恩王嘉猷俱许纳赎

○朝鲜国王李昞请留水兵八千以资戍守其撤回官兵乞驻劄辽阳有警听调上命督抚会议以闻

○己亥天津游击周永祐以赃私褫职行御史提问具奏 ○南京刑部右侍郎王基引疾乞休不允

○壬寅葬 香山公主遣礼部侍郎朱国祚题主户部侍郎张养蒙奉安享殿

○吏部等衙门尚书李戴等言臣等切见九月中太白太阴同时昼见已为极异又闻狄道山崩地涌成山则自开辟以来惟垂拱中有之而今再见也臣等身为九列安有灾异若此而怡不动心心知其危而不以告 君父者窃闻帝天之命主于民心民安则天示祯祥民不安则天垂谴告臣观天下赋役之额比二十年以前十增其四天下殷实之户比二十年以前十减其伍东征西讨萧然苦兵自矿使出而百姓之苦更甚于兵税使出而百姓之苦更甚于矿年来远迩同嗟贫富交困贫者家无宿储止凭营运但夺其数钱之利已扼其一日之喉至于富民需求不遂立见倾家无地可容有天难诉利归群小怨归朝廷 皇上神圣洞知今古自秦汉以来天下危乱之繇惟有四字曰人人嗟怨而已天心仁爱明示咎惩欲 皇上翻然改悟坐弭倡乱乃礼部修省之章未蒙批发而奸民搜括无碍银两之奏又见允行矣此令一下急如星火不但指有碍为无碍亦将指有银为无银必将正项公银俱充进献公用无措又派民间库藏既空闾阎亦敝有司一有争执辄谓阻挠身且不保何有于官又如仇世亨奏徐鼐掘坟一节事之有无诚难悬断然以理论之岂有一墓而有黄金巨万之理即使有之亦当先下抚臣核勘虚实分别首从先正其挖坟之罪而后以掘坟之物入官未有罪状未明而先没入资财者也片纸朝入严旨夕传不但破此诸族又将扳及多人此风一倡谁不效尤何地不可为金穴何人不可为扑满已同告缙之令又开告密之端臣等方欲陈奏而高时夏戴君恩之奏又得旨矣五日之内搜取天下公私银两已二百万倾府库之藏岂无尽日穷天下之产宁有足时臣等前日犹望其日减今日乃更患其日增不至民穷财尽酿成大乱不已伏望 皇上穆然深思超然远览亟与廷臣共图修弭杜中臣攘夺之路绝群小窥伺之萌无令结怨清朝而致干天变也 < 硃 金 > 上不报

○癸卯大学士沈一贯上言臣惟自矿税使出而天下举疑 皇上为好货 皇上圣明天纵岂为区区货利乎或谓顷岁以来国家多难倭虜交讐之余杨酋又见告矣脱复有变安可无防

○皇上盖为万年无穷计耳然设聚斂之策而伤乐生之民则乱未必弭而反以生乱未可为远猷完策也臣闻盐铁均输不足以富汉而汉繇泚耗琼林太盈不足以富唐而唐繇此危隋之末年雒口之仓如山而适为群盗之资繇斯观之苟有善政虽无积蓄而国安如无善政虽有积蓄而国危国已危矣金钱愈多愈为身累耳昔人喻好利而不顾其民者如割四肢之肉以充其腹腹虽暂饱然肉尽而身毙又如竭泽而渔今年取鱼岂不或多不知鱼种绝尽而明年无鱼皆善喻也伏望 皇上憬然深思涣然省悟修明自昔讲行之正道诛绝今日曲窳之邪人于以还太平之旧观而为守成之令主诗曰靡不有初鲜克有终惟 皇上诵之惜之

○增设大同镇门守备及马营守御从御史萧重望之议也

○乙巳荫原任经略兵部尚书郑雒男燬为国子生

明神宗显皇帝实录卷之三百四十

明神宗显皇帝实录卷之三百四十一

万历二十七年十一月丙午朔命恭顺侯吴继爵男汝胤袭爵

○赠原任太子少保左都御史李世达太子太保达嘉靖丙辰进士初授户部主事调吏部历巡抚卿贰以至掌院养病回籍卒部覆其河上勤劳有裨南国中台勇退无忝东山云

○户部言臣前后办进珠宝等项约银七十余万视 皇上大婚之费已逾八陪今边饷告急帑藏垂罄臣等左那右补心血俱枯窃念大礼必简无贵服饰之华婚姻届期何取绮靡之饰伏乞 圣慈谕令该库稍从节缩不听

○赐原任日讲官礼部左侍郎兼翰林院侍读学士韩世龙祭葬如例仍加祭一坛

○丁未大学士沈一贯以感恙未平< 〇〇〇 〇〇〇 〇〇〇 >乞宽假且言臣病甚之时一语不能复出一思不能复措乃知古人作事当加预备王者建官必有副贰阁务繁重岂可专倚一臣念至于此心犹栗栗也伏望 皇上早将会推诸臣钦简数员俾与臣等一同办事至行取诸臣待选都门者已一年于兹矣费用匱竭假贷无所值兹寒冬为费更倍臣实不忍士夫流落于 圣世如此之亟也今科道万分缺人中外蠹弊日丛一日后来整理用力更难 皇上轸念政体尤不宜轻视此事而姑缓之乞早下考选以充差用上褒其忠爱勉令慎揖仍谕以政本岂可久缺已知道了行取还候旨行

○戊申户部言浙江税课已经抚按酌议以新增关税抵充仍以掺杂渔税留充饷银许之

○调湖广僉事周继昌为提学僉事

○经理朝鲜万世德称疾乞归不允

○命宣府总兵董一奎仍旧视事奎初以科臣论其年老督抚为言奎虽老尚矍铄可用也故有是命

○四川按臣赵标< 〇〇〇 〇〇〇 〇〇〇 >言播事大略谓杨酋穷凶稔恶有不赦之罪且众叛亲离有可乘之机乞朝廷独断进剿委托督臣以讨贼削平之效一切攻守机宜进止迟速俱勿遥制文武诸臣有不用命者听以尚方从事而< 〇〇〇 〇〇〇 〇〇〇 >中复参新任总兵刘綎与原任抚道邢玠王士琦等谓綎跋扈玠等酿衅均不可不问< 〇〇〇 〇〇〇 〇〇〇 >下兵部覆议以为刘綎业奉处分邢玠姑免议外其委任督臣责成又武悉当如按臣所陈至播酋惯行贿赂有黠货通贼者尤宜廉实重处以肃人心 上曰朕以西事付督臣进止机宜原不中制诸将吏有逗遛失机者听以军法从事朝廷赏罚明信责在按臣母循情偏听致有参差逆酋善贿举首者功之隐匿不发即以通贼论如法

○兵部上言督臣李化龙议调各处兵马除宁夏尚未报发延绥甘固三镇各已报

○三边总督李汶以疾乞休不允

○己未以原任湖广佥事高世芳为陕西佥事

○大学士沈一贯以阁臣未蒙简用复申前请 上命吏部会九卿科道公举在任在籍素有才望者及将前后所推开列待简勿拘员数以彰朝廷博采求贤之意

○辽东革任总兵孙守廉以私纵逃军徐虎驰驿命巡按御史提问具奏

○庚申东厂太监陈矩缉获犯人韦有道毛文耀赵浩周廷治等命镇抚司鞫之四人皆江西税监李道所参奸党奉旨下内外缉捕者也

○辛酉以 圣母万寿节赐二辅臣金书银书万寿字及篆符各有差仍赐讲官刘元震等

○有盗入内阁窃 先师孔子神前供器及两房衣被杂物敕有司捕盗

○癸亥 孝烈皇后忌辰遣清平伯吴国乾祀 永陵 孝惠皇后忌辰遣彰武伯杨世阶祀 茂陵

○户科给事中李应策言军兴不足加派非策请下户部查湖广及江浙等处漕粮或全留或半留如嘉靖间接济边镇事例章下部议

○甲子 圣母慈圣宣文明肃皇太后万寿节大学士沈一贯诣 慈宁宫门称贺赐酒馔烧割

○遣户部主事杨材解银八万往辽东给散东征回兵

○命御史杨宏科姚思仁于永清徐元正赵文炳李思孝毕三才吴楷八人阅视各边

○乙丑诏征播机宜悉皆责成督臣各官宜协谋共济有妄生机械流言游说颠倒是非荧惑耳目者在内听部院科道在外听总督抚按不时参处兵部覆总督李化龙之请也 ○丁卯先是江西税监潘相< 潘相 >称钦颁磁器式样于五月内工部题差序班蔡余祥赉银至今未到原任饶州府通判今升荣府审理沈榜有窑户连名保留乞令以原官专管烧造得旨蔡余祥着该部参看来说沈榜准添注通判管事兼本镇捕务吏科左给事中程绍言沈榜以不肖劣转王官其才与守不问可知矣今潘相奉命烧造一切有司之事毫不得干乃公然侵夺抚按之职掌擅留不肖之王官且不繇部覆竟得升降之旨是抚按为赘疣而铨曹为虚设二百年之 祖制一旦坏于阉寺之手胡可训也吏部亦极论之俱不报

○马尚仁奏请于南京清查芦田及编审铺户南京户部等衙门会议以为尚仁所奏通州如皋二处有新涨洲田九万余亩佃课七千六百有奇是芦洲尽有余田而隐占未必尽绝少俟水落责成司道各官偏历地方清查隐占炤科增课至于编审铺行抚按道府均称不便盖各商在芜湖等处各有抽税近差内监诸臣棋布星列剥肌椎髓柰何又欲重徵之也且应天系 圣祖旧都开天之初尚徙四方富户充实其中近闻编审流寓之家相率思归万一人心动摇群聚倡乱谁执其咎户部覆请如议 上许免编派仍

以清查芦课属工曹其沿江上下新涨洲田命守备太监邢隆刘朝用择委廉慎内官一员同南吏部芦政司官督令该府州县备查遗漏隐占丈勘册报炤例起课银两每年解进不许扰害地方 ○己巳川贵总督李化龙参新任总兵童元镇畏敌如虎逗遛不进原任总兵沈尚文托病杜门拥兵三千仅发百人赴急游击曹希彬等并蓄缩观望乞赐处分兵部请论如法且荐原任四川总兵李应祥勇略可用 上谓童元镇法当逮问念用兵之际姑褫职充为事官管总兵事立功赎罪沈尚文逮治如律曹希彬梅鼎臣俱褫职提问李应祥以原官起贵州总兵听用国家养士甚厚酬功不薄各官近日骄蹇遇警畏缩巧择便利玩法负恩军令宜肃以后有故违不遵者督臣即以赐剑从事毋得姑息

○兵部覆广西抚按条议四事一分布将领以资弹压大略谓北陀田冲荔浦三处均属贼冲议将昭平参将统兵一千割守北陀原任都司鲁儒以兵三百戍田冲梧州所副千户杜熊兆以兵三百戍荔浦仍听参将统领调度一筑建城垣以固保障北陀既有兵将而无城垣不惟平时无所栖止即有警亦难捍卫议于北陀甘水地方建城一座合用料价计费支給一设复驿官以苏冲疲平乐昭平适中之地原有广运旧驿既经裁革往来夫役取用堡兵供亿不便议欲仍旧复驿夫马廩给通融酌处诏如议

○兵部覆湖广抚按会题征播二事一调募兵士南兵可调与否应行查议其施州麻驿镇筸等处募兵三万及调集本处各土司土著官兵俱如所议听陈璘统领督抚布置但在遴选精壮申严纪律毋令虚糜骚扰一荐用将领原任都司吴时乔游击柳邦奇王一桂等据称谋勇素裕堪置行间应如议起用功成之日分别叙擢报可

○庚午兵部覆协理京营王世扬条议戎政十事一曰推用营官宜公营官歇操以后总协科道会选品其年资课其技艺序其荐剡分为三等名曰公选材官簿具册送部遇缺循次推升不得滥用科道年终小阅并复命举劾不必另行二曰选锋查补宜精选锋有单粮双粮总之不过一万四千余人既名选锋岂容老弱混入调阅之时查有年衰技劣者量行汰补收一人即得一人之用三曰存操训练宜实京营操规寅集辰散徒为故事议于开操之日递留一司训练将官身亲程督不得转委他人而赏罚之规斟酌于常操之例分别举行以昭劝惩四曰歇操短点宜密向时短点甚疏又奸军逃闪不到几于无兵议自今短点无论日之双车每日一营分定日期官军选锋兼搭赴点不到者严查究处五曰火器选锋宜拔京营选锋向止弓箭而不及火器不知火器重于弓箭议于战车十营营选五百月加行粮统以六司七司把总每季开操犒赏量加给以示优异其行粮乞炤前任协臣题允岁加三千七百五十石六曰新增战车宜裁神机八营神枢九营原系城守之兵后改为车营今此车强半毁坏而城守乏人议将战车裁去各兵仍旧城守月多挽车行粮一千二百石亦即住支以省冗费七曰军马更调宜禁营军原有定伍而奸军营调作弊马军当有定司而军马隔别各伍规避影射莫可究诘所当严禁者也八曰勋官入营宜择勋官入营教习必勋爵及应袭非谓概及于疏族载在令甲

○有盗窃易内承运库祐国殿玄帝金像逮治内官赵进忠等敕有司补盗

○丁丑三边总督李汶以套虏入犯条列三镇诸将功罪劾游击王学诗李茂先等举总兵萧如薰副总兵王威等兵部覆议请治学诗等之罪仍行巡按御史备查虏贼的有若干从何官所辖信地入犯何官堵截有功应与加衔何官功过相准何官疏玩有罪及查首功是否真虏获功官军作何升赏伤亡军丁作何优恤并地方有无隐匿失事重大情形查明具奏 上命王学诗行御史提问李茂先王鉴等俱革任余如议

○戊寅锦衣卫缉获伪造勘合上林苑监署丞崔嵩等命镇抚司逮治之仍行各省直严加稽查

○命总督邢玠照旧供职王士琦褫职回籍张与行莫睿行巡按御史勘明具奏以按臣赵标追论勘播前罪也

○顺天巡抚李颐奏留昌平兵备许应逵复任< 銜-金 >下吏部

○南京吏部侍郎署户部事李廷机以铺行告困条议轸恤四款一曰带办之法宜行谓如丝绵红花生漆棕铜之类有利者许令带办则赔补可敷一曰可免之役宜蠲谓各衙门公费诸可自办者无累小民即科场一顷铺行视为苦海议照顺天例雇役买办有票取借办者禁之一曰价银之给宜速谓铺行所苦固多而太常光禄二寺尤甚盖二寺本无钱粮取给户部者十之一二而取给应天府户口食盐者十之八九然或府县不以时解即解矣而不以时给守候终岁竟不得价民何以堪宜严行府县如期徵解该衙门或用铺行登时给值如民间贸易之例一曰需索之弊宜禁谓臣每询铺行皆言官给不亏无奈衙门吏书与内府群役之使费日增月益不履不休今臣等各衙门已见行振刷而或有窟穴根据禁约之所未易行有城社依凭外廷之所未敢问乞 天语叮咛永革庶宽一分民受一分之赐

○户科都给事中李应策上言国初亲王岁禄万石郡王三千石其后天潢日繁禄入不给 世庙时更定郡王岁支一千石三分本色七分折钞载之会典中甚悉今周府径为第四子洧川王以二千石请且援金山顺庆二王为例夫此例果出于嘉靖四十四年后则必有特眷殊恩后不为例 明旨在卷臣等职掌得与闻顾实未有也抑出于四十四年前则其例已奉制久格不行何故引之乞敕户部查核驳正留中

○己卯升南京兵部署郎中钟万禄为山东佥事备兵临清

○兵部覆巡按直隶御史王藩臣条陈屯操二议以为屯田之法古人之卓有成效积渐废弛膏腴者尽入豪贵而仅存者俱瘠薄不堪以致名存实亡牢不可破按臣自击其弊铤然振刷欲尽籍屯军而精简训练之其力强而技优者授以腴田而激励之寓兵于农当不外此至于一切管屯管操官详核委任每岁终甄别去留材者擢用弩者斥汰官得其人则屯军各得其所委于屯政有裨乞申飭力行以臻实效 上然之

○庚辰先是辽左被虏抚臣李植以为功按臣王业弘以为罪既而连章参讦 上命总督邢玠勘之玠辞复命御史杨宏科往宏科言近遣邢玠以督抚同事不便夫玠有

同事之疑臣亦有同官之嫌乞改令科臣查勘< 〇〇〇 铨-金 >下部院

○升广东左参议黄师文为陕西副使

○南京吏部尚书赵焕赉捧回籍以亲老乞休 上以留铨重任趣往视事

○赐原任太子少保左都御史李世达妻赠夫人吴氏继妻赵氏王氏合葬并祭如例

○辛巳总督仓场户部右侍郎赵世卿言仓库积弊大率各衙门吏办班皂等役凭藉要挟需索多端日深一日如实漏卮司属畏其机锋往往曲徇先年管库诸官独一刘兑孤立一意致烦交章见今毙尚未革乞特赐 天语严加申饬 上曰仓库钱粮秋毫皆民膏脂岂容群小横索该管官亦不宜畏徇滥给念已往姑不查处今后再有违犯不论在官在闲着拏送法司从重究拟司属纵容一并参处刘兑今为何官守法可嘉着吏部查叙以示风劝

○命延绥巡抚王见宾角〇羊任回籍总督李汶在任听勘禡总兵赵梦麟职行巡按御史严核具奏先是延绥春间捣虏盛报首功既而虏乘秋入犯杀掠极惨礼科右给事中杨天民言卜庄诸酋自进马后互市两月华夷一家乃总兵赵梦麟见边外夷帐星罗輒谓奇货可居密说督抚以邀功之念为掩取之谋暗地捣巢驾言堵截及自知名义不正耳目难欺因而大行科歛行赂以图掩饰于是虏怀必报之忿军有疾视之心迨七月大举入寇梦麟魂摇胆落歛兵婴城竟不敢以一矢相加两旬之久葭州神木一带堡寨悉被残破窖薰男妇以千计屠戮老幼以万计其少壮群驱而去者至不可以数计也如此景象闻者酸鼻而督抚诸臣公然隐匿且混扯东虏西助以为嫁祸之媒又捏报两路破敌以为掩败之计夫杀降起衅前之一大罪案也敢欺 上而报以奇功失事殃民后之一大罪案也复欺 上而掩其重罪锦衣可荫蟒玉可腰笑骂繇人峥嵘自我窃恐横亡厉气必祸其家 九庙有灵亦必軫念无辜之苍生而羞宣告之虚节肯令此辈纷纷得计哉< 〇〇〇 铨-金 >上未报天民复极论之吏兵二部会覆故有是命

○癸未荫经理朝鲜右副都御史万世德男邦孚为国子生 ○甲申兵部题发回寺马价一万一千两犒东征回兵 旌表江西孝子余钥等节妇郭氏烈妇王氏烈女李宝哥贞女张氏等

○琉球中山王世子尚宁奉表进方物谢恩请封命进收

○湖广灾蠲华容等县存留及折徵各有差仍令有司设法赈龙沅二县

○乙酉大学士沈一贯上言人主于天相去甚近天心仁爱则出灾异以儆之不可不敬承也迩岁之灾甚多且大今年雷击 太庙树辽东军器火浙江邑漂福建石飞以至陕西山西山崩地涌之变尤为罕绝荒歉半天下人民流离不忍见闻守边军士嗷嗷待哺播酋肆螫勤兵四方临清民变建宁士叛皆非细故近日火星一逆禁内随火感应之速如此可畏殊甚臣记万历十三年火星入南斗占为天子下堂走此非吉语而 皇上是时特发睿心躬亲步祷应天若此遂为千古传诵之圣德岂但弭灾致祥而已哉今

诋臣诚不屑与之深较惟是虏本少也而以为多兵本众也而以为寡发兵本迟而以为速诸将本观望也而以为对垒地方本失事也而以为无失西兵本害人也而以为无害植本欺蔽也而反移之于臣则臣请细数于 皇上之前如植报达贼十万矣臣查实数则达贼二枝共约有二万余骑也植称我兵一万五千矣臣查实数则各营兵马共三万三千二百余名也虏不犯河东而犯河西传报久矣即督臣邢玠亦有牌会先发兵锦义贴防矣植违玠节制不发于闻警之日而发于贼既入境之后迟耶否耶贼至大凌河抢掠而我兵止在松林下营相离四五十里曾无窥左足而先进者橐载已满相率引去二十六日贼至大宁堡我兵二十七日方至义州教场下营不惟未尝一战亦何尝一追植乃曰诸将击贼歼其渠魁夫渠魁谓谁何不明言姓名耶地方抢掠之状臣屡 < 疏 毓金 > 不能悉即如盛水等山洞残矣李兴屯台圈破矣张弼堡大叶家堡等屯共三十余处今仅存四堡余二十六处尽克去矣臣所谓地方抢掠一空者殆有据而非诬也又戚家堡未克破乃西兵一过攻开堡墙将粮食牲畜抢夺无遗本堡居民俱见在可质臣所谓西兵害甚于虏者亦有据而非诬也此番边情若非推官冀述有执持有担当不为威惕不为利疚则小民被杀被虏者其冤魂苦楚谁为申诉而臣亦无繇为小民伸冤请命于 陛下矣乞敕下吏兵二部都察院会议将植速令角口羊任回籍一听新按臣或科臣查勘而植与臣皆无与为若果无失事而臣掩功为罪即罢臣以为奏事欺罔者戒果系失事而植以罪为功亦即罢植以为边臣欺蔽者戒疏上留中

○壬寅西塘游击原任白马关守备徐光启及守备蒋弘济俱褫职行巡关御史提问总督邢玠劾其冒破抚赏故也

大明神宗范天合道哲肃敦简光文章武安仁止孝显皇帝实录卷之三百四十三

万历二十八年正月丙午朔 上不御殿文武百官朝服诣午门行五拜三叩头礼各具表贺辅臣一贯诣仁德门行礼志皋在告

○戊申 宣宗章皇帝忌辰遣官祭 景陵

○辅臣题以中官不宜轻信外政不宜轻假救科臣程绍不报

○吏部尚书李戴上言考选久稽人心疑惑有谓追咎言者往日之戇特加摧抑者有谓近日时政有误嫌触忌讳者夫昔日戇直之人非今日候考之人岂有怒甲移乙之理况 明主举动如荆山美玉无瑕可指犹取他山之石以攻之 陛下天纵聪明当不其然不报

○戴又言内使侵越职掌恳乞戒谕以一政权山西开矿内臣张忠奏调知县韩董臣窃怪之夫抚按职司察吏博采公评间有才地不相宜者奏闻下部题覆而后调矿使内臣径拟量调简僻非法也比者潘相留已升王官沈榜为通判已窃抚按荐举之权张忠径拟韩薰之调简又侵抚按参劾之权且中使原与有司何讐正据供亿之豊杀听参随之喜怒更有恶民捍网輒自窜中使名下因而媒孽有司以快其心据张忠 < 疏 毓金 > 云李成举毫无过犯因巡按访察而抵角口羊刑系则忠之本情见矣夫中使可以

明操抚按之举劾则所侵在官守奸民可以阴操县官之黜陟则所坏在纪纲渐不可长也乞严谕张忠止许督理矿物勿得干预吏治幸甚不报

○礼部尚书余继登请先行皇长子册立礼而后冠礼可以致祝词婚礼可以致醮词此三礼相继之定序也不报

○巡青礼科右给事中杨天民举劾有司黄道亨等纪录潘大复等光罚乔应等分别罚治

○湖广巡抚支可大为群奸激忠鼓噪议处税课以安地方楚地辽阔民情扩悍易动难安近自采木派饷又益抽税开矿追取黄金搜括积羨小民赔累不堪噤然思乱乃有积棍指称税监吓诈噬人如刘之良宋大工等遂致武昌汉阳土民数百奔赴抚按击鼓声冤旋噪税监门拥众攻打臣同按臣多方禁谕自辰至酉方定随即擒获究惩因与该监陈凤反复思维众方惑乱反侧未安锋不可犯议将荆襄二府税银听监徵收余十三府二县应照山东河南近例分委有司代徵角□羊监以词婚礼可以致醮词此三礼相继之定序也不报

○巡青礼科右给事中杨天民举劾有司黄道亨等纪录潘大复等光罚乔应等分别罚治

○湖广巡抚支可大为群奸激忠鼓噪议处税课以安地方楚地辽阔民情扩悍易动难安近自采木派饷又益抽税开矿追取黄金搜括积羨小民赔累不堪噤然思乱乃有积棍指称税监吓诈噬人如刘之良宋大工等遂致武昌汉阳土民数百奔赴抚按击鼓声冤旋噪税监门拥众攻打臣同按臣多方禁谕自辰至酉方定随即擒获究惩因与该监陈凤反复思维众方惑乱反侧未安锋不可犯议将荆襄二府税银听监徵收余十三府二县应照山东河南近例分委有司代徵角□羊监以凭转角□羊一应参随委官悉行撤回安民之策莫善于此不报

○己酉

○南京浙江道御史朱吾弼上言时事不可使蠹者一不可使壅者二 皇长子典礼当举关国本者一也速宜照用阁臣清政本者二也行取速宜考选广言路者三也所谓一蠹者中使矿税是也因极陈其虐焰之烈民困之惨不报

○庚戌

○户部尚书陈渠题查催已经起角□羊久未到部钱粮近例起角□羊钱粮慎量道里远近立限及起程限月日先开报部俟投文日查处今有违限十一年余者 上以不遵明例切责该部仍命将领角□羊官户严究追纳

○山西巡按赵文炳因火灾陈言极论矿税事一革群小以完国课而安疲民中使一到地方自有应周员役如钞关诸臣不带一人国课亦完此辈竟攫如肉入饿虎之吻民输十倍无一二入官者县役入乡鸡犬犹为一空况此辈之鲸吞乎一禁举劾以清吏治如通判沈榜已劣转而保留知府吴宝秀推官华钰以阻挠而被逮且太原知府周诗

以充台省尽速发听补各官不报

○辛酉

○国子监署监事右中允黄汝良呈进宋书北史上言自昔图治之君必资监古之史在全盛有道之世懿美固所必稽即叔季闰位之朝故寔亦所当考非徒以博闻见寔藉以镜兴亡者也惟宋书撰自休文起高祖迄顺帝前后可六十年而北史编自延寿包魏齐暨周隋首尾凡三百载词瞻事富荟萃芳万宝之山何物不有世变人情今古似一丘之貉触类可通间如宋元嘉魏太和周建德隋开皇善政犹历历足术如宋文帝昱周主赧齐高纬隋杨广败端犹种种堪惩综二史之始终考五姓之兴废孰有寅畏而不理畴其逆失而能长虽偏霸杂夷何足窥浑噩于往古而芳规覆辙尽堪垂法戒于将来况兹淑慝之路非若雕绘之章事事可以动忧勤在在可以益益智倘蒙万几之闲燕取备乙夜之览观睹夫麻拂葛灯碎琥珀之枕弛银钉之床而知宋祖之所以起睹天飞鋌鼓剑置发丘之即设摸金之尉而知宋季之所以亡省刘氏骨肉之衅多则思贻谋燕翼之道宜讲览元魏宫闱之祸炽则知修身齐家之训宜弘鉴周赧之侮弃谗言而悟听纳之不可不广镜齐纬之信任群小而识忠贤之不可不庸以至隋文之综理非不周而主器不定仁寿竟以悔终载观隋炀之储储非不富而邦本不宁大业繇是沦覆凡诸治同道乱同事摠之涉目而警心无论善为师恶为资期于宪美而戒否将指掌而遗忘毕照何异握径寸之绀珠庶开卷而妍媸悉陈常若悬千秋之金鉴 圣学或裨于万一微忠亦效其涓埃矣 上纳之

○壬戌 英宗睿皇帝忌辰 奉先殿行礼遣成安伯郭邦相致祭 裕陵

○锦衣卫带俸千户许成妻睦氏乞恤典许之

○癸亥

○阁臣赵志皋请举行 皇长子典礼宥言官程绍不报 ○甲子

○阁臣请 皇长子择于本月二十六日开讲命于二月择吉行之

○是日沈一贯题谢宽处程绍乞早允行取之选因以兄故告假 上优诏答之谕以行取之选因诸沽名渎扰是以迟延卿言科务寥寥恐有废事着部院查候补起复的分别奉用

○乙丑

○福建巡抚候代金学曾为角□羊发贵州采木募兵饷银再乞 圣明俯念裁酌以保防倭重地事极言闽省濒海邻倭连被灾荒不能充部议十万之额愿减五万角□羊充黔饷不报

○丙寅

○驸马侯拱宸请举 皇长子典礼未报 ○丁卯

○申时西北方有星如盏大青白色有光仍往北行入云中

○大学士赵志皋病极乞休二十八<□□足 毓-金 >不报

○礼部请岁在庚子例应 圣驾亲祭 朝日坛命侯陈良弼恭代

○陕西抽税内官梁永参西安庠同知宋言串同揽头王守胤侵冒官银倡乱生员许显吾并参抚臣贾待问论劾不公及有刘源奸弊请差官校拏角口羊有源议罪 上悉从之特于抚臣无所问

○山西巡抚魏允贞直陈时政之缺以为候考诸臣皆进以科目试以中行推知或五六年七八年之久按抚荐之科道访之部院品第之 皇上犹不轻与一官彼鲁坤马堂陈增高淮孙朝等试之何事举之何人而令之衔命横行生杀予夺尽出其口何其不以待宦寺者而待诸臣也科道诸臣诵法圣贤夙矜名节所言皆纲纪典制边讨民瘼一皆度阁不省甚则严谴时行彼报矿报税原奏参随皆屡犯军徒不齿乡党其言摠是凿空说谎蠹国殃民而朝入朝批夕上夕发应之如响何其不以听奸宄者而听言官也衙皂入乡鸡犬犹为一空彼缇骑四出雷霆震动虎豹跳号破家亡亲如吴宝秀华钰等至惨矣 皇上何不一念及也钱粮出入堂属相参后先相代其觉察至详犹有不自爱而侵欺者矿税之使手操利权动逾数万有司不敢问抚按不得闻岂无吮民膏血以自肥者 皇上何不一察及也金取于滇不足色不止织造取于吴越秦晋不满数不止珠宝取于海南日南不穷渊藪不止至如元老听其恩景于深林小臣任其骈肩于辇下而略不皆省何以异于求金求珠宝之心也惟 皇上于穆清之际试一反现而深察之不报

○吏部催考选言行取原有旧章守候再经新岁臣乃为典制政体吏治人才惜无论王言反汗官联半空使后世谓二百年之行取从今日废二百年之考选亦从今日废此为典制惜也凡此徵召之臣并奏循良之牒而使之寄官于不内不外之地寄身于不进不退之间朝廷政令亦在忽行忽止之际此为政体惜也外僚华选无如行取诸臣从来下国如望班生之舟已至都门徒索东方之米材俊灰心闾葺自甘此为吏治惜也诸士始进如花逢早春葵倾初日意气忻忻向荣而斥逐如斯其易登进如此其难从来百炼之刚化作绕指之叶此为人材惜也天下求其故而不得则谓 皇上厌前之触忤憎后之效尤此又壘受瓶耻李代桃僵臣知 皇上之英明不出此也娓娓千余言

< 䟽 铨-金 > 入不报

○戊辰

○大理寺卿郑继之题禁地失火延烧屋三十余间犯人黄以德等拟罪有差其王进系钦犯监内病故该司郎中不早奏知降一级调用

○摠督蓟辽兵部尚书邢玠以亲衰病剧四恳 天恩放归 上温旨留之

○赠原任太子太保兵部尚书张学颜少保荫一子入监读书从其孙张懋忠请也

○己巳

○升右布政王守素为左通政太常寺少卿许弘纲为右通政 ○户部题每年四季额进金花银一百万两万历六年奉旨添进五万两近因省直饥荒正项俱不能敷万难那凑乞赐停免额外五万两奉旨帑藏空乏民力凋敝军国供需多缺你部处置难

七年分应角□羊马价六万七千两又将二十八年折色马价扣除三万三千两凑足十万甦济川贵之急今淮抚李三才称候为价角□羊发必误 机先借漕库船料三万两盐课五万两并庐州府二十七年马价二万两起角□羊而以前议未角□羊马价抵补此权宜之计也从之

○壬申

○夜二更火星逆行过柳宿鬼宿度

○都察院左都御史温纯题云南巡按御史刘会报满请以浙江道李以唐代差因言播酋豕突于与隆黄平之间将断贵州之道为图云南之计云南内有二心之顺宁外有垂涎之播酋寔危急存亡之秋以唐此行道经贵州而察贼势之强弱入云南而建备御之长策其有裨于国不亦多乎又力请考选行取之臣俱不报

○癸酉

○大学士赵志皋引疾二十九< 〇〇〇 铨-金 >乞休不报

○直隶巡按徐元正乞藺发部覆留宣府抚臣王象乾< 〇〇〇 铨-金 >入不报

○命侍郎宋国祚宴侍琉球进贡陪臣郑道等

○甲戌

○南京吏科给事中祝世祿上言 皇上之迟迟考选不过厌新进之聒扰也但朝无缺政谏书自希欲人勿言何如不示人以可言之隙今天下争言 皇长子典礼 陛下沛发德音而举行之天下争言补阁臣 陛下允元辅之请而点用之天下争言酌经费 陛下于珠宝第取成礼即少减损要不失为俭德何必私内帑而积之朽蠹天下争言罢榷矿 陛下第于中使中贪残太甚者罢去之而寘其参随委官之虎翼者于法天下争言弭灾而 陛下幡然警惕修德修政修救则转灾为祥易易耳言官又何措其烦言哉如其时事日非乱徵屡见岂必言官上自执宰下迨杂流谁不可言亦谁忍不言哉愿 陛下毋以言为填厌其言而并因其人一旦下考选之命以快人臣之望幸甚不报
大明神宗显皇帝实录

大明神宗范天合道哲肃敦简光文章武安仁止孝显皇帝实录卷之三百四十四

万历二十八年二月乙亥朔以军兴就近推补四川司道等官副使马朝阳升右参政分守川北道右参议史旌贤升副使马瑚兵备陕西右参政张悌升按察使兼参议分守川东真定知府秦璘晋升副使分巡兵备川西河南副使王嘉谟升右参政分守川南凤翔知府江应泰升副使备兵松藩原任四川按察使周嘉读起补原官分巡川北其川贵湖司道有司悉听督抚举劾举 作正荐俱依总督李化龙请也

○以贵阳知府张文奇为贵州右参议分巡新镇道升南京工部郎中刘冠南为贵阳知府依巡按郭子章请也知府调参议为绌级以军兴急人故破例 ○以川黔用兵偏沅添设巡抚 上用江铎为都察院右佥都御史巡抚偏沅等处地方提督军务兼理粮饷

○吏部覆贵州巡按郭子章等题分守思仁副使陈与相整饬都清兵备副使袁应文整饬威清兵备副使简继芳久未到任已经本部移文严限督促但简继芳由浙赴黔路远到难恐误军机拟将原任山东参议王邦俊起补而以继芳调云南副使分守安普并以原任按察使梁云龙起补湖广右布政兼佥事整饬岳州九永兵备原任副使袁弘德起补湖广副使整饬荆西兵备原任副使张天德降补湖广右参议兼佥事职方员外郎冯应京升湖广佥事整饬武昌兵备本省副使杨现调清军驿传道而以参政陆长庚升湖广按察使管荆州兵备事各刻期催赴任从之 ○夺户科都给事中李应策等俸各有差先是 上怒程绍党护韩薰各褫职阁臣沈一贯申救命绍降一级调外薰降边方杂职应策等复以为言 上怒其聒激夺应策俸六月余各五月绍薰仍削职

○升参政胡桂芳湖广按察使同荆西道参议兼佥事魏养蒙俱管监军事一随抚臣赞理机务一与摠兵随营运筹时摠督李化龙欲用桂芳与湖北兵备副使王应霖西巡抚支可大欲用养蒙与守分湖北参政詹启东故部参用之

○户部以征播之兵大集黔省粮饷不支且道路阻塞飞挽无从应于楚蜀库藏现银那借凑用间关万里寇贼梗路数数奏请耽延岁月乞严敕川湖各省遵照接济奉旨粮饷用兵紧务难待奏报转展邻省应角□羊的着总督严行催取该抚按不许执留短少致误军机以后不敷任总督便宜徵发不必一一奏请

○丙子

○阁臣赵志皋沈一贯题每年开讲日期常于二月上旬择吉恭进讲章以后接续每日进呈 上从之择于初九日进览

○沈一贯复请增用阁臣先是一贯〈臣疏〉请已宣取廷推职名数日不下复力言之

○部因阁推考选有候补起复分别奏用之旨上言国家额设南北科臣五十七人今止八人道臣百四十人今止五十二人故或一官而兼三差一人而署九篆病不得请满不得代甚至侍班借及于中翰行礼取盈于幕僚即今行取诸臣聚之若见多分之犹见少伏望速下俞旨使天下知前之稽迟昔因诸臣之渎激今之俞旨者因部院之恳请而臣等所以得尽其职者是遵 皇上之明旨诸臣所以得效其用者皆出 皇上之德意其于光昭 圣治非小补也不报

○吏部查科臣共缺五员推拟吏科都给事中桂有根礼科都给事中韩子伟吏科左给事中陈维春礼科左给事中姚文蔚刑科左给事中杨天民各升补不报

○吏部〈臣疏〉请简发兵部左侍郎南京户部侍郎及南京工部尚书侍郎以济时艰不报

○调补原任副使朱南英为湖广左参议

○锦衣卫百户夏荣诡称宝坻苇田襟带千里地方广远一人难以兼摄请于钦差内臣外添设委官并参随人役前往沿海沽道徵收及立关防号簿以杜侵渔委诚寔以

便分管给马匹以便行程奉旨宝坻设立银鱼厂原系内官管理岁进银鱼苇课以供享祀御用准着内官王虎兼管督理彼处密通京城何用多人条议以滋烦扰合行事宜都着王虎会同抚按查照旧例施行原奏官夏荣为首土民崔万钟便给与勘合前去听从王虎诱用关防不必又给

○兵部尚书田乐以偏桥接轸播界逆贼素所垂涎先该摠兵专驻以资弹压时设巡抚督理第官系新设事无专责乞酌议详明以便注措因上六事一议驻劄抚臣之设原为督兵理饷湖广道省尽属提辖远驻偏桥鞭长不及马腹况偏桥地僻城小既驻总兵衙署供亿力必不支宜令抚臣移镇沅州而守巡历清平偏镇以便就近策应一议分辖黔地界在楚蜀之间湖北川东犬牙相错抚臣建节偏沅则湖省与川贵附近等处悉应分辖庶画地而守不致推诿误事一议节制抚臣既已裂疆定界凡调到各处兵将俱当会同总督分布调发随宜应援其有执拗逗遛抗违不用命者悉以军法从事至于军民词讼有关军饷者俱得听理其余不必侵越一设中军巡抚标下例有亲兵一切饬整戎旅传布号令职在中军此臂指之义也偏抚新立合于所属挑选精锐才兵千余以资护卫添设中军游击一员以便承宣事宁之日并行裁革一议严期限礼君命不宿于家况播贼匪茹义当灭此而后朝食今新抚江铎见任易州参政伏望严饬就道刻期上任一议供应闽广任重体崇将较胥吏员役必多廩给纸劄犒赏等项岂容猥琐溪刻合行湖广督抚预为计处派角□羊听用无致临时缺乏奉旨俱依拟偏沅用兵原是湖广巡抚之责朝廷念其地广难遍特设经理以分其劳除征播军机系专责外其一切合用兵马钱粮取给通省着该巡抚与经理同心上紧催儻接济不许推诿误事所辖文武官吏如有抗违着不时参来重处

○丁丑

○阁臣赵皋沈一贯先题 皇长子讲筵侍班讲读等官至是奉旨择二月吉日开讲复请之不报

○是日志皋三十一<□□ 毓-金 >乞休 上温诏谕留之

○户科都给事中李应策因四川广东云南及龙江关等盐课奏缴稽迟湖广广西宗禄及贍养口粮不俟奏请径支又户部十三司查验勘合不确极论之奉旨钱粮大事岂容漫无稽考奏报又多潦草致使部科无凭查核岂成政体着通行各省直将每年正额及带徵等项完欠略节总数并经管官员姓名每省真造黄册一部进览仍照样开造送该科部查核永为定例如有仍前违慢的着该科参奏处治

○礼部言琉球世奉外藩忠顺不失 累朝遣使渡海授封俱伐水造船动经数载使者蹈波涛之险属国苦供亿之烦议于省城颁诏陪臣领封归国今中山王世子尚宁奏请袭封宜如原任巡抚许孚远题据先臣郑晓领封之议但查往例袭封必取有该国结状合行福建抚按照例取其该国王舅法司等官印结与世子奏本齐到以便具题差官颁封听陪臣面颁其谕癸前王及敕封新王皮弁冠服彩币等件一照成宪以寓宠渥

需三府盐课角□羊部存留等银即令淮商如数代办亦可也三府在广广之增课不过一千六百两即无之亦未必大害有三府还准则准之地不独稍宽也广盐不下布则江西之引全通无三府则一省俱壅而全淮俱病故曰三府宜亟复也伏乞 皇上严敕户部酌议施行幸甚 上命与经理内官鲁保酌议明白奏请定夺施行

○户部以山东乐陵等州县因灾改折以致边粮不敷委应拨补请命漕运衙门将今岁补足边粮八千二百石就近于临清仓收贮备运漕粮照数补足每石仍加盘剥耗米三升给军领运其耗米即于前项改折州县照数加徵折银角□羊仓买补 上从之

○又题先准朝鲜国王所奏义州王京等仓支剩米豆一十余万石抵给戍鲜月粮今该国屡称凋敝之后全赖米豆以生则视米豆不啻重水升兵将呈称不愿米豆惟求折色则视米豆不啻轻查得留戍官兵一万六千真饷业奉钦依今色俱听该国自备折色 天朝量助三分之一先经本部发银十万已足量助之数即如各兵全给折色不过再发七万余止耳伏乞命下太仓银库即于清边等银内动支六万两并先题发关外银八万两刻期兑发听留戍官兵二十七八两年分粮饷支用其王宗各仓米豆十万石每石作价六钱酌量搭放义州仓米豆九万余石乞敕辽抚悉心计处或发辽左备饷或折价银协济务期实用不致狼戾 上俱允之

○云南巡按刘会请暂留起角□羊钱粮抵给贵州万分紧急军需不报

○礼科给事中杨天民等以庆典久稽群疑渐起请举 皇长子册立冠婚等礼言甚剴切不报

○己卯

○浙江道御史方元彦等请举行 皇长子三礼语极详恳时南京掌中府豊城侯李环等亦言之俱不报

○巡按直隶御史涂宗浚辨永平府通判罗大器素称廉谨亦不讥骂高准乞复原职 上以其饰词党救烦激渎扰不纳先是辽东矿税内臣高准奉旨勘已改太监王彦产业因不晓文移听人指唆中有望风捉影之语谓讥骂准参劾大器革职故也

○羽林前卫副千户王承德奏太监暨禄先授敕谕止开应太监淮杨地方未曾载庐凤徽安等府州县伏乞颁敕谕奉旨庐州四府税银每年可得四万两着督税内官暨禄带管督率原奏官王承德为首土民谢溥前去会同抚按徵收角□羊进另写敕与地合行事宜都着暨禄会议奏行何用多人条议以资扰费

○庚辰 ○金吾左卫百户吴镇奏抽太平安庆庐州淮杨常镇等处商货船税奉旨南直沿江一带往来船只遗税每年可得银八万两有裨国用着暨禄不妨原务带管督率原奏官员吴镇为首土民钱文明前去会抚按徵收角□羊进不许侵越钦关疆界重叠徵收困累商民载入庐州等府敕内 镇又条议五事一定疆界一定舡料则例一抽兴贩客米一抽木板枋柴炭一抽岁改段绢布疋 上命遵前旨行给钱文明官

带

○辛巳

○大学士沈一贯揭请举行 皇长子典礼数千言皆激切越三日传谕览奏揭其见忠爱至意朕怒烦扰离间不体上心且事体隆重屡旨明白所奏知道了

○摠督蓟辽经略尚书邢玠奏辩科臣李应策追论播事失策不剿始末因乞休上谕留之先是杨应龙为讨贼放还廷议遣玠往先勘后剿谓悔罪出勘情法并伸如仍负固方行剿灭后应龙三具文请勘一出播川再出松坎三出綦江之安稳弼应龙认纳赎银四万两质其子可栋于重庆后因可栋死于非命而再叛则玠复命后事也

○凤阳巡抚李三才上言所在饥荒流民千百成群攘窃剽劫日闻久而不散恐酿揭竿之祸徐碭丰沛壤接河南山东白莲妖术盛行近有赵抚民孟化鲸赵天民等招合亡命布散流言大骇听闻榷使左右奸人程守训等大行吓诈鱼肉富室摇动民心可为隐忧又单县民唐云峰倡乱强贷首恶赵世龙等聚党万余部署职名肆其猖狂造作逆谋所当多方角□羊散抚绥至如矿税内使原出万不得已权宜之计此草上不虑朝廷之宪典远不虑万世之骂名小不虑自己之灭门大不虑 宗社之颠覆磨牙鼓吻朝剥夕吸四海鼎沸而彼惟恐 明主之或闻天下土崩而彼惟恐 明主之或见百计蛊惑壅蔽聪明虐焰日炽民怨日深不逞之徒藉为口实共起无将之心咸动侯王之想伏乞深惟祸乱之萌急修消弭之策悉撤矿税阉人涣然与天下更始幸甚不报

○武骧右卫百户张钦奏言彰德卫辉怀庆开封等府县共有矿洞三十二处未经开采 上从之即命钦差内官鲁坤督率

○开矿内臣王虎参蔚州民毕矿造布谣言哄散矿工及率男毕诗杰等毆伤参随王守富等 上怒命虎会同抚按将矿等有名人犯严究分别问拟胁从姑免追治以安地方人心

○壬午 ○锦衣卫百户王心泽奏称细查大木可以变卖寺产势豪霸占段绢包揽侵欺开款上闻奉旨衢州等处金银矿洞着内官刘忠会同抚按开采角□羊进其采卖大木并侵欺岁改段绢钱粮及僧道废绝山田等项还着内外官员公议奏夺

○癸未

○阁臣沈一贯言岁歉民愁大盗纠众倡乱虽孟化鲸等恶党就擒而赵古元元凶犹遁乞推广至仁以保爱黎元敷求哲人以计安国本 又催点阁臣引疾乞休言极恳切 上优诏慰留之

○户部题科臣李应策奏节省兵饷今日急务乞行各该巡按御史将在征播官兵关支粮饷悉心查理敢有侵冒查出指名参究 上从之

○命给矿税盐课市的珠池宝井内臣牙关防一十四颗

○以陕西右参政蔡应科升广东按察副使广西副使萧良誉升福建右参政

○甲申 孝贞纯皇后忌辰 奉先殿行祭礼遣官祭 茂陵祭 三皇于 景惠

殿遣侍郎朱国祚行礼

○户部以黔省增兵防御饷甚紧急滇黔唇齿相依势宜相救合将云南应角□羊本部撙节公费税契商税事例空月柴马等银四千二百有奇角□羊赴贵州充饷其应还四川内未完二万九千二百余两搜刮别项官银凑足角□羊黔不得推诿 上从之

○兵部覆准凤阳巡抚李三才题饥民群聚酿乱榷使虐焰召戎急宜蚤计预图弭变未形等因奉旨旧年灾沴流行各省多罹饥馑朕常优念屡旨着有司多方赈恤严飭中外各官不许生事扰民用彰爱育之意何今淮徐贼徒輒敢构结倡乱法难辍宥着督抚官上紧设法缉拿有名首恶务在得获不许推诿纵奸遗害其余胁从诬诬一切勿问不许株连以害善良各抚按用心救济以安灾民仍加意防御毋令地方有警责有所归

○工部尚书杨一魁上言钱粮原有定额量一岁之出以徵其入亦量一岁之入以制其出顷自大工鼎建 慈庆焕新与夫织造工料铺宫传办一切非常急需俱溢于经制之外今见贮节慎库者合四司止七八万两而浩大未竟之工程急切应须之造办监局年例之钱粮又若库房若城垣若坟工种种并集一时之费约用八十余万两即罄竭积贮未当十分之一至如开纳事例一线微路所济几何独有省直额设本部料银而或屡年逋负久阁不完或见年徵收停延未角□羊此何时也锱铢皆有益乃动以千万计事势若燃眉乃动以积岁计且各处之料价有以织造留矣有以河工留矣有以采木留矣间以荒歉蠲矣所存又几何臣亦岂不知民生日困何忍苛求但以督完正赋犹愈于加派生扰省其所欠在民固宜终事以输将倘或已徵在官岂容别那以支费伏乞严敕抚按刻期徵角□羊以济时绌幸甚奉旨各省直拖欠料价数多有司官好生怠缓着各该抚按严督立限完角□羊如有违误查参究治还填入考成溥内不许朦胧给由升迁

○乙酉

○原任南京尚宝司卿听降调郑璧奏辨引疾乞休奉旨准以原职致仕

○吏部题南京鸿胪寺卿张朝端引疾乞休已经谕留又复恳请非人臣致身之义上命张朝端痊可即出供职

○摠督宣大山西都御史梅国桢题将各项节省见在银一千九百九十余两共凑二万角□羊发贵州充饷奉旨不准角□羊发川贵着太仓莫除山西年例以省脚价

○兵部题东征善后之图照朝鲜新复防守须兵顾兵多则虞糜费兵少不敷分防议者盖两难之先该督抚议留八千之数本部窃虑兵微力寡尽撤之后变起不虞调援何及今据题称该国之用全在舟师况张榜陆兵已离信地势难复留惟吴宗道之船兵待冰泮方行与季承勋之标兵通前所留共足一万六千之数以守栋之兵防今春之讯分布防守抵夏撤回此策之万全者也 上允之

○兵部覆川湖摠督李化龙题贼破綦江以来锋不可当今汉土诸兵各有擒斩寨长生苗望风投降腹心已溃道路渐通但师以久玩兵以胜骄新抚未到湖广抚臣自宜急趋偏元督率诸将并刀箭进歼彼贼党救民水火以后投降人众仍当察其真伪勿致

轻信中贼奸计方保全胜奉旨西师既有擒斩俘降机会宜乘着督抚率领镇将分道进捣务要齐心并力不许违误节制偏桥系支可大侯地着遵旨前往督兵待江铎到分督兵饷共成大事不得推诿如有失期重罪勿饶投降人等还审察真伪安插毋堕狡谋亦不失招徕分势之计

○又覆应天巡抚陈惟芝奏言南直镇江等处兵免调以省烦扰从之

○兵科左给事中桂有根奏言省直盗贼如赵抚民唐云峰刘通神等倡乱可危乞敕议处以消乱萌不报

○工部尚书杨一魁上言乾清宫窗槛及压砖板不应减低所以遵往宪而重省成不报

○丙戌

○摠督仓场户部右侍郎赵世卿以病求去不允

○升都水司署郎中陈汝麟为浙江佥事管杭严道事

○吏部题援例监生汪世明听选监生吴希元俱授文华武英等殿中书此特恩非例也乞敕以后捐资助工者不得援例

○命陈良弼宴侍泰宁等卫进贡夷人

○丁亥

○摠督蓟辽兵部尚书邢玠五恳奉母终养 上慰留之

○刑科都给事中杨应文为职官无罪就死参内臣孙朝张忠杖杀太平县典史武三杰纵令无藉逼死建雄驷驷丞李逢春乞发抚臣魏允贞原< 〇〇〇 〇〇〇 〇〇〇 > 严行查究不报

○礼部题据钦天监揭称本月初四日戊寅午时京师地震是日正值告祭 社稷之期变不虚生因极言中使横恣 上信任特过言之至切不报

○戊午

○大学士赵志皋三十二恳特赐故归言甚哀切 上温旨慰留之

○巡抚宣府副都御史王象乾被议求去不允

○户部题福建巡抚金学曾巡按何熊祥因报销饷数目不同各具题行会核今据接管御史张应扬通查过支销卷簿扣补过寔在银两俱经取有寔收结状并无虚捏隐漏情弊应准开销 上从之命以后一应钱粮着布政司置立循环二簿通详抚按会核动支如有虚冒据寔参究如岁用不敷务宜悉心措处不许年年借支但为苟且目前之计

○直隶巡按应朝卿< 〇〇〇 〇〇〇 〇〇〇 > 言大盗将作乱萌可畏永城赵抚民山东孟化鲸浙江赵天民等不报

○锦衣卫百户王体仁奏徵长江一带船只遗税奉旨奏内遗漏船税湖广每岁约银七万两有裨国用着提督广宁店内官陈奉会同抚按照例徵收其浙江江西山东临

清迤北俱系重复罢之

○己丑

○阁臣沈一贯假满入见

○锦衣卫指挥郑国泰请举行 皇长子册立冠婚典礼不报

○罚住襄陵王府镇国中尉旭木□除禄米一年以其越禁骚扰驿递诈骗财物

○礼部尚书余维登以疾乞休不允

○兵部尚书田乐以戎务久弛饥荒兆乱条上八事一查额兵一简民壮一练乡兵一严保甲一禁左道一议应援一勤训练一信赏罚 上俱允行之 ○又题督臣李化龙称刘綎父为名将立功蜀中綎结发从戎屡有战功播人惮其威名况经改南以来深切魏悔思得自效以雪前耻且其部伍整肃器仗精利欲以川东一路属之与吴广分道并进科臣则以綎骄蹇逗遛悻悻恃功怏怏矢志无人臣礼且闻其在荆州受杨酋六积之馈心迹叵测必欲用綎亦应照童元镇例革衔受事以观后效如其狡狴观望僨军误国尚方剑在河舌□辛杜邮之诛庶不负朝廷使过之仁并不负督臣破格之举奉旨刘綎已经参论革任既摠督说进兵在迩分布已定一力保来准充为事官领兵剿贼报效有功一体叙赏如再负恩骄纵误事望罪不饶

○又题兵科桂有根具题二事一谓辽抚李植调集宣大兵马六千赴辽防援今抚臣回籍将士无依况主客势不相能宜令分队陆续撤回一谓播事既许应龙自縛儻得首恶余民深当抚辑闻应龙蓄养形貌肖己者甚多必其预防势穷力屈輒施纪信之计若幸功心多防奸意少致元凶诡脱不惟见笑丑夷抑恐留衅将来又湖广抚臣支可大应移驻偏桥新设抚臣江铎宜刻期赴任奉旨辽东先调西兵便着分队撤还一面亟选本镇军人充称以备不时战守毋得推诿致误边计西征机宜朝廷既不中制着督抚审度处置毋贻后悔江铎限一月内星驰赴任此系权设衙门一切应付着各官预与处给不必待他讨请

○叙甘肃镇一十六年斩级一十六颗功李汶霍鹏等纪录赏银有差田乐时为抚臣自乞免叙 上从之以成其美

○兵部覆四川巡按御史崔景荣条奏六事一重间赏以省杀戮杨贼狡黠如先年白石之役遣人诏降声言应龙已逃又言被讐执縛诱哄各军乱进无次入于伏中尽被杀害昔狄青不认衣金龙衣者为侂智高正防其诈故间不可不审也一禁骚扰以安内地各兵聚集土汉杂处土民犷悍好斗轻生切宜禁约一议应援以防伏兵播境险阻恐贼出间道势须策应一宽文法以杜欺隐法重难行人怀顾忌事鲜寔闻惟当不狃小胜不责小败务令据寔奏报一禁杀虏以散逆党临阵斩级登簿升赏若原非战斗而持级报功即系妄杀立斩以徇一议贍养以抚降人宜严禁吓诈以广招徕之路给仓穀以息争夺之风奉旨用兵深戒妄杀尤当敬慎终始不但进取之时须相犄角即克胜之后亦宜整队肃防毋徒姑息疏脱致堕狡计仍禁戢各将毋得争妒参差纵暴扰掠违者虽有

功亦以罪论督臣还须定方略详申法禁使人有所遵守但不得过为掣肘令失机会威福朝廷大权自有斟酌功必不遗罪必不宥以得罪首为期苛细亦所不计

○河南矿务太监鲁坤参原奏官陈永寿奉旨陈永寿先以巡洞驰驿骚扰州县科敛各总甲银两参题未结今又挟仇诬奏知事张有伦及钟应交已经奉旨拏角□羊去了永寿刁恶异常着原差官较一并扭角□羊来京追究

○庚寅

○阁臣赵志皋沈一贯题 皇长子开讲日期改择于本月二十一日不报

○一更火星顺行鬼宿度

○辅臣沈一贯题陈奉入楚始而武昌一变继之汉口继之黄州继之襄阳之光化县又青山镇阳逻镇又武昌县仙桃镇又宝庆又德安又湘潭又已河镇变经十起几成大乱今奉銜命徵收地方傥一动摇激变之罪何追且民情一变亦已可畏况于屡变既已屡变而犹穷治乱党深督有司则民益无所恃而变愈急不惟岁额因之日减抑惧大衅结而莫角□羊楚民轻剽易动楚地湖山辽阔哨聚易匿难搜况征播军兴家家增赋处处添兵而复迫之适驱使从贼耳恳惟 皇上大沛弘仁以收楚民之心不报

○河南巡按御史崔邦亮劾参政王任量调简僻部覆从之

○腾骧右卫百户李鏊上陈钱法九事一请特给关防一支放须定钱价一官员月俸师生廩饩各役工食俱兼搭钱银罪赎俱准纳钱一严禁私铸一式样务遵钦给一厂局择衙门空阔易于关防一散钱必专责方有条绪一湖广地广州县穹远乞照府分钦定廉干舍人十五名给与官带督同料理一鼓铸须惯匠提领俱照宝源局事例年终计铸钱给工食 上以其事属之税监陈奉关防不准给

○辛卯

○南京吏部尚书赵焕以疾乞休不允

○广东开采珠池兼理矿务少监李敬题原奏效劳省祭官叶立本鲁一中捐贖助工乞改武职把摠名色仍随开采效用从之

○壬辰

○阁臣赵志皋极言请举行 皇长子册立冠婚大礼不报

○山西开矿兼管河东盐课内监张忠奏进盐课银两兼办御史汪以时参原奏百户吴应麒等拥贖横肆瓜分掣回等情奉旨国用缺乏内外官当同心处置岂得各肆忿讦虚言罔上人臣之义谓何前者御史汪以时奏余盐每万引可卖价七千两朕亦疑其言之太过令从公查议奏夺今张忠奏来果无此价御史岂可偏执抗拗轻指陷人奏内余盐听其变价二万一千两立限角□羊进以后盐课准照原额中号定价徵收以昭朝廷抚恤商灶至意其黑河南岸既说涂泥淤泞捞采甚难特准停免今后仍前纷纷执奏致亏国课必罪不宥

○癸巳 恭仁康定景皇帝忌辰遣官祭 金山陵寝

体如有草率及故为深文隐语欺上不知部科指寔参奏重治不饶

○起补原任参议刘免为陕西右参议兼金事专管兵粮边备事

○摠督仓场户部右侍郎赵世卿引疾哀恳不允

○起补原任广西右参政易以巽为云南右参政督理粮储带管盐法料价

○庚子

○大学士赵志皋沈一贯题请 皇长子开讲日期择三月初三日吉奉旨是 兵部覆偏沅巡抚江铎条议一竖 庙谟以一人心凡狡狴为贼所贿簧鼓煽惑疑阻军心即以通贼之罪罪之一设副将以资战守即于原议四方之内挑选精锐三千名听其统领操练遇敌策应一选锐卒以壮军威保定忠顺营原系永乐间降虏人颇骁勇须精选三百名即以该营百户卢希孔统领西发及原任易州道标下家丁快手俱勇敢可用量帝五十名即以中军指挥刘允康统领前进其安家行粮俱于该府借给 上允行之

○辛丑

○礼部尚书余继登久病乞休以注藉满三月愿截支俸粮 上温谕不允

○以江西金事骆日升为广西金事提督学政

○山西巡抚魏允贞以秋冬二防事竣循例荐举兵备官员副使刘廷谟刘卿赵彦等

大明神宗显皇帝实录大明神宗范天合道哲肃敦简光文章武安仁止孝显皇帝实录卷之三百四十五

万历二十八年三月甲辰朔 孝肃皇后忌辰遣彰武伯杨世阶祭 裕陵

○准原任兵部尚书吴兑孙吴孟登补荫送监读书

○户部题贵州巡按宋兴祖称免日进兵粮饷至急今福建十万尚无影响广西十万方到沅州恐后不继致脱巾之变奉旨协助兵粮着火速严催接济有再藉口支吾的摠督抚按指名参来重处

○兵部题陕西巡按吴楷称靖虏卫设伏斩虏三级内为事副千户党师尉得功一级请量复试百户以责后效从之

○又题贵州巡抚郭子章咨摠督李化龙已于正月十五日誓师贵州亦以二月初三日誓师进兵有期而总兵李应祥副摠兵陈寅王鸣鹤俱未到今副摠兵陈良玘守偏桥二月调度有方可摄婺州参将督兵从龙泉进原任参将杨显魁梧勇武为永顺所信服可起游击摄兴龙参将督永顺兵从王平进从之

○凤阳巡抚李三才奏逆党就擒乞诛渠魁以正典刑安反侧以杜乱萌盖赵古元者自以宋朝后代生有异姿久蓄不轨之念将发大难之端易名而游四方挥金而结亡命流寓岂砀潜至房村题诗见志显为不道之词伪帖总兵济以妖邪之术而孟化鲸等遂欲藉此摇惑大众称世道之将变尊古元为真人至王松感九泉之梦献女乞二官之封古元且悬示通途自称国王邂逅群小輒授将军观其书与化鲸招兵十千约以二月

二日各处兵马八路齐起先扬淮次取徐州新河口阻绝粮运次取金陵燕都大事可定
又称有精兵十万夹杂粮船帮内其及状甚真当矿税纷纭之秋正奸雄观望之际徐州
南北咽喉古元欲扼险据要图兴大事群小附和妖言蜂起万室惊惶若非天夺其魄阴
谋豫洩逆党就擒则以妖异之流言鼓易摇之众听乘人情之缺望成不逞之狂谋即黄
巾赤眉之祸再见于目前变生呼吸可为寒心若化鲸等将市井狂徒失业怨望当此水
旱频仍赋税繁重计不聊生皇皇思乱而古元啖以微利堕其术中为之羽翼虽兆乱之
机一揆而造谋之因稍异马登儒吃文□而事魔而造推背图阵法图惑众有证骈斩何
舌□辛其其余分别徒遣宥以宽政开三面之网示更新之路则反侧自安矣若古元者
干不赦之条所当严缉正典以绝祸本者也

○乙巳

○户部题偏沅巡抚江铎以大兵云集恐楚中加派钱粮一时遽难完角□羊请以
该省见征条鞭银两权宜借用候徵补完仍将应运黔省充饷钱粮先期督角□羊以济
紧急如有迟缓听抚臣查核参处提问从之

○丙子

○兵部题麻城距光山二百四十余里供亿不便该都御史支可大议于王家楼添
设一驿 上从之赐名太平

○都察院以留都台省尤缺乞亟准考选以振风纪不报

○辽东巡按王业洪举荐边方兵备张忠鸿张登云杨位 ○丁未

○户部议欲广设钱局通行钱法奉旨着南北宝源局加工添炉渐次增铸仍申明
法例一应税赎及官俸军粮商价等项俱银钱均搭收放其有盗铸及奸徒阻挠着两京
五城厂卫访拏重治

○兵部覆蓟辽总督邢玠题撤回南兵扰害地方有郭文强买丁其草束相争该将
茅国器孙继业各责其兵法亦两尽乃有把摠顶克信营兵方汝贵等一时误听径率众
拥入衙门立毙三命殴伤将官则纵肆之极纪律荡然矣茅国器身为主将素无节制但
亲提悍兵临时之风力平日之威令尚在相应重罚项克信疏玩慢令军法难贷及查强
买起于郭文而郭文原来与乱行凶倡乱寔汝贵等则汝贵张明蒋洲法应梟示而余犹
未减者也 上从之夺国器俸四月

○山西巡抚魏永贞为场课亏缩群奸坐耗参原奏吴应麒吴有成等奸贪无艺盗
攘国课半充私橐查卖过盐价银二万七千五百有奇止角□羊一万三千余两使国家
冒牟利之名而群奸乐富厚之实所当究追仍以盐政归之御史按额角□羊进以助大
工不报

○戊申

○内阁题 皇长子讲筵缺侍班侍读等官推左庶子范醇敬编修庄天合杨继礼
简讨沈淮刘生中各堪充补不报

○是日赵志皋三十五< 〇〇〇 铨-金 >求去意迫词哀不报

○吏部以考选踰期备开迁去各科道官遗下员缺一百二十七员上请不报

○吏部左侍郎刘元震以二亲衰甚两子俱仕乞归养不报

○礼部题四川进扇粗糙不合式传旨经管官各降一级

○先是腾骧右卫百户李鏊奏湖广地阔人稠兼有矿洞乞特差内官开矿采铜设局铸钱已得旨允行至是工部请发宝源局见在钱样二百文令其如式铸造奉旨钱法阻滞因有私铸低假淆混又因官不收钱止责民间行使安能流通遵守造钱式额与内官陈奉务探四火黄铜依样铸造不许与京式纤毫参差凡存留钱粮及各官员师生俸廩各役工食等项事例银钱兼收其工费等项悉遵旨通融处给若有私铸的严行禁治不许因而纵奸滋弊扰害地方

○陕西税监梁永参逃犯赵其巡奉旨赵其巡侠骗绒银刑伤人命便着原差官较一并拿角□羊来京究问如系脱逃着抚按官严行访拿务在得获其王印宋言许显吾等上紧追究明白奏夺不许徇私延缓

○己酉

○以副总兵王元周调管浙江分守温处参将事 ○庚戌

○刑部尚书萧大亨题该司礼太监田义先奉旨传与刑部尚书见监拟罪各起囚犯照原额写来定夺该部将各犯逐节开写略节缘由罪各上请不报

○陕西巡抚贾待问奏真宁县正月十八日卯时天阴黑暗如夜历两时分汛雷怪鸣二次西北方从天落下一火块其大如碌轴长三尺余光照四远又二时分墮地消散天光复明窃思震为天地长男万物需之以动故出则兴利入则除害今出以正月失其常度不发而震施鞭吐火变不虚生关中累年亢旱加以矿税军民嗷嗷殊足寒心

< 〇〇〇 铨-金 >入不报

○两淮盐务少监鲁保为重困难支扰害日甚参税监陈增委官程守训率领虎党王文洪修之等百余人到扬州仪真假托奉旨提人纵听流棍项九川吕尚文等诬棍通俄漏税虚情斩门擒捉抄产毒刑数百余家小则破家大则绝命逞强娶妾逼人投水商灶哄然几激成乱伏乞严敕矿税盐务各有职掌民间犯罪有司官禁治毋俟矿税衙门纠察请一切禁绝越例受词严驱奸徒倚托< 〇〇〇 铨-金 >入不报

○辛亥命带俸优级成国公朱鼎臣承袭祖爵免其覆勘

○吏部文选司主事赵邦清为奸吏暗投银器陷害长官参本司都吏王火□宏因言本部都吏当该皆不繇验封司考选拔参私相顶替等情奉旨都吏如何輒敢将银器暗投本官好生赃污放肆王火□宏并李炤王火□宏都着法司严鞫从重拟奏考选顶替等项着吏部勘议来说

○升授东征报捷舍人六名为试所镇抚 ○赠李如松为少保宁远伯赐谥立祠加祭其嫡长男李世忠授锦衣卫勋卫加指挥使职俸驻南镇抚司仍荫一子本卫指

挥使世袭

○壬子

○赠原任南京户部右侍郎余懋学为南京工部尚书荫一子入监读书

○又题据主事赵邦清称都吏王火口宏投送银笔洗事本官刚直好修据实呈堂具见守正厘奸之意臣等窃惟幸门如鼠穴常患其多而难塞吏弊如棼丝常苦其乱而难寻臣等方与司官议祛冗役裁顶首禁馈遗缉走空共图厘革而王火口宏乃敢阳借趋承阴怀窥伺必其夙多奸弊欲掩盖于前或以身为吏员有希冀于后所当严究依律重处者也 上深纳之且命从实整须以绝弊源

○工部尚书杨一魁题查看 景陵仅插补桃楸所需不数千数上下而内官监揭开物料数目约费二万有奇夫匿工食之费犹不与为即庾盈帑羨义且不可况工役繁兴帑藏罄竭之时乎乞从裁省以杜虚冒从之

○癸丑

○阁臣催点 皇长子讲筵侍班侍读等官不报

○宗人府等衙门乞速举 皇长子三礼不报

○山西巡抚魏允贞以矿税二使交毒官民百状难堪自劾不职以乞罢斥盖举劾之权在内则科道在外则抚按前孙朝举太原知府周诗令张忠又参夏县知县韩薰矣然举劾犹其小者而太平县典史武三杰以张忠经过知县失于迎接迁怒提责致毙建雄县丞李逢春被张忠孙朝差人索钱不遂备极凌辱而毙二官虽小无可杀之罪也至如商税不用天平而用大称压重无算土仪帐幔手帕绒花绒氈一县多则千余少有数百件此皆民膏也目击此景俯自循省抚臣重在举劾今朝与夺之则举劾失职矣重在伸冤理枉今典史县丞不得其死则伸理失职矣重在清查钱粮今乾没无算则清查失职矣既不能为 陛下执法又不能为百姓救难有臣如此将安用之乞先赐罢斥以谢二使仍将孙朝张忠下该部查究以为贪横不法之戒不报

○乙卯

○以右春坊右谕德杨道宾管理军职贴黄

○丙辰

○朝鲜国王差陪臣李好闵等十五员赍表文方物进谢前赐蟒衣白金并送回该国漂流人口各如例宴赏

○丁巳 武帝毅皇帝忌辰 奉先殿行祭礼遣清平伯吴国胤祭 康陵

○户部题开屯佐饷筹边之上策也顾尘饭涂羹徒为戏具今辽抚李植督理未及二载垦过荒田四百余顷收杂粮万石柴草称足创垦获效如此久屯倍利可知因推九边塞地强半抛荒尽可开种不独辽左乞敕通行开垦奉旨各边司道敕书原载责成屯政近来通不遵依但求仰发京帑岂同心体国之义着各用心设法招垦以佐军需勘有寔效破格优擢怠玩的参来处治

○礼部题山东抚按刘易从等题衡王常<庶>仁孝素著乞赐褒奖奉旨衡王孝友慈仁笃行可嘉依拟赐敕奖励

○兵部题大同援辽之兵原为一时济急今东事既宁岂容久假不归既该摠兵马林查议应留应撤其马匹粮料仍于辽东马价年例内扣除所遗马七百四十五匹除各存留军丁领骑余者归于何处亦要查明从之

○革归德堡游击长略任仍行提究以按臣参其剥军媚虏滕行迎虏也

○戊午

○阁臣沈一贯题刑部尚书萧大亨三年考满臣查旧规部院正官考满加升官僚即票引奏本内例也臣独领阁务不敢专擅故下部查例乞早发部奏令大亨复职庶刑篆有归不报

○户科都给事中李应策题该辽东总兵马林条议补救十策欲每兵月加银一钱臣查辽东九万五千兵额今堪战者止四万是兵减去十分之六不见所余之粮饷而但见增饷七万七千马额今堪用者二万是马减去三分之二不见所余之刍料而但见增料要见该镇如何粮饷屡加兵马愈少如何马兵愈少粮饷益增酌令民财匱乏之时非惟部伍月粮势不能加虽保寨仓场亦难轻设非惟该镇新议力不能从虽援兵旧饷亦难久给伏乞严加稽核以纾国计岂得以国之命脉民之膏血填无穷之壑哉奉旨将官才说振饬便请增粮及至粮增依旧不曾振饬一番振饬一番增粮各镇习以成风有何纪极马林条陈有无裨益边计该部看了来说

○己未

○升摠督兵部右侍郎李化龙为右都御史总督如故以三年考满也

○以山东右参政徐学聚升河南按察使兵备汝南

○南京礼部右侍郎叶向高等乞亟赐学行 皇长子嘉礼不报

○庚申

○荫工部尚书杨一魁男时辉为国子生 ○礼部尚书余继登引疾乞休不允

○铸造金铜等牌祭 司工等神命侍郎姚继可行礼

○南城清和阁修理兴工祭告 后土 司工之神命侍郎赵可怀行礼

○升兰州卫指辉佥事周禄为守备以都指挥体统行事管归德堡游击事

○湖广巡按王立贤奏宵人言利太过穷民赔补可愍恳乞俯赐减免并望停开古墓以昭万万世盛德事腾骧卫百户仇世亨奏兴国州民徐鼎掘开唐相李林甫夫人杨氏墓有金牌金童金壶金杯金炉瓶烛台及金银窖未开臣等誓天公审据徐鼎招止有金杯金碗等数事较原奏所开百不及一皆为穷民瓜分消化及查其地则大冶县而非与国州其坟则元卫国公吕文德而非唐相李林甫其夫人则程氏而非杨氏其年月则二十五年十月而非二十六年四月即此推之奏词可尽信乎乃陈奉执奉原奏必欲取盈百般毒拷闻者酸鼻臣恐寡人佣工白骨稊稊于杖下而金必无可得伏乞俯从量减

忠不尽退有后言或临事避难转生枝节或赏罚功罪之不明或南北汉土之异视或挟机械变诈之术以利己或造疑似影响之说以倾人有一于则即为负国明神殛之死不旋踵永绝其嗣夫神护国佑民以食其报者也神不明则士不奋贼不灭民不安不能充礼于神亦有不利焉惟明神实图利之其誓军禁约各官及条诚各兵临阵俱恳切详明闻者感动

○左都御史温纯为大礼届期举行难缓恳乞 圣断及春举行以昭大信礼科给事中杨天民言之江西道御史冯应凤言之俱不报

○癸亥

○湖广巡抚支可大引疾乞休辩督臣李化龙揭奏高坐省城当以不及罢斥实因税监陈奉遵有民变千人鼓噪亲冒矢石抚辑旬日又待会问兴国州追金事后滞半月又言楚中微兵措饷之难 上以地方用兵留之

○甲子

○大学士赵志皋三十六恳 天恩特赐还乡词极哀切亦不省也

○乙丑

○督理通湾租课屯收税务少监张烨封请敕外非属地方俱照通湾一体徵收又请各该州县设立牙铺置立循环文簿又请选委风力指挥分布壮快于二十四场稽察私盐奉旨奏内盐商钱似玉等呈献顺天等十一府盐税银每年二万六千两但种各有所司不得偏执以滋烦扰着张烨马堂鲁保同该抚按巡盐查议明白奏夺毋亏国课边饷亦不许困累商民

○天津税监马堂下原奏官詹锐奏请及时徵收新增监税银三万两称马堂杜绝夙弊人心乐愿又临清州民秦永泰愿献店房一所仍进银三千两惟求冠带荣身不报

○丙寅

○与原任吏部右侍郎兼翰林院侍读学士邓以赞祭葬如例并命与谥赠礼部尚书荫一子入监读书

○兵部题山西道御史李时华极言黔中处饷之难徵兵之难驛递之难而请朝廷宽文法诸臣秉公心奉旨军中事悉付摠督朝廷不从中制今正进兵着李化龙慎重周详勿得率易偏听严申法纪齐合众心如有观望逗遛妒害携贰的即时处置驛递马匹着从长设处行

○又题辽东巡抚李理俱不报

○郟阳巡抚郑国仕奏报南阳府火灾净乐宫道士家火起延烧三百余家唐王宫内延烧二百六十余间

○原任饶州府管理厂捕通判沈榜为恳免复任以全国体以明志节臣转审理窃幸释负忽见税监潘相以彼中小民保留为请奉旨准照例添注原官仍旧管事感戴殊

恩百生莫赎但臣切见 毅皇以来垂八十年未有中使之荐 肃皇帝以来亦四十年未有传奉之官无论经繇岐路必有求系求援之讥即今内省梦魂何角口羊相窥相从之迹破国家之治典乱铨衡之职掌且陶尹口当大口口口又复增税财物腾踊米盐阻绝亡命鼓噪几成大乱 陛下既罢天下磁器之税何不并罢浮梁一县商贾之税以收陶民摇动之心不报

○刑部主事谢廷赞据易理以陈时事观乾坤以明阁员之当补台省之当选即损益以明矿税之当撤即家人以明册立冠婚之当速即中孚以明诏令之当信跪伏文华门候命踰时 上命太监田义传谕上本自有旧规如何沽名要挟君上好生狂躁着出去照例候旨竟不报

○先是广洋卫镇植议古今安攘之要惟内治外严而已然内治不出 守外严不出抚剿是四者相须为用者也用战而不先之守战未必胜用守而不先之以战守未必固欲抚而不示之剿抚未必能久欲剿而不宽之以抚则剿未必得利惟在量敌审势而已今援辽西兵主客不利缓急无益必当尽行撤回则募土著勤训练以壮声势不可缓也因言副将麻承勋等俱应纪录 上纳之

○顺天府丞乔璧星言京师民穹财尽新法朘削难堪乞停免牙税因内官张燁称奇异珍宝晴绿金玉等项与京城内外当铺则例课良征收务足故极言之不报

○郟阳巡抚郑国仕为狡弁诬惑 圣听擅掘 祖陵龙脉乞免枣阳京山二县之开采停郟阳民木之变价以培 皇陵以安人心急停谢应魁之差仍正其欺罔之罪言之甚恳不报

○江西巡抚夏良心引疾求去辽东巡抚李植候代求去因极言辽事破坏边警屡闻福建巡抚金举曾候代引疾山西巡按赵文炳思亲成病求回藉调抚戴君恩挽奏广东未征盐税遗利及名马天鹅绒锁袱西锦珠宝之类悉称土产 上即允令前去征收两广总督戴曜极言盐税之无遗利各物之非土产恐民不堪命必且勾倭勾盗相聚为乱乞遵额办角口羊及撤回戴君恩等言甚剴切而 上不察也

○丁卯

○兵部题经略御倭尚书邢玠经理朝鲜都御史左世德议请罢兵振旅为照属国初复气势尚微留兵善后所以周万全之虑终字小之仁也第当撤不撤必滋糜费不当撤而遽撤恐隳成功彼中情形难以喻度督抚同朝鲜君臣详为酌议如果倭氛全消朝鲜足自为守则如期撤回先发后闻倘有意外之虞宁为过慎之计须会议妥当以为行止从之

○戊辰

○吏部题贵州巡抚郭子章以播贼残破上司查参失事将官因认罪求去上以兵事方殷不许

○太子于太保刑部尚书萧大亨历从一品俸三年给繇 上命复职给与应得诰

命

○己巳 上谕内阁朕仰承 天眷 祖德赐生元子暨诸皇子前屡旨明白去岁以来卿等数揭上请以其元子册立冠婚之礼重典且原所居之宫狭小已将慈庆宫葺饰以备移居昨该监已工完兹大典可挨次举其分封诸王悉照前旨行卿等宜体朕意撰敕谕礼部择日具仪来闻阁臣赵志皋沈一贯拟上 圣谕一道 皇帝敕谕礼部朕仰承 皇天眷恩 祖宗庆佑赐生元子暨诸皇子体奉 圣母慈训屡有论旨申明朕以元子册立冠婚典礼重大且原居之宫狭小今将慈庆宫葺完以备移居册立冠婚次第举行其皇三子皇五子皇六子皇七子一并加冠分封尔部便择日具仪来钦哉故谕是日一贯附奏臣惟 皇长子册立冠婚 诸皇子分封诸王 天地 祖宗属意已久皇上断自圣心亲洒 宸翰谕臣等撰敕举行仰见 皇上至圣至神有典有则慰 庙社 慈宫之望延子孙亿万之休答臣民华夷之心锡宇宙绵长之福普天同庆率土齐欢容臣即会首辅志皋同撰敕谕上进其 慈庆宫既改为 元子之宫旧悬扁额悉当更定容臣等拟名上请 诸王分封遵奉前旨亦宜即行冠礼容臣等传示该部臣再惟皇上此举承 天意以弘 祖德至敬也建 元良以定国本至仁也明长幼以广藩卫至公也顺群情以宁海宇至恩也凡在臣民无思不服昨小臣无知妄行聒渎真蝼蚁不知天地之高深也 温旨答之

○庚午

○户部题御史李时华以黔中用兵多方议处粮饷惟是进兵取捷期难预定前饷若尽后饷未接事系安危御史所以击目抚心切切恳请也近查南京户部银库二十七年分有寔在银三十七万合于内支取十万两又查河南一省有二十七年分应角□羊京库银九万零洽改拨角□羊黔以济寔用至于所留漕粮委应本色楚地饶米最苦输艮黔中乏食艰于得米第荆襄等府距黔较远江运险逆陆挽费多又当通融酌处耳若卫所驿递诚当优恤然非今日之力所能及也悉允行之

○辛未

○吏部题催南京工部尚书不报

○壬申

○吏部题边海抚臣势难久缺催点福建辽东延绥三巡抚不报

○癸酉

○奔古阿著等族番人竹节等献马匹盔甲等物命各关赏钞绢

大明神宗显皇帝实录

大明神宗范天合道哲肃敦简光文章武安仁止孝显皇帝寔录卷之三百四十六

万历二十八年四月甲戌朔以孟夏时享 太庙遣侯陈良弼代

○以原任四川副使陈梦庚降补陕西右参议分守关南道

○山西巡抚魏允贞乞终养 < 〇〇〇〇 〇〇〇〇 〇〇〇〇 〇〇〇〇 > 十五上不报

○乙亥

○以兵部武选司署郎中事田立家升河南右参议兼佾事

○丙子

○赐辅臣赵志皋沈一贯及讲官刘元震等银彩扇较扇有差

○兵部尚书田乐题云南巡按御史张应扬称顺宁府逆酋猛廷瑞凶残淫恶

□□玄兵帮助大候州逆酋奉学为乱攻劫州治焚烧桥梁官兵进剿荡平又该巡按御史刘会称顺天地方猛奉余孽复叛□□玄窃名号共谋不轨官兵进剿各有斩获人畜器仗等功其报捷人员例应升赏但擒斩止三百五十余级即以三倍计之仅及小捷各边获功七十名颗以上赍奏员役并未给赏衣服且报捷止应一人未有二人共报一捷之例乞将于从龙狄应麟各赏衣服一套于内府关领宣捷之日御前奏给庶于旧典不爽从之

○丁丑

○命永平兵备道按察使顾云程升山东右布政照旧管事云程已升任河南永平士民保留部依覆从之

○以浙江左参政汤日昭升本省按察使管温处道事陈汝麟升杭严道

○命存问原任南京兵部尚书太子少保致仕杨成 ○山东巡按王业弘奏犯人王得功夷名阿都赤依境外奸细入境内探听事情者律斩其获功级人等及阵亡重伤军丁俱赏恤讫内参失事指挥金继道郑闻过范松李性顽张梦旻宿应明程四箴霍汉杨晖各任边疆之责宜严守御之防乃冲锋堵截莫奏斩获之功而坚壁清野更疏收歛之计地方失事罪将焉逃姑从罚赎用示惩警从之

○戊寅

○阁臣赵志皋沈一贯题前二十六日恭奉 圣谕臣等不胜忻忭随查旧典拟敕进呈至今旬日未见允发窃揆首夏清和行礼甚便 皇诸子皆渐长成冠婚诸典接续当举前若有阻后来必妨请早将敕书钦定传发以昭始终独断之意臣等忝备股肱事几不欲外洩臣一贯谨勉强手书潦草殊甚 上御札谕云 祖宗制度国家典礼朕审时度礼裁夺奉行昨以慈庆宫修葺完备皇长子暨诸皇子册立分封冠婚大典已谕卿等撰敕挨次举行偶有畜物谢廷赞乘机出位要功因恶其狂妄以致少待使天下臣民晓然出自朕心断定不惑于奸小之聒渎也今览卿等奏揭具见忠慎卿可传示诸司静候移居毕即发敕行矣不得逞臆又来聒渎特此谕知

○山西巡抚魏允贞题春秋两防竣事参守备许其选革任参将周俊降用参将杨德泽量调腹里从之

○兵部题蓟辽总督邢玠顺天巡抚李颐议抚练修防乃蓟昌之重务劝惩赏罚实鼓舞之要机但主客将领职业不同功罪亦异如主将客将有应以兵马论者有应以工程军务兼论者而路将守提财当以防抚事迹并论客班拜南兵将领又当以兵数堪否

分论如工坚兵强防守无事则重歛不以为嫌或一事有功一事有罪则异同亦不为舛其中又有才守过人虽无他劳亦应酌叙以示激励因荐修功守边各将领且有参劾应罚者 上俱从之

○己卯

○以山东按察使陈璧升浙江右布政兼副使管扬州各营兵马海防事山东按察使麻溶升河南右布政使

○江西佥事陈勛升本省左参议管饶南九江三府分守事

○庚辰

○阁臣沈一贯题今日之书官捧 御札谕以大礼俟移居毕即发敕行臣不胜喜跃其 慈庆移居当择吉日伏恳 圣明留意

○加云南中军张澍游击职衔统兵八千援黔

○以王承武补黄崖关提调高应节调冷口关王建中补家谷关各守备茹日彰补榆木岭关提调俱以都指挥体统行事

○南京吏部尚书赵焕引疾乞休不允

○辛巳

○以写篆成造香山公主神主圻志文赐阁臣银币钞锭有差

○吏部都察院会< 疏 疏-金 >极言行取候考各官之苦奉旨览奏行取各官既待选日久你部院便秉公持正务选老成端清谙练政体的分列名籍待朕钦点不许徇私滥引以负慎选之意 ○刑科右给事中陈维眷以内臣李祐禄计修葺 景陵物料太滥乞赐裁减以杜侵冒不报先是维眷在工科同往勘视故力言之

○壬午

○补赐辅臣并讲官年节赏赉银币有差

○蓟辽总督尚书邢玠奏乞终养奉旨邢玠威名素著边计方殷著照旧供职以酬眷倚不准舌□辛

○以山西右参政刘卿升山东按察使整饬辽东开原兵备

○升工部署郎中事王在晋为福建副使兴泉兵备

○浙江左参政谢裘升本省按察使兼参议

○准原任南京户部右侍郎余懋学男监生余昌祚承荫

○贵州巡抚郭子章参将 陈寅到任违限 上命按臣查究

○署吏科给事中许子伟以听候考选诸臣纷纷求改别职上言诸臣畏难择便恳乞速行选补不报

○直隶巡按牛应元请严禁开采 孝陵联络山场言之甚悉

○癸未

○吏部为查革积弊事因都吏王暖非法投送主事银器因分列四款以清弊源一

裁顶首一裁冗役一缉走空一禁馈遗上之不报

○操江都御史耿定力参把总李锐革任从之

○甲申

○直隶巡按涂宗浚参临清砖厂员外杨为栋邀截赈荒官米横索税银奉旨朝廷救恤灾民发米赈济杨为栋如何闲关索税全无恻隐良心着降一级调外任还严查他税银着落及申明应否收税以绝后弊不许容护

○云南矿税宝井内臣杨荣参寻甸知府蔡如川赵州知州甘学书及生员人等抗扰开采

○工部厂掌司蔡可仁参涇阳固节二驿驿丞应付违误俱命缇骑逮系赴京究问

○乙酉

○户部尚书陈蕖题东事孔棘经费无措乞严督省直开纳银两速角□羊其任意迟缓者许指名参究从之

○辽东巡抚李植及总兵马林报称狡虏合谋入犯情形已露乞敕镇道将领励兵秣马相机堵截奉旨虏情叵测着该镇各官相机战守务保万全巡抚既未离地方宜严加整饬不许推诿

○川湖总督李化龙题广兵狭兵因事忿争互相杀伤总兵吴广不能约束全无犯律欲并其赴任违限从重罚治 上仅夺其俸三月

○偏沅巡抚江铎奏报入境日期 上谕以协心平贼以副简注

○总督蓟辽尚书邢玠以先奉旨勘播乃因人言咎其不剿引罪乞休 上曰邢玠勘处播酋奉敕行事何必自陈着照旧供职

○浙江巡按李楠上言狂谋两地同发时事可虞乞亟停搜括以销乱萌因赵天明等结聚倡乱实繇税棍纵横大肆掙克在在鼎沸莫必其命故偷延旦夕之生遂成大难之端浙江随处滨海迫对倭巢风帆又便窃恐民穹无计勾通狡夷祸不可言乞将矿税责成有司其地无艺之征亟行罢撤以收拾人心不报

○珠池市舶税务内臣李凤激变新会县乃参县民李芸易原任通判吴应鸿举人劳养魁钟声朝梁斗辉阻挠课务主谋兴叛 上震怒即命官旗逮系李芸易等赴京究问其余有名渠魁即付李凤严拏正法

○又题雷池捞采无珠乞暂停采将商船折纳助工并协济罢采珠池银两按春秋二季角□羊进从之

○又题镇抚戴君恩献言广东盐场未税遗利赍敕稽缓重当罚治又千户何其矣敬陈无儼良两再请敕谕以便奉行 上命以戴君恩听李凤同抚按官严间其奏所请敕谕不允

○丙戌 孝懿庄皇后忌辰遣忻城伯赵世新祭 昭陵 ○原任福建巡抚副都御史张汝济男监生张较奏乞伊父恤典命与祭一坛减半造葬

○陕西巡按吴楷参河西备御都司吕渭赴任违限诏夺渭俸三月

○吏部题恳乞省发未下中外庶官以济吏治将原拟诸臣职名开列上请不报

○先是奸民陈学明等诬称衢明云雾山大木合抱及金银矿山余应祥等诬称浙直岁改段布及黄生绢有司带管克剥奸棍包揽侵欺乞将银角□羊局给发机户及专敕内官督造董学等诬称浙江僧道废弛山田地产变价可得二十余万等情至是浙江巡按李楠奉旨查议反覆辩其诈诞言甚明悉不省

○丁亥 ○户部题各边镇额饷近因典礼征伐各项那借以致踰时历季不能给发乞将老库银鬻借五十万分发各边以安三军之心俟事完陆续补还从之

○又题朝鲜国王李昫上言小邦丧败之余民不聊生乞将义州等仓遗下豆米免其抵银搭放并运回辽阳仍存留多处以备不虞有事可以协济军饷无事得以赈活遗氓等情为照前项米豆而以天津辽东山东运输义州费实不赀然时方兴师舟东脚力尚易雇觅今复议运辽阳相距二千余里寥阔荒凉飞挽无从虏骑出没防护尤艰况议有警复运朝鲜往回亏耗且计脚价于采买何止四倍莫若径付朝鲜从今海气宁静则赈彼残喘用昭 天朝浩荡之仁如倭衅后萌即充 天朝协助之饷本与折毫不内需则我之捐此不为虚糜彼中得此可济缓急以视运辽烦费径庭矣从之

○湖广巡抚支可大参黎平府皮林苗戕杀官将挟银退兵参将黄冲霄轻进取败失机辱国乞将冲霄革任提问从之

○应天巡抚陈惟芝因亲老乞休不允

○戊子

○命赵王常清鹿子由柱为寿光王

○原任礼部尚书罗万化男官生罗光鼎奏乞伊祖母沈氏祭葬并乞并祭伊祖罗拱璧

○原任南京工部侍郎沈应文奏乞伊父沈谱祭葬并乞并祭伊母吴氏俱命与祭一坛造坟合葬

○己丑 ○升左春坊左庶子范醇敬为詹事府少詹事兼翰林院侍读学士管纂修 玉牒

○命益王翊铜庶子常澍为豊城王

○贵州宣慰使安疆臣奏播警方殷令剿在即董陈忧谗畏讥之私以息群猜奉旨推诚布公赏罚明信微功必录岂尸□目忠义之臣安疆臣奋忠讨逆奉公灭私朕方嘉悦谁敢妄生谗毁有何嫌忌着他上紧进兵报放毋得自生疑阻成功之日一依原格行赏

○湖广巡抚支可大揭称两省定约合兵共捣今楚兵一进辄有斩获而贵州兵将迁延不赴恐贼渡江设伏大兵无路可进乞敕诸将并力一心以图灭贼奉旨两省既约合兵贵州何为不赴以后著首尾相应以图万全不许借托迁延长奸濫完着各巡按移

劄近境纠察奸弊奏闻各路官兵众多恐有推缓争妒等情各官务要同心协力功成同赏若互分彼此致误事机决行重处不宥

○署吏科左事中许子伟极言各衙门积胥之弊如礼部之索诈王府请封请婚兵部之索诈武职荫袭乞严行查革奉旨近来吏诈官邪日滋月长各官护短染私巧庇不举致今虎吏窃权弊如山积官为吏役法纪日废本内已发觉的着从重问拟未发觉的务尽心查刷摘发作功纪录阿纵即同亲犯该科访实指名参来重处

○国子监司业黄汝良参监丞胡汝焕< 銙-金 >玩书手张全等作弊因自陈乞罢奉旨吏弊正宜摘发黄汝良不必自陈胡汝焕罚俸四个月张全等法司提了问

○庚寅

○兵科给事中桂有根题总督邢玠欲于立夏前后撤鲜兵复乞敕下会议夫关白□□虫殒清正行长犹存俟彼国稍定我兵尽还则扬帆北向是倭之必复来不待议也我之大兵虽撤而戍士万有六千水陆兼资分布成规具在是我之兵士不待议也如以海外输将之难属国久戍之苦而移防于沿海之内又恐今方会兵讨播诸省骚然浙直妖徒倡乱人无图心倘东师一撤朝鲜不旋踵而折于倭勿论救援以终七年字小之功即欲固圉而增兵于辽津登淮之间更苦于力量之不及矣是又不待议而可知者也臣愚以为东事且勿议撤但议处本年终岁之饷刻期角□羊彼给散仍奖率将士益严防守少俟各处荡平然后设防于辽淮倭来可以渡江保属国倭退可以移师控北虏岂不为万全之长策哉奉旨东边连年用兵原为藩篱当守倭既难保不来朝鲜力又未振遽议撤兵孰防后患这本还着一并会议来说

○辛卯

○命武冈王长孙华增袭祖爵

○壬辰

○命万安王长子珂稚袭父爵

○贵州巡抚郭子章报播贼掳去防御宣慰宋承恩先是承恩与应龙翁婿之情安能不往来近始与之绝其被掳也顺逆之情尚未可知所遗该司土民尚多恐杨贼别生诡计相应于亲族中择能抚驭之人责令招合绥辑不致为贼收用上命巡按查奏

○兵科左给事中桂有根参总兵童元镇兵无纪律丧师万余游击谢崇爵望风奔逃并监军杨寅秋赞理失策巡抚郭子章调度乖方及刘綎安疆臣伪称扼险以固封疆实欲驱寇以祸邻国事下兵部

○户科都给事中李应策题少监张烨请催取宛大二县所属及户部等衙门珍宝睛绿金玉等项牙商与京城内外当铺卯历逐查姓名照原题每两三分则例坐派银一万五千两委官轮管征收臣于西长安门见各牙数百为群号哭拦诉其等无产无力经纪度日一大辰出合室待暮归而食设有他故竟日不举火矣身无完衣安能措处一万五千活逼坑杀数千生命等语臣且悲且惧窃思征银一万五千必须各牙岁得五十万

金设不及此一万五千于何取足四海之远尚谓小民疾苦未尽睹闻近地灾伤日奏月闻民间见畿辅若此而不少宽安所望于遐荒浸疹若此即不少宽安所望于丰稔将尽丧其乐生之心而令其效死之志矣乞令张焯停割牙税致刘大伦于理以正诬奏欺诳之罪不报

○尚宝司火礼部请补造所毁牙牌从之

○癸巳

○以右庶子唐文献转左春坊左庶子左谕德袁宗道升右春坊右庶子各掌本坊印信右谕德杨道宾升右春坊右庶子掌司经局印信右中允黄汝良升左谕德右中允黄辉升右谕德右赞善区大相升左中允编修庄天合升右中允简讨周如砥升左赞善庶子俱兼侍读谕德俱兼侍讲中允兼编修赞善兼简讨不妨原格

○是日沈一贯题旧规推升过后方可开缺大选今吏部推升本上数日未蒙允发则于大选有碍事非得已輒为代奏不报

○右军都督府署都督佥事刘承嗣老病乞休从之 ○甲午

○命荆世子由樊袭封荆王配李氏封荆王妃

○户部尚书陈蕙题迹自言利小人奏收商税一到地方狼吞虎噬截索等于御夺搜括甚于抄封商旅裹足民心思乱臣等切实隐忧然都下之民亲依辇毂犹或可免不意神棍刘大伦视于税之说诳诱通湾少监张焯忽于京城内外经纪勒取牙税一万五千两责宛大二县征角□羊且珠宝市不常有本无牙行此辈饥寒憔悴日不聊生乃鞭笞以索其税立见颠踣号呼可悯千百穹民何忍从绝其命直恐民穷虑易一旦祸发萧墙即畜如山积何所用之伏乞亟停牙税刘大伦等凿空始祸置之重典以谢万姓奉旨京城辇毂之下百姓尤为烦苦徵收牙税原非朕意即准豁免俾小民安生乐业如有借言私行的着科道参纠重治

○以缉获伪雕 御宝扞印敕命有功升锦衣卫都指挥使王之祜为都督佥事副千户郑国贤为正千户小旗崔德杨文学宋安俱总旗

○乙未

○兵部题妖徒结党倡乱乞严缉首奸以靖地方浙江巡抚刘元霖揭乞严缉赵大明赵古元唐云峰等不报

○直隶巡按吴违可为目击饥馑给图呈览敬陈救荒之策极言灾民颠连之状乞以临清德州仓修补漕粮极于荒州县量给未以赈饥其决荒地方借仓米以平糶则不独少救沟壑之残生而仓粟亦不至于浥烂矣不报

○广东巡按顾龙祜为激变流殃非常大异市舶税务内臣李凤差官陈保往新会县拘锁平民严刑逼勒以致士民数千鼓噪县堂税棍林权等率党相持自午至戌挤踏死伤于县门者五十余命窃惟新会迫在海滨民轻易动而李凤以垄断之计开告密之门无影无踪忽兴大狱其甲获罪则曰某乙某丙实指唆之株连所及几至竭泽类角

曳身令过都历市遍使观者股栗而后就讯舟次设水牢于舟中昼夜浸之绝其食饮已乃说出之岸令輿皂厮养竞淬而迭殴之非法刑阱备极惨毒其人求死不得无奈倾家鬻产跪献乞命多则万金少亦不下数千如仪真监生李良材南京监商王懋佶准扬高汪方全诸家立见倾荡丧身人心汹惧弃家远窜而守训方饱于仪扬又扬扬去之金陵之太平之芜湖之徽州且声言向苏杭矣宴饮游玩挥金如土赏娼优动以百金且曰我将赏汝一官私买婢妾輒曰我将进御其号于人曰我 天子门生奉有密旨部院不得考察不得纠劾闻其原籍歙县创竖一坊曰 帝心简在门首高挂黄旗曰 皇恩特建乡党有< 矢见 >之者则曰我自出都门头已不在我颈矣其虐焰薰天宁复知有三尺哉细访其人原市井无赖屠沽淮上复拐一技而逃不审陈增何故认为侄婿以致猴冠虎翼咆哮若此且旗牌非军情法不得用中军非抚镇法不得立守训何人公然用之矧陈增止督山东矿税守训作彼豢犬则所索诈亦应尽山以东而止胡自徐淮遍及南直苏杭岂守训遂为兼总千道使耶利归一人怨丛朝廷 皇上试逮而藉没即一守训可得数十万金伏惟 皇上大振乾纲将守训全治肆诸市曹以为假诏虐民之戒仍查该县何因擅与建立坊牌及有无列名牌额重加罚治以儆阿徇民生幸甚不报

○全辽官生许国瑞等乞用原任辽东巡抚鲍希颜以救一镇生灵以希颜历任辽有惠政故也不报

○阿木等大七族番人安巴等贡方物各赏段绢靴袜

○甲辰

○兵部题陕西巡按吴楷奏报恢复松山疆土文武将领功次乞加荫赉有差不报

○兵部题朝鲜戍兵留撤事宜命下九卿科道会议时则吏部尚书李戴议留兵一万五千暂助防守而饷则给之该国其各尚书陈藻余继登萧大亨杨一魁大指相同而左都御史温纯则以留兵宜练兵大理寺卿郑继之则以留兵宜处饷议稍异焉给事许子伟姚文蔚侯先春杨应文御史周盘俱议撤而给事李应策杨天民议兵留撤听之枢督而张问达又议兵不可撤言人人殊迄无画一之论 上仍切责朝鲜及督抚镇道诸臣令竭诚博谋务求远计议行

○乙巳

○直隶巡按牛应元奏有白棍程守训假称武英殿中书到处藉旨吓诈多赃横肆无忌地方惊危乞置重典恐以土崩之祸遗之 皇上也不报

○督理山西税务内臣孙朝奏巡抚魏允贞抗旨阻税毁燬大木并赃税三十余万上即下部院参看来说

○丙午

○夺陕西守备李可爱俸三日以秋防在途赴任违限也 谕兵部曰 祖宗准古酌今设立文武官员各司职任兵戎之事在边则有督抚摠镇战伐守御在朝则有本兵该科调度参详奏报机宜赏罚可否请朕裁决此一定之制也朝鲜被倭侵袭几致沦亡

朕念东国藩篱世效忠顺特命文武将吏督兵进剿不惜数百万之粮饷七年之焦劳荡平海氛全复属国布告天下继而留兵善后终始保全又已二年乃督抚邢玠等以撤留兵饷谨始虑终来奏屡旨九卿并议今廷议纷纷何时可定朕以撤兵省饷庶可休息但朝鲜颓靡不振倘狡倭乘虚复来岂惟属国之被深害亦天朝之弃前功也尔部行与经略万世德等博采远虑详议兵马撤留粮饷事宜务要万全毋图自便首鼠两端致遗后悔如有谋国不忠在彼无效者宪典具存不论在任去任追究重治

○兵部题据川贵提督李化龙巡抚郭子章所报乌江之败其失有六兵分八路该路止宜聚兵乌江而设疑于河渡可也乃分而为二相去辽远我分彼合众寡相悬为贼所乘失一既兵分矣幸得破关宜合兵以待大军而河渡方且攻围乌江亦未治垒失二关在前江在后是背水阵也法宜死战而见贼辄走失三欲觅退步必须守桥庶竟可前可却乃无一夫之守奸细得而断之失四换旗合哨非仓卒事既知有奸即宜整备而悠悠忽忽遇敌先乱岳家军殆不如是失五土汉错处缓急异指一失驾驭岂得调和积妒成争自分胡越失六夫将者三军之司命也童元镇自为大帅輿尸愤事所应扭角□羊赴京从重究罪谢崇爵偷安误事望风奔逃宜赐剑处斩以肃军心张秉张澍虽失律丧师犹身在行间情略可原姑令戴罪杀贼仍行督抚申斥将领及宣谕安疆臣刘铤等各奋忠勇合力灭贼其元镇总兵缺以李应祥充补 上一一从之

○又题据督臣科臣各议朝鲜善后兵马或撤或留互相推诿未决屡轸 圣怀乞敕督抚诸臣与该国君臣极心详计毋复含糊自贻伊戚从之

○户科都给事中李应策参东宁兵备赵寿祖被论听勘违制报揭并论尚书萧大亨因石星事推诿会议革去加衔恩荫后虽蒙复实俸未及遽给恩典验封郎中马大儒明从欺蔽破格市恩不报

○户科都给事中姚文蔚请发参劾程守训陈保< 䟽 毓-金 >揭因言小人难继衔勒少弛即有狂奔横逸之态愚民易惑耳目少异即有鸟惊兽骇之忧今授之魁柄是为虎传翼也使群奸效尤是教猱升木也不报

○山西税监孙朝参追贼军犯土永亨倚赃诈骗奉旨王永亨把持国课吓骗银两已有旨追赃发遣如何牵告罗织良民好生玩法并奏内有名党恶任忠黄新都着锦衣卫拏送镇抚司打着究问具奏

○丁未

○工部尚书杨一魁题小库之设原为内工夫匠领钱暂时寄贮不虞毛凤光乘便那移请工完之日裁革从之

○山西开采内臣张忠上言盐议已定盐课未完极言御史汪以时倔强抗拒乞责运司包捞包卖不报

○戊申阁臣沈一贯题各处本章例有揭帖到阁臣得讲究下部查例题覆然后据理拟票惟内臣并无一揭今张忠所奏盐事国计边储关系匪轻乞允臣所据下部看详

不报

○户部题苏松监税主事刘光裕参指挥路必迫等横肆勒索纵军鼓噪玩法凌官本当革运提问但领运在途钱粮经手不便更易乞行漕运衙门俟粮完之日并本内有名旗军严提追赃以肃漕纪本官执法锄强自请乞罢难以准从合令照常供职从之

○真保开矿指挥张懋忠敬陈开采事宜五款一曰遵敕旨以广 圣泽二曰并差臣以益进角□羊三曰撤原奏以清扰费四曰定更代以均劳逸五曰严考核以示激励不报

○朝鲜国王李昉奏获发还被掳人口称倭俟天兵撤尽大举进抢乞留水兵三千防守以镇人心以摄贼情愿办本色粮饷因极陈雕弊之形 上下部议之

○己酉 孝宗敬皇帝忌辰遣官祭 泰陵

○吏部尚书李载因科臣论及司属臣参堂官不得委罪具< 罪 疏 金 >引咎经旬未发杜门待谴有碍部务乞赐罢免不报

○庚戌

○经理两淮盐务内臣鲁保极言商民贫困程守训假势吓诈又有张大亨等假牌捉拏诉害多赃乞究诛首恶潜消乱萌奉旨张大亨等指称矿税衙门假牌诈害淮商好生玩法已获的并有名人犯即同抚按严拿问拟勿得连累无辜以安地方程守训不法事情着陈堪勘明奏请定夺不许徇私庇护

○又题吴时修吴养晦因争分家财相讦奉旨吴时修无妄遭讼有年已经多官问断彼既进献输工银九万两又代吴养晦献五万两忠悃可嘉养晦家财合于时伟名下分受何乃于伯叔之间越理构讼俱免追论

○辛亥

○督徵浙江税务内臣刘成题清查各省岁额会银及余积无碍银两在浙省者应属之臣庶责有专一从之

○浙江开采内臣刘忠请敕查采卖大木并侵欺岁改段正钱粮及僧道废绝山田悉从之

○督理山西税粮内臣孙朝参抚臣魏允贞按臣赵文炳不与同心奉旨朝廷遣官税课原为不忍加派小民裕国通商德意如何内外各官不思同心共济彼此背戾支吾职任安在其清查无碍银两着上紧会查明白一半留彼军饷赈济一半并岁课角□羊进如有抗违必罪不宥

○壬子 太祖高皇帝忌辰 奉先殿行祭礼

○兵科都给事中侯先春题贵州巡抚郭子章揭镇雄知府陇澄斩杨酋子惟栋伪提调等五十余人贼兵及万乞先赏陇兵为诸路倡命下部议之

○癸丑 ○吏部尚书李戴题赵寿祖投书乞怜卑鄙无耻合当重处萧大亨一品俸通理有例马大儒到京在大亨引奏之后委无欺蔽因自认罪奉旨赵寿祖被劾自

宜静听投书乞怜人品可知着革职闲住萧大亨见任复衔通理非过马大儒照旧供职卿因言引咎具见畏慎宜即出供职李应策举发私书公直可嘉着与纪录

○甲寅

○夏至大祭 地于 方泽命侯陈良弼恭代 仁宗昭皇帝忌辰遣官祭 献陵

○直隶巡按陈燧为大奸挟旨行私结党肆骗忿恨沸起赃罪贯盈参程守训等不报

○丁巳

○刑部尚书萧大亨题犯人刘有源赵其处夤投陕西税监梁永名下同恶相继吓诈数万金杖杀数命惨及章缝县佐合依故勘平人因而致死者律各斩从之都察院左都御史温纯题问革举人朱正色祇因同袍聂文贤与序班郭文林争不避轿牵连被革原非受赃违法干碍行止恩诏许其昭雪相应准复从之

○工部题酌窑务以定职掌琉璃黑窑二厂乞注主事一员兼管一年考满交代从之

○车禄柏林七占等族番人割节等贡方物马匹各赏绢银钞锭

○戊午

○斩伪造御宝犯人陈大韶于市

○己未

○吏部尚书李戴等参看税监孙朝讦奏抚臣魏允贞非是盖允贞禀性太刚任事太执处人太峻即与阁部大臣时有争论不能曲奉内臣可知孙朝< 珣-金 >中欲食其肉而寝其皮在 皇上前尚骂詈如此其在彼中盛气以加抚臣可知其相争相讦彼自相加非敢抗诏旨也若谓其贪滥赃至三十余万则臣等请以百口保之谓宜严谕二臣协心体国如复忿争两下其章平其得失若抚臣之< 珣-金 >不报内臣之< 珣-金 >单行其于国体政体两为有损今以镇抚重臣因与中使相争而罢则何以惮压冲边激扬大吏且内外俱是王臣宫府当为一体若处分稍偏天下闻风而起内臣日以参讦抚按为事内臣之私人日以挑激拨置参讦为事恐朝廷自此纷纷矣不报

○以陕西右参议兼佥事刘兑调肃州兵备抚治番夷

○以原任福建右参政詹思虞除调山西清军驿传副使

○礼部题科臣杨天民言科场所当申饬者四为关节文体分房不拘卷数查参不避情面悉从之

○工部覆南京工部芦政郎中刘冠南题芦洲清大已完分别举刺有司举治中夏尚金等二十五人劾黄州府同知孙鉉

○兵科都给事中侯先春言督臣李化龙部署已定功右垂成今闻丁忧伏乞 皇上勉留以发平播之功命下部议之

○工科都给事中王德完极言西川困苦之状一曰大木二曰大税三曰大兵备极

得怠缓误事

○甲子

○户部题督抚按臣揭为营兵鼓噪羁留郎中管学畏因经费浩繁正额愆期奉旨穹边士卒待哺情急辽镇上半年既角□羊下半年月期太逼着及早催儻前去不得再致延误

○延庆长公主薨逝合用仪物命照依寿阳长公主例行

○吏科左给事中许子伟陕西道御史何熊祥等各<□□ 铨-金 >请批发部院参看魏允贞公本俱不报

○乙丑

○吏部题督臣李化龙忽遭忧制乞令从权管事奉旨军旅事大李化龙正值督兵决胜当从权移孝力图报国待荡平贼巢处置悉备方听回籍守制切勿顷刻杜门致妨机务

○刑部题据贵州督臣参摠兵沈尚文握兵三千托疾杜门止发百人赴援及据尚文辨<□□ 铨-金 >称摠镇额设标兵仅止百名抱病移驻偏桥并无失事特以新摠代任愆期病臣概及可悯事在彼中乞行抚按查勘明确以便定罪从之

○刑科都给事中杨应文上言奉旨热审乞将镇抚司人犯并送法司归结不报

○丙寅

○阁臣沈一贯题据督臣李化龙揭言贼势穷蹙已极腹心内溃父子相疑擒在旦夕因言有功官兵所宜破格酬赏

○时吏部题一贯官则尚在次辅之班而职实摄行首辅之事今当考满应有特恩上嘉其匡赞忠勤劳绩茂著加少保改吏部尚书荫一子中书舍人给与应得诰命仍赐麒麟胸背服一贯乃受麒麟服而恳舌□辛诸优典 上优诏答之不允舌□辛

○刑部尚书萧大亨引疾乞休不报

○刑科右给事中陈维春参奉旨准复举人朱正色并两京部院承行吏书事复下部院

○浙江巡抚刘元霖为浙盐毫无余积妄奏大违 祖制因奸民诬奏余盐山巡盐御史积叶永盛力辨其诬敕内外官公同查议奏夺今盐臣酌定岁额一万六千两而内臣坚欲增额一万两二臣执议微有不同乞特赐裁定或从盐臣之议或以二万为额庶国计边储不致两病不报

○丁卯

○吏部题福建闽县儒学生员张懋爵奏称伊祖张经原任南京兵部尚书摠督浙直剿倭有功被陷致死奉旨准复职补荫合将懋爵送监读书从之

○兵部题征播三报捷音正宜乘势合力会剿不可泄泄从事有误军机乞严敕各摠抚镇将刻期并进早奏荡平从之

○工部题奉旨见新大高玄殿该监估计物料应用银二十万两夫匠工费半之方

○兵科侯先春上言辽左马市创设已久旧抚臣张思忠以糜费曰增会题报罢义州木市抚臣李化龙题请开设未几亦竟停止两者于战守军机毫无关系镇道惑于地方糜虏之计坚意举行训练兵马置之不讲及虏背约内犯輒咎抚臣不从之故是镇道之见诚左而抚臣必请部院会议则又不任事之过也虏欲市而固拒之是谓挑衅本不欲市而曲邀之是谓损威我无兵戎之备而饵虏以希旦久之无事是谓偷安市既不足饵虏而徒自撤备是谓自愚虏之入寇 无虞曰缮甲励兵犹惧不足乃欲以二三千金之赏饱其溪壑而遂得安枕哉今李植既已候代乞速点抚臣以专其责不报 ○锦衣卫经历钱一鹏上言缇骑逮人 祖宗朝偶一用之皆大奸巨恶今不用之奸雄而用之贤哲不加之作奸犯科而加之奉公守法人心不服则威反褻矣因极言陈奉程守训孙朝等之酷虐不报

○山东税监陈增特< 硃 金 >巧为程守训卸罪而移罪于洪修之等乞问遣正法不报

○甲戌准秦王谊漣母妃吴氏开矿祭葬 赐已故宣城伯卫国本祭四坛造坟安葬

○南京署工部吏部侍郎李廷机请将工部员外孙鉉并下湖广抚按从公会勘从之

○司礼监内官姜伟题偷买木植内官郑祥黄忠命下法司问拟

○乙亥内阁题刑部尚书萧大亨告病本发票宜蒙圣慈慰留李应策举发私书已蒙纪录乞发吏部推升前本不报

○丙子吏部尚书李戴上言官者畏途也名者争器也主爵者人天下之疑窦怨府也卒天下之人行畏途用争器而自处于疑贾以府天下之怨其何能济故莫若持平心设定格自处于洞无可疑之地而后可以持天下之衡今求进者未得常见其荣既得但言其若在人弥见其速在己惟见其迟躁竞遂生营求益广中闲亦真有地不相宜事偶相左情有可悯病或难支略相体恤后借为词窃见天下之事惟常事最多天下之人惟中人最多故就中人常事设为定格一以实俸为主尽杜其营求躁竞之心其于世道官常不无少补云奉旨庶官论俸迁转原是见行成法卿欲预查揭示使人共知以施覬觐之心具见公平正大依拟行其有紧急需才及资阅太深于奉旨纪录的着从公酌量叙用

○工科都给事中王德完极言玄殿冒破之当清龙舟停造之当罢不报

○山西太原等四府宁武等三关军乔公相等赴阙极言巡抚魏允贞清操惠民倚为命被税监孙朝诬奸哀恳保留以慰民望不报

○直隶巡按应朝卿上言税监陈奉擅立拦江税厂阻绝引盐秤验诈害各商俱愿压单改派亏损国课激变灶户乞敕各监毋得恣意刻削商民阻坏盐法不报

○丁丑礼部尚书余继登引疾乞休不允

○凤阳巡抚李三才上言矿税烦兴万民失业朝野嚣然莫知所计如臣境内抽税者徐州则陈增仪真则暨禄理盐者扬州则鲁保理芦政者沿江则邢隆千里之途中使四布棋置星罗如捕叛亡无赖亡命翼如虎狼如含山之潘元等和州之陈所蕴等淮安之马如壮等扬州之蒋季柔等瓜州之酆奔纪四仪真之吴大川汪三等泰州之郭寔宿州之顾其礼戴环等假雕印信公行吓骗而程守训尤为无忌近来楚中内使沿途掘坟得财方止毒虐人鬼且一人之心千万人之心也 皇上欲金银高于北斗而不使百姓有糠粃升斗之储 皇上欲为子孙千万年之计而不使百姓有一朝一夕之计试观往籍朝廷有如此政令天下有如此景象而不乱者哉昔元政不纲黠货无厌群小擅命故高皇帝奋此一剑而取之如摧枯拉朽焉此殷鉴之不远者也且所谓巡抚者安抚此一方民巡按者按察此一方民知府知州知县知此府州县之民之事也今采抽踏勘俱会抚按少有异同动蒙切责起角□羊徵收任委有司驾言阻挠便被逮系是上自 皇上下至抚按有司无非为矿税设也故谓臣等为巡扰可也为巡害可也为知矿知税知盐可也岂天所以寄托 皇上与 皇上所以命官之意哉乞亟下明诏停罢矿税尽撤内使其掘墓杀人事有显迹者擒拏正法传首四方繇是 郊庙之亲朝讲之复辅臣之点台省之补建言斥逐之赐环无辜被逮之角□羊网顿然改弦天下岂不翕然而颂 圣德哉不报

○山东巡抚刘易从奏报异常风雹灾伤打死人畜倾毁城屋伤坏禾麦有磁瓮七只飞出离城五里之异

○凤阳巡仓御史萧如松上言地有远近之殊故粮有本折之异从其便也本色例折守卫官军折色例给班漕诸军本色米麦寔收实放折色米价六钱麦四钱而给放概止三钱余留以备缓急闲有灾荒议将民粮本色暂改折之数照粮给散军士夫复何言 < 磁瓮-金 > 入不报

○戊寅遣行人程嘉宾掌行周府柘城王朝堽丧仪

○以左赞善萧云举升右谕德管司业事

○兵部题征播之兵松门埕失利都司王芬守备陈大纲副招讨杨愈战死并参刘縯疏防缓救奉旨各官忠勇死战恤录宜优王芬赠都督佥事荫一子副千户陈大纲赠署都督佥事荫一子寔授百户俱世袭杨愈赠宣慰司副使杨时和先准承袭父职余如议

○己卯兵部题春坊客兵久戍劳苦天气渐炎哨无惊报相应以六月初十为期通行撤放如有期前完工者亦即先放未完者务令全完以示劝惩应留防夏延绥宣大兵马严加调度务保无虞从之

○直隶巡按应朝卿为神奸假旨吓诈赃迹历查有据乞速递究以洩泉愤参程守训虐害多人赃私山积招集虎棍破家投命乞严行逮问速籍原赃尽剪恶党不报

○庚辰赐百官香蕾汤至七月九日止

○吏科许子伟催点福建辽东延绥应天四巡抚不报

○徐州税监陈增为擒获逆党孟化鲸等借吐逆谋乞敕严行防范不报

○辛巳工科左给事中张问达上言厘正三事一曰别忠佞之言以绝祸源如诸奸弁之言矿言税者皆佞言也辅臣部院台省侃侃剖折矿税之大害者皆忠言也一曰严贪酷之罪以惩臣恶如各内臣名下程守训陈保等狐假虎威溪壑难盈至捶杀命官沉人师徒毁庐掘坟万人痛愤死有余辜而陈增曲庇移罪于参随诸棍将何惮而不肆其恶乎一曰明参劾之权以正国体夫阉尹宵小一朝衔命而陈增李道陈奉杨荣輒敢参郡守府佐李奉輒敢参卿宦举人浸寻而参按臣参抚臣孙朝且诬槐清介第一之魏巡抚矣不为禁遏长此安穷惟 皇上赫然切责内臣而厘此三弊天下犹或不至大乱不报

○山西巡按汪以时以每盐一车卖银七两此因盐生绝美故价可高售后果美恶不可预必安可孰为成额必欲取盈乞照中价定为五两又极言其掬□□杲□□不经之费侵克充索及诬讦之繇不报

○山东巡按杨宏科上言税监高淮梲奏聚众抢税矿银及打死皂隶暗激 圣怒逮击生员及据设道招详毫无影向止因委官廖国泰激变土民乞下法司将生员轻贷而重究国泰之罪不报

○敖儿他笼哈古等族番人刘世禄等贡方物马匹给赏裨送如例

○壬午总督侍郎李化龙以考绩加右都御史恳舌□辛不允

○四川巡按崔景荣参捷为知县刘惟一为民平武知县陈尚贤降调不报

○癸未凤阳巡抚李三才题吏目孔述领角□羊引价钱粮至滋阳县被盗述并快手六名俱杖赎 上怒地方官慢不防护知县杨明盛降杂职边方用典史吴楷革职为民孔述等依拟其未获强盗捕拏务要必获

○先是以两广军于将江西南赣吉三府割食广盐近以准额日增议复三府行淮盐故巡按御史顾龙楨极言广东自税监搜括之后兵饷绝无三府必不可割还两淮不报

○甲申兵部题中军杨登山游击蓝芳威改限而复违限命各夺四月俸

○又题宁远管参将事游击左国卿升京营参将右屯游击刘大宗升宁远参将令该道杨位张中鸿各为乞留克将二臣以新升参将职衔照旧管事及黑际光以新升都司金书职衔仍管宁远备御事寻升备御指挥李向日遇缺别用从之

○应城伯孙允恭病故命予祭葬如例

○礼部题延庆长公主薨逝其有加恩合应题请命齐粮麻布各加五十石疋

○都察院题刘永吉邬一瀚陈道徒杖朱正色年貌衰颓准衣冠终身从之

○又题游击李镇中雷索有赃应拟徒立功仍须降级带俸差操正之士等偿有据通宜罚治命镇中降级王之土等各夺俸四月

错如马堂孙朝辈远近传笑且张忠委官毛凤腾带有书房陈涵初方遇春系赵古元逆党被旗尉崔德缉获凤腾何人敢于纳叛是安可置不诘也又矿税两府差假官马化龙斩关而入富平之察院吊打马夫嚷入县堂击碎 圣谕之碑亭又何可置不诘也 皇上以利权委中使而中使寔同偶人中使以腹心委群小而群小皆是翼虎冠柄潜移于奸丑少贱若此而 皇上犹然不觉何耶言甚切直竟不报

○庚寅兵部题陕西三边四镇处处邻虏在在皆冲况值秋高马肥之时正丑虏承突鸣张之日兵分势弱诚属可虞则夫选将练兵缮器扼险乘时事之暇为柔土之谋修我内备枉彼狡谋皆时刻不可懈者今督臣酌地里之险易拱虏情之缓急分信地以设防既堵御之有专责严号令以策应俾粗角以壮声援且按功罪以行举刺信赏罚以昭劝惩擘画悉合机宜相应依拟从之

○兵部尚书田乐题辽镇左护神京曩称屹然雄镇顷以东征调发行伍空虚加之丑虏凭陵伤残更甚小酋糾众挟款于西那奴谋杀猛酋于东议抚议剿二三其说肘腋之地甚可寒心蓟门逼近几辅辘接全辽利害安危寔与辽兵安知诸虏不阳款于蓟阴犯于辽势既等于辅车念当切夫唇齿三虐款贡稍称宁谧然而豺狼何厌必须掺纵得宜令彼永就羈鞫山西北连套虏更当预备震邻延绥大创之后诸虏之忿报未已宁夏兵大之余群丑之窥伺更深松山界于甘固版筑粗完狡虏失其故巢睥睨方切固镇之策应控制甘肃之绝塞孤悬缓急需兵亟宜选练矧诸酋鼠伏于松套川海之地盖亦有年其承突于延宁甘固之区已非一日时值高秋更须堤备如城堡之当缮葺险隘之当扼守器具之当修整刍饷之当处备士马之当挑选将领之当更置侦探之当严明赏罚之当画一合应预为料理勿致临事疏虞迨者播酋负固兵连祸结兼之矿税借资不过一时权宜差委无知便□□山百计残虐所在骚然淮徐之巨寇方角□羊两浙之左道又兴此正理乱之机至如京营储养六师本为居重驭轻巡捕职目稽察防奸弭盗宜严俱宜加意遴选悉心振刷其有倚托伎术游食缙黄悉行驱散毋令混集犖馱亦弭患之一端也其言切中时事 上悉纳行之

○河南巡抚曾如春奏报冰雹异常同日打伤三府九州县禾麦人畜房屋昔蔡中郎< 隼-金 >世权不在上则雹伤物此群小假旨擅虐之兆也乞委官踏勘分数分别賑济不报

○福建巡抚金学曾引疾乞体奉旨年余未得交代言之甚切不报

○直隶巡按吴达可极言长芦盐税剥商已甚势难复加罪革奸商钱似王等诬耸税监马堂张华违旨不相会同朦胧奏扰及纳级指挥袁应台委察私盐必至挟诈索骗惊散商灶不报

○辛卯阁臣沈一贯题久旱酷热诸谷焦枯疫疠流行乞敕府臣竭诚祈祷并令张真人醮龙行雨谨拟 圣谕一道参进伏惟裁定施行

○巡漕御史俱祺参临兑缺船运粮指挥吕逢兆等十一员降罚有差从之

○都察院题犯官马卿驯先以侵欺拟戍继以赃完改拟边方立功五年满日回卫带俸差操从之

○通政司右通政许弘纲言大政三事曰理财曰用人曰听言言甚激切不报

○壬辰阁臣沈一贯题屡接辽东总督巡抚巡按书揭皆言抚镇该道意见不合事事参差蓄疑成愤今总兵揭誓通衢此等光景不但不能戮力防边恐互相乖刺互相倾陷祸不可言伏乞 圣明留意亟为处置不报

○铸给管理太仓银库关防 上以天旱命顺天竭诚祈祷

○工部题修造琉璃河桥钦降银两应发涿州贮库以备支放本部主事胡瓚精壮勤慎堪以管理 上从之命差去内外官上紧督卒修建不许延挨冒费及科扰地方

○署吏科左给事中许子伟言以降级处邵光庭焦元卿而以罚处程守训轻重太失其平何以服天下之心因极言守训气之暴横法所必诛不报

○河南道御史周盘极言考选点用之不可缓不报

○户部题奸民秦永泰以献银诬马堂奸商钱似王等以加税诬张烨于是纷纷议地界议拨补各听奸谋屡渎 明旨其挨单之说则利巨商不利小商利运商不利土商其定价之既则见戕民不见便民见裕奸不见裕国狼吞虎噬流祸罔极 上犹信其额外纳银之说命征角□羊二万六千两俱委运司官而不听其添设指挥巡察

○郟阳巡抚郑国仕引年乞致仕因备陈采矿榷税变木抽船徵门摊开铜洞征播军饷加派丁粮民生日蹙忧劳成疾冀以悟 上不允乱

○丙申 王□谕内阁近因久旱不雨天时炎热朕昨偶尔中暑心胸烦惹头暗身软 庙享亲行恐晕踏不余成祀卿等传示各官务要虔洁行礼

○是日志皋自三十七<□□ 毓-金 >后复具揭求归或容舁出城外憎房纳其清凉以延旦夕不报

○太常寺卿刘四科上言 庙享在逼昭格宜虔恳乞 圣明改弦法 祖以绵宗祀内言朝讲阁员人寮考选边谪及矿税扰害之惨而第一义尤在 东宫之册立不报

○丁酉 孝庄睿皇后忌辰遣官祭 裕陵

○顺天府丞徐申引疾乞休不允 〇川湖总督尊化龙闻讣乞守制奉旨守制固孝子至情但贼势垂亡兵机尤急关系西南倚托最重近该部科公<□□ 毓-金 >请留朕已有旨宜抑情遵命视国如家事完终丧有期慎毋哀毁妨误

○左副都御史郭继贤母病乞归不允

○户科都给事中李应策以畿辅荒疫乞垂宽恤弛额外之征不允

○戊戌 命简讨沈<□□ 奎 >兵部主事张其廉往湖广考试户部主事江中楠行人胡国鉴往陕西考试

○兵部题科臣侯先春疑西兵报捷已逾回旬是后情形杳无声耗恐或有所牵制雇虑及畏忌要挟或失事机并军饷之当急措陇兵有功之当先赏皆西事之吃紧者也

奉旨西师屡次报功破关齐八如何未见令捷八路进兵恐有牵制观望等情着督抚严催合剿不许怠缓以失事机兵饷着马止差人守等起角口羊毋得短少迟误陇澄先登敢战以报朝廷深可嘉尚先赏银三十两大红纒丝二表里用卞特思成而之日还与优叙仍宣示各汉土官兵俾其激励奋威歼贼

○又题浙江巡抚刘元霖报称哨获乌尾异船一只官役华夷一千人审得千摠毛国科蒙游击第国器差委倭营用闲今有执政家康令倭酋觅船送归及先年被虏人口并将贼首季州等十一人绑送与科带回正罪合行福建巡抚查审归结其被虏民兵各取原籍亲邻里甲保结收管从之 ○郟阳巡抚李汝华引疾乞休不报

○兵科侯先春为灭贼有日伐谋贵全恐人心不一懦者逼邈贪者行私刚愎者自用而廉勇者复为贪懦者所妒宜令督臣移驻播城三犹各至境上以便调度困兽犹闻则设防不可不密枵腹难支则措饷不可不预而又出奇以夺其谋此全胜之道也不报

○直隶巡按朱吾弼因孙朝之行魏允贞深言重臣不可污蔑乞重惩孙朝之欺罔不报

○夺阶州知州蔡思和成县知县王三锡西河知县甯晋芳等俸有差以开矿内臣赵钦奏矿徒劫杀各宜正罪州县不能禁戢也

○己亥 孝穆皇后忌辰遣官祭 茂陵

○兵部题偏沅巡抚江铎塘报六月初六日各路合攻破海龙囤杨应龙势急自尽生擒伊妻子并逆堂何汉良等一鼓荡平功收底定 上报闻

○阁臣沈一贯题奉 御礼逆贼杨应龙已就天落此寔仰赖 天地洪庥 祖宗佑助大小文武将士溽暑之时成此大功朕心嘉悦其赦宥无辜抚安地方事宜卿可传示该部议拟其奏特谕卿知且恭捧攸漏 皇上独持成断密运机筹历世跋扈之雄数月削平 皇上一闻戎捷即念人劳谓溽暑成功事非容易并加怜悯形于诏词又令臣等议拟赦宥抚安合行事宜直 天地长育父母生成远近闻之推不感注臣即传示施行

○兵科都给事中侯先春言江南地重赋繁俗浮民用抚按工臣一时丁忧乞速赐点用不报

○又题辽臣一时画易秋防在即可虞因抚臣不欲开载州广宁木马市以苟安而弛内各镇通欲开市以便耕牧息士马因此矛盾今李植已杜门候代马林张中鸣亦俱听调则市与不市明决此议者贵在按臣当察虏情之顺逆酌边势之安危而弗得持而可之舌口辛者也不报

○逮富平县知县王正志以矿监赵钦参其不应对子户马匹也

○庚子吏部尚书李戴引疾求去 上命准暂调理痊可即出不允舌口辛

○辛丑初昏刻未办列宿有星如盞大赤色尾迹有光起自中天往西北行入云中后有二小星随之

○阁臣赵志皋沈一贯题 皇长子典礼前奉 圣谕册立冠婚挨次举行今伏暑已尽爽气方临时享届期 祖宗鉴歆 万寿节近 圣心欢豫况武功告成 天意允洽乞涣伦音以成庆典不报

○户部题金花银两应于七月初二日角□羊进今各省直起角□羊愆期伏乞暂赐宽限容作速僭角□羊陆续补进奉旨金花银两系供内帑应用时不容延缓严行各省直作速催僭依期角□羊进

○礼部题请举行 皇长子典礼奉旨朕念皇长子气质清秀且典礼隆重时值盛夏溽暑诚恐不耐烦劳故少俟举行朕心自有裁定为臣子的也都要仰体朕爱重之意静俟不可又来扰阻还候旨行

○兵部题辽东抚臣与镇通各怀异心势不能令释憾同事乞于会推中简任一人若马林张中鸿不可不调处以一事权者也奉旨辽东近多虏患总兵偏执违拗本当革调但念秋防正急易将非宜马林姑着策励供职一应战守务要巡抚协谋如再抗玩失误从重参来处治

大明神宗显皇帝实录

大明神宗范天合道哲肃敦简光文章武安仁止孝显皇帝实录卷之三百四十九

万历二十八年七月壬寅朔以孟秋时享 太庙遣侯陈良弼代侯徐文炜伯王学礼分献

○以应天府乡试命左春坊左谕德兼翰林院侍讲黄汝良右春坊右中允兼翰林院编修庄天合为考试官

○户科都给事中李应策奏言今天下大害有易见易行与毫毛之裨而徒误国罔人假矿税以自利者莫如重叠溷脩及无端骚动诸弊何谓重叠彼贾之往来有货同地不同者亦有地同官不同者以重徵叠收之禁为三令五申之条而 御墨未乾奸谋旋炽再四稠叠酿祸蓄争宜核于兹以就一何谓溷淆名以采榷不重诬则权必不彰如总税衅兴可寻则琐举细目以溷之如大肆隙无可入则零掏旁隅以溷之甚则积议成疑积疑成乱法纪名秩渐已堕废宜核于兹以就实何谓骚动九事为未定而欲筹也间一临其地今定矣九界服服未明而欲校也间一遣其使今明矣九额数未尽而欲悉也间一查其例今尽矣即复欲筹之何所着核而悉之何所增非为各内监亲巡之不可虽遣使行查宜俱省也宜核于兹以就宁息倘蒙垂纳亟核前弊并查处速彻诸奸则帝畿千里俨然冯翊扶风 天语半纶重于发棠启柜矣疏入留中

○四川巡按雀景荣奏四川总兵官吴广贪酋贿赂甘堕术中赞理监纪马土□朝知府蔡宗宪同奸相济共谋缓兵欲受贼降刘珽周国桂膺一路之司应援不速均属有罪兵部覆吴广革总兵职衔量充为事官戴罪杀贼自赎刘珽周国柱案候事完通论从之

○直隶巡按俱祺奏河官降调可原漕粮被残足虑乞将通州同知邵光庭霄河知县焦元卿各降一级仍留在任管事先是太监王虎诬奏二臣得旨降调故有是请卒不

论死西市盖为严氏父子所治云至是其孙张懋爵以为请故有是命 ○复吏部左侍郎孟春官仍予祭葬

○刑部尚书萧大亨以疾乞休不允

○广西巡抚杨芳奏言顷 皇上念经费浩大内帑匱乏榷税之使遍及域中即广西弹丸远服亦复定以四万之税臣等具< 硃-金 > 恳免未蒙省发无何榷臣沈永寿至冬春两季尽各府锱铢商税悉以征收正得一万五千二百两有奇榷臣必欲取盈二万不得已将额充兵饷盐利奏与四千七百八十余两共逆二万窃计粤西岁支兵饷及经费等项共该二十七万一千九十两通者田地多荒山沙卤正得折粮银十三万三百两有奇益以广东湖广协济及岁得盐利商贾诸税总前四项所入仅足一年所出之数非有分毫堪动之余也前榷臣所徵商税盐利皆兵饷经费额内正数若下半年必不能取饷以充税即榷臣求之臣等必无以应况本省环境皆夷万一仓卒窃发无饷可以养兵无兵可以守土乞 皇上念遐荒瘠薄之区四万原额必不能足特赐免减

< 硃-金 > 上留中

○己酉都察院< 硃-金 > 催应天福建巡抚不报

○湖广税监陈奉讦奏江防参改沈孟化纵属阻挠蕲州知州郑梦禎抗旨蔽矿倡民噪呼得旨郑梦禎降三级沈孟化降一级各调用

○山西道御史李时华等上言向有矿税以来中发徼发 圣怒今日奉旨拏一知府明日又拿一推官拏知州拿知县甚至卿官举人王员百姓无往而非逮系之人在中使以为不激 皇上之怒不足以恐吓诸人在 皇上少为不从中使之言不足以厚集其利是 皇上明示百官次曲顺中渴之心而滋百姓之怨毒也乞将先后逮系之官敕下法司分别议处新扭解广东吴立鸿劳养魁云南蔡如川甘学书陕西王志正等俱令该抚按会同查勘倘系持正招尤强项取侮不妨明白昭雪至于大贪极恶如中书程守训者累经参劾赃私数十万且自谓 天子门生假称诏旨搜求宝玩如此奸贪罪止夺俸何以服彼逮诸人之心雪江南江北千百里生灵之忿< 硃-金 > 入留中

○庚戌大学士赵志皋沈一贯题 皇长子辍讲已过三伏今立秋踰旬暑气日消乞钦示开讲日期 上以皇长子气稟清弱恐致烦劳命于九月初旬举行 ○升山西宣武道参政刘卿为山东按察使整饬辽东开原兵备

○南京兵部尚书郝杰引年乞休不允

○户部覆科臣李应策< 硃-金 > 以后推补边即吏部会同本部公同推举饷臣务遵敕谕公廉任事差竣回部考察并禁押运官枉道迁延骚扰驛传诸弊及各边民运钱粮务本折通融出纳平准俱依擬行

○辛亥降滋阳县知县杨盛明为新贵县典史

○以两泽愆期命有司尽心修省共期弭灾仍令顺天府官竭诚祈祷

○发德州卫左所千户陈励边方立功五年满日降一级于原卫所带俸差操不许

官军官事以御史杨光训参劾扣减边军折钞侵克各官俸银故也

○刑科都给事中杨应文等〈刑部疏〉言犯官李光著非有不可赦之辟一因被逮殒命狱中即先著推之诸犯之待罪法同未奉矜释及羁留镇抚司未经送问者尚多乞将热审诸〈刑部疏〉发部矜释敕下法司及镇抚司于所逮诸犯未经归结者开名止清或问遣或纵归以昭 圣恩〈刑部疏〉入留中

○户部奏言顷者两淮巡盐应朝卿南赣吉三府改行淮盐南赣抚臣李汝华复力陈三府仍食广盐议覆议留不无矛盾今即督臣戴耀会题前因终难悬断仍宜移咨两广总督及南赣广东江西巡抚两淮边盐各御史会议南赣吉三府地方今欲复归两淮行盐则广课赣税通责淮商岁办不亏并查三府民情是否乐从两粤商灶有无亏累务要虚心酌议归一经久可行 上是之

○都察院左佥都御史陈荐奏言内治当饬有关朝廷大体五事有曰君臣一体事用则小今阁臣屡推科道自考选以来三阅月矣各巡抚有会推皆边海重地内复有一地而抚按并缺者〈刑部疏〉且至至再至三皆置若罔闻此不过示臣下以莫测之用耳然何不急其所不可缓补其所不当缺开其所不必疑以与天下共信之君民一体自利则私今以工作为名而采擢无已日以采擢为数而增派无止期何不推保护 陵寝之心下及于士庶坟墓广悯念畿辅之爱远概于海隅苍生宫府一体自私则偏今采擢诸使与地方诸臣参错行事意见不同必互相争执该部会议量度取期有当于 圣意乃于诸使之奏朝入夕发有欲必从凡该臣衙门咨劄有地方诸臣殫精而尽曾不得咨礼并行诸使中彼善于此者固宜推赏而播恶于众者亦宜重惩以示天下之人一体自恃则昧年来灾异频仍不闻修省岂以诸臣之言祸言乱为未必然之事而天灾无关人事耶倘无溺宴乐以一理正其心无阻目前以将来惕其虑则必不以天道为远人言为迂而修省恐后矣华夷边腹一体勾扰则固封疆之难非尽县夷狄亦多吏扰而致之今帑竭府库各镇兵饷后期变屡冗告则惟是数年师旋之耗以至于此继今以往一意内脩宁主于不战而胜毋幸其战而必胜凡边吏之善抚诸军不扰夷狄者加之赏虚张警息生事邀功者置之法则不但存中国物力于闾阎之中亦且活两地生灵于锋镝之外矣〈刑部疏〉入不报

○浙江道御史何熊祥〈刑部疏〉论多贤圭误足原神奸轻恕非体言通自利风一炽天下长吏有不便兴利之事者则斥有不顺言利之臣者则斥至于神奸臣恶藉中使以鱼肉小民反逃法网如承天鼓噪原以棍徒流毒然旋噪旋定抚按奏报未至各官罪状未明而兵备府县等官悉降级矣滋阳县地方解官失盗又重降知县杨盛明而香河知县焦元卿通州同知邵光庭以不能厚馈中使遂为所陷又概降矣抚按科道参劾程守训捏旨吓财罪恶贯盈乃周陈增党护仅蒙轻罚抚按白简科道弹章举无足为难彼诸奸肆恶宁有纪极乞程守训行抚按提问藉没仍并罪陈增为纵容党护之戒其杨盛明焦元卿等俱纵薄罚策令供职承天各官听抚按查有无失事然后议罚以后惟

抚按之言是凭毋信内使单词如内使仍前滥用非人贻害地方罪不宥庶刑法既明法纪以昭不报

○两淮盐务太监鲁保奏言湖广税监陈奉设关拦阻盐引秤验扰害不报

○吏部尚书李戴等〈臣疏〉催亟下考选行取前〈臣疏〉言诸臣守候年余 皇上一旦下考选之旨臣等祇奉德意严加考选〈臣疏〉入已久未蒙批答今当万国呼嵩宜先备其法从又扁百僚入诤亦当广有咨询揆时度势寔不容缓乞蚤下俞旨以慰群望以全大典不报

○吏科署科事户科给事中许子伟〈臣疏〉陈弭灾诸务一曰因旱恩政言属者亢暵为灾求祷莫应此非我 皇上灭膳撤乐省刑缓徵时哉而游盘如恒且又有担解土正志之举小民苦于徵摧奄草野小臣病于凌轹累累道途夫天人相与之际乎如影响修德修政不在乎他在乎罢聚斂之技他逮系之令耳一曰困捷思赦顷者两南抵捷 皇上亟诏赦宥无辜抚按地方今当此大旱之秋勤修格天之政凡被中便指诤逮系诸人皆当赦宥一切开采骚扰去处皆当抚按一曰因寿思仁言 皇上至仁上寿瞻庆在迩城涣然发德音驰赦蔡如川吴应鸿王正志或付抚按问报或付计察处分转逮贪恶异常如程守训辈效之阙下宥其庇民者以行吉仁罪其害民者以成吾仁万国衣冠闻且见之宁不颂 圣寿无疆哉〈臣疏〉入留中

○癸丑巡抚凤阳李三才奏言顷臣以矿税殃民具〈臣疏〉上请直据见闻明开祸福自以 皇上得臣此〈臣疏〉必将慨然太息市下明诏悉罢各役今既月余矣未之或闻岂左右有所壅蔽抑 睿览有所未及即数日以来远近传闻凡有章奏但系税即束高阁夫天祐下民作之君固民之主也得乎丘民而为天子则民又君之主也君休戚不关威力是凭孤人之子寡人之妻折人之屋掘人之坟奸贪残贼若近日秦楚所秦即在敌国讐人犹所不忍况吾衽席无辜之赤子哉因苦无聊呼天叩地奸雄乘机遂生窥窃如徐州赵古元之类是矣夫天下非小也草泽之人至广且众也所以欲为赵古元之所为者何限独以朝廷处置得宜纲纪有道故俛首顿心从教从令再令乃驱之使乱通之令及一人皆去百群遂奔恐百姓之不肯为朝廷有也倘 皇上犹谓廷言不寔乞先斩目而后亲临朝宁果否万民有水火之害是否 宗社有危亡之忧各处地方曾否有杀人掘坟之事卖儿鬻女之择太奋 乾纲尽除前令一应假旨作威党煽虐民严行各处抚按查明勘寔如律究罪于以报匹夫匹妇之讐于以洩孝子慈孙之愤不报

○甲寅 孝安皇后忌辰遣官祭 昭陵

○户部议停征播加派税粮凡四川湖广各布政司所属加派银两未徵者即行停止已徵在官者另项收贮不得侵渔隐匿如议

○礼部尚书余继登以疾乞休不允

○工科都给事中王德完以祈祷雨泽奏言 皇上顷因雨泽愆期谕臣工痛加修

○陕西税监梁永讦奏富平县知县王正志仍请敕书巡历边镇清查库藏令沿途军马护送得旨知县王正志藐视法纪已有旨扭解内官梁永看正已卒下安心任事凡抗违欺隐的即指名参来重治

○真保蓟永矿税监王虎< 〇〇〇〇 钰-金 >请徵收宝坻等县韦地船网税课银两及开垦荒地参百户夏荣作威生事得旨渔苇课依拟徵收及开垦荒田令会同抚按屯田御史查勘不许侵越各处税课疆界夏荣着回卫

○庚申大学士赵志皋以疾乞休四十七< 〇〇〇〇 钰-金 >不允

○以翰林院编修顾天竣陈懿典管理文官诰敕

○户科给事中李应策奏言顷接督抚邢玠奏决兵食大计语意叠叠筑舍骑墙臣及覆披阅其事两言决耳倭欲变则兵留倭欲不变则兵撤兵本御倭视倭进止何不可决而依违若是督抚前后以汛扫平归之已以倭退撤兵归之朝鲜之见以愀款毕陈归之已以酌量留兵饷归之 庙堂之旦迟疑两可东倭西支转盼秋汛又毕增饷又不止一十二万是真以国事为戏者也乞敕该部担当若以为出之督抚者不足凭更有何人何议复肫臆于此乎诏下所司

○辛酉以旱灾赈恤纪录知州刘覲文等十二员从河南巡抚蔡如春请也

○巡按直隶吴达可奏言奸棍高志学段继英等藉口嘉靖三十五年等虏犯大同粮草不敷借过大同商银未完库压银三万六千六百余两力求户部补给部单共载盐票一十二万二千一百九十一张业已发领夫此项钱粮准停正例应寝开不行今志学等京棍冒名商裔借压欠之名驱骗欺诈顾渊孙炳等号称简举意在朋分乞敕户部礼行运司严查究拟将科臣李应策亦已部臣轻听具< 〇〇〇〇 钰-金 >驳论俱下所司

○壬戌命翰林院编修邓仕龙郭滄简讨孙如游赵用光朱延禧编纂六曹章奏

○蜀迁捐禄稿军命写敕奖励仍令抚按官备礼送府

○吏部尚书李戴乞休并请允升迁郎朱敬循不报

○癸亥都察院以台官匱极差遣愈窘乞将考选诸臣亟赐点用不报

○陕西巡按吴楷以西宁营军逃叛< 〇〇〇〇 钰-金 >参将王国柱刑法过当通判曾学明收粮粗恶以致激变该道刘敏宽先事无抚绥之猷既叛失招徕之策均属有罪

○甲子大学士沈一贯题顷发吏部尚书李戴告病< 〇〇〇〇 钰-金 >内言文选郎中朱敬循拟升太常寺少卿系历年旧例毫非优假敬循俸深选满例不入部拟票已久未蒙批发部务日积选事无人管理乞将前< 〇〇〇〇 钰-金 >蚤赐允发不报

○礼部覆灵璧侯汤之诰祖母邓氏既经加封太夫人合照例与祭二坛间圻合葬许之

○乙丑户部题九边年例已题准发一百四十二万乃今或逾一年或逾年半太仓已竭转运全无各处告急之文曰三四至乞发帑银一百万分给紧急缺饷诸边其余容臣部次第凑发得旨会各省直抚按官严限催取起解以济急用不得专指内帑以为接

济

○浙江税监刘咸题会勘百户高时夏所奏余盐滞引尽属乌有并简括滨海地亩新增盐课牙税并裁省公费及各灶计户加煎各商计引加税银二万六千两以进得旨各处盐场既无盐斤存积高时夏误听妄奏姑看回卫具各项搜括银两既经会议无异令该有司照数徵收每年解送内官刘成处摠进河南巡抚曾如春春复河南小滩水次及议善后三事一革斗歇以清弊源一专责成以便兑运一建仓廩以便贮积部覆允之

○工科都给事中王德完< 〇〇〇〇 铨-金 >言税监陈奉虐焰大炽恶贯已盈 皇上宠以温纶许以参劾上自道府下及簧序降斥逮系如响随声夫三楚民情方且汹汹不定若不及今绥戢必致激变臣不敢遽望停徵税额惟总核各省额例有几进奉有几令各抚按进解 皇上财货无减于初而中官之掎克大瘳于昔矣万一中官不能尽撤祈将蠹国殃民如陈奉者大戮以儆其余时户科都给事中李应策亦具< 〇〇〇〇 铨-金 >举论俱不报

○河南道御史周盘等奏乞罢榷采之使宽逮系之臣以救人心以弭天灾
< 〇〇〇〇 铨-金 >入留中

○吏部尚书李戴等奏言中使酿衅多端劾词过寔乞 皇上深惟大计免逮外吏量从降罚以收臣子之心免逮诸生以其事付抚按问理以收士子之心诘责中使系治棍徒尽罢取民害民之事以收九洲四海苍赤之心至高准陈奉所招民兵至数百人出入披甲胄执干戈以自卫尤渐不可长< 〇〇〇〇 铨-金 >入不报

○丙寅大学士沈一贯题朝廷之事非万分紧要者大臣必不合词共请昨日六部九卿公< 〇〇〇〇 铨-金 >为中使酿乱等事臣愿 皇上留神省览盖此一事 皇上原旨明言权宜暂行乃今久而不收加而益甚害满天下祸连目前臣子于 君均同休戚一字一泪剖心献肝所利于皇上者甚大至如程守训一无赖棍徒耳前南京科道各攻之今六部九卿合攻之再不拿问成何法纪不得已敢设二策其一力请 皇上召还中官而罢矿税以信权宜 明旨其一即未遽罢乞以见在定额责成抚按有司包徵解进尽逐诸奏讐奸党至于中官典兵古今大忌唐之中叶殷鉴不远此万万不可之事不报

○发备边等银八百两抵放戍鲜官兵本年三月以后接支粮饷

○选贡监生周廷旦等奏乞量时增广制额以弘 圣化礼部覆北监增十五名南监增五名允之

○叙陕西甘镇斩获功摠督李文巡抚徐三畏升俸一级总兵官达云升赏职一级各赏银币并赏赉文武将士有差

○叙西宁庄凉斩获功总督李汶总兵官达云纪录守备左保等各赏有差

○丁卯广东税监李凤< 〇〇〇〇 铨-金 >办广东巡按顾龙楨参奏差官陈保激变地方诸状非寔因讐龙楨主使阻挠得旨御史风闻言事多有涉虚李凤着安心供职不必牵连续奏

无端被祸臣等请命不得今械系至都矣夫荣狼子野心抚臣陈用宾等隐忍阿媚不能结其权何有于二臣以清廉之吏遽蒙此惨烈之祸其何以令人劝乎臣谓如川等之蒙罪宜宥杨荣之暴戾所当惩者也< 〇〇〇〇 〇〇〇〇 >入留中 〇癸卯刑部< 〇〇〇〇 〇〇〇〇 >具妖犯赵一平狱词 上令公同三法司与孟化鲸等面质看明拟罪以闻

〇通湾宣大税监张焯< 〇〇〇〇 〇〇〇〇 >参原奏书役毛凤腾擅坐肩舆假丈田地恐吓民财轻毙民命及侵盗子粒银两纷扰紧峙地方诸奸欺状 上令焯锁押出关备查三镇牧马水旱地土应徵子粒银两候对理完日从实奏请之夺不许从容延缓

〇甲辰 孝恭章皇后忌辰遣阳武侯薛钰祭 景陵

〇大学士沈一贯< 〇〇〇〇 〇〇〇〇 >陈播州善后事宜言总督李化龙忧归众举京营尚书王世扬往代而以贵州巡抚郭子章陪因其有功也适化龙书来宣慰安疆臣恃有前功妄冀厚赏不可无以裁之臣等固思安民与杨氏接壤世姻声势依倚扬氏发难之时天下疑安氏为助而安氏又与贵州甚近安若助杨无论杨不可诛而贵州省城亦不可保故一面使郭子章于贵州竭力鼓舞推心结纳令其建功以报朝廷而一面李化龙徵兵四方恭行天讨以示朝廷用兵不必籍土司之力盖总督裁之以法而巡抚收之以恩两相济而后安民始入掌握中也夫威之入于恩也易恩之入于威也难子章之于安氏方以恩收之岂可遽以法裁之乎不裁必恃恩以多求裁之则生怨而启事故子章之为总督势甚不便推特遣以重望大臣往则可以据理而折衷奉法而定制子章亦可因而掺纵行其控御之术此定西南之长策也仰祈 皇上用世杨总督子章照旧巡抚为便盖杨氏未灭则爱杨氏杨氏既灭则爱安氏天下之事善终不若善终臣等不敢不尽言耳 上曰览奏具见为国筹画详慎王世杨可用但协理京营亦系重任郭子章着照旧巡抚卿可传世该部另行会推忠寔才望的二员来用

〇丙午大学士赵志皋沈一贯题请 皇长子讲学得旨于十二日举行

〇升云南按察使钟昌为本省右布政使

〇刑科右给事中陈维春以朝审届期奏请停刑< 〇〇〇〇 〇〇〇〇 >入留中

〇丁未大学士沈一贯< 〇〇〇〇 〇〇〇〇 >病乞假 上谕令调理仍从出辅政以慰眷倚

〇礼部奏铅山王继选杨氏未婚守节抚育遗孤既经按臣勘明宜封妃旌异以励宗风允之

〇贵州宣慰使安疆臣以 万寿圣节贡马庆贺赏宴如例 〇兵部覆三边总督李复题参砖井堡失事守备盛以彰革任回卫以惩窳惰其员缺即以有功定边营中军绥德卫百户王柄量升署都指挥僉事照例以都指挥体统行事推补允之

〇戊申升福建副使金节为广西左参政

〇己酉以重阳节赐辅臣上尊珍饌

〇升河南右参政邹墀为湖广按察使整饬苏松地方兵备

仁康定景皇帝陵寢遣惠安伯张元善行礼 哀冲 庄敬二太子坟所遣都指挥使郑国恭行礼

○工科都给事中王德完< 〇〇〇 毓-金 >论楚事因条列楚< 〇〇〇 监-皿立 >之激大变二楚士之罹大苦三楚士之滋大惑七而未请亟易税监奉备监茂以苏楚民之困以洗郢士之冤重诛奸民兰荣萧翼等以正震惊 陵庙毁罢学宫伤残善类之罪严褫卫弃周之屏胡效以申擅调官军之法仍乞原宥无辜多士以安汤沐重地< 〇〇〇 毓-金 >入留中

○丁巳工科都给事中王德完< 〇〇〇 毓-金 >参税监陈增王虎言沿江舡料奸民妄奏简查虚谬业经停寢增搜括淮徐益之曹充贡金七万取寔前言夫 明旨所稽原系舡料各库所贮寔系修河虚词罔听因云巧矣得无欺乎且河流徙决脩筑工料费出不资多方凑处犹虞不给又欲蚕食瓜分异日缺用将何以凑乎耶宝抵鱼苇几何税至四万明系耸诱虎听信奸弁旁搜蔓引商舡过地无不波及甚则倡为鱼闸官地之说欲拆毁民庐加派间架夫落地之税已属张烨南来之税又系马堂区区一隅三监并列重叠征收商民困累敕戒夙严如之何其反讦也祈留脩闸岁贮亟撤鱼苇内臣庶河道无虞三辅少苏< 〇〇〇 毓-金 >入留中

○己未大学士沈一贯< 〇〇〇 毓-金 >病乞休并请蚤简名硕光佐 圣治 上温诏留之遣医视疾仍谕以简用阁臣之意

○兵部尚书田乐等< 〇〇〇 毓-金 >救系狱御史哲学程言倭寇凭陵封战莫决学程效悃过激致干 圣怒节蒙 皇上不杀之恩远近臣工孰不感颂兹当朝审学程知罪繇自作追悔无及惟是三木囊头已经五载伊每年逾九十日号泣万里之外殊可矜也伏祈特霁 天威少垂睿鉴待以不死则浩荡洪恩不惟臣等慰区区之私且万世颂明明之后关< 〇〇〇 毓-金 >入 上震怒降谕口曹学程逆畜食禄忘君庇党妄奏死有余辜况屡旨明白今尔等欲其速示典刑故輒来群激渎扰本当便会官决了姑念已有旨暂免行刑且着一并牢固监候处决以后朝审大审若仍擅自开除借言请旨渎扰的便决了

○庚申赐原任礼部尚书朱赓妻陈氏祭葬仍加祭一坛以赓讲幄劳也

○是夜子刻月犯井宿

○兵部覆蓟辽总督邢玠辽东抚按李植杨宏科妖民金得时煽惑一方< 〇〇〇 毓-金 >言左道聚众宣谕不从迹其狂悖之踪似有怙终之态况逼邻虜地奔逸可虞宜移文督抚诸臣严行将道相机剿处歼厥渠魁胁从罔治仍防虜冲以枉狂奔悬免死以招悔罪固不可多杀伤和亦不可纵奸貽患要在恩惠并行期于地方宁谥允之

○辛酉大学士沈一贯< 〇〇〇 毓-金 >谢遣医 上优诏答之

○壬戌大学士沈一贯以疾在告 上命赐猪羊米酒甜酱瓜茄< 〇〇〇 毓-金 >谢报闻

○总督仓场户部右侍郎赵世卿< 〇〇〇 毓-金 >假葬妻 上以仓场任重不允

○癸亥兵部覆陕西督按李汶吴楷西宁军丁背叛< 〇〇〇 毓-金 >言副帅王国柱督工严急逼军逃窜应行革任以警贪能其通判曾学明监收滥恶兵备刘敏宽功过可准应咨吏部具请定夺章下革国柱回卫

○甲子兵部覆辽督抚邢玠李植会报东关驿虏寇入犯阵亡官兵言辽左孤悬久弊丑虏每思窃发而秋高马肥正可逞之时已经屡行申饬令纠众突犯我军失利副将解生等暨霍汉卿或死或伤深属可虞且解生等以客兵战歿而本地将卒公然无恙是以外来之兵当敌为饵更属可恨若非奉 旨申严人心不免玩视得旨辽镇狡虏谋犯屡有旨申饬如何堤备大严以致解生等阵亡有无失事重轻着督抚官查明具奏以后镇道将领等官协力防守策应务保无虞

○乙丑兵部< 〇〇〇 毓-金 >奏辽东荡平妖贼于孤江等得旨报闻

○丙寅南京吏部尚书赵焕以考绩至京诏予恩命如例

○赐乐昌王廷儒书院书楼额名弘训

○以琉璃河悬木安石遣督工部臣祭告 后土司工之神

○戊辰以起复太常寺多卿程奎补原官 ○兵部覆辽东督抚邢玠李植所报辽民朱勇归自日本口谈情形先后矛盾迹似涉虚惟是倭情难料防御宜周应科沿海督抚加意训练期备缓急仍申谕朝鲜国王振襄起弱慎守釜山要地勿令一倭登岸孤天朝恢复之恩至刘万寿王建功通倭缘繇生死的确核寔奏报以凭处分从之

○己巳辅臣沈一贯进阁办事是日以骤寒命 皇长子輒讲

○四川加渴瓦等番僧桑藏等八名赴京进贡筵赏如例

○庚午 上以 庙享届期偶感风寒服药调摄扎谕辅臣传示遣官及陪祀助事诸人各秉虔洁供事行礼辅臣回奏 皇上诚敬孝思钦崇 庙享偶尔感冒惧难成礼身虽不得亲事心寔无敢怠遑故特佩明纶用昭悃款切惟 祖宗在天之灵固望 皇上享祀之躬亦望 皇上绍还之永故孝子之事亲也当善继其志善述其事其精虔可求 祖宗于焄蒿凄怆之表其斋洁可对 祖宗于居处笑语之间事事可质于神明言言可传于来裔则盥荐之至诚斯存而礼祀之本意斯得 九庙之所以居歆而不吐者此矣伏愿 皇上留神

○升右庶子兼翰林院侍读周应宾为詹事府少詹事掌南京翰林院事

○以起复从督四夷馆太常寺少卿赵崇善补原官

○晋巡抚宁夏兵部右侍郎揭时宁为右都御史以考绩加恩也

大明神宗范天合道哲肃敦简光文章武安仁止孝显皇帝寔录卷之三百五十一

大明神宗范天合道哲肃敦简光文章武安仁止孝显皇帝寔录卷之三百五十二

万历二十八年十月辛未朔以孟承太庙遣侯陈良弼代侯郭大诚伯王学礼分献是日钦天监进万历二十九年大统历于文华门给赐百官颁行天下

○户部覆南京屯田御史王藩臣乞豁秋粮< 〇〇〇〇 铨-金 >言前项钱粮系各军额饷难以议豁但既称节年水旱无从取办若不改折则屯伍荒虚宜令御史同户曹官勘核灾伤屯地分别轻重照例改折轻者每石折银三钱伍分重者止折三钱通融作数抵放军粮仍备册核考允之

○兵部覆巡按湖广监察御史王立贤< 〇〇〇〇 铨-金 >请平播总兵陈璘魂简精卒会剿皮林诸恶苗宜允所奏仍令偏沅巡抚江铎墨襄临戎协心共济其黎平籍系黔属广西地当后劲各该督抚共图扑灭无分彼此诏如议行

○又覆宣大总督梅国祜所奏制造神机等枪诚为有备无患之谋应移文山西抚臣照议打造分给三关军士允之

○工科都给事中王德完奏言臣读河南抚按曾如春袁九皋之< 〇〇〇〇 铨-金 >大都为中州灾沴频仍逃亡荒瘠下令开垦上陈六议其纲目犁然具矣臣闻垦田之议仁大亟称而莫于宋太宗有州县旷土许民佃业仍蠲三岁租输之诏真宗有改易姓名妄求请射押归本贯之诏真馆陈情有朝耕尺寸暮入差徭追胥接踵虽蠲常租无补捐瘠之言此皆今日劝农之芳规垦荒之炯鉴也然其大者尤在得人以兴水利臣闻原任磁州知州刘安仁凿渠建闸溉田可千数顷所费二千余緡悉出节省之余宜有异擢而尚令淹滞郡倅非其任矣乞敕部博采果着劳绩寄以专城风示海内< 〇〇〇〇 铨-金 >入留中

○壬申 孝洁肃皇后忌辰遣抚宁侯朱继勋祭 永陵

○户科都给事中李应策< 〇〇〇〇 铨-金 >参湖州府通判黄仕凤总解白粮迁延插和已经寺臣论列矣而复假给繇文册投贿户曹郎王梁梁不胜战栗执奏于廷人赃具存岂风闻比乃问径五月竟卸罪解户营救与仕凤无干遂从轻拟夫部寺两劾众目昭彰鞫之下公然饰诈以惑愚安所论于他隙投贿者常恨其不发而已发者又虑其不处以见监原犯原赃仅从罚议不知王梁未参又何处焉乞敕部院从公查核有无馈托回护据寔上请不得仍前交通曲庇隳法纪而遗衅官常也< 〇〇〇〇 铨-金 >入留中

○癸酉朵颜等卫夷人何买等一百三十八名赴京进贡筵赏如例

○甲戌以 中宫千秋令节赐辅臣上尊珍饌

○户科给事中田大益奏言人君镜于人无镜于水不能无过而务速改过 皇上冲龄践祚躬神圣而力追治古盖超然有周成汉昭之烈焉后稍渐靡犹不失为中庸乃十数年来受命日久骄泰易乘恣口转剧 神灵震根本虚飞布豺虎殄灭善类民无所措靡不蓄怨积忿以图一旦愤发而 皇上不悟也臣窃历历痛泣愿 皇上猛然鉴古肃 天地崇 祖宗无摧臣下无戕民生无任阉竖无贷无赖无务暴刻无甘怠荒猛政改辙以保 皇祖百战之天下

○乙亥大学士沈一贯奏言臣因患病不能入阁每日章奏发臣< 〇〇〇〇 〇〇〇〇 >票拟臣惟阁臣乃密勿之臣阁务皆几宜之务密之为言秘也不可洩而使疏几之为言微也

不宜宣而使着故内阁切近禁地与外朝相悬奉有特旨不许闲襍擅入防宣洩也往时三四臣同直一人偶病余人尚多入直者代 天之言不致旷官废事在告者徼 天之惠亦得安意静养故二百年来阁门无封闭不启之时阁务无私居办理之日今臣孑然一身独任此职者三年矣一婴雾露则阁门长闭遂成空署发本拟票经行长安街历外朝而后至御前夫私< 〇〇〇〇禹 >非内阁北左右耳目岂能尽防长安街非禁地比往来经行岂能尽密易曰君不密则失臣臣不密则失身凡事不密则害成万一漏洩机宜衅彰隙兆是国家受害成之忧而臣不免失身之祸也臣欲强起入直则弱体难扶欲请假调理则妨害日某故不敢忧渎扰之愆而已于再三之请伏望 皇上亟简阁臣数员入阁办事俾几务有归不至屑越道路则于今日以为尤便臣亦得安意调理少宽忧惶 < 〇〇〇〇铨-金 >入不振

○丙子广东税监李凤奏祈专署 上命改义仓为之又奏流弁戴君恩所称二十万之税院司详议委曲祇承监课岁可贡十万金其置买方物岁可具三万金搜括已极原额难盈按臣顾龙祜奏亦如之 上可其数仍令有司徵解该监数进

○云南税监杨荣奏阿瓦猛密土夷效顺恭进宝石象牙布毯诸方物并祈宝井专敕以便开采 上令方物贮库敕如请予之

○户部覆光禄寺卿孙玮< 〇〇〇〇铨-金 >参部粮通判黄仕凤典史胡文字主簿卢俨宜分别罚治示惩 上令夺仕凤俸三月文字俨各二月

○丁丑兵部覆太仆寺少卿陈应芳兑马近京殷寔之< 〇〇〇〇铨-金 >深于马政有裨宜如议行允之

○又覆应芳条列马政< 〇〇〇〇铨-金 >言克减草料赁顾骑载种种弊蠹岂止知应芳所云应行将领各官严为禁饬其立单以绝冒友亦得补偏救弊之术宜取户部下粮册互相查比以防奸弊至于差官相剥一节京城内外二十里而近者不妨差委道里稍远寔为难行容令邻屠结报皮张依期赴验真伪或亦不爽得旨允之

○刑科右给事中陈维春以朝审停刑请涣发纶音南北省直一体暂免以便宣扬德音< 〇〇〇〇铨-金 >入留中

○戊寅都察院左都御史温纯等< 〇〇〇〇铨-金 >参广东巡按监察御史顾龙祜裂冠毁裳四詈行欧丑态可差应行解任布政使王泮取辱有无难以悬断既擅离任岂容再莅合所吏部酌议其争毆始末仍合督按二臣分别轻重核寔具奏允之

○庚辰论松虜降附功总督李汶巡抚徐三畏参议张蒲总兵达云各纪录俊别功通叙参将葛赖给赏官虜目那汉答那速绰力克等百户总小旗有差

○辛巳大学士赵志皋哀吁乞骸并请亟简阁臣共弘化理不报

○予巡抚湖广右佥都御史支可大父母恩命如其官以三年考绩也

○壬午给嗣应城伯孙廷勋饩廩如例

○癸未升河南按察使李氏质为右布政使分守左参政袁奎为按察使

示 皇上惇伦厚纪之意使天下流言尽息尤在廷之愿望也一翼日 上遣文书官冉登传谕内阁朕览文书见工科都给事中王德完不谙规矩妄言宫禁是非且中宫乃圣母选择朕之元配见今侍朕同居一宫就少有过失岂不体悉优容前准后弟王栋之袭伯爵寔朕厚礼之意迩年以来稍稍悍戾不慈朕每随事教训务全妇道中宫亦知改悟何尝有疾这畜物狂肆妄言惑乱观听卿等为朕辅弼股肱有君臣一体大义特谕知之辅臣回奏臣等捧诵 圣谕不胜战栗昨接德完揭帖见其言及宫闈不谏告 君之体已恐上干震怒矣今奉谕知 皇上加厚 中宫之心直可示之天日然彝伦之间关系甚大视一政一事之得失不同中宫伉俪 皇上二十四年于兹朝夕侍奉日月久长皇上礼遇教诲固甚优厚万一自今而后稍减于昔则天下见影生疑日滋多口臣等虽家置一啄安能阐扬 圣心之光明而天下后世遂成谤毁之声臣等辅弼之无状益不可追矣 皇上视臣等为股肱臣等仰事 皇上为父 中宫为母惟愿父母安乐福祚无穷人子之心始能即安涕泣之道何能遽已伏望 皇上养性情平喜怒必毋使举动少有过当以保尧舜之鸿名以释道路之妄语以绥靖诸臣过计之烦言万代瞻仰在此一举伏祈 圣明留神入数日一贯复上言臣惟古之爱君者必于无人之所款曲进言臣千载奇逢为 皇上腹心之臣敢密以腹心之言进臣前接 圣谕具揭回奏比时臣病初起不能尽言然恐泄漏 圣谕除首辅外严密至今不使一人见也外廷言正纷纭若见此谕必又生出一番新奇疑议臣之调停愈苦愈难矣盖此流言之兴非但今日在昔十年之前民间即已鼎沸观二十一年王锡爵揭帖已有外人疑不利于 中宫以为夺长之地臣力办之等语则从来人情险仄可知矣况至今典礼未定又何怪夫纷纷也臣以股肱大巨心信 皇上恨不分身百户为 皇上辨白若以谕札传外外人必不谓皇上因小臣一时生怒而必谓果符前情不利于 中宫矣然则民间数年之谤本虚而反以为寔 皇上数年之旨本寔而反以为虚臣所为 皇上辨白者不以为愚即以为佞虽欲再开口何可得乎民间纷纷臣尚可以辨白千年万载史书之中谁能为 皇上办白者况今天下粮饷匱乏豺虎纵横不逞之徒常思乘间而起若大纲常大伦理处稍有未安则奸雄必且借词安危关系不小虽辨白何益也 皇上以上圣之姿建彝伦之极必不肯有一毫差误但臣读谕因有悍戾不慈之语不觉惶怖欲绝及至尔知改悟何尝有疾惊魂乃始定耳 中宫为 皇上元配选自 圣母体统甚隆既二十四年矣朝夕同宫恩好甚笃被 皇上肃雍之化以成柔嘉之美天下各藩府以至万国四夷无不岁进表笺瞻依仰戴倘闻此谕妄加惊疑凡为来使试观臣庶之贱夫妇之间即有违言不告邻里矧尊俦于 宸极言隐于掖廷一字丝纶震动天地臣揆度 圣衷原无纤毫芥蒂特以臣等腹心大臣不觉深言至此臣闻 圣主刑家之化以和洽为至美大臣格心之业以调护为精忠 皇上意向众目所窥万一左右颛愚未知大体不悟 皇上之言出于辨白美意而或致妄猜妄构浪传浪语则 此谕非惟不宜布之于外廷此意亦不宜微露宫禁也臣为辅弼恩委隆重安忍坐视不言致令少伤令名为今古史书所讥

讪一字得失臣甚畏之欲保令名必自慎发丝纶谨戒枢机始故竭其区区之愚 上寻令文书官卢受到阁口传 圣旨王德完因为大小九卿诸司官员救护渎扰着打百棍发原籍为民册立冠婚本欲举行因大小臣工沽名市恩屡屡渎激所以延迟又令司礼监太监成敬口传 圣意大小臣工为皇长子重为王德完重如为皇长子重不必又来渎扰如为王德完重上本来故致延迟一贯复回奏二臣传意甚详臣恭听竦绎谨即钦遵传示恪守仰惟 皇上天性至恩国本远虑上遵 祖宗家法申言长幼有伦屡谕极明昭乖四表原不须小臣聒渎致干霆怒乃其自取诸臣渎救亦属常事既蒙 一切责谅皆震惧不宁拱听德音以光大典 圣意久定不移岂以人言而蚤亦岂以人言而迟乞培养性情迓迎和气为 宗庙 社稷万万保重不必以小臣触忤戒怀臣不胜惓惓后夙以幽闲范六宫 上雅相眷重第为< 足 铤-金 >语所激故屡颁严谕然嗣是恩礼优隆始终无间

○吏部尚书李戴等题臣比见御史顾龙祯与布政使王泮互相讦奏一则词平而失显一则说辨而机深应俟勘明从重议处惟是体统日紊纪纲渐隳方遂以知府抗御史张邦正以知府抗都御史犹曰礼节至泮则触之使怒挑之使争而龙祯亦自坏其体夫平居既可反唇相诟有事安得弹治之将来抚按之令不能行之司道司道之令不能行之郡邑皆于人轻执法之臣而执法之臣自为轻也令行申饬以后按臣重顰笑慎交际持国纪纲惜民膏血无为藩臬有司所持倘有狂如遂抗如政险如泮即露章上闻定行重治庶体统肃而台纲可正又见察处寺丞蔡如山以补官奏办揭其寮采奉旨议遣无容别陈惟是私揭盛行公道渐沮如近年屈灿以考察被参驾空反噬法纪寢弛人情愈肆臣等以为被揭者未必尽小人而揭人者必小人合行申饬以后有于察前揭害处后奏扰及飞语中伤匿名告罪者重处不贷奏揭立案不行庶私揭杜而公道可伸 上曰部议是泮事速勘如山法司逮讯飞语匿帖其广行申戒犯者重绳之

大明神宗范天合道哲肃敦简光文章武安仁止孝显皇帝寔录卷之三百五十二

大明神宗范天合道哲肃敦简光文章武安仁止孝显皇帝寔录卷之三百五十三

万历二十八年十一月辛丑朔户部覆河南抚按曾如春袁九皋所陈五事深于垦荒有裨宜照议施行顾建议非难责实为难拊循督察抚臣尤当留意允之

○兵部覆巡关御史姚思仁所陈七事委为安边制虏良谟应照议施行其改疲营以期实效一节欲将遵化辎重一营绝军免勾所遣名粮召募壮丁见在驮骡易买战马似亦可从但查前营已草复设谅有深意且武弁无良每每以家丁准粮名色易于虚冒更卖骡之费亦属不费乃以四百七十头之骡止买一百八十匹之马低昂不情仍宜移文督抚悉心商确期在安便无致亏国损官具奏定夺允之

○壬寅大学士沈一贯进阁办事

○升福建漳州府知府韩擢为四川副使分巡川西

○升山东兖州府知府陈良材为福建副使兵备福宁

○妖人赵一平伏诛一平浙之山阴人索习邪卫俶诡喜乱会丽水妖妇王氏假称佛号分派孙技与义乌奸吏陈天宠傅香淫聚煽惑浙东其夫死一平夤缘妻之造指南径妖书令其党分投两都省署同日布散簧鼓人心党获惧诛易号古元逃窜徐州结纳无赖猖狂大言已而流寓杭城诵经聚众拒捕杀人变姓名亡命沧瀛间至宝抵为千户刘文所擒械京邸讯至是狱具一平王氏天宠戮西市悬首狗众余党各论斩枷示戍遣有差

○癸卯论辽东开垦屯田功按察使张中鸿参政张登云徐准暨游击陈伯恂刘大宗备御周朝卿中军刘可学千总康如圭委官许汝瀛汪时鸣孙克乾胡帝臣龚茂衡守堡赵廷璧俱纪录

○甲辰祭 三皇于 景惠殿遣侍郎朱国祚行礼寻以收回祭品赐辅臣各三卓

○论东关失事死事赏罚降参将左国卿为游击游击傅元勋为守备各策励管事游击霍汉卿戴罪立功革副总兵刘播国回卫点备御艾自约白衣立功赠副总兵解生右都督子升原荫三级世袭千总裴文光把总钱尚贵赠三级子予二级世袭

○乙巳 恭让章皇后忌辰遣官祭 金山陵寝

○大学士赵志皋沈一贯以 圣谕病回合 < 〇〇〇 毓-金 > 慎起居平喜怒以善珍摄一贯亦自有 < 〇〇〇 毓-金 > 以养性情惩忿欲为请

○丁未兵部覆大仆寺卿南企仲所陈七事切于马政有裨应如议行其严掣总以省烦费欲止收本色之摠批于府官免各州县之批文极为执简御烦之要务第卿丞之与仆少有若网在纲之意必纲举而后目乃张查户部之钱粮未有分文不繇于部面而癸之太仓亦未有分文不繇太仓而发之各圭者 祖宗立法良有深意似当照旧允之

○己酉朝鲜国陪臣朴承宗等入贺长至赐衣币宝镪如例

○壬子太学士沈一贯题臣惟 圣体违和皆夙夜忧勤所至但恐文书来发者曰多则 圣心之焦劳曰甚而妨调摄不少方今最急无如代祀 南郊祭告 陵寝至于四方水旱蠲恤灾伤入覲题留川贵摠督皆系紧要而九边缺饷尤为至紧至要饥军鼓噪理势必然宜再借太仓库贮少济燃眉伏乞 皇上宁耐 圣心静养 圣目且将前项紧要文书发臣票拟谨候 圣安并陈悃款以闻

○癸丑直保蓟永税监王虎奏请各州县官屯民地开垦荒田归并督理徵粮查复投亩类进其监商侵占苇地刈割苇草量为徵税以充国课诏悉从之

○甲寅以 圣母万寿圣节赐辅臣赵志皋沈一贯及讲官刘元震等各金万寿篆字金银书黄红符有差

○升户科都给事中李应策为太常寺少卿

○升吏部左侍郎裴应章为南京工部尚书

○户部题差郎中胡三省主事曹志遇解银十万给饷辽东 上允发且念边军寒苦令应给者速处或借老库以示德意毋使悬望

经抚两臣备查真伪奏上定夺其沿海省直移文督抚严禁奸商阑出以防窥伺勾引并咨朝鲜国王堤备釜山一带毋令狡奴复觐隳天朝恢复之功貽彼国沦覆之患允之

○乙亥大学士沈一贯题催掌詹侍郎刘元震三考加秩< 銮-金 >言其真摅笃行胆学长才直讲多年日勤启沃九载一官有难久滞该部拟升尚书寔系常格伏望上简发原< 銮-金 >以昭典崇儒德意

○丙子宝钞局火辅臣沈一贯具< 銮-金 >奉慰

○庚辰户科给事中田大益< 銮-金 >谏矿税言歛巧必厯各省直督矿税者穿凿劫吓务寔所报矿不必洞而税不必商凡民肌髓髑髅兵陇阡陌皆称矿砂而官及四民皆列市贩向所为军国正供尽竭于此而正供必不能输即令有司刀锯严索祇足驱民而速之乱耳名伪必败皇上自以矿税裕国爱民名至懿也然军饷无给兵荒莫备曾不闻以向所进收者给民佐国而且日夜采榷增加不止人皆谓皇上意欲难盈莫不反唇作色嗔心詈口而冀以智计甘言窃天下之誉可得乎贿聚必散方今内帑收贮无虚岁无虚时无虚月无虚日夫积而不渫鬼将作祟不有脱巾揭竿藉为鼓噪之资即恐英雄睥睨席为用武之地此虽家给人散以见德惠亦且蹴之覆之而不可反是天地聚散之必然也怨极必乱夫众心不可伤也今天下自周亲豪右簪缨韦布以至耕夫贩妇健儿走卒莫不茹苦荼毒扼腕侧目唏嘘而无所诉已非一日恐玉崩衅成决而莫制家为讐人为敌众心齐倡而海内因以大溃岂不大可惧乎祸迟必大国家全盛二百三十余年已属阳九加以迩来暴整腴削种种败道而犹晏然无事东征西讨所向快意盖将前之掩祖德后之侈主志外之生众心而内之耗兵食二竖固而扁鹊走元神索而大命倾奈之何耳燕雀而怡堂也意迷无掇皇上矜奋自贤沉迷不出以豪珰奸弁为心膂以矿砂税银为命脉虽有苦心药右之言听之犹如蒙耳即令巫咸治外仓公治内龙逢剖心舜禹筹策亦安其解其徽纆而救败亡哉夫此六事者稽之往古为必然验之当今而不可易察之天道行事则已极关之宗社安危则至大臣畏死不言则误皇上皇上不疾行祸如发矢不可追矣愿皇上亟罢各省直矿税以消天下祸乱

< 銮-金 >入留中

○故事公侯伯嗣封者咸上表面恩至是宣城伯卫应爵初拜命累遇免朝礼部援武进伯朱天爵例请于午门前行礼表文司礼官捧进允之

○兵部覆偏沅巡抚江铎所请征苗四臣梁云龙督饷魏养蒙张天德左右监军王应霖纪功宜如所议其荐胡桂芳及云龙自代临敌易将兵家所忌容移文抚臣合遵旨进剿俟地方又安听其释负以全孝思允之

○辛巳大学士沈一贯进阁办事

○壬午兵部覆督臣李化龙槛送口酋杨应龙妻子族党六十九名口行法司拟罪献俘礼部择日告庙宣捷上御门受贺其所获器物赴内府交纳允之

○癸未世宗肃皇帝忌辰奉先殿行祭礼遣武平伯陈如松祭永陵

○户部覆河南抚按会勘卫辉府属灾伤事宜其停辉嘉二县带徵改汲新六县折色应暂准一年用纾目前之困省免余买之费以后年分仍照数带徵起解本色不得籍曰拖欠上亏国课复议改折致欠军需至宗禄一节议将卫辉应补固禄分别停徵路府官旗月米量于彰德改拨副量得宜公私两便合依拟行允之

○又覆湖广巡按王立贤踏勘灾伤事宜其改拆一议既称右首八州县被灾最重合俯从所请查核分数徵银解部余未到州县勘报右后辰亦被灾稍轻照旧徵解本色不必复议改折缓徵一议一特非不称便但暂宽于目前改偿于日后拖连滋扰殊非长算除舡料段疋胖袄等银咨工部南户部机覆其当户银三百九十八两系属本部应照当徵解至蠲免赈济二议委于荒政有裨相应如拟听其着寔奉行允之

○工科左给事中张问达等〈□□疏-金〉言臣等巡视厂库凡章奏有照均应看详伏见鸿胪寺鸣赞李伟御用监把总张润泽司礼监太监陈矩锦衣卫百户冯祥各具奏恳免商役奉旨俞允臣等何敢复有陈说但事关法纪有碍工程义难缄默臣惟国家之工作不得不取亦于铺户铺户之应充又不得不金报乎富商今新商六人之身家何如也李元祥康葵李廷禄刘良佐冯钟锡查雍皆身拥雄赀列四连衢旧商开报人人共知可曰无生理而求脱乎若等自知富厚难免重役预以余赀营求解脱元祥则身充文思院副使子伟仍买爵鸿胪余者或占名旗尉或寄籍匠作此其奸心诡计利己倾人又人人所共知可循具欺罔而俾幸免乎据所称 会典优免一节亦不过叹嗟微役已耳今内外工作皆国家大役公卿大臣咸损俸赀助而若等乃欲幸免乎臣等查得旧商高者秩登挥使下者名隶成均俱未见除豁若等何官役而敢妄希优免乎矧两宫虽竣三殿未营土木繁兴缮脩日盛若此风一倡彼众商者攀援仿倣渎奏何日而已铺户何日而定工役何日而应伏乞 皇上敕下工部将若等严拘重究勒限投状敢蒙蔽再奏者即以违旨之罪罪之庶法纪不挠奸伪知警而国家之工役始可以协力而共济矣疏入留中已而新商纷纷效尤相继求免问达等复具疏严驳之亦留中

○甲申 贞惠安和景皇后忌辰遣惠安伯张元善祭 陵寝

○乙酉予原任太仆寺卿邓炼登葬如例 ○丙戌先是文部推升〈□□疏-金〉内有何乔远逮中立名 上以其系钦降官命拟旨诘之至是尚书李戴等具疏认罪言二臣一因失金职名而降一因论救雇宪成而降原未奉旨不许推升之旨臣等只照规序迁失于详审罪复何舌□辛伏望少宽斧钺以昭 圣度辅臣沈一贯亦奏言臣前奉传谕心寔甚骇以为吏部何敢若此今接回揭始知二臣既非触尊犯上者比又与奉有不许朦胧推升旨意者不同照常序迁亦似可原既已兢惶认罪伏望俯鉴宽容谨拟票上进惟 圣明裁定寻得旨既认罪堂上官姑且免究该司郎中降一级用其余罚俸半年何乔远等不准升今后但是奉旨钦降官都着令本奏请不许仍前朦胧市恩擅拟踰数曰戴等复奏言臣等奉旨回话席蒙待罪伏蒙 圣慈悯臣愚昧特从矜宥司官降级量示薄罚高厚之恩非顶踵所能报答并不敢循例申救但震慑之余不胜畏慎查得

视岌修之易乎夫松山拓地千里驱虜于绝域之外至今诸酋未尝不望阴山而哭诚国家不易建之勋而近百年来有之事与阅视岁脩相去天渊臣固愿 皇上之察此而无惜一赏以收边臣之心也今播功又当叙矣望与松山蚤赐并发不然将士必缺望而异日谁肯用命乎臣固知 皇上加意于此必无所托然不得不先事而言也抑又有大者焉今天下朝覲官员并集阙下既睹献俘之盛典咸颂 圣天子功德之巍巍矣而其聚头窃语又愿观 皇太子册立冠婚 诸皇子分封典礼之成为千载一时之荣遇日跂竣焉此事 圣心久定发一 明旨举行甚易也月下岁已逼除数日即为春首礼官之

○戊戌岁暮行 大袷礼于 太庙遣官恭代及两庑分献
○是日以祭告 太庙 祧庙收回脯醢果酒赐二辅臣三卓
○晋巡抚宣府右副都御史王象乾为兵部右侍郎加正二品服俸以三年考绩也大明神宗范天合道哲肃敦简光文章武安仁止孝显皇帝寔录卷之三百五十四大明神宗显皇帝实录卷之三百五十五万历二十九年正月庚子朔上不御殿文武百官朝服诣午门行五拜三叩头礼辅臣仍诣仁德门行礼

○壬寅 宣宗章皇帝忌辰遣官祭 景陵
○甲辰大学士沈一贯以典礼将行又当会试殿试之年请简用阁臣并点礼部侍郎不报时首辅赵志皋以病在告

○丙午孟春时享 太庙命公徐文璧恭代
○丁未礼部题称播贼荡平大兵尽撤望
○皇上特涣纶音嘉与休息但系播事加派钱粮尽数豁免其川贵之民死于锋镝者大加宽恤自正月以前徒杖等罪无论已结未结悉行赦宥 上是之

○夜月犯昴宿 己酉礼部署部是右侍郎朱国祚以 皇长子茂龄二十淑女习礼踰年大典今眷举行已奉 圣谕而未有定期乞早发敕书皇长子册立冠婚并诸皇子加冠分封一时举行以定

宗社大计奉旨大典诸礼去岁已有明旨且昨有旨着该衙门作速题请查造应用钱粮谕旨旦夕即下礼官尤当遵奉静俟如何又来奏扰

○庚戌 孝恪皇后忌辰命襄诚伯李承功祭祭 永陵 升河南佥事陈震为右参议分守河南道从抚按之请也

○辛亥调湖广监军按察使胡桂芳为广东按察使四川监军左参政谢诏为四川

左参政贵州监军右参议张存意为河南右参议桂芳等监军征播事平乞归故议调用以待覆叙

○壬子 上御午门楼以平播功诏天下诏曰朕嗣承历服式奉先猷欲人并生庶几不扰八年以来俄烦兵甲赖

天地 庙社之灵将相臣民之力内攘外却无捐国威然彼皆文告不来自投衅讎朕实悯之非为快也惟此播州故有杨氏为夷长率受我冠裳子孙之仍籍有年朝廷之覆露良厚夫何末胄应龙者安忍无亲大逆不道当其嬖宠戕嫡淫刑祸民妻痛一方凶残百姓国人皆曰可杀朕心不忍加诛因其汉官疆以戎索曲从赎使为得甚弘而乃下愚不移肆行无忌敢为嫚辱妄意荐窥既逋重庆之囚遂决跳梁之志收藏亡命构煽苗夷震骇两川恫疑四海朕犹时覃在宥未即移师而贼顾因抚成骄因骄成乱内则僭越王章无复人臣之礼外则矜诩物力有轻中国之心掩不备于綦江梗道涂于湖贵为臣若此孰其堪之夫帝王之道推亡固存迹来东西之故胡不闻焉是用一劳师徒四徵馈饷天休人力雾涌云屯发蜀楚黔滇土著之兵下秦楚晋吴如林之甲娄山崖门之隘平地九衢湄潭河渡之深崇朝韦狡徒鼠窜伪社飀焚穴捣涂穷登高塞向犹自谓重关百仞可敌万夫困兽千群堪资一战岂知天心既吐地险何凭死斗不能诈降不可百道围而飞鸟绝九攻合而蹇兔啼突士尽而鼓声衰雅歌悲而艳妻别诀夫应龙以极恶就经一死安赎是命锉尸传首蓼天严诛其妻孥党与七十余人槛来阙下重者分裂轻者钳奴自余在播者下附近狱有司讯治千年守土一旦丘墟伊谁实然岂朕之意于戏汉唐远矣代有弃置蛮夷君长人安与安惟虔刘无度予一人实不忍于赤子亦明天地虽广日月无私秽无远而不疏恶无微而可蕴苟有昏暴淫虐蔑常乱纪朕虽欲赦如天弗容其明告中外有土有身视为前车各戒尔后氛慝初消疮痍未起师之所处荆棘生焉邑里萧条哀此莞独凡蜀楚黔滇有因用兵加派钱粮及一切可缓积逋若诿误轻条并令所司酌量蠲宥救乏振滞荡涤烦苛咸与维新安生乐业布告中外俾共闻知

○乙卯大学士沈一贯再乞简用阁臣礼臣不报

○丙辰 英宗睿皇帝忌辰命宁阳侯陈应诏祭 裕陵

○吏部都察院考察方面官素行不谨副使包应登等贪知府卢泮等才力不及布政使沈修等浮躁副使郭光复等年老运使伍士望等及府州县官杂职若干员得旨革职闲住致仕降调俱如例

○丁巳大学士沈一贯言今三载朝覲举大班纠劾之典乞御文华殿面赐处分不报

○戊午大学士赵志皋等请定皇长子开讲日期推少詹事范醇敬侍郎曾朝节为讲筵侍班官左庶子唐文献右庶子杨道宾左谕德黄汝良右谕德萧云举左中允区大相右谕德黄辉讲读不报以光禄寺卿孙玮为顺天府尹

○己未户部尚书陈瓖等言近日库贮匮乏九边额饷踰四百万去年那借老库银

九十万今年各处灾伤颇多逋负计年例少银一二百万况别项宣索无时今年各处灾伤逋负计年例少银一二百万昨御用监取办钱粮除金宝石杂料外只珍珠一样照估计银一千五十七万有奇边饷关系尤重再三讲求惟有增开事例可以佐急酌宜择便列为数款乞敕下本部同先年两例并赐举行从之

○辛酉阁臣以掌右春坊事右庶子袁宗道病卒推左谕德黄汝良管右春坊印信右谕德管司业事萧云举回坊至二月六日始奉旨宗道湖广公安人万历丙戌进士改庶吉士至今官修洁有文行时东宫未立讲官不补仅得三人宗道力疾日讲不忍言去竟以惫卒天启初年赠少詹事赐祭荫如例

○大学士赵志皋以笃病恳乞 圣慈早赐放免不报

○户部覆奏广西协剿叛苗兵饷听彼中抚按计进兵若干酌量路费不相遥制事平核实报部从之

○壬戌兵部覆奏广西巡抚杨芳协剿皮林叛苗五事一议增兵谓叛苗使众而怀远县西江外处与贼相连已移曾镇臣调集汉土官兵一万三千把截今既议攻议于那地南丹等州土兵再调一万以振军势一禁妄杀一务协力一明赏罚其议饷则属户部职掌命依议着实举行

○癸亥升左通政王守素为光禄寺卿浙江左布政使赵钦汤为南京光禄寺卿

○升巡抚宣府右副都御史王象乾为兵部右侍郎兼右佥都御史总督川湖贵州军务巡抚四川时播地初定督臣李化龙有父丧巡按御史崔景荣言开设郡邑抚慰降人非亟推新督臣不可吏部以贾待问及象乾上请特用象乾云 甲子 孝静毅皇后忌辰祭 康陵命武平伯陈如松行礼 河南剧盗王好问等逃匿太行山未获罚治守备马永光等有差

○署吏科事礼科给事中王士昌等御史周盘等以遵例拾遗劾奏布政使升郟阳巡抚郑国仕按察司李维祯副使张登云张应凤刘以焕参议刘兑刘一相陈梦庚佥事徐来仪知府温景明陈公相陆梦履等吏部议令国仕致仕景明闲住梦更应凤维祯兑登云一相降用公相以焕简僻来仪梦履革职行勘

○乙丑以剿皮材苗命上荆南道右布政使梁云龙督饷征播右监军魏养蒙升湖广副使为左监军张天德升副使为右监军辰沅副使王应霖照旧纪功礼部铸给督饷监军关防先是偏沅巡抚江铎丁忧 上命墨纒临戎事完守制兹从其请云

○丙寅敕谕天下朝覲官员曰朕临御天下二十九年于兹矣深惟德之不明虚负皇天 烈祖付托至意夙夜惶惕无时怠荒顾朕一人制其纲岂能竟其目所与分猷共念究宣德泽于闾阎者惟尔藩臬郡县诸臣是赖书曰天工人其代之言有君则有臣贵交修也间者年穀不登灾沴洊至奸宄窃发师徒烦兴辎车驿骚权宜率歛菑孽之愬告者在处而有国之不靖亦孔棘矣岂独朕一人之忧计吏章来率言为国之臣希营私之士众催科溢于额外听断枉于法中健吏击搏而树威巧宦弥缝而干进为民豺虎

为国蠹螽哀我劳人汔可小息不于尔诸吏责而谁责乎是用明敕所司痛加澄汰尚念世鲜完士法无尽条虽少密于异时亦才去其太甚继自今以还朕既侧身思咎庶补将来尔等蒙被简留复归治所尚亦各省前饬共图后效务拊循之实事敷憺怛之弘慈相劝以廉相维以宪毋营苞苴而绳简毋饰簿书而炫耳目毋谓以下民卑而易虐毋谓朝廷远而可欺果能奉公体国约己裕民使愁叹之声绝而治理之绩闻朕则汝庸岂有所愧若有坚蹈常敝弗若训辞则毋徒谓科防细而督察严也三尺具存夫有所受谁能纵弛以适尔私尔等其往歛哉故谕

○戊辰升浙江按察使范涑为布政使四川按察使沈季文为山西布政使河南右参政韩学信为按察使管理紫荆关山东副使边有猷为右参政整饬密云兵备江西副使王佐为左参政起原任河南副使杨植管理修河升泉州府知府窦子儒为湖广督学副使登州府知府徐梦麟为山东副使廉州知府林民说为云南副使

○己巳铁岭卫火灾延烧房屋人口车辆火药等物无算

○是月天津税监马堂进银内库新增盐课银凡六千五百余两租税银六万五千余两助琉璃桥工银五百两无碍官银四千五百余两节省银二千两 四川税监丘乘云进银内库额外茶税银四百五十两盐引银三千八十两矿金四十四两矿银五百三十五两又银一万五千两漏税一百五十两 通湾监税张焯进银内库税银八百七十五两牧马子粒等银二万四千三十余两长芦盐税银二千六百两

大明神宗显皇帝实录卷之三百五十五终

大明神宗显皇帝实录卷之三百五十六

万历二十九年二月庚午朔天津河御用监少监马堂解进大西洋利玛窦进贡土物并行李礼部曾典止有西洋国及西洋琐里国而无大西洋其真伪不可知又寄住二十年方行进贡则与远方慕义特来献琛者不同且其所贡天主天主母图既属不经而随身行李有神仙骨等物失既称神仙自能飞昇安得有骨则唐韩愈所谓凶秽之余不宜令入宫禁者也况此方物未经臣部译验径行赍给则该混之非与臣等溺职之罪俱有不容辞者又既奉旨送部乃不赴部译而私寓僧舍臣等不知其何意也但查各夷必有回赐贡使必有宴赏利玛窦以久住之夷自行贡献虽从无此例而其跋涉之劳芹曝之念似宜加赏赉以慰远人乞比照暹罗国存留广东有进贡者赏例仍量给所进行李价值并照例给与利玛窦冠带回还勿令潜住两京与内监交往以致别生枝节不报辛未赐故南京兵部尚书郝杰祭二坛杰山西蔚州人嘉靖丙辰进士任行人选授御史历官副使至左布政劾免起辽东苑马寺卿兵备海盖累升按察使擢右佥都御史巡抚辽东在辽三年虏数犯宁泉辽阳河东杰击走之辛卯春虏约束东西部谋大入杰遣副李平胡乘未发掩击之晋副都御史再进步右侍郎总督蓟辽以右都御史入理戎政改南京户部尚书复起南工部寻改兵部万历庚子卒于官杰沉毅有略在辽务远斥堠部署诸将严核功罪故多以捷闻

○壬申命 皇长子以十四日讲学阁臣请补侍班讲读等官不报

○太学士赵志皋病笃求放前后< 〇〇〇 铨-金 >揭凡五十余上哀鸣危苦愿得生出国门俱不报

○户部覆陕西巡按毕三才条议茶马五事一复课茶以充国计课茶徵输岁有定额先因茶多余积园户解纳艰难以此改折今商绝迹五司茶空将汉中府西乡等五州县课茶议覆本色此后折色本色仍解量议行一辖郡邑以便责成欲依巡盐巡仓事例将湖广宝庆府属产茶州县与茶经繇地方增入敕书与川陕一体举劾一多招引以裕茶本有引则有茶有茶则有马每岁中马一万一千九百余匹大约用茶四百余引乞每岁招商报满五百引岁为定例一清额地以贍刍牧欲查弘治年间都御史杨一清丈出荒田一千二万八千余顷拨给七监见在茶一优茶商以寓鼓舞命依议行 ○户部覆巡视光禄给事中田大益等< 〇〇〇 铨-金 >催本寺止供钱粮及每年白米照漕规则十二月内起运六月内到听漕运官督催

○以太子太保兵部尚书总督蓟辽保定等处邢玠为南京兵部尚书参赞机务升少詹事敖文祯为部右侍郎兼翰林院侍读学士管国子监祭酒事升福建左布政使朱运昌为右佥都御史巡抚福建升福建道御史陈子贞为太仆寺少卿升南京光禄寺少卿徐民式为南京通政使右参议升山东右布政使顾其志为陕西左布政使邢玠朱运昌皆以陪推持用云

○赐故南京户部尚书王友贤祭二坛友贤江西宁乡人嘉靖己未进士授知县历升大理寺卿工部右侍郎起南工部至今官吏部覆友贤赠荫< 〇〇〇 铨-金 >云进未尝隐贤而卒无违道要名之幸退不脱屣而终安流行坎止之常虽蒙白简清望弥高始终无玷云

○癸酉户部以川省采矿并兴大军并集请从总督李化龙之请该省夏税秋粮蠲免有差不报

○刑部尚书萧大亨工部尚书杨一魁各< 〇〇〇 铨-金 >请告不许

○起原任太子少保吏部尚书孙丕扬为南京吏部尚书

○甲戌户部以大同宣府被灾请以本年应徵钱粮酌量蠲赈从之

○乙亥以镇守陕西总兵官署都督同知萧如薰镇守宁夏哮承恩反时如薰守平虏堡承恩遣挠将哮云急攻之如薰妻杨氏赞夫以死国日具牛酒赏士如薰伏兵南关诱云射杀之平虏得完如薰遂显名西将中杨氏力也

○命吏部右侍郎冯琦礼部右侍郎曾朝节为会试考试官各分考官且陞辞入帘矣至是阁臣再催始得请云

○丙子兵部尚书田乐上言先年恢复松山及创筑松边二事臣等仰体 皇上爱惜爵赏至意斟酌叙录并为一< 〇〇〇 铨-金 >今待命经年似非赏不踰时之意奉旨松山当甘固二镇之冲河西险要久为诸虏盘踞不时出没为边大患兹赖卿等扫除恢复

又经营创筑大工告完永固金汤宽朕四顾懋功宜赏李汶加少傅贾待问升兵部尚书兼右副都御史徐三畏升右副都御史达云加左都督萧薰实授都督同知此功乃乐在镇之日晋加少保兼太子太保梅国祯魏允贞等暨文武将吏各升赏有差

○丁丑夜一更月犯井宿

○戊寅京师地震

○庚辰兵部尚书田乐辞加恩南京兵部尚书邢玠乞致仕俱不许

○辛巳阁臣再催 ○东宫侍班讲读官不报

○南京吏科给事中祝世禄等四川道御史陈燧等糾劾冒濫京堂大同巡抚房守士延绥巡抚刘敏宽章下所司

○督理天津等处税务兼长芦等处盐政御用监少监马堂奏申明豪商沈时显等阻挠盐法罚银一千两并乞严饬豪强商僧及司府官吏奉旨各犯追赎完日依拟发落尔宜仰体朝廷裕国爱民德意禁约下人不许侵越疆界因累地方

○壬午大学士沈一贯大察后外任 官甚多最紧要者天下两司缺七十余员乞皇上留神点发俛部所推未当望 皇上即以御笔勾起明示某人不许推升则铨曹有所遵承群工亦知惕励不以一人之繆举累众人之汇征此独断之大权也臣犹记数年前 皇上因推饶伸不当亲笔勾除于时天下服 皇上洞察之神而感延登之惠若常用此法臣下不竦然象旨承德者未之有也不报

○癸未山西巡抚魏允贞言开矿太监张忠以违旨抗礼参夏县知县袁应春奉严旨降一级调边方用臣念应春修完崞县大城及南关西关二城共节省银七千余两响马巨盗不敢入境朝覲止顾骡二头用价七两其干气清操千百中一人耳今若降之谁为皇上捍卫边方休养小民者况今奉敕官多矣文官与武官无尊卑皆不庭参文官与内官亦无尊卑皆不庭参相沿以久望皇上怜应才可济事守不扰民特免降调仍敕部院将内臣与文臣相见酌其人情事宜议定议注不报

○南京尚宝司卿蔡悉再< 〇〇〇〇 〇〇〇〇 〇〇〇〇 〇〇〇〇 >乞致仕许之悉庐州合肥人嘉靖三十八年进士后累起不赴老卒于家端庄恬雅学问稟于程朱士论重之

○甲申命经理朝鲜右副都御史万世德回院供职

○乙酉武英殿中书舍人管理山东矿务程守训< 〇〇〇〇 〇〇〇〇 〇〇〇〇 〇〇〇〇 >请改易漕渠繇高邮府达淮安府庙湾入海经数百里达山东胶州麻湾入新河至海仓复入海又经千余里达天津省会通之劳而避海运之险工科给事中张问达劾其蠹国殃民且假称明旨吓骗赃数十万乞亟为罢斥并发诸臣论劾诸< 〇〇〇〇 〇〇〇〇 〇〇〇〇 〇〇〇〇 >一一追究不报

○丙戌右春坊右庶子兼翰林侍读掌司经局事杨道宾以科臣论顺天所取士赵维寰等< 〇〇〇〇 〇〇〇〇 〇〇〇〇 〇〇〇〇 >请罢黜不许

○兵科左给事中桂有根请发军政拾遗< 〇〇〇〇 〇〇〇〇 〇〇〇〇 〇〇〇〇 >不报

○升山西副使陈所学为右参政分守冀北道

○辛卯兵部覆奏经略督抚官邢玠万世德条陈朝鲜善后事宜一选将帅以朝鲜右文左武又兼参以文臣将权不一宜令该国君臣搜访将才专一委任一练兵士丽人鷲悍耐寒苦而长衫大袖训练无方宜以东伍法教之一守冲要朝鲜三面距海釜山与对马相望扬帆半日可至东入机张蔚山西入间山唐浦涂所必经我登釜山瞭望如指掌而巨济次之宜各守以重兵东之西生蔚山西之嘉德开山南海顺天等处皆宜戍守一修险隘朝鲜王京北倚丛山南环沧海称四塞而忠州左右鸟竹二岭羊肠绕曲有一夫当关之隘向倭守此防我南渡而副将吴惟忠孤军久戍倭不敢窥皆得地利也今营垒遗址尚存亟令修葺而南原康律等皆因地设险一建城池朝鲜八道十九无城以避地为本而平壤西北鸭渚二江俱南通海倭别遣一旅占据平义则王京声援断绝皆应修筑屯聚以备不虞一造器械倭战便陆不便海以船至重大不利攻击令准福唬造千百艘为奇兵而添造神机百子火箭一访异材朝鲜俗贵世官贱世役一切禁锢往往走倭走胡为患本国宜令破格搜采一修内治国家东南临海以登旅为门户以镇江为噤喉应援之兵不宜尽輒我自固亦所以固朝鲜也奉旨善后事宜移咨彼国君臣克励奉行务振积衰以绝外侮

○湖广巡按王立贤奏税监委维贤因开矿无砂谋为冠盗白昼持刀入谷城县堂拷打署县主簿欲开县库不得踰城而去

○壬辰阁臣推吏部右侍郎冯琦礼部右侍郎曾朝节礼部右侍郎管祭酒敖文祜少詹事范醇敬周应宾左庶子唐文献右庶子杨道宾左谕德黄汝良右谕德萧云举黄辉左中允区大相右中允庄天合左赞善周如砥俱经筵讲官修撰顾天竣朱之蕃编修史继阶杨继礼陈懿典简讨沈_□奎_□刘生中俱展书官周应宾掌南京翰林院印信取为供事

○保定等处火灾烧毁房屋人口无算

○湖广巡抚支可大报元旦楚中火灾并发乞先行停罢

○灾二府徵采矿税不报

○癸巳吏部覆南京科道糾劾滥冒_□铨_金刘敏宽候勘明处分房守士照旧供职从之

○甲午镇守湖广总兵陈璘督诸将进兵讨叛苗命副总兵李遇文宣慰彭养正自罗寨进征赖洞岑朝等处游击董献策自孔团寨进都司沈弘猷自小枷柏进璘统中军指挥陈九德等自罗寨水堡进先夺潘老寨据其险李遇文破赖洞岑朝等大小三寨董献策沈弘猷会兵破口团偏沅巡抚江铎以闻

○丙申大学士沈一贯言册立冠婚之典屡奉谕旨今春以过半而诸臣遵旨静俟伏望称诸臣无言之时接续发谕令礼部择日具仪以成庆典以彰英断不报

○辽东督税右少监高淮_□铨_金参总兵马林奉旨内外官员俱系朝廷钦差义当同寅协恭何乃各分彼此偏执纷争职守安在总兵官马林蔑旨玩法诸不法事

并急选老成内臣往代奉以救此一方民不报

○乙巳兵部尚书田乐以奉旨切责< 日台 毓-金 >言辽左重镇十年之间八易大将其于得人以保冲塞以故未敢草率会官推举奉旨辽东京师左臂重镇累年大将非人甚可危虑马林革职已久何得需迟堂上官姑免究且昨侯先春渎激该司官都降一级调外任不许朦胧推着便会官公举威名谋勇惯熟战守的来用时职方司郎中张主敬员外甯时模主事桑学夔王惟简皆遵旨降调复革职为民主敬直隶柏乡人万历癸未进士尝建言国本时模陕西郃阳人万历己丑进士天启三年皆赠光禄寺少卿学夔山东濮州人万历壬辰进士泰昌元年起原官以太常卿致仕惟俭河南祥符人万历乙未进士泰昌元年起光禄寺丞历官工部右侍郎

○锦衣卫接出 圣谕今日览文书见科道官党救王之翰邸宅冯应京着锦衣卫差的当官旗扭角口羊来京究问应京直隶吁< 日台 >人万历辰壬进士志节端凝学求经济畴承恩反守土者多求去应京请降为边方尹尉练兵御贼历户兵二部主事时东倭不靖日夜倒囊延士思以佐国家之急以金事备兵武汉黄修举实政著南国蓄艾编陈奉闻应京入境其焰稍戢已复恣肆应京< 日台 毓-金 >其不法九大罪奉亦劾应京应京系狱四年读书不辍勒成经世实用编甲辰放归丙午正月卒天启二年赠太常寺少卿吏部录赠恤诸臣应京为首谥曰恭节之翰山西人湖广枣阳知县力阻开矿为奉所疾下狱拷问身毙天启二年赠尚宝司少卿邸宅湖广襄阳府推官放归卒

○赠故南京兵部尚书郝杰南京户部尚书王友贤俱太子少保

○丙午升翰林院编修史继阶为翰院侍读以九年考满也

○大学士沈一贯言昨接塘报称虜歹青等于三月初一日犯锦州方春虜马正弱而敢于入寇其蔑视中国甚矣全辽乡官士民投揭朝房谓李成梁镇守辽东二十年虜人畏服成梁离镇十年八易将戎务尽弛战守无资辽事大坏还将成梁前去方可整理况彼家在铁岭为国为家必宜尽力昨本兵与臣商量推举伏望 皇上轸念重镇准命成梁出镇仍乞稍加礼数作彼忠勤又惟宣大与大虜只隔一墙虜王虽安静而别部小夷时时作歹今宣府巡抚王象乾已升川贵总督宜大总督梅国祯又适丁忧二缺皆经会推乞早赐简用

○戊申荫原任礼部右侍郎何雒文子为国子生以日讲恩例也

○湖广监税太监陈奉以孤忠势莫自奋宸命日燿难承上请奉旨湖广通省税银额数止于六万两前锦衣卫千户王体仁捏奏湖广遗漏船料每岁可得七万两尔今查明本省船料通省仅有万余武功右卫百户谢应魁妄奏郟襄采木之事尔亦查明费不偿值且山场皆自民间置买今一概取之嗟怨载道尔既通行查勘的确据实奏来其每年船料准徵收银一万两一应解进应用采取大木特准停免及奏内同知卞孔时通判邸宅抗违怠玩邸宅已有旨了卞孔时姑且降一级调下千户王体仁百户谢应魁姑着撤回如有仍前鼓躁坐视观望不行禁戢的准尔指名奏来该地方官一体重治

○己酉命协守蓟镇副总兵署都督佥事管一方以原官充总兵官镇守陕西

○以分巡汝南道右参议黄辉加副使衔留任见拟升参政萧雍等各就升

○从河南抚按之请也萧雍升按察司整饬睢陈兵备陈所蕴升右参政分守大梁朱思明升副使分巡大梁

○庚戌都察院左都御史温纯三年考满给与诰命

○以督抚万世德改左副都御史协理院事

○以四川按察使张悌调陕西管理榆林中路兵备浙江副使张佐治调山东整饬天津兵备福建右参政萧良誉调河南左参政升江西右布政王思明为福建左布政

○辛亥大学士沈一贯言辽东近罹倭虏之患总兵马林革任佥谓非李成梁不可皇上往年特用李如松固嘉成梁威名尚在其子必能制虏也今即使成梁老手展布必当不负任使麻贵亦一老将但系西人必用西兵为家丁马林因用西丁搅扰辽人若麻贵不带家丁则无手足若带家丁又蹈前辙不若成梁即用辽丁为简便也成梁虽老而其精力矍铄尚称谋勇廷臣推举惟翼 皇上允可边计军情得失甚大兵科其职掌也即言不当亦宜容之况其有时当乎职方即中举用大帅匪可草草其员外郎二员主事六员各有其职若推补将官系郎中专职同僚素不参预一概降调此亦睿思之所偶遗也夫恩施于大当施则褻威施于不当施则滥褻恩滥恩臣民无所托命矣不报

○四川贵州各长官司差头目指挥等三十四员进马朝贡各赏给绢纱如例

○壬子 武宗毅皇帝忌辰祭 康陵遣隆平侯张炳行礼

○癸丑策试礼部中式举人许獬等制曰朕闻隆古帝王罔不念祈天永命者而惟久道化成得之易称视履考祥其旋元吉诗称永言配命自求多福传称人受天地之中以生谓所命也是以有动作威仪礼义之则以定命也能者养之以福斯笃论矣洪惟我皇祖世宗肃皇帝尝轩策士亲赐制问有曰朕思首自三代以来迄于宋终中间虽历世有久近而其君之历年亦有长短要之皆自其为君者何如又曰皆基于先王德泽洽于民心亦继之于嗣王能持盈满之道者也煌煌 圣训朕时恭译焉我国家 太祖开基功德与天地并 成祖再造貽我后人 列圣纘承暨于朕躬天命自度夙霄惴栗常思远造所闻不宜近忽所见朕生之初犹及 皇祖 皇祖恒以敬

天法 祖亲贤恤民为要务以经术为本以法律为辅以明作修内治以安静饬边圉宫府之间肃然奉法华夷远近穆如和风至于稽古考文尤为谨备而皆发之于孝思本之于敬一殿亭榜字皆取洪范无逸名之渊衷所存廩廩三五之盛有如一日贤亲乐利至今思慕不忘尔多士虽晚尚有能扬励之者欤我国家景运繇 皇祖益绵而 皇祖享国亦自长永庄诵此制乃在嘉靖十四年仰窥 圣心以持盈满为兢兢自昔然矣朕不揆寡昧景行惟勤诚不何所修为而可几此故不复更端即举 皇祖之所清问者清问尔多士其悉心陈对朕将择善而从用祇承天休钦哉毋略 升巡按宁夏右副都御史杨时宁为兵部右侍郎总督宣大山西等处升山东按察使彭国光为都察院右佥

○丙子礼部再< 硃-金 >请册立冠婚不报时司礼司设监奉旨下户部催铺宫等钱粮户部上言簿查二年来共进珠宝六次计价银一百八十万近日监库纷纷题讨又共进三次计价银四十一万通计前后所进用过银二百二十一万较之 皇上大婚所用十七万已不啻十倍而谓不足备礼臣不敢知也今查太仓银库仅有银一千九百两该库题讨共该银一千三十五万臣又不敢言也夫帑藏者 皇上之帑藏典礼者皇上自为 社稷计也乞敕承运库及御用监司设监将前后进过珠玉等项速行掣造冠婚应用物件勿致久羁大典仍令所司稍为节缩共济时艰与其备物而缓期不若及时而成礼尤臣等狗马之愚奉旨陆续进过买办珠宝等项用过价银已知道了大典所用不贲实非得已职司国计官守何在还着设处办送各该衙门应用无得支调缺误

○戊寅礼部以鲁王寿鏞薨逝请赐谥号册文从之以右江兵备道副使陈勛升广西右参政兼佥事征苗监军左江兵备道副使王约督饷记功从广西巡抚杨芳之请也直隶巡按吴达可巡历长芦条陈盐法六款一改属严镇以便商灶严镇场原属青州分司派小直沽批验所称掣今宜改属沧州分司令口盐俱于长芦称掣路止八九十里纯用车装费省商便一早催仓勘以便国计一慎委掣盐以杜请托一修复官坨以杜私贩国初之制每场设立官坨绕以墙垣建有厅室灶户所晒煎之盐尽入坨中坨以内曰官盐坨以外曰私盐近来官坨制废往往为奸民奸灶所侵占宜查复官坨以绝私贩一议立浮桥以严稽核天津海口私盐出没之所宜修复浮桥以稽私贩一查归草荡以清国税欲将各州县草荡量丈还归运司

○己卯

○大学士沈一贯以久旱不雨连日怪风阴霾热审已近乞命三法司及镇抚司犯人会审不报

○以建昌府知府张恒升江西副使分守南昌副使林欲厦升右参政分巡九江户部覆奏川湖总督李化龙播州善后事宜一议四川湖广协济一议赈恤残民命如议行

○庚辰 孝懿庄皇后忌辰祭 昭陵遣镇远侯顾大礼行礼

○壬午大学士沈一贯言臣伏病在寓知楚事更多不敢不奏武昌之乱因陈奉既参冯应京去任即大出告示数其过恶夸张得意小民家家痛哭追送应京因而互相杀伤以激此变陈奉见势危急躲入楚府不则奉为齏粉矣小民恨巡抚曲护陈奉随车痛骂放火烧其衙门昨巡抚< 硃-金 >中但言失火讳之也今小民群聚围绕实未尝散就使暂散安知不复聚而相击乎不独省城即通省无不怨奉故道途皆梗消息不通众怒如有水火不可犯也盖武昌之民前年已曾遭乱冀奉犹有改图今日甚一日决然不与俱生臣虑奉必遭毒手奉不足惜如国体何耳今 皇上必宜早发一谕治奉之罪另选老成忠慎者往以安楚不宜待百姓杀奉而后图也楚民素悍好勇乱且陈友谅子孙甚繁兼以苗夷杂处易动难安皇上宜万万加意且今税使满天下而为天下所共指

罾者独三四人而已陈奉不能悦 皇上之心而反令 皇上惹恼生忧 皇上亦何爱陈奉而不以安楚四千里地活楚百万生灵以定反侧之谋乎出一旨意易一税使而乱民以定国体以尊且税亦未尝少其利甚大臣在床蓐千回万转草此揭以请伏祈 皇上万万留意幸甚幸甚

○督理直隶仪真等处税务御马监少监暨禄言臣奉命带徵庐凤徽安四府遗税并沿江一带船税各该抚按皆言重叠不敷乞要题请宽议臣思抚按意在恤民未必可凭二项额数共该银一十二万今徵收半年不足一万未及十分之一始信抚按之回覆有据而原奏之开报无凭伏乞轸念民艰俯赐宽宥将二税照实徵数目依期徵解无拘于原奏揣摩之数奉旨你暨曾查□民疲困课额难敷会同抚按等官酌议督徵定额实数具奏毋拘原奏一十二万之数以示宽恤地方是时榷税之使四出所至割剥吞噬惟恐不足禄乃能顾民艰之念力请宽恤< 硃-金 >凡五十始得 明旨固宜表而出之

○川湖总督李化龙言近得家书陈璘刘綎二纵兵先后差官至臣家刘綎所致谢银一千两金一百两玉带一束祭礼银二百两臣母怒来逐之其人不得已去仍至按臣崔景荣家景荣之父骂而逐之陈璘差官闻之亦去璘臣所请置者也綎臣所排群议而留之者也今而成功矣二臣欲以货财报臣臣亦欲以名节报 陛下乞下兵部议处以戒奸贪景荣亦上< 硃-金 >言綎差人赍银六百两金五十两玉带一束送至臣家臣父挥之门外兵部言綎宜计赃问遣但征播有功姑照前议革任永不叙用其所用开金银等物行江西抚按照数追出以助大工化龙景荣特加纪录从之

○癸未山东税监陈增言山东东昌府六府并香税课税一岁额银六万两今已全完莒州知州江一右题赃罚银两经年又完乞重加罚治又治徐州等处河道繇闸等银三万三千二百八十余两又言曹县库贮河道银二万四千五百余两知县成伯龙自言地亩钱粮紧急那借去九千余两一年有余尚未补还其为侵欺可知乞提究追角□羊上命银两交内库查收江一右罚俸六个月成伯龙那借情繇尔便会同抚按严提追完角□羊进如有抗阻的尔便指名奏来处治

○督理云南矿税尚膳监太监杨荣进银一万五千二百四十余两金二十两样银一百六十余两又进红宝石一百一十三块青宝石一十七块命内库查收仍会同抚按严追侵隐课羨店户黄存等不许推诿迟误奉 圣旨传谕内府各顷缺人数多着照例收用净身男子三千人又奉旨添收一千五百名其不选进男子遵旨 ○潞王拨给五十名 亲王各二十名郡王各十名

○甲申户科给事中姚文蔚等言楚人欲杀陈奉并欲甘心抚臣支大可乞撤回陈并易抚臣不报

○工部尚书杨一魁等言今岁经年不雨徐邳一带粮运浅阻乞敕河道官员长策务期先济从之

大臣言人劳苦狂肆市恩本当重治姑从宽降一级调外任不许朦胧推升其志福建莆田人万历癸未进士降广西河池州同知卒于家天启三年赠光禄寺寺丞

○庚寅 上谕内阁朕以开矿税课原为裕国爱民权宜之内外官员不能仰体协恭任事殊为负委任之德意近湖广激变军民鼓噪易常昨东厂具奏传闻奉差旗番有被变民捆缚投江而死者又有羁留不能回报者览奏连日焦思虽系内官陈凤滥用匪人微多角□羊少致起衅端其该地方诸文武官受朝廷爵禄诵孔子教言既不能遵旨调停和衷于平日又不行忠君执义抚戢于临时职守何在法纪奚存若皆群起效尤纵恶长奸辱国损威莫此为甚陈奉已有旨回京治罪而鼓噪之相戕其中喧聚倡乱必有指使首恶之徒卿等为朕辅弼股肱义同休戚作何安抚禁戢并查处该地方经管官员及正法首恶胁从姑免追治详拟奏来 是日大学士沈一贯言捧诵 圣谕仰见 圣心加意楚事臣日访夜思颇机要臣思李道本蒙 皇上处分发去楚中乱衅可角□羊五六分矣但此只是前一著耳还看朝廷后者如何百姓不堪陈奉之虐及参随人等剥民夺民淫民妻女忿之所激不顾生死今闻取回陈奉治罪则百姓愤心渐平但恐自知有干宪典惧心未释未即角□羊散耳臣愚以为当先安人心而后以角□羊散继之先散党与而后以正法继之当先遣才望大臣往代巡抚之任盖楚人怨抚臣支可大极矣变之初起有坐抚院门呼名而骂者并火其门因按臣出巡抚臣一味诡随全不禁约参随之横故彼百姓轻侮至此则于各地方官不复顾畏可知臣记万历初年浙江兵民两变殴巡抚吴善言 皇上旨意但归罪于起衅之人而以德意抚戢军民遣侍郎张佳胤为巡抚佳胤于是宣布德意从容访其渠魁一举擒之不激不徐甚为得法今日楚事当略仿此意图之盖楚中治乱安危在此一举得法则收拾止如浙江之变不得法则恐遂为宁夏之续矣 圣谕所谓首恶正法胁从免治甚得定乱之法但仓卒之际未知谁为首恶谁为胁从不但事有枉纵恐百姓一闻自惊自疑彼首恶者反得挟众人之惊疑以自固又或至逃江匿湖煽动蛮夷为患不小故臣请且以安抚禁戢二事并授意于新抚行之陈奉罪恶宜明示重处以洩众愤巡抚支可大当勒令回籍闲住遣一大臣星驰代之许以便宜从事到彼宣布恩威分散党与然后密访致变鼓噪之人得实擒拏为首即以正法其余姑免深究剥民夺民淫人妻女激变百姓者亦各以其罪罪之本省官员不职者听纠劾处治大小缺官亟与除补仍遍谕天下抚按司道各以楚事为戒矿税中官以陈奉为戒大小一心中外共济则不但楚事可定而天下之民举安矣时首辅赵志皋久病不省人事故一贯独言之

○辛卯大学士沈一贯言窃见古人遇有难处之事必先择一了事之人湖广军民鼓噪臣引先年遣张佳胤之例因思群臣可堪此任者亦少若外者则恐稽迟廷臣若官阶已崇及曾经用兵者又恐百姓惊疑而成他变臣与部院□确惟用工部左侍郎赵可怀最为妥当本官曾任陕西应天巡抚遇事善处动中机宜若令照张佳胤故事往代支可大巡抚湖广朝廷授以方略令彼便宜从事限五日以内前臣去知其到彼必能宣布

恩威角□羊散乱民访察不职官员殢首恶释胁从不致枉纵而事可立办也往时张佳胤原是特旨钦遣不繇部推故臣与部院议定密已 上闻早遣一日则有一日之效不复仍候会推典用其湖广司道府县等官缺而未补者部臣复推相应人员星驰赴任并乞 圣明早赐点用臣谨再题僭拟谕帖一道惟 皇上裁择施行是日 上谕吏部曰朕思湖广激变固因陈奉而起其该地方官如何不行抚戢职守安在巡抚支可大着革职闲住赵可怀改兵部侍郎兼提督军务限五日内起程赴任行事务在宣布德意抚戢军民俾各安生乐业毋得再行喧聚以取重罪文武官员不职的及地方应处事宜著不时拟议奏来

○壬辰户部尚书陈藻奏陈三事略言储贰 祖宗之命脉也 皇长子春秋二十久稽册礼古今稀有且从来未有行册礼费二百二十余万者台谏朝廷之耳目也今选授几番格而不下伏除待次倦而思归示以厌簿之矣四海苍生 皇上之赤子也自中使咆哮吞噬无厌矿利些微创为包矿买砂名色头会箕歛则矿非地之遗利也□税抽于此仍榷于彼密如鱼鳞惨于抢夺税商之余羨也征百角□羊一杀人如麻岂独陈凤一人何怪河流断绝赤地如焚愈禱而愈不应也臣请身为牺牲以谢百姓不报

○癸巳直隶巡按安文辉以畿辅两岁迭罹灾荒乞赐蠲赈以安重地不报

○乙未大学士沈一贯言吏部题补司道官一本蒙 皇上已点三十三员发臣票上而尚未允发臣皇皇恭候以日为年伏乞即赐简下先是吏部尚书李戴言天下两司共缺七十余员知府共缺二十二员加以迁转未到奉差未还则是天下见任之官与缺官而未任者正相半耳臣等因今次考察真见天下吏治自知府以下佐贰署印者必多要钱彼以其民非己之民也自僉事以上司道带管者必多废事彼以其事非己之事也均之莅民均之行政候代之官必不如初任暨摄之官必不如久任别道带管之官必不如专任佐贰署印之官必不如见任

皇祖世宗朝要紧员缺数日不补輒蒙诘责或所推不推当明示另推 皇上励精动法 皇祖如臣等举措不当明以示臣柰何一切留中也先臣蹇义常具< 〇〇〇 铤-金 > 文庙不报退而不食曰吾谓明主可以理谕求其理而不得今臣自省自贵求其理者二年于兹也谨将各官之缺及所推官员开具于后值此旱灾奉诏修省缺失之大无过于兹有一官而二三推者亦皆改定归一以便钦点戴< 〇〇〇 铤-金 > 辞剴切阁臣又为力请始得点用其未点者仍命另议云

○礼部主事王纪抗< 〇〇〇 铤-金 > 请册立不报

○丙申命分播地为二郡以关为界关内属川关外属黔属川者曰遵义属黔者曰平越遵义领州一曰真安县四曰遵义绥阳桐梓仁怀平越领一州曰黄平县四曰湄潭余庆瓮安安化先是李化龙平播之后议改土为流至是吏部覆奏请于 上而行之播白田坝沃壤数百里即遵义改县今建府治设县附焉真州即古珍州土地平衍今复为真安州桐梓当綦南之冲走川贵道也旧为夜郎县望草南接婺思北达真涪故绥阳县

今复为绥阳仁怀滨播枕永襟合带泸故怀阳县今改怀仁平越东境与黄平相连黄平川贵要区故设府治黄平旧设抚苗通判列衔重庆府今改为黄平州湄潭地里广邈尽三里七牌设为湄潭县余庆白泥共设余庆县瓮水草塘兼重安之地合为瓮安县龙安所属石阡今改龙泉县二府二州及附郭县正佐首领全设余以次减府州县名俱钦定其二府与贵州贵阳府俱加军民二字以便兼摄其地西南左接水西右逼永宁犬牙相错水西向侵播州水烟天旺及它瓯脱颇众川黔争执经界数少始定

○吏部议播地新设郡县既分隶川贵其统辖监司委不可缺于四川按察司添设僉事一员分巡兼兵备驻劄白田坝府城整饬新复郡县并重庆卫忠黔二所永宁西阳石砭平邑等土司兵务其重庆府巴县綦江南川涪州武隆彭水邻近地方悉听管辖并平越府州县与贵州山西宣慰司兼听节制又播州诸司均奉我正朔渠魁既僇中有率先归附正者即宜分别录叙以真州正长官改为该州土同知副长官即为土判官江外诸司安抚与正长官即为土县丞副长官即为土主簿同知罗氏即为新府土知事其上赤水里下赤水里仁怀里安罗二村头目授以镇抚总旗等职衔皆从之升兵部下川东道徐佳仲为四川右参议兼僉事分巡及整饬播州等处兵备副使尤锡类加贵州右参议调新镇道参政张文奇调补贵宁道知府刘冠南加贵州副使管平越知府刘安仁升播州新府州县皆就近升补安民志之子升为龙泉县土县丞所有土职长官世为该县土主簿酬其忠也 升参议等官康梦相彭梦祖黎芳叶炜为副使俱浙江升参政等官丁继嗣为布政使张鼎思柳希点为按察使薛士彦李开芳为副使钱檟提学副使俱江西升副使等官徐学聚为右布政使孙光启为右参政刘毅为右参议俱福建升副使等官周传诵为右参政蔡逢时为副使赵炳僉事俱河南升副使等官李芳为右参政乔学诗左参曹代萧副使俱山西升给事中等官吴鸿功李楠为副使张维新董国光右参政俱陕西升副使等官蔡守愚为右参政朱燮元王继明为副使陈一洙为按察使兼右参议俱四川升参政等官林如楚为按察使章守诚任可容为副使俱广东升副使等官顾汝宁李日文为副使刘弘道按察使俱云南 是月真保开矿指挥张懋忠进银内库矿银三千三百两 ○山东税监陈增进银内库税银二万五千两金刚钻二颗

○山西税监张忠进银内库六千九百两

○广东珠监李凤进银内库一万二千两时凤听奸民首告擅拏平民新会县民哨聚千余珠贼横行海上

○江西税湖口太监李道进银内库一万四千两

○广东税监李敬进银内库船税等银一万八百七十两年例等银三千余两盐税等银一万四千余两

○云南税监杨荣进银内库宝珠等及银一万五千二百两参知府周锋侵匿宝石下法司提问

○陕西矿监赵钦进银内库银一百七十两矿金四百三十九两

大明神宗显皇帝实录卷之三百五十八

大明神宗显皇帝实录卷之三百五十九

万历二十九年五月戊戌朔命成山伯王允忠守备南京掌中军都督府事协守山西副总兵署都督佥事姜显祚充总兵官镇守山西防海御倭兵总署都督佥事李承勋镇守贵州

○己亥以畿辅大旱遣公徐文璧等祭告 天地 稷等坛

○以原任镇守贵州总兵官童元镇发烟瘴地面充军立功初元镇受命征播拥兵铜仁不全进 上怒其逗遛命带罪管事及赴偏桥分八路进剿元镇统水西安疆臣镇雄泷澄等兵繇乌江入坝阳永顺兵先登克乌江河渡二关元镇不设备贼复破河渡关乘胜突乌江诈称水西兵与泷澄会哨以诱永顺兵断浮桥淹死我师无算守备陈云龙俱战死 上怒元镇失律逮至京致是法司会问以元镇兵败后催督安泷进兵复两关又部下将先登凤凰嘴破囤且元镇前平府徭有战功从未减云

○辛丑户科给事中田大益上言窃惟衅自上起者难以忿心尤人怒繇众积者忌以谩词掩慝今 皇上嗜利心滋满布狼虎飞而食人无有空处使天下剥肤吸髓剜肉刺骨亡家丧身掘冢剖棺祗充 皇上私藏而未曾锱铢佐国而 皇上所自知也而天下人无如上何口詈而心嗔人愁而鬼哭吁天天灾控地地赤触山山崩触川川竭怨不胜而挟不平聚不逞以幸不可冀又 皇上所备闻也 圣衷幽隐天下无智愚皆照之奈何欲涂民耳目以解谩曰爱民裕国计权宜为德意哉今楚人以陈凤故至沉使者不返矣且欲甘心抚臣矣楚藩王匿奉府中而朝廷人不敢入楚侦缓急矣中外观变惟在楚人臣谓

皇上睹此必旷然改操罢矿税使而暴其罪而何犹恋恋忿忿欲争而不割也夫天下见 圣上之遇楚事而无变志也知祸不解远近啸聚必各杀其阉弁各劫其金玉一呼齐发决而莫制虑且戕守令戕监司戕督抚掠地屠城称兵飞檄欲以京师为固而虑且鞏穀之变生欲东南北以为他图而虑且四方土朋而仇之当是时即歼诸瑯而倾内帑曷救哉适足以盛众怒输贼粮耳且 皇上不为楚人诛陈奉奉必受诛于楚夫使奉受诛于楚则柄下持 皇上不为楚人捐矿税矿税必自捐于楚夫使矿税自捐于楚则不见德 皇上不尽撤天下矿税使天下必效楚人以要 皇上使天下效楚人以要 皇上天下事尚在 皇上掌握哉不报

○升福建按察使徐应奎为右布政山东副使盛稔为山西右参政起原任祥符县知县李天麟为陕西副使陕西副使王登才为右参政起台州府推官王道显为浙江右参议升浙江副使洪启睿为右参政江西左参议沉思充为副使升湖广右参议杨道会为按察使浙江副使陈经济为广东右参政起原任乐清县知县黄仁荣为湖广佥事升山东右参政马崇谦为按察使江西副使吴之鹏为四川右参政升广东副使袁茂英为右参政广西按察司李国士为右布政

○甲辰御苑龙舟灾龙舟新成置之金海亭亭午火起顷刻而烬工部尚书杨一魁等言

○陛下久疎明庭厌居禁内耽乐之事日闻于外西筑之土木频兴龙舟之增造无已方今国本未建朝政未张上有可罢不罢之苛歛下有思乱必乱之器民离宫别院所在一新箫鼓楼船昼夜不息乐不可极欲不可纵也不报 上谕内阁朕今日览文书见都指挥郑一泰一本甚是狂肆大典之旨不啻再三何乃违旨又来奏扰且初内外及诸司静俟朕即择日命其移居随着各衙门上紧查例题造所用之物有何疑议况器物皆金银珠玉即士庶富族尚且常用何乃帝王之家而不用乎谕卿等知之大学士沈一贯上言臣恭捧 圣谕再三钦诵适又发郑国泰本令臣拟禀臣看详此本具见国泰小心敬畏正宜加奖以成其美盖国泰之意一则欲阐扬 皇妃之贤名使无讹言一则欲保全己家之福祥使无后患故违旨奏扰有所不顾器具未备有所不知而不觉其言之剴切与诸司无故而狂肆者不同臣惟此礼天下望之甚久< 足 毓-金 >言伏关跪请廷臣实有此意但颺俟德音未敢轻举至云 太子不立天下震动及万古刚常所系 宗社安危所关尤为剖肝忠爱之言 皇上宜俯加采择臣谨再拟传谕一通上进伏乞 圣断施行是日一贯拟进 圣谕谕礼部 皇长子册立冠婚及 皇三子 皇五子 皇六子 皇七子分封典礼尔部便择日具仪来行不报

○命江西巡抚夏良心照旧供职

○升陕西副使田立家为右参议

○乙巳升吉安知府张鸣鸮为河南副使专管修河 降浙江按察使李维祯为右参政

○丙午夺锦衣卫带俸都指挥使郑国泰俸国奉疏请立册冠婚奉旨大典已有屡旨况典礼所用不费珠宝乃王侯冠饰非他可比郑国泰等每以威魄出位擅言朝政好生可恶本当都拿问究治姑念懿亲且罚俸一年

○丁未大学士沈一贯言首辅久病沉绵不省人事万无再起之理伏乞 皇上蚤许致仕以全始终并乞蚤下爰立之命不报

○是日一贯以畿辅八府及山东山西辽东河南荒旱斗米银二钱小米银一钱野无青草载道离流盗贼群行正昼抢劫日事祈祷而旱滋太甚乞涣发

○明旨以拯民命于既死销祸变于燃眉因拟进谕旨一道不报

○吏部尚书李戴等条上旱灾封事言自去年六月不雨至今三辅嗷嗷民不聊生草茅既尽剥及树皮夜窃成群兼以昼劫道殣相望村室无烟据巡抚汪应蛟揭称坐而待赈者十八万人过此以往夏麦已枯秋种未布使百姓坐而待死更何忍言使百姓不肯坐而待死又何忍言加以频直四夷之警连兴倾国之师车殆马烦行贾居送按丁增调践亩加租此时税赋之额比二十年以前不啻倍矣而矿税之议烦兴貂珥之使四出不论地有与无有包矿包税之苦不论民愿与否有派矿派税之苦指其屋而挟之曰彼

有矿则家立破矣彼漏税则橐立倾矣以无可稽查之数用无所顾畏之人行无天理王法之事大略以十分为率入于内帑者一克于中使者二瓜分于参随者三指骗于土棍者四而地方之供应岁时之馈遗驿递之骚扰与夫不才官吏指以为市者不与焉 陛下但知利源易开中贵易信岂知彼剥害小民至于如此亦岂知今日苦矿苦税之民即是前日被灾被兵之民重累叠困咨嗟愁怨至于如此即如湖广一省激变已四五次而独近日武昌为甚

陛下试思无知小民何苦而变谁非性命谁无身家惟其剥削之极无可控告变亦死不变亦死等死耳求与见害之人比肩接踵而死且不恨故使奸民害良民大乱之道也史册所载剥民之代宁有无后患者乎行之急则祸亦急行之稍援祸亦稍援急者既倡缓者必和之今闾阎空矣山泽空矣郡县空矣部帑空矣国之空虚如秋木脉液将乾遇风则速落民之穷困如衰人血气已极遇病则难支天下矿税之额大略百万有如一方有警如宁夏播州之役不知所费百万止此否天下矿税四百余万如一方有警各处效尤征之不前运之无路此四百万皆能依期至否平日惟恐天下之财不尽归内帑如遇有事不知内帑之财亦发以应天下急否平居无事夺民数钱以失其心如遇有事与民数钱不知能即得其心否臣言至此不觉肝胆皆裂声泪俱下若谓事必有安无危则前代所积之财今皆在何处而独黠货之名留于今日然人主之宝惟大业而可传之后日独有令名耳近时镇抚司监系官犯及生员半因陈奉诬奏今奉之罪状既明白则诸臣罪节有可矜原酷旱炎蒸沉沦黑狱 圣明能无惻然臣等备列班行同国休戚不忍不言所虑者万民之心与万民之口所惜者万世之业与万世之名不报 升朝鲜监军副使杜潜为山西右参政金事整饬蓟州改原推王邦俊为山西右参政

○戊申南京礼部侍郎叶向高等催请册立不报 ○礼科右给事中杨天民等 < 附 疏 - 金 > 催册立言皇长子二十龄矣册立之期已过十年冠婚之期亦越五载屡旨静俟竟不举行举朝请俱留中不报间有别谕亦复以必不能完之珠宝为辞是 上之意益不可知而下之情益不敢信矣夫 上不可知则窥伺之端也下不敢信则逢迎之渐也有窥伺将有覬觐有覬觐将有凌逼有逢迎将有党附将有谗构启衅酿变臣等不敢尽言者夫计关储贰不必君父实有他念显有别图始定貽乱惟当机寡断反汗靡常即基国家之隐忧非鲜小也 皇上尚可犹豫徘徊而不为久安长治虑哉奉旨皇长子及诸子长幼天伦素定 祖宗家法朕所格遵册立冠婚分封大典明旨晓然有何疑议惑乱有何逢迎覬觐有何凌逼党附况春初内外遵旨静听乃即择日命其移居是果欲迁延乎今各衙门已僦造应用器具稍有次第正欲降旨择日举行杨天民等輒敢逞意渎阻假以要誉沽名而实离间迟缓好生可恶本都当拏问究治内杨天民王士昌姑且降杂职调极边方用不许朦胧催升其余各且罚俸一年于是御史周盘等亦具公 < 附 疏 - 金 > 上请罚俸一年天民山西太平人万历己丑进士初降陕西谷县典史上命再拟降贵州永从典史卒以忧废死天启二年赠光禄寺少卿士昌浙江临海人万

历丙戌进士降广西北流典史再降云南亦佐典史皆命再拟降贵州镇远典史在謫籍十年起刑部主事历官右佥都御史巡抚福建万历末年以人言谢病归 命以天津仓见贮未分赈保真二府元魏等县见贮粮分赈广顺二府未尽的着该抚按便宜处置仍飭地方大小官员协心共救毋分彼此怠玩贪肆者不时劾来重处从户部之请也 以山西左布政吴献台补江西左布政使改常镇参将仪真守备为瓜仪守备永生洲横亘接连大海为京口门户故移京口参将驻劄而裁永生洲把总仪真瓜洲相距四十里守备敕书原系协同防守今令兼管瓜仪二营往来训练先是巡江御史朱吾弼条上至是兵部覆奏报可

○庚戌左副都御史万世德以人言请去不许

○辛亥升孙维城为右佥都御史巡抚延绥

○壬子大学士沈一贯请允用行取诸臣及庶吉士题授科道官不报

○命巡抚山西右副都御史魏允贞回籍侍养时矿监张忠税监孙朝皆在晋允贞裁抑之甚力朝横相枝柱者数四乡人同官者从中嗾之遂上章讦允贞 上为下部院参看部院咸直允贞 上亦弗罪也然允贞以鯁直滞晋者十年延推入佐九卿者十余次皆格不下至是始得请归三年而卒晋人立祠祀之

○是日夜望月食保定巡抚汪应蛟以大旱自劾并陈言举行大礼下考选释逮系等事不报

○癸丑以山东左布政邹学柱调补山西左布政使

○甲寅直隶巡按刘曰梧上〈□疏〉言包采之议诸臣盖为不已权宜之计不知包何从出势不得不取之民与不加派之

明旨背矣又重征叠税 明旨叮咛告戒以臣所属上有湖口中有芜湖下有仪扬旧设有部臣新设有税监亦云密矣湖口不二百里为安庆安庆不百里为池口池口不百里为荻港荻港不百里为芜湖芜湖不数十里为采石采石不百里为金陵金陵不数十里为瓜埠瓜埠不数里为仪真处处抽税长江顺流扬帆日可三四百里今三四百里间五六委官拦江把截是一是经五六税也谓非重徵叠税可乎应天诸府徽州夙号殷富自程守训横行诈骗公私何啻百万此外各监互出诸棍云从投匭告密敲骨吸髓民间之皮毛穿脂膏竭矣伏乞

皇上力践节次裕国恤民之旨特准罢免其贪残如程守训辈仍革职行臣追赃究问不报 乙卯命保河二府照被灾分数各蠲存留银有差从户部之请也

○丙辰升江西副使董宋儒为山东右参政降河南左参政陈简为山东副使

○丁巳以左副都御史万世德总督蓟辽保定等处时吏部两推皆不允 上以世德经理朝鲜熟知边情命升兵部右侍郎兼右佥都以往盖特简云

○升山西右布政白希綉为右佥都御史巡抚山西升湖广左布政胡德为右副都御史抚治郟阳

○戊午以湖右参政林梓调补广西右参政湖广右参议陈惇临调补广西右参议

○河南巡抚曾如春查报积余银两二万一千八百余两钱八十九万有奇以中州民困已极帑藏尽空乞留一半以备不虞不报

○己未卯时 大祀 地于 方泽命定国公徐文璧恭代

○辛丑以山西副使刘任调补陕西副使

○升池州知府钱櫟为江西提学副使调广东右参政林如楚为琼州兵备副使兼摄学政

○升管杭嘉湖参将事游击万邦孚为温处参将

○甲子以松山御虏斩获收降有功宜录总督三边李汶甘肃巡抚徐三畏等赏赉有差

○官河西降番头目苦赛拜黄阿太那泥为百户与百户虚衔者十名与冠带总旗者十二名与小旗者一名令管束降众随营杀贼番僧韩罗汉哈朵济罗汉各授国师给诰命敕书各一道印信图书各一颗

○命镇守四川总兵官都督佥事吴广准复原职仍加赠二级从兵部覆请也广征播时率蜀兵自合江进而永宁曹希彬受广节制广击斩贼大将郭通绪夷崖门关以入转战分水关营水牛塘与贼力战三日却之与宁永兵合营围下贼诡令妇人乞降哭于围上复诈为应龙仰药死报广广信之已觐知其诈乃急攻之烧二山夺三关绝贼樵汲诸将合兵攻围圉既破广先登获应龙子朝栋及其妻田氏出应龙妻于烈焰中中火毒失声几绝顷而苏卒以岚瘴病胀卒广死虽在播平之后然比诸死事之例亦无馈焉

○乙丑司礼监传奉 圣谕旬日内外未敢沽名奏扰渎阻尔该衙门造典礼器具不知有次第否尔等可将某项造完某项见造某项未有物料明白开写来看 ○大学士赵志皋言臣病至三年疏至八十而听弥高迫切苦困万不得已欲援先朝杨士奇杨荣给假展墓及近年申时行王锡爵给假暂归以就医药不报

○巡按直隶监察御史萧重望题称思州思南故为田氏两酋据国初虽纳款奉宝而煽虐梗化致糜天讨永乐间改流建学寝成礼让之俗二百年余无复夷患近日故总兵石邦宪劝诱苗酋吴猱猱以儒冠衣被服其子而归命恐后明效昭然播氏之敢于从逆者良繇积威所劫人不知方而犷悍如故无感也今印江县介在酋播镇箠之间青衿既满百而寄学思南又称不便以故洞寨子弟即有向化之心往往患苦跋涉弦诵中辍该县官民佥谓印江建学其有益于化民甚钜臣熟其庙庑廨署祭器廩饩诸费种种备具第以疆事倥偬抚按官未遑题诸耳相应比照先年婺川县及近日云南路南州事例准其建学其兴隆卫生徒止数十人乃教授训导兼设殊属冗员合无裁革该卫训导改设印江县教谕颁给条记劝率氓夷将文德洽于遐壤而椎结尽冠裳无复有顽梗为乱者矣报可

○丙寅直隶巡按何尔健言阜平县民张世成以饿甚手杀其六岁儿烹儿食之浙

江矿监刘忠进银内库煤价银四百三十三两石青三百三十四斤

○山西矿监张忠进银内库盐银凡一万二千两矿银一万三千九百六十七两
大明神宗显皇帝实录卷之三百五十九

大明神宗显皇帝实录卷之三百六十

万历二十九年六月丁卯朔升广中府知府李有实为陕西副使抚治西宁番夷升
云南副使黄文炳为陕西行太仆寺卿兼佥事

○戊辰加吏部尚书李戴为太子太保以二品六年考满也疏辞不许 上以春秋
班军近来概以老弱充数及影射顾倩着严加申饬到京之日逐名点验若有前弊将该
道掌印都司卫所各官及领班都司参处不得姑息时职方司主事沈朝焕给散班军粮
银皆雇募乞丐临时应点因议春秋班军本处有大粮到京有行粮又有盐斤银两每岁
约费十万余金班军既为虚名军粮皆成浪费不如将各卫大粮该轮班上操之时赍解
贮库遇有缓急可以召募壮丁设遇大工即可雇募夫役部议以为此拔本塞源之论今
工役浩繁需军颇众请先行申饬俟大工完日施行按班军之弊诚如朝焕所云兵部不
能用其议而徒请申饬遂为故事竟何益哉

○己巳大学士沈一贯言楚民激变势欲滔天蒙 皇上收陈奉回京治罪乱民渐
以宁帖 圣心之至仁甫动而天下转旋甚神如此计赵可怀此时入境必有次第己臣
日夜悬望尚无的音今襄阳百姓来保救推官何栋夫襄阳之民不敢效尤抗违而哀控
阙下正当乘此善机縻系固结使武昌之民有所感发则辑宁易矣今何栋如将拿到臣
窃窥 圣德深厚必加恩宥輒敢一言将顺焉何栋如之拏楚民方以此探 上心也如
蒙 皇上轻处则抚辑真 皇上之心楚民可以无惧矣若犹不忘怒则犹信陈奉之言
而抚辑之旨悉虚也其惧心何时而释祸乱何时而角□羊乎楚地安危机在于此纵使
栋如有罪亦权从未减姑慰众心况栋如系陈奉所参奉既有罪则栋如宜无罪矣伏乞
圣明俯采臣言将何栋如特赐恩赦不报辛未命发临清等仓粟十二万石赈顺天等府
仍命道府有司上紧奉行如有虚冒怠缓参来从重处治从户部之请也

○壬申直隶巡按刘曰梧疏劾中书程守训曰梧巡按应天徽宁诉守训之恶者塞
道至休宁见守训巍坊绰楔横跨道周署其额曰持旨大书咸有一德悬之中堂实守训
矫诬为之曰梧命即毁去收特旨假额贮库守训遂刻揭持曰梧短长曰梧露章白其罪
状不报

○苏州民葛诚等缚税官六七人投之于河且焚宦家之蓄税棍者太守朱燮元抚
定之

○吏部上言万历二十五年六月内诏书一款凡钦降罢斥官员吏部遵照新旨访
择可用者分别等第查开职名议拟具奏其各衙门缺准陆续推举相应原名补用惟时
臣部失于奉行以致诏旨不信臣诚无词以谢天下今复三年矣诸臣始以仗下之鸣继
成沟中之断身既隐矣意宁复有希冀用舍在朝廷不在诸臣也若有罪之臣尚且录用

天下必谓主上明圣原非拒言而诸臣戇愚本自过当因今日之用忘其前日之处事大者亦小迹其者亦平在诸臣无名可托而优容忠直之名尽归君父若可用之才永不收录天下亦必谓一言之误一时之忤而锢人于圣世因其身之不用益思其前日之言事晦者反显言淡者反浓在诸臣之名日重而禁锢言官之名反归朝廷此两端者愿皇上慎择而审处其一也建言诸臣臣敢必其人人皆纯忠言言当事理其上者忧国下者爱民最下者不及名矣最下者非人臣也其余皆可因其向而收之以为国家用上者必竭心力以报而下者亦勉强为善以护惜其名且人鲜得中事可节取激昂者终圣于委靡直戇者终胜于缄默受名而过终胜于全不顾名忧国而过此两端者亦愿皇上慎择而审用之其一也不报

○甲戌直隶巡按李文璧请减鱼苇等税银以苏畿内先是畿内额税七万又加鱼苇税银四万税监王虎罔利取盈鱼船苇场之外税及卖苇箔及卖鱼处所无鱼苇则派落地之税算及果园菜畦以至窑井上知其困民命归并张焯马堂而虎管矿务民若更生然顺天等七府所派二万之数实无所出焯移文督催甚急故文璧疏乞蠲免万不得已则请减一万不报

○乙亥以畿辅大雨遣公徐文璧等祭谢南北郊等坛庙

○丙子改巡抚顺天右都御史李颐为南京都察院右都御史自右都御史赵焕升任南掌院缺官已二年矣

○户科给事中田大益工科给事中张问达等连章论劾程守训皆不报

○戊寅湖广巡抚赵可怀疏报入境日期并陈楚事近状是时税监陈奉已出楚府可怀入荆州楚人拥车诉陈奉之恶哭声如雷可怀宣布上意且云陈奉已经取回治罪反覆璧晓遂以吏部咨文备载谕语付之传阅众方色喜叩头呼万岁旋散去可怀疏言方数万众汹汹时臣亦惶悚流汗云

○庚辰户部尚书陈渠言先后进过承运库御用监司设监珠玉等项计价银二百二十余万似足供典礼之用乃臣等营之甚艰而内臣视之甚易见进者方其多而未已未进者嗔此后而彼先若真为题讨千万之数可责完于旬日者乞敕下御用监将见进珠宝验收儆造勿过求备致稽盛典仍运承运库且停守催毋得一时逼索无措奉旨今国计拙乏边饷告急及进过钱粮数目朕岂不知但典礼所需亦难缺少着各该监局将见收珠宝验收做造其缺用的尔部还设法催办毋得推调且举行吉期内外请臣静听旦夕传示毋得聒扰以致稽迟

○辛巳提督操江南京都察院右佥都御史耿定力以病求去不许

○壬午兵部言松虜失其故巢乘制防之际两哨入犯我军扼险设伏斩馘一百六十有奇请照大捷事例择日祭告郊庙于御前宣捷称贺从之

○癸未以原任云南副使何思登调广西副使原任贵州右参议梁铨降调四川佥事

○甲申命紫荆马水军士月饷每岁给本色三月豆一月仍以所发临德仓粮分赈时巡按御史于永清巡视边关至马水口公署二守卒饿甚割山涧死人肉且炙而且啖永清闻其臭搽而得之为之流涕遂以上闻故有是命

○御马监左少监暨禄劾奏诚意伯刘世延犯罪回籍不思杜门省改致书嘱托包揽客船干求免税纵子刘尚仁等糾党成群阻挠税务 上命禄会同该抚按官严拏问拟具奏不许连累无辜

○乙酉升荆州知州徐尧华为河南右参政分守辽海东宁道

○丙戌命宁夏东路副总兵杜松回卫听用兵部言杜松素称廉勇兹因忿削发已成废弃宜令松回卫而以游击雷安加参将衔补之

○升右通政许弘纲为左通政太常寺少卿程奎为右通政

○应天巡抚曹时聘言南京守备太监邢隆刘朝用催徽州等处春季包矿银两那借有尽需索无已乞明谕二监将包议银急行停止无执留中即允行之说使 明旨不信不报

○丁亥大学士沈一贯言比日楚事之兴臣甚服 皇上之一断即易陈奉而下回京治罪之旨又甚服 皇上之再断逐支可大用赵可怀克期催赴使楚民有所恃而不忍为乱有所畏而不敢为乱真睿谟也今可怀往四十余日矣再一疏来无一批答窃恐可怀之心疑而楚民亦从此疑臣以为今后可怀疏来愿皇上不吝数字慰之臣会上二揭为拏到襄阳府推官何栋如乞恩赦宥亦未蒙答命事冯应京又拏到矣冯应京在楚甚得民心去任时老稚填街泣送至今家设一牌位焚香供饗 皇上本无拏应京之心乃陈奉所为耳奉既有罪则应京无罪此正安定楚人一大机会矣窃为应京既得楚民之心则 皇上即用应京以安楚民之心其事甚便不然亦当从宽善处赦其罪而别用之又不然亦宜无丽于刑狱而早为之昭雪必不宜更露谴呵而引陈奉之过为己过也倘措置少失中和而使楚人不能释其疑将恐啸聚不已而区区一赵可怀必无能以虚言角□羊释矣纵忘楚地岂可忘显陵而轻置之度外也不报

○夺陕西临洮总兵官萧如薰孙木俸四月以奏报烧荒宜在冬春而迟之夏尽云刑科都给事中杨应文请定热审日期不报

○升四川左参政谢诏为本省按察司

○戊子升山西按察使黄嘉善为右佥都御史巡抚宁夏

○吏部左侍郎兼翰林院侍读学士掌詹事府事刘元震疏乞省亲许之仍命驰驿去

○南京吏部尚书孙丕扬再辞新命不许

○浙江道御史李以唐疏劾程守训不报

○己丑襄阳府推何栋如奏辩陈奉参论事情奉旨何栋如既奉旨拏问自当席藁待罪静听处分乃敢逞臆饰词强辩好生可恶本当轻处还拏送镇抚司好生着实打问

了来说不许疑畏卖法 ○壬寅 孝庄睿皇后忌辰命宣城伯卫应爵祭裕陵

○升南京太常寺卿沉子木为通政使

○以原任河南副使项德祜调补山西右参议升山东右参议李开藻为山东提学副使升户部郎中戴绍科为陕西苑马寺少卿兼佥事

○湖广武汉黄等府州县耆老李之用等言冯应京之忠节陈奉之贪墨皆不可枚举应京遭诬被逮百姓如失慈母万身难赎不远四千里哀呼奔随乞命于 皇上之前乞宥应京而重处奉不报

○癸巳兵部覆总督陕西三边尚书李汶条陈边事以防秋方急在延宁河套诸酋虽屡乞款贡而夷性犬羊未有定议在甘固松山西宁洮河之间俱有结聚思逞情形而松山疆土新复必我两河若甘之凉庄固之兰靖所在兵将分布一遇虏犯不待调遣星驰互援庶可善后倘河套诸虏西犯则延宁二镇即行捣袭不得以款故疑阻至于延之定边沙梁宁之安定沙湃皆丑虏经繇冲隘沙拥墙平率无限嗾尤宜极力扒除各镇兵马俱限七月初一日齐到信地审时设防斟酌调遣奉旨四镇兵马部署既定着严行各官务要远哨密侦互援共捣使虏不敢内犯防秋毕日仍分别具奏如有虚张逗遛及互分彼此参处勿饶

○乙未大学士沈一贯言旧制每年一热审五年一大审今年当大审之期屡奉明旨而至今尚未遣官查万历二十四年在五月间今已七月矣

○望 皇上即赐举行不报

○命吏部右侍郎兼翰林院侍读学士冯琦为经筵讲官 ○赠总督漕运巡抚凤阳兼管河道户部尚书兼右副都御史太子少保褚鈇为太子太保从礼臣之请也

○新筑大内乾德殿台高八丈一尺广十七丈御史林道楠董其工三十年四月道楠上言宰臣不与闻司空不奉旨 天语仅衔于内侍考卜惟凭台官禁中何地不宜有此高台白虎轩昂堪舆最以为忌矧三殿 两宫高不过一十二丈今台高八丈一尺加以殿宇又复数丈其势反出宫殿之上屈指兴工将及一年日役夫匠二千余人班军二千余人内外管工诸臣朝暮督率不遑 起居仅高一丈三尺耳以八丈一尺总数计之虽再加以三年尚未可就绪也而盖造数殿宇之工又不知经几月日木石砖瓦畚插缔构等费非二百万金不可 皇上不问有无止责诸管工内臣内臣无计措办必索诸工部之库藏工之竣也其何日之有不报

○是月山东税监陈增进银内库银一万八千四百余两马二十四匹骡一头

○仪真税监暨禄进银内库船料银二千九百余两遗税银一万七千余两又税银三万五千余两赃罚银一千九百二十六两又遗税银五千九百三十八两

○河南矿务指挥杨宗吾进银内库廩饩银六百两矿银六千一百四十二两

○山东税监陈增进银内库矿金一百五十四两银一万二千八百六十两赃银七千三百六十两额外盐税银三千五十二两漏税纱罗四百一十一疋

○广东税监李敬进银内库珍珠一千八百五十八两有奇赃赎银二千两犒工银五百两矿金一百九十九两矿银三千两珍珠变价银三千一百五十三两

○广西税监沈永寿进银内库罚赎银五百五十两税银三千两古窑银二百五两银三百二十六两丹砂八两三钱

大明神宗显皇帝实录卷之三百六十

大明神宗显皇帝实录卷之三百六十一

万历二十九年七月丙申朔孟秋时享

太庙命公徐文璧恭代 上谕礼臣朕宜亲行致祭偶生热疖步履艰痛恐不成礼命代祀等官务各秉诚竭处毋容少懈

○先是陕西抚按言每岁御用袍服以四千疋为额自二十八年九月进贡后起织至九年四月已织完者共三千二百疋乃于本月内始奉新命改织盘梭又奉钦降柘黄暗花二式每绒一疋各长五丈八尺每机日可织一尺七分二机合织计半年方完一疋今改织盘梭改妆及剡样暗花等绒每机日织一寸二分二机合织八月余方成一袍自五月至九月仅一百二十余日岂能改织盘梭如其额数乎今议将已完三千二百疋并改机八百疋合角□羊以足四千之数今年九月后悉遵新旨尽数改织疏上工科诸臣亦为代请俱不报

○丁酉兵部上防秋事宜一应援务遵纪律二战款务合机宜三意见务尚协和四参核务别功罪 上命通行申饬各边及时料理务要同心体国着实遵

○南京内官监太监党存仁办诚意伯刘世延参论事并劾世延及其子尚义侵占芦洲等事奉旨刘世延屡犯不悛今又听子刘尚义济恶流毒占据田洲纵私挠法前暨禄来奏已有旨着同抚按官拏问今着一并拏问具奏党存仁用心管事不必疑具

○己亥升吏部文选司署员外郎中事主事王永光为通政司右参议先是永光以特旨留用六选已满例应升四品京堂吏部以曾蒙降级照所降员外职级拟升正五品从之

○升授行人陈治则为吏科给事中黄吉士浙江道御史

○兵科覆兵科给事中桂有根疏一皮林恶苗既以剿平一切善后事宜令三省督抚议妥具奏仍严禁将领不许杀降邀功一辽左残破一极先以西兵主客不和恐致酿乱尽数撤回另募土著以实行伍而家丁之设食有双粮给有战马原用以冲锋破敌司道文臣有抽取各营精锐以为家丁者宜尽行禁革务令营伍尽充兵有实用奉旨皮林叛苗既诛不宜多杀以伤天和辽左厚饷养兵为资战守分精锐供各衙门役使军纪安在着尽行撤回与选募一同训练以济实用仍行李成梁与抚臣用心振饬毋负特简至意

○南京刑部侍郎王正国卒正河南雒阳人嘉靖二十九年进士授行人升礼科给事中历户科都给事中以回避祖兵部尚书王邦政改升通政司参议历大理寺少卿通

政司南京刑部侍郎自陈回籍着调外任未几卒礼部奏本官立朝不阿权贵归田益励清修特以左于柄事者遂因自陈调外兹公论已明例应与祭半葬奉旨准如例

○庚子大学士沈一贯以吏科缺掌印官四月大选等官尚未领凭盘费罄尽群拥朝门号哭乞即赐批发不报

○辛丑总督两广右佥都御史戴耀疏辞新命不许时以府江徭平加升耀右都御史仍总督云

○兵部覆奏职方司主事聂云翰条陈三事一曰核军额祖军有定额而粮亦因之自清勾不前遂开告补之条而召募之名起矣不烦稽查不须那扣势极简便故祖军遂属疣赘而募军册籍充栋多系影占尽成乌有皇城四门军七千六百八十二名正阳门十六门军余头班共二千六百七十名二班共二千六百五十六名巡捕募兵一万一千名三大团营之军旧制分隶各卫所原有定额查 大明会典内款开嘉靖二十九年更定营名之后益以募兵四万人此 祖制之额规画也合行各该营卫查照前项祖募立为定额依缺查补其告补呈状俱照开写祖募名色以便稽查如管军各官仍前以祖为募混冒侵饷查参重治一曰轮操守旗手等二十二卫守卫官军向来不入营操不暗技击军多影占禁地每每疏失弊实坐此查得腾骧等四卫见在食粮官军共一万八千四百五十六员名勇士共五千七百八名皇城四门正阳等十六门各有额数及查 大明会典内款开腾骧左等四卫军勇嘉靖初特定额数为五千四百三名除随驾摆列例用五千三百三十名其余以备逃亡事故之数又款开嘉靖三十年议准将四卫营军士通行查勘有影射占役者尽数退出赴营操练诡名冒粮者悉行裁革是腾骧回卫之军勇除正用之外余皆赴营操练令甲甚明今除锦衣卫及皇城四门守卫各军外其正阳等正十六门军既分头次两班应将头班专各门令其启闭次班发备兵营操练半年一换周而复始腾骧等四卫各军勇除养马匹随驾摆列额定五千四百三名合令内官监分习操练勇士军伴原有名数应为照例查拨其余不系养马混名营操即会典所称影射占役诡名冒粮者一体清查籍其丁壮尽发京营随三大营官军一体操练及查四卫坐营乃统领军勇之官查会典内开万历三年题准四卫营坐员缺推补原属兵部于四卫指挥等官内选用其御马监官止提督操练不得干预止听其开具相应官员送部查访疏请如或不堪听于京营大号头中军千总及京卫掌印官内另选廉干官照缺推补乃今坐营官率皆该监坐名题补奉旨之日移文本部给劄任事不惟其人之贤否漠然无知而于题准事例亦甚悖矣今后四卫坐营有缺该监查照前例开具相应官员职名到部本部再加查访疏请一曰定职掌议将清出祖募二额除巡捕募军外其余祖募告捕分告总协仍会同巡视准理连状送部俱发职方督捕员外审查明实方据结准补其科道户兵四衙门会验每月以十三二十六两日为定至今于掌管编册军名则专属验军主事 上是之仍令门禁军役并腾骧等四卫军勇俱照旧存留免拨营操

○兵部覆御史李时华播州善后事宜选留大帅更置郡县清理疆界优恤驿站修

○辛酉总督蓟辽兵部右侍郎万世德辞朝鲜善后恩荫不许

○起原任南京尚宝司卿于若瀛为南京尚宝司卿原任兵科给事中白瑜仍补本科御史高举蒋以化俱服除补御史

○荫原任少保兼太子太保兵部尚书王崇古孙之枢为国子生

○进士项鼎铉降边远杂职初鼎铉以笔迹不同自请覆试及将试复称疾不出台省交章劾奏吏部< 〇〇〇 铉-金 >请降用从之

○壬戌南京兵部尚书杨成卒成直隶长洲人嘉靖三十五年进士授工部主事累官浙江副使四川参政江西按察右布政使应天府尹右副都御史巡抚江西升工部侍郎晋工部尚书皇子生覃恩晋奉政大夫改南京礼部尚书请告起南京吏部尚改兵部以七十< 〇〇〇 铉-金 >请致仕加太子少保二十三年起掌南京都察院事寻乞归奉旨存问至是卒礼部覆本官器端以方行芳而洁宏猷硕望全节全名盖齿德爵有其三矣奉旨与祭三坛给全葬

○甲子以甘肃大捷叙加总督李汶柱国巡抚徐三畏升兵部右侍郎各荫一子总兵达云加太子少保文武将吏赏赉一差

○乙丑大学士赵志皋< 〇〇〇 铉-金 >请允放并发前辞恩二疏不报

○保定巡抚汪应蛟云南巡抚陈用宾俱三年考满命就彼复职

○是月天津税监马堂进银内库税银五万三千两省费银二百两节省银八百八十两盐务银六千五百二十六两

○两淮盐税鲁保进银内库税银一万六千九百三十九两引价银五万六千两补角口羊银七百五十两输献吴时修等银九万两

○山西矿监张忠进银内库矿银一万八千两盐价银一万三千两无碍银六万九千七百两

○四川税监丘乘云进银内库矿银一万六千五十余两金四十五两额外税银七千七百两赎罪银三百二十两节省余银一千两

大明神宗显皇帝实录卷之三百六十一

大明神宗显皇帝实录卷之三百六十二

万历二十九年八月丙寅朔赠南京刑部尚书孙植为太子少保太子太保吏部尚书李戴以二品六年考满升一品请特赐诰命如杨巍事例许之

○总理河道工部尚书兼右都御史刘东星以病笃乞休命在任调理

○以陕西副使王登才为陕西右参政兼佥事留任宁夏河东兵粮道从督抚诸臣之请也

○戊辰以甘肃大捷命元辅赵志皋兼支大学士俸次辅一贯加太子大师固辞奉旨云南朝鲜甘肃三奏成功皆辅臣佐理之力今乃五< 〇〇〇 铉-金 >恳辞云南恩荫卿其祇承其余特允辞免

朝仪节各具朝服行礼庶展臣子万分不能自安之心奉旨览卿奏具见忠爱敬慎但文华殿窄狭行礼侍卫不便御殿暂免文武庆贺官员五凤楼前如仪行礼卿可传示遵行

○是日 大光明东配殿灾

○壬午 上不御殿文武百官恭贺 万寿圣节于五凤楼前行文拜三叩头礼

○是阁臣沈一贯仍诣仁德门行礼

○是日遣定西侯蒋元镇等祭告 诸陵遣会安伯张元善祭 恭仁康定景皇帝

○丁亥宪宗纯皇帝忌辰祭 茂陵命南和伯方<□□火节>行礼

○大学士赵志皋以病日危笃乞放臣生出国门不报

○司礼监太监田义劾奏本监监官杨字典簿张登私放内监官王进忠等奉旨着法司提问拟罪尔等堂上官不能率属守法本当究处姑饶这遭着策励供职

○刑科右给事中陈维春言税使陈使陈奉凌逼亲藩以恶言侮襄王妃吓诈重贿及前后赃银十五万盗匿税银不计其数乞追赃正法并将参随沈事问等按究如律不报

○己丑以礼部右侍郎兼翰林院侍读学士管祭酒事敖文祯掌翰林院事

○户部言广德州漕粮四千九百石已经二次改折六民力不无少苏以后照旧徵收不得再议改折报可

○庚寅以大同镇探报虏情命慎加防御先是东虏察汉儿遣头目告顺义王三娘子索宰生小妣妓不与则用抢杀约以八月十五日会于白彦猪儿革顺义王三娘子住牧呵喇敖卜令部落夷人将牛羊往匿云川城东西僻处遣人迎小佛僧持礼物往遗东虏时西虏穷饥恐其与东虏合谋阑入故抚臣房守士以闻于上云

○辛卯兵科左给事中桂有根言原任延绥巡抚王见宾<□□足 毓-金 >称套虏悔祸乞盟酌量时势有断断不得不款者抚臣已云套酋必可款矣且以许款早定大计直请之 皇上矣即在廷诸臣会议何以加此虏情叵测款事有时而败会议者将谁执其咎耶吉囊庄卜诸酋叩关请款而二万余众盘据塞垣至称银货八百万马十匹请益于旧额三万之外请如此类尚属可虞今之议款者旧抚臣也角□羊任之后岂能复行其约束他日虏一生心借口于旧抚臣而渐开需索之端新抚臣又归咎于旧抚臣而自跳利害之外恐非长久之计也伏乞敕以该部飞檄新抚臣孙维城刻期详议胜于多官会议远矣 上是其言命新任巡抚会议奏

○壬辰锦衣卫接出 圣谕湖广陈奉该抚按官已遵旨伴送来京少俟自有裁处何乃各官纷纷牵扯浮言诬害良善朋党狂肆郭如星陈维春本当重治姑念言官且都降杂职调边方用不许朦胧推升其中必有主使教唆情弊先扭来冯应京邸宅都拏送镇抚司好生着实打问了来说不许疑畏卖法容纵如星河南新安人万历己丑进士降贵州印江典史维春江西南昌人万历壬辰进士故赞善栋之子也降贵州桐化典史天启二年赠光禄寺少卿

○癸巳吏科都给事中郭如星论劾湖广巡抚赵可怀言其

伏谒陈奉趋承唯谨遣官护送糊涂了事奉之多赃与所陈兵器一切不以上闻支可大纵匣外之虎任其抟噬可怀惮匣中之虎听其咆哮可大长奉之恶酿祸于始可怀护奉之短遗患于终请下奉于理且亟罢可怀不报

○甲午大学士沈一贯臣闻诗有既醉之篇太平之雅也君子万年介尔景福此忠臣所以祝愿其君者继之曰君子万年永锡祚胤则愿其子孙之多谓上天锡善莫有大于此者又曰厘尔女士从以子孙复愿得淑媛以为之配而胤生贤子孙以相从也斯干之篇颂筑室既成之什也筑室百堵西南其户爰居爰处爰笑爰语美新成天子之宫规模广大户牖或西或南居处甚安笑语甚适也继之曰吉梦维何维熊维罴男子之祥言吉祥善事当生 圣子神孙于是室又曰朱芾斯皇室家君王言此圣子神孙者皆宜服朱芾之煌煌而有室有家为君为王享福祿于无穷也今当 万寿称觞之时 两美成之日在廷臣子祝祷同词谁不愿以此言进哉然迎禧导瑞启天之祥实自 圣心一念之始盖父子之间非但人所难言即人子于父母之前亦往往有心欲之而口不能言者惟父母曲体其心而早为之所此所谓至情也 皇长子以聪睿之性近强壮之年血气既充天机自起非 皇上至慈谁其体悉 皇上大婚及时故得 皇子甚早然彼时 圣母遣官祈祷已若虑其迟者 皇上为 皇长子大礼计虑过周必欲备其仪文罗诸珍异以厚之推念真情不如早谐伉俪之为适 皇上孝奉 圣母朝夕起居而集九御之朝竭四海之奉推念真情不如早遂含饴以弄子孙之为欢然则此一礼也上体 圣母之情下体 皇长子之情宜不崇朝而举矣今年先完 皇长子大礼明春以后以次举诸 皇子各礼以笃父子之恩以示长幼之序以慰中外之望以启祚胤之源坐见享令名而集完福何以久窒其源而不开屡让其福而不受此臣之所未角口羊也夫情至于必不容已则不如明示之为快礼至于不可已则不如早行之安早一日则

圣心早快豈一日迟一日

圣心多焦劳一日臣不识

皇上何所犹豫于中而长萦回展转也臣为 皇上腹心之臣不敢不为

皇上委曲想到惟

皇上细思而亟断焉< 䟽 毓-金 >上

上嘉其忠爱诚恳深合朕心遂有降谕举行之命

大明神宗显皇帝实录卷之三百六十二

明神宗显皇帝实录卷之三百六十三

万历二十九年九月乙未朔大学士沈一贯上疏恭谢册立 圣谕因言日今圣节已过宫闈多暇寒温甚适嘉会惟时跂立下风翹僊吉旦伏冀早发以慰群瞻其言殊切至云

○南京兵部尚书邢玠请在籍养母奉旨卿外国归来便道省母准展限三月住赞留枢两全忠孝不允所辞

○兵部尚书田乐以疾求去奉旨卿忠猷练识勘乱靖时劳怨所归致招尤谤朕心已悉体亮宜即出供职

○吏部覆两广总督奏琼州府添设抚黎通判一员驻劄水蕉大会抚戢黎岐编甲立籍开设虚市又于定安县青宁屯地方设立巡简司衙门其文昌县青澜仓大使永议裁革报可巡简司与名清宁

○工科左给事中张问达言漕运之期兑之过淮过洪各有定期抵坝抵湾不逾五月而回空之船亦无冻阻自南垵口之决而南徙也徐邳三百里之间几至断流河臣乃议开赵家圈以东黄河故道不及四十里接引黄流下通三仙台支渠出小浮桥以入运河赵家圈告竣复采旧议开泇河舍黄流引汶泗山川泉源之水以为运道便宜经久之谋心亦良苦然地多沙石工尚未就而赵家圈日就淤塞因而断流徐邳间三百里河水尺余粮船停各不行者几一月矣及入闸河又多浅阻临清以北河流甚细此一万二百七十有余之艘相与争一线之水而不能速进之故也夫粮船抵坝故交纳迟交纳迟故回空又迟入秋徂冬不可不及时治以为明年接运之计也伏乞敕下该部设法起剥早令南还而河臣刘东星宜问其病之果否酌议去留则河道可通而漕务有赖矣章下所司

○丙申以少詹事范醇敬为 皇长子讲筵侍班官左庶子唐文献右庶子杨道宾左谕德黄汝良右谕德萧云举右中允庄天合为讲读官

○丁酉升山东左布政使黄克缵为右副都御史巡抚山东

○右庶子杨道宾以病乞归不许

○以山东副使徐梦麟为本省提学副使

○戊戌巡抚大同右副都御史房守士三年考满升兵部右侍郎兼右佾都御史照旧巡抚

○户部右侍郎张养蒙以病其去不许

○己亥命总河诸臣踏看河道及时定议以闻

○朝鲜国王李昫奏请诰命冕服礼部覆朝鲜世笃忠贞顷遭倭寇 皇朝所颁诰命冕服因变沦失今据奏请补给相应俯从报可

○庚子升左赞善兼翰林院简讨周如砥为右中允管国子监司业事

○命鸿胪寺卿张栋升俸二级照旧管事以九年考满也

○荫原任少傅兼太子太傅户部尚书建极殿大学士袁炜孙景祖为国子生

○通湾税监张烨劾奏巡役康宁拨置鱼苇税监王虎横行无忌今复招集棍徒往来抽税乞究问如律 上命烨会同抚按提问具奏天津税监马堂又言康宁熟知鱼厂事务竭力办采为人中伤奉旨康宁始免提问着专力办采尔还自行钤束不得又来纷扰

○辛丑山西巡按赵文炳言山西榷税监丞孙朝仰体德意禁戢群小而大奸丁文灿马三聘等假称参随所至吓骗已会同税使以拶出脏银徵角□羊大抵侵渔国课危

○升陕西巩昌府知府李秩为右参政整饬西安兵备

○礼部覆琉球僻处西南世修职贡时当承袭累遭倭警延逗至今既经世子尚宁奏请相应准封其该用皮弁冠服纒丝等项宜照例应付遣官已奉 明旨但据其陈乞情词援引会典必以文臣为请惟 圣明裁定奉旨尚宁准袭封琉球国中山王既遣官恳请着照旧差文官去

○壬子 谕内阁朕以皇长子及诸皇子册立冠婚典礼前已有谕候旨举行即今皇长子容貌充实书仿进益诸皇子年龄渐长前项典礼朕昨朝 圣母面奏举行诸礼圣心嘉说卿即便传示礼部查照旧制择日具仪来行是日漏下二鼓始传出 圣谕封发辅臣私寓举朝鼓舞相庆云

○癸丑巡抚贵州右副都御史郭子章言六月十八日贵阳府定番州地震自酉至戌有声如雷黔东诸府卫及黄平五司自正月不雨至于六月思南府大雨婺川县大雨至冰雹交作城内水深数尺去年苦兵今年苦饥黔冬忧旱黔南忧水斗米四钱军民重困议将湖广四川二省协济拖欠钱粮如数徵角□羊以赈全黔户部如议请报可

○工部尚书兼右副都御史刘东星卒东星山西沁水人隆庆戊辰进士改庶吉士授兵科给事中转礼科右庚午謫蒲城县丞东星在谏垣有声其中考功法则高拱兼摄吏部日也岁余迁卢氏知县万历改元召为刑部主事历官湖广左布政使升右金都御史巡抚保定晋左副都御史入理院事寻迁吏部右侍郎以父老请扶侍归濒行而父卒戊戌河决起工部左侍郎兼右金都御史总理河漕河漕之有总理自东星始是年八月开赵囤循商虞以下至于彭城贾鲁所浚故道也起曲里铺至三仙台凡四十里又起三山台抵小浮桥开支流若千里又浚漕渠自徐邳至宿若千里嘉靖末估费四百万是年仅十万凡五月而成特晋工部尚书兼副都御史荫一子明年庚子渠邵伯界首二湖又明年辛丑凿泇河泇河界滕峰间南通淮海引漕甚径万历初数遣官行视尝凿韩庄中辍东星力主其役初议百二十万费才七万所辟已十二三而病不起矣东星历官三十余年布衣脱粟家人化之其学为清静为宗病革犹从床箒治书经理河事云天启元年谥庄靖

○甲寅兵部覆试中式武举每年分为六选每选定以五人选期定以双月二十五日其第一人如原隶锦衣卫籍准于锦衣卫缺推用原隶别卫所籍准于在外都司金书推用以示表异五名以前亦于十月内先推升守把提备等官其余每遇双月酌量推用一年窆推三十余人三年之内用尽原中额数从兵科给事中桂有根议也

○丙辰礼部署部事右侍郎兼翰林院侍读学士朱国祚上册立皇太子册封 福王 瑞王 惠王 桂王仪注前期一日遣大臣一员祭告 天地 宗庙 社稷至日早 上亲告 奉先殿用告文祭品如常仪告毕 上亲诣 慈宁宫以册立册封告

慈圣宣文明肃皇太后诸所合行典礼俱遵奉 大明册封大典第册立后内侍引皇太子诸王诣慈宁宫谒谢 皇太后次 上位次 皇后前各行八拜礼又引诣 皇

贵妃前谢行四拜礼又诣 皇妃前行四拜礼按国朝册立 东宫无谒谢贵妃之礼宣德二年更定仪注 皇太子诣 皇妃前四拜 皇妃者即 孝恭章皇后 英宗皇帝之生母时尚为 贵妃也嘉靖十八年册立保姆代 皇太子诣 贵妃前行四拜礼贵妃王氏者 庄敬太子之母也 孝宗之册立也昭德擅宠后宫孝穆既逝 孝宗仅而得立亦不闻有谒拜昭德之事贵妃之有谒拜自 先帝册立始也宣德二年 皇妃于宫中受内外命妇庆贺外命妇进笺如 皇太后 皇后之礼是年礼部臣悉从裁革不敢援故事以请

○南京吏部右侍郎李廷机改礼部右侍郎兼翰林院侍学士朱国祚改左侍郎兼官如旧

○戊午命沈鲤朱赉俱兼东阁大学士入内阁同一贯办事

○升太常寺卿刘四科为副都御史整饬蓟州兵备兼巡抚顺天等处地方

○以原任云南左布政使赵健除贵州左布政使

○以畿辅灾荒暂蠲保河真顺广五府本年秋季本折马匹

○己未直隶巡按张养志言治河之策不越理黄河开泇河之两端而黄河之说有四泇河之说亦有四一曰塞黄堙口以杜洩水之隙盖运道河身原浅故蓄水不深全赖黄河水接济方可通运自堙口一决全河势已南徙见今口阔八十余丈水深二丈四五尺三丈不等以致东河微细浊河乾涸徐邳一带年年浅涩前年开赵家圈三仙台今岁开李吉口旋亦淤塞职此之故须将此口预为堵塞使水不南洩尽向东注庶运河之水常盈而粮艘可免阻滞一曰浚李吉口以通引水之源自赵家圈既淤所赖以引导黄水接济运道惟此口耳黄堙口冲决日久势已深阔须将此口大加挑挖深阔相等始得分夺其势但此口至运河长三百里工力浩繁合于每岁运毕之日自吉口至坚城集隶山东自坚城集至镇口隶徐属并力兴工大加< 疏 疏 >浚近口处阔二十丈以下阔十余丈俱深一丈四五尺庶可引水一半东注而宿邳之间可免浅涸之患一口浚徐邳漕河以为受水之地自邳宿以至徐吕地高河浅难以蓄水每至春夏之交率多浅涩合于初冬以后将北自珠梅闸南自宿口一带探勘浅处即以额设捞浅二夫大加< 疏 疏 >浚三五尺务俾深通更于大浮桥迤北刘家湾建闸一座镇口闸迤北至玉皇庙建闸一座以时启闭庶停蓄自深节宣有具一曰筑永夏堤以防决水之虞此堤束水归漕关系甚重先年原系土民接筑御水后因黄河南徙水涨沙淤前堤低矮单簿去岁马家溜何家集冲决数口水尽南奔不惟徐邳运道浅涸即永夏田庐亦被淹没今虽堵塞尚未完工近又冲决申家营三四丈若不上紧加帮恐难捍御合于此堤帮修高厚夯杵坚实更接筑大堤一道直至大石山头俾南岸一带俱有堤御以上四款皆运道之不可缺者也一曰开黄泥湾以通入泇之径邳州沂河口入泇河之门户也进口六七里有湖名连二汪其水浅而且阔一多淤泥粮船至此沾滞难行欲为挑浚则无岸可修欲为埽坝则无根本可据查得湖外有黄泥湾离湖不远地亦颇低自沂口至湖之北崖

约二十余里合于此处空河一道以接沭口不必拘定丈尺惟以可通运艘为度湖水引以灌河湖身弃而不用所费不多成功亦易运舟从此可以直达沭口一曰凿万家庄以接沭口之源沭口递北有地名万家庄以及台家庄侯家湾梁城等处原系山岗高阜之地且多砂礞石块极难为工河臣刘东星并力〈明史 疏-金〉凿业已成河今岁轻小粮船已通行三二十只但河身尚浅水止二三尺不等江浙湖广粮船重大难以通行合于此处更加凿削三五尺俾韩庄之水下接沭口并蓄水五六尺深庶粮船不论大小轻重沛然可达矣一曰浚支河以避微口之险韩庄之西有湖曰微口上下三十余里水深丈余必测探水势深浅插立标竿以为向导遇风扬帆顷刻可过偶遇暴风不免漂流今已于湖边开支河一道下接韩庄上通西柳庄四十五里不繇湖中挽拽有路合将此河再加〈明史 疏-金〉浚庶可免漂之患一曰建座闸以为蓄洩之数地势原有高下则蓄水自有浅深万庄一带地势原高虽有开河身一二丈四五尺不等较之沭河以南犹为高峻北来之水至此南下必速合于此处此照济宁在城等处或三五里或十数里相其地势建闸三五座以时蓄洩庶节宣有具水可常盈无浅涩之患矣以上四款皆沭河之不可缺者也夫黄垆口先是河臣以为不可塞而臣以为可塞者盖彼时徐吕二洪不患浅涸而患冲决故留之洩水以防冲运之患此时二洪不患冲决而患乾涸故塞之借水以成济运之功沭河先此河臣以为不可开而臣以为可开者盖前此〈明史 疏-金〉凿未至砂石为梗故谓其不可开者虑河工之未易成也今沙石已凿深通颇易故谓其可开者惜成功之不可弃也此二役也理黄河乃万世不易之经开沭河乃一时济变之权譬之用兵黄河为正沭河为奇理黄河而并修沭河此奇正并用万全之谋也若修沭口而遂弃黄河此舍正而用奇非长胜之道也非臣之所知也工部覆奏请命河道诸臣勘议得旨这河议着作速会勘来行毋得迁延推诿以误漕计

○庚申巡抚甘肃右副都御史徐三畏〈明史 疏-金〉辞加恩不许

○南京都察院右都御史李颐〈明史 疏-金〉辞新命仍命候代赴任不准辞

○辛酉赠故阁臣赵志皋为太傅荫一子尚宝司司丞

○癸亥升通政司右通政程奎为南京太常寺卿

○革整饬怀隆兵备按察使马崇谦职为民时 天寿山失火 上以陵寝近山深切忧惶命严查起火根因及各官疎纵失事情罪总督梅国桢巡抚彭国光皆请提问后障参将张充实罚治东路参将张国柱而免究崇谦 上怒故有是命天启三年恤录误谪降官员准复原职

○是月云南矿监杨荣进金内库凡税银一万五千四百余两矿金三十两矿银一千九百三十七两

○河南矿税太监胡滨进古藏铜器

大明神宗显皇帝实录卷之三百六十三

明神宗显皇帝实录卷之三百六十四

万历二十九年十月乙丑朔 上不御殿颁行万历三十年大统历如常仪

○大学士沈一贯题臣闻王者必世而后仁解者曰三十年为一世 皇上神明御宇三十年于兹今日廷颁万历三十年大统历大小臣工莫不欢呼鼓舞以为 皇上当鼎盛之年成久道之化尤愿 皇上法天行之健励不息之贞自今以前三十年如一日自今以后亿万年如三十年则道化愈隆洪基愈固臣是以颂不忘<□□矢见>惟 圣明留意幸甚

○升吏部左侍郎兼翰林院侍读学士冯琦为礼部尚书兼翰林院学士改南京礼部侍郎叶向高为南京吏部右侍郎升右庶子杨道宾为国子监祭酒起国子监祭酒成宪为南京国子监祭酒

○丙寅户部尚书陈瓖言今岁金花春夏二季解完秋季进过银二十一万八千二百余两尚欠金花买办银八万一千七百 十余两而十月分应进者又至矣目前太仓如洗各边年例尚有一百三十余万未发冬衣布花尚在拮据木办今江西各省陆续有文报解岁额万无敢失伏乞 圣慈悯念将八月十月分应进金花但遇解到容陆续补进该库不得克期逼索奉旨进内金花银两系是常<□□矢见>朕樽节俭用毫无浪费尚然不足卿等何不体念既各省有文报角□羊着克期上进不得再行延缓在外各官不以急公为事还指名参治无得曲徇

○升顺天府府尹孙玮为太常寺卿 ○升兵科左给事中桂有根于吏科吏科左给事中姚文蔚于户科工科左给事中张问达于礼科各都给事中

○丁卯升河南道御史周孔教为太仆寺少卿云南佥事邓原岳为湖广右参议

○戊辰工科左给事中张问达言治河于初坏之日犹易治河于极坏之后则难昔之难止泗州 陵寝今治 陵寝而又兼运道且运道一坏于漫视黄堍口之决不早杜塞再坏于并力洳河以致赵家圈之淤塞断流河身日高河水日浅而萧家口又冲决于黄堍口之上全河奔溃南下直繇洳河入淮渐涨漫漫势及 陵寝今刘东星已逝总河重臣急宜推补令其酌议缓急先为堤防<□□距 毓-金 >导以为目前 祖陵明年新运之计继殫力挑浚旧河故道或寻别道通运长策庶几数年大坏之河工可以次第修举奉旨黄河横决恐侵泗州 祖陵且妨运道河漕大臣既缺著便会官推举克期赴任一面行文与各该巡抚多方料理无得坐视贻患

○大学士沈一贯言伏承 皇上垂问黄河事情臣闻黄河谓之神河冲徙不常最难测度先年所决之处似难一一责问今第宜及早命官不惜财力以收后效今日廷臣即推河南凤阳二巡抚正因二臣见在地方易于到任故耳惟望 圣明加意简择原票臣难轻改时 上以黄河南决责问往日河臣故一贯回奏云

○己巳命礼部右侍郎兼翰林院侍读学士掌院事敖文禎充日讲官兼教习庶吉士

○命原任经略朝鲜杨镐以副都御史起用荫一子国子生以兵部再勘宜特加升

荫以劝有功故也

○辛未湖广巡抚赵可怀奏辩郭如星< 郭 铨-金 >且求去奉旨朕用可怀原令安辑地方擒拏首恶不以追解赃物为命今地方安定陈奉又送回京允称特遣之意妄言的已处赵可怀著安心供职乱民除胁从免究其首恶还密访以正纪纲

○吏科都给事中陈治则论成宪不当起用宜仍行罢免下其章于吏部部议成宪既经论劾自难就列员缺另行推补从之

○壬申大学士沈一贯言昨 圣上发下册立册封选定本月十五日臣民顶戴不胜欢祝除册文五道先已进呈今拟合行诏书以进臣所拟诏条与部院公同口确比旧无甚增损至于赦罪一节臣今增拟原奏钦依及诏狱罪犯开具奏请定夺及充军为民一节臣增拟有奉特旨者具奏定夺此皆臣不敢朦胧之意谨奏上闻外有三事必须发自 圣心臣不敢擅入诏内兹另开以请如蒙 圣慈许允伏乞并赐改定发臣入诏书内幸甚大典既行先年有因议礼降黜者惩创已久吏部开名具奏叙用其余因事钦降罢斥官员吏部访择可用者分别等第查开职名议拟上请若奉旨充军者兵刑二部查其所犯情繇议奏定夺一矿税原旨权宜暂行今已日久本该停止但国用尚未充足姑宜酌处各差内官会同抚按查看矿脉已竭者牢实坚闭不得虚上包赔税额太多者查实奏闻量情减徵行抚按催解若有匪人投充生事虐民侵官者拏问究罪勿贷一各处织造除额供毫不减外其加派数内有节年拖欠未完者该部查请量免补解以宽民力

○命原任兵部尚书郑雒升原荫子二级且命世袭以其子锦衣卫镇抚司僉书都指挥僉事郑朴陈乞而兵部尚书田乐覆奏其七镇阅视之功川泉莽刺之捷尚未尽录叙也

○癸酉谕内阁朕以册立册封礼成天下颁行国家大庆 圣母在上鞠育朕躬恩同天地实自本源理宜称尊徽号显扬朕之孝敬卿可传示礼部择日具仪来行

○甲戌阁臣上 圣母慈圣宣文明肃皇太后徽号恭照 先朝旧典原加徽号之上再加二字谨拟二号上请一曰贞寿一曰端献奉旨朕恭览卿拟尊上 圣母徽号四字全用以显诚孝尊崇之意

○命与夷酋伯牙儿减半贡赏先是伯牙儿为蓟镇属夷每岁秋冬入贡领赏于马喜二关二十四年要挟罗文赏物大举犯青山及三道岭赏贡遂绝至是率其妻唐翠阿不亥叩关求款督抚议照长昂例革其贡赏五次抚赏二年以后款贡如故

○乙亥 上以册立册封合用册宝冠服等项钱粮未完催各衙门上紧儆造关臣已拟票上进又发下改票传谕钱粮未完著另改日期大学士沈一贯以原本原票封还御前因上揭力言其不可且言臣于他事无不祇畏顺从独此事为天地鬼神所鉴临关天下万世之公论帝王一言传之万古若轻加拟改陷 明主于有过之地臣万死不敢上意乃定

○工部言内官等监银作等局传造大礼钱粮计数十余万万分紧急刻日告成欲

于兵部收贮班军月粮银或太仆寺马价银那借一十万 上命于太仆寺马价银暂借十五万该部还催趲各省直应角□羊银两如数补足不得久逋失信按大礼钱粮金册金宝共用足色金十五两八成金三千九百八十五两七成金一千七百五十两责户部办送其他不可胜载也

○丙子 上以册宝未有金两该监尚未铸造且典礼隆重至期权宜或用册文宝文行礼造完补赐可否命阁臣还查奏来大学士沈一贯言礼有实有文册宝虽重尚是仪文造完补赐有何不可奉旨册宝办造迟误权用册文宝文恭候 圣母徽号之日御前补赐

○总督陕西三边兵部尚书兼左副都御史李汶三年考满命就彼复职赐敕奖励

○荫巡抚大同兵部右侍郎兼右佥都御史房守士子美轮为国子生以三年考满也

○丁丑以副总兵曹希彬降参将管游击事驻遵义地方监修该府都司周敦吉管守备事驻仁怀地方监修仁怀桐梓二县守备邢官驻真安地方监修真安绥阳二州县各照拨定兵马信地分后督理城工从川湖总督王象乾之请也

○戊寅礼部奏尊上 圣母徽号仪注用天顺二年所定旧仪也是日 皇太子诸王册宝告成大学士沈一贯以闻请收回权用补赐之旨从之

○己卯册立 皇长子为 皇太子册封 皇三子福王 皇五子瑞王 皇六子惠王 皇七子桂王先一日遣公朱应槐侯陈应诏驸马侯拱宸伯杨世阶祭告 天地宗庙 社稷是日卯时 上御文华殿传制命公徐文璧侯陈良弼常胤绪徐文炜伯王学礼持节充正使尚书李戴陈蕞田乐萧大亨杨一魁王世扬都御史温纯侍郎曾朝节敖文祯张养蒙捧册宝充副使册 皇太子制曰朕继帝王承先纘绪启后凝图缅怀有道之长必重升储之典是以主器莫如长子贞邦乃在元良备载圣谟昭垂 祖训咨尔元子英姿俊伟粹质温文问寝龙楼孝友出于至性谭经虎观器业就于日新 上天之默牖在兹朕心之真爱尤笃是用钦承 慈训上告于 郊 庙百神授尔册宝立为皇太子于戏正言正事道在人弘善继善绳命良不易其惟勉学可以敬承尔宜益务懋修无忘时敏圣人之道必可法日顾諟于羹墙 祖宗之宪俨在前尚美成夫堂构丕宣令誉光我训词钦哉

○册 福王制曰朕仰荷前麻克昌后胤既青宫之首建宜朱邸之同开爰霏龙章式循鴈序咨尔第三子常洵姿神朗俊器度端凝玉彩扬辉兆吉祥于再索金英挺秀比德美于双南年既充时宠宜受社兹用封尔为福王锡之册宝于戏庆余惟积善乐为安赐以圭桐俾尔有家有国观于玉梓宜知为孝为忠永垂藩辅之光允服训词之厚钦哉

○册 瑞王制曰朕惟周室多男聿启本支之盛汉家众建爰培磐石之安丹书之信寔公朱芾之煌允秩咨尔第五子常浩赋资睿敏具体颀昂雍容动止之妍克恭克敬和顺威仪之令宜国宜家兹用封尔为瑞王锡之册宝于戏亲贤开曲阜之基乐善起东

平之誉必常守夫忠孝斯永享于安康祗服义方庶无陨越钦哉

○册 惠王制曰朕闻帝庶为王指河山而胙土礼时为大或襁褓而受封既能趋拜如仪亦可称藩作辅咨尔第六子常润稟止含文扬芳吐秀设礼容于弱美俨雅度于成人兹当震出之期宜广涣颁之命是用封尔为惠王锡之册宝于戏华萼相辉褒闡亲亲之序芝函并曜光流叶叶之祥希葛藟之苾本根仿蓼萧之宜兄弟钦哉

○册 桂王制曰朕均爱一仪不爽鸣鸪之德毕王诸子俾同麟定之祥非徒为茅土之荣实以周本支之虑咨尔弟七子常瀛徽兰毓秀指李钟灵让枣居谦幼志已踰于成德剪洞涣命开封可后于诸兄兹用封尔为桂王锡之册宝于戏惟孝惟忠允为要道克勤克俭实乃訏谟树德务滋为善最乐是堪永世勿替训词钦哉是日遂诏天下诏曰盖闻帝王久安长治之道莫重于崇建元良我 祖宗家法相承惟长是立所以厚国本定人心也朕长子孝敬宽仁天钟粹美奉朕谕教时敏厥修今德器日益端凝学业日益精进允堪弘受慰朕至怀敬入奏于 圣母询问今十五日吉授册宝为皇太子仰承 庙社之灵俯顺臣民之望爰封第三子常洵为福王第五子常浩为瑞王第六子常润为惠王第七子常瀛为桂王俾各守藩共继大统典礼既成普天同庆丕覃渥恩备列于后一亲郡王及将军中尉等如有谨身修行足励世俗者该抚按奏闻奖励一宗室子女名封选婚礼部查果无碍即与题覆如有不明方行查勘先前行查者诏书到日巡按作速勘报长史教授等官有刁蹬故违稽错者查参治罪一王府应得禄米有缺少者该巡抚查催完纳一累朝见在公主所出子孙有志向学者荫一子入监读书一祀典神祇有司宜肃恭祭祀整絜坛宇其帝王陵寝及名贤坟墓皆宜修理禁约毋许樵采牧放一两京文官一品至九品各给与应得诰命先给领者进本品勋阶一等品同而职衔不同者照见任改给署职者与实授试御史试中书庶吉士及守制给假等官候实授授官复除之日补给愿移封移赠者听先已移封移赠今给与本身及妻诰敕在外方面官二品至五品有司官正四品未曾考满有正荐者亦与应得诰命先给领者进本品勋阶一等一两京三品以上文官未考满者荫一子入监读书一文武官员五品以上致仕年六十以上者各进本品勋阶一等三品以上致仕年八十以上者有司具奏存问为民者与冠带闲住闲住者与致仕一王府官愿致仕者进散官一级长史历任三年无过者给与诰命一大汉将军侍卫二年以上者给与冠带已冠带又历四年以上者授试百户年及五十侍卫二十年以上者不拘在役退间俱与冠带荣身一武官十年以上人文不到部者例不准袭但有路远家贫不无可悯量宽二十年以内者仍准替袭一武官诰敕年久未续者许本卫所保勘明白准与续黄以后袭替必亲赍诰敕与黄选查对相同方准选授一自万历二十九年十月十五日昧爽以前官吏军民人等有犯除谋反逆叛子孙谋杀祖父母父母妻妾杀夫奴婢杀主蛊毒魘魅毒药杀人强盗人命侵盗服御边腹仓库漕运钱粮并钦依罪犯及永远充军不赦外其余已发觉未发觉已结正未结正咸赦除之连年会审矜疑者分别奏讞敢有以赦前事相告言者以其罪罪之一内外各衙门见监应决

重犯暂免行刑一年一免死充军本因矜疑宽典而致累子孙为轻反重及补角□羊清勾祖军重为里甲苦累今后止照万历二十五年新例免死充军者发烟瘴极边充军终身若复逃归仍坐以死勾角□羊除嘉靖以后犯罪发遣照旧外其远年丁尽者准销有丁者许告清军司衙门类题改附近卫所若有丁诈称尽绝者坐罪其佃户女户不系的派户丁不得混行勾角□羊一问发充军及编发为民安置家口除逆党强窃盗抢夺人命窝访指称骗诈贪淫失机者不宥外若曾有功而罪可原者准行放免其素著谋勇年力犹堪驱策者抚按核实量用奉特旨发遣者具奏定夺一文武官吏军民人等有因事罚住禄俸粮米者除奉钦罚不许开外其余诏书到日照旧关支有见发立功运砖运炭运灰纳米拘役枷号罚马做工摆站煎盐炒铁瞭哨及充军伴仪从膳夫等项悉加放免各还职役军职例该带俸差操者仍不许管军管事文职官吏人等有犯赃罪情轻悉放原籍为民见被提问该发立功等项者仍候归结一体免罪发落一武职官员有原无赃私为一应千累诖误及因事忿争亏枉革职降级者许具奏办复因班军运粮违限参奏降级者不拘已未问结各该抚按官查开军数粮多少及所违限期久近分别奏请一各处运粮官军原非侵欺偶值风火等项损失官粮非力所及者许陈告所在官司勘明具奏尽其家产变卖赔补完足与免本罪一武职万历二十九年十一月以前为事降调两广等处烟瘴卫所病故不分已未到卫子孙为因路远不能赴所调卫分起文承袭者许令原卫查明起送承袭带俸差操其充终身已经开伍回卫年六十以上者比照为民事例子孙准其承袭其为事降级年六十以上子孙赴部替职者准复祖职未及六十者止计暂替所降职事为事立功者许令复职差操与支半俸扣至限满全支有限未病故者子孙袭职免其减俸一凡应袭武职比试违限应该住俸者免其住俸比试不中应给半俸者准支全俸二年之后起送再比总小旗因误并枪革役者许令起送补并还役一各边军民人等或因犯罪逃入虏中或因抢去遂为虏用有投归者咸赦往罪所在官司务加存恤安插如有率众归多及番夷归附者厚加抚恤仍具奏酌赏录用一正犯在逃监禁家属日久不获者除叛逆剧贼外其余悉令保候挨拏有律例不合事难决断与人命无尸可简强盗赃仗不明及年久无赃人犯无证原未成狱及已成狱而累诉冤枉事可惊疑者即与辨理当奏请者请谏一各处逃军逃匠逃囚人等在京限一个月以里赴通政司在外限三个月以里赴所在官司具首准免逃罪军还原伍匠仍当匠民放宁家其有角□羊军之人因违限期间发充军者放回宁家后不为例一在京在外缉获强窃盗妖言奸细等项问刑衙门务要从公确审果有冤抑即与辨理毋致亏枉一旌表义夫节妇孝子顺孙所以扶植纲常劝励风俗政之大本如果事实有司即申呈巡按御史勘结奏闻以凭旌表敢有稽迟者罪一儒学生员有亲老愿告侍亲者听亲终复学其累举不第年五十以上愿告退闲者与衣巾终身仍免杂泛差役一各省直军民逋负如金花漕折王府禄粮除本府督催全完外其带徵自万历二十年以前量免十分之三其余夏税秋粮马草农桑人丁丝绢布疋丝帛花绒屯田庄田子粒门摊□税户口食盐米钞诸

色课程盐课鱼课富户等项供用甲丁等库蜡茶银朱铜锡等料并各该牧马草场子粒租银自万历二十年以前已徵在官已经角□羊户人等收受者截数起角□羊已经起角□羊者严并批关不许闻风中止未徵在官系小民拖欠者分别蠲免已经徵收而有司侵没者事发坐赃论一各省直赋役创为条鞭里甲放令归农此定例也近闻不才有司条鞭外巧立名色科索烦重措留里甲城中致妨农务及近日征倭讨播量有科派加增丁亩丁粮银今事宁已久增派如旧各该抚按官严行查究禁革一各镇□人攒典侵欺浥坏追赃正犯已故或亲生子女与同居共爨兄弟监追五年之外家产绝尽者银二百两米豆五百石草八千束以下者径自豁免银三百两米豆六百石草一万束以上者奏请定夺其余亲族与无干被累者俱准豁免一内外监追赃犯已及三年别无家产不论入官给主二百两以下者竟自开豁以上酌量奏免一各省直等处额辨四司粮银段价班匠甄料糶麻柴夫木柴黄麻熟铁等项折色银及军器胖袄弓箭弦条鹿狐皮活鹿天鹅翎毛地租等项本折并额辨白麻生铁及红生熟铜生漆鱼胶桐油银朱猫竹水竹班竹棕毛蒲草蓆草等项本色物料自万历十六年起至二十年止已徵在官者截数起角□羊未徵在官果系小民拖欠者分别蠲免一锦衣卫宣官马匹原系自己长生不系俵角□羊之数走差疲苦每遇倒死比营操事例责限买补年终又验印比较累苦愈深除倒死者照常买补外年终止照旧例类造青册连马赴寺点验免给勘合比较一顺天等府州县寄养马匹内有发养十年以上衰老疲弱节次充军选退不堪负累小民餽养者太仆寺督各府州县正官酌量变价角□羊寺收贮凑补买马支用一京营巡捕倒死马匹应追买补及桩朋等银除已徵在官照常起角□羊未完者悉已蠲免如将已完者作蠲免侵欺加等治罪一律载投隐匿姓名文书告言人罪者绞见者即便烧毁若将送入官司及官司受而为理者皆有罪被告言者不坐近来风俗专以私揭匿名或虚捏他人姓名阴谋巧计无所不至久不申饬致令四方无籍棍徒罢间官吏山人游客潜住京师出入衙门拨置指使及左道邪术异言异服扇惑挟诈是非颠倒纪纲陵夷甚为政蠹今后缉事衙门不时驱逐访拏若赃证的确者照奇功事例升赏于戏长男主器益绵有道之长众子分封茂衍无疆之庆敷予德意咸使闻知

○庚辰以册立册封礼成文武群臣上表称贺 皇太子坐文华殿东廊群臣上笏行礼文武群臣命妇上表贺 皇太后及命妇表贺 中宫各如故事

○礼部题恭遇册立 皇太子正位 东宫臣等查得 祖宗朝旧典册立 东宫之后诸司奏事者在京衙门止用奏本在外衙门务要奏本一本启本一本今册立礼成所有前项事宜臣等相应题请奉旨着照永乐二年事例行钦此

○壬午大学士沈一贯言黄河决于归德地方尽趋东南潜入淮泗而黄堦断流徐邳浅阻回空粮船不得回南漕渠不可收拾而 祖陵又有冲系之虞总河大臣已经再推望早赐点用责令刻期赴任不报

○癸未 上谕内阁册立分封典礼朕遵 祖宗制度家法自然次第举行祇缘皇

册宝加上 圣母慈圣宣文明肃皇太后尊号曰 慈圣宣文明肃贞寿端献皇太后夫天地难酬日月难绘岂能纾予一人之深愿庶几鬯尔万国之欢心爰考彝章诞宣闾泽所有条款开列于后一亲郡王年七十以上者赐羊酒币帛地方官存问亲王八十以上者具奏遣使存问一应礼仪有衰病不能自行者许子代行将军以下年七十以上者各赐米十石绢十疋庶人量给三分之一一亲郡王嫡母与生母并存者其嫡母许奏请加称为太妃生母准授封为次妃特给诰命亲王庶子受封后生母例封夫人将军中尉受封后生母例封夫淑恭宜安人者果逾七十奏勘无碍亦准给与敕诰后皆不为例一勋臣公侯伯袭见爵者俱给与应得诰命未领者准补给一文官致仕二品以上大臣已有前诏存问其辅臣家居宜加优礼差官请敕存问一两京文官封荫恩例前诏断自十月十五日以前今既遇恩断自今日以前准依前诏例行其在任候代与见任同行取候命及应选待缺者补授之日一体给与父母见存先已受封其子官职迁转服色许与子同前母继嫡母准照三母例封赠继妻受封已故者见在继妻准封一内外文武职官有淹抑下僚及养病致仕年力未衰才识可用曾经科道抚按官荐举者该部量才查奏起用一两京衙门历事监生及承差各免历事二个月辨事官一个月办事吏二个月当该吏四个月礼部铸印局儒士食粮候粮及纳银冠带见在历事者各三个月一天下儒学生员准于额贡外顺天应天二府学各贡二名在外各学各一名俱于年深廩膳挨次考选止行一年有挨贡不前并停廩年久不愿进取者许遥授儒官其正贡不愿仕者开送吏部与七品散官俱免本身杂泛差役一军民之家五世以上同居共爨者有司勘实奏闻旌表诏书到日先给羊酒奖劝义夫节妇孝子顺孙已经旌表六十以上者男子冠带荣身妇人给赐绢帛米肉一节妇旌表例年三十以内若有苦节异常者三十五以内至五十岁外有司给扁奖励仍给羊酒以示激劝一军民有年七十以上者许一丁侍养免其杂泛差役九十以上者倍之其人若德行著闻为乡里所敬服给与冠带荣身百岁者表宅优异一犯罪存留养亲备载名例律近来通不遵行殊失朝廷优老至意以后凡军民罪囚有祖父母父母年八十以上老疾应侍家无以次成丁者犯该死罪除极恶重情常赦所不原及奉钦依外若误杀戏杀诬告人累死随行亲属等项及充军并口外为民开具所犯罪名奏请上裁其徒流人犯照万历三年例发本处摆站做工煎盐瞭哨俱听存留养亲务勘结明的如纳贿扶同朦胧奏请及任情施行以故出论一赦宥恩例以今诏下日昧爽以前有犯罪者悉依前诏例行其内外见监重犯年七十以上情罪惊疑奏请疏放问完罪犯遇恩应宥者即行查照发落行勘未报者速催归结毋致淹滞果有冤抑与应辨理者酌量情罪奏请定夺已结发配有可惊疑亦许量从宽宥但不许将钦依及情真罪当者概行开释以惠奸恶一国家设兵以备不虞一镇之兵自足一镇之用近来军饷不减而每遇调发輒称无兵俱归何处诏书到日各督镇抚按将食粮册严加拣选精壮者操练老弱者退换虚名冒占者姑饶往罪务令改正清补其有虚文塞责有名无人有人无用者宪臣严行绳治责有所归一各边卫所去府远处一切茶盐粮草词讼倚

办于管粮府佐责任匪轻不得其人或责武职赂遗或索军民常例揽坏边事以后务择州县举人进士正官著有贤声者升补不许将始进及岁贡监生泛滥除授一今后抚按官劾官员有犯赃人命吏部择其尤甚者覆行提问追赃偿命不许概拟为民闲住亦不许将有赃仍拟不谨不谨仍拟改调赃私照嘉靖四十五年例年终另角口羊户部以资边饷一抚按访察往往连及无辜止可间行不宜常行该部院仍申明禁约其衙门积年亦止惩治本犯毋许牵累多人各官有能拏发本衙门弊役者宜作功论纪录毋得反事苛求指为瑕疵致其扶同护短纵奸丛孽一合衙门举劾务照职掌不得仍前泛采虚名无益惩劝其旧不举劾衙门与所举员数不许任意滥增一各衙门有署印候代等官不分大小内外俱要着实任事与真授见任同有功一例叙赏有罪一例降罚不许以权管护印为辞推诿支吾致误公事违者该部院科道抚按等官从实参处一万历二十年以前修仓库夫月米纳价雇工致朱泔烂亏折遗累卫官扣俸追比年久未完者准行豁免一万历二十年以前凡各省直外角口羊钱粮系揽头角口羊户侵欺及铺口领过预支花费难完已经变产尽绝参问明白正犯或已监故或已发遣家属代为监追者准与豁免一近京涿州房山良乡天津玉田豊润及山东山西处渐开水田往往既垦成熟被势豪及经管地主混占告夺以致人心不固地利不开今后势豪再有混占许被害奏告重处地主如未受价止改正粮站量断荒地价值永令开垦之人就产立籍管业所在有可能加意劳来开垦数多果有成绩别无虚捏情弊者抚按官具奏优叙一各省直有洿下地土或山木冲塌不常原经除钱粮又复首报纳粮查果赔累者如已徵在官作正存留支用未徵及拖欠者悉与蠲免一南北直隶浙江陕西河南山东山西轮班人匠年六十五岁以上别无以次人丁替役者免其办纳匠价丁尽者所司勘明类奏降豁一鰥寡孤独及废疾无依者有司照例存恤勿令失所见在养济院者各给米三斗布一疋肉二斤京城粥厂弊窦多端穷人不沾实惠巡城御史访有买卖克落等棍着实拏究于戏度源远浚昭百代之徽音渥惠旁流副八方之后志布告遐迩咸使闻知 是月太白经天

大明神宗显皇帝实录卷之三百六十四

大明神宗显皇帝实录卷之三百六十五

万历二十九年十一月乙未朔礼部尚书冯琦上

皇太子及 四王冠礼仪注言会典 皇太子冠礼皆冠席醴席于文华殿内今文华殿既为临御遣官之地则带冠醴席似不敢设于殿内不得不移于殿之东序在 皇太子一向讲读之所 亲王冠礼旧在皇极门之东庑若 皇太子于文华殿东序行礼则 四王之礼不得不移于文华殿之西序谨酌量地势开具仪注上请一前期一日鸿臚寺设节案五于文华殿内正中设香案五于节案前设 皇太子冠席于殿之东序内设醴席于东阶之下皆西向内侍张帷幄陈袍服皮弁服袞服圭带舄具翼善冠庚弁九旒冕光禄寺设盥洗所于东阶下稍南设司尊所于醴席之南诸执事者皆立于其所一如旧仪设四王冠席于殿之西序内设醴序席于西阶下皆东向陈设皆如之至日 上

亲告 奉先殿诣慈宫告 皇太后出御文华殿传制遣官持节行礼文武百官各具朝服侍班如常仪其迎节就冠席三加醮礼进酒受敕戒送节一如成化十四年冠 皇太子及成化二十三年冠五王子仪注是日 皇太子及 四王各具冕服谒告 奉先殿谒告毕谒谢 皇太后次 上位次 皇后各五拜三叩头次谒谢 王贵妃 皇妃各四拜礼 四王仍诣 皇太子宫行四拜礼次日 上御文华殿受群臣朝贺内侍于文华门东间向西设座 皇太子具皮弁服俟于东厢房升座文武百官朝服就文华门外班位行四拜礼

○丙申 上以大礼告成加辅臣沈一贯兼太子太傅进建极殿大学士荫一子尚宝司司丞还赏银五十两彩段二表里一贯疏辞 上优诏不许

○户部覆巡漕御史张眷志条陈四事一议驻劄以严查催每年十一月初河漕大臣移驻淮安俟粮船尽数过淮仍旧驻劄济宁一重久任以专责成景泰二年命都御史王竑总督漕运兼巡抚凤阳等处至嘉靖三十八年命总漕都御史务要久任必漕务修举粮运无欠方许迁转万历十五年给事中彭国光题准漕务参政如遇升迁候新官交代方许离任比年迁转不常去留靡定比照边方事例总督与漕储道三年漕运依期定行超擢不称者重加黜罚一函回空以速新运一约运官以便押空皆报可

○丁酉户部覆奏天津屯田事宜先是保定巡抚汪应蛟天津葛沽一带地广人稀臣为之相度疆理督行道府副协等官买牛制器关渠筑堤计葛沽白塘二处耕种地共五千余亩内水稻二千亩其粪多力勤者亩多四五石余三千亩种葛豆者亩收一二石种旱稻者则以咸立稿大约水稻可收六千余石葛豆可收四五千石天津当多事之后见在两营水陆官兵尚四千人岁费饷六万余两俱取给于加派今幸而屯田可成若尽依今法为之垦地七千顷岁可得谷二百余万石此非独可给天津六万之饷即以充近镇之年例省司农之转馈无不可者且地在三岔河外海潮上溢则取以灌溉于运河无妨白塘以下多灶地原无粮差白塘以上为静海县民地或五亩十亩而折一亩粮差不过一分八厘民愿卖则给价不愿则田成给种于民亦便议将天津防海官军六千人春秋免赴防蓟合水陆两营兵共计万人除人各耕种外每岁渠筑堤可成田数百顷召募殷实居民及南人有赀本者听其承种少或五十亩多不过一二顷悉命仿照南南方取水种稻本年姑免起科次年每亩定收稻米五斗数年之后永为世业其军兵除自种五亩每亩定收稻米一石五斗数年之后荒秽尽辟各军兵且投且练民间可省养兵之费章下所司至是覆请命如议行之然得不偿失迄无成功

○戊戌上以 圣母徽号礼成加恩皇亲命武清伯李文全岁加禄米二百石永年伯王栋岁加禄米一百石郑国泰王道亨各加升四级周奉孝李盛各三级还给与应得诰命以示特恩

○辛丑礼部言 皇太子四王行冠礼是日 上祭告 奉先殿

上命驸马都尉万炜恭代又请 上以行冠礼之次日特御文华殿受贺报闻

○以南京吏部孙丕扬三< 〇〇〇 毓-金 >辞病命在籍调理病痊具奏起用南京工部尚书裴应章赴任供职

○命辽东巡抚李植以原官在籍听用从勘臣之议也辽自李成梁父子世握兵权抚镇以下非其亲嫗无不立被斥逐植锐欲复旧辽阳请内帑十万募精兵五千人筑新边以御虏卒为李氏所阻及奴酋陷开原植老矣上书言其事曰臣往以五军车营兵仅一万五千御十五万强虏被围七里沙滩三昼夜击杀酋首围角□羊宵遁虏阑入首尾七日城堡兵马一无所失全师保境亦可以无罪矣乃辽人中外构害虏退而臣回籍听勘距今二十年遂有此变盖按臣之< 〇〇〇 毓-金 >植意亦李氏嫉之也人言植议筑边欲籍全辽之众三丁抽一以事工作辽人汹惧故李氏得以尼植植去而旧辽阳之议寝辽事遂不可危矣 朝鲜国差陪臣柳根等二十二员庆贺冬至附奏倭情与陪臣应给赏赐并准收买焰硝二千弓面二百对年例牛角八十对给车辆运送交割

○壬寅

○命徐三畏以兵部右侍郎兼右金都御史以前加恩时未兼宪职也 ○升山西右参政刘鲁为按察使 癸卯 皇太子并 福王 瑞王 惠王 桂王行加冠礼祭告遣驸马都尉侯拱宸持节掌冠遣公徐文璧侯陈良胤常胤绪徐文炜伯王学礼替冠尚书李戴陈藻萧大亨王世扬宣敕戒大学士沈一贯都御史温纯各行礼

○吏科都给事中桂有根等< 〇〇〇 毓-金 >催点总河大臣因言漕河浅涩挑浚不易 祖陵昔受水害黄河之冲决尚在黄堍迤南兹又上徙于黄堍之西百数十里归德永城而下通为巨浸春夏之间雨水暴增恐淮泗益不敌黄而 祖陵左右复为沮洳之区矣先年黄河漕河用两大臣仅仅竣役自并漕河于一人曾几何人遂致敞今柰何并靳此一人也奉旨河漕重任再催二员并前催通写来看

○命保河二府被灾州县照勘实分数如例蠲免存留从户部之请也

○命冻阻京通钱粮二十四万有零陆运入通仓从总督仓场侍郎赵世卿议也户部上言漕运四事一备新运之船只每年漕粮俱限十月开仓十二月终完兑开帮如十二月终军卫无船领运把总等官各罚俸半年今且十一月矣水次开仓已久运船尚未回空合行各省直抚按管粮官除军船到者交兑外其未到者访求民运之制预先设法措处船只装载及时开帮接运军船仍与交卸如江西民船至南京交兑例一杜运官之观望万历十六年临德二仓截留漕粮二十万石原备灾伤非为粮运之迟姑为一时权宜计也自二十八年粮运稍迟倡为截留通仓之说今岁运官踵旧套观望逗留直至冻阻合行严饬一饬轻赍之预到轻赍银两系完粮之脚价官旗之盘缠银存随粮到岂容后时以后山东漕标银限在四月淮上轻赍头运银限在五月二运银限在六月角□羊入通济库违限参罚一申起剥之及时石土两坝及河西务船只原为剥运而设各有信地载在议单粮运到时有告洩者即便测度水势量行发剥毋得留难以稽运命依拟行

○丁未礼部以大礼告成请躬 郊祀奉旨三殿未建一应礼仪不便亲行 郊祀

秋水溢棗販貿易之舟見在通行今但< 漕 銖-金 >其壅去其塞事半功倍至便計也引禮之子同知崔淳曾與其事能道其詳且謂約其經費不至虛靡止須數萬夫不煩征調但借班軍假以二年可告成事事成當與河運遞相為用彼塞則此通此塞則彼通兩利并存此又一勞永逸之策也至先臣劉應節之旋開而旋罷者非河之罪以舍故道而凿黃埠嶺膠人圖便之口誤之耳以上三策願當事者熟計其便而審之然欲奏河功宜先分執掌往年總河總督設兩大臣分曹而理二百年來鮮有敗事往效可睹也頃因倭亟防海責之巡撫乃以漕河兩事并之一人詎不省費第未思昔之漕運河道緊要事務总在淮揚并奚不可今則漕運于江北而河決于中州二事并亟勢必不能騎牆而兩顧今郎不并設亦宜以漕務

○鳳陽巡撫以河務

○總河大臣姑待事完另議庶人有專責事有專功不可至顧左失右推諉誤事也夫職掌既分會推宜慎職聞會推之日此推之彼甲諉于乙有德者宜于受德有怨者嫌于受怨舉有微疵者懼人之議其後舉有盛名者慚己之狃于徇此必無德無怨無咎無譽之人而后可于國家事未必濟也且今之會推三次推者七人虽一時之選第人各有能事難概任如云人人有當于治河不敢信也且推而見用或出都在道任意迂延履任養尊置身清邃欲行一事先會稿各台及會成一稿復分委各道各道委各府各府委各州縣而始行勘議即勘有肯綮議有次第又須會文申各府各府申各道各道申各台間有未妥者必一再批駁而議始昼一即議已妥矣必各台詳允而事始舉行動輕數月少亦不則數旬如此推諉玩愒何日而可有治河之人何時而可底治河之績哉臣謂會推臣工各宜體國務秉公心無分朝野略彼生平但期于國事有濟才品俱優者為上果才優而品非眾與者亦在不遺惟顧其人之精神力量足勝河任以赤心行實事念篤公家身甘勞瘁者舉而用之奉旨後責之即日登途勿耽時日到任之後更責之遍歷河濱所至詢之父老采之輿輪以配己見一面踏勘一面議估作速處置錢糧鳩集夫役刻期興事計日省勞仍復假以便宜寬其文法斯則人當其事事宜于人可屈指而奏效也功成而兌運如期則超擢示勸不則重處示懲并及舉者祈敕該部查議速行治河之臣早賜簡用得旨往年河漕設兩大臣今以兩事并于一官應否并設該部院看議來說這本言多可采該部便看議來行

○甲寅禮部尚書馮琦言臣子之于君父無日不思瞻仰至于大典禮大朝賀願瞻天表一效嵩呼比之常日更為切至數年以來遇有朝賀間從傳免臣子受國厚恩遭時多慶偃卧私寓何以自寧請自今以後遇萬壽正旦長至節皇上特御文華殿令百官照常行慶賀禮如遇暫免亦于臣等于午門外行五拜三叩頭禮以伸舞蹈祝願之私報可

○大學士沈一贯言臣接御史高舉揭帖內言河漕利害竊為其言可采蓋京師受天下轉輸歲以巨萬計第恃一线漕河耳今年春夏間徐州一阻而二十萬糧遂不入倉若不急圖妨害明年運事不小三輔內地所在告荒太倉之米不支一年至于銀庫罄竭

如扫俛有脱巾而呼者何以弥之总河大臣已经屡推伏望皇上蚤赐点用隆之眷顾许以便宜若朝廷视为纾缓在下无复当担矣

○戊午起原任太子少保工部尚书曾同亨为南京吏部尚书

○己未存问原任辅臣申时行王锡爵王家屏

皇帝敕谕某官卿等赞襄密勿辅朕有年前屡有疏揭劝朕册力朕志已定待期举行但因卖直沽名之辈屡来激阻故从延缓知卿等忠言至计尚郁于怀今元子气体充盈学业精进已册立为 皇太子冠婚并举暨诸子封为福王瑞王惠王桂王率文武百官奉册宝加上 圣母尊号曰 慈圣宣文明肃贞寿端献皇太后国本已定庆溢宫庭念卿等家居系心良口兹遣官赉敕存问仍令该布政司官办备羊酒花银五十两彩段四表里一同特送以示优眷卿其加餐自爱特谕知之

○庚子礼部上冬至令节文武百官朝贺 东宫仪注奉旨正旦冬至遇朕免升殿并免其千秋节照旧例行

○辛酉冬至祭

天子 圜丘遣公徐文璧恭代命兵部左右侍郎员缺吏部再会推各一员并前推通写来看从兵部尚书田乐之请也

○工部覆奏江北巡按御史吴从礼疏河南张家楼决口在开封府东北蒙墙寺决口在归德府正北全河既溃势难捍御不若从决口图之犹可事逸而功集也查得张家楼决口尚小堵塞易就蒙墙寺西北宋家庄至上流傅家集两河相望约十里许乃黄河湾曲之所须开浚直河可以引水东流仍自徐家口起至下刘家口止约常十二里大加挑挖务俾深阔容水汛并将李吉口以下至坚城集三十余里沙淤河道尽力开通其黄堍南口以南如马家溜武家营何家集各处决口速行堵塞更加坚厚使河流尽归正漕免致旁泻又恐全河来复灌于镇口再改挑唐家口而注之龙沟入小浮桥庶既资其利又免其害目前悉切之计似无出于此者备查各处决口俱系河南地方前经廷议推补总河未奉旨允焉敢擅行趁此入冬水冻用工颇易移文河南巡府会如春预先料理一面仍候简点总河大臣庶不至于误事从之 两广总督陈大科卒大科扬州府通州人隆庆五年进士繇河南推官历升至右都御史巡抚两广总督两广以剿平峒贼升一级交款告成复赏金绮叙府江平定獠猺功赏如前二十八年南刑部主事毆阳东凤论劾听勘两广巡按勘称大科生自世家洊登膺仕才虽足以集事俭不足以佐廉列屋皆被绮罗每食必陈水陆穷奢极欲众所见闻第其扬历有年未章宠赂所指居官赃迹多属风闻应以原官致仕未几卒追叙海南平黎功赠兵部尚书赐祭葬

○壬戌长至令节 上不御殿文武百官于五凤楼前行礼

○是月更苏常四府税监孙隆以刘成代之

○辽东税监高淮进银内库样银二百两达马二十一匹又马十四匹

○湖广守备太监杜茂进银内库税银二万四千四百两船料五千两积余银三万

于有成窃以为当今治河要务计无出于此者得旨著行治河官上紧将旧河挑浚决口堵塞洳河既有成迹也著挑浚备用胶莱河行山东抚按踏勘明确来说

○以河南道御史高举巡按北直隶提督学政

○乙丑荫左佥都御史夏良心子警芳为国子生以三年考满也

○宴建州等卫贡夷奴儿哈赤等一百九十九名侯陈良弼待 ○丁卯原任礼部尚书兼翰林院学士朱赉< 〇〇〇 毓-金 >辞入阁之命 上优诏超令应召

○磔皮林逆苗吴国佐石纂太于西市其余决遣有差吴国佐者洪州司特洞寨苗也始祖曰奋儿洪武中反沅靖间诛死其后裔在贵州有吴大荣者骁勇养死士以不轨伏诛国佐之叔也国佐性桀黠踰淮走泗通汉语略知书义大荣死国荣收其妾龙氏黎平府持之急国佐素有异志上下皮林等苗彭举尚马等咸推服之至是遂反自称天皇上将阳听招抚而阴观播酋胜负持两端石纂太者亦自称太保杀百户黄钟音等百余人与国佐合兵围上黄堡二十八年二月参将黄冲霄守备张守忠讨之国佐谍知虚实命吴之臣诱降伏兵起我师大败冲霄走永从县苗兵追之城下杀我溃师千余人溪水尽赤执世忠生炙其肉使自食世忠骂不绝口与诸苗磔而啖之遂略水井燕窝等七十余屯堡焚五开南城破永从县围中潮所总兵陈良玘陈璘合黔楚兵来讨良玘兵失利退守靖州国佐益横二十九年正月巡抚江铎出镇靖州命陈璘率副将李遇文等分七路进剿璘师擒苗党银贡等游击宋大斌破特洞诸苗据险不出璘纵火焚之诸苗多死国佐逃天浦四十八寨复入古州毛洞追获之石纂太逃广西上岩山指挥徐时达诱而缚之杨永禄率苗万余屯白冲游击沈弘猷董献策夹攻擒之诸苗悉平

○戊辰大学士沈一贯言今日发下蓟州永平山海总兵官尤继先启本四本到臣看详前本系启 皇太子本原称启知与奏题启上御前本章不同不必有烦批发盖祖宗旧制但欲 皇太子明习庶政以广聪明使豫闻之耳若听断则 君父事非所预也以后此类 皇上览过似宜竟赐 东宫存照臣谨封回奏以闻

○命侍读史继偕编修陶望龄杨继礼简讨刘生中李腾芳沈< 〇〇〇 崔 >管理文官诰敕

○己巳太仆寺卿南企仲请敕户部补还借用本寺银七百余万章下户部

○庚午户部以二十九年各边未发年例银共一百五十余万两议暂借宣府镇贮银三十余万两转发大同山西为权宜借济之计得旨边饷多缺地又荒歉亟宜处给以慰军心各省直逋欠权宜借兑著上紧督催起角□羊刻限考成各该衙门务宜分猷共念以军国之急无得各分彼此仍前玩视该部科不时查参究治不许姑息 ○辛未命开复朵颜各夷马木二市并复宁前木市初辽东马市许令海西并朵颜等三卫夷人买卖开原每月一次广宁每月二次此成化十四年事也百余年来互市马货利在中国又以互市之税即卖市夷且贡夷詞虏声息即有大举我得收保预备其利多矣万历二十三年小歹青欲在义州大康堡开木市听各夷取木顺河运进买卖抚臣李化龙为请

逆耳之<□□矢见>一曰戒侈大 太祖尝谓侍臣人主嗜好所系甚重躬行节俭方能养性崇尚侈靡必至丧德今露台月榭上薄云霄不伤于筑愁乎臣愿 皇上遵 祖训令后人师吾俭一曰远货利洪武朝近臣有言储财者则曰庶人为一家计则积财于一家人君为天下主当散财于天下今日进月奉下竭民髓不伤于积贮乎臣愿 皇上遵祖训令后人师吾廉一曰恤人才弘治朝丁玘等五臣远谪储瓘以五臣直言徇国弃之岭海可悯乞还之风纪论思之地 上即命吏部起用今行取吝同刻印贬削无望赐环和气伤于士类矣臣愿 皇上遵 祖训令后人师吾之怜才使过一曰平刑狱宣德朝遣人逮林硕至问之曰尔勿怖但书实对硕言臣在浙东中官在彼者亦无乖迕惟左右小人不便臣者欲去臣以自便耳 上曰今既明白汝即复任遂降敕切责中使裴可力谓归必罪之今棘林有泣夜之魂圜扉无望天之日士气伤于冤抑矣臣愿 皇上遵祖训令后人师吾之解网宽刑不报

○壬申以宁夏俘获着宰诸酋首级一千八百颗云南荡平董瓮<□□金莽>水等寨斩贼首级九百有奇各于御前宣捷遣公徐文璧侯陈良弼驸马侯拱宸祭告 郊庙文武百官朝贺

○甲戌以云南十三寨荡平命巡抚云南右都御史兼兵部右侍郎陈用宾升俸一级原荫儿男升一级世袭少保黔国公沐昌祚镇守总兵官沐睿及文武将吏升赏有差云南十三寨矣堵诸夷即志所称蒲蛮者虽名十三寨高垒深堑绵亘数百里即百寨不止也所居天险强弩毒药为诸夷之最董瓮亦革雒亦璧等寨诸夷莽凹歪列哈喇梗等遂连结为乱杀指挥千百户等官数十人夷汉人归顺者皆歼之剖腹剖肠以令于众且言胜则据顺蒙攻腾永败则西勾缅甸东走播中国其如我何 上震怒决计讨之假抚镇臣便宜行事二十七年九月腾兵从右甸入姚兵从湾甸入顺蒙兵从澜沧路富都牛街入土汉毕集分道夹击诸夷首尾不相救莽凹等酋皆授首十三寨悉平是役也兵部覆奏以为兵不过二万期不过七月擒斩计一千八百八十七名降附安插至一万二百六十有奇视先年丁改之役不啻过之

○以左庶子唐文献升詹事府少詹事兼翰林院侍读学士

○乙亥户部尚书陈藻言臣待罪计曹承中外多事之后顷因边饷急缺一百五十万太仓银库如洗束手无措议及那借兑发不过苟且目前之计臣日夜忧惶乃于本月初六日钦奉 明旨因御用监把总张润泽催请婚礼钱粮之奏命臣部上紧措办送监应用臣部自万历二十七年至今年节次所进珠宝金两约费银二百五十万银非别项额派直于发边数内那借耳那借愈多欠缺愈甚即欲措办有何术耶臣窃惟 祖宗以来嘉礼代举未有竭天下之物力费至二百五十万犹患不足如今日者臣查万历六年为买办珠宝添进金花银每季五万臣部执奏以为一年增二十万十年当增二百万民赋既不可加太仓又无可借年复一年后将何继又云买办应用各库俱有额设银两若买办于太仓额银作何支用当日奉旨亦以其言为是自是以来又二十余年则添进买办

银已余四百万矣内库但有增入未闻诏出不为不多太仓既供折价复办物料安得不匮 皇上不取之内库而专索之外府不以节次所进付监应用而以后来难继责臣措办即使计然画策刘晏持筹无如浩费何矣所幸 圣明节财以定制凡一应供办责之内库其余军国正供臣部不敢诿责得旨库藏匱乏边饷急缺损上益下正本清源朕岂不知但因东征西讨兴师动众费用不貲以致中外困竭非止内供买办而已且嘉礼代举钱粮浩繁自嘉靖以来内库取用搜括已尽该内监各衙门责任造办迟误有罪屡行奏讨朕皆裁酌量用岂有多余卿等所奏已知道了还著遵照前旨设处陆续办进应用毋得违缓

○丙子福建巡抚金学曾设立常平义仓义廩常平司之有司义仓劝之乡保义廩倡之缙绅请纪录循吏车大任及乡官陈长祚等报可

○丁丑光禄寺卿王守素以上供缺乏乞敕户部严催在外拖欠钱粮因言 世宗皇帝临御日久供应不足輒令借给于太仓一旦奋 乾断崇节约清查冒滥至嘉靖四十四年岁用仅十七万有奇则知中年靡侈渐积致然原非其初也我 皇上万历元二三年间岁用十三四万以后岁增至二十六七万视之初年盖将倍矣伏惟 皇上慎乃俭德同符 祖宗正供之外诸凡传讨倍加节省则今日理财第一义也 上命浙直等处拖欠钱粮勒限催徵角□羊进不得仍前耽延

○戊寅大学士沈一贯< 〇〇〇 毓-金 >催点用总河大臣因言事之最急者有三其一则黄水侵淮水而泗州 祖陵被其患再缓不治虽凤阳 祖陵亦当被其患夫 祖陵国家王气所钟 祖陵被患岂惟 列圣龙蛻之藏不安于地下而千万年 圣子神孙托根基命于何所彼庶民衣食之流尚恐伤其先莹爱及一草一木况 帝王之家甚关 宗社亦切 圣躬最不可缓图者也其一则黄水侵漕河而运道阻塞南米千万艘停阁不进京师之米粮日贵百货日少三辅沙砾何以供六宫廩百官饷九军九边而育养邦畿千里之民乱生犖穀其忧不细非 社稷之福也其一则河南山东徐沛之间乃中原都会之区譬之身为腹心之位譬之家为堂除之所此而昏垫耕耨莫施□贾不出则腹心溃而四支皆坏烂不可收堂除榛而四隅皆阻隔不可通故中原之民尤当爱护中原之地尤当垦辟令其陆沉如海而无完土非 社稷之福也从来比河道关系之大于九边比河工责任之难于御虏人臣既莫之任 皇上又不令任臣实忧迫如坐针毡若托之非人或因之为利不顾利害之切身第取锱铢之快意此视国事若儿戏而计之至愚者也臣为此惧竭忠尽言亟点廷推之外更无要术专委河臣之外更无奇策早责成一日则早拯救一日使之讲究利害之归处画< 〇〇〇 毓-金 >塞之法此十人者已极一时之选惟 皇上选择而使之耳

○旌表节妇十四人三原县民秦岷妻王氏南郑县经历李梦麒妻芮氏咸阳县民李芝妻张氏贺县千户房继先妻袁氏义州卫舍丁贺有烈妻曲氏义州卫举人王懋元妻刘氏广宁卫生员卓天德妻梁氏大同卫指挥陈栋妻李氏东安县生员郭佃妻张氏

滦州监生高朝妻谢氏深泽县民孙尚业妻郭氏宝坻县民高步云妻郝氏蔚州生员刘好学妻李氏新城军余张相妻李氏皆夫早亡守志各扁其门曰贞节烈妇五人蒲城县民葛宽妻郝氏萧县民李学泌妻葛氏固安县民刘杰妻牛氏涿州生员姜廷桂妻宋氏永清县民朱大化妻褚氏各悼夫亡自殒扁其门曰贞烈

○己卯礼部尚书兼翰林院学士冯琦上 皇太子婚礼仪注 东宫纳妃之仪成化二十三年礼部尚书周洪谟等所定自纳采以至謁 庙一如其旧惟 上传制旧御奉天殿今御文华殿 皇太子醮戒位旧在奉天殿御座之南今在文华殿御座之南而朝见之日诣 皇太后 上位 皇子宫皆八拜出诣 皇贵妃母妃前各四拜 福王 瑞王 惠王 桂王诣 东宫行四拜礼皆与旧仪稍别云

○庚辰以南京右都御史李颐改右都御史兼工部右侍郎总理河道提督军务兼管漕运事务仍命兼程赴任管事

○是冬无雪命顺天府祈祷

○壬午吏部右给事中田大益言诸臣谈河患者言人人殊大都皆以黄河之分而不挑黄堦之决而不塞致令水涸沙壅下流淤而上流溃运道阻而 陵寝危为当时河臣见任工部尚书杨一魁与已故尚书刘东星失算咎也东星既以忧瘁至死而一魁自陈治河始末及河决情形之< 疏 疏 >亦数百千言其谈分黄导淮之说不塞黄堦之故与今日萧家诸口之决皆在黄堦上流且谓河性靡常能焦劳于数载之前而不能达料于数载之后其言甚具然亦岂能遽辞其责哉臣以为宜令一魁角 羊任回籍并敕在事诸臣备将修举河上以来河臣的系何人何处并何年月应筑不筑应浚不浚果否失策以致败事从公勘奏而后 圣断加焉庶情状核而人心咸服劝惩当而河患可除耳不报

○癸未原任太子少保礼部尚书兼翰林院学士沈鲤再疏辞新命 上以鲤事朕多年忠勤著绩促令赴召时鲤疏久上未得命旨阁臣具揭请之至是始下

○以军功命原任蓟辽总督右都御史周咏荫一子锦衣卫百户世袭兵部疏称咏前后在蓟辽斩虏酋共计七千有余而歼速把亥阿台阿海尤功之最巨者今官阶仅进二级世荫不过一人至劈山养善等功竟置之不叙请如少保郑雒例特加优荫 上从其请

○甲申大学士沈一贯疏催下行取各官员不报

○上以宣大荒歉缺饷亟宜救济命上紧催发京各省直逋欠民运勒限催徵完解从宣大总督杨时宁之请也

○乙酉礼部上 皇太子出讲仪注先是 皇长子出阁讲学以未行册立不用侍卫仪仗并内侍进案至是礼臣以 累朝旧例开具上请从之

○丁亥先是督抚以大同灾荒请赈 上命赈以漕粮八万石矣又会议言应议三事一空运之难一估折之重一扣抵之速部议接运脚价照嘉靖三十一年事于军饷动支粮每石折银七钱俟年丰作四年陆续扣还报可

○命 陵寝军储不许概行改折着作速催解从南京户部尚书张孟男之请也凤阳各卫所官军拥护 陵寝凤阳临淮等仓设分司主事管之至是郡县以灾伤概议改折故有是请

○戊子大学士沈一贯言臣维国家典制署职官止支半俸不准授封署职而加实授者谓之升半级实授则支全俸许授封但文官惟郎中以下有署职其人不多而其升迁之恩诏中可得而详也若武职自都督一品以下悉系署职非军功不准实授实授者不过百中之一且其官既尊其人既多又当给全俸则费亦不貲故屡次诏书多靳而不许之臣拟诏遵守旧规非抑之也今马栋等陈乞之疏蒙 皇上准照弘治五年例行此但出自特 恩则可而臣则难以擅许故前票中有此委曲夫各官既实授即当改半俸为全俸其人又多其官又尊其俸发自内帑费当不止巨万岂得因一施恩而浪费无限不可不听各官辞免也且两京武职不计其数恐纷纷援例而请虽皇恩浩荡内帑充溢不能填无穷之壑而应无限之求矣兹兵部一本为武职乞恩谨遵 明旨参酌輿情等事正为此请不为防冒滥之端抑亦遏纷扰之衅乞即批准以明兴制以绝衅虞

○壬辰命 福王婚礼候旨行且着出阁讲学礼部具仪来行先是十月大学士沈一贯以礼部请行 福王婚礼疏票拟上进留中久之及岁尽乃有是旨云

○是月蓟永开矿太监王虎进金银内库银三千一百两金十两 户部奏进慈庆(广本庆下有等字)宫子粒银二万七千八十七两乾清等宫子粒银二万四千五百两
明神宗显皇帝实录卷之三百六十六

大明神宗显皇帝实录卷之三百六十七

万历三十年正月甲午朔免朝贺百官仍于午门外行礼 赐辅臣上尊珍饌又特赐烧割酒饭甜食伏姜

○丙申 宣宗章皇帝忌辰遣官祭 景陵

○丁酉工部请给总河右侍郎李颐敕书以便宜行事许之

○辛丑山西隰川王府管理中尉充倓以持法为俊日□梨等所诬陷 诏仍旧管理日□梨等分别禁住墩锁从巡抚白希绣请也

○壬寅署工科右给事中田大益言黄河为患已极治河失时日甚请亟将杨一魁罢削勘处严督李顺星夜到任不报

○甲辰 孝恪皇后忌辰遣官祭 永陵 ○户部覆巡青给事中张凤翔议太仓陪库官分董京粮以明职掌慎稽核意固甚美第陪库官原司觉察倘令分管是一柄二持似非政体宜令银库主事仍管其事以后凡有僭用如例先请后发今将各省直解到京粮银两先尽正项支用余一十二万余两倘有急用本部题请借发仍知会巡青科道以便稽查俟太仓稍裕陆续补还报可

○乙巳孟春享 太庙遣定国公徐文璧恭代

○丁未立春令节顺天府进春赐辅臣上尊珍饌

○庚戌 英宗睿皇帝忌辰遣南和伯方焯祭 裕陵

○礼科给事中白瑜条上八议户部尚书陈藻覆内四款如授虚衔以疏沉滞所纳官到任管事不支俸薪考满给恩典一体转升为冒滥如权开复以广甄收令进士举人获罪者得纳赎为非法如徵实赃以警贪肆令各巡按于提问贪赃官吏分省大小每年定额追解赃银从盈亟而食廉淆如勘税契以惩乾没查田价若干每两税银三分不论新旧一概税之额外无以安小民疏入不报

○辛亥宣时南澳同时地震有声如雷盖闽粤交界地也

○癸丑吏科给事中梁有年劾大同巡抚房守士老疾不谨状谓其病痿痹经岁不出案牒悉属二子代署也不报

○甲寅湖广潜江沔阳石首巴陵华容广济景陵平江荆门安乡大冶兴国等州县卫司灾荒巡按御史王立贤将改折缓征蠲免赈济列款以请许之

○吏部三以南赣巡抚李汝华六年给由例应加升俸秩请不报

○乙卯命定国公徐文璧充正史大学士沈一贯充副使指节诣 皇太子妃府行纳采问名礼妃郭维城女也

○以定国公徐文璧代祀 圜丘礼成时给三代诰命不为例

○原任尚书朱赓家居再疏辞 新命 上优诏趣令即来赞理不允辞

○户部尚书陈藻因右给事中白瑜论其条议过当上疏自白言今日计会艰难额赋有常取办无数近日大典费过二百五十余万犹宣索无已既非岁办正额何所抵兑臣三年屡疏祈免未回 天听乃谓臣气懦不争瑜或未之察也其指边饷缺乏束手无策臣即苦心刺骨不靳发肤而无米之炊巧妇不能也又各边发饷数如猬毛虽那移数仅三万上不便当题差官回数少向奉 旨许在各衙门取官领解非始自臣谓臣滥受馈遗臣自顾生平死不为也惟臣老病不堪任使乞 上罢黜诏供职如旧

○丙辰准辽阳自在州建学宫礼部铸给儒学条记一颗

○丁巳 诏增 东宫侍班辨该等官以詹事郭正域周应宾与曾朝节范醇敬同侍班曾朝节侍郎俸深升礼部尚书兼翰林院学士阁臣先委原任祭酒方从哲升詹事与唐文献黄庄天合同讲读 上以方从哲养病便另推见任者乃以郭正域充之翰林院侍读史继阶编修杨继礼各兼司经局充较书官侍书官礼部员外郎等闻诗通政司知事罗万爵各兼司经局正字阁臣提调仍前十日二轮侍

○是夜五更火星逆行入太微

○己未命 福王暂于武英殿西厢房讲读先是有 旨修造 福王书堂工部以亲王讲读之所原在皇极门前西庑归极门之北属内地工程具疏请 旨未下至是再议故有是命

○增设漕河道一员以霸州兵备参议汪可受升山东按察使专管其事从总河都御史李颐议也

○纳礼部尚书冯琦之言诏今岁灾异频仍 上天仁爱甚切朕心深为警惕亟图实政尔大小臣工俱宜痛加修省以回 天眷毋得虚文塞责

○荫都督僉事王芬男王进贤为庐州卫副千户世袭以死战有功故也

○革守备王廷臣江一鹏回卫从直隶巡按御使崔邦亮劾也

○辛酉准荆府德安王翊错庶长子常□□□高□袭封父爵

○户部覆署顺天府事治中舒体震议编审工事一以合县流寓当杂差凡有室家生产手艺人丁分遣正佐等官挨门实填流寓总簿分别中下上九则下则每丁纳银一钱每一则加一钱至上上九钱止促足各项襍差如丁不敷差每则量加二三分以足其数此簿一立则官止按簿徵银编帖而无勾摄审金之繁流寓止于办纳定则银两而免里胥索诈之害若住经三十年外情愿入籍者听与实在人户一体一岁给工食总其劳逸以为多寡如明智安仁北薪西城等坊各库称工食每名有编银至十五两中府三草厂并外马房郑家等庄各草厂脚夫每名编银至十二两原属过多今十五两者量减三两十二两者量减二两似为适中自后悉依减定银数编给著为定例诏如议行

○山东倭惊未息经略议增置教顺兵巡抚黄克缙虞饷无从出论勿置暂留登州左营春 班军于大嵩成山等处防海莱青右营仍戍边兵部覆如其言留左营一年俟冬另酌议 上然之

○更调分守黄甫营都司僉书黄正色延绥入卫前营游击王学书从延绥巡抚孙维城议也

○起原任宣府守备刘芳声为陕西坐营

○革都司僉书丁世用回卫以赴陕西芦塘任违限故也

○壬戌 皇太子初御经筵如常仪

○是日传谕 皇太子吉期伊迩三十日起暂免讲学 ○应天巡抚曹时聘言自万历十九年倭奴攻陷朝鲜声势震邻前道臣议增兵置舰以备不虞前岁东事戡宁当事矜恤民隐议撤西府协济蠲田上新饷各兵停募不补今倭警日闻补牢宜讲虽不能尽复十九年添设之数酌量于苏州府复兵一千七百四十六名沙船六十五只将应减存新饷银四千四百余两仍编徵及四府新增协济量复一万五千两松江府复兵七百四十一名将应减新饷银四千七百二十二两有奇仍编复常州府补旧兵三百七十八名留新兵一千一百九员名量编复田上新饷银一万二千两镇江府补旧兵一百二十六名留新兵一千一百六十八员名量编复田上新饷银七千四十七两有奇盖视四府地方之缓急以为多寡而又必将领人地相宜议将夏永昌调福山把总仍以都指挥体统行事虞宗诩以原官调崇明把总杨守愚调中平镇把总赵跃龙调游兵把总户部覆俱如议

○偏沅巡抚江铎条奏遏苗善后十事隶兵部者有六一谓沅州西邻贵竹北距五靖议于沅州添设游击一员统兵防御管辖辰常平清偏镇六卫兼制清镇守备如移设

总督即可用为中军以洞庭守备朱桂芳任一谓苗夷之变皆汉人激之议将起衅罢官赵思谦生员王延年提问正法以警将来一谓远近苗变皆因府县卫所官吏皂役索骗兼之土司乡导议各苗构讼但以财行求者苗犯与过付之人各加所罪三等官员受贿轻重异科文则充军罢斥武则揭黄革任吏书皂壮论赃如律但勒索激变者皆斩以徇一谓各夷少履城邑皆通事牟利起端今后推官知县以巡行问苗疾苦利害咸与兴除道府亦不许转委匪人务省驸从供亿严禁下役擅动夫马一谓苗夷跳梁皆汉人勾引当各苗复业之初尤宜申饬议将附苗人户按籍注名稽其出入如有私通苗夷拟以重辟乘机需索遣戍汉人投苗者不许容留擒送治罪一谓夷部实繁有徒游击铃制难周议于中潮所设守备一员统兵一千驻割分防更令清复屯地不许汉夷相争申明职守责令土官不得庇护以常德卫指挥徐时远任中潮所守备兵部覆议俱报可

○癸亥吏部尚书梁梦龙卒梦龙直隶真定人由进士改庶吉士授兵科给事中历吏科给事中升顺天府丞调河南副使陕西参政山西按察使河南右布政使擢都察院右佥都御史巡抚山东督行海运有功升右副都御史巡抚河南升户部右侍郎三年考满复职荫一子入监读书改兵部右侍郎暂管京营戎政丁忧回籍服阕起兵部左侍郎总督蓟辽保定军务大阅叙录升兵部尚书兼右副都御史仍旧总督辽东宽奠堡等处捷功荫一子锦衣卫百户三年考满军功叙录前荫世袭回部管事加太子太保改吏部尚书乞休准驰驿回籍

明神宗显皇帝实录卷之三百六十七

明神宗显皇帝实录卷之三百六十八

万历三十年二月甲子朔祭 三皇子 景惠殿以收回祭设赐辅臣

○吏部左侍郎曾朝节< 曾朝节 > 辞新命 上优诏不允

○荫永嘉大长公主裔孙郭梦兆重庆大长公主玄孙周居经崇德大长公主曾孙杨天佐永淳长公主嫡孙谢< 谢心 > 功各送国子监读书

○工部覆保定巡抚汪应蛟条议二款一广兴水利臣谨按境内山川图迹质以耳目闻见易水可以溉金台滹水可以溉恒山滹水可以溉中山滹水可以溉襄国漳水来自邺下西门豹尝用之瀛海当诸河下流故号河中视江南泽国不异至于山下之泉地中之水所在而有议督委各府佐贰一员及州县正官并选南官中能识水利者周循勘议某处可筑坝建闸某处可通渠筑堤高则灌注下则车汲悉照南方开水田法量拨军民夫役以便宜处置计六郡之内可成水田者奚啻数万顷每岁收获可益穀千万石畿民从此富饶永无旱涝之患即不幸漕河有梗亦可改折于南取余于北此国家无穷之利也一修理城垣夫四里之城大约用甃三百余万今秋成藿豆黍稷秸草视往岁倍收第每亩令出秸草一束重十二斤今秋不足以明年麦秸补完每一束计可烧甃三片大邑地万余顷一年足包一城中小邑三年无患甃不足矣甃既足然后聚灰大邑每亩令出钱二文中小邑三四文则可充灰价然后总计概邑人丁无论优免行差一体均派每

一丁役不过十日而大工告完每窑约烧甗五千匠役工食约一两五六钱此当于官府设处或士民乐输于小民毫无干预运草须用省祭义民公平监收先远而后近仍刻期某日收某乡毋致久积随到随收毋令久侯用夫役先分等第其下下户之极贫者每日仍给穀二升毋致饥馁以上俱丰稔则行荒歉则止苟创造之有端不必已终其事即乐成于他日不必已有其名如此不出十余年畿以内大半多坚城深池所以保障黎元拱护神京莫先于此俱应如议报可 ○户部给事中夏子阳请补司道之员复行取之官以振吏治重抚按之权制参随之奸以肃纪纲不报

○乙丑大学士沈一贯请以本月二十一日恭撰讲章如常进览许之

○蠲扬州府属额解麻铁蒲草银两因按臣以灾请也

○丙寅补赐辅臣年节银绶及讲官有差

○擢陕西副使李徽猷为右参政仍管地方事陕西左布政使霍鹏候服阕甘肃行太仆寺卿周裔先候病痊各照原官起用叙甘肃之功也

○丁卯遣官祭先师孔子 ○擢山西右参政杜潜为按察使仍管地方事以朝鲜善后有功故也

○罢国学纳贡例从祭酒郭正域议也

○戊辰工部尚书杨一魁覆河南巡抚曾如春〈○疏〉近因蒙墙等口冲决黄河尽皆南徙势趋永宿今不亟图转盼水涨狂流非惟生民受昏垫之虞抑恐 陵园有侵啮之患修筑汴堤以障南徙诚目前保护至计第工程浩大费不下九万该省岁修止六万余应留漕折临德二仓贖罚事例等银以济急需又汴堤上自归德下至灵虹接连绵仁石堤数百里若今河南地方已修完固而灵虹一带尚为残缺则狂澜尽复奔南前工虚实应一并修筑高厚始保万全宿迁小河口乃睢水出洩故道河渠尚未深广兼以耿车时儿滩横堤年久残废莫能障御为今之计速应〈○疏〉浚小河正渠仍培筑耿车等堤使黄流尽归小河口则弥漫自消而 祖陵庶无他虞第前堤概筑决口既塞倘下流不浚上源必复淤塞恐冲决之患又必不免应通行各该抚臣同心兴举毋分尔我以上工程俱限春月报完诏嘉纳之

○庚午大学士沈一贯言吏部苦于推补之未尽都察院苦于差遣之不敷乞 上俯允其请不报

○以灾荒蠲山东钜野嘉祥武城曹州济宁定陶峰县鱼台朝城观城濮州金乡滕县莘县单县粮税有差改折一年

○辛未 皇太子纳吉纳徵告期册封 皇太子妃命候陈良弼充正使尚书冯琦侍郎朱国祚充副使持节行礼

○制曰朕惟储贰天下之本婚姻王化之纲法阴阳以肇人伦礼先正始求窈窕以承内职思在进贤既得令仪爰颁显命咨尔郭氏粹姿婉婉懿德温良毓自名门娴习诗书礼乐教于师氏敬修鬋悦珩璜河洲乏声应其谐渭涘之文祥凡叶是用遣使持节册

封尔为皇太子妃于戏我 祖宗家法甚饬益远迈于汉唐我 圣母壶范尤端即当今之任妣尔既孚于凤卜宜交傲乎鸡鸣弼赞元良明章妇顺佑开胤祚广衍坤生风咏于归助我国都之教雅歌好合顺于父母之心祇服训词< 梡心 > 膺多福

○把总萧靖国训练朝鲜军兵告成兵部覆题应量补一官以酬劳绩仍申饬该国时加操演分布周防毋得恃安弛备复蹈前辙报可

○闲住安远侯柳< 梡心 > 勋乞留南养亲许之

○壬申工部尚书杨一魁< 足 毓-金 > 言袍服数多缺匠成造不得不选然国计未纾尤不可多选以滋糜费容臣部移文内监并各该衙门备查先年所收人匠内有名存人亡及见在年老不堪应役者尽数开出本部即行五城地方如数选补庶旧额不减而月米不加国计亦少裨矣诏遵前旨照数便选取送监应役其各衙门原未题请如何輒行查滋扰姑不究

○癸酉 孝贞纯皇后忌辰遣官祭 茂陵

○甲戌福建晋江南安惠安同安莆田仙游等县灾以差蠲赈

○丙子 皇太子亲迎婚成

○

○三边总督李汶以平洮泯生番六忍熟番力节功< 足 毓-金 > 请巡抚贾待问总兵孙仁兵备副使袁弘德等及同事诸文武等官功次宜优叙 ○丁丑以皇太子婚礼赐辅臣茶饭

○宴朵颜等卫进贡夷人邦失等二百七十七名命侯陈良弼侍

○戊寅大学士沈一贯以 上召太医院进宫诊脉具揭问起居

○兵部言闾套乞款已久宁镇迄无定议乞题催以凭覆请诏曰可

○己卯礼部以 皇太子婚礼成请 上升殿受贺诏免

○皇太子奉 命于文华门受贺群臣行四拜礼

○上有疾召谕辅臣罢矿税释逮系补用科道复建言诸臣职

○是日巳时 上急召辅臣及部院等官至仁德门独召辅臣一贯入启祥宫后殿西暖阁时 中宫翊坤宫皆养痾不侍侧 圣母南向立稍北 上具冠服席地坐稍东偏西南向 皇太子 诸王罗跪于前一贯叩头起居毕 上曰沈先生来朕恙甚虚烦享国亦永何憾佳儿佳妇今付与先生先生辅佐他做个好皇帝有事还谏正他讲学勤政矿税事朕因三殿两宫未完权宜采取今宜传谕及各处织造烧造俱停止镇抚司及刑部前项罪人都着释放还职建言的得罪诸臣俱复原职行取科道俱准补用朕见先生这一面舍先生去也一贯呼 万岁称谢言 圣寿无疆何乃过虑如此望 皇上宽心静养自底万安不觉失声 皇太后 太子 诸王皆哭 上遽起就床一贯再奏云六部尚书求去者三望 皇上谕令视事 上曰兵部尚书田乐户部尚书陈藻俱令即出供职工部尚书杨一魁不塞黄垆口冲我 祖陵着革职为民一贯复叩头出拟旨是

以君父为重专市思恩新旧建言奉旨降革诸臣都不准复职因矿税干连人犯刑部镇抚司仍牢固监候不许容纵南企仲本当重处姑降一级调用不许朦胧推升李戴萧大亨奉公守法即出办事不许烦辞奏扰

○大学士沈一贯回奏捧诵 圣谕中间处分诸事并慰留李戴萧大亨益见思虑周详精神溢发臣不胜喜慰圣体初安珍摄为上一切外事皆当屏除臣当传二臣令其即出供职勿为烦辞渎扰以劳 至尊在 皇上亦望澄思遣累太虚顺应不复以琐事寘念迓无疆之福其建言得罪诸臣矿税干连人犯 圣心既加悯恻德音必有沛时恩在朝廷诚非人臣所宜市私惟望 皇上以天地为心广大为德无因下之烦言久留己之德意则为天下锡福赦罪乃所以为 圣躬增福除灾也臣不胜倦倦

○南京户部尚书张孟男以衰病求罢不允

○益王翊釬请给内使王奉等十人冠带礼部以例闻许之

○辛卯重谕内阁朝廷开徵矿税等项因两宫三殿未建帑藏空虚权宜采用昨已有谕但传闻未定卿可传示该部院即行文与各处钦差内官并抚按等官都着照旧遵行待三殿落成题请停止如有抗阻者一体治罪

○大学士沈一贯言所奉 圣谕臣宜宣传行但臣受 皇上大恩一有差池悔之无及輒敢细筹而深计之以俟 圣裁 皇上既云罢止有时何必多申谕旨此谕若传不惟不能禁人聒扰而适足以招人聒扰矣 皇上聪明如神于此偶未加思耳恩之则知此谕虽严部院能帖然遵奉行文与各抚按乎臣知其必执奏矣彼抚按官亦岂能帖然遵行无后言乎臣又知其必执奏矣科道及南北两京十三省官亦岂能默默而已乎臣又知其必执奏矣如此则是臣方劝 皇上静养而反至增 皇上烦虑臣心何忍臣罪何逃人既聒扰 皇上亦必交章攻臣臣不能一日事 皇上矣昨吏部刑部止以请命未得弹章随之 皇上虽有明谕犹皆闭门不出二臣如此臣身可知臣身若经一攻万无苟容之理此时恐动 皇上一番气恼费 皇上一番处分臣不足惜顾非国家之福也是以展转思维未敢轻传以纷纷之口而扰 皇上之静摄伏惟 皇上再加斟酌慎重丝纶臣自知不肖不称任使谨伏冀待罪请旨

○临淮知县林鏞为广东采珠太监参随赵安诬称经过其治不应夫役裂勘合抢银擯得严诏系逮至是扭解起程凤阳巡抚李三才〈 鏞-金 〉白其冤并鏞自辩俱不报

○壬辰吏部尚书李戴奏建言得罪诸臣皆一时之贤才人皆望 陛下收录久矣顷慨下明谕臣即备查职名方具〈 鏞-金 〉上闻因矿税未决取回前谕 圣躬静摄诸〈 鏞-金 〉皆不能入臣之心急如焚灼而无可柰何也转躬之间坐失机会即臣亦心悔之企仲为国之心加臣一等臣甚服其言 皇上有此美意而臣不能即将顺布之寰〈 禹 〉臣之罪万万当罢方今天下引领望成命而久不至必将谓臣溺职臣恐中外人心因臣之不职而并疑 圣谕之不信是以微臣累 君德臣之罪愈大矣臣病已极正当钟鸣漏尽之时一当去平日不能格 君致官籍缺者过半二当去

今又不能推广德意以缺天下之望三当去古云大臣以道事君不可则止臣不能引君于道又不能止尚可覩颜居百官之上哉刑部尚书萧大亨奏自有矿税以来株连蔓引殃及无辜臣职任刑曹目击诸苦区区忧悯之心不在企仲后唯是臣遵奉 敕谕列款题知在企仲或未知其详耳系狱中止有湖广生员沈希孟等一起原任御史曹学程一人其余则已经拟罪发遣或革职回籍并不在狱若未经送问者又监候镇抚司于臣部无预 敕谕中未坐名开放臣自难专擅及行各司查明诸臣姓名得罪应放缘由一面题知一面角□羊释初不意成命即时撤回题< 硃-金 >至会极门坚不纳也事属意外委难逆知企仲督贵于臣臣亦亮之彼见 圣泽既畅而复阙系人欲苏而复困遂议臣奉行之不力故不暇计事机之多窒也臣愿我 皇上罢臣仍将矿税干连人犯及建言诸臣特赐宽释臣虽伏草野实有余荣各得旨已有特谕部事殷繁卿宜遵奉即出供事勿再有陈请以滋烦扰户部尚书陈藻等以停止采榷反汗备陈六不可 上不听

○癸巳户部覆议巡仓御史严一鹏漕政五事一桃花浅至王家摆渡浅属钞关主事里二泗浅至中心楼浅属通粮郎中议单甚明但自王家摆渡至里二泗最浅胶舟此钞关通粮所交界处也每相推诿此处有合站浅专属通粮郎中剥船脚价信地相沿已久似难别议惟行管河司官严督失役将王家摆渡等浅挑浚深广如有怠玩壅阻参究一河西务额设剥船八百只属开关主事石土二坝剥船二百七十只属通粮郎中今则有救漏者私载者缺少者以此起剥迟缓议自今年始每岁春初将一应剥船看验< 字文 >者修理务足原额不许出关一议单一款黄河广阔许越帮闸河则否近来昌密边粮亡论闸河皆得越所越者止于南粮查山东河南岁漕有派拨总海船山东中都俱有总浅船海船深重难挽浅船虽捷例不敢搀耽延时日遂至冻阻拟行巡漕御史许浅船越过海船先抵通州盘入泓船赴纳海船至日泓船往回接剥稽误者听穹运司官拿究增入议单一议单开载把总等官必候粮完方许交代此定例也今不候交代未到仓而交代各赴新任者法当惩创以儆将来仍咨总漕衙门申飭十三把总务遵单例违者参究一漕储道专为漕粮而设事有专责一切浚河剥船押运催僮各有攸司霸州密云兵备与有河责议漕储道臣俟粮船尽数人闸之后先至天津会户工部臣霸密道臣同心料理诏如议行

○命锦衣卫指挥使李楨国为北镇抚司理刑原理刑都指挥僉事周嘉庆升都指挥使仍同管事

明神宗显皇帝实录卷之三百六十八

明神宗显皇帝实录卷之三百六十九

万历三十年闰二月甲午朔户部覆贵州巡抚郭子章议贵州地瘠产微力难自给矧值播事之后重以灾祲以川湖应解银抵为赈济又非分外之徵既蒙钦允经徵各官任行拖逋者应各罚治以惩违慢仍乞 天语叮咛川湖抚按诸臣将长沙府属未完粮

银先那三万两并乌撒乌蒙镇雄东川四土府未完本色米一十二万六千余石银一万两刻期立限通发黔省赈饥支用其余未完协济粮银务要一并完解毋得视为秦越如前推诿诏从之

○保定巡抚汪应蛟〈附 毓-金〉言自榷采以来家怨人愁已非一日彼其思乱而未即逞徒以报罢有期姑隐忍以待今报罢矣而又不果窃恐人心惶惑所在摇动万一草泽啸聚揭竿而四起虽有良平之智不能为谋 皇上即弗重诏令奈何以金瓯为戏乎诏矿税已有屡旨权旨采取自有停止之日不必渎奏宜静听处分地方事各用管理

○矿税之不果停也各省直巡抚刘四科杨时宁安文璧黄克缙等巡按赵标黄吉士等前后文章为地方请命得旨间如前或不报

○凤阳巡抚李三才议治河紧急之策镇口闸起至磨儿庄仿闸河之制每三十里建闸一座依时启闭以济新运及坚城集至镇口闸止挑浚河渠约费银一十九万有奇须留漕粮乃克济事工科驳因河留粮今太通二仓不足两年支放万一他变尤可寒心工部调停两说覆请诏浚河建闸及留漕粮等事令该总理巡抚悉心讲求担任行之许便宜处置动用兴工毋得推延误事

○乙未户部覆仓场右侍郎赵世卿议漕粮有正兑有改兑正兑者解入京仓改兑者解入通仓比因两仓岁有定额而改兑数少往往拨正兑以补之顾臣思之地有轻重势有缓急使京师而足也何忧于弹丸之一州即通州而足也何济于都城之缓急况京营官军赴通关支远道守候又苦担负往往以米易钱半值而归是有一石之名而无半石之实万一事变抢攘枵腹待食乃令擐甲执戈之夫索米于数十里外往返而后炊之不亦难乎宜自今伊始不拘三七四六之例将漕粮正兑尽入京仓以俟三数年间京庾稍裕乃仍改拨通仓以补改兑之不足至灾折粮银所以折漕粮非折九边之军饷也有一石之折则有一石之银有一石之银则抵京军一月之米何乃频年以来一概溷支以致银米两空捉襟露肘宜自今伊始凡属直省徵收折银解部之日另收贮一处专备春秋两季放给官军折色仍咨行各抚按非大灾祲不许擅请改折严督有司依期徵兑如此数年先京后通而两仓积贮可渐充裕矣诏然之

○丙申吏部尚书李戴奉旨进部办事上〈附 毓-金〉云臣所办者用人之事也建言诸臣 皇上沛然下明谕起用此实千古盛德之举今以臣之被言而至于上激圣怒遂使纶音阻格而不行臣之心何以自安臣一奉 明旨不敢渎辞者恭 上之命也难廷谢赴部而终不敢自宁者忧臣之职也 皇上德音发自独断原不因人而行岂可因人而止且寺臣之〈附 毓-金〉出自一时意见非是在野诸臣之罪惟皇上怜臣苦心俯将建言诸臣照前谕起用则圣断益彰 圣恩益臣亦有颜面于班行矣诏览奏知之矣还候旨行

○套虏来款许先是罢套酋市赏迄今十有余年二十四年曾乞款进马诏许给其

价后因各酋侵轶不常二十七年筑松山疆诸酋又器悻悻逆以故两镇起而杀获甲首几三千由是款议罢一意用兵二十八年吉囊著宰等输诚乞款使趾相错于道延宁二镇虑其犬羊狡诈皆未之许至二十九年吉囊等闻延抚王见宾解任将行恐后款事不成哀求益急见宾以为其心果出恭顺前此乞讨王印松山等八事今不复挂齿询之道将金云秦中民运多逋而年例解发又不时至如岁复不登士呼庚癸则患在萧墙奚暇构怨夷虏且款费岁不过三万余金若边尘不起士马免调遣所省客兵刍饷数足相当休士卒而徐修战备计无有便于此者于是唤庄酋等集墙下数其罪而谕之夷使惟命复以二十四年进过马价未领前抚臣刘葵曾加银货八百两月马十匹及开复市贡之期请见宾以为原旨有量加给犒赏之文昔许矣而今背之非所以示信于外夷也如夷言请下廷议兵科左给事中桂有根言国家阃外之权一委督抚原不以廷臣示中制不必会议于多官责成一抚臣为便 上是之宁夏巡抚杨时宁亦因著宰等认罪攒刀之誓进酋而谕之遵照往年 圣谕一年无犯方准一次款市恭顺在先给赏在后酋亦唯命及延抚孙维城代见宾宁抚黄嘉善代时宁复与各酋面质约盟如前每岁止照十六七年赏额毫不加增两镇新旧抚臣同总督三边尚书李汶及兵部详议再四皆言款便上曰虏既真心内附该总督及延宁二镇新旧巡抚等官定义悉称可许不必再行会议准与开复市赏革过者不许补给以后两镇官务力持定额毋得听其分外请讨私辄增加仍遵前旨一年恭顺方准一年市赏有犯即革切勿轻听罚服苟且开衅还令该镇拟善后长策来

○五军九营游击李登勇士营生营童钟革任神枢八营参将传良桥改调南用从京营御史劾也

○荫巡抚云南右都御史陈用宾男陈斗昭为锦衣卫百户世袭注衣中所

○丁酉兵部尚书田乐仍以病乞归 上念其劳绩优诏慰留之

○准故丰城候李环男李承祚袭祖爵

○升河南副使朱思明为右参政兼佥事专管河道开封府知府宋荐为副使兼右参议分守河南道南阳府知府邓启愚为副使兼右参议分守汝南道从巡抚曾如春请也

○调原任浙江右参政唐守钦为山东右参政兼佥事管青州兵备道事

○运太仆寺银二十一万三千五百一十二两于辽东补万历二十七八九三年年例买马之用从巡抚赵楫请也

○戊戌准汀州府知府黄应奎告病加副使衔致仕 ○己亥福建候代巡抚金学曾题自抚闽以至候代六年之内节省过兵饷查出应补库银一十二万七千四百两有奇乞行新抚臣会巡按御史将前银先扣还借给新兵银四万七千二十四两五分其次扣还借给旧兵银七万余两及将带徵欠饷藩司立法置册各分年限听抚按互相稽核户部覆如议报可

○庚子补赐辅臣 圣母万寿节银绶及讲官有差

○工部署部侍郎姚继可< 〇〇〇 钰-金 >言本部钱粮额徵原自不多祇因织造烧造举行解发留用已去其半所以部帑日匮措处不敷且该省每遇灾荒徵输不前者小民被鞭笞之苦造办不时者匠作受催并之艰劳民伤财已非一日昨 圣谕一颁方以为仰见天日息肩可期詎意顿因诸监之请仍令烧织诚恐小民闻之疑信相参欢呼之状转为怨嗟无论变生叵测后纵有诏令之加恐民亦不肯信臣职掌所关不敢隐默于无言也诏袍服器用等需难以停止令遵近旨造办挨次解进

○赵嘉庆秦希武等以贪追赃发配

○辛丑升云南鹤庆军民府知府祁汝东为两淮都转运盐使司运使

○宴海西脱伦兀等卫进贡夷人看只木等一百一十一名命候陈良弼待

○壬寅降分守河南右参议陈震一级调简因巡按御史袁九皋论劾也

○许墙子岭关提调朱崇道病辞回卫以武清镇抚杜逢春升署指挥僉事代之

○工科署科事给事中胡忻等< 〇〇〇 钰-金 >请竣 两宫工程其他大高玄殿昭和景仁等工及诸花园果园亭轩台榭等役皆属不急一切报罢专蓄财力急救 陵漕之患预积门殿之储不报

○吏部< 〇〇〇 钰-金 >承德意起废官将邹元标等一百一十四名开年次上请不报

○癸卯升工部右侍郎姚继可为工部尚书

○命司礼监太监田义同阅视京营从兵部以例请也

○甲辰升翰林院简讨王图右春坊右中允掌南京翰林院印信

○礼科都给事中张问达< 〇〇〇 钰-金 >请停辽东太监高淮所修经阁以节财力安穷边不报

○江西道御史杨文< 〇〇〇 钰-金 >等< 〇〇〇 钰-金 >请罢矿税昭大信以完盛美不报

○乙巳准故宁晋伯刘应元男刘天锡袭祖爵 ○丙午留副使黎芳于陕西管靖虜兵粮道事调副使张汝蕴分守陇右道从督抚议也

○升山东按察司僉事钟万禄为右参议兼僉事整饬霸州兵备

○刑科给事中张凤翔言近因矿税不忍遽止之故将释罪起废行取三事一并收回命阁臣并拟三旨已而果下行取虽稍迟难臣极知 皇衷之无他就中亦有难径行者故筹度迂延而未决耳臣等职居言责岂愚尽出南企仲下而待企仲之喋喋阻激哉将雨未雨之间使 皇泽之施不下究也不能不令人痛恨矣 皇上但知其越俎市恩而不知其发端盖有自也企仲与南京兵部主事武之望为儿女亲先年同官吏部名位相轧挤之望外黜快快至不能堪顷入京给由将企仲一生隐伏刊刻成册遍递长安企仲知为至亲所揭清议必不能容 皇上知之尤不能容与其奸宄露而蒙黜何如借建

于是于民易犹多膘壮官易渐次不堪又苦其来多任其牵卖用示羈糜今虏新复款约愿照十六七年卖过马不许多加及割舌啖沙等项须选廉干文武各一员专管查验膘壮堪备骑操方听解道验烙发各营城以补倒死余悉听照马估价付各营城委官领变完日将价交官银数听随多寡勿责其必足少苏接领之累一市赏无定价故虏易要挟市易宴赏在镇城道将足以弹压转堡之赏事属守操力持为难议置立牌面开列赏数押发道将应该道会赏者会赏应自持赴督赏者驰赴监督仍应查照原题进过马匹犒赏毫不复加仍遵守二十四年 明旨一年恭顺方准一年市赏毋得轻听苟且了事严禁军民不许私易将官不许贪功经管官不许扣克及以滥物搪塞一夷人入市华夷毕集难保无虞延镇市厂旧设红山大边闾门外与边里隔一墙基且围墙高不过八九尺环垣薄颓应改创边里外倚边墙上筑围垣如城匝以深池内设抚夷台瓮城即将官厅市地设险庶缓急无虞一套虏市期原在三月今订盟于二十九年七月则三月市期已过姑容于本年十一月初开市限月终或十二月半即完凡上市宴待并临时查给其应进马匹该附宣大军门进 上者附进应留边者留边市完有酋长效劳恭顺者查例题赏其余岁赏不拘此限每岁齐到边来不来不与其进贡马匹务择膘壮不得概收宁夏八款一市银请三十年以后每年照数全发银二万二千四百两至期听镇咨部题发一市期议以二十九年始市期限十月今岁复去岁之赏明岁开今岁之市一年无犯方给一次款市仍照延镇事例遵守一市分冲缓抚夷守备专管清水厂钱粮则中东通判轮管中卫平虏专责路将钱粮则中卫平虏各委通判分管今河东道驻清水河西道驻中卫镇城副总兵驻平虏弹压总兵官移镇玉泉营适中调度抚夷守备改都司职衔便于责成仍照延镇事例赏数抚臣置牌开列押发道将不许滥给一市夷各有支分名数内除来安哈屯故绝应除其已故指挥僉事舍刺乞探正千户脱计部落准舍刺乞探男打儿沙脱计男屋逆贡暂统俟果効顺再题袭授及各告增男婿二十五名俱应抚赏业与各酋讲明不加马数抚赏量通融处给不出原数及称克太并男阿吉大今住牧西海俟请盟方可复赏或在彼生事亦当议革一镇市易马未有定数骑操倒死累追桩朋分给官军每月扣俸不便兹岁易马以三千五百匹为额验果堪骑操方许分给营堡余听委官估价变卖价随马分数不必取盈滋累一置买市货委官侵鱼以致粗恶夷不愿领輒至耽延议除皮张糖果皮金照前廉委其细段布疋于四路通判轮委一员再委经历一员移文被处抚按委府佐一员公买应发马价隔年解发以便收买一松山我内地近始恢复恐夷恋故巢不可不过计而防之若阳顺阴逆当出兵捣巢牵其内顾中卫地方旧有宾免市赏当仍令互市盖内连伐彼狡谋外抚款彼向化要探实相机未可听武弁通事降夷轻动致启难端一该镇邻河套恐虏酋恃款而近边住牧官军既款而不敢驱逐自今有将官纵容虏住牧近边杀掠者轻则惩治重则题参每岁终类查将领有无失事报部处分兵部覆俱如议诏然之曰毋恃款忘战毋贪功轻动

○庚戌户部尚书陈蕖以久病求罢先将印务送右侍郎张养蒙管理诏许其宽假

可恨者寄居麻城肆行不简与无良辈游于庵拉妓女白昼同浴勾引士人妻女入庵讲法至有携衾枕而宿庵观者一境如狂又作观音问一书所谓观音者皆士人妻女也而后生小子喜其猖狂放肆相率煽惑至于明劫人财强掠人妇同于禽兽而不足恤迩来缙绅士大夫亦有捧咒念佛奉僧膜拜手持数珠以为律戒室悬妙像以为皈依不知遵孔子家法而溺意于禅教沙门者往往出矣近闻贄且移至通州通州距都下仅四十里倘一入都门招致蛊惑又为麻城之续望敕礼部檄行通行地方官将李贄解发原籍治罪仍檄行两畿各省将贄刊行诸书并摻简其家未刊者尽行烧毁毋令贻乱于后世道幸甚得旨李贄敢倡乱道惑世诬民便令厂卫五城严拿治罪其书籍已刊未刊者令所在官司尽摻烧毁不许存留如有徒党曲庇私藏该科及各有司访参奏来并治罪已而贄逮至惧罪不食死

○江西巡按< 〇〇〇〇 毓-金 > 请免通判陈奇可被逮以去冬之景德镇之鼓噪由中使潘相激变不当以不救罪奇可也

○陕西道御史汤兆京< 〇〇〇〇 毓-金 > 劾新改吏部侍郎朱国祚薊辽总督万世德不报

○丁巳大学士沈一贯三< 〇〇〇〇 毓-金 > 辞宁夏叙功加官恩荫诏褒嘉特允以成劳谦之美

○升光禄寺少卿杨凤为南京太仆寺少卿云南右参政易以巽为按察使河间长芦运使何继高为江西右参政兼佥事分巡湖西道兼理袁州兵备

○户科给事中夏子阳言 陛下优礼大臣每多宽容而大臣輒不顾公家之急惟狗身便之图臣谨据事以陈陈蕞素无经国之远猷谬创开纳之事例既经论摘引罪求去亦其分也 皇上准其宽假许其辞印则蕞之当去 圣明亦既洞烛之矣该部既有侍郎印务公当管理而自 皇上命之孰非恩宠张养蒙乃逞愤动气凭怒相加至欲告休求去何耶臣有以得其故矣养蒙谋升吏部之心已久屡见 皇上不点其怨已深积年所愿欲者不得遂一旦以所拂恶者相加故不觉其发愤悖傲至此耳养蒙既欲择官而任不屑本部之印纵勉强从命亦无心供职业况陈蕞以养蒙为引避养蒙以陈蕞为假病彼此诿让互相推委成何体统即今司属无所禀承部务尽见废阁边饷告急军士嗷嗷万一变起不虞谁任其咎乞亟罢二臣以为旷职委命误国不忠之戒别简用才望庶国计可裕而臣纪亦昭矣诏下吏部知之

○戊午大学士沈一贯以病劳请假调理 上悯之曰阁务繁重卿独任政本岂可空虚暂许给假宜善治之稍愈即出佐理以副倚眷遂命御医视疾于家遣中使赉赐猪羊酒米等物

○陕西河州莲花寨等处黄河水乾见底

○己未与光禄寺卿李用敬祭葬如例

○庚申朝鲜国王李昖遣陪臣成泳等二十一员赉表进方物马匹贺 皇太子正位东宫各赉彩段衣服靴袜

○以襄王载尧子翊铭已袭父爵准郟城王载< 〇土鼎 >回避管理

○辛酉大学士沈一贯以讲官进大学衍义讲章将完缮写 大祖宝训进览以便续撰讲章不报

○大同巡抚房守士乞回籍养病许之 〇兵部尚书田乐三< 〇足 铨-金 >辞宁夏叙功加秩优诏允之

○刑部尚书萧大亨等以 圣体全安恳乞终沛 皇仁释放禁系诸臣以昭大庆 < 〇足 铨-金 >不报

明神宗显皇帝实录卷之三百六十九

明神宗显皇帝实录卷之三百七十

万历三十年三月癸亥朔 孝肃皇后忌辰遣官往 裕陵行礼

○升福建副使俞士章为右参政分守福宁道

○户科都给事中姚文蔚言采樵之役既罢复施人心惶惶乃诸瑯不务宣布德意惟务广置腹心众树爪牙委官参随多亡命无赖掘人冢坏人庐淫人室荡人产劫人财以济溪壑之欲甚至船海通夷威逼杀令如潘相之王四杨荣之张安民陈增之王桐石等李凤之裴宗翰等梁永之杭大贤等其祸可胜道哉今四方事变章交公车莫非税使委官之要孽岌岌乎有河决鱼烂之忧伏乞 圣谕切责诸瑯尤甚者如李凤梁永辈撤回其委官干犯法纪如杭大贤等悉挈问正法不报 〇兵部覆议贵州铜仁苗贼告警总兵官李遇文称疾不赴属规避请革其任回卫 上从之仍谕今后总兵官如有托言规避者指名参治

○陕西税监梁永委官杭大贤冒称钦差催税领众入渭南县横索无厌逼骂知县徐斗牛致愤卒欧仓吏王兴国馆夫赵应贵娼妇石小城毙之斗牛由进士作令五载有声士民伤之巡抚贾待问< 〇足 铨-金 >讼言其冤有旨梁永同抚按究问刑科都给事中杨应文等言斗牛之冤 皇上业已洞鉴永身犯主使固与大贤同科乌可使俨然任会问之责乎斗牛受 皇上牧民之任大贤得而杀之则天子之为令者胡能一日安民于上而为 皇上抚此元元乎王兴国等蝼螳三命祇供一怒是谁纵之大贤与永信不可一日容于 圣明之世矣望敕该抚按将杭大贤等犯严提正律其梁永免令会问撤回处分庶有以雪沉冤而创巨恶不报

○江西巡抚夏良心< 〇足 铨-金 >言中使潘相采木于广信之铜塘此山地连闽浙恐境内绎骚山民煽乱昔年邓茂七叶宗留之难将作乞封禁勿采不报未几大猾陆太等为上饶民噪欧几毙潘相殊愤悒

○甲子谕吏部今帑藏空虚边饷告急户部堂官岂得互相嫌疑推委印务半月无著既各借词告病不肯代君分忧大义何在朝廷亦不强留以误军国大事陈藻张养蒙都令致仕去即与仓场侍郎赵世卿掌管员缺便会推来

○乙丑唐王硕爨以府第灾请补给袞冕皮弁等服许之 〇纳礼部尚书冯琦

之言诏 祖宗维世立教尊尚孔子明经取士表章宋儒近来学者不但非毁宋儒渐至诋讥孔子扫灭是非荡弃行简复安得忠孝节义之士为朝廷用祇缘主司误以怜才为心曲牧好奇新进以致如此新进未成之才只宜裁正待举岂得輒加取录以误天下览卿等奏深于世教有裨还开列条款务期必行仙佛原是异术宜在山林独修有好尚者任解官自便去勿与儒术并进以混人心

○御史康丕扬< 〇〇〇 铨-金 >劾僧达观狡黠善辩工于笼术动作大气魄以动士大夫如广平太守蒋以忠拜参公然坐受先吏部尚书陆光祖访于五台山盘桓十余日地方官无不俟候抚臣欲行提问彼惧而随光祖归后再至真定从讲益多甚有妻女出拜崇奉茹斋跪进饮食指以五台刻经借取重利复令吴中极无赖之谬慕台者鼓舞人心捐财种福一时收受数盈三万其自南入都也贵人争候倒屣恨迟入见跪伏转相慕效识连中外交结奥援近有一大臣雅负时望身止一子缘其崇信流僧遂即祝发从游父死不奔丧滥觞之极至此况数年以来遍历吴越究其主念总在京师始而由丹阳金坛归于燕继而由五台留都再都于燕终由真定五台卒入于燕意欲何为夫尽人咸可说法何必朝著深山尽可习静安用都门而必恋恋长安与缙绅日为伍者何耶昨逮问李贽往在留都曾与此奴并时倡议而今一经被逮一在漏网恐亦无以服贽心者望并置于法追赃遣解严谕厂卫五城查明党众尽行驱逐不报

○丙寅 上怒给事中萧近高御史余懋衡李培申请起用建言诸臣有诏本当拏问重治姑各罚俸一年而追及在前狂妄沽名邹元标等降革有差大学士沈一贯在寓养病上< 〇〇〇 铨-金 >申救云萧近高等三臣妄言千威罚俸示戒臣何敢言若在邹元标诸臣时移事改愆创已深近旨准其留用今乃追记其过以加之罚回视起用之意不亦大相悬哉此非 皇上本意特为三臣所激不觉移怒至此伏望俯从宽宥则至公至仁之心照然于天下而多口哆口之风亦不禁自息矣得旨朕怒南企仲于君父有恙之时輒敢妄言狂肆无上今乃唆使两衙门新进官不论是非擅逞胸臆屡行激扰已从轻处矣卿今在告恳奏降二级者姑各罚俸一年降杂职者各降一级用革职为民者仍留用卿可传示吏部如有再行党救渎激者并重治不宥

○升陕西分巡关内道僉事刘余泽为右参议兼僉事调管榆林中路兵备

○宴建州左等卫贡夷马哈哈等一百名命侯陈良弼待

○丁卯礼部覆大学士高拱嗣男高务观乞赠溢溢并母张氏祭葬议本官器本高明才兼谋断爰从讲幄入赞机廷以辅弼之任而握铨衡则威权不免过重自抟击之余而当枢要则恩怨不免大明然其人实有忧国家之心兼负济天下之具即如处安国亨之罪不烦兵革而夷方自服国体常尊所省兵饷何止数十万又如受那吉之降薄示羁縻而大虏称臣边氓安枕所全生灵何止数百万此皆力为区画卓有主持当其成败利钝之未形不顾毁誉身家而独任仓皇去国寂寞盖棺论者谓其意广而气高间不符于中道要之性刚而机浅总不失为人臣宜加易名之典以劝任事之臣其妻张氏宜与祭

一坛合葬诏高拱虽屡被论黜但在阁之日担当受降至今使北虏称臣功不可泯特允所请

○蓟辽总督万世德以人言再< 足 铨-金 >自白乞骸诏东征乃朕独断战功人所共知万世德累官皆朕亲擢待何公论之明仍用心供职不许畏避再渎

○升延绥总兵都督同知麻承恩为大同等处地方挂印总兵湖广偏桥总兵都督同知陈璘为镇守贵州兼提督平清等卫地方总兵从兵部尚书田乐请也

○给事中洪瞻祖劾南镇抚司指挥郑朴居停总兵麻承恩家人替钻改调求大同监生吴中彦包揽总兵李遇文重赏进京谋改地方教之告病且朴骗张鲸金宝精录数十万及文选司郎中妹夫蒋遵箴重装八擯致箴气死席卷已故内相冯贵家赏数万金梁秀以咨荐得升黄明臣以镇戎得转而皆被吓诈者中彦交遍边将给总督打点银四千两而窃援例跟故御史陈效前出朝鲜同沈惟敬送一美女于外国给金书刘綎金银玉帛马匹千万为投送势要久缩身东院不报致刘綎就路迁延前臣等恭候问安之日中彦妄传山东徐道人说荧惑出端门且入斗一时掩耳避之若沈武选见搜出卖假勘合赵吏部熟察其旧干办升官皆畏彼口未遑究治郑朴已经科道拾遗而部覆不行斥逐正使在位得以招权吴中彦见被抚按提关而遵官曲为庇护故私入京得以通贿惟皇上亟敕五城厂卫缉获处治仍乞申飭本部贵州苗疆内迫宜如抚臣原奏就近推补以解燃眉而大同虏构外深宜选威名宿将数员以资弹压今麻承恩既以夤缘陈璘往在播司亦同綎行贿发觉今后会推必精选举之名庶究安攘之实诏下兵部看奏令厂卫五城严缉挟骗钻谋之奸是时陈璘东西积有战功故 上不入瞻祖之言

○己巳兵部尚书田乐言官疑指部事因详张守愚推升之本李遇文覆革之由麻承恩陈璘见用之故且曰近者贵州大同有缺臣尚卧病屡旨督臣视事该司郎中申用懋每言不宜久悬臣预令其口确于阁臣科臣俱允可矣瞻祖既闻多说即当与该司口确之时直发其状顾报可以面议而背斥其非宜无乃假此以为攻臣之具乎至于走空棍恶口语交关匿名谤书无日无之科臣扯入臣之部事者盖亦以臣之望轻负累易诬且久病之躯被憎多口留实无益伏乞 皇上准臣休致其两总兵之应否当推与科臣所指郑朴吴中彦各事迹俱听部覆施行诏卿会推无私科臣妄为非议卿何须自明心迹宜安心供职麻承恩陈璘遵前旨用郑朴吴中彦你部便详覆议处来行

○庚午贵州分守贵宁道左参议张文奇以不及降一级调用从巡按御史劾也

○给故阳武侯薛钺男薛濂诰券

○蠲赈宣镇被灾地方

○户部署部事侍郎赵世卿言九边待哺既急帑乏更无可处请借太仆寺马价一百万分救饥馑 上从之谕俟后充足照数补还你部仍多方催徵节省接济将来

○原任四川副使分巡下川南道王貽德因播酋杨应龙侵犯内地募兵申报稽迟值杨酋破綦江为抚按所劾有旨逮系法司鞫之再三不服行抚按查勘回称底册所间

见底至是日突涨也

○壬午赠原任中极殿大学士高拱为太师荫一子尚宝司丞

○是时瑯使与地方为难礼科给事中萧近高< 〇〇〇 钰-金 >全大信云南道御史李培< 〇〇〇 钰-金 >请隆孝思皆以停税释系起废为言其劾陕西税监梁永参随杭大贤逼死县官徐斗牛则有陕西巡抚贾待问科臣杨应文道臣刘九经其参广东税监李凤乾没倍于上供及勾夷起衅等事则有南道臣朱吾弼皆于是月前后交章概不报

○甲申卯时日出赤黄照地 ○升户部总督仓场右侍郎赵世卿为户部尚书河南巡抚曾如春为工部右侍郎兼都察院右佥都御史总理河道提督军务四川按察使张恺为都察院右佥都御史巡抚大同地方赞理军务通政司左通政许弘纲为顺天府府尹陕西道监察御史周盘为顺天府府丞

○补原任云南按察司佥事伍可受为山东佥事巡察海道

○云南腾越州税监委官张安民播虐官民地方激变烧毁厂房安民焚死抚按以闻诏前屡有旨各差人员安静行事张安民既激变致死有何足惜但倡乱之徒宜正法典姑念人众令该抚按同税监访拏真正首恶依律处治其余胁从都免追究

○吏部以广东缺副使推武昌知府徐应簧 上曰徐应簧在武昌不能安定乱民无才可知不准用

○吏科给事中曹于汴言总督侍郎李颐夙负才名既任风狂无措枢臣田乐罪等陈蕞被弹不宜强辩南京兵部尚书邢玠前在播州苟且卒事纵酋启祸后在朝鲜掩败支吾虚报斩俘巡抚云南陈用宾陷猛廷瑞于刑而括冤积以饱虏死李先著于狱而昌荫嗣以荣身乞并加瘡斥不报

○南京吏部等衙门尚书张孟男等上言传谕罢矿税东南士女举手加额不谓圣心旋以为悔遂致貂珣愈横螳附益恣民心疑贰将必有理之所不能禁莫可谁何者吏科给事中祝世禄御史萧如松等亦各有< 〇〇〇 钰-金 >俱不报

○丙戌总督三边尚书李汶< 〇〇〇 钰-金 >辞宁夏叙功录荫不允 ○工科给事中钟兆斗< 〇〇〇 钰-金 >延绥巡抚孙维城搬沙一事令下众哗众哗令止仓皇既定不能暂乱首以申军法恇怯遮饰养成卒悍兵骄之习蓟辽总督万世德请兵一事宜密请朝议以折逆萌乃今日发属国请使之书明日发虜王请兵之扎支吾骇众自匿其隐伏期蔽之私欲全延绥蓟辽将二臣或移腹地或释兵权更饬边臣勿踵故智疆圉幸甚

○丁亥升吏部都给事中桂有根为太寺少卿江西道监察御史姚思仁为通政使司右参议礼部仪制清吏司郎中王纪为光禄寺少卿

○戊子升左谕德黄汝良为左庶子兼翰林院侍读掌左春坊印信右谕德萧云举为右庶子兼翰林院侍读掌右春坊印信右谕德黄辉为右庶子兼翰林院侍读掌司经局印信左中允陶望龄为左谕德右中允庄天合为右谕德俱兼翰林院讲读翰林院侍读史继偕为左中允侍讲顾天竣为右中允俱兼翰林院编修编修杨继礼为左赞善陈

懿典为右赞善俱兼翰林院简讨黄汝良等 东宫讲读俱如旧

○升直隶宁国府知府张明德为广东副使整饬南韶兵巡山东济南府知府沈烝为副使浙衢州府知府张尧文为山东副使

○己丑蓟辽总督万世德以给事中钟兆斗论其逗师辽左攘积釜山妄通虜王请兵之< 〇〇〇 毓-金 >以骇众听均属不职上< 〇〇〇 毓-金 >辩之曰臣边人也记往年虜王夫妇诸凡请祈事体但有干系俱抄达阁部兵科知会以见虜情日者顺义王与擦汉儿部虜讐杀因有借兵之书且引天兵救援朝鲜例臣循往套亦抄达阁部兵科使知虜中有此衅变而边臣作用后来有所证据云耳原非孔亟虜情可以奏报上闻者况虜王驻牧原在宣大就中机宜操纵宣大总督主之臣虽有书不过听宣大当事处分一言足矣就中有何欺隐而藉口支吾乎往臣经理朝鲜度辽之时值虜内讧臣自前屯即披甲乘马杂于行间与虜相望而驰至杏山虜复内犯臣督官兵挫前锋辽兵望风奔溃兹一战也辽人至今称之谓臣逗师辽左无论不足以服臣且不足以服辽人矣大都臣孙踪远裔年来谬从戎马之场以 皇上宠灵所至荡灭何敢贪天为功唯是承乏塞上久逾涯分伏乞赐罢 上报闻令仍供职

○庚寅原任大学士申时行王锡爵王家屏因 上以册立 皇太子册封 诸王上 圣母徽号遣官存问各遣子孙赉< 〇〇〇 毓-金 >陈谢 上各优诏报闻与家屏子王湛初为中书舍人时行孙申承芳锡爵孙王鸣虞为试中书舍人

○礼部礼科各储教宜亟择日命讲请 上曰知之矣候旨行

○兵部尚书田乐< 〇〇〇 毓-金 >言日者巡视中城御史张似渠捉获麻承训家人遂以移祸于臣臣不知其事之始未止据理陈奏并乞罢斥未蒙俞允复闻镇抚打问各犯麻承勋张国将俱革后无荐部中从来无起用之例麻承宗守备仅一年黄中顺游击仅二年部中从来无超升之例所不可为贿者臣无所事辩惟是审供内有云脱逃王鸣凤对脱逃冯荣说前缺已被承恩谋去等语总兵缺出惟臣口之阁臣该司郎中口之科臣数日即推榆林至京师二千余里彼安能预知而预谋之承训咫尺京师携重资差多仆尚不能谋而承恩于隔远谋之诚不知其解矣此之冷语盖欲起 皇上疑窦为陷臣地耳仰祈 皇上哀悯久病无用之躯放归田里以平言者之气仍敕镇抚司虚心研审庶麻承恩之有无钻谋臣部可以立见不然以此暗昧难明之人脱逃无据之言加臣臣即死九泉亦蒙不白之冤矣得旨麻承训等钻求事情已经打问明白与卿无累何得以冷语过为介意卿既不甘诬辱愤激苦切求去便依所奏准驰驿致仕回籍以待召用麻承恩已有旨留用矣

○辛卯命辅臣撰述琉璃河桥碑文

明神宗显皇帝实录卷之三百七十

明神宗显皇帝实录卷之三百七十一

万历三十年四月壬辰朔孟夏时享 太庙遣官恭代

□羊宁夏抵充年例此题奉钦依户部卷案具在可按而睹也据该监所称盐积如山变易得银万金今每岁额盐尚完不及强半安有积盐凡鹺政稽核有督抚按臣有盐法该道有府州佐贰晒捞有数掣放有单每年终以多寡会< 〇〇〇〇 〇〇〇〇 〇〇〇〇 〇〇〇〇 >具题纤毫悉明又安有奸棍侵渔于其间耶夫有一军则有一军之饷计口论食毫芒难爽户部尽将前课额拨三镇百例其在延宁就近或可少得接济如原拨固镇额自二十一年迄今计经十年共该三万八千七百三十余两止角□羊过三千五百两士卒每拥门告讦万分窘急今却以势不可得之正饷复欲腴之不经之苛求将啼饥怨愤激有他变谁任其咎矧皇上四海九州孰非外藏乃欲括银一万两为自效也不过欲藉此窃太阿之柄以济己私抱< 〇〇〇〇 〇〇〇〇 〇〇〇〇 〇〇〇〇 >刘奇者即先问死罪见监囚犯刘有原家人诈作土人上动 天听即此可欺孰不可欺伏望 皇上念保泰之大计将梁永所陈镇守盐利前事慨赐停寝仍严敕安分不得妄有陈乞以捍文罔寔 宗社亿万载无疆之福

○乙卯原任礼部尚书沈鲤行取在途再< 〇〇〇〇 〇〇〇〇 〇〇〇〇 〇〇〇〇 >引疾乞回籍调理 上温旨慰谕不允

○荫宣大总督杨时宁男杨汝敏为锦衣卫衣中所指挥佥事世袭叙宁夏捷功也

○工科给事中孟成已言 陵运剥肤河工束手近得旨允工部之请下九卿科道会议惟借内帑一切方可救急目前舍是不惟无神运鬼输之术亦且缓不及事望蚤赐俯俞不报

○丙辰中书舍人刘袞之因吏部郎中赵邦清辩< 〇〇〇〇 〇〇〇〇 〇〇〇〇 〇〇〇〇 >论其暗通关节预授瑞雪应祷诗上< 〇〇〇〇 〇〇〇〇 〇〇〇〇 〇〇〇〇 >请覆试昭雪既得旨九卿科道覆试称其诗合法程显无关节 上令留用

○工部覆南京给事中祝世禄议复舡厂一款总漕建议造于龙江关垂十余年矣迩因巡漕御史李光辉< 〇〇〇〇 〇〇〇〇 〇〇〇〇 〇〇〇〇 >请改于清江厂旋复旋改不啻数次必两者俱各有便与不便之故耳今欲仍旧改造龙江关彼身居其地必有所见然其事关漕运可否应听彼中请移咨总河总漕御史从公查议止求有裨粮艘弗致利彼害此以凭覆请定夺从之

○戊午原任工部尚书曾同亨家居四< 〇〇〇〇 〇〇〇〇 〇〇〇〇 〇〇〇〇 >控辞新命 上优诏不允

○吏部尚书李戴上< 〇〇〇〇 〇〇〇〇 〇〇〇〇 〇〇〇〇 >乞放 上曰卿清望素重倚赖正殷属官相构朕自当为卿处分不必郁怀称病大选在迩宜遵屡旨即出供职慎勿再辞

○己未原任礼部左侍郎朱国祚因人言四号引病辞职乞归优诏留之

○礼科右给事中白瑜< 〇〇〇〇 〇〇〇〇 〇〇〇〇 〇〇〇〇 >极言射场之起乾德台必不可成不报

○京师大雨雹 ○庚申德平王载堦奏长兄伍城王载墩歿于嘉靖二十一年十月十一日承父徽恭王令旨以嫂妃张氏病亟垂亡意候同请恤后嫂孀居五十余年于万历二十九年三月十四日方逝伍城王未归浅土乞并造坟合圻礼部行勘覆依例半给坟价遣官往掌丧葬

○总理河道侍郎曾如春< 〇〇〇 铨-金 > 上年蒙墙口决势虽南徙而蒙墙十二里之下若徐家口至李吉口百有余里涓涓之流固在也屹然之堤如故也此东行故道所宜速为开复者但故道自归徐至宿迁不下六百余里非集夫数十万备金百万何能展乎臣备查各属衙门报前总河库册总计犹不满三万之数日夜筹画非请发内帑无策矣臣岂不知国用浩烦第念国家莫重于 陵寝亿万年王气所钟又莫重于运道百万斛漕粮所由南徙之冲刷愈深故道之梗塞愈甚倘 陵寝委之洪涛胡越起于辇下即尽捐内帑何及臣即万死其何补哉不报

○辛酉兵部覆顺天抚按言湾州三河豊润昌黎乐亭保定大城等县叠罹灾伤诸未完踮银乞赐宽宥令俱在今岁六月内通完接济驿递支用宜姑从所议如过限不完臣等仍行参处以惩怠玩诏是之曰近来各衙门泛滥题差骚扰太甚通令省并以宽民力

明神宗显皇帝实录卷之三百七十一

明神宗显皇帝实录卷之三百七十二

万历三十年五月壬戌朔大学士朱赉捐俸一年助大工优诏报闻

○广西道御史温如璋< 〇〇〇 铨-金 > 言近日虎贲左卫指挥鲁登科代奏输银奉圣旨奏内两淮运司盐商余元俊等愿捐已资盐利银五十万两助治河工具见忠义准着原奏指挥鲁登科前去彼处听从钦差内官鲁保会同抚按巡盐御史等官照数查收此自 皇上之留心 祖陵但助义之商岂艰长途之费独不能叩九阍劾式卜之输财即不然岂不能赴抚按巡盐等衙门告明转达 天听鲁登科既非余元俊等亲识忽为代奏情属欺诬恐成误国害民之祸乞收回成命置登科于法不报

○癸亥赐铅山王缙膺庶一子名绅司 沁源王府镇国中尉恬暖嫡二子名理剩乐平王府辅国中尉融火 思嫡三子名谟刚灵丘王府镇国中尉俊标庶四子名充鮀辅国中尉充鲁庶四子名廷封

○赵邦清之被糾也辩而< 〇〇〇 铨-金 > 下其一邓光祚侯执躬为邦清所讦亦各< 〇〇〇 铨-金 > 辩而吏部尚书李戴言赵邦清被言官指摘妄拾部事希遮己罪自堂官而下并文选验封郎中俱在噬中臣已两< 〇〇〇 铨-金 > 引咎乞休未蒙俞旨部事繁重非可以一日弛者臣与诸司俱侍罪部署空矣一切政务谁与清理虽有古侍郎朱国祚以疾奉旨调理亦未进部今左侍郎员缺乞速点用进部署印先将臣罢免庶国是早定而部事亦不至废弛矣诏卿公清素著原无私庇等情不必引咎即出供职点用侍郎候旨行赵邦清恣情撒泼本当重处姑降三级调外任用

○原任总督蓟辽尚书邢玠以人言十五< 〇〇〇 铨-金 > 陈情辞任至是得允曰卿功著东陲方殷倚任乃以养母苦情有难固违准暂留家省侍以待召用

○申子夏至祭 地于 方泽

○乙丑工部尚书姚继可言河工缺乏无措惟有请发内帑及河道岁积钱粮近以

税使搜括五万三千有奇望谕令照数还给以济目前急用得旨内库缺乏各项进供待用有何积余兹不得已且借用太仆寺马价三十万两其原属河道钱粮五万三千亦令留用以后不必搜括其户部原议之数依拟此外尚须接济尔部尚悉心计处

○丁卯大学士沈一贯朱赓题昨蒙谕发马价以济河工具见 皇上注念陵漕德意但京师外库钱粮更无他积独此马价一项耳边饷已借百万今又借三十万倘有本寺急用于何取资且河工浩繁又非三十万即了臣等敢献一筹切炤河漕所以久而无敝者实以岁修不辍之故而所以能岁修不辍者寔以河道颇有余积之故自税使搜括以来所在罄竭如洗遂令工作无资河乃决裂今至借马价矣若尚搜括不休譬犹方喂饥人以食而复割其肉岂但无益大忧将立见矣谓宜明敕税使毋复将河道钱粮搜括毋口口复将河道工程骚扰同心协力以图裨助而浚河有可治之时此不过费 皇上一言而殊胜作许多区处也自矿税来 皇上屡有不许加派小民之旨但天下财力止有此数今工部措处岂有神运鬼输之术不过议加派耳而不得不与前旨相背矣伏想圣心至仁其能忍于此倘蒙 皇上曲赐撙节以省浪费则虽不免于加派而天下犹谅朝廷不得已之心有光 圣德亦不小也又总河侍郎曾如春书来言山东巡抚黄克缙偏执王家口不可开之说所辖道府无敢明目张胆以持忠议者事势人情终难归一究竟必祈遣官一勘始可定器臣等看详甚以为宜凡举大事必有勘差昨工部有< 硃-金 >已经票上未蒙允俞臣等以为勘科关系河务紧要必不可无遣早乞 皇上俯赐简发更祈 天语叮咛委任责成

○戊辰 孝宗敬皇帝忌辰遣官往祭 泰陵

○苏松常镇税务改用刘成因陆邦新等营干机务众机户嫉之土人管文等藉口激变煽众抢掠地方官擒治首恶解散余党抚臣曹时聘以闻时适有河南毛兵之噪户科都给事中姚文蔚< 硃-金 >矿税传罢旋行中外人心惶惧苏州之变意在雪憾其帖有 天子无戏言税监可杀等话中州之变毛兵既甘心奏参其言有先反岭上后往汴城等语其帖其言耳不忍闻 明旨云酌量缓急宽严以安地方臣谓民将变而急之乱速而祸烈即缓之宽之亦未有纲纪弛而人心固者是缓急宽严无一可也如欲收人心振纲纪惟撤中使罢矿税力行仁爱之政而已惟 圣明省览不报

○己巳叙甘镇大沙沟等处地方千总张君恩等获虏首级功升赏有差

○云南沙依攻杀土司逼近临安郡县抚按以闻乞假便宜酌调附近兵马剿处兵部覆议沙依二种与思佗等九司错趾而居其人固智高之余孽其地盖广陵之绝徼也今轻听逆舍勾唆戕我外藩逼我内地勤兵于远势不容已但举动固图万全而机宜有难中制总期以奉扬天讨绥靖地方俾不大为滇患足矣所有调兵进剿事宜并究起衅失事等议俱听彼中相机处置应用行粮酌量给发报可

○广西荔波县被贵州独山州土酋蒙天眷与其姻亲南丹州土酋莫之厚统兵据甲站地截县出路烧金竹隘阻县进路射伤职官杀死军兵劫虏人畜督抚巡按以闻请

其经常之费但如先年额派二十四万钱钞三万足矣额派不可轻加但于原借赏军及未支钱钞补给十分三四不啻足矣此正所谓宜据实具题敕下该部从长议处者三也以上三议救济目前万非得已乃司农匱之状屡渎 圣听而京边嗷嗷待哺事关军国其可忧有不减于臣等者今复以不支望其曲处臣等何心能不恐惧款款赤衷惟仰乞皇上之留神裁节冗费而已得旨光禄寺钱粮匱竭已极该部先行从长议处接济目前供用其拖欠还遵旨行文催解如有仍前违误迟慢指名查参处治

○刑部会审题将万邦孚拟杖收赎仍移咨兵部革去见任理刑将本身降一等叙用报可

○壬午封代府和川王胤金□亥嫡母李氏为太妃生母张氏为妃

○甲申未刻四川坝底等处地震大鸣如雷申刻复震

○乙酉刑部刑科以热审踰期相继<□□足 毓-金 >请不报

○丙戌以宁镇二次捷功补赐元辅一贯银五十两四币

○工部尚书姚继可言 皇上既为陵寝根本虑而又念时拙之可悯为东南河漕计而免行搜括之貽害睿筭周详俾河臣可旦夕举事不至束手无策而臣等亦得效犬马以仰纾宵旰之忧除马价银三十万两已经移咨太仆寺查发其河道钱粮五万三千移文税监扣留听总河径自取用外所据河工百万之费缺六十四万有奇先年户部允协济一十二万尚缺五十二万有奇迩来内外工作频兴监库传派繁钜外解纤微库贮无余此举朝所共知非臣所敢推诿也及查河工大兴岁修可已之数此内尚可通融伏秋在迩<□□足 毓-金 >筑宜勤若候设处全完未免耽延时日惟将前项见在银两先行解用其余不足即于本部河道岁修银两陆续那凑且工程浩大其中可省可加或增或减总河临期另有酌处臣等似难遽定矣得旨河工需用紧急便令各衙门遵行内税监五万三千两如未解准留用若已解进不必扣留果有不敷另行具题议处

○尚书姚继可以工费难支请停乾德殿大高玄殿北台花园等役不报

○ 穆宗庄皇帝忌辰遣官往祭 昭陵

○丁亥直隶巡按安文璧<□□足 毓-金 >直隶八府税银七万两已属无艺之徵乃夏荣等无端又奏为鱼苇税银四万两畿辅何他灾祲何时有此七万又有此四万也王虎身任其事穷搜极括即弄园菜畦之类靡所弗及可谓剜及心髓取尽锱铢究也归并于张马二监各分任二万两矣马堂即不肯分认于所辖之山东复委责于抚按诸臣矣张焯虽多方料理即屯丁一节原任鱼苇中之一事尚以措取孔艰愿归并屯田御史彼诸臣者尽有恭顺 皇上之心者也岂有可为而不欲无亦欲为而不能乎顷者幸蒙圣鉴敕下臣等会议仰体爱恤至意于三月二十日各俱题请讫至今未奉 明旨伏祈特涣纶音将臣会<□□足 毓-金 >俯从允行庶肘腋无患万年有道之长尚在此矣<□□足 毓-金 >不报

○戊子江西乐安王府奉国将军谋托道出直税监潘相为儒童所鬩被相并补入

殴折肢体将庶宗达同托拘禁二日始放闾省宗室愤激抚按以闻劾相罪在不赦亟宜正法留中

○己丑大学士沈一贯朱赉题催连日敬进二揭一为都察院请考实授一为法司及诏狱犯人热审乞省览批发不报

○庚寅户部尚书赵世卿覆议辽左孤悬兵马单弱督抚诸臣会题原集兵力以预堤防然增兵必先储饷该镇岁发主客京运仅供额设军马并无长余且如降夷一项原题加饷不及二百名今则数溢二千而饷仍旧贯标兵一项原题充饷有淮盐商税今则盐停税去而兵马见存所恃以抵给者惟扣除逃故粮料岁约不过数千余金原充各路将领随任家丁粮赏及各卫武官加级俸粮支用继因内发惟艰概将降夷标兵并责于内通融凑给扣除有限增放无穷饷臣谓捉襟露肘盖有由然矣乃今复增家丁增马匹增督练火药火器官匠等项又皆出于前项增放之外所据抚臣咨题岁共增银八万九千八百余两要皆实欠之数本应照发奈今太仓匮乏已甚即正额年例尚且不支额外供需何能堪此除咨开增放银二万六千二百余两照先年设凑募饷不敷例听督抚饷司核虚冒追积逋广开纳多方处补无烦内发其原题六万三千六百余两覆请行蓟辽督抚饷司悉如所议自三十年为始准将每岁裁省镇江宽奠锦义宁前辽阳开原等处军马粮料银二万四千四百九十余两请复原停淮盐四万四百三十三引八十斤召中凑抵备查此盐原系该镇旧额应准复开充饷每引定价五钱共银二万二百一十六两七钱召商报中输粮派纳镇守驻劄附近仓口以便兵丁就近关支其上纳斗头照饷司原估本年额盐数目责令各商上紧完纳毋容规避此外仍欠银一万八千九百七十余两本部暂借太仓银同年例并发俟前引粮完径发两淮运司照淮南余盐规则每引徵银七钱岁可得银二万八千三百余两解纳太仓除还前借外尚余九千四有奇留备遇闰增发至于三十年以前支过饷银俱听该镇自行处补不得仍请部发三十年盐引勘合先经编发难以续请前项复开引数附填原发额派本镇准盐勘合之后其三十一年勘合先据饷臣王爱呈议有候巡盐御史覆查全辽额引可否改今纳银解镇回文至日另夺本部仍咨南京户部及咨都察院转行辽东巡按两淮巡盐御史一体遵行报可

神宗显皇帝实录卷之三百七十二

明神宗显皇帝实录卷之三百七十三

万历三十年六月辛卯朔从总督三边尚书李汶甘肃巡抚徐三畏之请将甘肃镇二十九年分将领等官克修马政与保马无法者分别赏罚达云柴国柱孙銓纪录刘衍祚何希闵潘国振董时清阮承祖王国均杨国相奖赏冯时等三十六员住俸朱明翰等四员革免

○是夜戌时四川坝底有声如微雷房屋俱动

○壬辰廷试天下岁贡恩贡选贡生俱准贡

○礼部条陈取士一十五款一作文必依经傍注参佛书者罚出一严处多事生员

优异安静者以重行简一文体以弘正年间为准一重后场以辨实学一提学除御史之差听都察院考核外其司道官礼部同吏部照往年例将三年内提学官考过次数甄别一南直隶浙江江西湖广一年半一周余省一年一周即遇事故亦须三年之内岁考一次岁考兼科举一次一限入学名数大府不过四十大州县不过三十中者不过二十小者不过十有五严昌籍之禁如有上纳锦衣卫等职衔者子弟不准妄开京籍一重名官乡贤之祀如匪人有司生员各坐一场中出题皆要冠冕正大阅卷仍以正文体为主房考有执迷者听主考参处一程式止润饰墨卷之优者试官不得自创一各省直解朱墨卷听本部司官秉公简阅送礼科详核用佛老者停科多者革黜主司房考并治一关节当分风闻实据两端依律处治一严捕临场匿名帖一凡书必有裨经传者方许刊行非圣叛道之书有禁诏嘉纳之

○工部尚书姚继可以佥事汪先岸备陈开泇河之利知府俞汝为< 〇〇〇〇 铨-金 >内又极言泇河不必开请命总河总漕及巡按巡漕巡盐各御史同勘议果事半功倍永赖可期即速鳩工以济粮运如或山多石梗工凿难施不妨明白议止并力故道以节才力详妥具题报可

○癸巳宴四川阐教等王进贡番僧蓄竹坚参等四十名命侯常胤绪待

○兵部覆保定督抚议津海屯田举行有绪乞留任事将官副总兵陈燮以今升京营副将职衔仍管理天津海防事俟田工已毕绩效著不妨径从扰擢其新推副总兵戚金调补镇守南直隶江南副总兵从之

○工部尚部姚继可覆山西沁州知州俞汝为条陈河务一沿河任事之责宜均夫河南山东凤阳巡抚俱兼河务中河南河张秋夏镇泉闸俱系管河特以事权不一设总河都御史节制之耳今秦越其心独累总河以致物故者削夺者后先相继而总河遂为陷阱请申明玺书各处有河地方分任其责功罪一体庶同舟之念自专而事可永济一河工缓急之势宜审治漕治淮原非两事< 〇〇〇〇 铨-金 >浚塞三法本自相资夫淮水汨滥为 祖陵患者黄水灌入淮水不出涌而起耳往时淮安闸口水涨则筑水涸则启年来规制废格黄水倒灌入淮遂成巨浸故分黄导淮此议甚当惜南流不断又增决口水入止藉瓜州一闸岂能宣洩宜修旧制先断淮安闸次塞蒙墙口使黄水不入再< 〇〇〇〇 铨-金 >下流如芒稻白塔射阳三湖引淮出海使有所归如是而淮泗之间不安流 祖陵尚忧淹灌万无是理也决口之初宜急包裹两头不使扫阔此为上策今已无及择其稍缓稍狭处可施工者塞之下流既壅上流必淤乘其既淤然后补塞决口于力取便一山脉沙水之性宜熟形家者言黄河以南大江以北为中龙由狭入嵩过曹县起泰山尽于蓬岛左一支自桐柏分水曰淮右一支自河南分水曰渭而黄河北流从天津入海此禹故道也自宋熙宁间引河入汴势遂夺淮貽患迄今此不察地脉之故夫黄河万里远来合水既多更加雨泽湍急难制以区区人力争之不知量矣然水本就下带土而行急则深缓则淤宜急不宜缓故可合不可分可以停而淤亦可以刷而阔沙与土异不可聚而可囊扬之则浮刷之则去凝之则坚此其性也识沙之性故全河不必开借水

湖谓性义岭有砂礞侯家湾有巨石自梁城以至马蹄湾湖底板石长五百五十丈阔七丈工力难施费以三百九十万计勘科议寝今< 硃-金 >导之岂收全功不过借湖水以资粮运为目前计耳查泃湖起自吕梁十里之下至宿迁之上落马岭止中有柳湖周湖连江蛤蟆二湖接济取便而吕梁以北宿迁以南势必取资于河若南北不通开泃奚益是开泃湖不能不治黄河工有二用费益难处应停止并力河工诏俱依拟行治河大事令炤防边例总河与各巡抚共任其责功罪同论

○河南毛兵李举矿甲孙朝等之噪也太监湖滨驰奏有旨严捕正法于是河南巡按杨光训上< 硃-金 >言开采之费金富户供办约以洞成偿之乃奏复扣夺其四市且索小甲见面银捶楚矿夫遇酷毛兵五百借之御防二年减克工食不为处给泰参转冗克削日甚诸甲兵之拥众诉也非变也乞免行究勘人心少安异萌可杜不报

○丙申山东齐河等州县灾命地方官踏勘以闻

○直隶宿州卫指挥同知周立政以礼物钻刺推升于兵部署印尚书萧大亨为大亨所劾 上命巡按御史提问具奏

○与朝鲜陪臣收买弓面于年例二百之外量加一百以便御倭后不为例

○丁酉巡抚贵州右副都御史郭子章三年考满令就彼处复职

○吏部尚书李戴先拟稽勋司郎中赵邦清降调两淮都转运盐使司判官不当上意复拟山西平阳府絳州同知诏赵邦清罪恶甚多革职为民 ○戊戌工部右侍郎汪应蛟乞假省亲许之

○己亥吏部尚书李戴乞归 上曰属官放肆朕已为卿处分铨路一清卿正当殚忠竭猷率属举职岂得引身求去以辜恩眷不准辞邓光祚侯执躬亦仍旧用心供职

○户部覆议右给事中白瑜条陈巡视银库六款一久正库陪库主事之差以明协恭一核原解外单鞘单色数以杜弊孔一严进城解官报单以防倾换一清库役以禁盗窃尽革夹带贿买关节之弊一正余羨以公出纳银库主事收放不得任意多寡一平物价以苏口困会佑务依时价外解不堪者正官以不职论诏依拟行

○工部尚书姚继可言屯田司钱粮有二其一柴夫柴价银两所以供柴炭之用每年额解二十六万两先年额支十八万两至二十六年加支二万余千两然各省直之派未加也而近来岁欠三四万矣其一料价银两所以供监局之用每年额解十二万两先年额支八万两至二十九年增解巾帽局二万两然各省直之派未增也而近来岁欠二万余两矣查二十二年内本司库贮尚有四十八万两一费于棚工银钱山香山等工者已去其半一都水司因年例借用二十八万两而库贮一空在缮司将本司川广料银题留采办木植计有七万余两水司将本司西南料银题留织造治河总至有六十八万此山 陵各工之费毫无贮积不得不取给于柴炭银两年例巾帽之解仅有四万不得不那足于柴价数内故三四年间四厂之额派未敷该监之催促甚紧每至年终巾帽无解必假贷于别司加以各工应给之银尚多三四万两每日泣领尝五七十辈本司之穷

也忙也极矣为今之计一禁题留除二十年无及已自三十一年后请谕缮水二司不得将本司料银辄自题留一酌补还缮水二司有事例额解等银如缮司留过本司七万余两每年议还二万两水司留过借过本司九十六万余两每年议还六万两虽难卒偿一时尚可掬巾帽价银之急一严拖欠请申饬参罚每年冬夏二季各该抚院将所属拖欠职名咨部以便酌量参处庶人心知惕稍免逋负之多乞将条议三事俯赐允行诏嘉纳之

○辛丑遣官存问原任太子太保吏部尚书杨巍

○赐周府柘城王朝堧谥昭定建安王多火□郎谥康懿韩府汶阳王璟合□水谥怀端建宁王谟堂谥康顺固原王璟渭谥安裕周府鄢陵王朝从谥康懿瑞金王在钠谥端惠追封周府遂平王长子朝藩为遂平王谥怀恪在铁夫人翟氏为怀恪王妃继夫人李氏为怀恪王继妃

○甲辰吏部大选司郎中邓光祚引疾去吏科给事中梁有年<□□足 毓-金 >劾考功司郎中吴仁度拟覆<□□足 毓-金 >语借誉赵邦清吐刚助虐乱法行私欺 皇上藐堂官拂舆论向非田大益<□□足 毓-金 >催原参并勘则此<□□足 毓-金 >必不至会极门掣回矣是尚可一日握要参衡令之淆国是混群品貽不可掬之孽哉今选郎员缺序属仁度仁度且不能辨朝夕共事之邦清又安能辨内外千百官之贤否也伏惟 皇上亟将仁度罢斥以为人臣不忠不法之戒诏下吏部知之

○巡抚厂库御史史学迁劾工部屯田司郎中尹从淑受富□千余金另金贫民顶替乞从公议处以清仕路诏下所司

○户部尚书赵世卿言河南积年拖欠太仓银两曾差官催解久羁未报巡抚曾如春咨称地方灾沴相仍州县催徵无措欲将见徵二十九年岁额银两如数借解后于今年秋成之日带徵前欠完补臣观近日有司推诿成风支吾塞责权宜之计徒了事于目前惟正之供竟积逋于日后值此时拙举赢之际何堪朝三暮四之谋请移咨该地方等官稍俟秋成依期带徵前欠抵补借解之数如再拖延容臣考核参究庶有司知警而军需有裨 上纳之

○丙午工部屯田司郎中尹从淑上<□□足 毓-金 >自白诏部院从公查核来说

○潘相之拘辱爵宗谋托也抚按疏至言官冯应凤等前后交章论相罪 上皆寝其奏相复逞辩横诬户科给事中姚文蔚疏言税珰潘相以儒童起衅擅拿爵宗非刑毆伤越宿方释天潢之派视之若无是其目中已不知有 祖制不知有 皇上矣乃厚诬其抢税以文其愆横扯县官以驾其祸夫谋托被相擒拿而进何谓抢税县官远在数百里之外何云指使相之敢于说谎一至于此窃谓 皇上闻之当何如震怒乃抚按糾参而不问科道交章而不理独相之疏若响斯应恐天下窥皇上意指偏向有望绝计穷而乱不已也伏乞 皇上将潘相撤回究罪仍因此尽撤诸珰悉罢矿税与天下休息户部尚书赵世卿等亦有疏俱不报

○丁未 睿宗献皇帝忌辰遣官往祭 显陵

○吏部尚书李戴疏为功司吴仁度申救得旨赵邦清过恶已著吴仁度本不宜滥为称许但本尚未上又大选必不可废令便到任管事策励修职

○戊申中都留守司金书韩有光以贪被论不候旨私逃其先恨金知府之揭送也及金知府谕留乃击断其两臂而主簿驿丞俱被带刀家丁砍伤复上堂击鼓呐喊声言白日弄兵当涂鼓众巡按御史劾之上命革其职抚按官严行提问具奏

○孕颜卫头目纳喇更名失留速阿卜亥进马乞升职诏升都指挥金事颁给敕书令其管束部落防截北虏以效忠顺

○宣大总督杨时宁以套虏款贡照例赏赉请诏许本拜台吉等十一名各袭替前职另给敕书

○福建兴化泉州同日地震

○兵部以广东剿平黎贼甘肃斩获虏酋二武功请择日告 庙宣捷称贺 上曰可

○兵部署部事萧大亨< 疏-金 >陈各边秋防要害六款一曰审虏势各边大虏莫过于顺义次则河套今顺义遵守贡约惟是东虏擦汉脑儿原系元裔住牧旧大宁熬母林等处部落繁衍介在蓟辽之间比与顺义三娘子掌媾生比妓事归道又抢哈不送帐房千余牛羊倍是而顺义莫敢谁何今且送打赖女与之讲解若此虏得志必犯蓟辽蓟辽患在肘腋及今应差的当员役逐一哨探擦汉凡事何头目张主平日与何纠合倘内窥中国何道便易中国防御据何险要有警我可出奇设伏以挫其锐斯为得策一曰察夷情如昔年顺义西行助逆事机中变矣而以平昔之豢养感动之彼遂唯唯惟命擒史酋以自赎欲革赏则革欲罚九九则罚并未敢遽然逆我须行亦以处置得宜得以相安至今不然不察虏情惟凭臆见曲徇之不免长骄过激之不免启衅其损威伤重另矣一曰伐虏谋东西各虏俱款其未款者甘肃之海虏流虏辽左之土变罕耳去岁五路酋首扯臣憨暨小歹青求开马木二市业经该镇题许若大虏有结聚情形市夷预行密报得以早为收保惟海虏所称火永青抄各酋及流虏矮木素银定大成等甚凶悍年来藉口松疆时时纠松虏以图恢复比宾妻亦复领赏于宁镇中卫恐彼计无所出愤嫉益深不潜入套中阴相纠合必撒抢番族藉为羽翼今宜严行延宁两镇选择的当通官往彼晓谕令之遵守款约仍差惯熟哨丁密探套虏情如或听彼引诱遣骑西行谍者速报该镇会兵邀击伐其狡谋而该镇或查入犯虏中委有套内头目亦要知会该镇严词戒谕轻则罚服重则革赏盖东西同一封疆战款均属王事应同心协力毋或自分彼此以邻为壑一曰酌定额臣前任宣府时正值市赏未定臣斟酌定额所省不赀兹例未之有改即如延宁两镇款费定有成规即今复款当亦不致太滥惟孕颜三卫属夷长昂以十九年化场之犯革赏曾未几而复其五贡伯牙以二十四年罗文峪青山口三道岭之屡犯革赏曾未几而复其五贡伯牙以二十四年罗文峪青山口三道岭之屡犯革赏已久

伏乞 皇上还将仁度罢斥其一应大选诸务谕令部臣率属除授则仕途肃清而邪臣无矫托之路矣得旨文选司郎中必身无可议始可服人吴仁度既屡经指摘难以展布令调南京别衙门用

○户部尚书赵世卿言国家岁运金花百万此定额也自万历六年岁增买办银二十万计今二十五年进过银数几至五百余万皆太仓分外之增行之一岁犹曰权宜行之累年竟成满厄 皇上初年太仓稍有赢余偶金花后至则先借赢余补之年来太仓如洗一当恭进遂将补解之金花亦为节次之用矣斯竭之所由来也前隙未塞后进忽临事穷势蹙遂将即边之军饷那为上供之用矣斯竭之所由甚也故在往岁犹曰区处甚艰那移非策耳今纵欲区处将以何项处之纵欲那移将以何物那之九边之士枵腹告急额内者之支调尚难额外者之严催又至念每及兹臣颜欲焦臣心欲碎夫洩者尾闾积者悬罄外库之虚何如而益以其虚求济其实臣所未解也既云买办则珠宝不宜责之外廷既买珠宝则买办银不应收之内库又徵其物又臣所未解也时势至此可悯可哀乞暂将前项银两姑行停止仍候军饷少充别行凑补一转移间而民生国计边饷军需胥有赖矣得旨太仓空虚边饷告急卿部苦迫朕岂不知但各宫进赐赏赉费用不貲每年季进银两内库撙节支用尚且缺乏令遵旨照数催解进用待稍有剩积自然停止

○辛亥是日卯时福建福州府兴化府泉州府同日又地震

○癸丑兵部覆三边尚书李汶议陕西四镇无处不邻强虏无时不当戒严而况秋高马肥尤宜加意防守今套虏虽就款市而夷情之变幻靡常松山虽入版图而海虏之窥伺时有若非先事伐谋相机设备及其蠢动而仓卒以应之其贻患有不可胜言者近本部预请申饬意正谓此今督臣查照往规分布兵马审地理之冲缓察虏情之顺逆联辅车臂指之势严功罪举刺之条制虏安边莫此为善请命下各督抚衙门严督大小文武将吏俱于七月初一日齐赴原定分布信地加谨设防达差哨役密行侦探常如大敌在前时不可懈若虏果入犯本镇则极力堵截相机战守如犯邻封则合兵邀击互为应援或捣巢以制其内顾或横击以截其中坚俾虏腹背受敌入必遭挫在我手尾相应战无不胜但不得贪功生事致启衅端秋防毕日查果信地无失应援有功破格优荐题请升赏若或自分彼此逗遛观望贪功僨事督臣即以玺书行法毋容姑息至于分布兵马轮番更戍省饷蓄锐及抽拨兰靖军马协防芦塘红水等项俱应如议诏嘉纳之

○甲寅广西道御史金忠士〈字 毓-金〉劾土棍吴良辅钻刺殃民太监邢隆徇私酿祸不报先是徽宁税契敕书开载云止据现银尽数造册解进不必拘定原奏数目原奏袁顺时吴良辅方坤不许前往预事以致骚扰地方及是邢隆奏用土民吴良辅以便查理取盈十五万之数故忠士〈字 毓-金〉中言邢隆不思仰承德意及滋骚扰邢隆素称安静此举或为奸棍蛊惑云

○广西东兰州土官韦文第为思吉镇土余韦文灿所杀夺其印主之者则那地州

斥内库积久易蛀不无可惜陕西累年土瘠民贫已糝处二十万两今若再行糝括民不堪命酿祸无穷请将已织在官者解进其余未织者停止俊河工告竣婚礼俱完物力少充再行织解庶两部钱粮或得少憩而关狭疲命可暂息肩矣得旨上供难缺已裁减岁定四千疋尔户工二部帑藏空虚姑准织进三千疋以示宽省民力尔各部亦须仰体德意讲求财计而以待急用

○辛酉以 圣母徽号册立册封诸礼成补赐元辅沈一贯银五十两彩段二表里

○ 仁孝文皇后忌辰遣官往 长陵行礼

○壬戌云南巡抚陈用宾< 疏 > 缅甸阿瓦结连木邦等夷拥众十余万直犯蛮莫其执辞曰开采使令我杀思正以通道路彼时边疆将吏奉臣令声正酋罪使阿瓦无他当如檄卷甲回阿瓦乃留兵据守蛮莫何为哉若蛮莫地失必无三宣无腾永全滇之祸当自开宝井启之夫司戎兵者唯边疆是问贼入欲击司采买者惟宝石是问贼入不欲击其势必至掣肘掣肘不已壅蔽弛备缅甸长驱即有知勇何能为谋以采买之虚名贾边疆之实祸臣知 陛下不为也伏望锐发乾断罢宝井采买之役使边疆将吏得一意讲求战守庶西南犹可保全矣不报

○癸亥御史萧应甲以吏部堂属攻讦僚友伤残皆由衙门积弊所致而极言四司吏办罚班之事当乘时厘正 上然之下其议于吏部

○都察院左佥都御史陈荐再< 疏 > 陈情乞归诏以各部堂官缺人岂得纷纷求去令在任供职

○贵州巡抚郭子章以巡按毕三才言其同总督王象乾因勘处播州水西地界各差官责令宣慰使安疆臣退地为褻体上< 疏 > 自劾曰水西固臣属地遵义亦臣兼制之地臣原不敢有成心主于胸中惟播州故民与水西夷人自分畛域则有之此督臣所以有勘处之议也然经年不决田土失耕议论烦兴夷情骚动按臣西巡耳而目之其责备臣何说之辞顾臣待罪黔中三年其奉职无状得过地方不止是者夜郎即灭而遵义贵阳斗米四钱道殣相望臣不能饭皮林即歼黎平大疫二月城内死六百人兴黄新龙之间十室九死臣不能药铜仁之苗假天潢者虽已擒缚而洪水为菑湮城墮垣在在而是臣不能捍九股之苗昔助播者虽已稍戢而道路饥苗坐草劫口往往窃发臣不能缉平越黄平之田瓮安龙泉余庆等县之城已丈已筑而垣濠未就赋役未派庠序未设臣不能竟臣年已六十久在行间顷已告病未蒙俞允勉强支持年来益甚岂能为皇上救甫定之边陲拯拯罢之穷民绥辑顽悍之土夷乎乞速赐罢斥无妨贤路温诏留之

○补原任大同东路参将黄守魁为福建北路参将

○户部覆密云粮饷郎中殷盘议九寨各军计月授饷有一闰必有一闰之钱粮有一项支销必有一项之补处先年议以三年积余还官银两抵补一闰极为良法后因一时缺乏遂有每年加抵之例犹有仓场存积米豆可以通融及今抵过三闰仓场之积尚

不足当年之支夫附余银两既以每年扣之于先而存积仓粮又以三闰用之于后匮乏之情诚非获已今各镇纷请烦费反滋另发之例既不可开惟有原题事例所当仍旧举行者也盖以还官附余抵为闰月而绝其请讨则各镇知京必不可请其自为闰月计者势不得不严核于还官附余之内矣是以通融而兼节省之方者也至所请买米随时缓急通融本折深得裕边远虑但欲买补已住三闰用过之数当缺乏未敢轻拟宜自今年为始如遇年丰价贱大约每米一石定价五钱于额内酌量动支便宜收买其所买之米即于每年正四月应放折银七钱月分以之给军是买补之中寓即省之意每岁终具揭用过价银几何收买放过米各几何节省过银几何积贮尚该几何一切文册务明白登报如遇年俭米贵即行停止不得以题例为拘庶法可经久而疆场永赖报可

○乙丑右春坊右庶子黄辉陈情乞归许之

○释放已故庶人可润新垣睦榭家属共四十一名

○丁卯荫原任户部尚书杨俊民孙杨胤芳送国子监读书 ○戊辰以广东斩获黎贼二千三百有奇甘肃斩获虏首三百七十八颗宣捷遣侯郭大诚于 南郊徐文炜于 北郊驸马侯拱宸于 太庙各行祭告礼

○录四川梁山县举人来知德为翰林院待诏从贵州巡抚郭子章以学行荐也

○己巳吏部尚书李戴言吏部职掌人物铨叙流品周官以来实重之奈何陵夷衰废有如今日者臣总铨五年郁者未伸滞者未达求者未遂酿尤招诟固其所也至于侍郎朱国祚方除未履部而以病告矣郎中赵邦清峭刻忤时逐之宜也乃操戈环向而邓光祚侯执躬去吴仁度亦复报罢 皇上以文选之事属之员外倪斯蕙又以资浅病深告矣考功员外马洙稽勋员外杨材主事王士骥又相继引疾乞假矣天之生材止有此数臣之属吏止有几人类不得以功名终无亦臣部所以为此者极难耳臣劄示申饬犹然人无固志伏望 皇上亟罢臣以谢天下蚤建陪贰以分职率属令倪斯蕙恪供厥职诸司官各敬尔身赤心可推毋以三至而疑人材难得毋使一网而尽大体所关毋为小言所损公论或符毋使私忿得行如此则人有肃心官无废事臣得归骨与父老缓须臾死见德化之成也得旨铨部既缺多官卿何先自求去已有慰留别旨宜遵行侍郎待朕点用司官俱不许推避倪斯蕙令遵旨即管事各秉公持正朕自照鉴不必过为畏阻

○庚午遣行人周达往掌周府临汝王安诗丧葬 ○论海南平黎功赠原任总督陈大科为兵部尚书给祭葬升总督戴耀为兵部尚书兼右副都御史仍旧总督原任总兵侯继高纪录各赉银币升按察使林如楚职一级参将邓钟为副总兵仍旧管事布政王仁等知府李多见等各赉银有差恤阵亡百户王应雷加祖职一级世袭贼犯黎马屎等十一名行总督衙门即便处决裒示蒙善等勘审发落

○论甘肃镇番等处屡捷功加大学士沈一贯少傅兼太子太傅荫一子中书舍人朱赓太子少保荫一子入监读书各给新衔诰命兵部尚书萧大亨原任尚书田乐俱各赉银币有差兵科先令署印桂有根洪瞻祖勘功御史吴永裕兵部郎中申用懋各赉银

十两用懋加升一级总督三边李汶巡抚徐三畏各荫一子锦衣卫百户总兵达云加原荫子指挥僉事二级俱各赉银币右参政李徽猷等行太仆寺卿马邦良等总兵葛赖等各升赏有差

○工部尚书姚可继言乾德殿工程重大财用浩繁顷接内监陈永寿所奏止用银五万两雇募夫匠设处木植颜料等项再不干臣部钱粮包工刻限报完诚为省速臣部虽至窘迫亦应勉从所请第请角□羊银赴监买办似不必本部出给实收但取城砖一百万破砖量工取用及灰三千万斤乃系自外运送必须科道与本部司官同为验收又恐事不归一宜将灰三千万斤折价银三万两搬运城砖脚价银六千两并前银五万两共银八万六千两库内见无积贮俱容陆续设处角□羊赴该监听其自募买办完工及量工应用破甑亦听该监或军或夫自行运用既称不复干预臣部其原请司官二员似亦不必差委庶内监得以自便工役可速报竣臣部又得专心经理各工而庶务不误矣上然之

○刑部覆南和伯方<□□火节>奏称二祖坟莹被李大银等侵占凿山盖屋强横不法移咨南京刑部行提本内有名人犯到官究拟从之

○辛未宴哈密卫朝贡夷人畏兀儿肃州寄住贡夷孛刺等三十六名命候文炜待

○广西都司军政僉事王仁以进表回任违限夺俸三月仍谕近来进表官员不以地方为急往往延捱岁月致妨职事以后抚按务著实稽查照例参处

○巡视京营御史张养志告病乞归 上以各道缺人不允

○巡抚延绥右僉都御史孙维城卒维城山东丘县人繇进士授知县选御史升知府累至僉都御史巡抚延绥为派扒沙军所噪言官论效竟卒于军府请恤迟之

○癸酉封益王翊矧内侍李氏为次妃子常洞为德安王常湖为郟西王常潏为豊城王常溜为泸溪王皆李氏生也

○甲戌以定国公徐文璧已故班首缺人推英国公张惟贤补之

○黔国公沐昌祚托名会稿邀游东粤骚扰地方为巡按御史李时华所劾 上切责之令行该抚按官严加戒谕若再妄动招尤决不轻宥各驿递但有借行勘合踪迹可疑者许该地方即拿盘诘申详根究奏来处治

○乙亥凤阳人徐应龙亡命流入贵州铜仁府苗寨诈称亲王屡传伪令恐喝诸夷召号党类出没劫掠者九月为地方官所觉多方悬构擒之抚按以闻乞将参政尤锡类守备葛如锦指挥蒋崇贤知府等官何大缙等分别叙录以劝有功徐应龙监候会审详决兵部覆如议诏从之

○鸿胪寺署丞郭铤枉道湖广骚扰驿递为巡抚赵可怀所劾诏革其职

○工部尚书姚继可言 福王婚礼刻期举行众办夥至毫无设处查嘉靖年间册立 东宫各省直原有协办之例去岁举行本部念迩来匮乏内外俱同故宁极力措处而不敢加派奈今势迫计穷在本部既无神运之奇在省直宜有共济之义请移文南京

工部湊角□羊二万五千两浙江一万二千两江西八千两福建九千两广东八千两湖广八千两四川四千两山东六千两山西三千两陕西四千两广西二千两河南六千两云南三千两贵州二千两差官星夜前往守催即如数角□羊进不得延误其借过银两径听各省直先尽收纳都水司监儒吏承等项事例银两扣补完日册报从之

○丙子命礼部铸勘议漕河关防给御史崔邦亮 ○是夜五更月生五色小晕三重

○丁丑 成祖文皇帝忌辰遣官往 长陵行礼

○大学士沈一贯朱赓各四<□□ 钰-金 >辞甘肃等处叙功升荫诰命 上优诏褒嘉特允以成劳谦之美

○戊寅大学士沈一贯朱赓题蒙发兵部覆张仁等奏请纳银以收旗较以助 大工本到阁票拟传旨著户部收仰揆 圣心原为该部缺乏之甚藉此以纾其急德意甚盛但臣等于此事亦尝讲求多时矣兵部执奏其说似长不敢不为 皇上言之本内欲收旗较一千四百五十名每月该给米一石布花银五钱又布二疋以上三项总计之一岁之间约费银一万三千六百三十两今此辈助 大工银五万两不须四年即费朝廷五万四年之后不可胜穷矣此本下户部亦必执奏以为难行也且今户部工部每一金报□人皆百计求脱无一人肯承当者此门若开京师中殷实富户谁不窜匿其中□人益少中下家益困国家后来觅一□人亦不可得矣只此一事妨政亦多臣等窃计此本不敢担当仰望 皇上停止为便兹不得已两票以请惟 圣明审择

○太子少保礼部尚书兼东阁大学士沈鲤行取到京诏即入阁办事候补面恩

○己卯命大学士沈鲤同知经筵日讲提调纂修 玉牒及 东宫讲筵侍班 福王书堂看详讲章圈仿等项

○大学士沈鲤上<□□ 钰-金 >陈谢报闻 ○升太常寺少卿李应策为通政使司左通政陕西西安府知府马维驷为山东副使驻劄怀来整饬南山地方

○尚宝司司丞吴华以九年考满称职升尚宝司卿

○吏部覆文选司署郎中事员外倪斯蕙条议十八款曰明职掌不轻改议曰议推升部寺便于轮转曰酌资俸存先后之次曰酌南北别利钝之器曰均边腹使用有互效曰均劳逸以服冲僻曰拔异等为循良劝曰搜遗逸以重真淡曰议推补就近曰酌起复优改曰优终养曰行人论俸当通筭曰推知筭俸宜通融曰州县调简宜酌曰入粟太冗不妨停小例而开大例曰仓巡改选宜核曰议掣签宜分地方愜人情曰考试岁贡宜重策问身言并刻原卷诏依议行 ○朝鲜国差陪臣郑赐湖赵庭芝等各赍表笺方物谢颁册立册封诏书彩币文锦及送还该国人口折宴给赏如例

○予后军都督府掌府事太师兼太子太傅定国公徐文璧祭十六坛给全葬

○庚辰改调原任陕西右参政董元学为湖广右参政兼佥事

○辛巳户部尚书赵世卿言今边饷匱急内供稽延日夜焦劳束手无策计惟清查

已徵之逋已角□羊之侵庶可接济万一请咨行各该抚按已经报角□羊未到者严督兼程进纳至于退涣告改及擅逃等项通押送赴部比纳或有事故拘家属监比其在京候纳未完者容臣严督各司立限查比保识朋骗有实迹者许角□羊役告发追赔一以完之迟速为法之重轻钱粮到部经承司官徇情宽假致滋拖欠者容臣酌量参处更乞天语叮咛各抚按诸臣内外协恭共佐缓急诏嘉纳之令依拟着实行

○癸未礼部覆通政使沉子木议建文以 高皇帝之孙 懿文太子之子嗣位五载系明统顺易世之后祀典杳然盖繇当时诸臣徒见建文逊国之迹而未能推体 成祖文皇帝之本心也臣恒考求其故建文命将輒戒曰毋使朕负杀叔父名此一念也天地鬼神鉴之 成祖亦信之故当金川不守宫中变起之后犹丧葬之以礼矣而忍殄灭其祀乎练子宁以不屈受诛他日又曰使子宁而在朕固当用之有罪之臣尤将录用而忍不祀其无罪之主乎盖建文诸臣谋削 亲王之权以激京师之怒而在建文则恒有保全 成祖之盛心靖难诸臣欲甚建文之罪以彰南伐之功而在 成祖则未有显斥建文之明旨彼时典礼既失奏闻相沿遂成忌讳不知天下 高皇之天下也正朔 高皇之正朔也本自一家原非两敌代邸天授少帝何尤请于 懿文太子庙侧别立一庙四时致祭庶 高皇在天之灵可安而 成祖盛德益光本心益明其益于 圣孝大矣

○总兵童元镇以谪戍立功遇诏赦乞恩准豁巡抚戴耀代请兵部覆议不合应仍旧在伍立功俟后效有劳绩另行开释 上然之

○广东巡按李时华< 〇〇〇〇 〇〇〇〇 〇〇〇〇 〇〇〇〇 > 税使借名进贡公私踪迹可疑谨将节次查核有据底数另本开坐上开伏乞 圣明显对李凤原本以验虚实以破奸欺事内言李凤起角□羊方物用六十缸当有三千擡据凤本三次揭多不过三百擡不知六十缸所盛竟归何处又四十木桶每桶银八千此外仍将银易金不知已进否且私蓄数十名姝通□□奥山□夷放白艘贩米诈职官交沐昌祚种种不法诸状不报

○乙酉原任礼部左侍郎朱国祚屡< 〇〇〇〇 〇〇〇〇 〇〇〇〇 〇〇〇〇 > 乞归至是得允以日讲官令驰驿去赐路费纒丝需病痊起用

○淮丰城侯李承祚宁晋伯刘天锡各袭祖爵 ○丙戌左都御史温纯言年来部臣言官以及抚按力陈榷采之患又求收回极横中使李凤陈增杨荣高淮等以遏乱萌 天听犹高乃今李凤之淫纵至污妇女六十六口私运财货至三百擡六十缸势必见戮于积苦积恨之众何如威出 皇上尤不失威福操纵之权缅甸以宝井之故提兵千万窥滇界鲁登科余元俊有悬空张网进五千万之奏阎应隆张嶷有航海贸易进金十万银三十万之奏此其言真如戏剧博笑以 皇上之天聪天明亦信以为庶几可望臣等惊魂摇曳寝食靡皇恐异时兵起祸兴费 皇上之财不知几百万又不知能起而朴之否至于不能朴而其祸不止于费财矣彼缅甸昔年纳我逋逃扰我疆场未尝一日忘狡焉之计今兹蹂躪蛮莫迫逐三宣腾永业已剥床及肤而全滇亦震于其邻矣狡酋以宝井为兵端其为擅开边衅固不待臣等之辞毕也余元俊一长芦在监追赃之窃棍

水西地界覆请移文贵州总督抚按衙门备查安疆臣先年所占播州地委果若干前开水烟天旺果否退出后开刀靶桃溪果否侵占后议岩孔等处果否续还沙溪有无巡司颁印有无凭据粮马有无上纳一照原议属播者归之四川不属播州者归之安奢二氏见今作何结局日后作何禁制乌江南北界址作何分属从公勘议限十一月内完报御史康丕扬< 〇〇〇 毓-金 >又议及请并行总督抚按严限勘议报可

○辛卯荫原任南京吏部右侍郎李棠男李灯送国子监读书

○调原任湖广右参政张桥松为广西右参政

○锦衣卫管卫事都督王之祜言习仪喧肆乞赐申饬诏然之

○癸巳予大同巡抚胡来宾四川总兵官都督同知李应祥各祭葬如例

○革宁夏大坝堡守备曹以忠杭嘉湖参将鲁璋回卫从各巡按劾也

○代王鼐匀乞免考察护卫官兵部覆各护卫仪卫司等官近科臣请仍旧例抚按考察但各官职护藩封不亲民事该府自可约束蜀王等府官既奉旨免考察代府事体实与相同但须谕王严加约束不得以私恩庇护诏览王奏准照例免各官考察

○甲午辽东巡抚赵楫< 〇〇〇 毓-金 >太监高淮请复市每年额外进银二千两名马五十匹夷人叩关讲事亲出边对话臣不胜骇愕夫广宁马市设自成化十四年义州木市设自万历二十三年嗣因土酋内讧前抚臣张思忠请概罢市以此黠夷肆悖边氓日困至二十八年请夷不忘市赏节次叩关士民亦为陈乞奉旨酌议未决值臣履任履与边道诸臣再四参伍金谓复之便< 〇〇〇 毓-金 >请蒙允开复市夷帖服军民安堵何淮忽有此请欲假此为利媒耳淮自谓调停然考二市题革后淮旋入辽当时夷虏零窃大举何不调停于先诸夷求复议论未定何不担当于后不知淮所谓调停者何说近缘辽军民受党恶之害淮不能竭力调停复欲垄断马市图逞己私幸我 皇上洞烛其情止给蟒衣并不俞允马市可谓明见万里但恐其以题准为词益恣其无忌惮之为黠戎生心市事不终朝而罢矣矧夷多慧利析秋毫辽左原无官帑止凭税银以为市本今淮额外进献计淮一年所入分外税银奚啻数倍边人必取偿于市马夷人岂肯俛首听命必将决裂而不可收拾脱有意外 皇上虽欲诛淮已无救于乱矣乞皇上轸念边计以马木二市二市抚赏事宜悉听臣与镇边督同料理严谕高淮不许从旁牵制出边挑祸至收市税马匹亦不得仍前苛征岂独孤塞边氓之幸实国家莫大之福

○丙申以 万寿圣节赐辅臣金银万寿字金篆字金银书红符及讲官有差

○朝鲜国王李昫遣陪臣盛以门等十八员名赍笺马匹方物进贺 皇太子千秋令节折晏赏给段绢布疋衣服

○丁酉 孝康敬皇后忌辰遣官往祭 泰陵

○是日祭 先师孔子遣官 ○山东道御史刘九经< 〇〇〇 毓-金 >参刑部侍郎董裕老耄通政使沉子木詹事范醇敬儉邪不宜会推吏部左右侍郎

○南京兵科给事中储纯臣陕西道御史史弼各< 〇〇〇 毓-金 >言南京司礼监太

监邢隆揭帖言所奏用土民吴良甫乃奸民捏名妄奏本监并不知情如此则良甫奏本印信从何得来既犯欺诈之律复干伪造之科罪在不赦乞收回成命早殛奸民庶人情不扰邦本永固已而巡盐御史蒋以化亦言太监鲁保揭帖鲁登科廩称捐银委系虚情余元俊见监长芦运司原非准□其奏章乃汤迎时等主谋云盖鲁登科志在磨牙吮血余元俊亦欲乘此脱狱与汤迎时群奸皆当伏法亦不报

○己亥以 万寿圣节赐辅臣金币及讲官有差 ○ 孝慈高皇后忌辰遣官孝陵行礼

○庚子 皇太子千秋令节各王府及天下文武衙门进笺庆贺

○衍圣公孔尚贤以贺 万寿圣节至赐如例

○加升浙江宁波海道参议王道显为副使仍旧管兵巡道事从抚按以边海要区久任责成请也

○保定巡抚孙玮言根本重伤腹心日困请将井陘无矿及易州矿尽脉微得不偿失等州县照顺永一体封闭以信不忍加派之旨 上不允仍严谕立限

○予后军都督府带俸豊润伯曹允成祭葬

○辛丑朝鲜国王李昫遣陪臣李廷馨等二十员赍表文礼物进贺 万寿圣节及上 端献皇太后徽号准陈设进收并给双赏

○赐韩府□丘王璟□□□笏□谥温惠广元王府湘阴王宪烟谥庄顺

○癸卯户部以辽镇增兵数多饷银不足题自三十年为始复原停准盐四万四百三十三引八千斤召中凑抵完饷两淮运司照淮南余盐规则每引征银七钱岁可得银二万八千三百余两解纳太仓直隶巡按蒋以化<□□□ 毓-金 >争之言两淮盐岁行盐七十余万祇缘额地被占浮课数增近行五十万不得不借徵于□已借过□银一百四十万两捉襟露肘计无复之辽镇新开引盐谓系原停旧额夫原停多寡曾否补完臣不暇问即使果有原停之虚数业已扯入内臣鲁保九十万存积之中另作一项解进安得复有原停之盐而开中耶人徒见两淮今年新增即有新增之解明岁加带即有加带之输意谓可取可掬奚恤难堪难任今课额之外有增无已盐法大坏后必决裂不可收拾乞敕下户部查议新议开中辽引亟行停止缺饷另行补处特撤积盐之使并罢无名之征国计幸甚

○甲辰大学士沈一贯沈鲤朱赓以 圣节届期请 上临御受贺 上嘉其忠诚爱敬谕朕今御历三十载四海安康殊为庆幸亦欲面见卿等但文华殿陞窄狭天下诸司众多恐失礼仪还令暂免照例于午门前行礼

○是日中秋令节赐辅臣上尊珍馐及酒饼

○丙午 万寿圣节辅臣诣仁德门行庆贺礼各赐烧割甜食待酒饭又赐上尊珍馐寿面长春酒品膳有差

○丁未以德妃许氏薨逝有旨合行事宜照温静顺妃常氏例行

司九江临清钞关奉旨额设公费暨公费银二千余两年终除各衙门所费外割发太仓银库作正支销此不过沧海之一勺耳国家岂藉为盈缩即留此项抵作各役工食暨雇觅匠役之用倘有不足臣等再为议处其一切津贴工食倩借工作与夫出京夫役暨行停免然后严禁仓役不许仍前悄越旗甲朘削军士有犯者必罪不宥则我无所侵于彼彼又何所辞于我向来奸币不攻而自破矣诏嘉纳之

○吏部两< 銜-銜 >一以南北九别尚书侍郎右都悬缺将推过诸臣列名上请一以省直司道府悬缺将从来所推正陪及部属之推上请俱留中 ○甲寅 上以 圣母慈恩加恩外戚特进封武清伯李文全为武清侯男锦衣卫指挥使李诚铭升都指挥僉事

○总督三边兵部尚书李汶< 銜-銜 >辞甘肃叙功赉荫不允

○礼科给事中萧近高劾江西税监潘相自凌殴宗室不置于理窥知 上意益无忌惮言参政王佐当罚治旋有罚俸之旨言牌票不必由驿传挂号旋有兵部知道之旨言石糕可采旋有开采之旨两日之间 明旨三下皆非所以令天下也而至于石糕利寡害多尤万不可采留中

○是夜五更有长星头大红色尾尖白色发向一声裂开中红边白自东飞过西南后身曲能动将红色星团圆一半徐散

○工科给事中胡忻< 銜-銜 >臣惟河患上侵 陵寝妨漕运治河者求其无害于 陵运而已不必于地方俱有利无害也顷者我 皇上轸念河工事急特命漕河御史崔邦亮会同总河及山东河南直隶抚按等官勘议近诸臣投揭到科谓山东曹县王家口有迎溜入怀之势必欲挽全河而东无逾开王家口已而人言啧啧有谓王家口之开河南以为利山东以为害者有谓河身低王家口高即开水未必来者有谓山东巡抚以开王家口为不可故会勘无< 銜-銜 >且告病以自明者有谓总河亦知其不可故持论两端以筑堤建闸为得策以议全河耗财疲力为多事者于是河南道御史牛应元< 銜-銜 >请详议蒙下部覆勘臣愚谓河自蒙墙决口而下暨徐邳宿迁之间经历三省岂能尽有利无害哉第当度地势视水性为 陵运计耳地诚高难以引之东即利河南岂可纵使尝试地诚下可以挽全河而复故道即不利山东安得从旁尼止臣先国家而后利图不当各分轸域王家口诚不可开何不于会勘时明证可否若之何轮蹄鳞集而议者始从中格谓事体何臣窃谓山东抚臣不取也至于总河 皇上既挈全河付之治则其功不治则其罪果能实见得是即宜断在必为天下非之不顾持两可之说何为者若曰钱粮无出恐生变夫人未有自绝命脉断咽喉者国家即匮乏宁坐视陵运阽危河臣受困乎臣意春初我 皇上愤河事决裂斥逐误事之臣简任河臣假之便宜若朝不待暮 陵运庶几无恙顾不于无事时兴工料理为 陵运长久计一旦水患叵测堤溃闸涸起而图之何及哉伏望 皇上以和衷责抚按司道等官以佐事责河臣务期口确具题刻期举事于 陵运非小补矣

卧道傍神赐以钱舞阳县生员杨愈光事继母孝岳阳县民王应科母病断食请以身代各扁其门曰孝行节妇十八人凤阳县民杨庆妻邵氏天长县民陈坤妻贡氏宝应县生员范棹妻鲁氏武进县民钱有望妻顾氏长洲县民钱应檐妻沈氏江阴县民杨仁安妻戴氏华亭县民陈鸣韶妻尹氏吴江县生员周甸妻沈氏黄冈县儒士章体亨妻周氏麻城县生员刘< 金 敖 >妻蔡氏博平县民丘徽胤妻方氏濮州生员苏浣妻刘氏临淄县民高耀妻李氏舞阳县民李儒继妻朱氏安宁州故主事陈孟章妻田氏皆夫早亡守节贞女三名招远县民王之滨妻刘氏孝感县儒士郑一德妻姚氏各未婚苦节孝养姑嫜澱江府生员李伏春妻陈氏未婚守节终身扁其门曰贞节烈妇十二人徐州生员陈王道妻张氏合淝县民吴一朝妻赵氏淄川县民刘光宇妻苗氏曹州民郭拱妻杨氏栖霞县生员李弘宗妻侯氏襄陵县民关惟南妻陈氏襄垣县民郟自修妻郝氏项城县生员戚溥妻冯氏夏县儒士陆重光妻王氏澠池县生员张邦才妻左氏信阳州生员蔡人俊妻辛氏嵩县故主事傅 弼妻崔氏皆早岁夫亡自缢以殉烈女三人灵丘县民曲大保女秋叶儿不受居停之污自缢明节孝感县民沈时鳌妻易氏郟县民熊养性妻曾氏各未婚夫死自缢各扁其门曰贞烈

○壬申大学士沈一贯等请申明去年恩诏各省直概停刑一年刑科都给事中杨应文亦有< 金 毓 >请

○癸酉礼部题蜀府庆符王让穰于二十九年九月二十八日鲁府东原王颐瑜于二十九年二月初八日邹平王颐在于正月二十二日岷府广济王定< 火业 >于十七年十二月初四日各薨逝遣官各往掌丧礼

○甲戌大学士沈一贯上< 金 毓 >乞骸 上优诏慰留之命御医视病于寓

○户部覆陕西总督李汶议大小二池盐课各官加意捞办穷终岁之力获采逾额请将带管靖边兵备分巡河西道副使严思恭接管该道兵备副使刘任署宁夏中路盐法通判事后卫经历王培纪录从之

○己亥总督蓟辽右都御史万世德卒世德山西偏头所人由进士授知县历兵部主事员外陕西兵备僉事听勘降知州升辽东兵备僉事经略陕西七镇累升右僉都御史海防巡抚经理朝鲜加右副都御史回院管事升兵部右侍郎总督蓟辽加右都御史至是卒于任

○给甲丙天财三库本色绵布一十九万八千七百一十九疋绵花二十九万五千五百六十二斤钞九十八万五千九十锭支太仓库折本色布银三万二千八百一两六钱有奇铜钱八百二十万四百一十文零分赏军士人等

○丙子刑部右侍郎董裕因人言再< 金 毓 >乞骸不允

○户部尚书赵世卿< 金 毓 >国家置立钞关仿古讥市徵 之法内供赏赉外济边疆法至善也臣莅任以来备查崇文门河西务临清九江浒墅钞关扬州北新淮安等钞关会计录载原额每年本折约共徵银三十二万五千五百余两于万历二十五

年增银八万二千两此定额也查万历二十七年以后岁减缩一岁至二十九年各关解到本折约徵银止共二十六万六千八百两三钱比原额过缩臣不胜惊讶随查各关监督预呈文案在河西务关则称税使徵歛以致口少如先年布店计一百六十余名今止三十余家矣在临清关则称往年夥口三十八人皆为沿途税使抽罚折本独存两人矣又称临清向来段店三十二座今闭门二十一家布店七十三座今闭门四十五家杂货店今闭门四十一家辽左布口绝无矣在淮安关则称河南一带货物多为仪真徐州税监差人挨捉口畏缩不来矣其他各关告穷告急之人无日不至不敢一一陈渎大都人情熙熙攘攘竞尺寸之利今乃视为畏途舍其重利不通往来无乃税使之害尤有甚于跋涉风涛者则苛政猛于虎之说也 皇上得无以连年税使之进供为有余乎不知其所腴削者即此各关不足之数上亏钱钞之供下缺九边之饷皆此之谓也即此一项则各项钱粮种种通欠皆可例推 皇上之富以天下为富今使行旅萧条课程虚匱有无何以流通诚思四方口贾何故舍重利而不行各关课额何故至今而不足则此足彼虚利多害少税使当罢之急自洞悉于 圣衷矣

○戊寅刑部以朝审重囚请命大臣主笔 上已点用兵部尚书王世扬阁臣以六卿位次不便请改命吏部尚书李戴不得以疾为辞从之

○己卯太仆寺署印少卿连标 < 銙 金 > 言臣待罪罔寺见迩来国家多事借讨纷纷户工二部动去八百七十余万见存库者仅一百万有奇是罔寺之空虚未见若斯之极也项因 福王婚礼工部请再行借马价银二十万奉有 成命臣等窃为国家设立太仆寺有本色以备取兑有折色以备收买 孝宗朝有马七十万克壮万乘之威灵嘉隆时有银一千万足备一时之招易今三营骑操州县寄养不及三万匹有余马价银两节年借动仅存十分之一本折俱称缺乏万一国家有事调取马匹无以供命将责之户部乎将责之工部乎今值奉旨准借之日欲陈上恳恐拂大臣之意而来言者指摘欲忍隐不言是亏寺臣之职而贻将来患祸况前日借讨刻期以偿化为乌有今日复借循习故套安知不为空谭岁削一岁罔寺之积不至荡然一空不止也伏乞敕工部严责该司殫力凑处用充典礼之需不得滥讨以妨军国大计其先年借过马价遵旨补偿庶为两便

○庚辰升湖广按察使陆长庚为江西右布政使福建建宁府知府朱汝器为按察司副使分巡兴泉道

○升大同副总兵焦承勋为挂印总兵镇守大同等处地方 ○辛巳定公主子孙入监读书恩例先长后次

○升贵州安顺州为安顺军民府铨补知府推官经历各一员礼部题铸印信

○是日五更东方流星如鸡弹大青白色尾迹有光起自下台星至近浊随时观见西南方流星如椀大青白色尾迹光明照地起自参宿行入天苑星后有二小星随之又有大小星数百四面交错而行

○壬午应天苏松地方南汇获夷男妇尼失由弗多等五十七名浙江获夷妇乌多十郎乌石卖多三口同时以闻兵部覆海外情形茫乎莫测苟涉疑似不厌致详盖多命所关外夷观望诚当慎重也南汇所获各夷译审三变其说虽情伪不可尽知而貌服动履实类琉球且身无寸刃骈首就擒浙省所获夷妇夷船同在一时供吐相类应俱填给勘合应付口粮脚力差官押送福建巡抚衙门责令惯熟琉球音语通事详加译审果系该旦人民别无他故遇有便船转令顺带回国交割如其中有隐情或系奸细应否作何区处不妨详译据实奏请定夺报可

○癸未升四川按察使周嘉谟为右布政使兼事分巡上川东道陕西副使袁弘德为右参政分守关西道

○管仓场刑部左侍郎谢杰题国家漕东南之粮四百万石以实京师此二百年定额也近因旱涝频仍改折数夥流离相望议赈日增兼此河工告急坚请截留臣视事未及五月掣签未及两轮而粮已报完计收粟米粳米共一百三十八万一千五百石有奇累年入数未有如此其少者今京仓实在之数四百四十八万余石仅足二年之支设使明年之运又如今年则将并此二年之积亦耗矣况今年粮运全赖天时助顺河流复通而粮数又少故得迅速抵湾倘天雨不时河道梗塞可不为之寒心哉去年偶因南粮阻冻暂储通仓今岁遂欲循故事该臣屡票严催迄今方得完备由斯观之各省人情大都如是势必展转营求本无灾伤而告灾伤非水旱而告水旱因循故套又将以改折告矣仓庾空虚至此隐忧已在目前乞 天语叮咛敕下户部乘此会计之期通行各省直地方非真有十分之灾伤水旱府县徵收决不许其轻言改折河工别为措处亦不许其轻言截留每年粮运必至三百万石以上每年积余必至数十万石以上则数年之漕可余一年之食庶几根本之地可支而将来之忧可杜户部覆如议报可

○甲申两广总督戴耀< 〇〇〇 毓-金 > 辞平黎叙功增秩不允

○丙戌与原任山西巡抚魏允贞父母祭葬如例

○戊子改兵科右给事中夏子阳代洪瞻祖册封琉球以瞻祖闻艰归也

明神宗显皇帝实录卷之三百七十六

明神宗显皇帝实录卷之三百七十七

万历三十年十月己丑朔孟冬享祀 太庙遣官恭代

○赐辅臣历及讲官有差

○应天宿松望江二县重灾准改折休宁祁门婺源等县以差赈恤

○礼部覆铸南京兵部督理操运关防得旨准铸

○与原任南京刑部右侍郎王正国祭葬

○兵部署部事刑部尚书萧大亨等覆川贵总督王象乾< 〇〇〇 毓-金 > 言督臣按已往之成案考近地之人情定黔蜀之分疆完拓地之全局尤恐长跋扈之志以遗身后之讥其用心亦良苦矣惟是水西侵地始于安万铨而非始于安强臣安氏迫取于杨相

丧乱之时又非擅取于应龙荡平之后今为时已久旧制数更世远人亡难于究诘无惑乎水西之得以藉口而当事者之不能立决也督臣身任善后职总川贵原无分彼此如以蜀省论则守沙溪诚不如守乌江之为险而以两省相提而论则与其较量土地而树敌结怨于诸夷孰若曲为抚处而令诸夷感德畏威得此相安之为得也臣意老成谋国者当必有权衡于其间矣至议请科臣往勘是欲尽祛成心付之公论但自京抵播程几万有余里道途往返时日耽延恐议论逾多事机坐失詎若身亲目击就近查勘者之真切耶似应仍责令两省按臣会同勘报庶为两便盖督抚身在事中意见有参差议论不无同异臣按臣身在事外其侵地之应还与否地方之有无利害与否固可片言而决移时而定也今日之事第愿诸臣以保境安民为上以招携柔远为急而以党同伐异挑衅酿祸为戒则播事从此得善其后水西从此得保其终而在事者从此亦得免于纷纷之议矣 上然之命川贵各巡按御史会督抚官遵屡旨从公查勘务求画一之议具奏定夺

○庚寅 孝洁肃皇后忌辰遣官诣 永陵行礼

○壬辰以 中官千秋令节赐辅臣上尊珍饌

○吏部尚书李戴屡 < 疏 毓-金 > 乞骸优诏不允

○癸巳试御史康丕扬言川贵以播强渐携河臣以议纷未定一时臣工咸欲遣科臣往勘近督臣亦有请矣国家设外重臣莫踰镇抚因抚臣各为其地议论不一改添设督臣以总理之有如督臣又不足凭则何人可信自朝鲜役兴与河淮南决曾两遣科勘而今遂为故事夫事易则已居其名事难则人当其谤人谁不藉此幸免今为川贵计直以勘事付总督而抚臣佐之为河工计直以勘事付总河而抚臣佐之庶两臣得一意担当而善后与荒度可不崇朝决矣兵部覆议川贵仍限两省按臣同督抚公勘便 上是之

○甲午宴琉球国进贡使臣郑逅等十二名命尚书曾朝节待

○与前军都督府带俸南宁伯毛祖德祭葬

○丙申工科给事中白瑜等言乾清坤宁等工与永寿殿外桥山左门同完余修饰则银作局承运库及经管内监司之惟俟旨下拱听而竣事耳伏乞敕下报完不致稽延令各衙门共成盛事时工部亦以工完卜吉告成请并不报

○ 孝陵灾从山顶烟气上冲火起扑灭约焚十余丈

○礼部右侍郎敖文祯卒文祯山西瑞州人由进士改庶吉士授简讨历赞善洗马祭酒充日讲官掌翰林院教习庶吉士升礼部右侍郎至是卒于官赐祭二坛给全葬

○以礼部尚书曾朝节补日讲官

○丁酉詹事范醇敬因人言屡 < 疏 毓-金 > 陈情乞归 上优诏许之

○起原任山东左参政沈一中为福建右参政原仕山东副使愈沾为江西副使

○戊戌泗州虹县等十三州县灾以差蠲赈

臣苦文炳亦若矣又乘吏部尚书李戴引疾则肆言臣欲过吏部臣与戴为三十年莫逆友见戴疾且无后对妻子垂泪对科道田大益等力言戴不可去而忍幸灾耶又乘御史刘九经有十月南山之语不过书生期望老成则与文蔚共肆言曰秦人欲挤首相臣与首相同舟共忧四年矣居尝相约以散朋党和调人情首相常曰人苟可用虽夷类亦录臣心实服而忍闻乡人有挤首相之言耶永清不过欲尽逐秦人多口之能考察己者而会文蔚推外之后迫欲从吏科以转京堂乃求之不遂遂两相倚为一拳两虎之谋使自相攻而坐收渔人之利此一网打尽四司之长盖不准改科者邓光祚吴仁度也日非永清者赵邦清其一而侯执躬池鱼之殃耳乃草蛇之惊又藉以憾倪斯蕙矣然未已也永清即以其计阳翊九经争班而阴陷之九经不知也九经又从永清恨臣规切参董裕默以参臣是又诱秦人自相攻又谓其< 〇〇〇 毓-金 >出李应第手更有参首相语为九经所删不将以莫须有之言为不可易之案乎顷又齟齬牛应元会推之议曾以九经< 〇〇〇 毓-金 >中语为陷阱地此一纲也将半及于秦人矣于时首相不知也吏部之四司受害不知也众言官不知也虽文蔚亦不知也总之部郎交构之衅则有之秦人多口之谬则有之而强以无罪为罪强以不贪为贪强以未参为参强以不党为党则二憾之为也尤可惜者吴仁度也未有交构又无口过亦入网中无一人不为仁度屈亦无一人敢为仁度言则以二憾之故深愿首相直信勿疑速出视事以先国家之急其内外臣工藏诸腹者诸臣不必深探苦逆中人以莫可角口羊之罪庶国是可定而天下治安亦可永保无虞矣

○壬子大学士沈一贯奏臣以多病屡< 〇〇〇 毓-金 >乞休未蒙恩俞正图再请适都御史温纯投臣一揭内参御史于永清都给事中姚文蔚而因言其肆无稽之说使臣一贯日抱无端之疑不安于位杜门不出等情其言永清乘御史刘九经< 〇〇〇 毓-金 >中有十月南山之语与文蔚共言秦人欲挤首相致臣一贯不得不疑云臣略读茫然不省随请纯入一一面角口羊始知所谓十月南山者谓九经论董裕等之< 〇〇〇 毓-金 >有云诚恐匪人用而凡所引用者皆匪人则南山志慨师尹十月兴咨皇甫关系岂浅等语此为挤臣而发也臣语纯曰一贯求去自是行其素志已非一朝夕实未尝抱无端之疑纯亦洞然面释而去臣思此事若不为 皇上大廷言之恐天下传闻不能谅察谓臣果因怀疑求去则本心不明而去志弥郁不敢不备陈之臣惟朝士相攻自其故态但党之一字则诸臣立言之过臣誓不言党第知忧国奉公者为贤不问其为何党也每与纯言及此纯亦素知臣心矣臣性疏直未尝疑人臣素不预人黜陟未尝致人之疑于永清姚文蔚既不与臣相闻彼于何处倡疑秦人何故而欲挤臣忽自生此疑且臣九载直阁三年独任虽是金石岂当销毁病为真病乞为真乞即三尺童子可度意而知人亦不必生疑也久置身于得失之外而尚谓臣因疑求去则臣心晦矣第九经此言臣今日既已觉之益当自省昔管仲乐闻讥谏之言萧何乃设书过之吏子产不恶乡较之谤李沆逊谢狂生之讪君子自反责躬自厚纯以前言为书生期望之言他日记事者亦书生也

下所司

○丁巳御史于永清辩左都御史温纯< 〇〇〇 铨-金 > 备言布政王泮先参按臣顾龙祜为先肆凌轹奉旨革任听勘与臣无与纯任性注差河南道冯应凤不得与闻应凤因是杜门不宜以此罪移之臣纯转赵文炳年例致文炳郁死又不宜以此罪移之臣总之天下有有罪之御史而无有罪之台长臣惟引罪求斥岂敢效赵邦清之泼撤以犯公议诏下所司

○刑部以妖言惑众狱上请将吴顺等九名监候处决林樟等四十八名各发遣潘枢中式举人礼部查革除名诏如拟

○晋府奏河东王慎炼于五月初十日薨逝遣行人徐绍吉往掌丧葬

明神宗显皇帝实录卷之三百七十七

明神宗显皇帝实录卷之三百七十八

万历三十年十一月戊午朔礼部以吏部郎中倪斯蕙等与御史何淳之胡鹗等互争班次覆议国初之制专准品级永乐以后兼隆侍从隆庆初年本部题准事例科道自为一等列于部属之先自 皇上登极以来常朝班次四班先六科而吏部郎中等官接之五班先十三道而别部郎中等官接之三十年众所共睹之旧规一旦昂彼以抑此又适当吏部四司空署之后则非偏亦偏非徇亦徇矣谨开具事理及旧< 〇〇〇 铨-金 > 旧仪以请惟 皇上一言决之得旨凡议礼当以会议题准者为准班次你部既说隆庆初年曾与礼科议定奉有 明旨自后虽常改行却未题准还照隆庆初年例行

○己未原任礼部尚书陆树声< 〇〇〇 铨-金 > 谢存问 上嘉其三膺存问赉奏孙男陆景元特准送监读书

○庚申宣府巡抚彭国光引病乞休不允

○川贵总督王象乾< 〇〇〇 铨-金 > 言安强臣征播谭者莫不推为首功矣臣请悉其概报捷称强臣及陇澄大创杨兵杀死伪提调把总五十余人贼兵及万歼其领兵第四子杨惟栋及破围之日总兵吴广搽箐擒获惟栋强臣乃称大水田杀死者系何元保即一惟栋而五千之提调可知杀贼万余而角□羊验之首级何在若非督抚严查将终执为瓜分之地矣此水西大水田之概也佯败卖阵迹已昭然送药往来又经会勘水西围守四十余日而围如故官兵攻两日而围即平倘终靠强臣把守后门阴相犄角逆酋无剪灭之期矣此水西让路之概也噫强臣欺 君助逆得保首领幸矣犹尔喋喋言功岂果济江而后逆酋上围乎夫八路皆于二月十二日进兵而水西兵屡催不出至二十四日强臣方劄马庆水曹几何时而捷报私回安兵尚未抵播而官兵已追酋入□矣岂以其擒斩之多乎八路皆三万为率七路擒斩多者五六千少者不下三四千土司中如冉龙御兵八千擒斩不至八百马千乘兵三千擒斩八百七十五名颗千乘之妻秦氏报效不交饷兵五百擒斩一百一十七名颗而工家且首夺桑木大滩等险关竟不言功何其勇且顺也水西提兵三万擒斩仅三百八十夫以兵数与擒斩之数較强臣不可谓有

功矣以诸臣之揭与督臣之檄较又不止于无功矣即强臣而功贵州之拟赏未为不厚必胙之土而后为报乎还我侵地不究既往已属浩荡之恩若因其挟而与之彼得之不以为恶我与之止以示怯德与威两失之窃恐今而后求无不获欲无不遂恣睢暴戾愈无所忌惮也至于水未之使臣执而囚之亦自有说去岁臣牌行守东道张悌查复播地强臣窥见奢世续无子以妻之幼弟阿利改名奢承宗入维奢氏彼其视永宁固囊中物也遂听李希胜诸奸目之计语世续曰宁费万金不让寸土永宁奸目胡承颜等乘机骗银一千三百余两违例入京放债被锦衣卫缉获债单历历可查臣窃谓世续可原承颜等侵费之罪终不可释也强臣又差李甫等数人携带金银数千四出营干臣差官追至荆襄李甫等闻风逃遁拏获吴奇艾天培等拶出金银见寄荆成都官库臣拨置奸徒酌量处置实遵奉敕书而谓无因而囚之则传闻之误也至谓抚臣亲许爵土之赏此盖剿逆之初无兵无饷不得不笼络悍酋无使为我梗耳强臣果能缚首功以献臣与抚臣亦何敢爱此尺寸之土以食前言今酋既已避嫌而又欲藉口瓜分是 明旨之所禁也即抚臣与臣之咨文书割并无瓜分一字臣固信抚臣非执硃硃之小信以成狡酋之要挟者况酋既无功不与之地正所以成抚臣之信也伏乞谕令速出视事以慰士民之望如臣谬以三省重臣一旦蕞尔土酋簧鼓若此无能之效彰彰明甚并望 皇上矜放兵部覆议遵义水西地界经诸臣交章论列本部议覆屡奉旨责令会勘期限完报今督臣因占地未还历数安酋征播之事以听公论其为封疆虑诚慎但以人言纷至前局未了后效未章辄尔抗< 硃-金 >乞休似乎诿责于己而贻难于后者亦非 皇上所以责成督臣之深意矣至于安强臣功次统俟勘叙到部另行酌议类核水西目把李希胜等拨置争占罪诚难逭然地界未定亦应俟事体勘完分别处治永宁夷目胡承颜等业经刑部具题递回原籍听彼中总督查照处分诏播州水西地界已曹奉旨会勘毕具奏朝廷自有处分王象乾身任督臣播州新造善后事宜方在经理何得为此一事辄议抗< 硃-金 >乞归令仍旧供职其余依拟

○兵部覆宣大总督杨时宁议称小佛僧欲往西行怀意已久往年曾宣谕顺义王力止之今报忽于九月二十日即行盖恐其留故行之速据其言虽谓佛僧西域削发而行廉其实原因刺麻送回行李而去虽所带之人不多经行不繇内地而夷性叵测或阳顺阴逆与彼合谋或诈繇川底乘机阑入皆未可知汉过故不可先虜后尤不可堕请命督抚衙门严宣谕以为未然之防报可

○辛酉云南巡按宋兴祖< 硃-金 >臣自入滇闻蛮莫宣抚同知思化之子思正素勇悍戕各夷以残陇川挑动木邦阿瓦连谄夷兵逼蛮莫思正不敌驱象携家奔腾越以求我援阿瓦木邦大兵尾之历三宣越诸关直抵黄连关而阵距腾越三十里许境内大震副使漆文昌参将孔宪卿虑州城不保给思正杀之我兵取其首令阿瓦取一膊此一时济变万不得已之计顾臣心窃有忧者蛮莫当緬水陆之冲有蛮莫则外蔽三宣内障腾永永远通六慰一旦掎之阿瓦六慰皆失三宣任辄卒有蠢动征调何及昔年思化

众议处治抚臣陈用宾特主容留以悍緬寻以征緬功授上同知思化歿而思正内属仍旧令急而不救则已且杀之凡为属夷将必生心曰内附不保首领土地而附緬得安全是我连各夷之交而长其敌讎也臣闻洞酋有猛力者兵强与思正善出兵残木邦以牵其内顾而阿瓦木邦遂疾去以保巢穴倘思正三日不杀阿瓦亦去我有救属夷之名而思正重德我因内御外忍不殫力矧思正部下强兵二三万足当一面此事大类杀悉怛谋不无可惜大率緬夷连兵压境势甚阽危有地方之责者谓何爱一酋不以保全境仓卒筹画惟是杀思正可救缓急臣何敢以事后议其非但臣闻阿瓦据金沙江修造船只且欲杀洞吾猛乃修往年同天朝杀緬之怨滇无兵往救又蛮莫既阻无路可通倘所并诸夷尽服緬而为緬用是緬昔在数千里外今与我错壤而居得无烦备御者昔止一緬今诸夷皆緬而我只一滇省强弱殊违以无险无兵无法无食无蔽之滇当诸夷连合横结之势或一蠢动则祸中门庭而腾永危又顺义系緬路后冲新城兵弱酋或繇此问道而蒙化大理危为滇南计惟有豫裕兵食急杜衅孽两端而已环滇皆土司有事率调土司兵以夷攻夷也调之非行粮不行既行非日粮不饗滇在万里外奏请必半年乃达一有缓急待请饷而后调兵势已不可为臣谓滇之矿税悉宜尽扣留滇中以备兵食傥緬酋数年帖服不动前项矿税当如数解进以备上供耳臣闻阿瓦追思正时声言奉上司命来说者指买宝石参将吴显忠也显忠久奉明旨准回籍税使杨荣縻留役使往阿瓦开宝井显忠实以厚利饵夷人而为之换宝石宝井在緬服中远数千里夷有以为利又岂待中国税使而后开卒启杀属夷拆藩篱之祸弃内附土地人民而使緬与我比邻剥肤皇上神圣思此役可停否且宝石是蠢然石块止媮一时观玩无益天下国家开宝井与保边疆孰得孰失故臣愿停开采而急杜衅孽也伏望皇上速降明诏取回杨荣敕下预计兵食防于未然滇南庶几无患不报

○河南税监胡滨以千户李承恩听信审理正徐文炜称河南布政司绝王库内收贮约银百万余两奉旨使其同该抚按等官查勘回报云臣入省同巡按杨光训到布政司同左布政姚学闵右布政易登瀛参政陈所縕朱思明盘库内原无绝王库名色因诘问徐炜李承恩彼称事出风闻原未亲见臣以前册开徽汝伊三府相继故绝徵收禄粮六十一万二千一百余两及周府永宁等九王故绝省银一万八千三百余两询之各官咸称此数十年积集至今随徵随放拨补周藩繁衍之用各府粮银虽有定数小民拖欠与年远故绝开豁者多若遽追徵合省闾阎哄然怨讟万一他虞非所以仰体朝廷爱养黎元之德意也今拟通融措备见有在库银五百二两二分又二十一年至二十七年应徵徽伊二府禄银二万四千五百三十五两追完解进比外毫无措处矣臣不得已遂依所议谨将会查始末奏请定夺得旨收贮绝王禄粮既经内外官公查别无积贮乃徐炜李承恩误听风闻妄奏欺玩尔便同抚按官解赴法司问拟其银两俱令解进应用余拖欠既称年远特准免徵以示宽恤小民德意

○壬戌左都御史温纯言臣两

< 〇〇 铨-金 > 参于永清姚文蔚未蒙允行二臣辩< 〇〇 铨-金 > 一上即允行是臣

言不足信二臣之言足信也在文蔚认他人之功为己力与今日事何干臣不必更言惟永清以御史为臣糾乃敢肆言反噬皆不当与斗口惟叹孔子为政七日即诛少正卯止为其聚群饰邪未至如永清之闪烁臣不畏永清之难去而畏朝廷之纪纲法度自此澌灭殆尽也臣又叹宋臣苏洵能辩安石之奸于未用今满朝不能辩永清之奸于久纵臣辩矣而无诛少正卯之法不可无苏洵辩奸之论故申言之伏乞 皇上赐臣归田特奋乾断降于永清外任量惩姚文蔚即臣去而法纪犹存矣诏都御史总持台宪整肃百僚有所见闻不时纠弹自其职掌何乃于倡疑摇动各官争忿之时方行劾奏致生疑惑曲直莫分于永清既经总宪官指摘令调外任用姚文蔚策励供职方今时事可虞大小臣工正宜和衷同心共图消弭如有怀私观望淆乱国是者科道官据实参来处治卿总宪以来公平正大心迹自明何必抗< 〇〇〇 毓-金 >求退宜体朝廷任用忠贤仍旧安心供职不允辞

○癸亥因两淮盐法太监鲁保之请与扬州天宁寺万寿寺额名藏经二部

○巡抚陕西都御史贾待问卒待问直隶威县人繇进士授知县召为给事中出知府累迁副都御史巡抚陕西累功晋都御史兼兵部尚书考满加太子少保至是卒于军府赠太子太保登四坛赐将作金钱使官往莅其祭

○兵部覆顺天巡抚刘四科劾戴致益贪庸应革任回卫李天培才地不相宜应调腹里刘光爵苗延龄草率塞责坍工多寡应分别降调以为修工夫职之戒及条议四事一谓蓟镇抚赏岁费五万余金乃承委官员率多侵克所买货物粗少不堪以故未厌夷心纷纷告换兼之愆期守候愈费愈多弊实坐此议欲今后委官责成路将慎选请用并入年终甄别< 〇〇〇 毓-金 >内功罪与同劝惩不爽抚赏其有实济乎一谓蓟镇藉客兵以修防迺客将相率占役卖闲兵无实用主将又复引嫌怨避事无责成欲修筑之经久得乎议欲今后客兵修工责令三路协守各照信地亲历调度务令高坚足堪保障如有旋修旋圯者协守客兵一体论罚一谓蓟镇沿边之区过客络绎不绝马供递送军役扛擡在使客视武弁为易与而将官又曲意阿承以致应付日烦军疲马瘦脱有缓急战守何资议欲严加禁饬除按关巡关及查勘公差之外其余过往官员俱不得枉道边关将官亦不许徇情应付违者按法参处一谓蓟镇迫近京师五方交错无藉奸徒往往假借夤缘希图效用一不遂欲辄播流言如过听之则在事者惧矣议欲今后一切边务军机惟以督抚按关奏报为据敢有擅造伪言謫惑人心者在内听厂卫五城在外听督抚按关等衙门擒拏依律究遣诏如议行

○吏科都给事中陈治则言左都御史温纯< 〇〇〇 毓-金 >参台省二臣之故实激于今日台臣金忠士之论李应策又激于前日科臣张凤翔之论南师仲赵邦清也盖三人为纯同乡相继论斥纯疑二臣实为之故其< 〇〇〇 毓-金 >词有曰永清欲尽逐秦人又曰此一网也将半及于秦人据纯之< 〇〇〇 毓-金 >行纯之意明示人以风指使人不敢论及秦人将使畛域一分言路遂塞国是终不可定矣不报

○甲子以祭 三皇子 景惠殿收回祭设赐辅臣

○升江西左参政王佐为按察使兼右参议分守湖西道

○礼部尚书冯琦覆真人张国祥乞母恤典议 累朝事例独文武有恤勋旧有恤是外并无所谓真人得徼身后之恩者张国祥< 錡-金 >称祖父俱蒙祭葬及查伊祖彦頤伊父永绪乃引方士异流陶仲文邵元节例而得之耳夫真人在国朝凡几世矣从前未有而以一时偶得者为例可乎且陶邵不旋踵亦追夺矣予者既夺而夺者犹欲执以为例可乎弘治十年例一切杂途尽行停止隆庆三年例杂流出身者不许渎奏真人既非文武世勋又非圣贤遗派谓之杂途国祥但知母子私情不顾朝廷令甲谓之渎奏应寝阁不行以后凡有越例奏扰者容臣等从重参究以为夤缘冒滥者之戒诏览卿所奏执礼查议的是但张国祥在京候旨修醮伊母远来卒于旅邸殊可悯恻特与祭九坛以示优恤

○与南宁伯毛德妻王氏祭葬

○乙丑顺天巡抚刘四科议历年防秋兵马俱于十一月二十日撤回今岁虏情稍缓应照二十四日十一月初十日撤放但今天气严寒各修工班军若候撤期方准撤放则钱粮不敷若一概留之在边枵腹冻馁情有不堪今查原派工程但有先完者即先准其撤放未完者仍令上紧兴修必待报完方撤庶勤怠知所劝惩此亦权宜通变之术也兵部覆石燕曹墙四路宣大兵马暂留于十二月终撤放其东西协地方大同延绥二营应候免班官军见面交代方许回镇一面督令主兵南兵查照信地慎加防御遇有警报相机战守仍通行申飭各省镇督抚官将来历该班兵马行令各该将领比尝加意挑选依期督发赴蓟辽防守不得延缓后期及以老弱充数听该镇督抚衙门于年终甄别奏处其标路兵马行粮移咨户部照例支給报可 ○丁卯冬至遣英国公张惟贤代祭天于 圜丘

○戊辰以冬至令节赐三辅臣上尊珍饌特遣司礼太监待茶饭又赐烧割伏姜甜食

○壬申保定巡抚孙炜再请将各省直协济工料银两改为解部柴直彼见百官急需自不敢缓一转移间而疲驿稍得苏息畿民不直重困兵部覆议已经俞旨似难纷更惟自今以后将节年拖欠银两定限三十一年带徵六分三十二年带徵四分先后相兼依期起解果能全完咨送吏部纪录六七分以下住俸降革有差仍载入户工二部钱粮册内听吏部咨查明白方许考满庶不至仍前□缓诏从之

○兵部题九边阅视前次候旨已久今又届期请速赐换发以昭劝惩诏这次阅视赏格还再酌拟停当奏来行

○癸酉 瑞献皇太后万寿节赐大学士一贯鲤赆金银万寿杖并金银篆绶符等物及讲官有差

○故给事中张凤翔女张寿姑待父以孝闻诏许旌表

○甲戌南京通政使杨时乔告辞任不允

○荫原任南京礼部尚书陶承学孙陶履中送国子监读书

○乙亥 孝惠皇后忌辰遣官往 茂陵行礼

○南京大理寺卿游应乾再< 跽 毓-金 >以病乞休不允

○礼部覆南京司业傅新德条陈监规一崇规制令南京工部照比雍规制正庙两门易以青琉璃瓦一正堂署南雍以祭酒司业而署反居旁以博士而厅反居上非体也应令祭酒居于东堂司业移于博厅而博士则西向与监丞相对一革差役过湖刷卷之差俱以一月为期将诸生笃学有行谊者充之次则用年月深者补之次则用告旷者补之亦均节劳逸之义也一复盛典近议开选贡之例臣以为选贡行则岁贡壅矣况试京闈则又增额日后选皆有司今户工大开事例十年之后必无缺可容选贡已经停止非奉恩例不必议开一严戒董议于春秋季考甄录德行量加优奖至祲钝无耻众所共揆者不分在监在历每季径革一二人仍开具实迹呈部除名一励术业未成材者所读书以压拨免拨为劝惩已成材能于本经外读旁一经成诵者量免拨外课兼出论策以崇实学其未成材者须熟诵孝经曲礼与讲明孝顺事实为善阴隲 大明律历三书一重德行每堂令各公举有学行者一人以为会长专以行业互相规劝一明职守置薄一扇列厅堂各官分注监生之贤不肖于各官之下率教者多则本官之能不率教者多则本官不任岁终送部考语据此以殿最各堂不必数数移换诏从之

○朝鲜国王李昖奏倭使之来至再至三觐该国之虚实探天兵之去留阴假送还人口潜行虏掠且要胁和款渐露兵端请选委知倭水将一员领兵数百督同该国训练修防诏该国请将请兵人数不多有何难发惟前此曾将士在彼教习今始还成法具在宜益加意修演以图自强所请兵将不必再遣

○丙子 圣母瑞献皇太后万寿节赐辅臣上尊珍饌辅臣诣慈宁门叩贺赐元辅烧割次辅三辅各酒饭 圣母赐寿面膳酒万寿松四枝

○丁丑大学士沈一贯谢恩进阁办事

○工科都给事中白瑜言开取煤窑之旨径下内官不关六科损在国体在民生请收回成命不报

○乙卯宴朝鲜遣贺冬至贡种马陪臣金劲等三十六员命尚书曾朝节待

○辛酉周府安吉王朝堤于二十九年十一月二十六日薨逝遣官往掌丧葬

○大学士沈一贯沈鲤朱赉题臣等忝为阁臣无所补报第思奠宁邦域以释 皇上宵旰之忧比来天时人事数见灾异诚恐夷狄盗贼乘间而起揆度机宜惟在使人各举其职以镇戢之此急务也蓟辽内护 陵京外控倭虏总督万世德身故两月而未有代者人人皆以为虑延绥与套虏为憐新许款市戎心叵测孰能保之巡抚孙维城身故半年矣陕西关辅奥壤又有洮岷防边之急巡抚贾待问近亦报故至于河南巡抚曾如春已升总河而中土为四方交会又有治水之事浙江巡抚刘元霖已经丁忧首藩财赋

所出而又有防倭之责凤阳巡抚李三才允去未代淮徐水陆之冲而又有总漕之任以上一总督五巡抚所辖居天下之半且关军旅重务而官缺事废可为寒心吏部屡经推上具在御前此臣等日夜望简用以充者也臣等又闻天下两司方面官缺至六十员未经补足此皆有地方专责者倘有盗贼谁任其咎今九卿会推该部选拟具有成法谅无敢私若有不堪昭在耳目科道纠弹谅无遗漏所望 皇上思患预防命官分治各加委任严责成功凡有题请随赐点用则朝廷之精神膂力充满于寰中而四方之夷狄盗贼无逃于掌上矣

○户部尚书赵世卿言二十九年分金花银两各省俱于三十年解足惟江西止解二十八年分竟压徵一年例应僭解请定限三十一年内僭旱两季三十二年内僭旱两季以后年分俱照各省挨接当年完解勿得仍前坠欠以便本部按季供进诏依拟

○壬午韩王朗琦以年老有疾世子已故乞赐世孙逵杞翼善冠服代行礼许之

○补原任山东按察司副使李开藻为浙江按察司副使

○甲申升南京太常寺少卿郑汝璧为都察院右佥都御史巡抚延绥等处地方赞理军务

○起都察院右都御史蹇达总督蓟辽保定等处军务兼理粮饷经略御倭右佥都御史尹应元巡抚浙江等处地方提督军务

○南京大理寺右寺丞丁宾引疾辞任不允

○乙酉升南京太仆寺卿詹沂为太常寺卿

○丁亥通政使司左通政李应策引病乞归许之

明神宗显皇帝实录卷之三百七十八

明神宗显皇帝实录卷之三百七十九

万历三十年十二月戊子朔朝鲜国差陪臣李光庭等进献方物马匹请给新妃李氏诰命冕服仍附奏备倭水将官兵兵部题倭奴狡诈异常情形叵测则自内及外先事设防皆今日所当亟讲者况闽广浙直沿海地方无处不可通倭则随处皆当戒严而辽左之镇江城为华夷分界旅顺口为津登咽喉其于朝鲜利害尤属切近宜行各该督抚加意堤备共保无虞其镇江旅顺防援事宜仍令辽东山东各抚道官悉心议处时常作何简阅临时作何防御朝鲜有急就近兵将作何调度合用粮饷将何处措处万一缓急彼实介在属藩中国自当防护但彼因循积习天兵既撤守御尽弛倭缓则缓倭急则急如其何能自强且其人长衫大袖不便衣甲夏秋归耕春冬团聚不便训练行间裹粮以从粮尽则去不便转输以东中西三路地方城或依山易踰民或散处难制地或延亘难守如其何能自强为今日计应责成该国若臣于前年善后事宜讲求注借不徒托之空言平时得有备无患之策有事无顾此失彼之虞转弱为强端在此举伏望 皇上赐敕一道遣官往谕以副该国望救之心存 天朝字小之体 上深纳其言第撰敕一道就令该国使臣赉去训谕不必差官滋扰如有应奏请者令彼不时奏来毋有所讳

○兵部议阅视赏格李汶田乐各赏银五十两大红蟒衣一袭李汶男李栢国升一级田乐原荫指挥同知男加一级世袭杨时宁加太子少保赏银四十两大红纒丝三表里徐三畏赏银三十两纒丝二表里荫一子入监读书贾待问恤典从优例赵楫升右副都御史仍旧巡抚王见宾刘敏宽俱准勘明叙用尹应元即起用张悌升俸一级仍与达云萧如薰各赏银二十两纒丝二表里达云萧如薰仍各升祖职一级世袭孙仁等各二十两马孔英仍候播功并叙刘广业等六员各赏银十五两乔学诗等十二员各十两刘广业吴鸿功各升职一级李景元等仍与荆州俊等各升俸一级董元学朱朝聘邢云路仍各优用卢传元秦大夔各候服阕起用范守己准优升司道官马应龙等九员各赏银十二两柴国柱等六员各十两姚德明准升参将冯时复原职柴国柱等仍各升俸一级张承胤等十员各赏银八两刘九思等九员各六两报可

○己丑大学士沈一贯等以都御史温纯再三告病< 〇〇〇 铨-金 >留中乞 上俯念纲纪总司无人或 亲谕即出或发臣等票拟以请不报

○抚治郟阳都御史胡心得以疾乞休不允

○辛卯赐内江王府镇国将军宣土□保五子名奉金□简东会王府朝堡嫡三子名在縱京山王长子萧沛嫡二子名恭探鲁山王府镇国将军勤煥嫡七子名朝□□土峯□原武王勤堆□□嫡五子名朝土□荣彰德王府镇国将军朝墟嫡二子名在金□荐沈丘王府辅国将军勤谯嫡一子名朝鄆汝阳王府奉国将军勤鯨庶三子名朝土□劬曲江王府奉国将军朝替□佳嫡一子名在锈河清王府奉国将军勤□□鱼□□嫡一子名朝僖鄆陵王府奉国将军朝< 〇〇 夬佳 >嫡一子名在金□置鲁阳王府奉国将军勤鯨嫡七子名朝赅封丘王府镇国中尉睦曩嫡三子名勤炆永宁王府镇国中尉睦悖嫡二子名勤□□火忽□镇平王府辅国中尉勤鱼□養嫡一子名朝石□堽南康王府镇国将军载□□坚嫡二子名翊金□奏德兴王府辅国中尉载车□壺嫡一子名翊金□奏永丰王府奉国将军载堤嫡三子名翊锡泰安王府辅国将军翊金□简嫡二子名常汴高密王府奉国将军寿铎双生一子名以涣二子名以涿钜野王府奉国将军颐塹嫡三子名寿鑄安丘王府镇国中尉颐□月兹土□嫡一子名寿鏗雒川王府镇国中尉载墨嫡六子名翊鏃汤阴王府镇国中尉载垧庶四子名翊縱辅国中尉翊鈎嫡双生一子名尝滂二子名尝滋襄邑王府辅国中尉翊稽嫡一子名尝□□犇义宁王敏□□犀嫡一子名求□河东王长子敏恂嫡双生二子名求杞三子名求楠宁化王府镇国将军新土□□嫡一子名慎蹻宁何王府镇国中尉知灰□页嫡二子名新角□戈方山王府镇国中尉知软嫡二子名新角□少云丘王府镇国中尉新趁嫡二子名慎镇乐昌王府辅国中尉慎金□□嫡一子名敏心新野王石□粲灿庶一子名器垌卫辉王府镇国将军硕火□槁嫡三子名器厓文城王府奉国将军硕焯庶三子名器土□废褒城王府奉国将军融鸟□炎嫡一子名谟觚

○辽东巡抚赵楫言辽左为蓟镇外藩而金复海盖乃全辽之腹心东自黄骨岛南

至旅顺口转折而北跨金复盖三卫北至海州娘娘庙迂回一千五百余里其间金州之归复堡红嘴堡望海塌并三犊牛喝散岛白庙儿羊头凹等处各海口复州之青山嘴石家岛奶奶庙等处各海口在在可以泊船登岸皆倭奴入犯之地也然惟黄骨岛东接朝鲜实辽左之咽喉旅顺口南对登州为天津之门户海口冲要莫此为甚倭虽远遁归巢为谋叵测增设水陆官兵诚为善后至计但添兵必须添饷查复州参将金州守备原为防倭而设复州营见在马兵一千名步兵一千名金州营见在马兵六百七十名步兵七百五十名其海口附近金复二卫者倘有倭警二营兵马齐赴堵截救援可恃无恐惟是黄骨岛旅顺二冲海口各原设兵一百余名极为单弱难以防御又查旅顺口见有山东登州游击一员统领水兵一千余名驻劄旅顺以防倭患近因倭平山东海防道议欲撤之夫旅顺虽辽左地方南距登州水路止八百里倭奴入犯山海天津必繇此路盈盈一水扬帆可渡若此兵一撤不惟辽左可虞即天津山东恐亦不能安枕而卧矣议将此游击水兵责令驻劄旅顺以备不虞至于黄骨岛离金复穹远止一守堡官领兵百余倘零倭窥犯何以防御宜于复州营内拨步兵二百兵金州营内拨步兵一百名再添千总一员统领驻劄黄骨岛并本堡步兵共四百名就选南兵营惯习水战者时时训练以防倭警其应用船只有先年采取造船余剩木植可以打造其金复二营存留步兵各固守城池分防海口马兵传报声息调遣应援二将官往来相机调度则水陆有兵南可以备倭北可以御虏兵不加添而自足饷不增而可省亦为一举而两利者虽然盖州距旅顺口五百里黄骨岛六百里于凡传报倭情该道耳目一时难及且金州地方广阔愚民山野十勾九抗奸商违禁私自下海贩卖私货夹带逃军而武官不遵明禁贪肆无怠莫敢谁何宜如山东闽浙事例于金州添设海防同知一员于凡海防哨探战守机宜同游击并金复将官商确计议而行兼理军民一切事务稽查往来奸商船只并覆仓库各项钱粮悍野官民赖以弹压水兵海禁俱有责成矣兵部覆如议从之

○江西巡按吴达可因矿税内监潘相诱开采广信封禁山添委卫官得旨又请开采泰和县石羔变价解进得旨上< 硃-金 >言 圣帝明王未尝言利虽宝藏于山玉韞于石亦置不问况山木石羔为利几何而可听奸谋以累 圣德哉试以封禁山木言之木山虽属广信实连闽浙三省而又建康 祖陵发脉之处王气攸钟岂可以开采损之昔年巨寇叶宗留邓茂七等啸聚其中焚掠城邑指挥戴礼以战死都督陈荣以败死令邓颺以被执骂贼而死迨本兵勋贵发兵京营徵兵各省会计剿灭历数年而后定嗣后封禁不开夫亦谓利小害大云尔今屡奉 严旨臣何敢抗违顾揆之事势实有必不可行者藤萝丛棘塞其径陡崖峭壁当其户入之难猛兽毒龙据其穴蛇蜒岚瘴漫其谷居之难陆无寸径涧无尺水出之难今潘相所责于有司不过招商借库与防守委官四事耳类皆牵肘难行相亦自知商人不至计无所施矣独以起衅自彼势难议寝不得已为是激切展转之词臣愚以为开采禁山速宜罢也试以娥姥山石羔言之本山切近泰和为县米龙为郡前障凿山去羔伤损龙脉障屏是无郡县也且该县人文自昔最盛

硕辅名臣如杨文贞罗文庄文章勋业济济为国柱石稍有所损科名尚尔减额而况于凿石乎连岁疫厉盛行民力凋耗岂得伤残其命脉乎皇上与其积金以富国孰若树人以匡时养民以卫国也且石羔之为物甚贱为利亦甚微居民赖以养生即富室大户且不屑与小民争<□□此夕>须之利而相乃以此进 圣主乎据所称岁可万石每石银一钱官四民六所归于公家者四百金耳国家视此四百金不过太仓之梯米而遽尔夺小民咽喉之食不几于褻朝廷之体乎况该县密迩赣州贼巢至今尚属南赣抚臣提督万一啸聚亡命变生肘腋谁执其咎臣愚又以为采取石羔亦宜罢也江右上瘠民贫连岁荒歉正赋常供苦于不足此潘相所目击乃必须启无端之衅因此一方之民耶幸而皇上洞鉴一则曰不必差官以滋烦费一则曰土民自备资本惓惓体恤臣等犹得仰承德意上渎 宸听不然江右之民其不为奸究所鱼肉者无几矣伏乞亟行罢采将苍赤欣欣颂祝 圣德而微臣亦得少逭巡察之咎焉复具图说随<□□足 铨-金 >进不报甲午大学士沈一贯等言江西税监潘相初到任时颇称安静今年遽尔改节致一省军民及宗室生儒几酿大变身犯众怒不知自省而更为酷烈欲以威服之江西贫瘠之民不能无反侧之虑矣相之诸舛姑未备论只主张开广信封山一事真为失计此山止有一二杂木万山深处悬崖难出若使可采彼界在江西福建浙江之间人烟甚众当争相贩鬻久矣岂得留于至今宣德正统间叶宗留邓茂七等贼巢穴于此僭王聚党杀官害民大费狂讨历十余年而仅得招安未尝以战胜也是以 严旨封禁今若再开则三省之患不知所终相又奏税监勘合马牌不许驿传有司挂号擅改 祖宗成法尤为不可国家政务无一不相制辖虽 御前驾帖亦赴该科挂号岂独相之差遣不许各衙门预闻何奸不可为而何乱不生所当禁止者也相又请添角□羊送磁器缸只每府各造一只每只当费万金江西十三府当费十三万夫磁器岁角□羊未闻缺供何独今日而议造缸不资之费又将何出即使用缸一只所载亦已无算何用此多缸为也 皇上圣明可以洞烛其故矣至于泰和石膏其利益微而其害益大江西习俗尤重风水此山乃一省龙脉所系岂忍伤之彼中士民必不相安乱虞之作又在眉睫以上四事臣等深为地方危深为 朝廷危亦深为潘相危也宣正间叶邓之乱起于广信封山正德间宸濠之乱起于南昌省城当时缙绅士民亦靡然从之为乱今相既撻宗室之怒又开贼巢之衅丛怨太多酿祸不小尔来司道等官畏其横噬概不相接而巡抚夏良心一意请告远近地方益以汹汹恐湖广覆辙又在于此伏望 皇上乾断取回潘相而以其所领诸务交付湖口税监李道兼管李道颇有贤声必能上体 皇上之意下安军民之心庶 圣虑康宁而臣等亦得少宽危悚也不报

○乙未升詹事府詹事郭正域为礼部右侍郎掌翰林院印信兼官如前

○礼部题奉 圣谕近来本章字画太细不便观览且易作洗改等毙令通行体式与各省直遵守如有参差者该科参究仰见 皇上总览万几留神投阅然臣等犹有请焉本章者臣子所以陈于 君父之前而输忠效□者也取其足以达 宸聪通下情已

耳历代名臣奏议皆明白正大垂之至今乃比来诸臣建白往往有过于修饬冗长奇僻隐秘恟忿者臣等以为皆宜禁如作字必依正韵不得问写古字用语必出经史不得引用子书及杂以小说俚语荐举但论其行能政业之实不得过于虚称参劾但指其贪鄙昏谬之实止用散文开列不得牵合对偶文致人罪论人论事必须明显不得阴摘其人而隐其名姓及不直斥其人而微阐其事条陈利弊必须简切有一字数语可了不得敷衍款项类一篇策套者天下事非一家争论是非必须公平不得有偏执成心而盛意气以求胜盖君臣之间贵于洞见□□互里在下者披忠直陈则在 上者一览可决所干系人心治体非细应并行申饬诏是之曰本革字画令查嘉靖八年体式刊印颁行余依拟严行申饬违者参究

○系锦衣卫江西饶州府通判陈奇可卒于狱奇可原署浮梁县印因景德镇激变为潘相所诬被逮者也刑科都给事中杨应文上〈□□疏-金〉乞释见系诸臣以广好生不报

○丙申与原任都察院左佥都御史陈荐父陈良能及母雷氏并葬祭一坛

○丁酉命翰林院编修顾起元李思诚温体仁简讨丘禾实张邦纪编纂六曹章奏

○戊戌工科都给事中

○瑜等劾逃商张学未半月而三上〈□□疏-金〉冀幸旨从中免即便脱身且〈□□疏-金〉内祈下厂卫衙门一旦欲坏 祖宗下部成法及今不惩该部亦安用审商亦何以服都会小民之心哉请敕法司正学欺渎之罪仍严谕以后各商不许妄奏渎扰不报

○己亥礼部尚书冯琦请点用侍郎以理部务俾臣得专心调理诏报闻左侍郎李廷机令吏部即行文催任右侍郎员缺候旨行

○补原任山西佥事周应中为湖广佥事抚治荆州等府流民兼整饬施归等处兵备

○从户部之请诏各处未完民屯严行该巡抚及管粮郎中依限奏报以后民运未完者不许将京运请补有司完欠尔部细加磨对边郎回部着实考核诏编定岁会京边钱粮册分发省直各填完欠送部查比亦因户部请也

○总河都御史曾如春请将河工派夫山东之东昌兖州河南之开封归德四府所属各州县三十年分漕粮通行改折户部以太仓储乏惟有严禁改折可以少救万一然河工重大又难以胶柱论者覆请将河南二府内除开封所属禹州许州襄城临颍堰城长葛六州县仍徵本色兑运其余俱准改折山东二府内除兖州所属曹州曹县定陶城武单县金乡鱼台七州县俱准改折其余仍徵本色兑运报可

○庚子补原任福建布政使司右参议王志相为四川右参议兼按察司佥事整饬松潘等处兵备

○普陀山在浙之定海县三百里外洋海中旧有寺 上尝钦颁藏经于寺彼寺被

焚至是复遣中官相度营建巡抚刘元霖< 〇〇〇 铨-金 >言构宇聚徒恐以多蓄起衅勾倭为患昔寺之毁所钦颁藏经无恙嗣复赐藏经本年旋造大殿五间可以贮奉不宜大兴土木内为亡命之渊藪外启狡夷之垂涎请将见议兴工停止不报

○辛丑 世宗肃皇帝忌辰遣官往 永陵行礼

○ 皇帝敕谕朝鲜国王李昫王以倭使数至胁言兴兵奏请遣调以壮声势朕览之惕然谓宜体悉但遣将一员调兵数百以战则寡以守则弱亦何济之有惟尔恭顺有年世称藩服向既再勤师旅哀存式微岂忍今日而置度外兹特降敕以慰朕心夫绥怀以文戡定以武古之经也尔国北有辽东之蔽以无虜忧南有大海之限以无寇忧以享太平尚文其可今倭既生心而无变计非愚则怠虽岁岁勤戍声尽形见终不能久乘敌而幸无事矣故莫如自强一改弦辙大修耕战国内沿海地方逐一料理某处寇可登犯某处险隘难入某处应筑城堡某处应设墩台某处应哨防某处应戍守一如天朝昔日列兵制御之法某可训练水兵某可训练陆兵分投演习教以枪箠刀牌及鸳鸯三叠常用阵规一如天朝昔日留官训练之法庆尚全罗两道田土果否荒芜作何开垦或招徕土著赋粟饷师或拨派防兵就近耕种一如天朝昔日留屯之法核实诛名信赏必罚时遣使者巡行讥督不逮王亦夙宵忧励增修未备昔老子贵慈犹不讳战文王明德亦肆钩援郑侨葛亮皆以严理岂以儒缓为弘仁苟安为休息哉壬辰之事至今毛竦可不戒欤夫一旅中兴于今为烈千里畏人举世所笑王其勉之毋辜朕意

○大学士沈一贯等题北镇抚司乃诏狱之所职掌止是打问问过即送法司暂将犯人寄监故监房不多而监地亦窄近来打问过犯官冯应京等积下数多更无容处杂器臭秽瘟疫流行冬来寒气异常尤难存活一墙之隔即是通衢抢地呼天惊远震迹静夜之际尤不忍闻前此王之翰周应麟等溘亡外适又报陈奇可死于卫禁吴应鸿死于司禁沈希孟死于刑禁兔死狐悲人人洒泪臣等敢斋沐上请倘蒙大霈弘恩如春间圣旨赦罪还职不胜大愿万一 圣心犹有所待乞送发刑部分别拟罪请自 上裁亦明主如天之德解网之仁副春初钦恤之心而慰道路行恻之意也不报

○总督宣大尚书杨时宁< 〇〇〇 铨-金 >辞边功加级不允

○御史康丕扬言臣近见一二臣工意见相持竞以党与为论恐日事忿争见在之人无多不至以党尽去不已伏乞 皇上乘此群疑之初亟下荡平之诏令人之今后臣以尽职为能无取多事生扰此外有怀私观望淆乱国是如 圣谕所云者则请一责之诸大臣等令其主张群议力挽嚣纷务期执法持平诏今朝堂人心有何不平不定何须申饬以后各爱君体国务修职业毋得言党

○壬寅命礼部铸给金州地方海防同知关防

○吏部以两京大小九卿各省直巡抚司道知府员缺原推姓名备开乞简补以< 〇〇〇 铨-金 >仕路不报

○癸卯准故定国公徐文璧孙徐希皋袭祖爵

○升陕西右参议杨继先为山西副使兼右参议管辖曲江等县
○以漕运总兵官新建伯王承勋督漕久劳加太子太保
○诏宿直不到者张栾等法司提问以后严加申飭从尚宝司卿刘日升等请也
○甲辰大同兵备副使樊东谟以三年考满加升山西按察使□□□□兵备道事
○升江西南昌知府陈鹤为按察司副使兼右参议分守南昌道
○丙午宁夏河西兵备粮道佥事高世芳以三年考满加升陕西副使仍管宁夏河西兵粮道事

○宴哈密卫贡夷畏兀儿肃川东关寄住贡夷乂右禄孛刺等三十五名侯陈良弼待

○予南京太常寺卿王应显祭葬二坛如例

○丁未补荫原任辽东巡抚李松孙李培贞送国子监读书

○遣官存问原任兵部尚书王遴

○己酉大学士沈一贯题御史宪纲内外中差凡有十三处今缺至九处昨都察院两疏上题请乞 皇上发票俯准各御试史实授分往交代行事庶监察有官而纲纪振举不报

○庚戌大学士沈一贯等类进年终讲过大学衍义讲章共八本以备 上览

○壬子立春令节顺天府进春赐辅臣上尊珍饌甲寅补赐辅臣 端献皇太后万寿圣节银绶及讲官有差

○礼部题河工鳩众二十余浚二百里此国家非常之役乞仿古人沈璧之意允总河所请令择告致祭庶赖神庥以便经理命可

○乙卯崇王翊< 金 爵 >奏称世子常溡没欲将世子额外妾遗腹子黄氏填补为第一妾礼部覆议国家之待亲藩滥妾之禁至严然应继王爵之人虽滥妾子亦得奏请良以国脉所系不容紊乱亦不容轻靳恩义尽至家法最美崇王春秋高矣又素有疾而世子复没幸私收妾黄氏遗腹生男他日可以请 旨继绝收补黄氏无益于王而祇启诸宗滥收之端应行彼处查明遗腹子母来历报部以凭覆请 诏即王特请不必行查准与项额妾不为例

○ 准蜀王庶第七子奉< 金 爵 >为郡王

○丙辰以告祭 太庙 桃庙收回脯醢果酒赐辅臣

○是岁户口田赋之数户共一千三万二百四十一户口男妇共五千六百三十万五千五十口半官民田土共一千一百六十一万八千九百四十八顷八十一亩有奇夏税米一十三万三千四百三石四斗有奇麦四百五十三万四千四十三石四斗有奇秋粮米二千三百七十万一千八百一石二斗有奇草二千五百八十一万三千七百五十一束有奇丝绵三十一万四千六百四十四斤有奇丝二百二十四斤有奇绢一十四万八千一百二十九疋零绵花绒二项共三十七万四千八百七十八斤零绵布三十六万

二千四百一十一疋阔梭布三万三千疋土苧四万七千七百七十四疋户口盐钞折银起运共四万六千九百七十四万两有奇盐课额引共二百一十五万六千六百九引盐课银共一百一十五万一千五百一十九两五钱茶课钞一千一百八十三錠一十五贯五百九十二文屯田子粒地共六十三万五千三百四十三顷七亩八分六厘三毫有零

大明神宗显皇帝实录卷之三百八十

万历三十一年正月戊午朔 上不视朝在廷文武等官于五凤楼前行庆贺礼辅臣沈一贯沈鲤朱赓复诣宫门拜贺

上赐上尊珍饌

○庚申吏部以推补各官未奉 明旨开其原推职名以请

○辛酉兵科都给事中田大益因江西按臣吴达可论税监潘相擅请勘合牌票不经驿传挂号特糾正之< 〇〇〇 钰-金 >留中乃上言国家设置驿传考验邮符森严详慎二百年来无敢有不挂号径行者税监潘相阴欲滥牌票以便私遣而阳托勘合留滞乞览发按臣近< 〇〇〇 钰-金 >置相于理仍一体申严挂号旧令以苏驿困不报 ○

宣宗章皇帝忌辰遣官祭 景陵

○癸亥辅臣请 东宫 福王讲读择吉如常例从之

○甲子孟春享 太庙遣官祭 太岁月将司户之神

○乙丑以左中允兼编修全天叙为左谕德兼侍讲掌司经局印修撰翁正春为右中允兼编修

○工部言山东巡抚黄克缵奏开王家口固为得策而塞蒙墙口亦属急务盖王家口为蒙墙上源上源既达则下流不宜旁洩下流洩则沙易壅沙既壅则上源溃决之虞必有所不免者宜命总河酌处从之

○辅臣沈一贯等以礼部年终类奏灾异不报言 皇上自万历十年以后群言嚣凌旷官离局政权旁落莫适主持然犹可诿曰此朝士之纷纭耳哮喊首乱倭寇继之煽动干戈群雄肆起然犹可诿曰此外患之侵袭耳矿税兴而部院拙敕使出而民心摇则谓非盛德之累不可矣惟亟除矿税权宜之法务修初年恭俭之政 社稷幸甚奏入不报

○工部覆总河曾如春条议核支放杜浮言二款诏以河工钱粮著专官支放以防侵冒尤宜蚤计措处依期给发使小民得沾实恩不许克减招怨如有夤缘捷径飞语惑众者指名参处

○以平播功优擢原任四川巡按崔景荣京卿景荣< 〇〇〇 钰-金 >辞不允

○浙江江西南直隶积欠折马银甚多苏州淮安至二十年不角□羊顺天府尹许弘纲请查额立限守催以济畿辅驿递之困下之所司

○丙寅辅臣等< 〇〇〇 钰-金 >请撤采煤内监王朝并停煤税拟谕安小民敕旨一

道以进先是采煤止奏内官监马鞍山黄树园地方官窑一处后王朝蔓将西山一带概行徵扰且私带京营选锋劫掠立威激变窑民几至不测朝恐遽以欺隐阻挠 上闻邀厂卫扭角□羊之旨于是黧面短衣之人填街塞路持揭呼冤辅臣言煤利至微煤户至苦而其人又至多皆无赖之徒穷困之辈今言利者壅蔽 圣聪搜腴太细不顾叵测之虞鸟穷则攫兽穷则啮一旦揭竿而起犖犖之下皆成胡越岂可不念据朝原奏一年可得数千金利亦甚微乞即下严旨取回王朝立止煤税见取煤原非 皇上本意刑科给事中杨应文亦言严旨一下民志必携彼火于临清水于湖广鼓噪于苏州此非殷鉴工科都给事中白谕言 皇上试取朝原奏今奏与民揭一览则虚实不辨而自白盖朝谋利与惧祸之心交战于胸故借 天威为骗网而指阻挠为乱阶朝谁欺乎今者萧墙之祸四起有产煤之地有做煤之人有运煤之夫有烧煤之家关系性命倾动畿甸 皇上圣明何所不烛而柰何轻信王朝一面之辞哉兵科都给事田大益言 天子之权莫大于兵国曰军国兴曰军兴创以兵制调以兵符纵之者罚盗之者诛今朝以内<□监-皿立>而收营军投金钱而役健卒 皇上竟置不问何也节甫引虎贲之卒季述陈宣化之兵逆瑾藏兵仗之衣甲而吉祥战东华之门古今祸变肘腋相寻可不戒哉宜急诛朝以肃群珥巡视西城御史沈正隆奏言五千金之入不足当一朝饗而以此结匹夫匹妇之怨贻天下后世之讥臣窃惑之金吾官旗原以示不测之威 累朝以来问一行之今贫窶小民不足烦有司之治而以此降尺一辱缙骑臣窃惜之俱不报已而从太监陈永寿奏令王朝回监应役其原管窑座照上林苑监事例征税角□羊监进用

○丁卯谪原任翰林院简讨王肯堂为海盐县丞

○江西税监潘相妄信泰和县民段永寿言本县斌姥山岭产石膏岁采可收万担奏请开之南赣抚臣李汝华言石山开采凿伤郡县来龙于人文民命所损实多且每担价值五六分所利几何而招集亡命为忧方大不报

○广东省舶太监李凤请得巡历南雄府桥税许之

○戊辰 孝恪皇后忌辰遣官祭 永陵 ○己巳辅臣沈一贯等请允钦天监所择 福王婚礼吉期并陈搬移在本月十九日以闻

○庚午北虏顺义王扯力克并各部夷酋恭进表文鞍马弓矢准赐敕并遣官赴边宴给

○甲戌 英宗睿皇帝忌辰遣官祭 裕陵

○乙亥承运库太监孙顺妄据机户王一卿等言请将常州徽州宁国扬州广德五处选殷实机户先纳后领每疋扣羨余四钱随段角□羊进为官民两便因荐附近内监鲁保兼管浙直等处有旨从之工科都给事中白瑜奏神奸借每疋四钱之小术开半壁天下之大网若有心为公家之织纳实作意为鲁保之私谋臣请悉数其官民两不便之状四不但便民富室一空织造日少且损 龙袍正额不但损正额家家闭户割机贫匠倚织为命酿乱焚庐苏州葛贤可鉴不但苏州衅端一开陕西之羊绒山西之潞

闻风皆欲归并内监在在皆为乱阶矣不报

○封朝鲜国王李昫继妃金氏赐救命冠服如例

○丁丑赐鲁府东原王颐瑜谥温懿邹平王颐在谥康顺

○改四川副使播州兵备傅光宅提督学政

○升蓟镇总兵尤继先为都督同知照旧镇守

○戊寅工科都给事中白瑜等以总河曾如春揭称河工见在银七十万两尚欠三十万两钱粮不继恐尽弃前工因上言国家既欲护 帝乡陵园之气又欲漕江南百万之粟挽全河而还之故道 皇上何爱三十万不为 陵运民生永远计乎且河程四百里而遥其钱粮分管当先立碑碣自司道以下承委诸官某人某地一一勒名若开归地方堤防与防边同增卑培薄岁有修银候人番卒各有疆界与其查参于后来不若严核于今日碑碣分立功罪自明不报

○庚辰以四镇边务修举予巡抚甘肃徐三口银币荫一子入太学予总督陕西三边李汶银五十两大红蟒衣一袭升其子李楨国爵一级三畏汶俱领赏辞升荫不允

○辛巳 孝静毅皇后忌辰遣臣祭 康陵

○以督漕功加提督漕运总兵官新建伯王承勋太子太保

○南京户部尚书张孟男以考满赴京引疾乞休不许

○壬午复建乾清坤宁宫辅臣入视工程赐茶 ○户部覆总督仓场尚书谢杰条议四款一僭运御史宜速七省官旗云合鳞集动至十万非御史不能弹压则巡漕不可一日缺者二起剥主事宜复申饬河西务分司及通粮郎中凡粮船所至各照信地加意稽察督催前进三人心侥幸宜绝旗军敢有希望截留逼遛不进者巡漕御史即时拿究各省直地方非遇大灾祲不许轻议改折四中途刁讼宜禁所在漕司但有旗甲中途讦告运官者即便移文本部及总督仓场衙门知会俟事竣申理不得辄自拘问俱从之

○云南道试御史史学迁奏查在京七十七卫所当该吏计一千三百名因卫所事简俱给假回籍人月米一石假三年则遗米三十石每年假千石则遗米三万余石尽为书吏班皂人等乾没殊可痛恨请断自今一切告假吏俱移文粮厅扣除满假之日准作实历推之各衙门吏员告假者皆然至如营伍之役占守御之包揽锦衣之官旗侍卫之充选光禄之厨役局厂之匠役国学之生儒各部之代历余如礼部之译字神乐观之乐舞监局之勇士途路甚多窝巢更巧俱当厘剔以佐国计下部知之

○癸未起升原任右都御史蹇达为右都御史兼兵部右侍郎总督蓟辽保定等处军务达辞不允

○故事吏部司官两广云贵四省共一员时四川巡按李时华黔人也请增一员以待云贵其旧额一员专界两广下之所司

○甲辰以湖广右布政薛三才为本省左布政

○协理戎政兵部尚书王世扬以京营选锋逃从内官王朝为科臣所劾

○礼部署部事左侍郎李廷机因年终类奏灾异请罢矿税疏入留中

神宗显皇帝实录卷之三百八十

大明神宗显皇帝实录卷之三百八十一

万历三十一年二月戊子朔吏部以司农重任久缺左右侍郎具吕坤夏良心等名以请不报

○命礼部右侍郎郭正域等祭三皇之神

○己丑大学士沈一贯等以日讲吉期并撰讲章以进 上报可

○吏部言总河曾如春< 〇〇〇 〇〇〇 〇〇〇 >河工切要三事一示激劝见任河工州县正官着实分别举刺一明职掌河上委官专以该管河道为主别道不得干预一设赞画二员比东征事例

○宗王常津请重补额妾三人礼臣冯琦以非例当停止

上是其议罢其一礼科都给事中张闻达言例无两存既未协宜悉罢 上以前旨已行不允

○兵部请将京营马政专责成将领覆寺臣周孔教议也从之

○先是正月初二日海虏千余骑奔西石硖犯抢番汉兵备副使李有实同西宁参将张大纪镇海游击杨柱统兵御之当阵斩获首级一百三十六颗总督李汶至是以闻

○庚寅户科都给事中姚文蔚等上言欲济国用不可不讲求理财欲求理财不可不先罢矿税愿亟下明诏撤回中使尽罢矿税诸役使民欢呼更生稍得苏息然后徐命大司农修举废坠督责逋负民力少舒民心大顺自将乐输而不怨孰敢复言发内帑者伏惟采纳施行不报

○辛卯辅臣沈一贯等恭视乾清坤宁工程赐茶因揭请亟下巡漕巡仓二差并河南陕西二抚其凤阳巡抚李三才宜职供职且及各道试御史应实授差遣

○壬辰定国公徐希皋以宅灾引罪 上宥之

○以礼部郎中吴默为尚宝司丞

○癸巳先是内官监陈永寿承王朝撤回后仍令民窑三则征收妄谓会议已定行委县官照数催徵业得旨矣顺天府尹许弘纲具< 〇〇〇 〇〇〇 〇〇〇 >执争谓查勘官窑仅一二座其余尽属民窑并未会议何忍横征乞撤永寿而并罢其法信 明旨而免及其余于是工科都给事中白瑜言永寿亦自知窑课难支众心难犯委托县官徵收不过借万金之虚名驾有司之实祸行逢迎之小术为脱身之完策 圣天子当培养畿民以作藩篱今四方已莫必其命忍戕此鞶毂之苍生与天子共天下者惟良二千石今外郡已难保其民忍诬此保厘之府尹工部尚书姚继可亦言官窑宜封闭民窑不可徵其东西两行烟炊仍旧催督铺口办进顺天巡抚刘四科又言永寿代王朝是以暴易暴也应一并撤回俱不报

○工部覆总河曾如春奏河工所缺三十万金银库已无可发罔藏理难再借额角

□羊既奏已留事例所入有几请将南京库位尚书马价草场工料等银动支二十万两淮扬所属州县应解马价动支十万两转角□羊应用从之

○工科右给事中宋一韩条议巡青四事一言牧地当以万历十年都御史吴兑所丈为原额严行州县逐一清查原佃几何新垦几何荒芜几何实徵几何就地亩清出则增亏可按徵输必裕二言内□请如先年例仓场库局宜分金诸□足用而止责令各办应得钱粮不相兼摄三言有司类角□羊当下令申飭凡州县徵完钱粮该府不时类角□羊务在年终齐足四言京粮收放凡角□羊银万两以上者科道官亲诣该库监收放亦如之该库正陪交当责成不宜专责陪库不报

○刑科右给事中曹于汴以病乞休许之

○甲午以 景惠殿祭设赐辅臣

○乙未辅臣等再申巡抚试御史之请不报

○降工科都给事中白瑜三级令外补吏部以湖广布政司照磨除之 上命边方用

○丙申 孝定皇后忌辰遣官祭 昭陵 ○辅臣揭救工科都给事中白瑜不允

○升浙江右参议王一言为浙江副使管理杭严巡道事务

○丁酉 孝贞纯皇后忌辰遣官祭 茂陵

○祭 先师孔子命大学士朱赓行礼

○戊戌南京工部尚书裴应章以病乞休 上谕留之

○谕内阁朕昨节间恭谒 圣母面奏正月二十六日 天寿山 长陵等处兴工修建亲奉 慈恩钦发助工银五千两犒工新旧钱一百定皇后皇贵妃等皇太子与福王等进助工银三千三百两新旧钱三十定卿等传示作正支销用务使人匠军夫得沾实惠作速修建报完上慰 圣母同朕悬望之诚心 ○己亥吏部以捕获走空神棍王绍溪等并营干官刘悌请下法司治罪从之

○户部请如例将蓟镇三十二年抚夷银二万六千一百三十两有奇于济边银两预先兑付各道委官领回本镇专备抚夷支用从之

○庚子户部题本部钱粮出入之数税粮马草农桑盐钞为正课实入太仓者三百七十余万事例赎醵缺班为杂课实太仓者将一百万合此二者始足当每岁四百五十余万之出乃各省直遇事辄议题留改纳自外入者额内日求其减自内出者额外日求其增况絨段隶在司空优恤隶之司马赈荒自有积穀军饷自有存留边储自有民运朝廷每一事设有一事之钱粮乃有司怠缓而不徵豪猾乾没而莫问乞 明旨申飭自三十一年为始凡遇地方有事即照额派本项钱粮内自行区处不得轻题留改其前此借用钱粮俱要上紧补完从之

○户部又题二十九年分各省直运司未完并未角□羊未到京边钱粮尚该九十

二万五千四百余两乞 明旨申饬转行各省直抚按司府各官作速徵完起角□羊并二十六七八等年未完钱粮一并督催俱限今年三月以里到部以便给发从之

○辛丑礼部奏言朝鲜国王李昫舍长立次谓次子李瑋有定乱功遽欲援此夺嫡长子见在置之何地且次子举国爱戴真否未确似难遽徇其请请不可徇则方物未可受也但该国忠顺日久一旦却献恐生疑畏进到方物马匹合无姑容进收 上报可仍令该国王议确来奏

○壬寅工部尚书姚继可引年乞休

上谕留之

○癸卯初制辽东镇岁额民运银一十四万七千余两徵派山东布运二司径角□羊该镇交纳给军万历七年因该省徵角□羊延缓暂改类角□羊太仓给发彼时太仓充余故资其那儋今太仓匱极势难代发户部请如旧制从之

○甲辰先是河南抚按以唐王硕燠有贤行为请旌异礼部覆请诏以王勤学励行德孝著闻藩辅之光宜加表异着赍敕旌奖有司致贺仍给坊扁为诸宗矜式

○乙巳兵部覆南京署兵部右侍郎范仑等条议事宜一简选锋临营选验逐一提石角技必年力精强射艺习熟者方准存留一复浦口城行南户兵工三部会勘要见浦口城果否可筑日后有无冲滄饷费作何处置工夫作何派拨应动民居作何抵偿务令上下两便一清占役除府厂营卫诸役额掣操军照旧听役其挂名投闲滥差替役等项应发操者发操应革黜者革黜玩法旁挠者指名参治一严巡逻兵部会同科道选验汰回老弱仍选常伍军人精强者补足额数一年巡满即于该营更换把卫总照信地依期点闸坐营官躬亲巡历一重门禁敕外守备衙门门官有缺加意遴选将杂差官勤慎者充之并参革员数门卒必由管操厅金补验差厅发凡躲差营改空名占役者严查黜革一饬提督各都督官在任升转非候新官交代不许径自离任新补者作速赴任不得迁延规避一核班军班军私逃即时查报补角□羊该班不到或勒索卖放情弊一一送问罚班从之

○丁未升浙江严州府知府刘焕为本省副使原任湖广左参议伍袁萃为广东右参议知府程达为福建副使分巡漳南道知府吴思学为福建副使管理屯盐道

○己酉遣官祭 历代帝王

○ 日讲官礼部尚书兼翰林院学士掌詹事府事教习庶吉士曾朝节以足疾乞休

上谕留之

○宴朵颜卫夷人命侯陈良弼待

○南京供应机房左少监杨志 < 錡 金 > 参织匠项举等预领工银刁诬侵赖有妨作工语侵巡视东城孙御史 上命南京法司究刁匠正法而不及御史

○庚戌遣官祭 京师太仓之神

○壬子礼部尚书冯琦病笃辅臣代请休致

○癸丑清明节遣隆平侯张炳等恭祭 长陵等 陵各行礼 ○准故南京右
通政吴自峒孙吴绍志入太学

○赐 日讲官曾朝节米酒牲菜等物

○命四川梁山县举人来知德以原授翰林院待诏致仕仍如处士吴与弼例令有
司月给米三石

○乙卯礼科都给事中张问达条上科场事宜曰 明旨所最重者大约有三曰关
节曰文体曰投充之冒籍鉴别清彻惟督学之臣实加意焉衡文课文一禀于正自足
以为劝惩至秋闱较士责在主考与分考须择有行谊有文名者命之典试取之分
阅试卷止印注某经不许印注某几房房考阅卷止许随卷批评卷面上不许填写
某房某姓阅卷完各房将正备卷会同类集一处总送主考从公裁夺毋分畛域毋
较多寡下部议下礼部覆请从之

○御史孔贞一请五城掌印兵马俱用举贡知县贤能者准升三年考满仍照宛大
二县知县例一体升迁部属下之所司

○江西太监李道奏进漏税罚赎等银一千四百余两又进按季船税银二万六千
四百二十两 上命收之

○益王世子常_○迁_○请敕管理并请预造冠服册命部议以服内请封非礼
止如例予敕书

○赐鲁府阳信王寿钞谥端顺

神宗显皇帝实录卷之三百八十一

大明神宗显皇帝实录卷之三百八十二

万历三十一年三月丁巳朔 孝肃皇后忌辰遣官祭 裕陵

○戊午南京工部右侍郎范仑引年乞休 上不允

○时天下郡守缺几十之五吏部以闻

○总督仓场户部尚书谢杰以火灾异常请罪在事臣工人役 上曰草烬坚硬如
石因火势炽盛煅炼而成其疏防员役治之

○己未以顾其志为都察院右副都御史巡抚陕西

○初铸巡视南京五城兵马司监察御史各关防 ○驸马许从诚原赐庄田七
百顷已故例减半给予户部以请从之

○以贵州副使路云龙为江西右参政

○庚申降原任湖广右参政陈鸣华为本省右参议

○湖广僉事周应中乞移赠其本生父母吏部覆请许之

○下侵冒内府钱粮犯人刘辂于镇抚司

○命御史方大美巡按河南

二月袭混眷入本年二月大选揭帖亦简举认罪 上不问止下武选吏张雪瀚于法司

○以南京兵部职方司郎中邹观光为南京光禄寺少卿

○甲子工科给事中钟兆斗论织造一事万万不可兼制于课监者盖丁田额派乃正供而料价设处无定额岁造段疋有定价而改造加增无常数正供犹可取盈也无定额者岂能一时卒办定价或可量扣也无常数者将何照例扣除督责不专于司府印验不经于抚按查核不由于部署一课监假手百参随百参随假手一直两省之亡籍 祖宗旧制澌灭殆尽而尚方赏赉之需终不知何所出也乞亟收成命仍责成有司依期督造扣价八千两即属省直照数进用则国与民皆便而财赋重地可保无虞不报

○监生吴养都等五人以进献输工银十四万为两殿中书舍人吏部以重名器为请不报

○乙丑以恩诏予 累朝公主子孙李君锡胡应龙张应祥傅道胤蔡相等入太学

○丙寅南京刑部尚书赵参鲁以老病再乞休

上仍谕留之

○改湖广下江防道兵备参议黄仁荣管粮储道以上湖南道副使魏养蒙为右参政分守下荆南道

○命宁阳侯陈应诏于前军都督府掌印管事

○虏犯洮岷陕西总兵官萧如薰等引兵御之战于松山奔掎间前后擒斩虏级共八十二名颗番级共二百五十三颗收获降番共五千一百四十四名口夺获畜器共四千三百八十有奇经巡按御史勘明兵部覆奏言较量功级虽非大捷然文武将吏戮力可嘉诏以萧如薰等九员纪录内临洮总兵孙仁兵备官荆州俊候并叙袁弘德升俸一级将领王邦佐等十一员中军千把总韩完卜等二十三员各赏银有差

○虏犯甘镇御虏总兵达云司道官李徽猷等出奇设伏前后擒斩共六十五名颗夺获夷器牲畜以千百计经巡按御史勘明兵部覆奏诏以督抚李汶等俱候大捷优叙达云等八员俱纪录内达云李徽猷李有实仍候并叙卢传元升俸一级及时起用将领葛赖等八员中军千把总张克敬等十员修工官冯时等二员各赏银有差

○陕西总督李汶题留神木兵备参议杨继先以新升副使职衔照旧管事从之

○升指挥使李祯国为都指挥僉事照旧北镇抚僉书管事

○革参将吴文杰帅继范等任治其罪

○丁卯宣大巡抚汤兆京劾分守口北道参政郭士吉不法下之所司

○以山东左参政章邦翰为本省按察使

○播州旧逆吴洪卢文秀卢文政张承贤卢里受谭里保罗志杨邦俊王金义张汉臣等恶汉法严密潜谋不轨假杨应龙儿子为名恢复旧疆因内江县举人晏鸣鹿穹邻坟侵田土遵义县知县萧鸣世素失众心此事又失处分洪遂激怒旧民聚众首乱总兵

李应祥副使傅光宅等率修防官兵捕之陆续擒获首从刘尧等洪逃奔水西黔抚郭子章责安疆臣缚献洪为疆臣把目王宗舜斩首擒获贼党止逸一二总督王象乾以闻兵部覆言洪自祖父及身为杨氏亲信长官三世刘尧者逆龙之腹心书记而罗志谭星保卢文政等皆逆龙之爪牙也平日倚附逆龙今虽逋诛包藏祸心徘徊故国视杨三老为奇货藉水西为声援投闲抵隙所须者时耳而豪势之武断悍吏之淫刑又大拂乎人心遂欲假以激怒沙溪之众操戈关弓快于一逞是其谋叛之本意虽不尽由人实籍之资也今虽就缚启衅人员法当究治诏以逆首吴洪等传级示众谭里保等梟示未获者严加缉捕以绝祸本萧鸣世晏鸣鹿行御史究问有功员役勘明定夺

○以惠州知府何伟为广东副使兼参议分守岭东肇庆府知府陈濂为广东副使分守岭西

○先是山东闻倭警当事张皇多招徠饷至四十五万而团操快壮之工食不与焉二十七年销兵饷稍减尚费二十六万九千余两东省民大困于是议者欲就见兵精择用之以节浮费抚臣黄克缙以为言请酌减马快较诸兵技艺高下别为三等浮额者汰之又裁登州水兵营游击防汛大嵩守备等官 上下其奏兵部覆请从之

○戊辰刑部尚书萧大亨一品六年考满未奉命辅臣以为请不报

○以大理寺右少卿王明为太仆寺卿太仆寺少卿陈子贞为通政司右通政

○己巳复除原任广西右参政李焘为湖广右参政兼佥事整饬郧襄兵备

○以浙江都司佥书范鯤为中都留守掌印定州游击颉永清为龙固二关参将

○辛未 武宗毅皇帝忌辰遣官祭 康陵

○工科右给事中宋一韩言国家形势首燕京肩齐晋胁秦楚跨吴蜀履闽广滇黔而中州寔为腹心当亟简抚臣以重弹压且令道臣还驻颍州以便控制不报

○以太仆寺少卿周孔教为通政司左通政大理寺少卿张鸣岗为南京太常寺卿光禄寺少卿冯渠为太仆寺少卿通政司参议张尚学为太仆寺少卿大理寺左寺丞赵士登为本寺右少卿

○以吏部郎中梅守峻为江西参政 ○以户部郎中李长庚为广东副使南京兵部郎中曹愈参为陕西副使户部郎中董九贡为陕西参议

○礼部郎中梅守和为湖广参议陕西又布政王顺民为本省左布政按察使王一乾为本省右布政起复原任佥事张后甲为贵州佥事

○壬申南京吏部以卿寺科道郎署员缺有至六年未补者具奏以闻下部知之

○癸酉先是壬寅春 圣躬违和首辅沈一贯入问安泣陈时事首罢矿税已奉诏旨旋复举行次辅沈鲤朱赉应召来未获面奏相继陈请俱不报至是南京江西道御史王藩臣以嘉纳辅臣第一言与天下更新请不报

○甲戌户部请敕在京五草场监督司官收务乾洁堆期苦盖毋使水浸雨湿如有蒸腾之气即权宜倒垛晾晒从之

○乙亥复除原任兵科右给事中刘道隆为刑科右给事中

○总督仓场尚书谢杰陈积储大命四事一总漕抚臣宜久其事任不可使一日缺人议留李三才二放粮旧规每年四月十月应放折色三临清德州二仓所积粮米运二十万石入都以补本年灾伤折色之数倘四五月间南漕不至即括二仓所有尽数起角□羊俟丰熟抵还四工部宜趁冰涣速以修仓为事仓完则工匠不得溷入车脚不难稽查盗米之奸可以立革户部覆奏 上以漕运事重令李三才并事候代放粮折色临德二仓补数令户部议妥行早修仓廩仍著为令

○以湖广德安府知府张惟方为本省副使兼参议分守湖北道直隶松江府知府许维新为河南副使兼理兵备以御史涂宗浚为大理寺右寺丞都给事中张问达为太常寺少卿于若瀛为南京鸿胪寺卿刘卿为山东右布政荆州俊为湖广按察使

○降工科都给事中白瑜为陕西布政司照磨

○丁丑初清口陡涸运艘不前御史蒋以化淮抚李三才各< 〇〇〇 毓-金 > 闻并请宽过淮过洪之期许之仍命行总河的议于是河臣曾如春水涸之故大都因淮黄交会河底冲刷深且五丈外低内昂势不能伏溢而上陡涸病根皆原于此今所恃淮南高宝诸湖之水臣檄行封闭甚早不令旁洩北引接运颇有余资以故司道诸臣欲因便于高宝湖水而建闸浚渠节宣用之正永乐中陈平江已然之明效也目前济运似无踰此工部如议覆 上从之

○以四川右布政崔应麟为本省左布政管遵义兵备按察使王嘉谟为右布政分守川西道参议梁祖龄为副使分巡川北道

○戊寅以桂林府知府许国瓚为广西副使整饬右江兵巡道梧州府知府凌嗣音为广西副使分巡桂林兵备

○先是吏部起补各官奉 圣谕将正五品至从六品者各罚俸一年吏部言不夺其官而仅罚其俸是 皇上使过之仁若因其罚而并锢其官是臣等奉行之过原任光禄寺寺丞王德新南京刑部郎中邹元标兵部郎中高桂礼部主事吴正志诸寿贤李< 〇〇〇 懋心 > 桧刑部主事马应图南京吏部主事饶伸是数臣者其回籍非以病归则以待养与诸臣之削籍降调者不同乞各照原官起补添注不报

○直隶巡按李思孝奏留巡抚李三才

○庚辰以南京江西道御史王藩臣为江西副使

○转吏科陈治则户科吴文灿礼科梁有年兵科夏子阳刑科宋一韩俱左给事中

○降原任御史王象蒙为卫辉府推官

○刑部尚书萧大亨以六年考满吏部具题未奉敕旨因引年乞休 上不允

○升蔚州知州任应徵为山西佾事管宁武兵部降补原任陕西副使张应凤为湖广参议

○以不雨命顺天府祈祷

○辛巳赐保定侯梁继璠祭葬成安伯郭邦相妻祭葬

○户部以灾伤改折湖广黄梅县二十八年南粮七千五百六十五石每石折银五钱并席竹等银概角□羊南京户部交纳从之

○壬午以青州知府赵乔年为山东粮储道副使起原任河南副使杨植为陕西副使四川夔州知府李时孳为本省副使

○兵部武选司员外沈朝焕陈戎政四事一重京营天下兵制莫重于京师宜重京营将官之任凡补京营各官者须妙选天下勇略忠义之士各边镇省直总副参游必曾经京营出者始用之各官隶在京营本兵与协理每岁会同过堂一遍则可以面识其才力熟察其品格视凭一荐刺用者虚实较然至兵之虚弱不可骤革尚可渐稽宜从外省召募之例给面貌悬牌铃以大印收补时掇石较技必责正身务求壮丁即系祖役如老幼不堪另行勾取尤加严选锋之出入则将有序体之实而兵无冒滥之弊矣二实辽左辽与朝鲜接壤实辽左者所以坚内地犄角朝鲜也宜加辽兵一万人总兵李成梁性熟于虏颠毛老矣宜为置副将勇廉兼到一人以习其事申饬巡抚兵备各官讲求屯田之策使兵足扼虏而安心于屯至军政耗废钱粮乾没宜于广宁辽阳开原等处各设推官一员管粮通判以推官代之三慎武袭夫开创龙兴间关百战者委当世及至非时用兵互相格杀者北功多收零剪尾南功多搜山发窟杀戮降卒喋血无辜种种首功之毙尽行世袭军功代有军职代增此属几耗天下钱谷十之三四宗祿有递减而武功爵世袭不变金吾华贯有日增无日减岂厉世磨钝之权乎宜定为上中下三等上者世及次者递减下者裁革四防乱萌淮徐颍亳之间界在南北其地< 〇〇〇〇 〇〇〇 〇〇〇 〇〇〇 >旷其民犷悍且诸省交会统置不一窜匿无常近日所报颍州乱民至以千计虽云旋角□羊尚伏牙角臣谓当分浙江省城见在之兵一千五百人移镇于淮设一参游统之于天津所募之兵分一千五百人移镇于颍亦设参游统之两处之兵即以原饷给之以消莽伏之雄心以为应援之奇计< 〇〇〇〇 〇〇〇 〇〇〇 〇〇〇 >入留中

○先是常熟生员孙汝炬等煽众鼓噪窘辱守令苏州府知府周一梧闭门求去抚按以闻礼科都给事中张闻达< 〇〇〇〇 〇〇〇 〇〇〇 〇〇〇 >糾俱奉 严旨参究于是礼部奏将孙汝炬等分别首从问拟常熟通学生员并童生停勒一科不许考试周一梧令供职仍通行各省直提学官照本部原题每三年之中岁考两遍文章行谊严为进退并禁府州县收拜门生及纵容生员出入公门稟嘱公事如遇有糾众生事等项不分人数多寡轻则革鞫重则问遣合学停科一如前法 上俱允行之仍命巡抚驻苏州以资弹压

○钦天监奏四月朔日辰时日食八分八十八抄巳时复圆是日为孟夏 庙享之期午时行礼礼臣奏言春秋书灾异莫大于日食故礼诸侯旅见天子入门不终礼者有四日食与焉当祭而日食如牲至未杀则废况时惟四月又为正阳怪异非细若已刻救日午刻享 庙曾未喻时两举大礼儆畏既有所分精禋又有所散乞 圣明裁酌 上令改祭享 太庙于初五日

法开浚严督赴京不许运官稽迟仍申饬各仓扫积土米尽数登报支销敢有群小明索暗侵者酌量事情轻重以为官殿最 上是之

○命行人张云翼往永寿王府曾用升往蕲水王府各治丧礼

○宁夏巡抚黄嘉善劾花马池副总兵雷安下部知之

○戊子户部题浙江岁派额绢九万七千三百六十五疋零迩来毙出多端如临安角□羊户童志坤等隐匿二十一年总批至今未投杭州角□羊户吴伟等包揽二十一年绢疋至今未角□羊谨列条议请申饬行一定官角□羊自三十二年起每府俱金官角□羊不得仍用民运以滋零星奸弊其角□羊官择年力精壮素称谨慎者金之一查批回今后批文预将起角□羊员役日期报部即以为准不许告求截纳过限未到则行文该省抚按查核沿途分司验批查绢疋有无实在及挨司某月日验过字样以防盗卖又不许角□羊户私将原批质当一禁包揽有本地之包揽有在京之包揽有各衙门之包揽自今伊始在外州县有积年包揽者抚按官不时密访捕治角□羊官有听信奸徒因为之利者一体问革在京金派殷实人户以充保歇 上俱允行之仍命严追童志坤等正罪

○以山东按察使刘卿为本省右布政使嘉兴知府车大任为本省副使分巡嘉湖道

○湖广巡抚赵可怀参副使王应霖调简僻用从之

○以仁怀守备周敦吉为游击管永安参将事

○升詹事府詹事周应宾为礼部右侍郎兼翰林院侍读学士掌翰林院事

○兵部以宁夏黄草滩等处地方获功军丁王来等勘明奉旨应赏银二万九千四百四十八两八钱请劄太仆寺于常盈库贮马价银内动支差官给赏从之

○工科给事中胡忻言顷 皇上发中书赵士楨所献防边奇器于京营打造演习兵部特起废弃何良臣董其事良臣昔既以贪败今必不能以廉奋且军器自有局何必京营京营自有人何必良臣 上下其奏兵部如科臣议覆革良臣任从之

○兵部以韦文灿等就擒并获印信请下广西巡按御史勘问并责罗谦端擒献恶目罗力萃黄九德等正法所斩获贼首真伪获功伤亡官军多寡并东兰州土官应袭俱听总督抚按议处覆行 上是之

○谕内阁孟夏日食朕心深切兢惕近时偶感风寒今虽已愈身体尚觉软弱头目不时眩晕 庙享对越恐不成礼卿等传示遣官恭代及各执事务秉虔诚行礼毋得怠忽辅臣因言望 皇上推保身之意保民举慎礼之心慎政臣等将命宣纶亦无愧色入告出顺幸免后言

○庚寅补原任南京光禄寺卿徐大任以原官升云南左参政张尧臣为本省按察使

○兵部以河上急需请于南京兵部总库动支二十万两淮扬马价一十万两兵部

外臣子皆朕一体尔等不必互分彼此著通融次第而行务期美成王事已而御用监内臣李景忽到户部催进钱粮于是尚书赵世卿言库藏之匱竭 皇上业已鉴知非昨日告匱而今年盈也乞念国计信前旨前项钱粮容库银稍有措处陆续办进

上曰览卿奏亦知该部缺乏姑以工作钱粮先行办进次及婚礼毋得稽延误事

○兵部以山东德州卫马舍班头胡惟章等劫财杀人指挥佥事许宏业窝盗情真下巡按御史治其罪并革游击陈光祖任

○乙未户部查蓟镇本年分例该京运饷银四十二万余两因库仓匱竭请以临德等仓折银并买米扣省银六万两合凑太仓之数量发银十万两权济急需报可

○礼科右给事中吴文灿言深宫法殿两者等重而其他备游览恣巡幸者皆在可已为今计莫若将一切别工尽行停止亟完 两宫专意三殿庶司空得以藉手而财用不致虚耗不报 ○以南京修理 奉先殿恭请 列圣神主祭告命南京工部尚书守备内臣勋臣各行礼

○起补原任按察使谢诏为湖广按察使以云南副使漆文昌为贵州参政户部郎中王成德为陕西参政河南按察使袁奎为山东右布政户部郎中郝大猷为山西参政

○辅臣因 圣谕大工钱粮紧急令先行办进次及婚礼因言蓟镇月饷更急请皇上轸念边疆重计容计部作速议处以弭目前之变 大工婚礼徐图办进始得轻重缓急之序

○丙申以河南按察司副使黄辉为本省右参政

○刑部右侍郎董裕以病乞休不允 ○兵部覆大同巡抚张悌条议一更调将军会堡较乃河为冲要议将乃河堡守备改移将军会堡乃河堡更为操守职衔一包修西安堡包修甄石限以本年办料次年包砌三年通完军匠即于本路派拨一驭夷虏嗜汉财物必不肯捐市赏重利我第坚守旧额不轻徇其分外之求更为严禁隐匿重究侵渔则夷情自安 上可其议

○是时南北六卿正贰多缺不补吏部以闻

○丁酉赐原任礼部尚书兼翰林院学士冯琦祭葬琦山东临朐人万历五年进士改庶吉士授编修与修会典十四年会试同考十六年主湖广试充经筵日讲十九年主顺天试升詹事掌翰林院事充正史总裁官晋礼部侍郎与修 玉牒改吏部侍郎二十九年主会试教习庶吉士迁礼部尚书卒于官琦性灵颖于书无所不窥典文衡所识拔多知名士在秩宗慎封典正文体佐铨署吏夙夜在公时 上方开矿榷税中使遍天下琦伏枕草《○ 疏-金 > 其略曰今日朝政未肃者病在人情之惰吏治未清者病在士风之贪君臣上下之睽者病在形迹之疑而其要莫急于收拾人心故去惰在批发章奏除贪在速补监司郡守通君臣上下之情在去疑端于事释疑根于心而所谓收拾人心者撤中使止矿税也《○ 疏-金 > 甫上即卒中外惜之

○工科右给事中宋一韩请罢别工并力 两宫三殿言 皇上动法 世宗嘉靖

三十六年三殿午门灾 世宗即敕尚书雷礼并工修建七年而后奏绩今物力匱竭视世宗时何啻霄壤尚可分力他营哉宜急从部臣请不报

○荫原任兵部尚书田乐子尔树锦衣卫指挥使世袭

○命詹事府少詹事唐文献为詹事兼翰林院侍读学士国子监祭酒杨道宾为詹事府少詹事兼翰林院侍读学士俱充 玉牒纂修官

○南京工部尚书裴应章以疾乞休不允

○户部议条鞭法请饬有司奉行一条鞭既酌量徵收以充公费不得金派里长挨月轮直以资苛剥一库役不许金派民间富户充当一不许于预备仓廩金编斗级看管一条编所载供应上官及过往使客俱有定额不许分外巧立富民义民名色借以供应一条鞭夫马岁有定额输银在官而雇役于民不许遇夫马紧急复于粮上重纳一不许以保甲八户充迎送勾摄打卯应差一不许以省祭义民充勾摄管工承委之役一不许派民当行价直半给支领愆期一不许有司于罪赎之外横肆科罚折银充橐一徵银不许粮甲串同保歇吏书任意乾没徵粮不许粮长串同吏书花户任意折乾至官收官角□羊则严禁火耗斛面一通行江南直省府州县将一应田土查核见在户名徵粮之日先行开派定限收纳逋欠者坐名查比以免赔累积逋一凡内库之生绢阔布俱照光禄寺料银供用库麻蜡改从官角□羊奏入颁行之

○升福建副使李元实为河南右参政

○调大嵩卫守备武宪文于临清升浮图峪守备郑梦麟为德州游击

○户部以各边缺饷请发内帑 上曰军士荷戈枵腹情迫势穷殊为可悯朕思太仆寺马价原备军需事同一体不得已量借二分之一速发以济目前你部里还严催各省直未完钱粮角□羊发仍将时下买办不甚紧要的细开听裁毋得竟谗无策致误军机

○戊戌赐辅臣扇及讲官曾朝节有差

○巡按直隶御史杨廷筠以天降阴雨水势增长清口可无浅阻之患 上闻下部知之

○己亥 孝懿庄皇后忌辰遣官祭 昭陵

○大学士沈一贯以一品六年考满自陈乞休 上不允温诏谕留之

○户部揭称各镇请饷数多逋负催徵无期请内帑百万与太仆寺五十万一时齐发辅臣以闻

○庚子 上以户部借厠寺马价太多下旨切责辅臣沈一贯等言臣等备查该部所进会计总数一岁之入原不足以当一岁之出而又有额外之需支用不继至今日而无可那凑矣如其可以措处何故欲留之该部臣等又何故欲借之厠藏耶伏惟 皇上俯念边情最急仍谕太仆寺照数速发

○以四川右参政蔡守愚为本省按察使

○原任保定巡抚汪应蛟以病乞休许之

○辛丑吏部以大学士沈一贯六年考满请 上令复职仍查优渥恩礼来看

○以陕西副使李起元为本省右参政

○壬寅南京吏部尚书曾同亨以病乞休

上谕留之 ○癸卯赐大学士沈一贯银币牲醴一贯具奏谢

○甲辰兵科都给事中田大益因西宁囚丁之变上言九边额军八十六万有奇实在不下五十九万有奇军不能死敌而能胁主马不能驰坂而能耗积数不必实有而上不敢稽一旦忿怒皆能口口建血拥城迫众奔突是以欲固边圉莫若尽破边臣欺冒谩隐之习而正其罪欲破边臣积习莫若使士皆实有而无影射敢战而无骄亢欲使士皆实有敢战莫若先令充饱而后行简练欲令充饱莫若急救主计典兵之臣熟筹兵食区画处分不致掣肘务求至足奏入上是之曰朝廷不惜数百万之赀岁给九边充饱士马若边臣能洁己奉公清革弊源何致处处缺饷人人思乱祸机可虑不独西宁着户兵二部详究欺冒谩隐之习亟图振刷务使兵食各足士马实在厘除影射以消衅孽

○乙巳罚参将万邦孚同知朱之楫俸有差以海寇挟倭为患官兵汛后失防从部参也

○遣官祭 司灶之神

○吏部以大学士沈一贯考满恩礼请 上命特加左柱国少傅兼官如故进中极殿大学士兼支尚书俸荫一子中书舍人给与诰命仍赐敕奖谕并宴礼部

○丙午一贯具< 辞且乞休云一时之吏议易逃万古之史评难假斧钺所临赦宥不到 上不允仍以考绩酬功原系彝典谕之

○以四川右参政王应麟为本省按察使 ○以御史高举为大理寺右寺丞广平府知府刘芳誉为山东副使参政丁继嗣为广东按察使补原任御史徐元正为河南道御史升尚宝司少卿颜素为南京通政司右参议

○总理河道工部右侍郎曾如春卒于官如春临川人乙丑进士授行人历刑部主事礼部员外郎中郡守藩臬累迁至今官清修勤职其治河也力主开王家口不挠群议上方惮财用独不爱六十万畀之责成之命日下春亦竭智毕力至是卒于官议者惜之

○工科右给事中宋一韩等以治河任重时迫请令准抚李三才带管 上曰河工垂成忽失总理大臣 陵运所关万分急切该部便即会推才望任事的二三员候旨简用驰去以奏肤功

○户科都给事中姚文蔚等因边饷缺乏借发问金太多后必难继查隆庆四年户部尚书刘体乾等条奏如通钱法复屯盐裁冗费赎税核班银诸款应讲究修举敕部酌行不报

○丁未以慈庆宫花园等处工完遣侍郎周应宾行祀土礼

○初保定先后抚臣创议请将河间真定二府钱粮抵兑山东河南协济银两以属

府粮留充本省饷以二省额办协济改角口羊京边已而山东巡抚河南巡按俱称不便户部言国朝经制参伍错综各省有协济北直之饷北直亦有协济他省之饷递相流贯丰歉相资若止就便抵兑则仓口有远近钱粮有多寡经赋已定更改实难况万历二十四年保定巡抚李盛春题有举劾隔省军饷例二省有司奉行惟谨刻意输将是抵兑之说议之往日无不可议之今日似可暂停也从之

○戊申宣大督臣杨时宁请将该镇原汰战马四千疋岁该料草银二万两遵照十九年题准充市本需其复额马匹钱粮亦照二十七年题准予军门节省标兵行粮银内取给户部如议以覆从之

○大同巡抚张悌奏市货不堪虏每拣换褻中国体今后江南收买定委贤能府佐慎选殷实机户如式制造公同交纳定以限期给价务令精美户部覆请从之

○辅臣沈一贯等言辽东为神京左臂最要害亦最孤悬故辽东危则山海危山海危则畿辅危且种惟一黍岁止一熟而雨旻不若倭虏并防加意拊循犹恐变生不测顷闻诸道路皆云税使高淮在彼行事多不法状且声言进见 万岁面讨镇守夫各处镇守自正德年间骋威虐民几危 社稷赖 世宗皇帝毅然革除天下始得安枕而卧皇上动法 世宗必不轻许而淮欲阴夺兵柄何所不为臣等叨处密勿有闻入告安有如许大事可以默默不言乎

○以永昌知府华存礼为云南副使整饬腾冲等处兵备

○己酉吏部会推总理河道将各衙门所举汇名上请 上命李化龙以工部右侍郎总理河道且曰河工重大着便星驰前去不必例辞

○赠原任礼部尚书冯琦太子少保荫一子入监读书

○调湖广右参政董元学为本省副使辰沅兵备

○太仆寺老库自正德二年至万历五年止共贮马价银四百万两二十六年东征支动一百万两二十七年借给户部五十万两三十年借给户部一百万两本年又借给工部三十万两见今实在止一百二十万两于是寺卿王明言国家设立太仆专管马政止备骑操之用原无银两之入至宣正间始以马易银隆庆间变卖种马酌实在马数量行改折是太仆之积储皆 皇上之牡牝无事则易马输银有事则出银市马詎意今日别衙门借用之多脱有意外臣将借之何所 上曰览奏知罔储无多但边饷告急计部无措还遵旨给发仍下严旨切责户部

○庚戌工科右给事中宋一韩请亟点总河并简用河南巡抚 上以河工紧急令李三才就近暂管候代其河南巡抚事务关系河道者该省巡按暂与代管

○播地荡平后黔督抚按议将平清偏镇四卫改隶贵州已得旨行之矣湖广抚臣复谓目前輿情必难强从将来钱粮又费区处于是兵部上言黔抚兼督湖北思仁思石两道节制清平则四卫固在统辖之中而在楚护偏桥以卫黔在黔援黎平以控楚则湖贵又得辅车之势与其纷更辖属事体归一宜如湖广抚臣议将黎平府永从县并十二

长官司仍旧属之贵州平溪清浪偏桥镇远四卫仍旧属之湖广而贵州抚臣例衔兼督亦各照旧仍明谕两省诸臣毋以分隶为嫌附近卫所有警彼此亟相策应若有抗违推诿者不妨遵照敕书从重查参 上从之

○辛亥准云南土舍依应祖承袭土官同知不世袭

○蓟州兵备道按察使赵寿祖以熊应士等冒饷为督抚按劾奏下部勘明户部覆言寿祖久膺边寄偶尔疏虞乃觉察无漏追补已完桑榆可收下部知之

○以广东副使朱南英为本省参政

○升文选司郎中倪斯蕙为太常寺少卿提督四夷馆添注

○壬子吏部以刑部尚书萧大亨六年考满请 上令复职加少保兼太子太保给与诰命仍赐钞锭羊酒

○以三边总督标下中军王邦佐为宁夏副总兵镇虜堡守备李茂材为中都留守佾书

○以山东济宁道副使卫一凤为本省右参政登州海防道佾事伍可受为本省右参议

○癸丑大学士沈一贯辞免兼俸部宴勋级加官进殿荫子 上允辞兼俸部宴勋级余俱命勉承

○刑部尚书萧大亨辞考满加恩

上不允

○凤阳巡抚李三才奏江北先因倭警增兵议留盐课漕粮关税赃罚各税并加增赋役等银充饷今奉诏查豁防倭丁粮然兵防遽难尽撤共汰革过官兵一千五百六十四员名沙船一十二只议将先次加增赋役银二万两先行豁免其后次加派丁地银五万四千六百八十八两与原留院道赃罚各税等银共五千九百两照旧充见在新兵支用部言赃罚税契原系济边正额似难久留请将后次加派丁地银及淮安腌切税银二百两海船税银七百两徵留充饷其院道赃罚各属税契自三十一年为始各照原数角□羊部以备边费至于查豁先次派增赋役二万两准先豁免一万五千两仍徵五千两以抵取角□羊赃罚税契之数从之

○工部尚书姚继可题总河应照边镇事体今江北河南山东等处巡抚官悉听节制载入敕书一体遵行其藩臬有司等官有所推举抚按衙门相同俱准正荐玩忽不遵者不时参治从之

○甲寅以首辅沈一贯考满赐金笺敕奖励之

○辅臣沈一贯等奏言都察院百司纲纪不可一日无人左都御史温纯自去年十月注籍以至于今半载有余台务久废御史靡所禀承又热审在迩且部院七卿 皇上之斗杓七星也七星不备何以成岁功七卿不备何以宣治绩奏入不报

○旌孝子六名节妇二十八人烈妇十一人贞女一人俱表其门 ○礼部题世

业访保序班等官五年外者其子方准学习不准候缺食粮本官年老或身故方准候缺补官其土官归顺世业及访保本身绝嗣方准弟侄承继各官生一家一时不许并有两人又军官为事有革袭之法而序班问革其子仍复承继法疏莫甚焉宜申饬各官如犯交通夷人犯赃重情被革者许嫡亲次房承继如系违误被革姑准其子承继其边方访保必该馆缺人方准收割不得仍前冒滥致褻名器报可

○先是魏国公徐弘基不戒于火既焚第庙并毁敕书革奉祀者且年余至是补给以奉祀 孝陵敕书从礼部请也

○夜三更西南方有流星大如碗青白色尾迹有光

神宗显皇帝实录卷之三百八十三

大明神宗显皇帝实录卷之三百八十四

万历三十一年五月丙辰朔直隶巡按何熊祥参内使白忠送武当神象骚扰驿递诸不法状不报

○庚申端阳令节赐辅臣上尊珍饌

○辛酉辅臣等为热审届期拟传谕一道进呈未报再请题旨亦不报

○是时九卿科道及抚按诸臣交章劾辽东税监高淮御史张似渠奏淮擅离信地罪一潜匿京师罪二拥兵城下罪三违旨犯禁罪四骚驿道路罪五兵科给事中田大益奏 皇上之权莫重于兵高淮远自辽左拥兵数百名骑马数百疋携金持宝不奉诏旨直驻都门经营窥探而图典名 祖宗制兵府部相维内外相驭南北相控轻重相制扫除之役曾不得与闻焉是故 睿皇 毅皇任阉竖以基祸乱 肃皇罢金口守守而号中兴淮独不知 皇上之动法 肃皇而顾敢干兵权包祸心耶工科给事中宋一韩奏淮在辽左畜养死士时时操演在在射猎俨然戎服而坐麾下邮传惟其骚动营卫惟其需索山海惟其蹂躪职官惟其陵轹士夫惟其奴隶军民惟其草菅行人惟其劫掠且勾通属国外夷朝驰龙票暮走龙旗或指进贡索冠珠或指宣谕求貂求马朝鲜兵燹之后我国家尚以物力翼蔽生养之淮独何心过为诛求夷虏小歹青奴儿哈赤犷悍难驯马市羈糜尚虑寒盟而顾挑之汉祸先矣有如一且鸣镝内向谁执其咎彼所收者降夷所募者穷虏今日急来归我而风扬云扰之思实未尝一日忘也哮氏受国厚恩一拂其心割刃抚臣不啻孤雏麻贵身为主帅至不能保其爱子淮即金多能终结为腹心不反戈乎< 銙-金 >入俱不报

○赠原任巡抚陕西太子少保兵部尚书贾待问为太子太保荫一子入监读书

○壬戌 孝宗敬皇帝忌辰遣官祭 泰陵

○户部以应天府属未完金花太仓等银并应买铸钱黄铜请严督府属作速角□羊进仍差官守催立限完纳以需急用从之更命查钱粮数目与经管官员年分来看

○册封蜀王宣圻庶第七子奉< 銙-金 爵 >为隆昌王唐王硕曠第八子器增为宝庆王益王翊釗庶第十七子常滢为安义王益府罗川端懿王常湑嫡一子由木□玄为

罗川王周府柘城昭定王朝堉嫡长孙肃濠为柘城王瑞金端惠王在钠庶第一子肃濠为瑞金王鄢陵康懿王朝土□从嫡长子在予□金为鄢陵王夫人许氏进封为鄢陵王妃汝宁王在唵选宁陵县民郭享淳女郭氏封为汝宁王妃保宁王肃言□异选杞县民任齐女任氏为保宁王妃楚府通山王蕴铉嫡长子盛漠为通山王夫人彭氏为通山王妃东安王英燧选江夏县民程先民女程氏为东安王妃庆府蒙阴王帅钾选宁夏中屯卫贡生王桐女王氏封为蒙阴王妃肃府淳化王绅在选兰州卫左所舍人颜廷伐女颜氏封为淳化王妃会宁王绅域选兰州民杨应乾女杨氏封为会宁王妃建安王府建安康懿王多<□□火节>长子谋堃为建安王夫人王氏进封为建安王妃建德王翊铉选临颍县民胡璇女胡氏封为建德王妃周府顺庆王在焊选祥符县民张谦祥女张氏封为顺庆王妃

○命通政使司左参议章尚学提督四夷馆太常寺少卿赵崇善太仆寺添注少卿林烜尚宝司卿杨金吾吴华光禄寺丞蔡果礼科给事中萧近高工科给事中胡忻礼部祠祭司主事郑友周礼部主客司主事李僚充正使行人司行人杨联芳李樾潘珙张孔教荆养乔陈名岳熊化王文迈中书舍人吴采归子顾充副使赍镀金银印镀金银册各往王国行礼

○癸亥户部请将各省直逋负钱粮系二十七八等年与年远带徵者立限催角□羊仍命户科载入考成查历年经管各官职名参究从之

○甲子辅臣请考取各官名下世业子弟入馆习译番文下部知之

○乙丑 太祖高皇帝忌辰祭 奉先殿

○敕大学沈一贯曰尔登三事者十年历一品者六年予欲保又有邦尔惟柱石予欲训警有位尔惟典刑尚其永矢乃心懋襄上理远追喜起之风共享昇平之福是日一贯具表奏谢

○准梁世勋袭祖爵时保定侯梁继璠已故无子世勋其侄男也结勘无碍准之

○丙寅以山西河曲参将祁继祖为陕西副总兵 ○调分守岭西道按察使兼右参议盛万年菑僻

○丁卯 仁宗昭皇帝忌辰遣官祭 献陵

○日讲官礼部尚书曾朝节以病乞休 上温谕留之

○以左庶子兼侍读黄汝良为国子监祭酒

○戊辰礼部署部事右侍郎郭正域因有事 郊 庙班行寂寥请旨飭励并望冬至 大祀 皇上躬亲对越报曰朕事 神祇甚敬每遇祭祀洁诚斋戒近因静摄恐不成礼故遣官恭代然时常谕令秉虔竭诚惟恐怠忽各陪祀官员不体朕意托疾不至览奏惕然今后严加申飭应陪不陪者指名参奏

○通湾太监张烨截徵鱼苇税银等项奏进 上命收入且谕湾津两监各守疆宇尽心任事不得纷争取咎

○己巳大学士沈一贯奏万历十七年三月内奉 圣旨今后在京升授等项官员应面恩者如候过三次着具本奏知不必再补臣谨遵奉 明旨具本奏谢报可

○夏至祭 方泽遣公张惟贤代侯陈应诏伯王学礼尚书王世扬侍郎郭正域轮代视牲侯徐文玮郭大诚尚书赵世卿谢杰分献

○壬申革松潘东路游击都指挥佾事田中科任

○大学士沈鲤以病乞休 上温谕留之

○甲戌刑部奏腾越委官张安民淫暴激变死无足惜但官应宿图报父讐而煽众鼓噪周洪化同忿助火而延烧税店合依放火故烧官房律论死其混失银两着官番陪补以惩首祸无知胁从遵旨宽宥从之

○以大同中路参将万化孚为山西河曲参将

○宣府巡抚彭国光因地震陈言曰本年四月二十三日寅时本镇在城又下中北三路地方一时震响有声如雷房屋动摇缘到处开矿掘凿地脉譬之人身百孔千疮未有不痛楚叫号者宜其动而不静也乞亟停矿税以安人心而应地德不报

○差御史刘会管京畿道

○乙亥南京户部尚书张孟男六年考满加太子少保给与诰命

○浙江巡抚尹应元以岁造段疋改与两淮内官鲁保兼管杭城机户闻风逃窜倘此项应归内监则内官孙隆刘忠见驻杭城俱小心安静乞选委一员就近兼管不烦鲁保遥制其羨余银两即当会议曲处依数角□羊进以济国用揭至辅臣以此议可从上请不报

○丙子赐次辅沈鲤酒米猪羊等物具< 硃-金 >奏谢

○益王世子奏父王于二月二十五日薨逝下部知之

○命造番国师印给番夷头目汪缠

○丁丑礼部奏言今日朵颜之加赏都督等官下至头目皆有彩段金衣等物所进马匹止有其名耳而又回赐以彩段绢疋节年加赏有一夷加至十二表里衣服七套者甚有加至二十四表里衣服八套者国家功臣止是世官乃三卫夷人稍有侦探既赐其官又赐其赏一授之赏子子孙孙遂为永业目前之见不过谓因循已久一旦议裁恐生他变然其功可核其世可稽法一定则彼知感而知畏法一苟则彼先不畏而后亦不感矣今后行令边臣召集各卫都督指挥严其敕如系五十年以外者勒令换敕止许袭官尽行革赏四十年三二十年者递减十表里而止候后有功渐加亦加至十表里而止每贡止题一二人庶有撙节限制而滥费可省奏入下部议行之

○刑科给事中钱梦皋以热审旧例请颁恩诏并言逮系诸臣之冤抑不报

○刑部以监守自盗拟犯人李端赵贵边方立功五年以有禄人受财枉法律拟李灿然遣戍兰崇文严允魁彭福各徒罪从之

○刑部尚书萧大亨以病乞休 上以其老成练达兼摄两部精力有余不允但令

细小不遵新旨于是礼科给事中张问达谓两臣宜加罚治从之

○荫原任礼部尚书冯琦男冯士杰入太学

神宗显皇帝实录卷之三百八十四

大明神宗显皇帝实录卷之三百八十五

万历三十一年六月丙戌朔廷试天下万历三十一年及二十八等年岁贡恩贡选贡生员命辅臣同翰林院掌院学士严加考试取中上中卷各若干进呈下部知之

○四川新谷安抚司差都纲番僧仰羊坚藏等八名贡珊瑚左髻等方物各赏给绢钞食茶

○辅臣奏言吏部请补司府员缺覆上屡格不下今蒙 圣心天启俯赐发票臣等不胜欣跃更冀此后凡遇补官奏章俱早览发

○辽东太监高淮进子粒银一千八百余两矿税银二万三千两金六十两马匹貂鼠等物 上命收进

○丁亥礼科都给事中张问达奏楚王与宗室讦发事情重大宜行抚按勘问具奏不报

○先是遣太常寺少卿赵崇善行人陈名岳持节往江西封益府安义罗川二王使臣已行适益王讦至礼部言吉凶二礼并在一时原无事例在宗藩要例亲郡王薨逝其子孙应袭封者俱俟服阕请封此谓袭封子孙设耳若请封在先册命已颁册使已行而应封者偶有服制则君命为重万万无俟服阕之理况二王受封银册俱已铸就今年月日字样万万无销毁改造之事二王之封正副使自当照常行礼一应接册等仪通如常不宜裁节以恭 上命 上曰可

○己丑初播酋之平也播民谓沙溪渭河原系播地安酋称渭河驿隶贵州宣慰司未有官设于水西而地属于播州者乃下巡按会督抚从公勘明之而制督二臣意见枘凿川贵诸道多怀观望于是四川巡按李时华以桑梓嫌辞贵州巡按毕三才以身在事中辞兵部上言台臣按部一方职专风纪义重糾绳兹清理地界上关军国安危下系夷情向背乃相与引嫌思避而请科臣往勘臣等不许也但臣等窃念兹事非会勘之难而处置之难合令川贵督臣王象乾会同贵州巡抚各秉公虚悉心查理可复则复可与与务要上尊国体下服夷情处置停妥永无后患斯为完局仍行各该巡按御史俟处置事定即从公评议会本具奏如有不妥不妨明白声说分别议处请旨定夺从之

○庚寅辽东总兵官宁远伯李成梁以年衰乞骸 上以辽东冲疲重镇陵京倚籍不允所请

○辛卯楚府宗室华越讦奏楚王以异姓假王 上悉其以小犯大令部院会同该科参看具覆

○癸巳左都御史温纯十五 < 跽 铕-金 > 乞休 上不允

○各省直审录部寺等臣至今未允于是刑科给事中钱梦皋以请不报

美国计伏望明谕秦王以追封之恩报礼宜重首藩之体作法宜端使其子存枢或就本等中尉之封或俟母妃年限之满恪遵彝典永杜幸门不报

○礼部奏益王薨逝六月二十四日起辍朝三日差大理少卿致祭行人治丧礼钦天监博士择日开矿合葬从之

○户部题监兑部臣原系督理漕务兼催起运钱粮二者均国家惟正之供湏粮银尽完方云竣事宜通行省直抚按及监兑部臣以后部臣粮完日押至交割地方即速回任照旧督催不许回家自便其交代之期改于九月终旬务将京储尽数报完方准回部奏入从之

○工科给事中钟兆斗题自新河口开而故道渐通拦河坝筑而决口渐塞在事诸臣之所称说一惟以并力下埽尽塞决口使全河东注为第一义今则下流又多旁溢之水前此集百万之生命毕力于新河今此合数省之物力尽用于决口决口未塞尚可为也塞者复溃何以继之伏秋水涨而不及塞犹可托也水退之后而不可塞何以御之坝功垂成而忽废新河既通而复阨而新总河两奉 明旨督促尚未任事乞行申饬 上曰河工成否未定缓急难措李化龙著刻期赴任毋得再行延缓

○乙巳准原任巡抚陕西太子少保兵部尚书贾待问孙男贾绍庆入太学

○工科右给事中宋一韩因李三才揭遂上言黄河故道已复陵运无虞惟是蒙墙决口未尽堵塞李吉口坚城集间有浅阻未尽挑浚南岸堤防卑薄未尽挑筑义安山溃入小浮桥未尽归一徐邳以堤岸倾圯未尽增帮而且戛戛乎叹河之难塞也防河犹防虜师有三鼓河有三候六月是其一鼓作气时也七月则再鼓而盛八月则三鼓而竭矣今日河势虚懦锐不可击合用李牧急入收保之法谨避其锋急保埽坝并固守诸要害可也然河非持久之水也每泛涨一次不过三四日旋落矣俟其水势消落机有可乘合用张仁愿抢筑三城之法即日万杵齐发水涨复止可也至于李吉口坚城集以下水势漫散决口既难猝塞而坚城诸处更无洩水之区恐其奔决口也愈怒其为力也愈专此时合用周亚夫以梁委吴楚之法姑少尝之以杀其势仍候水信以为工程可也若坚城以上深其中流徐邳以下高其两岸使下流有所容上流不得决而旧河率以塞此十全之策固非今日所能办亦今日所不可不办也伏望亟敕工部飞檄当事诸臣依旧总河分派工程悉心料理以图万全 上令采其语与新总河行之

○户部题各府州县掌印正官查将本年分应徵本折漕粮及轻贖等项银两逐一先期催办在十月以里漕米起运银两贮库方许离任若粮银不完及虽完而米色粗恶者各掌印官虽经离任仍听监兑主事会同巡按御史指名题参照例降罚从之

○监察工程户科右给事中梁有年礼科右给事中吴文灿等请停止崇德两配四斋等殿并力

奉先殿不报

○丙午差御史吴楷往湖广巡按

○升天津兵备副使张佐治为山东右参政升山西右参政徐准为本省按察使照旧管理金复海盖兵备道

○复除刘之龙为湖广副使原任四川副使传良谏为山东副使

○兵部以云南金腾等处地方荡平功次勘明上请将吴世德等照款升赏赎罪其应赏官舍查赏格给予从之

○戍吴兴周于三万卫中所康兆民李柱国各照例纳米折银赎罪

○癸亥河南巡抚缺至一年吏户兵三部先后请简未报至是辅臣沈一贯等将吏部屡次会推堪任官七员以闻

○吏部以巡检给由文书参验印文显有假捏请下书办孙恩当该朱维城法司治罪从之

○保定巡抚孙玮将易州阜平等十一州县计派包陪矿银一千七百两分上下半年角□羊进并请撤回在矿人役 上曰矿税权宜开采朕心仁爱自有停止之日奏内酌议派包银两准令有司角□羊送该监类进应用以示朝廷宽恤畿辅地方德意

○江西都司副断事林万琦以倭奴猖獗曾效微劳官不酬赏不从通政司封进迺奏得旨下部于是吏科都给事中项应祥劾之曰 陛下恭默多年九重远隔所恃以摘发奸伏拏击豪强者惟此章奏一端此而可欺则无事不可欺不知万琦凭何羽翼从何门路自达 上前得旨若斯之易乞严加拷讯根究缘由不报

○协理戎政兵部尚书王世扬以老母乞假归省不允

○复除原任陕西左布政使霍鹏为河南左布政使

○甲子辅臣请早发各省考官之命以慰多士释群疑

○户部据贵州巡按毕三寸奏纳款苗夷共四千八百七十户男妇共一万六千七百六十名口认纳秋粮三百零二石二升八合内二十三石六斗三升八合每石折银五两共折银一百一十八两一钱九分马馆银二百零三两七钱二分俱以三十年为始照数徵收其金台盘等七十二寨付土舍刘一方滚水崖理等二十二寨付土舍何颯各管理约束所供粮马即属注镇兴隆同知督责上纳瓮柄等三十二寨付土舍张体乾瓮谷等二十寨付土舍冯国瑞各管理约束所供粮马应附黄平州徵纳至于附近镇远府梁上巴野等二十四寨每年认纳草米二千七百八十秤既未附籍当差尤宜预防不测仍将前项户口钱粮增入各项图册报部以便稽查从之

○大理寺以假官假印拟章复初俞一元张邦彦等斩从之

○工科给事中钟兆斗 < 疏 > 论大计大阅二事关系重大大都谓都御史温纯被言杜门已八阅月巡关御史于永清奉旨外调此差亦虚八阅月愿允温纯之去而亟点巡关之差不报

○遣镇远侯顾大礼往凤阳 皇陵恭行奉慰礼并祭 翔圣山之神

○命工部都水司主事赵国琦大理寺左评事姜志礼往云南兵部职方司主事朱

化孚行人张国儒往贵州各主考国琦以疾辞礼部请改命刑部山西司主事程寰代之
○命翰林院编修陈之龙工部营缮司员外郎李之藻往福建户部河南司员外郎江盈科户部贵州司主事崔司训往四川兵部武库司主事庞时雍中书舍人吕图往广东兵部职方司主事沈光祚行人谢廷諒往广西各主考命左春坊左谕德兼翰林院侍读陶望龄左春坊左中允管国子监司业事周如砥往应天刑部陕西司员外郎费兆元工部都水司主事马从龙往陕西工科右给事中宋一韩兵部武选司主事徐銓往山东吏部考功司员外郎王士骥户部广西司员外郎李作舟往山西尚宝司少卿赵标兵部车驾司主事王一桢往河南翰林院简讨高克正户科给事中梁有年往浙江编修郭涓吏科右给事中陈治则往江西简讨孙如游吏部验封司员外郎董复亨往湖广各充正副考官主乡试事因谕礼部朕连日冒暑眩晕今日稍安各省考官俱已点用原无别意着各上紧星夜前去

○复除孙慎行为翰林院编修调补原任山东按察使袁一骥为湖广按察使整饬彬桂兵备

○准原任日讲官吏部右侍郎兼翰林院侍读学士陶大临嫡长孙崇政入太学

○丙寅擢御史张养志为光禄寺少卿以终养年久超用之

○丁卯 孝安皇后忌辰遣官祭 昭陵

○戊申准刑部添注主事苏天成本生父原任桂阳州同州削籍苏子奇冠带闲住比移封赠例请也

○南京御史朱弼吾等因灾陈言云实心修省竭诚祭告先 郊与 庙随延见阁部大臣凡 祖宗典制一一与天下更始酌其缓急次第振举屏奸邪完计典释系逮撤中使补科道及两都大寮然后择日复朝讲下诏显忠良赈灾伤蠲逋赋奉若天道易灾为祥直在 皇上一转移间耳不报

○准补原任总督宣大兵部尚书苏祐孙苏光贤荫

○己巳升御史王立贤为太仆寺少卿

○命御史刘应龙刘曰梧顺天监试

○差户科给事中孟成已巡视十库

○庚午辅臣请 皇太子 福王于本月二十二日开讲从之

○直隶巡按李思孝奏陈增之在江北被害共二百余家诈银共一十二万九千六十两皆臣耳目所及者其出于臣耳目之外者尚多请亟除之以苏民困不报

○以福建右布政使徐应奎为广东左布政使

○准甘肃巡抚兵部右侍郎徐三畏男徐四象入太学 ○以洪启睿为浙江按察使管理巡海宁绍兵备道

○准南京刑部右侍郎王基长孙王廷召补荫入太学

○礼部以 福王婚礼宜及时举行 上令择今年明岁堪用吉月日来看

○赐原任总河工部右侍郎李颐祭葬

○命兵科给事中吴文灿巡视京营

○兵科给事中孙继善请停真保蓟永开矿差遣以安人心不报

○壬申 成祖文皇帝忌辰遣官祭长陵

○辅臣等题礼部右侍郎兼侍读学士掌院事周应宾詹事兼侍读学士唐文献堪补东宫讲筵侍班官少詹事兼侍读学士杨道宾掌南京翰林院右中允王图旧讲官假满左中允吴道南右中允冯有经俱堪充补讲读官不报

○礼部奏言议谥最难而议谥于数十年之前尤难故当时与谥易今日补谥难法不得不主于严当日不与谥易今日夺谥难法不得不主于恕今据台臣乔璧星

< 〇〇〇 铨-金 > 应议者七十余人科臣罗栋< 〇〇〇 铨-金 > 应补者十五人臣等看详各衙门评品而符以故老传闻证以 累朝实录就不肖之中而汰其甚就贤者之中而拔其尤应夺者四人为许纶黄光昇吕本范谦应改一人为陈瓚应补而未经题谥者五人为伍文定吴悌鲁穆杨继宗邹智已题未给者二人为杨源陈有年此外若徐阶媚事严嵩人议其谄田连阡陌人议其富而乘时自立能收鼎革之人心胡宗宪结严世蕃而广货贿人议其邪阿赵文华而倾督抚人议其险而计获渠魁卒除东南之祸本张瀚俛仰时宰人议其庸而末路庶乎知止余有丁绳检或踰人议其荡而此中亦无他肠陆光祖机权时出人议其奸而宦迹自多磊落诸臣列之当夺似太苛刻若毛伯温谕服安南兵不血刃而或谓其功非已出张元楨潜心理学抗< 〇〇〇 铨-金 > 经帙而或谓其早不见几郭希颜攘臂逆鳞横被大戮而或谓其考察罢官建言可已刘台抗节敢言杀身遐壤而或谓其边功被诘先发制人诸臣例之当补似少精核又如孟秋之孤介张元忬之恬退李迁陈恪之清修事迹未能罗列而众议间有异同所当留之以俟异日论定者也至于台臣科臣二< 〇〇〇 铨-金 > 所未及本部原册姓名所未载尚多应谥而未得亦有不应谥而幸得者在原议之外又当从容采择公论上闻以补遗漏者也< 〇〇〇 铨-金 > 入留中

○以贵州右参政尤锡类为本省按察使

○准原任兵部右侍郎赠尚书萧琦嫡孙萧自开送监读书

○乙亥复除原任四川按察使谢诏为福建按察使

○原任陕西富平知县王正志毙于狱北镇抚司以闻

○丙子大学士沈一贯< 〇〇〇 铨-金 > 乞休先是都御史温纯之劾于永清姚文蔚也语涉元辅而十七< 〇〇〇 铨-金 > 求去大半留中科臣钟兆斗论大计参纯有终风起而白日无光南箕簸而斗枢欲动等语于是御史汤兆京有总宪顿挫已极辅臣心事未明一< 〇〇〇 铨-金 > 谓言官冒嫌为此排击且云宰相布公则言路不妨异论群工结舌则相攻且见炙手于是一贯< 〇〇〇 铨-金 > 请乞

皇上明示向来留纯之旨多未下者为出于 圣意乎抑臣有所干预于其间乎出

>矣纪纲重地闇若无人政体大乖人心渐改昔之罪纯者其意浸以薄今之怜纯者其念浸以生矣又适枝词巧逢其会群情安得不猜烦言安得不至耶辅臣处此第休休有容心事自白毋庸动声色为矣总而论之大臣小臣使诚念念在君事事为国则尔我异同其端自泯惟此关不透而小臣之欲富贵者日倚门傍户弄风波于掌股之间伏乞
圣明严谕辅臣中丞各捐成心共图报主更乞天语叮咛科道诸臣嗣后建白务持平正主张国是毋执一家之说自逞胸臆凋伤雅道不报

○庚辰太子少保南京户部尚书张孟男以病乞休 上谕留之

○辛巳豊县大水

○壬午日讲官礼部尚书兼翰林院学士曾朝节乞休 上仍谕留之

○工科署科事给事中孟成已以河运吃紧信地俱属中州请简河南抚臣因言今之治河者汲汲塞旧河为第一要务矣臣以为浚新河为尤要何也盖水惟下流则上通下淤则上决惟归一则流散漫则淤河若溃决浅滞水势散漫无所归着上流复奔腾而下尤难容注不决何待以故黄堦未塞而蒙墙即决者坐此弊也若新河不< 〇〇〇 毓-金 >无论旧河难塞即塞矣而上流之处必有继蒙墙而复决者此在新总河当有远识灼见也不报

神宗显皇帝实录卷之三百八十六

大明神宗显皇帝实录卷之三百八十七

万历三十一年八月甲申朔户部尚书赵世卿奏矿税一事不但夺臣部之业而祸生灵误君父每一念及臣心直碎盖太阿不可假人中涓衔命纵横历七八年不收令天下知有税使不知有皇上彼诚盗皇上之大权万乘至尊俯较锱铢匹夫荧惑輒进淫巧彼诚褻皇上之大体不察不畜古有明戒包矿包税是何声称彼诚坏皇上之大名纵不为民生惜宁不为此三者惜耶语甚切至不报

○南京兵部右侍郎臧惟一以考满赴京引疾乞休 上不允

○兵部覆宣大总督< 〇〇〇 毓-金 >言边防不可不预乞敕督抚衙门行各该道将等官厉兵秣马集饷治刍内极戒严外示安静选差的当熟练通官宣谕顺义王夫妇聚兵何因所讲何事如止于讲市即便谕令速回照常市赏如无端要挟不妨正词峻拒阳折其非固守严防阴伺其变仍行陕西督抚查小佛僧西行既由边外缘何杀害锁判逐一根究的确剖折明白毋得互相推诿致滋口实从之

○兵部以九股诸苗乞降既俾入籍徵输就便分管但夷情叛服靡常梁上巴野各寨生苗虽已编立保甲尚未附属当差尤不可不严为之防者据议应增兵三十名同原额官兵于青川等处往来防守且廩饷取办输粮不足责之耕食应如所议至于分管徵收亦当严示约束不许分外科求拘扰起衅以貽后患从之又言属夷獠拨二酋已经悔罪据督抚蹇达等议将獠拨二酋三十年分各旧赏一年并贡赏二次尽行革去自三十一年为始方许开复仍严谕二酋今后务要恪遵盟约不许要挟作歹如有背违定行革

赏议剿永不复款至于释放原擒各夷优恤被杀阵亡夷丁家属责令寻送未回哨夜及将革过赏物抵充衣食犒赏等项事宜悉如所议报可

○ 上谕内阁 皇太子 福王讲读三日免讲一日

○乙酉 福王婚礼吉日钦天监择本年九月内 上命另择

○丙戌命右庶子萧云举右中允翁正春主顺天乡试

○山东税监陈增进漏税罚赎罗绢银六百七十两三钱追进赃银三百两抽买马骡十七匹头又进矿金一百七十四两银六千四百六十两俱奉旨收进

○礼部右侍郎掌院事周应宾以送母乞假 上谕留之

○丁亥工部覆管通惠河主事议将通湾天津一带白河委官调集各属额派浅夫设法挑浚务深四尺五寸所挑沙土即于两岸筑堤以防水发俟挑完果有成效后著为令每年粮运将到预先料理<☐☐☐☐ 毓-金 >浚其各浅浅夫依议裁减余者徵银贮库至各属额派桩草柳栽旷工等俱按季交收从之

○总督川贵王象乾<☐☐☐☐ 毓-金 >论按察使张文耀与参政庄<☐☐☐☐ 琳心 >华原任守东道张悌等讦发事情乞敕按臣一并严勘报可

○福建泉州府等处大雨潦海水暴涨飓风骤作淹死者万有余人漂荡民居物畜无算

○以原任尚宝司卿颜素为南京大理寺右寺丞

○戊子祭 先师孔子

○初楚王奏宗室华越四罪华越赴京奏楚王华奎与弟宣化王华璧俱系王姓非恭王子华奎为恭王妃兄王如言儿生数月抱养宫中华璧为王妃族王如綽家人王玉儿生数岁抱养宫中其中曲折皆出伊妻恭人王氏之口王氏如言女也知之最稔二孽皆假王不宜冒国爵请行勘正法 上下其奏部请行湖广抚按勘实至是巡抚赵可怀巡按应朝卿会同各官备细详审了无左验奏臣等所审不惟 天日临之而楚国之人实共耳目以为真也而王氏持说甚坚骆镇王英寿妈妈张维新王如曾黄甲李自荣之言似足交发互证郭伦所刻录与启本及刘华面讦崔氏口吐其年分与恭王彼时住居又相矛盾萧氏称隆庆五年二月十六日天明时分方行唤取何宫人产后始取乳妇而郡主县主又咸称不知真假以为假也必有真知的据方可杜口服心乃各款干犯七十余人严刑考讯宁死不肯招承臣等会集多官勘问二日竟不得归一之论谨据实开陈伏乞特赐遣官再问 上以事情重大令礼臣会同都察院议之

○己丑遣官祭 大社 大稷之神

○户部覆陕西巡抚<☐☐☐☐ 毓-金 >以各处仓库责各路之粮官即以奸弊有无定各官之功罪至于岁终查盘议处议叙则又总之乎司道仍咨各边仓场一体着实遵行其管粮通判改同知推官职衔选授甲科从之

○吏部奉旨覆御史乔应甲沈正隆左宗郢科臣钟兆斗互糾四<☐☐☐☐ 毓-金 >谓

事若止于书办吴建寅而其原则始于钟兆斗< 〇〇〇 铨-金 >论都御史温纯牵扯应甲数语遂相猜疑至此伏乞 皇上严谕诸臣各捐门户共维国成仍谕元辅总宪共披光明正大之衷显示勿嫌勿疑之的以息群嚣而存国体

○庚寅实授加衔管平越知府事刘冠南为贵州副使管理都清兵备以思州府知府马千官为贵州副使管理思石兵备

○辛卯 孝庄敬皇后忌辰遣官祭 泰陵

○ 万寿圣节赐辅臣金银 万寿字各二副金篆字八个金书红符一道及讲官曾朝节有差

○宴朝鲜国庆贺 圣节陪臣李效原等十八员谢恩陪臣李鈇等三十员命侍郎李廷机待

○吏部条酌事宜以平铨政一抑奔兢凡推升全以资俸为次第才望为优劣不许托人讲嚷公行陈乞二议程限凡大小官依程限回任不许托故徘徊养俸待迁三< 〇〇〇 铨-金 >淹滞迤因行取停滞州县推官有积俸七八年不转此后有京秩见缺查俸深品卓者即行推补四酌部俸员外历俸既深宜与郎中一体得补知府五重改教知县改教青年甲科体质孱弱不谙吏事者可予若大计诖误有犯贪墨武断者亦借此为捷径非政之平也断宜立案不行六议考试贡监卷分南北始得其平七禁吏弊查卫所寄籍送纳农民履历实考以杜黑虎跳涧之弊

○吏科都给事中项应祥以 万寿圣节冬至元旦等项庆贺大典缺导表导驾官请补科臣刘道隆等不报

○以送还漂流人口二十九名赐朝鲜国王银一百两彩段十二表里并加赏陪臣从人等彩段有差

○兵科给事中孙善继奏言虏以款要我我以款羈虏款自有额昔如额而今不如额卢求盈于额之内犹可从也倘昔不如额而今复其额虏更求于额之外今日增市明日增赏岁增则岁以为额岁岁增则岁岁以为额明请不得阴设饵以媚之公储不敷私科削以继之久之额不能供而款穷款穷而祸乃滋大以是而保款臣愚不知其可也故保款莫若决战忘战必难保款今报虏住牧清水河不过四五万而三镇主客官军实在二十二万有奇诚及此时整搦预备誓师陈旅决意战守以作三军之气然后大宣 皇上恩威责以渝盟倘豺狼无厌分外横索则声言革其市赏坚壁清野以伺其变如果有内犯情形则三镇相为犄角互为声援以挫其锋然后乘机遣会与之议款则款坚与之保款则款久故款足恃也时给事中田大益< 〇〇〇 铨-金 >意略同俱留中

○除吕兴武为中书舍人

○户部覆南京吏科给事中祝世禄黄册要务五事一定册式黄册十年一造务要严核丁口之存没土田之消长收除明白登之实徵如实徵与黄册互异者严查参治一严册限黄册角□羊送后湖原有钦定期限合行各该抚按严行查覆如前项驳册刻期

完角□羊及新造黄册务要照限角□羊进一酌册角□羊合一省所属府州县剂量之视册之多寡地之远近务在适均金官领角□羊一清册赎每角□羊册赎既有定数各该省府自宜照数角□羊用乃今有全不起角□羊或角□羊未及半者合严查补偿一选册纸经管官员务要用心拣选坚实皮纸攒造起角□羊从之

○甲午 孝慈高皇后忌辰致祭于 奉先殿

○ 皇太子千秋令节奉旨百官于文华门行礼

○夜一更月犯牛宿

○以大理寺左少卿张鸣冈为南京太常寺卿 ○丙申大学士沈鲤朱赆以恭遇 圣节请 上临御便殿特赐召见

○浙江巡抚尹应元< 硃-金 >参诚意伯刘世延前此奉旨革褫发原籍羈管今复冒罪遣牌失罪人乞下法司议处刑部如议覆诏令本管各官遵旨严加钤制

○戊戌以中秋节令赐辅臣上尊珍馐及脯酒月饼有差

○庚子 万寿圣节遣隆平侯张炳武安侯郑惟学怀宁侯孙袭定西侯蒋建元南和伯方< 火节 >宁晋伯刘天锡清平伯吴国乾成安伯郭邦相宣城伯卫应爵祭长陵等陵各行礼

○辛丑秋分祭 夜明于 夕月坛遣公张惟贤行礼尚书赵世卿分献

○壬寅兵部请免补税官张懋忠缺 上曰朕心仁爱自有停止之日但朝御殿门未建帑藏空虚欲复差官又滋扰费准归并附近内官王忠开采角□羊进应用

○甲辰辅臣以 万寿圣节乞释镇抚司逮系诸臣

○乙巳大学士沈一贯仍以病苦乞休

上不允

○以药卖宗民子女致死人命请褫汝宁王府镇国将军朝諲等职并下李尚信于法司从之

○皇城巡视礼科右给事中吴文灿请复皇城旧制故事内官内使出入守门官搜检精细比对铜符朝参文武官随从官吏人等俱官给木牌悬带守卫官办验放入各门及皇城内外铺各赉執令牌巡警传递铜铃跟内官内使止役用三二名亦不许离直远出今且尽伍而空之一遇点视多倩贾竖乞儿唐塞片时叉刀红盔更番直宿今皆买免高卧日出时始一进内中夜之际庐直空无人矣故事日每轮将军一百名分蚤晚两班于午门东西听候夜则坐更今皆纳月钱于本管名曰月直每月不过三日而千五百名将军强半入上官袖中矣他如比号巡城印簿走更一切点闸事宜皆成画饼以故诸色人等出入无忌盖怠惰偷安罪在士伍容情故纵罪在官吏乞 天语叮咛尽复 祖制不报

○广西总兵王鸣鹤奏留镇安府土官岑奇凤免覲

○丙午 宪宗纯皇帝忌辰遣官祭 茂陵

伞轿铺陈等项虽后不可终废而目前尚可缓道府州县团操民壮守护城池看守仓库腹里犹然况新设州县夫岂可少姑于防兵数内每州县量拨三百名以供防守暂停者共计停一万四千二十两有奇每粮一石止徵银一两三钱九分八毫有奇实徵粮银二万四千三百一十两丁银内酌量加添实徵丁银五千八百八十两九钱有奇通共丁粮银三万一百九十两有奇以备各项经播真旧粮岁止银三千一百两今加三万一百九十两有奇武弁俸廩既薄夷方米珠薪桂養廉田地应照九丝事例酌量官职崇卑分拨以示优恤屯军五千名该田一十五万亩水边屯田尚未设立臣恐目前藩篱不固将沙溪五里半之地暂改屯田以备守望该边旧民及真安州申文纷纷告称不便其贵州仓粮共计六千二百石系户部经制额数毫不可少今亦无可徵办应俟地辟民聚之后另行加派其養廉屯田黔餉三项共该田地八千三百八十一顷候两省按臣查明疆界之日另行拨补编徵此外又有防兵八千名岁餉八万余两窃计全播经费岁不过四万四千有奇除裁削外尚有停徵待编者一万四千有奇不能自给此八万之岁餉可复望之播乎容臣另议具< 硃 金 >乞敕下吏户兵三部将前应增应裁应停等项官员驿站钱粮及所少将领军屯田地并协济贵州仓粮作何区处逐项覆加查议上请施行下部知之

○巡按贵州监察御史毕三才题四川永宁宣抚司土妇奢世续即有冤枉当上奏下告以图伸雪乃轻信奸逆动兵称乱肆虐生灵本当剿削姑念实系奸目拨置本妇重加罚治奸目阎宗传田应龙等严行提究奢世统奢崇宁既称枝明派正亦当俟题候旨而后入城乃竟入永宁之域遽启累世之藏逼处其宫攘夺其财世续之心岂甘乎而目把袁初舒自清等黠货无厌激变有自世统母子当量加罚治袁初等并行提究永宁卫武举苏民心以奢崇宁为木偶奢世续为奇货实为戎首委称罪魁普市所百户周应魁当夷兵劫虏之际助饷馈遗以张其恶当查实并究以正其罪若思仁带管毕节道参政洪澄源同知张羽鸿等应量罚以儆厥后再乞 天语叮咛川贵督臣毋瞻前顾后而贻祸胎下部知之

○总督川贵王象乾以遵义城垣公署营建告成田地粮差丈摊已定据司道呈议覆加详勘择其可行者列款 上请下部知之

○以四川宝庆府知府沉子来为本省副使管理分巡下湖南道

○兵部再以大同虜情叵测上闻 上曰虜变多端制驭在我还照前旨再行申飭务使可战可款悉协机宜毋得怠忽误事

○革辽东协守东路副总兵刘孔胤任仍下御史究问

○户部请移咨宣大山西督抚及劄三镇管粮司官将本镇节年民屯逋负钱粮责成司府州县卫所经管官严行催角□羊不完者遵近例参处其二镇盐粮俱折收本色分别冲边次冲仓储酌量上纳预期召买稽核虚冒仍移文河南山东二省抚臣将节年未完宣大二镇银两严督所司克期角□羊发报可

○辛亥以四川副使韩擢为本省参政分守下川南道

○祭 历代帝王祭 城隍旗纛等神

○改封广灵王次子之嫡子鼎灞为长孙配周氏为长孙夫人

○庚戌赐益府益世子常_□迁_□庶九子名由槌阜平王府翊铤嫡九子名常_□宫益府辅国将军常茫嫡六子名由木_□则唐府新野王硕灿庶二子名器墉辅国中尉硕鯤嫡二子名器墉淮府高安王翊铤嫡一子名常淇上饶王载堦庶一子名翊铤南康王府奉国将军载弓_□堦嫡一子名翊鋈永豊王府镇国中尉翊金_□詹嫡一子名常沛吉府福清王常_□白甘父_□嫡二子名由权蜀府南川王宣鹵_□翟嫡三子名奉铎汶川王府奉国将军承_□火甘中土_□嫡一子名常潭德阳王府镇国中尉宣活_□土庶五子名奉馈石泉王府镇国中尉承火_□录嫡二子名宣土_□丽内江王府辅国中尉宣土_□贵嫡三子名奉镊韩府通安王谟墉庶五子名朗鑣西德王府镇国将军谟坵嫡三子名朗鋸辅国将军朗金_□贸嫡三子名土_□景洙襄陵王府辅国将军旭棹嫡二子名融脊乐平王府辅国将军融娣嫡二子名谟堆_□木褒城王府奉国将军融圻庶五子名谟土_□屋长乐王府辅国将军朗鏞嫡四子名璟沔长泰王府奉国将军朗金_□弘嫡一子名璟滔周府原武王朝瑜嫡三子名在鏹临汝王长子睦楚庶一子名勤火_□宾_□丘王府镇国将军朝角_□先嫡二子名在金_□雹博平王府镇国将军朝裱嫡一子名在铎奉新王府奉国将军在_□金兹_□子_□嫡二子名肃灏河阴王府奉国将军勤_□鱼旦_□嫡二子名朝走_□仙_□内乡王府奉国将军勤灰嫡三子名朝讖汝阳王府奉国将军朝_□土刀耳_□嫡一子名在镨镇平王府奉国将军安汐嫡四子名睦禡胙城王府镇国中尉朝琿嫡二子名在鋈永宁王府镇国中尉勤苞_□嫡一子名朝幸曲江王府镇国将军睦_□预庶七子名勤炭_□

○旌孝事继母汜水县学生员王谦扁其门曰孝行新郑县民董守魁妻刘氏祥符县学生员何守儒妻杜氏襄城县民张可学妻李氏柘城县民李国机妻时氏考城县民杨国臣妻杨氏怀远卫舍余褚文蔚妻岳氏霍丘县民余化龙妻许氏泰州民沈浦妻钱氏睢阳卫监生陈勋妻苏氏夫早逝守志各扁其门曰贞节睢阳卫民陈克信妻阎氏妾程氏巩县民康流采妻赵氏太康县民董跻昌妻王氏太康县儒士顾名儒妻刘氏延津学生员周嘉瑞妻张氏徐州民孟川妻刘氏寿州民厉赞妻薛氏等各夫歿或自经饮鸩或投赴河流各扁其门曰贞烈

神宗显皇帝实录卷之三百八十七

大明神宗显皇帝实录卷之三百八十八

万历三十一年九月甲寅朔吏部等衙门尚书等官李戴等合_□足_□铨_□金_□请信圣心仁爱停止有日之言速罢矿税以苏民困不报

○户部覆总督仓场议请将杭州运到京通食粮并边粮俱借运昌镇上纳俟后到原派昌镇者拨补京通从之

行之

○庚申吏部以总督陕西三边李汶一品六年考满请诏加左柱国给与诰命

○壬戌辅臣请将见任庶吉士二十一名与起复原任庶吉士蒋孟育一体从公考试评品拟开名次封进候 上裁定授职从之

○南京 奉先殿工完礼部请将暂迁西宫 列圣主捧至 奉先殿安奉 上曰可遣南京工部尚书守备勋臣内臣各行奉 主祭告礼

○礼部上言原任吏部左侍郎兼翰林院侍读学士已故赵用言当故相夺情议起通国如狂本官君臣父子为重故师生为轻纲常伦理为大故死生为小一< 〇〇〇〇 毓-金 >忤时九死见志赐环之后干请弊绝于司雍藻鉴风清于佐吏相应易名以为刚直者劝报可

○以重阳令节赐辅臣上尊珍馐

○癸亥左都御史温纯复乞休 上不允

○天津太监马堂奏进鱼苇税课等银诏收进且云前已有旨鱼苇船网税课都着内官马堂收角□羊进如何内官张烨原委员役不行撤回今后务遵敕旨各守疆界敢有故违的一体治罪 ○甲子兵部以凤阳抚臣李三才报睢州大盗蔓延江北宜分布严防设法角□羊散并乞简用中州巡抚诏报曰江北地方与邻近两省灾伤重大盗情可虞且关系 陵寝运道便行该督抚严加堤备相机抚剿如所属军卫有司慢令玩视武备不设即便参来处治各督抚亦不许互相推诿致误军机河南巡抚该部便将以前推过的职名再写来看

○陕西巡抚顾其志奏留新升山西按察使张维新改补本省按察使

○兵科给事中孙继善为中州盗起乞罢矿税上言 陛下勿恃东倭西夏以次削平迅扫夜郎不烦再举以为天下方安于覆盂区区小丑何能为害不知閭阎之叛与夷狄之叛不同夷狄之叛百姓与陛下同讐故所向皆胜閭阎之叛百姓与 陛下为讐又谁与为敌臣愚以为欲角□羊散贼党莫若收拾人心欲收拾人心莫若罢止矿税不报

○以霜降节祭 长陵等陵遣隆平侯张炳等南和伯方< 〇〇〇〇 火节 >等各行礼

○河南巡按杨光训奏原任浙江巡抚李天宠执法不阿权势擒倭屡奏虜功为赵文华所陷致罹不测无城而坐以失城并总督张经同罪张经已经恤录李天宠并宜旌扬下部知之

○乙丑以广西参政林梓为本省按察使

○大学士沈一贯五< 〇〇〇〇 毓-金 >乞休 上曰朕为 社稷留贤遣官宣谕延伫可知卿自宜仰念腹心倡百僚以君臣大义乃先谆谆言去于义谓何朕必不从卿所请无用屡疏为劳

○丙寅起补原任江西参政姜士昌以原官

○御史康丕扬以楚藩被诬勘议详略未尽< 〇〇〇〇 毓-金 >祈独断以息阴谋诏曰

宗藩事重朕甚关心这本说九卿科道会议该部止括数条详略未尽便着封进原议全单来看

○丁卯广东巡按林秉汉奏留钦州等州香山等县正官免覲下部知之

○补调吏部文选司郎中梅守峻为陕西右参政兼佥事守峻以二十七年经礼科给事中杨天民等论劾奉旨外调回籍至是补之

○宴朝鲜国陪臣遣侍郎李廷机待 ○戊申升兵部武选司郎中申用< 榘心 >为太仆寺少卿仍管司事

○工部覆直隶巡按杨廷筠< 榘 毓-金 >南直各卫所漕船自永乐年间成造于淮安清江厂万历十三年偶以总漕王廷瞻等建议改造于龙江关积习日久奸弊丛生仍归造于清江厂今科臣祝世禄复欲改龙江关殊多不便莫若照旧于清江厂如式成造从之

○差御史方元彦福建巡按刘曰梧南京畿道御史曹楷应天巡按

○兵部覆应天巡抚曹时聘疏一议兵食将选锋二百二十名及城操二百八十名共五百名不分汛期汛毕日加银一分连前府兵民壮共八百名加以标下陆兵四百名共一千二百名增总练指挥一员连旧设二员分管画守每员日给廩粮银一钱又增哨官一员共前三员各日给银五分应增粮饷于嘉定县永折漕粮减存折银常熟原编土兵银及清查各卫冗食汰省苏州卫军储折银三项内支用一议将领用游击将军撰给传敕一道苏州卫属及巡河巡湖各官悉听节制一议纪律将见在军兵逐一挑选汰其老弱易以精锐编伍训练申明约束昼夜更番与标兵一体操守一议射圃将郡城之中废基一段辟为射圃缭以墙垣树以门户建造厅房以便观射栖止一议赏罚于每年终通查各官有无捕获课其勤惰分别去留坐营官职在督率亦照此定义功罪 上俱从之

○敕神机营右副将都督佥事林桐以原官充总兵官镇守四川等处地方

○赠原任总河工部右侍郎李颐为兵部尚书荫一子入太学

○庚午辅臣将考试庶吉士上卷十四卷中卷八卷进呈乞钦定发下折卷填名查例上请铨除 上是之

○礼部署部事左侍郎李廷机奏会议楚藩事臣与右侍郎郭正域将诸< 榘 毓-金 >刊刻书册分送九卿科道诸臣各撰数语黏连册末以凭抄誊上疏及至本月初五日东阙会议诸臣各出议单画题散去臣等收看共三十七单长者至一千三百余言而从来会议例俱朝内具疏当日即上臣等见日色已西阙门未便乃急趋部草< 榘 毓-金 >维时正域欲上全抄臣廷机独以日暮单多若逐一抄誊不惟

圣览有烦尤恐不能急上将至漏洩生是非故将各单约其大指最为关键者分别数款以俟 圣裁今闻都给事中杨应文御史康丕扬有< 榘 毓-金 >若不能无疑于臣等者夫楚事虽大臣部不过经过衙门是非曲直可以无预故以事体疏略责臣则可

若以有心疑臣则过矣全单三册见在阁中原单则当日铃印黏连以待抚按之勘问者见在臣部并可取览臣实无一毫回互隐伏于其间也报闻

○礼部右侍郎郭正域奏今年二月间臣向在翰林院有通政使沉子木至臣寓邸谓臣曰楚府仪宾袁焕等持宗室华越< 硃-金 >来奏首辅沈一贯坚不欲上而焕等苦告不去臣应以不知子木谓取原< 硃-金 >来看臣对以不愿与闻又月余而臣始奉旨署部事楚王来奏华越奉旨矣值四月朔一日日食阁臣赴部救护首相沈一贯问臣楚事臣应之曰闻宗室先有< 硃-金 >至矣通政未之上也惟当行抚按勘问时三辅臣皆以为然临别时一贯复私向臣耳语曰贵本覆本请无言通政匿< 硃-金 >事又继此而宗室华越至矣臣照旧例送会同馆羈留甫半日而通政司票取华越赴司改换月日以< 硃-金 >上闻候旨未下华越投揭臣部大略谓邀截实封广行贿赂等情臣当批仪司案候又思 祖宗之法宗室无久住京师之理时华越已住一月矣臣随上< 硃-金 >请旨处分早令越去亦奉 圣旨臣以为事情重大自当行勘随与一贯言之乃一贯再三愁阻谓亲王不当勘问但当体访而已臣应之曰臣与楚王宗室同城而居一有偏徇祸且不测事关宗室不宜朦胧了事若不行勘科道当言之一贯冷笑向臣曰科道断不言也臣之请勘盖部中事体有不勘而径自处分者也未有不勘而径自停阁者也不勘则楚王之迹不明各宗之罪不定今一贯先时于王< 硃-金 >则以为当勘而今于各宗之< 硃-金 >则以为不当勘亦何以服天下之心乎既而奉 圣旨这事情屡有明旨你们既已会同参看着行与该抚按从公悉心勘问明白具奏臣行文问楚王令旗尉夏槐持一帖送臣寿仪百两嘱臣曲庇许臣万金臣以书复之曰贵府事俱奉天理国法而行尊贖毫不敢领也屏其来人不许再见当时即欲发觉缘楚事正在疑惧之中难以张皇又数月而湖广抚按会勘< 硃-金 >主矣不数日楚王辩< 硃-金 >又至矣俱奉旨看议诸臣之见大略责成抚按者俱多计各议单不下万言例该即日上奏不敢稽缓遂不能一一抄誊上烦御览臣部中谨括大旨而已随将各单用印铨记次日仍令该司抄誊数本分送阁部臣今将华越原揭并楚王礼帖上陈御览夫沉子木之匿< 硃-金 >也则谓一贯主之也不知一贯何意也既一贯力不欲勘也不知又何意也臣窃以为事无大小皆当 上闻而一贯乃有不欲 上闻者事无大小皆当付是非于天下听 皇上处分而一贯乃欲以其意为行止今闻御史康丕扬< 硃-金 >虽不言臣而意似疑臣楚王前后三< 硃-金 >无一语疑臣楚中无一人疑臣臣不知疑之所从起也 皇上试问抚按并在事司道府县诸臣臣有一字相闻岂能为臣隐乎伏乞 皇上放臣归里以谢一贯诏以楚王真假之事何至于三十余年发觉来奏且夫主讦奏其妻证见岂可凭信其礼帖原是寿礼具呈后无押字俱难以为的据

○辛未大学士沈一贯奏初华越参楚王之本通政司驳回一次乃其职掌沉子木对臣说时满朝皆已知之安可谓臣阻其不上也臣既不曾阻子木又何必嘱正域使勿

○差御史杨宏科南直隶提督学政

○丁丑准原任南京吏部右侍郎赠礼部尚书谥文肃罗_王己_巳玄孙罗名世补荫入太学

○戊寅以河南参政蔡逢时为本省按察使

○加河南按察使袁奎为本省右布政仍管按察使事

○礼部侍郎郭正域奏科臣杨应文谓臣为谋害楚王而其故则有臣父被辱之说臣父以举人历官知州五十致仕七十告终时万历十七年也臣备官翰林久矣楚先恭王好贤礼士年仅三十而卒时隆庆年也恭王当国臣父已久在仕途矣今王当国臣又在仕途矣藩王无辱及士夫之事此不独诬臣父又诬楚王也谋害二字即楚中问断诸臣尚无以加于诸宗而科臣乃以加于部臣乎疏入留中

○以山东莱州府知府龙文明为本省副使管登州道防道事

○大学士沈鲤以病乞休为钱梦皋论楚事指其模棱也温旨谕留之

○大学士朱赆以首辅次辅求去总为楚事楚藩之事一决则议论自息而二臣不容不出矣请 皇上简发礼部会议覆本速赐结局以定全楚宗室之疑以慰满朝臣工之望

○直隶巡按左宗郢奏通州火燔剥船粮一千余石

○辛巳升副总兵管京城巡捕左参将事陈九思为神机营右副将分守宣府西路左参将刘三省为神机营左副将

○先是北直缺司官吏部推萧汝芳汝芳辽东籍也又将原任祠祭司郎中黄大节添注仪制司郎中盖因主客郎中李炳已序转祠祭故试御史李培因劾吏部推举萧汝芳为不明添注黄大节为不公于是尚书李戴言汝芳之推也失于稽查籍贯至大节添注臣查职掌内凡病痊起复官员有缺填补无缺添注如隆庆间刘奋添注尚宝卿嘉靖间丁湛添注工科右给事中岂独仪制不可添注乎不明有之不公则不敢 上以黄大节既查有添注旧例着到任供职时礼部左侍郎李廷机奏推注两事该臣以告吏部误实由臣请罢臣 上以有旨谕留之郎中李炳亦具疏辩 上以序转答之 ○巡抚偏沅右佥都御史江铎卒铎浙江仁和人万历甲戌进士历刑部主事兵部员外福州知府苏松常镇兵备淮安监军扬州参政升右佥都御史巡抚偏沅杨应龙造逆黔蜀骚动三楚震惊庙议楚地辽阔非重臣驻偏沅无能节制添设巡抚特简铎往铎主一切料理器具指授方略分布要害移镇险阻不遗余力终始三月间馘斩俘获招降无算事竣守制及再起又破潘老皮林等寨抵家未几而卒

神宗显皇帝实录卷之三百八十八

大明神宗显皇帝实录卷之三百八十九

万历三十一年十月癸未朔钦天监进万历三十二年历日赐辅臣及讲官在廷诸臣有差

○孟冬享 太庙遣公张惟贤代侯徐文炜常胤绪各分献

○甲申 孝洁肃皇后忌辰遣官祭 永陵

○先是礼部署部事左侍郎李廷机等奏会看楚事议单有谓当先行抚按再问而后遣官者有谓当遣法司大臣与抚按会问者如户部尚书赵世卿则谓事理可思国论可采两造之情词可参华越之初揭可查对武冈王之卷宗可覆案妇人之言决不可听者如都给事姚文蔚给事中钱梦皋则谓 皇上明见万里但取楚王< 䄑 毓-金 >抚按疏宗室疏参详并览必不得其情者大抵诸臣之见皆以事情重大不厌精详真假是非难以遥度即臣等前覆抚按遣官之< 䄑 毓-金 >亦欲会同抚按勘问盖为证佐原在彼中鞫讯易明而抚按见在彼中耳目易及且风纪之臣指视之众必不轻易枉纵自贻后责至于或先抚按再问而后遣官或即遣官同抚按再问一惟 圣裁诏以楚藩讦奏事情年远无据讐口难凭非假甚明不必再勘便行与彼处抚按启王安心整理国事华越等着抚按官分别议处奏来定夺毋纵毋枉

○刑部请审录重囚 上令免今岁行刑

○湖广巡抚都察院右副都御史孙坤卒坤河南睢州人嘉靖四十一年进士授刑部主事历员外山西佥事陕西参议副使四川参政按察布政太常卿升右副都御史巡抚湖广讨叛苗唐乔等万历十五年自陈回籍至是卒

○准南京太仆寺少卿杨凤回籍调理

○大学士沈鲤以用人行政二议上言谓今日自内及外各衙门缺多不补补又不下谁为肩任其事者 祖宗朝面决政事至 世宗末年深居静摄始不面决乃其时臣下之所廩承无不振举者夫章奏即政事停章奏是停政事也缓章奏是缓政事也 皇祖深居大内而章奏批答疾如风雨遇有大事又每于西苑召阁部文武大臣面赐口确故其时庶政修明人心震肃亦自与临朝称制者不殊 皇上祇循其倦勤之迹不踵其励精之志毋亦有未尽者乎奏入不报

○直隶巡按马从聘奏留常州等府县正官免覲 ○丙戌 中宫皇后千秋令节赐辅臣上尊珍饌

○丁亥义民张柱捐贖一万金助工官其子监生国官国宦俱为武英殿中书舍人吏部题授因言膏粱子弟席祖父余贖昆仲联名授以近采于爵赏母乃濫且褻乎宜于精劝之中少寓节制之意 上曰可

○以游击将军王邦吉为副总兵管京城巡捕左参将事

○辅臣以御史沈时来等自蒙行取待命都门者三载备官台中者二年独未得一沾覃恩以遂子情为请不报

○户部覆山东抚按疏将被灾十分至八分济宁金乡等一十五州县应徵本年漕粮不论正改每石俱折银五钱后不为例从之

○巡视太仓银库兵科给事中孙善继奏各省直角口羊到钱粮典藏者宜公同臣

凤等十五州县未完二十八年以前起运徐州并本府定仓麦石候豐年带徵存留各仓钱粮查照州县原欠尽数蠲免二十九年存各仓钱粮照旧徵角□羊大河徐州徐州左凤阳四卫本年夏秋屯粮俱每石折银三钱照数徵角□羊该仓抵放官军月粮有司官勿得将已徵在官者捏作小民拖欠及纵容吏胥将蠲免钱粮复行混派 上从之

○总督陕西三边军务兵部尚书李汶以考满加恩<□□足 毓-金 >辞 上不允

○礼部右侍郎郭正域乞休许之

○户科都给事中姚文蔚以曾推参政援六科俸次升转例自请补外 上下其奏吏部奏留之 上曰自求外补亦见退让准与推同

○户部覆总督仓场<□□足 毓-金 >粮船被烧旧例河里失事俱令经纪均赔河外失事俱令船户二十家均赔河剥船失事俱河西务八百船均赔报可

○辛丑 诚孝昭皇后忌辰遣官祭 献陵

○壬寅巡抚延绥右金都御史郑汝璧以先任南京太常寺少卿所给诰命尚未关领请比例改给新衔吏部以品级相同请从之

○以广西提学道金事骆日升为广东右参议兼金事管盐屯水利道

○日讲官礼部尚书曾朝节以病乞休 上不允

○以辽东都司掌印赵绅为分守海州左参将五军二营练勇参将杨汝松为分守宽奠参将

○癸卯户部请厘正崇文门徵收□税则例并照各钞关委官题差一年满日方许回部考核以明殿最从之

○圻州卫旗甲孙黑儿驾船赴水领兑带有土宜六十石湖口税监李道妄谓夹带私货盘出问罪奏将以后粮船俱经该监盘验给单直隶巡按杨廷筠奏言其故户部具覆搜验一节兑粮入船之后国家令甲即各巡抚按关分司俱不得干预一切大小事皆各行漕司发理刑主事俱待完粮日照例问拟故盘诘之责水次有监兑沿途有粮储至仪真有僭运御史过淮有理刑主事天津河西务有臣部分司逐程分责条例森然从来无别衙门给单搜验之事乞 明旨申严查照议单事例施行不报

○工部奏木□脚价先年题准事例就于援纳银两数内乘便支兑七分纳库三分对□近来□人一概揽收员役又希图便宜彼此通同遂致纳库稀少今后请将木□对例停止从之

○礼部尚书曾朝节以病乞休 上仍谕留之

○礼部以钦天监择到 福王婚礼等项良吉日时上请万历三十一年十一月十三日卯时般移十六日辰时尚冠十二月十三日卯时安床三十二年正月十三日卯时开面正月十六日午时亲迎诏开面礼照 潞王例即于庙见日行

○甲辰礼部以十一月十九日恭遇慈圣宣大明肃贞寿端献皇太后圣诞命妇理合朝贺诏免之

○补御史徐元正为河南道御史巡按江西 ○丙午大学士沈鲤三< 銜-金 >乞休 上不允仍令鸿胪寺堂上官宣谕亟出

○南京户部尚书张孟男以病乞休 上以老成难得不允

○戊申横岭太监王忠进矿金十四两矿银二千二百两 上命进收

○巡抚贵州右副都御史郭子章以亲老独子乞终养诏以该镇用兵之后尚须辑理不允所请

○升国子监祭酒黄汝良为詹事府少詹事兼翰林院侍读学士清理贴黄

○壬子为工完祭谢拟遣太常光禄二卿行礼 上命改票辅臣拟改遣驸马因言遣卿原非旧例各部尚书无代行礼今时卿贰多缺故用及于常光二卿亦不得已也伏乞改遣 ○工部以御用监题催鱼牙柘茨请行产地方如浙江江西湖广两广各布政使司严限角□羊进以济急用从之

○辛亥兵部覆四川督抚王象乾编设保甲无养兵之费得胜兵之用即古寓兵于农之意应悉如议举行但地界一定则华夷相安军民乐业即兵防亦可渐撤水西地界尤当亟议诏以沙溪地界作速勘议妥当具奏未尽事宜逐一裁酌令永远可行该地方夷汉错杂当以简易相安不必过为烦扰

○壬子礼部以十一月二十日冬至令节例该命妇朝贺诏免之

○福建布政王思民奏留海澄等县正官又山西巡抚白希绣奏留代州等州县正官俱免覲

○以大理寺右少卿赵士登为本寺左少卿右寺丞李尧民为右少卿

○复除原任河南右参政詹在泮为江西右参政

神宗显皇帝实录卷之三百八十九

大明神宗显皇帝实录卷之三百九十

万历三十一年十一月癸丑朔 上以福王婚礼期迫钱粮亟缺今查该司官职名将治之户部请将通粮厅随粮轻赍等银所存二万四千八百余两尽数给□责令办进并乞宽假司官存之

○山西巡抚白希绣以税监孙朝将按季包角□羊税银全完无欠者假称逋负在民希图重徵抵补特< 銜-金 >参之不报

○甲寅辅臣题催散馆除授科道王元翰等八人请赐批发不报

○以 景惠殿 三皇祭设赐辅臣 ○总督仓场户部尚书谢杰因巡漕御史杨廷筠疏语指及具疏自明且求罢斥 上曰今年粮运艰阻若非互相儆戒力加催趲岂能终事巡漕疏语未必侵卿可付不辩

○陕西巡按杨文莅勘明临河官军出塞功次获功官军首从共四百二十六员斩获虏级二百一十三颗请请在事文武将吏分别优恤升赏又以修完紧要冲堡叙录在事文武将吏上请下部知之

即将角□羊官羈候行文原发所司查究弊端所归处补明白其角□羊银到库与本部
题发边银月日相值管库官即公同巡视督令原角□羊官眼同领角□羊员役覲面兑
交明白一核边储以足兵食凡角□羊银到边各管粮司官亦即照原降法马公同角
□羊官当面验兑明白取无短少结状缴部更不得假以内发短少出示榜谕以轻减军
需一禁嘱托以防诈伪一应收放钱粮如有关说情弊听巡视科道指名参奏疏入诏曰
钱粮出纳奸弊最多关系国计盈缩亦官常士简所系这所议着实申行

○冬至庆成宴

○ 恭让章皇后忌辰遣官祭 陵寝

○戊午敕后府吏户礼兵四部朕第三子福王年已长成其岁支禄米一万石今在
京岁且支米三千石钞一万贯待之国米全支依先年潞王例便选学行端正者除王府
官选诚实的当者除仪卫司及群牧所官拨堪用校尉六百名王府随侍于后府及在京
卫分共拨精壮军一千名于群牧所用其余合行事宜悉依潞王例如敕奉行

○仓场总督尚书谢杰以通州仓槐树枯枝烟起火着延烧厅肆疏请罢斥 上不
允

○准萧协中送监读书

○己未 奉先殿工完遣驸马万炜行祀土礼

○工部奏御朝殿门系国家九重金阙崇严禁地例当清肃不宜久停臣等钦奉
明旨随移咨礼部转行钦天监择良吉日时请官祭告破土先行出运旧石清理地基至
于预为采办等项另行会同内阁科道及内官监等官踏勘估计接续举行 上是之

○钦天监择是月十六日三殿经始清基

○庚申大学士沈鲤以足疾未瘳乞假报可

○户部覆山东巡按疏将被灾金乡等二十六州县存留秋粮各查被灾分数照例
蠲免无粮贫民准免丁口盐钞其济宁任城二卫屯粮准照例改折通融作数抵放官军
月粮其各州县蠲免粮内系官吏师生旗军人等俸月粮银势不可缺者听有司临时处
补报可

○壬戌复原任南京兵部右侍郎冠带闲住王元敬职

○工部以 福王出府物件折价未便且又增开雇匠三万二百余工与 潞王事
例不合及查所造不过棹凳厨柜等项裸用器皿之数请行营缮司于湾基等厂取用丝
绵铜铁朱漆等项于甲丙等库实在项下取用其应置办者令殷实铺□勒限办用诏仍
令折价不允所请

○癸亥辅臣以 福王出府日期请命定于十六日

○户部以 福王婚礼钱粮缺乏请量裁节不许因请于老库银内暂借五万两发
□刻期办进仍候省直角□羊到补还报可

○甲子福建矿税务太监高采以奉旨差官过海勘明机易不出金银因参奸民张

工坐以翻天覆地之罪而尤首齟齬臣臣于斯人非有不共戴天之担何为至此伏望皇上敕下缉事衙门严行访拏何人撰造何人刊刻是操何谋欲冀何事务求真正主使并其实诬的据臣愿与面质以正斯狱臣德薄望轻佐理罔效前冤甫白后谤复生辱身犹小辱国如何伏乞先赐罢斥以为奉职无状之戒 上曰朕尊 祖制册立元子明诏万方中外人心久已系属何为有此不逞之徒敢造妖言诽谤朝廷动摇 宗社好生悖逆便着厂卫五城总捕衙门严行缉访务在得获卿辅弼首臣谊关休戚既曾殫竭忠诚赞襄大典尤须居中镇定主持国是何遽先自乞归以堕奸人之计其尚体朕眷怀即出赞理

○宴朝鲜国陪臣命侍郎李廷机待

○ 福王府第工完遣光禄寺卿王守素祭告

○丁卯谕内阁曰朕自承继 祖宗垂统每思太子乃国根本朕心慈爱教训皇太子聪明孝友纯笃其诸王子俱各好学贤良时率谒见 圣母喜悦倍增且皇后贵妃俱常好善修斋敬慎侍奉朕心忻慰可谓国家具庆矣近见皇太子成婚已逾二年未见子嗣心切念虑已面谕慎择淑媛内助以广后出螽斯又时逢阳长适遇 圣母万寿节朕心欢悦正欲特谕卿等条具祈 天永命保国安民事宜详择施行共图化理不意昨东厂访获奸书一本具奏事件朕一见怒恨何尝有此意念已着密访真实奏来重加究治今日览文书见有卿寺所奏及印刊奸书相同何乃驾捏虚言无踪生影混淆庭闱宫禁离间父子兄弟亲情诬陷大小臣工坐以翻天覆地之罪而首倾卿等一网打尽忠良使朕孤立于上蓄谋叵测朕心愈加忿懣必有主使之入同谋党类卿等可传示便着厂卫城捕缉事衙门严行访拏在外即行各抚按等官缉拏俱要真实具奏务在得获以绝祸源以昭天理国法卿等为朕股肱义同休戚岂宜辞避堕中奸计惊危 宗庙 社稷卿等可即出赞理以分朕忧以镇奸心特谕卿等知之

○以 圣母慈圣皇太后万寿圣节赐辅国金银万寿字金黄红绶等符及讲官曾朝节有差

○辅臣题催 东宫讲筵侍班官下部知之

○以王恩民为都察院右副都御史巡抚福建

○工部以奉旨折 福王出府物料价银查有荆关抽分银二万余两南京工部器皿银一万一千余两节催未到乞敕差官守催从之

○宣大督抚报虜王聚兵分各市口藉言讲事情形叵测兵部覆言虜王所讲不过杀锁判及收降人口节年赏额三事而已如锁判委系杀伤人口委多收养额赏委有裁去货物委果不堪自应稍为调停倘前事未的彼于分外要求在我亦应以理讲折规彼顺逆示以恩威移文宣大山西督抚衙门于各夷使集齐领赏之时宣布 天朝德意明言彼此利害令其约束部落恪守贡市仍须申严号令加谨堤备一切事机悉听便宜不为中制诏悉从之

○兵部以秋防届期严饬边备上言辽东京师左臂年来倭虏兼防开原马市虽云寻盟而奴那二酋犹衔仰逞之前讐恐吾儿尚在机捏河西小歹青虽云入市而炒花诸酋屡挟乃蛮以内犯恐市约不免阻挠新地逋逃众余十万久之不散终将为虏中行朝鲜警报业至再三猝有他虞异日或寻覆辙此辽镇之所当申饬者也蓟门内卫 陵京昌保互为唇齿獐拔挟赏内讧擒斩业已大创然诸夷素多狡诈宁能竟就羈縻工程修筑无裨参罚视旧较严然将土工为偷惰宁免复仍前习台兵费甚虚縻班戍强半老弱此蓟镇之所当申饬者也至于宣大三镇独当大虏要冲最重在款约年来虏王夫妇安静无哗顾伍部生齿日蕃后或请乞难继最要在市额往岁汰除冒滥所省不赀顾各市耗蠹渐甚将令稽羈难施史义作我藩篱务令畏威而感德青酋连姻蛮罕勿使勾引以潜窥此宣大三镇之所当申饬者也陕西分辖四镇各虏夙号桀骜比圪塔等酋就市红山延宁可稍息肩顾庄宰二虏托词不至恐彼此观望究将寒盟败约自宾妻远遁山后甘固业云空幕顾海流二种糾合未已恐火永报复不无破斧缺斨番族来归安插须令得所宁丁鼓噪调戡应杜厉阶此陕西四镇之所当申饬也要之九边以防秋为紧急防边以战守款为机宜因战以为款则款可久因款以为守则守可固因款与守以为战则常胜在我战可万全较量形势斟酌战守款惟在各边臣加之意耳报可

○先是直隶巡按马从聘奏角□羊军宜遵恩诏就便定卫不必起角□羊到部发遣以滋吏胥之弊巡抚山东都御史黄克缙又奏各军虽行改调附近其原卫册籍俱存日后多有发单重勾一军不免二役况边卫之军俱改附近边卫所必致空虚兵部覆议除已角□羊发在途者仍听本军一身领文赴部定卫其未经角□羊发与见题者准如按臣所请径从彼处酌改地方移达本部便于改注军册行各卫所以杜他日重勾骚扰之累其全未经具题者即以今旨下之日为始停止不复再行诏悉从之

○戊辰辅臣沈一贯朱赓既奉 圣谕因上言神奸造衅煽作妖言实神人所共殛天地所不容蒙 皇上奋赫威怒肃昭纪纲期罪人之必得臣等忝在股肱谊同休戚敢不绝私为公以身讨贼即已发科传部转示厂卫城捕缉事衙门并行在外抚按等官严加访拏务期必获以绝祸源奏人有旨览卿等所奏具见同心一体君臣大义连日怒气未息必得真实奸恶以昭国法方慰朕心谕卿等知之

○总督仓场谢杰题称冻粮二十万在河十三把总不得藉口新运为南回计户部覆言所冻之粮止系浙东江西上江湖广四总其未完把总俱不许进京回任已完者准令押空回南料理新运从之 ○己巳补原任刑科给事中侯庆远为工科都给事中升户部郎中赦大猷为山东副使管宁前兵备

○四川道御史乔应甲吏科都给事中项应祥俱遵旨具疏回话 上以奸书谤人岂有自著姓名之理令密访真正罪人以闻

○兵部奏延宁甘固夙号要冲大小文武将吏务照原定分布信地加意设防毋得恃款疏备至于分布兵马更番轮戍省费蓄锐及抽拨兰靖临军马协防芦塘红水等项

事宜及总督于初秋移驻花马池以便调度永杜衅隙斯为万全诏悉从之

○兵部因西宁军丁倡乱查激变将领张大纪赵用贤等令巡按御史勘之因查二十八年有军丁躲工逃出者共十三人已经问拟而内有沙来根复混入召募家丁数内因请并勘之诏悉如所请

○先是凤阳巡抚李三才以颍州新息盗首既擒余党许令自新因以保甲赈恤弭盗安民事宜以请兵部具覆诏从之

○初给事中田大益因西宁兵变陈言酿乱之由皆因将领贪冒所致 上是之下所司详究欺冒谩隐之习亟图振刷之策兵部因奏言今九边设将分兵自有定额今各边将任意汰补有一人而食双粮者有别收里外家丁诡名占役者甚至有交结山人游客星相人等传送科派者至于有警出边截杀每年筑修边堡则驱使应役又在所不废夫食粮有限侵扣无穷影射渐多则应役必少行伍所以日虚而骄悍所以日炽皆坐此毙合行严饬清革弊源各照每年造册事例将见在兵马总数开造到部以凭查考阅视按臣逐一稽核拟为定例 上是之

○庚午 考惠皇后忌辰遣官祭 茂陵 孝烈皇后忌辰遣官祭 永陵

○时妖书有名者锦衣卫掌卫事左都督王之楨都指挥佾事李楨国千户王名世玉承恩俱疏辩楨国以妖书连其父总督尚书李汶并求罢斥 上不许戎政尚书王世扬以妖书首名光禄寺少卿张养志以妖书指为辅臣赓私人各疏辩求斥 上皆不允提督东厂司礼监太监陈矩以朝夕左右帝前之主一语亦上疏自辩求闲住上语之曰奸书瓷为诽谤离间朕宫闈骨肉之情大逆不道朕尚被其诬枉何况于尔尔掌厂事正宜奋力弹计必得真正罪人岂可先求休致有能告捕真正奸逆者大破常格叙赏尔可鼓舞众心必获无懈已而郑国贤亦上疏自辩 上令内阁拟旨辅臣沈一贯等因言皇上圣德及 皇贵妃本心固绝无纤疑恐 皇太子骤闻此事不无惊惧宜特宣面谕以安慰之或奏闻 圣母转谕以安慰之 宗社幸甚是日辅臣沈一贯朱赓入阁办事

○陕西道御史康丕扬因妖书事发< 毬 毬-金 >请速结楚狱大概言奸人肆志由法纪凌夷因论击登闻鼓者勿得一概具奏山人游客僧道已命勿得隐藏禁地请一切禁止以绝祸源 上皆是之

○赉捧副使康梦相经固镇驿家人威逼驿丞孟守仁自缢兵科田大益据实参奏不报

○辛未 上谕内阁曰朕览卿等奏揭恐皇太子乍闻惊惧特宣面谕以安慰之忠爱笃至正合朕心但此事关系重大莫比家庭常训不必奏闻 圣母恐动 圣心卿等议拟一谕安慰教训朕面赐之其本宫内外局郎执事人等亦当戒谕一旨一同拟来谕卿等知之于是大学士沈一贯沈鲤朱赓合奏曰臣等仰惟 皇上天亲至爱纤悉周详既欲谕之以安其惊惧之心又欲训之以迪夫义方之教至于本宫内外局郎执事之人亦皆严加戒谕使于出入起居之间罔非保护扶持之益又臣等想念所不及而 圣虑

渊衷所独到者也谨遵旨撰拟二道伏乞 皇上改润施行其谕皇太子曰朕身任纲常敦笃伦理矧父子骨肉之间天性至亲岂不尤切昨年朕思 祖宗统绪至重宜建国本念汝聪明贤睿孝友恭俭为吾元子天叙久定恭稟 圣母慈训上告 天地 社稷宗庙册立为皇太子因封汝弟为藩王大小有伦先后有次明诏万方咸俾知悉朕之此举自谓佑启我后人咸以正无缺矣两年于兹方深庆快何意忽有妖人构造奸书离间我家父子兄弟之情因诋诬及大小忠良之臣朕一见之怒恨交集虚上驾虚影外生影梦想不到之妖妄天地不容之奸贼罪大恶极不可原赦已着厂卫城捕及在外抚按等官大悬赏格严行访拏旦晚可以必得矣特念汝素怀敬慎笃于孝友乍闻此事恐致惊惶倘至眠食少妨使我益多悬挂今特宣汝面谕又思此事关系重大不比家庭常训可以数言而了况吾意愤气激尤难具言特降此札以著委曲朕思此谤必起于臣僚之自相倾陷假借国事以为名耳虽臣僚亦无一毫指实矧吾宫禁而可为彼簧惑但恨此贼将朕一腔慈爱真恳之心掩阙不著即皇贵妃平日好善畏祸之意亦为所掩汝至明睿知今达古细绎吾言深惟此理宫廷肃穆名分秩然纲常伦理毫不可易毋因奸伪以致惊疑今吾此谕一以安慰汝一以教训汝大学有言其为父子兄弟足法而后民法之周易亦云父父子子兄兄弟弟夫夫妇妇而家道正正家而天下定矣汝其勉之敬奉吾言为 天地 社稷 宗庙慎重自爱故谕其戒谕皇太子宫中内外局即执事人等曰近日京师偶有奸书流传关系国本朕知此书必是奸臣倾陷忠良假借宫禁为此妖妄绝无影响之事恐皇太子过为疑惧朕已有谕旨了尔等宜以理开导使安心进修以保睿体以进睿德毋得妄想摇惑离间宫闈诱引非礼如违法典具在治罪不恕

○ 圣母皇太后万寿圣节辅臣诣 慈宁宫门外行庆贺礼特遣内监管待酒饭仍赐上尊珍馐寿面膳酒

○提督京城内外督捕陈汝忠亦以妖书指名疏辩乞斥 上以其有督捕责着刻期缉拏不许推委仍令兵部立限与之

○壬申冬至祀

天遣驸马万炜恭代 太庙致祭公张惟贤代侯陈应诏尚书赵世卿侍郎李廷机轮视牲侯徐文炜常胤绪尚书赵世卿谢杰分献侍郎李廷机请神詹事唐文献少詹杨道宾导引各行礼遣隆平侯张炳等南和伯方< 燄火节 >等祭 长陵等陵

○吏科都给事中项应祥复上言前此丙申丁酉间常有造伪书以倾陷朝绅者一时人心几为簧鼓今 皇太子正位东宫已几两岁何物奸邪敢复造衅臣思此非一手一力可成主使或出于一人党谋必藉乎众力万无不败之理在严旨一督责间耳因言比来廷臣戾气未消致宵小投问 上以奸邪造衅不小谕以密访罪人务在必得

○大学士沈鲤方在假闻妖书事因< 燄火节 >言彼凶人者为天理所不容鬼神所必殛万无不获之理独念七情惟怒为甚过则伤神郁则伤气惟愿少纾 圣怀以颐天和不报

○癸酉辅臣一贯因刑部覆康丕扬疏将山人游客尽行驱逐恐作奸书者即系此辈欲姑缓之以便缉获

○是日三辅臣以冬至令节宫门叩头特令司礼监太监管待酒饭仍赐以上尊珍饌

○刑科给事中钱梦皋奏言王之桢辩疏内言此委曲惟臣卫奸人知之李桢国辩疏则云奸贼嗔臣异己臣再四详看皆有所指似明知其人者至王承恩王名臣辩疏俱奉旨本内既称有奸恶着指名奏来四臣奏词同而奉旨未一况王之桢见管卫事尤不可含糊隐忍 上是之于是王名世首指周嘉庆已而王之桢李桢国王承恩相继攻之四人所指称皆同嘉庆亦具疏自辩 上令府部九卿科道等官会同东厂从公勘议

○刑部以拏获妖书赏格请 上曰奸贼捏造诬词动摇国本离间朕父子兄弟骨肉之情罪当大逆如何止照军兴常例真正首功着与实授指挥僉事赏银五千两其余以次递叙同谋出首的准从宽宥仍加厚赏知情隐匿故纵的一体治罪遇赦不宥山人游客着严加驱屏不许容留庇护

○礼仪房指挥郑国贤以妖书指皇亲家密谋上疏自辩并求罢斥

上以册立东宫乃朕恭奉 祖宗家法 圣母慈训天性天伦非由勉强皇贵妃亦时常赞成天日可矢中外明知有何专擅有何回天转日这奸贼如何辙生异议惊动人心构谗肆毒诬及朕躬其他有何顾忌已屡旨着缉获正犯以快朕心以安皇太子之心以昭示天下万世郑国贤不必忧辩

○朝门兴工遣尚书姚继可行礼

○差御史张大谟往山西徐元正往江西各巡按

○湖广守备太监杜茂进矿税船粮银二万八千九百余两又进买办方物银一万二千两以助大工 上命收进

○光禄寺奏腊八节百官例有腊面 上命免办

○都察院催请实授台臣 上曰御史实授此是旧例顷因堂官市恩以致迟滞今念各差多缺恐其废事都准他实授差用于是差御史孔贞一瓜仪僎运钱桓巡视光禄张似渠管理屯田余< 榦心 >衡长芦乔应甲两淮各巡盐温如璋辽东李培真定沈裕广西沈正隆云南金忠士贵州史学迁甘肃各巡按

○礼部覆康丕扬奏请禁僧道一禁止白莲教无为教罗道教一驱逐各寺观游士山人一禁止妇女入寺观一严缉集众进香擅造仪仗违禁之物一禁止四方来游僧道及搭盖茶房街衢打坐物幡张榜身衣绮紈诏悉依议行之

○甲戌兵部都给事中田大益以妖书肆行由奸人潜鞏毂乞申飭法禁严城门守卫之法不报

○兵部奏请限缉奸书定于一个月以里得获回奏 上曰造奸贼妖言使朕一家大小不宁你每大小臣工只务延捱过日不为君父分忧乱政长奸纪纲安在以前屡旨

着捕拏不法之人都付空言養成今日好生可恶陈汝忠及巡捕各官与五城兵马都着住俸拏贼限外不得重究

○乙亥礼科都给事中张问达参麻哈州知州张镛纵子宗厚冒籍幸中青州乡试镛应照例例惩其子宗厚宜革褫原籍为民下部知之

○户科都给事中姚文蔚等浙江道掌道事御史刘应龙等俱疏请严缉妖书诏皆以勿得空言坐视答之

○丙子提督东厂司礼监太监陈矩奏据办事旗较李继祖等于本月二十一日晚缉获可疑男子一名曷生彩供有兄曷生光先年原系顺天府生员于万历二十七年间曷生光因到西城地方开印铺包继志家内着黄纸封皮假说封门诈骗银三百两于二十九年又往包继志家诈骗不遂随造捏谣言刊刻印文诈得银二百两又于本年八月内复造谣言诈骗举人苗自成银三百两有伊师田大有将生光刊造谣言屡次诈骗等情具告提学周御史将生光问徒发大同地方为民后逃来京仍行造谣为非生彩恐有连累屡劝不从惟伊男曷其篇同谋知情其近日刊造奸书未知是伊所为不是生彩不曾见有实迹等情皆缘事体重大奸逆隐忍不肯遽供伏望 圣恩宽容臣等再委理刑设法研审要见真情 上以研审务得真情分缉勿致遗漏戒之

○丁丑辅臣沈一贯等以吏部推升九年考满御史涂宗浚等七员为京堂未蒙俞旨为请不报

○又以谕 太子敕或于某日某宫面见面谕请 皇上特命左右记其详悉发示阁中俾流传外廷以昭天下付之史馆以垂万世报可

○戊寅命礼部右侍郎兼侍读学士周应宾詹事府詹事兼侍读学士唐文献充东宫侍班詹事府少詹事兼侍读学士杨道宾右中允掌南京翰林院印王图原任左中允兼编修吴道南右中允兼编修冯有经俱充 东宫讲官

○户部覆巡漕御史杨廷筠条议押运四事一曰复押运之规自三十一年为始各该粮道仍旧躬催押运必俟船尽入闸方许回任二曰仍给饷之旧运军月粮专责押运把总收贮如各卫完粮告领或遇有挂欠动银买补该总径呈巡仓御史批允给发仍立循环文簿一送总督衙门一送巡漕御史倒换仍将支給数目填入本部原发循环以便通查三曰酌边粮之便每岁边粮先尽山遮二总次及中都淮大其在南远总免其派运一应盘剥脚耗照依轻赍事例改折入标角□羊给四曰重漕道之体凡系漕臣举刺地方有司参谒俱依亲临守巡道行礼清江厂造船只听漕储道会同该司佑勘如式如造作不合式者该道径行提究俱依议行之

○己卯辅臣以纂修 玉牒正副本共二百九十册合用纸劄等项乞敕司礼监如数关用

○曷生光既下狱锦衣卫讯之未承王之桢奏言曰曷生光本以大奸巨恶惯刊板害人始则捏造妖诗称臣戚里谓渠家阴谋羽翼成矣复有 皇长子危乎哉等语继被

问遣逃来京师欲报前讐大肆无将著书有岸游稿寓复讐之意复揭于卧榻有大讐大冤等语臣观其字迹既复相类详其文辞又颇相同审其亲子质证甚确但狡狴异常明知罪大恶极将吐复忍且戒其妻子曰我若一认都该凌迟臣展转思维重刑恐殒其生大狱终于不白况一人之知识有限乞敕三法司会同东厂并臣多方研审诏从之

○总督宣大杨时宁以病乞休 上不允

○保定巡抚孙玮称病总督蹇达疏请留之报可

○巡抚宣府彭国光巡抚大同张悌皆以病乞休 上俱不允

○以参议邓美政为江西副使管徽宁道事

○庚辰给事中钱梦皋疏论妖书语侵次辅鲤辅臣一贯已具票拟 上以未当令再拟票一贯赓遂合言本内关系次辅臣下拟票止可如此 皇上至圣至明而辅臣进退惟 上敢乞速赐亲断 ○辛巳大学士沈一贯朱赓奏言蒙发下逆犯皦生光所作岸游稿并卧榻傍帖一纸臣等一一看详空词繁言无足推求事实惟其诬讼有作一首内有 君父尘喉舌庶欲或国本 皇运恒安流三句似有关系然亦含糊难明也臣等才识浅陋未能深详惟 圣明洞察

○大学士沈鲤以刑科给事中钱梦皋奏其数日以前恭 上起居揭内止言震惊人心不及国本一字又称揭内以缉奸为震动以发奸为亏掩又言奸书始发举朝以为大变独彼以为小事举朝以为当捕独彼以为当容又称中城兵马司指挥刘文藻捕获游医沈令誉书揭本稿大有踪迹国内三尺童子无不举手加额因彼转求央托遂寝其事又称郭正域系彼衣钵门徒同谋倾陷楚府又言正域自前出京之后曾乘小轿私至彼家一连三次其他不公不法兜揽黠货之事尤复不止一端遂上言臣起居揭内有言妖书震惊人心以及 宗社所谓 宗社即指国本也何谓不言其言震惊人心掩 圣德之光明者妖书也何曾以缉获为震惊发觉为亏掩至谓奸人妖书举朝以为当捕臣独以为当缓者此言闻之何人臣可面语执对郭正域虽系友朋原非门徒楚府之事彼以桑梓之嫌与其官守所在或当着紧臣与何干亦为出力既已出京又复私乘小轿三至臣家三次往来则在彼舆人与臣守门人役耳目安可尽涂医生沈令誉兵马刘文藻臣素无一面之识妖书缉获悬有重赏又屡奉严旨督责臣下人人战栗文藻小官独不希延世之赏畏阖门之诛姑为臣隐忍作情乎既云缉有书札本稿通国三尺童子无不举手加额则形迹亦已大露何厂卫城捕衙门顾犹未知岂其俱为臣讳耶府同知胡化教官阮明卿及达观贾山等臣俱不知为谁梁云龙之恤典与托惠安伯张元善诚意伯刘世延保举入朝臣俱不知何谓梦想不及皆可无辩若其兜鹿黠货等臣直任之而已伏乞敕下法司会同廷鞫备将科臣奏内有名人犯通提前来逐一研审臣与面质诏以浮言朕自明晰不必致辩

○巡抚保定右副都御史孙玮总督三边兵部尚书李汶俱以妖书指名具疏自辩并求罢斥上皆不允

同许一诚献议旧河臣减其浚河阔深丈尺< 〇〇〇 毓-金 >请治其罪下之所司

〇巡抚大同右金都御史张悌再乞休不允

〇癸巳他笼哈右等族番人恼秀等一十四人进献马匹盔甲等物各赏给段绢银钞

〇甲午大学士沈一贯朱赓奏言狱情微暖原自难知缓之固恐逋奸急之亦恐失实此书原为倾陷臣等而作事关于国本情起于私讐惟关国本宜坐大逆之诛惟起私讐当有末减之议如得造意魁首以正国法似亦足矣其家人妻子及刊刻流布诸人不论知情不知情皆在可议不可以大逆等论又况交游知识可株连乎惟愿 皇上临之以天地之公照之以日月之明一听在廷公论而折衷以理则宫闈天性之亲蔼然和气流浹无穷而缙绅士庶亦不至偏有所伤矣因蓐藁候命 上曰览卿等奏见为国忠愫慎重刑狱至意朕已具悉俟厂卫鞫审明确九卿科道等官会议具奏朕当斟酌情法务求至当必不枉纵卿等为朕分忧心力俱竭朕方嘉念不已何必引咎自陈宜即出赞朕裁决以昭明允之治

〇是日次辅沈鲤亦上< 〇〇〇 毓-金 >引咎求罢斥温旨谕留之

〇乙未 世宗肃皇帝忌辰遣官祭 永陵

〇辅臣以万历三十二年正月十六日 福王亲迎恭拟 皇上醮戒制词 父皇帝制曰往迎尔相承厥家事勉帅以敬无忝戒命

〇丙申 贞惠安和景皇后忌辰遣官祭 陵寝

〇辅臣奏言年终例有湔除敕书臣等已将敕稿进呈二次乞赐批发

〇丁酉楚府东安王英遂武冈王华增江夏王华璫等复奏称假王事迹昭彰华奎割千金与华坚等请和又贖金一千两银三千两馈遗各衙门请速遣法司行勘 上曰这事情已经抚按具题廷臣公议朕躬祷在天祖灵秉公竭诚虚心详断绝无毫偏私之心若谓尚有遗情是朕与中外百官举不足凭岂遣一法司可为凭准三十年王尚可说假则何王不称假且各郡王当时何故保结受爵以后何故听其约束及至今日乃随众嚣哗朕审理揆情前断已尽不必再行勘问使天下诸藩谓朕无亲亲之情此奏必有主使之入把持诸王以致漫无主张再来摇惑姑不深究

〇吏科都给事中项应祥以大计伊迳请发吏部尚书李戴认罪再< 〇〇〇 毓-金 >并乞简用左右侍郎 上升杨时乔为吏部左侍郎周应宾改吏部右侍郎兼侍读学士詹沂升都察院左副都御史赵仕登升左金都御史俱协理院事

〇礼部以冬月雪泽愆期请行顺天府祈祷从之

〇吏部尚书李戴再< 〇〇〇 毓-金 >谢罪复误用印怒其失错勒令致仕司官马大儒等俱罚治

〇升詹事府詹事兼侍读学士唐文献为礼部右侍郎掌翰林院兼官及 东宫侍班如故

〇己亥赐肃府铅山王缙谥恭庄

○辅臣请以户部尚书赵世卿暂署吏部

○锦衣卫管卫事王之楨以周嘉庆书办袁鯤与皦生光素常往来因捕治之遂言细审袁鯤知嘉庆果为主谋乞敕东厂亲鞫已而东厂审无的据具奏以闻 上以各犯矛盾未得结局令逮周嘉庆周显祚妻妾子女与各犯对质王之楨以两审异同具< 硃-金 >自辩 上温谕慰之

○庚子大学士沈一贯等以楚宗入都投揭复行诬害请拟照江西河南王府设宗正一官修明宗范绳以礼法

○是日又因奉旨令逮治周嘉庆妻妾子女遂奏言嘉庆罪状未明系在廷二品官而逮及妻孥大骇观听殊伤国体且嘉庆若为此事必与心腹男子口量何至谋反内人古者罪人不孥臣等敢为诸妇女请命谅非漏网

○壬寅有旨令票发锦衣卫问过犯人沈令誉会同该科及原题御史再行研审辅臣因言有该科都给事中杨应文给事中钱梦皋御史康丕扬称说沈令誉等犯人干系侍郎郭正域乃彼三人所参发今预此狱宽之必疑为纵奸急之必疑为修怨不若付于事外之人始为虚心详慎臣等颇然其言具两票上请一照初九日 圣谕竟送厂审一拟发刑部令其研审得情送厂再审以后皆待府部九卿科道等官会审伏祈 圣裁

○甲辰升刘曰宁为右谕德掌南京翰林院印

○以掌司经局事左谕德全天叙为左庶子兼侍读掌左春坊印右中允王图为右庶子兼侍读掌右春坊印左中允吴道南为左谕德兼侍讲掌司经局印升右中允冯有经周如砥翁正春为右谕德俱兼侍讲左赞善陈懿典为右中允兼编修其王图吴道南冯有经 东宫讲读俱如故

○巡抚南赣右佥都御史李如华巡抚江西右副都御史夏良心俱以病乞休俱不允

○辅臣以年终将讲过经书讲章类写进呈备览 ○乙巳刑部尚书萧大亨辞兼摄兵部事务并请简用中枢及左右侍郎 上曰朕以卿才力有余特以兵刑兼托既屡辞具见退让之美兵部员缺着吏部将原推通写来看

○以 万寿圣节颁赐辅臣一贯等银币及讲官曾朝节有差

○礼部以万历三十二年元旦令节请 皇上御文华殿受朝贺诏曰节届履端临朝受贺朕欲亲行但文华殿庭窄小行礼不便观瞻朕自奸书发觉以来焦思动火正静摄之时御殿暂免是日礼科都给事中张问达亦以元旦御殿受贺请 上是之但谕以遵前旨行

○工科都给事中侯庆远因河臣李化龙议开泇河属之直河以避河险而口费颇啻期功太速遂上< 硃-金 >曰泇之不可不开也明甚舒应龙刘东星业已再试之而利矣然开泇之工虽不得比绩安平其视南阳之役则不啻等而过焉安平费至钜万南阳改浚百四十里为费四十万有奇泇河上下二百六十里殆又倍之费止二十三万

何其啬也夫底阔三丈舟不得转又不得方不太狭乎期以四月告成不太迫乎往以百万开王家口而尽委之泥沙今尺寸见功而靳于二十万不太失权衡乎则增其深阔缓其事期倍其佑数督河悉虑深计计部水部协力助输 陛下主其断专任而责成之令得展布四体力图永逸如所谓开嵎头经落马北岸直指宿迁水谢河伯之梗勿徒托之空言也又其地多冈麓水行易迅必岸深底平流缓而后水可停蓄蓄极始为溜以宣之而仍栏以闸水庶其不匮也每闸必阔为月河令可容百艘庶其可避水涨败舟也冈水易浅必相其可以潴水之处令容纳细流以备接济庶其不一泻而尽也往议取道于湖今避浅遵陆宜多其入漕之口仍遮以堤坝今透迤乃下庶免暴涨之虞也洳河成而治河之工可以徐图但不病漕与 陵则任其所之稍防< 䟽 铨-金 >焉而不必力与之斗然河不可纵之入淮利则洪泽水减而 陵自安矣至所在堤防支口与其张皇于临期何若豫谨于平日府臣宜岁六巡其信地视其当筑导者而蚤报之道臣督臣道臣岁四巡酌而蚤报之督臣督臣岁二巡期以春秋之秒以定一岁大计而岁一闻于 陛下以听处分而释南顾如漕规岁一会议例著为令可乎 上下部知之

○命革楚宗抗旨投揭蕴铤等为庶人仍伴送彼处抚按与华越等一并勘问议处

○南京兵部侍郎王元敬卒元敬浙江山阴人嘉靖三十八年进士授许州知州升刑部主事历员外郎中荆州知府副使参政按察布政使应天府尹升右副都御史巡抚应天寻升南兵部侍郎告病后以江西副使房寰被论波及褫职闲住寻奏辩复职未几卒于家

○南京工部奏进芦田佃粒课银八千余两 上命送内守备转进

○内官监进煤税银五千一百四十两 上命收进

○丁未大学士沈鲤四疏乞休且言老病无益 上不允曰政本重地倚眷方隆卿之出处正关士风淳漓何谓无益且讨逆一事尚劳朕心既谓主忧臣辱安得恣然求归尚勉体朕心数日内即出赞理

○礼部以 福王嘉礼并贡举缺官催请简用尚书右侍郎

○庚戌以告祭 太庙 祧庙脯醢果酒赐辅臣

○兵部请以平播功择日祭告 郊 庙并宣捷音报可

○兵部覆蓟辽总督蹇达条议一议专将以重防援谓标下奇兵营改设游击一员专领蓟练一实营伍以裨修守将保定营兵一千归右匡营设防无使投闲规避一严收录以备实用谓标下听用各官照原额年劳循序递转无得搀越一重南兵以资乘守谓蓟门主守而南兵善于守御故三协各设一营不得以南兵之空粮养收降之夷丁 上俱允行之

○厂卫府部九卿科道会审臬生光据生光招出先年屡诈包家得银七百两后言擅用黄封假托中官声言 皇上要籍没包家郑皇亲与包儿女至亲知得 皇上原无此事吓诈不行以致田大有出首学院批顺天府理刑厅夹拶追赃打问革褫角□羊回

陆座楼出茶城而向徐邳是名浊河为中路繇曹单经丰沛出飞云桥泛昭阳湖入龙塘出秦沟而向徐邳是名银河为北路繇潘家口过司家道口至何家堤经符离道睢宁入宿迁出小河口入运是名符离河为南路南路近 陵北路近运惟中路既远于 陵亦济于运前督臣排群议以兴兹役竟以资用乏绝不得竣事然自坚城以至镇口河形尚尔宛然故为今之计惟守行堤开泇河其善有六其不必疑有二泇河开而运不借河有水无水听之善一以二百六十里之泇河避三百三十里之黄河善二运不借河则我为政得以熟察机宜而治之善三估费二十万金开二百六十里比朱尚书新河事半功倍善四开河必行召募春荒役兴麦熟人散富民不苦赔穷民得以养善五粮船过洪必约春尽寔畏河涨运入泇河朝暮无妨善六为 陵捍患为民御灾无疑者一徐州城向苦洪水暴至泇河既开徐民之为鱼亦少无疑者二题请遵照施行及工科都给事中侯庆远亦题称共赞河漕大计事部议泇河应挑直河应建闸座及筑堤应用钱粮依议取用如或原议所开河底不无欠阔期日果尔太迫经费果有不敷不妨照依科臣条议再为增益以图久远至科议岁巡岁报事规尤为河工急切要务各该府道督臣悉宜一体申飭 上曰泇河既屡经料理端绪可成该总河身亲筹度详悉着及时上紧分工开浚所议经费如有不敷许其再为增益务图久远之计其余分河保堤等事都着用心兼举毋得疏玩

○丙寅大学士沈一贯等题 东宫 福王讲读每年年节上元假至正月二十日止自二十一日起照常讲学今本月二十日恭请 皇太子先行开讲以后照常讲学其福王正在合婚讲读日期另请从之

○戊辰 英宗睿皇帝忌辰遣官祭 裕陵

○以年节赐辅臣讲官银币有差

○己巳 福王行合巹礼

○刑部等衙门拟二十三日请 上御文华殿举大班糾劾又钦天监拟二十六日请 上御文华殿宣播捷大学士沈一贯等言 皇上延见来朝官员面宣训敕自万历二十三年后未尝有举平定播州御楼受俘乃二十八年事至今未经宣捷叙赏兹以玉帛会同之期而有干戈辑宁之庆两大典礼一时遇合修明久旷之仪复还观听之旧凡在臣工有同冀望如以数御为烦或将二事并于一日乞令所司具仪举行仍免朝

○大学士沈一贯等言今月自初二日至十二日吏部会同都察院考察天下官员既以三本具题伏蒙发阁票拟连日未见批示伏乞早赐批发 上曰考察朝廷大典朕因节日恭侍 圣母文书未得悉览卿等奏已知之

○庚午夜五更月犯角宿

○辛未四川湖广贵州沐川长官司等衙门各备马匹差土舍悦咸慰等一十一名赴京朝贡各给赏如例

○壬申大学士沈一贯等题推吏部右侍郎兼翰林院侍读学士周应宾礼部左侍

郎兼翰林院侍读学士李廷机补经筵日讲官奉旨是

○癸酉协理京营戎政尚书王世扬以名宦妖书< 〇〇〇〇 铨-金 >谢昭雪 上曰卿任事招怨致有诡名诬害已置不问其皇城门禁着申飭稽查匿名文书依律不许受理山人术士罢闲官吏严加驱逐缉拏毋容宽纵

○甲戌刑部尚书萧大亨题为妖僧月清正海等盘据已久惑众诬财首犯既正厥辜余应未减报可

○礼部题覆樊山王府镇国将军翊< 〇〇〇〇 历-止金 >奏请建立宗学欲以此藩之宗室为彼藩之宗正略比流官之法有裨藩教其说可行而翊< 〇〇〇〇 历-止金 >父兄郡爵所生子女皆辞爵禄适儒门一家之中岁省朝廷禄米五千余石其清风雅尚尤卓然诸宗所希有推举宗正必如翊< 〇〇〇〇 历-止金 >其人者乃可得旨王府宗学载在会典大于宗范有裨今楚府尚未设立着照周府例举行翊< 〇〇〇〇 历-止金 >既有德行就与做宗正着用心教习以兴礼让之风其余都依拟

○乙亥以 圣母慈圣宣文明肃贞寿端献皇太后万寿圣节颁赐辅臣及讲官银币有差 孝静毅皇后忌辰遣官祭 康陵

○大学士沈一贯等上再催大察< 〇〇〇〇 铨-金 >又为东宫讲读择日上请俱未得旨

○原任大学士王家屏卒家屏大同山阴人隆庆戊辰进士改庶吉士历官詹翰繇日讲官特简内阁寻丁外艰归 上虚位起之后以争册储事乞罢至是卒于家讣闻赐祭葬如一品礼赠少保谥文端荫一子屏器局博大操履端严正色立朝临事有执家居卜墅远郊贞不绝俗论者谓其忠诚体国抱大经济不及尽展以致太平有余思焉

○工部尚书姚继可< 〇〇〇〇 铨-金 >言大工经始部贰乏人 上谕吏部将前推写来点用

○丙子云南巡抚陈用宾题参开采内使杨荣罗织滇民情急倒悬激变屡形调停无策列款以进不报

○丁丑 上御文华殿宣播捷遣公张惟贤祭 南郊朱应槐祭 北郊驸马都尉万炜祭 太庙受文武百官及四夷朝贡使朝贺

○庚辰改山东都司郭增辉为湖广都司掌印

○神枢营左副将徐栋罢以浙江参将袁世忠升补

○以山东守备王良相为真定游击张士显为滦阳游击张应学以游击管西宁参将事王从谏以原官调松山游击

○保定巡抚孙玮奏辩妖书牵带且以病甚五恳放归诏慰留之

○辛巳礼部侍郎李廷机题催知贡举官 上命詹事府少詹事杨道宾知贡举

明神宗显皇帝实录卷之三百九十二

人名字备书位下而该司呈堂亲注其上应名封者注应字另题者注另字用印铃盖每年挨查其及期者某府某位尽数类行长史教授启王具奏如万历十七年报生今年十五岁为封婚之期则行取请封选婚如二十七年报生今年五岁为名期则行取请名本部如期一面行取该府一面类奏举一应宗藩所应题者悉授之自我而不必求之自彼如此则府役部役何所容其索骗提纲絜领去烦省费莫便于此从之

○升山西镇城指挥僉事杨桂为宁夏玉泉营游击分守延绥指挥僉事王学书为宁夏参将

○戊子吏部题为台省久旷乞留入计诸臣以备选用大要言 祖宗旧制一岁一取或间岁一取最远不过三岁今自戊戌以至甲辰七阅春秋行取之< 銮-金 >臣部不知几上而天高听远致科道衙门晨星落落 皇上岂以此官之设仅为备员耶夫科道言事大之能令天子改容宰相待罪次之能堕城狐社鼠之胆寝封豕长蛇之谋而皇上泄泄沓沓若罔闻知恐非所以昭太平光盛治也留中

○己丑以广西指挥僉事王仁为山东都司浙江指挥僉事邢邦桂为湖广都司山东登州游击刘炳文为分守浙江宁绍参将

○庚寅 孝定皇后忌辰遣官祭 昭陵

○兵部署部事刑部尚书萧大亨题查万历二十五年九月内钦奉恩诏一款起角□羊清勾军人以后犯罪发遣军人仍旧外其远年祖军本族丁尽者准销有丁者许赴告清军衙门类题到部具奏改附近地方钦此至万历三十一年十月该苏松巡按马从聘题为推广恩诏就便定卫以苏苦累事又准山东巡抚黄克缙咨称尽改附近则军籍一动处处告扰边卫之军俱改附近边地卫所必至空虚委属不便随该臣部斟酌熟议将已经题覆者如按臣议就便酌改不必赴部未经题请者如抚臣停止议留实边伍宣泽防边长虑却顾并无吏书高下其手谨剖陈颠末以俟 圣裁奉旨恩诏久行原宜停止卿所题允合公议

○江西税监潘相言禁山甚难开采听所属七县里老民人告称情原包纳山价三千两认买此山永为封闭 上报可

○以南直海防游击卢廷选为分守广东参将陕西守备保国祚为河南都司

○辛卯 孝贞纯皇后忌辰遣官祭 茂陵

○湖广巡抚赵可怀以九载给繇升兵部尚书职衔仍管巡抚事

○壬辰宴朵颜等卫进贡夷人阿都赤等二百五十八名遣泰宁侯陈良弼待

○癸巳福府承奉谢文铨奏补额赐店租欲于崇文门外空店一所尽致进京货物车辆住宿其中每年约有一万四千两税银查照潞府事例宣课司徵条角□羊用户部尚书赵世卿言若如此是房租也牙钱也似与潞府之例不同且住宿安店一夕之租几何必不能一万四千奉行稍过勒指重科□贾一旦罢市且并崇文门原税失之况空店有无情节尚未查明惟 皇上细心裁夺 上曰皇府养膳有潞王事例此店租故特准

耳尔部院如此说着差司官公同福王府承奉查勘明白毋拘原奏一万四千之数立法听从民便酌量多寡徵收本府供用

○甲午大学士沈一贯言有朝覲则有考察有考察则有拾遗此本朝不易之定规也今岁朝覲考察既毕正月二十六日科道官各具〈硃-金〉拾遗共四本已蒙发阁票拟而未经批发至二月初三日科道官仍写前〈硃-金〉进催亦未发被论官员虽止十数人关系劝惩不小不下部院议覆何以定其去留朝廷威福大权岂不少褻使天下生玩心乎不报

○大同应州地震

○云南抚按陈用宾宋兴祖等奏云南矿课原有定议旧洞矿竭势必凿新补旧有司方见请详而该监即占为己洞使有司束手新洞既不敢凿旧洞亦从告闭矿税全难物力大诘且本年夏秋二税臣等已竭尽心力该监犹求备无己阻回不收乞明谕该监遵旨收角□羊其原开矿洞归一有司开抽免其掣肘推诿仍照一分充金价一分充兵饷庶可支撑万一 上允之

○丙申户部尚书赵世卿言近见苏松税监刘成〈硃-金〉乞軫念灾荒稍宽商旅奉旨前有旨米粮柴薪民生日用之需不许徵税以昭恤灾德意这奏内苏松四府税课六万准照全折额课四万两□羊进夫刘成所奏者原欲减米税于六万之半而皇上所行者犹欲酌徵于四万之多岂恻隐一念貂珥尚自勃勃顾如天好生而反有不然者伏乞申一定之诏察万民之隐一切粮税照旧蠲停原定额银概从减半〈硃-金〉入留中

○丁酉火星逆行入角宿

○蜀王宣圻累捐禄助饷命于蜀府端礼门外建坊御赐忠贤〈懋心〉著四字

○以山西守备贾谟为固原游击神机营指挥张文魁为本营佐击江西守备陈信为神枢四营游击固原指挥王武卿为分守延绥参将保定署指挥佥事武懋德为庙湾游击

○己亥大学士沈一贯等言巡方御史委宜蚤遣今各差久缺即旧年准差旋复留住遂使百事废弛诸衅丛作其于治乱关系实大乞命御史孔贞一等领给勘合辞朝赴差从之

○庚子 恭仁康定景皇帝忌辰遣官祭 陵寝

○礼部署部事左侍郎李廷机题殿试届期预陈礼法以范始进一曰肃登对于文华门外蓐食而进歛容而立一曰严防范文自外传字非亲笔者参究黜革一曰励勤俭安澹泊习勤劳则良吏名臣繇此而出 上曰国家待士以礼宾兴尤重如何近来士子骄奢欺毙成习负国负学深可痛愤奏内事理俱依拟行馆选也着照此例行违犯的科道官参来轻则劣处示惩重则革黜问罪风俗颓败敝自在位始尔大臣俱遵循绳简忠敬勤俭以为新进倡

○壬寅大学士沈一贯等言臣等正月间上祈天永命一< 〇〇〇 毓-金 >所请虽多而尤倦倦于惜才补官一节以为贤才用则众心豫附官职修则群衅消除此又机要中之机要也今考察既毕而科道拾遗之本尚未蒙发则汰黜之典未为了结大选在迩而吏部推升之本尚未蒙发则选用之事又多妨阻大察之后天下司道官缺至七十九员知府缺至七十五员而推补之本多未见俞是使领袖群有司者无其人也各差御史不遣之出巡而留之都门是使纲纪群有司者无其人也如此则贤才何繇而用官职何繇而修皆足以误政事而召忧虞伏望 皇上俯从部院之请一通仕路大肃政机庶令万目改观转泰有日< 〇〇〇 毓-金 >未得旨

○癸卯以贵州都司徐成为广东练兵游击

○甲辰大学士沈一贯等言三次择日上请 东宫讲学未蒙允发今又改择本月二十六日三月初二日伏乞即赐俞旨不报

○以天津指挥佾事常鹤为固原东路游击

○镇安府四城州土官岑奇凤等差族目赴京进贡给赏如例

○丙午驼笼奔古阿著等族番人竹节永肖等四百三十一名各贡马匹方物给赏银锭段疋

○戊申御史汤兆京上< 〇〇〇 毓-金 >顷见江西抚臣题参税监潘迁怒毆折辅国将军谋圯肢体窃念天潢虽众源流总出 高皇龙种自殊 天子尚优恩礼是以 祖训虽有大罪不得加刑要须据实奏闻请自 上裁岂独尊宗室哉政以尊朝廷也相内臣也岂不闻体统相临之尤峻乃敢逞睚眦辱士之忿为玉石焚冈之惨竹木金刃非刑交毒头颅手足遍体伤残辱 高皇之子孙蔑 祖宗之谟训无人臣礼< 〇〇〇 毓-金 >入留中

○己酉河道总督李化龙题开泇分黄两工并急 上曰河工既急所请钱粮原经题允数内旨准就近借支以济急用其余令部议以闻

○庚戌四川贵州广西湖广等处万里筹寨等衙门并宣慰司安疆臣等各遣人赴京朝贺给赏如例

明神宗显皇帝实录卷之三百九十三

明神宗显皇帝实录卷之三百九十四

万历三十二年三月辛亥朔 孝肃皇后忌辰遣官祭 裕陵

○吏部言 福王讲读官宜于两京助教等官及进士内选用诏讲读官资俸深者准酌量升转著为令

○癸丑各差御史余懋衡等请给勘合 上遣文书官口传问明逆贼方许出差谓妖书事未竟也大学士沈一贯等言臣等伏思逆贼一事 上屡发严旨中外臣工震恐悚息竭力尽心而真情未得智者谓奸人必已远逃前有旨着各省直通行广捕并无踪迹亦可见各差之久缺而法令之不行矣臣等伏思与其聚都臣于阙下而竟日无为不

如分道四出或得一效敢拟一旨上进逆贼尚未问明各御史本不宜准差但今天下法纪久废专务容奸纵恶衅孽不少着各振扬风裁以图报称不许仍前怠恣废事勘合准给与仍勒限前去拟上不报

○甲寅兵部题覆大同巡抚张悌奏称狡虏受我豢养三十余年一旦拥众要挟虽幸完贡而去然戎心叵测未可便谓安宁而约法渐靡亦当亟行振刷犴款非计内治宜图村堡不可不修路兵不可不练火器不可不精烽堠不可不谨战将如云中副参游守必求知兵谳战谋勇先登选锋如顷大虏临边调用八千名剿杀今既事平仍当优恤他日亦须挑胆勇绝伦者取辨呼吸之间又若得胜市口及云镇款虏要地兵仅二千单弱可虑应移云丘城许家庄军六百名于该堡防御至于夷使入贡原有定数迩来各口曲徇出入无禁窥我虚实自后抚赏旧额口食微需固弗得重拂其欲以致狡夷藉口生心然非应进之事旧放之数各口即时阻回不许填单伴送庶几恩威交济制御得策诏依议行

○乙卯户部尚书赵世卿言河工用乏宜动支徐州分司库贮商税并漕米变价银四万四千三百三十八两协济从之

○丙辰世卿又题买辨银两往年或于太仓库内那借或于金花额内割充此皆移前塞后之穷计非有点铁化石之神输也且各处止欠金花而该库并催买办今日金花未完尚属地方之责嗣后金花悉充买办各处之额角□羊已完季进之正数愈缺 皇上诘责拖欠员役臣将推诿何官以塞责也先胄奉有明谕自然停止臣惟日夜仰天呼号引领待命 上曰季银原有定额以拖欠多故着查参今如卿言各官又多可原姑不深究令行文催督立限角□羊完毋得故慢姑息其已未角□羊各年分数开写来买办银两令仍前处进稍有积剩自然停止决不虚爽见角□羊至者令内库查收

○兵部题照海西建州二夷每以岁贡为名熟窥中国情弊而又有积猾伴送交通拨置分外需索臣部议照朵颜三卫事例或令在边听给供赏或十人止令一人进京而该镇督抚咨称各夷藉口旧规殊不知验放贡夷原有钦限岂容横肆扰害违者应以夷法重处仍行革赏官舍伴送须选殷实不得拨置生事更于全辽选择才干空闲将官四五员每员拟给守法军伴数名轮流押送三年之内有功者荐用违犯者永革仍谕贡夷遵照旧规如有故违即行奏请停赏永不许复奉旨俱依拟着实行

○丁巳福建漳泉等处地震有声

○户部尚书赵世卿题称蒙谕补造 中宫册宝冠服臣等事 皇上如父事 中宫如母苟可承欢敢不将顺但频年以来典礼相仍那边饷开老库计无所之矣臣闻宫中府中事属一体外库内库各有司存 祖宗以来以军国之计责司农不闻以买办为职以珍宝之物储内库正以待不时之需历年滇南东粤贡金采珠尚积之无用买办二十万之岁增典礼二百余万之进入或亦用之有余前项册宝冠服臣窃谓取诣内库便如以臣等为推调违误乞先将臣等罢斥 上以频年典礼相仍各宫年例节令进赐及

各衙门关支钱粮概非得已令遵旨照数办进

○戊午大学士沈一贯等题请散馆拟授科道王元翰等八名蚤赐允发留中

○庚申余历代帝王遣官恭代

○辛酉兵部署部事刑部尚书萧大亨题覆蓟辽总督蹇达奏称蓟昌延袤二千里而遥京师距塞外二百里而近是必设险以守然后帘远堂高故该镇要以修守为先而修守又以边工为急乞将原派三十二三两年工程之内冲边者照旧兴修腹内者概行停止至于应用工价犒赏银两险峻去处酌量矮薄与夫责成协守督同修筑按关诸臣每年阅工举劾春秋两防领班将领过期分别参处等项著为成例得旨依拟行

○甲子叙录松山斩虏收降有功官员李汶贾待问等赏银有差○乾清宫成 上命工部各官效劳叙赏查照嘉靖元年旧例以闻

○云南巡抚陈用宾题阿瓦与猛乃聚兵相攻事在夷狄利在中国猛乃约暹罗以敌阿瓦也为天朝也顺也阿瓦挟木邦以攻猛乃也为复缅也逆也倘以 祖宗之灵陛下之福瓦酋歼于猛乃之于则幸矣万一猛乃败绩瓦酋收拾缅党蚕食内地此时不先事预防及至缅骑长驱如思任发故事可不寒心臣等业便宜选智略之士繇便道往猛乃及暹罗淳泥诸国订之并力灭缅之日不靳裂地而封再谕木邦不许助逆倘瓦酋先得猛乃即饮马于金沙之江我兵岂可不行迎击然在腾冲兵不满七千势必调惯战夷兵少亦当以二万为率则当用二十万饷滇力竭矣乞敕户工二部权于附近粤西四川两省各借十万金备缓急庶几不致临敌而呼庚癸也随该兵户二部会覆两省各量借五万两如绝用夷攻夷原银随即角□羊还倘有内犯情形飞檄前来再为酌处惟是猛乃归汉为我藩篱彼所必争我所必救调兵聚饷相机征剿一面宣谕猛乃连属各夷竭力堵截一面严趣木邦协力从征一面移会两广督臣檄行暹罗渤泥古城等国并力夹攻瓦酋荡平升赏裂地俱所不靳如或瓦猛俱各罢兵亦须整搦士马加意堤防固不可挑衅以启戎心尤不可玩寇以貽后患报可

○乙丑廷试天下贡士三百名赐杨守勤等进士及第出身有差○武宗毅皇帝忌辰遣官祭 康陵

○腾骧右卫千户李英奏御马监牧马草场地土被民隐占相沿年久疆界废弛清查照则徵粮每岁可进银二万余两以济国用 上令该监见差拨放马匹王昇前去会同屯田等官秉公查勘奏请定夺如有势豪及抗阻不遵者令官吏指名参治以闻

○丁卯辽东税监高淮< 毘 毓-金 >称臣于十一月十一日出暑投文有千总杨于世出周嘉庆书一封欲臣礼遇不旬日接邸报见妖书缉拏有周嘉庆主名夫于世系嘉庆亲之辽不数日而妖书事发岂不知因谨将于世羁留具奏 上命锦衣卫差官拏角□羊与同周嘉庆并逆犯曦生光及出首袁鯤等俱着三法司会同府部九卿厂卫科道官研审面对明实具奏○礼部题 庙祀正值天变四月初一日日食移初五日享太庙从之

○戊辰文书官传催御马监监丞王昇查勘牧马草场征收租课敕书

○大同阳和等处见流星斗大先白后赤光芒烛地

○大学士沈一贯等题请 东宫讲读 上命本月二十八日照常讲学

○赐淮府广信王厚火□棋谥恭顺永丰王翊毅谥庄裕德兴王厚□戈□火□谥端顺

○己巳大学士沈一贯等题臣等今日又奉口传御马监内官王昇敕书不要推托窃惟 皇上天聪天明睹表知里臣等推托是真何敢曲讳但君臣一体 皇上亦宜俯谅臣等何敢推托臣等推托非为己私实欲保全 皇上之圣名整理朝廷之秕政杜绝纷起之多口安辑臃惰之众心盖前旨一下满朝既已惊骇此敕再出惊骇又当何如若使德意可行事理无碍臣等何故再三违拂臣等良心实不容昧 皇上圣智尤宜坐照治乱安危关系不小伏望 圣心转移臣等不胜涕泣祈请之至

○庚午户科给事中梁有年题照户部会计录开载牧地岁徵租角□羊部专供草料并济边支用其额课之重与夏税秋粮同关军国之需今据千户李英奏献遗租额内乎额外乎如使一地两租民有弃而逃耳不报

○辛未大学士沈一贯等言文书官再传 圣旨王昇不是径差因撒放马匹去带管清查写敕与他事完即回钦此臣等仰体德意不欲多扰百姓特令便差带管事完即回所有敕书敢不撰进然清查利害所关不小窃惟近年以来凡百利源尽笼于朝廷四海之内无一寸空闲地方常恐民穷变生难以扑救惟兹畿辅乃 祖宗陵寝 皇上社稷所在尤当深虑尤当厚恤四方无事而三辅有警固所深忌四方有事而三辅并起更何托身且国家与强虏止隔一墙正藉民心以为干城而胡可使之愁苦诅咒涣然离也旧年西山窑户之变今年易州矿徒之变不逞之端相继横发 皇上即以威力胜穷民穷民岂不以死力抗 皇上此牧地者岂真有豪右隐占岂真有新垦未科奸官奸民言何足信纵令有之则文王之囿百里葛尧雉兔与民同之故称圣王何可鳞鳞而取啖百姓以从己之欲乎臣等据该科揭帖此场地租系户部济边钱粮载在会计录中若依奏官所言明是夺济边钱粮假以 上供为名生端扰害为 皇上歛怨耳臣等蒿目苦口不过欲安 社稷社稷安则福利无穷奚止如奏官所云区区银两哉窃惟王昇可以无行奏入留中

○壬申状元杨守勤率诸进士上表谢恩

○甲戌刑科给事中田大益言锦衣卫指挥陈胤徽妄冀世袭非是不报

○湖广巡抚赵可怀回奏奉旨看议楚藩等事 上曰楚藩宗室众多慁悍成俗宜示惩戒这事情该抚按既究问明确着三法司再加看详拟议应得罪名以闻

○戊寅大学士沈一贯等言棠发驸马都尉杨春元本传传出旨诘责并查教习官钦此臣等看详此本言语支离体裁错乱门名不识礼度多违责以慢忽并及教师本不为过但春元系 皇上贵冢尚主近十载生子已四龄而直欲弃职归田必其难堪之甚

旨逆犯皦生光捏造妖书离间天性谋危 社稷无上无君父情显然妖书律未无尽其辜着加等凌迟处死便会官处决仍梟示于人烟湊集处所如有奏扰的即以主使奸论其缉捕有功人役着该卫即查写来

○宴灵藏赞善王进贡使臣锁南瓦秀等十九名永康侯徐文炜待

○户部覆 福王府养贍 上答曰王府养贍事例尔部既会同查议明白并景府遗下庄田地租俱着照例每年如数徵收交送福王府不许亏欠及崇文门外官店亦令本府管理毋拘原奏之数听从民便酌量多寡照常徵税以充养贍景府亦天潢正派义让条税仍给该府该部知道

○甲辰南京工部侍郎范仑以九年考满升本部尚书

○乙巳直隶巡按黄吉士题宣大逼邻虏穴抚臣彭国光病故白希绣张悌及赤城道按察使张国玺俱被拾遗重地重臣岂堪乏缺 上曰北边与大虏为邻宣府巡抚未补令吏部再推两员来大同山西巡抚并该道既被拾遗令通加考察明白以闻

○升新城守城守备李朝疆石匣车营山西守备葛继藩固原东路大同守备于翔仪延绥各游击

○升宁夏游击梁国审分守灵州地方左参将

○己酉大学士沈鲤言臣当衰残之候而有笃废之疾连月以来乞休辞俸俱未蒙允所一向不敢声言者以奸书一事臣曾被窃鉄之疑而事犹未结不敢冒规避之嫌也今既屡经勘审奉旨裁决与臣无干臣可以言矣臣非有经济学术可为世用惟恃一念朴忠结主知信寮友相与戮力同心输诚报国臣所挟以为质者仅此而已祇缘主平闻望不能孚人奸书事起遂以波及伏荷 圣慈以臣叨备辅弼重惜国体深诏执事勿过搜索臣乃得掩其瑕疵不膏斧钺惟是臣亲疏内外朝野远近之间见臣有此一番遂无复信臣忠朴者而臣失其质矣臣将安所挟以与在廷诸臣寻昔日之盟比肩事主乎昔宋臣吕蒙正不问朝士讪已者名及论事帝前辩析可否至补牍覆奏而终不变岂截然两人亦惟义所在耳臣非曰能之愿学为假令臣幸及宽政即昂首伸眉蹙躃入长安门无论臣自顾堪怜抑道旁观者宁无指目窃笑者耶故臣今病废乞归非止为一身进退实为世道有深长虑也< 疏 金 >上 上报曰卿纯忠亮节简在朕心在告以来屡旨以示眷信之意至详至悉矣何犹以妖书为言逆犯已诛公道大显卿休休雅量比益昭著正宜身肩国事表仪朝端岂得忘朕求去着鸿胪寺堂上官宣谕即出赞理慎勿再陈

○庚戌大学士沈一贯等言国家自哂承恩倡乱于西夏继以朝鲜东倭之警徵发旁午杨应龙席其父祖之余力而跳梁于播州朝廷屡加宽恩拒不受命至于破县隕将震动川南于是徐州则赵吉元辽东则金得时西陲则火落赤等虏两广则群徭群獍皆倜然蠢动弄凶造妖摇动元元之心幸赖 皇上赫扬威武以次削平大者告 郊 庙诏天下余亦论功叙赏盛矣原其所自正因赏罚有章靡有留命是以谋臣战士鳞踊翼

○户部题覆崇文门外店税

○福王请除五款独将各项客口杂货俱入官店发卖等因奉旨行查反覆思维有必不可行者盖献店原曰收租今改征税开店原议停宿今兼发卖款列如此施行谓何端外生端无论渐及五款更有不止五款者如万历二十八年四月内棍徒刘大伦亦常建议京城抽税旋即哗然骚动幸而特旨随罢民心稍安万一事在必行其为萧墙之忧有不忍言者惟 皇上深思细察留中

○甲寅提督操江南京都察院右佥都御史耿定方九年考满升副都御史仍管操江事务

○乙卯以端阳令节赐辅臣上尊珍饌

○山东青城县天鼓鸣

○丁巳 孝宗敬皇帝忌辰遣官祭 泰陵

○大学士沈一贯等题催宣府巡抚言旧年虏王率众临边不得所欲而去今能保其不来乎乞将两次会推五员内点用一员责令星夜赴任以图安攘大计其总督仓场员缺目下粮运将至正当坐拨仓廩星火催趲之时时刻刻难缓并乞将所推点发不报

○戊午顺义王扯力克并套虏卜夫兔等各进贡鞍马弓矢奏讨升赏准量升级关给赏赉如例

○己未卯时 皇太子第一女生

○礼部覆四川督抚巡按等官会题遵义军民府儒学改建虽新而生员作养已久应自万历三十年为始二年一贡真安州学系新建原无旧廩应照建武事例以十年之后开贡府学廩增各三十名州学各二十名附学不拘名数其桐梓绥阳仁怀三县廩增名额待建学之日另题报可

○庚申 太祖高皇帝忌辰 奉先殿行祭礼

○辛酉大学士沈鲤奏臣一足残废已成痼疾而 天威咫尺义不敢不出且 主恩高厚情不忍不出但臣之出不出岂足为有无多寡犬马下情仰干 天听于欲出未出之间者惟冀假臣余光少赐采纳盖丝纶之地名曰政本如人身之有咽喉通则百脉荣不通则百脉瘁其所系何等重大而阁臣平章军国所上揭奏可概从中格乎其何以行天下又何以考成于百司庶府也臣衰废极矣 皇上不能罢臣而留臣将徒留以位乎以身乎或亦以心乎如徒尸位素餐局蹐不宁岂终能遵奉谕旨身肩国事安其位而行其志哉仰冀 圣明责成臣下询事考言先自阁臣始留中

○壬戌 仁宗昭皇帝忌辰遣官祭 献陵

○赐益府安仁王常溱谥昭宪

○癸亥以 皇太子第一女生告 奉先殿

○甲子南京刑部尚书赵参鲁题异徵荐告礼科题天心仁爱非常御史李云鹄题日食两岁两见俱留中

○乙丑以缉获皦生光功赏东厂太监陈矩金币羊酒锦衣卫左都督王之桢着掌

卫事各荫一子本卫百户其余员役升赏有差

○户部< 〇〇〇〇 铨-金 > 趲运粮储事 上以监兑部臣专敕特遣体统与亲临上司不异该府州县掌印管粮等官有故违漕规的从实查参不许顾忌依违自取废事尔部申飭责成通行各省直知道

○户部尚书赵世卿奏臣待罪版曹摄官铨部两营莫效三< 〇〇〇〇 铨-金 > 控辞乞委左右侍郎署掌 上曰铨部印卿既恳辞着侍郎杨时乔署 ○准永宁土舍奢崇明袭职

○丙寅大学士沈一贯等催点宣大山西巡抚并户部仓场总督等官留中

○戊辰以遵化游击张继业为薊镇墙子路参将延绥游击白慎修为陕西分守参将

○己巳大学士沈一贯等言文选司郎中旧规六选既毕即出衙门盖任劳任怨之地不可久居六选未毕而出嫌于速化六选毕而留嫌于贪权今郎中景明已毕六选矣堂官循例拟升太常少卿提督四夷馆未奉俞命然本官已出衙门不敢复入即以朝命留之彼亦安可复留哉今六月大选在即必允此而后另补选即以举其职未报

○庚午礼科给事中萧近高< 〇〇〇〇 铨-金 > 参云南巡抚陈用宾弹压无望抚驭无方大盗纵横地方深祸乞速行罢斥留中

○辛未礼部覆江西巡按吴达可< 〇〇〇〇 铨-金 > 荐南昌县布衣章潢刚毅端方孝弟忠信隐居乐道年逾八袞宜仿胡居仁吴与弼例优以京华清秩< 〇〇〇〇 铨-金 > 未得旨

○刑科都给事中杨应文题称近接山东巡抚黄克缙一本极言税监陈增委官刘英等杀人如草菅劫人财奸人妇诸不法状宜逮拟如律并谕陈增毋纵劫杀< 〇〇〇〇 铨-金 > 入留中

○壬申大学士沈鲤入阁见朝奏谢宣谕报闻

○兵部覆福建总兵朱文达等擒斩倭贼功次沉夺倭船二十五只擒斩一百三十二名颗夺回男妇一百七十五名口器仗一千二百九十三件诏实授朱文达都督僉事僉事王在晋徐应奎等各升职一级副总兵官施德政同知陶拱圣等各赏银有差

○调甘肃游击卢养正为延绥参将

○癸酉 长陵明楼雷火灾

○升临洮中军冯印为延绥游击将军

○甲戌宴建州等卫进贡夷人三百九十九名泰宁侯陈良弼待

○乙亥夏至祭 地于 方泽遣官恭代

○大学士沈一贯言该文书官冉登捧出 圣谕朕览文书见 天寿山守备内官李浚等具奏本月二十三日夜雨雷火烧毁 祖陵明楼朕心惊惧弗已其恭行奉慰修理及修省礼仪卿等便拟出旨来谕卿等知钦此臣等昨日出阁已闻传言耳不忍听心

塞责必当以实心实政应之伏乞将御前文书通行发此乃收人心回天变第一实
事不报

○兵部覆福建布政使徐学聚言吴建兄弟以白莲道教妖术惑人遂谋不轨不三
五日聚众数千布讥扬旗结营派哨扑灭不早必致蔓延幸道臣刘毅等同心戮力三日
之内尽行擒获地方安堵如故但地方之事稽核巡历其责则在按臣绥辑消弭其责全
属巡抚今该省缺抚乞一年余闽地何地此时何时可令缺官如此得旨功次行巡按御
史勘报巡抚作速推来

○刑部尚书萧大亨上〈○疏〉请假辞署兵部印并催点尚书侍郎等官
上令暂假数日仍候点发

○升蓟镇游击杨弘吉为分守温处地方参将

明神宗显皇帝实录卷之三百九十六

明神宗显皇帝实录卷之三百九十七

万历三十二年六月庚辰朔礼部题为明楼烧毁乞先行奉慰以申对越事 上命
于十三日遣英国公张惟贤致祭奉慰 长陵成国公朱应槐等并祭 各陵及 天寿
山之神

○以皮林剿苗功加元辅沈一贯少师兼太子太傅荫一子中书舍人次辅沈鲤太
子太保朱赓太子少保各荫一子入监读书赏银币有差一贯等〈○疏〉辞不允

○兵部等衙门覆总督王象乾巡按李时华水播分界事两〈○疏〉在象乾
谓水播分疆以渭河中心为界其原属播地水西侵占者必宜尽还设置流官照遵义起
徵利自公费外悉充黔饷在时华则谓征播之役水西不惟假道且又助兵矧失之土
司得之土司原非分我内地播固输粮水亦纳赋未必尽属空虚假令以土地之故伤
小之仁恐我疮痍初起之民从此多事不可不为之深虑臣等窃谓据法而论无论盗
卖之地当复凡播州故土畴不当尽数退还以明朝廷之威平心而论无论渭河之地
在所当予即千工堰至乌雅尾诸处查系嘉隆以前侵占亦应稍加曲处以示朝廷之
宽仁宜再行巡按酌覆 上曰遵义水西地界如何尚未处定国家以安边静民为重
岂得畏避嫌疑因循持久着行与该督抚巡按遵照议处来还立限与他钱粮加派
悬编原非久计革屯裁官等事一并酌议以闻

○兵部覆皮林剿苗功次 上曰皮林恶苗肆乱将士宣威剿除楚黔既宁合宜班
赏戴耀升俸一级杨芳升兵部右侍郎兼金都照旧巡抚各赏银币荫一子入监读书
其余文武将士各升赏赠恤有差

○礼部署部事李廷机为奉旨着议事窃惟楚藩一事古今未有亦天下之共视为
观听者也故情罪当则天下自肃情罪不当则奸人益肆臣见湖广抚臣赵可怀看议
楚事一〈○疏〉意尚含糊律多傍引知畏宗室不知畏朝廷违悖者有二不可角
□羊者有五幸 皇上一明听为 高皇帝祖训万世世守者也当时垂训云亲王有大

故风闻无实辄敢上闻者斩今楚藩之事勘议屡矣曾有实迹可据乎凭一华越与袁焕等遽欲没其家溘其国此其处心积虑又不止风闻而已使遇 高皇帝不知当加何典而今却寻别律拟之恐与 祖训有违矣当廷议之初上也众言淆乱 皇上独执 祖训断决谓谋害亲王条款载在 祖训甚严着抚按官严加查勘夫查勘既用 祖法则谋害自用 祖训若同谋者先坐以诱人则被诱者应减以作罪原情何在而今忽拟以此恐于 明旨又悖矣然此犹谓据事请裁臣下或难擅定耳至称律云越关奏扰同行拨置之人遣戍此为王府害百姓者言非为群奸谋亲王者言也若以谋害为拨置则是以藩王同庶民轻重尊卑之间能一乎此不可角□羊者一蕴钊旧即能文固楚先王子孙也讦草称出手创不忆楚恭王王太妃何人乎今< 罪 毓-金 >语俱在读者尚污人齿颊作者当何以为心固知草檄之日已与楚先王之义绝矣曾有与国义绝之人而谓反减于英嫖五人乎此不可角□羊者二楚藩未经勘明依然天潢屏翰也白沙洲故地蕴金□晶安得而占之高观山树株蕴钊何得而砍之楚先王有知视百年所树者一旦为强宗掠取不知如何余恨乃云树价值银三两追还楚府此不可角□羊者三林槐一富棍而放禄米雍如春一脱盗而入王府尚谓小人狗利耳至于袁焕等谋起不轨则匹夫而犯王家庶人而凌帝胃此时尚幸槐侄女林氏之未进耳若楚王不察而误纳之则假王闻见之诬宁在越妻后耶招称诸宗误信既拟为渠魁矣何得仍拟以受财枉法例也此不可角□羊者四倪守宽等五人本非善类目楚王为奇货甘心一举而啖之其所望者大矣若云止诬骗而已则十两财物五人所得几何而为人作等事耶今止坐以局骗人财此不可角□羊者五楚藩自被讦以来藩王之体遂轻则诸宗之势日肆论理既不可同城以居论势必卒难别地而处则舍明白正法之外又孰可以处分之哉臣尝反覆楚招参以今日之法群宗当宥而宥恶必不可不诛卑贱当宽而主谋必不可少盖华越九人自 高皇帝视之皆逆子也不正之何以慰 九庙之灵群属诸宗自 皇上视之皆宗属也不宽之何以笃同宗之义朱添爵等三人情之不得擅者也不减之无以预杜乎宽滥袁焕等五人法之必不可赦者也不诛之无以垂戒于将来若主谋与随从同科而主谋反得曲全豺狼与狐狸并惩而豺狼顾获轻遣则日后再悍宗人人尽望风畏从矣故华越袁焕等均宜以谋害正条究罪而不必旁引曲庇以开幸脱之路长乱逆之萌者也奉旨三法司并看了来说

○辛巳大学士沈一贯等言臣等因 祖陵灾变甚大日夜忧惧不宁连上三揭请亟下章奏补缺官然不过 皇上之指掌间耳而候命数日未睹施行适文书官王体乾捧出 圣谕朕览卿等昨奏揭省发积下奏章乃今日收人心回 天变第一实事具见忠爱恳至但朕偶闻 祖陵变异惊惧战栗以致头目眩晕身体虚软连日调摄心神尚未定静已知道了谕卿等知钦此臣等诵绎再三伏惟 祖陵之变真出万分异常 圣心之惕实出一气所感于此见喘息呼吸之相通而敬畏修图之宜急矣屡次所请惟乞见之行事煌煌 上天非可矫诬灾害并至虽有善者亦莫如之何也留中

○乙未祭中霤之神

○考选庶吉士王家植等二十三人送翰林进学

○建州毛怜等卫夷人都督台失等一百名进马二百匹补二十二三年分贡给双赏绢钞如例

○丙申 睿宗献皇帝忌辰 奉先殿行祭礼

○丁酉昌平州雨水暴涨冲倒 长康泰昭等陵石桥栏并坛垣等处虫食 长陵松柏叶尽

○戊戌大学士沈一贯等言臣等窃惟 祖陵雷火下击顷复睹虫伤之灾似此大变 天地 祖宗之心可知群方百姓之心又可知闻宫中日夕焚香愿得祈天永命 圣心岂不儆惕第世人有所祈求力不能自得则无可柰何而出于焚香致祷 皇上所祈求者非有制于人非有制于天皆力可自得而不为诚奋然有为则言脱于口而仁流于天下诏罢矿税即矿税罢诏出囚系即系囚出诏起废弃即废弃起故今日之事乃天地求回 皇上之心而不得非 皇上求回 天地之心而不得也 皇上以其至诚而祈之于天臣等以为太远臣等以其至诚而祈之于 皇上臣等以为甚近望 皇上一俯纳焉未报

○辛丑祭 火德之神

○谕内阁发御前积省银二万两修理 祖陵工程所有修省实政少俟次第发行大学士沈一贯等言仰惟 皇上因 祖陵大变震动于心首发内帑急图工作此回天之渐也但今日 祖宗之所望于 皇上者岂北工作必当仰法 圣祖每夜思四方之政五鼓而兴待旦而行如坐针毡如寝火薪何能顷刻迟缓而犹曰少俟俟之为言有何底极臣等非不欲俟而天下危乱恐有不能俟者乘天下未变而图之则权在 皇上但一下 明旨而海宇大定待天下有变而图之则权在匹夫一经啸聚便难措手 在天之灵蚤已先见几微以示 皇上望 皇上念之臣等敢奉 圣谕次第举行一语以为左券

○太子太保都察院左都御史温纯大理寺卿郑继之等看得我国家崇建亲藩以夹辅本支体尊权重自郡王以下咸奉约束虽有豪宗悍胄罔敢肆其凭陵妄开构陷者祖宗二百年来奉行惟谨不意有楚藩诸宗无故发大难之端也方楚王幼孤武冈监国百计倾害何所不至若果有暧昧谁能容之而诸宗并无一人有浮议者且连名请封册立已三十余载忽然造无影虚词荧惑视听乎即楚王平日绳削太过然诸宗被戒俱各有因如华越者私取护卫王如言女为妻则违禁矣以妾之子润儿顶妻之子三节则冒名矣讦华摧打堕胎产则诬兄矣挟诈英煇蕴金□否华土□守及逼扭臬臣毆伤差较则逞强矣蕴鏹重叠关支英然讦告纪善至蕴钊则私纳再醮妇人盗用支禄印信种种皆属不法未可谓楚王戒饬之非是也乃华越等辄敢忿挟嫌讎□度报复袁焕仪宾也以县君身故遂肆无忌惮而首倡邪谋林槐富室也以侄女见摈遂过为怨望而甘心起

衅至结党聚众插血要盟蕴钊自负能文奋笔草< 毳 毓-金 > 又与英备□火等折毁府墙砍伐树木此何等景象也卑凌尊小加大冠履倒置长此安穷何以固继城之势而奠磐石之安乎臣等反覆情理权酌轻重参照华越悖伦干纪作奸犯科冀雪恨于阅墙操戈反噬妄嫁祸于窃国树帜糾盟污蔑亲藩欺诳 天听当以首恶正法但 祖训内有关系王亲一款专指风宪官华越以宗犯似难擅引相应照例降庶人押发高墙禁锢终身蕴钊恃其刀笔忍纵斧于棣华逞其秽词甘投刃于木本何以见 先王于地下岂堪置颜面于国中相应降为庶人仍拘住闲宅其余诸宗华坚文湘英□□火等或降为庶人或革罚禄米或量加戒饬分别有差至于袁焕运筹发纵不独以疏而间亲伏阙叩阍兼复以臣而罔 主林槐姚时庆雍如春姜保儿妄目奇货为可居阴谋拨置漫恃冰山为可倚结党扛扶此五犯者均应照例永戍余犯依律拟徒恭候命下容臣等遵照施行再乞 皇上严谕楚王益弘含茹之量尽捐苛细之端舍故录新合离萃涣共享和平之福长输屏翰之忠则衅永社而国益崇矣奉旨华越素行凶悖今又污蔑亲藩本宜重处姑降为庶人押发高墙禁锢终身蕴钊与英嫖等俱降为庶人蕴钊还与英□火□(□□小)□俱拘住闲宅华坚姑降一等文湘英备□火行该府重戒收管蕴金□晶等革去禄米三分之一终身不许奏复华安□佳等罚革禄米一年英□□火等该府量加戒饬英□火古丑□等姑免究袁焕林槐等俱照例永远充军余依拟各犯既已处治楚王宜安心守藩还内省自克以称朕保全训诲之意写书与王

○癸卯升河南道御史崔邦亮为顺天府府丞添注 ○甲辰酉时 皇第八子生

○乙巳 孝庄睿皇后忌辰遣官祭 裕陵

○礼部奉旨旌孝子一名黄冈县民唐治节妇三十八人汉川县学生员林若金妻潘氏等烈妇六人繁昌县学生员方名蛟妻洪氏等烈女二人穀城县学生员傅志说未婚妻杨氏等

○丙午以皇子三朝告 奉先殿

○丁未 孝穆皇后忌辰遣官祭 茂陵

○以 皇子诞生赐辅臣讲官花币有差

○己酉发拣选急选二项官员部本大学士沈一贯等言查吏部拣选急选名则二项实有三本今所允发者乃急选二本尚有拣选同知张翼新等一本伏乞 皇上并赐票行

○以东宁伯焦梦熊为后军都督府佾书恭顺侯吴汝胤为右军都督府佾书

○革云南永腾参将王廷光以兴隆副总兵陈寅代加守备刘素游击职衔管陇把守备事

明神宗显皇帝实录卷之三百九十七

明神宗显皇帝实录卷之三百九十八

万历三十二年七月庚戌朔以孟秋时享 太庙遣官恭代

○京师大霪雨

○壬子大学士沈一贯等言今阙政之大者二事播州大功今已四年而叙赏之典尚格未下功臣之死者无以慰生者无以劝后来有事谁肯出力臣等所拟止有减薄并无冒滥似可允从倘有未合 圣意宁求改窜万勿因一二人而没百十人之功失亿兆人之望也各项缺官悉宜允补而所量重者山西郟阳福建河南四巡抚此一方军民重寄兵马钱粮惟其料理安危治乱皆其忧责安可视为泛常任其久缺乞将此二事先赐发行不报

○癸丑 仁孝文皇后忌辰遣官祭 长陵 ○甲寅赐三辅臣鲋鱼鲜藕及日讲官周应宾等有差

○工部题急缺段疋 上以段疋系上供急需本难议减念民穷财尽姑如拟先办一半以宽民力其各处所欠旧派仍严行勒限催角□羊毋许稽延

○丙辰钦天监言 长陵子山午向今岁大煞在子灾煞在午请以明岁兴工便上命该监便先择吉治木工部期会内官监上紧造办各项物料来春兴工鼎建刻期完报

○丁巳大学士沈一贯等上言明楼之建虽不可迟拘于通历诸书犹可待也至于一切修省之实 圣祖在天之灵悬于朝夕人心仰望之切急于水火何所拘泥而可以姑待 皇上诚于臣等累次所揭及各衙门大小臣工连章奏请者猛一省悟急行实政则 圣祖必欢然喜慰人心皆乐颂太平即明楼工程亦属第二义虽稍待半年无害不然兴作徒勤何益哉未报

○戊午升太仆寺添注少卿何倬为大理寺左少卿

○以大工铸给直隶浙江买运木植各关防一颗

○大学士沈一贯< ䷀ ䷁ ䷂ ䷃ ䷄ ䷅ ䷆ ䷇ ䷈ ䷉ ䷊ ䷋ ䷌ ䷍ ䷎ ䷏ ䷐ ䷑ ䷒ ䷓ ䷔ ䷕ ䷖ ䷗ ䷘ ䷙ ䷚ ䷛ ䷜ ䷝ ䷞ ䷟ ䷠ ䷡ ䷢ ䷣ ䷤ ䷥ ䷦ ䷧ ䷨ ䷩ ䷪ ䷫ ䷬ ䷭ ䷮ ䷯ ䷰ ䷱ ䷲ ䷳ ䷴ ䷵ ䷶ ䷷ ䷸ ䷹ ䷺ ䷻ ䷼ ䷽ ䷾ ䷿ ䷀ ䷁ ䷂ ䷃ ䷄ ䷅ ䷆ ䷇ ䷈ ䷉ ䷊ ䷋ ䷌ ䷍ ䷎ ䷏ ䷐ ䷑ ䷒ ䷓ ䷔ ䷕ ䷖ ䷗ ䷘ ䷙ ䷚ ䷛ ䷜ ䷝ ䷞ ䷟ ䷠ ䷡ ䷢ ䷣ ䷤ ䷥ ䷦ ䷧ ䷨ ䷩ ䷪ ䷫ ䷬ ䷭ ䷮ ䷯ ䷰ ䷱ ䷲ ䷳ ䷴ ䷵ ䷶ ䷷ ䷸ ䷹ ䷺ ䷻ ䷼ ䷽ ䷾ ䷿ ䷀ ䷁ ䷂ ䷃ ䷄ ䷅ ䷆ ䷇ ䷈ ䷉ ䷊ ䷋ ䷌ ䷍ ䷎ ䷏ ䷐ ䷑ ䷒ ䷓ ䷔ ䷕ ䷖ ䷗ ䷘ ䷙ ䷚ ䷛ ䷜ ䷝ ䷞ ䷟ ䷠ ䷡ ䷢ ䷣ ䷤ ䷥ ䷦ ䷧ ䷨ ䷩ ䷪ ䷫ ䷬ ䷭ ䷮ ䷯ ䷰ ䷱ ䷲ ䷳ ䷴ ䷵ ䷶ ䷷ ䷸ ䷹ ䷺ ䷻ ䷼ ䷽ ䷾ ䷿ >言臣观往时非无灾异止于一方一事犹可言也今则极大且多而又日迫日近不可言也日食于四月古今所甚忌者两岁叠见泗州凤阳承天 诸陵比年悉有儆戒而 皇陵之雨雹 长陵之雷火乃至连岁相寻同在五月二十三日天意岂其偶然遂有虫啮松柏冲毁神路顷又霪雨连绵两月不休正阳崇文二门之间中陷者七十余丈京师之内颓垣败壁家哭人号无复气象因想天下被灾地方远者即不可知近者悉恐不免然而尚有愁云四布霁日难期谓非天怒未角□羊之惩可乎臣心长气短无能尽言同官二臣咸怀诚悃各亟一章亲赴文华门叩首投进惟 皇上历赐览观神领心受而致行之臣死无憾次辅沈鲤言自矿税兴而中使遍天下中使出而四方无籍之徒随为牙爪耳目者或分布乡村城市或把持关津渡口或武断于商贾湊泊所在树黄旗揭 圣旨都輿从张气焰吮人之血吸人之髓孤人之子寡人之妻内监亦不能尽知也前方征后复榷既征榷复告讐或诬为断绝皇杠或诬为容隐罪人或以为曾发古冢而得奇珍或以为曾开古窖而致钜富或云某宅有矿坏其宅

各囚死生难保情实可怜除死罪外余宜早与发遣发落至于矿税犯人原为百姓得罪倘至溘亡益为百姓所怜干伤天和尤甚伏乞将冯应京等特恩赦宥或发刑部分别坐拟其余各犯亦通发刑部拟罪奏请庶罪人有所归着亦便工部修理不报

○兵部覆甘镇海虏犯边失事守备陈善道革任从之

○升南京光禄寺少卿邹观光为南京太仆寺少卿

○升四川游击萧孟京为贵州兴隆参将辽东指挥佾事李如楠为沈阳游击将军

○乙丑以沈阳游击王绍芳为分守海州参将福建游击石惟磐为广东海防参将杨定国为分守庄浪左参将王元周降充福建游击将军

○丙寅大学士沈一贯等言西山煤户窑口尽为水渰无力陶挖伏乞 皇上特降一谕量免课银二三个月少苏其困今见发太仆寺银十万两除给济京城下户之外似犹可以分此济彼此亦不费之惠易行之事也< 足 铨-金 >未得旨

○命总督仓场侍郎游应乾到任管事所赉入贺 万寿表文至期随班行礼

○丁卯起升刘应麒为南京大理寺卿

○以广东道御史周家栋巡按北直隶提督学政

○调工科都给事中侯庆远为吏科都给事中

○升户部员外江盈科为四川提学副使

○戊辰 成祖文皇帝忌辰遣官祭 长陵

○谕户部朕思雨水连绵京师米价日贵着于通州仓粮暂借十万石运赴京仓支放该月折色军匠米粮候新粮到日即与补还其五城房号银两除旧例免徵外再着免徵一个月以昭朝廷权宜救灾德意

○以锦衣卫管卫事李如楨提督京城内外巡捕 ○壬申大学士沈一贯等题臣日连日恭奉修省德意力图奉行有遵谕拟上者有循例题请者皆系应天实政早赐皇仁不胜瞻跂一西山被灾窑户当恤二镇抚司狱房雨倾各犯当矜三播州战功久未叙当下四江北地方叠灾当賑五教习庶吉士例有馆师二员当补六部院大臣及四省巡抚当用七牧地为水所占当缓赋

○甲戌谕内阁朕览卿等揭奏七款皆修省实政具悉忠爱朕因各官不以国体为重要直沽名哄然烦激连日愤懑眩晕卿等前奏未行悉览今所奏已知于是大学士沈一贯等言臣等感戴 皇上不忘眷答之厚具谏修省之诚诸臣烦激诚或有之论其忠爱实同臣等恭绎 圣谕许臣等所奏为修省实政伏望早发一日则早慰一日将性情中和愤懑自息心广体胖眩晕奚留 圣寿高于山阜而 圣祚垂于日月矣

○升南京工部郎中范允临为云南提学副使

○原任兵部左侍郎许孚远卒赐祭葬如例孚远浙江德清人壬戌进士繇工部主事调吏部历官藩臬巡抚南大理卿至今官制行端方著述纯正时论贤之

○礼部署部事左侍郎李廷机奏臣为诸生每见提学官三年之内有岁考有科考

皆通学径送无一士不经试无一卷不经目故才者见其才而不才者亦无所匿其荒谬膏粱之子安分守拙而孤寒之士咸得扬眉吐气自致青云后来人不耐劳岁考稀少生员有终身不得见提学而混厕衣巾滥沾优免者及至大比又有类考之规如府学则府考送道县学则县考送府府考送道不送则不得进不求则不得送臣前年患病家活时当科举臣见家乡子弟以类考之故惴惴然忧府县之不录不暇诵习史书而奔走晨昏贵家用势富家托势守令逼于应酬之不暇孤寒苦于进取之无阶臣因追念臣之孤寒苦在今日既无势力又耻奔走将无繇致身而事 皇上矣以福建一省推之而各省可知也士风日坏关系匪轻祇缘岁考久弛类考相沿人谁肯舍逸而就劳亦有履任未几科考期迫不得已而类考者臣谓提学一官迁除宜早或难其代则暂加衔再任务令三年之内岁考一次科考一次通学尽考生员有不愿科举者听之提学未经岁考不得升迁有仍类考图便及圆融徇私者劣处庶甄别当而考较勤荒谬之士难容孤寒之士得进所以杜躁竞正风俗者端在于斯伏乞 圣明裁察敕下臣部施行奉旨提学官职司考较载在敕书岁周一次原无类考之规自行类考而士风躁竞孤寒淹滞率繇于此便行与各省直务遵屡旨勿得自为偷安之计年终仍开报该部以凭分别铨叙其有资俸该升考未周遍者不妨加衔再任吏部知道

○乙亥以福建左布使徐学聚为都察院右佥都御史巡抚福建地方

○丙子谕户部朕悯西山被灾窑户令比京城下户一体给赏即于见发太仆寺银十万两内通融分与还着该部科及顺天府会同给散务令人沾实惠水占窑口免征课银三月

○丁丑大学士沈一贯等言今年庶吉士蒙恩选定例有教习官二员臣拟上未蒙赐允今不敢坚执再推一员望 皇上就中点发二员以便遵奉推于慎行周应宾唐文献未报

○平江伯陈启嗣承袭祖爵

明神宗显皇帝实录卷之三百九十八

明神宗显皇帝实录卷之三百九十九

万历三十二年八月己卯朔大学士沈一贯等请 东宫讲读得旨东宫于本月初八日开讲待过寿节假日照常讲学

○庚辰升右春坊右赞善李腾芳为右中允管司业事

○辛巳大学士沈一贯等言 皇上念科道官积有岁劳一时九年考满者皆得优转京堂然见在科道从此寥寥数人侍班差遣动称缺乏散馆及起复侯补诸臣臣等屡揭请旨今吏部又复题催切念官不得人则为废事人不得官则为弃才今科庶吉士送馆在迩而前科尚未授官二十六年行取经今六年各官久已任事而同取尚未授官人才难得废置可怜 皇上躬修实政之中必念及此一端也未报

○秦州地震声如鸣鼓

○甲申册未封李氏为顺妃告 奉先殿

○礼部署部事侍郎李廷机奏驸马杨春元悔过读书胄监之钦期已满 圣意之释然可知惟是部臣鲍应鳌原任兵部武选司主事去年差往江西虽调仪制补教习实未到任乞免溺职之罚诏杨春元复任朝参回府居住鲍应鳌既奉差委将及一年何尚未回查明以闻

○乙酉命吏部右侍郎周应宾礼部右侍郎唐文献各以原官协理詹事府事教习庶吉士

○丙戌 孝康敬皇后忌辰遣官祭 泰陵

○丁亥祭 先师孔子遣官恭代 ○两淮太监鲁保题额角口羊钱粮迟误上以有司官互相推诿以致迟误织造供用姑念年久东南民力疲困免行查究

○礼部奏周府汝宁王在唵越关奏事应先遣内官一员伴送回府同行拨置及本府辅导官提问处治本王应否先行革爵请旨定夺奉旨郡王越关奏扰大干明禁但其所奏事情未有着落遽难议处巡按御史查勘其奏定夺

○戊子 孝慈高皇后忌辰 奉先殿行祭礼

○户部尚书赵世卿刑部尚书萧大亨各言会推河南巡抚沈季文才识操守实出公评科臣胡忻< 〇〇〇〇 〇〇〇〇 >论季文钻谋乞赐详察 上并报曰卿忠诚为国会推非私不必致辩

○庚寅以 万寿圣节赐三辅臣及讲官金银万寿字有差

○壬辰兵部覆五路台吉挟兵索赏边镇之事全赖巡抚一人从中赞理就近分布况山西之与宣大贡市原同一款派出一枝今宣府马鸣銮已差人沿途飞促所有山西抚臣速宜点用报云山西巡抚仍候旨

○癸巳大学士沈一贯等言恭遇 万寿圣节闻左右有买雀放生祝延 圣寿者区区愚见欲推广此意于本月十七日在廷文武百官及天下入贺人员四夷朝贡之使山呼万岁之时 皇上特涣纶音停罢矿税以示普天同庆之意此时满朝万口必将欢声如雷仰彻 穹昊不崇朝而歌讴溢乎四海协气塞于两间 皇上临之介以景福八荒寿域歛为 一人之寿矣臣等不胜犬马下情敢拟敕谕一道并进留中

○乙未以 万寿圣节三辅臣诣仁德门叩头庆贺赐上尊珍饌及烧割面膳有差

○陕西巡按杨文< 〇〇〇〇 〇〇〇〇 >极言边地陆危矿税播虐请罢浙江抚按尹应元等各< 〇〇〇〇 〇〇〇〇 >言机匠一岁两徵事体遵行不便俱留中

○戊戌宴朝鲜国庆贺 万寿圣节陪臣安克孝等十九员庆贺 千秋令节陪臣韩寿民等十六员侍郎李廷机待

○庚子 宪宗纯皇帝忌辰遣官祭 茂陵

○大学士沈一贯等言 皇上居深宫之中不见群臣百姓似谓可塞耳掩目置人言于弗理臣等日出入长安门势不能避儿童走卒无非鞭策臣等之言流离琐尾无非感悟臣等之状乃者赍捧官来开口即说矿税各处书来未开缄即知其说矿税臣等每

欲乞身而 皇上不许尝求面见而 皇上又不许惟有揭帖数行仰于御览而九阍万里智虑短浅不当 圣心即蒙温谕亦少所施行愿 皇上回心向道无摇丕基放逐臣等更付能者昔麦丘邑人谓齐桓公曰愿主君无得罪于群臣百姓民者邦之本财者民之命弃其本戕其命而可长享天下未之前闻不报

○辛丑谕内阁朕因文武大小九卿科道官手执公本齐赴文华门上本行礼前有旨修省实政静俟次第发行文武大臣都着安心供职共济时难如何又来渎激奏扰恭照 祖宗制度朝仪肃静尊严凡有军国大计许实封本从会极门投进听候裁夺处分近来不知何物设意作俑朝廷但行一事若妨己之私弊便哄然群起挟迫君上要誉沽名全不思全君臣大义恣肆成风是何礼体谕卿等知于是大学士沈一贯等言伏蒙宸旨森严 天威孔赫臣等读之神魂战越窃惟欲朝仪静肃当收天下之心欲收天下之心当恤天下之言近年以来天下久罹矿税之苦而又习闻停止之言跂望 恩纶以日为岁诸臣受国深恩感时多故千章万牍总出恳诚君臣大义正当如此岂可罪之为激为渎伊尹告太甲曰言有逆于汝心必求诸道伏望 皇上取逆耳以悦心图 宗社之永计旷然改易弦辙下一罢矿税明诏于群虑不及之时使言事之口淡而无味忧国之心化而若忘朝仪自肃 天位自尊都俞吁咈之风当不远矣

○山东巡抚黄克缙言自河决苏家庄水滄丰沛下流壅滞黄水倒灌济宁鱼台平地成湖况加狂雨弥旬城门之外即成巨浸单县被滄虽止一隅而连岁河工人夫物力半取足于该县运柳派及孤寡供应累及诸生此三州县必大加赈恤庶有起色至于漕运临德仓粮非破格改折是趣之毙也请于存留粮内照依分数蠲免无粮贫民准免丁口盐钞灾民酌量仓谷分别赈贷保定巡抚孙玮亦言霪雨连绵田庐漂没请留漕粮十万石并留抚按赃罚少掾颠连俱下户部

○兵部言巡按黄吉士修复防边五事一曰重 陵京宣府东路柳沟等口应修墩台六十余座添军防守一曰修城池村疿堡寨俱可收藏秋成后各乡居民俱归堡寨密窖粮食一曰实营伍募人充伍必择土著之有身家者一曰慎火器零星疿村但有钟磬俱销毁听造军器不许私藏火药一曰禁通虏该堡各立十家口册毋许勾连漏洩及盗卖铁器诏依议行

○甲辰大学士沈一贯等言昨日尚书赵世卿来备细讲求户部钱粮因出一揭示臣等言内库金花银两每年额进一百万此定制也 皇上增加买办银二十万初亦谓之暂加耳不意遂为永制太仓所入止有旧额此项买办原无加派自万历六年至今共进过五百二十万不过将边饷钱粮那移凑数耳役托取盈此益空匮今年边饷该三百七十二万而仅发一百八十四万尚欠一百八十七万转盼十一月又该题发三十三年分钱粮矣内供固急边供尤急脱巾而起当柰之何边臣催如星火部臣忧在燃眉即不能涣发内帑以助边计亦宜稍宽买办盖计臣之所以忠 皇上者甚大所以虑 社稷者甚深也又惟今年顺天保定辽东山东陕西凤阳六处抚按俱报水旱灾荒请发内帑

漕粮以为赈济即今道路流移民已悉去其卿当年秋粮夏税断不能完来岁京运民运断不能供然则边饷之难处更数倍矣盖彼六处抚按地方居天下之半又沿边一带要紧去处沿边不能自给安得不告求于部告求于部者尚急又安得有微角□羊到部户部处发寻常京运尚尔拮据又安能代出民运之一半乎又安能旁及赈济之特典乎空乏之来已非一日苟可以搜括催趲者系是部臣职掌岂敢更爱余力惟是无艺之徵原非额内则在 皇上曲加体念耳盖民供自有定额而不可加近又以税使挠之而民供益拙边饷自有定额而不可损近又以内供妨之而边饷益拙 皇上如不以九边为急则已如以九边为急尚宜大发内帑以慰庚癸之呼何可不且停买办以宽持筹之急也臣等与世卿语及相对涕泣敢不为之助奏< 皇 统-金 >入留中

○升太仆寺添注少卿林烜为南京太仆寺卿

○起原任大同左参将李高先为本官河南游击韦宗昭为四川游击将军

○丙午武骧左卫百户陈起凤请采巨材充国用< 皇 统-金 >上 上震怒曰上天示儆朕正修省举行施仁恤民德政陈起凤糾聚棍徒奸党指称采木诬惑朝廷希图利己好生欺玩陈起凤姑着革职为民永不叙用其余好党便着厂卫城捕缉事衙门严行访拿驱逐再有违犯奏扰的依律重治不饶 ○河道总督李化龙奏报分水河成粮艘繇洳者已过三分之二繇黄河大溜者止三分之一旧者已坏新者未成而过洪曾不逾限国之福也章下所司

○户部尚书赵世卿请申饬参罚民屯积逋大略言国制一镇军马自有一镇民屯后来间发京帑原为一时权宜之计柰相沿日久忘其初意视民屯拖逋漫不经心则曰恃有京帑之可补耳往当全盛之时尚难虚内以益外况当匮乏至极尚可尾闾洩之乎且每年督抚会缴御览文册奏称民屯未完者听其另< 皇 统-金 >参罚而迄未见参者谁也管粮郎中有专任责成会同参罚之例而迄未见果会同也时艰若此纵不能多方搜括别出他筹只此应角□羊钱粮见行事例亦不能着实举行国计军储将安裨乎相应题请申饬候命通行

○福王常洵因天变辞免官店 上不准辞惟令严禁收管员役不许额外多徵扰害商民

明神宗显皇帝实录卷之三百九十九

明神宗显皇帝实录卷之四百

万历三十二年九月戊申朔翰林院简讨蔡毅中节略 皇明祖训中有关矿税者为注< 皇 统-金 >二十二卷进呈留中

○户部覆孙玮请储救灾< 皇 统-金 >言漕粮万不可借而六府所积尚有仓穀一十八万五千余石库银一十一万七千四百余两钱十万八千余相应覆请支动 上以畿南灾祲异常心甚悯恻即行与抚按屯田衙门作速查勘明实开报以凭赈济既漕粮必不可动于所属六府预备社义等仓积穀并库贮勘动银钱尽刷出分别给散本仓

库不足取给邻府再不足方留贓罚银两济用有司均宜悉心体国称朕爱养元元之意勿得自分彼此致取罪谴

○以遵化游击陈孝为上西路参将 ○己酉祭 历代帝王遣官恭代

○赐建德王翊鉉四书五经集注各一部所建书院额名守文

○庚戌大学士沈一贯等言昨日管镇抚司李楨国投臣揭帖分别见监人犯上请圣裁臣等看得重犯王官等一本及内犯牛云鹄等一本俱有轻重不等罪名打问既已明白合送法司坐拟其犯官华钰等一本俱因矿税得罪愆创已深天下之民未出于水火所以惊相传告日传日多缙绅见时语必首及其中有素著名者至今地方尸祝而祀之人心同悲若悲其亲戚无不求所以出之者诚急之也民之所好好之此之谓民之父母 皇上宜曲体群情俯从宽典以证 皇上之于矿税果有停止之日以证 皇上之于万民实有仁爱之心所赦之人有数所感之人无穷此 圣政第一大端乞赐批发施行 ○升山西左布政使李景元为右佥都御史巡抚山西提督鴈门等关军务

○升应天府尹赵钦汤为南京通政使光禄寺寺丞钱士完为本寺少卿

○辛亥 孝恭章皇后忌辰遣官祭 景陵

○调浙江副使李开藻为江西提学副使

○调蓟镇署指挥佥事洪四维为遵化游击将军升湖广都司朱国忠为分守紫荆关参将

○癸丑朝鲜国王李昞差陪臣李廷龟等三十员进献方物马匹请封次子李瑋为世子各赏给绢布衣服靴袜

○甲寅命谕德吴道南中允杨继礼充武举考试官以候补御史王业弘叶永盛为监试武举官

○吏部覆原任吏部尚书倪岳名臣耆德子孙式微近虽有年远亲尽不准补给之例而岳之嫡曾孙倪翰儒尚在君子五世之内拟将翰儒题补原遗荫典以示嘉贤其有才品不如岳者不得援例从之

○丙辰以重阳节赐辅臣上尊珍饌

○升大理寺少卿李尧民为应天府府尹尚宝司卿刘日升为太仆寺少卿

○以昌镇署指挥佥事陈大经为蓟镇右营游击将军

○进赠南京国子监已故祭酒蔡清礼部左侍郎清品格端方学术醇邃为国朝名臣议从祀 圣庙特旨赐谥文庄所著书学者宗之

○丁巳升巡抚宁夏右佥都御史黄嘉善为右副都御史照旧巡抚以边俸考满加荫一子入监

○升添注南京礼部郎中刘学鲁为南京光禄寺少卿

○庚申国子监祭酒萧云举< 䄀 毓-金 >进前祭酒杨道宾司业黄汝良较刊南史臣云举较刊元史竣工谨呈御览 上纳其书

以收天下人心留中

○乙巳谕内阁平播功大乃平定一国开强展土奇勋<■懋心>绩如何题叙升赏内无一当封侯伯世爵使朝廷威镇华夷激劝大典不尽宣扬何以显忠劳之臣血战之将传行天下后世彼时欲即传出恐奸佞借言鼓簧之辈诬害善良故尔迟缓先生每可体朕意详拟改票来有

○丙午大学士沈一贯等言昨日文书官传示 圣谕仰见 皇上嘉奖军功激劝后来至意正臣等所久欲赞襄而不可得者敢不祇承随于本日出阁时到朝房内约同兵部官虚心面议俱言平播一功开疆展土奇勋懋绩诚如 圣谕委宜从厚升赏惟是遍查旧例如宣德九年平松潘功总兵官方政止加升左都督成化三年平都掌蛮功提督程信止加兼大理寺卿万历二年平九丝蛮功巡抚曾省吾止加升侍郎总兵刘显止加升都督同知此皆四川最著军功并未有封侯伯世爵者若近年李成梁封宁远伯则以辽东虜功与苗蛮功不同又系积功累级历数十年而后得非以一次大功便与封爵且成梁系一身独将非有二三同事也今播功虽大而在事各官有一总督三巡抚五总兵俱同功一体之人概行封拜人将谓之滥择一持加人又谓之偏不若于原升赏上各加优厚使与者受者于心皆安臣等仰体 圣意拟议再三窃谓文臣中调度忠劳总督为首武臣中行间血战总兵为首将督臣李化龙原拟加太子太保今改拟少保原拟世荫指挥僉事今改拟指挥使总兵刘綎原拟复官陈璘原拟加右都督今俱改拟左都督仍将原荫副千户俱改拟指挥使马孔英降虜起身吴广李应祥武生起身原拟袭升职级今改拟世荫正千户郭子章江铎等俱于原拟量行递加夫文官至少保已列公孤之尊武职至左右都督可称侯伯之亚而荫至挥使世世承袭与国同休抑又邻于勋爵之崇此番恩典极为优异近年宁夏朝鲜松山诸功皆未有此足以播之青史夸之外夷传之天下后世为不朽之大业昭代之盛举也得旨朕览卿等奏揭改票议加封爵条例未备今播功虽大而督抚总兵众多世爵难以尽封文武李化龙等俱拟加升职荫具见恭敬忠慎仰体朝廷优恤开疆展土血战之意朕已知悉依拟即行卿等为朕辅弼股肱朝夕赞襄运筹调度勋劳懋著当有恩赉劝酬拟谕来行丕显天朝武功毋得逊让推避

○是日又谕内阁 上天示儆朕甚忧惧孟冬 庙享朕本欲亲行今夏多湿薰蒸以致朕左足肿痛步履艰难又且头目眩晕身体软弱见今服药荡洗未愈恐弗成礼暂行遣官恭代卿等可传示遣官及各执事务秉精诚竭诚行礼以副朕孝思罔敢自逸至意谕卿等知

○升湖广左布政使梁云龙为都察院右副都御史巡抚湖广地方

○兵部署部事萧大亨以楚宗告变催点郟阳河南巡抚及兵部三堂奉旨各要地重臣与兵枢三堂向以慎重简择故尚迟回既时事可虞朕当一一简发

○升蓟辽总督蹇达为兵部尚书兼右副都御史照旧总督

○兵部<■■ 铨-金 >楚宗劫杀事 上曰楚宗凶暴异常大肆猖狂已有旨着抚

按尽法擒拿处治矣还晓谕诸宗各宜恪守法度毋得党恶庇奸自取罪孽楚王威令不行各郡王如何也不铃束着行文与他揆饬纪纲毋得仍前陵夷玩弛该省巡抚已点用了着上紧到任

○户部以永平镇主客兵本色米豆皆坐派于滦州卢龙等县永平等卫今岁水旱异常人民垫隘议将天津仓先给一万石海运余俟明春新运到日截留二万石将一万石补仓一万石给镇就于下年角□羊镇额饷内照依平价扣银一万四千两抵补以先给者济目前庚癸之警留后补者备来春青黄不接之需庶额饷无亏军储有赖

明神宗显皇帝实录卷之四百一

明神宗显皇帝实录卷之四百二

万历三十二年十月丁未朔钦天监进三十三年大统历 上不御殿百官于文华门外行礼给赐颁行天下仍加赐辅臣讲官等有差

○是日以孟冬时享 太庙遣官恭代

○戊申 孝洁肃皇后忌辰遣官祭 永陵

○己酉大学士沈一贯等言臣等昨暮接得湖广巡按吴楷书揭言在承天府调兵候旨进讨城中贼党纵横城外官兵围守逆宗肆出榜文约以二十二日举事至云顺流而下镇坐南京谋反已真御史方候旨进剿恐失事机请 皇上发一特谕 天威震临人方尽力不然恐其犹碍宗室二字畏首畏尾养疴成疽流毒愈大得旨逆宗反形大著祖宗法度治安国家既系强劫叛乱何论宗人且楚地辽阔逋逃众多讨恶安善务保万全

○改铸添字巡抚湖广等处关防

○庚戌传谕兵部都察院朕览湖广巡按奏报楚宗崇仁輒敢聚众强劫董杠戕杀抚臣今又肆出反叛榜文好生悖逆着本省各官上紧发兵擒拿郟阳江西河南抚臣兵备南京兵部操江等官各相机发兵协剿毋得顾忌观望养成大衅一面榜谕各宗及城中居民毋得畏惧朝廷讨除恶人正以抚安善良不许滥及伤害

○大学士沈鲤入直奏谢

○升右谕德掌南京翰林院事刘曰宁为南京国子监祭酒

○辛亥起原任经略蓟辽兵部右侍郎孙矿为南京都察院右都御史 ○调辰沅兵备右参政董元学为下江防道右参议张应凤调补辰沅道

○调分守荆南道右参政魏养蒙分巡武昌道清军副使周应治补分守荆南道

○壬子准贵州土舍安大贵等就彼袭职不支俸从贵州巡抚郭子章请也

○户部尚书赵世卿请查核九边兵饷得旨九边费用甚大筹处极难今承平无事尚不能循守经制增加溢额其为混冒侵克何知览奏甚善卿宜通行各该镇督抚按等官备细查明裁定务与经制符合永远遵守汰二补一兵去费存明是毙寔着核实行各将领侵克数多的以侵盗边储论不贷南兵饷厚务须拣用不许滥收

○癸亥升尚宝司卿赵标为太常寺少卿提督四夷馆

○甲子 诚李昭皇后忌辰遣官祭 献陵

○已故湖广巡抚赵可怀男赵士直上< 〇〇〇 毓-金 >鸣冤 上悯其死事令查议优恤

○海西支帖等卫夷人三官儿等一百七十六名补进二十七二十八年分贡马三百五十二匹各给双赏绢钞如例

○大学士沈一贯等言总河李化龙丁忧已逾四月久留未代而河道一役必需总领之臣盖虽克舜在上不能遥断水事必使伯禹胼胝迟之岁月以责成功今所推李三才黄克缙曹时聘皆可用之才望简命一人庶不致妨明岁漕务留中

○泰宁等卫夷人升合儿等一百二十四名各备马匹进贺 万寿长至二节各赏衣服折给绢钞如例

○丁卯直隶巡按孔贞一题畿南水患异常乞行煮赈诏以太仆寺赈济余银分赈保蓟各三万两各抚按亦宜自设方略便宜处置尽心转输关津不许留难丰熟处所不许遏余违者参处以闻盖辅臣之请至是始行 上之欲恩威已出如此

○礼部< 〇〇〇 毓-金 >覆楚宗大变 上曰宗室有贤有愚这衅乱的必有民间棍恶乘机夹杂其分别擒拿处治一面榜谕善宗恪守礼法毋得奸党取戾以后各宗俱不许聚众褻体擅入公门把持嘱威制有司违者处治楚王着用心照旧整理八郡王协心分职绥靖所属毋仍玩纵

○戊辰大学士沈一贯言该湖广巡按吴楷报楚宗蕴珍□金等作乱情形内有告示欲杀假王下南京又有刻榜历数抚臣赵可怀党助亲王以假作真又妄指该藩行贿于 皇上又伪捏抚臣与书及伪传文书房索贿等情臣惟蕴珍□金之罪上通于天本不足辩然 皇上昭雪假王反诬为贿臣胡可不明言以宣扬之初华越< 〇〇〇 毓-金 >至 皇上一览即云三十年王岂可说假夫告妻证何足凭信此中外所共传闻不待会议而始发者也 圣心久定不移 宸断至公不爽群臣于此有对扬之不暇耳况可怀在远安所党助为哉至于臣时正乞身阖门不能出入纶命比至见朝事已大定又何庸党助也今伪捏可怀通臣书不知作何语不过以贿蔑臣耳夫蕴珍□金之奸尚敢以贿诬 至尊则其污臣何有尚欲弑亲王下南京则其蔑臣又何有独念臣今不言则煌煌 圣德为奸徒蔽天下万世何繇闻知眇眇微臣身蒙贪昧隐忍之名又何以参赞天讨哉臣用是扬言于朝一以表 皇上昭雪楚王臣下莫赞一辞一以表臣才言□剪德庸无能增重朝廷而镇安反仄宜早罢去伏乞将臣赐罢俾无预楚事而公与在廷之臣议兵进止评罪轻重 上曰自古奸人谋叛无不假借事端肆言诬蔑以图煽结人心抵释已罪何所忌惮昨言楚府一事朕心原自了然及下臣臣会议亦皆金同朕乃从公裁决与卿何干卿廉正忠谨朕所鉴知据奏不求自明而务宣扬大政传信方来甚得大臣之体军机至重尚须专精帷幄以赞庙谟何必引嫌求退所辞不允

○四川华阳县天鼓大鸣似雷非雷

○己巳吏部署部事左侍郎杨时乔题黄河从东北来顺而南则资运决而北则妨漕今据河臣揭行堤水高再溃单县决口北奔鱼台不辨牛马又南则决淮安之老堤西则河南大浸夫决在西南特民生之昏垫决在东北寔运道之咽喉胡可缓计且河已入鱼济之北境或不必要东也即东而昭阳湖不必任受也即东受而李家口不必尽南也先年张秋之决其殷鉴矣乞速点总河大臣以资防御谨题请旨

○癸酉升巡抚应天右佥都御史曹时聘为工部右侍郎总理河道提督军务

○甲戌升礼部主事彭遵古为尚宝司丞

明神宗显皇帝实录卷之四百二

明神宗显皇帝实录卷之四百三

万历三十二年十一月丁丑朔冬至 大祀 天于 圜丘遣官恭代

○戊寅免文武百官朝贺各官俱午门外行五拜三叩头礼三辅臣再诣仁德门庆贺赐上尊珍饌及烧割甜食有差

○己卯湖广巡按吴楷< 〇〇〇 〇〇〇 〇〇〇 >报叛宗就擒

○庚辰湖广巡按吴楷题楚宗大变查参失事官员章下吏部

○四川巡按李时华< 〇〇〇 〇〇〇 〇〇〇 >参左布政崔应麒总兵林侗不宜擅受安顺臣降以开夷衅殷鉴不远即在杨酋留中

○辛巳 恭让章皇后忌辰遣官祭 金山 陵寝

○壬午大学士沈一贯等揭催考定科道吴道行沈凤翔汪若霖朱一桂陈嘉训乔允升候考熊鸣夏周曰庠萧淳散馆王元翰吕邦耀曾六德袁懋谦宋焘王基洪陈宗契冯奕垣俱该吏部屡题未蒙俞旨朝廷培植人才欲其奋精鼓神以任天下之事士子观光上国亦欲乘时效力以毕靖献之忠而取之如异材置之如散木切为数臣惜之且同一行取同一馆选已蒙录用者或直金门或按所部得以奉恩光效尺寸久矣而独此数臣未沾一命 皇上如天雨露岂有偏遗特因一日万几未遑省察耳履长之庆师济充朝拔茅汇征正惟此际不报

○刑部覆叛宗已擒遣官会勘事奉旨逆宗既擒不必差官往勘就着湖广抚按鄢阳巡抚会集该司道于承天府公同勘审的确分别等第具奏以凭处分善后事宜及应叙人役俱着上紧奏来

○升文选司郎中马大儒为太常寺少卿添注

○先是宣大巡按汤兆京条陈边防二事一曰南山塌墙宜修一曰内外之禁宜严兵部覆上谷南山乃 陵京肩背之区一墙之外逼邻虏穴藩篱宜固御史言是从之

○癸未以 圣母慈圣宣文明肃贞寿端献皇太后万寿圣节赐辅臣金银万寿篆字黄红绫符及讲官周应宾等二员有差

○户科右给事中梁有年题为播水地界断不宜受安顺臣投献乞敕督臣王象乾

刻日遣还务持大体其勾引开衅之人行按臣李时华尽法处治以安夷心留中

○甲申祭 三皇于 景惠殿

○加云南按察使易以巽太仆寺卿致仕以分巡金沧道右参政孟绍庆补按察使

○兵部覆巡抚郭子章总督王象乾会勘播界务上不损国威下不拂夷情众论全同事情画一并将已退者果否可以建县设流清摊起科未退者今后作何输粮派马以及看守听调一并确勘改限次年三月以里具奏诏行与抚按官平心议定毋得参差贻误边计

○乙酉改刑部右侍郎董裕为左侍郎起山东左布政使沈应文为刑部右侍郎

○升通政司左通政周孔教为都察院右佥都御史巡抚应天地方督理军储

○升尚宝司卿李茂才为太常寺少卿仍管尚宝司事升礼部郎中李叔元为山东提学副使

○丁亥税监马堂请停天津河间等处米粮柴薪肩挑背负等税得旨此税前已有旨免徵以舒民困都着遵行

○兵部覆福建巡抚徐学聚等奏红番闯入内洋宜设法驱回以清海徼勾引奸民潘秀张嶷等均应究处 上曰红毛番无因忽来狡伪叵测着严行拒回吕宋也着严加晓諭毋听奸徒煽惑扰害□民潘秀等依律究处

○戊子大学士沈一贯等言本月十九日恭遇 圣母慈圣皇太后万寿圣诞乙巳之新历既颁甲子之周天期届臣等如获仰瞻 皇上圣颜致词称贺区区忠爱孝敬之意庶可少尽不报

○是日一贯等又言国制凡遇己亥年合两京六年官员考察明年正月期日已迫未有专官如吏部当有尚书及右侍郎与考功郎中左侍郎杨时乔恳以为请都察院当有掌管河南道御史七月内都察院緼纯以御史吴达可请已得赐允但吴达可从江西巡按入京复命例有回道一旨尚未蒙发何敢管事伏冀俯允庶令察事有着臣等又惟国家设立御史巡行天下察吏安民以为非绝私务公聚精会神不可故不许带一家眷即音信亦断绝不通其事权虽尊而拘束亦甚止可一年一换非宜久留不代也今报满未代者甚多如浙江吴崇礼苏松马从聘河南方大美陕西黄升甘肃杨文< 卅 涇 > 山东严一鹏淮扬高扳枝广东林秉汉河东曾舜渔山西汪以时四川李时华应天曹楷广西沈裕或郁久而卧病或病久而溘亡岂惟拂于人情实乃大妨国事故各差御史纷纷日来告代甚至告病甚至乞休又甚至弃职竟归不复顾官者臣愿 皇上将各代差本章以时赐发未报

○推武举第一名张神武为四川都司军政佥书

○辛卯升翰林院简讨朱国祯为南京国子监司业

○癸巳大学士沈一贯等言本月十九日恭遇 圣母慈圣皇太后圣诞臣等备员近辅目睹熙辰拟于是日恭诣 慈宁宫门行五拜三叩头礼以祝 圣母万万寿随诣

仁德门行五拜三叩头礼以贺 皇上奉 圣母万万寿

○是日谕内阁 圣母慈谕予今六十延龄实乃 祖宗默佑洪休 奉先殿 祖宗神位前遣官行祈谢礼

○兵部题赏夷布查历年买一十三万八千三百七十三疋今改买山东粗布加一万三千二百九十二疋每布三千疋为一车计布填车其赴苏杭应用船只廩粮马匹亦酌填勘合不许阻难及委官夹带需索从之

○甲午 孝惠皇后忌辰遣官祭 茂陵 孝烈皇后忌辰遣官祭 永陵

○乙未谕内阁朕览卿等奏揭恭遇 圣母六袞诞辰请朕临朝受贺但朕日前恭诣 圣母陆座躬率后妃嫔御并皇太子诸王公主及合宫六局女官内官祝寿行庆贺礼祇奉 慈谕面传尔纯诚孝养予心嘉悦惟欲简便节省劳烦其庆贺宴享诸礼俱免朕钦承 面谕敬遵传行思得 圣母免行庆贺诸礼朕岂宜临朝受贺御门暂免

○是日辅臣诣 慈宁宫门仁德门叩头庆贺遣司礼监太监田义等府酒饭赐金寿松枝有差仍颁赐上尊珍饌

○丙申以 圣母万寿节 奉先殿行祈谢礼

○戊戌湖广巡按吴楷题叛宗既获省会稍宁乞止各处调兵并分布本省兵防守从之

○兵科给事中田大益题播界不决衅端日滋请即日遣回安顺臣其取予哀益统惟 圣明独断留中

○己亥以 圣母六十寿诞加武清侯李文全岁禄米一百石长子李诚铭升都指挥同知次子李诚钜升锦衣卫正千户

○兵科给事中孙善继< 〇〇〇 〇〇〇 〇〇〇 >参宣大总督杨时宁不职宜致仕总兵梁秀宜角〇羊任听勘留中

○庚子大学士沈一贯等言比者恭遇 圣母万寿 皇上躬修孝养之礼一切章奏多留未下臣等窃惟 圣母之心无一日不周于天壤存于 宗社孝经谓德泽加于百姓广爱刑于四海乃 天子之孝伏冀 皇上加意而率行之以承 圣母之欢心臣等此月内有揭帖数通不知曾彻 圣览否伏乞采行并将各衙门章奏时赐查发未报

○辛丑户部言揀荒之法止平糶煮粥二事所前银已堪煮粥之用至平糶应通行顺天发通仓粮六万石保定发通仓粮二万石河间发德州仓粮二万石有司自处脚价领回平糶每石定价六钱粟米五钱事完将糶过银两角〇羊部一发京仓二十万石平糶每石价六钱五分每人止许五斗或一石止 上曰畿辅百姓饥荒流离深切悯痛发仓平糶等事俱如议行各省直令动支角〇羊京银两和买前来接济通商开纳多方招徕有成绩者酌量优给

○癸卯铸给宁夏河西镇城东路西路中路各管粮同知关防一颗

○甲辰漕运总督李三才< 〇〇〇 〇〇〇 〇〇〇 >报税监陈增病故 上曰陈增既病故所

收见在税课并一应钱粮方物俱著抚按委令兵道等官公同查明封记角□羊进如有乘机偷窃隐匿者缉拿治罪毋累无辜以安地方其原管矿税等项准著归并内官□禄不妨原务比照仪真题准事例兼管督理

○兵部题朝鲜国王将该国外洋二次所获被掳人民及同船倭蛮男妇五十五名口角□羊送中国听候处分审得久石门等既称贸易被获釜幕游魂不足以膏斧钺合无查照旧例分角□羊蓟镇宣大山西各军门分发各将领收真效用温进等既称华人有言贩卖下海遭劫有言钓鱼被掳合角□羊闽抚详查明确安插复业报可

明神宗显皇帝实录卷之四百三

明神宗显皇帝实录卷之四百四

万历三十二年十二月丁未朔以五军营副将朱绍庆为南京左军都督府佾书管事

○罢紫荆关参将朱国忠以原任湖广都司按臣吴楷劾其兵事不修怯于应变故也

○兵部等衙门覆奏甘镇永宁地方达虏长驱肆行抢掠指挥王秉公守备全疏应遣戍游击卢养正甘心隐匿应革任回卫参政张蒲阅视去任参将冯时等策应微劳可赎应免究从之

○湖广巡抚梁云龙题逆宗渐次就擒楚府安堵如故请乞法官会问 上曰逆宗既擒抚按遵奉前旨会官详鞫奏来法司定罪朝廷宪典森严抚按系钦差官能一一钦遵行事纲纪自然整肃何得畏避豪强又请法官徒滋烦扰其通行各处抚按以后务正身持纪毋托词推事以致启侮召衅

○山东抚按黄克缵等奏鲁王寿鋹衡府高唐王翊镶各孝友乐善 上命赐敕具礼奖励仍著为令

○予原任湖广巡抚兵部尚书赵可怀祭葬

○戊申予原任偏沅巡抚右佾都御史江铎祭葬准照特恩例给与以平播靖苗功也

○己酉 慈孝献皇后忌辰 奉先殿行祭礼

○革白马关副总兵杨廉原任石塘路游击张鯨任行巡按御史提问以增赏媚虏督抚蹇达等参也

○庚戌礼部题朝鲜国王李昉内修职业外严防御一月之内连获漂海人船归我华民并角□羊倭奴以听处分益见忠顺相应从重褒奖 上赏其恭诚赐银锦表里写敕奖励获功官军押角□羊陪臣书状等官俱照例给赏

○太仆寺卿王明言顷见光禄寺卿王守素题为寺帑殫竭奉旨借户部银三万两太仆寺银二万两查照光禄太仆衙门钱粮各有正项支用毫无干涉该寺不为朝廷节费催逋乃侵渔马价马政不修何以为军军容不肃何以为国乞行兵部查议米盐之费

士祭葬守士山东齐河人丁丑进士历任部曹知府藩臬升右副都御史巡抚大同考满加兵部侍郎以病归部覆本官实心实事任怨任劳备守久谙地利张弛允协輿情应给祭葬如例从之

明神宗显皇帝实录之四百四

大明神宗范天合道哲肃敦简光文章武安仁止孝显皇帝实录卷之四百五

万历三十三年正月丙子朔 上不御殿免称贺百官照例于午门前行礼辅臣沈一贯沈鲤朱赆诣仁德门叩头赐上尊珍饌 罢百官宴 赐节饌钞锭 皇太后免命妇朝贺 巳时有男子赵应元上午门楼出语诞漫巡视给事中孙善继获之以闻不报丁丑巡按直隶监察御史张似渠奏奉旨拨给 福王府贍养庄田二千八百一顷九十一亩徵银六千五百八十四两报闻 戊寅 宣宗章皇帝忌辰命武进伯朱天爵祭景陵 庚辰虏酋银定歹成纠众犯甘肃镇番卫总兵官达云遣副将柴国程等击败之斩首虏二百有奇获马驼夷器甚众 壬午时享 太庙命英国公张惟贤代 遣官祭太岁月将司户之神 癸未命礼部主事熊尚文赍敕及羊酒彩币奖励鲁王寿鋹及衡府高唐王翊镶 甲申工科给事中胡忻言献岁发春 宸情悦豫闻三山台基二厂鸠工运材起架鳌山以备游赏而 皇太子宫及 福王府第亦皆继起我 皇上宫庭父子间对时抚景娱目快心猗欵盛矣而小民为矿税所困为中使参随所鱼肉辇毂之下物耗价腾畿辅之间析骸易子江之南北山之东西无地不流离无人不怨苦诚于此时急下明诏一切报罢则涣号风行欢声雷动太和大顺洋溢俄顷我 皇上宫庭父子之乐无有郁而不鬯之处矣不报 乙酉总理河道少保兵部尚书丁忧李化龙奉旨查勘两年河工失事缘繇大约三十二年之决丰先单后丰之失失于巡守之不严单之失失于下埽之不早而总之则三十一年苏家庄之决酿之也苏庄之失或谓先淤后决或谓先决后淤南直山东交相推诿第查新河放水数日即有刘肃等口之溢非下壅胡遽有此则开挑不如式之罪南直任之水已南行三月因堤防不固始有苏家庄之决非上溃胡为使然则堤护不如法之罪山东任之然而补苴多劳 陵运无恙功过亦有不相掩者在事各官除黜降物故不议外见在郎中刘不息参政来三聘同知张执刘崇正计仲誉知县戴一松相应分别罚治而臣更有说者年来缓于堤防急于挑浚及至堤坏水溢尚不引咎于守堤之不力而且诿罪于浚河之不深则何不取河势观之也河北岸自曹县以下无入张秋之路南岸自虞城以下无入淮之路惟是向来运道繇徐邳以达镇口故河北决曹单丰沛间则繇昭阳湖出李家口而运道溢南决虞夏徐邳间则繇小河口及白洋河而运道涸今泇河一成自直隶以至夏镇以三百六十里之迂途易而为二百六十里之捷径此后黄河在山东直隶间能系运道之命脉者寡矣独朱旺口以上决单则单为沼决曹则曹为鱼与夫丰沛徐邳鱼矲数十万生灵总悬命于遥遥之一线则堤防亦何可缓也至于中州有更重者荆隆口铜瓦厢等处皆入张秋之路也孙家渡野鸡冈及蒙墙寺等处皆入淮之路也一不守而北坏运南犯陵又岂直一城一邑之利害已

者故堤防固则上无泛滥下必顺流不固而下虽通行上必旁夺此一恒人能辨之而何持议者之纷纷也前年水行堤北则曰昭阳湖不能容水水且倒灌矣昨岁水分堤南则曰新河不能容水水且倒灌矣倒灌之说兴筑塞之事缓卒之堤土口责河淤水之取道昭阳湖而南者自如夫安见其到灌也则又河不取地势观之也自来旺口繇蒙家楼杜家楼以至小浮桥上下相较可低三四尺北高南下居可知矣若水入新河两两分行纵伏秋暴涨不过溢岸而止岂能自卑趋高自下趋上哉故上堤诚守则河必在朱旺口上下亦其自然之势也又何倒灌之足患也倒灌之说原为失堤者逃罪之地乃其毙也人心不定人力不齐延缓失机逡巡待变甚者持阴阳之说以求两中操纵横之权以求两合卒使河臣疲于奔命而河事坏于多歧则以不明于地势与河势而冥冥决事者之过也请西自开归东至徐邳必无不守之地上自司道下至府县必无不守之人在府县掌印官必与管河佐贰同其赏罚在地方守巡道必与管河司道同其功罪庶人人任事自不得分藩离人人着肩自不得腾口说其有怠事隳成而巧辨自文以图分功驾祸者重加参治勿事姑息下工部覆如议得旨刘不息等各罚俸半年仍行新任总河严加申飭违者不时参治 丙戌 孝恪皇后忌辰遣官祭 永陵 吏部左侍郎杨时乔疏请钦定京察日期及命别部大臣署印管察 上以时乔署铨事就着管理察务不必推让从阁臣沈一贯议也 大理寺左评事姜志礼奏本月初十日臣同刑部主事陈国是暨提牢主事顾自植相视得已死监犯毕喜秋等一十五躯臣等相对凄其谓累囚物故何若是之多也夫一日如此积日何极春和长养之时如此凄风苦雨炎威疫病之日何极贯城一处如此九州四海灾沴凶荒流离展转于沟壑者何极事在辇毂至尊轸恤于上司寇暨诸曹郎照拂于下者如此穷乡下邑岩关荒塞矿税之所罗织貂珣之所攫噬含冤而毕命者又何极 皇上但见春光明媚景物熙和对之觉有余欢而恶知伤心惨目之状固自不一而足臣愿 皇上俯垂矜侧于凡诏狱人犯情罪可原者亟行开释见问未结者早与辨明勿致淹淹毙狱上干天和又愿 皇上俯垂矜侧遍及天下愁苦无聊之众特赐赈蠲尽除矿税勿令诸臣使窃弄威柄纵诸亡命鱼肉口民亏损至德将世跻仁寿而国脉长矣不报 丁亥以建修 祖陵碑楼命辅臣传示该部及经管官并工营建以慰孝思一贯等因言祖坟工程重大尚书姚继可两目皆盲百体都废乞身之章凡三十余上乞赐矜允以便另推不报 戊子准山东一省矿税方物等项银两照抚按议定额数令有司角口羊送兼管内官暨禄处类进 己丑巡视光禄科道梁有年等循例年终查核未完钱粮因言岁一查参岁复拖欠旧逋未了新逋继至前积后壅迄无完日此非查参之不严以考成之项拖欠银两遵照严旨查将经管官员分别议处并自今以后专责州郡长吏以便考成本年寺额务要完至十分其递年积逋分为二起带徵近年者限三十三年内远年者限三十四年内截数全完得旨着该部看议行

○庚寅上元节罢百官宴

○辛卯工部言万历二十七年内织染局题办 皇长子等位婚礼袍段本部查得

万历九年传造之数尚有未完万余疋今当钱粮匱乏而吉典举行在即议将未完前段不论已织未织尽数扣作婚礼项下角□羊进应用俟今次传造完日仍将旧传未完照数补织覆奉钦依遵照在卷近据该局揭开 上用袍段一万六千余套疋又婚礼段九千六百余套疋比诸原欠遂增一万五千之数昨内库新派改段一十八万余疋虽蒙圣恩宽减一半计费尚须数十余万东南财赋搜括已尽久困之民那堪剥削即云臣部原议补织则应补之数止万余疋且 旨以新派完日方补何乃不候通完又不照原欠之数任意增加恣行传补年复一年事多一事供亿之苦何所息肩乎仰乞俯念时艰准将原欠万余疋照旧补织其余新增之数俱行停免以宽民力 上以进赐急需着仍分十运织角□羊

○壬辰 英宗睿皇帝忌辰 奉先殿行礼遣恭顺侯吴汝胤祭 裕陵 ○先是广东税监李凤横恣斂怨潮州府推官姚会嘉署府事每与争执凤深憾之值会嘉以事入省遮而辱之通衢仍率众拥至其署会百姓千余人号呼赴救乃得释而会嘉遂杜门求去总督尚书戴耀巡按御史林秉汉上其事乞切责凤以安会嘉不报

○癸巳巡青科道梁有年等奏京粮一项专供御马等仓场料草价值通计每岁出入之数约略存剩十万有余是以先年所积至百有余万自万历二十六年以前东征西讨借支殆尽今又那凑边饷十余万矣至应给□人预支及买办过价值反致压欠所当严行禁绝令岁有赢余以待不时接济断不宜以太仓而靠京粮久假不归举 祖宗另库积贮之法渐灭无余也又节年会估价值多寡不大悬绝近因水灾重大菽草无收市价腾踊是以臣等所估比之往时有增四分之一有三分之一甚至特加一倍者盖缘灾变非常 皇上且发帑金免房号平糶京通仓粮以拯救之况此供役各商安得执泥成规驱之逋逃也今后岁事稍丰价值自应照旧但勿令借口引援为耗财病国之窦可耳下户部覆议从之

○甲午革四川遵义兵备左布政使崔应麒任回籍听勘禠原任遵义兵备参议徐仲佳及遵义府通判邓弘烈职辱总兵官林桐俸二月先是播地既平清疆议起屡敕两省会勘累年不决督臣王象乾以遵义民罗学茂等向在水西熟知疆事令千总周世禄询之学茂与其党熊守学等述卖界侵地状历历有据因共留麾下与谋议学茂遂与守学及王应学等计画往来诱致宣慰安疆臣弟顺臣以献还侵地为名携众四百人及西民七百余房来归疆臣勒兵追之且言学茂等诱致状蜀按臣李时华捕学茂及应学下狱搽其家得一切往复手札及先今道臣谕帖并通判邓弘烈书遂< 〇〇〇 毓-金 >劾应麒弘烈比昵奸人生衅酿祸林桐职外阉举动周章且引先年吴洪之变及知府刘安仁之投缳知县萧鸣世之被逮与近日奢崇宁之冒袭画谋造意种种皆学茂等所为而刘安仁之死则仲佳与有力马亦应追论并乞严谕督臣处以虚公行以易简无避弃地之嫌致为群小所中< 〇〇〇 毓-金 >下兵部会吏部都察院议麒清望素著候勘明议处仲佳弘烈革职桐罚治学茂等听御史尽法究拟并奢崇宁事一并查明具奏安顺臣拒回

责疆臣加意抚恤不致伤害并西民七百余房安插故也其地界事各捐成心拟议妥确勒限奏报毋得再渎从之

○乙未给北虏顺义王扯力克并各部夷酋年例贡赏差官赴边宴给并准修贡虏官及未授职夷人升袭有差

○四川巡按御史李时华言故事吏部司官两广云贵共一员吏科右给事中梁有年奏为四省一员为数太隘欲于四司十四员之外增置主事一员以待云贵官之相应者俱未奉旨迄今三年有余前缺尚悬未补臣窃惑之夫铨司之随地置员非备官也盖一之官评吏治一省之人闻见必真 祖宗创制立法原有深意至于两广云贵共置一员多因先年风气未开人文未盛年来渐染 圣化风气大开比隆各省角□羊额渐增制科接武选馆行取未尝乏人则科臣所谓设官分职宜令四方宽然各尽其材不宜使一隅有偏枯之叹请广新额增置一员俾云贵共之所费无多所关者大< 〇〇〇〇 铨-金 >下所司

○丙申巡抚贵州右副都御史郭子章奏辞播功加恩以有成命不允

○巡按宣大御史汤兆京奏臣按属宣府大同名为两镇实系弹丸东西仅七百余里南北有不及二百里者设立州县一十有四额派税粮通计十万有奇比之腹里不当一大州县且地皆砂碛夙号战场而拱护 陵京今称重镇数年以来税监既有张烨矿监又有王虎王忠而虎之贪横特甚已激成广昌之变矣及今一切罢免诚为大幸即不然包派已有定数地方诸臣自能了此或径令两镇起斛或归并税使一人实为省便< 〇〇〇〇 铨-金 >入不报

○丁酉朵颜等卫夷人兀赤等一百六十九员各进贡马匹补贺三十二年长至令节如例赐宴并赏给折绢银两衣服等物

○先是巡漕御史孔贞一以运军行月二粮及安家银两多为运官截留以充各衙门委官书办仓攒门皂及经纪脚夫囤头歇家等费剥军惠奸甚非法纪特< 〇〇〇〇 铨-金 >奏间仍列款送部查访汰革随经总督仓场侍郎激应乾通行各监督司官议称仓役之徵贿于运军以能挟其短长运军之纳贿于仓役以能覆其瑕衅使在运官旗果无盗卖插和浥湿等弊何畏何求而俛首输贖皇皇恐后也而运官假借名色取以自润者盖亦有之谓宜严杜痛惩与之便始即明谕各军以诸仓已禁绝使费矣但须照依原兑如法上仓无复听信运官巧行科派仍竖榜刻册永久遵行该户部覆看如议从之

○戊戌吏部左侍郎杨时乔以考察庶官自陈乞罢仍请改命别部大臣署印管事诏时乔用心管理不必辞

○都察院左副都御史詹沂左佥都御史赵士登各以考察自陈乞罢敕用心协赞不必辞

○己亥革辽东备御王完尧李可遵任宗尧行巡按御史提问具奏仍命以后武职犯赃参提者不营求荐录

保南京刑部尚书赵参鲁南京工部尚书范仑南京吏部右侍郎叶向高南京兵部右侍郎臧惟一提督操江兼管巡江南京都察院右副都御史耿定力南京通政使赵钦汤南京太常寺乡张鸣冈南京光禄寺卿徐大任南京太仆寺卿林烜应天府府尹李尧民南京国子监祭酒刘曰宁各以考察自陈乞罢命俱供职如故

○总督陕西三边少傅兼太子太傅兵部尚书李汶总督宣大山西太子太保兵部尚书杨时宁总督蓟辽保定兵部尚书蹇达总督两广兵部尚书戴耀总督川湖贵州兵部左侍郎丁忧王象乾总理河道少保兵部尚书丁忧李化龙巡抚顺天兵部右侍郎刘四科巡抚保定右副都御史孙玮巡抚江西兵部右侍郎夏良心巡抚南赣汀韶兵部右侍郎李汝华巡抚湖广右副都御史梁云龙抚治郟阳右副都御史候代胡心得巡抚山东右副都御史黄克缵巡抚辽东右副都御史赵楫巡抚陕西右副都御史顾其志巡抚宁夏右副都御史黄嘉善巡抚甘肃右副都御史徐三畏巡抚广西兵部右侍郎杨芳巡抚云南右都御史兼兵部右侍郎陈用宾巡抚贵州右副都御史郭子章各以考察自陈乞罢诏时宁致仕象乾化龙在任候代心得先奉旨改南即与补用余俱供职如故

○原任南京工部右侍郎今起刑部右侍郎沈应文原任总督蓟辽保定右都御史兼兵部右侍郎今起南京都察院右都御史孙矿巡抚应天右佥都御史今升总理河道工部右侍郎曹时聘各以考察自陈乞罢命俱遵旨到任不允辞

○壬子铸换巡按京畿关防一颗

○癸丑辽东总兵官宁远伯李成梁以八十引年乞罢 上温旨慰留之

○甲寅 孝贞纯皇后忌辰 奉先殿行礼遣南和伯方<■火节>祭 茂陵同日祭 三皇于 景惠殿命侍郎李廷机行礼

○巡抚大同右佥都御史张悌言先是矿使弗戢致有广昌之变矿监王虎屡<■距 毓-金 >控辞亦知边民之难堪也况臣属五州县岁包矿课四千五百两铺垫火耗等项五百七十余两业有定数归并税使为便又税监张焯先报清丈牧马草场地坐派大同银九千两查本镇牧地仅一千二百余项原徵银二千二百三十余两充军饷贴站支用今改充子粒加至四千两犹有说也若养廉屯田余地一千七百九十余顷徵银一千三百九十八两系题充抚赏正数者原非牧地亦改子粒且加至五千两抚赏失额何处以之乞准豁免不报

○乙卯总督陕西三边少傅兼太子太傅兵部尚书李汶以七十引年乞罢 上温旨慰留之

○丁巳予原任兵部左侍郎许孚远原任南京兵部右侍郎王元敬各祭葬如例

○予戎政尚书王世扬母赵氏河道总督李化龙母吴氏各祭葬如例仍各加祭一坛

○戊午巡抚江西兵部右侍郎兼右佥都御史夏良心卒良心字宗尧直隶广德州人隆庆辛未进士授刑部主事告改南兵部以忧去复除刑部历湖广佥事山西参议浙

为有间姑准三十二年暂折五钱向后仍以七钱永折不得议减从之

○庚辰升刑部郎中严正邦为江西广信府知府

○辛巳吏部催考察庶官< 銜-銜 >得旨科道乏人浮躁不及的姑留用其余各致仕降黜如例

○吏科河南道各以考察拾遗论劾兵部尚书萧大亨刑部侍郎董裕太仆寺卿王明南京户部尚书张孟男两广总督戴燿云南巡抚陈用宾浙江巡抚尹应元原任兵部尚书田乐原任南京兵部尚书邢玠原任福建巡抚金学曾太常寺少卿倪思蕙太仆寺少卿袁九皋左中允区大相礼部主事田大年兵部主事沈朝焕工部主事王建屏各不职宜罢 上曰萧大亨邢玠有大功且奉有明旨岂宜论列大亨及孟男裕俱留用玠及乐候起用燿用宾思蕙策励供职应元调南京别衙门九皋调外任学曾明予致仕大相等下吏部覆大相调南京别衙门余各降一级调外任

○是日谕吏部都察院朕览今大察各官本内科道两衙门不称职的甚繁岂皆不肖内必有徇私之弊因忿恚以洩之者有之因结党以去之者有之欲竖权以挟人者有之欲立威以制人者有之不然何乃如此朕不得无疑且大察朝廷之钜典非以公济私之案牍大臣当以尊君体国为要以详慎休容为美今次已有旨了尔大臣务各去成心同寅协恭共济时艰以成平明之治

○壬午内织染局开机命侍郎李廷机行祭告礼 ○南京吏科河南道各以考察拾遗论劾南京总督仓场尚书王基宣大总督杨时宁两广总督戴燿云南巡抚陈用宾浙江巡抚尹应元原任兵部尚书田乐原任辽东巡抚李植原任湖广巡抚支可大原任福建巡抚金学曾太仆寺卿王明原任南京光禄寺卿陈洙原任南京户部郎中金待取原任南京户部主事谭好善原任南京刑部郎中颜洪范原任南京工部郎中刘冠南各不职宜罢< 銜-銜 >留中

○代王鼐匀奏庶宗南庄不孝内乱诸恶状敕部院覆议具奏

○癸未拟升俸深博士中书行人及知州推官知县等官陈以圭洪翼圣等一百四十二员为户部等衙门员外郎等官先是行取久格内外各官有积俸至八年以外者吏部以劳逸不均选法壅滞乞将俸深各官开单咨访先拟两京部寺职衔陆续填补管事其台省需人即于此中考选 上可其议故有是命

○予原任兵部左侍郎许守谦祭葬如例

○以故监军征播右参政张栋庶一子智寿承荫

○宣大巡按汤兆京论劾参政郭士吉诸贪横不法状下吏部覆议以士吉素负才名姑照不及例降三级调用

○乙酉兵部尚书萧大亨刑部左侍郎董裕各以拾遗留用引疾乞罢命即出视事毋得再辞

○靖江王任晟奏宗幼经言□丘经言□戍窝盗行窃敕法司勘议具奏

○丙戌吏部言本部司官周历四司挨次迁转法所从来盖有四便一则备尝诸务以资谙练一则随时更调以济缓急一则先简后繁驾轻就熟且无劳逸不均之叹一则资序有定班行不紊以免凌躐抑处之嫌后因条陈疏及谓主事当注定员缺俾精专一司之事意非不善乃顷者京察事迫功司乏人因而傍借而文选主事久缺每遇大选俱以别司代之揆之事体人情终非妥便以后仍照旧调转不得注定一司从之

○丁亥太常寺添注少卿倪思蕙以奉旨策励供职奏乞休致不报

○戊子 武宗毅皇帝忌辰 奉先殿行礼遣官祭 康陵

○吏部都察院会奏臣等恭奉 圣谕不胜战栗查嘉靖以来察处科道官数目颇多近如万历二十一年科臣七员道臣十员二十七年科臣五员道臣九员当时已因各官多缺为数大减今次科道人数大约视二十七年不远而议处者科臣祇四人道臣祇七人皆参质众论矢公矢慎不敢苛求今蒙 圣谕严切臣等伏自循省有一于此即为人臣不忠之甚者臣等其何敢焉惟是臣等之不职不称任使亟宜罢斥伏容另请 上曰既矢公矢慎何须喋喋宜各安心供职不必陈扰

○准两广总督戴耀奏广东惠州参将杨应光仍补五军营参将

○四川总兵官林桐引疾乞罢下兵部覆议许之

○革神枢营参将蓝芳威神机营游击孙光前蓟镇镇虏关参将刘翰纓墙子路参将张继业陕西高台游击麻济邦任各回卫继业听调济邦永不叙用翰纓行巡按御史提问以贪庸不职为科道抚按官所论劾也

○己丑礼部右侍郎兼侍读学士唐文献卒文献直隶华亭人万历丙戌廷试第一人授修撰己丑充会试同考甲午二月充

皇长子讲读官乙未再充会试同考丙申升右中允丁酉升右谕德己亥纂修 玉牒升右庶子辛丑复充会试同考升少詹事癸卯升詹事充 东宫侍班官寻升礼部右侍郎掌院事甲辰会试主考教习庶吉士至是卒于官文献学术纯粹有经济之略执经储邸多启沃功厥施未究物论惜之徒以清正不阿见嫉首揆以三品未考满予一祭半葬既而吏部覆请赠礼部尚书礼部乃拟加祭一坛补给全葬天启改元类题谥文恪

○庚寅命司礼监太监田义会总督戎政泰宁侯陈良弼署协理戎政兵部尚书萧大亨巡视御史李楠阅视三大营将领等官分别赏赉及罚俸降黜如例赐良弼等羊酒有差 〇工部尚书姚继可以两目俱废乞休之< 〇〇〇 毓-金 >凡三十六上不报至是扶掖诣文华门拜< 〇〇〇 毓-金 >号泣以请辅臣沈一贯等亦以为言 上曰目今大工并兴继可任职司空经年推托不出官守奚存今又狂躁若此殊非大臣之体姑不究仍候旨行

○辛卯御史杨廷筠言伏奉 圣谕以科道乏人浮躁不及的姑留用其于侍从之臣亦既知爱惜矣于匮乏之状亦既知体念矣第寥寥数人何济于用臣不敢远求行取但据吏部屡< 〇〇〇 毓-金 >所请如起复候补者九人庶吉士散馆者八人起复候考者

○行人刘宗周< 〇〇〇 毓-金 >乞终养下吏部覆议许之

○癸卯以殿门工程采石命通政使沉子木行祭告礼

○直隶巡按御史张似渠陕西巡按御史杨文< 〇〇〇 卅涇 >各以考察留用引疾乞罢不报

○甲辰以漕粮起欠数多把总指挥百户等官刘云龙等十员各提问追补降调黜革如例

○以神机营参将郑国珍为巡捕营右参将贵州抚院中军刘岳为四川漳腊游击蓟镇马兰路参将王怀忠为辽东开原参将河间游击刘国光为山西太原参将大同镇羌堡守备杨茂春为蓟镇沈阳游击南京大教场坐营卢志濂为神枢营游击山东德州卫指挥祝世泰为辽东蒲河备御河南弘农卫指挥王家栋为甘肃金塔寺堡守备甘肃红崖堡守备马如豸为蔡旗堡守备云南洱海守备纪朝元为山东即墨守备

○福建抚按徐学聚方元彦以加派段疋工料无措请照例扣留工部三司料银< 〇〇〇 毓-金 >下所司

○原任户部右侍郎庄国桢卒国桢福建晋江人嘉靖壬戌进士知会稽县事选授户科给事中升浙江佥事江西参议广西副使调江西提学副使升广西参政广东按察使云南右布政广西左布政丁忧复除河南戊子升右副都御史巡抚江西庚寅升南京刑部右侍郎改北户部旋以忧去至是卒诏予祭一坛减半造葬

明神宗显皇帝实录卷之四百七

明神宗显皇帝实录卷之四百八

万历三十三年四月乙巳朔时享 太庙命英国公张惟贤代

○遣官祭 司灶之神

○丙午裁革陕西同州判官镇原县县丞狄道县摩云岭巡简安定县巉口巡简各一员

○山东抚按言青州原设马步壮快九百七十四名以管操指挥统领嗣因地方多事设立守备至万历二十五年倭氛孔棘增兵四千余名改设游击一员而移守备于安东今事定兵减除旧额壮快外在青州官兵止六百七十余名在安东石臼营止七百五十余名宜裁游击而存原设之守备俾兼摄安东石臼事务平时则并集青州随营训练讯期则拨兵防海以千总统之至于游击既裁则中军可无用而两营既并千总亦各裁其一所省弃粮悉免编派其新兵共一千四百余名犹属过多苦老弱必汰事故不补限以三年裁去七百余名止存六百名亦足防御下兵部覆议游击员缺免推安东守备何式即移驻青州余如拟

○丁未湖广抚按梁云龙胡心得吴楷会奏楚藩善后事宜命礼部会府部九卿科道集议以闻

○以顺天府通州管河同知改兼土坝专督通粮事务管粮判官改兼石坝专督京

粮白粮事务俱选用正途三年之内果贤能称职咨部优转

○故刑部尚书刘自强男懋武为其母李氏奏乞祭葬礼部查无祭葬之例止应祔葬从之

○戊申礼部会府部九卿科道议覆楚王华奎奏乞严敕申飭约束诸宗仍遣法司重臣一员赍往以示郑重得旨待会议善后事宜妥确一并酌议来行

○己酉东虏酋首宰赛诱杀庆云堡备御熊钥及拆毁墩台戕擄军役督抚按连 < 距 铨-金 > 报闻并酌议剿处兵科都给事中田大益因言宰赛父伯言儿先年诱杀备御王凤翱止议革赏未及捣剿失事各官亦止革任罚俸而已虏日骄将日玩是以复有今日之事况各边诸部所在生心处置失宜祸患立至乞敕该镇厚兵密谍期一大创失事各官严行勘核悉从兵律庶边事可复振耳下兵部覆议得旨宰赛着停革市赏行该督抚镇道相机处置失事将领并有无隐匿事情巡按官查明具奏

○山东抚按言皇天降割河伯为祟自三十一年王家口大开坚城集未竣上通下淤而苏家庄大决则全河北徙鱼台一县沦为水国矣十五社之地存者一舍有余八千余顷之田存者不及千顷而环城之水高于城者二三尺堤防垂坏旦夕不支议者遂欲将县事改并他邑田粮派之通省诚不得已之计也臣等不忍以 祖宗数百年旧封一朝遽弃苦心搜括得东兖二府所属无碍库银五千三百八十余两穀一万三千五百八十石代完三十二年钱粮又发司库银六千二百两州县穀一千二百三十石令其修堤寓賑或可图存而今岁之事又不得不为曲处也除兑军本色米一千一百石议于临德二仓拨运外通计该县起存钱粮一万八千四百五十二两零臣等再三酌议将兵饷驿马河夫等项量为裁免并议裁训导二员通共减去银一千八百八十一两有奇又令该县官于见存社余之地履亩收租计丁责税约得银三千五百七十余两尚欠一万三千两于去岁莱州参将下汰去兵饷银内代为起角口羊明岁以后水退与否又当再为之计矣然处鱼台之钱粮易处济宁州单县之钱粮难盖济单二处之被水其害不大减于鱼台然鱼台小而济单大少者易措多者难图也臣去年搜括司府州县银穀共得银九千八百一十二两以助济宁至单县仅发八百七十四两而各处之帑藏竭矣今岁兑军漕粮在济宁六千五百石应免三分之一单县二千石应免十分之四免者于临德二仓拨运其余未免及临清仓粮俱照被灾八分以上事例每石折银五钱俟水退地出另为徐议其起存折色银在济宁四万一千八十七两零除见存地亩及人丁内徵派外应为代处银一万二千两在单县三万五千二百七十余两除派徵外应为代处银一万三千两此二万五千两者于司库颜料派剩及盐钞支剩银内动支一万两其余亦于汰去兵饷银内通融凑给下户部覆议从之

○庚戌 感思殿兴工命光禄寺卿王守素行祭告礼

○改命陕西巡按御史黄升提督南直隶等处学政命御史杨廷筠巡按苏松以陕西茶马御史史学迁带管甘肃巡按

○以云南土舍罗万象袭土知州职衔仍不世袭

○赠已故湖广巡抚赵可怀为太子太保荫一子中书舍人

○以修完冲堡工程参将李高等行总督衙门分别赏赉 ○辛亥刑部会府部九卿科道覆议楚宗罪状得旨蕴□金□□□等二名处斩华隽等三名及二等内华土□沂勒令自尽英嫖等二十三人押发高墙禁锢蕴钊等二十二人及四等内华潘定熙常净革去封爵分发远府闲宅禁住蕴弥□金等十五人降爵一等革禄二年未封者俱不准封余如拟

○壬子升少詹事杨道宾为礼部右侍郎兼侍读学士掌院事黄汝良为礼部右侍郎兼侍读学士协理詹事府事各教习庶吉士

○刑部左侍郎董裕九年考满升本部尚书仍管左侍郎事

○起原任广西僉事甘雨为贵州提学僉事以巡抚郭子章奏荐也

○升蓟镇副总兵李光先为镇守江南副总兵延绥永兴堡守备王杲为河间领军游击蓟镇古北口参李为顺天巡抚中军江淮把总吴三省为南京小教场坐营贵州安庄卫指挥鲁重礼为云南洱海守备万全都司百户王国柱为宣府新开口守备陕西榆林卫千户邓茂材为甘肃镇羌堡守备南直隶建阳卫镇抚金文光为坝底守备南赣所镇抚冯邦济为贵州巡抚中军开平中屯卫指挥聂克明为蓟镇中军蓟辽总督标下镇抚王尚贤为崔黄口守备

○癸丑南京通政使赵钦汤以七十引年乞罢命供职如故

○赠原任兵部左侍郎许孚远为南京工部尚书荫一子入监读书

○以故吏部尚书宋纁侄杭补荫

○甲寅宴韩胡礪恰列寺进贡番僧多惹等四十七名命泰宁侯陈良弼待

○以原任副总兵李芳春为通州参将调神机营参将张凤翔于蓟镇马兰路升扬州游击孙绳祖为神机营参将起原任游击李茂春为昌镇车营游击

○乙卯 长陵明楼兴工命顺天府府尹许弘纲行祭告礼

○南京户部尚书张孟男以拾遗留用引疾乞罢命供职如故

○丙辰吏部覆巡抚右僉都御史宣府马鸣銮延绥郑汝璧大同张悌应天周孔教福建徐学聚山西李景元凤阳候代李三才浙江尹应元各自陈乞罢内应元已经拾遗奉旨三才候代以来复踰三载应准补俸报满余俱令照旧供职从之

○赠故湖广布政司照磨张居仁为兵部职方司郎中

○丁巳 孝懿庄皇后忌辰 奉先殿行礼遣武平伯陈如松祭 昭陵

○南京光禄寺卿徐大任以七十引年乞罢命供职如故

○戊午予南京吏部书曾同亨致仕同亨三十二年七月内六年任满例当给繇上以京察伊迩令暂留管理至是事竣赴京中途患病又缘自陈未报复<□□□□> 毓-金 > 恳辞 上优诏许之寻以吏部覆请准加太子太保

○丁卯原任南京兵部尚书邢玠奏臣居丧在籍见河南道御史吴达可等为东征西勘二事纠拾及臣奉旨以臣有大功听候起用窃念此二事先该御史王明赵标科臣徐观澜李应策赞画丁应泰辅臣赵志皋等反覆搜索不知几千万言臣等辩< 銛 >及府部九卿科道会议并 明旨处分亦不知几千万言总之播酋之勘以情有可原为 皇上柔远之仁有此勘而天讨始加可以服西南诸苗夷之心倭寇之征以罪无可赦为 皇上诛暴之义有此征而属国始保可以慑东南诸海夷之魄 皇上文谟武略照耀千古徒以臣之不才触冒风波攻击四起以勘为非以服勘为是使朝廷恩威两失以战为和以胜为败使朝廷盛美有亏且诬臣以贿以买为中国损威狡酋增气臣之当罢也久矣今犹执前说流谤不已恐自此又借拾遗为证佐议论终无了期也伏乞察臣不才再用之难怜臣任事受辱之苦特赐罢黜以杜后言

上优诏答之

○颁给陕西青石山苟家碑亦辖等族进贡番人七十名各绢钞靴袜

○兵部都察院会奏黔蜀清疆一事督抚按纷纷持议五年干兹矣幸 皇上洞见万里 明旨森严诸臣剖破藩篱协谋共议金谓地予安民粮纳黔省此议出而彼此异同之说折于片言数年不决之疑剖之一旦朝廷之体统尊而大信不渝两省之议论消而衅瑕永杜矣因条上派辩纳裁将领汰防兵设屯田诸议又言总督王象乾调停善后功在封疆先以叙功奉旨回部俟服阙之日抚按官奏请起用总兵官林桐免议道臣崔应麒数载勤劳不无可惜行吏部酌议覆请徐仲佳邓弘烈虽经革职应从宽处并行吏部酌量降调安疆臣陇澄督兵剿逆大义灭邻在疆臣应加职衔在澄准其承袭土职并伊母凤氏恤典俱行督抚按查明议题陈恩柯阿个等并温希舜李保等各候查回赏赉罗学茂等俟四川巡按问明之日转解贵州追还木价以儆奸民两省地界各照旧住种不许争扰绥湄地界俱以原题为正至于安插安顺臣并刘胜盗卖情节及奢崇宁蔺州事宜统候按臣勘明另覆得旨凤氏生前有功特与祭一坛余如拟及吏部覆议应麒复原官仲佳降三级各调用从之

○己巳前军都督府带俸兴安伯徐继荣卒予祭葬如例 ○升倒马关参将王锡祉为蓟镇中路副总兵天津海防游击胥应徵为喜峰口参将山东莱州参将朱拱极为古北口参将陕西榆林卫镇抚白< 麟心 >璘为延绥永兴守备

○庚午命兵部尚书萧大亨锦衣卫堂上官李如楨兵科都给事中田大益会同成国公朱应槐照例选汰大汉将军

○辛未命右通政陈子贞太常寺少卿张问达朱敬循太仆寺少卿许乐善光禄寺少卿钱士完编修郭淅简讨蒋孟育孙如游吏科右给事中陈治则礼科右给事中吴文灿尚宝司丞彭遵古礼部主事冯焯各充正使中书庄元臣许志吉行人冯从龙李嵩潘珙陈名岳张孔教谭炜姜学文宋时魁周铉丘懋炜各充副使持节册封周府奉新王朝焯庶一子在鎔为奉新王义阳王睦灏庶二子勤黑口箴为义阳王安吉王朝堤嫡一子

长孙在凿为安吉王商城王在钺选祁南郊女祁氏为商城王妃益府安仁王常溱嫡长子由棟为安仁王荣府贵溪王厚鲁嫡四子镇国将军载<□土瓦>为贵溪王陈氏为贵溪王妃唐府安阳王器竣选胡大忠女胡氏为安阳王妃鲁府东原王颐埵庶一子寿镛为东原王郭氏为东原王妃安丘王颐堀嫡长孙以浩为安丘王孔氏为安丘王妃邹平王颐在庶长子寿□为邹平王王氏为邹平王妃楚府通城王华埵庶长孙盛浮为通城王傅氏为通城王妃蜀府南川王宣鹵□翟嫡长子奉□金□木□为南川王孙氏为南川王妃沈府保定府理坦嫡长子效昞□金为保定王沁水王理阶庶长子效鏗为沁水王苗氏为沁水王继妃秦府永寿王敬镛嫡长子谊<□□侃-亻>为永寿王谈氏为永寿王妃晋府河东王慎键嫡长子敏恂为河东王刘氏为河东王妃永和王敏雨□洼选和氏为永和王妃蕲水王宪火□恩嫡长子术车□堂为蕲水王周氏为蕲水王妃是日上不御殿使臣于文华门行礼行人李嵩及期不到敕夺俸二个月

○督理河东盐课御史曾舜渔以考察留用引疾乞罢不报

○壬申大选进士周应期等为行人等官

○癸酉管理禁兵成国公朱应槐奏大汉将军百户周尚儒托病误直及侵克月饷布花等事命法司提问具奏

明神宗显皇帝实录卷之四百八

明神宗显皇帝实录卷之四百九

万历三十三年五月甲戌朔升国子监祭酒萧云举为詹事府詹事兼侍读学士清理贴黄左庶子全天叙右庶子王图俱少詹事兼侍读学士纂修 玉牒

○丙子赠原任兵部左侍郎许守谦为兵部尚书

○准伏羌伯毛国器给假省墓命驰驿去仍戒毋生事骚扰

○丁丑南京科道金士衡李云鹄等交章论南京粮储尚书王基违禁遮辩不宜因而留用及云南巡抚陈用宾两经大计纠拾不堪策励工部尚书姚继可与考察留用科道官并听其去以明士节不报

○戊寅铸换南京通政司关防一颗

○庚辰夏至 大祭 地于 方泽命英国公张惟贤代先期告请 太祖配神命驸马都尉侯拱宸代武安侯郑大诚怀远侯常胤绪侍郎杨时乔李廷机看牲成国公朱应槐永康侯徐文炜尚书萧大亨赵世卿分献

○是日 孝宗敬皇帝忌辰 奉先殿行礼遣官祭 泰陵

○辛巳洗白厂内官张玉遗火延烧官房命法司提问拟罪

○癸未 太祖高皇帝忌辰 奉先殿行祭礼

○工部言年来部务日繁差委日滥旷废官常骚扰驿递宜申饬万历十八年部议除王府及大臣造葬关系典礼临清甄价易州炭价关系钱粮应差司官前去其余杂差概行停寝一切任子贲郎不得借差滋扰或遇紧急传催即移咨兵部马上差人一使一

骑既不苦供亿之难一往一来亦不至耽延之久永为遵守不得纷更诏从之

○以原任游击任承爵为四川雅黎游击遵化守备左懋勋为蓟镇冷口关守备武举王家桂为蓟镇大安口守备南京大教场把总姚应诏为小教场坐营延庆卫千户王之屏为柳水堡提调

○甲申京师大雨雹

○乙酉 仁宗昭皇帝忌辰遣官祭 献陵

○赐上蔡王载土口夜谥温裕

○太常寺少卿桂有根太仆寺少卿王立贤各以自陈议调候旨日久乞命别官署理印务不报

○原任辽东巡抚李植以拾遗论劾具< 〇〇〇 铨-金 >奏辩 上以属该部院

○丙戌升九年考满御史何熊祥为太仆寺少卿添注管事 ○准保定巡抚孙玮奏以真定守备周文耀升定州游击

○刑部左侍郎加升尚书董裕以老病乞休不报

○浙江湖州府乡官丁忧知县王德坤以私事谒本府同知尚从试从试辞以疾德坤因折简嫚骂从试遂投劾去抚按官尹应元吴崇礼以< 〇〇〇 铨-金 >闻下吏部覆议从试调用德坤候服关到部调简僻用从之

○丁亥宴海西老哈等卫进贡夷人阿卜害等一百七名命泰宁侯陈良弼待

○大学士沈鲤奏士君子立身行己与出处进退大节所关总惟一义臣至弩下岂云辩此惟生平兢兢成性亦颇知守是一言以为绳趋今患病乞休敢具述先今所以出所以不去所汲汲恳恩求去者并陈于 君父之前始臣应召至京已七十一岁矣岂当行役之时惟千古知遇欲少效涓埃万民疾苦欲少图拯济以故不得不出乃昨岁以阁部两俸历正二品考满臣私自计算曾不能有一事纳忠一言寤 主义不可以去乎惟陵园有灾楚宗有变臣叨备股肱义当为 主上分忧何忍言去嗣是而蒙恩四世未有一日之报又何忍言去今臣犬马齿增而七十有五矣犬马病增而遍顶踵薄膏肓矣顷自阁中办事出忽感患霍乱吐泻两昼夜仅有人形若犹濡忍不决蹙蹙两足扶掖入直伴食塞责大义谓何晚节谓何将以需青蒲之对则天门九重瞻望无期将欲奋澠池之翼则虞渊已迫河清难俟而日糜大官之饩负窃位之讥倘一息不续溘先朝露讵不明有人非幽有鬼责曰夫夫也贪位慕禄死而后已乎夫死生昼夜耳岂臣将八十人犹怖死独念臣四十余年日夕冰兢以奉为周身之防者仅此一义字而一旦敝屣之不亦可怜之甚乎万不得已敢祈 天鉴以垂恤老疾之仁全愚臣咫尺之义死且不朽 上优诏勉留之

○予原任礼部尚书李长春妻甘氏祭一坛造坟安葬氏未封夫人不应给恤以长春日讲官例得优厚也

○云南巡按宋兴祖奏辞播功加恩不许

○戊子廷试愿就教职岁贡恩贡生员岁贡上卷三卷中卷三百六十四卷恩贡上卷一卷中卷二十八卷

○降文华殿中书董敬职一级调外任用以苏松浙江等处拖欠绫纱纸札归并织造太监孙隆督解先是以拖欠数多命敬到彼守催屡旨切责并无起解至是册以灾荒为辞司礼监奏其扶同说谎故有是命

○命工科给事中胡忻湖广道御史李楠会同守备内监及宣镇抚按官查勘盗伐皇陵树木先是天寿山守备太监李浚准延庆卫哨军张刚讦告王大义接买哨军张龙等板枋椽木行昌平州审无的据复移文宣镇抚按会查未结续准李逢时讦告陈志能等纵仆入山盗伐松柏假木又准南山巡军周大库李二等讦告阮一功赵应捷宋时贤等盗伐禁木瓦碴沟沙岭儿桩楂可验遂具〈□疏〉题参奉旨着锦衣卫拿送法司问抚按官马鸣銮汤兆京各〈□疏〉言疑出讐诬乞行详审刑部亦谓刁骗未必尽无大辟岂容轻坐至是该监复〈□疏〉请乞独断故有是命及诸臣会勘回奏大约如前语上责其畏附朋私含糊互异仍命法司虚心详审定拟毋得视为寻常徇情轻纵

○己丑吏部左侍郎杨时乔以衰病乞休不报 ○命南京吏科给事中陈嘉训巡视库藏工科给事中金士衡巡视京营

○升山东标兵右营游击王之都为莱州参将大同镇边堡守备马天柱为天津海防游击蓟镇总兵标下坐营刘国威为密云振武营游击东胜左卫指挥王效良为遵化守备

○改新升五军营参将萧如玉为倒马关参将从巡抚孙玮议也

○庚寅敕刑部员外丁永祚往江南董光宏往福建张凤翼往广西陈乾亨往云贵主事经世文往北直隶孙延往江北华士标往浙江张九德往江西姚履素往湖广杜承式往河南金继震往山东苏民瞻往山西陈士兰往广东大理寺寺副陈应堂往四川评事汪承爵往陕西各恤刑颁给关防一十五颗 ○直隶巡按马从聘奏该天津税监马堂题奉钦依米粮柴薪前已有旨不许徵税以恤穷民都着遵行该衙门知道钦此随即移文税监及通行各府管税等衙门尽行免讦风闻道路万姓欢传可谓有仁爱之声矣而实惠尚未孚也苏松常镇仅四郡耳户部设有浒墅钞关岁征船料五万网非漏也自锦衣百户陈道元捏奏谓岁可更税银五六万两凭兹一言遂为定额今自遵旨停免两月以来原额顿减三分之一夫朝廷既有蠲恤之令而壅遏不宣臣等不敢也商旅已沾宽恤之恩而税额无亏臣等不能也恐刘成拘于原数复欲包赔是减之行旅而加之本地宽之商贩而派之闾阎小民之苦更什伯往时矣万一督责过严鼓噪立起求如昔年之旋起旋定不可复望也仰乞推广仁恩允令尽数起解或照原额量减其半敕下臣等遵奉施行不报

○辛卯准宁夏巡抚黄嘉善议添设洪广堡游击一员中军把总各一员与平虏参

将画地分守

○壬辰湖广 显陵稜恩殿工完命太常寺少卿倪思蕙齎香帛祝文往行祭告礼

○操江都御史耿定力以衰病乞休不许

○癸巳候补南京兵部职方司郎中刘元珍奏国家所 常治无乱者正气伸而邪类绌也而朝廷磨砺一世所以能伸正而绌邪者则以端揆大臣无树私交无作好恶彰善瘅恶一切听之公评使人务节义而重廉耻于是乎君子道长而泰道隆矣不意乃有遍置私人蒙上箝下如首辅一贯其人者又不意有奸险异常顽顿无耻如刑科给事中钱梦皋其人者梦皋之为人臣无暇毛举瘢索迹其惟年例而妄奏求容显露乞怜之状挂察典而乘机建议巧为逃孽之端膺慕一官垄断如市已大为士林所弗齿矣迨至两蒙留用滥被殊恩因且蛊惑 圣衷猜疑部院并考察全< 〇〇〇 〇〇〇 〇〇〇 >亦中格矣被察诸臣概予留矣人谓梦皋之党阴谋叵测将异日种种侥幸种种倾危之门从此开也可畏也然使政本之地不私一人则奸慝宁壅于上闻邪谋亦安能下逞乃元辅沈一贯又为戎首矣一贯柄政以来曾不闻辅佐 皇上救生灵于涂炭起忠良于摈厄而嫉视善类比昵憸人即如考察一事漫无只语救正繁言啧啧金谓此举原非 皇上本心繇一贯曲庇私人术甚巧内则假公以摇上外则挟威以制人既借 皇上之权以伸其意复窃 皇上之德以固其交顿令百年钜典忽焉决裂而

皇上独任其咎一贯生平机械毕露此矣辅弼之臣不能导 皇上驱逐群邪廓清仕路而反以身为丛奸聚慝之囹使守法者抑勒无聊席奥者高张无忌将来谁为 皇上触权要持国是乎近见梦皋诸< 〇〇〇 〇〇〇 〇〇〇 >无不横恣胸臆以党名人梦皋身自为党而反以诬异己者稍有建白即以朋党目之察其邪心必至翼赞一贯抟击朝绅引用匪类使君子蒙剥肤之惨小人固凭社之安然后颠倒纵横无不如意伏愿 皇上戒諭一贯撤肺腑之藩篱除门墙之荆棘休休乐善协恭和衷使部院诸臣各展布其四体勿复听信憸邪自贻后悔至于台省诸臣之被察者既经指摘就列何颜况梦皋久干清议近日尤见乖张彼待选诸臣百倍梦皋者济济朝廷何赖一梦皋必欲拂天下之公心而为此姑息之举也< 〇〇〇 〇〇〇 〇〇〇 >入不报一贯随具< 〇〇〇 〇〇〇 〇〇〇 >剖白并乞明示独断之意以释人疑 上温旨慰留之梦皋亦力诋元珍谓其谤毁 君父指为左都御史温纯鹰犬又言今大臣忿纯辩< 〇〇〇 〇〇〇 〇〇〇 >不下相约一时求去以示要挟意在大学士沈鲤与吏部侍郎杨时乔也< 〇〇〇 〇〇〇 〇〇〇 >留中

○甲午南京兵部条陈马快等船事宜列为四款一申注选之规船政一官事甚委琐既专管大小马快又兼管黄船厂既查核各省直工料锦衣等四十卫黄快编丁钱粮又兼催各省直柴直马价弓兵等银船只须稽其往回督其修造钱粮须查其始末核其完欠宜照南京户部注选京仓主事工部注选修仓主事例非初选则推升三年之内不得别差三年之后即以本差考满则官久而事专矣一裁冗设之员旧例大马船二百九十十余小马船五百二十余风快船九百五十余分属各卫非多官不足以集事节经题减

止存船六百五十只本部主事专督于上两卫把总又分管于下其各所千户等官即十员已为赘矣而尚有二十员每员所管不过三十余只若隔年一修又分为春秋二次每次每员所修仅七八只耳官卑智短既难望之以廉人杂力分又难课之以实请汰去其半择勤慎者量存十员分任督造年终视损坏之多少以定本官之去留即以定卫官之功过庶无十羊九牧之虞矣一申差遣之规嘉靖六年奉 世宗皇帝圣旨访得南京进贡船只起数甚多管运内官廉静守法者固有贪利害人者不无沿途多索人夫勒要折乾银两不遂所欲动辄搜求甚至殴打职官绑缚夫役里河一带俱被其害甚非朝廷恤民之意便着兵部行南京内外守备官查进贡起数可省则省可并则并如起数系定额难以省并装运之时照例着科道兵部官监视各要尽船装载不许多拨听其夹带私货搭人索钱其管运内官务选老成安静的去凡奸贪刻剥好生事端之人俱不许差遣都察院还书榜禁约人夫照例上水二十名下水十名合用廩给口粮俱照关支应付敢有似前多索夫役勒要折乾银两生事害民的抚按巡河兵备等官将本船为首拏与被害之人对问明白干碍应参官员指实具奏钦此臣请申飭 先朝明旨酌量省并省省一船而造修差银之费可几二百余金其里河一带折乾骚扰之害亦可并免矣一广赦宥之恩万历二十九年恩诏内一款凡各省直军民逋负如金花漕折王府禄粮除本年督催全完外其带徵自万历二十年以前量免十分之三其余税秋粮马草农桑人丁丝丝布疋丝绒绵花屯田庄田子粒门摊商税户口食盐米钞诸色课程盐课鱼课富户等项使用甲丁等库蜡茶银朱铜锡料并各该牧马草场子粒租银自万历二十年以前已徵在官已经解户人等收受者截数起解已经起解者严并批关不许闻风中止未徵在官系小民拖欠者分别蠲免已经徵收而有司侵没者事发坐赃论钦此查本部水夫工料青峰草场等银与明诏例合乞准开除以明恩信或念连年灾伤请照万历十年十三年例量为再宽自万历二十五年或二二十七年以前拖欠姑准豁除以广德意其余分别带徵全徵俱限每年随南粮同解不许短少不许零星其有带徵不如数见徵不如额者亦无辞于本部之参罚矣下兵部覆议从之

○乙未工部言本月二十七日 长陵明楼合龙门安吻兽该监已题请择日遣官祭告后土及 司工之神矣第思去木套改徽称实系我 皇上纯孝大典□不祭告成祖文皇帝之灵何以告成事而祈鸿庥也 上是其议命礼部酌议来行

○准凤阳巡抚李三才议改标下中军为游击职衔即以见任中军宗孟升补

○升湖广都司僉书樊世宁为本司掌印山西巡抚标下中军庄莅民为山东都司掌印蓟镇司马台提调钱官为大宁都司僉书南直隶周家桥把总周时信为中都留守司僉书

○予安南禄州夷官韦达礼赎罪自新仍令头目郑松严加约束不得再犯先是达礼听叛目陆佑等诱致侵犯思陵执土官韦绍曾夺其印督抚戴耀杨芳等题奉钦依责令头目郑松与陆佑等一并擒献达礼惶惧随即送还官印及官兵进剿陆佑达礼亦奉

游击甘肃游击李王翰为山西巡抚标下中军大同灵丘城守备王仲时为宣府团操中军武举曹震学为湖广郟口守备直隶淮安卫百户何世爵为周家桥把总

○是日夜子时雷火击毁 圜丘望灯高杆杆高十丈余碎其上段三丈余为百数十片大半有火痕下段所存六丈余左右各有爪损

○辛丑给长宁安抚司进贡番僧被只等三百名例赏食茶绢钞

○广西陆川县地震声若崩山震塌城垣房屋压死居民男妇无筭 ○大学士沈一贯以 圣谕宣扬浮言可息具< 硃-金 >陈谢并乞免元珍降调 上谓惩前戒后法纪当然已从宽处不必再请

○山东巡按严一鹏言按臣奉命巡方一年为满巡历既周即更代复命将一年内巡察过官员之贤否狱情之出入钱粮之盈缩与利弊之当兴当革备疏上闻下部院覆议而允行之从未有差满不代而候代至二三年者臣自万历三十年巡按山东于旧年二月竣事候代一年又五阅月矣往者司道有司岁一举劾今自前按臣复命后三年不行矣往者钱粮岁一查盘狱囚岁一会审今自臣巡历后又隔二年矣至于赎缓解部原为济边旧例每差额解二次共八千两差不逾期解不失额今自臣入境一年解过二次后因候代日久搜括存积又解一次今既不巡历何有赎缓年复一年不知何计补足也不报

○壬寅楚王华奎奏进原助大工银一万九百三十六两报闻

○河道总督曹时聘奏泇河一役肇于壬辰之洩湖水辟于辛丑之达沂河而避湖凿石遂成通津则前河臣李化龙之议也上自李家巷下至直河口计长二百六十里已于去年四月尽行开通粮艘之繇泇而上者业五千余只矣祇缘张村集以下三十里直河因其旧以为渠意在省费而不料水涨沙壅舟行稍滞兼之泇卑于直其水逆流土坝被冲其水傍洩遂不免为全河之累耳续该前河臣督行司道等官相度地形避高就下自张村西南创开支渠一道长三十一里下接田家口去年所开旧河其毛窝一段横穿浮沙二十丈见用桩板厢护内实老土王市口之减水闸台顿二庄之节水闸与夫彭家口之滚水坝一切易之以石又自直河口以至刘家庄但系浅狭悉加辟浚今三月二十九日工役告竣放舟而入臣由曹单丰沛阅视黄流周咨挽回之策南趋凤泗恭谒 祖陵东出灵邳至于直口见运船鳞集口外两傍者不下数百艘督夫挽拽不两日而尽臣尾之而行沿途测量渠水皆深六七尺以上不惟无去年沙浅之虞即大泛口之溜亦以下建闸座有所节蓄而其势转平也近据各官揭报重船过王市口者至五月初三日已踰二千三十余艘使此后鱼贯而进无或脱帮则运事之早于往年当不止一两月矣凡此皆前河臣李化龙经理就绪臣受事之始获睹成功私窃庆幸除增设闸驿官员与一切善后事宜陆续奏请外谨先驰报以慰 圣怀< 硃-金 >下所司

○吏科给事中侯庆远等山东道御史叶永盛等各< 硃-金 >奏乞免刘元珍降调不报

○顺天巡抚刘四科奏本月初六日蓟镇石塘路大雷雨击死住操勇壮援兵朱昂等三名并牧放马三匹及佣工锄田人刘大益等二名又烧伤牧马幼童谭喜儿等五名十一日松棚路九十四号台被雷火霹破门楼将佛郎机快枪等件弃掷台下多有折损火箭火火药悉行焚毁十六日燕河路四号台被雷火震倒南北西三面垛口焚毁火器等件其甃瓦木料弃掷墙外并跌伤军妻二口

○癸卯礼部太常寺各以 圜丘雷火奏并请图回实政以答仁爱制曰 上天示警雷火击毁 圜丘望杆正当 祖陵碑成行礼之期变出异常朕心惊惕省躬思咎不遑少安礼部便拟议祭告修省事宜来行工部即勘验重修以昭朕寅畏之意

○四川松藩穀粟屯地方本月十三日申时有火光一块大如桶坠落本边墙外督抚按臣以闻

明神宗显皇帝实录卷之四百九

明神宗显皇帝实录卷之四百一十

万历三十三年六月甲辰朔大学士沈一贯条上灾异修省事宜并求罢斥以应天变不报

○保定督抚按官议修天津卫城垣合用料价等银六千一百八十余两于该卫库贮部发支剩备倭安家杂流廩粮等银内动支其夫匠等役将左营今岁秋防并三十四年左右二营春秋两防及三十五年右营春防各军士免其赴边除拨发屯田外俱留供修城之用限以三十月报竣行粮照防汛支給事完造册报部下兵部覆议从之

○升直隶保定左卫百户张调元为陕西环庆守备蓟镇镇虏关提调朱天炜为界岭口守备京城西南把总张伯鹤为宣府葛峪堡守备保定大龙门把总徐显忠为大同灵丘城守备大同天城卫百户王国纲为马邑城守备山西振武卫指挥吕光祚为盘道梁守备

○乙巳以 长陵明楼工完命英国公张惟贤祭告 成祖文皇帝

○礼部上拟议祭告修省事宜 上曰 天坛灾变异常朕心不遑宁处祭告著便择日举行一应修省事宜关系朕躬的朕知道了尔大小文武官员亦宜夙夜在公各修职业毋得怠缓偷安废事

○丙午以 长陵明楼工完命侍郎李廷机祭告 后土并 司工之神

○准南宁伯毛祖德给假扶柩归葬仍戒毋生事骚扰 ○丁未命司礼监太监田义祭 中霤之神

○以天气暄热命两法司及锦衣卫见监罪囚笞杖无干证的放了徒流以下便减等拟审发落重囚情可矜疑及枷号的都开写来看

○大学士朱赓< 〇〇〇 铨-金 >请亟谕首辅次辅同日入阁以修回天实政并将温纯杨时乔及董裕诸臣累次请告之< 〇〇〇 铨-金 >悉发票拟立令入署管事其吏部本章积而未下者一一点票以收人心以召和气不报

○戊申以 长陵明楼工完在事效劳各官命该部拟议叙赏

○论广东锦囊南澳钦州等处擒斩倭奴功次升总督尚书戴耀总兵官都督佥事孟宗文各俸一级赏银币有差按察使盛万年参政朱东光参将郭西科黄钟庄渭扬知府叶修同知涂巍原任参将刘宗汉原任守备武应隆及经历指挥百户等官汪九州等各分别升赏倭贼慢小等九名行督臣处决梟示

○吏部侍郎杨时乔户部尚书赵世卿兵部尚书萧大亨通政使沉子木光禄寺卿王守素礼科都给事中萧近高等山西道御史余懋衡等各条上灾异修省事宜不报

○左副都御史詹沂等条上修省事宜并乞亟下左都御史温纯辞< 〇〇〇 〇〇〇 〇〇〇 >不报

○己酉总督仓场户部右侍郎游应乾以粮运交纳届期条上六事一申催儻之令以免冻阻一严土宜之禁以省耽延一杜截留之议以绝观望一重羈保之责以防脱逃一速起纳之期以免压滞一惩告讦之习以便约束得旨依议着实行

○准礼部议以后勋臣册封亲王着用科臣为副有仍前坐索馈赠者即行纠劾著为令

○荫原任偏沅巡抚江铎嫡长孙元禧原任兵部尚书田乐庶长孙元荫俱锦衣卫衣左所指挥佥事总理河道尚书李化龙承嗣子不矜锦衣卫衣左所正千户各世袭

○兵部覆湖广巡抚梁云龙咨议添设标下中军守备一员以都指挥体统行事即将九溪卫指挥陈一启升补从之

○庚戌以 圜丘雷火命英国公张惟贤行祭告礼时钦天监择吉于十二日 上以为期太远命改拟是日行

○工部遵旨拟修 圜丘望杆并请亟行修省实政报闻仍令作速成造择日换安毋得怠缓

○升天津左卫镇抚苏苞为真定守备 ○兵部言蛮莫迤西为三宣之襟喉腾越之肘腋向因阿瓦结连诸夷讐杀思正使逆党多罕占据蛮莫塞我襟喉今复迫袭思轰意在鲸吞迤西荐食内地今抚镇筹画于上道将协谋于下先击多罕逆酋望风宵遁后助思轰缅甸倒戈而逃则蛮莫已复迤西已救腾永之间少可息肩矣第恐多罕不战而走阿瓦不援而守其间情形有难逆料故议守之策不可不预计也官兵戍守费饷实多思正子弟缅甸有素招集旧目协以官兵皆非良策抚臣议择属夷思礼牧种又欲权用夷民住守集众思决二策以冀善后臣等窃思抚臣身在事中目击必真筹画必善且能得之于先必能保之于后相应悉如所议择其便者行之至于失事守备李天常已经行道查确另议防守之兵必俟秋冬无警方可量撤其效劳员役候三年之内干戈宁息照例议叙庶人心知所劝惩边患从此消弭耳制曰可

○辛亥大学士沈鲤以久病旷官乞赐罢斥以应天变并请采纳首辅及九卿科道陈言诸< 〇〇〇 〇〇〇 〇〇〇 >用图消弭 上谓君臣大义宜出身赞理为朕分忧无自为身名

其势不至于英气俱尽不已者如是则 陛下所谓宽者非真宽安者迺其大不安也臣愚不识忌讳窃谓风雷告变年迫一年天若以震悚 圣心而助之断者诚一旦翻然日月其照雷霆其奋留者涣温旨以释其疑去者崇礼遇以终其眷一时小臣毋论在朝在野禁谪者开以释用需次者予以铨补隼诘亡节恣睢攻螫者严以必斥则大法小廉且宽且安如是而犹患天变之不息国是之不定必无是理不然天变不足畏 祖宗不足法人言不足恤有一于此足危其国况于三乎臣局蹐不识天下事所终矣不报

○丙辰宣陕西临洮河州地方斩获功次捷音 上不御门命英国公张惟贤告南郊永康侯徐文炜告 北郊驸马都尉侯拱宸告 太庙赏赉奏舍人李先资贾扬烈衣人一袭

○丁巳礼部言汉臣董仲舒有言国家将有失道之败天乃先出灾害以谴告之不知自省又出怪异以警惧之尚不知变而伤败乃至臣等窃见今 上天谴告不已加以警惧非可尚不知变之日也夫天之变异其徵固多而朝廷之政事其阙失亦有数即昨元辅一< 〇〇〇 毓-金 >开列八大急务所言亦尽矣而臣等窃谓第一阙失莫如矿税其迷惑 圣心以致诸事阻遏而不能行者亦皆繇矿税先罢采榷以应天变采榷一罢则圣心洞然无所迷惑如日之朗如水之清其余政事将次第举行若决江河沛然莫之能御矣如此则去年誓修实政之旨始为真修昨日不遑宁处之旨始为真惕而 天心不可回 祖灵不可妥天下不可乂安臣等愿甘欺罔之罪不报

○兵部上申饬秋防< 〇〇〇 毓-金 > 上以虏衅屡闻 上天示警一应秋防事宜尤须加慎勿视为申饬故事

○升直隶刘家河游击孙懋功为广东潮州参将山东都司朱国良为宣府新兵营游击直隶泗州守备唐尧辅为大同入卫游击浙江温州卫指挥刘思祖为湖广三江口守备甘州后卫千户汪海龙为甘肃清水堡守备宣府前卫千户颇廷相为洗马林守备大同后卫指挥周朝为新平堡守备降原任守备张九德为京城西南把总

○戊午吏部言终养之例向惟在京官与在外方面官间得陈乞其府佐以下不多见也而近乃纷纷代题矣若不预为申饬将来必致滥觞盖以今日之有司较先年之吏治时势既不相如甘苦又甚悬绝或丧气于中涓之诟侮或疲精于矿税之调停或地方水旱盗贼之足虞或穷民疾首蹙额之堪恻在在睹思乱之群情人人以隐沦为上策一闻准令养亲仍许亲终赴部则谁不欲脱身苦海怡志高堂且兼得吏隐之名姑徐覘出处之计将比例从兹接踵而官职多致空虚矧其间安知无厌地方而徘徊于择官者乎安知无构隙同事而委曲以避祸者乎安知无欺世盗名者乎安知无取容复用者乎有一于此是以 天朝孝治之明例恣恣小臣自便之私图非所以肃人心而清仕路也合无自今以后在内京官在外方面官听其告养外其府佐州县正官如有陈乞必须历任三年以上曾经抚按荐举及考满称职者该抚按查无别故方许代请本部仍体勘得实方行题覆否者立案不行倘别有隐情仍从参究其亲终服满之日亦必该省抚按查其

纯事同一体私则皆私如谓果繇于纯是纯狗私固私也臣狗纯私尤私也狗私为人臣之大恶如有之其应斥尤在纯之上至夹持之说则灿然待臣厚道臣实不知所夹持者何事适以重臣同事二心之罪臣始事仓卒未能先几和调后事因循未能力图镇定以致尚有群论事局未竣职掌谓何悚愧无地伏乞将臣并罢以为人臣不恭任事者之戒不报

○工部尚书姚继可乞休< 〇〇〇 铨-金 >至四十上仍不报

○癸亥以热审逾期命侍郎薰裕即出到任督同司官审录具奏

○南京吏科给事中陈嘉训河南道御史萧如松等各< 〇〇〇 铨-金 >论钱梦皋钟兆斗饰词报怨朋比为奸乞亟赐罢斥无令淆乱国是温纯久在是非之场频招爱憎之口宜听归休以全大臣之体俱留中

○先是税监陈增物故淮徐道副使卜汝梁奉抚按批示照仪真税监题准明例行令徐州掌印官协同原奏官照旧徵收续因徵不及额据原奏官沈贡等呈称徐州额银原有山东郯城馆陶等处过税在内有乔嵩奉旨原奏可凭今以隔省不便委徵是以亏额汝梁为转呈两院具题请减原数未报山东巡抚黄克缙因具揭部科言徐州额银四万如陈增所抽布税一项便已逾数其余所得每年不下三十万而汝梁又欲抽取别省过税以益税监之富而扰山东之民是逢监之恶而济监之虐也汝梁不胜忿恚遽投劾而去抚臣李三才按臣高攀枝备将汝梁辩揭及地方官民保留呈词据实题报乞敕吏户二部查议酌处克缙亦具< 〇〇〇 铨-金 >申理前说俱不报既而仪真带管税监暨禄亦细述颠末以明无富可益无恶可逢之意并请敕留汝梁以释二臣之嫌克缙因复< 〇〇〇 铨-金 >辩驳且言去年十月邹平县住俸知县王绍徽补角□羊矿金包银四百五两及蒲台县盐税银四百两委官至徐值陈增初死汝梁闭城大索歇家吴光宗将银出首汝梁径坐赃角□羊进而以五十两赏光宗五十两赏快手管大本及臣移文暨禄追出前银给与批回臣始得为绍徽题请开俸此暨禄之所知也又言臣滇抚一方徒以琐屑争兢至令缙绅是非公论付之监臣所言虽平臣实心耻乞下该部速议处分庶士节不至扫地而内官亦不得开雌黄文臣之渐汝梁寻具< 〇〇〇 铨-金 >剖白 上并以付所司

○甲子大学士沈一贯以贺灿然陈嘉训< 〇〇〇 铨-金 >及复引疾乞罢 上谓天人交变非首臣长往之日谕令殫力尽忠以全始终大义 ○工科言今日工程所称劳费无已者无如黄河人言黄河天上来经万里挟百川四渎莫敢望焉前代止避其害我朝兼收其利所谓利者便漕也所谓害者善徙也河之为害所从来久远有时而为利者人力胜之耳先是河决苏家庄入昭阳湖夏镇以南运道为梗当事者谓河险可避遂并力以事洶矣竭公私之费拮据几二年工力就绪虽劳费不减治河饷道亦既径便矣臣等复何置喙缘臣一韩来从河滨间诸长老之议先年开洶皆因黄河南徙二洪浅涸今全河北趋二洪溢溢何至为咽喉忧河之夺两镇口也亦奚以异于经二洪也平溜缮

○调陕西靖虏副总兵丁光宇于凉州起原任游击江万化为山东都司佾书升福建南路参将施德政为神机营右副将山东都司佾书栾维城为蓟镇春班游击宁夏河东备御都司贺世勋为甘肃巡抚标下游击大同广昌守备孟续孔为河南巡抚标下游击湖广清镇守备王之栋为陕西都司佾书

○丁卯南京浙江道御史朱吾弼上< 〇〇〇〇 铨-金 >言拾遗大臣必不可容被察科道必不可留外推各衙门诸臣必不可已与南京京堂之自陈庶僚之察处必不可不奉旨处分极言首辅沈一贯内交近侍阳施阴设雄逞戈予仇讐善类愿 皇上兼听并观无凭毁誉于左右念京察为 祖宗二百余年砺世磨钝之典合公论于下持 宸断于上沛发 明旨一一处分无使恋膻营窟之夫覩颊窃位破坏计典奏入不报一贯随具< 〇〇〇〇 铨-金 >辩白 上温语慰答之

○临潼王府宗室谊拒越关奏扰照例押发回府降为庶人不许请封

○礼部言原任刑部右侍郎张翀当严嵩父子虐焰焚灼之时杨继盛沈炼相继重辟之后以一刑曹主事敢撻其锋忠肝义胆真与铁石同刚矣及起自戎间三持宪节猷为方略非但以节概名者当其闻大理兵侍之命遽以终养乞归再起总漕寻复内召即连< 〇〇〇〇 铨-金 >控辞不赴故三品之俸竟不及满盛年隆望急流勇退亦自不易及者先年广西抚按代为请恤本部覆一祭半葬祇循常例未为加优宜复有今日之陈乞也除赠荫听吏部议覆其祭坛已给难于再益合无补给坟价以成全葬从之

○戊辰准起复定番州知州王应昌以播功量复原职调用

○陕西文县千户所掌印指挥马继宾奏鹞子坪把哑等一十四族番人告进年例方物 上下其< 〇〇〇〇 铨-金 >于所司因谕前已颁布章< 〇〇〇〇 铨-金 >字式不许细小以滋奸弊何得不遵还着再行申飭于是礼科给事中萧近高< 〇〇〇〇 铨-金 >请严加罚治以惩违玩且言迩来章奏深文者多诡致其情务革者多漫衍其词殊非对君之体乞敕礼部并行禁谕 上悉从所议夺继宾俸三月

○己巳 孝庄睿皇后忌辰 奉先殿行礼遣隆平侯张炳祭 裕陵

○中军都督府管府事广宁伯刘允正卒予祭葬如例

○ 慈庆宫近侍刘印遗火烧毁官房命法司提问拟罪

○庚午吏部以推升未下请改大选日期得旨着明日行杨时乔即出供事不得推诿

○工部覆湖广 显陵坟所铺设钱粮 上以水衡匱乏着照 奉先殿六朝例准与木植其余悉遵旧规免办毋得虚增

○陕西嘉石草坡等族番人戎肖等二十六名进贡马匹铜塔等物赏给伴送如例

○广西灵川县社坛地中忽有声如雷黑气上腾陷地十余丈深丈余

○辛未 孝穆皇后忌辰命宁晋伯刘天锡祭 茂陵

○大选进士南居益王继善魏浚郭士望等以下共四百一十四员

○兵部尚书萧大亨以身被论列乞命司官代选 上曰大选军职原系重典宜即

出任事不得以牵附之言遂妨职掌

○左都御史温纯十一< 〇〇〇 毓-金 >乞罢并请命左副都御史詹沂署掌印务不报

○壬申谕内阁朕以修省动心致有痰喘之急连日服药静摄少愈昨又感受暑热腹泻身软且眩晕时作足痛未瘳恭惟 庙享在即力疾恐弗成礼卿等传谕遣官及各执事务秉虔洁供事行礼以昭朕畏 天敬 祖诚意特谕卿等晓示遵行

○应天府府丞徐申言臣待罪患病具< 〇〇〇 毓-金 >乞罢未奉 明旨乃邸报间见科臣钱梦皋一< 〇〇〇 毓-金 >指左都御史温纯为欺罔吏科都给事中侯庆远为纯左袒及纯党在南京者移书都下一节虽不显臣名实暗指臣也臣有党与否党纯与否自有公论臣不必辩然请及移书之故日者梦皋以谈楚事蒙留也 皇上诚有渊见第科臣明知挂名计典窥楚事为 圣明注意乘隙攻人邀此异数俾国家累年钜典自一人而踰越臣未敢露章陈列谬思辅臣沈一贯身任平章可以言进辄采清议以效蒙诵自附古人忠告之义交儆之规俾其知舆论有在或可默维于万一此实臣为国愚忠望辅臣斡旋者甚殷不意科臣近日被人交攻翻以臣书为罪府也臣旧恙未痊新疴复作况际此是非芟扰之中一日不去惧履祸机且不知死所矣章下吏部

明神宗显皇帝实录卷之四百一十

明神宗显皇帝实录卷之四百一十一

万历三十三年七月癸酉朔时享 太庙命英国公张惟贤代

○遣官祭 司门之神

○大学士沈一贯复引疾乞罢并请亟下南京考察拾遗诸< 〇〇〇 毓-金 >仍将钦留科道俯从察典钱梦皋出之于外 上温旨勉留仍谕以察< 〇〇〇 毓-金 >随当批发钱梦皋另有处分

○甲戌兵部尚书萧大亨以南道御史朱吾弼< 〇〇〇 毓-金 >及引疾乞罢上慰留之

○保定巡抚孙玮奏畿南各府无岁不灾而去年之水患为尤甚节经臣等奏请部覆奉旨搜查仓库钱穀分别赈给 皇上又大发帑金出通德二仓粮平糶及移各省之粟通余臣等仰奉德意督令各有司官取运余买多方拯救着实奉行无敢少怠而斗米市价一钱五六分迄今无减也春时二麦颇茂满期有获及夏初雨旸不时致生疸黄遂减十分之七清苑安肃清河等处或冰雹打毁或蝗蝻食残永年成安肥乡曲周鸡泽安州深泽高阳新安等处漳滏沙滋等河泛滥横流冲决堤岸静海百川萃注祁州先雹后水禾苗淹没庐舍倾颓大浸之后重罹此厄公私两竭军民汹惧皆臣等奉职无状以致祸连重地除率属痛加修省外合行题请蠲赈不报

○乙亥大学士沈鲤复以引年踰期恳求休致 上仍温谕勉留之

○陕西总督李汶复以老病乞休 上以秋防孔棘敕即出总理不允辞

○吏部覆两京四品京堂通政使司右通政陈子贞大理寺左少卿何倬右少卿涂宗浚太常寺少卿桂有根张问达添注少卿朱敬循项应祥倪斯蕙马大儒提督四夷馆太常寺少卿赵标太仆寺少卿连标王立贤添注少卿黄纪贤申用懋许乐善李思孝袁九皋顺天府府丞周盘添注府丞乔璧星杨光训鸿胪寺卿张栋尚宝司掌司事太常寺少卿李茂材制敕房办事太常寺少卿兼司经局正字马继文南京鸿胪寺卿卫承芳南京太仆寺少卿刘日升添注少卿杨应文应天府府丞徐申南京太常寺少卿丁宾各自陈乞罢除何倬物故倪斯蕙袁九皋拾遗奉旨外其桂有根应调南京用王立贤调外任用张栋以不谨例冠带闲住余俱令照旧供职杨应文策励供职从之

○太子少保礼部尚书兼翰林院学士陆树声卒树声初姓林氏字与吉直隶华亭人嘉靖辛丑进士第一改庶吉士壬寅归省乙巳授编修壬子请急还寻丁外艰丁巳即家起南司业居二年复引疾去辛酉起左谕德掌南院事旋召回坊不赴乙丑起太常卿管南祭酒事是秋升吏部右侍郎以疾辞隆庆改元特起原官仍不就明年奏复陆姓己巳再起掌詹事府事教习庶吉士行至淮而返万历初起升礼部尚书未逾年复请告乘传归濒行< 〇〇〇〇 〇〇〇〇 〇〇〇〇 〇〇〇〇 >陈十事皆关大计而辩宫府抑戚幸斥貂珰尤触时忌戊子年八十戊戌年九十壬寅 皇太子立凡三赐存问加太子少保给月米岁夫予其子行人彦章终养仍支月俸皆异数云卒年九十有七赠太子太保谥文定予祭葬如例树声性恬默而严重有骨气登第六十四年其官两都不及一纪先后二三权相力皆奔走海内而宠辱之柄卒不得加乡衮当国所网罗推挽遍天下知名士而独不得引以自近居恒言士大夫于世法中惟廉取薄享可迓续寿命之原其所自得者深矣

○壬午以黄河汹溜运船过淮过洪期限照上年例量宽一月其冲决处所着总河严督司道等官作速修治

○升河南左布政使霍鹏为右佥都御史巡抚大同地方赞理军务

○以九年考满御史刘应龙为南京太常寺少卿添注 ○准宣大总督杨时宁奏副使张我续调分守口北道副使原任参议张存意升分巡口北道参政

○准考察留用御史张似渠蒋以化杨文< 〇〇〇〇 〇〇〇〇 >各养病

○癸未谕吏部六年两京考察乃 祖制黜陟大典岂敢变更但两京科道见差之人留用之故前已有旨晓然非有别意且考察留用各官 祖宗朝亦间行之岂自今创始其时未闻有聚讼朝堂揣疑君上诬诋辅臣者何今各结私党朋比争雄趋附总宪諂媚铨司固位希图报复其于君令臣共何况未考察之先各衙门司属出位妄言要名饰罪之畜未见一人的指糾劾竟欲致君孤立束手听制臣下好生可恶恶是何纪纲制度温纯钱梦皋等已有旨了杨时乔姑著策励供职前屡有旨著各衙门堂上官约束属官尽心职业不许出位妄言沽名乱政何不遵行姑且不究再有违犯的通行必罪不宥其谄媚挟私惑众三畜贺灿然刘元珍庞时雍姑各降三级调极边方用不许朦胧推升如有党救激扰的一并处治不饶

○夺南京浙江道御史朱吾弼俸一年吾弼< 〇〇〇 毓-金 >入己旬余矣至是乃以党救同类揣疑君上诬诋辅臣并从簿罚焉

○周王肃奏本年五月二十二日有男子汪大坡白昼持刀直入宫府当被看门旗尉捉获发送有司勘问未结大都因按臣业已出境抚臣悬缺三年一时弹压无人不逞之徒遂尔乘机启衅也得旨奸宄肆行著地方官上紧究问巡抚久缺吏部便开写前后会推的来看一面催巡按御史作速赴任不得迟延

○甲申南京科道拾遗< 〇〇〇 毓-金 >得旨王基支可大陈洙予致仕李植调南京别衙门用金待取等下吏部覆议金待取颜洪范谭好善各冠带闲住刘冠南降一级调外任用

○命工科给事中胡忻巡视京营

○予原任南京工部右侍郎张櫜祭一坛减半造葬原任南京兵部尚书郭应聘妻杨氏祭一坛开矿合葬

○革陕西旧洮州守备陈楨任行巡按御史提问拟罪以贪庸废弛为督抚所劾奏也

○兵部言各省直缺官银两系供内庭烟爨各商待领办纳势难延缓况随缺随扣不烦追徵数少搭解不烦另委胡可泄泄若是也今后议将循环数目载入考成如违限不完查将经管各官职名开送巡视京营科道指名参治从之

○大同阳和城地震有声如雷移时方止

○乙酉 孝安皇后忌辰命武进伯朱天爵祭 昭陵

○敕工部主事徐天宠同太监王玉修理 显陵配殿

○大学士沈一员< 〇〇〇 毓-金 >请复贺灿然刘元珍庞时雍原职以光 圣德以簿臣罪 上谓灿然等讽朕诬卿本当重治已从轻处不必奏报

○升辽东宁前副总兵姜显谟署都督僉事都司僉书李继功加游击职衔中后所管游击事守备傅元勋复实授游击各炤旧管事原任游击杨绍先起补中右所游击原任备御王迺起补长安堡备御从督抚蹇速等议也

○礼部覆御史孔贞一< 〇〇〇 毓-金 >谓士子一叨乡荐身已离乎黉序既考较黜斥之所弗加足未躐乎仕途又殿最激扬之所未及中间好修之士固不乏人而不自爱者亦往往有之如台臣所云武断乡曲是闾右之豪也嘱托行私是藩间之乞也违法取利包揽钱粮是市侩之事也把持官府侵害小民是虺蛇之毒也捏造歌谣兴灭词讼是穷奇之奸也至于群居赌博穷昼夜混良贱此又其无行义之尤者盖台臣之述备矣而臣又见寒士蹇儒甫饶一举非绮纨不衣非舆马不出赴春闱而驰传辄乘双舟骋浪迹以抽丰不远千里骄盈奢侈猥琐卑污若而人者一得志于南宫俨然称制科俛而就官亦将民社寄焉而素行如此欲其恪守官方比迹循吏不亦难乎台臣所陈深裨风化容臣部移咨都察院两京行提学御史各省行巡按御史转行藩臬守巡将所属府州县举人查其饬躬励行卓然不凡者奏荐揭荐其无行不简确然有据者监司开送巡按巡按

密揭臣部并吏部如其过犹浅能改图者姑与自新以观其后如行止即亏前愆难盖则亦不必怜惜也而臣又谓禁之以言未若惕之以事必重惩其已著方可警其将来臣见万历二十九年浙江巡按御史马从聘参嘉兴举人马文远钟世芳凌辱桐乡知县谢谏近日浙江巡抚尹应元参湖州乡官知县王德坤凌辱本府同知尚从试皆以干谒不遂横逆相加令人不堪至于弃官角□羊印而去臣愚谓马文远钟世芳王德坤并宜黜革然后可以端士习肃人心整顿纪纲挽回风俗而天下乃不至于乱得旨士子一登乡书德业所基前途颇远乃猥自菲薄屑越名教何以望其将来此后但有决裂行简自底不类的巡按官查有实据开送礼部不许起文会试其卓然不凡的许奏荐揭荐通行着实举行以端士习

○兵部言虏酋宰赛诱杀备御熊钥已奉旨停革市赏矣今督抚蹇达等恐生其疑畏难以计处议欲照旧市赏以安其心然后熟计情形徐图剿创总之慎举动以保万全之意惟是虏性狡黠难驯未可辄为宽纵彼既背恩犯顺我当闭关罢款亦事势之不得不然也事关边务军机仍应遵照前旨从之

○丙戌大学士沈鲤朱赓合词请宥贺灿然等令策励供职或照朱吾弼例罚俸示惩以安首辅之心 上谓已从轻处如何又来奏救还当重治姑且置之仍命鲤遵旨即出与赓协恭赞理 ○应天府府尹李尧民以遵旨调理痊可无期奏乞休致下吏部覆议许之

○升宣大总督标下游击吕志望为保定马水口参将山西都司掌印钱文英为利民堡参将辽东都司金书张大缙为山东济宁游击蓟镇大毛山提调章思恭为山东都司金书

○兵部言延镇款虏先该督抚题议一年恭顺方准一年市赏或春顺秋逆即春抚秋剿今年顺明年逆即今年抚明年剿毋得轻听罚服苟且了事今据炒忽儿等七酋挟赏不遂拥众江边要挟之状罪莫大焉市赏停革夫复何辞但该镇督抚念其恭顺在先犯顺在后且人叩关盟誓输诚献罚比之怙终者似属有问所该三十年分赏应准照例给与其罚治夷畜并先送马匹俱变价贮库听候抚赏支用至于各虏互市马匹已有定额不得各自参差以起争端仍行该镇督抚衙门严谕套长卜失兔加意铃束诸部无生他心连年驯服三十二年市赏亦准一体给领若再作歹即行捣剿报可

○丁亥以中元节命隆平侯张炳镇远侯顾大礼武安侯郑惟孝恭顺侯吴汝胤南和伯方□□火节□忻城伯赵世新宁晋伯刘天锡宣城伯卫应爵彭城伯张守忠分祭诸陵惠安伯张元善祭 恭仁康定景皇帝都督同知陈承恩祭 哀冲 庄敬二太子各陵坟

○补荫原任大学士高拱孙櫪为尚宝司司丞

○戊子谕首辅一贯次辅鲤当今 天变频仍人心喑訛维新庶政协和万邦正在今日朕以一人焦劳于上而股肱心膂之臣尚犹顾自身名杜门不出卿等自为则得矣

如国家大事何古之任天下之重委身于是非利害之场者当不如此着鸿胪寺堂上官宣谕朕意即日入阁办事同寅协恭以佐朕之不逮毋得再有托陈谕卿等知之

○先是大学士赓偶以感冒乞假因请宣谕首辅次辅早出办事及将一应本章径发首辅拟票 上悉从之至是一贯言臣以被论乞休人言至今未已不当干预票拟今次恐误政几从权拟上以后乞命次辅或三辅遵奉行事 上曰卿前被诋诬已有明旨岂可推避致失政几

○己丑予故武安侯郑惟忠妻黄氏祭二坛开圻合葬

○先是五月十二日东虏二百余骑夜从高丽冲入肆掠戚家堡等处所杀掳人畜颇众右屯游击张昌胤领兵赴援虏遥见即退去被掳屯民有因而逃回者义州参将刘宗汉至不及虏或谓虏去未远请急追不听至六月十五日贼一百五十余骑从锦州大茂堡入仍至戚家堡张昌胤近在八里内闻报虏众八百畏不敢出辽东巡按御史康丕扬因〈○ 疏 金〉劾宗汉昌胤及中军戴位名锦州游击李继武戚家堡守堡官田尚贡代守官谢采大定堡代守官朱景隆大茂堡守堡官张志立戚家堡收斂官王一夔等且言每次虏犯据将官所报多从境外了见其实未尝见也且言擐甲以待其实不欲出也不过习卖放以充囊饰火牌以欺众耳及今不一申饬恐今日锦义各堡之外已无屯此后两城之外遂无堡矣张昌胤见在右屯实心任事臣前在锦州时大茂堡被虏本官冲锋甚力戚家堡之役亦赴援独早而于此独怯一战岂真讹传惑众毋亦耳目实有所未明耶乞将刘宗汉革任提问员缺速补张昌胤功过相半或念秋防已近一时难易两将姑令戴罪管事此后主客将领俱以临敌追剿为功小小失事悉从宽政其有仍前观望徒以虚报塘塞者查照会典例一体重拟下兵部覆议宗汉革任与戴立名田尚贡谢采朱景隆张志立王一夔各提问仍备查失事的实议处具奏昌胤华充为事官戴罪管事李继武策励供职从之

○庚寅 成祖文皇帝忌辰 奉先殿行礼遣定西侯蒋建元祭 长陵

○大学士沈鲤言昨蒙发下票本二十本内有首辅谢宣谕〈○ 疏 金〉臣谨一同票拟封进讫伏念首辅谢〈○ 疏 金〉臣当票拟其余章奏似当仍发首辅始不越次而亦可以速首辅之出也 上谓协恭票拟乃 祖宗制度岂可推避致误政机

○吏科都给事中侯庆远等湖广道御史李楠等各〈○ 疏 金〉救降处三臣庆远且言闻梦皋外转时一贯要二辅臣具揭留之夫年例岁岁举行非异事也辅臣曾揭留几外转科臣而谓无意梦皋其谁信之〈○ 疏 金〉入 上谓其饰词党救为首的各罚俸五个月余各二个月灿然等还都降杂职调极边方用不许朦胧推升再有烦激的还一并治罪时一贯亦具〈○ 疏 金〉剖白 上温语慰答之

○辛卯礼部言贡夷领赏回还俱有定限载在会典又廛 明旨令作速给发乃迩未以缺乏为词多不如期然迟之旬日终亦必与徒令夷人稽留光禄烦费无论驭夷大体即为国计不应如是伏乞申饬各该衙门一应赏夷段绢银钱衣服靴袜等件本部咨

文到日依限半月以里简发无再延缓得旨贡夷应得赏赐各该衙门俱宜遵照典制及奉过明旨先期办理完备事毕当即颁给以见朝廷怀远之意毋得仍前迟误

○先是宣大两镇土商认纳长芦盐价每引二钱嗣后宣镇运商居半每引认价三钱而土商犹故也近因宣镇运商与土商争纳告增部议土商亦照运商例加银一钱而大同地属切近一体加派于是大同土商任光裕等纷纷告苦争思徒避抚臣张悌言云镇中盐远商罕至率以土著者充之沙薄鲜收转运内地脚价赔累倍于宣镇而又多召买军饷之苦乞准照旧以二钱认纳下户部覆议从之

○敕刑部主事王善继往关内南居益关外黄景峨江南黄体仁江北各审决

○癸巳升河南都司佾书蓝汝忠为山都司掌印辽东岫岩备御高宽为辽东都司佾书大同右卫城守备曹岱为宣大总督标下游击

○甲午直隶提学御史周家栋言臣接邸报见 皇上所以温谕元辅沈一贯者一则曰卿竭诚体国无事不言一则曰今不问其时势何如一切责之于卿规讽其上一则曰国家多事维新政几必赖元辅岂可以人言决去自隳其未竟之功臣庄诵再四未尝不叹 皇上信任之笃而元辅得君之厚也第反覆思维 皇上所谓维新政几者臣虽不知所先大都不过罢矿税补庶职释逮系起淹滞下章奏宽言官诸如此类皆天下所延踵跣足而欲旦暮得之于 皇上者以 皇上之明若日星非难照也断若雷霆非难行也乃曰必赖元辅者何哉夫维新既赖之元辅则酿成者果属之何人皇上欲以此明元辅之心迹挽元辅之去辙而天下之责望愈重元辅愈有所不容辞者矣且时势者君所造也非所设以难臣下且可为臣下解者也自古未造之世岂无藉口时势以欺天下万世者然或繇于宦寺之握重藩镇之跳梁丑虏之荐食屡世所积祸本甚深其机权庸有不在我者乃愿治之主尚不遗余力以挽回之未有举金瓯无缺之天下当吾世而敝之而曰时势不可为也夫元辅无论矣时势有足以难 皇上者乎矿税罢则罢矣庶职补则补矣逮系释则释矣淹滞起则起矣章奏下则下矣言官宽则宽矣举天下无一能得之于

皇上者 皇上无一不能得之于天下惟 皇上自设坚垒以成不可挽之时势乃又藉口时势以解不能白之元辅则所谓国家多事者 皇上自多事也谁收为 皇上多一事也臣谓皇上欲留元辅当使元辅见信于天下欲使天下信元辅当使皇上之言先信于元辅诚霈然发明诏涣德音种种政几无不见诸实事与天下更始以示维新之政则朝施行而元辅夕就位可矣不然何以谢天下而欲以塞哓哓之口为元辅解此嘲也不亦难哉

○是日夜五更时月犯毕宿大星约离五十分余月在上

○乙未 慈宁宫近侍李昇遗火烧毁房屋命法司提问拟罪

○复除原任参议王嗣美于湖广

○陕西延安府肤施县知县王藩以库银被盗误拘邻居延安卫指挥杨垆觉而释之该卫指挥岳绳武陶秉忠夏有启百户魏汝贤刘源因挟催粮旧隙糾集军余百余人拥入县衙打毁公座器物殴伤婢仆藩避匿得免垆等复捏词申诉并诬讦藩赃私条款该督抚据实以闻乞行提问治罪藩酌量调用下部院覆议从之

○丙申大学士沈一贯等奏

东宫讲读日期查八月初三初九日皆吉伏乞钦定不报 ○升山东济南府同知咎云鹤四川顺庆府山西大同府同知任禄四川龙安府直隶徽州府同知凌登名广西太平府各知府

○先是贵州巡按毕三才题称贵州山多田少额赋甚俭虽赖川湖协济而岁出浮于岁入目今仓库空虚官军俸粮历一二年不支无从措处乞行本布政司依式鼓铸制钱以济民用裕国计户部覆言立法者贵宜民不贵强民贵因俗不贵逆俗今举黔地从来未有之物一旦责之以必行恐于民俗不无少梗又况各省铸钱通行未几盗铸群起铅锡搀杂轮廓肉好不能如式以致货物腾贵商旅不通旋即议罢今复行之黔省恐蹈前辙终成画饼合咨本省抚按转行司府州县酌夺土俗如果可以行钱依式鼓铸每铜一斤铸钱百四十文每钱百文当银一钱街市贸易俱令银钱并用仍通行府卫州县等衙门一应条折榷税援纳赎罪等项以十分为率三分纳钱七分纳银其该给官军俸粮各项工食马价亦如之敢有把持阻滞以及盗铸者听抚按官问以违例之罪倘其中民情土俗果万分掣肘不妨再议从之

○丁酉命户科右给事中梁有年暂署刑科印务时刑科右给事中刘道隆给事中朱一桂候命日久屡催不下偶值金署驾帖一时无入故有是命

○推湖广黄梅华容二县本色南粮自三十二年为始改折十年每石照例五钱其余州县不得援以为例

○戊戌命延绥总兵官李如樟中军都督府金书管事

○升山西宁武关守备张度为河南都司金书

○户部言先年省直起解钱粮各有定制原系民解者务选殷实大户原系官解者务选府州县廉干佐贰官员仍酌量地里远近定限交纳其阴医义民武职等官一概不许滥委迩来日久法弛人心玩愒有等游手奸徒托充阴医义民等官名色专一揽解钱粮领运营私累岁经年全不投纳不才有司信其鼓簧假以时日事惟利其易与情宁忌于同眠以国家布缕之征济奸宄溪壑之欲滥觞已极三尺何存如河南灵宝县应解京库布疋绵花先后委医官焦邦才省祭官苗应魁巩县应解京库绵布委义民官张三凤等违限俱在一年之外又布疋俱稀松不堪发回改织尚未完销除焦邦才许輝照例究治苗应魁张三凤严提到日一体重处外相应严行申饬得旨钱粮重事如何差阴医等官任其迁延亏欠着严行催解仍将经管各官指名参来

○兵部言夷酋五路台吉先因挟赏犯边已行该镇督抚相机处置今据题称已将

本酋市赏尽行停革仍谕虜王严加罚服乃本酋始犹支吾延捱后竟泥首叩关钻刀说誓送还原掳人畜愿甘罪赎议将本酋原革市赏准其开复以示羈縻至顺义虜王与忠顺夫人素囊台吉一则不为亲而讳罪一则能仗义以执言恭顺可嘉宜颁赏赉得旨五路犯顺已有旨停革市赏既虜王等为伊合词恳宥罚服乞哀姑准开复原革其旧赏准晕给与如敢再犯永行停革顺义王忠顺夫人及素囊台吉等赏俱准给与余依拟行仍着该督抚官宣谕朝廷恩威以后但有挟赏犯边的定行诛讨不贷申严军法饬励将士毋许疏忽推诿自干宪典

○己亥复除病痊翰林院简讨盛以弘

○加何南左布政使姚学闵太常寺卿镇江府知府许国诚思恩府知府罗应台俱副使职衔各致仕

○贵州总兵官陈璘引疾乞休下兵部覆议着照旧供职

○庚子宴海四渚冬河等卫进贵夷人兀速儿赤等一百十二名命泰宁侯陈良弼待

○予工部尚书姚继可驰驿回藉调理< 〇〇〇〇 毓-金 >至此凡四十五上矣乃有是命

○山东登州府各州县地震有声

○辛丑予后军都督府带俸武平伯陈汝松继妻沙氏祭二坛造坟安葬

○革云南腾冲参将王廷光蛮哈守备李天常任廷光仍行巡按御史提问以躁进失律为巡抚陈用宾所劾奏也

○壬寅吏部左侍郎杨时乔复引疾乞罢且言前此臣部属官有为清平之论者欲将臣等主察与被察者一概罢去乃谓之平今诸臣皆去臣尚姑留臣心日夕不安昨又闻其为书抄传邸报刻录盛行臣愧惧益甚然臣求去日久则原不为此也< 〇〇〇〇 毓-金 >留中

○户部言国家设立盐法召商报中盐有定额商有定名无或敢干以私者此在九边皆有禁而宣镇之奸徒则蝇集矣该镇准芦盐引共计二十四万五千有奇年年分派实纳商人照仓上纳粮固易办商亦乐趋此定例也近来有等无籍棍徒每遇派引之时百计营求多方钻刺明攘商利阴劫储司饷臣稍任怨劳思为禁戢而若辈希图故辙妄肆雌黄或道路流言或匿名造揭不至螫其毒遂其奸不已者中外官绅又輒轻为居间或不知而误啖其饵或已知而业受其欺所得仅毫芒所损已寻丈所坏者边储国计所利者牙佞刀锥业已附之翼而藉之凭安得无令此辈择人而食也即如今岁之吕承聘者名不藉官何故而甘与盐引身非旧役何故而自号书商商以书名是明以请托为事书以商嘱是明以货贿为媒此一奸也盖踵去年张两公之故智更张其恶而计遂其私妄呈妄揭播弄聚讼迄无已时除劄行该镇一面严提究治外再乞 天语叮咛痛加惩创无论何等势豪神棍但有求书嘱托者即便擒拏究拟如或仍前横恣流谤中伤官司

然在也因而< 皇 毓-金 >通下流以出小浮桥所费有限非复昔比从此三百里长河上下条畅可冀久安机之可乘者一自徐州而下清黄并行沙随水刷河底日深河崖日峻此亦数十年所未有也因而导水归徐容受有地昔年议挑之费皆在可省机之可乘者二盖以水为师因势利导惟此时为然万一坐失事机忽而不治或治而仍量挑以徼天幸至于前功尽弃后患相寻其劳费可胜悔哉今司道各官殚心竭虑熟思审处谓河之中路有南北二股北股出浊河再< 皇 毓-金 >再壅往事可镜惟南股出小浮桥地形卑下其势甚顺度长三万一千四百丈有零议开口阔四十丈以至二十丈不等深皆一丈五尺共该土方四百六十九万五千有零用夫六万名自下而上约四百日可完水出小浮桥徐城适当其冲议于义安山建滚水坝以分其流复用石砌护城堤以垂永赖庶几其为完策乎惟是前项土方工价及堤坝工程估该银八十万两及查河道钱粮则马价漕粮支销已尽库金仓谷搜括已穷且江北河南山东三省直者概有天灾之苦概有无艺之征物力匱绌公储虚耗臣等祇奉 宸纶集思广益既不敢蹈前车之辙又不能为无米之炊惟有仰乞 圣恩多方处给或在工部或在别部约凑六十万再留附近漕粮四十万石共足八十万之数听臣等于今岁九月间严催东兖开归淮徐等处本折漕粮先解工所募夫支用其余银两陆续起解定限岁里通完盖南阳水势日异而月不同入伏以来黄流旁溢淤淀漕渠者六七尺不等金乡护堤又为鱼台之续逾此而北直灌张秋失今不治来岁新运即有洳河通而自夏镇以至安山岂能无翼而渡耶

< 皇 毓-金 >留中

○江西巡按徐元正言三十二年七月内该礼部题奉 圣旨提学官职司考较载在敕书岁周一次原无类考之规自行类考而士风躁竞孤寒淹滞率繇于此便行与各省直务遵屡旨勿得自为偷安之计年终仍开报该部以凭分别铨叙其有资俸该升而考未周遍者不妨加衔再任吏部知道钦此臣自诸生时目击时事尝谓朝廷风宪之臣于治乱最有关系无如督学使者盖治乱系乎纲纪彼蚩蚩之氓氓文纲者有之若倡众而生乱尚不易也惟诸生借名学较最易动而难制铃束稍疏乱是用滋及奉命巡历西江瓜期已及见此中士习与他省直异盖西江土瘠人贫而无一人不读书者多则自相厌薄一厠子衿沦为□□□□渠有志者固不乏人而呼群引类规利干纪者亦自不少近年以来一切以挟持官长为业小大之讼多以庠衿列名亦多以庠衿为证稍不如意辄率数十人争于府县之庭争之不得辄刊数十款揭于藩臬之堂凡此皆繇考较之庭故平时则束经书为枕藉遇试则以嘱托为捷径躁竞淹滞诚有如 明旨所云者奉旨之后臣及监司守令无不举手加额谓士风自此可正乃提学一官自钱灌升任后屡蒙部推俱未奉旨西江士子几九十学不啻数万计儒童之多又不啻十数万计及今旨下履任亦必至秋杪去丙闈才三季耳加以颁约考贡途路往来不过得半岁之日而欲将如许生儒人人字比而句栉之虽十行俱下知其有所不能臣窃为学臣忧后刺也部

< 皇 毓-金 >原恳将提学官预早迁除俾从容较阅不得已时迫为词今时且迫矣而

未奉简书臣窃为部臣忧诺责也 明旨森严皎如日星明谓敕无类考之规而乃不与之以通考之日顾欲年终报部分别铨叙臣窃为 皇上忧慢令也如此而欲杜躁竞拔淹滞使风俗正于下而纪纲维于上亦难矣奏入 上以属吏部

○甲辰升协守孤山副总兵杜松署都督僉事挂印充总兵官镇守延绥等处地方

○以夷酋五路台吉悔罪认罚赏顺义王忠顺夫人各银三十两大红纒丝四表里素囊台吉银十五两纒丝二表里

○吏部左侍郎杨时乔三 < 銖-金 > 荐举在籍致仕养病给假终养服阙以至考察诖误降黜遣戍堪以起用各官大小九卿孙丕扬等六十员杯一脉等三十三员郎署等官赵南星等五十三员方面有司等官彭应时等八十九员养病终养科道官邵庶等六员考察编简等官史钶等四员建言迁谪各官邹元标等一百五员税事逮系降黜各官冯应京等三十二员又大学士申时行等三员尚书杨巍等六员皆耆年宿望乞赐存问并加给舆夫月米参政等官郜永春等六员齿德俱高乞照恩诏例加衔示劝不报

○乙巳升太仆寺少卿连标为本寺卿

○丙午命都察院左副都御史詹沂署本院印

○加封彰武伯杨世阶母陈氏为太夫人

○升顺天府府丞乔璧星为大理寺左少卿应天府府丞徐申为本府尹

○升河南右布政使易登瀛为左布政使南京户部郎中吴文企为浙江宁波府知府复除原任知府沈茂荣于福建建宁府刘懋武于澂江府

○准广西巡抚杨芳奏参议陈惇临升江左道副使

○丁未祭 先师孔子命侍郎杨道宾行礼

○升山西参政徐榜为按察使分守冀北道从督抚按会奏也

○升延绥东路参将石尚文为孤山副总兵

○戊申秋祭 社稷命英国公张惟贤代

○保定巡抚孙玮续报所属地方灾伤乞赐查勘蠲缓并议留各衙门未解赃罚银两以备煮赈得旨近畿根本之地连年荒歉今又灾伤可虑之甚户部上紧看议来说

○己酉户部言湖广巡按御史吴楷揭称长沙府属长善二县久缺正官每县积欠钱粮自二十一年至今各几十万又浏阳县欠二十一万五千湘乡县欠十六万七千湘潭县欠八万一千宁乡县欠三万九千益阳县欠四万四千安化县欠七千三百攸县欠四万三千臣一见之不胜惊愕不知此钜万者果无名之徵艺乎抑公家之成赋乎果灾沴之亏损乎抑玩愒之稽延乎果穷民之逃累乎抑猾吏之乾没乎果先后接管俱懵然不知乎抑明知之而姑听之乎此其故不难知矣盖见任者侥幸于三年之考成不难饰文案以蒙上代庖者模棱于五日之京兆不惮稍委曲以庇前闾茸无为者展布局于才力既欲振刷而不能譎巧善宦者精神夺于窥矚又能振刷而不欲其最下者腴削脂膏充润囊橐且阴为鼠之穴狐之窟知而不复问矣当此帑藏空竭之秋纵不能多方搜括

别出他筹乃于额内成数因循亏欠一至于此则是朝廷张官置吏不能得其半臂之用徒为奸之藪盗之魁耳即一长沙郡县而天下之为长沙者可知也倘不大加惩创一湔夙弊则推诿欺隐将无底止臣即蒿目焦思日夜拮据亦何益于殿最哉得旨国家正供钱粮止有此数长沙一府如何积欠钜万京边常费从何处给经管员役好生欺玩着该抚按便指名参来仍清查的数严徵解部毋许仍前委托还通行各省直俾各警省

○庚戌

孝康敬皇后忌辰 奉先殿行礼遣武进伯朱天爵祭 泰陵

○河道总督曹时聘以淮徐道副使卜汝梁挂冠长往大挑在途亟须得人议将漕河道按察使汪可受加衔改补其漕河一道即行裁革以省靡费及可受以忧去复请以开封府知府冯盛明升补下吏部覆议从之

○辛亥秋分祭 夜明于 夕月坛命英国公张惟贤代

○南京吏科给事中陈嘉训< 〇〇〇 毓-金 >请亟下考选散馆候补科道亟补南京参赞机务尚书因言用人为吏部职掌今乃分举于九卿如前推吏部尚书初及督臣姚继可后及督臣李汶虽 圣明自有权衡然于会推之体亦既褻矣近见福建抚按连 < 〇〇〇 毓-金 >自司道以迄郡佐迁转更置几遍八闽且至留及南京被察之吏虽其意在怜才独不思 祖宗之成宪不可违而士口之幸窳不可启耶不报

○壬子 孝慈高皇后忌辰 奉先殿行祭礼 ○苏松常镇税监刘成亦以米粮免税额数难充请乞特赐裁减 上曰前有旨米粮柴薪民生日用之需不许徵税以昭朝廷因灾救荒德意今奏四府税课六万之多米粮居半还会同抚按委令有司酌徵四万两解进应用待殿门工有次第奏请停免不许困累口民

○以南直隶等处矿务银两听该府州包纳角口羊进其原奏百户王遇桂回卫当差

○户部覆山东河南各州县未完京边钱粮知州等官詹玉铉等三十九员各照例住俸降俸降级革职有差或念地方灾疫各递减一等责令戴罪督催许之

○应天巡抚周孔教< 〇〇〇 毓-金 >议加杨舍守备袁时隆都司金书福山把总程云守备各职衔照旧管事镇海卫千户陆韬升柘林把总因言三吴昔患倭今患盗臣为广搜奇才剑客遗弃将领各试之以事仍与之约一切殿最视获盗之多寡今后防倭防盗当为并重或获盗五名乞准倭功一级以示鼓舞下兵部覆以倭功例应世袭遽难轻议其加衔升补各官如拟诏从之

○癸丑 皇太子千秋令节免百官称贺

○准蓟辽总督蹇达咨以辽东懿路城备御李文光调蓟镇义院口守备

○甲寅督理漕储御史高攀技恭报粮船八千一百三十四只粮二百九十二万一千四百五十一石一斗六升三合于六月初八日尽数过洪荐举先今河臣李化龙曹时聘漕抚李三才总兵王承勋及部属官刘不息等十一员章下户部

○命刑部右侍郎沈应文署工部印

○升蓟镇松棚路游击李获阳为山海关参将保定营游击沈灿为辽东义州参将山西都司掌印李怀信为延绥中路参将江西万安守备王言为直隶庙湾游击

○乙卯大学士朱赓连揭请趣首辅次辅同入办事 上曰二辅屡有谕旨如何通不进阁身心何安殊非礼体卿可传谕即日入阁赞襄以副朕惓惓仁望至意

○南京福建道御史孙居相〈■疏-金〉论诚意伯屡奉旨免死发原籍为民严行羁管刘世延抗违严旨盘据南京收纳亡命诈骗官民擅杀人命奸夺财产妻女及雕刻假印刊刻谣词诸不法状且妄称星变遣牌赴京明犯无将乞行逮治因言南都勋戚最多见世延屡蒙宽假相与效尤有抢妓诈财如安远侯弟柳懋勳者有对奕杀人如东宁伯弟焦梦兆者有路辱大臣如忻城伯弟赵世明者有乘輿率众抢夺罪人如罢闲南京锦衣卫都指挥梅应魁者其他贪纵不简未易更仆皆闻世延之风而起者世延不惩恶党愈炽豊镐重地大可寒心 上曰刘世延屡犯国法朝廷待以不死如何全不悛改抗住南京今又遣牌赴阙意欲何为三法司便会议来说议上著南京法司严拏监候根寻原牌及本内被害人犯审实具奏定夺柳懋勳等一并勘奏不得容隐

○顺天府宝坻县角口羊役沈化等洗改公文侵欺起角口羊钱粮镇抚司打问得实 上谓钱粮大事巧弊丛多户部还设法稽查严加磨对及户部覆议请行各抚按官着实振刷以清弊源从之

○丁巳广东惠潮兵巡道右参政朱东光被盗失印逾月获之井中而篆文舛错系属伪造总督戴耀据实奏闻并议东光调用及请铸给新印下部院覆议从之东光寻调贵州分守新镇道

○戊午大学士沈一贯沈鲤以 万寿圣节及辅臣赓奉旨宣示勉力谢恩入阁办事寻复引疾在告

○赐通湾税监张烨改建石桥名通运桥庙额与做福德

○贵州巡按金忠士奏乡官原任通判王显节通夷杀虏并守备官马一龙等通行提问下该部覆议从之

○己未 万寿圣节 上不御殿免称贺百官照例于午门前行礼辅臣沈一贯沈鲤朱赓诣仁德门叩头赐上尊珍饌

○赐百官节钱钞锭

○命隆平侯张炳恭顺侯吴汝胤武安侯郑惟孝定西侯蒋建元镇远侯顾大礼南和伯方〈■火节〉忻城伯赵世新宣城伯卫应爵彭城伯张守忠分祭诸陵惠安伯张元善祭 恭仁康定景皇帝

○盗窃大明左门兽环命缉事衙门访拏务在得获总甲孔江等下法司鞫问

○辛酉朝鲜国贺 万寿圣节陪臣禹俊民等三十员贺

千秋令节陪臣李馨郁等十八员命侍郎李廷机待

○壬戌大学士沈一贯等奏乞省发吏部都察院升官题差诸< 〇〇〇 毓-金 >上嘉其忠爱恳切但因各官不务举贤尽职惟图要誉沽名详览可否故尔迟迟命候旨行

○癸亥工科右给事中宋一韩以漕渠淤淀极论旧河臣李化龙开淤之误因言曹时聘意主大挑庶几近之乃责效于四百日之后为计亦左且夫以募集恐难久恃乞下工部追论覆议施行不报

○甲子 宪宗纯皇帝忌辰 奉先殿行礼遣宁晋伯刘天锡祭 茂陵

○是日祭 历代帝王命泰宁侯陈良弼行礼

○丑时 皇第十女生

○乙丑以巡捕提督陈汝忠后军都督府僉事管事

○解官唐守身携其弟守家人太仓银库于开鞘时每鞘取零银一封怀之为主事张联奎搜获共重二十一两尚书赵世卿据实奏闻下法司拟如律联奎与纪录

○丁卯夜客星不见自三十二年九月客星见尾分一更时出西南方随天西转至十月夕伏不见十一月五更时出东南方今年二月其光渐暗至是乃灭

○戊辰南京吏科给事中陈嘉训等福建道御史孙居相等各< 〇〇〇 毓-金 >请矜宥刘元珍庞时雍并宽台省诸臣之罚不报

○吏部言南北台省缺人至极固今年三月蒙允臣部之请行取内外诸臣拟授两京部寺者百三十余人伏乞俯容臣等会同都察院精加遴选务得忠诚练达者< 〇〇〇 毓-金 >名上请以俟简用其喜浮薄之流不得滥与仍将候补散馆科道诸臣即刻除授原拟衙门以济目前不报

○直隶巡按乔应甲奏臣以亲老身病再< 〇〇〇 毓-金 >乞休杜门候旨见外推科臣钟兆斗参左都御史温纯波及吏部内云徒取奸党不下之< 〇〇〇 毓-金 >朦胧混覆是以往事芥蒂而刺臣也臣去年三< 〇〇〇 毓-金 >一< 〇〇〇 毓-金 >曾下不下而科何以抄部何所据乃兆斗以奉旨之< 〇〇〇 毓-金 >为未下且以党字加人为一网打尽之计也兆斗之< 〇〇〇 毓-金 >皆钱梦皋为之激发而梦皋之得罪公论为其以妖书诬礼部侍郎郭正域及次辅沈鲤说者谓阿附一贯杀人媚人当 皇上震怒之日非 九庙神灵默为转移而听梦皋之言杀忠直之臣长安堕泪不知几千万斛梦皋误已误人不知流祸何极岂止贻羞青史已哉乃兆斗与梦皋同恶相济今日参温纯明日参杨时乔致使南北大僚告病乞休人人解体此两人考察外转之根也举而加臣不亦冤乎恳乞敕下部院查臣一有贪暴之事即重处以为不职之戒不然亦乞早赐休致或径行罢斥庶臣得遂生还而嫉臣者不终于侧目矣< 〇〇〇 毓-金 >留中

○己巳刑部< 〇〇〇 毓-金 >请钦定朝审日期得旨今岁各省直都暂免行刑俱著牢固监候

○崇隆等六寺喇嘛番僧共卜尖咎等三十名贡献方物马匹与宴赏如例

○户部覆南京户部议各省直应解南粮通准改折一年以后仍解本色从之

○准礼部议调精膳司主事李瑾于祠祭司提督太医院药库将各省直拖欠药味折色银两勒限严催解进应用其进过内殿品味数目季终造册进览

○兵部覆宣大督抚议张家口守备李楠革任以顺圣西城守备任自谦调补从之

○庚午大学士沈一贯自去岁冬以亲茔圯坏乞假归省 上特遣其子尚宝丞泰鸿代往至是竣事回京具< 疏 疏 >陈谢 上优诏褒答之

○吏部以推升未下请改大选日期有旨着明日行

○辛未大选进士吴汝显等以下共四百二十二员

○大学士沈鲤复引疾乞罢 上谓入直未久何得遽称难支宜详思屡旨眷留之意即出赞襄慎毋再陈

○浙江总兵官李承勋因言乞罢下兵部覆议着照旧供职

○予原任礼部尚书范谦妻杨氏祭一坛开圻合葬大同巡抚张悌母朱氏祭一坛

○总督宣大山西兵部右侍郎兼右佥都御史梅国桢卒国桢湖广麻城人万历癸未进士知固安县事选授河南道御史丁忧复除浙江道巡视光禄壬辰宁夏戍卒叛奉敕监军以功升太仆寺少卿寻升右佥都御史巡抚大同加右副都升兵部右侍郎总督宣大以忧去至是卒国桢性慷慨有远略监军时首戒擅杀所全活者百千人及为督抚诸虏尤畏服之讣闻赠右都御史予祭葬如例仍加祭一坛

○本月初四日戌时直隶扬州府泰州天鸣有声如潮而怒起自南方转东而下更余乃息数日不止时镇江宜兴等处亦同时鸣而镇江西南华山开裂阔二三尺巡按御史黄吉士江防御史李云鹄各< 疏 疏 >奏闻并请点用南京兵部尚书与两江道府诸臣及亟补南台御史一二员以便交接管事不报

明神宗显皇帝实录卷之四百一十三

万历三十三年九月壬申朔礼部进三十四年祀册 上不御殿命侍郎李廷机捧进

○赏已故司礼监太监田义新钞三千贯祭三坛工部给与棺木造坟安葬享堂碑亭如例

○户部覆陕西布政司咨韩世子择葬民地夏税秋粮照例豁免从之

○兵部覆贵州巡抚郭子章奏裁兴隆参将新推参将萧孟京听候别用清镇守备移驻偏桥卫兼管兴隆都清守备移驻杨老站适中巡历并汰革新兵建置公署悉如所议孟京寻补广东潮州参将

○准福建巡抚徐学聚议升标下中军王佐为小埕水寨把总 ○升遵化右车营游击高应节为五军七营参将

○起补原任参将王洪为蓟镇松棚路游击

○癸酉给赐陕西鹞子坪等族进贡番人盔列等三十一名各段绢银钞如例

○两广总督戴燿奏辞加俸不许

○甲戌户部覆直隶巡按沈时来条议均漕粮一款极于永平镇军民有裨但欲从海运转输事干重大俟督抚详议妥当另行题覆其裁加粮一款谓保定标骑等五营军士支粮八斗其来已久近以戍守之劳加给一斗意非不善而所加之粮即派于所屯之地每亩骤加一分四厘有奇军实未见其利而先受其害也依拟将保茂紫荆七卫所屯粮照旧办纳其新加饷银除豁免徵食粮军士仍止支給八斗盖与其拂军之愿而以益者为累孰若从军之愿而以减者为恩也其兑军饷一款谓易镇所辖两关六营军士所仰给度支者二十余万金解运车脚之费不知凡几乃保定府岁解太仓及昌平宣府银两数亦称是而解运车脚之费亦如之欲扣数兑解以省劳费其理甚正然昌平宣府两镇额饷各有款项似难更移合将解京银两准相抵兑其昌平宣府银两仍旧解纳为便至易井二镇事同一体查井陘镇每年部发主兵银五万四千两而真定府有应解太仓银两亦应于内扣抵合行各该道府自三十三年为始保定府将额解京仓税粮马草等银三万三千八百三十九两零解发易州镇抵兑军饷不足之数仍于太仓补发其昌平宣府应解银三万六千五百二十九两五钱连脚价仍旧解运二镇真定府将额解京仓夏税秋粮银五万八千三百一十八两七钱零于内留五万四千两径解井陘镇抵作兵饷其余照旧差官解京又该督抚咨查真定府扣兑银两每两原编损解六厘该银三百三十三两四钱二分每两明加五厘该银二百七十七两八钱五分又额派芝麻奉文每石扣银九钱五分共扣银七百七十九两三项通共一千三百九十两二钱七分议欲收贮府库以备井陘镇给放闰月军饷之用及查三十年内本部题准以后各边闰饷俱于支剩交官羨余等项抵效惟是该镇额饷不多恐还官等项不足支用合于指解等项量支补给积有剩余仍行报部至于保定府解抵易州镇脚价各属相离三百里者每百两给银三钱二百里者每百两给银二钱其余邻近州县照地里计算量给通俟完日扣算余剩之数差官解部助边诏悉从之

○乙亥

孝恭章皇后忌辰命平江伯陈启嗣祭 景陵

○大学士沈一贯复请给假省墓 上曰卿前以脩墓为请朕曲体卿意特遣卿子泰鸿代往足慰孝思何乃又有此奏可即出赞理勿负朕眷倚之意

○敕御史余懋衡往陕西曾舜渔往广西各巡按

○吏部左侍郎杨时乔复引疾乞罢不报

○丙子录闽省防汛官兵擒斩倭贼功次故巡抚朱运昌行礼部追恤总兵官朱文达副总兵施德政原任右布政加太常寺卿致仕徐应奎丁忧右参政俞士章听调副使朱汝器同知杨一桂原任知府升副使程达各赏银十两达仍行吏部纪录把总沈有容龚守忠各赏银六两仍附簿纪录

○准简讨郑以伟患病回籍调理

○准总督戴耀奏标下坐营许大用升广西都司金书 ○丁丑以原任四川总兵官林桐提督京城内外巡捕

○予右中允陈懿典给假迁葬

○南京翰林院掌院事右谕德杨继礼以患病乞罢继礼学行著闻因赴任患病在籍候旨寻卒士论惜之

○戊寅大学士沈一贯等三〈□ 疏-金〉催请 东宫讲读日期 上曰今岁自春至秋寒热不调念 皇太子气质清弱以此暂免出讲还候旨行

○工部以浙直抚按〈□ 疏-金〉奏水旱频仍物力耗竭旧欠段价已数十万今奉传造又复不费乞从本部前〈□ 疏-金〉准令补织旧欠一万余疋其余新增暂赐停免或量减十之三四仍每年定解一运所用钱粮查照旧例户四工六出办 上谓进赐所需必不可缺前已有旨还着设处遵行

○陕西巡抚顾其志以织造工料匱拙奏乞减免得旨羊绒袍服连年搜括钱粮有费区处朕岂不悯恻但供用难缺先已减过还着照数办进该部设处工料与他

○南京浙江道御史朱吾弼言 万寿圣节南京文武百官齐赴礼部衙门呼嵩拜祝臣侍班糾仪乃南京兵部右侍郎臧惟一甫一跪拜遂伏地不能起律以失仪法惟止于罚治念及戎务义当责之养高惟一亦认罪乞罢下吏部覆议特准回籍调理

○己卯刑部尚书董裕以老病阽危连章乞罢不报

○内官监奏脩理 显陵工完在事效劳各官工部郎中朱家法等乞行叙录章下所司

○庚辰兵部都察院会覆四川巡按李时华会审过播酋杨应龙余党杨守隆等七十九名口处斩发边远安置释放变卖纳价各有差依拟

○兵部又覆贵州巡按金忠士勘过原任守备杨惟中叶明远一则遇寇先逃一则临阵退缩厥罪惟均拟斩不枉但惟中之失龙泉也无兵可恃无城可守当逆龙猖獗之日仅仅以千百之卒欲其当数万之虏不格明矣明远之失河渡也大兵在谢崇爵重权亦在谢崇爵彼以白衣之身当主将奔溃之后欲其御方张之敌也必无幸矣况惟中后有破围之功明远前有夺关之勩在昔兴兵征播之时固当按法以肃军中之令在今平播奏功之后尤当减死以示法外之仁改拟边戍诚法之平也土舍安其位牛酒相迎乃是缓兵之迂计士民代愬具见盖棺之公评应从抚臣郭子章前议改土为流录其子一人为土主簿薄诛其饟逆之罪不斩其先世之泽者也诏从之

○辛巳以霜降节命隆平侯张炳保定侯梁世勋怀宁侯孙承荫丰城侯李承祚遂安伯陈伟武进伯朱天爵南和伯方〈□ 火节〉彭城伯张守忠新宁伯谭〈□ 楸心〉勋分祭 诸陵惠安伯张元善祭 恭仁康定景皇帝都督同知杜惟忠祭 哀冲庄敬二太子各陵坟

○大学士沈一贯再〈□ 疏-金〉请假脩墓词益苦切 上曰卿先陇卜兆已吉

安厝已定即今不过脩补卿男已曾代为何又亲自请行宜勉遵前谕时下即出毋得过信堪輿负朕悬悬之意

○以三品六年满考升顺天巡抚刘四科都察院右都御史兼兵部右侍郎照旧巡抚给与应得诰命荫一子入监读书

○以三年满考升大同巡抚张悌右副都御史

○壬午准鲁王寿鏞奏宁德王生母姚氏进封鲁恭王妃

○升山东左布政使沈季文为右副都御史巡抚河南等处地方提督军务

○升南京大理寺右寺丞颜素为应天府府丞

○复除病痊光禄寺少卿王纪添注管事

○升广东副使张德明为本省右参政礼部郎中陈鏞为湖广副使长沙府知府刘昶为云南副使

○准礼部议福建提学副使饶景晖广东提学副使朱燮元各加升参政职衔照旧管事

○升湖广武昌府知府徐应簧为本省副使以三年满考为巡抚梁云龙所保奏也

○癸未录陕西河洮等处三次擒斩虏级一百九名颗收养虏番四千五百一十一名口及夺获畜器等项功次巡抚顾其志升左副都御史赏银三十两大红纒丝三表里副使袁弘德升职一级赏银十五两副总兵等官李宁等五十五员各升赏有差来降虏番头目铁力塞等十名各授百户哈竜等三十九名各与做冠带总旗有警听调随征仍许中马僧人完冲准授禅师活虏牙脱恰处决梟示其幼小男女发营收养以示宽恤

○复除原任副使张鸣鸮扬州兵备

○准各省督抚按奏山西冀宁道参政郭光复调宁武道湖广按察使董元学调冀宁道江西参政丁继嗣升按察使四川副使王继明陕西副使李天麟江西副使龚道立各升参政俱照旧管事四川参议王志升提学副使福建延平府知府徐震升运使漳州府同知陶拱圣升延平府知府

○甲申河南道御史吴达可言伏读 圣谕惓惓于维新政几是明知时政之已坏欲举而更新之也又不忍善政之归己必欲元辅出而共图之也今一贯奉旨入阁

< 〇〇〇 铨-金 > 揭几上拭目新政未见举行夫欲政之新必求新政之要而亟图之欲得新政之要必求弊政之源而亟反之古昔明君硕辅一德一心交相警戒大臣以身任天下之重事关宗社即尽瘁捐躯以报未闻归过君父以推诿塞责者平章之地左右劬勩精神志意融液流通未闻以形骸尔我之间隔藩篱分畛域者其延揽英俊开诚布公必进天下忠贞直谏之士劘切自心以恢宏相业未闻狎昵儉人私相比附假惜才之名树党之地者凡此皆弊政之要也一贯试以三者反观内省涤虑澄源自新其心以孚皇上之心感孚君心以联属天下之心至于庶政和万国理犹且归美于君曰 圣天子励精图治之效老臣何力之有岂非改过迁善不矜不伐之休风哉不然不可则止圣训

○改左中允区大相南京太仆寺丞

○准原任宣大总督梅国桢原荫弟锦衣卫百户梅国林加升一级为副千户世袭

○升福建都司掌印安亨为五军营参将

○辛卯吏科都给事中侯庆远言臣看详章奏见贵州巡按毕三才条议欲罢四川督臣复抚臣之旧而改贵抚为督开府湖广之沅州提衡三省吏部不肯专决请令督抚按会议所便已得旨行矣臣反覆思维总督之设大都繇兵兴也往嘉靖中以征苗故改贵州抚臣督之旋以苗平议罢但令贵抚建提督军门之号及得兼制湖北川东耳迩者以征播故改四川抚臣督之亦出一时权宜借之联三省兵力耳今播地已成郡县中剖而隶川贵帖然无耸即播水疆界亦迁就申画不复争持矣斯亦罢督复抚之日也盖督臣罢则水西无复惊疑便一省湖广贵州文移期会驰骛之烦便二七姓构播未定之奸无所更凭而旁寻衅端便三虚悬节制之名轻重不得易成凿柄若均体平衡则自和调而相与共济便四蜀之无事于督而仍当为抚与湖贵鼎立而治似亦时势之宜然者乃若罢督臣于蜀而更设督臣于黔臣短昧不知其可何也改黔抚为督则播人必惧而狼顾不便一沅府久废而复兴之其浩费何从出不便二黔抚嫌于夺人以自与抑人以自尊不便三无大征讨之举而骇人听闻不便四事贵安常蜀督罢则罢耳黔督可无置也事理昭然无庸外问 陛下专委吏兵二部令之确议至当勿持两可取自 上裁夫何难于立断若令三省会议非互相推诿则人伸其说滋作舍之惑成不决之策迁延岁时疑忖互生玩弛日积非计之得者也臣愚谓川督宜复旧为抚贵抚不必变易为督惟陛下财察下吏部覆议如科臣言从之

○壬辰吏部言贵州思南府水德长官司正长官张车口容年老乏嗣本房子孙张治贵二房子孙张治安争继多年未有定一据称治贵非出的派治安广财行贿二房均难承袭似应于三房张翎子孙择其长者袭之以守先绪但思南为黔中首郡文风渐盛华民日繁以夷官治华民体统实不相称抚按二臣议改土设流深得用夏蛮夷之意合无将水德长官司改为县治恭请钦定县名礼部铸给印信容臣部铨选知县一员典史一员原额钱粮站马差徭悉归县纳其正长官张翎子孙择一人降为土县丞副土官杨一龙降为土主簿查照铜仁县例量给夫马伞盖银两俱不许管捕管粮所有吏目一员应合裁革制曰可其县名与做安化

○顺天巡抚刘四科奏辞考满加恩不许

○癸巳秦王谊溥奏宗室怀土口每怀革口土敬豎啸聚劫掠乞照越关事例降为庶人送发别省闲宅禁住下法司覆议如拟

○敕御史吴崇礼巡视两关严一鹏督理屯马

○甲午福建巡按方元彦请以宋儒罗从彦李侗从祀 文庙章下礼部

○以昭和殿失火内官徐庆师忠下法司提问拟罪杨忠打八十降做净军发去更鼓房常川打更以怀私乘病谋毙人命内官焦进下法司提问拟罪徐朝等各打八十降

做净军发去南京 孝陵卫种菜

○丙申敕御史李培往应天汤北京往福建孔贞一往四川各巡按

○是日申刻京师地震自东北向西南行连动二次时三大营官军于盔甲厂关领火药监放内官臧朝王权因旧药结魄令工匠以铁斧劈之突然火发声若雷霆火枪火箭迸谢百步之外烧死内官臧朝及把总傅钟等十员军人李仲保等八十三名其局内工匠人等并街市经过居民死伤者多不可稽焚毁作房五连约三十余间火药火器无算总督泰宁侯陈良弼工部署部事沈应文各具〈硃-金〉奏闻 上以掌厂内官王忠监放内官王权下法司提问拟罪军器局大使范廷椿副使张仁各夺俸二月营厂工部主事魏说姑免究死伤官军着查明优恤时巡视厂库科道孟成己等巡视京营科道胡忻等与巡城御史何尔健各有〈硃-金〉闻因及脩省实政俱不报

○丁酉大学士沈一贯四〈硃-金〉请假修墓且援近年大学士王锡爵两次乞假奉母之例 上谓所援省亲一事意主爱日自难延缓莹墓补脩不妨稍迟亦可人代还亟出赞襄副朕眷倚之意

○大学士朱赓揭请再降严纶遣官宣谕令二臣入阁办事不报

○保定巡抚孙玮言臣以救荒事竣叙荐保定府知府赵光远真定府同知吴应扬先期十日移会按臣刘应龙照常画题绝无一语及臣如期拜〈硃-金〉嗣接邸报则二臣俱挂按臣弹章矣除应扬被论系前任事臣何敢知若光远只此一任臣举而按臣刺会稿举事臧否悬绝乞敕接管御史秉公严勘果光远事迹有据臣不敢辞连坐之条倘涉风闻祈为昭雪以无灰任事者之心时应龙已升南京太常寺少卿因具

〈硃-金〉以职掌相争语颇侵玮 上并以付该部院 ○戊戌大学士沈鲤以病苦至极复求允放以全晚节 上仍温谕不许

○礼科给事中萧近高兵科都给事中田大益等浙江道御史沈时来等各以地震火灾乞图脩省时政不报

○己亥升南京右府佾书张守愚为中府佾书湖广都司佾书褚云龙为浙江都司掌印山西都司佾书王之麟为大宁都司掌印蓟镇建昌营都司谢极为山西都司掌印江西运粮把总周诗为湖广行都司佾书

○予故河道总督曾如春祭一坛造坟安葬

○庚子内阁恭进纂完 玉牒正本一百四十五册计六十七套 上不御殿各官诣文华殿进呈

○是日谕内阁朕自夏至秋感受湿热薰蒸致令下体及足生有湿毒坐亦不能又兼流痰下注足心作痛步履甚艰况且不时眩晕日每静摄服药荡洗 庙享在即恐弗成礼卿等传示遣官及各执事务秉精洁虔诚恭代行礼谕卿等知

○辛丑升广东广海守备尤应宪为神枢营佐击南京小教场坐营杜印为神机营佐击

民罢财竭力殫顾事有无可奈何势有万不获已者不得不仰仗 天威纠率义旅以拯此一方生灵况今年黔中颇稔田禾被野正因粮于敌之候而安强臣地界已明母凤氏恩赐恤典亦其努力报国之时臣与按臣谋议佥同又与总兵官陈璘分布稍定乃敢驰 < 疏 疏 疏 > 以闻下兵部覆议得旨苗恶既稔天讨宜加一切征剿事宜俱许便宜从 事务保万全以安远人

○刑部会问得妖徒吴回五等崇尚左道谋为不轨始则托教莲社因而弄兵潢池非 社稷有灵旋为歼缚会见建延诸郡在荆棘中耳其愚眈惑溺福田而诳误事中者情固不无可矜奸徒羽翼戎首而狡脱事外者法则难以漏网该抚按屡驳细鞫业已剂量得中情罪允协矣臣等遵奉 明旨再三酌议分别正法有差迹若可诛嗜芳饵而冒钩芒情则可悯拟以徒配似当厥辜至若陈生者思冒功而擅割贼级因修怨而影射职官两罪并罹一戍非枉祖廷机等不行举首致吴建酿成祸乱骆良日等藏匿引送俾得旨妖徒吴回五等着会官处决仍与已梟吴建等已死吴昌等各首级悬示儆众其余俱依拟

○乙卯工部言火药被灾亟宜成造所用硝黄向系内库关领今监督主事魏说议将商人李汝耀认办候收硝黄七十万斤免行进库径运到厂验收先行成造以济急用事属两便相应依拟诏从之

○升太仆寺少卿黄纪贤为右通政光禄寺少卿张养志为太仆寺少卿鸿胪寺左少卿李承华为本寺卿

○升河南右布政使袁奎为左布政使云南按察使张尧臣为右布政使山东按察使王任为福建右布政使陕西参政朱朝聘为按察使福建副使吴思学湖广副使陈鸣华各参政河南副使何大化为广东参政云南参议张璧为副使湖广参议张应凤安庆府知府郑国俊各陕西副使河间府知府冯伟为广东副使广东佥事骆日升为江西提学副使户部中李作舟为浙江提学佥事湖广辰州府知府瞿汝稷为长芦运使户部郎中张定徵为湖广常德府知府南京户部郎中黄流芳为池州府知府

○起补原任副使邢云路于陕西

○升广东廉州府同知涂巍为本府知府以九年满考为总督戴耀所保奏也

○丙辰准阳武侯优给薛濂应城伯优给孙廷勋各出幼承爵濂仍免覆勘

○升山东右布政使刘尚志为左布政使

○调陕西河西兵备参政王爰于靖边兵备道起原任参政李维楨为河西兵备

○戊午以给事中梁有年暂管巡视光禄钱粮

○户部以年例请发粟米煤柴银两养济贫民有旨着五城优恤不必拘定人数

○夜五更北方有赤白气入紫微垣良久渐散

○己未 诚孝昭皇后忌辰遣官祭 献陵

○礼科给事中萧近高言国家笃念懿亲凡名封婚娶祭葬载在会典及宗藩条例

查勘明实准分别减免以苏民困

○癸亥户部尚书赵世卿言河西务等钞关七处徵收船料商税岁该三十万二千七百两数年以前岂惟不至亏欠间且报有羨余自万历三十至三十二年三年之间共亏原额银三十一万一千九百有奇日侵月削莫知所底将何所资其缓急之用乎盖自徐淮稔恶凶魄虽禡而清源煽虐饕心未厌繇临清以至河西务上下七八百里间驾言验单公行攘夺商贾既无飞渡之术奸宄遂生漏网之谋于是有搭附于马船者有藏匿于漕船者有寄载于官船者上之搜括愈严而愈密下之规避愈巧而愈多亏损额数职此之故臣以为欲足额数宜清弊端得旨关税乃国用所需岁额日亏何以敷用今后有以商货附载马船漕船官船者着管关官如例搜查不许容纵其临清无单而径至河西务通湾崇文门者悉从漏报论官员行李尤宜崇尚简素岂得恃势玩法自隳名简其奉差关吏亦不得因而藉口致损额数该部查出俱一体参奏至于各处棍徒倚名税监多设关津公行劫夺致贾竖巧生规避此又奸所繇起还着各处税监严行禁治如有违犯的会同各该有司拏究以清弊端

○户部又言本色漕粮乃军国之命脉非遇大灾大祲不得轻议改折近该总督仓场右侍郎游应乾条议以后漕粮地方虽罹极灾不得议改新奉 明旨议覆遵守又该河臣建议大挑欲协济漕粮四十万石而巡仓御史亦以濒河被灾州县应折为请当此匱絀之极仓余能有几何而此削彼割未有已时至于各年之逋赋正边饷之急需况江南连岁秋成颇称丰稔目前虽罹灾眚较之濒河丰沛一带迥不相同据按臣题议改折缓徵二项目击捐瘠之灾民自是优恤之雅意倘察臣部万苦万难之状或难强其勉从也恭候命下将苏常镇三府漕粮靖江县南粮俱各照旧起运不准改折带徵各年钱粮依限照数徵解以后并不得轻议改折缓徵致误国计诏从之

○甲子谕内阁朕自夏来感受湿毒足心疼痛且不时眩晕前已有谕服药静摄尚未痊愈即前寿节进历 圣母慈谕亦免行礼兹礼官题请 郊祀亲行朕思何以成礼况今殿门未备城工未完出警入蹕岂便严肃观瞻朕每览发章奏曷尝自逸卿等宜当体念传示该部遣官及各执事务秉精虔行礼以昭朕敬 天祈祐诚意特谕卿等知之

○大学士沈一贯等以 玉牒加恩三辞未允复合< 跪 毓-金 > 恳辞 上以屡< 跪 毓-金 > 恳切特允所请以成劳谦之美

○乙丑礼部以冬至届期奏请勉出亲 郊以致居歆以迓多福 上曰 郊祀祈天保国佑民升香昭事朕岂不知但朕自夏以来感受薰蒸下体湿毒足心疼痛且不时眩晕亲行恐弗成礼已有旨遣官恭代 天象仁爱屡警朕心兢惕修省你每文武官员各要恪修实职共图消弭毋事虚文

○吏部言验封司职掌莫重封赠荫而荫为尤重近有二三弊端不得不为厘正一大臣身后乞荫原会典及本部职掌所不载正德八年该本部题准三品以上京堂三年考满即与查取一子题荫免其自行陈乞未考满者不准其或称有军功者行移兵部核

○以薊辽昌保四镇大阅八事叙录文武各官原任总督邢玠加少保及时起用荫一子入监读书赏银四十两大红蟒衣一袭总督蹇达加太子少保赏银四十两大红飞鱼一袭顺天巡抚刘四科加右都御史荫一子入监读书辽东巡抚赵楫升兵部右侍郎荫一子入监读书给与应得诰命保定巡抚孙玮升俸一级原任保定巡抚汪应蛟升兵部左侍郎遇缺起用荫一子入监读书各赏银三十两大红纁丝三表里原任保定巡抚李盛春礼部从优议恤辽东总兵李成梁加太傅赏银四十两大红蟒衣一袭薊镇总兵尤继先加太子太保赏银三十两大红蟒衣一袭保定总兵倪尚忠原任昌平总兵黄名臣各升署都督同知赏银三十两昌平总兵常世爵升俸一级赏银二十两其道府偏裨以下各升赏纪录有差

○以陕西延宁甘固四镇大阅八事叙录文武各官总督李汶加太子太师荫一子入监读书赏银四十两大红蟒衣一袭甘肃巡抚徐三畏加兵部尚书荫一子入监读书宁夏巡抚黄嘉善加兵部右侍郎荫一子入监读书原任延绥巡抚听勘王见宾候勘明升一级起用各赏银三十两大红纁丝三表里各总兵官达云升实职一级赏银三十两大红飞鱼一袭萧如薰升俸一级孙仁升署都督同知各赏银三十两管一方赏银二十两其道府偏裨以下各升赏纪录有差

○原任河道总督李化龙奏臣愚不肖蒙 皇上授以总河之任以其年七月入境八月视事至次年七月丁母忧今年二月旋里中间开过泇河二百六十里行运二年计船一万六千以上今年运事视往年更蚤二月已经巡漕御史及河漕二总督具 < 硃-金 > 报明臣以为可幸无罪矣近见邸报工科右给事中宋一韩条陈河事多及于臣科臣所以少臣者其说非一总之弃黄工泇致失行堤而已其意岂不曰开泇分黄费亦不少并之以挑黄河则一了百了何用泇河又岂不曰河即不成但弃泇而守堤亦何至失堤嗟夫臣何尝一息敢忘黄河哉惟是当年时势有难以即兴大工者查前总督所估大挑计费一百四十万金起夫动至一二十万彼时见银尚不数万工何敢即兴大役之后僵尸数万民间视挑河如就死地工又何敢即兴纵使有银矣有夫矣开挑之工迟以二年计连以一年计再速以半年计而运船不能待矣然则臣非敢弃黄工固必不得速也臣非欲工泇势固必不得已也且泇非独目下可以代黄也以二百六十里之安流代三百六十里之险道日者八千运船不两月而过尽即谓之百年水利非耶今谈河者多以南阳之漕为虑不知泇成而后可虑者止此百里之漕泇成而后为漕防河者止此百里之间耳以连年之物力连年之事变相提而论泇纵不即开河亦不即成河既不即成堤亦不即保纵使河成矣堤保矣黄水之泛滥虽掣而李家口之漕尚费挑修泇河之故道虽复而徐邳间之溜犹然险恶是鱼济徐邳上下数百里之漕皆可虑也泇成而漕有所归乃敢少缓治黄用以休养民力待其喘息少定驱之再事大挑则泇不但为黄代漕亦且为黄助治也此臣开泇之意也泇甫就而臣值忧姑不得复治黄矣丁忧之后尚有河工时不可失之 < 硃-金 > 有奉旨估计河工之 < 硃-金 > 臣何敢

○复除原任南京太仆寺寺丞赵鹏程于太仆寺添注管事 ○调补原任四川左布政使崔应麒于陕西

○加升辽东兵备参政张中鸿为右布政使山西兵备佥事李茂春为副使各照旧管事以三年考满为该督抚按所保奏也

○准四川督抚按奏升保宁府知府黄应龙重庆府知府彭自新马瑚府知府蔡凤梧俱本省副使

○升直隶保定府同知刘道为山东登州府知府

○丙子命太仆寺西路少卿吴华代摄东路巡烙寺丞赵鹏程代摄京营点烙

○户部覆山东巡按严一鹏勘过所属灾伤地方议得旨这被灾地方既覆勘明实依拟蠲免以苏民困

○丁丑大学士沈一贯以前< 〇〇〇〇 毓-金 >未报复恳切求去 上命鸿胪寺堂上官赉敕宣谕即日入阁赞襄

○兵科给事中孙善继言应天巡抚周孔教一< 〇〇〇〇 毓-金 >议将坐营姜良栋改调边方要地遗下员缺将原任副将吴惟忠原任参将蓝芳威除补先是闻良栋奉职无状孔教欲行论斥良栋假以条陈历数抚臣行事乖张具揭投院事遂得寝臣谓事出风闻恐未必然今良栋不议斥而议调矣无论奉职无状要挟抚臣就如< 〇〇〇〇 毓-金 >中所称疾病委顿之状亦宜准其回卫调理不宜改调边方要地以误封疆至于吴惟忠起自纳级滥竽副将旋蹶旋起武弁中第一神钻即如二十八年密令张忠义以千金来京营荐征播事发逮问鞠审拟徒贓罪明确讞牒俱存蓝芳威狼贪无厌粗悍寡谋无论东征僨师侥幸免戮即臣科题参诸不职状俱凿凿有据该部覆奉钦依褫职未经数月而抚臣曰资颇相当堪以起用不知所云资者谓何果相当不耶且惟忠浙江人芳威江西人籍不隶于东吴名不挂于幕府抚臣曰查得二臣堪以起补不知凭何而查从何而得也乞敕兵部申飭各督抚以后调用武职必境内所辖真知其贤毋得滥举以开幸窞该部起用废闲亦必屡经荐举详核生平毋得概用以紊旧章下兵部覆议姜良栋回籍养病吴惟忠蓝芳威永不叙用

○戊寅 显陵配殿兴工命巡抚梁云龙行礼

○宴朝鲜国进贺长至陪臣吏曹参判李相信等二十一员命侍郎李廷机待

○准仪真税监暨禄奏徐州原额税银四万两于内除去山东剡城馆陶等处过税每年徵银二万两解进应用以昭朝廷宽恤商民德意禄又言故监陈增误听人言妄称山东运司积余引目十年可徵银十五万两今移文会议原系挨掣正引岂容变卖止拟每年割户部饷银一万五千两三年而止共银四万五千两解进应用 上并从之

○己卯以考成未完事件夺各该抚按官吴楷吴崇礼梁云龙汪以时俸各二月

○升云南都司佥书王万年为湖广都司掌印浙江昌国把总詹斌为福建都司掌印大同朔州守备唐国良为山西都司佥书淮大运粮把总许自诚为湖广都司佥书

○庚辰准御史方大美在籍养病吴楷免代出境宽限赴京

○户部奉旨分认大挑工费七万之数议将直隶桃源等县未完三十二年漕折银一万三千六百八十三两七钱二分督解淮库再留三十四年分头运轻赉银二万一千三百一十六两二钱八分共足三万五千之数听总河衙门支用如有余剩照数归还勿仍昔年分黄导淮将本部多余银两径自留用致以四分之一执为三分之一也制曰可

○以刑部提牢厅失火司狱俞大纯提问如律司官倪朝宾兵马莫踰位姑免究

○辛巳兵部覆准扬巡按黄吉士勘过所属灾伤地方议蠲免暂停有差仍将蠲免过年分钱粮分数榜示通衢使灾民咸沾实惠毋容里递胥徒朦胧催徵诏从之

○壬午冬至 大祀 天于 圜丘先期视牲及至日行礼俱命英国公张惟贤代告请 太祖配 帝命驸马都尉侯拱宸代怀远侯常胤绪宁阳侯陈应诏侍郎杨时乔看牲成国公朱应槐武定侯郭大诚尚书萧大亨赵世卿分献侍郎李廷机请神上香杨道宾黄汝良导引祝版遣官代填

○命隆平侯张炳保定侯梁世勋武安侯郑惟孝怀宁侯孙承荫宣城伯卫应爵遂安伯陈伟南和伯方< 火节 > 彭城伯张守忠武进伯朱天爵分祭 诸陵惠安伯张元善祭 恭仁康定景皇帝都督同知陈承恩祭 哀冲 庄敬二太子各陵坟

○癸未 上不御殿免称贺辅臣赓同文武百官于午门前行礼辅臣鲤以患病在告偕辅臣赓于仁德门叩头辅臣一贯于私寓望阙叩头各赐上尊珍饌

○罢庆成宴

○赐节钱钞锭

○ 皇太后免命妇朝贺

○升右通政陈子贞为左通政

○升湖广副使朱南英为陕西苑马寺卿

○复除原任知府赵世徵于直隶安庆府

○准河南巡按王业弘奏升按察使蔡逢时为右布政使管按察使事

○甲申戌时 皇太子第一子生

○乙酉英国公张惟贤以祀 天遣代事完复命 上以其遣代四年恭勤无失特加太子太保

○丙戌礼部言我 皇上仁孝格 天克昌厥后维兹 元孙诞育当 圣母六袞祝寿之期又 皇女百日命名之会且初逢长至适叶令辰诚 宗社无疆之休 皇上如天之福綦隆极盛难以名言百官兆民欢呼踊跃所有祭告称贺等项礼仪查得万历十年 皇太子诞生臣部具题奉旨祭告南北郊 太庙 社稷各遣勋臣行礼随诏告天下并遣官各王府及遣使朝鲜今 元孙诞生应照万历十年例其祭品合照前例郊仍加牛祭告礼毕即于是日恭请 皇上御殿受贺候受贺毕敬请 皇太子于文华门东受贺得旨祭告

南郊遣公张惟贤 北郊公朱应槐 太庙驸马万炜 社稷侯陈良弼各行礼称贺俱免

○宴海西弗木思等卫进贡夷人庄台等一百一十名命泰宁侯陈良弼待

○升南京都察院右都御史孙矿为南京兵部尚书参赞机务

○吏部文选司郎中马洙六选已满升太常寺少卿提督四夷馆添注管事

○工科以日至届期城工未毕乞敕工部酌议某工可宜暂停某工可宜减作嗣岁一意城工并日修筑以固保障 上曰城工委宜早竣该部便酌量各工缓急具奏时工部适以殿门鼎建条上紧要事宜有旨殿门固难稽缓但工程浩大物力不敷各处灾伤岂堪骚扰且河工城工最为紧急一时并举力已不支这大工不妨次第行之以宽民力昨该科已有章< 〇〇〇 铨-金 >你部里还遵近旨酌议各工缓急具奏来行

○丁亥大学士朱赓言蒙发工部条陈大工一本臣匆匆拟票但云次第举行未及明言其故盖皇居临莅之所在臣子岂不愿速成而财尽民穷之时在

皇上不可无远虑< 〇〇〇 铨-金 >中所陈远则稽嘉靖间三殿故牒近则引十年前两宫成规不知嘉靖间物力有余协助可办四方库藏不空百姓科派亦易今何时也即两宫经始节慎库尚百十余万金今罄然无分毫之蓄且有累年数万之逋而欲兴一千万金之役该部能为无米之炊否昨见仓场侍郎游应乾所进会计之数老库不过三十万外库不及数千而九边嗷嗷之兵枵腹以待能以三十万助工否又见太仆寺卿连标< 〇〇〇 铨-金 >云该库马价各处借用外老库仅存二十余万恐一旦有事无从得马又能以二十万助工否又如湖广川贵三省自征播之后疮痍未起民方憔悴一旦责以大木不费之费重以一侍郎奉敕督催地方能堪之否又如各省直旱潦相仍兼以织造烧造包矿包税所在怨咨可目之为无事之地而复行科派否此犹自在外者言也京师细民非 皇上膝前赤子乎近来闾井萧索十室九空昨岁金报商人不过十余名犹满路哀告有自缢投河者今一则曰行五城金报若干一则曰行顺天府金报若干总之不下百余家旨意一出富者各投势要百方避匿止余中下人家力不能营求者抵数代死犴轂之下扰嚷号啼变且莫测此尤其不可者也盖工部职掌所关不得不一陈以尽厥职 皇上以四海为家万民为子可不顾痛痒而轻动天下之民乎理乱之机在此一举臣所谓宁缓毋急也得旨朕览卿奏具悉忠爱详慎今河工国家咽喉城工切近保障最为紧急便着设处钱粮刻期奏绩其鼎建殿门理不可缓但工程浩大财尽民穷之时且内外帑藏匱乏各处奏报灾伤委应远虑议处次第落成以昭朝廷宽民固本德意卿还会同元辅二辅拟谕来行特谕卿知

○以 南郊陪祀倾跌失仪夺制敕房办事太仆寺少卿包渐林俸二月

○戊子 孝惠皇后忌辰命定远侯邓绍煜祭 茂陵

○同日 孝烈皇后忌辰命宁晋伯刘天锡祭 永陵

○己丑 圣母慈圣宣文明肃贞寿端献皇太后万寿圣节免命妇朝贺辅臣鲤赓

旨 慈宁宫门叩头一贯于私寓望阙叩头各赐上尊珍馐

○礼部上 皇第十女百日命名仪注如第九女仪

○庚寅敕御史徐兆魁往顺天乔应甲往辽东康丕扬往山西沈正隆往广东各巡按张大谟巡视光禄何尔健巡视京通二仓

○升浙江按察使洪启睿为右布政使

○以陕西雒南县拖欠矿金住调任知县杨鹤俸待解完之日奏请开复

○辛卯以宣大山西三镇修举八事三阅总叙文武各官原任总督王世扬加太子少保荫一子锦衣卫百户世袭服阙起用总督杨时宁加太子太傅各赏银四十两大红纒丝三表里原任宣府巡抚王象乾升右都御史兼兵部左侍郎服阙起用原任山西巡抚魏允贞升兵部右侍郎及时起用俱荫一子入监读书原任大同巡抚张悌服阙起用原任山西巡抚白希綉遇缺起用各赏银三十两大红纒丝二表里原任大同巡抚房守士荫一子入监读书与原任宣府巡抚彭国光俱从优给与恤典其总镇道府偏裨以下各升赏纪录有差兵部尚书萧大亨前任总督加兼太子太傅原荫儿男升二级世袭赏银五十两大红纒丝四表里

○以陕西河州擒斩功绩叙录文武各官总督李汶加兼太子太师回部协理京营荫一子锦衣卫百户世袭赏银五十两大红纒丝蟒衣一袭原任巡抚贾待问从优恤赠荫一子锦衣卫百户世袭总兵官孙仁实授都督同知荫一子本卫正千户世袭赏银四十两大红纒丝二表里其道府偏裨以下各升赏有差兵部尚书萧大亨原荫儿男升二级世袭与户部尚书赵世卿各赏银五十两大红纒丝四表里兵科都给事中田大益巡按杨文< 田 卅 涯 >原任职方司郎中申用懋各赏银十二两大益依部推升太常寺少卿用懋已推巡抚吏部查拟来看职方司郎中赵抉极升俸一级纪录赏银十两其余司官各八两

○壬辰谕工部今河工国家咽喉城工京师保障最为紧急你部宜上紧设处钱粮期于奏绩毋得迟延其鼎建殿门虽理不可缓但工程浩大比别项兴作不同今财尽民穷之时内外帑藏虚匱各处奏报灾伤又当赈恤时绌举赢朕甚不忍你部当深惟远虑酌量工程缓急次第举行以昭朝廷宽民固本德意还详议来说

○蓟辽总督蹇达奏辞阅视加恩优诏不许

○癸巳以 圣母万寿圣节赐辅臣一贯银五十两纒丝三表里鲤膾各银四十两纒丝三表里及讲官李廷机有差

○郑世子载堉言臣自万历十九年至今十五年间凡七< 田 卅 涯 >乞正伦序蒙礼部覆议令臣以世子本爵终身以成臣忠臣男翊锡代臣管理府事以继亲藩之统此所谓朝四暮三虽以悦臣未见其成臣也庶子袭封不许越次乃 皇上钦颁要例之语 皇上重万世之纲常以有此书臣愚稟 皇上之宪章以有此举令臣男继统则伦序安在臣今年七十衰病之人死在旦夕亦抱遗憾于地下乞令载玺袭孟津王代臣管

理府事听继亲藩之统臣及臣男悉照庶子袭封例从公改正以成臣忠该礼部覆议得见□□恣之以诬枉废也生既蒙 孝宗之矜释死又蒙 世庙之册印见□□恣之爵既复则见□□恣之子孙宜袭而载堦以见□□恣弟见< 〇〇〇〇 贡 >之曾孙而袭其封于序未顺于义未安此所以久逊不袭必欲改而归之载玺也顾废置业已多年承袭又经三世载玺既相安于无竞载堦可居之而不疑而乃累辞固让老而弥坚不私其身不顾其子直欲与泰伯夷齐季札子臧之流后先媲节此殆 祖宗积德累仁之所孕毓皇上孝友亲睦之所感动宗藩之中有贤如此安可不成其志遂其高哉查载堦曾祖见< 〇〇〇〇 贡 >成化十年封东垣王至正德四年见□□恣诬废见< 〇〇〇〇 贡 >薨逝见< 〇〇〇〇 贡 >子祐禔始以侄进封郑王祐禔子厚焯封袭郑王而东垣郡爵以祐禔庶一子厚焯承封厚焯子载堦载堦子翊铠递袭然考其世系则东垣乃见< 〇〇〇〇 贡 >原封而其孙载堦本等之爵也若亲王改还载玺则东垣当改还载堦而翊铠之子仍应另封一郡特载堦父子既受世子世孙之封无降封郡爵之义合无令载堦仍以世子其子翊锡仍以世孙翊铠仍以东垣王各终身俟翊锡身后其子袭封东垣王以接见< 〇〇〇〇 贡 >之统翊铠身后其子另封一郡以接厚焯之统若载堦所奏欲载玺先袭孟津王代管府事日后听继王爵则臣以为不如截然一举而改正之以省转折之烦但载玺即已袭王不宜责世子世孙以常礼况载堦年高德劭博物洽闻荐屡布袍萧然尘外载玺当以夷齐之尊事之而载堦得及此尚在之年遂其求仁得仁之欲是亦昭代天潢一胜事千秋万< 〇〇〇〇 冀 >一美谈可以丹青治化照耀简编者也查世子世孙例不支禄若载堦父子合无给与郡王之禄以示优贤之义仍赐敕褒嘉树坊表宅俾天下宗藩以及缙绅士庶有所观感而兴仁让且以愧伎求躁竞隐忍贪昧之徒制曰可

○甲午以河州大捷加首辅一贯少师兼太子太师荫一子尚宝司丞赏银五十两彩段四表里次辅鲤少傅兼太子太傅赓少保兼太子太保各荫一子中书舍人赏银四十两彩段三表里都给与新衔诰命一贯等合< 〇〇〇〇 铨-金 >控辞优诏不许

○兵部尚书萧大亨奏辞阅视叙功加恩优诏不许

○吏部覆各省抚按会< 〇〇〇〇 铨-金 >考察过各王府官员周府等府左长史等官郑金各致仕闲住为民有差诏如拟

○山东巡抚黄克缵奏进士陶人群道经汶上纵仆逼死开河驿丞吉星人群亦具< 〇〇〇〇 铨-金 >奏办俱奉旨下部

○乙未宴海西脱伦兀卫进贡夷人著只木等一百九名命泰宁侯陈良弼待

○敕御史金忠士往浙江温如璋往山东各巡按吴达可南京畿道刷卷

○升漕运总督李三才为左副都御史照旧任事敕书补给

○丙申兵部< 〇〇〇〇 铨-金 >请申飭勾补事宜得旨勾补之法原有定制近来鬻伍害军弊孔滋甚委宜痛加厘革依拟严行内外衙门着实永远遵守

○工部以改造段疋供应无措奏请宽减得旨近来供应繁巨夷赏渐增织造段疋

方棍徒肆行攘夺致民生不安商旅不行反亏国家正课抚按官还同该监不时访拏治罪明显朕仰体

上天仁爱 祖宗鉴临敬畏修省实政昭示朝廷权宜济助大工爱民固本德意待大工稍可措办便奏请通行停免尔部概行各省直内外官遵行毋忽

○升左谕德掌司经局印吴道南为左庶子掌左春坊印右谕德庄天合为右庶子掌右春坊印右谕德冯有经周如砥翁正春俱为左谕德有经掌司经局印右中允顾天竣陈懿典俱为右谕德右中允管司业事李腾芳为右谕德回坊管事原任庶子黄辉中允传新德史继偕赞善林尧俞吏部催取前来供职 ○以 圣母六袞万寿正一嗣教大真人张国祥祝延有劳特赐奖谕赏银六十两纁丝三表里

○兵部会五府锦衣卫考选军政官员拟上存留选补调补革黜等项诏悉如拟

○户部覆山东巡按严一鹏勘过所属再罹秋灾地方分别被灾分数蠲免改折有差得旨东省叠罹灾伤兼有河工力役委宜轸恤既经勘实依拟照例蠲折以苏民困

○癸卯 上传谕内阁日进讲章只一本还着照旧再添一本应进何书讲章先生每开具来览辅臣因言大学衍义讲章进完学庸语孟及易书诗礼俱已进过惟春秋系圣人笔削之书木经进讲又我朝 太祖高皇帝 成祖文皇帝嘉谟善政备载 宝训可为万世子孙法程允宜进讲恭请于内钦定一书以便撰进日讲官见在止李廷机一员每日独撰讲章兼理部务若增进一本愈难办理臣等推得原任礼部尚书兼翰林院学士于慎行系旧讲官合敕吏部以原官掌詹事府印信催取前来与廷机一体供事得旨朕览卿等所奏具悉忠爱着撰春秋讲章日每进览原任礼部尚书于慎行着以原官起掌詹事府印信催取前来照旧讲官还着推补翰林见任官二员即补日讲供事吏部知道

○礼部拟上 元孙诞育颁诏仪注 上命于本月十五日行

○升大理左少卿乔璧星为右佥都御史巡抚四川等处地方提督军务

○准吏部覆播功拟叙各官崔景荣升太仆寺少卿宋兴祖升大理寺右少卿各添注管事赵标加太仆寺卿仍管四夷馆少卿事胡桂芳加广东左布政使仍升俸二级张文耀加四川左布政使支正二品俸尤锡类加贵州左布政使洪澄源加贵州按察使兼参议各照旧管事高折枝升户部四川司主事添注管事陈尚象以原官起用其余加衔复职致仕等官各如拟

○以三年并叙缉捕多功荫提督东厂太监陈矩弟侄一人为锦衣卫百户加提督东司房左都督王之祜太子少保升提督西司房指挥同知李如祜掌北镇抚司事指挥佥事李祜国俱都指挥使各照旧管事仍各赏年酒钞锭阅万民李如林张永春顾承惠等各照例升职一级

○先是直隶池河镇守御营所属南京飞雄广武英武三卫官军其地隶凤阳府定远县该县知县蔡梦齐因条议该镇兴革三事一曰裁市税一曰行保甲一曰派门摊众

心惶惑乃乘南京府部科道各官至镇阅视梦齐入署参谒时群起噪呼巡视给事中金士衡出牌谕止因疏论守御指挥侯万钟纪律不严请重加罚治并查倡首军人参送法司究问其该县条议三事如编保甲于什伍之军派门摊于荷戈之士委为不便相应停寝惟市税一节向来以供操赏之费行之既久弊亦丛生该县所议不为无见查操赏岁费不过百金合照在京各营事例每年于官库给发以杜胥役侵渔之弊下兵部覆议如拟

○甲辰 慈孝献皇后忌辰 奉先殿行祭礼

○升右给事中陈治则吴文灿梁有年夏子阳宋一韩各左给事中治则吏科文灿户科有年礼科子阳兵科一韩刑科

○准起复候补给事中沈凤翔汪若霖散馆庶吉士吕邦燿俱为户科给事中即与差用

○准勘明原任广东按察使盛万年降一级调用

○南京浙江道御史朱吾弼奏乞养病下吏部覆议许之

○乙巳大学士沈一贯等各具〈□足 铤-金〉再辞捷功加恩许之

○兵部尚书萧大亨以一时两蒙天宠再乞辞免 上准辞河州恩荫其在镇叙功仍令勉承

○辽东总兵官李成梁漕运总兵官王承勋各以考选军政自陈乞罢命供职如故

○准起复候补御史乔允升周懋相史弼散馆庶吉士宋焘陈宗契王基洪冯奕垣各御史允升基洪俱江西道懋相广东道弼广西道焘浙江道宗契福建道奕垣湖广道

○丙午礼部拟上 皇太子第一子弥月剪发仪注一前期 上择内夫人之敬慎者使为师姆以奉 皇太子第一子剪发是日早师姆抱 皇太子第一子于 皇太子宫剪发为髻留角如礼一是日 上具常服御便殿升座 皇太子率 皇太子妃各具朝服朝见行四拜礼毕 皇太子 皇太子妃中立师姆抱 皇太子第一子出自寝繇西至殿门授 皇太子第一子于 皇太子内赞奏曰 皇太子敢用吉日祇见 皇太子第一子 上降座而抚之 皇太子左还授 皇太子第一子于师姆还寝 皇太子复率 皇太子妃仍行四拜礼毕出一是日 皇太子率 皇太子妃随诣 慈宁宫朝见 慈圣宣文明肃贞寿端献皇太后行四拜礼内赞奏曰 皇太子第一子弥月吉期祇用朝见 皇太子 皇太子妃仍行四拜礼毕出随诣 皇后宫朝见礼同前行礼毕还宫

○肃王绅尧贡马五十匹回赐大红纁丝常服一袭银三百两彩段六表里

○敕甘肃巡抚徐三畏仍以兵部尚书兼右副都御史总督陕西三边军务兼理粮饷

○升右通政黄纪贤为右佾都御史提督军务兼抚治郟阳等处地方

○命刑部员外何起凤赍湔除敕往南京

○准吏部覆应天府府尹徐申在任调理痊可供职

○兵部类覆军政考选自陈不职各< 銙-金 >一五府金书镇远候顾大礼等各照旧供职府军前卫掌印武安侯郑惟孝革任闲住一锦衣卫堂上官李如桢等俱准留用庄德福革任闲住一锦衣卫南镇抚司金书陈胤徵照旧供职一五军等营副将王问等俱准留用一南京府卫掌印金书等官安乡伯张世恩等俱准留用黄明臣革任回卫一各处镇守总兵协守副总兵等官达云等俱照例复职李承勋革任回卫钱烨革任听降又覆各督抚按会同考选论劾各官分别致仕回卫降用各有差诏悉如拟

○户部覆河南巡按王业弘勘过所属地方灾伤得旨这中州连岁灾伤既经勘实依拟照例减免以苏民困

○丁未内阁以 皇孙诞育拟上各王府书稿礼物等第书稿 皇帝致书 叔祖岷王朕仰承 昊穹锡佑 祖德垂庥于今年十一月十四日皇太子第一子生专书奉报薄遣仪物用表亲亲之意至可收纳惟 叔祖亮之礼物大红织金闪色团龙常服纁丝一袭纱一袭罗一袭 叔祖唐王文与礼物俱同 叔沈王楚王肃王蜀王文与礼物俱同但改惟叔亮之 弟潞王崇王鲁王荣王淮王襄王代王吉王韩王庆王文与礼物俱同但改致书为书与又改专书以报又改惟 弟亮之侄周王赵王晋王秦王德王衡王侄孙荆王文与礼物俱同但改致书为书与又改专书以报又改惟王亮之郑世子益世子靖江王大红织金团龙常服纁丝一袭文俱同但改致书为书与又改专书以报惟亮之

○内官监太监陈永寿恭进秋冬二季煤课银两上曰昨已有旨停矿调税念畿辅煤穴口缶系小民日用营生除官穴口缶煤炸照旧内监开取供用其余民穴口缶税课尽行停免以昭朝廷优恤根本地方德意

○湖广兴宁县听选恩贡生陈元旦奏进所注孝经等书章下礼部书留览

○戊申内阁以 皇孙弥月 皇上请 圣母宴会拟上奏书致语 上曰朕已躬请 圣母特奉 慈谕早见元孙实为喜庆免升座只行家礼以省劳烦朕即钦承奏书致语俱免谕卿等知

○升南京通政使赵钦汤为南京户部右侍郎兼右金都御史总督粮储

○陕西总督李汶以老病乞罢 上谓近有旨召还协理戎政宜遵成命不必托辞

○宣大总督杨时宁辽东总兵官李成梁各奏辞阅视加恩不许

○刑部以天寒狱冷累囚可怜奏乞发放逮犯湖广承天府生员沈机等十二名民刘正举等五名俞之

○刑部又言盗代 皇陵树木诸犯王大义等节经严讯众口同冤请下三法司会议报可

○己酉户部覆江西巡按徐元正勘过所属地方灾伤得旨该省灾伤地方依拟分别蠲免以苏民困

特准给与其佐领等官照例一体优叙省祭阴医等官冠带者厚加赏犒余者给以冠带仍通杂泛差役一固上源谓旧河既决口已塞势必沛然东下新挑之河其深广仅半上源则放水之后无论丰单行堤亟宜补筑即曹县之王家口曹家楼仪封之小宋集兰阳之铜瓦厢祥符之张家湾比之伏秋防守更宜加谨其最险要者王家大坝黄坝新堤皆涵溜经行之处行令管河各官各照信地储料集夫俨如大敌在前不得时刻懈弛得旨依议行

○壬子大学士沈鲤言臣向缘久病宽假调理蒙传宣谕旨调停矿税及讲学用人等事圣政一新欢声雷动臣从此亦勿药渐愈谨于本日报名见朝入阁办事具题以闻

○复除原任参议熊宇奇于福建梅国楼于四川张文奇于广西

○起升原任工部郎中卢廷选为江西南昌府知府升工部员外马从龙为山西太原府知府

○准浙江巡抚尹应元奏升标下右营游击熊国桢为温处参将

○湖广巡抚梁云龙以 显续修配殿明楼等项工程共二十四处该银一十一万七千四百有奇议将工部营缮都水屯田三司料银自三十四年起量留三年得银七万三千有奇其余四万四千有奇另行设处下工部覆议以库藏久匮烦费滋多今该省别议设处或万不得已准将三司料银系三十一二两年拖欠未解者量留支用三十三年以后照常徵解旨是

○山东巡抚黄克缙言税监马堂每年抽取各项税银不下二十五六万两而一岁所进才七万八千两耳约计七年之内所隐匿税银一百三十余万乞量追其半以济河工之费不报

○癸丑以九年满考升御史马从聘毕三才俱太仆寺少卿李炳顺天府府丞各添注管事

○复除原任工科都给事中邵庶于礼科原任御史周维翰于湖广道

○准都督同知杜惟忠给假治丧

○陕西巡按御史史学迁勘过虏犯甘肃新河地方失事情繇问拟防守指挥张国相边卫充军下兵部覆如拟

○大学士朱赓言昨蒙 皇上发下吏部一本通政使司缺右通政推太常寺少卿朱敬循南京鸿胪寺卿卫承芳内朱敬循有点敬循臣之子也以少卿转通政虽无加于四品之秩以太常升银台则已厕于九列之班臣男年资尚浅物望未孚其不可一也臣叨受国恩未报万一天下方闻之士淹滞下僚弃置林穴者不知其几臣不能荐用一士而又使其子弟为卿其不可二也承芳臣同榜进士四十年制科最称恬退才望俱优正宜及时大用而使后生小子躐居父执之前其不可三也宋臣吕蒙正以身居政地请留一子在京侍养余皆出为外官古人不私其子如此臣仿其意欲俟臣男差竣回京即以原官作缺留侍京邸则臣男既得安其愚分而臣衰老待毙之身亦有所托以无恐父子

抵有司不奉 明旨私自那解的听该部参来处治

○礼部言比者诞育 元孙遣官颁诏及赍捧御书该差官二十三员新春加上 圣母徽号又将颁诏因念年来驿传烦难毋论内使络绎即每岁册封及各衙门奉使官员 轂击肩摩不可胜计今到处灾伤民生困苦不加体悉其何以堪又何以责城狐社鼠 之辈臣望出差官员一矫前习务从节省水行舟毋过二只陆行夫毋过数十不携家者 毋过二十其牌棍槊钗鼓吹旗帜及前站护送一切皆省止用皂快五六名双锣前导等 威自明行辟自便即夜行索火亦无敢不应者往回如此后来册封典试各差亦如此一 则明士大夫清白之节一则体各驿递供应之难且诏书所至不扰地方斯亦于君命为 不辱于使事为有光也乞敕兵部都察院通行遵守永为定规仍谕各衙门差官可已者 已之可并者并之其于政体民瘼不无小补诏如拟

○惜薪司奏柴炭商人原金三十名节经逃亡事故见在者止八名上纳不前乞敕 添金协办有旨柴炭商人既系旧额何为在先通行今逃亡事故数多见役称苦上用正 供钱粮岂可责数家小民出办以致靠损应该作何处置工部看议来说

○先是凤阳守备太监吴忠< 毘 毓-金 > 参生员司绍胤横肆无状有旨行提学 官究治至是忠复言绍胤纠众数百围绕公署号呼竟夜乞敕锦衣卫拏解 上命抚按 官严提具奏

○乙卯 贞惠安和景皇后忌辰命中官祭金山 陵寝

○是日颁诞育 元孙诏 上不御殿命礼部郎中陈于王中书舍人吴采行人翟 师雍等赍往省直等处开读诏曰朕惟自古帝王祈 天永命咸曰子子孙孙至于万年 盖申命用休惟此为大朕以眇躬嗣登大宝三十三于兹矣眷惟国本至重懋建元良具 举婚仪广生绵绪恭荷 皇穹纯佑 列圣厚培以今年十一月十四日皇太子第一子 生系钦命选侍王氏出克昌胤祚朕心载宁上鬯 圣母之徽怀下发臣民之悦悻宜宣 德惠以光典彝所有条颁开列于后一自万历三十三年十二月十五日味爽以前官吏 军民人等有犯除谋反叛逆子孙谋杀祖父母父母妻妾杀夫奴婢杀家长杀一家非死 罪三人采生拆割人谋杀故杀蛊毒魔魅毒药杀人强盗人命十恶至死罪者及永远充 军并钦依人犯不赦外其余已发觉未发觉已结正未结正罪无大小咸赦除之敢有以 赦前事相告言者以其罪罪之一王府宗枝日繁禄米岁增民间地亩所出有限兼以有 司徵解往往先尽别项缓视宗粮以致节年拖逋养贍不周深为可悯诏书到日抚按官 各将境内宗禄及坐派民粮额数通融计算严行设法徵给如有不敷仍酌议裒益通变 事宜奏闻朝廷区处通限半年以里奏报毋得视为故常致使贫难失所有孤亲亲至意 一开宗室入仕之例与海内贤才比肩而进分禄而食亲亲贤贤此意甚美业有明旨未 见遵行自今有王府省分宗学子弟入试与生员一体编号但有中式即行登榜不许引 嫌遗弃违者监试官参处一宗室子女应请名选婚者该府即与具奏承奉长使等官不 许抑勒一凤阳高墙庶人已故所遗子孙妻妾抚按官查明奏请释放其节年越关赴京

递回闲宅拘住者如止系请乞奏辩别无违碍亦准释放一公侯驸马伯并内外文武官员旗士人等有因过误罚住禄米俸粮者准照旧关支一两京三品以上文官例该荫子前给者准照今阶选用已给未出仕者照例与补在任未及三年考满者准荫一子入监读书一两京文职官员署职试职俱准实授其先经考选起复散馆各候补科道者俱填补实授候考选者即考选授职科道官年资最深曾经拟升者即与叙升两京科道甚缺着照旧例行取考选充用其候补部属及起复等官已到部者有缺填补无缺添注见任官淹滞殊多查郎中历俸七八年以上应升外任者拟与应得职衔授补员外主事六年以上应升本部者升职管事俱即题行一在外司道知府官员多缺署摄官展布为难事多废弛先经部拟补用者照缺与补布政司正官有再考称职可肉转者与升转俱即题行一内外文职官有养病致仕及降谪罢闲等项除考察去任及永不叙用外其余年力未衰才识可用及抚按官举荐者吏部查奏分别起用诬误拘逮者释放为民为民者与冠带闲住冠带闲住者与致仕一凡文武官员曾经叙功勘覆题允见今赴部题补者该部查照原拟衙门题行到任管事一两京各营见任操备武职系部推钦点四品以上署职见遇颁诏者准依万历二十九年例实授仍支署职俸粮如遇推升亦止于署职递加一军职万历三十三年十一月以前为事降调两广等处烟瘴卫所病故不分己未到卫子孙为因路远不能赴所调卫分起文承袭者许令原卫起文承袭带俸差操其终身军已经开伍回卫年六十以上者比照为民事例子孙准其承袭其为事降级年六十以上有子孙赴部替职者准复祖职未及六十者止许暂替所降职级为事立功者许令复职差操与支半俸扣至限满全支有限未滿病故者子孙袭职免其减俸一凡应袭武职比试违限应该住俸者免其住俸比试不中应给半俸者准支全俸俟二年之后起送再比总小旗因误并枪革役者该卫所查无别碍不论年月久近许令起送补并还役一侍卫东宫管领指挥等官量加职衔其带刀控马舍人并随侍大汉将军二十八名俱令冠带一两京各衙门历事监生及承差各免历事二个月办事官一个月办事吏二个月当该吏四个月礼部铸印局儒士食粮候粮及纳银冠带见在历事者各免三个月工部各工效劳员役曾经题叙者一体查叙一近年四方灾报频仍民困日久一应夏税秋粮马草农桑人丁丝绢布疋绵花绒户口盐口皇庄子粒屯田牧马新增草场子粒租银历日防夫水夫民壮弓兵机户芦课富户等项及诸色课程门摊商税鱼课枣株钞贯果品拖欠带徵者自万历二十八年以前悉与蠲免其顺天及北直隶八府连岁重灾比他省直多蠲一年以恤畿辅重地一万历三十四年天下税粮除起运外其存留者准免十分之二以苏民困邻河省直州县节年繁费苦累准特免十分之五其免过钱粮有必不可少者于合府内通融措处一税契银两原有旧制近因国用缺乏申饬徵解有司奉行不善重叠徵收着各遵旧例随南北地方照亩照银徵收解部不得重徵扰民并亏国课一频年征播征倭烦费百姓一应钱粮有因军兴加派者抚按官查明尽行停免一迩来民困极矣地方有司不能悉力抚绥分外侵渔有金报富民义民借以供应者有派当库役斗级

累年陪苦者有差遣省祭义官经岁奔走者有立名行户铺户亏损价值者有于罪赎之外横肆科罚多至十石百石者有于条鞭之外立小条鞭火耗之外复加秤头任意乾没者诏书到日一切禁革抚按官严督所司刊榜晓谕如违查参重处该部科有闻亦即参奏一各府州县官及卫所掌印管屯官催徵钱粮完不及数及积穀不及数住俸者俱准开复补支降俸者复俸不补支降级立功调卫者抚按官通查分数奏请定夺如系军人拖欠照带徵民粮年限一体蠲免京卫仍准多蠲一年一天下各盐运司盐课司提举司自万历二十八年以前拖欠额课除已徵在官者尽数起解如系商人输纳不前以致逋欠悉准蠲免其因防倭征播加派新增浮课蠹累商民除之一各钞关先因倭饷增税致难充额准将新增银数免其徵解一京城内外居民比岁雨潦倒损冲坏田房数多未尽修复其房号准免三个月一广东珠池采取多年屡据抚按官奏报蜃蚌日虚不宜竭泽诏到之日即便封闭原差内官李敬驰驿回京原衙门应役其云南宝井干涉夷方军情远人易乱难安今矿洞既闭着一体停止勿采一各处解部赃罚近因数稍加增以致搜拏土豪积役株连多人故入人罪因而所在窝访通家乘机中伤广开骗局此近日地方一大害也自万历三十四年为始抚按等官赃罚都着查照旧数解部一切新增尽行停止若非大奸巨蠹听从告发究治不许辄行访拏如有抚按在任被论谢事候代及事故者原无问理致令新任处解未免烦扰悉准停免一两广川贵福建等处地方辽远起解内库铜锡蜡茶朱漆等项到京屡被包侵勒指以致解官久稽陪累多毙杖狱情实可矜该部通查本色钱粮非本地土产或可改折色者酌议奏请其各处解官及引商花费前项钱粮如正犯监故家属监追日久已经变产尽绝者准与豁免一生员及俊秀子弟有纳粟入监者准于万历三十四年分照近例减银二十两一年停止一侵欠还官银两情重数多例不应免其正犯已经监故正法拘禁家属年久产尽者及各项追赃人犯有系查盘坐侵访察坐入风闻参论原无证据者或正犯已故监并家属累及亲族者备细查明分别年月久近赃数多寡酌量题豁一沿边沿海仓场官攒商人守支粮料草束五年之外查盘浥烂亏折不系正数者不分正犯家属军罪以上开具奏请徒罪以下俱准免追释放一浙江等总运粮官员有因漂流挂欠监追五年之上产尽或身故者子孙准其袭替照例扣俸还官如系侵盗正犯奏请定夺其违限诖误及中都等处违误领班各提参住俸降俸降级立功者准与查复宥免一畿内各府州县节年寄养马匹有瘦弱不堪者负累小民餵养各掌印官即便勘实呈报该寺照依时估变价解寺贮库其节年倒死勘无作践情弊准免陪补一京营并在外各营骑操及苑仆孳牧马匹倒失被盗应追买补椿赃等银除已徵在官截数起解外其万历三十三年十一月以前未完者俱准蠲免一南北直隶山东河南各府州县应徵万历三十四年牧马草场子粒余地租银俱量免十分之二其备用马匹除本色外万历三十四年派徵折色者每匹价银免四分之一其三十四年派徵本色者于三十五年折色内亦免四分之一一近来驿递疲困支应不给马户仆夫往往逃亡各省直抚按官行查地方冲僻繁简将原额站银酌量加增其偏僻

处所有支剩银两务令通融协济仍照节年申饬事例严查应付各该衙门毋得徇情滥给勘合牌票如有多乘驿马广用人夫勒要银两擅用金鼓分外需索及夹带骚扰等项抚按官指实参来近今矿税已清各监宜严加约束参随人等毋许故违有犯如违一体拏问参处一国家设兵以备不虞一镇之兵凡以备一镇之用近来军饷不减而每遇调发辄称无兵俱归何处各镇总督抚按将食粮文册严加拣选精壮者操练老弱者汰换虚名冒占者俱宥往罪其有虚文塞责漫无实用者指名从重参究一充军充徒并编发口外为民反迁徙安置人犯已到配所者军除永远为民迁徙安置人除谋叛逆党强窃盗贼人命窝访指称打点夤缘钻刺贪淫失机外其余罪有可原及年七十以上者悉准放回原籍原卫宁家随住一免死充军本矜疑宽典而致累子孙为轻反重仍照万历二十五年新例免死充军者发烟瘴极边卫分充军终身不许赦宥若复逃归仍坐以死一宁夏朝鲜播州云贵两广连年用兵衅自外起乃朝廷不得已之役今荡平已久屡加赦宥念当时诸务丛沓文武将吏军民人等有因此获罪或死或黜或系或戍或及妻孥未被恩泽该部分别查明死者优恤黜降者议处系者戍者宥还未减释放以昭浩荡之恩一今岁热审情可矜疑人犯即照新例发遣有词再问笃疾释放一内外监追赃犯已及三年别无家产不论入官给主二百两以下者竟自开豁一侵盗系官钱粮问拟永远充军若所侵赃银在三个月以里尽数通完者准辩豁一浙江直隶苏松常镇等处拖欠绌纱岁段钱粮自二十三年以前如已徵在官机户领侵者严追织解果本犯已故反监追年远家产尽绝无从变卖者听抚按勘明议免其未徵在官委系小民拖欠者查明蠲免俱类册奏请定夺一各省直拖欠四司料银匠价鹿狐皮翎毛天鹅糝麻甄料苇课黄麻熟铁等料折色银及额办白麻生铁红生熟铜生漆鱼胶桐油银殊猫水斑竹棕毛树棕等项本色物料自二十一年起至二十五年止已徵办在官者截数起解未徵在官果系小民拖欠者悉行蠲免一内外远年在工人役曾经侵犯赃私监追十年以上未得完赎查果家产尽绝行原问衙门照拟定罪名发遣原侵赃私悉准豁免其有听信诱哄希图赴工侵克妄奏审虚监候年久未经处分者悉送法司分别问拟发落于戏元子元孙协震符而洵瑞永年永世流解泽以凝祥诏告万方咸宜知悉

○命少詹事全天叙左谕德周如砥编修顾秉谦温体仁简讨刘一燝王毓宗礼部主事王三才陈德元赍御书往各王府

○命修撰朱之蕃左给事中梁有年敕谕朝鲜国王李昫赐王纒丝十疋妆锦四段熟素绢十疋王妃纒丝六疋纒锦二段熟素绢六疋敕曰兹朕皇孙诞生覃恩宇内念王世守东方恪修职贡宜加恩赉以答忠诚特遣翰林院脩撰朱之蕃礼科左给事中梁有年充正副使捧赉诏谕并赐王及妃彩币文锦至可受赐见朕优礼之意

○起原任南京吏部尚书赵焕为工部尚书原任南京工部尚书裴应章为南京吏部尚书原任左副都御史郭惟贤为户部左侍郎原任辽东巡抚鲍希颜为工部右侍郎升南京光禄寺卿徐大任为南京工部右侍郎延绥巡抚郑汝璧为兵部右侍郎兼右佥

都御史总督宣大山西等处地方军务兼理粮饷

○起原任巡抚凤阳右佥都御史甘士价以原官巡抚浙江等处地方提督军务升顺天府府尹许弘纲为右副都御史巡抚江西等处地方兼理军务 ○吏部奉旨考选拟授吏科给事中熊鸣夏刑科给事中周曰庠浙江道御史萧淳报可

○升四川参政孙承荣为山西按察使辽东开原道副使杨位为海盖道参政工部郎中刘不息为山东副使户部郎中张五典为山东参议宣府口北道副使郝大猷加参政职衔照旧管事

○予刑部尚书董裕致仕驰驿去

○南京兵部右侍郎臧惟一奉旨协助河工银十万两议动草场马价银五万两尚欠五万于省直拖欠工料等银内应天苏松等府分派二万五千两浙江江西湖广附近府分分派二万五千两听河臣径自取其各处拖欠工料等银并乞申饬督催有仍前怠玩不完者指名参奏从之 ○丙辰赐湖广永顺宣慰彭元锦飞鱼服色

○起升原任礼部郎中罗朝国为尚宝司卿

○升户部郎中廖如龙为河南参议刑部员外苏大成为广东韶州府知府南京户部郎中张舜命为陕西西安府知府

○以顺天府固安县教谕薛养性为翰林院待诏先是 福王讲官员缺吏部照常行文国子监及顺天府学查取据称府学并无举人教官而国学寥寥人恐不足供 诸王陆续选取之用查 大明会典原于国子监顺天府儒学等衙门选取则不止此两衙门也况嘉靖年间曾改刑台县教谕李秀为景王讲官又事例之可据者请著为令以后选取待诏凡畿内地方举人教官俱得推用果效有勤劳即照国学事例径升司务主事等官不得逾三年之外致叹淹滞从之

○以直隶川沙把总戴天赐剥军激变行该巡按官提问具奏副总兵侯国弼徇情曲庇罚俸三个月其鼓噪倡首军人严查究治以后副将参游各官务要正己率属遇有贪纵不简即据实申报抚按如或徇庇酿衅一体连坐

○巡仓御史沈时来以仓粮被盗〈○ 疏-金〉论管仓主事吴友贤请加罚治上以仓场总督方谓友贤宜照例纪录事未归一命户部议定具奏

○升户部员外曹志遇为四川重庆府知府

○降原任吏部主事冯养志为长芦运司判官原任南京湖广道御史胡鹗为山西泽州判官各添注管事

○准都督陈承恩给假治丧

○福建巡抚徐学聚以科臣论奏具〈○ 疏-金〉剖白章下吏部

○戊午兵部覆议甘镇虏贼入犯失事各官兵备董国光姑免究将领黄时用马应龙各夺俸有差

○原任陕西参议今调湖广茶陵州知州范守己言国家漕挽仰给东南岁运四百

实赞之骂贼以激其怒婴城而老其师平濠之功人谓安庆之力也及其抚大同建五堡欲徙军实之而悍卒不逞戈矛遂兴以为国之忠谋婴灭门之奇祸至今五堡屹然保障攸赖则功不可泯而死诚足悲矣合无予之一祭半葬招魂为莹以慰人心得旨张文锦死事可悯今既日久论定所拟应得祭葬俱准给与以答忠魂

○辛酉大学士沈鲤言昨臣独自在阁蒙发内供用库一本为拖欠蜡茶芝麻等物乞敕严催以济供用臣反覆参详委当拟票严旨立限督徵独念 皇上此时方为天灾民瘼发致施仁特下宽恤之诏一时都城内外无大无小无不欣欣色喜若忽有督逋之旨相继而下则雨露霜霰一时并行非所以将顺九重德意斯臣愚失职之罪也故止拟户部知道以为该部所奏必有善处之方也今蒙发下改票自当奉命惟谨惟不敢二三其说以致与恩诏相妨而壅阙 圣泽不行也阳城小臣犹知催科抚字不可得兼而自甘心劳政拙之罚矧臣叨辅弼之列事尧舜之主而又当恩诏初颁之际乃急急于责逋催欠之事夫岂不南辕而北辙乎当是之时山中野人或有扶老携幼入城市而听开读者睹斯景象岂不骇观盖易称损上益下之谓益而损下益上之谓损损益夫岂在取予之间哀益亦别有乘除之数矧奏内所开不过米盐细碎已经遗弃之物即尽蠲以予民益可推广 圣泽而内供亦无损者臣特为朝廷存大体耳敢仍以原票冒昧封进而附具一揭以明臣区区如此 上特从之

○升御史林道楠为太仆寺少卿添注管事

○升广东副使陈濂为右参政南京户部郎中陈瑛为隶顺德府知府

○降原任知府陈亮采为山东运司同知

○壬戌内阁撰上 御制重刊大学衍义补序 上为嘉悦赐元辅银四十两彩段三表里次辅每银三十两彩段二表里仍各赐酒饭有差序曰朕惟帝王之学有体有用自仲尼作大学一经曾子分释其义以为十传其纲明德新民止至善其目格致诚正脩齐治平阐尧舜禹汤文武之正传立万世帝王天德之绳准宋儒真德秀因为大学衍义掇取经传诸史之言以寔之顾所衍者止于格致诚正修齐而治平犹缺逮我 孝宗敬皇帝时大学丘浚乃继续引伸广所未备为大学衍义补揭治国平天下新民之要以收明德之功采古今嘉言善行之遗以发经传之指而后体用具备成真氏之完书为孔曾之羽翼有功于大学不浅是以 考庙嘉其考据精详论述该博有补政治特命刊而播之朕践祚以来稽古正学经史诸书博涉殆遍因念真氏衍义我 圣祖大书于宫壁累朝列圣置之经筵 肃祖听讲之余赋翊学诗以记之朕爰命儒臣日以进讲更数寒暑至于终篇然欲因体究用而此书尤补衍义之阙朕将绌绎玩味见之施行上溯祖宗圣学之渊源且欲俾天下家喻户晓用臻治平昭示朕明德新民治国至意爰命重梓以广其传而为之序云

○大学士沈一贯以久病难痊奏请辞俸并求休致不报

○癸亥原任戎政尚书王世扬奏辞阅视加恩不许

○原任巡抚辽东右佥都御起升工部右侍郎鲍希颜卒希颜山西长干人隆庆戊辰举进士知雒阳县事选授福建道御史巡视京通二仓出按应天浙江庚辰降 周县丞升广平府推官湖广佥事丁忧复任陕西升湖广参议山东副使调边海兵备升开原参政加按察使寻以右佥都御史抚其地遭忧制告至是报升工部右侍郎未仕卒

○甲子赵藩雒川王常瑄病故辍视朝一日百官具素服办事

○己丑大选进士崔士成等以下共三百五十三员

○丙寅陕西总督李汶辞阅视加恩不许

○丁卯礼部言每岁端阳太医院官同圣济殿内官往南海子采取蟾酥残伤物命甚多此药主攻毒之方合用原少且坊肆间可随时取办不烦采而有者乞敕停免从之

○甘肃巡抚徐三畏宁夏巡抚黄嘉美各奏辞阅视加恩不许

○戊辰顺天府进春 上不御殿命司礼监捧入 罢百官宴

○命给事中萧近高巡视十库翁宪祥视太仓银库宋一韩巡视京营 ○己巳岁暮行 大袷礼于太庙命英国公张惟贤代

○以正旦节命隆平侯张炳恭顺侯吴汝胤怀宁侯孙承荫定西倭蒋建元南和伯方<■火节>忻城伯赵世新武进伯朱天爵遂安伯陈玮彭城伯张守忠分祭 诸陵宣城伯卫应爵祭 恭仁康定景皇帝指挥同知许浚详祭 哀冲庄敬二太子各陵坟

○是岁漕粮原额四百万石内除永折三十四万四千三百四十七石七斗八升八合南直山东共灾折一十六万七千七百一十石三斗二升九合该进京通边仓三百四十八万七千九百四十一石九斗六升三合内漂失焚毁一万三千九百三十一石九斗六升六合七勺三抄俱免尖处补完足了

明神宗显皇帝实录卷之四百一十七敕修

万历三十四年正月庚午朔 上御殿文武百官朝服诣午门行五拜三叩头礼辅臣沈鲤朱赆仍诣仁德门行礼时首辅沈一贯以乞休杜门不与 遣隆平侯张炳等祭长陵等陵 仍以朱敬循为右通政升南京鸿胪寺卿卫永芳为南京光禄寺卿敬循大学士朱赆子也 上既允赆荐辞吏部左侍郎杨时乔言辅臣以荐贤为忠臣部以咨序为准敬循久典剧曹声实懋著所拟在通政员缺资俸相应宜遵新旨承芳拟升南光禄卿庶臣部不失序迁之常辅臣益彰推贤之美故复有是命 军政拾遗左军都督镇远侯顾大礼后军都督同知陈汝忠锦衣卫千户王继祖李如林陕西总兵营一方广东总兵孟宗云南副总兵陈宽阳和副总兵刘文蓟镇参将臧光祖宣府参将方时辽东参将王绍芳俱革任中都留守李茂材延绥参将郭有光云南都司佥书李思忠宣府参将陈孝等俱降调 升顺天府府丞周盘为右佥都御史巡抚甘肃升南京太常寺卿张鸣冈为南京通政使

○辛未降原任修撰焦竑为广东都司断事初 元子出阁定讲官郭正城等六人竑与焉竑私撰养正图说一书拟进同事闻之 不悦遂止既有私梓其书内珰陈矩得之

以献繇是物论疑骇已亦遂以浮躁降处越八年始补今职 湖广襄阳知府冯若愚偕推官程启南以公事道经太和山净乐宫其所辖界也循例入谒遇道官赵本深袁进贤等醉忤无礼若愚杖之提督本山太监王勋嗾令本深等击钟聚众呼噪若愚等疾驱得免犹为飞甃中额出血勋贪横无纪贿收无赖羽流万计若愚为政清严素与勋忤勋至是乘机修报乃先上其事诡称若愚乘与进宫欺蔑龙牌怒本深等力阻痛决几毙疏奏上以惩责道士亦守土官所得行之法乃戒勋宜铃束道众安静山场不得忿争多事

○癸酉以孟春享

太庙遣英国公张惟贤成国公朱应槐永康侯徐文炜代献行礼 遣官祭 太岁月将司户等神

○甲戌工科给事中胡忻言往昔铺商食鲜策肥衣锦居华于今富者贫贫者逃且死矣所以恤之有五一该司各厂内官众至三四百人人人攘臂攫夺其何能支今请定有额员少一人即免一人之害一该司横索铺垫非所底止甚至竭一厂钱粮不足充一厂铺垫者请限有额数省一分即享一分之利一各衙门年例柴炭须从改折一各处物料责解本色毋复烦商买办一请将京城内外铺面及贩金玉珠宝之家不论粮要势豪资本二三百两以上至千万两列为三门九则纳银有差召募熟练事情惯应商役十数人使之应役则京师之人世世可无金报之忧不报

○乙亥礼科都给事中邵庶刑科给事中梁有年郟阳巡抚胡心得各上疏劾太监黄勋宜令罢任不报

○庚辰大学士沈鲤朱赓言吏部缺尚书将二年都察院缺左都御史亦数月二官俱系要职乞赐速补不报

○辛巳升左给事中陈治则吴文灿梁有年夏子阳为都给事中治则吏科文灿兵科有年刑科子阳工科升南京光禄寺少卿刘学曾为应天府丞 凤阳巡仓御史萧如松条上仓储八议一明职掌二专责成三查积逋四核屯粮五严查参六议改折非年遇重灾不得輒改七议余米每岁秋成放丰稔地方收买粮米出陈易新八革奸役下户部尚书赵世卿等集议称便从之

○壬午户科给事中汪若霖言贪酷有司赃至千计冤命罪 率从轻论非法绣衣直指之使风行雷动今令其左右易而以免代行非体边吏以国家膏血外媚虏而内媚津要以饬功京营十万诡冒单虚河上璧马动经百万俱非长久之计汉天子不能其均驷以为絀今皇皇帝庭萧然环堵轮奂无期非盛世之观乞乘履端万物祭陈反此数者以明更始不报 升江西参政詹在泮为广东按察使

○甲申直隶御史乔应甲言国家该盐课以实军需课办于灶依于荡荡之关于盐灶至为吃紧法久弊滋奸豪侵占不肖官吏听其贿嘱遂将荡地擅垦视为己物无复顾忌今查扬州荡地庙湾一场开至九万九千二百余亩一场如此其三十场可知况延袤千有余里即可比拟三十郡县论地当分等则应否纳价作何分种论租当有多寡谁为

徵收作何支销查得海防兵备副使张鸣鶚泰州知州李有信兴化知县杨润接壤海滨素知灶情可令鸣鶚总理于上存信润分理于下沿丘踏勘以清弊端事完移咨吏部纪录优升报可 御用监上 圣母册封册宝冠顶合用金宝数日本监成造金册一副金龙钮宝一颗黄丝绶绦全金级云龙宝箱宝池箱三个黄织金绉丝衬里黄线绣黄纱宝囊金锁钥事件全珠翠金累丝嵌猫睛丝青红黄宝石珍珠十二龙十二凤斗冠一顶金钹龙吞口博鬓金嵌宝石簪如意钩全皂罗描金云龙滴珍珠抹额一副金累丝滴珍珠霞帔挽儿一副计四百十二个珠翠面花二副计十八件金丝穿八珠耳环二□□只金丝穿宝石珍珠排钹二□□只金嵌宝石珍珠云龙坠头一个白将□衣玉谷圭一枝金钹云龙嵌宝石珍珠荷叶提头浆水玉禁步一副计二挂开珊瑚碧甸子金星石紫线宝黄红线穗头全青绉丝描金云龙滴珍珠舄二□□只金累绿结丝嵌宝石□□只龙凤鸾凤宝花九十六对金万喜字锋计五千副索金银万喜字锋计八千副索金盛用浑贴金沥粉云龙红漆创金云龙宝匣冠盃胭脂木谷圭霞帔禁步匣九个铜镀金锁钥事全户部办送足 金一千四百三两八钱七成五色金一千两银一千六百两猫睛二块重一钱八分祖母绿六块重四钱二分青宝石四百六十八块重二百七十四两五钱红宝石五百四十七块重一百六十四两一钱黄宝石十二块重一两八钱各样圆珍珠大珠各一颗头样珠一百二十七颗大样珠三百三千六颗一样至十样珠共一万二千八百十一颗白玉料一十一斤珊瑚料一斤三两玛瑙料一斤金星石料一斤水晶料一斤碧甸子一斤翠毛一千六个 署工部事刑部右侍郎沈应文言挑河之后三省直官统领二千万众鳞集河上而所请原估工费八十万奉旨处给六十五万者今户部二十七万争执□□府去三万五千南京兵部十万以省直久欠马价柴值抵去五万南京工部三万又以应天等府拖欠匠班织造等银抵数均派有漕省直二十万应天该银七万三千七百有奇巡抚周孔教又以灾民丐免而铨部事例复因酌议延阁致令河臣皇皇无策乞下明诏一应允给之饷未足之银应催应补者俾令速赴河滨以济急用庶免他虞上严旨命该部马上移文南京兵工二部各省直抚按照数借发不得再有争执事例出于不得已其速议行 旧例六科给事中不承使命刑科都给事中梁有年先差领诏朝鲜未行遂升今职不知所遵上请命前往完差归掌科事 兵部右侍郎魏允贞卒允贞直隶南乐人万历丁丑进士授荆州府推官江陵相薰灼用事仕楚者争趋之允贞毅然不屈置其豪仆于法以治行异等擢山西道御史时居正病剧所引用私人允贞劾罢之疏请杜权门塞幸路语侵执政谪判许州寻迁南吏部郎改光禄寺少卿病归起升府丞通政以右佥都御史巡抚山西约已奉公括岁供官缙数千裁通属冗费岁得数万金用以建城堡筑墩台置器买马为一切攻守具虏不敢犯以其余储仓穀数十万石以备凶荒三晋至今赖之生平广直特立寡与阁部大臣时有争论既抗疏极言矿税之害内使孙朝为飞语诬咏下部院阁道参看于是南北疏救称为天下清官第一部民诣阙白其冤者数千人事遂寢然抚晋机九年不调乞终养至二十余疏始得请归途行李萧然先

○升陕西参政袁弘德为按察使

○慎嫔魏氏薨命附葬顺嫔张氏坟内

○戊戌新起工部尚书赵焕以亲老乞在籍侍养许之

○以覃恩任吏部侍郎杨时乔礼部侍郎黄汝良杨道宾詹事萧云举太仆寺卿连标各一子送监读书

○以闕视加恩升陕西右布政荆州俊为左布政按察使董国光为右布政副使高世芳为参政大同阳和等兵备樊东谟刘尔康俱山西右布政山西按察使李芳岢岚兵备赵彦参政徐准俱山西左布政辽海兵备左布政张中鸿升俸一级霸州兵备刘卿为山东左布政密云兵备边有猷为山东右布政各照旧管事

○己亥兵科给事中孙善继论劾甘肃巡抚徐三畏奏报去年十月初八日良歹诸酋率众三千入犯凉州地方繇迤西怀安三岔等堡杀掳男妇四名口抢去牲畜一百八十头只我兵对敌斩获虏级一十四颗当日虏出边等情今接按臣史学迁揭帖报称前虏于十月初八日寅时入边抢掠地方东西二百余里南北百余里经过四十余里抢掠男妇以千百计驱掳牲畜以万万计至初十日巳时饱欲而去署凉州副总兵马应龙闻声领兵扎营于魏佐寨距虏二十余里不敢一矢相加生员赵完璧等诣营请兵追夺畏怯不行与抚臣所报悬绝边臣欺罔未有如此之甚者应龙先事疏虞临时逗遛事后隐匿均宜按法久之三畏疏辩臣初据道将所报仓卒上闻既经勘详知其隐匿方拟具题至于当时虏入抢掠东至怀安堡西至陈春堡相距五十里非三百余里自北边入至南又路相距止四十里非一百余里民穴居野处寥寥如晨星所失人畜多寡不言可知且虏于初八日入边初十日未晓即去非三日也俱下兵部看议

○南京御史李云鹄等〈□疏_一金〉劾浙江巡抚尹应元因科臣陈嘉训论及不自省咎反辱诋言官大伤国体乞行罢斥不报

明神宗显皇帝实录卷之四百一十七

明神宗显皇帝实录卷之四百一十八

万历三十四年二月庚子朔

○辛丑升南京太常寺少卿丁宾为南京鸿胪寺卿

○壬寅以 皇太子第一子生诏告天下诏曰朕惟自古帝王祈天永命咸曰子子孙孙至于万年盖申命用休惟此为大朕以眇躬嗣登大宝三十四年于兹矣眷惟国本至重懋建元良具举婚仪广生绵绪恭荷 皇穹纯嘏 列圣厚培以三十三年十一月十四日皇太子第一子生克昌胤祚朕心载宁上鬯 圣母之徽怀下发臣民之悦悻诏尔海国咸使闻知

○以 皇太子第一子生遣使敕谕朝鲜国王李昫赐王纒丝十疋妆锦四段熟素绢十疋王妃纒丝六疋纒锦二段熟素绢六疋敕曰兹朕皇孙诞生覃恩宇内念王世守东方恪修职贡宜加恩赉以答忠诚特遣翰林修撰朱之蕃礼科左给事梁有年充正副

使捧赉诏谕并赐王及妃彩币文锦至可受赐见朕优礼之意

○广西道御史史弼言国家水患惟河为急上关 陵寝下关运道况今之河又非昔比渐徙渐北愈壅愈决 陵患虽宁运道日梗所在生灵庐舍沉渊浮苴栖木治河者迄无成功臣按 先朝宋礼经营会通寝处河上始终数载揣高度低集思广益兼以国初物力丰盛法令必行是以功成一举利垂数世今则不然大役已兴而议未决丁夫方集而技已穷驱饥疲之民于严寒之候枵腹堕指累累而是此不能慎始之过滨河守令半集河上沿河赤子悉赴工所徵发太烦汹汹生心忧在瓦解此不能防微之过昔挑黄家口费金钱百余万今挑朱旺口又需金钱八十万竭泽可虞劳薪难继此不能长虑之过洳河之役亦一时权宜但河塞而后议洳则洳成宜必可以代河今导河而河流愈漫浚洳而洳河日枯二役并兴一役莫竟此不能图终之过为今之计固当广集方略而其要务则莫急于措处钱粮绥怀众庶二者盖集三省之众于一方春深雨湿气蒸疫作宜析处分屯每屯相去里许于其中分任老壮多置居所分银斗粟务沾实惠则应募者必众应募者众则可免调乡丁彼乡丁裹粮而赴千里之役弃家而失农桑之期岂若应募就食者得斗粟分文之惠免流离饥冻之苦哉至于钱粮内帑可捐外帑可借而漕粮必不可留盖漕河固国家咽喉而漕粮尤国家命脉臣窃计每省协助不过三四万则数十万金钱一朝可具然金钱不可食必变为粟米臣闻山东河南江北地方颇稔诚厚值以募米商而捐其税米商必集米价自平转三省粟以供数万之众何忧不及又臣观今日诸臣人持一心山东诸臣利河南流河南诸臣利河东下两议相持阻挠四出败乃公事莫甚此曹乞亟选贤能同心戮力以几乎成之功不报

○户部奏加 圣母徽号缺珠宝钱粮乞借老库数万应用 上以老库积贮本备非常不当轻动因兹大典需急姑准动支仍徵地逋补足

○壬寅刑科给事中周曰庠< 疏 >请乘 圣诏重颁之会释系起废以广皇恩不报

○癸卯升大理寺右寺丞牛应元为左寺丞鸿胪寺右少卿石常久为左少卿南京吏部文选司郎中赵邦柱为南京光禄寺少卿

○赠已故太子少保礼部尚书陆树声为太子太保

○升贵州副使冉德升为参政湖广副使刘之龙为河南参政兖州知府石九奏为辽东宁前道副使大同知府马拯为山西副使建宁知府沈茂荣为福建副使户部郎中孙学易为贵州参议

○甲辰祭 三皇于 景惠殿遣礼部侍郎李廷机行礼

○升江西左布政使吴献台为顺天府府尹以恩诏有布政司正官再考称职与内转之条故也

○安南都统使黎维潭子黎维新贡方物请封黎氏自黎利传七世至諱为其臣莫登庸所夺莫氏传五十余年諱子宁奉黎祀于漆马江传四代至维潭与其臣郑松协谋

○丁未祭 先师孔子遣礼部侍郎李廷机行礼

○戊申遣官祭 社稷坛 ○南京户部尚书赵彦鲁引年乞致仕不允

○辅臣沈鲤朱赓奏臣等恭遇 皇上将于本月十一日尊上 圣母徽号先御史革后殿臣等伏自思念蒙召以来四载于兹未一瞻望 天颜不胜犬马之恋谨拟是日恭诣便殿行面恩礼 上报以卿等讲幄旧臣朕亦欲面见以成泰交之义但大典吉时恐致迟慢其免面恩

○浙江道御史宋焘 < 銚 - 金 > 劾锦衣卫掌卫事左都督王之祯贪横不法下部院议覆

○己酉 上遣文书官卢受谕元辅一贯曰朕尊上 圣母徽称大典在即卿为元辅宜率百官行礼恭祝 万寿庶全君臣大义且卿眷委年深劳任怨朕所鉴知岂可执浮言引身求去卿心何安宜即出赞襄以副朕惓惓伫望之意一贯终不出

○署工部事刑部右侍郎沈应文言缮治城垣工程最亟其见在灰车各役极称疲惫独肩则有不均之嗟编派又有骚扰之虑无已惟于灰车等户移文顺天府查访的确殷实之家量金报灰户八名车户十名少为帮助其城工旧役仍着令上紧协办臣部酌量给发预支接济 上报以城工最急灰车二户不得不量行金报但不许多派人数及以中等之家搪塞致滋告扰其已经审明的确殷实者亦不许钻求势要多方避匿尔部还酌量多寡给发预支俾无偏累以安都民

○庚戌以 皇太子第一子生加上 皇太后尊号 上率百官恭进宝册奏言维万历三十四年岁次丙午二月庚子朔十一日庚戌子皇帝臣 谨稽首再拜上言伏以祚发元祥开熙明于累叶喜符圣豫介纯嘏于万年酬高厚以何极极揄扬而莫罄恭惟

圣母慈圣宣大明肃贞寿端献恭熹皇太后陛下大虹毓粹霁月披华勤俭以赞先皇六宫式德兹仁以迪眇质九有向风遂藉鸿庥爰开龙种震惟长子已焕彩于前星复启元孙又重辉于少海燕谋继应绵姬宗卜世之祯麟趾骈臻慰尧壤多男之祝博采康衢之歌讼仰摹 圣德之形容谨率文武群臣敬奉宝册加上尊号曰 兹圣宣文明肃贞寿端献恭熹皇太后伏愿允孚元吉茂享纯禧子及子以日昌宝箴衍无疆之祚孙又孙而弥炽瑶舆延有道之长臣 诚欢诚忭稽首顿首谨言礼成 上诣慈宁宫请皇太后宴会子皇帝臣 谨奏伏以礼重尊亲特举鸿称之典孝隆备养虔修燕喜之仪御玉辂以承欢调金茎而荐祉恭惟 圣母慈圣宣文明肃贞寿端献恭熹皇太后陛下功侔玄化德配坤元至仁克享于天心景福允合乎人祝升恒伊始六甲重开胤祚式昌曾孙诞启谨合康衢之歌颂敬摹 圣德之形容宇宙春晖难罄昊天之恩报宫庭明发少伸爱日之诚敬敞宴于瑶池敢叩闾于璇殿谨卜是日之吉肆陈钟鼓肃奉轩駟伏愿云盖凝辉霞裾垂灿万方玉食茂膺万载尊荣百世本支永荷百灵拥护臣不胜倦切祈仰之至谨具奏闻宴会致语词云伏以祥开宝婺翟榆联南极之光瑞霭璇宫紫幄敞西池之晏帝孝增辉于爱日孙谋贻燕于仍云欢同万国之心喜鬯六宫之气恭惟 圣母慈

圣宣文明肃贞寿端献恭熹皇太后陛下德备舍弘功侔持载月薨倪天之兆虹流诞圣之符轩策重开坤厚衍冈陵之运桐枝继茂复阳回天地之心含饴而喜溢曾孙载咏振振于麟定视膳而欢承帝子式瞻穆穆于龙颜前有为后而后有为前光赫赫无穷之问子又生孙而孙又生子继承开长发之祥子育群生皇泽体慈衷而日鬯母仪万宇阴功随帝力以时雍人群共抃于嘉逢乐奏同声于显号云连宝气宛延龙纽之华日映天章烂烂虬书之色开芳筵于椒掖侈旷典于兰陔帝袞翩<仙-亻>□羽三世上万年之寿天浆络绎一庭合四代之欢鸾韶奏而翠虚撻金鸞羽陈而朱弦弄玉八千岁之春秋伊始膺向用之隆禧六十年之甲子方新绵有开之景历臣等叨参法部快睹鸿仪心和气和形和共上泰和之曲天大地大道大同游广大之仁敬辑輿言用陈口号翠辇鸣稍下九阍千官云拥睹金根婺星光启前星曜南极祥开北极樽帝子云中环帝子文孙阶下见文孙一人庆洽齐天乐万国欢依厚地恩

○以尊上 皇太后徽号谒告 奉先殿遣英国公张惟贤等祭告郊 庙 社稷

○以写篆 圣母徽号宝册及文华殿用宝颁赐辅臣一贯等中书包渐林等银币有差

○辛亥辅臣一贯奏言 皇上以文孙笃生崇加徽号光天盛事动地欢声臣猥以在告不获随侍班行同伸嵩祝下情不胜忭舞谨具奏称贺

○辅臣沈鲤朱赓奏臣等昨同文武百官齐赴文华殿门外恭候 圣驾见二品班内止户部尚书赵世卿一员各部院止有兵部尚书萧大亨在告其余左右侍郎员缺更多 皇上方综核吏治而官联残缺乃至于此政务丛挫谁为修明理乱所关良非细故乞敕吏部查各衙门见缺并前后会推人数总具一本亟赐点用以慰中外之望不报

○南京刑部尚书赵参鲁奏罪勋刘世延去年奉旨严拏已经收监羈侯狱情重大必同都察院大理寺会问方见事体公平从之

○谕礼工二部朕三子福王出府成婚有年宜遵 祖制分封预建藩府合行事宜二部会同拟议来看

○壬子文武百官太子太保英国公张惟贤等以 徽号礼成奉表称贺

○升给事中翁宪祥沈凤翔汪若霖吕邦耀王元翰为右给事中宪祥吏科凤翔户科若霖礼科邦耀兵科元翰工科

○董家口边外住牧属夷马塔塔部落达子三十余骑乘我军出口采柴突出赶夺杀死军士汪真等八名掳去军士平哲等二十一名事闻夺防守参将胥应徵俸四月提调守备崔士□北革职 ○升山西道御史应朝卿为山东参政管永平兵备道事以九年考满也

○癸丑户科给事中汪若霖言比因河决大修朱旺口募三省夫二十万那凑中外金钱以八十万计自冬徂春刻日竣事臣窃忧之盖今夫集河上者加原额数倍而所称八十万皆虚贖于数千百里之外不可凭恃河臣暂括省库金支吾旦夕据所奏报亦既

圣宣文明肃贞寿端献恭熹皇太后光鸿名于彝典昭骏德于海隅庆典具成大赉宜溥所有恩例开列于后一亲王年八十以上者具奏遣使存问亲郡王年七十以上者赐羊酒弊帛地方官存问其有衰病一应礼仪不能自行者许子代行将军以下年七十以上者各赐米十石绢十疋庶人量给三分之一一亲郡王嫡母生母并存者许奏请嫡母加封太妃生母封次妃与敕知会亲王庶子受封后生母例封夫人将军中尉受封后生母例封夫淑恭宜安人者果年踰七十奏勘无碍亦准给与诰敕一宗室节年因事减革禄粮者除败伦伤化奸盗人命重情外其余全革者准支三分减一分二分者准照旧全支原系革爵者不得借此复爵一宗室词讼败伦伤化奸盗人命重情及自行告讦者方行停禄问明补支其余小事牵连照常给禄止勾摄其府较等人代为对理即蚤与归结一宗室有饬躬修行孝亲敬长敦睦恬静乐善好学者许各抚按官具实奏闻奖劝一勋臣公侯伯袭封见爵者俱给与应得诰命未领者准补给一辅臣家居者差官请敕存问文官一品致仕养病者有司月给米三石岁拨人夫四名应用八十以上抚按官具奏遣使存问二品八十者有司备彩帛羊酒存问九十以上具奏遣使存问五品以上以礼致仕年七十以上者进本品散官一阶有廉贫不能自存者有司量与资给学行超卓朝野共推者抚按官优礼以端风尚一两京文官一品至九品各给与应得诰敕先给领者进本品勋阶一等品同而职衔不同者照见任改给试御史试中书庶吉士及给假守制等官俟实授授官复除之日补给其行人司务给本身仍照万历三十一年例升改之日补给父母及妻凡愿移封移赠者听先已移封赠者给与本身及妻吏部守部进士俟选京职给与两京科贡八品以下官准照行人例行在外方面官二品至五品有司官正四品已未考满有正荐或升改者准给与州县正官有正荐历俸二年以上准给与历俸三年未遇抚按复命曾经给繇保留或复职或升任者俟抚按复命荐至补给其在任候代与见任同父母先已受封其子官职迁转者服色许与子同前母继嫡母准三母封赠继妻受封已故者见在继妻准封一各王府官有年老愿致仕者进散官一阶其长史历俸三年无过父母见存者给与应得诰命一文职官员降谪罢闲等项可用之才已诏吏部查奏分别起用其有诳误触犯惩创已久操行清修才猷卓绝众所共推确裨实用不可以一眚终弃者该部院公同精加品题酌量奏起但毋得因而朦胧徇情冒滥以孤盛典一考选久格应取官历俸六七年始升部属诚为淹滞除外俸四年余俸准量算部俸三分之一一岁贡出身艰苦自今廷试后准冠带不愿仕者遥授职衔在外抚按类奏遥授割付发布政司分给所在有司一体礼待优免岁选两贡入监者仍多优选以示风励儒学生员有愿告侍亲者听亲终之日仍许复学年五十以上者许告衣巾终身有食粮年深挨贡不前者许告给冠带正贡及期不愿出仕者提学官开送吏部遥授儒官职衔俱免本身杂泛差役吏典两考已满无过不愿赴京者准遥授省祭官冠带免本身一丁有司不许差遣一两京京卫指挥千百户等官系祖职功升署试职级者准授实衔仍支原俸其例应请续黄诰者与京营实授各官一体题给一武职袭替旧例十年以上人文不到部

者不准内有路远家贫不可无悯应量宽至二十年但恩例通行宜有限制今自三十四年二月十三日起至三十六年十二月终止文结到部查系真正支派未过二十年者准与袭替如过期文到者仍依常限一大汉将军侍卫二年以上者给与冠带又历四年以上授试百户年五十侍卫二十年以上者不拘在役退闲俱与冠带荣身其退役将军儿男见在守候大选袭替者免其守候查照其父历役年月久近准与袭替旗较力士若年分未及与例未合者不许冒滥袭替一武官五品以上致仕年六十以上者各进本品实授勋阶一等一品致仕年九十以上者有司具奏存问为民者与冠带闲住闲住者与致仕若父系武职子孙文职见任其父应受子封而职高于子者虽系署职亦进本品实授勋阶一等一东宫直宿巡缉旗较量照舍人例给以冠带如原系后七所者量改前五所通事舍人升一级一太医院见差供事冠带医士准照监儒事例免役四个月内殿供事者加免二月其候缺吏目曾经考试支俸者准令预授止许支俸不支柴薪亦不得扣满原系预授三年以上者准令实授遇有本科员缺仍照原题挨次铨补不得浮于额外四夷馆译字生亦优免四个月一军民之家五世以上同居共爨者有司核实奏闻旌表诏书到日先给羊酒奖劝三世以上者申报抚按衙门奖劝其有好义乐施置立义田义仓周恤族里者一体奖劝一义夫节妇孝子顺孙有司勘实奏闻照例旌表已族表年及六十者男子与冠带荣身妇人照年八十以上例给赐绢帛米肉其节妇有苦节异常拘于年限不与旌表者有司给扁仍给羊酒奖劝一乡贤乡饮典礼隆重风化所关有司漫不留心浸多猥滥以后乡贤提学官及有司详加采访果即与崇妃母忽幽微乡饮必举有德之人毋徇贵富一军民男妇查无过犯年七十以上者许一丁侍养免其杂泛差徭八十以上者仍给布二疋米一石九十以上者倍之内男子有德行著闻乡里敬服者给冠带荣身男妇百岁者表宅优异仍岁给布米养瞻终身一民间孤子十三岁以下婺妇独居无人丁侍养者准于万历三十四年见当差役免粮一石人一丁以示哀恤一各省直漕下田土滨临大河冲塌不常或山菁荒地小民自用工本开垦旋复荒抛者产去粮存贻累里甲包赔有司勘实申详抚按悉与豁免武清宝坻二县牧地连遭水潦新增牧税有逋负者准蠲免一年一各盐运司浮课蠹累口民侵损正饷如防倭工本年久火烧潦消存积引盐除万历三十三年以前已经招商开中纳银在官尚未掣盐者姑准补掣外自三十四年为始前项等盐分别奏请定夺一各省直差官起角口羊京库钱粮有难易不等佐领官往往越次营求美差以润私橐其烦难苦差反用闾葺无能之官多有领解出门已报劣转每不自爱以致侵欺今后各省直正官先将应解钱粮查照难易搭配均停其差官务选廉能经奖者方许差用到京完日该部查系难差向多误事本官独能依限全完者部堂给与奖励抚按据为优劣一各省直贫民先年户部题准照五城事例每年冬月动支预备仓穀煮粥救济春初抚按具数奏闻岁以为常比来饥荒频仍抚按尤宜督率有司著实举行如有司不岁举抚按不岁报者该部科遵照原旨参奏处治其鳏寡孤独见在养济院者各给米三斗布一疋一小民因差役苦累多将田产投进王府以

○夜昏定阳和保定堡城楼鸱吻并棋杆上有火光如灯四散无烟焰杆木亦不焦焚漏二十下方灭

○癸亥御史宋焘言比者皇孙诞育 皇上开曠荡之恩撤回矿使万里歌呼但税徒恶少群随矿使入京势同豺虎至沿路杀死居民王守立等恬不知怪圻畿之内见者惊魂深恐大衅将作乞 乾断严驱不报

○吏科给事中熊鸣夏言上下交则泰不交则否今朝讲稀御都俞风邈自履新两月以来言事诸臣章无虑十余上未蒙涣发纶音窃虑天不发霆万灵永蛰不报

○甲子命 皇太子第一子名

○升广东按察使林如楚为湖广左布政使

○命御史宋焘往应天史弼往江西各巡按

○夜太白犯昂

○乙丑凤阳府池河镇守御一营所属南京飞熊广武英武三卫附近定远县地方旧例该营出给官军帖文以充牙侖取其货税以供操赏甚为商民之累知县蔡梦齐因条为革市租均保甲二议行之各军愤怨乃乘阅操千户刘胤等率军兵王大纪等扬旗鼓噪久之得解事闻 上令南京兵部查为首官军参送法司究治守御都指挥侯万钟夺俸三月其市税既裁仍著每岁支他项银百金给供该营操赏

○升江西参政余梦鲤为湖广按察使

○丁卯遣官祭 历代帝王

○升南京河南道御史萧如松为南京光禄寺少卿添注

○戊辰辅臣一贯等〈臣疏〉请下考选之命不报

大明神宗范天合道哲肃敦简光文章武安仁止孝显皇帝实录卷之四百一十九

万历三十四年三月己巳朔辅臣沈鲤朱賡奏陕西巡抚顾其志揭帖极言梁永虐害地方抗旨激变之状臣等谓 皇上必速行处分不意至今不问昨顾巡抚续差一人到京称秦人怨恨梁永及乐纲吕四等思食其肉聚众数万约日起手尽杀永等然后赴京面奏 至尊自请诛戮臣等思秦人性悍虽巡抚不能谕止又闻梁永畜养亡命千余万一彼此相杀恐不但如湖广之变而已望急发抚臣原〈臣疏〉仍敕械解永等以安秦人不报

○庚午赐内阁礼部 皇明典礼书各一册 上以 皇明典礼书内 皇太子正妻皆封妃次皆称才人礼部拟 元孙生母为 皇太子嫔或 皇太子夫人皆不合因书赐阁部存备查考 ○辛未蜀王遣使进扇 上赐王白金四百五十两

○户科左给事中萧近高言惜薪司并外四厂柴炭系内庭正供急需该司动曰钱粮急缺大木炭每厂银一千八百七十五两内柴每厂银一千二百两外柴每厂银一千两三钱价非不敷预支非不以时然而至此者何也良繇内监管理人众及杂色人役日增愈众则费愈多今该司掌厂之外又有贴厂又有金书几十数辈以故罄一厂官银不

捕系瑞凤而荣用事指挥于可继等宣言当尽捕六卫印操诸员人人自危于是指挥贺世勋等及军民数千人拥集荣第纵火执荣杀之投尸烈焰中抚臣陈用宾上其事且言于灰烬中盘获金银等物及马驴变价角口羊进其税课请命四川税使丘乘云带管类解 上以杨荣孽繇已作死不足惜惟命抚按总镇会鞫首凶余无所问而解纳余烬及丘监带管皆如用宾议云

○裁湖广崇阳通城二县教官各一员添设巡简一员从抚臣梁云龙议也

○庚辰改定河工开纳事例运副运判正兵马必真输粟河上者方准纳选其中书加府判及从五品服俸已任改衔吏员加历监生准贡一切停止 ○御史冯奕垣劾兵部尚书萧大亨为刑部侍郎时受播婿宋承恩七千金诡法开释大亨开辩向年平播献俘内有宋承恩者历经贵州巡按宋兴祖兵科给事中侯先春及川贵二土司诸 < 珙-金 > 并云实非从叛时臣在刑部具题以承恩系贵州宣慰司土官四岁时杨应龙将今已故长女许配应龙造逆承恩累告准令绝婚会其自带去兵协守乌江遂为应龙暗袭监禁承恩于圉是以绝婚于前擒虏于后情罪可原随奉钦依宋承恩著放回籍不意当时以此诬臣受贿今御史冯奕垣又以为口实不思承恩与众俘为伍囚以木笼百夫环守密不交通多金从何至哉不报

○壬午 武宗毅皇帝忌辰祭 康陵 ○癸未桂林府判刘恬夜巡遇一宗室箕踞墙角白布囊顶发才二寸恬疑为盗执而笞之诸宗数百集恬署大哗抚臣杨芳上其事恬以巡警误辱 天潢诚当议处但宗藩囚头夜行又鼓众纷哗殊干 祖训并乞申戒不报

○刑部主事南居益言臣以提牢之役见累臣曹学程情容凄悴自言有母九十余岁得一生诀死不恨臣为泣下 皇上方以 圣母推恩不当使学程母子有此衔恤不报

○丁亥河南道御史张大谟言顷 皇上于散馆考选内准补御史八员而丁忧养病及升任者至十四员其八人者八差已尽目今见有广东巡按河东巡按巡盐陕西巡茶俱缺一二年南畿提学缺半年以内则除提学两关巡盐顺天巡按出巡外止有臣与何尔健两人而已臣巡视京营兼巡视光禄又兼管七道印务尔健督理通仓兼管城工又兼管数道印务日不暇给此外五城十库太仓巡青节慎库皇城四门芦沟桥各巡视及朝中侍班各处监理并无一人乞速考选不报

○科臣胡忻汪若霖上言杨荣既戮而本省税课仍带管于四川税使丘乘云去疾未尽众憾犹然今天下梁永虎噬于秦关高淮梟攫于山海李凤鲸吞于岭表马堂鳄尾于津门近日潘相抗命又雄据于景德将谓不足又益之乘云哉抚臣陈用宾不陈税之当罢以求苏此一方乃屑屑焉又复倡议乘云兼管有司抽解留毒于此嫁祸于彼视皇上为何如主宜亟罢褫为滇人改弦易辙以风天下不报

○仓场总督游应乾言帑庾盈缩关国运盛衰今外库随到随发略无存留而老库

以地方激变旋即扑灭而过计之言不应也顷天启 宸耳口忽停矿分税中外臣民方幸苟完此局乃未几而滇南告变矣然两直诸省之为滇南者更大而梁永李凤辈之为杨荣者更甚万一更生他变何以处之乞听臣言尽停诸税此今日转祸为福一大机也不报

○工科右给事中王元翰言 祖宗朝徙天下富户以充实京师诚为根本虑至远也臣有厂库之役时见群商罗跪号泣察其受累而困惫为铺垫多也铺垫之过多为惜薪司内官多也内官中威取刑偪如杨致中者尤为罪魁该司内官旧不过一二十人今几十倍矣人数愈多则豁壑愈阔填补愈难稍有不足非刑随及是以京师数万金之家一挂四司铺户无不荡产罄赀因而投河经渎言之酸鼻刺心孰非铺垫之流毒哉愿痛加裁抑使官有定数额无求多庶雕疲之命少延根本之地可固不报

○乙未浙江巡盐御史温如璋言盐法五事一均激扬江西广信一府宜改同两浙及两直五府一体听巡盐举劾一重司权州县有司官贤否当令运司正官操之其有裨盐政及反此者听盐臣报命明列贤否以凭举刺其州县巡盐佐贰有行私溺职者许运司及分司官径行参究一禁侵荡业有定界民之不可混灶犹灶之不可混民合行履亩踏勘如系场荡为势豪民间所侵夺者一一还灶而有司亦无得民灶异视致侵疆界一遵序掣两浙行盐之法四季告引上单按季序掣近为奸商欲以见纳之引一时并掣致众商怀疑宜督行运司置立号单自一号至百号每季送盐臣计程远近约定限期转发分司会同州县正官按季照单序掣无容换越仍以各商之告引多者列为纪纲使之催督告销一禁私盐私盐盛则引盐阻而浙西为甚浙西之为私贩者大都势豪官兵不敢问宜厉禁一切犯科枉法厥罪惟均则法令必行而纪纲自肃不报

○原任户部右侍郎张养蒙卒养蒙山西泽州人万历丁未进士改庶吉士授礼科给事中历工科都给事中河南参政累升右佥都御史提督操江入内台晋今官寻致仕五年卒讣闻赐祭葬如例养蒙少负才名慷慨自命其在谏垣及出参藩名蔚起养蒙益亦自发舒虽荐登卿贰犹怏怏若不得大行其志以此终其身云

○吏部左侍郎杨时乔遵近诏起废< 銙-金 >列万历十二年至三十三年内诖误触犯各官范俊等一百三员发单咨访

○丙申辅臣鲤等言我朝以天下事分任六部而付都察院以纲纪之司则厦屋之有柱础也今吏部尚书缺已三年左都御史亦缺一年刑工二部仅以一侍郎兼理大司马既久在告而左右司马亦未有代匮者礼部止一侍郎李廷机今亦在告户部止有一尚书盖总计部院堂上官共三十一员见缺二十四员其久注门籍者尚不在数内此犹可为国乎惟 圣明裁察不报

○刑科给事中周曰庠言诏旨不信八事曰简大僚而九卿员缺如故曰广庶官而考选中格如故曰通章奏而公车不报如故曰饬边备而枢抚虚席如故曰罢矿税而采使遥制如故曰惠京商而内官丛歛如故曰搜逸才而草泽沉沦如故曰释冤狱而圜扉

系累如故遂使中外翘企之心转为觖望语曰需者事之贼也 皇上在今日遂当一了百了畅然发舒奈何使匹夫匹妇得执诏书以议其后哉不报

○直隶巡盐御史叶永盛言自万历二十八年六月间津湾税监张焯马堂奏准加增长芦挨单税银二万六千两嗣后二监复于各处掣盐行盐地方在在诛求商人不胜其苦鸟惊兽散前任盐臣余<栝心>衡于三十三年十月间移文二监议将各关税棍尽撤惟以所徵盐税定为额数尽属运司徵收除挨单税银二万六千两外复分加税在马监则天津长芦小直沽各议出坨包索梁头等税银共九千九百五十两在张监则小直沽小滩镇苑家口各议出引税银共四千五百两然皆私议未经请旨今计二监必欲照数徵解臣窃思盐法关国课边储原非贩鬻之比今除输边解帑之外又有挨单之加商人已不堪命复重之以二监分徵而分徵之内有分四款徵者有分三款徵者有同一地而马监既税张监又税者同一包索梁头而广安店既税银鱼厂又税者同一盐坨而进坨既税出坨又税者前余<栝心>衡意在急撤税棍故为此剜肉医疮之计今税棍已撤何用重徵况私议原非 圣意亦岂难除豁以惠穷商不报

○以云南右布政使薛梦雷为左布政使

○丁酉蠲赈真定顺德广平大名四府灾民从直隶巡按御史钱桓请也

○户科给事中姚文蔚言自采榷并行天下嗷嗷莫必其命幸蒙恩旨停矿分税而税归有司徵角□羊宇内欢如更生未几而梁永激变于陕西杨荣受祸于滇徼潘相仍采青李道自抽湖口马堂又借采鱼鲜而复用委官矣诡词渐肆 圣谕日格章奏安得不烦人心安得不惧则知分税不如罢税之为便不用参随不如尽撤税使之为仁也夫以几辅之窃近边关之要害而无一得免者鱼苇船纲其细已甚顺天河间剥削何辜且银鱼产于宝坻属密云道与霸州武清何干而责其办解乃借口有司推诿复用委官是康宁谋以愚马堂而堂又以之诳 皇上也至于山西有无地悬坐之租银又以代州繁峙五台崞禹等处民壮工食扣抵解税夫鴈门系冲要之边民壮乃守边之役撤边备以办租银舛错如此是岂宗社之福哉不报

○是月仪真太监暨禄进徐州税银一万一百两山东矿税并折金方物银五万一千二百余两积余引课七千五百两五府带徵税银三万两船料等银一万七千五百两公费银三千六百两

○苏松税监刘成进税课银二万一千两

○辽东税监高淮进人参一百三十五斤

○江西税监潘相进税银三万七千五百两

○天津税监马堂进长芦额外增课三万两内银六千五百七十八两额税一万三千两

○河南税监胡滨进矿金二十八两银四千七百八两
大明神宗显皇帝实录卷之四百二十

所载尚未举行在阁二臣对臣洒泣揭帖之外无计可施 皇上宜念宗社生灵之重为忧勤振刷之图若臣则血气已耗形神又离不能再奉奔走以效尺寸之报俯鉴血诚乞赐矜允乃天下事尚可为也不报

○升修撰朱之蕃以右谕德掌南京翰林院事

○起原任南京通政司右参议徐民式仍前职

○陕西宗室敬金□翁等私出禁城毆杀卫官事闻诏发敬等高墙禁住长史高荐廖惟俊教授董策杨可教以辅导无状百户张策以防范疏纵各杖之

○辛亥 孝懿庄皇后忌辰遣官祭 昭陵

○壬子赠原任南京右都御史王樵为太子少保

○吏部侍郎杨时乔言往时章奏< 銮-金 >通各部郎中未过四五年者以故内俸应僉事知府者十之七八应参议者十之二三副使参政犹为间见故迁格甚平外官则僉事参议之员常多副使参政之员常少而藩臬无带衔互缺故体统甚正迩年推升司道率多留中郎中之俸有八九年甚至十四五年者员外主事之俸有六七年者自奉明诏查各部郎中历俸历俸七八年以上应升参政八员副使五员及今得旨则应推员数犹不甚远若日复一日郎中之候命愈久员外主事之需次愈深近复奉旨推知四年以外量算部分三分之一夫算者日积迁者日壅异日诸郎皆参政副使之俸矣而僉事知府各缺将何以处之不报

○命施壮猷袭怀柔伯爵

○任原任巡抚房守士魏允贞各一子送监读书

○癸丑廷试天下贡生 ○命刑部主事倪朝宾往贵州恤刑

○巡抚湖广右副都御史梁云龙卒云龙广东琼山人万历癸未进士繇郎曹出为藩臬洊至今官为人驯谨无他然世称之者抚楚承楚宗梃杀抚臣之后循墙自处闷闷而已至是卒于官

○丙辰贵州巡抚郭子章< 銮-金 >乞归养 上以乱苗虽经扫除善后事宜尚须抚臣料理不允

○ 上谕吏部今后升任朝覲进表等官俱须依限赴任有在家以病乞休者听尔部审实速为覆处其擅日久者照嘉靖二十七年例革职闲住不许姑息

○自春正月至夏不雨礼科右给事中汪若霖言传曰言之不从是谓不义厥咎僭厥罚恒眇夫言者天下之风声脉理也不顺则乱虚哗之气发为骄阳其理固然今夫郊 庙宜亲朝讲宜举 东宫学问之不可久辍诸臣焦唇敝舌而不能得 皇上之转圜试摘近事盖有上言之而下移者则诏樞务于有司而猾阉盘踞如故也有上言之而中变者则废摘及行取诸臣 明旨尚沉阁也有上屡言而屡持不发者则中外大僚之开写为故事也有下言之而上弗断者则今被劾诸臣之进退不可不决也有下混言之而上为徇者则一事互辩如宋承恩之疑局是也有下指言之而上易晓者则两地异报

如安疆臣之诡恣是也凡此数者 主令未宣国是未定积郁成疑积僭成愆人事既彰天气乃见 皇上安得漠然而已哉不报

○保定巡抚孙玮< 硃-金 >劾天津税监马堂罔上欺 君戕民怙恶悖旨速乱六罪大略云采鲜虽云旧制而厂课之徵则自康宁具奏始犹新税也鱼鲜贡进内宫有司不宜越阻税课归并有司该监亦岂得越俎今乃以采鲜而漫及徵课混称旧制朦朧具题罪一该厂旧设宝坻至于徵课则堂原文并无青县天津只字手墨未乾而翻云覆雨藐侮国宪罪二畿甸 天子之堂奥也未奉旨前犹止该监为政既奉旨后有司税该监又税是使朝廷之浩荡反增畿民之陷阱罪三康宁辈引亡命百辈磨牙吮血该监之公移夕发群奸之公署朝开俨然称钦使竖黄旗招摇截劫明抢白夺谁实奥主罪四明旨税归有司堂驾诡辞而侵越 明旨严禁私设堂纵虎狼而四骚 明旨安民惠商而堂务剷其骨而乾其髓罪五堂昔临清激变商民几成煨烬今尚不鉴覆辙一旦有事则肘腋之地非比万里滇南朝发闾阎夕惊 陵寝召变速祸罪六伏望严旨撤回仍将康宁敕臣等严拘正法庶威福出自朝廷而祸乱消于瞬息不报

○补原任四川参议 ○戊午进封恭妃王氏为皇贵妃册文曰朕惟三灵孚佑聿开枢电之祥六服协惟爰正轩龙之序瑞钟女士祚袭子孙骏泽既颁于海隅鸿章宜贲于宫掖咨尔恭妃王氏蚤膺妙选久侍宸闈柔嘉允辑令仪淑慎式襄内治始叶占于禘祀元良之国本以贞属衍绪于青宫长发之璫枝良茂惟天克笃尔祐惟尔克承天休是宜茂进鼎封增重震器兹特遣使持节晋封尔为皇贵妃锡之金册金宝于戏旷典逡巡于数载待时而行嘉仪肇锡于一朝普天同庆尔其恭勤益< 懋心 >祇畏愈加永绥后昆式昭朕命钦哉

○以阅视加恩任宁夏巡抚黄嘉善一子送监读书 ○升山西右布政使樊东谟为左布政使

○庚申以尊上 圣母徽号及写诏礼成颁赐辅臣一贯鲤赆礼部左侍郎李廷机英国公张惟贤永康侯徐文炜怀远侯常胤绪驸马侯拱宸鸿胪寺卿李承华中书包渐林等银币有差

○辛酉广西巡抚杨芳请建平乐县儒学不报

○壬戌辅臣鲤等言台差乏人请亟发部院之< 硃-金 >从公考选科道以信诏旨如谓人数未齐乞将南北台臣先行选用以济一时之急不报

○癸亥大挑河工成自朱旺口达小浮桥延袤一百七十里渠势深广筑堤高厚溃流复归故道用众凡五十万费金钱八十万两自十一月至今五阅月而功成河道总督曹时聘上< 硃-金 >报闻兼请建祠赐祭以旌河神破格蠲徵以酬力役皆从之

○命南京守备成山伯王允忠总兵李如樟俱革任闲住宣府总兵姜显祚革任别用贵州游击周敦吉降用以南科道< 硃-金 >劾不职故也

○甲子封元孙生母王氏为才人诰文曰朕惟穹昊垂祐诞育神孙国家发祥爰资

淑女眷庆源之攸浚斯宠命之宜隆咨尔王氏秉性柔嘉褻身敬慎蚤以绮质简侍青宫鸣佩无违仪已彰于燕婉梦有喜瑞允叶于熊占肇衍孙枝足徵妇道兹特遣使持节封尔为才人锡之诰命于戏祲符继震繁昌式裕乎宗祧恩渥承乾秩号有光乎旧典尔其益<女间>内则协赞储修永绥锡羨之庥畴若骈蕃之祉钦哉

○辅臣沈鲤等言密勿涣号一出纳名曰政本比于咽喉之地一有不通则四体百脉皆不周贯而身且困瘁乞 皇上深维将各衙门章奏已经御览者发臣等拟票即赐裁决施行务复万历初年旧规宗社幸甚已又言 皇上御极已来日讲官原设六员兼讲经史后以讲筵稀御乃进讲章二本寻又以讲官乏人止进通鉴讲章一本顷者皇上锐然务学命兼讲春秋日进二本如故臣等随奉明谕推择儒臣资望最深者三人在籍则尚书于慎行在任则侍郎叶向高杨道宾并充日讲官与李廷机分撰经史讲章总不过四员乃廷机既杜门不出于慎行辞本未下向高道宾尚未得旨自春及夏求如往时止进讲章一本亦不可得岂不负 皇上始终典学意哉俱不报

○丙寅礼臣以亢旱请祈雨泽凡三上乃允行

○湖广提学副使董其昌上<疏>乞休其昌以馆职出副楚臬督学不徇请托为势家所怨阴嗾生童数百人群拥毁署其昌求去 上以童生鼓噪非法命部院参究其昌仍供职不允辞

○陕西巡按御史史学选言国家重茶马之利特敕宪臣专董其事要使奸人不得潜通番马而番马不得潜贩出境故私茶私马为禁并严而今马禁之敝日甚则马税一节为厉阶也查得民间马匹买卖俱领票纳税有上中下不等此项初无定额而不肖有司登报什一侵渔什九不论民间孳生换易见无税票即指称私马入官积猾捕役私贩通番者重贿以免而民间不出境之马及捕获抵塞视设禁之初意荡然矣乞将民间马禁悉行厘革其大庆商雒绥德马贩出没关隘悉听茶臣设法盘究庶积害除而地方得以苏息奉旨茶马御史严禁通番自其职掌至于民间孳牧买卖原与无干何得一概禁约因而科税以致有司借充私橐胥役因缘为奸小民畏惧谁敢喂养边备骑操何从取给今后著巡按御史严行禁革违者指名参治其余依拟

○裁天津海防副将改设游击一员统领水陆兵二千五百名计岁减廩饩兵饷马料等银四千有奇从蓟辽总督蹇达保定巡抚孙玮等议也

○辅臣沈鲤等言吏部大选业已误期杨时乔苦称病笃昨奉旨准暂给假以该司代行完四月选计然终是一时权宜不可为训及今不一申明后日遂为故事是堂官可以无设而大政可以下移伏乞速简尚书右侍郎令铨政归一不报

○浙江诸暨县陈鹤鸣女采割股救父父亡蹙踊号恸数日亦卒至是三年矣采兄原任广东布政陈性学以服阙赴京表陈其事下礼部

大明神宗显皇帝实录卷之四百二十一

万历三十四五月戊辰朔庚午覃恩以河道总督曹时聘河南巡抚沈季文凤阳巡

抚李三才南京通政张鸣冈南京太仆寺卿林烜应天府府尹徐申各一子入监读书

○调浙江宁绍道副使邹希贤为海道副使

○辛未 仁宗昭皇帝忌辰遣官祭 献陵

○调原任吏部稽勋司郎中杨材为考功司郎中考功司主事李延大为文选司主事

○以阅视加恩原任总督邢玠王象乾各一子入监读书

○册封琉球使臣兵科右给事中夏子阳等〈錡-金〉请戒严海防报闻

○癸酉以纂修 玉牒成赐辅臣一贯等纂修官王图中书官包渐林等银币有差

○以河州大捷赐辅臣一贯等银币有差 ○以平定闽妖吴建功等升抚臣徐学聚俸一级赏银三十两副使刘毅赏银十五两按察使高从礼沈一中右参政俞士章副使吴学思程达各赏银十两推官嵇汝沐知县霍腾蛟周士显俱命吏部纪录

○套虏火落赤以去年追罚蓄愤鸩众分犯中西二路官兵击走之馘斩二百有奇

○甲戌 孝宗敬皇帝忌辰遣官祭 泰陵

○丙子调吏部验封司主事周应秋为考功司主事

○兵部覆凉州失事议上得旨将官马应龙黄时用俱革任行巡按御史提问葛赖夺俸半年陈三奇降一级抚臣徐三畏遵新命供职此后边疆功罪勘核果真不妨前后互异务以实报僥欺虽功亦不掩罪也

○巡视京营科道胡忻等条京营五事一战车军中长技今营兵数万营车止一千二百辆大半敝坏宜责该营自行修理一班军之设原用派守重城非专供畚插迤因暨借做工遂废营操之制且中多夤缘雇倩籍挂空名今后班军到京听本部验收发营遇紧急工程方许酌量拨派其余尽留操练一营军十余万众涣散住居遇警难于调集议将缺官军伴并备兵操赏及火笼抢三项裁省岁可得银一千二百有奇分给各营先造营房二三百间先令路远选锋三五人共住一间其余次第增修一选锋强半步卒何以驰骋向前议将火器马匹每队止留五匹馱载余尽兑给无马选锋一京营募军替补稽延岁月粮饷未沾以后替补军人会验给票即令发营食粮不必复验兵部覆如议允行

○丁丑卯刻有星自西北流东北大如盂赤色尾迹有光

○陕西巡按御史余懋衡题据各州县驿递申报税监梁永发牌六张差刘忠等自京兆驿起程前往安肃良乡皮包十三包银鞘九擡重擡三十三擡每擡用夫四名骑马包马共五十五匹此皆狼吞所得自臣入境甫二旬而所见如此他时可知不报

○戊寅遣官祭 京城隍之神

○ 太祖高皇帝忌辰祭 奉先殿

○夜荧惑犯房刑科左给事中宋一韩言国家虑囚以五年一大审今岁又当期夏季且半蒸热殊常囚徒枕藉圉圉势难更缓往庆典告成诸囚且妄意法外之仁况宪章具在不免停阁二十九年大审未经举行人情惶惑今不宜再有稽留不报

○己卯户部尚书赵世卿言日者边衅有端狡谋靡定兼之邦畿内外流移未复自春徂夏亢阳弥骄万一烽燧乍传士无斗志此时而问战士战士曰枵腹不战以问制府制府曰金钱不应以问司农臣其何说之辞臣闻拒盗不至户援溺不至濡臣愿 皇上以豫道图之勿令及于户濡也 皇上十余年来加意内帑亦已充斥愿涣然捐给百稍佐军需此陆贽所谓散小储以成大储捐小宝而固大宝也不报

○升刑科左给事中宋一韩为兵科都给事中

○庚辰 皇第十女薨

○升户部主事刘崇文为吏部考功司主事南京吏部主事李养正为吏部验封司主事

○升礼部仪制司郎中刘宪宠为光禄寺少卿以上 徽号劳优叙云

○升工部郎中梅守相为山东东昌道副使

○补原任广东左布政使陈性学为山西左政使备兵榆林东路

○升永平知府程朝京为福建漳南道副使

○仍复池河营市税从南京兵部尚书孙矿议以此项系留都原有额租宜照旧徵取以免纷更也

○升参将计辅为大同副总兵

○壬午宣大总督杨时亨奏北虏纳贡称臣三十余年矣岂真实心诚服哉不过假市赏之利以羈縻耳款市年久虏人交通汉人习知货物精粗价直高下而内地官民又视货物为利藪奸伪百出故有卑官营求买货差者而江南势豪又包揽机户价减而货愈低故虏日积怨往岁峻虏王赴边讲订前约首以京赏市货不堪为言及上年京赏仍复不堪虏王不肯领受会去冬虏王病重用印刁难至上献愆期来相挟索臣坚执不从虏王始遣部夷来领京赏及讨原表用印而还然虏谋虽寝虏欲未厌若不及时挽回迨歛怨益深疆场之患不可言矣 上谕署工部侍郎沈应文京赏衣段系抚夷大典近皆滥恶短小以致狡虏生心尔部便行文各省直抚按及督造内官将未完岁段上紧趲织务合先年式样逐一看验的确方许印中起解再有粗纒不堪充赏者退还另织尔部仍根究弊源会同该库指名具参无纵

○户科左给事中萧近高言政务稽缓日甚一日如大选之期定于双月二十五日今临选时必以改期请矣大选前数日必有急选今二月之急选至五月始下矣三九月铨除教职此定制也乃三月之教职至今尚未就选矣三九月恩轴用宝亦定制也乃去年九月及今三月宝尚未用矣册封藩国每岁四月临轩降诏今至五月尚未题差矣贡生廷试定于四月乃亦改至五月矣其大者如六卿边抚台省庶司一概高阁不图 圣世有此因循昔唐太宗英主也贞观之治庶几成康而魏徵有十渐之戒 皇上尝罢贞观政要令勿进讲陋唐皇于不处试观今日之治视贞观何如哉不报 ○升太仆寺主簿刘孟铄为顺天府通判孟铄故御史刘台子也以台谏死蒙恩荫得官云

修无日也乞自今振饬有仍踏前弊州县官听臣纠参马户照例问遣则人心肃而军国有济矣不报

○丙戌发老库银十万两充边饷从户部尚书赵世卿请也

○北虏顺义王扯力克等始进万历三十三年表文鞍马弓矢官其贡使□察囊素等二十八人俱为百户照品给赏仍降敕劳谕虜王

○戊子河南鹿邑知县杨应魁贪酷异常为部民所告巡按王业弘得实以闻诏捕治之

○吏科都给事中陈治则等累<□□ 铨-金 >乞考选科道诸臣不报

○广西全州知州刘曰旻以惩粮稍急乡官蒋成材等聚众植旗鸣变事闻下都察院议覆

○己丑命武安侯郑惟孝礼科给事中曾六德册封郑王载玺并妃武进伯朱天爵兵科给事中袁<□□ 懋心 >谦册封益王常迁并妃新建王常法奉新王常涟郟西王常湖简讨丘禾实行人任正斗册封代王世子鼎莎修撰杨守勤行人丘<□□ 懋心 >炜册封衡府邵陵王翊金□戾太常寺少卿侯庆远行人恽厥初册封鲁府阳信王以澍太仆寺少卿毕三才行人冯从龙册封崇府怀安王翊钺太仆寺少卿林道南行人姜学文册封周府博平王在金□甸洧川王恭榨赵府寿光王由桂荣阳府荣阳王常泐吏科左给事中刘道隆行人宋时魁册封广元府湘阴王俨舒光泽王术堉户科右给事中沈凤翔行人李嵩册封万安王珂淮

○宣大总督扬时亨上<□□ 铨-金 >言往岁宣府酋长白洪大临边总兵梁秀輒暗贿白酋订约不旬日回巢五路羞忿闯边遂有新河口之失虜王讲处罚服投臣夷书求索五路使用之费实与梁秀贿白酋数同乃知虜王惑于五路之言亦有垂涎之意会京赏不堪虜印刁难酋妇三娘子明言要挟虽用印勉完岁事然知理难索之于我必仍取之五路五路又必取偿于我衅端既开难再争雄口舌计惟以兵威劫之悬知虜恋款利一创仍必乞款但此中积玩万一少挫虜志益骄更难收拾若能简练兵马修整墩台甲明烽火兵势联络虜知有备必不敢近儻如突犯必奋勇剿杀慎勿逗遛观望坐失事机此亦目前制虜之道也不报

○升云南楚雄知府赵楷为按察司副使

○辛卯敬嫔赵氏薨命附葬顺妃张氏坟内

○升宁远参将杨暉为副总兵仍管参将事

○河南宁陵县原任给事中金宪闲住王遵训居家不法窝盗杀人抚按以闻命提问

○癸巳 穆宗庄皇帝忌辰遣官祭 昭陵

○升礼部郎中吴用先为浙江右参政广西按察使林梓为广东右布政使

○海西卫夷忽刺温与建州卫夷奴儿哈赤结为婚姻屡谋侵犯朝鲜朝鲜国王李

○升 眈遣陪臣尹炯具< 〇〇 毓-金 >请降敕谕禁二酋< 〇〇 毓-金 >下兵部

○升 山东右参政卫一凤为应天府府丞吏部郎中李应魁为山东右参政

○丁酉加南兵部尚书孙矿为太子少保以三年考满也

○升翰林院简讨孙如游为右春坊赞善

○升浙江副使车大任为本省右参政起原任副使王道显为浙江副使

○四川巡按孔贞一言蜀昔有沃野之说然惟成都府属自灌抵彭十一州县开堰灌田故名焉近为王府有者什七军屯什二民间仅什一而已赋额除正供外岁进金扇四万八千四百余柄丝绢四千四百疋近且岁有加添两中使入川徵税数年又岁出税银三万税监委官渔猎者岁且五万自奉旨归有司后又于额税三万外派一万八千徵解税监作为公费二项解对时皆有贴兑两季差官舍类解又有剥削驿递疲累夫马之骚大都巴蜀皮毛为税使所尽宜亟罢撤以滇南为前车不报

○加杂谷安抚司贡番口粮时计番口共一千二百七十四人旧额赏本不簿至是番酋请益枢臣萧大亨言该司北抵黄毛鞑虏东抵孟梁诸寨历年恶番狂逞皆赖率众救援原与长宁渴瓦寺等司不同而食粮反居其下宜其有是请也兹议以后每十二人给粮一分每分八斗俱于该边附余银米内支給从之

○太子少保南京户部尚书张孟男卒孟男河南开封府中牟人嘉靖乙丑进士授广平府推官入为顺天府治中改仪部员外历迁卿寺晋刑部右侍郎户部左侍郎已晋南京工部尚书改南户部尚书乞休久之复起为南户部尚书孟男为人孤峻在尚宝时新郑高拱柄国拱妻孟男姑也自公事外无私语自岁时谒拱妻外无私觐拱憾之四岁不迁及拱以谴去亲知皆引匿孟男独周旋不避人以为长者江陵用事矫拱之为立擢孟男太仆少卿孟男复踽踽无所昵就再失居正意四岁不迁居正败始洊升至今职留计匱竭自孟男受事时庾粟仅支二年不再岁遂有七年之蓄水衡修仓发公羨二千金助之或谓柰何耘人田孟男曰共此一成乃画畔耶人服其公忠云寻中蜚语乞休未报而卒讣闻赐祭葬赠太子太保

○漕运总督李三才< 〇〇 毓-金 >言恩诏既布旋复中尼道路所传其说有二一谓前日新政原非 上意不过一时喜心旋开旋蔽一谓首辅恐沈鲤朱赆逼之位既忌其每有谏说形己之短又耻其事不繇己欲坏其成故购买左右百计相倾冷言热语以惑圣听或借秦指滇以激 圣怒遂致一应好事俱不得行< 〇〇 毓-金 >奏 上震怒报云朕虽静摄一应本章无省览独断次第举行谁为簧鼓旋开旋蔽先年首辅志皋被论次辅位三辅一贯在阁办事彼时亦有忌耻同僚购买左右之事否三才职任抚绥不思尽心本职逞臆妄言排诬上下狂肆当治念河工多事姑夺俸五月于是一贯上

< 〇〇 毓-金 >云新政之行薄海翘足臣心非倒生独不愿太平乎 皇上御下甚严非寄听于左右之主冷言热语何词借秦指滇何事 皇上屡命臣出二辅亦劝臣出臣自以病求去或留或去判然两途何嫌何忌臣若有一毫忌二辅阻新政之心雷霆下击之

○升通政司右参政姚思仁为本司左参议江西左参政黄承玄为广西按察使河南汝宁知府苏茂相为西副使

○壬寅遣官祭 中霤之神 ○起原任云南右参议刘廷蕙为广西右参议

○癸卯起原任山西副使蔡梦说为广东副使

○云南緬夷阿瓦拥众数万攻围木邦宣慰司我军不援失之事闻黜镇守副总兵陈寅鞫其终身游击刘素并罢

○丙午升大理寺右少卿钱梦得为左少卿大理寺左寺丞牛应元为右少卿

○戊申起原任陕西副使曹璜为福建副使原任河南副使陈禔为云南副使

○壬子葬永思王

○兵部尚书萧大亨言各镇总兵关系甚重会推难缓今臣久病势难造朝约日集群臣于廷将应推总兵职名开付司官与文武大臣科道会议未报兵科都给事中宋一韩上言会推大帅不当谋诸私邸大亨尚在国门宜暂令力疾赴阙完此大典 上谕大亨扶掖入朝事毕仍不妨静摄大亨乃出视事

○起原任云南参议周汝登为湖广参议

○改吏部郎中甯中立为尚宝司丞

○甲寅升湖广右布政使杨道会为本省左布政使

○广灵王府庶宗南庄凶淫不道法司据律应斩 上以天潢令抚按官会问勒令自尽

○靖江王府宗室任□□引任□曰彳 延□等八人糾盗行劫狱上内三名降庶人闲宅禁住二名罚禄米一年一名鞫高墙二名秋后处决

○进士陶人群奉差道经山东随役苛窘驿官致自经死山东巡抚黄克缙上其事部议人群应选京职选日量调南京以惩疏纵随役据法究拟从之 ○革新平参将王士弘职鞫其终身以督臣< 〇〇〇 〇〇 〇〇 >参士弘贪婪开衅临警规避故也 上因谕边臣凡将领不拘本隔地镇但在百里内者遇警即并力策应功罪一体其以士弘为戒

○丙辰以上 圣母徽号覃恩遣礼部员外刘覲文行人司行人牟志夔赉敕存问旧辅申时行王锡爵各赐银币羊酒

○陕西地震

○乙未遣官祭 火德之神

○顺天文安永清武清三河宝坻等县大蝗

○户部尚书赵世卿言祖制设有鹺政原以一年之入供一年之出课不增而商不扰故额解及时国饷无损迨者经费浩繁供应艰窘两月以来太仓无半镞之入日盼盐课接济而延缓稽迟大殊往昔此其故可言矣两淮课额岁共六十万两分春秋两季解部从来未有停压一年者而停压自鲁保存积之引始从未掣引未有附搭超掣者而超掣自存积之奸商始奸商利则正商病今商之富者贫贫者去更谁办课以佐公家之急

乎夫两淮岁额一十四万原系随徵随解自二十八年以三万六千助工而解遂愆期且损额矣福建岁额二万二千有奇原徵于一年之前自高采开依山引四万而额遂不敷且压至次年矣九边引商原与运司盐商相为首尾者往岁盐商无停压之苦故引商乐输今见内地之盐壅积不售则边仓之引停阁不行乃嗜利无厌之魔无端复请刷引若将举正课而尽吞之者独不思行盐地方有限食盐户口无多此增则彼减此行则彼缺如山东如长芦内取一分之税则课少一分之供而徵解愈迟国计愈拙又何怪乎乞亟涣纶音将各处无名浮课悉行罢免俾臣得索正饷于鹺臣而鹺臣亦不敢误臣以误国矣不报

○庚申命州县正官徵兑漕粮务于十月内将银米尽数完结方许离任应朝从户部尚书赵世卿议也

○辛酉贵州巡抚郭子章奏平苗善后事宜三事一增将官新添为贼之冲欲禁其喉先扼其吭当设参将一员龙里之大小平伐司平越之虾蟆塘贵前之羊马场马鞍山为贼之穴欲沮其出必窒其穴平伐平越当设坐镇官一员羊马场马鞍山当以操捕都司带管一添哨兵龙里新添平越清平一路羊马场马鞍山二处每十里为一哨每哨用兵一百名虾蟆塘箐竹深密四十余里不见天日凡喇哑都炉平伐诸贼以为巢穴须立一大营用兵三百名纱帽山亦系贼巢羊乃其咽喉应立一营用兵一百名牛伤系巴香昆主等贼出没要路应立一营用兵一百名大小平伐司道都司勾西道通定番盗贼之袭土司业与猫鼠力不能制应立一营用兵二百名一资兵饷贵饷资于川湖每年该饷一万五千民贫计无所出应照前按臣毕三才议仿广西例市盐楚蜀取息以充军饷大约每百两可得息四五十两须用母银三万两半委官市盐于楚半委官市盐鱼于蜀在楚蜀无毫毛之损在黔得军兴之资章下兵部

○福建巡抚徐学聚奏请闽地土产方物比照江西山东事例折价转解从之

○云南巡按沈正隆遵新例访革所属行劣举人马中骥为民杨忠海留鞫停会试

○停催浙江二十九年织造增派未完从署工部侍郎沈应文请也

○云南巡按沈正隆上〈□ 踰 毓-金〉请旌烈节赵氏大理府儒士何伟妻伟母病渡海求药溺死赵闻变哀毁绝食求尽其母严守不得间使人遍求伟尸既闻得尸乃曰夫尸既获吾不死矣防者稍懈自经死年二十有一蔡氏北胜州李钟元妻年十八适钟元生子甫三岁钟元病死贫甚父母欲嫁之蔡仰天大号愿自留抚孀子姑听之遂与其父母绝_{□□}辟纻养姑姑卒而葬坯土拳石皆出十指其子感而修行蔡年已八十有二矣章下礼部

○甲子升云南顺宁知府余〈□ 懋心〉学为按察司副使仍管府事

○起原任副总兵麻承训署新平堡

○乙丑升工部主事袁应泰为郎中管河道

○丙寅赐朝鲜国陪臣宴命礼部侍郎李廷机陪待

○调补贵州右参议刘一相为陕西右参 　　○河南太监胡滨进税银三万五千八百余两矿银四千八十一两金十五两

○广西税监沈永寿进税银八千九百六十两矿银三百八十两
大明神宗显皇帝实录卷之四百二十三

万历三十四年七月戊辰朔以孟秋享 　大庙遣英国公张惟贤成国公朱应槐永康侯徐文炜代献行礼

○遣官祭 　司门之神

○调贵州总兵左都督陈璘为广东总兵

○云南顺宁府云州城工告竣抚臣陈用宾按臣沈正隆共条经理四事一增立增立 　御土所以资控制二建设新郡儒学以兴教化三改云州属府以益辅车四议裁巡司建仓狱以裨实用从

○调云南佥事姚尚德为湖广佥事加升陕西按察使马朝阳为左布政副使卢付元为按察使副使岳万阶为参政各照旧管事以考满保留也 　　○辛未 　仁孝文皇后忌辰遣官祭 　长陵

○工科右给事中王元翰言 　皇上静摄之初 　有缩天下于方寸之意及其既久遂成隔天下于万里之形故大僚任其缺而不即补榷税任其毒而不即罢台省任其不可支吾而不即考选章奏任其置之高阁而不即报答废弃任其沦落而不即拔置边事任其破滥而不即禁核纪法分义任其颓荡凌乱而不即整顿饬刷臣愿 　皇上定极思动秋爽视朝日进阁部大臣商确急务令科道官得随朝见面陈天下利弊是非 　皇上从中决发洒然与天下更始如大明当天幽闇悉耀为光明矣不报

○都察院右都御史詹沂累疏言陪京缺督学秋试缺监试茶马关巡茶盐课缺巡盐广西缺巡按各省按臣报满缺代在台诸臣如晨星无可差者乞为 　社稷计亟下考选潜消乱萌不报 　　○甲戌以南京协同守备抚宁侯朱继勋为南京守备掌南京中军都督府事

○升四川松潘副总兵兰台为福建总兵宁夏副总兵邓凤为陕西总兵延绥定边副总兵王国栋为宣府等处总兵山东海防副总兵杨宗业为浙江总兵

○蠲真定顺德广平大名四府行派诸税时按臣钱桓言畿南累岁洊灾冰雹未已继之蝗蝻救荒之策惟是蠲赈两项然蠲者不过存留之锱铢而存留银数各有正款一面议蠲一面议补库廩所余搜括殆尽是议蠲而实不能蠲也赈者不过仓庾之升斗而仓庾穀石原有定额用之煮赈用之子种取用大广积储无遗是议赈而实无大赈也为今之计桥关过税留佐 　大工若真顺广大四府零星诸税其额二万六千有奇其鄙屑苛细至于鸡狗髻发低钱糠斗豆腐打绳洗帽缝破鞋之类皆有行派昔汉武算至舟车唐德宗税及间架至今陋之今所抽诸税视舟车间架又何如哉当此灾危民救死不瞻奚能供此额外之求乞軫念根本哀此孑遗尽蠲税则灾民出死入生之日即畿辅去危

是以年老乞休遽得俞旨且御批于一贯云给假調理俟痊可之日抚按具奏召用于鯉直准致仕论者不得其故金疑一贯使然矣

○通政使沉子本薊辽总督蹇达户部云南司郎中冯瑗各上< 疏 >乞休以孙居相劾一贯< 疏 >语波及云 上皆谕留之时居相等又称致仕兵部左侍郎贾应元以五千金营谋起用一贯必欲满万应元以物故而一贯措银不还于是应元亦上< 疏 >力辩略云臣叨九列起用必用会推点用必出圣断非元辅一人所能主持何济于是而贿求之且二臣尚不知臣生死安能察臣生平请从公体访以昭晚节奉旨言官论人生死尚不一审安得事情之实显然同谋捏造诬害善类朕所洞知可不体访也

○辅臣朱赓上< 疏 >言首辅一贯十二年来劳绩< 懋心 >著今因病恳请势难强留得请而去诚君臣始终之大义惟是次辅鯉矢心报国雅志未酬若遂其高于次辅得矣如政本空虚何臣本孱病今又削其左右手而付以扛鼎之重必无幸矣臣不敢奉诏望勉留次辅不然即乞休放臣同归别选名贤以新朝政不报 ○调考功司郎中杨材为文选司郎中

○顺天监生陈复亨等以恩诏条例请增解额章下礼部礼臣李廷机覆言隆庆元年恩诏原无增额之条隆庆四年恩选贡增额而所谓选贡者通学廩膳选抡以实太学廷试止次无就教者其贡皆超选其人多青年其京试未中者准原籍应试盖隆万之间庚午甲午丁酉庚子等科各有增额为选贡增也自二十七年而选贡停矣若癸卯恩贡止是年深挨次多一名蚤一年以是为恩其人皆老于胶庠愿就教职岂先年选贡比乎所引非经宜绝其情从之

○诏谕陕西四镇督抚等官严督文武将吏用心防御相机战守毋得疏虞总督衙门仍照旧规于初秋移驻华马池控制要害从兵部尚书萧大亨议也 ○乙酉 成祖文皇帝忌辰遣官祭 长陵

○吏部左侍郎杨时乔言国家设官即置吏简则废事烦则害事臣查 大明会典初设以政事烦简为额历年裁定吏部都吏四名令史六名典史三十二名凡章< 疏 >皆其自书写以当该名之其后上疏写疏报堂书写等类以杂办十八月或自役募役者代为之办满即拨本等当该未闻有所谓效劳者也效劳之例开而滥官启幸倚城作奸其弊有十欲祛十弊盖有二端其一为补弊救偏之计减役数给验单定期禁不得求考中求超卯求美缺求善地及改行希图优选优升当该不得称效劳守门写字不得混当该然此一时权宜未可久也其一为清本澄源之计盖莫如尽革顶首顶首革则灯钵可断而凡上本接本报堂护印项以杂办为之火房守门写字以雇募为之今计四司募役所费岁不过二百余金今效劳官爵冒滥百倍于此若谓雇募不能承役实则今皆雇募也此法行之可以永久庶积弊饬而铨政公吏治幸甚不报

○丙戌首辅一贯陛辞奏十事一御讲筵二发章奏三简大僚四下考选五起废滞

六释累臣七愆边事八撤税使九发内帑十缓殿工

○雷震 朝日坛风拔 礼神坛大槐尽折大雨雹平地水深三尺许礼部左侍郎李廷机等乞修举实政以答天心不报

○守卫围子手等数百人以指挥冯国勋等指称管理兵部主事杨景淳科歛军钱喧呼于朝事闻 上命法司勘究既而法司得实以闻冯国勋等徒杖有差景淳以驭下不严降一级调外任用 ○ 上谕各边镇防秋事宜务照连年申饬事理兼酌近日虏情倍加堤备以保万全仍候草木枯槁之日烧荒尽绝以断虏骑驻牧便官军瞭望各不许仍前怠玩自取罪愆

○给北虏赏赐段绢衣巾如例仍谕内库等衙门近来虏情叵测每以京赏不堪为辞尔库务加意查发合式成造毋得苟且塘塞致生衅端

○丁亥永年伯王栋卒赐祭葬如例栋 中宫皇后弟也

○命于河南河南府建造 皇第三子福王府第

○戊子升南京大理寺卿刘其麟为工部左侍郎起升原任浙江巡抚刘元霖为工部右侍郎詹事范醇敬为南京礼部右侍郎升南京都察院右副都御史耿定力为南京兵部右侍郎调吏部验封司郎中耿庭柏为考功司郎中

○命行人陈名岳潘拱护送首次二辅归里

○辛卯安南国王黎维新刺死韦达礼函首以献

○四川巡抚乔璧星言蜀中州县正官率多科贡科贡者非谓其人易与也第在上之人既操品资以隔绝天下士则起家甲榜者视善地为固有而置诸穷陬僻壤非科则贡是内以潜阻其坚强英锐之心外又涉历夫惨淡萧条之境生非金石鲜不消磨故其无所短长以自见者非才之罪也资格限之也甲科如日始旦途长心壮无论临事敢于担当即令其跋涉拮据备尝劳苦亦所以练其投艰肩钜之躯亦何惮不使来而令人有远近劳逸不均之叹哉不省甲午蓟辽总督蹇达勘明三十三年八月二十三日许家巷口御虏斩级功次宁前兵备郝大猷副总兵姜显谟游击杨绍先等战亡把总祖承忠各宜叙恤从之

○云南巡抚陈用宾等以犴獍既平条议善后七事一建县二建哨三勘田四宽赋五工费六哨役七择官俱允行

○乙未命河间天津七卫军士月粮自三十四年正月起仍照例支放其地亩一切新增俱自三十三年终止以后尽行免派从蓟辽总督蹇达议也

○原任三边总督李汶再上疏乱不允

○丙申辅臣赓疏请简元僚延众正凡三上不报

大明神宗显皇帝实录卷之四百二十四

万历三十四年八月丁酉朔遣礼部左侍郎李廷机祭 先师孔子

○各省直乡试遣官主考左庶子吴道南右赞孙如游俱顺天左谕德冯有经右中

允傅新德俱应天翰林院简讨蒋孟育户科左给事中萧近高俱浙江翰林院简讨赵用光刑科右给事中曹于汴俱江西翰林院编修何宗彦吏科给事中翁宪祥俱福建翰林院简讨张邦纪兵科左给事中胡忻俱湖广尚宝司卿彭遵古兵部主事张汝霖俱山东吏部文选司员外卞成宪中书舍人吴亮俱河南考功司员外陈采工部主事马天锦俱山西工科左给事中孟成已户部员外宋鸿儒俱陕西刑部主事张维枢工部主事魏说俱广东兵部主事王舜鼎户部主事张鹤腾俱广西户部主事王畿兵部主事胡东渐俱四川刑部主事陆锡恩工部主事王宗义俱云南大理寺评事周延光行人张孔教俱贵州

○广东广西山西督抚按各上税课额数广东正额一十五万九百二十三两加方物公费银三万两广西正额五万一千八百二十余两加方物公费六千三百八十余两山西正额四万五千二百两加方物公费五千七百一十七两命特减广东岁各一万两停解广西盐税银一千一百五十六两留充兵饷皆从抚按议请也

○南赣巡抚李汝华言 明旨各省直税课俱着本处有司照旧徵解一半并土产解内库以济进赐供用之费一半解送该部以助各项公费之资方在遵行而税监潘相忽欲有司全解到监自行分解悖违诏旨且各省直俱遵旨分税事难异同乞垂谕戢不允且命各处税课仍俱类解税监分解应用以便稽查

○始令宗室将军镇辅中尉俱得与生员一体应试进士出身者二甲选知州三甲选推官知县其以乡举出仕者亦照常除授俱不得选除京职先是宗室开科例止许奉国中尉以下入试辅国以上爵尊难于授职不得与至是礼臣李廷机议言封爵科目原属两途彼既愿从科目中式后自应照士子出身资格一体铨选何拘原爵遂得允行

○戊戌遣官祭 社稷坛

○云南巡抚陈用宾言顷者税使杨荣以掊夺取祸今荣死而税犹在也滇省无商从民取盈急之则变乱又作且国家最重之徵莫过云南输金一事 陛下知此五千之金岁入内帑者公私之费几何臣简阅案牒布政司岁给金值三万二千两民间贴买亦如其数计二十年滇力当竭若加徵无艺窃恐金税两穷则欲滇民勉力输金又不得不罢税也伏望 皇仁罢税首从滇始次第以及天下不报

○升南京鸿胪寺卿丁宾为南京右佥都御史提督操江南京太仆寺卿林炆为南京大理寺卿

○赠已故广西参政陈勛为太仆寺卿

○庚子虏酋抄花卜言顾等以二百余骑犯辽阳镇边堡官军击走之斩获三十余级

○壬寅升浙江左布政使史继宸为南京太仆寺卿

○苏杭太监孙隆进税银一万二千六百两纁彩三千三百四十六疋

○癸卯升南京太仆寺少卿刘日升为南京鸿胪寺卿 ○甲辰孝康敬皇后忌

辰遣官祭 泰陵

○乙巳朝鲜国陪臣李覺以庆贺 万寿圣节至京

○丙午 孝慈高皇后忌辰遣官致祭 皇太子第二女生

○辅臣賡请考散庶吉士不报

○加升山东右参政陈简为按察使管理漕河

○丁未 皇太子千秋节

○辅臣賡言简用阁僚目前第一义臣已三请日候俞旨其外则宜亟简吏部都察院正卿以重察典补南北六卿以备股肱考选内外诸臣以广耳目至于国家五年一审狱囚前五年未经举行今已十年宜允法司之请以昭旷德曹学程縲继十年九十瞽母最足矜悯宜从宽释以宏锡类四方遗佚之士当亟拔其尤及时效用钦降官白瑜候旨四年不进不退当并赐原补此数事者 皇上行之无甚难而在天下如大旱之望霖雨不报

○戊申以 皇太子第二女三朝告 奉先殿

○辽东巡按萧淳言辽左冲疲军民最苦乞蠲停税课耗羨三万六千余两以安人心保重镇不报

○升户部郎中龙膺为陕西佥事

○己酉陕西巡抚顾其志以会勘咸宁知县宋时际事完具奏命降时际一级调用

○直隶巡按陈宗契以 圣寿届期陈金镜四事一临朝受贺二便殿召对三重枚卜简火僚下行取四急却诸税使孝顺秽物勿使点烁休明不报

○庚辰吏科都给事中陈治则言计典届期当事诸臣宜同心协力明是非黜陟之公抚按开报贤否每多不尽至司日与周旋贪酷吏怨声载道并得漏网亦有外已露章而内如充耳此为内与外异病在内执法之不坚亦有已经糾处而抚按复为之乞留登之荐剡者此为外与内异病在外之成心未化甚至内而部院大臣及考功司郎中亦有与科道异者每见功司议定于会单而更易于临事大臣秘密于平时而立决于顷刻此不惟蹈自用自专之失抑且为作好作恶之私请自今大计所黜方面及贪酷吏有出于抚按所报之外者计多寡连坐而凡经抚按论摘者吏部不得姑容经部院糾处者抚按不得荐列不报

○辛亥夜望月食既

○壬子降补工科都给事中白瑜为广西布政司照磨

○癸丑 万寿圣节遣官祭告 长陵等陵百官及四夷诸使俱于午门前行庆贺礼辅臣诣仁德门叩头赐辅臣賡及讲官李廷机金银万寿字金篆朱符及酒饌

○起原任陕西右参政李维楨为山西右参政原任徐州备兵参政周梦旸为云南右参政升工部郎中胡瓚为江西右参政郟阳知府罗希益为云南副使巩昌知府刘涌为四川副使南阳知府刘光祚为河南副使南安知府曾光鲁为广东副使

○起补原任吏部稽勋司郎中林学曾为验封司郎中

○直隶扬州府泰州天鼓连震六日

○乙卯鲁王以 元孙诞生及 圣母徽号进贺礼物各五匣彩段各二十疋

○丙辰秋分遣官祭 夕月坛

○大审狱囚释重辟七十一人俱遣戍余减等有差应决赦者五百五十人照旧监候时罪勋李宗城亦得减死遣戍而曹学程不与焉于是刑科给事中梁有年等交章请同仁并宥不报

○丁巳辅臣赓以秋凉择期请东宫出讲并点用讲读等官俱不报

○己未遣官祭 京都太仓之神

○辛酉河南兵备副使陈大道以庆贺至因上< 硃-金 >请蠲中州商税不报

○升宣府巡抚马鸣銮为右副都御史照旧巡抚荫一子入监读书以六年考满也

○追赠已故辅臣赵志皋为特进光禄大夫

○癸亥 遣官祭 历代帝王及 城隍旗纛等神

○升陕西右布政王一乾为浙江左布政使河右布政袁奎为本省左布政使刑部郎中陆应川为浙江右参政户部郎中高邦佐为永平知府

○河道总督曹时聘言国家二百余年自徐而下大都以河为运迩来迁徙不常数失其利非二洪告涸则诸溜难前内外臣工蒿目腐心莫不以无漕为虑幸泇河一线先河臣舒应龙创开韩家庄以洩湖水而路始通继刘东星大开梁城候行庄以试行运而路渐广比至三十二年李化龙上开李家巷凿都水石下开直河口挑田家庄殫力经营行运过半而路始辟至三十三年二月内该臣接管见得改挑经始运艘将临立限严催多方鼓舞暮春首夏接踵告完是年行运者八千二十二只今年粮艘七千七百六十五只尽数度泇则泇之可赖岂不昭昭在人耳目哉然漕渠成矣河官未设闸坐建矣官夫未定转输通矣置邮未改萑苻警矣司捕未立兼之闸禁未严节宣失度水利一洩立睹胶舟臣不敢亏一篑之功广集众思谬画善后六事以闻一议以充东道加管河二字于原领敕书内管滕峰二县河务兖州府马捕通判及峰县县丞俱令兼管泇务以便责成一议以黄家闸官夫移之韩庄留城闸官夫移之台庄马家桥官夫移之顿庄专司启闭一议赵村为邳宿适中之地万家庄为邳峰适中之地各添设一驿以便应付一议于峰县台家庄地方添设巡简司置巡简一员弓兵四十名以备干掇一议禁势要人员不得恃强阻挠闸务以节水利一议补筑残堤截削湾嘴展辟狭岸< 硃-金 >浚浅沙以收全功皆从之

○先是辽镇宽奠等处六城堡开拓新疆围环八百余里逼邻东虏汉夷接壤军民苦役往往逃窜其中积集六万余人屯聚日久生齿益繁为我患害至是督抚蹇达赵楫等遣官招徕六万余人尽归故土事闻 上嘉其功加达太子少保升楫右都御史兼兵部右侍郎各荫一子入监读书加总兵李成梁太子太傅荫一子本卫百户及兵部尚书

萧大亨职方司官赵拱极各赐银币有差余先后与事诸臣及贡夷奴儿哈赤等各赐银两

○乙丑浙江巡按金忠士< 〇〇〇 铨-金 >劾浙江学臣李作舟较士愆期致生员何大谦等喧拥场门紊规失体命夺作舟俸三月何大谦等分别降责仍谕礼部今秋场已毕各省直提学官应升调者即与升调随拣资浅有望者速行催补务照先年 明旨场事毕方许推选宁久仕优升毋临事数易著为令

大明神宗显皇帝实录卷之四百二十五

万历三十四年九月丁卯朔

○戊辰礼科右给事中汪若霖疏劾南京礼部右侍郎范醇敬专利无亲深机贼物士论共鄙委以秩宗殊非其据贵州巡抚郭子章拮据于黔不谓不勤然阴侧多污征播之役与安酋怵为血盟逗遛观望碌碌因人已而争五百里新疆以偿酋私致酋恶愈炽然子章猾之当令子章埋之乃吏部忽有南司空之推将西南< 〇〇〇 炙 >暨谁则任原任南京刑部尚书徐元泰当其巡抚四川擅征失律匿败为功被言谢去今老悖不足任南大司农之推又何为者又云顷岁推举大臣率繇列卿擅职冢宰无权科道糾弹徒成故事于是举者不能无私宜命吏部今后廷推会同九卿科道务参酌力持勿徒画诺并籍记举者姓名明 祖宗连坐之法以杜私交不报于是左副都御史詹沂以元泰乃其所举求罢奉旨詹沂既无私比不必引咎今后会推吏部当折衷众论面相评品归于至当方许< 〇〇〇 铨-金 >名毋得徒取画诺其或举非其人科道官即时纠正毋待点后才说纷纷猜付以乖朝廷大公之体既而子章醇敬各上< 〇〇〇 铨-金 >乞休 上允醇敬而留子醇敬居乡颇多不简而子章吏治军功一时最著同类共讷议者以为不伦云

○己巳赠原任总督蓟辽兵部左侍郎右都御史顾养谦为兵部尚书荫一子入监读书原任工部右侍郎张橧为南京工部尚书原任巡抚大同副都御史张文锦为右都御史

○除顺天府中式第四名举人郑汝矿名遣戍辽东汝矿浙人目不识丁弃父母为富家养子据其雄赍入北雍大贿闹役割截取中贡生马显忠首二场文字获列魁选事觉并奸党俱拟究如律初议以显忠补解既又以五策不出显忠仅命于岁贡选日照举人例而已是时取士率重首场首场既收二三场苟非悖谬无复落者显忠又七闽名士谓当取其三场原本勘阅可定乃持疑不果显忠竟郁死士论惜之

○辛未河道总督曹时聘以朱旺决口既塞< 〇〇〇 铨-金 >闻因条议十事一移置专道一增设河官一创筑堤防一建立铺厂一分别赏罚一久任责成一申明职掌一严禁那借一议处河夫一除豁占田工部覆如议 上谕部臣连岁公帑民力俱竭于河上役不可再宜怀永图既称大坝已成全河东注必使出中路方保无虞趁此秋涸将一应南北堤岸尽力修筑屹如山峙自然水得所归方堪永赖所议十事俱依拟朝廷不惜< 〇〇〇 懋心 >赏亦不事姑息可即行与河上诸臣知之

○戊寅礼部左侍郎李廷机又上〈臣疏〉略云臣诚欲报恩而恩报不尽欲做事而事亦做不尽惟臣之生则有尽敢从 皇上乞此将尽之生奉旨廷机独理部事兼撰经史讲章不当复萌去志不允

○兵部尚书萧大亨以禁军之关上〈臣疏〉云皇城守卫与红盔明甲义刀围子手等军皆宿卫之雄称禁旅焉平居必尺籍有人而后选补不虚必统率得人而后抚驭有道必查点有法而后奸弊可惩乃今守门诸弁皆系窘懦残羸有同市乞奸猾者悉多雇倩此何以率众士而壮干擻弊在职官管军管员自勋臣把总及内外门各官占役颇多每月令伍长科歛投送遂得买闲空名挂籍不可究诘弊在占役凡京师积猾每遇军缺则贿卫所官诡名保送或投充在内纳班挂名影射弊在包揽凡空名各军伍长见雇充数据法责革则挽情求免一不如意众咻嘈然使人惧不敢问弊在把持凡选补各军系祖军绝者暂行召募勾补动辄经年若召募故者听取异姓叠名无籍代顶以致违冒索骗弊在选补臣愚谓自今守卫官缺宜慎选补凡自告与调卫者不准三年内无过准补掌印异等荐多者推升怠玩不前者痛革此职官之当遴选也包揽占役凡役在内者系伍长科歛在外者系识字科歛总与把总关通今后凡包揽占役不即发觉与把总身自作弊者不待年终举劾即行斥革伍长识字从重遣问此包揽占役之当责成也点闸自有常期如有不到及雇觅者当行革名除粮横行求免者呈参此把持之当痛禁也本军病故许亲子弟告补其故绝难勾或召募病故者须本卫开报的系某军下余丁方许审补凡无籍与别卫者不准其直票粮票当即唱给粮册按月挂号验粮不得勒措此选补之当画一也至管理勋臣体统既崇职任尤重所当禁绝科克为诸弁先此纲领所系更宜首加严饬从之

○以洳河通建驿于峰县万家庄命名万家驿添设驿丞及台家庄巡简各一员从山东抚按议也

○己卯户部尚书赵世卿等以科臣汪若霖参论会推共上〈臣疏〉言我朝仿古建官之制庶务分隶六卿至钱谷者不谈刑名主兵戎者不讲礼乐至于吏部之职专司进退百官先年推举大臣亦止责成该部不知何时变为会推自臣等待罪以来数与其事矣其间幸而偶中者固有之而识见不到名实不谐者亦未必尽无以用人非臣等所素习也彼吏部者练熟于耳目平准鉴衡正宜出其真见以称 皇上任使柰何歛迹引嫌听众为政且今之铨衡卿贰即 皇上昔所梦卜而选择者也夫既慎重其选而所选者之所用又复疑而不信是耳目人无已时也至如吏部司属犹为小臣付之堂官选用足矣乃一缺出而荐举遍及九列开坐动至数人臣等固不敢遽持不肖之心妄忖诸贤然臭味相求亲昵相引人心不同有如其而卒之公道不张而徒使人蓄侥幸之心繇奔兢之径此岂盛世之风哉乞申饬旧例今后推举大臣仍归吏部职掌俾臣等从旁参酌其有未当许科道诸臣从公纠正至于吏部司官员缺亦听堂官自举请自 上裁庶事权可一职业益明不报

○癸未琉球国中山王世子尚宁遣长史等进贡方物

○丙戌加总督陕西三边少傅兼太子太师兵部尚书左副都御史李汶为少师兼太子太师余官如旧以一品九年考满也

○虜犯镇羌古城等堡大松山都司王从谏凉州副总兵柴国柱等率兵击走之斩首二十余级

○丁亥以霜降节遣隆平侯张炳等祭 长陵等陵

○己丑南京吏部尚书裴应章工部右侍郎刘元霖俱上< 〇〇〇 毓-金 > 辞免新命不允

○壬辰调补河南按察使黄炜为山东按察使 ○癸巳原任大学士沈鲤以抵家上< 〇〇〇 毓-金 > 陈谢并言去国之身不敢以烦言渎听独忆昔滥竽密勿承乏拟票之日曾见各衙门题奏本章有未奉旨者辄便补牍复奏名曰催本大都正本一而催本二三乃顿使文案日积 御览太劳切念四海安危备载于诸臣之累牍万几通塞取裁于 皇上之一言朝野望殷军国事重稽迟尚有丛脞停格岂无忧虞伏望于鲁论尧曰篇取一敏字以上接帝王相传之统于周易卦爻内取一需字以常操圣神无逸之心不报

○甲午蓟辽总督蹇达奏东西二虜与长昂合营共图内犯盖昂酋时常往来于东西勾连接引夷性无常秋高马壮得便即逞声东击西狡谋叵测而蓟辽联壤环护 陵京必须此应彼援斯可伐谋制胜倘虜果大犯宁前则蓟镇东协主客将兵宜暂出山海关援辽如犯滦东则辽镇宁前各将兵应即飭调入关护蓟若窃窥喜峰古北之间则蓟镇总兵不必拘拘于义院口而昌保两镇总兵亦励兵共济庶为万全< 〇〇〇 毓-金 > 奏上谕兵部虜谋叵测非一大创无以遏其狂逞便马上行文各镇督令道将厉兵秣马听总督调遣相机防剿务使我无一瑕可乘虜入必遭大衄方称完策各镇不问所犯何地都要互为声援毋得稽迟观望致有疏虞

○乙未纳辅臣朱赓言释御史曹学程狱遣充湖广宁远卫军赓< 〇〇〇 毓-金 > 略云昨见 万寿圣旦 皇上涣然下审录之< 〇〇〇 毓-金 > 中外臣工呼嵩与颂德之声震于山谷不知增 皇上几多洪福诚推此恩并释学程之系则臣民欢祝当益腾涌而皇上享无疆之历数亦与天无极矣< 〇〇〇 毓-金 > 奏翌日即传旨降赦云

○内监陈永寿< 〇〇〇 毓-金 > 请仍用班军拨工兵科都给事中宋一韩驳言国家定立军制有七十八卫所常川操备谓之土著军又有中都山东河南班军轮操谓之更番军总称三大营军故凡有兴作辄役班军以为是客寓可任腴削而不知拥护 陵京与京军无二也故 先帝有径议拨用之禁 皇上初年有免工着伍之旨近来工作繁兴一切俱用班军矣用班军必至折价折价必滋弊藪今且尺籍伍符将尽化为乌有矣此岂祖宗立法之意哉顷京营科道周曰庠张大谩查明不到数多力言拨工非制并请治领班军各官罪既得旨矣而永寿乃欲绌外庭之议以求胜夫班军拨工似便患患实

遂令恶氛难消倏伏倏长计今两家交欢岂能帖然无事则抄略属番侵轶内地者可虑也此甘固之情形也当臭柏油沙之歼明安也众虏拥蔽争死其子摆言大怀讎十五年矣益以本拜火落赤为之羽翼遂合力内向则今日之小胜未可狃异日之大举甚可防此延绥之情形也自酉戌两殒大师辽尚可言哉所幸天厌夷种土蛮无故稍稍息肩独凌丹慙新立众虏煽惑都会歹青等阳顺阴逆安能不相率响应此辽东之情形也三卫作虏响道自其先世已然深入则惊畿甸大逆则危 社稷长昂朵颜之黠者也先年花场之寇覆军破堡犹自作梗今复诱引东西二虏意殊叵测故长昂一日不灭燕蓟不得高枕此蓟镇之情形也夫虏之情形各异则我之制御亦殊故五路射利之虏也宜严阑出之禁火落赤永邵卜荐食之虏也宜固藩篱之防摆言大报怨之虏也宜示挾伐之威新慙歹青穷饿之虏也宜急收保之令长昂勾衅之虏也宜伐交通之谋又言以货啖夷譬之以骨投犬投愈多来愈众及至猖然交争则有持挺逐之已耳若牢食有节摇尾何为故诸虏不时闯过亦贡赏不节之故宜定为则例不妄裁增则虏必不敢恣意要挟矣又言边防有九虏族惟一于此抚赏于彼抄略往年延宁被兵辄怨东虏助逆近日蓟辽多故亦云西夷作梗是其验也则三督臣宜视九边为一九抚臣宜视各镇为一各率镇道约束诸虏即有事彼援此应互相犄角制胜微权莫善于此不报

○调吏部稽勋司员外张养才为验封司员外

○辛亥荫原任总漕工部尚书刘东星一子入监读书以议开泃河功成故也

○擢工部主事魏时应为吏部稽勋司主事升浙江右参政唐选为按察使守嘉湖道工部郎中刘不盈为浙江清军副使

○升浙江道御史刘会为江西右参政备兵徽宁

○夜月犯毕宿

○壬子赐琉球国夷人宴命礼部侍郎李廷机陪待

○癸丑升陕西延绥左营游击沈应蛟为小芦塘参将甘肃镇游击刘观旒为河州参将宁夏玉泉营游击杨桂为靖虏参将

○江西巡抚许弘纲上言湖口之税李道悖违诏旨地方哗然共图杀道赖道府维持幸免今臣既莅其地请为 皇上一力任之自后商船上江下江者从九江府徵收入湖出湖从南康府徵收税银总解该监类进其扛解方物等数悉照山东事例若地方小有不安税课少有遗漏臣与诸臣甘受其罪至烧造之役潘相移镇景德以为那居不知该镇滨江邻楚亡命杂居攘臂一呼兽骇鱼乱自貽伊戚若 上用器皿定额回青所云青者閭阎所贱备查每年开采变价不过九十余金何难捐此些须与民休息万不得已臣宁以岁支俸银扣抵至于搬运瓷器旧从陆路今潘相议改船运脱遇风波谁为赔补凡此皆臣所以仰体 圣心而保全道相者耳不报

○甲寅吏部左侍郎杨时乔等条计典六事一责成当严二开报当确三资格当略四文册当预五夤缘当杜六署篆当慎从之

犁 文皇非好黩武也争先处强势不得不然耳居今而谈大将出塞之业鲜不咋舌焉臣以为办此无难何也北虏之强非加于汉长昂虽狡非雄于冒顿可汗也 祖宗金瓯之天下无缺也谋臣猛士非逊于往时也千金之家见侮强邻犹当聚族而谋矢志一击岂以诸镇之兵力听虏自来自去如蹈无人之境耶窃计虏气方锐即未可骤与争锋宣蓟辽三镇宜各出精兵剿其窟穴为批亢捣虚之计彼必释蓟辽急来自救亦一奇或邀其归路据险设伏合兵奋击共成犄角之功又一奇也倘虏已归巢分别议处黄毛非我属夷深居远塞犹可相机缓图班白二酋贪市利钞志在从逆犹可断绝抚赏痛罚深创长昂勾虏稔祸实为盟主宜兴师问罪明示不赦宣谕虏王勿许他酋助逆仍悬芳饵组致阙下斯又一大奇也惟 皇上一朝发愤则国威终当一伸虏气终当一折矣

○刑科给事中周曰庠请释逮臣卞孔时略云曩以税使陈奉全楚臣民被逮者二十余辈既而冯应京等俱蒙矜宥惟余孔时一人孔时贰武昌有神明之号因兴国州奸民挽称郡民吴良裘有田若干未丈意在陷良裘而谏陈奉奉委孔时丈田孔时极口与辩奉即衔之遂致诬逮当蒙 皇上洞鉴免其监鞫然至今羁继长安不得继应京诸臣归里殊为向隅不报

○甲戌遣官祭 三皇于 景惠殿

○升福建按察使陈所学为右布政使 ○黜蓟镇石门喜峰二路参将胥应徵应骐回卫以关臣论列故也

○升喜峰路参将李宗为副总兵仍管喜峰路事

○升广东右参政朱燮元为左参政守惠湖道福建右参政饶景晖为左参政守福宁道

○丙子命户部于考察前较核天下司府州县应解钱粮有原未被灾及虽被灾未及六分以上而无故他延者照见行参罚事例送部议处以示惩创从尚书赵世卿议也

○吏部侍郎杨时乔都察院左副都御史詹沂等以察吏期迫请亟简用冢宰总宪以专责成不报

○革宁远参将杨晖辽东都司高铨等职晖行巡按御史提问铨回籍以督臣 < 銓-金 > 劾贪庸故也

○戊寅命宗人府经历不许乞差礼臣李廷机言宗人经历所掌 玉牒及王府报生事宜皆宗藩紧要事与本部相关向无差遣近问有之本府别无佐领遂将五府经历都事等官暂委署篆事体既难练习胥吏又易夤缘倘臣部有所稽查殊多不便宜行禁止从之著为令

○升礼部郎中潘士达为广东提学副使员外熊尚文为福建提学僉事

○庚辰 皇太后万寿圣节免百官朝贺辅臣赓诣 慈宁宫门叩头 上赐辅臣赓酒馔及讲官李廷机金银万寿枝个金篆绶符有差

○升吏部文选司主事徐可求为稽勋司员外

○戊子长至 大祀 圜丘命英国公张惟贤代献成国公朱应槐永康侯徐文炜户部尚书赵世卿兵部尚书萧大亨分献礼成百官于午门外辅臣赓诣仁德门各叩头贺 上赐辅臣酒馔

○壬辰宣府蔚州卫地震有声

○癸巳除免河南被灾鹿嵩等三十四州县额课有差时河南大荒巡按御史王业弘议将各州邑本年见徵一应起运暨行停缓及有带徵旧欠俱宽至来岁麦熟徵收户部尚书赵世卿以帑藏空虚边腹索饷甚急奏格前请惟令照被灾分数于年存留粮内各除免若干从之

○甲午以冬深撤蓟镇兵马如例

大明神宗显皇帝实录卷之四百二十八

万历三十四年十二月乙未朔总理惜薪司内监杨致中杖杀燕山右卫指挥僉事郑光耀时义勇前卫指挥王来聘僉充铺商致中需求不已来聘不胜其苦弃印逃去致中拘之不出乃捕其妇弟郑光耀严刑拷掠光耀立死于是礼科右给事中汪若霖 < 珙-金 > 劾致中十罪请革去总理职衔付法司鞫问又言国家于工部设柴炭一司专以催僦各商而内外诸厂特其纳受传送之官不知起自何时中使乃得追比商人而刑罚之酷铺垫之多则自杨致中总理始益以僉书等官数十辈司房管事报数大头等项张口待饱而该部钱粮缺乏无从预支各商率破破家以应然国家曾未省毫厘之费徒为若辈掣肘反苦不足臣以为欲内供常给莫若恤商欲恤商莫如去刑汰费归之画一既而兵部尚书萧大亨亦言卫官为 天子爪牙无僉商应役之制而世职皆勋臣苗裔非阉宦可杀之人致中贪暴弥天宜严正法纪俱不报

○班不什白言台吉二酋之始入犯也以我收其降人为辞至是督抚以大义责之稍稍退去宣府抚臣马鸣鸾上言二酋以宣镇款贡抚赏之夷一旦与东虏合营窥犯辽蓟罪不待言惟所称彼既坚守款约则邻镇不当收其逋逃说未尽谬夫夷狄犬羊也即理屈辞穷犹然桀骜今反归曲于我执为兵端虽云遵谕回巢其心快快未已来岁疆场之扰未可知也以臣之见若未收其降人耶即当明谕诸夷免其籍口若果收其降人耶亦何难闭关禁止永杜衅端章下兵部

○丁酉工科右给事中王元翰言时事可痛哭者八事窃见辅臣赓以缺官要政揭至再三不蒙报可赓办阁三年尚未睹 天颜一面使其憔悴奔走以只身佐万几力既不胜日亦不足是为人失心膺可痛哭者一六卿半空悬缺数年不补今去计吏期不过数日而冢宰总宪尚未点用必待事急时迫苟且那借一人以了此察事则何服天下之心至各省直一监司手馆数符各知府多出佐贰皇上各授人一官实与人以兼官是为人失股肱可痛哭者二南北台省若晨星断鴈而被召来者鳞集阙下积年累月不沾一命以至解馆分留无故乱其常期 皇上岂以其中亦有科道故尔迟迟乎夫既召之又姑置之又必待其丧气而后用之 皇上何见而出此可痛哭者三废弃诸臣沦落山谷有年矣虽奉诏起用未见汇征使有用之才为圣

教尊而不渎则今盛事与前代瘠民佞佛者大有间矣工起于某年月日迄于某年月日是用勒石铸词使群臣百姓咸知朕奉扬 圣母德意且以昭示后来传诸不朽云铭曰茫茫万有欲爱同缠业风振海识浪滔天惟此苦海千古渺弥彼岸寥廓竟渡其谁如来法身累劫修行妙通圆明反照见性慈悲广大功力无边破昏揭暗慧炬高悬音声万亿遥入我观繇闻起见寻根穷端所见非目所闻非耳靡有见闻诘有我彼恒河世界悉归掌轮随愿界福随溺拯津如汲海水樽盎具足沧溟不亏人饮满欲如月印川万壑皆圆清光不咸皎皎中大雒伽浮空瀛波旋绕梵宫蔚起翘望云表大士耀灵遐尔倾就贵贱圣凡拜礼恐后猗我 圣母心契大慈愿言锡祚以保群黎予承 慈训启我觉慧如天好生聿嘉二帝栽培国脉瓜瓞绵延与天同久亿万斯年

○丙午礼部左侍郎李廷机条会试六事一曰文体以正大典雅为宗否者不录一曰礼法士入闈必冠儒冠各不得携酒食筐裹一曰防范场中夜半有暗出席舍径到受卷处所通同胥役将他卷看择采取抄誊而弥封誊录所亦有贿雇稍通文义之奸人溷入其中抄取人卷作弊者并宜缉禁一曰经房场中易诗书三经取中文卷皆以一房为举主独春秋礼记二经每经两房共之于义何取宜自今更正与三经一体足以寡交省事一曰民便会殿三试百凡供用止将解到钱粮着本部人役买办不扰铺行< 䟽 毓 金 >奏诏谕礼臣曰文体敝坏至今日而极非独士习之陋亦因阅卷官自繇此轨而进相师相尚莫知其非以此取士士安得不靡然从之今后房考官见有离经畔注穿凿揣摩及摭拾佛书俗语隐讳怪诞者必弃不取甚者参罚仍刊布谕旨预使闻知

○丁未辅臣朱赓< 䟽 毓 金 >请允放兵部尚书萧大亨时大亨以屡被人言连章求去不允会计期迫吏部缺尚书三年屡推不点外廷颇疑 上欲临时点用大亨于是兵科右给事中吕邦耀敷陈计事指摘大亨甚力辅臣赓因言大亨求去而科臣为之劝驾大臣去留取自 圣裁惟是道路讹传听闻可骇夫 皇上所以屡留大亨者止为大亨老成练达熟谙边务本兵不可无此人非欲用之于吏部也而天下固不能无疑今惟求 皇上速点一精明端亮人心共服之人使为冢宰以主大计于大亨或念其练习枢务仍留本兵或悯其情词真切曲全大体则輿情自服矣不报

○戊申 世宗肃皇帝忌辰遣官祭 永陵

○互调蓟镇总兵尤继先为延绥镇总兵延绥镇总兵杜松为蓟镇总兵先是继先收养降夷至八百余人倚为精锐蓟辽督臣蹇达忌之上议以蓟镇与他镇不同修守为上收息蕃多恐夷情难驭致貽后患请调继先于别镇章下兵部枢臣萧大亨覆如议而以延绥总兵杜松廉威素著与继先更调仍令继先将所蓄夷丁携至新任安插停妥用清隐忧 上皆从之仍谕蓟镇督抚道将各将见在南北主客官兵从公挑选时加简阅务使可战可守斯为完策其二官闻命可即日就道勿得迟滞 ○升工部郎中赵可教为河南管河副使湖广佥事姚尚德为福建副使南京刑部郎中韩策为山东驿传道副使

钦赐护国将军国公与之又伪封王宗等十余人为国公侯伯将军指挥等官约于是月二十三日长至节乘百官谒 陵举事会其党陈继学张应登等惧事发祸及先期告变御史李云鹄密捕尽获之讯实以闻章下兵部

○丁巳辅臣赓类进一年讲过经书讲章

○戊午以履端将届赐辅臣赓及讲官李廷机吊屏门神等物

○庚申肃王绅尧进献马匹 上赐王白金三百两

○以军功赠已故南京工部尚书叶梦熊为少保

○降补原任浙江副使康梦相为云南左参议

○辛酉陕西总督李汶以将离任条议安边五事一葺松塞松疆土脉疏松易于剥脱议随时修补一创冲堡吴桥营地方乃四通八达之区每遇虏患民无可避之处应援亦难卒至诚筑堡城一座设守备一员拨军八百或五百马步相兼一明顺逆往岁延镇出捣功次八年未勘沿边将士皆怀怨望议请申明以后各虏果恪守款约所在官兵不得妄起事端如或要挟背盟内讧即许大行剿杀及有阳顺阴逆西犯甘肃等处延宁即集兵捣剿仍以血战为功不以开衅为罪若各部内有恭顺者仍令照常款市勿使惊疑助逆一传边烽宁夏中卫与固镇靖虏芦塘永安等处相联止中有黄河之隔耳每至冬深达虏繇中卫所属踏冰过河南犯永安靖芦一带犯后二处每每互相推诿议以后中卫地方若有虏贼过河南犯消息务先期传报永安靖芦等处接传设备一停番堡先万历二十四年陕西巡抚吕鸣珂题议河州境外猓工川地方修筑八角堡城原在境外猓工川之间距河州二百余里彼处既无军民村落且系海虏往来之场若修筑一堡设将增兵则荒漠之地应援为难今火真揣库儿等每以掠番为繇窥伺内地倘闻与番筑堡必来阻绝粮道在工官军未免枵腹必致意外之虞议行停止章下兵部部覆如议惟以吴桥建堡一事关系重大再行延狭两镇督抚会议举行从之

○国子监司业沈_{□□} 奎条监规三议一叙拨之规必月日既满方与拨历未及期者一日不容假借一假旷之规监生逃回者该监呈部行提三月不到除名一参处之规凡经该监处分者不许夤缘幸进如从别衙门送监者径自驳回仍行重治 上諭礼臣国子学规 祖宗朝戒谕甚严所以教化大行人称盛近来傲_{□□}有成风恬不畏法并一二文具亦尽废弛士习如此安望用之异日_{□□} 奎此议有关风教其着实申饬行之

○壬戌 皇太子第二子生 ○罢革甘镇镇海堡游击张_{□□} 琳心功回卫以其贪懦不任职起原任参将祁德代之

○癸亥以岁暮行 大裕礼遣官祭告 太庙 祧赐辅臣祭余脯醢菜酒

○遣官祭 太岁月将及五祀旗纛等神

○辅臣赓_{□□} 毓_金言考察之期不越二三日而主察大臣尚未蒙批出伏思皇上天纵圣明事必当机而发意者于贞元交会之际焕然下明诏与天下更始乎斯其

时矣望简臣屡疏即赐 乾断又请亟命考选行取诸臣稍迟一日又过一年非所以彰精明之治功开维新之泰运俱不报 以甘镇火永二酋抢掠内地降营将杨定国二级带罪管事杨国珍革任行巡按御史提问 兵科右给事中宋一韩疏言臣闻定乱之主不希销锋息马之烈而以锄暴绥良为威耀德之朝不务招携纳款之名而以闭关谢质为武窃见贵州铜仁府红苗不清朝廷轸念遐方诏以议处抚臣曰苗依山阻箐不可绳以汉法已之便臣固心韪之然犹以为有未尽者则剿抚之策当决主客之兵当议而首从之罪当分也夫征苗之役

世宗朝有行之者万镗主抚养恶滋深张岳主剿除恶几尽抚可常恃乎该抚臣晓兵多算诚亦张岳其人顷者山路贰苗之捷计能因粮于敌成斩首四千之功岂其蠢兹红苗独难言之失铜仁之苗黔剥虏之灾也则宜以黔为王邑梅麻阳之苗是助黔为虐者则宜以川湖为客调集土汉官兵犄角并进虑无不破竹一百二十里之小丑即不烦三省之力可也交夷不庭自黎维潭复国不通贡者十年子维嗣新立一旦叩关请袭都统之封朝廷尚未之许也无何而贡献至矣抚臣曰来享来王自是清朝盛事许之使臣等亦心韪之然犹以为有未尽者则印信之予太急贡献之许太褻而安插之令太徇也夫中国所以尊于四夷者止此封爵印信耳今维新尚在侯袭而印信突已颁之又何以示中国重乎或曰该国进贡表文非印不可不知其既臣则为贡其未臣则名为赂焉有堂堂 天朝而可以赂遗乎则代身之金人补过之方物其事不经见也今宜责成贵州抚臣如张岳之委任不邦宪搜捕首恶龙许保吴黑苗庶其涂炭可拯而中国之威常震又责成广西抚臣力能谢总则谢绝之即不能谢绝亦当待维新承袭都统之后收其贡献其议安插莫氏亦须督抚悉心计虑无使朝君暮讎一方重罹荼毒庶其绦笼在我而中国之势常尊矣 上令兵部详议以闻 皇太子第二子三朝告 奉先殿

明神宗显皇帝实录卷之四百二十八

大明神宗范天合道哲肃敦简光文章武安仁止孝显皇帝实录卷之四百二十九

敕修 万历三十五年正月乙丑朔免百官朝贺 赐大学士朱赓上尊珍饌 丁卯命户部尚书赵世卿代理署察事吏部左侍郎杨时乔协同事察典在岁正二日定期而举时乔已同副都御史协理就绪矣闻命又当暂停是日文书房发北红二本其一察事其一乃去岁九月吏部所题朝覲禁约事阁臣以为非体< 䄂 铨-金 >请勿发 上命内侍郎日收回 戊辰先是礼部署部事左侍郎李廷机类奏三十四年凡灾异地震天鸣霹雳火光一十五事乞上下交修共图明作省燕会酬应以专精公务去耽延赔累以体悉人情 上批答已久至是乃下曰连年灾异频仍朕仰承 上天仁慈自应修省尔大小臣工亦宜秉心体国绝类奉公毋尚虚谈毋违劳怨至于交际讌会屡禁弗止般乐怠傲何以上回 天意下慰穷民尔部便严行禁谕仍令缉事衙门密访奏闻以图交儆之实 秦府长史高荐等以辅导失职夺俸半年从礼臣李廷机之议也先是秦王谊漈为镇国将军敬罇等庶第一子五十一位各请名封已得旨下部李廷机覆言

穷则不得不通势极则不得不反今远省有四年无巡按者科道有一人兼数差而匍匐不遑者御史有九年考满复在道管事者巡按有候代不得而株守郡县之间者有真病不得告而狼狈于地方者以故吏治不饬民困日滋今岁被察贪污最多是国家阴受其蔽而皇上不知也且此辈为皇上效力八年于外不可谓非劳臣而候选二年迄无著落如穷人无归郁而成病病而物故者又数人是诸臣明受其弊而皇上亦不知也揆之物理参之人情已至穷极紊处通之反之莫如此时如意此辈或新进喜事防其激聒要使朝廷有道大法小廉国是既明则妄言自息况慎择老成责在部院鉴别可否断自宸衷何可一概停寝因噎废食乎语云山有猛兽藜藿不采国有拂士奸伪不萌自古迄今未有不用言官可以为国者臣万不敢市恩为诸臣缓颊唯皇上乘此布德和令之时为国家疏此郁滞使四方来观之臣有所激励兴起不报

○永年伯王栋母赵氏为孙王明辅乞袭祖爵许之吏部左侍郎杨时乔疏言皇亲不袭封爵在祖宗令甲甚严准袭一辈不例在皇上明旨尤确故永年伯王栋袭父王伟伯爵一辈已属旷典今明辅安得袭封且夫人赵氏所引二戚杜维忠以庆都伯继宗嫡男承袭陈承矩以固安伯景行嫡孙承袭俱授都督同知无袭封伯爵者虽皇上优厚中宫非外戚可比第恐此端一开渐不可长将来戚畹皆以特恩为常典效尤者众觊觎安穷上竟以特恩许袭后不为例

○以巡捕功次赏参将王邦吉郑国珍等并升级有差

○指挥佥事郑国贤千户宋万言等亦以恩泽乞改所升职兵科左给事中胡忻等言爵赏必不可僭一僭则覬觎者众名器必不可轻一轻则窥窃者多兵部尚书萧大亨亦据科参覆言传升虽时有前规而陈乞终难为后训执奏不从

○吏科右给事中翁宪祥以抚按交代宜严部郎出差非体乞申饬以挽颓波并< 銙-金 >通以恤下情不报盖是时官方多滞抚按候代或十余年不归部郎俸深多借差以出会有江西巡抚许弘纲之事弘纲以父艰告归荐陆长庚王佐自代不复候命角羊纽而去而广西巡抚杨芳亦以艰请免代于是朝议持之

○兵科都给事中宋一韩劾江西巡抚许弘纲不宜荐人自代不报

○户科都给事中姚文蔚等掌道事御史曹楷等交章劾论梁永不报

○壬申南直隶巡按宋焘以妖贼就擒请发边饷罢税监练军实以固人心不报去岁冬月南都有刘天绪之乱天绪中州人以莲教煽聚至千有余人自相部署号龙华帝王稍治凶器造符验以号召远近其党与张名王宗龙凤王起吴熊江升郭礼吴凤傅保荣等各自封号而张名称将军誓众于冬至日举事先掠仓库质百官次犯陵寝为操府家丁陈继学所发遂一夕掩捕尽得之御史焘言自采榷役兴民不堪命家怨人愁一夫振呼而乱声四应况今北虏犯顺边饷告急外有庚癸之呼内无度支之蓄万一潢池弄兵揭竿继起诚所谓瓦解之势也宜及今时发内帑之金停无艺之税使戎虏不得窥我虚实奸宄不得撼我民心因以克诘戎兵简练将帅清顶冒之籍革贿纳之弊务使将

别奇正人知战守则内顺治而外威严矣是时诸奸徒缉获已久论讫未报而功状已上健儿颇有幸功之心于是妖帖复起兵曹大穷治之而物议乃腾

○郟阳巡抚黄纪贤方襄阳之乱赵本深特为祸始而袁进显等实鼓众为之税监黄勋既典有司为难各交章定夺米下而进显等匿不可得前后巡抚胡心得梁云龙无谁何之者至是纪贤阍黄勋他出猝提取二人付司道正法事在献岁腊月黄勋遂劾纪贤纪贤乃上疏曰臣阅敕书凡地方寇盗奸宄窃发皆得便宜剿捕袁进显等罔法唱乱与寇盗何殊且文职五品以下武职四品以下敕皆许臣径自拏问提点即道官不过六品职耳臣等不能遵奉敕书而乃今日一疏明日一疏冒渎 天听宜 皇上之厌薄臣等而不蒙允发也迩臣已会同湖广抚按行均州所官擒治袁进显等下荆南道问拟究遣其余胁从概从宽贷臣固不能容纵法中亦未尝苛求法外总以申明纪纲遵奉敕谕为 皇上守法而已疏上 上亦心是之不问也

○南京右金都御史丁宾请命总宪并补诸御史不报盖南京御史印差中差及杂差凡三十九员裁后犹三十员时惟孙居相李云鹄二员而已

○工科署事左给事中孟成已< 疏 毓-金 >言臣先年巡视厂库会同工部金报铺口三十名今甫三年仅存五名余二十五名非贫死则流徙然犹止倾中人家殒齐民之命前见巡视科臣汪若霖疏参太监杨致中因歇口王来聘之故致死指挥郑光擢则毙及无辜世官之命矣于此不改弦易辙则官民重足内供急需立见其竭详参众议救弊之法不过清铺垫之冗滥革内官之追比两端而已旧规掌厂贴厂金书而外额有定员铺垫虽多不过十之三四今三四年来自比之法需索百端酷刑万状枷梏鞭撻概及于儒生圉圉桎梏不贷其妻子人非木石何以自存故口人以惜薪司视为陷阱今惟以追比归于部司则口役出于汤火此内之追比不容一日不革者也方今春季届期钱粮应派岂五口所能办若不急为调剂恐新报之口又为二十五家之续乞简发科部原议施行不报

○癸酉以立春令节赐辅臣酒馔

○是夜昏刻月犯毕宿大星

○甲戌 皇太子第三女命名

○礼科都给事中邵庶等论文体日卑士习日竞孟夏进录似为后期廷试观政俱成故事不报

○礼科左给事中孙善继以前察期误发批红文书因极陈留中之弊曰臣惟国家之患莫大乎明知其误而安之夫不知其误犹望其有时而知既知其误而君臣上下恬不为怪则国家大患恒必由之臣向诵 明旨有曰昨者误发旧日批红文书当即查回

停寝夫文书而曰批红批红而曰旧日旧日而曰误发误发而曰停寝一事之举一疏之下起许多猜疑致许多频复臣未尝不惜 陛下以留中为故事而不知其流弊之至于此也 皇上御极之初励精图治批答有时颁布不愆是以万历初政宣鬯洞达瑕颯不生乃十余年来遂成留中不可反之局然始犹疏必发 票今则有发 票不 发 票之分矣始犹 票必批红今则有批红不批红之分矣始犹批必发 行今则有发 行不 发 行之分矣始犹发无反汗今则有发而复追回者矣夫疏入不 发 票 皇上或疑疏未当也久之安知 发 票之权不下移乎 发 票不批红或疑 票未当也久之安知批红之权不下移乎批红不 发 行或疑批未当也久之安知发 行之权不下移乎发 行复追回或疑发未当也久之安知追回之权不下移乎纵 皇上乾纲独握左右无敢壅蔽欺罔者万一异日无今日之英明而有今日之废格将壅蔽欺罔之祸成而国事去矣安有为天下若此而不寒心者臣不敢远引过望惟愿 皇上修万历十五年以前之励精复万历十五年以前之政体收万历十五年之人心庶平明之治成垂拱之理得疏上亦留中

○丙子右庶子冯有经改左掌左春坊事右庶子周如砥掌右春坊左谕德翁正春升右庶子兼侍读管司经局事右谕德顾天竣李腾芳俱改左春坊

○己卯吏部以考察报成浙江布政司右参议何湛之福建盐运使徐震湖广副使周应治广东右参政朱东光按察副使沈鸣雷陕西右参政刘任右参议袁谏庆阳知府陈三畏石阡知府乔惟槐俱不谨江西副使叶云初福建右参政陈达右参议刘毅四川按察副使杜华先云南按察使孟绍庆副使张璧山东左布政刘卿山西左布政李芳左布政兼副使赵彦右布政兼副使刘汝康贵州副使冉德升河南右参政苏光泰俱浮躁浙江左布政使史继宸右参政叶炜江西左布政使吴猷台南安知府曾光鲁湖广按察使陈鸣华副使沉子来佥事周应中黄州知府潘元和四川左布政使张文耀右参议李之皞成都知府吴仕瑞云南右布政使张尧臣按察副使杨应需赵楷广东副使何伟右参政余梦鲤广西桂林知府李甫文山东左布政使刘尚志右参政董宋儒副使刘不息山西左布政使李国士陕西按察使张应凤贵州副使韩光曙镇远知府曹汝较河南副使何大化南阳知府刘光祚南直隶宁国知府史起钦北直隶保定知府赵光远河间知府冯伟俱不及其以浮躁降三级者孟绍庆苏光泰以不及降二级者张尧臣刘不息张应凤何大化其坐罢软者三人温州知府陈公相云南副使华存礼岳州同知霍荇臣坐逃者一人临洮知府王震夷坐贪者二人陕西右参政李徽猷汉阳知府王宗本凡诸府佐令长以贪论者五十六人

○南京兵部以捉获妖党上诸将士功次下兵部查议

○庚辰以妖党伏辜命礼部具告谢之仪从南京内外守备之请也时法司方会议未定守备太监刘朝用等先具谏轻重以闻 上言妖犯结党谋逆仰仗 天地 祖宗威灵洪祐内外各官同心协力真犯既已就擒胁从俱免追治会审的确便著法司正法处治理宜告谢命礼部具仪来行又言留都根本重地迩来法久弊生其禁约安抚事宜

○刑部右侍郎沈应文以郑汝矿情罪未定上疏乞休不许郑汝矿之狱侍郎沈应文以同郡年家心宥之也讞成以割卷坐钱一炳等枷号发遣以买中坐汝矿发遣免其枷号刑科梁有年疏劾法司以为科场怀挟犹且枷号为民以割卷中式而例止发遣免其枷号无乃因一人之私而贻万世以两端之法乎至是论定乃著郑汝矿枷号三月满日发遣仍条入例中以绝奸弊

○丁亥遣天下朝覲官糾劾如常

○南京御史孙居相以去岁监试应天发榜江北绝稀诸士子流言疑誉封作弊有暗记拆角送卷先后之别御史黄吉士给事中邵庶亦以为言居相疏言江北亦有分考之官岂必皆取南人江北亦有誉录之手不应皆誉南卷如谓江南进卷先于江北则江北贴卷何为反早于江南且江北卷才踰千而贴几二百南北风会大概可知于是言者始息

○己丑以辅臣赓在告赐饩牵酒米茹酱诸品

○庚寅秦府奉国中尉怀走口卷以毒父议辟子女降为庶人

○湖广巡按史学迂论圣心三好曰好货好疑好逸又言大臣以偃倭周密为谦光小臣以奔走依托为本事传舍其官者以速化鸣得意代庖他职者以因循误积薪党同代异者白日而倚冰山嗜利肥家者暮夜而伺金穴皆由此三好之心为之乞留神省览不报

○兵科都给事中宋一韩等劾蓟辽总兵尤继先二十不法继先初为辽东总兵革任复起为蓟镇总兵遂镇守蓟辽去岁虏犯宁前继先拥降夷不救总督蹇达心恶之乃贻书长安欲言路论降夷事于时继先议调延绥矣一韩以继先赃私狼藉罪不独在用降夷故列他事罪之

○癸巳敕谕天下朝覲官员敕曰朕惟治天下无先安民安民无先计吏朕嗣承历服奉 天子民三十五年于兹虽深居静摄未尝一日不俯念民瘼也迩年灾异频仍民不堪命尝诏罢一切不急与天下更始庶几有民社之责者咸知朕意为朕恤民然而缪孀者媮安武健者恣臆藩臬或庇私人郡县间持长上诏令之下视为虚文急不在公而在声施务不先民而先囊橐甚且藉口朝廷为朕歛怨每奏吏牍朕不忍闻兹当三载黜陟幽明之期申命所司罢汰不职于贪酷之愆尤加严焉顾廉平之吏守斤墨而寡缘饬或无以延誉贪残之辈多货而善营便文巧脱安知无一出于此也夫今之所黜即曩之所留前车之鉴固亦不远尔等自今宜赤心白意拊循元元均赋平刑持廉奉职毋比党而伤公论毋倚法而壅上恩毋沾沾而愚小民毋悻悻而事操切其或剥穷闾走津路涂观弋誉而实惠不在民幸不可常三尺无赦夫政习于于伪法弛于宽久矣思一责实嘉与维新既明告尔朕将责实而券之尔等往钦哉故谕

大明神宗显皇帝实录卷之四百二十九

大明神宗显皇帝实录卷之四百三十

万历三十五年二月甲午朔祀

三皇子 景惠殿颁俊辅臣

○大学士赓以在告日久票拟在于私家既虞疎误亦非政体乞枚卜未下

○吏部等衙门糾拾方面四川遵义知府周作乐云南顺义知府余懋学原任陕西布政司参政梅守峻俱不谨闲住广西布政司参政李士登罢软闲住云南大理知府陈大期原任广东肇庆知府张一栋俱不及降用陕西按察使田立宗江西按察司提学副使骆日升俱浮躁立宗降一级日升以原官调简

○糾拾有司四川潼州知州蒋家相照贪例为民山西解州知州王应吉原任汾州府同知杨伯柯俱不谨闲住原任陕西长安知县曹如结苏州府同知萧九成河南雒阳知县王洪灏山东曹县知县来洞龙俱浮躁降调

○兵部题羽林等卫掌印指挥萧守仁高守仁王应科俱革任标兵等营坐营陶钦魏时熙佐击尤应宪七营参将安亨俱革任归德卫指挥使赵承德等降二级

○清黄郎中姚孟昱以补造黄张宝簿劳擢二级

○礼部左侍郎李廷机以四川叙州府儒童鼓噪事上言士风骄横陵轹有司辱及学使一年之间楚浙相继蜀复效尤不一大创后将安极宜将富顺双流二县儒童比常熟事例停其岁考首犯俱发口外为民并申饬各省秋试罢大收事从之

○丙申以礼部右侍郎兼翰林院侍读学士协理詹事府事黄汝良充考试官

○以詹事府少詹事庄天合权知贡举

○大学士赓以御史宋焘有疏自请罢斥不许赓之为首辅方数月时论未有訛赓者而宋焘始为危言以激发首辅间言大辽多缺百职不熙禁城以内口人行户荡产破家杨致中肆虐刈人如菅阉竖鸱张于内夷狄冯陵于外四方盗贼水旱蝗蝻道殣相望而九阍转隔 天听益高即阁臣一揭不报再揭不报亦仅付之发抄涂人耳目而已贤才鳞集者不用斥逐者不起使其壮者老老者死甚至中秘之局不结留者散者都泯于无形而摧抑消磨之法已入于化境矣又言有险邪之辈侧媚便辟习于结纳善事貂珣惯造飞语以软熟绕指之意靠冰山以攘臂裂眦之形敌清议意微指治则辈而以伴食镇雅讽辅臣虽若不攻辅臣而后之攻辅臣者皆自焘发之辅臣乃< 珣-金 >言焘疑臣以涂饰耳目指臣为摧抑馆士于臣之苦心苦口虽不尽知然实 社稷之至计救时之药石也国之安危臣之去就实决于此伏望 皇上省览御史之疏于法古宪天励精图治减供亿苏口民举遗逸行考选置大僚补百职进若子退小人下章奏肃法度等语力行以副中外之望并赐罢斥速简忠良任事者以代臣勿使臣进退维谷以上负国恩下负诤友大率推引焘< 珣-金 >以激发 上上亦稍动是日批谕辅臣言朕前节间恭侍 圣母近复火动目发赤肿连日静摄少愈未及详览本章卿屡奏揭忠爱恳切稍俟次第举行阁务烦重卿稍可即出赞襄以副朕倚眷至意妄言诬及毋得介怀

○吏部题留考称职官< 珣-金 >久未下吏科上言诸臣俸深宜令离任作缺以旌卓异以作士气以省往还以充选补以代新进凡有五便为请嗣后御史叶方盛亦

告方行会审而阴遣人投三百金巡按家中故巡按发之

○升陕西右布政张维新为陕西左布政工部主事魏时应为吏部稽勋司主事陕西副使刘余泽为山西岢岚兵备副使起原任江西副使李开藻为江西提学副使

○甲辰大学士赓以在告久再请枚卜

○总督三边军务回部协理京营李汶乞归不允

○光禄寺少卿调佥事周应中革职闲住应中初有清名而性乖蹇忤物坐左迁王官久之有念其介贫者起湖广佥事遂颇治生而乖蹇如故寻升光禄寺少卿湖广巡按史学迁因劾其贪黷诸不法事坐再调佥事乃上疏自白其为佥事时所存贮地方九千余金册籍具在宜行抚按查核且乞罢黜以终余年都给事中梁有年等劾应中在楚诸贪黷状与楚抚按所劾语皆琐屑不可闻于是部院论应中逞臆奏辩期挠察典乱 天听宜依被黜官员摭拾妄奏例发遣口外为民参酌情法以尝破例起用者量依不谨革职闲住

○兵部题失机守备杨松荫革职守堡官薛邦魁官承爵等各行巡按提问副总兵姜显谟革去府衔充为事官戴罪管事宁前道副使马拯尝催督犯阵免究以去岁十月班白犯宁前事也

○升考功司郎中耿廷柏为文选司郎中升工部主事施尔志为都水司郎中管河北务

○南京科道糾劾冒濫京堂湖广巡抚易登瀛福建巡抚徐学聚宣大巡抚霍鹏南京太常寺卿顾云程等

○礼科右给事中汪若霖疏言会试分房定数积习难开使材士拘而多溢庸流幸而取盈甚乃视力巨细为士昂低至令主者不得其衡甚无谓也又至廷试甲次高下亦视阅者爵之崇卑又有收卷等官徇私暗记若探囊中取效不爽无法甚矣特乞 严旨申飭务破各房拘挛之局多者多录少者少收取舍既定然后哀多益寡因文申乙仍分各房至于廷试收卷宜令监试御史同礼臣严查信手分送读卷诸臣亦宜冯文是取勿以官爵崇卑漫为高下一切苟且开新进窥阍之端中又言广额事然法卒难行是科额亦不增

○戊申兵部覆议中都武平等卫催徵见绝军粮见粮限本年三月绝粮限本年四月各完报到日令原角□羊官员将应扣不到者径送太仆寺贮库又照本部节年班银老幼逃亡不到等项扣过四千三百五两有奇见贮武库司并三十四年秋班京营不到班军应扣二万四千八百七十一两有奇见在各班都司收贮其见到班军即于前项不到应扣内借支候到日交补其扣贮武库司老幼银两并汇角□羊太仆寺以后春秋二班官军到京听巡视稽核外本部管班验收发营即令下班回卫不得潜住京师其老幼绝丁选汰更补即督发上班务在七月初旬到京应支月粮随军起解不许领操官员代角□羊侵渔从之

○陕西巡抚顾其志劾梁永乐纲毒宪臣发咸阳帝王陵寝及凌逼士绅招纳亡命侵没良民数十家私抽税课二十余万请依程守训事拿问不报

○总督宣大兵部右侍郎右佥都御史郑汝璧告病许之汝璧之抵阳和也阳和守将侦言五路台吉出白海子约万余骑挟赏叩边汝璧时方抱病意五路跳梁边新易帅复有前日新河之事乃调诸将分兵守险留麻董二帅与口议帐下久之虏骑不来稍稍来讲旧赏寻擒送史酋之赉亦复贡马如平时巡按乔允升言五路夷酋虚声要喝督臣抱疴破胆张皇始则集兵糜饷以自防继则委心加币以媚虏盖本宋一韩< 足 铨-金 >也汝璧< 足 铨-金 >言御虏之要我弱则虏肆侵袭我强则夷知敛畏五路老奸巨猾在夷中最为梟獍新河得志至今猖狂若非集兵大创则将来边事愈不可支且宣大款和岁深兵将久弛三十一年虏王临边总督杨时宁尝调闲将麻贵马孔英麻承恩刘承嗣四将臣用故事量檄将兵分守隘口以备不虞其后虏知内严逡巡塞外讲讨先年史酋旧赏金蟒水獭又据顺义王亦屡使代求缠绵不已向使防御不先则虏谋益炽脱有不测则总师谓何今抗虏无犯尚有媚虏糜饷之讥傥蹈新河之辙又将坐以何罪乎于时廷议方未有定也允升又揭言五路入犯之说皆发于守备燕宾欲加宣府之赏借虏以喝督臣即五路之贡马顺义王之代求皆守备实导之于是督臣始谢病去然督臣亦实病不能任边事如延绥时云

○先是长昂之事科臣与督抚论左至是兵部覆言中国之驭夷狄在察其情形之顺逆以决剿抚之机宜而已故顺则抚之以款来庭逆则剿之以威不轨然必权自我操而后虏为我驭即如昂酋豢养多年忽云勾引入犯又忽而哀求补贡至责其勾犯之由则谓原未同行诘其愆期之故则托于加添表里先后矛盾词语支离前此入犯蓟辽形于各处之节报者侦探岂尽无因后此原未同行出于夷使之坚执者偏词奚可尽信此而不亟为议处是向背变幻虏操其权我受玩弄夷狄纵横渐可长乎唯是补贡马匹业已入关难复拒绝以失信于外夷而前车之覆后车之戒更须严处以伸威于中国合行该镇详查如长昂等酋勾引情真自当声罪致讨万难姑息抑或西虏藉为虚张昂酋因之要挟即当查照往例重加革罚是在督抚身任而详议之非臣部所得遥断而中制也于是旨下俱如部言但著抚按从长计议应剿应抚酌定胜筭务使操纵万全毋得互持意见推诿以误封疆

○己酉巳时黄雾四塞

○大学士赉以 圣谕< 足 铨-金 >谢复请枚卜及考选诸事言臣在床箠捧诵纶音知臣苦心已谅于 圣衷海内所责臣望臣者尚有表白之日然臣老病阽危身如风烛一气不续便隔人间伏望 圣慈先急此一事随于前揭考选科道点用大臣等事接续举行不复姑待则中外臣工信臣者必与臣一体同欢疑臣者亦如见日之雪顷刻消化则臣进退存亡绰有余裕矣

○兵部又覆宣大疏曰五路夷酋先于万历三十二年入犯宣府新河口地方已该

户工二部库局皆有专管今以官爵较钱谷孰重孰轻当于司臣中设管库主事一员专管册库四方文檄逐日登注各司升官拨吏先三日移手本册库查明方行升选取拨每日封固直夜巡逻则吏书奸窳庶可小清又文选考功主事各二员而验封稽勋仅各一员官少事烦宜于验封更设一员与主库更递为用量移户部司官径省一员庶事集而官不冗又如两直江浙福湖河山东西川狭各一员两广共一员合十二员而两直旧多二员云贵两广只共一员屡有不平之叹议以十五年三选二次两广一次云贵其册库验封添设二员一以待云贵之简用一以待江浙福湖等省之缺乏虽为地择贤不为地设官而因时革俗亦救偏补弊之意也先时吏部题推司官云贵两广时亦简用及后推皆两广而题疏犹以云贵两广为名工科给事中王元翰言云南吏部在成弘间则有张志淳为文选至户部侍郎在嘉靖间则有赵汝濂为考功至副都御史有张合为稽勋郎中在正德间则有杨一清为冢宰出入将相身都宰辅 皇上初年则有严清为冢宰清品重望著于士林欲修典故以饬吏治故时乔议复册库亦致意于文献焉

○辛亥以日讲吉期恭进讲章

○壬子以 圣母万寿节补赐辅臣赉白金五十两纁丝三表里及讲官李廷机银币有差

○起原任贵州参政袁应文为湖广按察使备兵靖州

○升陕西肃州兵备李楠为陕西左布政

○甲寅西朝房火兵科右给事中吕邦耀疏言朝房者臣子退居之地听钥之区一朝煨烬岂属偶然 皇上天纵神明可超三迈五然迩年以来独馭区宇之意胜信任群下之念微挠其职而并弃其员疑其人而并吞其事燮理不闻枚卜喉舌半属代庖禁錮者赐环无期考选者河清难俟甚至馆选四年不散直指数载无人用者不必贤贤者不必用公论以为宜去者不使之去愤盈之气蕴崇以为内灾宜居者不使之居燥郁之蒸炎歊以为外灼朝臣不具焉用朝房爰命祝融付之烈焰为灾虽轻所关实重乞速简阁臣开言路使在朝者各陈其力营其职在野者各访其行复其秩则庶官无旷 上不难为有虞之敷施而天工时亮天不难为 冢之纯佑矣刑科右给事中曹于汴亦言朝房者朝臣栖息之所今阁臣不简大僚不建庶官不修言路不擢职既废矣房于何用昭昭之表实藉是以牖 圣衷宜亟行四事以答 天意不报

○乙卯易州神器库火

○礼部左侍郎李廷机请亟补讲官不报自辍讲来讲官无事唯依期日进讲章廷机独任久之去岁以人言乞休遂辍草者三月前后请疏凡十数上俱不报

○户部尚书赵世卿告病不允

○监广宁门赵禄监候处决邢朝王奉张宪发边卫充军从科道法司之议也

○丙辰赠故户部左侍郎董尧封为户部尚书

○南京刑部尚书赵参鲁告病不许 ○南京四川道御史李云鹄论陕西税监

梁永均州税监黄勋宜画法究治不报

○河南鄆城县民王就见奏知县杨师震贪虐残民以窝访毙其父之瀚故

○刑部审实钻买举人监生乔可望等追赃枷号发遣

○丁巳湖广黄州府民萧继先挟疏奏推官高维垣枉杀其父持刀至保定门自刎不殊为巡视所缉事下法司继先亦自以窝访讎法卒不为维垣罪云

○戊午以拟大学衍义补序成赐辅臣白金三十两彩段二表里又以去岁二次年节补赐辅臣白金八十两彩段四表里及讲官李廷机有差

○大学士賡以科臣汪若霖有〈臣疏〉疏—金〉又恳请枚卜简用考选等事自宋焘之攻辅臣也辅臣奏揭哀恳始有次第举行之命及是科臣汪若霖又〈臣疏〉疏—金〉言国家内阁之地号为政府谓 皇上心膺所寄天下机务之所从出也自古安社稷享无疆者皆在人主任相臣相臣以天下自任故曰尧以不得舜为己忧舜以不得禹皋陶为己忧今 皇上之于辅臣昼接久停补牍鲜应似乎有釜鬯不贯之象然所与图事帷幄共进退天下者舍辅臣其谁夫使辅臣内托帷幄腹心之重而外得以釜鬯之迹自角□羊于天下此最天下之隐忧忠臣所嚼舌不敢尽也今 皇上之谕辅臣曰屡揭忠爱稍俟次第发行夫如辅臣所请择相用人此可片言而决耳而朝野延颈又且踰时窃恐皇上徒以是慰藉辅臣而辅臣亦遂从容不密察于泄泄之戒则天下事嗟无及矣今之谅辅臣者曰彼未尝转一殿加一官谓 皇上之不任辅臣即辅臣亦曰吾非不苦心苦口而不信于 皇上夫使辅臣不受任将谁任之使辅臣不见信又谁信于辅臣者宰相一身上毗天子下系四海之望宜皂然竖立为社稷恤无疆非苟而已也其意甚切劘辅臣然犹谓辅臣宜重任事不宜轻为去就于是辅臣亦〈臣疏〉疏—金〉言臣自当任以来一善无成一筹未展 皇上虽不疑臣而苦诚未通精神未买臣不能不拊心自疑臣虽不敢展转谢责于天下而内无心膺之效外似釜鬯之形臣又不能不拊心自责自责自疑臣将谁诉况以厝火积薪之势天下事不可知风烛旦暮之身臣命又不可俟而 皇上曰稍俟次第将俟何时乎臣尝自谓论身名不但去为幸死亦为幸论分义不但不敢去亦不敢死昔齐桓公任一管仲仲且死不能劝桓公用贤图治宋臣苏洵不责桓公而责仲不当死今臣无管仲之功有管仲之任及是时不见

皇上所用何人而澹然以殉万一仓卒求人不得臣何以谢责于天下万世臣故曰不敢去亦不敢死也今 皇上见眼前承平无事谓守印有人事亦寻办何以多为不知人尽支吾事多补凑积废既人危乱必生一旦有急为 皇上心膺股肱耳目者谁区区一二老臣形枯影单中外缙绅志消气索呼之不应招之不来天下事有不忍言者矣大率亦推引若霖疏而若霖宋焘自是与内阁齟齬

○己未宴朵颜等卫夷人

○辛酉祀 历代帝王遣英国公张维贤永康侯徐文炜怀远侯常胤绪侍郎杨时乔游应乾分献

○刑科给事中周曰庠请革九门门税不报

○直隶巡按杨廷筠表扬节孝贞女薛氏长洲人节妇徐氏郁氏常熟人钱氏丹徒人贺氏金坛人孝子高承顺华亭人

○罢职文选员外蔡应麟援恩诏自白不报

大明神宗显皇帝实录卷之四百三十

明神宗显皇帝实录卷之四百三十一

万历三十五年三月甲子朔

孝肃皇后忌辰遣官往 裕陵行礼

○缓浙江织造岁运从浙江抚按之请也先是万历三十三年题派各项袍段二万余疋料价三十八万三千余两计三分派办户四工六共办二十五万五千四百余两该省自办十二万七千七百余两共作十运每运三万八千三百余两每岁两运除完四运外尚六运未开而工部四司料银题留已尽户部京储又乏江西所借协济之数亦穷浙江抚按屡以民穷加派为忧工部侍郎刘若霖乃请宽限以纾民力每岁量停一运每运分为二班春秋角□羊进盖运缓数分则区处有方物力易集乃依万历二十四年五运分作十运春秋起角□羊之例议上从之

○丁卯升宣大巡抚右佥都御史马鸣鸾为兵部右侍郎右佥都御史总督宣大山西等处军务兼理粮饷时同推者刘四科李三才孙玮并鸣鸾凡四人

○刑部审杨致中拷杀郑光擢事光擢子道直以父四品命官既经相验乞免蒸筒然犹洒刷覆验以服中故也

○故户部尚书贾应春孙贾名佐准入监读书

○庚午巡抚保定督关右副都御史孙玮以考满荫子入监读书

○户科都给事中姚文蔚等论税监梁永毒按臣事不报

○户部尚书赵世卿请点用左右侍郎报闻

○云南巡抚陈用宾以地方重灾请蠲各省小税不报

○辛未大学士赓复入阁视事先月戊午辅臣< 硃-金 >上良久有旨以廷试届期趣命入阁辅臣再< 硃-金 >陈谢益陈诸时政所不可已状 上心许之也是月戊辰旨谕辅臣朕览卿奏忠诚敬慎远虑周详嘉尚弗已枚卜阁员朕知道了简任大僚及考选科道诸事俟即点简发行政府久虚廷试在迩卿疾稍愈宜即日入阁佐理以慰伫望于是辅臣遂入阁再请枚卜简用考选诸事 上甚嘉悦又谕以勉力尽职弼成化理毋怀疑畏之心

○都察院署院事左副都御史詹沂疏言今清明届期 陵寝祭扫额用御史监视查故事用御史十八员迩者减至九员今在京御史除以病注籍外仅二三人无可应者禋祀大典缺焉不光宜速行议补不报先一日吏科给事中熊鸣夏亦疏言前月晦日闻会推宣大督臣集阙下者仅三侍郎一大理卿四人而已堂堂 圣朝何遽乏人至是今

廷试届期大臣读卷官旧有定数查上年登科录尚有二大学士四尚书一左都御史乃今则司马久已杜门司农尚未视事区区一阁臣未知果否趋朝傖阁臣正卿俱未出而列之试录以传天下载之史册以垂百世谓今日何如景象乎俱不报

○蓟镇总兵尤继先革职听勘从宋一韩之劾也所带夷丁著延绥督抚酌量安插无貽边患从督臣之议也

○以陕西贡市叙功荫故户部左侍郎董尧封一子入监读书

○壬申兵部尚书萧大亨请用左右侍郎报闻< 銮-金 >于是三十一上矣

○署工部事右侍郎刘元霖以大工方兴请用尚书及左侍郎报闻

○升山东右布政李同芳为左布政 ○癸酉以遂安伯陈玮为后军都督府佾书管事保定侯梁世勋为右军都督府佾书管事

○甲戌清明祭 长陵 诸陵遣隆平侯张炳保定侯梁世勋怀宁侯孙承荫阳武侯薛濂平江伯陈启嗣应城伯孙廷勋南和伯方< 火节 >彭城伯张守忠伏羌伯毛国器各行礼

○原任大学士张四维嫡次孙翬补荫入监读书

○乙亥吏部题廷试读卷官大学士朱赆户部尚书赵世卿吏部左侍郎杨时乔礼部右侍郎杨道宾黄汝良刑部右侍郎沈应文工部右侍郎刘元霖副都御史詹沂大理寺卿郑继之詹事吴道南庄天合等十一人

○蓟镇密云军士缺冬十二月正二月粮借支京粮库银十万从户部之请也

○工部右侍郎刘元霖以大工役重请简卿贰不报 ○升工部郎中杨俊臣为云南参政山东按察使章邦翰为山东右布政户部员外曾应桀为桂林知府

○戊寅廷试礼部贡士施凤来等三百二人制策问曰朕惟帝王执枢立极必使天下由惟一道心惟一心书称皇建其有极用敷锡厥庶民极者圣人所定天下之趋而一其心也然有猷有为有守皇则念之矣不协于极不罹于咎者亦受而锡之福何欤岂王道荡平由之则是苟羞其行皆可近天子之光欤后世极之不遵斯有岐路有岐路斯有二心人务自全官不任事而国受其敝然则皇极可弗行欤稽之载藉有言君臣同体岂可徒事形迹者有言百官得其职则万事得其序者有言中人以上处置得宜皆与全材无异者与皇极之旨亦有发明欤洪惟我 太祖高皇帝创业垂统立教万世尝谕廷臣曰天下苦无难治第君臣同心一德一虑则庶民万事鲜有不康又曰居官者大小不同各尽其职而已昔范文正凡日所为必求与食相称有不及必补之贤人于国家尽心若此朝廷岂有废事煌煌哉真建极锡极之谟矣朕夙夜祗绎罔敢怠宁亦冀尔有位同心戮力急公忘私以匡朕之不逮而迩者人怀疑二事多因循纪纲日坠风俗日偷职业日废议论日繁岂自全之意多好于尔邦者少欤不然毋乃锡极者未至欤自今欲与公卿百执共矢乃心有俞弗无嫌猜有异同无甸域有好恶无偏陂有实政无虚谈究使上锡福下保极以庶几于荡平正直之道其何修而可多士尚扬确之毋讳毋节朕将亲览焉

○论甘肃斩获海虏功沙赖台吉处决梟示总镇李汶总督徐三畏总兵达云各加勋荫赐银币及诸将佐有差兵部尚书萧大亨原任尚书田乐户部尚书赵世卿以运筹各赐银币有差萧大亨加少傅荫一子锦衣卫百户

○江西巡抚许弘纲以守制不候代命于服阙日降一级调外申近例也会典嘉靖三年令各巡抚遇有迁秩或以忧去者必候代离任如违言官劾奏二十九年复有腹里抚臣不拘交代之议至隆庆二年复申前制督抚未交代擅自回籍者并参治许弘纲以闻父讣径归上疏自劾间言巡抚候代严于边方宽于腹里吏科陈治则等疏言弘纲引嘉靖中年之例而略嘉靖初年之文总镇一方封疆寄重万一不虞有如往年宁藩之变必难委于南赣抚臣安得借腹里以自角□羊免也急人子之私情轻国家之重寄未可以弘纲之贤过为姑息耳吏部覆上以隆庆五年辽东巡抚毛纲例服满之日降一级调外任又议以腹里量宽降调南京旨下竟依毛纲例不为腹里故宽云

○己卯 武宗毅皇帝忌辰遣官代祭 康陵 ○直隶巡按杨廷筠荐举隐士陈继儒继儒华亭人蚤谢青衿为古之学留心经济而澹于荣利不谈性命而渐于道德自嘉靖以来学者无先之者

○特许秦藩庶长子存枢封爵为郡王从秦王谊漈之请也先是万历十年礼部题准藩封凡亲王无嗣由旁枝进封者其子孙除承袭亲王外余俱依原封世次授以本爵不许加封又有庶长子改封者必妃年五十以上无出及已故乃许改封世子秦王谊漈以万历十三年封奉国中尉十四年以应继敬王加封紫阳王十五年进封秦王事俱在例后又妃年未五十存枢例不得封秦王以嫡长未建欲加封庶长为郡王以破旁枝嗣封原袭中尉之例援鲁府常德王寿鉉请敕管理府事为请然鲁府事与秦不类礼科以二事悬殊附会难通礼臣坚持不可停寝久之秦王又具疏七恳 上以情辞恳切且属首藩姑从之仍令诸藩不得为例礼科邵庶疏言国家之处宗藩体悉至矣以支属烦衍希望无厌不得已而束之于例盖例者画一之法上所不得徇下所不得借也今秦王以庶生第一子妄请郡爵知例之不可徇而渎奏不已特请御批 皇上亦知例之不可借而念其哀恳特许郡爵令诸藩不得为例臣观诸藩所观望者唯秦而已秦为戎首以破例为例则后之援例者且纷然而未有已也例为诸藩共守之法 祖制亦无首藩特异之文今日据例以却一秦其体顺其辞省他日独伸秦以黜各府其词碍于体更难乞敕存枢仍就原封俟妃年满改封世子以遵成宪不报

○庚辰礼臣李廷机复据例奏曰秦王谊漈系例后进封其子存枢系庶长子嫡妃年未五十嫡长可建则有原封中尉之条倘庶长终立则有改封世子之典总之不得冒封郡爵臣前后两疏言之甚详 圣心想已洞烛乃以秦王固求又破例而与之臣思皇上所约束诸藩与诸藩所听 皇上之约束而无敢辄者唯有此例即 皇上所与责报诸臣与臣等所朝夕奉持图报于

皇上者亦唯此例在也旧章一紊幸门日开虽视为一时之权宜而其末流有莫知

底止者矣毋使天下后世谓藩封之坏自臣等而始是臣等所不禁为此喋喋也疏上俱不报

○两广督臣题交南应袭事礼部再覆许之交南之乱黎莫互起绝贡者几廿年万历辛巳而后莫茂滄死交人立黎维邦维邦尚未贡维邦死黎维潭立尽逐莫氏叩关请贡以维潭为都统使给银印事在万历丙申岁至是维潭殁维新当嗣表请再给银印镇臣屡勘无它乃许铸新印授之随表谢奉贡如常然自莫氏以来虽称都统而帝制自若朝廷即给银印亦不遣册命令叩关祇领而已维潭而后稍恭谨施于维新自黎之再立至维新凡三世

○以甘肃擒虏功加前辅臣一贯鲤各荫子赐银币有差辅臣赓加少保进武英殿大学士改户部尚书荫子并赐银币

○升刑部郎中舒体宸为汉阳知府淮安同知张邦政为巩昌知府

○右中允郭淏守制归

○辛巳赐一甲黄士俊施凤来张瑞图二甲王光经三甲董承诏等各出身有差

○通政使沉子木乞休不允

○永安地方失机守备杨湛参将吴宗尧等各革职提问

○覆延绥巡抚涂宗浚陈安边四事一明节制以肃军政一简有司以振吏治一革流弊以裕军实一清班价以裕城守兵部覆上二事其明节制大率言营伍不立士不用命也其清班价者曰延绥一镇边长千里而防兵仅五万有奇先年调集西安潼关蒲州南阳颍上宁山各卫协防嗣以各卫远近不等西安三卫稍近准留戍守南阳三卫稍远议扣月粮徵角□羊资修今法久币生南阳隶上历年积欠至四万一千有余宁山一卫亦踰一万四千此皆该省司卫欺慢所致且近日常乐等堡边垣沙壅虏骑闯入防御为难扒除之费动以千金库藏空虚咸赖前银以为支费业已移文催角□羊宜敕各抚臣严行参治从之

○壬午大学士赓兵部尚书萧大亨等各辞赏不允

○癸未南京兵部尚书赵参鲁加太子太保给诰命

○巡抚宣府等处右副都御史马鸣鸾辞职不允

○巡抚保定等处右副都御史孙玮辞荫不允

○甲申大学士赓疏请枚卜简用考选等事诣文华门素服俟命

○户部计天下岁欠金花绢布苏松两府自万历十四年至二十五年所欠金花四十八万有奇自二十一年至三十四年布疋之欠共三百一万余疋江西金花三十三年欠踰六分三十四年金花布疋各欠全分丝绢自二十一年至三十四年欠八万二千余疋湖广称是而苏州一府欠至十四万三千余疋浙省所欠亦踰三万户部疏言常供岁额负欠甚多动数十万不知此数十万作何下落云见徵在库何为徵而不角□羊云别项借支何为借而不补去岁题准银到三日不送责在部司文到三月不角□羊责在省

直赫赫王言弃寘如昨岂尽奸民抗玩以至于此灾祲之减搜括之穷诚亦有之日者两奉恩诏俱有蠲免民已欢舞仰颂 皇仁乃诏墨未乾旋为反汗一旦诛求谁能堪此与其敝唇腐舌取盈于必绌之数无益而徒劳孰若损虚就实庶几于易办之常力少而有济议将二十八年以前姑行蠲免特申饬二十九年以后尽数角□羊完如此则部臣得以催督有司无辞推避亦救时裕国之权宜也

○乙酉大学士賡再理前疏请先补吏部尚书及左都御史不报

○湖广巡按史学迁勘结诬奏白郭正域事也先是楚王以夺宗之议谓正域私恨故摭正域四事其一言正域初隶护卫父郭懋与户首郭宇竞田为恭王所持遂营改武昌一言正域住宅与卫衙相连乃割经历基地以广其宅一言正域家人郭顺等占楚府祚子矶等处山场一言正域修江夏县志创立侯王传刊播愍王过迹有旨行勘限本年完销于是三年矣史学迁乃勘言改卫事在指挥郭宇以私侵军粮发偏桥充军其子袭职乃调武昌族籍随官非正域事又护卫衙门经历地基故础俱存正域住宅自有界址与卫无涉祚子矶山场已属宣化王府给帖谕课票收具在愍王世子英耀杀父事已载楚纪通志等书非正域之所私创凡四事皆与正域无涉则正域初无恨于楚王楚王亦不得以此为正域累盖楚王初上疏亦希当道意为应敌之兵及事久情见而其诬始白

○丙戌大学士賡再辞恩荫许之仍赐斗牛裘衣

○丁亥升陕西参政王应吉为按察使户部郎中柴应乾为济南道参政兵部郎中姚孟昱为关西道参政吉安知府王浩为河南按察副使

○戊子赐辅臣及讲官银彩银铤王□车渠等扇

○大学士賡再理前< 〇〇〇 铤-金 >请散馆事言旧辅沈一贯以科道八人迟留二载贾怨至今前车不远乞即日发行以保恩德云

○南京兵部尚书孙矿题称留都营兵额数一十二万七千有奇万历十三年尚四万四千九百至三十四年实在之数仅三万六千一百余员视原额不及三分而较前又减八千八百及今不处必至无兵议将在册余丁挑选精壮发伍操练每年终仍将选补实丁照例奏报从之

○朵颜卫夷人伯革满都孛来杜冷等求添三表里衣服随贡关领查无过额从之

○南京兵部请添设中军标营将大教场八营见操军士选一千余名设中军参将统练从之

○工部题称本部四司额设料银存留改借那移已尽除内府年例及夷赏柴炭外恭遇徽号册封传派并桥梁河道经费动数百万而永思王慎嫔隧道 感思殿各陵工又动数十万四司艰难无过此时而各省怠玩积今十年逋负愈多按籍稽查所欠料价踰九十六万而殿门大工约费且盈千万若非勒限督催则库藏日竭工程不就内供必缺乞严敕部臣移文各省直抚按所属正官除已蠲免外自万历二十六年起至三十年止为旧欠严限带徵限两年销缴自三十一年起至三十四年止为见徵催令速角□羊

年终类查未完参罚入考成为例从之

○己丑春分祭 大明于 朝日坛遣官行礼

○兵部题郟阳巡抚标下中军系行都司佥书兼理不便宜照各省裁去管屯都司专设中军一员从之

○调前广东参政袁茂英为四川参政

○庚寅升山东参政徐梦麟为按察使刑科都给事中梁有年为山东参政

○辛卯河西备御王嘉评以迁延违限著御史提问

○蠲免河南裕州沈丘□丘永城虞城夏邑舞阳叶县上蔡新蔡西平遂平等十二州县新垦逋粮初河南抚臣沈季文称诸州县逋粮委为荒地未就熟耕自二十九年至三十四年所欠宜悉蠲豁三十五六年开耕熟地除二年为牛种之费至三十七年乃可起科户部以岁入已绌而蠲免数多六年积欠一十二万有奇悉与蠲除已称浩荡三十五六两年见徵熟地该银三万四千九百有奇若欲免徵于民自应本省曲为设处或摊派于丰收田粮之内或括取于州县赎陂之余照数输补庶上不病国下不病民从之

○礼部左侍郎李廷机乞归不许沈辅之去也以癸未馆师疑有授秘密于廷机者遂以依阿中之廷机累疏求去至是御史李云鹄又以择相事预诋三人以周应宾为奸谄黄汝良为阿媚廷机为媚嫉廷机疏言世人视位太重视人太轻不知天下未尝无人人固不以相不相为轻重也臣之愚性不媚善而嫉恶每诵古人不恃不求不可得而亲疏心尝慕之自臣入官二十五载所经执政十余人或座主馆师或词林前辈臣耻扳援臣官亦无待扳援而诸执政亦无不重臣爱臣者如前首辅沈一贯乃臣馆师昔所教习臣即耻为藤萝而人世能无瓜葛或旅进而投刺亦词林之礼或日久而一见亦师徒之情不求差不求升不毁誉一人不预闻一事亦可以无愧矣徒以教习之始致生疑端又以乞休不休致滋多口譬如本无贪酒嗜炙之情而经酒肆屠门之路惟有疾行灭迹之为快耳< 躡 毓-金 >入复以直谅见褒黄汝良亦具疏乞归不允

○中允陈之龙回籍听覆以御史宋焘劾故

○升文选司主事李延大为稽勋司员外

大明神宗显皇帝实录卷之四百三十一

大明神宗显皇帝实录卷之四百三十二

万历三十五年四月癸巳朔亨祀

太庙遣官恭代行礼

○命淮府顺昌王子载圭袭封郡王万历十八年王厚琯薨载圭生己二十八年矣母杜氏庶也宜改封长子以贫病踰期十五年始请改封又王薨后十五年始请袭爵礼部以过期久下抚按覆勘无它乃许袭封郡王

○左副都御史詹沂乞休不允

○甲午大学士赓请枚卜及散馆授职诸事

○乙未下前月丁丑内阁所题散馆疏授庶吉士王家植何如宠黄儒炳龚三益骆从宇各编修徐光启彭凌霄刘士骥周炳谟钱象坤丘士毅陈五昌黄立极王缙各简讨姚士慎江灏戴章甫为吏户礼等科给事中李应魁邓澄唐之夔为浙江福建湖广等道御史

○授一甲进士黄士俊翰林院修撰施凤来张瑞图各翰林院编修

○户部议屯粮依旧令卫所屯官催徵先是御史吴崇礼议更屯政以屯官收徵染指钱粮课额日亏宜将屯粮归并有司事下部议屯院以有司徵屯有五不便地方远近之不相属军民纷扰之不相制徵角□羊之难齐科罚之太刻有司屯官之交病似不必过为纷更唯慎法择人剔蠹厘弊在当事者慎图之耳至是还行屯院及巡按巡关各御史督令卫所经历管屯各官照旧按徵有侵渔染指屯田御史据实题参本部据法议处而已

○中允陈之龙许回籍养病初御史宋焘以散馆故拂意于靳县而之龙为靳县亲属任情不羈宋焘乃指为天下第一佞邪至举祖珽事以衄之既回籍听覆矣至是吏部学问闳博但才情任达以致节目多疎既经指摘宜调南京以需磨练又以史局资深转坊未久别请宽政 上命遵前旨著養病去

○以宁夏功加前太子太保南京工部尚书叶梦熊荫子于原职上量升一级从其子锦衣卫指挥僉事叶世仍之请也

○复宰赛市赏梟哈大得棒以示关外自长昂复贡而后宰赛复请开市执哈大得棒以解新河之忿督臣以河西未定重失五路心乃疏言宰赛自绝款以来垂涎市赏之利屡因北关夷酋扣关请罪且谓当时杀虏官军乃部夷忿激本酋实未知情业已缚献凶夷送还尸首军丁马甲文遣中军钻刀说誓求复市赏词若恭顺情亦可原兼之河西幼酋未振虏正严防我难轻举议将宰赛市赏暂准开复亦谓饥附饱扬乃犬羊之故态欲取姑与亦兵家之经权也至于按臣勘明失事各官如李丛梧张汝政万全曹文焘等或乏固圉之防或无应变之策或袖手于同舟或疾视其长上故违军法边戍何辞王绍芳等或先驱后期或探报讹谬俱应分别以示创惩熊钥死事甚惨宜优恤以慰忠魂于是兵部覆上李丛梧张汝政等各发大同平虏等卫所充军熊钥后准袭升二级兵备杨位免究余赎决有差盖自属夷不靖以来文臣备兵率从宽政无重处者

○吉府戚属指挥张国珍革去管事差操仍令原卫带俸故事武职与王府结亲不得营谋管事见任附近者辄调五百里外原带俸者存留俟亲尽乃许推用张国珍希图管操吉府具奏 上命裁之

○工科右给事中王元翰疏言臣待罪工垣巡视节惧库盔甲王恭二厂业已年余每思国空虚又急可缓之工而饶无名之费每一兴作库藏发百万朝只得十余万之用库藏发十万朝廷只得万余之用所以然者题请出自内廷取数不由工部使朝廷以浩费而穷事功不当古人之半百姓以剥肤而困膏血不佐公家之需虽有管仲刘晏不能

理今之天下矣臣敢以身经目击库藏事宜条为数款冀 圣明览焉一议题复凡遇兴作修缉内监题三分该部看覆只宜二分留一分为节省美意即二分中冒破已不费矣臣经收桥梁与 感思殿钱粮二次合计十余万金不唯掩少为多将恶抵美即一木一缕具足具精才过眼即为乌有矣可见足数欠数总归无用派三办一已足为会收者解嘲使朝廷受节省之益矣一议对同凡会收钱粮讫则本工移文列款于巡视衙门取相对而出也夫对同既出于会收之后则会收不久自当速出对同使铺口得实关领如臣三十四年三月内会徐范二主事修杨璋桥梁其实木料不过万金而众口啧啧谓费用之多必踰四万臣已讶其过当直延至八月杪始接对同阅其数则五万三千三百余两矣比旧闻又增一万三千夫以万金工本而铺塾与别费多至四万余金不大可骇乎臣虽裁其八千而五千余两竟不可诘此皆为对同出迟之故今使会收一月即出对同亦可以杜胥吏之那移苏罢口之痛苦矣其余议金派不许奸口讎报人户议覆实不许工役无籍收支议角口羊部不许行口赴领存留议止烦扰禁冒滥核夫匠及木口兑支必由科道查核皆清楚可行者

○兵部题总督宣大郑汝璧等各称北虏顺义王扯力克等恭进万历三十四年表文鞍马弓天乞将各酋部下效劳夷人他你阿不害等三十名俱量授百户摆腰台吉准升龙虎将军分给敕书摆腰台吉一道他你阿不害等十五员共一道哑不户恰把等四人共一道柴著倘不浪一道七庆倘一道大哑独智收儿七员共一道合大耳留霍伦石共一道各赴边适中祇领摆腰台吉原领敕书缴部会官烧毁从之

○兀者前卫都督佥事歹统孙伏哈换给敕书古城卫都督佥事小厮哈补给敕书各一道

○工科右给事中王元翰论枚卜会推事言九卿会推各书所举临时一楫漠不相闻监视科道随班画诺不知谁为谁举则安用会推为也且如南都缺吏部司官推至五六人江北无一焉世谓吏部不渡江广西缺巡抚推者八人皆藩省左辖京堂无一焉世谓香绢送远人夫一司官缺得一正陪足矣何必人人阑入以滋奔兢一巡抚缺得二三才望足矣何必尽数兼收以殉情面此皆会推之流弊也臣记万历十九年九月吏部尚书陆光祖尝论兰溪新建不宜以内降入阁办事有 祖制决不可废内降决不可开语随奉 明旨云原不为例以后还著会推未几而兰溪新建相继俱败盖内降既不可行势不得不详慎于会推之始也间引包孝肃王安石以风刺廷机盖犹牵于时论云

○云南举人杨提等请辟牂牁故道改云南驿递由广西府入广南府由广南府径抵粤西田州由田州入富川至三江口可以水道下留都可以陆道达湖广常德不唯宽夷足容九轨且较之走贵州者捷近三千里因言新道一开其便有五士夫口买舍险入平舍远就近愿仕其国愿出其途便一金石之贡一切贡奏不必西涉长江东防险巘便二贵州素乏钱粮赖滇楚蜀三省协济每至觐期驿递疲苦至移文云南愿开新路此路开则贵州物力可以息肩便三黔中苗贼充斥皆垂涎口贾口贾既由新途则贼自阻绝

诸苗窟穴不剿自无盗息地方无复追捕赔偿之苦使四云南远出贵州所以唐末五代不通中国为此一路迂回万山耳天下万一猝有缓急窥伺之徒以丸泥塞贵筑之扼不待玉斧一画自断为异域矣如新道开则东北者由贵州西南者由粤西并行不悖可使藩篱永设而黔滇俱存也便五朝廷心存其议事下该部自是多谈粤道者然滇道之出普安则实以黔故物力不通则黔中荒绝而滇北之道自嵩明以达马湖武定以达建昌滇南之道自广西以下广南广南而抵田州繁剧相等各历夷徼度其中道不如贵筑而谈者终以岐向不决先是数日有番禺举人卢廷龙请逐香山澳夷还泊浪白戍蚝镜故地事亦难行不报

○丁酉通州西仓火

○命皇太子第二子名由<□□木学>

○总督宣大马鸣銮以巡抚候代请于原推新抚连标张问达曲迁乔中点用一人以便赴任报闻

○戊戌银歹二酋犯河西凉州副总兵柴国柱破之斩首虏百二十八级总兵达云副总兵官秉忠等又破虏于红崖斩首虏百三十九级

○廷试就教举人三百五十名

○命隆平侯张炳管府军前卫事魏国公徐弘基以南京中军金书管南京后军都督府事

○巡抚河南右副都御史沈季文告病不允

○己亥广西巡抚兵部右侍郎杨芳以父时进故乞恤典部议以三品军功得及其父母量于本等发葬外加祭一坛从之

○原任朝鲜经略宋应昌男宋守一以父功未白改荫未定会朝鲜遣使入京上疏乞问陪臣以定前功不报应昌之定朝鲜也朝鲜人世祀之以不撤兵故罢归又以请贡故夺职于是十三载矣荫子不得锦衣去岁卒犹靳恤典故守一讼之

○庚子礼部以妖犯讞成请宣捷祭告择吉行事 上命祭告 南郊遣公张维贤北郊遣公朱应槐 太庙遣驸马侯拱宸各代行礼方妖民始祸兵部尚书孙矿以留都昇平日久掣肘事多民不知兵众思乘隙宜用重典治之 上意亦以为然也而南中议者不齐自正月己卯命覆功状往复者屡矣南刑部直以妖言律讞刘天绪等拟斩罪上上以妖党谋犯留都逆犯已著难拘妖言之律且人心未定法纪当严著法司再查往例拟议来说刑部侍郎沈应文乃以先年赵一平事上赵一平亦以莲教造谋发觉擒死各锉尸梟示朱子高等斩首余党重枷发遣有差乃定以刘天绪张名二名锉尸梟示龙凤王宗汪昇王起郭礼五人立时斩决崔文周鹤等十一人各著锦衣卫重枷发遣则犹比造妖言律也而部请直以宣捷为文是时南中讹言相煽追捕未已

明旨虽有胁从罔治之文而枢臣有去草除根之意先是正月讞方未定而妖榜再出杨珊杨子定首称曹大远朱铄复图发难孙尚书矿刘职方宇执之颇厉逻卒四出于

居民不无惊扰曾尚书同亨时为吏部闻之叹曰孙公之祸始于此矣然自有妖党以来动相部署枝蔓遍于州郡后十余年法纪陵夷邪谋遂炽白莲所在动烦王师人始有服孙矿之识者要其消弭存于治法未可以刑威胜也

○遣光禄寺丞李僚往河南山东催督光禄寺钱粮

○礼部左侍郎李廷机乞休不允

○升蓟镇管粮郎中李之芬为山东参议管蓟州兵备

○宿州卫指挥僉事沈大成以科敛军粮降二级发新安卫中所立功

○壬寅掌翰林院礼部右侍郎杨道宾请假不允

○癸卯大学士賡请亟简阁臣需命未下

○兵部题称禁兵久弛牌面器仗遗失参差查会典叉刀围子手额军二千名应牌一千面今食粮军只一千九百九十二名而铜牌少四名牌面随军亦其恒也至红盔之设与义围事体相同查原额金牌七百五十三面内损失一十三面时日不一尚宝司已节次参治矣至递年额领甲止七百二十五副盔止七百二十三顶金瓜四十把刀六百五十九把共止六百九十九件夫盔甲瓜刀宜与牌数相副而甲少于牌盔少于甲瓜刀又少于盔牒籍不存明徵无据谨行兵仗局造给以合令甲之旧并所少金铜牌令尚宝司补铸从之

○刑部右侍郎沈应文请用尚书左侍郎于原推中点用报闻

○以前南京文选郎中闵廷甲补南京验封郎中

○甲辰协理詹事府事黄汝良请告不允

○总督宣大郑汝璧以马鸣銮候代未得乞速用抚臣与鸣銮交代报闻

○乙巳 孝懿庄皇后忌辰遣官往 昭陵行礼

○丙午驸马都尉许从诚母王氏乞祭典如例合葬与祭一坛

○故巡抚湖广副都御史孙坤孙男如兰乞祖母刘氏祭葬不得例仅与祔葬先是总督蓟辽万世德子邦孚亦为母杨氏乞祭葬援张国彦妻蔚氏李化龙妻王氏例礼部以二氏已赠夫人杨氏未赠夫人亦不得给工价祭葬

○丁未廷试岁贡生员前试举人就教者浹旬矣命犹未下

○藺州夷目阎宗传等攻掠永宁普市摩尼等处自奢效忠死陇续二妇治民相攻世续匿印以私阿利朝廷必得印以授崇明无臣遣帅下藺州问匿印事世续傲不承也都司张神武遂执世续世续言印在镇雄陇澄处陇澄者水西安尧臣也陇氏垂绝尧臣入赘遂冒陇姓方平播州叙大水田功状时皆称陇澄不知其为尧臣也尧臣既外怙播功内伏水西有据镇雄制永宁心而蜀抚按以尧臣非陇氏种无授镇雄意尧臣以是怀两端阴助世续意世续得授阿利则已据镇雄益坚又朝廷方厌兵宗传阿利等驿骚已可卧取陇氏也而阎宗传等每焚掠必称镇雄兵以怖诸部川南道梅国楼所获俘蛮丑者言镇雄遣将鲁大功督兵五营屯大坝小西兵已渡马铃堡约攻永宁而普市遂溃宗

传等以空城弃去奢崇明又言尧臣所差目把彭月政鲁仲贤周宗岐阿德等六大营助逆不退声言将抵淑南攻永宁泸州于是总兵侯国弼游击周敦吉都司张神武等皆归恶于尧臣巡抚乔璧星巡按孔贞一先后暴尧臣所党逆状请敕尧臣撤兵还巢并献诸漏恶而张神武周敦吉等亦多所斩获前后所得唤者朗者皆镇雄夷目以责尧臣无辞也而黔中抚按以西南多事兵饷不支无意取镇雄尧臣因是以普市摩尼诸焚掠皆归之蜀将而谈者亦以贪功启衅为蜀将罪

○总督陕西三边回部协理京营李汶以甘镇叙功太重辞谢不允

○兵部尚书萧大亨辞甘镇叙功勋荫不允

○茂州革任参将金秉钺及把守指挥王继祖等十八员俱以抚番失宜科敛有据行巡按御史提问

○戊申命陕西抚按速处韩藩禄米以济贫宗韩府在平凉迫近边塞王禄三千石其自镇国而下至中尉女庶踰二千五百人每季需银二万三千余两该省以军兴繁费宗禄不支西凤平庆四府自万历二十八年至三十四年所欠二十八季约欠银六十余万矣韩王朗锜奏称贫宗在在枵腹请自二十八年以前奉诏蠲免者曲为议处于布政司所贮及西安等府太苑二寺所剩盐钞桩棚等项动支其二十八年以后乞照二十六年以前参罚事例将禄粮见徵一年带徵三年责成稽查户部覆下陕西所在查明上紧催徵从之

○总督仓场户部右侍郎游应乾乞休不允

○河道总督曹时聘疏言夏镇分司原管闸河上自珠梅下抵黄家运渠地方不过百里自梁境以下俱属中河故责任差轻自万历十六年黄河盛涨倒灌镇口遂议将梁境镇口并丁家集缕堤尽属夏镇责任已倍矣然此不过百五十里之河耳今泃河既开自李家巷至刘昌庄则系沛县自刘昌下抵黄林则入滕峰之境延长一百六十余里悉系漕艘使官仍主事则品秩未崇敕谕未颁则事权不重宜将夏镇主事改为郎中颁给敕书照中河事例庶事权重而臂指相联漕渠永赖矣章下所司

○庚戌总督陕西三边徐三畏疏言河套之虏与河东之虏不同河东之虏统于一故约誓一定历三十年而不变然且有五路之警河套之虏部分四十二枝各相雄长卜失兔虽为虏主然徒寄空名于上实无统驭之才四十二枝之中西路火落赤最为狡黠故其要挟亦最无厌而铁雷把兔则其羽翼为奸者也中路摆言太以父明安之死抱恨必报挟中国立庙盖寺金首银身铸像予祀给其原赏自十九年至今无岁不犯无岁不挟亦无岁不讲而卒不肯入我皋牢盖通套诸虏与之同讎而本拜等则同恶相济者也东路沙计妄争监市官索虎皮蟒衣恃其兄弟之多无岁不犯从来不受羈的而炒忽儿七台吉等其朋谋狂逞者也沙计之强不及庄秃赖秃赖之智足以役使诸酋诸酋款叛靡常则庄酋实为之主摆言太之强踰于切尽歹成而切尽歹成为监市官得以传谕诸酋使之就我戎索唯火酋桀骜跳梁自恣抚臣涂宗浚去岁七月入镇之时火酋以前四

月间被创之愤勾虏报复全套蠢动远近汹汹为必无延庆矣抚臣以三路长边踰千余里使同时入犯则防御为难于是因庄秃赖之投稟谕以恩威开神木之市以释其疑因切尽歹成之入见使之安心听抚无助火酋而两路之酋反面向内七月终旬摆酋以三千骑入犯我兵挫之于保宁八月初旬火酋以万骑入犯而我兵挫之于安边九月中旬沙酋以二千骑入犯我兵又挫之于常乐三酋递衄党与亦孤于是黄妇始率火酋叩关乞怜钻刀说誓臣思前此诸夷乞款非不卑词祈哀而口血未乾旋复悖约制驭之道在分之而已套虏众号十万分为四十二枝多者不过二三千骑少者一二千而已彼分而我专必胜之策也前此各夷求款东西各部来不同时卜酋威令不行狡夷反以后至挟我抚夷官急于成款或密许增赏或阴行文质苟且笼络不知夷欲无厌有许必责要挟不遂必至败盟今夷使面见抚臣约与信牌以别顺逆审界限以识地方先至者给牌有驻牧之安后至者不给牌有剿杀之令使千二百里之边分为四十二段之画冬深马瘦雪厚草枯正中国得志之时后至者惧我兵之捣其穴也于是铁雷把兔炒忽儿七本拜本把什力等各携三酋以九九进矣庄酋见诸夷效顺寝其雄心永矢恭顺数十年反覆之虏至今始成全局乞敕下兵部查议将火落赤摆言太沙计酋姑许自新复款以示无外之仁其原停市赏在三十年者照例补给三十一年以后系恭顺者挨次给赏一遵三十年 明旨随顺随抚随逆随剿之文毋轻听服罚及分外加添苟且开衅事下兵部知道然督臣意犹在战间称无事则汉过不先有事则应敌为后但以血战为功勿以邀功为罪云

○兵部覆议朝鲜与倭通好事覆朝鲜国王李昫之疏也倭自庚子而后物刀斩绌平秀吉死源家康擅政内胁秀赖外结高丽数遣使往来对马金山间六七年间赍书相望所刷还人口不绝朝鲜犹未与市往岁冬家康复遣使朝鲜自言已代秀吉为王尽反秀吉所为缚送癸巳时所发王京丘墓贼朝鲜亦茫然无辨之者而鲜僧松云自倭中归传家康语云曩自平秀吉要挟朝鲜犹以割地求婚质子为词我则不然愿两国通好而已往者壬辰遘衅之时吾在关东不与兵事师入王京关东将卒无一人渡海者而相视若讎岂不谬哉又刷还人口自肥前归多称倭距关都三百里内筑城诸岛均役唯对马一岛以寻和独蠲言和事不成则分六十六州趣半筑城趣半战朝鲜朝鲜亦微恫之也然家康实自以老故萨摩州而对马主义智调信景直等犹为平氏故独以和事责义智心急朝鲜恐一日失朝鲜欢而朝鲜实懦无讎报意至是王昫以倭情条上兵部覆议亦谓相机以御及时自固审利害察情实在该国自计难为遥度而已而釜山对马亦因是私款不绝后三年始画开市之事

○巡按山西御史康丕扬差竣陈便宜十事一包边垣以固堤防一清占役以实行伍一移路将以便弹压一稽市赏以昭大信一核夷马以苏军累一禁通虏以杜厉阶一核班军以济实用一禁接递以苏罢困一酌派引以省召买一严交盘以明职掌疏下兵部覆交盘一事而已

○辛亥遣行人李嵩丘懋炜往庆成东垣二王府典丧

○山东巡抚黄克纘疏曰明主之治天下所最留意者曰世道民生民不安生则群起而为乱世为趋利则群化而为贪昔年税使四出微敛口财无知参随激成大变致缙骑沉于江流多命毙于甑石中使灰于烈焰汲汲乎四海鼎沸矣当此之时害在民生咸以为掣回中使令有司自徵则祸可立止幸而 圣心悔悟罢矿分税归之有司虽税使未及收回而所以祸民者业已去其五六不意其害又移之世道而民生之害亦不能尽除也请就山东言之山东税银属暨监者系六郡包纳及割泰山香税原有定额属马堂者系委官收纳悉照临清钞关毫无增益视税监委官逆取悬殊然道路之口犹归怨有司则其故难言之矣夫口贾重利自其本怀税归有司而成数犹在查核稍严则谤讟群起且如临清税银钞关取一分有司又取一分一物二税孰能甘为输纳哉税使目不知书不诵法圣贤敛怨悖入莫之敢指若有司则 祖宗以来育于口序教以礼义被以廉耻与 皇上分理天下而使之日执牙筹与口贾较量锱铢宽之则常额不足罪在税课严之则群然侧目谓与税监无异为有司者常惴惴曰吾劾税监亦败不效税监亦败孰与劾之是不数年将令有司尽化为税使而后可也堂堂 天朝富有四海何少此数万金而为额外之徵令缙绅化为貂珣其貽祸世道岂不大哉诚愿 皇上守 祖宗之定制存维世之深虑图其远者大者内帑可发莫非民财常赋可供不必口税即时报罢使关市不苦叠征有司得存廉节其于民生世道均有赖矣疏入不报

○壬子掌翰林院礼部右侍郎杨道宾乞归不允

○巡按直隶钱桓奏留大名道按察使沈一中

○起简讨朱延禧为南国子监司业以未终制恳辞允之

○顺义王扯力克薨 ○癸丑礼部左侍郎李廷机乞休不允

○升文选司员外郎陈采为稽勋司郎中

○甲寅兵部覆杨提等疏曰云南孤悬天末万里而遥出入往来必由贵州贵州在万山中一线之路蛮峒夷獠出没其间宦辙旅装时遭劫掠虽使命邮筒往往阻绝其为行路之难久矣万一有警或扼吭而闭其息则滇中声援上下阻绝此数千里幅员岂中国有哉云南举人杨提等请开新路由广南而入田州良以新路既通分驰自便猝有窃发彼室则此通滇南赖以无恐贵州藉以无患于封疆计最深远但据所奏事关三省一应建置驿递费用必经画周详使粤无代滇受敝滇无使粤坐困是滇粤所当共为计者也至如新涂已辟而故道尚存每岁协济遂难秦越滇固不能不斟酌其间若夫裁永昌之兵饷酌钱粮之加派此滇之边务民情关系甚重非臣等所能遥度也盖提等多滇南人不乐走建昌一路议裁永昌养闲之兵兵部故难之 上命各抚按从长计议毋自分疆域坐失远图

○江西巡按史弼劾税监潘相李道等不报潘相之在江右激变者屡矣以督瓷出景德镇议造瓷船仿苏杭马快事为有司所持已对抚臣自悔其误又为参随所诬复执

前事诋及按臣按臣< 銚-金 >言马快之设只行于江左不行于江右江右由湖涉江沿二千里始抵瓜步道迂而甚险故留都之袍段以便水而之水江西之瓷型以便陆而之陆今以脆薄之型瓷犯波涛之颠播一运有虞必令地方赔补窑户更造竭膏髓而误上供谁任其咎且以马快等船五造三修一船之费计三百金十船之费余三千金又有水手工食编派须加于何徵给况陆地之搬运固云劳人而水次之牵挽亦须用众陆运罢而陆地之夫难裁水运行而水次之夫必倍是徒有节损之名反受劳扰之实也于时李道监税湖口诸粮船以验放差池锁缆江中一夕风起漂没五艘殒数十命沉粮五千余石又或为货艘冲失史弼于是连疏劾道瓷运乃停而道亦不敢复驻湖口

○通政使沉子木乞休不允

○乙卯总督陕西徐三畏请修筑延东一带土堡用甃石包砌先支班价银三千两发东路神木库收贮听支将黄甫川镇羌柏林三堡三月兴工当年报完清水营高家堡明岁报完合用夫匠于班军内派拨匠役粮米于各仓堡罚治至于建安大柏油永兴孤山木瓜园五堡俱如议次第可不烦内帑而固边防兵部覆上从之

○丙辰大学士赓< 銚-金 >请会推阁臣先是己酉赓以出阁称病遂乞骸骨上谕赓曰朕览卿奏知卿在阁阅卷过劳偶然眩晕扶掖而归心甚恻悯暂假调理少痊即入赞襄亟简阁臣及点补九卿朕连日恭默正思枚卜得人已知了辅臣亦翼日具疏谢恩而论者以为复有兰溪新建之事至是辅臣又上疏曰臣老病缠绵药饵无功唯有早推阁员付托得人则进退存亡绰有余裕此臣之本愿也昨奉 温纶有恭默正思枚卜得人之旨臣焚香跪读且喜且惧夫所谓恭默者得非口宗相说梦寐独简之事乎臣以为今之时与高宗殊异何也高宗传说无相知之素故以帝赉之奇托于物色今之在仕在藉者皆比肩而事 圣主功绩可考月旦可凭必付九卿科道秉公品题酌议停当然后疏名上请静听 圣裁是独断并观两行不悖臣前疏所云不失举朝之公论又不失 圣主之大权者也臣愤中不能事事而思及于此起而欲狂唯 圣明亟下会推之令旋即断自 宸衷顷刻而定则天下仰日月之明服雷霆之迅中兴大业在此举矣

○户部尚书赵世卿等陈会推成规言国家大臣员缺例用九卿会推其推时有立有坐凡阁臣冢宰大司马总督则立摧凡列卿长贰以及巡抚则坐推皆由铨臣程量资俸斟酌才品宣言于诸臣而后诸臣参其可否此二百年相沿旧制也迩年以来每直会推吏部止传单糾众至期则诸臣各举一人自书其名铨臣反引嫌避席拱手受成而已此近日创起新例也由前言之是吏部为主臣等为佐由后言之是臣等为主吏部为佐夫资俸才品铨臣之所素习臣等不过取办于临时漫拟于浮见而人执一意以挠铨臣之权岂惟误铨臣并误国事至如爰立一事自惟铨宰搜求 帝心特简必非众人所可漫拟而尝试且以黄扉重任反令诸臣得恣口而杂引之名分倒置甚属非体至于吏部司官所用员外主事不过五六品耳即宜铨臣专之何至亦烦会举举而至六七员之多乎此所关世道政体甚非细也盖是时冢宰久缺卿贰谢权又值 圣意不测每会推数

数不下即用一铨司亦屡奉多推之旨铨贰奉行之而已世卿故为权以奉铨部而言者又以铨部滥推为议

○曲阳县北岳庙树自焚枝叶自烬太原方山府中槐树亦自焚曲阳距太原七百里焚时同日

○戊午升浙江按察司僉事李作舟为湖广副使

○翰林院简讨周如盘守制归

○户部以盐法不修边□日困乞差巡盐御史不报 ○工部铺□王梁等六人以大工烦兴铺垫受累各赴午门声冤有司原之

○壬戌雨雹至于明日

大明神宗显皇帝实录卷之四百三十二

大明神宗显皇帝实录卷之四百三十三

万历三十五年五月癸亥朔

敕宣大督抚谕顺义部落不得久驻青海从甘肃巡抚之议也先是万历三十年冬顺义王遣使送小僧往乌思藏以夷从不多请涉内地遂得西踰洮河嗣后请迎佛僧欲寻故事有司难之而打郎宰生诸台吉与松海诸部往来常走边外佯借甘峻间以视中国意甘肃巡抚周盘言顺义王所遣头目打郎台吉等人马三百余名西迎佛僧随带之数动经千余第东虏先年送佛尚在青海今又西行迹其随带繁多似欲以青海为巢不复有东归之意傥来者日多往者不去集至万众屯聚海上将来必至挟赏挟赏不遂必与火永等酋西向为杂河西启衅实为祸端宜宣谕虏王将先后西行诸部落尽数撤回毋驻青海上然海虏自强东虏以僧故自走甘肃外中国亦无以难也久之卜失兔与诸台吉俱归而宣大诸边又微以僧故得顺义力

○甲子祷雨

○礼科给事中汪若霖以晦朔雨雹引春秋论大臣专政不报

○乙丑以刘天绪事祭告 郊 庙

○南京给事中金士衡御史孙居相北给事中曹于汴宋一韩周曰庠胡忻刘道隆等皆先后论南职方刘宇及兵部尚书孙矿为悖旨殃民贪功生事云

○礼部右侍郎杨道宾再乞归不允

○大学士赓复入阁视事

○原任荆州府倪涑乞致仕不许倪涑以甲戌进士为安福令值刘御史台劾江陵归江陵持之急安福无赖因诬台它事欲杀台报江陵意涑力护之重创诸诬台者又时邹元标归亦与涑欢坐是左迁为松江同知寻谪山西久之补同安令值江陵殉徼为南驾部郎中理船政有声且迁玺卿矣自请补外久之补荆州淮抚褚鈇从荆州取币涑以初任应之不时胥吏代修仪注误鈇遂露章劾之荆人上书留者万计至是复起琼州乞致仕不许寻以山阴故罢去卒不究其用云

○丙寅调考功司员外郎朱光祚为文选司员外郎

○以虜王初歿命宣大诸边戒严虜自乞庆哈剌扯力克嗣约二十余年矣效顺已坚而酋妇已老于是扯力克歿大同巡抚霍鹏疏请宜先议祭葬以伏酋妇之心次议袭封以收诸部落之望兵部覆言袭封一节宜俟彼大势已定伦序已明自行求乞然后酌请祭葬等礼亦宜俟陈请到日礼部酌议从之

○调淑泸参将张名世守云南临元等处地方临元参将刘熙调守淑泸灞底及贵州迤西等处

○命连标为副都御史巡抚宣府地方赞理军务

○升户部郎中胡世赏为岳州府知府

○吏科给事中熊鸣夏言国家会推大典自内阁以至巡抚皆由此以进当事者宜面相评品虚心求当乃故套牵缠相顾莫发一闻烦言即谗诸吏部而乞罢矣夫今之吏部虽举一司属不免分柄于他人而况乏冢卿之主持无右堂之协助乃欲合九卿之责任以萃于代庖之一身此必不得之数也唯 皇上深戒犹豫之弊以绝投间伺隙之端奋明作之图以励协恭分猷之志毋生迟疑毋畏议论又补冢宰总宪以重事权则诸废坠可次第举矣疏上不报

○大兴左卫指挥李吉登以乾没屯粮著提问

○戊辰复除王国为南京太仆寺卿

○己巳 孝宗敬皇帝忌辰遣官诣 泰陵行礼

○庚午调山东武德兵备秦尚明为山西阳和兵备副使加昌平兵备副使王邦俊为山西右布政使

○辛未吏科左给事中刘道隆言臣自万历三十三年冬除补吏垣会恩诏起用废弃诸臣及咨访考选两事人人加额以为一时美事而今复年余未见举行在斥逐者物故已多在行取者忧危相继 陛下狃于小喜屑越万几若谓天下事总不足忧天下人总不足任故以重名器之心轻天下之材不知 陛下所重天下愈见其轻 陛下所轻天下转见其重何也往时作养人材甚多会推必择才望苟非其人不可幸也今前者既见摈斥后者但凭积薪再推之后循资递及下有必举上有必用昔人所谓时至则为之无问才望矣此不谓重之而弥轻耶材有偏全真贗历事乃见今一概疑弃不用家家谓肘夜光之珍人人谓絜追风之足其遭愈拂其名愈重徒使天下高之后世惜之谓 陛下不肯尽人材之用岂不谓轻之而反重耶 陛下不及此时收拾人材以为社稷长远之策恐贤路日就蓁芜一有缓急将无所措手矣不报

○议减旅顺防兵令山东与北直分饷初以关酋未靖设旅顺防兵千一百余员以游击领之岁饷二万六千八百山东与北直均输及是山东题议谓倭事已宁设防不急而渡海戍守风涛可虞宜裁兵强半分配内地存兵少半专备辽东改游击为守备听辽镇节制其半饷九千六百专归直隶保定巡抚争言旅顺之兵北防辽左南防登莱饷数

○癸未工科右给事中王元翰兵科左给事中胡忻刑科右给事中曹于汴福建道御史陈宗契各〈□□疏-金〉论李廷机不报先是会推毕兵科都给事中宋一韩即〈□□疏-金〉请并罢杨李以释喧嚣而阁中所具疏亦另列二臣以异同上请然廷机自以素行当 上意即诸旨清直忠义意亦属廷机也诸臣以杨衡李李必不罢于是持李益坚辅臣赓亦具〈□□疏-金〉言二臣之外尚有五臣勿以迟疑再成寝阁

上为停〈□□疏-金〉者久之而陈治则叶永盛又各列所议状与诸臣反 上意已定诸臣不复能夺然亦〈□□穴浸〉思才相与定诸纷纭随有旧辅锡爵之命云

○甲申册封诸王府遣南和伯方〈□□火节〉之襄侍读翁正春之益中允汤宾尹之淮编修黄国鼎之楚简讨赵师圣之衡少卿王纪之蜀张辅之之周给事中熊鸣夏之荆周曰庠之郑玺丞甯中立之徽

○遣光禄寺署丞范光裕送安南贡使之国

○乙酉夜有流星如丸尾迹有光起自牛宿东南行近浊

○以恩诏给编修何如宠等救命

○顺天巡抚刘四科以任满荫子入监读书

○礼部右侍郎黄汝良乞归不允先是枚卜将举有欲罢汝良者讼言汝良怒其门生歿不为志困其仆底死久之知其门生仆病死无求志事也又言汝良受赃吏金投宗刺于克缙为之缓颊遂为克缙所拒至是克缙揭曰昔赵臣贯高孟舒不避三族之诛笞榜数千明张敖之不反今职与汝良有姻娅之亲无与拒之迹而使职撻执法之名汝良冒卑污之行是方今之抚臣不如赵国之臣仆也盖时三晋江无并集理廷机既有浮议而谈者又以此中道宾一躯两飞卒以是去

○丁亥以祀 方泽告 庙遣驸马都尉侯拱宸行礼

○大学士赓再催请枚卜是日会推疏下点用于慎行叶向高李廷机三人矣而辅臣疏未下顷之传谕辅臣曰朕览卿奏忠爱详慎具悉至意诸臣已点用了朕思在籍旧辅王锡爵辅赞多年忠诚正直国家多事之际可以共济时艰欲召来同卿夹辅协恭办事卿可拟谕来行特谕卿知一时翕然而谈起废事者又渐尼锡爵不可复起

○戊子加于慎行太子太保礼部尚书叶向高李廷机升礼部尚书各兼东阁大学士是日赓疏称王锡爵德高望重臣素所推愿佐下风请特加少保以隆首辅之体于慎行二十年尚书宜进太子少保廷机向高久推正卿宜升礼部尚书 温旨报从

○应天府生员陆一骥以鼓噪发口外为民

○己丑 穆宗庄皇帝忌辰遣官诣 昭陵行礼

○加王锡爵少保兼太子太保各遣官趣召同慎行向高入京

○庚寅夏至 北郊遣公张维贤行礼侯徐文炜郭大诚尚书赵世卿侍郎杨时乔各分献

○编修孙承宗给假迁葬

党跳梁法纪何在且近来科道借言时政挟私灭公诬害忠良见任者杜门推避尽职者角□羊体寒心致机务迟疑殊非激浊扬清之任意□□稟□□稟不测也辅臣稍为宽譬又< 〇〇〇 铨-金 >言朝廷只赦胁从不赦渠首据妖帖讹言有臣子所不忍闻者必非胁从所为孙矿擒获一二造写之人似不为过但以根本重地人心未定罪人既获只宜抚绥安静宣布朝廷德意使人人乐业不必搜求以生衅端 上意良角□羊仍命南京刑部将论列刘宇事情一一勘明具奏前事遂不赦功而留都亦无复更为妖帖者

○吏部请定司官推用员数不报先是屡有旨命吏部推举司官不拘正陪以俟点用自是开送常多推数人而言者以滥推为咎至是兵科给事中吕邦耀又言近推铨曹纯内无外大乖衡平如此相沿恐开幸窞乞加意申饬吏部乃言内外司官资俸才望开送考语出于公单其或内或外皆一时偶然不可豫定查迩年以来各省所举或内或外或纯内无外皆无定数即近推南直司官开送九员知县朱万春吴光义皆江北人四川开送十员推官陈显道知县李为梁咸在其中诸臣各举所知或有所遗唯是缺一司官举至五人尚有贤者不与佻如数年前旧例仅举一员遗贤之叹不更多乎乞裁定或照旧例听臣部选用或照近日条陈不拘内外只用正陪二员著为画一之法 上以有屡旨故不下然自是卒议定员并分江南江北之数

○吏部以大选届期除授无缺乞下前推以< 〇〇〇 铨-金 >铨政不报故事进士新第办事三月后就选主事博评中行以至推知凡二甲十名三甲七十名共八十人而是时现缺不满三十应选贡举又仰其间至于各省方面乃九十余缺而府佐州县缺者不满十人盖壅滞极矣杨时乔言当此时势两难之际坐视地方有缺而无官新进有官而无缺非所以示用人图治之意也宜将题留推知及拟升各部诸臣并赐俞允不报盖又越月而考选部署之命乃下

○礼科左给事中孙善继请罢馆选以存公议定馆额以杜滥进不报自甲辰馆选至是始下而台省行取尚留中于是台省多言罢选馆者善继言国初时严于防奸广于求贤翰林之选不拘内外维材是取如杨文贞以审理入黄文简以中书入薛文清以御史入李文达以主事入卒能镇定危疑成治平之理请自今定额数某省某直该翰林若干除一甲升授外余俱依缺不拘内外以才望铨补又如 祖宗朝杨文襄出为提学杨文敏为太常卿金文靖为通政使尹文和为户部侍郎相继赫奕蔚为名臣后进之士能如四臣亦已可矣请自今翰林官除坊局外各以原官摄各省提学必岁考一周方许转坊未周岁考不许躡转至坊局以上不妨于六曹堂上员缺推补以裁决案牍明习庶务又欲使翰林选转皆由吏部以庶吉士为内阁私人于是辅臣疏言庶吉士送院读书翰林官升由内阁此二百余年未之有改此辈见阁中孤弱欲变 祖制也而动牵引 祖制欲挠

主权也而动诋诃相权不知所谓权相者果 成祖时之权相乎亦皇上十四年后之权相乎盖善继以考选翰林为权相用事后事殊抵牾故辅臣执之甚厉亦以此后数

日而选馆之命下

○壬寅以礼部右侍郎杨道宾署礼部事辞不允

○左副都御史詹沂等言相臣与言官并重卜相大快輿情言官不宜终废不报

○总督陕西徐三畏同四镇巡抚上言全狭四镇绵亘三千余里处处邻虏听夕堤防况今塞草已茂秋防届期在延镇则庄秃赖卜失兔在宁镇则良定歹成在甘镇则松虜海虜在固镇则火酋永酋皆尝遭我创挫复思狂逞烽火时传而沿边协守如洮岷西宁靖虜西安关南关北榆林河西关内诸司道臣皆事故调去及苑马寺亦空无人此十道者皆内关戎马钱谷之司外当边防险厄之寄缺一不可而况至十人又至数年数月之久乎宜将原推各员查照升补或量才移调近任不报

○癸卯升山西按察使洪澄源为云南右布政兵部郎中陈大绶为浙江提学副使吉安府知府吴士奇为四川提学副使

○乙巳吏科给事中姚士慎请清贿仕杜竞门以重名器励士风不报其一言开纳之弊言国家度支一耗于鼎建再耗于河工当事者蒿目无措遂为空年加纳之说于是市井狙_𠂔马会_𠂔悉占仕籍佣贩屠狗可司民社此辈营营或捐本而取偿或结债而售息一旦得官又何所不至臣查隆庆四年事例光禄寺等官准予正选举人除授或知县教官升补其援例廉能者方得擢用又如兵马等官会典内亦开载以科目出身年壮有志行者其迁转如京知县今安得概授之粟例及市井猾胥文如提举运副等官昔年原以正途升除今且以儒士吏员为之而提举一官臃悦尤至动有粤援之嘱千金之赂私橐日盈民生日困自丞簿而下又勿论矣其一为更调之弊言自昔年行取途辟人争重科道而薄部属今行取途壅人又争重吏礼及兵工而薄户刑夫官皆朝廷之官事皆朝廷之事何不可表竖而必改调为今乃有半岁而三迁者甫奉差而改调者臣查万历五年令各部属官除吏部间行改调其余各守本职贤能者一体超擢叙迁不必纷纷更调以启奔竞何为滥觞而有今日乃如郡邑之吏在内则议更议调在外则议保议留循情曲援掣肘多端凡若此类皆当一屏纷纭悉绳明法以无堕奸媒而挠宪度者也二事卒相沿如故云

○山西参政张我续加按察使管参政事

○四川巡按御史孔贞一论安尧臣党助阎宗传事下兵部以黔议未定不覆诸将领功次

○丙午大学士赓请点用南北卿贰反各处抚按边道疏通部寺及起用遗贤不报

○丁未李廷机以简用再辞仍命入阁视事

○户科左给事中萧近高论税监潘相李道不报初工科诸臣及江西诸抚按皆_𠂔铤_𠂔金_𠂔参潘相潘相以为近高主之也因采青事言近高家在庐陵世专青利假公论以庇私产近高言庐陵之青最为粗恶所产之山阔不里许有司治之非臣之所得专潘相以朝廷既撤矿务复营采青望龙断以成免窟又言湖口之税上有九江下有芜

湖一江而榷者三处矧钟山之石峯嶴入江往来檣帆以报税之故葬鱼腹者不知凡几宜撤回潘相李相罢烧造榷税之命不报然潘相亦以江西境瘠屡激变故自请归命云

○山东巡抚黄克缙以暨禄病故请罢天下税监申凤阳巡抚李三才疏也

○兵部尚书萧大亨为直军祈免营操不报疏曰朝廷之有侍卫红盔围子手等军第以拥护宸居扈从朝庙名不隶车攻调发之籍者也自万历十一年科臣唐尧钦始建营操之议欲择骁练教以技击每歇班日于教场听操月三四举于以振武备防缓急意非不善然彼谓分操即以本管者操之非谓管理者一人主操者又一人也今管以勋宦巡视以科道部属复唱点以营官既禀仰于此复遥制于彼十羊九牧其不便者一多主则多事多事则多费岁食无几一樽而众酌之其不便者二清晨而趋赴竟日而伺候耳不闻金鼓手不执戈戟徒使夜有直宿之苦昼有追呼之烦精神几何转成顽钝其不便者三两班三日更番身半已在直三日内复交割铜牌角口羊此销卯赴营听点名曰三日之暇实无一日之闲其不便者四统辖既分彼此相谗利则两争害则两卸其不便者五且所谓者试技艺量勇怯之谓也今器械不给名籍如故仅以听呼应喏奔走数处以谓之操则亦可以已矣五营操军春秋二季队分两番一遇风雨时有罢免直军守直一年居半寒暑雨雪无敢免者且东宫侍卫系围子手内分拨三百名均一宿直而独免营操劳逸悬殊是爪士所叹于恤而生缺望也以五不便于军而实无益于国柰何不历数于圣明之前乎臣谓宿卫之司无与战伐之事即果闲技击亦同画虎况乎仅点姓名竟成涂羹宜赐豁免以慰军士跂望之意然禁旅久虚骁卫即难复而查核之法终不可罢

○贵州巡抚郭子章乞归不许

○己酉升河南参政臧尔劝为浙江按察使南京吏部郎中陈邦瞻为浙江参政

○庚戌当涂繁昌等县见有星如月光芒数丈自南方移至东北 ○起少保兵部尚书李化龙为兵部尚书协理京营戎政升杨道宾为礼部左侍郎赵士登为南京吏部右侍郎南光禄寺卿卫承芳为南太常寺卿南京工部郎中洪文衡为光禄寺少卿

○升山西按察使广西副使杨逢时为四川参政户部郎中靳于中为山东提学副使

○调南京工部主事洪佐圣为南京吏部考功司主事

○辛亥调邓凤充总兵官挂印镇守延绥升袁世忠为南京后军都督府佥书马孔英充总兵官镇守贵州

○起李如梅补左军都督府佥书升李如楨为都督佥事

○论五路入犯罪参将赵增寿以失误传烽发充铁岭卫军李应桐以退缩拟斩律重情轻量发极边卫分充军终身

○壬子命定远侯邓绍煜管南京都督府佥书事武进伯朱天爵管中军都督府佥书事恭顺侯吴汝胤管理红盔将军

固封守西古城地方乃海虏所必由宜于本堡旧榨及内河口各置木榨以便修守一筑团庄以便收敛凉永一带地广民多每遇虏患趋避为难宜于黄羊川白塔儿湖边永昌撒口各筑团庄一座蔡旗重兴二堡中间亦应筑小团庄一座余俱修理以便军民趋避一增路墩以保行旅肃州临水一带皆系沿边驿递宜将大路墩台空处添修使四五里得相接应一重将权以便调遣西宁海虏声势叵测一旦有急唯镇海碾伯邻近可援宜将该镇参将改副总兵将镇海碾伯二游击俱听节制有警即行调援一请庙议以定虏情言俺酋以迎佛为名遗种海上日多一日窥伺谋犯初犹惮我兵力利我款市又永酋内梗未至大肆今睥睨已久情形非昔宜乘虏乞款各照边事量示羈縻俱依议从之大约边事俱以修筑调将为故实俺虏分部不得与火永共有青海利在散不在款矣

○兵部尚书萧大亨请用左右侍郎左副都御史詹沂请用总宪各报闻

○四川巡抚乔璧星以阎宗传等未靖又上疏曰永宁土妇之相讎杀已有年矣奢世续占印怙终自干国宪实阎宗传等误之也傥诸恶于世续被执之时即弃甲投戈泥首请命印出而局得完亦量加惩艾可也而漏网狂奔糾夷猖獗焚劫我屯堡虔刘我人民要挟鸱张托言为主夫世续被执已成釜中之鱼挟之坚者乃速之死安在其为主之心耶臣意此皆安尧臣之狡谋尧臣欲篡镇雄垂涎蔺地当此追印正严之时占之则辞不真献之则心不甘托为狐兔之悲冀收蚌鹬之利诚欲我杀世续则既得以灭寄印之口而快其私又得为报复之言而惑其众使阎宗传等情穷势极必折而入水西则安氏三窟之势成而西南之患重矣臣观宗传之恃镇雄犹镇雄之恃水西臣近取有安疆臣不助兵结状虽夷情叵测而逆孽未成请令贵州抚按调兵与臣等会剿傥尧臣稔恶不悛党逆如故臣等即移师击之毋使弗催之虺复为蛇弗室之罅复为河也< 〇〇〇〇 〇〇〇〇 >上廷议无敢决用师者久之阿利死真印亦出而蜀中欲逐尧臣之论卒不可角〇羊黔蜀议兵又如聚讼矣

○辛酉光禄大夫太子太保南京吏部尚书曾同亨卒同亨字于野嘉靖己未进士始为刑部主事再调入铨曹时相嵩太宰鹏方鼎盛以梓里年家不谒也乙丑以内艰归戊辰除服为勋郎典铨每入署辄经月始归私第时新郑为政而江陵寢起间有所属亦不能得二公欢为太常少卿请急去迨新郑归始出转大理为光禄卿迁京尹寻巡抚贵州致仕去江陵殉起为南太常卿晋大理明年为工部侍郎以 寿宫劳晋秩尚书荫一子癸巳且迁吏部矣以弟乾亨议裁武弁为言者所持归六年戊戌起南京吏部尚书五辞又三年仍起前官三辞不允乙巳主计毕遂乞休归晋太子太保至是卒年七十五凡在名途者近五十年其清绩著于铨部而密理见于大工宦迹所至人皆思之性明达与物无兢或问诸权贵往相犄齧者必谢曰无有云

大明神宗显皇帝实录卷之四百三十四

大明神宗显皇帝实录卷之四百三十五

万历三十五年闰六月壬戌朔吏部申请许新第进士俱覓许假回籍

○命依顺义王祖父事例给与扯力克恤兴先是四月壬子扯力克歿卜紊二酋未有定封虜众无属边臣虑有他患乃遣使即问以察向背安慰夷情顾诸夷念抚赏恩不悖也于是五月己丑扯力克妻忠顺夫人乃差夷使赍书至宣大军门乞依先王俺答事例为请谕祭于是总督马鸣銮巡抚霍鹏疏言臣观扯力克自袭封以来约束部夷市贡维谨忠顺夫人当未葬之前恭报讣音乞求谕祭盖其向化诚深而荷荣诚切矣臣等窃以扯力克嗣封二十余年纳款恭顺视乞庆哈殆为过之况值夷事更革之会正群情观望之时恤已歿之虜王劝将来之酋首宜命翰林院撰祭文有司备仪物仍请敕书一道抚谕各夷从之

○兵部尚书萧大亨请告不允以曾六德论李如梅事也如梅在庚子以镇守辽东革任七年矣以抚按屡荐复起盖武弁故事云

○吏部左侍郎杨时乔乞致仕不允亦以六德< 〇〇〇 〇〇 〇〇 〇〇 〇〇 〇〇 >故

○升广平知府朱锦为颍州兵备副使调贵州佥事胡琳为广西提学佥事

○甲戌升尚宝司丞赵鹏程为尚宝司卿光禄寺丞余启元为光禄寺少卿南京通政司右参议徐民式为分管西路太仆寺少卿

○许长昂复通贡市给三十一年以后恭顺岁赏仍敕道将详察情伪以为操纵机宜从蹇刘四科之议也

○陕西总督徐三畏议筑红山市口镇北台城从之修旧垒也

○后军都督同知陈承恩夺俸两月承恩固安伯孙 孝安皇后侄也以空輿出东上门为伍长所缉巡视王元翰等劾奏禁地非乘輿躡入之所坐大不敬以承恩实病在家原之并提门金吾羽林西上门诸指挥伍长罚謫有差

○丙子大学士賡入阁视事先廷机也

○丁丑起用大学士王锡爵及礼部尚书于慎行南京吏部右侍郎叶向高辞职不允各温旨趣任

○戊寅工科右给事中王元翰以吏部会推少拂前议又上疏论黄汝良不宜推吏部右侍郎全天叙不宜推南礼部右侍郎因言会推之坏非自此举始也前推阁员时臣等有所奏劾不报政本之地特开顽钝之端其流不至于尽决堤防不止此后继汝良天叙而推者又不知凡几矣今廷机又紧跟辅臣而出矣夫国家法纪陵迟赖有清议一脉竦其前而鞭其后今庙堂之上动与清议为水火其布置已密机局已成能使下逃负清议之名而上代受冒清议之实言路结舌群小汇征若非 皇上翻然省悟破此关头与辅臣朱賡主持公道收拾人心臣愚恐太平之无日也是日兵科左给事中胡忻又< 〇〇〇 〇〇 〇〇 〇〇 〇〇 〇〇 >论时乔言时乔与物无争萧然公署推量清操非不足钦然其知人在明昧之间行事介纾直之际求其精识亮节缺如也即如枚卜一事会推公典概不书名仅粘草单违清议而徇密嘱亦足以羞当年污青史矣他所论汝良天叙大率如元翰指于是辅臣及时乔皆辩滥推密嘱事而廷机独以紧跟为嫌介介诸拦阻者遂为少年所轻

○己卯礼部尚书东阁大学士李廷机入阁办事< 〇〇〇 毓-金 >曰臣性本蠢愚行多迂阔徒知慕古殊乏通方不意误蒙 主知俾参密勿此得时行道之秋即致命效忠之日也臣平居常念人臣事君唯知有 主而已苟可致于主者宜无不尽有益于主者宜无不为不知有身不知有家不知有交游往来毁誉得丧使念念可对主知事事可对主言自是而外有不能者止之训在耳今从政方新上不敢负 圣主之眷知下不敢负生平之学问前不敢负先辈之提挈后不敢负朋友之切磋至于今日时事维在 圣心转移之间如霖雨霁而九野皆润阳律转而六合皆春此在旧臣之葵赤久殷新臣之芹献方来臣当始进人言未已未敢遽有所陈也< 〇〇〇 毓-金 >上奉温旨报闻

○协理詹事府事黄汝良乞休不允

○升广西左布政曲迁乔为顺天府尹

○升工科都给事中夏子阳为太常少卿行人司行人王士禛为光禄寺丞皆以出使外国例迁

○赠特进光禄大夫高拱赠右都御史郭维贤魏允贞赠兵部左侍郎梁云龙各给诰命

○升翰林院简讨南师仲为国子监司业

○故南京鸿胪寺卿张朝瑞请恤典如例与祭一坛礼臣称其清畏人知晦而明用历官至京堂仕宦三十载卒之日无以为殓真所谓忘身忘家尽瘁无二者云

○庚辰大学士李廷机以王元翰胡忻讥嘲复上< 〇〇〇 毓-金 >求退不允

○原任户部尚书加太子少保致仕毕锵以恩诏存问谢恩荫孙男女汝梗入监读书从内阁之请也大学士赓言毕锵辞荣二十余载行年九十有奇全行完名足称人瑞且遭遇 圣恩三次存问又本朝二百余年所稀见者久道化成和气翔洽寿国寿民故有此应查万历三十年十一月原任礼部尚书陆树声九十余岁三次存问谢恩特破常格荫其孙陆叶元入监读书皆盛世旷典宜照此优礼耆贤风励末俗从之

○辛巳大学士赓< 〇〇〇 毓-金 >曰臣犬马之疾原未痊除疲癯狼狽自分不属人数矣唯念 皇上聪明独断一旦辟四门而延众正泰交可期臣幸未死忍负 隆恩又以臣同官廷机近在辇毂被命五旬辞章四上犹逡巡畏避殊非事体乃要之必出以身先之此同舟共济之心也廷机入政事堂方一日遽求引去以科臣嘲诮义不受辱欲自明其难进易退之心耳臣谓辅弼之臣既受若直苟可信心不必论迹苟可报效于上不顾身名廷机安得以外廷之私言负致主之大义乎臣又反覆科臣之< 〇〇〇 毓-金 >重有慨者臣当二十年前曾贰吏部每会推大臣铨司必与阁臣口确是时即有指授人亦不疑自臣起家以来廷无铨司之迹部举何人人推何官仅仅得之邸报昨闻黄汝良推吏部全天叙推南礼部意谓循资推用耳顷得杨时乔揭帖乃知其为原推既在原推臣又安所用其私嘱乎至于九重高邃之地臣入京五载未望 天颜每遇大事应揭者揭应拟者拟无不可使人知 皇上神机独运或行或止或久或速皆出人意表臣于何处

○升大理寺右少卿牛应元为左少卿姚思仁为右少卿改四川道御史左宗郢为顺天提学调考功员外张养才为文选员外升辽东参政郝大猷为山西按察使江西右布政王佐为广西左布政

○壬辰大学士李廷机入阁视事

○陕西巡按余懋衡劾税监梁永不报懋衡初以造毒事发梁永中外数十
< 距 铨-金 > 不动也既而有擐甲之事御史王基弘声言梁永必反陈诸夺犯斩关杀伤吏民状而巡抚顾其志疏至平甚于杀掠无有也梁永因以藉口 上益以御史固为危言而咸宁长安持诸党益急诸亡命稍稍叛去永无以制也其渠魁多装具恐为有司所迹则托内遣持枪剑负弓矢方阵而行闰月初永遣人角口羊马匹者乘邮传发矣而杨达官王九功石近章魏二等急走出北门欲前与邮传合县快手知其亡命也追未至华阴及之交搏颇有所伤而前解马发者去潼关已远遂尽为渭南兵所得御史余懋衡复以贼党叛杀奏闻时永窘甚爪牙尽脱而乐纲劝永借此倾抚按归恶于令不独自脱且为魏二九功辈报讎于是后数日永亦飞章而咸宁劫贡之祸起

○兵部尚书萧大亨题秋防事宜疏曰臣观边塞周稽往牒每值胡马嘶风之候必有申飭边防之条非独托纸上之空谈盖以期封疆之实效也臣观辽左内卫畿辅外控属藩防虏距倭夙称重镇迩来士马苦于调征人民雕于残破公私告匮战守两艰兼之幼憨嗣立懦弱未威奴速诸酋互相雄长即宰酋近虽悔罪而熊钥之讎未创安知不故智复生此辽左之当申飭者也蓟昌保定势同辅车在蓟镇控三卫之属以匹马不入为功在昌平为 九陵之环屏以修守设防为上若夫天津大沽乃登旅之门户紫荆龙固为云晋之通衢昂酋革赏或缺望而生心班白狡谋在挟讲所当备且 陵寝之后一墙即为虏穴按关诸臣咸议划削偏坡帮筑壕堑要必先事预防乃为有备无患此蓟昌保定之所当申飭者也宣大山西虏袭三封款市已久三十六年颇称宁谧惟是虏王物故应袭未定佛僧未回西行叵测要在当事诸臣克壮新猷不紊旧约有不议减无不议增日夕戒严随地设备此宣大山西之所当申飭者也陕西三边四镇绵亘迂回既与虏为邻又汉番杂处近日延绥各酋与宁夏诸部业已款顺可为息肩而夷情反覆尤所宜防况川海甘凉诸虏大创之后蓄忿殊深或抢番而撤我藩篱或阻贡而肆彼荼毒即火落赤辈欲效套虏之款关焉知不以款愚我冀弛内备而恣内侵也他如河阌巩靖洮岷芦塘为固镇之冲区庄浪凉州镇番大靖为甘肃之要地而西宁归德又为二镇孤悬之绝徼尤不可一时轻视以堕其奸此陕西四镇之所当申飭者也盖九边之时势不同而战守之机宜则一总之常胜在我则瑕衅不生宜行各边照连年题行事例及时申飭倍为堤防从之

○升御史吴崇礼为大理寺右寺丞江西副使陈九韶为参政湖广右布政林如楚为左布政

○甲午 仁孝文皇后忌辰遣官 长陵行礼

○丁未升户部郎中陈其猷为冀北道副使调山西参政张中鸿补冀北道兵备升南户部郎中刘克勤为黄州知府

○原任礼部尚书兼翰林院学士李长春卒长春字元甫四川富顺人举戊辰进士选庶吉士以父病乞归寻值外艰服阙授编修纂 穆庙实录成晋修撰丁丑分较礼闈以修 世庙实录成晋侍讲时值江陵夺情馆中八人拟< 〇〇〇 毓-金 >争之长春与焉庚辰奉母归寻值内艰服阙出擢右谕德进讲经筵说蓼莪之章敷扬剴切 上为心动乙酉典试南畿擢国子监祭酒以家毁于火乞归遂转南少司空寻改少宗伯己丑入覲乃留奉职充日讲官首上讲学建储二事时册立默定而言者不已东阿以是罢归而长春继之剂量当上意几诸条奏皆井井式于典礼属当论相与平湖陆太宰不协遂上< 〇〇〇 毓-金 >乞归章十四上不允或劝之留长春笑曰仕宦如饮酒主人未倦而左右遂客容可坐乎又四< 〇〇〇 毓-金 >乃去家居十五年至是卒先是长春归寻丘壑得一洞有古瓊字如其名心异之改为玉华故所著有王华洞集诗词温丽似唐人子胤祥亦有名为翰林庶吉士

○己酉工部右侍郎刘元霖往 寿宫

○命刑部员外董光宏往福建恤刑

○礼科都给事中邵庶请 东宫出阁讲学不报

○吏科给事中姚士慎言自汉唐以来每遇灾异辄求直言我朝 太祖首以日月相刑五星紊度诏求直言 英宗以积雪恒阴求直言有诏 宪宗以星变地震求直言有诏 孝宗二年以大雨水溢求直言有诏八年以天鼓鸣有诏十二年以风霾有诏今即未复求言之典亦行选言官之令< 〇〇〇 毓-金 >上留中 ○戊申 成祖文皇帝忌辰遣官往 长陵行礼

○庚戌吏部左侍郎杨时乔礼部左侍郎杨道宾乞休不允以选馆期迫命各出供事是日命吏部会同都察院考选御史

○升萧近高为刑科都给事中孙善继为工科都给事中曹于汴为刑科左给事中王永光为右通政许乐善为南京光禄寺卿稽勋员外周应秋为验封司员外

○升广西云南参政郭廷良王貽德俱为按察使江西副使余火口詹为参政礼部郎中陈于王张鹤鸣为湖广山东副使工部郎中甘来为湖广参政刑部员外吴中伟为贵州提学佥事南礼部郎中王志远为湖广参政南工部郎中谭继统为贵州副使嘉兴知府蔡承植为广东副使刑部郎中曾如川为云南参议调湖广副使曹愈参为河南副使升礼部员外吴正志为光禄寺丞刑部员外赵世禄冯盛典王庭俊户部员外张养正为苏州彰德金华府知府是日所下藩臬府佐及司属二十余人

○总督宣大兵部右侍郎右佥都御史郑汝璧卒汝璧既疾甚以马鸣銮代得归至山东荆门卒于舟中方江陵时汝璧为刑部郎中以讞狱有声江陵奇其材调仪制遂拔置吏部在验封三年于相君意无所可否及丁丑计吏所黜陟遂大与相君反然江陵时

方修名不显犯清论及居丧名坏汝璧亦显为抵牾遂罢铨柄迁太常少卿不数日即谪外为福建右参议稍迁广东副使汝璧自以为列卿陆沉海外乞侍养归家食十二年辛卯起补井陘备兵寻改赤城以斩虏功赐白金文绮明年迁榆林中路按察使明年迁山东右布政寻擢右佥都御史巡抚山东值河南山东饥河南人相食而山东以赈有方所全活无数又坐浮议归守制己亥起南太常少卿壬寅擢右佥都巡抚延绥以孤山红崖安边怀远功复赐金币乙巳迁兵部右侍郎总督宣大山西方到任疾作不能亲诸簿书然犹以款虏之道利战不利款日召诸宿将谈出剿事而议者以为病怯为诸边帅所恫三< 足 毓-金 >乞归许之诸长者多称汝璧才也而勋略不甚显著意其前为江陵所掩后亦崎岖不究其用欤汝璧缙云人隆庆戊辰进士所著有帝后纪略诸王表功臣封谥考行于世

○辛亥夜月掩毕宿大星

○大学士赓等以霸州三辅要枢为兵备梁有年请敕书未下有年以都给自请补外候敕五阅月矣

○起浙江副使王一言为南京通政司参议升南河郎中毕自严为准徐道参议

○工部右侍郎刘元霖自 寿宫回

○壬子国子监较刻历代史书成恭进 上命留览 ○陕西税监梁永以诸亡命被获事发遣人系书发中入都言夺贡事称杨达官王九功魏二等各贡名马持孝顺钱粮橐金镶珠石睛绿绦环铎簪耳坠等物咸宁知县满朝荐承余御史旨命马快伏渭南道劫之也劫事固易辩而余御史疏先至已言诸兵贼有所杀伤永言朝荐所遣人捉石君章马守才等脔割之投尸于河事适合 上怒甚谓御史固无恙朝荐创为御史报讎命锦衣卫趣逮朝荐著抚按差护梁永还京并撤还乐纲以陕西税务并之河南于是陕西之民始苏而朝荐坐诏狱者十余年

○ 两宫殿门工叙应升官匠三百五十员先是题千余员至是乃定

○大学士赓廷机揭救朝荐不报 ○河道总督曹时聘以黄涨异常土坝溃决宜责令参政顾云凤等戴罪修筑章下工部

○甲寅以班白移帐南行久雨边墙倾塌命蓟辽督抚严行督道将等官躬亲巡阅加意修筑防守以保无虞先是拨计以革赏故数数挠边尝伏兵苇子谷口使数夷挑我为哨夜所觉不得志去遂戕杀哨夜夷人诵言拔酋自六月间往长昂獐兔处借骑犯蓟镇长昂报以乘秋是月中间班白果移帐南行班不什驻十马鬃白言台吉驻陶赖湾各离独石边百五十里声言入犯然以我备故亦得匹马不入大率诸酋以革与抢相抵一顺一赏一逆一革无所负故故常为所卖

○兵部尚书萧大亨乞归不允

○总督陕西徐三畏以甘肃两捷辞勋荫不允 ○云南镇守总兵官沐睿巡抚都御史陈用宾以教化八寨捷闻初教化三部私相讐杀龙胜安张德胜兄弟支角口羊

>行考选之典大小臣工举手加额以为 圣政更新 天心可回雨既暂歇人情稍安然犹不时暝阴人怀惊惧夫警省拔濯虽在群臣而精诚感格必自 上始今 皇上责臣下以玩愒优游而朝端大政废弛关失玩愒日多臣请举其大者部院大臣责钜任重率数十推而不赐点用废弃诸臣创艾日久率十数年而不一赐环章< 〇〇〇〇 〇〇〇〇 〇〇〇〇 〇〇〇〇 >则一日稍通而一日复格逮系则前旨甫释而后狱复开诸如此者于以弭灾修行皆未有实实施行虽臣工之易饬恐 天心之难欺也臣愿 皇上不第责臣下之修职先求圣政之励精简用南北大僚起用废弃诸臣日发中外之< 〇〇〇〇 〇〇〇〇 〇〇〇〇 〇〇〇〇 >立释满朝荐之系使天下晓然共睹日月则未雨绸缪之义尽于是矣

○戊午宣大总督马鸣銮以宣镇三路修筑城堡限宜报完而防范事殷力不并及称各宽限一年从之

○兵部题参河州降用副总兵姚德明归德游击张云汉碾白游击武朝恩高台游击达奇勋北川守备刘克敌兰州都司陈卿等皆贪鄙不堪俱革任回卫姚德明张云汉永锢原籍从御史王基洪劾也

○升南京尚宝少卿李复阳为通政司左参议江西按察使丁继嗣为右布政调湖广副使段猷为陕西提学

○协理詹事府事黄汝良守制归

大明神宗显皇帝实录卷之四百三十六

大明神宗显皇帝实录卷之四百三十七

万历三十五年八月辛酉朔彗星见于井度色苍白尾指西南约长二尺渐往西北

○大学士赓廷机题请简用讲官并注起居原推礼部右侍郎杨道宾詹事府詹事萧云举少詹事王图南京国子监祭酒刘曰宁等四人需命未下

○壬戌巡抚山东右副都御史黄克缵加兵部右侍郎以六年秩满也

○兵部题参建昌游击董尧民三屯游击宗应魁大毛山守备刘裕民贪懦俱革任回籍从御史吴崇礼劾也

○礼科右给事中汪若霖以考选将定< 〇〇〇〇 〇〇〇〇 〇〇〇〇 〇〇〇〇 >论兵部主事汪元功礼部主事黄汝亨二人遂坐改部元功初令新建而汝亨令进贤皆负时名领大邑相善也颇为政府所知亦以才故月旦人事而南昌令黄一腾者资后二人同考选时有所推排凡考选咨访省台共操柄以圈单上下虽都长无所独与于时吏科长陈治则心与元功汝亨而礼科右汪若霖心訾治则方发二人单时弗善之也而光禄丞吴正志微泄其事元功以若霖薄己意一腾所为与汝亨共诋一腾事遂闕若霖乃劾奏元功汝亨器竞无良吏部为辍所拟单先是五月雨雹若霖< 〇〇〇〇 〇〇〇〇 〇〇〇〇 〇〇〇〇 >上论大臣专政言今上下相引大小相煽一二淹躁无聊之士入幕深坚不恤外议簧鼓侪辈飞语四塞行某事则曰某言者误之言某人则曰某人者喉之盖指汪黄也而元功汝亨亦以此疑畏遂拟原职俱授部而言者又以挑激罪吴正志

○升潮州知府金时舒为南赣备兵参政

○癸亥吏部同都察院考选宜授给事中者胡应台喻安性刘文炳王绍徽顾士奇张凤彩周应春张延登刘一爨张国儒彭维城何士晋李瑾范济世等十四人宜御史者吕图南黄一腾熊廷弼荆养乔王象恒陈于庭穆天颜房壮丽侯执蒲吴亮刘光复李樾邓漾王国祯顾慥朱万春何太谦彭端吾冯嘉会陆梦祖金明时张五典梁州彦董绍舒管橘张尔基毛堪杨一桂王以宁毕懋康韩浚颜思忠郑继芳曾用升史记事刘蔚刘国缙徐鉴等三十八人宜授南给事中者黄起龙邓云霄晏文辉高节等四人宜授南御史者傅宗皋王霖周达张邦俊张养正汪怀德等六人外分部司者翟师雍游汉龙秦道显饶景晖黄汝亨马性惇汪元功魏成忠冀述夏禹英洪世俊徐如翰等十二人

○兵科给事中袁懋谦< 〇〇〇〇 〇〇〇〇 〇〇〇〇 〇〇〇〇 >救满朝荐不报

○甲子礼部覆驸马都尉万炜父汝栋恤典如例给祭葬

○丙寅命户部支太仆寺银十万与五城御史查勘灾荒的实先尽京城次及里八府剂量轻重一体赈救房号免租三月平糶之法依拟实行煮粥著于穷冬新岁动支扫仓余米行三个月其外省饥民行抚按官查例预备义社等仓及搜括库藏堪动银两多方赈拊毋使枵腹远奔流离失所以虞朝廷爱养元元之意从户部请也

○兵部主事汪元功礼部主事黄汝亨各< 〇〇〇〇 〇〇〇〇 〇〇〇〇 〇〇〇〇 >论礼部主事黄一腾

○南京工科及督府等官以盗窃禁庭铜版制物参西安门把总李云翼卫总施洪盘诘官王栋吴忠张承荫等各行南法司提问

○丁卯祀 先师孔子遣大学士李廷机行礼

○通政使沉子木以进贡愆期参违限员役广西族目岑盛等著抚按行该州究治

○吏科都给事中陈治则以倾危构煽挠乱大典劾主事黄一腾寺丞吴正志

○戊辰 孝康敬皇后忌辰遣官往 泰陵行礼

○鲁王寿鉉以 万寿节进金鞍鞦辔并各色马六匹以 皇太子千秋进名马一匹

○己巳吏科右给事中翁宪祥论叙荫重典宜杜冒滥为石恂翁裕昆< 〇〇〇〇 〇〇〇〇 〇〇〇〇 〇〇〇〇 >发也原任三边总督石茂华南京刑部尚书翁溥其生前俱有恩荫溢赠而恂裕昆又以恩诏近例为请以在任病故比于军功死事者故裁之

○庚午 孝慈高皇后忌辰遣官往 孝陵行礼 ○直隶巡按邓澄言自夏秋之间倾江倒海续接运报冲滚粮舡数十漂米逾万运军溺死者一百十名不知名男妇数尚倍之其自天津以南闸河上下被害尤酷实数未查然盖已破家千里葬身鱼腹非复乘机侵溺故令放失者矣国家岁漕四百万石虽有湮失例无减免令甲昭然亦有法外之情当权情于法嘉靖八年议粮艘遇风损坏漂流许陈告勘实申覆明白即与除豁二十二年议洪闸遭风失粮将该帮官旗应给羨银与失者责限买米上纳或不便买米将银七钱估米一石即该库改折又弘治二年议漂流十石者于百石中每石除脚米一斗以补本数两平收受漂流一百二十石者免晒一千石计每石省折米五升耗米七

夷狄不可以中国之治治也求其大治必至于大乱此非书生常谈万世用兵驭夷之道无以易此况今天下何如哉顷边饷告急户部求借马价三十万太仆与兵部连章苦之姑令括老库及东西二库十五万与之此区区十五万者其苦难已如此矣加以处处水灾所在空竭即欲用兵试问川贵能自饷乎抑取之太仓乎将再取之太仆乎抑令别省协济乎此极穷极馁救死不瞻之民髓尽肉枯亦能不招而来不食而战乎武臣好事喜功瞋目语难乃其常态如侯国弼张神武辈利在自封计画未必可从才勇未必可用即一二兵道不过儒臣文吏临敌当几或非所长则又谁与领此者乎臣等窃见安民功不可泯而罪尚可贯印已献矣崇明已管事矣兵已撤路已通矣即与崇明怨恨未消讎杀未未免此皆可以勿问大都今天下事势如人患虚症祇宜将息昔贾谊请绛灌诸臣曰毋动为大耳其言欲系单于之颈笞中行说之背然文帝卒不用而用绛灌忍匈奴慢书之辱谕南粤以共弃细过偕之大道诚有味乎毋动之旨也自后光武闭玉关谢西域宋称仁宗兵以不试为威其旨皆本于所谓无事治天下者况国家当多事之后今年征倭明年征播生灵陷于锋镝帑藏竭于转输方且日寻干戈唯敌是求孔子所谓季孙之忧不在颛臾而在萧墙之内者也盖是时阿利已死安尧臣度印必出托言得之阿野遂还崇明黔抚谓真印已出即可结局阎宗傅安尧臣皆可赦不问而蜀抚以尧臣之篡必不可赦再_○请用师廷议未决会有边饷告匱之事辅臣计征播时费二百万今骤安所出于是切责蜀将张神武等其意盖与黔合而给事中王元翰以辅臣之揭只宜告于密勿不可以播远迩请勿发抄于是又有发抄之禁并禁诸讪君沽直乱政市名疑辞谩语排挤良善者以为皆不可传而禁发抄之议自此始

○壬午彗历于心

○ 宪宗纯皇帝忌辰遣官诣 茂陵行礼

○甲申户部尚书赵世卿言国初经制一镇之民屯自足以供一镇军马间发京帑不过济民运之不及耳迩来功令日弛举刺不严所在有司徂催徵为故事忽查参为虚文藉灾荒任意逋负以故边饷匱空岁甚月益今宣大督臣深维其弊欲援往时保定巡抚事例将隔属有司岁行参罚以儆积逋甚苦思也既经宣镇抚臣会议相同宜自今岁为始许宣大抚臣将省直应解边粮备查完欠题参到部分别处分无以彼此嫌怨互相容隐庶人心知儆而边饷不空矣从之

○山西巡抚李景光_○称自受事以来与所属司道极力樽节不遗锱铢甫及三年存积余剩互市纸赎等银至一十万七千余两可得米谷一十三万三千有奇足备四万四千余人一岁之食户部为请行巡按将所积省银两如数发岢宁鴈门三兵备令各管粮官照本色以时收买另贮一廩名曰备饷与正饷挨陈支放立循环二簿按季稽查从之盖边饷屡匱皆怠玩冒滥之过故户部举此二事为则云

○乙酉云南巡按周懋相称云南贡金岁五千两每岁发价给口往川狭等处采办计司发直岁几三万二千两而民间互相贴办数亦如之边徼赋税无多兵饷金价俱仰

矿税自嘉靖间开采垂百年于兹十二营之兵饷与五千之贡金额不可减则矿难终闭自去岁禁封摻括库藏以完金饷今库藏已空穷民失业亡命潜聚夷盗日滋采该司之议询众庶之情如石羊等二十四场累民者诚不可不闭而表罗普古郎永盛新兴西山凹礁石白塔北衙中场明直蒙孜共十场之有济者势未可终封宜为酌量照例开采以济贡金兵饷之费从之

○礼科都给事中邵庶等以星变论积秽宜除不报

○礼部左侍郎杨道宾以星变论逮系满朝荐事不报

○抚谕东路夷酋白洪大等从兵部议也白洪大七庆把都儿于诸酋中颇顺先年哈不慎犯边曾经讲誓永不犯蓟辽亦尝劝止班白者至是班白南徙抢官马衣服而白洪大七庆把都儿亦同上边诸部臣计无所创之者但令申饬严谕之而已

○直隶巡按乔允升劾宣府中路参将贾应隆山西行都司李明宣滴水崖守备陈尧年助马堡守备张魁各贪庸革职回卫张魁行巡按提问

○宁乡县土城改折甄石从总督马鸣銮请也

○四川巡抚标下复设游击以裁总督故宜裁副总兵也

○朝鲜国王李昉发还漂海人民称系旅顺官兵行山东查验收伍操练如系私贩下海别有情弊究处以闻

○陕西总督徐三畏甘肃巡抚周盘题参镇番参将王允中丧师失众守备甄尚贤隐匿败情宜行提问李时渐遏敌无功并革职

○山西巡按康丕扬劾北楼口守备徐时聘延绥游击赵永思贪虐不法俱革职回卫又劾平遥知县陈所学革职提问

○升襄阳知府冯若愚为下江道副使宝庆知府冀光祚为河南道副使

○湖广巡按史学迁保留参议王嗣美

○丙戌命礼部左侍郎杨道宾待宴朝鲜国陪臣

○吏部左侍郎杨时乔都察院副都御史詹沂等各上〈臣疏〉请及时批发考选恐以外议兴疑致稽大典也

○丁亥镇守云南太子太保黔国公沐昌祚给少保诰命

○升职方司郎中赵拱极为光禄寺少卿

○命大理寺卿郑继之知武举

○己丑大学士赉廷机请王锡爵于慎行叶向高等〈臣疏〉宜赐批发未下

○是日陕西抚按各揭至称梁永所奏满朝荐劫杠杀人等事各行关内潼关二道查梁永差人赴京经过应付自陕西京兆驿至河南阌乡县所解马八匹杠七擡俱安稳无恙而朝荐被逮旨到彼中军民喊乱梁永开门射死一人所伤一人于是大学士赉廷机再〈臣疏〉请免朝荐逮系重加降罚以安秦民并以安梁永不报

○升文选司郎中耿廷柏为太常少卿以掌大计故三选得迁例也

○命释放奢世续并赦阎宗傅等罪访求陇氏子孙为镇雄后并令安疆臣约束尧臣归本土司听遥授职衔不许冒袭陇职方黔蜀之议日久不决也 朝廷已意休兵而蜀议厉甚贵州巡按冯奕垣乃劾四川都司张神武贪功启衅流毒黔中谓普市摩尼诸奔溃皆神武迫之也蜀抚乔璧星< 〇〇〇 毓-金 >言神武以营兵十三人入蔺州劝谕世续非有启衅之心世续不悛嫡庶内讷神武因而执之以谓人执则印与俱存至于先此而印匿镇雄后此而宗傅狂逞亦神武所不及知今舍篡叛之贼臣而究疏失之将佐过矣又言时有早晚势有轻重当世续未执之先则追印为亟及宗傅狂逞之后则擒治首恶为亟今首恶俱匿镇雄而镇雄益肆则又问罪镇雄为亟矣当此兵粮俱集之时乘彼人心离散之际仗义执言驱之出境则阎宗傅仅一孤豚可空手搏也意锐甚如欲一决者盖是时狃于余胜将士以破贼相艳而黔抚郭子章独以兵穷饷竭为忧亦以安疆臣故微护尧臣蜀中不服也自冯奕垣< 〇〇〇 毓-金 >上蜀抚争之益力又驳毕节道金事顾起淹以诋张神武于是四川巡按孔贞一又上< 〇〇〇 毓-金 >曰臣观黔蜀之论一激一反苟不协心虽数十年未有定也盖川南土府籍隶蜀藩而饷归黔省在黔者欲因其利在蜀者欲正其名黔以安疆臣实长诸司输供征调若视为不可携之附庸而审时度势又视为不可开之瑕衅故以视疆臣者宽疆臣之弟此在黔言黔不特数年前如是即数十年后亦犹如是也蜀以安尧臣为黔土舍乘隙而据蜀芒部逐蜀土司杀蜀王民规蜀宣抚使为蜀者今日议防明日议战不欲以世续之壻篡陇清之族此在蜀言蜀不特数年前如是即数十年后亦犹如是也使黔蜀二臣互相更调则蜀抚何以计黔黔抚又何以计蜀乎今黔责蜀以生事喜功而蜀责黔以养寇酿祸蜀责黔以不约束不并力协助而黔责蜀以不安静不虑患虞灾此何异于盗至而同室操戈涉险而持棹相击者乎夫置之则藩篱之内长桀骜而挫国威讨之则兵革之后动两省而勤睿虑如使尧臣罪在必讨讨之而可刻期奏捷则宜与蜀以讨贼之柄责黔以协力之义劳一时而安百姓犹若可为也如蜀不可重困兵不可尝试宜特赐 乾断责成贵州抚臣仿土司袭职例起送尧臣赴部核其功赦其罪或令自陈平播夙劳授之官爵或土或流则予夺出之天朝而镇雄诸司安置随我反侧可以自安异论可以不作矣< 〇〇〇 毓-金 >下兵部亦谓兵不可动而于尧臣之应否驱逐镇雄之应否流土则犹让不敢议也而政府意趣召尧臣尧臣必不至于是有遥授之议嗣后宗傅降尧臣请避黔督遂请撤师与政府议合

大明神宗显皇帝实录卷之四百三十七

大明神宗显皇帝实录卷之四百三十八

万历三十五年九月辛卯朔大学士廷机上< 〇〇〇 毓-金 >自明为参政姜士昌< 〇〇〇 毓-金 >发也士昌以江西参藩奉表入贺事毕因言国是人材关系世道安危匪细去岁二沈之去忠邪同罢无一人别白使浊泾清渭混为一流后来无所惩劝又言一贯之相锡爵实主之今一贯去而锡爵复来则一贯实未尝去方锡爵柄政时正人君子如高桂赵南星薛敷教张纳陛于孔兼高攀龙孙继有安希范谭一召顾宪成章嘉祜等

咸一斤不复今锡爵虽痛自浣濯孔万无出理又言诗首关雎取其广求贤而无伤善书终秦誓取其好技彦而保孙黎古今语廉相必称唐杨绾杜黄裳然二贤皆推贤好士唯恐不及而王安石用之驱逐诸贤竟以祸宋其意盖规廷机也廷机于是< 〇〇〇 铨-金 >言士大夫精神不用于声色货利则必用于国家臣屡见人比臣于王安石夫安石欲开疆辟土先聚货财为用兵之计创为青苗均输等法安石收其行新法斥其不行新法者于是小人进君子退遂貽宋室之祸盖安石不通世务而好纷更又忿戾以求胜自古养名镇俗无益人国者多矣而至于祸国败名独有安石一人而执一安石以概后人岂通论乎今臣不敢方杨绾杜黄裳而自信其必不为王安石且阁中几务不过行所无事耳至夫人才起用岂惟不得干 皇上之权亦未尝闻吏部之事盖此时政地原是如此非身履之不知也臣居平诵无偏无党之言以为必不预一事而后承天下之事必不私一人而后容天下之人若哆口雌黄曰某宜起某宜迁以上分德而下招权则臣无此胆若徒慕不啻口出之风嫫嫫然以空言沟沫天下士则臣又无此舌臣之致疑坐此二端惟 皇上俯从士昌之谏议敕下吏部将海内遗佚次第起用使山无藏羽泽无隐鳞则不惟 圣德圣政之光而臣职臣心亦得白于天下矣于时 上犹未怒士昌也而士昌< 〇〇〇 铨-金 >中每以开诚布公集思广益为辅臣药石间引徐阶王家屏以欣艳辅臣而以邹元标之再鞫南曹为辅臣罪大学士赆以是专为己发也又上< 〇〇〇 铨-金 >曰臣病中得江西参政姜士昌揭帖娓娓数千言大都以天下建言忠义之士摈弃已久不得效用明时为当世惜十余年来辅臣有意摧折之为辅臣罪又谓 皇上本无不用诸臣之心辅臣实决不用诸臣之策若以进退人才之权臣得专制之可为而不肯为者何其重视今之辅臣责之如此其严也臣自入京六年绝不闻吏部以进退人才之事关白内阁往往于票拟时见之则内阁之权可知矣而犹以所不能措手者举而责之阁臣是徒知二十年以前之阁臣不知今日之阁臣也忆臣去年当事之初首陈要务无大于收人心收人心无大于简阁臣补大僚选科道起废佚四事四事毕举则三月之内太平可致今阁臣已简科道已选大僚已有次第点用之旨臣方私庆谓自今可聚精会神专请起废矣入告之语不敢传之外廷未遂之事不敢形之口颊声音笑貌之外固宜士昌所不识也二< 〇〇〇 铨-金 >继上于是士昌竟坐诬罔得罪云

○癸巳以阁宗传来降陇澄告退命四川撤兵从黔抚郭子章议也子章为蜀议不合既四请告得旨矣尧臣恐子章去蜀兵遂不可角口羊欲献阁宗传等以息兵端先是七月丁未阁宗传子大丙王应奇子明芳皆归命侯国弼军中而宗传时亦就降顾蜀抚意不仅在宗传也尧臣日遣人播川兵所骚扰状又为辞谩子章曰陇澄之入继镇雄致仕知府陇富承袭水西名安陇富则安陇之为一家旧矣今陇已绝嗣取澄继袭司道互结抚按勘明继立之与私篡大不同科且方征播之时调取陇澄奖率部落澄屡奏战功两奉题叙祇以水播地界之故责兄疆臣并阁其功又以藿州真印未出疑澄助逆今澄已追获真印于夷目阿夷处验交两省给奢崇明矣而川师久集不撤将谓欲擒阁宗传

等正法则各恶乌合不过匹夫何烦大师将欲驱逐陇澄则澄素怀忠义非梗化者比今澄即栖栖不去恐川兵临境则镇雄无辜难免池鱼欲即行而镇雄印信接管无人部落哀留未容出境乞咨达四川两院勿以陇澄之故劳费殃民澄必不回视镇雄自取覬觐之戮矣于是郭子章遂上〈硃-金〉曰臣观藿州之所以发难者在真印未献首恶未擒四川之所以罪镇雄者以陇澄为世续壻疑其藏印今印已献矣世续已擒矣阎宗传已降陇澄已具文退避请官交代矣又据营中申报阿利已死则藿州一事业已结局而川兵久驻未撤西南诸夷日怀戒心有言将藿州改流者有言改流镇雄并及四土府者有言因兄及弟并罪安疆臣者即四川未实有此而道路纷传夷酋惊骇永宁赤水毕节一带诸夷距四川远而于贵州近若兵连祸结南夷骚动在四川直封疆之乱在贵州为眉睫之急则其祸岂直如前藿州已哉臣为父病方寸已乱已非用兵之人黔中连年师旅库藏如洗亦非用兵之地今藿事已定又非不得已之时乞 皇上轸念西南敕部院会议将奢世续阎宗传等行四川抚按议罪将陇澄发回贵州与按臣查核功罪从公奏请庶兵不血刃而诸夷乐业边境以安矣盖是时尧臣犹在镇雄候官交代蜀中以尧臣既非命官则有驱逐无交代之理而尧臣又实以交代诳黔抚故撤兵之旨虽下而蜀抚犹未班师

○总督两广戴耀以交南入贡并叛首来献事乞录总兵王鸣鹤布政曲迁乔及诸将佐功状初韦达礼之乱督臣尝檄交南擒贼自效既而达礼悔罪献诸奸细朝议既许以不死而督臣犹以往负持之于是黎维新刺杀达礼函首来献事久不叙督臣言叛首远函于万里三贡并献于一时不费一旅之师坐收重译之盛宜有以激劝将士策励边疆诸臣应升赏者分别诸裁事下兵部

○调考功司郎中林学曾为文选司郎中 ○以嘉峪关及镇番两次捷功升将领李拱极等职级有差从巡按杨文〈硃-金〉等之勘也

○琉球国中山王尚宁奏献前使所郤金 上嘉其款诚并以礼金还其来使初兵科右给事中夏子阳行人司行人王士禎册封琉球事竣将行国王馈宴金及诸代仪者人各黄金六斤二臣固郤不受也至是王遣其舅毛凤仪及正议大夫阮国等再赉原金〈硃-金〉言二臣衔命远使亲督造舟三年劳瘁于闽中万里间关于海外勤劳辛苦倍踰昔日小国荒凉宴款之际所代黄金各九十六两世缘为例而二臣屡辞坚持大义二臣清白自励实 圣朝臣节之光外国使臣之表而劳苦数年风涛万里臣与通国实不自安谨将原金二封铃记乞敕二使臣分受旧礼无缺微诚获伸 上命礼部谕来使赉回原金亦嘉子阳等廉正得使臣之体焉

○直隶巡按邓渼以通州水灾四关圯塌无可防守城垣之坏一千二百余丈并三十二年久塌之垣共一千七百三十余丈宜及时缮修并请赈恤灾民及蠲免粮丁事下该部

○辽东巡按萧淳表扬贞烈一烈妇李氏盖州卫人一节妇刘氏宁远人

○总督三边徐三畏条上防秋事宜言全狭四镇延袤五千余里处处邻虏庄秃趋起于榆塞银定鸱张于贺兰吉囊垂涎于河西火酋盘据于湟中至于秋高草肥胡马争嘶犹当万分戒严臣于八月初四日提固镇官兵五千去延宁二镇中出花马池以一千驻定边东援延宁一千驻盐池西防宁夏一千驻下马关南提固庆其余随臣于花马池策应四方仍檄四镇道将各相机宜毋纵敌毋挑衅俟秋防毕日查核以闻章下兵部

○甲午 孝恭章皇后忌辰遣官诣 景陵行礼

○兵部请行云南巡按勘克获交夷功状从巡抚陈用宾之请也八寨之捷虽大首未得而黄文通已斩李世茂就擒白麟已降巡抚议以淑泸参将张世名提学金事署临安兵备范允临出奇制胜例应优叙广南土酋侂应祖容留逆贼接应交夷法应重处但地震之后进兵不祥宜责令擒侂金贵并李世华赎罪免其征剿阵亡官兵舒起龙等及阵伤兵舍并宜恤赏从之

○以甘镇两捷功加总兵达云子奇功升袭二级世袭为凉州卫都指挥同知

○以协守定边副总兵王威充总兵官挂印镇守延绥以提督南直狼山等处副总兵万邦孚充总兵官镇守福建以协守四川松潘副总兵孔宪卿充总兵官镇守广东

○刑部奏凌迟斩绞犯人五百九十七名请定期朝审 上命今岁各省直暂免行刑俱牢固监候

○丙申以辅臣赓在告赐饩牵酒米酱茄诸品

○原任南京兵部右侍郎减惟一卒惟一守中青州诸城人嘉靖乙丑进士性清亮其居官多引大体退而多为德于乡方弱冠起家宿松调太湖入为户部主事遂移吏部新郑江陵相继秉政惟一处之不激不随虽不尽厌二公意而犹交重谬许之以厌士论乃升太常少卿转大理摄卿事历太仆光禄二寺卿方其为大理谳狱多所平反抚河南时光山牛产一麇越宿而毙有图其麟者内廷促抚臣进之惟一< 足 毓-金 >言麟产于牛即不足为麟生而毙亦不足为瑞诸贵人心病之也明年引疾归又十三年己亥乃起为南兵部右侍郎治战舰核士籍皆一禀于法屡内推不下丙午疾亟予告归至是卒士庶共立碑追诵其德若还婢折券忍诟释盗诸事虽万石大丘不过也有子六人尔劝尔令皆起进士世其家

○靖江王府未封幼宗经证等以盗劫内官财物事下刑部

○丁酉遣光禄寺少卿刘宪宠往韩府致祭

○命监察御史李时华方大美监试武场

○调山西参政陈廉补赤城道兵备

○戊戌以重阳节颁赐辅臣赓白金四十两彩币二表里廷机半之并补赐往岁年节

○命右春坊右谕德兼翰林院侍讲林尧俞史继偕充武举考试官 ○以协守宁夏副总兵姚国忠为中军都督府佾书

等蓄谋狂逞虽旋就扑灭而余党复布妖言惶惑远近南京兵部尚书孙矿参赞是司安危所寄其不得不急擒捕者法也郎中刘宇诚能核真伪慎发纵约束严明则地方可靖乃使恶弁悍卒乘势咆哮勘过多命或死奸死溺死保候者鼎沸一时大骇视听上失庙堂之指下阱无辜之民刘宇不得不任其咎矣至若坐营军番诸役奸淫诈鹵讎抢抑勒罪有轻重条律具存宜将郎中刘宇特行处分以为溺职之戒并行南刑部衙门将各官军分别究问从之

○湖广巡按史学迂请裁巡抚标下兵饷初楚抚标下原议练兵八百余名及汰存巡道标下并新募兵可足千数迨乙巳楚宗之变杀赵巡抚易登瀛继之议添募标兵采各州县常仓浮粮并民壮工食一万有奇以充饷额已部覆报可矣而议者以为无用至是史学迂< 〇〇〇 铤-金 >言楚地延袤虽称寥廓然界在内地与诸边闽广密迩倭虏者不同前者逆宗之变事起仓皇非尽无兵之过也况巡抚标下原有操兵幸而地方宁谧如此已壮军容万一多故即添募数百何益多寡之数哉且应募之始尺籍可稽过此则倩雇之事起矣富下宗室出银顶买而游手亡命倚之为奸往岁突祸缘执戟荷戈之士尽群宗之义男买子故群恶攘臂诸役袖手则招兵何益之有哉宜以额派军需留之司库以备积贮以抽扣民壮还之州县以固防守乘此未募之先蚤为停止诚不胜至便事下兵部而募兵之议息

○礼部右侍郎黄汝良以内艰守制归

○调车驾司郎中黄克谦为职方司郎中

○乙卯礼部左侍郎杨道宾乞归不许

○丁巳逮咸宁知县满朝荐至京辅臣赆廷机是日揭上申救不报

○戊午升江西按察使李开芳为右布政使

大明神宗显皇帝实录卷之四百三十八

大明神宗显皇帝实录卷之四百三十九

万历三十五年十月庚申朔陕西西安天鼓三鸣

○享祀 太庙遣英国公张惟贤行礼永康侯徐文炜泰宁侯陈良弼分献

○户部言运司盐课自万历三十四年夏至三十五年春两淮课额欠至一百余万长芦欠至十八万余山东欠至七万余玩延如此边饷安得不匱宜遣官守催严为责成如有怠玩揭到即行参处从之

○宣大总督马鸣銮以大同固镇华夷杂处新平等堡当五路进贡之秋得胜市口属万虏易马之会分巡冀北不可无人议留分巡道杨一葵加衔再任如易州兵备张崇礼故事以一葵屡推粤东未下故也

○辛酉 孝洁肃皇后忌辰遣官诣 永陵行礼

○直隶巡按黄吉士以漕船押空违限参羽林右卫指挥罗九经等罚俸有差

○直隶巡按邓澄以畿南灾困俵马多艰为请改折疏曰臣按属六府皆系俵马地

方而寄養則易州靜海等十處耳六府州縣中產幾何而衣食稍供俱金馬戶向猶以歲未全侵督責就前今則千里成沼禾稼蕩然中貧之戶栖身無資又安能堪此千餘里俵角口羊之役乎夫一馬三十金價非乏也乃馬口之措勒刍豆之涌騰道路之盤費以至城狐社鼠店牙兽医俱為啖馬之虎每馬多費常十餘金而水草不調則病跋涉不習則腐鞍花鬃尾一有可摘則格一經駁回或有倒損則十家之產一日盡矣如近行唐縣三十四年秋運大馬三十三匹駁換一十一匹馬頭張發回告攤并私貼銀三百七十四兩入京驗完而范太監處批質不發發以賠累身死家喪而公務未結則其他可知查萬曆十四年真順等四府二十五年河大兩府二十八年保真等六府俱以災傷故前撫按諸臣俱為請停免改折有差方幸賴 聖主威靈北虜東倭無大瑕衅三十五年太仆現馬將二萬匹亦足以待征調之需而罔寺數十年之積業空于那借之余若每馬以三十金改折不但省馬戶之苦而發之各邊上下十餘金可得中上之驷是用折色之半而存本色之貯罔藏不失而窮檐赤子又藉以無斃也宜將保河真順廣大六府所屬州縣應派者俱改折色依二十八年春秋兩角口羊之例易州定興新城雄縣新安容城涑水靜海青縣任丘十州縣寄養者依前二十五二十八年例先為兌調以當賑恤則寄養窮民均被寬恤之恩矣疏下兵部覆下從之

○癸亥以 中宮千秋節賜輔臣上尊珍饌

○漕運總督李三才以揚州等處天鳴和州一帶地震清桃來安等處俱有鹽徒屯聚強盜流剽雖漸已角口羊散而北方大水流民載道占者咸恐有兵請以揚州參將孫繩祖補狼山副總兵以防倭寇并彈壓諸鹽徒事下兵部

○吏科右給事中翁憲祥請通章疏以存清議為前禁發抄事發也

○升濟南府知府俞維宇為東兗道副使

○浙江巡撫甘士价乞休不允

○丙寅升原任驗封司郎中侯執躬為施歸兵備副使原任山東按察副使沈蒸為湖東道副使調江西按察副使蘇茂相為提學副使升潮州府知府金時舒為惠潮兵備副使

○丁卯太子少保南京兵部尚書孫礦乞休不允

○升巡撫山西僉都御史李景元為右副都御史吏部題稱景元履任三年預蓄三關本色節省銀一十萬七千六百餘兩招撫復業人戶三千九百六十餘名賑恤災傷田六百餘頃屢立勞績宜示酬嘉故有是命

○兵部進士譚諧疏稱母符氏苦節東筦聽選貢士黃澗稱繼母尹氏苦節柳州聽選貢士俞咨龍稱曾祖母董氏苦節乞旌表事各下禮部先是有東城副兵馬黃恩官聽選舉人李弘施候選兵馬王之朝徐州貢生李崇香各自陳母節俱奉旨下部

○延寧各酋男惹得能台吉奔把什力刀兒計及松柏台吉各准給冠帶授試百戶職銜凡款虜事例每鎮各輪叙二名延寧諸虜初以犯順稽叙既以效款追功則并叙之

外必停隔一年方得再叙唯松柏台吉久赴铃束应与职銜于是再为申饬

○兵部覆辽镇失事将官已经提问照纳赎完日姜显谟杨松荫徐可大武明扬蒋懋忠官承爵薛邦魁降级罢职罚马有差从之

○山东巡按萧淳劾代管中右所游击赵之牧代管中后所游击吴贡卿及守堡官孔朝用陈尧勋等当宁前失事时皆隐匿情弊掩败为功宜行提问从之

○戊辰兵部尚书萧大亨请简枢贰报闻

○以河工告完纪录管河参政顾云凤罚治兖州同知许仲誉从总督曹时聘之请也

○直隶巡按李云鹄以灾毁敕书自表请罪命补给授之时南台员缺已多云鹄所带山东云南贵州湖广广西山西四川印凡六颗又西南北三城并差印四颗及上下江敕书二道咸置私寓楼中九月壬辰火起寓中爇其上江敕书而十印者俱已出无恙云鹄请罢斥以谢天谴 上命照旧供职并补其所爇敕书

○山东道监察御史叶永盛以九载考满命照例于京堂员缺推用

○陕西咸宁长安二县天鸣地震

○己巳与故太子太保左都御史温纯恤典加祭九坛造坟安葬

○靖江府奉国中尉任日□安等以强掠官物立毙民命事下法司会议从广西巡抚杨芳劾也

○刑部奏拟犯罪乡官王显节等发遣收赎从之

○庚午陕西道监察御史吴楷河南道监察御史王业弘俱以九载考满著照例于京堂员缺推用

○宣大总督马鸣銮题称宣镇翼拱神京比栲虏穴向时仓庾充羨马腾士饱迩来挽输愆期不积锱铢开市抚赏秋季粮俸冬衣布花数十万之需迫无所出又虏王新故边防叵测非可悬罄之时查万历二十八年起至三十四年止京民二运通欠银九十六万八千二百四十余两不题催接济则积欠愈多完角□羊愈迟三军之饥难调千里之干城何赖乎户部覆言有司因循日久玩愒成风藉抚字之空名忽催科之实政苟非天语丁宁虽一日三四督促亦无补于空匮宜特下严敕督所在催徵星夜起角□羊以济急用于是有抚按官严行参治之旨然府县催徵自本年京运已题未发者尚苦不敷而积年逋欠竞相沿难问云 ○云南布政使梅淳奏浪渠州土舍陈镇承袭父职许之

○降南京职方司郎中刘宇为山西按察司经历

○壬申礼部左侍郎杨道宾以病久乞归不允请简尚书及右侍郎并俟点用未下

○户科都给事中姚文蔚以历俸最深许南京京堂推用先数日诸御史九载者各许迁京堂矣文蔚以俸不通理仅称六年考满不得先诸御史文蔚乃自言我朝条例有官员九年已满托故久住之禁臣历任已逾十年给事中与都给事中品虽不同而衙门

同职业同安敢托俸不通理之故而干在任久住之禁乎倘荷 天地之恩不欲遽斥乞以原职致仕于是得推用留都

○直隶巡按御史宋焘申救姜士昌坐降级调外并降姜士昌为边方杂职官姜士昌之谪也去方浹月而宋焘以改差将适淮扬遂于江浦上疏曰姜士昌之论旧辅邪正之别天下人皆知之天下人莫不欲言之在旧辅未去而言者已详乃过则归君至今未已则以留钱梦皋之故在也旧辅之留梦皋已昭然耳目而勋以格外之举倭之 皇上使 皇上与旧辅受过而卒无以息天下之议且自古权臣能蔽贤于在位之时不能蔽贤于去位之后今一贯已去而廷机复入素所触忤则永辍不用昔将依附则举足皆通方廷机之在礼部斥一聂云翰抑郁以死及枚卜之日科道交章诵言德政非畏廷机也畏其心腹爪牙之威先辈提携之力飞鹰走狗代为抐击也今复斥一姜士昌使天下忠说垂首丧气即有大奸大恶代异党同窃弄威福谁敢复起而发其奸哉疏上 上怒谓聂云翰事当日何无一言乃至今呶呶未已疑宋焘行值士昌士昌嘱讼之也欲拏究宋焘稍角□羊乃降焘一级调外而重谪士昌

○癸酉大学士廷机上疏自白曰臣至愚不肖 皇上用臣费许多主张许多庇护而诸臣又为臣费许多赤舌许多白简以臣一身上累 皇上下累其友何可一日安于位也臣昨乃见焘疏不过为旧辅沈一贯发耳臣不幸叨中一甲同庶吉士读书因而有教习馆师又不幸臣之向用而旧辅当轴又不幸当南北二辅偶有猜疑之际臣本无偏党当其会问妖书臣作色直言朝臣之所共睹也方臣在礼部聂云翰条陈科道年例臣谓礼部官何与科道事云翰因而陵轹呈臣朦胧臣叹纲纪之陵夷因以浮躁处之察典今言者以云翰为有技彦圣臣为媚嫉引秦誓之言臣亦以恶讪上恶不逊用论语之旨若谓死由考察则礼部四司四年七人盖有美迁而死者矣焘乃以臣为杀人媚人比之豺狼秦桧严嵩之徒不无过激然言官论事激其常也其意为封疆衡门诸贤未见擢用督过旧辅而波及于臣而言臣论人波及亦其常也乃上干 圣怒而重之谴则臣过益积而不可角□羊罪益大而不可赎唯原宥二臣免其降谪放臣归田则群疑尽释臣上不累君下不累友臣之幸也亦国体之幸也疏上后数日温旨慰留仍有忠直清正之褒

○户部奏覆东省灾伤繁重宜依分数减豁贫粮其被灾十分至九分以上禹城濮州临邑陵等二十六州县被灾八分至七分以上□河平原邹平德平等二十三州县各改折七钱输纳内除济宁鱼台单县三州县蠲免其被灾六分以下至四分沂州宁阳长清德州肥城等十二州县俱照旧徵角□羊本色其被灾饥民俟冬末春初酌量赈济造册缴请从之

○兵部以清军勾扰议将已清年远无顶项军人一千八百九十四名咨都察院行各省直住勾嗣后不得以勘结冒请从之本武库司主事邵可立议也

○升职方司员外洪都为职方郎中

○与黔国公沐昌祚母程氏恤典祭二坛外加祭二坛仍遣官护送归葬南京

○甲戌吏科都给事中陈治则河南道御史王业弘等各疏救宋焘不报

○礼科都给事中邵庶等以旌恤大典滥请成风乞严行申飭以杜妄干以一法纪不报先是礼部侍郎黄汝良以内艰归自陈日讲侍从为母乞祭葬而户部郎中林欲栋又以父武直死于征剿援卞时雍例请赠二级及诸请旌节者皆踵黄恩官李弘施等起故时论及之

○巡按直隶黄吉士以漕务事竣荐东昌知府陆梦履等六十人劾武城知县凌志魁山阴知县杨师孔二人时师孔已升而方在任时以加耗太苛坐不职参论云

○升文选司员外张养材为验封司郎中

○升常镇兵备蔡献臣为湖广按察使照旧管事以地方保留故也

○江西巡按史弼改差湖广巡按

○大理寺右寺正陈应堂以四川恤刑差满复职

○直隶巡按黄吉士以漕粮欠额劾安东知县王三鲤高淳宋祖荐等俱下户部

○山西巡抚李景元劾太原通判张东鲁文水知县陈九职事下吏部

○丙子大学士赓以一品考满加少保改吏部尚书兼文华殿大学士荫一子中书舍人给诰命仍赐蟒衣膝襴一袭

○升考功司郎中李延大为稽勋司郎中调工部主事王宗义为稽勋司主事

○丁丑 孝昭皇后忌辰遣官诣 献陵行礼

○大学士赓恳辞恩命并乞归不许

○大学士廷机又上疏曰臣观自古君子用世必度人审时未有拂人违时不识去就之分而能善其后者今臣之不容不去者更仆难陈而大端有十臣以一介穷儒受知圣主厚恩命薄福过灾生不有人非必有鬼责一宜去也自南北二辅不协而人以臣为南辅门生必不相容根深蔓长二宜去也臣凉德菲材揆席未登而弹射已及臣即毫无芥蒂而人终不能忘情三宜去也臣迂阔朴直不能谐时人但索臣于形貌套数之间则见面目可憎语言无味四宜去也臣援甚寡臣势甚孤即有一二怜臣人必以爪牙加之五宜去也 皇上英明独断近日彙旨处分皆御笔亲书云汉昭回有目之所共睹其他票拟或出首辅而外人輒归之臣至于禁发抄一旨亦谓出臣所拟欲箝人口而壅 圣聪一疑百疑臣所不耐六宜去也始比臣于包拯王安石今比于秦桧豺狼循此以往何所不至七宜去也人臣必望重而后能任事必身安而后能矢谋今臣望甚轻臣身甚危其精神不以之赞政代言而以之陈情诉枉其意念不暇乎亮工熙载而移之忧谗畏讪徒为旷鰥终难表树八宜去也夜行不休古人所诫今臣已当钟鸣漏尽之年不为荣身肥家之计空疲此六尺于风波戈矛之中九宜去也众口铄金积毁烧骨今臣独特 皇上一人之知而人言不已 圣心亦且厌臣及今而去不伤 圣主知人之明不失愚臣保身之术十宜去也总之一去则臣心安天下亦安不去则臣心不安天下亦不安唯

皇上察焉是日旨下慰谕有加不许固辞

○户科都给事中姚文蔚辞南京堂之擢乞休致不许

○户部题苏州府所欠布花自先年蠲免八十万外万历二十九年起到三十五年终尚欠八十三万二千三百八十一疋内嘉定所欠独多参嘉定管徵知县陈一元昆山知县王时熙太仓知州李世鳌苏州府署印同知先韩子祈今王照等各住俸催徵

○命畿南六郡灾伤之处照顺永赈灾事例发德通二仓米各五万石平糶以苏民困其价银径角□羊易镇抵充年例从保定巡抚孙玮之请也 ○调验封司员外周应秋补文选司员外降御史宋焘为山西平定州判官姜士昌为广西兴安典史

○戊寅延绥总兵邓凤以不法行陕西巡按勘问邓凤之在固原也已有发其结拜逆悖不法事者久之得寢至是巡按王基洪论其背华助逆及其宁夏诸秽迹方候未下也而部檄调往延绥邓凤自以部檄在前弹章在后遂诣延绥到任于是总督徐三畏亦论凤宜行勘问部议覆上从之

○广西东兰州族目韦贤等以进表违限行抚按提问

○大理寺寺副汪承爵以陕西恤刑差满复职

○命武定侯勋卫郭应麒管叉刀围子手

○己卯兵部参辽东失事将领张联璧华得功辛朝珍刘进忠等行巡按提问

○授四川官旗吴英等八十员各百户以前庚子岁綦江等处功也 ○南京行人司署火

○庚辰湖广巡按史学迁荐举方面杨道会张偲等十二人劾分守湖北道副使李廷谟章下吏部

○壬午刑部员外丁永祚恤刑江西差满复职

○太湖知县胡士章以盗犯越狱夺俸三个月

○总督三边徐三畏以秋防事竣言套酋火落赤舍打太苦打太卜言太铁雷把兔已于九月初四叩伏领赏毕庄秃赖与弟温库儿俱就互市卜失兔以庄酋输款亦来订盟则阖套之款已成全局宁夏一带黄妇诸夷皆就约束即银定歹青尚在趑趄而部落无多宰僧已没不足虑也又前顺义迎僧之使约二千五百有余皆逐头口陆续归巢则海上可无养痍之患盖诸夷颇尚释教自顺义迎佛而后套海诸虏亦时时饭僧倦于攻斗而火酋去冬杀爱婿银歹是春丧士马有以稍褫其魄云 ○癸未命 福王庶一子名由崧凡藩王生子五岁请名例也 福王以未之国不依外藩之例礼臣先请 上命即百日命名

○甲申署都察院事詹沂以台署日空请补缺员御史不报

○直隶巡按方大美参革任游击宋德隆钻刺不法行巡按提问

○乙酉工部右侍郎刘元霖以铺□烦难请再金报从之初工科诸臣屡请金□也上以金□之扰不下于派办故慎重者久之至是 上言内供□役偏累五六疲民殊为

可悯宜酌定人数会同来说其该优免人家不得讎诬报派如核虚实杜嘱托减垫费禁需索等项俱要从公执议加意体恤务使人心乐从称朕爱养畿民之意

○湖广道御史唐之夔请饬铨属之规以息异同之议为两广铨司发也故事铨司凡十四员两直江浙福湖河南山东西狭川各一员两广共一员为十二员又二员分两直以江浙福湖人众者通融互补偶值两人皆令共事云贵未有分属或间用于二员数中但不著为例万历二十六年推择司官乃有两广云贵合推之说三十三年吏部推举遂以云贵一人与两广推中吏科给事梁有年争之乃仅推两广而题疏犹合云贵为词是春二月工科给事中王元翰复理前说欲于四司中添一员以为云贵而杨时乔亦以册库缺司议添二员以待各省间用而云贵缙绅间谈往事谓云贵铨司原有三员不与两广共者议十月不决矣唐之夔乃言臣阅铨衡人鉴云贵两广铨属之推各不相蒙人鉴所载云南赵汝濂于嘉靖十五年由文选主事升验封员外至十八年升南玺卿而广东伦汝谅亦于十五年由御史改考功主事至十九年升通参两人同时不相引避则合推明矣自伦赵而后广缺递补而云贵无闻考其先达如孙应鳌之贰宗伯严清之都冢宰数十年间云贵人材亦尝辈出而两广司官未尝移之以归云贵虽两臣清贞亦必有一定之例故也臣非为云贵可少司官惟是两广自两广云贵自云贵毋劳牵合紊成规而敝唇舌也于是王元翰复申前疏颇以稽迟咎少宰然少宰实建此说独与元翰合未能得于群议也又方移刑部裁补司官未报久之刑部议允时乔乃复上疏曰臣考会典洪武初定吏部四司主事各一员至三十一年以选司事繁添设一员正统十年又添功司一员盖因时制宜虽创法之后不能不复更置也若封司政务其繁不减文选而又加于考功毋论赠荫诸大典即吏胥一项簿牒漫漶窟穴其中机智夤缘千态万状自非添设分任以暇豫精专之力一意爬梳鲜不溷者且以四方之文移四司之案牘一代之典章俱存册库使典以其人毋论防绝蠹即纂修国史之张本亦于是取焉臣受命摄铨而典籍故事一无所稽堂上临时从吏书索取证据臣实愧之所幸册库为 祖制首务得循名议复请于验封司添设主事一员令专领其事严扃钥勤参验四司于此查对遇更替即逐一交盘如库藏例藉有神奸必不敢高下其手以此一员处云贵之资望应及者大约以九年三科为率选择擢用令常川在任不得如他省去来至升后顶补亦以九年一人为率至于回籍之人乃以待他省之同时相值者今刑部已允裁司官薪俸不增而典籍有托臣以为经久甚便 上是时乔议许设一员矣顾以专管册库及九年三科之说为未快谋始也盖庭议有云云贵可罢者又不欲以铨曹下董簿书而时乔意则直为库册而发自是验封得加员而云贵间用议卒不决

○兵部题三科武举宜循旧例得与武科一体叙荐甄别收用从之

○贵州布政赵健为石阡长官司安燕孙请承袭从之

○湖广巡按史学迁劾醴陵知县诸道元荆州通判江汝淮祁阳知县许如珍汉阳知县黎可耨等事下吏部黄州府推官高维垣以萧继元讦奏事拟改调谓维垣修怨于

继元也

- 丁亥大学士赓三疏请休不允
 - 戊子大学士廷机复入阁视事
 - 己丑遣行人汪三益往长乐王府典丧
 - 升河南参政吴中明为按察使
- 明神宗显皇帝实录卷之四百三十九

大明神宗显皇帝实录卷之四百四十

万历三十五年十一月庚寅朔以长至届期赐百官休假三日

- 湖广巡按史学迁请罢口税撤矿务以苏全楚不报
- 直隶巡按黄吉士勘碭山知县高瀚以贪酷革职为民
- 升文选司主事刘崇文为考功员外郎降云南按察副使张璧补四川参议
- 故大学士刘健孙刘维忠乞补荫事下吏部
- 壬辰以宁夏副总兵王邦佐挂印充总兵官镇守甘肃地方
- 癸巳享祀 南郊遣英国公张维贤行礼怀远侯常胤绪永康侯徐文炜兵部尚书萧大亨分献

○大学士赓廷机以长至诣仁德门称贺赐酒饌有差

○调稽勋司员外胡国鉴补验封司员外

○吏部左侍郎杨时乔援何孟春例自乞改南不许方姜士昌疏下时 上怒命部院参看而时乔以卧病为辞久之乃上然亦不敢有所排拂言者遂以木桃琼瑶责阁部以为时乔心阿辅臣也至是礼科给事中戴章甫又论仪郎张嗣诚躐进可骇功司李延大退缩堪羞言国家仪郎迁转什九宪副什一大参问一卿寺近自张我续而下十数人惟王纪刘宪宠以两遇大典得升光禄少卿不知嗣诚何缘得之又功司职掌在核贤否辨忠邪采公评以资品隲或奉旨看说即属稿呈堂所从来矣迩者部院参看之事延大职在功司而三神皆摇五色无主又何以察官材而饬百工耶疏虽不指时乔而意实为时乔发于是时乔疏言臣叨仕籍久假在里召命起家躐署铨政贤否混淆举措错缪爵禄空虚輿情抑郁实臣失职所致屡期推用尚书右侍郎未奉特简而臣病数月鲜接公座铨体实由臣而坏又以参看纡迟蒙恩不究国体亦由臣而损臣实悚愧不宁查前例有吏部左侍郎何孟春自乞改南准改南京工部右侍郎今事例相同有南京礼部右侍郎臣前十年尝与此推今尚悬缺敢以此请既而有旨不许时乔亦出视事张嗣诚李延大先后辩章甫疏俱各不下时乔乃陈梗概以明铨体疏言故事科道吏部属例得每年推升京堂至如各部礼兵四司例有轮转若仪司以典礼会试职方以边防秋营屯之以工建户曹之以边饷及刑部有绩望者每三年内皆得间升五品京堂所以唱率习兴起吏治也近例仪郎七年内外升副使八年内外升参政嗣诚今俸八年有余矣尝主考广东及与会试即以实授郎中计资九年有不止于尚宝少卿者李延大参看一节值功

郎初转选司延大以员外擢署功事臣已卧病经旬而延大方署事三日仓皇呈草已属稽迟至于列疏署名则该司该道俱未之书不独延大为然矣近者三年先后论列去二郎中今复移咎二臣率属之玷职何所诿唯有静听 圣明处分其余悠悠均俟公论耳盖章甫疏中有钻刺贿赂语杂不足陈而又以嗣诚故议及林学曾学曾初为选郎介有守铨曹中称之也于是疏下 上言仪部迁改有例非选郎所私部院会题亦非功司得与林学曾李延大照旧供职然犹再议嗣诚以答言者久之时乔又< 跣 金 >言嗣诚历俸已八年余八月以郎中正五品改尚宝少卿从五品有难于别议者查万历三十一年八月祠祭司员外吴默改尚宝司丞三十二年十月仪制司主事彭遵古改尚宝司丞主客司主事李僚改光禄寺丞皆非实授郎中但以资望相应改授亦非如王纪刘宪宠等有册立徽号勤劳之例也宜令嗣诚照旧供职俟九年考满题补升用从之

○以军士缺冬衣备查各省所欠绢布钱粮自苏州一府前以特旨督催外自二十九年起到三十四年止松江府欠梭绵布共七十八万一千五百三十五疋河南欠绵布十二万二千九百余匹山东欠绵布一万六千七百余疋苏州尚欠绢五万五千六百余疋湖广欠绢四万七千六百余疋江西欠绢一万四千七百余疋尚自三十一年起欠苧布十九万一千九百余疋俱限三月令各官住俸督催

○甲午祭 三皇于 景惠殿遣詹事府萧云举行礼并以是日颁饩于辅臣

○乙未大学士赓廷机以来复届期请下考选科道及庶吉士之命报闻 朝鲜国请明年历日百本命礼部给之

○湖广巡按史学迁请豁犯官谢世爵生员沈机仇国彦等为郢中激变之狱也初陈奉之入楚诸亡命依之所在为虐而参随薛长儿李二生皆郢人故讎报郢人独憐生员沈希孟张奕业遂与诸生哭于武穆纛下乡民从之闕不可止陈奉两疏参诸司道遂逮沈希孟张奕业毙于狱中久之事稍角 羊而谢世爵以不闭城门沈机等十七人以从旁观望尚系案中至是按臣乃援恩诏例出之

○福建道御史邓澄劾江西税监潘相李道不报自陈奉梁永而后天下税务渐归有司而江浙闽广犹故李道潘相亦屡疏请归未许而李道所治湖口居费尽焚御史以江右瘠土而税监两设煨烬之后恐复鳩居故请撤回以顺 天心以溥 圣泽云

○丁酉工科左给事中孟成已告病踰四月请假不报

○己亥四川巡抚乔璧星以镇雄之讨朝议未决又上疏曰兵贵有名师直为壮安尧臣篡据镇雄要君之罪已不容诛即与宣抚司提衡而论奢世续以女土官占匿印信阎宗传以一目把倚势披猖犹然擒治剿处之矧安陇异姓黔蜀异省土府世爵等于侯封岂容孽夷篡而有之哉自尧臣为逆以来淑泸以南毕节以东据掠生口日不绝警又杀土知州杀土经历杀威信安靖二长官苟复任其鸱张必纵为蚕食是朝廷之威令不能行于土夷使负固崛疆者皆效尤自相君长也臣待罪封疆为蜀计何能为尧臣计黔中动以兵饷为难然如咨文所云则尧臣朝去臣即暮为班师假令不然则兵老财匮

谁任其咎盖是时蜀抚未奉撤师之命尧臣既称退避请官交印矣而又有委官坐镇之请冀朝夕撤师则陇后不立镇雄终非蜀有于是蜀扶持之益坚上仍命依前旨从事而已

○庚子前礼部尚书于慎行行取至京

○肃王绅尧进马五十匹命赐王书并大红纁丝常服一袭白金三百两彩段六表里

○兵科右给事中吕邦耀疏乞批发章奏以开言路亦为禁发抄事发也南京工科给事中金士衡亦请宽时禁以昭大公俱不报

○刑科左给事中曹于汴疏言臣等管理巡青催督口人办纳内外仓场房局三十七处草豆等项以数百万计自京库钱粮匮乏给不以时各口称贷完公而各仓场管事内官铺垫等费捶骨竭髓以致人人破家逃死相继每一金报如赴汤火惨伤之状不可睹闻顷见内官马堂奏免詹锐口役又见内官孙盈奏免李如桂俱奉旨优免夫詹锐李如桂内官之人也口果有利彼岂避而不为哉知二人之苦累而求为之脱者内官也而苦累数百之口使日不料生贸易无控者亦内官也 皇上试举以问内官亦何说之辞夫一草一木亦具生命乃使茕茕赤子富者贫贫者死视仓场如牛羊之赴屠肆股战魂销此岂盛世所宜有哉易云穷则变变则通今亦通变之时矣各场员役原有定数而贴场带衙以及库秤写字等月益日增不啻倍屣铺垫手帕茶果杂费日朘月削动称万余浩大不贲即如驴骡牛羊岂公家所急需而动成千百不知给发何时而永藉喂养且御马三场例不核其有无而草豆毫不可少当丰盈之日尚惜漏卮况此绌匮之时柰何填之沟壑乎倘诸内官以马堂孙盈之视詹锐李如桂者视诸口亦必凄然不安矣惟望皇上严谕该衙门查议撙节清汰至于买办草豆以备军需固不可轻议就中亦有事非紧要或责令寄养人户按月领银自行备办其御马仓代办供用库中府天师庵代办酒醋局或当另行议处以苏三场之口盖费多则口困口困则办纳不前积贮不裕非民之利亦非国家之利也于时御史邓澄亦上疏曰待罪厂库见金口诸臣责令旧口开报人户密付五城薄夜拘之如缉巨盗其各被金报之家恸哭就死而闻诸司房沥酒相贺盖诸司房拨置中档不愚弄不足以窃威福诸新口愚民素闻金口之害又摄中贵之威不多方贿嘱不敢见诸小小用事者已见诸用事者又几转折乃见中档见中档而后见诸刀山火柜非刑考酷以为不如是不足以誓折诸口使之唯所欲为既唯所欲为而后今日之库支后日之身命皆尽于铺垫使费之内唯发 明旨特严见面之费革铺垫之例如仍前荼毒许臣等以三尺从事诸口其庶有瘳乎疏上俱不报

○命伏羌伯毛国器成国公勋卫朱纯臣俱管理红盔将军 ○辛丑考选进士钱龙锡等授庶吉士

○调考功司主事李养正为文选司主事

○前南京吏部左侍郎叶向高以行取至京

○壬寅前南京户部尚书王基卒基青州益都人嘉靖乙丑进士初授户部以失时幸意出为运同久之擢大同知府时代藩有谋杀世子狱馈珠二罌基立斥之爰书以定秩满迁晋臬备兵河东历方伯巡抚大同绝馈问不赴元戎之宴边将咸用自励以边功得虜级四百赐飞鱼服正一品俸荫子基固辞荫许之寻转少司马以试炮伤颊予告归迁南京户部尚书督理粮储加太子少保疾卒方基之为晋臬赍捧入京偶心动意母有疾单骑四日夜驰千余里至家果值母病时人以为孝感云

○河道总督曹时聘以河工告竣请叙劳绩以励臣工自阁部科院而外所叙荐三百四十余员事下该部吏科给事中姚士慎疏曰臣惟国家有不可爽之爵赏人臣有不可冒之事功往者苏庄河决河臣议大挑朱旺口使水归故道用帑金八十万然朱旺之役甫罢而彭家楼之决旋报即云筑塞新功旧料可藉然皆国家积蓄安知今岁塞责明秋泛涨不又为彭家楼之续也且河上之役上原下湿庐处露宿尝其甘苦者宁有几人溃决则幕流杂职受其罚堤成则高牙大纛享其功往时大决故议大挑大挑故议大功使河再决而再挑再挑而再议功是岁岁叙功无已时也先是巡河御史黄吉士查勘回奏亦言臣观是役塞苏家以开朱旺挽北流而使东注河臣焦心兼收群策其虑未尝不慎谋未常不臧也第河性善溃未易约束去岁坝成放水即有人字河之溢今岁勘阅正值秋水泛涨四望弥漫杨村集以下陈家楼以上两傍泛岸冲决多口徐属州县汇为巨浸而萧碭受害更深迨至勘后黄涸口复决业经筑塞时日非久而赵家圈垒土新成洪水随至势甚危岌工程繁多水更散漫不可称全功自吉士此疏出而议者时起工科给事中孙善继又上疏曰臣观按臣勘疏内云坝成放水即有人字河之溢又云杨村等处冲决多口徐属州县汇为巨浸又云河身旁决漂没田庐不可以称全功臣咨嗟叹息谓当事者不知何如责躬乃亡何而叙功之疏至矣夫豊沛萧碭死者长为鱼鳖生者又无居食以昏垫胥溺之危而谭地平天成之绩无论国典所靳幸不可徼即反之于心亦或未忍矣河臣得无以黄流已东运道无梗功不可朝夕缓乎不思直口以下之黄即不治未尝有妨于运直口以上之黄即治何尝涓滴有济于漕二三年所为支吾苟完运务者惟泲河一衣带水耳夫泲非能自为泲所恃者泰山诸泉之助而沂直诸河之来也今岁夏前稍稍苦旱沂直诸泉即无以润泲而泲告急黄淤则漕泲泲格又将谁漕乎故治河如治病病有缓急治有标本专事泲以为标而忘治黄以为本非计也今谓徐邳之间水多跌溜操舟之险比于龙门漕河故道流渐淤浅堤岸颓倾卒难整理为此说者皆徇目前而忽远虑有如泲不足恃漕运告急骇而图之岂能及乎宜乘此冬春水涸起古洪闸抵满家闸大加挑浚坚筑堤岸以复故道钱粮取之岁修功程假以时月即双沟马家浅跌溜难行议开月河以避其险何不可者又言今之治漕者无论黄无完局即泲亦多遗策直口溜急一船挽拽常数百人衔尾而上前船断缆则后船雷击军旗粮石俱委河流至于梁城以上韩庄以下千艘鳞集经月剥浅劳人长奸乍遇霖潦蒙峰水出弥野滔天纤路穷绝粮运稽迟实坐于此故欲免直口之危莫如巨梁桥东西开阔丈余以杀其势

欲免守浅之苦莫如顿家闸上下浚深数尺以导其深欲免暴涨之冲莫如筑堤王市口以东使水归浪茫湖以避其害盖总一河也自徐州以上必南不害 陵北不害运中不害民如是者功成徐州以下必我欲漕黄则黄欲漕洳则洳我欲互用黄洳则黄洳互为我用如是者功成成功而后议叙则叙不浮叙当而后议酬则恩不滥如竭有限之财驱重劳之民假便宜之权需岁月之久而东冲西决有如漏卮方河臣饮冰之时柰何为玄圭告成之会乎疏上而廷议益遭久之不得论功

○全州乡官庄成材伍大成等以抗讦州守论杖赎为民刘曰旻之为全州颇察察有能声而设坐都皂隶使里长自为马户诸乡绅不便之也持之稍急诸乡绅遂竖旗噪之广西巡抚杨芳以庄成材伍大成等皆尝为州县而唱乱无法俱拟决遣副都御史詹沂言以州官故遣众乡绅亦抑扬稍过议遣其持讦者而改庄成材等杖赎为民从之调考功司主事魏时应为文选司主事升文选司主事刘应奇为稽勋员外郎

○甲辰以 圣母寿节赐辅臣赓廷机及慎行向高等金银万寿杖及金篆绶符等物

○题詹事府萧云举少詹事王图量升职衔教习庶吉士需命未下

○升固原兵备徐云逵为陕西按察使照旧管事从总督徐三畏保留之议也

○裁革湖广竹溪郟西二县管粮主簿房县广积仓大使上律县江口镇巡简浏阳新宁麻阳三县训导从郟阳巡抚黄纪贤议也

○总督仓场游应乾参六安卫千户吴道南及荆州卫指挥陈秉直等十员以运官逋粮及和插澜湿故

○乙巳大学士叶向高以廷机资俸在前受事日久乞以资俸为序从之先时枚卜向高名在廷机之前廷机欲以钦点为序而向高固严事廷机又同年厚善也推逊久之于是廷机亦具疏乞从枚卜时名后向高 上已从向高请而两嘉其能让云

○大学士于慎行以力疾赴召朝见不能成礼请暂假调理从之

○丙午以河东班军折粮逋缓都司陈卿指挥刘继先等各行巡按提问

○丁未 孝惠皇后 孝烈皇后忌辰遣官于 茂陵 永陵行礼

○戊申 慈圣宣文明肃贞寿端献恭熹皇太后万寿节赐百官免贺大学士赓廷机诣 慈宁宫门行礼赐上尊珍饌

○河南巡抚沈季文请蠲荒税以复饷额不报先是季文为沈丘虞城等十二州县请蠲久之不下而逋赋窘无所出乃行河北河南三道查革马步空役及标下毛葫芦兵虚冒之数凡得七千八百两有奇自开荒导水而外尚存四千九百余两内支三千一百三十三两以当沈裕等处今秋至明夏之税乞自此以后并赐豁免仍留旧饷以备不虞勿以额外之供辍永久之计盖自当铺而外又以汰饷特闻

○己酉以 圣母万寿赐辅臣赓银五十两纁丝三表里廷机银四十两纁丝三表里

○命山东济南兖东昌三府明年俵马量派一分余悉改折从保定六府之例

○户科给事中江灏劾福建税监高采不报自税课之归有司也税监坐而角□羊额诸爪牙无催督之权然犹以新恩不敢与有司为难至是高采首发之以课未归一恐误上方为言先是丙午七月范涑为左布政以春夏税额汇角□羊采处采受之无以难也诸爪牙以督催无权实自涑始会涑入覲告归而闽抚之推未下采恐涑复出遂疏诋涑及旧抚徐学聚学聚时方候代以却红番事失采心而采数以二洋贸易探 上意冀朝夕得他抚可相左右也遂请自按月角□羊徵又请 上速点闽抚及谈诸外国方物事 上心知其奸命有司类徵如故方物折价而已然犹虑彼此推诿欲一体严治之也江灏乃言汇角□羊之旨自范涑时已行之半年今复一年而屡角□羊屡拒夫如期而不角□羊则该司之罪也如期而角□羊角□羊而不纳则该监之罪也以类总责之有司以角□羊进责之税监法守既明则何推诿之有乎吏科左给事中刘道隆又上疏曰百官贤否进退系朝政自卿抚以至藩臬皆内外重臣采自公论断自 宸衷虽人主不得而私喜怒焉我朝中官干预朝政自有常刑 皇上临驭三十余年未尝毫发假于此辈近以税使差出与地方有司钱粮相关遂使二三狂逞者妄有参评然亦未有借名徵收而欲遥执朝柄弄威福如高采今日者也徐学聚虽去国之臣而一日尚在地方非高采所得诋辱范涑近推闽抚廷论及之姓名尚在御前高采何人而肆弄机权预挠 圣意且近日事体经怪者如前户部上供偶缺亦时绌使然而筦库内使遂以疎庸怠慢参尚书赵世卿夫世卿二品大臣 皇上所改容而礼之者非有大故而供应小臣輒凌淬之使其引谊杜门事虽已过而国体实伤凡皆以逞臆越幅为窃权干柄之渐也今福建地方乃东南门户非痛痒不关之处按臣久缺而无代抚臣久推而不点奸人抵巇肆志其间惟 圣明留意速下抚按二臣用塞谗间之门重保障之计以肃纲纪贻后世利赖无穷疏上亦不报

○兵部题朝鲜国王李昉所奏捕获海贼事宜移文该国凡视汛之时遇有船舰若系漂流□民不操器械者送还中朝若系劫贼不论是否中国人民概行剿截其两阵交击格杀自宜相当如有就执者审系中国人民即生致阙下于以寘之典刑使贼民晓然知该国之不易与而 天朝之不纵奸从之

○庚戌山东温如璋劾高唐知州黄应台贪酷金乡知县穆景星淄川知县曾曰唯日照知县江汇海等各拟降调事下吏部

○辛亥 上以 圣母慈谕命于灞县永乐地方建 景命殿立碑纪事盖圣母诞降之所也

○大学士赓廷机以前批发庶吉士疏而科道考选者疏未下再请检发不报

○壬申太子少保礼部尚书兼东阁大学士于慎行卒慎行字无垢山东东阿人隆庆戊辰进士选庶吉士庚午授翰林院编修甲戌分考礼闈以 穆史成进修撰重修会典及编六曹章奏时 上方典学日御讲幄就史局选日讲官慎行与南昌张位与焉丙

子晋侍讲赐御书责难陈善四大字明年江陵夺情吴赵抗疏杖阙下慎行为诸词林具疏亦上辅臣以讲官故持不达然犹示草于江陵己卯急归癸未入为左谕德而江陵已败有旨籍江陵家遣刑部侍郎丘橐及中官往中外快者咸蹴江陵比于分宜冯保慎行独为书贻橐言江陵所视二家者盖万未得一也且江陵有母老矣诸孤少未更事宜与中贵熟数之毋使朝廷失帷盖之仁自是士论稍有宽江陵者乙酉典试南畿晋侍讲学士丙戌读廷试卷晋礼部右侍郎己丑知贡举遂晋礼部尚书时 上且辍讲朝御渐稀又册立事久不决慎行屡疏为请而朝论方嚣辅臣欲镇以静慎行虽微知 上指弗恤也庚寅冬再疏不报遂自劾乞休 上怒坐夺俸三月先是有沈王请封事违例慎行力格之乃止既有何御史出光者请罢京察寻御史典试事皆为慎行所持坐是失权贵欢及辛卯秋推山东典试主事未下何御史遂讪慎行预洩主名又坐诘责夺俸三月乃九疏乞归许之凡十七年一推掌詹召讲春秋不果至是枚卜趋朝甫一日遂以遗疏告终中外惜之慎行少而颖异在词林有声多识故事所著有穀山集读史漫录笔尘行于世

○壬子朝鲜国王李昞以倭奴求和来告犹前源家康所寻盟之词也家康自发还人户缚致诸贼来无日不寻盟于鲜至是己漕平秀吉之宫迁其子秀赖于海上意欲请命中国兵部覆言倭奴狡诈异常海外势难遥度为昔日者覆楚之怨大义当申为今日者城下之盟目前难恃千里提封 天朝已挈而还之该国则固守图存今又在该国事矣大率以侦察堤防责成该国如前疏指从之

○甲寅礼部尚书兼东阁大学士叶向高入阁办事大学士赓亦以是日趋朝偕向高也是日向高疏言臣误蒙 圣主破格登庸盖自二百年来自南曹而参密勿仅一再见臣之遭遇可谓奇矣夫有非常之遇必有非常之报而臣内省行能茫无以称惟是勉竭庸愚毋孤任使时事之捍格何以干旋人情之参口何以调摄朝何以无旷位野何以无遗贤种种隐忧形诸章疏者何以消弭此臣所愿从二三臣后自效其万一者也惟望 圣明俯垂宸鉴念今日政地最为难居思天下人心不容久失言言毋至于壅格事事必见诸施行在 皇上不过复初年之恒规便成登三咸五之业使臣等不过修往时之常职已免尸位旷官之讐疏上优答之而首辅赓亦先是有疏言臣自惟才能不踰中人精力疲于独任居一日知一日之非进一步增一步之险而犹以百病之身为三宿之留者无他革故鼎新千载一日上有无限不补之袞阙下有无限不了之心期此臣所以愿效万一不忍贳志以殉者也 皇上今日欲为尧舜其则不远不过修初年已行之善政收近年已涣之人心以内外章奏付之部院以异同议论付之台省以平章庶政付之阁臣而 皇上独操纲纪执两端而用之则 <言 翕> <言 翕> 訛訛俱为荡平唐虞之风复睹今日矣疏下优答谕如向高

○丙寅两广总督戴耀劾雷州卫指挥佥事赵梦凤贪婪不法行巡按提问

○丁卯旧辅王锡爵三辞新命不允方锡爵之再辞命也姜士昌疏犹未上锡爵具言臣属耳近日言官之论列多猜旁指总未悉病臣心事或谓臣特达受命事体隆重必

皇上虚心委任与之更始乃可出此教臣以去就要君者也臣所不取又谓臣晏卧多年骤蒙宠命大出梦想之外且惊顾未必肯出此疑臣以偃蹇邀名者也臣亦不取臣之区区独有真病真情可私质鬼神明告 君父耳及士昌疏上言锡爵立朝居乡清名素重与一贯不可同日语顾前此柄政时量稍褊不能虚怀以受善人其触忤锡爵一斥不复者若干年矣顷锡爵两疏请用遗佚窃意根本洁清如锡爵林居既久意必悔之愿如锡爵疏悉召诸臣俾还言官然后敦趋锡爵则锡爵既著清洁之名复兼休容之美从此一出肩夔匹契何事不为不然臣恐锡爵万无出理也至是锡爵乃言士昌从旁热中疑臣出而无补以臣言不行臣终不可出是坠臣疏中去就要君之说臣之所不取也况士昌之意主于收录遗贤原与臣去年条奏语合而臣又自反生平从无妒贤嫉能之事人臣立身遇主苟自保不贪一钱不坏一事不害一人外间千唾百骂呼马呼牛何不可直受乃新旧同官朱赓李廷机一闻人言相与动色陈辩抵描写得世途之窄揆地之轻非所望于老成也 上知锡爵意坚未肯出乃言今天气严寒可于交春之初着原遣官守催安车就道

○自戴章甫之疏上而张嗣诚李延大林学曾相继请避吏部左侍郎杨时乔又以铨曹百务废弛时势万难再支乞允辞印务简用尚书以彰公道以新铨政疏上不允但勉令供职而简用卿贰尚需点未下

○升神机八营佐击顾凤翔为广东都司万全都司佾书刘元恺为湖广都司武举庄安世为四川都司佾书

○刑部覆论钜野王府奉国中尉寿铃素习凶悖屡刺亲父毆死仪宾宜行抚按会长史司从重议罪又安丘王府庶人宗山思轩等结党剽掠获赃有据并宜重拟从之

○戊辰 皇太子第三女薨逝命祔葬于第二女之侧

○四川夔州府通判沈道隆辩复祖职不报道隆祖沈良材方嘉靖时为吏科都给事中壬寅九月严嵩始任内阁时夏少师方斥而翟少传当事嵩虽入阁而犹在礼部沈良材言嵩掌礼六载贪污奸谄俱有实迹乞收回成命不报及为兵部右侍郎督师将出边又为赵文华所掣中止嗣后严嵩首揆乃用考察冠带闲住盖良材之论严嵩在杨沈二公之先以三品考满自陈亦不在察典之律独以继息再世间四十余年至是乃讼之

○丁巳兵部覆陕西巡按余懋衡所条四事其一言延镇上次主兵银二十二万六千有奇今实在仅八万九千有奇自民屯逋负盐口消乏京运愆期而外惟奸胥混冒虚籍支消最宜清楚其一言延镇沿边夹道延袤千二百里土非不毛闲旷可惜宜设法招徠听军民开垦给印勒石永不起科其一言该镇兵马经费钱粮视万历十九年多用三万四千一百八十余两积十五年已浮往额及今不节滥觞何极宜令各官军仓库营丁粮料造册查验该道不得滥准将领不得私收每次查点不可委之他人该道者亦宜节费敦俭以清本源禁需索汰冗役以塞毙窦其一言盐法自为五事兵部言 祖宗之法召口开垦输粟塞下故食足而兵强自折纳之议行而今概仰于余买飞挽不继

则刍糗易穷按臣欲就彼中顾募开垦以粟实边是盐口之开垦宜复也各边设有官仓督以同知防非不密而积书猾吏狎套奸口毙窳百出或以燕麦抵收小麦或加收一二余数以抵盐粮或至粮料未入而簿帐已收此奸口之贿买当禁也盐粮引目岁有定额其时估斗头又当视岁为高下盖豊年满篝则输纳易凶年悬罄则取盈难口既乐于凶年之减自无惮于豊年之增调停区处必无失额而又合于人情是派中之定例当议也两淮引目与九边相表里淮引无壅而后边引乐中自鲁保浮引行而正引滞课银借角口羊于八年之前而口盐掣支于八年之后前银未偿而后课又急口困至此极矣盖行盐止此地方食盐止此户口额外添一引则额内必壅一引先年为刘哮为倭虜为大工权宜增引俱旋行旋止诚恐以数万之新增妨百万之正课耳今浮引盛行若不亟为停止则两淮正引终归壅淤九边之额引弗售十万之军需安出是两淮之浮引断断乎宜停者也盐禁载在律例非产盐处夹带三千斤以上者决遣无赦乃豪右大猾驮运横道捆载蔽江逻卒贪悞不复敢问而徒搽肩挑背负者一二以塞责私盐盛而官盐壅盐法不疏而奸徒不靖是淮浙私盐之尤当禁者也议上 上嘉其深切时弊命巡按举行而尤以稽钱粮定经费二条为中其蠹根焉

○兵部覆陕西巡按王基洪言汰冗丁筑边垣移边堡三事其汰冗丁大率言将领统军于内拣择设有内丁豢养独厚凡临敌之时或防护主将或陷阵先登得其死力焉耳今将领等营多亡命乌合之众或一人而冒双粮或临敌而僭级赏甚者赌盗横行地方侧目夫军丁虽有内外然而均一行伍倘能分甘绝苦挟纩投醪则人人皆吾死士何独内丁而使其僭冒强暴一至于此是外宅健儿皆国中大盗矣兹议严汰总兵止许百人副将五十人参游三十人守备十人使内无偏肥外无偏瘠则强暴者不禁自戢冒滥者不汰自明矣其筑边垣大率言横城边墙先年与黄河相近达虜蹈冰南下情形易知堵截亦易今河西徙远昔数里倘狡虜渝盟饮马城窟片时可至灵州议自该堡平胡墩西北叠顺水湃一道以堵支流边外叠逆水湃一道以塞倒流于退地处所又筑边墙一道建四铺墩挨河筑敌台一座容五十人营房十间其夫役均之两河而物料独办河东既障黄河令不横流又探虜形无使深入诚扼险之奇非直权宜之计也其移边堡一事言永清堡地势低下四面沙壅几与城齐虜骑平临如履平地议将该堡移西北兴字八铺地方其平原高阜可避风沙物件钱粮不烦请发此为高必因之势亦一劳永逸之图也俱依议行之

○吏科给事中姚士慎劾税监高淮不报高淮之辽左以擅引边功为言者弹治至是方息而满朝荐逮至梁永撤回高淮遂上疏言梁永效力狗马亦既有年请发供原役使外臣不藉口于中使天下不以榷税为病民又阳为朝荐请宥以外嘲士大夫而内探上意姚士慎乃言臣观淮疏其言闪谲不可方物大要为梁永曲角口羊而佯及于咸阳满令夫淮之戕人命破人家其恶与梁永同辽人之欲食其肉寝其皮与秦人同至于擅兵出关勾虜召衅则淮之罪又浮于永也淮见 皇上收回贼永势必及淮遂敢显然钩

钜 圣情以自为地夫秦中之事与淮何涉朝荐之当宥不当宥贼永之可纵不可纵在廷自有公论当宁自有大权刑余刀锯之人安得越疆而问之且以淮之意谓 皇上非一二咆哮之使无以网众利而关众口遂云撤一梁永则内使之未撤者人人顾忌不知所终是明挟怨毒之心欲假一路以行其无忌于天下也惟 皇上大奋乾断亟速高淮以治其欺罔横肆之罪并敕抚按严缉其入幕操笔者因令中外税使悉行撤回毋令天下窥探 皇上以榷税为利藪而坠奸人要挟之计

○戊午福建巡抚徐学聚以税监高采徵角口羊不纳又上章诋己乃疏牖采诸不法事言采自数年以来利尽山海罪孽深重诸细琐不俱论姑举其著者闽中盐政引目旧止附海一例续请依山佐之引悉贮司自采入闽奸民林世卿导之私造南京户部盐引俱称依山每封四百引勒银四百余金凡引百封伪者过十之七口人破家吞声切齿自经死者不独朱家相洪士雅等数辈而已又以海禁不通则方物不至每值东西洋船私寄数金归索十倍稍不如意则诬为漏税一物相溷动费千金拷掠之毒怨尽骨髓又私遣人丁四出越贩动经年岁搽求珍异假国用以入私橐褰 皇灵以渔外服尤王法之所不容也所最可异者三十二年以抚按并缺令奸口潘秀等往贩和兰句引红夷诈韦麻郎银钱三万许以彭湖通市臣已奉旨拒逐今臣已告归而红夷又至杀戮口渔荐窥内地使沿海将士不得安寝者是谁启之乎自采坏海禁而诸夷益轻中国以故吕宋戕杀我二万余人日本声言袭鸡笼淡水门庭骚动皆采之为也惟 皇上大奋乾断立命撤收毋令采肆恣然以中国与外夷为市疏入亦不报学聚之在闽以郤红番事原有功于闽而独委曲高采为朝论不推盖自高采后红夷无岁不窥彭湖矣

明神宗显皇帝实录卷之四百四十

大明神宗显皇帝实录卷之四百四十一

万历三十五年十二月己未朔中城御史李应魁赈济事竣报闻

○户科都给事中姚文蔚劾福建税监高采不报

○庚申灤县永乐店地方建 景命殿成竖碑纪事其文曰朕维帝王之兴率本母德华渚洽阳钟灵肇祉载之诗书烁乎盛矣朕以眇躬御极已三十五年仰冯 慈训方内乂安深惟 圣母皇太后功德闳茂千古希闻惟顺天府通州灤县永乐店乃诞育之地淑气所钟宜有表章以示来许用是恭承 慈命量度经营中创 景命殿前门后阁缭以周垣树三坊于门外左为佛寺右为汉寿亭侯祠爽垲宏壮足以昭地灵章浚发称圣母所为笃念根本之意告成之日 慈颜悦豫朕志用宁爰敕中官守护仍各为文勒石垂诸永久以朕凉薄宁敢方古帝王庶几兹地之无逊于华渚洽阳则有 圣母之烈在其垂裕将千万年则景命亦千万年方为法力所弘护明神所拥卫无疆之福朕与方内共祇承之因为纪其事如此并系之诗曰翼翼京邑灤水萦之璇源远浚载奠坤维尊临长乐欢浹重闱绵绵景命百禄咸宜眷兹汤沐启瑞集禧周原膺膺宝殿攸基重门远阁崇敞透迤仁祠左拱灵宇右丽薨连栋接乌革翠飞虹祥式闡 慈念载怡爰及溥海

耀景咸熙 圣母之德绥此蒸黎百千万祀永永无隳其左寺右祠亦皆有纪文系诗勒之于碑焉 ○辛酉与故太子少保礼部尚书兼东阁大学士于慎行恤典如例并遣官护丧议谥文定

○大学士赓等请下考选疏曰臣等窃惟考选科道一事迄今三年臣等沥血请之数矣岂不知 圣心自有乾断只宜静俟而犹喋喋不避激聒之罪者诚见国家之理乱系人心之向背迟此一日受一日之病万万不可再俟也 皇上但见目前无伏马之鸣自为清静四方无巡警之迹不失小康而不知 祖宗法度日愆日忘国家纲纪日陵日替一旦决裂其害有不可复支者 皇上幸无以多指乱视多言乱听疑此六七十人之扰扰为也以 皇上圣明如日中天使诸臣言而是下之部院台省与天下公是之有祖宗旌谏之法在维恐其少使言而非亦下之部院台省与天下公非之有 祖宗摩厉之法何畏其多如此则朝廷得耳目之实用天下省逆亿之虚谈藩篱彼此破血胼从此通大道为公之治复见今日臣等亦有辞于天下万世矣不报

○壬戌南京大理寺卿林炆请告不允

○癸亥命查议陇氏存绝并覆安尧臣功状从兵科诸臣之请也自蜀抚竖为立陇之说而群议惑于流言咸云陇氏已绝兵科宋一韩等言陇氏闻已无后尧臣变诈多端如求陇氏子孙尧臣不令所亲者冒之必利其非陇氏之种者宜改土为流以绝其念又先是处置尧臣有遥授之旨今予职不任事者谓之遥授恐尧臣惶惑反生他心宜俟退日予职任事以安其心顾 上知陇氏有后尧臣不得据镇雄也仍申前旨盖明年而尧臣始退又明年而陇氏之后始立

○狭州知州王世熙鄆城知县杨师震追赃为民从河南巡按王业弘劾也

○甲子总督河道曹时聘以泲渠告成核实公费再请录效劳官员事下工部

○山东巡按萧淳劾备御王朝臣等革职提问韩宗功革职回卫从之

○乙丑大学士赓廷机向高等再请下考选科道之疏不报

○巡视厂库给事中王元翰等以金口营免太多请停不报方口户久困工科诸臣日以金口为请及命下拟诸皇亲戚畹缙绅锦衣卫及世职驾校皆优免于于是诸珰纷纷庇宥稍有力者各夤缘角口羊免虽诸臣亦自以为难也元翰等言殷实口户一再金报仅得二十二人乃一月以来富室连章朝上夕下得免者十一人其中尚有逋逸不获及各衙门议免者八九人则实在者三人而已以二十二人之重责此三人其将能乎臣等当金役之时亦再四研审非一耳一目之力矣何经审之后而营幸乃尔也且有力者既免则不免者必穷使富者以钱神幸脱而穷者以无力舍身毋论非体即将来大事措办不支所误亦非浅鲜也嗣是工部侍郎刘元霖亦以优免诸口覆审为请俱不报

○故南京吏部尚书加太子太保曾同亨请恤典与祭五坛仍加三坛造坟安葬

○丙寅陕西巡抚涂宗浚以边盐壅滞边饷匱乏乞及时厘正以保封疆疏曰臣观河套十万黠虏朝夕伺隙长边一千二百余里分陴固守仅五万余军昼夜戒严不遑宁

知府陆梦履为沂州道副使松江知府蔡增誉为江西兵备副使工部员外叶秉敬为河南开封知府调福建海道沈茂荣为福宁道副使肃州兵备布政李楠为西宁道兵备

○山东巡按温如璋劾天津参将顾邦镇革任回卫

○己巳升御史叶永盛为太仆寺添注少卿

○庚午大学士赓等再请下考选科道之疏不报 ○左副都御史詹沂言天下按差不过三十余处而今缺其半九边则辽东宣大甘肃皆迫邻戎虏为屏藩重地而陕西之茶马河东之盐课皆与辽东等差并急各省则淮阳广东福建江西云南皆缺而广西缺已四年陕西贵州亦候久不代此国家二百余年所未见者乞下考选之疏命诸御史实授差遣不报

○辛未密云道兵备右布政边有猷加太仆寺少卿致仕

○兵科都给事中宋一韩以大阅届期戎政久弛乞推李化龙协理不报

○壬申 世宗肃皇帝忌辰遣官诣 永陵行礼

○户部尚书赵世卿以嘉礼伊迩时绌难支乞裁酌以便供应从之盖是时七公主将降而内监所派金两珠石动价不貲先是内承运所题约直逾一十九万已侈矣及御马监开数又复倍之世卿言臣查万历六年 皇上婚礼用止七万煌煌俭德载在典彝今公主虽贵典礼虽隆视之 至尊自宜少减矧当此边圉告急之秋帑储悬罄之日昔嗇今汰时绌举羸亦 圣心所不忍也宜每减三分之一应用盖虽减一犹三倍于大婚时数云

○调验封司主事朱应奎补考功司主事

○少詹事庄天合给假省亲许之

○遣刑部郎中金继震护于慎行丧通政司参议王承光往视葬事

○癸酉大学士赓等请湔除敕书需命未下

○刑科都给事中萧近高疏曰臣闻隆寒之后必有阳春严威之余济以宽恤今日月就除阳春司令草木无知咸有向荣之意而棘林圜土尚多累囚沉滞未释在诏狱则有知县满朝荐为地方执法囚首待罪肌肤惨裂三冬于此在刑部则有军民生员监生王大义等除瘦死七名外尚二十名或罪或否久奉处分亦三载于斯矣此辈皆无告矜人奄奄视息一旦就毙即有宽恤之恩亦何及乎昔唐太宗有诏自今长吏五日一虑囚思天下滞狱复建三限之制大事四十日中事三十日小事十日又不须追捕易决者不过三日汉元和二年诏曰方春生发万物华中宜助阳以育时物其令有司罪非殊死且勿按验冀以息事宁人助顺天气古之人主留心庶狱如此顷自 覃恩诏下光大海隅尽沾德泽僉事冯应京推官华钰何栋如生员沈机等各出囹圄睹日月今独使满朝荐等绝一视之仁抱向隅之泣非所以顺天心而隆茂对也疏上不报

○浙江道监察御史何尔健劾车户张廷佩等盗卖木植事下法司盖是时门工且竣余材尚多中档口户因之为利朋盗发觉者鹰平条槁数枚耳自起工陆续运到鹰扬

木凡二万余根工完计用万余而不可问者遂至万根物力之耗可为浩叹

○盗入工科失物守卫千户曹洪等提问

○故户科右给事中杨允绳孙杨忠裕乞补荫事下吏部

○甲戌大学士赓等请下考选科道之命自前月合请于是二旬章凡四上矣赓等素服诣文华门言国家理乱之源人臣去就之义臣等谈之已无剩词但候选三年待命数月时穷理极无所复之前月不下尚有来月今屈指岁暮仅十许日可谓今岁不下尚有来岁乎 皇上犹天也如今秋霖雨异常 皇上露祷应之如响今臣等祷久矣而未有一应臣等微诚不足感孚谨斋沐以身为牺冀 皇上之一应毋使臣等受疑受谤负天下后世之议

○礼部左侍郎杨道宾请议谥典以伸公论疏言国家自有令典以来大臣病故议祭葬则并谥而议之载在令典可覆按也自万历三十一年始有汇题之议自汇题迄今复五年矣于时不为不久物故不为不多乃日复一日年复一年视易名盛典若危机陷阱相顾而莫敢发使荃茅同腐玉石俱沈令后世视之堂堂 圣朝曾无一人可谥者是谁之过也臣愚以为及今议之则朝端之寅僚草野之父老犹有亲见其人习其行事者若复迟久故老不存尘迹湮灭摩揣失真势必需其显子孙而定之夫至显子孙而贤否之倒置有不可胜言者矣请自三十一年始至三十五年止凡蒙恤大臣皆具疏开单如行取事例听诸臣会议仍定期会或一年或三年举行一次期于公恕称物之平而已上从其言犹以为日久论定不厌详慎也着从公会议勿徇情滥举滥乞以负重典于是礼科都给事中邵庶等亦言令甲大臣应得祭葬则并议谥今以调停之过易为类题年久混淆陈乞滋多益非慎重之意因言自三十一年以前尚有大臣蒙恤而未议谥有曾议谥而大节未该有小臣死谏曾经恤而未及谥者如程敏政以被诬陨命赠尚书而不得一谥梁储当 武庙之世大节甚多而仅谥文康户科左给事中杨允绳以劾胡膺论死户部主事周天佐以救御史杨爵杖死已经赠荫亦宜不靳易名是外名臣尚多亦有议谥未当应行改正者宜断以三年酌议定夺十年之外摘举一二太甚者勿谓苛求盖先是有应夺应补应改之议与查行改正补谥之旨详见三十一年礼部覆疏中

○吏部左侍郎杨时乔上疏陈科臣推转资格乞敕谕裁定以便遵行从之故事六科年例自左右给事中每一岁春秋二季外补副使参议佥事知府以人数多寡为准都给事中值人多则一内二外万历二十年以后始定一内一外内则卿寺外则参政依次轮推至间有边功工功海外差建言起谪及耆旧召用皆奉命特升名为闰升闰升者以别于正升轮推之外也是后又有吏科不转外之说每值首俸已升而次俸者方为吏科又当补内亦名闰升而别当正升自是多内推者矣万历三十二年张问达掌礼科首俸当内而刑科杨应文户科姚文蔚皆次俸当外于时掌吏科者项应祥与问达同转太常而工科侯庆远调补吏科无何兵科田大益以边功升太常杨应文亦以征东事得南太仆明年侯庆远升太常而礼科邵庶方起复刑科夏子阳使外国姚文蔚候命未下遂无

可外推者又明年邵庶推太常而陈治则掌吏科刑科梁有年乃自请补外至是文蔚补南太仆而兵科宋一韩又以俸深陪推太常萧近高孙善继皆以七月新任刑工则是岁又无可外推者吏科以宋一韩既为首俸则萧近高当外而吏部以萧近高新任则当为明年首推相持者久之盖吏部以推为序则先年首邵庶而次有年今年首治则而次一韩以文蔚治则合在正闰之内吏科以俸为序则邵庶既内而有年当外有年既外而一韩当内文蔚与治则自为别闰不在正升之例时乔疏言旧例科臣推升凡左右给事则移文吏部查取资俸会议而行至都给事中皆本部照序拟疏未有该科径自拟正拟闰者臣惟官爵内外出自朝廷推转由于资格人品勋业不因之以为崇卑如臣屡疏所称杨巍李戴温纯等皆由外转卒为重臣然而人情重内轻外自臣摄铨以来所见内推者九而外补独一梁有年而已宜将近日内外正闰之数再加详明裁定以便遵守先是年例皆于春季举行至是岁尽矣而萧近高已任刑科当为一韩之次于是近高拟逊一韩而已自请外时乔乃又上疏曰臣查六科都给事中每年于春二月推升二员皆系资俸深者一内一外今年二月吏科陈治则以考察竣事内推当挨次外推一员自邵庶姚文蔚梁有年夏子阳各别拟而外惟宋一韩资俸相值今又欲陪内推则无一可外推者矣萧近高孙善继被命俱在七月则当备明年二月之推今年二月二臣方为左给事中安得以分都给事中之数也方此竞进之时但一恬退之士以风之竞端犹可挽回故事犹可存复宜将萧近高外转以成其克让之美于是注近高福宁道参政矣而诸科臣以近高自应推不为克让也吏科陈治则_□疏_金言顷见铨臣杨时乔申明资格谓内外升转未定以萧近高外转为疑夫资定而后可升升而犹以为未定则继近高而升者悉以为未定也臣请无论远者论两年以内如户科姚文蔚俸踰十年拟升南冏此在事最久不与臣等同叙自文蔚而外礼科邵庶俸第一臣第二升任梁有年第三兵科宋一韩第四今刑科萧近高第五其序甚明也邵庶以首俸应内臣以次俸应外而向有吏科转内之说虽以臣之不肖得与邵庶同推此去年之数也至今一韩为首俸而近高次之则内外之序亦已定矣而顾以未定为疑者以臣不推于去年似乎臣叙有年之下一韩之上而不知臣先有年一韩继有年者有年外而一韩外又奚疑焉又言闰升之说止于录功起谪远使即吏科又有二者如俸属第二得与各科首尾同升此一闰也管计竣日不叙俸而即升此一闰也明乎二闰之说则臣之迟推不得为今年之正妨一韩之内也明矣盖科中序颇严其先后自相核梁有年以资俸当外奉朝鲜差还则当内内则又多一闰而逼一韩故辞鲜差以就外迁吏部独以一韩俸深于前资中最后欲以故事风之诸科中不受也又言陪推出一韩欲故一韩心恚因言用人当问当不当耳宁问欲不欲耶今之资次当问科臣陪推当问司官臣与近高皆无所较量使近高居让则谁居其竟者盖是时科臣历事久率九年以上不得复以故事绳之而时乔以铨部资格数为科臣所持时用令甲相风于一韩近高亦无左右意

○乙亥户部尚书赵世卿以税使通夷破坏海禁宜严行禁绝以遏乱萌不报为徐

学聚劾高采事发也

○戊寅原任总理河道少保兵部尚书李化龙疏辞戎政之命不许

○己卯以立春令节赐辅臣上尊珍饌

○礼部左侍郎杨道宾以议谥伊始部务繁多又时届阳春厘降选择诸大典次第将举乞简用尚书及右侍郎 上以谥典最重命秉公咨访毋滥毋佚其卿佐尚候旨未下

○升御史王业弘为太仆寺少卿添注管事

○庚辰大学士賡等为吏部代请选期故事选期先十余日拟缺题请輒下于是二十五日且选矣吏部再疏不报而署部杨时乔亦称疾坚卧诸辅臣言候选人多而日期甚迫过此改岁毋论非 祖宗之制于人情政体均有不便宜令时乔强出供职并发该部推升之牒久之时乔不出 上命移大选日期于明岁正月举行犹癸卯岁之例也

○吏科都给事中陈治则劾杨时乔养痾偃蹇乞发推升之疏并命各部大臣代理不报

○壬午以催请考选事辅臣引咎 上谕辅臣览卿等屡疏催请恳切朕岂不知但方考选时部寺汪元功等相讦不公以是迟疑与卿等何与卿等可安心供职勿自疑畏少俟简发而行盖方考选相讦时诸科臣各有短长汪元功黄汝亨既授部黄一腾不得独留汪若霖既以入幕去汪黄陈治则又以挑构罪吴正志科臣操柄而部寺分尤 上以是摩厉之于是吏科陈治则刘道隆各上疏言考选已定自三人外无可迟疑者请即简发不报然是时教习开馆之疏亦未尝下辅臣又以为请言科道为必设之官庶吉士必有教习之典此两者均无可疑者宜速赐 乾断竟岁亦未得俞旨内阁留难之疑于是少释

○赠故辅臣于慎行太子太保荫一子中书舍人

○癸未工部右侍郎刘元霖以新□营免既多金报不可再下宜酌权宜议裁省以济时艰言铺□之疲累至今日极矣五六子遗脂膏罄竭臣部不得已有金报之请既已金报而附托陈乞纷纷豁免臣部不得已有查核之请今查核之命未下而金报之路已穷臣愚束手无策仰屋窃叹而已窃意额设薪炭供内庭者固多而监局取用亦不少其间应输本色自当仍旧派纳若各衙门岁支谅有常数似宜比照内官折价之例径角□羊惜薪司如数给散使□免烦费官省比追亦救时之急策也其本色未尽折者目前但有旧□非破格从宽更生何望至于铺垫烦费始于员役冗多如旧总理三员今十有七员矣常卯监工八员今二十员矣黑门监工二员今十八员矣若辈□衙天宪身厠利藪非尽克□费宁饜所欲乎为今日计唯有汰去新增仍复旧额人数既减铺垫自轻凡遇经收但期足备公费有恣意取盈致误正供者即以三尺从事迹闻惜新司目击艰危亦知歛戢设法调停矣而冗役尚存蠹根未去是在 皇上特奋乾断汰冗禁苛申严禁谕乞敕下臣部移文该监议折者折议减者减庶宽一分则□受一分之益矣盖是时报□二十二人张良栋等十二人已先优免嗣后又免左九畴等数人余仅一人耳诸臣亦

悔为金报之请也而募口之议竟不可复工部营缮司主事范汝梓亦疏言方今急务如补大僚下考选起废诸疏皆久寝不下而独免口一则輒动得俞钱神恣行宸断愈轻异日有大机宜急事亦从旁入请从中下之不可复收乎臣观疲口受困有耗蠹根源不可不清臣查宫府监局钱粮岁有定额稍有浮费口户犹可支撑惟国家岁有意外兴作必先踏勘会料虽内监科道部臣奉命偕往乃应造应修几何费物料夫匠几何尽内臣臆决而外臣不得与也内臣报命一笔自开十百千万寻得俞旨而臣部止以三分存一之例括而应之名虽会料而实中官之独裁留虽一分而旋归二分之支派臣谓与其屑越而空争于计料之后孰若严辨而预裁于计料之时请自今凡有兴作科道部臣与内监逐一从公酌量应造应修所费金钱数目公同填注具题则滥费既少铺垫自清而口役亦可强支矣厘役苏口莫急于此盖自营缮一事言者俱深切时弊两疏不报

○延宁虏酋补进马疋乞袭替原职许之从总督马鸣銮之请也先是套虏以要挟闯边停革市赏既以剿杀屡有创艾悔祸请贡督抚代为具题乃许各酋仍袭原职

○辽东巡按萧淳条陈六事兵部覆议从之其一补额兵以备战守言辽镇一线孤悬三面夷虏无墙垣可恃所赖唯兵往时辽兵以十万计视九边称雄自万历十九年阅视科臣侯先春查汰缺伍定为经制兵仅八万饷亦如之续因倭警虏患徵发凋残全辽兵马仅止八万大营官军堪战者不满百东西应援力薄难支目下幼憨懦弱部落自相雄长奴速二酋勾连蓄祸阴两猝至门庭将延为今计莫急于补先年额兵备查十九年以前各营兵马原设若干经制后止存若干以原设之饷补给原额之兵庶进战退守不借援而自裕一清官丁以均劳逸言辽镇卫所指挥千百户等官其制有三自洪永年间由各省直调拨分隶各卫支俸管事者名曰汉官高丽国夷人归附总属东宁卫者名曰土官建州毛怜等卫夷人降附安置安乐自在二州者名曰达官土官初时月粮与汉官埒而俸止半给其父子兄弟一概免差至嘉隆间生齿渐多游食日众故每户量编修边夫三五名或一二十名其应军买马杂差一切报罢迄今二百年丁口溢浩且多奸徒影射其间至于自在安乐二州达官初谓其犬羊就桀犷悍犹存故不差粮亦不委任以事乃迩来有告回东宁卫以冀委用者且其私收役占之弊视土官华人为甚议将东宁卫土官俸粮一照汉官全支帮丁亦准汉官拨给其余丁舍尽行编差自在安乐二州达官查其年力精壮技艺优闲者与汉官一体委用免其与军同操而帮丁亦照数抽差或以二项帮丁量增数人以示优待之意盖达官俸粮不如汉官全收又不如土官之半给故量增帮丁以平其情亦均劳逸足差徭之至计也一定市赏以杜侵冒言先时太仆岁角口羊马价原为战阵驰逐倒失买补之用乃先年抚臣创马子银之例遂以为价抚夷以夷马给军日久毙生积年马户贿领抚银累千盈万径不买马间以一二羸瘦支应少时非久辄毙议将市赏旧规定其进期人数限以赏额使市本马价一一可稽其京运马价亦照来数摊发五道使军士拣择进验即以马价经给马主免其印烙稍索之烦庶骑操驰斗获有实用一严防御以伐狡谋言建州奴速二西明肆桀骜白连西夷暖兔伯要强

大明神宗范天合道哲肃敦简光文章武安仁止孝显皇帝实录卷之四百四十一

明神宗显皇帝实录卷之四百四十二

万历三十六年正月己丑朔元旦节群臣于五凤楼前行庆贺礼

○大学士朱赓李廷机叶向高仍诣宫门外行叩头礼遣内臣管待酒饭又特赐上尊珍饌并烧割等物有差

○辛卯

宣宗章皇帝忌辰遣官祭 景陵

○癸巳吏科都给事中陈治则稽查考成摘参巡抚易登瀛等巡按史弼等俱当罚治

○甲午孟春时享 太庙遣官恭代分献

○乙未吏科给事中姚士慎陈四事一曰涣俞音以昭大信今最患者无如缺官缺官之极无如台谏考选一事 皇上谕阁臣少俟简发者再矣此成言之当亟申者一曰谨中旨以绝幸窳近如金□一事奸□捏名色以诳 天听径从优免部科不得问马鞍山事以田聘一言释放者释放拿治者拿治法司不得鞠渐何可长此 明旨之当详审者一曰正刑典以振纪纲咸宁令满朝荐偶撻宵小之锋致蒙逮系擄掠犹久淹诏狱梁永乐纲罪重恶极不正三尺以谢海内此刑辟之当速正者一曰停营缮以苏物力今日生财之道已穷殿门工程渐有就绪即速成之以壮观瞻三殿工程浩大宜暂为停止各工修理自城垣吃紧外尽行停罢此营造之当暂宽者

○铸给云南布政使司督粮盐法道关防

○丙申四川地震有声如雷

○丁酉礼部署部事右侍郎杨道宾请亟举朝讲自春伊始不报

○吏部署部事左侍郎杨时乔请简用本部尚书不报

○己亥 孝恪皇后忌辰遣官祭 永陵

○赐文武百官节假十日

○庚子大学士朱赓等以 东宫开讲日期请并教习庶吉士官员萧云举王图速赐简发不报

○壬寅户部尚书赵世卿再< 硃-金 >请七公主婚礼钱粮比照长公主事例折价进与该库令其自行给造仍严敕该监务遵 祖制弗得违例妄求从之

○户部请宽金花买办银两崙力边储不报

○户部覆山东道御史萧淳条陈宽积羨以裕军需谓辽军独苦积羨难继唯就中汰虚冒核侵渔催拖逋扣逃亡兼之客兵之饷额有赢余新募之兵补有迟速无大军兴无大烦费乘除扣减之间如岁之有闰势不能无羨即不得不积饷臣从实登报固不必拘往年之例过求赢余亦不可邀长厚之名故为糜滥诏如所议

○甲辰大学士朱赓< 硃-金 >疾求去不允

○吏科都给事中陈治则请决用行取诸臣不报

○礼部请将续选到子弟并前次送选子弟俱赴诸王馆选择允之

○监察工程左给事中等官胡忻等摘陈切要事宜金柱明梁因材辘补如 世宗时金柱以杉代楠其长足围不足中心一根外辘八瓣共成一柱明梁或三辘四辘为一根此已事之可寻者钱粮各工题有额数宁缩毋滥如 世庙门殿工原估三百六十万将作者尺寸算之竟省三分之二则精核之为功大矣物料收支夫匠点闸工价给散唯监督是赖宜久任责成期以大工告成从优叙升庶几专精经营不以传舍分念也

○兵部言曩者班白二酋听信东虏勾引谋犯要挟今始悔祸就罚并送回原抢官马衣服议将二酋准其照旧贡市以示羈縻其酋首白洪大等分别赏赉夷人五兰五把什等通官阎尚仁等听督抚分别给赏镇道将领等官俱俟秋防毕日并叙送到罚赎马牛羊变价收充抚赏公用原抢官马衣服查给各主收领仍传谕诸夷使知朝廷恩威报可

○兵部覆陕西巡按余懋衡条议六事一修险隘延绥三路城堡俱用甃石包修河口大小不一之处用叠石架墙法河口两边用石堵口上架松木作墙脚以便甃石高至四尺而后架土其河口大者酌量水势多开数口量高数尺以防冲突虏即大举拆墙亦费工夫应兵渐可集矣此诚治河御虏之急务一练兵马延镇兵马额设五万有奇仅止二万堪用今议革虚冒汰老弱工技艺齐心志勇胆气择将以训之用命必赏逗遛必诛其边外墩军苦甚内地丰约之以食粮更番之以戍哨摧锋截杀分别等第鼓舞之以月粮一概私逃严禁以法至内而守备以上外而操守以下举荐毋听请托该道责成该厅督抚责成该道臣部责成督抚 天子责成臣部此诚正本澄源之确论一整器械边疆御虏惟火器火药为得力其收贮药料务要乾燥若有朽折责在司库员役制造军器初则责成监造之官继则责成看守之役如有败坏各令赔偿一收胡马疆场战马不必专倚胡虏进贡马匹自今严饬军士领马饲养侵克料银致损伤数多者营官将官一体罚治其进贡马匹查验的确可收则纳不可收则谢毋堕虏计一散逆党边方夷汉相邻诈降不时有之守边将吏宜于收降之时寓散之之术如汉人来降必审其藉贯押角口羊原宗夷人来降必有妻室方准收养每岁通镇亦止许四十名每营散处十余名以为向导冲锋之用一酌抚赏卜失免虽号一套之长然不能控制诸虏驾驭之方不可不亟为图如各虏恭顺一年则准一年之额赏若此枝顺彼枝逆则抚此剿彼若阳顺阴逆则革赏而议战将领弛备酿患者重处不贷得旨允行

○巡仓御史邓澄议裕储计六事一严收放以祛积弊一禁改折以救根本一议支运以苏偏累一选官旗以重责成一严核稽以杜侵冒一增房袋以速粮运

○礼部申饬留都百官送表迎诏班次礼仪不许私聚别所中途搀入以致拥阻紊乱 上是之

○乙巳 英宗睿皇帝忌辰遣官祭 裕陵

○大学士李廷机叶向高言年内

所请如日讲如 东宫讲读如选科道补大僚起遗佚补讲读教习掌詹掌院各官皆系机务职掌一概未蒙听允伏望及此新春慨然批发施行不报

○丙午吏科右给事中翁宪祥请简大僚充言路录废弃三事不报

○赐郑府东垣王翊铠谥恭懿

○丁未治内官王忠等罪以正月四日司钥库盗失宝号钱三十八锭也

○戊申大学士朱赓等言 皇太子辍讲业已三年人情惶惑请于前拟本月二十二二十五两日内钦定一日开讲其 福王讲读亦于是日同举不报

○礼部言万历二十一年 皇上命 皇太子出阁之初时辅臣以隆寒暂停为请蒙谕旨切责进修琢磨正在冲年岂可暂辍迨二十二年因讲毕还宫稍迟随传谕每日出讲以五鼓为率又时赐温旨以奖进益二十五年以后时有传免然犹甚风甚雨之故二十八年以后时有辍讲然犹隆冬盛暑之故自三十二年一辍至今遂成旷典每新年阁臣择吉上请一切留中春和景明寸阴可惜则亟涣玉音诚不可缓至于 福王官僚久备诸王睿龄渐长开帷出讲均宜举行不报

○户部言山东河南及南直之淮凤徐扬水旱为灾请发赈金不报

○己酉颁赐 潞王敕旨银币 皇帝敕谕弟潞王自弟之国于今十有九年 圣母及朕惟望祚胤诞育日夕在念兹得奏去年十二月二十五日庶生第一子此皆祖宗庆泽所貽蕃衍炽昌方来未艾仰慰 圣母慈怀朕心甚为悦喜特赐敕谕仍赐玉带一围银一千两大红纁丝罗常服各一袭彩段六表里用示眷隆亲亲之意弟其承之

○工部主事范汝梓言静摄以来经筵竟废今且并 皇太子讲学而废之元宵节后闻 东宫侍卫有诣政府促令上请者此何事而令琐琐侍卫急之在 皇上固非自为作述计而在辅臣亦非所以为 皇上计也望奋然燕翼是貽辅养以豫开大一阳而更新万象者务莫急于此矣

○庚戌升礼科都给事中邵庶为太常寺少卿

○辛亥吏部左侍郎杨时乔 < 銮-銮 > 请裁定六科迁转之规内补外补正推闰推一遵旧制以息竞端从之

○都察院以御史缺人详开应差之缺及兼摄之员以闻不报

○吏部左侍郎杨时乔暂假许之冬选掣签命该司官代行 ○壬子真定巡按钱桓言无极县知县张士濂甫列荐剡即经劣转以该府注考失之晦请以后各官考语务在的确明白部覆允之

○命司礼监太监成敬同兵部阅视京营

○以大理寺右寺丞杨宏科转本寺左寺丞升御史吴楷为大理寺右寺丞

○工部右侍郎刘元霖言福府之建宜依潞府规则择吉兴工惟是崇本书楼一节会典原无此式遵 祖制以昭俭德取自 圣裁至措处银两共得四十一万七千七百三十三两零止缺三万九千八百余两再行派办议留班军助工并劄监督主事房楠留

团营地亩应徵万历三十五年分角□羊本部籽粒钱粮照例蠲免三分其应徵七分与香河县助边充饷神机营牧马草场等项钱粮俱行暂缓许之

○丁巳升礼部郎中王三才为山西副使提督学政

○兵部言寇家梁一带为鴈代最要冲边宜甃石包修以资保障每百丈内修敌楼一座其罢闲参将周俊既经保荐尚委督理如著劳续候相应员缺起补从之

○兵部请留已升柳庆参将孟续孔以新銜仍管河南巡抚摺下练兵游击事从抚臣沈季文咨也

明神宗显皇帝实录卷之四百四十二

明神宗显皇帝实录卷之四百四十三

万历三十六年二月戊午朔追赠

先朝吏部左侍郎孟春为工部尚书春会审大狱时奉旨冠带闲住已经奏准复职至是吏部议本官节概治迹不可磨者有五一试郡以廉能卓冠徵擢卿寺二巡抚不阿权奸宁被江彬之排三佐铨清誉素著特蒙宸褒四建议宣大陕西三边各设总制大臣控御垂为定制五会议大狱直道不阿甘与颜颐寿马禄同罪削籍概其生平盖守贞持正夷险不易者允宜加赠以慰幽魂故有是命

○添设吏部司官一员专管册库

○己未大学士朱赓等题催经筵日讲官

○予原任总督蓟辽右都御史兼兵部侍郎万世德祭葬如例世德山西偏头关人隆庆辛未进士授南阳知县历官右佥都御史经理辽东以朝鲜南海余倭荡平升右副都御史寻升兵部侍郎经略防倭朝鲜善后事竣荫子锦衣千户世袭卒于官礼部言其恢弘大略慷慨雄才有定国之勋例应予祭二坛给全葬从之

○吏科都给事中陈治则言部臣汪元功黄汝亨黄一腾寺臣吴正志等相讦已经臣等及台臣方大美各< 〇〇〇 〇〇〇 〇〇〇 > 糾参循职尽言之常何妨于礼科右给事中汪若霖乃力诋臣庇元功汝亨及深疾臣参一腾正志言官各尽所言下听公论上候 圣裁是相成也一言逆心曰庇奸曰报复是相敌也言路岂一人之路国是岂一人之是乎

○南京昏晴老人星见丁位

○庚申上筈篱寨平等族番人滄中等二百四十四名贡马匹方物各赏绢钞如例

○户科给事中江灏言冢宰简用宜亟因劾杨时乔逞臆决裂宜允其去< 〇〇〇 〇〇〇 〇〇〇 > 留中

○壬戌大学士李廷机言汉臣诸葛亮尝自言其随身衣食取给官下不别治生以长尺寸身死之日不使廩有余粟篋有余帛以累其主臣平居常诵此言日夜孜孜绝宾客之欢忘室家之业思得一当以报 皇上顾自受命于今八月每于时政阙失事体重大者与二臣连名揭请不啻再三一切留中臣年六十有七衰且病矣生不愿官死不愿恤但愿 皇上及臣在此使臣得行其言效其力以不负 圣恩臣虽死无憾

○工部右侍郎刘元霖题黄河之难大治自昔苦之先因苏庄水决河臣议挑朱旺口使水归故道逾年工完遵例奏报本部覆行巡按御史查勘去后兹据按臣黄吉士勘报谓新河告成南阳鱼台等处其功实不可泯独杨村集以下陈家楼以上河身旁决徐属受害不可以称全功欲候三年新河果无冲决不次升擢又据河臣< 〇〇〇 毓-金 >谓杨村而下陈家楼而上地形卑洼自冲一渠每遇伏秋不无溢岸然亦河性之常总不出长堤之北行缕之南于是科臣孙善继姚士慎各有参< 〇〇〇 毓-金 >未奉 明旨臣窃谓按臣勘阅当伏水泛涨然滔滔东逝会归正河 陵运既两无侵南阳水患亦去此其工成大较亦可睹已河臣论功诚不可缓惟其< 〇〇〇 毓-金 >叙不无少浮是在核实酌议耳至科臣孙善继< 〇〇〇 毓-金 >谓漕泲不可常恃议于古洪闸抵满家闸大加挑浚坚筑堤岸通旧运河以接黄河于双沟马家浅开月河以避跌溜此两利俱存之策谓泲流尚多遗筑议开巨梁桥以免直口之危浚顿家闸以免守浅之苦筑堤王市口以避暴涨之冲此桑土绸缪之计然谭者又谓泲贵蓄而虞洩黄善徙而难恃须泲河展拓已完闸坝已足不为旁洩而后及黄庶无他虞此当另行河臣从长勘奏者 上俱是其议

○癸亥大学士叶向高言臣少读大学其论治国平天下惟用人理财两端今日之用人何如哉缺者不补矣选者不下矣废者不录矣巡差之御史到处乏人作养之庶常经年旷业臣意 圣心于此有数端焉其一必谓官不必备年来悬缺许多亦未至废事不知一官不补即一事不治若一官两摄又一事两妨一旦缓急必至狼狈其一必谓除授一官则推举铨选催请者皆得假以市恩所宜重靳不知爵位官职皆出朝廷与臣下何与其一必谓诸臣皆希图荣宠自为身谋甚者相争相讦此辈一用必复多事故为此以摧抑之不知使天下人皆轻视官爵不求进取虽神圣谁与分猷人品不同亦有身受国恩思酬尺寸者概以嗜进疑之不亦过乎若恐用之多事臣窃以为今日纷纭正繇不用如其用之将各业其官何事之可多臣愿 皇上察此数端有官必补有补必速勿以犹豫之心致天工之旷也至于理财则更有可虑者太仓积储尽矣太仆马价空矣兵部工部无不告匱即大官供应之需亦朝不及夕矣臣意 圣心于此亦有数端焉其一必谓天下之财皆与天下公共惟积而不用者为财不知天子所以富贵正以臣妾亿兆穷天极地无非一家如使蓄不出宫庭何贵于万乘而毋乃示天下隘乎其一一必谓矿税数年行之无事民间财力犹堪腴取不知天地生财只有此数今鞬轂之下家家贫穷兼以连年水旱到处灾伤似此景象卒然有事其谁应之其一必谓中外积贮尚有赢余纵使目前不敷犹可设法处置不知今日库藏处处空虚九边岁额今岁少百二十万嗷嗷待哺能不寒心虏酋未定边事尚纷辽左诸夷雄黠日甚滇南又复骚动如使未能扑灭而重以他警何以待之臣愿 皇上察此数端以天下财足天下用勿以彼此之心重计臣之困也

○革瑞昌王府辅国中尉谋走〇曷谋〇〇戊臣土〇封爵降为庶人走〇曷仍发闲宅拘禁夺石城王府辅国中尉统金〇夙禄米三年走〇曷伪雕印信金〇夙知情行

使□□戊臣土□奸淫亲属也

○互调总兵柴国柱挂印镇守甘肃等处地方王邦佐镇守陕西等处地方

○甲子春分祭 朝日坛遣官行礼

○祭 三皇于 景惠殿赐辅臣收回祭设三卓

○予广东总兵官左都督陈璘祭葬如例

○兵部言京营听用官三百余人若不澄汰何所底止除有祖职加级者应听如例若白衣冒籍及乡试武举纳级吏监等改纳俱宜停止已纳者非奇才不荐非五荐不推在督抚尤不得踰格咨用其各镇旗鼓塘报等官止于各镇卫官及会试武举中有荐者取用报可

○兵部尚书萧大亨请简用枢贰不报

○乙丑大学士朱赓等请暂改经筵开讲于二十二日并日讲讲章择十八日吉恭撰进览

○准北胜州土舍高世懋承袭土府同知加四品服色

○吏部左侍郎杨时乔引疾乞休不允 ○兵部覆云南巡抚陈用宾奏凤夷逆节盖三见矣向凤朝文叛杀同知袁俸被诛立酋族凤继祖复袭杀金事张泽讨平改土为流垂四十年今阿克即凤腾霄乃其苗裔也所居在东川会川水西之间生齿日繁梟雄跋扈其欲复攘故土久矣今特借名报马岁二姓之讎然有郑举等为内应东川诸夷为外援是以一鼓而破武定困推官白明通杀武臣金守仁王应爵屠戮居民以四百五十余计劫狱劫财叛逆已成此天讨所必加者也惟是滇中兵饷俱缺又远在天末一切徵兵用饷或于本省处置措办或于邻省川贵借请通俟抚臣斟酌径行其四川抚臣谕东川会川贵州抚臣谕水西各土官俱禁戢土民毋得助逆诏如议行

○贵州巡抚郭子章言坐派贵州采办楠杉大木板枋一万二千二百九十八根块共该木价银一百零七万七千二百七十一两四钱七分六厘计作四起查给一给于开山垫路二给于运到外水三给运至川楚大河四给到京交收大约该运价二万零二百二十两见存在库应追还官及各省直未到银通共九万八千一百五十六两六钱四分有奇尚少九十九万九千三百三十四两八钱三分有奇本省无从措处乞分派不采木省直起岁协济再议宽限庶钜材不致稽误而疲民得以输运矣

○工部再请核实泃河工费及效劳官员旨命巡漕御史查勘分别以凭激劝

○辽东巡按萧淳乞停额税不报

○丁卯 孝贞纯皇后忌辰遣官祭 茂陵

○祭 先师孔子遣大学士叶向高行礼 ○大学士李廷机叶向高请谕首辅朱赓趣出视事

○工部署部事右侍郎刘元霖请补尚书左侍郎不报

○戊辰京师地震昌平州亦震

○大学士朱赓等催补 东宫讲筵侍班讲读侍书等官并择十七日二十日开讲吉期请旨

○礼部请驸马子弟再行访选报可其年岁选十四十六十七者三等仍行山东河南通选

○己巳大学士朱赓三恳放归 上优旨慰留不允遣太医院官视疾

○户部覆光禄寺寺丞徐必达条议白粮一十一款一白粮多系内供岁纳宜蚤以后院道务预期严檄各邑蚤徵速完定限十二月以里二嘉兴工费查酌数年监兑册开定数不得多派比照杭湖事例将嘉兴府属凡有漕粮县分通融量派于条鞭内起徵其嘉秀二县白粮水脚不得分毫扣用三嘉湖漕白二粮官户悉兑漕粮白粮尽派民户各户既不难催岁户亦不得籍口稽延四白粮运船亦造自官司工费什物漂损赔修悉照漕艘行令有司将水脚银抽提二年于十年之中以需官造均为十股于八年之内以资岁给五白粮水脚定须照其米石酌费若干查确派加著为画一宁使有余毋俾不足听掌印部运官验足摺封付之本户沿途非稟官不许私拆六白粮每船定额量带土宜四十石迩来珍巧细软半于官粮甚者包搭客货夫军民一体事例宜同漕船报抽近经题议自仪真而下听巡漕不时盘诘以后白粮亦照此例行七白粮风波之患比照漕例当时陈告督押官处亲查虚实轻重勘验的确即出给执照一面将所带土宜变卖补足仍申报原籍院道有司其自赔助赔通县派赔之数酌量多寡查算补给八白粮抵丁字沽则须舟剥抵张家湾则须车运以后船到河西务司官即查照漕粮事体速为拨船起剥免其久候仍于所顾船车平其脚价勿使奸户措勒九白粮到京旧俱露积浥烂损耗势有必然今议创造仓廩以备贮收十白粮起批州县先期差快手赴各衙门倒换挂号及期付之岁户至到京纳粮之日批文仍听全完给发部运总领其各户先完者许具状赴司查审无欠即批准用印以便先回十一浙之差岁烦多殷实不足以后北差除白粮外其绢岁即付总部府佐便带南差除糙粮外其绢布银等项即付管押县佐便带度其道里宁加厚水脚但白粮总部每年轮委嘉湖两府佐一员州县各有统属府佐督催隔属能无掣肘且白粮既先漕运则期限迫速而于粮绢两者能无顾此失彼是又在彼中上下计议妥确毋孤此创法之意也报允

○安南头目郑松潜计刺死禄州夷官韦达礼函首补贡论功加两广总督戴耀太子少保升广西巡抚杨芳右都御史自本兵而下内外文武将吏各升级赏银币有差

○庚午予原任太子太保左都御史温纯赠少保纯三原县人嘉靖乙丑进士授寿光知县行取户科给事中历官至右都御史总督仓场丁内艰起南京吏部尚书丁外艰起左都御史满六年考加宫衔致仕卒于家纯正议琐垣振纲宪府典南北大计者五次黜陟允协于公论察机勇退寿考令终无间然矣

○都察院再请速俞考选以济差遣不报

○壬申命忻城伯赵世新掌南京前军都督府事

○癸酉予原任太子太保南京吏部尚书致仕曾同亨赠少保同亨吉水县人嘉靖己未进士授刑部主事历官至南京吏部尚书满六年考加宫保致政给舆夫月廩在籍卒同亨三朝耆德其肤功伟绩出处大节允协舆论故恤典特从厚云

○兵部言水泉楼子营二界系西路要冲土埤沙薄不堪捍御今议砖石包砌真一劳永逸之计允之

○兵部覆总督蹇达题辽镇甄别练兵勤惰各官张中鸿等加衔复职更调革任等项悉如所请从之

○乙亥以元辅朱赓久病赐猪羊米酒等物

○丙子 景皇帝忌辰遣官祭 陵寝

○户部尚书赵世卿称病乞归不听

○陕西巡按王基洪条议武职贤否径繇各道开报不得概委下吏以致混淆部覆允行

○戊寅大学士朱赓等再请 东宫开讲日期择本月二十七日三月初三日二日候旨

○兵部覆陕西巡按王基洪条议禁钻刺以清边备一款 上曰将官钻刺势必克饷剥军强事如何不坏着厂卫城捕衙门严行访拏

○己卯清明节遣官分祭 诸陵 景皇帝陵寝 庄敬 哀冲二太子坟

○辛巳吏部左侍郎杨时乔以病未能供事再< 疏 >自劾旨令郎中代行掣签毋得推误尚书右侍郎候点用

○癸未蓟辽总督蹇达言建酋日渐骄横东方隐忧可虞乞议蚤备战守机宜章下兵部

○乙酉罢保定忠顺营参将卢彻以李尚质代之

○丁亥兵部言云南巡抚陈用宾乞要南京两广各动发五万两以济急用臣愚以为不可赖以应猝请先发帑金五万两差官星驰解至军前应用其户工二部所议仍行一并续发收复人心保全滇省从之

○兵部尚书萧大亨言凤酋发难一鼓而克武定破二州直薄省会索冠带印信抚镇藩臬诸臣竟与之夫抚臣秉节建牙将以抚安全省镇臣握符世守将以摄服百蛮藩臬诸臣皆一方大吏均有旬宣屏翰之责者居恒既不能镇戢抚绥以致生心事发束手无策任其虔刘迫胁履欲而去国威国体不既已大失乎诸臣应即究处但念军旅方殷各令戴罪讨贼务使剿灭从之

明神宗显皇帝实录卷之四百四十三

明神宗显皇帝实录卷之四百四十四

万历三十六年三月戊子朔

孝肃皇后忌辰遣官祭 裕陵

○兵部覆贵州候代巡抚郭子章等奏土舍安尧臣之承继镇雄积有年矣自永宁争立说者疑尧臣庇奢世续阎宗传而助之逆且庾其印于是蜀抚始兵之迨于印献罪降庙议撤兵令尧臣退还镇雄就居贵省仍论征播前功授以土知府职级则贵州抚按题请固以完昔日之叙功尤以信今日之诏旨若者氏请归尧臣供养此自老妇哺乳私情然而立陇之旨业已中外昭悬谁能易之今日之事尧臣与其妻孥径当全归贵阳乃为始终畏慎至于水西携带原人蜀抚欲令尽出惟是尧臣幼继陇姓已离水西镇雄固其巢穴彼原随把目十年生聚一旦飘摇不能无虑计惟有该省抚臣谕令安强臣谊念手足分割一隅令尧臣率众安居毋令两失所依所以终 圣恩而消隐祸者也得旨如议行

○广西巡抚杨芳题禄州夷官韦德庆袭擒东海贼首潘都该以自赎交夷莫敬恭生縛酋首裴宗奇等不事徵兵费饷渠魁一时俱歼所有在事文武诸臣先后功罪宜加旌处章下兵部

○己丑原任大学士王锡爵固称病苦辞召 上曰时事多艰朕以卿老成人望特行召用屡旨敦趣如何又有此奏着抚按官省问安车就道以副朕延伫至怀

○户部定接济云南军前粮饷南京户兵二部共凑三万两两广五万两从之

○庚寅敕云南抚按镇臣及贵州抚按但有风夷紧急声息通行飞报

○是日西宁夏天鼓鸣

○辛卯大学士朱赓等题考选科道新年又复三月未奉纶音乞亟赐裁断不报

○予驸马都尉万炜父母赠封如制

○加原任协理京营戎政李汶勋阶特进

○丁酉赐三辅臣各彩扇六柄银钉铰扇十柄砗磲扇二十柄及讲官杨道宾等三员有差

○两淮巡盐康丕杨言< 硃-金 >盐课以足边饷将首出余盐委官验后许照五百七十斤一引上纳余银令其掣卖分别带数多寡酌量加罚既可按法惩奸又可据盐抵饷无俟刑驱可少< 硃-金 >往滞矣

○礼部言国家东北夷三种女直系肃慎旧疆亡金遗孽也永乐初年女直来朝其后海西建州女直悉境归附乃设奴儿干都司统卫所二百有四地面城站五十有八官其酋长自都督以至镇抚许其贡市自开原以达京师岁以十月验放入关如次年正月后到者边臣奏请定夺今自万历三十四年六月建州海西先后到京进贡去后至三十五年并无验放入关者今春尚无消息近辽东抚镇官会题本内有奴酋不肯进贡抢了罢等语臣伏读 太祖高皇帝祖训首章有曰四方诸夷皆限山隔海僻在一隅恐后世子孙倚中国富强贪其强界无故兴师致伤人命切记不可但胡戎与西北边境互相密迩累世战争必选将练兵时谨备之所谓胡戎北则鞑靼瓦剌东则兀良哈西则哈密也自兀良哈内附于洪武收为三卫属夷哈密纳款于永乐藉为西域贡道瓦剌即俺答一

部亦既归诚 皇帝称顺义矣惟是迤北鞑鞞东邻女直雄据塞外自永乐九年女直内附我 文皇帝即设奴儿干都司以羈縻之事同三卫均资捍蔽者盖以金元世仇欲其蛮夷自攻也然必分女直为三折卫所地站为六百六十二各雄长不使归一者盖以犬羊异类欲其犬牙相制也 祖宗立法良有深意今建州夷酋奴儿哈赤既并毛怜等卫取其敕印又举海西南关一带卫所酋目若卜占吉若猛骨孛罗等卫而有之虽婚姻亦所不恤惟北关一带苦那林孛罗与弟金台竭力死守苟延旦夕又闻其饑名姝捐重妆以交欢北虏夫国家本藉女直制北虏而今已与北虏交通本设海西抗建州而今已被建州吞并且开原止许市马并无市参之令乃强裁参斤倍勒高价将官偿之则难堪争之则启衅吞声忍辱非一朝夕矣更闻奴儿哈赤与弟速儿哈赤皆多智习兵信赏必罚妄自尊大其志不小臣阅金辽二史辽人尝言女直兵若满万则不可敌今奴酋精兵业已三万有奇按隆庆间辽镇图籍马步官军实在八万粒米豆草而外主客岁饷二十万金今称堪战亲兵不满八千思之可为寒心臣愚以为即未遽兴问罪之师亦宜诘责所以违贡者何故若其输情悔罪许令自新倘果桀骜负固则宜暴其罪状革其爵赏敕户兵二部从长计议整顿兵饷以耀威武而防侵暴庶中国之体统尊外夷之观听肃矣

○戊戌兵部议立镇雄土司旨令抚按官访寻陇氏真子孙为众推服者保举定夺

○己亥兵部尚书萧大亨被言乞休不允 ○庚子遣鸿胪寺堂上官宣谕大学士朱赓入阁佐理赓具< 疏 疏-金 >称谢

○兵部职方司主事叶世英以东夷渐炽可虞条上增兵增饷事宜言增兵三事曰西兵可募土著可招官舍可增言增饷五事曰复边输以实塞上通钱法以佐军储查新官以责协济赎改戍以便民情复标盐以鼓乐输乃其吃紧在增设驿站不扰营伍马壮兵强又增兵饷之要略也

○辛丑 武宗毅皇帝忌辰遣官祭 康陵

○户部言滇南变乱西蜀凋疲乞撤税减金不报

○乙巳大学士朱赓等言建酋桀黠非常旁近诸夷多被吞并恃强不贡已经二年又勒买参斤多索车价辽阳凋敝之区一旦内犯何以支吾伏望 圣明速将臣等拟票兵部题覆总督蹇达前< 疏 疏-金 >省发以便遵行

○户部覆易州镇管粮郎中崔师训条议十款一汰冗口将见在各口从公精选酌留殷实承办买纳其市棍奸猾尽行裁革一省冗费粮价低昂视岁丰歉以后军士本色粮募买之丰年用备支需倘遇岁荒即行停止一备济变先年边仓非大荒不出陈乘有年而召买正以待不虞也如遇丰年即乘时收买本色专备客兵支用其主兵本色惟荒年照例支給一杜滋蠹将一应本色军粮遇凶岁给放丰年召买仍于收放之期即委管粮通判一员监督无令守候如有奸口贿通官攒武弁虚出冒领听督抚按衙门拏究一止姑息御兵之道贵在严节制若求预支借支是皆姑息而渐不可长者以后主兵折色务要按期给放荒岁方许支本色其一切求借不得姑从一推至诚先是紫马两关军士

原支折色至万历二十九年大荒题准岁给本色四个月以后明示两关军士丰年停支本色荒年多支本色一便时价召买粮葛以秋估为定题奉钦依通行已久合劄该镇仍遵往例以一估为定则勿再估价定于秋即银给于秋庶口不得藉口拖延一募土著粮葛莫贱于秋成设秋时急需既无金定之口又无专责之民其若之何惟仍酌留殷实专任其责毋使趋避趋事自有人也一辨等次商人贖产不能概相若也一类责其承办则力不胜上纳钱粮亦未必在一时也不分次序举全价而尽付之则不免妄费以后召买粮葛分别商人第为三等又于三等之中三次给价庶商不拙力而办纳自易一禁寄顿将口人拨定仓口粮到责令即运至本仓交收不许寄顿他所以致插和粗恶诏允行

○戊申予原任礼部尚书李长春祭如例仍加祭与妻合葬长春富顺县人隆庆戊辰进士改翰林院庶吉士授编修与修 穆宗实录辛未充会试同考官管诰敕编纂章奏参较会典充经筵讲官乙酉主考应天乡试历升礼部左侍郎充日讲官升本部尚书被言乞假回籍至是卒礼部言长春抗< 距 铨 金 > 矢羽翼之谟提躬高肮脏之气讲读年久应加优恤者也

○陕西巡按王基洪条议甘肃孤悬天末处处邻虏戒备宜豫请改设将领以重机宜更调官军以资缓急创修边寨以固疆圉合并冗所以实营伍申明屯戍以强兵食选用班军以资实际酌量战款以昭威信保卫西番以固藩篱凡八事部覆咸采用之

○剧寇安南新安州酋长潘都该伏诛仍传首边海

○己酉兵部言凤酋傲扰视杨酋构难尤甚道路之口竞云滇中州邑诸吏一闻贼至咸先去以为民望独禄丰县知县苏梦暘嵩明州吏目韦宗孝以守城被害而宗孝受祸尤惨至于推官白明通实假以取印脱身引贼至省仓卒祸变俱繇于此余失事府州县各官亦有不至军前讨贼冒功掩罪者若劝惩不明则生者何幸死者何辜恭请 明旨切责抚镇二臣是否隐匿并死事失事等官俱行巡按御史作速勘奏以凭处分从之

○辛亥大学士朱赓等题国家三处军情一时告急其一为云南凤夷攻陷城郭残杀官民其一为广粤交夷乘虚突入城中失守其一为辽左建夷蓄谋甚久跋邑可知臣等谨拟敕一道请 皇上裁改亟发兵部以振法纪以收人心其各处用兵监军纪功实惟巡按御史之责考选一事尤其急之急者统乞鉴察允行谕兵部朕虽静摄宫中心未尝不念周天下其于柔远安迓诘戎振武之事尤惓惓焉昨见滇夷作孽扑灭非难何至日久蔓延任其焚劫失郡失邑戕官杀民如入无人之境抚镇官平居防守何为临事制御何策陈用宾沐睿都着住了俸戴罪杀贼自赎如纵寇遗患并治不贷其保身失事为国死事官员了无分别奚以激励人心着巡按御史作速勘来处分又粤地远在万里易行掩饰交夷窃发果否遁逃作何防剿失事地方作何保御着抚按也从实勘报其辽东建酋不思国恩不遵贡典招亡纳叛意欲何为地切 陵京岂容如此怠忽该督抚镇巡等官务要申饬军令严戒将领毋习故侵克以失军心毋自弛威严以生戎心若有疏虞责有所归尔该部即便马上行文与他每知道前余懋衡阅视条奏边事业已有旨未见

奉行具奏仍还传谕各边守臣一体振刷以称朕意故谕

○四川巡抚乔璧星请留本省角□羊赴陕西济边钱粮不许 ○辽东巡抚赵楫言边地灾伤无处不若宁远前屯一线通关地尤砂碛开原铁岭三面环夷民乏恒产议将屯粮徵折徵本曲为调停少加拯济乞敕部覆遵行

○是日未大风黄尘四塞

○癸丑罢榆林城管抚夷守备事原任游击李荣以李国楹代之升延安卫百户高国祜以都指挥体统行事守备延绥甯井堡地方

○甲寅陕西总督徐三畏言庄浪镇羌地方创修边榨番汉胥有攸赖请赏赉董理文武官员章下兵部

○总督两广军务右副都御史戴耀题三十五年十二月内交阯贼七百余名繇龙门港直入突围钦州虏掠以去所据失事各官法应参究并自劾疆场失守之罪章下兵部 ○乙卯司礼监太监成敬奏阅视过五军等营各官例应赏罚诏如议

○户部言辽阳孤悬天末逼虏邻倭建酋逆谋潜伏祸在剥肤自设税监以来军民箕歛包赔心髓既剝皮骨日削在此以虏为狡窟而昵就之在虏以民为奇货而潜招之监为戎首税为厉阶也乞亟撤榷税以收人心不报

○四川巡抚乔璧星言蜀民涂炭已极采榷万难并行乞停税务不报

明神宗显皇帝实录卷之四百四十四

明神宗显皇帝实录卷之四百四十五

万历三十六年四月丁巳朔孟夏时享

太庙遣官恭代分献

○上谕内阁今春屡次动火头目眩晕庙享恐弗成礼遣官及陪祀各执事务秉精虔以体朕诚敬至意卿等可传示知悉

○是日午大风黄尘四塞

○兵部覆甘肃督抚官徐三畏等条议冲边紧要四事一迁移堡兵谓西宁南北二川俱系冲险要地必官兵相等防御始无偏弱查北川设有守备统兵六百名议将南川防守改设守备凑足五百名与北川守备各移临边闾门创筑一城屯住就近堵防委属长便一改移兵将谓碾伯自筑松边之后冲险比昔稍缓而沙糖川地方近日海虏跳梁乃西宁首冲之地议将碾伯游击移驻沙糖川威远堡改为威远游击领兵一千一百名仍听西宁副将统属其碾伯所遗兵委指挥等官统领操守以西宁通判移驻碾伯游击衙门督察收支提督边工皆系移缓就急防边至计一改设守备谓西大同等堡土汉杂居最称繁剧况有通海道路虏患时有议将该堡防守改设西大同守备移于豊乐堡住劄防御统辖连城等九堡仍听庄浪参将节制此乃设守城官一劳永逸之计一更调将领谓安远都司先年原为备松虏而设今虏已远遁地属稍缓而三岔堡则系凉永镇三路交冲之会议将安远都司改调守备三岔堡地方统领马步军五百名训练戍守其三

岔操守改移安远统领摘剩兵马二百名守御传塘深为得策从之

○调安远备御都司郑崇雅守备三岔堡地方升庄浪卫都指挥僉事李秉元为西大通堡守备西宁卫指挥同知李希梅以都指挥体统行事守备南川

○己未大学士朱赓等言臣等接得户部尚书赵世卿揭帖其中关系最大无如边饷细稽饷额在隆庆初年仅二百余万今日遂几四百万各边一有事端輒求增兵增饷不知隆庆以前虏未款贡饷何以少今日安宁饷何以多有饷有兵及至有事何以又不足用至于宫中买办岁进二十万一切庆赏礼仪等项故事取之该监者今皆责之该部苟非鬼运神输从何措办自矿税设立以来各处正供多被侵削盐课壅滞关征减少曾未十年所亏损已四百六十万计臣杜门已久诚宜督其速出与九卿科道悉心计议严责边臣稽查兵饷痛革冒滥克剥之弊其买办上供钱粮一概停止税使即未能尽罢亦当权其利害如辽东云南有事之处先行撤回不报

○兵部言据云南抚镇再报各路捷音并前次通共斩获二千九百五十名颀旨令文武官用心进剿务期翦灭以收全功

○升刑部郎中董光宏为河南僉事提督学政 ○陕西总督徐三畏题甘肃总兵官秉忠塘报本年正二月内虏贼大举内讧我兵奋勇迎敌前后斩级一百四十五颗旨下兵部

○辛酉宴大崇教等七寺进贡番僧工卜三竹等三十名

○乙丑兵部覆云南巡抚奏自凤酋倡乱逆贼大理保杨礼以安铨遗孽乘时颀起几陷寻甸此天讨宜并诛者副使罗希益与原任都司张先声等不能侦探情形竟堕计中致令损威挫锐殒官杀兵疏失之罪亦复何辞但众寡悬殊情有可原相应责成以示曲全得旨张先声等着革去祖职充为事官罗希益住俸俱戴罪杀贼

○四川巡按钱桓言安尧臣归黔自宜挈家而去乃妻子尚留镇雄是阳回水西而阴以妻操府柄其意可知也蜀中查取陇氏宗枝彼乃陈兵阻遏是明绝龙氏之后今查陇氏子孙尚有阿固阿菊累累不乏尧臣以黔中土舍越蜀入赘占据土府戕杀焚毁待以不死更念微劳将授之职望外之恩宜何如感激也者尚复垂涎镇雄以抗王命乎诏令安疆臣即遵前旨安插毋负恩生衅陇氏既有支派蜀抚慎所择立以明天朝兴灭继绝之义

○丁卯予原任太子太保兵部尚书张佳胤祭葬如例佳胤铜梁县人嘉靖庚戌进士授滑县知县三历曹郎谪守蒲州祀名宦历官至应天巡抚安庆兵乱先事区画械张志孝至京万历庚辰巡抚宣府明年满酋拥骑要赏上疏勿许省饷金数万召入为兵部侍郎壬午浙兵变奉旨往镇四日底定大破倭于温州加右都御史晋兵部尚书协理戎政总督薊辽斩暹仰二奴捷闻荫一子锦衣卫千户世袭虏犯太康蒲河前后以斩获功加太子太保寻回部管事疏请致仕卒于家佳胤才猷卓磊遇事勇敢屡平大难中外倚重准祭葬仍与补谥

旨补官考选等事俟详览简发因推官考选时频渎聒激故此迟疑方今时事多艰正赖卿协赞匡济岂可愬然求去不允所辞 ○礼科给事中胡忻题朝鲜国王李昖两子临海君瑋居长光海君瑋居次今国王即世其妃金氏为次子请封光海君瑋业以署国事告讟夫使该国安陋承舛不稟俟我天朝则可废置自繇诚秉礼慕义惟天朝之命是听安得不以典礼相要束而骨肉相怨梯之祸哉 上曰立国以长万古纲常该国素称礼义之邦岂可擅行废立移文该国耆老大臣会同军民人等秉公详议临海何以当废光海何以当立万口一辞然后奏请定夺

○河西狡虏银歹二酋再谋入犯总兵官柴国柱率所部将士先后斩获甲首共一百六十二颗总督徐三畏以捷闻旨下兵部

○癸未大学士李廷机以被论杜门夏至 北郊分献请乞改遣 ○甲申荫原任吏部右侍郎李尚思男永新为国子生

○乙酉吏科右给事中翁宪详劾云南巡抚陈用宾失事已甚祈速推新任抚臣明白往代姑令用宾戴罪听勘更祈戒谕廷臣勿得徇情滥举复误地方

○铸给刘綎云南讨贼总兵关防事平即缴

○刑科都给事中萧近高等言顷者辽东前屯卫军为高准散马催价索骑操马拷打号头致激众怒歃血齐盟欲挈家北投虏地准尚稔恶不悛密访各军姓名于汪政众军益惧益愤汪政遂立毙矣夫高准所司者税务耳一切兵马军务非准所得问也何为而散马催价横索骑坐矧显凌之以喝打阴恫之以密访致激变众军即此一事准之罪恶不容诛矣况居辽八九载罔上行私种种奸状尤擢发难悉乎往者滇南之变杨荣不足当烈焰之一炬说者谓凤贼一起皆杨荣之凶残积渐使然 皇上犹欲令全辽再见凤贼之惨耶夫辽左诸游手浮食之徒往往喜天下多事以快其私建酋跳梁方且为逋逃主准又从而驱之势不胥而之虏不止 皇上亦何利于准不亟撒之也留中

明神宗显皇帝实录卷之四百四十五

明神宗显皇帝实录卷之四百四十六

万历三十六年五月丙戌朔礼部言朝鲜嗣位事在彼国难以遥断似当行勘以求确据允之

○革平虏堡游击李腾霄任仍行查勘以欺瞞失事军情也

○云南巡按苏茂相请动节存备赈银两赈恤并请豁免税徵贡金以延民命俱不报

○礼部仪制清吏司主事郑振先言自古乱国之人不同莫甚于专权之宰相专权之宰相不同莫甚于李林甫卢杞秦桧诸人然其心虽毒其机则显其用则粗岂若今日辅臣以避权而擅权以擅权为无权外庭似与内庭隔其实渊微之精神靡不得诸司似与政府隔其实人政之吃紧靡不操者也谨条其大罪十有二焉臣闻忠臣事君善则称君过则称己今朱赓等每与朝臣论及时政輒低眉蹙额曰某事吾以去就争不得以死

波业折而入于奴是该国藩篱已撤肩背受敌奴酋目中又宁有朝鲜哉所望严敕该国大修武备整饬边防并敕辽左督抚镇臣选差的当员役宣谕奴酋各守边疆毋相侵扰允之

○庚寅以端午节赐辅臣上尊珍饌

○户科给事中江灏言今日欲备御建酋无如速抚全辽欲抚全辽无如即撤高淮明正其罪不报 ○顺天府府尹曲迁乔言臣府内供外供应用钱粮俱取给两县铺行而铺审编则须科道有人祈亟下考选 上谓科道各差缺人不止此一事方在简发俱候旨行

○吏部覆铨政七事一议选法一议例推一议改教一议保升一议加恩一议趋避一议纳级盖据科臣翁宪祥曹于汴汪若霖吕邦燿王元翰道臣王基洪乔允升萧淳条陈也

○壬辰 孝宗敬皇帝忌辰遣官祭 泰陵

○乙未夏至大祭 地于 方泽遣官恭代其分献视牲先期诣 太庙请配俱遣官行礼

○大学士朱赓李廷机各< 〇〇〇 铨-金 >乞宥郑振先范汝梓谪降不允

○丁酉 仁宗昭皇帝忌辰遣官祭 献陵 ○户科都给事中孟成己等言近接各督抚揭帖在辽左去岁旧饷欠十四万今岁杳然无期在密蓟永昌缺五十万在宣大主客兵饷欠二十万此时太仓若扫冢藏空虚催无可催借无可借欲救燃眉以保重地舍借内帑诚计无复之也不报

○铸益府延宁王麒麟钮镀金银印

○大学士叶向高言年来治理壅塞凡百艰难举往时朝上夕报之常规今皆成转日回天之事业人情喁喁中外交责臣等欲辞不可欲为不能局天踏地无以自容望将紧要本章亟赐施行毋复迟疑以虚明旨

○戊戌予成安伯郭邦相祭葬如例

○己亥先是兵部起用总兵刘綎不繇会推科臣宋一韩< 〇〇〇 铨-金 >驳部覆以后推用总兵不论正缺特用俱繇廷推惟紧急之际督抚坐地坐名奏请者部与题覆永著为令从之

○加山西岢岚道兵备副使刘余泽为按察使照旧管事

○辛丑录延镇前后功次督抚总兵官徐三畏涂宗浚杜松等兵道将领官陈性学王国栋等各赏银币有差俱候大捷功优叙惟宗浚曾经考满加右副都御史

○壬寅大学士朱赓等会同翰林院官考试吏部开送愿就教职岁贡恩贡取中上卷四卷中卷一千五十六卷

○甲辰升湖广副使张鹤鸣为福建右参政陕西副使李茂春为本省右参政忻州知州杨维岳为贵州佥事

○乙巳陕西柏林七占等族番人刺卜板的肖等二百三名进贡方物马匹给赏如例

○丙午赐韩府长乐王谟<■土斗>谥荣安周府京山王在铎谥昭宪原武王朝瑜谥温穆德府纪城王常澍谥温裕咸平王载塔谥温顺代府潞城王廷瑄谥恭恪

○以违例私采革降墙子岭镇虏关提调等官薛一鸿等

○复除大理寺左寺丞高举原官

○丁未大学士朱赓等言近日各边<■足 毓-金 >请兵饷未见给发兼之黠虏窥边喜峰口诸处警报屡闻宣府抚臣将今岁市赏之费那借给军转盼秋初又当开市将何抵补望简发督抚诸<■足 毓-金 >敕令户部尚书赵世卿速出会九卿科道从长计议以救目前是今日万分难缓之务也 ○予原任甘肃总兵官太子太傅左都督达云祭葬如例仍加祭二坛

○总督京营戎政泰宁侯陈良弼<■足 毓-金 >疾辞任不允

○陕西总督徐三畏请勘甘肃功次照例升赏章下兵部

○己酉以辽东督抚坐名更补调傅元勋沈阳游击李怀忠量升署都指挥僉事加游击职衔管义州参将事苏民牧调补西平堡窦承武升补庆云堡各备御刘世桀以新升游击职衔照旧暂管镇西堡事

○两淮巡盐康丕扬<■足 毓-金 >请信 明旨以昭德意得旨存积课银三十五年见徵者角□羊进其三十六年以后并余盐银尽行停免以昭朝廷宽恤□民裕国济边至意

○庚戌以册封宗藩命驸马都尉祭告 内殿遣翰林院编修孟时芳等为正使行人张国祥等为副使持节册封沈府安庆王瑄垣德平王瑄曜并妃申氏保定王效煦□金妃程氏周府安吉王在凿妃杨氏德府广宗王由■湘阴王俨舒妃李氏咸平王常□牧厂水□赵府洛川王由石□利并妃杨氏益府延宁王由槿丰城王常澍并妃范氏泸溪王常溜妃邓氏

○辛亥 穆宗庄皇帝忌辰遣官祭昭陵

○升福建都司方钜神机十营佐击杜印大宁都司钱宫各游击钜浙江军门标下右营印蓟镇南兵营宫遵化右车营

○壬子赐三辅臣藕

○甲寅大学士朱赓等言顷山海关内外军民怨恨高淮聚众数千攻围高淮窘急率领夷丁劫挟管关主事通判护送逃回其罪恶自当静听 皇上之处分惟是辽东人人疑惧若非急颁明诏开示慰安讹言震惊何所不至夫激变之事不数月间一见于前屯再见于松山三见于广宁四见于山海关愈猖愈近又各镇额饷屡请不发以此饥军合于乱众臣等更不知其祸之所终极也

○是日赓又特请先发考选迟之旬日始报以稍俟次第发行

○升浙江巡抚右佥都御史甘士价为大理寺卿

○以云南左布政薛梦雷为云南巡抚右副都御史敕谕疮痍之后宜加靖绥即交代管事

○升南京通政使张鸣冈为南京兵部右侍郎

○升右谕德林尧俞为南京国子监祭酒 ○国子监祭酒周如砥以病乞归允之

○吏科都给事中陈治则等合词请还郑振先范汝粹二臣原职

○礼部左侍郎兼翰林院侍读学士杨道宾被言乞休不允

○调湖广武昌道右布政董汉儒以原官管本省按察司事

○升浙江左布政使王一乾为应天府府尹

○吏部左侍郎杨时乔请仍容郑振先范汝粹各以原官办事以彰辅臣有容之美上谓有旨不许救扰如何又来市恩姑不究

○乙卯命诚意伯刘荃臣承袭祖爵

○调四川上川南道右布政蔡守愚于建昌道升工部郎中范钊为四川右参政上川南道

○升陕西右参政李天麟为本省按察使绍兴府知府朱芹为陕西副使 ○吏部拟降郑振先为贵州普安州判范汝粹为广西永宁州判旨令再降二级

明神宗显皇帝实录卷之四百四十六

明神宗显皇帝实录卷之四百四十七

万历三十六年六月丙辰朔大学士李廷机言宋执政韩琦之辞神宗持四方士人责退之书以为清议不容如此臣之不肖何敢望韩琦而露章显劾不特责退之私书莫非士大夫之清议也 皇上不与臣去使四方人士以臣为顽钝无耻是 皇上留臣适以辱臣宋太宗时钱若水叹世无秉节高迈不贪名势能全进退之道者遂贻上之轻鄙可见大臣以秉节为重即为上所轻鄙且不可况为下所轻鄙者哉旨终不允

○兵科都给事中宋一韩言先年辽东开拓宽奠等六城堡军民住种纳粮近抚臣赵楫镇臣李成梁概作逃民给帖驱逐六万四千余家未几而奴虏残蹂矣请差风力御史查勘仍议追治章下兵部

○戎政尚书李化龙言京营军马所系至重今积弊已极整饬不容不力凡有十二苦一曰替役之苦二曰掇石之苦三曰支粮之苦四曰差马之苦五曰倒马之苦六曰赔马之苦七曰牢伴之苦八曰差拨之苦九曰扒沙之苦十曰随操之苦十一曰杂属之苦十二曰杂费之苦必十二苦去而后可以清十一滥十一滥者一曰听用之滥二曰劄委之滥三曰教习之滥四曰役占之滥五曰嘱托之滥六曰选总之滥七曰馈遗之滥八曰收军之滥九曰领马之滥十曰家丁之滥十一曰医官之滥必十一滥清而后可以举十九宜十九宜者曰将领宜重曰将体宜崇曰资格宜宽曰举刺宜复曰选更宜举曰套营

宜演曰马战宜习曰射的宜增曰车房宜修曰轻车宜易曰火药宜精曰器械宜更曰弓箭宜核曰营马宜买曰月粮宜较曰行粮宜折曰布花宜蚤曰关防宜颁曰牙牌宜给必十九宜举而后可以收战守之效无貽行伍之羞旨嘉其洞悉积弊深于戎政有裨令该部看议以闻

○戊午铸给贵州新设贵定县印

○己未允辽东督抚会题革宽奠参将伊添爵任下巡按提究以李泽补其缺郭济川量升署都指挥僉事补正安堡游击罗拱极照例以都指挥体统行事升镇静堡守备李如桂调长勇堡何世延调泛河城各备御

○庚申以税监高淮诬奏逮同知王邦才参将李获阳来京究问

○辛酉吏部左侍郎杨时乔疏辩科臣宋一韩申论新推滇抚薛梦雷事得旨逆酋猖獗该省司道官自难逃责但用人方急薛梦雷系地方士民共推还遵前旨以责后效

○许良乡县将寄养马匹额内量减二百匹接济驿递

○壬戌大学士朱赓等言臣等闻有旨以高淮奏同知王邦才逐杀税使劫抢钱粮遂命锦衣卫扭解来京究问仍令督抚官严追钱粮解进济工臣等不胜惊骇王邦才之事臣等一时不能究其原繇但自高淮取回中外欢呼谓辽人方有更生之望此旨必行则祸变之生必在旦夕望亟将 明旨收回毋使传布以摇人心

○大学士叶向高言臣逐日接得各处抚按官揭帖告苦诉穷大较只是巡按缺官军士缺粮此两事最为紧急即臣与同官亦焦唇敝舌代为祈请而 圣意未回年来每有温纶輒云时事艰难以臣筹之 皇上下一德音壅滞者立通废弛者立振天回地转更无停留而必以为艰难是 皇上自为艰难也不下考选则考选难矣不处军饷则军饷难矣望将此二事先行简发他所奏请以次施行则人心翕服天下事无不可为矣得旨考选事即次第发行军饷着户部从长设法措处

○兵部言阿克生死真伪滇中并无奏报是何情弊乞诘问抚臣仍令巡按御史严勘具奏从之

○甲子原任大学士王锡爵固称身病子病五< 〇〇〇 〇〇〇 〇〇〇 〇〇〇 〇〇〇 > 辞召不允

○停革两广督臣戴耀安南执叛钦赏以太仆寺少卿申用懋言失事不可冒功罔金不可滥予也

○乙丑工科右给事中王元翰论劾辽东巡抚赵揖贵州巡抚郭子章揖因朝鲜议立未定欲取而郡县之妄意开疆启属国携贰之志子章于土舍安尧臣越据镇雄不誓之以国法坚意割地貽西南深处之忧又著妇寺一论明指人主当与廷臣隔绝惟台意亲就宦官宫妾乃相宜相安揖可逮子章可斩不报

○戊辰火星逆行入女宿度

○兵部言镇雄之事 明旨昭垂谁能与易今按臣钱桓< 〇〇〇 〇〇〇 〇〇〇 〇〇〇 〇〇〇 > 题祇以黔抚向有者氏留养之请恐开尧臣复入镇雄之端欲行申饬以杜后衅旨令部行文两省

抚按协心处置倘有庇获遗殃及偏执启衅罪各有归

○己巳升巡抚南赣兵部右侍郎李汝华为户部左侍郎

○铸给广平府粮马分督捕务通判关防

○庚午户部请权于太仆寺马价银内动借五十万两工部分角□羊济工银内动借二十万两分给各边以抒目前之急得旨于季进拖欠买办银数内扣留十万两及借工部济工银十万两太仆寺马价银四十万两

○辛未夜望月食

○热审录囚法司请释矜疑三十余人久未奉旨刑部刑科各<□□足 毓-金 >恳发不报

○壬申命修大同助马堡高山城包以甃石

○甲戌准辽东总兵官宁远伯李成梁角□羊任回京

○工科都给事中孙善继言国家宫府市廛沟渠街道靡不昉古经纬布之年来职掌寔废街道秽积所在为丘沟渠壅塞一雨成沼都城皇城之下纵人取土造坯掘成深坑西山禁地土豪公然开窑大明门外横驰御路恬不为意凡若此类皆非细故请乞严敕申禁不报

○乙亥大学士李廷机言自古大臣先置其身于粹然卓然之地而后能感格君心维持国是调剂庶政表率百僚而后能有言必听有谏必从故其书于史册曰身系安危曰名闻四夷其重如此一蒙訾议则身轻一罹弹射则名轻 皇上不听之去直俟其身名大败而后已哉

○丙子南京守备太监刘朝用报江潮水灾乞行赈济修省得旨留都重地水患异常百姓漂没合行修省赈济事宜令该部议

○原任工部尚书姚继可卒继可襄城县人嘉靖乙丑进士初授南陵知县选授四川道御史历升工部右侍郎寻升本部尚书致仕至是卒历官几五十年宣劳尽瘁终其身未尝有暮夜之知兼日之奉至臧否人物则常依宽大耻为刻深予祭葬如例

○太仆寺少卿申用懋请将三十七八两年本寺每年额马一万六千尽行改折每匹以三十两为额行之一二年问金可有二百余万之积旨下兵部看议以闻

○四川巡抚乔璧星<□□足 毓-金 >论贵州抚臣郭子章题授安尧臣土知府职衔为镇雄他年之祸宜改遥授武职章下兵部

○升河南右参政林欲厦为本省按察使

○升浙江副刘焕为陕西右参政

○升河南副使陈大道为陕西右参政 ○戊寅铸给广西平乐县儒学记

○礼科都给事中胡忻言 皇上轸念留都水患议所以修省赈济者臣谨摘目前最切要为 皇上陈之 郊祀不躬而天亲之意不洽朝讲不御而上下之情不通内而部院外而藩臬悬缺之多且久科道落落晨星考选候命迟留不下废弃诸臣赐环罔期

可死乱兵之下臣区区微忠实与宋臣同故敢不避忌讳得旨南畿根本所系灾沴异常若非痛修实政何以仰答天心事关朕躬自当举行尔大小臣工亦须勉营职业共济艰难称朕畏天悯人之意

○刑科都给事中萧近高等< 〇〇〇 钰-金 >请宽贷同知王邦才参将李获阳不报

○刑科给事中周曰庠以水灾修省摘陈刑政六事一释刑部监犯马一麟等二释锦衣卫监犯刘得秋等三释知县满朝荐四释同知王邦才参将李获阳五惩陕西原奏乐纲六惩辽东税监高淮不报

○工科右给事中王元翰论劾兵部尚书萧大亨南京兵部尚书孙矿俱不堪预推吏部及职方司郎中申用懋比大亨太常寺少卿唐鹤徵比矿不报

○丙戌户部覆南京诸臣< 〇〇〇 钰-金 >议及仓粮库银欲 皇上破格以赈请乞速沛仁纶以苏子遗得旨今岁水灾从来罕见况留根本关系非轻赈恤事宜即行南户部酌议停妥给发务在民沾实惠其苏松等处并遭水害民艰已极国计曷资尔部更悉心议拟作何蠲赈以救此遗黎称朕为元元分灾恤患之意

○浙江巡抚甘士价请勘浙省灾伤旨念东南民困敕部速议以闻 ○丁亥吏科给事中熊鸣夏言项见礼部左侍郎杨道宾修省实政< 〇〇〇 钰-金 >列为五款于章奏一事尤深切恳至于引称近日考选之两得中旨者以不决而类于指授阁臣之一从内批者似特眷而又为虚拘礼臣班联馆阁岂其无所据而谬言哉谁尼考选谁希特眷是在 皇上一洞鉴而大奋乾断耳不报

○戊子 仁孝文皇后忌辰遣官祭 长陵

○大学士朱赓以故乡水患异常先垄被灾可悯< 〇〇〇 钰-金 >乞破格赈恤并速放病臣有旨着各该抚按分别蠲赈其修墓不允

○大学士李廷机言孔子称贤者避世其次避地其次避色其次避言至于避言已为下列矧夫多言而不避者乎故曰见细德之险微遥矰缴而去之此一段正气如贞女淑媛宁死不辱 圣主必务培植此气以励世风维国脉胡可羈縻絜系令其摧折消磨以至于尽也乞慨然准放不允

○己丑赐三辅臣鲜鲋鱼及讲官杨道宾等有差

○升山西右参政詹思虞为广东按察使管水利盐法道

○兵部尚书萧大亨以科臣王元翰论列乞罢不允

○辛卯旌表孝子一人新建县学生员舒泰哭毋夫明扁其门曰孝行节妇十人甘州左卫指挥佾事贺有年妻水氏进贤县民马坤妻王氏万载县故知县张染妻双氏西宁卫民郑良佐妻文氏高安县民胡曜妻晏氏广昌县学生员刘承恩妻赖氏南城县民范梆妻王氏金溪县民李密一妻徐氏龙泉县民欧阳钦孔妻康氏乐安县民邹人鸮妻黄氏皆守节无玷各扁其门曰贞节烈妇一人安福县民彭绍三妻周氏骂贼被害烈女一人狄道县民李奉先未婚妻张喜英闻夫歿自缢各扁其门曰贞烈

- 己酉升浙江严州府知府毛志尹为本省副使
- 命协守宣府地方副总兵署都督僉事王尚忠充总兵官镇守山西地方
- 加靖边兵备道陕西右参政兼僉事王爰为右布政使兼职管事如旧
- 辽东金州海防同知被逮王邦才奏辩横珰高淮五番激变诬陷无辜情繇
- 原任南京都察院右都御史谢鹏举卒鹏举蒲圻县人嘉靖癸丑进士授户部主事历官至南台总宪致仕奉旨存问年九十三岁卒礼部以既经存问宜照日久论定之例予之祭葬
- 辛亥 皇第一女选驸马冉兴让
- 壬子吏科右给事中翁宪祥 < 銜 銜 > 论各边粮储郎中抚按每从权宜保升边道原无此体不可遂沿为例其任满不候交代如延宁饷司孙敦化者此后须从重参处
- 癸丑升太仆寺少卿张养志为本寺卿
- 升陕西副使郑国俊为本省右参政
- 甲寅北直隶各府州县同时地震
- 南京太常寺言水入皇城 陵庙不无震惊请遣就近大臣祭告
- 明神宗显皇帝实录卷之四百四十八
- 明神宗显皇帝实录卷之四百四十九
- 万历三十六年八月乙卯朔礼部上
- 皇太子第四女弥月剪发仪如第三女
- 命南京刑部勘理犯人焦梦兆等速行归结从东宁伯焦梦熊奏也
- 丙辰户部覆两淮巡盐康丕扬奏挑浚盐河并请久任允之
- 丁巳祭 先师孔子遣官行礼
- 工部言通州为京师右臂漕粮数百万岁储其中项遭洪水城垣倾颓版筑即宜举行用固神京保障从之
- 戊午升南京太仆寺卿王国为南京太常寺卿
- 升工部郎中杨禔为浙江右参议兼僉事专管扬州海防兵备
- 升浙江右参政吴用先为本省按察使
- 升户部郎中卫三省蒋之秀为右参政三省山东之秀湖广
- 己未礼科给事中戴章甫言道臣入贺考语原非国家旧典临时毁誉诳误为多今万国嵩呼止亲递司府印封揭帖无越制概报贤否文册
- 升太常寺少卿项应祥为右通政
- 升福建兴化府知府王嘉忠为广西副使整饬苍梧兵备
- 升河南怀庆府知府陶嘉璋为本省副使整饬睢东兵备
- 升刑部右侍郎沈应文为本部尚书
- 升应天巡抚都察院右僉都御史周孔教为右副都御史总理河道

○升福建漳州府知府方学龙为本省副使分巡福宁兵备

○升巡抚保定兵部右侍郎兼右佥都御史孙玮为都察院右都御史兼户部右侍郎总督仓场

○庚申升尚宝司少卿徐元正为太仆寺少卿专管京营 ○辛酉火星顺行在女宿四度

○大学士朱赓言 万寿届期扶掖朝见仍乞少宽常格令憩息私居间数日一入直至于考选一事独断发行臣不胜欣服

○以考选喻安性胡应台顾士琦王绍徽刘文炳周永春张凤彩张延登张国儒彭惟成何士晋范济世李瑾为给事中黄起龙邓云霄晏文辉高节为南京给事中吕图南熊廷弼荆养乔王象恒陈于廷穆天颜侯执蒲吴亮房壮丽杨一桂毛堪王以宁韩浚毕懋康颜思忠邓湊李樾刘光复王国楨顾造朱万春张时弼彭端吾冯嘉会张五典梁州彦金明时陆梦祖董绍舒管橘张尔基曾用升郑继芳史记事刘蔚徐鉴刘国缙为试监察御史傅宗皋汪怀德曾陈易周达张邦俊王霖张养正为南京试监察御史续考选韩光祐张孔教胡嘉栋杜士全为给事中段然刘时俊为南京给事中王孟震唐世济苏惟霖耿鸣雷马孟祯杨师程为试监察御史刘兰蒋贵为南京试监察御史有旨这考选诸官都依拟用且阁部院催请再四朕非困□□吝诸官但因彼此讦辩渎扰耳皆繇汪若霖起意生疑部寺吴正志等讦辩奏扰汪若霖调外任用部寺吴正志汪元功黄汝亨与勾了的黄一腾都各降一级调外任用今后考选科道务要精核真才勿徇虚誉私嘱以乱政治

○吏科给事中熊鸣夏言汪若霖遇事敢言雅有抱负意见不无执泥自与私嘱殊科合姑从罚治不报

○壬戌 孝康敬皇后忌辰遣官祭 泰陵

○大学士朱赓等〈臣疏 毓-金〉请 皇上爱惜人才收回成命将所处科寺部诸臣汪若霖吴正志以原官策励供职黄一腾汪元功黄汝亨量复原拟部属以示惩创

○云南道御史史学迁请补谥典以褒忠节内列 武庙时谏巡幸死杖下一十一员死贬三员忤权瑾六员宸濠三员 肃庙时议大礼死杖下一十七员 太祖鄱阳之战代死一员 历朝直谏六员忤权八员德业二员清节三员理学四员

○升湖广副使徐应簧为本省右参政

○吏科给事中姚士慎请以 诞圣之辰释诏狱知县满朝荐并被逮候旨同知王邦才参将李获阳不报

○癸亥赐朝鲜国陪臣尹暉等三十员入贺宴赏如例

○ 潞王请升用本府审理正李维美下吏部知维美原以国子博士改充者也

○治滇南失事诸臣罪状抚镇陈用宾沐睿角□羊送至京问拟布政薛梦雷回籍听查司道彭应时降三级调用杨俊臣降俸二级罗希益降二级调用都司汪如渊范继

斌革任听勘府州县官陈典白明通黄榜毛文彩扭角□羊来京究问余革调有差

○甲子大学士朱赓等言项者沛发纶音将考选诸臣尽皆授职朝端增色数年以来人情之欣忭鼓畅未有若今日者臣等又欲将顺扩充以少助万一其大端有三项点用南北卿佐及巡抚各官臣等喜曰此任贤之美也请推广其美点用吏部尚书左都御史以及蓟辽总督福建贵州巡抚项起原任巡抚王汝训于家为南京刑部侍郎臣等则又喜曰此求旧之美也请推广其美令吏部于废佚中推择声望尤著者亟行录用而渐及其余项逮同知王邦才等而不发诏狱臣等则又喜曰此赦过之美也请推广其美释满朝荐于狱以及王邦才李获阳并释放此三事者臣等皆因 皇上之已行而推广其未行且知 皇上之必行而特赞其速行非敢徼誉市恩也优旨报闻

○吏科都给事中陈治则言去年考选之时科臣各陈所见以猜胁参汪元功黄汝亨者汪若霖也以构陷参吴正志黄一腾者臣治则也元功汝亨因若霖之参而有辩正志一腾因臣之参而有辩今 明旨罪元功汝亨正志一腾降调若霖外调臣为幸免非政之平也乞允臣请宥则同宥调则同调不报

○兵部言请速勘辽左抚镇二臣弃地事情得旨这所奏弃地畀夷事情重大着都察院即选差巡按御史勘明以闻

○丙寅大学士朱赓< 〇〇〇 毓-金 > 恳 皇上于万寿节前允行前请三事以全中兴极治之美并简发吏部拟降郑振先范汝梓边方< 〇〇〇 毓-金 > 即赐准放

○丁卯秋分祭 夕月坛遣官行礼 ○以 万寿圣节赐三辅臣各金万寿字二副银万寿字二副金篆字八个金书红符一道及讲官杨道宾等三员各有差

○戊辰以 万寿圣节赐辅臣赉银六十两彩段四表里廷机向高每银五十两彩段四表里及讲官杨道宾等三员各有差

○己巳以中秋令节赐三辅臣上尊珍饌

○是日又赐辅臣膳秋露白酒月饼

○辛未 万寿圣节在廷群臣暨赉捧朝贡官员于五凤楼前行庆贺礼

○大学士朱赓等诣仁德门叩头庆贺遣内监管待仍赐甜食烧割酒饭

○赐辅臣膳品寿面全长春酒有差

○遣官分祭 九陵

○升四川右布政使周嘉谟为都察院右副都御史巡抚云南 ○起原任都察院右佥都御史赵耀以原官巡抚保定兼理海防军务

○升京畿差满御史何尔健为大理寺右寺丞添注

○起升陈荐为刑部右侍郎

○升太常寺少卿项应祥为都察院右佥都御史总理粮储兼巡抚应天

○命新选御史俱准实授差遣后不为例

○甲戌兵部覆陕西三边总督徐三畏奏回夷负固流毒首恶田分猷等俱应依法

梟示其疏防怠事官员罚调提究有差旨如拟

○兵部覆镇雄之事大要有二曰归尧臣立陇后已耳黔归尧臣不归则罪在黔蜀立陇后失立则罪在蜀边疆大事庶有完局二臣安事日解辩为哉得旨安尧臣及随从人员已归贵州陇后自应速立该省巡抚官详勘真正后裔具奏定夺安尧臣不得再有覬觐启衅取罪

○乙亥大学士朱赓等再拟吉日乞命 皇太子 福王俱出开讲不报

○刑科给事中彭惟成论劾吏部大选司郎中毛一瓚尚宝司卿彭遵古各罪状不报

○丙子 宪宗纯皇帝忌辰遣官祭 茂陵

○南京晓晴老人星见丙位

○戊寅大学士朱赓言御史陈于庭论外调科臣汪若霖繇臣挟怨密为处分 皇上天纵聪明事事皆繇乾断臣敢曰此< 〇〇〇 毓-金 >宜如此批发宜亲洒宸翰此视皇上为何如主臣虽至愚敢有此大胆乎既密处之又显掇之臣虽至巧敢有此孟浪乎臣不能无一言以明心迹望亟赐臣去温旨慰留而夺于庭俸一年

○直隶巡按李云鹄言赈济灾民六款一请发帑以救燃眉一议平糶以定人心一劝积贮以行远糶一便开纳以资荒政一兴工作以寓赈恤一议煮粥以救穷独

○原任镇守辽东总兵官宁远伯今候代李成梁控陈弃地真伪请乞核勘章下兵部

○刑科给事中张国儒< 〇〇〇 毓-金 >论汪若霖不宜左迁南京兵部尚书孙矿原任御史叶永盛何尔健宜罢不报

○甫昏南京西南天鸣声如泄水者久之

○己卯大学士李廷机< 〇〇〇 毓-金 >辞俸薪乞放不允

○刑科给事中杜士全言原任同知卞孔时之逮也以不听陈奉之大田原任知县满朝荐之逮也以梁永之譖言原任同知王邦才参将李获阳之逮也以高淮之谗说朝荐不送拟罪 陛下已知其无罪之可拟孔时邦才获阳置而不问 陛下已知其无罪之可问陈奉梁永高淮后先撤回 陛下已知其势之不得不撤与其罪之不得不撤是其功罪已自了然而何靳一德音之沛发使累臣孤愤宵小气张不亦重可惜哉不报

○工科给事中何士晋请通章奏以揽权无为过疑过察反至无权查冒滥以蓄财无为剥税剥民反至无财不报

○湖广道御史吴亮论劾吏科给事中陈治则原任都给事中姚文蔚邵庶丛秽省垣洵污卿寺宜亟斥逐以正言路不报

○甲辰南京东南天鸣隆隆有声

○庚辰宣延镇捷祭告 南郊遣公张惟贤 北郊遣侯徐文炜 太庙遣侯李文全各行礼百官称贺

○以郊 庙收回脯醢果酒颁赐辅臣三卓

○吏部言新起辽东巡抚张悌病笃情真宜令在籍调理许之

○吏部文选司署郎中事主事毛一瓚奏辩科臣彭惟成论劾徇私灭法等状乞查勘纳贿附权二事一雪其冤章下吏部

○吏部左侍郎杨时乔言科臣彭惟成论文选司郎中毛一瓚诸事内有系臣职守者不敢不披沥以陈旨报闻令司官供职如旧

○户部覆南京科臣金士衡赈灾诸议其东南被灾与留都同比照一并批发得旨留都平糶及江南江北嘉湖等处赈济俱依议一体预支仍行南部酌议给发

○江西巡抚卫承芳查勘过南昌等府所属南昌等县各被水旱大灾欲将漕南二粮分别改折并求宽宿逋停烧造允之

○户科给事中韩光祐言臣考国初九边之制兵隶于卫饷供于屯屯运不足渐取给于民运民运不足又仰给于京运正统以来始有请发成化间岁额四十余万尔嘉靖初年亦不过六十余万嗣后虏数犯边岁无宁日请发滋繁隆庆三年通查各边钱粮年例银尚止二百四十余万至于今日则四百九十余万矣急宜申定经制著为令甲某镇主兵若干客兵若干除屯粮秋青草束民运盐引若干应发京运银若干此年例也边臣按籍而索计臣具题而发有事徵调增兵若干增饷若干必抚按会题下部覆议得请方发名曰接济不为例也有混接济于年例者以侵盗律坐罪留中

○昏刻南京西南天再鸣声亦如泄水

○辛巳兵部言滇南镇守总兵官沐睿已经速治命其父原任告闲昌祚暂行管摄得旨该省镇守缺人姑着沐昌祚暂行管摄务要优恤疮痍恪恭任事待睿子出幼抚按官请袭管事

○辽东巡抚今候代赵楫< 銜-金 > 辩割弃旧地乞查核明奏章下兵部

○癸未大学士朱赓等封还发下拟票吏部左侍郎杨时乔求去原< 銜-金 > 言臣等欲拟留则重违其意欲拟放则典铨无人乞将尚书右侍郎简用则时乔去留有余裕矣

○云南道御史史记事论劾科臣姚士慎熊鸣夏刘道隆各险谬宜锄状不报

○甲申大学士李廷机言人之弹射犹可忍默身之疾病岂能勉强即上臣急君狗国为建竖勋名计而精力不支则不能即贪夫留恋为身家禄位计而死期将至则亦不能惟有一去而已矣臣见年来诸臣称疾乞身既而物故有于京邸者有于途次者岂不可伤 皇上诚念及至此此亦何忍留而不放也旨益勉留不允

明神宗显皇帝实录卷之四百四十九

明神宗显皇帝实录卷之四百五十

万历三十六年九月乙酉朔大学士朱赓言顷中书官持阁中所收揭帖二十余本来大约敷陈国事者十之一二指摘臣者十之六七新旧科道交相攻讦而株连臣者十

之二三切莫须有之事有天可吁而天不言有 皇上言之而人不信则亦何能剖心抉肠执涂之人而一一语之惟有一去以自明而已矣 上曰言官议论捏诬与卿何干姑从宽恕以成卿雅量卿宜即出辅理以后科道官各体君上至意毋得逞臆妄言以伤国家平明之治吴正志等郑振先等姑各照部拟降调用

○礼科给事中张凤彩言自古倾险之徒必诬君子为小人而概之曰党方今诸臣合东西南北之人辐辏而事 主上其道不谋而自同独奈何而论者突出朋党小人之说耶此言一出正人为之丧气其究也相激相戕朝廷无所庸其别白如汉唐宋党锢祸成而庙社随之岂细故哉不报

○礼科给事中张孔教言吏部左侍郎杨时乔鉴昏于日暮前后会推大不厌于人心不报

○南京户科给事中段然论劾旧辅王锡爵辅臣朱赉密揭擅权交通乱政请乞禁密揭重御批办奸邪以端政本不报

○丙戌南京太常寺卿唐鹤徵以病乞休许之

○加巡抚甘肃地方都察院右佥都御史周盘为右副都御史巡抚照旧以六年边俸考满也

○加巡抚大同地方都察院右佥都御史霍鹏为右副都御史巡抚照旧以三年冲边考优异也

○户科给事中王绍徽言近年章< 〇〇〇 毓-金 >多留中不报或便寝阁以至言壅反溃事激多伤上下疏隔黑白倒置率繇此起不报

○丁亥予总督仓场户部右侍郎游应乾祭葬如例

○仍加祭准妻祔葬应乾婺源县人嘉靖乙丑进士扬历中外清谨如一赠本部尚书以示褒崇云

○叙延镇旧安边怀远堡三十四年四月内功赐总督李汶巡抚郑汝璧总兵杜松等升荫恤赉有差户部赵世卿兵部萧大亨等并赐银币

○户科给事中顾士琦劾王永光物望素轻不宜巡抚不报

○云南巡按周懋相条议事关兵部者设武备以严防御清隐占以广训练复汰折以实行伍重兵备以修边防复北营以壮威武宽文法以绥土夷劄邻夷以绝边衅部覆允行

○戊子 孝恭章皇后忌辰遣官祭 景陵

○户科都给事中孟成已给事中王绍徽各止< 〇〇〇 毓-金 >论皇亲都督佥事李成铭原赐庄田不宜自行管业

○己丑江西提学副使苏茂相致仕调本省南昌兵备副使蔡增誉补之

○工科给事中何士晋言诸臣以袞阙诤之 皇上虽言多逆耳每荷优容独论及辅臣则必欲借主威以洩怒是使 皇上负逐臣之名而辅臣收固宠之实天下所以积憾辅臣而不能平也且如孙矿郭子章戴耀沉子木皆宜舍不舍公论乖违辅臣赉安得

之意惟在归功于 圣母而 圣母之意复欲阐孝于 皇上即此一称名间慈孝之德真足光天壤而冠古今矣

○賡等又言奉 圣谕寺庙既改字多其 景命殿额名字少且未显奉安 圣母万寿景命之意今可请添 慈圣景命殿亦改入敕谕及碑文内臣等仰见 皇上肃将慈命凡百周祥 圣谕既明即可钦遵旨嘉其忠慎报闻

○巡视厂库工科右给事中王元翰条上关系利病四款一议减铜价二议报铺商三议收例银四议补匠役

○升湖广左布政使胡桂芳为都察院右副都御史巡抚贵州兼督理湖北湖南川东等处地方军务

○升顺天府府丞李炳为都察院右佥都御史巡抚辽东地方 ○起原任都御史王象乾为都察院右都御史兼兵部右侍郎总督蓟辽保定等处

○起原任尚书孙丕扬仍以太子少保为吏部尚书

○兵科给事中胡嘉栋论劾两淮巡盐御史康丕扬大奸捍网请乞褫夺不报

○丁酉霜降节遣官分祭 九陵 景皇帝陵寝 哀冲 庄敬二太子坟

○己亥命辅臣将 慈圣景命殿护敕暂藏在阁待工有次第差官开读 皇帝敕谕内外官员军民诸色人等顺天府灤县永乐店地方我 圣母慈圣宣文明肃贞寿端献恭熹皇太后实诞生于此本源之地 慈念所属乃于万历三十五年鼎建 慈圣景命殿以标表里闾显扬灵瑞祝我 圣母慈寿于万万年殿五间后阁五间廊庑阶墀規制咸备大门之外建中左右石牌坊三座又于殿东西两旁盖保国慈孝华严寺一座护国崇宁至德真君庙一座各有室宇以居僧众便焚修仍有 先朝钦赐养赡地七百顷今作本殿护殿地及 圣母钦降帑银买给瞻寺庙地二十五顷俱给本家正枝嫡嗣子孙自行管业以供万年香火之用尚虑愚顽之徒罔知禁忌或致溷褻毁侵特赐敕禁谕凡内外官员军民诸色人等俱宜仰体至意敢有不遵敕旨辄行干犯者必重罪不宥故谕

○纪事碑文联惟帝王之兴率本母德华渚洽阳钟灵肇祉载之诗书烁乎盛矣朕以<耳少>躬御极已三十五年仰冯 慈训方内义安深惟 圣母皇太后功德闳茂千古稀闻惟顺天府通州灤县永乐店乃诞育之地淑气所钟宜有表章以示来许用是恭陈 慈命量度经营中创 慈圣景命殿前门后阁缭以周垣树三坊于门外左为保国慈孝华严寺右为护国崇宁至德真君庙爽闾宏壮足以昭地灵章浚发称 圣母所为笃念源本之意告成之日 慈颜悦豫朕志用宁爰敕中官守护仍各为文勒石垂诸永久以朕凉薄宁敢方古帝王庶几兹地之无逊华渚洽阳则有 圣母之烈在其垂裕将千万年则 景命亦千万年方且为佛力所弘护明神所拥卫无疆之福朕与方内共祇承之因为纪其事如此并系之诗焉役始于某年某月某日成而落之则某年某月某日诗曰翼翼京邑灤水萦之璇源远浚载奠坤维尊临长乐欢决重闱绵绵 景命百

祿咸宜眷茲湯沐启瑞辑禧周原臚臚宝殿攸基重门邃阁崇厂逶迤仁祠左拱灵宇右
丽薨连栋接鸟革翬飞虹祥式阐 慈念载怡爰及薄海辉景咸熙 圣母之德绥此烝
黎百千万祀永永无隳

○敕建保国慈孝华严寺碑文朕惟象教之设虽起自后世然用以鬯泽导慈延禧
昭贖历代以来不能废之故宇内名区梵宇相望夫宁内典是崇亦于福田善果良有助
焉近瀋县永乐店乃我 圣母皇太后诞育之区其为灵秀甲于宇内 圣母顾念粉榆
比于涂山渭涘 命朕即其地创 慈圣景命殿又为保国慈孝华严寺于左方凡若干
楹规制宏壮足与殿相护翼营构之费一出帑金不烦将作既落成朕具其事恭告 圣
母尤念 圣母慈仁之性本自天成 含育之功原于积累其所为俯弘六度兼济众生
盖与西来宗旨原自契合顷岁每闻四方水旱輒为悯恻至减膳金赈恤而内庭之贝叶
琅函朱提宝鏹络绎布施于中外者皆为国祚民生皈诚发念若斯之恳笃也今方内喁
喁咸蒙 圣母休泽迦维有灵必弘拥祐矧兹地为祥源所肇发流衍未穷加以禁苑祗
林輝煌附丽宁不足以导迎休祉默护 慈躬为 宗社生灵无疆之福哉此朕所以既
喜其成因为之记而系以诗诗曰有赫璇宫箕尾分躔佛日绕之瑞藹人天灵秀攸钟笃
生 圣母愿力乘前洪慈启后众生沉漠咸度迷津稽首颂赞归于至仁 圣母不居原
原本本潞水瀋泉发祥斯远既营崇殿乃启双林雕梁文础玉埒金绳法雨朝兴白毫夜
映香室增华紺园迺盛猗欤 圣母功德巍巍于万斯年福履永绥

○敕建护国崇宁至德真君庙碑文朕闻帝王为百神主精诚所至神必从之矧夫
隆罔极之报展不匮之孝祝亲寿于冈陵绵国祚于箕翼厥惟戩穀尤籍神庥而所重夫
神者必其聪明正直而壹者也顺天府瀋县之永乐店盖我 圣母皇太后诞生之地朕
钦瞻 慈范仰溯庆源念地灵之攸钟薪天眷之永固爰建 慈圣景命殿复于其右创
护国崇宁至德真君庙堂庑既构俎豆斯严系牲有石宜书岁月朕惟义士忠臣实廩间
气生著伟伐没为明神理之恒也侯起布衣佐义旅从故主于垂危扶正统于将绝精忠
一念天地式临以故血食万方瞻蚤千载戾夫闻而歛容宵人望之絜息盖其灵爽如日
当空无幽不烛如泉行地有触则通况 圣母桑梓之区山川回合风气融结乃夏代之
涂山周家之莘国也侯得无诞降戾止呵护拥卫于其间与书曰惟上帝不常作善降之
百祥夫神布列在天将 上帝之命是奉我 圣母协德坤元慈俭为宝軫嘆溢恤孤茆
朕得以佩服训辞和柔百姓兹非 上帝所欲降祥者耶其获神祐又何疑焉况侯御灾
捍患扶困拯危为福于天下者不可缕数今宁惟佑我 圣母其运玄机翊隆理阴阳调
风雨时繇 圣母汤沐邑以迨山徼海滌岁成蜡通无扎瘥疵疠之患斯 圣母之德益
溥而侯之声名益煜霁宇宙无穷时则朕庙祀意乎乃系之诗诗曰在昔昭烈龙骧虎视
惟侯桓桓扶汉之纪赤鬣青阳前无坚垒风云为变天日可矢百代精英万方禋祀矧是
京邑 圣母之里 景命殿隅新庙聿起象设有严轮奐具美云盖电旗惟侯戾止佑我
圣母诞膺繁祉螭蟄绳绳孙孙子子福我烝民跻之康阜玉烛金瓯千秋万

○庚子兵部尚书萧大亨再< 〇〇〇 铨-金 >乞休不允

○吏部左侍郎杨时乔以简用尚书乞归得旨尚书虽已点用尚未即至目下部事须人管理不准辞

○辛丑赐三辅臣杨梅

○壬寅陕西三边总督徐三畏题延镇红山市口去镇城止十里奉旨于原城之内创筑高台以便瞭望以备防御及时成功工程坚固在事文武各官陈性学陈孝等宜行叙录章下兵部

○甲辰总督陕西三边军务太子少保兵部尚书兼都察院右副都御史徐三畏卒于边三畏任丘县人万历丁丑进士授绛县知县行取户科给事中历官兵部尚书总督陕西边务加太子少保荫子锦衣百户世袭屏翰劳多封疆绩茂毕生勤瘁輿疾以殒予祭葬如例仍加祭

○乙巳兵部言蓟门虏警可虞有旨虏酋糾合东西谋犯情著各镇文武官用心防御如有紧急邻近诸镇不待调遣互相应援新点总督马上差人催来到任

○刑科都给事中萧近高言神奸劳永龄镌刻假印关防捏造实收完状上纳州判县丞等官至三至四群胥通同主司如贖玩忽若此职守谓何乞敕计臣惕心励意毋怠宦成不报

○丙午会极归极二门上梁

○丁未大学士朱赓等催请简发都察院题差诸< 〇〇〇 铨-金 >并点用吏部右侍郎福建巡抚报闻

○命户部于拖欠买办银内给发五万两赈救浙江灾民

○陕西道御史金明时条议救荒足饷事宜一曰汰冗员一曰汰冗役一曰禁奇袤一曰严估计一曰裁传造一曰补借办< 〇〇〇 铨-金 >留中

○戊申以起复庶吉士韩文焕仍复馆读书

○礼科都给事中胡忻等言南京自八月初天鸣至九月初二日未止天载无声而鸣者异也鸣于留都根本之地至一月不止异之异也宜以非常之修省答非常之谴告清政府以调元气徵众正以享阳德屏邪佞以廓氛祲肃军政以防不测散积而无用之财宥逮而无辜之吏则允格天心六符协秦阶平矣不报

○己酉礼科给事中张凤彩< 〇〇〇 铨-金 >言镐京重地天鸣非常引称 先朝天顺七年弘治十年嘉靖十一年十二年二十年弭变实政为 圣明修省之助不报

○庚戌予新宁伯谭懋勋妻祭葬如例

○刑科给事中彭惟成论劾阁臣李廷机求罢一< 〇〇〇 铨-金 >狠毒放肆无人臣礼不报

○辛亥户部尚书赵世卿言都督僉事李诚铭一世祖李伟封武清侯庄田七百顷系 庄皇帝钦赐养贍原非与之世世管业也二世李文全袭改伯爵御史援例请裁亦非谓世世全给也诚铭文全之子伟之孙三世矣照递减例三分内仅该一分以三分而有之已过矣况欲并而世守乎庄田子粒有司徵收本部给发此定例也世守之已越请

○辛未大学士朱赓等拟进 皇太子第四女名

○兵部尚书萧大亨< 〇〇〇 铨-金 >辩科臣张凤彩牾列事迹赃私恳乞行勘旨免勘

○铸给协理戎政关防

○壬申 孝诚昭皇后忌辰遣官祭 献陵 ○大学士叶向高言奉 圣谕近来中外妄言烦兴朝纲紊乱体统混淆是以将诸臣之< 〇〇〇 铨-金 >留中方今国家多事大臣疑畏杜门小臣噤然逞臆是何国体宣谕二辅速出入阁视事为朕分猷赞化臣即宣传 圣意计二臣自当奔趋入直仰副眷怀也

○癸酉旧辅王锡爵< 〇〇〇 铨-金 >辩南京科臣段然所参暗投密揭及与朱赓交通乱政望即赐放以绝群疑旨嘉其忠爱而促令入朝

○户科都给事中孟成已言边饷匱乏乞将历年题过未发京运多方那借给补各省直拖欠民运移咨严限催完以后角□羊京未完者属计臣角□羊边未完者属边抚各照分数查参庶边饷克济矣

○乙亥 圣母皇太后颁赐辅臣赓银五十两纁丝四表里廷机向高各银四十两纁丝三表里

○南京太仆寺少卿杨应文被言乞休章下吏部

○丙子礼科给事中张凤彩论劾旧辅臣王锡爵密揭一事谓果有忠爱之真念当效正大之谏言原无暧昧之曲情何借深密之私语试观年来要津之地自沈一贯庇留钱梦皋等而后考察之典坏自朱赓滥转姚文蔚等而后年例之典坏说者谓锡爵辣手杀机蓄极必发身老子病犹复种此孽根愿 皇上置其人并斥其说不报

○工科给事中何士晋言京师拱护宸极京民捍卫 至尊休戚与共一闻金报铺商如牛羊鸡犬赴屠其齧觫之状悲鸣之声直欲使天光尽黯故连日与部司诸臣悉心筹画万不得已酌为调剂之法议铺垫以提其滥议贴役以宽其力议交纳以恤其若议改折以分其责议会看以核其冒议预支以综其要议冗滥以涤其源乞敕下部院会议覆请施行不报

○丁丑大学士朱赓等条列目前最急数款一户部覆应天巡抚官勘灾本内有改折漕运一款目下正是兑粮之时若不亟颁 明旨则各卫军必至地方责民交兑各地方民必谓已请改折不肯输纳军民相持势且生变一朝鲜册封陪臣候命日久既许其封又迟留顾惜得无为外夷所窥一左都御史吏部右侍郎兵部左右侍郎及福建巡抚亟赐简用一各边粮饷已极空虚宣大抚赏市本亦复告竭乞将各总督巡抚请饷本亟赐简发令户部议处

○刑科都给事中萧近高论劾王锡爵借密揭以行其私召命宜停朱赓身被糾弹六十余< 〇〇〇 铨-金 >请去宜允李廷机私通建夷不禀朝命宜明正其罪不报

○夺靖江王府幼宗邦芟禄米闲宅拘禁以伪为印帖也

○勒令钜野王府不孝恶宗寿铃自尽

○己卯赐 皇太子第四女名徽□女□□月女凡□

○改大选于次月朔日以杨时乔引疾也

○庚辰礼部言朝鲜次子袭封已经多官勘实臣部< 䄂 铨-金 >请不啻再三伏望蚤涣纶音以信令甲得旨舍长立少原非纲常正理但临海君既已久废光海君臣民共推情有可亮且事在夷邦姑从其便准与册封其差官照隆庆元年例行

○癸未甘肃巡抚周盘题本年七月内西宁失事官员参将张应学等均应参究及阵亡官军李希梅等应优恤并乞勘奏章下兵部

○湖广巡抚张问达史弼会题武昌府属江夏等州县各被水灾异常议于该年各存留仓米银悉照原勘分数依例蠲免部覆允行

明神宗显皇帝实录卷之四百五十一

明神宗显皇帝实录卷之四百五十二

万历三十六年十一月甲申朔吏部言本部效劳各役滥冒已极乞设法裁革从之

○乙酉予赠原任户部尚书陈蕞太子少保蕞应城县人隆庆戊辰进士历官户部尚书材名夙负被议可原故仍加以赠秩

○礼部因天鸣示警言天之视听在民今民憔悴极矣颠连无告天若代之鸣者税使一日未撤民困一日未苏望亟下停止之令其余朝政壅阏次第振举则人心悦天意得矣

○起升原任南京吏部郎中陈道亨为湖广右参政

○升江西瑞州府知府戴尚志为云南副使

○丁亥礼部言贵州宣慰使安疆臣及宣慰司护印土舍宋真相各庆贺 万寿圣节愆期得旨真相拟罪具奏疆臣姑策励供职

○戊子 恭让章皇后忌辰遣官祭 陵寝

○己丑以 圣母慈圣宣文明肃贞寿端献恭熹皇太后 万寿圣节颁赐辅臣赉银五十两纁丝三表里廷机向高每银四十两纁丝三表里

○庚寅升福建道监察御史方大美为太仆寺少卿

○准南京太仆寺少卿杨应文养病

○补原任山东副使朱汝器于山西分巡河东

○工科右给事中王元翰言吏科给事中喻安性四川道御史管橘败群跃冶丛秽忍垢望即赐罢斥以为言官不知耻之戒不报

○元翰再疏逐款驳论旧辅臣王锡爵暗揭肆毒因言诸臣何德于王家屏沈鲤不加一矢何仇于一贯赉与廷机刺无完肤惟望 皇上大奋乾断亦不报

○辛卯发蓟昌二镇买补马骡银如例

○癸巳颁赐三辅臣鲜藕

○巡漕御史陈禹谟言漕运总督李三才漕运总兵官王承勋各劳深任久宜优叙下所司议

○甲子大学士叶向高言臣惟目前最急一事无如钱粮诸司庶府无一不空虚无一不告苦诉穷在京衙门已自如此又何以应督抚之求令军士之不枵腹乎万不得已请及内帑实以事势穷蹙无聊譬如大旱之岁泉源尽涸无处桔槔惟有祈天降雨而已皇上纵未即慨然亦当责令廷臣悉心计议共求长策岂可坐观其困漫然不为之所

○升福建右参政吴思学为广西按察使

○升福建延平府知府薛藩为云南副使

○升江西右参政龚道立为湖广按察使兼右参议

○升刑科都给事中萧近高为浙江右参政

○降原任河南按察使王士琦为湖广右参政兼佥事

○应天巡抚周孔教被言乞休不允

○升广西副使邓思启为云南右参政

○升礼部郎中沈演为福建右参政兼佥事

○升兵部郎中吴钟英为山西右参政兼佥事

○升山西按察使徐榜为浙江右布政使

○升江西副使查允元为本省右参政兼佥事

○升太仆寺少卿吴达可为南京太仆寺卿

○升广东惠州府知府徐时进为本省副使兼右参议

○升刑部郎中杨廷槐为福建右参议兼佥事 ○乙未以圣母皇太后 万寿圣节颁赐三辅臣各金万寿枝个二副银万寿枝个二副金篆字八个金书黄绶符一道金书红绶符一道银书红绶符一道及讲官杨道宾等三员有差

○工科都给事中孙善继劾新推总河周孔教工于媚灶骤躐通显乞赐罢斥不报

○丙申月犯毕宿

○户部尚书赵世卿十五疏乞归不允

○河南道掌道御史黄吉士等遵旨公举论定遗贤乞议补溢理学则曹端贺钦王时槐勋望则张佳胤刘应节王用宾杨行中魏时亮王世贞节义则余懋学吴中行傅应禎周怡陆燦浦欽刘魁孟阳清介则轩輶王之诰段民朱鸿谟共二十一人

○巡抚河南右副都御史沈季文以病乞休许之

○命兵部借给都水司例角□羊赏海建贡夷银两后不为例

○山东巡按熊廷弼论劾候代抚臣赵揖侵欺辽镇年例马价银两并分巡广宁道按察使郝大猷符同作奸请乞严行勘处章下所司

○戊戌冬至大祭 天子 圜丘遣官恭代其分献视牲先期诣 太庙请配俱遣官行礼

安臣甚韪之相与赞成竟不叙功其无附和可知一臣与沈鲤雅称莫逆二僚长意见相左臣脉脉调停于其间及后言官交论一贯臣度其势不可留私谓鲤曰天下事公宜担当某愿佐下风不谓二臣同日罢去臣急趋阁中欲封还内降而疏已发科矣人情以此痛恨钱梦皋乃谓臣收渔人之利此等冤言恐非鲤所乐闻也他如窃弄考选把持会推软禁起废及摭拾赃私尽蔑生平统祈 圣明鉴察 上曰览奏甚见冤迫苦情卿疾未愈宜益善加调摄勿以无根之言介怀 〇刑科给事中杜士全言臣曩者忧时感事条上匪人敝政之尤辅臣则朱赓李廷机计臣枢臣则赵世卿萧大亨总督臣则徐三畏戴耀赓等行年皆七八十以上家乡各数千里而遥倦鸟知还狐恋首丘可以人而不如物乎留中

〇戊申予武宁伯李文全祭葬

〇己酉山东巡抚黄克缙再疏乞休不允

〇四川巡按钱桓言归安立陇各有专责水西弃地原非安疆臣故土即以此地与安尧臣足以成府是在 皇上赐之有名在疆臣无让地之迹在尧臣非分兄之有一举三得焉彼狡酋犹不知足即以三尺加之可也旨下该部并看以闻

〇辛亥升户部郎中晏朝宾为广西右参议兼佥事 〇升广东副使王志为云南右参政

〇升刑部郎中毛章彦为四川右参政

〇升广东按察使汪道亨为本省右布政使

〇壬子少保兼太子太保吏部尚书文华殿大学士朱赓卒赓自正月在告凡二十七疏俱未允至是卒京邸

〇癸丑大学士李廷机叶向高疏请朱赓恤典并为代奏遗疏赓山阴县人隆庆戊辰进士改庶吉士授编修与修 世庙实录升修撰与修 穆庙实录升侍读分较会试充日讲官典武闱主考顺天乡试历升吏部左侍郎教习庶吉士以礼部尚书入东阁大学士万历甲辰典会试考满加太子太保晋文渊阁以一品满进少保兼太子太保改吏部尚书文华殿大学士赓在事出逮系推官华钰御史曹学程于狱封矿并税付有司去其害过半疏寝蜀黔兵云南焚烧中使杨荣从宽政六诏得无异志天下所不嫌志于赓者赓吁天自白病危时括欲言以当尸谏而自撰以示子孙名曰荼史食荼者以苦谏人不知惟食者知之问以苦何如则又竟不能吐一语云

明神宗显皇帝实录卷之四百五十二

明神宗显皇帝实录卷之四百五十三

万历三十六年十二月甲寅朔大学士叶向高< 〇〇〇 钰-金 >请补阁臣以重政本言 皇上试思御极以来阁臣承恩遇善始终能几何人小者败名大者丧身虽人品行行业之不齐亦以登进难而在事者退步息肩之不易耳今年之间连丧二辅若不旁求名哲共筦枢机使碌碌如臣羈维充数其如坏天下国家之事何望念臣赓遗言亟赐推

举简用太平之业端有望矣

○户部言今岁东南水灾诚为百年异惨谨就苏松抚臣< 〇〇〇 铨-金 >中逐一详度上不缺御用下不匮边需而中有济于灾沴 皇上再颁帑金大加赈恤尤吴民所翹首而冀者得旨准移咨山东税务角〇羊进银留五万两差官角〇羊彼赈济饥民

○乙卯颁给建州等卫女直夷人奴儿哈赤兀勒等三百五十七名贡赏如例

○丙辰宴琉球国进贡使臣郑子孝等一十三员

○丁巳大学士李廷机言臣八月内一< 〇〇〇 铨-金 >言诸臣称疾多不蒙放既而物故今臣赓又若此矣赓初未有必死之症祇因众口沸腾无所容其身而 皇上又固留之进退狼狈故竟以死耳今既恤之优何如放之蚤 皇上视赓可以知臣矣旨终不允

○礼科给事中张孔教言政本单虚宜撤锡爵之诏听廷机之去一意讲枚卜之典得蒙 圣眷者鞏穀之下自有旧例其行取在野者一辞就道再辞入都不必沿习烦套以滋奏扰

○戊午户部覆应安六郡灾沴异常各项钱粮相应照例蠲折得旨依议行仍于给赈浙西盐课税银二项内各拨一半分给以昭彼此均遍至意

○凤阳巡抚李三才题江北灾伤请乞酌量蠲恤从之

○庚申礼部言宗藩事例惟名封最严王府宗男私婚所生者不封滥妾所生者不封近又刻名封录以防洗补册牒诸弊詎意仍有听人拨置妄觐封爵如阳曲西河二府将军中尉表木〇著等者拨置诸宗潜来京师如郑良宰等者受财坏法假刻名封录板如积书西镇鲍拱者均应参送法司定罪得旨西镇鲍拱着法司尽法究拟郑良宰等缉拏角〇羊问表木〇著等革去封禄以示惩警

○辛酉原任太子少保兵书尚书王世扬卒世扬广平县人万历丁丑进士授行人选湖广道御史历官总督宣大山西军务屡荷录荫倭寇平升本部尚书叙宣大功加太子少保荫子锦衣百户世袭卒于家礼部言其品重鼎彝恩宜优恤与祭葬如例仍加祭妻并祔

○甘肃巡抚周盘言十月内东虏聚结昌宁湖入犯我军斩获虏首一百一十六颗章下兵部

○蓟辽总督王象乾言达贼入犯河口失事将备等官刘一藩等亟应参革以俟勘处章下兵部

○甲子兵部尚书李化龙请阅视各边御史熊廷弼黄吉士孔贞一吴亮刘光复杨一桂穆天颜侯执蒲共奉敕八道务令事完方许奏缴从之

○梟示山东大盗柳廷瓚等如抚按所议

○治河口失事将领罪刘一藩杨垣革任提问黄钺马栋革任勘议

○丁卯 世宗肃皇帝忌辰遣官祭 永陵 ○雾露附草木

私之郭正域又波及同心同德之沈鲤中外搔手闭目如坐陷阱此等机械隐情 皇上知之否乎毒心已逞不杀不休妖书之出不先不后密尾杨村之船擒拏几尽兵逻次辅之宅水洩不通长班医生仆隶奶口书识各加研刑正域鲤危濒旦夕若非御史沈裕极力危言当时不知作何景象此等奸恶毒手 皇上知之否乎抚按赵可怀辈始未尝不具悉楚情而后渐变更也则一贯之授意已定故诸宗之冤抑不伸诬曰劫贡手足扭镣号令通衢标曰逆贼常人不堪何况诸宗抚臣因是殒命此等奸恶隐情 皇上知之否乎坐以反叛诸宗束手待縛毕竟杀死一家四命者为谁张挂榜文者为谁抢夺人财劫仓库污妇女者为谁妆成异变调动三省兵马当时一布政薛三才不然其事终于告病一推官胡嘉栋不平其狱麾之他出此等冤枉隐情 皇上知之否乎杀死抚臣自有应得之罪应抵之人而滥列三等二等嫌轻拔之前列身首异处从来未有之刑梁云龙吴楷胡心得陈鸣华辈惟阁臣之教是听行刑之时承天地震数日行人皆仆此等冤情隐恶 皇上知之否乎今日中外饮恨无过此事 皇上亲裁处断尚未尽悉其情臣是以不能已于言也不报

○壬申礼部请补陈献章胡居仁谥称献章澄心超物萧然舞雩陋巷之风养志辞荣卓矣进礼退义之概居仁禔身孝友学实践于躬行措趾准绳敬不衰于妻子得旨陈献章等既经从祀准与补谥

○癸酉大学士李廷机特辩受云南巡抚陈用宾贿情 上曰卿正直公清朕所素亮岂有受贿之理不必以此介意

○御史史学迁条陈屯马等议四事曰议并徵专责成一比较核荒政户部覆允行

○直隶巡按黄吉士劾喜峰口副总兵李宗借名节省克减抚夷段布等项起衅损威章下兵部

○甲戌予襄城伯李承功祭葬如例妻合葬

○颁给建州右等卫女直夷人速儿哈赤等一百四十名贡赏如例

○应天巡抚周孔教以人言乞休不允

○乙亥兵部言蓟镇实神京肩背藩篱一决则烽火达于甘泉徒驱无衣无食之卒以当十方方张之虏所谓腐肉之齿利剑必无幸者也 皇上重念安危大计莫如大发帑金增守战之具户部仍预角□羊春季之饷预给军士以养其力万不得已则请先发太仆寺银五万两与户部额饷星夜角□羊至军前颁给戍卒准备衣械至于蓟辽一总督节制策应宜听指麾且杜松蓟之旧帅若能募集敢死士万人从山后捣其巢穴则东虏狼顾蓟贼必溃宣府抚镇将领尤当一面修防一面宣谕西虏令其歛束部落毋听勾引旨命先发太仆寺马价银五万两户部仍陆续给发其三镇并力防援事宜俱如拟速行

○工科给事中李瑾条上铨政七议曰叙升四司年例曰考试弥封看卷曰咨访推升司属曰考核部属各差曰填补添注实缺曰分别资次会推曰严定甲科就教升迁不

报

○丙子大学士李廷机叶向高题谨将通鉴纂要制谏官言事起至张镐闻睢阳围急止一本广平王俶起至刑部尚书颜真卿止一本二年李光弼与李思明战于邙山起至吐蕃还围凤翔止一本削程元振官爵起至以韩滉判度支止一本七年卢龙将吏杀其节度使起至杨炎顿首于上前曰止一本建中元年始作两税法起至以关播同平章事止一本李希烈自称天下都元帅起至以陆贽为考功郎中止一本陆贽言于上曰起至朱泚将奔吐蕃止一本以上撰进讲章共八本类写装演进呈伏望 皇上万几之暇时加观览

○丁丑以正旦令节颁赐辅臣廷机向高吊屏门神等物及讲官杨道宾等三员有差

○巡视厂库工科给事中何士晋条陈节省四议一曰酌领状而严其冒二曰慎关防以绝其窳三曰议修造而求其实四曰折弓箭而更其制因更言铺商之困亟宜苏放不报

○庚辰以告祭 太庙 祧庙收回祭设颁赐辅臣二卓

○颁给海西弗思木等卫女直夷人庄台看只木等二百二十一名贡赏如例

○癸未大学士李廷机叶向高言本年十二月二十四日起该放除夕假连年节上元假至新年正月二十日方满容臣等于二月上旬另择日恭进讲章以后接续上进明神宗显皇帝实录卷之四百五十三

大明神宗显皇帝实录卷之四百五十四

万历三十七年正月甲申朔正旦令节在廷文武及华夷赍捧朝贡官员人等于五凤楼前行庆贺礼辅臣叶向高复恭诣仁德门行礼赐酒饭

○是日顺天府官进春赐辅臣李廷机叶向高上尊珍饌

○丑刻永昌府地震连十日如雷声

○以山西按察使孙承荣为山东布政使河南副使曹愈恭为河南参政临江知府黄琮为云南提学副使

○出户科给事中江灏为浙江参议南直隶提学副使杨筠庭为江西副使吏部郎中李廷大为湖广参政

○吏部左侍郎杨时乔引疾不允 ○命大选日期改于本月初十日行

○乙酉吏部言武清侯李文全先蒙诏旨准袭伯爵本系特恩今其子李诚铭又蒙再袭原封将为世及请行裁定 上以孝奉 圣母恩厚戚臣特许之后不为例

○丙戌宣宗章皇帝忌辰遣官祭景陵

○戊子以鍊山守备张光柴沟守备杨肇基各为中都留守佾书

○己丑孟春享大庙遣国公张惟贤恭代

○庚寅河流口之失各属夷伯牙儿满旦屠记等诸酋皆踵赖蟒之后率部夷讲赏

挟以必犯而赖蟒复糾集东虏黄台吉更欲入犯喜峰蓟辽总督王象乾以狂虏无忌如此势不得不协力一剿所以剿之者曰简精锐核客兵搜将材预储蓄食足兵强将材既备然后以蓟总兵王国栋搗其西以辽总兵杜松搗其东犄之角之计无完于此者又言赖酋与其父长昂皆宣镇款虏曰洪大之壻长昂与其妻皆在宣镇领赏长昂及其丑类在蓟有贡赏有抚赏在辽有木市马市之赏计不下万金蓟赏停革无容议矣肆逆于近郊而受赏于两镇非法也相应一并停革至于严论市虏勿许西行明谕宣虏勿使助逆如此则赖蟒之势亦自孤矣兵部覆上 上曰逆夷不思朝廷恩德敢于犯边挟赏不一 惩创为患安穷这所奏依议行今日问罪重在赖蟒二贼其各夷及款虏素不助逆及悔罪自新者俱抚赏如故若为二贼引诱效尤同恶戒谕不悛即将市赏尽革并议剿诛你部便行文各该督抚用心约束协力收功

○天津税监马堂用参随康宁拨置请发旨请以广安店改为银鱼厂得旨户科给事中顾士琦以前此康宁诡谋责备银鱼于武清用委官驿骚其上事已可恨矣又营窟天津图为不拔乞将康宁究处姑容马堂回京发落直隶巡按王以宁亦奏治之

○工科给事中何士晋奏言厂库事宜一领状当酌每见印领委积请讨哗然而文移案牒中止有给发而无完销以后商匠夫役酌给钱粮将完过工料计开总数虽有妄觊冒支不能捏未完为已完冒领绝则应领者自简矣一关防当慎该库钱粮每出入计二百五十余万宜照太仓银库事例重关严限库官库吏第令司启闭登记出入务须隔远不许粘手一修造当议盔甲两厂岁造盔甲腰刀所费不贖各省造解又率皆不堪以致岁岁议修以滋冒滥务令一体加工精造即以督造之官责之领解有不如式便罪坐之一弓箭当折戍字库所贮弓不下数百万然当外解验收之时固已筋剥羽脱今裂弦反角矣以后省直各将折色解部遇兑换之年径以价给军俾择其精者买用实为两便

○辛卯以山东掌印都司灌民为延绥黄甫川参将天津游击马文柱为神枢七营参将调大同新平堡参将麻承训为燕河参将

○以直隶掘港守备赵庭为浙江掌印都司大同浑源守备胡从化为辽东金书荻港把总陈有纲为广东金书

○壬辰安定德胜二门有扶挈老幼争入避虏者是时蓟督调遣黑峪口夷丁经过兔儿山北蓐食晨炊清河居民望见火光相骇谓虏至遂致惊窜辅臣以虏贼窥伺人心惊皇如此都下人民以商役破家一有事变尽皆离心谁为国家效守御之力而兵部戎政两署只李化龙一人军旅一动凡百倥偬何以答应乞将两侍郎先行简下亦使缓急有人不至临时失措不报

○御马太监邢洪奏武清县积年欠牧地租银万六百两上切责该县怠缓命行抚按官督趣立限催解如仍前怠玩重治不恕

○癸巳以户部郎中孙敦化为辽海东宁道右参议

○御史张尔基言河流之惨虏不过以三千余骑蹂躪二千余里若入无人之境有

如一薄都城欲如嘉靖庚戌求十八员大僚分守九门数何可得至于府藏空虚明旨多方议处则计独无出于发帑者不报

○甲午 孝恪皇后忌辰遣官祭 永陵

○敕礼部朕第五子瑞王年已长成理合婚配你部便出榜晓示京城内外官员军民人家父母行止端庄家法整齐女子年十四至十六容貌端洁德性纯美言动威仪咸合礼度者许赴京报名听候选择应行事宜你部便开具来看

○以承运库太监孙顺奏急缺季银责谕户部这节年欠多显是你部迁延即今进奉并一应供用赏赐从何取给著严催补进上来该部废弛考成司府致解愆期仍通行各抚按即查该管官员参来重治立限与他

○乙未辅臣李廷机叶向高恭请东宫讲学不报

○户部覆以浙江监兑主事裁革归并粮储道其苏松山东各处监兑一体酌议报可

○先是河南之怀河汝南山东之青登莱等郡各方面有司荒政所干有劾无举法颇非平屯马御史史学迁请以屯马差改为一年仍照盐差事例一体举劾都察院覆从之

○丁酉四川道御史张尔基〈字 毓-金〉参锦衣卫都指挥张懋忠开矿歛臣不宜虎踞禁卫懋忠自以与左都督王之祜有郗为辞尔基并之祜劾奏之

○工科给事中何士晋以时事需人因言起废一事铨司访册所称诖误触犯迁谪等官约计二百人而后来降谪诸臣尚未与焉今一人动经数推一推动经数月为宜大破常格使之陆续被命以毕恩纶之局初奉诏起废所赐环止顾宪成朱吾弼等四人故言官咸以为请

○戊戌以浙西郡灾淮海宁余杭临安三县漕粮与从改折 上以漕粮每年俱完折色反致拖欠岂不有负朝廷德意军国大计何容泛视着地方官严行催督毋得迟缓

○先是奉旨给赈浙西盐课税银共十万六千两续又奉旨各拨一半给赈应天府等六府巡抚甘士价以浙西蒙恩在先望照旧给发户部覆请不许

○以济宁游击张大缙为五军三营参将延绥西路参将郭有光为太平塞参将

○己亥革开原参将李如楠任先年宰赛挟赏执杀备御熊钥甫革赏而又复之抚镇不能问至是去秋复深入庆云堡藉口备御于守志曾许秋赏如楠以二千兵窜伏林中知州弯弓拟之不动坐没男女六百余人着革任行巡按提问于守志开衅与备御竇承武失事各戴罪听勘

○兵部尚书李化龙以蓟门告急〈字 毓-金〉请发帑金五十万以二十万留京师内修戎备以三十万发蓟镇外脩守战 上谕辅臣内库缺乏难以给发辅臣言今日发帑之外更无别策或许户部暂借限以岁月令其补还不报

○是时边民讹以虏警逃入都门者至数万众九门昼闭都人相恐兵部议以五军等营派定守门守城信地其城外东北角 天坛 地坛三处俱五军营信地东直朝阳

○周府博平王在鉤糾參諸屬宗不法者下禮部

明神宗顯皇帝實錄卷之四百五十四

明神宗顯皇帝實錄卷之四百五十五

萬曆三十七年二月癸丑朔命御史金明時巡視居庸等關

○遼東巡按熊廷弼劾奏防海副總兵吳有孚鎮江游擊吳宗道役縱水兵興販海上每裝載貨物撒放中江勒口民取直甚至改換兩服潛入屬國壓取貂參其資本出有孚而宗道為之窩頓地主乞將二弁正法章下兵部

○口人陳賢王相等領價買鉛坐乾沒轉以琉璃廠放出之鉛捏為買到以俟驗收工部參送法司監督主事陳國是勘明另議

○甲寅祭 三皇于 景惠殿遣禮部侍郎楊道賓行禮賜二輔臣祭設

○陝西巡撫顧其志辭總督三邊之命不許

○改吏部驗封司郎中胡國鑒于南京別衙門以科臣論列故

○施州衛民牟海容等奏土酋覃寅化等劫殺荼毒 上命兵部看了來說

○時建州夷人朝見有火哈等二名出班次沖御道投擲印文一紙詞極謾大略言彼疆界九百余里以新立碑碣為卷案遼東六万余人因避差徭繁重逃在彼境久假不歸其意為阻撓勘地者御史房壯兩馮嘉會等益追言輔臣李廷機遣使召侮矣

○乙卯予故朝鮮國王李昫諡昭敬仍冊封承襲國王李瑋及妃柳氏誥命命行人熊化賚賜之

○以雲南巡撫標下游擊孟續孔為神樞八營參將山西老營游擊馬小泗為延綏西路參將沈陽游擊傅元勳為寧遠參將

○丙辰 上以薊密警急着借太仆寺馬價銀十萬兩仍戶部湊處十萬兩速角口羊該鎮充餉備用其俵馬折價各省直將今年本色折價一年補還其數毋得偏執奏擾

○雲南巡撫薛夢雷以逆酋阿克鄭舉等生擒奏聞 上命兵部會同三法司審確獻俘正罪

○先是甘肅西寨孤懸萬曆二十七年恢復松山始創松山堡屯劄兵將為庄浪屏蔽續又創築新邊自紅水界至大靖延長百里蘭州守將移住旧老虎城當以阿坝裴家營為門戶松山宜在所緩于是兵部議以松山游擊移駐阿坝堡阿坝守備移駐裴家營裴家營操守移駐松山其阿裴操守一听游擊節制報可

○加漕儲道副使梅守相山東右參政仍管該道事 ○丁巳祭 先師孔子遣禮部侍郎蕭云舉行禮

○戶部以浙江撫按請杭嘉湖等府各衛倉糧正米共九萬一千九百余石准盡數改折南京供用庫白熟粳米三千五百石系內供急需照旧徵解本色定倉草折銀三千四百余兩與一半蠲免杭州府各衛倉派剩米折銀二百余兩系太倉濟邊正額照旧徵

解从之

○治李家峪苇子谷五道岭及擦崖子关等处各失事罪守备李文光段弘祖等革任罚治有差

○戊午祭 社稷遣英国公张惟贤行礼

○辅臣以阁揭留中再列款上请一推阁臣一补大僚一下章奏一会议军饷一处分求去诸臣不报

○工科都给事中孙善继于文华门拜疏去 ○连山驿之捷总兵杜松因奉檄捣东虏黄酋以牵蓟贼乃率众从宁远中左夜驰至哈流兔剿杀拱兔营夷级一百四十六颗宁远兵备马拯谓拱兔原系款夷今既被剿势必复讐宁前单弱事将叵测各相饮憾辽东巡按熊廷弼以闻请分谕镇道□求目前所以待虏之策毋徒各逞私忿仍乞速行哈流兔之赏以申激劝 上命兵部看了来说

○以魏国公徐弘基掌南京右军都督府印管事

○己未仲贼阿牙等作乱定番金筑间杀略颇惨贵州巡抚郭子章久之始行奏报且无参处各官失事者兵科给事中宋一韩劾罪之

○庚申工部右侍郎刘元霖引病不许着即出会收段疋

○光禄寺金□陈文举马应科者夤缘锦衣卫千户陈锐御用监太监马堂突奉中旨免户科给事中王绍徽等言此辈片语只词輒勤御票如此非所以重王言一政体乞正陈锐马堂等交通之罪不报

○以山东佾书章思恭为山东掌印都司河南佾书张庚为浙江掌印都司

○辛酉 孝定皇后忌辰遣官祭 昭陵

○太常寺少卿倪斯蕙言 南郊两郊殿庑墙垣顶帐帷幕之属以至 陵坛祠庙袍服药器供用之类无不圯坏请命工部修理 上下其奏

○蓟辽总督王象乾复言虏倣日急军食日匮 上言既有旨发马价及户部凑处共二十万两着作速解发毋得迟缓

○予故南京右都御史谢鹏举祭二坛造葬

○壬戌 孝贞纯皇后忌辰遣官祭 茂陵 ○以山东按察使汪可受为陕西右布政兵部郎中李本纬为山东阳和道参政户部郎中卫廉为贵州贵宁道副使河南知府张经世为山东怀柔道副使通州知州张文华为云南金沧道佾事

○建夷之谩词无礼也工科给事中王元翰请令辽抚按移谕奴酋哉减近例仿祖宗时朝贡止许三百余人一切赏赉如旧照给是时建州海西诸夷一闯入关至于千五百人

○夜白云气一道阔二丈余如疋练从巽至乾穿氏宿入太薇垣及北河井宿良久乃散

○癸亥以二品满考加顺天巡抚刘四科兵部尚书右副都御史

藏尽空灾裨相继臣僚无师济之风封疆有凭陵之患 皇上何惜纶扉一席地不赐登延又今日大僚非但少而且空其点用未至卒以时事艰难徘徊□□咨跼而赵世卿沈应文等又宛转哀号极其迫切列署空虚一至此极乞留神览焉

○以缉捕三年类叙升北镇抚司李楨国为本卫佥书

○礼部左侍郎杨道宾卒道宾福建晋江人万历丙戌廷试第二授编修迁司业为东宫讲读官旋迁祭酒以侍郎教习庶吉上三典文衡署礼部事物论翕然归之属效卜将举行而遽尔沦没不尽其用言者谓道宾温良端亮十年讲读五载秩宗一时正人倚以为重赠礼部尚书予祭葬谥文恪

○予故广东总兵左都督陈璘祭六坛造葬

○壬申以前府佥书武靖伯赵祖荫掌南京后军都督府印管事

○以延绥镇城游击李崇荣为宁夏西路参将清浪参将董献策为云南临元参将大松山游击王从谏为陕西永泰参将

○甲戌祭 太仓之神遣户部尚书赵世卿行礼

○云南逆贼阿克等俘至京师克凤氏嘉隆间已剿叛酋凤继祖之侄原徙金沙江外叛贼郑举等数诱克复为土官克因结江外七州诸夷为姻亲号召四十七马直陷武定既又胁取武定印于是克自立为土知府署先锋总管等官所在焚劫大兵始复嵩明全寻甸既复元谋复武定复禄丰克始遁走东川为土酋禄寿兄弟所获槛致九人级五颗

○乙亥户部言西镇告急外解寥然本部劄行太仓银库先将三十六年未发年例作速设处角□羊发其盐课银亦已经具题外至山东河南二省未兑民运咨限严催仍将玩愒各官开送宣大督抚衙门从重忝处从之

○时营造 福府监督主事房楠带在京□在于地方告讨预支所增料价至三四十万工部奏请行文该省禁止或将京□撤回 上遣中使持问辅臣此<□□足 毓-金>与 福王府第有相干否辅臣以府第已照 潞王<□□矢见>无容别议独奸□夤缘冒破为害不小工部言撤回是 上从之 ○以镇海参将祁德调西宁管副总兵事水泉守备陆大锡为镇海游击

○丙子兵科都给事中宋一韩言武定之变不过起于夷民之讐杀成于郡县之疏防该省云生擒审确无非欲成就其献俘叙功之计以明镇抚非贪功非妄杀耳此辈献之阙庭有何足以彰两观之威于是 上以兵部言克举小丑本非勅敌盈城之祸惨而执讯之功微命免献俘

○下陈用宾沐睿于狱

○命湖广买办方物银两随税银一并留采大木应用

○以江西水旱灾伤准将鱼课银两自三十六年以后一并豁免

○先是御史徐鉴参论谕德沈<□□? 奎>南御史汪怀德言<□□? 奎>赞决朱

□□羽□贝□驱逐孙矿众人不能而<□□ 雀>独能鉴更论列之 ○论安邑县
举人景陞威诸不法状行山西巡按提问

○戊寅以广西总兵黄冈为左军都督府佾书各管事

○以代州参将彭有德为山东总兵大同入卫游击唐尧辅为神机三营参将四川
东路游击高凌云为广西柳庆参将郟阳巡抚标下游击郭绳武为贵州新添参将贵州
掌印都司成一贯为清浪参将广西昭平参将张可纪为广东惠州参将

○假官临清州大使许文光冒以己故胡文光文凭鬻顶之任仍捏<□□ 铨-金
>复姓事觉与书办周建宇并论斩

○庚辰改萧云举吏部右侍郎升吴道南礼部右侍郎俱兼翰林院侍读学士

○辛巳辽东巡按熊廷弼以勘明抚镇弃地啖虏事闻其略谓抚臣赵楫镇臣李成
梁弃与夷界者宽奠等六城堡延袤八百里其概作逃民为韩宗功驱逐者六万四千余
众自清河之鸦鹑关以至一堵墙之盘岭各墩弃而七十里之边失矣自张其哈喇佃子
弃而八十里之边失矣自暖阳界起赛儿疙疸迤东至横江一带尽弃而三百里之边又
失矣此弃地之大略也居民告垦自万历十三年间已有之二十八年复委官传调夷
人共同踏勘以居民现住为界楫与成梁欲以此数万人援招回之例冒邀封荫遂假通
事董国云之口以奴酋索地为名驱迫人民渡江潜避此驱回人口之大略也奴酋既安
坐而得数百里之疆而知我之所急在贡也曰必为我立碑则许之立碑必依我夷文则
许之刻夷文必副将盟誓则又许之必立碑开原则又许之今其碑文有所谓你中国我
外国两家一家者种种悖漫此界碑之大略也岁犒赏银五百两派湊于东西新地垦种
人户为存吾地耳地既归夷则前赏宜革今奴酋已三不贡而所许赏额则俱借库银逐
年支給不敢迟缺此抚赏之大略也是四略者谓之献地不止弃地谓之通虏不止啖虏
楫与成梁之罪可胜诛耶至于委勘批详皆何尔健任内之割弃而朦胧题叙又康丕扬
事后之扶同此皆不能为二按臣解者若所立石碑应行毁碎以存中国之体而奴酋畏
威怀德退还旧土此则该部督抚镇臣之事而非臣所敢预闻也<□□ 铨-金 >上不下

○吏部以科臣孙善继等擅去非法请旨处治 上命辅臣票拟久之不下是日辅
臣复以为请

○陕西巡抚顾其志以总兵孙仁等青羊水渠地方遇虏斩级十颗功闻

明神宗显皇帝实录卷之四百五十五完

明神宗显皇帝实录卷之四百五十六

万历三十七年三月壬午朔

孝肃皇后忌辰遣官祭

裕陵

○虏银歹二酋犯宁夏中卫先是边夷湃彦儿密以虏情输我参将贺世勋犹弗备
被杀掠人畜去仅斩获虏首三颗既复犯广武游击潘国振江应诏贺维楨等连营合堵

共获贼级八十二颗报闻兵部以中卫之中虏未几广武之捷音踵至或恐此夷非彼夷所搗非所犯藉后功掩前失宜将贺世勋先行革任提问其广武获功缘繇合行巡按御史明白勘覆从之

○京师人传安豹打死其父获之付镇抚司

○甲申辽东巡按熊廷弼备言辽左危急情形以为辽西东抵镇江延袤二千三百余里而临海一面不与焉河西河东面面皆虏三岔河界辽为两段虏又插入其内十余年以前土蛮憨以十万骑蹂河西无宁岁而河东则奴酋在我卵翼宰赛父中箭死尚孤弱是时河西急而河东缓十数年来奴酋宰赛等日强而河西则虎墩兔憨尚不能统众插汉诸部贪汉财物各与我市是时河东急而河西缓顷自捣巢以来警报日至河西急矣而又有拱兔调兵之报有宰赛要会奴酋之报河东益急矣近当事有两镇夹关出剿之议窃以哈流兔之役其势诚不得下似宜养积蓄锐以主待客以逸待劳俟虏至一大创之若今日捣巢明日报复虏骑辄尝重兵屡出疲惫中国非计之得也今脩防之兵云集塞下宣延四镇兵亦且至臣以为宜提重兵移驻山海关适中调度蓟急则援蓟辽急则援辽而蓟辽抚臣移镇东西协之间昌镇总兵移驻蓟昌之间宣镇总兵移驻宣昌之间以成犄角之势辽左抚镇则以全力照管两河东西间无致有顾此失彼之患可也至于该镇京民二运粮饷抚臣具〈○ 疏 疏 金〉催讨近复有借发帑金之说木蒙省览而蓟镇告急业有设处解发以种种倍蓰之辽当愤愤报讐之虏诚愿责成部寺诸臣无急蓟缓辽而致有内溃之祸也

○乙酉清明节祭 长陵等陵遣隆平侯张炳等各行礼

○南京刑科给事主刘时俊以守备抚宁侯朱继勋贪肆无忌假条陈侵各部职掌滥准词状笞虐幕官〈○ 疏 疏 金〉劾罢之

○初虏警讹传其时总兵王国栋赴蓟门援自雕鹗堡长安岭不奉关白以令牌挑选属夷一百八十八名兑给马匹随调听用以致各夷随路抢掠居民惊窜宣大巡按吴亮请敕蓟镇总督将随征属夷安插得所事宁之日即便发回驻牧骄将王国栋量加罚治或令戴罪立功章下兵部

○南京右都御史沉子木乞罢不报

○丙戌山西试百户刘贞元传凤竹等并功冒袭为抚按所奏御史王以宁谓该部司官何以不行参驳径与题覆因及郎中沈朝焕朱化孚徐銓等 上命以贞元等行山西巡按审拟其经承各官一体议处尚书李化龙特言徐銓卓有才守偶此一事失于驳查乞姑罚治留用许之

○武昌火自草阜门外延烧居民百三十余家越二日又火毁居民三十七家旧岁楚中大水淹没十三郡灾重者二十四邑至是抚臣张问达复以三十六年秋冬二季税银为请按臣史弼以石首监利等七县原欠三十四年南粮正米共四万一千六百石乞与三十五六等年一例改折不报

○虏犯中右所犯锦昌及是陷大胜堡拱兔自以忠顺见剿小歹青数激之入抢遂以兵五千人攻堡杀掠无遗复深入小凌河约二十里游击于守志兵入山口被冲杀折官军一千余员名守志身被重创报我哈流兔之役也

○壬辰西宁境外生番盗营马守备李希梅追之被没参将张应学革任提问该道马朝阳勘明另议

○癸巳乐昌王府辅国将军充火口盍奏总兵王尚忠刑拷宗室 上以尚忠情甚可恶但据奏未审虚实便着抚按官作速查明具奏毋得偏护

○甲午工部侍郎王汝训言税使所以不撤者徒以助工为名今 火工方兴而各处税银河南以营造福王留湖广以脩理 显陵留南直浙江以织造袍服留陕西以织造羊绒留仪真浒墅等处以灾伤留川湖以采木留山东近奉旨解苏州等府赈济其未题留者不过数处耳何若以各处税银尽行停止而亟发内帑数百万及行各省直议处接济之为长策不报

○乙未蓟辽总督王象乾以各营马匹连岁刍饷不继征调不时倒死过多乞兑给太仆寺马三千匹以备征操俟于下年应发马价陆续扣除许之

○丙申赐辅臣叶向高李廷机每员银彩扇六把银钉铰扇十把砗磲扇二十把并讲官萧云举王图有差

○敕脩理 显陵文楼

○戊戌户部言光禄寺钱粮近称不足查有牲口银二万四千余两加于嘉靖三十二年续后两奉恩诏革除又崇文门原加条税尽归宝和等店太仓亦无此项可以支发既水衡设处一万两本部亦议那一万两以济其急惟 皇上节浮省滥权其经久 上曰近来内无醮典又无宴会茶饭况宫分亦多不足该寺钱粮如何还不敷用牲口用多乃管待四夷所费你部还会同礼部计处来说

○升延绥参将白慎脩为山海关参将练兵游击岳镇华为广西昭平参将

○南京守备抚宁侯朱继勋引疾回京 ○己亥辅臣叶向高代为李廷机请放言廷机入春以来七< 疏 疏-金 >留中近日阁臣体面太轻困苦危难无人相恤即臣前此拟票其辞已穷惟望 皇上亲赐裁答不报

○庚子赐衡府平度王翊< 疏 疏-金 敖 > 谥恭懿

○湖广巡抚张问达乞以楚中采木各省直协济如嘉靖年间例时 三殿工兴所派湖广楠杉等费约银四百二十万两比嘉靖年间多百万有奇先是嘉靖间本省坐派三百余万河南福建广西云南池州安庆共协济三十九万零而是岁楚中搜括及 上所许留税料银共不过二十一万而止抚臣故有是请

○南京国子监祭酒林尧俞引言回籍许之 ○辛丑命发太仆寺马价银一万两解赴辽左赏哈流兔功也

○兵科都给事中宋一韩等言顷者按臣勘地之< 疏 疏-金 >至详且确李氏自

章摧残士气莫此为甚余补火僚惜人才奖恬退惩贪伪省议论慎更调凡八事

○光禄寺少卿刘宪宠引言乞罢宪宠旧礼部司属为阁臣李廷机所知给事中周永春谓廷机被论义当席藁宪宠乃劝之力辩吏部覆许其请廷机之论种种诬罔说者谓以门户欲便其私也宪宠之劝有无不可知抑亦不平之意云

○礼部以蜀王进贡奏请钦赐银两 上谕内库缺乏着太仆寺给与

○予灵璧侯汤国祚祖母太夫人柳氏祭二坛开圻合葬

○丁未礼部侍郎吴道南< 〇〇〇 铨-金 > 申饬科场事宜一严限字之制一重主考之任一慎择分房之选一责成四所之官 上曰科场文体屡经禁约通不遵行士风薄恶法纪凌迟一至于此深可痛恨今后取中文字但有冒犯原禁及字数过限者该部科参来将考官重处其士子不分轻重尽行黜革如容隐不举罪坐部科其余俱依拟行

○是日午西北风大有声扬黄土沙四方昏浊

○戊申中使以工部< 〇〇〇 铨-金 > 至阁传谕票拟时内监以神器急缺速行补造工部< 〇〇〇 铨-金 > 执争之辅臣叶向高谓据< 〇〇〇 铨-金 > 所费钱粮至二十万此时该部万分匮乏况此项火器该戎政官谓其体质重大不便运转见存已属无用补造将以何为封还原< 〇〇〇 铨-金 > 上之

○己酉辅臣叶向高上言比者进言诸臣意见横分操戈佐斗 皇上一切涵容无所可否聚之使争养之使哄诚尽简诸臣之< 〇〇〇 铨-金 > 敕下部院评其曲直其中有颠倒谬戾之甚者量处一二以警将来则议论分明人心震肃至于诸臣自处亦宜平心和气勿以国家公事而徇交游勿以儿女争言而渎 君父不报

○大胜堡没报闻兵部尚书李化龙言虏自二月以来一犯锦昌堡再犯锦州各戕我兵数十人犹曰官兵出墙拒堵也大胜之没主将不知镇臣杜松徒以血气之勇愤骄自貳今日失事大谁贻之乞令杜松戴罪御虏再或专僨决难轻贷游击于守志充为事官立功自赎该督抚官作速议战守应援之策一切驭夷方略悉听以便宜从事

○是时哈流兔捣巢言者谓松仅至锦州边十里将卧佛寺看边属夷曹善友等尽行杀戮松复愤抚按扶同马拯杀降之说欲害其奇功自提兵繇大胜堡出边得五级人马多陷大凌河者松故骁勇是役也御史张尔基劾松骄横残暴焉

○两广总督戴耀以夷贼犯顺安南都统使黎维新献贼首扶安企杨等三名奏闻下兵部

○先是山西巡抚李景元参奏假官郭登庸及刘贞元傅凤竹等行巡按提问山西巡按乔允升因言武职冒滥已极多有疏远同姓及隔别籍贯查不相干之人輒假捏祖父旗役又足不履行阵輒称于某阵斩获功级一冒职官便求委用以后应如袭替之例从原卫所起给申覆明允方许赴部题授章下兵部

○四川巡抚乔璧星引病乞休不允

○原任南京刑部尚书赵参鲁卒参鲁浙江鄞县人隆庆五年进士庶吉士改户科

给事中建言摘高安典史稍迁饶州府推官两为福建提学仍以副都御史抚福建历卿贰升南京刑部尚书致仕累加太子太保参鲁言事风裁□□稟然忠说自其在闽咸有威惠会冢宰缺人情皆归参鲁相臣沈一贯以同里引嫌不用参鲁亦不以为望世愈重之至居乡清肃一时月旦奉为指南云与祭九坛造葬谥端简

○庚戌户科给事中刘文炳疏乞撤回凶珰李秉朝治罪秉朝以 潞王课岁加派业甲非刑拷禁加以绝食武昌知府张一谦质其军伴秉朝率人凌淬之刑科给事中杜士全亦言恶珰酷刑相袭如秦之永辽之淮淫用非法至有活钉棺中讎口翟死套死折脛断脰之刑 陛下犹不即诛戮前无所惩后何以戒并不报

○增故南京兵部左侍郎臧惟一南京工部尚书

○荫原任兵部尚书王最孙王起宗入监读书

○获绍兴人唐信聚陈应明以假印伪敕妖书诱蒋良才共诈人财物刑部移南京法司究拟

○辛亥以临洮总兵孙仁挂印镇守延绥大安口守备王家柱以都司佾书为蓟镇西路游击

○准给借京粮厅银七万两解赴辽东

明神宗显皇帝实录卷之四百五十六

明神宗显皇帝实录卷之四百五十七

万历三十七年四月壬子朔亨 太庙遣英国公张惟贤恭代

○是日 上谕辅朕自入春以来屡次动火昨又偶感风寒相激头目眩晕见服药饵调摄未愈身软步履不便 庙享恐弗成礼著遣官陪祀各执事务秉精虔行礼称朕躬竭诚至意

○行甘肃巡按御史勘叙临洮总兵孙仁等剿杀火酋众并红水等营斩获首虏功火酋本系东虏以先年迎佛留住川海肆螫河洮比年潜遁河北然犹架桥河上号召永真诸酋伺我内地我兵焚毁之各酋糾众追杀遂斩六十余颗前后得一百一颗也

○予故宣大总督兵部右侍郎郑汝璧祭葬 ○癸丑大学士王锡爵九

< 〇〇 铨-金 > 乞放辅臣叶向高因言锡爵子死身病其情甚苦李廷机杜门已及一年帷幄大臣进退狼狈一至于此在廷机所当体恤至锡爵特简元辅其准放与否 皇上宜有独断不报

○吏科给事中陈治则拜< 〇〇 铨-金 > 去

○乙卯除原拟刑科给事中朱一桂于兵科以丁忧服关故

○升宁前道副使马拯为大同左卫道布政

○福余卫夷人莽古大乞加赏随贡三表里衣服一套许之

○丁巳予故南京户部尚书王基祭葬

○戊午兵科都给事中宋一韩言顷者大胜堡之陷与去年庆云堡同惨庆云之祸

实行 ○御史康丕扬先以督理两淮盐政被论不行举劾当得罪副都御史詹沂为言丕扬郁抑成疾自举乞休与故违者有间乞姑准回籍许之

○户科给事中刘文炳特< 銚-金 >起刑部郎中邹元标其言谓元标时斥时召 皇上何尝不知其忠而有意锢之辅臣王锡爵朱赓等祖张居正之意假 皇上之威吏部用一万国钦文选司皆为民遂显然禁锢天下之名士二十年来元标始不复登仕版矣不报

○原任兵部尚书王遴卒遴顺天霸州人嘉靖二十六年进士繇司理擢兵曹备兵永平抚延绥修边墙及小芹河平胡等墩堡筑逻城有两斩获功被言去再起抚宣府协理戎政晋中樞致仕两赐存问当遴为曹郎杨继盛之狱遴数省视许以儿女相托继盛死西市解官护其丧归士论多之予祭葬赠少保谥恭肃

○甲子处分诸臣擅去者 上曰人臣进退自当候旨这被论各官不遵君上纷纷径去是何法纪孙善继擅自狂肆于文华门进本首先倡率著革职为民刘道隆顾天竣李腾芳王元翰相继效尤姑从宽降三级用陈治则久离职守也降三级用余的少待简发

○兵部言厂卫各官三年类叙内锦衣卫左都督王之祜奉旨加与少保查之祜屡经弹射百户彭柱逮官索贿何敢言功所有新命并应议寝至有功人员旗较吕永寿等宜令刑部将访获过轻重罪犯备查奏请 上以王之祜官职已高今次加升准其辞免其余旗较升授遵照节年事例行

○勒杜松解任回籍大胜堡之没兵部议以松戴罪御虏松自闻劾后益愤懑欲死尽焚其铠甲器仗一切兵事弗问兵部复言松志意已乱留一日则为辽左一日之患于是 上命回籍员缺即推堪用的来看

○诏寿宁公主五日一次来朝恭遇令节不拘日期

○乙丑左副都御史詹沂乞罢

○定番金筑间仲贼首恶阿包阿牙等就擒巡抚郭子章以总兵马孔英功闻

○丙寅廷试天下岁贡生员

○议复乌思藏等八番入贡先是四川巡按御史以番人混冒方物滥恶所奉敕书洗补可疑而通使岁诱为奸于是尽革乌思藏大乘大宝长河西护教董卜等八番而止存阐教辅教二番抚按乔璧星等复言各藏主皆以不得贡为辱呶呶苦辨实滋疑畏但令贡有定期人有定数物有定品印信有定据毋失 祖宗羈縻之意而十番不至于阻化礼部覆上之

○丁卯命吏部尚书孙丕扬到任管事

○初滇南之役百户赵存仁奉檄撤兵乘机掠杀鲁南三村乡导李志举等以广南侬兵弗谙内地村寨指引滥杀果东诸村枉死者九十六 兵部以存仁志举当为首正法土同知依应祖治兵无律指挥杨世恩李大谏馭夷乖方俱合行巡按御史分别奏夺

从之

○巡抚保定右佥都御史赵燿卒燿山东掖县人隆庆辛未进士庶吉士改授御史按陕西江西以言事忤江陵降谪起卫辉府推官迁兵部即视学河南抚辽东有边功为本兵石星所忌乞归再起抚保定卒燿屡以蹇直忤时两建节皆不尽其用以尽瘁陨身得特恩予一祭

○己巳兵部尚书李化龙言夷虏交讧辽镇甚危谨陈兵食战款之策一谓兵不可不增也其说有四曰复旧额辽镇马步官军原额设九万四千六百九十三人今已实少二万二千人除见在老弱其精壮不过二万有奇而散布于三大营两协七参将十二游击二十五守备之间军弱已甚缓急何济今纵未能破格增兵独不可补足其旧乎曰募敢勇或于土著或于降夷或于山海或于废将家养健儿曰汰虚冒将领之中不使复有隐占一骑一卒口屯要害凡兵分之则势寡而力弱合之则势重而力强今以新募之兵悉聚精钝屯扎重地若广宁官军万二百余人增至万五千人分为三营以一大将统之前屯军二千四百人增至六千人分为二营以副将一员统之锦州军千七百人义州军二千余人各增至五千人各以游击一员领之开原军二千七百余增至五千人以参将一员领之辽阳军五千二百余增至一万人分为三营以副将一员统之三大镇东西相望正副将左右提挈训练齐一心胆自壮矣一谓饷不可不处也其说有四曰通盐法顷者辽抚以复标盐为请标盐者口人之利正课之害也合无准口折色于山海关将引价五钱与余盐五钱一并预纳到淮支盐许其超掣系标盐者准行于六府新复之地其非标盐者不与焉则既不与他口争地而自于正课无妨第微碍于广之盐法然粤东输课甚微可以理夺计岁入边饷可当一军八万两之费者也曰并事例工部之有事例为大工设也今三门鼎建似有次第而近边骚动外患孔棘臣以为暂停工部事例之银仍并归户部即太仓岁可增入一二十万而可以拨辽镇添兵之用者也曰借外帑曩者西征曾借漕库十万今募兵三万计其安家旧例当费银一十五万太仓罔寺委无所出乞行南户兵二部及漕运衙门会议有无库贮堪动官银发以佐助倘凑足十万则边事可少济也曰拔武级输财助边原以励豪杰向往之路今凡已经纳级官又能输银三百两以上助边者仍比照报捷效劳官等题加实授署职与卫所世官及中式武举一体录用亦差足以佐然眉之急者也一谓战不可不习也其略亦有四曰练火器曰市战马曰严哨探曰慎出塞一谓款不可不议也其说有二曰审虏情曰专责任何谓虏情插汉诸部虽归命一虏主而酋首意未相一拱兔未许也乞灵于虎慙兔慙而打不亥秃计等不愿也三犯锦州再后虽克一堡我兵殊死战虏所损人马亦略相当有艸< 泉兀 >不安之形且失本市抚赏之利其意若未忘款赖晕大自河流犯抢之后闻蓟门调夷汉丁甚众军声赫然其所巨木以塞路挈帐房而远徙因哑拜台吉而讲誓因三娘子而诘西镇之助兵则情急势迫居然可见其意未尝不欲急款此插汉与赖莽之情也奴酋猖杰叵测生聚储蓄三十余年屋居耕食未易轻徙况宰赛北关其兵力尚为均敌奴所招抚多

○己卯分遣诸王府册封礼科给事中周永春行人李嵩之郑府册郑王戴玺世子翊钟选任氏为妃恭懿王翊铠长子常□□_彳 峯□为东垣王继夫人李氏为继妃检讨王升行人贾熙绩之唐府册唐王硕熿庶九子器培为永兴王庶十五子器圻为永寿王编修顾秉谦行人冯从龙之德府册温裕王常澍长子由栳为纪城王中允邓士龙行人刘朝聘之代府册恭恪王廷埴长子鼐鐸为潞城王富川王鼎□□新选张氏为妃礼部主事王先经行人萧丁泰之淮府册金华王戴堪长子翊铎为王夫人江氏为金华王妃赏宝司丞高樾行人张国祥之蜀府册隆昌王奉<□□金 爵>选李氏为妃简讨钱象坤行人彭际遇之周府册郡陵王朝滕选苏氏为妃吏科给事中翁宪祥行人张其绪之庆成王府册庆成王慎钟庶一子敏□□泥为王夫人侯氏为庆成王妃

○吏部尚书孙丕扬首言朝政要紧四事一备九卿之选一青外吏之廉一求人才一速 明旨不报

○以甘肃副总兵官秉忠为蓟镇东协副总兵宣府永宁参将茹宗汤为山西老营堡副总兵金山参将郑印为江南副总兵倒马关参将萧如玉为神机营副总兵神枢营参将徐一鸣为浙江宁绍参将

○庚辰调刘世杰等宁远各参将张应种等右屯各游击祖天寿等懿路各备御明神宗显皇帝实录卷之四百五十七终

明神宗显皇帝实录卷之四百五十八

万历三十七年五月辛巳朔辅臣李廷机乞放

○辽东军人多有畏卫所苦累私投东宁卫土官者明制卫所丁差有边夫局夫垛军买马等项事繁差重而土官例得免差山东巡按萧淳以为国初土官归附之时指挥千百户月粮皆与汉官相等惟俸止半给其随带父兄子弟仅有三四人五六人一时嘉其内附概许免差延至成化年间各官生齿渐多于是每官量抽一两名垛军应差嘉靖间复于每户派编边夫三五名多者或一二十名迨今二百四十年来生日益增丁日益多若不量行抽帮不均莫甚乃条议抽帮各官十丁之五而补之以全俸优之以管事东宁卫指挥金从南等<□□足 铕-金 >讦淳谓淳接卫官私揭淳参治从乞敕查勘议处上以事干法纪命兵部参看来说

○壬午赐代府和川王鼐金□亥谥端简

○有倭船飘入闽洋小埕者舟师追至漳港及仙崎获夷众二十七人译系日本□夷往贩异域为风飘阁其中有朝鲜国人先年为倭所虏而转卖者次为吕宋为西番或鬻身为使令或附舟归国福建巡抚徐学聚以闻因言朝鲜我属国其人民播越宜随方安插西番虽非贡夷亦非逆种苦吕宋先年薙我□民几至万数彼民似不可轻纵惟是原无逆志亦难深求而日本诸夷又多妇穉杀之无辜放之非法止当待以不死章下兵部

○癸未太仆寺卿赵标卒标山西解州人万历十四年进士庶吉士改授御史按真定病起按四川山东为玺卿典河南试方按蜀以逆播匪茹屡议征剿既录播功加

冏卿卒予祭葬

○甲申以成国公朱应槐掌左军都督府印管事

○乙酉端阳令节赐二辅臣上尊珍饌

○滇贼阿克等业献上请决积日不得旨刑部复以为请

○安尧臣之篡据镇雄而以朝命逐回水西也时访立陇后陇清嫡妻老女官者氏会同九扯夷目公举陇氏亲枝阿章长子阿固应袭祖爵已而母养等投诉有遐龄系陇亲枝又已而有拥立阿女子普德者四川巡按钱桓谓陇氏亲枝无踰阿章父子其余俱系尧臣把持妄捏但阿固阅历尚疏不若阿章老成练达且名载部文而子不先父今阿章改名陇自得宜将镇雄知府官职准令承继至该府印信业为尧臣携去刻意索取必滋多事不如改铸新印而印文省军民两字便又言府属四长官司惟归化司官乃尧臣私立汉把曾百福管理怀德司官系尧臣令夷目糯索权管俱系陇自得任后查访有无应继人丁或择陇氏子孙亲近强有力者另文承袭其尧臣之妻禄氏餽词不归恋住镇雄加以黠目糯索多夷牙爪恐镇雄终为弗静仍应议委将官一员量带军兵二千诣彼坐镇俟事体大定即行议撤章下兵部

○江西巡抚卫承芳引疾乞休不允 ○丙戌贵州巡抚郭子章以清平县地狭小而重安司舍民赴黄平州梯山绝江纳粮不便请割重安属清平而改重安土官为清平土丞土簿户部请行抚按及本布政司详议从之

○丁亥 孝宗敬皇帝忌辰遣官祭 泰陵

○命御史陆梦祖张尔基曾用升郑继芳各巡按梦祖福建尔基贵州用升河南继芳浙江

○己丑礼部侍郎吴道南言宗藩可久事宜五款一酌定奉旨奉文之期宗室各封皆取信于奉旨日期但王两奏有后先旨下部有迟速本部移文有远近每每年月参差藩役部胥为奸繇此自今所奏所题只以奉旨之日为据至本部报文专凭勘合而各省勘合各有字号该省惟据某年月奉礼部某号勘合文到司奉旨若何庶藩部两有所据一酌定册封期限之制册封日期尽于四月而后乃有先期截限于三月十五日适滋诈窳今一遇抄到即题即咨惟为时太迫宝册难办者姑待来年至每季各宗名封婚礼俱以四季月终为限皆于下月具题不失按季类题之义而亦可以杜胥吏哄吓之奸一酌定五宗保结之法自简便法立除免重结但取五宗一结递于王所而王奏止开五宗结已明一语然不必五宗之结到于本部而必要五宗之名达于御前本部将结名查对玉牒有不系五服即将本宗参革五宗罚革禄粮庶无诈生冒死之弊一酌定奏请期限之禁宗室名封婚礼岂不欲依期奏请大都为贫难所苦耳除婚礼一项如旧例其将军以下名封查无违碍即与题请虽有过期概免行勘其免重结定期取本部设格眼册备查各宗来历每年挟查及期者尽数题行该府取请至于请已过期在三二三年题准正名者一体题封题婚但于请婚本内必照擅婚事例住支本爵禄米一年薄示过期之

罚至多报双生显是弊竇必须再勘方准奏报一酌定内助妾媵之选见例选妾初题曰奏选再题曰选有俱经巡按核奏近题准不烦两奏以要例无巡按奏选之文也今凡诸王将军中尉请娶妾媵者该府查无额外并年未及而预陈已生子而复娶等情然后奏选本部即与题选不必巡奏及得旨该府将选有姓氏备查来历一面转行巡按奏本部候核到题娶不得专以王奏为解庶法立不犯而功令无二三矣

○庚寅建昌土官安世隆者为其仆那固所弑妻禄氏索那固杀之乌蒙土官禄承爵垂涎其爵土纵兵要挟必得禄氏继职而阴谋易嬴之计于是京山沈渣等处夷獠掠掠村屯宁番一带涂炭为甚四川巡按钱桓以闻言已委令游击周敦吉领苗民兵二千余驰彼应援谕禄氏诘责禄承爵令安氏亲枝安崇业管理土巡捕事务以弭叛端又言震布军声示以必剿而姑令献彼元凶薄惩抚处至该边首将等官如兵道蔡守愚通判刘冲金书张洪烈等地方失事责将谁谿容姑令戴罪捕贼章下兵部

○成都卫百户杨时芳以盗取边库饷金论死

○辛卯复除原任山西按察使董元学为河南按察使

○先是黔省盐饷空竭官民故无生息巡抚郭子章以节省二万余金留充前项资本户部请责成各该府卫县官将备开盐本饷本每年将本取息除息扣本不许那移侵欺各官升日将本息存支开明交代从之

○南京山东道御史曾陈易< 踰 毓-金 >请 东宫讲学且乞以 皇太子千秋诞日及长至元旦令节每朝贺后即令群臣赴文华殿朝见 皇太子俾知泰交之美不报

○壬辰 仁宗昭皇帝忌辰遣官祭 献陵

○赠故礼部尚书李长春太子少保故太子太保南京吏部尚书王用宾少保各荫一子入监读书

○杜松业已解任以延绥总兵王威驰代之辽东巡按熊廷弼复请罢松而以西协副总兵李芳春先行代署且言哈流兔杀款大胜堡失事并当属臣查勘报已有旨余着该部看了来说 ○癸巳升工部郎中赵应选为山东右参政保定知府王国禎为山东按察使

○吏部拟以兵科都给事中宋一韩升太常寺少卿以户科都给事中孟成已陪推成已自言当补外不当陪内推时例六科迁转一内一外其第三俸陪内即为下次之正内尚书孙丕扬言令甲无所谓第三俸陪第一俸者惟俸次即陪勿使本部推升各衙门日来相问丕扬益以五部之权钱穀甲兵各衙门未尝与闻独荐贤会推一事九卿科道无不夺吏部权也

○初兵部以辽左兵食战款四议上请至是尚不得旨兵部催乞亟下廷臣会议仍不报

○甲午以历三品俸考九年满加升总督陕西兵部右侍郎右金都御史顾其志为

右都御史兼兵部左侍郎

○时通政司本章封进无人吏工二科亦久无人署印辅臣言章< 〇〇〇 铨-金 >一路自下而上者既积于通政司自上而下者复积于户工二科揆之政体实大不便不报

○辽东巡按熊廷弼言大胜堡之没游击于守志原未被伤锦州兵原非当阵被杀守堡官耿尚仁被虏支解死原非顺虏者当守志为路将占役四十余人不以守堡比失而诬人顺虏匿败为功守志何道一死今虏讐未解败局宜收当事虽有主款之议地方尚无任款之人乞宽马拯新任之限暂留三月以终款事至于开原危急作何救援尤当亟亟设处方是时宰赛拥众欲与暖兔争赏若赏不得先相约入抢瓜儿免纠卜儿亥卜答赤等图犯开铁辽沈奴酋乘那材孛罗物故领兵向北假修南关旧寨以图北关又率部夷七千骑进屯广顺关口践害靖安堡一带田禾以逼开原也 ○兵科都给事中朱一桂以辽左败局未结川蜀始虑宜周其言辽左谓奴酋结援并关蓄志不小李成梁在镇之日未闻以急切报闻通虏之情灼然可见今奴酋即未能犁庭扫穴亦当革其市赏要使退地至于成梁即未能立赐诛殛亦当夺其封荫示我以无轶罚其言川蜀谓陇后之立排众议而立阿章是矣母养遐龄之诉者氏普德之申果尽安尧臣为主谋否今于阿章亦当察其推戴果否毋以偏主致启其争端于尧臣亦当查其主使有无毋以成心故种其祸本< 〇〇〇 铨-金 >上是之

○命御史徐鉴管理印马屯田

○乙未降补云南按察司副使杨应霈为云南澜沧道参议

○工部请皇极门择吉竖柱< 〇〇〇 铨-金 >不发左侍郎王汝训复以为请

○山东牛产双头三眼两鼻二口者历城高苑两处巡抚黄克缙以灾闻乞简发前< 〇〇〇 铨-金 >请蠲除税银内以一半解工部者

○丙申辅臣叶向高极言身病时危乞早简阁臣以隆政本其言谓阁臣向以票拟为职自诸事留中军国大计不得不请至于琐事亦为屡揭今奴酋声迫北关直隶山东一带盗贼荒旱< 〇〇〇 牛 孛 >牛异灾而一事之请难于拔山〇< 〇〇〇 铨-金 >之行旷然经岁臣独力诚不知为计不报

○吏科给事中胡应台催请本科都给事中曹于汴之命

○丁酉礼部以山东土牛妖上修省状请将东省税粮尽数蠲免凡有税之处一切报罢所遣内臣一概召还诸臣所请亲朝讲早谕教卜阁臣补大寮起遗佚下章奏平刑狱用人行政之要尽赐施行不报 ○各运粮官挂欠数多荆州等卫把总陈嘉谟等降级有差

○兵部尚书李化龙以辽东按臣熊廷弼言谓河西款事业有次第东虏酋长秃计打不害三台吉十倘不浪俱至薊门讲誓其八酋仍至宁前讲议又废将赵梦麟以千五百人往萧如蕙以二千人往俱驻宁前以防不测操纵有机收拾差易今为患最大独在建奴将并北关以图开原而宰赛暖兔等酋鬩然并起河东之扰岂但十倍河西将使广

○磔滇贼凤克郑举等于市

○戊申报叙蓟昌两镇修筑墙台抚臣刘四科而下道将督率等功

○时问寺所解往蓟密银内凤阳府属马价夹铁假银一百五十四大锭顺天巡抚刘四科遣官赉送兵部凿验令转行该寺照数补发于是以闻仍乞敕 ○山洞峪利答牙等族备方物腰刀进贡赐段钞有差

○朵颜等卫都督花歹等差头目打儿罕等各备马匹补贺万历三十六年分 万寿冬至令节赐表里有差

明神宗显皇帝实录卷之四百五十八终

明神宗显皇帝实录卷之四百五十九

万历三十七年六月庚戌朔 上谕法司如今天气暄热两法司并锦衣卫见监罪囚答罪无干证的放了徒流以下便减等拟审发落重囚情可矜疑并枷号的都写来看

○升河南右布政蔡逢时为四川左布政使

○予故工部尚书姚继可赠太子少保荫一子

○予故吏部左侍郎杨时乔礼部左侍郎杨道宾各祭葬

○行贵州巡按御史以所获苗贼阿包阿牙等审明梟示

○辛亥刑部言岷王定耀所奏宗室将军干走□屈等违训宣淫糾党行盗长史张而綱故压申请致难约束均于法纪有碍命该省抚按官提问具奏

○南京礼科给事中晏文辉言留都卿贰久缺废政莫甚乞速赐点补时南中乙衙门仅有五人惟吏部侍郎赵士登户部侍郎赵钦汤兵部侍郎张鸣冈都察院佥都御史丁宾通政使王国余咸空署焉

○壬子赐韩世孙逵杞谥温穆周府汤溪王在□□□金谥恭安

○豊润县地塌一穴有声顺天巡抚刘四科以闻因言胡虏猖獗镇军饥羸顷蓟兵援辽到彼并无升粮束草军丁无不垂涕郊甸土崩或者示兆于此乞发帑以播特恩养军以遏狂虏不报

○时辽抚以军兴急费议复标盐兵部遂议于两淮割行广盐者江西湖广等处复其额地巡按彭端吾言德靖之际割江广七府州于两广固以佐军兴实以地势顺而人情便今无论形格势阻复之为难即两广果可理夺乃此邦之人久不知有淮盐淮□至必无所得售而徒冒复地之虚名受浮课之实害与其取之浮课而亏正额孰若即取之额课而速其掣卖标盐之议复寝

○先是守备薛经受事会盐克举已遁矣目不睹贼妄称连营十里浮筏蔽江淹死数万众招降六千人乃呈解阿列等十三名并首级十六颗捕杀无辜以实已言四川巡按钱桓劾之至是兵部言薛经妄杀幸功应行提问监理通判欧阳炳该道蔡守愚宜从降罚得旨

○初户科给事中王绍徽请以宝和店税仍归光禄 上竟用税监张隆言谕店税

系 皇考在藩府时承 皇祖钦赐遵行已久今进 圣母宫御用岂可擅自更改着照旧徵解进用

○山海关主事邵可立参奏旧镇李成梁私放配军郑汝矿撤回税珰高淮私带入配军刑朝正奉等汝矿以割马显忠卷论戍朝等门阉以勒门钱挾死泰兴覲令龙镗者也

○以宁塞参将李怀信为延绥定边副总兵独石参将王宣为洮岷副总兵大永峪游击袁登为石门参将固原游击崔廷振为镇番参将

○癸丑福建学臣熊尚文条陈学政其曰禁吏生以杜幸进谓汉之人才出于吏唐宋昭代之才出于儒吏生之设各省无之夫三品以上京堂考满方有官生覃恩始有恩生而为吏者即有吏生何无章也以后吏生乐生歌生名也皆不许巧立生端其曰议月粮以崇风教谓凡节妇应旌者官给坊价应奖者岁给布粟至于孤贫则有月粮若以节妇而受月粮则为呼蹴之食而况又动支操军月米乎以后节妇务查勘旌奖其各军月米听该卫所官支放不许各衙门徇情乱批余明职掌禁冒籍严怀挟申法纪重纲常礼部覆如议

○吏部尚书孙丕扬言旧例推官三日奉旨今受事两月在大僚则都察院京营协理在巡抚则山东之河漕保定之提督在京堂则太常之正卿顺天之府丞暨部属诸僚三十余员并不即下倘有不当亦宜开示以凭再推不报

○甲寅礼部覆以延平府宋儒罗从彦李侗从祀 孔庙如福建学臣熊尚文请上命翰林院詹事府等衙门作速具奏

○乙卯更铸武定印并武定所百户贰伍印及嵩明州兔儿关巡检司印各一颗仍谕禄寿用心钤束土夷不得生事取罪

○广西道御史马孟祯论奏户部尚书赵世卿初孟祯为分宜令以钱粮考成题参镌级故攘臂脩邳世卿亦以为言御史苏惟霖等复言世卿箝制言官之口盖其党附相应云尔

○丙辰以广东佾书梁时聘为云南掌印都司中都留守佾书刘光祚为大宁掌印都司四川坝底守备王之栋为福建都司佾书

○丁巳庆王帅铎以本府灾奏闻 上慰遣之命查例估价脩理

○锦衣卫左都督王之祯以奉旨热审在诏狱者辽东同知王邦才武昌同知卞孔时横岭参将梁心山海参将李获阳请行释放不报

○戊午以巡抚郭子章请命贵州改食淮盐如户部覆议

○越嵩指挥陈文龙百户周福没饷逾二千论应骈斩行四川抚按问奏

○兵部复言开原告急增兵万人尚不过一时补辘之计计臣虽明知辽之单弱而无柰饷绌虽明知饷之当处而无柰计穷以天下之火仅太仓八万两何惜捐大内朽蠹之财以安宗社兵戎钱穀孰非 皇上家事而忍屑越之不报

止有数处今议先开龙岩一处审视砂脉有无定议采否庶该监得以亲验设有真砂不为下人侵匿如无亦枉费夫力苦奸徒指告有与民居及坟墓相碍者必听臣等拿究一榷采之处不用内监差役惟以两院委官监督置簿稽验前收一监役供应钱粮惟于税课内取办及各处差役亦照例支給不许额外索口日食凡此所谓去泰去甚者也至口税原系饷额若归之内帑则饷不得有若仍之饷额则课不能充所当恳请持留以给兵需不报

○给寿宁公主庄田顺天属地二千五百九十顷


○戊辰左卫道马拯以讲款留宁前三月宣大巡按吴亮言辽左结局尚未有期乞将原推宁前道高折枝竟补左卫以济日前而留可缓急之缺以待拯章下吏部

○己巳吏科都给事中久推未下教官候凭日久多有穷死者吏部请权宜给劄令其赴任辅臣以给劄赴任二百年来所无况今候凭者七八百人即使教官给劄而其余尚在守候终非事体惟 皇上一赐点用不报

○庚午调中府掌府事英国公张惟贤掌后军都督府印管事 ○以司马台提调戈仁躬为中都留守金书南京大教场坐营李文奎为广东都司金书

○兵部覆言建昌诸臣各失事罪因言建昌之变土官被弑夷猱无主禄氏以外家之羽翼藉口索讐阴图易姓总以禄承爵故耳今那固已杀夫讐已报若薄开一面诘责承爵令献首谋以正国典夷妇将悔祸不遑如奢世续故智亦以息肩蜀人也有旨地方官千户李应春等提问通判刘冲降调该道蔡守愚金书张洪烈等并戴罪其剿抚机宜巡抚官悉心处置务保万全以靖地方

○辛未户部以辽饷无策谨开列逋负侵妨设处三项逋负如各运司盐课省直岁京边税粮屯折布折赃罚等银侵妨如各处税银之题归税监及地方之扣留协助借支者设处之法于南京户部借二十万兵部工部共借一十五万以淮芦之带盐工部之事例并掣还本部又查取征倭事例钦依勒解各项银两如税契缺官节省之类至于各省税银其半以资工费其余以济京边相应此后尽归本部请旨

○贵州巡按冯奕垣〈 毓-金〉结黔事安尧臣之离镇雄也诸夷目执留其妻禄氏不肯放黔中诸臣数遣人阴向禄氏谕以祸福至是禄氏给诸目归督尧臣取回水西

○壬申武襄卫管伍百户张四辅接管失印兵部参治之

○兵部武选司主事魏成忠言南南京粮储水兑之法岁三十万石有九万之余诚仿其事例在京各卫所官军于大通桥水次兑支其耗米仍作正支放岁计其余可得四十万有奇而所省车脚之费席木之费脩仓之费又不与存焉诚理财之上计治兵之先务

○命户部仓场尚书孙玮到任管事

○南京户科给事中邓云霄上言铨巡之法久隳所参论部司倪思蕙马大儒杨材

耿廷柏等明明鬻爵无异鸿都巡按康丕扬周懋相等久玷乘驄总宪詹沂不能糾察台臣貪鄙无状也

○山西繁峙县民李宜妻牛氏一产二女头面相连手足各分

○癸酉以滇妻俘至者丽江府经历陈应科等纪录赏录有差

○是时奴酋复以精兵五千骑扎抚顺关挟索参价按臣熊廷弼言奴酋不出月余连以重兵压我目中岂复有辽今急急救辽之策舍募勇敢分戍重地计将安出宜于开原增兵一千五百人以居中策应庆云堡增兵一千五百人改备御为游击以弹压西虏或靖安堡或柴河堡增兵一千人添一备御以防奴众内袭此掇开原第一义也其次则泛河懿路各量增数百人以守要害一失其据而开铁之声息不得南通若辽阳所属惟清河堡最为紧要奴之所出我之所入而所辖孤山散羊谷等六堡俱险厄而穹阔难顾若于此堡增兵一千八各属堡俱复旧额改守备为游击以统之宽奠营量增五百人与清河犄角相望使奴南渡辽则坚利在前北出开原则捣袭在后亦困虏之一奇也又于辽阳协守营增二千人为专制东方之计沈阳量增一千人西防北虏之掠东应抚顺之冲而宁前则量增一二千人以佐其弱议处班军以为经久之计非详于河东而略于河西也河西之虏貪汉财物尚听款抚而奴酋则不以此物为意宁前一面临虏又去大营近易为掇援而开原则三面临虏孤插虎穴而莫为掇也今中外处饷甲行乙阻悠悠诸臣无肯为 皇上了此者惟蚤发内帑自为封疆计而已奉旨

○甲戌 上始以兵部言秋防届期中外多事请申饬九边战款事宜大都谓九塞惟蓟辽最近患最迫宣大稍缓关系最大狭稍远虏情最黠有旨边防事宜依议严行申饬近来各镇粮饷日增武备日弛兵数虽多堪战者少该督抚官如何不用心振刷料理以致有警之时动輒惊惶责将谁委你每说辽东紧急着户部即发应还太仆寺漕折银十万两太仆寺发班价银五万两南京兵部借银八万两户工二部共七万两解赴该镇以为募兵充饷之用仍着各该抚镇巡官着用心整理边备训练士伍设法修复屯田以助粮饷不得因循怠玩专靠增添违者重究

○陕西总督顾其志以延宁甘固四镇兵马分设秋防应援备奏以闻命严行之

○以南京通政使王国为兵部右侍郎兼右佥都御史巡抚保定山西左布政魏养蒙为右副都御史巡抚山西太仆寺少卿李思孝为右佥都御史巡抚河南

○升右谕德史继偕为南京国子监祭酒光禄寺少卿余启元为南京大理寺丞改兵部车驾司主事吴炯为光禄寺丞

○升户部主事高折枝为山东宁前道佥事户部郎中朱周业为河南参议四川参政方万山为云南按察使

○乙亥 孝庄睿皇后忌辰遣官祭 裕陵

○赐辅臣李廷机叶向高鲜鲋鱼各二尾

○ 福王庶二子生

○礼部右侍郎吴道南请亟补尚书左侍郎以重邦礼具言减官减禄乃衰世穷蹙无聊之景象时两侍郎久缺一而部无尚书者七年矣

○刑科左给事中曹于汴言辽左阨危增兵之说枢部欲增计部不欲增转< 耳兮 >秋防尚无定论何不即令九卿会同口樞至于边吏深负朝廷阅视之< 足 毓-金 >铺张杨美蟒玉弊镪叙賚有差乃单弱无措至此今其见被糾弹者宜从重究处以为误国之戒若边道之擢超级之升更宜于考满阅视之期重加查核毋令以建牙开府为养俸可俟之物< 足 毓-金 >上

○丙子武定推白明通之从贼胁印也法司公讯律文未备于是具< 足 毓-金 >增一死律以为明通罪案< 足 毓-金 >久不下至是刑部复以为请

○丁丑 孝穆皇后忌辰遣官祭 茂陵

○以倪尚忠为左军都督府金书管事

○以原任定边副总兵萧如惠为辽东海州参将清平参将王橘为延绥宁塞参将南山游击贾祥为广西南太参将柴沟参将张功胤以副总兵为宣府独石参将

○以五军备兵坐营郭太奇为石匣游击蓟州守备夏元庆为大水峪游击慕田峪守备公国光为河间游击山丹守备陈伟为固原游击

○延绥虜猛克什力等以挟赏沿边抄劫犯保宁之波罗参将高继光等御之格斩贼级二百五十余颗报闻

○顺天巡抚刘四科言蓟饷告绌虜患甚危乞比照辽东事例以顺天等七府税银除广和店径进之外其余不过七万两悉留抵军饷之需不报

○戊寅工科给事中李瑾言比者增饷救急已奉 明旨与其增饷以救燃眉何如会议以定经制其在内必总计岁入应发之实使入数浮于出数其在外必总覆年例边饷之实使领数合于给数至计部司饷而不司兵枢部司兵而不司饷惟愿相稽相济毋令克食以销兵亦毋令徒增兵以耗食也

○哈密卫回夷都督同知朱尔马黑麻等贡马赐彩弊有差

○己卯兵部题以贵州巡抚郭子章所遣下马本银七千五百有奇切责经管各官措置取息饷马不许那移侵隐从之

○兵部职方司员外叶世英陈辽左防御十策一为政当更一屯粮当清一款兵当设一台防当预一台圈当脩一行粮当添一民便当顺一壕墙当增一贴防当罢一钱法当行

明神宗显皇帝实录卷之四百五十九

明神宗显皇帝实录卷之四百六十

万历三十七年七月庚辰享 太庙遣英国公张惟贤恭代

○辅臣叶向高以镉疾难痊乞速下会推之旨以重政本优旨趣出会推事报闻

○初兵部原议以有马壮兵万人半增开原半增辽阳 上既发饷金三十万兵部

条言宜如辽东按臣请开原增兵一千五百人庆云堡增兵一千五百人靖安堡或柴河堡增兵一千人辽阳增一千人河清堡一千人沈阳一千人宁前则量增一二千人以佐其弱议处班军以为经久之计盖河东有备则河西兵马可以一意西防又言工部戊字库收贮铁盔并铁叶铠甲除给京军操练外为数尚多乞于内敕发七千副给赴辽镇改制万甲即以本部员外郎叶世英并将前银解发仍令口中试验兵马 上曰朝廷軫念该镇处饷增兵地方官当仰体至意悉心料理务使新旧各兵俱有实用发去粮饷俱有着落方见实心任事振刷一番如仍前虚冒必加罪责差去转饷官也依拟行盔甲准照数给发

○三卫夷人都指挥佾事长秃毋喇忽讨阿杜窆儿也灯等五员奏各乞加添随贡三表里衣服一套许之

○予故巡抚辽东右佾都御史张思忠祭一坛

○昏刻有星如盏大赤色尾迹炸散光明照地起中天往东南方行至近浊后有三小星随之

○辛巳户部以朝覲届期请敕各省直抚按严催三十六年分漕粮折色报允

○时赵王常清以九本报生请名及封婚等事其奏尾拜< ䷀ 毓-金 >之期为三十六年五月间至是始发礼科给事中胡忻等以赵王之奏久留突下旁落可惧使 皇上笃念宗盟而有不易达之情不自出之恩共< ䷀ 毓-金 >言之

○壬午复除福建参政窦子儒为江西右参政

○工科给事中李瑾以工程太监陈永寿纵其兄邦彦剥商冒帑先年启祥宫脩理钱粮侵吞已十之八止未给七千余两系后分例不应办之数乃藉口进 上反妄奏巡视该臣措银不发明借威灵以箝臣庶< ䷀ 毓-金 >劾治之

○云南抚臣之请暂免滇中贡金也按臣邓渼复言滇中所产止铜锡矿砂金非自有之赋二千两之派始自嘉靖十三年非 祖宗之制也五千两之加始自万历二十年非 肃宗皇帝之旧也今民穷财尽即不敢望全蠲乞以嘉靖年间为例不报

○福建学臣熊尚文条议教官当改用各省以便管束吏部言教官寒困跋涉可念当仍照本省选用 上是吏部言

○癸未 仁孝文皇后忌辰遣西宁侯宋光夏祭 长陵

○以浙西灾重免杭嘉湖三府本年协济外省马价银一万九千有奇

○辽东抚按初以增兵无期不得已权整敝弱乞兑罔马以给征操且请马价免行扣除太仆寺卿张养志言罔马之实在者仅仅一万有零矣明岁京营应兑之马尚恐不足况可屡给外镇乎必以虏情孔亟势难猝办或量给马匹亦应扣留马价如蓟镇例于是兵部议以罔马调发三千匹如该寺寄养马少合令明岁俵马量派本色以足其数其马价扣除自三十八年以后每岁扣三分之一至于岁解马价原专以买马非以媚虏乞严敕督抚以后不得别项那借事急渎请有旨准调三千匹与他该镇马价每岁十万两

落也明暗台吉领兵马与卜石兔争讲人畜忠顺夫人及五路台吉驰解之明暗者素囊之党挟赏阻封者也宣大御史吴亮上言以为不正贼夷之罪则白言之赏宜革不袭虜王之封则顺义之赏宜停已而科臣李瑾言停赏之说亮轻言挑衅焉

○丙午升四川顺庆知府咎云鹤为四川副使广西佥事胡琳为福建右参政

○丁未吏部尚书孙丕扬等公请 东宫讲读不报

○升浙江道御史黄吉士为顺天府丞

○升浙江温州府知府蒋光彦为江西副使广东佥事冯时可为云南右参议

○多安民之自緬来归也业奉有 明旨查明应袭人员奏请定夺安民雄据蛮湾尚怀疑畏云巡抚周嘉谟请以腾冲卫指挥陈于阶为陇把守备行令责成抚处至本酋悔祸有奇 天朝待以不死正治以不治之策章下兵部

○戊申升广西梧州知府彭哲与为云南副使

○泰宁等卫夷人都督炒秃等各遣人进马庆贺 万寿冬至令节赐彩弊宴有差明神宗显皇帝实录卷之四百六十终

明神宗显皇帝实录卷之四百六十一

万历三十七年八月己酉朔升浙江参政陆应川为贵州按察使调福建参议刘毅为广东参议

○云南三司缺官抚按议以布政司理问贲进 万寿表文礼部言 皇上于推升方面官员概多迟留以致官不必备用辄称乏且每年进表关系本地方各官贤否而借用首领官非便 上曰庆贺大典首领官权代甚为非宜姑念乏人暂准今后方面官缺着作速推补以待点用

○合肥县生员金文华等殴其县令曹光彦礼部请如律究拟 上以近来士习浇陵干犯法纪屡禁不悛深可痛恨命重治之

○工科给事中何士晋等言皇极殿门储材久预原议四月建竖今又逾时各匠作夫役坐糜廩饩徒为中官溪壑地不报

○庚戌命刑部官各处审决员外杨惟相江南吴汝显江北史文焕关内俞思冲关外

○命宁夏副总兵凌应登以原官提督京城内外巡捕

○升户部郎中张问明为陕西右参政复除贵州参议孙学易为四川参议

○荫故大学士徐阶孙徐迎庆为中书舍人

○蓟辽总督王象乾言天津左营留彼修城真定山东二营班兵修筑蓟密城坝以致原派墙台边工委难一时并举应准题豁以俟另议兴修其支剩工价犒恤银两亦应听候下次修工之用兵部覆允

○辛亥以 万寿圣节赐辅臣李廷机叶向高每金万寿字一副银万寿字一副金篆字八个金书红符一道及讲官萧云举王图有差

○夜雷劈西城上杆

○乙卯升赞善蒋孟育为左谕德赵用光为右谕德典顺天乡试时先后被命者右中允何宗彦为右谕德国子监司业南师仲为司经局洗马典应天编修黄国鼎刑科给事中周曰庠典浙江简讨盛以弘刑科给事中张国儒典江西简讨雷思霈户科给事中王绍徽典福建编修龚三益户科给事中顾士琦典湖广刑科给事中彭惟成工部主事邵辅忠典山东吏部主事王宗贤兵部主事胡思仲典河南尚宝司卿魏可简兵部主事曹珍典山西刑部员外郇元会工部主事赵贤意典广东户部主事刘仲斗行人丘懋炜典广西吏部员外袁宏道兵部主事朱一冯典陕西户部员外张之厚刑部主事王元雅典四川户部主事朱之臣中书舍人李成名典云南大理寺评事兵云肇行人陈伯友典贵州

○丙辰 孝康敬皇后忌辰遣官祭 泰陵

○户科都给事中孟成己请以今年税银已收应解内帑者尽解户部酌量蓟辽宣大缓急暂助军饷至仓庾空竭改折数多宜以漕折银两于邻河丰稔地方买粟米杂粮以备储蓄又京积无几通仓颇盈出纳之间亦宜变而通之不必拘京六通四之往例不报

○先是举人之有考察也各抚按所上举人长垣县赵承芳合州程宇丽中江县江桂华阳县杨师心皆一意清修非公不入番禺县举人黎崇勋仁寿县举人白承绘皆贪淫穷奇行同市井礼部题将承芳等分别行奖黎崇勋等分别问遣因言举人考察不过学政三等薄之意有司奉行严急前本部侍郎杨道宾谓其开讐人告讦之门授县官考核之柄诚举人所不能堪自今但有决裂行简自底不类抚按将告发事迹从实抄招达部覆治至于卓然不凡亦必绝意仕进内如杨师心不试春闱已二十年始与奏荐量授优衔其余俱免开揭以启吊诡之途诸安分循理无咎无誉者不必概加考语以滋中伤报可

○陕西巡抚于若瀛以裁冗员奏缴宁羗州仓印一颗下该部

○朝鲜陪臣刑曹参判柳梦寅等赍表并方物恭贺 万寿圣节户曹参判赵存怒等恭贺 皇太子千秋令节各赐织金纁丝衣及彩段靴袜有差

○丁巳祭 先师孔子遣礼部侍郎王图行礼

○以 万寿圣节赐辅臣李廷机叶向高每银五十两彩段四表里及讲官萧云举王图有差

○辅臣叶向高言 圣节已届目前有二事为人望之最切者一山西福建之灾伤未蒙蠲恤一监犯满朝荐等与逮至同知王邦才等未垂矜放时福建巡抚陈子贞以水灾奏闻请留口税五万两盐课万一千余两赃罚六千两以救灾民山西旱民多逃虏中就食者巡抚魏养蒙各以留税赈济请也

○戊午祭 社稷遣英国公张惟贤恭代

洗久之宗传降藺印始出 上以神武貽祸地方着革任与敦吉俱行川贵巡按官严勘具奏毋得偏护

○贵州巡按冯奕垣参奏书办唐蒙卖假官新添卫指挥何鼎臣下该部

○丙子兵科给事中朱一桂< 〇〇〇 毓-金 >论内监陈永寿罪恶辱言官伤国体旬日之间不见处分请革其监督而专以责之工部不报

○丁丑以崇工翊< 〇〇〇 金 爵 >年踰七十遣行人李逢节赉敕赐存问

○ 上以宝和店太监张隆言有旨积奸经纪于山包揽钱粮侵漏条税银两只宜听查追折辄敢诬陷捏告管店员役着法司提问拟罪具奏刘弼等免提照旧应役初刘弼等以隆威势挟诈山财诬以漏税山赴控刑部隆乃为弼等奏山刑科给事中杜士全言神奸夤缘曲庇巧漏使司农不敢问司寇不敢刑乞并付隆弼等于法不听

○贵州总兵马孔英者先以黄柏山苗岁出劫掠欲因建营调集官兵袭而灭之事洩苗攻陷我兵不以报仍将诱捉苗头石阿四捏称阵擒冒求升赏以通苗罪杀无辜军将方应明张朝相贵州巡抚胡桂芳劾罢之兵部因言孔英轻举失律兼言苗蛮出没自古已然惟应议防议抚若用兵力委有未遑 上命革孔英任其剿抚机宜抚按官计议停当来说

○戊寅予从祀臣故翰林院简讨陈献章谥文恭布衣胡居仁谥文敬

○补荫故礼部侍郎杨道宾男杨锡绾入监读书

○准浙江秀水县肄业举人马来远钟世芳限满会试

○甘肃巡抚周盘以塔儿湾功次查叙指挥传天民等宁夏巡抚黄嘉善以洪广堡功次查叙员役季官益等各升级兵部覆允

○南赣巡抚升户部左侍郎李汝华辞命不允

明神宗显皇帝实录卷之四百六十一

明神宗显皇帝实录卷之四百六十二

万历三十七年九月己卯朔太常寺奏进三十八月祀册命礼部侍郎吴道南捧进

○户科给事中韩光祜言内监陈永寿所派三殿木植大工钱粮至九百三十余万比嘉靖间三门午楼之费尚增一倍乞明诏天下蠲湖广川贵三省木价之半不报

○庚辰 上谕工部 瑞王婚礼在迩内监修理府第合用钱粮物料着上紧作速措办应用

○钦定散馆庶吉士上卷林欲楫等一十三人中卷梅之焕等四人辅臣以翰林官壅滞日甚难以< 〇〇〇 毓-金 >通合照往例隔科一选明岁暂停报可

○湖州民施敏坐聚众行劫杀官词连中书潘廷圭南京御史张养正羈之以闻

○留都天西南有声如风铎如涛者累日

○辛巳予故永康侯徐文炜赠太保

○辽东巡按熊廷弼劾奏辽东总兵王威久不赴任奉旨切责着兵部马上差人催

督如再迟延定行究治

○壬午 孝恭章皇后忌辰遣官祭 景陵

○原任辽东总兵李成梁复上〈附 疏-金〉自明时科臣宋一韩论辽左战款中谓建酋与成梁谊同父子教之和则和教之反则反诛成梁而建酋自不敢动又言义州参将李怀忠无故小歹青私会确有显迹怀忠成梁孙也成梁在镇四十余年廷臣争言弃地媚虏结连建州妄意朝鲜以图世守 上下成梁所辩〈附 疏-金〉而勘
〈附 疏-金〉竟不发

○癸未命故兴安伯徐梦旻男徐汝孝袭爵 ○直隶巡按彭端吾言两淮盐课最烦纳级费郎垂涎此地贤路妨塞即有诘误迁人率投牒去耻与此辈为伍且天下有六运司独两淮分司尽用费郎不知其故乞申飭选法庶使盐官得人国课易理章下吏部

○乙酉南京太仆寺卿吴达可条马政六事一议举劾以彰劝惩专责成以振积弘一核牛犊以裕积贮一慎抵解以明职守兵部覆上之

○丙戌议修辽屯时 上有修复屯田之命辽东巡按熊廷弼上其议大略言辽地可耕辽兵八万简十之三岁屯种可得一百二十万石省年例银不下二三十万又言山海杏山锦义广宁三岔辽沈开铁等处地多沃而反荒金复海盖地颇饶而反垦议于军屯则广给薄科以鼓之民耕则弛税置堡以便之官垦则议擢议参以励之 上曰自古养兵多取给屯田我 祖宗专以屯政实边转输甚少自屯政渐坏军饷日增以致今日库藏空虚内外窘急国家待边臣考满超迁三年内遇叙有功劳辄加升赏原自不薄何以不为朝廷出力今屯政一端已废坏如此所修何事这所奏于边务有裨该部便详细看议具奏通行九边一体修复于是户部覆言行之便其墩堡屯寨月粮犒赏等费约该银一十二万两责成内外措处 上仍命兵工二部各详细条议来说

○调山海副总兵白慎修为燕河路副总兵

○荫原任兵部侍郎赵楫男赵士焕南京吏部尚书王用宾曾孙王总衡各入监读书

○丁亥重阳令节赐二辅臣上尊珍饌 ○复除原任御史汤兆京为河南道御史

○命浙江道御史徐兆魁管理京畿道刷卷

○副都御史詹沂封印上章求罢

○清河民薛瓚等诉河成地废额赋犹存乞行分减命该部看了来说

○戊子南京广东道御史王霖〈附 疏-金〉论李廷机赵世卿詹沂其谓廷机既不愿揭中列名辅臣叶向高逐日票拟每事必遣仆侦问缠诘不休向高为其所苦向高因言今日朝政下繇部议上繇 圣裁即臣所拟票不过循行旧套廷机缠诘欲以何为廷机迫切求去对臣泣下而犹欲无端牵缠宁不为臣之所笑年来人情变幻为此言者

欲以毁廷机而并中臣耳 皇上但知爱惜辅臣之去不知其事体之不便一至于此言之特切是时南都各< 〇〇〇 毓-金 >说者谓皆出于玉立之指而段然承之霖等又承之廷机其所必欲逐者故妄诞至此

○给事中韩光祜之劾奏陈永寿也谓永寿采木滥估工部裁数尚浮为永寿颐指工部侍郎刘元霖言以前人旧派而力主裁削已十分之三既均协济又减运额所为求舒西南之民者亦无不惟是民穷财尽该监滥估虽经覆减尚见其多乞敕本部再议裁省请旨

○己丑兵部尚书李化龙以督臣王象乾< 〇〇〇 毓-金 >自陈遣谍谕虜始末覆言今边疆之患悍然称兵者在三卫惟赖蟒一枝在插汉惟拱免一部落而已余两镇住牧有顺有逆姑当抚其顺者论其逆者臣部原有主张辽款之说督臣所以有八夷往辽讲折之遣也今日之事非款即战除赖蟒悔罪叩关另行会议若拱免息兵散甲即明以款事奏请毋暗克兵饷马价为旦夕苟安之计若意不在款则就诛之军中谍使事得便宜不必自生疑阻 上曰朝廷既以边事责成督抚官一切战款机宜自当听其酌量不从中制但不许畏懦偷安藉款忘战以致戎备废弛为患日深你部便行文与他着用心调度勿自款阻

○朝鲜部臣右议政李先庭尹昉等赍表笺方物谢恩赐宴赏有差

○答石臈哈等族番人割石革等贡方物赐宴赏有差

○辛卯南京都察院右都御史沉子木卒

○以神机营都督佥事施德政充总兵官镇守福建广东副总兵邓钟充总兵官镇守贵州右府佥书恭顺侯吴汝胤掌中军都督府印管事

○掌河南道孔贞一< 〇〇〇 毓-金 >申飭计典一实辨才品一实禁私揭一实举纠抬一实禁馈遗吏部覆行之

○倭至昌国参将刘炳文不敢击复匿不以报遂至温州麦园头毁兵船抵虾饭湾登岸杀我兵温处参将王元周一无所防诏以元周革任听勘炳文降调总兵杨宗业该道常道立各罚俸

○予故兵部尚书王遴赠少保荫一子故太仆寺卿赵标祭葬

○壬辰予故戎政兵部尚书土世扬赠太子太保

○甲午选大兴县民刘名女刘氏为瑞王妃

○乙未河东巡按陈于庭言三晋饥民乞留口税又旱魃为灾不独桑田盐池一带尽成赤裂正盐不足安取余盐况诏免余盐炳如日星既彰信于淮左独爽期于河东非一视之仁不报

○原任两广总督戴耀条言钦州善后四事一钦州防城应添设陆兵六百名牙山龙门尖山墩台应添设水兵八百名以罗定州原设陆兵十营于内抽减二营濶州游击原设水兵于内抽取五百名各防守其廉州府城原设陆兵三百名合增至五百名专备

○获岷府贡奏官隐匿金册金宝者典膳王守铨命刑部拟罪

○壬寅霜降节祭 长陵等陵遣隆平侯张炳等各行礼

○论张名世缓师纵贼杀良罔上罪斩 ○有讦举人张文炳钱养民丁承乾刘震以冒籍幸中者 上命科道官各一员严核具奏不许徇其该学生员也着一并查明以后不许纷纭攻讦

○宣大巡按吴亮劾奏废将董一元马孔英麻贵马林麻承恩冒军领饷凡三岁糜两镇七千七百七十石因言旧督臣郑汝璧虚传五路上边调集诸将张皇防卫五废将遂纳贿以希叙功至无功可叙乃剥军士以市恩乞将冒饷一节尽法追究或原情有免勒戒将来请旨

○癸卯辅臣李廷机六十 < 足 铨 - 金 > 乞放

○都察院经历赵士吉上奏堂官封印决去奉旨詹沂职在九列为国大臣乃不候明旨擅自封印出城洁身忘义着冠带闲住总宪官候旨点用

○兵部李化龙条言修复屯田十二事谓先辽左而后可以及各边一定地亩诸沃壤荒土堪以屯种者酌若干顷次其段落经界略仿鱼鳞图册候军民按给之一核军数以辽兵八万之中简什之二三上征调次居守下乃屯种一给牛种以军人应支粮银预给半载令自置买耕牛待秋成然后开除本折仍免其次年之税更俟三年然后起科一广招募曰土著曰南兵一薄徵歛以所给田分三则上则如法徵粮中减十之三下听自便永不起科一置屯堡约二三十里间置一堡使附近民户聚处一城浚壕三道多种榆茨猝遇传烽各歛物畜据堡堵御一议修防辽故无塞议以今年塞河西明年塞河东约费六万金筑长垣一千四百里一清中纳自改折令行辽左犹输纳本色然以贱买输官所上米豆俱败朽不堪不若岁纳折色户部将折银解辽为便一置常平就近堡立仓廩岁稔就民间时价五分增一官为余之米麦豆草设法兼收值大歉乃减价平糶遇急徵发一核养庖所部屯军能输余粮如数入官者在官粮二十之一为将官养庖之资一专责成督抚按道各给特敕升荫复命视其督察一慎减饷户部岁给额饷必须如数如期三载以后乃可通融裒益

○甲辰吏部催请左都御史及左佥都御史之命

○初银定部虏土谷大等夜入双墩子掠马二百余匹红水参将张君恩报失马四十二匹督臣以君恩失防欺蔽闻兵部覆令姑戴罪管事许之

○乙巳工科给事中何士晋等上言婚礼太浮请以 瑞王视 潞王初 潞王费八万八千余至是视福王则十九万一千余工部侍郎王汝训言水司告匱即本司那湊借给合十万两尚少九万一千余两请题借帑金如福王时例不然则斟酌二王之间稍赐裁省寺臣极言帑藏空竭马群并空且以爱弟之亲费八万余 福王浮溢一时偶然不可以为定制辅臣叶向高因谓 皇上即未肯全依 潞王例但就中减省以示撙节所裨于今日国计不少两票上之

○以大理寺丞曹楷言棘寺所关甚钜独力难支有旨大理职主评驳民命所关这寺卿等官该部便将推过的开写来看未推的作速推补近来各官纷纷借差父违限日久成何法纪该部便参看来说

○套虏沙计纠酋首歹宾部落犯神水蔡家沟参将杜文焕设兵诱之入伏生缚三十七人虏遁延绥巡抚涂宗浚以闻章下兵部

○以叠茂游击陈策为松潘参将玉泉游击贺维祯为灵州参将

○夜东北方有星如鸡弹青白色尾迹有光起上台往西北行至近浊

○丙午以国子监祭酒周如砥不候 明旨擅自出城着冠带闲住

○赐太监孙隆祭葬并享堂碑亭祠额

○虏入双墩子之踰月复入阿坝堡肆行砍杀夜上边陲射军丁数人掠马七十余匹堡外军民概被扑掠命革阿坝守备袁大有任行巡按提问

○丁未诏各省直暂免行刑

○抚宁侯朱继勋自南京守备回至临清溺死坐钞关主事许鼎臣勒税羈留恨恚投水山东抚按奏闻户部以事连榷司请行查勘奉旨许鼎臣回籍听勘事关勋臣巡按官作速明白具奏不得回护 ○兵部议以操营缺军如数募补岁动支班军老幼银三百两给与操赏以中军丘垣加都指挥体统行事责理捕务从之

○出吏科给事中喻安性为广东罗定道僉事吏部员外丁鸿阳为浙江台州道僉事御史李应魁为河南大梁道僉事御史李樞为广东屯田道僉事

○南京兵部尚书孙矿以留都天鸣奏闻因乞求罢优旨许之

○补荫故工部左侍郎刘伯跃孙刘仕采入监读书

○戊申 上谕辅臣朕自入秋以来屡屡动火头目不时眩晕昨又偶感风寒服药调摄身体软弱 庙享恐不成礼卿等可传示遣官及陪祀各执事务秉虔洁行礼以体朕竭诚恭敬至意

○降补原任巡抚许弘纲为陕西榆林道参政

○命保定侯梁世勋管领大汉将军

明神宗显皇帝实录卷之四百六十二终

明神宗显皇帝实录卷之四百六十三

万历三十七年十月己酉朔飨 太庙遣英国公张惟贤恭山

○颁赐辅臣李廷机叶向高每中历十本民历一百本及讲官萧云举王图有差

○赐 福王庶二子名由桀

○庚戌 孝洁肃皇后忌辰遣官祭 永陵

○辛亥荫太常寺卿詹沂孙詹希颢入监读书

○南京广东道御史王霖上< 疏 >言边臣积弊酿乱其略谓建酋猖獗两镇仓皇不知平日所为何事而致兵革决裂溃损至此文武将吏偷惰养安动称兵

○翰林院编脩王家植复除原职

○予故清平伯吴国乾故南京刑部尚书赵参鲁各祭葬

○丙辰以右庶子翁正春为少詹事兼侍读学士署掌印信

○以盐城守备郭启明为大宁都司佾书郎襄守备曹震学为湖广行都司佾书嘉峪守备王永光为何南都司佾书

○予故戎政尚书王世扬于原荫加一级世袭

○丁巳 上以工部催请所乞借帑金九万一千一十六两以襄典礼者谕 瑞王婚礼期迫着太仆寺照数给与

○时南京御史王霖言礼臣议溢发册科道之揭业已告完迄今二载尚□□咨阻不行请乞太多葛藤难断又言欲清溢典先严恤典始不得妄邀厚恤终自不得冒求美溢访之有要莫先于此礼部侍郎吴道南言臣于恩恤之典不惮严持况易名何事敢狗陈乞但有当详核而不敢滋天下之疑者如礼部尚书冯琦公论无间喷有烦言谓其与阁臣阻格礼部侍郎敖文桢之溢此不必深疑独谓辛丑进呈试录与外间所传窜改不同今现在御前乞发下公同会勘如果无改则本官疑迹晦而复明而溢典可以无议矣请旨

○户部尚书赵世卿乞罢

○以福建南路参将李楷为广州参将车营游击卫元康为古北路参将流河游击陈大猷为南赣参将五军四营游击曹登衢为神机二营参将宁塞参将王炳为延绥巡抚标下中军

○戊午朝日坛房火

○上以黔国公沐昌祚管摄镇守昌祚< 跣 毓-金 >言老病兵部言沐之子姓非无可以承袭祖爵者恐骄释成习仍复僨轅不若求旧为便 上仍着昌祚遵旨管事

○补河南参政周传诵为山西参政 ○己未兵部议增造百子锐千门以补京营之缺命于班军老幼银内动支二千四百两给用

○庚申予故礼部侍郎敖文桢以日讲官仍荫一子

○以类报江洋盗贼督捕李天祥等纪录陈良弼等戴罪捕缉

○壬戌工部侍郎王汝训以岁气寝寒门工择吉为请

○浙江巡抚高举言湖州府属桑田淹没请将三十六七两年实徵白绢岁一万七千八百余疋尽行改折其两年丝绵与三十八年以后绢疋仍徵本色不得援为成例户部两覆请至是得旨

○癸亥辽士李惟华奏场弊通神负冤奇异自言卷为行人米助所取闱中查寻墨卷不得遂致遗落监试御史李光辉言惟华即为本房取中查墨不得内外相隔臣等何从而知今本生试卷弥封原存当日所云索之又索不知索之何人诚不可不一查勘上俱命礼部查明来说礼部吴道南覆言惟华以辽卷零号搀入他束一时难以简出委

海沧通北海地之相距计三百四十里除麻湾南抵淮扬七百里海沧北抵直沽六百里
口贾通行无容别议中间河宽水深工力省便者麻湾至把浪庙等处约共百九十里河
窄水浅及全未挑脩者把浪至陈村闸等处约共百五十里分水岭地形颇高尤宜深浚
约略其费可不及十五万大都小沽河以灌中段大沽河以灌陈村之南白河以灌分水
岭高旺山河以灌新店之北以及中间诸河泊之水以济助之凡有水来必挟沙至黄泇
二河岂无冲沙焉得一一躲避惟当仿临清济宁事例建闸设夫时常脩浚于大小沽河
上源脩置土坝以障沙来或建造斗门以防水涨因势利导随机曲防在临时酌量行之
耳此一役也沿岸而行万无一失既非若黑海开洋之险又非有黄河迁徙之虞居恒则
两路兼行遇变则此或有滞彼尚可来国计民生无便于此下工部议

○都给事中宋一韩之辩按臣熊廷弼< 熊廷弼-金 >也曰杜松杀款与非杀款当
视拱兔助逆与不助逆且言捣巢助逆情罪未明即按臣亦难归结应令督抚会勘以完
此局廷弼言往年中前所之役第云长昂勾引东西插汉河流口之役第云赖蟒纠众入
犯初未尝指为拱兔而声言要抢义院界岭者实系黄台吉非拱兔也杜松奉檄以剿黄
酋往非以剿拱兔往哈流兔锦州边三十里耳原木尝出塞所获夷级仅仅二十六颗其
余级分与诸将者实堡外所扑非哈流兔所获也情罪有何未明查勘边事按臣专职从
无会同督抚之制何为夺臣职以为庇人地章下兵部

○己巳以原任湖广左布政薛三才为右副都御史巡抚宣府

○工部言婚礼借给稍裕请严查出纳一切仪仗衾具会估价直验实进收事竣奏
报

○命五城将房号银两赈济贫民 ○庚午以银歹部虏突入石空寺堡杀军丁
掠男妇至八十余人命革守备韩体仁任并把总扬衡俱行巡按提问仍谕近来提问行
勘各项该承行官多视为故事迟延不报法纪何存以后都着依限回奏违的该部科查
参来说从兵部申饬请也

○福建试场大霖雨移八月十二日为初试巡按陆梦祖奏闻

○辛未给事中彭惟成御史孔贞一姚镛潘珙各以行取寄部诸臣选补台省员为
请

○南京河南道御史张邦俊< 熊廷弼-金 >申严计典一稽实政以定人品一核实
迹以慎注考一持公正以核方面一辨难易以计有司一惩贪酷以儆官邪一禁私揭以
杜中伤

○壬申以五军八营参将戴延春为宁塞参将凤阳巡抚中军宗孟为福建南路参
将山西掌印都司谢极为浙江台金严参将

○宣大巡按吴亮之论五将董一元等也内言麻承恩非特废将且系罪弁会勘七
年抗匿不结催提之檄甫下而调用之咨随至蓟辽总督王象乾言承恩实臣所咨取属
开原日急闻承恩曾经战阵熟识虏情所畜健丁八百余人而燕河路故将麻承训承恩

之弟遗有随任家丁二百名臣故调之前来密云团练可得敢战精兵千人以伺敌势非敢毫为此辈妄开幸门章下兵部部覆董一元等俱行巡按御史提问麻承恩免行调取从之

○南京给事中黄起龙上言建文五年正朔统顺系明迄今正史尚悬因循祖号殊乖明旨即庙议难处留京魂魄所依或宜祔食高皇帝之侧以存祀典至于死事诸臣忠难竟泯宜采录事迹褒赐易名于是给事中彭惟成亦言之

○吏部< 〇〇〇 铨-金 >参雇人代赴铨考者南雄人准贡陈清下法司

○癸酉以新建伯王承勋督漕一十八年积有劳勩加少保兼太子太保岁加禄米三十石

○甲戌赐皇太子第三子名由楫

○朝鲜陪臣吏曹参判等官郑经叙等赉冬至表文方物赐宴赏有差

○乙亥兵科给事中朱一桂以倭之直犯台温也曾经定海居民惶窜浙江总兵杨宗业声言出剿反酣饮普陀岩上坐视贼舟被风冲突以致有此劾罢之

○丙子皇太子第二子薨

○漕运总督李三才奏裁革清河县主簿及海州永济仓大使各一员下吏部

○南京刑科给事中刘时俊< 〇〇〇 铨-金 >上十事通词林之选重部寺之推起废谪之忠采高尚之贤资格不可太拘人才不可轻弃真伪不可混淆简边臣抡学臣核守令

○原任南京吏部尚书裴应章卒应章福建清流人隆庆二年进士授行人擢吏科给事中历仆常二卿右副都御史巡抚郟阳转少司农寻以艰去补少宰升南工部尚书引病即家起南冢宰屡< 〇〇〇 铨-金 >不赴赠太子少保予祭葬谥恭靖

○丁丑江西道御史乔允升以四方灾变陈救荒之议一散利二缓徵三去讥四省礼又言理财之道不可不讲理财莫若重农重农莫若专官本朝农官独阙或于督粮清戎等职寓官其中俾岁时巡省以专课民官设而求水利京畿近地与湖广江西河南唐邓等处地势平衍率多河流莫若少仿隋人之制每郡以境中河水为主相其地势各为沟大小委曲以相通淮扬江浙之间地多沮洳萑苇尽数以为田召江南无田之民测泥涂之浅深如制挑浚为堤堰斗门以受蓄洩屯田之制必东起辽东西尽甘凉凡边塞无咸卤而宜种者皆相其土宜给以牛种设立亭障沟塹为烽堠游骑以备寇均田之制口分世业请限制其将来自今岁以后一丁惟许买田一顷以丁配田定为役法行之数年田直日贱民产亦均此皆所谓藏富于民之道也< 〇〇〇 铨-金 >寝不报

明神宗显皇帝实录卷之四百六十三终

明神宗显皇帝实录卷之四百六十四

万历三十七年十一月戊寅朔陕西兰州金县知县师兆吉揭其知州李传声用印信公文投进考功吏部请行该抚按尽法究拟以正揭害本管之罪旨是之

○以克军殃民罪革宽奠参将李泽任仍行巡按御史提问

○己卯浙江巡按韩浚以海防废弛查参失事参将王元周等并言浙帅号令之难行兵部以为将之号令不能行于偏裨则国之赏罚亦渐不能行于将帅皆缘寡廉债师责问贖馈以致节制陵夷文吏亦得因而掣肘之上曰将权太轻何以责其死力以后总兵等官俱遵照敕书行事不许阻抑近来交际恣滥岂但大将受偏裨贖馈即文官亦受将领贖馈弊端不革法安得行还通行申饬一体严究犯者参来重治

○户部尚书赵世卿特以畿南六郡灾伤为言请罢关市河桥三税不报

○仓攒滕文佐以伪印割赴铨混题冠带吏部并书吏蒋应鸿缪楨参治下法司严行究拟

○庚辰浙江道御史徐兆魁等共催总宪三臣之命

○辛巳兵部覆言御史刘光复安边诸策一立保甲边方军民一体编次猝然有警按册可呼营伍虚实平时可以坐照一勤树艺各边旷地尽树以枣栗榆柳等木其成熟以救凶荒其纵横以限戎马一习车战独轮小车以格虏骑枪銃互用骑步夹功虏挫则追我却则拒诚中国之长技一信抚赏款市之设原以饵虏今缙恶虏携不利汉物奚爱汉人诚宜有以系犬羊之心毋徒填边官之壑余育将才精选锋修边墙习守御利器械严赏罚申马禁 上命俱着实行不得以虚文了事

○吏科都给事中曹子汴言部臣壅滞宜< 〇〇〇 銃-金 > 去岁吏部发单分访拟授部衔以备考选者八十四八部缺有数今已补者十不二三又目前有司历俸之而深复有及五六年使尽优以部衔六曹之署何所托足何如通将俸次及期者一并咨访选授台省留此部缺以备他日推授不报

○奸人王顺陈暹者先年聚众于大宝山过街塔等处盗开煤窑盖 天寿龙脉红牌禁地也业经戍拟奉旨发禁宛平踰年内官监擅出之复使取煤顺等仍向本处开挖西城御史苏惟霖< 〇〇〇 銃-金 > 穷治之

○宣大总督太傅兵部尚书杨时宁卒时宁河南祥符人隆庆二年进士繇曲沃令为铨曹以考察降两淮运判稍迁太仆寺丞历臬宪为金都御史巡抚贵州改抚宁夏用斩获功升右副都御史又以松山捷加兵部侍郎已总督宣大山西叙宁夏两捷晋尚书予锦衣指挥世袭累加太傅其年虏王挟赏执不与旋纳款得代归卒予祭九坛造葬

○壬午 恭让章皇后忌辰遣官祭金山 陵寝

○辅臣叶向高以各处灾< 〇〇〇 銃-金 > 沓至请蠲请賑 上从无片语以慰穷民而河南磁州及天津霸州诸处已有流民屯集作梗拟为敕吏户二部所以宣谕朝廷德意者上不省

○工科给事中归子顾请 上昭仁爱节浮费言榷税繁兴群臣仰渎 天听每蒙圣谕朕心仁爱自有停止之时今遍地灾伤 圣心惻然此日不停止何日停止工部节慎一库年来漏卮百出军器二厂只供点视相延虚糜至如婚礼之用逾常破例自今大

十余两岁苦贫累旧甲自愿于在册见丁量行添派每船增银十两贴与领船军头南京兵科给事中高节言其便

○戊戌以 圣母万寿圣节赐辅臣李廷机银五十两纁丝三表里叶向高银四十两纁丝三表里

○升兵部郎中王一楨为广西苍梧道参政工部郎中沈孝微为河南汝南道副使户部郎中周御为四川上川东道副使兵部郎中张养蒙为四川威茂道副使礼部郎中冯焯为福建驿传道副使南京兵部郎中徐绍曾为山西驿传道副使南京刑部郎中周汝观为云南粮储道副使平凉知府王忠显为陕西肃州道副使池州知府黄流芳为广西副使石阡知府江大鲲为福建副使贵州佥事顾起淹为湖广江防道参议

○太常寺少卿夏子阳等以灾异谴告请 上躬祀 南郊

○吏部奏申饬官员违限事例各衙门奉差自半年至年半以上两京领凭官及在外佐贰等官自一月至八个月以上各罚治降罚有差其从前各官姑从宽贷责令三月以里到任管事严旨依议着实行不许疏纵该部科记着

○山西巡按乔允升言宗室宜兼教刑之用其详谓大同系代藩分封之地山西系晋沈两藩分封之地总计衣租食税共七千八百八位其无名封庶宗不与焉大同苦宗室甚于苦虏晋沈两亲王所辖如靖安沁水西河诸王皆号称贤王惟蒲州山阴襄垣之交恶不解绛州俊末充馘等骨肉相残霍州怀仁之宗民交构泽州朱玉桃之殴死人命皆出代藩分支岂其性与人殊哉教化疏而制统废也臣以为宜听亲王郡王各管理府事督率各宗立宗约所有长有讲有史有督有友而教授审理等官亦各任其职事一如乡约例讲明 高皇帝训典及经史诸书登记善恶于籍其有成德达材可堪作养者听提学道考较入学讲之三年果有成效亲王类报于朝廷而旌奖加焉至于长恶不悛难以化诲者 祖宗法制未尝不严请以其权统制于两亲王如近晋者辖于晋近沈者辖于沈其有名封将军中尉等爵所犯不法皆请命于王重加处治岁终报命朝廷或亦保全之一道乎或谓蒲绛霍泽诸宗系代藩分支难属晋沈弘治年间荆宗佑柄曾发楚中即隶于楚泽州湿川之俊日□梨陕西秦府之怀土□每俱禁锢于晋府闲宅近事可睹则专统制以消恶萌断在可行而无疑者下礼部议

○以南京右府佥书王鸣鹤充总兵官镇守广东

○朝鲜国王李瑋奏请年例焰硝下该部

○命撤蓟昌防秋兵马

○己亥陕西巡按杨一桂言盐法大变军需匮极 上曰盐法本以济边小票为害何以不行禁革该部便看议来说

○广积库派买硝黄九百万斤计水衡钱二十五万五千两工部以旧额二百万斤为请不允工部再请准减半陆续召买

○庚子湖广等道御史房壮丽等催请总宪吕坤李三才之命

○蓟辽总督王象乾以官军节获虏级达马类奏以闻

○辛丑是日辅臣叶向高尊旨入直上言 皇上乘此履长之时补阁臣点都御史下各差巡按一切章奏尽皆简发臣虽弩劣尚可勉效驰驱如仍前壅塞无所转移恐今日之出无以终事 皇上不报

○兵部覆以辽左添改三协将领如督臣议独辽阳添设游击一员即以辽阳金书二员裁减其一改为骑兵游击从之

○壬寅命故永康侯徐文炜男徐应坤袭爵

○升翰林院简讨张邦纪为右春坊右赞善

○出兵科给事中胡嘉棟为福建建南道僉事福建道御史邓澄为湖广湖北道僉事四川道御史管橘为福建水利道僉事吏部验封司郎中朱应奎为浙江海道右参政

○荫原任工部尚书姚继可孙姚兆豸原任刑部侍郎张翀男张应仕各入监读书

○甲辰冬至令节 大祀 南郊遣英国公张惟贤恭代

○在廷文武群臣于五凤楼前行庆贺礼辅臣叶向高恭诣仁德门行礼是日赐二辅臣上尊珍饌

○祭 长陵等陵遣隆平侯张炳等各行礼

○乙巳升右庶子傅新德为太常寺卿管国子监祭酒事

○是时户部本年省直共解银仅二百六十二万八千余两尚书赵世卿复以为言乞严限三月以里尽数完解 上以该部钱粮拖欠数多万分难处抚按官上紧催解如仍前延缓该科分别参奏处治 ○命礼科给事中戴章甫出供职初吏部拟以章甫例转湖广僉事久之不得旨复被太仓京营二巡差章甫自< 〇〇〇 铨-金 >乞结外转之局兵部请令视事印烙马匹 上督出之

○陕西巡按杨一桂以停税罢织二事为请

○丙午辅臣叶向高言考察之期相去仅一月若有吏部而无都察院是 祖宗旧制坏自今日且吏部独司考察而无人与之参伍非但咨访不详亦恐事权偏重不报

○刑科给事中彭惟成< 〇〇〇 铨-金 >请徵士刘元卿谥元卿举江西卿试所上公车策多及江陵相者江陵行礼部戒饬之师文庄邹守益简讨陈献章泰州王良用给事中邹元标荐即家授国子监博士趋召升礼部主事乞归所著有诸儒学等书

○丁未以 大郊礼成加英国公张惟贤少保兼太子太保 ○上以兵部尚书李化龙所覆督臣建夷塘报一< 〇〇〇 铨-金 >令辅臣票拟叶向高因言今日边事惟建夷最为可忧九边空虚亦惟辽左为甚中外臣工共望 皇上发帑以济其急而 圣意必不肯从户部又万分匱竭罔寺又那借将尽不得已当且下廷臣会议令其共作区处不报

明神宗显皇帝实录卷之四百六十四终

明神宗显皇帝实录卷之四百六十五

万历三十七年十二月戊申朔己酉总督李三才类叙各省直漕属官员其江陵等县李充太等以地灾违限免论

○陈邦彦负死罪自杀御史刘国缙仍请内监陈永寿治之

○刑部尚书沈应文乞放

○庚戌开辽警急户部复以借帑金数十万请

○辛亥辅臣向高题纂修 王牒命下礼部

○文选司郎中薛芳引言求去尚书孙丕扬以大选期迫具< 匭 疏-金 > 请命上着即出供职

○壬子徐州吴家庄盗劫杀如皋之任知县张藩漕运总督李三才以知州刘民爱指挥王正国等失事罪闻因言各处游饥惟淮扬一带稍有收成故流移之众千百成群在在行劫非速赐蠲赈大行安抚恐不知其所终章下兵部

○以陕西总兵王邦佐为南京右军都督府佾书

○兵部以兵食会议为请言建酋勾连西虏情形愈恶开辽二境宜且以守为善策而储刍粮援兵以待之蓟军三月无粮未易令之勉出死力以赴辽援太仓太仆同时立尽酌求长策断难再缓凡三< 匭 疏-金 > 不得旨

○癸丑户部尚书赵世卿言国计日艰谏论犹宜口樵大略言天下岁入之数四百万余不过足九边军饷之需一切 上供及百官廩饩犹不与焉今遍地灾伤诸臣所请不出停徵缓徵两者 皇上未肯慨然罢税捐帑万一郡邑有司藉口停缓此四百万常赋能无缩额乞下其议于宰执详审斟酌 宸断处分不报

○甲寅辅臣叶向高以四请都察院不报再请会议向饷不报引罪求罢

○命翰林院春坊等官刘一燝南师仲张邦纪黄国鼎管理诰敕升一燝司经局洗马

○益王常迁奏举浦阳王常浆为宗正华山王常汛筠溪王常涑为宗副诏可

○乙卯 上以户部< 匭 疏-金 > 命辅臣票拟内开金花银欠五十六万四千余两买办银欠六十七万余两辅臣以为金花原有额派当责令作速催解买起万历六年原无额派皆系该部设处那借军饷等项以进今部帑尽空镇军无粮应暂停缓以救该部之急附奏上

○兵部覆言杜松捣巢之罪大略谓松奉檄出寨果当场出战纵有属夷在内亦不失为有功今堡内属丁皆执缚而后杀之欺诳之罪重于失律军中斩获未有不待勘而赏者况于拥众以挟乎辽民怨松皆入骨髓宜着罢职不叙至于压买貂参扣减功银仍专令巡按御史覆勘从之

○江西巡按顾慥勘报水灾重大户部覆上命绢布还徵本色一半济用

○肃王进马五十匹赐报书银币纁丝常服

○丙辰南京给事中高节御史王万祚等共< 匭 疏-金 > 论监试御史李光辉讼辽

士李惟华之落也

○丁巳以原任少保刑玠复为南京兵部尚书

○以江西参政陈九韶为贵州按察使

○山东巡抚黄克缙奏裁宁海场副使一员下吏部

○辽东巡按熊廷弼< 熊廷弼-金 >请故给事中贺钦谥钦义州卫人成化戊子京师灾钦上言应天以实不以文引疾归为躬行实践之学与陈献章罗伦张懋相友重边将有扑杀献续者见钦即吐服城中乱卒焚劫钦往谕之罗拜而散辽人称为医闾先生也

○铸给协守辽东东路副总兵关防

○戊午以原任兵部侍郎李楨为南京刑部尚书陕西右参政许弘纲为左副都御史太常寺少卿田大益为左通政

○是时达虏聚兵五万余将犯铁岭趋广宁傅约诸虏有不到者加以重罚辅臣言奴虏交急如此 皇上恐廷臣会议兵饷首及内帑而故难之有如边镇不支戎马一至国门谁为 皇上守此者不报

○都察院左都御史竟不得命经历赵壬吉催请署印是日命总督仓场右都御史孙玮署掌

○翰林简讨陈五昌复除原职

○己未 上遣中使口谕辅臣宝和店条税银两系 圣母宫中御用之资如何纵容经纪棍徒包揽钱粮侵漏条税前诬告事情已有旨拟罪具奏未见上闻该司官何又轻听改名捏告刘弼等司官受贿故违着降调于山等着锦衣卫拏送镇抚司打着问来说刘弼等俱免提照旧应役辅臣向高言本内原无司官受贿之说今以中使之一言遽行降处人情疑骇乞加矜恕奏请

○礼部奏原任尚书伍文定等会议应谥 上曰既会议停当都准与

○先年凉州三岔堡失事杀掠人口三百有奇其时主将马应龙承故抚徐三畏指匿称杀四名口及奉旨查勘庄浪道董国光仅报所失七十二名口陕西巡按侯执蒲< 熊廷弼-金 >国光及凉州同知谢明宠扶同欺蔽罪又言临巩道邢云路亦经承勘然贝口贵贝口贵多端临洮一营马千七百余匹倒死者六百八十余匹叩之不知其罪又不止于扶隐一节兵部覆以国光等降调云路听吏部议覆得旨仍谕以后各边失事有欺隐的还着从重究处

○庚申命故成山伯王允忠男王国柱袭爵

○礼部以革除大礼诸臣赐谥为请言 成祖于革除诸臣虽诛其顽而心赏其忠每每见之于谕廷臣大典之议诸臣引经守旧批鳞受杖 世宗未尝不为心动特以阴厄于张桂诸人不及尽用今杖死诸臣业已续登访册惟靖难遗忠尚尔有待 皇上登极恩诏令各地方有司查诸臣生长乡邑特为建祠岁时祭其坟墓恤录其裔赐谥易名

不靳于诸臣明矣乞敕下臣部列名核实上请并敕立祀一节着实举行不报

○时秦王复为长子存枢乞封郡爵 上言王奏情词恳切命礼部看覆承奉米盈行千金于礼科都给事中胡忻为王请忻奏发之因言秦王以中尉进封亲王庶子存枢止宜依原封虽以七奏徼有俞旨然 上意郑重竟从奏寝此岂辇金可得乞治米盈罪仍谕本藩恪遵明例毋再妄请不报

○辛酉 世宗肃皇帝忌辰遣官祭 永陵

○升右谕德朱之蕃左谕德汤宾尹俱为右庶子兼翰林院侍读右中允孙慎行为左谕德顾秉谦邓士龙郭淅为右谕德俱兼翰林院侍讲南京国子监司业朱延禧为左中允

○初御史刘光复所上安边策其一为择守令吏部覆以边方州郡多用甲科破格优处 上以边事整刷不但守令各道官更为紧要今虏酋狂逞封疆需人乡还会同兵部咨访选择有不堪的着便改换毋致误事

○壬戌 贞惠安和景皇后忌辰遣官祭金山 陵寝

○辅臣叶向高以会议兵饷诣文华门叩首请宣府管粮郎中王兴言诸军久饿难堪户部覆闻 上曰军饷拖欠数多边计何赖着抚按官上紧催解其灾伤地方当分别轻重不得一概藉口 ○夜望月食自戌至亥既

○癸亥翰林院简讨丘禾实复除原职

○以红水营游击苗守荣为延绥东路参将

○甲子诏顺天府祈雪

○辅臣向高复以推补阁臣诣文华门请

○吏部尚书孙丕扬言去年间因外选无缺可授议将在外循良年深者八十四人各授以部寺拟官之衔令其离任以救一时无缺之苦今各官京则无名外则无官业一年余乞通查两京部寺科道缺员总一填补请旨

○补荫原任南京户部侍郎方弘静男方以晋入监读书

○乙丑工部屯田司郎中邵辅忠参论李三才大奸似忠大诈似直而为贪险假横之人曷言其贪鲁保大坏盐法王万金进陈平之计以白金六万黄金千两珠宝玩器不可胜数通黄正宾行间遂得贵厂诸人直须高枕之札吴鼎郑洁潭暴横告者满路汪宗时许伦所之八万金四美女入而纵其出匣之凶又发部符令黄正宾乘传恐吓郡邑无不括献于是有仪真知县被辱缢死者听用将官俱以价之多寡为缺之高下生日节礼各有定式开门之时筐篚乱拥礼帖乱投至把门官顶首钱骤以数百计其贪如此曷言其险先附辅臣沈一贯开府俨然比夺职免官幅巾坐堂年余复得故物虽汪宗孝为之通贿夤缘而沈之力居多旋即反唇相向矣税监陈增死亲至徐州简增遗物封识分擡掩谁耳目至古董珍奇门日如市动称进奉 太后 皇上彼其慷慨论列无不指 陛下为污而彼且以己之污污 陛下其险如此曷言其假日日受贿而逢人慢骂以不廉

辽急一马价马料所当奏处辽中新派买马六千匹岁应买补马价一万二千两宜令太仆寺岁如数增给其料银三万六千两乞敕户部与辽东巡抚各分处其半 上曰该镇新增兵饷俱如议行但募兵须要实用若沿袭积弊冒破钱粮岂不孤负朝廷轸恤封疆至意还行与督抚官用心整刷毋致虚糜仍将募过兵数查明具奏

○御马太监邢洪复奏武清牧地拖欠数多奉旨该县官员乃敢坐视本当重治姑念地方灾疲且不查究还着抚按官严限催解

○复除罗朝国为尚宝司卿

○庚午敕宗人府朕惟 玉牒所以纪载宗支乃朝廷大事自万历二十六年以前已经修辑至今十一年未及增修尔宗人府即会同礼部查照各王府自万历二十七年以后凡有薨逝袭封及男女新生亡故等项逐一明白开写该部仍将各王府照降去式样造到本册送馆以凭修辑 ○辅臣向高拟以原任礼部侍郎郭正域原任国子监祭酒方从哲为 玉牒纂修官并书写官一十九员以上

○是日辅臣以本年撰进讲章通鉴纂要自帝发梁州至遣使迎佛骨至京师共八本类写进呈

○高唐州库被劫知州王任报失银千三百余两山东抚按劾令降调吏目章可立住俸拏贼下该部

○辛未兵部尚书李化龙乞休致不允

○陕西巡抚于若瀛奏请以潼关兵备移驻邠州下吏部

○壬申礼部题会试届期条列七款申饬一文章定体宜核一关防约束宜严一分考阅卷宜详一誊对用罚宜必一号数稽查宜慎一廷试之规宜肃一乞恩之数宜定命依议行 ○巡按御史金明时劾蓟镇总兵王国栋贪肆不法章下兵部

○癸酉命江西道御史乔允升巡按顺天

○甲戌以翰林院简讨魏珩如为浙江屯田道参政

○左春坊左庶子冯有经赉印至阁拜< 硃-金 >去

○乙亥直隶巡按彭端吾以陕西按臣杨一桂言奏辩两淮绝无票盐明系奸口藉口 上命该部并看来说

○时废将麻承恩为按臣吴亮请旨逮治口北道吴钟英

当承问阳和道袁和移书属钟英薄其罪亮劾和曲庇罪并章下该部

○予阳武侯薛濂母陈氏祭葬

○丁丑岁暮享太庙

遣英国公张惟贤恭代

明神宗显皇帝实录卷之四百六十五

明神宗显皇帝实录卷之四百六十六

万历三十八年正月戊寅朔 上不御殿文武群臣朝覲官及四夷贡使上表望阙拜贺大学士叶向高诣宫门外叩头庆贺

○庚辰 宣宗章皇帝忌辰遣官祭 景陵

○壬午 皇太子第一女薨礼如 皇太子第四女例

○大学士叶向高上言青阳肇布 圣政维新凡政务之紧要大小臣工所力请未得者且以次施行以答天下之望矣独政本最急无如推补阁臣一事昔人有言善观人之国者观其相何如今阁臣非相已靦然冒相之名矣岩岩具瞻之地而零丁孑立一至于此非所以为观也即使其人而贤且不可况不肖如臣即使天下无事且不可况多事如今日近来议论愈纷人心愈怪天下之可忧有不在水旱灾伤盗贼而即在朝宁间者令密勿有重臣当不至此此臣所以自愧自伤不得不急恳于 皇上也乞乘开泰佳辰行爰立盛事因四海会同瞻新辅丰采不报

○福建巡抚陈子贞劾右布政使陈所学以不及调简分守漳南道程朝京以不谨闲住广东巡按李应魁劾分巡岭西道佥事冯时可量行调用陕西巡抚于若瀛劾右参议姚孟昱原任左布政使今听调陈性学不谨冠带闲住章俱下所司

○乙酉孟春享 太庙遣英国公张惟贤行礼

○是日原任南京工部尚书朱天球卒照例祭二坛造坟安葬天球福建漳州府浦县人嘉靖庚戌进士初授南京工部主事考满入京值杨继盛之祸与薛天华杨豫孙董传策往哭西市经理其丧有四君子之称寻以忧归出补南曹而严嵩已败乃迁督学晋南同卿时张居正鼎贵天球又以冯政及邮传事忤之自陈调外家居十九年万历丁亥以众荐起用迁南大理卿历晋今官自以家食久视宦途益淡遂六_三乞休自是栖迟丘壑又十八年累辟不起至是寿八十一乃卒

○丙戌初乐昌王廷垸有子鼐金口手因滥妾所生五十未娶王以为请至是部覆言王年近八旬身负废疾今或因其高年姑为酌虞与鼐金口手冠带侍养听其婚配仍不许长子名色不许代行礼以开滥妾之禁其袭爵仍候身终请旨庶于情理为当得旨既经题覆准给冠带听其婚配后不为例

○丁亥以上元节赐文武郡臣假十日

○戊子 孝恪皇后忌辰遣官祭 永陵

○己丑顺天府进春文武百官朝贺

○癸巳礼部奏请谥典前万历三十一年应补谥者五人兵部尚书伍文定南京刑部侍郎吴梯佥都御史鲁穆杨继宗石城吏目邹智其各省直抚按奏请并礼科

<三> 举万历三十一年至三十五年止恤过大臣应与谥者二十四人大理寺卿陈烙尚宝司少卿孟秋御史刘台兵部尚书毛伯温吏部侍郎张元祯谕德张元忭南京礼部尚书陶承学太常寺少卿魏良弼吏部侍郎赵用贤刑部侍郎张翀副都御史张文锦兵部侍郎李盛春副都御史魏允贞郭惟贤工部尚书刘东星礼部侍郎唐文献户

部侍郎张养蒙兵部侍郎许孚远户部主事周天佐户科给事中杨允绳锦衣经历沈炼太子太保左都御史温纯南京吏部尚书曾同亨鸿胪寺卿张朝瑞 上是之

○甲午 英宗睿皇帝忌辰遣官祭 裕陵 ○ 世庙寿妃尚氏寅时薨其礼悉如永妃徐氏例

○乙未蓟辽总督王象乾恭进 皇明开天玉律书其书辑 太祖高皇帝圣训为一帙分十三篇曰事天曰恤民曰勤政曰圣学曰训储曰用人曰谕臣曰求言曰慎刑曰理财曰止税曰弥灾曰保业律取万事根本之意书入报闻

○丙申吏部会同都察院考察方面有司官员沈麟祥等得旨罢黜降调如例其贪酷官员松江府同知马负图等 上令革职各该巡按御史提问追赃拟罪具奏

○吏科等科给事中曹于汴十三道御史孔贞一等各以例拾遗劾奏陕西按察使邢云路浙江右参政车大任江西右参政刘会湖广副使张鸣鸮浙江副使邹希贤广西副使张文奇广东参议吴安国两淮运使徐一唯四川重庆知府曹志遇山西汾州知府赵乔年贵州思南府以运使管知府事阴镕云南临安知府梁桂茂大理知府尹从淑浙江温州府知府今升江西副使蒋光彦浙江嘉兴府同知熊秉鉴扬州府同知今升任王一之莱州府同知谈沂应天府治中今升任郑心材承天府推官李天培广东广州府推官陈臣忠陕西临洮府推官王良佐浙江海盐知县濮阳春会稽知县戴九玄苏州嘉定知县吴道长扬州府泰兴知县牛维曜休宁知县贾克忠山东益都知县异懋忠福建海澄知县毛尚忠各不职状吏部都察院会覆刘会文奇留用一唯云路乔年大任俱冠带闲住鸣鸮秉鉴降三级桂茂谈沂降二级希贤安国光彦阴镕从淑臣忠维曜道长心材俱降一级调用志遇九玄调简僻克忠天培良佐懋中尚志俱不及调简一之量调阳春改教 上是之

○吏部以清廉异等陕西等处右布政等官汪可受等上闻 上命该部纪录即与不次擢用

○丁酉辅臣叶向高以青阳肇布正堪进修拟二月初旬二吉日乞钦定命 皇太子及 福王同出开讲是月凡再请礼部侍郎吴道南户科给事中徐绍吉礼科给事中胡忻刑科给事中彭惟成贵州道御史张惟任皆以为言不报

○戊戌刑部尚书沈应文屡引疾乞归至是许之仍赐驰驿

○延绥巡抚涂宗浚总督陕西三边顾其志以斩获猛沙二酋捷闻计获虏首级一百八十二颗并次有功官员总兵张承胤等三十二人榆林兵备右参政兼佥事许汝魁等五人各分别升荫赏赉章下所司 ○巡按直隶监察御史金明时劾奏蓟镇总兵王国栋科歛取盈赃过狼籍部覆得旨革任回籍

○辛丑赐驸马都尉杨春元故父杨继赠文林郎母李氏封孺人从春元请也

○故清平伯吴国乾弟国坤冒袭祖爵吏部覆议得实诏法司究问

○调清水营守备盛略加峪关马应元调清水营守备

○壬寅 孝静毅皇后忌辰遣官祭 康陵

○初定朝覲官与鸿胪寺相见礼节府正官由南廊至前堂以宾主礼见别由北廊出府佐及州县正官执报单由南甬道至露台立收单由北甬道出恭候演礼其余首领等官照旧规行时寺臣与覲臣竞礼礼部奉旨条议以上礼节始定以会典原无开载故也

○癸卯都察院吏科十三道面劾来朝官员 上谓诸臣不职者宜逮治今姑宥之还任当悉心干理在外者并行文策励

○升湖广右布政张偲为山西左布政使

○光禄寺卿王守素引疾乞归许之仍令病痊起用

○浙江道御史徐兆魁劾奏督臣李三才奸贪大著诸不法状因言最可恨者莫甚于结党行私令志操不定乞夫趋之如鹜但知有三才不复知有朝廷年来是非日以混淆攻讦莫之底止主盟挑衅三才乃其戎首总之三才外假慷慨论列之名尽愚天下耳目内挟贪残恣睢之术不顾一已防维广布五交潜开三衅浮慕缁衣之好而挥金走币贤愚僉入牢笼癖耽阿堵之藏而逐臭嗜膻渔猎难填溪壑既得陇望蜀每覆雨翻云当沈旧相柄国之秋亟问亟馈结纳曾经百镒及朱夫人过淮之日折程折廩破费亦溢千金旋因失恃生心并欲反戈入室盖既阳附正人谬希大位复阴嫉小人思倾正人虽弥缝之计甚工而肺肝之视如见浑身污秽廉耻尽亡毕世奸险讥弹难尽断当罢黜未报

○乙巳辅臣叶向高陈目前要务大端有二一言时政壅塞如不僚不补迁谪不还章奏留中以至州县之淹选补之滞庶吉士之不铨注皆当新以 圣政一言议论滋多如辩讦烦弹论刻章俚隐以至内外之争门户之立是非黑白之互混皆当省其人言章入不报

明神宗显皇帝实录卷之四百六十六终

明神宗显皇帝实录卷之四百六十七

万历三十八年二月丁未朔升广东右布政林梓为四川左布政使

○戊申祭 太社 太稷遣公张惟贤行礼

○是日辅臣请于本月初六日恭撰讲章进览日如之从二月上旬开讲例也

○四川杂谷安抚司都纲头目板弟坚藏等贡方物赐宴及段绢银钞有差

○湖广四川贵州等马湖府沐川等长官司阿角等族新贵等州县土官等衙门并贵州宣慰使安饶臣各备马匹差土舍悦咸慰安德等三十员赴京朝贡各赏给表里段绢

○云南巡按邓渼< 鄧 毓-金 >陈审议论核名实各八事议论之审一化意见期于相济毋护同而恶异一平异气相争不失其和一裁溢词毋为过情之毁誉一省辩章是非自有公评毋恶声甫至輒图报复而加厉一护善类毋毛举苛摘伤忠厚之谊而快奸邪之心一慎临文无嚣凌猥琐并形奏牍以失对 君之体一成蔓衍止宜就事论事

州右参政盛万年为本省按察使浙江佥事陈大绶为湖广按察使兼右参议南京吏部文选司主事洪佐圣为江西右参政陕西右参议常守信为本省副使江西袁州知府汪若水为云南副使福建福州知府孙大牡为四川右参议兼佥事

○壬戌工科给事中李瑾以淮抚功过自分诸臣论辩日烦< 〇〇〇 毓-金 >请勘处其略言总督漕运凤阳巡抚李三才向尝救言官魏允贞参奸辅沈一贯御虎瑯锄巨蠹此其功似不可泯乃外示侃直内颇奢纵鹜延纳滥取予舆论啧啧此其过不能角口羊昨工部郎中邵辅忠直以贪险假横斥之其来或有据其言则稍过科臣马从龙< 〇〇〇 毓-金 >评有长于合变短于持危自负太过简押未周不宜任风纪表率等语此三才断案也南科给事中刘时俊之< 〇〇〇 毓-金 >名驳辅忠实纠三才乃两淮巡按巡盐御史董兆舒彭端吾会< 〇〇〇 毓-金 >代辩甚力而浙江道御史徐兆魁之< 〇〇〇 毓-金 >若独悉微暖发挥无遗也又未几南工科给事中金士衡持议怜才欲为危辽借经理矣众论盈庭不啻两造近南京兵部主事钱策< 〇〇〇 毓-金 >又至彼其指三才中军官抄传事迹真伪臣不敢知至以金士衡为党附明白易见臣无容赘惟是钱策为三才治民灭名义以图续貂概波言官以寓箝制所关不小此不为分理不惟无以杜言者之口服被言者之心将恐洗索挑激角胜不已国体有亏乞 皇上将邵辅忠等参论及李三才请告诸< 〇〇〇 毓-金 >下部公勘庶功过分而是非明矣未报

○升河南按察使林欲厦为广西右布政使浙江衢州知府张所望直隶永平知府高邦佐福建泉州知府姜志礼山东兖州知府葛锡璠为副使所望广西邦佐山东志礼广东锡璠河南广西庆远知府柯凤翔为两浙都转运盐使司运使

○赐鸿胪寺左少卿石常久照例四品服色以十二年考满从其请也

○兵部尚书李化龙言 皇上有感于按臣之言谓 明旨申饬无用令臣部设法处治此振作吏治计安边境盛心也臣谓欲法之行惟严责成继密考成即如召买军马查勘边情修理城堡修复屯田一切边计军情关系紧急事务抚按督行司道定以期限如不能即完宁稍宽其限务以必完为主限既及矣有过限一月者行催两月者急催至三月不完竟以不职议参轻则罚调重则降黜必无所贷如此何威令之不行人心之不儆哉报可仍谕以后边镇奉旨所行事曾否遵依都著抚按官依期回奏有稽误隐瞒者并行治罪该部科亦当时为稽查参奏不得因循怠玩有失责成至意

○癸亥升礼科给事中戴章甫为湖广右参政南京四川道监察御史李云鹄为浙江左参政礼部主事洪良范为湖广佥事工部主事赵贤意为四川副使原任湖广左参议周汝登为湖广右参政兼佥事山西大同知府高第为山东按察使青州兵备道四川副使郑友周为陕西右参政兼佥事原任直隶苏州府知府周一梧为陕西右参政直隶大名知府陈瑛为浙江副使仍管湖州府事陈幼学为江西右参政兼佥事陕西凤翔知府赵光大为河东陕西都转运盐使司运使广东右参议邓美政为陕西苑马寺卿兼陕西佥事

明神宗显皇帝实录卷之四百六十七终

明神宗显皇帝实录卷之四百六十八

万历三十八年三月丁丑朔 孝肃皇后忌辰遣官祭 裕陵

○祭 历代帝王遣英国公张惟贤行礼

○兵部尚书李化龙奏向因题增惜薪司每岁柴炭银一万八千二百两计无所出议将各省直缺官银两动支协济又续添 寿宫廩给新增狱卒工食皆于是取给各该司府分宜严催起解以应急需乃敢托名借支那移不解日复一日将必化为乌有乞天语申饬各省直抚按按季将所属见贮缺官银两有无那借尽数查出先造册报部星夜差官起解以后无论多寡俱每年终类解如违期不到并那移别项情弊听抚按将经承官吏指名揭报本部以凭参处得旨如议行

○升广东副使潘士达为江西右布政使江西右参政窦子备山东右参政徐尧萃副使张鹤鸣山西右参政周传诵俱为按察使子备浙江尧萃广东传诵河南鹤鸣陕西

○升浙江副使刘不盈为山西右参政兼佥事陕西副使段猷为浙江右政

○起原任拾遗陕西按察司使田立家降一级调山东参政 升河南彰德府知府冯盛典为两淮都转运盐使司运使

○戊寅升陕西右布政使汪可受为顺天府府尹南京大仆寺卿吴达可为南京光禄寺卿

○敕遣宁夏总兵萧如薰以原官镇守蓟州永平山海

○敕遣总兵麻贵挂印镇守辽东

○以中军都督府佥书姚国忠为总兵敕遣镇守陕西固原 ○命故右府带俸都督同知周奉孝男周国辅袭爵

○己卯初户部以蓟辽三月无粮< 借 金 >借工部税银 上命十五万借之户咨工部称有旨以此银分发宣大山西三镇各五万两至是工部言前旨许借重在蓟辽原非分及别镇盖奴酋负强舛口鸟鹫宰赛拱免伺间侵略辽甚危臣何敢爱冰衡金钱自分畛畦宣大诸虏自款贡以来边烽绝警四十余年不闻枵腹之虑何一旦骤借饷于臣部夫此税金原助 大工此时殿门未竣自给不暇何能借人乞将借给户部税银停止儆以成命难回量给五万以明借之又言今之边饷积负在巨室豪强不尽繇水旱故国课日损于原额积蠹在九边将吏不尽以军兴故年例日增于虚费此时不澄源节流异日必两困俱竭并工部空乏国事将不知所终宜从长酌议为永久计 上曰蓟辽方急所借饷遵前旨不得别镇那借其边饷虚费豪强积负甚得弊源该部酌议以闻

○升四川按察使薛奉彦为广东右布政使陕西右参政祁伯裕为本省按察使江西副使王永宁为广西右参政兵部员外张应槐山东副使阎士选俱为右参政兼佥事应槐福建士选山西浙江嘉兴知府宋师程为山西副使兼右参议贵州贵阳军民府知府王皞如为山东都转运盐使司运使

○起升原任副总兵姜显祚为蓟镇东路副总兵原任大宁都司载守礼为陕西都司佾书

○升宣府游击张国骐为宣府南路参将调山东莱州参将王之都为通州参将升彬桂守备童仲蔡为贵州都司佾书东平府镇抚秦用宽营州中屯镇抚李俊宣府前屯镇抚陈抱忠皆为守备用宽山西汾州俊黄花镇抱忠巩华城

○戊子以大学士李廷机叶向高吏部尚书孙丕扬兵部尚书李化龙右都御史孙伟吏部右侍郎萧云举吏部右侍郎王图通政使曲乔迁詹事翁正春充读卷廷机久疾乔迁拾遗俱辞免丕扬后入读卷疾发不能供事出

○起原任山西参政被劾调用李本纬为山东副使

○己丑初赖蟒二酋弥耳豢养已久顷连姻西虏结好辽夷渐猖獗事要挟李家谷苇子谷五道岭星星谷水门寺猪头崖多遭蹂躏河流口更甚边臣方大议剿二酋惧适其党与携贰遂悔罪乞怜因西虏哑以请又以夷目为质归所掳掠拔夜相率罗拜叩关革赏认罚惟我讲誓督臣王象乾巡抚刘四科以逆威顺抚为言至是兵部覆议除益修战守外将赖晕歹蟒斤儿阿只勃来小长秃哈劳木失王烧饼来子夜不收等八家三十六年秋冬二季贡赏额赏尽革之惟三十七年贡赏额赏姑如旧开复所罚牲畜听该镇优恤抚赏之用其宣府营马十匹转发该营给军骑操仍谕各酋务恪守盟约永坚恭顺毋再悖逆自取天诛备行该督抚严行申饬从之

○降补原任副总兵李光荣为参将管辽东总兵标下坐营事

○起原任温处参将董永遂为杭嘉湖参将升四川都司掌印钱富为本省松潘参将山西守备黄应诏为大同入卫游击海州卫指挥蒲世芳为辽东盖州守备巩昌卫指挥谈世德为甘州洮泯守备

○宣府巡抚都御史薛三才上言宣镇内拱 陵京外邻胡虏于诸边最称要害故宿兵八万输饷百万诚重之地顾地非沃衍土半沙碛每年屯粮不满二十万产穀既少即豊岁稔收犹仰给于外路之灌输又关塞险阻挽负艰难平时物价率倍内地第以税轻则货聚货则价平是以民食不艰而物力不乏自有榷使来无物不税无地不税矣夫边地民粮无多非若内地之有条编款胪列也一切庆贺表笺及官吏俸薪驛递供应与各衙门廩给油烛纸劄等费率取给于税又重之内供安得不加税增额其后商贩渐稀税额反不足递年金报行户责以包收大者破产小者倾囊每一践更阖镇骚然臣与按臣目击斯苦自今年始责令官收随其赢缩不必取盈然此第可苏行户之累而不能轻商贾之税也自非旷然与之涤除边方受困宁有已时又有牧地子粒一项旧系马军刍牧之场异时营堡马俱就近刍牧而军勤者或艺菽粟以供饲秣故马多膘壮而蹄顽者少自牧场议徵子粒则地归纳课输银之家而马军不得有矣往往放牧于数千里外既不得水草善地而饲之又因僻远至有盗割其鬃尾马之多瘠易蹄职此之由马军草料例只支給六个月野有青草輒为住支今既夺其牧场矣既无水草又行住支马乌得不

毙而军乌得不困夫税课及牧地子粒银两项总不过八千二百两有奇耳国家不惜百万余饷养此一镇官军无非为北门锁钥计岂靳惜此八千余金不以惠此一方哉伏乞敕下户部比照辽东湖广事例将宣镇岁徵起解税课子粒等银概从宽免未报

○庚寅 武宗毅皇帝忌辰遣官祭 康陵

○是日清明遣西宁侯宋光夏怀宁侯孙承荫阳武侯薛濂南和伯方<□□火节>遂安伯陈伟兴安伯徐汝孝成安伯郭祈延彭城伯张守忠 诣 长陵等陵春祭

○兵部据蓟辽保定总督王象乾及巡抚顺天刘四科题拨计事因言拨计么么小丑敢以乞丐不遂乘隙捉拏台总拨夜继又扑杀哨役逞螂臂以当车辙宜议剿灭第此酋世为藩篱今且因赏绝计窘即次央夷哀恳差夷质当送还原捉拨夜认罪四九抵偿人命叩阙请罪仍令亲信部夷赞刀说誓永不作歹又其原者赖蟒败款拨计不敢入党又先赖蟒求款所犯较二酋犹然鼠窃狗偷之辈也相应依拟将揆计原额旧赏姑准开复所罚马牛牲畜听该镇优恤抚赏之用仍严谕本酋恪遵盟约永作藩篱如再狂逞定行诛剿毋胎后悔臣部备行该镇督抚严行申饬施行从之

○辛卯策试天下贡士韩敬等三百名于延制曰朕惟帝王制治要在知人权在出令然知人之法不过曰敷奏以言明试以功言固可不办欤至于出令则或拟之丝纶或喻之涣汗或谓当坚如金石信如四时令固若是重兴唐虞三代之盛言必底绩令出惟行邈乎尚已即汉唐以下之主犹有能综核名实用致中兴诏书一下而骄将悍卒莫不用命者是岂无所操持而能然欤我 太祖高皇帝再造寰区明并日月威如雷霆臣下每有陈奏情伪立决薄海内外凛凛奉功令惟谨 圣烈神谟炳耀万世二百余年之治安恒必繇之可得而扬厉其盛欤朕御极初年纪纲振肃德意旁流浮淫之说稀闻奉宣之吏多有亦仰凭 皇祖之余烈焉迩来人心噪竞<□□言 翕>訛成风一人而此是彼非一事而此可彼否甲乙互争薰莠莫辨公车奏牍不可胜览盖议论混淆之弊至今日而极至于吏治边防士风文体诸关系治化者朕皆三令五申期于振刷而守令之贪残封强之破坏逢掖之器陵文章之怪诞皆日甚一日虽有明纶衰如充耳盖诏令废格之弊亦至今日而极兹其故果安在欤汉人言四患当屏曰伪曰私曰奢曰放宋人言国家宣敕条贯繁而无信轻而勿稟上失其威下受其弊以今日之事质之同欤否欤传不云乎君臣同心治化成今上欲省而下愈烦上欲行而下愈格安所得同深惟厥咎岂朕之烛断未精而率作省成者非其道欤抑臣下矜伎党伐虑不在公偷玩习成有难遽挽将无所谓同言而信信在言前同令而行诚在令外上下之间固自有潜孚嘿喻而不在于科条文告之未者欤尔多士挟策而来目击时弊诸所为省议论定权衡重令尊君必有画矣其明著于篇朕将览焉

○工部左侍郎王汝训以疾辞免内织染局织造冬至 大祀服之祭 上优诏不允

○初南京户科等科给事中邓云霄湖广等道御史周达例劾通政使曲乔迁应天

分外要挟往岁糾众掠劫道路为梗官军与战斩获二百五十余级有功文武官员除千总冯光等八员各有部功已议升赏及原任游击王学诗李茂先侯勘明别议外其原任镇守延绥总兵王威以下十一员总督陕西三边顾其志以下六员各分别优异赉赏章下所司

○湖广醴陵知县诸元道擅自科歛为巡按御史史弼劾奏逮问计赃罪如律

○顺天巡抚兵部尚书兼都察院右副都御史刘四科引疾乞休不允

○是日河南南阳府桐柏县冰雹为灾 ○丁未初俺酋受封边烽寢息阁臣高拱恐边吏晏安忘傲请岁遣重臣临边阅视以诘戎振惰后定为例三载一遣初用卿二重臣改用科臣又间一用京堂官万历二十一年后归并各该巡按御史者十四年中间有名无实大失遣阅初意义者惜糜费厌逢迎故京朝官久罢不遣顷边事隳坏台谏为言请复先年阅视旧制至是兵部覆言莫若因时间一举行非边情重大时势艰虞则不必遣今虏封未定辽寇纵横公私兵食两困时可行矣俟秋防竣事后请特遣风力科臣三员分阅宣大蓟辽延宁甘固三大镇会同各该巡按再为简阅查核一切空兵空马无名赏费及近年权宜所增沿为例者议裁汰至防守虚实将吏臧否利弊兴革务据见闻所确就事论事不必额为举劾及踵采访之说庶于遣阅旧制外酌为通变之宜者也若大臣体面崇重事多有碍寝之便得旨如议且命实行

○巡大同都察院右副都御史霍鹏以方闻母病又被人言乞罢黜以南京礼科给事中晏文辉纠其贪鄙也部覆暂回籍听用从之仍令用心料理边事候代

○戊申辅臣叶向高言今天下必危必乱之道盖有数端而水旱灾伤夷狄盗贼物怪牛妖不与焉承平日久一也上下隔绝二也士大夫好胜喜争三也多藏厚积必有悖出之衅四也风声气习日趋日下莫可挽回五也此非 皇上奋然振作简用老成布列朝端将年来废弛政事一一讲求修举臣恐 宗社之忧且有万倍于建夷者矣

< 銙-金 > 入不省

○己酉山东巡抚兵部右侍郎兼都察院右佥都御史黄克缙引疾乞休不允

○原任巡抚大同都察院右副都御史新起辽东巡抚张悌引疾乞休 上命该部查议部覆病实许以原官在籍调理

○授一甲第一名韩敬为修撰二名马之骐三名钱谦益俱编修

○庚戌先是银歹部落阑入寇劫守备郑崇雅百户康衢等战没陕西三边总督顾其志甘肃巡抚周盘陕西巡按侯执蒲交上其状参劾文武等官部议参将李可爱正千户沈应时俱革任提问甘肃总兵柴国柱夺禄一年凉州副总兵孙光熙夺禄半年西宁道右参政祁伯裕夺禄三月抚臣周盘督臣顾其志免议崇雅康衢厚加赠恤得旨周盘亦夺禄半年余如议

○辛亥兵部议上讨来速刺二川文武诸臣功罪除游击沈光祖败亡免议外中军赵承武传宣匪才戎备不豫戒责百户王良宾防守疏失追剿罔功革职提问死事副千

户董以忠厚加优恤千总王重信血战解围当奖叙总兵柴国柱该道李楠以讨来川捣巢一捷功过相准其损伤士马有无重大及督抚应议应行巡按御史从实勘奏报可

○调福建右布政使陈学为陕西右布政使

○癸丑山东巡按熊廷弼劾参将李惟德倚执害人假公射利加衔游击郑朝隆修筑无功降级管事部覆如议从之

○升陕西左布政使崔应骐为都察院右副都御史敕遣巡抚陕西等处

○升南京鸿胪寺卿刘日升为南京太仆寺卿

○升贵州左布政赵健为光禄寺卿山东副使靳于中为本省右参政

○升户部郎中添注张三谟为河南副使

○升河南汝宁知府黄似华为云南佥事 ○命御史徐養量巡按甘肃潘洪巡按宣大

○回夷头目火者哈非子等以方物入贡赐宴赉如例

○甲寅起升原任福建副使曹璜为光禄少卿添注原任山西副使欧阳东凤为南京太仆少卿添注

○复除原任河南按察使吴中明为山西按察使

○升枢门堡守备刘启元为大宁都司佥书

○丙辰巡关御史金明时< 兵部疏 >条十四款一添将统兵以固 陵寝昌镇右车营原设官军五千八百员名分班设防以获 陵寝顾军之上班虽统于游击而下班则寄于守备摆堡贴马不胜疲累今议抽拨八百名仍属涿州守备专事摆堡其余添设游击一员领之扣存行粮即充新官俸廩官增而费不加诚为便计一选将久任以责成功自大将及偏裨三年之后果有成劳宁与加衔不轻易地使将卒久则相维系志意安则不夤缘一查复经制以裕边饷有溢额繇兵有逃故不行开除贪将多占役一人而两处影射游手白占双粮员下丁马不过空名随营杂流无非乾折今当清查严核下出首之令悬觉发之赏期复万历十九年以前经制之旧一议慎委任以革冒滥委用各营中军千把总等官严行清查以纸号验称卫所以割照验称武举军功官非是听用者概行黜遣一修补要害以防冲突蓟门以守为战急在修防若石义之大安口花荡口石大之鸡冠山断虏墩燕界之三十七号台建< 兵部疏 >之土墙岭油香谷建冷之徐流口尖坨此皆三协中要害处亟当修筑限一年完报完否坚瑕即定将领委官优劣黜陟一严禁拨补以实营伍河间三营旧俱系祖军不闻召募自拨补弊起营军赴防强半顶替万一征调应援则顶名者必至逃亡未勾者何从诘问必禁卫官卖放罪歇家包揽并饬清勾乃可一比例印马以杜私更各营路马匹当如太仆寺寄养马匹事例每年印烙一次仍于春夏之交新毛甫长火印分明形迹易辨一储将材以重封疆毋重大帅而忽偏裨必考选才技惩革贪污一精训练以壮营叠宜于蓟密保昌永平各镇十余万官军中选拔其精壮者三之一约三万八千人精训练优月粮分操则将领自为较阅合操则

总协为之省试督抚间一掣调而比较之以教练能否为将领功罪一议腴削以苏军困一切纸张之派程席之备采办供应之役山人优唱书札作兴之费概为痛革有踵弊者廉实参究提问追赃一议侦探以豫防守边阒敌情全赖哨探迩来传报虚实参半总之探实无格外之赏虚诬无愤事之诛且将领不能优恤尖夜尖夜无以结识夷人影传口语挠乱军情今议设长短哨三人轮穿探望接递声息一切游手积猾顶替之辈汰革勿用而又重赏严诛以劝惩之一议边工以责实效蓟门入卫班军春秋更番自有常期今春班或延至三月秋班或延至八月将领受财卖放及役占采办诸弊种种故派修工程有同儿戏兵未撤而工已颓今议依期上班罚后至禁卖放稽工程一汰夷丁以消隐祸夷丁生长夷狄非我族类有口借用其力久蓄将为内忧今辽衅未弭虽难尽驱亦当严谕将领去者不追缺者不补潜为消弥一议马政以收实用边马敝于走差无名牌票固不可不节然以羸弱之马支壮马之草料有马与无马等今验有马不中用者悉许变价仍给三月草粮及计算军士应赔倒死买补之费积此三项易买善马是价不增料不滥而营中坐得壮马之用部覆如议得旨允行

○起升原任经理朝鲜都察院右佥都御史杨镐为右副都御史敕遣巡抚辽东

○命江西道御史王基洪为南京提学御史

○改补洪水游击祁秉忠为镇海游击

○四川永宁宣抚司太平长官司差小土官黄朝用等广西太平府陀陵县思明万承思陵顺等州各差官旗黄拱奎官族许宁黄承运族目韦伦楷岑正等各备马匹来朝贡以违二月十五前到部例减半赏

○丁巳升四川道御史左宗鄆为南京太寺少卿添注从其水土不服请也

○复除原任陕西左布政使荆州俊为原官兼副使仍支正二品禄

○升户部郎中杨初东为四川右参政兼佥事 ○己未调湖广右布政使董元学为陕西左布政使

○辛酉以浙江副使陈瑛为山东副使提调学政

○癸亥辅臣叶向高引疾乞休言阁臣上者能积诚悟主康济艰难德业闻望足以厌服天下之心使身安而志行次者量力度时决于去就使天下之人虽知其不能而犹量其非贪昧隐忍败名丧简而不恤矣舍此三者更无他途臣力不能为其上当勉为其次者亦望 皇上哀怜成就使得遂其微志若夫闻言而杜门言已而视事递出递入如登场之傀儡凭人提弄臣窃羞之至于 东宫讲学推补阁臣二事在今日理窘势极万难再缓臣言已无复可陈望郎赐施行得旨卿忠清廉慎朕所鉴知况今边疆多事正倚赖赞襄岂可以浮言坚欲求去卿宜安心亟入阁佐理慎勿再陈其东宫讲学及枚卜候旨行

○起升原任江西副使李开藻为南京尚宝司卿添注

○予原任江西巡抚今升都察院左副都御史许弘纲父许思直母李氏照例祭葬

○乙丑山西總兵王尚忠革任回籍以誤刑宗室故從部請也

○兵部尚書李化龍覆陝西總督顧其志題言火落赤鵞悍最于諸虜近與永酋結連雄據青海引弓之眾且數萬計然未敢輒犯西寧者貪漢財物冀復市賞耳今自己亥乞款已十餘年日哄一日至今未報望絕怨深釀禍遺艱莫此為甚蓋偽款之虛名不可以紓地方之實禍也今據督撫題議責令看守河西五道每年秋畢無事量給賞物五百兩五年無事再議款賞夫然則費不侈而可以收拾犬羊之心脫虜腹生蟬曲不在我吾所以揚兵大創之者有辭矣惟是兩河之封疆虜向以挑河作歹故遣經略嚴戰守意在驅逐無取和戎若此酋安靜河西仍跳梁河東則五百金之賞祇為貪餌而將來之款市寧有復期今當仍戒諭本酋不得東西異狀督撫鎮臣仍宜督勵所屬毋得弛款弛備兼用戰守以保萬全報可

○丁卯蓋州備御李杰革任仍行撫按查勘以御史王孟震劾其貪淫也

○戊辰命御史傳振口巡按真定

○己巳先是湖廣黃梅縣舉人瞿九思忤權輶迹潔志潛修三十年著書幾十數種先後地方官奏薦詔授翰林院待詔九思疏辭乞終著述余業至是部覆引天順二年江西處士吳與弼及萬曆三十一年四川舉人來德故事擬暫准瞿九思原官致仕仍令有司月給米五石以示資助書成之日該撫按官奏薦進呈酌量擢用上是之

○是日禮部以雨澤尚稀奏四四月初二日始百官青衣角帶本衙門辦事停刑禁屠五日並請上齋居路禱上曰近歲各處災傷王畿又復久旱朕甚軫念各官當痛加修省無事虛文其宮中齋禱朕已知悉

○以祈雨遣官加祭各郊壇并龍王之神

○南京京畿道御史陳禹謨奏乞以方孝儒比照于謙事例議謚延賞仍于聚寶門外祠墓特賜表揚未報

○庚午復除陝西右布政李起元為湖廣右布政使

○辛未廣東巡按李應魁以假官劉廷芝偽敕清屯騷擾驛遞動費不貲奏請亟行如律正法上是之且命以後驛遞應付務嚴行查驗不得朦朧滋弊違者一併參究

○禮部以京師旱災上言今日旱災皆諸政廢弛所召蓋天下人情莫郁于此時郁氣浮發必結為災如儲宮天下本也不令與諸臣相接講明經術練習世務而久置之深宮使耳目聰明俱塞天下之人心郁乎不郁乎大僚為國家撐持楨干缺其大半按差為朝廷察吏安民久請不下甚如刑部衙門懸印半載讞決無人控吁無路怨氣滿獄天下之人心郁乎郁乎內帑山積而閭閻半菽不充父賣子夫鬻妻慘不忍聞皇上曾不大發金錢以亟賑而坐視其死亡天下之人心郁乎不郁乎逮系之臣如滿朝荐下孔時皆一時循吏為皇上愛養百姓者以權瑯羅織而使之累年淹禁見天無日與鬼為鄰天下之人心郁乎不郁乎廢棄諸賢永遠久錮銓曹日補牒以請而點用百不得一登用無期正氣塞結天下之人心郁乎不郁乎郁氣最能干和而況四海同一郁積以故結成

同新平参将马永口参将吴志望为山西北楼口参将升石营游击陈孝为延绥西路参将戚家堡游击胡国臣为辽东复州参将镇夷宁夏游击朱冠为甘肃庄凉参将复除原任守备程云路为大同新平守备

○子故右军都督府管府事署都督僉事刘承嗣照例祭一坛

○癸未广西副使张文奇以病乞致仕许之

○改祁秉忠为镇海游击

○起升原任守备张国卿为洪水游击

○给授祭酒等官傅新德等散官 ○甲申南京户部右侍郎兼南京都察院右僉都御史赵钦汤引疾乞回籍调理许之

○升户部主事王兴为山东右参议江西参政应汝化为本省按察使

○复除原任四川右参政袁茂英为湖广右参政兼僉事

○命临淮侯李邦镇承袭祖爵

○起原任南直隶督学御史黄升仍补山东道提督北直隶学政

○乙酉工科给事中李瑾因火灾请亟行诸臣所上封事以修实政回天意不报

○兵部尚书李化龙言顷四川重庆府忠州酆都县民谭良佐等奏石砭宣抚司宣抚马千乘倡兵劫夺杀虏多命及诸不法状随据该司遣人< 〇〇〇 毓-金 >辩言不忿部民减户口额数紊田土经界务永守民土填实黄册而擅兵杀掠之虚实及抗拒会审之有无据其自辩未能昭晰其中情状臣部有难悬断宜行彼中抚按严为查勘马千乘是否兴兵妄杀谭良佐等是否图谋财产并奏内事理虚实逐一勘明具奏务令处置详委使汉土心服遏绝祸蔓报可

○丙戌刑科给事中杜士全< 〇〇〇 毓-金 >请追还真人张国祥修观三万金及夷人哈非等置买玉石七千六百余金以行蠲赈不报

○简讨丁绍轼杨师孔俱以优归赐给勘合

○丁亥山西阳曲太原清源交城等县夜地震有声

○陕西总督顾其志以讨来等川捷闻计斩获虏首一百二十余级并叙甘肃巡抚周盘总兵柴国柱等官功次乞行覆勘升赏章下所司

○戊子 孝懿庄皇后忌辰遣官祭 昭陵

○大学士叶向高以西北旱灾请发内帑赈救未报 ○初辽左年例马价一十一万七千八百七十五两每年部发解辽广宁辽阳宁前开原海盖五道酌量马匹多寡均发买马总计全辽马骡五万二千余匹广宁数不及二万计马分银年应得马价四万两以抚赏除分马价六万四千二百三十余两外又扣留各道银一万七千四百六十余两广宁独得八万一千七百五两而辽阳等四道仅共分三万六千一百七十两乃广宁并此三万余两留用不发故节年少各道马价七万余两广宁固属大虏抚赏与各道相关而宁前开原又自有赏其广宁抚赏虏如黄台吉小歹青等仍犯抢宁前辽阳地方至

是巡抚李炳及按臣熊廷弼遵旨会议< 〇〇〇 毓-金 >请兵部再加酌议查照各边事例给发抚赏正项银两以济急用其年例马价查计五道马匹多寡定以万历三十七年为始从公均发专用买马备战不许广宁多分多扣那借抚赏则马价与抚赏判断各道与宁判断戎马充实而夷虏亦不致觖望矣未报

○己丑荫故太子少保吏部尚书严清嫡孙严昌祖入监读书

○庚寅廷试天下岁贡恩贡生员李九经等共一千四百三十一人

○时虏酋狡儿免歹青等聚众数万住牧烂蒲河意犯辽阳按臣熊廷弼拟留总兵王威以原官统领自己见在战丁驻防河东专听督臣调度以御西虏防东夷俟边情大定别行推用部如议请从之

○命御史张惟任两浙巡盐

○辽东巡抚侯代李炳循例类参上年夏秋河东失事官员守堡等官李廷柱等备御等官甯国胤等分别重轻究治章下所司

○辛卯户科给事中王绍徽因齐鲁燕赵旱灾条上十一议一额税之征不得俱累见在人户包赔一或发帑金十万赈济或照留本年应解内帑税银以二分充军饷一分赈饥民一平余募口易粟一劝富民以豢能活饥民数十百以上者授官予级一计户给粟令民自为粥糜不必假手以滋乾没一修西北边墙墩堡东南陂池水利俾饥民就役得值以贍一谕富室以余粟照依时价粜与饥民一守令裁革馈送供帐以示忧勤一非大辟不赦者令入谷免辟一慎选有司惩贪苛以惠民一责令有司曲意招集逃移使各复业倍与赈济银两所缺牛种官不能尽给则稍劝借于有力之家其种粒偿利

< 〇〇〇 毓-金 >入不报

○礼部以祷雨未应< 〇〇〇 毓-金 >请修省 上因谕百官曰旱灾异常 心深用徼惻每于宫中引咎责躬竭诚祈祷紧要政务次第举行尔大小臣工亦当仰体君上至意戮力同心共图消弥若彼此纷纭攻讦不已何名修省以后著各修职业凡有论奏俱候朝廷处分毋得争兢

○甲午户科给事中王绍徽言顷准抚李三才之被论也局内局外言人人殊而要之善毁者不能没三才之功善誉者不能掩三才之守而洁白之人殊啧啧不满夫朝廷之置言官主糾劾不主保举而今岂惟保举且群起而攻言官矣一言不合动辄排挤非王沈之奸党不以坐人非李赵之翻案不以构语劈空罗织讹言繁兴岂善良安枕时耶迹者风霾旱魃白日常昏蒙蔽之极已见于天象当此时尚不开诚布公分别黑白而共入蒙蔽之门臣窃惧焉臣常私论之王元翰之坏坏于参三才之坏坏于保盖元翰自朋比左袒者而外无一人不叱名配诋故郑继芳之参< 〇〇〇 毓-金 >足以死李三才则台省有惜之者台省而外亦有惜之者是是非自有定论而保者愈多则驳者愈悉至于动威阉竖而亦津津效颦则其品愈下故臣谓其坏于保伏祈 皇上大张 乾断简发参救李三才诸< 〇〇〇 毓-金 >敕下一勘以畅人心之郁而宣天地之和仍严谕南北诸臣各

捐成心共游大道有不转灾为祥甘霖立降者臣不信也

○补荫故左都御史吴时来男吴锡岱入监读书

○乙未兵部覆巡按直隶御史吴亮建议七款一修险隘以卫 陵京议宣大照昌镇规则兴工修筑边垣钱粮取于该镇额设盐课约修墙九百余丈费银四千六百两米四万六千石可以巩固根本永弥虏患一严界限以别华夷议设法远去守口夷人毋使习窥内地一酌入卫以裨实用议将蓟镇入卫客兵那移于别营内选择牡马随军入卫其不堪者估卖变银并草料贮库别购善马以给骑军一勤补修以省虚议边工不时验补又必十年为限方免追论庶无随筑随坏之弊一复守备以捍冲堡云州堡当四面要冲粮运隘吭宜复设守备一员统兵防御一移路将以便弹压杀胡堡为互市冲口议移中路参将驻劄无事则调停讲折有倣则指挥策应一裁冗员以祛占冒议延庆州城守备移充云州堡新增守备员缺其云州堡操守改于此州管理前务 上从之

○升江西巡抚右副都御史卫承芳为南京兵部右侍郎

○四川巡抚右副都御乔璧星以引疾兼闻言恳赐放归不允以张神武激变事为南御史王万祚所劾也

○留兵部郎中徐銓仍管部事从部久任优擢请也

○湖广武昌府大冶县蝗为灾

○丙申予故南京吏部尚书裴应章祭二坛造坟安葬仍赐太子少保其妻二品夫人曾氏并祭祔葬

○命甘肃巡抚周盘照旧供职从部勉留请也

○丁酉户科给事中徐绍吉因京师久旱请发参救李三才诸疏从公勘处言李三才被论半载参者什一保者什九始而马从龙金士衡持平之说犹为中论近而刘国缙等申明台规之意更见与情柰何南中诸臣疏辩不已也岂台省原为保举之官三才竟成修洁之品宇宙清明之气可一旦晦蚀若此惩贪之法固初最严二百余年吏治民生皆赖之不意今日大臣且不讳贪台省可以明庇贪说者谓诸臣保救三才为其曾弹旧相沈一贯保护沈鲤郭正域耳夫舟师郭柁四面占风臣不敢为往事逆诈但一贯揽权纳贿沈郭清正自守当时泾渭太分遂成倾陷三才嫉一贯之奸谋而不励沈郭之清节诸臣又不操本穷源相提互证第庇贪踵出荧惑人心而 圣旨候处之说有妨 乾断故辄补牍以备修省之助疏入留中

○戊戌命右春坊右谕德兼翰林侍讲赵用光为正使行人贾熙绩为副使捧册封肃府铅山恭庄王缙馨庶一子绅周□□为铅山王礼科给事中张凤彩为正使行人崔涓为副使捧册封周府京山昭宪王在铎长子肃沛为京山王汤溪恭安王在銓嫡一子肃济为汤溪王原武温穆王朝瑜长子在金□皂为原武王并举人马从龙次女马氏为原武王继妃礼部添注员外吴邦相为正使行人李春茂为副使捧册封代府和川端简王鼎金□亥嫡长子鼎□□水里为和川王恩荣官郭邻次女郭氏为和川王她户科给

事中韩光祜为正使行人李若圭为副使捧册封襄府兰阳王翊镐所选生员周元鼎长女周氏为妃右春坊右谕德兼翰林院侍讲何宗彦为正使行人桂绍龙为副使捧册封楚府武岗王华增所选原任河南仪封县知县梅开先嫡一女梅氏为妃工科给事中李瑾为正使行人张国祥为副使捧册封韩府建宁王郎鎮所选苑马寺武安监军余章继先第一女章氏为妃左春坊左谕德兼翰林院侍讲蒋孟育为正使行人涂万石一体给赈各省抚按等官仍多方计画便宜措处共拯民穷所有罪赎银两尽行买穀济荒不得那移他用四川福建水旱特甚亦准留三十八年春夏二季税银给赈朝廷于小民体念周至为百姓者俱当安分守己挨度凶年如有乘机抢夺聚众为非即系乱民法所不宥著各地方官禁缉惩治毋致蔓延故谕

○三十八年北直隶宣大等处山东河南陕西数省春夏二季税银 上谕仍留解部赈济饥民从通湾太监张烨河南带管陕西税务太监胡滨山西太监张忠请也

○予原任都察院右都御史兼兵部右侍郎郭子章父郭元鸿照例祭葬母萧氏列名并祭

○湖广武昌府崇阳县风霾昼晦至夜转烈损官民屋木无算

○壬寅赐西洋国故陪臣利玛窦空闲地亩埋葬

○升延绥镇静游击杜文焕为宁参将

○湖广郧阳府竹溪县骤雹为灾

○广西巡按吕图南以全省无一司道庆贺表文< 銙-金 >乞如三十六年陕西布政司例首领官代赉因言备官以事备礼以人今日官联不备典礼代将虽出一时偶值揆厥所自皆以推补之难与赴任之缓也随推随下则难者易简书在念则者速何患礼不备而事不举哉礼部覆暂如议俛二司官续至仍令速赴阙以隆大礼不得借成命为解报可

○贵州永赤地方雷风雨异甚俄暴雪形如土砖至夜方止房屋坛庵等片瓦无存田禾悉深入泥

○燕河路营军家生小猪一身二头六蹄二尾有气不能食乳

明神宗显皇帝实录卷之四百七十终

明神宗显皇帝实录卷之四百七十一

万历三十八年五月乙巳朔

○丙午夏至 大祭 地于 方泽遣公朱应槐侯陈应诏都御史孙玮侍郎萧云举各行礼

○部奏辽虜自长定堡得利垂延辽阳乘辽河旱涸易渡聚众烂蒲河等处督抚按道诸臣戒严坚壁清野适西兵三千以援辽至猝搏战虜奔然犹近屯图逞东援兵马势难遽撤督臣王象乾议将援辽官军月粮料草即于未募新兵内支给庶几转输不烦蓐食有及部覆得旨虜贼屡犯辽左各官能奋勇堵截劳亦可嘉准候勘到日量叙余如

○金吾左卫纳级指挥胡楫捐赈五百两助赈 上嘉之

○辽东巡抚候代李炳类报河西节次失事有功官员指挥等官黄旨诏等重轻降治革任加衔副总兵赵绅问革游击于守志免叙游击等官郎名忠等纪录死事千总王兰住孙应选优叙升荫章下所司

○辛酉复除河南道御史汤兆京 ○癸亥河南贼首陈自管田自福就擒余党角口羊散至是本省巡抚李思孝请发帑赈济饥民以消盗心 上嘉纳之且軫念岁荒多盗令该地方官加意防备

○初四川巡抚乔璧星请申明州县卫所衙门谒见礼节及公事审勘法体以便遵守章下部覆言朝廷建官文武兼设各有一定之分表里相维自有一定之礼礼者防也非防则日趋于卑未有卑之甚如近日文臣之于武弁者毙所自始不过摄权于考注降心于摘发丐剪拂以博荐剡异吹嘘以绶章绶一屈不伸创而成例遂至拘系鞭撻之视如奴隶安可无礼为防也历查 大明会典及官制州县与卫所衙门谒见礼节多所不载惟洪武二十年定文武官公聚各依品级序坐资品相同各照衙门次第即此可仿佛谒见之礼节矣大抵无相临之分者自难责以相临之礼至勘问一节法虽难假例有散拘罪或难宥条当奏请以后承问官不得概同齐民非礼凌辱以自伤相维之体其武弁亦不得因此申明遂尔桀傲自速累也 上是之

○赐故巡抚延绥右佥都御史孙维城照例与祭一坛四品未经考满例无祭兹以建有军功殒身官次从部请也

○金川寺演化禅师坚藏利差都纲头目用虫坚藏等贡方物赐宴及赉段绢银钱有差

○南京户部尚书郑继之< 疏 >议改折应天高淳溧阳溧水三县每年额解太常寺黄豆二百石因牺牲牛食輒病热改用藜豆其黄豆虚积日久耗蠹议自本年始黄豆每石折银五钱又凤阳留守等九卫岁额角口羊米麦共六万七千余石上纳各仓查官军俸粮本折各半岁不过六七万石尚有庐凤淮杨所属民粮十余万石抵支量入为出亦自有余其前项米麦冀如寿毫卫所永折事例改折每米一石折银三钱五分每麦一石折银三钱十年不足另议部覆诏如议行

○命成山伯王国柱承袭祖爵

○乙丑初陕西番夷私盗官马西宁参将张应悉众抵巢裨将李希梅死之巡按御史侯执蒲劾张应学贪功愤事宜革去功升实授二级永不叙用严师旅等杖革该道马朝阳节制不严量加罚治李希梅如阵亡例升子一级世袭思各迷等番设法馭剿动在万全从之

○简讨雷思沛引疾乞归许之

○起原任参将刘宗汉为建昌路参将

○升台头营中军王藩为义院口守备

○丁卯河南佥事董光宏为本省右参议河南右参议李文芳户部郎中王聘贤俱为贵州副使文芳清军兼分守安平道聘贤分守新镇道南京礼部郎中吴文英户部郎中周崇惠俱为贵州佥事文英专理清军崇惠分巡思仁江西副使沈蒸为本省参政提学副使蔡增誉为本省参政兼佥事

○是日工部左侍郎王汝训卒于官赠本部尚书仍与应得祖父母及本身妻三品考满封典荫其继子王国楷入监读书照例祭二坛造坟安葬议谥汝训山东东昌府聊城人由隆庆五年进士初授元城知县历升浙江巡抚触忌权豪被讦听勘寻复原职起南京刑部侍郎调今官通籍垂四十年为司空者二载以直道敢言清卿开府两左其官至清介尤甚卒之日孤而贫四壁萧然士论共痛仰之得谥恭介真无愧云

○戊辰升山东右参政梁有年为河南按察使

○户部员外王家宾管临清钞关以本关税径赍保定巡抚赈济议扣留今岁通湾春夏税银抵足部劾其擅并请转咨保定巡抚即将前项银两发回临清钞关照数类解户部转发济边得旨地方已有赈济此税银系济边钱粮着发还照旧解部王家宾不行题请擅那关课作何处治尔部明拟具奏

○命御史马孟祜河东巡盐杨师程长芦巡盐

○己巳故事大同人卫官军马匹凡遇倒死在薊即于各军内摊扣并追桩银补后指挥使高承恩游击高捷等率军赴薊入卫于陆续倒死马匹乘机科歛营军七百余金被告审实承恩永戍高捷依限完赃免戍立功其余徒杖有差都察院并议后此入卫倒死马匹如已至薊照每匹原价除已追桩赃并截日扣贮粮草银外所欠价计军应扣银若干明立文案移文住卫处所部道衙门即行扣寄在库或月或季该营另文差官带领倒马军士赴道挂号户部领出前扣银两责限买完马匹解道印烙所省余银记存后用按次扣如之得旨如议

○命云南茶甸长官司土舍普延龄四川右耶涸长官司土舍杨先都俱袭授祖爵仍不支俸

○庚午 穆宗庄皇帝忌辰遣官祭 昭陵

○巡按河南御史曾用升议积仓穀以备缓急< 足 铨-金 >言有司自理罪赎岁令纳穀上仓备赈原有常额何迩年一遇灾伤动称不足良繇往例春夏穀贵则积银秋冬价平则积穀有司虚报祇为故事其不肖者并秋冬亦借积银自润查盘移抵有名无实倘水旱倏至束手坐困今宜一切赎缓除司道原额济边外余尽纳穀备赈有力量免其稍有力准免工价三钱五分为犯人余穀盘运之费积过仓穀登记备查此后有仍前折银罪外加罚及不实奉行者即以赃论该抚按官指名参奏部覆得旨如议实行

○起升原任右布政谢诏为湖广左布政使 ○复起原任副使沉子米为贵州副使

○升山西副使秦大夔为陕西参政

○辛未起升服阕原任兵科右给事中吕邦耀为吏科左给事中

○壬申辽东巡抚侯代李炳及巡按山东御史熊廷弼奏劾庆云游击林宗舜遇虜围猎闯入旧界又禁绝烽堠任其往来乱夷夏之防坏斥堠之法宜革任回卫报可

○贵州巡按冯奕垣奏劾站军李邦举升本卫实授百户三级世袭阵逃总旗尤尚国升今卫副千户三级世袭皆假功宜亟究治章下部覆二弁叙升以先后按臣平播核功及覆勘二印册为据如御史言合无行彼中按臣查当日原册有无功次勘鞫自明仍解本犯起京送法司审验因言武臣效力策勋其大小功次详载内外黄选而尤严妄保官揭黄之例者以汗血固难泯而名器尤当重也今叙功并升之始反不载此例夫朝廷命将出师设有监纪当其露布以闻不过定首从计多寡验男妇防诈冒耳乌合出身始末谁则知之迨至按院查核抑且信军前为实录稍汰冒滥大都而已若本部武选所藏试百户以上黄选可考总小旗以下则黄选不载是以假冒踵告今后注为定例续入邦政其以军舍叙升者无论以小旗总旗报功者俱繇本卫所保结前来一如袭替舍人规式申文本省院道本部验有按院查核无碍字样方与题升不然概不与叙 上是之

○左军都督府佾书掌府事成国公朱应槐卒 上为辍朝一日仍旧年劳之例子祭五坛造坟安葬槐于万历辛卯授勋卫侍卫辛丑承袭祖爵八载佾书兼典禁兵屡侍圣驾继掌府事者几二载颇称恪谨无讐尤云

○荫故尚书何起鸣孙何思恭入监请书

○起升原任江西都司李大生为广东都司佾书

○以山西行都司佾书张承爵为本司掌印

○癸酉遣司礼监祭 中霤之神

○吏部劾吏科给事中姚士慎径行离任得旨降二级调外任用

○升宁国知府金励为江西副使

明神宗显皇帝实录卷之四百七十一终

明神宗显皇帝实录卷之四百七十二

万历三十八年六月甲戌朔兵部尚书李化龙奏定长定堡失事之罪先是去岁腊之二十八日虜犯辽阳以四枝进枝不满千寅至边填壕穿墉卯入辰抵屯散攻各屯每屯仅一二百骑是时虜在西官军故向东南偃旗息炮虜益无忌克略屯堡共二十四处杀略躡死人口一千五百有奇掳去马牛驴骡等畜二千九百有奇杂粮二千七百石有奇其他物器无算虜饮酿酒皆醉归载重行缓墙口隘出又甚迟然卒使日西自去边将匿不以闻山东巡按御史熊廷弼至堡亲勘尽得其状参奏协守副将佟鹤年提勘参将萧如蕙游击张昌胤王绍芳观望不前充为事官戴罪听勘分别议处分守东宁右参政谢存仁重加罚治镇守总兵王威巡抚李炳总督王象乾并应量罚得旨虜贼窥边先以有报该镇各官如何全无妨备及至入犯不出御战去又不行追截遂使人民惨戮至此览奏朕心惻然失事官当尽法以处其抚镇该道官俱参究以闻近来法令不行人心玩

惕以致边事废弛生灵受殃欺隐成风牢不可破朝廷添兵处饷尽皆虚糜深可痛恨该部其仰体朕心作速议拟大加惩创振刷以儆将来毋得姑息时兵科给事中宋一韩等随< 銚 銚-銚 > 纠参且言抚督亦当并议以为边方大吏之戒章并下部部于道镇抚督止如按臣拟薄罚一韩等以旨严议轻引律驳奏 上仍令重处部议鹤年提问正法昌胤等分别革勘存仁革职听勘王威革任回卫李炳回藉王象乾罚俸半年报可至是复据巡按勘以覆佟鹤年如临阵退缩律监候处决如蕙绍芳昌胤应援不早各杖惩蕙芳仍充为事官戴罪防御俟有劳绩方准题复冠带昌胤合营请战罪稍减罪完日改拟别用谢存仁收斂不豫依不及例降级调用 上曰佟鹤年既不出战又禁人战视临先退情罪更重本当即斩姑如拟牢固监候处决如再夤缘希图展脱即杀之谢存仁姑准降调以后地方失事该道官扶同隐匿者重处不得偏护其将领怯懦者即正法余如议

○丙子大学士李廷机乞归已百余疏至是以久病加痢势难苟延先于思善门外叩头口息仍赴文华门上疏乞放得旨览奏知卿病尚未瘳又兼入暑失调扶掖具本亲奏情词愈恳朕心惻然岂不体念卿为辅弼股肱但天气暄热宜慎加保爱仍遣太医院堂上官诊视卿还善加调摄以慰朕至意

○起升原任福建漳州知府李守约为南京光禄寺少卿添注

○调五军二营参将杨茂春为马阑路参将宽奠参将壬果为延绥宁塞营参将

○升月口章腊游击何奋武为宁夏灵州参将

○起升原任界岭口守备杨宠为河间领军游击

○升桃林口守备徐相为宣府东路游击太原右卫指挥张性征为大同镇门堡守备榆林卫百户冯洪为陕西岷州守备海州卫指挥盖福为辽东东昌备御

○戊寅大学士叶向高以热审已过常期催请刑部掌印官不报

○升江西副使洪佐圣提本省学较江西参议胡廷晏为本省副使兼右参议

○赠故巡抚保定都察院右佥都御史赵耀为右副都御史

○己卯左府佥书黄冈引疾乞回籍调理许之

○复除原任尚宝司司丞高务观原职原任福建按察使徐成位为河南按察使原任浙江副使刘大征为贵州副使

○是日陕西延安府宜君县雨雹为灾

○庚辰 上以天气暄热命法司录系囚无干证者放徒流以下即减等拟审发落重囚情可矜疑并枷号者详具以闻

○辛巳兵部尚书李化龙言西路水泉楼子营草垛山等处冲险业经部覆奉旨脩工间今据督抚按官题称天旱水涸瘟疫相仍今岁应包前顷边工及寇家梁未完之工时值饥荒相应一体暂议停止总俟豊年并行补修其散工军壮工食行月粮盐菜银两应扣者查扣贮库待修工之日支用施行报可

○兵部覆巡按陕西御史穆天颜八议一修屯堡以保边民野栖窟处之杀掠一杜

开衅宁镇山后诸酋久已受款跳梁独银歹二部耳僿不顺逆聚施捣巢衅隙一开得不偿失近时无端出塞暗打帐房之令不宜輒行一禁厉役将领不得驱边军塞外为已经营或采办方物与输纳月钱等事不悛者廉实坐赃究遣一革私市西镇大小二市自有额期以及违禁等物擅自通市使汉虏情熟则奸宄或以交通利器示人则长技反为虏用不有严惩将酿大患一清冒粮自大帅守将以下有敢以虚丁冒粮者轻则参革重以侵盗边储论辟一稽战马秦塞易马于番虏以给将士备骑战茶马之法甚具马价之费不贖近将官转市影射多为利藪合申严禁令以后官马毋得私鬻升任毋得擅带查验倒损务从严核一核首功不许斩幼弱妇女充数及身不履阵而买功冒级至彼此争功杀越人以为虏首一经发觉即当依律即时抵偿以雪冤愤一禁游客干求以后将官有受纳此辈者按臣访实即以夤缘参论罢职不叙得旨如议仍命实行

○顺天巡抚兵部尚书都察院右副都御史刘四科卒四科陕西汉中府紫阳县籍泾县人由隆庆辛未进士授长泊知县历至今官

○壬午命右军都督府佾书彰武伯杨世阶掌左军都督府印

○起升原任山西副使丘度为太仆寺少卿添注

○升大同平虏卫守备张安为山西都司佾书

○甲申简讨韩文焕引病乞归许之

○赐丽江府土知府木增加三品服色从其请也

○乙酉升原任翰林院编脩邵景尧为国子监司业

○升山西潞安知府张廷相为福建副使 ○南京刑部尚书李楨引疾乞归上优诏不允

○升吏科给事中胡应台为兵科右给事中礼科给事中周永春为工科右给事中刑科给事中张国儒为吏科右给事中

○起升原任翰林院编脩顾起元为南京国子监司业

○升太仆寺卿张養志为通政使

○复除原任御史陈宗契为浙江道御史

○升南京广东道御史王霖为山东佾事广东佾事马时可为云南右参议

○丁亥巡按陕西御史侯执蒲 < 足 毓-金 > 言捣巢之事有可行有不可行者捣巢之功利于将官不利于边疆如红永以西甘凉以北咫尺即虏我捣一番便远徙一番而邻边村堡得以徼旦夕之安如是者可行唯河州去归德七百余里归德去虏巢又远中间住牧皆番族邻河之番迫于虏而胁从者遂亦为虏我兵一出玉石俱焚捣者既非深入之人而剿者又多无辜之辈如是者不可行然明知不可而卒行之者文阶武功非此不叙录耳而将领希觊尤甚故诈冒尤多间遇师出纵家丁刁抢军功因以为利坐名止云家丁得升便是子弟虽经驳正总属虚冒且有三十五年已罢官三十七年仍领赏功银二千四百两者彼随任家丁不过三十名此非夺之军丁而何更有割乞儿头携带

出边归云贼级则捣巢之弊可知况以捣而挑衅速祸也利归于将害贻于边于国万万不可又言河西之西宁河东之河州密迩虏寇当增兵饷今西宁款而州利为甚查得西宁归得两地例应互援则相为犄角固以壮我之势亦以分彼之力也倘虏受赏于西肆掠于东我顾自为町畦而秦越视之河归之势孤矣为西宁者不得以款而缓应援章下所司

○先是四川乌撒军民府云南下禄哲之妻实卜与其夫第阿哥二人率众归顺故授实卜以乌撒土知府授阿哥沾益土知州其后此绝彼继通一家万历元年沾益州女土官安素仪无嗣奏将土知府禄墨次子过继本州即安绍庆也已而禄墨及长子安云龙与其两孙俱故安绍庆奏欲以其次子安效良归宗仍袭土知府安云龙之妻陇氏即镇雄女土官者氏之女也陇氏以云龙虽故尚有遗孤且挟外家兵力与绍庆为敌而绍庆则以陇氏所出明系假子亦倚沾益兵力与陇氏为难彼此讐杀流毒一方以致土民连名赴奏事行两省会勘历十四年久不结本年安云翱奏称陇氏有子官保今已长成效良倚父兵强图谋篡据杀戮无辜又引川南道参词以禄哲之子孙尚众乌撒之宗派甚明绍庆既已出继明有一州暗袭两府极言效良不可立者四事至是兵部覆言勘之说有三一办陇氏子之真假二查安氏族之亲疏三察土司民情所向背限本年终具奏毋延缓及各偏执启衅若安效良序虽当立果有不遵王法兴兵劫虏往来云贵大道擅杀民命等情则亦不宜附庸以翼借寇以兵宜议剿得旨令该抚按官勘明具奏

○升弘农卫指挥王家栋为汝州守备

○山东德州平原禹城齐河蝗蝻为灾

○庚寅 睿宗献皇帝忌辰 奉先殿行祭礼

○命前军都督府掌府事宁阳侯陈应诏总督京营戎政

○辛卯以雨泽沾足遣官祭各 郊坛并 龙王之神 ○礼部署部事右侍郎吴道南奏我朝用人所重莫如制科而最重者尤在馆选盖以充侍从而备顾问秉文衡而培揆席俱于是系非聊侈清华之秩已也曩以馆职员数渐多奉有间科一选之旨近科道相继< 〇〇〇 〇〇〇 〇〇〇 >请俱谓馆选不宜隔科而据吏部等衙门办事进士朱彩等又以考选事呈部臣思真才不隔科始生良法岂因噎废食故博收于今斯可待用于后且查嘉靖十一年春亦曾议罢馆选矣九月又诏选庶吉士不嫌前议之倏更正见 圣心之无我则 皇上虽有成命似不妨于反汗也惟 皇上念俊乂之盈庭思储养之贵预准令今科进士照旧考选仍谕阁部大臣悉心精择视每科所选所留更为加毖国家收得人之用而輿情幸甚得旨新进士给假告病已多今复议选馆是否妥便令吏部查明见在人数酌量具奏 ○壬辰吏部以太常寺少卿侯庆远巡按宣大御史吴亮南京户科给事中段然南京广东道御史今升山东佾事王霖先后擅自离任及三十七年七月宛平县知县刘日淑被论离任具< 〇〇〇 〇〇〇 〇〇〇 >参处且请酌议言有素望久孚地非要害迫于父母至情不得已而去者量从轻拟降二级调外任其有故假托及厌薄外转

巡方不候代者从重降三级调外任若要害地方径归者仍引律避难在逃论罢斥得旨将各官分别拟处仍命后有犯者俱依律罢职不叙部覆侯庆远身为射的段然怨结同官刘曰淑职司民社况被参处而皆悻悻长往当律以有故假托吴亮以巡方不候代论王霖以厌薄外转论侯庆远段然刘曰淑吴亮俱以原任降三级调外任王霖以升僉事降一级 上是之

○命兴安伯徐汝孝承袭祖爵 ○癸巳兵部覆贵州抚按官胡桂芳等条陈六款其一兵力宜增者以贵州总兵标下兵不满三百平头思石二守备所部兵不满百也议该镇标兵增至二千以上二守备各增兵五百以上然后训练改观防御有备相应依拟然查旧抚臣< 硃 金 >内称贵州铜仁总镇标下有兵四千九百七十三名三十年新增兵六百名今云标兵仅三百数目缘何互异仍行查核务要声说明白毋得欺隐其一邻资宜借者增一兵必有一饷而黔土迫蹙饷难聚加今议以川湖之苗同为贵州之害欲于楚镇算蜀遵义各量拨兵五百共足一千以为黔用合无准行川湖两省如议协济或调额兵或输额饷各从其便其一同事宜协者兵事固有掣肘之戒而文武贵有同心之谊据议欲令该镇总兵官于该道有应会同者仍与计议停当然后行事庶得举动相闻议论相质允宜申饬以戒专恣其一信地宜严者楚蜀黔三省在在有苗治苗各有土司御苗各有营哨自法寝弛土司不能管束且与交通营哨不能御贼专习欺隐戎心用长今议通行湖北辰沅川东思石思仁各道将所辖土司定其封域所督营哨明其疆界倘有失事各查所辖信地明正其罪其土司若湖广之箬子坪五寨等司四川之西阳平茶石耶邑毒等司贵州之乌罗平头提溪省溪等司俱有责任如有桀骜不遵 明旨纵容恶苗戕害官民者许抚按官据法参奏其一首恶宜诛者凡苗众蜂屯蚁聚肆为寇暴必有一人为之纠合除恶务本不在宥杀合无通行三省后遇有苗患查系某苗为首于某寨宰牛集众该管道镇即举兵加诛不惟用力简易抑以使属苗无及侧之心而余党无旅拒之势其一激劝宜行者苗贼猖獗势同倭虜使夷方将吏不得比于边境叙录谁冒殫心力于毒淫深箐之间据议文职则思石思仁湖北辰沅川东各守巡道以下武职自总兵参将守备把总以下除有功特叙外若任三年内其所辖地方不受苗害者从优升擢略照边方道将例土司官能约束苗众三年不犯者与加衔赏赉其营哨以下官年终甄别以有无失事分别殿最有劳绩者题授守把等官是不专执治法而责治人鼓舞人心莫便于此报可

○甲午调辽东中左所游击高贞为辽东锦州游击 ○升宁夏广武游击江进诏为大同井平参将广海守备夏士昌为四川彰腊游击泛河城备御何世选为辽东庆云堡游击天津海防营游击关时献为五军二营参将蓟州守备周永延为山西平刑关守备大同前卫百户焦垣麻为大同破堡守备大同右卫千户吴英为大同守口堡守备指挥曹应登为蓟辽桃林口守备宁夏卫武举吕兆镇为甘肃右浪守备朔州卫武举刘誉永为大同平虏城守备武骧右卫镇抚冯应魁为宣府怀来守备

○乙未遣官祭 火德之神

○命官各省恤刑刑部郎中真宪时往浙江路一麟往河南员外熊鸣夏往广东梁维屏往广西林绍明往江西主事土之臣往四川刘泽深往云南郭之琮往江北史东昌往湖广钱中选往福建夏禹英往山东江和往陕西陆典往北直大理寺寺副马呈秀往云贵许事周光燮往山西

○丁酉固安县民卢学仁与妇张氏毆死亲父诏法司问如律

○旌奖枣强王府辅国夫人张氏并子奉国将军廷女口去节孝

○己亥 孝庄睿皇后忌辰遣官祭 裕陵

○庚子兵部覆总督两广兵部尚书今革职为民戴耀征黎善后四议一议增兵以固防御钦州界连夷地今既受创讐憾必深委宜设兵守御以防报复据议钦州添设陆兵六百名牙山添设三百名龙门水口添设四十名共足水兵八百名及查广之东山西山各参将中路守备统领官兵共四千五百员名目今地方宁平议于内抽减二营共兵九百名移往钦州内五百名割守州城百名哨守防城其三百名改为水兵发守牙山哨巡鳌头等处又查有濶洲游击原设水兵一千四百名专为防守珠池今珠已取尽盗亦解散议于内抽取五百名分割龙门水口等处且系珠池西界有警亦足应援是饷不加派而兵已足用矣至廉州府城滨临巨海东连日本西接交南原设仅陆兵三百名委未足用议增兵二百名就于该府廉州卫旗军精壮余丁内抽出五十名合浦县抽出精壮民兵五十名又召募新兵一百名与同旧兵合营训练防守遇警援所有新兵月粮于该司贮库各府州县旷饷银内酌量裒益通融支給一议设将官以重弹压钦州地方边海宣德初年设有守备坐镇后因承平撤兵止存一守御千户所旗军不满二百遇有警息驰报雷廉濶州俱离辽远虽星驰赴援不能及事今议将罗定守备调移钦州其廩粮杂役工食等项即以罗定二营额定饷银移支凡系水兵仍属濶州游击节制该游移驻白龙厂就近防守陆兵仍属雷廉参将节制该参将照旧驻割往来调度一议复峒官自相钤制钦州四峒僻居西境接壤十万大山习染夷风汉法难施 先朝设立土司给以印牌世守至国初易以峒长宣德年间叛入交夷嘉靖二十一年始复版图岁纳丁银屡年逋欠而峒中奸民往往勾夷为患皆繇峒长名位卑微不能钤束今议每峒设一土司就将峒长行广东布政司给与名色把总空衔割付如长官体统使之约束峒民不得世袭但割付给与该司予夺一经题请彼将挟以为重是该省无故而添二十四土司把总久之跋扈相仍据为世袭谁能禁之且中国奸民因而营充峒官设财役贫启衅生事有不容以不顾虑者一禁罢互市以绝祸萌钦州防城夷汉互市岁收额税银二百两第近年防商货物屡被劫夺商人遂移货城内夷寇垂涎纠众劫城实因贸易以为祸胎今议防城互市即时停罢仍严禁各处隘口不许私通往来但岭南夷汉互市其来已久今一旦遏绝彼既不得贸易之利将益逞其不肖之心固宜多方以禁缉尤必设法而戒严以上后二议合行督臣及广西巡抚衙门覆议是否妥便具奏定夺从之


亦不许改所庶官有一定衙门卫有一定员额矣一议武官军功诰命邦政条例初载武职非军功不准世袭其封赠事宜亦当比例加纳粟纳银等项若有军功在内扣算级数给与诰命报捷所升系一时勤劳查无授诰事例今后除奉特恩外有请给者即除去级数止扣算军功又一款武职由恩荫传乞报捷等项相兼致位通显虽无军功或先世有姻国家或本身竭力王事比与纳银等项升给者不同应得诰命亦照武功一体撰给虽系纳银等项进身又能自立军功三级以上与军功虽不及三级而恩荫传乞报捷等项次数亦多者俱准应得诰命其专以纳银等项进身及虽有军功一二级或恩荫一二次者以武功而计尚在旗役之例俱不准给若奉特恩临时奏请定夺夫武职严军功世袭封赠因之所以重疆场励汗血也非是则除去级数扣算军功载在初政甚悉迨后又有繇恩荫传乞报捷等项夫曰纳银等项则恩荫传乞报捷在中而后有恩荫等项虽无军功亦给应得诰命若然安在其为扣算也既云与纳银等项升职者不同又云虽系纳银等项军功虽不及三级而恩荫传乞报捷等项次数亦多者俱准应得诰命词属两可祇开侥幸之门法无画一致启滥觞之渐合无以后除奉有特恩者不论外其恩荫传乞报捷纳银等项一以军功扣算其非军功及军功不及三级以上者俱不准封赠庶乎典慎而人知重典功严而人亦知励功矣得旨如议行

明神宗显皇帝实录卷之四百七十二终

明神宗显皇帝实录卷之四百七十三

万历三十八年七月甲辰朔孟秋享 太庙遣英国公张惟贤行礼

○户部尚书赵世卿言顺天府臣王国按臣乔允升欲将现在应发赈未悉照京估折价于所属搜括动支将三十八年应解部饷留抵议以江南来岁运米改折谓臣部之额解不少而江南又得改折之惠也但留米折价则可留饷抵搜括则非盖军民大事难以迟至一年且江南改折动关漕计未易轻议第据奏三吴财赋之地重罹极大水灾则江南来岁改折非独为今日北直计亦所以为江南灾荒计合无依议每米一石折银五钱除顺天照旧运米外其在畿南六府共该折银七万五十两姑于所属搜括银米先行赈给仍听应天抚按酌量目前被灾重大州县即于应用漕粮改兑数内查照上仓正粮共折一十五万石徵银完日移会畿南抚按差官自领取用抵今年搜括所属银米之数如无改兑方折正兑其随米蓆苇板片等银照旧徵解太仓作正支销至于通仓应发赈米照常存贮就抵江南次年应纳正数此属一时权宜不为例 上是之

○户部覆阅视关臣金明时〈 疏-金〉四事一查复经制以裕边饷永镇每年额饷银三十七万八千一百七十余两臣部遵行题给无敢踰越惟去年溢额银二万六千两系兵部以出剿赖蟒等酋于额外题发军兴衣械马价银内动支另项消算事宁即止无与户部关臣据此为言耳但目下钱粮耗乏凡边镇遇有军兴不能必无溢额且种种侵冒颇多今后各镇粮储衙门听巡关御史严加查核一议免屯粮以恤贫军保茂六卫屯粮先年收贮州县以俟臣部支給者谓各军屯地或殊多寡又或岁异丰歉徵于官

而还给之斯人有见粮即入得宿饱自债弁侵克以致厉军病国今依拟将保茂六卫原有随军地亩及应纳屯粮各若干清查册籍如各军岁支月粮数免给本军若地多浮于数者除免外仍令上给地少啬于数者本身不足补以屯余人给印帖令每岁免讨其或有别顶补绝军未种屯地者查出原地揽种与租典之人即令退给应军者无得隐占其应军者即将屯种免给如前若荒鹵不堪不愿承种听该道府酌量议处详报本部以凭劄行粮储遵照施行一专官散粮以清侵冒每遇散粮选委廉干管粮有司一员同该营将领先将该管兵马调齐清查册籍总计若干各照队五每十分汇为一封按册逐名点验查无顶名逃故影射情弊方与给散有即扣除留贮其一时不到者查系正身别无躲闪许委官处销名补给毋留难使各役需索使费至应扣钱粮收明登记随召募顶补无令行伍久虚有于正项薪水外指称科歛事发听巡按御史指名参究委官容隐者一并参罚一量移月粮以恤戍兵涿兴四卫军士轮番往昌镇右车营修守春秋防共五千七百九十九名两防计六月除日支行粮在彼支用外该折色粮银共七千六百五十六两旧例原支领于易镇今因自昌至易程途穹远关领愆期无济缓急议将岁解易镇前项年例银两照新例班军名数于内扣定改解昌镇收支其歇班军士月粮并六十月本色米豆仍易镇徵纳支领盖上班移饷就军下班还军就饷事属两便但该阁御史议昌镇右车营原设官军五千八百员名于内抽拨八百名仍属涿州守备事摆堡余五千员名分为春秋两班则春班二千五百名每名月粮银五钱二分比初议减去四百名该减去粮银六百二十四两止该三千九百两秋班二千五百名每名月粮银三钱六分比初议减军四百名该减粮银四百三十二两止该二千七百两两班共该六千六百两比原议剩银一千五十六两相应归还易镇听给前项应留摆堡各军月粮之用留中

○命刑部郎中王玺往关内舒应凤往江南主事李献明往关外主事王家祯往江北各审决

○乙巳兵部尚书李化龙言边疆多事秋防申饬请严饬各边在事诸臣务以朝廷封疆为重毋以去留久暂异心兹岁秋防以后一切功过倍加甄别保障无虞即去任必为优异一隅有失即事后无逃显罚仍合申明久任之例诸边督抚镇延等官有功不妨加衔细过毋轻易置非积阅甚深不议他擢即重大艰难毋许规避一切战守机宜俱实心料理随事整顿应奏请者奏请应径行者径行务裨外攘内安不致临时疏失如各官仍以虚文塞责及怠玩废事者在外听抚按官在内听本部科道指名参究从之 丁未仁孝文皇后忌辰遣官祭 长陵

○命御史房壮丽巡按苏松御史王孟震巡按辽东

○己酉升户部主事张涛为光禄寺寺丞

○山东巡抚兵部右侍郎兼都察院右佥都御史黄克缙以九年考满例应解任乞归以全进退大节 上优诏不允

○互调威武堡守备姚应元靖边营守备盛以彰

○升工部主事刘一鹏为郎中管夏镇等闻 旌表节妇六人宁国县民葛廷辉妻汪氏仪真县民顾宠妻杨氏太仓州武举宗时妻章氏靖江县民孙德妻韩氏蒲县生员曹时动妻冀氏长兴县民李大韶妻钱氏皆夫早亡或甘贫抚孤或无子守志各扁其门曰贞节烈妇八人卢龙县生员侯王臣妻李氏开州民郑名妻高氏密云县舍余胡允怀妻周氏清苑县生员邵址妻刘氏宛平县锦衣官舍王思宗妾龚氏高阳县生员李跃妻马氏寿州民黎大祥妻李氏皆殉夫或雉缢投流或断餐立稿华亭县民许复初女许氏因夫严正容嗜赌嗾诸恶少逼奸自办烈女二人任县民李日茂未婚妻刘氏闻夫讦饿死赣榆县民卜息未婚妻齐氏闻夫遭溺亦赴水各扁其门曰贞烈

○辛亥命御史王以宁巡按广东御史姚鏞陕西茶马 ○陕西巡按侯执蒲勘上甘肃文武功次前后斩馘一百四十有五夺获器畜二千五百有奇愿升冠带等官张应举等四员愿赏军丁谢天林等三百一十名各营领兵官部下获功指挥同知等官孙本立等四员叙录千总指挥使等官周宗启等一十四员实授一级百户顾恺实授二级其余功并不及数者指挥周宗启赵宗祝千百户张洪烈王益各给赏有差前甘肃副总兵官秉忠首叙甘固管粮户部郎中王聘贤并叙左布政使李楠优叙甘肃巡抚周盘优异章下所司

○苏禄国恭定东王五代玄孙安守孙等< 錡-金 >乞复原粮七十五石后虽生齿渐烦止于数内通融且言乞照西番回回朵思麻等进贡狮子加世袭都指挥故事亦得荫如之其俸即于原给男妇幼子五斗粮内坐改官俸跟随人役亦不外派即于原拨三姓坟户听所使令以便随州祭祀先是永乐十五年苏禄国王尸都噶叭塔喇率眷属与陪臣国人来朝赐宴赏并印章封以王爵伴送回国秋至德州王卒讣闻遣官营葬于州城北赐谥恭定命春秋祭长子都麻合还本国袭爵留偏妃葛本宁次子安都禄等及陪臣国人守其墓行户部于德州常丰仓内照孳生男妇每名口月给廩粮一石布钞等项即拨历城德州三姓回回供其役准免杂差仍御制碑文勒石万历二十一年五月德州管仓主事张世才虑生齿日烦难继奏裁去前赐米六十六石止存九石故安守孙等今以为请不报

○壬子起升湖广副使曾皋以患病未痊加升太仆寺少卿致仕从吏部奖清恬请也

○升蓟镇游击颇廷相为石门路参将北西路参将张万邦为大同北路参将陕西游击左聪为本省洪水堡参将福建中路游击孙洪谟为广西浔梧参将镇城游击姜弼为延绥清平参将威远堡游击达奇为甘肃庄浪参将义州守备楚尚义为辽东左翼营游击抚顺城备御王应梦为辽东振武堡游击

○调补戚家堡游击邹储吴为辽东掌印都司

○升皇城把总李特华为涿州守备绥德卫百户杨奇勋为蓟镇潘家口守备靖虏千户李东为陕西永平堡守备西宁卫指挥柴时秀为甘肃宁远堡守备广宁卫指挥芮

勋为辽东大凌河备御 ○癸丑礼科右给事中周永春等劾为民候旨郑材来京投揭毁挠赵用贤之谥宜送法司究问且言材父郑雒在宣大数载一筹莫展谥襄敏不当初营总督藉奥蒋遵箴为居间强女女之致妻苦死事与昔许敬宗女嫁蛮酋多纳其货者相类宜亦改谥为缪未报

○甲寅广西抚按奏劾南太参将贾祥部覆言祥大罪有三而需索赃过不与焉一妄报军情惊动汉土大违军法一率众擅入思明土府逼逐署官违听抚镇节制之敕諭一毆辱县官挟兵鼓噪擅放巡按访拏思明监犯张朝选蔑视朝廷如此跋扈凶人本法所不贯但以在任日浅姑革任回卫永不叙用 上是之

○丙辰 孝安皇后忌辰遣官祭 昭陵

○复除原任河南右参议毕自严为山西右参议 以中元节先期遣隆平侯张炳怀宁侯孙承荫西宁侯宋光夏阳武侯薛濂临淮侯李邦镇遂平伯陈伟宁晋伯刘天锡彭城伯张守忠襄城伯李守铎分祭 长陵 献陵 景陵 裕陵 茂陵 泰陵 康陵 永陵 昭陵 景皇帝陵中官祭 恭让章皇后陵

○丁巳巡按陕西御史侯执蒲以昌宁功次上闻计斩银歹二酋首一百一十六颗获功在事文武官员守备毛有伦李秉诚游击李隆参将王允中副总兵孙邦熙官秉忠分别叙赉甘固粮储户部郎中王聘贤并叙按察使祁伯裕左布政李楠优叙甘肃总兵柴国柱巡抚周盘宜优异章下所司

○戊午赐崇王翊< 金 爵 >照例祭葬从崇世子妃钟氏奏也

○大学士叶向高言臣自入秋已再具揭请 东宫出讲未蒙批发而各衙门章< 金 疏 >连日叠上其言皆极为恳切其忧深虑远尚有有不敢尽形之奏牍者臣窃以为天以之事凡有当行而不行必有说焉而后可以自解 皇太子七年不讲天下之人日求其说而不得微独天下人即臣备员密勿亦不得其说又微独臣即 皇上欲明告天下人所以不讲之故亦难乎其为辞以为烦劳而讲学非劳以为不当亲近外臣而外臣自劝讲外无他说以为别有难处而前此 东宫出讲典章具在又毫无难处夫如是则人安得不疑情安得不切其为议论又安得不多哉且非但 皇太子当出讲福王辍讲数年 瑞王年已二十读书进学已太迟此皆帝室之辅巩皇图而壮金瓯者可任其汗漫悠悠不以义理学问开扩其聪明哉今事窘势极不可复缓谨再择得二十二二十八二日皆吉伏乞钦定一日命 皇太子与 福王同出讲学仍敕礼部择吉具仪请 瑞王出讲其 东宫讲官臣谨另揭上请不报

○己未升真定知府刘洪谟为山西副使

○辛酉 成祖文皇帝忌辰遣官祭 长陵

○巡按陕西御史侯执蒲以海虏大举深入戕掠番族查参疏防官员任镇羌守备凉州卫功升指挥同知杨国珍照例纳赎仍于实职削降二级其应援将领原任凉州营副总兵柴国柱原任大靖游击王允中大松山都司王从谏均应优赉获功员役重轻伤

军丁分别升赏优恤赏过银两准令开销免行补发章下有司 ○琉球国中山王尚宁咨遣陪臣王舅毛凤仪长史金应魁等急报倭倣致缓贡期福建巡抚陈子贞以闻下所司议奏许续修贡职赏照陈奏事例减半仍赐毛凤仪等金织彩段各有差

○编修张瑞图引疾归许之

○壬戌补荫故礼部尚书潘晟嫡长孙潘志省入监读书

○癸亥兵部覆福建巡抚陈子贞防海要务数款一曰练水兵必惯历风涛熟知海道膂力趑捷技击便利而又兵不离船船不离信船工水卒入人足用安营出哨事事有法贵在抚镇严加较阅二曰禁虚冒沿海向来敝规总兵家丁寄名游寨每船或一二名岁输饷金以充幕府公用繇是自路将至总哨靡不效尤一船之内舵工水手曾不数人操舟尚且不给安望追锋破敌该抚镇衙门合宜痛加惩革三曰修战船水兵所依为命每年领官帑修费互相侵扣外徒饰观中实朽败大海广洋何处可用卒有警报輒拿民间渔船以载无论人与船不相习而接战攻击之具一无所有安得不临敌輒溃今后海上船只务要一一修船完坚随船战具俱要核实四曰习火器倭奴最精于鸟铳独大将军佛狼机等器势力雄猛为我长技宜通行抚镇将沿海战船合用火器逐一较验器必精坚使临阵不至炸损卒必服习使遇敌不至张皇五曰严城操御倭者御之海洋为上功登岸则为失策然边海万里流突肆犯逢岸即登今宜申严旧制凡府州县有卫所官军去处责成守巡道选委才弁严督操防无卫所去处则团练壮快责之有司诸司占役买闭弛废操备者治罪论列六曰慎委任一切名色中千总哨领兵者必世职及中式武举三科非此者不用或真有奇才异能则破格嵬罗亦不为过得旨倭夷变诈这防海事宜依议通行申飭遵守不得疏虞取罪

○兵部< 铳-金 >议柴直柴炭缺官银两先是柴直额徵七万余两仅充岁出之数后遇添注带俸官多时浮于入拖欠至二万二千六百两柴炭额派二万三千有奇万历十年二十六年惜薪司先后题增一万八千二百两部难加派议支缺官银协济遂沿为例乃缺官银两不以时解盖缺无定额数无稽查郡邑司道多易隐报那用至是部奏柴直柴炭银议严起解信参罚行省直将先年积欠数目勒限解完从三十八年后每年应解柴炭柴直银两务于本年四月内起解十月限完岁终通查除卫所官拖欠照例参罚提比外其柴薪欠三分上部将经承府州县参奏罚俸五分上仍照会典行巡按提问住俸完日方许开支于缺官银两议核隐那二弊各省直司府州县以后逐月扣缺直隶府限季终浙江等省限岁终俱将扣过多少官员应解银两若干尽数造册报部陆续起解武库司于解官到日收银簿上逐一填注年分每年将报册比对如缺漏报漏解或全无报册者隐匿侵那无疑本部将经承官员酌参罚治得旨如议且令勒限完解违者分别参罚着实行

○以工部郎中王命禹管理中河

○直隶巡按苏惟霖参奉差礼部员外王光经戕杀无辜行取台州府推官黄景星

贪殴驿吏得旨杀人殴官甚非法纪着该部参看以闻

○甲子河道总督刘士忠奏粮船六月初十日尽数过洪报闻 ○丙寅赐永顺宣慰司彭元锦加授二品都指挥使职衔给蟒衣一袭妻汪氏封夫人以其献助 大工嘉之也

○陕西巡抚崔应麒奏裁庄浪县训导一员改移镇远县儒学裁革静宁州泾州陆德县三所大使延安府并兴州各属甘泉平利二县主簿章下所司

○戊辰复除原任陕西佥事龙膺为陕西屯田佥事

○己巳敕遣分守凉州右副总兵孙邦熙挂印充总兵官镇守宣府等处

○庚午先是协守东路参将曹文焕怨该道高佥事清查占役核实抚赏因挑夷衅宣言讲赏且使家丁抢夺夷货致夷人哄动商货被掠一空抚按劾以挟私激变阻坏边市部覆宜革任回卫 上是之且命如再逞奸坏事令抚按官径行提问重处

○壬申云南巡按邓渼会同巡抚周嘉谟劾都司署永腾参将事周会指挥陈于陞马廷辅俱应革任提问先是陇川多安民以守将索赂背叛投缅既酋阿瓦听我宣谕将安民送归安民久据蛮湾桀骜愈甚周会素怯懦信奸人李朝选诡称内助轻调夷兵七千及官军三千遣二指挥于陞廷辅以进而已遥驻陇川百里外时缅目已归华线助守之兵已撤官兵两日克二栅我兵据高贼在下第周会不在行间各军进止无所禀承及蛮莫遣兵助逆指挥自溃会闻连夜奔入户碗又奔入杉木安民乘胜逐北多所焚杀故抚按交劾之至是部覆言周会轻举僨事罪固难赦抚道亦不能无责盖三宣六诏无非土酋辅车相倚狐兔共悲所恃镇压而誓服之者恃有朝廷之威命在兵法明其为敌贼乃可服安民虽系叛酋逃而复归牌印在手犹袭汉官名号僥谕不听抚不可即当明正其罪请行天诛若何以征讨大柄付之细人署将之手以军事为儿戏且土司不声罪致讨而轻兵袭杀僇一安民之事小使蛮落官长人人自危甚为非计今此酋已逆我颜行不得不诛为今计宜正多酋叛国投夷及不服抚处之罪以播告夷土善处土妇罕氏及土舍多安靖等示必得立以收拾江外人心仍遣谕阿瓦毋得复受安民投附以取 天朝征讨然后檄调汉土官兵扼险据要相机征剿动出万全其该道黄文炳调兵有檄难尽委于不知相应责令带罪管事俟剿抚结局并议功罪抚臣周嘉谟弹压一方节制在手道将之过亦其过西南自此多事乞 明旨责成与该道同心讨贼多安民敢肆悖逆该镇抚官作速计议具奏仍一面相机便宜行事务出万全以收后效

○授工部右侍郎刘元霖为资治尹以六年考满故也

○命云南广西府师琮州土舍珑有光袭祖职

明神宗显皇帝实录卷之四百七十三终

明神宗显皇帝实卷之四百七十四

万历三十八年八月癸酉朔

○乙亥朝鲜国王李瑋遣陪臣工曹参判黄是等贡马及方物庆贺 皇太子千秋

令节赐宴赏金织衣彩段有差

○礼科右给事中周永春因 圣寿引古麦丘邑人之祝请俞讲学行枚卜补大僚下考选起遗贤释忠系停罢榷徵賑济水旱诸事未报

○广西田洲泗城州各土官岑懋仁等各备银器香蜡差官族岑宁等赴京朝贡赏给如例

○丁丑祭 先师孔子遣礼部侍郎王图行礼

○是日秋分并祭 夜明于 夕月坛遣公张惟贤行礼

○革抚按京办吏典其各驿食剩廩米当即停止从云南巡按御史邓渼请也

○起原任听降参将刘国镇为游击管高家堡参将事

○命行九边烧荒

○戊寅 社稷坛遣公张惟贤行礼

○郟阳巡抚右佥都御史黄纪贤引疾乞归不允

○工科给事中马从龙言国家水衡告拙南北交困持筹者更无良策惟有调剂缓急裁郎冗费而已 大工采木一事议尚未定 明旨未下三殿工作杳然无期陈设者乃殿中器具耳必待工役垂成徐议未晚乃御用监把总张润泽题在三十二年而今又亟督之据奏不过佛龕屏风书阁数事即该监年例已自足用不必别需今派至数十万又预恬之数十年之前该监如此他监局必将效尤当坐糜几钜万臣请一切报罢以待殿工将完通查各监局所需汇覆至工部经费有条例一书系节年酌请钦依现今遵行稍有溢额臣科与工部得以据例驳裁惟系移咨南部钱粮漫无稽考在北部以职掌在南止行文移在南部以事繇北咨奉行惟谨而东南民力已竭于内臣片纸间矣宜令该部移文各监局查核据实以复本部仍查节年案卷移咨南部逐款详议以万历初年经费为准节浮汰冗定为条例上请仍刊为书附本部条例之末例所不载者该部每事看详应执奏应停止悉无苟从若已经行咨而事体难奉行者南部不妨明白再请更议留中

○工科给事中何士晋等以皇极门明年方向通利岁神协吉宜建< 監-皿立 >< 甬-金 >请涓定明春< 監-皿立 >柱吉辰庶已完物料不致摧残破冒不报

○贵州宣慰使司安尧民差长官蔡应富等以四马进贺 万寿圣节赐钞锭彩段如例

○刑部热审过情可矜疑等项犯人吴万宗等八十名口以请 上命免其枷号查照原拟发落释放

○己卯翰林院修撰张以诚等< 甬-金 >乞早命 皇太子出讲以重国本慰人心不报

○庚辰 孝康敬皇帝忌辰遣官祭 泰陵

○贵州巡按张尔基< 〇〇〇 毓-金 >请速正罪弁张神武周敦吉擅兵激变之罪先是永宁宣抚司藺妇奢世续与奢崇明争印妇印匿不出万历三十五年正月四川巡抚乔璧星遣都司张神武往追其印神武与镇守永宁参将周敦吉谋矫旨集兵突将奢世续新旧二居所有尽掠之得数十余万又俘奸其子女置印不问止擒世续归讯恶党阎宗传等以救主母为名各起夷兵烧劫杀掳永赤二卫普摩二所地方甚酷敦吉神武坐视不救顾杖请兵者以死本年巡按冯奕垣两< 〇〇〇 毓-金 >劾奏部覆得旨以二弁行川贵抚按衙门会勘明白具奏第永宁宣抚司与永赤二卫错处一城隶四川所辖事权两掣前此川贵各御史建议皆谓宣抚司宜改隶黔以便约束未决是以二弁会勘官蜀地黔二省互相延委几四年不结致城破军亡田无粮逋奢酋概未计产赔偿贵州生员军民等怨愤赴阙申诉胪列二弁罪状再奉旨张神武擅兵激变贻祸地方令革任并周敦吉俱行川贵官会同严行勘问其奏毋得遍护迨问官已集二弁抗不至勘亦异同不决至是尔基请严敕当勘诸臣秉公持正从长议处以结积案章下所司

○南京贵州道御史张养正参李三才可去之说有九亟请勘斥未报

○辛巳升云南迤东守备高腾汉为云南都司佾书南京小教场坐营吴三省为中
都留守佾书

○壬午 孝慈高皇后忌辰 奉先殿行祭礼

○朝鲜国王李瑋遣陪臣户曹参判郑门孚等贡马及方物庆贺 万寿圣节并贡表谢恩赐宴赏金织衣彩段有差

○升山西右布政使王邦俊为都察院右佾都御史敕遣整饬蓟州等处边备兼巡抚顺天等府地方

○德王常〇〇邦青〇捐米千石赈饥全活者众礼部请加奖劝得旨德王谦恭孝义遵训守礼兹又捐米赈荒益忠爱可撰敕遣官奖励有司备彩弊羊酒并立坊扁以示表异

○癸未 皇太子寿节免百官命妇朝贺及办寿面

○以 万寿圣节先期遣隆平侯张炳永康侯徐应坤阳武侯薛濂怀宁侯孙承荫临淮侯李〇镇南和伯方< 〇〇〇 火节 >宁晋伯刘天锡武平伯陈如松彭城伯张守忠分赴 九陵各行祭礼

○追封鲁府安丘温僖王长子寿金〇常为安丘王谥康懿夫人马氏为安丘王妃

○升靖虏堡参将杨桂为凉州副总兵昌镇左军营游击郑登云为神机七营参将武靖堡备御李应选为辽东镇江游击莱州卫指挥董与藩为福建汀漳守备榆林卫指挥孙显祖为陕西环庆守备

○甲申刑科给事中杜士全因 圣诞届期< 〇〇〇 毓-金 >请 东宫开读及卜相起废补大僚下考选释累臣及下镇抚司热审各< 〇〇〇 毓-金 >以为大德得寿之事未报

○刑科给事中彭惟成亦以 圣寿届期陈法 祖交泰至义十六则曰敬天曰圣学曰尊贤曰视朝曰储教曰容言曰召对曰立政曰用人曰勤民曰去谗曰甄别曰贱货曰好尚曰辟异曰推诚汇录以献 ○编修骆从宇引病归许之

○升游击李效忠为辽东开原总兵

○以南京工部员外李之藻管宝源局

○丁亥升登州卫镇抚左之武为永平守备

○原任南京尚宝司卿蔡悉进 高皇帝程子大学录报闻

○戊子铸给监督锦衣复成豹韬高平江阴等仓关防监督水兑一差二差各关防一颗

○己丑 万寿圣节文武百官诸王府暨天下华夷赍捧朝贡官员人等于午门前行庆贺礼大学士叶向高以辅弼近臣又诣仁德门叩头庆贺

○以 万寿圣节颁赐二辅臣各银五十两彩段四表里及讲官萧云举等二员有差

○辛卯寅时火星逆行娄宿五度五十分 ○甲午 宪宗纯皇帝忌辰遣官祭茂陵

○大学士叶向高以户部十三司官揭称尚书赵世卿病笃乞亟命他官署理印务因_■请命官代署仍许世卿之去未报

○丙申遣公张惟贤侯郭大成吴汝胤都御史孙玮侍郎萧云举祭 历代帝王

○遣太常寺官祭京师 城隍之神

○是日宣大总督都察院右佥都御史兼兵部右侍郎马鸣銓卒于官赐祭葬如例赠兵部尚书荫一子为环卫鸣銓繇万历甲戌科进士授工部主事历至今官銓虽起书生颇谙边事善筹画宁夏贼平銓之策居多及抚宣当虏酋五路入犯卒制之使悔罪就款具总督时驭班白二酋如五路力持卜酋兄婚而予封无欲速遗衅议更赓焉

○遣都御史孙玮祭京都 太仓之神

○遣太常寺官祭太傅于谦恭靖公姚广孝

○遣顺天府尹祭宋丞相文天祥

○给授工部左侍郎刘元霖为正议大夫河南巡抚李思孝为中议大夫元霖六年考满思孝三年考满故也

○己亥兵部覆太仆寺署印少卿吴华新马政六事一重举劾之权以肃人心今后巡行之日于各寄养种马有司按其职不职状从实论列分别议处二贮纸赎之积以赈贫民议将本管西路一切赎缓取寄宛平县库登报本寺及本府循环二簿互为稽查稍盈余即置义仓义田田所获贮于仓遇灾浸即行赈济至于正卿东路亦如之宜著为例责令

大明神宗显皇帝实录卷之四百八十一

万历三十九年三月辛丑朔

孝肃皇帝忌辰遣官祭 裕陵

○日讲官吏部右侍郎兼翰林院侍读学士掌院事王图以考满被言< 〇〇〇 毓-金 > 请罢斥不允

○湖广等道御史金忠士< 〇〇〇 毓-金 > 言今日行政虽有机务多端疏壅导流总在章奏一发盖引其脉则血气自行振其纲则规条自举特取年来大小诸臣所舌敝唇焦见为套论 皇上习闻熟见目为常谈者列为七款一曰储教一疏宜下二曰枚卜之< 〇〇〇 毓-金 > 宜下三曰补大僚之疏宜下四曰催考选之疏宜下五曰起废官之疏宜下六曰释累臣之疏宜下不报

○光禄寺卿赵健等请裁两殿书尽医局等官赏卓谓额派钱粮每年二十四万一千二百余两而费至二十九万九百余两已苦出踰所入而诸官于常俸供给之外一日常卓每月至以八九百计九属不经亟宜裁革

○壬寅 皇太子第五子四月初五日百日命名仪注如第四子仪

○宴乌思藏阐教辅教等八员入贡国师番徒蓄行坚参等四十五名

○癸卯辅臣李廷机乞去力疾赴文华门上< 〇〇〇 毓-金 > 仍诣思善门叩头

○署刑部事工部右侍郎刘元霖奏秋审决囚黔省路远不能如期且今岁奉旨停刑宜于明年另请定夺诏可

○以朱纯臣承袭成国公祖爵 ○兵部覆御史杨一桂查勘延镇万历二十七年失事总兵赵梦麟追赃永成李茂先勘明另议游击王学诗遣戍其未经查勘二次功级俱悉免叙诏如拟

○乙巳辅臣叶向高催发军政考选疏不报

○丙午河南道掌道御史汤北京陈送单始末参陕西道御史金明时

○戊申吏部尚书孙丕扬奏参御史金明时倡言要挟吓逃考察 上令会同都察院从公议处明时亦有两< 〇〇〇 毓-金 > 其一谓诸欲甘心于臣者造出要挟两字挑激曹于汴汤宾尹而曹汤二臣转耸太宰坐臣死地总之臣去年十二月一< 〇〇〇 毓-金 > 自树敌国酿此羗夷接轸之祸一日不去一日干戈不息恳乞速赐罢斥以谢诸臣其一谓道臣汤北京参臣十二月一< 〇〇〇 毓-金 > 为要挟夫太宰谓二月二十七日之后上< 〇〇〇 毓-金 > 乃是要挟逃察臣< 〇〇〇 毓-金 > 在三月以前其非要挟可知且< 〇〇〇 毓-金 > 中论列者即势焰灼天皆非主察之人又于何处要挟自拜< 〇〇〇 毓-金 > 以来四面受敌垂绝于雷霆万均之下惟愿蚤赐遣黜其词甚直俱奉严旨议处

○考选浙江道御史杨鹤< 〇〇〇 毓-金 > 请释放原任咸宁知县满朝荐不报

○己酉吏部尚书孙丕扬以年老< 〇〇〇 毓-金 > 辞温旨慰留

○庚戌辅臣叶高奏言天下知事弊而穷穷而至于极危极急无所覆之今毋论讲读补官起废诸紧要事一切停阁即兵部军政吏部考察已经发拟者亦复留中尚书不

宜下本处巡按将廷策照拟发落傅时等驳勘具奏从之

○丙辰大学士叶向高以南京刑部尚书李桢去繇真病似难过责因言十余年来大臣得请者百无一二至如辅臣李廷机部臣赵世卿皆羁留四载< 〇〇〇〇 〇〇〇〇 >至百余且廷机又屡次叩阁未蒙允放今尚书孙丕扬李化龙又以考察军政不下相率求去若复踵桢所为成何纪纲故欲禁诸臣之善去必先体诸臣之至情可留则留且行其言以安其身不可留则听其去明白裁断毋事虚拘则臣子之进退得全而朝廷之体统不失矣

○吏科都给事中曹于汴河南道御史汤北京江西道御史乔允升俱以挠乱察典参秦聚奎 是日以吏部尚书孙丕扬参刑部主事秦聚奎< 〇〇〇〇 〇〇〇〇 >及聚奎原< 〇〇〇〇 〇〇〇〇 >汤宾尹等七人访单发内阁看议叶向高言汤宾尹等既列访单自宜一处况七人中如王绍徽乔应甲岳和声皆转方面其所劣处不过三四人即有功过相准不妨再为叙迁煌煌察典二百余年无一人干犯至于宾尹等列名计典亦足示惩若复下所司穷治则茫无了期似宜只照考察处分惟亟下考察及年例推升各< 〇〇〇〇 〇〇〇〇 >庶人心定而大典光矣

○丁巳 上俞礼部请谥以王锡爵位居首辅功懋赞襄照例与祭仍加祭四坛妻合葬予谥文肃锡爵太仓州人中壬戌会试第一廷对第二才学为词林冠冕江陵谋夺情赵用贤吴中行< 〇〇〇〇 〇〇〇〇 >劾之忧祸不测锡爵为力角〇羊己江陵予假归佞者< 〇〇〇〇 〇〇〇〇 >请即召不肯署名未几江陵败则寓书朝贡为之持平其入阁也以朝廷裁恩泽士大夫重廉耻为第一义两召辅政最为国本调护功迨辛丑冬册立礼成 上遣官存问曰册立朕志久定但因激阻故从延缓知卿忠言至计尚郁于怀今已册立冠婚并举念卿家居系心良切特谥知之闻者乃知其补牍造膝夙孚 圣明云生平诚忠直谅所敷皆天下大计当机立断独持不挠丁未复召辅政遣行人敦趣入朝而病不起矣年七十七子衡亦举辛丑廷对第二人 ○巡按四川御史米万春会同御史乔璧星题将土官陇鹤书承袭镇雄府知府祖职以明世守陇阿固照夷俗充掌衙管事章下兵部

○戊午辅臣李廷机叶向高请传谕讲臣进

宝训讲章盖五经俱已讲过见今春秋讲章将及进完也 都察院左副都御史许弘纲以秦聚奎妄挠察典大非法纪催发考察原< 〇〇〇〇 〇〇〇〇 >及诸臣章< 〇〇〇〇 〇〇〇〇 >一并裁决其实察典不公正人被察典者甚多弘纲心知其罪而争之不得也

○己未刑科给事中彭惟成奏称原任刑部右侍郎吴悌清洁节概功业学术请照例赠官不报

○庚申予原任巡抚顺天兵部尚书兼都察院右副都御史刘四科祭葬赠太子少保荫一子入监读书四科剔历内外峻节直言时称其有大臣风节

○诏金明时以不谨例冠带闲住其干事情仍着该部院议罪吏部尚书孙丕扬

在绩溪则贪酷御史李云鹄孙居相几经拟劾赖同年张推官救解调吴江则剥削民冤无告沈主事上书可澄尤假钱神方叨部转既得漏网更敢反噬若不赐处则大政为邪人挪揄坏矣 上曰秦聚奎妄行诟奏褫职闲住汤宾尹等照考察及推升< 〇〇〇 毓-金 >处分察< 〇〇〇 毓-金 >乞简发礼部侍郎翁正春题先是蓟辽宣大各督抚奏称年来抚赏辘辘失实夷人怨望

○户工二部段绢折银惟三卫建夷凿封给散故不无低昂宜依往议工部较准法马印封付臣部司官临颁抽兑衣服成造既就亦须司官用铜尺抽量经手工役边镇委领人员四目合验然后给发往闻赐予建夷验不合式再行缝制稽时覆费所宜申飭金段出自内藏间有短少纰漏亦同验明更换至于朝鲜最为恭顺而宴犒供亿尤多不堪闻彼使臣每有后言非所以示远人有旨申飭仍严示侵欺冒破之罪

○夺御史金明时职先示京察届期掌河南御史汤北京以明时要挟经吏部< 〇〇〇 毓-金 >参明时自辩误犯御名一字下部院拟罪以冠带闲住覆请有示旨云

○辛巳大学士叶向高言同官李廷机求去已百十余疏候命三年移寓荒庙凄凉苦楚臣不得已敢代为言乞将廷机辞< 〇〇〇 毓-金 >亟赐批发廷机又自疏求放俱不报

○予后军都督府前带俸定西侯蒋建元祭葬

○命成国公朱纯臣袭祖爵

○壬午 孝懿庄皇后忌辰 奉先殿行祭礼遣官祭 昭陵

○翰林院简讨陈五昌患病回籍

○癸未都察院许弘纲言臣感激恩遇勉效驱驰伏念党恶将作窃欲明目张胆庶几挽回而或以为纵或以为偏夫国家有公典有公评相依而立者也法比于情则国是明而体自肃情胜于法则国体褻而国是亦淆惟善用法者能开布以通天下之情善用情者能需忍以伸天下之法当考察会议时臣所以苦心苦口为外论异同诸人也者何党何私正虑耳有今日乃不平之鸣直欲于旦晚间遽番前案盍思二百年来何尝以一察锢人圣世而累朝名公钜卿亦何尝不从困苦屈抑中增出一番德业也臣执法言法欲不防挠辩而杜滥觞不可得矣况举大典于目前定公评于日后臣诸< 〇〇〇 毓-金 >蔽此两言窃自信自持而必不可夺也伏乞 皇上垂神省鉴速发察疏以支离留中

○巡抚广西右副都御史蔡应科男拱明准荫为国子生以三品考满恩例也

○乙酉内阁催请以魏微授简讨广微以庶吉士服阙赴任俟命日久也

○准抚治郟阳都御史黄纪贤回籍纪贤屡以病求罢且京察拾遗也

○廷试天下岁贡生员

○予巡抚浙江右佥都御史甘士价祭葬士价江西信丰人万历五年进士授黟县知县擢御史历大理寺丞少卿升佥都御史巡抚凤阳以艰归起补浙抚升大理卿候代卒于官

○降夷部中牛生一犊人头羊耳又一羊羔人面羊身

○丙戌旱诏所司虔祷

○大学士叶向高奏朝端空虚已极政本独任更难九卿中尚书孙丕扬李化龙侍郎萧云举副都御史许弘纲通政司张养志皆杜门不出见供事者只都御史孙玮侍郎翁正春刘元霖三人而阁中供事只臣一人又三年又余矣假使士大夫和辑恤公犹可少延今门户愈分烦嚣愈甚即考察一事费许言词尚未结局且人才有限长养甚难摧折甚易议论烦多吹求甚易昭雪甚难近年士大夫能而全其身名者少矣而词林尤甚浸淫不止更将何人以应登庸之典乞敕该部即行会推以待简用九卿诸臣应补者补应出者出诸以职事请者皆速赐简发庶庙堂有人人情亦慰矣 铸益府永宁王麒麟钮镀金银印 ○尚书孙丕扬以移病积日选事从臆乞委别衙堂上官暂代 上曰教职急选暂着司官代摄大选还勉出以称朕优礼委寄至意萧云举病可并着即出供职

○孙丕扬奏先是计典分别处分未尽者量从例转如汤宾尹张嘉言徐大化原拟不谨刘国缙拟浮躁王绍徽拟升山东右佾议乔应甲升陕西副使岳和声升广西庆远府知府遵奉 明旨照原疏处无容再议所有全< 硃-金 >及南北拾遗诸疏乞赐简发以昭平明之治报闻

○户部会计内库供用库岁用嘉靖初每年止派黄蜡五千斤白蜡四千斤后缘该库题称不敷陆续增至本折黄蜡共二十万斤白蜡共一十六万一千六百二十八斤内该送库本色黄蜡一十六万白蜡六万五千八百有奇斤折银四钱白粳八万二千四百五十二石盐二十四万一千六百一奇茶豆芝麻蒲杖穀草照额上供

○戊子命陇鹤书承袭镇雄府土知府爵鹤书原名阿卜陇氏始祖陇飞沙献土归顺授世职知府沙子惟革惟革子阿梯阿梯子雄毕毕二子长蜜对次鲁卜别居果利地密对子富富二子长慰袭职次禄姑别居夷良七火头地慰子受受二子长胜次泰胜死无子泰妻其嫂生子青青子来凤故绝十有余年陇氏之正祀斩矣黔酋安尧氏赘禄欲奄有之久之始有驱安立陇之议奉旨查立陇后女官者氏以阿固应阿固者鲁卜之六世孙而易名陇正名也众夷目复欲立普德普德者阿女遗妻白则赘安糯索所生利其幼且异姓也于是主立阿固而先立其父阿章阿章寻病死而阿固益不为夷众所服往复查勘乃从者氏请及四十八目十五火头九扯九纵诸党共推阿卜阿卜者禄姑之五世孙咸以为长而且贤而者氏且以印献遂定立阿卜而以阿固充掌衙慕魁管事从抚按乔璧星议也

○怡神殿灾

○册封韩府韩王亶□山火日□西德王郎□金□山□长乐王璋漳益府嘉善王由木改封世子并妃黄氏永宁王由□木□心□淳河王由栻妃江氏峡江王常馮妃伍氏安义王常滢妃周氏新建王常泫妃詹氏罗川王由木□玄妃鲁氏楚府汉阳王蕴籀妃景氏阳和王戴望太和王翊舒并妃安氏荣阳王常潏妃姚氏德府临清王常沂并妃方氏纪城王由樑妃刘氏蜀府石泉王宣垕并继妃刘氏周府仪封王恭枋妃王氏京山

下九卿诸臣虚心评议

○乙未旌山西宗藩输粟助赈者阳曲王府辅国中尉新堤穀八百石银六十两隰川王府奉国中尉廷圭穀八百石俱建坊庆成王敏□□泥永和王敏注中尉廷崖充营庶宗鼎汜俱旌其门鼎汜比义民给冠带从抚臣魏养蒙请也

○前大学士张四维嫡孙< 旌高 >前吏部尚书蔡国祯长孙三才俱准承荫入监读书

○丙申诏陕西富平县直隶西安府一切文书不必再繇耀州转理其协济本州柴马夫役等银六百九十一两岁角□羊如故以从民便

○巡按辽东御史熊廷弼上设长平仓括馕余穀备边之数 上曰常平有裨边镇以后接管官着照例奏报仍载入考成

○大学士叶向高题今日最急正务一考察疏停留已将两月满朝素服待命夏至在途甚不雅观且被察一二百人不得出都日逐生事烦言四起尚书孙丕扬侍郎萧云举御史许弘纲坐此求去成何纪纲一军政疏停留已半年应黜者不得离任应补者不得管事奸毙丛生各军嗟怨其害不小一各处巡按已积至二三十差无可题代在京御史只三四人缺乏已极考选科道官候命日久深为不便一阁中只臣一人独身供事已三年余从无此事体又兼朝政壅塞天下人皆以为臣罪臣罪苦难支屡请会推情非得已伏望简发

○丁酉以左春坊右谕德兼翰林院侍读郭淅左春坊左中允兼翰林院编修朱延禧翰林简讨盛以弘管理诰敕命翰林院编修汪焯简讨钱象坤徐光启来宗道张鼐李标俱内府司礼监书堂教书

○浙江巡按监察御史郑继芳上言今岁京察于权相之渠魁奸党之元恶并物议夙腾久应黜逐者俱一旦去之不可谓不公公道所不平者止三四人而或出于私讎或出于谋逆实皆大有关于邪正治乱之数先是王元翰以贪被论攻者十一救者十九同谋力救之人为解脱诬陷之计太宰亦谓同乡一二少年尚欲庇护指胡忻史记事言也太宰密发访单四款内一款访王元翰之党忻与记等计无所之乃益为合谋安排布置蜚语妖言乘考选植私交如徐缙芳等皆得入幕王图等亲造臣之家报以中臣与科臣王绍徽台臣刘国缙等其辩疏凿凿可据故科道传有公单云五鬼倾陷阴贼造捏妖书五鬼者徐缙芳李炳恭徐良彦李邦华周起元也诸奸见阴谋毕露值有金明时论王图等之疏于是变潜润为肤愬动以秦脉为言挑激太宰借公典以行报复考察之日不论生平廉贪惟曰今日之邪类且恐指邪无据又曰奸人余党巧以浮操脱元翰之贪因以去邪脱元翰之党凡事外事内与计佐计之人靡不秉公争辩观许弘纲之疏其词最婉其心亦最苦矣两京一体也服南察者皆曰至公至明极严极当而于北顾未之与非为被察诸臣惜不过为此三四无罪之臣惜并为世道惜也公愤者亦为被察诸臣争不过为三四无罪之臣争并为世道争也奸人坏异己之功名小坏老臣之德业大坏老臣之

德业小坏 祖宗之典章大惟 皇上一切置之不理奸人得以窃大权太宰前欲去之奸竟未去得一人而被者反是元翰等所欲中之人是太宰本无私而图等以其私成太宰之私太宰原不党而图等以党成太宰之党此中隐祸宁不为世道寒心哉是假书不可不问其从来要挟不可不究其实迹而一切私单必不可不讯其来历则借公行私以阴坏大典显树私交者可不为国家一明正其罪也

○巡抚四川乔璧星奏建南自土官安世隆被刺后其妻禄氏以争继为名阴纵部夷所在蠹起去岁禄氏又故其党仍以拥立禄祈为名各寨结夷乘机倡乱甚至劫掠职官戕伤吏卒而披猖极矣合将四川总兵官移驻越巂会同该道便宜相机擒剿清复村屯葺理关堡务期戢宁其行都司屯局金书改为建南游击将军即以威茂参将陈策调补操捕金书张洪烈革任回卫永不叙用即以屯局金书庄安世改补仍兼屯局员缺免铨其遵义威茂参将俱听兵补除补募兵粮饷如别议抽角□羊庶法纪严而人心奋遐荒赖之矣兵部覆请从之

大明神宗显皇帝实录卷之四百八十二

大明神宗显皇帝实录卷之四百八十三

万历三十九年五月庚子朔大学士叶向高言昨该臣具揭以大臣去留请

上裁断今日蒙发下尚书孙丕扬本令臣拟票或留或放未知圣意所存丕扬为被察诸人所怨攻击不休方欲丕扬速去臣若拟留必复致恨于臣惟是国体所在不敢拟为拟放 上曰孙丕扬公忠直介着出温旨勉留供职大臣分义体国奉公何为自便相率求去萧云举许弘纲都着即出以后各官不得立党徇私纷纭攻讦贻祸国家违者重究

○礼部题据兵部员外范守己疏称去岁十一月朔日食时刻有差治历明时国家要务万历元年至今日食凡十余次其差或一刻或二刻多至四刻而止即交食有差恐推算未的宜讲求者一也前代每若干年修改一次汉凡修改五次魏至隋凡修改十三次唐至五代周凡修改十六次宋凡修十八次金至元末凡修改三次本朝二百余年未经修改岂能必无差讹宜讲求二也原任按察使刑云鹭有古今律历考一书综采详密且家在安肃密迩京师可令与守己并钦天监官互相参订有词林儒臣旁通律历之学者亦可时与折衷又钦监官正周子愚言大西洋归化庞迪峨熊三拔等携有彼国历法参互考证固有典籍所已载者也亦有典籍所未备者当悉译以资采用乞照洪武十五年命翰林李翀吴伯宗及本监灵台郎海达儿兀丁回回大师马黑亦沙马哈麻等译修西域历法例取知历儒臣率同监官将诸书尽译以补典籍之阙天下之大岂无一二知历之人伏在岩穴容臣等行文采访果有专门之学不妨取来共相考订庶历法精详有光前代非熙朝盛事哉

○总督仓场孙玮覆御史苏惟霖条陈朝政一曰钞关剥艇日久弊生宜责成该关司属预为点闸总甲料理舟楫剥船起粮多用木斛卸粮又用铁斛木斛小铁斛大剥户

○掌京畿道御史徐兆奎上言臣观今日天下大势尽趋东林今年计典之误实繇于此盖无锡县有东林书院宋儒杨时祠也顾宪臣自谪官归会林居诸臣讲学于此未几其徒日众挟制有司凭凌乡曲门遂如市矣黄正宾者以贵郎冒迁谪名因结淮抚东林所至郡县一喜一怒足系诸有司祸福凡东林讲学所至主从百余该县必先设厨传戒执事馆谷程席之需非二百金上下不能辨会讲中必裸以时事讲毕立刊传布远近各邑行事有与之左者必速改图其令乃得安今已及浙中诸郡矣杨龟山失足蔡京君子讥焉宪成之结淮抚不过以淮抚为蔡京耳宪成学术驳裸颇似王安石而行远不逮即家食而之淮之浙席不暇暖与其徒书札所及大能使南北交攻邪正角胜而党附者不曰清流则曰清议之臣岂谓天下耳目尽可涂哉丁元荐借许弘纲近< 金 疏 >以发难谓其不当避正谓东林三才所欲处者不当救耳工献媚以应当事者之一快而不难极文致以启下石者之效尤元荐其谓何也秦聚奎之疏特为金明时要挟非真而发其引暗六人者因时情所惜并言之耳六人中应有亦为人快者所惜者王绍徽乔应中刘国缙耳元荐乃概目为奸党欲齷粉之亦足骇矣自吴亮发顾宪成书宪成始干物议元荐不咎宪成贻书之轻与吴亮发抄之谬而深尤于言官抨弹之及且并诬为昆宣党诬人言尽抑何据也元荐身自党附而反以党诬人言尽奸欺而敢以欺济恶身所欲卖者为谁而心所欲倾者为谁明所击者者在此即阴所扶者必在彼所混排者未必非今日独行之君子所甘附者未必非后日论定之小人矣至东林败坏天下其祸更显盖自假讲学以结党行私而道德性命与功名利达混为一途而天下之学术坏自濡足淮扬而气节坏自广纳贖币庇短护贪而天下之吏治人品并坏自游扬之书四出而天下之官评坏自指摘之怨生而移书掇单假计典尽剪其所忌而天下之元气坏凡典计滋议始于假书之播弄私书之把持成于金明时发假书之一疏激于汤兆京要挟之八字太宰不言假书有无其意甚婉兆京欲为人杜发假书之隙而以要挟驾词其巧而实拙假书终未发出难以径坐王图至以断秦脉三字误太宰处诸臣则王图南师仲胡忻均不得辞其责也乘计察而私书荧惑者东林为崇贖书者吴志也代为送者吴忻也当事者不预绝其源徒咎于秦聚奎之阻挠复虑台省之有言不已左乎史记事访单至二十余屹然不动何以服天下兆京得管京察实史记事力记事不处岂惟太宰之私其乡亦京兆所以报知遇也兆京一出两受计于东林旋修谒于淮抚徇私交忍负 君父触目皆是世变真莫知所终矣

○癸卯赐崇王翊< 金 爵 > 谥端鲁府新蔡王观燿谥恭惠

○诏吏部百官既考察停当年老有疾并老疾者勒令致仕贪酷为民罢软不谨冠带闲住浮躁不及降一级调外任先是三月初二日吏部等衙门以察疏上至是始下内右春坊右庶子升南国子监祭酒汤宾尹不谨翰林院编修升右中允陈之龙浮躁兵部员外郎郑云鳌等老疾户部主事张萱等贪工部员外郎徐良辅罢软无为吏部员外郎升参政朱应奎吏部司务闪继迪户部员外郎李戴黄金玺刘戡之柯有斐殷盘等礼部

主事降经历郑继先刑部郎中升副使陈乾亨员外郎余養蒙主事徐大化等工部原任郎中范钊陈民志张嘉言等御史康丕扬沈正隆户科给事中升南京太仆寺少卿姚文蔚降行人司司正顾天峻国子监典簿陈治贵等俱素行不谨户部主事金玉节官箴张京元黄建中程嘉宾许鼎臣徐銓兵部员外郎罗相刑部主事鲁史简较添注王元翰工部主事降酉阳司经历范汝梓工部主事马天锦陈国是御史升佥事邓澄御史吴亮刘国缙大理寺右评事管橘礼科给事中升参议戴章甫兵科都给事中宋一韩工科给事中钟兆斗行人司行人历升知府谢廷谅顺天府儒学教授升翰林院简讨杨师孔降太常寺博士添注李腾芳等尚宝司卿添注彭遵古俱浮躁浅露吏部员外郎胡东渐户部郎中升知府涂乔芳户部郎中升参政蒋之秀户部主事张太阶主事杨恩兵部员外郎升参政张養蒙主事张汝霖刑部郎中升参政赵会楨主事陈鉴等光禄寺少卿添注赵拱极俱才力不及

○巡抚河南佥都御史李思孝福建陈子贞四川乔璧星顺天王邦俊浙江高举南贛汀韶牛应元总理河道刘士忠应天徐民式抚治郟阳黄纪贤湖广张问达各自陈乞赐罢免命照旧供职 ○大理寺右少卿杨宏科太常寺少卿胡忻提督四夷馆洪文衡太仆寺少卿何熊祥吴华徐元正方大美毕三才吴仁度丘度李时华顺天府府丞黄吉士鸿胪寺卿李承华各自陈求罢吏部覆议杨宏科等照旧供职毕三才末路操守欠莹颇滋物议调外任黄吉士巡方荐剌少滥未协輿情调京别议衙门用从之

○兵部员外郎刘九光条议织方要务一曰揭升迁自副将参游都司佐击守把为一叙指挥千百户武举听用等项为一叙分别边腹南北鱼贯而推俸同论荐荐同论俸置扁大书堂壁一如吏部前后历履若数墨白则人心之竞可息而债帅之风可止一曰重职科世职武科挨用其加纳之流非真有才勇出众为冲边必不可少者勿用以塞径窞毋使职科解体一曰稽限俸以后查照地方远近严限以到任申报之日为始序入俸单一曰禁钻刺以后一岁于六月十二日中如吏部推升事例择其一意钻刺有玷官箴且多年无荐无益地方者劣转以添注革其管事仍注钻刺于簿惩一警百一是定年限职方之难不减文选文选一年六选满即谢事出部而织方率数岁不迁至升官晋秩犹令署事何怪乎丛议之多也今后除国家有大征伐边疆有大烽警义难推避者不妨题请久任以要成功其余一如文选例随其资俸应得之官而处之亦兴起人心之一端也尚书李化龙覆请从之

○监兑主事顾四明条陈苏松二府自万历十八年起至今止报完未解钱粮四十万有奇至部中所目击京储绢布解到者十无三四茶腊颜料完者十无六七有咨报已起解而留滞数年不到者有续投批而延捱竟年不完者询之则曰临时差遣解官徒以空头文书付之也垫摺在府未领也所领者半寄库也垫摺不领杂费焉出寄库居半末路何之种种情弊及今不为申饬恐以前之那扣化为乌有以后之齟齬长此安穷须着实清查自赦宥以后拖欠年分京储等项所完解者几何先那借后抵补者几何所贮库

办料未起解者几何所扣垫损未发者俱要清查明白批缴明白苏松二府前项贮库及见存买截数起解节年那借织造兵粮浅船等银非奉部文府县擅借者速令追补以后属县解贮库钱粮逐计季造册申送抚院按院以便查盘仍报监兑衙门以便督催一项清而项下各注收缴一年完而年终汇送考成如有积惯吏役仍踵故智尽法究遣以惩将来署部侍郎孙玮覆请诏议依行 丙午 孝宗敬皇帝忌辰

奉先殿行祭礼遣官祭 泰陵

○都御史许弘纲言科臣周永春驳御史马梦楨疏内云一大僚贪被察数千金为之留换察疏者意疑指臣与金明时夫太宰参明时臣仓卒闻知亟往劝止永春描尽最真何繇诬蔑当时特不听臣而旋止耳不然何至輿情汹汹谓御史论一翰林学士必削籍输赎而后快哉御史封事御前不明白说声故为影语埋伏疑根此近日章奏中所当首禁者非永春一言臣几不白而去今臣之未去可不诏诘而廷鞠之乎臣之被疑不止此丁元荐疏言刘国缙浮躁系臣所开孰知京察旧<□□矢见>大小九卿各开所属贤否于本院部院所属例不互开第面议耳国缙制伏陈永寿臣窃壮之故访单虽备诸丑臣犹愿太宰熟察太宰先注不谨臣四人口确移时始改浮躁都御史于台臣回道尚当考察职掌所在明注何嫌今或以为争或以为开臣岂阴开阳采之耶太宰将以臣为何如人近又有疑臣抑奏聚奎为附和者大典公平之说向固言之丕扬三朝雅望肯以不肖之心相附和但察疏未下辩言迭至渐不可长且部院一体分谤分怨臣实苦心敢忘告天之语耶臣望轻负国况兼罢病乞 皇上亟允臣归仍敕马孟楨从实回话以定臣罪以释群疑 上曰今议论混淆纪纲不振正赖尔每几个大臣主持整顿如何只欲推避着即出供职不得再辞以后本章都着明白指陈再有隐语含糊致滋猜忖着参来究治日讲官萧云举奏辩马孟楨污蔑乞敕下勘问

上以云举素有学行且职在佐察岂得轻于污蔑着即出供职

○工科给事中何士晋奏继母吴氏节义请乞赐表录事下礼部

○乙酉 太祖高皇帝忌辰 奉先殿行祭礼

○戊申诏南京考察过官员分别处置如令甲内部主事周崇惠裴汝宁刑部主事谢廷谅褚继良郎中汤之相俱不谨吏部主事胡嘉栋户部主事荆之琦薛承教兵部员外郎马焯如刑部主事张斗南工部主事王尚宾户科给事中段然刘时俊御史蒋桂汪怀德俱浮躁户部主事胡明佐介梦龙潘守正姚诚立兵部主事俞价刑部员外郎舒体睿主事秦钟震工部主事孟柄郎中刘超吏部给事中黄起龙御史容大德俱才力不及

○南京吏科给事中高节等纠拾不职京堂原任总督漕运巡抚李三才自知公论不容已经解任无容解再议郟阳巡抚黄纪贤四川巡抚乔璧星顺天府府尹黄吉士南京太仆寺少卿左宗郢原任詹事府少詹事全天叙太仆寺少卿徐元正南京工部右侍郎徐大任南京通政使司许乐善以上八臣物望不孚操履多咎所当罢黜以警官邪南京兵部尚书邢玠久被人言应准休致以全晚节诏徐大任许善留着用黄纪贤乔璧星

着致仕全天叙黄吉士调南京别衙门用左宗郢徐元正调外任用已南京河南道御史张邦俊等奏同前内劾邢玠乃准致仕

○南京太仆寺少卿汪以时姚文蔚钱士完太常寺少卿刘曰梧应天府府丞卫一夙各自陈不职求罢命照旧供职

○庚戌户科给事中韩光祐论锦卫都督王之祯狡狴险毒赃私狼狽被论有年俨然盘据去岁十一月兵部考选军政科道拾纠之祯矣从前武职升黜必报今军政独不下同时省直军政陆续得旨而京卫独不下长安侧目之祯凭城炆灶自为地耳之祯为王崇古之后即不能绳其祖武何至冥行不道为伊祖玷惟 陛下速褫其职简发拾遗军政诸疏通章奏补大僚补科大一日而太平可奏何必迟回令纪纲法度日就陵夷也不报

○户科给事中姚宗文题顷奉 明旨申饬诸臣戒以立党殉私纷纭攻讦贻祸国家仰见 皇上为世道人心虑至深远矣臣观今岁计典人所不平者如王绍徽士论共推第以特立不阿违忤乡曲遂不使安于朝廷之上令甲方恶党同而铨正先除刚直人以绍徽为戒将纲肠化为绕指矣臣所虑训天下以党者此也御史汤兆京辩朱一桂疏谓察事处分悉据访单盖踵铨宰孙丕扬进单之意欲科道诸臣共分其过前此访单既收纷然有添入新单之说兆京自谓收单甚富不止台省诸单且云人何可诘我单所从来京兆蚤执成心再营别竇情见乎词今穷凶显访单共载者安然无恙而私单匿投方正见枉兆京见公论不容遂欲以诸臣谢天下窃恐此言不白后之追论者谓一时科掩塞聪明颠倒黑白争害人媚人以坏国典臣所虑疑诸臣以党者此也疏留中 ○巡按陕西御史徐养量言庄浪土鲁氏本以夷种率属内附始以恩联其属其属卒以怨叛其主良繇原任副总兵鲁光祖同弟协守鲁国光怙宠济恶肇端于万历二十五年后益猖獗经今按臣列状奏请近勘鞫详明光祖物故光国论戍鲁胤昌黄口姑准承袭父职土民仍令鲁氏管束一切词讼悉听有司断理其光国冒袭鲁邦俊邦俊冒袭鲁受职级应照例革夺至协守敕书原为钤束土官土军也自松疆恢复军已分发新边各营属诸将官统领土官尽归庄浪卫与汉官一体差操协守为冗员而敕书可免给如此则鲁氏安而地方亦安矣下其议于部

○翰林院修撰韩敬患病回籍

○辛亥仁宗昭皇帝忌辰遣官诣 献陵行礼 ○癸丑宴灵藏赞善王贡使藏卜坚咎等十七员通政使司通政使张养志卒照三品考满例予祭葬养志河南陈州人万历五年进士授唐县知县擢御史以母老乞终养起补原官历任太仆卿至通政卒于官

○甲寅南京户部盘库失银数多本部原止有老库外库名色自三十四年主事荆之琦与主事刘可发交盘未明刘主事以已交者运入东房而未交者贮之西房终任一年未开外库之分东西西库之不交代自此始接管主事史启元周崇惠庄毓庆陈幼学

其各镇循环在薊镇者类送巡关御史在宣大者送宣大巡按各就近倒换稽查以免穷军劳费一曰协赞宜讲三寺丞协理三少卿也今后俵到马匹径望各路少卿投文即于批内添开某丞堂文书一角以凭转送不必另批告投亦不必先行点验俱候春秋二运收管完日少卿在册送寺丞备照查阅以省烦费主簿厅亦于堂批内添公文一角转发备查不必另用批及拘马户取保重为之累也乃其本尤在州县州县买马必无克价点马必无罚银斯又马政第一义也诏曰这所奏有裨马政该部看了来说

○兵部题会试中式武举迩来若甚急而用实甚缓往往有录而不用用而不尽之叹岂国家设科意哉科臣朱一桂疏揭桂有根条议定为每年六选每选必五名限三年内挨次用尽顾行之未久就中亦多未便选用武举不过钦依守把提备等官总计各处员缺四百余员见任者居十之八九世职待用者十之五六以三年论出缺几何悬缺既难注选不易故旋辄告罢遇缺推选本部自当参酌互用其汰革冒滥权属督府所望多方简斥缺出既多推补适均惟内外得相兼委用法无便于此加以三七剖分复于七分中带推旧科一人则世职新进彼此无不平之叹而选法无壅滞之虞矣查前科除第一名仍推都司僉书自第二名至十名俱留部以次题推其余照原卫原籍咨各衙门挨次委用有功荐合例者一体推擢今科自十一名起至百名止已尽咨回矣或于十名外再留至二十名在部其余如例咨送效用新者免嗟伏枥而旧者无泣向隅耳至三科武举近如科臣议总计天下三科不过三百人除已回籍姑据见在者先行收录各给劄付一张授以千把总名赍投各督抚衙门遇有领兵员缺量才委用不许支俸如年老不堪弓马不精者年终报部除名正荐三次始升用以别于会试武举夫题准给劄则上与钦依别下与名色除虚缺听委则内操搜罗之任外握委用之柄不堪者急行汰去则赏善急而去不肖者亦速又足以待后来之三科以后俱于会试后取其马步中式方如前议其余不得妄干但杂途不清则科目不重罢斥易售则犯赃易轻已后纳级五荐方许升用官至参游而止其战场立有奇勋者方议破格罢斥各官汰墨未乾旋及登荐去职未久行复建牙安有惩创之实哉已后须五荐方行降补盖使过若斯之慎也此皆所以通武科之滞科臣与臣部酌量于先后诸臣条议之中所当永为遵守者也从之乙丑

穆宗庄皇帝忌辰

奉先殿行祭礼遣官祭

昭陵 进士何显宗奏陈祖母王氏母郑氏孀节章下礼部

大明神宗显皇帝实录卷之四百八十三

大明神宗显皇帝实录卷之四百八十四

万历三十九年六月己巳朔

○刑部奏本年四月分轻重罪囚共九百名口见在八百七十二名口开除病故八十二名

○庚午礼部署部事右侍郎翁正春以母老乞假省覲不允

○辛未南京工部右侍郎徐大任被论其去准回籍听用

○壬申总理河道巡抚凤阳等处佥都御史刘士忠题淮安凤阳蝗旱灾伤乞赐行勘分别蠲赈命户部知之

○癸酉陕西柏林七占等族番人板的肖等二百三名进献盔甲腰刀准进收赏给纱绢

○丙子户部奏浙西杭嘉湖三郡岁当戊申重罹霪潦洊饥为甚士民尚义捐赈除操江都御史丁宾具疏力辞旌建已奉旨辞免外乡官佥事闵濠庆主事朱长春等共七十余名径行有司分别旌奖以励世风从之

○准前大学士张四维孙鬻原任吏部尚书蔡国祯曾孙三才俱承荫为国子生

○丁丑吏部尚书孙丕扬言臣蒙 圣恩用臣于八十岁时此 祖宗朝未有之殊恩也今年三月考察预询博访以尽此心不谓初会议也功司郎中公传要挟之帖既考完也刑部主事有七人之救业奉 明旨处分既而南科高节南台王万祚曾阳易各疏皆巧责之臣此臣诚不孚人动多忤众尚有面目立于统均之位哉乞夺爵放归勿为清议之玷 上曰察事已竣何得轻肆浮议念系言官姑不究卿忠正无私朕所洞悉还即出任事以副眷倚

○宁夏镇自二十二年始督抚按会题营伍空虚增兵设将议增淮芦盐引价银四万五千两嗣因召口支掣不便改议就引带盐徵银角口羊部转发该镇三十七年部以前项因剿逆而增原非额饷议扣留不发题奉钦依至是巡抚侍郎黄嘉善言裁之不便乞照旧议发仍补给两年未发之数并催河南原兑欠三十四年例八万四千九百余两户部署部事侍郎孙炜具覆宜如故除以前年所减银不补暂发三万两接济移咨河南速解足额以保重镇从之

○命户部左侍郎李汝华署掌部务疏辞不允

○戊寅南京户部尚书郑继之五疏恳乞休致慰留之

○乙卯南直隶柘林营信地获日本夷人三名因航海过暹罗飓风覆舟飘至抚按以闻部议分解陕西延绥等处戍边安插从之

○辛巳工科右给事中张凤彩言今岁京察君子误信小人小人暗用君子是非倒置金明时以要挟处王绍徽以例察处秦聚奎以阻挠处一时人情不平然俱隐忍无言者正为国体耳礼部主事丁元荐突出一疏肆然无忌以被察翻局为题目以讥刺讲学为门面以摇撼东林之说牢笼时情以挑激太宰之意中伤善类太宰科部救人疏中有七人三人之说而元荐亦字字根抵语语逢迎王淑抃贪赃败露决裂至今犹为之抵死出脱谓不附秦又谁信之南北诸臣伤邪曲之害公循职言事何尤于诸壑诸贤而苛求之臣闻谭理翼经高洁恬淡是真学问不闻背公死党趋炎走险者之以媵修标也闻发奸指佞慷慨孤忠是真气节不闻操戈下石杀人媚人者之以劲力推也元荐自顾于数者何居他不具论六载黜幽之典禁例森严而纷纷竿牍以林居之臣暗奸大权此正元

垒摆塘报意欲何为近日叩关甚切求贡甚急谕之撤车价则撤谕之减人数则减虽似顺服岂无深情中国无事必不轻动一旦有事为祸首者必此人也此又系于内治之修替不专在抚处也至于宣大山西虏婚已成封在旦夕所恃讲誓得法无取增金媚虏之消盖卜失兔丁年黠悍习勤自强不惮弃艾姬就白首盖忠顺兵符在握市赏独优此其贪汉财物固有夺其所甚欲者而忠顺受恩已久即衰年固足制之婚则未有不封市赏未有不成尤在调停得人耳宁夏哮刘乱后军习于骄动以军变迫将帅将帅亦激变为防渐不可长故忧不在外夷在内变在于披甲而在脱巾则夫恩以结其心礼以示其防治内制虏一举两得矣延绥以三万八千金羁勒强虏款之计诚得矣然猛酋虽乞款而沙计尤然崛强款可终恃乎甘肃青银等酋分投捉哨屡肆跳梁幸屡战皆捷既以预防而战胜当以战胜而修防火落赤等近虽请款然款可也不款亦可也各处皆款皆不习战销壮士气之心长夷狄骄横之气万一虏渝盟而战而以吾不教之民当之岂不寒心甘延之士勇力正锐正当用之以战而西方诸酋巧于借资敢于攘抢款自款掠自掠未可凭也此中择其狡者勿轻许其款所谓释之以为外惧留之以为肄业者不易之论也但当酌信地以驻防练兵卒以济用而已总而论之蓟昌之虏关系甚紧而零窃小盗止足以为扰而不害宣大之虏利害最大而受我戎索即有易虑当在数年之后为祸亦远奴酋未发而厝火积薪之下其忧方隆北关虽小而为奴酋之捍存恤当厚辽左无处不守当以款而佐战甘延兵势甚劲当以战而固款此其大凡也一言以蔽之曰勿恃款勿忌战而已合通行总督抚镇衙门严督文武将吏遵照节年题准事理参酌近日虏情兵马亟行简练钱粮加意措处城堡速为修葺器械及时整造将领之当更置侦探之当严明功罪之当核实款事之当申明职掌所在一一实心料理随事整顿应奏请奏请应径行者径行务其外攘内安毋致临时疎失有仍虚文塞责怠玩废事者在外听督抚按官在内听本部科道指名参究施行诏曰这秋防事宜实心整饬毋得怠玩疎忽致误军机

○巡按宣大御史吴亮条议一修险隘接次墩以北至镇北新墩属宣镇南山又北至黑山头属宣镇东路若虏繇粉子岭入两镇均害墙单且薄缓急何恃议照昌镇规则兴工修筑一严界限款贡以来有守口夷人驻牧墙下受我月赏始借为用渐徂为安移入近边狎玩凌暴军士有不敢登陴哨望者矣设法谕之移之或申谕虏酋严为约束合行督抚悉心筹画一酌入卫蓟镇入卫客兵奸弁专事侵牟兵马仅存羸瘠虚靡粮草往返徒劳然议撤议裁时势未便惟变通那移选择膘壮随军入卫其不堪者估卖变银并草料贮库别购善马以给骑军一勤补修边工随筑随坏近蓟镇督臣严立十年为满方免追论所以严于其始而按臣又欲不时验看或势将摧裂作速补苴所以即费于其后合兹二议逐时补修与事后追论俱着实通行一复守备云州一堡南接赤城北连独石镇安东峙马营西连盖宣府上路之咽喉也昔设守备一员统兵千五百人防守后改驻镇安而旧堡一操守领之云州路当要冲应复设以备四面之应援一移路将杀胡堡为互市卫口一垣之外即为虏帐且迫近兔河霖雨骤发冲激边垣通衢无异合移大同中

路参将驻劄该堡无事调停讲折有警则指挥策应及今秋防即令移驻一裁冗员革延庆守备缺本官移充云州堡新增守备而本堡操守官改调延庆州管理前务一更调间员不添设费不加增而缓急轻重已较然矣兵部覆请依议行

○总督宣大涂宗浚考三年满吏部以闻著就彼复职仍以大捷功加升右都御史兼兵部右侍郎 准故太子太保兵部尚书余子俊孙正发原任兵部尚书翁万达孙翁锐俱补荫为国子生

○工科给事中归子顾题自议论多而纷争起奸人巧于害正者往往以流言中人蹊径虽多要之言非其质察理易明若秦脉一书尤属刺谬情辞不论奸人挑激晓然此何难识乃王图既非自造何不质其人以明迹胡仓惶狼狠奚怪金明时一疏复不引罪而尽疑疏中所连及之人并疑疏外绝不相蒙之人当辩疏中突有大奸大恶等语通共国駮闻遂至阑入察典诸所连及刘国缙等南北具有公论即如王绍徽清介坦直奈何铄金销骨之口适投妒贤修怨之衷且因绍徽而并及绝不相蒙之汤宾尹抑何狠也今大典告竣公论以明被察诸臣只须为法安命真品岂容埋没当事诸臣谅自为国怜才宁忍锢人终身臣皆可无言第今假书未明用假书之人未去臣恐窥矚扬波展转生枝如礼部主事丁元荐其人者抗横公论东林与察典各不相蒙元荐必欲纽而为一既借东林以固权贵之援又借权贵以张东林焰已则中处而两受其利大率奸谋非流言则布毒不广流言非奸谋则结祸不深何人不可污蔑何事不可颠倒则纷嚣何有宁时而国家受祸将有不忍言者伏乞罢斥元荐至王图与萧云举同去更不待言仍谕大小诸臣今后一应流言慎勿听信如假书等项当递之时亟执其人案问来历依律治罪务使支蔓永消庶论息国其安也留中

○辛卯差御史陈宗器提督北直隶学政熊廷弼提督南直隶学政

○旌表故户部主事陈原道妻计氏节烈原道广西柳州府人戊戌进士提督御马草场卒于署妻计氏矢以身殉家人禁之旬日不食死衬侧

○壬辰周府宗副缺以胙城王府辅国中尉勤菴为左宗副汝阳王府辅国中尉勤□肴欠火□为右宗副

○癸巳吏部尚书孙丕扬言急大选官成化以前原无对月领凭之例嘉隆以后益长潜留借贷之风自今始凡有司教官定限选后半月内领凭辞朝不许潜住京师庶可恤旅情端士习而肃官常依拟行

○甲午 孝庄睿皇后忌辰 奉先殿行祭礼遣官

○祭 裕陵

○工科给事中张凤彩等请鼎建正阳门箭楼刻期举行不报

○乙未大学士叶向高言前日蒙发军政疏拟上今经数日又复留中文武两途从来并重文臣不职尚有时纠劾若武臣之在京卫惟此五年军政以澄汰之而已若此典不行此辈益无忌惮剥军贻害不可言矣此 祖宗相传之令甲必不容己者也今岁军

政外间皆称公平如中有供奉杂流无关戎伍 皇上欲留用者亦乞传示令臣拟上万不必迟疑犹豫以滋悠悠之口事延八月理势已穷非但尚书臣化龙不安其官即臣亦无颜以居此地伏望圣明即赐允发其化龙请告本并赐简发以重枢政

○升右春坊右谕德朱国桢为左春坊左庶子兼翰林院侍读清理贴黄

○日讲官缺起升刘曰宁为礼部右侍郎兼翰林院侍读学士礼部右侍郎行祭礼翁正春不妨部事并同萧云举等同充日讲供职

○升修撰赵秉忠编修黄国鼎为右春坊右中允兼翰林修撰简讨盛以弘王毓宗为左春坊左赞善兼翰林院简讨丘禾实张光裕为右春坊右赞善兼翰林简讨先是内阁题催云翰林官有百余皆繇阁臣题推而停寝日久其最淹滞者尤是戊戌一科经十四年未得迁转从来所无之事也数日得旨云

○总督陕西三边军务顾其志改南京都察院右都御史疏辞不允

○丙申 孝穆皇后忌辰遣官祭 茂陵

○准原任江西巡抚侍郎赠尚书夏良心孙徵吉补荫国子生

○大学士叶向高奏患病乞罢言人身忧郁劳三者兼之即金石为姿犹将销铄今朝政壅塞财用空竭水旱频仍民生困苦谁秉国成乃宴然坐视至两头四目之妖到处叠见昨陕西所报尤为骇人变不虚生必有徵应臣之忧极矣章疏不发官僚不补大小政事不行无不问臣最急如枚卜考选二事望臣尤殷罪臣尤重心口俱竭术无回天臣之郁极矣至于驰驱奔走终岁不休雨雪风寒无日得避忧郁之余加之委顿势必颠危若不坚决一去妨误愈多臣罪愈大闻高位难居危机易伏三四年间未尝敢有半语于御前伤一人害一物士大夫被此争竞臣亦只求和谐无所党护如今岁御史金明时以考察被参又以干犯触圣怒臣劝角□羊调停不遗余力而传闻悠悠谓臣构陷臣生平寸长至此尽失亦足伤也统望 圣明垂怜即赐罢斥别选贤才以襄政理报曰卿忠诚清政朕所悉知诸有陈奏具见恳诚政务方次第举行如何遽欲求去国事何人主持金明时干犯字样是朕亲览已从轻处小人疑诬卿不必介意

○丁酉兵部奏建州奴儿哈赤初以车价迟贡三十六年后又以疆界停贡谕减车价不听勒限侵地不从吞南关为己物执岁赏为成<□□矢见>以虚喝恐我以佃子地愚我其梗化悖逆难屈指计者兹该镇督抚以为本夷俛服车价已听裁革夷众十减其八代为题请起贡虽佃子之地不足以当鴉鵲之局而于国家戎索已就矣边臣身安危权为救宁东方之算且科臣有疏欲释建州为外惧仍许贡以示羈縻按臣熊廷弼有疏地界一事惊扰边鄙夷汉汹汹大非国家之福姑置此而许贡以安地方无非字小之仁难以终格候命下臣部移咨该镇督抚谕令海建贡夷照依题议期限名数验放起贡仍备行礼部将留赛贡夷廩饩宴赏日用支给悉照来京夷人用过数目估议明白严行内外经承衙预为处办一俟夷人至日即行折付赉回并应得赏赐段疋等项照例按期请给毋致临期守候分外克减并滥恶充塞仍严禁伴送人员不得唆使无厌诛求其回京

加车悉照原议之应回贡行装货物责令通事序班务押送境上交割明白毋许夷人混冒汉人窃掠仍移文抚镇道将衙门一体遵行时总督王象乾巡抚杨镐也诏曰可

大明神宗显皇帝实录卷之四百八十四

大明神宗显皇帝实录卷之四百八十五

万历三十九年七月戊戌朔孟秋时享

太庙遣公张惟贤恭代

○调左坊左庶子冯有经翰林院简讨汪元极南京别衙门用吏部主事今升丁鸿阳礼部郎中张嗣诚照浮躁例工部郎中周之龙刑部郎中王廷槐姑照不及例俱降一级调外任用从吏科都给事中曹于汴掌河南道御史汤北京等纠拾也南京户部郎中徐来仪照不谨例冠带闲住礼部郎中袁思明户部郎中王点照浮躁例户部主事史启元工部员外屈之乘照不及例俱降一级调外任用从南京礼科给事中晏文辉贵州道御史张养正等纠拾也 ○赠原任总督宣大右都御史兵部侍郎马鸣銮为兵部尚书鸣銮四川内江人万历甲戌科进士初授工部主事监督大工榷浙江南关杭人感之升湖广佥事云南副使緬寇作佐兵画擒岳凤父子俘斩招抚甚多又修大候城有功升湖广参政火落赤入犯洮河以边才调陕西道守关西哮刘变起总督魏学曾檄为谋议寻升按察使备兵河河东掇监军督粮二道事劳迹居最赏银币二十二年以右佥都御史抚治勋阳考满丁祖父艰起巡抚宣府时五路入犯有新河口之失至是献罚认罪遵约视昔有加考满升副都御史荫一子国子生三十五年升兵部右侍郎总督宣大山西军务当扯力克物故之后夷情涣散封议纷然能镇定之无罅可乘五路补进三十二年起至三十五年贡马班白二酋为东虏长昂勾引窥辽临边挟索严兵相持三月不敢动遵约去宣云两任省抚赏十余万他所省及修举类是卒于官

○己亥总督宣大涂宗浚辞荫子不允

○庚子赠原任南京刑部右侍郎吴悌为礼尚书悌江西金溪人吏部尚书孙丕扬言悌居官居乡有学有守雅与黄孔昭品望相同宜优赠秩宗以为理学名臣之报不为例已请谥及封淑人妻车氏祔葬礼部左侍郎翁正春为言悌旨深养粹峻节真修赠官既同黄孔昭则易名亦应同例况理学之邃加之以文也允宜报曰吴悌准谥与文字车氏准祔葬

○升陕西右参政许汝魁为河南右布政兼副使兵备大名 ○兵部尚书李化龙都察院孙玮同奏定远侯邓绍煜纵族人邓世槐邓世桂等凌辱冠裳草管士类陪京作人首善何可令此辈雄行既该抚按题参应候命下将邓世槐等严提正法庶士风不至凌夷而豪强知警矣从之

○李化龙又奏黔国公世守云南顷者克举之乱沐睿虽逮仍起沐昌祚于间废儆能深念国泽无替其先则沐氏与滇民永休矣抚按何求焉近日抚臣周嘉谟按臣邓漾疏言该镇总庄横征暴斂以致劫夺蜂起昆阳南安易门宁州嶧峨等数十处大盗公行

惨于夷虏无非该镇庄户生员军民纷纷告讦或受投献或勒契券问徒遣戍罪状山积无非该镇羽翼群小壅蔽犹曰陷于不知饰辞强辩则是显为逋主伏乞严敕戒谕歛戢仍准御史议将该镇庄田尽数清核酌议每亩收税若干责令有司徵解布政司转给一如在京勋戚事例庶可弭盗安民矣诏曰该镇世受厚恩当以弭盗安民为重岂得纵容恶辈贻害地方以须加意约束毋生事端该地方官也着遵守旧<□□矢见>务存体统余依拟行

○辛丑 仁孝文皇后忌辰 奉先殿行祭礼遣官祭 长陵

○大学士叶向高再以病告恳求休致 上曰今朝端多事卿殫忠为国镇定主持朕所倚赖已有旨慰留如何又坚欲求去政本乏人朕慎于简用故此稍迟知道了考选疏候简发

○是日颁赐二辅臣鲜鲋及讲萧云举等有差

○壬寅吏部尚书孙丕扬九乞放归攸诏勉留其行礼不便准暂免 ○癸卯以原任大学士王锡爵孙时敏为尚宝司司丞

○给大学士王锡爵赠太保户部尚书毕锵赠太子太保各诰命

○升右庶子黄辉朱之蕃为詹事府少詹事兼翰林院侍读学士纂修玉牒以山东右参议张大续户部郎中汪民敬等十二员为书写官

○乙巳赠原任巡抚浙江右佥都御史甘士价为右副都御史士价信丰县人万历丁丑科进士知黟县调丹阳县升授御史大理寺右寺丞左寺丞右少卿升佥都御史巡抚凤阳以艰归服阙起抚浙江升大理寺卿候代卒于任

○兵部尚书李化龙求去不允谕出供职军政疏即简发 ○吏部右侍郎兼翰林院侍读学士萧云举屡疏乞归礼部署部事左侍郎翁正春奏辞直讲吏部右侍郎兼翰林院侍读学士掌院事王图乞归俱不允

○戊申追封肃府淳化康穆王长子缙勋为淳化王谥温裕

○革徽州府知府邬元会闲住按臣张惟任劾其贪秽狼籍内称吴养春者世霸黄山富倾侯国抢莘墟祠木造别墅祸发赂本官三千金遂收其子为门生以屋改为讲学书院亲临溪南为之弹压受金壶金盒玉带玉萃各一银台盞犀爵犀杯各十佐席锦五十端折程八百两类是者不可枚举云

○总督陕西三边黄嘉善辞免恩荫不允

○己酉户部侍郎李汝华奏大原考满之府关廷访解边钱粮未完应停催升并应得恩典乞敕吏部待钱粮完日方列启事已后但有停升者即登注俸簿毋得一概推转则 明旨可信而国计亦得矣 上是之仍谕以后不许再违

○戊戌 孝安皇后忌辰 奉先殿行祭礼遣官祭 昭陵

○谕吏部阁臣员缺数多朕因辅弼重任得人为难故久未推补今特命尔部会同九卿科道官不拘在任在藉会推堪任的五六员来待朕简用不得滥及匪人故谕

○辛亥予太常寺卿管国子监祭酒事传新德一祭半葬新德山西定襄人万历己丑科进士改庶吉士授简讨与修国史升司业谕德三十四年典应天试升庶子侍读晋今职卒于官

○壬子大学士李廷机叶向高上言 东宫辍讲日久海内人情颺望甚切今秋气凉爽正当开讲之时臣等谨择吉日伏乞 钦定一日命 皇太子与 福王同出讲学侍班讲读侍书等官全乏谨推补以请

○礼部侍郎翁正春疏言 皇上之爱 皇太子也恩意肫笃视诸王有加冲龄就傅历寒燠罔辍中外颂之乃今文华昼扃讲席尘凝者七年奏牍徒勤 俞旨未降似能爱而不能劳始乎教而卒乎倦则中外滋惑矣比者大火西流爽气生凉乘此良辰速举旷典在 皇太子可无一暴十寒之患在国家可培万年有道之长矣不报

○甲寅巡视光禄寺户科给事中姚宗文奏光禄寺卿赵健等以钱粮徵角□羊之难各行户破家奉公号呼告领之苦议将中书医尽等官并儒士赏卓银米请裁未允者暂行停支各官业有本等俸禄又廩食于光禄寺即效微劳止其分内赏卓银米此额外者也暂住于今听支于后此以赢馑增损之权宜矣职更推广之各监局夫匠粟米乾鱼折价是也夫匠名数多在有无之间或计日可竣而故延至几岁月或应名数人而虚报至数十百人计名所给月粮已为无端冒破而复有粟米等项益之滥觞殊为可惜虽人止升合而月计之费且二千金岁计费逾二千余金此辈虚冒挥之不去各行户赔困逃绝招之不来即不能尽行裁革亦准令暂停以须后日国家财用入孔问于外额赋有限而盈者也今查参催角□羊之法当事者为公任怨而水旱蝗蝻沟壑为邻之赤子迫之就毙郡邑有司宁为地方受罚则法穷矣出孔问于内耗蠹易明而难塞者也若不调停均节以纾目前则虽库藏充牣犹将立尽况捉襟露肘之日哉

○旌表蒲江县廖启佑妻吉氏其子廖英妻雷氏云阳县生员刁柱妻黄氏嘉定县生员程路妻王氏吴县民缪天秩妻张氏以上皆夫死守志各题其门贞节通江县民刘治邦妻苏氏夫死于贼收尸毕雉经死灌县民文可邦妻王氏青年失所夫殁讫以身殉以上皆烈妇题其门曰贞烈

○乙卯 成祖文皇帝忌辰 奉先殿行祭礼遣官长陵

○户部署部事左侍郎李汝华题万历四十年又该天下大造黄册之期将浙江等右布政左右参政参议内择其年资尚浅才望夙著者每省一员并南北直隶巡抚都御史疏名上请咨移文翰林院撰给敕命督理册务咨部察院转行各巡按御史会同两直隶巡抚选委各府州廉能官员督造仍将职名开报吏部并本部及后湖管册科道知会通候事完方准迁转原定册式历年或行事宜照例刊刻榜文通行各省直翻刊给散所属府州县正官督同原委原役依题准事例将户口田粮等项逐都逐里清查明确具呈抚按务要坚白纸张如式攒造完备依限解南京户部水库厅后湖管册官磨对稽核如违限太久款数舛错者该科道查参究治仍照节年诸条款本部题准事例严禁里书人

等飞诡漏没及科歛诬诈等弊有司果能痛厘弊窦依限解徵听抚按具奏奖擢如贪懦无为通同吏书蠹国害民者重治上次册不合式如复蹈前辙该科册道随参严究经承员役以为怠事者之戒允行

○户部奏浙江修筑南湖水利功合将浙江右布政使吴用先水利道右参议兼金事魏珩如杭州府知府王畿通判徐桐推官孙谷钱塘县之县聂心汤见任知县杨万里余杭县知县戴日强俱应优叙 ○丙辰总督宣大涂宗浚题自丙午四月间虜王扯力克物故后虜情反覆王封六年不成今春五路台吉纠合七十三台吉与素酋为难忠顺亦大修战具以与五路为敌此诚封疆危急之秋也臣蒙

圣恩旬日间三奉 明纶促臣到任臣闻命兼程前进行至镇河素酋差夷使入边百里迎诉来意颇诚面谕以销兵之法于是忠顺把汉素酋俯首听命臣又传令五路禁其聚兵第循夷俗先与成婚后议封事五路亦听行半减兵马五月十一日卜酋忠顺已成婚讫坐待乞封与之题请无复大虑矣但五路要挟得志复生枝节挟忠顺移扯酋骨椽于归化城又挟素酋分其板升大半与卜石兔忠顺不从声言复聚大兵为难忠顺惧祸贿以名马银币方始暂止夫忠顺群虜之主也五路跋扈自恣忠顺不能束约众酋惟五路之言为听则忠顺势孤而五路之党益强将以挟忠顺之势挟中国矣本月初九日故差夷使一百二十余人持票投臣先讲宣府藉伊之力擒回史车二酋先年所许金币蟒獭十年未与今当补给次则欲增额外之马次则欲徼非常之恩盖欲借为兵端姑羈夷使不与速见授意中军及抚夷官与之反覆讲誓销其雄心久之夷使不敢复言除随机应变臣不敢言所急需者在沿边将领耳大同副总兵计辅升任应以北东路参将张万邦补万邦之缺应以北固原参将李梁材近日新河口松酋部落乘久雨墙倾入边盗马亦以守备史学光未任故有此失上西路张家口乃五路地方臣已咨兵部推补陈伦亦不可缓若平虜备御贺世贤乃总兵王威所用平日角□羊推恩义甚厚每一临阵恃为先锋先因王威暂归听用御史熊廷弼留领家丁五百名在辽应援贺世贤屡立战功亦既报塞矣近日王威起用大同总兵而当五路狂逞之时贺世贤宜还大同仍以守备领兵伏乞敕下兵部速为推补贺世贤即调大同领兵庶用人得宜而臣亦可从中指纵矣事下兵部

○丁巳兵部题陕西四镇皆冲俱应严防延宁诸酋虽中有确守款约而沙计银歹等丑犹怀挟报复甘固海酋火落赤近亦稍称受羈尚且假牧掠番情形犹为可虑严提备以伐狡谋申战守以申款约而沙计歹等秋高之时更宜加意今督臣王嘉善查照往规分布兵马处置合机宜战守俱有成画依拟覆请候命下移文该督抚衙门严督大小文武将吏俱于七月初旬齐赴分定信地设防哨探若虜果入犯则相机战守犯邻封则互为声援但不得贪功起衅秋防毕日果信地无失应援有功破格优赏题请升加若自分彼此逗遛观望贪功僨事照钦奉玺书总兵题参究治副将以下按法重处至是分布更戍省饷蓄锐等项俱如所议总督衙门照旧初秋移驻花马池控制要害便宜调度务

出万全诏曰可

○戊午准清平伯吴国乾男遵周优给候袭祖爵

○赏驼龙纳郎等族进贡番人阿六肖等十五名各给段绢银钞

○己未赠原任刑部右侍郎詹仰庇为刑部尚书予祭一坛减半造葬仰庇福建安溪人嘉靖四十四年进士授南海知县隆庆二年升御史建言为民给事中雒遵等荐补御史升广东参议万历元年致士科道交章屡荐十三年起江西参议升山东副使南京太仆寺少卿寻转金都御史副都御史协理院事刑部侍郎以员外赵南星条陈论列杜门求去寻予告归至是卒部覆谓其平生忠正敢言终始廉洁无玷云

○准原任户部左侍郎卢维祯孙坐补荫为国子生

○庚申翰林院编修吴宗达患病准回籍调理

○壬戌卯时金星犯木星约相离五十分在柳宿度

○赐周府鲁阳王在鍬谥端懿 ○丁卯命原任礼部尚书兼翰林院学士冯琦准补谥琦山东青州府临朐县人繇万历丁丑科进士改庶吉士授编修历升礼部尚书兼翰林院学士册立

东宫册封 四王行冠婚礼上

皇太后徽号诸大典礼萃集一时考核办理寝食靡遑劳瘁旋卒赐祭葬赠太子少保荫一子三十七年议谥偶一二人谓琦与阁臣阻格礼部侍郎敖文桢之谥又谓辛丑会试录进呈与传之外者有改易不同语礼臣慎重其事至是其子冯士述以为请章下礼部左侍郎翁正春奏曰原任礼部尚书琦才优经济器本恢宏其识略之明如官常吏治民隐边情历历可指诸掌其考综之博于国典朝章纪闻掌故一一能列其凡是条议动中机宜敷陈每多详切如规切宰执竟以奏记而寝

三王之并封檄回金口向金遂以权宜而完册立之大典他如塞给谏之幸窦阻中使之关防斥税监以护抚臣黜二氏以崇正学皆其表著者或者犹致冠礼仪注与时宰依违不知争定于前官已奉诏书万一争差于仪节恐误事机关系匪轻似难苛责试录一事公议已明朝仪同催盛典当锡遂有是命

○是夜二更有流星如碗青白色光明照地尾迹炸散起织女星西北行入贯索星
大明神宗显皇帝实录卷之四百八十五

大明神宗显皇帝实录卷之四百八十六

万历三十九年八月戊辰朔播州平后建设屯卫以土官舍军功及献土一事分别改授职级填补新卫罗天冠原四品土同知准授指挥僉事袁见龙袁起龙以所镇抚因献土加二级各改授副千户刘谦王宪以冠带总旗加一级改授试百户石良授冠带总旗至子孙革去冠带照总旗管伍各移住威远卫任事一应军政考察等项及折俸田亩悉照原议查行

○己巳大学士叶向高再陈求罢遣鸿胪寺堂上官宣勉即出毋负朕意各项章疏

紧要当行的朕自简发阁臣员缺候旨行

○辛未南京兵部尚书顾其志奏辞不允仍催作速赴任 ○壬申兵部援邦政
条例升报捷人员张守义等十一名各试所镇抚允之

○乙亥 孝敬庄皇后忌辰 奉先殿行礼遣官祭 泰陵

○戊寅 孝慈皇后忌辰 奉先殿行祭礼 皇太子千秋令节文武官朝贺祭
先师孔子遣侍郎翁正春行礼己卯祭

社稷遣公张惟贤恭代

○庚辰以 万上圣节颁赐二辅臣每金万寿字二副银万寿字二副金篆字八个
金书红符一道及讲官萧云举等三员有差

○升右谕德沈_{□□} 奎为左庶子兼翰林院侍读掌右春坊左谕德孙慎行何
宗彦为左庶子赵用光郭淅洗马南思仲为右庶子俱兼侍读左中允朱延禧为左谕德
兼侍讲国子监司业邵景尧为司经局洗马兼修撰

○准定西侯嫡长男蒋承勋承袭祖爵 ○辛巳翰林院印信准阁臣暂用阁中
旧例凡有行移行阁衙门皆用院印至是掌院事侍郎王图出城候旨印封送阁诸事悉
停一应官吏俸粮等项俱不得支大学士叶向高酌处以为请故有是命仍命图即出供
职

○壬午中秋令节颁赐二辅臣上尊珍饌

○癸未祭 月夕坛遣公张惟贤行礼

○甲申 万寿圣节文武百官朝贺颁赐二辅臣每银五十两彩段四表里及讲官
萧云举等三员有差又赐二辅臣上尊珍饌膳品寿面长春酒大学士叶向高诣仁德门
叩头称贺遣司礼监太监李浚管待赐甜食烧割酒饭

○礼部侍郎翁正春恭献 万寿八箴援金鉴录之意一清 君心一遵 祖训一
振国纪一信僚臣一宝贤才一谨才用一恤民命一重边防

○河南巡按曾用升奏今天下民力竭矣而州中为甚灾沴频仍饥馑洊臻三十七
八两年荷蒙 皇上留税发帑移米賑济灾黎藉延残喘詎意今春徂夏开归汝等处霪
雨浹旬平地水深丈尺飞蝗蔽野禾麦一空人畜漂流庐舍冲塌旁午告賑视上年旱灾
更甚一切蠲恤之恩尤难以常格拘者查得中州通省每年额派正税银一万五千三百
五十余万自二十七年榷税之后突增色银七万一千六百五十余两三十六年营建福
府蠲免河南府税银八千六百两尚该银六万三千六百两五十零他省之税徵于□中
州之税徵于□者不能十一向来地方各官苦于无处凑办不得已派之当铺派之各行
一蔬菜一鸡豚之微无不计物而榷之甚有比徵不全因监税催督紧急而那借正项钱
粮以角□羊者 皇上但见该监按季而进孝顺充廷可以侈富有充左藏不知百姓剥
肤变产而供有司垂骨敲髓而得者也中州京边钱粮自三十年以迄于今逋负已三十九
万有奇而光禄料价及藩邸禄粮不预焉天地生财止有此数既包赔那借而取盈于

彼必捉衿露肘而亏缩于此所盈者在内帑所亏者在边廷边圉犹属肢体中原关系腹心往年南阳张金李自省等之故事可为寒心繇前言之则剜肉疗饥是有害于民而无益于国繇后言之则悖入悖出有害于国而并不有其财矣 皇上试一念及此当有罢崇朝者倘以福藩营建方新钱粮支用不敷势难遽罢亦请将内帑一半先行停止而今岁秋冬二季税银仍如抚臣所请留以赈重灾州县候府第落成之日一并求罢不报

○乙酉兵部尚书李化龙历从一品俸三年考满加少傅兼太子太保给诰命奏辞优诏不允

○丙戌改萧云举为吏部左侍郎兼翰林院侍读学士掌詹事府印信

○起升原任山东巡抚右副都御史万象春为南京工部右侍郎升应天府尹陆长康为南京通政司通政使

○以大理寺右少卿杨宏科转左少卿右寺丞添注吴崇礼为右少卿升尚宝司司丞徐应聘为光禄寺少卿

○原任太子少保工部尚书为民遇恩诏冠带闲住舒应龙仍以太子少保起改兵部尚协理京营戎政

○升福建左布政使丁继嗣为都察院右副都御史提督军务巡抚福建地方

○起原任大理寺左少卿刘怀怒为都察院右佥都御史提督军务抚治郟阳

○以刑部右侍郎林焯为南京工部尚书升光禄寺寺丞添注梁见孟为通政使司右参议升河南左布政使袁奎为顺天府府尹通政使司左参议吴默升右通政广西左布政使林如楚升太仆寺卿南京太仆寺少卿钱士完升南京鸿胪寺卿

○以左春坊左谕德兼翰林院侍读蒋孟育为南京国子监祭酒

○光禄寺少卿李僚升太仆寺少卿南京光禄寺少卿朱吾弼为大理寺右寺丞

○戊子内阁题庶吉士钱龙锡堪任翰林院官其前次考过庶吉士魏广微堪任翰林院官麻僖堪任六科官并催请云

○以原任陕西左参政于士廉山西右参政冯拯为按察使兵部郎中杜诗员外郎刘尚朴山西副使王三才为布政司右参政兼佥事礼部署郎中事主事秦道显镇远知府张守让南宁知府梁炫为按察司副使兼参议户部署署员外郎主事蔡侃为按察司佥事内于士廉浙江分巡绍台杜诗陕西备兵庄浪刘尚朴备兵固原王三才山西管粮带催料价张守让贵州分守思仁秦道显浙江巡海兼理宁绍梁炫贵州清军分守安平蔡侃备兵思石

○己丑两广总督张鸣冈奏兹岁五月积两粤西水涨灌乎粤东沿江州县田禾概被滄没庐舍漂沉人民溺死无算臣据广东布政司呈报业具疏奏闻待勘恤矣伏念粤去天方万里望济无及即议赈议蠲为惠几何展转思维辄敢以撤税为请盖人见粤税以十七万余金计以为粤实殷饶致然而不知皆割之军饷也饷不足而仍加之民也重灾之后有司尤日敲月扑以逃参罚小民犹日朘月削以应诛求势穷时迫擢筋未足言

通累卯未足言危宜亟议罢撤以苏民命留中

○庚寅

宪宗纯皇帝忌辰奉先殿行祭礼遣官祭

茂陵祭 历代帝王庙遣公张维贤行礼祭

城隍旗纛等神

○密云县民以养马疲累比照昌平良乡事例告求蠲免总督王象乾为之请照通州剂量每地十顷养马一匹计地二千七百余顷共马二百七十匹所减马三百一十二匹行俵马州县照例折银角□羊太仆寺贮库兵部议覆从之

○甲午宴朝鲜贺

万寿节倍臣洪瑞奉等二十九员贺 千秋节陪臣李顺庆等二十八员

○祭

○太仓之神遣都御史孙玮行礼

○调礼部员外王光经南京别衙门用刑部主事黄景星罚俸一年光经奉差经过直隶因水手索直更夫斗殴死平人光经失于觉察禁戢景星亦因船户索夫廩窘辱驿官投河得救不死俱为漕台臣苏惟霖参论光经等奏辩至是吏部覆题请旨云

○朝鲜国陪臣李顺庆等角□羊还溧海人民林润台等三十二名俱莆田仙游人命羌官解发福建巡抚衙门严加鞫审果无情毙照常省发倘有隐情从重问拟具奏仍申饬海防之禁

○甲午工部街道厅主事沈正宗奏得京师连年水患非问侵占则沟渠必不通非藉严法则侵占必不可问非务在必行毫无假借则法必不可行臣顷略一清查阻挠纷纷起矣道之行也三都可堕法之玩也一墙难折积弛之余若不大加创惩必无以慑服奸豪拯拔昏垫相应再遵前旨除非紧要去处及棚墙房屋不系压沟者姑冤究外其余沟傍有买卖者止许照万历八年例撑张布幔不许搭棚筑砌墙屋违者尽行毁拆务使总会通街出水之沟疏浚深阔处处通流无碍而后已遇有阻挠不拘何人指名呈堂参处坊官有仍前怠玩染指徇私者从重参究但期法归画一毋得假借当拆即拆不得两可反滋衙役需索之端当参即参不得优容以启奸猾营求之路窃谓徙木立信以行秦苛法则不可以行周孔之制虽圣王不能易此在臣恪谨奉行而已

○丁酉四川巡按御史朱万春奏革黔江千户所试百户左云翼泸州卫百户王明第职先是分巡上东道王士琦监军援朝鲜云翼等以门吏窜名兵籍中冒滥级职世袭至是为人发觉也

○四川建昌守备署指挥佾事薛经论斩建昌会盐地方与云南武定界比壤三十五年武定有阿克郑举之乱薛经住劄姜州堡距金沙江三百里是时克举已遁矣经贿结土夷戈备买首级十二颗俘十三人虚张掎报以为当阵擒获阿克党贼两省抚按觉察往覆勘明引擅杀平人及被虏人口冒作贼级报功例并夺袭该道右布政蔡守愚罚

料理一今岁各府官自陈俱已奉旨惟云南巡抚周嘉谟曾经会拟又复留中嘉谟再
< 疏 金 > 申请亦未发西南重地尚兵乱之后巡抚官非得旨何以行事臣甚为地
方虑之一各省巡按官候代日久不复巡历极为不便今考选既未得旨都察院不得已
以前咨御史张五典荆养乔题羌云南应天二处以二处候代最久也一今岁南北考察
及南京纠拾各项俱蒙允行唯北道纠拾疏留中日久吏部初请经臣拟上亦复留中且
中有巡抚官去留未定何以奉职其关系亦不小也伏望简发

○原任南京户部右侍郎方弘静卒弘静歙县人嘉靖庚戌进士授东平知州筑堤
弭盗审户徵赋亦有异政升南户部员外郎历四川水利道佥事山东参议江西副使备
兵饶州散矿徒广西督学训士以务学敦行为主升江西参政理分宜狱平反株连属袁
守葬分宜相以礼先是起家时为分宜父子所抑至是恤其死人服其雅量晋左右辖太
仆寺卿旋以右副都御史巡抚浙江请增费去冗下令御倭必有外洋有功赉金币寻中
飞语去归十年起抚郟阳擢南少司徒请老归至是卒简静肃穆厉羔羊素丝之节著四
礼议均输议复古编素园稿千一录诸书诏赠南京工部尚书予祭葬

○工部虞衡司主事沈正宗条议明盔甲工科给事中马从龙言工部条例载每年
修理明盔甲臂手五百副分拆修量收修连补三项除会有不及外该物料工食银二千
二百一十七两零又系不等年例不等云者钱粮有定而年分不等谓如盔甲不坏即止
非强之以年年必修也至万历三十年不知何故用至五万一百余两且尽仰给于兵部
太仆寺旧章紊矣三十六年京营送回到厂四千副彼时巡视御史郑继芳查批郎中陈
嗣元以钱粮数多未题至三十七年给事中李瑾御史张惟任逐款再加删减计银三万
七千三百三十一两零彼时据近年事例得减一分即共以为幸臣视事稍久始睹修例
觉三十年题造之滥比原数多银二万两条例载有拆修量修连补三项今改连补为补
造又每项加增不等岂非其该役上下其手乎军器中最费而无用者无如明盔甲盖凡
临阵将官士卒俱穿暗甲围营操演所称选锋披戴七千副者止是 大驾幸南郊 皇
陵及大阅岁时一用以壮军容而已在营贮不如法辄坏辄造是以数万金委之沟壑合
无造完副该厂官役如法收贮不必送营该营临时取用事竣付厂如未经频用辄称损
坏罪有所归 祖制京营军士原无明盔甲始自万历九年三月内司礼监太监冯保等
传奉圣旨造五千副给与官军披戴每年一千副限五年造完遂载在会典二十五年以
倭警加二千副倭警久息即二千副尽化为乌有条例载成条例造明盔甲腰刀弓箭撒
袋等件每副九十八工每工银五分七厘今七百八十九件当用银二万斯尤异矣臣故
谓决无容补造也创造之始委属兵部协济岁修单属工部不可袭舛以匱寺帑惟浮滥
作俑全在二十五年二千副之加并三十年五万一百余两之借今所称旧卷新例是也
厂库二次会估不过据司厂送册裁酌而司厂又凭旧卷开造于郑继芳何尤哉继芳估
册现在非创为之且亦无五万之多今司臣沈正宗所执条例极是足破历年之误而于
二十五年及三十年之事未深可耳正宗锐意急公臣深有契于中独论该部职掌有诱

卸失平之意不得不一明之

○癸卯总漕右佥都御史刘士忠御史彭端吾会疏截留粮运户科给事中韩光祐言漕粮名为四百万除永拆及山东河南等处近运其实转自河漕者止二百八十余万耳留一分则少一分是三去其一矣此例一开人皆观望一年留各年俱欲留是岁去其一矣今岁阻水来岁能保无水乎今岁恤灾来岁能保无灾乎即如所云凡遇因灾改折就将前项截留漕米查拨减存军船支运以抵其数亦若可行但此八十万石不知百姓多少苦楚有司费多少敲扑方得此现在米与舟脱卸而去且无论行月粮及耗米即正粮中侵盗插和何所不至转盼间成块成灰何能竣改折之年以减存之船复致二千里外司仓押运俱不可问翼抵数之虚名弃现在之实米恐非计之得也粮船稽迟岂尽阻冻之故漕例所载督粮参政押运到湾催趲回南今俱为空言乎若复守浚则管河官所司何事何不浚于粮船未到之前闻往岁运船起粮之后有复往一滩载米抵湾一船至得价三十两者则空回之迟又不独在守候矣至于总兵官歛受常例岁以万计法令废弛督率不前则总兵可议更也况各旗军饱餐者现在乾没及行月粮耗米之利所垂涎者不旋踵而有明岁复运之利其谁不逗留争后乎乞严敕在事诸臣乘此秋深水平尚未沍寒星夜前进两月之间尚可抵湾即有冻阻明春冰解粮储道及总兵先后亲督兼程南下预移派江北就近处所领兑亦未为晚如有规避迁延巡漕御史照例从重参处诏曰漕运有成规岂容轻变着户部马上差人勒限督催仍将明岁新运严行申饬来说

○安远侯柳懋勋奏乞继祖母夫人邓氏祭葬礼部具覆命照例予祭二坛开圻合葬

○工科右给事中张凤彩奏内官监传奉该监拟乾清宫踏勘懋勤宫端凝宫寿安殿并门座等处各有渗漏损坏宜合修理奉旨作速修理已于八月二十五日兴工讫内开合用物料已数万金夫匠尚不在内会典六科职掌凡内宫内使传旨各该衙门覆奏得请然后施行今兴工旬日臣等尚不与知禁地至重阑入夫匠讥察当严中官口吻指挥不繇部估安识虚真钱粮多少不繇臣科何从看详如近日内官监又移文该部促金水博岸程工此项修理连年费银数万毫无下落如内臣言 皇上行幸至此有不治办惟当按治冒破经手之人举此一事宫殿可知伏乞敕令工部将传奉工程再加勘验得已即已可减即减近营缮郎中郭尚友于年例钱粮力加裁抑该监坚执不从此项实因修理乾清等宫而设合将今次用过物料即于项内扣除仍严加简缉计日完工以肃清禁地

○丙午凤彩又疏请建正阳门箭楼不报 ○丁未巡抚云南右副都御史周嘉谟疏请休致得旨滇南重地周嘉谟着照旧供职

○己酉阁臣题谥典一事往时皆于请恤之日礼部即为具题中间容有滥及自我皇上慎重兹典始命会议旧岁礼臣集九卿科道再三平隲择其公论允孚粹然无议者方敢上闻可谓至公至慎经今两年未蒙点发惟是朝廷褒劝之典终不可虚幽明

属望之心在所当慰谨将前次会议及礼部续题俱奏钦依者三十四人再录原拟以上乞 圣明裁定庶公论明而国典肃矣

○辛亥工科给事中马从龙言工部主事沈正宗论盔甲事内及郑继芳王绍徽颇涉钩棘疏末箴警一二语不意正宗复巧诋求胜谓京营原有明盔甲引会典三大礼等项摆朝内有神枢营明盔甲将军五百二员名为臣查京营军器有修理自盔甲厂者有兑换自兵仗局者兵仗局自有明盔甲自有年例不隶巡视衙门自万历九年以前该厂实不经造此物若戎政事宜正近例耳该部凡曾估必繇监督造册移会该司该司移会巡视共相拟议上下其值虽云科道主之其实根繇全在该部如该部据条例造而继芳别启一幸窞则罪不可逭矣如有自来也吹求宜自何始寝阁不题批案不行何如蚤据条例造册为愈也罪独坐于巡视而该部为无相干涉之人不谓之倭卸何也于秉忠柴价臣心知其冒破以出有实收曾谕之曰待奏缴时再加定夺应与即与应删即删实未尝扣也若牵至王绍□□山系父□之身臣不知所谓矣钱粮经臣手者因正宗之言不得不一明之臣曷敢为二臣解二臣若有染指亦非臣所能解正宗自负以在山虎豹何不取虞衡一司之事稍加整顿如在盔甲厂则预造修造各有定额会有会无岂无凭准钱粮岁岁关支盔甲年年不角□羊硝黄题办逾额如何动称缺乏该库领出至多如何辄云自备铅子何人滥加杂料有无冒破未完官工何止千百件未扣官米奚啻十万金在宝源局则铜□领银十万拖欠已将四五年未完作何追比已完作何钩□□<□身矢>如此一一综核不拂人情不亏公帑于国家必大有所裨似非分外事也士人有生平论人先大节二臣若果有玷官箴当明数其立朝败缺与众弃之不宜托名职掌传致深文快心掩击盖知止为丁元荐续貂而不知其伤正大体也止知为王图营窟而不知蹈倾险之习也此其排陷岂止二臣伏乞敕下部院体勘正宗所参郑继芳王绍徽事迹务要明辩虚实以定黜陟勿使蔓延波及善类并申明巡视该部各有职掌勿容推倭庶正人心修实政之一助也留中

○壬子大学士叶向高言外间喧传 皇妃王氏薨逝宫禁事密臣不及知经今四日未见传谕臣备员密勿不敢不请如以礼节未定有所迟回则会典开载 皇贵妃丧礼甚明且近有皇贵妃李氏例可行惟 皇太子与母妃则我朝前次未有所当敕下礼部斟酌上请者也

○癸丑接

圣谕 皇贵妃王氏于十三日酉时薨逝阁臣具题恭慰随奉圣谕皇贵妃王氏朕以诞育皇太子命居一宫自适前月间偶尔有疾即着皇太子自问安数次不意昨以疾终朕深悼惜览卿等奏已知道了是日阁臣言 圣情伤恻所有经筵日讲讲章似宜暂免事毕发引之后臣等令各讲官照常恭撰上进

○甲寅

○兵部尚书李化龙题请阅视各边御史敕八道诏与之先是万历三十八年正月

计臣请复先年阅视故事奉旨未行以六科缺人也至是议三年阅视之外特加一遣以示鼓舞若三年阅视恒期按臣自有专责按臣科臣风力既同采访无异按臣就差举事于事为省科臣增差增费事乃反多但于御史着实举行此常较严即其遣科臣之意也各御史既奉坐名敕书务令事完方许奏缴中有按期将满亦要宽限复命若别有事故亦须急请题差以便速完若一时缺人而地方有兼督者都察院不妨题请就近接阅期于毕事诸毙尽销可也

○乙卯皇太子第七女生三朝告 奉先殿收回脯醢酒菓颁二辅臣

○丙辰日讲官萧云举以给事中张凤彩论劾具疏求放

上以云举学行优隆考满改授掌詹亦不为越即着出供职

○丁巳贵州宣慰使安尧臣护印权司宋相师各备马匹羌舍人安邦俊等进贺万寿节赏彩段钞锭

○大学士叶向高言我皇上以恩笃宫庭以孝治天下凡事尽伦尽制臣工无不钦服昨礼部拟上 皇贵妃丧礼一切应行事宜经今五日未蒙允发明日便当辍朝之期已甚迫促该部所拟亦皆稽考旧章参酌情理无可迟延若复稽留外间又将妄有揣摩臣所拟号册文并望简发

○戊午礼部奏 皇贵妃薨逝合行事宜奉旨照世庙皇贵妃沈氏例行但臣历查我朝 皇贵妃薨逝俱未有诞育 东宫惟 宪庙淑妃为 孝宗敬皇帝母 世庙康妃为 穆宗庄皇帝母然其薨时皆未封 皇贵妃未经册立 东宫当日礼仪俱拟从厚况今 皇贵妃既膺封典 皇太子册立东宫已久尤天下臣民观望所系礼仪更当加隆谨条具上请一闻丧自本月二十二日起至二十六日止辍朝五日不鸣钟鼓 上位服浅淡衣服于文华门视事文武百官各具青素服黑角带朝参次日文武百官行奉慰礼一欽命 皇太子主馈奠之事 皇太子率妃入宫衰服哭尽哀行四拜礼视小殓大殓成服后朝夕临哭三日以后每日一奠通前二十七日而止其斩衰避 君父之尊止于燕居私尽以伸子情一 御祭一坛 慈圣宣文明肃贞寿端献恭熹皇太后祭一坛 穆庙皇妃共祭一坛 中宫祭一坛 皇贵妃等妃祭一坛 皇太子祭一坛 皇太子妃一坛 瑞安长公主祭一坛

福王妃祭一坛 福王妃祭一坛 瑞王 惠王 桂王共祭一坛 荣昌公主 寿宁公主共祭一坛 汝安王继妃祭一坛 景恭皇妃祭一坛尚六局祭一坛内官内使共祭一坛俱光禄办用是日内使陈设祭饌并位如常仪内导引官导

皇太子并妃诣拜位赞礼赞四拜奠酒读祝四拜举哀兴哀止望痊礼毕一行欽天监选择小殓大殓焚黄日时一欽定谥号一行翰林院撰谥册文各祭祝文圻志文一焚黄用黄绢装褱如册样两叶写册文是日陈设祭议以祝文及册文置于灵前内导引官导 皇太子诣灵柩前赞四拜礼赞跪执受进于 皇太子之右赞受爵献爵受爵献爵受爵献爵赞读祝跪读讫赞宣册女官取册立宣讫赞俯伏平身赞四拜礼毕焚祝文及

册一七七百日周年二周年 御祭一坛 皇太后以下俱致祭如初丧俱光禄寺办祭
在殡 皇太子率妃行礼仪如初丧葬后遣内官坟园行礼一 皇太子禫服日遣内官
于坟园致祭光禄寺办祭一安葬先期启土遣官祭告 后土钦天监差官二员候时执
事官陈设祭饌如常仪赞再拜兴酌酒读祝赞拜兴礼毕一工部于坟园及各坛路祭并
灵柩顿歇处所预搭盖行享席殿仍量盖小席房以置仪仗等物一发引前一日晚设奠
辞灵内侍官陈设牲醴如常仪 御祭以下祭俱如初丧俱光禄寺办祭一钦遣大臣一
员题主一发引前题差工司属官入山送葬一送葬入山官员素服走送至德胜门外骑
送至葬所步行至享殿安葬毕还日朝见一发引启奠祖奠遣奠 御祭一坛 皇太子
各祭一坛俱光禄办祭仪如初丧是日执事者先以方相旛幢车驼马鼓乐真亭彩亭以
次排列于玄武门外内使捧铭旌魂帛导引柩出玄武门外捧柩就輿内官以魂帛置小
车中 皇太子步送出京城外路祭毕还宫文武百官免朝参各素服黑角带随方相后
行至路祭处所致祭而还一鸿胪寺差序班八员于德胜门外摆列致祭官员务要谨敬
一过门太常寺办祭品门内遣内官行礼外门遣太常寺官行礼一路祭 皇太子祭一
坛皇亲并驸马共祭一坛公侯伯文武衙门共祭一坛俱于德胜门外祭外命妇共祭一
坛于鼓楼迤西俱光禄寺办祭一台柩挽歌执翼夫役行顺天府擎执旛幢香炉纸案等
项军役行兵部转行戎政厅各拨用其孝巾孝带行工部转行内府该衙门制造一灵柩
前仪仗内使女乐三十二人花旛雪柳女队子二十八人女将军二十四人一灵柩至坟
园奉安 御祭一坛 皇太子祭一坛俱光禄办祭护丧内官行礼祭毕执事者进献赞
读祝立读毕焚祝文内侍启柜受主讫跪奏请 皇贵妃神主降座升輿内侍捧神主升
灵輿至行享殿内侍跪奏请 皇贵妃神主降輿升座内侍捧神主安奉灵座讫行安神
礼如前仪一神主还京内侍于 神主前奏请 皇贵妃神主降座升輿还京奏讫俯伏
兴于灵座上奉神主升灵輿进行仪仗侍卫如常仪护丧官后随在途仍朝夕奠一迎神
主先期于城外教场门前席殿内置幄次次日至执事官备仪卫教坊司备女乐鼓吹设
而不作文武百官青素服黑角带出城奉迎神主入幄次行四拜礼毕神主进行百官随
后至德胜门外仪卫等退护丧亦退至内宫 皇太子率妃以下俱迎神主于门以次后
随 神主至内宫内侍官于灵輿前跪奏请 皇贵妃神主降輿升座内侍官捧神主安
奉灵座讫内执事官陈设牲礼如常仪 皇太子率妃以下八拜位行谒见四拜安神礼
如常仪 上命发引日 皇太子步送至玄武门外柩就輿行路祭毕回宫

○丁巳吏部员外董应举条上铨政九款一曰验封考功稽勋三司掌印须用旧人
旧人起者不必推托辞免闻命即起有缺即补一则可以旧法示后进一则可以老成重
衙门一则可以缓急待用衙门不至乏人一曰官有专掌则吏不为非吏部一年便转数
次以一两月之官御盘据久占之吏吏弊繇此山积周历四司必更历数月纵遇有缺或
前序转而后超或前超而后循各使行其志而究其用一曰外官请告经既抚按代题当
听其去不必再加赞辞其进表官员仍宜于抚按处求题不许自请至于地方缺官抚按

拟人坐请似侵吏部之权宜各守其职一曰文选主官而吏则必繇功司而验封此职掌也独援例冠带者不论历役一年半年径繇文选考功不得查其籍验封不得验其单长奸启幸莫甚于此今必令原籍起文先投考司查付封司纳办而后付选司断不宜仍前径题且恐有来历不明之累也一曰百官俸单考语册库掌之一单几番入各役之手毙安得不滋宜令书办照地登写途阅时仍令本官自分所管具揭俸序会送右司阅毕即令当堂合造一册分作三号则分地之单不入他手一写之后不复乱翻稽察不烦奸毙亦少至进表官所赍考语宜令各省直途册另用薄纸小样可以裁割粘单则书写不用一日可了数省此亦册库简易直截之规也一曰吏部效劳之滥自孙尚书前时定为七员后定十三员其后冒滥已极前任杨侍郎始列二款其一尽革不留其根其一姑容五十员不许私引令其渐次消绝非以五十员为定数也今概目之曰劳甚至有劳簿不载之劳免而又免之劳皆酬以朝廷之官予之以例银若照事例穹年加纳改级等银一人破例银少亦不下三百余金每岁不下一万余金人但知其滥不知其阴耗边储也其在劳簿者应照所定七员十三员或再拓为二三十员其在劳外者一切痛革可也一曰书办门吏三十六年奉旨严革者今欲革之当自禁部羌远接始各官原有后堂一员使之远接此项自可立除今著为令各司官看门止用长班书写只顾闲人仍不许携入衙门升任起用不许再令门吏书办远接止令后堂长班既绝其远迎之路自无割之情有此者许科道衙门参论一曰当该掣签之法自今吏部诸役凡入部三年不开粮者皆以其缺公制各科书办上粮冠带选官皆与当该同是名书办实当该也当该之缺既掣书办之缺可令人顶乎验封司实拨科有当该矣又有办事四名是一科五当该滥不已甚乎当裁其一此省官不如省吏之说也而书办办事之说亦名公掣当该既掣书办办事又掣则衙门员役之不清盘据之不破未之有也一曰顶首为吏害欲清吏弊必当行顶首四减尽绝之法参以考察当自本衙始本衙门顶首甚多当作五减除前以革尽而后生出者当折其半而为初减甚已递减注簿明白者照减数减之其未注减数者概作二减之数其见在送问考察革出衙门者皆革其半罪重者全革则豪吏不能占缺贪吏不致改参奸吏亦有所畏推而凡吏之冠带者令报递减顶首数不减者革其役法有不行乎此九者皆铨政之所当讲也

○己未陕西徇贼潜渡黄河屢于山西平阳一带州县劫夺村堡杀戮兵民该督抚按官涂宗浚魏养蒙等具报久之擒获首领田有奇等兵部以闻命行巡按御史审臬示

○庚申日讲官王图二十二恳恩赐放不准

○户科给事中韩光祜题 瑞王婚礼自传旨下部今已三年徒以钱粮不敷遂致稽缓今年四月户部办进金宝珠石等物已及七万时诎举羸搜括殆尽曩者 皇上大婚礼成止用七万不闻典礼有缺乃御用监把总张润泽内承运库事太监孙顺相继题请欲如 福王之数夫 福王婚礼所用岂真有加于七万之外而用之十九万者则阉寺勒索吏需乾没口人营干通同侵牟名归于上利归于下今复估至二十万而仪仗锦

錡不与焉臣等合疏请裁不报当此九边告匱四方告灾帑金如洗必欲原估之数俟之何日岂繁饰是重而典礼为轻乎岂阍寺诸人之厌足是急而天潢之伉俪为缓乎惟我皇上以身为范以礼为准以今昔为程量以盈拙为权衡慨然决断卜期举行不报

○辛酉兵部尚书李化龙上言国家用理财原非二道纳级拜爵原非典章迩来武途冗杂奔兢成习痛加裁抑尚未戢止况加纳纷纷几无虚日臣等既勉为移咨将督抚诸臣视部为何如至于总兵参将等官既繇阿堵纳用则臣部之推升铨选更以何为今分别应行应止列款覆请乞命户部一体行 上是之

○癸亥原任都察院右都御史兼兵部右侍郎沉思孝卒思孝浙江嘉兴县人隆庆二年进士授番禺知县升刑部主事以江陵相夺情建言廷杖谪戍十年起原官改尚宝寺丞历太常寺卿顺天府尹十四年被劾调南京大仆寺卿十九年升右佥都御史巡抚陕西被劾调抚河南升太常寺卿兵部侍郎协理戎政二十四年乞休回籍至是卒礼部覆请予祭葬如例

○南京国子监祭酒蒋孟育以中途患病乞归调理不允着到任供职

○乙丑兵部勘明锦州游击于守志失事情罪先事阿从妄杀以启衅临阵畏缩先退以陷城依律坐辟王泽王兰住耿尚仁各升一级世袭命于守志着监候处决余依拟

大明神宗显皇帝实录卷之四百八十七

大明神宗显皇帝实录卷之四百八十八

万历三十九年十月丁卯朔颁历

○是日享太庙遣公张惟贤恭代

○礼科右给事中周永春等上言几辅今岁水灾较之三十二三十五两年其势尤甚小民盼望蠲缓之诏以日为岁今已数月杳然无闻查得牧地自万历十年清丈共地一万六千余顷每年角口羊部银三万三千九百余两至三十二年腾骧卫千户李英等奏差御马监太监王昇查勘每亩加税每亩原徵一分以上者俱加至三分共增一万六千余两此监银所始也一地二粮民实重困自加税以来如宝坻蓟州等处即节年将部银拖欠其监银虽有完纳不过移角口羊部者以角口羊之时和年丰犹冀畏法输纳今地无寸壤粮从何徵昔犹卖男鬻女今兄弟妻子离散而无可售犹昔典产卖室今房屋地土冲坏而无可质昔犹称贷富户今富者贫贫者逃而无所贷乞将本年监银未徵并拖欠银两俯赐特免至部银除议徵一半及徵六分外其未徵暂从停缓带徵酌俟丰年免一分民受一分之赐缓一日民获一日之生留中

○戊辰

孝洁肃皇后忌辰 奉先殿行祭礼遣官祭 永陵

○大学士叶向高题同官臣廷机自被论求去累蒙慰留大臣被论便合引去祇为候旨迁延致论者百余人积二百几十疏不堪极矣自戊申辛亥四年转盼新春便是五

年羈栖守候度日为苦望上俯从所请暂予回籍进退有礼始终曲全亦优弼臣老臣之道也

○改南京文选司署郎中事主事董可威为南京光禄寺寺丞添注支正五品俸可威管理计典循理迁转也

○予原任太常寺卿管国子监祭酒事传新德祭一坛减半造葬

○南京河南道御史张邦俊论学臣命题割裂破碎或牵扯扭搭其于圣贤立言大旨甚相悖戾恐文体日纤世风日巧因及于条约礼部侍郎翁正春具覆列为三款谓试卷宜角□羊部每岁试事年终将真卷类角□羊其有文体险怪出题穿凿者摘出参处一谓小试兼重后场考较诸生前四书义二次经义一而论表策必兼出篇数不完者即文可观不列优等有文无论者即列优等不准帮粮庶乎士务实学不以幸进一谓弊窦不可不严传递之弊干溪百径虽新奇其题目亦何以异学臣除一切关防严密仍洗绝此弊至条约亦卧碑所载及先辈名督学<□□矢见>条采择汇成一册刊刻颁布如巡方总约然令之永为遵守则学臣既不烦区画而士子亦便持循不可不亟为议行也上报可仍谕科场文体诡怪日甚屡禁不遵科举在即迩部还详议申飭务法在必行以挽敝习

○准发太仆寺马价银二万两角□羊赴辽镇给赏斩获虏级官军仍谕作速勘明叙录从兵部请也

○己巳是夜木星顺行犯轩辕星

○升浙江道御史徐兆魁为太仆寺卿分管东路

○兵部尚书李化龙以会举期迫请遣大臣代试以襄大典 上曰会举系兵部职掌岂宜他委且枢务方殷卿猷望素隆正切倚任着即出供职 ○庚午 中宫千秋节免中宫千秋节免命妇朝贺 癸酉大学士叶向高奏请补阁臣向高在阁独任四年请补疏至是且百十矣

○甲戌礼部覆奏吉府翊銮系例后进封亲王除长子承袭亲王外余照原封世次授封不得冒滥郡爵今本王欲以第五子常源封为郡王援二子三子为例不知要例有例后加封者查照世次改正则二子三子不改亦为幸矣乃欲援为例乎恩数常节法守宜遵常源应照本等爵级封为镇国将军报可

○兵部尚书李化龙实历从一品俸三年考满加少傅兼太子太保给与应得诰命

○乙亥升改南京吏部稽勋司郎中张泮为尚宝司少卿添注

○丙子内官监太监卢进孝郟进张进忠酗酒毆死军人李忠法司执之以闻命俱著提了问进孝拟绞秋后处决进减等杖一百徒三年张进忠刘忠减等杖九十俱照例运甑赎罪完日送司礼监发落得旨卢进孝监候处决余依拟

○周府仪宾于三省奸恶谋贿污官纵妻撒拨知府王之都执法锄强抚按会题刑部都察院覆请并长史苏民质教授杜杰俱辅导官亦应提问命行抚按官提问严究该

府宗仪扰害地方屡次见告渐不可长周王也须加意铃束毋致宽纵

○丁丑户部左侍郎李汝华奏漕事之坏虽多端而其弊莫过一迟迟之故其大有三一曰回空之迟当覆其罚一曰开兑之迟当惩其怠一曰僭运之迟当核其罪三者如期则诸弊可保其无今参究止及卑官而道府县正未见纠劾何以惕人心如上海知县徐日久青浦知县王思任五月方才阅兑六月止兑十之一二行催不理巡漕已列名指摘伏乞严敕中外一切俱照议单严加考成而二令并加罚治庶朝廷有必信之法而远近无<□□矢见>避之心报曰漕务玩弛非法在必行申饬何益所议着严行遵守徐日久王思慎各罚俸一年俟明岁兑运迟速着巡漕御史奏来再行议处

○广东东山参将刘继宽打死百户陈铭问绞

○戊寅颁给建州等卫补贡夷人奴儿哈赤等二百五十名各双赏绢疋银钞

○己卯礼部左侍郎翁正春疏言

○温肃端静纯懿皇贵妃择地一节屡请不蒙简发安厝无地发引何期宫禁森严既非灵车久栖之处天时寒沍尤非力工易施之时况转盼便是新春正值迎禧伊始此事可不及今冬完毕乎伏乞敕下臣部作速遣官相择施行越三日 上命正春同各官诣 天寿山看得东井一地覆奏报可

○庚辰大学士叶向高题都御史许弘纲以辽左勘功无人请亟发考选臣谓非但勘功紧要巡按官必不可缺此官奉 天子之命三尺从事将吏士民皆其弹压人自辽东者皆云抄花点悍虽两经挫败而结连诸虏日夜窥边当此时得一巡按官为之吊死问伤固结军心而振其气亦一大助夫宁独辽各省各差之不可缺率皆类此 皇上犹靳于考选之一下何哉科臣姚宗文言今阁部同心力请考选而不能收以人事君之效皇上无憎谏臣之意而独厄考选诸臣为不可角□羊此二端者岂但宗文不角□羊即臣亦不角□羊也 皇上操进退用舍之柄昭然揭日月而行何苦使人猜度 圣心求之而不得其故乎不报

○辛巳蓟辽总督王象乾报抄花父子挫于镇安互相诽怨必欲再逞北纠宰赛宰赛不欲远来西纠以邓儿不许同来遂东纠卜言顾伯要儿等营西纠哈喇漠乃蛮等营合力内犯清河抄花营与我相持余所纠集借倩各营之虏利在抢掠而来无所获骤遇截杀各爰其死先逃抄花亦溃以捷闻乞诸将士升赏优恤并前次功叙录章下兵部

○壬午予原任中军都督府管府事武进伯朱天爵祭葬如例

○赠原任吏部左侍郎兼翰林院侍读学士孙继皋为礼部尚书仍补与考满赠荫

○云南抚按官为遐方吏治未兴民生久困条上事宜四款一曰方面劝惩万历二十年 明旨松潘茂州二兵备遇升转考满时抚按官照九边例保留加衔久任今几何时抚而二道之加衔久任绝响矣宜令各抚按将两广云贵川湖邻番邻虏邻苗邻缅甸倭道分查确具奏下部另立边远俸簿照九边例酌量优处其初补也务要资望相应以盘错别利器其升迁也间以边腹互转以调济平人情如或<□□矢见>避逗遛照新例

重处一曰有司升取七省抚按官会查所属府州县要地方某堪科甲某堪乡贡酌议具奏部中注明缺册将进士贡举酌量道里远近相兼选补政成之日行取推升视腹里务加优异仍先立边远有司俸簿另计升迁如堪久任者或宠以服色加以职衔或就近题转不问科贡他途听其精核题请即与议覆一曰斟酌降调调简官员唯拘省分之大小不论事务之繁简以致云贵两广用兵之地四川山狭邻边之所守巡郡县多用衰颓降调整刷难前宜行各省抚按将所辖府州县正佐但紧用要地方不宜处以降调者查确具奏部册注明凡遇缺出务选道里相近才力优长之人除补不得复以衰颓降调者充数贤者得小省则当另算资俸优以升转若左迁善地者不得与之较深浅题本之时一用今疏朱语一用降调官员则不致混而无别矣一曰永恤卑官云贵广西土司吏目多无衙门驿丞多无廩粮岁俸不满十金或被夷猺劫掠或跋涉不前人不愿赴宜行各抚按将所属土司吏目可裁者巡驿可归并典史带管者附郭县分有府仓而县仓可革者或官难议革情可体恤者或近报转或量与周给仍于邻近风土相宜互相除授亦平铨政之急务也吏部覆闻 上曰边远地方关系最重近来选转迁选不得其平以致人情厌薄官偷民困无以称朝廷轸念远方致意依议着实行以后不得因循玩视复成寝阁

○癸未大学士叶向高题 皇居四方之极三门鼎建尤观瞻所系自前岁左右两门已有次第惟 皇极门以方向不利缓至今岁今岁又将暮矣工部屡请未有俞旨其木料为风日雨雪所侵已多毁坏一木之费常至数千金甚为可惜今寒沍已近工作将停若不趁此时竖柱转眼便是明岁假使明岁复有拘忌则鼎建愈为无期前此工费物力皆付之无用矣库藏匱乏岂能堪此况左右门已成而中独阙甚不雅观伏望 圣明即将部疏批发择吉竖柱以便明岁接续兴工非但所省不费而于朝廷体貌亦增严肃

○韩府永福王谟堙诸不法事勘明命革去封爵降为庶人发闲宅居住

○甲申 诚孝昭皇后忌辰遣官祭献陵 大学士叶向高题今岁秋审已毕又蒙停免仰见

皇上好生之德同于天地惟是矜疑笃疾人犯该部再< 罪 疏-金 >上请未蒙允发 圣心于法所当刑者尚不忍即置之死岂有情可宥者而不欲曲全其生该部所奏旦夕必当得请但昨刑部尚书赵焕谓狱中人多天气严寒蚤一日则诸囚蚤蒙一日之恩又今岁熟审未行所望于此番者尤切故臣敢冒昧申言非但为各犯祈生亦欲使皇仁之速布也

○礼部右侍郎兼翰林院侍读学士刘曰宁疏辞新命 上谓曰宁以文行召用着遵旨前来供职

○升王象乾为兵部尚书兼都察院右副都御史照旧总督荫一子入监读书给与应得诰命其川贵功次着兵部即与议覆以实历正二品俸三年考满也

○予原任南京吏部右侍郎赵士登祭一坛减半造葬妻洪氏祔士登直隶泾县人万历八年进士授武昌知县擢御史巡按江西贵州顺天刷卷京畿道大理少卿佥都御

史晋吏部侍郎以入贺旋里三十七年十月卒于家礼部覆疏谓其含弘雅量缜练宏猷长才可以大受重器可讫于颓龄云

○丙戌户科给事中姚宗文今新律既颁 皇上御宇垂五十于兹矣而勉勉纲纪之效未睹也揆之前代所为与治同道者无一有而与乱同事者无一不有起废官补僚举枚卜廷臣时请之而 上坚持之至如考选诸臣一经候命旣已三年有臣不用与无臣同仁贤空虚而祸中于国爱惜人才与自为社稷计两者俱误大凡言官论人论事意有邪正言有是非明知其非而非者不妨显斥之罪遣之正而是者褒加之随施行之其宸断未决者下廷臣公议则国家得言官之用而言职举今 皇上深居静摄如慧剑不割帷灯不照诸臣疏论总归尘阁其得失原有定论而庙堂一无处分其言废则其官轻在列者销铄将尽后来者困顿不前乞将考选一疏即简发施行多士敬猷群策毕举天下事正可为也留中

○准宁阳王载埏庶第三子翊金□敕封为宁阳王长子乐昌王庶第二子鼐鉞为镇国将军富顺王长子常溥第二子由桎永新王府镇国将军载土□底庶第四子翊金□晶乐昌王府镇国将军廷墀嫡第四子鼐金□昙俱为辅国将军富顺王府辅国将军翊鏐庶第五子常沪为奉国将军都梁王府奉国将军载越嫡第三子翊金□悛载<□土册>嫡第二子翊镜载埏庶第六子翊金□印高密王府奉国将军颐檐嫡第一子寿□金尼木□阳曲王府奉国将军表禧第嫡一子知□□火几□表祢□散嫡双生第一子知耿第二子知吹阳山王府奉国将军载□土厂□□庶第二子翊鏞汝阳王府奉国将军睦朵□瓦嫡第三子勤甘□熊第四子勤<□灭又>乐平王府奉国将军旭林庶第二子融□□火鼐锴嫡第一子鼎深鼐金□翟嫡第一子鼎沥俱为镇国中尉都梁王府镇国中尉翊□金□元文□嫡第五子常泐翊敏嫡第一子常泮翊金□屏嫡第一子常濂翊金□箴嫡第三子常浚钜野王府镇国将军观火□刺嫡第五子颐□□里俱为辅国中尉都梁王府钜野王府新野王府曲阳王府辅国中尉常□□湮嫡第一子由桢颐壘嫡第五子寿金□<□仁易>颐□□垒嫡第一子寿□金山巾□硕<风-几>□美嫡第三子慎厂□钦第二子慎□厂金文□俱为奉国中尉各给诰命禄米如例

○戊子户部题裁山东河南两省监兑主事且言主事王家瑞逞暴戾盈溪壑已经按臣论列合移咨吏部量处以饬吏治 上命监兑官准裁革以后不得再请设立王家瑞着便参处来说本部议照浮躁例降二级调外任用

○礼科右给事中周永春等言据仓场大坝二十四马房□人刘仲智等告称先年□价并未搭钱万历二十七年间户部议以五十文作银一钱搭钱三分之一每一万两可以佐国故官俸粮商人价值搭钱通用假如官以五十文支给市以五十文行使上下行使今市价每银一钱易钱六十六文官仍遵行制以五十文给商每搭钱一万两商折银三千两内外商价一年不啻数万两窃见官吏俸粮搭钱俱照时价给散官民一体何独殃商臣等巡青节查每年两次会估酌量丰歉除散给各商外大约上有赢余是此

情形杀人之不武养之不便查往例递至两广总督军门发还本国安插处置以示 天朝柔远之化章下所司

○己酉工科右给事中张凤彩言内承运库坐派浙直纒丝纱罗绫绸绢帛山西潞绸共四万三千三百三十九疋段南京供应机房原备不时织造工料取之南工部如必欲派之浙直责之抚按国家原无此项钱粮近年借及户部借及漕库一经那移吏书为奸不肖有司因缘染指名虽云借几时办还究归朘削閭阎此殃民之大者也旧制长以三丈五尺为度嘉靖中改造犹然今改为四丈二尺以上除 上用可遵近例赏赐非内外臣工则夷人耳何必加数糜费若山西土瘠民贫旧时传织甚稀近年罢织未久应免以苏灾地子遗之民又岁造改造原属有司抚按之法得以加之故渔猎之弊少自三十一年归内监鲁保更多一番须索之苦乞仍归有司便给事中马从龙继言潞绸供亿之苦一绸之费官价之外不啻三倍而劳扰鞭朴不与焉山西粮饷尽解三边岁以拖欠为忧加以连岁旱荒搜剔殆尽如万不得已照先年召买事例令工部行之便俱不报

○辛亥巡抚江西右副都御史卫承芳以宗禄之数今浮于昔岁派之银出倍于入适今不为区画亲与民日益俱困湖广禄米本色每石折给五钱河南折给三钱五分惟江西独以八钱初以禄多宗少也今禄少而宗多矣议自万历四十年而后应封者名为新封照例减给五钱见在食禄各宗名为旧封俱准免减异日耆数渐稀岁额如故后生辈出支数无加更逾数十年有新无旧而一百人之禄可摊一百六十人财力亦少纾矣此一策也新封倘未穀支或于旧封银内按其米石扣出若干以凑给之旧者稍缩于八钱之内新者不出于五钱之下十年五年一次备覆摊匀数目题知扣发世不限封爵世不裁禄粮只尽各宗见支之折额而均及于将来待封之子孙原非夺此以与彼且人知定分互相稽查冒封冒禄者自清矣此又一策也支额不敷或量增千百至新封民较工食每名限七两二钱以恤差徭礼部具覆量增禄银三千九百两以足十七万之数永为定额不许加派俾小民少苏各宗亦免重困矣依议行

○壬子以圣母万寿圣节颁赐辅臣李廷机银五十两纒丝三表里叶向高银四十两纒丝三表里又每金万寿字枝二副银万寿枝个二副金篆字八个金书黄绫符红绫符各一道银书红绫符一道及讲官萧云举王图翁正春有差

○癸丑 孝惠皇后忌辰遣官祭

○茂陵 孝烈皇后忌辰 奉先殿行祭礼遣官祭 永陵

○谕内阁朕自去冬以来屡屡动火头眩调摄服药过多以致流痰注足甚痛恭遇圣母万寿节适值履长之辰理宜称贺但今步履不便御门免特谕卿知大学士叶向高回奏望上葆啬精神和调荣卫思药饵之不可过而惟慎之于起居知流痰之所从来而必戒之于动火上副 圣母慈爱之心下慰普天覆帔之愿是日向高诣 慈宁宫门外叩头庆贺 上遣 司礼监太监李浚管待赐酒饭烧割糖食等

圣母赐荤膳一盒手盒一副酒四瓶

○礼部上学政条约

上曰教条既酌议停当着颁行遵守以后提学官不许另撰解到试卷有文体险怪不遵明禁参来处治

○兵部奏贵州剿苗仲功请择日祭告 郊 庙宣捷报可

○以副总兵祁继祖镇守陕西地方

○阅视按臣金明时等题叙有功文武官员兵部内阁屡请至是命赐王象乾银币孙玮升兵部尚书照旧总督荫一子为国子监生赏银及大红飞鱼衣给诰命张悌赏银币仍起用李景元升兵部右侍郎荫子入监给诰命银币魏养蒙赏银币给诰命蹇达马鸣銮杨时宁刘四科连标霍鹏各荫一子入监与赵耀俱命礼部从予优予恤典王国赏银币常世爵实授都督同知王邦俊等二十五员以下将佐各升赏有差

○甲寅冬至 大祀

天子 圜丘遣公张惟贤恭代文武百官天下华夷赍俸朝贡官员人役等于午门前行礼称贺

○总督仓场孙玮疏辞前阅视叙录升官恩命不准

○乙卯升淮安知府姚鋹为山西参政兼佥事整饬宁前兵备

○以云南讨克举公叙赏将士及恤死事者

○辛丑工科给事中马从龙言漕政之坏固非一端莫如缺船之害凡开兑僦运回空之迟皆繇此致因条议款一曰办船料一曰严督造一曰核积缺且言今岁阻冻皆以水涸为辞当令管河衙门预为挑浅其山东地方泉源预加疏浚留中

○甲子命礼部行顺天府祈雪

○予益府浦阳王常浆祭葬如例仍准令亲侄兴安王由幢出城送葬

○朝鲜国王李瑋请补给世子冕服以被兵火失之也予之

○广西靖江王府已名未封宗幼任銓口日殴人死抚按以闻命闲房禁住

○乙丑吏部尚书孙丕扬以老病不堪统均乞赐放还 上曰统均重任朕所最慎卿又朕所特眷老成难得已屡旨慰留其勉留供职

○南京通政使陆长庚以疏通钱法奸徒望风抢夺乘机阻挠且疏久未下至是以病乞休报曰留徒奸徒盗铸抢夺法宜禁治岂得因此求去其各犯曾否捕获作何惩究还着各衙门具奏不得纵容

大明神宗显皇帝实录卷之四百八十九

大明神宗显皇帝实录卷之四百九十

万历三十九年十二月丙寅朔兵部尚书李化龙以病求罢命调理供职

○虏犯墙子路提调李报国怠玩革任提调参将刘汶降级管事作贼夷酋阿拜等革赏

○丁卯准巡抚顺天右佥都御史王邦俊回籍调理病痊起南京别衙门用

○己巳

慈孝献皇后忌辰 奉先殿行祭礼

○庚午礼部奏采访历学精通之人如原任按察司邢云路兵部郎中范守已一时共推可用先年修历以户科给事中乐護工部主事华湘俱改光禄寺少卿提督钦天监事事例二臣所当酌量注改京堂衙共历事又访得翰林院简讨徐光启及原任南京工部员郎李之藻皆精心历理若大西洋归化之臣庞迪峨熊三拔等携有彼国历法诸书测验推步讲求原委足备采用照洪武十五年命翰林院李翀吴伯宗及本监云台郎海达儿等修西域历法事例将大西洋历法及度数诸书同徐光启对译与云路等参订修改然历法疎密莫显于食交交食真伪莫逃于测验欲议修历必测交食观象台年久渗漏地势失平仪器欹斜与天度不合公馆直房俱难栖止台顶须添造板房一间台下添造直房五间及增制天体星球各样日晷以便测验且钦天监官留心历法不失其业者不过数人至于天文生阴阳人关葺粗疎罔习本业若不及今大为振刷亦可将来讹舛日甚留中

○壬申巡抚大同右副都御史汪可受以亲老疏乞归养不许

○协理京营戎政尚书舒应龙疏辞新命不准着上紧前来供职

○甲戌宣贵州剿苗捷音遣官祭告 郊 庙文武百官称贺 ○宴朝鲜国贺长至节陪臣李相毅等四十五员

○丙子广东按察司知事周道昌上言天变地变妖变辅臣大臣诸臣乖离之变中间言庞尚鹏会上言于旧辅臣赵志皋劝其伏阙苦诤大学士向高言伏阙之说谈者亦不止一尚鸿而或恐过激未敢遽行浮沉素飡是臣之罪以为蒙蔽实所不敢惟是天时人事灾变乖离道昌言言痛切所以致此非臣而谁因力请罢斥 上以纯忠廉慎褒答今时多事皆赖镇定岂以浮言冒谤求去向高复入疏 上曰朕览奏恳恳意欲高蹈卿心忍乎况节届履端卿为表率岂可久延私寓还即入阁赞襄以慰伫望

○日讲官王图先已辞阙出城八阅月矣至是以移至近畿地方候旨请上以王图乃直讲启沃岂比他员如何效尤儉邪之辈辄自擅离君臣大意何在姑且不究着即来供职 ○丁丑南京工部右侍郎万象春疏辞新命不准仍谕以后点用官俱不许推辞耽误

○己卯赐郑世子载堉端清鲁府滋阳王寿鏞孟津王载土□坐俱谥昭顺上蔡王翊< 金 具 > 谥昭敬广元王术雕谥温裕

○予原任抚治郟阳右副都御史郑国士祭葬国士大名府魏县人隆庆三年进士改庶吉士授御史巡抚贵州应天陕西升巩昌府之知府历布政司太常寺卿晋前官被论归三十七年十一月卒于家礼部覆称其巡按应天之日政权相炙手之时持斧者纷纷以杀人取媚本官独行一意不徇竟保直臣于无恙是以一麾出守五载巩昌落莫孤踪遍历藩臬当时罕有明其事者想见朴诚犹有先民遗风

○世宗肃皇帝忌辰 奉先殿行祭礼遣官祭永陵

○庚辰 贞惠安和景皇后忌辰遣官祭金山陵寝

○太子太保兵部尚书李化龙卒化龙直隶长垣县人万历二年进士授南工部主事调南吏部主事繇郎中升河南提学僉事复升山东提学副使历太仆寺卿通政使以僉都御史巡抚辽东东虏深入伏兵大破之升兵部侍郎荫一子锦衣卫千户世袭二十五年告病回籍起总督川贵巡抚四川杨应龙反徵七省兵分道讨之闻父丧夺情视师播州平请于播州设二府分隶黔蜀以黎平永从改隶楚以楚镇远四卫改隶黔三十一年起右都御史兼工部侍郎总督河道开泲河寻丁毋忧三十二年以播功升工部尚书加少保荫一子锦衣卫指挥世袭服阕起兵部尚书协理戎政三十七年回部以御虏捷功加少保兼太子太保至是卒礼部覆称文武殊猷安攘大略提衡学政则目无逸才督抚疆场则算无遗策若乃开泲济运擘画精详遂貽永利入掌枢机鞠躬尽瘁有殊尤异绩而又能全节完名如本官之先后纯粹未易得也恤典当与从优并拟易名以旌伟伐诏予祭九坛加二坛给全葬

○壬午铸给宁太分巡兵备道关防一顆

○甲申工部右侍郎刘元霖注籍候旨请令委官委收段疋即命出供职不得推委

○戊子辅臣拟上

皇太子第七女名

○降永宁王府辅国中尉勤爝为庶人

○原任山西巡抚右副都御史李景元疏辞叙录升荫不准

○准宣宁王府辅国中尉充革口美管理府事宴暹罗国贡使握坤喇柰迈低厘等二十六员暹罗国王普埃表文发四夷馆译之辅缴进

○己丑大学士叶向高疏乞罢斥温旨命鸿胪寺堂上官宣谕即出以慰眷注悬望之意向高具疏陈谢力申前请仍谕即出佐理大辽台省各疏候详览简发

○吏部尚书孙丕扬移病疏请司官暂代掣签 上以大选重事代制非宜命即出任事

○日讲官萧云举以广东按察司知事周道昌建言牵引疏缴印信求放 上以云举鸿学正儒今大僚乏员节旦临近命即出供职

○庚寅准原任大学士徐阶孙肇台承荫为中书舍人

○朝鲜国奏获民人张亨兴等十七人中有洪驼者即前细屿岛作贼船工而亨兴等似前来往海上节行细屿岛抢劫之人且称水贼之扰近年滋甚时或捕获皆称上国人民不敢擅戮海洋之警曾无宁息接年五次角口羊来漂海人犯甚为属国之扰兵部覆议乱生有阶如嘉隆间倭寇因闽浙沿海奸徒与倭为市而宁绍大姓阴没阳设为主持遂使淮扬以南至于广海靡不残破使蚤听给事中夏言抚臣朱纨之疏预防其始则宋素卿王直陈冬徐一本许恩之辈安得以中国之民而挟倭为难哉今此辈捍罔即远

屏以御魑魅情理俱当合将张亨兴等角□羊发延绥巡抚衙门填实边堡安插庶奸民知儆从之

○乙未行 大裕礼于 本庙遣公张惟贤恭代

○谕辅臣叶向高卿忠清端亮朕素鉴知匡政以来躬行实效诸务陈请具见勤苦至意目今时事多艰正赖老成主持朝宋振肃纪纲何忍坚意求去卿宜勉遵屡旨即出入阁赞襄军国重务以慰朕怀乃是君臣大义矧节届履端不必烦渎其缺员各疏俟朕详览简发卿宜钦承之特谕向高陈谢因言各臣员缺已满四年大僚科道员缺远则七八年近亦二三年廷臣之苦口而陈 皇上留神省览不为不久岂至今日而犹待详览犹未可简发乎详之一字为累不小也

上优诏答之

大明神宗显皇帝实录卷之四百九十

明神宗显皇帝实录卷之四百九十一

敕修

万历四十年正月丙申朔 上免御殿百官于午门行庆贺礼大学士叶向高诣仁德门叩头称贺

○丁酉兵部言辽东新增兵马先因督抚按官谍报叵测虞东夷蠢动河东兵力单弱本部议覆请增兵马人练三大营以壮先声搜括南北藏金三十万为募买兵马之用复议折班价借盐引等银以瞻新兵议以三年警息停掣本一时救急权宜今掣兵之期已将及矣乃督抚谓众心易动有不容于尽撤外夷蓄怨亦不便于示削仍欲久留此兵请给班价盐引等银以资十年之旅臣等斟酌其间恐遽散则不能而久留则又不继请比照善后事例前项新兵仍留戍等姑以五年为率岁用饷料银四万三千一百二十余两除四十年至四十一年该镇见在银两已可足用其四十二三四年共用银一十二万九千三百六十余两合将原议河南山东等处折班并绝军粮银于三十九年停止免折二年之内业足十二万一千二百余两虽量欠八千两除逃故伏减尚有盈余太仆寺新增马价一万一千两照议免行角□羊发两淮盐引银五万六千两俱听户部运发正项边饷从之 原任刑部右侍郎林烜疏辞南京工部尚书新命并称病乞休温旨不允

○戊戌 宣宗章皇帝忌辰遣宣城伯卫时泰祭 景陵

○己亥立春 上免御殿顺天府官进春百官于午门行庆贺礼 大学士叶向高言年来天下景象枯槁憔悴极矣臣民望阳春之泽年复一年未有以慰今万历之纪已四十年此亦人望更急之时也臣历稽三代以至宋元三千余年帝王享国四十年以上者只有十君惟殷之大戊高宗称为盛治宋仁宗差治其余皆乱周宣王唐玄宗梁武帝则始治而终乱然则三千余年享国久长而克终者只二三君耳何其难也天下大器帝王大福器久则必敝福盛则必衰自非严恭寅畏以保守之未有不败此臣于 皇上今日既以为喜而亦窃以为惧者也今民穷财尽内外空虚虏封未就日肆要挟臣适接蓟

辽督抚官揭帖又言东虏大部纠集入犯声势甚大辽兵枵腹日久何以御敌一旦边疆不支躡入内地 皇上诚思京师中何事足恃何策足以自安是宁可不寒心乎自古国家所恃惟在人才今自阁臣大僚以及方面无所不空此等官员皆 祖宗建设以共理天下当时百司庶职无一不备而 列圣尚且宵旰勤劳不敢暇逸今 皇上深居端拱于上而使二三寥 之臣工苟且承顺于下乃欲求天下之不乱有是理乎人才虽天所生亦须人主作养乃克自立自各官不补日就消磨造物之所摧残浮言之所牵蔓不知其几姑无论其他即阁臣之推再迟臣恐排荡之势无所纪极而将来无人之可用矣臣款款愚衷窃谓会推考选补大僚三事万万难缓 皇上如不以臣言为然则是臣之所渎皆属欺罔当速行罢斥勿使一日留于此地如以臣言万一有当则当早赐施行使诸臣早得效用天下国家之事庶不至大败坏而 皇上万年无疆之盛治亦将远迈殷宗为万古一人矣 是日以立春颁赐三辅臣上尊珍饌

○庚子大学士李廷机疏言候命五年恳赐一放不报

○辛丑吏部言行取监生原有定例举贡纳银俱以正历杂历为则自三十五年创随到随考之法而又有空年取捷者积薪居上委属不平故前岁疏请停止行取待四十年正月查酌选法另文知会今查未选举贡尚余五百余名纳粟一百余名是未 < 通 铨 金 > 通也请仍停年余且将原经部取者照年收卯取选除以考叙者论考外其以年叙者则与未考之年及收卯考定之次序共酌浅深以为先后每叙考定之年一人则带考定之考一人举贡则以通推州县为率而佐领莫什之三如州佐二则贡八而纳银二府县佐领则贡六而纳银四酌考搭选以俟预考人尽然后归并论年一路因言空年开纳俱为选法之害应行停止其余资序尚远者给假暂回限二年内赴销而列为十款以上 同日又疏言泰运已回用人宜亟请下考选科道诸臣

○癸卯大学士李廷机等题翰林院自掌院事王图被言封印百务停阁已一年矣今图又移至近郊候旨度之事体一时未肯逃来臣敢代为图请准其给假勒限前来供职其翰林院印信令右庶子郭淅暂行署掌以待图至从之

○甲辰大学士叶向高言臣于新正四日具疏以会推考选大僚最紧最切三事为请而历稽自古帝王享国久长治乱之大较以为 圣明观省之一勤其事皆具在史册凿凿可徵夫以周成王之贤周召佐之诗书所载无日不以祈天永命为事然其享国仅三十七年我朝 二祖 八宗之圣德远迈前代然惟 皇祖肃皇帝享国最久亦仅四十五年天之于帝王亦若有所靳之若是也我 皇上既享千古帝王未有之福固必有非常功德以迓续之乃并当行政事壅格如此虽天所单厚非常情能测常理能拘然欲求自今以后之天下长如此四十年之治安恐亦必不得之数也臣以新岁与九卿诸臣相见孙丕扬则言推升不下失职欲去赵焕则言见署兵部边事可忧李汝华则言兵饷窘急旧岁所欠各边额饷至二百五十万束寺无措许弘纲则言各差乏人无计处置相与攒眉蹙额意皆责望于臣臣实无颜可以居此不得已复此陈渎言愈危而情愈若矣

不报 京师天鼓鸣

○乙巳吏部覆兵部虏众内附边患稍宁题原任巡抚山西右副都御史李景元等各进秩赏荫有差 复补光禄寺少卿杨应聘原职 兵部覆晋新升参将戴焯仍管宣大抚夷中军事 南京福建道御史王万祚疏请下考选补南北大僚因言兵部请军政至今未下系王之桢一人为梗炆灶神丛繇其径即恩宠立得忤其意即催请皆虚乞赐罢斥不报 周王肃□□奉奏汝宁王府项国郡君仪宾于三省凌辱府官大违 祖训请正其罪有旨览王奏参论奸恶仪宾具见歛慎以后但有此等王当严行参治勿有纵容于三省该抚按官作速究问具奏

○丙午孟春享

太庙遣英国公张维贤恭代 孝恪皇后忌辰遣怀柔伯施壮猷祭 永陵 吏部奏政本孤虚已甚乞即举行枚卜言辅臣李廷机栖迟荒舍久谢阁务入直供事者只一叶向高机宜繁钜独力勤渠况 天听转高操心倍苦不有良辅谁效寅恭方兹岁序式新泰交初辟宜无先于此者同日又奏两都大僚悬缺太多政务丛脞可虑乞法 祖建官密赐点用以济治平俱不报 升文选司主事张凤翔为验封司员外 礼部题请举行 瑞王婚礼定期 南京福建道御史王万祚上言太约谓 祖制赋役必验丁粮多寡产业厚薄以均其力十年消长月异而岁不同今有门第萧然田去名存茕茕孤寡匍匐答应而势焰薰炙之家反漏网袖手何可言均也 祖制里长推丁多者又曰查照丁粮有力之家参互酌量而役使之未闻有颡限田几百几十亩而当一里者田多则排年多理势宜然第其父兄子弟之丁不敷则豪奴武断积猾代充民乃滋惧何如于本坊都多添名数分协他里以佐本都别图之衰乎且田有肥硇值有贵贱惟赔粮难卖之田愈多则役愈重不数年而殷实尽乞丐矣何可言均也 祖制岁额均徭止派本等差役不许分外加增今东南第一若差莫知粮角□羊以三石角□羊一石已重派矣本折而外仍计石派银一两有司尚谓未足每岁修船水脚水手皆徵于田亩之内及起角□羊临期及道旧派帮此非额外加增而何且于未贴之户徵空役之银不几为守藏者润橐乎何可言均也 祖制在京随朝官员税粮外杂派差徭尽免嘉靖间议定官一品免粮三十石丁三十丁下至八品外官莫不有则隆庆元年又有量加从宽之议胡不令户部厘为定则州县画一遵守乃今南北混乱全无规制有司得率意为之有免田二三千者有近万者在膏腴连阡之家其欲无厌尚嫌制狭而官田原少之县则垂涎比例取盈于人开影混投献之端矣何可言均也 祖制金点税课巡拦弓兵禁子领养马户俱用殷实市户夫此市户者其丁田未必众多而贸迁居积富冠闾里亦宜使当官应差帮派粮角□羊为孝弟力田之民分忧乃或以其无田而纵之则使人轻力本尚逐末斗智争时田卒污莱何可言均也凡州县先推后收造册必过割净尽然后可奸民希图脱粮或无故而推或宜收不收以其田委之道路而累通县之人贴粮则不均凡户口逃亡地亩

<□□土册>坏总属开除自有开垦成丁者从实报补有司务增户口辟土地虚名难于

删去而使合族赔绝户之粮里长赔通里之粮则不均飞洒诡寄无处无之必须申严大明律出首之赏会典遣戍之法著实举行然后可饶自居以博大长厚优礼冠盖青衿城社倚傍因缘为奸则不均自一条鞭法行银力二差该括具备今如令坊厢里长年看仓赔粮则利归仓官仓吏设立斗级谓何又如使乡里长月月角口羊银赔免则利归库官库吏而布政司颁降法马谓何又如答应驻临上司修理公廨蚤入岁派而辄委之坊长里长则徵银谓何国有大事不无藉力于富民谓宜善蓄其余力以待不时之需剝烧铄无时暂息将尽通都大郡无殷实之民欲如汉之徙关中实塞下并力灭夷其谁任之卖富差贫非也而有意消折富户亦非也父有数子或富或贫必令富者亦贫则祖宗之门户去矣语多切中民害

○丁未兵部题沙计猛克二酋为患延东银歹诸丑窥窃甘凉非一朝夕幸督抚号令惟严道将哨探惟谨不待虏酋内入两镇官兵四起堵剿在延绥一次斩首一百八十有奇甘肃三次斩首四百有奇俱系异常大捷请择日祭告 郊 庙宣示中外从之

○兵部以兵垣久虚枢务旷极请亟允推选诸臣以匡军国 ○以南京户部盘库缺银数多夺主事庄毓庆陈幼学俸各一年刘可法三月

○以神枢营参将马天柱调补宣府东路永宁参将

○戊申大学士李廷机< 〇〇〇 毓-金 >请比吏部右侍郎王图例予假回籍不报

○升编修周道登为国子监司业

○升济南府知府丁浚为四川副使南京刑部郎中姚履素为广东副使

○升镇江府知府霍镇为山东副使

○以原任参议蒋光彦除补广东参议

○以原任南安府知府□文昭降补长芦运同 ○给事中徐绍吉< 〇〇〇 毓-金 >参御马监太监邢洪先是洪奏称油行来德润为该监写字勇士< 〇〇〇 毓-金 >求豁免既获俞旨绍吉言洪贪德润原赂以万贯为空囊以例编为讐报支吾说谎耸动 至尊且光禄自庆典日增赏卓溢滥兼值四方灾沴徵角口羊不前寺帑如洗物价未给而内官之铺垫渔猎最苦以致贫者卖妻鬻子一值编审都市之人若赴汤火间得富民如德润者又贿嘱计脱既售卖富之欺势必重金贫之累此岂盛世所宜有耶乃臣过虑更不至此命令者朝廷善败之关内批者壅蔽旁落之渐我 祖宗朝事无大小一应批答传奉俱下阁臣酌议可否然后票拟施行 皇上静摄多年内外睽隔即大臣之危词台省之直谏尽皆寝阁今洪乃能取旨如寄夫事固有始微而成大者乞亟正洪谎干政之罪仍敕巡按御史并德润访拏究遣更望慎重内批以一政本

○庚戌升工部郎中刘春为湖广衡州府知府

○辛亥 上传谕辅臣拟用薊辽总督大学士叶向高言本兵提衡内外其任更重吏部所推二臣才望皆极一时之选而王象乾原系正推如蒙点用总督员缺令吏部公推时辽左虏警政急云

○升户部郎中张应泰为江西吉安府知府

○兵部题覆宣府副总兵郭增辉卢居智各注后军都督府带俸

○壬子 英宗睿皇帝忌辰遣怀宁侯孙承荫祭 裕陵

○大学士李廷机再< 〇〇〇 毓-金 >请假

○吏部尚书孙丕扬奏臣以八十一岁之人百病丛集乞骸之< 〇〇〇 毓-金 >业十七上目今大贤如沈鲤郭正域吕坤而皆不得用名贤如邹元标顾宪成赵南星于玉立高攀龙庞时雍冯从吾刘为楫等而皆不得用至于考选科道诸臣犹在候旨查各部院十四正卿今两京止于四员部院左右该二十一员今两京止于九员不惟催请取厌圣心而大僚多属虚位未有无官任事而可虚位以致太平者为今日计惟有放臣先去壅蔽之源为要著耳

○吏部左侍郎萧云举请假省亲

○兵部奏辽镇告警弹压无人请差巡按御史以保危塞有旨命都察院选差

○左副都御史许弘纲奏自温纯去而臣院之无正官八年于兹请亟点用总宪并僉宪二官

○癸丑都察院以台员缺乏辽差无人可遣请下考选诸臣 〇巡按湖广御史史记事以勘实地方水灾请将汉川黄梅景陵三县南粮改折余各动支银谷赈恤有差

○是日宣府怀来延庆二卫地震

○四川达思蛮番僧甲杀坚藏等四百三十八名贡献方物给赏如例

○甲寅大学士叶向高奏臣于岁里祇奉温纶谓员缺各< 〇〇〇 毓-金 >详览简发臣复连章再渎俱未得请各部章< 〇〇〇 毓-金 >亦多不发即发而拟上如六科迁转及一二方面官又复留中臣逐日入直无所事事 皇上见臣之求去则必谕之使出臣出则又一事不行一言不用是 皇上之所勤倦而加意者只欲愚臣之强留而臣之所自效于 皇上者只循阁中出入之故事于天下大计毫无补也如疑臣所言皆为诸臣求官故难其行则臣观自古大臣效忠报主皆以用人为第一义舍是便为媚嫉为妨贤病国忠邪贤奸只此两途夫爱其人者尚欲其耳目聪明手足强健人主以天下为身百官群臣为耳目手足苟有爱主之心者当复何如此臣所以惓惓恳恳虽欲缄默而不能自己也

○乙卯光禄寺卿赵健引年乞休

○丙辰左副都御史许弘纲< 〇〇〇 毓-金 >请罢斥以免旷官言臣以一人而上兼三官下临五六御史各差之缺者不得补满者不得代候命者不得除种种皆臣罪也臣敢覩颜而处于此不报

○户科给事中姚宗文言各处角□羊金花银两者以万金为率则铺垫使费二百余金此二百余金者若出角□羊人赔补则破产不足完角□羊若系各省直滥设备用则何不令之充正供之额而以有限金钱委之不可问之地乎茶蜡等项或用本用折宜

有一定之规今起角□羊者折色而各监局故为留难云欲本色此等物料不办于所产之地而取办都下价固三倍矣况积年牙侷内外串通能出库中旧藏以作新角□羊重价包揽延捱岁月角□羊役有困顿愁苦身死长安不得竣事者殊为可悯当斟酌各项之有无缓急颁为定式如已角□羊折色来京便当准收果须本色俟其下年再角□羊固未晚也兵事之要莫如用人国家既用科目取士则已称入彀英才可令沦落不偶乃自白衣效用者多积年奸猾方其为首领佐贰时思前途有限别窟可营甫角□羊去而即以贪墨之余润为介胄之先资万一羽书有急彼能窥左足而应乎臣谓已经文职劣处而加纳武职者断宜亟禁以清武籍至若总兵官统领地方偏裨必人地相宜方能尽职如东海与岛夷为邻春秋二汛防守最宜毖饬设使为大将军者目眈腥而体颤望海若而魂惊则偏裨以下将皆蓄缩惮事谁肯践风涛身试不测者即使岛夷扬帆海上谁则知而御之因言 世庙时海上失防郡邑残破抚臣阮鹗有捍圉功宜追叙以酬论定

○升户科左给事中翁宪祥为刑科都给事中刑科右给事中周曰庠礼科右给事中周永春工科右给事中张凤彩吏科右给事中张国儒俱升左给事中曰庠礼科永春兵科凤彩工科国儒刑科刑科给事中彭惟成工科给事中李瑾俱升右给事中惟成户科瑾兵科

○升验封司郎中刘崇文为考功司郎中

○升原任山东副使石昆玉为福建参政

○荫授原任大学士徐阶孙肇台为中书舍人 ○丁巳升南京吏部郎中堵维垣为浙江参政

○改河南抚民布政刘尔康补本省右布政

○起升原任副使蔡承植为南京太仆寺少卿添注

○吏部题原任通政使张养志殒身在官以死勤事例请赠官有旨张养志准赠都察院右都御史

○夜有星如盏起左摄提行东北至近浊尾迹炸散光烛地

○戊午大学士叶向高言臣见礼部题请 瑞王年已二十一婚媾之典久已过期如以户部钱粮未足必待此而后行则该部以帑藏空虚愈成耽误臣愚以为该部所执者 皇上与潞王之例亦自有说倘 圣意必欲从厚则令稍增二三万而不必取盈以示节省体恤之意庶大礼得以早完而 皇上慈爱之心亦可慰矣 ○命蓟辽总督王象乾仍以兵部尚书回部管事

○起升原任稽勋司员外丁启浚补考功司员外

○调曹家寨参将杨德济补神枢七营参将

○巡漕御史孙居相言查得议单一款隆庆四年题准每年漕粮俱限十月开仓十二月完兑开帮如十二月终有司无粮军卫无船督粮司道及府州县掌印管粮官并领运把总指挥千百户各罚俸半年过正月者各罚俸一年过二月者各降二级布政掌印

官降一级三月终不过准者督押司道等官及领运把总以下各降一级四月终不过洪者一体参究夫开兑开帮有期过淮过洪有限违期限者有参有罚议单立法若斯之严且备矣乃数年以来有荐举而无参罚有例参而无处分一官不处则众官观望今岁不处则来岁效尤是以岁复一岁迟而又迟以至此极也伏乞 严旨申明议单其自司道以及文武掌印管粮管河总运等官但有沿袭旧弊兑运违期者臣得据例参劾该部据例处分因言总漕督臣关系尤重更乞敕催陈荐速令到任务不误过淮之期得旨漕运重务屡经申饬再有违玩不遵的都著照议单参奏处治不得纵容陈荐著催他到任

○己未吏部覆将贵阳知府钱策改调总兵陈寅行巡按御史勘夺以贵州巡抚胡桂芳参策屑越职守肆意妄行策亦奏总兵寅藉盗焚赃俱奉旨下部至是部院会勘策径情直行致使院司难乎为上应调无疑至所论陈寅与巡抚< 〇〇〇 钰-金 > 异宜行勘定夺从之

○升南京刑部郎中康应乾为镇江府知府

○庚申 孝靖毅皇后忌辰遣兴安伯徐汝孝祭 康陵

○辛酉礼部题覆孔颜曾孟四氏学请加廩增如府学例先是生员孔贞志等言本庠自 太祖洪武二年特设教授司至嘉靖十年刘都御史奏准将本学生员分廩增附例同府学但彼时阖学生员只五十名故廩以三十增以二十附全无迄今族姓不下万余入学者已三百有奇请增补十廩以全我朝优崇之典如以廩饩难办本学自有钦赐学田不靡国费有旨四氏学乃朝廷所优这廩增额数准照府学例加添

○工部以营造 皇贵妃坟园请暂留事例银两以济急需余遵照 明旨户七工三分用有旨尔部既说坟工匱乏准扣事例银十五万两余遵旨行

○壬戌旌孝子井研县民曾海节妇常氏等十九人烈妇二人沈阳卫民张诰妻刘氏通州生员妻华氏俱以死殉夫

○癸亥工科给事中马从龙言臣见吏兵二部< 〇〇〇 钰-金 > 言事例之害语甚切直吏部谓议例之人第见入费空年公私两便亦曾念及孤寒士三十年不膺一命否又云考定之官犹不能以岁月偿之况可纳乎兵部谓听用管事则鬻见任官不几视疆场为戏侮乎可谓侃侃正论然观今日时势似不容已亟加调停则莫若去太去甚而稍以复当日之旧盖户部初以边饷不足开纳款目简而银数多后工部相继多其途以推广之减其价以招徕之户部又比而与之同如民生纳监旧日四百两之上嘉靖间为数尤多今三百九十两又有递减之数他可知矣当还其旧且免递减即少纳数人足示裁抑而银未必少也谓宜咨行吏礼兵三部再加详勘但确然有害事理不妨尽行删除待选法< 〇〇〇 钰-金 > 通之后另议鬻见任官永不许再启幸门二部之分似当以省直为定北方饷边之便属户南方采木之便属工两京纳者以原籍区别其分数多寡则在两部权衡庶无偏重之势

○甲子荫原任大学士赵志皋孙世爵为国子生

○乙丑原任右庶子今升少詹事黄辉奏乞宽假调理不允

○顺天府以四十年乡试请行取河南山东教官二员前来分较从之

明神宗显皇帝实录卷之四百九十一

明神宗显皇帝实录卷之四百九十二

万历四十年二月丙寅朔

○丁卯祭 先师孔子遣礼部左侍郎翁正春行礼

○升大理寺右少卿吴崇礼为都察院右佥都御史整饬蓟州等处边备巡抚顺天地方

○吏部推南京尚宝司卿闵廷甲升通政使司右参议得旨梁见孟转左参议闵廷甲升右参议

○升河南按察使周传诵为湖广右布政陕西参议任彦棻为本省副使

○调考功司主事常澄为文选司主事

○戊辰祭 太社 太稷遣英国公张继贤行礼 ○工科给事中马从龙以温肃端静纯懿皇贵妃坟工有旨扣留事例银十五万两< 〇〇〇 铨-金 >言臣每见朝廷有重大典礼中人群小视为金穴实用百无一二余尽耗蠹于若辈之手当事者怵于典礼之重莫能执争今略计之方中制度所须无多封土享室皆有定式百官备百物具丰俭适宜易戚兼至亦足以明孝子之志矣又言事例原非美政不得已为边饷大工而设可厚夺之乎或以为银钱山往例可徵不宜反出彼下然今日之事当核实用以妥妥晋不当计浮额以袭毙辙况 皇贵妃诞育 睿躬慎终大节宜稽古定制弘慈俭之德以昭示将来又岂银钱山事可伦疑也

○己巳宴海西夷人及朵颜等卫并乌思藏番人如例

○庚午大学士叶向高题吏部尚书孙丕扬以老病求去情甚迫切但未奉旨而去则于事体殊为难处伏望 皇上将丕扬< 〇〇〇 铨-金 >发下或留或放庶丕扬之进退明国体亦不失矣

○南京吏部右侍郎史继偕奏辩户部主事贺焯指论南京湖广道御史周达< 〇〇〇 铨-金 >谓其谋本于徐兆魁而兆魁之谋又本于臣臣直接辅臣李廷机之脉语皆望空相射因言焯之发论全在察事乃察事之竣已久果有遗言宁待今日臣窃幸其得此晚矣乞赐罢斥以谢言者有旨褒谕仍令安心供职不必以浮言陈辞

○刑部进士贺仲轼上言天下无一日无可忧之时则君心无一时无可忧之事陛下不与外臣接见近二十年矣毋亦谓中外之臣可以托职业耳不知中外之臣虽久不过一考再考辄以释负而去曾不能有十年之计也夫以千万年托身之政事付之三五传舍之臣子即使人人尽职事事修举尚宜有不遑暇逸之境况乎有不得行其职者哉愿 陛下思之也因言官有所必设今臣工之职强半虚悬从古朝宁之荒凉未闻有如此时若以三年计之则今日求补旷官之臣不尽皆三年前补旷官之臣也是诸臣

之忧旷官者有时可释惟 陛下之官则至今而犹旷焉财有所必理凡败皆可救惟民穷财尽之败不可救今计臣急则事那移不谓那移非救急之奇也而谓那移非计部宜有之事计部受天下之灌输今反以大海而借润于细流此岂可几百年之治安乎今又贷内帑夫内帑 陛下固不发即发亦会须尽耳惟是今日之不足不在于入之亏额而在于用之无经惟敕责计臣实心料理犹是赋也昔何以足今何不足敝于何事匱于何时今救于何始严搜而力剔之不使仍以因循误国计 陛下又当念一经一费莫非公财从此制用有常犹庶几不失三年之艾不然但徒责之计臣至于困急不支以一官谢耳民有所必恤闻之曰父母元后必父母而后元后也十余年来忍使其宛转于矿税之献残而又重之以灾祲之狎至茕茕小民所余几何而内府十余年所积岂但千百万 陛下亦安用此夫有民何患无财无民何得有财有积必有用用之正此其时此又未论民散即民贫而国已受病矣臣有所必体宋臣苏轼有言贤人君子欲有所树立以著不朽于后世甚于人君顾恐功未及成而有所夺祇以速天下之乱耳今天下士气自以矿税之故困辱于中人于是始不振矣至于今幽系尚未尽释郁抑尚未发舒士气兴衰国运隆替从古相继乃今又不独此用则不用舍则不舍虚糜朝廷之爵禄养成臣子之钝顽又岂所以励士气而厚国脉哉事有所必办逐年以来烦言日炽清议莫凭 庙堂遂成讼府夫有一人即有一人之贤否有一事即有一事之虚实河不敕部院从实议夺一切枝词蔓语削而不论得失互存则器争自定国体朝仪不终日而两得之今言者不得直其词则蓄谋而忿争受言者不得治其职则瘵官而待罪可否稽 庙堂之衡进退失臣子之据非小故也况兢私论而忘国恤既非方蹶之时所宜酿岁月 而固党援必至汉唐之辙再见窃为国家之纪纲忧矣储有所必训国家千百万年根本之重在于 储嗣三代有道之长归本于早谕教迩来讲席不开且八九年昔仇士良不欲人主读书可为永鉴惟为宦官宫妾所甚便故为贤人君子所深忧况储嗣一身以冲年履丰豫之会耳目又最易移染者乎总之天下之事无一不为 陛下之事 陛下忧勤于天下之事是乃自理其无可诿谢之事今精神有二十年之玩易则政事有二十年之废弛常日御临几成旷世之奇踪便殿访延亦若终右之殊遇从古几见否隔如此可望达上下之情长享安宁之治乎

○辛未吏部以今年乡试大计俱需巡按御史又贵州辽东两淮两关久缺未差浙江福建等处二十一差久满未代盖台省俱急而台差更吃紧乞从阁臣申请即下考选诸臣以备任使

○升南京刑部主事沈琬为山东东昌府知府

○壬申湖广巡按史记事上言臣入楚谒 陵闻骈戮诸宗时 祖陵地震连日夜武昌汉阳荆州德安同日地震者亦各数次戮后各家灶釜皆有篆文老幼骇传以为祖宗在天之灵为子孙不宁息也既而各宗妻子数十人向臣泣诉或曰无辜被戮或曰无辜被禁挥之不去臣乃吊查原案始知旧按臣吴楷有三案本初云悍宗结党越关盗

天下之望使臣得少免于旷职之愆乃至今杳然虽苦口屡陈一切不报乃大小臣工犹以此望臣若谓臣之力尚能得之 皇上而不肯尽者天高于上众迫于下昔韩琦求去神宗遂听其去盖人主之于臣既不行其言则亦使之有所容于天下而后可也臣之庸劣既远非琦比而人之罪责臣者又万倍于琦望 皇上召还耆德妙简名贤为天下所共信共服之人使居此地耳目一新众志成城附世界庶有清宁之日

○癸未升福建右布政袁一骥为本省左布政

○升陕西副使李从心为山西参政平乐府知府陈启孙为长芦运使江西副使卢廷选为本省参政

○起补原任陕西参政陈大道为江西参政

○兵部题新河口贼夷犯禁盗马请治镇抚殷九皋等疏防误事之罪其松酋父子既甘停赏输罚恭顺法亦尽辜原断市赏准应开复从之

○是日又题万历二十六年本部题准朵颜三卫夷人审其报有大举消息进送马匹效有功劳许量加表里若受过十五表里者不许再加今泰宁等卫属夷杜窆儿等五员求讨加赏查与例合请命礼部各加添三表里衣服一套随贡关领以为各夷效顺之劝从之

○甲辰 景皇帝忌辰遣临淮侯李邦镇致祭

○都察院署院事左副都御史许弘纲奏臣一人而占三官以暂署为久摄若复悠悠窃禄不蚤自裁则正金二臣必无钦点之日各道御史必无布满之时请将阁部所推考选诸< 〇〇〇 毓-金 >慨然赐俞其会推左都御史及左金都御史即赐简用 上答以弘纲署篆清谨中外素孚所奏考选诸< 〇〇〇 毓-金 >侯旨行著即出供职不准辞

○乙酉春分祭 大明于 朝日坛遣武定侯郭文诚行礼是日又祭 先农之神遣官行礼

○南赣巡抚牛应元四< 〇〇〇 毓-金 >乞休不允

○原任南京工部侍郎万象春卒象春常州府无锡县人改庶吉士授给事中久之以礼科都谏升山东参政历浙江陕西廉宪方伯晋右副都御史巡抚山东象春以谏垣出长藩臬所至有声甫开府遂称病去家居十五年乃以工部侍郎起未任卒赠右都御史

○丙戌吏部尚书孙丕扬上< 〇〇〇 毓-金 >乞骸得旨卿公清廉慎精白乃心朕以老成委用镇压疑贰< 〇〇〇 毓-金 >至累上情辞愈恳何忍勉留准回籍者驰驿去还著抚按官不时存问先是丕扬乞休< 〇〇〇 毓-金 >至二十一上荷蒙褒答称其公清谨慎耆德贤老不准辞癸未乃具< 〇〇〇 毓-金 >辞朝并请明罚于大明门前叩头而去奏入上勉以君臣大义且谕三朝老臣百僚表率如何径行还遵旨勉留翌日丕扬< 〇〇〇 毓-金 >谢且言必不可留者三一臣以八十一岁之老耳目俱废岂可复留以误国二大臣虚位言路乏才臣若一日不去官必一日不备三令甲七十引年臣之昏耄久当告老

○御史乔允升言河南巡按论周府承奉徐进荼毒宗民罪恶盈楮已两月矣未见施行御史奉尺一之诏为 皇上锄强植弱而法不行于一承奉 皇上委御史以持斧之权欲其断猾流膏而令有不能伸法之御史岂不益长虐瑯俟益重宗民愁叹将来控诉何门也岂以藩封体面不便行勘耶不知炆灶蔽明丰蔀见斗往往有之倘勘之而实群小弄权恶归藩国去一腹心之疾固所以为王也倘勘之而不尽实小有所惩大有所戒开一自新之路亦所以为王也因言迩来法纪陵夷税瑯飞食于原野属官抗衡乎上司勋戚反噬乎按臣生儒抢杀其里宦至如中州安吉王之横逆见告于抚臣于三省之凶谋挟制于郡守而徐进又复以触藩告矣乞敕法司行勘仍谕王恪守典章勿堕国法享有令名

○丙申工部右侍郎刘元霖请及时建竖箭楼以壮国威言此役也目前狃于治平见谓可缓卒有非常如己巳庚戌故事而后思以图之晚矣年来畿辅罹灾流民载道先年刘六刘七之事大可寒心且臣业督司官将梁柱各料斲削成细收贮神木厂内以待兴工倘仍复因循怀已庀之料而虚掷金钱臣之所大恐也已难已之事而自撤保障抑亦举朝臣工之所共虑也时科臣马从龙亦以为请俱不报

○吏科都给事中曹于汴言册封宗藩及大比抡士在迩科臣应差者八人见今在科办事者仅十人耳请下考选诸臣并起复科臣张延登范济世曾六德等

○河南巡按曾用升奏睢阳卫经历李光显委解税银为监役奏官参随徐炳高登等勒索打点无计身死请撤回内官胡滨并将炳行提问拟如律以雪死冤慰中土

○丁酉提督操江南京都察院右佥都御史丁宾引年乞休不允

○戊戌增陕西乡试解额五名从礼臣覆巡抚崔应麒巡按毕懋康请也

○南京给事中晏文辉奏南都科臣止臣与高节二人节先领文赴京矣臣只得俟后补考而尚宝无官代署又委印于臣一人而管八人之事往来驰骛旷废滋多因言南北台省空虚至极言路摧颓至极意气消沮至极且如科差乏人谁为抄发谁为参驳谁为查刑赎而节滥费台差乏人谁理监临谁按吏治谁收赎缓而稽功罪凡此者科臣台臣利耶抑 皇上利耶而又因循堕废奸弊丛生害更不小请下考选诸臣

○己亥大学士叶向高再< 疏 >乞罢言阁臣不患无人今济济贤才在皇上一简用耳因举台省缺官册封典试按差监临之乏人皆引以为罪不报 ○庚子清明节命隆平侯张炳彭城伯张守忠等分祭 九陵及 景皇帝陵寝 哀冲庄敬二太子陵园 皇太子第八女生百官行庆贺礼

○辛丑以庶吉士魏广微授翰林院简讨钱龙锡授编修麻僖授给事中广微甲辰榜龙锡僖丁未榜辅臣屡< 疏 >催请至是始下

○升户部郎中杨邦宪为陕西西安府知府

○升兵部郎中刘九光为辽东海盖兵备参政

○吏部奏科道差用不敷无可措处六科仅有十人而应差者八御史止四五人而

按差久无可遣且旧每年春间有推升年例今台省已寥寥矣若复循例不几一扫尽空乎臣故展转踌躇未欲举行是又举历来相沿之典并废之今日矣敢胪列以请时礼部亦言册封典试届期台省俱缺乞赐俞补俱不报 ○右给事中彭惟成疏陈时政言近者形见势动未易收拾者莫甚于虏顺义以封赏为挟不可不远虑固也东虏又中于辽仰逞戮而哈赤再起长昂死而莽赖复振使东辽吏士不得休居虎墩免愍公结属酋叛入蹂躏大将麻贵不能谋惫不能奋乃其贪狡骄横地方丛怨叙录一 < 銖-金 > 同于省方渐尤不可长倭夷犯顺侵我属国抗我王师剽我海泊臣闻彼得我福船价千金乌船数百金批点通鉴节略四十金輿记二十金焰硝铁金皆二十倍于土价而他锦绮器物不过数倍此其诱我邪民构我利器习我舟楫侦我虚实勾诱呼应而我可无衣衾之戒乎因言沈有容在闽能越海数日歼倭众于东番东番自是敛戢倭亦戒不敢掠至闽且十年皆有容之力也并讼故司马李化龙平播开迦报功之典犹未尽畅 ○云南老挝六慰之一自缅甸失守輿车里二宣慰同心内向寔中土之藩篱也先年颁给印符永为世守万历二十六年相率款贡老挝以印信战失允其请补今更称被毁于火复乞补给据译情词卑恳理有可原部为议覆请如抚镇诸臣言从之

○壬寅升广西右布政林欲厦为本省左布政

○升户部郎中梁一龙为河南彰德府知府

○命御史张五典巡按辽东从兵部请也

○都察院左副都御史许弘纲奏臣前月奉有考选诸 < 銖-金 > 知道之旨中外臣工无不踊忭二旬之内屏息以俟不谓终寂寂也辽东选差甚急遂以服阙之官皇皇拟补岂得已哉今湖广抚臣以急缺按差请薊辽总督顺天抚按各以关差请愈迟愈积愈急愈缓将从前评博中行推知等官历俸五六年者何缺以处之来岁应选评博中行推知等官又将何缺以待之臣恐其因一废百故愿 皇上之虑后而惩前也

○给事中韩元祐言比岁畿辅旱荒去年复遇大水今流离载道行路酸辛又多苦疫疠竟委沟瘠乞将被灾之地或发帑金或发廩米布令所司招抚流移计口赈贷现在都城内外饥者病者付民部哺且疗之费不过银米各数万全生灵之命回天地之心收既散之民消意外之衅

○御史张五典敷陈时政言臣题差云南不下而下辽东当事者破规而不遑恤陛下亦为边警而不能已盖事之破规则下无法守使缘法而处者不复睹清静宁一之化事至不能已始行则势极仓皇使先事而图者不得施早见豫待之策因极言阁臣大僚考选三事且言人才用则有不用则无用则无可疑疑则无可用人不足急然后用于计已晚急而不用更待何时愿以急辽者急天下可也

○原任南京兵部尚书邢玠卒玠山东益都人成隆庆五年进士起密云令徵为御史出按甘肃升河南佥事历陕西苑马山西行太仆卿陕西按察使皆有声治兵甘州有土窑水塘之捷加右布政使以病归寻起晋右佥都御史巡抚大同力裁火酋旧赏禽史

马洪等著抚按官用心协捕解散余党毋得酿成祸变

○御史张五典上言迩来上下姑息百事委顿法但加于微贱强梗者即干纪坏法而莫何礼虽设于朝廷为下者或犯分越理而不顾顷有不奉主命径自归田之大臣犹曰置而不用用而不任亦不可则止之义也总戎无叙功之例有之自辽镇麻贵始则总戎而侵功赏之典府官无弹劾之任有之自知府钱策始则府官而擅纠弹之权宗属稔恶之仪宾辱天子守土之郡臣则皋陶有不执之法代藩始何以立卒有后言遂至子得抗父婢得污主父子家庭之间不应有此舛戾儒童有何冤抑敢于揭竿狂逞穷檐蔀屋之下不应有此悖逆留都重地私铸盛行一统无外之世不应有此斗智病国之利徒且也奸卫久耐弹章悍卒目无主帅枵腹之夫以浅衷持国计而授侮于戎心见捷之士以一指遗百骸而煽祸于域中一切不公不法总是无纲无纪不直如此已也有言责者不必言而私有比附者亦言当直言者不可以无言而暗为驱除者亦言渐陵渐替日流日偷成何世界是何政体此又不纲不纪之大也语多痛切时弊

○癸丑山西左布政张偲浙江参政段显猷苏州府同知吴中立各乞休致部为覆请许之

○以礼臣奏东安王府镇国中尉英鱼□参贤行可嘉宜行旌劝从之

○命御史韩浚巡按江西

○甲寅荫云南巡抚周嘉谟男玺为国子生

○起原任稽勋司主事陈显道为验封司主事

○户部覆顺天府请再煮粥赈饥有旨饥民流离各该地方官也著加意拯恤抚按官即据此以定贤否不许怠玩

○乙卯以原任江西参政潘洙补浙江参政 ○升淮安府知董献策为四川遵义府知府

○升漕储道副使施尔志为参政照旧管事

○兵部覆云南举人段师文请将寻甸戍军撤归嵩明今该省抚按谓宜以二分守府一分守州庶为两得从之

○丙辰大学士叶向高言臣所言考选会推诸事非臣私言乃天下千万人之公言也非可以不言而故言乃理穷势极万不得已而后言者也 皇上以为当则行之以为不当则谴之斥之何所难处而迟疑若是若久而不断窃恐天下后世有以窥 皇上之浅深矣臣言不见听则必当去不去一日则一日不能无言 皇上不听臣言则必听臣去臣去而 皇上免于多言之烦渎亦便计也

○都察院覆各差御史不准告病著为令从之以直隶巡按王国祯广西巡按吕图南请告也

○南京文选司郎中张迎请终养乞休从之

○丁巳升兵部员外刘承谏为广东佥事

○署吏部尚书赵焕奏臣历观近事中夜旁皇如政府者平章系军国之重故赞襄多谋断之资往常以三四人入直今独责之叶向高一人且四年矣近以杜门请告丝纶重地遂匝月尘封 皇上以为从来有是事乎部院卿寺各有职掌员必兼设实相纲维乃用一缓二率以为常偶尔全空遂烦庖署夫借代已非政体兼营能无疏阔 皇上以为从来有是事乎至于台省则更不可言矣科印半悬多传空白之抄巡方未代久少乘骢之色以致告拮据而忧性命甚者挂逢冠以甘严谴皇上以为从来有是事乎乃臣乘其急请之或者动軫念之万一而不报如故也则不敢要之以急因鉴于急而静俟之或者需简发之有时而不可报如故也则又不敢益之以迟总之梦卜者明圣之怀爵赏者朝廷之典信任者神武之概听纳者天地之容于臣等何与焉伏望 皇上俯鉴血衷渐赐举行以光圣治

○戊午升工部郎中王国祯为凤阳府知府

○己未以山西按察使任应徵调补陕西按察使

○户部覆白粮违限宜遵例惩罚但既称今年开船原迟则免行降斥者 皇上浩荡之仁也 务照议单于正月内开船六月内完纳违限者照例住罚降斥则有司惧于参罚部运知所警畏而民运自速矣及大官珍羞良酝掌醢四署国初径收本色钱粮故实收出之各署今俱改为折色则寺库所收也请即以该库实收发给既省一事两转之繁亦苏解官候领之苦著为定制从之

○南直宁国府泾县童生张载通等以元夕入乡宦颜文选宅内观戏称被颜宦殴死时府方试士次日宣南泾宁旌五县童生围绕文选宅及市中无藉破屋入室尽劫其货去提学御史及抚按以闻部覆将首恶从重定罪且停勒五县童生概不入学若人命抢财等情应俟彼中细勘毋致漏网株连至于各处童生擡神鼓噪生员侮辱有司皆属乱萌均当究处应听学臣究问归结因言有司能一意奉公不徇权势嘱托以滥取童生不博长厚虚声以纵容行简则孤寒快心怙恶戢志必无有聚党要挟者矣 上是之且谕近来士风薄恶屡次生事提学官还严行约束有司官也著秉公正已以服人心是时科臣周曰庠亦以为言

○庚申加升湖广宝庆府知府丁永祚副使职衔仍管府事以巡抚代民奏留久任也

○辛酉升湖广副使史旌贤为本省参政南康府同知支如璋为福建运同

○命行人许大成往益府典丧

○升宣府入卫游击王国冈为宁夏西路参将

○山东巡抚黄克缵 < 〇〇〇 毓一金 > 辞留枢特简不允

○壬戌祭 东岳之神遣太常寺卿行礼

○癸亥命南京御史张邦俊巡视南京京营 ○甲子调考功司主事赵士谔为文选司主事

○南京吏部右侍郎史继偕再< 〇〇〇 铨-金 >称病乞休不允

明神宗显皇帝实录卷之四百九十三

明神宗显皇帝实录卷之四百九十四

万历四十年四月乙丑朔享

太庙遣英国公张维贤恭代

○兵部覆贵州抚臣胡桂芳奏金筑土司改流应每年选拔营兵八十名防守从之

○丙寅兵部题覆督臣涂宗浚陈御虏机宜谓自扯力克故后六载之中我无日不言封事也卜酋未婚虏妇犹以未婚辞既婚矣而不投结不请封若无意就封以待我之急者我急而彼将愈缓恣意求索而彼之计已行矣夫我自封事以来士马渐耗于豢养之余四十年不谈自强之策虏习我玩愒以至今日而卜酋遂持封事以难我我所恃之虏妇亦不可知宜一如督臣议以自强为主练士马简精锐实行伍严考成而又勿挑衅纳侮未应先求即虏来求我亦必实覘其虚实情伪勿堕其要挟之谋有旨著督抚总兵官严修内备以固封疆不得轻听要挟苟且完事致启戎心

○以南京鸿胪寺鸣赞单养志兵马王向明到任违限下南京法司提问

○以广西佥事陈良才患病私擅离任令冠带闲住

○南京河南等道御史等官上言臣等历观 祖宗朝二百余年未有 皇太子六七年不开讲而满朝催请付之不理者未有辅臣孑然孤立劬勤无人而久不枚卜者未有两都六曹正亚卿缺乏至一二人者未有台臣空阙经年不补至科场大典缺监临者未有候命科道至三年外犹然株守旅邸者未有二十余年不接大臣一面不议国家一言者诸如此类皆足为 皇上圣明之累大臣之去留非小臣比顷吏部尚书孙丕扬以不得行其志挂冠以去大臣为之小臣效之即未得请辄悻悻以去国家纪纲之谓何长此不变不知数年后谁与 皇上治多事之天下也

○丁卯左给事中周曰庠< 〇〇〇 铨-金 >辞兵垣印务请命李瑾署掌因言见今六科乏人册封典试伊迤转盼 圣寿嵩呼及巡青存恤太仓节慎光禄诸差谁与分理乞令新咨科臣到任供职并允补起复曾六德等三臣有旨印著该科见在官署掌

○工科给事中马从龙等言工部糾发湖广角□羊官布政司都事郑士毓角□羊到料银四千四百六十两改作本色希图以滥恶搪塞朋分羨余太监曹壅等因为上< 〇〇〇 铨-金 >朦胧取旨小吏猖獗如此乌用三尺为哉除听该部咨行抚按提问奸弊根繇从重究治外请通行各省直凡钱粮系折色者印封裹护仍给鞘单二本一投部一投库验系原物即与速收如印信有损或不如原式即行查究尽法惩治应角□羊本色者凡可封緘之物俱取彼处有司印信封记略如角□羊银法验试厅留心查核其私自折银入京打点朋分者参送法司重究

○戊辰礼部题亲王封久府第工成乞敕出镇以完盛典请命择 福王之国吉期时工部以府第告竣闻乞赐钦定书楼牌坊额名科臣周曰庠韩光祐管工郎中房楠并

相继< 足 铨-金 >请就封不报

○己巳以原任游击李思诚起补宁塞参将

○辛未升山西右布政郭光复为本省左布政

○以延镇大捷行赏加总督顾其志太子少保荫一子入监读书巡抚涂宗浚荫一子锦衣百户总兵王威实授都督同知荫一子正千户俱世袭各赏银币有差总兵王学书加都督僉事衔候大将员缺推用余有功将吏各升级赏赉原任兵部尚书李化龙优赠原荫锦衣正千户儿男加升一级世袭先是虏首猛克什力等挟赏入犯边臣堵截斩级二百五十一颗夺获虏骑夷器以千计行巡按杨一桂勘明宣捷部覆五请始从之

○癸酉大学士叶向高题今日蒙发下黔国公沐昌祚为庄田子粒< 足 铨-金 >传旨令自行徵收臣惟此事该省抚按官以庄丁为盗之故屡次< 足 铨-金 >争兵部覆奉钦依令有司代徵今若复与该镇地方必复纷纭内外必复争执且诏旨前后相违朝行夕改甚非事体

○以山西都司吴国辅侵盗官草遣戍

○甲戌升湖广布政司参议周汝登为南京尚宝司卿

○起升原任文选司郎中朱世守为太常寺少卿提督四夷馆添注

○巡漕御史孙居相奏运船多缺乞速行造有旨责问清江厂船只如何亏欠致误粮运章下所司议

○乙亥大学士叶向高奏臣伏枕五旬屡< 足 铨-金 >陈请不足以感动 圣心臣之罪也然臣一日未去则朝政一日不行将使纪纲尽坏国体尽伤 皇上即视臣进退去留可以置之不问乃官僚可尽空乎言路可尽废乎各省之按差可终不代乎浙江湖广贵州之科场可不用监临乎恐从古以来无此事也今中外离心人人愁叹即鞞毂之下肘腋之间已自如此臣方深忧 皇上之孤危而 皇上顾闭塞愈深务与臣下隔绝帷幄不得关其忠六曹不得举其职至于阁臣冢卿亦视若可有可无举天下无一可信之人而自以为神明不测之妙用臣恐自古 圣帝明王无此法也臣闻之责难于君谓之恭臣之所望于 皇上者皆易事非难事律以责难之义尚为有愧若复畏罪惧谴并此不言则真孟氏所谓泄泄沓沓不忠不敬之大者矣乞将臣罢斥亟下考选推补阁臣点用吏部尚书与卿贰督抚等官

○吏部以原任兵部尚书赠少师李化龙有开疆拓土歿于王事之勋请恤赠荫奉旨加赠太师荫一子中书舍人

○升南京礼部郎中施浚明为江西参政刑部郎中牛从极为广东雷州府知府辽东宁前僉事高折枝为参议整饬广宁

○以广西柳庆参将汪弘器到任违限罚治

○升山西水泉守备倪承勋为宣府入卫游击广西都司僉书周天禄为庙湾游击

○给事中梅之焕上言纪纲日替国维不张近日中外种种不法见于御史乔允升

增入永宁宣抚司并听节制仍责令川贵抚按官将张神武等作速勘明按法定拟并将改隶事果否妥便一同回奏从之

○命天下军民黄册布政司差官总角□羊故事民黄册如云南贵州广东广西福建浙江江西山西俱布政司汇角□羊直隶及山东河南陕西湖广等处俱州县径角□羊四川按臣朱万春以川道远险角□羊役劳苦繁费请将军黄册比例汇角□羊为言部覆如议通行各省直军黄文册俱角□羊本布政司同民黄册总角□羊因言如经驳回依例司道自造不许复累所属造角□羊之费应于税契银内处给非系京驳不许滥罚从之

○辛巳升原任南京大理寺右寺丞叶茂才为南京太仆寺少卿
○升福建参政潘阳春为江西按察使广东参议刘毅为本省副使

○以承天府知府冯劳谦黄州府知府孙好古从抚臣请互调

○命南京御史王万祚巡视下江

○兵部题钦州之役俘囚王恭等数十人久系不决宜行广东巡按勘问分别定拟回奏从之

○癸未宴四川番僧如例

○升户部郎中全梧为山西汾州府知府户部郎中张我绳为陕西佥事

○覆升原任游击郑朝隆以都司佥书管戚家堡游击事

○覆延绥巡抚题标下中军副总兵杜文焕补中路添设副总兵镇靖堡参将赵率教调标下中军原任游击李荣起补镇靖堡参将从之

○以强贼阮五等越墙脱狱罚治参将王弘爵把总陈元庆等各戴罪缉擒

○甲申夺钦天监推筭官俸三月仍谕礼部历法紧要还酌议修改先是该监题十五日己卯晓望月食六分二十秒初亏寅一刻复圆辰初初刻至期部委主事一员同五官灵台郎刘臣测得候至寅时三刻初亏东南其体赤色约食三分余与前不合礼臣请加罚治从之

○宣大总督涂宗浚辞免延镇捷叙加恩不允

○荫保定巡抚王国男淑璟为国子生

○乙酉升左给事中吕邦曜为河南副使

○升山东潍县知县郭存谦为吏部稽勋司主事

○升阳和守备孙谏为天津右营游击

○辽东总兵官麻贵称病乞休许之仍著驰驿去

○丙戌通政使吴达可 < 足 毓-金 > 辞纳言新命不允

○丁亥调福建参政张应槐为湖广参政
○戊子升山东左布政李同芳为都察院右副都御史巡抚山东仍谕黄克纘代后即赴新任以部言留枢自孙矿去任虞悬五年乞命克纘星赴云

○升太仆寺少卿添注何熊祥为大理寺右少卿

○升顺天府府丞刘学曾为大理寺左少卿

○升湖广按察使饶景晖为山西右布政山东参政卫三省为陕西按察使南京刑部郎中吴撝谦为广西佥事云南参政邓思启为本省按察使礼部郎中陈德元为福建参政福建参议胡琳为广东大同知府汪承爵为四川原任御史周茂相为陕西各副使

○命御史毛堪巡按云南

○己丑升太仆寺少卿吴华为南京光禄寺卿 ○升广东按察使徐尧萃为广西右布政浙江参政萧近高为本省按察使陕西副使文球为山西参政

○升四川总兵侯国弼为南京后军都督府佥书管事

○甘肃巡抚周盘 < 銮-金 > 辞考满增秩不允

○庚寅给事中马从龙言料计三殿并文昭武成阁工作拟以一丈二尺围圆为极数当照细册分发该省最大者无过金柱明梁大额枋皆帮攒用金柱以九攒一径三尺五寸为合式外帮径二尺五寸为合式步柱之类圆形径三尺者不容帮攒各色梁柱方形者不嫌帮用假如高三尺阔八寸长三丈若用独木其价必重若以二帮一不过二三十金而足板枋连二连三大折算不必拘定贵州物力不支似宜免派川湖二省各半一殿之木派归一省庶头绪不紊其未采者待皇极门竖柱命下之日采办两省买木银不许分毫别用其各省协济俱当申明停止果钱粮万分无措计方出此民穷财尽已极宁可缓工不可朘削若内监任意坐派该省任意估价各省照数协济漫无算计裁节臣恐以三殿祸天下也至于各作甃石等物亦当如木植法计之沧海漏卮全在料计不审因言监督石料郎中李养质运过三门石料除足用外尚余七千丈各作所官若能料估精当即重赏赉之可也昔日两宫费不过六十万金加倍足矣似不可逾也并请罢各宫不急营作

○辛卯遣太常寺少卿洪文衡翰林院编修孙承宗等十八人充正副使各册封荆府等府慈狄口巾为荆世子蕴铖为江夏等王及王妃

○壬辰调验封司员外陈凤翔为考功司员外

○升光禄寺寺丞吴炯为南京光禄寺少卿

○升兵部郎中程□为浙江参政湖广副使甘雨陕西副使常守信为本省各参政河间府知府陈鸣春为陕西副使简讨陈翔龙为湖广参议四川参政曹学佺为本省按察使翔龙本 福王讲官

○升福建按察使陈邦瞻为本省右布政

○癸巳大学士李廷机等题两直府州卫续到岁贡生员系应三十九年正贡因学臣久缺不得与当年廷试与起复病痊补贡不同应另序本年之末从之

○升四川佥事陈经济为本省副使整饬威茂兵备

○加升兵部主事卜履吉为武选司郎中管理清黄

○以湖广江夏县大盗越狱夺知县瞿溥俸千户王官提问

○宣府巡抚薛三才请开牧地以裕边储言宣镇近郊旧有牧地一所原系墾土后变沃饶于是有养廉地土进宫子粒稻粮银两等项皆取足于此而葛牧实不与焉近且有暗侵私垦者矣不若分给马军之力能承种者悉听开垦输粮于官既不失牧地之意而且足以少资军饷总计地三百六十五顷五十二亩有奇除二百五十五顷九十五亩已分属前三项外未开荒地内堪种者七十四顷七十亩合之私垦地四十八顷七十三亩岁可得地租银千两可以佐官吏师生俸粮之不足以七十余顷之入岁可得稻秫万石可以供镇城军民之用可以省蔚州召买之苦而又无旱暵之虞杜告讦之扰有五便焉乞敕部查议行

明神宗显皇帝实录卷之四百九十四

明神宗显皇帝实录卷之四百九十五

万历四十年五月甲午朔日有食之

○兵部题覆套虏沙火铁把四酋每因挟赏不遂扰我边疆屡犯屡挫挫而亦复犯今乃归我人口而纳我九九之数也盖知挫败以后市赏又失此其势似屈意似恭直应以犬羊之道纳之请将沙计火落赤铁雷把兔姑准输款已恭顺过万历三十一年以后市赏转赏照例给领沙计作歹在三十七八年火铁把兔作歹在三十九年各年之赏例应停革虽已纳款应俟其恭顺日久永不犯边始准给与从之

○升四川总兵官侯国弼为南京后军都督府佾书管事兼提督神机营

○乙未覆升江西南昌府知府汪国楠为本省副使管理水利

○御史钱桓奏 青宫辍讲已久乞示讲期以慰人心端国本言 太祖高皇帝作储君昭鉴录倦切矣成祖文皇帝作文华宝鉴 二祖明训固万世之法程也今 青宫辍讲因循八载大小臣工竭诚 < 跪 銮 金 > 恳亡虑百数十上皆不足以动 圣听举朝皇皇莫得其角口羊窃意天下之任悬于太子是天地之所寄命 祖宗之所寄统何其重且大也而可愒日玩月频年不接师保宫僚之正人不闻诗书礼乐之正论耶

○丙申覆升密云兵备副使张朴为河南参政照旧管事

○覆起原任山西平阳府知府黄道亨补大同府知府从宣大总督涂宗济奏也

○礼部以太仆寺添注少卿何熊祥奉差册封靖江王府今升太理寺右少卿应以新衔前往持节从之

○丁酉升云南副使黄文炳为贵州参政御史董绍舒为四川佾事分巡下川南

○复除编修马之骐原职

○兵部以贵州路山西苗功擒斩四千余级非常大捷请加叙录得旨郭子章升兵部尚书兼都察院右副都御史给与应得诰命终养仍与原荫儿男上升一级世袭赏银四十两大红飞鱼衣一袭陈璘赠太子太保荫一子本卫百户世袭赵健升通政使仍管光禄寺事给与应得诰命金忠士升一级各赏银币有差冯奕垣洪澄源著吏部拟赠相

应京职安疆臣赠三品职衔萧大亨著该部给与恤典宋一韩子应降职升一级南京用赵拱极复原职改南京用余文武各赏升赠录俱依拟

○戊戌复除原任光禄寺少卿王纪原职添注

○吏部覆四川巡按朱万春议增邻番紧要司道将建昌兵备准作边道仍督建昌等所学较从之

○云南大理曲靖云南等府地大震有声又连震坏屋

○己亥吏部奏言原任宛平知县李嗣善以擅刑内官被旨逮问今三年矣迹因都城饥民充斥顺天府丞乃以本府知事杜冠时题升本县念嗣善久经法司勘明台省申救长系堪怜宽谪唯命

○庚子 孝宗敬皇帝忌辰遣官祭 泰陵

○署吏部尚书孙玮奏言自众臣孙丕扬去而吏部遂空以臣代庖知人不易责任匪轻若刑部系臣职掌事更繁剧在内词讼日费鞫审在外巡按及恤刑官所奏矜疑等项日烦参阅而热审又已届期即使专力看详犹苦日不暇给况复兼理别部乎臣衰暮之人精神有限虽轮日一进勉强支吾然顾此失彼滋毙长奸废事旷职者诚不知其几也乞将各衙门会推诸< 銮-金 >亟赐点用

○工部覆巡漕御史孙居相奏一议造缺船谓粮船积缺数多欲复旧设南京瓜仪二厂及各府分造而科臣谓二厂不必复唯照苏浙现行事例令各府佐分造之计甚长但缺船逾二千余只合限二年造完报部违者听总漕巡漕查参一议料银船料每年有额银两缺船若干则宜积银若干钱粮各有正项那借定须补还运船原是正供拖欠岂宜坐视此总运之责而难容他倭者一议差官买木厂官专职造船今迺营差牟利任意稽延缺料误事全繇于此或照边镇委买市段例总漕岁差通判一员前往荆州收买果能费省完速从优奖录亦是一策一议劝惩如三十九年造船不及原额之半岂尽繇厂料之缺应如漕臣议年终总漕会同巡漕查各厂官完欠数欠者分别罚俸降级褫职完者奖叙优擢斯激励人心之大机也一议船式一禁勒索一议造船官员名为注选盘据恣肆牢不可破今后吏部径行裁革听总漕择州县佐贰廉干者委用须一年一更前委造船未完不得再营后委亦不许别营买木致误造船至于提举一官尤宜重其委任庶便责成应移吏部铨注淮安府同知职衔管提举事遇缺择科贡有司材守兼优荐多者升补三年满日核劳荐叙当此船政积坏之日漕臣所谓大破常调者无如择人任事尽洗前毙为第一义也一议慎互稽严催角□羊清江厂之设虽属于漕司而奉差该管官则属于臣部船料盈拙造船完欠原系职掌相关迺从总漕为政工部不一与闻及至料缺船欠议者又责之臣部即如差去司官既为造船专设则钱粮之出纳那移未有判然不相涉者司官呈请发银是其经管银足而船不完是其专责若欲造无银举积欠之船而坐之似亦非情乎合行总漕巡漕将十年内发厂造船料银严行清查某年某月某官经管所造船只是否与发银相当有无银多船少侵隐情毙一并奏报其漕库料银出纳


那移俱令部差相闻本部置二部印发该厂详慎旧管新收开除实在清数每季报部查考此项专备造船以后不得再加那用其该厂造过船只完欠数每年终呈报俟本官差满回部严核具奏各关差及各府州县额派料匠等银总漕衙门严行催角□羊全完仍分别完欠并该管职名年终咨部参罚南部协济工料盐薪等银一并完角□羊如此庶宿蠹与逋欠俱清船政可举也有旨该厂船政毙坏已极依议行各该衙门著实整顿如再因循违误责有所归

○工部右侍郎刘元霖奏剧任独力难支乞简用长贰以免旷误因请赐矜放

○辛丑升鸿胪寺左少卿王用贤为鸿胪寺卿

○复除广西庆远府知府岳和声补江西赣州府知府

○调延绥总兵张承胤挂印镇守辽东仍命上紧到任不必候代

○都御史许弘纲上〈 铨-金 > 乞骸不报 ○壬寅起原任工部左侍郎刘应麒改兵部左侍郎

○升文选司主事谢应祥为验封司员外

○升陕西参议余自强为本省驿传道兵备副使

○降原任给事中洪瞻祖为南直嘉定县县丞原任御史萧重望为湖广靖州判官

○命修撰张以诚给事中徐绍吉主考福建兵部员外张应徵大理寺副李中立主考四川户部主事洪启聪工部主事张国继主考广东刑部主事来斯行中书沈士茂主考广西各乡试中立旋以告病改命本寺评事陈向庭

○礼部主事高继元言贡夷除琉球暹罗朝鲜冠带之国并番僧番族外三卫海建女直先后辐辏计九百人三卫悍而纵肆无忌女直诈而狡横百端回夷行李多至千柜少亦数百恣买违禁货物迁延旬月不回宴赏程廩车马之类费以数万此三夷者借贡兴贩显以规利且渐生心不可不思患预防者也臣请制其流者六清其源者三一戢强横三卫女直夷人半系中国强梁亡命代捧敕书而来透漏消息挟众肆横莫可谁何会典一款凡夷使往回该巡抚衙门给与印信文簿逐一登记付伴送人员在内送本部在边送巡抚衙门稽考请敕督抚衙门另立一簿先开伴送通事职名后开夷名咨送兵部转咨本部横肆者明列其状缴送督抚道镇衙门或革其贡或革其赏或咨彼处国王究治一选通伴三卫女直既称属夷通伴或可压服特以三四人摄百余人则众寡太悬以三四佣奴统百余猾虏则强弱又不胜请敕边臣慎选畏法有才干者稍增其数责令约束夷人一申旧规会典一款四夷使臣不许往来街市交接闲人通行守边官员不许将曾经违犯夷人起送赴京请敕边臣慎选通事约束夷人务令遵禁不得迁延街衢酗酒生事违者罪伴送通事等役一核贸易请敕边臣起送夷人之日计其携带之物开单送礼兵二部遣会同馆官与之发卖如其高价莫售仍以原物还之自京而出要买某货若干召商卖与其价两平各从其愿若有违禁之物不许私买一革当房贡夷宴赏之外日有程廩复有加赏夷人贪横无厌变价入己每以酒食之费累车马夫馆夫而馆夫更甚

遂至有激而刎者逃者彼且图赖反覆不满其欲不行今当令馆夫仅供买办酒腐之类夷人不得藉口旧例禀讨馆夫称为当房一复押送凡三卫入贡有一序班留喜峰口验入若海建则辽东差官押送入京贡回发遣听其出馆而去不复问矣会典一款嘉靖三十八年题准女直夷人贡回还差通事序班押送出境又四十三年改行兵部差指挥等官伴送又万历四年仍差通事序班押送又查三十年礼部准蓟辽督抚咨本处遴选委官开发序班免遣案照蓟辽委官开发自是通州以东地方耳出馆而外中途停车卖买将使何人开发乎请敕兵部会同本部酌议兵部遣一指挥本部遣一序班押送出境或蓟辽既有差官约于某地方交替不使远出山海关庶各夷不至逗遛而内地亦安矣然制乱贵于未萌而御变及其未发何也夷人恃众则气焰易张势分则寡弱易挫职查西番贡例每千人止起送八人今三卫女直回夷独不可仿而行之乎女直四五年不至今一来耳回夷亦二三年不至矣无足为中国治乱安危之重轻也目下幸边臣协力四夷慑服乘此时以裁其入贡之数而不使咆哮内地政在今日所以清其源者一也臣查隆庆年间北虏事例贡在边镇今三卫女直回夷独不可仿北虏之例而行之乎三卫入贡向来仅换布段而止独女直回夷置买私货迁延不肯即去请敕边臣照北虏例每起止令数人入京余俱在边候赏一应宴赏银绢等物差官赉发本镇给与则额赏既无减损沿途不致摧残所以清其源者二也远人辐重太多则驿路舆马太费是疲中国之力填远夷之壑也今辽东有开原永奠之市宣大有新平得胜张家口之市延宁有红山墩清水平虏之市甘肃有扁都口庄浪之市三卫女直回夷独不可仿而行乎议在本镇领赏亦在本镇开市计其所需不过布绢瓷器之类募商与卖则既省夷人跋涉之劳又免驿递支应之苦所以清其源者三也

○金星昼见

○癸卯 太祖高皇帝忌辰致祭于 奉先殿

○升左庶子朱国祯为国子监祭酒

○升户部郎中何如申为浙江参政

○浙江右布政窦子偁山西右布政陈廉各称病致仕许之

○光禄寺卿赵健辞叙平苗恩赉仍申引年之请不允

○兵部以都城奸盗生发最易防范最难捕营士马凋敝行伍空虚可虞覆科臣归子顾条陈五议一严下夜之令一重失事之罚一杜投充之习一稽营马之耗一申犯夜之禁俱如议行寻又以姑息已久未可空言令议自今立限缉捕限外不获者参将把总官参奏提问积十起以外年终照例降级若明火一月三四次者本部竟自参提每次失盗事情该营逐日报部稽查隐漏者坐本官以欺隐之罪有旨依议著实行提督等官严行各属用心巡警有违玩的查参处治其占役捕军著尽行清出不得容隐时京师饥民流聚盗贼公行至窃禁中器物逻者获其绳梯云

○甲辰升河南参议张五典为本省副使南京礼部郎中王肯堂为福建参议南京

兵部郎中秦一鹏为山东佥事

○掌河南道御史钱桓奏大比迫期监临万难再缓乞下台员以光大典

○四川巡抚致仕乔璧星奏剧病交攻五恳免代并乞速点新推抚臣以奠封疆

○乙巳仁宗昭皇帝忌辰遣官祭 献陵

○升江西参政叶其蕃为福建按察使广东佥事李樛为山东参议

○命署都督同知官秉忠挂印充总兵官镇守延绥黎平参将杨应光升署都督佥事充总兵官镇守四川

○江西参议陈嗣元称病致仕许之

○丁未升贵州副使刘文徵为四川参政山东副使崔师训为福建参政

○升工部郎中崔廷健为四川副使

○兵部题臣部职在用人然往往能自信而不能信于所用之人躁竞妄干何能人谕然次序有定自可相忘条上八议一定资序论次荐之等次以酌用一量器使程中边之应否以酌人一重武科定三七之选以振淹一裁旧荐限通算之年以汰滥一谨推举期荐牍之得人而毋轻旬一查冒幸严庸碌之去取而毋妨贤一抑躁竞戒无故之量移以省挠制一收弃将开调降之入试以定用舍俱依议行

○大理寺奏缉获伪造印信孙光前拟斩余罪有差报可

○己酉南京给事中晏文辉< 跽 毓-金 >言 皇家三礼未行天下万民仰望讲皇太子讲学 福王之国 瑞王成婚

○庚戌署吏部尚书赵焕上言内阁者人主心膂之臣所与造膝而谋者也当 世庙静摄时阁臣皆入直西苑一日御札相咨常三四至今辅臣叶向高杜门三月矣丝纶之地烟锁尘封闾无人迹岂三月之内无一事可与辅臣相商者乎六部分领庶政都察院总持风纪佐五位以率百僚职任何如其重者今吏部全空矣兵部虽点尚书而未至犹然空也刑部止臣一人并无侍郎户礼工三部各侍郎一人并无尚书都察院止一副都左都左佥俱久悬缺何寥寥也以一人理一署尚苦独力难支若臣焕则又以刑部兼吏部孙玮则以仓场兼兵部与京营身虽左支右吾势必顾此失彼中间脱有事故注籍数时则公门长扃矣欲奸毙不生而事体不废胡可得哉六科主封驳十三道主糾察凡政事得失军民利病朝纲国是吏毙官邪皆得直言而仓庾库厂但干钱粮者又无不用科道巡视至于两畿十三省提学巡按盐茶马尤不可一日无御史今六科除册封典试外仅四五人孰为视篆孰为管差御史在内者一人数差分身无术在外者一差数年候代无期若浙江湖广贵州各省尚无人可差不知大比大计属谁料理以至紧至要之官而坐视其消磨匱缺那东补西不免捉襟露肘束手无措凡此皆 祖宗以来二百余年未有之事也今天下脊脊多事矣千疮百孔人切杞忧其所以劬勩拮据以转危为安者惟用人为第一义伏愿皇上念大器之必须众擎思各官之必难终废将候补及考选科道即涣俞旨以济中外各差之急其部院大僚陆续简用务足旧员一切章奏悉付内阁

亟谕辅臣入直票拟间有不当 圣心者不访谕令再票勿概留中则上下之脉络通人心之湮阨鬯朝廷之气象新大臣纲纪于上科道振肃于中百司顺承于下庶事有不举天下有不治者臣不信也

○辛亥大学士叶向高奏臣杜门乞归已满三月企望虽切 天听未回每伏枕思惟上有 圣主而臣不能事下有群贤而臣不能进向之责臣者以不能苦口效忠今之责臣者以不能因机纳牖向之责臣者以不去妨贤今之责臣者以一去了事盖臣之所处转难而贻累于天下国家亦转甚矣昨见署铨臣赵焕< 銚-金 >请推补阁臣大僚考选极其恳切老成忧国之心可对天日臣愿 皇上听之信之亟行其言仍念铨曹事重冢宰统率百僚不可久虚即赐点用至于臣之笃病苦情万分宜去不敢再辱温纶以虚君父之命惟望早放一日早免一日耽误

○癸丑以 大祀 方泽遣驸马都尉侯拱宸告 太庙请 太祖高皇帝配

○甲寅礼部请改正代封前是代藩为鼎渭奏名矣久之更以鼎莎请援宗藩要例简举改正辅臣李廷机时署部事三十九年十一月初旬科臣彭惟成有藩封遗议未恩< 銚-金 >而代适以请婚行贿事觉渭与王奏辩复至辅臣廷机终执前说言裴氏未经奏选在滥妾条渭不应立张氏系奏选妾莎应立请下部查要例牒册及行抚按勘明而后会议盖因裴妾册无名为据也科臣周曰庠亦请行勘于是从礼臣言命勘明会议束说言者多谓裴故在嫡存之时张继子裴死之后裴原额数不在滥例张本内助不得称嫡王之误初在不为裴请补既在溺爱易长至诋辅臣偏拗及礼臣辑议上闻欲行王自裁处奏入不报刑部主事李春熙来斯行独主原议并祈速允阁臣之去以全国体谢言官于是言者复纷然攻击且以推诿顾忌责望礼臣礼臣乃上言臣查隆庆五年奏准钦依议各王府未经奏选在府人数系例前者合开列行次造入妾册以备他日子女名封之考故唐王硕熿于万历十四年为其滥妾杨氏徐氏认罪乞恩请补妾名于册仍请所生二子名蒙 皇上准补赐名后庶长子器壻得封为世子夫隆庆五年之例正裴氏生渭之年也彼唐王尚援为有子之妾请名于十五年之后而代王不奏补裴氏于为渭请名之时则致裴氏之妾册无名者谁也既以溺裴而攘其子于张复以弃裴而攘其子之爵于张之子当年之所简举者公耶私耶臣又查 玉牒所载以鼎渭为庶生鼎莎为嫡生夫张氏虽封次妃例止得称庶今云嫡生谬矣嫡字应行改正皆庶则渭称庶长也奚疑立庶以长则渭之当立也又奚疑乃论者曰渭知有爵不知有父翹亲过以直己冤以此渎伦之人俨然诸宗之上其谁服之宜虚悬世位以待鼎渭之子臣又查嘉靖二十八年秦府庶第一子惟燿男怀壻与惟熿争袭王爵礼臣徐阶会议皆称惟燿为庶长奉 世宗皇帝旨著怀壻承袭今日之事正与此同所应请旨定夺者也至于代王与张氏俱应免议以全父母之恩鼎莎亦姑授以本等将军仍将裴氏造入妾册以明世系俾代藩父子兄弟间各还固有是 皇上于正名定分之内示善贷曲全之恩国法人情两得之矣复不报然自是议稍息时又有谓宜立王第三子如孤竹君事者越数年鼎莎卒

○革河南开封府通判王有春职仍行巡按御史提问具奏以抚按参其贪婪潜逃也

○海西卜颜弗思木等卫夷人孛罗等进贡赏给如例

○辛未兵部奏参锦衣卫都督王之祜被南北科道军政拾遗糾弹略无完肤本部议覆革任请旨又屡经题催 祖制森严 天威莫测宜何如恐惧悚息而不宁者乃忽自< 〇〇〇 钰-金 >视事又不候旨冒出恣肆跋扈无人臣礼伏乞 皇上大奋乾断亟赐罢斥并简发军政覆< 〇〇〇 钰-金 >将李祜国邓绍煜等俱革任庶 祖制不至决裂奸邪犹知敛戢

○壬申 温肃端静纯懿皇贵妃发引礼部请令 皇太子如例送殡至京城外祭毕还宫不允

○调稽勋司郎中李养正补考功司郎中

○夺光禄寺卿赵健俸二月指挥萧邦奇三月下僧法印于理以健携僧入东安门内为巡视科臣所糾健上< 〇〇〇 钰-金 >自劾乞赐褫放并有旨申严门禁不许多人混入违的守卫官一并参究

○户部题覆完漕迟速今昔迥殊敬陈渐复之因请申画一之令言漕粮四百万石自坐派徵兑以及开帮繇过淮过洪以至抵坝议单开载悉有限期即有重大灾伤亦限于七月题报而后期者免覆盖以议折之举军民易生观望奏报愆期不便派发全单耳今照总督漕臣所议会计坐派宜如往时水旱灾伤听其续报纵于派定之后间有不容已于改折者即更易册单亦不过十分之一且谓漕粮无可蠲之理改折有便否之分务于七八月坐派如此则徵输令严积习顿挽 上是之

○癸酉升光禄寺少卿杨应聘为太仆寺少卿分管西路

○补原任江西佥事沈瓚为广东佥事

○覆升辽东管粮郎中郭佳镇为兵备佥事整饬开原原推开原兵备佥事秦一鹏改山东济南佥事

○兵部覆两广总督张鸣冈奏交夷航海飘入内地参原任广海守备夏士昌宜革任回卫并请严旨切责安南都统使黎维新饬禁诸夷毋得仍前飘入汛地有旨责问黎维新如何纵夷屡侵内地以后著严行约束不得违犯

○甲戌改南京户部尚书郑继之为南京吏部尚书继之< 〇〇〇 钰-金 >辞不允

○南京吏部等衙门右侍郎史继偕等言 皇上御宇以来爱民恤下纳谏用言优礼儒臣信任大臣治行甚美比缘静摄稍久中外渐隔故旷员不时补奏牍不时亲始若以为省官省事而不谓浸淫至今遂一切废格也言官不补且至大臣谏臣不听且至辅臣纶扉久鏑槐席半虚振鹭之廷未充神羊之冠匿来政本睽疑日甚人情否隔可虞宜令辅臣向高即时入直益广求弼亮之选特允辅臣李廷机归里以风示悬车之义其他大僚在位者趣使视事未在位者亟行简拔举逸民开言路慰群臣之心以保前业

○乙亥覆大名兵备许汝魁加升河南左布政

○丙子陕西抚臣以存问原任吏部尚书孙丕扬闻丕扬< 〇〇〇 铨-金 >谢并请下枚卜大僚等四事

○工科给事中归子顾言漕事稽于阻冻坏于缺船清库扫于那借蠹于拖欠回空迟于淤涩为今之计莫若那移者责质补还拖欠者按籍核徵实清库以议补船缺秋冬之际补至千艘而后陆续完造以还旧额淤河葛墟岭一带宜岁岁开浚增阔深而又仿通惠河之则尽为置闸以时蓄水照会典所载浅夫令各守本闸捞浅回空之日更责成河厅奉总河印册率所在老人泉闸等夫捞送各船挨记时日如迟官役皆照册究治回空各船务令照例依期尽赴水次未至水次不准旧运作完庶新运开兑发帮过洪过淮抵坝裕如无复阻冻陆运之患矣

○丁丑调礼部主事梁克从补吏部文选司郭士望补考功司各主事

○山西蒲州天有声如雷

○戊寅升西坝游击王嘉评为庄浪参将广西标下坐营龙万化为月〇章腊游击镇江游击李应选为宁远参将

○起原任参将杨廉为石门路参将

○己卯以延绥甘肃御虏斩获沙猛银歹首虏三百余级宣捷遣英国公张惟贤祭南郊武定侯郭大成祭 北郊驸马万炜祭 太庙

○调兵部职方司主事沈道原为吏部考功司主事

○巡视给事中等官奏奉旨申飭门禁请复悬牌旧规并限行使人役以防奸伪便稽查

○庚辰升南京刑部郎中沈朝焕为四川佥事

○升总兵李怀信署都督佥事充总兵官镇守临洮 〇覆加燕河路副总兵白慎修注后军都督府衔带俸

○俞荆王请比蜀王等王府例免护卫仪卫司官考察仍书谕王严加约束毋致放纵

○以通惠冲决夺指挥马鸿功等俸三月仍行河臣严飭挑浚修筑

○辛巳刑科都给事中翁宪祥< 〇〇〇 铨-金 >请批发军政纠拾滇南狱情各< 〇〇〇 铨-金 >以重惩凶恶卫帅明正罪抚刑章参王之祯陈用宾不报

○辽东巡抚杨镐奏闻言自讼乞赐罢免有旨杨镐荐才本为地方今镇守已有人正当协心并力以固封疆不必因此求去著安心供职镐初以辽警方亟总兵麻贵又引病去< 〇〇〇 铨-金 >请起用废将李如梅并调赵梦麟麻承恩科臣麻僖劾论如梅残废不堪误辽部推张承胤代贵而以承恩往援仍听抚镇调遣

○甲申礼科左给事中周曰庠< 〇〇〇 铨-金 >言今日可以肩大任者郭正域顾宪成黄辉等其人也大小臣工累< 〇〇〇 铨-金 >乞用奈何转圜无期卒令赍志以没天生

与蓟门河流之贼皆在入冬之后以后秋防告竣各路哨探虏酋有无异谋虏帐有无远徙方议撤兵请敕各边总督抚镇实心料理严加防御毋致疏虞从之并秋防事宜依拟通行申饬

○癸巳 孝穆皇后忌辰遣彭城伯张守忠祭 茂陵

○升陕西右布政吴中明为都察院右佥都御史巡抚广西

○升应天府府丞卫一凤为都察院右佥都御史抚治郟阳

○升兵部郎中袁应泰为河南参议整饬淮徐

○升陕西参政郑国俊为河南按察使

明神宗显皇帝实录卷之四百九十六

明神宗显皇帝实录卷之四百九十七

万历四十年七月癸巳朔享 太庙遣武定侯郭大诚恭代

○升工部郎中胡鹗为河南卫辉府知府

○下革逐镇抚史晋于理晋为科臣宋一韩讼冤讪诋执政大臣语多嫚姗银台参驳副宪< 〇〇〇 毓-金 >辩旨俱不下辅臣向高乃言史晋一韩家奴感其私恩为之效死不足置齿牙惟是国所以立全在纪纲法度管摄维持今以一狂悖小人颠倒是非嘻笑怒骂于 至尊之前无复忌弹自辅臣九卿而下尽在口吻以许弘纲之清正乃诬其受金代人报复甚至托之渔父巷人怪诞之辞以尘渎 天听从来奸徒之干纪犯义未有如此之甚者也且考察大典秦聚奎出位一言 皇上即怒而罢斥之一韩而果枉也当日欲搜索考察之瑕以攻当事者无所不至何待史晋而后发哉窃谓史晋不处则纪纲法度尽皆陵夷后来考察之典亦可废矣此事关系国家不在诸臣望将原< 〇〇〇 毓-金 >及通政司< 〇〇〇 毓-金 >下法司究问弘纲< 〇〇〇 毓-金 >亦乞并发时吏部科道等官及御史马孟祯俱以横议挠察为言 上震怒乃下通政司章谓晋恣肆违禁大干法纪命法司从公提究问拟具奏并谕弘纲佐察持平朕素鉴知著即出供职

○甲午大学士叶向高言年来大小臣工以去请者 皇上率皆不允遂并及于臣臣窃度之盖有二端其一谓食君之禄不宜自便身图其一谓纷纷陈请多是以去沽名此皆臣子大罪 圣心所疑乃臣则谓人臣去国于身何利舍见前之富贵博无用之虚声揆之人情未必肯尔且人臣何名附君上以为名天能分日月星辰以光所以成其大君能与臣下以名所以成其圣臣而欲名则当辅 圣主勉建功业庶几尺寸有闻以附于古先名哲之末流乃为真名若居如此之地而泯泯汶汶无所表见徒乞残躯以就死林泉与草木同朽何名之有 皇上亦可以亮臣矣

○乙未礼部题加直隶浙江等处解额 皇上龙飞当四十之春凤历适五旬之始久道成化薪樵宜弘请将浙江等九省各加五名广西三名云贵各二名南直生员七名监生三名北直生员六名监生四名廷臣屡以为请竟不得报

○丙申 仁孝文皇后忌辰遣武靖伯赵祖芳祭 长陵

○原任右都御史沉思孝卒思孝生于浙之嘉兴以隆庆戊辰榜令番禺即力抗制府召入仅授刑部主事值江陵夺情偕同官艾穆疏论被杖八十戌神电卫江陵坳得赐环晋尚宝丞历光禄少卿太常提督四夷馆为顺天府尹因不阿时宰移南太仆卿旋拂衣归久之繇南光禄卿擢陕西开府移中州不赴又移大理卿晋工部左侍郎都察院右佥都御史兼兵侍协理戎政以争日本封贡与当事左称疾乞骸去思孝本以言事受知海内仰望丰采然以性负刚峭不能抑忍所至多不能久卒亦未尽其用里居谢客短褐萧然余风犹可溯云

○丁酉升南兵部郎中袁业泗为福建漳州府知府

○降原任山西道御史曾舜渔为福建福宁州判官

○以贪肆钻刺革太平路参将黄正职仍下法司问

○覆起原任总兵麻承恩以原官入辽听抚镇调遣 ○戊戌升河南参政杨惟治为陕西按察使陕西副使洪翼圣为河南参政补原任陕西右布政陈所学为福建右布政

○大理寺以光禄寺署正黄泰年等通同内官盗卖仓谷各罪有差奏从之

○总督仓场户部尚书孙玮言臣自去冬奉旨带管戎政今春又署兵部印务当兹仓场旧局未结新运正殷重以边情孔亟营操伊迯衰病庸臣支撑难久乞敕枢卿王象乾免代速任戎卿舒应龙兼程前来因言 皇上以累累三印尽举而掇之臣岂真苦乏人耶高贤大良如郭正域辈竟已凋谢识者惜之然臣所知大臣中犹幸有吕坤刘元震汪应蛟辈部寺有邹元标孟一脉赵南星辈台省中有王德完冯从吾辈久抑下僚有姜士昌刘九经辈之诸臣者养厚器宏行修节著及时而用不难媲美师济不然数年之后恐 皇上即欲用之而不能尽待也

○己亥录平滇寇功升右佥都御史周嘉谟为兵部右侍郎兼巡抚如故黔宁伯沐昌祚各赏银四十两二币黄文炳董献策各赏银二十两文炳仍升职一级刘之龙等文武官员各赏银有差内刁定边准加服色其纪录候用优处优恤及行抚按官量赏等项俱从部拟

○福建巡抚丁继嗣奏琉球国夷使柏寿陈华等执本国咨文言王已归国特遣修贡臣等窃见琉球列在藩属固已有年但迯来奄奄不振被系日本即令纵归其不足为国明矣况在人股掌之上宁保无阴阳其间且今来船只方抵海坛突然登陆又闻已入泉境忽尔扬帆出海去来倏忽迹大可疑今又非入贡年分据云以归国报闻海外辽绝归与不归谁则知之使此情果真而贡之入境有常体何以不服盘验不先报知而突入会城贡之尚方有常物何以突增日本等物于硫磺马布之外贡之贡进有常额何以人伴多至百有余名此其情态已非平日恭顺之意况又有倭夷为之驱哉但彼所执有词不应骤阻以启疑贰之心宜除留正使及夷伴数名候题请处分余众量给廩饩遣还本国非常贡物一并给付带回始足以壮 天朝之体因言闽中奸民视倭为金穴走死地

如鹜绝兴贩以杜乱萌又今日所宜亟图章下礼部覆如抚臣言

○虜犯宁夏塞我兵御之于毛青口沙山湾两日再捷共斩获甲首一百七十七颗斩银定头目白柰哈督抚按臣俱以捷闻

○辛丑升少詹事朱之蕃为南京礼部右侍郎

○升四川副使咎云鹤为本省参政

○升浙江绍兴府知府郑栋为本省副使

○礼科左给事中周曰庠题各省试执宪度以肃内外者监临御史之责也浙江湖广贵州按臣久缺查前福建秋场偶缺御史曾以其事属之按察使今浙江尚有盐院可代湖广贵州请暂行照例委任庶几不致误事然臣所急者不独监临也浙江江西湖广陕西四省典试之臣久蒙钦点至今未下倘再稽延使场期改自今科于 祖宗之旧制不已悖乎并请下南直诸处典试官

○壬寅升户部郎中顾四明为江西吉安府知府

○癸卯兵部申饬秋防覆督臣黄嘉善< 疏 毓-金 >言陕西四镇皆冲延宁诸虜目前稍称羸縻其自恃强暴如猛克挨太要挟未遂怀忿图逞银定尚未就款歹成阴蓄异谋假令有便可乘必勾合而起眈眈窥伺何尝一日忘我也固原松虜每因新疆草创兵马单弱南下报复势所必至则金城以南兰靖庄浪与虜共之矣甘镇火酋谋犯河东而又有永郡为之羽翼纵西宁受羸而归洮河东一带不能辄保无虞也请敕各该督抚严督文武将吏俱于七月初旬赴信地设防有功人员破格升赏逗遛观望贪功僨事者督臣照玺书行事毋容姑息 上是之

○是日又题覆会举杜承绪等请加镇抚虚衔不支俸米言朝廷名器似难滥予但此辈既已罗用乃无实职纵材略武勇何繇表见宜令以后有愿立功名者咨送京营边镇酌委果堪大任查咨荐即以会举推用与会试武举同若有擒斩功劳一并升授

○御史乔允升上言顷者奸弁史晋报主人之私德播弥天之雌黄朝廷纪纲几至陵替 皇上赫然下明诏付法司究治日月之明风霆之决超出寻常万万矣语曰山有猛虎藜藿不采朝有正人邪慝不作今观九列之上僚采之班有一足恃者哉阁臣叶向高宪臣许弘纲杜门已久逡巡不出寅亮回天之无术率属差遣之无人天下之所以责备者如救焚拯溺皇上之所以待之者如以水沃石郁结至于成病义难覩颜就列 皇上又一切幽闭之不勒令速出视事其于礼臣体臣之道或不其然考选诸臣今日备任使他日肩宏钜皆于此造就之 皇上一切困顿摧折于旅邸致令死者死病者病去者去人寿几何不知所空虚者谁之国所耽误者谁之事乎废弃大臣如吕坤等小臣如邹元标等皆尽忠朝廷者今奸谀已死而击奸者犹抑制下僚正论已验而持论者犹禁锢终身是与非混杂赏与罚相戾如近日物故诸臣完一身之令名国家无半臂之实用岂不可惜 皇上惟反万历初年常政俾师济奋庸于僚采精神充畅于朝堂无论魑魍魍魅不敢横行即大虜未封东西内讧我之元气固而神气张亦当立见潜消矣

○甲辰原任应天巡抚刘应麒卒应麒江西鄱阳人成隆庆二年进士改庶吉士授礼部主事历广东提学副使至右佥都御史巡抚应天疏革吴中势豪包揽之弊夙逋一清以侍养归荐起湖广巡抚值父忧寻起大理卿升工部左侍郎再以母养陈情母卒屡推改兵部皆未任故事四品未经考满不得给祭葬以礼部言应麒三起贰卿被命已久又奉旨终养宜与初升未任者有间遂比终养同见任例赐祭葬

○乙巳 孝安皇后忌辰遣兴安伯徐汝孝祭 昭陵 ○升户部郎中李梦祥为江西九江府知府

○起原任御史余懋衡补河南道管理大计

○丙午予保定巡抚王国休告养病

○兵部题覆钦州失事功罪先是夷人武永祜等屡犯钦境是年灾荒突以千人乘船从鳌头龙门抵孟埔登岸分为三枝径从垌城攻入杀伤军民学正李加谕死之次日复入城大掠晚烧东门城楼及沿河居民防城把总周举龙门哨官林起龙俱坐不赴援逾月复逞从鳌头蜂拥至龙门官兵祝国泰等独撄其锋将卒俱没直抵城下觐知城中有备遂罄掠城外三乡而去追论失事根繇则原任知府涂巍前任海防十年于兹矣视边州利害若秦越然撤藩海盗巍实祸始至于原任都司刘宗汉赵应科之袭捣涂山抚夷以欺当事坐营张国威纵兵妄杀古森洞属夷若刈草管倘置之不问何以洩死者之冤督臣戴耀一味贪婪百务废弛绸缪无策隐慝不闻贪残僨事者方以姑息蔽罪慷慨死难者竟以掩败埋功纵献馘献囚差慰边民公愤而远勤两省兵力动费金钱何止四五万米亦称是边境之间肝脑地业已得不偿失矣除道臣蔡梦说功有足录曾遇衰焯然情有可原杨应春张继科功浮于罪俱如御史言免议涂巍若不追惩何以警后张国威等著行勘处戴耀照原旨行

○丁未以中元节遣隆平侯张炳永康侯徐应坤怀宁侯孙承荫定西侯蒋承勋成山伯王国柱怀柔伯施壮猷宁晋伯刘天锡东宁伯焦梦熊襄城伯李守筠祭 长陵等陵惠安伯张庆臻祭 恭仁康定景皇帝陵都督同知杜惟忠祭 哀冲 庄敬二太子园

○起原任广西参议李乐为南京尚宝司卿添注

○戊申升户部郎中宋时魁为河南河南府知府

○复除原任简讨丘士毅原职

○改荫原任大学士于慎行男纬授试中书舍人

○覆山西副总兵孙继业以贪革任

○己酉温肃端静纯懿皇贵妃王氏安葬

○升户部郎中卫道为江西广信府知府

○复除原任简讨周炳谟原职

○兵部题三十六年回夷田分猷等狂逞为非已梟示惩戒今马自宾等假以年荒

趁食群起为盗虽经道府州县多方捉捕渠魁授首然而余孽之盘据山谷者尚多请将有功各官副使等官文球等五员纪录州判等官黄应隆等四员千把总官王命等六员当上经画善后议禁革延安等处沿河一带私船拨兵防守韩城县神道岭筑堡遣官兵防御整屋县集贤镇选拔精勇屯住附近民兵委该县主簿领管巡防不许景峪等处回罗出峪行劫又西延庆等府有回民处所州县印捕官拣选民快机兵会守大县三百小县二百时加操练以备征剿邻近互相救援坐视者有罚仍申明保甲讲解 圣谕如有回夷经过去处巡捕官带兵快不时巡逻仍行临边州县营卫稽查但有离伍军士出外人民根究下落以免附回为盗马自宾田一宽等十三名先行处决梟示马西河与高起望阎自美等二十八名巡按 御史陆续审决 上是之

○是日又题蓟昌外控酋虏内护陵京惟恃一边垣为隔而边垣无岁不修亦无岁不圯督抚欲为百年远图引先任总兵戚继光事专属镇臣其议以工料欲厚责成欲专而立之法曰勿潦草勿粉饰勿杂沙土内外甃砌灌以灰浆则风雨不能剥落洪水不能冲决然继光之镇蓟门也时督臣建议于蓟昌十路练兵三万人为三大营密云一营则继光提督之遵化三屯虽各有属而仍听继光总理夫蓟门之地非继光治兵兵不治非继光治边垣垣亦不治至于今四十年犹曰此继光之壁垒楼台也非独其材力干具特与人殊亦其处处皆心处处皆实独知有国而其余一不问耳此督抚深惟往事而有意乎镇帅也所有派定工程限以三年报完不得辄有议改议减至于班营必赴防如期伍籍必充强如数版筑必坚致如法报竣之日听该道验实放回有浚期虚冒及潦草潜逃者尽法参处镇臣亲往工所抽段签刨如有前弊重令修砌该营将领官目径自责治重者揭督抚参处路将一体连坐凡新筑边垣十年圯圯者免议果有实效俟三年总叙破格优处惟以工之坚瑕为功罪耳再惟是役也以一时之劳费为数百年之用一工误即数百年之边垣俱误一工坚即数百年之长计皆坚其与一战一胜之利又不侔矣应请工价银二万三千七百八十四两零犒恤银一万三千八百三十五两零照户七兵三例给发得旨依议著实修著务期坚久不得仍前苟且虚糜钱粮

○兵科等科给事中李瑾等言北虏自顺义款贡数十年来边患少宁然深虑之士已计及于犬羊之性变态不常岂能帖然永为我不侵不叛之臣倘中国玩而疏于防虏贼骄而逞其暴一旦窃发为祸更甚方今虏酋挟封要赏虏妇忠顺夫人又以变告矣我中国虽非倚力于一酋妇然忠顺牝晨于虏素为众酋所宗向主和者此妇也今既毙矣自兹以还封疆之事更宜熟筹其便严饬我之将士侦伺彼中情形固不可厌其欲以示弱亦不当激其怒以生心操纵繇我使彼计折而来庭斯上策也而简卒伍锐器用足饷馈习战阵可守则守可战则战不必踵款贡之陋习为制御之远谋正宜自今始矣至于琉球归国之故来贡之繇尤不可不熟虑者倭之称雄南海狡焉启疆已非一日彼中山王者岂其当虔刘之余囚縲甫释遽忘倭奴之威远慕中国之义不待贡期增其方物以来王哉其为倭所指授明矣以琉球之弱不足患也而为倭所指授则足患以倭之狡亦

不足深患也而为中国所交引则深足患即如该抚所称奸民贩夫大艇以往小舸以归彼以金钱为饵此遂捆载而还火药銃铁岂宜日去长筏巨艇岂可尽留久之乘我之舟操我之器用我之人窥我之地此而不禁恐近倭之疆为琉球续也夫九边除夷场互市外即捕猎采木犹然刻期而往刻期而来出必禀入必告何海防独不然耶若令其公然交通而无禁则抚镇监司下及防海卫所巡简诸司所职何事不一遏阻之乎此杜绝衅隙之本不可不亟讲者也至若柏寿陈华等直当责以入贡之愆期方物人役之违式严谕归国重惩通倭之人申严防海之规使我无可乘之隙彼何能肆其狡乎若忘臆无外之化谬为姑息之说一售其欺即滋之侮未必不以中国为易与而益深其谋也

○庚戌 成祖文皇帝忌辰遣西宁侯宋光夏祭 长陵

○升刑部郎中张文炫为南直松江府知府

○辛亥刑科都给事中翁宪祥言臣待罪法垣史晋之事幸 明旨即以究问惟是所虏者又不徒在目前而在日后不在一史晋而在将来之效尤者更乞 皇上惩前戒后发章< 䟽 銃-金 >以剖是非重封驳以省烦渎充言路以资弹压庶纪纲法度不至废坠出位乱政之徒有所忌惮天下事尚可收拾也

○癸丑起原任文选司郎中薛芳为太常寺少卿

○升山东按察使李本纬为陕西右布政原任河南参政张崇礼为陕西按察使户部郎中丘云肇为南直庐州府知府云南参政毛章彦为贵州按察使

○署吏部尚书赵焕奏廷臣益空时事日蹙言六部卿寺科道缺员甚多内阁空虚尤为可异请趣辅臣入直办事并举枚卜起废因言臣言已渎但臣年踰七旬报国日短今又职在用人故敢补牋再奏

○户部题覆漕运烦重故设总兵以统之参将以佐之至景泰初年有都御史总漕之设于是参将革矣至今漕制悉备而总兵觉为赘员故有议裁之说顾百万粮艘鳞集而行赖总兵殿后以督催众帮以约束官军裁之恐有后虞大失 成祖建设初意所关非小惟是官不可裁而所当裁者有二一旧勋之当易王承勋在漕垂二十载历年既久谤议易生当此崦嵫之日顿苦展布之难宜为更易一世爵之当易勋臣体统抚按不便弹压而江淮一路最苦于扰不如革世爵而用流官行兵部拣择武官廉能者充之仍听总漕节制举劾往昔凌虐剥削等弊可以一扫乃说者谓漕事有总漕巡漕漕道尾之于后漕总不但为赘员而腴削等弊颇妨漕务今罢不行而未闻病漕则并当裁彰彰矣

○左庶子朱国祯称病辞祭酒新命不允

○甲寅升广东副使李文奎为本省参政浙江嘉兴府知府吴国仕为湖广副使广西右布政李寿为云南左布政南京兵部郎中徐逢聘为江西南昌府知府

○山西抚按以砌完东路广武守备寇家梁等处极冲边墙闻

○乙卯升南京通政司参议王一言为应天府丞

○升山东副使王国祯为陕西参政 ○升刑部郎中熊鸣岐为浙江绍兴府知

府

○丙辰覆陕西副使梁应泽副使余自强各加升参政

○降原任四川副使管学畏为两淮运判添注

○丁巳升大理寺左少卿刘学曾为右金都御史巡抚保定

○升四川按察使王舜鼎为陕西右布政刑部郎中朱廷训为山西参议覆江西参议胡应台调本省参议提督学政

○兵部言边外烧荒一以断虏之驻牧一以便我之瞭望著为定例已久迩来玩愒或出边不远或焚燎不净以致诸虏移牧近地殊为可虞请下敕书令蓟辽延宁甘固等镇候草木枯槁之时选差惯熟通夜远出哨探果无紧要贼情行令副参游守等官统领惯战官军各照地方分布营阵且哨且行或二三百里或四五百里务要野草林木焚烧尽绝若出境时计虑不周纪律不严或围猎贪利或逗遛失期猝遇贼众不相应援致误事机甚者止令官军夜不收等于邻近去处急遽举火不问燃否就便回还事发定不轻贷在宣大山西三镇仍照常樵采以备饲马烧造之用毕日各将拨过官军数目烧过地方远近里数积过草木多寡束数奏报 上是之

○己未兵部题覆延宁甘固四镇马政万历三十八年分督牧将领等官该督抚稽刍秣之勤惰覆桩银之完欠分别赏罚以示劝惩请将柴国柱等四员纪录孙邦熙等四员动支官银奖赏韩诏等四员住俸无俸者抚按提问示惩单继孝二员罚俸二个月仍严追欠银及买补缺马从之

○庚申命简讨郑以伟给事中李瑾往浙江简讨周如盘给事中韩光祜往江西编修李胤昌给事中姚宗文往湖广吏部主事赵士谔兵部主事萧丁泰往陕西光禄寺少卿王纪户部主事徐可行往河南给事中梅之焕户部员外杨述中往山东吏部主事郭士望工部主事王世德往山西各主考卿试

○辛酉命左中允赵秉忠升左谕德洗马邵景尧往应天主考卿试异时省直试差先后题遣例有定日是岁如期者独福建川广云贵六省余停阁不下礼臣科臣相继催请辅臣至连上七< 疏 疏 疏 疏 疏 疏 疏 >乃得俞旨于是试期俱改

○云南按察使方万山卒万山徽州府歙县人成万历丁丑进士以行人选授南京河南道御史尝论斥抚臣之隐匿边事者巡视四门纠中官不法两都肃然惮之豁屯田坍江虚粮六千余石罢马政赎缓岁八百缗迁四川提学副使造士为盛历任广东江西晋四川参政安陇未靖填抚方议兵万山谓一勘可定李文节以为然蜀事以宁升云南按察使武定之变汰首功五万余级省费累钜万叙平陇功赐白金一镒万山持已清峻履仕严明以劳瘁卒滇蜀多见思

○少詹事黄辉卒辉四川南充人万历十八年进士改庶吉士授编修以右中允为东宫讲官有启沃功历谕德左右庶子掌司经局迁少詹事累推礼部右侍郎未下至是卒辉清正绝尘文章古劲为时所推重壮龄不禄君子惜之

明神宗显皇帝实录卷之四百九十七

明神宗显皇帝实录卷之四百九十八

万历四十年八月壬戌朔命勋卫汤国祚承袭祖灵璧侯爵

○套虏犯延绥保宁边总兵官秉忠参将杜文焕等败之于白土涧一日再捷共斩获首虏二百五十四级马二百二十八匹斩其头目哑班哈等十二人督抚俱以捷闻

○癸亥升山东按察使陈道亨为本省右布政

○升南京户部郎中陈继芳为贵州佥事

○调江西抚州府知府苏宇庶为南昌府知府

○甲子给事中归子顾言九边军饷率倚鹺司之盈缩而两淮国课独居其饶自添设内监坐令正额大亏边饷日耗浸寻至今内监亦自苦撑持之难则坏两淮盐政者正以多设内监故耳即鲁保已自题罢存积引盐是该监存日亦当亟议撤回况今已物故乎至于榷税既令有司徵收随令有司角□羊进更为省便且东南灾伤以来杼轴尽空民苦织造如赴汤火即苏杭重困已甚乞圣明为根本地方长虑尽罢一切监务不复另遣以安地方

○乙丑南京御史傅宗皋奏治首三纲事在一断条言官府急切诸务

○丙寅升大理寺右少卿何熊祥为本寺左少卿

○升太常寺少卿洪文衡为大理寺右少卿

○升光禄寺少卿李守约为南京通政司右参议

○升鸿臚寺右少卿焦衍丰为本寺左少卿

○升湖广按察使梁有年为浙江右布政

○起原任陕西参政陈大道补四川右参政 ○升兵部郎中郭庆年为云南副使整饬永昌兵备

○法司奏靖江王府宗幼小晚儿毆死卫军蔡大德论绞广灵王府宗室充□□土火襄□立毙客人高相发高墙禁住俱报可

○南京署工部事侍郎史继阶奏帑藏匱乏已极器皿传造非时乞赐停免以光俭德

○丁卯祭先师孔子遣礼部侍郎翁正春行礼

○升广东右参政董肇胤为本省按察使

○兵部言倭自釜山遁去十余年来海波不沸然其心未尝一日忘中国也三十七年三月倭入琉球虏其中山王以归四月入我宁区牛栏再入温州麦园头五月入对马岛倭酋云苏等来致其国王源秀忠之命欲借朝鲜之道通贡中国三十八年闰三月薄我宁区坛头又两遣伪使覘我虚实今四十年琉球入贡者夹杂倭奴不服盘验见于福建所报平义智称其国王家康欲遣近臣入朝鲜见于辽东所报封豕长蛇其衅已见数十年来倭所垂涎者贡耳故既收琉球复纵中山王归国以为通贡之路彼意我必不入

倭之贡而必不逆琉球之贡或仍如三十八年约毛凤仪蔡坚之事总之倭不可不备非徒设在务得其情以制御之盖洪武中廖永忠曰倭夷鼠伏海岛来如奔狼去若惊鸟欲请添造槽船沿海巡徼倭来则大船薄之快船逐之今战船非不具也比闻倭奴之船更大于中国彼时止以彼中倭船入寇故我得以长技制倭于海洋今反用大船薄我快船逐我岂非即我之奸民所以市倭者耶将领非不具也白马岛之役我众贼寡未闻有出而戮贼者麦园头之败我将方被酒卧帐中诸军亦离次失伍去其汛地贼遂薄我杀掠之惨即罪一二将镇何救于事所在沿海抚道镇将湔此宿弊查虚冒习水战严军律而又委任得人移驻海上躬自简阅而劝惩行焉庶其少有济乎倭之桀骜似虜而狡诈过之闽中贡夷必有倭之梟雄渠魁潜匿其间者因形知情因情知事不测之緘固已在此勿问异日矣福建军门应遣熟知夷情者入海调探中山王归国否如中山王仍有其国则二百年之封贡犹知戴我如制其国中者倭也则闽乃与浙东宁区定海舟山昌国等耳我之备倭当又有处矣若平义智之书其情似不尽具于书然固朝鲜之一大利害也窃意倭使来必以其众至朝鲜边臣必不能止其众于外而独以一二使者入入则朝鲜之祸可立至矣若复据事凌逼有如咨中所言即朝鲜之衅以乱朝鲜因以胁其君臣而震以必从之势且以朝鲜离携于我可一折而入于倭倭又岂必在舟楫之间角干戈之胜哉则固东事之隐忧也今应明谕朝鲜君臣控守南鄙一以自强为主即有倭使第令边臣严兵待于境上勿延入境仍听辽镇抚臣选差晓机宜者往彼国密探情形果否已在王京果否人事修举所据事凌逼何状故曰务得其情以制御之也今通倭之民所以屡禁而不可止何也盖禁通倭必渔者贾者及市余者一切禁绝而后可能然民之生命在斯其势不能禁绝则通倭之船已出矣虽然使抚道有司精力办此不难也盖通倭之船可以欺公府不可以欺乡曲设私造之禁行连坐之法则固以禁矣然海上奸民飘大洋而出者不止一处莫便于越至以通番为固然习者不怪禁者无所弛尤莫甚于闽不惟通倭兼通吕宋诸国独吕宋人狡不如倭故犹无大患耳不然令生于内地者不能守其故土已触禁而不返者既坚其戴倭之心未触禁而思逸者又不能止其入倭之势必有不可收拾者俱依拟行仍命地方官用心料理不得怠玩并行与朝鲜一体备御大约倭奴之袭朝鲜琉球者乃关白时事而寻常入宁区牛栏温麦园头等处皆中国之奸民购倭中之亡赖者剽掠海澨未尝稟仰其国王而敢狡焉大举巴通贡之说有之乃税使未撤时闽人实诱之欲交通税使于闽开市自撤后其谋寝矣所称海上倭船与我国唬船等视大东船小甚然亦无巡船也自以裁减取名尽失前人规制而兵与船皆虚弱败坏无济缓急宁待将帅玩愒士卒离次而后可忧耶至通倭则南直隶繇太仓等处以货相贸易取道浙路而去而通倭之人皆闽人也合福兴泉漳共数万计无论不能禁法能禁之则数万人皆倭而祸立中于闽此其故难言之矣若吕宋诸国即 成祖时三宝下西洋处也倭在东绝不相蒙其岛眇小无逆形闽岁给文往者船凡四十艘输军饷四万两而地方收其利不必与倭并论也

○命御史钱桓徐鉴监顺天乡试

○戊辰祭 太社 太稷遣武定侯郭大诚行礼

○升户部郎中蔡侃为江西抚州府知府

○己巳 孝康敬皇后忌辰遣官祭 泰陵

○命右庶子郭淪左谕德朱延禧主考顺天乡试

○上谕辅臣叶向高朕自入夏以来时受暑混头目弗清体生痲毒服药调摄尚尔未愈卿为辅弼重臣岂可久居私寓杜门不出卿心安乎且朕寿节在迩宜当表率百僚今着鸿胪寺堂上官往谕朕意即出入阁赞理其补大僚考选诸事朕次第简发卿可安心佐理以副眷倚之意仍传谕即出入阁办事向高_{（）} 铨_{（）} 金_{（）} 谢言臣乞归日久未回 天听更枉 温纶闻 圣躬之违和既蒙下念见 圣节之在迩复动欢颜今普天率土皆来称贺于阙廷岂一介微臣輒敢即安于私第况大僚已多点用而考选次第举行在臣愚衷曷胜欣企容匍匐勉出随众嵩呼仍望 皇上调摄 圣躬留神庶政以慰四海臣民之情上以嘉悦报闻

○山东巡抚李同芳言山东陆郡自万历二十七年以来岁派市税银四万六百余两今有十四载困累已极请赐停免临清关税岁额八万两以上向来又令有司岁收银六万两以备角口羊进一货二税宜并蠲之便户部覆请不报

○庚午户部覆应天抚按题苏松监兑部差比浙江江西湖广河南山东等省裁革言漕白二粮既有盐漕二院专督又有道府州县分任综理有人则监兑似为闲员且曾革于隆庆三年复于万历七年则知非可久之制允当裁省其兑运漕粮催儹京储等项事宜凡属监兑衙门者俱改属粮道管理颁给敕书明谕两道各照所属应兑正耗本折漕粮及轻赍银两运军行粮等项设法督催尽数完报仍将开仓开兑日期管粮运粮官职具揭送部见运各官贤否应举应刺核实具呈抚按题请有船粮迟误及抗违阻挠照例分别参究府州县见徵带徵京边钱粮并商税契等项银两照依题准考成新例开报抚按参处水利一节并乞敕责兼管至于裁省诸费大约每省每年不下千金抚按宜檄行道府查革减编就于赋册除明张示晓谕使百姓共知所谓省一分民受赐一分者也有旨依议行

○辛未 孝慈高皇后忌辰致祭于 奉先殿

○覆升山西怀隆兵备副使张经世为本省按察使分巡口北

○升刑部郎中郭之琮为直隶扬州府知府

○壬申先是宣大总督涂宗浚奏龙虎将军卜石兔黄台吉并五路摆腰兀慎把汉比妓素囊黄台吉多罗土蛮青把都小佛僧等各台吉差夷使禀称调到东西三枝十二部落各台吉倘不浪头目等俱会议求封六月二十五日出行投递保结忠顺夫人于次日病故臣谨议忠顺夫人自纳款以来约束部夷贡市惟谨今兹物故委宜褒恤况时值嗣封更革之会正群情观望之时恤已歿之虜妇实以劝将来之酋首请准照顺义王扯

力克等事例以示 天朝旷荡之恩章下礼部覆请祭恤宜如督臣言仍请下玺书抚谕各夷兵部差武官一员赍赴督抚衙门转行致祭有旨忠顺夫人输诚款贡始终一心准与祭七坛彩段表里布各如例以示优恤

○以荣王翊鈇薨从礼臣请命荣世子常淩暂管理府事

○江西抚按奏宜春王府管理多杰病故镇国中尉拱李堪继管理复于多火口斯谋口口墨鸟口议选一宗备异日简用礼部覆请从之仍谕拱李恪遵 祖训表率宗仪以称委任

○原授翰林院添注待诏瞿九思上 圣寿五袞乐章二十五首一册并明诗拟万历武功录各一部

○癸酉 皇太子千秋免称贺百官于文华殿行礼

○大学士叶向高题臣恭承宣谕已于今早入阁办事念臣病苦余生乞休情切 圣明不加谴罪曲赐勉留惟是天下人向见臣尸素浮沉则责臣之去今见臣杜门瘵旷则又望臣之出臣出而无济于事则又无以副天下之望伏望 圣明留神大计蚤择忠良以供任使至于目前急务 明旨所云次第简发者更望旦夕举行以重 纶音慰中外之望

○甲戌调验封司员外谢应祥为考功司员外

○南京刑部郎中吴正志言昔年楚宗不服与王为梗重者罹于大辟轻者发禁高墙一时会审诸臣如萧大亨辈多繇旧相腹心罗织入狱其执持不阿者止有一刑部郎中王述吉耳若凤阳高墙诸宗英嫫等二十三人闲宅蕴钊等二十五人曾经户部主事成伯龙力言未蒙纶涣今奄奄禁锢者越八年矣臣伏睹令甲每年夏一热审冬一朝审凡南北刑部监禁罪囚重者减轻轻者径释夫待有罪百姓尚如此其宽恤也凡我诸宗可忘一体之视乎臣官虽卑事 皇上二十余年矣向见郟阳巡抚李才以冒功议辟御史曹学程以狂愚获罪俱未几改戍金事冯应京推官何栋如华钰以诖误被逮未几释放此真 圣天子举动如天地之毫无成心今诸宗虽狂逞皆 高皇帝子孙 皇上一念钦恤之衷必惻然不忍有加于待诸累臣之上者说者疑楚王怨毒已深结为不共之讐臣以为释诸宗正所以调停宗室而安楚王之心也又谓去相之阴谋叵测不欲放倒局面臣以为释诸宗又正所以潜消反侧而薄去相子孙之忧也臣添列刑官久切于中谨体 皇上好生之心请赐开豁小雅既醉之诗曰君子万年介尔景福又曰君子万年永锡祚胤盖言周家以忠厚立国父兄子弟沐行苇之恩反覆咏歌以致其祝颂之私也皇上此举一行上为 圣母迎福下为后昆垂庆万年之颂有不合四海臣民如一口哉

○刑部奏热审已霏弘慈诖误未蒙矜宥乞释放锦衣卫见监知县满朝荐同知王邦才卞孔时等

○乙亥大学士叶向高言大僚已蒙 皇上点用数人度必相次简发臣可无言惟大僚中紧要无过吏部尚书此官表率百僚为六卿之长用得其人则可以肃中外之心

○命刑部尚书赵焕改吏部尚书起原任凤阳巡抚都御史李鋹为南京刑部右侍郎

○升兵部郎中胡思伸为山东副使 ○升左给事中周曰庠周永春张国儒为都给事中曰庠工科永春礼科国儒兵科右给事中彭惟成李瑾为左给事中惟成户科瑾工科给事中徐绍吉韩光祐杜士全马从龙为右给事绍吉工科光祐吏科士全礼科从龙刑科

○降原任湖广汉阳府知府舒体震为两淮运副

○升云南副使卫廉为贵州参政

○升户部郎中丘应和为浙江副使

○升原任大理寺左少卿钱梦得为南京大理寺卿

○加升尚宝司卿张久徵为太常寺少卿办事如故

○己卯降宛平县知县李嗣善官一级调外任嗣善狱具三年不得请台省累以为言至是刑部因熟审言大小轻重之狱皆有矜疑减等之恩嗣善犹然囚冠在系罪罚已深矜恤宜早乃报可

○庚辰陕西乡试以是日初场癸未二场丙戌三场

○辛酉复除原任给事中张延登范济世曾六德原官延登吏科济世礼科六德礼科

○壬午宴朝鲜国陪臣如例

○南京御史张邦俊言科场愆期考之往事正统戊午顺天乡试初场灾焚试卷三之一而改天顺癸未会试又灾而改正德庚辰殿试以南征逆濠而改夫以今日承平之日既无兵戈之扰又无水火之灾举 祖宗之大典惟吾变更即事体重大有关系 宗社安危者亦将以意见更之而以不信之令令天下也恳祈 皇上此后凡系大纲常大典仰符天理俯协人情而勿以疑贰参之宗社幸甚

○癸未 宪宗纯皇帝忌辰遣官祭 茂陵 福王第三女薨

○四川巡按彭端吾奏建昌两河黑骨猓素称舛口鸟鹫近者糾集逆党突出烧劫越嵩卫南关并南所屯共杀死男妇八十余人掳去二百余人烧毁房屋一百六十三家臣惟建昌五卫古邛笮地广袤三千余里内环九种猓番夷巢十居八九汉地十之一二泸水迤南青草黄沙腥风毒露瘴雨蛮烟别是一般境界古号不毛荒服远徼考之往牒叛服无常稽之近事亦无十年不兵者即 皇上在宥以来数见挾伐全凭抚臣筹画调度兵饷用能拓疆开土奠安黎庶今旧抚臣乔璧星业已奉旨致仕一年四月矣全蜀在在脍_𠄎臬兀_𠄎土司如石柱宣抚马千乘民夷互构印信追贮夔州府库见烦勘处酉阳则红苗犯境掳掠一空永宁之事尚噐乌撒之夷犹狡又有建昌番猓累卵坐困之危 皇上何独忍于西南生灵使不得比诸要害之地耶乞亟下抚臣新命以拯危属

○南直隶乡试以是日初场丙戌二场己丑三场

殿诸臣之后而迟于尚书孙丕扬者已七月固足以明阁臣之不敢造次以礼始终亦可有辞于天下来世矣谨拟以初二日辞朝闻辅臣向高因助廷机请连日再疏言廷机真病难留不如允放君臣之义更为两全 上乃遣鸿胪官谕廷机曰卿杜门数载求去迫切朕岂不体亮但念卿宏猷未究政本乏人难于遽允非是以留滞苦卿览奏深用惻然卿还调理数时勉出赞襄以称眷留之意慎勿遽行有失大义又命中官冉登传谕慰留勉以安心调摄自有圣裁是夜漏五下太医院复以医来廷机前后疏谢言臣数日三奉丝纶一日再承宣谕当丙夜之时犹廛顾复之念感极而悲敢不祇遵严命期于奉旨而行

○癸巳户部以福王< 硃-金 >催贍产有旨责部推诿言据河南山东抚臣查伊泾二府遗地不及十分一且照额起科有司徵解于自管徵租例不合又或系禄粮纳价及屯军月粮须议处抵文移往返奄忽岁时内外相牵迄无成议异时臣部题给潞藩地四百余顷并房租盐课诸项共徵银四万余两皆抚按查明具奏臣部再为议覆请下两省并查徽府诸遗地闲田如明旨所称奏给速议以闻从之

○命都御史许弘纲署掌刑部印弘纲疏辞不允

○东虏抄花犯大清堡官军御之斩首虏二十六颗获达马一百匹

○礼部侍郎刘曰宁卒曰宁江西南昌县人万历十七年进士改庶吉士授编修主考福建称得人升右中允充皇长子讲官历右谕德掌南京翰林院为南京祭酒士习犁然一变以少詹事养病久之起协理詹事兼礼部右侍郎经筵日讲疏辞不允被趣就道遽卒于途以讲幄功赐祭葬从优赠礼部尚书谥文简

○甲午大学士叶向高言近者两京大僚已蒙点用数人朝端自觉生色惟是兵部尚书王象乾久以候代不得到任今边陲多事本兵之任最为要紧望 皇上将会推蓓辽总督早赐简用庶军机重务不致妨误

○宴朝鲜国陪臣如例

○命行人李一公往崇府典丧

○乙未 孝恭张皇后忌辰遣东宁伯焦梦熊祭 景陵

○圣寿日已下考选累臣诸疏拟票既而中止

○壬辰都御史许弘纲以台班寥落各差旷缺催下考选 ○甲午文书官持

< 硃-金 >至阁且传 上谕谓近来大小各官逞臆轻躁恣肆不以国体为重辅臣叶向高乃言 圣谕所云皆前一番人其尤者多经年例考察顷来朝端殊觉安静即如福王之国一事虽人情悬望至切犹相与宁耐以听 圣裁亦可见也且国家设立科道官既以言命之矣大政大弊关系安危治乱岂容不言间有妄言亦是自古以来所不能免若上厌下之多言遂并言路废之则是与下分过而使妄言者反得以藉口 皇上试观年来纷呶岂能出于言官乎若使言官消磨至尽臣恐周道昌史晋之徒且起而肆其谈而天下益多事矣或者疑 皇上以人多为嫌臣谓人合累科选经三次乃得八十余

人又分之两京散之三十余差臣实未见其为多也夫人少而言多虽少亦多若人多而言少虽多亦少又何廛 圣虑为乎吏部亦言户垣虚而计部之章疏不得发抄巡视缺而光禄之钱粮不得收放刑科之差至与礼科往复关移各省之按臣至于三年无人为代盖是时计省尘封几五十日而刑垣惟翁宪祥一人以都科例不管差光禄巡视久缺请者纷纷云

○丙申原任贵州巡抚郭子章辞免平苗恩命不允

○丁酉升工部郎中王之钥为山东莱州府知府抚州府知府赵世禄为山东副使

○戊戌广东巡按王以宁以盗杀江浦巡简刘清闻且奏印盗并获请将道府县卫等官分别议罚以宁又言三殿采木广东应派协楚银二十五万两粤滨海之国也额供一十三万一切章程兵饷不过四十万有奇今自十八年以来如解旷饷助大工协黔木价办龙涎香协东征西征征黎征夷及军兴清藏岁税等项总计三百六十七万矣物力几何二十年间堪此剥削惟有分解工部税银六万五千四百余两原奉协助大工之旨请以五万两如部议解五千以足前派

○工部右侍郎刘元霖言岁改二段织造责有司解验责按臣此 祖宗不刊令甲亦 皇上初年明诏也乃令盐监鲁保并摄自奸民王一卿谋网盐利始准扬距闽浙数千里十余年中困累彻骨今保且物故政更辙之会乞仍从旧便不报

○兵部覆两广总督张鸣冈条防海五议一虎头倭寇出没居水陆冲钦总不足捍御致有先年倭犯应移总兵扎镇一澳夷狡猾叵测宜将虎头钦总改札鹰儿浦仍于塘基湾等处垒石为关守以甲士四百人余兵棋布缉援一旧营雍陌香山濠镜间各五十里议掣都司海道兵足以四百选将肄武更班守汛与钦总所辖各兵营田以成一严防住牧内地佛良诸夷仍申市禁否则绝之一添广州东西中三总哨里海把总俾有统属责成而任以谋勇武科俱依议行

○己亥工部请建皇极门不报

○庚子以重阳节颁赐二辅臣上尊珍饌

○南京吏部右侍郎史继阶疏乞休致言臣叨贰南中属计吏方殷六曹尽缺明纶再涣勛以供职今礼臣朱之蕃莅任矣统均有郑继之及枢臣黄克缙工臣林烺亦将先后俱到臣于此时愿申投簪之志遂麋鹿之私不报

○给事中范济世上言 祖宗创为典制昭示来兹足为后世章程亦甚明不意英明如 皇上而竟屑越之也如视朝讲学 郊庙诸大典动圣躬劳 圣虑者或可有待而行至大僚原非冗员何为悬缺不补科道原非滥设何为候命经年本章原非虚文何为一概留中断乎当复 祖宗之旧者不可不慎也因言 皇上有为尧舜之资不能润色 祖宗法度以垂宪万世而致于颓败零落则辅弼大臣不能辞其责

○覆升清平游击李秉元改留河坝管参将事原升游击刘国鏞另用

○辛丑辅臣李廷机叶向高题自万历三十四年阁臣朱赉为遵职掌题升翰林久

滞官员一时推转十九人今又六七年中间只推转数人其余一概沉滞以文学侍从之官而壅塞淹迟若此当为一疏通以存旧制谨将坊局各官应量升如左中允韩爌等共十二人以请

○南京吏部右侍郎史继阶言留工拙乏织费殷繁臣叨署部兢兢虑之令司官清查自二十四年起运过段足三万三千有奇用料价二万四千有奇而工匠不与焉除料未尽与价未取相兑犹短四千二百七十八两并近年未送价一万三千二百四十八两皆应补给而新造不与焉往时机房止有揭取秤兑无查算当事亦姑与姑留为将来除补之地遂致前推后阁讹乱易生臣以为与其留旧而滋不了之筭曷若缓新以纾取用之期矧今灾沴频仍加派无术而鳌灯之添制器皿之滥供大东所以兴嗟南箕所为增叹也乞 皇上悯兹疲困裁抑恩私减左右尺寸之赐造闾阎亿万之福岂小补矣然臣查往年供应服御等项料价皆科道官会同部臣估计完日各监局给印收繇科道衙门挂号赴臣部投文起运自万历四年有不必要估之旨而特许科道纠参故南京户科给事中段然与署印兵部右侍郎张鸣冈皆有复科道巡视之请且内织染局与供应机房岁费数万金俱出臣部支销事体皆同织染既繇科道会估机房何独不然奸弊业许纠奏然不经巡视何繇目击而纠之请查复旧规会估挂号仍敕将旧织完缴方题新传不报

○壬寅大学士叶向高题前蒙 皇上发下工部请福王之国本令臣拟上今已旬余未见允发之国吉期虽在明春一应事务必须今岁料理如船只一项须取之于南非数月不能至今时已近冬为日无几若非 明旨早下所司何以奉行外廷诸臣多欲催请臣告以 圣意已定不须有言苟再迁延未免烦渎圣听

○升刑部郎中林绍明为南直隶苏州府知府起原任山东参政谢存仁为贵州副使

○覆升山西参政文球仍备潼关兵事改副使顾顺为山西冀南道副使

○兵部覆蓟辽总督奏西虏贵英东虏炒花入犯在数日间熬王大众声言十万计其期不出九月中旬除已兑给蓟镇马匹盔甲数百外尚得马千匹买已无及价亦未到请将蓟镇岁兑马如数借给辽军领骑仍命太仆寺行东西二路少卿调附近寄养马给发蓟昌三协补前借数蓟镇年额马价自应兑解但各镇马值不等辽东虽剩额价三万三千三百二十九匹应抵四千九百三十五两数已不敷辽镇岁兑马千匹止该年例二万六千二百四十三两有奇若以本色三万扣价似亏其值须通融均扣酌为定例于军民两便然此亦权宜之计耳将来兑发本色未有执为定义也从之

○巡漕御史孙居相言催僦将竣复计新运无如严押空之法往时料理回空必待新漕臣多致误事臣请催发空船给以限票而又有沿途之稽查填注报完各官亲赴总漕衙门查完给照乃结一运之局否者严提究革章下部议如御史言

○癸卯提问南京国子监学录梁晓福等赴任违限

○户部覆漕运总督奏酌派水次轮转以平军民之情言隆庆六年设立会单每年有祝派之议意临时有便不便故也如今镇海不愿常熟华亭不愿豹韬之类军民交受其累法无若轮派可久即以苏松四府论当全漕四分之一该兑粮一百一十万四百五十七石可分四总以苏之五十九万五百余石又非一总可任当与松常镇袁益增而为五各量道里远近酌船只多少分凑漕粮通五年为一周均便不便而并受每年亲派之意自存军民偏累之苦可释并将轮派领兑粮船数开列以为永规

○甲辰荫贵州巡抚胡桂芳男兆安为国子生

○吏部因辛亥京察省台纠拾大僚惟全天叙黄纪贤徐大任王邦俊先后得旨黄汝良徐申邵庶方大美叶永盛等皆系催不下至是复言 祖宗以来未有考察矣无纠拾纠拾矣无处分者 圣意无谓大僚已希稍稍稽延可及宽政然惟处分一定去就始明诸臣或安分以省愆或收功以使过不则虽曰宽之实锢之耳况南< 〇〇〇〇 〇〇〇〇 〇〇〇〇 〇〇〇〇 >下而北< 〇〇〇〇 〇〇〇〇 〇〇〇〇 〇〇〇〇 >不下庶僚下而大僚不下于旧章谓何不报

○都察院左副都御史许弘纲言覲期渐迫非总宪大臣预为料理谁与主张计事乞将新推孙玮陈荐简用一员不致仓卒有误大典

○户部以淮监病故言古未有以阉寺理盐者自二十七年鲁保谋行大盐于是官商裹足正引不行十数年来入 皇上者不逾百余万而负太仓已几二百余万矣三十八年秋课今犹未解岁额不敷害率繇此况存积盐引保已奏罢榷税久归有司安用此赘员为乞如总督抚按诸臣言不复更设令有司仍以半解部济边半径解内帑

○贵州宣慰司舍人宋一润等庆贺愆期廷臣请加罚治下所司议

○革四川总兵侯国弼职级候勘宁越守备刘世兆越隼卫指挥方泰陈其略提问以番夷烧劫建昌巡按御史奏国弼逡巡不前致启疑衅世兆以失事泰其略以不设备御论兵部覆请从之

○兵部主事王以梧以内监侮辱驸马都尉冉兴让于东安门该管千户伍长不行驰报巡视等官因言皇城禁地守卫久弛倘有意外如往岁南都故事不几以疏纵之卒伍束手于仓皇欵谨条整饬之议卫弁大半龙钟蓝缕反不如一豪猾之伍长何以服士心而听约束则冗员宜汰即于京卫并武科中选才力优裕或外卫所衙门廉其勤劳素著者升补俱以三年考成果有贤劳者千百户升授指挥掌理各军卫衙门印务指挥升授守备分司其玩愒不肖轻者住俸甚者降革则赏罚宜立也又可叹者承平日久军士逃绝者多空闲余丁利其月米每为充补游惰之夫多不赴直猾长觅人代点因以胁吓军人并其月米而侵焉今宜严加清查或祖军或召募验其铜牌系何人应役月米系何人支领查实根究仍计赃论罪老弱不堪者汰之开其月米以补丁壮士心庶有所做而法令自伸乎则军法宜严也

○乙巳礼部左侍郎翁正春等言今第一要务无如皇太子讲学乃一辍八年百< 〇〇〇〇 〇〇〇〇 〇〇〇〇 〇〇〇〇 >不报或以睿质天成宫中不废讲习臣恐貂珣未必周召讽诵未必典谟

差一迟则无所不迟盖 祖制三月过淮四月过洪政为入秋水涨动虞漂没有风波之险且一舟过溜三四百人行泥淖中多至陷没有挽拽之劳抵坝既迟势必阻冻履雪卧冰防盗防火一有不测身家随之有守冻之苦冻粮百万计船三千日饷三万军费粟六百石加以盗卖插和种种皆耗蠹之窠既已守冻明春必须雇船运官以是剥削旂军以是刁勒粮里转转皆朘削之弊至于递迟之极必误一年之运害且移之国家今台员虽乏然候命有人乞即点用以料理新运

○命锦衣卫官访寻驸马冉兴让伴回请旨仍褫兴让父官职夺教习主事贾之风俸一年兴让以被掌家宫人梁盈女内官彭进朝等殴辱具奏 上命中官卢受问状进朝等群诟之于东安门内之风以闻公主三奏皆不得达 上怒系其家人 中宫传旨诘责礼臣及科臣请 上召问公主正群小之罪不报兴让乃挂冠长安左门去给事中范济世言驸马 上之婿也无故而辱则何人不可辱公主 上之爱女也控诉不得上闻则何人可以上闻总之 皇上静摄有年圣子神孙不能常侍膝下宫中礼法森严固所以防微杜渐而情意阔绝亦易于起衅生谗故义莫重于夫妇而宋仁被惑于阎文应情莫真于母子而曹后见构于任守忠不可不亟塞其源也时台省勋戚俱以为言至是上览东厂奏事见兴让去愈益怒遂有是命辅臣言戚臣蒙恩重擅行非是 圣裁允当臣可无言惟是驸马廷辱万目共睹若置不问纪法陵夷非所以服人心重国体乞重加惩戒□□臣复合词以请而翁宪祥言驸马已蒙严谕凶恶未闻处分可见两旬以来其入御览者东厂之事件耳诸臣章奏达不达皆未可知壅蔽已甚处置失平俱不报

○辛亥大学士李廷机前谢疏有期于奉旨而行语省台意其濡滞复交章赞决于是廷机复再< 疏 毓-金 >乞归辅臣向高亦为恳请 上犹遣中官温旨勉留第云调理全可着先生去廷机度 上终无意放乃以丙午具< 疏 毓-金 >言臣不才不肖误特达之知不能副孤罔极之恩不能报负非常之眷不能留臣真天地间罪人顾臣钟鸣满尽之年病攻其内人攻其外易所谓系于徽缠寘于丛棘困于石据于蒺藜者臣兼有之而臣不安自臣为部以至入阁论列臣者章< 疏 毓-金 >纷沓而臣复以求去哀鸣屡蒙 天语慰留勤敕使宣谕穆清之上为臣絮扰者六七年而 圣主不安臣心又大不安故臣虽耐性至今日不得不放 圣谕常以大义国体为言不知臣未去而大义晦去则明矣臣未去而国体伤去则全矣臣一出国门而人安臣安 圣主亦安夫父母爱子子恋父母最不能割之至情然义之所在父母有以舍其子为慈子有以辞其亲为孝者臣情迫词穷慨然放归此其时矣遂以庚戌陛辞 上乃发廷机疏至阁仍谕辅臣拟留向高言廷机业已行矣谕留无益惟望 皇上念其累年恭谨之心原其今日万不得已之情早赐温纶俾得安心前去以尽君臣始终之义翌日得旨卿直亮忠清朕所简用杜门日久尚望勉出赞襄今情词愈切不忍再留加太子太保驰驿回籍调理以俟召用还赐路费银一百两纁丝四表里遣官护送

○是日廷机上< 疏 毓-金 >辞朝有臣之不肖当其在位尚不能少效涓埃今去

不敢作余忠< 璪-金 >他日亦无遗表语报闻廷机复言临去辩诬以明士节臣自被论劾止是求去即有污臣之言臣能自信中外士绅亦颇信臣臣不辩也惟是有言郑国泰王之祜为臣播清名于禁中以此议臣始进不正臣与二人本无私交又且平日硁硁自守不知何为而虚得名 皇上何所闻而误以臣为清此在 圣心自明无容臣辩但恐如宋唐介言文彦博以灯笼锦得宰相至今为不白之事今言者皆唐介而臣不及彦博故临去一白其冤耳固不敢烦 皇上为臣昭雪也廷机又有感赐骸辞加衔< 璪-金 >俱不报

○升左通政罗朝国为南京都察院右佥都御史提督操江

○吏部以副都御史许弘纲疏辞署掌刑部印信候旨未下诸务壅滞请批发前疏有旨该部印务已着许弘纲署掌如何又来推辞邦禁事重朝审在迩着遵旨即出不得再辞

○壬子升礼部郎中林茂槐为浙江参政

○升江西建昌府知府邬鸣雷为本省副使

○升户部郎中杨莹钟为江西赣州府知府

○癸丑调考功司主事郭士望为文选司主事

○命原任御史方大镇巡按河南

○ 上以盐监鲁保故遣内官刘逊驰往会同抚按等官验收一应钱粮方物起解来京原管三省岁造着归并刘成盐课税务着归并马堂各带管 ○兵部奏藺事横议愈长乞亟遣按臣以便会勘时周敦吉奢崇明各疏辩张大策嫁祸漏网并改属造端部言大策前疏臣部已驳其议仍候彼中奏报盖必抚按身历地方而后知耳今神武等又以揭至其喙弥长议弥乱请亟差贵州巡按御史驰去勘结

○甲寅起原任验封司郎中周应秋补文选司郎中

○起原任淮徐兵备河南副使冯盛明为山东副使

○吏部覆云南抚臣周嘉谟留临安等府州县贵州抚臣胡桂芳留思南等府州县各正官免覲从之

○调叠茂游击张世臣管宁越守备事

○光禄寺卿赵健以巡视久缺 上供难迟臣等不得已权宜开放坏 屡朝之令甲自今日始臣五疏请差科道未奉 俞旨势处两难有旨命都察院吏科查委

○御史杨州鹤疏参辽东巡抚杨镐不宜私庇总兵李如梅累行荐用请赐罢斥以安全辽

○乙卯礼部言近因户部议覆福王奏请养贍田地奉之国有期之旨仰见 皇上深谋远虑为王贍燕翼而树鸿图者至详且切即王自求之国所为尊 祖宗而顺人心者良豫且周但就国诸务如辅导佐理之员护卫随侍之选传玺圭册之制仪仗车骑之属皆难取必临时乞先示吉期速催预办

○都察院左副都御史许弘纲言臣以台差无措补牍词穷故杜门席藁讫意复被严命署掌刑曹不得再辞臣谨以是日遵旨供职矣然臣观刑部司官尚存三十三人臣院则只有四御史耳十三司之与十三道何天渊至此 祖制各道御史共五十二差今考选候补实止五十五员一< 〇〇〇 〇〇〇 〇〇〇 >题差台员立尽谨列职銜上请若更置之臣有一完朝审仍复乞身而已科臣亦以为言越二日吏部又言俱不报

○丙辰吏部覆河道总督刘士忠言黄水冲决徐州缕堤长二百八十丈玄字遥堤口阔一百四十丈荒字遥堤口阔四十丈藜林铺以下二十里正河悉为平陆邳睢河水陡耗司道议开韩家坝堤外小渠引水归河繇是坝以东河流渐深可通舟楫大约挽回水十分之三惟玄字决口尚浅政须版筑请留徐邳宁睢宿迁桃源等属州县正官免覲共襄河事从之

○户部覆巡按徐鉴言民屯均属国计文武参例宜同议自今始本年银两有拖欠不及格者州县印粮官管屯官以所欠分数住俸降级革职有差各戴罪督催务完九分以上方许开俸复职得旨依拟严行申飭

○丁巳升广西副使黄流芳为本省参政分守苍梧

○升南京刑部郎中陈禹谟为四川佥事整饬叙马泸

○戊午霜降节遣隆平侯张炳临淮侯李邦镇怀远侯孙承荫灵璧侯汤国祚宣城伯卫时泰武进伯朱自洪兴安伯徐汝孝东宁伯焦梦熊新宁伯谭懋勋祭长陵等陵武平伯陈如松祭 景皇帝陵都督同知杜惟忠祭哀冲 庄敬二太子陵园

○遣行人郭澆往沈府典丧

○己未前是甲寅辅臣叶向高言臣数年来恳补阁臣亦至烦渎而 皇上不行犹以有廷机在也廷机虽求去日久然臣每有要务必与筹画所以支撑五年得无颠蹶者亦以有廷机在也今廷机去矣四海之大万几之烦安危成败之所系乃以一庸臣备员充位而不亟为之计匪但臣不能一刻安于此地窃恐 祖宗神灵亦有所不安也今海内元老名臣勋猷未究者当亟召用以秉揆端高贤大良登庸未及者当亟简用以资佐理祈命吏部与廷臣集议上请至是 上谕辅臣向高曰朕览卿奏情词恳切具见忠爱朕已悉知今国事多艰卿为辅弼重臣亦当任劳任怨辅臣廷机不候君命辄以己私急于迳去忠君爱国之心安在正赖卿匡襄佐理岂忍因事遽萌去念欲朕孤立于上其如国体何考选等疏少俟朕次第简发卿宜安心赞治勿得效尤轻率有失朕眷倚至意特谕卿知向高疏谢复言今天下事当行者甚多臣皆不能赞理只考选一事苦已如此何况其他任劳任怨臣不敢辞至于留神政务加意人才使股肱耳目得举其职而毋使臣孑然一身丛天下之罪戾则终不能不仰望于 皇上除目前推补阁臣最紧最急臣已另< 〇〇〇 〇〇〇 〇〇〇 >恳请外其考选等疏屡蒙许以简发伏望即赐允行

○以宣府巡抚薛三才升兵部右侍郎兼右佥都御史总督蓟辽

○以山西左布政樊东谟为右副都御史巡抚山西

人墓剽掠人财而貂珣之祸中于天下矣再变而缙绅忧县令逮郡佐逮青衿之族无不逮而貂珣之祸中于士类矣三变而京师空口役之赔累角口羊纳之需索细至奔走服供亦有刀俎鱼肉之苦而貂珣之祸中于辇毂矣四变而懿亲辱即驸马冉兴让亦横被凌殴群击于朝累诉不达计无复之而貂珣恣肆之祸不可胜言矣闻公主亦数日不得进见如此壅蔽殊甚寒心 皇上天纵聪明无所不照何不召公主问焉因戚臣之被辱便可知闾阎缙绅之如何困苦及京师之如何空虚矣

○命万历三十八年考选过科道官李成名等十七员各授吏科等科给事中潘汝楨等五十员各授河南等道各试御史黄建中等三员各授南京户科等科给事中郭一鶚等八员各授南京河南等道各试御史诸臣候命数年屡催不发省台缺员甚多旷废益极至是始下中外欢然

○壬戌 孝洁肃皇后忌辰命惠安伯张庆臻祭 永陵

○大学士叶向高奏昨朝颁历满朝臣工皆谓 皇上御极四十一年为从古帝王盛事臣等奇遭薄暮遂蒙发考选本至阁令臣看发臣喜值宝历新颁之辰仰见 圣主用贤之至意即发该科抄传都门之内欢声如雷以为 皇上迟之数岁行之一朝神圣作为信非常情能测自今以往朝端济济治象日新顾臣窃有感者年来争竞成风喧嚣已极说者谓此番考选久停半繇臣下自取理亦有之今被命诸臣皆阅历已久老成练达必能以爱君忧国为心协恭和衷为法将从前门户藩篱一切破除以毋负 皇上之任使臣愿 皇上省览奏章嘉纳忠谏凡有条陈必下部议定其可否择善而从使诸臣得效其款款之衷向来留中壅隔之弊为之一洗是亦上下相成之至谊也

○升山东道御史钱桓为太仆寺少卿以考九年满从都察院催请也

○命礼部主事朱懋芳护送大学士李廷机回籍

○予山西巡抚李景元父祭葬母麻氏以军功并得给半葬如例

○癸亥大学士叶向高奏 皇上昨发考选< 〇〇〇 〇〇 〇〇 〇〇 >耳目之地一朝得七八十人可谓盛矣惟是阁中只臣一人供事五载自辅臣廷机去后益复孤危业已< 〇〇〇 〇〇 〇〇 〇〇 >请推补未蒙允发我 皇上神圣聪明岂不知辅弼重任必非一人所能肩虽使长才异能处之犹且颠覆顾忍以此而苦臣也因言从来政本诸臣虽称共济而主张统率全在首臣其任犹重昔吕蒙正三入中书文彦博以耄年平章军国重事皆为千古美谈岂以 圣明之世而独少此愿 皇上并下廷臣首行推举亟赐召还使臣犹得龟勉追随以免愆戾实天下国家之大幸也

○户部覆应天巡抚题言太仓拆银以充军饷内库本色以备御供仅云京边未明本拆故此外如绢布蜡茶颜料等项一概迟缓请自今本拆通论并入考成从之

○以光禄寺迟误上供月膳夺该寺官俸各一年仍着遵旨上紧进用故事月进御膳等银俱巡视科道同本寺少卿或寺丞轮放自科臣以典试去科道一时并缺寺卿赵健屡请巡视八月中旬钱粮期迫遂同寺丞王象蒙等开库支送随具< 〇〇〇 〇〇 〇〇 〇〇 >催

言驸马冉兴让贰室懿亲贵至尚主而反为群小所殴萋菲先入浸润得行必执罪人服之上刑然后可以正法一言各宗室英嫖蕴钊等被囚良吏满朝荐王邦才等在狱世共冤之今幽囚衡困历有年兹者朝审将行又含冤待泽之会也诚慨然脱之戴更生者岂特二三累臣而已

○癸酉起补原任浙江右布政窦子偁为福建右布政

○起补原任山西参议袁和为山西参议

○工科都给事中周曰庠< 〇〇〇〇 钰-金 >言南直闽浙等处岁造段疋旧制属之有司初不闻有内使之兼督者自机户王一卿有羨银八千两之奏力荐鲁保以司其事遂得报可此明以八千之利动 皇上而实阴以济其渔猎之私耳近者该监物故輿情快然咸谓旧制之复其在今日乃 明旨犹以督理三省岁造归并刘成带管各处抚按有公< 〇〇〇〇 钰-金 >有单< 〇〇〇〇 钰-金 >一切兼督不便之故言之甚详且昔年段疋造之有司即美者犹以为恶近日专之盐监即恶者亦以为美散之夷人哗然谓不堪用乞赐复 祖制追回新旨

○甲戌升湖广右布政周传诵为本省左布政

○吏部奏言路幸己< 〇〇〇〇 钰-金 >通部堂尚自寥落言户礼刑工俱缺尚书都察院左都更属久缺乞亟简用其侍郎等官并请陆续简发

○乙亥升户部郎中何廷相为浙江温州府知府

○礼科给事中范济世奏臣闻国家有一事始设一官独相臣代 皇上票拟平章天下举天下事皆其事故一字轻重是非之间系人才之进退海内之休戚国家之治乱祖宗朝有四五人或五六人并用者非备员也以人才品不同心术亦异欲其彼此相济使得各尽其长又欲其彼此相制使不得独行其意虑至深矣今相臣惟叶向高一入诚忠勤可倚劳瘁不辞独计疾病亦人所时有然则 皇上将径自批发乎抑假之中贵乎国家百度废弛惟票拟一事不失 祖宗旧制人心恃以无恐前者口传 圣谕一日二次在 皇上以为寻常在臣下不胜过虑口传不已必至内批内批不已必至斜封相臣无所关其忠科道不能挽其失彼时不大可忧乎天下事未有不始乎微而卒乎著者伏愿 皇上念国事重大独任为难俯从相臣所请敕下吏部从公推举

○给事中姚永济言迩来章< 〇〇〇〇 钰-金 >衍漫务为攻讦而谗语隐词犹非对君之体诰敕穷工斗靡铺扬细事殊乖袞字之策若夫杂说炽则正学衰谬书传则清评混匿名布则奸术行今诞怪不经之帙寇贼奸宄之书大加标阅遂令纸贵都门又有一种愤激险刻之人任其臧否传播海内眩或人心莫此为甚更有造伪投匿阴肆挤排甚且明粘宫府公行要挟此皆讹言之属端不可开请行申禁

○礼科给事中余懋孳上言近日章< 〇〇〇〇 钰-金 >留中政机壅滞乞 皇上尽数简发如科场驸马等件速赐处分以正法纪并速发枚卜释系起废诸< 〇〇〇〇 钰-金 >以宣忧郁庶实政日修烦嚣自息

○夜月有食之

○丁丑命纂修万历二十七年以后 玉牒

○大学士叶向高言臣查 潞王于万历十七年三月十九日之国先于十六年七月一日有旨下部择日措办盖分封重典事务烦多各衙门及沿途经过地方百凡供应非半年数月必不能办 皇上前谕臣以明春之国今为日几何尚可缓视至于庄田一事地方官自当悉心计处不必为此迟留臣愿 王如河间东平修德乐善万事称贤亦不必为此争论是亦臣爱 王之一念也臣谨拟谕请令该部择吉举行

○命云南道御史俞海巡视光禄都察院奉有查委之旨因台员多缺久之乃以海请且言往例试御史必三月后始与实授今各差乏人乞照三十六年事例一体实授以便差遣从之

○御史张至发言言路已充亟请枚卜并陈时政蔽塞纲纪陵替之极非可以一人支者乞允阁臣之请共襄治理

○戊寅 诚孝昭皇后忌辰遣广宁伯刘嗣爵祭 献陵

○大学士叶向高奏请补阁臣

○己卯升御史乔允升为顺天府府丞

○御史田一甲言文事武备皆弛振刷厘飭宜蚤臣闻嘉靖已前京考犹用推知其原有关防也今应天已然矣两京事体宜同或如故事间聘隔省以示不测即以顺天巡按为之监临弊何自而生乎边备以选将为急今者嘱托成风钱神为政即应推者非此不得也欲以求廉勇之将能乎建夷猖獗方甚新推四川总兵杨应光闻其弱不胜衣何以办此总之拣授非公故临局非才宜令将武臣资望荐数相应者挨次注名酌定南北首冲次冲四司官公同推补如有嘱托即注以夤缘停其升擢则奔竞之风将自息矣因言辽左按臣查参失事掩匿已极明确乃部覆止于罚俸法既贷于文臣威不服于武弁抑何舛也越二日署兵部事孙玮遂以代庖无状乞罢请

○御史田生金< 田 毓-金 >言边患河患孔殷边臣河臣可议迩者虏犯镇远杀掳数百人畜而边臣奏报不以实已经按臣查参科臣< 田 毓-金 >论兵部据法议覆矣闻之道路谓去年八月虽幸一捷而虏至九月狂逞报讐杀人盈野哭声震路抚臣杨镐且以捷闻矣本年之内无月不有虏患虏皆得志于我而皆以堵捷闻边民卧不帖席妻子流离殒命塞垣之外涂膏草野之间君门万里孰从而知之因言镐于李氏一门关窍相通朦胧机熟即今杏山失守不敢一矢加遗至若三山口决据报阔深若干丈矣乃河臣刘士忠< 田 毓-金 >不言淹没人民屋舍几何作何查恤而第曰无伤于沕无碍于运而已岂睢灵邳宿之冲其民皆巢居山处者哉闻河堤夜决迤东一带不知几千万遽登鬼箄乃不一奏报犹徐徐然夸挽回之有机侈韩坝为天授非惟不仁亦不忠矣时台臣杨州鹤亦参镐不宜私庇李如梅累行荐用请赐罢斥

○庚辰礼部覆宣大总督涂宗浚题东西各部酋长吉能白洪大哈素囊黄台吉等

三枝十二路援俺答黄台吉扯力克袭封事例为卜石兔款关乞封章下所司该臣谨议北虏自俺答以来世修款贡四十余年无用兵之患沿边旷土皆得耕牧此已事之明效已今扯力克病故其长孙卜石兔素称桀骜亦凛天威俯首听命且群酋拥戴俱无异词宜允其请俾统夷类守边如故臣等以为仍封之便有旨是卜石兔准袭封顺义王赏大红五彩纒丝蟒衣一袭彩段八表里把汉比妓既素效恭顺特准封忠义夫人还赏大红彩妆狮子衣一袭彩段六表里西僧哀乞盖朝儿计喇麻俱准授都纲名目余着兵部议行

○礼部左侍郎翁正春奏臣因磨勘顺天乡试朱卷驳参第二名童学贤第五名传皇谟并房考邹之麟致科臣赵兴邦斥诗教论臣不及主考为不公为狗庇诗教又言臣于代藩争立不肯担当角□羊额请增漫无区别臣诚无所逃罪乞赐罢斥得旨翁正春直讲典礼素著勤慎着照旧供职不必辞其科场事即会同吏部都察院该科议处来说初闈中更经互阅进士邹之麟以易经拈礼记既复参阅易经于中书于发藻房搜得落卷呈副考谕德朱延禧涂而乙之之麟仍用彙录细批力荐领角□羊遂置二名即学贤卷也放榜数日为御史马孟祜科臣杜士全先后论发学贤文悖谬不通之麟有文无行僻处东城踪迹诡秘帖害进士朱国盛等不得入廉主考官亦陈闈中始末乞斥御史孙居相遂有直发科场积弊< 足 铨-金 >追论庚戌事谓之麟为汤宾尹韩敬死友敬原有所属而之麟误认耳请并究处于是礼臣参学贤文理荒谬皇谟四经失旨之麟偏拗当惩皇谟亦之麟所取士科臣因以不及主考为言乞切责礼臣为将来戒

○御史龙遇奇上言开 储讲录废臣亟枚卜释逮系通章奏数事

○辛巳命行人张绍魁往德府典丧

○右庶子署翰林院事郭淙奏直认科场重罪乞罢斥以谢人言得旨郭淙着照旧供职其科场事吏礼二部会同都察院该科看议来说前是科臣斥诗教奏主考畏狗房考礼臣庇护词臣言置童学贤于第二者淙取传皇谟者亦淙盖礼记为淙本经又其所分阅是不公不明罪又浮于之麟矣副考朱延禧乃< 足 铨-金 >陈取卷事实因言主考副考原无轩轻今两臣共事而独责主试之人职已措躬无地且以职等试事而累及糾正之人职益拊心自痛愿与淙同甘罢斥淙亦乞从科臣之请重加斥黜

○御史杨如皋陈四事一酌铨司之迁转以专责成一重地曹之筦钥以清出纳一严各部之题覆以戒依违且言各边申饬第宜以事权委之督抚以信赏必罚严其功罪不必妄以揣摩之论议掣其肘而縶其足一惩各边之蒙蔽以靖疆圉又言辽东失事第以三月之俸偿数百生灵之命并种种不可数计之惨云

○壬午吏部覆广东抚按题留潮州等府县正官福建抚按题留侯官等州县正官各免覲从之

○兵部覆宣大总督奏群酋合词请封言北虏三世受封疆场无耸者四十余年于名则称臣纳贡稽顙献琛于请求则乞恩求赏贡马互市国体可谓尊矣抚赏马价之费在宣府则抚赏五万二千两马价一十八万五千两在大同则抚赏二万二千两马价十

万两在山西则抚赏一万四千两马价四万两费可谓省矣修补则沿边一带雉堞连云日增地险生聚则自辛未以来民老死不识兵革农狎于野穡人成功保聚可谓盛矣惟是扯酋物故以后封事五年不成一则忠顺因老而拒婚二则素酋睥睨于非冀卜石兔西海窳酋妄图厚挟臣等严加修备而不言王封于是酋计始穷虽忠顺物故终无所容其要挟始令三枝十二部投结请封臣惟初封俺答之时与之约曰东自宣府西至河套责令俺答约束今宣府白洪大自为一枝河套吉能自为一枝虏王所制者山大二镇十二部而已十二部之中智力足以雄长诸酋者五路台吉也兵马足以抗拒卜酋者素囊台吉也公正足以摄服诸酋者兀慎台吉也恭顺足以调和素囊者把汉比妓也臣借素囊之兵力树两匈奴之形借比妓之恭顺调素囊之悍借兀慎之公正破诸酋之奸三大酋归心于我十二部无不归心臣皆得以联束之此所以阴制卜酋而不至于骄也除王封属礼臣议覆外臣等谨议五路台吉见职龙虎将军宜升都督同知兀慎台吉见职指挥同知宜升龙虎将军素囊台吉见职都督金事宜升以都督同知猛克台吉乃那酋亲孙应授以指挥金事卜酋之妻父耳六儆不浪卜酋之弟把儿慢台吉他儿泥歹成台吉应授以指挥金事此皆有功于封事者宜俱如所请以鼓忠勤然虏本以马上战斗为国今变而好汉语物此中行说所以教匈奴者也又五路老矣其欲易足卜酋天性憨戇而部众乃弱今为中国计弱固可狎而使也为笼合诸夷以为中国计此酋犹之一部夷耳异时有倔强者起而王不能制且柰何此督臣欲使虏王足以制诸部中国足以制虏王而其道在分合操纵施不测之恩威使为我用而不为我难诚今日之大计也至于封市之后则无如科臣所虑两大衅一在割军实以啖虏一在犷款以弛备二者皆我已事之失也盖扯酋之封除三镇额赏马价外所费金二万计我悬一王爵而乃贿求递结贿求请封以媚虏则当日诸将领之为此非夺征戍之食剥赤子之膏孰从得乎当俺酋拥数万之众横行塞外几五十载而我犹能遏其氛今即卒有如俺酋者还能应之否而我徒以战守之说内自虚以愚敌人假令豪势之雄窥我之虚则羈縻之术无所用矣谓宜修战守储金钱利器械缮障亭察情实坚约束勿事滥予以滋其欲勿狎甘言以厚之毒群夷请求者或详译以折其心叛夷寇盗者或责问以致其罚戒吾边吏勿私交勿挑衅勿以小事而张皇为大则我边臣今日之事已有旨是封事即成五路台吉等俱依拟升授以示奖劝其一切修讲事宜着行与督抚官用心料理不得怠玩

○是日又奏山东巡按张五典勘过虏酋抄花第三子色特儿等糾众屯聚辽东境外可可母林往南行走入犯镇安堡等处官军迎敌至境外巢穴连战五次前后共斩获首级二百六十八颗生擒活夷七十六名口得获骆驼六只夷马三百九十四匹牛二十一一只盔甲各一百六十七顶副弓箭器械衣帽等物共五千六百七十五件枝自是抄花移帐远遁危辽稍得息肩且自高平之后仅此一见请宣捷告 庙从之

○命勋卫朱自洪袭武进伯爵

○御史俞海言边弊多端屯政当举因言今各边除民运外岁支太仓银三百八十

九万两愈加而愈不足纨裔悍弁视为利媒恃款既久骄惰横生可不为寒心哉即如民运岁逋一责考成完角□羊渐多宣府等镇稍以节省存余综核之效大略可睹

○甲申命各省直今岁暂免行刑

○原任右谕德赵用光< 〇〇〇 铨-金 > 悬在籍养病不允时用光新升右庶子兼翰林院侍读

○乙酉升南京太仆寺卿刘日升为应天府府尹

○升四川参议孙学易为广东副使

○丙戌命御史吕图南往浙江薛贞往苏松王九叙往淮扬钱春往湖广周应期往广东潘浚往贵州龙遇奇往陕西吉人往甘肃吴允中往宣大各巡按徐缙芳往两淮潘之祥往长芦杨鹤往两浙扬州鹤往河东各巡盐李徵仪巡视两关潘汝祯巡视屯田田一甲巡视京通二仓张铨巡漕

○礼科给事中范济世奏申明画本送本旧规以重 祖制

○丁亥予镇守云南黔国公沐昌祚角□羊任加沐启元为都督僉事充总兵官以昌祚称病告休部为覆请也

○工部以新历方向俱吉请竖建门工不报

○戊子前是癸未辅臣叶向高奏闻言认罪恳恩罢斥言臣以推谕德陈懿典掌南京翰林院事与拟庶子郭淙照旧供职为科臣元诗教所论谓用舍举错无以服人懿典积学深资即其目眚量应一转以俟自为进止淙以科场被论须科场事明议论乃定欲拟允其去则淙方有事何可遽去欲拟有处分则分考举子之被重劾者尚未加罪何以遽及于主考故臣如前拟而责令部院看议具奏以待 圣裁揆之事体或亦宜然又总督京营戎政宁阳侯陈应诏人多言其不堪顷因吴亮嗣论劾乞罢臣拟以用心供职盖亦明示警戒之意以俟其再陈耳亮嗣之再参意与臣同而臣不能径罢应诏心亦愧之此皆臣奉职无状之公案也臣乞归已久独以被恩深厚庶几少延为国家完一二大事俟推补有人然后再申前请以尽君臣始终之谊今颠倒至此万难再留时亮嗣初< 〇〇〇 铨-金 > 言新起戎政尚书舒应龙为用违其才而应诏病不任事当罢至是又极言大将之任甚重历数汉唐以来用非其人之害丙戌向高又奏天下事至多拟议未易以万人而虑一事犹或有失以一人而虑万事岂能无差所以 祖宗设立阁臣常有六七人少亦三四人欲其彼此相资长短相济以不至僨事耳目前之事犹其小者如更有关系安危事体重大而亦无与□确如天下国家何是日复言臣以被言求去方在候旨又见言官纷纷论列烦渎 圣听臣虽杜门伏枕心甚不安盖诸臣所言虽不谙事体然其中亦自有可采其所论列之人虽多失情实然其中亦自有可议惟一概留中不行办别所以愈致争竞宜将被论诸臣尽下部院责令从公议拟去留以听 圣断其言官< 〇〇〇 铨-金 > 中有条陈政务者亦乞发下该部酌覆施行是亦今日弭烦嚣之一道也大臣者小臣之纲领大臣之气势舒则小臣自有所畏惮今六部正卿只有赵焕王象乾

伯刘蔞臣都督僉事王问前府僉书宁晋伯刘天锡平江伯陈启嗣后府僉书彭城伯张守忠管理红盔永康侯徐应坤伏羌伯毛国器成国公勋卫朱纯臣彭城伯勋卫张嘉猷管理又刀武定侯勋卫郭应麒等职业克修才力可用应留府军前卫掌印隆平侯张炳年老行贪应革任闲住南镇抚司都指挥僉事田尔耕指挥同知骆思恭僉事杨宗吾应留都指挥使张懋忠纵恣不简宜革去僉书管事以原官回所支俸以军政拾遗请将锦衣卫左都督王之祜都督僉事李桢国革任闲住以自陈不职请将左军都督府都督同知李如桢陈胤徵管卫事正千户余茂发应留指挥僉事张叔琦性缓守污革任闲住陕西都司崔栋革任回卫南京左军都督府安乡伯张世恩僉书都督僉事朱绍庆右军都督府魏国公徐弘基中军都督府怀远侯常胤绪前军都督府忻城伯赵世新僉书都督僉事宗彭年后军都督府武靖伯赵祖荫南京锦衣卫掌印都指挥僉事杨元俱职业各修均当留用南京中府僉书定远侯邓绍煜沉酣麴蘖缙纒帷房革任闲住俱从之内之桢桢国有旨念效劳多年准驰驿去

○山东巡按张五典以奉旨勘明功次奏言正月八日虎墩兔憨实以三万余骑从长静堡南北界驰入分攻穆家等堡主客官兵俱与郎副将合营对敌斩首虏四十一级获达马三百五十四匹驼六十七只夷器二千七百七十七件二十二日沈阳等营兵马从上榆林出境斩首虏二十六级获达马一十三匹叙蓟辽总督王象乾辽东巡抚杨镐总兵麻贵及诸文武吏士功宜录赏与阵亡宜恤者有差章下所司

○户科给事中商周祚奏顷者台省诸臣郁积既深各思靖献乃章满公车天见皇上施行一事也惟见辅臣杜门铨臣枢臣宪臣先后杜门各相率以求去是小臣未得行其言而大臣先不安其位纷纭之象同异之芽臣实忧之愿 陛下平心以听言言当者施行之言不当优容之诸大臣平气以受言言中己者引罪以改图言不中己者静听于公论而言责诸臣亦务衷和协力养国家元气勿致因开成塞以貽吾党之过

○刑科给事中姜性< 〇〇〇〇 铨-金 >陈人材剥落之繇亟蕲幡改广收以资弘济言自万历十五年以后 皇上渐以倦勤宰臣怨于擎柄一切用人行政付之外廷而一二贤智未免主持过激势极而反宰柄愈坚阳避专擅之名阴操翕张之实稍有连触辄空一署而尽一网盖举甲戌壬辰以来数科所进之士其中皎皎铮铮者剥落又几尽矣大约三十年内外人材既多沦丧间一起录寥若晨星而复泥恒格困之有数年仍庶官者有常调仍中格者何惑乎每遇推补辄叹才难拾唾掷之残糜抽挨排之臃肿被以青黄登之筵几岂不令侏儒狎人而英雄短气窃见皇上至仁至圣岁允停刑于有罪之囚众尚悯然不即诛戮何况舒忠纳谏者忍视其禁锢不放槁死不问乎且也新试之诸臣已欣然嘉与向用何独于硕德宿望者反令其身老丘园梦绝岩廊也臣愿 皇上立烛十五年以来之舛误幡然更弦务拣迹时推补章< 〇〇〇〇 铨-金 >俱发票拟俾当事者多方简抡破格柄任斯不亦泰征茹连之盛际矣哉

○御史杨鹤言顷者考选既下大僚渐补章< 〇〇〇〇 铨-金 >渐通臣以为群阴剥尽

○命御史孙居相往顺天巡按

○陕西抚按进 上用羊绒袍服二千三百疋

○癸巳命驸马冉兴让送国子监教习礼仪一年具奏兴让原籍蠡县九月庚戌锦衣卫奉旨访寻于完县葛洪山十月戊辰伴回至良乡县琉璃河托疾不行卫使驰奏遂有旨且责其肆意中途迁延观望

○御史潘浚言时政倒置弦辙宜新如彰瘡大典也闭城弃印者不诛而保赤犯瑯之孤臣犹作南冠之泣用舍大权也主试溺职者在位而羽仪重望之耆德尚迟环赐之召金海泊岸不肯少稽时日而门工箭楼建竖无期张国祥羽流不惜二万金盖造而餉匱请帑缙黍不捐甚之豪奴悍婢得肆贝锦之谗爱女馆甥几无吁天之路其他乖谬大率类此

○甲午祭 三皇之神遣礼部侍郎翁正春行礼

○宴泰宁等卫夷人如例

○刑科都给事中翁宪祥请推广缓刑德意乞矜宥累臣宽恤楚宗

○朝鲜国王李瑋差陪臣柳寅吉宋锡庆等赍方物表文谢钦赏该国世子冕服并前送还漂海人民宴赏如例

○乙未大学士叶向高言我朝阁臣只备论思顾问之职原非宰相中有一二权势稍重者皆上窃 君上之威灵下侵六曹之职掌终以取祸臣备员六年百凡皆奉 圣断分毫不敢欺负部务尽听主者分毫不敢与闻惟是有不行则一切尽以罪臣良繇阁臣不补政本虚单猜疑易起议论日多以至此极也乞即赐允补并申下大僚留求去诸臣及推川抚之请言今日按臣又有〈○ 疏-金〉告急地方危困深为可忧必不容时刻缓者

○大理寺奏乞早放累臣以平猷政请释满朝荐等三臣

○丁酉大学士叶向高奏恳速补阁臣言臣杜门十余日请补阁臣〈○ 疏-金〉揭已三四上诚见此官非但一人不能为亦无一人为之理稽之前代以及圣朝并无一人为之故事而臣乃为之至于五年昨台臣有〈○ 疏-金〉谓臣孤身暮年东撑西持力竭心枯泣尽而继以血其言亦恫乎有余悲矣臣观周之衰也其大夫作诗自鸣备述劬劳鞅掌惨惨畏咎之状而其甚至曰匪鶉匪鸢翰飞戾天匪鱣匪鲋潜逃于渊盖言鱼鸟穷急犹能飞潜而自恨其身之不如鱼鸟何迫切也然而圣人取焉以为不悖于温柔敦厚之教诚亮其情之困郁无聊而哀鸣之果出于不得已也故曰君子作歌维以告哀臣少读诗至此凄然伤之今 皇上视臣得毋少类此耶若一补阁臣则公私俱便人心自安纷纷议论必当渐息故臣敢复冒死申请

○刑科都给事中翁宪祥等奏河南税监胡滨威福角□羊官李光显死于非命高登等依凭城社屡提不出杀人不抵偿部民抗本管亦宇宙一大变也滨犹饰词强辩蔽日瞞天按臣身在地方不忍见豺虎纵横复露章以请 皇上宜赫然震怒即行究撤詎

意候命旬余复不闻报岂此辈内外交通沮遏章奏未经御览乎抑 皇上姑置不理乎乞将滨撤回究处正其主使杀人之罪并追侵匿钱粮以助大工

○御史吴之皞奏铨司几成畏涂负谤终伤衡鉴谨陈登进之公八事一议咨访之单一议会单之要一议与访之人一议主单之公裁单之断一议取捐之概一议改调之途一议尽劝惩之方一议镜司官之实

○命兵部尚书王象乾带管戎政尚书印务

○戊戌兵科给事中赵兴邦上言国法大废军政久弛乞振宸威以饬边圉年来皇上赫濯声灵蓍服夷夏宣捷告 庙岁时举行纪叙荫升毫无恻惜然臣窃以为用赏则厚而行法太疏也佟鹤年临阵退缩纵虏杀掠部覆当斩矣乃 明旨犹曰牢固监候谓何陈用宾失城献印掩罪为功廷勘当诛矣乃因子代辩犹曰再看来谓何至李成梁献地通虏数百里膏腴沦于异域六七万生齿丧于犬羊八罪已详一案未定夫不割不忍之恩不行不易之法后有狡虏大犯谁不望风而奔保身玩寇将何所惩况乎观望易生人情易懈虽有熊罴之士颇牧之将亦复谁肯用命乎

○刑科给事中陈伯支< 〇〇〇 铨-金 >言鉴之医也在拭其光而自明水之浊也在澄其源而自洁近者言路宏开新政渐美则去其心之所本无存其心之所本有抑亦拭之澄之之方也去有五曰疑心曰灰心曰成心曰满心曰护心存亦有五曰诚心曰小心曰虚心曰惧心曰悔心中言羽林拥卫之士徒列其名长城戍守之卒仅存其貌以中原供边则中原困以边供夷狄则边困又言 皇上以清明之心不幸中年为利所惑遑遑而若不足以致财竭民困家成彻骨之贫人抱伤心之怨凡天下所以捏机倾坏而不可收拾者总之以此为崇此亦驰尽而思返之日也

○兵部尚书王象乾辞兼都御史衔从之

○庚子前是丙戌大学士叶向高有乞归情切恳恩亟补阁臣< 〇〇〇 铨-金 >至是上报曰卿竭诚为国忠清直亮国家政机倚赖老成小臣佞言烦兴器然逞臆前已有旨且不究处卿不必谦言介意况朝端多事之时岂可久居自寓还着鸿胪寺堂上官宣諭即出入阁视事以匡政务慎勿再陈阁员乏人朕知道了向高< 〇〇〇 铨-金 >谢言臣求去已至急切乃尚未蒙允然 皇上责臣之出以匡政务也今政本匱乏九卿如赵焕诸臣皆一时股肱之良请事不行< 〇〇〇 铨-金 >辞不报臣入而睹黄扉闾其无人出而视诸曹寂然扃署徒以一身孑然往来于朝宁之间将何以施面目耶四川番夷作乱告急日至而抚臣至今不点臣与吏部数日之内再三恳请亦尚未蒙俞允西南重地岂可置之度外此皆臣所危惧忧思欲出而犹不敢出者也朝端多事 圣諭固已洞然事日见其多而人日见其少其究也必至于人尽空而事不可复为臣即欲竭蹶以事 皇上竟何益哉如俯采臣言将阁臣即行推补赵焕等諭令即出九卿员缺与四川巡抚皆亟行点用然后徐议臣之去就未为晚也至于言官论奏率多忠悃更望 圣明采择施行上答以览卿奏谢朕知道了朕自入冬来动火头晕害目所陈诸臣辞< 〇〇〇 铨-金 >朕

议乡场而不议会场缘畏汤宾曰韩敬故而乃以臣之未至置之不较独责正春弘纲不知臣身虽未至二臣之议皆臣先期与议者则疏纵之罪臣当先二臣任之矣且如振基谓亦曾有旨意未下据揭具覆者此近日变例不可为常然亦必久候不下有揭可据间一覆之耳振基< 〇〇〇 铨-金 >上几日以越宿之言而责部院以即奉行不必候旨则为部院者亦难矣又言汤宾尹邹之麟必欲重治则敕下法司追取号簿拘集犯人将贿赂关节事情讯究的确方可以定二臣之罪而服其心奉旨卿秉铨以来虚明公正人心允服会议事原自明白如何因此求去铨务重要即出供职勿致稽误其被论各官卿还从公分别去留来说

○是日礼臣翁正春以会议招尤祈赐回籍终养奏言臣等奉旨看议将主考郭涓等分别议处方拟题覆而科臣孙振基之< 〇〇〇 铨-金 >至矣夫宾尹与敬事在庚戌之会场与臣今日先后不同时乡会不同事臣等安敢于诏旨之外擅为处分恐二百余年来无此政体矣遂奉有一并从公从实会议来说不必纷纭多事之旨宪臣许弘纲亦< 〇〇〇 铨-金 >乞罢斥并温旨褒答云弘纲清正无私著即出供职不得再辞前是十月丙戌诸臣会议场事时吏书赵焕先一日以东抚被论礼臣周永春久病未与振基于甲申有科场关系最重部院议处宜详< 〇〇〇 铨-金 >欲合乡会场并议议后一日遂有疏纵果如臣料之糾于是始下部并议

○命司业周道登署掌国子监印

○户科给事中商周祚奏昨见批发四川按臣一< 〇〇〇 铨-金 >是 皇上虽深居大内亦已洞悉西蜀多事之故矣然领节钺之寄而制抚剿之权者惟抚臣是赖臣窃谓为官择人则不嫌于补牍因人废官则似病于守株曹楷自去夏廷推迄今已久似宜改推臣于是而有慨于会推之宜慎也日者股肱之落落辰星每咎朝廷简慎太过用贤不早及幸邀俞旨反又经岁迁延如戎政尚书舒应龙南京工部尚书林烜皆奉旨已久偃然故里催请如此其频待用如此其急而舒徐容与复如彼此不宜尽委过于君上也臣愚以为六乡长贰及督抚重臣或系兵戎钱谷之司事本纷糾或当疮痍扰攘之地时尤吃紧品望固先年力亦急如望虽卓越而年已衰迟终属强弩之末即年未耄耄而力已倦飞久成烟霞之痼者皆不宜滥推剧任必欲坐镇雅俗自有公绰养廉之地务期推一人必得一人之用奉一旨不致一旨之虚该部既省补牍之烦 皇上亦不患纶音之褻未必非< 〇〇〇 铨-金 >通大僚一机括也

○乙巳革顺天举人童学贤罚科举人傅皇谟及降罚进士邹之麟中书于发藻等各有差礼部会同吏部都察院礼科议二名童学贤七禾口丸皆芜秽之词三场无隽永之句当径行革斥仍令以监生听选五名傅皇谟经学虽已遗讥韶质犹堪再造当罚停三科会试限满之后仍听部考奏夺至于进士邹之麟借他房以收膺鼎辱盛典而误贤关所当降以闲散以为恣睢之戒若主考右庶子郭涓左谕德朱延禧荐卷繇人抡魁失士相应并行罚治中书于发藻之于童学贤既属本房当有确见始以蛩吟为绝响终以莎羽扇同声应重加罚治因请以后京闈分考

○丁巳以 大祀 圜丘命驸马都尉侯拱宸告 太庙请 太祖高皇帝配

○大学士叶向高以吏部尚书赵焕因处卜履吉事科臣论其罚止三月失之太轻向高言三月臣之拟焕之失亦臣之失也敢不分过平心而论履吉此事未明言于堂官而径入于章< 踰 毓-金 >诚为有过然历宦臣乡夙有能誉陪推吏部人亦无言若舍罚治之外便是降谪不无可矜且焕历事 三朝受恩深重 皇上起之田间授以铨柄亦千载之奇遇也受事未及数月所以报 皇上者谓何而遽欲因此决去以老成忠亮之心行感愤意气之事抑亦过矣今国事艰难贤才日少在野者既赐环之未期在朝者亦晨星之无几乃大小臣工复相摧相激无有宁日甚非国家之福也臣愿自今以后各捐成心共忧世道议论听之言官言有未当毋急于必行主张责之当事事有过差不妨于商确词气归之和平精神要于流贯使大臣得以展布而毋若群臣之掣其肘群臣得以发舒而毋疑大臣之畏其口天下事其尚可以为乎要之必自无偏无党始偏党一着于心而曰我公道我为天下国家臣终不信矣臣叨居辅弼不能协和诸臣自省有罪又不胜纷嚣决裂之忧故因卜履吉一事而略言之亦以见此事之失在臣不在焕也

○荫原任南京光禄寺卿吴达可孙贞吉为国子生 ○副都御史许弘纲请定总宪以重察典

○御史龙遇奇请亟徵逐臣以风直节并谕廷臣全善类捐成心收豪杰之用首言窜斥诸臣宜亟时起用后言门户之害不当多增念头自添名目株蔓糾结互相排击酿交构空国之祸语甚切摯

○御史田生金奏告 庙宣捷宜慎功罪赏罚宜明言镇安一捷据臣所闻炒花父子是日以庆贺别行而留其老弱守帐抚臣杨镐谍其有可乘之隙夜扑睡虏斩童稚女妇若而人所执者皆黄口胡儿此镐所谓奇捷也遂致期年之内一逞于清河再逞于长静东胜又再逞于铁岭我兵匿影潜形以听虏之自饱于是有静远之躁躡有大静之屠戮有大清之挫衄镇远之杀掠过多尽隐实数杏山之残破已甚聊报疏虞岂非镇安一举挑之哉试虚心而质使其挫虏于猖獗之时则为功挑虏于安静之时则为罪我去而虏不能复来则为功虏来而我不能复去则为罪今日之役为犯为挑为功为罪当必有确议矣因言 肃皇帝时边臣获世荫者十不二三保首领者十不六七至于今日边臣之不以捷闻者几人其不获世荫者几人岂今日之边才尽皆超轶前闻哉盖当时疑议未成虏情难驭而法令严密败者必诛顷者虏贪汉物已非昔日舛口马警之时边臣肯以安静之心坐而镇之似亦可帖然无事而无柰赏重罚轻垂涎于云仍之朱纓何也诚使自今以后能保境和民敦信驭虏三年之内虏不犯边者比杀敌之赏世荫如故若近日薊昌二镇事例彼所愿既遂他无所需二十年之内所活边民何止百万计哉时御史董定策科臣麻僖俱以为言宣捷遂不果

○云南巡抚周嘉谟奏谢叙录平陇功辞免升兵部右侍郎新衔不允

○戊午改荫原任大学士陈于陞男光撰授试中书舍人荫原任大学士马自强男

木口玄为国子生

○己未吏部尚书赵焕奏年耄识昏不堪衡鉴乞赐罢斥奉旨铨务烦重特任耆德卿公忠详慎心无偏党朕所鉴知卜履吉已经罚治赵兴邦如何又行渎奏姑不究卿还遵旨即出供职不必自疑有孤委倚仍着司官传谕勿得再辞时兵部郎中卜履吉之罚兴邦以为轻纵失职焕言履吉推改铨部年余未闻别有訾议第以眷黄报完不依旧藁叙升而又不明告堂官此其罪案也然履吉若未推吏部而求推是谓钻营既系已推之官因眷黄而暂停黄完复推亦事所宜然今仕途得推美官者谁不望其到手推之不下谁不冀其复推若必欲比之而行法恐有不可胜诛者矣科臣又谓近日被论诸臣要申饬吏部矢公矢慎无偏无党精以别是非断以行黜陟所为谆谆命臣于将来者甚悉但臣衰朽昏眊今被论诸臣近二十人中间才品亦各殊别欲臣一一精核悉当人心恶可得哉< 〇〇〇〇 铨-金 >以甲寅投入时焕政被命分献 南郊< 〇〇〇〇 铨-金 >乞改遣辅臣言焕去志甚决且欲径行 上不允仍谕以小臣轻率妄言不必介意且令行礼后即出视事翌日焕< 〇〇〇〇 铨-金 >乃下

明神宗显皇帝实录卷之五百一

明神宗显皇帝实录卷之五百二

万历四十年闰十一月庚申朔冬至祀 天于圜丘命成国公朱纯臣恭代恭顺侯吴胤绪阳武侯薛濂吏部尚书赵焕兵部尚书王象乾分献

○遣永康侯徐应坤灵璧侯汤国祚怀宁侯孙承荫临淮侯李邦镇成山伯王国柱广宁伯刘嗣爵伏羌伯毛国器东宁伯焦梦熊武进伯朱自洪祭 长陵等陵

○百官于午门行庆贺礼大学士叶向高诣仁德门叩头称贺颁赐上遵珍饌向高< 〇〇〇〇 铨-金 >谢言臣备员以来贺长至者五六次皆只臣一人亦从前所无之事也臣请补阁臣< 〇〇〇〇 铨-金 >揭且百余无可复言因趋贺有感故复有此请至于大僚当补累臣当释统望 圣明炤察施行 ○辛酉荫兵部尚书王象乾男与籽授锦衣卫左所指挥僉事

○陕西巡按毕懋康言陕西亲藩有四而秦韩宗仪最多斲< 〇〇〇〇 拖-才 >泛驾则韩宗为甚谨条议约束四事以请一设宗学选学行兼优者为宗正以掌宗教量设廩增以示鼓舞学俸俱于绝郡府第官员拨给一限佃种平凉地墾韩宗繁衍占籍既广逋赋遂多今宜令三将军三中尉毋得过二十五顷郡县主以下毋得过十顷五顷一裁冗员韩藩郡府三十有九罪除故绝者三之一府已无存官仍铨授其义何居一置闲宅如近日永福庶人权寓庙宇殊为非法宜令平凉府以裁革太仆寺缺官俸银措建

○壬戌左副都御史许弘纲乞定正卿以肃邦禁言臣在本院已兼三官又益之以刑部是责六人之任于一人也今囹圄长系者八百余人而累臣未释罪宗含冤非藉重臣何繇得请

○乙丑吏部尚书赵焕复称病乞休得旨卿屡次乞归屡有温旨慰留如何复以病

苦请言官轻率已有旨切责卿为大臣当以君恩分义为重岂得因此愆然大计在迩铨务方殷还遵旨即出供职不得再陈焕陪献礼毕仍上章请告辅臣言 圣恩深重履吉事小焕未可便去科臣范济世余懋孳张键台臣潘之祥俱以为言越数日焕乃出

○丙寅肃王恭进马匹 上赐以大红纁丝常服及银币有差

○御史崔尔进奏恶瑯数见恣睢国宪难容漏网言王信以门瑯诬奏科臣张延登而门吏致被诘究擅夺关防变乱 祖制胡滨一税监而致死无罪命官如经历李光显中牟知县欧学启可便置不问乎马堂残虐天津毒已叵测何为以兼摄遂下扬州巨舰蔽空居民罢市并请亟正其罪

○丁卯荫原任贵州巡抚郭子章孙承昊加一级授锦衣卫指挥同知

○南京署吏科给事中高节奏外察伊迩谨摘吃紧二款以佐计吏一受私揭一狗资格言往见吏部过堂被堂之官一有不服更无别法即取揭帖折之抚按之开报不凭藩臬之面争不听人心何繇服也至于不责名实但论出身尤非均平之体盖科甲岁选之分但可论于衡文之日不当论于居官之时今之觭轻觭重理本难通而积重积轻势益莫挽真才何繇自见也

○戊辰予湖广副总兵今升四川总兵杨应光回卫养病

○己巳大学士叶向高奏臣入直再旬屡请推补阁臣情辞竭尽乃近闻人情纷纷益多疑议营谋推戴讹言日滋始犹词林今则外署始犹见任今则退休转相告播形之奏章臣窃异焉夫爰立之典下繇廷推上繇 圣断众所不与人必不推下所不推上必不用私荐之窠不开繇中之旨不出虽有大奸神力何所用之谈者于是乎过计矣总之此事不行疑端从此而生门户从此而立 皇上诚慨然了此一事则千疑万怪皆可立消不然臣当先出国门以待诛戮必不忍以不肖之身久妨贤路以误国家且坐受党人之祸也

○礼部覆按臣徐养量条陈处贡夷以省糜费肃州哈密等处各种夷人住居者凡四百名岁费粮二千余石又有土鲁番等国贡夷除赴京七十人外尚留三百名半住甘州半住肃州每名月食粮一石五斗岁支五千余石自三十六年入贡今尚未回嘉峪关至会同馆六千余里耳岂有四年不能往返者不过假此市物营利徒为邮驿骚扰昨岁番王遣夷使来促之使归今宜敕遣速回且令以后往返定三年为限踰期先将食粮住止仍转谕番王知会奉旨如议行

○革游击刘国镇周一夔各操守任回卫夺金书李国勋俸半年升清水营守备张斌为都司金书管分守延绥高家堡参将事延安卫指挥周一亨为延绥清水营守备九月初四日虏骑犯高家堡不过二三百骑该营游击刘国镇辄报千余建安堡操守周一夔报三千余骑惶惑军心遂任虏骑纵横掏墙攻墩抢掠军火器械杀死军丁左营金书李国勋藉口东援致殒营丁李应祥兵部覆请如督臣言将国镇一夔革任国勋罚俸金事朱腾擢领兵在后虏掠在先且能复遏虏众于初七日建字十六墩总兵王学书兵备

攀龙钱一本史孟麟王德完穆深乔彻万自约等又言祭酒陶望龄使在孔门当居颜说曾唯之间而以浙产蒙猜故侍郎杨起元太常卿王时槐皆近时正学之宗所当照邓以赞张元忬孟秋之例急为表扬以风后学

○乙亥允吏部覆参户部主事万时俊冠带闲住员外任国祯降三级主事石廷举降二级洪启聪降一级各调外任用国祯管崇文门税课廷举管下粮厅为御史龙遇奇参其贪鄙巡仓御史耿鸣雷因参启聪在北新仓久有秽声廷举代署复踵前辙于是尚书孙玮并劾之

○升工部郎中周泰峙为直隶顺德府知府

○兵科给事中麻僖请急易辽抚责成镇臣以保危辽言抚臣杨镐节侠成性百计报李欲起用李如梅而不得则又谋逐新将以为如梅地致张承胤一筹莫展惟有拊膺流涕且如梅当蔚山败走坠马伤臂已成废人起之何用臣以为误辽者杨镐误镐者李如梅也乞斥镐便

○兵科给事中丘懋炜言倭警可虞设防宜早谨条例八议以备采用一将领昔壬子癸丑之役蹂躏闾閻十余年而后得文如谭纶阮鹗武如俞大猷戚继光者出其所造就偏裨卒旅亦留为数十年之用今岂无其人但在加意鼓舞严核实之令开功名之门耳一器械一练习一城堡一船只海战之法大船胜小船坚厚船胜薄脆船而已宜查修旧船加以补造务须坚厚令船与水称兵卒銃器皆与船称一间谍一属国琉球以二百余年朝贡之夷横被残破今虽似为倭用想非不得已且其名甚正臣谓宜厚给来使仍好为谕遣示以海外仓卒不及救援之故而整饬武备内为自强之策外示可救之形亦固圉之道所宜尔也一财计今动患乏财以臣论之田连阡陌必无贫家地方百里必无贫国其所患贫者自有致贫之道又不讲于致富之术也诚赫然振作严敕大小臣工清耗蠹开利源时时讲求事事核实足兵足食之计指顾可得矣

○丙子广东副使胡琳以母老终养请许之 ○丁丑升浙江参政王在晋为本省按察使

○乙卯大学士叶向高言礼部衙门事务今岁更多代事未了继以乡场乡场未了继以庚戌会场转盼又有棘闱之役只侍郎翁正春一人既理部事又办讲章又知贡举将何以支今词林资深之官摧折将尽明岁主考亦苦无人臣甚虑之伏望 皇上将吏部所推礼部尚书及右侍郎慨赐点用其臣所推掌詹事府事府官并赐允用

○礼部侍郎翁正春等请下代议覆〈○ 銃-金〉以彰 圣断定藩封科臣亦以为言

○庚辰吏部奏被论各官有旨命臣部从公分别去留除三品大臣例候 圣裁如南京兵部尚书黄克缙礼部侍郎史继阶假回吏部侍郎王图外南赣巡抚牛应元顺天府尹袁奎应天府尹刘日升左谕德黄国鼎俱应回籍调理山东巡抚李同芳回籍听用总理河道刘士忠报灾不实应加罚治南京光禄寺卿吴华雅有清操应策励供职尚宝

南嗷嗷含糊台臣马孟祜又谓波及不宜太甚

○户科给事中官应震奏昨见户部一本为婚礼钱粮恳赐裁酌又见御用监为婚礼加添有旨着户部再行酌处职不觉恣嗟太息念太仓库银四百万余属边饷者三百八十九万有奇顷九边共欠至二百九十三万六百两太仓之匱可知也良繇民日求减边日求增朝廷之上那借溷淆而莫可究诘今方隅内困极矣京师困商秦困羊绒晋困絢三吴困织造豫章困磁滇粤困金珠楚蜀黔困木加以貂珣之吮吸曠潦之不时势必至于逋欠 皇上何不拓免徽歛米税之心尽罢诸税使民得毕力于正供乎而且令有司讲备荒之政莫若考之周礼及旧臣吕坤所著两利仓乡会仓自救仓诸法著实举行夫平日既多方以开民自有之利而岁侵又有以恤之以是殿最邑令责成郡守犹有积逋难完者臣不信也尝考国初额饷成弘间才五十余万嘉靖初亦不过六十万 庄皇帝践祚乃定经制尚止二百二十六万零柰何延至今日虏已通款费及滋多即如宣镇见在军溢旧额三千八百余马六千七百余各将家丁额支粮一石五斗今且支至二石各军布花额有全支半支今且一概全支即宣镇而余镇可知也辽沈开铁间新为增兵虽有发纳班价银绝军粮银两淮加带盐引银三项然仅足供十年之用十年而后恐垂涎及太仓矣即辽镇而余镇可知也则请申明年例之义盖自边警仓皇輒议增置遂以一切权变之计袭为故常命曰年例此甚无谓宜令边疆无事兵若饷皆有定额一旦缓急增添名为权宜不名经制不得概以年例请逮其事已兵休兵收饷止经制之复其在斯乎那移出纳有监守自盗之条况在国储借之一字岂可以训年来罔寺光禄之借犹曰边饷向供也至如甲丙二库绵布花绒岁从内藏出给军士昨冬且索及太仓矣 瑞王婚费进讫九万仍欲加添又其甚者赵世卿先年刻书一册内开不时进办无正额银五年内共进过一百八十三万八千八百三十七两今又二年不知何似夫御用自有御用银两职考会典如内府库所掌最大者金花银国初角□羊南京供进各边或有缓急间亦取足其中正统元年始自南京改角□羊内库嗣后多为御用味各边缓急二语知内库不专为内兼以济边是内库之可散而外甚明也太仓银两嘉靖二十二年题准今后各处京运钱粮应角□羊内府者一并催角□羊贮库悉备各边应用不许别项那移又议准今后各运司余盐银角□羊送太仓贮库专备各边客兵粮草不许分毫别用夫太仓原以备边味不许那用二语是外库之不可歛而内甚明也愿 皇上涣发明纶分别内外库之界毋令中官混索动及饷额其他水衡之料价罔寺之马价光禄之上供亦各还各项不相侵假倘有混索职等得以原旨封还计臣依阿角□羊进职等得以白简从事如是则太仓还其太仓而饷何不足之与有伏准敕下户部同九列大臣从长会议永贻经久不然在 皇上惟知有太仓在臣子惟思发内帑合上下而言 皇上之意主盈臣子之意主缩合文武将吏而言司兵之意主加司饷之意主减合内外小大臣工而言内臣之目击边事者主催科外臣之目击民艰者主抚字臣主相持军民相左外内小大相持职不知所终也

○戊子命简讨钱象坤徐光启周炳谟丘士毅黄立极张鼐知起居注

○吏部请申饬朝覲事宜又覆河南道御史余懋衡裨计七议一抚按注考宜确一咨访评品宜慎一斥幽轻重宜当一揭报异等宜严一私揭害人宜禁一冒禁摭辩宜处一禁革馈遗宜申俱报可

○礼科给事中余懋孳参御马监太监杨秀擅参上林苑监左监承张继等指为属官奉旨夺俸并下署吏于理言 太祖高皇帝置各监局内官止令供扫除不许预外事载在 宝训何等森严从未闻以文官为之属吏也而秀公然行之违 祖制当罪欺皇上当罪乃不蒙谴戮反为示罚焉臣恐此端一开朦胧取旨将使外廷事任尽掣中涓旧制法度尽听变更而廷中不复知南北司之异矣伏乞申明 祖训严防内外治杨秀捏奏之罪而折诸阉以裨横之萌时吏部尚书赵焕亦有〈臣疏〉争俱不报久之法司言秀称属无据说谎宜惩署吏无律可比法应免提并请正秀奸欺之罪

○己丑补原任河南副使王守正为四川参议升四川按察使柴应乾为湖广右布政

○夺原任吏部考功司郎中王宗贤俸半年故事土司奏讨升赏必繇抚按代题先是万历三十八年云南丽江府土官知府木增以从征顺大等夷助饷二万余两乞比北胜州土司同知高承祖姚安府土舍高光裕等事例加级宗贤时为验封员外遂题覆加三品服色及抚臣周嘉谟按臣邓渼忝其违越宗贤乃具〈臣疏〉请罪自悔失于行查部议当重加罚治并追夺新加木增服色如抚按言以惩募越且申明旧例从之

○礼部言 福王为 陛下爱子封之伊雒已数年矣向以府第工程未竣有误就国之期致烦 皇上明旨屡催时廛宸衷之虑兹则工已完矣继城肇启乃朱驂出邸之时磐石始基正青组临方之候惟 皇上即赐择吉举行得旨朕览所奏府第工完之国期合用一应事务钱粮著各该衙门即行预备整顿造办齐理不致临期违误部〈臣疏〉自初夏投上言者纷纷久不得报至是礼工两部科暨各衙门复连章恳请始下前〈臣疏〉

○以成国公朱纯臣为左军都督府佾书管事

明神宗显皇帝实录卷之五百二

明神宗显皇帝实录卷之五百三

万历四十年十二月庚寅朔大学士叶向高奏臣窃观 皇上神圣聪明于国家大计无不留心事到穷极无不施行即如 福藩之国人望最切者亦已有旨令各衙门料理一切事务矣此皆独断神谟非臣等所能仰赞惟是阁臣员缺上关国家之安危下系一时之阙政而臣之愚顽终不足以动 皇上其为庸劣不堪已甚明矣夫 皇上事事必遵 祖制今割难忍之爱以成分封之典亦以 祖制重也阁臣之只一人一人而至五六年 祖宗朝曾有此乎臣安得不昧死而力请乎

○予赠原任祭酒传新德为礼部右侍郎

○兵部题贩海之禁屡经申饬不意犹有如李文美等公行无忌迹其盘验虽非通倭之货但脱逃可疑应行原籍衙门拘审仍通行所属沿海军卫有司禁戢军民不许私出大洋兴贩通倭致启衅端从之

○复除原任编修林欲楫原职

○辛卯调湖广荆州府知府费兆元为江西南康府

○吏部覆两广总督张鸣冈患病有旨著照旧供职

○壬辰起原任浙江副使毕懋良补本省副使管理水利

○癸巳 慈孝敬皇后忌辰致祭于 奉先殿

○御史潘汝祜请下铨部分别被论诸臣去留< 〇〇〇 铨-金 >以清仕路并乞严谕各门阉竖鸿胪寺卿毋仍前凌虐计吏以体群臣

○甲午尚宝司司丞章嘉祜奏微臣猥荷赐环同僚尚在遗佚乞录生恤死以慰輿情励臣节请将顾宪成同孟化鲤并议与谥因言被废诸臣两奉明诏詿误触犯官范俊等一百十员迁谪官邹元标等九十六员今将半凋零又益以姜士昌宋寿等若而人并乞录用

○御史俞海奏光禄库贮空虚已极续添查核宜严言内庭器用俱有回销尚衣监何以续添朱红酒碟至一万九千五百三十余个麻绳一万五千余斤此等月计虽微岁计甚钜当并议裁省因言今天下民生日竭国用日拙如度支之匮乏边饷之紧急其虚实宜核又当何如并乞 天语叮咛中外诸臣大加振刷

○荫原任湖广巡抚梁云龙男思泰为国子生寻礼部主事田大年论云龙冤杀楚宗不宜得荫遂寝

○荫原任宣府巡抚连标男得名为国子生

○四川巡按以蜀王于十一月癸巳薨逝闻

○乙未大学士叶向高奏臣自受事以来未能荐一贤行一事挽回一弊政消弭一衅端碌碌浮沉贻忧 宗社已六年于兹矣转盼改岁便是七年其又可以再迟乎乞将科道官公< 〇〇〇 铨-金 >亟赐施行时台省交章以枚卜万不可缓为言俱不报

○荫原任兵部侍郎迟凤翔孙一桂为国子生

○调四川行都司都司金书庄安世于云南添注

○兵部奏镇安之役已经按臣勘报而台臣田生金直论抚臣乘虚袭杀斫帐徼功致挑边衅岁无宁日方当论罪何功之有且历指失事时地往复辨理请再行按臣将当日情形确查具报或捣袭或血战虏或入犯或求款与清河等处俱查虏入之地与擒斩之级果系何虏系何月日所擒获不论已经奏报未经奏报者有无隐匿从之

○给事中姚永济上言我朝旧典官吏犯赃满贯以上戍遣 皇上御历以来如陈三谟秦耀沈汝梁祝大舟辈皆以赃败例拟法至肃也乃迩来贪黷横行夤缘成习伏乞敕下部院果贪横无赖人神共愤者摘出一二人立送法司追赃发遣在外者行抚按依

律重处此后凡犯贪等俱书名书数照实开闻不得视为常谈含糊混报

○给事中李成名请释满朝荐言迹闻 圣母病日至廛 圣怀昕夕问安不皇宁处朝荐有母亦病于家乃不得一侍汤药非所以推广孝治也因言内臣之祸始于缙绅被逮繇是而漫抚臣盍按臣辱方面毙职官至近日则王信迫胁夫门吏杨秀凌轹夫监丞单奏朝驰 王言暮出廷臣参< 〇〇〇 毓-金 >置若罔闻是诸臣无一可信而阉人无一不可信也长此不已势必使南北司如水火而寇讐善类奴隶朝绅异衅惨祸不止如朝荐诸臣而已朝荐不释则 圣心终为诸瑯蔽而诸瑯日肆国家之害未有已时

○丙申吏部循铨政职掌陈第一急务曰枚卜当举考选当下缺官当补废贤当起今所已行者独考选一事耳两京九卿堂上大小共缺二十六员顷分别去留又复多人各省直司道共缺十五员此孰非纲维之司承宣所系而可久悬不补乎因请并释累臣

○吏部都察院奏河南巡抚李思孝论巡按曾用升虽例有互察之条未免涉报复之迹以致一参一辩诟谮横交伤体蔑法于斯为甚思孝已准回籍用升俟差满回道听本院考察先是用升因参承奉徐进语侵思孝思孝遂称病乞休已得请矣忽有直糾不职风宪< 〇〇〇 毓-金 >往复辩詈言者多不直思孝

○吏部覆河南巡抚题留河南府州县各正官免覲从之

○广东参政陈亮采以思亲病剧乞休部为覆请许之

○礼科给事中范济世上言岁暮 袷祭乞钦谕 太子代为行礼以慰 祖宗光大典臣闻口人格先淳淳于汤孙之将者明大典不敢以假人也 皇上自静摄遣代九庙之灵已二十余年不复睹继体守成之主矣夫祝词乐章皆孝子所以昭明德也而假之异姓于义何居饮福受祚乃 祖考所以绥后王也而归于公候于事甚悖今太子睿体已克册立有年以继体之 储君为承祝之宗子如此而 祖宗之心安 皇上之心亦安天下臣民之心亦莫不安未必非礼之大者也请下礼部会议以闻

○礼部条清场弊八议一各房考键户静坐评文勿藉口送卷频见主考以启荐属之端勿托言共事溷入他房以滋掇换之弊所取正备卷尽送主考去取高下悉以听之一取士本为世用迺有用世之才不能于制义中见奇而二三场或露一斑并有通今博古文辞成一家言者此即头场不甚纰缪各房无妨间取一二卷以示崇重实学之意一弥封誊录二所奸弊易乘而截换卷头透漏关节全在弥封又有贿通吏书购能文之人顶役誊写精工拣文理荒谬之卷汇集一束而夹此卷于中以图幸取至佳卷则潦草涂落此砭砭所为溷收而良璞不免弃掷也一传递不专在进呈题目及颁送之际当议刻时题已透出矣司门官往用武弁尤惯通关节者今后宜以佐贰之敏慎者司之又有举子故意宿场窃买名卷入号选录毕即投之水大殊可痛恨惟在监试提调加意简点随收随送毙可革乎一批评文字宜肖其文而止不得盛为粉饰高相夸诩以眩观览至于落卷乃有不染一墨评一字者何以服士子之心自后三场必须加笔毋只以一勾了事一掇落卷原为士子攻苦担簦以求得一当而好尚不偶或有遗珠今后揭晓前二日主


考与房考齐集内堂将各房落卷互送分阅如得佳卷即呈送主考公同品隲不妨将取卷稍次者更易系某房者原归某房一场中诸务殷繁前后日期迫促请自今入棘定在初六出闱期以月终庶多两日掺罗可无遗才之叹至各官见朝亦在揭晓之次日监试提调得以从容查收朱墨卷无仓忙冗杂之弊一文衡固不可以私干而公道尤不可以谗枉良繇士子执贄易起嫌疑奸党讎家惯造蜚语今后试官临场宜严加杜绝至一切谤帖行五城兵马密缉擒拏奉旨这所奏深切科场弊窦依拟严行不得违玩

○丁酉兵部陈征剿建昌番猓机宜十款一简群材请于省直诸镇选调勇略果敢熟知西南夷情地利者数员或注见缺或拟虚衔以备军中调遣一酌兵力一□峙粮饷川中连兴大役频岁荐饥万难加派宜查滨江州县仓粮繇嘉定溯游而上直抵雅州去江远者查在库银两各府委官沿江余运至于自雅入黎则羊肠鸟道输运之难视播尤甚宜令黎雅宁越建会召募脚夫或三十里五十里酌其定数一官管领接次挽输此地有负板负盐山民惯于涉险稍厚其值必争先赴役既可活穷山之孑遗亦可节川民之劳费两利之计也一明间谍汉番异类势禁形格非间谍何繇得情天全陆番以及瞿马之裔熟番之众言语衣服与番猓无异往来相习是所谓乡间也宜厚其赏赉委以腹心而后虚实险易动息毕知一扼险要建昌介在夷域崎岖千里中通一线寄咽喉于黎会之间二山皆碉房也番夷向来止于劫掠浸渍之久遂至攻城杀将自知罪在不赦挺而走险势所必至宜据晒经关打节泸以防其内侵守相岭鹿闸以制其旁溃守金沙江中庆以备其南逸中肩既固然后以大兵临之直捣巢穴草薶兽□□弥以无貽后患一广招徕碉房错杂不无顺逆之分宜诛其元恶贯其徒党如有率众来降者不独待以不死随其部领之众寡立为头目俾为我前锋有功与土兵同赏事定与熟番并抚一以散彼逆党一以增我兵势此以夷攻夷之道也一杜骚扰向来东援西讨以及荡播诸将中能约束部伍不为民害者才二三人耳居常犹不能约束况当大敌能挥之直前畏我而不畏寇者乎宜行各道于经过州县储□□峙以待无使匱乏观其兵之静治纷嚣而将之能否可知各道从实呈报以凭分别议处若夫土兵蜀之藁东伍司与石西平浥黔之水西滇之沾益或繇禄马而会宁越或繇元谋而渡金沙或沿江干而直抵雅州不独困敝之川民可免凌逼而随事约束将令严明卒徒服习亦行兵之一要也一辑众心一重根本蜀地险僻家鲜盖藏迩有荡播善后皇木三大役加以榷采腴削水旱频仍民力尽矣而役不休万一奸宄乘之少有动摇便难收拾窃计番猓原无统率族落星散驱之则去置之复来宜深入不毛歼渠宽从置墩筑堡画地屯田为一劳永逸之长筭一核功实年来东西用兵赏罚之间亦容有不慎者姑以川事言杀降人以凑数扑饷夫以报功如吴文杰等之所为殆亦不少若夫白氍之战逆酋开关迎敌我兵逡巡失色石柱土官冉苾以老母幼子托之监军一跃七尺逾涧溪而过之手刃五贼众兵继渡遂成桑木关之捷为平播摧陷首功而苾转战不休身为齏粉竟以土夷遗佚未叙蜀人迄今怜之此皆监军之责也宜令监纪官员躬履行阵系当阵斩获真正番首即刻验明给票有延捱时

日希图混冒者罪无赦不但功无幸赏罪无追罚而深山穷谷之细民庶几不至涂锋刃而膏原草也奉旨依议行地方官用心料理

○又题覆甘肃巡按徐养量条陈两河要务一酌将领以慎边防肃州之下古城沙
𨔵之地版筑为难而银歹套酋时出没于毛目天仓之间区区一防守当之势不敌也今
议添设守备一员增兵三百名管辖两山口至双井交界与金塔寺互为应援廩给每年
加银六十两战马二匹家丁六名新增军丁额粮即取足于双井未召完额军之数拨给
此所议于河西者又阶文所属皆番族也先因作乱改设参将今议照旧改守备岷州守
备离边稍远原属无用即调阶文所遗岷州兵马听该道委中军官统领阶文见任游击
徐德荣应听别用符验旗牌即行查缴岷州守备员缺裁革见任守备冯洪应改驻阶文
至于毛堵红水归德保起等处地方建堡增兵兰州守备撤还景古城所议增添兵马及
移临洮大师于河州改参将于永安而临洮靖虏皆以守备代事体重大应移文督抚议
妥而后覆行一禁冒滥以重世职将领等官侥幸世袭往往以子弟报效名色寄名营伍
未经一战或顶买或夺占冒为己功诚今日边方大毙今议以后将领子弟果有年力英
锐技艺过人先报姓名于抚道验试发营操练遇警随征如斩有功级严查的确方准叙
录升赏上下不得委曲相徇一复戍班以苏军困先年河东各卫所班军原轮拨河西协
防自万历三十年该镇督抚等官题称无裨实用议令撤归各卫每月每军摘粮四斗折
价令催班二都司季冬类角□羊分司以备河西募兵支用今议班军食粮每石仅值钱
余一岁月粮之值仅一两有奇而折角□羊一两九钱二分所食不偿所角□羊无籍之
徒随召随逃防御反缺徒累征角□羊各官拖欠参罚之苦宜复旧制便一分协路以重
事权甘镇辽阔逼近虏巢宜令三路副将照延蓟事例分为三协主将督责三协三协督
责路将则势成犄角节制分明议将西宁副总兵为东协威镇二将属之凉州副总兵为
中协镇番大靖永昌一带属之兼援阿坝大松山二营甘州副总兵为西协高台洪水一
带属之兼援肃镇二营俱听督抚镇节制庄浪一将如遇西宁阿坝有警标营一将如遇
山硖镇夷有警各听调发相机应援至于每岁秋防大将于硖石水磨川凉州等处适中
之地驻劄镇防令一裨将领精兵六七百防凉州中协驻永宁西协驻高台以备御东北
之虏中西二协守仍照西宁副总兵先年事例行礼部各铸甘州凉州协守关防各一颗
主将协守遇警俱要彼此相机策应务期万全奉旨依议行

○直隶巡按汤北京言通州为畿东首冲水陆要会重徵叠税几至数十如竹木窑
坐进宫广和店弘仁桥五里店浮桥土桥喇叭桥竹厂房号车价加增屯丁角□羊店等
税河西务税于外矣又有通湾之查税崇文门税于内矣又有巡拦之拏害城中复有税
课局每年额输二百一十余两为本州官吏折俸儒学昌镇漕河振武营心红本道抄报
工食之用今议蠲抵俱有头项则此税可罢局可撤官可裁凋疲之民亦少受毫厘之赐

○大同巡抚汪可受〈 铨-金〉乞归养部为覆请温温旨慰免供职

○云南参议周汝观倪壮猷各称病乞休部为覆请许之

○原任湖广巡抚今升刑部左侍郎张问达以积痾复甚四< 〇〇〇 毓-金 >乞休上不允且谕邦禁重务见在缺官著上紧前来到任

○戊戌升刑部郎中朱万年为贵州安顺府知府

○礼部覆漕臣孙居相条摘场蠹四款一慎选用内帘入帘分考择才行兼优之士及品望峻洁者其有营求树私等弊俱听监临部科指名参究一禁隔房取士分卷之初明用号印有私相更换得以中式即系关节不许上榜一禁逐年毙端怀挟传递埋伏买号在监临关防之不严割换抄誊在弥封受卷之不慎今后须择老成忠实者供事不得充以积胥落卷发提调给散诸生若有前弊该所官役尽法究处一实反正文体取文务求醇正典雅其有吊诡抉奇谈禅说偈等语必黜无录试卷到部严加查核但有前毙举子黜革考官降斥奉旨依议行

○己亥复除原任编修张瑞图原职

○御史凌汉翀< 〇〇〇 毓-金 >称举人刘琛钻买房考行人李一公中二十五名朱良材贿买同经曹燧中四十一名富监王廷鼎乔之申等或三千金或五百金贿买进士王象春请敕下三法司会问科臣李奇珍亦参顺天乡试四十七名举人张世伟贿通象春幸中本房礼部请并究处有旨著法司并问

○国子监署监事右谕德周道登言太学诸生年终有假元宵有假驸马二室懿亲尤当曲体请命驸马冉兴让朝贺并放假如例

○原任凤阳巡抚起升南升刑部侍郎李志< 〇〇〇 毓-金 >辞新命 上不允且谕近来各衙门每称乏人乃已经点用的又率推辞不赴以致大僚愈乏责将谁诿都著行文严催不得迟慢其例不应辞的不许渎陈

○庚子御史毛一鹭< 〇〇〇 毓-金 >请枚卜因言顷见辅臣< 〇〇〇 毓-金 >中有意见易窥物情难厌语臣未敢以为然辅臣之意无亦谓世局曹分群议互角姑为是调停以自完耳夫台衡何地所主张何事有意为调停势必不顾事理而顾物情夫情则何厌之有故以主持为调停天下受调停之利而辅臣不必有其名以意见为调停则辅臣日费调停之苦而害反甚于不调停乞谕辅臣勿为世局物情横生避就尚为国是人心立一主张

○辛丑予辽东巡抚杨镐请告仍命料理边务候代

○革锦衣卫都指挥使陈居恭南镇抚司佥书任闲住居恭为御史万崇德论刑余冒荫遂称病径去兵部以擅自离任糾参 上怒其职列禁卫大干法纪著革任闲住

○升莱州参将曹登衢为宁夏副总兵镇番参将崔廷振为洮岷副总兵玉泉游击张调元为神枢二营参将威远参将陈国策为固原镇参将延绥入卫游击白兆庆为清平参将起原任参将袁登为庄浪参将刘宁为天津游击升墙子岭提调吴守德为大同入卫游击镇城坐营鲁之繇为威远堡游击起原任都司金城为四川都司佥书

○壬寅起原任总兵王学书以原官挂印充总兵官镇守宣府地方

○礼科都给事中周永春题 瑞王嘉礼奉旨选妃几四阅岁时已过缓春秋二十有二年已过盛诸臣连篇累牍请已过烦 皇上何爱一俞旨俾三星获遂于绸缪瓜瓞早叶于蕃衍而泄泄若是愿谏吉举行且言 圣母闻之必有喜动慈颜者

○癸卯 世宗肃皇帝忌辰遣东宁伯焦梦熊祭 永陵

○升吏科都给事中曹于汴为太常寺少卿改刑科都给事中翁宪祥为吏科都给事中

○允于汴请告于汴拟推太常两年矣阁部院科屡为催请于汴亦自以亲老称病几十余< 〇〇〇 毓-金 >皆不报于汴遂出城候命至是计期甚迫廷臣又申前请 上意仅许其去辅臣言于汴资俸最深贤劳最著台臣如钱桓乔允升等皆已升京堂独于汴靳此一转国家叙迁酬劳之法甚失其平乃从之

○工部右侍郎刘元霖连章称病俱被旨慰留仍命司官敦促视事不得渎陈

○原任江西巡抚今升南京兵部侍郎卫承芳再辞新命不允仍谕留曹乏人著上紧到任

○刑科给事中郭尚宾奏按臣荆养乔擅自离任都御史许弘纲引前御史乔应甲例议降俸二级以为视应甲止降一级重矣视史记事郑继芳之免处又重矣弘纲之意是或一道也顾臣以为径行显失也降俸虚罚也记事继芳之去与免天下共知之矣故向来未有言者深于国体为可惜尔自昔径行而处者弘纲不以山西巡抚降职调外乎副都詹沂祭酒周如砥尚书李楨不间住乎科臣孙善继不为民乎科臣刘道隆台臣吴亮不降职三级乎于彼镌职于此捐俸大臣饘官小臣减禄岂王政公平之体耶弘纲复言尚宾言是请亟下其< 〇〇〇 毓-金 >俾臣院有凜然难犯之法纪纲幸甚

○甲辰 贞惠景皇后忌辰遣武平伯陈如松致祭

○以临淮侯李邦镇掌府军前卫印管事

○以佾书骆思恭管锦衣卫堂上事

○予光禄寺卿赵健请告印著本寺寺丞王象蒙署掌

○乙巳兵部题覆福建巡抚丁继嗣巡按陆梦祖奏擒获通倭蔡钦陈思兰等乞宸断处治亟正重典以彰国法并申严海禁一责成澳甲二责成县官三责成官兵四责成各道 上是之仍命依议著实行有违玩的查参重治

○吏部覆工部参管节慎库主事李垂街降一级调外任用从之垂街先为御史潘浚论劾侍郎刘元霖乃具< 〇〇〇 毓-金 >糾参

○右给事中徐绍吉条场事五款以佐部议一破取卷之额数一核试卷之情毙令将朱墨卷送该科查阅一严殿试之真伪以杜倩笔一革第后之陋规不至重苦寒士一禁輿从之侈靡

○丙午给事中余懋孳言当官之蠹莫甚于贪入京之害莫甚于竞昔科臣温纯执书问以参劾说者疑其太激今日欲挽狂澜非此法不可请敕五城厂卫缉事衙门于挂榜拾遗之前有差人奔走窥睚者立行拏问枷号如此而两月之间所省天下物力必多

成就天下人才不少矣然奖恬以风励天下尤宜破格乃若俸深应留之官各照旧规远寓静听公评毋得自损雅重

○御史李若星奏目击库藏积毙蠹国病□敬条四议一钱粮之出入宜明 祖宗设科道巡视两主事监收岂有但管入不管出者请自今除内库听该监收纳臣等严查外十库凡有收放该监即知会臣等公同出纳庶无侵漏之毙一硝黄之积贮宜预该库循环原有硝黄五百九十余万永乐年间硝黄尚贮南库嘉靖初始议煎剔万历十一年奉旨查盘辄化为尘土矣今入数虽盈存积寔少宜另造一外库于火药局之空处以贮存积备缓亟之需一红萝之□役宜恤一内监之柴炭宜折

○蓟辽总督薛三才题昌镇缺额积欠三万二千九百余两十九年经制后续加台巡粮料银三千五百五十余两又增 永陵 昭陵卫军二百八十名多米二千八百余石除三年来节省脚价一万四千二百八十余两抵补外余欠应责成管饷郎中逐年补足惟加增粮料折色本色二项不得不望之太仓矣至于密镇积欠至二十余万更有失计漕脚营饷二项八千三百余两新增行粮料草一万五千四百余两为计更难臣衙门设有义兵银一万五千两为西虏抚赏各军犒恤之用今赖蟒阿拜诸酋已叩阙服罪东虏虎墩炒花亦渐有悔祸之意则调遣可省犒赏亦省每年可拨五千金助饷又臣衙门材官等项原额八十七员每年廩银二千六百余两米四百三十余石名虽储材实多冒滥今刻意汰云可省银一千三百余两米二百余石此外仍多方设处但势不能俱取足于本镇更不得不望之太仓乞并编入年例内照数给发以免脱巾之虞并请将漕脚营饷二顷仍复旧额派角□羊

○戊申宴乌思藏番僧如例

○覆四川巡抚标下旗鼓守备徐允英升峨眉游击

○己酉给事中孙振基奏另城郡王三晋独多自前任山西巡按御史康丕扬乔允升比照荆宗属楚事例相继题请近晋者隶晋近沈者隶沈业奉 明旨咨行抚按酌量远近径行分属晋中小民靡不欣慰庶几得免诸宗吞噬之苦顷宣宁等王管理府事辅国中尉充革□美等以有碍 祖训为言谓宣宁隰川二府系代藩分封改属不便夫以高皇帝之亲藩治 高皇帝之遗业有何嫌何疑而云不便也查万历年来隰川宗室充摭俊梨等俱禁住晋府闲宅代宗既已受拘禁于晋藩何沈藩之不可以钤束乎代 祖训谓彼此颡颡不相弹压指秦晋诸亲藩言耳岂为小宗言且 祖训之后复有条例要例如谓分属有碍训典则 列圣酌时审势补偏救毙者俱为赘疣乎又为曰谬曰惑曰遁三段以驳之

○礼科给事中周永春条陈场事一严誊录二调孤经三禁私会四禁拶卷五禁荐卷六议刊文七严关节八严责成刊文一事台省多言之者然未果行

○庚戌升文选司员外常澄为验封司郎中以添注少卿陈禹谟为太仆寺少卿

○兵科给事中赵兴邦上言虏封未妥成命久悬谨陈操纵之权以存国家大体卜

酋之封为时已久尸口句尚未结以臣所闻有可虑者二一卜石兔与素囊讲争八事如归化城银佛殿八板升及市马之类卜酋且挟争以要我曰家事一日未了则封事一日未成今各部落回巢矣敕书已到边矣彼来愈缓我来愈急犬羊之性何常溪壑之欲难厌与则溢额不与则败盟且悬王爵于塞上委君命于草莽轻中国之体褻朝廷之尊亦失策甚矣臣愚以为卜酋既往成命当收以此示绝未为不可如谓卜酋之去既云天寒无依情有可原约以春尽到边违则弗予庶操纵之权握之自我于国家大体犹无失耳

○辛亥复除原任简讨薛三省原职 ○吏部题三十八年咨访考选行人冯从龙知县王道成等六员制满赴部请各暂拟授部衔俟台省员缺考选从之

○予顺天府府尹袁奎请告

○命府丞乔允升代行朝覲事通判詹廷署掌印信先是奎有群从弟袁懋麒已中顺天五十名避奎提调嫌置不录久之懋麒卒于京师科臣余懋孳论副榜监生余焕卷面有批中第一百名字为主考草率因言奎厌处闺中急欲了事以致一切周章遂及懋麒事云奎有意死之奎屡辩过激台省交论乃称病去焕卷则中书于发藻房皿号卷溢额裁去者焕遂谓为童学贤更换非也是时又有二十五名沉德符者以外议置之注明卷上言责主考于焕卷失注云

○命勋卫张嘉猷袭彭城伯爵郭祚久袭成安伯爵

○升云南右布政刘之龙为湖广左布政

○升大理寺右寺丞张涛为都察院右佥都御史巡抚辽东

○升尚宝司少卿郭实为大理寺右寺丞

○壬子命御史徐应登往应天巡按

○兵部覆宣大总督以剥军啖虏参守备刘可畏景必诚俱革任回卫从之

○是日兵部又题春汛可虞海防宜急请敕南直浙江福建巡抚衙门遇春防移驻海上将各分信地兵将火器战舰器械及堵御策应哨探方略逐一开报限三月内到部防汛毕查核功罪具奏覆请定夺辽东海盖练习兵船并如三省之例务求实用以破向来申饬之虚文是之

○吏科都给事中翁宪祥敬陈末议以襄计典在计前者曰惩创宜严不以甲科宽假不以墙壁阻挠不以去任漏网曰奖拔宜公请行庚戌奖廉故事曰幸门宜塞曰诬谤宜察曰拘挛宜破在计后者曰摭辩宜申曰迁转宜慎不得改教及补虚衔或暂繇首领即转节推是察处翻为荐剡也曰降调宜审从未有外官被察反补京职者近来始有之遂有以贡繇京幕而升京县亟当禁绝曰旷职宜惩

○署刑部事左副都御史许弘纲请乘春令释累臣以普皇仁为卞孔时等

○癸丑大学士叶向高奏推补阁臣屡请不报今岁序将新谨将臣廷机去后催请 < 䟽 铨-金 > 揭开列以闻本揭共计十五通专为请补阁臣事伏望 皇上留神简阅以释臣疑仍即命该部会推点用若犹不赐省则臣真无复留之理并言明岁会试主考

发矜疑奏疏言今岁十月复蒙皇上停刑其情可矜疑者即开请 上裁矣岁已云暮春将复来乞沛 洪恩得早苏释 御史刘策言吏治久窳乞修斥涉实政一在惩贪一在旌廉一在破资格之论以励庶官一在留州县之良以俟考选

○甲寅日讲官礼部左侍郎翁正春奏旷职增忧乞赐殛放不允仍谕以春直讲须谨履端在迩贡举及期岂得以人言求去还着即出供职正春以会议庚戌科场事为科臣斥诗教论其支吾首鼠因及代题郎中鲍应鳌告病疏盛加称诩且云从优铨补以堂官而过举司官为失体以病疏而妆成荐疏为徇私正春亦宜具疏辨旋称病久不得旨辅臣为言目下有湔除习仪元旦等事过此又有科场皆礼臣事且言今岁该部事多正春调剂独苦而言者倾未有亮益见大臣任职之难乞简发前疏责令供事于是 命始下 升燕河参将白慎于为孤山副摠兵山西掌印都司郭钦为山东莱州参将山西巡抚标下中军周有道为威远参永昌参将秉谏为镇番参将琼崖参将张守贵为福建南路参将右翼营游击刘士英为辽东巡抚标下中军威远守备盛以彰为延绥游击陕西行都司我守礼为玉泉游击

○乙卯调稽勋司员外孙鼎相补验封司员外 兵部题九塞自蓟门而西皆有边辽独无之其中虏患视各镇亦独惨则追之闾子利害大也今按臣张五典扼腕辽事欲大修边计此辽人万世之计也然作大事者必先定其规模已乃条其委悉今宜移文辽镇督抚按官悉心会计各道所辖应修边墙若干墩台若干应用银两若干除营军不敢轻动外其扣祈班军之半与徼夫地亩勾查余丁募夫修筑何者为便即自四十一年春季始集议停妥画图贴说以凭覆议从之 是日又覆蓟辽总督薛三才题十一月二十四日蟒金儿等酋乘我兵出边烧荒即以是日丑时繇中右所国山堡入窃掠曹庄掳去男妇五十七名口马牛驴六十匹宁远参将季应选虽冒死冲锋然众寡不敌阵亡官军九十四名重伤一十九名马一百八匹请将应选究处中右所游击祖天寿哨探不审应援无功守备王世禄等各有疏虞并应究处仍 敕行巡按御史严行勘究从之 南京给事中高节参保定巡抚刘学曾男刘奎伪造马牌肆行无忌部覆请行南京法司提问报可

○丙辰大学士叶尚高言明岁元旦乃 皇上临御之四十一年万历无疆之祚此又一初顷蒙

皇上点用左都御史等官宪度一新朝端生色仰见 圣明之心与 天合德惟臣所竭力祈请补阁任一事尚未见 施行人情犹郁 皇上奈何惜半行 明旨不为臣体恤乎林下废臣困厄日久身既可措情亦可矜愿 皇上普赐收录以昭圣度又被逮满朝荐等三臣当此履端之时人人之为望恩我 皇上天覆地载前此被逮诸臣无一不获释放岂其独靳于三臣乎今岁序更新 圣恩席布万方计吏云集于阙廷拭目以观 圣天子之德意故敢复冒昧若此 升编修孟时芳为国子监司业 礼部左侍郎翁正春奉 旨供职并请亟补臣以袞大典得报尚书等官俟即点用仓场摠督孙璋疏

辞总宪新 命不允且谕以计典已迫着即到任供职 御史刘廷元条陈京营弊政一军实宜核言三大营自副参游佐下至千把总共五百八十八员即一把总月役军四十八名矣其他侵占当不下三四万人一军器宜利一枢属宜复请比照仓场分司漕运理刑总河分司事例添设枢属二员凡营中官吏贤否士马虚实器械利钝钱粮领散皆付之稽核以课其殿最

○戊午 禘祭于 太庙遣成国公朱纪臣恭代

大明神宗显皇帝实录卷之五百三

大明神宗范天合道哲肃敦简光文章武安仁止孝显皇帝实录卷之五百四

敕修万历四十一年正月己未朔上不御殿

文武群臣及四夷贡使于午门行庆贺礼 大学士叶向高诣 仁德门叩头称贺以正旦令节颁赐辅臣上尊珍饌

庚申

命辽东抚按官谕朝鲜招募训练防倭仍责成海盖道简除戎器制练兵舡务求寔用以壮声援初倭窥伺海上朝鲜不交按臣张五典议用南兵教朝鲜水兵边兵教朝鲜陆兵兵部尚书王象乾以我之南兵沿海而守才足防海我之边兵乘障而守才足防边何地之警可以少缓何地之兵可以姑撤况出水陆兵于玄菟之间寄食彼中则小腆之物力何以常继老弱往馈则间关之道路何以自给惟以中国之事责之中国以属国之事责之朝鲜所以为属国谋者正如是耳

上是其议

辛酉宣宗章皇帝忌辰 遣官祭景陵壬戌 兵部奏迩来升迁武职官员 敕书文凭割付多不关领乞行巡按官查明报部从之

大学士叶向高言臣之请补阁臣苦心苦口无所不尽旧岁不得望之新岁新岁不得更将何望伏乞详览施行但使此

旨一下欢声沸腾亦助

皇上之吉庆也已而科臣余懋孳官应震等罗列独相之害以

责向高向高复具揭力请不报命户部侍郎李汝华署总督仓场印癸亥 礼科给事中杜士全言

皇上抚灵长之运亨苒苒之禄已四十有一< 禘 冀 >于兹属当元会届期同轨毕集固宜有 景星庆云以呈 上瑞而乃狂飈震撼夜以继日致阳曜为之寢光衣冠为之失序斯岂小小变异而已昔梓慎之言融风也以为火兆迄次日而通衢之火作矣火之神曰郁攸郁者蕴也积也火未有不蕴积而发者今天下之郁甚矣如 郊庙代荐袞冕不临将两间之盼蚤何居 累朝之怨恫奚释则 天地 祖宗鬱矣讲筵长辍青宫无出阁之期 藩府落成就封无蠲吉之令冠婚未举壮年抱怨旷之嗟则 太子诸王鬱矣揆地之请补不报大僚之摄署兹焚封事惟有留中百司动见掣肘迁客之

赐环无日覆盆之昭雪无期皮骨仅存而攘不已膏血已尽而吮不休则大小臣上鬱矣
逐臣縲臣鬱以至闾阎小民无所不鬱焉用敢直据所见

以闻冀皇上之万一转移以纾天下郁塞之气以承

上天仁受之心 时以会试主考知贡举缺官推原任祭酒方从哲为礼部侍郎礼
部侍郎翁正春为吏部侍郎俱未得

旨大学士叶向高言时日已迫人情皇皇不得不催讲简用以光大典礼科都给事
中亦以为言不报

甲子孟春享太庙命武定侯郭大诚恭代 是日又祭

三皇之神 遣礼部右侍郎翁正春行礼 考察朝覲官员

南京工部尚书林炆引疾乞休许之丙寅时东宫开讲福王之国瑞王婚礼廷臣合
词单词以请未奉

俞旨至是岁运方新冀望益切于是礼部署部事左侍郎翁正春连具三< 疏 疏 > 疏
金 > 其

请开讲曰东宫辍讲业已九年臣部与大小臣相继奏请不为不烦乃控陈愈切天
德愈高年复一年月望一月圣意洞邃诚非臣愚之所能窥也祖宗定制每岁隆冬辍讲
遇春即开今春光过半储讲无闻意者

陛下临御日久静摄多年视 天下事无一足为吾急而故缓之遂弃大本之地子
孙之计而亦缓之其何以对

列圣在天之灵而慰四海民臣之望乎且天下亦眷眷多事矣元日之风二日之火
宫府有釜鬻之形朝绅有甲乙之犄闾阎有萧条之象犬羊有内之萌是尚可泄泄曰无
动 为 安者即 皇上四十一年之金瓯不宜学倦于勤而 东宫之为天子可知即
皇元孙九龄之岐嶷且将蒙养其正而 东宫之为父可知臣伏睹 陛下聪明天纵
裁决机务每每出人意表奈何于日前极天之事灰迟疑岁月至此也其请之国曰今
国家 典礼所称最钜而未即举行者无如藩封一事中外人心所为拭目而亟当早定
者亦无如封期一事顷自我 皇上有不致临期失误之 旨凡各衙门罔不竭蹶从事
预饬诸务计日以候维城之驾乃 就国吉期未奉 明旨则百司庶府将何所据以为
准乎益 亲王体统既尊 典礼自隆有当先时而备者有当临期而催者即如行李所
用舟几千艘人几万余而车马糒粮各皆称是远者在几千里之外近者在数百里之间
督之蚤惧酿万口嗷嗷督之迟惧致一时失误今古期未定将催办乎抑不催办乎况今
青阳启泰黄道开祥四方拭目之时正万物咸熙之日乘兹景运出镇雄藩詎非普天一
大庆哉伏乞 皇上蚤沛纶音速令择吉断以阳明之侯为封建之期无再濡迟庶天心
顺而丕基昌人望愜而维城固矣其请婚礼曰人伦所最重而不可缓者无如夫妇人道
所最亟而不容后者无如婚姻我 高皇帝诏民男十六岁以上女十四岁以上各听及
时婚配得非以驹隙易逝燕婉宜求惟恐小民婚配或失时与而况帝子天孙之贵金枝

便为言 上曰朕以大典委卿何得屡屡烦渎其章奏还不妨票拟宜遵旨即入场供事

○巡按南直隶御史房壮丽以江南差烦赋重请折徵布银并蠲免叠税

○乙未大学士叶向高< 〇〇〇 毓-金 >谢典试因言 东宫开讲 福王之国 瑞王婚礼暨推补阁臣皆紧急迫切难以再迟入闱不便推请伏望省览

○丁酉 孝定皇后忌辰遣官祭 昭陵 ○遣吏部尚书赵焕祭先师孔子

○戊戌大祀 社稷遣武定侯郭大诚行礼

○孝贞纯皇后忌辰 奉先殿行祭礼遣官祭 茂陵

○向高既入闱大理寺左寺丞朱吾弼言辅臣勉承特命微臣实为劝驾乞 圣明事事断行以杜众口以安辅臣御史彭宗孟田生金给事中曾六德等俱以献媚丑之

○赐故太子太保南京兵部尚书邢玠祭葬如例玠山东益都人隆庆五年进士授密云令召为监察御史历河南佥事陕西山西右布政擢右佥都御史巡抚大同地方计擒叛酋安免升右副都御史又升兵部右侍郎总督川贵以平播功晋兵部尚书总督蓟辽保定东征大捷加太子太保荫一子世袭锦衣卫指挥佥事寻致仕卒于家玠历任四十年强半在边方盖所谓积劳之臣也播事则议抚东事则议战虽功效不同而其谋略为世所重云

○辛丑御史刘廷元劾奏新推光禄寺少卿于玉立依附名教翻覆风波今日谋殊擢明日攫要枢必至举朝成水大玄黄之战通国皆忧谗畏讥之人善类一空邪人充斥宜显示摈弃以绝覬觎

○谪礼科给事中曾六德为广东香山县典史先是六德曾例推未下寻守制回至是服阙赴补因刑部主事李春熙江山知县程鹏举以不职被察六德为之< 〇〇〇 毓-金 >辩语侵吏部尚书赵焕左都御史孙玮于是焕玮各纠其挠乱察典 上降旨曰考察系国家重典 明旨森严部院自有公处曾六德系年例外转辄挟恨反噬挠乱察典大干法纪本当重处姑远谪之仍谕以后曾推外转科道故违明禁借言报复者重罪不宥

○乙巳巡按直隶御史颜思忠< 〇〇〇 毓-金 >陈地方事宜一修复营兵以重海防淮扬东邻日本如廖角嘴突出海中乃倭奴首犯登岸之路犯嘴之南则通海等州受敌犯嘴之北则庙湾等处直捣诚苏松之肩背淮扬之门户国初于此嘴设廖角大河二寨拨通州所军七百名守卫委指挥千百户六员统领诚重之也后因倭警添设大河营把总未几移驻吕场大河寨尚有官军廖角寨则军去久矣今议于淮安大营调兵六百名分守廖角嘴等营寨仍委千百户三员统领以复国初之旧一蠲税除瑯以角口羊倒悬两淮岁办盐课六十余万足国济边不烦催督自有皇税以来横徵叠派吸髓敲筋商人不啻在汤火中鲁保物故未几复遭马堂扰害变乱成规商人逃窜利归群小怨归朝廷皇上未之思耶何如责成有司角口羊部恭进岂不正大光明又何苦令此辈剥削为哉一专理清军以速漕运卫所军差以运粮为苦而京操次之较之城操屯田劳逸悬绝此中无官专理各军藉口差系祖代流传急难更易不至逃亡不已及遇逃亡又信凭卫所

官金点往往卖富差贫何怪乎中途盗卖漕米什物弃船私逃致累运官稽延程限耶查得各省俱有清军道专司清查编审分别贫富消长定差合无炤例行淮扬三兵备道各专管清军事务五年编审一次分别消长贫富某某上等应定运粮某某中等应定京操某某下等应定城操屯田等项杂差庶法一于下军有定差而于漕运不无少补矣一查抵坍田以足粮额江北通海江仪一带州县田地强半滨临大江江河变迁此坍淤涨有等奸豪以粮田赋重芦地赋轻一窥涨出径赴芦政衙门报亩升科致使坍民赔纳无田之粮奸豪安享白占之利此江北病民之第一事也合无凡遇涨出田地先尽坍民各炤原坍数目多寡分佃听其自行开垦不许豪民越赴工部告佃庶赋课两不失额而民无向隅之泣矣

○赐乌思藏护教主董卜韩胡宣慰司别思寨安抚司朵甘司宣慰司直管招讨司国师阿折孟等三十名织金文绮钞锭有差

○户科给事中姚宗文以考选届期收罗宜慎因劾考功司主事涂一榛初得进步遂逞雄心恐变乱黑白颠倒薰莸乞先加放斥再敕台省诸臣公虚咨访务得真才以充任使

○丙午清明节遣阳武侯薛濂临淮侯李邦镇等分祭 九陵及 景皇帝陵寝哀冲 庄敬二太子园陵

○丁未 恭仁康定景皇帝忌辰遣官诣 陵寝行祭礼

○升宁波知府戴新徽州知府杨楷汀州知府陈以德各按察司副使新浙江楷陕西以德四川

○巡抚福建右佥都御史丁继嗣< 疏 >陈防海七事一择用水将副参游击等官员缺必查其曾历海上或长海滨方与填补有人地相宜者不妨就近迁转久任责成一督造战舰冬汛毕日各预先团造以备春汛之用春汛后仍再修造以备输流兑换之用道臣不时至厂一一验视果系坚固委官即与荐举纪录以酬其劳一调守要区松山系自浙入福之门户防御尤宜加严嘉隆间倭奴入犯曾拨船兵一哨于山久而舟师罕至虑有海寇乘间而起宜挑选精兵汛守此山贼不能飞渡一移防险塞三江口系闽中要地而刘澳去三江不远一厄此澳则三江之捍卫益严兴化之门庭益固一改设客兵海澄界在漳泉往来通番之地往往有岛夷巨寇窃发于此旧设团练机兵皆系土著而豪右因有挂名糜饷者宜改土易浙而浙饷故厚宜以浙之饷例给之宁减勿增饷分水陆三哨水又分为四舟募惯海者充之饷不议加而兵有实用一团造药器器械与火药虽岁岁造作然器械多以白铁抵铜火药多以沙土搭入临时取用百不当一宜专委都司一员日坐局中逐项简察道府官仍不时亲诣勘验必求精致以图实用一建复土堡泉州安溪等处居民自筑土堡营垒坚固无事可以储蓄有警可以藏避宜檄行各县晓谕军民多置土堡倘有外侮彼此相援真闽海久长之计也下部议可悉允行之

○升河南道御史余懋衡为大理寺右寺丞

口禾口鼎金口芋敬爽口口敬弥口金敬列口金敬口敬鐸敬口敬口敬口华土口每英
享口炎鼎口彳雨革口新口口里新口口里廷口鼎銳鼎铲鼎金口莎新走口立新土
口未新土口沓鼎饶俱为辅国中尉朝走口葍朝角口巾朝城朝敖口页在殡肃口口戚
在铎口口朝埴朝墉朝茎朝娃朝土口佳在金口口比在口金卜口口土口朝播在鉦鼎
金口箴鼎金口予鼎金口挈鼎鑼鼎口彳口尤口鼎汶鼎彳口致彝极彝口木弗虫口鼎
彳口犀谊渐口女谊口谊沙口金谊或口水谊冯口虫敬麇敬欢敬口敬金口綦敬口敬
口口金敬殿口金敬口火口金敬<𠄎朔金>谊口谊渐口金谊舍口水敬口卜<𠄎
几>金口敬口口金敬辟口金敬口金必皿口敬<𠄎汲金>谊尿口工谊永存樽敬
口林缶口金口谊鹿口录谊合口水谊璠存口口毛北口存木口尻慎鋤廷走口<鏝-金
>廷培廷走口不廷走口商廷走口并廷走口辟廷吉口支廷土口尻鼎镕鼎刨口口鼎
金口叔俱为奉国中尉

○庚申革辽阳副总兵郎名忠抚顺守备郭彦光董勋苏民牧等任名忠彦光仍行
巡按御史逮治以按臣张五典劾其奸贪残虐故也

○辛酉巡视京营广西道御史史弼<𠄎足 毓-金>陈京务事宜一清影占以实营
伍一汰老弱以省冗食一建营房以聚兵众一选教师以广训练一修马政以备操乘一
造战车以备冲突一均推毂以报劳臣一慎听用以储将材一严夜巡以防不虞一信赏
罚以鼓士气并<𠄎足 毓-金>论巡捕营提督凌应登克削贫军败坏营务宜亟斥奸妒
别选贤能以饬营政

○壬戌四川马湖府沐川等长官司来朝贡马赐钞段有差

○升朵颜卫头目小思更生晚来福余卫头目伯忽孛来更名火烧赤为指挥僉事
仍颁给敕书令其赍捧回卫管束部落恪守职责

○荫蓟镇总兵官萧如勋子仪为锦衣卫左所指挥僉事以平宁贼功也

○巡按山西御史毕懋康以庸劣贪婪劾延绥副总兵王学书安边参将姜弼保宁
参将刘恩固原游击赵率教都司僉书朱腾擢武堡守备盛以彰双山守备李承业并命
褫其职

○赐少保兼太子太保英国公张惟贤母齐氏祭五坛初惟贤<𠄎足 毓-金>请恤
典礼部言一品夫人祭二坛系宪典但援成国公朱希忠例相同 上特命给之

○丁卯赐周府海阳王朝升谥恭懿沈府定陶王胤樾谥懿庄沁源王瑄墀谥懿肃
赵府寿光王由桂谥昭敬德平王载璫谥惠定

○壬申 武宗毅皇帝忌辰 奉先殿行祭礼遣官祭 康陵

○癸酉策试天下贡士赐周延儒等三百五十名进士及第出身有差

○巡按陕西毕懋康<𠄎足 毓-金>陈边事一曰裁冗员二曰开河运三曰兑钱粮
四曰通盐法五曰广余储六曰并京盘七曰修险隘八曰严哨探九曰禁冒滥十曰禁游
客下所司议可悉允行之

○夜望月食

○甲戌番猓攻围邓家湾等处杀掠无算巡抚四川都御史吴用先请增兵惩创并陈剿抚事宜道将功过章下所司

○升归德府知府郑三俊冯劳谦阎溥倪朝宾黄体仁郭维祯乔进璠等俱为副使三俊福建体仁山东溥劳谦朝宾益四川维祯进璠并陕西

○升广平府等府知府南居益马人龙为按察司副使并提督学政居益山东人龙湖广

○丙子户部覆凤阳等处巡抚陈荐议言淮阳边海之地倭夷相望之所尤为利害所关其兵饷宁可缺乎见在官兵及战马战船各粮等银共一十五万八千六百九十两除扬州府有抵饷银一万二千两其十四万六千六百九十两应派所属微角□羊以备防海官军支用俟地方无事兵马渐减查将应减数目从实题裁不得虚冒滥派以苏民力得旨允行

○命广东道御史董元儒巡按广西

○升山东副使高第为湖广右参政福建右参议吴中伟为湖广副使

○升兵科给事中朱一桂为湖广右参议陕西等道御史陆梦祖王孟震为河南等处参议湖广等道御史侯执蒲潘珙为山西等处佥事

○升山东布政使司参政李本纬为本省按察使江西副使洪佐圣为本省参政

○改浙江副使毕懋良为福建副使 ○丁丑铸协守甘州副总兵协守凉州副总兵各关防先是巡按御史徐养量谓甘镇辽阔逼近虏巢非各路将领联络统辖何以应援无误议将甘镇三路副将炤延蓟事例分为三协西宁副总兵为本协威镇二将属之凉州副总兵为中协镇番大靖永昌一带属之兼援阿坝大松山二营甘州副总兵为西协高台洪水一带属之兼援肃镇二营俱听督抚镇节制其庄浪一将如遇西宁阿坝有警标营一将如遇山碛镇夷有警各听调发相机应援至于每岁秋防大将于碛口水磨川甘凉等处适中之地驻扎镇防令一裨将领精兵六七百防凉州中协驻西宁西协驻高台以备东北之虏中西二协仍炤西宁副总兵先年事例铸给关防委任责成以重职守以保疆圉允之

○戊寅刑科给事中郭尚宾言粤东自万历二十七年至今角□羊过税银二百六十万矣此他省所无而粤民空杼轴以应者财力已竭乃求之犹不休乎抚臣张鸣冈按臣李应魁王以宁无不具〈□足 铕-金〉叩阍即税使李凤亦曾有〈□足 铕-金〉请减毋乃具悉民穷之可悯离散之可虞而为之请命乎乞 陛下慨然赐之俞纶如天之仁实沾溉于炎方矣不报

○巡仓御史耿鸣雷言凡漕粮进仓各仓抽掣斛面严禁执役之人不许作奸高下其乎遇有缺角惟令补足不得尽装没入庶积役需索可杜贫军困累少苏下户部覆如鸣雷议 上从之

泰亨为国子生

明神宗显皇帝实录卷之五百七

万历四十一年四月己丑朔享 太庙遣武定侯郭大诚代

○庚寅荫故兵部尚书顾其志子绎诒为国子生录斩获挟赏虜酋功也

○改荫故兵部尚书李文子楨陞为中书舍人楨陞应升锦衣卫指挥同知至是愿承文荫而以其子嗣焘承袭武荫上特允之

○辛卯初御史吕图南以浙江巡按改南直隶学差科臣周永春< 〇〇〇 毓-金 >论图南绵弱不胜其任宜敕部院另行推举给事中丘懋炜御史陈一元王命璇与永春互相纠驳图南竟谢病缴敕印去

○壬辰总督蓟辽保定等处兵部右侍郎薛三才引疾乞休 上以蓟辽重地温诏留之三才先为湖广左布政使按治楚狱至是御史潘之祥追论会审多官曾无以平反之言进如汉田叔之烧梁狱辞者三才< 〇〇〇 毓-金 >辩言臣虽不能平反斯狱而于当时抚按诸臣争之强辩之疾屡至于失色争之不得至引故宗伯郭正域手书为证而当事者遂疑臣与正域实与诸宗谋而酿为此变几欲形之论列臣是时便欲乞归而同事诸臣谓臣一去则当事者必论臣与正域而地方又多一番枝蔓盖是时正域正以此事听勘故也臣以此隐忍不遽去然臣始终必不敢附会当事者意按臣吴楷诸< 〇〇〇 毓-金 >具在臣曾有一字称楚宗谋反乎然臣不能平反斯狱实臣之罪且衰病侵寻日甚一日始必不能副 皇上封疆之托也

○户科给事中商周祚言迩者会试届期 皇上特出中旨命阁臣叶向高典试英断不测出人梦想意料之外一时人情且惊且喜此端一开他日朝廷用舍举措皆以内批行之果出 皇上之本心自有英明之睿断第恐嚙笑易窥丛神暗藉一夕独违廷议而宫中突出片纸欲用某人托之曰此 皇上独断也天下事尚忍言哉不意棘闱甫阖果有谪处曾六德之事虽六德贾罪有因而受谴太重士论惜之及见阁臣出闱之< 〇〇〇 毓-金 >始知出自中旨不经票拟致使平章不必执其咎言官不得矫其非其为圣德累岂小哉

○大学士叶向高言臣请补阁臣不敢具揭烦渎 圣听每日诣文华门叩首祈请业已旬日未蒙 俞旨今 福王之国无期 瑞王婚礼未就满朝合请尚未见报而臣下又纷纷呶呶争辩不已 皇上视此世界果臣一人之力能独办耶则亦可以亮臣之请出于万不得已而非敢为渎奏矣

○改礼部左侍郎翁正春为吏部左侍郎

○升江西左布政使王应麟为顺天府府尹

○升江西右布政使李长庚为本省左布政使

○兵部尚书王象乾请 福王之国之期得旨 亲王之国

祖制在春今已踰期明春举行军士月粮按月给与应行犒赏事宜所司酌处务使

军民得沾实惠民船听其装载毋得留滞以示朝廷优恤之意

○甲午总督蓟辽兵部右侍郎薛三才言奴酋窥伺我开原志久不小所忌南北二关款酋为我开原藩篱未敢遽逞比年席卷南关蚕食卜酋而又厚结暖宰西酋阴谋大举群驱耕牧罄垦猛酋旧地震惊我开原边垒此其志岂在一北关哉无北关则无开原无开原则无辽无辽而山海一关谁与为守是奴酋之穷凶日见猖炽如此乃辽中事势又未易言兵臣谨修文告往谕祸福至再三矣如其怙终即欲讳言兵而不得矣章下所司

○命上蔡昭敬王翊_{（金 具）}嫡第三子常_{（金 壹）}袭父爵

○乙未左都御史孙玮乞休不允玮以勘熊廷弼给事中忤诗教攻之玮连章请告上报曰御史相争奏请行勘自是宪体是非曲直勘至自明何乃纷纷逞忿攻击因一小事便欲逐一大臣玮还仰体简任至意即出供职后有偏护多事者罪之

○大学士叶向高引疾乞休以南京御史汪有功大理寺寺丞朱吾弼责其出讲就封枚卜等事有将顺而无匡救也 上诏慰留

○南京云南道御史吴良辅诬劾都察院左副都御史许弘纲弘纲言臣出山三年被言屡矣嫚骂出于佣书故得以其人而置之参驳止于一事犹得就其指而明之今良辅则言官矣尽人间之秽恶悉傅臣身举世之浮名都成罪案从来大臣之受辱未有若臣者矣臣而可留孰不可留臣去可缓孰不可缓哉时左都御史孙玮正以人言求去大学士叶向高言两臣去而台端几空矣大僚几何而决裂至此哉玮之被言也在于熊廷弼之一勘当时臣亦曾阻玮谓必致纷纭而玮云吾于廷弼原无成心但求曲直明耳乃言者因而攻玮相继不休玮事 皇上将四十年其历官行品著在耳目而以此一勘遂加恶声臣窃以为过矣弘纲之被言也由于京察后之一_{（金 铨）}当时臣亦曾告弘纲谓恐生形迹而弘纲云吾于京察原无异同但为息争计耳乃谈者因而病纲至今未已弘纲事 皇上三十余年其历官行品亦著在耳目而以一_{（金 铨）}遂滋浮议臣亦以为过矣然此犹仅为两臣言也今九列之间能自免于人言者又有几人今日言一人而一人径去明日言一人而一人又去甲贤乙否终无完人此救彼攻相随俱败非但内之大僚将空即外之督抚其存者亦有几山林之木不足以供野火而况此寥寥数株乎臣方求去之时而复言此盖有感激于衷不能自己且恣堂堂纪纲之地为之一空将来更有难处故不得不陈其愚虑以上听 圣裁而下与诸臣之平心和气者共相斟酌

○巡抚延绥右佥都御史刘敏宽以被劾求退 上不允

○升工部郎中景昉为山东右参政备兵天津 ○己亥予南京户部右侍郎方弘静祭葬如例弘静徽州府翕_{（金 歙）}县人嘉靖庚戌进士知东平州历曹郎藩泉太仆卿升都察院副都御史抚治郟阳寻晋秩改巡抚浙江五_{（金 铨）}乞休历官一十五任享年九十有五岁赐存问至是卒弘静宁定恬素不与时移历试诸藩多所建竖至

海上之防奇谋制胜弗自居功既归而型家范俗终始不渝享卫武之年时谓天之报施善人不爽云

○辛丑 孝懿庄皇后忌辰 奉先殿行祭礼遣官祭 昭陵

○壬寅改福建副使郑三俊河南副使吕邦燿各提督本省学政

○原任吏部右侍郎王图假满以疾辞允之 ○乙巳奴酋顺代领达子八百余骑驻劄清河市又合西虏爪儿兔卜儿亥宰赛暖兔大小二十四营达子同抢北关巡抚辽东都御史张涛告急言奴侵北关止开原一间而清河款市从来不容干戈之地奴陈多兵兵尽甲马意欲何为逆其本谋或恐我兵往救北关故提一旅牵制使我兵不出而彼得大逞于北关不然则是播弄诡智姑耀武愚我而潜与贿结之西酋分抢内地包藏祸心大求愉快而不独兵一北关已也宜调近镇兵马先期入辽使奴犯开原当并力追剿灭此朝食倘止犯北关亦必声言救助问奴何必杀我七部属夷何为夺我发给吾儿忽答等敕书三百六十三道又何为一旦叛款陈兵犯顺是奴酋负反逆之大罪我师得肆征之大义扫除狡孽荡涤妖氛在此举矣

○左副都御史许弘纲以御史吴良辅劾奏再< 〇〇〇 毓-金 >求退得旨弘纲公清正直风宪重地正赖振刷纪纲何乃以浮言求去所辞不允

○辛亥东虏炒花会合宰赛暖兔等酋三万余骑于王文台劄营官兵御之巡按御史张五典以攻克边台七座杀掳中军千把总佟修凤等官军丁夜徒夫共五百四十八员名口闻巡抚都御史张涛以堵截叙功兵科都给事中张国儒驳之章俱下所司议

○乙卯刑科给事中陈伯友< 〇〇〇 毓-金 >陈四事其一言票拟必繇阁臣 祖宗良有深意即 皇上御极以来亦未有不经票而径发者乃昨者曾六德之处也而由内降棘闱之用阁臣也而由内降至封建何等重大事而明春举行之旨忽于兵部本带出此何为也此端一开始之为破例继之为故事匪独褻王言而祸机且伏之矣其二言法者天下公共即跋扈强悍所不敢抗黔国不由抚按径求代镇已非法矣抚按据法以请所以杜衅销萌意至远也乃两台之言杳不见纳而一偏之说取旨如寄况白发之勋臣果否衰惫黄口之哺儿果否赖其振刷而竟朦胧免勘则中有隐情可知矣其三言公议者国是之所由定也定则议明争则议混如近者熊廷弼以对垒之争成盈庭之讼有言必勘者有言不必勘者有轻出之以备勘议者有重入之以备勘议总之皆蛇足也惟听勘以完今日之局公勘以定他日之案而事无他说矣吕图南改差一节议又渐起图南端凝简静一望而知为君子此争为贤彼争为不肖枝叶渐烦本根益远不惟无益而所伤多矣其四言方矿税之起也当下有停止之命至今十余年而门工未竖停止无音耗也福王明春之国之旨其果遵 祖训耶抑姑为延捱耶今春之催请不下数百< 〇〇〇 毓-金 >何以忽踰期耶今春可踰焉知来春之不可再踰耶则曷若揭此衷与天下明见之示以明春何日起程何日至国毫无改移共相遵守之为便也留中

○大学士叶向高具< 〇〇〇 毓-金 >乞休 上谕曰览奏具见为国忠诚苦心劳力

圣谕责臣下之纷争惜老成之去国至抉其病根一则曰疑似一则曰疑畏大哉王言固已洞物情若观火矣然臣谓群下之相疑由诏令之不信也何以明之 皇上之于章疏也不曰朕皆省览乎而不报如故于诏旨也不曰出自独裁乎而窃弄如故于紧急大政也不曰次第举行乎而废阁如故夫九阍万里炆灶蔽明道路有口可骇可惊为言官者既不能面奏 宸宸又不能得之中涓则通中外之关而效感动者舍阁臣无责矣阁臣或不能尽得之 皇上而时或得之者终不外阁臣也惟有得有不得而疑必生则欲释群疑亦使阁臣无不得于 皇上可矣 皇上计不出此而欲以罪遣使臣下塞兑乎

○辛未大学士叶向高言 福王之国久已愆期臣工合辞苦请始奉明春举行之旨顷复以庄田四万督责抚按于是中外臣民又喧然惊疑曰王之为此请也果何为哉夫使必待四万顷之田足数而后行则之国将何日而 圣谕之所谓明春举行者宁可必哉臣观 福王< 〇〇〇〇 毓-金 >中首以 祖制为言夫所谓 祖制者 祖训也会与也 累朝之功令也今 亲王四万顷之庄田 祖训有之乎会典有之乎 累朝之功令有之乎臣不知王之所引 祖训何所指也如以景府为辞则自景府而前多少亲王其庄田之数并未有出数千顷之外者惟景府以 皇祖宠爱踰涯越分遂有此请 皇祖一时失计而听之至今议者尚追咎其事以为坏 祖制者景府也王奈何尤而效之乎自古开国承家必循理安分乃为可久如取之非制得之非道未有能晏然而坐享者郑庄姜爱太叔段为请大邑汉窦后爱梁孝王封以大国皆及身而败覆辙相仍难以枚数臣不胜爱王忠王之念不得不明言之时 上命河南山东等处抚按官于各地方细查各府所遗及应拨地土务足四万顷之数仍著本府自行管业以资贍养户科给事中姚宗文孙振基商周祚官应震皆以为言不报

○升左春坊左庶子何宗彦为詹事府少詹事掌翰林院印

○壬申赠故巡抚大同右副都御史张悌为兵部左侍郎

○赠故南京吏部右侍郎赵士登为右都御史

○乙亥左副都御史许弘纲累< 〇〇〇〇 毓-金 >乞休未奉俞旨南道御史宋槃复劾奏逐叩关出城 上以忠君报国大义责之不允所辞仍夺槃俸一年以其听人唆使挟私诬诋也弘纲< 〇〇〇〇 毓-金 >救并恳允辞 上复温旨留之竟夺槃俸如前旨

○陕西套虏阿不害等岁贡马匹宴赏如例

○巡按两淮御史徐缙芳赃至钜万为工科给事中刘文炳所劾< 〇〇〇〇 毓-金 >三上缙芳辩至再俱未得旨已而署都察院事刑部左侍郎张问达言缙芳被论之事迹多端长安之人言日至官箴所系国宪攸关可悠悠泛泛竟置之不问乎 上遂命巡按御史逮治

○命左车营修工军一千八百名分为三班防守黄花镇从巡关御史李徵仪之请也

○庚辰升礼部主客司郎中吴邦相为山东副使刑部陕西司郎中真宪时为江西

参议云南司员外林述祖为广西佥事并提督学政

○巡抚保定右佥都御史刘学会连章求退 上不允

○癸未 穆宗庄皇帝忌辰 奉先殿行祭礼遣官祭 昭陵 ○工部右侍郎刘元霖以母老乞归 < 〇〇〇 〇〇〇 〇〇〇 > 十五上 上以老成人少纷纷奏辞慰留之

○兵部尚书王象乾议覆巡抚贵州副都御史胡桂芳疏陈地方切要事宜一曰酌营哨建置之官以便防守苗仲盘据所在为梗而沿路哨多兵少反为贼制合将土兵守哨募兵尽取回省训练俟训练既熟分布于龙新等处画地防守庶苗害其少戢乎坝场原设有守备一员近颇宁谧而平坝至于新添卫参将亦属虚设合行裁革而于龙新平兴各设守备一员至清镇守备向无一兵欲议添清浪参将兵亦无几欲议裁事系湖贵两省俟会议具奏者也一曰辨苗夷顺逆之情以行操纵苗仲虽平制驭未备渠魁虽戮反侧未安水硯黄柏牛角三山等苗在思南石阡铜仁思州四府之中诱我逋人私相接济缓则为狡兔之营急则为困兽之斗虽其志止于得财而其患乃在剥肤合行该省抚镇设法分别示以威德晓以祸福如各苗悔祸不妨抚恤如或不悛议调集各处营兵及四府乡兵分路并进一举而歼灭之可也报允

○乙酉乌撒上舍安劾良与安云金口羽争立朝廷以嫡派故立劾良自是云翱数为乱谋逐劾良焚劫乌撒四川巡抚吴用先巡按彭端吾各上其事用先等以效良为安云龙亲侄云翱乃其堂弟亲疏判然宜仍立效良云翱扰害地方欺罔朝廷罪不可赦或以蠢夷为奸人主使情似可原姑准复冠带炤旧答应下所司议可从之

○丙戌遣怀宁侯孙承荫等为正使礼科给事中范济世等为副使持节册封晋王敏淳庶第一子求桂为晋王上蔡王翊 < 〇〇〇 〇〇〇 〇〇〇 > 嫡第三子常堂为上蔡王封谢氏为繁昌王妃陈氏为铅山王妃

○广西泗城州土官岑云汉等来贡方物赏赉如例

○礼部言 福王之国礼仪臣部职掌册印冠服车舆器械非可旬日而备即舟船之具多在江南三四千里外亦必数月而后能至顷已两月余不闻 明旨亟定行日而庄田四万顷屡屡催取夫 祖宗朝未有过数千顷者四万顷之例止自景潞二府今四万岁课业如潞府矣如是而犹取盈焉不止岂子之爱可加诸弟之上耶至自行徵收则又 祖制所严禁此非徒爱小民也正所以爱王国而搏节之安全之而不使其张威流毒少亏盛美也 皇上顾不念此而反欲自徵收貽 福王以大不安耶万一骚扰生患此时而欲一一奏请才行禁戢不已晚乎伏祈 皇上早谕钦天监选定吉日更祈 皇上动思典制宁加裁约毋过索取宁爱 福王以德义毋过徇之以姑息使中外臣上晓然知 皇上于筹筭明而计国家远也岂不美哉

明神宗实录卷之五百八终

明神宗显皇帝实录卷之五百九

万历四十一年六月戊子朔己丑锦衣卫百户王曰乾奏孔学等诅咒 圣母 皇

上及 东宫 上览< 䟽 毓-金 >震怒阁臣叶向高言曰乾孔学皆京城棍徒结告刑部事尚未了又擅入皇城放炮进本刑部以其禁地放炮欲拟死罪遂涛张至此无所顾惜此事大类往年之妖书而妖书出于匿名无可究治故难于处置今告者与被告者皆见在法司一审其情立见 皇上但静以处之不必张惶一或张惶则中外纷扰其祸将不可言

上览之意角口羊遂置不问

○给分巡绍台道分巡温处道印

○庚寅吏科给事中李成名< 䟽 毓-金 >论吏部左侍郎方从哲不由会推径用内批从哲不自安求退得旨从哲起用原出阁拟凡有推用系朕裁定不必以人言介意

○左都御史孙玮乞罢 上不允至是凡十< 䟽 毓-金 >矣

○先是吏部推转科臣以吏科都给事中翁宪祥首俸且管察典推太常寺少卿工科都给事中周曰庠次俸例应外推以管理重城工竣叙旁推道政司参议礼科都给事中周永春俸又次之陪推内转署河南道御史汤兆京谓永春不宜陪内< 䟽 毓-金 >论吏部尚书赵焕据例自陈得旨科臣升转咨序自有旧规卿公正无私不必自疑仍命该科议定归一之法以便遵行已而翁宪祥等查会典开载隆庆四年议准除吏部员外郎左右给事中以下及年未甚深御史应外补者随时推用外其郎中都给事中年深御史察其才力政迹酌升内外职任不许仍前但依咨次煌煌典制昭如日星盖掌印科臣固有内有外非一内一外当以才力政迹而酌升非以咨俸而叙升今一内一外之法不行于吏部郎中年深御史而独行于掌印科臣政体未平事理难角口羊谓宜一以会典为凭察其才力政迹而酌升之宜内者内宜外者外内而乏缺即太仆光禄尚宝通参与南京太常太仆等衙门兼用总之有酌之一字一内一外之局破矣内外之局破则正闰之名亦化矣其俸紧相接者才力政迹应内应外第就其人论不必就吏垣论至于诸臣中或叙功或使外国或起废不时内转自有成规谓之闰可也即不拘于闰之名亦可也部议可覆请从之 ○上谕内阁曰览卿屡屡恳奏具见忠诚为国清正无私凡事开陈朕所倚毗但近日议论烦多人情倾险卿坚欲求去朕心何安且国家政务朕未常不行止因儉邪群小不谙事体生事激渎故详览迟缓即如福王之国一享而言所请养贍田土并钱粮等项乃 祖宗所赐俱有成例非今创为奉旨已久尚无一备何以之国当

皇祖时 皇考与景王名封比肩故人心猜疑今皇太子与福王名分不同大义已定又有诸皇孙何疑之有况 祖制亲王之国举行在春今已踰期昨已谕卿明春举行必不再迟何乃大小臣工不能静俟纷纷渎扰以滋烦聒若夫矿税原为三殿肇举帑藏匿竭乃一时权宜之计非为福王之私亲王分封养贍田土有前例可比无额外增加该地方官不能仰承德意清查拨给徒务烦言阻挠大典甚非国体卿为辅弼重臣宜即出安心赞襄弼成化理不得过为疑忌向高又以 福王每月入宫为言 上复谕曰朕以

议从之

○赐故礼部右侍郎郭正域祭葬谥如例正域歿已年余未徼恩命礼部特为催请从之

○更铸兵部之印 ○命永安王府镇國中尉英鱼口黎为楚府宗副

○命御史耿鸣雷马孟祯李若星翟凤翀徐良彦各巡按鸣雷真定若星山西凤翀辽东良彦四川

○升云南按察使邓思启为四川布政司右布政备兵建昌

○先是辽东抚臣议调蓟兵五千援辽兵部尚书王象乾以蓟兵单弱不堪调遣议止援兵增募兵一千七百有奇合麻承恩见统一千二百九十余名曹文焕见统一千名共足四千之数合为一营训练防御既有济于辽而又无困于蓟两利之道也诏可

○癸卯命锦衣卫带俸勋卫张嘉猷袭彭城伯爵

○甲辰 睿宗献皇帝忌辰 上行祭礼于 奉先殿 ○虜酋卜石兔五路素囊把汉比妓兀慎摆腰等于五月二十五日至得胜市恭领敕赏六月初八日受封总督宣大都御史涂宗浚巡按御史吴允中以闻兵部以卜酋新为王诸部拥众自强群心未协宜飭沿边将吏严加备御庶在我有可恃之实而塞下安堵无虞 上是之

○ 上以左都御史孙玮固辞诏曰卿求去已屡旨慰留君臣分义国家纪法岂得不念若大小臣工皆不遵朝廷命令成何景象卿职总风宪尤不必以人言畏避

○通政使吴达可乞罢许之

○万历三十七年间因武定失守逮黔国公沐献至京仍以父昌祚暂署府事俟献子启元出幼抚按官奏请袭替至四十年八月昌祚径为启元陈乞得旨兵部兵科咸以未经抚按查核为言不报 ○丙午宁夏镇地震

○戊申以灾免湖广鄱县田粮有差并停徵积逋从巡抚都御史许汉儒之请也

○户部议福府禄米一万四千石徵派本色六千石每米折银九钱得旨照 潞王事例行

○己酉追封淮府德兴王载土口保夫人罗氏南康王载走口崇夫人谢氏各为妃

○荫南京工部侍郎万象春子德余为国子生

○总督两广兵部右侍郎张鸣冈言钦州壤接交夷水陆洞达杳无隔限一经大创防范倍难酌议善后事宜以图永安边徼一议复峒官四峒俱隶钦州仍每峒从夷旧俗置一峒官责令约束峒民徵纳丁银编立保甲毋令私通外夷勾引为患又令各相联属互为策应三年无过始请详二院给予冠带一罢互市利之所在人各有心况狡夷猖獗既投之骨而欲禁其不争得乎惟是豪丫啼鸡松径三村属夷向倚通市为命一旦禁绝能无怨心但既给有牛种资其生理又多方绥怀销其携贰彼亦乐为内附而无狡焉思逞之患矣一议琼崖参将移驻崖州以压黎夷崖州在琼岛尽头最称危险水陆官兵不满五百州官之外止有千百户数员与一二名色把总又无将领以弹制之万一倭番猝

至黎寇蜂起众寡不敌之形顷刻立见合令该参移驻仍量带扬威营兵兼同原兵加谨训练一遇有警悉听该参相机调度下所司议

○庚戌兵部尚书王象乾覆议太仆寺卿何熊祥条议马政一县官点马每年于四五月一点年终候少卿一点亦足以验肥瘠较勤惰矣如有仍前科罚及委佐领诸不法事听寺臣参究一马有倒失当官相剥割后左一蹄倒失数多者如例罚治其有仍有听凭马户妄报及委官相验诸弊听寺臣参究一非上户不许僉派马头诸贴户照田地多寡量出草料不许多索倒损追赔止及马头正户在逃即查贴户贴户又逃即查原地不许卖富差贫及听奸民以计逃去一马有倒失马废者追赔变卖银两及扣除草料即听营官留为军伴之用军伴所应支寺银即听寺收候买马兑支之法诚为两便后岁以为例其变买马价先寄宛大两县者宜令京营少卿委马政通判清查凡有侵欺从重参究一巡历宜改属于卿自十月两少卿出巡之后正卿集两县马于天宁寺查点印烙奖励其贤能即以其册送之少卿以防影射惟发寄两县马匹少卿仍掌之而造尺寸毛齿一册以送正卿此于体统两无所失而于职掌互有所司信马政之一助也 上报如议

○总督两广兵部右侍郎张鸣冈言粤与闽浙同一防倭也而浙未常与夷市闽市有往无来彼了海上双鳧乱飞皆湾弧向之无敢闯入乃粤则与诸夷互市而谢绝之难市则夹带倭夷杂处而辨别之难澳夷盘据内地近且匿养倭奴以为牙爪则驱逐之难闽广奸人窜入澳中搬唆教诱则堤防之难至近日白艚盛行在闽者以贩米为名拒之则病邻而不拒则交通百出在粤者以贸货为名禁之则阻绝生理而不禁则通< 粵 >通倭弊不胜究法不胜设然为地方弭隐忧则必严禁曲防毋姑息养乱之为得也章下所司覆议从之

○辛亥赠故吏部右侍郎刘曰宁为礼部尚书仍荫一子为国子生

○广东珠池自万历三十三年十二月十五日 元孙诞生恩诏停采后道路传闻有金吾右卫指挥倪英上< 疏 疏 >请开于是刑科给事中郭尚宾< 疏 疏 >论开采之害不报

○壬子大学士叶向高言臣奉命而出仅十余日科道交章南北叠上重者诟臣轻者责臣总由朝政之不行故致人言之洊及惟有哀祈

皇上先补阁臣而已阁臣补则议论自息门户自消开讲之国婚礼皆有能任之者不报

○刑科给事中姜性疏催热审因请释楚宗英嫫等暨咸阳知县满朝荐等

○癸丑 孝庄睿皇后忌辰 奉先殿行祭礼遣官祭 裕陵 ○先是晋之另城宗室宣隰怀仁等暴横纵恣为地方害巡按御史乔允升列诸不法状上闻谓另城无亲郡王之统摄而管理之权又轻所以凶横日甚议将另城分隶晋沈二藩诸宗有犯一如齐民之解审刑责诸宗庶有所畏而不敢肆已得旨下部覆议宣宁等府中尉充革□美充倖等疑夺其管理事权遂以溷淆代藩宗派渎奏礼部驳其妄引 祖训抗违

明旨法应革去管理其分隶事宜应遵前旨 上是之竟从礼议

○乙卯 孝穆皇后忌辰遣官祭茂陵

○广西思明州等土官入贡违期减半给赏

○抄花乃蛮等酋犯平虏再犯大宁巡抚辽东都御史张涛俱以捷闻

明神宗实录卷之五百九终

明神宗显皇帝实录卷之五百十

万历四十一年七月丁巳朔享 太庙遣武定侯郭大诚代

○命百官祈晴

○户科给事中官应震言 福王庄田屡廛

明旨四万势难取盈乞先示明春之国日期俟分茅之后渐次清查以足原额给事中姚宗文言亦今日 福王之田土巨万而以为未几他日三王之养贍千顷而有所不能不如内帑所贮多弘赐予使 福王不费经营坐享安富之实俱不报

○戊午礼部言 瑞王之年已二十三矣淑女之选又四年矣间关尚待聚室未期诸臣言者数数即臣部催请不啻再三而

皇上屡不报臣愚不能测也夫宇内匹夫匹妇有怨旷向隅之言 皇上宜为之泐然柰何至亲子媳之期反若罔闻耶臣查 先朝昏礼多有以八月行者乞速涣纶音择吉举行毋令众庶有以窥国家情意之疏与典礼之缺

○己未蜀世子奉铨奏葬父宣圻乞扶柩送至葬所礼部查例以闻许之

○初命韩府立宗学陕西巡按毕懋康言秦中四藩惟韩宗最为蕃衍亦惟韩宗最为贫困盖僻在西偏既不可为居积之计高寒寡获又不能得膏腴之饶株守一城之中计穷资生之策不流于花酒之场则惟作绿林之客何者计无复之耳查宗藩要例宗室蕃衍府分应该设立宗学合无遵炤要例建设宗学从公推举宗室中学行兼优题授宗正请给敕谕以掌宗教如县学之例量设廩增之数各二十名以广作养遇提学考试之期宗正类取宗童送试每次收学科举不妨炤县学之数以示鼓舞其宗学衙门于绝府郡遗下府第改建宗正自有本等俸禄应用人役于各府军较拨给纸劄公费及廩粮膳夫银即于绝府应裁教授典膳等官遗下俸薪抵给至于秦庆二府向来俱未设有宗学亦当陆续议行如此则诗书养其心而横逆之志歛衣冠诱其志而向上之念坚向来群不逞之风庶几其少变乎报可

○初淮安府安东县每年额徵漕粮一万四千七百石先年题准永折每石七钱共银一万二百九十四两内有府税银二千八百五十九两五钱助凑其额后因府税不足议停岁助悉归该县徵粮田地至是因灾患频仍田地冲阙巡抚凤阳都御史陈荐巡按御史王九叙请自万历四十一年为始每石永折五钱以苏疲邑民命户部覆议从之

○先是御史魏云中以贪鄙劾文选司郎中周应秋有云应秋受事以来引进匪人流毒天下给事中吴亮嗣以铨政固所当清群才亦自可惜如近日行取诸臣与会推督

孝贞纯皇后忌辰 奉先殿行礼遣官祭 茂陵

○左副都御史许弘纲乞休候旨不得遂行 上允之时弘纲久已出城复移至通湾候旨大学士叶向高言弘纲久事 皇上奉公体国简在 圣心兹行也出于万不得已臣甚知之而甚怜之必须明允其去于事体方便非但以全大臣去就之节亦以见

皇上优待弘纲之心也< 〇〇〇 毓-金 >上始有是命 ○京师大水

○南京江西河南俱大水守臣以闻

○丁卯宣府大雨雹杀禾稼

○升两广总督兵部右侍郎兼都察院右佥都御史张鸣冈为南京刑部尚书

○兵部尚书王象乾言甘肃于西北诸镇最大外直玉门阳关内连秦陇朔方一径如线而银歹大永盘据两河先是火落赤皈依释门东虜以看佛僧为名假道西牧异日来者复来去者不去势必拥众挟赏挟赏不遂必且谋为深入嘉峪岷归之间恐无宁日已经督抚具题奉旨宣谕禁止今顺义王小头目扯库儿台吉乘虜王物故不告讨明文竟自统领部虜千骑托送布施为名突往西海迹其统众潜行罔遵禁约情形叵测而火酋之子又尾多骑阳为乞款阴以纠构目今草腓秋劲胡马嘶风顾可泄泄然而不为先事之虑耶伏乞敕令督抚衙门严查扯库儿台吉所领千骑是否顺义王部落因何不遵原议不告讨明文复来西海作何议处火酋之子领兵于东是否构衅务要查明并议仍一面宣谕虜王将前虜及节年送佛看佛迎佛诸酋速令尽归原巢不得久住西海并申飭该镇道将不时哨探虜情□常更宜加谨毋得疏虞以堕虜计从之

○赠故礼部右侍郎兼翰林院侍读学士郭正域为礼部尚书荫一子为国子生

○大学士叶向高言臣事 皇上日久受恩深重委无分毫可以补报然诸如招权纳贿坏法行私请托干求侵官越职一切欺 君误国等事实未常为此皆可以对天地质鬼神者至于国家多事朝政不行臣浮沉其间无所转移实是有罪夫安敢辞然 皇上深居日久如天之穆无声臭听万籟之争鸣如水之漫无堤防任百川之自溃典礼当行而不行章< 〇〇〇 毓-金 >当发而不发人才当用而不用政务当修而不修议论当断而不断徒以孤臣一身当天怒人怨之冲处赴汤蹈火之会而又不为之徵召耆硕以总其纲广用忠良以分其责急而求去则下温纶以强留缓而陈诚又束高阁而不问使天下之人但见 皇上任愚臣之专眷愚臣之笃便以为得 君如此何事之不可为而不知 皇上之心原只欲羈继愚臣苟且了事初未常欲行其言而用其计也又言臣以被论杜门将二十日已具三< 〇〇〇 毓-金 >一揭请补阁臣请放臣去字字血诚言言痛切俱未蒙俞允大小臣工催迫愈急臣实难以安生屡欲冒罪径行而犹迁延隐忍者良以圣恩深重臣义当全又见许弘纲孙玮新去故未敢相继而行如推补终不得请则臣无可奈何当于数日间遣家登舟臣暂时少留亦当继往负 君负国罪实难逃然而非臣之得已也 上谕曰卿辅政多年忠荃为国凡事毕力冒谤蒙讥朕岂不洞悉但烦言横肆逞臆波及且任事甫及半月致卿复又杜门意欲高蹈何得轻躁效尤有失君臣大义

托至意向高< 叶 铨-金 >谢复列目前紧要五事上请一六部都察院通政司大理寺各官皆久缺乏至有全署皆空者若再不补用臣恐其势且至于尽而何以为朝廷也一藩方重任惟在巡抚至于河南湖广山东山西陕西皆边腹重地安危所关若河道为南北咽喉漕运命脉河臣刘士忠既已予归一切河务无人料理所当与各省抚臣亟为点用者也一林下诸臣废弃甚多如吕坤邹元标等一二十人尤其表表屡经吏部推用未蒙允发今 圣寿日增而诸臣之齿亦渐老矣何不乘时擢用以明 圣世之无弃人乎一候补诸臣如科臣刘文炳等台臣唐世济等皆守候日久同咨同馆之人皆已向用而独此四五臣者旅食长安茫无职事日复一日将何底止宜即允补用以广忠益者也一逮系三臣如满朝荐等

皇上旧岁 圣节之期已有释放之意而竟复寝阁及今又一年矣三臣在縲继中老亲在堂天日莫睹其视一日如一岁岁复一岁情景何如伏望即行释放以昭旷荡之恩 上报允即令吏部会推阁臣以凭简用其大僚巡抚及废弃候补各官俱报闻满朝荐等令所司列名具奏仍令鸿胪寺官趣向高速出表率朝班庆贺寿节

○癸巳祭 夜明于 夕月坛遣成国公朱纯臣行礼

○孝康敬皇后忌辰 奉先殿行祭礼遣官祭 泰陵

○甲午命云南永宁府上知府阿铨袭父爵

○命法司并锦衣卫热审 ○大小九卿科道等官各具公< 叶 铨-金 >请

皇太子出讲 福王就国 瑞王成婚不报

○乙未 孝慈高皇后忌辰上行祭礼于 奉先殿

○山东济兖东莱登五府大水青州府大风雨拔木倾城屋

○丙申 皇太子千秋免称贺百官于文华殿行礼

○庚子以中秋令节颁赐辅臣上尊珍饌

○大学士叶向高< 叶 铨-金 >谢允行诸事并报出贺 圣节 上以嘉悦报闻

○辛丑广西湖广各大水

○以湖广水灾折徵汉川县南粮停徵黄梅长沙湘阴善化等县兵工部逋税并议赈贷

○壬寅 万寿圣节 上免御殿百官于午门行庆贺礼大学士叶向高诣仁德门叩头称贺 上遣中官赐酒饌仍赐向高及讲官翁正春银币有差

○甲辰宴朝鲜国陪臣宋荣耆等四十一人如例

○大学士叶向高言自掌都察院孙玮出城臣常再揭为请未蒙允发今玮又有< 叶 铨-金 >矣若久不裁答势须径行臣实为国体惜之伏望 皇上鉴其恳诚俯赐俞允如以老成难得尚欲强留亦当量予一假俾其暂归勒令再来庶玮之进退有据而于国家用人之道亦不失矣

○乙巳祭 历代帝王遣永康侯徐应坤行礼

○命锦衣卫释满朝荐王邦才卞孔时朝荐等以忤税监梁永高准等逮系诏狱八年廷臣无人不为控吁 上俱未允至是 圣寿届期特命释之且以辅臣力陈为谕于是向高_{（即）}铨_{（金）}谢言臣连日见长安市上闻朝荐等且放无不称 皇上之德与如天好生同推是心也唐虞三代之治当在指日臣何胜庆幸 皇上又谓所请诸事当悉发行令臣不必疑虑愈增感激臣之所请大僚巡抚与候补数臣必在旦夕简发惟是废弃诸臣将二百人凋零已多实为可惜臣未敢一时望其尽起但将吏部近日所屡催者一二十人渐次点用以慰天下人望仰之心此是 圣明第一美政臣与铨臣引领以俟者也其阁臣推上更望 皇上即赐简用使政本重地不致寥落摧残如目前景象即国事烦嚣自可镇静而臣亦庶几藉手以报 皇上矣

○丁未 宪宗纯皇帝忌辰 奉先殿行祭礼遣官祭 茂陵

○命考选庶吉士于八月二十四行照甲辰科事例选二十三名

○庚戌命勋卫赵祖芳承袭武靖伯爵

○宴朝鲜国陪臣如例

○命修筑张家口甃城添设防守一员兵三百名从总督宣大都御史涂宗浚之请也

○辛亥月掩犯轩辕南第五星

○壬子诏增武举额三十名

○吏部尚书赵焕累疏乞休未允至是 万寿大庆入班庆贺趋阙会推阁员事毕复具_{（即）}铨_{（金）}陈请 上报曰卿杜门日久屡旨慰留如何尚称病恳辞大臣谊在体国况统均重任岂得恣然还遵旨即出供职不必再陈时左都御史孙玮乞休已二十五疏矣 上亦报曰总宪风纪倚赖老成岂可轻躁效尤径行失国大体卿宜遵屡旨前来供职不必再有托陈

○命南京五品以上官照例赴京给繇其余俱免赴京考满从吏部尚书赵焕请也

○裁革庐州府仓官

○荫故兵部尚书郭应聘孙承恩为国子生

○巡抚贵州右副都御史王体复卒体复山西太平县人隆庆二年进士授工部主事历陕西按察司副使花马寺卿河南按察使陕西布政使顺天府府尹升右副都御史巡抚贵州二十一年被劾致仕至是卒体复才猷敏练清淡自持扬历外藩雅著旬宣之绩晋登开府尤崇保障之猷廿载琴书八登荐牍乡论官评俱推重云如例与祭一坛给半葬

明神宗显皇帝实录卷之五百十一

明神宗显皇帝实录卷之五百十二

万历四十一年九月丙辰朔奴酋遣子入质巡抚辽东都御史张涛以闻奴酋自奄有毛怜诸卫日以富强又结宰赛拱免等酋明攻北关越耕辽地边臣不能制驰檄谕之

辞催请并及 太子讲学 福王之国二事且云向来病困赖幼孙相依今已遣归病困弥剧 上谕曰朕览卿所奏情词苦切知卿为国焦劳朕心惻然今国家多事正赖卿匡济时艰分猷化理岂可辄居私寓才出卿子虽远尚有卿孙为伴何乃遂之使去可留在京与卿相依卿不必疑虜言去卿可即入阁视事卿屡请皇太子讲学但今秋天气暴寒其点用阁臣补大僚诸事朕次第简发福王之国前谕已着明春举行何乃大小臣工不能仰体上意过为渎扰岂成政体卿宜安心赞襄不必再陈

○丙寅南京刑部尚书李祯卒祯陕西人隆庆五年进士知高平县召为广东道御史降长芦知事升推官主事改光禄寺丞尚宝少卿顺天府丞右佥都御史巡抚湖广寻升左副都御史协理院事晋户部侍郎二十六年以人言致仕三十七年以荐起升南京刑部尚书引疾未允擅离任闲住至是卒祯剔历中外者三纪回翔林壑者十年嗣奉命以出山随引疾而勇退服官则冰霜表正居家以淡泊褪躬虽被人言主平无玷仍与祭葬如例

○庚午礼部进次年大报等祀日册 ○虜酋旗牌撒勒台吉等犯榆林总兵官官秉忠胜之

○诏复杪花抚赏初因犯抢不悛于万历三十九年革其市赏四千三百余两至是叩关悔罪 上许之仍令其九子各画边认守如有犯抢即按地责罚

○协理京营戎政都察院右都御史兼兵部右侍郎周盘引疾乞休 上不允

○命四川龙安府平武县学岁贡士如州额真定州岁贡士如县额

○夜望月食

○辛未时马快船停泊通湾以待福王之国者三百二十有奇白粮等船应截留者亦不下四百有奇舳舻相接恐有风火之患守候既久资粮已匮于是兵部尚书王象乾请查船额诏如 潞王例 ○壬申命吏部左侍郎方从哲原任礼部左侍郎吴道南并礼部尚书兼东阁大学士入阁办事仍命行人杨嗣修趣道南来京

○吏部尚书赵焕以年例不会同河南道为汤北京所攻御史李邦华周启元等各纠焕且欲以年例三臣仍入班行焕益不自安固求去 上慰留之曰卿握铨衡清苦端谨朕所素滥自有公评且年例推转乃系旧制非今创为汤北京李邦华以私乱政周启元相继逞忿倾害大臣夺邦华俸三月启元俸半年年例官仍遵前旨

○肃州境外被虜捉杀哨役围掳墩军防守等官赵承武王重信谢成任应举杖警

○甲戌广州盗杀江浦巡简司巡简劫其印以去获之巡缉官兵罚治有差

○巡按直隶御史傅振□以真顺广大四府水灾洊至恳蠲落地税银并浚县河税户部言税不足额必派之里甲包赔灾荒相继以来库藏如洗设处无所流亡相踵正供难给而父敲朴随之逼以包额外之税揆时度势诚有所不忍不报

○乙亥初朝鲜被倭患几于不守 上赫怒称兵倭始弃釜山而遁然阴图启疆为患不已于是海上流言有谓倭图釜山朝鲜畏服者总兵官杨宗业以闻该国不自安具

其概金明时之考察议处有定说矣临期考功欲宽之盖以其曾论王图之故汤北京投一单言明时意在要挟必不当免盖即指论王图之< 〇〇〇 铨-金 >而言也孙丕扬见之遂得明时别有要挟挠乱察事急欲参处当时凡与察事者皆以为不可许弘纲萧举曹于汴皆极力劝阻又皆移书托臣代劝谓丕扬误解要挟之言失北京之本意臣亦三书劝丕扬勿参而丕扬终不听也< 〇〇〇 铨-金 >上而明时奏辩两行之中再犯御讳中官将此本送至臣寓云 皇上震怒必欲重处臣谓章< 〇〇〇 铨-金 >犯讳自有正律此一时失简之过不必深罪即欲罪之当下部院定拟岂敢径票其所以为明时救解者不遗余力许弘纲又再三托臣谓必拟以闲住始可免罪故臣如其言拟上此当时明时被处之颠末实是如此未尝从中出也而秦聚奎乃引分宜摘陷之事以拟臣毋乃过乎至于大臣被留间用中旨前此已有不独赵焕即焕之< 〇〇〇 铨-金 >有经臣拟者有出 圣裁者臣以为此皆 皇上眷礼大臣之盛心所当将顺何必执争总之年来人情因 皇上深居日久上下不接遂以为 皇上毫无成心百凡举动皆有人能高下其手而不知皇上大圣至神无一事不断自 圣心者也

○壬辰 上以广东税使李凤久病着在任调理仍命内臣阮昇往管所收税课并一应钱粮方物等项刑科给事中郭尚宾言两粤事同一体先年粤西税监病故 皇上止命四川税监管理今内臣何不粤西事例之循而令阮昇得营李凤之差哉因陈粤东商民俱困澳夷跳梁诸不堪脍削状请停遣阮昇或减税数万以苏粤困时辅臣叶向高卿等何熊祥李时华科道余懋孳官应震刘廷元谢正蒙等俱以为言不报

○癸巳广西田州土官岑懋仁来贡方物违期革赏行饬

○丁酉初巡抚贵州都御史胡桂芳以四川土府协济银两亏额不继议照湖南事例兼管遥制四川抚按官吴用先彭端吾极言其不便且虑安民陆梁已久倘各土府不隶蜀而隶黔恐西南之土司半属安家之私人作奸犯科谁贻之患至于协济银两逋欠不前侯各官考满升迁之日明注己未完分数严为考成因其功罪而殿最之为有司者其何敢秦越相视自甘不职之罚哉兵部覆如用先等议 上从之

○命兵部尚书王象乾署吏部印

○命工部尚书刘元霖署都察院印

○己亥四川番獠自万历十四年扫平之后余孽跳梁近益劫堡屠屯戕官梗道前抚臣乔璧星奉旨雕剿随抱病杜门未经举行至是巡抚吴用先发檄安抚愈肆猖狂决计讨之因报进攻机宜议用兵四万师期半年请发帑金数万允留额税二年以给军需从之

○给事中姚宗文言三大臣去位之概请据实而略陈其概焉副院许弘纲之去被言在于今日而机动于辛亥察事矣辛亥内察吏部尚书孙丕扬以必断必行之心惑于在左在右之听凡言官之论东林论淮抚者尽加摧折弘纲焦唇敝舌匡救甚殷至于告天自盟用意良苦而不知相左相形终留罪案有安其位之理乎闻言引退坚决知几谢

○工科给事中归子顾< 〇〇〇 毓-金 >陈时务一点用大僚以寄重任一持平议论以致和衷一慎简差遣以戒瘵旷一申饬延捱以督功令一明信赏罚以肃风励

○巡抚应天右佥都御史徐民式< 〇〇〇 毓-金 >请终养

○给事中翁宪祥归子顾张延登姜性郭尚宾御史董定策崔尔进潘汝祯田一甲王命璇俱以内监邢洪廷辱御史凌汉冲列洪诸不法状云洪纠众于皇城各门扬言逞害仍阻绝原< 〇〇〇 毓-金 >至三日始由通政司以达可不谓邀取实封乎指称钦依票文给毛应龙等肆行诈骗可不谓诈传诏旨乎本监印信未奉 明旨署掌洪自造关防行移各衙门可不谓私造印信乎打死人命如王大经赵天祥杜如连等数十人可不谓故勘故杀威逼乎索扣军人张恪等逃伍米石可不谓冒支军粮乎侵没御骥草料子粒银以百万计可不谓盗内府财物乎勒取五滩三厂诸商分例无筭可不谓监临求索乎指索进营轿伞茶盒钱点闸四卫营小马军钱百万可不谓科歛乎遍揭飞语于禁地可不谓妖言匿名乎督领夏进朝李进忠等百余人跨马张弓将在官人辛贤李六儿等踰垣抢去可不谓聚众持凶围绕打夺乎程岐来德润金进朝等从史邢洪之恶除各应得死罪外可不谓投托内官作家人伴当拨置乎有一于此不知当服何刑而洪乃实犯多款是尚知有朝廷哉 皇上于此辈多所假贷虽以驸马戚臣而彭进朝杨应吉辈敢于拥众毆辱今日尚道典刑彼邢洪者夫亦安所惮乎乞 皇上严提首恶邢洪及其凶党敕法司如律究处庶朝廷不致废法而乱萌可遏不报

○大学士吴道南< 〇〇〇 毓-金 >辞新命 上诏答之

○以灾蠲南直苏松等府漕折积逋自万历十五年至十八年止

○丁亥 孝慈献皇后忌辰 奉先殿行祭礼

○广西水灾巡抚都御史吴中明巡按御史穆天颜请发内帑金钱或留本处税银赈恤

○宴朝鲜国陪臣如例

○庚寅 上以大学士叶向高一品考满加向高少傅兼太子太傅改吏部尚书进建极殿大学士荫一子为尚宝司丞给与诰命仍赐宴礼部

○命福王于次年三月二十四日之国

○礼部会同九卿科道会勘庚戌场毙一名韩敬仍以关节议处隔房搜卷中式者十七人内王濛孙枝芳王宇王伉冯汝京丘兆麟陈应元唐公靖赵昌期杨嗣昌马呈德夏嘉遇朱童蒙史孔吉等以文优昭雪周士皋文劣及七结可疑以物故免议惟两房互易中式者以令甲既所不载形迹又涉乖张分别议处时仕者已几给由矣复取其先资之言优劣之论者谓从来科场所未有也

○辛卯罢百官腊宴

○癸巳铸给老挝军民宣慰司印先是老挝宣慰司差夷目先伦等赍贡方物因言先年所颁印符被毁于火抚镇为请补给从之

○山西左布政使郭光伏为都察院右副都御史巡抚辽东地方

○甲辰虜犯宁远参将郭有力死之

○以明年上元节赐百官假十日

○丁未 皇太子元妃郭氏薨

○戊申 永昌四镇官军缺粮督臣薛三才抚臣吴崇礼请预借明年马价通融接济以消日前之变巡按御史李徵仪力以为请不报

○庚戌立春顺天府官进春百官于午门行庆贺礼

○大学士叶向高等以岁暮请发停留诸< 銜-銜 >一 福王之国行期在迩护送大臣尚未推举恐临期有误此目前第一最要者也一吏部会推大僚俱宜点用而本部都察院系表率之司各处督抚官有地方之责尤为切要不容久缺者一候补科道官久居京邸情迫势穷内杨道寅由庶吉士改授者散馆已经五年本官尚未授职亦臣等阁中未了之事也一各差御史新旧相代此定制也旧者事完决无再巡之理新者未至不无误事之虞顷都察院所题将近十差催请业已再三势难少缓

○壬子禘祭于 太庙遣驸马侯拱宸代

○以明年元旦节遣官分祭 诸陵 景皇帝陵 哀冲 庄敬二太子园

○是岁漕粮永折三十四万四千三百四十七石有奇灾折一十九万九千七百六十二石有奇漂毁二万八千九百三十九石有奇进京通边食粮三百五十四万五千八百八十九石有奇

明神宗显皇帝实录卷之五百一十五

明神宗显皇帝实录卷之五百一十六

万历四十二年正月甲寅朔元旦免文武百官朝贺是日上赐辅臣上尊珍饌

○大学士叶向高< 銜-銜 >请补大僚起遗佚下听补科道点用各省巡抚得旨补大僚诸事俟简发 丙辰 宣宗章皇帝忌辰遣官祭 景陵 福王常洵跪请之国行李并内外官员较军人等分为三运择于本年正月十六日发擯二月初二日头运起行三月初二日二运起行三月二十四日臣并官眷及内外官员较军人等起行 上从之 大学士叶向高以考满赐宴礼部荫子尚宝司司丞屡< 銜-銜 >控辞

上曰考绩加恩从来旧典今复执谦固逊使朕优礼元臣之意郁而未伸亦卿心所不安也其勉受之

○己未时享 太庙遣侯郭大诚恭代

○庚申大学士方从哲< 銜-銜 >言岁序更新人心望治敬陈紧要诸务以助圣化其略曰 皇上静摄以来堂陛不交宫府睽隔九阙万里独特章< 銜-銜 >一线可以相通而强半留中 东宫睿龄辍讲有年虽英哲之资无需章句而古今得失之故兴衰理乱之原所赖贤士大夫之讲求不少天生贤才原为世用部院卿寺稀若晨星候补科道进退维谷山林遗逸企其柄用如望云霓推轂徒勤赐环无日致令壮者老而

悉猥凶番巢穴一空巡抚吴用先先后报闻旨下兵部

○兵部尚书王象乾言今仓廩空虚四海困穷极矣向者忧在财乏今则忧在军乱噪呼之变一见于遵化再见于蓟门三见于永平窃恐九边军士效而尤之脱巾之呼甚于失伍萧墙之祸惨于敌人请敕九卿科道会议总天下之盈缩而剂之无论宫府无分内外凡可以佐军兴裕国用者各抒所见 上从之命军饷着户部会议卿部事体相关还协同悉心计处务在经久可行仍处与各督抚官严行禁戢各军毋得违玩

○丁卯升制诰房中书官管典籍事礼部仪制司员外郎兼翰林院侍书范可< 卞 受 >为尚宝司少卿加四品服俸工部虞衡司员外郎加俸二级鲍佐为本司郎中仍加俸二级主事兼翰林院典籍加五品服俸孙胤奇为礼部祠祭司郎中仍加俸一级大理寺寺副郑崇光为礼部仪制司员外郎大理司评事兼司经局正字罗万英为礼部仪制司主事以效劳日久例应甄录也

○是时九边缺饷太仓如洗会议诸臣多以借用金花银两为请户科给事中官应震言之独悉其略谓库藏有内库有外库内虽多库承运库为最外则仅太仓也承运贮银一三宫子粒银每年共四万九千四百二十五两零一夏秋麦米共折金花银每年一百一万二千七百二十九两七钱零太仓四百万金钱而专属边饷者三百八十九万有奇然而内帑之即为外储也子粒金花之原皆为边饷也臣查会典于内府库则云各库所掌最大者金银花即国初所折粮者俱角□羊南京供武臣俸禄而各边或有缓急间亦取足其中正统元年始自南京改角□羊内库嗣后改折放武俸之外皆为御用由斯以言是金花银在国祈 列祖常以济边而正统后方为御用也会典于太仓银则云嘉靖二十二年题准今后凡三宫子粒及各处京运钱粮不拘金花折粮等顷应角□羊内府者一并催角□羊贮库悉备各边应用不许别顷那借由斯为言是

世宗庙不但金花银贮太仓即子粒银亦贮太仓并充兵饷不知何年乃从太仓而歛之内也夫三宫子粒银或应仍听三宫之用若金花银则请照旧以太仓故物还之太仓逐年同京运钱粮俱隶外库自国家有大典礼如婚封诸务而外间为接济京运之用不报

○戊辰赐文武百官上元节假十日

○己巳礼科给事中余懋孳< 卞 毓-金 >言缺饷集议大都一借字尽之耳夫借也而可为常乎岁额之缺积逋多也大司农考成之法京边粮饷非完十分无佚罚焉然而不在官不在民未免有积胥积包窟穴其间今之议折兑米者宜无忘清逋也太仓之匮内外分也 祖宗朝岁贮三百八十九万以供边饷而有不足则三宫子粒各处金花且并贮外库以备给焉以此知内帑之即外帑也今议借皇税者当并议子粒金花也至如边屯盐政西北水利之当并议也第令边帅无包占典屯无分扰而于垦土多者不惜捐膏腴予之则人人乐趋而耰鋤可当荷戈沟洫皆成营垒矣裁两淮之浮引禁各运之私盐而于余盐之夹带奸瑯之大包一切禁勿许则守支无苦而行引愈速中引愈多矣

数年以来涿州良乡一带水田香稻菱芡地粟宛若江南非徐贞明已试之绪乎第令所在仿效而京师之一石当转漕三石

皇上大婚费不过七万 瑞王之选婚已费过十九万 瑞王脩府费不及三万而向者 福王之脩府费过二十八万内官之滥冒可不问乎出边金钱一往不返积渐以往夫复何穷中外之相蒙可不问乎时户科给事中条陈国计亦以严民运考成清查冒滥实行节省之法为请俱不报

○庚午

英宗睿皇帝忌辰 奉先殿行祭礼遣官祭 裕陵

○礼科给事中姚永济< 字 铨-金 >称边军告饷酌议改折图初岁派不足京帑岁发又不足至今日而边费之数直比帑额过之徒悬悬于省直之宿逋其何济焉窃谓改折之议正可暂行盖各边待饷之急既不能遽办于宿逋而连年都中米价反贱于江南如仓米每石粟银三钱五分折兑彼地则每石七钱若以所收兑折每石五钱给军军必喜于得价之多而查复旧规两月折放四十万便可得银八万是盈余于庾额之外者也或照今仍给本色而以所折之银权宜量借以俟帑足补还即扣一月亦得十四万是那借于庾额之中者也今请于漕运地方全折半折再一议奏可以所折之银候米贱时给放京粮可以所折之银候窘迫时通融借发军得三石之银可充四石之用民得一分之宽即受十分之惠< 字 铨-金 >入留中 ○壬申户科给事中商周祚< 字 铨-金 >言改折漕粮有不可狃近利而忘远忧者查自成化八年题准额定岁运四万石如各省直遇有灾伤奏留奏免改折不等应于临德二仓预备粮内支运足数又题准一府有灾则于附近各府拨补必附近府分各有灾伤无处凑补方支用德临等仓总不失四万石之原额夫岂不念民饥亦以非此不足儆缓急耳今欲彰圣明浩荡之恩为权宜救时之术止宜计抚按报灾轻重量议改折分数就中稍从宽议以阴寓救军恤民之意则可而至谓议折三百万石者且谓将全折一年者仓储原无多积四百万又已失额久矣停运一年废弛一年都城之民万一饿莩相望万艘不通百物翔贵斗米千金并时腾涌辇毂之下便忧不测何俟九边之鼓噪方为乱阶哉不报

○甲戌礼部等衙门奏候 圣母万安是日 上谕内阁朕览卿等复慰悉见忠爱悃诚前 圣母自去冬因暴寒偶痰火交侵调摄安愈兹旬日以来 圣体虚烦前恙复作膳羞渐减 圣躬软弱朕心惊惕忧惧不胜痛切五内日夜祈恳 皇天愿以身代默佑

慈躬增益寿龄早赐安泰永保天和卿等所奏诸事朕知道了

○乙亥工部尚书刘元霖以历官三十四年未被父母封诰乞渎一命特荣二亲上从之时霖母年九十有二也

○丙子大学士叶向高原荫一子成学入监读书改授为尚宝司司丞

○旌表孝子一人侯鹤龄山西河津县人节妇十五人代州生员邢汉妻安氏五台

县民王实妻张氏曲沃县生员陈治道妻卫氏翼城县民苏永贵妻周氏苏九官妻李氏姑妇双节临晋县民王康妻荆氏安邑县生员刘启元妻朱氏垣曲县民孙若柳妻胡氏壶关县民姬守节妻郭氏牛进宝妻杜氏生员阎渠妻宋氏辽海卫指挥刘彬妻曹氏广西马亚县军人王自美妻唐氏恭城县民常有德妻周氏四川富顺县民刘福寿妻魏氏烈妇一人山西河曲县民王加会妻刘氏年二十五岁为虏去骂贼而死身无完肤烈女一人戴秋姐山西祁县民戴婉女年十八岁遇虏不肯受辱遂刃锉之

○丁丑兵部尚书王象乾又言顷奉 明旨会议查得四十一年共欠京运银一百八十三万三千六百两有奇此万万不可不急处以救穷军一旦之命者也伏望 皇上敕下部寺衙门于节慎库借银三十万两太仆寺库借银五十万两本部寄贮同库班价等银一十四万八百两有奇南京兵部借银十万两户部工部各五万两以上共银一百一十四万八百两有奇尚欠六十九万二千八百两有奇两淮两浙长芦山东山西各运司正额盐课各有拖欠乞敕户部立限严追如期角□羊补倘或未完先于司库存积银内借角□羊同舟共济可作九十四万八百两之实数矣第南京及运司各顷银两道路迂回必非旦夕所至惟有慨发帑金百万沛浩荡之洪恩快臣民之想望使九塞被德四夷闻风不其为一时之盛哉奉旨边军劳苦缺饷甚多已有旨着九卿各秉公从长会议务求每岁充足今该部各省直应进内库正供金花银两拖欠数多遇节进赐各官赏赉于各处税银接济支放尚且不敷尔部还会同工部等衙门各炤议借用以济紧急其两淮等处运司拖欠正额盐课等银多着户部差官严限守催如数角□羊不得仍前延迟如有违慢的该部查参来说余依议行

○戊寅

孝静毅皇后忌辰 奉先殿行祭礼遣官祭 康陵

○南京工部右侍郎胡桂芳改工部右侍郎兼都察院右佥都御史总理河道提督军务升太常寺少卿刘一焜为都察院右佥都御史巡抚浙江提督军务升通政司右通政梁见孟为都察院右佥都御史巡抚湖广提督军务升河南左布政使梁祖龄为都察院右佥都御史巡抚河南提督军务升南京太仆寺卿钱士完为都察院右佥都御史巡抚山东提督军务升四川布政使徐成位为都察院右佥都御史巡抚云南兼建昌毕节东川地方赞理军务兼督川贵兵饷起原任太常寺少卿史孟麟补太常寺少卿提督四夷馆

○诏马湖府知府詹淑移咨吏部改调别用刘縉先行罚俸六个月仍□戴罪立功先是刘縉因争小嫌殴知府詹淑抚臣吴用先按臣彭端吾先后劾奏下兵部议复报可

○壬午宴泰宁等卫庆贺 圣寿夷人咬歹等二百六十九名

明神宗显皇帝实录卷之五百一十七

万历四十二年二月癸未朔升广东右参政庄茂华为贵州按察使升湖广襄阳府知府马朴为云南副使升太仆寺卿林梓为通政使

○右春坊右谕德掌南京翰林院事孟时芳覆奏监生徐光汉等触忤法官以犯规痛决压罚有差依拟仍诏以后各生遵守监规不得生事

○甲申总督陕西三边军务兼理粮饷都察院右副都御史兼兵部右侍郎黄嘉善升兵部尚书协理京营戎政南京吏部尚书郑继之改吏部尚书升云南右参政黄琮为福建右参政兼佥事

○户科给事中官应震因灾条奏蠲赈蠲之说有蠲而势不能蠲者有不可不蠲者有不可不蠲而蠲之犹晚者夫积逋带徵皆为正赋皆属济边考成之法藩司郡守角□羊不及数者停满停升夫督之官而蠲之民窃恐功令自相为左有司以遵考成之心为奉职业之心必有宁为彼不为此者况从来逋欠往往在民间者什三在保歇里胥者什七以姑息布猾之故而宁甘罚焉恐良有司或不其然所谓应蠲而势不能蠲者此也存留虽系正赋无预京边自是有司所得而蠲者但须著为令列行坐款大灾蠲某项中灾蠲某项小灾蠲项平日颁行遇灾即如式再为敕谕有催徵已完而纶音后到者揭榜通知来岁补蠲蠲后州邑报府府报藩司务以所蠲某项某项据实转闻其有万不能蠲者亦明白申说不得用泛泛蠲存字样致虚 浩荡之仁我朝户工两曹所遣榷关之吏钦定限期不越一年而止何也以利津不可久居利权不可久假也今税珣在外二十余禩矣年限既无而又莫为铃束恣其所为所谓不可不蠲而蠲之犹晚者此也赈之说有自外留以行赈者有自内发以行赈者外之留也或留起角□羊税银或留抚按赃罚夫赃罚原议八分备边二分备赈若以赈故而概留八分似难尽从至税银以备 大工今鸠工未闻而各省直梯航而来者祇为内帑长物与其朽蠹置之而官民莫赖其用孰若以民间所输还以活民往三十六年准留仪真税银三十七年准留北直河南山狭税银三十八年准留福建四川税银多少各有差无非哀此泽鸿举行大赈今奈何不踵而行也此留而允留者也内之发也或发帑金或发仓廩臣读三十八年四月内 圣谕今岁各处灾伤朕承 圣母慈谕发银二十万差官赍角□羊各处赈济以称 圣母与朕赈恤元元至意其畿辅灾民还发京仓及附近仓米三十万石一并给赈今畿辅与四方处处皆灾视三十八年不啻过之惟 皇上出帑金若干散行远服无量功德锡厥庶民自此遐迩鼓舞神人叶和此应发而不可不急发者也不报

○丙戌诏兵部左侍郎魏养蒙护送 福王之国

○丁亥祭 先师孔子遣大学士方从哲行礼

○兵部覆巡抚贵州都察院右佥都御史张偲勘上四十一年七月苗贼出劫镇远卫失事官军罪状

○诏指挥李先芳余继勋行湖广巡按御史推官杨光宇等行贵州巡按御史各按问具奏

○戊子礼 太社 太稷遣侯徐应坤恭代

○兵部题覆贵州龙里新添等六卫营哨建置之宜土原驻坝阳守备移驻平坝以

坝阳偏僻而平坝为各卫适中之处一原议裁添参将令仍仍用一意防守麻哈州系都匀第一要害添设守备廩粮无出应以本省在营指挥拔其勇略者委任之上依议行

○土番夷使马黑麻等八名进献玉石金刚金口赞回回青物准进收宴赏并回赐番王彩段六表里

○己丑升太仆寺少卿陈禹谟为太仆寺卿

○辛卯 上谕朕 慈母慈圣宣文明肃贞寿端献恭熹皇太后于去年十一月内偶尔违和痰火壅盛朕洁虔祈祷 昊天上帝愿以身代如灾厄未消愿将已寿进益

慈龄不期前恙未愈适朕罪业深重累及 慈母偶于二月初九日午时崩逝使朕五内寸裂合行丧仪卿可传示该部从优查例开具来说

○礼部会同阁臣叶向高方从哲议拟开列仪注一初十日发丧不鸣钟鼓 上素服诣 大行皇太后举哀止小殓括发设奠不用文 穆庙皇后 中宫 皇贵妃等妃皇嫔等 皇太子 福王并妃 瑞王 惠王 桂王 瑞安长公主 荣昌公主 寿宁公主 景恭王妃才人 皇长孙诸孙诸孙女举哀毕各归丧次是日颁 遗诏一十一日大殓 上素服束发诣 大行皇太后宫前举哀设奠不用文大殓奉安 梓宫设几筵安 神位立铭旌哭尽哀而退

穆庙皇妃 中宫 皇贵妃等妃 皇嫔等 皇太子 福王并妃 瑞王 惠王 桂王 瑞安长公主 荣昌公主 寿宁公主 景恭王妃才人 皇长孙诸孙诸孙女哭临礼皆同一十二日成服 上服缞服诣 梓宫前举哀行奠祭礼

穆庙皇妃 中宫 皇贵妃等妃 皇嫔等 皇太子 福王并妃 瑞王 惠王 桂王 瑞安长公主 荣昌公主 寿宁公主 景恭王妃才人 皇长孙诸孙诸孙女皆成服各设祭一坛六尚局女官暨宫人等共祭一坛礼毕各归丧次内官内使祭一坛以上俱用文成服祭祀坛数 上祭一坛

穆庙皇妃共祭一坛宫人随祭 中宫祭一坛宫人随祭 皇贵妃等妃共祭一坛宫人随祭 皇嫔等共祭一坛 皇太子祭一坛 福王祭一坛 福王妃祭一坛 瑞王 惠王 桂王共祭一坛 瑞安长公主祭一坛 荣昌公主 寿宁公主共祭一坛 景恭王妃祭一坛 皇长孙诸孙诸孙女共祭一坛六尚局女官暨宫人等共祭一坛内官内使共祭一坛一十三日公侯驸马伯五府六部等衙门共祭一坛文武四品以上命妇共祭一坛一每七百日 上祭一坛 穆庙皇妃共祭一坛 中宫祭一坛 皇贵妃等妃共祭一坛 皇嫔等共祭一坛 皇太子祭一坛 福王祭一坛 福王妃祭一坛 瑞王 惠王 桂王共祭一坛 瑞安长公主祭一坛 荣昌公主 寿宁公主共祭一坛 景恭王妃祭一坛才人祭一坛 皇长孙诸孙诸孙女共祭一坛六尚局女官暨宫人等共祭一坛内官内使共祭一坛在京文武官员自明日始至第三日俱诣 慈宁宫门外哭退于本衙门宿歇俱不饮酒食肉第四日各具斩缞服至 慈宁宫门外朝夕哭临三日各举十五声而止凡入朝及在衙门视事用布裹纱帽垂带素服腰经麻鞋退居即服

一切丧仪悉遵 累朝典制君臣皆以日易月二十七日而除毋废 郊 庙百神之祀 毋禁中外臣民音乐嫁娶宗室诸王但遣人进香在外文武衙门并进香亦免特兹诰諭 尚恪遵行之

○乙未春分祭 大明于 朝日坛遣公朱纯臣行礼

○丙申总督粮储南京户部右侍郎兼都察院右佥都御史赵钦汤卒赐祭葬如例 伊妻陈氏祔葬钦汤山西角□羊州人由隆庆二年进士掖授县知县历户兵二部主事 凤翔府知府山东副使湖广参政山东按察使浙江布政顺天府尹晋今职请告至是卒 于家剔历中外四十余年所在有治声及理粮储尤能厘奸剔弊云

○丁酉 上制諭礼部朕惟 慈恩罔极 母德弥隆孝養既竭生前显称当垂永 世此国家之令典亦臣子之至情惟我 圣母大行慈圣宣文明肃贞寿端献恭熹皇 太后淑慎其仪安贞为吉佐 先皇而御宇阴教夙闲协中壶以承乾徽音<□□林心>著 葛覃备持身之节麟振开昌后之祥诞育朕躬嗣大历服业久道而成化亦聚顺以承欢 宗社乂安 慈闈康豫乃者稀龄在望方深爱日之诚何期色養顿违徒抱终天之痛吁 祈罔效报答无从呜呼哀哉佩遗训之輝煌思坤仪之启佑荐加鸿号国有彝章是宜采 论于公援 天而溢布告中外显示无疆以称朕尊崇之意礼部其即集廷臣博议以闻

○是以题 大行慈圣宣文明肃贞寿端献恭熹皇太后铭旌颁赐二辅臣每银五 十两纁丝二表里及中书官汪民敬等四员有差

○准鲁府滋阳昭顺王寿金□夏长子以洪封父爵

○己亥大学士叶向高等奏慰本月辛卯恭遇 大行皇太后崩逝甲午 皇上礼 服具成臣等恭诣 慈宁宫门外哭临拊心踊足不任悼伤钦惟 皇上至孝性生纯衷 天植五十年色養无间晨昏七十岁稀龄直需旦暮胡遘沧桑之变遽軫风木之思固宜 圣意悲摧宸襟惨怛顾惟 帝王达孝在志事兼承 母子至情虽没存罔隔若

皇上有过毁之戚将 圣母有不瞑之忧臣等丧 妣哀深爱 君虑切伏望抑情 就礼节恻加淦庶机务不废于谅阴孝思可通于冥汉此中外臣民万口同祝者也有旨 朕览卿等奏慰祇遵 遗诰抑情节哀具见忠爱

○己亥礼部题 福王之国辞朝并文武百官辞送礼仪合预先拟议题请奉旨炤 仪注内行礼

○辛丑文武群臣议上 大行慈圣宣文明肃贞寿端献恭熹皇太后尊谥文曰伏 以 圣善垂休百世衍敬承之绪含弘霈泽群臣荷厚载之功礼重易名治隆报本欲赞 扬乎大美当备举乎徽称斯 圣孝所以特隆亦群心干焉共载钦惟 大行慈圣宣文 明肃贞寿端献恭熹皇太后道<□□? 亟>太始德合重坤早赞 先皇肇抚豐亨之运 爰开 大圣允符震索之祥当太平朝为 天子母方冲龄而践祚深藉保綏迨必世以 成仁弘资启佑得全履盛无忘执茧之勤養备称尊不辍濯龙之警軫艰难于兆姓宝鑑 时颁流湛濊于八荒慈云偏覆隆天厚地荡荡乎莫能名翼子貽孙绳绳乎为可继幸稀

龄之已届何长乐之遽违人怀丧 妣之悲 帝切循陔之痛恭聆 遗诏愈动深哀鸾
驭将升尚廑思乎国典彤宫欲闋犹加意于民穷言言关 宗社之安危念念在闾阎之
疾苦盖迺稽似姒犹逊其徽若近侍高曹敢方斯烈怅音容之日远徵盛美之在兹臣等
祇奉 明纶博综旧典咏歌嗟叹四海虽极其尊亲拟议形容寸衷终难于窥测欲伸不
匮之孝敢扬 大德之名宜

天锡之曰 孝定贞纯钦仁端肃弼天祚圣皇太后谨议奉旨依议送翰林院官撰
拟册文进览

○ 恭仁康定景皇帝忌辰遣官祭 陵寝

○癸卯论虏酋昂洪台吉等入犯各将领功罪赠死事参将郭有中为都督僉事袭
升三级仍与立祠百户刘国明为指挥僉事袭升三级其余死伤及失事官军优恤勘问
有差

○甲辰刑部鞫上四十年北闈被参举人刘琛应试而携资满篋致集臃者生心开
榜而挟诈盈门使观衅者有口法难宽贷炤旧监候俟会勘明白另行具奏朱良材统观
全卷才情尚可甄收细搜毙端关节委无的据量罚三科后准会试张世伟浪游乘传招
议似属有因攻苦寒生风闻亦难悬坐革去举人发隶业俟三科后听该部具题覆试请
夺试官王象春炤邹之麟例俟收选日于应得职衔降调闲散李一公曹燧并俟勘明再
议报可

○录甘镇擒斩达虏定银等酋功次周盘升兵部尚书荫一子锦衣卫千户世袭赏
银五十两大红纒丝四表里柴国柱与做本卫副千户世袭赏银四十两大红纒丝三表
里祁光宗龙膺杨桂等各升职级仍与王应期崔廷振等各赏银有差

○丁未录六羊河口地方斩获功次崔景荣升兵部右侍郎荫一子锦衣卫百户世
袭姚国忠荫一子本卫百户世袭各赏银四十两大红纒丝四表里张我续王宣魏世德
等各升职级仍与仕应徵邓美政王三锡等各赏银有差

○总督蓟辽薛三才〈字 毓-金〉言先因奴酋蠢动开原告急臣请增募兵一千
七百名并麻承恩曹文焕先所统领援兵新兵共四千名合为一营尚备奴酋之变而按
臣翟凤翀亦请增饷二万八千为前项募兵之用已经部覆奉 明旨矣今太仓告匱即
不敢多请增兵度此事势须寔得战兵四千置之开原如臣原题之数除麻承恩一千七
百外再募二千余名分至庆云威远镇北三堡间犹足以左右顾而东西援也其新兵饷
银亦不敢遽望于太仓查得万历四十年该兵部题覆辽镇新饷以五年为率岁用刍粮
银四万三千一百余两除四十年四十一年该镇见存新饷计已足用其四十二年三四
年共用银一十二万九千三百余两合将原议河南山东折班并绝军粮银共足一十万
一千二百余两尚欠八千余两取给于该镇故逃空粮尚有赢余说者谓辽人胜兵者有
数啖以厚饷额军稍精壮者皆来应募募军多则额军愈少矣臣切以为敢战之兵难得
而守城之军易集也简精锐之卒以充募兵复严勾简之令以补额卒则新旧不妨兼募

之迂计惟在筑墙辽从来有墙嘉靖中辽抚亦有筑墙者其时发内帑开事例筑有土墙
豊碑见存记云是年墙成大虏入犯临墙摇首咋舌而退第土墙在风雨中未有十年不
圯者非石非砖不能久远而辽固多山多石多柴木其采办烧造良易辽土多斥盐而坚
各屯堡城垣皆外砖而内土所须金钱如部科之意即宽处百万之外辽实赖之辽有山
泽之利便宜收用得此墙成辽有百利而利不可胜数也或曰内外空虚何敢遽议大工
独不思蓟门微哄便须急借百万金乱乃遄已辽之可虑奚翅蓟门独不得此于蓟门之
议以出一方于汤镬火坑乎先年郭墙大同戚墙蓟镇二武臣意饶为之今何视二武臣
为绝响也此臣全辽之迂计也下所司议

○己酉诏户部发仓米五万石赈济直隶饥民从巡按孙居相请也

○庚戌 上奉册宝诣 大行慈圣宣文明肃贞寿端献恭熹皇太后几筵上尊谥
册文曰维万历四十二年岁次甲寅二月癸未朔二十八日庚戌孝子皇帝臣 稽首再
拜上言臣闻坤仪静正阐阴教于六宫涣号显扬播徽音于四海德偕名茂荣与哀并恭
惟 皇妣大行慈圣宣文明肃贞寿端献恭熹皇太后睿性渊涵贞姿纯穆作嫔 先帝
佐震索以承乾肆诞冲人端蒙功而保泰临御四十余载卜世百千万年发祥本自姜嫄
笃祜厥由文母俭勤惜福常敦练服之风慈爱好生时軫画衣之念普万邦而颂 圣合
兆庶以祝厘尊 兼隆正承欢于爱日升遐遽及遂茹痛于终天孝思无穷五十而慕父
母令名不朽百世以俟圣人爰稽直道之民心用举称天之大典谨奉册宝上尊谥曰
孝定贞纯钦仁端肃弼天祚圣皇太后伏愿明灵降鉴歆节惠于苍穹 圣号昭垂纪洪
庥于彤管谨言 上谕内阁 圣母崩逝以来朕哀感 慈妣恩深痛裂五内悲悼之思
不能自己因日夜悬仰刻无宁寐心神恍惚偶尔湿火流于下部见今敷药未愈头目眩
晕肢体软弱动履艰难尚在调摄所有尊谥大典朕甚忧畏恐弗成礼卿可传示礼部等
衙门尊上册宝命司礼监等官并文武群臣如议奉迎朕在几筵前恭候力疾亲行上进
尊 上以尽孝思至情卿等仰体朕敬慎之意特谕

○是日恭上 大行慈圣宣文明肃贞寿端献恭熹皇太后尊谥宝册祭告 郊
庙 太社 太稷

○升太仆寺少卿添注李时华太仆寺卿管东路事

○辛亥颁 孝定皇太后尊谥诏于天下诏曰朕惟礼先报本难酬罔极之思孝大
尊亲式涣綦隆之号代存成宪典合輿情钦惟 皇妣大行慈圣宣文明肃贞寿端献恭
熹皇太后毓秀阴精冥心玄宰含弘光大群品赖以资生恭俭慈仁六宫因之从化夙承
皇考嗣启冲人敬戒不忘劬劳靡替教自家而刑国四十年太平之业允藉鸿庥谋贻子
以及孙亿万载有道之长咸凭燕翼方举稀龄之庆遽兴大耋之嗟爱日有怀慕更深于
五十吁天无计恨莫赎于百身

遗诰甫颁怅音容之已隔余徽尚在景模范以难名特命礼官恪循旧例博咨于众
勿爽其真拟俚极之尊称盛美光昭琬琰扬配天之显烈哀荣偏洽埏垓卜以二月二十

○辛酉工部尚书刘元霖卒霖直隶任丘人万历八年进士授安阳知县擢吏部主事历郎中太常寺少卿巡抚两浙加右副都御史升工部右侍郎晋尚书霖拮据中外三十余年饶有丰采其任铨衡著公明声总理部务当物力凋敝之时大工烦兴尤多节省令衙门官蠹一清至是卒于官 上赐祭葬如例仍加祭一坛李氏张氏祔葬赠太子太保荫一子入监读书谥俟类题给与

○赐镇远侯顾大礼母胡氏祭二坛前母卞氏生母余氏准列名并祭

○壬戌原任南京刑部尚书李楨卒准炤例造坟安葬祭减一坛以甫起升而即离任例应量减一坛也

○升工科都给事中周曰庠为太仆寺少卿添注以城工著绩九年秩满也

○原任太仆寺少卿马从聘起补太仆寺少卿添注原任吏部郎中林学曾起升太常寺少卿添注升光禄寺寺丞王象蒙为光禄寺少卿

○准肃府开化僖宪王长孙绅护承袭祖爵夫人宋氏封妃

○丙寅 武宗毅皇帝忌辰遣官祭 康陵

○原任南京太常寺少卿桂有根起补南京太常寺少卿添注原任大理寺左少卿姚思仁起补大理寺左少卿添注

○旌表百岁节妇二人一南直霍丘县民叶棣妻唐氏一湖广祁阳县民彭骥妻雷氏

○戊辰原任礼部署部事右侍郎兼翰林院侍读学士吴道南再< 銙-金 > 辞召有旨政本需贤卿学行素著特承简任还即遵命前来供职慎勿再陈 ○己巳以浙江道御史徐养量提督北直学政

○辛未铸给唐王硕曠庶第十一子德安王器< 土鼎 > 麒麟钮镀金银印

○鲁班等七寺番僧劄挂星等三十五名进献马匹方物赏给绢疋折段银两

○壬申 上谕内阁朕览所奏之国指日养贍地土尚未报到原给四万顷卿等屡奏地土难以凑处王亦具辞今减去二万顷王在京养贍原有京湾停宿各项子粒今已辞免随从人役何以养贍且地土该部如何尚自推诿寂无消息显是抚按官延挨怠玩不行速报不得似前虚文塞责

○是日又谕览卿等所拟赦诏内宽释楚宗幽禁姑准所拟其蠲免陕西驳造羊绒袍服朕岂不悯念民情困苦但系紧急上供且数不多难以停免各省额进税课准以每年所徵三分量减三分以彰慈恩恤民德意其二分炤旧徵收分角□羊进用接济急需待三殿工有次第即行停止起废遗建言谪戍等官已有旨了

○乙亥诏延绥巡抚兵部左侍郎兼都察院右佥都御史刘敏宽以原官总督陕西三边军务兼理粮饷升河南左布政使许汝魁为南京光禄寺卿升南京礼部主客司署郎中事主事臧< 懋心 > 中为广西副使分巡河东道升湖广副使胡世赏为浙江参政清军兼管驿傅升通政使司左参议闵廷申为右通政升左春坊左庶子兼翰林院侍

亦俱终制三年方许替袭至勋爵一项故事亦不丁忧夫以 亲王之费犹且丧毕请封况勋臣之列在五等者乎宋之末季国威时危兵戈扰攘而谢枋得犹历诋当时之起复者至谓宗社之所以为丘为墟生民之所以为鱼为肉实由于此况今承平日久当此礼教大明之日岂宜使武弁独甘于匪类乎不报

○乙酉工科给事归子顾< 〇〇〇 铨-金 >言江南岁供财赋半于天下第财赋出于农田农田以水为利亦以水为害则全系吴淞江之通塞焉书曰三江既入震泽即今之太湖其广三万六千顷纳受杭嘉湖宣歙应天苏松常镇等郡溪涧之水为三吴巨浸而三江则钱塘杨子吴淞江也自杭州筑长林堰而太湖东南之水不得入于钱塘自常州筑五堰而太湖西北之水不得入于杨子独吴淞一江当太湖下流洩诸郡之汇水以注海而今且久塞是以太湖有讷无吐客水暴至即四向溃出淹没数郡国家财赋将安所出今欲国计民生两便则舍浚滌吴淞江无策也查宋时江面原阔九里可敌千浦故与钱塘杨子并称三江胜国之末水利不修江流淤塞已失九里千浦之旧我朝正统间巡抚周忱始立表江心设法开浚淤塞顿通嗣是天顺四年巡抚崔恭弘治七年侍郎徐贯嘉靖元年尚书李充嗣隆庆三年巡抚海瑞浚者凡五迄今四十余年废不讲矣以至万历三十七八等年大浸稽天三吴之民胥沦鱼鳖田禾颗粒无收窃谓不一劳者不永逸宜速考故道稽原委大兴畚鍤为之批导壅阏< 〇〇〇 铨-金 >淪浅隘务使江身阔深水流驶迅太湖泄水顺利滔滔入海渐及塘浦渐及支河皆令流派四达无碍由是能吞能吐可以汲引灌溉不虞旱暵即有霪霖亦无复淹没之患而三吴岁岁成熟不至额徵岁亏矣又查得海瑞所浚之江六十余里所费官帑不过六七万金若能设处有方何爱六七万之费不以开江南无穷之利乞敕该部议覆移咨抚按此方今经国之急务也留中

○丙戌奉

天承运 皇帝诏曰朕以 圣母违和日夜问视竭诚祈祷愿移眚于渺躬恭承慈谕内外轻罪宜与赦除灾伤钱粮尽行豁免朕方诏所司奉行德意而仙驭遽昇徽音遂邈仰追

遗训益怆于怀爰沛非时之恩用慰 在天之念所有条款开列于后一内外问刑衙门有因正犯在逃监禁家属日久不获者除叛逆剧贼外其余悉令保候挨拏有情罪矜疑律例不合者着各衙门即与辩理奏请定夺其人命无尸可简强盗赃仗不明及年久无赃人犯无证具题未下原问衙门未成狱者即比炤热审例清查释放一内外问刑衙门无论文武职官有犯曾经抚按问明具题覆请未下者查炤原拟发落其余正犯已故累及子孙者酌量开释有因建言内除永不叙用外有谪戍者着该抚按官具奏开释革职为民曾经奏荐数次堪用的准起知县若奉旨降黜部覆未下的着查炤原拟用还都开写奏请不许市恩滥及一内外监追赃犯已经三年别无家产不论入官给主二百两以下者径自开豁以上酌量奏免一内外见监重犯年七十以上及笃疾者如系监六年以上情矜疑奏请疏放问完罪犯遇恩应宥者即行查炤发落一犯罪存留养亲备载

名律例凡军民罪囚有祖父母父母年八十以上老疾应侍家无以次成丁者犯该死罪除极恶重情常赦所不原及奉钦依外若误杀戏杀诬告人累死随行亲属等项开具所犯情由奏请定夺其徒流人犯炤万历三年例发本处摆站做工煎盐哨了以便存留养亲务勘结明的不许纳贿扶同任情朦胧混行违者以故出论一四十年四十一年两次朝审矜疑等项人犯淹系日久俱炤原议奏请发遣发落一楚府宗室先因诬诋楚王毆杀巡抚已将情罪深重者正法其余发高墙闲宅者禁锢日久惩创亦深念系天潢之派姑准释放仍听楚王铃束不得仍前恣肆如不悛改参来重治其府禁锢宗室除人命强盗败伦伤化情真罪当不赦外其余着抚按官查明奏请定夺一锦衣卫见监囚犯俱开写明白奏请定夺一各省直灾伤之处自四十一年以前有该抚按勘奏到部内除京边起运及请帑外其余应折应赈等项事宜俱炤部覆用炤优恤一凡被灾地方一应夏税秋粮马草农桑人丁丝绢布疋绵花绒户口盐钞皇庄子粒屯田牧马新增草场子粒租银历日防夫水夫民壮弓兵机户芦课灶课富户等项及门摊商税鱼课枣株钞贯果品拖欠带徵者自二十九年三十四年止查系小民拖欠者悉与蠲免其已徵在官者及经角□羊员役侵克者炤旧起角□羊盐井有课无井者着抚按官议豁先年徵倭征播加派钱粮曾奉诏书停免者各抚按官查明但不系改作起运京边正项着遵前诏蠲除不得抗违一京城内外居民比岁两潦冲坏未尽修复准免房号四个月廊店房屋倒坏者查明免租以前拖欠者悉与蠲免一各运司浮课除三十四年免课外惟河东两浙进盐长芦过路落地生熟盐等项税困累商民各该巡盐御史具奏及本部题覆过者俱准蠲免一近京零星重叠小税准与归并以省烦扰应免者豁免一各省直拖欠四季料银匠价鹿狐皮翎毛天鹅毳麻砖料苇课黄麻熟铁等料折银及额办白麻生铁红熟铜生漆鱼胶桐油银朱猫竹班竹棕毛树棕等项本色物料自二十六年起至三十四年止已徵在官者截数起角□羊未徵在官果系小民拖欠者悉行蠲免一浙江江西湖广福建直隶苏松常镇等处拖欠绫纱纸劄岁段油竹等项钱粮自三十四年以前如已徵在官机角□羊领侵者严追织角□羊如本犯监故丁产尽绝无从变卖及有中途火盗原取地方结状存证者俱听抚按勘明议免未徵在官委系小民拖欠者查明蠲免俱类册奏请定夺一各省直额进税课每年以三分为率蠲免一分以苏民困其二分炤旧徵收分角□羊进用接济急需待三殿工有次第即行停止一各省直角□羊官角□羊户侵费领本折钱粮并漂流烧毁及在工人役侵犯赃私除正犯监犯监故外家属代追五年以上勘果家产尽绝或原问衙门具有文移到部查明者俱准豁免于戏孝惟锡类普天沾覆露之恩善则称亲薄海颂慈云之庇布告中外咸使闻知

○戊子原任工部右侍郎总理河道提督军务都察院右佥都御史李景元卒赐祭葬如例赠右都御史景元北直大名县人万历十七年进士授户部主事历礼部郎中河南陕西藩臬山西巡抚升兵部右侍郎起补今官寻卒礼部题本官旬宣三省有劳绩其督抚时筑垣塞屹树金汤核穴浮具觚冰燧云

被势豪占夺今后许被害奏告重处是招垦之条不啻三令五申矣又查往事如秦中郑国白公穿泾水入灌田遗迹可按若仍引泉筑防千里不难沃壤而沿边蓟门左右如玉田豊润涿州宝坻近京小马房青龙桥等处何地不可耰锄夫江南之田全资灌溉水车人无遗力非甚水旱皆可支持若西北田土草莱四塞磁基不亲是南争于所不足北弃于所有余南民若不溲其地北地若不溲其民今天地气候近转北方阴晴寒暑花果麦稻无弗如南者迩年垦地成田熟者十分有九京米之不甚贵皆由于此若使京东开成推之全辅诸郡诸郡开成推之边塞诸藩三年究其成万世席其利矣该监饰挖浚以便封殖阻良议而虐平民其于国家远大之图所防害非细< 田生金 >入留中

○丁未命礼部主事周京等为正使持节行人郭澆等为副使捧册肃府唐府徽府鲁府德府

明神宗显皇帝实录卷之五百一十九

明神宗显皇帝实录卷之五百二十

万历四十二年五月壬子朔四川道御史田生金< 田生金 >称纪纲倒持可虑
 圣明整饬宜先是非曲直国家磨钝之大操柄也从来无两是亦无两非无两直亦无两曲
 皇上一概置之甚至邪说之横诋自负 圣明之特知枉直未判劝惩莫分此纪纲之当饬者一阉宦邢洪称凶禁地科道诸臣单参合参

皇上盖置不报于是备监潘朝用谋庇番役诬奏进忠以盗陵木之罪而海监卢受又以需索不溲蔽陷金祥等以侵夺

御苑之辜方且取 旨如寄岂刑余之忠反在诸臣上哉此纪纲之当饬者二备监杜茂播虐承天怨毒已盈顷者听留守陆万垓之教唆毙指挥陆嘉猷于杖下夫嘉猷官居四品迹奋武科此而可以专杀何有于嘉猷而下者哉此纪纲之当饬者三代藩以庶冒嫡以少夺长止宜据法改正以戒诸宗之黷伦者乃代王既执迷而不悟 皇上亦迟回而不果近据按臣所奏代王语意悖慢无人臣礼诸宗效之放荡不简不惟有藩封之虑抑且有宗室之忧此纪纲之当饬者四抚按专制一方凡军国大事必由勘奏所以重朝廷也沐镇蔑请勘之 旨擅自谋代掣监司之肘而挠两院之权试问陈高谋之脱狱何因杨知府之杜门何故抚按以争勘未溲且郁郁请告矣此纪纲之当饬者五安尧臣窃据雄镇残其孤而据其土此天讨所必加者朝议以蜀非用兵之时姑从宽政使当尧臣袭替宣慰之日仗义驳之曰汝为属夷窃据邻封 朝廷以汝征播有功不忍加戮姑准土舍戴罪管事俟陇局既结方许实授犹足以慑其心计不出此姑且养奸此纪纲之当饬者六国家文武两途虽各宜其用而武弁所以不敢大逞者犹赖文吏约束之副总兵陈寅之在黔也苗夷浊乱地方不能一矢戡定而又纵其爪牙择人而食知府钱策按法绳之竟被劾去近日刘縯效之遂有詹知府之殴矣此纪纲之当饬者七学臣奉简书提衡士类非徒殿最其文艺要在匡正其敝风乃士之无行者器陵日甚所在见告夫功令之课学臣非不严也比及三年而能其官者转不能其官者亦转不能者固有循资之

诗薛文清称其由关雒以溯濂溪岂非千古实录哉臣谓端宜从祀以光俎豆时熙早有夙悟得文成传习录毅然宗之西司邑训一秉躬行有霍州之遗焉比擢国学司成徐阶令六馆师生皆以时熙为准再擢计部榷关泲墅刻意惠商仅奏国课而止年四十五以母老乞归讲学伊水三十余年环堵萧然饘粥不给郡守黄焯遗官地为资斧婉词却之于人不妄交以孝悌忠信为本所著有拟学小记 圣谕衍行于世孟化鲤者时熙授之徒也自为诸生慨然有求道之志初第进士有连名呈讨坊价者化鲤耻不与名其在户部时钞关铢黍不染及奉命赈饥直隶山东全活以百万寻以改吏部选郎抑兢拔淹综察吏毙积蠹为之一清先是方面铨除皆预白政府化鲤具名直请竟寝关白政府颺之又大选不徇巨铛之请会化鲤奏起建言科臣张栋竟被

严旨并阖司落职化鲤怡然跨蹇归山所著有尊闻录性理音释等书十余种臣谓时熙宜崇祀本郡化鲤宜祀于其邑并用奖翼后学留中

○乙卯夜大雨雹

○丁巳刑科给事中姜性< 〇〇〇 铨-金 >称先是二十八年税监陈奉播虐全楚辱县官拏富户掘冢暴鬻承天有宋玉石窖者其来已久奉妄意窖中之藏而其地逼近祖陵干碍儒学风水一时士民哄拥奉輿生沈希孟沈机等亦环泣乞免非有截劫鼓噪之情也维时陈奉深御诸生备监杜茂各以地方事具闻而希孟等遂逮诏狱转送刑部严鞫无哗状今三十三年恩诏该部题奉 明旨押发本省勘问昭雪抚按已将机等遵赦杖赎仍拟发学肄业以请今再逢慈赦矣臣窃谓诸生复学一事可一题知而结局非擅出也遵 诏旨也臣又查广东举人劳养奎梁斗焯钟声朝三生无罪而被税监李凤陷害其当议复与承天诸生事体颇同已经抚按具题台省< 〇〇〇 铨-金 >请盖愤瑄之虐而悯士之冤者有同心焉计地方官遵诏便宜以为粤土地者不在楚土后敢并及之不报

○安南都统使黎维新差夷官刘廷质三十八员进贡方物表文补三十三年额贡给双赏绢钞并回赐都统使十表里

○戊午 孝宗敬皇帝忌辰 奉天殿行祭礼遣官祭 泰陵

○己未巡按贵州御史潘浚< 〇〇〇 铨-金 >覆四川都司张神武奉委追印利夷妇玉帛子女听周敦吉邪谋矫命兴师虏掠黔刘贪纵姪暴因激变目把阎宗傅等焚劫杀虏永赤摩普数百里内荡为丘墟前任按臣冯奕垣张尔基等题奏已详臣巡历其地见城厢屯堡公馆铺舍煨烬瓦砾普布一所狼狽尤甚二凶之罪真穷奇莫喻其毒而豺虎不食其余者先是二省会勘坐以索夷生变比激变律斩此非贵州知府钱策偏词也四川知府孙敏政亦不能为讳矣以 朝廷之公法定二凶之公案了此何难不谓矛盾愈甚至今日而转桮也总之此事颠末在定川弃罪案川弃罪定而刘国用傅廷鸾奢崇明等应议之罪名应输之赔偿无所不定闻川弃赴审俛首称罪该万死哀求一线之路奢崇明子奢寅亦称永赤受祸委烈愿甘炤原议赔偿彼作事凶横良心未泯如此而承问

者愿欲宽之旻坐以索夷激变旻坐以失陷城池彼此务求适均是岂为法之平哉臣所守者会勘激变事情必不敢模糊迁就使国家有不行之法纪凶弁有不正之刑章也旨下部院

○庚申江西巡按韩浚一本< 〇〇〇 毓-金 >称天下之税皆当罢而江西之税尤当罢天下之税使皆当撤而湖口之李道尤当撤何也江西地狭民贫纤啬为生自赣州以下九江以上如清江河口建昌章石许湾饶州以及各郡邑无不叠税重徵兼以昨岁重罹水灾关梁市镇一望凄然至于湖口一税滨临大江他税尚属有司转角口羊此独税监徵取而穷凶极狡之李道招集亡命横行江上凡遇商人报税本监批加加罚动以千计又厂前原系石崖舟触即碎且楚江与鄱湖合流势极汹涌该监故将南舟羁留以恣勒索每遭风涛覆溺接踵乃今

圣母凭几之言琅琅在耳何难省直税务一朝报罢又况江省贫瘠之乡湖口水火之困哉乞将江西加派岁额税银并赐停免将李道撤回其赣州桥税及各府课程原系户部钱粮一时那移上供仍应还该部充饷庶几海内之元气渐苏我

皇上至孝至仁与天无极矣不报

○辛酉 太祖高皇帝忌辰 奉先殿行祭礼

○先是朝鲜国王李暉报称马岛倭年来仍乞通市屡要添舡倚挟日本藉称关白遣臣要到王京亲纳礼物受赏开市间以琉球被灭萨摩兵强夸诩显示陵逼之意兵部覆奏 上谕该国君臣着加意振刷豫备战守沿海地方便申饬督抚等官倍加防御严禁交通毋得因循怠患

○壬戌福建税监高采播恶无忌私造通倭双舵海舡置办置倭货物数十万金一切价值分毫不与小民赔累怨愤激变采怒麾兵持刀乱砍杀伤多命举放火箭烧毁民房突入巡抚衙门露刃胁制复劫道府都司等官质于署中凶悖猖狂抚按袁一驥徐鉴< 〇〇〇 毓-金 >闻大学士叶向高方从哲及给事中姚永济郭尚宾先后参论不报

○遣祭 城隍之神

○癸亥 仁宗昭皇帝忌辰

奉先殿行祭礼遣官祭 殿陵

○丙寅 上谕礼部昨览辅臣向等高所奏在籍辅臣申时行沈鲤辅弼有年忠劳茂著今年已八旬足称荣寿宜写敕差官存问各赐银五十两大红纁丝蟒衣一袭彩段四表里以示朕优礼耆旧硕德之意

○ 福王入藩邸

○礼部右侍郎孙慎行题覆蜀府进 显陵香帛起于嘉靖初年始于 成王 祖制原所未有各府亦非通例况楚蜀地方相距跋涉之艰本府回禄频仍更苦物力之绌皇上恩先敦睦当有特加轸念准从停免者 上俞之 ○准兵部尚书黄嘉善孙黄培荫授锦衣卫指挥僉事世袭 上谕 圣灵发引各项钱粮造办未完着百日外

择吉举行

○丁卯夏至大祀 地于 方泽遣公朱纯臣恭代

○工科给事中刘文炳< 〇〇〇 毓-金 >劾两淮巡盐御史徐缙芳纳贿秽迹赃私计数十万不报

○大学士叶向高再< 〇〇〇 毓-金 >请假 上谕山陵系慎终大礼卿可即出与朕襄事若国家多故尤非大臣洁身之时尚体朕怀勿得再有陈奏

○福建巡按徐鉴题称行盐者引也引不足而用票以抵引引终归于不足销引者帮也帮难行而促商以行帮帮终格于难行据副使李思诚议称引日有二曰依山曰附海依山无晒曝丘盘则无盐止纳折色附海有晒曝丘盘则有盐故行本色此 祖制不可乱也计附海引凡三万七千五百六十五道东路止三千五百七十道南路派七百七十万余三万三千二百二十五道尽属西商合计三年每年止得一万一千七十五道仅足二帮七号之用嘉靖倭患以来积引至十七万故题增六帮以销之计期以五十日为限至万历二十五年积引将尽始请依山以佐之夫依山起于奸商奏请暂开昔以之纳折者今以之行盐已非旧制且无盐而行盐故除引价一钱令之下场自买而借名公盐恣行私贩大为盐法之蠹至三十三年而积引小引其未尽者止得什百之一二三年请引复到引少帮多不得不发票趣行遂致那前趲后扯东补西而法愈非旧矣夫原引不足何如增之为便况增之而商不称病陆帮难行何如减之为便况减之而国不称病合无于四十二年起到四十三年止每年定为五帮而附海引自原额之外三年共增引二万六千七百七十五道该引价八千三十二两五钱该增全价加牙税一万三千六百八十七两一钱一分二厘零每年可增解部司课银七千二百三十九两八钱七分零每次请引俱照此例虽减一帮之盐实增半倍之课非但不病国而且利于国六帮既不可行即量减其一定为五帮使五十日之太迫展为七十日之少宽徐议投行兑客之情虽增二帮之课实省一帮之扰非但不病商而且有利于商自兹有引可行有盐可售依山不必再请以致奸宄之生心抵票不必再发以致权宜之坏此诚私两利之道即垂之永久可矣< 〇〇〇 毓-金 >入留中

○己巳升浙江金华府知府周延光为本省提学副使 ○庚午大学士叶向高< 〇〇〇 毓-金 >言大僚缺乏边饷空虚候补科道诸臣久未奉旨大选各官文凭未领不得赴任京营巡视无人马价久稽吏部题上起废各官未蒙批发皆关系目前急务不容停缓高采激变民怨日深乞赐撤回亦所以全采也奉旨补大僚诸事稍候简发起废亦当详览施行高采事知道了

○是日午时永平属石火墩台天雷从本台东门飞入击死南兵一名击伤北军二名台房及四围垛口火器尽毁

○工部署部事右侍郎林如楚等题称酌议水衡事宜以图补塞一曰责成四司经手吏役钱粮不明责在经承然那移隐没弊繇书算曹椽旋进仅挂虚名应于当该满日

各司通查本房新旧经手书役何项透领何项冒领何项通同商匠作弊坐赃参问该吏知情者与同罪失察者从未减庶涇渭分而贪猾知儆二曰查核四司积欠年例有等奸商领出钱粮止完监局铺垫其余尽入私囊贿买吏书展转支吾日久官更洗改册籍沉捺案文一时何能发觉以后各司宜悉心查刷必旧领将完方给新领仍听巡视衙门于挂号时稍示分别非甚不可已者不准预支亦不许多领其旧欠者依限严比庶积逋可渐清也三曰改折屯司柴炭价银查惜薪司每年共费库银一十四万六千两有奇大半供内官铺垫与各衙门使费而且频年拖赖诸司每费追呼监局未收实利则何不更议折价以其正数完监局以其浮费还官帑非惟省费抑且省事内外两便四曰减革衡司明盃明甲查明盃明甲原额止二千领副增造五千自万历十年始遂沿为例亦既侈矣兹复议增何为修理青甲紫花布甲从来俱用口袋后复改用大布用大布者以会布于甲字库也用口袋者以钉挂铁叶牢固也惟万历二十八九年两年题奉钦依仍用口袋查二十八年一年者已照口袋修过矣尚有二十九年一年者停阁至今今巡视既灼见用布之省合露章上闻以杜营军烦言五曰酌用衡司营操火药查春秋二操火药共三十万斤载在条例从来两厂每岁多造七八万斤至四十一年始定粗药二十四万细药六万以合条例数省费颇多惟柳木炭高烧酒诸料系凭该厂估计到司者今应否照旧监督与巡视不妨商议改正其硝黄发价照旧以八九月领春操以二三月领秋操如秋操未用即移之春操春操亦然庶三营火药无重复支领之弊六曰议处水司桥工冒滥夫委官甄叙必有重大工程实功可纪者先年桥工费既不贲时复延缓委官亦积书之流何功可录比后非宫殿门工断不准叙绝夤缘冒滥之端七曰申飭四司外解短少夫起解钱粮参差短少非领解者之不才即发解者之有故合令以后解官领银必倾大锭必用印封非是者委官不领而部库亦不准收违者解官依律送问不报

○癸酉旌表节妇山东德平县民葛引生庶妾氏

○甲戌提督操江右佥都御史罗朝国题称孟河河庄地方飘船登岸一人作番语遂致讹传倭至各处骚动武进江阴无锡丹阳等县百姓惊窜一时拥挤走失子女压死老幼无数总练指挥同知陆万里正备御卫民之官也不能明白开谕束手闭城以致乡民狂奔转相蹂躏所当参究以警其余下所司覆议将陆万里行应天抚按提问从之

○乙亥礼部题钦天监谨选 孝定贞纯钦仁端肃弼天祚圣皇太后梓宫发引于本年六月初九日辰时吉入金井六月十五日辰时掩土本日己时 神主入大明门六月二十二日午时奉安几筵本日未时题奉钦依外谨会同阁臣叶向高方从哲议拟开列仪注上请一前期六日太常寺奏斋戒文武官于初五日为始本衙门宿歇致斋三日一太常寺光禄寺各备办合用祭品香烛制帛一翰林院撰合用祭文祝文一请敕命勋戚重臣一员充奠献使拜护丧一请敕命武臣一员管领官军护侍梓宫行该兵部疏名二员上请点用一请钦定题主大臣一员一请钦命礼部堂上官一员监礼一请敕命护丧内侍官并入皇堂内官内使匠作一五府九卿等衙门例该各堂上官分送

梓宫本部< 銮-金 >名题请点用一工部委官会同内官监先期前去清河沙河两水河陵下搭盖奉安梓宫蓆殿沿途祭所蓆殿并护送内侍人员憩宿仪仗顿放等蓆围房一户部委官供给扈送官军匠较人等各项行粮钞锭马匹草料一兵部查照旧例拨锦衣等卫五军等营应用官较旗马匹一初七日百官及皇亲命妇文武官四品以上命妇俱缙服每日早诣 慈宁宫门外哭临初八日早文武百官题奉钦命加祭一坛命妇设祭一坛一初七日至二十二日俱免朝禁屠宰音乐一初七日遣官以葬期告于南北郊 宗庙 太社 太稷祭品行礼如常仪是日晚 上以葬期告几筵内侍官陈设牲醴如常仪 上具缙服内导引官导 上诣拜位 皇太子 瑞王 惠王 桂王 皇长孙各具缙服就拜位奏四拜奠帛三奠酒请祝俯伏举哀哀止奏四拜兴焚祝帛礼毕穆庙皇妃共祭一坛 中宫祭一坛 皇贵妃等妃共祭一坛 皇嫔等共祭一坛 皇太子祭一坛 瑞王 惠王 桂王共祭一坛瑞安长公主祭一坛荣昌公主寿宁公主共祭一坛景恭王妃祭一坛才人祭一坛 皇长孙诸孙诸孙女共祭一坛勤侍夫人彭金花等陆局秀才合宫宫人共祭一坛一初八日遣官祭告各门及诸神庙 慈宁宫门宝宁门思善门归极门午门端门承天门御桥大明门俱遣内官行礼玉河桥德胜门并桥清河桥沙河桥朝宗桥关王庙天将庙灵济宫城隍庙东岳庙真武庙俱遣太常寺官行礼祭用酒果脯醢香帛祝文一初八日司礼监礼部锦衣卫提督报事者设一大昇并列丧仪于午门外至 大明门外一初九日启奠内侍官陈设酒馔拜位如常仪内导引官导 上具缙服诣拜位 皇太子 瑞王 惠王 桂王 皇长孙俱丹陛上稍东西向立执事者升撤去帷幕等物拂拭梓宫讫待执事者退行祖奠礼一礼奠内侍官撤启奠后内执事官进龙輅于几筵殿下设香案神帛輿谥册宝輿于丹陛上毕内侍官陈设酒馔拜位如常仪内导引官导 上具缙服诣拜位 皇太子 瑞王 惠王 桂王 皇长孙各具缙服就拜位行四拜礼奠帛三奠酒读祝俯伏举哀哀止奏四拜兴焚祝帛礼毕内导引官导 上诣殿内稍东西向立 皇太子由殿左门入住于 上位之南稍东西立 瑞王 惠王 桂王 皇长孙俱于丹陛上东西向立内侍官于梓宫前跪奏请 灵驾进发内侍官先捧谥册宝由殿中门出置輿内次捧神帛由中门出奉安輿内次香亭安置讫内侍官铭旌由中门出执事官升捧梓宫内执事持翼分左右障梓宫降殿内侍官于梓宫前跪奏请 灵驾升龙輅执事官捧登龙輅讫以彩色帷幕障饰梓宫随启行执翼者仍分左右内侍擎伞扇侍卫如常仪仪仗用存日所御者谥册宝輿神帛輿香帛铭旌以次先行内导引官导 上由殿左门出 皇后 皇贵妃等妃 皇嫔等及宫眷哭于帷中梓宫至午门内侍官跪奏请梓宫升大昇輦执事者安置讫 上行遣奠礼 皇太子 瑞王 惠王 桂王

皇长孙各随行礼 皇后 皇贵妃等妃 皇嫔等及宫眷立于梓宫之右一遣奠内侍官陈设牲醴如常仪内导引官导 上诣拜位 皇太子 瑞王 惠王 桂王 皇长孙各就拜位行四拜礼奠帛奠酒读祝俯伏举哀哀止奏四拜兴焚祝帛礼毕内侍

官诣梓宫前跪奏请 灵驾进发司礼监官率仪卫溢册宝輿等前行 皇后 皇贵妃等妃 皇嫔等及宫眷哭尽哀俱还执事舁梓宫由午门出司礼监礼部锦衣卫官提督台輿丧仪等以次前行 灵驾出至端门外行朝 祖礼一朝 祖太常寺官先设香烛执事官先设褥位于 太庙中香案前梓宫至端门少驻 上暂易黑翼善冠青素服黑犀带导引官导 上诣神帛輿前跪太常寺官跪 上之左奏请 孝定皇太后朝祖太常寺官兴 上俯伏兴亲捧神帛出輿由庙街左门入至 太庙褥住跪置神帛于褥位兴 上立于神帛后奏礼官奏跪 上跪奏礼官跪于 上之左奏 孝定皇太后谒辞俯伏兴行四拜礼兴平身 上行礼毕跪捧神帛兴由庙街左门出奉安輿内奏礼官跪奏请 灵驾进发

上仍易缟服随行至承天门尽哀攀送而还 皇太子 瑞王 惠王 桂王 皇长孙俱随行而还梓宫由承天门 大明门出大乐鼓吹前导设而不作一遣祭太常寺陈设牲醴如常仪工部搭盖祭殿于德胜门外梓宫至导引奠献使诣拜位行四拜礼奠帛奠酒读祝俯伏举哀哀止赞四拜兴焚祝帛礼毕太常寺官诣梓宫前跪奏请梓宫启行一路祭皇亲并文武命妇登一坛在于鼓楼迤西祭毕即回公侯伯五府九卿等衙门官员并生员耆老人等共祭一坛土城外祭僧道官共祭一坛清河祭毕即回皇亲及驸马共祭一坛沙河祭一初九日送葬文武百官具缟服自 大明门起步送德胜门土城外不系执事及分送官俟祭毕而还其应执事及各衙门送葬官员骑送至 天寿山红门外仍步送至 昭陵是日免辞回还之日炤例朝见一沿途市巷军民男妇人等辏集之处遇梓宫至皆跪俯伏举哀俟梓宫过兴一大昇輦行沿途每程较尉舁送选委内官同锦衣卫官嵩一提督务要起行有节行步安稳送葬官员人等不许逼近仪仗搀越失次及喧哗嘻笑有失礼仪违者候监礼官举奏一初九日晚至清河止宿太常寺跪奏奉请梓宫安驻奠献使等官行叩头礼夕奠上食一初十日早奠献使等官行叩头礼朝奠上食毕太常寺官跪奏奉请梓宫启行是日晚至沙河止宿夕奠如前一十一日梓宫发沙河朝奠如前晚宿两水河夕奠如前一十二日梓宫发两水河朝奠如前是日至 陵下执事官先陈龙輅于席殿外候大昇輦至太常寺官诣大昇輦前跪奏请 灵驾降輿升龙輅诣殿执事官奉梓宫升龙輅由中门入奠献使由左门入诣殿奉安讫溢册宝輿等仍陈于前一行安神礼执事官陈设酒馔如常仪设奠献使拜位于梓宫前太常寺官引奠献使诣拜位赞四拜兴赞跪奠帛奠酒读祝俯伏举哀哀止赞四拜兴焚祝帛礼毕百官陪拜鸿臚寺官传赞行礼同仍夕奠一十三日十四日朝夕奠如前以后俱朝夕奠一每上食馔五样蔬果酒膳宫神监尚膳监恭办教坊司炤例用乐承应设而不作一梓宫至 陵日遣官二员祭告 后土 天寿山之神执事官陈设牲醴如常仪赞回拜兴奠帛奠酒读祝赞四拜兴焚祝帛礼毕同日遣官九员祭告 长陵 献陵 景陵 裕陵 茂陵 泰陵 康陵 永陵 昭陵执事官陈设牲醴行礼如常仪一十五日巳时掩玄宫行迁奠礼执事官陈设酒馔如常仪设奠献使拜位于梓宫太常官引奠献使诣

拜位赞四拜兴赞跪奠帛奠酒读祝讫俯伏举哀哀止赞四拜兴焚祝帛退候掩玄宫时至太常官引奠献使诣梓宫前跪奏请 灵驾赴玄宫赞俯伏兴执事官升奉迁梓宫进皇堂奉安讫太常寺官同内侍官奉溢册宝置于前列冥器等毕行赠礼内执事官陈设酒馔于皇堂门外奉玉帛案置香案设奠献使拜位于前太常寺官引奠献使诣拜位赞四拜兴赞跪奠酒赞进赠执事官捧玉帛跪进于奠献使之右奠献使受王帛献毕以授内执事捧入皇堂安置讫赞俯伏兴赞四拜举哀哀止兴赞赠事毕内侍官出遂掩玄宫行享礼执事官陈设牲醴于玄宫前如常仪太常官引奠献使诣拜位赞四拜赞跪奠帛奠酒读祝俯伏兴赞四拜举哀哀止兴焚帛礼毕百官陪拜鸿胪寺官传赞行礼同一题主行享礼毕奠献使题主官及陪拜执事等官俱更浅淡服色内侍设香案于玄宫门外陈设酒馔如常仪设题主于香案前西向奠献使拜位于前太常官引奠献使就拜位北向立内侍官盥手奉 主于案上题主官盥手西向立恭题毕内侍官捧 主奉安于神座太常官跪奏请 孝定贞纯钦仁端肃弼天祚圣皇太后神灵上神主奏讫赞四拜兴跪献酒读祝俯伏兴赞四拜礼举哀哀止兴焚祝文礼毕太常官同内侍官恭捧神帛埋于券堂外屏处洁净地焚凶器于野是日遣官祭谢 后土并 天寿山之神及遣官以葬毕告 长陵 献陵 景陵 裕陵 茂陵 泰陵 康陵 永陵 昭陵礼同祭告一虞祭十五日葬毕初虞执事官陈设酒馔于 神主前设奠献使拜位于香案前太常官引奠献使诣拜位赞四拜礼行初献礼赞跪奠帛献酒读祝毕俯伏兴亚献酒终献酒赞四拜举哀哀止兴焚祝帛礼毕百官 陵下陪拜传赞同本日至行殿再虞十六日三虞十七日四虞十八日五虞十九日六虞二十日七虞二十一日八虞俱奠献使行礼二十二日 神主入内几筵安神后九虞 上位亲行礼一十九日 神主回京是日早朝奠如前太常官引奠献使诣 神座前跪太常官奏请 孝定贞纯钦仁端肃弼天祚圣皇太后神主升座升舆奠献使俯伏兴内侍官捧 主升舆遂行内执事官备仪卫教坊司大乐鼓吹前导百官后从是日晚 神主至两水河夕奠如前礼一二十日 神主至沙河二十一日 神主至清河俱行朝夕奠如前一二十日朝奠后 神主还京文武百官俱缙服先于城外幄次奉迎候 神主至幄次百官序列于前行五拜三叩头礼神主进行百官午时入 大明门至午门外仪卫等退奠献使并百官俱暂止内导引官导 主入 上具缙服迎于午门内 皇太子 瑞王 惠王 桂王 皇长孙各具缙服随于午门内

皇后 皇贵妃等妃 皇嫔等各宫眷俱缙服迎于宫门内 神主至几筵殿内皇后 皇贵妃等妃 皇嫔等以下序立于殿西稍东向 上立于殿东稍南向内侍官于灵舆前跪奏请 孝定皇太后神主升座 上捧 神主奉安于几筵前行安神礼内执事官陈设牲醴如常仪内导引官导 上诣拜位奏四拜兴跪奏奠帛奠酒读祝俯伏兴奏四拜兴焚祝帛礼毕 皇后 皇贵妃等妃 皇嫔等 皇太子 瑞王 惠王 桂王 皇长孙拜如常仪鸿胪寺引百官于 慈宁宫门外俱随班行礼传唱如仪一卒

哭二十三日五鼓行卒哭礼内侍官陈设牲醴于几筵前如常仪 上缞服内导引官导上诣拜位 皇太子 瑞王 惠王 桂王 皇长孙各具缞服就拜位奏四拜奠帛献酒读祝四拜举哀哀止兴焚祝帛赞礼毕自后罢朝夕奠

○丁丑 穆宗庄皇帝忌辰 奉先殿行祭礼遣官祭 昭陵

○己卯 潞王薨

○辛巳南京户部尚书卫承芳< 疏 >言见 福王奏讨南直隶自江都至太平沿江两岸新涨芦田租税自行徵收奉 旨查明给与臣惟芦税每亩起科且又以大江南北之分作芦洲肥瘠之辨徵派有定例督理有专官匝岁以钱粮完欠分所司之举劾五年以清丈损益定各属之殿最万历二十七年查出丹徒丹阳崇明武进江都通州如皋泰兴等处田滩二万六千七十亩名曰皇庄责令佃户陈钱等纳价银三万七千五百七十两又每岁徵收租银四千五百四十余两而上江地方如上元江宁句容江浦六合青阳怀宁桐城宿松望江等县无为和州等州新经五年清丈比之芦课旧额多银三千三百余两归并于扬镇等处四千五百四十余两之内名为皇庄银两免其重丈此皇庄子粒之名所由起也总计上下江岁徵银七千三百两有奇每年春夏之交内守备刘朝用额收角口羊进本职仍核实奏闻盖芦地濒江出没不常小民不时告豁告补州县不时丈滩丈淤总之指东补西求足原额已耳一经 福府管业而定无常之洲滩为图册中之寔数沧桑几变之洲必难按籍而课王府徵收之役必至侵渔而扰窃恐管业之初忧在无课管业之后又忧在无民矣且扬镇等处之佃户纳过佃价三万七千余两则江浒虽无可据之恒产而江民久有承佃之定额据额求洲据洲纳租民已视纳价之额地为已业矣一旦改为王庄是清丈隐占之日有洲有租而因以有价交册管业之日有租有价而顿令无洲哀哉穷民有不举手蹙额者乎仰祈 皇上特谕内守备官将前项子粒银两炤旧角口羊进而仍以查勘催徵属之臣部司官及各地方有司等官则福府之令德令名辉映后先矣不报

明神宗显皇帝实录卷之五百二十

明神宗显皇帝实录卷之五百二十一

万历四十二年六月壬午朔乙酉大学士叶向高言臣受

圣母厚恩 皇上命以题主大礼敢不匍匐扶携供役礼成之日望乞速放臣归其诸切要时政望 皇上留神蚤发高采之拘留同知人情惶惶朝不谋夕如使有意外之虞则地方之患愈深采之罪愈大将来更为难处至于李朴部覆降调臣与同官屡请批发有何私意犹烦诸臣之过计哉奉旨览奏具见忠敬高采朕即有处分可候旨行李朴妄言原与卿无干何必置辩事完入阁佐理以慰朕怀

○是日遣内官奉敕往吊 潞王仍敕王妃炤例管理府事其辅导诸务责成长史司如不称职听抚按官参处

○兵科给事中吴亮嗣言 陵珙杜茂擅作威福杖杀四品武臣 陵寝何地敢为

震惊汤沐劳民恣其鱼肉乞付理官明正妄杀之罪若留守陆万垓敢为虎翼目无三尺应□彼中抚按提问留中

○先是陕西庶宗惟蛟因垂涎故伯之产殴死大功兄惟焦蛟父秉拂□□助子杀侄刑部议覆

上谕惟蛟着抚按官勒令自尽秉拂□□行该府严加戒飭不许仍前凶横

○丙戌 上命大学士叶向高恭题 孝定皇后神主带领制敕房中书汪民敬供事并关领司设监等衙门帐房锣锅等项一如例

○丁亥 上谕 圣母梓宫发引护送员役已经出榜晓谕外其在京各该衙门巡视防守也要比常加谨便行与厂卫城捕等官各遵职守申明禁令讷察奸宄堤防非常一应直宿守卫官军及门禁夜巡诸务尤宜十分严密务保无虞如有怠玩误事的一体治罪

○己丑 上谕内阁朕自足疾步履不便 圣母慈恩传准着人搀扶行礼今恭遇圣母梓宫发引所行礼仪朕当亲行以尽孝心足疾尚未痊可恐弗成礼捧请神帛谒祖着遣奠官恭代朕遵奉 慈命用人扶掖攀送 圣灵卿等传示侯拱宸洁虔敬慎奉行

○庚寅 皇太后梓宫发引 皇上躬率 皇太子 诸王 诸皇孙步送自慈宁宫至承天门外告 庙礼成面谕奠献使驸马侯拱宸途中恭护再三淳挚既至承天门外升桥伫望哀慕不胜 是日阴雨行迟屢屣 圣虑颁赏五城夫役巾帽衣服银钱饼饵及贮 银钱布囊靡不周悉仍 严谕该监官并执事员役增夫料理无误吉期误事者严查奏处

○辛卯梓宫至沙河 ○壬辰未时梓宫至两水河

○癸巳巳时梓宫入红门午时入芦殿

○甲午辰时梓宫入金井巳时掩玄宫

○戊戌 睿宗献皇希忌辰 奉先殿行祭礼

○夺太常寺寺丞赵一鉴俸一年以 皇太后梓宫夕奠到迟故也

○己亥兵部尚书王象乾言 山陵之役内官监受把总李贞杨志学姜忠史大化银四百四十八两折价仅募市猾百余名以赴严程杠多朽木索以糝麻以致梓宫行迟上命李贞等法司提问内官监着司礼监查明具奏

○庚子大学士叶向高奉 命恭题 神主讷复< 〇〇〇 毓-金 >云是日天气暗明风物和美臣送入玄宫徘徊瞻溯 先帝之灵爽妒存 列后之音容咸在欢喜燕好当不异于生前俨若仙游亦奚恋于尘世盖 皇上大孝已成始而成终即 圣母全归亦尽善而尽美臣所感触兴思欲以仰慰 圣怀少角□羊哀慕之念者也< 〇〇〇 毓-金 >入深慰 上怀下旨褒嘉 丁未 孝庄睿皇后忌辰遣官祭 裕陵

○戊申 孝穆皇后忌辰遣官祭 茂陵

五十三名颗俘获贼属阿扣阿赛等三百二十一名口招降苗仲阿落罗奇等三千七百六十名口又三山六龙山前后共擒斩一百零五名颗安庄卫共擒斩四十四名颗时抚臣张偲劳瘁以殒巡按潘浚< 〇〇〇〇 〇〇〇〇 〇〇〇〇 〇〇〇〇 > 闻下所司

〇乙亥大学士叶向高连< 〇〇〇〇 〇〇〇〇 〇〇〇〇 〇〇〇〇 > 乞还 上谕卿忠君爱国清正无私朕以圣母昇天福王之国朕心痛切不已幸典礼告成又值朕弟潞王薨逝悲哀况今时势多艰纷嚣甚乱宜当为朕分忧化理匡维辅弼挽回世运岂< 〇〇〇〇 〇〇〇〇 〇〇〇〇 〇〇〇〇 > 辞径去卿为元辅重臣岂可效尤有失君臣大体且朕寿节届迩卿当即遵屡旨入阁视事以副朕倚赖至意是日回奏仍乞放归 上又曰朕眷留至念尤甚于卿行己意而伤朕怀卿必不忍所请储讲起废诸事待卿一出便可次第举行吏科掌印官即简发其候凭各官着吏部速令赴任毋得久稽卿宜勉遵屡旨入阁若效尤径去竟失君臣大体岂朕所望于卿

〇是日 上以辅臣叶向高前往 山陵恭题 圣母孝定贞纯钦仁端肃弼天祚圣皇后神主赐银五十两纁丝四表里原封钞五千贯

〇诏山东东昌府通判柯时遇追赃遣戍先是巡按冯嘉会奏劾侵欺税银千余两刑部覆奏故有是命

〇丁丑大学士叶向高方从哲因候凭各官羁留困守已及半年< 〇〇〇〇 〇〇〇〇 〇〇〇〇 〇〇〇〇 > 请原推吏科都给事中李瑾立刻点用不报

〇准原任贵州巡抚王体复祭一坛减半造葬高氏并祭祔葬

〇戊寅户科给事中姚宗文< 〇〇〇〇 〇〇〇〇 〇〇〇〇 〇〇〇〇 > 言各省灾伤纷然见告除浙江一省霪雨为灾缘抚臣初任未经奏闻外应天抚臣徐民式则以应镇太安池五郡或旱或潦请改漕折漕运督臣陈荐则以准徐凤阳诸郡邑或旱或潦请议蠲赈江西抚臣王佐则以江右诸郡邑到处潦没流民告蠲告赈告余为民请命两广候代督臣张鸣冈则以两广水灾异常请破格蠲赈河南抚臣梁祖龄则以中牟祥符陈留等县异常冰雹请破格赈济前此而 皇上之轸恤未闻今日而库藏之赈费已竭此而不亟为之计其无孑遗可知矣伏乞发帑大赈蠲税翔仁< 〇〇〇〇 〇〇〇〇 〇〇〇〇 〇〇〇〇 > 入留中

〇己卯宴白夷人马黑麻等

明神宗显皇帝实录卷之五百二十二

明神宗显皇帝实录卷之五百二十三

万历四十二年八月辛巳朔壬午诏革去谊〇〇渐涧蒞谊滓封爵发高墙禁锢谊〇〇渐等临潼王府奉国中尉以同谋行劫杀人部覆陕西巡抚崔应麟奏也

〇乙酉他笼哈古等族番人恼秀等一百五十名进献方物马匹各进收赏给伴送如例

〇丙戌巡按山东御史翟凤翀题称宰暖二十四营环绕于开原一带岁为边患其中最黠鸷难制者莫如宰赛万历二十五年要挟不遂杀我庆云守堡王凤翱三十五年执杀庆云备御熊钥三十六年强挟秋赏连抢二次杀掠无算秋赏因而遂许今又挟加

名赏突犯内要挟一番增益一番将兴问罪之师彼之精骑动以万计而我之羸卒不满二千庆云游击之位号虽重而兵马之增设全无亦何异于张空拳而搏猛虎也况乎游击陈洪范者口怯无能一闻烽火闭门束手欲使冒敌冲锋制胜万万不能所当革任回卫勘明议处另择一谋勇惯战之将又欲将先议助辽筑墙折班军银改作增兵料料银四万五千两除新题募兵用银二万八千五百六十两仍余银一万六千四百四十两数内请给募兵五百名买马五百匹为庆云防御之用乞敕兵部速雇骁雄将官一员勒限到任仍严谕抚镇道将分别缓冲拨兵防守或将召募新兵及蓟镇援辽军马暂撤东防西务使声势大张或惕息于我之有备认罚悔罪即权宜照旧款赏可也倘或要挟再肆抢掠则当彼此犄角主客合力期收斩馘之功亦可也旨下部议

○兵部覆巡抚甘肃右佥都御史荆州俊条陈备御黠酋火落赤五款一复土兵以资援应土兵盔甲马匹器械自行置辨无事安耕有警调援即右寓兵于农之意但截杀有功与官军一例升赏所夺夷畜径给本人俟贼寇荡平听其自便归业操防等官不必统辖以免勾呼之扰至若旧有乡兵通查附藉以便责成共守冲边一修榨口以固边险河西一带节年修有山口边榨以遏虏锋其有极冲处未创修者即修应帮补者即补其槁湾濠塹应铲削挑浚者即为铲削挑浚但期工程坚固可垂永久钱粮不致虚冒一抚属番以重藩篱住牧番族系进贡属夷正宜抚驭以资协力其平素顺服张中桑思把等族黄金榜等族怕刺宛等柴隆刺麻等族西纳国师等族通计六七千人纪名在官就彼鼓舞量给赏犒立约分把关隘虏犯某族则某族应援虏犯内地统调拒堵有功与官军一例升赏夺获夷畜尽数赏给仍每月量给口粮责其口探虏情驰报以备防守一复原伍以实孤堡先年火酋求款边警稍息议将南山一带堡分兵马裁拨大营以备缓剿今火酋背盟各该堡分均系出没要区俱应照旧撤回至于极冲堡分若军马不足将稍缓城堡名数量酌拨补一申协谋以联声势潢中有马战兵仅止六千二百火酋精兵不下二万其不能相角明矣往例兰河归德有警西宁官兵驰援计称甚便应令临洮兰河归德等处增添哨役如酋有入犯河横及南山一带将领不待调遣统兵捣巢仍飞报军门调固靖大兵星火援应至庄浪凉永等官闻警即赴策应俱不得藉口信地坐视推诿各将领等官有功一体优叙如或闻警奏越异视俱应照例按法参处 上如议诏着实举行

○丁亥祭 先师孔子改遣檐事府何宗彦行礼

○礼部覆朝鲜国王李暉请追封生母查 大明会典文武职官封赠一款嫡母受封而生母先亡者准追赠该国地虽远服同为臣子 圣恩如天何分遐迩且其嫡母朴氏继嫡母金氏先以夫李昞受封皇妃则今李暉为生母金氏乞恩追封似应照追赠生母例追封为朝鲜国王次妃特给诰命付陪臣朴弘者等领回仍赐敕朝鲜国王钦遵知会上然其言诏查成化年内官赉敕例行后查隆庆四年封嫡妃朴氏万历三十一年封继妃金氏两次诰命俱给付陪臣金贵荣李光庭赉回夫不遣于嫡妃继妃而特遣于次

系巡军自作即不皆然上下含糊捉假卖真更有指使妄扳无辜受累又有积月候审了无结局今后严加巡视强劫即时飞报获有赃贼亦即时押解臣等验明发营五日内具繇解审不许迟延窃贼即报该营将领次日揭报臣等解审亦毋过五日隐漏贼情者把总革职参将论处一裁冗员役戎政事宜一款礼部考选太医院官十一员分送各营调治官军药材俱本院关领历年医士岁领国帑一千二百两原未置办分厘药材年终开报文册俱系诡捏花名以后裁去医官八员量留三员轮流赴府值日年终臣等稽其勤惰功效书考以示劝戒又各营把总十二员备兵不过千名则每统领不过百数人耳军以官多苦需索官以军少愁差派莫若总计军数或三百名或三百五十名方设一把总冗员裁革杂费自减一恤贫军京营之众虽云十万类多饥寒犒赏一万六千两查明定规刊成书册以其骤余练兵抚卒曩来夙弊如标把总张票儿使费等钱凡为穷军累者臣等逐一严禁若营中队长私索必罪千把总千把总私索必罪中军号头参游等官源清则流洁法上行然后泽下究一鼓舞将官京营冷局将官一入此地如同弃置屡列荐剡经臣等核实品列其最者副将即可把总兵参游佐击坐营即可推边腹协守参游击号头中军千把总等官亦可推都司钦依守把其次者循资内转犹恐接见阔累情志不达逢十日臣等进公署将领分搭鱼贯谒见副将暨坐营不妨破格礼待从容延访或讲习利害或论辩战伐在彼有奇坐吐在我衡鉴无翳号头以下晋谒阶前人人皆使尽言一一就中参择数月之间材具毕见不待临期采访思过半矣一别流品臣等荐举必论资格武科起于抡选世职出自将门若两科一科以及武生纳级非有绝技望难入彀自后擢补中军千把总皆查其来历知会臣等其收取听用官宜同臣等考选不许混入一公举劾从来年终举劾或先时委访数员咨询贤否密呈考语求荐者悬高价免劾者索厚仪就中不无一二清正终是公私混淆臣等严比试而勤接见不欲采听风闻若营将所辖各官开报不明大奸漏网异品称冤臣等宁自简举不明甘心罚俸受抑者必为昭雪开报官定行反坐留中

○癸巳户科给事中姚宗文等〈附 毓-金〉称 皇上追颂 慈恩特颁 遗诏明开天下税额俱减三分之一近京零星小税概准豁免乃税监张烨欲借网罗之广饱溪壑之私三〈附 毓-金〉妄上如桥关隘口一十三处总计徵银不过二万有奇此宜遵近京零星之诏烨必附之三分减一之例通湾税店即云难以额减然该徵三分者今徵二分使所以遵奉诏旨烨并不欲附于三分减一之例芦沟桥近京四十里灰煤炭草何零星如之桥有税口有税门有税何重叠如之烨乃用 祖制为名妄渎 宸听夫会典所载隆庆四年题准驮运木柴炭草俱免抽税烨何引称于 皇上之前烨之用意毒为计巧乞即赐撤回旨以阻挠 明诏有何神奸异棍一并正法留中

○甲午允礼部署部事右侍郎孙慎行乞归先是人言之及屡〈附 毓-金〉不准至是拜〈附 毓-金〉出城 上以专擅传旨切责大学士方从哲申请 上优诏之诏孙慎行职司典礼朕寿节届期礼仪为重乃因人言径去尊君守法之义何在着回籍调

理

○准定西侯夫人炤例与祭二坛开圻合葬

○准原任贵州巡抚右副都御史王体复炤例与祭一坛减半造葬高氏并祭祔葬

○乙未升左春坊左谕德兼翰林院侍讲刘一燝顾起元为右春坊右庶子兼翰林院侍读左谕德王毓宗为右春坊右庶子兼翰林院侍读翰林院简讨赵师圣为右春坊右赞善兼翰林院简讨 是日 上以中秋令节赐二辅臣上尊珍饌

○又以 万寿圣节赐二辅臣各金银万寿字二副金篆字八个金书红符一道

○丙申原任礼部右侍郎兼翰林院侍读学士吴道南屡疏辞召谕以卿学行特简众望允孚政本乏人亟需匡赞遵屡旨速来到任毋得再迟

○丁酉 万寿圣节在廷文武暨天下华夷赍捧朝贡官员人等于五凤楼前行庆贺礼大学士叶向高方从哲仍恭诣仁德门行五拜三叩头礼 遣阳武侯薛濂灵璧候汤国祚临淮侯李邦镇丰城侯李承祚新城伯谭懋勋东宁伯焦梦熊靖远伯王继芳彭城伯张嘉猷武清伯李诚铭祭 诸陵

○是日赐辅臣上尊珍饌

○戊戌祭 夜明于 夕月坛遣公朱纯臣行礼

○太子太保兵部尚书王象乾屡疏求去俱荷温旨慰留至是人言继至乃出城候命 上曰卿者德旧臣职司枢务军国重寄倚任匪轻朕念君臣终始之义已屡次慰留乃引疾固辞情词愈切准回籍调理驰驿去

○升詹事府少詹事兼翰林院侍读学士顾秉谦为礼部右侍郎仍兼翰林院侍读学士协理詹事府事教习庶吉士

○癸卯大学士叶向高疏请放归先后凡十余 < 足 毓-金 > 上俱温旨慰留连篇累幅至是情辞愈恳 圣心恻然得旨卿辅朕多年秉公奉法竭诚匡赞劳怨不辞独任忠勤从来未有朕倾心名德眷倚方深卿乃坚意乞归连章恳请情辞之苦至不忍闻朕鉴此悃诚岂容强特允回籍调理成卿雅志着加少师兼太子太师差官护送驰驿去仍赐路费银一百两彩段四表里大红绉丝坐蟒一袭称朕始终优礼至意卿宜善摄为国爱身以需召用 乙巳祭 历代帝王改遣侍郎何宗彦行礼 宪宗纯皇帝忌辰 奉先殿行祭礼遣官祭 茂陵

○丙午 上以□万寿圣节赐辅臣叶向高银五十两彩段四表里方从哲银四十两彩段三表里

○命宣大总督太子太保兵部尚书兼都察院右副都御史涂宗浚仍以太子太保兵部尚书回部管事

○升原任湖广巡抚都察院右佥都御史李得阳为南京工部右侍郎太仆寺少卿添注马从聘为都察院右佥都御史巡抚延绥等处地方赞理军务山西右布政曹愈参为都察院右佥都御史巡抚云南兼建昌毕节东川等处地方赞理军务兼督川贵兵饷

广西左布政林欲厦为都察院右副都御史巡抚广西地方太仆寺卿陈禹谟为都察院右佥都御史提督军务兼理抚治郟阳等处地方升陕西右布政张鹤鸣为都察院右佥都御史巡抚贵州兼督理湖北湖南川东等处地方军务升詹事府少詹事兼翰林院侍读学士孙如游为詹事府詹事兼翰林院侍读学士詹事府少詹事兼翰林院侍读学士沈淮为南京礼部右侍郎南京国子监祭酒蒋孟育为南京吏部右侍郎

○巡视京营户科等衙门给事中等题称是岁以大行皇太后之丧春操不举营务废弛催请八月秋操留中

○丁未大学士叶向高感恩去国敬效余忠其略曰臣闻古之人江湖而怀廊庙之忧况臣受恩深重岂以身既退休遂忘忠爱之一念乎请得以时事所最急天下人所共言再一申之 东宫辍讲十余年矣元身国本危安所关而深居青宫不亲书史睿姿令质何以陶镕 瑞王年已长成须髯如戟而好逯未遂怨旷日深父母之心人皆有之岂在 圣慈不加轸念此二典者必当旦夕举行者也六部九卿朝廷所与共理天下一官不备则一职不举今六部止有五人都察院遂至空署而外间督抚见推九列资望深隆如陈荐徐民式孟一脉辈皆久不点用臣等屡请之而不得内空虚而外壅滞岂不两妨废弃诸臣恩诏录用海内莫不传颂 圣德乃以忠鯁之名流尚从折腰之例以积年之困顿犹拘原拟之条得毋名用而实阻之乎候补科道久者二三年近亦数月旅食长安茫无职事销向用之心伤平政之明所宜即行允补而旧岁候选诸臣鳞集阙下亦当速为除授以便供职至于候凭各官以吏科不补至今尚未得去官既困于无凭地方又困于无官政体之亏莫此为甚此三事者部院大臣或屡请而未发或迁延而未请皆当亟行者也此犹据朝中大典礼大政事而言耳至于封疆最急莫如边饷目前切近之大忧莫如兵饷之匱乏虽今计臣苦心筹画而因循日久振作为难脱巾之变北见于蓟门南见于楚甸婴儿绝乳难止其啼猛兽搏人冀充其腹长此不已国家之祸不可言矣其必修屯田兴水利清冗滥严查参任怨任劳中外相成救此大患而我 皇上为之主张督率于上庶几其有瘳乎要其大本原则在于急罢税使税使一日不罢则民力一日不纾常赋愈逋催徵愈苦军与民两受其弊且相挺而为乱何以救之此尤时政吃紧之第一义也乃臣更有言者

祖宗设立开臣原是文墨议论之官毫无事权一切政务皆出自六卿其与前代之相臣绝不相同今事权日轻而责望日急救过不贍何暇他图臣今已行道南未至只从哲一人在阁极为劳苦区区愚衷诚望自今以后 皇上之听信阁臣者愈至而天下之求多阁臣者稍宽凡军国大计用舍大事必与商画而责之以匡维毋使阁臣不与其事而独任其辜则庶乎此官犹可以自立而政本之地不至于艰难穷困日甚一日矣臣去国之人故敢作此言又身不能为犹望于后人之能为故言之真切若是统望 圣慈俯垂鉴炤

明神宗显皇帝实录卷之五百二十三

王事例行夫货卖何名卖盐何事算计子毋徵逐贵贱以名藩而有垄断之行窃为耻之方今盐法壅滞盐课不登令王府公行货卖则差官支取之时狐鼠群奸必至公然夹带两淮正额引盐必为大壅河东行盐之地自有成法一旦阻绝则行盐地少盐课必亏河南所属地方向有堆卖官盐民店所货官盐原有定价若王府货卖昂价专利谁能胜此腾涌之价且查 潞王之国虽奉旨给赐食盐一千三百引并无请乞货卖之例不若计王府每岁用盐几许如果有余不必货卖听 福王自议裁请准照解茶事例两淮运使运发应用引数差官径解为便不报

○丁卯湖广武昌等处地震

○工科< 銚-金 >言功令黜贪甚严而于监守自盗者尤重工部一本内称万历三十二年间以门殿工作题奉往浙直采办鹰平条槁等木分运委官督商同买请有专敕关防诚重之也浙江头运主事崔廷健给过商银一十三万一千八百五十一两六钱除收过木实欠银五万六千七百五十四两九钱南直头运主事黄得贵给过商银一十四万五千四百四十两除收过木实欠银五万一千五百二十四两二钱浙江二运接管主事张翼轸给过商银一十万五千七百五十三两八钱除收过木实欠银七万六千六百四十五两六钱南直二运接管员外郎徐良辅给过商银七万五千两零后良辅升任复差主事沈圣岐升任未管其木未准解到前项共给过价银四十五万八千有奇共欠银二十五万九千九百两有零夫银至二十五万九千余不知竭多少万姓之膏脂乃视若传舍而弁髦之若金穴而溪壑之前者作俑后者效尤尚知有简书之可畏耶该部摘发严于各商诚是不知概宽于监督者非法也盖在头运崔廷健黄得贵人皆即世且各完三分之二其未完一分实望于接管者之督并可不究乎若徐良辅原以铨属薄司马而就工部长安久有秽声虽褫其官犹当正其罪况称准扬泊木真伪未明提问乌可已也张翼轸以昏庸而滥重役精核原非所长即操守不可知而才具则已见况称木数全到虚实何据降处胡能免也年来公论似明法纪不振范汝梓管建石桥用钉木几何擅冒木价五万余两虽经参处冠裳未革刘文琦管搭棚工用木亦属暂时竟滥帑金四万余两屡经驳查搪塞如故倘于此督木部臣既经查明仍复概纵其何以励臣工而馭万方不报

○己巳霜降节遣阳武侯薛濂灵璧侯汤国祚丰城侯李承祚成山伯王国柱东宁伯焦梦熊新宁伯谭懋勋宣城伯卫时泰彭城伯张嘉猷武清伯李诚铭分祭 诸陵遣惠安伯张庆臻祭 景皇帝遣指挥同知许浚祥祭 哀冲 庄敬二太子坟所

○巡视京营给事中等姚宗文< 銚-金 >言国家不爱财赋以募军秣马本为拥卫根本周备缓急而诸珰敢于罔 上行私钱粮日耗军伍日空前巡视张延登史弼查点勇士营册操官勇三千六百四十七员名除捏开事故外止到一千八百余名马该一千四十三匹则指称上直下场等名一匹不到矣四卫营册操官旗七千二百四十员名除捏称事故外止到四千六百余名马该四百四十五匹亦指称如前一匹不到矣皆

内监通同折乾卖闲临点雇觅冒名顶替马多私卖年终印烙亦赁雇应点故各营之马时报倒死匹数纳椿买补而惟勇卫马匹数十年如故世岂有数十年不毙之马乎通计两营养军秣马之费共米一十三万七千余石银约一万七千两有奇朝廷不得一军一马之用此以勇士四卫言也各监之占役又不止此神机神枢两营造到各监占役文册神机营则共占四百七十四名神枢营则共占三百六十一名有差者占矣即革差而占如故人在者占矣即谢世而名下分占如故以门军言之则九门额军三千七百五十九名现在守门听点止一千二十六名外七门额军三千一百四名现在守门听点止一千零九十三名其余影占反居过半占役官军每月纳大小官钱每军二名单月官钱三百二十文双月官钱二百六十文乞下法司将各监侵占如法追究尽数撤回其有仍前隐占查点不到者即革粮另替庶乎夙弊清而军政肃矣留中

○庚午诏朝审准暂免矜疑的待次年议豁

○山西河南等处地震

○甲戌兵科给事中吴亮嗣< 隄 毓-金 >请贍田不足宜又备监权重当防 福王之国户部咨催湖广贍田四千四百余顷夫楚中昔为景藩邸业摻括之惨至不忍闻后即以奉潞藩而天下所以不扰也自兹以还复有尺寸之闲土乎计惟有

显陵余地堪为拨补而陵监又巧为之说以挠成议不知钦留邸业载在碑志者不过九千二百八顷其余则当归之朝廷者也乞允抚按之请差官清丈故额以内毫不敢亏故额以外尽数以充贍田计莫便于此者守陵诸内臣香火启闭外无他职事至于显陵何独不然今还杜茂而遣刘用敕中所载不知何事万一兼揖兵马旁及词讼滥收冗役他日乱纪纲而震都邑用之肉其足食乎留中

○甲戌以朝鲜国送还漂流人口如例赏国王李暉白金锦绮并书状巡海等官各加赏纒丝银两

○总督陕西三边军务兵部尚书兼右副都御史黄嘉善奏猛旗诸酋纠兵大举连犯怀保官军奋勇堵剿大破之共计斩首二百二十余颗旨下该部

○原任少师中极殿大学士申时行以七月十九日卒讣至 上心侧然诏应得恤典从优查例来看礼部覆奏赐祭葬如例仍加祭四坛贍太师荫一子尚宝司司丞谥文定时行南直隶吴县人嘉靖壬戌科进士廷试擢第一人授翰林院修撰充经筵日讲官旃夏之地启沃功多屡晋吏部左侍郎东阁大学士参与机务崇宽和广忠益大都密勿之维持不在口苦国本之羽翼已悉心劳归休二十四年再荷存问北岁年八十 上特褒其齿德勋劳遣行人以银币羊酒致于家望阙谢恩而卒

○礼部覆山西大同巡抚汪可受题参乐昌王府罪宗俊樸之子充火口孟所生子延 熏等四十八位沿袭封禄久矣俊樸杀母戕父人理所无法当及其子孙所生子女宜一概不许请封禄粮合即行停止以为恶逆之戒奉旨各宗封爵待终身议降禄粮即行停止

○戊寅升李瑾吏科都给事中

○礼部署部事右侍郎何宗彦等会议近年士风日颓法纪陵夷以猖狂为气节以结党为豪举事关一人乃倡通学而聚蛟雷之声事关本学乃联各学而成鸱张之势把持官府武断乡曲至于缙绅子弟倚势父兄尤恣凶横若不严加约束贻祸无穷夫事权原在督学而申报则属有司自后通行府州县卫各置三等号簿有生员常川出入者逐时登报若□结党至十人者定点唱首二人结党百人者定黜唱首十人余量停降毋因势豪显宦家有人姑为纵释至于学臣则三年之内必岁考科考二次必以行谊为先每岁两京督学将考过优卷并行劣生员事迹报之都察院各省报之本部部院汇齐开送吏部即以考之迟速事之严缓以定殿最如事已闻于督学而有司不报事已闻于部院而学臣不报各官之罢软可知察典据此以行此今日简束学较之紧急也奉旨近来诸生不遵卧碑专一结党横行把持官府士习日坏法纪荡然甚非朝廷作养人才之意便行与各提学及有司官以严加惩治毋事姑息务挽颓风其余俱依议行

明神宗显皇帝实录卷之五百二十四

明神宗显皇帝实录卷之五百二十五

万历四十二年十月庚辰朔时享

太庙遣侯郭大诚恭代

○钦天监进明年大统历颁赐群臣

○改南京户部尚书卫承芳为南京吏部尚书

○辛巳 孝洁肃皇后忌辰 奉先殿行祭礼遣官祭 永陵

○ 上赐辅臣中历十本民历一百本

○宴崇隆等进贡番僧六竹烟丹等三十三名 癸未 中宫千秋令节文武百官朝贺命妇免

○是日 上以中宫千秋令节赐辅臣上尊珍饌

○丁亥升山东右参议李樛为陕西提学副使 ○南京工部都水司郎中张间为云南提学金事

○戊子户科给事中姚宗文等言贍田揆括甚难隐田清丈宜亟据河南抚臣梁祖龄报称原拨福府庄田中有零芜地二千四百四十顷五亩九分零今俱更换良田或变价另买或找价贴换或本府州县无可换派之通省实共膏腴之田一万一千二十八顷有奇至于贍田不足派及湖广四千四百八十五顷五十亩零奉旨咨催按臣钱春查议五事如楚府拨出原补淤田元祐宫香灯田雍府遗基广元光泽王府退出田地零星凑合不过五百三十六顷十一亩零耳唯承天备监田地按臣< 〇〇〇 毓-金 >请丈量即除额数新增实在一万四千二百四十顷五十四亩外其余凑补福王贍田不过用丈量之所余者十之二三而充然有余矣乃备监杜茂偏词阻挠至勤 严旨夫同一贍田也在河南之遗地则本不足而必于取腴取盈在备监之隐田本有余而反令若忘若弃 宸

衷必有憬然不安而难寘于不问者矣乞颁 明旨敕该部咨行巡按严查杜茂隐占如
湊补藩租尚多赢羨者另籍开报以防后监欺占之弊以预后来封建之资留中

○己丑命武靖伯赵祖芳承袭祖爵

○癸巳吏科都给事中李瑾论劾吏部文选司员外郎王大智违制循私原任训导
张大绶河南归德府永城县人补归德府宁陵县训导原任桂林府调简推官叶文华仍
补桂林府推官广东副使姚履素监军失职被劾戴罪剿贼辄推四川参政即此署选过
已多端倘令久任罪可胜述乞将大智议处以为铨郎溺职之戒不报

○以贵州道御史徐鉴提调庐凤连应安六府滁和广三州学政

○甲午淮藩府沁源王埏墀庶三子效铭袭封父爵

○刑科给事中郭尚宾论骆思恭访获假印奉旨准炤例升一级夫锦衣卫缉捕之
功次不载于 大明会典臣取兵部邦政条例查之惟擒获真正奸细者不分官旗军民
量议升级捕获妖言妖人强盗者提督官各有升级若访获假印非奸细妖言妖人强盗
之比也条例明载云厂卫访获私造伪印朱符路引问明止炤例给赏不许陈乞升级此
正例之可炤者也思恭可冒非例之例以幸升乎若四川都司张神武奉委追印利黔中
夷妇所有听周敦吉邪谋擅兵激变戕永赤摩普数千百生命屡经疏参委官勘拟坐以
索夷激变律斩今敦吉渎奏展辩又奉旨下部议矣万一牵扯支吾使得延视于人世甚
哉无人心无国法也此二者功微赏厚罪明诛稽爵刑不审均非所以御武弁也留中

○丁酉 诚孝昭皇后忌辰遣官祭 献陵

○原任少保兼太子太保礼部尚书文渊阁大学士今致仕沈鲤奏谢存问其表有
曰伏愿 皇上所其无逸持之有恒时振纪纲守 历朝之成宪日勤批答如践祚之初
年重国本则储教宜先熙帝载则汇征是亟缺官即补用人勿疑杜旁轶之门成总揽之
实 上下旨褒嘉诏沈诚与做试中书舍人

○戊戌诏桐城县民赵楼杀死父母弟妹四命行应天巡按御史严问正法

○庚子户科给事中官应震言天下理乱之故悬于人材人材铨叙之权统于吏部
而文选为甚道里之冲僻地方之烦简人情之醇顽吏治之修窳品材之良楛履历之升
沉弊蠹之沿袭皆必久而后谳而司官起家者非外之有司则内之别署四司周历更递
加等传舍而舞文猾胥以逸待劳册籍任其沉阁俸序任其倒翻迨既避贤者路而经年
家食倏忽提衡直如隔靴搔痒未必亲切臣谓久任之法于吏部最急吏部四司于选司
最宜昔 世宗谕群臣曰文选乃铨衡要司顷来不问贤否第以次补以至往往用舍倒
置自今文选司官务令久任果能尽心所职者超升如有不称更调选补即万历元年吏
部有守令久任一< 銓-金 >奉旨久任本系良法但近来华要衙门升转太骤都着
一体遵守繇斯以言先年铨部岂必皆骤转者哉臣窃计考功以下三司不必互调主事
遇缺随补可也其主事转员外似宜不出本司而惟是文选主事缺则就三司主事中采
择调补选司员外缺即以本司主事补之选郎缺即以本司员外补之至于京堂之转在

选郎久历贤劳优以常少若三司正郎事体稍逸或同寺符卿等项俱可间升而何必概令掌铨概转常少也臣谓从后选司务须久任不许恣意乞归亦不必四司更互庶职业既一而不分贤否亦判而不溷而司官得人铨政大举矣留中

○辛丑巡抚云南兵部右侍郎兼右佥都御史周嘉谟题称缅甸为滇南患有年矣陇川逼近缅甸即古之麓川也其地为滇西门户一或失守则三宣危三宣危则腾永危幸仗天威一鼓荡平该道黄文炳及副总兵麻镇等官殚心极虑例应纪录升赏有差下部议

○壬寅准已故保定巡抚都察院右佥都御史刘学曾炤例与祭一坛

○刑部左侍郎张问达< 〇〇〇 铨-金 >辩御史陈一元参偃城县典史秦嘉谟冒官缘繇奉旨这事情既经咨勘明白知道了部寺讼狱相关有未当的不妨改正以见慎刑之意

○癸卯巡抚延绥兵部左侍郎兼右佥都御史刘敏宽题称猛克什力等酋恃众挟赏一寇怀远再寇保宁官军奋勇随寇随剿共计前后斩获首级二百二十二颗夺获连马一百八十二匹兵备道陈长祚总兵官官秉忠等例应纪录升赏有差旨下部议

○甲辰铸给新设两淮盐法道关防一颗

○戊申吏部尚书郑继之屡< 〇〇〇 铨-金 >乞假因言误推道臣姚履素等业已停升误选本府训导张大绶等应与改选 上曰部事繁剧卿暂调理数日速出料理误推误选各官准改正行

○旌表节妇二十名弋阳县民汪乔妻姚氏宁州民张迁妻方氏靖安县生员廖邦本妻项氏新建县生员丘嵩继妻余氏罗田县生员肃玘妻胡氏蕲水县民郭廷庠妻罗氏雄县生员吴谦妻李氏吴文渊妻苏氏安州民刘朝英妻居氏密云县民陶大伦妻张氏涑水县民庞佃妻王氏烈妇七名临川县民章尧三妻李氏清苑县童生刘寿昌妻杨氏宛平县吏林士茂妻沈氏大兴县监生吴守智妻包氏安肃县民刘天爵妻田氏交河县儒士及櫓妻于氏徽州府民吴文正妻徐氏

明神宗显皇帝实录卷之五百二十五

明神宗显皇帝实录卷之五百二十六

万历四十二年十一月己酉朔赐故应天巡抚升兵部右侍郎刘应麒祭一坛减半造葬

○壬子 恭让章皇后忌辰遣官祭 陵寝

○甲寅祭 三皇之神遣侍郎何宗彦行礼收回祭设颁赐辅臣三卓

○乙卯原任礼部尚书兼翰林院学士陈经邦奏请妻林氏祭葬 上曰陈经邦系日讲官伊妻与祭一坛造坟安葬

○戊午提督军务巡抚四川等处地方都察院右佥都御史吴用先< 〇〇〇 铨-金 >请乞休不允

○庚申 上谕内阁朕先年朝谒 圣母恭见 圣目少安斋沐竭诚露祷 上帝复命内官祈祷于 东岳泰山之神感其灵应发帑命内官监太监崔登等铸造圣像并建宝殿告成宜当用文恭纪其事以彰朕之孝诚卿可撰碑文来看

○拟敕建泰山天仙金阙碑文朕自御极以未岳渎百神祀典咸秩矧泰岱为群岳长镇我东方斯万物始交之地凡昭姓考瑞登封降禅咸兹在焉 碧霞元君名号所从来远相传黄帝肇建岱岳观命元君云冠羽衣迓西昆真人焚修玉洞遂证仙真斯事寥邈不可考已宋真宗东封清泉示异玉像是崇以迨于今自京畿至方国莫不祇事恭惟我

圣母慈圣皇太后保佑朕躬广建功德尝于京师重葺东岳庙朕欣承 慈旨靡爱斯工美哉轮奂庙貌赫矣日者 圣母日眚朕心靡宁夙夜冰兢露祷于 昊天上帝复命内臣持节以祀 东岳泰山之神天仙碧霞元君祀事孔明 慈颜以豫日眚遂蠲则是 泰山元君既赫厥灵绥我 圣母以及朕躬祝莫大焉朕间无言不酬无德不报况兹灵庥 慈闱之倚藉而盼飨之显异者哉是用秉虔皈依报答明祝出内帑金钱若干镀金为像范铜为殿筑石为台奉 元君奠居焉爰锡嘉名曰天仙金阙为门四东曰苍华南曰丹凤西曰皓灵北曰玄通其泰山后门曰北天命内官监太监崔登等往董其役经始于万历四十一年四月二十六日越明年四月初四日已于事而竣朕惟古者成民而致力于神功成化洽瑞应毕至乃有事于泰山朕眇躬凉德醇化未登不敢侈七十二君之事惟是祇奉 慈闱获邀灵感兹复不天 圣母升遐宜与 元君在帝左右朕追慕方殷深维 圣母弥留之际惟恤菑赐赦民事为兢兢泰山奠位于东其德主仁其气主生肤寸之云泽及万国惟泰山为然尚其匡佑我民两暘时若年谷豊登使各有宁宇无逢其灾害朕一人实嘉赖之 元君 庙食亦且与国祚共相绵远岂不休哉朕所为酬往德而因乞灵者如此庶几承

圣母之志无所陨越且俾朕孝思亦得垂之无穷云乃勒碑记其事而铭之曰峨峨岱山表兹东土触石兴云遂遍寰宇亦有 元君游彼帝乡仙阶秘灵玉策耀祥日观崇祠天齐巍阙英爽洋洋昭哉对越医我 慈圣怀柔百神神之听之降福振振靡叩不通靡呼不赫向兹禋祀 慈颜有恠景祝既彰拥其明庥 庙食无疆巨鬯一鹵乃命中涓乃出内帑奕奕新庙是蒸是享寝成孔安永宅厥灵幽感神衷明德惟馨眷予一人受命不殆既佑文母燕及四海燕及伊何惠我黍稷遏禳凶札歛时休嘉降福孔多岁事有飭于万斯年与国罔极

○辛酉兵部题覆朝鲜擒获倭夷散不朗识等三名疑为奸细远解入关督臣行道译审乃称买卖遭风卒尔就擒于法似难轻宥第其入泛就擒俱在朝鲜境内中国处之无名仍令陪臣顺押回国听该国径日处分至于硝黄一节令甲所禁遵炤年例贸易似难准从加买 上从之

○时朝鲜又奏解胡敬等四十二名航海遭风漂流属国兵部覆议下海之罪已无

所逃作奸之情未见的据应解发该省军门严加根究以儆诈伪诏如议行 ○癸亥刑科给事中姜性论劾北镇抚司千户陆逵西司房千户陈斗昭冒荫坏法不报 准荣世子常滚袭封为荣王刘氏进封为荣王继妃

○乙丑夜火星逆行柳宿

○刑部题覆秦府永兴王府奉国中尉敬金□虎溺爱行凶登时踢葛朝凤死之通衢其子谊泸谊溟起祸加功合将敬金□虎炤例革为庶人仍禁住闲宅谊泸谊溟炤量加罚革以为凶宗之戒从之

○丙寅 孝惠皇后忌辰遣官祭 茂陵 孝烈皇后忌辰 奉先殿行祭礼遣官祭 永陵

○河南道御史刘光复< 〇〇〇 毓-金 >言先是职奏旧淮抚李三才不法擅用黄木盖造房屋数百间起建花园吞占国家 祖宗相传木厂地百余亩没朝廷之官军充私家之工用取朝廷之城砖砌私家之墙垣并其家人李七等怙势吞□难以枚举三才欲自明不过曾用皇木与不用皇木两言而决乃职< 〇〇〇 毓-金 >及者略而不谈而所置办者皆意想不到之事词锋闪烁神情周章国家二百余年无遣内臣勘问外官之事而乞特遣公正内臣查验对质将九卿百官无一公正人乎必 皇上专用内臣而后可乎伏乞敕下九卿科道从公会问三才果否取石灰于冀镇士民有口中军有谕帖三才果否拘役官军死者含冤生者当有口将官有三才取票果否用城砖砌家墙阖州耳目难掩砖墙见在可勘此尤其小者若皇木如至八万五千四百余根必有下落三才造房之木必有来历 皇上世守木厂岂容占作私门乐地按律以论难逃两观之诛矣伏惟 圣明鉴察是时科臣刘文炳姚若水官应震台臣刘弘光潘汝楨监察工程台臣李徵仪直隶按臣颜思忠等先后文章工部署部事右侍郎林如楚亦以官木散失有因言官指摘有据< 〇〇〇 毓-金 >请监察科道会同缮司及分司官前往查勘俱不报

○兵部题覆麦园头之失事也贼不过海外失风偶尔飘至非必蓄意犯顺者而兵怯将懦初至昌国而刘炳文匿不报矣继越台海达温区而参将王元周游哨王明翼陈梦斗若罔闻知矣继抵麦园头而张惟智且率兵陈耀林云董期等乘舟而遁陈师武又坐不救矣问谁统张惟智则刘铠也谁守虾驮湾则陈希道也谁当御之于水而不令纵之于陆则安光世也先该浙江抚按高举等题参本部覆奉钦依行令按臣勘问今据勘问明白除刘炳文已经参题降用外合将陈耀林云俱以临阵先逃应斩刘铠安光世陈希道应戍王元周等以下永锢杖赎有差仍著为令以重侦探之法依拟

○戊辰兵部题覆炤朵颜等卫夷人毋花力等求讨表里案查万历二十六年本部题准事例朵颜等卫夷人审其报有大举消息进送马匹效有功劳许量加表里若受过十五表里者不许再加既经巡抚吴崇礼译审毋花力等委与近例相合应加添三表里衣服一套随贡关领以为夷人效顺之劝许之

○刑部题覆泗城州土官岑云汉父子始末缘繇业经多官勘悉大都谓汉嫡嗣也

始非有莫大之逆祇缘勋以衽席之爱宠孽生端众目以睚眦之私从中煽祸以故繇州驾捏串党妄申至于楚劫称兵假示渎奏杀子之谋惨矣而汉亦给毋谎印扶弟出奔至于楚城杀目抗旨藐提相提而论绍勋父也父无不是诛逆法也法贵原情合行彼处抚按释勋之罪以存大伦薄杖雷汉黄玛等以息嚣孽至云汉直从宽政待以不死止令削衔戴罪管事竣其亲心悦然后议复盖亦取其悔罪之诚而嘉与更始也得旨是

○己巳赏给达思蛮长官司进贡番僧阿豆坚藏等四百三十八名各折绢银两庚午长至令节免庆贺大祀 天子 圜丘遣成国公朱纯臣恭代

○辛未 上以冬至令节颁赐辅臣上尊珍饌

○壬申大学士方从哲< 〇〇〇 〇〇〇 〇〇〇 >请一阳初复乘时用人一点大僚一补科道一补监司一录废弃 上曰览奏具见忠君为国至意其点用大僚及废弃候补各官等事俟朕简卿宜安心赞理 〇甲戌礼科给事中姚永济言迩年纪纲积弛人心成玩而在都下为甚有所为走空者以粉饰为诱媒以要挟为诈局应选应升之官一被智笼术愚千金买命不敢声说有所为结把者御人为活歃血同盟少则数人多则百人平时众夥帮殴发觉一人抵罪每抢募不相识之人于白昼都市之中且又能为拏鹅头串厂卫虎役以食人又能为撞太岁捏当路亲戚以行骗又能多藏假印包揽中外文书改头换面又能多识中贵居间衙门说事纳贿分赃又能为奸商侵克数万金钱恣情浪费又能为宵小混说无端利孔耸惑藩王又能为匿名妖言腾造谤毁又能为逋逃主窝匿无获即获者未成而扯累之人先从齏粉即戍者甫解而急归之足仍复飞扬矣臣近见东厂缉事每称日报御前为有权而吓诈混拿良民锦衣卫独称亲军乃表里东厂而相与为奸假公济私明知故恕亦安能强而正法哉乞谕缉拏衙门务获真正见犯使法司重典得行则奸息而乱息民安而国安矣留中

○丙子总督宣大山西等处军务太子太保兵部尚书兼都察院右副都御史涂宗浚题称北虏自俺答至今受封已四世矣然俺答之受封也以孽孙之在中国也黄台吉扯力克之受封也以虏妇之中主也虏妇兵权在手上佐虏王下抚诸部令行禁止当时所难者只在虏妇之不肯许婚虏妇许婚则封事指顾定矣若卜酋之封自丁未至辛亥虏妇不肯许婚素囊阻梗无已所以然者素囊欲篡虏王之位因以擅市赏之利虏妇不能制也卜酋欲袭虏王之位又欲专虏王之利素囊不肯分也辛亥卜酋虽与忠顺成婚而兵马尚在素囊之手即虏妇未故卜酋徒拥虚名不能有所主张虏妇即故卜酋虽受王封而与素囊争分家财久不相让主事无人兀慎老矣五路故矣五路之弟打赖宰生台吉者虽颇知理恭顺堪使然夷狄之俗父母故后所遗家产原归幼子素囊执此之例宰生台吉亦无如之何卜酋以袭封之故定欲尽得虏王之赏素囊必不肯让卜酋去岁受封之后十二月曾遣二弟班儿慢台吉他儿泥台吉前来进贡又为素囊遮留曰家事未妥如何进贡卜酋二弟又复回巢则迟迟其来盖为争家事非敢侮中国也臣但令临边将吏姑停大市必待贡到而后开素囊欲开大市必当与卜酋分家素囊与卜酋分家

则卜酋之贡自入机之在我止于如此至于止大市而虏不敢争只有简将练兵谨守封疆使虏不敢狎贡之迟早皆所不论臣奉旨处置贡事谨悉心料理以求上副

圣心所有兵部尚书伏乞别简名德大臣以允兹选使臣一意边事庶罪过可逭而分义亦安矣 上曰贡事未完卿宜遵旨相机经画无失中国驭夷之体本兵重任原以才望特简不必又辞 卷终

明神宗显皇帝实录卷之五百二十七

万历四十二年十二月己卯朔转吏部右侍郎李鋹为本部左侍郎

○ 慈孝献皇后忌辰 奉先殿行祭礼遣官祭 显陵

○ 壬午兵部覆议蓟镇总兵萧如薰回籍从之

○ 癸未宴赏朝鲜国庆贺冬至陪臣尹颙等五十员进贡种马陪臣沈彦名等二十七员

○ 准荣府富城王长子翊□袭封为富城王夫人张氏进封为妃

○ 丙戌礼部疏言福王生长深宫贵极富溢岂屑为多寡有无计止缘天下亡命积猾趋利如鹜以之诱内监内监亦以之诱 福王故请求之腴日新月异孰知祸患之中于 宗社者有六且及于福藩断断乎其不爽也何以言之山东京师之左辅也从来易动难安曩时括田令下怨咨之声已不忍闻今承奉门正率百十余人假丈量之名所在驿骚田边之田业外之业可以恣行包占而一切殷实之家可诬以隐漏抗违惟其所渔食耳山东如此河南湖广复然卒致分崩溃烂不可收拾此群小摇左辅以危 宗社者一国家数百万金钱强半出于盐筴各有定引各有分地雒阳旧食河东盐以其壤地相接朝发夕及也今改食淮盐近河而上数千里又欲开店发卖使河南一府尽食盐夫河南既食淮盐河东之盐岂能飞越至于南阳怀庆是河东失三府之分地矣且经由山东之东兖河南之开归卫等府内监积滑必多带私盐沿途货卖私引既多正引停格不惟淮扬河东盐法尽坏即山东长芦靡不阻滞正额何以完而经费何以给此群小坏盐政以危 宗社者二京师者与虏为邻二军枕戈坐甲以捍牧圉者为得楮计耳今山东各有盐法既坏又经数百豺虎择人而食民且不能安居□将何处出办百万军士岂能枵腹待毙轻则脱中而噪重则勾虏为难此群小侵边饷以危 宗社者三留都根本重地从来藩封未有睥睨尺地者令请芦洲请管芦洲之业内监往来群聚不逞之徒竞相膻附不曰某处之为利孔也则曰某人之漏正供也金陵之人必不能安枕而 高皇帝之衣冠不致震惊不已此群小窥上游以危 宗社者五马周有言曰自古国家之兴亡不由积蓄多少惟在百姓苦乐今 福王孳孳为利请马店请山厂竹木等厂以亲藩尊贵躬为纤啬之谋其□□执衣□已甚况夺一事之利则百姓失一事之生计夺一日之利则百姓失一日之生计时削月朘吮糠及米铤而走险皆敌国也此群小失人心以危 国计者六夫使有害于 宗社而有利于 藩封见小遗大犹云不可矧为藩封之害又有历历可言者乎有司徵租上不敢失正赋下不忍尽民膏况有抚按监司弹压其间催

以去至于车户洪仁闻其拖欠大工丝价等银不下三万余两养奸者谁而不以付司寇乎李三才买用皇木占皇厂奉旨注勘矣又闻其花园不属麻地半属仓基仓之废科已修宣课司而基地为三才所占果尔则又不当独问工部矣以上诸款延阁非一时经营非一手而总之部院之臣未完之前件也状臣窃谓上者下之倡君者臣之表其考其成皇上之未完者亦多矣 青宫不开讲奚以豫诸范 皇孙不就传奚以善贻谋 王婚不成奚以绵瓜瓞 妃地不卜何以凝吉祥门殿不建奚以示壮丽大寮不补股肱缺矣科道不用耳目蔽矣藩臬不黜废奕不起失贤才矣税榷不止请讨不抑无节制矣溢议不下分别去留不下热审无恩威矣高采徐进朝等不处瑯_琊监_立横矣代府不改正孽子夺嫡矣沐氏不勘藩镇擅立不可制矣弃印不问贪功好杀者幸免矣弃地不问罪抚扬扬都市死师且请恤而袭封矣凡是数者有关于 皇上之国事有关于 皇上之家事以 皇上之神圣威灵夫安所不得为而泄泄若是臣闻亭毒之功四时成岁故岁终之月斗建丑丑者纽也结之义也书有之王省惟岁卿士惟月师尹惟日岁毕矣王省惟其时矣非王省而何以倡卿士师尹之省哉伏乞次第举行仍申饬大小诸臣各修实正共襄至理以协步功臣亦因考成乏役而效一得矣留中 辛丑兵部题覆毕其等夤夜潜入皇城内北台堆积烧毁 乾清宫土土口查处所 挖金砂淘洗内官宋进喜等翻为奸藪依律正罪以清禁地奉旨宋进喜及毕其等都着法司救拟 大学方从哲类写装演通鉴纂要四本进览壬寅治贼夷边口失事罪诏夺总兵萧如薰密云备李养质各俸二月余革惩有羌 癸卯夜月掩犯心宿火星 甲辰升左春坊掌坊事左庶子兼翰林侍读韩爌为詹事府少詹事兼翰林院侍读学士协理府事纂修 玉牒 升右春坊右赞善兼翰林简讨张邦纪为春坊右谕德兼翰林院侍读清理 贴黄 乙巳吏部尚书郑继之等_疏请县官死难乞赐恤录得旨苏梦阳杭贼杀身忠义可悯准赠光禄寺少卿荫子主祠照例行 韦宗孝赠本州同知荫一子入监读书龙旌赠国子监博士 礼部右侍郎兼翰林侍读学士协事府事教习庶吉士顾秉谦八恳 圣恩给假看母 上曰顾秉谦念母情殷准暂假归省还依限前来供职 丙午原任礼部署部事右侍郎兼翰林院侍读学士吴道南_疏言洊奉 明旨已拟力疾就道臣分滋薄臣妻遽殒乞追稽迟之诛赐以宽期 上曰卿赴召有期迺值家变朕心惻然政本需人卿还遵屡旨速来辅理以慰輿情 原任总督陕西三边军务今升协理京营戎政太子太保兵部尚书黄嘉善_疏舌口辛考满恩命不允 上谕内阁 圣母升祔 昭陵大典告成朕心甚慰所有在工内外官员悉心经理劳绩可嘉先年 献皇后陵工告成虽在承天在彼供事官员俱已升赏今 圣母陵工报完典礼隆重其内外官员均属效劳除内监另授外佐工官员分别叙赏以昭朝廷激劝之典卿可拟票来行 丁未大学士方从哲_疏请 圣明乘时励精以图交敬其略曰皇上临御日久机务益谙于凡古今理乱之原无不洞晰于世故人情委曲变迁之态无不周知谓宜求治预殷任贤愈笃百官元曠庶绩咸熙不意年来怠忽之念滋明作之功

乏始于一念之因循久之以废弛为固状矣章< 〇〇〇 毓-金 >之上强半留中其发者皆日用常行无甚关系者也升补之官问多俞允所靳者则皆大僚科道极其要紧者也典礼俱属隆重而概视为寻常议论任其分器而漫无所分别非分之请求不为限制内批之绩习未肯改弦法守益隳纲维尽角口羊自非 圣旨励精于上俾臣愚与百执事靖恭于下欲以修实政而登上理终不可得也伏望省览施行得旨览卿奏具见为国忠爱恳切至意其点用大僚及候补诸臣等事少俟详览简发卿宜安心辅理以慰眷怀

大明神宗显皇帝实录卷之五百二十七

明神宗显皇帝实录卷之五百二十八

万历四十三年正月戊申朔 上不视朝文武百官及四夷贡使俱于午门前行礼

〇庚戌 宣宗章皇帝忌辰遣官祭 景陵

〇辛亥大学士方从哲请 上乘改岁之期速简部< 〇〇〇 毓-金 >将都察院堂官先点一二员将起复科道官及都察院所题漕盐各差俱赐允用不报

〇以甘肃进贡马匹例有钦赐银两内库缺之诏太仆寺给与

〇革昌 总兵计辅宁夏总兵姚国忠甘肃总兵王允中俱令回籍时兵部奏辅建立无闻昏瞶毕露国忠借权自便百计诛求允中登坛之始偏任私人投杼之疑横辱裨将故革之 〇壬子湖广巡按钱春极陈楚省困惫权采难堪迺奉恩诏免一征二非不少宽民力顾不撤关罢厂减犹未减乞敕户工二部将税务与采木并罢以苏民困不报

〇乙卯立春顺天府进春

〇大学士方从哲言 东宫自三十三年辍讲经今十年虽睿智天授不假磨礲然而正人君子之不亲安所得理义养心之助古今载籍之不考何以洞兴衰治乱之源臣于去岁之春即偕同官恳请未几值 圣母皇太后之变大礼甫毕倏已届秋续奉 明旨以天气暴寒 皇太子体质清脆为角口羊目今青阳启泰风日晴和天时人事更无可缓望 皇上亟涣纶音特修旷典容臣恭择吉期上请不报

〇是日以立春令节颁赐辅臣上尊珍饌

〇丙辰礼部署部事右侍郎何宗彦奏 瑞王婚礼一节臣等请不啻详而 皇上杳然不报窃以臣心浅陋窥 圣意渊微去年六月举行之旨寝阁不行者犹谓 圣母之丧未久与 瑞王期年之服未终也今仲春随届王且即吉又值桃夭冰泮之时矣臣用敢以二月为请不报

〇礼科给事中姚永济言 瑞王婚礼 皇上既有六月择吉来行之旨 圣母又有封婚大典皆有定期之诰延至于今尚未有期夫 瑞王为 皇上爱子何减于 福王 福王封事告成已隔岁矣独于 瑞王迟其婚礼又我朝宗藩要例必十五岁请选婚者为如期今 惠王年二十有二 桂王年一十有九未闻选婚之期岂 皇上爱膝下之诸王不若天下之藩王乎是时御史郭一鹗怀远侯常胤绪等亦交章言之

○丁巳大学士方从哲以本月二十七日二十九日俱入学大吉之期请 上钦定一日开讲

○吏科都给事中李瑾言自 上不御朝凡用人行政宣德达情仅有章奏一线请乘履端之庆将近日吏部题催大僚起废选补诸< 銮-金 >尽点批发以实内外之空虚礼部催请 东宫讲学诸王婚礼诸疏各示的期以舒内外之郁结都察院题差巡漕巡方各御史概涣简命以济更代之燃眉其各漕之因事效忠台省之循职尽言抚按之随分入告亦逐件采择见诸施行不报

○时 潞王妃李氏有条议藩政一疏欲于湖广地方置庄徵收巡按御史钱春言女主摄国不宜绌约有司纵容近侍以开闾阎毒痛之害莫若责成州县官依期徵完或差官自领或汇送河南布政司启进倘有拖欠严立考成臣等以参罚继之则可为斯民清浮出之门兼可为藩府塞缩入之孔章下户部

○戊午孟春享 太庙命驸马侯拱宸恭代伯杨世偕陈炜分献

○ 孝恪皇后忌辰遣官祭 永陵

○以上元节赐百官假十日

○都察院署院事刑部左侍郎张问达劾御史陈一元在差告病未允径归虽曾奉旨下部院终属违越乞照史记事例姑准其回籍調理俟病痊补任之日量加罚治

○吏科都给事中李瑾参署监事右庶子王毓宗为监丞陈敏中代题告病止宜回籍调摄而量改留曹主政明为乞升于例不合既而敏中不候旨径行瑾复劾之毓宗亦有糾敏中之疏诏下吏部

○己未大学士方从哲言 瑞王婚礼于时已过惟是二月为大利之月去今无几望 皇上立涣纶音令钦天监即择定吉期早完大礼至于 惠王 桂王睿龄并茂选婚俱不可迟伏祈敕下礼部一并选择不报

○礼部言臣闻学于古训乃有获又曰学有缉熙于光明 皇上尝命 皇八子出阁讲学今十年来置之若弃夫 祖宗御制训典不陈说何繇体验古今善败兴亡不讲贯何繇鉴观今青帝阳回风和日丽皇太子以神明之资清燕之暇不惟四书五经宜以时温习至如 祖宗之懿德芳规载在 皇明祖训文华宝训与夫历代君鉴臣鉴录资治通鉴诸书宜令儒臣一一进讲至若 皇长孙年踰十岁前修之课程具在古今之蒙养宜端貽厥孙谋以燕翼子正目前之首务矣

○赐赵王常清谥穆蜀王宣圻谥端

○壬戌以游击周天祚为四川西路参将都司刘思祖为福建北路参将游击李应元为延绥参将坐营孙承志为昌镇游击守备吴英为遵化游击把总毛有伦为蓟镇游击

○准江西巡抚王佐改给京衔诰命

○原任户部尚书赵世卿卒

○甲子 英宗睿皇帝忌辰遣官祭 裕陵

○大学士方从哲催请考选科道官李若圭孙之益等谓旧制给事中该五十员御史该一百余员今总计见任与在差者才有其半诸臣服官中外扬历已深人品官评屡经推择置之言路必能无负任使仰答恩慈乃令坐待都门茫无职守岁华虚度壮志潜消灰诸臣效用之心失 祖宗养士之意今岁功伊始 圣政维新望亟下考选之章并张光房等五人令该部议定推补不报

○工部为验收四川大木及会勘旧巡抚李三才用木占厂事情推兵科给事中吴亮嗣同监察御史往勘从之

○礼部奏宗藩事体其载之要例酌例者不啻详矣但法久弊生例宜画一若听其过期而不为之例或坐视其苦而不为之所非仁义并行之道也谨于旧章中申明而斟酌之查得亲郡王将军中尉子女凡请名请封选婚各件俱有限期若因事耽延未能如期奏请者男请名请封过期五年以下查题十年以下行勘十五年以下勘明另题止给名粮五十石本折中半兼支十五年以上立案如系听继王爵人数过期年久例应另题立案者临期请旨定夺男选婚女请封过期十年以下查题十五年以下行勘十五年以上立案其庶人请给名粮亦许十五岁具题过期一如选婚例行此万历十年题准要例者也酌例中一款除婚礼一项照旧例外其将军以下名封亲郡王及管理奏抄到日本部备查前项果无违碍即与题请不必以年限为章虽有过期概行免勘并报生文结俱不必经繇巡抚衙门直达本部此万历二十二年题准酌例者也夫报生文结直达本部无容议矣及查万历二十四年科臣复有杜冒滥惜耗费一疏内有重奏请之限得旨本部议覆

○刑部以场事勘结久稽乞严拏逃犯李师靖解部听审得旨著该抚按官设法严拏务在得获

○乙丑时 福府差承奉往东省丈田所在扰害山东巡按赵日亨疏言东人向苦旱近苦水今每亩三分倍踰五分之额而又以狐假者索之必至沟殍道殣且其地半滨海半联辽今中州之穷搜全楚纷扰芦州盐店之屑瑟具丛众怨而适以醜鸟兽聚者倡之能必其不扬航操戈与之响应乎夫田亩不足须丈界至不明须丈顷坐派四千四百八十亩零无尺寸亏也额租一万三千四百五十两零无纤毫减也册籍具明租户各定有司征不加少中使营不加多乞 陛下俯收清丈之命亟停藩阉之差每亩三分逐岁有司徵收依期解纳一如部议巡抚钱士完亦极言中使清丈之害 上曰福府田地既奉有明旨自行管业本府差官查丈田地与册相同者查收外近有奸民故将膏腴藏匿以荒芜朦胧搪抵与册互异岂得不行查丈不必又来烦渎

○山西巡抚吴仁度奏山西军卒暴露穷年枵腹民运逋负京运愆期今税监张忠<才勿>故乞 皇上俯念税额已定无烦再遣中官容令臣等责成有司按季征收上曰张忠病故其徵收见在税课钱粮等项同查明交付差去内官窦进忠押解进用

原管税课事宜著归并内官张焯不妨原务兼摄督理解进

○先是徐州黄河缕堤决口二百余丈遥堤决口一百七十余丈先后河臣或欲估计应动钱粮亲诣筑塞或欲浚正河以便水之归阔下流以便水之出屡经奏闻是时管理中河工部郎中吴大山淮徐河道副使袁应泰督同多官以次挑复三山故道创筑遥缕各堤计二万三千余丈用人夫四万七千三百八十六名实用银八万七千一百九十六两然不烦内帑不派里甲较诸原估尚省银五万三千三百有奇总督漕运陈荐

< 銚-金 > 列效劳各官以闻下工部覆 ○初闽抚婴税监高采之难左布政使窦子偁行至节镇坊不入辕门事闻京师多有疑其不赴援者兵科给事中吴亮嗣瞻田一疏语及采事内有闭阁幸抚臣左袒附内监之语于是子偁坚意求去士民思之

○高采奏乞宽限调理回监管事 上命遵旨伴送来京司礼监奏请定夺采又以遗下樽节公费银两上进疏俱报可

○礼部奏二月初九日恭遇 孝定皇太后小祥例该祭祀谨遵旧例将合行事宜拟议上请一万历四十三年二月初九日辍朝一日不鸣钟鼓 上位服浅淡颜色衣服于文华门视事一文武百官青素服黑角带朝参办事一祭祀 上位祭一坛 穆庙皇妃共祭一坛 中宫祭一坛 皇贵妃等共祭一坛 皇嫔等共祭一坛 皇太子祭一坛 瑞王 惠王 桂王共祭一坛 瑞安长公主祭一坛 荣昌公主 寿宁公主共祭一坛 景恭王妃祭一坛 才人祭一坛 皇长孙诸孙诸孙女共祭一坛勤侍夫人彭金花等六局秀才合宫宫人共祭一坛内官内使共祭一坛一在外各王府遣官与在京文武衙门各官俱赴 昭陵各祭一坛一翰林院撰祭文一光禄太常寺备办祭物香帛报可

○戊辰巩昌府地震

○吏科都给事中李瑾糾直隶巡按刘策告病虽已得旨但不候代而径行乞敕部院查例议处或念其回籍调理量从薄罚

○户科给事中姚宗文劾税珰高采闻命迁延沿途横索既经山东抚按会参乃作者疏进钱粮内称有税银九千余两被乡官林世吉等家奴并各衙门员役抢去采之为此谎奏不过欲借抢夺之名以自文其窃盗之罪乞真诸理不报

○河南巡抚梁祖龄劾 福府仪卫司正龚孟春私受盐犯师管潘济源贿径于巡盐万御史行县拏问之时朦讨王命至县夺回其余贾军冒粮恣横难数乞敕兵部褫革

○是时 福府伴读阎时往汝州等处丈地征租每钱加收五分偶因勒索不遂将佃户周化鲁国臣毒打化死国臣垂毙河南抚按交章请敕法司逮击正罪仍祈谕王将已遣仗地内官一并撤回其租银令有司徵解 上以阎时不能安静命承奉司启王撤回戒飭另差委廉慎官员前去更替

○户部署部左侍郎李汝华等请亟下巡漕之命谓旧例每年十月开仓十二月兑完开帮宪臣亦在九月题请十月赴任去岁巡漕点差稍缓而积年奸徒弊窦遂滋今正

月渐尽此时差已属迟若再挨延其乘隙作奸又不知何所底矣 上可其奏命御史朱阶速去毋致误事

○命牟志夔往长芦巡盐

○工部题覆浙江山会萧三县海塘近因潮患议改石砌其所资钱粮即于史昌等入官各项银内抵用上不动官帑下不累闾阎计非不善第善治水者不与水争利萧山筑塘逼海以故十年十筑竟无成功则循行相度为始基计者当讲也善建功者不为目前谋史称吴越王筑塘于杭立基之法先挑去地面浮沙丈余比见青泥然后下椿垒石故至今钱氏堤屹然如旧今萧山之立基则异是欲潮大无倾得乎则经画为永久计者当讲也吉人得兴大役先明赏罚乃萧山所委者非县佐领则杂职此辈第派夫课繇与衙蠹为奸利耳必如抚按所议遴选府佐二员以廉能勤慎者充之功成即议优处如十年内有倾圯追论处分则以赏罚明激劝者尤当讲也 上从其议

○己巳礼部题二月初十日祭 先师孔子初九日传制恭遇 皇太后周年改初八日传制报可

○命户部主事赵谦管天津仓

○庚午署院事刑部左侍郎张问达催请候补道臣王雅量等考选道臣孙之益等谓此时差若猬集人若星稀内而巡视外而巡方即寻常侍班之员谒 陵糾仪之任俱不可转属于他曹至如皇城四门等差迫与科相兼均应一体允俞不可再缓不报

○户科给事中官应震言臣效忠 陛下者有三说一曰情爱不可偏溺均吾 君之子也在 皇太子十二年来以讲学请则不报在 瑞王二十五龄以婚请则不报在 惠王念二龄 桂王十九龄以选婚请则不报而独是 福王者随请随报屡请屡报宠盛而骄祇恐阶之为祸一曰货利不可偏徇二十年来采山榷酤困于市旅愁于途犹幸有农民在陇亩朝廷之正赋是供迺顷则宦珰军骑遍历穷乡既苦每亩三分之纳复为分外加五之收而农之困乃更在口贾上一曰私人不可偏任 陛下近年于士大夫微觉厌薄独于此曹是崇是信如李俊邢洪辈之诱张于鞬穀陈奉陈增辈之怙恣于税场或以病死或以激变地方死未闻死于三尺法近如高采奉旨回京犹营求回监理事皇上不敕下法司而温纶频降 福王奈何不惟此曹之听乎惟 皇上去此三偏远货财斥群小以为 福王先不报

○大学士方从哲言吏兵两部事务繁钜今吏部尚书郑继之署兵部事吏部左侍郎李志皆以老疾乞休经今五日原本未蒙发票若耽延日久废弛益多且二臣老成练达精勤自矢尤 皇上所当深信而专任者望将二臣辞本简发容臣拟票取自 圣裁俾令速出视事

○礼部署部事右侍郎何宗彦言代藩承袭一事议者莫不谓 祖宗旧制当守长少定分当循无奈代王溺爱愈深其饰词强辩不过以妃之子为嫡妾之子为滥耳夫张氏后裴氏为妾法不当立妃彼时执之不坚听其冒封而尚有所生之子仍称庶出之语

则鼎莎之非嫡子也明甚裴氏乃已故边氏陪从系额内人数非滥妾也假令裴氏不死张氏无宠安知不以请张氏者请裴氏乎则鼎渭之非滥妾子也又明甚无嫡论庶立庶以长此古今定理也 皇上洞灼情伪故于旧岁礼臣有以少夺长如鼎莎不可不蚤定之请遂奉旨有裨典礼依拟行矣前后 明旨炳如日星独以嫡之一字为其所误今质之国法輿情鼎莎嫡乎庶乎鼎渭兄乎弟乎此等诖误一厘正则代王鼎莎有善后之令名佞执迷不悟听信群小异日代王千秋后谁敢为鼎莎请封窃料天意人事还归鼎渭而莎之灭亡可翘足待此时代王有知必深悔前日之溺爱则何若改正于今之为愈也惟 皇上鉴前之冒嫡为欺罔察后之立长为明宪一如前旨毅然必行即于今岁初夏册封之时照例遣官定鼎渭为世子鼎莎亦不失本等镇军爵禄宗藩幸甚不报

○礼部奏 皇太子妃薨逝已两易岁择地之疏臣部请几敝舌 天听置若罔闻前者春夏不报犹曰 圣母梓宫在殡也继者秋冬不报犹曰 昭陵工役方烦也今改岁矣 升祔之告成已久物力之休养有日乞愈允相度卜吉鳩工不报

○诏兵部发抚赏银解往蓟镇发马价银解往宣大

○壬申 孝静毅皇后忌辰 奉先殿行祭礼遣伯王继芳祭 康陵

○福建巡抚袁一骥疏乞休致言高采留则不敢以身避疆御采去则不敢以身辱抚临 上不允命其用心抚镇以靖地方

○命御史吴允中巡按江西鲁之贤巡按宣大李嵩巡视两关过庭训督理印马屯田

○命李怀信镇守甘肃杜文焕镇守宁夏白慎修镇守山西刘国光镇守居庸昌平等处俱以原官挂印充总兵官与之敕

○以少詹事韩爌管 玉牒右谕德张邦纪管清黄

○户部覆巡漕御史条议一明职掌以平军民岁额漕粮民输军运皆系勤国待之不宜偏重至于兑粮之际水次有定地加耗有定额旧规各宜遵守或间有当更易者即宜预详巡漕御史听其从长酌行如有无故变更及不预详以致临兑相持误运者听该院从重参究一革积弊以恤穷军国家役莫苦于运卒自开兑以至上纳涉险历时旧运未完新运已至月粮之所领有限而常例之腴削无穷自沿途僱运以至起剥上纳各弁役皆有需索委有通行禁革如有仍前需索者许旗军将原给刊册从实填写投递以凭审实从重究遣 上命依议行

○癸酉大学士方从哲言顷者 皇上点用按差五人事体便觉< 銮-金 >通只从点差一念扩而充之即为维新之一会因列急务上请一 储讲当开而侍班讲读等官不可不补一 瑞王婚礼当完而 惠王 桂王选婚不可不并举一大僚当点而都察院三堂及顺天应天巡抚二臣不可不先点一起复科道当补而考选之命及张光房等五人疏不可不早下一各省司道当补而畿辅浙闽秦楚山东河南有事之时需人更急尤不可不急补不报

○初御史刘光复言工部奉旨召商于南直浙江等处议买鹰平条稿等木分为三运以备搭厂找架之及用查头运少木三万三千六百二十二根浙江二运木少五万一千八百五十四根多系原任淮抚尚书李三才盖房强买盗用 上命科道同工部堂属官亲往通湾查视至是兵科给事中吴亮嗣回奏言臣到皇木厂查头运解到之木既未入厂又未还价商人极诉系是李仆诱买然事已十余年诸商或死或逃诚难质对惟是浙江二运之木商人具告原木五万余株泊在河下以洪水漂流止捞得三万余株还顿河滨尽被宦仆李七等强买票取以去其二万余株漂散无影臣等拘集商人共往李三才宅视其一二三重及右旁已成楼寝斧斤验视杉木颇多及其最后一楼商人以为大半此木为之楼后有空地人言系拆去廊房亦难知其用何木植矣大约本宦一宅琳琅精巧骇心夺目身非至圣何以开位育之堂事本繁华云胡挂双鹤之扁又本宦宅东有隙地一区原系国家旧皇木厂伊仆亦自称认租佃住夫国家之地自应还官岂有置敕书于此种花树创台榭于此但藉口先夫子之牌位而遂扬扬若固有之乎乞敕下法司拘集李七李四及诸商诸匠人等严刑讯究有价若干无价若干商人则卖若干追价还库依律究拟工部覆奏得旨付法司

○甲戌巩昌府地震

○大学士方从哲以各衙门诸臣皆为 东宫讲学与 瑞王婚礼举行无时约各词力请即至再至三必期得旨复特< 疏 金 >申恳是时交章请者礼部等衙门侍郎等官何宗彦等詹事府詹事孙如游等太常寺等衙门少卿等官翁宪祥等右春坊右庶子等官王毓宗等翰林院修撰等官杨守勒等礼科等科给事中等官姚永济等言甚切至

○长芦巡盐御史潘之祥条议盐法一防沿河夹带议于德州临清东昌济宁四处各委巡河巡盐等官凡官船粮艘严加搜缉如有夹带究治船户一严营军私贩京营军士往往骑坐大马挟持弓矢刀剑百拾成群驮载私盐巡缉人役莫敢谁何请令通州参将守备等官协力缉捕有功纪录失事参处其营捕各官如有纵军私贩一体并究一禁商民之影射于额引正余盐外不许夹带沉没引盐不许捏告补掣一止奸商开引于边中额引外不许借名济边增开盐引以壅盐法户部题覆 上命依议行

○乙亥以 瑞王婚礼传令钦天监择日

○兵部覆辽东巡抚郭光复疏称 祖宗朝以女直种类归款分置建州毛怜海西等卫各授指挥等官万历初年惟南关王台最强自台故而其子猛骨孛罗与其孙歹商相残遂弱奴酋之祖教场父他失为我兵掩杀奴酋亦孛然一孤雏也彼时惟北关之逞加奴仰加奴最强遂日糾西虜以攻杀南关为事而我开铁亦时被侵扰十一年逞仰二奴被戮而奴酋于是渐长与二奴子卜寨那林索罗角立矣二十二年卜那二酋思报父讎又日与南关相构遂反戈以攻奴酋卜酋竟为奴酋所杀而奴酋势駸駸盛比北关请卜酋尸奴酋剖其半归之于是北关遂与奴酋为不共戴天之讎二十六年那酋又攻猛

酋猛酋力不能支因质妻子寄命于建寨者几二年奴酋视猛酋为釜底鱼遂以计杀之此二十八年事也及我中国切责欲问擅杀猛酋之罪而革其市赏奴酋因悔罪许妻猛酋子吾儿忽答以女厚送之归中国原其悔罪置不问至三十一年那酋与白羊骨又糾庄南抢杀吾酋吾酋穷困投奴寨自后吾酋不还而南关之敕书屯塞地土人畜遂尽为奴酋有矣迩年以来奴酋自称恭顺每以北关戕杀南关为口实而实以与为取北关觐望于南关之不得每以奴酋谋犯内地为口实而依附愿效其忠自四十一年北关又收奴婿卜占台妻之以女坚不放归奴酋于是与北关深恨积怨且其富强已非一日每藉婚媾为名种地为繇必欲将北关一鼓而吞以为窥伺内地之渐我南关既失止靠北关如线之藩篱若再失守则奴酋糾结西虏害可胜言哉故今日筹辽必以救北关为主惟是奴酋反覆靡常顷抚臣提兵出塞遣羈酋佟养性为间谍遣备御萧伯芝为宣谕谕之退地则退地谕之罢兵则罢兵而察其情形实怀叵测如以四十一年结退之地四十二年春复种秋复收必待来年然后已其退地果真退乎彼于金白二酋既云老女婿不与亦罢又云若不与我凭何盟誓其罢兵果真罢乎始而具结退地我信其退既而背盟种地我任其种今复勒石以待来年我亦与之待彼不求婚媾我信其不求彼必求婚媾我又代为讲求亦为其所愚甚矣夫南关即不能遽复而新种之地必不当令其再收当今春复种时即当蹂其田夺其牛诛其人乃隐忍姑息业已示怯转盼来春垂涎有日用兵剿逐宁烦再计至于婚媾两事曲在北关而奴酋未必直也即完其婚媾而两家亦不能式相好也奴酋以婚媾为名并吞为实北关不与其婚媾正不欲遂其并吞我中国惟宜置之度外听其自相猜猜何必为彼居间作伐强北关以难堪狗奴酋之愿欲乎一意决绝处置得宜乘其外宁修我内治如敌数火器急为建置城堡墩台蚤为修补设守了之军夫禁出边之樵牧稽查虚冒移置将官责北关以训练之义宽罪弁以使过之仁挑选援兵期得精壮皆内修之实所当听抚臣以便宜行事者也 上曰该镇制驭机宜著抚臣便宜行事务保万全余俱依拟

○刑部请革高务实武英殿中书职衔寘诸理言故相高拱捐馆三十六年其应立之嗣应承之产岂待今日争持始定今高务实已经奉旨听勘而抗拒刑官污蔑县令乞敕吏部褫革仍移咨本部转行彼处究审以凭详覆报可

○吏部尚书邹继之再恳休致 上曰铨衡重任卿以宿望特简公清端慎朕所鉴知且精力有余何为引疾求去宜遵新命供职副朕眷倚至怀会推及监司台省等事已知之矣俟即简发

○丙子中极殿大学士沈一贯卒一贯浙江鄞县人隆庆二年进士改庶吉士授简讨升编修充日讲经筵历谕德庶子少詹教习庶吉士升礼部侍郎改吏部加太子宾客以艰归走口尺礼部尚书二十二年十二月以礼兼东阁大学士入阁同知经筵充正史总裁二十六年主会试累加至少师请告回藉卒于家礼部覆本官翼国本于拜相之初秉国成于行政之久虽物议颇觉沸腾而天下想望丰采 上以一贯久居首辅功懋赞

王就国于湖广之德安始请武汉湖课后渐及湖田地刑部疏止之诏曰可万历十六年潞王奏讨景府遗业遣官执数十年虚数以求足额抚按二臣议虚额不得取盈承较不得妄遣奏俱得请木有丈勘管业之实也今福王因徵角口羊而求丈管连跨三省遍遣中官虽有不许扰害之明旨然而阁时往汝洲因需索不遂辙将地户鞭死冯进忠张佃梁进等所往府属用夫皂廩粮万计曹登刘显初至东省金鼓旗帜尤乱典制去而复来可谓遵旨不扰害否且自行徵收谓有秦府事例夫会典万世当遵秦府何足为例况秦府虽有贍地不过一方而福藩地连三省此在事势必不可行在人情必不能堪在邮传必不能应者臣愿王勿复比例也时部寺台省衙门各疏言之

○以刘曰梧为都察院右佥都御史整饬蓟州等处边备兼巡抚顺天等府地方以喻安性为山西副使昌平兵备以杨应登为广西仓梧道副使

○命御史潘汝楨巡按山西王雅量巡按辽东金汝谐巡视光禄

○谕户部朕弟潞王新薨伊子尚幼養贍不敷所请禄米难拘常例准着减半给与以示朕优恤至意其湖广庄租着遵前旨行

○命南京户科给事中张笃敬巡视南京京营

○吏科都给事中李瑾兵科都给事中张国儒广东道御史李嵩等疏陈晋省土瘠民贫徭繁赋重加之频年灾沴沟瘠未起边饷宗禄孑遗是赖若以税使骚扰必有逃亡激变之忧乞允山西抚按奏请停止付有司徵解不报

○兵部署部事吏部左侍郎李志以老疾请告上谕以精力未衰兵戎重务着照旧兼摄

○以神木榆林二道冲边难缺金忠士张联奎准照原推升补仍令刻期赴任

○壬午初福府从官房屋河南抚按已将棚殿变价凑足二万两解府自行盖造未几复以添盖为请工科给事中刘文炳言中州当土木大兴之后水旱频仍之时民膏已尽宜如河南抚按所奏将前二万折价通融盖造不必另派俛或不敷即于折膳银内补之如必欲另解即于秋冬二季税银估计留之工部如其言覆焉上命工部行文传与河南抚按准照益藩奏请庄棚修葺事例于额税银内如数凑给房价银二万两作速送府俾内监官孔宠盖造毋得迟误其余额税银两照旧类送税监解进接济应用不许再来繁扰以后各王不许援例奏渎

○兵部左侍郎魏養蒙疏乞终養不允

○南京四川道御史汪有功效福藩内侍宋进忠擅入留都祭告高皇陵寝大坏典制不报

○癸未秦州地又震

○大学士方从哲言日者大小九卿科道及公侯伯等官投揭于臣皆言福藩清丈田地及开店货盐二事急宜停止且欲臣并力祈请冀回天听顾臣之言岂能有加于诸臣哉窃惟福王贍地数盈二万地连三省于祖制则已踰奈何复求管业丈量

伴读承奉等官始突入于东省继遍布于中州驿递之骚扰难堪闾阎之惊惶特甚田地则以美为恶租银则增少为多攘夺需求非本处之奸民则四方之亡命此辈使尽凶威小民受尽荼毒地方官费尽调停而于 福府额定田数毫无所加异日人情骚动相继逃亡宁独佃种无人租赋莫出甚且穷而走险借 王国以发难端则曷若收回自行管业之命将各省派定庄田尽责成有司之为便哉至于开店货盐无论下夺细民之业上褻亲藩之体将见私贩行则正额阻淮盐盛则晋盐壅举长芦河东两淮盐法尽皆废坏而三镇之军需九边之储饷无所措办此尤关安危大计谓宜如盐臣所奏停支淮盐改食晋盐舍远就近计无便于此者仍望将前照例货盐之旨并赐收回谕令即行停止庶几 福王享安富尊荣之实矣不报

○甲甲晏朵颜夷人

○监察工程兵科给事中吴亮嗣言川蜀采木皆在夷方二千里所经途路绝险至于运木必用车户车户平居多负人钱及领出官钱辄为富人扣子母钱去而空手以归往 宜运不运日迁日委至春水涨而漂流可惧乞严敕工部将运价发至通惠河当官收贮或便寄通州官库查其有车有骡马者随到随给臣等亲至厂中查核有无迟速或别有索倩克银之弊容臣参奏处治其已到厂之木乞敕工部司官盖藏收贮不致为风雨泥泞所坏则他日大工之兴不复为楚蜀之累矣

○初留都各卫所官每承袭北上既苦途费之艰尤苦京候之久称贷而行即约扣俸抵偿故有到任数年不得食禄者有无亲戚可借终身不得袭替者于是南京兵部署部事工部尚书丁宾奏赴阙受恩自是成例但此辈入选无资日就消耗法穷则变况京卫皆洪永世臣且贴黄在南京原不同于外卫南北事属一体既经臣剖详审勘结仍照例会同多官比试类奏即移咨兵部候命准袭报可

○乙酉以 圣母升祔 昭陵工完钦赏大学士叶向高银一百两纁丝四表里大学士方从哲银八十两纁丝三表里工部右侍郎林如楚银五十两纁丝三表里吏科给事中李瑾以下各官赏赉有差

○准总河侍郎胡桂芳回藉调理病痊奏荐起用仍谕河工甚亟不可缺员吏部作速推补

○赠原任太子太保吏部尚书孙丕扬为太保荫一子为中书舍人丕扬两握铨衡公清有执虽意见不无稍偏然非风庸中人也至是吏部请其赠荫故有是命

○赠原总督粮储南京户部右侍郎赵钦汤为户部尚书

○丙戌 孝定贞纯钦仁端肃弼天祚圣皇太后周年小祥在京文武各官赴 昭陵行礼大学士方从哲于 慈宁宫门外行礼

○河东巡盐御史万崇德疏请 福府食盐改支于河东 上不允仍命照例给引于两淮支取本色解府应用

○丁亥 孝贞纯皇后忌辰遣伯焦梦熊祭 茂陵是日祭 先师孔子遣侍郎孙

如游行礼

○广西道御史王雅量请绎 圣母遗诰亟允行 储讲 王婚及亲贤图治诸事时值小祥故雅量陈此冀感动圣孝也

○兵部题覆开原副总兵李效忠杀人投贿大干法纪应将效忠革职仍行巡按提报可 戊子贵州道御史鲁之贤劾两广总督张鸣冈招寇媚珰二事海外诸黎得其人不足臣得其地不足守当熟黎抱繇与生黎罗活相构于中国何与乃突尔称兵就如所云据其穴窟资其糗粮一鼓荡平足称奇捷而我中国费金钱损士马张万纪薛凤翔等千人之命不可复苏此下得偿矢者方内珰阮昇之往粤馈以三千金绸缪殷勤得无以黎岐之败恐昇转达于 皇上不意不曲意结其款乎乞敕部议将张鸣冈罢斥庶边疆无徼幸之谋矣不报

○吏部条议铨衡政体一甲科授职惟视甲第之名次不得希户工而薄西曹辞推官而就知县求中行而厌廷评避行人而待中书其就教亦约量年力间为题覆必内外历俸四年四个月以上始升部属不得躐转一考察论劾官员业经奉旨则升补不可不别今后除蒙诬见抑酌量从优外其余必查处分等级累阶始上一部寺起复到京除南得补北一遵旧制外其原在北者必酌量才品不得一概起补而请告给假者宜仍补本衙门掌印郎中俱不得讨差自便南京考满不得以优游故园之日为实历一边方推官及州县正官务要进士举人相兼选除贤能者照边道优升行取者量宽俸一年远方推知亦必多用甲科俟有成绩照例行取优迁一考满官员有称职平常不称职三等务从实分别按其官评不得概署称职边方兵备必卓异者升二级平常者只照常迁叙不得冒滥一监司郡守凡赴任违限及擅离地方者听抚按官照例参处其真病与事情迫切不能赴任者径题致仕一各省直抚按每年四季务将庸劣官员据实报部而于府佐县正每季多者开三四人少者亦不下一二人其保留一项除边方任事司道疲地牧爰有司酌量听留外不得滥题一南北台省皆朝廷耳目之臣隆庆六年奉旨两京官职任原无轻重今后选用升迁都一体酌量行可见南北之有轩轾非旧制也合无以后南中科道择其有品望者如资俸相等升迁亦得视北为准一举贡官恩监儒吏承各照行头以挂选为序年同论月月同论日日同论正杂分行挨序即于截点之日照缺挨取一开纳滥觞已极如审理加银即除长史监生入贖即得通判至有听选官改监生儒士履历者此等纰缪岂可踵行以后凡纳前项职级一概停上而太仓节慎库司官凡遇加纳者收银之日随亲记一底册以凭本部密移对查

○谕工部朕以 圣母先年闻近畿要路胡良巨马二桥连年被雨水淹没坍塌往来行人险阻不便已给发帑金修造 圣母倏尔升天事不果行朕今追念 慈仁特发岁积帑金并后妃皇太子王公主及内外人等各捐进助金若干两修筑仰全 圣母德意但念工程浩大内帑所施不贖准将旧税留用还查先年修筑事例差内外廉能官员督理工程钱粮等项尔部便看议具奏故谕

○刑部奏内犯杜进忠自万历三十九年起每日同宋进喜等勾引各贼潜入禁地刨窖今砂刘应魁等守门疏纵相应请旨提问从之

○巡按四川御史徐良彦言顷者 福王奏讨四川盐并茶银奉旨着照 潞王例行臣伏而思之盐并茶银果有例乎先年景王奏讨以万县税为名于时税已停革不得已而以小票税银凑拨盖那陕西边饷之需未几复革仍以边饷当其时盐井乾塌者十之三四及 潞王奏计景王遗物而边饷益耗今井之乾塌者复十之八九课无所出相继逃亡往额盐引七万有奇既题减三万四千余尚不能足及今二十年来 皇上又益引票之税而引益阻不谓 福王复益之徵臣不知其何所出矣蜀未常有茶例也蜀茶严则秦茶行秦茶行则番马至故稽其出入而重之以税令其无为秦阻其税乃以供秦饷边往额茶引五万道既题减一万三千引每岁之额亦不能完销今榷徵复及茶税而口日少额日亏边饷复不能减 王复奏讨茶银此不但无废府之遗并 潞王亦无之矣 福藩建国天中当使宇内蒙安不宜听左右言利之人于已敝之蜀犹铗 而求也不报

○南直隶巡按陈王辉陈修复屯政三款一定营费江北三十四营每营修理奖赏诸费年约银三百两零今粮额难以动支查得各卫识字工食皆出于新增之冒滥量为裁减每年省五百余金合无将此项扣除三百两零以为修理奖赏之用一严圩令江北屯田仅恃一线之圩必革去千百户之营委者但令管屯指挥金殷实圩长数名于春仲未水之时督修完日申报如不力而冲突者计粮数多寡移文南京兵部革任参降其有急公营职堤防无虞者于报命之日荐用一恤流离南京四十二卫屯田在无为州和州江浦六合全椒等县去岁旱灾饥谨万历四十年以前逋负已蒙停徵一年独四十二年分各卫屯粮未蒙覆准改折贫戍额赋难输合无照四十一年分题准轻灾事例每石折银三钱五分徵解户部以纾贫戍转输之苦户部题覆报可

○辛卯陕西督抚刘敏宽李楠议于固镇新疆大小芦塘二堡增墩台以壮声援创船桥以通利涉添设四堡操防军士以为守墩防虏之因至夫匠盐菜铁料价值军丁安家银两及口粮马料俱于实塞广盈二仓内支动召补新军月粮银俵给苑马草料银俱于原额京民二运内通融支放疏下兵部

○吏科都给事中李瑾以文选司署郎中事主事胡来朝例推兵科都给事中张国儒为藩司官援会典纠之

○甲午以云南巡抚周嘉谟平逆有功且三品六年考满升为都察院右都御史仍遵新命总督

○税监张烨以山西抚按交章请税归有司疏辞至再 上不允

○乙未宴建州等卫夷人

○宣大总督涂宗浚乞归 上以贡马将到需人料理不允所辞

○丙申升甘肃巡抚荆州俊为刑部右侍郎 ○山东道御史金汝谐言时事有

军伍虚冒一条谓边省之兵患其聚聚则易骄京营之兵患其散散则易弱古者虑其聚而骄故分寓之于屯田今日忧其涣而弱必练习之以行伍宜自营将而下令各习器械平时则分队比试团操则分数严明此以守之之法练之者也弘治间五军营常拨一千五百名戍黄花镇神机营拨守紫荆关等处故营军每拨十之一轮番于近边盖习险夷则不致遇敌辄北尝劳苦则不致骄悍难使今独不可仿其意乎此以战之之法练之者也不报

○以陈道亨为福建左布政使施尔志为湖广按察使刘大文为湖广副使高登龙为河南副使刘观光为广东参议秦一鹏为河南参议

○发宗室新_□土甸等一十四名回府居住从陈荐之请也 ○丁酉初福府瞻田原派楚省四千七百八十五顷有奇地方官极力掇括仅得五百余顷而福王复请故相张居正遗下入官田土八百余顷 上已允其自行管业抚臣梁见孟言此业多系各王府与百姓上价摊粮已三十载摊粮固惟正之供上价亦有主之物且三十年转售多主工筑多费一旦尽夺民其何堪今议有价无粮者二百余顷给价还官以充贍产其上价已摊粮者仍归民业尚有废辽田土行查另报

○以杨德泽为开原副总兵李继芳为辽阳副总兵曹震学为四川松藩参将高第为南直庙湾游击

○庚子工部奏鼎建皇极三门烧造瓦片带办灵应宫琉璃瓦片 上曰本殿宇厅用琉璃瓦片缘系追遵 圣母敬奉岂容少缓着遵前旨行鼎建朝门已知之矣另候旨行 ○山东巡抚钱士完奏四氏学生员照府学例一年一贡许之

○辛丑春分祭 朝日坛遣公张惟贤代

○湖广巡按钱春疏陈楚事中有议通钱法议处宗藩二款谓楚饶铜铅木炭足为铸资查辛巳壬午年间曾奉旨开铸未期报罢必也凡条编赎缓听民杂入银钱盖银以充少府水衡宗禄协济诸需而钱以充官吏师生之廩饩胥役之工食其便一银半折火耗半入羨余钱则多寡有程出纳有数纵甚不肖者安所生心其便二且斟酌开局各令以存留帑金易铜冶铸转发民间每两约可得子银若干登簿申报可以供缓急而备凶荒其便三至若私铸有禁伪钱有禁哗市乱法有禁功令具在特在开局时一申饬之耳天潢之繁衍至今日极矣繁则岁给难支器凌难杜冒滥难核故有限禄之说者有为缘事住支之议者近日部疏又有慎择藩寮之请三者皆风励宗人要术而谈楚事则未尽也夫衣食足而后礼义生今肆赦诸宗地鲜卓锥身无完衣口不赚半菽况水旱不时逋赋日有即禄入己苦不能时给而又以故镌削之欲其循礼奉法难矣臣以为既徼旷荡之恩宜与以维新之藉在将军中尉须尽复原爵如系昔年因在事中未谙名封者今以恩赦子女俱许照例请补使之豊衣足食俯仰无累然后以礼法闲之至于开之以四民之业屡经建议未能断行臣巡长沙惟长沙王有子得列胶序王亦颇以此自乐夫诸宗冠进贤而垂大带其自视至不如一青衿然则何不令天下学臣于凡分封处少辟其

途以诱掖之使归于善耶不报

○赐原任甘肃总兵柴国柱母赵氏照例祭一坛仍照品级造葬其父柴森列名并祭

○壬寅命云龙州改土设流从云南巡抚周嘉谟之议也

○文选司署郎中事主事胡来朝疏辩酌升序转之异言据会兴酌升内外未尝不言都给事中又六科近议除吏科都给事外余各都垣间有才力政绩逊者不妨偶一外转以见酌升之典今臣事遵会典而李瑾谓臣起例乞敕下廷议不报

○予已故豊润伯曹允成祭葬如例

○以操江重任命南京都察院右佥都御史罗国朝照旧供职不允所辞

○乙巳宴朝鲜国陪臣命侍郎何宗彦待 ○巡视京营礼科给事中姚永济等请敕开操言国家设三大营军马以卫 宸居其间训练稽察莫肃于二八月开操之候今春光入暮开操无期将不习军军不习阵弱者矢无簇枪无头刃剑尽成班锈志气日就委靡间得强有力者又以桀骜不肖之心用之酗酒行泼劫杀为邪而臣等未奉视操又无从日省月试与夫信赏必罚一旦有事岂能以不教之军战哉此时边军枵腹于内强虏徼款于外天下事正可深忧何可放闲数十万之官军虚糜数十万之仓储而不自为根本计也不报

○以蜀世子贡扇赐银一百两大红罗裳服一袭写书与之

○丙午宴海西朵颜等夷人命侯徐应坤待 ○肃王绅尧奏还五所屯田一千余顷资助新边兵食 上嘉其忠义差官赍敕建坊旌奖

明神宗显皇帝实录卷之五百二十九

明神宗显皇帝实录卷之五百三十

万历四十三年三月丁未朔日食百官赴礼部救护

○祭 历代帝王遣驸马侯拱宸代伯张庆臻刘天錫分献

○ 孝肃皇后忌辰遣官祭 裕陵

○兵部以建州海西夷人进贡上闻先是 祖宗朝建州海西诸夷世受抚驭故进贡许一年一次每次贡夷数踰千名天顺成化间为其供费浩繁量议裁减嗣后仍复加至一千五百名其不禁多夷入京者盖谓来享来王所以尊 天朝之体然非制也迨奴酋强富日盛跋扈渐生一进贡而横索车价毆死驿夫甚且招亡纳叛蓄马练兵谋益叵测当事深切隐忧复议裁抑奴酋遂不胜缺望而不贡者凡几年礼臣条议欲令照北虏俺答事例免其入京俱在边守候赍赏一应折宴折程口粮照例给发至是蓟辽督抚奏称迨日奴酋自退地镌碑之后益务为恭顺此番进贡止大针等一十五名夫以千五百之贡夷而减至于十有五名岂不惟命是从哉虽然夷狄犬羊安能保其百年恭顺惟宜修我战守之具戒严以待何可以纳贡减夷輒视奴酋为易与而遂泄泄弛备也制驭机宜当悉听边臣斟酌矣 上嘉纳之命督抚等官悉心料理毋致疏虞

○东厂缉获偷铜瓦贼陈大等命付法司究问 ○壬子天津卫地震有声

○祭丑以益王等王薨逝辍朝三日文武百官俱青衣角带朝参办事

○户科给事中官应震礼科给事中姚永济等劾内官监王朝用历年盗卖内库银朱铅铜等物赃既败露律有常刑内官阎福职司典守难免交通之咎其家人冉文举王志弘等各应究拟不报

○巡视厂库工科给事中何士晋等言水衡欺冒弊端莫甚于匠预支一事即万历三十年至今冒领银将至四十万两按月而比累岁而追逋者自逋领者自领今欲设法以杜将来请将四十二年以前状内有原未领亦有领未全者有未找给亦有半找给者通行覆核销其旧领验其实收真则补支伪则参送是之谓清其源将条例诸书查照今昔事宜逐款参酌某项 祖制某项新纶悉行改正并□□□古□诸臣条议有裨节省者汇刻一册新旧交传则预支之多寡可悉是之谓定其制于领状后接粘一纸备开某项工料原额若干已领若干今请若干必完及八分方许再领而八分完数以其总填入领内以其撒载入循环俟下次领到查其总撒分数合则挂给不合则驳回其前项二分仍于续领内带销至于会查底册必另题司官一员专管以防窃换洗补诸弊是之谓扼其要于岁终查参拖欠如非常营建题定一官为始终者功过俱当另议无容置喙其余四司监督凡任内请给银两必本官尽数完销部司覆查无异册报巡视方许接管交代如拖欠数多冒支有据每岁终容臣等比照考成事例移会该部将本部酌入查参是之谓重其责工部据议覆焉 ○刑部奏用木占厂乡宦李三才家人李四包四李七等各正身乞依律究拟其李三才欺玩另候公议听 圣明裁夺报可

○乙卯福建巡抚袁一骥奏琉球违四十年题准十年一贡之限既以四十一年修贡复于去冬十一月遣贡使蔡坚等来其所进硫磺马匹已经多官验详无弊且云航海波涛情甚可悯但臣敬遵成命勒令归国又行司道量为周恤以仰体朝廷柔远之仁

○吏科给事中解经雅< □□ 铤-金 >劾未任枢臣涂宗浚贡事未完而离镇城至蔚州又自蔚州还阳和旻去旻来市褻开侮不堪本兵之任新升督臣吴崇礼前在蓟门当蓟军鼓噪既未闻出奇定变又未闻执法声罪唯 容容难以总制三边八闽抚臣袁一骥尝劝高采移驻粤东既以邻国为壑及采斩关挟劫尚无一兵自卫愧节钺而辱简书独何颜复昂首百僚之上此三臣皆当自为计者也不报

○丙辰清明节遣阳武侯薛濂等祭 长陵 献陵 景陵 裕陵 茂陵 泰陵 康陵 永陵 昭陵

○礼部署部事右侍郎何宗彦覆礼科给事中姚永济条陈科场事宜一取士在实学二三场果博古通今如性鉴钢目大学衍义诸书凿 有实见者倪前场不甚悬绝不妨拔取一衡文在择人两京各省除合属推知曾入内帘不用外其余一以清望文名为次第兼搭邻省推官临期分拨而又量徵科甲教官一员用存 祖制一同考在定经士子学有专门主司材无兼擅除易诗书多专经外其春秋礼记孤经本地或无两人则以

邻省推官教官充之一墙垣在预固内帘阅卷与收卷人役颇多合将内帘之墙甃堵高厚每日开门远立相望诸物并以此时验进分考批取物件一禀于主考一罗才在体恤勿以鼓声之喧哗杂其神勿以东方之未白迫其就至贴出者必真草之短少题面之遗落不可任誊录妄搽而令才士以一眚掩一谤帖在亟除生儒临场遇讼非奸盗人命概从场毕问理若先期有帖通衢登时扯毁遇便擒拏不毁者罪坐地方一弊窦在蚤杜领卷之时有在号外停立者扶送诘问及出题帘外员役不许私入号房每试日防猾胥乘更深窃卷以监试一人坐堂上督受卷官封号入箱又以监试一人坐门内出必照签签必查卷一各所在搽蠹弥封严饬各官俱于至公堂将卷信手拈签不经胥吏之手其印号信手亲用至其誊录合选善书者印臂验入如潦草错乱责令重写若截去文字那东移西定以枉法赃重遣其对读生漫不经心即发学黜革一程式在责实试录惟取墨文之佳者量加润饰归之典实简古候解日部科比对尽脱士子胎骨及论策过一千五百字外者参奏罚治一关节在审处夫文体被摘原无证据惟有覆试一节若关节被劾则昔年条陈款内有分别风闻实据两端风闻者酌量议处实据者赃证明白枷满问遣考官之处亦当据情节轻重以为差等 上命依议行

○以两泽未降命顺天府官竭诚祈祷

○时有漂海人丁韩江等九十四名自朝鲜解还者迨入关而逃去六十五名兵部议脱逃虽繇解役陈一本之懈玩然以九十余犯而都司李国楹止以二役押解疏可知矣请将韩江等二十九名解发浙江巡抚衙门严行审问是否贩货遭风有无通倭情毙作何问拟脱逃林溪等行原藉衙门严限缉获正法其都司李国楹与解役陈一本等行辽东巡按御史严行查勘究罪 上是之

○赠原任南京户部右侍郎方弘静为南京工部尚书

○准辽东总兵张承胤回籍调理病痊奏荐起用 以故云南禄丰县知县今赠光禄寺少卿苏梦旻抗贼死难荫其子藪万民送监读书

○兵部奏原任贵州巡抚张偲竭忠殒身清风素著乞行贵州抚按衙门查勘回奏以彰殉国之臣许之

○礼部奏南和伯方一元请袭祖爵许之

○大学士方从哲以辞疏更荷温纶仍复< 硃-金 >谢并以目前诸大礼大政申恳 上复优答之所请诸事少俟简发

○丁巳大学士方从哲言吏部都察院俱系紧要衙门今吏部尚书郑继之署院事刑部侍郎张问达告病< 硃-金 >未发要兹谢事日久旷废必多又都察院堂官悬缺多年而近日所题各处巡按御史关系地方利害亟宜点用内顺天陕西二差已经票拟望即批发其浙江江西河南真定屯田各差祈 皇上尽数简发无复迟留不报

○戊午予益王祭葬

○予原任吏部右侍郎李尚思照例祭一坛全葬

○己未时建镇海寺于普陀山内监曹奉实董其事礼部覆浙江抚按刘一焜李邦华奏言此山远眺日本俯瞰黑洋 高皇帝以胜国末年方国珍据此煽乱遂籍其人而火其居 肃皇帝以嘉靖年间倭奴阑入闽浙荡摇遂迁佛像于招宝山禁耕贩于海岛外年来法令渐弛募建繁兴游手游食亡命无赖皆藉此为生涯柰何以奉佛之虚文酿封疆之实祸乞罢之不报

○谕吏部尚书郑继之铨务殷烦况教职候选日久卿已调摄数日宜遵旨率司官作速料理毋致过期

○以陕西右参政兼佥事分巡宁夏道赵可教右参政兼佥事分巡河西道董宋儒各摄本镇学政从宁夏巡抚请也

○庚申 武宗毅皇帝忌辰 奉先殿行祭礼遣官祭 康陵

○山东道御史金汝谐言国家钱粮出入莫浩繁于太仓银库如有日报而无季册则总撒易淆臣议立为简明季册俾分之而一季之收放合之而年终之奏册俱按籍有据若开纳事例银两宜另置一事例册别作一项支销务期节省清楚又查 世宗朝凡金花银两悉贮大仓以备各边应用今老库仅存八万八千两有奇何不以太仓故物还之太仓每年起角□羊金花银尽隶外库则虽有羽书告急水旱频仍庶可恃以无恐又如买铜一节铜□领价至七千余两数年追比竟未完局今贾人子之贸铜者大都辐辏于芜湖何不将芜湖关税或芜湖一邑钱粮免其起解差官买铜依期解进则不致□人挂欠是或一策也兵部覆台堡失事将官吴东鲁行巡按御史提问正罪参将李继功罚俸二个月虏酋都令贵英等款市听抚镇道相机酌处言东鲁私役军兵出边樵采以致军马损失李继功出采虽不预闻失事乃其所属都令等市赏忽讲忽掠宜声其罪必俟彼输心认罚尽还掳掠人畜方许复赏不然即当厉兵抹马以示惩戒 上从具议

○诏兵部发贡市马价银解往大同

○壬戌下罪弁吴希汉于岳希汉者原署辽阳协守事参将也万历二十五年十一月内虏犯辽沈深入内地住几匝旬时全镇兵马已厚集于沙河等处希汉蓄缩观望遂致虏骑纵横杀戮烧毁村落成墟句参题迄今十有八年矣案犹未结且缙谋起官于是巡按山东御史翟凤翀奉旨勘问具奏兵部题覆拟将吴希汉监候处决与陈志子孙各不许承袭委官汪国泰以下降罚有差 上恶其玩寇殃民从之

○甲子命杨桂以原官充总兵官镇守临洮地方

○先是山西巡抚吴仁度陈备边要务八款奉旨下部兵部题覆一添守备以资保障阳方口乃中路咽喉其西水口苦森窳直逼湖州嘉隆年间虏骑屡从此入犯宜添守备一员拨神武二营马步军各一百五十名又加班军专摄以成犄角之势至于桦林堡西逼虏穴亦宜添设守备一员拨参将营步军六十名偏关守备营一百五十名连旧共五百二员名两处衙舍原有旧居操守公禀之费量照各守备添给一修墩台以明烽燧沿边墩台圯坏者宜修筑土筑者宜砖砌及要害处二十余里俱建高楼更筑月城一座遇警传燧居民得以避匿贮蓄得以收斂至于西路接连黄河水泉老营草垛三处尤逼

虏穴合比照西路边墙亦各建骑墙墩台一座工力取办于军盐菜之外不动公帑刻期事竣一广树艺以厚藩篱边腹州县地方种植业有成利其沿边山泽之间亦皆可树可耕责令军民尽种桑枣榆柳仍每岁年终各造清册课其勤惰以行奖戒务令林木郁茂可扼胡马冲突可资我兵设伏至于木税之监抽取骚扰民不安生尤宜严为禁止一衡军壮以固疆圉班军民壮一资瞭望一藉防守不可偏废且东西中三路事同一体安得多寡于其间因万历三十七年三路班军调集西路业经修工五载合将额派名数各议分给仍照旧两班春冬交代责令守墩瞭望不废修筑其中路民壮既不及东西二路且以二百里之长边岂可仅取于四百名之数相应听从附近州县量拨以补不足一定马价以补节省看得两兵对垒战资于军冲锋驰突军资于马马之倒汰日多军之赔补日苦据议中路每马倒官给见银价定八两不数年而补通俱完官银还库仍节省余银四千两以作备饷法立最良至东西二路及各营塘报马俱应照比中路一体遵行每年终造册清查兼示劝惩务使马价画一贪弁不得更张 上命如议行

○左春坊左赞善郑以伟差竣患病予以宽限调理

○诏总督宣大兵部尚书涂宗浚进马既到本兵倚藉方殷毋得固求引退有负委任

○新升蓟辽总督吴崇祀乞休不允 ○两淮巡盐御史谢正蒙言旧制王盐三百引每引重二百斤有 福藩典宝高朝者抵扬藉旨支王盐一千三百引每引重七百四十斤朝与随封官輟各支盐一百三十引又欲将兵部船折价七百余两挈河下民船以载户部侍郎李汝华覆称两淮盐法其通壅利害与九边相为低昂淮引壅则边引皆积于无用淮商固则边商皆苦累无以为生 祖宗朝足边上策惟是优恤商人使之望风飞挽不期而集今王店新开势必不容河东旧商仍行晋盐又必不容晋盐仍行于河南属县以达南阳如是则河东监课必不能足额复加以高朝之横夺从此私贩日多正盐日壅内商逃散边商难售盐粮既无从出正课又复告停军士枵腹欲其无为乱难矣乞 皇上垂念边计亟允盐臣之请照 潞王食盐例改从就近于河东支取庶淮课尚可料理边计尚可支撑也 上曰福王所请两淮食盐尔部既称不便今岁盐已登舟着遵旨拨运完备以后年分准照潞王事例改支长芦食盐其一应事宜都遵前旨行高朝不谙事体致生事端着承奉司启王即行撤回严加惩戒以后差委务选廉慎官员管理不得滥用匪人

○巡视太仓银库刑科给事中姜性言银库混淆皆繇册籍不明为今之计凡钱粮收放务必有挂有销务必经繇巡视其日册月册岁册交代册务将收放数目时日登报查对毋得尽任监督自收自放以滋奸弊户部题覆报闻

○丁卯宴朝鲜国陪臣命侍郎何宗彦待

○以吕应兆为甘肃威造堡游击李鸣凤为甘肃高台堡游击文明象为辽东铁岭游击而真定车营游击则高国祯蓟镇松棚路游击则孙显祖宁夏广武堡游击则吴自

勉

○己巳以 潞王周年遣大理寺卿何熊祥往 潞府致祭

○礼部署部事右侍郎兼翰林院侍读学士何宗彦引病乞休

○准南京各卫所官即于彼处袭职免其赴京从兵部议也

○谕工部朕昨以 圣母钦降修理胡良巨马二桥帑金并朕余积及后妃皇太子王公主内外人等各捐进助银四万二千七百九十二两三钱着督理工程内官监督管理李忠戴进同工部督工司官领去作修筑桥工之用如有不敷准留桥税银两接济尔部遵前旨行

○庚午户科给事中姚宗文言胡良巨马二桥越在百余里外非若在京 陵寝工程必须领之缮部惟敕行抚按二臣选廉能有司秉心任事便可刻期而成若必工部遣官监督则奔走效用必用委官磨算承行必用办役今 明旨初下而钻谋委官书办者尽人思售再用内臣辅以参随人等恐尽桥梁之费不足以饱狐鼠之腹何日成功工部侍郎林如楚亦以为言 上命查先年事例行之

○兵部题参疏玩将官李承爵等万历四十二年十一月良乡县地方响马强贼截劫山东委官尹加显原角□羊官银一千二百五十两承爵等责属巡捕心懈堤防分别议罚报可

○辛未降罪宗朝瘦朝□□特为庶人发高墙禁住以其抄杀为抚臣所劾也

○延绥镇差官赴领赏功银两诏部给之

○壬申都察院署院事刑部左侍郎张问达再恳休致 上曰昨已有旨即日点用都察院堂官张问达如何再辞着遵旨即出以俟批发

○先是 上以边饷匱乏敕督抚臣将隆庆元年后加添兵饷缘繇开明具奏蓟辽总督薛三才言密蓟永昌四镇主客兵马钱粮嘉靖间无定额隆庆初年总计一百七十五万有奇万历元年酌定经制以一百六十万四千二百有奇为额至十九年又酌减而为一百六十万一千一十余两不无减削太过嗣后题增率皆就此中裒益通融未尝请加于原额之外惟是密镇岁支保定营饷及漕粮水脚二项银八千三百余两原系额内失计之数而昌镇之新添 永招二陵军二百八十名支米二千八百余石及添给台军马匹粮料草银三千五百五十余两皆额外续加之数既无可裒益亦无可通融故十余年密昌二镇每年皆预借来岁年例银苟支目前至四十一年始不得已而题请然亦止从本镇内汰省或从本属内扣拨而部中所增发者止是钱钞价银三千八百两已耳兹值太仓告匱臣等非不欲减兵省饷但 陵京肘腋又安敢徇节省之虚名以貽封疆之实祸哉审时度势委难议减谨将隆庆元年以后增加兵饷之故造完奏册进缴以闻

○兵部覆湖广巡抚梁见孟< 疏 >言国家以辰沅与苗夷接壤设十八营哨统以参将守备岁饷各郡邑数万金钱自将领以克饷为得策遂致各兵离次且乘势与苗合而蹂躏内地自四十二年七月丑陀之失至九月十月内各处犯劫通计前后杀

死官兵十六名烧死户口三十七命掳去男妇二百六十余名牛马五六百只烧毁房屋一二百里拟将失事懦弁边上将等分别提问革任戴罪住俸降调有差宣慰彭象乾纵苗猖獗罪亦难追严提舍把目兵究治以正法纪报可

○命太仆寺处给银两赏朝鲜国陪臣以其发还漂海人丁故也 ○甲戌应天巡按徐应登条议屯田圩埂凡有低洼未有圩埂者责令有司随宜增筑工程小者限一年大者限二年报完相沿旧圩县官亲自踏看修筑限三月报完如遇洪水破埂者虽贤不奖破至两圩以上或如往年接连受害者特行参治停其升考其义社诸仓每社立社长一名社副一二人给与印簿令其协力收掌每年扣谷二三十石以为仓夫纸张等费三年一更有功者给与冠带免其杂徭每田一亩秋收日纳谷一升每至冬月收完社长连印簿同实收缴县以防侵弊各郡备赈银两照常平仓法贱余贵粟使银米周流出入即令小民以谷输粮虽大侵赈借不许议动以亏仓本户部题覆 上是之

○有奉御缢死者司礼监奏为监丞赵文秀威逼所致 上恶其恃长凌卑图利妄作命付法司行提拟罪

○命税监张烨将永宣大拖欠额税银两即移文抚按严催徵解进用其长芦运司盐税遵照前旨催徵解进有推诿延缓者参奏治罪

○以大同繁峙节年拖欠银两数多一时难追姑准蠲一半以示优恤边民至意

○赐蜀世子奉銓袭封为蜀王刘氏封为蜀王妃

○丙子吏部覆原任中书今考选候命沈士茂奏为其祖原任南京刑部右侍郎沈应龙乞恩赠荫 上曰沈应龙准复职致仕恤典着礼部查给时吏部言本官生前虽建有军功但系回籍听勘之例与闲住者稍殊况三品未经考满只应如此议

大明神宗显皇帝实录卷之五百三十

大明神宗显皇帝实录卷之五百三十一

万历四十三年四月丁丑朔孟夏享 太庙遣侯郭大诚恭代

○谕辅臣朕自去冬时常动火入春以来头目眩晕屡服药饵偶致流痰注于下部热毒作痛见今敷药未愈所请诸事不便详览已知之矣待朕稍愈次第简发阁务重大正赖卿分猷佐理岂得以浮言介怀宜遵旨即出入阁赞襄以副朕眷倚至意特谕卿知

○巡视库藏监局户科给事中官应震条陈经画七议一解纳当议今后各省直解官须正途而贤且必历俸未深者解物入城必赴巡视衙门投递报单其有既到而久不挂批者勒五城访报拘拏追纳以侵欺坐二验收当议除轻租价贱外其细重价贵如珠漆等项真假易淆之物量赍少许先赴巡视衙门呈样标记俟会收时公同比对如有不合即行退还三需索当议弘治间奏准各处解到物料堪中之数该库不许刁蹬留难今瑯役表里为奸一遇各解来京预行诈禀票拘百出合无敕下诸瑯令各严其下不许骗诈四铺商当议京城一二无籍之徒钻谋顶役承领既多欠价亦甚合无急救部司会算应抵者即与准抵应追者即与速追更严敕一切责办务拣殷实查的姓名派以颺役毋

易人而致甲乙之互推兼役而令户工之交闪五预支当议近因优恤蚤发预支商人率将价轻料重之物先图交进妄告截收逋逃将无已时合无寝全给之例前件竣事后件另为责完初领注销后领方为报可司官有籍口优恤或全给或给而又给者必参不贷六改额当议有积年包解廉知某项腾踊辄藉口某项缺乏私通各库故行窜易质既不蒙价亦悬隔合无于起脚衙门除应折色者给折色外若其额定本色无得听其领银到京那移认买彼处所司务逐一查验仍加印信封识着令本解原封到京其有内库变乱旧制捏辞恳改者臣等得以三尺从事七军需当议如盔甲腰刀弓箭胖衣布裤<革翁>鞋解自外者近多滥恶抵塞乃若火药以硝黄为骨不究真假安能精利今后铺商上纳硝黄必会匠头会盆真正收始收完包封印记并书盆硝匠头姓名押送内库或径送两厂听其支用不必更入内库多事一番以滋弊窦工部题覆 上命依议内硝黄着照旧例行

○巡按云南御史毛堪言臣于役云南取道贵州目击苗夷杀官殒命伤心惨目因沿途咨访有谓川湖之协济宜议者黔最瘠薄兵即不可撤饷又无所出协济本自额派奈何秦越相视藐催檄为具文以逋负为得策独令黔中为无米之炊又有谓水西之纵寇宜惩者水西向与播州相倚然两雄不能相下犹可互为牵制自播平而水西兼并其地时出其绪余饵不肖有司计甚巧而祸渐深久且为播州之续矣至于滇中开广西路之说已久迄无成议闻其便于粤稍不便于黔在滇久则与其孤悬于一线孰若两利而俱存然此一役非捐数万金钱费数年心力难以乐成滇之帑藏臣与抚臣加意节省稍可措办独难于安心久任一力担当之人此则臣等所不及为而以望之将来者也章下所司

○河南巡按张至发奏问过胙城王府宗室勤口打死人命诏付法司

○戊寅湖广石首县天雨豆有大有小有黑有红

○大学士方从哲言臣杜门月余不能入阁办事乃 圣躬以眩晕服药且热毒未愈臣俱不及知可胜惶悚惟望 皇上慎加调摄以葆天和实 宗社臣民之庆也至谓所请诸事不便详览待稍愈简发臣敢不静听惟是目前大政最难缓者尤在 瑞王婚礼臣谓他事当详而此不必详他事可待简发而此无庸简前钦天监择日之本臣拟进已久见在御前 皇上但一举笔而吉期已定嘉礼可完有何疑难掣肘而迟留若此上优答如前

○兵部请将朵颜卫头目失林看福余卫头目马哈喇等各升授都指挥僉事颁给敕书令其赍捧回卫管束部落恪守职责如或北虏犯边就彼并力截杀以效忠顺若统驭无法致扰地方就将职级褫革以示惩戒 上从其议

○辛巳将山东按臣翟凤翀勘过万历四十一年四月六月内辽左堵截功次并所请升赏各将官梁汝贵李怀忠等< 隄 銃-金 >下兵部

○山东抚臣钱士完言青登莱三府两岁连灾请将臣本年二月内题留布政司收

贮解部税银一半批发赈济并将未完四十二年见徵四十三年税银一体蠲免 上曰这所奏地方既连年叠罹灾伤准将解部一年额税银两留一半赈济以昭朝廷优恤德意其拖欠四十二年及见徵四十三年内库税银照旧如数徵解进进以济急需

○以汝安王妃薨绝遗下籽粒地土改为备边从户部议也

○巡视厂库工科给事中何士晋等言灵应宫之役非制即托言于追遵 圣母然圣母所注念者莫如讲婚用贤诸事乃诸臣万呼不应而不时内降者非中官之营求即鬼神之香火臣等知其不可也若该监汪良德既明知神宇之物料无预水曹辄妄借殿门之题目混称带造朦胧取旨倏忽变更其罪无可原者乞敕下工部先将皇极门诹吉建竖而箭楼三殿亦以次第兴工若灵应宫无关民义即不能寝亦颁赐帑金责成该监一惟 上命其汪良德并乞严敕该衙门重究其渎奏之罪不报

○壬午火发于黄花镇柳沟地方延烧数十里至旬日方灭

○癸未莱州府掖县海庙火起延烧殿廊神像钟鼓并在集货物数万金人畜有伤殒者其前一日飓风怒号有双鸛衔火飞来大殿之异山东抚臣具奏工部题覆 上命行布政司修之

○宣大总督涂宗浚等恭进虏王卜石兔岁贡表笺鞍马弓矢并为乞请升赏如例兵部议覆报可

○甲申陕西道御史刘廷元言近日各处天鸣地震亢旱狂风白昼陨星暮春日食皆时政失常所致恳乞 皇上裁必不可滥之恩如丈田货盐亟当报罢举必不可缓之典亲迎选婚亟当允行莫令父子骨肉之间恩义失中厚薄倒置席常德修而天变可回也不报

○除补原任山西参政刘不盈为湖广参政

○工部侍郎林如楚疏参提督琉璃窑内监马谦包领修窑钱粮并无完工乞敕下部会勘虚实责令如额修补

○郟阳巡抚今升南京兵部右侍郎卫一凤引疾乞休 上诏遵新命赴任

○戊子先是李三才所占仓基一十八亩户部署部事左侍郎李汝华已行文查核经月未结御史刘光复讯其有所畏而不敢言于是汝华< 硃-金 >陈行查仓基之繇恳乞 圣鉴并赐放归 上曰仓基事便查明回覆部务繁重李汝华着即出供职

○以江省近罹灾伤正赖抚臣安辑王佐着照旧供职

○工部署部事右侍郎林如楚言内臣监织原非旧制今刘成病故请将三吴两浙织造责成于本处有司勿复再遣内臣致滋侵扰至于带徵关税蠲一留二与月攘者何殊并乞尽罢时浙江抚臣刘一焜按臣李邦华及科臣刘文炳交章言之不报

○升浙江按察使王在晋为浙江右布政使右参政潘洙为浙江按察使

○己丑 孝懿庄皇后忌辰 奉先殿行祭礼遣官祭 昭陵

○以部科诸臣执奏殿门宜建玄宫非急于是谕工部曰灵应宫修理系朕追遵

圣母敬奉至意且 圣母在御时朕以天下孝养岂惜此费但今内库缺乏无措尔为臣子亦当仰体尔部还遵前旨作速处办应用以全朕孝敬诚意鼎建三门候旨行不必再来渎奏

○原任南京太常寺少卿刘曰梧奏辞巡抚新命 上命作速赴任 ○先是科臣亓诗教疏参宣大总督涂宗浚冒破市赏钱粮贪功媚虏故宗浚疏辨三路岁例自万历三十八年至四十二年计五年共该市本抚赏银六十一万两逐年查算止实收银五十九万五千五十两有奇比岁定之数少一万四千九百四十一两有奇及查变卖贡马价银虽云一万两定为岁额此银照易来马匹收价即今五年停贡马匹甚少近来收银年年不足各司库未领及存剩足五年贡市夫用尚有标兵与宗禄借过市本银两宗禄那借应追地粮补还标兵那借应该户部分司补还臣于二项钱粮既非典守又未那借何繇冒破至于此番贡市初因卜素二酋家事相争人以为必无结局之日今卜酋果于三月二日先进万历三十八年表马十二日续进三十九年表马此皆非臣始望所及而科臣以为曲徇虏求数至亿万地方耳目岂能尽掩 上优诏答之

○庚寅初云南巡按吴应琦言东川夷首自禄寿禄哲争袭以来互相讎杀各纵部夷越境劫掠三十七八年内按臣疏请增敕兼制 圣明俯从特于抚臣敕内开若夷酋悔祸守常畏威恭顺宜蠲小过与之相安如其攻剽不休怙终不悛许尔竟自调兵剿除乃二酋竟蔑视敕旨拥众千余剽掠两府洹甸之间村屯若扫且其地联络蜀土干蹊万径我兵进而彼已远遁又滇自龙川平后财殫力竭向来不敢谭兵但臣目击曲寻边民遭其荼毒数年来无如今日之甚安可坐视养寇委敕书于弁髦谨将禄寿等节次杀掳滇民罪状据实上闻乞敕下部议或责成四川抚按先将寿哲争袭事情勘议归一使夷民有所统辖滇境不致受害如其稔恶不悛或责成臣等遵照敕书相机擒剿并行四川抚按官调遣汉土官兵协力堵截剿擒诛此大憝以靖滇民腹心之害以雪地方神人之愤至于改属之议蜀或以无故割地为嫌在庙堂自有訏谟长计非臣等所敢擅议也兵部据议题覆 上曰这争袭事情着四川抚按官勘议具奏如再不悛两省便协力相机擒剿以靖地方

○辛卯廷试天下贡生四百三十七名大学士方从哲会同翰林院掌院孙如游将试卷封进御览

○准福建巡抚袁一驥回籍调理病痊抚按官奏荐起用

○予原任兵部左侍郎余立荫子良栋送监读书

○以将宴朝鲜国陪臣命侍郎何宗彦即出待宴料理部事

○兵部以三厂新旧及未收楠木近二万株堆垛甚难议将中都等班军共拨一千一百五十名分派各厂苫盖务要正身赴役不得复仍雇折其分番接替并随工盐粮等项俱照先年拨工旧例报可

○巡按陕西御史董定策请亟罢榷税以收人心先是陕西巩昌府属连旬地震而

虏酋复糾众谋抢靖虏一带新疆沿边所在狡虏窥伺且带徵见徵皇木税银急如星火民不聊生故定策言之

○癸巳礼科给事中元诗教再劾宣大总督涂宗浚托为那借之词隐其冒破之实库中所贮段疋皮张等物皆烂朽不堪用乃据纸上空文作帑中实数往岁开市行赏各有定规宗浚不能守而一一惟虏之听若谓非括之债帅賂之军士则前买虏封各将领私费或以千或以数百至今每出怨言而宗浚俨然身已蟠玉子已金吾犹云不贪功而开衅谁其信之不报

○巡按直隶御史牟志夔言 福府食盐近奉有改支长芦之旨夫长芦咫尺神京其盐以充 上用天庖其课以给近边军需非他方比 福王府邸其于长芦已风马牛不相及矣以河东就近之藩封而就河东食盐甚为便计必改之长芦其与取之两淮无以异况长芦至河南三千余里其视两淮不啻过之昔何靳于河东而轻于两淮今何爱于两淮而仇于长芦户部侍郎李汝华覆称改支长芦不便者三修途旷日一不便越界启衅二不便违 祖制拂人情三不便乞俯允盐臣所请将 福府食盐改之河东所以为 福王计长久也不报

○蜀府殿庭灾毁四川按臣徐良彦请 上照益藩例概赐留济以助修营

○乙未以国子监贤关地仍命右谕德温体仁照旧署掌诏吏部将新推两监祭酒写名来看候即点用

○谕工部朕以修筑胡良巨马二桥督理工程内外官员都着给与敕书关防应差科道着拟定来奏其择日兴工照例行

○予原任兵部侍郎迟凤翔荫孙迟一兰送监读书

○大理寺署寺事右寺丞王士昌等题据刑部问过遗失金牌员役拟将红盔头班千户胡承业等各照例运炭赎罪完日与随审杨洪各发还职着伍命依拟

○丙申巡按山东御史翟凤翀陈制驭东西夷虏机宜河西宁前一带兵马疲羸议将前屯宁远副参二营仍驻割本城而中前左右游击备御则移驻于极冲之边堡来易堵截去易追袭余各堡逃故兵马尽召补完额少增粮料以资瞻养至各官委买赏虏货物减价滥恶每遇领赏费讲开衅此后当尽以抚赏钱粮为抚赏用东夷奴儿哈赤擅参为利该道欲于市易中默寓裁减之意使商贩渐稀参斤无售彼之财源不裕自将摇尾乞怜乃臣所虑者虏之掠我人也探其黠桀有智者原啖以利使输心为彼用凡内地虚实无不传送而我辽以役重差烦至于无可柰何愿随之去将来之忧方大耳

○山西按臣李若星疏参庆成王府镇国将军慎金□列等朦胧作奸将未报名幼子狗儿冒顶赐名己故子敏海受封奉国将军冒领禄米银一百七十一两大违 祖训除狗儿禄米照数查追脱逃镇金□翌另行提结外乞敕礼部将慎金□列等重加参治从之

○丁酉赐给京卫万历四十三年军士冬衣布花

○大学士方从哲言今日部院大臣除崔景荣初到未任外尚书止一人侍郎止五人而五人中进部者一杜门者三兹林如楚又以不得其职抗疏去矣臣以为欲挽其去当安其心欲安其心在行其志如楚之疏固以朝门未建箭楼未修邸第寝园诸工未竣为不得其职若何宗彦之求去非以 储讲未开 王婚未举诸吉凶大礼未尽行乎张问达之求去非以院堂未补代摄难支各处巡按御史之差未尽点乎望 皇上将诸事请告之疏尽赐简发敕令即出视事以后凡有奏请慨然允行裨各守其官明良合而庶事康端有望于今日矣

○乙亥以兵部左侍郎崔景荣署掌本兵印信并管理戎政事务

○大学士方从哲言崇王为生母钟妃乞恩奉 上传准与册命冠服不为例臣愚仰见 皇上悯念崇王孝思笃至欲于格外加恩锡类之仁臣敢不仰体但此一事先经科参继经部覆则册命冠服之不当与人人知之矣不当与而与之违国家经常之制启后人徼幸之门在 皇上虽云不为例臣以为从来未见之事今既不难破格以求况今日已开之端后安能不援例以请臣愚以为仍当下之礼部令其再为酌议取自 圣裁方足以服人心存 祖制不报

○户部覆蓟辽督抚疏参各省解边钱粮万分缺乏请惩各官瘵旷之罪得旨这督催民运等项及查参未完事宜俱依议行仍通行各镇一体着实遵行

○辛丑以冗员不便地方裁去昌镇右军营游击从蓟辽总督薛三才议也

○巡抚顺天右副都御史吴崇礼请处蓟门鼓噪军丁以肃法纪疏下兵部议

○户部覆浙江抚按疏称浙省水旱灾伤议将本省税银五千余两南北二关新增税银各二千四百两赃罚银内姑留一半计三千三百五十两赈济饥民已经三请未蒙俞允复请如初 上曰这赃罚等银依议留赈以昭朝廷轸恤灾民德意

○加漕储道右参政施尔志按察使职衔照旧管事

○壬寅准文选司郎中胡来朝回籍调理

○银作局张栋等奉买办四十三年册封荣府等府一十三处合用七成金六百七十四两九钱足色金二十二两二钱命户部知之

○是时部科衙门俱以崇王为其母妃请乞册命冠服为不当与于是崇王复奏其母保孤存祀独异诸藩如格于例乞将妻应得之封移以封母 上曰览王奏为母乞恩情词恳切这给与册命等项着礼部再加酌议来说

○福建税监高采托病迁延屡被弹劾 上怒其离任已久乃敢推延稽迟命原差官即便押解前来送司礼监奏请不许违误

○以潞王妃李氏所请禄粮等四事已有 明旨难拘常例如何玩视部咨尚未发行养贍何赖尔部还遵前旨即行文彼处抚按官作速给发不得迟滞

○陕西巡抚李楠陈军屯要议一参实徵将西安四卫查出绝军所遗免粮屯地二千一百五十六顷七十三亩俱有人种既不赴营操练又不照地纳粮姑免追究令其复

种籍名在官另造佃地认粮清册实徵入仓计粮二万零六十七石三斗二升分别完欠照例查参一汰老弱将西安四卫军人每年按籍稽验但有年老力弱残患久病不堪差操者尽行汰退本军户内果有壮丁即准更替如有丁未壮令其照数办纳屯粮候壮日补役免徵其本户丁绝者召人承纳地粮不许奸人诈作户丁影冒屯地一增全粮西安四卫军人除修边守堡造作杂差可免操练外其参将营并固原东西二路游兵共四千九百一十名遇虜入寇皆当调发而年止免粮六石通应视边军例补足月粮年共一十二石责令常操其马于永丰仓收贮本折色内按月支給一议团操省城军几伍千名食粮既少又屯住或一二百里或四五百里难以一蹴而至故往往失期点查不到今挑出精壮军六百名内将三百名为弓箭手三百名为枪炮手选委谋勇把总一员管领仍于大小教场营房居住使军不离营马不离厩每三日一操每月合营二次每年动支新征屯粮二百石变价酌定赏格至省城弓不堪用调取别镇巧匠修造完日呈解臣处验果精好方发参营给军户兵二部议覆 上命俱依议行

○以汝阳王府镇国中尉朝埆为右宗副沈丘王府镇国中尉朝□土土□<风-几>□为左宗副

○折给陕西法藏寺六寺进贡番僧工哈冬竹等三十名各赏段疋银两

○甲辰协理京营戎政兵部尚书舒应龙卒应龙嘉靖壬戌进士繇知县历部郎藩参至南工部尚书改南兵部万历二十年改工部尚书总理河道寻回部管事加太子太保二十三年被论革职三十九年起兵部尚书协理戎政乞归卒于家礼部据例题请予祭四坛造坟安葬

○乙巳户科给事中姚宗文等言事有引例而实非例破例而将为后例者 福王支盐两淮诸臣以其不便请改河东 皇上亦为动念改支长芦今盐臣牟志夔疏论改支长芦之害悉如指掌不过为 潞例所误耳臣等查各王府食盐各就所封行盐之地潞王所封在长芦行盐之地故改两淮而长芦 福藩开邸河南在河东行盐之地既不便于两淮则宜改而河东此非特于 潞王之例合于 祖宗分封之例亦合至遣官支取不如令盐臣解府尤为遵 明旨省事端 潞王薨逝王妃请给禄米 皇上加意优恤准给其半臣等备查各亲王既薨子幼未立止给禄粮二百石待子长袭封之日再行全给今 潞藩给与其半则视诸藩旧例多至四千有奇计部之不与咨行或亦封还内降之意昨 皇上以 潞王妃疏责部发行谓其难拘常例夫 潞王宫眷虽多贍田至四万顷岂必需禄粮为养哉半给之请恐后日诸藩将援为定例欲裁则厚薄之数太分概允则物力之绌难应乞 皇上俯从部议收回成命至于慎重中旨以防旁落又不独福 潞二疏为然也不报

○顺天巡抚吴崇礼奏虜贼扑杀烽军劾马兰路都司李世爵等下兵部议
大明神宗显皇帝实录卷之五百三十一
大明神宗显皇帝实录卷之五百三十二

门内官李鉴跑入前檐殿下被拏等情初差以气愤尝闯入蓟道衙门声冤语言不伦道臣哀和审系癲病释而逐之至是闯宫事发各司问拟张差比依宫殿射箭放弹投甄石伤人律斩秋后处决加等决不待时呈堂将过大理寺间忽提牢主事王之采从袖中出鞫问狱情系千根本一揭言本月十一日散饭狱中见张差年壮力强非风魔人随屏去吏役再三密问供有马三舅李外父将差交与不知姓名一老跟随到京又有不知街道大宅子一老公与饭与棍至有打上宫去撞一个打一个等语皆各司所未闻也揭出相视骇愕是时署部事侍郎张问达据揭谓本犯供词与前不同似风魔而又非风魔于是复委司再问矣

○戊午大学士方从哲吴道南言本月初五日蒙发下 皇太子一本谓初四日晚有不知姓名人撞入慈庆宫门将守门内官打伤臣等不胜惊骇因已奉旨着法司提问又闻本犯系有风癲之病连日以来方听法司问理间适接刑部提牢主事王之采揭帖谓于牢内散饭时密加审问据其口招似有主使等情臣等益不胜惊骇但细详本犯言语半吞半吐含糊不明遽难凭信其果否有病及有无别项情节在刑部自当研审明确不至枉纵惟是内庭严密之地 东宫御居之所有外人阑入咆哮狂逞可为寒心伏望皇上深维储贰关系甚重保护宜周自今以后益饬宫禁之防严守卫之备俾大内肃清奸宄消弭实 宗社臣民之幸也至于王之采所奏 皇上亦宜从容详审万毋以小人谬妄之言致烦 圣虑庶 皇上之声色不动而中外之心志皆安是又臣等所惓惓者惟 圣明裁察

○大学士吴道南言臣自到任后伺候面恩已经三次宜遵 明例具本奏谢但臣叨蒙殊恩幸备阁员而止于循外廷之礼衷甚抱歉合无容臣随辅臣方从哲恭诣仁德门行五拜三叩头礼仍候皇上御朝致词补见以纾就日之诚 上曰览卿具奏进内行礼悉见敬慎朕知之矣

○先是崖黎之乱两广总督张鸣冈调兵剿除已报功收一鼓矣迨御史鲁之贤劾其招寇媚瑄因< 〇〇〇 毓-金 > 辩副将张万纪之死罪繇黎失阮昇入粤无一字相及其三千金乃藩司见其奢索铺垫往复较量止给以水脚银两所减已多且亦非臣一人所能专主然臣心虽明臣罪难解乞 圣明亟褫以为边 溺职之戒 上曰所奏辩事情已知之矣卿新简留刑宜遵命赴任供职不允所辞

○礼科给事中姚永济< 〇〇〇 毓-金 > 参督臣张鸣冈始则遣州官林应材拘监抱繇为其所诬轻与歃盟乃一出监而歼杀我兵殆尽则有始祸之罪既而征剿发客兵土兵共一万二千四百人一月之内三战三北杀伤无算则有败衄之罪< 〇〇〇 毓-金 > 谓东暹罗活西剿抱繇先后获级四百有余昔黎以六百之众杀我二三千人今此四百余级尚未偿我数分之一况阵亡隐匿又不知其数师行七路毒流千里而反夸称满纸滥叙多人则有功过未足相当之罪乞将张鸣冈罢归并申谕广东按臣细勘黎事始末分别上请不报

○辽东抚按郭光复王雅量各言宁前缺兵备官三年虽代揖有人然势危情苦今张国儒请告该部当作缺另推乞 皇上速赐凡发若开原逼近宰暖辽阳逼近炒花俱缺通判经年不见选除乞并敕吏部即择边才素优者于急选大选推升内通令刻期到任章下所司

○祭 汉寿亭侯 ○己未兵部覆蓟辽总督薛三才< [] 疏-金 >言本年四月内黄花边外山场延烧又虏贼上黄花岭掳杀烽军合将失事各将领分别拟罪刘守廉杨大庆俱先革任行巡关御史勘问李世爵王之宠罚俸有差高策衷和免议中间有无重大情弊仍俟勘明具奏至该镇夷虏挟赏不遂屡肆窃掠备御当严臣部仍移咨各官昼夜堤防其不然者悉置于法 上曰这起大根因着该按关御史查明奏处蓟镇贼夷挟赏入犯便行与督抚镇道等官严加备御务保无虞余俱依拟

○命司礼监左监丞张时调内官监左监丞着太和山提督兼分守湖广行都司等处地方写敕与之

○总督漕运户部右侍郎陈荐因与道臣邓云霄相讦再< [] 疏-金 >乞休报曰所奏事情已经抚按官具题自有公论何必深辩陈荐着照旧供职不允所辞

○以各宗既送回着楚王遵前旨钤束不得生事

○壬戌有豕妖见于辽东白塔峪堡

○诏户部赏赉远戍边兵如例

○甲子初户部以御用监奏讨婚礼钱粮得旨着作速办进于是先进七万又进二万俱已交承运库而该监复指称冠顶欲加奏讨户科参谓朝廷各项典礼应内府造办者部进金钱皆总解承运库分派各监局制造如 皇上大婚以及 诸王婚礼皆然并无分解御用监之例今该监突创此说不独耗蠹国帑亦且决裂旧章户部亦执例抗陈上曰瑞王婚礼迫近内库向因各项庆典及各衙门成造物料匮乏不敷既该部又奏准减三分之一其余作速办进应用不得迟误

○大理寺署寺事右寺丞王士昌< [] 疏-金 >言据称张差风魔癲痢类失心者夫至失心如躩兽然遇物则击岂能择地而施待人而欧待时而发耶方其执棍于街市之中从容于后宰之入何竟无一人觉察直至宫门乃始逞技耶种种可疑不待提牢之< [] 疏-金 >已可寒心矣臣又忠 皇上自册立以来虽念念止慈然弥文煦噢之间多不慰人望即经筵日讲綦重矣闲旷多时至如 皇孙继 东宫者也傅不就 皇贵妃育 东宫者也田不给 郭妃配 东宫者也地不择即此数事皆出人情之外夫人疑则猜生猜生则奸生何怪乎举朝之惶惑而不宁也乞速将王之采前< [] 疏-金 >简下法司究实具奏庶法伸而疑释矣

○张差之初发也巡视御史刘廷元首以风癲审奏次复极言城卫废弛官旗雇觅代替之弊及王之采揭出复抗< [] 疏-金 >言 东宫天下大本何等关系乃令亡命匹夫得擲揄庭除闲此而可旦夕缓谁不可置之若忘者窃恐李鉴可伤尤而效之直入

殿寢亦何所不至 东宫可入尤而效之直犯乾清亦何憚而不为臣因是而知皇城之禁不可不加严也彼后宰门之直入无忌果张差傍若无人耶抑有所凭之而然也矧张差踣禁庭之日乃内市纵横之日夫内市未谗起自何年恬不为怪自有内市而人迹綦溷货物綦变铍帑利刀纷错禁地即奉 明纶犹当议革矧无成例詎可漫沿伏乞皇上深维大本之重简发参究张差诸< 毬 銃-金 >敕下法司即为提讯蚤建殿门以壮 宸居严禁内市以消隐祸无非为维持国本计御史牟志夔亦谓张差径入慈庆宫大肆颠狂总繇警卫疏纵乞申飭皇城以里四门一切内臣出入必稽启闭以时毋得阻挠巡视之权言俱切至

○礼科给事中姚永济言迩者奸徒张差持棍入宫业经奉旨下法司提问而提牢主事王之采疏内所言唆使情形本犯供出有据计 皇上 必赫然震怒立付市朝而留中又数日臣以为 皇上钟爱 太子原无念不慈然此奸不蚤严诘则虽钟爱在心而 慈仁有隔阂未畅之情 圣明有优游未尽之法谓外间观听何

○升兵部武选司清黄郎中程启南为山东济南道副使

○乙丑刑部十三司官同到提牢厅将提牢主事王之采前日私审张差所供各犯的确姓名居住年貌再三细审据供马三舅名三道李外父名守才同在井儿峪居住又有姐夫孔道住本州城内俱以烧灰生理往来于内官而前所称不知姓名老公者乃修铁瓦殿之庞保所称不知街道大宅子老公者乃住朝外大宅之刘成且备述保与成阴谋主使状其语皆人不忍闻又有红封票及真人香头之号于是刑部据招具闻仍乞敕下三法司将张差前后所供情节并提庞保刘成两相对明逐一根究是日审者山东司官四员胡士相陆梦龙邹绍光曾曰唯会问官二员赵会祯劳永嘉提牢官一员王之采及各司掌印官十一员吴养源曾之可柯文罗光鼎曾道唯刘继礼吴孟登岳骏声唐嗣美马德澧朱瑞凤等而差之变词则自十一日提牢厅私审始也或谓之采当张差入狱时审知有内官姓名遂日给差酒饭凡所言打得 东宫吃亦有穿亦有等语皆私为教而署事张问达遂据审 上谕矣

○大学士吴道南言臣自赴召以来凡有效良规于臣者皆曰此行惟勉佐下风请下关紧之章奏庶可无负乃臣就列经旬仅仅 瑞王之婚疏一下诸所为关紧章奏如储宫出讲 诸王豫教 皇太子母妃之贍地 皇太子妃之葬兆以至大僚补缺废贤起用考选下命升迁疏滞罢税解悬大小臣工之舌敝唇焦以请者仍复杳然此岂独阁臣难辞其责于天下亦大失 皇上置阁臣之意 上答曰览卿奏具见为国忠爱亟下章奏诚今日要务朕知之矣卿宜殫心任事协恭辅理称朕眷倚至意

○工科给事中何士晋言顷者张差持挺入慈庆宫打伤守门内监直逼前殿檐下此 祖宗二百五十余年所未经见 皇上宜何如震怒乃旬日以来似犹泄泄虽事涉宫闈百宜慎重然或谋未成机未露犹可从容曲处今形见势迫业已至此 皇上亟宜下法司之请正罪人以谢 九庙更宜慰谕 东宫慎起居严侍卫仍敕各该衙门侍卫

官较必充原额常川内侍倍增原数而更令锦衣卫千百户二员带领旗军于慈庆宫前后左右昼夜巡守其皇城各门仍听巡视科道设法严禁至于红封涅槃之教方士羽衣之流亟宜诛逐无令构煽此皆保护 东宫以潜消反侧惟 圣明深维 宗社大计

○以 瑞王府第工完遣工部右侍郎林如楚行谢土礼仍命即出供职

○辽东长宁守堡等地方自三月至五月天火颷起者五烧毁房屋人畜无算

○延绥套虏旗撒猛克等酋率部夷一千余骑入犯波罗堡遥见保宁营兵马东来从原口去

○丁卯大学士方从哲吴道南言臣等昨晚接得刑部揭帖该本部司官会审张差事情臣等阅其招词不觉发指汗流即万死不足以尽其辜伏望 皇上将原本即发臣等票拟敕下三法司严提究问依律正罪以伸国法而慰群情断不可再为迟留以滋逋逃辗转之奸臣等又惟罪人既得 天讨既彰则申严门禁添设侍卫以肃清内地保护东宫尤今日第一紧要窃闻 皇太子宫内侍卫才数十人看殿守门仅仅一二老惫平居既无备御遇警能不周章谓宜将内侍人等增置数十名责令比常倍加防卫仍敕锦衣卫千百户等官日轮一员带领旗较数名专于 东宫昼夜巡警以备非常若皇城内外门禁乞敕兵部及巡视科道等官严行申饬务期法令修举内地肃清至于内市相沿已久儻一旦不能尽罢亦宜将各样兵器十分严禁不许持入货卖违者治以重罪

○刑科等科署科事给事中姜性等言臣等恭读 皇太子所奏张差一事心甚怪之既而巡视疏参刑部提问差犹然是癡人也无何而主事王之采之疏上矣刑部又三四覆审之矣据其供吐改辞换语且称同行指引皆有姓名年貌住宅历历可据即使病果风癡而狂逞一击之间掖庭骚动 储蹕震惊此何等事变可苟幸无虞而已哉 皇上天亲至爱 天地 祖宗呵护至灵藩封已就 主器久安万万不至如外人所虑而连日人情赜隳无不欲声讨有罪立付市曹未闻 皇上有严诘之旨何也禁卫之疏非一日矣屡经巡视诸臣糾参而无奈中涓盘据其间出入不可问卒伍不可查议者欲禁穿朝驱内市点闸军伍诸事计巡视者饶为之然非藉 天语申饬不可而至于引见膝前宏开讲幄诸所当举无不加优庶几精神浹洽窥伺潜消尤为根本至计

○礼部署部事右侍郎何宗彦言国家所以安 社稷定危疑者惟礼与法法施已然之后礼禁未然之前顷者张差闯入 春宫击伤内侍盖从古以来未有之变 皇上敕下法司今已旬日尚未报闻举朝大小臣工人人惶惑合无严敕法司公同九卿科道用刑廷审俾魑魅皆见形于白日而根株不漏网于吞舟非臣所谓施于已然之后者乎顾礼轻则法重礼坏则法繁 皇上天性至慈岂不钟爱 储闈而彝典所当行者概从废阁紫禁稀问安之期文华稽开讲之候 皇贵妃陵寝谁为典司 太子妃灵輶杳无发引天下疑 皇上之薄 皇太子久矣 皇太子处积轻之势阉寺无恋主之心往往托疾引去又闻本月初四日张差持挺入 宫中第一门惟两宦守之一则年踰七十一则年踰六十第二门寂然无人至殿前超级而上韩本用等群呼齐集亦仅仅七八人而

已 东宫主器关系何等重大而轻脱若此恳乞 皇上将张差一狱亟下廷臣公审又思维国本凡礼有关于 东宫一一俯俞臣部疏请简发施行庶体统重则拥护必多精神通则窥伺自息是臣所谓禁未然之前者也

○保定抚臣王纪疏劾税监张烨前曾于恩诏已留已蠲之税并运司已蠲之浮课妄奏图利两经臣参不谓烨复设为两可之词朦胧取旨抗违诏书我 皇上天纵大孝何忍忘 圣母之遗言乞收回成命将已留已蠲各税课一并遵诏施行仍正张烨抗诏妄奏之罪不报

○福府左长史张士俊以屡谏不行皆繇群小荧听尝有不平承奉之语形于疏中而樊用谓其刺已也即出< 䟽 毓-金 >诬士俊于是科臣郭尚宾言士俊勿论贤否当听抚按奏请非樊用所得而弹劾昌言糾之

○兵部疏天津左营游击王之驥以原官调管蓟镇喜峰路参将事其天津员缺仍以河南巡抚标下中军游击杨肇基以参将职衔调管从之

○赠原任吏部右侍郎李尚思为兵部尚书

○戊辰户部再陈 瑞王婚礼御用监奏讨祇以冠顶为辞及查当时承运库奏讨之疏已有冠顶在内本部二次办进已有冠顶钱粮不意本月十七日户科抄出该监疏忽尔奏讨谓冠顶未办将谓所进钱粮该库别用乎而臣部所进青绿珠石原系冠飾之物将谓九万不敷乎臣查 皇上婚礼七万而足 潞王婚礼九万而足何尝无冠饰也今进过钱粮视 皇上例则已过视 潞王例则已同又查三十五年该监为婚礼奏讨冠顶臣部谓有解库之例无解监之例已奉 明旨该监奏讨无例著自行那处矣今国家当艰窘危急之秋何敢不量入而出哉乞谕令该监遵照原题旧例关领成造或有不敷于金花银内量为凑借容臣续补 上不允仍著遵旨上紧办进毋得临期迟误

○大学士方从哲吴道南言昨户部侍郎李汝革面见臣等称 瑞王婚礼钱粮先年两次已进过承运库九万冠顶亦在其中今御用监复借此分外索取既非旧规殊难措办臣等谕以钱粮虽已进完但吉典终难迟误合无将冠顶一项委曲措处以奉 明旨以济急需汝华亦以为然此臣等愚见望 皇上之俯从者

○授瑞王妃父刘名为东城兵马指挥

○蓟辽总督薛三才言臣等奉旨诘问山场延烧并近日蓟镇贼夷窃犯情形臣据昌平道兵备副使李养质报称火起系宣镇柳沟等地方南面烧至白龙潭大河隔断火止河北系宣镇地河南系昌镇地又据宣镇抚臣汪道亨道臣胡思伸所报相同臣切以为失火根因踪迹未明而起火地方耳目难掩但事关两镇应行两镇按关御史会勘奏报至于近日蓟镇贼夷屡犯杀掳哨役则四月二十一日马兰路事也该路黄崖口之松岭烽设在高山绝顶将官恃险而忘备烽军因旦而偷安是日寅时遂为贼夷所乘杀死二名重伤二名掳去四名臣等即行蓟州道兵备副使袁和勘实并将路提等官李世爵等题参请行巡关御史勘问矣又本年三月二十七日贼犯燕河路之寺儿顶随即堵回

不损一军四月三日贼犯曹路之松花顶虽射死二军而修工军夫无一被掠者后先载在塘报及关臣疏中夫满旦一枝蓟镇旧未有赏其夫赶兔系属虏伯彦打赖外甥尝往来蓟门边外垂涎此赏后打赖物故遂挟夺我赏物扑杀我军丁万历十年白马一关遂加赏物八百余两自此屡挟屡加每加辄数百两至三十二年该关共加至四千余两矣而大水黑谷二关之赏又在外后赶兔死满妇改嫁阿晕与赶兔长子乞炭亥岁相讎杀数年以来挟而未甚今其子温布渐长乞炭亥复与相合而踵赶兔之故智屡为其少子毛乞炭拥兵挟赏挟者日加其谁不挟夷欲无厌长此安穷臣与抚道诸臣计议蓟门有险可恃宁相把持若能设伏出奇可收斩获即不然而据险守隘亦足堵拒虏欲挟新我且停旧相持日久虏无所利然后操纵可施羈縻可束 上命兵部议覆以闻

○以太常寺少卿张久徵掌尚宝司印信

○己巳谕兵部皇城门禁从来严谨迩来法弛人玩守卫疏虞以致奸徒阑入情形莫测已敕法司严究外尔部还与巡视科道官将内外门禁通行申饬一应闲杂人等不许擅自出入如有指称内府名色不服诘问拦阻的即时拏究重则参奏区处行行厂卫巡捕各衙门分布讥察使奸宄不得潜行违者并守门官军一体治以重罪务期法令修举内地肃清尔等其遵行之毋忽故谕

○以犯人张应时敢隐匿进到在官房地著法司严提追究具奏

○大同巡抚石昆玉恭报修完堡工章下兵部

○总督漕运户部右侍郎陈荐因与道臣邓云霄相讦屡疏引病乞归前后得旨慰留者数次

○以李梁材为蓟镇东路副总兵李承爵为凉州副总兵刘渠为宣府南路参将冯应魁为辽东右翼营游击甯粹然为河南巡抚标下游击

○辛未 穆宗庄皇帝忌辰 奉先殿行祭礼遣官祭 昭陵

○大学士方从哲吴道南言臣等窃惟张差一事变出非常今供招甚明决非可以含糊苟完者惟是数日之间未蒙 乾断人心愈益不安 皇上之意或者以一经审鞫牵引必多株蔓相连将来难于结局臣等则以狱有真情断狱有定法据情正法使有罪者不致漏网无辜者不致波及在诸臣自能辩此 皇上可无虑也惟望 明旨速下使此狱早完一日则人心早安一日其为 宗社臣民之福大矣

○是时马三道等各犯刑部已劄行蓟州道提解独庞刘二犯未得 上慎重大狱诸臣奏益急于是遣文书官金忠谕内阁曰朕自 圣母升遐奉襄大典恭迎 神位几筵以来追思 慈恩罔极哀慕不胜凡遇节令朔望并 祖宗帝后讳日祭祀礼节皆朕扶掖亲行今春偶尔下部动支静摄稍可昨夏突有风癩奸徒张差持庭闯入青宫震惊皇太子朕心不安朕思太子乃国根本岂不深爱已传本宫添人守门关防不时卫护连日览卿所奏宫闈等事乃奸宄叵测行径隐微既有主使之入即著三法司会问拟罪具奏毋得株连无辜致伤天和其门禁从来严密迩因法久人心滋玩守卫疏虞还行该部

及巡视科道官通行申飭凡遇异形异服闲杂人等严加盘诘仍著厂卫巡捕等衙门及守门官员分布人役时常密切体访如有奸宄之徒情形变幻即便擒拏具奏治罪务期法令修举肃清内地其在内每月三市相沿年久况日用衣著等类食用之物必不可缺还照旧交易但不许持挟铜铁锋利弓矢等物入市俱严行禁止如违究治不宥卿等可传示遵行特谕

○大学士方从哲吴道南言臣等钦奉 圣谕仰见 皇上为子止孝为父止慈哀慕历久弥殷爱护无微不至独念张差猥以凶顽突焉狂逞昨该刑部会审供出指使之人姓名居住一一有据连日以来未奉 圣旨人心惶惑讹言烦兴以是诸臣连章催请良非得已兹者 圣谕一出远迩传闻乃知 皇上天性之爱原笃于平时防患之谋更周于此日添内侍以严守卫飭门禁以备非常所为保护 东宫维持国本者委曲详密此真 大圣人之作用超出寻常臣等惟与中外臣民倾心加额而已除钦遵 圣谕传示三法司兵部各衙门遵行外谨具揭回奏适臣等拟上刑部原本更望立赐批发使诸臣得仰体 皇上慎重祥刑之意将此狱早为归结以纾 圣虑以安人心

○户部浙江司署郎中事陆大受言臣尝为藩府庄田直陈大难一疏身犯奸畹凶锋幸而不验于前日不幸而验于今日夫青宫何地男子何人而横肆手棍几惊储蹕此乾坤何等时耶凡大奸之奔走死士也或出其技之庸庸者姑试之于死地以探其机而后用其死力于忽不经意之处彼三老五太互为表里而霸州武举高顺宁等今竟匿于何所哉盖暗指戚臣郑国泰也于是国泰出揭自明大略谓倾储何谋主使何事阴养死士何为狂悖乱逆非惟心不敢萌即口亦不敢言耳亦不忍听矣荷主荣遇再世承恩一闻挺击横事恨不即食其肉而寝处其皮顾以包藏祸心忽发大难相猜度耶清明之世耳目最真臣似不必哓哓与辩但就所称张差及三老五太与夫高顺宁者曾一识面即甘寸斩若事无踪迹更望请旨速结俾臣得免奸名惨毒也

○工科给事中何士晋言大受疏未尝直指国泰主谋岂不能从容少待而何故心虚胆战辄尔具揭其汲汲于自明可知也既欲自明即宜请之 皇上将张差所供内官庞保刘成立刻发下并马三道李守才等俱听法司公同拷讯谁为主谋谁为助恶谁为波及一一确审具招正法则国泰之有无虚实心迹岂不洞然何为诸臣俱有屡疏国泰寂无一语自此一揭之张皇而人遂不能无疑于国泰矣

○户科给事中商周祚陈中飭守卫四事一曰专设司官军事原隶枢曹宜查复旧制选择才品主事一人仍钦给关防以重其事权特设公署于玄武门外附近地方以便查点断不许仍前营借别差畏难规避一曰禁革内市会典各监局工役人等有夹带财物入内买卖者守卫官具奏治罪不知何年设立内市名色甚至枪刀弓箭一切违禁之物显然陈设略无顾忌初四日适逢内市即有张差乘机暗入除臣会同台臣部臣出示严禁每逢四日臣等亲赴各门稽查弹压外更乞 天语戒谕不许宦侍人等恃势阻挠违者臣等以白简从事一曰清理私占禁城之外东西二关并玄武等门周围设立红铺

四十座皆守卫官军栖身之所提铃夜巡盘诘奸细干系匪轻近查红铺尽为内官包占视为私居官军不堪露处益生怠玩乞敕下该监严加清理务还故物仍将私占者按法议处一曰增设近侍伏睹慈庆宫逼近内东华门一门之隔即属喧场往时文华讲席警蹕清严而今之往来杂遯浑若通衢闻 东宫内侍每日上直者仅仅一二十人即如本内韩本用李鉴年皆七十余岁盍亟增拨勤慎内侍以供应门扫除之役申严各宫门禁以时启闭宫门前后左右守卫官军所不敢入其晓夜稽察不时堤防昼日责成于锦衣昏暮责成于厂监

○壬申夏至祭 地于 方泽遣侯郭大诚代

○是日钦遣看牲官侯陈良弼伯王承勋侍郎孙如游崔景荣轮看

○癸酉巳刻司礼监太监李恩传召辅臣并六部五府大小九卿堂上官并科道官诣文华门少顷又传往宝宁门辅臣从哲道南先至文武各官陆续至中使催促者相属于路文书官引至 慈宁宫门外司礼监传行礼比入 上白冠白袍立于门左檐前石栏中 皇太子冠翼善冠青袍侍于右各官至丹墀中望 圣母几筵行一拜三叩头礼稍移过东向 上前复行一拜三叩头礼司监传跪将跪 上令近前臣从哲臣道南径跪于 上前阶下各官依次跪 上言自 圣母升遐朕心哀痛无已每遇岁时及 祖宗忌日必躬祀 几筵虽有足疾不废如去冬少雪今岁春夏无雨朕心时切焦劳昨忽有风癩奸徒张差闯入慈庆宫持挺伤人震惊皇太子朕心恐惧不安朕思皇太子乃国家根本素称仁孝今年已三十四岁如此长大朕岂有不爱之理且诸皇孙振振众多尤朕所深喜奈何外廷纷纷疑我有他意且福王既已之国去此数千里自非宣召彼岂能插翅飞至时从哲等未及置对御史刘光复跪于后班突出 皇上慈爱等数语 上惊异诘问为谁中使以御史某对光复犹大言不止 上斥之至再光复不闻复申前说上怒遂令挈下犹戒左右勿毆第押至朝房候旨从哲等叩头言小臣无知妄言望霁天威因奏 皇太子讲学诚当今急务 上言此等大事朕岂不知近因有 圣母之服不便举行因自指袍带曰你每看我所穿何服从哲等复奏但求 皇上传一的期人心自安且言 皇长孙出讲亦当并举 上谓此事当俟册立之后乃引 皇太子手言曰你每都看见否如此儿子谓我不加爱护譬如尔等有子如此长成能不爱惜乎时 皇孙三皇孙女一俱在左阶下因命内侍引至石级 上令诸臣熟视 皇孙俱圆帽青服南向拱立端正岐嶷英姿秀发 上又言朕与皇太子天性至亲 祖宗 圣母俱所深鉴小臣恣意妄言离间我父子真是奸臣言之再三 天颜稍厉从哲等又叩头奏诸臣岂敢如此 上又言今只将风癩张差庞保刘成三人决了其余不许波及恐伤天和震惊 圣母灵位 皇太子亦跪奏只决了三人便罢尚有他语下不及闻 上谓各官曰你每听皇太子说尔等离间为无君之臣将使我为无父之子乎乃目从哲等速作谕来从哲等叩头承旨因奏 圣谕已明人心已定望 皇上母以此介怀奏至再 上若为倾听时 天语谆谆二臣将起复止叩头者三四次已起立 上犹东向谓从哲等速作

谕来无误批发刑侍张问达理丞王士昌以先决三人之旨听之未审复稍前跪请得旨始起 上乃顾左右令诸臣同出时事出仓卒群情皇皇从哲等倾耳 玉音方若不能尽忆而后班口语杂沓视听骇乱以致尚有遗忘总之此一举也 上自以保爱 东宫之意出于至诚而讹言烦兴故亟于剖白欲使天下信之有一语而申明至于再三者一时诸臣瞻 天颜于咫尺聆 圣谕之详明莫不欢忭鼓舞以为四十年来未有之盛事而 祖孙父子萃于一堂 天语谆谆至移晷刻即古都俞吁咈之风亦不及此也

○是日大学士方从哲等拟谕帖进呈 上复增注数语从哲等又言适蒙发下臣等所拟谕帖中间多经 御笔增改详悉明白皆非臣等一时思虑所及谨钦遵誊写进呈外惟是庞保刘成二犯昨日奉旨后刑部方行内监拘提闻此时尚未到官合无再乞明旨将二犯发付该部审明正罪庶不失 皇上慎刑之意而法司诸臣亦不至尽隳其职守矣

○谕三法司昨张差以风癫奸徒闯入东宫持梃伤人罪在不赦今日朕率皇太子皇长孙皇孙皇孙女恭诣 慈宁宫 圣母几筵前奏慰礼讫其所供内官庞保刘成俱系主使之入法司已审明确见监风癫奸徒张差即便会官决了内官庞保刘成著严提审明拟罪具奏另处其本内马三道等的系诬攀之人斟酌拟罪来说此外不许波及无辜震惊 圣母神位致伤天和称朕体天好生之意故谕以御史刘光复在 慈宁宫 圣母几筵前高声狂吠震惊 神位命锦衣卫挈送刑部从重拟罪具奏

○大学士方从哲吴道南言适蒙 皇上特召臣等及文武台省诸臣至 慈宁宫门 皇上亲御檐前命 皇太子恭侍于侧诸 皇孙并立阶左 面谕臣等以 圣母升遐之后日侍几筵祭祀必亲哀慕无已虽 圣足微恙不敢言劳不意突有风癫奸徒张差闯入宫殿震惊 圣母之灵以致外廷章奏烦多妄有猜忖因言 皇太子茂龄睿质国本所关 圣心岂有不爱之理且诸 皇孙振振繁庶尤至爱所钟 天语谆谆委婉恳切又引 皇太子之手再三令臣等谛视至有尔等有子长大能不爱惜之言渊哉圣慈一念天性至情真诚笃至真有可以质天地对 祖宗心可得而盟口不可得而言者臣等非无心胸仰见 圣谕若此益信平时抚摩顾复之勤今日保护维持之密必有出于恒情万万者惟是 皇上或因一二本中语言过激遂疑其为离间斥其为怀奸臣等窃谓新进之臣误闻道路不识忌讳则有之其谁敢疏 天性之亲犯无将之戒以自千不赦之罪者臣等万万保其必无也今 圣谕已明人心尽服罪人行且正法无辜不至株连不惟 皇太子之心安臣民之心安即 祖宗 列圣与 圣母在天之灵俱安宗社无疆之庆端在兹矣臣等更望 皇上平喜怒之情扩乾坤之量益纾 圣虑永保天和于万斯年为 天地神人之主犬马下情不胜倦倦

○甲戌大学士方从哲吴道南言该文书官张文元捧出 圣谕朕览卿等奏揭与皇太子看皇太子奏此事原是风癫奸徒张差所起宜当先决此犯庞保刘成行提问明另处朕已将谕帖改写着司礼监写红发讫特谕卿等知钦此臣等窃惟此一狱也首祸

上官率领正直千百户或六员八员十员随班候旨

大明神宗显皇帝实录卷之五百三十二

大明神宗显皇帝实录卷之五百三十三

万历四十三年六月丙子朔

○礼部奏上 瑞王成婚仪注报可

○丁丑谕内阁昨日览卿等申救御史刘光复奏揭卿等可思人谁无父母岂石出桑生朕怒此畜辄在 圣母几筵前高声狂吠震惊 神位为子者五内何等惊慌忿怒又且于朕前甚无人臣礼其狂悖于平昔可胜罪责但朕自三十四年以来因 圣母偶尔目恙朕日夜忧焦寝食不安且足疾不时举发未愈去岁 圣母昇天朕思慈恩罔极哀慕不胜因于一切章奏未暇细阅这厮不知何心术每每逞臆沽名狂妄希位恣肆无忌书不云乎君令臣共迩来臣下专以抗旨讪上搏击忠良邀虚名图美职为事好生可恶所奏朕知道了特谕卿知

○大学士方从哲吴道南言臣等窃惟前日恭承 圣谕之时 天颜咫尺 慈灵密迩为臣子者宜何如敬畏 圣谕谓人谁无父母岂石出桑生至哉 皇言一本之爱罔极之恩不独臣与廷臣知之即光复亦岂不自知之乃于 圣母神位奉安之地 皇上大驾临御之时肆意妄言高声无忌其罪真有不待言者至于 皇上数年以来始因圣母目疾忧惧焦劳继因 圣母升遐哀慕无已以是未暇细阅章奏诸臣不能仰体此意乃以沽名希位之念逞狂妄恣肆之谈虽心术未必有他而于 圣谕君令臣共之谊诚有悖矣兹者恭承 圣谕容臣等传示诸臣令其各秉公心务存大体凡有论奏须明白正大不许仍前逞臆妄恣自取沽名抗讪之罪臣等德薄望轻不能服人致使小臣狂逞妄言上烦 圣虑此则臣等溺职之甚罪不容恕若刘光复妄言取戾臣等岂敢再为申救倘蒙 皇上量其无知薄示罚治此自雷霆雨露并行不悖非臣等所敢必也

○初山西自升汾州为府割平阳之灵石改隶焉然平阳所藉御虏者全凭冷泉一线之关信灵石为平门户其当还无疑第以平大而汾小始议改平阳之石楼属汾而汾称不便盖谓石楼离汾辽绝其铺舍司兵诸费又无所出各道府复议建设公费派平协济铺兵工食听汾加编于所属府厅工食仍前对换户部据抚臣吴仁度< 疏 疏-金 >题覆报可

○戊寅刑部等衙门左侍郎等官张问达等奏言臣等节奉 圣谕已将张差押赴市曹处决讫随该臣即具御览揭帖请发庞保刘成拟罪正法本月三十日复奉 圣谕臣等遵召齐集站班间司礼监又奉 东宫传谕阁部三法司科道诸司知五月初四日张差持棍外并无别物闯入本宫大殿檐下当时就擒遍搜除棍外并无别物其情实系风癫误入宫闱打倒门官法所不赦后复招出庞保刘成身系内官虽欲谋害本宫于保成何益料保成素必凌虐于差今差故肆行报复之谋诬保成以主使之条本宫体念人命至重造逆何等重大事情岂可轻信讠口株连无辜天理何在本宫连日奏求 父皇

○庚辰兵部议覆宁前一带逼近蟒金等夷巢穴乃将官祖天寿防备已疏逗遛更怯且无端围猎以致曹庄之役我兵被杀掳者六百五十余人亡于阵者二百二十余人畜物之掠去者无算应斩何辞李应选疏玩不减于天寿惟是闻警星驰勉为一战应宽重辟以鼓将来王世禄杨松年均司城守然世禄守堡而堡内之人未掠松年守驿而驿中之人被虏罪不同科总兵官张承胤功罪委应一体但非专责又当新任应照前议姑免得旨祖天寿著监候处决余依拟

○辛巳云南景东府地震越三日又震 ○是时大小衙门各官俱为刘光复乞恩求宥

○初巡按直隶御史薛贞有请开东南水利之< 疏 金 >工部覆谓吴淞一江俱娄东二江之中灌注苏松吐纳湖海其通塞关民生不小隆庆中巡抚海瑞开浚至三十余年旱潦有赖岁久寢湮< 疏 金 >淪无法潴洩不时遂致沮洳成田咽喉阻塞潦则极目沉淪而稼病旱则侧足焦原而穡病害岂独在民生哉国家财赋仰给东南苏松二府岁供约四百五十余万然则安得靳数万之緡钱而不顾数百万之额惮一时之劳而不图百年之长便御史请之是也破道旁之咻杜局外之挠因天时相地利尽人力在当事者审处而力行之耳至于开浚工资据议动借各项及应解国库钱粮除本部目下大工经始库储有限在两浙修塘既不请留则三吴开江亦难准借其不系本部与夫粮解逋侵河夫经派存剩赃罚等项抚按得以径行者应听就便清追动借如有不敷该地方官从长设处要使下免加派 上省发帑用寡功多一劳永逸斯不负朝廷为民至意矣 上命如议行

○壬午命司礼监官梁栋同工部官前去相择 皇太子妃郭氏坟地卜在 泰陵园后长岭吉于是礼部请择日兴工报可

○工部奏 皇太子选侍王氏薨逝坟地于翠微山相择报可

○户部奏准造剥船违限甚久抵关漕粮壅塞可虞乞敕本部移咨总漕督行原造衙门火速排造刻期报完务限本年八月终旬差官星夜押驾前来接济剥运如再过限不到定将经管各官从重参处 上是之

○癸未以祈祷雨泽遣公张惟贤侯郭大成驸马候拱宸伯陈伟侍郎李志何宗彦祭告 南郊 北郊 社稷 山川风云雷两坛护国济民神应龙王之神收回脯醢果酒颁赐二辅臣三桌

○谕户部瑞王婚礼钱粮近据该库奏节经大典奏进已竭昨有旨准减三分之一如何抗违不遵屡次渎扰姑且不究见今期迫所造冠顶等项钱粮应用不敷即遵前旨上紧办进成造如再推延临时违误罪有所归

○谕大小九卿等衙门览尔等所奏申救狂畜尔等岂不知五伦之有父子君臣夫妇兄弟朋友刘光复口读圣贤书知否不知否若知此大体故在 圣母几筵前恣肆狂悖高声大叫震惊 圣母神位朕于兹时何地可安尔为臣子其心安乎又且无人臣礼

其于平昔逞锋心利口搏击忠良钓名要誉淆乱朝政今已尽露五伦中有此否尔等但自知有斯文一契不知有君父辄敢救激姑且不究

○录平虏大宁二堡各官堵截功次梁汝贵准复都司佥书职衔仍旧管中左所游击事李怀忠以署都督佥事照旧管事钟国勋徐大勋候备御员缺推用余各官赏银有差从兵部左侍郎崔景荣奏也

○山西参将苏学诗坐不职为按臣李若星所劾革任

○铸给督理桥工太监关防一顆

○乙酉大学士方从哲吴道南请亟补阁员以图共济言 祖宗朝阁臣之设或五六员或三四员未有纶扉单匱如今日者且今时势何如哉堂帘久隔朝宁几空九边虞庚癸之呼百姓鲜盖藏之积加以水旱灾伤不时见告人心玩而法守无存奸宄滋而纪纲日坏自非密勿之地有数人焉同心戮力弘济艰难则天下事有不知所终者矣臣等遭时遇 主岂不欲竭犬马之力少图补救然而伎俩易穷精神有限在朝在野类不乏人其品格才力岂无十倍于臣等者 皇上诚特简二三员与臣等一同办事不独朝廷收得人之效而臣等亦可免溺职之辜矣

○以户部所进婚礼钱粮交与该衙门查收其未完者命上紧办进成造

○鸿胪寺请升殿以十五日 瑞王纳徵发册也传免

○升镇江府知府康应乾为常镇道副使

○丙戌司礼监太监李恩传 圣谕 祖宗设刑狱官但遇有罪之人即讞奏闻裁定况昨张差朕面谕已决郑进等以重刑俱故且马三道等皇太子屡屡面奏的系诬攀恳请从轻拟罪以体好生之仁毋得波及无辜恐伤天和如何连日不见拟罪本来显是尔等抗违不遵即着回将话来或有司官挑激攒谋欲诬害善类的尔可指名参来不得庇护其马三道等着遵前旨作速拟罪来看不许仍前延缓必罪不宥故谕

○谕吏部都察院朕见年来科道或因年例外转欲图固美职或因升迁官员不合己私呼朋引类横噬傍击挠乱朝政今日争胜负明日论可否利口锋心逞臆恣肆沽名邀誉附和行私毒害忠良搏击善类朕因未暇简阅诸< 銚-金 >故此一概优容此辈再无底止使老成不得安其位昨因狂畜刘光复大胆高声震惊 圣母神位使朕恐惧下安又无君臣礼已拏送刑部着从重拟罪今后若有官常不简的你该部院遵照宪纲旧规不时指名参奏不得仍前借言市恩徇情坏法以畏利口尔吏部可将近年前后推过年例外转科道官何士晋等俱查照原拟地方各前去任事不许推病给假生事淆乱如违一体重治不宥故谕

○应天巡抚王应麟请将芜湖浒墅二税尽行蠲免言恩诏内一款凡近京零星小税准与豁免 皇上前已允台臣请免芦沟小税矣两京并重而陪京尤为根本乞并罢之户部议覆 上曰这所奏芜湖浒墅额税准免三分之一其余税银着遵旨照旧徵解税监类进应用不得再来渎扰

○发陕西大同等镇年例银两 ○丁亥谕刑部朕见自春至夏以来亢旱不雨
三农失望朕心忧惧特遣重臣多官于 天地坛 社稷及应祀庙神祈祷未见甘澍朕
在宫中亦行请祷切思贯城之内波及无辜况瑞王嘉礼在迩前皇太子屡于朕前恳请
马三道等的系诬攀着从轻拟罪发落未见奏来昨已有谕责尔部回话尔部却又巧饰
借言斋宿姑且不究如再怠缓违背定行重治不宥故谕

○谕后军都督府等衙门朕第五子瑞王年已长成其岁支禄米一万石今在京且
岁支米三千石钞一万贯待之国米全支依先年福王例便选学行端正者除王府官选
诚实的当者除仪卫司及群牧所官拨堪用较尉六百名王府随侍后府及在京卫分选
拨精壮军一千名于群牧所用其余合行事宜悉照福王例如敕奉行 ○谕户部婚
礼大典钱粮已有谕旨明曰准免三分之一见今时日已近该用燕居九翟二冠不可缺
一况屡有旨将未完钱粮上紧办进乃敢恣肆抗违阻挠吉典姑将今次所进准交该衙
门查收作速成造其余未完钱粮照数作速上紧措办应用如或仍前怠玩违误必罪不
宥

○戊子刑部奏十三司会审得马三道李守才孔道之与张差情属周亲社联异教
稔知狂逸竟失招闲即死口不暇择音然活供尽经师听第今元凶授首二竖毙刑两造
之簿对难复诘于生前一成之狱情能幸逃于事后仰惟 圣慈恳恳弘开肆赦之恩
天语谆谆屡廑无辜之悯执三尺以从事固将矢臣子之输孚角□羊一网以敷仁敬不
奉 圣明之德意但其妄希证果附诱乡愚故违律禁之条应治煽惑之罪除为首张差
已经奉旨处决外其马三道李守才孔道合以左道为从律论者也李自强李万仓衅繇
失火罪非党邪律应笞拟其张差所供香头三十六人及高真人原无的名在案难以追
捕且钦奉 明旨何敢株连合候命下之日备咨抚按严禁角□羊散以广 皇仁以安
畿甸 上曰马三道等俱照原拟发落其高真人及香头人等著该地方官严谕角□羊
散不许潜住近京惑众生事

○巡按广西御史董元儒言粤西逼近交南今夷寇日骄土司日削土司尽而内地
且从之臣与共事诸臣所夙夜踌躇者一议增兵夷贼入犯西则上下石当其冲南则思
陵扼其吭宜于上石之界增设汉兵五百名并就近抽思明等州土兵五百名协力防守
即移龙州督备官以镇之又宜于思陵之界增设汉兵五百名亦就近抽思明等土兵五
百名共为犄角仍别选才望卫官充督备官以领之其提调简阅责之南大参将稽查考
核总之左江巡道无事则屯牧驻守有警则声息互应一议处饷汉土兵共计饷银一万
八百两荒徼困残安能突增前余岁额独有粤西商税原系昔年充佐禄州饷物近为榷
使徵入内帑惟 圣明軫念边陲比照粤东减税近例慨然蠲此万余金岁为养兵之需
官不烦措处民不必加派实为百年长策一议土司夷贼之敢于辱官焚治皆土司不能
恤其民民贫举债甚或阳结夷酋阴图私利亟宜申饬各土司勤修内治抚辑穷民一应
债累苛扰悉与禁除务使大小相恤缓急依倚则削弱可转为强盛斯又联属汉土以永

○升荆州知府吴维东为常镇兵备副使

○辛卯刑部拟御史刘光复罪宜比冲突律拟罪以示惩创一议得刘光复所犯除奏对失序轻罚不坐外合比依文武官非奉呼唤辄入仪仗内者律杖一百有大诰减等杖九十运炭赎罪完日发落但光复罪诚莫追心则堪原祈 皇上矜念狂愚转圜角□羊网 上览< 〇〇〇 毓-金 >大怒降旨切责曰御史刘光复大胆狂吠震惊 圣母神位朕心身至今未安却又恣肆越踰直前甚无人臣礼尔部遵旨拟罪宜当从重问拟奏请辄敢以一契为重背君旨市私恩堂上官姑不究该司官且罚俸一年其余的姑着策励供职本内于紧关行内多添字迹友谊显然着回将话来刘光复着遵旨从重拟罪来奏不得畏势利口徇情庇护

○谕兵部朕前为门禁已有旨申饬因思 祖制设立各内外官员并守卫官军人役专启闭盘诘御防异服异形眼生奸细甚严谨周备但不时着该直首领内外官严加查点不许疏玩怠忽且 祖宗旧例在内每月三市亦有旨准其日用衣帛食物器用之类照旧进内陈设所禁止者持挟锋利铜铁弓矢兵器不许进内货卖其市廛物类着照旧交易体朕恤商旅通贾之意至于平日进用贡献 九庙 圣母神位及御膳皇太子并各宫品膳服用等类乃每日常行所费不貲时不可缺还着各门出入勿禁用心验看若持此图利为暴国门阻绝内供若害于民者着该卫缉事衙门不时拏访究参如违一体治罪不宥故谕

○升右春坊右庶子掌坊事刘一燝为国子监祭酒右庶子掌司经局事顾起元为南京国子监祭酒

○升山东副使武之望为南京通政司右参议

○甘肃巡抚今升刑部右侍郎荆州俊再< 〇〇〇 毓-金 >引病不允仍命巡抚员缺即会推来用

○升右副都御史蔡应科为南京都察院右都御史

○起升原任巡抚李炳为南京大理寺卿原任少卿曾皋为南京太仆寺少卿添注徐应聘起补光禄寺少卿

○升四川按察使秦大夔为陕西右布政使浙江参政何如申为山西按察使杭州知府杨联芳为贵州副使惠州知府朱芹为云南副使太平知府王国翼为湖广副使原任吏部主事涂一榛为湖广佥事

○礼部奏工科给事中何士晋原题江西主考今升外任合行吏礼二科开送补差从之

○是日胡良巨马二桥兴工遣工部侍郎林如楚行礼内外经管官员敕书着便写给

○原任少保兼太子太保礼部尚书文渊阁大学士沈鲤卒河南抚臣奏闻礼部覆本官丹衷一掬惟忠 君爱国之心浩气千寻表难进易退之节岂惟恤典应荷殊恩并

宜易名以旌硕德 上曰沈鲤品望素隆赞襄功茂准照例与祭葬仍加祭四坛差官造葬还与他谥

○赠原任兵部左侍郎贾应元为兵部尚书

○壬辰 睿宗献皇帝忌辰 奉先殿行祭礼

○以朝覲届期应徵粮银及上年漕折着各该掌印官依限徵完方许离任违者听抚按照例参处

○吏部遵旨将推过年例外转科道列名上请仍奏何士晋候命多年已经再考例应右参议职衔 上恶其徇私擅改显是市恩降旨切责堂上官姑免究该司官罚俸半年何士晋照原拟地方职衔前去任事不许加升

○癸巳户部议请 皇贵妃王氏该用贴坟地土及坟户军人准照 宪庙皇贵妃万氏万历二十五年 皇贵妃李氏例加倍拨给 上命拨给坟户三十名民地二十五顷

○东安门挈获擅闯入禁门不知姓名风狂男子一名 上甚恶之即令锦衣卫挈去着实打一百棍仍用头号大枷枷于东门处所枷号一月满日奏请定夺不许疏纵

○升礼部郎中洪世俊为福建参政兵部郎中刘遵宪为山东副使永昌知府童世彦为云南副使四川参议李际春为河南副使韶州知府陈夔生为四川副使又调补原任山西副使曾汝祯为河南副使原任陕西副使任彦棻为四川参议

○甲午署刑部左侍郎张问达等回话认罪其刘光复容详拟另行具奏 上曰刘光复高声狂吠震惊 圣母灵位尔等皆木石所生使朕心身至今未宁却又恣肆狂悖欺上越踰甚无人臣礼不惟朕怒此畜神人亦皆怒此畜矣昨已有旨着尔部从重拟罪何乃深畏朋比利口坚执庇护委婉浮词代为救释既认罪堂上官罚俸二个月该司官调外任用刘光复还遵屡旨从重拟罪具奏如再仍前抗违不遵借言支吾的一体治罪不饶

○命叙甘镇累年三次战功顾其志周盘柴国柱祁伯玉等以下各官荫袭升赏有差

○录延绥万历三十七年十二月内波罗常东二堡地官方兵斩获虏级宣捷大小文武官涂宗浚张承胤等各员分别荫袭升赏

○乙未山东登莱道参政姜志礼言今岁五月二十日 福藩中使徐进为文徵登莱两府田租来到青州夫登莱叠灾民不聊生且与倭为邻全赖赤子安堵以资保障其不宜有藩府田租滋肆扰害且不必论独计自 高皇帝以迄于今累十余世封王子弟屡矣有与之二万顷庄田者乎有庄田跨连三省者乎继此而封尚有 瑞王 惠王 桂王也倘其比例而请将与之乎不与之乎国家灵长之运上与天齐穆穆皇皇亿千未艾继此而封倘其比例而请将与之乎将不与之乎不与则谁非属毛谁非离里有无顿异厚薄悬殊难乎其为平也与之则既有分土便有分民私室日强公家日绌难乎其为制也溥天之下莫非王土臣恐一统舆图仅足以供诸王之四分五裂而 天子且戢戢

例行请将内外俸深中行推知定以五年或四年半为俸满之限断以二年为行取之期乘今考察未举先将各官照限截俸题知发访确行取候命考选庶俸深者不叹积薪俸浅者亦无越志贤者得以奋庸不肖者易于摘发内外各缺亦可随出随补便益更多恩诏云建言革职为民曾经奏荐数次堪用者准起知县又云若奉旨降黜部覆未下者着照原拟用今除经显摘公论共弃者不宜混入起废用其余宜遵诏书开某官某年或被革或被黜抚按荐几次科道荐几次今蒙恩诏某起某县知县某原拟某官用庶上不悖明诏中不失政体下亦不拂輿情矣不报

○升福建按察使萧近高为右布政使副使毕< 梲心 >良为参政参议吕纯如为副使照旧管事

○辽东巡按翟凤翀题称各随地方酌量置建常平仓搜括赎醵或节省公费买谷储蓄户部议覆 上是之曰建仓积谷有裨边储着行各镇督抚等官一体遵行务臻实效

○升山东参议薛国用为陕西副使西安知府杨邦宪为陕西副使夔州知府徐祯稷为四川副使

○己亥升湖广按察使饶景曜为四川右布政使 ○起补原任广东参政周著为浙江参政

○吏部左侍郎刘楚先乞辞新命 上曰卿夙学清望特起田间宫端重地宜遵命暂摄不允所辞

○庚子礼部请禁左道以正人心言近日妖僧流道聚众谈经醮钱轮会一名捏槃教一名红封教一名老子教又有罗祖教南无教净空教悟明教大成无为教皆讳白莲之名实演白莲之教有一教名便有一教主愚夫愚妇转相煽惑宁怯于公赋而乐于私会宁薄于骨肉而厚于夥党宁骈首以死而不敢违其教主之令此在天下处处盛行而畿辅为甚不及今严为禁止恐日新月盛实烦有徒张角韩山童等之祸将在今日乞敕下臣部行文五城厂卫严令禁戢立刻解散如有仍为传头者访出依律从重究拟有功员役比照拏获大盗给赏仍通行各省直一体钦遵严禁访拏庶异教可回人心归正而千万世太平之业终赖之矣

○辛丑 孝庄睿皇后忌辰遣官祭 裕陵

○升江西按察使沈蒸为福建右布政使河南按察使郑国俊为山东右布政使

○鸿胪寺少卿焦衍丰以乡< 穴臣 >占地洒粮致激民变为河南巡抚梁祖龄所劾命付法司刑部拟将焦衍丰革去鸿胪寺少卿职衔责令回籍听勘如律拟罪

○壬寅福建通省百姓陈万象等赴阙乞留抚臣袁一骥道臣吕纯如以保海邦子黎词甚哀恳

○礼部以连旬弥旱乞敕大臣分诣 南郊 北郊 社稷 山川风云雷雨等坛并护国济民神应龙王之神再行虔祷 太岁之神及东岳庙俱乞命大臣祭告行礼仍

行顺天府照例率属于都城隍并应祀各神庙竭诚祈祷大小臣工自本月二十八日为始仍青衣角带于本衙门斋戒办事痛加修省诸司照例停刑七日除祭祀照常外禁止屠宰并酒席宴会以得雨之日为止 上曰亢旱为灾祈祷未应朕心益切忧惶委宜上下交修共图消弭朕谨于宫中再行虔祷目前诸政务期尽数修以回天意尔等百官也都要涤虑省愆奉公守法各勤职掌毋事靡文务使诚意潜孚 玄穹昭格庶甘霖早澍民困可苏祭告遣公朱纯臣侯陈良弼梁世勋薛濂驸马王昺伯王承勋张庆臻刘天锡各行礼

○谕刑部都察院锦衣卫如今天气暄热两法司并锦衣卫见监罪囚答罪无干证者放之徒流以下便减等拟审发落重囚情可矜疑并枷号者都开写来看

○钦天监奏 皇太子妃郭氏坟园择七月二十八日兴工从之

○赐原任宁夏巡抚梁问孟祭一坛

○癸卯 孝穆皇后忌辰遣官祭 茂陵

○大学士方从哲吴道南言刘光复狂肆无礼致干 圣怒罪繇自取夫复何辞浹月以来臣等戒谕科道诸臣各宜屏息静听无得循例救扰以俟 天威渐霁 圣意渐回或者曲蒙恩宥乃不意严旨忽发遂欲拟之于不敬加以之极典似于 皇上平日优容臣下之意微有未合此臣等所以不避斧钺呼 天而有请也且 皇上之怒光复非以疏词触忤又非以面奏未当止因一时狂悖恣肆拂 皇上如在之诚失人臣敬恭之礼然臣等窃见古之谏臣有引裾而衣裂攀檻而檻折者当时人主不难霁色以受之且令勿修檻以旌直臣书之史册遂为千古盛事宁有 圣明在御乃怒一狂戆之臣遽加以不赦之罪者哉臣等又恭忆我 圣母皇太后 天惟慈仁溥天之下即昆虫草木莫不沾濡_{（一）} 亟_{（二）} 育今 皇上以震惊 神位之故置光复于大辟窃恐 圣母在天之灵反有愀然其不乐者 皇上不可以不念也刑科给事中郭尚宾亦言之不报

○以灵雨应祈著前遣朱纯臣等八员恭诣祭谢仰答神庥收回脯醢果酒颁赐二辅臣三卓

○准晋府宁化王温裕慎啻嫡一子敏济袭封父爵

○追封崇世子常□□水聿□为崇王谥昭

○甲辰刑部等衙门署部事左侍郎张问达等言刘光复以么_{（一）} 麻骨_{（二）} 小臣敢于 几筵前越次高声仰干 圣怒此其自取之罪何敢曲为之辞但 皇上方下热审之命凡情可矜罪可疑年老笃疾可宥者虽至愚至贱无不予以更生况在侍臣岂不矜恤无亦谓 圣母俨然在上为臣子者不克翼翼祇承似非事死如事生之礼然 圣母如天好生无问灵蠢罔非慈仁所暨而独于一无知触犯之臣稍有漏泽恐亦非 圣上时时思慕之初心也且光复之罪比之孟坤亦略有不同者孟坤克减钱粮更易绳杠以致 圣母梓宫困顿泥淖拟以上刑诚为非枉若光复率尔越对有失臣礼罪虽莫解情亦可原一概比而同之终于律例未协伏乞推广 慈恩将光复重加遣治免其一死不

报

○ 上前后阅刑部审录重囚章奏以孙清等情可矜疑都饶死发边卫充军凡妇人并笃疾者皆放之

○升广东副使陈一教为浙江参政兵部郎中焦馨为河南副使大名兵备道

○予原任吏部侍郎杨时乔荫孙杨德焜送监读书

○礼部尚书兼翰林院学士陈经邦卒经邦福建莆田人嘉靖乙丑进士改庶吉士授编修充 东宫讲读官万历元年充经筵日讲官历侍读学士礼部侍郎加太子宾客吏部侍郎经筵照旧十一年以原官掌詹事府事与修 穆宗实录教习庶吉士升礼部尚书十二年致仕卒于家年八十礼部覆本官德器温文操持端慎典礼寅清匪懈居乡月旦共推宜有优恤 上命照例与祭葬仍加祭一坛

○乙巳山西平阳府临汾县天鼓鸣

○遣刑部员外郎等官关骥等大理寺寺副李廷楨等十员往江南北浙江各省等处恤刑

○礼部题覆南京工部修理 奉先殿遣官祭告择日兴工 上命南京工部尚书丁宾行礼

大明神宗显皇帝实录卷之五百三十三

大明神宗显皇帝实录卷之五百三十四

万历四十三年七月丙午朔孟秋享 太庙遣侯吴汝胤恭代侯梁世勋宋光夏分献

○丁未大学士方从哲吴道南言昨接蓟镇督抚薛三才等揭称通州三河等处劫掠蜂起始于饥民之啸聚继以奸民之乘机所请发帑开仓停徵改折等事诚救荒急务臣等则谓发帑出自特恩其多寡应候 圣裁至于应徵各项钱粮当蠲者蠲当缓者缓当折者折及发临德仓粮分给被灾州县听其便宜糴买俱行户部酌议外惟是急发通仓米数万石以分赈邻近处所则朝奉旨而饥民可夕受其惠此救焚拯溺之第一着皇上所当立断者也

○甘肃巡抚荆州俊 < 〇〇〇 铨-金 > 辩红沙所报人畜之损失名数与按臣所报不异而科臣吴亮嗣参其欺罔乞敕该部速查臣与按臣先后两 < 〇〇〇 铨-金 > 治臣之罪上曰这奏辩事情已知之矣荆州俊着遵旨候代前来供职不必渎辞

○升翰林院编修公鼐为国子监司业编脩汪輝为南京国子监司业

○升河南参政葛锡璠为按察使江西副使李克敏为参政原任广东参政文立缙为湖广参政浙江副使熊宇奇为湖广参政汾州知府刘一全为云南副使

○保定侯梁世勋奏钦例季终会官查点侍卫人员报可

○戊申以 温肃端静纯懿皇贵妃王氏坟园工完遣工部右侍郎林如楚谢土

○己酉 仁孝文皇后忌辰 奉先殿行祭礼遣官祭 长陵

○四川巡抚吴用先因科臣郭尚宾参劾上< 〇〇〇 毓-金 >自辩言督师雅州彼时军旅戒严何从给募缘之札若建南一役费尽心力减兵省饷幸而平贼班师此赖将士戮力司道府县之协赞从例甄叙以鼓将来何敢以犁庭扫穴自居而妄为徼赏又谓自揣无能惟有一去 上优诏留之

○总督宣大兵部尚书涂宗浚< 〇〇〇 毓-金 >辞荫袭言臣往抚延绥前后五载志惟安于无事念不求其有功每因黠虏之扰边未免兴师而戡乱仰惟 皇上之福实徼庙社之灵臣虽命驰驱未能亲冒矢石而承兹特异之典益深陨越之忧 上曰捷叙加恩已有成命不必逊辞

○蓟辽督抚薛三才吴崇礼各奏畿辅旱灾饥民聚乱恳乞 圣慈大赐蠲赈以收人心并停本年应徵带徵钱粮与各卫所屯粮议改议折 上曰畿辅旱灾异常以致饥民群聚抢夺着先发通仓米七万石分赈被灾处所务使人沾实惠如有奸民乘机劫掠的行各该有司官严拏治罪以靖地方无得姑息养乱其钱粮应蠲折及发漕粟等事着该部详议具奏

○户部奏赏赐万历四十一年军士冬衣布花报可

○辛亥时畿辅民饥甚督抚诸臣< 〇〇〇 毓-金 >请大发临德二仓粟平糶以遏乱民 上命户部速议以闻

○升应天府尹黄承玄为都察院右副都御史巡抚福建西宁道左布政使祁光宗为都察院右副都御史巡抚甘肃

○升大理寺寺丞王士昌为大理寺右少卿御史孔贞一为大理寺右寺丞添注

○升户部郎中王应乾为浙江佾事

○癸丑礼部请复广东举人劳养魁梁午辉钟声朝及承天诸生十一名准其会试肄业先是劳养魁等为讎家捏诬妄报税监李凤致干 圣怒革其衣冠屡经先后抚按访核为之讼冤故礼部请收复之 上怜其无辜俱准会试收复肄业

○升参议熊尚文为尚宝司卿

○升山东按察使应汝化为江西右布政使福建参政陈德元为山东按察使湖州知府吴文企为江西副使

○予原任南京礼部尚书黄凤翔祭二坛仍加祭一坛遣官造坟安葬

○巡抚江西右副都御史王佐再< 〇〇〇 毓-金 >乞归 上再留之

○甲寅兵部覆万历四十一年十月内巡按陕西毕< 〇〇〇 琳心 >康题荐平虏原任参将潘国振虽于三十九年因出边采木微有疏失缘系该道有行催促所损人畜不多已经追回过半至四十年银酋再犯国振挥戈逐虏贾勇先登共斩首至一百七十七颗夺获马驼夷器以千百计而本官部丁独斩七十二颗自此一战之后四年来银定离边款虏遵约两河烽火不警边民耕牧宴然全镇大受其利而国振罢官何以激励敢战之士合无将潘国振准以原官起用遇有参将员缺即行推补仍重加优赉庶赏罚明而边

将益知感奋矣 上从其议

○初巡按贵州御史毛一鹭< 〇〇〇 毓-金 >言苗仲披猖天诛难缓而川湖协济钱粮其拖欠至数倍于正额请 皇上慨发内帑十万金使得徵兵充饷分道并进贻黔中数百年之安俛不可得则惟有敕抚臣先相机行事而后分道酌议或犹可支旦夕何谓相机行事盖此时大举不能姑待不可姑择一二肆毒最惨者以计雕之兵不足暂借力于土司饷不足或因粮于贼寨此抚臣可以径行者何谓分道酌议请就楚蜀滇粤分画疆圉如平溪清浪镇远偏桥一带虽系黔境实属楚地议征剿则合兵力于楚楚不得以协济藉口而缓调发毕节永宁赤水乌撒一带虽系黔地实为川属议征剿则合兵力于蜀蜀亦不得以协济藉口而缓调发若都匀定番广顺坝阳数处粤西所遗之孽种也议征剿则资兵力于粤粤果调发不便亦当酌议协济以分黔之痛普安普定安庄平< 〇〇〇 土白 >等处滇南所驰之孔道也议征剿则资兵力于滇滇果期会不便亦当酌议协济以苏黔之疲盖在四省不过捐涓滴以自为其封疆而在黔则可以救焚拯溺之策此非抚臣可以径行者兵部题覆谓用兵大事难以遥度通省剿杀事非容易必众论僉同抚按合< 〇〇〇 毓-金 >而后臣部可据以酌议至如总兵邓钟因循玩寇协守陈寅秦越异视龙万化之观望不前李一鸣之未闻声援作何分别议处毋貽 主上南顾之忧 上曰苗仲流毒地方亟宜剿处一应兵饷事宜及应处各官着抚按臣会议停当具奏

○总督陕西三边兵部左侍郎刘敏宽报延镇市事既完其奖赏叙官当顺夷情而不可缓宁镇夷虏抢掠要挟市事未竣当如抚臣所谓应听自来来则市不来则不市除宁镇俟通完报至另行具题外延镇两年官民易过马牛羊共四千二百九匹只其应贡上马匹已先送宣大督臣差官代进及留边马匹亦给军兵骑操讫理合报知诏下部议

○乙卯 瑞王亲迎受醮戒制曰嘉礼届期闲家伊始敬帅无替勉副训词随出府成婚有旨免百官赴府行礼

○巡按直隶御史李嵩陈目前蠲赈之法内言赈者赈其贫也若止据里书查报恐贫者未必给给者未必贫合严谕州县正佐自备壶殮量带驹从分历郊原逐一查视其贫者即登簿铃票票令贫户收报俟领米日对同给散则胥役不得高下其乎矣赈者期于享赈之利也聚千万众于城市中守费之苦得不偿失合无以积米所在为率酌村落之远近为脚价之多寡令民间有车者辇之各乡即出其米之绪余偿之仍谕州县正佐各于原查地方验票俵给则贫民不至扶携道路矣至于蠲存留不蠲起运是名为蠲而实不蠲暂蠲停徵若骤近民以小喜终不蠲并追是重绳民以难堪故蠲存留不若蠲起运之为益也暂蠲之不如终蠲之为益也虽然议振易议蠲难今边饷动迟至数月督催之令急如星火顾安得所剩余而贷之惟 皇上一旦诏发帑金数十万以抵灾民今岁田租之半则有蠲之利无蠲之害有蠲之名并有蠲之实将吹枯赈槁普沾浩荡之恩矣不报

○以巡抚南赣汀韶右金都御史孟□脉病笃恳辞命吏部议

○丙辰户部覆称督抚<□□ 毓-金 >中请发临德二仓以赈饥民意非不善但二仓实在米止五十一万八千余石皆系军储岂容易于别项支用今条议六策以备采择一议于临清仓发六万石于德州仓发四万石其价值一如三十五年每石粳米六钱粟米五钱若搬运路有远近价有增减又在督抚随时酌定一议于丰收地方火速移文令其量留解京钱粮选委廉干官员平价收买杂粮运至近京地方听本处督抚计其原价脚费委官支发缺米州县平糶一议得顺天府属每年该积备荒谷一万二千余石永平府属每年该积备荒谷共三千余石合无移咨督抚照历年考满册所报数目某县灾重某县灾轻或移民或移粟一听本处有司设法赈济一议得古人有兴作以济饥荒今宜仿而行之如畿南新建胡良巨马二桥仰以为食者岂止万余人至于三殿 大工并正阳门箭楼偁于此时择吉肇建无论所存活饥民无算且人多工贱得以坐收事半功倍之效一议得抢劫不皆饥民近时州县有捕获者往往皆马房军也以奸军为首以饥民为翼合无设法一体接济其啸聚不即解散者听地方官当时捕获处以峻法一议得近日甘霖既沛晚禾可望况今见有通仓七万之赈济临德仓十万之平糶目前藉此稍瘳然势难悬断合听臣部仍行本处督抚查今米并晚禾收入可以接济至何时及今议留解京钱粮平价收买杂粮运发平糶并各属每年备荒积谷清数若干俱备细查明具奏或咨部以便酌议 上曰畿辅旱灾异常这条议六事有裨荒政内箭楼工程着即择吉修举门殿等工待禫服后来奏其余的依拟着实行

○南京署都察院右金都御史罗朝国<□□ 毓-金 >言南都右都御史八九年来无人十三道御史不过三人耳秋闱已迫而监临监试谁任大察届期而登明黜幽谁司上下两江时闻萑苻之警仓屯二署时惧庚癸之呼淮海东西时虑岛夷之横赖有诸御史弹压之今有人不用有缺不补徒使当事一二驰东鹜西顾此失彼能不烦 皇上南顾之忧乞将新选御史曹汝兰等三人速赐批发以济燃眉南都幸甚不报

○丁巳升右庶子周道登为左庶子掌左坊印信右谕德温体仁为左庶子管理诰敕修撰杨守勤为左中允编修吴宗达为右中允

○戊午 孝安皇后忌辰遣官祭 昭陵

○大学士方从哲吴道南言 祖宗旧制 亲王行冠礼之后即出阁讲学今 瑞王业已出府成婚则设官开讲似不容已望 皇上敕令礼部开具仪注讲读等官令吏部照例选补并敕钦天监拣择吉日刻期开讲庶亲藩之令德可成而 帝室之维屏有赖矣

○庚申中元节祭长陵等陵遣侯薛濂陈良弼宋光夏李邦镇伯毛国器朱自洪王承勋赵祖芳李诚铭各行礼

○祭 恭仁康定景皇帝遣伯张嘉猷行礼

○祭 哀冲 庄敬二太子遣指挥同知许浚祥行礼

○祭 孝定皇太后几筵前行礼

○以礼部右侍郎何宗彦为左侍郎照旧署掌印务孙如游以右侍郎回部管事

○升□一鹏为应天府丞

○宥免犯人王常等枷号以刑部奏矜恤也

○壬戌甘肃抚按荆州俊董定策各奏该镇猛士如林惟是距省三千里鹰扬难赴以致材勇灰心请比辽宣成例议开武科以场则设于甘镇地居适中以额则定于三十数称当可以费用则取足于五道课税多方裁节俾军民无加赋之烦且一镇三年虽增武举三十人然皆储本镇之用无隘别镇之额兵部议覆从之

○升严州知府吴玄为广东副使工部郎中钱时俊为四川参议

○户部推管理钞关属员浒墅遣主事张大猷往河西务遣主事熊膏往报可

○癸亥 成祖文皇帝忌辰 奉先殿行祭礼遣官祭 长陵

○巡抚山东右佥都御史钱士完< 〇〇〇 毓-金 >言东省六郡自正月至六月不雨田禾枯槁千里如焚耕叟贩夫蜂起抢夺相率而求一饱臣即出示抚戢以定人心发仓粟以济缓急然仓储有限岁月尚遥虽救目前终难久恃查得万历三十八年 皇上发内帑十五万临清德州仓米三十万石分赈直隶山东山西河南等处臣未敢泛请独临清德州二仓以原贮东民之脂救东民之急于理既顺于例又合易抢夺而享泰宁实为便计 上曰该省旱灾异常蠲恤事宜着户部酌议具奏

○简查苏杭织造钱粮内监吕贵解进春季龙袍并乞查点督织官员 上曰这所奏春运龙袍抚按委官押解前来已收用矣其秋运龙袍并简查各项钱粮尔还即会同抚按速行清查明白解进应用

○甲子兵部署部事左侍郎崔景荣题秋防事宜言辽无大山峻岭可扼险以为固且其河流沙碛更难畚筑以为功宁前高平一线之声援易阻宰暖炒花三面之垂涎可虞至奴儿哈赤数年反覆一旦退地镌盟减夷脩贡似可相安于无事但近因白酋许婚暖兔遂欲逞志北关衅端一开渝盟可虑若非枕戈戒备何以弭乱于将萌蓟虽层峦叠障号称天险然寇在门庭举趾即是内地近日满旦挟赏一犯厂房烽再犯松岭烽三犯松棚路虏何时无乘虚伺隙之心而况今又值秋高马肥之候 宸居咫尺未可一息忘戒备也宣大为 陵宫右臂卜素二酋拥众恃强扰攘七年顷封事已完表马入贡封疆固称无虞但虏全部临边久未回巢在我未可易视又近闻素囊患痘垂危恐一旦物故虏情变动然则款可长恃而备可不预耶山西虏患较他镇为缓然鴈门密迤云中虏一日可至宁武之盘道梁最为冲要禁山林木多被盗伐则虏骑易驰偏老以东为顺义以西为吉囊虏若大举石州之祸可为覆车尚可谓三晋为内地哉延宁甘固诸酋近多款顺然边长兵寡守御为难在延镇则沙计旗牌猛克诸酋叛服不常顷且谋犯波罗其雄心何尝一日不思逞乎宁夏河东为套虏大举之冲河西边无墙垣最难防御且银定不款每糾款虏为患磨厉以须一时不宜稍懈固原去虏虽远而芦塘靖永密迤逆虏洮河

阶文羌虜側目我之兵疲食拙視各鎮獨弱鼓舞之策豈不可講甘肅控番御虜恒無寧晷火落赤方鴟張海上而銀歹諸酋每借東套之兵以圖大舉近日鎮番失利則各路將吏又可不視為殷鑒耶九邊危急情形若此惟在當事諸臣同心協力秣馬厲兵偵探的確務得虜之情形烽燧嚴明勿失我之耳目無因款而弛備無貪功以啟疆如各官有仍虛文塞責及怠玩廢事者在外聽督撫按官在內聽本部科道指參究 上曰這秋防事宜依擬行各邊督撫鎮道等官實心經理相機制馭務保萬全毋得視為虛文玩寇弛備致開邊衅

○總督京營戎政永康侯徐應坤巡視京營禮科給事中姚永濟等〈鑰匙 鑰-金〉請營操又言近來馬軍驕玩日甚密防之法不越互結改近兩端互結者凡有馬軍選素行奸良非鄰近不能周知今查其同村相鄰者不拘名數連結造為一冊其中若有為盜踪跡鄰居軍選密報該管該管復密訪的實申營掣解其首告者定從優賞如鄰軍不行訪首一人犯事余人連坐改近者凡有馬軍選住居或隔百里二三百里年久不能遽易今查馬軍犯革者病故者例以原馬兌付別軍而所兌之軍務查其居址詰其兩鄰非近城三十里內者必不得兌仍具居址兩鄰結狀為據是皆禁約馬軍之法也 上曰今歲天氣漸寒營操着于明歲 聖母神位升祔 陵廟后來說短操照常行其互結改近等事都依擬

○乙丑總督兩廣張鳴岡題平黎善後事宜一議屯守險巢抱繇羅活二巢既搗須以重兵扼其險要議于原調官兵量留一千三百并主兵四百此原有月糧無煩措辦者又添募精兵五百所有月糧應從長計處者又召耕兵千余名此在半年以後給田耕食無俟月糧者羅抱既降余孽安插原峒五里外計口給田耕種其峒田附兵營者給兵附黎村者給黎其餘聽民承種就以田賦所入為兵月糧一議添設守備黎地羅活崖人號為黎胆今國家既據其穴擬于羅活改名樂安營添設守備官一員練兵彈壓即以所裁通判薪俸工食等項為添設守備之資一議分割各峒德霞地面平如康庄官民俱議設縣但今時拙行之甚難茲議招兵屯種一如羅活其德霞擬改名歸德營抱繇擬改名樂定營二峒各用名色堪用把總防守而皆隸于守備三處鼎足雖無建縣之費而有建縣之安一議蕩洗山菁黎夷所恃惟山菁蛇虫毒兽紛藏其中道路阻塞今既建營每季必大焚山一次其各營兵亦以开路砍山分定地界責成委官查驗如某道路某山林蔽即治該管兵之罪每歲查盤官至并載入查核一款一議怀柔熟黎熟黎之害有三商人鬻販而給之土舍欺蔽而侵之官吏貪墨而激之而挑畔其中者又內地之逃民也以後閩廣各商止許于交界互市有酬價不登或竟不償值者許黎人告理往時黎岐不見官須土舍為通土舍代將錢糧侵而不納官黎兩病須令黎自立里長輪流出見官府不用土舍各官無藝之徵曰丁鹿曰霜降鹿曰翠毛曰沉速香曰楠板曰花黎木曰藤蜡曰黎米曰麋皮曰蚰蛇胆黎何堪此重困是不可不豎牌禁者至逃民入黎村無事則激之流劫有事則示以虛實尤當重法繩之毋啟戎心兵部議覆 上曰黎寇蕩平善後宜亟這

所奏驭制长策便行与该地方官着实举行以图久安

○丙寅提督四夷馆太常寺少卿孟麟奏二事一曰 长孙册立当议也夫朝廷计安国本必思所以为万世不拔之基而不令众庶妄有窥伺故 皇太子继体 皇上称为储君 皇长孙继体 皇太子称为储贰今 皇上面谕廷臣曰 皇太子既长 皇孙又大有何疑忌盖明示 太子之贰 皇上 皇孙之贰 太子而国本万世不拔矣然此意惟 皇上知之而左右近习如庞保刘成辈未必知也亦惟在外廷臣明之而下民无知如张差辈未必尽明也故 东宫严密之地张差愚贱之人持梃打入渐不可长此廷臣所以必欲根究主使也伏思我 成祖文皇帝时汉藩骄恣赵王窥窃 成祖既立 仁宗为太子矣又令大臣辅 皇太孙监国以一臣民仰戴之心而 宗社灵长至今赖之 皇上何不与廷臣酌议而举行之乎一曰直臣愚戆当容也救御史刘光复上览< 〇〇〇〇 毓-金 >大怒下旨切责降五级调外任

○礼部奏暑退渐凉仰恳 圣慈定期开讲以成储德并请 皇长孙出阁就传上曰这奏请皇太子皇长孙讲学出阁俱已有旨明白不必烦渎

○是日礼部复以 惠 桂二王选婚上请

○升江西参政舒其志为江西按察使广东参议魏浚为江西副使

○准已故靖远伯王继芳男王永恩袭爵

○丁卯大学士方从哲吴道南言山东巡抚钱士完因道臣姜志礼以藩田之事议其苟安具< 〇〇〇〇 毓-金 >请告而巡按赵日亨亦为此事乞休且谓乡试届期请另差按臣监临臣等不敢代为之说惟是东省旱灾饥民抢掠非藉抚按二臣拊循弹压何以杜乱至于宾兴大典监临之任所关匪细若舍见在按臣而另题差无论迟不及期其于体统亦甚褻矣望 皇上亟发二臣< 〇〇〇〇 毓-金 >于钱士完令其速出任事料理荒政于赵日亨令其照旧巡历即赴科场供事不报

○命御史陈于廷巡按江西

○以顺天府府丞乔允升署掌府印

○准福建参议吕纯如暂致仕遇缺以新升副使起用

○升河南盐道佥事吴擢谦为参议照旧管事

○发密云辽东饷银差官解给

○总督两广今升南京刑部尚书张鸣冈奏病臣候代愈久督臣来代无期恳乞明旨催促赴任以恤臣苦以重边计 上曰滇抚到任已久周嘉谟着即赴两广交代张鸣冈也着遵旨速赴供职

○庚午陕西道御史刘廷元言顷者 皇上于历年除书一朝沛发乃于给事中梅之焕一< 〇〇〇〇 毓-金 >责以擅权疑以窥探夫 君尊如天臣子事 君如事亲听人阴使而妄肆窥探义所不敢出也人臣此身尚不得自有况言路有议论而无事权安所容其擅乎但既曰言官自有言责 皇上如厌近日之烦嚣请于论人论事之章无一不发

阁票无一不敕部院勘议其肖人品而中事情也亟于施行其涉风闻而鲜石画也姑与优容其缘之以护党借之为捷径也操吏议随其后则何至讜呶臣又谓内降之谕不可狃为故常内批之旨毋容承讹袭舛也阁臣之设固所谓备顾问而代丝纶者何可举其职掌而侵轶之臣区区自效于 皇上者曰今之言官惟患其不敢言勿忧其多言诚驱之使言旋举其言而程量之则妄言无繇乘而忠说毕集矣政府惟患其不任事勿忧其揽事诚束之使任旋举其事而综核之则招权无所施而谋断相成矣如此将言路不期容而自容内降不期止而自止 皇上试于此致思焉

○辛未保定巡抚王纪奏畿南亢旱异常秋禾尽槁万民待哺逃窜抢夺报无虚日恳乞 圣明速赐破格蠲赈以消乱萌< 〇〇〇 毓-金 >下户部 〇诏法司提问战车厂铺户王允成李朝等以六月内失火为御史熊化查参也

○升太原知府阎调羹为山西副使

○吏部覆蓟辽总督薛三才题留霸州兵备参政孟成己以新任按察使照旧管事其新升霸州兵备郑国俊改浙江右布政扬州海道从之

○以宣镇军门标下游击许世臣调管中路参将事游击钱大经以参将职衔调管右掖营游击事

○山东巡抚钱士完连< 〇〇〇 毓-金 >请酌议藩政并求罢归 上曰田地事已有旨了东省近罹旱灾全赖抚臣绥辑钱士完着照旧供职不允所辞 〇山东巡按赵日亨< 〇〇〇 毓-金 >请亟敕部院速议别差御史前来监临以重宾兴 上曰试期已迫赵日亨着速赴监临仍完巡历事勿得推诿

○命南京礼科给事中宴文辉巡视南京京营

○癸酉准原任大学士徐阶荫孙徐元采为尚宝司司丞

○辽东巡抚郭光复< 〇〇〇 毓-金 >陈建夷近遵约东北关先起衅端言据报北关白羊骨老女前已许嫁奴酋今又嫁西虏暖兔之子是曲在北关矣夫讨贼当声其罪馭夷贵服其心此时奴酋未见交通西虏为中国患而金白二酋以嫁女构衅致我全辽不得一日安枕兹仍仰鼻息于暖兔又自恃兵力救援可以抗衡奴酋我何不就听三酋穴中一斗按兵观变坐收制虎之功已分发各路兵马听各将自统以为声援倘奴酋必欲出兵压北关境上我不妨出而宣谕待其不遵约束始奋精锐腹背夹击各图大创臣前日谓以守救为长策羈縻为权宜剿战为因应今日谬谓缓则用守救急则用战救而剿救则必待万不得已而后用之总之使北关受救之利吾中国不大受救之害而已巡按山东御史王雅量亦陈北关招衅情形因言目前援兵既撤京运愆期诸镇有枵腹脱巾之虞则饷当议总兵官标下缺中军沈阳缺游击而抚臣所请贺世贤张聪皆未得俞旨则人当议至于行赏罚殿最之权责其成功可以战剿为救母曰挑衅可以羈縻为救母曰示弱可以不救为救母曰观望是在庙堂之听抚臣与抚臣之自效也二< 〇〇〇 毓-金 >俱下兵部

○升贵州副使谢存仁为贵州参政福建参议韩仲雍为福建副使

○礼部进陕西套虏万历三十七年岁贡马匹

○河南巡按张至发参不法属宗镇国将军朝填报生诡匿已干滥妾之防请名矫托复违冒名之例且以宗抗王既凌尊而越分复挟亲敌贵恣罔上以行私大干宪彝法应参降命付法司

○甲戌户部覆称 祖宗旧制当守 皇恩过厚宜裁 潞王 皇上爱弟也然亦藩王也当王妃以禄粮等四事< 〇〇〇 铨-金 >请臣部曾奉旨勘议矣如军较月粮之当早给也义和店之预防谋夺也义所当许许之固以明厚如岁禄之欲全支也王庄之欲更立也义所不当许则弗许亦非为薄奈 皇上于岁禄则曰减半给与于庄租则曰遵前旨行夫减半非法也庄租自收非制也不报

○礼部覆直隶提学御史徐养量< 〇〇〇 铨-金 >国家功令申严无如科场一事而在京闈则鞞毂之下巧伪烦滋人情玩愒先自台臣余懋衡科臣姚永济目击兹弊条分牖列臣等已题覆允行今御史徐养量因秋试届期复有此议如地穴之当窒四所之当严供给之当备分考主考之取卷当慎当公皆科场急务也除地穴一事先经臣部行顺天府详阅杜塞及新例取用推知考官听提学御史遴选外其内外帘官诸款合候命下臣部行顺天府转行监试各衙门一洗宿弊以无辱盛典 上曰这所议有裨场务便严饬各官着实遵行

○升户部山东司主事包见捷为尚宝司少卿

○升云南按察使袁茂英为云南右布政使河南副使董光宏为云南参政

○刑部请差官往关内等处处决重囚 上曰今岁各省直暂免行刑都着牢固监候

大明神宗显皇帝实录卷之五百三十四

明神宗显皇帝实录卷之五百三十五

万历四十三年八月乙亥朔云南楚雄府地震其声如雷居民惊殒

○大学士方从哲吴道南连< 〇〇〇 铨-金 >催请都察院署印官以乡试期迫而题监临御史差无人故也吏科署科事右给事中韩光祐亦言之

○户部覆延绥巡抚马从聘< 〇〇〇 铨-金 >言该镇所欠民屯数踰百万是专指民运言也又云京运四十一二年欠二十七万则京运另言明矣京运之欠臣部当任其责民运之欠该镇宜分其任今太仓匱乏各省直水旱不时外解钱粮虽有考成新例不无拖累耽延而国家迩来屡次大典取给于太仓者又皆旧额所不载如该镇已题未发银自应速发以完前欠此后接济皆未敢缓至四川河南每岁有额解该镇年例四川四万两河南三万三千两近来积欠数多该抚臣自应发行催取如经年不发自应照新例查参岁终一举庶逋负可免若云改解太仓转行给发则舍近图远非计也 上曰延镇秋防正亟年例应发者尔部便速行给发其两省积欠饷银著各该抚按官依期征解毋致

耽延以后民运不完者都著遵照新例一体查参

○丙子兵部题考选军政官员言旧例五府掌印金书公侯伯都督并管理府军前卫掌管红盔将军侯伯及锦衣卫堂上掌印金书等官每当考选例该自陈去留取自圣断中间有不协公论者听科道官拾遗举劾如勋位大臣废闲日久尚堪任使者亦许一体< 〇〇〇 铨-金 >荐以备简用又照京营并边腹总兵副总兵但系都督职衔者亦应如例许令自陈科道官一体拾遗其两京各官限本年九月内具奏总副等官限本年十月内具奏副参游守等官仍听总督抚按衙门考核具奏 上是之

○丁丑祭 先师孔子遣侍郎何宗彦行礼

○是岁钦遣右谕德龚三益左中允杨守勤主考顺天右谕德周如磐右中允孙承宗主考应天编修吴宗达给事中刘文炳主考浙江编修黄儒炳给事中吴亮嗣主考江西福建考官简讨来宗道给事中姜性湖广考官简讨丘士毅给事中姚若水河南考官吏部主事周士显兵部主事梁之垣山东考官给事中郭尚宾礼部主事徐镛山西考官吏部员外米助工部主事王道元陕西考官光禄寺少卿周希圣兵部主事潘澜而主考四川者为礼部员外卢维屏大理寺评事顾起凤主考广东者为户部主事包见捷刑部员外陆梦龙主考广西者为刑部员外郭忠宁中书舍人董承诏主考云贵者为户部员外杨瞿崃行人王所志工部主事赵明钦行人钟惺云

○吏部催请考选科道李若圭孙之益及南京科道林雨润曹汝兰等先后四十六员

○以宁远伯李成梁镇辽年久有功应得恤典命该部从优查给

○调山东副使刘遵宪为陕西西宁道兵备副使

○戊寅祭 社稷遣公朱纯臣代

○命吏部左侍郎李志署掌都察院印务 辞不允仍以乡试期迫命作速题监试御史毋致误事

○己卯钦天监奏万历四十四年正月十六日月食行天下救护诏下礼部

○遣御史过庭训凌汉翀顺天监试

○升尚宝司司丞杨述中为本司少卿

○辛巳鸿胪寺奏十一日 皇太子千秋请

上御门受贺免

○户科给事中商周祚言前科分考如被论行人李一公进士曹燧具< 〇〇〇 铨-金 >催请惟求速结其词甚哀但李师靖未到则关节之虚实何凭罪案之轻重难决今车书一统王法孔昭师靖虽狡岂真能北走胡南走越以抚按司道之多方缉捕不能获一钦依犯证殊不可解所宜严敕法司立限提解以快公愤者号簿之讹新辅吴道南业已出揭谢过矣乃向之旁窆者犹借汤韩二字以箝众口迹之攘臂者且援隔房一语以扼群贤则惟勘议未决故口实尚存何不速请 圣裁早伸国法若果赃真情确立从遣戍

之条毋使人留残局长为陷阱所宜严敕礼臣速决勘议以杜私交者至于政本几务之枢原不专为养尊处优之地若谓一该部知道之旨便足尽票拟职掌则不独中书官饶有余地即胥吏辈能了之 皇上亦何须郑重枚卜费几推敲而阁臣身荷殊恩礼冠百僚亦何以副心膺称喉舌哉日者天变叠徵亢旱千里时政缺失未易更仆无一非阁臣未了之事亦无一非人情属望阁臣之时愿新辅虚怀受善俯采葛言从此洗涤肠胃剖破藩篱化偏党以底荡平则相业有先职虽不且得自附于他山之石矣

○湖广巡抚梁见孟奏将提学副使马人龙升补湖南道参政报可

○直隶巡按骆駸曾奏伪官周道明等夥合流棍假旨横行夹带私盐骚扰驿递诏付法司

○壬午 孝康敬皇后忌辰 奉先殿行祭礼遣彭城伯张嘉猷祭 泰陵

○礼部题纳贡之失先臣郭正域详哉言之臣部覆请停止此万历三十年事也乃不数年旋复议开议者以为加准字所以别于正贡而不知加一贡字便已混于正途且明经之士几与科目等向未有准科准甲何独于贡而轻之别置一门法耶向闻督学有纳廩之说毋乃此法为之俑耶议者又以为食廩二十年去贡期不远不妨迁就不知一日未脱黉宫岁考先后总未可知徒受人以藏闪地耳非特此也监生听选即原出廩生固例监也又得改纳与岁贡一体选用追计当年食廩之浅深以为今日银数之多寡多者不过百二十两少者不过六十两一输粟监生笱而化为岁贡俨然自命为正途何所擢者约而所获者奢耶且原限五十名所入几何而就岁贡论之则已占五十之缺矣穷经白首不能与挥金数十者争短长臣不知其可也

○巡按福建御史李凌云勘过去岁八月内兴泉漳三府水灾情形据实具奏请将原题税银五万两或全或半存留赈恤不报

○升云南副使门逵为云南右参政淮安知府詹士龙为福建兴泉道副使

○以冗员裁革咸宁等县训导等官

○癸未以 万寿圣节遣侯薛濂等伯朱自洪等赴 长陵等陵行礼祭 恭仁康定景皇帝遣伯张庆臻行礼

○鲁王差典仪唐宾进贡马十匹金鞍一副庆贺 万寿 上优诏答之

○除补原任副使张守让为贵州副使

○甲申 孝慈高皇后忌辰 奉先殿行祭礼 ○大学士方从哲吴道南陈用人切要数事一补大僚请亟简会推诸< 銜-金 >将尚书侍郎都御史及卿寺等官尽赐点用一下科道请亟简考选之< 銜-金 >将拟授给事中御史及两请五人尽赐允用一起废官请明诏銜部将先后降谪各官陆续题请或照原拟或改新推

皇上择其尤者先为超擢其余亦渐次录用信恩诏而慰 慈灵又今日要务也不报

○乙酉 皇太子千秋令节文武百官朝贺

○丙戌是时各衙门诸臣俱以 圣寿届期为刘光复乞恩解网大学士方从哲等言近日外间议论多以御史刘光复为言盖谓 圣寿届期普天同庆 仁恩所被即昆虫草木咸得沾濡独光复以狂戆无礼自罹罪罟论法虽所当治原情不无可矜倘蒙皇上少宽三尺是前日之怒光复而罪之也惟皇上之独断今日之怜光复而宥之也亦惟 皇上之特恩总之体 圣母济物之仁成 皇上奉先之孝开恩肆赦惟此时为然此臣等所深愿而亦天下所共祝者也不报

○丁亥以 万寿圣节颁赐二辅臣每员金万寿一副银 万寿字一副金篆字八个金书红符一通

○以畿南东省两地旱灾发临德二仓粟米平糶每处各十万石

○升山西岢岚兵备参政李从心为右布政照旧管事

○戊子礼部奏进天下诸司表文命送司礼监查收

○云南进金五十两命验收

○己丑署都察院事吏部左侍郎李志言都察院见在班行御史仅八员非在差而出巡方面则题差而奉旨遂行乃中外诸差无一不关察吏安民一处缺则一处敝若万寿届期九服称庆旧例导驾四员纠仪四员随班行礼四员而今寥寥数人殊非所以肃观瞻至科臣与御史同差如 大工太仓十库等以并摄之务而专之则日后不便稽考况以一人之身而兼之将目前不免丛脞今科臣候命则有顾士琦等考选则有李若圭等台臣候命则有王象恒等考选则有孙之益等皆抡拔久磨砺深伏祈立赐俞允令效 天子万年之祝顾不美欤

○以中秋令节颁赐二辅臣上尊珍饌

○庚寅以 万寿圣节颁赐方从哲银五十两纁丝四表里吴道南银四十两纁丝三表里

○辛卯 万寿圣节文武百官朝贺

○是日大学士方从哲吴道南偕廷臣于午门前大班行礼外复恭诣仁德门行五拜三叩头礼 上遣司礼监太监李恩等管待仍颁赐二辅臣上尊珍饌 ○壬辰兵部覆辽东督抚按三臣< 疏-金 >言夷狄相攻中国本无不利惟是缓急轻重之间要在处置得当因应得机奴未动则牵制声援可以先事伐其谋及兵刃一交则在审北关之能支与否西虏之果肯出力与否奴酋之果能得志与否或进或止间不容发但能保北关之不亡而其穴关胜负可徐观也督抚二臣谓缓则用守救急则用战救按臣谓堵截听北关佐战听暖兔万一奴酋乘胜深入我方向罪于奴酋皆深得进止之机而确然不能易者按臣又谓缓急轻重宜听抚臣之应变夫兵机变在呼吸边事难以遥度惟在抚臣一力担当庙堂原不中制至于共事文武诸臣责在同舟必须协力共济然兵以食为命今处处灾旱司农告乏饷愆半载可为寒心乞敕户部凑处解发庶士饱思奋不战而气自倍矣 上曰这救援战守机宜便行督抚等官悉心料理临期应变一听抚臣

○丙申 宪宗纯皇帝忌辰遣官祭 茂陵

○礼部言士人始进一切舆马服饰芬芻之物犹可节省独走报一节百千成群未放榜之先关通内外透漏消息分道四出挟制多端或持父兄子弟以为质或挟水火刀刃以相临据此咆哮与攫金白画何异即有司亦置不问夫此绩学而博一第者强半寒素之家何从取办于是不得不借贷以饱之又不得不出息以偿之故冠带未加身而债负已盈门所争者数日早迟岂诸士能耐之半生不能耐之旦暮伏候命下晓示中外仍咨各省直抚按通行禁止犯者付所在有司责问庶颓风可挽而于士节非小补矣 上然其言命各地方通行禁止犯者严挈治罪务祛敝习

○己亥大学士方从哲吴道南言今早有兵部大选过指挥等官数十人诉谓兵科无人署印未得画凭守候日久盘费都尽欲臣等催请署印科官以救困苦臣等看得兵科自吴亮嗣差后印封数月顷中府以比试无人权借刑科代摄然此不过一日之事耳若武官画凭必须印信非若比试之可以假借也今六科寥寥数人各有专司难以他委惟有下考选补起复可以济目前之急且如熊明遇原拟兵科守候累年望 皇上先赐允用庶职业修举不独武弁一事而已不报

○工科右给事中徐绍吉言臣科自都给事中升任印无所属曩因 圣母隧道皇太子妃坟工典礼隆重不容迟延径以白头抄发事出权宜原非政体近见吏科 < 硃-金 > 请署印蒙旨即委该科右给事中韩光祜署掌独臣科请同而允异不知司空一切营建动费国家金钱内庭催讨年例掌故又难综核目今箭楼门殿咫尺兴工此中一应章奏参酌题覆良非细故何可长以抄白从事望 皇上查照吏科事体一并批允署掌庶音有所禀承弊端得以防范不直臣科之幸抑亦政体之幸也不报

○礼部议覆赵穆王八子皆先卒穆王薨世子由松又无后裔惟第七子寿光王由桂遗孤慈 系由松亲侄尚在该府之哀惨极矣议以夫人王氏拥孤管理府事于情最顺于序相宜合无将慈 封为赵府世孙同夫人王氏管理府事许之

○辛丑浙江巡抚刘一焜巡按李邦华交章言织造一事臣与诸臣屡请停止内遣至五月内奉旨将岁改段疋督织事务归之有司今奸民纪光先诈称机户擅行保奏内监吕贵管理织造夫 皇上之遣吕贵入浙不过简查故监钱粮 明旨不及督织乃光先突有此奏且不繇纳言而径达是 皇上深居之裁决奸民得以窥觐内庭之差遣奸民得以保举目中尚知有三尺乎而全浙之民膏民脂终无所归命矣乞敕法司将保奏奸犯纪光先等挈究如律至于停遣一节望 皇上将该部覆 < 硃-金 > 速赐简发不报

○壬寅宴朝鲜国庆贺 万寿圣节陪臣李惕等三十七员庆贺千秋令节李械等三十八员命侍郎何宗彦待

○总督两广今升南京刑部尚书张鸣冈因科臣姚永济责其昧心颂功且损失土客兵及烧兵粮无算上 < 硃-金 > 自辩并求罢斥 上慰留之

○癸卯秋分祭 夕月坛

○蓟辽总督薛三才< 〇〇〇 铨-金 >参董家口提调官李成龙居逼近虏穴之地不严哨防辄敢私出远采致被贼夷杀掳多人当革任提问正法该路游击王之骥专擅疏虞当一并勘处下兵部议

○原任巡抚辽东今起升南京大理寺卿李炳奏辞新命不允

○原任通政使司左通政今升太仆寺卿吴默引病乞休不允

○甲辰户部署部事左侍郎李汝华引病乞归 上以部殷繁且漕粮初到命汝华暂加调理稍可即出供职右侍郎候即点用

○辽东巡抚郭光复酌议本折粮赋言辽左今岁旱灾而屯粮系军饷额数又难尽免请将宁前二卫边冲地窄灾伤实有八分者照上年事例每豆一石折银二钱五分穀一石折银一钱二分五厘金复二卫及广宁等卫灾伤实有五分者照例本折兼徵至海盖二卫并宣辽及东宁等卫灾伤只有三分者似难议折其应纳本色粮米者听

○驸马都尉王昺奏言臣初入府 皇上赐臣名臣奏议通考此书皆尽言直谏盖臣以谏为正况为谏官者乎惟人主用其言则君明臣直流芳史册若吐弃之黜逐之甚者拘囚之则当时高谏者之节后世仰谏者之忠独人主蒙拒谏之名而国危已随之今日御史刘光复是矣光复当谏之时意激烈而声高情郁勃而膝之前也 陛下神明天纵试想光复果何为哉召对出于顷刻趋走仓皇喘息未定当其时宁暇计生前禄位死后荣名无非为谏官尽言责为直臣愿 主圣而已其言 圣子神孙之计防微窒衅莫非 陛下家事自出旨掣问遂成忠臣死谏之名人谁无死光复流芳百世死不朽矣陛下杀谏臣为何如主哉律者齐也犯法者齐之以刑 高皇帝与 圣子神孙臣庶二百余年信守之今比侵公帑委滞 梓宫于泥涂孟坤之律以罪光复彼盗臣此忠臣彼犯十恶此秉一敬引而坐之何异以白为黑又天下所不信也兹事本原 陛下欲释外廷之猜不得已而召对既谓召对宁可皆默默而出必有忠谏方成盛典乃逆节之马三道等连旨出之恶法司之不轻廷诤之光复连旨入之恶法司之不重法司守法而竟引不相干之律入之此等举动天下服乎不服乎抑臣尤有痛哭而不忍言者 陛下二十余年不临御迫而一出别无纪载惟执谏臣坐之大辟 圣子神孙初侍临御亦无所闻见惟见中官窘摭御史身教者从臣危之矣尘封明镜磨则仍光日月之食更而复照请急下明诏出光复于狱复其官将天下服 圣人之过真如日月之食而 圣子神孙知天子之道改过不吝 天子之尊必纳直言改失为得转危为安即 陛下贻谋宫闱间于以临天下光明多矣 上览< 〇〇〇 铨-金 >震怒曰王昺这厮骄矜狂肆丧心无忌撰捏疑词渎激朕躬欲速正狂畜之厥辜且前者刘光复震惊 神位越踰直前无人臣礼内外大小臣工共目所见昺非育瞽聋瞶忍心背忘 圣母天恩讥谤君上姑且革了衣带养贍即著锦衣卫差的当官较伴押前去原籍为民此本朕细览是王昺畜养山人游客所作著该卫即将写本章人役拿去各著实打一百棍用大枷枷号于人烟辏集处所

一个月满日具奏

○以纪光先保举吕贵谙练织务有旨著内官吕贵暂留苏杭提督织造并将刘成所遗税务一并兼摄督理待织完婚礼段疋等项即便回京复命写敕与之

明神宗显皇帝实录卷之五百三十五

明神宗显皇帝实录卷之五百三十六

万历四十三年闰八月乙巳朔大学士方从哲吴道南言臣等今早入朝闻昨夜传有吕贵暂留提督织造之旨臣等不胜惊骇夫使织造必须内官或内官织造无累于百姓抚按二臣岂不欲相安无事以明敬共之谊乃刘成在事而袍段反拖欠挨迟刘成物故而袍段遂及期早进 皇上以为遣官督织有用乎无用乎群浙直百姓惟恐内臣之复遣而独纪光先等求吕贵之暂留 皇上以为遣官督织于地方有害乎无害乎且二臣目击时艰抗< 硃-金 >力请无非奉宣德意以惠此孑遗 皇上概置罔闻而顾于光先等本从中批发臣等不知此本从何封进何时呈览且未经发票已自批行于朝廷政体何如伏望

皇上简发抚按原< 硃-金 >责成有司照例织完依限解进内官吕贵间查钱粮已毕令其作速回京仍将纪光先等严拏究处至于臣等以代言为职更望 皇上循发票之< 硃-金 >停内降之旨毋使当 圣世而有尸素失职之臣臣之幸也时工部亦以为言不报

○以福建广东税课未解命江西税监潘相移文彼处抚按将额税银两等项一应钱粮严催达解其江西湖口船税银两等项都照李道事例会同抚按一并差委员役征收解进不许互相推诿违误一体治罪

○叙浙江脩筑海塘功抚臣刘一焜赏银十五两按臣李邦华崔迕进各赏银十两其效劳各官杨一蔡等赏赉有差仍着吏部纪录

○东省强贼千余擅入安丘县城内劫库焚狱抚臣钱士完请将安丘县知县典史先行住俸戴罪拏贼俟核实处分 上曰强贼聚至千余劫库焚狱关系地方不小该部便速议来说

○丙午礼部言

皇上生 四王慈爱并钟原无二视顷 福王就封之国 瑞王婚典已行惟 惠王 桂王年各长成逾期既久尚未选婚此 皇上至情所系乃臣部职守所关屡渎圣聪概留未报不得已补牒上请

○丁未南京 奉先殿工完遣尚书卫承芳侯常胤绪太监刘朝用恭捧 神主并祭告

○铸给辽东马政同知等关防

○戊申三法司奉旨会审盗木占厂李三才情罪拟将三才家人李七李四等戍遣商人汪信李元等徒杖其原占仓基厂基并张坤等厂地盖房通行拆卸听户工二部查

照原址亩数追退还官其未收木除追还用及漂流外尚欠二万四千四百九十三根听工部查明果否漂流实数确议追除其不系漂流各木工部仍着汪信等各名下照原开围长如数追出至于李三才原系应议大臣恭候

圣裁

○代府吉阳王廷土口圭未封病故册准给与

○己酉祭 京都太仓之神以户部左侍郎李汝华在告遣兵部左侍郎崔景荣行礼

○工部奏脩乾清宫披房业经内官监遵旨会同本部司官科臣踏看至于拮据材料剂量经费期于材不虚糜工不迟误特以大内森严之地外僚不便于往来各役愈滋其玩愒合无计其工程酌定夫匠数目听该监自行包管雇觅竣工之日备将用过料价钱粮数目造册会部覆核相同仍赴巡视厂库科道衙门挂号于节慎库料银内动支给领 上曰朕思三殿工程久未鼎建昨因览大统历见明岁方向不利着于本月初六日与同乾清宫披房一并开工以应吉期其兴作等项俟明岁 圣母灵位升祔 陵庙礼成上紧建造合用物料尔部预行措办不致临期有误披房着作速脩理

○庚戌 三殿及箭楼开工遣工部侍郎林如楚行礼

○辛亥刑部奏壬子顺天科场一事刘琛等已久禁待审则犯证李师靖诚难任其逃逸不出严提正罪此法之必不可容而先行究勘亦事之必不可后者乞敕臣部一面将刘琛等委官会勘按律定拟具奏一面将李师靖另咨严缉务期必获 上可其奏

○锦衣卫遵旨将驸马王昺押回原籍为民仍分布旗较缉拿作写本章之人 上以其拿获延缓降旨切责且命该卫即拿真犯务在得获不许仍前故纵 ○大学士方从哲吴道南言顷者驸马王昺革去衣带养贍押回原籍为民臣等不胜惊骇窃思王昺以肺腑之戚受我 圣母与 皇上天高地厚之恩自宜以谨恪裊躬以谦恭守位乃烦言剿说屡渎 宸聪徒慕直谏之名顿忘越俎之戒况前日张差一事业蒙 圣明独断罪人既得 天讨已彰独刘光复以狂戆取罪一时未蒙曲宥诸臣方在静听以俟皇上解网之仁昺复恣意渎陈语言不择 皇上罪其骄矜狂肆昺亦何辞独念昺戚臣也分属懿亲情同休戚议亲议贵国法具存 皇上若以狂肆之故遽为褫革在昺固所自甘第恐圣母在天之灵微有不恚而质之 皇上平日亲亲之念或亦有所不忍耳或重加罚治免其褫革俾令反躬思过以图自新不报

○通州粮船火起烧去米四千六百四十二石及空船三十三只 ○壬子宴西番夷人遣侯徐应坤待

○癸丑锦衣卫拿获驸马王昺写本人犯王言仍请钦命刑科给事中一员金名驾帖 上以作本正犯未获降旨责之王言暂且监禁

○大学士方从哲吴道南言臣等两日间外议汹汹盖缘锦衣卫再奉严旨拿王昺代作本章之人而真犯尚未得获其本家所供一二人俱在疑似差出官较遍处访拿以

是人情惶惑不安臣等窃谓此辈游手作奸自当严拿正法然必须查审明确真是代笔之人然后拷打枷号方足以服人心而彰国法如 皇上切责该卫令其刻期枷打万一锦衣官迫于 明旨拿获不真不惟波及无辜反致真犯漏网其于 皇上日月之明宁无少伤上谕之曰朕思先年兵推王昺管将军朕奏知 圣母方可点用 圣母传驸马名有先后如何推他朕以 圣母传闻故此点用陪惟王昺以此心怀疑怨讪于朕甚无人臣礼本当重治念系戚臣姑从轻处分朕又恐波及无辜卿等可传示该卫将写本人犯王言着实打一百棍牢固监候不必株连蔓引恐伤天和

○甲寅宴朝鲜国陪臣遣侍郎孙如游待

○丁巳礼部奏用舍乃朝廷之大柄题覆实臣部之旧章故宗藩奏请必下部覆议始行此定例也 福王承奉樊用辅导乖方秽迹久著皇上准 福王之奏而显斥之即以徐进升补又以曹登年老别补刘显此福王觉察之明 皇上雷霆之断臣等自当将顺奉行惟是 王府官员四局推序顶补原有明例一旦越序之命径从中出臣等不得与闻职守之谓何伏望今后凡有奏请无论大小亲疏必发臣部参酌 上闻以听 皇上裁决施行庶滥端可杜而臣部职守不致决裂矣不报

○锦衣卫奏见获王昺家人曹三台等写本人役王言教书生员刘如砥及与昺会饮监生陆宗本等乞敕法司或镇抚司申明正法

上恐波及无辜命从轻治以昭宽仁之意

○以陕西延甘二镇共斩达虏首级三百九十有奇于御前宣捷遣公朱纯臣侯吴汝胤驸马侯拱宸祭告 郊庙文武百官朝贺

○山东巡抚钱士完奏东省旱灾盗起据蒙阴县报< 監-皿立 > 旗称王杀死官兵沂州报七百人骑马弯弓抢劫粮畜费县济阳各报白昼打劫昌乐县报三百人抢掠啸聚声势充斥行旅戒严当此时也一日数惊苟无以处之虽空言禁谕何益乞 皇上特发内帑十万两差官赉至山东地方以示嘉惠穷民之意仍查布政司有历年存贮解部税银六万六千两有奇本年临清税银合解内帑与部应有四万两将此二项照数酌留十万两蠲赈再照六郡包税一项该银二万三千四百两向括州县库藏锱铢补凑再无可处在在亩人丁酌派今正赋尚不能输额外浮税何从措办再恳 圣慈慨然罢免庶饥民早得生活地方可望安堵矣 上曰该省饥民为盗作乱可虞准将解部存贮税银并本年临清应解部税酌留赈济以昭朝廷悯念小民德意其余额税银两着照旧解进接济应用若倡乱奸民为首者岂容姑息着上紧严拿正罪其余谕令解散务在安靖地方

○己未巡抚贵州右佥都御史张鹤鸣奏黔营哨兵合之虽有一万三千有奇之数分之则星散势孤难以御贼川湖每年应解贵州合贵州额入才九万六千六百八十三两有零即尽数解入犹不能充所出况四川节年拖欠又查贵州额入粮米一十六万六千二百七十三石乌撒二土府节年拖欠军屯民寨被仲贼残破强半抛荒以致军粮不

低看法亦不同者种种同异互有发明总之集众论以广益验食分以取信傥若机会顿失年岁坐消刻漏尘封星台迹断徒取区区相传之步算不亦辱明时而负当世之士哉不报

○己巳准工部右侍郎林如楚荫孙林恪宣府巡抚汪道亨荫男汪之广俱送监读书

○铸给广宁管马兼清军关防一颗广宁宁前辽阳理刑兼练兵关防一颗

○庚午兵部覆云南抚按周嘉谟毛堪〈○疏〉言查世禄定例身终听袭年老听替载在令甲沐昌祚先年授其子献多行不义激成武定之变 皇上赦不深诛谕令省改恪共勿得仍踵愆尤待献子出幼抚按即奏请袭替管事 明旨炳然而昌祚复行私请代盖出于沐启元之逼胁然启元乳臭必貽滇患今据抚臣奏列诸不法状比其父献罪恶不啻什伯若非亟为变置滇民怨怒睨隙而起西南半壁真可寒心且两镇并建体多倾轧闻昌祚亦悔于厥心稍加钤束至祖孙不相容近则萧墙萌隙远则危亡貽衅亦大非沐氏之利也 上命沐昌祚照旧镇守云南务要恪共任事绥靖地方以副朝廷责成至意沐启元待昌祚年老抚按官奏请袭替不许再行渎扰

○壬申刑科给事中郭尚宾再纠四川巡抚吴用先前此建南之役糜费金钱损伤民命且多杀老弱以冒功级乃叙功过于侈大而闻言下胜热中据〈○疏〉驳之于是吴用先引病乞归 上曰巡抚重任又该省用兵之后吴用先还着照旧供职

○升湖广按察使俞维宇为山东右布政使镇江知府康应乾为湖广副使苏松兵备

○兵部题升神枢营参将刘宁辽东宁远参将窦承武甘肃镇番参将潘国振山西老营游击韩凤乾甘肃威远游击吴夔报可

○准总兵李怀忠左军都督府带衔

○宴刺麻番僧遣公朱纯臣待

○癸酉礼科给事中姚永济言止盗当责成于抚臣乃四川巡抚吴用先以郡县之全力不能当乃回贼之二十余人则平日官兵乡勇之不练可知陕西巡抚李楠方乃回贼之由秦入蜀忍以邻国为尝及其自蜀还秦甘以地方为窟疏纵蔓延貽毒两省山东巡抚钱士完贼窟穴在四十里内者不闻渠魁何以就擒胁从何以解散既散何以安插而保冬春之无虞徒曰吾有文书下各道郡县耳恃空文而涂耳目延时日而长乱阶万一畿甸震惊噬脐何及臣之责备于三臣者此也

○准原任太常寺卿傅新德荫子入监

○旌孝子五名直隶平山县举人邢云衢幼即承顺长事继母以孝闻无锡县民浦邵贼缚杀其父浦虞邵以首迎刃而死父藉得免浙江遂安县民毛存元母病寝食俱废执亲之丧不出户三年福建宁化县民林上元贼虏其继母李氏出城上元从城上持枪一跃而下直奔贼垒刺杀二人贼避其锋立出李氏遂去城赖以全宁州民周大贤幼泣

不识父母面长戍海上念母輒泪当道为免其役各扁其门曰孝行节妇八十二人北直获鹿县民赵九棘妻李氏新乐县民陶恂妻史氏邢台县民赵同德妻崔氏邯鄲县民韩惟直妻岳氏等南直隶金坛县民常伯妻黄氏吴县监生姚士辙妻文氏口牙女女口源县儒士韩应秦妻余氏高淳县生员陈时召妻张氏等云南易门县生员朱廷相妻梁氏等山东馆陶县民冯彦福妻韩氏禹城县生员于先觉妻朱氏曲阜县孔弘进妻颜氏等山西文水县民郭泽妻索氏静乐县生员常绶妻郝氏长子县民高思纯妻孔氏等浙江平湖县民过漆妻俞氏钱塘县监生林恩妻沈氏等广西永淳县生员张子麟妻钱氏等湖广黄冈县儒士徐渐妻汪氏常德府生员郝来仲妻彭氏等福建长乐县生员陈汇妻石氏浦城县生员徐以鏊妻黄氏瓯宁县生员滕桂妻杨氏等皆夫早亡守志不渝各扁其门曰贞节烈妇二十一人南乐县童生胡四知妻徐氏五河县儒士宋云鴈妻盛氏章丘县民于登来妻孟氏滕县儒士杜嶷妻张氏嘉祥县童生孙懋脩妻武氏平遥故都事王应璧妻郝氏靖虏卫军余李承懋妻韩氏龙溪县儒士郑乔桂妻林氏晋江县儒士谢应祚妻蔡氏皆悼夫亡或雉经以殉或甘饿而死各扁其门曰贞烈贞女五人华亭县金汀聘妻张氏怀远县军廖良田聘妻陆氏闽县民陈志选聘妻黄氏上杭县民汤宪德聘妻周氏宁远民乐徐音聘妻谢氏皆未嫁夫亡能于夫家完节各扁其门曰贞节烈女八人青浦县民唐嘉会聘妻汤氏宁州生员赵妃女赵氏泰安州民萧友俊聘妻张氏宁海州民孙脩聘妻寇氏沈丘县民姜国才聘妻姚氏郾城县民安俊民聘妻程氏邵阳县民杨世昌聘妻张氏晋江县陈廷策聘妻林氏等皆年方笄忽闻夫讣缢死或不受污投流各扁其门曰贞烈

明神宗显皇帝实录卷之五百三十六

万历四十三年九月甲戌朔进四十四年祀册命礼部左侍郎何宗彦捧进

○霜降节遣侯薛濂等伯毛国器等恭诣祭 皇陵各行礼祭 恭仁康定景皇帝遣伯张庆臻行礼祭 哀冲庄敬二太子遣都指挥李承恩行礼

○乙亥以蓟镇官军鼓噪发副总兵石稳边卫充军从刑部拟也

○大理寺讯过禁地刨窆金沙内官宋进喜等威逼人命内官赵文秀等俱运砖炭赎罪完日送司礼监发落俱依拟

○都察院参原任山东嘉祥县知县边樞以私忿捏污相临上官乞提问如律从重拟罪 上是之

○丁丑 孝恭章皇后忌辰遣官祭 景陵

○是日江西湖口税廨毁于火

○户部奏赏赐京卫军士冬衣布花本年绵布不敷合将羽林右等并锦衣等二十九卫司各赏本色布二疋绵花一斤八两其府军等行太仓银库折给银钱照例兼支从之

○工部奏制帛急缺命增织速解不许迟误

○戊寅直隶巡按过庭训言顷见御马监太监李成有收租拖欠太多有司抗违愈甚之< 〇〇〇 铨-金 >臣不胜骇愕夫牧地本系斥卤荒原自嘉靖年间召人垦佃每亩量征租银一二分不等总计蓟州宝坻等州县每岁共征银四万余两解部济边间遇灾伤犹多逋累往往告乞退地还官突于万历三十二年为奸弁妄奏按地加徵每亩概以三分为率畿民为此一地剥肤竭髓不啻在水火中犹幸岁时稍丰不致拖逋太甚詎意今岁旱灾异常一切京边起运钱粮尚在议蠲议停而牧租将何输纳该监乃谓各官阻挠抗违总之睹小利不睹大体计目前不计远图或误听奸人之播弄无足怪者 皇上明同日月固已洞灼其非无俟臣等之喋喋夫科臣韩光祜等亦言之不报

○辽东督抚按诸臣各报虎墩兔憨闰八月内连日入犯者三初犯广宁于十七日寅时入于十八日戌时出名为十万其实止五六万屯民物蓄稍被伤携城堡犹未攻开至二十二日复以六千骑犯锦州分两枝入时堡中有备竟无所获而去抚臣料其必犯义州戒诸将领兵分防贼果于二十五日有六万余骑分为五枝进入官兵合营冲砍数阵各斩有首级贼即改从大安堡假为出境埋藏山头先将台军掳去因而烽火不通贼复向大安堡四面夹攻官军不敌又因火药被烧贼遂将本堡东北两面夹攻破贼众一齐上城杀死将官二员并军民粮蓄杀掳一空

○命兵部左侍郎魏养蒙署掌本兵印信戎政事务着左侍郎管右侍郎事崔景荣暂管

○予已故总督三边太子太保兵部尚书魏学曾祭四坛给全葬

○庚辰礼科给事中余懋孳言今日事势可忧者四可危者六而可修掇者亦有六所谓四忧者一曰闾阎之愁叹二曰商旅之失业三曰士习之浇漓四曰群情之猜疑所谓六危者一曰阉人之得志二曰妖人之蠅集三曰门庭之寇盗四曰都城之无备五曰边塞之空虚六曰倭夷之交通转危为安在 皇上之一念其首莫如杜内降一切章奏悉付阁臣票拟倘有未当不妨再酌则蠹害之端息矣其次莫如信诏令于许发许行者立刻发行则百度具兴矣其次莫如发内帑稍割朽蠹以慰边人之望起沟中之瘠宽灾民之徵而后积贮可渐议军实可渐核矣其次莫如决用舍新升司道已奉严旨催徵至九列因言求去亦宜悉允所请急采舆论官择人而人任其官官效其能矣其次莫如定功格去年建议欲更立一格凡捷大而费省者加一等捷小而费滥者减一等其请饷饱士者予勿靳其请饷饱虏者靳勿予此格定而边额可以无加民困可以稍苏矣其次莫如核名实谓宜申饬当事之臣甄别流品专求平实在京责之堂官省直责之抚按举错责之铨司咨访责之科道用失其人即咎举主而于国子青衿即以责之师长申饬提学官于德行赏斥勿作空文名实核而当官必多底绩储养必作真才矣

○大学士吴道南言臣于万历二十八年叨知会场贡举时号簿有房有号而无名原卷有名有号而无房及后齿录出迺据房以查名据名以查号止一十八卷在帘之臣谓先年礼部有裒多益寡之< 〇〇〇 铨-金 >且主考亦曾言各房有遗卷不妨搜拔已而

廷试韩敬之卷前辅叶向高拟取第三 皇上拔之于第一更所搜卷多寒儒与考官并无识面者主考萧云举王图曾向臣言诸拔卷皆先呈览因其可取则取之臣回籍之二年突然一< 〇〇〇 铨-金 >向使言者非太迟处者非太速臣缴进号簿何至六载事犹烦齿颊哉故言官之< 〇〇〇 铨-金 >臣不敢辩因韩敬< 〇〇〇 铨-金 >及不敢不一吐其情实也

〇赐周府海阳王长子在金口直承袭王爵 〇陕西大崇教等七寺番僧班竹速南等三十五名赴京进献方物马匹准进收宴赏如例

〇辛巳山东巡抚钱士完条賑恤事宜一留正官以安灾民除灾轻地方不得托故请免其灾伤重大紧要正官合留免覲一应本册责令佐贰代行赍奏一议仓米以均分给登莱连荒三载乞概从每石五钱折收后不为例再祈缓至明夏来熟上纳即一缓征间裨益不浅一劝输粟以济转运本土殷实人户就近相济其给冠带给扁与免丁徭俱以助粟多寡为差一酌海禁以通转输登莱大灾思急与之活路非从海输转不可然必严通倭之条编立号船定有限期行则盘验到则稽核有犯必惩彼亦安肯禾口口死地如鹜乎一议举劾以严劝惩臣敢明与诸臣约凡煮粥有方救活多命者虽其素誉未著必首举而极表扬兄宽纵无法饿夫骈首者虽其久窃虚誉必重创而从幽斥一钦承蠲恤以请缓征东省灾甚荷 圣恩特霈 明命乞于冬春数月之间定限京边钱粮完至五分暂免参罚存留钱粮仅不废事得免参罚历年带征暂且停止总俟收麦后追征下户部议覆

〇壬午礼部奏虏酋奉贡例有赏赉以示羈縻今题赏已逾数月而段疋尚未查发堂堂 天朝不可令帑藏匱乏之名传播外夷 上曰贡夷赏赐关系国体着工部即便差人马上催来交纳不许仍前违玩该库见在段疋有堪动者先查发济用

〇是日以重阳令节颁赐辅臣上尊珍饌

〇癸未礼部奏 惠王 桂王选婚一事恳请数四未蒙允行尝思事属可已则姑置之然古来无 皇嗣不婚之礼事属可缓或姑待之然古来无二十不婚之理似皆无容迟疑为者今 皇上虽暂需不行毕竟不得不行臣等虽累请不得毕竟不容不请则莫如 明谕而遂行之不报

〇甲申 周府安昌王仪宾袁守基以娶弟妻为河南巡按张至发参奏刑部奉旨审覆 上命革去衣冠为民仍追夺诰命

〇乙酉以 会昌王弼栋年九十一岁遣都事王之枢赍敕存问

〇兵部据辽东总督薛三才总兵王木口芮各塘报言虏酋虎墩兔憨旬日间一犯广宁正安等堡再犯锦州大镇等堡我师预为严备拒堵出境方谓虏气渐夺可幸无事迺虏不得志于义州阳为引退竟潜蹶大安堡以致孤垒不支杀掠甚惨据报虏先截杀夜役涂我耳目又引众向大安堡此可望形逆睹而我曾无戒备轻堕虏诈侦探不明以及于败或谓是日义州围解稍有斩获诸将遂不胜气盈卸甲弛备将兵家批亢捣虚曾

米之悉乎总之寡谋召寇疏防失守虽解义州之围无救一堡之失李怀忠即百口何以自解其余将领功罪及有无隐匿情节应俟彼中督抚按官勘明另处 上曰大虏已陷城堡失事匪轻便行督抚镇道官严督将领加谨备御以防再犯各将功罪着查勘明实具奏

○丙戌大学士方从哲吴道南言臣等一月之间接得各处揭报在山东以饥民为盗劫掠州县告矣在辽东以达虏累次入犯失陷城堡告矣在延绥以套虏吉囊吉能火落赤等糾合十余万众分抢各地方告矣兹非 君臣儆戒交修之日乎臣等行能浅劣偶值时事艰危忧心如焚束手无策所望 皇上当此中外多事之际留心民瘼加意边防日与当事诸臣图所为安民御虏之策如议蠲议赈议饷议兵宜何如汲汲者而连日以来方且大内深居声色不动即日行本章全无票发怠玩若此何以定四方已形之变鼓臣下任事之心伏望 皇上将山东抚按条议蠲折之本兵部覆奏辽东虏情之本亟为简发其余关系时政紧要者尽数发票慨赐施行国事幸甚

○戊子顺天府尹李长庚言救荒之法待极贫者无如煮粥待次贫者无如平糶今畿辅重灾望 皇上比照往岁煮粥事例将前府臣所清孤老冒滥米连年节省见积京仓暂发五千石容臣等陆续领发两县照依三十九年所立粥厂城内六厂城外二厂令两县知县丞簿等官分理各厂而以府佐二员总其事臣等时往查核务使饥民得沾实惠至平糶一事今年既荷皇上允发临德二仓米十万石其宛大二县派各该三千石数若为多然都城五方杂聚奚啻亿万其口而止粟六千石则若为少查三十二年户部奉旨平糶过米一十八万六千八百余石臣彼时叨在户曹身受其事今纵不敢觊如曩者之多而计口授食非数万石不可更祈 圣明酌定两县应糶之米于原派三千石外各加发二万石俱改京仓以省免脚价臣等督发二县平糶遵照部议粳米每石六钱粟米每石五钱其所糶米钱解为户部四十年折色之用一转移间利赖良多 上曰畿辅灾旱异常百姓饥荒可悯这煮粥平糶事宜既有往例可循户部便作速覆议来说

○是日大学士方从哲吴道南遵旨考试庶吉士曾楚卿等一十七员散馆授职拟上卷十二卷中卷五卷

○己丑礼部奏太医院吏目之职虽微然拾级而上之则御医院判使矣上保 圣躬内调宫眷下疗军匠故必历岁月以练习而又严殿最以激励之自开纳例行始有纳银一百八十两即授吏目名色朝输纳而暮加衔至补官时即超加于实历六九年之上者则本业可以不攻而钱神偏为有灵恐此例开而不塞将素问诸书束之高阁而仓扁岐黄之术无人也乞敕下臣部将纳银吏目之例移咨户工二部立行停革庶幸窳可塞而本业益攻其于保和亦大有裨矣

○延绥边外套虏吉能以挟赏不遂糾众于闰八月二十三日以后连日分数万骑大举入犯西路甄井宁塞中路波罗阵亡把总二员军兵六十名东路大柏油柏林高家神木一带地方杀伤尤甚孤山副将孙弘谟神木游击万化孚闻警驰赴万化孚仅以身

免孙弘谟不谙地利为虏诱致绝地四面攻围力不能支被虏获去时三路兵马五月无粮所在城堡刍饷悉空抚臣报闻

○辛卯巡漕御史朱阶陈漕运五议一清核厂船厂船所以缺者缘官银为奸商冒领厂役瓜分遂至银与木终成乌有今宜将银解荆州府令抽分部臣验木平买其应造船若干督臣严行查确速金殷实旗甲依限入厂改造并行该厂将一应造船银料如数给发见造船只勒限报完吏书匠役不许科索常例一查复剥船剥船所以阁者缘船额不敷就中有船户疲累弃之而逃有奸猾揽当原无船而暂雇应点有旋应一剥而中途别载营利宜俟运事竣后关臣督同武清县掌印官逐一查核其有人无船者设法补造有船无人者金选应役务令人船两足而一切杂差累苦悉与蠲除一修复泉湖沔河深不过于四尺非时加挑浚即至阻舟夏镇而北别无运道不过赖闸河以利涉先臣宋礼乃于昭阳南旺诸湖设立斗门名曰水柜夫然后旱涝俱有恃无恐曾几何年而诸湖半为势豪占种涓滴不留乞敕总河抚臣躬亲踏验凡系先年济运各湖一一清查归官堤坝斗门亟时修筑一优恤军旗运军非贫而狡者不乐为而既为运军亦未有不驯至贫且狡者倘莫优恤不将至无军并无运乎臣以为凡饷银之时给也帮官把总之科派也沿河委催之扰害各关税棍之诈吓一一令禁而法绳之也此皆漕臣得为政也若夫自抵关至入仓内外奸胥恶役层层剥削银入吏书遂得高下其手若莫议归画一每年给军责成漕储道于过淮时给散一半余于河西务或通州唱名面给则漏卮塞而军沾实惠矣一申饬武备国初民运后改为军未几则专以军为长军先臣于谦曾因虏倭议留运为备此其一验矣承平日久贪弁纳贿金补非人若有不虞责之御侮折冲恐不能也莫若金补殷实军旗务令正身赴役参备等官挑选强壮时其衣粮而操习之至于淮安总镇向以勋爵滥竽旗鼓何裨从诸臣议裁之便若谓 祖制当存则有诸臣改流之议在亦先朝故事也 上命该部议之

○升南京光禄寺少卿吴炯为南京太仆寺少卿云南参政赵世徵为按察使

○以吏科给事中梅之焕为广东副使御史张五典为江西副使御史李若星为福建参议

○光禄寺少卿丘度引病乞休不允

○遣南京工部主事张居方管龙江等局税

○是日戌初辽东地震其响如雷

○壬辰大学士吴道南请罢湖口商税言臣江西人也舟行往还必于鄱湖此湖水势连天一出湖口溯洄骇目其前两山突出仅余一口数十丈平时舟人非柴米甚缺不敢少泊自设税以来舟过其处凡报税验税交税輒经数日虽傍湖开一小渠又皆塞满舟无泊处只得下锚于江中西风一发锚拔< 纜索 >断数舟相磕顷刻败坏臣振腕伤心久矣自有撤回税使之旨臣心私叹以为今而后皆 皇上之再造时虽归并有司犹恐泊舟如故臣敢冒死沥血乞 皇上豁此数万金以为蹈不测者延旦夕之活况今

各处饥荒 皇上且普赐蠲赈以活之于死中则此之无劳于救而可振民于风波之厄又何惮而不蠲也不报

○永康侯徐应坤卒予祭葬如例仍加祭一坛

○癸巳大学士方从哲吴道南言臣等连日接得延绥巡抚及总兵塘报谓套虏糾众大举分路入犯自闰八月二十日以后日日抢掠处处攻围彼无不攻我无不守虏众而我兵甚寡虏逸而我兵反劳据二十七日之报虏众虽已出边而屯聚近地未见回巢自此以后不知又作何景象此中外臣子卧薪尝胆之时亦我 皇上宵衣旰食之日也乃臣等所深望者则以目前兵食方殷羽檄旁午军机所系时刻难迟今后凡遇边方奏报及兵部题覆之本并祈留神速赐简发而兵科掌印之官赖以抄发章< 硃-金 >参酌机宜尤一日不可缺者更祈即赐允用不报

○乙未山东道御史金汝谐言善理财者不能生不生之财在理其出之途略谓边饷之漏卮宜核铸钱之预支宜杜御马监之滥觞宜裁供用库诸局之蠹弊宜肃开纳事例之假伪宜防各分款言之不报

○丙申兵部据延绥抚镇官各塘报言套虏近因垂涎封赏聚众要挟且乘酋长铁雷物故藉口中毒生衅入秋以来沙计零掠大柏油复遭我师斩馘遂合谋狂逞所在蜂屯声言分道攻克城堡其氛甚恶延镇不旬日内中路波罗西路砖井宁塞东路高家堡柏林大柏油堡并受侵犯而孤山副将遂有被掠之事虏以二百余骑诱我副将孙弘谟轻率狂追不谙地利致阻山安营为万虏合围者三日以孤军置死地其将固可袭而执也虏至陷我偏师俘我将吏该镇诸将曾不闻奋战同仇如游击万化孚仅以身死丧师辱国宁不貽虏姗笑九塞兵戎号延为劲而无所不备因无所不寡虏三路并时阑入此其情蚤已易我矣目下款局已变群虏鸱张计须激励诸将大破拘挛逆伐虏谋如再狂聚闯边不妨用奇出计制其死命而刍粮所在告匱士卒五月无见粮樵苏不继士有饥色必及时料理接济方可贾勇以收完局乞敕户部将该镇未发年例银两作速解给庶士饱马腾我气自倍至于各官功罪应俟彼中督抚按官查实具题另行议处 上曰狡虏要挟狂逞分道入犯沿边城堡尽被攻围势甚猖獗该镇诸将虽经救援拒堵未见出奇制胜一挫凶锋疆圉何赖着行督抚镇臣严督将士竭力阻截相机剿杀务使虏氛蚤息内地无虞事完将前功罪一并查明具奏其应发年例户部便作速解给以鼓军心余依拟

○丁酉兵部言清勾与发遣之军虽分二款而苦于解部则一请自今除在京衙门问拟与钦依饶死充军者照旧本部定卫转发解外其各省直抚按行所属问申呈抚按定卫者止招达部知与恤刑饶死充军咨部定卫者俱径自佥妻起批解各该府司道繇都司发卫所着伍通免解部司府年终造册送部查考至于清勾军士律例有云在京者起解两京兵部在外者径解该卫亦未尝不论远近一概繇部挂号而始发也如州县佥解外卫必赴部投文及解至卫而又回部掣批往还艰难动经数月无辜之长解赔累益

甚请自今除各府州县解京卫之祖军及在京发遣之军照旧赴部挂号定卫外其各省直军不论新旧径解各营卫所取有收管仍赴抚院及所在附京兵道挂号回销年终巡抚造充发军册巡按造清勾军册各类报部永为遵守庶军政画一不至为民阶厉矣上是其议命军犯以后俱免解

○巡按江西御史陈于庭言湖关一税自李道筦榷以来数千里皇皇思乱今徼旨撤回原管税务归并潘相自宜遵旨照兼摄闽广例听有司徵收乃阳辞阴颺遍给告示以致商民誼鬩职等仍恐激乱地方多方慰谕尚汹汹不靖职绎思 皇上明旨着相不妨原务兼摄并无一字谕其亲往岂得藉口照例耶明知众忿难撻姑且尝试是谓愚人而自愚明知祇令兼摄輒颺亲征是谓背旨而欺 君愚人自愚犹可言也欺 君背旨罪可胜讨哉乞 皇上即赐蠲停嘉与湖口更始仍敕戒潘相敢有借端射影罔上行私者罪无赦不报

○户部< 䟽 毓-金 >称开垦屯田扣抵年例俱经题奉钦依据陕西督抚等官议将已垦熟地见垦荒地次第起科效劳官吏分别奖赏无容他议惟是屯田责成开垦原无抵补年例太仓匱乏可图渐纾今既凑支月饷又云免扣年例然则年例之发独非月饷之资乎如谓两运积逋盐课画饼自当责在守土按法考成岂可以奉旨修屯之新粮资有司之积欠恐所报者或属虚数而朝廷不获实用矣况扣抵年例已奉 明旨而留充镇用未免背违窃恐责成修屯之意不若是相应议拟请命即将已垦熟地自今四十三年起科已垦荒地自四十四年起科各徵收就近堡仓遵照原题扣充年例至于未垦荒地严行召谕军民人等尽力开垦酌量起科每岁终备将垦过屯田收过屯粮查系额内者仍补额粮额外者抵充年例造册奏报以便稽考务图实效 上是之

○戊戌南京户科给事中黄建中言本年六月内据浙江嘉兴府嘉善县解万历四十年分赋役黄册到湖随据里老呈称万历九年丈田突被豪户朱灼等隐田三万三千五百亩贿构总书李畴诡推与嘉兴秀水全不输粮以致概县摊赔业经本府查明申蒙抚按详批诡田尽数改过嘉善岂意奸豪百计阻挠至今覆勘不结夫田有定界赋有定额今嘉善县被诡去田三万三千五百亩不为不多矣乃核推出之数于嘉善黄册而册弗开再核收入之数于嘉秀二县黄册而册弗载即使有推有收亦无隔县过割之法况推者诡推收者未收徒为豪强射利之藪耳不知嘉秀奸豪陈玄灯等凭何奥援而束明文于高阁积猾朱槐等有何神术而等版籍于弁髦至若县官受一邑之寄府官受一郡之寄抚按司道均有地方之责独不可严限而勒其完报乎乞敕户部转行该省抚按严限行勘刻期报完正豪强飞诡之罪苏小民赔累之苦报可

○己亥湖广巡抚梁见孟以全楚十五郡二州人文繁盛较闾难周于是有增学臣之请寻奉部咨据多官会议奏言全楚学臣可添设而清军驿传屯田盐法各道未可归并惟是画地分疆则以武汉黄承德郟襄七府属一学道仍驻武昌以荆岳长宝衡永辰常郴靖八府二州属一学道于长沙府建置新署则道里适均人材相匹各给敕印分猷

大明神宗显皇帝实录卷之五百三十七

大明神宗显皇帝实录卷之五百三十八

万历四十三年十月甲辰朔孟冬颁历文武百官朝贺

○享 太庙遣驸马侯拱宸代伯陈炜张庆臻分献

○颁赐二辅臣每员中历十本民历百本

○是日部寺台省诸臣俱以颁历令节 上释刘光复自是以后每遇冬至元旦
圣节为刘光复祈请者章满公车

○巡按广东御史田生金奏广西归德州狼目黄贵屡持伪契越界混争罗定四十年承粮之田业节经官断无据贪谋未遂适各兵抽调征黎之时遂聚众扬旗放炮传箭封刀以从征为名以争田为实繇是猺獠附从不过数日有众二千焚劫掳掠此其意固将不利州城幸我兵声援已集自知不济犹图再举立食血同盟之誓传刻日交战之书伪印伪票纷然四出若非蓝村计窘中流被擒终为患于异日故首恶之就缚可快心而坐困之机权尤得策也黄贵难辞叛逆不道之诛韦用黄保等均为助逆并拟伏辜其黄贵妻龙氏照例没入功臣家为奴刑部题覆 上从之

○乙巳 孝洁肃皇后忌辰 奉先殿行祭礼遣官祭 永陵

○户部覆山东抚臣钱士完救荒六款如议举劾以严劝惩所当破例亟举者议留正官以安灾民所当勉从而无别议者如劝谕输粟以济转运通海禁以便穷民所当酌行以为赈饥之助者其最难议惟请缓徵议仓米二款顷蒙 皇上发临德仓米十万石平糶在抚臣< 疏 >止求每石定价五钱稍缓徵之犹于边储无其减损若按臣< 疏 >则又求发仓米十余万石改平糶为分赈以每石五钱计之则五万边储所系也边储匮极已去五万若概缓徵将东省每岁全赋一百六十余万金顿成西江之水矣边腹俱急其何以支无已除存留钱粮及历年带徵暂从宽假外其京边钱粮岁前务完至六分余俟麦稔照数催足至仓米分赈查三十八年该省三府灾蒙 皇上分帑金二万五千两仓米四万石给发赈济今灾视三十八年实倍之合无将平糶十万石改六万石为赈济余四万石仍遵前旨平糶 上览< 疏 >随传边饷要紧民亦要紧又传近地要紧边饷亦要紧如何屡次改折当以酌议不致京仓缺乏于是大学士方从哲等言臣等仰见 皇上慎重国储与勤恤民隐之念并为周至但部臣议于岁前先徵六分其余四分俟明岁麦熟追补又拟改仓米六万石为赈济其余四万石仍徵价济边盖酌量于民生国计之间极为详悉似当依拟准行使公私两受其利命如议行

○丁未 中宫千秋令节免命妇朝贺颁赐二辅臣上尊珍饌

○山东巡抚钱士完奏东民灾乱地方缺员乞 天语叮宁将已点用道臣未赴任者如济南兵巡道副使程启南东昌兵巡道金事孙振基济宁兵巡道副使邓泮分守莱州道参政张五典等严催速赴其为二东所藉不浅 上曰该省民饥盗起专赖道臣拊循安辑这各官便严限催赴任不许迟延

江御史汪有功公然批给商船十只执照令其违禁海贩乞敕勘处< 〇〇〇 毓-金 >下兵部

○甲寅浙江巡抚刘一焜再奏据各机户供称纪光先原系京棍夤缘入府春运入京已不在局乃擅写五所姓名况封进干越奏之律说谎犯面欺之戒而诈捏一节复经审查审毫不容揜臣等不敢不据实提参乞敕法司严究如律不报

○先是山东强贼入安丘县城抢毁库狱抚按二臣各< 〇〇〇 毓-金 >参安丘知县梁聘孟昌乐知县王鼎臣酌议降处吏科抄参谓崇山盗起伤典史杀官兵竖旗聚众至七八百人安丘去崇山三十里平日不预提防临时不设戒备昌乐启衅激变有因且隆庆年间有另议失事条格各州县掌印巡捕官盗至三十名以上者罢其官之例于是吏部拟将昌乐知县王鼎臣照罢软例冠带闲住安丘知县梁聘孟照失事例革职为民右布政李本纬罚治 上然其议

○乙卯陕西巡按龙遇奇言陕西外有套虏勾连犯边以致延镇波罗孤山大柏油柏林之败内有豸 〇回寇越城劫狱虽擒获过半而贼首高尚千敢率余党繇汉南沿山窜入川北皆缘饷匱军饥则狡虏有所窥而思逞民穷财尽则瘠民有所迫而思乱总之秦自榷税以来坐刮民脂一百四十余万民间皮肉俱尽而自三十九年以后荒旱连仍死亡相踵为今急计惟有 皇上速罢秦税则思乱之民乐业回心而待哺之军投醪奋力外乱内变庶几可弭矣 〇陕西巡抚李楠奏万历四十二年七月内宜君县劫狱豸 〇回贼高尚千等已于四十三年八月内被延安官兵擒获其未获者止有高聚等八名窜入延安山内见今严督搜捕近日四川因太平知县捕贼被执于塘报内备述各贼繇秦入蜀流劫之状科臣遂责臣疏踪臣何敢辞第谓臣忍以邻国为尝甘以地方为窟臣不得不据实奏闻< 〇〇〇 毓-金 >下兵部

○以原任祭酒范应期有日讲旧劳其恤典命该部查例给与

○庚申福建道御史杨州鹤请 上停内降以重政本补大寮以联股肱起废弃以收人望下考选以充任使释系累以广德意发内帑以恤灾黎六事不报 〇陕西巡按龙遇奇奏八月二十六日有强贼数十人骑马执弓射死襄乐巡简李柰夺去印信查参失事各官宁州知州王政等诏下兵部

○予南京太常寺卿管国子监祭酒事屠羲英一祭半葬羲英嘉靖三十五年进士繇郎署学宪参藩历太仆卿改南太常管祭酒事值故相张居正父艰不与保留公< 〇〇〇 毓-金 >旋被劾归万历十年十月内卒于家礼部覆请祭葬许之

○巡盐山西御史万崇德参论该省乡试按臣临场艰去布政司韩策出示自命监临而京考官米助试录前序有稟程监臣之语意图脱卸又取中第四十名举人李希清墨卷表题匹字误写疋字六十三名举人任道统经题元字误写无字皆韩策用蓝笔与改显涉弊端奉旨韩策罚俸三个月李希清等各罚一科考官免议序文不必改以后按官偶缺着别差御史监临两司官各有所司不许侵越

○辛酉大学士方从哲吴道南催请都察院堂官河南道掌道御史与兵科给事中言朝覲伊迩考察之事都察院与吏部均任至于广询博访则河南道与吏科考功皆有专责军政考选主之者兵部赞之者兵科今兵科不惟无印且无官顷京营员缺该部亦以商确无人不便推举矧东西虏警时闻参酌军机稽核功罪非科臣谁任此数官者屡经诸臣题催百无一允坐令庶位空虚诸务丛脞 祖制废坏国体陵夷不知 圣明独何所见而因循玩愒一至此也不报

○是日五更京师地震

○癸亥户部题覆山东按臣赵日亨所勘东省州县灾至十分者十之七八余亦皆八九分绝无轻灾之地以蠲言自历城至德州一百四州县其有粮者免存留其无粮者免盐钞所当听其除豁补给者以折言自历城至单县七十三州县漕粮概折五钱自诸城至蓬莱二十九州县原无漕粮惟纳仓米概从五钱折纳所当听其酌数徵解者至赈恤一节顷蒙 皇上慨给税银八万六千余两矣臣部请发平糶十万石今又请改六万石为赈济矣其所望大沛雨露惟除六郡包税并发帑金实该省臣民所为手额而祈者也 上曰东省灾伤异常朕衷惻悯前已有旨准留额税银两并临德仓粮赈济以昭朝廷恤念灾黎德意其六郡包税银两既称地方旱蝗困苦准将今岁下年包税蠲豁明年以后税银照数徵收解进接济急需毋得再来渎扰蠲折赈恤等事俱依拟

○河南巡抚梁祖龄言查得各王府藏冰皆自行采办惟 潞府之国之初百务仓卒故汲县为运冰一次自后俱属自运与有司无干当 福藩未出都时内官孔宠因部文有趁时蓄冰之语是以洛阳县预办及就邸后又欲再办一年臣等即欲据例上请缘时势已迫恐冰难寻故复勉应今该监又令有司再办是著为永例无复停期 中自建邸以来小民仅存皮骨若又以凿冰之费加额外之徵谅亦 圣慈所不忍也御劄有云各府不许援以为例禁其援例何如弗开且蓄冰一事邸报不闻奉旨该部未见移咨祇凭监官尺副之纸欲臣等奉行于体得无乖乎乞 皇上轸念民穷谕令 福府藏冰查照各府事例自行采办不必复累有司一切地方事务须奉旨下部遵行则民困苏而群疑亦释矣 上曰福王用冰前已有旨令照例采办你每又这等说今岁着本府给价与地方官采冰送府应用以后着照周府潞府例行

○甲子太仆寺卿管西路少卿事饶景晖< 足 铨-金 >陈 二祖种马之法当弘治初虽江南有折银解寺者然岁仅二万余至隆庆间用武金议而种马始卖至万历九年而种马尽卖臣复查万历五年该库银两四百万今积贮荡然万一烽火达甘泉何以应之谨摘其大端详列以请一曰杜告借以实罔库各衙门那借马价节奉 明旨催督补还乃补者无期借者未已见在库银止六十万两宜自年例应给以外永杜那借之端二曰增俵养以备不虞马非能病民上自病之倪调停有术振刷有方矜恤有时科罚有禁固未见增俵之遽为害也万历十二年欲量复种马二十二年欲查议种马旧例未可以拂民而概非之也三曰议变卖以济实用寄养马匹有不堪者诚不若酌量变卖将价

解库马户既无倒失追赔之苦臣寺又得藉锱铢以补帑藏之虚第恐有混求变卖者是在巡历时严加覆验照近题事例每匹追银十二两入官仍限下半年照数补缺四曰禁克扣以祛积蠹夫三十金易一马价非廉也乃所解之马往往不中程度毋亦克扣之例尽除包揽之害未尽革与臣寺宁负有司必不敢负简命一概混收至于计退马多寡以为最殿则有功令在五曰严俵式以复旧制往解俵马匹钦定尺以四尺以上者为上等三尺九寸者为中等三尺八寸者为下等三尺七寸者不准近例七寸如果膘壮无病者姑量行印收自量收而三尺五寸者至矣今后请以钦定铁尺为度不如式者州县官无得给册起解六曰议存恤以拯民困先年本寺题准遇灾重年岁赈恤寄养今各省直灾伤不为不甚其寄养之民宜照近例重加赈贷至于倒死问罪先年虽有题准事例当此歉岁姑准停豁七曰革宿弊以苏解户一马之俵胥吏相持为奸然非有寺役为之中主医兽为之附会彼何敢恣夫俵解则州县为政验烙则臣寺为政请毅然厘革弊端诸凡马贩交通官吏医兽人等兜揽作弊滥估价银瞒官害民者遵依旧例尽法究遣

○命宽奠参将倪承勋实授宁远参将窦承武以参将职衔仍管锦州游击事刘士英量升参将职衔管宽奠游击事

○刑部问过势恶傅调元父子冒锦衣胄监合行查革遣戍发落 上可其奏

○诏法司将异常奸恶段白云监候处决

○乙丑延绥巡抚马从聘引病求归 上以该镇虏患方殷不允

○起升原任考功司郎中董应举为南京大理寺右寺丞

○改京营佐击阮友谅为都司金书管镇虏关提调

○命五城煮粥济饥

○丁卯鸿胪寺奏十一月初三日冬至祀 天二十八日奏祭二十九日传制请升殿免

○大学士方从哲吴道南言顷十八日将五鼓时京师地动二次又接蓟辽总督薛三才揭谓密云县潮河川等处同时地震有声臣等方拟具揭奏闻而礼部修省之 < ䷔ ䷔ - 金 > 上矣其言 天心之仁爱所当钦承时政之关失所当修举至为详悉切当臣等无庸再赘但望我 皇上乘此上天示儆之时亟挽近日因循之习将诸司本章留神省览应发者尽发臣等票拟应允行者速赐批答施行如选王婚点大僚补科道起废弃停徵榷施赈济诸事慨然俞允有不转灾为祥者臣不信也

○礼部简举浙江乡试录程文于诗经大雅题内遗失岂弟君子四字于春秋末题内遗失宣公十有四年春王正月公会晋侯宋公卫侯曹伯伐郑二十二字奉旨程文题目遗失字多该管各官所司何事既经简举姑免究尔部还行申饬以后有错误的查参重治试录着另进来

○戊辰户部覆称藩盐例支封地改芦终不可行恳乞就掣河东以维国计 上转潞王两淮食盐三年改食长芦今 福王以两淮不便昨改长芦尔等又言非食盐之处

既如此说 福王食长芦二年与先食两淮一年亦是三年以后着支河东上盐食用于是大学士方从哲吴道南言藩王出封即照行盐之地支取食盐此旧例也 潞王先支两淮后改长芦固以道路远近不同实以卫辉原行芦盐故尔改正今河南府为河东行盐之地则 福藩之当支河东亦犹 潞藩之当支长芦也祇因 福邸初开误引 潞王之例支取淮盐两年以来盐臣部臣及河南抚按诸臣纷纷言其不便且今 福王亦自以为不便矣 皇上何不俯从其请径改河东免致二年之后又复更改于政体地面皆为省便何必食两淮一年又食长芦二年以强合于 潞府三年始改之例也不报

○朵颜等卫进贡夷人兀邦失等一百二十四名

○盗入北安左门劫酒醋局内官焦进朝官军不报皇城巡视户科给事中商周祚等< 〇〇〇 铨-金 >言禁地疏虞除将近局官伍张存仁等提究外乞敕该部严行该巡捕衙门缉拏务获仍乞申飭厂监约束各内官不许纵容工匠厮役人等来往违者以白简从事

○己巳蓟辽总督薛三才奏辽左三面濒虏无樊之隔而宁前为全镇咽喉锦义僻在西北毳幙鸡犬相闻广宁辽海民居稍密素为虏所垂涎之地开铁远在东北孤悬天末三岔河蜿蜒其中东西千余里间数十万虏蜂屯蚁聚加之山路崎岖林木障蔽在彼则易于掩伏在我则难于哨了今抚臣议建敌楼四十八座俱于城堡不及之地虏贼出入之冲四面俱有围墙内仍盖有房屋依然一小城堡居常则屯军一队有警则屯军三四百多置火器烽烟相望壁垒相联零窃可以蹶而走大举可以夹而击耕耘可以趋而避一劳永逸无踰此者又自海州一堵墙起三岔河止议筑边墙五十二里此役成而长城半壁海盖地方庶可免蹂躪之患使辽沈开原踵而筑之勿责近效未必非百年之利也又东州六堡逼近奴巢向因承平残塌今宜乘暇用砖包砌以障卫居民约用军屯夫盐菜及置买车牛物料等项三万七千三百七十四两除搜括本镇无碍银一万五百五十一两尽数支用尚有不敷力难区处查部覆原议修边辽镇马价银二十万两合无容臣等于内动支应用责令各官照派工程务限四十三年九月内报完如五年之内有倾圯者定行追究责其赔修庶危辽之保障可固而东西之虏谋可伐矣< 〇〇〇 铨-金 >下兵部

○是日发下庶吉士卷大学士方从哲等再拟上卷照依原中进士甲第铨注翰林编修简讨姜逢元叶灿陈玄晖曾楚卿缪昌期李国< 〇〇〇 木普 >王应熊冯铨王祚远刘鸿训罗喻义孟绍虞十二员中卷量除科道暴谦贞周希令韩继思史永安申廷撰五员

○庚午云南巡抚曹愈参< 〇〇〇 铨-金 >言镇臣沐启元袭爵不繇勘奏部臣奏袭擅削抚按勘明之旨以图幸成此其干纪悖常大有足异者臣窃以为勘之益四而不勘之害五绳以礼法所以宠异而玉成之一益也勘而后袭所以释猜疑而协輿情二益也既悔前非而请勘亟与以令终之图则讐尤可涤功伐可期三益也曲径旁蹊非进身之梯正正堂堂乃行师之律范我驰驱名正言顺四益也然则勘何足以累镇臣耶臣请以

虽不可知然灾不虚生必有阙失以召之臣请陈其凡焉夫纶扉政本之地凡欲出旨必繇拟议迩来 皇上径从内降阁臣罕所封还是使斜封墨敕之毙复见于今也边境失事自宜严旨切责今大安保边民遭凶大柏油堡懦弁辱国不责成诘问边备何赖贵州连年苗仲披猖商民受毒滇道几于不通抚按士民之请金既不蒙允楚蜀协济之通欠又不责输则疆臣之剿抚何所施织造归之有司完解甚早纪光先等一奸棍耳营钻中旨至再传行地方杼柚何堪罄竭粤东自榷税以来解过三百万金多矣膏脂已竭不能自言抚按屡言之臣曾再言之皆不足以动 天听独于潘相之< 距 毓-金 >立下明旨以怠玩不遵责各该抚按以上紧严催解进命之潘相其如粤民水火何总之 圣心兢业斯宫府边省各得其理诗曰畏天之威于时保之地震京师畏当若何正在修省于宫府边省之间耳

○太常寺奏冬至祀 天请 圣驾亲填祝版命遣官代填

○以兵部左侍郎魏养蒙清理军职贴黄

○礼部覆原任礼部右侍郎顾秉谦为其母陈氏奏讨恤典 上命查例定拟来说

○甘肃副总兵李秉诚守备张克敬坐不职为抚臣荆州俊所劾兵部议覆命革其任

大明神宗显皇帝实录卷之五百三十八

明神宗显皇帝实录卷之五百三十九

万历四十三年十一月癸酉朔宴朵颜等卫夷人命伯陈伟待

○甲戌巡按直隶御史李嵩条议边计一严防守以卫 陵园议自南山韩家口东至黄花镇桴罗台五十里寻其墙台旧基修筑又于宜昌两镇适中之所约五日一会哨仍令两镇置簿交核以防欺罔之弊一核军饷以清虚冒每季委风力府州县官一员分诣营路查点查黜既真注册籍如军有逃亡马有倒失责令开报务一洗影射乾没之窟如营中有重大不得已之费不妨呈请区处决不可扣粮除费扼穷军将入口之糈一修边工以固疆圉蓟辽台墙或创修而经始或拆修而从新筑填务以砖石灌缝必用灰泥高阔丈尺一一如式迨工完日该镇协亲用长锥试验以不入土者为上等重加优赉以随下随入者为下等中千总官当即推打严追工犒留为异日补修之资一练乡兵以备缓急虏来如风雨飘忽不及传烽闯过一墙便成破竹惟民自为守者出入守望之所共志念自齐妻子坟墓之所栖斗气自倍第令有司着实举行或一村自为一操或合众村共为一操立之教师授之器仗除耕耘之外常行训习毋令在官人役假托查验致滋骚扰一通拘缀以伸国威蓟辽以匹马不入为功盖重守也然不敢战则并其守而非矣今之寇门庭者非满骆二酋乎满拥数千之众然而妇人骆则寥寥不盈百耳我亦何怯而不为一战也今宜悬定赏格计满旦一年之赏六千三百九十三两何不以此购虏首而募敢死之士哉然又必多遣间谍穷其伏诱密贿属夷指其居住谋出万全或可保数十年无事耳一开使过以励村勇国家之法边将失事者必罪而在蓟镇尤重然其流遂

至畏敌不畏法而渐生骄虏之心自今除干系重大罪坐辟戍外其应杖革者许立功自赎如无功仍炤前议发落如再失事则两罪并科罚轻则进无必中之毒功重则退有必复之仇即边鄙亦籍以少宁矣得旨下部

○乙亥冬至节祀 天圜丘遣公朱纯臣代侯吴汝胤梁世勋大学士吴道南尚书刘楚先分献

○丙子百官于午门前行庆贺礼大学士方从哲吴道南恭诣仁德门叩祝 圣寿上遣司礼监太监李恩管待是日又颁赐二辅臣上尊珍馐

○戊寅户部覆顺天府府尹李长庚〈○ 疏-金〉议平糶煮粥二事 上曰这平糶煮粥等事依议速行还着抚按官用心综理务令饥民得沾实惠以称朝廷轸念德意辇毂重地奸宄宜防各该巡缉衙门城捕都要加意堤备近来被灾地方还行文着各该抚按有司等官多方加意抚绥勿致百姓流移失所使各安乡土毋令集聚京师致酿为乱务保无虞

○兵部以九月内骆酋从茶口谷至胜岭寨终夜砍杀军丁所在将领不知严防据督抚参〈○ 疏-金〉分别各将史光裕等罪状 上曰史光裕姜承嗣俱革任提问王之麟戴罪听勘王之宠毛有伦俱罚俸一年高策姑免议该镇密迩 陵京边防尤重近来屡次失事各该将领怠玩可知以后都着加意堤备仍图大创以杜狡谋再有疏虞参来重治

○己卯南京都察院右都御史蔡应科言饬吏在辨贤否而欲辨贤否莫良于操守才干心术年貌不必别饰考语以致失真且考语亦一时掇就浓淡何常部中因而揣度甚至以一字一句坏人一官深为可惜今后贤否册报部当开才守心术并年与貌分为五款五款之下各编十字如操守或注清洁或注谨慎或注平常或注玷缺或注污浅才干或注精敏或注通达或注平常或注疏拙或注昏悖心术款填注则或端正或坦率或平常或隐秘或奸险年款填注则或方青或壮或似中或将暮或已衰貌款填注则或俊伟或雅饬或平常或绵弱或颓靡如此则考于人者若画像而考人者若列眉亦无所事揣度矣

○钦天监奏择十一月十二日丑时 皇太子选侍王氏发引 上以丑时发引开门太早启闭不使命再择以成国公朱纯臣代祀礼毕复命赏银五十两纁丝四表里

○河南道御史翟凤翀言今年五月二十八日 皇上召群臣于 慈宁宫 天威开霁千载一时辅臣何不举时政大利弊如 皇太子 皇长孙讲席 福王庄田盐引一一缕数于前又如大僚空虚考选候补诸臣经年沉锢此皆辅臣以人事君之职何不一齿及他如中旨屡降警报时闻水旱盗贼之相仍流移饥莩之载道不于此时明白敷奏更待何时御史刘光复一腔恳款致干 宸怒当中涓拏下鞍房待旨之时阁臣不闻出一语申救人言失仪越次御史自取厥辜臣以为辅臣实陷之盖惟大臣不言则小臣不能无言今光复一日未释辅臣心事一日未白安能晏然而已耶于是大学士方从哲吴

戒深刻立朝以正直忠厚为本慎不可有所揣摩以入人罪尤不可有所厚诬以重人罪而又不可有所过激以擅拟人罪乃士有可杀不可辱者其辱之则莫大于丑诋贱詈之词辱彼即自尊而且辱国不亦伤乎愿师帅百僚各消融其深心刻意偕之雅道此乃国家元气所关非渺小也

○获禁内劫焦内官真盗王虎等先后一十九名兵部奏闻 上曰这贼徒敢于禁内行劫变出异常着法司从重究拟近来皇城内地贼盗众多着厂卫营捕缉拿

○南京礼部等衙门右侍郎等官沈确等以惠桂二王及时选婚上请不报

○吏部覆各省直抚按题留免覲各府州县地方北直隶留四十四州县易州安州沧州景州深州赵州定州开州束鹿高阳庆都清苑定兴雄县涑水武强井陘阜平赞皇临城高邑隆平栾城新乐邢台沙河内丘钜鹿广宗曲周威县清河广平元县魏县南乐阜城故城静海青县饶阳枣强武邑衡水北直顺永二府下通州涿州昌平密云宝坻丰润良乡固安武清香河大城滦州迁安抚宁南直隶留四县歙县婺源宣城泾川浙江留四县定海常山青田武康江西留十五州县南昌鄱阳永丰星子建昌德化湖口彭泽南城吉水安福龙泉永新新昌南康福建留六县南安惠安诏安顺昌建安浦城湖广留七州县沅州汉川黄梅潜江景陵来阳零陵河南留十二州县郑州仪封荣泽汜水阳武封丘夏邑林县汲县巩县永宁卢氏山东留阖省州县并首领官陕西留一州县秦州山西留四州县岢岚隰州河津忻州云南留永昌临安二府署官

○癸未吏部请急录废弃诸臣以光 圣孝言 皇上于昔年同遣诸臣固有恩贷量移渐加显擢者矣乃同事而收弃异同时而枯苑异试于法宫清夜一慨于中其亦有潜然不能自禁者乎臣部职在用人有人而不获用臣既为诸臣惜遇又为 社稷惜才比者 万寿以来长至前后人情希望恩泽不啻如焚不得已再< 〇〇〇〇 〇〇〇〇 〇〇〇〇 〇〇〇〇 >具渎乞 皇上容臣部斟酌材品陆续遇缺推补仍亟赐点用其于 圣度

圣孝天日并昭中外欢声风动矣不报

○以肃王恭进马匹命该监验收仍赐大红纁丝常服一袭银三百两彩段六表里写书与之

○准总督宣大兵部右侍郎郑汝璧孙郑翰卿承袭入监

○乙酉工科给事中徐绍吉言臣于邸报中见江西按臣陈于庭< 〇〇〇〇 〇〇〇〇 〇〇〇〇 〇〇〇〇 >称九月四日湖口税廨被火一夜而烬臣不胜骇异盖自 皇上遣中官榷税十八年于兹矣始而陈奉基祸于楚高淮激怨于辽杨荣弃尸于滇以至李道高采辈又多脱于乱兵抢攘之后其得保首领者幸也然犹曰变在人情耳乃今潘相甫至湖口廨舍突焚烈焰之中江鸣风猛似有响应难以扑灭则税使之稔恶不其上达于 天耶夫火者兵象也蜀藩灾而建南兴戈海庙毁而青齐啸聚近事毫无爽者今天下有畿辅迨要荒旱涝频仍民穷盗起欲赈而仓庾无粟欲备而民不知兵故 〇回贼十数人即可横行陇蜀皇城禁密亦能明劫中档况甘泉烽火虏患时闻辽东之失陷城堡延镇之损将丧师以至

皇帝差太监郑同偕金兴册封其祖康靖王妃尹氏并赐诰命冠服之例礼科抄参谓隆庆四年封朝鲜国王嫡妃朴氏万历三十一年封朝鲜国王继妃金氏皆给有诰命冠服然曰嫡曰继皆正妃也若今王所请金氏生为何室歿封次妃其不可同类而例明矣故生母之得追封明子贵也追封生母之不给诰命冠服示嫡尊也母子情无厚薄嫡庶礼有隆杀抑情就礼此忠顺之大者也况异数不可屡徼成例不可大破国王冠服之请似难概徇

○辛卯南京屯田御史孙光裕奏报南直屯田灾伤议将滁州天长全椒凤阳泗州等五州县屯粮比炤重灾事例每石折银三钱并将四十年以前积逋暂停一年户部议覆 上是之

○巡按河南御史张至发< 〇〇〇 铨-金 >参湖广麻城县知县宋一麟以入覲县官假借部衔擅驰驿递大肆骚扰乞敕吏部将宋一麟速行议处仍严行申饬凡内外官员有假借冒滥及地方官有阿承纵容者事发一体参究

○壬辰大学士方从哲吴道南以考察伊迩复请钦点左都御史及掌河南道御史等官又谓万不得已请将今吏部侍郎见推刑部尚书李鋹点用仍令管都察院事

○户部覆漕运总督陈荐淮扬巡按唐世济< 〇〇〇 铨-金 >称江北国家豊镐之地漕运咽喉之区年来旱涝频仍民不聊生今岁水旱交加又何以堪所赖 皇上浩荡洪恩俯垂优恤庶几亿兆生灵不为沟中瘠耳如所议减免存留朱麦改折漕粮蠲豁寿凤等十八州县四十二年未完存留各仓麦米带徵凤阳县四十年至四十二年运本府定仓麦石诸款悉当如议惟是淮徐所属四十年以前并四十一二三年未完各项钱粮俱京边正额难以蠲停漕粮既议改折复欲截留且京畿山东等处俱已蠲折平糶仓储日虚军储何赖一特情势万难别议 上是之

○东厂节次擒获强贼高进朝等十三名上命各犯著锦衣卫拏送镇抚司打问

○以户部署部事左侍郎李汝华疾已痊可特诏即出供职不允所辞

○大理寺问过鞫金通贿犯人宗世禄充军又问过假官劫夺犯人马履坤纳囚粮俱得旨依拟

○甲午后军都督府掌府事英国公张惟贤言近日据昌平镇道报有八达岭守备解到夷人驴钟伍克气摆虎三名供系回乡男子第身带夷物亦通夷语事似可疑该臣看得 大明会典一款凡军民人等过山海居庸等关公文俱于后府挂号验放又一款凡居庸等关口本府每季奉差舍人二名轮流守把按季更替令甲炳若日星今法纪荡然军民人等或借各衙门批文或假借势力来往视若通衢至若各缴到人员车轮等项每年约计数万本府挂号仅止三千是验放皆为虚文而会典且成故事矣乞敕府部衙门通行各关各口一体严禁 上曰这所奏系边防要务著该部看议来说兵部覆

< 〇〇〇 铨-金 >请于居庸紫荆倒马山海等关口申明禁例今后各官亲诣本关加意严查经过军民人等丈引在内必繇后府挂号在外必繇抚按兵巡衙门挂号验放数目册报抚按转咨本部稽查山海关管关主事径自册报本部查考随移该府比对挂号名数

互相觉察毋得滥准挂号及分外留难各关盘获私越关津依律究处 上命依议行

○通山王府宗室溢鉞以杀子妇为河南按臣张至发所参诏付法司

○赠原任南京大理寺卿刘士忠为工部右侍郎

○乙未户部覆巡按直隶御史过庭训< 〇〇〇 铨-金 >称畿辅旱灾异常饥民乱形已见议将通州三河县全征折色宝坻密云二县准折十分之七平谷县本折中半俱每石折银五钱五分既经会议妥当府准炤行永平府属议停驿传待支及未蠲赋役册内车辆等银查系该府支用钱粮应停应蠲该府自酌缓急与各属应纳边镇米豆草束或本或折各从其便永平卫等屯余据称被灾与州县相同议蠲四十一年以前逋欠查银钱粮数几万余似难悉免合将三十八年以前的系小民拖欠者俯准蠲免三十九年以后仍令下年带徵解完 上曰畿辅灾伤重大悯恤宜先这所奏蠲折停缓等项俱依拟行务便德泽及民称朕軫念穷黎至意

○宁夏巡抚杨应聘恭报冲边堡城兵马建台已完得旨下部

○丙申兵部题参延绥本年闰八月内套虏犯高家大柏油等堡副将孙弘谟以轻率中伏竟甘向虏庭求活丧师损节游击万化孚等环眈不救以致覆没至于波罗一战总兵官秉忠误信张榜潜出打帐虏觉截杀损众四百余仅以阵亡把总二员掩报恐难以一褫职谢责或念本官向有微捷量从宽政姑准革任回卫万化孚张榜许全伦孙庆俱应革任提问神木道副使张联奎才疏御变应调内地抚臣马从聘即坐将吏隳功当为封疆受过督臣刘敏宽合从宽议再炤虏自三十九年复款动以补赏要挟今既闯边自宜厚集四镇兵刀制其死命言款岂为长策第虏中顺逆悬殊又不妨相机笼络以孤其势惟刍粮以时我气自倍而穷边辅饷多不接济抚臣请借马价四万以济一时之急亟宜准从得旨刘敏宽免议马从聘罚俸二个月张联奎调用官秉忠革任回卫各令候代余俱依拟马价银准借四万两以济急用该镇新罹虏变地方残破士马损伤朕軫念冲边每廛西顾还行与督抚等官加意整顿讲求战守长策以防再犯以固封疆毋得视为泛常致贻后患

○丁酉宴朝鲜国陪臣遣侍郎何宗彦待 〇刑部据直隶抚按会题覆参内使沈继先希图小利听群奸指使矫旨乘传赃私满载流棍周道明等诈官伪旨骚扰驿递夹带私盐拒捕伤人诸不法状咨行彼处按臣依律议拟具奏

○戊戌工科右给事中徐绍吉劾延绥抚臣马从聘当套虏谋犯三月前久已侦闻不能料敌设计据险应援又不能收斂人畜坚壁清野只任将领率意浪战堕虏术中以致有大柏油波罗二堡之失传闻孙弘谟被围历四昼夜抚臣声援不达至其分别功罪一< 〇〇〇 铨-金 >犹列斩获而于前败支吾掩盖若非按臣龙遇奇稽查胪列莫得其真今镇臣革任矣抚臣仅夺俸两月可乎乞敕部议亟令马从聘解任或后来留之内地以全器使别推才望素著熟于边务者当任庶积玩一新而疆场大有赖矣

○调补原任江西副使金励为山东副使

○己亥刑科给事中姜性自闽差还< 毳毼-金 >陈闽事内言闽自巡抚金学曾奋三捷以应东师倭不敢窥闽独无禁通倭旨实繁今倭又收琉球矣琉球归命中国无岁不来兹钦限十年一贡以十年则衣物无所资是驱之倭也说者谓十年一贡以守明旨其他岁宜令市易海上以示羁縻贡则许入内地市则定于小埕地方此倭患之当议者闽之有转运司久矣但查闽课二万二千有奇非若淮浙长芦之有五六十万也既设一运使矣又一运同一运副一运判又佐以经历知事摩肩接踵止为此区区课额昔人谓省事不如省官曷不仿四川及广东事例政设提举此转运之当议者也 ○礼部题催皇太子妃郭氏于二十八日发引 上曰这所奏发引日期岂可一月之内重行二次又且严冻之时尔部还行与该监着另选日期来奏

○以苏杭织造内监吕贵所奏简查故监税课等项钱粮并变价银两俱著内库查收吕贵即遵前旨速往杭州织造府到任管事督织袍服待织完婚礼段正即回京复命依运限恭进不得过期所请织造敕书着工部即便发与毋得稽误

○庚子兵部条议邮规一禁借用今后除真正公差人员炤常应付其余借用勘合无科印可查批文可据者一概裁革如有恃强凌虐意在必行者许经过有司径申本处抚按具实忝治一禁借衔今后如有已授外任犹借观政旧衔发牌并传票借用夫马者不许违例应付以启幸途一禁外加今后马二匹以至十匹夫二名以至二十名率用小勘合填发十匹以上二十名以上率用大勘合填发火牌填马至多不过三匹不许填夫右炤数填给之外有多索一马一夫及擅用浮票并朱笔外加者不论是何衙门一概不许应付一禁浮号近日公差藉口兵科乏人率用浮票号票赴部告换则勘合之真假恶自而知之哉自今以后查系真正公差应与挂号者径于勘合空白处印给其余借用者不许徇情挂号一禁需索今后奉差官员用饭外不许复索廩给丝毫用夫马外不许复索常例分文如违许该驿具实登报循环本处抚按指名查参一二以儆其余 ○礼部覆福建巡按李凌云题磨勘乡场朱墨二卷有新中举人傅元初试卷扯落一叶查无别弊姑从罚科知县钟世芳磨对偶失亦应量罚得旨傅元初停罚一科钟世芳罚俸二个月

○南京河南道御史郭一鶚等简举南场试录内臣等监试列名在同考中行等官之前实炤前科旧试缘前科监试御史与同考官有相临之体已经题知后又具题改正未见咨行臣等委系不知惟 圣明鉴臣诖误俯容简举 上宥之

○东厂奏访获积年兜揽内库硝黄用盐插合假硝侵克官银棍徒曹焕等宜通行拿问以儆误国之奸内官赵斋职司管库心切营私一千两白金入手二十万假硝进库乞敕司礼监提问以正典守通同之罪得旨赵斋司礼监拏究曹焕等都着锦衣卫拏问镇抚司打问

○诏礼部内库缺乏钦赐肃王银三百两着太仆寺给与

○辛丑周府会稽王府奉国将军朝綽赉本繇宣武门进入于是通政司参其违例

越关奏事诏下礼部

○壬寅礼部题纳贡之夫臣部曾具〈□ 疏-金〉言状曾几何时旋营开复夫以次升者为岁贡以不次升者为选贡恩例偶行者为恩贡三者几与甲科埒未闻有以货进者自纳贡例行而正途益混以至援例输粟明是听选监生乃通状告纳数十金或百余金而忽改准贡之名目俱曰科举几次食廩几年本部曾无只字之闻天下有贡生而不从礼部出者乎是宜断在不行者至若在京告纳监儒先取同乡印结暂送入监必原籍查回乃准实历今新例正途京官子弟随任概行免查以为正途必知自爱亲子必无假托然而法者天下之所共不容以京官独废以正途独宽至于生员厕于黉宫隶于督学既不核实申送又不诏会除名恐纷纷从此滋冒窃以为行查终不可罢也方今法纪陵替私揭盛行即纳贡一事近者条议删削而无数粟监三五成群望门投揭挠乱成宪巧饬乞怜国是何繇而定哉乞敕吏户工三部应止应行更定确守尤于奔兢私揭厉禁严惩士风幸甚 上曰这纳贡行查二事应革应遵者俱依拟着实行以清仕途以后有投递私揭挠乱政体者严行参处

明神宗显皇帝实录卷之五百四十

万历四十三年十二月癸卯朔谕内阁朕览文书见卿等所奏具见忠君为国之意所请诸事朕面谕已明白知道了前者朕恭诣 圣母几筵前行礼毕召百官于宫门外朕与卿等正议国事卿等奏请皇太子讲学皇孙就传朕传待禫服后次第举行卿等方承谕奏对乃忽有刘光复突出搀越直前狂叫惊震 神御又在朕前无人臣礼此时百官目睹耳闻彼奉旨拏下卿等叩请多官所见且卿等每有国政无不输忠效诚具揭陈奏虽有中旨皆朕亲裁独断翟凤翀这厮輒敢狂肆逞臆党救朋类卖直沽名好生可恶本当重治姑且不究卿等不必以浮言介怀宜安心辅理以副眷倚至意不得再有所陈特谕卿等知之于是大学士方从哲吴道南〈□ 疏-金〉谢且言 圣母固云凡有国政无不具揭陈奏顾陈奏在臣等而听从在 皇上必陈即听奏即从而后臣等之辅理为不虚于 皇上之眷倚为无负此臣所为惓惓切望于我 皇上者也

○吏科右给事中韩元祐等言我朝马政自太仆掌管之外于近郊周围百余里内设立马房皆有仓场储蓄草料而统属于御马监承平日久耗蠹日增嘉靖时清查拣退不堪者变卖今臣等查点非瘦损则矮小即以应拣退变易者聊且充数亦止得二千二百五十有奇乃用料至二万五千余石用草至八十二万余束夫户部有监督矣主收亦当主放而掌贴内官设之何为军人司喂養矣自支亦可自买而贸易商人苦之人何为至于御马监所蓄之马多寡弩良益不可知每年草料用银至十五万六千五百余两议者每搯拏于養马之无寔金钱之多耗欲并仓场等制而尽废之乃臣等巡历自坝大马房而东又折而北棋布星列且有城垣者五六处总之拥卫神京备御缓急则又 祖宗长虑乞 皇上收回内使尽罢口人严敕清查如嘉靖时所行故事务令钱粮不虚而马政有济其诸城垣之倾圯者即捐内输子粒银修补以固我牧圉未必非桑土之绸繆也

不报

○甲辰以雪泽愆期命顺天府竭诚祈祷

○丙午 慈孝献皇后忌辰

奉先殿行祭礼

○大学士方从哲吴道南言数日以来政事日壅书奏日积臣等莫知所以为计因念我 皇上英明天纵事无大小无不出 亲裁夫总览美名也独断盛节也臣等岂不为 皇上愿之但使吏部推一官而 皇上即赐点用诸司奏一事而 皇上即赐批行则威福推辟权不下移 主势自尊人心自服臣下方将顺奉承之不暇何乐有言惟 皇上不肯即用即行臣等不得不补牍以请至于请之频 皇上又以为烦聒为激扰甚且以为市恩沽名于是持之愈坚悉从寝阁其所误者诸臣之事乎抑 皇上之事乎臣等经年累月请点大僚补科道起废官近日又请用都御史请用兵科河南道请点巡按各差连篇累牍臣等亦自厌其烦矣而一言不效一事未行溺职旷官惭愧欲死今亦不敢一一陈以渎 天听特举用人行政本原受病之处请 皇上深思而熟计之

○丁未大学士方从哲吴道南言适文书官金忠传 圣谕问奉差织造内官吕贵敕书何以未发臣等暂对以工部手本未到无凭撰敕在工部或以工科署印无人前本未曾发抄是以未行手本该臣等复思吕贵奉差一事自浙直抚按以及该部科道诸臣无一人不言其当停 皇上似不宜听纪光先一人之言而拂举朝之公论倘众人皆以为不可而该部遽为请敕臣等遽为撰敕于将顺之义得矣将来貽害地方酿东南无穷之祸谁任其咎也

○命成安伯郭祚久承袭祖爵

○升太仆寺少卿李燎为光禄寺卿

○授熊明遇为兵科给事中署掌印务以湖广道御史耿鸣雷管河南道事

○予辽东总兵官左军都督府都督同知张臣祭葬

○辛亥山西巡抚吴仁度题山西左布政使韩策以被参请告回籍拟将右布政使马拯代覲

○升鸿胪寺右少卿张廓为左少卿 ○两浙巡盐御史杨鹤苏松巡按御史薛贞俱已差满奉旨差回道管事

○壬子巡视太仓银库刑科给事中姜性等条议清帑内称制钱鼓铸宜广先年科臣郝敬< 錡-金 >请修举钱法每银一钱除工费外净铸钱七十一文炤成议以五十文支用则余钱二十一文值银四分如炤银七钱三兼支则岁出百十万可增银四十万两此自然之利也方今财赋匱极何惮而不行乎但铸钱必须用铜而召商买铜每为奸棍侵欺何益莫若金报在京土著殷实人户户部给与批劄令其垫本前往产铜处所收买黄铜赴两淮运司查验如有实在铜万斤者给与盐课银八百两余二百两候到京镕净补给该司所验铜斤即着督运官押同本商解京交纳必铜随课到方准扣算如已

领课银而铜不到者本官查参该商拿究此外有京师富商外省富民自备费本愿充商役买铜者亦许告明户部给与批割炤前运纳庶铜斤充足开铸不停而国家坐享金钱之利矣其铺户炉头冒滥多弊则宜扣所铸之钱为铸钱之工料上下俱便若三十八年工部华主事之条陈可采也

○先是 上以钦天监所择 皇太子妃郭氏发引日期因一月内重行不便该监复以四十四年二月十三日请 上又以明年方向不利还着改于今年十二月内行于是钦天监择四十三年十二月十四日发引二十五日安葬 上是之

○湖广巡抚梁见孟 < 〇〇〇 毓一金 > 言岷王德寿兼隆请炤例旌表诏下礼部

○准总督宣大兵部尚书涂宗浚回籍调理病痊奏荐起用 〇南京工部侍郎李得阳卒得阳嘉靖四十四年进士繇知县历部郎知府至布政使升右佥都御史巡抚湖广请告回籍起南京工部侍郎卒于官所着有理学臆言义仓漫语古今一览难字备弓口父桐川野史谈齐集帖等书卒之日棺衾无所倚办礼部覆请 上命予一祭全葬

○甲寅以应天巡抚王应麟有织监凭奸移转江南之奏降旨切责曰苏杭织造上用龙袍等项差遣内官督理原系累朝旧规且屡有明旨织完婚礼袍段吕贵随即运回京复命如何该部与抚按等官輒敢恣肆抗违不遵姑不究关防即便给与敕书着该部速移手本撰写与他不得再来渎扰吕贵着就彼到任上紧督织依限进来且内外各官俱属王臣岂得违旨稽阻偏执

○户部奏遵旧例严责成以足国储请自万历三十九年以后未完钱粮应炤新例其各项文册悉炤旧式另造简明除已完者不开外备列某府某州某县官未完见征带征若干若干同册投部总发本司汇收以便据揭查明一炤未完事件类稿题参覲期在迩合应申饬 上曰近来钱粮匱拙边饷不支皆繇各有司官征解不时逋负日多国储何赖这查参等事依拟着实举行不许仍前违误

○命将东厂缉获强贼郝子学等着锦衣卫送镇抚司刑讯知情内官李胤李朝用等着司礼监严提究问

○以 恭靖端毅温惠皇太子妃郭氏发引诏工部填垫道路锦衣卫拨给摆路围宿坐更官旗三百名并用巡逻巡捕官

○陕西总督刘敏宽引病求罢不允

○云南总兵沐昌祚恳辞镇守 上曰留之命其尽心任事以奠遐荒 〇周府会稽王府奉国将军朝纬奏参鱼口亟充举人刘师宠白昼强掳宗女奉旨这所奏事情重大着部院看议来说

○乙卯谕礼部朕览皇太子妃郭氏仪注内开发引之日皇长孙步送至京城外路祭毕还宫皇长孙尚在幼年远送不便着遣本宫官代行

○以祈雪有应遣官祭谢 郊坛

○丙辰 世宗肃皇帝忌辰 奉先殿行祭礼遣官祭 永陵

○以工部不移文催撰吕贵督织敕书降旨切责堂上官姑免究该司官着罚俸二个月

○戊午大学士吴道南以子丧抱病给假 上曰览奏知有卿子之变朕心惻然准暂给调理数日正旦在迩卿宜速出入阁辅理慎勿再陈 ○升真定知府周光燮为山东青州道副使青州知府王之燊为登州道副使

○以皇太子妃郭氏二十五日安葬遣礼部左侍郎何宗彦题主工部右侍郎林如楚谢土

○调补原任河南左布政使赵彦为山西左布政使

○诏法司将司礼监问过窝藏强贼内犯李胤李朝用等通提依律拟罪具奏

○己未命乔凡升署掌顺天府印

○庚申立春顺天府进春百官庆贺

○是日以立春令节颁赐二辅臣上尊珍馐

○礼部题参假印奸人王惠将儒士马应聘事例银三百九十两包揽上纳仍将印信完状付讫及户部咨文到部送司比对印画模糊随发铸印局办验果系假印 上命法司鞫之 ○诏兵部军职大选日期改于正月十七日行

○下兵马欧之相于法司时九门太监冉登奏奸棍聚欧官军 上以欧之相有地方之责不能禁戢乃敢受贿行私故诘责之仍命郭从忠等都着锦衣卫拏送镇抚司打问所拾棚铺尽行拆毁

○癸亥以赵拱极为南京光禄寺少卿金忠士为陕西右布政使

○甲子兵科署科事给事中焦明遇言臣遵例于本月十二日诣大教场会同司礼监奉御等官杨大朝等比试官舍一百七十八员名逐一较阅马步等箭次日仍诣中军都督府再试其文该臣公同选取一等三十五员名宜优录二等四十二员名宜收录以需后用三等九十九员名例得承袭准支全俸其比试不中者例给半俸臣又看得会典所载试而后官未闻官而后试也十月已选官舍未经比试当时又未题明原其端委不过矜念贫弁守候之苦屡请科臣未下辄权宜竣事而不知其戾于制也比试则有去取官已铨选去取安置乞 明旨申飭府部念已选之官无可去取姑从免比听其领凭到卫如欲比试当补请乞于献岁钦定一日试毕题知免其去取惟 皇上裁择施行

上曰武职比试当请旨奉行如何不题明乃未比先选诚为不妥今次姑免比试以后俱题奏明白行

○陕西巡抚李楠山西巡抚吴仁度各以病辞不允

○乙丑大学士方从哲等言先该题奉钦依每年终将讲过经书讲章类写进呈备览已经节次进讫今查撰进讲章谨将通鉴纂要赵宋初年四本类写装潢进呈乞 皇上于万几之暇时加观览以求温故知新之益 ○兵部覆山东巡按翟凤翀勘过万历四十年四月内虏犯平虏堡该管静远堡地方官军拒堵血战又四十一年三月内大

雅纯粹平正通达一一合先民典刑者始收否则虽才情可艳不录最怪僻者贴出示戒甚则仍议罚科其限字以五百为率揭晓后本部会同礼科细阅一申约束试日只许肉菓少许皆手执以便掺筒如仍前携筐挟具者不准入场哗嚷不遵者记名贴出至于布帘尤属弊端听监试提调临期裁撤一议誊录誊录生多州县雇觅积棍顶名代替往时割卷诸弊大率繇此今宜为区分砖垒一如号舍之法每号二十舍每舍只容二人号口置一总门点门驱入即行封锁昼夜寝处其中前后不得相通号口一人专管分卷收卷记号传餐誊完逐号逐名放出一议进题三场点名出题皆关防吃紧之时今议堂上官于朝房等候仪制司官于场前等候俟点名既毕内帘传出进 上题纸监试提调各一员赉捧出至大门内立仪制司官于大门外立靛面明文郎将场门封闭司官捧至朝房随堂上官大约于卯辰二时入朝进题似为妥便一议增额会试中式类以三百名为额今海内人文日盛各省增额已蒙俞允乡会一体不宜盈缩况今山东山西河南诸处皆有题请甲科为县令之< 〇〇〇 毓-金 >似当议增以济时需合无以三百二十人为定额至于房考诸臣翰林科部皆有定员惟本部无之似为缺典况乡试已复旧遣会试不宜独遣合无增设本部司官一房充同考试官以便分阅 上曰这所奏申饰文禁诸款深于场屋有裨着通行遵守其增额二十名及添本部同考官一员俱依拟

○后府掌府事英国公张惟贤等遵例自陈 上命炤旧掌管 ○己巳是时上以大学士吴道南暂假调理遣御前牌子于朝用赉赐鲜猪一口鲜羊一腔白米二石酒十瓶甜酱瓜茄一坛道南具< 〇〇〇 毓-金 >恭谢

○户部奉旨覆请将太仆寺马价银暂借一十六万两再发临清仓分赉米六万石又平粟米六万石炤例差宪臣一员前去会同抚按设法赉救 上是其议命炤金十六万两并分赉米六万石平粟米六万石俱着作速给发便着御史一员领敕上紧前去会同该抚按设法赉济朝廷轸恤东土德意甚殷差去官与地方官都要殚心任事多方处置务使实惠遍于穷民事完将经管各官分别举劾以昭劝惩不许潦草塞责 河南巡按张至发参奏沈丘王府宗室朝火口云打死监守人役诏下法司 以户部奏边饷缺乏事例应否嗇用命与工部会同酌议停当来说前欠银著即补还米箠者便查箠明白以充军饷 尚宝司参金吾衙千户陈松等守卫疏玩 上曰门禁重地守卫宜严近来奸究肆行尤曾比口火慎且本司领牌画守原系旧规各官玩视不遵殊非法纪陈松等著法司分别罚治以后著该部严行冻选毋以老疾荒数仍令加意讯防常川巡警违者不时参处其管理直宿各官都照会典行不许仍前怠玩 吏部言察期正有五旧请将见今署院侍郎会推刑部尚书受志准赐升用仍署都察院事其原推土口中郭实二员及候推副都御史并乞俞允不择 辛未岁暮飨 太庙遣侯吴汝胤驸马万炜代 以明日正旦遣侯薛濂等伯刘天锡等恭诣 景陵各行礼又遣伯张庆臻祭恭仁康定景皇帝指挥同知许浚祥祭 哀冲 庄敬二太子 是日大学士吴道南言恭遇元旦令节礼当庆贺臣方在给假未敢僭在朝廷诸臣于午门前大班行礼惟念备员辅弼受恩

任乃与废弃伍恐言路益轻奸邪益肆 皇上之纪纲孰与守乎 上疑汉种应登自认一族为同类夺懋孳俸半年御史李养志言前者内监冉登止以拆毁席棚参兵马殿相之等即蒙 严旨逮付法司今应登擅入禁地欧伤御史乃以互讦并议非法之平也 上以为党比夺俸一年阁臣上言行凶之废弃未见处分执法之言臣先蒙谴责于国体不无少伤当先提问以正其辜再会勘以核其实不听

○庚辰大学士方从哲吴道南言皇太子辍讲已十二年矣臣等恳请出讲力殫词穷顷 圣谕云 皇太子讲学 皇孙就傅待禫服后举行今二月初吉即 圣母大祥之期乞令 皇太子日就讲筵以信诏旨不报 ○礼部奏会试同考诸臣翰林科部皆有定员惟本部无之请增本部司官一员充同考试从之

○礼科给事中余懋孳等言房考之设以试卷之多寡为增减自万历癸未以前会试止十七房诗经五易书各四春秋礼记各二自癸未以易卷多遵省书之一以增易房仍十七此分经之定额也十七房用翰林十一人六科三人六部三人此衙门之定额也至丙戌书卷复多而易不可裁于是增 十八以翰林充是翰林增一人矣今议再增一人以礼部充是六部亦增一人矣六科可独缺乎且如增诗而不增易事有劳逸阅有详略士子宁贴服也 上下部议覆

○以畿南六郡灾命蠲存留缓带徵给平糶米五万石赈之从户部覆御史过庭训之请也

○壬午 孝恪皇后忌辰 奉先殿行祭礼遣官祭 永陵

○癸未辅臣再请点用按差及漕粮僦运官且云运艘北上必经山东地方兹当饥民啸聚之时非藉御史预为弹掇阻截之虞犹可寒心不报

○盗窃万寿宫大殿铜瓦金钉诸物获之有旨下法司拟罪仍责向来守卫官军疏纵核实以闻

○甲申升山西副使南居益为本省参政

○巡视京营礼科给事中姚永济以营备甚虚请议短操凡春秋操每值上五日为一头班自一营至五营赴操下五日为一班自六营至十营赴操若歇操后每日仍轮一营赴操名为短操频年以来猾者不至至者不久营伍虚弱职此之繇乞择德胜安定门闲敞地造号房五百间每散操后暂留半日至明辰之军既至今日之军始还又当量益糴刍严防代替其加饷造房之费可于折放免班中取之先年军粮岁折两月每石五钱积二十万石余银四万两矣免班军五分之一以所解数扣用又可得二万两矣如此则损益不劳上下两便技艺便习号令易传猝有警闻朝呼夕应不报

○乙酉兵科给事中熊明遇言驿传之设或使臣衔命而赋皇华或边郡持赤白囊发奔命书或四夷缙译而贡共球或京朝官赋事于外或监司载见于京会典胪列勿敢奸也先臣有官九列而一介行李不以累邮卒何近日滥觞之无等也一都通显仆从如云供帐赋马百姓骚动驿官穷于鞍挾有阖门自缢者柰何不为之厘正乎因条十款以

上从之

○丁亥月食

○升广东佥事张邦翼为四川参议四川副使张之厚为陕西参政

○戊子 英宗睿皇帝忌辰 奉先殿行祭礼遣官祭 裕陵 ○辅臣言庶吉士散馆臣等于去年九月间考试今经将半年矣而授官之本未蒙批发再四补续停阁如故说者谓诸臣之中有拟授科道数人 皇上因此迟留臣窃谓不然目今台省员缺甚多其候补及考选诸臣尚冀俞旨旦夕且下乃独介介于此数人不完馆选之局乎谨铨注翰林编修简讨姜逢元等十二员量除科道暴谦贞等五员填名上请不报

○兵科给事中熊明遇以军政纠拾劾奏左府佥书成国公朱纯臣右都督李如楨辽东总兵王木口芮蓟州总兵张国柱福建总兵施德政等

○以忻城伯赵世新为京营戎政总督改宁夏总兵杜文焕为延绥总兵升大同副总兵张万邦为山西总兵

○除举人刘琛张世伟名朱良材罚科考官王象春曹燿降调以科场有指摘也

○以翰林院编修唐大章成基命简讨魏广微补起居注

○壬辰南京都察院右都御史蔡应科奏近来诸臣言事 皇上每不见听纳反加切责是 皇上有疑于诸臣也臣谓欲释此疑甚易耳 皇上第观事之行止若有多官相继上言或一衙公疏或各衙门合疏是其心之无可疑而其疏之必当从也亦明矣言说则意必忠议同则谋无私如近者 皇太子之讲学 皇长孙之就傅税珣之罢免内帑之给发科道之允补诸臣单疏合疏言之言之不已 皇上亦何疑而终不听哉不报

○巡抚浙江佥都御史刘一焜奏奸民纪光先当内监刘成物故时侵匿帑银四万余两其保举吕贵非谓织造计为赃私计也乞正法以快公愤不报

○敕谕天下朝覲官回任供职 ○遣御史过庭训往赈山东济民时山东饥甚人相食 上以饥民数多赈济难遍且抢掠四起大乱可虞命户兵二部会议借太仆寺马价银数万两临清仓米六万石设法给济兵部侍郎疑数之一字欲覆请而东人官辇下者合牒趣之言若待覆请穷民且尽既有破格区处之旨非数十万不可于是户部请发帑金十六万两及分赈米六万石平糶米六万石 上从之遣御史董其事仍敕速行以慰东人仰望之心

○兵科给事中熊明遇言国家漕运江南四百万寄径于山东漕河一线而滇池天表又寄径于贵州官道一线譬诸人身京师颅也山东喉也贵州尻也此其要害何如今东省流亡满路盗贼蜂起长吏振救不如法禽制复不如法而不肖有司且割剥遗黎以润私橐万一有草泽之雄乘馁鼓煽塞济宁之津据廩仓之粟如人喉味一哽百窍立枯臣不知东南转输从何起运幸 圣衷明见万里专官往赈主者宜以汲内史之意自取机便差去赈臣于该省墨吏宜不时弹劾其清循任事之吏亦不时奖异至盗贼课亦不必作一切沉命之法大都十一为暴胜之十九为龚遂尹铎可也贵州荒僻之区兼多反

覆近苗仲剽盗如云管艾职官燔烧村堡口旅之涂几塞而监司强半挂绶藩臬两署几空吏三年无俸军五岁无粮将终置此遐方度外乎夫六诏西南大都会也此道不通万一有庄躄赵佗窃据其间岂所以大一统乎乞敕兵部借发马价六万两户部区处四万两即日解发其抚臣张鹤鸣所请增兵增饷诸议不妨从长处置川湖协济改入京运如各边考成通例庶几口济不报

○御史翟凤翀上言宦官三事其一为吕贵之领织造其一为冉登之参欧相之其一为凌应登之噬凌汉翀而结内竖邢洪复为之援且言 陛下一切政令大臣造膝无从小臣叩阍无路其当前而善逢者皆宦寺也窃见近日旨不繇票拟法有偏重轻似开群小假借之端而启太阿倒持之渐 上以凤翀附和同类欲阻并勘调外任阁臣并科道韩光祜彭端吾等各上疏切谏不听

○丙申 孝静毅皇后忌辰 奉先殿行祭礼遣官祭 康陵

○丁酉辅臣言吕贵之以提督织造留也不出 圣意而出于纪光先之保举其保举也上疏不繇通政司票拟不繇臣内阁中旨乍出通国皆惊以么<麻骨>鼠辈而操朝廷钦遣之权岂可令众庶见也及奉旨之后抚按言之不听该部科道诸臣言之不听臣等言之不听合举朝之公论不能杜宵小之邪谋光先之罪可胜诛哉今贵已留矣敕将给矣臣等徒持空言自知无益但愿 皇上敕下省直抚按诸臣将纪光先等严鞫重究明正其诬朝廷乱政体之罪仍严谕吕贵小心奉公勿任群小以恣搏噬犹可存国体于万一耳不报

○吏部上卓异官员沈傲炆等二十二人

○巡抚贵州金都御史张鹤鸣奏红苗为患蹂躪三省若四川酉阳石耶平茶邑梅四司受祸尤酷今四司不胜义愤会兵剿贼而兵力寡弱旋致挫折又湖广永顺宣慰彭元锦保靖宣慰彭象乾阴纵湖苗越河助贼故贼势益张四司本隶川省因距成都遥远一切事机不报于蜀惟近恳于黔臣以兼制土司诚不敢秦越异视但乞 皇上敕楚蜀二抚徵兵助饷并行楚抚严责永保二司令其平苗自赎务其扑灭以安封疆兵部覆请得旨依拟行

○戊戌陕西洮州天鼓鸣

○己亥 上发吕贵敕稿至阁中有御笔增入浙直盐法税务令其徵收解进等语辅臣言自刘成物故已经一年徵解之事尽归有司百姓帖然相安久矣一旦属贵恐其兼摄愈多播恶愈广虽欲悔之其可及哉伏望 皇上将盐法税务等语俯赐删削 上是之即命删去

○升国子监祭酒刘一燝为詹事府少詹事纂修 玉牒

○礼科给事中亓诗教言国家重台谏之官因设有考选之例每年一举或间岁一行自戊戌以来取不以时考不以时而命下复不以时主铨者不得已始有入覲题留之请而癸丑即仿而行之所谓近例也顷丙辰又属入覲之期外以岁事来者若而人内以

需次待者若而人窃谓宜敕吏部仍如癸丑故事查将内外及期中行推知等官一并题留通行咨访既定则从而严加甄别甄别既明则从而酌拟选授明白具题而次第行焉庶一举而铨政通人情顺行取之法犹少存什一于千百乎不报

○庚子总督蓟辽兵部右侍郎兼佥都御史薛三才奏蓟门将领偷玩已久加赏啖虏苟幸无事即赶免一枝原系西虏万历初年毫未有赏自后袭杀长男并其部落日要月挟渐以加增合白马黑谷二关之赏遂至六十余金大半取给采办实其克扣军资也臣严为设禁加赏之罪与失律同科亦妄意蓟门天险足凭高瞰下礮弩齐发虏未有不鼠窜者不谓懦将恃险不戒致有疏虞臣实主督罪将安逃臣自度才力不任抑且羸病难支乞容休致别简贤能以代臣职 上以蓟门多虏警不报

○辛丑巡抚延绥佥都御史马从聘以言乞休疏凡四上且欲移疾境上候命 上曰抚臣身任冲边岂得径去不允辞

○礼部左侍郎何宗彦覆奏会场要务内言各省乡试取中不满百人犹有十四五房分闈会试取数已逾五倍而分考不及二十人繙闈未详宜从科臣请增易一房则词臣十二人科部各四人非特人数适平亦且分闈较易 上从之于是同考始为二十房

○礼部奏凡加封王妃不给册命冠服载在要例遵行已久乃崇王屡引庄王妃寿氏为请据寿氏得封继妃原与世子加封不同况既云特恩又可援之为例乎破格循情非臣部所敢擅拟也有旨钟氏给与册命冠服后不为例 ○南京工部尚书林炆卒照例于祭葬

明神宗显皇帝实录卷之五百四十一

大明神宗显皇帝实录卷之五百四十二

万历四十四年二月壬寅朔南京河南道御史郭一鹏等以考察武职拾遗劾奏广西总兵马如锦临巩总兵杨桂宣府总兵卢居智固原总兵吴继祖贵州总兵邓钟等各不职伏乞区别处分从之

○获假官任之熙下法司议罪之熙宜兴人业相人术不得意妄市锦衣卫服章自诡奉差指挥事竣复命詠胥役自随乘传多所徵索既入都复惧入疑之遂报名朝参乘輿谒客俨然不疑锦衣官迹之得其状 上命法司严治之

○准徐饥 上曰省直饥民数多朕心悯恻见贮溢税并正项银俱准动支煮粥赈济于是户部覆请行淮安府将库贮四十二年分四税溢额银八千两俱委官易粟发淮徐所属地方煮粥以贍饥民 ○甲辰祭 三皇遣礼部侍郎何宗彦行礼

○兵部覆原任武靖营游击张昌胤行辽东巡按御史提问左翼营刘国祯革任回卫以其剥军怠事也

○顺天府府尹李长庚浙江右布政王在晋等以覲事毕合疏请释御史刘光复宥翟凤翀不报

○乙巳协理京营戎政兵部尚书黄嘉善疏辞新命 上不许

○南京给事中黄建中等以军政拾遗劾四川总兵刘綎宣府总兵卢居智广西总兵马如锦南京左军都督府安乡伯张世恩陕西副总兵吴继祖辽东副总兵李光荣后军都督府佾书萧如玉临巩总兵杨桂贵州总兵邓忠各职守有玷乞分别议处从之

○南京 奉先殿落成遣官祭告 上以祝文先尚书次侯诰问中书阁臣上言万历三十一年内有旨云捧神主并祭告遣南京工部尚书守备勋臣内臣各行礼先部堂而后勋臣自三十一年已然矣此近例可循非创为也

○福建道御史梁州彦上言国无重臣则主危左右太亲则身蔽今大僚如向曙之星逐臣等辞条之叶补有下有不下是不欲旧言官之入也考选已压三咨而一概束阁是不欲新言官之入也夫有罪不赦有缺不补 祖宗朝所以裁抑貂珥者柰何试之于朝绅乎 皇上诚能召阁部大臣面商几务科道轮直对伏驳弹在廷议论惟患其少耳一事一疏可了一官一推即用虽趣之使言更于何处关说故补牒大烦殿争益力皆皇上之不断为之也事因争而愈左旨频降而转哗又皇上之独断为之也于诸臣何尤焉伏愿御朝讲停内降无遍抑言官而代北司之报复无恻惜补授而甚言路之萧条
< 銚-金 > 入夺俸半年

○丁未祭 先师孔子遣礼部侍郎何宗彦行礼

○以礼部尚书兼东阁大学士吴道南礼部尚书兼翰林院学士掌詹事府事刘楚先充会试主考

○[文苑] 山东青州举人张其猷上所绘东人大饥指掌图且各为诗咏之有母食死儿妻割死夫之语见者酸鼻

○兵部覆京营副将张学省等边将王威等俱留用供职刘綎卢居智革任回卫从之

○戊申祭 社稷遣公张惟贤恭代 ○升光禄寺少卿徐应聘为太仆寺少卿四川按察使陈大道为本省右布政山西右布政马拯为贵州左布政

○河南饥户部请留税银四万二千余两余谷赈之

○吏部尚书郑继之自陈年八十有二以老疾乞休 上不允

○巡抚山东佾都御史钱士完再疏引疾阁臣亦言料理荒政非病臣所宜许之

○礼部左侍郎何宗彦奏磨勘试卷摘参举人之违式失体者吴炳真草不同应行严勘冯洪业等文字谬误宜停一科而对读及考官亦宜议罚然主考总裁也分任全在房考得其人则真才自收否则以非才为才且缪为批点以祈必录稍加裁正或反唇而相讥则以主考有主宾之情无相临之体也今后慎选分考其执拗者主考不得轻徇或骄蹇恣肆许主考于复命日备陈始末以听科部查参得旨依议

○总督陕西三边军务刘敏宽奏沙计诸酋议从双山建安入犯有降夷泄也总兵官秉忠等设伏相机随处追剿斩首二百二十余颗 上下其章于兵部

○庚戌 孝定皇后忌辰 奉先殿行祭礼遣官祭 昭陵

○辛亥 孝贞纯皇后忌辰 奉先殿行祭礼遣官祭 茂陵

○以总兵官萧如薰镇守宁夏王宣镇守保定麻镇镇守广东

○甲寅以松虜入甘州治失事将官总兵李鸣凤等革任陈一魁等行巡按御史提
问从督臣刘敏宽之请也

○陕西总督刘敏宽再< 〇〇〇 〇〇〇 〇〇〇 >乞休不允 〇予原任南京右都御史沉
子木祭葬

○刑科给事中郭尚宾言人主亲裁宜审言官显诤非私自前月以来中旨屡降言
路日推票拟不繇阁臣且以为详览裁处矣持论稍涉同类且以为党同附和矣将使大
臣不肯尽言小臣不敢抗言天下事尚可为哉乞 皇上悟内降非盛世之风无以亲裁
为无害鉴抗言非党同之念勿以苛督为无伤诏旨必繇阁拟一有内降阁臣得以封还
敷奏务令尽言即有切直勿为讳忌有旨郭尚宾明为余懋孳等解球实为凌汉翀窥探
使阁臣封还内降欲朕为何如主姑降三级调外任阁臣疏言臣等既失票拟之职又以
臣等失职之故貽累言者乞矜宥之不报

○召刑部官于会极门内监王体乾传 圣谕诘责勘问凌汉翀等稽迟之故

○丙辰祭 历代帝王遣侯吴汝胤行礼 〇起原任刑部尚书沈应文为南京
吏部尚书

○丁巳总督蓟辽兵部右侍郎兼金都御史薛三才以考绩加升都察院右都御史
疏辞新命不允

○戊午会勘凌汉翀凌应登事阁臣方从哲刑部尚书李志等疏言汉翀赃私无据
然与应登互认一族自取讦毆宜责令解任回籍以为交游不慎者之戒应登挟诈多人
复于朝会之日手击御史蹠血禁门此其无 君无法之大者乞行法司究问如律有旨
凌汉翀照不谨例冠带闲住凌应登姑免死发云南澜沧卫充军

○升大理寺少卿姚思仁为应天府府尹陕西副使周懋相为本省参政

○山东左布政孙承荣引疾乞休许之

○宣府巡抚汪道亨言宁镇军饷全藉京民二运除京运于各省直相继转输外惟
山东民运每岁二十七万八千九百有奇较之他省不啻倍之闻彼中荒旱输解愆期而
宣镇缺饷已逾五月穷边困敝举手无策如欲索之东民则旧胥未减新沴复滋救跛成
痿辗转增剧乞敕户部九卿廷议通将山东四十二年四十三年见徵未完民运五十一
万四千二百余两亟行酌处或于别项那移暂借发边不报

○户部覆巡漕御史朱阶疏漕务二事一曰查复剥船先年河西务钞关额设剥船
八百只土石二坝额设四百余只今旧船既属朽坏新者又复不堪影占虚冒情弊尤多
宜逐一严核应修补者修补应金选者金选务足原额以候新运一曰优恤军旗军旗挽
输苦役应领粮糈有几而内外朘削莫可穷诘宜严加申饬务洗夙弊至增设< 〇〇〇
> 纜银两原拟卒有不虞以备添< 〇〇〇 > 募夫之值乃军旗未沾实惠卫官恣意侵

题出挟本誊写间有不备者鸣阳代为之遂得第一而鸣阳亦在第六于是士论哗然矣

○改礼部右侍郎史继阶为吏部右侍郎

○己巳免顺天府属过路落地二税以府尹李长庚言州县叠罹灾伤民困殆甚阁臣复代为请遂从之

○起原任太仆寺少卿徐光魁为太仆寺卿 ○赠光禄寺卿丘度为户部右侍郎荫一子入监读书

○庚午大学士方从哲以清明节乞假展墓 上予假二日驰驿出郭祭扫

○命福建道御史杨州鹤巡按四川浙江道御史周师旦巡按宣大江西道御史薛贞巡视山海广西道御史韩浚巡视京营

○升河南参政汪尚谊为广西按察使山东副使袁应泰为辽东兵备参政

○灵藏赞善王遣使臣坚参藏卜等二十名进贡

大明神宗显皇帝实录卷之五百四十三

万历四十四年三月辛未朔 孝肃皇后忌辰 奉先殿行祭礼遣官祭 裕陵

○逮原任电白知县周玄暉下狱玄暉直隶昆山人罢官家居雄于货而好讥议所著泾林续纪牵涉时事凡官司之莅其土者率加诟讪即事干宫禁亦书之会与邑令忤乡人乘之冀快夙愤以诽诬朝廷讼之者数百人应天巡抚王应麟提督直隶学政王以宁露章交劾 上以其书有宫闱事命毁其板逮系锦衣卫狱

○癸酉升贵州按察使庄茂华福建按察使黄琮山西按察使何如申为右布政茂华江西琮福建如申浙江起原任江西参政葛寅亮原任福建副使吕纯如为提学副使寅亮湖广纯如山西升云南副使郭庆年为贵州参政

○大学士吴道南礼部尚书刘楚先疏言臣等入场见今来士子背传注而侮圣经坏文体而遵异教欲得平正典雅之文以为士式不谓误收杂用旧文之沈同和谨行简举以求罢斥给事中韩光祜亦以同和其本房所取士上疏自劾 上俱原之

○西虏分犯石门路大毛山参将任自强却之

○甲戌赐二辅臣银彩等扇各三十六执

○礼科给事中姚永济御史朱阶等俱疏言沈同和目不识丁其试卷尽出怀挟及赵鸣阳之乎乞敕礼部会同科道严行覆试礼部侍郎何宗彦亦言会榜首卷訾议日烦非覆试不可 上从之

○丙子辅臣言来朝州县官其留部候考者历俸已深决无再任之理候旨未下又无假归之期转盼六月又值新科进士大选之日若应留各官尚未离任将以何缺待此多人乞将考定科道李若圭孙之益等与候补张孔教王象恒等一并允用不报

○大学士吴道南学士刘楚先各以衡又不明屡 < 疏 疏 疏 > 请罢职不允

○辅臣言辽东一镇在九边中最为冲要建酋鸱张于东北虎兔诸酋虎视于西南所为防御剿杀者惟镇抚二臣是赖今抚官郭光复物故新点李维翰未必即至而总兵

王木口芮又以军政拾遗杜门文武重臣并缺如此顷见该镇夷情蠢动声息屡闻万一纠众阑入内地疆圉岂有幸乎乞将兵部所覆拾遗疏批发并速推总兵刻期任事庶孤危重镇有恃无恐不报

○庚辰月犯轩辕大星

○命兵部发马价银六万两解济黔师自平播后销兵太多营哨非旧而各种夷贼生齿日烦贵州上六卫平定铜仁大江小江等处无日不报苗警而苗仲杀虏职官焚劫屯堡延袤数百里受祸尤惨诸苗南抵滇西抵蜀东南抵西粤种类实繁然皆属土司管辖而土司不能制且纵其劫据而阴利其费不欲剪除仲苗孤己羽翼也黔抚张鹤鸣以为大创之则黔之为黔旦夕难保欲创之而黔兵不满千且事关三省非贫黔所能独举乃与各道臣募兵一万调土司兵二万四千余人议先剿平定后定两江然后分兵十路截仲贼之路而洗其巢计一年可收廓清之功而粮饷不继恐募兵旋散请发帑金十万两兵部议覆乃以马价六万两与之

○辛巳升南京国子监祭酒顾起先左春坊左庶子周道登为詹事府少詹事谕德赵师圣为右庶子国子监司业公鼐为左谕德中允杨守勤赞善薛三省为左谕德左庶子温体仁为詹事府少詹事掌南京翰林院事

○壬午升总兵李阶黄越黄守魁为署都督金事阶镇守贵州越广西守魁四川

○癸未以总兵刘孔胤镇守宣府霍廷振镇守临洮李邦镇提督漕运镇守淮安

○浙江道御史周师旦上言振纪纲十事曰一法守定国是肃官寮审铨擢奖忠直慎计典清吏治章文教饬武备励风俗不报

○甲申 武宗毅皇帝忌辰 奉先殿行祭礼遣官祭 康陵

○兵部署部事左侍郎魏养蒙奏蓟门逼近京 陵最称重镇满旦以一夷妇结连两部落既邀额赏复希为末子索添骆驼部众不满二百輒敢效尤我将吏曾不能一创惟腴削媚虏偷安旦夕边事几不可为近督臣薛三才力裁二酋之赏抚臣刘曰梧决策捣巢一洗从来视荫之习矣惟是蓟门久不习兵虑胜后动其最要者无如讨军实申傲之而我额戍非寡占役买闲军容耗弱抚臣莅任即严核虚冒整饬边弊乃将吏狙于夙习如王之范李世爵以清查为故事牢不可破不一行法何以风励军中乞将世爵以都司降一级调用之范夺俸六月更申饬将吏不得故违节制从之

○乙酉策试天下中式举人赐钱士升等进士及第出身有差 皇帝制曰朕闻天下虽安忘战必危兵非圣人所讳言也书称克诰尔戎兵又曰张皇六师夫当成康莅政之初而其臣即惓惓以此告之岂文事武备经国者宜并重而振旅之威舞干之化二者固相须欤洪惟我 太祖高皇帝肇造寰区以武功定天下即位之后释甲弣弓开一代之文明然而固本之训居安忘备之戒每谆谆焉其为万世虑至深远也可得而扬厉其盛欤朕嗣纘洪基莹精上理四十四载于兹尔虽深居静摄而安攘大计无日不惕于衷尝明诏执事整饬营务慎固边防简将练兵博求制御长策而承平日久法弛弊滋申令

徒勤惰窳如故京营号称禁旅居重驭轻之意寓焉而又藉空存士卒疲羸至不胜甲胄猝有缓急将何所恃欤辽左延绥劲兵所自出顷岁大虏闲入肆行蹂躏而防御之术未闻此岂兵之不足欤抑教养无素虽有兵而不得其用欤夫兵以食为命无食是无兵也命司农告匮给饷不时荷戈乘障之夫动称枵腹识者方□稟□□稟脱巾是虞望其出死力以捍疆圉胡可得也议者欲修屯田以省转输练土著以资战守似矣而行之终鲜实效何欤无亦右文之世难以讲武而尧诘张皇之治卒不可致欤兹欲振积衰之势操长胜之权俾国家神气日张足以威四夷制六合其可施而可诸士志切匡时抱先忧之略久矣尚详著于篇勿泛勿隐朕将采而行焉

○丙戌覆试沈同和文理荒悖经孟题懵不知所出 上下法司议罪同和遣戍赵鸣阳杖责除名

○覆试举人吴柄罚一科吴洪裕罚三科先是部科磨勘试卷言二生形迹可疑若使再行并勘恐转生弊窦惟覆试便及试文理俱可观而炳犹胜故处分如此有旨依拟

○河南灵宝县矿贼突起入城劫掠知县石应嵩却之

○丁亥升广西副使倪朝宾为陕西苑马寺卿江西参政洪佐圣为山西按察使四川僉事陈禹谟为云南参议

○戊子敕南京左军都督府僉事李光先兼督捕口池河二营军务右军都督府僉书乔承恩兼督大教场水陆二营军务

○升神机营副将朱拱极为京城巡捕提督

○户部侍郎李如华覆山东巡抚钱士完御史过庭训救荒事宜条为十二款一定赈规二广赈地三劝倡义助赈四留漕米四十五万平余五开事例量减银两自春至夏止六酌赎罪七搜帑藏八清驿递九宽禁约钱法盐法权宜便民十通水利十一普赈米十二酌蠲停从之

○户部又言山东一省每年岁入共以百七十万计今以灾免四十三年全数合四十二年半数共以二百四十万计二百四十万者内供光禄居其一各镇极紧边饷居其九将使臣部何法补之 皇上御极初年一切利权尽归于计臣故臣部老库所藏几二千万近二十年来度支之财既为军兴典礼所耗关榷之利复为监税所夺九边告饷急于风火内帑所积同于朽腐乞将税课一年未入内帑者归之太仓以补该省蠲免之数辅臣亦言计臣苦心权宜之术从其请疏三上不报

○交南属夷入犯思明州思恩参将赵廷等赴援夷解围遁广西抚臣建议言要害之宜防均戍之宜酌总镇之宜移皆今日时事之最为切要者不报

○山东巡按御史王雅量以登莱岁荒请海运上言国初旧制山东辽东原系一省山东粮饷布花命镇海侯吴祯总丹师万人繇海度辽以给军需至永乐四年平江伯陈暄督饷繇登莱至旅顺口岁以为常弘治十八年舟坏运废正德年间海运复通商贾骈集贸易货殖络绎于金复间辽东所以称乐土也自逆瑾用事海船损坏不修料价乾没

山东本色悉改折色繇山海陆运入辽海运复废嘉靖三十七年辽值大饥转输无计始从按臣之议海道复开后因岛民作梗尽徙其民塞下而复禁之至万历十四年辽复饥暂开海运以济十九年倭奴侵据朝鲜遂严行禁止此从来海运通塞之大较也盖其塞也以防倭之变而其通也以济辽之穷与其守穷以待变变至而无以应孰若裕财以足兵兵足而又何虞变哉故海运之通其利有六民生易阜额岁易徵勾补易足边需易兴而且沿海皆兵可以防倭营伍充实可以御虏乃若其害亦有之其大者倭奴岛寇与逋戍三事然岛寇在弹压之得人逋戍在稽查之有法惟通倭一节所宜长计往者倭奴之入闽浙为甚苏松淮扬次之登莱又次之而辽左则绝无至者其地形水势不便也通倭之人亦惟闽浙习为之而辽左不能其船只舟师不惯也夫利什而害一必为之况利有害无宁容再计 上下该部议覆

○癸巳大学士方从哲等言 东宫讲读一辍十年 皇上曾有待 圣母禅服后举行之旨今大祥已过 升祔在迩出阁讲学与 皇孙就傅宜相继并举 桂 惠二王年逾二十以 天子之子极尊极亲而不及不若庶人之家及时谐伉俪之欢亦宜亟敕礼部妙选淑女俟 圣母祔陵礼毕并举婚礼不报

○贵州宣慰司安尧臣病死遗子尚幼命其妻奢氏以宣慰职衔理事

○总督漕运户部尚书陈荐巡抚山西都察院佥都御史吴仁度各以老病乞归不允

○甲午 上以会极王府奉国将军朝緯所奏举人刘师宠抢虏宗女事下河南抚按勘奏 ○乙未升山东副使白养粹为本省参政湖广副使张维枢为山西参政吴中伟为江西参政

○刑部尚书李志奏夷贼谢文安等屠掠土司摇我边鄙幸交夷效顺擒献伏辜其同恶莫敬琳等应咨彼处抚按缉解从之

○丙申辅臣以辽左抚镇一特并缺点虏观望变动可虞乞早点用总兵官及兵部尚书黄嘉善不报

○户科给事中商周祚言今天下无地不告灾无事不告讫而最可忧者莫如边饷臣料今日权宜之计总不出借之一字欲借之冏寺而搜括已穷欲借之工部而门殿经始则舍内帑之外别无抵补之方顷户部请留未解皇税一年以抵东省蠲免之数割一年未入之朽蠹以解九边倒悬之危 皇上又何靳焉乃以雕敝艰难之计部独责于李汝华之一身然而精力有限拮据良苦所为少分其责任以共济艰危者仓场总督及右侍郎犹格不予将置国事于度外乎且今岁漕粮除改折截留外亦宜如期输运以安人心而水浅舟胶大为运梗所需河臣料理其势倍切并乞速用总河大臣仍促其星夜赴任以理漕事不报

○南京都察院右都御史蔡应科引病乞休不允

明神宗显皇帝实录卷之五百四十三

大明神宗显皇帝实录卷之五百四十四

万历四十四年四月庚子朔孟夏享 太庙遣驸马侯拱宸恭代

○礼部进会试录时沈同和既正罪除其名士以群龙无首诮之

○升山西道御史彭端吾为陕西参政陈一元为广东佥事陕西副使乔进璠为四川参政

○命浙江道御史杨鹤巡按贵州

○广东道御史毛堪言铨属不宜广额馆选不宜参差略谓铨部官止四十四员轮递视事顷突增册库一员遂至今日每缺增三四人长此安穷且每年外转止一人其余皆需次典选翹足清卿者既无言责又鲜年劳雍容家食坐致华臚安可庸此滥觞也馆选之举与其多留于一科莫若精择于每科勿得派台省而遗部属徇托疾而启规避庶几多寡适均储养得体为法之平乎不报

○巡视京营礼科给事中姚永济言三大营官军例于三月开春操八月间秋操自圣母登遐 皇上虑炮声震惊致停两操是纯孝之极思也命大祥已过而不复旧操亦岂 圣母所以备不虞而安四方之长虑哉不报

○丙午雷火焚税监张烨接居烨榷税通湾而治第于黄华坊是日将午风雨骤至电火四发霹雳从楼中出三十余间顷刻立烬巡视东城御史金汝谐以闻辅臣言雷火不于他人而于抽税内监之家天意可知乞撤税使以答天变不省

○丁未夜东南方有流星大如弹赤色有光

○刑部右侍郎荆州俊以衰病辞新命不允

○庚戌升詹事府少詹事刘一燝为詹事兼翰林院侍读学士掌管印信时岁贡廷试期迫掌院无人辅臣屡请而后俞

○升总兵李维功徐一鸣王良署都督佥事维功镇守辽东一鸣福建良浙江以总兵张承胤镇守蓟永山海

○升大靖参将李国柱为洮岷副总兵南太参将顾凤翔为松藩副总兵

○给崇王襄王内使各十人从其请也

○礼科给事中余懋孳等因雷火示异上言既使之出民怨天怒故杨荣烬骨于滇南李道焚巢于江介张烨之居复随电灭而烟消是天哀近郊之民假之丰隆以冀 皇上之悟也今东省数百万饥民定非四十六万之银米所能济者如不济漕道必梗漕道既梗边饷必缺将士嗷嗷脱巾可虑虽欲不发内帑其可得乎与其迟发而无济国事孰若蚤发而可安人心伏乞留税抵饷则饥民可苏边士可定不报

○湖广巡抚梁见孟疏议酌催大木以济殿工言三殿肇工万国同庆凡有血气愿效子来湖广原派大木二万四千六百后以灾疲减派十分之三五运起解查督木道合川贵湖三省新运几足七分之数初运业已交厂二运报解在途今部咨复派金柱三百八十根各长六丈四尺围一丈五尺明梁等一百六十余根各长五丈五尺高三尺五寸

皆异常钜材而又责限于一年之内窃念楚非产木之区从来求之黔蜀而钜材所生必深山绝箐人迹不到之地阅千百年而后成材商民冒毒瘴履蛇虺万人邪许排岩批各经时历月始达江河然此等异材自嘉靖年间已不可得今采伐凋残山穷水远即搜取一二犹难况三百之多乎故为数甚奢而减派宜议也取材甚异而帮折宜议也勒限甚促而宽假宜议也乞敕部覆或量减株数照嘉靖年题准帮折之例如长足度而或歉于围围可合而或歉于长与夫长围虽合而本末欠勾及木无疵窳而长围稍逊者俱准起运仍稍宽限以便购取则大工无妨地方不致重困矣

○癸丑 孝懿庄皇后忌辰 奉先殿行祭礼遣官祭 昭陵

○大同巡抚石昆玉引病乞休许之

○甲寅阁臣请点各差巡按御史言自畿辅以至秦浙中州山右等差或久不得代或径无其人西台困顿堪怜地方空虚可虑夫诸臣奉命而出所治者朝廷之事非以其私也 皇上循例而遣第欲其治朝廷之事非有迁秩之荣破格之恩也但使报满即题具题则允上存 祖制下守台规耳目新而人心振是亦励精图治之端不报 ○乙卯河东巡按万崇德山东巡按赵日亨各以候代愆期离任回籍署都察院事刑部尚书李志论奏崇德以母病归日亨以輿疾去情俱迫切而崇德更甚但御史为贞宪之官巡方无径行之例宜俟两臣补官之日崇德罚俸半年日亨降俸二级以示惩戒从之

○工科给事中刘文炳劾奏两淮巡盐御史徐缙芳贪秽状 上命抚按勘问以实闻诏削籍为民

○敕旌举人来知德知德四川梁山县人少有至行举童孝子应乡试考官阅其文擲之地忽有神曳还几上如是者数次乃入选人以为至德之感

○丙辰升湖广副使何伟为广东参政

○大学士方从哲等言新科一甲已蒙钦允授翰林官而前科散馆诸臣尚未批发同一词林不知 皇上何慨然于此而迟疑于彼也且词林以前后为差若旧者不得拜官则新者不便履任其于事体妨误事多又丁未科庶吉士杨道寅拟授给事中候命五年未奉俞旨此又制科以来所不经见之事臣等不为本官惜为政体惜也不报

○赠原任少傅兵部尚书萧大亨太傅从吏部尚书郑继之之请也大亨山东泰安州人繇壬戌进士历今官先是礼部请恤已予祭葬至是赠官疏有历宦边庭勤劳难泯久司邦政物论颇腾舍短取长应荷增秩云

○初命铸湖广武汉等处提学副使关防湖广幅<□□巾员>甚阔历试难遍抚臣梁见孟以为请于并设两提学副使分督之

○升户部左侍郎李汝华为本部尚书汝华九年报满兼摄仓场始升今职

<□□足 毓-金 >辞并辞仓场印务 上不允

○赠原任南京太常寺卿屠羲英为南刑部右侍郎 ○予原任太仆寺少卿申用懋母夫人吴氏祭葬仍加祭一坛与元辅申时行列名并祭

○云南巡按御史吴应琦疏请给陇川宣抚司多安靖印信言国家驾馭夷狄不过刑赏两端向者多安民背汉投缅自甘天诛而多安靖大义灭亲归心王化因夷地初平印信暂贮腾越州俟安靖成立再请颁给今安靖已长诸夷豫附宜乘时予印以示怀柔

○戊午辅臣奏热审在途凡圉圉之众莫不延颈思一见天日独刘光复以耳目之臣逮系瑜载与死为邻兹 圣母禅服在即将举 升祔大礼乞释光复令其母子相见亦 皇上锡类之仁不报

○直隶巡按御史骆骏曾奏顷奉恩诏减税三分之一查蠲宥恩诏定以四十二年二月初九日为期非是日也则减徵宥罪时日悬殊明诏且不信于天下乃芜湖税监独以七月初一日为始臣不知其何解也其所入不过二千九百余金而违旨则已甚矣臣念此二千九百余金付之貂豸口当之手与委壑何异即辇而致之大内要亦沧海之一粟乞令输之部院以贍饥者不报

○原任抚治郟阳都察院右副都御史胡心得卒心得浙江德清人乙丑进士繇部郎出为郡守历今官被劾回籍至是卒于家 上予祭一坛给半葬

○河南舞阳泌阳西平等县盗贼数百人白昼啸聚抚臣以闻 上以群盗结聚日久地方有司隐匿不报下旨切责仍谕文武各官防御剿抚务期扑灭以遏乱萌

○山东济南等府蝗复生

○庚申敕辽东新巡抚李维翰兼程赴任以镇虏报急故也

○升顺天府府丞乔允升为本府府尹

○命陕西道御史李养志巡按陕西 ○予丰城侯李承祚妻夫人陈氏祭葬

○云南耿马安抚司土官罕们罕贡象只金杯土锦等物

○壬戌大学士方从哲疏请 皇太子讲学 上谕以天气炎暄俟八月秋爽举行

○乙丑兵部署部事左侍郎魏养蒙奏捕官节次擒获剧盗功参将侯文渊等赏银纪录有差

○兵部录叙辽镇战功言四十年春虎酋拥三万余骑突犯穆家堡辽东参将郎名忠等并力拒堵斩馘四十余级虏为夺气及虏再举备御梁汝贵等别选精锐出奇袭破虏遂骇散四十二年秋昂轰乃蛮各酋一犯中后所再犯连山驿副将李继功等两挫虏锋保全内地即斩获有数而血战冲坚殪其元凶从此贵英三十余部蛾伏奉约非师武臣力不及此乃旌赏久稽而索瘢偏苛至郎名忠且以媒孽之惨旋受重劾即令孤愤稍白前劳未酬此行间壮士所为负战长叹也又况阵亡备御李进功以死殉国未蒙恤录英魂久郁欲使后日斗士不灰心解体得乎近报虎酋纠众挟赏宰赛阖部蠢动鼓励士气正惟其时请奖率成劳以劝能者有旨梁汝贵实授游击余以次赏赉李进功等袭升加级

○丁卯大学士方从哲等言 圣母升遐今三年矣 皇上所为遵遗诏而嘉惠海内者自 福府分封 瑞王婚礼外仅仅释轻罪数人蠲小税数处减皇税三分之一耳

其他举 储讲选 王婚点大僚补科道诸事犹若有待至起废一节出日 宸衷德意已流竟成反汗虚恩诏拂人心莫此为甚不报

○礼科给事中元诗教上言时事借汉唐宋为证其略曰汉之赋法坏于武帝作盐铁算舟车造钱币利析秋毫矣又令民得买爵其后浸淫货贿重而名爵轻遂至有开西邸卖官入钱者令之营利水陆榷关之外益以攘夺之中官粟银事例之赢居为户工之奇货珣税酷于平准货郎劣于武功大内物于西园此殆类汉者也开元天宝间设劝农使虚括客户八十余万岁增缗钱数百万镇兵岁供衣千二十万足粮百九十万斛至元和比天宝税户四分减三天下兵仰给县官者三分增一大率二户资一兵矣今之边饷取之愈穷愈急用之愈濫愈增以十室九空之民半养有名无实之军半饱有去无来之虏追呼惨于简括物力耗于虚靡削弱成于贡市此殆类唐者也靖国改元正月朔即有流星及赤白黑气烛地亘天因而彗飞青著龙见茶肆狐升御榻是时官者开边衅幸臣领花石荼毒生灵所在骚然河北山东盗贼四起驯及于金人之难亦可悲矣今天鸣地震物孽人妖水旱蝗蝻道殣相望两河东省剧盗横发复报雷火之灾燹焚寺人之宅明白易见切近可虞此殆类宋者也 皇上不朝不讲不 郊不 庙 皇太子讲读则久辍不行矣 惠 桂二王则少壮不婚矣部院大僚悬缺不补台省诸臣摧沮日加以时考之既理数之并穷以势观之又天人之交变臣惧今日为治之终乱之始也不报

明神宗显皇帝实录卷之五百四十四

大明神宗显皇帝实录卷之五百四十五

万历四十四年五月庚午朔

○辛未夜湖广衡州府三河水暴涨郡县官署水深至五六尺

○壬申升通政司右参议曹璜为本司左参议尚宝司少卿张□□丰为通政司右参议

○演教寺袭职番僧班著尔领真一名及尢旦刺思巴等四名进贡

○兵科署科事给事中熊明遇以边功太侈稽核宜严上言今日之行边兵火端有三一曰讨罪之兵二曰应着之兵三曰干赏蹈利之兵如近日蓟镇张国麒等古北路之战高策等松路之战皆有斩获以满旦骆驼小丑敢于蔑视蓟师且大创奉有明纶是讨罪之兵也宁夏镇辛志宁等汝箕口之战斩套虏威敬着力兔部二十八级以虏妒宾妻之款哗中卫之市掠曳柴之卒鹜桀有状而我师遮斫于边门外俘馘皆壮级是应着之兵也惟是延绥自去秋套虏火入之后官军数出塞捣巢据督抚镇前后所上首功大约不下二千余级功令以百二十级为大捷若通计功次二十可当十五大捷之数谓之应着也可谓之干赏蹈利也亦可甘肃一镇近接督抚揭报斩首三百七十五级亦功令三大捷之数然皆宁夏之款虏也据云调矮木素三见纠众结聚其志不小而罪状未章可诛意乎恐纯乎干赏蹈利矣臣以为延镇之事宜敕新差御史李养志一以勘议旧年功次一以弹压今秋战守甘肃之事宜敕在差御史董定策访核先次红山之功与今次捣

巢之功外期不失将吏立功之心内期不起道路贪功之议不报

○广东巡按御史田生金言东粤僻在一隅五岭阻隔市镇贸易抽税几何不知二十余万之议谁生厉阶至今恩减再三尚存监税十万余两俱系移饷抵充于是有议收汛裁饷者削减船价者停补兵缺者搜括日穷戎伍日虚脱有不虞何以待之乞赐蠲豁以还兵饷之旧不报

○甲戌以端午令节赐二辅臣上尊珍饌

○丙子 孝宗敬皇帝忌辰 奉先殿行祭礼遣官祭 泰陵

○先是赐 福王贍田二万顷派在湖广者四千四百五十顷有司搜括不给延二载地册未报 福王疏请量减一千顷永早拨给 上可之督令抚按给赐

○丁丑夏至祭 地于 方泽遣英国公张惟贤恭代

○南京吏部尚书沈应文疏辞新命不允

○戊寅 圣母孝定皇太后禫服在京文武官各赴 昭陵行礼二辅臣诣 慈宁宫门外望几筵行礼

○己卯 太祖高皇帝忌辰奉先殿行祭礼

○巡漕御史朱阶言漕政二事一曰清核厂船清江厂每年额造船六百一十余只每船料价银一百二十七两而钉灰油麻之数取之抽分者不与焉是以岁运米四百万船无缺乏者自三十九年来督臣刘士忠报缺船已积至二千零工部议逐年带造今缺且日甚盖缘官给料银减价而亏商官匠衙役增例以剥军木价日高船料日薄且奸商冒领猾胥朋分木银两无归落造作兼不中程夫帑藏清楚必须查盘何独船厂无之乞敕每岁择风力推官严查之庶冒滥可杜船额可复一曰修复泉湖国家岁漕繇江河抵邳水常虞溢繇洳入闸历闸抵卫水常虞涸此其大较也自夏镇而北别无运道不过赖闸河以利涉耳此河半属枯垓先臣宋礼筑坝戴村夺二汶入海之路灌此成河复导洙泗沂诸水以佐之汶虽率众流出全力以奉漕然行远而渴已自难支至南旺复分其四以南迎淮六以北赴卫无昆仑之源多尾闾之洩能无疲于奔命哉况此泉遇夏秋而涨遇春冬而涸遇雨而涨遇无雨即夏秋而涸先臣逆虑其不可恃也乃于沿河陂泽如所谓昭阳南旺马踏蜀山安山诸湖设立斗门名曰水柜漕河水涨听其溢而潴之湖漕河水消决其蓄而注之漕积泄有法盗决有罪夫然后旱涝俱有恃而无恐无奈法久禁弛湖多旷土人遂垂涎其间昭阳一湖已作藩田其余诸湖高亢处半为势豪占种其最洼下者或有行僚闸坝坍塌地势淤浅蓄得几许所谓沟洫之盈涸耳曾何济于运哉而职司僭饷者不过受事之初督令修浚下亦以空文应之顷山东半年不雨泉流几断职按图而索水柜管河府佐茫然也乞敕总河抚臣躬亲踏验凡系先年济运各湖清查归官堤坝斗门亟时修筑处处蓄潴有余漕臣不至遇旱而束手矣从之

○辛巳 仁宗昭皇帝忌辰 奉先殿行祭礼遣官祭 献陵

○礼科给事中余懋孳言 圣母升祔届期大孝尊养之终实 圣政维新之会乞

备大僚补科道起废官一切章< 〇〇〇 毓-金 >并赐批发以成继述之孝不报

○癸未奉安 圣母神位于 奉先殿 上以足疾遣驸马侯拱宸恭代

○礼部题 升祔礼成人心胥悦天下所最翘首以望者无如出而视朝一事乞皇上举大礼于久旷向明视朝然后进文武诸臣俯赐 天语诸如吏治民生边防国计诸大机宜面赐商确自是而后率以为常则以此日孝崇闕宫伸大舜终身之慕即以此日建其有极追虞廷恭己之风岂惟臣民喜色 圣母在天之灵实歆向之不报

○乙酉 圣母孝定皇太后神主奉安 昭陵文武群臣拜送于德胜门外辅臣上疏恭慰优诏答之

○丁亥 上以 陵庙大礼告成哀慕不已推恩皇亲武清伯李诚铭等加赐禄米职级有差

○命议 惠王 桂王婚礼

○巡抚延绥右金都御史马从聘以六年考满引疾乞休 上允回藉调理

○兵科给事中熊遇明言比岁适当军政左府金书成国公朱纯臣有营求戎政一事部中议欲斥之无何自陈疏下破例钦留幸端一开渐不可长臣等< 〇〇〇 毓-金 >纠候旨杳然乃纯臣等以恭送 圣母神主为辞奉旨行礼且出府视事矣夫军政法五府锦衣卫不处一人异日有武定钱宁辈谁当讨之人谓纯臣为首辅国于门人此盖怙阁臣之势矣首辅亦辞辩臣两任国学实未与纯臣共事何自称为门人惟是军政之疏未尽下诸臣之处未尽明生群小观望之心隳 累朝黜陟之典此则臣失职之罪俱不报

○己丑以庶吉士叶灿陈玄晖刘鸿训为翰林院编修姜逢元曾楚卿缪昌期李国< 〇〇〇 木普 >王应熊冯铨王作远罗喻义孟绍虞为简讨庶常解馆至是几十月阁催亦无虑十数揭其留之词林者得旨余拟授科道官暴谦贞等五员尚格不下

○巡抚四川都察院右金都御史吴用先七疏乞休许之

○辛卯兵科给事中熊明遇奏自本年以来天鼓两震霞光起落于湿州地震凡二十八见天火凡九见石首雨豆辽东兵端吐火河内女妖雷毁内监楼厦见于祠官之所称抚按之所报即春秋二百四十年间未有稠于今日者也而其异之大者莫甚于山东人相食事之大者莫甚于河羨溢反壤而不用其道向见太白经天权星暗小辅星湛没荧惑袭月金水忒度或日光无芒或日月同晕或为恒风为枯旱天责愈深而 皇上所行皆诬天拂经之事此禽息碎首贾生痛哭之时也谨以八忧五渐三无之说进今内库太实外库太虚一可忧也饷臣无饷边臣开边二可忧也西虜图王东虜图赏三可忧也黄河泛滥运河胶涸四可忧也齐苦荒天楚苦索地五可忧也鼎足不备栋干微挠六可忧也群哗盈衢遮谣满路七可忧也吴民喜乱冠履倒置八可忧也八忧未已五渐互根太阿之柄渐入中涓魁垒之旧渐为搞彘制科之法渐属奸囹武蠹之兵渐至销燮口贾之涂渐至梗塞五渐已见三无蔓延奸民可荧惑天子千户可惠邀丝纶是朝廷无纪纲云贵之守令皆途穷杨粤之监司皆规避是边远无吏治挑构口给于蒯武倾危祸惨于

苏张是士大夫无人心天下事可不寒心哉又杂引天文传以时事几千言多割直不报

○上以足疾未愈不便视朝且文华殿狭小难以行礼欲俟三殿工成乃出升殿传谕阁臣示该部勿得渎请

○礼科给事中亓诗教言去岁之冬东省饥民奔命他徙淮徐接壤势所必趋因而聚至数十万虽曰分土分民各有司存顾以皇上视之则皆赤子原任淮徐道袁应泰动支钱谷极力极敕绘图贴说进之皇上东省流民应泰实活之而当事者不以为功至疾之如仇毁其成败其名无乃过乎夫拚身拚官为流民请命应泰固甘之假令异日省直再被重灾如东省者流民所至谁敢引手一援哀而进之食不可不深长虑也窃谓钱粮擅动有禁为关系军储也在理财者所宜申明准动有旨为救济流离也在用人者亦宜纪录不报

○甲午册封各王府礼部题右春坊右中允吴宗达册秦府秦世子存枢并妃张氏礼部郎中庄祖诰册蜀府蜀世子至澍并妃彭氏及富顺王至深并妃刘氏太平王至淶并妃方氏庶子周如磐册淮府淮世子常清户科给事中顾士琦册荣府荣世孙由朽并世妃吴氏礼科给事中张孔教册晋府宁化王敏济姚永济册周府汝阳王在植上以士琦孔教候补未任擅自差遣下旨诘责夺司官俸一月令改拟具奏

○丁未 穆宗庄皇帝忌辰 奉先殿行祭礼遣官祭 昭陵

○刑科给事中姜性言 福王瞻地山东河南皆已报竣独湖广除减派外尚三千四百余顷据抚按清废府故相遗业值七百六十余顷此于额远不及也往闻钦留邸业隐占数多非钜瑯之窃据则豪强之并兼诚一丈勘以清积蠹以充藩租固宽然有余矣不报

○四川杂谷安抚司遣番僧都纲革什思等进贡

明神宗显皇帝实录卷之五百四十五

大明神宗显皇帝实录卷之五百四十六

万历四十四年六月庚子朔

○辛丑兵部左侍郎魏养蒙再疏引疾不允

○壬寅礼科给事中余懋孳上言 皇长孙出阁讲学一事臣等请之五年礼部请之百疏乃纶音杳然臣窃惑之乞谕吉日与 储讲一并举行不报

○予定国公徐希皋祖母王氏祭葬

○巡抚辽东右副都御史郭光复卒光复直隶固安人己丑进士繇户部主事历今职卒于任礼部言光复忠诚真品文通才英愴乎龙沙壮志酬于马革虽三品未经考满而辽左为诸边极冲应照已满例给祭全葬以为边吏劝从之

○夺巡按河南御史张至发广东道御史李嵩等各俸半年调工科给事中刘文炳为贵州经历司都事以辅臣吴道南< 〇〇〇 〇〇〇 〇〇〇 >辩故也初道南入阁科臣毕谒道南照阁规以名刺答拜独文炳掷还且云莫学严高至是以取假无沈同和事极诋道南不

胜忿言二百余年但有纠阁臣之言官无詈阁臣之言官 上怒出之复以张至发远在千里邸报未真遽尔狂躁沈同和明系怀挟李嵩等监临搜简不严并及于罚

○巡抚延绥右佥都御史马从聘奏虏酋火落赤沙计猛克什力等素号跳梁自去秋寒盟掳将陷师藉口封王金印种种皆难从之事计不得不出于剿自去冬捣挫之后狡谋日深敢率精骑临边伺我内地扰我春耕延镇总兵杜文焕奖率三军斩馘三百有奇此亦足以雪孤山之耻申中国之威矣时从聘未离任故叙战功 上下其疏兵部

○大学士方从哲言科臣刘文炳先后两疏气既不平语多近詈 明旨谓其肆言诬蔑彼亦何辞独念文炳言官也言而过当即加调处既非 皇上平日包荒之度无乃重辅臣以不安乎欲安道南之心则莫若薄文炳之罚道南亦具疏论救并乞放归谓奉职无状摈斥自甘累及言官罪乃滋甚诏不许

○巡抚宁夏右佥都御史杨应聘三年考绩有旨杨应聘升副都御史照旧巡抚荫一子入监读书

○己酉辅臣言顷吏部会推陕西四川大同延绥四巡抚未蒙简发窃念陕西远控诸边适豺□回寇纵横之日西蜀外临番族当猥夷平定之初大同逼近虏巢正贡市纷纭之会至延绥兵威少震而虏之蓄愤益深秋防尤宜加谨此何地何时抚绥弹压而可一日无人乞为封疆重寄速赐允用不报

○周王请内使 上命给赐刘春等十人
○癸丑给事中韩光祜等言我 太祖怒朝臣上万言疏者赖宋濂而解 仁宗免戈谦以其数言事纳杨士奇之对令朝参如故今刘文炳以言辅臣见斥我 皇上曾不难为 太祖 仁宗乃宋濂杨士奇将遂无望于今之世乎诸御史韩浚等亦言昔文彦博再相曰唐介尚未复官我何可先入中书文炳既去不知道南犹可再入中书否给事中归子顾复言 皇上二十年来未有言官纠劾大臣而处言官者亦未有径批大臣辩疏以处者迺今自道南始何以自解于公论乎俱不报

○礼部尚书刘楚先五恳乞休不允

○乙卯琉球国中王山尚宁遣通事蔡廛来言迺闻倭寇各岛造战船五百余只欲协取鸡笼山恐其流突中国为害闽海故特移咨奏报巡抚福建右副都御史黄承玄以闻谓鸡笼逼我东鄙距迅地仅更数水程倭若得此益旁收东番诸山以固其巢穴然后蹈瑕伺间惟所欲为指台礮以犯福宁则闽之上游危越东涌以趋五虎则闽之门户危薄彭湖以瞰漳泉则闽之内地危非惟八闽患之恐两浙未得安枕也若夫琉球之告有谓借以相恐喝者有谓假以温贡道者又有谓中山不能自专直狡倭遣以探我虚实者臣不能逆睹但乞早为之备耳疏下兵部

○达虏骆驼等酋入犯潘家口总兵张国柱率众却之

○两广总督周嘉谟以老疾乞休不允

○丙辰 睿宗献皇帝忌辰 奉先殿行祭礼遣官祭 显陵

○丁巳升南京都察院右佥都御史罗朝国为工部右侍郎翰林院编修骆从宇为

国子监司业四川参政林欲栋为湖广按察使

○大学士吴道南再疏乞休 上谕留之

○山西平阳府蝗蒲解尤甚

○己未巡抚应天都察院右副都御史王应麟奏臣待罪南都封疆是任民俗士风所宜申饬乃不意一时有周玄暉董其昌二事玄暉之犯众怒也以涇林绩纪为之招其复倚势凌轹士民故士民群起而合诉者五百余人臣与学盐二臣会疏上闻及 明旨逮问臣恐怨毒既深溃败决裂仍严谕毋得乘机洩愤擅为蹂躪故就逮之日曾无一人敢轻哗其室此江南士庶所共睹也其昌起家词林素负时望三月间忽与生员范启宋并至苏州互相告讦方行批发而其昌华亭之居业于此时化为煨烬矣海上之民易动难静难发于士子而乱成于奸民固不可与玄暉同日而语也总之臣望轻才劣谬处于斯有负任使伏乞罢斥以重纪纲 上报云周玄暉已有旨董其昌事严查首从议处王应麟照旧职后玄暉竟卒于狱

○先是五年热审以小满为期是岁逾两月俞旨未下会署雨狱中多疫该部科臣屡请阁臣亦言御史刘光复系狱一年念母忧焦且感危症倘一旦瘐死囹圄将使 圣明之世有僇谏臣之名臣等所不忍闻也不报

○总督陕西军务兵部左侍郎刘敏宽奏延镇自去秋歼虜虜思报复今吉能东西勾煽所在告急以延绥一镇之兵当合套各部之虜众寡难敌所当深虑查延镇有轮番入卫官军一千七百余名乞暂撤回留戍协防蓟镇总督右都御史薛三才上言延兵入卫为神京非为蓟也且东西虜警狎至 陵京重地似难议撤兵部覆请卒从三才议

○江西赣州等处水城垣崩颓没人民无数

○山东武定地方强贼聚众行劫拒杀捕官孙光燿等三十余人巡抚李长庚上其事

○壬戌瑞安长公主请子万世祚恤典命与祭九坛仍加祭一坛治葬

○光禄寺卿李僚卒僚湖广嘉鱼人己丑进士繇推官南吏部主事历令官礼部覆谓本官饶有清操兼深问学志行端方人伦模范而三品俸未滿一年议给祭減半葬从之

○癸亥户科给事中□周祚上言 福府贍田山东河南勉强结局楚地括之废府括之故相百方督责未額原額則楚地之難可知也自封建既罢车书一统裂土分茅制所不载柰何以 高皇帝金甌无缺之天下自今日启割裂之厉阶哉不报

○总督京营戎政忻城伯赵世新奏乞照例给盔甲蟒衣以便护卫许之礼部言蟒衣服色会典不载陈乞已非且凡有奏讨无不下部议者今若此部覆可废乎谓 祖制何不报

○武定侯郭火诚薨照例与祭葬

○先是山东巡抚李长庚以东省荒乱议留今岁班军以省三万二千余两安家行

粮之费蓟辽总督薛三才言山东二营一守昌镇黄花路一守蓟镇石塘古北二路满旦阿晕诸酋日夕窥伺所谓极冲极急之地令重山东之小费而忽京陵之大防未为得计 上下其事于兵部

○乙丑 孝庄睿皇后忌辰 奉先殿行祭礼遣官祭 裕陵

○丁卯 孝穆皇后忌辰 奉先殿行祭礼遣官祭 茂陵

○河南宛汝间流贼聚众劫掠抚按官檄所属平之

○河决祥符县朱家口三里陈杞睢柘诸州邑咸罹其害

○贵州巡抚张鹤鸣报擒斩苗仲千四百名时暑雨军士多病请暂息兵俟秋再举从之

明神宗显皇帝实录卷之五百四十六

大明神宗显皇帝实录卷之五百四十七

万历四十四年七月己巳朔享 太庙遣侯吴汝胤恭代

○赐二辅臣各鲜鲂鱼二尾

○原任陕西按察使邢云路献七政真数其略曰凡步历之法必以两交相对彼交印此交此交符彼交两交正而中间时刻分秒之度数自一一可按七政之行其数皆同日月之交食即五星之交食五星之凌犯即日月之凌犯以同度同道也故日月食为日月交五星在黄道间合复为日与五星交月与五星凌犯为月与五星交木星与火星凌犯为木星与火星交推之五星互犯莫不皆然故两交相对而互相发明七政之能事毕矣以此法布算今岁七月十六日戊寅夜望月食推得是月望交泛分一十三日八十四刻五十六分六十三秒阴历交前度一度二十二分零三秒九十五微月食分一十三分五十九秒六十九微定用分六刻六十八分九十五秒二十一微既内分二刻八十六分六十五秒既外分三刻八十一分七十九秒初亏分六刻四十三分二十秒八十九微食既分一十刻二十五分零四十微食甚分一十三刻一十一分六十六秒一十微生光分一十五刻九十八分三十一秒八十微复圆分一十九刻八十分一十一秒三十一微初亏丑初二刻食既丑正一刻食甚寅初二刻生光寅初三刻复明寅正三刻此月食之数即日月交之数也其推步五星盈初之数即五星交之数也二数定而七政明矣

○壬申 仁孝文皇后忌辰 奉先殿行祭礼遣官祭 长陵

○升锦衣卫指挥使骆思恭为都指挥佥事掌理卫事

○甲戌升陕西右布政金忠士为都察院右佥都御史巡抚延绥山西左布政王士琦为右副都御史巡抚大同

○ 上以大学士吴道南久居私寓命鸿胪官宣谕言政本重地倚毗方殷宜入阁赞理以慰眷怀道南疏谢有云政本之地不宜有忍病旷官者以上负恩私 圣明之朝不宜有忍死殉官者以重为朝廷羞 上终不允

○礼科给事中余懋孳言向者老妇物故诸酋背盟岌岌乎有庚戌以前之虑既而

狡酋利我繒帛姑为饲肉之虎卜失兔以虚名称王力不足以铃束青把故封事虽成而岁费益增夫当事者既不能先时训练预却其贡则宜如期给赏以照威信今补贡四十二年表笺弓矢鞍马等物既以进收而赏赐衣服等项临期不发问之工部猥云内库未发问之内库复云抵湾未交今交库已逾两月而未掣纳得无铺垫之需索而轻收之留难乎虏之坐索已逾半年倘因此而生戎心不知知此曹何以谢 皇上也不报

○戊寅辅臣言淮南总镇之当罢与不当仍用勋臣数年以来诸臣言之屡矣乞皇上从诸臣之言推用流官总兵俾督抚得以节制庶上资弹压之力而下无剥削之虞不报

○己卯赐辅臣各鲜笋二十枝

○大同浑源州地震

○辛巳 孝安皇后忌辰 奉先殿行祭礼遣官祭 昭陵

○升吏部验封司郎中丁启浚为太常寺少卿提督四夷馆

○礼部上 皇太子出阁讲学仪注一是日早锦衣卫陈设仪仗侍卫内侍先设皇太子座于文华殿之东厢房正中向西设书案于座之左提调辅臣并侍班侍讲读侍卫等官各具吉服先以次入序立丹墀北向礼部鸿胪寺执事官候 皇太子出阁从后殿导至文华殿东室诣 先圣先师牌位前焚香行四拜礼仍导引至东厢房候 皇太子升座各入班鸿胪寺官赞排班班齐鞠躬四拜礼毕各官以次分班相向立鸿胪寺官赞起案通事舍人以讲案进内使展书侍读官进读读毕侍讲官进讲讲毕通事舍人彻案命赐酒饭百官叩而退一每日各官先诣文华门外东西序立候 皇太子出阁升座内侍以书案进不用侍卫侍仪执事等官惟侍班侍读侍讲等官入行叩头礼毕分班左右相向立内侍展书先读四书则左班侍读官向前伴读十数遍退复原班次读经书或史书则右班侍读官向前伴读亦如前仪务要字音正当句读分明读毕各官叩头而退一每日巳时侍班侍读侍讲及侍书官候 皇太子升座仍入左右相向立内侍展书先讲早起所读四书则左班侍讲官进讲如前仪务要直言解说明白易晓讲毕内侍官收书讫侍书向前习写字务要开说笔法点画端楷写毕内侍彻案各官叩头而退一每日午膳后 皇太子回宫从容游息或习骑射一每日晚内侍启读本日所授书各数十遍至熟而止一凡读过书三日一温须背诵成熟遇温书日免授新书讲官查将三日内书期晓大义一每日授书起止预先一日该讲读官开写帖子进一每日讲读内阁辅臣一员轮侍一每日合用侍班官二员讲读官四员侍书官一员写字春夏秋月每日写一百字冬月写五十字先用红模俟写熟后用影本每日内侍捧仿纸送至内阁辅臣照例圈注随捧归呈览以备劝勉一查每年节假照旧例 圣节前后通九日 中宫殿下千秋令节前后通五日 皇太子殿下千秋令节一日正月初一日至二十日花朝一日清明一日端午前后通三日七夕一日中秋一日重阳前后通三日冬至前后通五日腊八一日除夕前五日朔后各一日及大风雨雪隆冬盛暑日俱暂停讲读写字一每岁初开讲

皇太子仍请 先圣先师牌位前行礼一次不用礼部导引

○吏部右侍郎兼翰林院侍读学士史继阶引疾辞免新命不允

○赠原任南京吏部尚书卫承芳为太子少保

○予定国公徐廷辅及嫡妻张氏祭葬廷辅未袭封病卒赠定国公其子希皋奏请恤典从之

○礼部左侍郎何宗彦请正士风其略云士习之敝也如陕西之洋县浙江之鄞县横行恶迹踵踵著闻至近日之昆山华亭极矣其专门腹笥未必有西京之经术而足智先人敢效东汉之标榜其箴□□□伐□维踰简尚不及晋人之清谭而走利含沙各惨于雒蜀之排击乃学臣听其跳梁而不之问第曰敷教在宽毋动为容耳夫教而果专在宽是教刑赎刑不必与五教之敷并设移郊移遂不当与司马之升并行也伏乞严敕提督学政诸臣密考较之期严门簿之禁诸有结党谤讪种种不法者尽法究治庶士心警而法纪风俗不至如江河不可挽矣有旨士风簿恶甚失朝廷作养之意今后提学官严加约束按期考较仍密切体访不时黜革毋得宽假

○壬午夜西北流星如盞行入贯索二星随之

○癸未中元节遣侯薛濂李承祚伯王国柱方一元朱自洪焦梦熊陈世恩王明辅李诚铭祭 长陵 献陵 景陵 裕陵 茂陵 泰陵 康陵 永陵 昭陵伯张嘉猷祭 恭仁康定景皇帝

○己酉巡抚贵州都察院右佥都御史张鹤鸣疏议红苗事言红苗之流毒湖北川东贵州三省所从来矣而近日尤甚三省边民苦于苗患日夜冀得一举以雪夙愤诚能同心协力集数万之兵请数十万之饷设一督臣如嘉靖张襄惠岳事例十路并进扫荡丑类裂其地而郡县之此上策也湖广设一副将驻十三哨中设兵三千严截江上使川贵之苗不得东入湖苗不得西过四川设一副将驻酉阳提兵三十贵州铜仁总兵增兵二千各出兵鹏剿日蚕食之苗党不合其势坐困然后以三省之力攻湖苗亦不战而自毙矣此中策也若责成楚道将并永顺保靖二司坚意杜截不许湖苗过江助川贵之苗四川遇酉阳四司进兵助火药集兵将为四司犄角贵州思铜总兵稍增兵马思石守备移驻于要隘之地封固疆圉来则攻截去则不追以为目前之计此下策也但三省并举动分彼此即湖北分守道蔡复一已百计推阻又安望异日同心协恭以平数百年之巨寇哉则臣之下计乃令之上策也 上下其疏于部院

○刑科给事中姜性言时事一言阁臣职司辅相票拟宜简重一言总宪体尊权重不得以六卿代摄一禁保留不得以子民操本管之去留抚按侵吏部之职掌不报

○丙戌 成祖文皇帝忌辰 奉先殿行祭礼遣官祭 长陵

○菰喱锋铁等族遣千卜少焦吉巴等进贡

○戊子尚宝司卿熊尚文以锦衣卫当驾官轮班宿直例宜赴司关领金牌而该卫怠玩乞行申饬不报 ○工科右给事中徐绍吉上言织造内监吕贵之罪初贵条陈

十款得旨依拟浙江抚臣刘一焜援引敕书逐款驳正是绍吉纠其欺罔之罪言敕书云毋多科妄费毋传降疋数之外别有增加今贵以加派为苏民力敕书云应用机户外不许金派扰害平民今贵乃欲括民机以恣腴削织造多驻杭州想亦相沿之便柰何创为巡历之举设东西府于苏设南北府于杭并嘉兴松江概行驻劄敕书所列曾有是乎盐法浮课奉诏蠲免漫云渔盐等税是明为攫金之谋则敕书所谓洁己奉公安静无扰者何居从来监局参随皆四方亡命之徒今巧列名目多至数十咸称奏带则敕书所谓并将跟随人役严加要束者又何为而发也伏乞 皇上正吕贵诬旨之罪收回成命户科给事中□周祚亦言之俱不报

○礼科给事中余懋孳疏言辟异教严海禁大略谓自西洋利玛窦入贡而中国复有天主之教不意留都王丰肃阳玛诺等煽惑百姓不下万人朔望朝拜动以千计夫通夷有禁左道有禁使其处南中者夜聚晓散效白莲无为之尤则左道之诛何可贷也使其资往侦来通濠镜岙夷之谋则通番之戮何可后也故今日解散党类严饬关津诚防微之大计不报

○原任少保兼太子太保兵部尚书方逢时卒逢时湖广嘉鱼人举嘉靖辛丑进士繇邑令历今官抚辽时勤于劳来把汉之降俺答之款逢时有力马至是卒照例予恤典祭葬

○起原任都察院右副都御史李起元巡抚陕西

○壬辰湖广巡按御史彭宗孟奏楚宗之禄旧额岁派并募兵等项共八万三千四百两属以新封岁支九万三千六百两出浮于入即使分毫无通亦岁亏一万二百金矣重以有司视为故事诸宗告急则任意那借自三十一年至今业借支一百余万矣不早为区处长此安穷查得武昌船料岁额万金事属无碍乞 皇上准赐抵补并严行考成旧例庶额内不亏额内不溢宗与民并受其福不报

○河南安阳诸县大蝗按臣令民捕斗蝗者给以斗谷仓谷殆尽蝗种愈繁田妇至有对禾号泣立而缢死者

○通政司通政使林梓引病求罢不允

○陕西旱南直常镇淮扬诸郡蝗土鼠千万成群夜衔尾渡江往南络绎不绝者几一月方止

○赐益王常_○迁_○谥敬益府东安王载环谥温韩府乐平王谥赤_□同谥庄简

○先是 上以 惠王 桂王年各长成命礼部选婚至是该部及五城御史以选淑女六十四名请命司礼监赴诸王馆选择 上复谕以 二王婚礼钱粮并办不及令先选 惠王一位其 桂王次第选择另行谕日阁臣言 二王婚配俱已踰时不宜以钱粮之细故误朝廷之大体乞酌典礼之中以惜物力以信 明旨未听

○乙未内使至工部右侍郎林如楚私寓宣敕旨以奉御汪良德奏准修理咸安宫也辅臣言 明旨传宣必繇内阁下该科然后发抄此定规也若不繇内阁不繇该科发不经会极门不

繇接本官突然以二<監-皿立>传部臣之私寓则从来所未有之事向来建议诸臣以旨从中出犹且虑之况臣等竟不与闻乎工科徐绍吉等亦疏谏俱不报

○套虏入犯东路参将王国兴死之虏之入犯也先以数骑泊高家堡杀围丁以诱我国兴以营兵未集独率六骑邀之伏发尽歼

○时江西报水忽涨民居荡析浮尸蔽江河南报蝗蝻冰雹广东报南韶一路淫雨骤决田禾荡然湖广报水怪突发至山东一省流贼纵横而九边按年缺饷总计五百余万合民运逋欠不下十万户科给事中□周祚请罢税发帑以佐天下之急因言 二王婚礼该监奏讨踰额所正宜裁省昔 皇上大婚七万而有余今 王礼十万而不足此何为也今若比例 大婚不复取盈则二礼自可并行成命何烦屡变不报

○巡视厂库工科给事中归子顾上言宝源局差官买铜五便大略谓年来以数万帑金轻付□人之手其耽捱冒破茫不可诘宜委虞衡司官一员给以堂劄则事无推诿各□有所统纪便一贾人之贸铜者大率辏于芜湖至荆襄而铜价更廉差官乘传刻期可至便二除关津之税输运无复留难俾一岁之买足为三岁之用而钱局鼓铸不致今日之停工便三铜既瞻足鼓铸精好令私钱不得与官钱混淆则盗铸不禁而自息便四今经费浩烦帑银渐竭若收铜铸钱则在冶皆钱积钱皆银以钱之赢补银之拙流通灌输公私充物便五此经国长计也不报

○戊戌礼部以 皇太子出阁仪注未尽复上事宜一 皇太子朝见 皇上定省问视固朝夕必躬至出阁开讲之日尤其是学为人子者然后可为人父学为人臣者然后可为人君况举在在久旷之后乎是日早宜面朝 皇上 中宫照常行礼然后出诣文华殿东厢房开讲一 先朝旧例值 东宫开讲次日早文武百官致词称贺今 皇太子讲学维新实我 皇上万年无疆之庆次日应照例于皇极门外各具吉服行五拜三叩头一旧典每月朔望日文武百官于皇极门朝参后合赴文华殿门外东西侍立候 皇太子升座行礼我 皇上端居大内礼仪久废今 皇太子初出讲日除科道官各员照常侍仪外其百官是日俱应吉服随提调辅臣并侍班讲读侍卫侍仪等官以次序立行四拜礼百官先退一出讲之典原以启总明而养德性第殿升之上严敬为主乞 皇太子当讲学之暇稍有疑义下赐清问则蕝莛得献而睿德益修矣一旧例春夏秋月写一百字冬月写五十字先用红模俟写熟后用影本送辅臣圈注呈览今 皇太子春秋鼎盛学懋光明红模等项无所用之惟看字体法帖随意写一幅不拘多寡疏上有旨责部臣恣意改拟照二十九年议定仪行阁臣亦言 皇太子年龄日茂功业日深正古人入大学之时不止区区章句之末查旧年辍讲之初四书尚未讲完尚书礼记间日轮讲今宜从未讲之处接续讲起庶经书有淹贯之益其向年进对进仿之规或仍照旧或别有更易亦祈 皇上斟酌传示以便遵行 上报云寿节在迩庆礼繁盛其初四日开讲一次日讲过重阳择吉行经书照旧接续讲读仿对不必更易

○上箬篱好地坪塞平诸番族进贡

明神宗显皇帝实录卷之五百四十七

大明神宗显皇帝实录卷之五百四十八

万历四十四年八月己亥朔升江西参政王畿为本省按察使

○辛丑户科给事中□周祚言 祖宗行取之制或一岁一行或间岁一行随取随考随考随下故先后接续铨政疏通自行取久格一变为拟衔再变为题留历三载而后取复间岁而后考又数年而后下至于今盖极重不可返矣查丁未一咨拜命于戊申庚戌一咨拜命于壬子始犹匝岁既逾二载而癸丑之题留则已四更岁籥矣若今岁拟衔仅一部寺空名尚稽俞旨甚至十载之庶常不得与三科后之散馆同沾一命部曹之诸臣又并与候考选之科道同困旅邸铨政之穷诚不知所终矣不报

○壬寅 皇太子出阁讲学以詹事府詹事刘一燝少詹事韩爌为侍班官右庶子张邦纪赵师圣左谕德公鼐右谕德龚三益薛三省杨守勤为讲读官是日 皇太子睿仪雍容玉色温粹进执事诸臣及赐酒饌皆呼先生进对进仿敏妙合法中外大悦然距三十二年辍讲今十二年矣群臣请讲学者几百疏阁臣无虑数十< 〇〇〇〇 〇〇〇〇 >仅开讲一次于是复辍

○南京兵部尚书黄克缵奏漕粮运丁之累大略谓京卫运粮船有定额甲有编签历年以来通融掣补卫军之避差自万历十四年编丁始有力之家暗通书役改窜册籍不为快丁则为仓户不为仓户则为屯丁日趋月避仅鹑衣百结者数千人为运军其中有狡谲无赖欲衣食于漕粮者充为旗甲一经签定恣意横行折乾盗卖之弊种种莫诘以致貽累运官镌职殒命而所挂漕粮计积万石查万历二十二年准户部咨开各卫军士不分领运操守杂差及马船快丁一概尽审将有力先尽旗甲次及别差等臣今已清出窜丁计三千六百一十八名悉听临运亲审金点伏乞申飭以后有仍窜名避役者照纵放军人歇役律从重究罪庶漕运不致终累矣

○先是延绥巡抚马从聘按臣龙遇奇请调宣大之兵以援榆东该部亦谓可行已奉俞旨矣大同巡抚王士奇上言近闻大同虜王率东四十二部落诸酋来边争讲市赏且兀慎摆腰五路松木青把都等酋盘据近边此门庭之忧也又前宣谕虜王不得暗遣一骑西助套虜已得虜王印信咨报今若发兵应援恐东虜亦且生心矣 上是之

○癸卯南京太常寺少卿桂有根奏 孝陵乃奉安我 太祖之神以开万世之鸿庥者每岁元旦清明中元孟冬长至雨忌辰及 万寿圣节祭共八次清明元旦长至三大祭文物俱盛无容议矣其余祭礼五次止用酒果窃思太常为 陵寝而设每岁有额设供祭钱粮乃一年经管祭九十余坛各有牲帛品饌与应用祝版独 孝陵之五祭竟无牲帛祝文陈告于 陵寝之前臣每监视祀品心惻然弗宁且 懿文太子陵殿即在孝陵之旁旧制一年十祭九次用太牢我 成祖后仅八祭又五次不用祝告牲帛是太祖当年以全礼爱其子而今日尊奉 祖宗之典祇以简约为之如之何其能安耶乞将 孝陵元旦孟冬两忌辰与 圣节瞻拜之际俱用太牢祝帛一切祭品本寺以岁入

钱粮备办不必加派从之

○南京工部右侍郎李得阳卒得阳直隶广德州人乙丑进士繇邑令历今官卒于任命给以祭葬

○予原任福建巡抚右副都御史王恩民父母祭葬

○乙巳修宣府边墙功奖赏副总兵张士显等有差

○时省直巡按巡盐等差悬缺日久辅臣言四方水旱频仍民穷盗起急须持斧之使拊循弹压之不报

○丙午 孝康敬皇帝忌辰 奉先殿行祭礼遣官祭 泰陵

○丁未祭 先师孔子遣礼部侍郎何宗彦行礼

○朝鲜国陪臣金瑩等二十五员庆贺 万寿圣节丁好善等二十三员庆贺 千秋令节

○三边总督刘敏宽奏松酋今春入犯我芦沟整等处幸我镇道合谋决胜官军稟令长驱前后擒斩三百余级夺获虏器虏畜以数千计乞将甘肃巡抚祁光宗总兵李怀信等并加优异下兵部覆

○戊申祭 社稷遣伯赵世新恭代 ○ 孝慈高皇后忌辰 奉先殿行祭礼

○己酉祭 夕月坛遣公张惟贤行礼

○ 皇太子千秋节

○辛亥以 万寿圣节颁赐二辅臣各金银万寿二副金篆字八金书红符一又赐从哲银五十两纒丝四表里道南银四十两纒丝三表里

○癸丑中秋节颁赐二辅臣上尊珍馐又赐御膳秋露酒月饼各有差

○礼科给事中余懋孳疏请用人言 皇上以深居静摄之变体易临朝 郊 庙之常仪识者谓是 肃皇帝倦勤之局然当时西内之召对上都下俞铨司之启事朝上夕报未有中外釜鬻上下相蒙使股肱不完耳目壅塞如今日者故今日临朝受贺面决万几不敢望 皇上如十九年以前而批发章疏进用人才决不可不如 肃皇二十年以后诚恐 圣子神孙但见 皇上今日之优逸而不知 皇上初年之精勤但见爵禄自我操而不知人才自我失其失之目前则误目前之天下其失之在后昆则误 九庙所诒之天下也不报

○加陕西潼关卫学廩膳十名从巡抚李楠请也

○陕西巡按御史龙遇奇奏秦民包税其苦有三一曰包赔独异之苦夫天下税课独苦在□若秦则三面临虏□贾罕至向来岁额皆派之丁亩派之间梁及陶穴菜佣之辈耳今凶荒死徙村里为墟即向来<王贞>科无从矣一曰税额独多之苦秦边地也瘠土也远在江南腹里者勿论即与秦邻界者东则山西西则四川税皆万许即大藩如河南亦六万余秦肥瘠视三省如何而税额多至十万即蒙恩减而已减之额尚浮于三省未减之数矣一曰牵误边饷之苦民止此财官司既督民以赔税小民自不能并力

以输边计秦民十八年来已输过税额一百五十万而坐逋边饷民运则已至二百四万足此误彼此又民穷财尽追呼不堪之明验所不可不罢者三也不报

○浙江巡盐御史崔尔进奏浮课之困两浙十五年于兹不惟灶口称苦即士民亦无不称苦自盐臣杨鹤具题尽蠲乃复听刘成之说取三分之一臣屡疏请罢未蒙俞旨乞早批发以苏全浙不报

○谪戍知州林应材千户陈廷策以黎岐五考官弁贪功损兵故也

○蓟门石关提调王臣私役军士出关采木为满旦夷掳去二十余人总督薛三才上其事臣拟死余杖革有差

○乙卯 万寿圣节遣阳武侯薛濂等赴 长陵 诸陵行礼

○大学士方从哲率在廷文武暨中外华夷赍捧朝贡官员于午门外行庆贺礼

○二辅臣复诣仁德门称贺 上遣司礼颁赐甜食烧割上尊珍馐又赐膳品寿面长春酒各有差

○以 圣节赏税监河南胡滨江西潘相通湾张烨天津马堂四川丘乘云南京刘朝用各岁加禄米十二石吕贵赐飞鱼服张时升左少监

○丙辰命礼部侍郎孙如游宴朝鲜陪臣

○升庶子盛以弘为国子监祭酒周如磐为南京国子监祭酒 ○丁巳祭 历代帝王遣遂安伯陈伟工部侍郎林如楚等行礼

○以怀宁侯孙承荫掌府军前卫事

○大学士方从哲以朝政日壅臣职滋旷上疏乞罢大略谓辅臣能尽其职而后人主得收其功亦必人主能听其言而后辅臣得行其志今公私并困夷狄交侵行政用人诚为急务乃连章累牍而九阍之内杳然寂然睽隔若此臣且柰之何哉倘剖心可以悟主陨首可以救时即捐糜此身曾何足惜但于国事无补而于 皇上盛德反有所累耳诚不足以感孚才不足以匡济窃叨日久罪戾益深乞别简名贤共图治理不报

○庚申 宪宗纯皇帝忌辰 奉先殿行祭礼遣官祭 茂陵

○辛酉命江西道御史胡继升巡盐两浙广西道御史王远宜巡盐河东 ○升辽东副总兵萧捷为南京后军都督府佾书

○癸亥福建巡抚黄承玄上海防事宜八款一饬寨游以定经制二设标游以备策应三重要防以杜窥伺四修船舰以裕折冲五恤水兵以起凋敝六严巡督以鼓偷惰七广军储以备不虞八议征军以收实用因言势有当变不敢慕安静之名以听因循费有当增不敢慕节省之名以听苟简然改设者第裒益于原额多寡之中不烦另处即添设者亦通融于本年撙节之内无事他求此实事之可行者不报

○工科给事中归子顾言臣嘉定县土田瘠塉岁收曾不能当府属各邑之半永乐间巡抚周忱称土定税以本县官布十九万疋准米十九万石内折色五万疋所以宽民力也后乃重折银改布样日朘月削民已称累然未尝搀入布花额内至三十五年户部

尚书赵世卿以京军急缺冬衣暂行那处遂将此项布牵合布花载入考成后久假相忘直用布花名色督徵矣顷且令久逋于数年者趋期于一旦民以何应之乞仍旧制不列之布花项内俾催科者得先后调停不至竭泽则邑民或少苏耳不报

○戊辰延庆州地震日中有黑光

明神宗显皇帝实录卷之五百四十八

大明神宗显皇帝实录卷之五百四十九

万历四十四年九月己巳朔盗窃观象台铜索夺灵台官刘臣俸两月

○兵部请谕日开操以饬营务言三营之军春秋入营操练使执干戈以卫社稷自四十二年停操圣母几筵未撤也今大礼久竣已应明旨举行之期而秋气渐深正合天道肃杀之候乞立敕择日以新戎垒不报

○兵部覆御史李嵩巡关八议严防御以卫陵园一核军饷以清虚冒二查边工以固疆圉三练乡兵以备缓急四通拘缀以伸国威五开使过以厉才勇六重海防以备倭变七禁左道以杜乱源八得旨允行

○时套虏纵横延东残破延中延西既自为战花马之兵复远不能赴总督刘敏宽等以宣大距延东止隔一水乞敕该镇督抚遇套虏攻围发兵应援有功照例升赏丧师即正军法给事中赵兴邦言宣府咫尺陵京所关甚重若忽门庭而急藩篱舍肩背而卫手足此事理之不可行者从之

○兵部覆延绥巡按御史龙遇奇疏言边陲之所以制虏命者在兵饷之预其备而朝廷之所以得士力者惟功罪之酌其宜如按臣议借苑马寺银六万就近动支俟年例补偿此代匮之策也召买临边居民粮石给以时价此应卒之权也以选该镇精锐分置要害责之抚臣以合三镇精锐协援冲剧责之督臣以奋勇倡先相机堵剿责之武臣以坚壁清野申严查核责之道臣以团练丁壮固守城寨责之沿边道府州县诸臣以严信地之画重纵敌之惩申失机之罚责之按臣并督抚诸臣此分任合济之略也至年来捣巢之功应与秋防并论俟秋防事竣有得无失则全叙得失相半则酌叙其秋防能以城堡全者抢掠之一二可略能以血战胜者损失之吹求勿苛又功罪适中而激劝得宜之术也有旨依拟

○甘肃虏银定歹成入犯镇番参将潘国振却之

○壬申孝恭章皇后忌辰奉先殿行祭礼遣官祭景陵

○癸酉掌宗人府事驸马都尉侯拱宸进代韩等王十三府玉牒

○甲戌升原任福建副使关梦得为四川参政

○升山东都司佾书相继垣为广东都司中都留守佾书王云鹏为江西都司原任游击王兴为贵州都司

○应天溧阳等处水灾江宁广德等处蝗蝻大起按臣骆骏曾疏陈其状且云蝗不渡江乃异也今垂天蔽日而来集于田而禾黍尽集于地而菽粟尽集于山林而草皮木

实柔桑疏竹之属条干枝叶都尽窃闻数郡之内数口之家有履田一空而合户自经者非 皇上眷焉惠顾救此一方民则江南半壁殆岌岌乎危矣不报

○乙亥户部尚书李汝华奏事例之设盖以济军国之穷故援纳之司专隶于臣部久之工部亦分开矣分开而虞其偏重故两部有三七互角□羊之规互解而惧其溷淆故台省有三七分月之议各经题请议定今原议月分宜户开工止乃工部并开已越八月行文抵牾则省直无所适从分署招徕则员役不胜观望终为不定之局亦非所以尊明旨也 上谕遵前旨不得互争滋扰

○丁丑重阳节赐二辅臣上尊珍饌

○礼部题代王二子鼎渭鼎莎皆庶出也长幼之序天定之矣代王老悖溺床第之爱举定序而紊之今 玉牒仍开鼎莎为嫡业驳回改造亦竟度阁则父子兄弟之伦已无望代王之能正矣我 皇上固纲常之主也臣部及科道数年疏请而□明旨杳然使孤危之鼎渭日廛小弁之忧而不弟之鼎莎日深推刃之计 皇上笃念亲亲宜为代藩计长久盖庶干嫡孽乱宗何代□□甲伐□有惟恃 明主以三尺裁之耳不报

○己卯霜降节祭 长陵 诸陵遣保定侯梁世勋等行礼祭恭仁康定景皇帝遣惠安伯张庆臻行礼

○时九边之饷所在告缺蓟密永昌易缺八十万辽东缺四十万陕西三边缺七十七万宣大山西缺九十一万阁臣日请发帑 上以二王婚礼不敷犹不肯发帑金数万令一时并举兵科给事中赵兴邦言今日之二三百万抚之而有余他日之几千万安之而不足不听

○癸未会试天下武举以左谕德公鼐右谕德薛三省为考试官

○大学士方从哲言 皇太子讲学前月奉有重阳后择吉来行之旨今秋气澄清霁吉以请 上复以天气渐寒谕令明春议举阁臣执奏谓国朝经筵虽有大寒大暑暂免之例然一年之中讲者居半若 皇太子出阁之初自春至冬都无间断何至今日而每以寒暑为解也未寒未暑之先既不得乘时而开将寒将暑之际又辄先时而辍然则毕竟何时可讲而后为不寒不暑耶礼部与科道连疏争之俱不报

○加升金复海盖道按察使靳于中为山西左布政宣府口北道兵备副使杜承式为山西按察使

○巡抚山东右副都御史李长庚疏议县囚王<□□> 霍>功罪王<□□> 霍>者安丘县民也睚眦杀人系县狱拟抵矣剧盗张国柱之倡乱引众五百人入安丘类以絳帛抹首时县令梁无宿备跳而逸贼坐正厅事指麾其党劫库藏破械出狱囚<□□> 霍>与焉乃诈降贼标旗为顺号予之俾巡视<□□> 霍>密戒诸囚无动动者死矣阴结县令为擒贼计约城外张军声以撼贼入而宣言于贼曰官军至矣何不走贼踉跄出城未及半<□□> 霍>阖扉坚守手刃一贼持其首号召吏民令乡兵各去其帽曰抹首而絳者贼也复立砍渠魁十许人于是城中人并狱囚起逐贼尽歼之<□□> 霍>搜获贼

所劫库物还之官事既定束身入狱抚臣言<□□□ 霍>一罪囚耳而仓卒成定乱之功其佯为从贼智也戮力歼贼勇也事平就狱口不言功忠也虽杀人者死国有常刑而会典亦有犯斩罪立奇功准赎之例乞宽一面开义士自效之门 上下其疏于兵刑二部既覆议 上命释之

○原任南礼部尚书王弘海卒弘海广东安定人嘉靖乙丑进士繇简讨历今官卒于家 上予祭葬以日讲劳加祭一坛

○己丑户部奏八闽巨省产盐最多盐课仅二万二千余两似属太少前按臣徐鉴言该省额派三万七千五百六十五引而盐行六帮引少帮多以致私帮横行议增引目二万六千七百七十五通岁解部银七千三百三十九两此宜著为定议又查漳泉兴三府原会典行盐之地近乃不食官盐不忍国课有违 祖制乞严行查明亦可助国计万分一也报可

○河南抚按以通省旱蝗为厉议改四十四年漕粮三十一万石临德二仓米八万石每石折银五钱仍求缓徵户部言漕运皆属边糈若全折则军国奚赖不折则民命何堪但今岁之灾烈于昨岁合照上年折例量为少增以救疮痍请准折六分每石折银五钱务在当年徵解余四分仍徵本色如期输纳庶民困可苏军储有赖从之

○山东巡抚李长庚奏东省异灾之余死徙流离十之六七幸而存者非沟壑残躯则萑苻遗党目前最苦无如开徵一节非用一缓二少纾其急哀此子遗鲜有存者故旧逋当蠲逃户当免荒地当宽旱蝗当议存留当酌其四十三年乞俯从部议以税银抵充尽蠲免至于漕折例虽不免或如该司议准入每年带徵之数若开徵四十四年钱粮照前五款分别宽恤余俟勘疏详请不报

○赐周府鄢陵王在予□金谥庄和乐昌王廷璠谥端宪

○庚寅广西田州并所属上林县土官岑懋仁等差族目岑宝贡马及银器 上以表文字细谕该部移文究饬

○壬辰礼部覆贡生廖汝忠疏言教职之设原以待明经之选自举人与副榜下第乞恩者众而贡途之升日壅请自今以后下第举人乞恩限定三百名永为定额其授过教职会试不第除原系副榜及本科新中副榜再准告留会试一科其余吏部即为推升不准通状愿留会试以塞贡士升迁之路从之 ○礼部以 瑞王成婚将及二年据例请遵 祖制分封豫建藩府不报

○礼部又言蜀王奉铨府第四罹回禄其先世 累朝颁给如 大明会典 皇明祖训王国典礼宗藩要例等书与夫田地册籍举为煨烬乞敕补给被毁诸书俾藩有所考证至山田地土下所司清查疆界亦所以崇藩体而恤其私也

○乙未巡抚延绥都察院右佥都御史金忠士奏新兴铺建设腹里偏僻之地居民仅三十余家堡阔人稀孤悬无倚城垣铲削若不预为归并倘遇虏倣无以自存查新兴离石□崙井路仅七十里本堡军民咸愿归并石□崙井合力拒守以防虏患乞将新兴

仓官一员裁革下该部议

○免江北抽扣节省银两先是征播征倭兵饷无措户部通行省直凡冗役公费等项可以节省抽扣者解部充饷故庐凤等四府三州每年共节省二万七千余两及倭播平复而此项未蠲甚至摊派善良追徵颇苦淮扬巡按唐世济援恩诏以为请户部言自本年以前已徵在官者尽数起解拖欠在民者悉与蠲除以后不得如前抽扣从

○巡抚云南右佥都御史曹愈参引疾乞休不允

○丁酉升陕西副使张之厚为本省西宁道参政

明神宗显皇帝实录卷之五百四十九

大明神宗显皇帝实录卷之五百五十

万历四十四年十月戊戌朔孟冬享 太庙遣驸马侯拱宸恭代

○钦天监进万历四十五年大统历命颁赐文武群臣

○己亥 孝洁肃皇后忌辰 奉先殿行祭礼遣官祭 永陵

○庚子辅臣题宣府巡抚汪道亨揭称该镇缺粮已四五月军士或卖其弓箭衣服或质其妻子以救旦夕之命于是召募之兵率多逃散又有奸人勾引亡人虏中忿怨之余攘臂思逞兼以地震连旬不止讹言繁兴土著之民咸欲移家关内而黠悍之徒偶语密谋词多悖逆泾原之变可为寒心乃蓟镇传报夷妇满旦向因挟赏不遂纠合诸虏谋犯蓟门声息甚急为今之计欲弭边患在固人心欲收人心在足军饷以太仓如扫舍皇上发帑之外更有何策安危所系时刻难缓所费者少所得者多柰何不为 宗社计也不报

○辛丑 中官千秋令节文武百官朝贺命妇免

○颁赐二辅臣上尊珍饌

○升徐州参将姜济美为山东副总兵义州参将颇廷相为辽东副总兵威远参将冉有通为大同副总兵惠州参将董永遂为广东副总兵

○户科给事中□周祚等自年来矿税繁兴民穷财尽正赋日逋加以雨暘不时水旱频仍议蠲议停顿损边储二百余万而太仓遂缺十之五六矣度支岁入不过四百万每每出浮于入业已难支自万历初年岁取二十万以备供奉总计几三十年约支银六百万又征倭征播先后支老库者几千万至册立封婚一切典礼例取给于承运者又皆括之外帑更不下数百万而太仓遂耗十之七八矣臣等妄意榷税以来进奉无算捐大内百分之一足以救九边万分之危而 明旨屡称内库空虚殊不可解乞 皇上简御前所积慨发数百万金以抵缺额在昔年以额外之徵致亏惟正之赋而今即借额外之赐以抵正赋之穷 皇上岂有爱焉不报

○套虏猛克什力复犯波罗堡总兵杜文焕破之先是高家堡损折裨将虏气益骄中东各酋群赴神水滩听吉能等假款会事意在乘机要挟而猛沙二酋自恃狡黠不赴会初犯双山防兵堵回复犯波罗冀图内讧不意降夷先洩其机彼方穿塞我兵四集杜

楚府拨补之淤田也而取以废雍败屋之余课也而取以广进等洲为废辽子孙糊口之业淤泥等湖为故相已没之产贫宗士民曾纳价于宫中也而亦取若是其琐刻也而田额必不可完诚无所逃罪不报

○辛酉颁赐二辅臣杨梅各一簋

○甲子夜烈风折正阳桥坊

○丁卯大学士方从哲言正阳门桥为朝廷向明之象都城之拱卫万象之观瞻系焉且此坊距天坛止三里许为大驾必繇之地而仲冬之月正郊禋肇举之时此地此时有此异常之变岂非警戒之极切者哉窃谓皇上宜乘此长至之期躬举大祀以奉明威其他如储讲暂开而旋辍王婚并举而忽更九列之职稀若辰星风宪之司閤然空署郡国乏持斧之使六垣无掌印之官逐客绝赐环之望累臣无解网之期又如转科考选候补散馆诸数年不下甚至既选之教职千有余人候凭半年而杳不可得朝政日壅人情日郁帝天之震怒端出于此给事中余懋孳亦言后汉时大风发屋吹郑门扉数十步而落召司天监赵延义问祈禳之术延义对曰王者欲弭灾异莫如修德彼以闰位君臣其称述犹若是夫信诏令而明赏罚乃今日回天要务也俱不报

○以陕西副使尹坤提调本省学政升东昌府知府岳和声为福建提学副使

○准乐昌王廷燬庶一子鼎金□乎管理府事

○楚东安王宗室朱万年以其稚子冒粮长史江一蔚发其弊万年奋臂殴之长史谢病归按臣彭宗孟劾万年宜降粮从之

○各卜诸族遣曾巴等二十八名进贡

明神宗显皇帝实录卷之五百五十

大明神宗显皇帝实录卷之五百五十一

万历四十四年十一月戊辰朔原任凤阳巡抚李三才有罪革职为民先是三才归自淮上筑居通湾张甚御史刘光复等劾其擅买皇木侵占仓厂一时论者哗然工科吴亮嗣等奉旨往勘以实闻上怒下法司拟罪于是刑部右侍郎张问建都察院署院事吏部左侍郎李志大理寺右少卿王士昌会审各犯疏言国家捐数十万金钱特遣郎署之使购求木料用缮宸居而建仓通湾以为储材贮糶之所其典制重其规创久官民界限载在令甲者綦详且严而不谓三才之虎噬鸱张而无忌也阅查审之供票则擅买有凭按丈量之咨呈则侵占可据县官拮据而采之豪绅恣纵而攘之祖宗百年而守之权官一旦而据之虽两造面质数至七百有余而众口犹喁喁未休虽深

\$\$\$-10414-&&&&

心虑败添入孔圣遗像而真情实昭昭难掩问谁拨置家人有应得之罪问谁主使本官难免首事之诛至于丈地还官如数追木清久逋之国课振积弛之王章则此招亦大公案矣有旨李三才既属回籍官不思省躬修行輒敢盗买皇木侵占厂基胆大欺君

且数逞狂妄挠乱计典本当处以重辟念系大臣姑从轻革职为民余依拟发落

○予总督两广军务兵部右侍郎兼右佥都御史升南京刑部尚书张鸣冈祭葬鸣冈江西万安人繇庚辰进士为御史以劾奏权珰降广德判官历数十年督两广遏税监不得入粤为民请命章数上至是候代卒

○己巳夜隆德殿灾殿距宸居不远 上心惊恐终夜不宁阁臣上疏恭慰优答之复勉以入阁视事

○壬申礼部题人主天之子也呼吸相通精神相感得其道则万物遂而休徵应违其道则万

\$\$\$\$-10415-\$\$\$

物郁而休徵应故五行传曰视之不明是谓不哲则火不炎上京房易传曰君不思路厥妖火烧宫火之神曰郁攸郁不极则发亦不暴也火郁则暴作人郁则乱兴夫欲弭其灾< ䷗ ䷗ 金 > 其郁而已欲疏其郁惟用行政加之意而已有如官备政修利兴害祛一举笔间便还 祖宗之旧而大畅生人之郁天意不回祲祥不至者臣甘受妄言之罚不报

○癸酉大学士方从哲等言前以禁城离照之地而桥坊隕于暴风今以宸居严闕之区而殿宇飞为烈焰旬日之内奇变叠呈此岂可以寻常视之而苟且应之决非青衣角带之故事所能挽回亦非减膳撤乐之弥文所能消弭惟我 皇上恐惧之真心行修省之实政破因循之积习振明作之治功时事之壅滞者尽为举行群情之郁结者悉行纾畅庶几人心可得天变可回谨将目前重大切要之

\$\$\$\$-10416-\$\$\$

事列为数款以便简阅一点都察院堂官一点各差巡按御史一委各科署印一允候补科道张孔教等考选李若圭等散馆暴谦贞等一补坊局掌印官一补管理诰敕官一释御史刘光复之狱一起林下久废之官俱不报

○六科给事中余懋孳等上言时事其略曰 郊 庙大礼臣下之代掇不可为常天性至隆婚讲之明纶不宜屡易阁臣有阁臣之职而票拟潜移揭请不报则阁体变矣部臣有部臣之职而启事中格题覆稽留则部体变矣风宪何任则三堂可以全空封驳何官而六印可以全匱巡方何寄而十数差可以全悬赐环者既无返期羈旅者又同永锢而台省之体变代庖者苦左方而右圆糜禄者又十羊而九牧先代成规百不存一而庶官之体变惟下有人事之异故上有天行之灾非 皇上及时修省以答天谴恐天下

\$\$\$\$-10417-\$\$\$

不可为也不报

○兵部署部事左侍郎魏養蒙覆浙江道将御倭功罪先是巡抚浙江右佥都御史刘一焜奏略谓倭以大小船二只犯宁区海洋一战乘风而去其犯大陈山姆岙亦二船耳把总童養初领四十余船虽互有杀伤而丑类未歼也及倭自宁台追逐出洋毕集于

温大船六小船廿余夜悬灯鼓吹以遇南麂我兵连综死战继以火攻而反自焚即哨官翟有庆焦头烂额捕盗王宗岳扶伤割级何救于失事哉三盘闻南麂之急横海赴援倭以马快船直捣其虚游兵游击尹启易等冲锋犄角颇有斩获而官军之阵亡者重伤者亦略相当倭船竟遁深洋矣盖倭以五月初一日入以廿一日遁此三区外洋御敌之情形而各总哨功罪之定案也于是兵部疏言浙地滨海所在防倭温台宁三区俱属要冲鸡笼淡水二岛正对南麂尤当

\$\$\$\$-10418-\$\$\$

日夕戒严者第自麦头园入犯之后已踰七载地方苟幸无事武备渐懈弛今倭船分犯狡谋叵测赖当事诸臣严加策励在宁区则夹攻击于五罩在台区则攻围于大陈在温区则两犯南麂一战三盘始而兵夷舟燬罔能取胜继幸为惊鱼骇聊且旋师总之一倭不入内地固诸臣筹画捍御之多方而数战仍纵情归实各将智愚勇怯之异致松海把总董养初宜罚俸半年金盘把总李耀祖宜革任回卫其道将等官应否叙录行巡按御史核实具奏从之

○礼部奏雪泽愆期请命顺天府祈祷从之

○升黄浦参将李应元为开原副总兵神枢营副将张调元为定边副总兵海州游击梁灿为石门副将

○甲戌祭 三皇之神遣礼部侍郎何宗彦行礼

○ 上遣鸿胪寺官谕元辅于私寓朕自入冬以来不时动火顷因边饷无措忧思焦劳复

\$\$\$\$-10419-\$\$\$

值灾变弥增惊惧至今调摄未痊知卿疾已愈何得杜门政务繁重正赖竭忠匡赞弼成化理况履长节届宜表率百僚以副眷倚辅臣疏谢言抱病旷官累牍求罢乃 圣谕勉留之笃与属望之殷无以复加矣然 皇上所为惓惓责望于臣者曰匡赞曰佐理臣即捐躯陨首其何敢辞迩来天灾叠见民困日滋国计空虚夷情骚动贤俊无登庸之日官府成否隔之形臣力不足回天诚不足格主亦既昭然可见矣报闻

○己卯刑部尚书李鋹引疾乞休时鋹署都察院事疏言臣以中风痊否未卜第念都察院何地此时何时自代署以来院堂一空台班寥寂巡方报满守株代题经年候命巡城更番殆遍小差借及深资侍班参用厅司考选久候告归臣之溺职甚矣 上谕以暂管院印其点用堂官及各差已知之

○庚辰冬至祭 天于 园

\$\$\$\$-10420-\$\$\$

丘遣英国公张惟贤恭代

○祀 皇祖配 帝遣驸马侯拱宸恭代

○遣怀宁孙承胤等祭 长陵 诸陵

○遣惠安伯张庆臻祭 景皇帝陵寝

○辅臣方从哲率文武群臣于午门外行庆贺礼复偕大学士吴道南诣仁德门拜贺 上遣司礼赐酒馔各赐烧割甜食伏姜而退

○是日赐二辅臣上尊珍馔及百官钞锭

○ 上以英国公张惟贤宣劳年久命加少傅兼太子太傅 ○壬午大学士方从哲入阁办事

○甲申赐辅臣鲜藕各三枝

○乙酉 孝惠皇后忌辰遣伯王明辅 茂陵行礼

○丙戌夜月掩犯轩辕左角星

○命广东道御史毛堪巡按顺天陕西道御史刘廷元巡按真定

○丁亥南城延喜宫灾

○原任礼部尚书兼东阁大学士李廷机卒遣官致祭仍加祭四坛造坟安葬廷机晋江人会试第一文章温穆有先民风及以翰林典

\$\$\$\$-10421-\$\$\$

国学署礼部所至清苦自厉节缩浮冒核实用计经久既参大政门屏萧然以忠清直谅为 上所特简居相位五年杜门请告凡百余疏情急辞朝下弯长行而后得旨赐银币遣官护行至是卒于家遗令子孙云身后更无遗表即令长逝不得渎奏朝廷邀求恤典其子恪遵父命不敢违抚按为代题礼部引旧辅沈鲤例祭葬予谥宜从优厚阁臣亦言本官天性忠贞生平廉洁言动一毫不苟取予一介必严署部则尽心任事劳怨不辞赞政则矢志匡时安危自任宜有殊锡以励羔羊之操 上从之复与谥文节

○兵科给事中赵兴邦条上疏通武科之法言近见新科中式武举聂国伟等困于效用之无期也思以中十团练旗鼓等缺乞改钦依兵部掣签推用所谓不得已而思其次耳然旧例中式在前者拘把守提备等官其缺原少则其

\$\$\$\$-10422-\$\$\$

势易壅今所开中千旗鼓等缺其途太多则其法易乱壅固穷于下乱亦格于上非经久之术今有六议焉一留部之数宜增往中式前三十名留部推用今量加十名以示优异一武举之见任宜别夫见任武举其驱驰于衙门拮据于地方者不无微劳可纪乃既中式之后与未效用者比何以劝乎宜于留部外其见任者与世职同例录用一钦依之请当从据国伟所开诸诚为太滥谓宜止将督抚旗鼓并各道中军除留部及世职见任武举需次推用外其余改为钦依酌量委任一进退之法宜严旗鼓等缺既改钦依果授事之后谋勇可观即推提把等官其劣者不时题革则以劝惩为< 足 铤-金 >通之道也一新旧之用宜酌均一中式武举也新者得通旧者仍滞又岂法之平乎应查旗鼓诸缺新者用七旧者用三新者论序繇前及后旧者论科繇

\$\$\$\$-10423-\$\$\$

深及浅则人无不均之叹矣一加纳之途宜清近来武职加纳者已停推矣而未尝议罢则以无过而斥或积劳之可惜而不虞其占缺成壅滞也今议除世职武举加纳者择其效有劳积荐过三次者酌量迁转其余杂流一切汰遣永杜纳级之门则戎缺自广又< 銚-金 >滞之源也兵部覆从之

○

○戊子升工科右给事中徐绍吉为吏科左给事中署该科印务

○允刑部右侍郎荆州俊在籍养病

○己丑刑部左侍郎张问达引病乞休不允

○壬辰吏科左给事中徐绍吉言六科之设职守相关有章奏即有封驳有抄发即有印信各有职掌无偏重轻今幸一科之得印而叹各科之无印非平也还一科之职掌而废各科之职掌非政也候转诸臣与臣同而奉旨先后与臣异非体也况京察在迩关系甚大臣以一人之身拮据其间少有疏谬其何以

\$\$\$\$-10424-&&&&

副命不报

○甲午晓刻月掩房宿南第二星

○户部覆山东巡按毕懋康疏言东省比岁灾伤民困实甚乞将本年存留夏税尽行蠲免其临德仓米每石折银七钱解纳从之

○予驸马都尉杨春元祭葬

明神宗显皇帝实录卷之五百五十一

大明神宗显皇帝实录卷之五百五十二

万历四十四年十二月丁酉朔升国子监司业骆从宇南京司业汪辉为左中允翰林院简讨丘士毅徐光启周炳谟黄立极为左赞善编修黄儒炳为右中允简讨来宗道韩文焕魏广微彭凌霄为右赞善

○工部奏顷江西按臣陈于庭以江省荐饥洪水暴涨浮尸相枕题留户工二部税银及麻铁等项一年一备蠲赈但该司称弓箭胖袄系军务要需难以留赈惟暂宽一年以竣带徵至事例银一节户七工三宜照旧例共留一年给赈从之

○南京太常寺少卿桂有根再请修南京 奉先殿

○庚子 慈孝献皇后忌辰 奉先殿行祭礼遣官祭 显陵 ○壬寅宴朵颜等卫进贡夷人董忽利等十八名

○丙午夜火星逆行翼宿初度

○命押发远夷王豊肃等于广东听归本国先是远夷利玛窦偕其徒庞迪峨入京上嘉其向化之诚予之饩廩玛窦死复给以葬地而其徒日繁踪迹亦复诡秘王豊肃等在留都以天主教扇惑愚民一时信从者甚众又盖屋于洪武冈造花园于 孝陵卫寝殿前南礼部特疏参之南府部台省合疏参之北科道诸臣参之故南科臣晏文辉有速

赐处分之请而迪峨等亦刊揭逞辩千里之远数日可达人益疑豊肃等为佛郎机夷种及文辉疏下礼部覆言此辈左道惑众止于摇铎鼓簧倡夷狄之道于中国是书所称蛮夷猾夏者也此其关系在世道人心为祸显而迟但其各省盘踞果尔神出鬼没透中国之情形于海外是书所称寇贼奸宄者也此其关系在庙谟国是为祸隐而大阁臣亦力言之有旨王豊肃等立教惑众蓄谋叵测可递送广东抚按督令西归其庞迪峨等礼部曾言晓知历法请与各官推演七政且系向化来亦令归还本国

○丁未礼科给事中余懋孳疏称 长孙就传言 文皇帝永乐五年即命长孙出阁就学历九朝而我 皇上始见十余龄之 长孙灵承启绪家法具存盖以遵 祖制则出阁宜早也 孝定皇太后临诀遗言 皇上所深佩服讲学之嘱言犹在耳故以重慈旨则谕教宜先也去岁 慈宁宫之召群臣具在亲承 天语下不敢请而 上自言之故以昭大信则择吉宜预也伏睹 大明集礼 皇子 皇孙出阁讲学皆以八岁古者士庶之子十年出就外傅十三学乐诵诗若国君则十二而冠有为人父之道今 皇上之元孙淦士庶就傅之期越国君成人之齿而使居内廷不亲师保即庶人之子犹虑其汰而况天子之元胄哉不报

○时经选官员以吏科缺人未领凭者积至千余各官守候久资斧缺相率而去及上以徐绍吉署科事上言官不候凭宜加罚治以重风纪 上不问

○以考满加元辅方从哲太子太保文渊阁大学士荫一子中书舍人照新衔给与诰命从哲疏辞言报主之念虽殷用世之才甚拙上之不能主持国是感格 宸衷次之不能匡济时艰赞襄庶务下之不能调和众志镇定群器奔走虽及三年辅理实无一效况今大僚多缺言路虚空仕涂有积薪之嗟岩穴无赐环之望荐贤为国职业谓何即此一事而臣之旷官已可见矣 上优诏不允

○赐元辅原封钞二千贯羊一只酒十瓶 ○庚戌 世宗肃皇帝忌辰 奉先殿行祭礼遣官祭 永陵

○辛亥升蓟辽总督兵部右侍郎薛三才为兵部尚书协理京戎戎政两广总督兵部左侍郎周嘉谟为南京户部尚书浙江左布政陈所学为都察院右副都御史巡抚山西

○敕辽东巡按御史提问清河游击冯有功责其启边衅之罪也初清河与奴酋邻以金石台为界旧禁不许汉人出境有功以协营采木孤山堡葺军丁房遂私纵军民出金石台采运木值奴酋瞰知邀杀四十余人辽东督抚移文诘责之奴酋悔罪认罚献生事部夷十人梟斩汉境上至是督抚诸臣以奴酋阳顺阴逆为祸方深但有功营利衅当正其罪 上是之

○时两淮盐法因内监鲁保借名增加浮课俛行存积大盐以致盐单壅滞内□困于套搭边□仓钞莫售岁课停压两年有半户部尚书李汝华上山东司郎中袁世振条陈十议一议积引之弊与宜行见引大略二正行见引之法三疏积引四平盐场之价五行盐次第六采酌边内诸□条议务归平准七论运司各官宜择人而

使广行风励与之更始八禁私盐有法九复淮扬食盐旧额十议处停压之课大意务行见引二分带行积引一分以疏口困其言甚便得旨允行

○甲寅阁臣以年终将讲过经书类写进呈遵旧例也

○广东巡按御史田生金再请留税赈灾言水旱之灾有一于此民已不堪而东粤一岁之中盖两罹也先是五月间洪水为虐淹浸城市坏庐舍漂人民殊为数十年未有之变迨后七月不雨至于十有一月民间树艺粒米无收臣等发仓廩搽库藏审贫赈急余粟平糶修城郭以防盗筑圩基以聚民而钱粮苦于无凑多方移借以充之至于带徵者且缓存留者议蠲苟可拯民惟力是视而赈糶有限修筑无资那移者易穷而蠲停终难抵也非乞恩于 皇上之留税将焉能哉夫此一税也以活亿万之命则宜留以弭意外之变则宜留 皇上当必辨此矣不报

○大学士吴道南乞休疏凡十七上不允

○丙辰辅臣言行取诸臣自癸丑留部已过四年自甲寅考选亦既三年在臣等言之已数在 皇上听之已压矣外人不知妄意 皇上恐议论繁多故迺过为裁抑臣等窃谓不然诸臣剔历已深困衡既久一旦任职必能以老成之见抒忠荃之谏况言之当者用之不当者置之听之有道何虑其多今内计在迺咨访需人及此时而使之受事既可以广耳目之见闻又可以省后来之议论计无便于此者不报

○丁巳巡抚应天右副都御史王应麟引疾求解职不允

○癸亥刑科给事中姜性请宽释中尉克马口牙驸马都尉王昺先是克马口牙以救刘光复发高墙昺救光复言切至斥回籍故性言及之

○总督宣大山西等处地方兵部右侍郎兼佥都御史吴崇礼疏言晋中抚按并缺关系匪轻有旨巡按御史命王国祯往新抚臣陈所学速赴任

○陕西韩王府承奉张国辅贪饕悖戾以王幼冲欲与王坐王不许每进见昂立不行跽伏王尝传旨禁其不法事辅抽刀断旨或面叱王为不解人拂袖去王诉之诸臣声泪俱咽分巡关西道奉王令旨擒送仪卫司监候抚臣李起元上其事请行勘问

○广东巡按御史田生金以四十二年恩诏有建言谪戍者许抚按官具疏开释之旨乞将原任给事中戴士衡今戍廉州原任知县樊玉衡今戍雷州二人敕下兵部开伍发回原籍为民不报

○南京兵部尚书黄克纘上修省疏言 圣明御宇以来火灾示惊者屡矣一见于乾清宫而宸居非旧再见于皇极殿而视朝无所也今隆德殿又见告矣宫殿之间肘腋之近夜半火起其光烛天 皇上见之震惧不宁于斯时也必且私有祷于祝融愿稍霁威平昔所为有不善者不吝改图此时念谁实起之谓非 皇天之仁爱哉然旬日以来未发号行事有以大慰人心者岂 皇上畏天之心与火俱燃亦与火俱熄耶六合为家四海一室其所系之大非止一殿而已故王室如毁商政所以兴嗟无毁我室姬以所以托意也 祖宗二百余年之家室而轻视之曾不如数百万金钱之可爱也亦失轻重甚

矣大臣不推室家挠栋梁也台谏不充室家缺户牖也庶僚不备室家撤榱瓦也帑藏告竭室家乏盖藏也小民贫困室家削产业也边防不固室家颓垣墙也有一于此可为寒心而况兼之可危孰甚焉愿 皇上大悔前愆一更旧辙收罗人才以济时艰罢税停织与民休息大澳居积以安边疆修储教行婚礼以燕翼子孙下章奏采人言以宣畅下情庶几人心悦而天意回也不然天固火之我复新之是天之所以垂戒者适以重困小民耳何益哉不报

○土司韦酋结引交夷数千人侵犯内地所过乡落残破殆尽直薄上思州城官军力拒之始退两广督抚周嘉谟等〈□□ 疏-金〉请于受降城筑一大营募兵三千分布要害增饷非二万余金不可宜将该省榷税留充兵饷仍行各土司岁拨目兵戍守苍梧等处得旨令该部议覆

○丙寅顺天府进春文武群臣行庆贺礼

○是日赐二辅臣上尊珍饌

○自嘉靖初年镇筴等处红苗叛乱讨平设立乾州五寨洞口靖疆清溪长宁等大小十八营哨每哨兵卒或二三百名或百名委辰沅等各卫指挥千百户督兵防御又该参守各一员统制弹压自万历十六年以来各哨将官不简练壮勇皆以贿收及闻苗出犯哨官无计率给苗粮乞和又地方失事不报克饷进贿参守彼此弥缝以致兵弱我民亡命者复告以内地虚实潜相勾引至四十二年七月后苗贼入大章龙潭等处明年入大小伍冲等处杀掳之惨无日无之各营官巽懦观望来不侦探去不堵截抚臣梁见孟参罚失事官陶正阳王可大等后有冲果苏木溪之小捷然终不能一大创苗益炽矣

○河南巡抚梁祖龄报擒流贼程正国等乞分别首从依律定罪以正法纪其有功员役酌量奖赏以示激劝兵部覆奏从之

○丙寅岁暮行 大袷礼于 太庙遣侯吴汝胤恭代

明神宗显皇帝实录卷之五百五十二

明神宗显皇帝实录卷之五百五十三

万历四十五年正月丁卯朔 上免朝贺大学士方从哲诣仁德门行叩头礼是日以元旦令节颁赐二辅臣上尊珍饌 升吏部郎中梁克从为太常寺少卿提督四夷馆戊辰兵部覆参高家堡失事各官先是套虏沙计糾合各部人犯本堡迤东地方本营都司金书王国安不俟侦探率中军刘更化亲丁官进忠等先驰追剿乱沙中突起达骑百余杀国安等六人至是部议本堡操守赵一龙等革任提问领兵把摠白遇恩齐朝阳革任勘处兵部李栖凤总兵杜文焕各罚俸巡抚马从聘时已赐休总督刘敏宽势难兼制俱免议王国安时加优赉并官丁刘更化等勘明优恤从之

○己巳 宣宗章皇帝忌辰遣官祭 景陵

○辛未大学士吴道南方从哲言自榷税之政行而貂珣盈于远迩网罗遍于闾阎始犹取之商旅既则取之市廛矣始犹筭及舟车既则筭及间架矣始犹徵之货物既则

徵之地亩徵之人丁矣穷天际地揆括靡遗繇公逮私那移殆遍或借之赎醵或扣之各役工食上下交征官民并困臣等私计之当矿税并行每岁所获诚为不赀自开采停而大数已去其半矣自分解助工而内帑又去其半矣逮 圣母上宾恩诏减免而进内解部之数又去三分之一矣加以留税之请无处不然一岁之入能有几何以< 此夕 > 须之物而损朝廷之大体伤 圣主之令名重小民之怨讟臣等深为我 皇上惜之 < 疏 毓-金 > 不报 壬申大学士方从哲等言御史刘光复愚戆直言平日欲以储讲一事叩阍力请一旦见 皇上亲御宫门 皇太子 诸皇孙俱在左右以为千载一时遂不觉慷慨奋发越次进言其忠愤之气深有可取者倘乘改岁之时焕发德音将光复立赐释放则恩威并用仁孝两全而转圜之量克于四海矣不报

○甲戌户科给事中官应震请释累臣刘光复召还刘文炳郭尚宾翟凤翀起用凌汉翀允推韩光祜补用考选起复李若圭张孔教等且称首揆之言宜从次揆之去宜决不报

○乙亥大学士吴道南< 疏 毓-金 > 乞休致 上慰留之不允

○两广总督周嘉谟条议海防事宜一并事权以便调度自兵巡并于驿传海道专以汛防事权既分表里不能策应今议陆路官兵仍属巡道管辖其里海宜并归海道一切船器兵饷与海上功罪悉属之汛期则巡视外海汛毕则巡视里海贼突外洋则内兵策济贼侵内港则外兵应援一精船器以裨实用各路船式惟闽最善以后粤海兵船宜依式改造买料责之捕督工责之将领稽核钱粮责之海防违式冒破一体参究一简将卒以壮威武凡武弁中水将尤为难得宜于水者应久任超迁以鼓励之及各寨防倭水兵月粮出汛仍给八钱收汛原减至二钱者酌给七钱并责成海防官兼该路将领勤加训练一定汛规以便责成故事春冬二汛各道皆躬为巡阅承平日久多有愆期而往先期而还甚且高坐郡城以虚文应者以后汛期各道先宜亲临广州海道于新安岭东道于海丰潮惠道于潮阳岭西守道于吴川岭西巡道于阳江海比守道于徐间总兵官移驻虎头门内地海防官无论汛期广州则驻香山惠州则驻海丰潮州则驻潮阳肇庆驻阳江高州驻吴川雷州驻徐间廉州驻永安著为令其二酌众论以定机宜预绸缪以弭衅隙留中

○礼部等衙门会议谥典查得应谥诸臣如户部尚书汪宗伊林林礼部尚书曾朝节兵部尚书张佳胤魏学曾刑部尚书王之诰南京吏部尚书毕锵裴应章户部尚书雍泰谭太初余懋学礼部尚书黄凤翔刑部尚书赵参鲁魏时亮工部尚书刘一儒吏部侍郎杨起元盛讷户部侍郎董尧封礼部侍郎敖文祯刑部侍郎段民朱鸿谟何源王宗沐李棠工部侍郎沈节甫南京兵部侍郎姜廷颐工部侍郎汪治副都御史庞尚鹏李中佺都御史张允济山西巡抚姜洪太常寺少卿周怡南京光禄寺卿马理祭酒陶望龄傅新德修撰杨慎给事中贺钦御史陈茂烈郎中黄巩庄昶提学副使李梦旻佥事朱冠冯应京霍州学正曹端共四十四人

被社文焕堵截斩获虏首四十余颗于是吉能等惧又知西酋已和其势益孤乃相戒窃掠先令东酋明爱台吉歹宾娘子等具禀乞和且送还原掠汉人道将李栖凤孙栋及游击高从龙等往与讲折各酋亦献罚九九者二于是阖套虏首吉能切尽歹成炒忽儿沙计等遣马大古什等并托已款西虏及宁夏喇麻僧波提萨哆等至边外哀恳深悔前过且献罚九九道将等因议各酋市赏除四十三年阖套犯顺一概停革外三十六年以后恭顺年分仍应公给每岁给赏一年带赏一年在阖套四年之内渐补八年之赏在七酋专为首祸酌减其半先给四年如四年内无哗一体补给然后贡马一年市赏一年复议以沙计为监市令禁戢诸夷时督臣刘敏宽抚臣金忠士等以闻章下所司科臣以为诸虏戕我路将掠我人民如此大逆何论小恭况未杀将士之前八年未补一年之市既杀将士之后一年顿开两年之赏恐要挟得计虏气益骄传之四夷胡可为训假令虏不求款我不主战耶且一年两市计费八万七年之间几六十万矣取此六十万金钱每岁以二十万饷我军士则士饱马腾即长驱虏廷可也何至恣犬羊之求示中国之弱至此部臣随查二十九年套虏乞盟故事奉有明旨市赏已革者并无补给续款以来必两年方与一次盖为市赏未能猝办亦因有隔年之说故每遇虏来求市多以市赏未备应之而诸虏枝部赴厂迟速亦不能齐必至两年报完故积有八年未给之赏原非为一枝犯顺而概停诸部也今延镇议补则宁虏势必比例欲蕲而成说难携欲与而钱粮安给虽宣大曾补五年市赏亦以一年一市宣大旧例也时因虏王未封故暂停止及其既封自应补给与延宁事体不同是宜斟酌东西虏情之强弱豫计两镇市本之盈虚可也事下督抚会议因称八年市赏未互原非阖套大变亦未奉旨裁革旧例一年一赏部案可查如酌虏情强弱则东虏乃吉能之大部兼沙计等之狡黠必难革其应补之赏西虏火酋等势弱且属吉能铃束似未敢违其意而擅自坏款如计市本虚盈则八年赏物俱在镇库不烦内帑亦无那借傥反覆更端持疑不决是中国反信于犬羊欲犬羊之信中国得乎章复下部臣议咨督抚等官遣才办知体者再与讲折令止许挨年一市毋徇其两开之讲其七台吉累年犯顺既许半赏不必复许全给 上是之

○辛卯 孝静皇后忌辰遣官祭 康陵 ○大学士方从哲吴道南复请速发京察日期不报

○壬辰吏部尚书郑继之刑部尚书署都察院事李鋹并< 銛-金 >自陈不允

○乙未朝鲜国王李瑋差陪臣李廷龟等四十二员进献方物马匹奏请已逝生母金氏冠服宴赏如例冠服事下部议

○起升原任巡抚广西右佥都御史吴中明为南京户部右侍郎兼南京都察院右佥都御史

○山东乡官原任南赣巡抚孟一脉暨生员刘运开义民王昌期等各输粟赈济巡抚李长庚以闻部覆各旌表

明神宗显皇帝实录卷之五百五十三

明神宗显皇帝实录卷之五百五十四

万历四十五年二月丙申朔大学士方从哲上〈○ 疏-金〉自陈 上慰留不允
辞

○丁酉祭 先师孔子遣詹事刘一燝行礼

○差行人崔呈秀往德府旌表藩王捐禄

○初大学士方从哲吴道南俱循例自陈独道南〈○ 疏-金〉未下至是从哲以为请不报

○是日大学士方从哲吴道南复请批发 皇太子开讲日期不报

○戊戌祭 太社 太稷遣官恭代

○户部尚书李汝华礼部署部事左侍郎兼翰林院侍读学士何宗彦右侍郎兼翰林院侍读学士孙如游兵部左侍郎魏养蒙左侍郎管右侍郎事崔景荣刑部左侍郎张问达工部右侍郎林如楚詹事府詹事兼翰林院侍读学士掌院事刘一燝通政司通政使林梓俱自陈乞休 上俱命供职不允辞

○掌翰林院侍读学士刘一燝奏乞允阁臣所请 皇太子出讲吉期不报

○己亥以祈祷雨泽祭告 南郊 北郊 社稷 山川风云雷雨坛 护国济民神应龙王之神颁赐二辅臣收回祭品三卓

○大学士方从哲请以妻恩移封前母张氏杨氏并简举初封之误

○庚子火星逆行入星度

○祭 三皇之神遣礼部侍郎何宗彦行礼

○詹事府少詹事兼翰林院侍读学士韩爌国子监祭酒盛以弘顺天府府尹乔允升并〈○ 疏-金〉自陈 上并命如旧供职

○升翰林院编修骆从宇汪燿左春坊左中允简讨丘士毅徐光启周炳谟黄立极俱左赞善编修黄儒炳右春坊右中允简讨来宗道韩文焕魏广微彭凌霄俱右赞善

○辛丑大学士方从哲吴道南言二月初九日为 圣母孝定皇太后三周之期皇上亲诣 慈宁宫修荐行礼自古帝王纯孝至德无以复加矣宜于此时修临御之常仪举呼嵩之旷典以顺人心承天意慰 祖宗列圣在天之灵不报

○礼部言 皇上孝事 圣母生而尊养兼隆歿而哀慕笃至今兹仲春为三年满足之期正万福攸同之始伏乞涣发纶音容臣等行钦天监择吉上请视朝俾百官万民虎拜嵩呼共瞻 穆穆皇皇之睟容则解泽旁流人心欢悦矣

○礼科给事中等官余懋孳等合〈○ 疏-金〉请临轩举贺留中

○补原任四川副使李仙品为本省参政原任河南右布政徐尧莘降补本省参政

○壬寅河南按察使葛锡蕃〈○ 疏-金〉请终养允之

○御史王象恒等〈○ 疏-金〉请特允礼臣之请于初九日袭吉之后即御文华殿视朝受贺不报

不报

○降补原任山东按察使黄□光□吊□为陕西参议云南副使冉德升为本省佥事

○升宣府副总兵马天柱为五军六营右副将宣府四海冶堡守备侯一品为神机九营佐击真定东营游击高国祯为黄甫川参将甘肃河西备御都司沈勋为玉泉游击甘肃南川堡守备罗一贵为镇海游击

○戊申大学士方从哲吴道南因前题詹事府少詹事等官韩爌张邦纪黄国鼎郑以伟等升改礼部右侍郎等职及掌詹事府等衙门印信未得俞旨复< 〇〇〇 毓-金 >申请并乞允刘楚先回籍不报

○礼科等科给事中余懋孳等以东宫日讲及 长孙豫教为请< 〇〇〇 毓-金 >留中

○己酉 上谕阁臣曰朕览卿等所奏去岁禫除大礼告成朕感念 圣母在御慈恩哀慕不已无繇报答今恭遇 圣母祥日修建三周答报之制以少伸人子至情卿等会议请朕临御视朝但朕自因先年 孝安圣母上升惊吓恭趋奔赴行礼劳烦动火服清眩之药过多致痰流注于右足彼时若亲诣朝谒 圣母见朕动履艰难起拜不便后每岁过 圣母万寿节及冬年朕寿节合行诸典礼 圣母差本宫管事人员先行传免朕遵 慈谕自行家礼 圣母差人搀扶行礼今遇 圣母三周大礼朕仰思哀慕以致动火今足疾未愈其一应恭行礼仪仍遵例扶掖行礼况昨有旨文华殿窄小朕临御视朝不便待三殿工完先行升殿称贺礼后出视朝卿等传示该部遵旨行不必再来渎扰故谕

○山东大盗张计绪张文朗周尧德等乘岁荒倡乱糾聚亡命各立头目于泰山历城章丘莱芜等处出没行劫共称周尧德为红竿大王复改称平师王所致焚毁掳掠支角□羊失主截杀官兵一时人情汹汹抚按李长庚等遣兵将先后剿捕擒斩余党溃散抚按具< 〇〇〇 毓-金 >将首恶照例梟示骈斩未获者严缉有功员役都司顾尚文典史王文豸等纪录奖赏有差仍留本州团兵及选壮丁作锋营拨给之数复拣世职与三科武举中有谋勇者一人予以把总名色时为操练以为善后之计兵部覆俱如议

○庚戌封 福王常洵庶一子由崧为德昌王

○差太常寺少卿丁启浚往鲁府旌奖藩王捐禄

○升福建参政毕懋良为按察使

○大学士方从哲吴道南以京察日期益迫复拟二月二十八日以请不报

○总督陕西三边兵部左侍郎兼右佥都御史刘敏宽巡抚保定右副都御史王纪总督宣大山西等处兵部右侍郎兼都察院右佥都御史吴崇礼巡抚江西右副都御史王佐俱自陈乞休 上命督抚如故

○辛亥春分祭 朝日坛遣公张惟贤行礼

○铸造福王庶第一子德昌王由崧麒麟钮镀金印

○封德王常邦□清庶第九子由椅为宁阳王

○两淮盐法道吴木□为谦条陈大平第一策其意欲借垦田之名行井田之法假田工之力严沟洫之制更树榆柳梨枣等木于经界之上 一则资以为利 一则资以为守 户部如议具覆

○乙酉以祈祷雨泽祭告 南郊 北郊 社稷 山川风云雷雨坛 护国济民神应龙王之神 太岁之神 东岳庙收回脯□月右皿□果酒颁赐二辅臣三卓

○追赠原任太子少保礼部尚书兼东阁大学士赠太子太保于慎行为光禄大夫以其子中书舍人纬考满进阶也

○以原任都察院左副都御史许弘纲为都察院右都御史兼兵部右侍郎总督两广军务巡抚广东地方原任兵部右侍郎汪可受为兵部左侍郎兼都察院右佥都御史总督蓟辽保定等处军务

○丙戌大学士方从哲吴道南以前题补编纂官周延儒等未得俞旨复以为请不报

○户科给事中商周祚<□□ 铨-金 >请亟允部<□□ 铨-金 >蠲顺天永平二府过路落地二税留中

○丁亥礼科给事中余懋孳奏代王以溺爱之私听细人之谋舍长子鼎渭立少子鼎莎屡经廷臣会议糾驳渭母裴氏之非滥也莎母张氏之非嫡也则伦序当正而鼎莎不得终立也明矣前部<□□ 铨-金 >条议典制中有鼎莎蚤须改正一段得旨俱依拟行是明以改正谕之矣经今五年执迷愈甚按臣周师旦多方劝导而坚拒如故岂特蔑视 君命抑何不自爱若此乞奋 乾刚立决数年未决之案并究群奸以绝乱本 <□□ 铨-金 >入不省

○户科给事中官应震条上筹边济时暂计一议归并事例另悬助边一格听户部会同吏部查照从前款目稍为增额实授摇授各随其愿更不须与工部琐琐执争一议折色将河南山东漕粮粟米并十库物料暂准改折角□羊部济边二项行一二年仍复旧制

○戊子大学士方从哲吴道南复以蠲畿辅二税为请不报

○辛卯又请简发科道拾遗诸<□□ 铨-金 >时京官考察已于本月初八日举行部院三<□□ 铨-金 >与覆四品京堂及在外巡抚自陈之<□□ 铨-金 >俱已批发独拾遗者未下故辅臣言之不报

○礼部覆朝鲜国王李辉为其生母金氏请给冠服至再至三其情哀矣臣部当时不请给予者盖查宗藩要例亲郡王庶子袭封而嫡母不存者生母许封次妃俱止请敕知会不给诰命冠服夫内外一体固不忍以该国外藩不待以内藩之礼且嫡庶有经亦不得以尹氏侧室混同于嫡妃之列耳今据其屡请不休援 宪庙准给彼国康靖王升

封副室尹氏诰命冠服为例又援崇王得封生母为妃并赐册命冠服为例夫 宪庙事出远年或者当时之特恩而要例定于万历十年炳如日星则内外臣工所凛凛恪守者即崇王生母有赐亦崇王愿移其妃之冠服于母因而徼异数之宠第奉有 明旨不为例则非臣子可概援以屡徼明矣今日该国之请臣部惟知有近行要例该国顺而安之若曰外国与内藩不同必欲徼特恩以遂显扬之情此俟 圣明乾断非臣部所敢知也得旨王既屡次恳请姑准给与

明神宗显皇帝实录卷之五百五十五

明神宗显皇帝实录卷之五百五十六

万历四十五年四月乙未朔孟夏时享 太庙遣驸马万炜恭代

○大学士方从哲吴道南以 皇太子讲学日期奉有四月内改择之旨因择四月初七初九两日以进

○丁酉大学士方从哲吴道南请允补科道官言我朝二百余年有见在科臣只八九员台臣只六七员如今日者乎有各科无都无左右并无署印之官如今日者乎有按差缺人满者不得代题者不得下如今日者乎有起复假满考选散馆之官守候都门多者五六年少者二三年如今日者乎臣等非为诸臣惜盖为 祖制惜为 皇上之法祖惜也留中

○是日大学士吴道南复< 疏-金 >乞休次日从哲亦为具< 疏-金 >言之不报

○升山西参政朱思明为广西按察使湖广参政刘不盈为陕西按察使河南副使翟师雍为山东参政

○武清侯李诚铭承袭祖爵

○戊戌礼科给事中余懋孳因雨泽应祷< 疏-金 >请速允阁臣所拟讲学之期留中

○乌思藏阐化王差国师锁南坚参等一千名进献珊瑚璣等物给赴京并在边番僧各贡赏绢钞

○己亥故左都督郑国泰妻李氏为男养性乞袭父职 上以国泰护送 圣母梓宫故允养性即袭左都督兵科给事中赵兴邦言兵部见行事例武职不繇军功升授子孙不许承袭皇亲子弟有世袭字样者许袭一辈无者止荣本身又都指挥僉事以上系流官不准袭明例昭然及历查养性祖郑承宪于万历十年 皇上所予不过正千户耳逾年而升指挥使又逾年而升都指挥使又再逾年而升都督同知承宪之都督同知非初授也承宪故而妻马氏为其子国泰请袭父官奉旨命兵部查例兵部查无承袭例覆候 圣裁乃蒙特恩准与做都指挥使一辈国泰之左都督亦非初授也且 明旨与一辈是一辈之后养性即都指挥使例不得做而况左都督乎往例俱存旧章难紊毋使天下后世谓 皇上庆赏不衷也< 疏-金 >留中 ○贵州巡按杨鹤奏官兵南北

两路擒斩贼二千九百六十余级需饷万分紧急乞发川湖二省借角□羊额饷以济燃眉

○礼部题 皇太子自去年八月出讲一开即辍群臣<□□ 铨-金 >请者不啻充栋矣顷阁臣择期揭请始奉 明旨定于四月举行群臣欢然举手加额曰 皇上慈爱皇太子无所不至保其躬即春寒恐弗胜也崇其等威即色服恐以雩禱弗便也今四月虽夏正是清和之候三农获两非复贬损之时阁臣以初七初九入学吉期请竟俞旨杳然举朝臣工莫知其角□羊今去初七初九期已迫矣若复耽延则朱夏用事又将以炎热为辞将何时而后学耶自古帝王至我 列祖何时不学岂皆不寒不燠之日时暘时雨之候耶人皆谓 皇上深爱 皇太子但不欲令其与外廷相接恐浮华交会之徒开导引离构之渐不知外廷诸臣诵法孔子者也进讲经史皆教以事 君父之孝抚四海之仁计安 社稷之略忧盛危明之谟闻于耳惕于心逊于志利于行与宦官宫妾损益万万相悬也 皇上又何过计焉乞速俞阁揭旦夕举行

○差行人侯恂往德王府行丧礼

○巡按贵州御史杨鹤言乌撒道里本在黔中去川南叙州府一千一百五十里而遥所设同知一员既无一事管理亦无官舍可栖土官更无一人为之弹压自土知府安云龙物故后安咀旧与安效良争官夺印日相讐杀者二十年夷人无主盗贼蠹起者二十年绑掳军丁烧毁屯堡者二十年劫掠行商西路道梗者二十年是争官夺印者蜀之土夷也而蹂躪糜烂者黔之地方黔之赤子也蜀既久不能定黔亦忍不敢言若改隶黔中则黔中之地黔中便于控制一便也黔中之官有军节道有府厅有递西守备有卫有所弹压不患无人二便也黔中驿递黔中自任调停三便也钱粮马馆责之安效良不敢不如期办纳四便也禁讐杀则讐杀可禁禁盗贼则盗贼可禁军屯免于涂炭道路可使廓清无所不便也又天桥哨两山之间间产银气汉人不得采而夷反窃之失策甚矣曷若取充兵饷不费帑金而坐收天地自然之利此天以之赐黔也又言乌撒者滇蜀之咽喉要地也臣繇普安入滇境七日始达乌撒见安效良之父安绍庆据沾益中当曲靖之门户效良据乌撒又扼滇蜀之咽喉两雄并立父子各据一方且壤地相接无他郡县土司以隔绝之将来尾大不掉实可寒心嘉靖间乌撒夷妇奢勾谋叛纵夷人四出劫掠擅折六驿四司官仓改立私宅夺占军屯掘空濠堑插夷字牌面反形渐著幸赖抚臣徐问先觉调集三省汉土官兵防御截杀逆谋乃寢非殷鉴乎犬羊叛服不常蜀中有遥制之名而无其实黔中有可制之势而无其权臣以为不如改隶黔中便 上命所司速议之

○庚子准蜀府南川王奉铕嫡一子至湘承袭王爵

○吏科等科左给事中徐绍吉等奏糾拾京堂官员奉旨令魏养蒙留用朱国祯照旧调理刘汝康调外任陈荐刘敏宽致仕王图李时华冠带闲住 ○河南等道御史韩浚等奏糾拾大僚奉旨令朱之蕃留用孙慎行照旧调理王士琦调南京别衙门用丁启浚调南京用

之命候代

○湖广人蔺光裕等盗墓 显陵近地相距里余建亭树碣已经按臣特参礼臣催请而旨未下刑科给事中姜性复以为请不报

○庚申通政使林梓复< 〇〇〇 毓-金 >乞休允之

○补原任山西参议马性淳原官

○辛酉铸造德王常邦口清第九子宁阳王由椅麒麟钮镀金银印

○武英殿办事大理寺副邢仕际因江南罹灾极重愿捐谷一千石赈济 上以义举从之追赠原任礼部尚书陆树声为光禄大夫

○推原任山东副使赵世禄为江西副使

○差户部郎中卢瑛田往广东催盐课 ○癸亥大学士方从哲吴道南言谥者朝廷所以褒往劝来维世风而励臣节典至钜也查得万历三十八等年该礼部累次具题应谥三十七人已经前辅臣叶向高拟定上请未蒙钦点至于臣从哲等所拟则有大学士沈一贯沈鲤吏部尚书孙丕扬及武定侯郭大诚四人候旨已久昨见大诚之子郭应麒有< 〇〇〇 毓-金 >催请臣等谨将一贯等四谥开写再呈御览伏望 皇上即赐点发其前次阁臣拟定诸臣之谥及去年礼部请应谥四十四人更祈并赐简发< 〇〇〇 毓-金 >留中

○予驸马杨春元母祭葬

○大学士方从哲吴道南请允用新推左通政林学曾右通政周希圣二臣时通政使林梓以养病去右通政章嘉祜以京察去也< 〇〇〇 毓-金 >入不报

明神宗显皇帝实录卷之五百五十六

明神宗显皇帝实录卷之五百五十七

万历四十五年五月甲子朔

○丙寅予原任吏部尚书孙丕扬妻田氏祭一场开矿合葬丕扬列名并祭

○戊辰以端午节颁赐二辅臣上尊珍饌

○己巳大学士方从哲吴道南言考察后吏部又有推升翰林科道之本虽黜陟有间总之与察典相关更望 皇上将词臣龚三益科臣姚永济等道臣朱万春金汝谐等部臣魏时应等查照原拟职衔并赐点用至于南京科道糾拾大僚及部覆南京糾拾庶官二< 〇〇〇 毓-金 >一并批发不报 ○允顺天府府丞乔允升回籍以被拾乞休故也命李与善暂署府事

○升吴汝珍宣府副总兵马天柱五军营副将

○补原任副使孙学易为四川副使

○庚午 孝宗敬皇帝忌辰遣官祭 泰陵

○大学士方从哲吴道南复请点用部推左右通政林学曾周希圣请即令学曾署事不报

回 天意事关朕躬自宜法古勤政宣郁导和尔大小臣工俱宜涤虑修身竭诚祈祷庶精神感格雨泽沾濡称朕敬 天子民之意祭告 郊坛并应祀神庙遣公张惟贤侯陈良弼驸马侯拱宸伯王承勋侍郎林如楚少詹事韩爌都指挥李承恩指挥同知许浚祥并顺天府官各行礼

○大学士方从哲吴道南请将部推左通政林学曾即赐点用俾令署掌司事以所点右通政周希圣前奉差回籍故也不报

○丁丑命前军都督府带俸优给清平伯吴遵周承袭祖爵仍入监习学先是遵周父国乾于三十九年身故乾继妻秦氏妄以乾弟国坤奏袭随查乾实有子遵周妾李氏所出也时年八岁已登世系图册李氏亦奏称其子应袭比例优给 上从之

○升山东参议陈其猷为本省副使登州府知府陶朗先为山东驿传道副使

○吏部尚书郑继之言鸿胪寺正卿员缺乞复旧制用甲科以重典礼之任

○户部覆广东巡按田生金〈田 毓-金〉粤中水旱异常流亡满境乞将广东监税暂留一年以抵蠲赈修筑等项之费

○吏部尚书郑继之奏考选诸臣自四十一年题留以来候命几五年余矣目今六垣科臣无都并无左右给事迨至册封者捧节以行而省班为之一空矣各省按差无人巡方久缺迨蒙点者持斧而出而台班又为之一空矣乞将原拟科臣李若圭等台臣孙之益等候补科臣张孔教等台臣吴之皞等散馆暴谦贞等各照原拟速赐允用

○戊寅内阁会同翰林院考试愿就教职岁贡取中上卷四卷中卷二百九十一卷

○己卯礼科给事中余懋孳因旱陈言指称用人之郁如大僚言路废臣及谪系郭尚宾刘光复刘文炳诸臣以 上有宣郁导和之旨也〈田 毓-金〉留中

○差江西道御史骆骏曾提督淮扬学政

○加升山东提学僉事王宇参议仍督学政 ○礼部署部事左侍郎何宗彦言顷接祷雨 明旨窃窥我 皇上钦若昊天忧念百姓远媿成汤之桑林周宣之云汉矣顾有一得之愚系回天第一义敢不上闻臣闻天之爱人甚矣爱之则欲生之举世安于室家田里之乐生之道也合天意者也一或雨于桁杨圜土之苦死之道也非合天意者也天意合则和气应而雨暘为之时若天意不合则乖气应而水旱为之频仍是故明主谨于尊天惟重人命而慎刑狱瑞应图曰灵雨者瑞雨也遇岁亢旱责躬引咎理察冤枉退黜贪残则降以灵雨我国家设立三法司以平庶狱又设锦衣卫镇抚司谓之诏狱岁一热审五年一朝审所以理冤抑释轻系体 上帝好生之德而开下民自新之路者也年来热审愆期朝审又复格而不行至于诏狱理刑无人一或诖误遂同永锢有不干阴阳之和而召水旱之灾者乎矧如御史刘光复性笃忠贞才优经济当召对之奇逢抒忠爱之夙志声音过激礼度未娴诚有何罪而使之久淹系狱也夫兴王赏谏臣逸王罚之罚且不可况可久系而不为之矜恤乎臣窃谓热审必不可愆期朝审必不可废格诏狱理刑必不可无人速发恩纶释刘光复还其原职如是而天意不回甘澍不降臣等甘受

有人而衅孽可潜消矣

○壬午兵部覆宣大总督吴崇礼〈□ 䄂-金〉言独石以一尖隅孤悬虏中虏人互市径拥众入城盘桓浹辰而去致大奸范雄等交结输情外向关门不鏑遂致捶杀酋首几酿祸变宜于城外北关内另筑一垣多置夷房每月定期启门交易事毕即出如非市期不许一人潜入又独石西南为马营堡南为云州堡极称要害两城盍裂齟烂夷而为隍而马营生齿尤繁宜亟查议修理其粮议于客兵粮内银则独石用范雄赃银节年积旷工银一千余两马营云州用雇工逃粮剩银一千余两不足以河南及万全班价继之上允之

○直隶巡按王象恒请点总漕总河大臣并仓场督臣不报

○升陕西参政冯盛明为河南按察使浙江副使杨一葵为本省参政湖广副使刘大文为本省参政工部郎中张孝为江西参议

○癸未夏至大祭 地于 方泽遣公张惟贤恭代侯梁世勋伯李守筠尚书李汝华侍郎何宗彦分献

○时通政司堂上缺官各巡抚本章无人封进大学士方从哲吴道南因以速点左通政林学曾为请不报

○兵部左侍郎崔景荣言套酋吉能因前讲八年之赏未允补给欲糾各酋首猛克什力沙计歹宾娘子挨太台吉等住牧边堡随便窃抢且延宁两镇同谋要挟火落赤丑气威正等尽怀观望两市之不可许甚明也夫已许不与其曲在我以无岁不犯而致其压欠又以合套齐犯而要其全补则我直虏曲为今之计惟有战而已矣又言边镇当申饬者七事一卖占挂名之毙一守御宜派信地一收斂人畜宜预一多备援兵粮草一选择侦探宜确一墩军烽火毋误一援兵观望重惩 上命督抚诸臣便宜行之

○甲申升吏科给事中角□羊经雅为山东副使福建道御史钱春为福建参议湖广道御史周起元为广西参议龙安知府袁养和为贵州副使

○差御史龙遇奇两淮巡盐傅振商陕西巡茶

○陕西山峒峪答利等族番人纳麻节等一百四十三名各贡腰刀准进收赏给如例

○乙酉礼科给事中余〈□ 懋心〉孽〈□ 䄂-金〉糾英国公张惟贤怠祀先是夏至日 上遣惟贤代祀 北郊天明甫至三献毕而日已高监礼御史薛贞糾之惟贤具〈□ 䄂-金〉自辩至是〈□ 懋心〉孽复言其饰词之妄〈□ 䄂-金〉留中

○丙戌大学士方从哲吴道南复请速点左通政林学曾令刻期署事不报

○戊子 上以御史薛贞糾参张惟贤代祀不敬因简礼部所进大报祀册原未写时因命阁臣传谕礼部以后大祀 天以子时大祭 地以卯时祭 大明以卯时祭 夜明以西时明注祀册以便遵守并宥张惟贤之失

○大学士方从哲言顷数月以来该臣请补大僚补科道停皇税宥戇臣点按差署

科印既因祈祷雨泽 圣心焦劳又请点刑官以清冤狱举热审以释累囚而 九重深远概未报闻近日点用一二总督三五巡按外尚寥寥焉又如顺永二府零税数止二万所捐几何而 圣意尚迟疑未发固知己传之旨终难反汗则曷若慨赐蠲免惠此一方足以明德意而慰群情耶

○刑科给事中姜性等言热审岁一举行 祖宗旧制皆以孟夏小满之候为期矧今岁亢旱瘟疫交作入夏以来即爰居爰处之民尚且病亡相属彼关三木锢圜墙以恒饥之腹触薰蒸之气者将何以堪除重辟不论外其一应轻比与情可矜疑者所犯原非不赦之辜而何以置之必死之地耶况数月以来各省直恤刑之< 匭 铤-金 >随下而在京狱犯反不得一视同仁臣等不知其角□羊矣今逾小满已一月有余惟愿 皇上率循旧章亟发明诏使应减者减应释者释所谓导和宣郁莫急于斯矣不报

○以太常寺少卿林学曾为通政司左通政署掌印务

○湖广叛苗龙滔诱杀指挥魏绳武巡按御史彭宗孟以闻下兵部治生衅同谋把舍张良谟等罪

○梟斩河南劫贼程正国张明吾等擒获有功员役奖赏如例

○己丑 穆宗庄皇帝忌辰遣官祭 昭陵 ○升少詹事韩爌为礼部右侍郎协理府事右庶子张邦纪为左庶子掌左春坊印原任谕德黄国鼎为右庶子掌右春坊印左赞善郑以伟为右谕德掌司经局印

○户部覆奏畿辅旱形可危乞赐蠲税以存孑黎 上谕畿辅近地灾荒朕心恻悯其顺天永平二府州县过路落地二税银两准免今年一年以昭朝廷宽恤穷黎至意其明年税银仍徵收角□羊监应用以济缺乏待三殿工有次第奏请停止

○起升原任吏部文选司郎中周应秋为太常寺少卿添注

○南京江宁县夜有妖鼠万余衔尾渡江入田食禾稼

○辛卯以上饶王载堦嫡长孙翊金□亘袭封为王夫人刘氏进封为妃

○大学士方从哲以病乞假因请早行热审不报

○壬辰大学士吴道南复< 匭 铤-金 >乞休不报

明神宗显皇帝实录卷之五百五十七

明神宗显皇帝实录卷之五百五十八

万历四十五年六月甲午朔

○升户部主事王维章为贵州司郎中密云管粮黄袞陕西司郎中甘肃管粮

○升谕德龚三益湖广参政吏部郎中魏时应福建参政江西道御史孙居相江西参政兵部郎中高桂贵州副使江西道御史朱万春江西参政吏科给事中姚永济湖广副使山东道御史李邦华山西参议兵科给事中熊明遇福建佥事山东道御史金汝谐湖广佥事

○乙未升绍兴知府杨思谦为山东副使

○大学士方从哲以危疾未痊复乞宽假且请将科道诸臣各照部原拟职衔悉令到任供职不报

○南京礼部奏奉旨发遣远夷王丰肃等递送广东抚按督令西归本国

○兵部左侍郎崔景荣< 〇〇〇〇 毓-金 > 覆职方司郎中陆问礼条陈数事一候补将官系考察论革患病调用非该管衙门< 〇〇〇〇 毓-金 > 名上请决不推用起送候推者俱赴督抚衙门听用不必赴部京营武举卫官听用者推坐营一官年久荐多者挨序轮推一武弁优劣抚按衙门备将各营中军千把总各卫所指挥镇抚千百户及会试三科武举各官通查某系世职某系纳级有以世职加纳者仍以世职论仍查某年某衙门荐举几次堪补极冲次冲每年都司进表入京俱填注册籍投部其有砥行于先改节于后曾被究处及病故者即于材簿内除名一本部用人论俸论荐论地一定不移今将天下见任大小将官悉照历俸次序世职武举等项备查新旧荐次逐一详注明白揭示堂屏除总兵廷推京营淡薄及冲边将领如辽东延绥甘肃战地多于本镇升转或繇各镇选择而推不必通论俸次外其余有荐者挨俸而及但不可远转二千里外如俸虽居首而缺在二千里外不妨暂候另以次俸近地者越推听用将材除新科会试中式武举四十名留部及中式内世职三科不论荐数挨推外其余世职一款旧三科中式一款会试武举一款除旧荐多而无新荐者暂停余各照合式正荐数多者居前挨次推用提荐揭荐以二准一其分数照依旧格世职七分新科三分旧科武举于世职七分内量推一人三科武举荐多者亦间一酌用分数在武科之内其革后将官照例以五正荐合式方入堂屏仍听该管衙门< 〇〇〇〇 毓-金 > 名题用下此纳级冠带总旗无实职等项概不叙用一严饬到任限期凡天下将领等官有割付限期各宜依期赴任各该督抚即以到任日期咨报本部注于俸簿之内倘有因循自便无故违限半月至一月重加参罚违限二三月参提问罪违限四五月提问降一级管事守把提调坐营于实职内降一级违限六月以上罢斥不叙如因稽延失误军机者坐以失律之罪 上以其有裨邦政令永远遵守其到任违限尤加申饬

○丙申巡按御史周师旦言大同杀胡堡为云中第一冲要地虜自献琛以来汉夷贸迁蚁聚城市日不下五六百骑甚至有杯酒流连喧嚣江殴者希近利迷远害莫此为甚急宜就近另筑新堡中建商店令夷人入市者尽赴此中不得仍入杀胡城限定日期逐时稽察以防意外其物料价银于西路所贮市税动支军夫匠役于中西威远三路城堡查刷口粮盐菜亦取市税商店盖造悉责军民兵部如议覆允行

○直隶巡按刘廷元奏畿南亢旱异常既失望于夏麦又难有收于秋成途中有掇树草而啖者有环室家而号者有扶老襁幼而南奔者情状殊不堪观迩来如白莲红封等教如槌手窃盗千百成群若以奄奄待尽之此辈诱而致之云合响应獠瘦鹿铤何所不至此其故所不忍言矣伏乞霏发德音破格赈恤庶沟瘠可起跋扈可销不报

○丁酉升礼部郎中林宰为江西参政礼部郎中卢维屏河南参政浙江佥事王应

< 累 > 妃魏氏曲江王朝 毁妃周氏命彭城伯张嘉猷刑科给事中姜性往赵府武安侯郑惟孝工科给事中归子顾往益府丰城侯李承祚户科给事中 周祚往韩府左春坊左赞善徐光启行人殷 < 心 > 新往庆府左春坊左赞善丘士毅行人龚世法往福府礼科给事中余懋孳行人陈良训往德府右春坊右赞善韩文焕中书舍人于纬往蜀府左春坊左谕德公鼐行人魏光绪往秦府礼部祠祭司主事杨弘备行人苏琰往周府

○升山西左布政郭显忠为南京太仆寺卿

○升南京刑部郎中张汝霖为贵州提学佥事四川成都知府江和为云南提学佥事

○癸卯差御史吴之皞巡按四川御史杨一桂巡按辽东

○甲辰大学士方从哲吴道南复请允补编纂官周延儒等不报

○乙巳大学士方从哲言我 皇上一日万几所为左右匡弼者惟密勿之臣是藉臣以极庸极劣之资当极重极繁之任兼以只身在事独力难支即无病之时犹惧不能勉效驰驱裨时事于万一矧今疾势沉绵鞭策不前又安能以衰病之身效赞襄之职耶日者天时亢旱雨泽稀微赤日流金土焦泉涸都城内外属疫盛行说者咸谓朝政壅淤人情郁所致揆之天人感应之理诚为不诬盖人君发号施令即天之风霆布德行仁即天之雨露未有人事以戾感而天心以和应者今大僚半缺台省几空朝宁萧条圉圉充斥几务废而不举德泽壅而不流远迩多怨讟之声中外鲜发舒之象又如待命各官困守多年势同禁锢戆直之臣一经幽系肆赦无期如此举动岂不上干天和而 君臣之间方且饰零祷之靡文忽躬修之实事无云汉忧勤之意而欲冀桑林昭假之麻宁可得哉不报

○加云南寻甸知府赵祖荫苑马寺少卿职衔仍管府事 ○礼部覆江西巡按陈于廷题淮府上饶王长子翊金 亘承袭 上谕以后各王府名封婚禄等项俱依期奏请毋得留难阻抑以滋弊端违者该部科及本处抚按官据实参奏

○丙午刑部奏狱者天下之大命也民之悲愉忻戚关天之灾祥休咎又况狱之悲戚更万倍乎彼其以桎梏之系幽圜土之中神枯形槁天下之至痛也天日不得见父母妻子不得见天下之至悲也更值炎暑薰灼疫痢死亡无日不见告又天下之至惨也皇上于热审重典需忍不下岂以此狱已定销鞫之无伤也不知死刑重系之狱有年老笃疾之一途情法矜疑之狱有改遣改配之一途狂戆诬误之狱有赦过放生之一途热审不行则狱囚虽有可生之路尽至于死亡臣知 皇上之不忍也况时值亢暘河流涸竭微察天意明以屯膏不施感动 圣主乃 天听弥高一切废阁天人相与之际诚可畏也万望俞允容臣等刻日举行下以慰人心上以对天命不报

○南京署刑部大理寺卿李炳言帝王之制刑也必先曰眚灾肆赦而后曰怙终贼刑雨露霜雪兼施而并用也今热审逾期纶音未涣或者曰 皇上免刑之命无岁不下

所赦多矣何必热审而后赦乎不知免刑者免其所当刑者也怙终者得缓须臾之死而热审不行则眚灾无赦反不如怙终之徒一年蒙一赦耳非法之不平也不报

○工部奏河臣自刘士忠角□羊任推补未奉俞纶历今多年而总漕则陈荐久已坚志乞归今且奉旨致仕上无实政下有玩心百事隳颓诸方决裂有谓自清河口上达济汶洳黄两道皆非利涉安澜者有谓河决清河则全河之水书漫于田畴墟里间者有谓自徐至邳宿险阻艰难舟多滞留者甚至吕梁至深至险之处几于褰裳可涉此于运道为梗实切剥肤之灾漕河两缺总理无人除总漕听户部催请外伏望 皇上即简吏部原<□□ 钰-金 >将总督河臣王佐陈禹谟点用一员令刻期赴任视事使统驭专而综理常周则河渠通而挽输益利矣

○丁未礼科给事中余懋孳言册封之典必太常寺卿一员祇候 圣驾致告 列祖奠献礼毕奏请还宫昨册封之命初九始下而领节之礼初十即行本寺止以白本题遣官而以寺丞代卿事非 祖宗旧制且孟秋祭享又已届期乞将部推少卿徐绍吉立赐点用以肃盛典<□□ 钰-金 >留中

○戊申大学士吴道南复<□□ 钰-金 >恳辞不报

○庚戌赠原任巡按贵州监察御史冯奕垣光禄寺少卿奕垣巡按贵州于三十四年十一月内剿平路苗山苗两寇核功已明寻以积劳身故随奉旨准赠至是奕垣子钟奇奏请 上如部议予之

○兵部题叙延镇甘肃斩获功原任陕西三边总督兵部尚书顾其志加太子少保荫一子锦衣卫副千户世袭赏银五十两大红飞鱼衣一袭原任甘肃总兵柴国柱加右都督原荫男正千户加升二级赏银四十两大红纒丝四表里

○辛亥原任都察院左副都御史许弘纲以疾辞不允

○丰城侯李承祚中书舍人于纬册封行礼后期各罚俸

○壬子大学士吴道南二十二<□□ 钰-金 >恳辞 上曰阁务繁重朕日夜望卿速出共济时艰宜善加调摄稍可即入阁佐理慎勿以水涨为辞再萌去志负朕倦倦眷留至意

○操江都御史沈蒸以疾<□□ 钰-金 >辞 上谕以在任调理供职

○原任浙江参议真宪时补本省参议

○癸丑发下大学士方从哲前请告<□□ 钰-金 >得旨朕以亢旱雨泽应祈尚未沾足朕衷忧思又被暑热以致腹生一热毒见今敷药调摄览卿所奏偶尔触冒寒热未愈准宽假调理著太医院堂上官率御医前去诊视机务重地倚毗方殷岂可以小恙言去卿宜慎加调摄稍可即出赞理以副朕眷注至意

○是日大学士方从哲以孟秋时享伊迓请点用新推太常寺少卿徐绍吉考选候补科臣张孔教李若圭暴谦贞等并补台臣点按差点会推卿贰督抚等官不报

○是日大学士吴道南因二十二<□□ 钰-金 >奉旨具<□□ 钰-金 >谢因言

槽时时见告防之胡容不亟也宣大山西顺义诸大部联络住牧自虜王嗣封受我戎索边鄙不耸颇称宁谧第闻卜石兔素囊俱以免荒怠于部署而互争家事西哨茺茺老寡妇皈心竺乾统驭旁落明暗土慢得儿摆腰永邵卜诸部落互相攻杀吞噬不已虽夷狄相讐为中国之利而虜王失驭实中国之忧也倘乘套虜构衅二心于我既乞款滋贪又党逆射利疆事又何藉焉延镇宿称劲兵处也自卧虎山之役虜我副帅没我全师士气遂凌夷不振嗣后我兵数出捣剿未足相当而高家墩路将又陷伏被杀虽吉能诸酋旋叩关寻盟勾复市赏然尤要挟压穴尝试贪谋脱或徇之是虜视明安铁雷不殊麟凤我视偏裨将领等于蟻螻忘报复而长寇讐未可令四夷闻也近纵零窃以瞰内防扑墩路以挑衅藁为谋益狡会须严加讲折毋徇夷情有伤国体此延绥一镇更当谨而熟计者也宁夏著宰诸酋续守款约火落赤丑气威正等观望延镇不即赴厂银定近糾流虜窥视新疆总属可虑甘固海酋结亲瓦刺拥聚海上银歹数犯河西镇番之役轻骑驰袭稍褻狂魄而讐构日深备御宜力总之用款者戒处堂之安周彻桑之备毋以度支为啖虜金缙则守御严而虜不敢骄用战者惟以直前为功不以小蹶为罪令将士退而死法方不难进而死敌则威武振而虜不敢纵此战款之大凡而恃款忘战尤今昔之炯戒也得旨秋防伊迓备御宜周便著各总督抚镇严督将吏实心经理相机战守以保万全将帅身任边疆尤宜再加申警

○升湖广大围山把总曾美中为中都都司金书大同威虜堡守备周义为山东都司金书蓟镇大毛山提调苏从训为山东都司金书广西巡抚标下中军赵元祜为江西都司金书蓟镇墙子岭提调陈尚智为山西都司金书两广军门标下坐营李可久为广西掌印都司福建都司金书陈承祚为本省掌印都司蓟镇都司金书管德州秋班游击事詹继曾为大宁掌印都司山西总兵标下守备吴重阳为万全都司金书浙江昌国把总王施仁为河南都司金书甘肃水泉堡守备守国臣为陕西都司贵州毕节等处守备薛绍瑄为四川行都司

○丙辰南京刑部右侍郎宋仕应天巡抚王应麟原任大同巡抚汪可受俱

＜ 铨-金 > 辞任 上令俱遵旨供职不允辞

○丁巳颁赐二辅臣鲜藕

○赠原任礼部尚书陈经邦太子少保荫一子入监读书

○大学士方从哲吴道南言自题留之法行而行取废然其始随留随考随考随下于政体固无妨也今则不然既已留矣需之岁月而后考既已考矣迟之数年而始下庚戌一咨尚在三年之内而癸丑一咨已逾五年之外岁复一岁茫无授职之期今六科十三道才数人耳现任者人领数差苦分身之无术待命者经年坐守嗟效用之无繇 皇上纵不为诸臣惜独不为朝廷体统惜为 祖宗二百五十年培养之人才惜乎说者咸谓向来诸臣一经考选争先建白交章累牍每至厌闻以故 皇上虑其多言过为裁抑臣等窃谓 圣明在御虚怀纳谏万万无此况进言在臣听言在 君言之善者用之其

三月内监军安平道谢参政集奇营川营贵营镇算营兵及原任都司张鹤翀等三路并进奋臂大呼各夺三关贼据本< 屯土 > 猖悍如故复令土舍王国奇等共图用间因召降仲罗童等埋伏斩百余跌崖落水死者不计其数老蜡鸡等同时授首计擒斩三百七十七人其改过听抚仲民行令复业恐稔恶不悛犹思蠢动不敢遽撤大兵令汉土官兵分守险要其上六卫毛口六队安庄普定等处下六卫都麻哈黄平高寨六牌平定两江等处另议另举奏至章下兵部

○乙酉大学士方从哲以同官吴道南继母恤典请照旧辅王家屏继母事例于祭葬之外给与诰命

○丙戌兵科给事中赵兴邦< 铨-金 > 言刘光复无罪驸马王昺以救光复逐之田里侯拱宸以妾子妄拟公主奏请得官赏不当功罚不当罪恐不足以服天下之心不报

○丁亥礼部以早谕教亲正人两言请 皇太子 皇长孙择吉出讲 明旨煌煌臣民共闻宁可自食之而以国本为戏

○予大学士吴道南继母命氏祭葬如例仍加祭一坛父吴一龙母李氏准并祭

○戊子先是六月十八日内官刘进住宅禁地夹道内被盗兵科给事中吴亮嗣言皇城重闭奸自内生守卫军人尽为守门内官包占且纵容诸色人在内尤为祸本内市一节亦望严行禁止则法度行而大盗不敢生心矣留中

○己丑加升陕西副使史文焕为本省右参政

○庚寅大学士方从哲申恳切要三事其一下报灾之< 铨-金 > 言自北直隶山东山西河南江西以及大江南北或大旱或大水或蝗蝻又或水而复旱旱而复蝗至于应天所属群鼠渡江食民间田殆尽此又从来未有之异宜将各处抚按奏章悉发该部应蠲应赈改折留税等项速为议覆以恤民瘼以收海内人心其一传停刑之旨言迩岁当差官审决之时率免行刑以是圜土累囚得少缓须臾之死甚盛事也惟是云贵远方一时不能遽到德音虽布每至后期虚负 皇仁深可惋惜宜蚤霈恩纶俾率土均沾角□羊泽其一允理刑之官言镇抚司之设原为鞫审钦发人犯一经打问便送法司拟罪其无辜株连者立为释放从未有合有罪无罪之人一概淹禁经年累月而不得角□羊脱者且人多地窄疾疫易生疠气所传死亡相继人命至重柰何草菅视之不报

○差行人丘可孙护送大学士吴道南守制回籍 ○壬辰大学士方从哲以皇太子讲读先于四月间再奉 明旨待秋爽择吉举行因择八月初六日初九日两日以进复言帝王之学与韦布不同区区星日之说有不必尽拘旨不报

○兵部左侍郎崔景荣请给陇川宣抚多安靖司印先是云南巡抚官以安靖不从叛逆论功论序应予宣抚之职祇因幼弱议将司印暂贮州库俟其长成请给今安靖成立夷情共戴委应遵照成命颁给 上如部议予之

明神宗显皇帝实录卷之五百五十九

二人则获罪我闽之定案也及台州东西机捕盗余千军民兵十一名因称原三船中一大鸟船即杀伊兵十八人重伤放去各七人而胁驾以来者则获罪彼浙之确证也又分巡福宁道右布政使黄琮报把总何承亮追倭极东外洋围袭倭船一只捞斩二级擒缚二十二名救获被虏四名见获桃烟门等六十七名皆长岛倭也因酋长等安遣其子秋安谋犯鸡笼淡水屡失利不敢归岛复遣桃烟门等觅之随以未获住泊五岛至今年四月驾至浙台地方冲遇彼寨兵船打破旋夺大船一只又于海门东西机与余千等冲敌杀死伊兵一十八人拏获千等一十一人复抢大船一只历韭山牛拦矾南鹿白犬澳等处抢掳渔户往来劫掠适遇颶所击搭蓼修舟□华遂为我兵擒获是役也镇臣提衡于外道臣运策于中司府馆州诸臣协赞其谋路标寨游将领毕效其力至于损资募士选锐冲锋则署分巡道之劳绩独先设谋制胜料敌出奇则水标参将之全功最著奏至俱下所司

○饶阳府庶宗松山以鬻房私忿毆杀同宗鼐金□夺刑部拟固监候决

○丁酉祭 先师孔子遣官行礼

○戊戌祭 太社 太稷遣官恭代

○大学士方从哲请补阁员言万历十一年间首辅张四维守制回籍时尚有申时行余有丁二臣不数日即补许国迩年沈一贯独任补沈鲤朱赓朱赓独任补于慎行叶向高等四人向高独补臣从哲与臣道南未有终于不补者如臣衰病缠绵乞罢免以全末路得旨览奏俱见忠诚朕寿节在迩卿辅弼元臣宜表率百僚称庆岂可久延私寓还着鸿胪寺堂上官宣谕即出赞襄以慰眷倚推补阁臣知道了

○户科给事中官应震因 圣节伊迩<□□□ 毓-金 >请推补科道诸臣内举假满李奇珍考选倪思辉候勘熊廷弼等不报

○庚子 孝康敬皇后忌辰遣官祭 泰陵

○辛丑大学士方从哲覆请补大僚补科道点按差及宥过恤刑赈荒蠲税诸事上以所请诸事俟次第简发阁务繁重命即出辅理

○刑科给事中姚若水言万国嵩祝称庆累臣幽系堪怜请释刘光复以光 圣德以绵 圣寿不报

○壬寅 孝慈高皇后忌辰致祭于 奉先殿 ○以三十六年甘肃青羊水双黑山长草湖等处斩获首虏功升把总谭尧德等实授一级不世袭始经御史徐养量覆勘故也

○癸卯 皇太子千秋令节文武百官朝贺

○桂王婚礼奉旨着礼部行五城选淑女年十三至十七容貌端洁德性纯美者赴宫报名听候选择

○甲辰以 万寿圣节颁赐辅臣金万寿字银万寿字各二副金篆字八个金书红符一道

○是日大学士方从哲言刘光复系狱三年之久与祖孙母子颠连苦楚之情乞因圣寿开恩释放不报

○升蓟镇东路副总兵江应诏为神枢营副将大同井坪城游击吴守德为保镇马水口参将宣大总督标下左掖营游击刘国镛为宣府南山参将大同威远堡守备李为栋为天津海防游击湖广巡抚标下坐营中军江之清为南直刘河游击京营标兵坐营都司陈希范为浙江左营游击湖广洞庭守备李甘来为浙江右营游击

○丙午大学士方从哲言大同福巡抚俱缺近接两处揭帖顺义移帐西行要求改市沿海岛夷内窥声息甚急给事中三科无人五科无印都察院所题十差止票甘肃一< 䟽 䟽-金 >而又不下朝政厄塞极矣兹去 圣节只有三日在廷之臣与入贺之使莫不歧足翘首仰望新政而 九重之上寂然无闻如是而徒责臣以即出辅理臣即扶病勉出将辅理何事而能仰副 皇上委任之至意耶不报

○丁未以中秋节颁赐辅臣上尊珍馐又赐秋露白酒月饼

○是日以 万寿圣节颁赐辅臣银五十两彩段四表里

○戊申 上谕大学士方从哲曰卿辅赞有年忠清直亮朕素鉴知卿调摄已愈昨者特遣鸿胪堂上官谕卿即出何乃屡屡固辞方今国家多事卿为辅弼重臣岂可坚执不出于心何安宜仰体朕衷遵承谕旨速出视事以慰眷怀不必再有托陈所请诸事待卿入阁次第举行特谕卿知

○己酉 万寿圣节文武百官于午门外行庆贺礼

○大学士方从哲诣仁德门行礼称祝 上遣司礼监太监李恩等管待颁赐甜食一盒烧割一分酒饭一卓又赐上尊珍馐

○又赐饗十一品寿面全长春酒五瓶 ○庚戌大学士方从哲言臣在告日久屡奉谕旨令臣即出视事臣谨于今日早见朝后即入阁办事所望皇上怜臣察臣使不虛此出 上优旨报闻

○壬子初大学士方从哲< 䟽 䟽-金 >请 皇太子讲学之期择于八月上旬上以寿节在迩礼仪繁重况天气尚暄待秋爽择吉举行至是改择本月二十五二十七两日以进

○癸丑赐辅臣鲜笋

○甲寅秋分祭夕月坛遣官行礼 宪宗纯皇帝忌辰遣官祭 茂陵

○大学士方从哲以前< 䟽 䟽-金 >请枚卜奉有知道之旨因复陈政本单虚乞广置凝丞为 社稷计乞照丁未之例多点数员不报

○赐辅臣批把果 ○乙卯朝鲜国差陪臣金存敬等朝贺宴赏如例

○大学士方从哲因各省直赍捧诸臣咸以科道缺人为言且有以力争望辅臣者乃请亟允候补诸臣以慰群望不报

○大学士方从哲题庶吉孔贞时拟授翰林院官职


○丙辰大学士方从哲复请批发岁贡生员五月十五日廷试卷不报

○丁巳大学士方从哲以都察院堂官及各处巡抚与操江院堂之缺请先点一二人令刻期任事其余部寺各官并请陆续推补

○升都司金书管凤阳巡抚中军事伯承宗为广西照平参将薊镇德州游击鲍承先为京城东二营参将黄花镇参将杨镇为京城三大营参将山西掌印都司董用威为山西北楼口参将昌镇右车营游击梁仲善为宁夏平虏参将南京大教场坐营蔡光宗为山东济宁游击宁夏镇城坐营张我英为宣府右掖营游击白石守备钱体乾为天津海防右营游击浙江临观把总刘祖衡为两广坐营金书中都运粮把总蒋克谟为神枢十营佐击

○庚申大学士方从哲请先下枚卜之命次点各处巡抚次允科道诸臣次补各科署印次点各处按差以上不虚次第举行之旨而下慰臣民瞻仰之心不报

○先是芦沟桥劫鞘之事 上命各官住俸拏贼摊赔课银并以守御地方专责巡捕至是兵部议国初设五城兵马司职专巡捕后以夜禁为重弘治间始设捕营其间节次条例增改不一至万历十三年来自卯至申责成兵马司自酉至寅责成巡捕营各自分管画为定规三十余年白昼失事巡捕无与焉说者谓参总之令不行于火甲故白昼之罪不及于官军而芦沟桥劫鞘一事独不少宽于捕营宜及今亟为酌议归诸画一如台臣所议计右哨食粮尖哨二百名分为二班每班一百名分为五队每队二十名自芦沟桥起至广宁门止画定信地常川驻防勿以昼夜为限凡遇钱粮角□羊到良乡兵快自县送至芦沟桥巡简司本司弓兵自芦沟桥送至广宁门其南城轮拨兵番与弓兵同自芦沟护送至广宁门弓兵与兵番交割兵番复自广宁门送至京一有失事良卿至芦沟责在良乡县芦沟至广宁门责在南城宣北坊与右哨及巡简司广宁门至京责在南城宣北坊而角□羊官包折兵夫则良乡或巡司预申责在角□羊官至于沿途保长乡夫宛平县会同宣北坊严行申饬倘有卒然之警互相应援以此定缉盗之责即以此案失事之罚若夫都重二城以内一切白昼抢劫仍系兵马专责与捕营无预捕营夜巡责成如故仍著为令上是其议

○兵科等科给事中赵兴邦等〈 铨金〉请令 皇太子出御讲筵及 皇长孙就学以正蒙养留中

○壬戌大学士方从哲言 东宫开讲之期臣等遵旨改择二十五二十七两日乃吉期已过俞旨未宣中外不胜惶惑盖自 皇太子辍讲以来踰十余年而皇上始允臣等之请既其允而出讲也率以是日开即以是日止有一暴十寒之患而无日就月将之功 皇上试思自古及今有如此作辍而可名为讲学者乎有如此讲学而可以称谕教称燕翼之谋者乎即今秋序渐深去立冬不远过兹以往天寒又将乍寒讲读之期又不可多望矣日复一日毕竟何时可讲而 皇太子早岁勤学工夫何时可继耶昨部科诸臣连章恳请且谓在廷之臣将拟伏阙力争以祈 圣明之必允无非为国家根本虑非

有他也臣叨辅弼近臣于储讲一事尤有专责而顾不能感格 宸聪致令 明旨不信于天下溺职之罪何以自角 羊谨择得九月初四日初六日两日皆吉伏望钦定一日举行则旷典修而国家亿万年无疆之绪实基之矣 上仍以二日俱无入学之吉着另择行

○是日吏部< 〇〇〇 毓-金 >请六垣乏人已极乞补吏科给事中张孔教等留中
明神宗显皇帝实录卷之五百六十

明神宗显皇帝实录卷之五百六十一

万历四十五年九月癸亥朔户科给事中官应震< 〇〇〇 毓-金 >言用人理财二事何谓用人如黄扉隔鱼水之欢词林苦积薪之叹梧垣冷鸣凤之班柏府乏骢马之使起废无举行之实内称李腾芳之文望邵辅忠之摘贪熊廷弼之无辜会推< 〇〇〇 毓-金 >名之徐可求举行年例之胡来朝指及乘輿之郭尚宾摘及端揆之刘文炳以及孟养浩刘国缙乔应甲钱策朱一桂刘道隆诸人皆宜急用者何谓理财如太仓之输将罕至诸路之灾伤时闻九塞之军糈既殷二王之婚礼宜节他如门殿之工程归并之事例饷臣所请之钱法以及那水衡清瑯税核商银诸事皆宜究理者至仓场总督特筦漕储而张问达奉旨无期李汝华一身兼摄以及水衡光禄冏寺之缺人节慎巡视之候命不可不推补批发留中

○升陕西右布政熊应占为本省左布政

○调山西右参政龙膺为本省左参政

○甲子礼部左侍郎何宗彦以 储宫出讲无期辅臣择吉未允兼 皇长孙早令出傅西序为请< 〇〇〇 毓-金 >留中

○升狼山副总兵张彦芳为贵州总兵

○升原任辽东总兵杜松为新设山海关总兵

○升陕西阶文游击陈官定为甘肃庄浪参将

○乙丑礼部左侍郎何宗彦言代事议不两立惟有立嫡立长一言耳廷议久定臣部诸臣之奏辨久明抚按之勘议久真以天理人情之至乞赐改正以定藩封不报

○四川巡抚饶景暉言川省僻在西徼最称险远州守县令不下一百三十余人甲科仅四五人而府正佐不与焉酌议地方或荒远积羸夷汉杂错或孔道冲烦民情刁悍均应选授甲科以振吏治

○大选主事等官瞿士达等二百六十一员

○升五军五营佐击王家栋为京营巡捕左营参将蓟镇西路南兵营游击张景房为浙江嘉湖参将甘肃阿坝游击麻济邦为陕西永太参将宁夏广武游击吴自勉为大同井坪参将都司金书管铁岭游击事文明象为辽东武靖营游击大同镇羗堡守备王维城为德州游击桃林口守备颜光耀为蓟镇辘重营游击张家湾守备杨应瑞为昌平右军营游击秦州卫指挥使侯一位为甘肃河西备御都司

○丙寅 孝恭章皇后忌辰遣官祭 景陵

○大学士方从哲请补阁员言自 成祖设内阁以来二百余年中间典丝纶备顾问者非六七人即四五人岂徒为是赘员也任重则独力难胜事烦则只身难办以彼宏猷硕望之臣众人驰骛而不足者而今但责之极庸极病之一夫任其颠仆而不顾无乃付金瓯之天下于一掷乎自臣待罪纶扉幸遇我 皇上英明天授太阿独持凡疑难重大之事咸赖 圣明独断臣愚若可幸以无罪然而有 君无臣何以致理无股肱心膂之托而元首岂能独成其尊哉乞念国事之多艰悯臣情之最苦即敕该部速行推举点用不报

○巡按陕西御史徐养量核勘过三十七年九月内甘肃镇讨来川等处斩获首虜功升千把总张克敬等实授一级不世袭

○直隶巡按御史李嵩以吴地灾伤乞停芜关榷税不报 ○升成都府同知赫奕为龙安知府

○急选州同知等官范一儒等一百八十三员

○丁卯赠原任贵州指挥王胜祖世袭一级以其杀贼殒身加优恤也

○升兖州知府张铨为山东副使

○升户部郎中阎世科为宁前道参议

○戊辰荫应天巡抚王应麟次男王臣夔入监

○予原任太常寺少卿翁宪祥祭一坛宪祥南直常熟人万历壬辰进士为鄞令选礼科历史户刑科给事中升本官奉差病故礼部言其宰邑著循良之誉谏垣蜚謇谔之声当 圣母上宾著有勤劳虽四品未滿而俸已踰期特以在差未给繇宜予祭

○己巳大学士方从哲以前奉有所请诸事次第举行之命因请点用南北乡贰各处巡抚及各项科道官以信 明旨不报

○是日大学士方从哲复以庶吉士孔贞时授职为请不报

○应天巡抚王应麟请蠲安庆府遗税与六合上新河附京小税不报

○调陕西右参政周懋相以原官管临巩道事

○辛未重阳节颁赐辅臣上尊珍饌

○大学士方从哲题起居注馆例官史官编纂六曹章奏请补周延儒等六员

○户部言 惠王 桂王婚礼奉旨照 瑞王事例造办臣等敢不遵行措处但查照 皇上大婚礼仪止用七万两 瑞王礼数陆续增至十八万今欲二王俱照 瑞王事例此必不可得之数况边饷告急太仓若扫乞俯赐裁酌 二王典礼各照 大婚七万之数仍发帑金以助庶嘉礼易完而 皇上之俭德益昭矣不报

○壬申署都察院事李鋹以院道一空乞点用原推吕坤等并考选散馆诸臣速允就列不报

○升四川按察使刘文徵为陕西右布政

○升潞安知府陈儒为山西副使

○升刑部郎中王隆德为兖州知府

○癸酉升南验封司郎中谭自省为湖广右参政

○升承天知府李养蒙为本省副使

○先是八月中山东武城县天降异物三块其声如雷重各有斤两济南府地裂者二安丘县大雨雹麦稼尽伤二龙青白相斗于野伤人按臣以闻并请大赐赈恤亟图修省< 〇〇〇 〇〇〇 〇〇〇 >留中

○甲戌大学士方从哲以停刑旨下颁历亦复在途复请释御史刘光复时光复之子向随在京者忽以病死故从哲力恳之

○乙亥大学士方从哲题自入秋来请皇太子讲期两奉 明旨命臣改择先以天气尚暄欲待秋爽而今又以无入学吉期为辞夫 储宫讲学与士庶不同万万不必拘此臣谨择得本月十七二十两日仰祈钦定一日不报

○先是 福王之婚借太仆马价银二十万 瑞王之婚借九万一千益以缮司三万虞屯二司各五千工部以 惠 桂二王并婚请仍借太仆寺二十万又 大工建 < 〇〇〇 〇〇〇 〇〇〇 >无期暂借一二十万如旧开三七分事例补还 上许之

○署太常寺少卿徐绍吉以 天坛垣宇圯頽乞亟敕修葺

○升宁国府知府杜文焕为陕西副使

○宴鲁班等七寺进贡番僧割挂吉星等三十二名 ○丙子予前任巡抚湖广都察院右佥都御史梁见孟祭一坛给半葬并其妻米氏祔葬见孟北直安肃人万历己丑进士授德推官升考功主事历官巡抚卒于任礼部称其才猷敏练节操端方且屡推吏部侍郎宜量给半葬 上命如例予之

○丁丑是时< 〇〇〇 〇〇〇 〇〇〇 >奏多留中京官奉差请告命未下部未覆者支俸如常仍作筭考满翰林院简讨丁绍轼以册封告病复计一年零四月移书掌院云本以告病而乃窃禄义之所不敢出也即各衙门有此例而词林仍不宜沿此例又职之所不敢冒为之者也竟不领在告之俸不以在告作考满之期

○升山西按察使角口羊经邦为本省右布政使

○升湖广副使何士林为本省左参政 ○戊寅大学士方从哲言 皇上曾许臣以所请诸事次第举行今臣入直已一月其目前要务如简阁臣补大僚点巡抚允科道点按差释累臣诸事单请合请补牍不下十余矣近日接到各处书揭有因漕河总督候代未任催点保定江西巡抚者有因虏情孔亟倭患方殷催点大同宁夏福建巡抚者有因大江南北岁荒盗起催点操江都臣及苏松巡按者大选各官以吏科无人领凭无日皆望辅臣催请乞即赐简发以信诏旨以慰人心不报

○己卯初巡漕御史唐世济以漕运重务恐发单稽迟乞将新推总督王纪及河道总督王佐免其候代速赴新任至是< 〇〇〇 〇〇〇 〇〇〇 >下大学士方从哲以二臣虽已奉旨升任而部推保定江西巡抚尚未蒙钦点若遽令免代以去则此两处地方谁为弹压顾

此失彼非计之得也请一并批发

○予原任巡抚贵州都察院右佥都御史张偲祭一坛给半葬偲江西新建人隆庆戊辰进士授苏州府推官升刑部历任藩臬闽粤间有惠声随以终养归起湖广右辖晋左辖巡抚贵州适苗仲猖獗新添平越之际通路为木口奭偲决策征剿擒斩首功七百有奇纳降三千七百有奇地方以宁卒于任故事四品未滿者不与祭以其军功特予之

○荫原任延绥巡抚李春光一子入监仍赏银三十两纁丝二表里叙其在任三年修举八事之功也

○庚辰升湖广右布政王一楨为本省左布政

○追封翼城王观墻原配夫人王氏新蔡王颐挂夫人王氏各为妃 ○辛巳大学士方从哲请发前所题编纂章奏官补制诰两房官及庶吉士孔贞时授职不报

○礼部等衙门题 皇太子开讲一节礼臣催请不报阁臣谏吉亦不报 皇上真以 皇太子不必教耶自古帝王躬上圣之资奏綦隆之治无不以典学为先务者我圣祖即位即建大本堂妙选儒臣教太子唐太宗遇物即举以为教 皇上仰法 圣祖陋唐太宗于不居者如之何不教也皇上曾语内阁先臣朕五岁即知读书冲年向学至今侈为美谈家法具在身教俨然岂五岁可学而三十六岁不可学耶环宫之内终日兀坐无所事事倘左右近习导以荒淫为所不当为行所不必行误 皇太子异日并以误天下尤不可不深虑也臣等闻学之所乘者惟少与壮少不知学壮不使学恐时一去而不留学一荒而不振书之史册传之后世谓清明之朝有三十六岁不学之 皇太子 皇上何谢人言从今日出讲去十月辍讲之时宁有几日尚可姑待迟延为也臣等待罪大僚不能力赞 皇上之美何以追溺职之愆谨斋沐诣文华门叩请恳望举行不报

○礼部覆陕西抚按李起元等会题释放秦府永寿等王府中尉怀土口败等四宗复还封禄言矿税害人百姓刺骨及心之痛敬金口丞激于忠义叩阍而为民请命天潢中若斯者指不多屈亟宜复爵以示旌异怀土口败敬金口施佐斗似亦可恨然元凶议抵两人可从宽政谊洎借名波及更属冤诬俱应还封禄以昭朝廷亲亲之仁从之

○降湖广参政冯时可为贵州参议

○壬午大学士方从哲请补科道官言方臣起家佐铨正诸臣留部之始迨次年考选而臣已待罪纶扉迄今凡五年矣其听补各官先后到部犹有在考选之前者顷臣以三载任满过蒙 圣眷叨窃逾涯乃诸臣困守累年并未得授一官沾一命清夜循省能无自愧于心乎不报

○先是皇太子讲学吉期择于十七二十两日嗣后大小九卿及台省勋戚诸臣连章恳请讲读各官预备讲章以待 上以讲学吉礼还当以入学为吉且秋暮口日出大米口寒命于春和举行大学士方从哲因改择九月二十五二十八两日以进

○广东巡按田生金以原任吏科给事中戴士衡客死瘴乡乞开伍籍量加优恤并请释樊玉衡之戍

余荣矣不报

○礼部左侍郎何宗彦等以代宗鼎金□屈充□鱼□<□人小>□廷壘鼎□金先王□私撰本章事请如按臣议重则革爵轻亦罚禄终身并请立改鼎渭以绝窥伺息议论 上命姑从轻罚住禄米终身不许支給

○丙午南京吏部尚书沈应文以南京大僚多缺科一人道三人篆务需人甚急请速赐铨补不报

○丁未封代王庶一子鼎渭为代世子

○大学士方从哲言代藩一事十年以来节经部院科道抚按奏请不知几十百<□足 铨-金 >祇因未奉俞旨以致人心疑贰议论纷纭代王之溺爱日深群小之邪谋益炽兹幸我 皇上大奋乾断正诸奸诬奏之罪降鼎渭准封之旨明纶一布中外欢腾宁独代王父子因此释嫌疑之迹复慈孝之常闻之四方传之后世其谁不颂大圣之作为仁明刚断超越古今孟轲氏谓圣人人伦之至正皇上今日之谓矣臣愚区区之衷更愿 皇上繇一念而推之念念繇一事而推之事事将目前切要如补阁臣补大僚补科道点抚按署科印释累臣诸务亦如代府之事立赐裁断则一举笔而朝政改观人心胥悦矣不报 ○以山西右政使文球为都察院右佥都御史巡抚大同地方

○降罚喜峰路参将郭登选守备魏允高有差以其疏防殒失军丁且妄传烽燧掩罪为巡按御史论劾故也

○升陕西按察使张崇礼为湖广右布政

○己酉 诚孝昭皇后忌辰遣官祭 献陵

○升山东按察使景昉为河南右布政

○庚戌时吏部都察院俱以台省缺人诸务废弛请速下考选候补诸臣以济急用大学士方从哲乃言人君之举事也上之当存国体下之当顺人情远之当稽 祖制今六科止于四人而五科之印皆无所属十三道止于五人而人兼数事以致内外各差缺者无可补满者不得代堂堂全盛之朝寥落若此此其于国体何如也诸臣通籍有年扬历中外业有成绩今幸与清华之选岂不欲乘时自效一舒报 主之忱而徒令株守都门淹留累岁进无可守之官退无可居之地河清难俟壮志全隳此其于人情何如也累朝旧例给事中五十余员御史一百余员济济盈朝用以扩聪明而充任使匪徒备员也而今匱乏若此挫折若此岂人才盛于昔而独衰于今耶抑绳愆糾谬之职可用于国初而不可用于后世耶揆之我 祖宗列圣任贤纳谏之徽猷当不若是矣此其于 祖制何如也<□足 铨-金 >入不报

○朝鲜国王李瑋因本年正月对马岛主平义成差倭橘智正赉日本国王源秀忠书欲迎信使以通邻好及刷还朝鲜被虏人具<□足 铨-金 >以闻言自往年以来对马岛主平义智等节次来款以承受家康指教要请通好为言该曹及边臣辄以海上大小事情例该逐一具报 天朝今此信使一款尤难轻议用是推诿累年兹者秀忠承藉家

康余烈必欲邀得本国信使乃以此事专责于马岛而平义成以乳臭小儿嗣袭岛主之任惟恐所干不成获罪于日本今若一意撝斥终示见绝则彼乃无聊转成讐恨又萨摩州被虏人三万七百余名善习鸟銃枪刀之势皆愿刷还数年之间请使日急概其本情似是借重夸诩而其间狡猾抑或难测耳总都薛三才亦称被虏三万七百余名习鸟銃枪刀之势皆愿刷还此朝鲜之利而非日本之利明甚倭奴肯一一送还否安知不以此为通市之饵乎今既欲因便报答以示羈縻之意似亦一时权宜但不宜令其源源而来以窥朝鲜之虚实复酿曩时平壤之祸胎也事下兵部俱如督臣议言倭夷譎诈变幻耽耽未已其不以一信使往来之故遂坚睦邻之约而寝启疆之谋明矣据议遣使报答修好之名似难峻绝要挟之意尤难信凭朝廷轸恤藩方计难遥度于海外亦惟申儆该国斟酌机宜自画长便 上是之

○急选府同知等官郭之祐等一百五十二员

○壬子大学士方从哲言适接蓟辽总督汪可受揭帖言自湖广起行赴任道经河南见各处地方旱蝗相继民不聊生汹汹思乱因思湖广河南及江西福建四省巡抚一时俱缺弹压无人万一饥民啸呼倭虏响应中原腹心之地大有可虞此诚忧国远虑请将江西福建二处已蒙钦点者即赐批发其湖广河南与宁夏操江四臣统乞点用并将各科先点一二员俾令署印管事不报

○甲寅允云南巡抚曹愈参养病回籍 ○大学士方从哲以阁员不补会推无日因言我 皇上留心万几无远不烛即四海之广一事之微精神无不流贯矧密勿何地辅弼何官乃任其空虚旷废而漫然不为之所岂真遗于至近而忘其至要也哉无亦以知人不易而过为慎重若此乎不知诸臣才品资望上之难逃 圣鉴下之难掩公评皇上但下枚卜之命敕令从公推举该部必能旁求博访集舆论之大同以听 宸衷之独断何用迟留疑贰若是之久也臣以时事艰难匡维罔措意气隳沮精力销亡当此之时欲以孑然之身独肩重任譬之以孱夫扛九鼎以一发引千斤凡有识之士莫不为臣危之有如一且溘然长逝丝纶之地 皇上亦将终于不补乎与其补之于异日使政本有中绝之虞大权有旁落之渐孰若及今用之或者臣愚犹得藉协恭之益以少伸报国之忱岂非公私两利之术哉不报

○乙卯总督陕西三边军务刘敏宽题万历四十四年七月内兵部题请动支草料银一十万两角□羊赴陕西布政司分发延甘二镇支用仍听按臣核实开销今准巡抚甘肃祁伯裕称甘镇原发三万两内已支六千三百九十四两九钱四分二厘已经给赏讫见在银二万三千六百五两五分八厘又准巡抚延绥金忠士称延镇原发七万两并未支销见存贮库

○丙辰户科给事中官应震请允姚若水巡视十库之差因陈画一二议一题知画一言关差系彼此行关割差系属员听堂官行割皆不俟 王命者也题差则俟 圣明俞允而后推者可推领者可领顾丝纶郑重虚度居诸不免误乃公事以后议一概题知

置阻挠改县诡称欲将各司钱粮岁岁角□羊京或隶别省当事者委曲迁就不知费几许调停始得苟且结局臣今欲趁安氏寡妇孤儿仰我鼻息之日因而收拾之此亦治未病之意也宣慰司逐年办纳粮马布政司并无册籍可查今总撒俱有定额将来谁敢变乱且汉把姓名一一籍之于官便可行互结连坐之法其地又有内水外水之分内水不容一贼外水九司六目专一窝藏仲贼臣欲令之内外更调业已注册甚明第仓卒尚未举行谨以一册达部愿责成之于后来者得旨征仲已有次第其土司诸事著抚按官再加详议以安地方

○时 王婚并急工部钱粮无措 上命于马价及 大工银暂借待陆续补还兵部左侍郎崔景荣因言臣部名为司马必马匹有余然后可以振国威粤自种马法废改为俵角□羊而马少矣又以边需浩繁二分起派八分折价而焉又少矣初意谓折银在库遇有缓急可用价以买马乃各边马价市本及悬赏银两俱取足于内年例角□羊发毫不可缺而户工两部及光禄寺节年借贷不下五百余万皆在制额之外何曾分毫补还以致老库四百万之积仅余八万何以堪再借况马价银两坐派南北两直及山东河南今旱蝗相继无处不灾则本色折色必不能完既额发边需尚恐无措而何可又言借贷乎天下非无事之日也倘变起一隅仓卒徵发向臣部索马而马无索银而银无水衡之臣肯任其责否得旨罔库空虚可虑但钱粮无措恐误婚期还遵前旨借给以济急用

○选主事等官程光阳等二百六十五员

○甲子兵科给事中赵兴邦言部推总宪吕坤不愜物望乞敕部改推有才品者以重风纪之任并罢南京通政使吴华贵州参议冯时可不报上以 玉牒告成加驸马都尉侯拱宸太子太保其子昌国等并命遵前旨授官兵科给事中赵兴邦以 上所予拱宸之子之官全不合例执奏< 硃-金 >留中

○赵兴邦请严勘延镇功罪延绥自四十三年十月至四十四年七月节次捣杀斩获虏首一千七百六十有奇已经勘明题叙时中外纷纭有谓孙洪谟大柏油被围以援兵少迟遂甘心投降者有谓虜犯波罗总兵官秉忠有波罗之役不得分兵救援以角□羊大柏油之围者有谓虜围大柏油告急官秉忠听信张榜不许传炮致孙洪谟营溃被杀者有谓秉忠当大柏油之急不往救援遗张榜领镇营兵马潜入草地捣巢贪功失律致全军俱没所失军丁私行顶补者一时罪案轻重未有定义故兴邦以覆勘为请不报

○河南道御史王象恒以台省一空言路几绝请速下候命考选诸臣不报

○乙丑大学士方从哲请补大僚及科道诸臣言部寺大僚十缺六七风宪重地空署数年六科止存四人十三道止存五人候命诸臣如杨道寅张孔教李若圭孙之益暴谦贞周希令等累岁不补言路空虚与夫天灾时变物怪人妖诸状不报

○初福王之出封河南也所赐贍田自河南派及山东又派及湖广计湖广派数四千四百八十五顷有奇除 王愿减一千外多方搜括止得田一千二百二十六顷每亩

徵银三分每岁该银三千六百七十九两有奇已经按臣册报将藩司正项钱粮那凑两年之数起角口羊 福府因具〈田 疏-金〉报上久未得旨全楚官民遂以为欠数停寝几幸不徵矣至是 上复督过诸臣且有务足额数与自行管业之旨科臣官应震因言国家建侯以藩屏王室原不割版章之土宇充侯服之瞻田 列圣相仍未之有改即有一二间从请乞要亦随便空闲地土偶一为之非所以训也今以空闲之地括之襟江带湖之楚彼夫废府遗业贫宗承领日久也而亦括故相之没田小民纳价日久也而亦括民怨滋腾民变几激费地方官多少调停而后得此千余顷之数他如邸业自钦留以供香火者若新增田若赤马湖田若芦袱湖田六大庄田各除效输将外乾没不知若何顷 皇上但听其口实进御恬不之核乃以填溪满壑之意徒索之于子虚乌有之乡至额不能盈而赫焉冯怒降罚诸臣揣 陛下之意无非谓 潞例可援耳夫 潞王四万顷原系 景藩余业 景王四万顷原系省直未经清丈之先尚有闲地可拨此在诸臣往〈田 疏-金〉中甚悉而独计 福援 潞例倘 瑞 惠 桂三王又援 福例继继绳绳其丽不亿概从查拨长此安穷况即以 潞例言潞之租银止四万两今 福王二省租银共四万六千两有奇较 潞例业已过之而 陛下又从而附益之耶至管业一节查会典各王府钦赐土田令各该人员关领不许自行收受 祖宗彝章昭如日月有司催比有法角口羊运有期岂如瑯琊归府第者十三入私囊者十七迨至还报不称官吏之阻挠则捏佃民之逋欠遗累甚大 福王何利之有〈田 疏-金〉留中

○金川寺加渴瓦寺番僧容中出等十名进献珊瑚璫璣等物给赴京并留边贡僧各赏给绢钞

○丙寅 恭让章皇后忌辰遣官祭陵寝

○初河南杞县乡官刘昶李茂春以子女之故互讼事经祥符知县胡沾恩陈留知县张璇勘拟曰口永随〈田 疏-金〉参茂春而诬及沾恩茂春亦参昶而诬及于璇章下科臣因称二令清白与刘李妄诬至是法司覆议请转行抚按官勘拟具奏从之

○丁卯铸给协理宣府副总兵关防一颗

○己巳大学士方从哲举目前一二切要上陈其一点各处巡抚抚臣专制一方不可一日缺人见今江西福建河南湖广宁夏与操江皆会推已久未蒙点用江西曾奉有已点用了之旨而至今未发尤非事体近闻福建倭警狎至江洋大盗横行则闽抚与操江更为吃紧此口皇上所当亟为允用者也其一委各科署印六科与六部相为表里近因署印无人以致部务停阁虽间有一二白纸抄发而其未发者尚多也即如吏科无人尽凭遂使两次大选急选与教职千有余人皆守候京师不得赴任当此隆冬苦寒之际而令此辈冻饿于都门岂人情乎即一科而各科可知此亦 皇上所当亟为委用者也其一点镇抚司官本司职专理刑凡奉旨送到人犯即当打问问过题送法司此旧制也先兵部推梁慈许浩然二臣未蒙点用以致钦犯日众鞫审无人有罪无罪一概监禁伏望 皇上将部推二臣中钦点一人以清诏狱而释无辜又今日之急务也不报

○壬申山东灾济上各属告余于登莱复为飓风飘没抚臣以缓徵改折为请盖以东省视天下其灾肯同而屡岁之灾登莱所无而济东兖所独也四十四五年之夏秋两灾又济北所独也因以改折漕粮请之三郡缓徵四分请之济北以苏民困

○癸酉大学士方从哲以前所请点用各处巡抚六科署印官及北镇抚司官竟未奉旨复言臣阅万历二十年前如申时行王锡爵等在事之时朝无失政亦无缺官自大几务大典礼外常经月或数月无一< 匚 𠂔 𠂔 金 >揭有之 皇上未有不俯从者臣造膝而谈 君虚怀而听都俞吁咈之风何其盛也臣之才品虽万万不及诸臣然其所言者皆天下国家之事亦皆 皇上之事也 皇上祇因臣之不肖遂举天下国家之事而度外置之是一人之身昔何以励而今何以少怠昔何以转圜而今何以少滞耶恐 皇上亦无以自角□羊也臣祈 皇上乘兹长至之前幡然改图一洗因循之习将臣所请简阁臣补科道及巡抚署印镇抚各官或概赐允用或渐次举行宁独 圣明有光于御极之初且使犬马微诚得蒙 主知以窃附于前人谏行言听之美不报

○甲戌命武定侯郭应麟承袭祖爵

○乙亥吏部尚书郑继之乞休< 匚 𠂔 𠂔 金 >始下得旨卿久典铨衡公清端慎且精力尚健夙夜勤劳朕方倚任老成共图用人之政何为遽引疾乞休宜仰体朕怀即出料理部事不允辞

○丙子大学士方从哲言臣今早入朝时有大选及教职官数十百人稟称吏科无人尽凭不得赴任隆冬逆旅寒苦难支求臣单催本科署印官伏望 皇上简吏部原题吏科给事中先点一二员令其署印发凭庶于人情政体两便不报

○时三辅大灾抚按毛堪刘廷元等请勘请蠲赈户部覆议以为畿南六郡数年以来水旱蝗蝻相继为虐诸臣目击颠连所列款条不敢不就中权宜除顺天一府另覆外将保河等府所属州卫所除见年起运京边库寺本折进京给爵银两例不蠲停外被灾州县查照分数蠲免听其处补巡按赃罚原供边饷准留一半临德二仓改折空虚亦难借赈惟是真定府应免存留税银并保河等府本年税银及广大三府已徵未角□羊监税银一切留赈至于抚按请发帑金十万两诚见畿南内护宸居外捍边徼必畿辅安而后京师安是在 皇上之特恩耳

○丁丑以灵丘王府管府事将军鼐铁老疾准嫡子辅国将军鼎洁代行礼仪

○戊寅吏部尚书郑继之以豪恩赐留乞补考选起补散馆诸臣不报

○大学士方从哲以腰痛请给假

○己卯 孝惠皇后忌辰遣官祭 茂陵 孝烈皇后忌辰遣官祭 永陵

○巡视光禄户科给事中官应震等请以景府贮仓禄米代充漕粮并命部檄速停徵角□羊景王久薨景妃亦以秋逝苏常二郡适角□羊禄米至京 上允户部请命暂贮本府听候别用时漕储若洗徵漕地方凡六而五处告灾军国之需仅支二年若以景禄充之白粳一千五百石可当漕米二千二百五十石至粮艘之来多以冬时上纳起运

登舟每在 本年春夏景妃虽逝而停徵部檄未下有司无所禀成故应震等以为见在支销宜酌将来徵角口羊宜停且引昔日汝府例为鉴不报 ○荫江西巡抚王佐男王士元入监读书

○辛巳朵颜等卫夷官差头目孩子等一百十名进献方物马匹庆贺 万寿圣节回赐表里绢疋并宴赏来贡夷

○壬午 上谕大学士方从哲曰朕自入冬以来不时动火见今调摄览奏知卿偶有微恙即今大节在迩卿为辅弼元臣宜慎加调摄即出表率百僚称庆以慰朕怀特谕卿知

○是日大学士方从哲以一阳来复乞乘时用人图治言 皇上不必远稽古帝王暨我 祖宗列圣第思万历二十年前其信任辅臣谏行言听视今日何如其委用大僚开张言路有缺即补无推不下视今日何如昔何以有转圜之听今何以无虚受之怀昔何以有拔茅之公今何以有弃材之叹乞将尚书郑继之侍郎崔景荣张问达等请告之 < 硃-金 > 先赐批发亟敕吏部会推阁员并将转科道考候补诸臣及各处抚按概行点用其他举废弃释累臣蠲租留税总在 圣心一转念而师济成风泰运可回矣不报

○癸未大学士方从哲以大选急选推升等事乞敕吏部尚书郑继之速出供事拟票以呈

○乙酉冬至大祀 天子 圜丘遣官恭代分献视牲诣 太庙请配

○丙戌群臣于五凤楼前行庆贺礼

○大学士方从哲诣仁德门叩贺遣司礼监太监李恩等管待颁赐烧割一分甜食一盒伏姜一盒

○颁赐辅臣上尊珍饌

○是日大学士方从哲复请点用科道各官且言数年间并无一旨以臣言为然亦无一旨以臣言为不然并无一旨以诸臣为当用亦无一旨以诸臣为不当用臣不敢谓臣言之必当从而知 皇上无终于弃置诸臣之理亦不敢谓诸臣之必当用而知 皇上无终于闭塞言路之时傥念 祖宗以来设立之言官不可自今日而废二百余年培养之人才不可自今日而弃则俯从部推以允补各官当不俟臣言之毕矣得旨览奏忠诚恳切劳苦为国但陆续行事皆乡请朕裁断批发何独无一旨言之乎用人之议俟目疾稍愈行之

○丁亥 上以东直门劫掠事命严行提督官躬亲巡视协力擒捕及严查占役卖放等毙

○兵科给事中赵兴邦等以巡青事竣查报岁用钱粮自四十四年十二月初一日起至四十五年十一月终止收放过各仓场及京五草场料草并牧地子粒银两数目逐一具册奏缴

○是日赵兴邦等复摘议巡青要务言中使当撤贫商当裁城垣仓廩倾坏当修驴头无用当变至于内马房当遵照会典与外马房一体巡视不报

○己丑吏部以起复散馆与考选转科分为三项各具一< 〇〇〇 铨-金 >上请大学士方从哲因请先允其一以便署印轮差并请简发部院题催抚按各< 〇〇〇 铨-金 >不报

○兵科给事中等官赵邦兴等以布花事竣荐金吾右卫掌印指挥贾尔权等劾兴武卫佥事指挥莫国用等章下所司

○辛卯调湖广副使张邦俊为郴桂兵备

○礼部题有一官则有一官之事礼科无人不止废礼科之事兼本部事亦废王府之名封婚丧大臣之优恤与夫一切行事悉从废阁候补诸臣鳞集阙下始以贤遴之终而禁锢之道路之口妄相猜忖以为 皇上非忌其拜官也忌其拜官之后言或激切逆耳遂排抑至此窃惟朝有直臣裨益非浅今天下贪墨成风丑虏之狂逞武官之欺蔽法纪之陵夷人情之怵惕财用之费出无经库藏之萧然若洗皆日甚一日盖因言路寥寥摘发而弹压之者无人耳以致天怒于上无地不灾无人不思乱今日修救修备挽回天意收拾人心者惟用人第一著望 皇上即点礼科并下候补散馆考选之臣不报

明神宗显皇帝实录卷之五百六十三

明神宗显皇帝实录卷之五百六十四

万历四十五年十二月壬辰朔大学士方从哲复以宿疾渐深乞赐休致并祈简阁臣言今朝政多壅人情久郁大僚半缺言路几空国家有危乱之形世道无太平之望时事至此举朝臣子咸抱杞人之忧而 九重之上处之宴然恬不为虑任臣号呼控吁千祈万恳而一人未用一事未行哀此奄奄垂毙之夫更有何神术可以感格 君心有何伎俩可以挽回气运耶请速赐罢斥并敕吏部速推堪任数员即为点用不报

○癸巳颁赐辅臣鲜藕

○乙未 慈孝献皇后忌辰遣官祭 显陵

○丙申荫礼部右侍郎郭正域次男郭武封入监读书

○丁酉调河南副使张邦俊为湖广副使 ○壬寅大学士方从哲言臣历年所请各官缺者未推推者未点点者未批批者未发大小臣工倾心而望延颈而听不啻大旱之望雨调饥之思食也顷奉 明旨谓俟目疾稍愈即简详发行行之此其时矣谨将应补各官一一胪列上请一敕吏部会推阁员一点各部尚书侍郎并都察院堂上官一点通政大理并各衙门卿少卿府丞南北司业等官一点江西福建河南湖广宁夏各巡抚及操江都御史一点各省直巡按御史共九差一允考选科道官一允起复候补及散馆科道官一允各科序转左右及署印官一点各省布按兵备等官一允庶吉士刘钟英授简讨一允题补两房中书官一允六曹编纂章奏官不报

○乙巳 世宗肃皇帝忌辰遣官祭 永陵

○礼部题申饬学< 〇〇〇 矢见 >五

款一曰惩不肖之尤劣生不止夏楚降黜提学官廉其尤甚者付严明有司究问一曰奖德行之科果德行卓异虽劣等拔前列补廩孝弟刚正可起顽懦者学臣奏请徵聘一曰重督学之权学臣执法假以便宜宽以文法俾所部诸生无敢咆哮鼓噪仍超迁以作敢为之气一曰重提调之任进退诸生必令繇提调守令开报毋畏其口语毋任吾爱憎毋徇教职之举一曰慎儒臣之选作人有效或优以部秩或间与行取庶重教士者而士益知自重奉旨是

○升浙江佥事王钟岱为河南右参议

○丙午 贞惠安和景皇后忌辰遣官祭 陵寝

○升河南左布政沈徽炳为光禄寺卿 ○丁未升河南右布政陈邦瞻为本省左布政

○戊申大学士方从哲因 上点用光禄寺卿并票巡漕御史及工科署印官复请推补光禄卿之意尽补大僚推点漕差之意尽点抚按推允署科之意尽允各科左右与考选起复散馆诸臣

○是日大学士方从哲请以国子监祭酒盛以弘升詹事府少詹事兼翰林院侍读学士协理府事纂修玉牒俱不报

○己酉宴朝鲜庆贺冬至陪臣李相吉等三十九员

○升给事中归子顾为尚宝司卿

○辛亥大学士方从哲以吏科署印无人选官候凭日久请于吏部题催各官如张孔教顾士琦张延登则复除之吏科也官应震则转右之吏科也暴谦贞则拟授之吏科也于此五人中先点一二员令署印管事不报

○壬子大学士方从哲请颁发湔除敕书不报

○是日 上谕元辅方从哲曰朕因动火致有目疾尚在调摄未愈卿所请诸事朕已悉知况履端节届阁务繁重卿小恙已愈岂可久延私寓谅卿心亦自不安宜仰体朕衷即出入阁辅理以慰朕眷倚至意其请用人诸事朕即次第简发不必再有所请特谕卿知

○宴海西卜颜等卫进贡夷人工孛罗等三十名

○礼部题天运繇冬而春草木无知之物且忻忻向荣柰何于候补诸臣积岁累月而不之用耶礼科无人则礼部废事且杞忧有甚此者大盗劫掠内地如入无人之境延绥之虏挟赏入犯盖窃窥朝政故敢蠢动若此政之大者孰过用人政之阙失孰大于不用人古之明君谏臣不备必汲汲皇皇物色以求之宁有散馆选补之人具在而不用者乞补礼科杨道寅张国祥等则 圣治弥光 圣历弥衍真千载一时矣不报

○凤阳巡抚王纪淮安巡按姚鏞题报查勘所属州县被灾分数酌议改折减免蠲停事宜户部覆将六合等五十五州县四十五年存留米麦照依被灾分数减免漕粮除永折并无漕粮与灾轻州县俱不议外其余俱照议单事例改折淮徐所属被灾处所三

十九年以前未完本部钱粮停候二年带徵四十年起至四十三年止未完钱粮麦熟徵角口羊屯粮照例折徵未完暂缓停徵

○癸丑大学士方从哲以奉 圣谕具< 跪 疏-金 >谢因请吏科署印官以完选官尽凭事不报

○予原任巡抚陕西等处地方赞理军务都察院右副都御史王璇祭一坛半葬璇河南太康人隆庆戊辰进士初授滋阳令以循良著选礼科给事历藩议宪副郎郢宣云间赖之晋金都御史抚甘肃复抚陕西屡树边功数荷恩赉礼臣援军功恩例请给祭葬并其妻淑人李氏祔葬并祭

○乙卯大学士方从哲请乘履端之庆施角口羊网之仁释放御史刘光复不报

○丙辰 上以大节在迩复谕元辅方从哲入阁赞襄所请选官尽凭事准将张孔教复除吏科署印

○以正旦令节颁赐辅臣吊屏门神等物

○戊午附选过主事等官王惟光等二百四十六员

○己未急选知州等官蓝士龙等一百五十员 ○庚申以岁暮祭告 太庙遣驸马侯拱宸恭代宁晋伯刘天锡东宁伯蕉梦熊分献

○是日 上谕元辅方从哲曰朕以卿微恙请假数日今已痊愈前已有旨谕卿入阁视事昨览卿奏朕心甚慰至今尚尔未出方今国事浩繁况元旦大节届临百官称庆卿为转弼重臣岂得高卧私寓卿宜仰遵屡谕即出佐理以慰朕伫望至意不得再有托陈特谕

明神宗显皇帝实录卷之五百六十四

明神宗显皇帝实录卷之五百六十五

万历四十六年正月辛酉朔正旦令节 上不御殿文武百官照例于午门前行叩头礼辅臣方从哲仍诣仁德门庆贺 上命颁赐如例

○是日又颁赐辅臣上尊珍饌

○癸亥 宣宗章皇帝忌辰遣官祭 景陵

○甲子尚宝司奏金牌失落数多 上命兵部查明补造

○乙丑大学士方从哲奏旧辅叶向高去已四年同官吴道南去逾半载密勿之地票拟无人乞简阁臣以济时艰不报

○兵部覆奏山东济属武定滨州等十四州县荒旱蝗蝻东兖青三府亦然议停济卫班军宽马价参罚及俵马减价改折等事不报

○宗人府以韩府等府所上 玉牒册违限当行巡按御史详究下礼部

○提问慕田峪守备李国华以按臣劾其贪婪也

○直隶巡按御史熊化奏屯政久敝乞及时整理以定经制查参管屯千户张纯武管粮通判颜惟仁等各罚降有差

○辛巳吏科给事中张孔教言六科职掌与六部相表里六科无人则六部事废至十三道御史人兼数差在差者弛担无期缺差者弹压无借是考选台臣与科臣并急又选补诸臣有不候凭不陞辞而径出都者此日不知尊主之谊他日岂望庇民之政乞严谕吏部分别议处以饬法纪

○山东巡抚李长庚奏臣奉敕谕查照近题沿海一带荒芜田土委官清查招佃垦耕既有收成酌编户籍仍同巡按及屯田各御史稽察司道府州县官勤惰以别劝惩今查得四十四年分共开过额内荒地四千一百八十五顷零开过额外荒地一百七十六顷三十九亩零额内者照部文补本省额粮额外者遵新例臣与屯臣各分一半所徵银谷抵充本省防倭兵饷经管官员如布政使陈一元济南府知府吴一栻等当行部纪录擢用知县张毓塘等当量加罚治庶激劝当而兵饷有资

○癸未工部署部事左侍郎林如楚等言惠王桂王选婚已定佳期不远而罔寺借牒奉旨裁至十万其未足者暂那大工银两候取事例补偿但二礼并行费过三十万稽查纠正事属科臣顷见内织染局一本有钱粮婚礼急须该部作速移文不必候抄之旨是皇上但知部文可以速移而未计及于祖制之不宜终废今要遵行而该科无官谁为关会谁为稽核他如龙袍之系上供改段之关夷赏均为吃紧乞将原任听补工科给事中范济世即赐俞命俾署科印典礼有光不报

○甲申浙江右布政使何如申以疾致仕

○乙酉 孝静毅皇后忌辰遣官祭 康陵

○南京兵部等衙门尚书黄克缵等奏修筑浦口城工浦城筑于洪武四年隶以五卫贮以三仓为南京保障弘正以来水势侵啮南城尽圯今议依山补筑只围应天卫及三仓在内而龙虎武德横海三卫移入三仓隙地共计应筑城九百七十三丈根脚挖阔七尺深六尺荒石四层条石六层中用钉钩灌以灰浆砌砖三十七层高二丈每丈科银三十八两九钱五厘通共九百七十五丈大约用银三万八千一十两有奇又估作南门及小城门二座便门一座瓮城一座水洞大小十座筑堤九百二十六丈以上数项应费银一万一千五百两有奇拆军民房一百一十三家与迁移银四百七两九钱择于本年初十日兴工共估该费银五万九百二十两有奇以兵户工三部均出而台臣月轮一人监督之用之有余将旧城一千六百余丈接工修理此事三奉明旨今参公论度形胜似断断有可成之功故缵等以闻

○丙戌户科给事中官应震奏请为楚停拨福藩派租及区处征剿两江兵饷毋至重困汤沐重地不报

○丁亥兵部题神枢五营佐击署都指挥佾事宋伟因起文赴袭幼失照管止写宋镐征战威宁海子功升试百户竟将斩获达首一颗字样失落以致不蒙详查黄选减袭总旗今查宋镐原有斩级应将宋伟准复山阴守御所祖职试百户从之

○陕西巡按李养志言臣于延固大阅之役咨取所得条为六款一调遣体统宜饬

延镇东西协守改设在后各营多不听约束宜自今申飭凡副将所部参游俱听钤辖调遣违命者诛无赦仍载入敕书以便责成至贴黄客兵亦未有坐食厚糈而不互相应援者宜令一体调遣庶体统正而事机不失一升级冒滥宜核愿升一节最易滥冒宜仿卫所袭职勘结试验之法如果年力骁勇骑射精闲方是原来获功之人发查食粮月日结报若有捏报代替者许人即时首发庶事近便于稽核人众难掩耳目一降虏衅萌宜杜诸边自来降日增每一夷食三汉军之食夷丁日盛万一忘我豢养内地宁堪噬螫宜分布各营堡令不得聚为一所营队之长悉令汉丁充之其初降者分别老弱强壮异其名粮使驾馭之权在我若乃禁硝黄铁器之阑出绝内地外投之交通此尤吃紧要务宜时严干掇而谨防之一本色储蓄宜广延镇自民粮改折以来米珠薪桂民间又苦贩榷无门办银甚艰如援延邑之例听其改纳附近仓场亦便计也若夹道糜粮岁徵银以佐杂费而折阅既多曷若使之竟输本色而照数扣银乎一边庾出纳宜慎边储粮草混冒实多总之官攒积识侵牟为奸宜令监收同知躬亲验纳路远者亦必委所在官司盘查取有印结而后给与仓钞至于支放则当赴道挂号即客兵调遣不时班军茶马往来无定亦必限以三日申报该厅请讨号领违期者不准开销庶出纳慎而边庾可清一虚悬册籍宜清钱粮混淆难辨者无如虚悬一节据查盘各官议称万历二十年以前正犯已尽家产亦罄不如豁之便三四十年来其故者尚有家属逃者尚当行提不宜轻徇而开幸免之门也

○山东巡抚李长庚以东省旱蝗乞罢临清关税及通省包税不报

○兵部言贵州抚臣移文征兵进剿两江急候楚抚会议至宁夏冲边银定狡酋眈眈窥伺延绥套虏讲款未成总督带管调度甚艰乞将新湖广抚臣徐兆魁宁夏抚臣臧尔劝立赐批发庶封疆有赖不报

○直隶池州府青阳县主员刘永祚奏臣父刘光复当宣召之时钦承 圣谕悉皆至仁止慈之旨臣父深幸天伦和洽不觉扬声曰天下仰体 皇上慈爱 东宫仁孝特以生长山陬南音难别遂触 圣怒然拏下之际 天恩高厚尤示爱护保全之意而幽系以来臣父悔艾讼过况母祖母年老望儿眼穿臣弟随父狱底又溘焉朝露乞 圣明怜察臣父当日扬言忠荃无他罪在可原放父生返早见祖母合门感再生之恩不报

○戊子兵部奏守东华门燕山左卫后所百户刘宗魁遗失礼字二十一号金牌故事锦衣卫当驾官三日轮班上直各赴尚宝司关领金牌夜巡点闸班满缴入所以严关防肃禁地也自上深居二十余年直宿仅存故事废弛莫稽该司巡视主事牌行该卫总严查俱称牌系前官所失其未缴十三面询称自贮直房未会损夫俱合归司照依领缴应补者补造 上曰金牌领缴系直宿旧规岂容废弛该卫与各衙门以后都着一体遵行 〇先二十年征播有新添卫散指挥何鼎臣蒙都清道取为标下中军官以武生李邦举呈给名色把总又本卫后所总旗尤尚国亦蒙巡抚给与名色把总俱随李总兵征进邦举同何鼎臣等攻打三渡关斩功一颗续攻海龙囤斩功二颗尤尚国斩功一颗

职发戍廉州今其义男戴礼呈称于四十五年二月内病故查得四十二年 圣母恩诏一款凡文武官建言谪戍者着抚按具奏开释今本官与例正符乞敕下兵部开其伍籍仍量加优恤至于同戍雷州樊玉衡老病尤甚更祈准其释戍生返毋为士衡之续

○辛丑广东巡按田生金奏留粤东盐饷半充本省军需国家边需强半借资盐筴两淮岁纳课六十八万边中正引又四十万余而粤东旧额十万余后户部以用度不足增引至九千二百六十余道增饷至一万六千五百有奇欲尽解太仓至是按臣欲半留以充粤饷而该科请遵照敕书留十分之三本处备用庶边计司帑两济从之

○差御史潘汝楨巡关

○以原任参将陈官宣补庄浪参将

○升汾州知府陈儒为山西副使分守河东道

○癸卯原任通政使曲迁乔卒迁乔山东长山人万历五年进士繇谏垣出典藩臬历府尹至今官挥霍有余然在粤西不无遗议云

○工部奏各省直有司有未完本部科价等项钱粮者当敕吏部不准给繇从之

○甲辰大风黄尘四塞

○乙巳贵州抚臣张鹤鸣以平定两江倡乱日甚请饷剿之 上曰各省饷银着遵前旨速解协济楚抚俟即点用

○江西税监潘相奏湖税持议日久地方原额不加 上曰湖口税课已有屡旨了尔即撤回其委官着抚按查照李道事例照数按季征解该监如再不遵定行重治所有见在税银即会同差官验收解进以济军需其分解部银待下次征收解用

○以广东水涝灾伤准将四十五年解部税银留赈以昭朝廷宽恤德意从抚按之请也

○工部言巨马桥拆建功力浩烦 上着照前议那借钱粮给发督工官务上紧造办物料以便明春兴作不得耽延迟误

○应天巡抚王应麟以病辞职 上曰巡抚重任如何又以病辞着照旧供职

○丁未选淑女贺氏为 惠王妃吕氏为 桂王妃

○戊申升广东左布政臧尔劝为都察院右副都御史巡抚宁夏地方福建左布政陈道亨为南京右副都御史提督操江

○己酉 恭仁康定景皇帝忌辰遣官祭金山 陵寝

○工部奏 惠王桂王婚礼钱粮奉旨借用罔寺十万今需用甚急而该寺俟发无期 上命作速给发 ○辛亥吏部尚书郑继之以病行初继之以年逾八旬引疾乞休 上以硕德旧臣不允其去命司官谕留至是求去愈切于大明门外叩头出城候旨上乃优诏许之准驰驿归

○漕运总督王纪言凤阳奉祀未斯盛骄淫灭义已经革褫宜仿尼山例会通族公举有见任南京鸿胪寺序班朱自让堪嗣明禋 上下礼部议

○乙卯礼臣以 瑞王出府成婚已将二年而府第未有定所乞早俞发以奠邦基不报

○巡视厂库河南道御史潘汝祯言老库所积除预备 大工一百万之外如洗近蒙皇上有巨马桥发银二十万之旨查得胡良桥费用仅数万彼时兼发帑金部司拮据尚苦不足迨者运石夫价应找八百余金司臣计无复之议动料银该职驳回则此二十余万自非再发内帑部臣岂能为无米之炊至于 祖制巡视厂库必一科一道并乞将范济世之< 疏 >蚤赐简发庶相与共济时艰于库务大有裨益不报

○升原任守备保国忠为河坝游击

○丙辰原任太仆寺卿今冠带闲住李时华言近从邸报见问革举人邵喻义辩< 疏 >大非昔日情境时臣以御史奉命监试与御史叶永盛共事至第三场监军拏获邵喻义夹带啖禀到臣喻义无言第求宽宥遂发兵马司监候臣与叶永盛具< 疏 >参题乃喻义妄意死灰复燃谓当时举人二字触臣竟至不可解溯自丁未迄今一十一年喻义曷不辩于法司推问之时而辩于问革十年之后近日沈同和之事大羞制科使喻义而可复臣恐同和且继喻义而后矣此举关系国法不小臣身虽隐不敢不明白直陈以听 圣断下该部

○丁巳春分祭 大明于 朝日坛

○大学士方从哲题臣于二月初旬择吉请开储讲随奉 明旨见今尚未出九着三月内举行今三月届期余寒已尽臣谨择初六日为入学大吉之期此外十二十七虽无入学亦皆大吉望钦定一日出讲以作 圣功 上以初六是祭祀日期着另择吉来行

○兵部侍郎崔景荣屡< 疏 >乞休不允至是以人言于大明门叩辞出城候旨而刑部尚书李志侍郎张问达皆相继求去 上曰今九列乏人岂人臣相率求去之时着遵屡旨速出毋得再陈

○己未大学士方从哲人以病乞补阁臣谓臣当此病困垂危之际不得一二人为身后托臣死岂能瞑目昨奉 明旨谓枚卜等事待臣出次第举行不知臣身既难自保身后又苦无人仓卒之间政灌莫属苟若及臣一息尚存早推早用之为得也 上曰览卿奏具见忠诚敬慎远虑周详朕已悉知所请枚卜阁臣前谕已明何得人有此奏阁务殷繁边疆多事今各部官员相继求去卿复杜门不出国事何赖卿子之事已有旨了不必介怀卿宜以君命为重即遵屡旨勉为朕出入阁佐理副朕眷倚至意慎勿苦辞

○蜀王奉銮表进扇五百柄 上赐书答之仍加赐银一百两大红罗常服一袭明神宗显皇帝实录卷之五百六十七

万历四十六年三月庚申朔 孝肃皇后忌辰遣官祭 裕陵

○辛酉工部言巨马桥所费不贲现今部库如洗殿门城工及二王婚礼尚且那借无措而河身比旧桥共盈三分有二沙虚且厚桥址难安必于上流砌筑遏水归桥刷沙

见底恐所议二十万金未足了事且未必数十年后终不迁改如臣所见巨马河三时皆涸褰裳可涉惟夏秋之交或结草桥或造方舟岁费不过三五百金此在地方官加之意耳今缓三殿而急一桥那大工税银以就桥工恐亦非圣母在天之灵所愿为乞寢之

○两广总督周嘉谟奏广肇所属南海三水高要四会高明等县洪水冲决圩基三万九千五百八十余丈恐春深不便修筑已权将抚按解留赎醵银两动支一万一千三百六十一两七钱七分零协以民派银六千九百一十九两九钱九分零筑完圩基一百七十五处效劳各官例应优叙乞敕工部移咨吏部纪录以为勤事者劝

○广东巡按田生金奏请粤东备谥者六人一原任南户部尚书张泰顺德人成化丙戌进士为御史< 田 毓 金 >论宫闈廷杖及按滇移檄谕义马思楨出木邦宣慰司罕穹法献首祸者三十余辈比返朝请按中贵戚畹诸不法者在大理执永乐图籍平蓟州皇庄牧地之争后以户部尚书致仕子孙不免饥寒者一南京工部尚书陈绍儒南海人嘉靖戊戌进士授户部主事进会计录岁省京运冗费二十余万视饷辽左遇虏至帅众却之补郟阳监司迁粤西兵备设堡屯田徭贼远遁及为太常卿侍穆庙视耕藉田沟陈典礼称旨赐宴表里晋南户部右侍郎有诏分团营为五力言非制议遂寢寻转左提督仓场< 田 毓 金 >陈辽左十三镇兵马主客之费请修屯选兵以省京运定漕运六限岁免漂没今悉从之以工部尚书致仕可谓文武全才者也一原任南京礼部左侍郎陈璉南海人洪武庚午乡荐初教授桂林端范明经士相劝勉有诏武臣子弟诣璉受学使知忠孝诸司政有未通咸就质正永乐初以治才擢知许州改滁州甚有惠政文皇帝遣廷臣察吏治璉居最滁人诣阙乞久任乃擢守扬州兼摄滁州赐衣钞及宴给驿返滁盖特数也召充礼闈同考官所收多名士擢四川按察司申宪戢暴言修武备慎刑罚明礼乐等九事上嘉纳焉吏部言璉望重宜式成均改南通政使摄国子事寻以病归正统初起南侍郎遂致仕连敦行孝友守滁十年滁人方之欧阳修王禹偁云一原任礼部精膳司员外张粲顺德人弱冠登正德辛未进士知建平有治声以忤御史意被劾改广昌粲亦上书讼御史得私诬状落职寻迁主客司督会同馆时都御史彭泽讨四川流贼有功而大司马王琼撼之发其赂土鲁番赎城事欲置以法遣其属持牒邀粲穷其事粲正色卒不署牒而泽亦得释迁营缮司员外郎偕侍郎何孟春等争孝宗庙号赴顺门跪哭被杖创死未死时犹草数千言期再上谓李义壮曰身尽废独此心耿耿耳隆庆改元赠太常寺卿生平刚正不挫尝言惟吴献臣可以语此庶几不愧为臣死忠者耶一原任淮府长史赠太常寺卿庄璉揭阳人弘治丙辰进士初令安福捐俸创学执法不少徇人或以速谤惧之璉行之如初因体羸改郡学寻调国子监又以戇直迁淮府长史宸濠素蓄异志意轻诸宗挟贷淮府岁禄璉持不与复禁绝其私交濠撼之构官黎安上< 田 毓 金 >诬以离间宗亲璉闻之挺身见濠词色不少屈濠怒杖之寘于狱不食三日衣冠危坐而死淮府上< 田 毓 金 >白其冤诏命有司开棺视得手足槌楚状

○辛未准给永年伯王朝辅贍地五百顷以朝辅之奏请也

○大学士方从哲言 皇上因冢卿之去特命尚书李汝华署掌部务又念其兼摄之苦将会推仓场总督张问达点用然当今大僚之缺不止仓场部事难兼不止汝华都察院风纪之司三堂并缺且将六载有余各部有长无二有二无长事权掣肘鞅掌劳瘁总之不能安其位而行其志至台省各官册封典试已近而署印守科无人按差报满已多而题代无人则近日诸臣按缺题差之议似可通变行之者况丙辰留部诸臣株守三载考选授职业已逾时徒以前者尚壅后者愈滞可任其淹留困顿而不为之所乎平政体以慰人情又今日急务也不报

○是日方从哲言昨日申刻天气晴朗忽闻空中有声如波涛汹涌之状随即狂风骤起黄尘蔽天日色晦冥咫尺莫辨及将昏之时见东方电流如火赤色照地少顷西亦如之又雨上蒙蒙如雾如霰气袭人入夜不止当春和景明之时突然有此风霾之异天心示警不言可知今部院大臣缺者固多至兵部职司军旅关国安危今侍郎崔景荣被言出城已难强留其印信望即委尚书薛三才署掌庶枢筦有人天变可弭 ○壬申清明节祭 诸陵遣礼部右侍郎孙慎行同怀宁侯孙承荫等行礼

○癸酉 武宗毅皇帝忌辰遣官祭 康陵

○兵科给事中赵兴邦言兵部尚书黄嘉善催之马上至今尚未赴任臣共安在至兵部职方郎中陆问礼推升半载俞旨杳然疆场之事一切废阁敢并以闻不报

○甲戌户部奏四十五年该陕西郿阳抚臣各题报所属西安等六府一州及南宁商州等州县俱被灾伤议将应解税监正耗银二万二千两解延绥管粮衙门贓罚一半三千两及留潼咸商筏税银一年分别赈济造册奏缴报部其三十五至三十九年拖欠钱粮仍照带徵例追完不得借口以亏国课 ○乙亥罢副使卢梦麟等准致仕乾州知州夏思曾等为民以抚按论劾也

○南京兵部尚书黄克缙以老乞归 上以缙精力未衰着照旧供职

○吏科给事中张孔教奏参原任福建巡抚黄承玄候代不得冒禁出城至假差诸臣宜一以功令为准擅离者有糾举之法违限者有降罚之条庶功令严而人知所守

○丙子直隶巡按龙遇奇奏陈盐政十二款一刊定纲法以解套搭一通融补库以免追并一参酌用引以清积滞一撙造即名以广输纳一查复郡课以广引额一查定食盐以塞弊孔一刻期京掣以办岁课一均酌盐禁以便商民一严督销引以核考成一严禁回空以杜私贩一酌给关支以防夹带一破格铨选以重海场 ○戊寅巡视光禄寺户科给事中官应震等言光禄白粲为玉食之需而各监局月粮赏卓于是焉给故事每月放粮该大官署丞为政然必堂上挂号而后该署关支近印绶监太监明濂持已故杨天衢张祥二监未挂号票强为代领厨役李一桂不听遂行凶殴乞敕下法司严加讯鞫庶天庾可清而该寺少卿徐必达亦以为言 上姑不问

○南京都察院右都御史宋仕言旧规南台御史额设二十九员每次考选少亦不

下十四五员或八九名今见在止三人即人兼数道日亦不足况屯田屯马京营京仓及凤阳仓例差御史各一人今率以以一官而兼数职其余如巡视九库查点十三门清查黄册掣盐等项亦不下十数差至于上下两江东西绵亘例该差御史各一员以资弹压今止一员巡视下江而上江暂行代摄倘有乘间窃发仓卒安能遥制乞念故都重地立命考选候命诸臣充补庶重地无虞不报

○己卯兵科给事中吴亮嗣言臣往在蜀在楚曾见前科臣王德完孟养浩皆负豪杰之志卿士之才及入朝共事尚见史孟麟郭尚宾刘文炳凌汉翀秦聚奎满朝荐等皆足为家国砥柱而以一语犯颜先后摈斥今计在朝之言臣可屈指尽矣则复除诸臣仿台中旧事借差遣而还官考选诸臣仿张孔教例借国务而邀俞旨留部诸臣先考而后题以冀 圣心之一悟或亦此时通融之微权也不报

○庚辰陕西巡按李养志奏去年九月达虏自高家堡高建墩口入犯葭州神木等处直至黄河乱抢郭家寨阎家寨崖窑熏死人无数烟火传到榆林总兵杜文焕带领正兵中军王永祯至地名柳树皮堵御赶散一股至乔家岔相敌得功十颗尚重伤人马二十余而神木道李栖凤反差人报捷查访其所报多失实乞敕下兵部覆核将失事都司贺成革任回卫参将孙谏守备贺永宁袁大有戴罪听勘李栖凤杜文焕俱当俟勘明酌论庶边纪肃而功罪同 上下兵部议

○延绥巡抚金忠士卒忠士休宁人登万历壬辰进士繇县令入拜御史历差黔越中州所至有赫赫声以例转参闽藩晋藩臬长至今官至是卒

○壬午 孝和皇后忌辰遣官祭 庆陵

○户部奏江省兴安蕞尔南粮止七百五十九石又处崇山峻岭民运甚艰该省抚按及南户部查议前来相应覆请乞命下本部移咨彼处听其改折折价照南新二县事例每石折银七钱九分务要当年徵完解赴南京给散宗禄漕粮仍徵本色万无轻改以滋告折之渐从之

○乙酉署吏部事户部尚书李汝华言九列缺人台省空署宜早沛俞纶以答中外不报

○升湖广武昌知府黄景星为湖广提学副使

○丁亥命伯赵世新宴土鲁番天方国等二地面夷使沙黑等三十二名

○起升吏部文选司郎中胡来朝添注太常寺少卿提督四夷馆

○命范济世补工科给事中署印以科抄无人从该部之请也

○陕西巡按傅振商以监牧重灾乞免补赔倒毙驹马 上下兵部议

○戊子顺天巡抚刘曰梧 < 銜 金 > 议入卫边兵以济实用内称大同三营轮班实官军五千七百三员名延绥三营轮班实官军五千二百五十一员名宣府二营轮班实官军五千二员名以半调计之宣府岁调二千五百一员名并月粮衣布通共支本镇银二万三千一百六十一两四钱五分五厘零沿途粟米草料一去一来共约费价银

二千五百三十二两有奇大同合两岁之调而计其半岁该官军二千八百五十二员名并月粮衣布通共支本镇银二万七千六十五两四钱八分来往支沿途米粟草料约费价银三千六百九十一两有奇延绥合两岁之调而计其半岁该官军二千六百二十五员名并月粮衣布等岁支本镇粮折银二万二千十四两往来米粟草料共该银五千八百八两有奇各官军支密永信地额饷共银二万八千八百一两七钱五分驼马草料价银共八万一千四百七十两七钱四分另有春秋犒赏银约岁该银五千八百八十四两九钱五分劳费如此似亦法穷当变之时矣而召募则岁可省沿途粮料及春秋犒赏驼马草料等费利一且挑选在我无中途顶替之弊利二改客为主即烧荒后可一体成利三征调之马不堪抗虏今议以正马应支草料银七万七千二百七十二两七钱四分发密永道支买每匹十二两以上必取其实堪战者利四又免春初人马驰骤风雪之中使得安居以养全力利五既永在营以边为家亦如守台南兵渐至生长子孙自为保守利六领兵中军千总等官有将材堪用者许其破格作养器甲旌旗一新人心争奋利七又免客死棺殓应付护送驿递之扰利八客既即主则当城冲要建营房选工匠利器械严操练用大弓重箭披挂服习建置钱粮惟将节存草料价银内支用一切上阵装具皆为预备建置定后每岁可余银二万四千两以四千为修理操赏赈济医药及作养异力异能之费余另行收贮命曰冲边救急银专备救援时恩赏鼓励及加料餵马等项不许别支援资既充胜气自倍利九下班卫军惟宣近归早云归近夏延归入夏至冬又修装将发即本镇亦不甚得其力长留在镇自可一意选练以供本镇实用利十但旧卫之饷即半扣则兵当半销恐非所以安士心应以四十六年下班军徐补该镇正军之缺而后班复到饷若不敷似应先停止入卫之马尽数变卖取其价与节存草料之费通融克饷以待补尽将官当从优调以酬前劳其四十七年下班军尽存镇操练若马之应否量留是在该镇督抚酌缓急而徐议之耳伏乞敕下户兵二部再加酌议题覆

○直隶巡按龙遇奇奏应天鼠妖方头短尾渡江啮禾不绝江北地震天鸣龙斗种种见告宜俞诸臣改折留税用人考选诸< 䟽 䟽 金 >以弭灾变不报

○江西巡按陈王廷奏淮府永丰王辅国将军翊铉女隆姬贞节例应旌异 上命礼部核实以闻

○准应天高淳六合等县改折从府臣及按臣之请也

○己丑户部奏畿南六郡被灾臣三请赈恤未蒙俞允乞照江右粤东近日恩例将已徵未解税银四万三百余两酌量留赈庶畿甸可安

○以三年考满给副都御史陈禹谟林欲厦参政魏说沈演郎中伦肇修秦继宗等各诰敕

明神宗显皇帝实录卷之五百六十七

明神宗显皇帝实录卷之五百六十八

万历四十六年四月庚寅朔孟夏享 太庙

总镇事新添参将龙万化署清浪参将事牛可耕中军周承爵各加罚治戴罪立功下部议

○临城知县刘永茂去任侵粮直隶按臣参之 上下部院提问

○甲午户部奏广东巡按田生金题广东双恩场盐课失额已久穷民虚贝口皮不堪请将见在盐田二百三十三顷五十三亩零起徵计课银六百九十二两七钱四分余悉从蠲免从之

○乙未 孝端显皇后忌辰遣官祭 定陵

○礼部奏封差期逼发抄无人乞速补礼垣以便题覆不报

○原任陕西总督黄嘉善以病辞枢务 上曰本兵军国重寄卿受命日久引疾屡辞恐非大臣急公之义着遵旨速来供职

○都察院题催两畿学臣梁州彦周师旦以宾兴期逼而旧学臣徐鉴徐养量各俸深两考推升候代也

○丙申大学士方从哲言直阁无人政本万分可虑 上曰览卿奏朕已洞悉前谕已明卿不必疑虑政务繁重卿居首辅岂可久延私寓不出于国事何赖宜仰体明谕即出入阁佐理以慰朕倚毗至意慎勿再陈

○广东巡按田生金上平黎功次共擒斩六百零一名收抚残黎一万五千三百五十九名筑堡分屯其地先是黎处琼中恃险屡为琼患百户曾国栋知州林应材轻议进剿一败官坊再败多涧最后副将张万纪又以遇伏败以故黎患益张至是督臣命八路官兵大征乃克之御史以捷闻

○升江西右布政潘洙为广东左布政 丁酉升陕西右布政王舜鼎为顺天府尹浙江按察使薛近兗为右布政参政胡世赏为按察使副使李叔元为督粮道参政宁绍道副使吴士奇加参政照旧管事户部员外王国瑚为延安府知府

○戊戌议复宰卜二酋四十五年春季市赏以其悔罪求款也

○大学士方从哲言 皇上践祚之初锐志兴学今日 圣德纯粹 圣治昭明得于冲年学问之益居多 皇太子睿哲夙成正宜乘时就将光昭述作宜从九卿科道诸臣之请立命于十一日照旧讲学容臣传示侍班讲读等官斋沐执经以俟不报

○土鲁番天方国撒马儿鲁迷哈密等各进贡方物马匹

○兵部议革入卫民兵量徵工食以给军需从之

○加赠原任光禄寺卿李燎为户部左侍郎 己亥刑部题南直山东福建经恤过犯人周文科张一让宋辅等各免追赃从之

○辛丑升兵部职方司郎中陆问礼为湖广参政户部郎中李灿为鹤庆知府

○壬寅酉初四刻立夏 孝懿庄皇后忌辰遣官祭 昭陵

○癸卯大学士方从哲言臣通籍之初见我 皇上励精图治登进贤良如恐不及如万历十一年四月首辅张四维守制数日即补许国十二年十二月次辅余有丁病故

○賜已故右都督郑国泰坟价

○户部题去年三辅灾伤乞将蓟州等州县草场加增租银七十二卫屯丁加增差银悉賜蠲免并留保河六府税银备賑不报

○己酉准原任礼部尚书冯琦男冯士□送监读书

○浙江佥事王钟岱致仕 ○宣府巡抚汪道亨卒亨怀宁人登万历十一年进士历郎守藩臬京兆至今官以虜封功加兵部侍郎至是卒于官在边修堡筑墙颇举其职而虜氛亦少戢云

○庚戌降原任四川副使冯劳谦为湖广参议

○总兵张承胤率师救抚顺力屈死之我军歼焉

○大理寺奏参幸中会举犯人柏永等枷号赎罪从之

○直隶巡按周师旦以假姓冒袭参宣府前卫镇武张仲奇等充军千户张世举揭黄不许子孙世袭从之

○辛亥准广西巡抚林欲厦男林经国送监读书

○编修刘鸿训复除原职

○改邵辅忠为光禄寺寺丞福建右布政黄琮为左布政 ○降四川副使吴士瑞为陕西平凉知府

○甲寅建酋差部夷章台等执夷前印文送进掳去汉人张儒绅张栋杨希舜卢国仕四名进关声言求和传来申奏一纸自称为建国内有七宗恼恨等语言朝廷无故杀其祖父背盟发兵出关以护北关暖阳清河汉人出边打矿打猎杀其夷人又助北关将二十年前定的女儿改嫁西虜三岔柴河抚安诸夷邻边住牧不容收禾过听北关之道他不是又西关被他得了反助南关逼说退还后被北关抢去及求南朝官一员通官一员住他地好信实赴贡罢兵等言

○乙卯金星行犯玉女东四厢

○丙辰调原任考功司郎中王三善为文选司郎中

○选主事俞曰都等三百七十人 ○荆王由樊奏请训典等书各颁一部下该部给与

○有滁州奸吏王应期假都察院劄付以害州官孙森御史发其奸请问如律下部院科罪

○鸿胪寺卿汪民敬福建巡按崔尔进陕西按察使张崇礼郎中韦石麟贺万祚等各考满复职

○命伯赵世新宴乌思藏护教主坟国师番徒阿折结等三十名

○户部言臣部山东民运原系压年四十四五年以前虽欠二十余万目下亦陆续徵发京运四十五年额该辽镇五十二万五千六百一十二两除已题续题今只欠十一万零已差官完解外本年饷银拮据无措昨者截留各镇饷金幸完前局今督臣议调蓟

兵处行粮枢臣科臣议以辽安辽重招壮士百凡经费岂臣部额饷可办乞照征播征倭例望 皇上多发帑金听督抚从便招募给饷庶马腾士饱可夺奴氛不报

○丙辰署兵部尚书薛三才奏日者奴酋突袭抚顺分兵四掠东川马根单三堡同日见克游击梁如贵于二十一日四更会同各将兵马分为五路追至抚顺城南达贼随发火起身又追至边墙口外下营达贼亦在山头下营继而贼分兵三路以进总兵张承胤列营对敌被贼三面夹攻躡破营垒主将兵马一时俱没皆系正标营挑选精锐惯战家丁同时并命如是乘虚而入东事殆不忍言 上曰辽左覆军隕将虏势益张边事十分危急尔部便会推堪任总兵官一员令刻期到任料理军务一应防御驱剿事宜着督抚等官便宜调度务期殄灭以奠封疆其徵兵转饷等事即遵旨会议具奏

○是日大学士方从哲陈目前急务在补阁臣补大僚补言官发帑金四事

○工科给事中范济世奏臣署印工垣见万历四十五年有织染局杨进升一本奉旨这龙袍段疋系御用及赏赐并皇太子皇长孙婚礼急需已经裁删该部遵照花样颜色数目传行苏杭等府上紧解进续又奉旨这钱粮系婚礼紧要所用见今逼期着该部作速移文不必候抄夫职等所抄正抄此段绢纱罗颜色花样数目以便奉行也今查该监< 硃-金 >开万历四年未完一万三千三百三十三疋套及万历九年减织一万疋原经暂免者今俱奉批清查及查后开数目约三十余款各开颜色花样纹丝纱罗绉绢并无数目末悬空写一每字是该监有意朦胧留后日那移之地也若不简查发抄工部何以奉行地方何以织造况纱罗大红与诸色价值相去倍蓰异日抚按执奏谓该监朦胧取旨职又失于参驳安所逃罪况四年九年至今四十年矣应派之人大半销亡昔既不难减免今复何以补织乞收回成命免其抵补小民幸甚不报

○直隶巡按王象恒奏辽为蓟门左臂拱护神京辽失则内之防范更为吃紧近者蓟镇诸路黄崖岭则有掩杀窑户之报墙子路则有扑杀烽军之报白马关则有满旦诸夷穿戴汉人衣帽窥探之报似此情形焉知非各酋尝我则太平喜峰诸口及石门燕河青山冷口诸处皆冲边要地山海关一线犹人咽喉关城及沿关边墙皆为风沙壅埋踰之甚易宜特设一总兵统领大兵散财募士厚集于此乘其未有事时高墙扒沙严稽开放以防奸宄而昌平总兵亦宜速推以护 陵寝汪可受祇可令驻山海不可出关门一步而援辽须特设一人以备经略监军之务各处废弃有多带家丁赴辽自效者总兵副将等官皆复其职其原无官而自能带家丁至四五百名者即授以副参游击职衔二三百名者授以都司除李如柏已推外杜松诸人养有死士亦不可不亟为招□□来各军且令各守城堡固守一月者当大捷守半月者当中捷守五日者当小捷他若简军饬将发金用人俱不可缓者惟 皇上临期谕阁臣入直以讲制驭之方宗社幸甚

○兵部左侍郎崔景荣以病乞回籍调理章凡数上许之

○丁巳起原任宁夏总兵官右都督李如柏以原官挂印镇守辽东以英国公吏兵诸大臣交荐之也 ○戊午大学士方从哲病可赴宫门行礼并陈东事情形请速下

章奏发帑金敕令文武各官分门坐守从部推点用兵部侍郎杨镐为辽东经略以昔曾巡抚其地熟谙虏情故也

○署兵部尚书薛三才言奉旨曾集多官议得奴酋凭陵暖宰抄熬诸酋助逆转饷徵兵时刻难缓今辽河东西督臣业已下令分募真顺保河壮士若行各州县再分募万余人合之可得三万余人其各边废弃凡有家丁者参游百名以上守备五十名以上皆许效用军前沿途行粮官为资给如携带五百名以上验果精锐可用比于起废之例即与见缺如此招徕亦可得数千人又山海关为蓟辽门户须得一大将提兵弹压之兼为辽左声援金言原任总兵杜松忠勇可用又令总兵王宣挑选保河兵数千驻关内合之可得五万人除万余调遣者止支月粮新募者有安家月粮买马草料之费大约用兵五万岁计不下六七十万而前议百万内派太仓十万太仆马价二十万而工部二十万请于大工银动支外此五十万非内帑无所措也马匹行令太仆寺转行寄养州县拣选解总督衙门兑给亦足省费而经略大臣须比于往年朝鲜洮河之役另设一员防剿机宜悉以听之而山海总兵即以山海路兵马及新募五千属之亦隐然虎豹在关之势也上俱依议行命杜松以原官起用驻劄山海关令其星夜前来东事缓急该部还须马上差人不时探报

○兵科给事中吴亮嗣奏今辽东督抚二臣当吊死扶伤激以忠义谕宰暖诸夷以恩信使之解兵受赏军器火药急解军前济用至内官领九门及皇城四门尤为弊根锦衣卫宜即见在人员点视操练户部各司亦宜设法以清冒滥臣又愿皇上于边事加一惕字诸臣于边事加一信字于疆事加一行字大小将领加一武字方于时事有济不报

○己未命应袭镇远侯顾肇入监读书

明神宗显皇帝实录卷之五百六十八

明神宗显皇帝实录卷之五百六十九

万历四十六年闰四月己未朔河南道御史熊化奏辽阳望援至急俟推选经略提师入境非旬月不能至宜速发粮饷咨督臣汪可受先拥众数千直抵广宁相机调督抚臣李维翰移驻辽阳与新镇臣李如柏协力拒守待经略师至徐规进取而顺天抚臣与保镇总兵则移驻山海保定巡抚驻易州相为接应以护近郊诸臣俱是其策兵科给事中赵兴邦谓其骚动非计上曰督臣出关调度事出创见似难轻举尔部既与多官议妥汪可受着统兵前去相机进止务期持重以保万全抚臣李维翰着视虏情缓急再为移镇其顺天保定巡抚依议移驻山海易州互相应援内地空虚着速行召募充补仍严督文武将吏用心加谨防御以备他虞边事倥偬本兵黄嘉善着马上差人催他星夜前来兵图安攘毋再迟延误事

○河南道御史潘汝楨奏今春以来风霾屡见河水变赤上天仁爱正 圣躬警省之时乞补大僚行考选举枚卜释刘光复于狱置之行间使得以功名自效皆修省安疆

实政不报

○齐庶人睿燦文室文宏睿熅等乘醉殴辱户部主事张三杰署部事尚书黄克缙以状闻 上下礼部议左侍郎何宗彦请将睿燦等先革口粮子孙永不许关领仍照良璞等例发往高墙禁锢余犯行南京法司提问并查南京庶宗有违 祖制不奏请名冒支口粮者姑免究罪行革除以后有不奏请者革治如法又乞择立贤者为宗正约束诸宗若无宗学处所送本处儒学肄业一体考试亲王不许阻挠其张三杰意外挫辱舆论不平宜听吏部议覆 上悉从之

○巡视京营兵科给事中吴亮嗣陈备御七款曰振士气武将不拘色目一以材武为殿最曰练士胆宜择轻锐勇敢之士为材官各领千人日习战伐攻刺之法曰清冒滥查军簿在见操演若干凡有占役皆以军法从事曰备器械宜专官督造甲不坚矢不精者诛曰重事权京营年赏额止一万六千两百费取给罚重者不过予杖总协之权轻何以令众自今重赏猛罚悉听处分曰修营房营兵数十万或居村落有急何从得一卒宜查有无官房就近寺观为设法经理使立刻可召集庶不临时仓皇曰教战马军中所重惟马宜令马至营中披甲驰骤日习天刃金鼓之交以养其胆气曰重门禁九门御货已非国体且一门守卒近五百人占冒殆尽宜易以兵部一守领之皇城四门亦宜更官守卫以肃朝仪防事变不报

○升宣大总督吴崇礼为右都御史仍兼兵部右侍郎总督如故以六年考满也

○起原任总兵杜松以原官驻劄山海关

○庚申以福建道御史梁州彦为北直提学御史浙江道御史周师旦为南直提学御史

○起升杨镐为兵部左侍郎兼右佥都御史经略辽东

○升顺天府丞董可威为右佥都御史巡抚宣府地方 ○起原任四川总兵刘綎蓟镇总兵王国栋甘肃总兵柴国柱延绥总兵官秉忠各以原官添注五府佥书从枢臣及科道之请也

○户科给事中官应震奏今日最急无如议兵议饷募兵须选有膂力善骑射者令主将训练先抚暖宰抄憨等酋令其解散毋致奴得联络诸酋为外援辽饷频年解运愆期须该部旧额外另处十万同寺二十万水衡二十万而以五十万请之帑金共足百万此外仍议广开事例赦罪之条择转饷之人通运饷之地使粟无腾踊而又核奸细练营兵归御马之职于京营戎政九门各择官防守盔甲厂积炮铳砖石于各门楼夹墙止改折广漕运去优养优恤冒滥之弊召对廷臣与之商确是谓内防蓟辽相为表里督臣既援辽蓟密空虚宜为召补山海总兵持防陆地海水与天津相通当虞诡渡官路之外喜峰义院诸口皆当堤防而各边城垣墩堡之缮修士马材官之训练皆当熟计是谓外防

○署戎政尚书薛三才请于登州三营兵内挑选一千五百名选官押从海道渡辽听被中调遣其行粮就各军应得月粮内预支二月又于南京水陆二营兵内挑选三千

名遣官管押前来行粮照征倭事例于南京户部给发二处官军俱要各带盔甲火器依限赴援事平一体升赏 上从之

○辛酉辽抚李维翰奏乞优恤阵亡将士及补缺员发额饷马价等银火药盔甲等物以济目前之急 上曰逆酋诱杀官兵各官死事可悯张承胤等委应破格优恤其余阵亡官军待查明并叙升补将领等官作速题覆应用火器盔甲都着照数给与刻期解发毋误军机

○壬戌准原任礼部尚书黄凤翔男黄淳中原任宣大总督杨宁嫡侄杨汝楫原任陕西总督顾其志男顾锦原任光禄寺卿丘度承继男丘永孙俱送监读书

○癸亥上谕兵部曰辽左失陷城堡陨将丧师损威殊甚该地方官平时夫于备御临期不能拒堵疏防玩寇罪无所逃尔部便行与督抚各官沿边将士亟图战守长策各处城堡都要用心防守遇有虏警并力截杀务挫狂锋旦夕经略出关援兵四集即合谋大彰挾伐以振国威事平一体升赏如仍因循怠玩致误军机国宪具在决不轻贷

○甲子管山海关主事邹之易奏奴儿哈赤女直一部落耳与其弟素儿哈赤据有甯宫塔哈喇赛之地富饶狡黠刃其弟素儿哈赤而兼其众又并有猛骨哱罗宰赛等拥众五万绵亘四千余里万一勾引西北骚然并驰全辽岂为我有今宜急补将领发饷议援大兵分为三路各以大将统之一从广顺间道直走甯宫以捣其巢一从暖阳清河截其前一从辽阳城或走穆家蒲河或走懿路武静以横遏其冲突列虎蹲大将军诸火攻于前助以神枪短刀渐次而前又下诏诸边镇北则徵金台夫白羊骨以为翼靖安堡则召猛骨哱罗以克队三岔儿堡外仙人洞则召二麻子大真等以为应以至沿边诸酋俱明诏协力问罪得酋长魁首者赏若干得部落首者赏若干庶奴之势孤而辽可保也 上谕兵部曰近闻虏众暂出边外狡谋叵测沿边将士尤当十分戒备以防再逞今援兵渐集防剿有资督抚等官还着用心调度随宜战守务在万全如因循玩寇致有疏虞宪典昭然朕不轻贷尔部便悬赏格有能擒斩奴酋的赏银千两仍予世职其余有名头目都从厚升赏必期殄灭以靖封疆

○乙丑直隶巡按潘汝楨奏蓟门逼近神京督臣汪可受既调本镇兵六千五名赴山海又议再选数千出关蓟镇守御寡弱倘奴酋诡道乘虚何以待之乞速补额兵以固根本又昌平 陵寝重地被议之总兵既不能视事宜速择谋勇大将以壮干城 上以天气暄热命拽石班军且在两厂造办木料戎政尚书薛三才以城濠平浅乞暂着班军挑浚从之仍令依期放班毋得久役

○丙寅命故抚宁侯孙朱国弼袭祖爵 　　○升山西按察使洪佐圣为湖广右布政兵部郎中詹尔达为湖广分巡下湖南道参政南吏部郎中谈自省为湖广分守下荆南道参政

○调大同参将张聪为蓟镇燕河参将升真定井大游击宋镇虏为蓟镇建昌参将起原任王国栋以原官充总兵官镇守居庸昌平等处地方杨春茂署都督僉事充总兵

官镇守山西等处调义州参将贺世贤以原官管辽阳副总兵事参将龚遂起以游击将军职衔管义州参将事把总沈大坊以都司金书职衔管复州参将事备御文济武补金州守备都司金书丘垣加游击将军职衔照旧管事都司金书杨于渭升沈阳游击参将邹储贤起补清河游击备御郑国良以都司金书职衔管铁岭游击指挥毛凤文以都指挥体统行事备御镇西堡地方备御李国梁以都司金书职衔管右屯城游击指挥杨应宗以都指挥金事行事备御大凌河备御李大成以都司金书职衔管中左所游击指挥李性忠以都指挥体统行事备御大清堡地方百户何_□楸心_>官以都指挥体统行事备御开原城被劾副总兵李应元降二级以游击职衔照旧管开原副总兵事被劾参将倪承勋降二级以都司金书职衔照旧管宁远参将事

○霸州兵备按察使孟成已致仕

○蓟辽总督汪可受奏臣以初三日抵山海是日据报奴酋出辽二十余里午后又报沈阳有达贼二万入边攻堡则夷虏合谋可知今调募既难速集惟因民心用民力犹可连属为保守计乞亟颁谕该地方乡民各自设法集众以保身家千人共推一长给名色指挥劄付充领义兵千总三百人以上给名色千户劄付三百人以下给名色百户劄付俱充义兵把总事宁之日有功者题请实授功多世袭其生员举人暂停一科监生吏承一概不许起文听其联属宗党自为战守果有功绩生员钦赐举人举人钦赐进士与乡会中式一体选用监生吏承移咨吏部优选新募兵士技压五十人者为队长技压百人者为百总技压千人者为千总千总试最为中军中军积劳三年升守备但取材勇不拘资格则人自操练行伍必多豪杰矣 上曰虏众入犯显是黠夷合谋便严行镇道将领等官用心防御相机截杀毋致疏虞仍传谕辽左官民令联属宗党自为战守共保身家有功者依议升赏其诸生暂停一科准其来科补中五名斩级自有军功爵赏不必开钦赐一端以启侥幸之窦举人照旧会试监生吏承停送及超拔技能等俱照议遵行

○时兵部左侍郎缺会推顺天巡抚刘曰梧及贵州巡抚张鹤鸣 上谕合臣曰刘曰梧方驻山海应援张鹤鸣亦有土司结构俱不容更改卿可传示该部作速另推

○巡视太仓户科给事中官应震以边需甚急左藏悬罄奏乞清查卫营香蜡 祖制腾骧武骧四卫营上直官军与备操旗军数百员名俱系御马监提督操练诸卫营官军勇士人等每岁除绵花本色外折米折俸折绢布冬衣共该银四万六千四百余两马匹每岁料草一万四千八百五十九两零今官军马匹仅有其名若令户兵二曹会议清核仍令戎政衙门去太去甚官员士马尽留强壮上直备操听京营点核所省必多香蜡之入旧额甚约 世庙初岁止派黄蜡八万九千斤我 皇上御极会计录载本色定为一十四万七千三百八十四斤已溢旧数外折色银六万五百七两零原为太仓接济遇蜡偶缺方行支买今不问缺否每遇新正定买五万斤共价一万一千三百两香自 庄皇帝元帝至 皇上御宇之四年共用库内贮香一十一万有奇则一岁不满二万也今则每新正端午中秋共买六万五千四百五十斤费价三万一千四百八十两假令如当

年每岁二万则岁可省银二万余两伏望时加清核以济急边不报

○丁卯署都察院事李志奏旧制巡视五城皆新选御史掌管今五城把棍响马充斥非兼差轮撮可办乞将考选孙之益等立赐允用专责以巡视五城之役庶乱民可戢不报

○刑科给事中姚若水奏大营及各卫军士不下十余万宜择将挑选教训或兼粮以优之庶城守可凭山海蓟门去京数百里不可无重兵守御间如黄土岭一片石等处尤当严为防护宿将杜松刘綎等业经起补尚有原任宣府总兵王学书甘肃总兵毛允中皆熟知夷情屡立战功且家丁惯战且并起五府僉书以备大将之选往岁东征余兵多聚金复海盖间烧爨为业皆善骑射宜命将招徕以资冲锋之选自登州抵旅顺可竟日而至繇旅顺抵黄谷岛汪家口亦不逾一二日诚移舟师于汪家口与镇江宽奠兵合可相机而前可扼隘而守酋方腹背受患安能逞凶西犯而臣所深愿力请则无如发内帑数十万使士卒无庚癸之呼有超距之气以守则固以战则克不忧酋不殄灭也

○以史继阶为南京吏部侍郎

○差太仆寺丞赵琦美往山海关兑马

○总督汪可受奏臣初五日奉旨即欲出关但抚顺初陷臣尝大张声势称即日发兵数万今乃与三四原任闲将统数千人而往传于奴虏先声亦不足畏容臣待杜松到关之日以兵部新充健马工部新造盔甲延绥新来家丁合蓟保调募可共得五六千人而臣率之出关斯成馭夷之体且初四夜辽报夷虏暂退喘息稍定可以渐备城守未宜以臣之仓皇助其喘息若当事势诚急臣又何敢逡巡 上曰蓟镇援兵既集尔便随宜调发以资战守出关调度还酌量缓急以为迟速若贼势已逼毋得逗遛观望致误军机

○戊辰命故隆平伯张炳孙张国彦袭祖爵

○上谕礼部曰今岁雨泽未降妨于农作朕心忧惶着顺天府竭诚祈祷

○戎政尚书薛三才奏十六门原额军六千八百余名每门分上下二班领以指挥千百户而总隶于后府兵部不知起自何年此外添差内监提督逐门占役至四千三百三十二名乞劄委司官查点将多占军役清理掣回庶法纪新而门禁肃 上谕九门提督内官监太监冉登曰辽左夷虏猖獗城门关系紧要尔提督等官务将各门内外官军不时查点倍加关防毋得怠玩其提督等官军伴准照先年钦定每门三名守门内官每员军伴二名不得多占

○虏满酋入寇冯家谷石塘路游击朱万良拒却之

○保定巡抚靳于中移驻易州言臣向受命畿南将本镇兵马预为选练共得一万三千除督臣汪可受檄调一千五百名镇臣王宣调去五千名往山海应援外即选练各府州县快手民壮以补之而快壮之缺仍行本府州县召充兵部言快壮应援则应给以安家银三两以后才支月粮其本等工食应给其家若议召补则工食又应给顶补之人矣宜行再议或暂停补或于新饷内每名给安家银若干庶为两便 上命抚臣再加酌

议以闻

○己巳户部奏关狭荐饥斗米银三钱与往岁齐鲁无异至射毙县官尤二百余年罕有之事乞留一年税银与潼咸商筏等银备赈

○以镇边参将郑登云为五军营副将甘肃副总兵赵维翰为神机营副将天津游击杨肇基为山西老营堡副总兵

○庚午以江西巡抚王佐为河道总督佐言治河以无事为智不求穿凿如狼矢决口不可不塞黄河故道难听久湮直河泛滥可虞泉源微涸当浚洳身尚多砂浅水拒渐作桑田凡如此类亟应修举

○命户部尚书李汝华署掌吏部印务

○壬申巡抚顺天右佥都御史刘曰梧言臣奉旨移驻山海何敢濡滞但山海只一镇城督臣汪可受镇臣未国良保定镇臣王宣见住驻劄斗大山城已苦不堪臣往何所驻足且本月初四等日石塘古北马兰喜峰各路俱禀称各处欲沿边犯抢臣复移驻山海一切调度责之何人恐未必能济辽之缓急而先酿肘腋之隐忧 上曰蓟镇虏警频闻防守尤宜加谨刘曰梧且照旧整理边备无致疏虞应否移驻着该部再为酌议

○戎政尚书薛三才言山海与喜峰诸口俱是紧关门户拒虎进狼害宁有二且辽事急则督臣不得不出关应援顺抚不得不驻山海真抚不得不驻易州接应今奴酋暂退督臣奉有相机之旨二抚臣亦可不必移镇总之缓急势殊则先后异议也上命各照旧驻劄本镇整饬边备

○初设山海镇时奴酋犯顺议者谓宜简大帅据关扼险乃割蓟镇东协四路属山海关为一镇改募入卫边兵四千并山海路额兵二千分为左右二营每营统三千人左营以原推游击吴自勉充本镇中军兼管山海路事右营仍驻四路之中与东协台头营相为犄角与蓟镇画地分管操赏等费亦割蓟三分之一充之俱报可

○上谕内阁曰朕览兵部所奏募兵乏饷即传内库速查给发该库奏节年该部所欠金花等银至一百四十三万九千八百余两库藏空虚仅掇得先年余积银十万两即已给发户部凑集应用军饷缺乏非朕不体念但无所处卿可传示户部上紧那借凑处不得迟缓致误军机

○癸酉升石门路参将任自谦为蓟镇东路副总兵镇靖营参将石栋为延绥靖边副总兵宣府总督标下中军夏同卿为大同东路参将大同游击钱承勋为大同北东路参将宁山游击徐永为井大二道民兵游击

○山东巡抚李长庚奏登州三营共额兵二千四百一十九名今奉旨挑选一千五百渡辽应援所存止九百余名万一有警何以支撑势当一面发兵一面召募而东省自大侵之后公私悬罄无可借用惟有临清解部解监税银每年约共四万两伏望准将前银暂留听职酌量发兵募兵之费不报

○辽东广宁卫住民孙应登妻产一猴二角四牙浑身有毛落地即死

○甲戌准原任太常寺卿傅新德男傅庭诗吏部左侍郎杨时乔孙男杨德焜各入监读书

○铸给杨镐经略辽东等处关防一颗

○降封新野王嫡庶子器壹□周为奉国将军初新野王宙木□兗长子硕焯焯长子器樽俱经封相继夭亡焯有庶子器壹□周以出自濫妾不得袭封则宙木□兗次子硕燾与焯妻所为也后燾亦不寿而宙木□兗之七子硕灿袭封灿子垆复将继袭于是河南抚臣< 器 銃-金 >其事礼部以器壹□周虽奉奏革而例有听继王爵之说应降封奉国将军以主王祀灿子垆以例以序止应封辅国将军从之

○乙亥原任太仆寺卿刘汝康卒汝康曹州人登万历癸未进士繇县令入为御史旋出为令既而转户曹历藩臬至今官仍调外任卒

○升广西柳远参将熊大经为山东副总兵 ○户科给事中官应震奏御奴三策一在伐敌交谕虏能系奴致阙下准照顺义王故事世受国封若窥边不还永革贡赏俟虏定盟然后从事于奴此以逆虏攻奴之大略也一在张威势奴北邻北关南邻朝鲜北关向与奴角我每季拨火器兵五百佐之朝鲜当倭变时亦受我救援厚恩宜借北关兵马向道捣奴右腋调朝鲜鸟銃手二三千同我兵繇鸭绿山后捣奴左腋此以顺夷攻奴之大略也一在悉敌情抚顺至奴巢二百余里有五关隘进一关须守一关若越关而进恐无归路凡奴境深浅虚实须得奴之人与我同谋方能详悉闻往时奴中军千谷里张海辈皆屡到边与抚道将各官相见则设法勾诱当亦无难此以奴攻奴之大略也

○丙子升万全都司僉书张应奎为宣府北路参将河南都司僉书黄玺为宣府葛峪堡参将浙江都司僉书吕佾为广州参将

○升太仆寺卿徐兆魁为右僉都御史巡抚湖广

○丁丑黄霾自东北起顷刻蔽天日色无光

○巡按山东御史杨一柱言抚顺城在沈阳东止八十里上榆林边在沈阳西止四十里贼前据抚顺虏又犯上榆林辽势甚危今贼酋回巢宜急发薊镇援兵尽布开沈辽阳清河暖阳宽奠之间一面防守一面密谋仍将附近会安堡东州堡马根单堡权加料理设兵守之东夷之路塞则西夷之犯亦弭开沈固则北关保而奴亦必不敢肆犯于南上命该部查议具奏

○是夜一更开原殷家庄堡本边平顶山台榴蒿洼台共棹杆八根同时火

○戊寅户科给事中官应震奏前日发济边帑金十万两内五万九千或黑如漆或脆如上幸召匠再煎不甚耗蚀盖为不用朽蠹之象当今边事孔棘倘多发特颁速成大捷则无用化为有用又金花银每岁一百二十万有奇正统前虽属左藏然会典载各边缓急取足其中嘉靖改隶太仓专以济边不许别项那用 皇上初年移入大内遂致太仓缺额兵饷日亏若使在内者概从捐发在外者概允归还庶于边需有济

○己卯廷试贡士一千三百七十九人

○造湖广边粮同知关防

○庚辰大学士方从哲奏今中外戒严转饷徵兵所望辅臣赞襄不浅而臣精力既衰神识昏眊 皇上柰何以安危大计付一病夫之手亟简阁臣以分主忧时内阁止一人尚书止四人侍郎止四人科臣止七人台臣在京者止十人群臣请枚卜用大僚下考选推升者章多不下故从哲以为言

○辽东督臣请以被论涿州知州左之似降补辽东运粮通判借发辽饷数万两同登莱府佐一员雇船余谷给辽 上曰海运余粟饷边深为便计依议速行运粮官就着吏部题补吏部奏之似甫经关屯二臣糾劾臣部覆降二级于通判职衔不相应宜降授带衔河南按察司经历俾管海运果其干局逾人渐有成效不妨另议好处从之

○壬午铸镇守山海关应援蓟辽总兵官关防并符验旗牌以本镇新设也

○增添直隶卫学廩贡十名从巡按徐养量之请也

○升周家桥把总何汝宾为庙湾游击大坝堡守备任济民为宁夏广武游击贵州都司吴江龙为清浪参将陕西洮州守备洪世臣为固原游击游击刘朝为五军三营参将

○癸未升四川都司童仲揆为遵义参将安边参将李崇荣为芦塘参将云南都司陈应钟为临沅参将

○甲申升卫一凤为南京刑部尚书淮安知府高捷为河南副使管徐淮道事

○暖阁厂膳房火延正房及东西廊房

○乙酉赐 潞王翊鏐庶一子常涝袭封为潞王

○南京礼部等衙门奏 祖宗家法以训储为第一义 高皇帝首建大本堂命太子宾客梁贞王义等辅导 太子 文皇帝于五年四月即命 皇长孙出阁就学谕辅臣尽心开导我 皇上藉 祖宗鸿庥亦当守 祖宗家法伏乞立允开讲之期俾皇太子 皇长孙日就月将以延国家有道之长不报

○时风霾屡作礼臣引洪范庶徵时风恒风为言又自丙戌至戊子三日日旁有黑气出入日中磨荡者久之南大理寺丞董应举以闻而北司台不报

○带管工部分司刑部主事樊良枢陈船政六款 上下部议除裁关税一款姑免纷更其余一请督荆关招商以市木荆州滨江商贾辐辏材木所出但买木官任之则烦猥商任之则滋弊惟商买而官验之则官有余力木得实用一请复荆关木价以便买旧制以杭芜之料银佐荆留荆关之料银解部近以荆银买木以杭芜银抵解不知荆关自一万四千外皆系应解之数于荆不免而于芜杭有累岂如仍旧之便一请督芜关报木以便买以淮厂而待用于荆木不无迟缓以芜关而移木于淮厂颇为径捷宜速发贮库漕银招商当官领价视时缓急预备亦权宜之便计也一请增大料木价以苏商漕倚商为用欲裕漕当先裕商但以大料大桅之节省仿浙船例通融补足漕米不平之价每船加银六两五钱则商受实惠厂有巨材一请督兵工放木以急漕漕厂京厂各有专司漕

商京商各有定役自奸商射利窜入京关两头牵掣漕是以病莫若各自招商买木将商名木数先移龙江关知会凡抵江关之木验有荆关批文芜关免票与部挂号相同者即便放行船政所督造分司不得截留以误漕用仍刊榜水次严禁公私科索则官商不相病而京漕亦相安乞通行南京兵工二部及总漕巡漕抚按湖广藩司荆芜二关一体遵行

○户部尚书李汝华以会推大选事竣乞辞铨务不允

明神宗显皇帝实录卷之五百六十九

明神宗显皇帝实录卷之五百七十

万历四十六年五月戊子朔夏至大祭 地于 方泽遣公张惟贤等行礼

○刑科给事中姚若水奏奴用谋极狡须宜预防请罢内市慎启闭清占役禁穿朝令诸监各置木牌出入查验以防夹杂责成直卫首领以防顶替

○有净犯庞忠糾把棍王云等阻挠上用钱粮稽误婚礼妄讐有司司设监以闻上命锦衣卫拏送镇抚司究问

○己丑吉世子常淳卒

○以编修林欲楫马之骐简讨丁绍轼王祚远冯铨李国_□木普等充起居馆纂修

○升昌镇游击邵永福为镇远城参将大同都司张继先为宣大右掖营游击顺义守备徐高选为四川獐腊游击黄崖口提调杜炜为五军佐击都司马台提调张奇卿为神机四营佐击 ○工部奏税银一项原系奉旨分解以助 大工数十年以来积欠已逾百万伏乞敕下本部咨各省直将徵收见在税银作速差官起解仍备造清册立限送部查考以凭参处

○庚寅以乌龙潭指挥平四知为保定忠顺营都司指挥杨梦熊为定州忠顺营都司备御何尧年为江水营游击

○巡仓御史王象恒条上仓漕八要 上命该部议之一严责旗总以杜挂欠于选官金甲之时详为查核贤能殷实者充之漕务参政升迁亦如边方事例交代庶挂欠可杜一专选库官以便责成凡省直轻赍解到淮库逐一验兑钉封钤固择廉干正途并法马解通州坐粮厅较量仍设通济库官一员以复旧制一革船户帮贴以省烦苦河西务剥船八百只派正户八百家又金帮户二千四百家差遣追呼不胜骚扰不如尽行裁革而出官银帮贴之虽减二千金济边之额而所利实众一议革揽头以禁侵渔凡解白粮务要亲自上纳既可省包揽之费又免比解之苦犯者包揽解户俱应严惩一多留通粮以省烦费改兑分贮通仓立法自有深意后因改兑不足暂拨正兑凑补又因京仓匱乏遂将正兑尽入京仓灾减过多通储既竭而京仓亦缩今宜每岁于尾帮正兑粮内临时改拨通仓三四十万俾足一岁支放则内外不至偏枯一收余米以实仓庾凡各卫所纳剩余米该仓即具数呈报督部酌量时价动支官银收买另入空廩俟有挂欠呈请拨补

即令支价还官若收买过多仍将用过官银径自开销不作 在庶官军得沾实惠又便速回一严稽查以杜虚冒每月放粮除锦衣卫向系题准拣廩及巡捕各军劳苦另行坐派外其余有卫之军即坐本仓之粮其无仓之军听下粮厅查会计文簿俟陈照数陶搭凑足一仓应放额数既可辨年貌于相习又可寓点兵于授饷又禁改折以重根本凡省直因灾改折银两解入太仓另为收贮照例于每年四月十月以每石五钱折色折六年即可余一年之粮或遇近京灾祲不妨多放本色一二月以寓赈济从之

○河南道御史唐世济奏用兵宜先议饷倭之役费过七百八十余万播之役费至二百余万今所需饷倍于征播半于征倭而吃紧尤在粮运查通州至山海有水路可行宜先运米十万于关内他日大兵渐集可无枵腹之虞又通州为神京肘腋四百万军储在焉宜及时修筑为未雨绸缪之图 ○锦衣卫镇抚周仁卿陈破虏在用火器昔从提督李如松征倭见辽兵归阵止携弓箭短刀未谙火器之用请给敕谕浙江巡抚容职往彼处挑选各营火器手精兵三千员名各带鸟嘴銃三眼枪等件借府州县未解钱粮为安家盔甲等费又如滚地雷干子雷雷火鞭飞蒙炮数种皆破虏神器当于广宁添设火器手三千名统以一将朝夕训练诸堡有警分兵策应大敌猝至合营堵截此诚安辽长策不报

○云南巡抚曹愈参有疾准回籍调理

○赠辽东阵亡总兵李如松少保宁远伯赐谥立祠加祭莹葬荫一子李性忠为辽东铁岭卫指挥使世袭

○壬辰以端阳令节颁赐辅臣上尊珍饌 ○山东巡按毕懋康陈东省急务在重储侍凡积穀非溢额或溢额而以科罚用事者俱不得荐其经荐者即作正荐三年准考满授封在清丁粮田荒丁逃其额银摊派于见在之家然后实丈实清俟三五年后丁充荒辟易以为力在撤重税临清商税旧止设一钞关岁入七万八千余两后以东征加额添设税监近难议罢其额尚存何如罢之便在豁包税东省包税穷邑僻陋无一免者商尽而问之民货穷而移之地势且至无商无民往岁救荒此项已及宽政今当尽行豁免一裁冗员自永乐初年设东昌府马政通判岁俵民间孳牧本折兼覆核徽州所解钱粮今无是矣职掌不过稽核文书詎足烦专官哉宜与临邑沾化蒙阴各县丞及武定州仓大使蒙阴县训导一员并议裁革在折军器东省每岁额造军器一千四百余事科价计四千七百有奇脚价铺垫计二千有奇而铁非土产冶复不良徒供奸弁之侵渔孰若岁将料脚铺垫银两解官听委官监造给军之为得在宽大户二东连岁旱蝗民几无生幸一二素封施其补救而官府之为收为解为漕米为仓米为俵马为驿马为供帐皆金富实充之每每供役輒至破家故欲与东人休息当勿金大户庶几民有宁宇在戢豪宗东省三列藩封其支庶贤明固多而作奸犯科亦不少宜创建宗学设宗正一员时勤训迪仍岁录其贤否实迹以闻随轻重而褒戒之庶有以杜僭踰而折跋扈之志一议藩租福藩庄田在东省者辄先期差人守催供亿侵耗难以具述孰若令有司照数催徵依时

起解之为便在苏邮传今天下驿递皆困而东尤甚每见各驿登报文簿支销大约传牌与勘合参半纸牌与火牌参半其间多有假借及隔岁诈冒者至于船夫动以百计而进解伴送差动以千计又明设乾夫名色以应其求宜著为定例有与款不合者许有司径自按例奉行即查所革以定本官之才略至于邮政钱粮逋欠如浙江江西苏州松江凤阳五处共欠东省站银二十七万二千两有奇宜听东省两院年终查参庶钱粮实有协济在通海运国初漕运繇海后以漂没为虞始开会通河然河徙不定莫若修胶莱新河与会通表里而行繇淮之六套口入海至麻湾口入河繇海仓口出海至天津约可一千四百余里沿崖扬帆不涉大洋善风不数日可达非若河道之迂艰居恒则两路并进遇梗则此滞彼来庶转输不匮亦国家无穷之利也

○命行人陈玄藻往贵州主考

○癸巳大学士方从哲言今天心示警灾异叠呈如广宁民妇产猴殷家堡两处榱杆发火山西州县地震压死五十余人狂风毁坊拔木摧折门櫳烈火焚宫河水变赤群鼠渡江风霾昼晦皆变异之大者伏望 皇上停榷税录废弃宥直臣举热审补阁部科道等官以匡国事而又时勤临御以整顿朝纲大发帑金以弘宣德泽庶天变可回时言官忝诗教等亦以为言俱不报

○命考过岁贡生员王曰鼎等分送南北二监肄业

○甲午 孝宗敬皇帝忌辰遣官祭 泰陵

○升重庆知府王遇宾为下川南道副使从四川巡抚饶景暉奏保也 ○兵仗局奏武备空虚 上命先年发出煩炮等件作速补造库藏损坏者即与修葺

○薊辽总督汪可受奏大张挾伐宜添募兵马计每兵一名月给粮一两六钱另器械二两一岁共该二十一两二钱马一匹该银十五两则京发六十万尚不足二万兵一年之费此外多兵何以济之且建固屡叛成化三年遣兵五万三道并进朝鲜率兵万人会剿此以天威胜也万历二年王杲为逆且用宣谕迟以二年我之用间既就彼之戒心已弛乃夜入险阻成功此以庙筭胜也今奴视昔何如饷未备而兵先集不开自乱之端乎愿当事者以同心处饷为谋国之忠我 皇上慨然发饷为保天下之智勿遽轻言挾伐也

○乙未起山海关总兵杜松奏乞宽限招募家丁方可抵关 上命兼程赴任

○命贵州黄道宣慰司土舍刘时行承袭宣慰司

○管理临清砖厂工部郎中米万钟奏御戎胜筭在急牵制宜传檄朝鲜哮罗诸夷或诱以利或恐以害又榜示华夷之人能构酋首者厚加爵赏彼必自疑自保我可修备练兵在固要害如广宁镇武以东地名沙岭者要害更甚沈阳宜设备添兵以防其冲在练火器火器有战器有埋器有攻器有守器有陆器有水器用之合宜无有不胜夫良将一员火兵三千足敌强兵十万今宜多造火器急选能将训练斯我兵寡弱可无患在练车战昔李卫公越千里讨突厥不废车战而二十七年虏贼十万内犯我师三万被围于

七里沙滩竟以车营保全今宜仿飞辕寨诸法以练车止则钩连如城战则旋折为门每车御以二人执兵弩者不计斯可抗敌制胜在罗真才悍者使斗勇者使攻沉毅者使据险利口者使行间善随地形结构者使营垒谙山泽高山水泉之利者使详地形明七曜休咎者使察历数斯群策集而肤功可奏在厚军糈投醪挟纆斯三军用命今额饷不充其何以奋则内帑之发宜亟一重将权从来权不预设变不先图今乃不较众寡不量劳佚辄驱之死何以得其尽力则不馭之说宜讲伏望敕下该部酌议举行

○丙申升河州参将薛永寿为甘州副总兵河南都司李应文为神机二营参将大宁都司高秋为井坪参将岢岚守备李国柱为宁山游击南京兵部中军黎国灼为广西永宁参将调雷廉副总兵杨应寿为狼山副总兵蓟镇副总兵杨茂春注左府带俸

○命暂止河工候班军至日挑浚 ○直隶巡按周师旦奏缴宣大两镇造完大将军灭虏等炮鸟銃三眼镜等共一万二千七百五十三件暗甲牛心盔共二万六百八十七副分给各城堡

○丁酉 太祖高皇帝忌辰遣官祭 孝陵

○都察院署院事刑部尚书李志言辽饷亟需盐课乞将考选御史孙之益等立点两浙河东长芦盐差不报

○加添唎罗伯彦等表里衣服

○谪戍钦州守备张兆鹤以督臣劾其贪肆也

○戊戌命原任延绥阵亡副总兵黄演孙黄廷用袭荫榆林卫正千户

○升山西副使阎调羹为参政分守冀南以前参政李邦华未任乞休抚臣奏保之也

○贵州巡抚张鹤鸣奏四川湖广贵州三省红苗啸聚寇劫会溪等屯堡流毒甚惨乞敕三省协助抚剿 上命饷银着三省如数完解以充新兵之用

○时贵州诸贼在定广威平则有阿繇蒲三王安老寡整等在洪边有王应科罗文戴廷鸾等匀哈平定有王三王汝臣王守武吴惟正吴起龙王维翰等安笼一带有狼豹狼厂狼恨等俱招亡纳叛劫杀官民截留京饷道路阻绝鹤鸣俱命官遣将以次讨平之独老寡整阿南阿撒光虎唐索杨肆保及安若山未获于是奏将见获者梟示未获者再设法擒捕庶地方获安从之

○初四月间有倭船一艘在浙稻杆亭外杀伤民兵哨官陆大忠季时衡率各哨攻之夺其一船倭始遁去既而福建参将俞咨皋亦差船截击遂火其船倭死无数于是浙江御史乞照例优赏有功官兵并恤阵亡军士从之

○直隶巡按王象恒奏蓟号渔阳重镇祇一守备守之城操五百余大半老弱月粮止二钱四分又多隐占况大军所过孰资弹压乞将本镇所议裁南兵游击驻蓟州再议募兵六百余合城操之兵共一千二百人饷则有原贮民兵银系蓟州班军折色可用也不则以遵化辎重营移驻而兵马随之亦可也援辽兵马必经永蓟通诸处一切支应

粮例皆仰给饷司乞谕饷部先发银数万招商余买以为预备至边当添设一饷司分掌主客兵粮设两总兵分驻广宁辽阳而三岔河介于二镇之间尤宜严兵防守而总一调遣于经略统驭于督臣庶首尾应援两镇可保无虞昔甲戌王杲之变大将李成梁布散木牌倍开赏格后杲属王台吉果擒杲今奴料我兵之至挑河设堑似有惧心况三面皆其讐敌部落心亦不一若重募以构内变必生可徒算多算少使事机日失哉不报

○己亥 仁宗昭皇帝忌辰遣官祭 献陵

○命宣大总督吴崇礼带管宣府巡抚

○以浙江都司佾书郭大诚延绥都司张<王巳>云南都司施瀚浙江都司尹启易为浙江山西四川云南各都司掌印以福建铜山把总汪伯弘广西坐营王先锐永平守备王修慎为中都贵州河南各都司佾书 ○庚子调山东驿传道副使陶朗先为登莱道副使总理海运原推登州道李成名改补山东驿传道副使

○福建巡按崔尔进奏三月二十一日福建长泰同安二县大雨雹大如斗如拳击伤城廓庐舍田园树畜民压死者二百二十余人请留洋饷二万同去岁被水地方通融分赈

○辛丑北直提学御史梁州彦患病准回藉调理以江西道御史李徵仪改补提学御史

○辽东海盖参政金砺乞致仕许之以原任湖广副使康应乾为山东副使整饬海盖原任山东副使阎鸣泰补山东参政分守辽东东宁道仍命今后该镇各官不许托疾避难违者从重参处 ○补抚州知府蔡侃为淮安知府

○锦衣卫掌印指挥使骆思恭奏热审一年一次俱在小满前今二年不行本卫北镇抚司监犯累积近二百名中有令家属持揭具稟或在监抛瓦声冤乞速简兵部推<王铨-金>将千户梁慈许浩然简一员掌印使分理冤枉铃束监犯仍早沛热审之旨将各犯通送刑部拟罪归结庶政平讼理狱无留滞不报

○壬寅升四川游击张世名为广西柳庆参将广西都司金汝佐为金山参将遵化游击李时芳为五军四营游击南京坐营陈继先为福建巡抚标下中军白洋守备贾秉忠为五军十营佐击

○兵科给事中赵兴邦陈募兵剿守机宜募兵以辽东为上蓟门次之调兵以宣大山西为上山东等次之盖近辽则易至边方则知兵也又奴酋屡胜之后视中国不啻轻连结西虏沿边牵制而我当屡败之余新兵未集旧垒未固宜亟图自完之策江西道御史李徵仪言以必剿之规模为守则守自固以固守之余力为剿则剿自胜是也至兵之强弱随赏罚为转移乞下李维翰法司问罪则军法明而人心奋逆奴亦不敢轻中国不报

○癸卯升陕西右布政王之采为左布政备兵固原湖广参政李右谏为山东兖东道参政南京兵部郎中许鼎臣为山东兖西道佾事原任文选司主事赵国琦为浙江嘉

湖道参议兵部郎中蔡立敬为浙江温处道参政

○命造德昌王府第时 福王常洵奏万历四十五年七月十八日蒙遣官册封臣子繇崧为德昌王查会典郡王爵秩虽同然有帝孙王孙之异系帝孙者仪仗房屋等顷全给望将臣子德昌王照例盖造拨给民较民厨从之

○戎政尚书薛三才奏肃州卫副千户崔璋于万历二十二年升金塔寺守备二十七年升镇夷游击领有敕书一道延至三十一年因参回卫始发镇夷所库该所掌印百户白兆庆亦沉阁不行请缴俱当杖愆 上曰近来各官敕书多不行领缴殊为非法以后有故违者查明参处

○太仆寺卿郭显忠以病乞休 上命赴任供职

○甲辰录荫原任征倭总兵陈璘男陈九相为广东南乡所指挥世袭

○乙巳大学士方从哲奏法司诸臣将臣子被参之事业已遵旨从公问结生成大造臣与臣子当捐躯图报柰积劳既久受病已深伏望亟赐谴斥 上曰卿子之事会审既明心迹已白不必介意今边情孔棘赖卿宏猷赞理匡济时艰岂得以子事托疾求去还当速出入阁殚心辅政以副朕眷注至意

○丙午辽东镇江游击丘坦以病乞致仕许之

○升滴水崖守备乔一琦为辽东都司管镇江游击事

○以密云右营游击宋文鉴管辽东经略军门标下中军事务从戎政尚书薛三才之请也

○直隶巡按刘廷元奏畿南四郡旱蝗人无固志前后抚臣偕职屡请蠲赈计部覆催方在候命而通湾税监张烨携手本称奉旨催解节年税银且四府税银不过二万又多蒙蠲免而烨突开八万以少为多既蠲不除又及火耗公费望亟敕户部查覆豁除严正张烨欺罔之罪不报

○丁未奴酋攻陷抚安三岔儿白家冲三堡

○南京兵部尚书黄克缵遣坐营姚国辅领水陆兵三千人入援请授国辅游击中军以统其众从之

○升祭酒盛以弘为少詹事纂修 玉牒升宁国府知府杜文焕为陕西按察司副使山东按察使高第为陕西右布政

○以宣府游击李国祯陕西延绥游击薛来胤直隶河间游击赵文质为山西万全河南各都司掌印贵州思平守备梁鹏广东烽火门把总翟国儒广西兴安守备张九法宣府龙门城守备彭修翼为广西浙江广东云南各都司僉事

○戊申陕西总督杨应聘奏四月二十二日陕西等处大雨雪冻死各营马羸驼共一千九百九十九匹头只乞照先年事例动支马价银两买补并俵牧茶马匹以便秋防从之

○礼科给事中元诗教奏辽东巡按御史杨一桂溺职四事乞敕都察院议处仍选

差一员往代从之

○乌思藏阐化王差番僧三旦朵儿只等一十五名进献珊瑚犀角氍毹等物

○己酉以孙显祖为参将管蓟镇中路副总兵事孙祖寿为松棚路游击

○庚戌四川永宁宣抚司奢崇明有子奢寅年少犷悍与贵州水西已故土官安尧臣妻奢社辉争地辉寅之姑也言寅造用铁鞭鱼肉百姓逼逐兄弟奢辰等及土民五百余家见在水西请官勘治于是两家大相讎恨安兵马十倍于奢而奢之兵马精狡可恃故两相持两省抚按不能决列状以闻 上命兵部议之尚书薛三才请将奢寅革去冠带责令改图并责社辉速将奢辰及土民等发回故土不许奢寅暗害所争地如系社辉侵占责令退还如系安尧臣存日所管地日谕令照旧管业其逃犯及拨置人犯尽数提出会审正法庶夷情服而乱萌杜 上从其议命抚按官将水西所争地即与查明管业不许再构争端

○陕西奏一猪一头二身四耳八足头顶一肉角角后一目

○伏日赐百官香薷汤

○辛亥总督仓场户部尚书张问达奏言仓储空虚京仓每年支放应二百三十余万石见在五百八十六万一千五百余石仅有二年之积通仓每年支放七十二万余石见在三十六万五千八百余石不过半年之储拨运合蓟密昌三镇岁合该三十六万九千八百余石就令尽完只穀当年今运河日塞盘剥艰难每二石转运才得一石脱巾屡见支运合临德二仓旧制定留五十万石遇有灾伤改折支补京通今山东赈济二仓如洗查本色拖欠自三十八年起至四十四年止共积至一十七万石有奇改折拖欠自四十一年起至四十五年止共积至五十四万四千九百两有奇缘节年河道冲决漂没地方灾祲无从追徵仓粮之虚而多逋也如此明智北新台基安仁西城五场备三大营骑操马匹两个月之本色者也每场岁用草三十万束每束时价四分零共费银六万一千八百九十两零每年二月十月两次应放共计二百万余束见在草五场共一百六十八万九百余束设戎马在郊刍牧不通何以待之内象房象九只每年麦九百七十二石遇闰月加至一千五十三石草四万八千六百束遇闰加至五万二千六百五十束外象房见象三十三只每年麦三千五百六十四石遇闰加至三千八百六十一石草一十七万八千二百束遇闰加至一十九万三千五十束内外二房共约费一万四千一百余两至于御马监三场岁用豆麦六万九千石遇闰加添四千石草二百二十四万束遇闰加添一十二万共费银二十六万三千三百六十九两彼其马岂无倒损而额支定不可移至黄土坝上南渠三仓就年通算料二万四千九百六十四石共价一万三千二百零草六十二万六千七百六十束共价银一万九千一百两零共费银三万二千三百四十七两三钱所报见养驴马驼牛共一千九百一十六匹只而实不知也就使如额有何益于戎行草场之虚而多糜也如此以银库言之老库银仅八万八千余两外库随到随支绝无四五万两贮过十数日者盖岁支近四百二十万额外之取办不与焉岁入止四百万额

严行参罚其于足食足兵不无少补若各边镇屯粮盐粮入仓俱宜照年给散军士以免陈腐亏折近仓攒罔利收不如法支放偏用折色饷既坐困粮复乌有如辽东四十万仓粮不数年而半属空文可鉴也是又在各饷司加之意耳伏乞 皇上念军务抢攘将臣所议采择施行 上曰今边饷缺乏这条议有裨国计俱依款行着该部与抚按等官严催起解有推诿迟违者指名参处

○原任南京光禄寺少卿升南太仆寺少卿未任吴炯捐资一万两助边且言汉时有以助边得官士林为耻臣今以休官助边非有他覬望乞户部收受从之

○原任大同巡抚王士琦卒士琦临海人登万历癸未进士曾以藩参监军朝鲜倭平进二级后以播事听勘降补回翔藩臬者又数年至今官至是卒

○甲寅赐周王肃溱庶九子恭□□义封为宁乡王

○大学士方从哲言近发帑金十万人心无不感激然发者无几伏望再撙内库盈余或俟金花税银之解到陆续给发以充前数则三军之士不战而气自倍 上谕之曰辽事方殷军饷不足朕非不动念但饷银已经发过何得又有此奏户部所进内廷金花银两 祖宗旧制每年进内承运库一百万以备典礼及各节例进赐各宫与 皇太子等及赏用内外日费并各衙门奏讨成造军职俸银俱不得已之事该库屡奏拖欠数多未见补进每年所进不足一年支用湊以税银尚且不敷何以赢余可传户部即遵旨上紧多方那借设处使军饷不缺不得借口请帑致误军机

○乙卯以宣府守备陶永先为昌平州总兵标下游击榆林守备李晓纶为延绥左营游击扬州游击程应龙为南京兵部标下中军

○经略杨镐请以延绥中军守备张应昌及穆家堡守备刘遇节为标营游击并请发马价银一万两为军中之需 上俱从之应昌承胤子也

○丙辰户科官应震言太仓初年尚称充裕自播倭宁夏之役费至一千二百余万近以 慈圣宾天 福王桐封 瑞王燕喜惠 桂二婚并举共费七十余万夫太仓岁入仅三百七十万有奇正额原以供边而官俸附之如前吉凶诸费皆正额所不载即岁入无欠已不能不耗于额外之那移况省直灾伤请蠲请停每减于额内太仓如何不匮也今惟铸钱一法可救助一时亦可通行于经久盖京师铜炭米价皆贵于南故留都钱用十二文为一分京师用钱六文为一分若委官留都立局依京式铸造附进鲜船漕船载入京师脚力不费而获倍利仍令各处解粮搭铜或以解部之银买铜或令云南五千金之贡俱折以铜运赴留都钱局京师行户商人何项不可给钱何钱不可为饷其于太仓军需不无少补

○顺天巡抚刘曰梧奏近日援兵经过各镇该镇辄借主兵月粮策应乞着兵部议处 上命饷银已解到者督臣酌量分派为援辽之费蓟密诸镇用过者便与抵补其工部及南部遵旨借银作速给发勿得迟缓误事

○命修

惠桂二王府第

明神宗显皇帝实录卷之五百七十

明神宗显皇帝实录卷之五百七十一

万历四十六年六月戊午朔赐乐昌王庶长子鼐拜袭封乐昌王

○命延绥入卫游击王聪为宁夏洪广游击甘肃威远游击吴葵为陕西总督标下游击陕西都司马允升为延绥领军游击把总曹鸣雷为河间领军游击

○己未赐寿阳王倪◻◻火动>嫡长孙帅■承袭祖爵夫人张氏进封为妃韩府长乐王璟◻◻库选许氏封为妃建德王翼鉉嫡长子常澧庐江王长子载禔高唐王长子常泽东垣王长子由彬各袭封爵

○番人哈行等进贡方物

○时辽饷缺户部议将太仆寺俵马暂折一半充饷寺臣赵士谔言臣寺经奉钦依寄养马务满二万匹旧年巡验东西存留仅一万六千九百五十余匹今给辽东共四千二百匹调兑京营又须三千余匹若尽行改折调兑何资且派俵大约六千六百六匹本折各半折色解臣库凑发各边年例不时买补本色二千余匹全折不过十万半解太仓仅五万耳顷议剿奴派臣寺助饷二十万若事未结终难秦越何必空厩以输太仓也不报

○兵科给事中赵兴邦请发帑金四十万及所议新饷尽数解发敕杨镐募兵治械以商挾伐并速补左右司马以赞枢机不报

○掌河南道御史唐世济言奴以令箭长马送进张儒绅等四人给以印文夷书有七宗恼恨之语问其人曰东厂所差乞将绅等下法司勘问而东厂太监卢受言绅以买皮张行因在掳中其带来夷书则奴所威挟并无别情 上姑不问

○刑部言热审逾期乞速涣德音以广皇仁不报

○山东巡抚李长庚奏先年倭犯朝鲜召募南兵五百余名嗣后渐撤及挑发援辽外止存九百余名辽既被兵登安可无备议将登州卫京操班军暂留防守从之

○庚申大学士方从哲言考选诸臣守候六载困苦备尝顷吏部议将各官咨送礼部都察院听其挨次题差终亦权宜之术不若特允部推令诸臣受命供职足存政体不报

○辛酉户部议添设督饷司属以便责成谓援兵粮饷除请发内帑十万太仆寺二十万工部二十万先已解去又议借南京户兵工银五十万今已差官领解此后收支头绪甚烦请照援朝鲜例添设司属一员加郎中职衔给敕书关防等项随军督饷府佐军卫营操等官悉听举劾有勤劳听本部考核优叙从之

○大学士方从哲言奴自破抚顺之后伏处月余咸谓秋高复逞不谓于前月十九统领大众将抚安三堡一时克去昨塘报又谓虏骑往南繇懿路东一带深入总兵与中军虽驻沿河懿路而众寡不敌万一懿泛不守则沈阳危而辽阳以西势且岌岌为今之

○户部尚书李汝华请以省直各处现在税银暂留一年尽解太仓济边不报

○两广总督许弘纲巡按王命璇参劾濶州游击王熙革任听勘以交夷入犯也

○癸亥 上谕元辅曰览卿所奏具见忠诚为国之意朕入伏以来暑湿薰蒸不时腹泄头目眩晕身体发软见今服药未愈临御不便奴酋犯顺堕我城堡歼我军民复逞狂锋岂容不剿卿可传与兵部即行文差人马上与该镇总督经略及总兵等官选择精壮军兵整搦人马器械各陈方略相机征剿务期殄灭以除边患总兵杜松等着各带家丁催他星驰出关拒虏不许逗遛迟缓该用粮饷户部遵旨务从多处发给毋致匮乏如有玩寇坐视观望着该部科臣从重参来处治且边事孔棘正赖卿运谋赞襄以安邦家何忍屡言去卿宜遵屡谕为朕勉出入阁辅政以慰伫望至意慎勿再有托陈所请阁员等事朕知道了特谕卿知

○户科给事中官应震言奴先后克去六城中间敌台多至一百一十五座自抚顺至张家楼子几三百里渐不可支今调兵将集粮饷不充前奉 明纶南京户兵工三部共借银五十万两仅以半解同寺水衡犹且断断职掌为争今查巡青衙门尚有二十余万若借水衡五十万同寺三十万共足百万之数以壮边关之色乞敕谕诸臣急同舟之济毋为畛域起见 上曰寺部借银并南各部都着照数全解毋得再为争执致误军饷

○辽东巡抚李维翰奏狡酋于前月二十二日出境随于二十七日突入四五日间更番入犯意在乘隙攻堡赖有开原道冯暖预撤边堡凡赍粮人畜归并大城山寨屯民早知趋避以故野无所掠又见泛河懿路二城往来有兵防护是以出境但狡贼未满所欲势必复逞而彼众我寡力实难支乞速催大兵早救然眉庶地方可保 ○户部请照例拨给 皇太子妃郭氏坟地三十五顷坟户三十名

○差主事王元雅往宣大山西解经傅往延宁甘固解银募应猝兵将

○升标下中军李若荣兼副总兵照旧管事从总督杨应聘之请也

○革辽东巡抚李维翰职为民以疏于备御也

○差御史陈王庭巡按辽东兼监军事傅宗皋巡视上江

○差简讨丁绍轼吏科张孔教往福建主事陆完学评事齐琦名往四川员外熊秉鉴主事陈应元往广东主事谭昌言中书朱童蒙往广西各考试

○副总兵杜璧参政黄克谦以疾乞休许之

○时辽左饥有倡议开登莱海运者召口集船将有次第东抚李长庚言本折船只脚力防海之费浩繁部覆以为无所利 上因命停止之米价转发饷司就近采买于是动支太仓银库清折银六万两差郎中李若讷解往辽东平价买余以备军兴

○甲子兵部题四十四年套虏入犯失事官军经陕西巡按龙遇奇查参因备劄本处巡按按察司查报具题该臣会同都察院覆议守备许全伦发辽东铁岭卫充军游击万化孚发宁夏左卫充军终身拘金妻发遣仍准各在戍入功赎罪守备孙庆纳赎完日还职从之

○兵工二部议以库贮盔甲并铜铁大小佛郎机大将军虎蹲炮三眼枪鸟銃火箭等项委官挑选演试解赴辽左

○乙丑总督三边杨应聘奏本年四月二十二日固镇大雪冻死在场营马骡驼共一千九百九十九匹头只议于固原州仓收贮桩朋肉脏老马马驹银内动支六千一百二两再动陕西苑马寺马价银五千两给各营委官买补并照先年旧例额外俵给七监群外牧马四百九十九匹招中茶马五百匹始于秋防有裨从之

○时夷虏合兵开铁危急金白酋不肯为用兵马单弱经略再请蓟镇各标下家丁摘发三千台兵摘发二千救援部议谓镇兵调发已多合无将各道所募新兵各行挑选凑各营家丁三分之一台兵三分之一给以器甲军资操熟俵马以一经战将官统之限五日内驰赴而辽东抚镇又欲于密蓟永霸各道所属寺马多发蓟昌营路操备将营马习练者给一二千应用该部议给以八百匹凑先兑三千匹续兑一千二百匹共足五千匹之数 上曰挑选援兵着星驰出关不许逗遛误事应兑马匹俱依议蓟镇调发数多空虚可虑便行镇抚等官将募兵作速抵补训练加意防守以备他虞

○命太仆寺动支马价六万付户部照磨万有孚往宣大市口买马先是督臣汪可受谓太仆寺寄养马三千匹素未披鞍习劳兑给密蓟营军调习而以营马抵换出关不足之数惟有收买夷马一策并乞发太仆寺马价十二万差有孚往彼处会同镇道官选买解职应用沿途料草廩粮即于马价内取用而寺臣赵士愕以岁入不满六十万给发各边年例马价约四十余万历年逋欠那借所存无几欲量给一半仍以四十七年年例数内扣除于是兵部请以六万为该寺助边之需再于新饷内动支六万凑足十二万付有孚往宣大市口易马以济急用从之

○时军饷缺乏外解不至户部议借工部太仆寺现银各五十万两以济军兴于是寺部各以库贮无几为言上姑令各发二十万两应用余着陆续给发

○丙寅贵州巡抚张鹤鸣奏毛口六坠贼据险剽掠督师剿平之共擒斩七百三十三级

○丁卯准原任太仆寺少卿申用懋继祖母诰封一品夫人黄氏并祖父申士章嫡祖母王氏列名并祭造坟合葬仍加祭二坛

○礼部奏庶孽常洪糾党劫父并盗册宝铜符乞正国法先是淮王以青楼王爱儿冒额妾入宫复以庶子常洪作螟蛉媚之从此表里为奸潜谋夺嫡而陈妃世子几于不免御史陈王庭处之府外而常洪更张虐焰听奸宗翌金口攸翌翎恶棍王重华李龙孙等之谋夤夜入宫劫父掠妾并盗册宝货以出于是御史上其事部议淮王贻谋不臧当罚禄四年常洪宜令自尽翌金口攸等押发高墙遇赦不宥王爱儿论死长史教授不能训导举首宜令吏部议处从之

○准原任户部郎中邢从言母封一品夫人王氏祭一坛开圻合葬邢玠列名并祭

○庚午蓟辽总督汪可受以辽左夫事辞职 上以秋防方急不允

- 旌表沁水县烈女张氏从河南抚按之请也
 - 辛未新造辽东饷司关防
 - 太仆寺言助饷谊不容辞代任力不能给 上曰寺帑匮乏着该部陆续补还
 - 起赵焕为吏部尚书铨印暂付侍郎史继偕署掌
 - 差原任河南道御史田一甲巡按宣大原任湖广道御史房壮丽起河南道管大
- 计
- 升顺德知府陈基虞为广东副使
 - 肃王进马五十匹回赐表里银两
 - 给赐番人哈行孔的阿木等及乌思藏阐化王等差来使臣国师三旦朵尔各段
- 绢有差
- 壬申大风刮倒西直门牌楼
 - 广东巡按田生金条陈东省五款兼统辖以裨盐政铸钱以利民用恤官舍以念世勋分荐< 銖金 >以励武弁酌边戍以恤罪囚 上命依议行
 - 原任总兵柴国柱言破虏全用火器请行山狭督抚各借三百位解赴辽东从之
 - 癸酉大学士方从哲言苏松巡按悬缺已逾三年山狭候代亦经二载科场在迩监临无人宜速点用以襄大典不报
 - 准原任兵部左侍郎魏养蒙母封太淑人叶氏偕其父赠兵部左侍郎魏有孚并祭合葬
 - 礼部左侍郎兼翰林院侍读学士何宗彦题申科场条议二十款 上曰科场则例既删定画一依议刊布着实举行仍著为令俾永遵守
 - 甲戌 睿宗献皇帝忌辰遣官祭 显陵
 - 大同巡抚文球奏大同后卫居民韩守忠于六月初四日家产猪妖两头四眼四耳事属怪异应在夷狄因陈云中 最要者在蠲子粒议调兵遣按臣三事
 - 乙亥经略杨镐奏夫事边官白云龙临阵先逃誓师取斩狗众麻承恩当承胤临阵分兵佯去自谓调防清河当为警饬至抚安堡备御毛凤文游击郑国良白家堡备御周守廉三岔儿堡备御左辅俱当戴罪立功开原副将李应元勇略不足另当议处开原参将冯瑗忧劳戎马当俟事定论其功罪 上曰这夫事各官委应分别议处着巡按御史再加查勘具奏
 - 准中书舍人朱启元父原任左通政朱敬循祭一坛循万历二十年进士繇铨曹历今官虽未经考满以任内积有年劳故有是命
 - 丙子直隶巡按王象恒请以三大营兵马照嘉靖及万历二年事例分发密镇潮河川喜峰古北口防守三月一换以省召募
 - 丁丑颁给陕西驼笼纳郎等族番人永萧等各贡赏折段银两
 - 铸造周王肃溱庶九子宁乡王恭穰麒麟钮镀金银印
 - 德王奏常清常沥病故差行人张其平前去该府掌行丧礼

○兵部尚书黄嘉善抵通湾以人言引疾 上以边情方急着令供职

○差原任广西道御史王雅量巡按陕西

○户部题黔抚张鹤鸣奏四川所辖土府土司积欠协济钱粮自三十五年起至四十五年止共四万六千三百九十两零因条议责成协徵稽核申明严禁诸款 上曰这黔饷催解事宜依议申飭着实举行

○又奏复荆王由樊禄米 上曰王既以养赡不敷求复原辞禄米准给与仍不为例

○南京守备太监高涌言积盗曹孝等擅越皇城偷窃禁铜命下法司科罪

○ 部题云南道御史张至发考满改给京衔敕命从之

○以主事潘宗颜改升户部山东司郎中专理新饷及采买粮草供给征剿

○吉王翼銮薨 上为辍朝三日令襄王翼铭奉母孔氏扶柩出城

○准原任南工部右侍郎李得阳母郑氏祔葬

○予右军都督府带俸隆平侯张炳祭葬

○南京陕西道御史赵绂言臣宰卢龙时便闻奴浚壕增墉选将练卒二十年生聚教養而我方狃于处堂之安至于衰庸积弱之金砺易腹里而边方沉毅有谋之白糴粹易边方而腹里安得不败今宜朝夕训练力图自完而又当使本镇贤士如关东刘国缙关西白瑜父子及先年推宁前参政刘尚朴等各毕其智力以图安攘辽事庶有济也

○总督三边杨应聘题四月初二日青上湖达虏分三股入犯镇番总兵李怀信督官兵击却之共斩级一百八十八颗

○戊寅广西解到苓苓香命以原封进纳承运库验收

○大学士方从哲请举行热审事例及委署镇抚司理刑官以清滥狱不报

○户部尚书李汝华言太仓岁入仅三百八十九万岁出边饷三百八十一万一应库局内外等用又约四十万出悖于入以内供言之万历六年进过 大工铺宫各库监局钱粮共八十七万六千三百七十五两二十七至三十年共进过册立分封冠婚典礼各钱粮共二百五十五万七千二百四十七两几尽一岁之入以偿之往年婚礼不过十万 潞王用止九万至 福王婚礼进过四十余万 圣母两上徽号前后共四十七万有余开遐所费香蜡等项又约二十二万长公主婚礼用至十三万五千两七公主婚礼共折解十万余今 瑞王婚礼又用过十万余其金花岁增买办银二十万两自万历六年至三十三年止约进五百余万矣以边饷言之九边十三镇隆庆间每岁共止二百三十九万有奇今增至见额银共三百八十一万九千二十九两余而又苏州府题借本部米草布折等银共十五万二千五百余两松江府借米草布折等银共五万三千九百余两浙江龙袍历年借支本部京边银共二十九万六千七百六十两苏松织造借三十余万陕西羊绒每运本部协助银二万二千五百两何借支之多也而又湖广司道赃罚南税等银原系济边正项历年共留七万八千二百九十余两为采木用山东四十三年江

西四十四年俱以灾荒题留税银并抚按赃罚共九万二千余两又四十五年题留四千两广东四十四年题留本年赃罚并监税二千八百两其四川税契则以留充陕西协饷矣何题留之多也而又有归税监者则南直税契银每年三万山东鱼课商税契银八百余两泰安香税二万两南赣关税二万两自二十七年归监四十二年臣部题留前银奉旨户工各一半然而又有缩于工部者查三十七年以来节年织造河工并府第共借去臣部一百五十余万乃各省直所欠京边自三十二三年起至今不下六百万此太仓所以匱极而边饷拖欠数多也无已则有改折十库物料今查丁甲二库实在颜料共六百四十六万一千五十八斤充积腐耗曷若改折一年九百万金钱可立致也一改折弓箭弦条照嘉靖年例通行改折发附近府州县委官如式成造可省虚糜钱粮万余两一议留各关折买钱钞临清等处商税库备百官军士赏钞近来给钞数百贯不值数十文钱暂议折收银两解部事定之后照例徵收更于刍粟有藉若崇文门宝和店银不过二万何难捐天府之粒米果万军之枵腹并谢其名于贷取也其他御马监勇士营马匹粮草宜裁慎用库买办宜节各卫军丁占役包粮宜革锦衣卫月粮之增宜清皆在今日所当熟究伏望圣明立赐举行

○己卯广西巡按俞海奏将入犯交酋挟隆等梟示正罪有功员役安南都统使黎新高平府莫敬宽等分别奖赏从之

○兵部题阵亡将帅并推补将领等官及部寺所欠饷银马匹年例铅子火药盔甲等项 上曰逆虏诱杀官兵各官死事可悯张承胤等应委破格优恤其余阵亡官军待查明并叙升补将领等官着作速题覆应用火药盔甲都着照数给与刻期解发毋误军机

○辽东巡按杨一桂开造抚顺死事官三员千总王命印把总王学道唐钥顺虏官二员游击李永芳中军赵一鹤掳去军丁卢浩等五百九十八名克东州堡杀死守堡官一员李弘祖掳去军士王均二等二百二十八名克马根单堡掳去守堡官一员李大成军士李三五等一百六名商民货物不计四月二十一日抚顺关口广宁总镇大营阵亡总兵都督一员张承胤守备一员魏居正千总二员樊英元小四把总一员张来红旗官四员陈邦礼曹日新高志元张登坐府夷丁吉赖等三百三十四名坐府游击营阵亡游击一员梁汝贵把总段尚科家丁降夷摆言吾等八十七名正兵营阵亡千总六员军竟荣王世宁刘克杨四德王大任吴景桂把总八员邓茂桂徐国栋成都何知禄张有才林起凤解进选曲文魁家丁夷倭位成等一千一百三十四名左翼营阵亡中军一员江之恒千总二员汪烈李进职把总二员王道功刘授军丁樊应雄等四百二十七名右翼营阵亡军丁邓顶二等二十一名援辽总兵麻承恩营阵亡家丁可可处等五十四名辽阳副总兵营阵亡副将一员颇廷相督阵红旗官一员邹钟贤千总四员教卜代黄世吉单继志刘胤把总三员摆言代白应奇李联芳应袭一名颇重光军丁李显祖等四百六十四名海州参将营阵亡参将一员蒲世芳千总二员甯扩胤王廷胤把总二员徐可受张

其廉牢子官一员孙迁军丁宋九思等二百九十六名沈阳游击营阵亡中军一员金阶千总一员曹大兴把总一员盛祥军丁红旗降夷尤抱忠等一百一十二名武靖游击营阵亡红旗一员耿尧相把总一员梁才新兵张秉元等二百二十九名抚顺弃堡脱逃缢故散羊峪守堡一员高胤祖纵放军民出堡趋避奉文捆打戴罪守会安堡官一员王廷柱除顺虏者候剿平正法其并力追贼身委锋镝应破格优恤以慰忠魂各营军丁夷倭亦宜给恤以安其家至抚臣李维翰丧败迭出诚罪无所逃督臣汪可受莅任方新臣又未敢苛责 上曰该镇袭虏覆军诸将死事可悯委宜照例优恤张承胤赠少保左都督袭升三级仍荫一子本卫指挥僉事世袭赐谥立祠加祭茔葬颇廷相赠都督同知袭升三级梁汝贵蒲世芳俱赠都督僉事袭升三级魏居正王学道等各照本职上赠二级仍袭升二级颇重光赠实授百户仍准世袭王命印照本职上赠三级仍袭升三级内颇廷相梁汝贵蒲世芳颇重光王命印俱从祠附祭李永芳赵一鹤降虏偷生俟剿获奴酋之日正法王廷柱行巡按御史提问余阵亡被伤官军着经略衙门查例分别优恤李维翰职任封疆全无御备疏防玩寇辱国损威着革职为民于是兵科给事中赵兴邦言李维翰回籍听勘众议汹汹即革职为民而于人情犹未属厌至汪可受总督蓟辽岂于辽事漫不相关亦宜责备以需后效

○壬午京师地震礼臣何宗彦引周伯阳甫言阳伏而不能出阴逼而不能升上修省三事不报

○选过工部营缮司主事陈敏吾等二百六十四人

○截发漕粮五万石运赴辽东从直隶按臣王象恒之请也

○准抚宁侯朱国弼优给禄米

○癸未 孝庄睿皇后忌辰遣官祭 裕陵

○罚东昌府知府吴一栻俸四个月以钱粮不及例朦胧给繇该部参劾之也

○准广宁伯刘嗣爵给假治丧 ○革开原副总兵李应元任听勘以经臣劾其懦弱不振也将标下中军麻岩升开原副总兵宋文鉴升标下中军阎仰以都指挥体统行事备御穆家堡

○广西巡抚林欲厦以老乞休许之

○兵部言守门军士先不过三千五百余名今渐增至六千六百六十名除每门军伴五百八十八名汰革老弱影射二百六十五名实在守门军士五千八百零七名造册存司分送京营科道验军下粮厅互核列为数款遵守一专委主事一员定以一年之限任内事宜造册交代一拣选指挥千百户以严统率其有勤劳经优奖者委署印管屯照例推升一给食粮新票凡替补俱赴管门主事告理查旧编册有名新者壮健堪补准结更替一面追涂旧票旧名移文各厅互照一军既足额每班派每铺一名每城令该班指挥上宿令各军鸣锣传筹主事不能遍历于京营中调取把总八员内九门用四员外七门用四员轮流听督理主事分委查点把总该班者每人拨军二名捕营大马一匹随用

照依指挥一体举劾庶巡警严而乱萌可杜

○南京山西道御史孙光裕奏奴酋悖慢天讨难稽乞再发帑金四十万以济目前又大开事例罢不急如开采织造羊绒潞绸黄金等项暂借折价二年如内府之茶蜡颜料朱漆麻等项查其有余亦应改折二年他如各监税之银毋解内府尽留充饷必饷足而后谋臣死士各奋其智力奴不难灭不报 ○鸿胪寺左少卿等官张廓尚宝司丞徐元采等督学御史骆骏曾等副使喻安性各三年六年考满命各复职

○给补原任南京礼部尚书已故黄凤翔诰命

○改铸万全都司等印信

○准荆王由樊男世子慈狄□巾恤典

○有暹罗国进贡盛表金盘被驿吏刘应同等抵换已经申明赎罪两广总督周嘉谟以闻

○准南京左府掌府事怀柔伯施壮猷祖母陈氏恤典照例与祭二坛开圻合葬

○甲申兵科给事中赵兴邦言刘綎柴国柱官秉忠等所带家丁仅二百多职前有兵寡将孤将多兵乱之虑则隆大将之权是在经略处置得宜又经略前< 足 毓-金 >谓真定六年已为乌有总之快壮未经习战不如折一半工食计三千快壮可折银二万余两解至辽东就近召募为便

○乙酉 孝穆皇后忌辰遣官祭 裕陵

○丙戌宴土鲁番五地面夷使头目沙黑等命伯赵世新管侍

○准已故伏羌伯毛国器恤典祭二坛造坟安葬

○差行人李春焯往阜平王府掌行丧礼

○准宣大总督吴崇礼荫子吴以询送监读书

○命少詹盛以弘纂修 玉牒

○准鲁府长史赵世典辅导年深给与诰命

○准岷王定燿曾孙裡洪封为岷世曾孙代行礼仪

明神宗显皇帝实录卷之五百七十一

明神宗显皇帝实录卷之五百七十二

万历四十六年七月丁亥朔孟秋享 太庙

○提督武汉等处学较副使葛寅亮进大学论语讲义

○革山西参将董用威任以抚臣论劾之也

○戊子准赠原任南京右都御史已故沉子木兵部尚书

○升兴化知府徐穆为云南副使

○准灵璧侯汤国祚母夫人孙氏照例与祭二坛开圻合葬

○改铸岢岚道关防印信

○礼部奏泯王卒世子请给翼善冠服以便行礼许之

○以吉王常淳管理本府事 ○太仆寺少卿赵士谔言寺帑空虚将各州县寄养俵马本折各半以重马政从之

○己丑银作局以册封奏讨成色金索二百二两七钱足色叶子金索二十九两八钱事下户部科臣谓查礼部册封录惟亲王及世子用金册一副银事件全郡王俱用银册银事件今年册封十九位止 潞王及代世子为亲该监奏讨金两只应逐位列款细开不应混称以后礼部于行礼公宴日将册事件同兑验数目登记仪司来年只将此数具< 〇〇〇 铤-金 >开列某亲王某郡王该用金银册事件各若干并初封袭封有无金印银印妃金坠头若干两逐款上闻移令户部照数备金送各监局以俟届期行礼庶不致冒破

○后府等府管大汉将军保定侯梁世勋题五月二十八日遵奉季终查点侍卫人员随会同河南道御史卢谦查点过将军见在食粮一千四百八名逃亡过九十二名

○庚寅 仁孝文皇后忌辰遣官祭 长陵

○太仆寺少卿赵士谔题臣寺马价草料子粒等银岁入约六十万所发各边年例约四十万两赏赉修筑之费约二万两每岁仅剩银二十万备买马之用自司农告匱凡有急需辄取之臣寺 二王婚礼借十五万两辽镇借过二十七万两兹又议借五十万两此非数岁之积不足以应而历年逋欠数多查自三十五年起至四十五年止南北直隶山东通共欠银五十二万八千三百六十两有奇内淮安一府每岁额解三万五千八百二十两有奇而积欠至一十三万一千七百七十两几于四年无解前南太仆寺少卿周如登条议有积逋当稽起解当核动支当禁积贮当解四款深于问政有裨乞敕兵部覆议其逋欠四十三至四十五三年为正徵通限全完三十五至四十二八年为带徵每年限完二分载入考成不及额者分别降罚停其升考仍行南太仆寺一体遵行下兵部

○起用左军都督佥书刘綎乞宽出关之限定战守之局以收全胜之功不报

○改铸大理府印信及云龙州学记

○嘉石草坡等族番人戎萧等一百四十四名进贡马匹方物赏给绢钞有差

○考试过岁贡一千二十人 壬辰兵科给事中吴亮嗣言 陛下特起经略杨镐任辽事当赐以尚之之剑使副将而下皆得以军法从事而后威权重至所起诸将家丁才数百人势薄则虏易相向臣愚以为或假以团练暂处金复海盖之间为开沈后继或分驻宁前与李光荣相为表里所谓固其腹心也蒲泛懿沈四路最为咽喉要地亦宜择一材武之将镇之且辽地狭而长经略既在军中其巡抚地方之事宜另推一人以为广宁根本而督臣练乡兵一策深得韩魏公刺忠勇遗意则辽之士绅名族独不可激励之以为子弟倡乎刘綎西南名将所虑兵马体貌及驻扎之事又不可不预为之计
< 〇〇〇 铤-金 >留中

○江西巡按张铨言奴之三川险易诸将未必悉谙今悬军深入保无抄绝且突骑

野战夷之所长而我之所短也以短击长以劳赴逸以客当主非计之得夫以 文皇帝之神武兵精将勇而胪胸河之战五将不还全军歼焉则出塞之役柰何轻言为今之计职以为不必征兵各省骚动天下但就近调募益以辽兵俟经略分布屯集要害修伏城堡多制火器练习行伍且以固吾圉而厚抚北关以坚其敌多行间谍以溃其党然后用计乘隙期于一创以申中国之威若加赋选丁骚动天下恐忧有不止奴酋者愿 陛下发帑金补阁部宥直言开储讲以为自治图不报

○癸巳尚宝司卿熊尚文奏用宝敕书空白月日非宜大学士方从哲言内阁制敕房专管各项敕书凡王府内外各官应领敕者该部用印信手本知会翰林院中书官轮办者将手本送臣看讫办理进览俟三六九日用宝仍贮本房在京官候视朝时面领在外者差官代领因各王府与外官关领不齐以故敕书空其月日俟报单领状到时始为填写再呈 御览然后发行从来相循旧规与各衙门先填写月日后钤印信者不同上命仍照旧规临期填写览过发行不必更改

○准刘一琦补已故吏部右侍郎刘曰宁荫送监读书

○署兵部事尚书薛三才言九边绵亘秋防宜备蓟昌拥护 陵京墙外即为虏穴其最黠者如满旦温布时肆蚤毒阿拜阿晕阴阳其间近日冯家谷之警且携钩竿攻具志岂在小宣大北虏视东西诸虏最强顷以保塞为名移帐互市抚顺之祸可为殷鉴卜酋袭顺义之空名素囊据市赏之实利方且构兵相争山西与大同接界二酋动则偏宁鴈门诸关震警前者地震遍及四十余城多谓兵占此三晋之忧也延绥士马劲于九边孤山一蹶锐气顿索即保宁波罗等捷犹不足纾前愤吉能阳虽帖尾阴实张牙猛克奔降必来要素与之则塞降夷之路不与则坏俺成之款宁夏幅陨迤邐兵难栉比银定歹成诸酋迹伺阴长鼻息求和狼子野心终不可测乃镇番果见告矣脱吉能因猛酋内附勾连报复则广武一带岂安枕固原去虏稍远芦永洮西番错趾时虞反侧近日盛夏大雪冻死马骡以千计亦一大异也甘肃孤悬天末松海诸虏日有眈眈镇番之役幸我将吏戮力堵截稍足壮威但虏经挫衄蓄忿愈深值折胶之候能无豕突此九边之大略也然其防卫在兵命脉在饷今各边之告匱者趾相错于路何以了此局乎相应通行各边督镇严督文武将吏一切战守机宜俱实心料理毋得临时致误边计 上曰秋防伊迩边备宜严今东虏跳梁夷情不无观望依议申饬今各督抚镇巡等官严督文武将吏用心整理边务比往十分加谨有怠玩误事的参来重处

○给散土鲁番天方国撒马光鲁迷哈密等赏赐有差

○乙未准给原任刑部右侍郎郑大同祭葬大同莆田人嘉靖己丑进士繇吏垣历南通政大理卿至今官因平反吏部尚书李默狱失严嵩意又所取士杨继盛屡劾嵩逐以星变策免万历四十二年其弟岁贡郑光先为理其冤得复职至是其孙鸣珂以恩恤请故有是命

○经略杨镐言奴于四五月间多赍银币投送诸虏欲其助兵分犯故六月乃蛮等

入犯大清幸得款夷入报预防既入犯大宁知我有备而退及二十二日降夷额克免等约杪花要枪广宁大小黑山双台一带幸新到游击刘遇节升任游击丁碧适至令挑带兵丁数百并麻岩家丁百名设伏以待虏觉从南转东以窥辽沈臣以令箭急传河东总协各将官至二十四日果犯河东长勇堡至梨木山去辽阳止三十里总兵李如柏率官军二千五百余名御之斩获虏首一十三颗而我亦失一坐营官今欲携奴虏之交全在复抚赏之旧查得原任镇静守备近升镇武堡游击王牧民在关三年最得虏情今正安堡额设游击一员镇静关正其所属宜将正安堡游击都司金书麻承宗与镇武堡游击王牧民互相更调则西虏就款而东夷势孤更须立敕枢臣严檄各处徵发并川兵刻期出关以备刘綎之用而近见论东事者逗洩事机亏损国体曩征倭时经略邢玠以是为言彼时邸报非旨不敢发抄况奴酋专用内地之人窥占虚实是不可不为严禁 上曰该镇虏患方殷援兵未集前议调各省镇兵马尔部即再移文马上传与各督抚官作速挑选刻期赴辽听巡按御史查点核实以备调用如仍前玩缓逗遛着部科及经略监军从重参处近来谈东事者多掇浮辞无裨实用相应禁止如有游客诸人妄言荧惑及擅自抄传洩漏军机者在内着厂卫城捕衙门在外着御史及管关主事严行缉访重治

○准原任广西巡抚张任曾孙张景韶补荫 ○南京礼部右侍郎沈<□□> 崔>以三年考满复职

○加升冀宁道参议魏说为山西按察司副事照旧管事

○起升徐可求为太常寺少卿添注升潮州府知府陆璠为广东副使升广西参政张所望为广东按察使

○湖广参政吴国仕致仕

○给原任大学士吴道南诰命

○补给原任山西左布政使王述古恩典

○准原任贵州巡抚王体复男王椿入监读书 ○以原任参将郭登选为游击仍管喜峰路参将事革李家谷关守备魏允高任回卫黄土岭关提调苏从诏量调腹里从蓟督汪可受之请也

○以原任四川副使梅国楼降补江西佥事

○准原任刑部侍郎詹仰庇子洪鼎送监读书

○戊字库太监王用言军器匮乏 祖制当遵 上谕该部曰王恭二厂预造盔甲五千副不行交进以致胥匠人等朦朧给发姑且不究着两厂照数补还进库以备营军兑换其各省拖欠粮钱都着作速起解

○丙申革高家堡参将贺成任孙谏等戴罪管事以狡虏入犯损伤也调神机营游击鲍承先管五军营领本营兵马三千四百赴蓟镇防守从按臣王象恒之请也

○山西灾荒总督杨应聘以开纳宽逋为言户部以闻上曰开纳依议行其逋欠饷银着督抚官严行参罚毋事姑息

○怀宁侯孙承荫奏讨故嫂徐氏夫人恤典 上令照例与祭二坛开圻合葬

○周王肃溱蜀王奉铨等奏讨典宝官及教授印信从之

○丁酉礼部以 皇太子千秋题天下文武百官至日具朝服赴文华殿行庆贺礼

○兵部题覆御史潘汝祜蓟镇十款除勘功另< 足 铨 金 >外其一曰补练宜速自辽事急蓟兵调发者非各标营选士则入卫西兵也本镇空虚允宜募补至西兵入卫者议发京营选锋军三千余分防足抵西兵之额矣即事平撤回此九标十二路逃故者不难安顿此数千人也一战调宜审各边皆以斩级为功而蓟门独利用守往戚继光镇蓟时两出塞而两失利关臣禁诸将之出捣而励以迎击真得以守为战之策至石塘路满且巢穴甚近今南兵台止四五名南将朱万良又何可调之东援一要地宜防蓟门重山叠嶂险固足恃而当其隙木栅浮梁敌台火器之设亦备关臣又欲增城垒集长戍协营标营更番贴防骑射枪炮不时演习更为虎豹在山之势一侦察宜明蓟镇旧有直拔横拔直拔深入虏穴察其情形横拔沿边瞭望接续飞报自款贡日久虏帐渐徙直拔往赉米布托处属夷帐中凭其口报其横拔又狃小利或散而砍木采菌多为夷所扑捉关臣议欲责成各道核其探报虚实以为赏罚而台兵烽军亦按籍查点有离信地及占役买闲者并罪一南兵官恤南兵有台为家其守了最勤而粮亦最厚今裁南将而分属于四路之参游守提苛求愈甚臣在密云时南兵之补额发台造粮散粮等项俱属之该道路将守提止任稽查不任收革至台操原为演习技器而将多假此占役臣在蓟门止令南将就近操演辰操申归守了无误关臣所谓画地而分操计日而时操盖此法也一夜巡宜议村堡离边或十余里或数里山麓至顶巡逻不及臣在蓟令防堡马军每夜轮流十名每更二名各携一炮于径口巡逻遇警急放令其台烽知觉堡军惊醒可相应接而虏亦知有备关臣欲堡民编立保甲每夜轮流十名周巡堡城之上亦望相助意也

○一夷市当防夷市贸易不独资其板木之利亦借此以羁縻之也无柰奸民充换手者愚木夷以罔利而夷人又假卖木窥探关臣议迁安遵化外并不许营充又欲以建昌营移居南营城内人马二分守桃林一分守冷口庶夷无所施其冲突然建昌营已并其兵马于山海矣合行该督抚覆议施行一咨格宜破武弁原不可拘其资格因纳级一途多走幸门矫枉者一切禁格武健之夫遂无繇进关臣所以有破格之议也合行各督抚衙门咨用纳级务详开其履历功迹如经手格剧盗者亦得以杀贼论其非繇督抚咨用无战杀功者本部概不许推庶搽罗广而钻刺杜一军力宜养自大将偏裨至于中千把总等官递相攫取虽严禁不止然工于渔猎必巧于弥缝该道亦安所辞其责所应一并申飭者也诏俱依议行

○戊戌经略辽东杨镐奏回乡高得功等报奴酋约在七月初三日犯清河一带收割田禾才往北攻金台失去又于抚顺关外三十里筑一大城屯兵臣随发游击刘遇节祖天寿保定总兵王宣及领兵马前去防援而开原道冯瑗言过沈阳正值西虏入犯临敌逃回者惟援辽游击杨钦所统为多而援兵如李为栋一千五百亦无实用已将杨钦

收一以同心责将领以镇静定人心一以成谟定战守谓目前宜明间谍谨斥堠饗其全力迨兵力既厚乃可言战

○改铸广西都指挥印信

○鸿胪寺言寺属求差非宜乞敕停止 上曰寺官职在朝仪如何纷纷求差自便以后都着停止已差去的便催他上紧前来供职

○原任刑部左侍郎吕坤卒坤河南宁陵人登隆庆辛未进士繇县令入为铨部郎历藩臬巡抚至今官翱翔仕路者三十余年居林下二十余年而天性忱恂居身谦素有古人风马

○改造四川布政司印信

○正阳桥坊告成命侍郎林如楚行礼

○以张鼐为国子监司业 ○癸卯署礼部事左侍郎何宗彦以浙江江西湖广陕西四省试官久无俞旨率属叩文华门以请不报

○原任太仆寺少卿吴炯捐赆一万两助边 上以炯忠义可尚命旌表之

○甲辰 成祖文皇帝忌辰遣官祭 长陵

○礼部奏 万寿圣节及 皇太子千秋节在京文武人等及天下诸司官员例有宴赏 上命照例给与

○升延绥参将麻承宣为洮泯副总兵昌平游击周斌为石门寨参将洪水游击李维新为高家寨参将江西都司王云鹏为福建北路参将榆林提调石勋为蓟镇右营游击昌平坐营邹国威为宣府旧游兵营游击宁夏古水井守备孟应熊为甘肃威远堡游击

○夜京师大雨雹

○乙巳南京兵部等衙门题武库司主事石应嵩恤典以筑浦口城工身故也

○湖广巡按彭宗孟奏两江挑难已深论贵抚张鹤鸣摭诬脱卸开衅规避乞下部查勘以责成功

○与辽东总兵官右都督麻贵祭葬

○丁未大学士方从哲奏昨六月二十五日京师地动正在宫阙之间况 圣寿届期赍捧朝贡之使鳞集班行寥落曷耸观瞻乞将会推诸臣陆续点用各官候命者尽数推补新考者即与授职向来林下废弃诸贤亦宜次第起用以信诏旨济时艰不报

○督理京营马政少卿陆万章以病乞归许之

○升江西右参政沈演为按察使肇庆知府陈谟平阳知府傅淑训各本省副使

○准御史骆骏曾改给诰命

○贵州巡按张鹤鸣考满上命就彼复职

○与原任广宁阵亡总兵官张承胤祭九坛加祭三坛赐谥立祠旌忠 ○差行人苏琰往乐陵王府行人崔呈秀往德兴王府各掌行丧礼员外劳永嘉往吉府造坟

○准原任太仆寺少卿申用懋祖母费氏恤典

○革参将董用武万全守备王承祚任以抚臣周师旦论劾之也

○董家口提调李成名以纵军私采被夷杀掳多人按臣劾其罪拟戍从之

○戊申大学士方从哲题顺天乡试今仅半月而国子生尚未考试原任祭酒盛以弘卧病不能视事新推司业张鼎在籍未能猝至查得近日吏部会推祭酒张邦纪见任左春坊左庶子一奉钦点便可到任乞赐简发令刻期考较庶不误大典

○礼部题齐庶口粮分别革除如庆焯等二十四名已经请名应照旧支給守谏等七十六名未经请名应咨部汇题奏请支給至睿炆等三百一十名掣名关领尽应革汰以后三分各择年长者一人按季报部本部造实在册咨送户部方准支給从之

○奴酋攻克清河堡守将邹储贤张旆死之储贤闻奴将至议婴城自守副将张旆守堡官张云程请战不听贼用大木板靠城从下穹墙以入事急储贤斩马燔宫率亲丁战于城南叛贼李永芳招之不从张旆亦力战而死其中军千把总韩天锡何良有等二十员兵民共约万人皆陷没时救者尚在数百里外独贺世贤自爨阳驰赴遇贼剿其一栅斩首一百五十一颗

○辛亥兵部奏真定巡按所辖紫荆倒马龙泉三关内护 神京外控绝漠七十二口在在与虏相通阅视之典三年一举所以澄清将吏整饬边防顷按臣刘廷元已经报满例不复阅乞速点按差刻期交代以饬秋防

○四川巡按吴之皐奏先黔抚张鹤鸣议割四川之乌撒军民府改隶贵州欲开采天桥矿厂以充军饷奉旨下部行臣等会议随据乌撒军民府土知府安效良称卑府自隶川省二百余年一旦闻改隶开采夷民俱不乐从说者谓王应星等为水西暗用细作欲藉此生变故有是奏臣等为边疆虑不得不详察其利害 上下部院议

○四川巡按吴之皐奏叙州知州等官以后应选授甲科下部议之

○四川巡抚饶景暉奏松藩卫指挥余洪绪抗令违法罪应戍从之

○皇太子妃郭氏奉安神位命礼部右侍郎韩爌行礼 ○直隶巡按潘汝楨以贼夷乘夜传烽侵犯问过提调郭东镇边卫充军下部

○以神机营右副将赵维翰注前军都督府带衔

○升苏茂相为太仆寺少卿吕兆熊为光禄寺少卿

○原任贵州巡抚郭子章卒子章江西泰和人登隆庆辛未进士繇李官历郎守藩臬填抚黔中后以平播功加大司马袭金吾文章勋业亦烂然可观矣

○以何熊祥为南刑部右侍郎许汝魁为南通政使王永光为南大理寺卿

○壬子大学士方从哲题近来听补科道诸臣该礼部都察院陆续题差已蒙钦允其前次考选者吏部亦已咨送都察院各科俟缺挨次题请惟是散馆拟科暴谦贞等三人乃臣等阁中所选不在考选之例栖迟四载弹冠无日望皇上即将暴谦贞等查照部推允令授职或照考选各官之例令吏部类送该科一体候差题补庶于政体均平

○大理寺奏讞逆犯康自然狱 上曰康自然着便会官处决骆思恭提督缉捕有功并原办官较候年终查叙

○以山东右布政陈德元为湖广左布政

○四川巡按吴之皞题崇汉绵简四州派定丑未辰戌年轮流入覲下部议

○革抚顺游击陈九围任以把总杨汝达升补从经略之请也又言马长春委系阵亡尤世功罗万言卜自绩虽负重创犹堪策用俱下部议 ○癸丑怀宁县黑狗产一灰色小狗长五尺高四寸一头二身八脚状类人

○甲寅兵部尚书黄嘉善言经略杨镐咨称奴酋精兵约六万余而辽东全镇额兵不过六万除城堡驿站差拨外实在仅二万余又各有防守之责今合蓟镇援兵仅三万余选调宣大山西延宁甘固七镇兵马一万六千蓟镇各营路兵丁数千及辽镇召募新兵二万通共未及八万将来分派数路不免气势单薄今刘綎议调各上司马步兵丁通计二万有奇皆本官统驭旧人矫捷善战然其中有不得不裁者如严宗传之羈囚奢寅之跋扈并平茶邑梅石耶罗华罗用王朝臣等兵云南李倬部兵象奴五十人广西识杀药解药四十人苗刀三千柄并可免调以省琐屑总计征调汉土官兵共九千八百二十九名即以参将吴文杰等分统之星夜兼程赴辽一切安家行粮或借支本处堪动银两或那给解京钱粮庶于危镇有济 上曰这议调土汉官兵便移文马上星夜行与该省抚臣务要挑选精锐曾经战阵的即刻期调发依限赴辽毋得徒取充数虚糜粮饷领兵官日要严加铃束不许沿途骚扰事平一体从优叙赉其安家行粮犒赏等项俱依议

○江西巡按张铨言李如柏杜松刘綎诸人以宿将并起势不相下必得天语严切责成杨镐使之约束诸将如临敌不用命者偏裨以下以军法从事大将即夺其军列状奏请庶可作其敌忾之心抑其跋扈之气至张承胤不量而进丧师辱国死何足赎梁汝贵颇廷相突围而出见夫主将陷阵而死差快人心宜加优恤其阵伤而死者次之退缩而先奔者戮之若李维翰纵不逮治亦当斥职以为夫事之戒

○命编修林欲楫吏科张延登简讨成基命工科范世济编修马之骥刑科陈伯友员外杨一鹏行人司副刘时俊往浙江江西湖广陕西典试

○升张邦纪为国子监祭酒工部郎中沈朝焯为四川参政谢肇浙为云南参政泉州知府蔡善继为漳南副使

○补福建道御史曾陈易真定巡按命屯田御史卢谦山东监试

○户部奏覆起运京边钱粮 上曰钱粮以到部为准若止云贮库起解凭何题覆以后各司不解的着照例查参其金解作弊的依议严行追并

○山东巡按杨一桂以辽事自劾罢职 上命回籍听勘 ○太仆寺言营马倒失数多 上曰这马匹倒失数多皆繇各将领玩视不行查报营伍何赖以后着不时严核有仍前纵容的参来重治

○乙卯户部奏辽饷会议三百万今内帑之请发南北部寺之那借才得二百三十

万此内未发解者尚多而数月内调兵安家等费业已用过五十三万有奇是二百三十万之内又去十之三矣前科臣条议借饷三事除差官督饷臣部已移咨各省直掇刮刻期起运如有违玩另题差官未晚其俊秀输贖则东省救荒曾行之衙役工食之半裁往岁征倭亦一行之乞亟赐俞施行庶边饷有济 上曰这所陈措饷三事委于边计有裨都依议行待罢兵停止 ○经略杨镐奏清河在四山之中地极孤悬东距宽奠南距暖阳西距辽阳北距沈阳清河破则宽奠暖阳愈不可支除臣一面挑集广宁及外城各营兵马即日赴河东策应外然非关西兵马速进不足遏其长驱也 上曰贼众攻围城堡势甚危急各镇援兵着陆续星驰出关并力防御不许逗遛稽迟各总兵已到者俱听经略调遣分布信地率领家丁相机截杀以遏长驱如有观望玩寇抗违误事的从重参处偏裨以下不用命的杨镐便以军法从事各项官兵都着马上差人沿途催促前去

○丙辰加西协副总兵李光荣总兵职衔仍管西协副总兵事移驻宁远因如柏既移驻辽阳广宁兵马俱渡河而东光荣以宁前一旅独撑河西半壁首尾难以相顾至是经略请以光荣加总兵衔移驻宁远得以调度锦义诸营兵马庶防虏剿夷兵力不分而动出万全兵部请如镐议从之

○吏部题工部右侍郎林如楚六年考满加授散官从之

○给原任广东布政使臧尔劝诰命

○原任吏部尚书赵焕以病乞辞新命 上以焕典铨公清温旨趣令就职

明神宗显皇帝实录卷之五百七十二

明神宗显皇帝实录卷之五百七十三

万历四十六年八月丁巳朔祭 先师孔子遣礼部侍郎史继偕行礼

○大学士方从哲奏请储讲及补讲读等官 上以寿节在迩天气尚暄待过重阳择吉举行

○升中军秦震夷为陕西靖虏参将游击耿仁为宁夏西路参将守备李逢恩为保定骑营游击徐承胤为密云右营游击把总范景韩为四川巡抚标下游击

○戊午秋祭 社稷遣侯吴汝胤代行礼

○赐原任后军都督府右都督辽东总兵官麻贵及妻沈氏祭葬贵繇大同右卫指挥下舍人至今官屡立战功平倭征倭斩虏三千五百余级蒙钦赏者七赐荫袭者六至是礼臣乞照例给与祭葬从之

○户部奏去岁畿辅之灾不减东省乃东省蒙发帑移粟而畿辅独不沾恩至于屯丁差银国家二百五十年来未有之事此而不止臣恐大乱之端伏于七十二卫之间乞为根本虑特赐蠲赈不报

○兵部奏蓟镇中护 陵京外逼虏穴年来骆驼满旦兀鲁鹁张豕突致三协无日不戒严赖协守东路副总兵高策管松棚路游击事今升参将孙显祖等慨然歼胡自任孤山之战斩首二十一颗诚本镇未有之捷此外东协斩获有五西协斩获有九虽属零

级功俱应叙 上命高策赠都督同知孙显祖仍升俸一级刘翰等二十二员各升赏有差

○兵部奏前年重庆府铜梁县贼犯罗朝进等劫库杀人时知府吴弘业公出而主簿陈继曾付托罔效乞将弘业罚俸继会戴罪缉捕候限满日议处从之

○改升礼部主事谢升朱大启知县张光前叶廷祚为吏部司官

○朝鲜国王李暉差陪臣参判李士庆等奉表笺称贺进贡方物 上钦赐下程着锦衣卫拨马骑坐

○大理寺奏犯人李一鹏等串通内外积书雕刻假印 上命监候处决

○先是二月间交州贼翁兴翁晓拥众寇思勒营那苏村等处声言欲取回四峒地方掳男妇牛畜而去游击王熙失于侦探且久匿不报督臣许弘纲按臣王命璇条奏其罪上命将熙革职听勘

○己未秋分祭 夜明于 夕月坛

○福王常洵奏讨内使 上准拨六名赴王府供用

○以李开藻为南京太常寺少卿

○升山东参政李桧为按察使以程启南补参政从山东巡抚之请也

○升陕西按察使朱燮元为四川布政使副使孙好古为四川参政

○浙江巡抚刘一焜以秋试期逼循例题请鹺臣代行监临许之

○庚申新设辽东饷司以潘宗颜为之命于广宁设立衙门专理东征粮饷

○尚宝司少卿杨述中言近有以空白月日敕书用宝者职以非体驳之奉旨旧规不必更改职思当今弊窳烦多明注月日尚有洗补况空悬以待耶尚宝卿熊尚文亦言此起于制敕房中书汪民敬所为民敬自负江陵考试进阁办事四十余年阁臣行事多少为其所误岂可仍其陋习乞敕礼部查覆施行不报

○差原任江西道御史吉人巡按贵州

○差钦天监博士戴维清往荣府择地安葬后不为例

○升何乔远为光禄寺少卿福建按察使毕懋良为右布政福州知府张泰祜为屯盐道

○赐经略杨镐剑一口先是奴克清河全辽震动而总兵杜松等尚未出关各镇兵马止宣大山西报有起程余俱未报枢臣黄嘉善请照二十七年征刘东旻杨应龙例赐尚方剑总兵以下不用命者得以军法从事仍严敕其兼程出关赴军门调度如有观望误事听经略按臣从重参处 上曰清河被克虏势益张各总兵官尚逗遛关内未既先驱御虏敌忾之忠何在尔部便遵屡旨并各镇兵马都催他星驰出关以听调度着赐剑一口将帅以下有不用命者先斩后奏务期剿灭狂虏以奠危疆

○辛酉命右庶子赵师圣右谕德薛三省充顺天乡试考官

○加鲁府长史赵世典从三品服俸以历俸年深也

○是日宴朝鲜国陪臣李士庆等命礼臣何宗彦管待

○壬戌都察院奏建夷猖獗内应可虞乞将候命御史张泼吴光龙等分点城差不报

○礼科给事中亓诗教奏奴酋克陷城堡用兵诚不宜缓且经略一身安能东西顾而左右画宜令杨镐开府辽阳专以挾伐为事广宁仍设巡抚一员以资捍御庶免他虞

○改铸四川布政使司印一颗

○升周永春太常寺少卿提督四夷馆周继昌顺天府丞南吏部郎中陈龙光湖广参政庄钦邻稽勋郎中大理寺正于之大平阳知府调延平知府赵士许为泉州知府

○补原任江西右布政王志远为河南右布政贵州参议戴燦为四川参议山东副使孙健为贵州参议

○起原任电白县典史朱凤翔添注南礼部仪制司主事

○癸亥兵科赵兴邦奏总兵李如柏在辽阳既知奴犯清河乃舍清河而防懿路出奇应敌固如是乎若援辽总兵麻承恩不闻其驻防何城应援何处又大不可晓兵部亦< 䟽 疏-金 >论之上曰该镇再失城堡虏势益炽皆繇大将威令不严以致诸将全无戒备误事如此边疆何赖李如柏姑免夺职戴罪管事督率将领奋力杀贼以赎前愆调到各总兵俱已出关着经略杨镐酌量分派领兵若干驻劄某处无事严加防守遇警并力截杀遏其深入务令各有专任庶便责成俟援兵齐集再图大举贺世贤斩获有功候巡按查明即与优叙

○经略杨镐奏贼陷清河时暖阳千总陈大道高炫等闻风擅离城守已经梟示乃宽奠逼近虎口城小兵单人鲜固志已令搬移辽阳或暂移山城粮米不能搬者俱令焚毁为清野之计又近获奸细知贼一二日欲犯沈阳臣一面佯书白牌分护宽奠一面与镇道谋守沈阳以待援兵之至兵部尚书黄嘉善亦言援兵俱有限期今屡催不至尚可辞于逋慢之诛且阅宣大山西咨文各兵行粮止日给米一升五合折银一分五厘长途疾走不得一饱宜此外再给盐菜三分以充兵食 上沿边城堡以后遇有虏警着将领等官督率军民竭力死守庶可保全若预先迁徙谁与抗贼着经略严行申饬再有这等守堡官斩首示众援兵行粮除给米外作速补给盐菜三分勒令依限赴援稽迟者定以军法从事尔部便移文各衙门一体遵行

○鲁王寿鉉进马六匹金鞍一副贺寿

○吉府世子庶第一子由栋奏父常淳五月初三日薨逝因乞祭葬请封爵下礼部

○甘肃巡抚祁伯裕查参越世袭职甘州卫千户巨印革职

○命尚宝司卿熊尚文礼部员外朱彩往河南户科给事中李奇珍户部主事吴伯与往山东吏部员外唐文焕兵部员外陈腾凤往山西各典试是年南京及河南湖广山东山西俱请改试期以被命独后也

○差御史王九叙巡按山西

○甲子 孝康敬皇后忌辰遣官祭 泰陵

○户部尚书李汝华议移文湖广及各省直将采木所借及监监等银俱借一年以充兵饷

○赏给番僧工哈冬竹等段疋银两有差

○戎政尚书薛三才奏修车营战车火器铳炮等项委兵部才干司官一员同工部厂官监督而验视属之巡视科道庶官有专责工无冒破

○升神机营佐击朱国彦为昌镇左车营游击

○乙丑以 万寿圣节颁赐辅臣金银万寿字各二副金篆字八个金书红符一道

○先是督抚经略移咨朝鲜国王令其简练兵马听候调发王先后遣陪臣回咨具奏皆以虚文抵塞杨镐却其咨至七月乃遣刑曹判书李度全赉回咨二道言奉檄已凑合万兵候期发送但查成化二年及十五年两奉调发俱有降敕之例今亦祇候敕谕进止且请留焰硝以便杀贼又拟进马七百匹应用因奉其国王李暉〈諱 毓-金〉言三苗不率何害舜德獯豸匪茹宜举周征小邦君臣自辽鄙有耸举国愤惋今值王师大举愿执殳前驱以图报效于是兵部黄嘉善议覆请照例降敕以嘉其奉命之恭焰硝斟酌给发以充彼援兵之用所输战马照数给与价值不必以硝黄扣抵以伤我中国之体上皆从之

○升毕懋康为顺天府丞山东按察使景昉为河南右布政

○丙寅 孝慈高皇后忌辰遣官祭 孝陵

○总督蓟辽汪可受言蓟保援兵已经六次遣发盔甲马匹器械抽选略尽况经略已驻辽阳副将又移守广宁山海之外藩益薄臣不得已以所募标下力士二百余名操防于关外之八里屯人添募兵一千四百委原任参将王文鼎统练以防近边不测乞敕该部早为内地保障计 上曰援兵东行近边空虚可虑汪可受便严督道将等官加谨防御务保无虞

○应天巡抚王应麟奏苏松常镇按臣三年久悬乞将原推御史熊化点用以资弹压不报

○以 万寿圣节遣怀宁侯张承胤等往 长陵等陵行礼

○升永昌参将祁秉忠为凉州副总兵琼崖参将何斌臣为漳潮副总兵守备胡遵荣为神机十营游击把总陈文炆为钦州游击神机坐营张邦铤为扬州游击游击颜尚久为大同东路参将沿河口守备王国士为遵化右车营游击

○丁卯山西提学副使吕纯如请以宋资政殿大学士范仲淹我朝霍州学正曹端从祀言仲淹为谏官不附大臣意向为执政不受台谏推举劝明肃尽母道仁宗尽子道请营汴城以备缓急广置义田以贍贫族捐南园胜地以为学舍请天下州县立学以祀孔子学行纯笃吕本中推为宋朝人物第一曹端学以主静为功以实践为教因父佞佛作夜行烛以喻之谓佛氏以空为性非天命之性老以虚为道非率性之道教霍十年不

谓各省司库与两直府库不拘正项尽从权借者有谓广开文华武英中书事例准其题差以劝来者有谓议助于富民题给冠带坊扁散官有差者乞下部议以济急需

○赏赐番人戎萧等段绢有差

○升御史王以宁为福建参政刘策为河南副使

○中秋节颁赐辅臣上尊珍饌露酒月饼等物又以 圣节赐辅臣银五十两彩段四表里

○壬申大学士方从哲率内外文武官及赉捧贡使于五凤楼前行礼次日又恭诣仁德门称祝毕 上遣司礼监管待赐尊饌有加因陈时政数事 ○蓟辽总督汪可受以清河夫事自劾 上以用兵方殷着其策励恢复毋得推诿误事

○ 上初以山东海运脚力繁费命为停止至是东抚又奏海运另有一途自登开洋望铁山西北口至羊头回至中岛至长行岛至北信口至兔儿岛至深井至盖州剥运一百二十里至娘娘宫起陆至广宁一百八十里至辽阳一百六十里每石连杂运费不过一两部覆以为开之便从之

○甲戌陕西巡按傅振商奏四月二十二日苑马寺广宁开城黑水清平万安等六监冻死牧马一千一百五十四匹牧军二十五名灾异不让固镇请量行赈恤其四十一年至四十五年应补驹马量于丰岁带徵庶民不疲而牧政修举

○革参将姚世贤任以督臣汪可受论劾之也

○以神机二营游击鲍承先改充五军二营参将领官军三千四百六十四员名赴蓟辽

○改造华亭县印信

○有台军宋满仓同夥张得玉盗大铜炮一位被巡军捉获兵部以闻 上命下法司

○升张文光为光禄寺少卿武之望为南太常寺少卿李成名为山东副使

○差御史薛贞巡按河南 ○乙亥贵州巡抚张鹤鸣奏土酋酿祸日深仇杀欲起乞严敕禁谕切责水藿安置陇氏祖孙以息兵端

○丁丑山东巡按陈王廷劾援辽总兵麻承恩当清河被围藉口道檄急奔开原且纳抄花部落百余人以桃虏衅乞革任议勘以儆积玩

○戊寅 宪宗纯皇帝忌辰遣官祭 茂陵

○山东巡抚李长庚奏水兵调撤援辽要地疏防非策请另募六百名并遗下三百余名共凑一千之数立为三营以备目前秋防从之

○以原任四川副使郭之琮为陕西副使河南参议秦一鹏为副使

○以编修施凤来为南京国子监司业

○赐成山伯王国柱祖母陈氏祭葬

○己卯广西巡按俞海奏臣巡历南宁见邕城距上思仅数十里羽檄交驰筑营列

成势不容缓是以有那堂平从那懒之役下石西等州久困蹂躪是以有卜筑馘毒岭之役而饷拙兵单孤城难固不得已始募兵三百留戍梧兵四百添戍那堂等营又拨募兵四百调土兵一千安插馘毒岭一营然目前尚有应议者二曰定徵发以寒不轨申飭各土司分别大小远近出兵防守堵截不用命者罪无赦曰别功罪以坚内附每遇三年贡期令开报管理禄州职司有无纵贼入犯听左江巡道查劾以别劝惩从之

○庚辰淮安府沐阳桃源睢宁等县扬州高邮等州灾漕运总督王纪以闻

○广西巡按俞海奏粤西兵饷全藉盐利臣入境查得四十二运衡永保庆不到商名总缘积棍诡名观望合行预报殷实各商的名照股分派依期领运如违限愆期管盐官移会究革召新商顶补而又置造大船一百五十只以需督运之往来搬驳使官得操其柄又仿漕规设立限单生还限三四个月一年两运可复而水脚亦省督运官以迟速分别举劾庶于盐政有裨

○辛巳差主事窦可进解漕折银六万两至山海关预备粮饷

○刑部以该年审决请 上曰今岁各省直俱暂免刑

○上谕工部曰这抵织袍段系上用并婚礼等项急需已有屡旨明白该部如何恣肆抗违姑且不究着遵照屡旨作速行文苏杭等府上紧僦织分运解进以济急用如仍前延缓必罪不宥

○引选过主事丁翹楚等共三百九十五员

○加升密云道副使喻安性河南按察使职衔留任从抚臣刘曰梧之请也

○升工部郎中王好善贾宗悌兵部郎中龚承荐为凤阳潮州延平知府

○命伯赵世新陪宴喇麻番僧

○兵部题原任沈阳游击尤世功姑令照旧管事陈九图等革任回卫把总杨汝达升备倭管抚顺游击事阵亡备御李长春赠二级袭升二级俱从之 ○壬午祭 历代帝王同日祭 城隍旗纛等神

○直隶巡按龙遇奇请重运判之选以飭盐政查弘治间徐鹏举以进士除判官政成升大理丞今三十场间俗顽人险乱萌已见不可不议振举如立社学讲乡约行保甲练灶勇督逋课剪私贩清垦占 < 田 硯 金 > 河道禁科歛剥削等项非分司官莫任乞后纯用甲科或参乡科三年绩最优以行取部属而罢赏郎以杜幸窳 上下部议谓用正途便其迁谪者务以实历催升从之

○青阳县民刘荫祚年十三请以身代父荫祚光复幼子也于是阁部以为言不报

○朝鲜国王李瑋发还漂海人丁时福建商民薛万春等四十一人浮海商贩于七月十九日在福建沙埕洋中遇风以七月二十七日晡漂至朝鲜国王资给遣还具本奏知 上命解发福建巡抚衙门审无通贩情弊即便省发

○癸未云南巡按潘浚奏滇金自嘉靖十三年始岁贡二千两至万历二十一年加三千两共五千五十两岁支粮差等银采买加派凑处以足之商人裹半岁粮穿虎豹窟

往市于川狭远方计盘费铺垫杂用每金一两几费银十两查弘治元年镇守太监王举欲金镶宝石帽顶御史以为言 敬皇犹亟为谕止柰何骚扰百姓以供朽蠹之积乞将贡金蠲免或照嘉靖初年例以纾全滇之困不报

○上谕兵部曰近日辽东虏情何如贼既暂归正宜乘时修备以防再逞各总兵俱已出关见今驻劄何处各镇援兵曾否齐集着经略速遵前旨分派信地使人有专责不得推诿遇有虏警务要同心协力互相应援期于外挫贼锋内固城堡总俟刻期大举以图全胜事平一体从优升赏如有观望失机及忌功坏事的必罪不宥各处调来兵马着将领严加约束沿途不许骚扰违者听地方官参来重治

○升祁伯裕兵部右侍郎兼都察院右佥都御史加正二品服俸照旧巡抚

○淮南礼部右侍郎沈_{〔〕} 奎父沈节甫追赠资政大夫

○加升宁夏河东按察使张崇礼左布政靖边兵备张舜命按察使俱以考满也

○分巡河东盐法道梁应泽奏敕书被火命照旧补给 ○户部覆总督王纪题押运官右参政翟师雍等副总兵公国光等纪录从之

○刑部覆奏南京等衙门高涌等问过擅越皇城偷盗禁铜曹学等斩罪从之

○赏赐朝鲜国陪臣段绢衣服有差并敕陪臣申堤等回国

○吏部题议举人教职会试一次有荐升转著为令

○乙酉差左府经历沈侍卿往秦府造坟

○山东巡抚李长庚尚宝司少卿杨述中太仆寺寺丞田凤仪陕西肃州兵备副使李应魁河南道御史王象恒等各三年考满复职

○淮安府同知王万祺等庆贺不到被御史糾劾 上命各罚俸三个月

明神宗显皇帝实录卷之五百七十三

明神宗显皇帝实录卷之五百七十四

万历四十六年九月丙戌朔礼部右侍郎韩爌言御史刘光复为臣戊戌分闈所取士其令诸暨巡京营按晋所至皆举其职窃以圜上聚教能改者一年二年而舍三年而极况光复愆仪薄罪 圣明原非有意过督之也乞赐释放不报

○顺天巡抚刘曰梧奏援辽总兵张万邦参将庄莅民所部柴禄等骚扰驿递市舍所至凌虐奸淫无所不至兵部以闻 上曰军士沿途骚扰残虐地方将官纪律安在张万邦庄莅民姑令戴罪立功柴禄等着巡抚提问治罪以后调兵经过处所着有司预先戒备设法安插勿致饥寒违者参处若军士不遵铃束仍前抢掠生事该抚按即将领兵官参来梟斩正法尔部通行各衙门一体遵行

○兵部题朝鲜国釜山镇水军金节制使吴大男呈去年十二月间本国差役自日本同马岛倭子橘智正带刷还被虏人口三百二十一名回来说日本国王源秀忠承籍其父家康余业欲得本国信使及言剿杀秀赖为小邦灭讎等情拒之恐成讎恨因依前差送员役之例报答随据回役称同橘倭前到马岛主平义成等备船引路渡三大海见

秀忠因探得乙卯五月家康率兵三十万攻秀赖于大坂秀赖兵败入保内城家康凿地通道从中放火秀赖及将士烧死无数是后尽以所亲分据要地易置诸将及倭来京之时自提关东兵十余万据住伏见城池而又令六十六州倭将领所部来会但秀忠怀疑虑诸将亦不自安尚未定关白位号并将见闻申奏该部议朝鲜与倭仅隔一水律以与国之谊释旧怨而修新好岂非至计但倭奴诡譎叵测当秀赖新灭位号未定频请信使以相夸诩若其往来频数乘我不备俱未可知兹据该国< 倭 铎-金 >称遣使报答彼国欢顺但被虏原称三万七百余名今刷还者才三百二十一名即此便见倭好难凭所探事情果否是的但已通好势难拒绝惟是外示羈縻内严备御则该国君臣事耳况迩来该国协力讨贼内或空虚安知倭不旁睨而生心合候命下移咨该国务要愈加堤防毋使岛奴通使频频得窥虚实亦毋使奴酋潜通声息至为响应庶氛祲消而箕封可固从之

○兵部奏援辽总兵麻承恩抚顺之役旧抚嘱其策应则驰去清河遂致张承胤全军覆没今闻清河之报藉口道檄驰去开原致清河将吏一时陷没请械系至京明正典刑至武靖游击文明象称病不前宽奠游击祖天定瑗阳守备徐九思听民出堡不禁俱宜严行查处

○浙江左布政萧近高东昌副使杨思谦俱致仕

○准郑大同赠刑部尚书荫一子入监读书

○准补给已故湖广左布政王一祜诰命

○戊子大学士方从哲言臣于八月初请皇太子开讲因奉旨待过重阳择吉来今重阳节届庆典已完臣谨择得本月十一十六日系开平吉旦皆可进学望钦定一日命皇太子照旧出讲并所催东宫讲官左赞善徐光启并赐简发 上曰所请十一十六二日俱无入学之吉还另择吉日来行

○经略杨镐奏前月十三日辽东宽奠海盖间地震又据朝鲜义州镇节制使李善报称侦探得奴酋议发军兵于八月二十日攻辽阳广宁等处不战直抵关门如追逐引出旷野厮杀等因与前地震前后相值乞敕文武将士倍加戒备

○尚宝司少卿杨述中以弟述程先以山西佥事考满赠其父正五品而已系从五品伏读 大明会典一款两子当封从一高者若以弟而格兄之赠子情终无繇伸查万历十八年四川道御史孙鸣治有弟名教以推官考满赠父孙起七品职衔后治以御史考满准改敕命近来给事中商周祚以知县考满荣其所生后以给事中从七改给皆自外改内繇正改从乞敕下吏部比照前例改职父如职官从之

○己丑 孝恭章皇后忌辰遣官祭景陵 ○兵科给事中赵兴邦奏援辽总兵李如柏闻警不援清河而防懿路退缩观望与麻承恩一律经略诸臣未明言如柏罪案恐不足以服承恩之心刘綎柴国柱官秉忠逗遛关内不闻出关督臣何不严行催促贺世贤如果中途遇贼剿杀牵制贼不得乘胜以攻辽阳则当优录示劝万有孚一月之间

报买马五千匹陆续到关则各将在关者不得藉口无马不出矣而直隶巡按王象恒请以援兵诸将敕兵部限以日期抵关赴辽庶地方无扰而辽阳得一臂之用不报

○命抚宁侯朱国弼承袭祖爵

○巡视京营科道吴亮嗣唐世济言三备兵营及巡捕营共占役不下一千余名所费粮饷不费相应尽革一可杜冒滥之门一可抵家丁之费所裨戎政非小 ○福建巡抚王士昌奏劾副使韩仲雍举动乖张秽迹彰著且用赵若愚等造忤煽乱乞改调降处以警官邪下部议

○庚寅霜降遣官 长陵等行礼

○以大理府同知黄廷凤为武定军民府知府

○南吏部尚书沈应文因考满引疾乞归 上谕留之

○改铸华亭县印信

○兵部奏贼陷清河懦将退缩不救 上曰狡夷攻陷清河杀掠甚惨总兵闻变退缩不即救援岂边臣急难之义麻承恩着锦衣卫差的当官较扭解来京待巡按御史勘明议罪文明象着并勘议 ○新升辽东巡抚周永春奏请照宣大各镇抚臣例补中军游击一员隶以标兵六千以壮军中声势粮草于新饷司支給 上下部议

○直隶巡按龙遇奇参劾河南商水知县王揆畴贿护私盐以壅官课乞从降处从之

○壬辰大学士方从哲题近接得经略杨镐书有回乡生员孙弘祖禀帖言在虏寨时闻奴要先后犯抢清河暖阳等处僭号建都辽阳既接朝鲜节制使李善复之报顺天抚臣奸细之报乃知此虏深入之念时刻不忘兼以辽东地震有声明系兵象则战守之具防御之策当万分加谨亟宜先点枢二城差允刘国缙赞画兵事其紧要章奏尽数简出发臣票拟施行至于各门防守京城巡视如嘉靖庚戌故事亦不可不预为之计也

○直隶巡按龙遇奇奏自奴酋发难计臣苦于三百万饷之难足细加撙括亦万不获已之策如臣所按两淮运司赎醵无碍积剩共银六万一千二百有奇已行该司造册委官解部矣然于军兴恐未足济也两淮所应岁解额课政系边储而存积引盐则 祖制议留以待边事之急为开中客兵之用自鲁保揆行存积之盐于两淮每年收敛余银十万贡之内帑计十年而百万今两淮欠解边储额正相当若捐百万以助辽饷不过以取之额课者还于边陲便销一逋课之案又计臣请留各方见徵之税思昔年湖广尝以采木题留近来江广诸省尝以水旱题留当兹边疆失利人情动摇之秋 皇上何不急传一檄谕税使及工部凡各省直本年见徵税额除被灾请留奉旨者不议外其余尽解户部转济辽饷庶于危边有赖不报

○准赠原任太子太保礼部尚书文渊阁大学士李廷机官少保荫一子中书舍人其考满恩荫诰命俱照例补给廷机福建晋江人隆庆二年恩贡庚午京闈癸未礼闈俱第一膺传第二为人清谨自守下第时有权相招之西席不赴比位卿相身乏貂饰宅不

○予都察院左副都御史詹沂祭葬 ○丙午直隶巡按潘汝楨奏陈保昌事宜一增防守营兵欲以车营修防之兵移驻该镇一行宣昌会哨法欲于两镇适中之所各千总领兵巡逻交查登簿本道月终查处一定考核移将欲以永南二将属蓟差考察庶彼此不敢推诿一核陵军谓陵军旧设三千今无籍可考宜移咨该道稽核差臣点验一筑城堡河岸欲以左哨官军分驻堡城增其高厚而于沿河两岸筑堡设墩翼以营房使了军栖息有地并议紫马津海及移左营于大水谷诸款乞下部酌议施行从之

○户部奏本年锦衣卫军士布花俱折银钱从之

○戊申刑科给事中姚若水以封差行因言本科与刑部都察院锦衣卫相表里内而法司之问拟时有抄酌外而抚按之奏请间行驳参台臣捧敕巡方批限皆出其手金吾奉旨逮罪驾帖悉繇此签其他刑名诸牒日有批发胡可一署无官乞以考选本科周之纲署掌印务不报

○兵部尚书黄嘉善以职方事烦欲仿正统十年例添设该司郎中一员协理司事

○裁革临邑沾化蒙阴等县县丞武定大使蒙阴训导等官从山东抚臣李长庚之请也

○革东协副总兵任日谦任以按臣劾其昏庸也

○大理寺献各省所详重犯童曜等 上命便会审处决有该梟示者照例梟示余俱监候处决

○ 上谕户兵二部曰迩者黠夷肆逆边鄙荡摇朕博访廷臣议调各处援兵共图剿灭今师期已近揆伐将行所赖诸将士戮力齐心殄兹小丑近日抚顺之捷足徵血战之功朕甚嘉焉目今天气严寒边方犹甚深念诸将士披坚执锐暴露沙场劳苦忠勤可悯朕眷焉东顾未尝顷刻忘怀宜霈恩施用彰抚恤除御史陈王庭所请赏功银两应照例速发外尔两部再奏银二十万两题差一官赍赴军前将主客官兵从优犒赏务使人沾实惠士有奋心益摅敌忾之忠早奏荡平之迹刻期给发毋或迟延故谕

○己酉户科给事中官应震奏东抚李长庚加升户部侍郎督饷辽东不便者四不若以长庚实升户部侍郎兼理饷事庶居中易于调度也

○广西巡按潘一桂奏浔贵宾迁间八寨三里之地猺贼纵横两江为梗除一面抽拨相机处置外乞推补督抚道将命抚臣林欲厦照旧供职以资调度剿处下兵部

○顺天巡抚刘曰梧六年考满

○庚戌兵部奏山海关为蓟辽咽喉京师门户今大将东援官兵一空乞将原起总兵柴国柱移驻山海镇守策应其出防兵马应照京营原议拨一千五百名以营将毛有伦领赴防守 上曰柴国柱以原官留驻山海关镇守策应蓟门调发空虚着该督抚严行镇道等官作速募补加谨防御务保无虞

○掌河南道事御史房壮丽奏当今纲纪凌夷风俗怙侈把棍游僧横行充斥奸细潜伏讹言繁兴而各省直吏治窳惰水旱相仍商贾困于榷税青衿把持有司大乘无为

龙天等教无处无之隐然瓦解之势乞下考选诸臣以巡视五城弹压郡国不报

○礼部题驸马冉兴让已经教习九年德器日长宜将主事孙体元等送吏部升补别用

○给河南副使刘策管理河道敕一道

○准原任巡抚梁见孟张偲各造坟以歿于王事也

○准肃世子识鋹给敕管理府事赐吉世孙冠服

○辛亥贵州巡抚张鹤鸣奏黔饷全赖协济湖广积欠甚多乞敕该部议定将屡奉明旨应解五万之数准作三十五年以前逋欠之数不拘恩例以救遐荒仍令速将三十五年以后带徵及四十一年以后正徵严限前来以济急需庶黔地宁而三省赖以奠安

○署都察院刑部尚书李志言河东两浙长芦茶马四差系军储营马所资报满已久乞将新咨候命诸臣点用庶军国有裨

○准南京户部郎中等官方应明等诰命 ○差郎中潘宗颜经历王之佐等领工部银二十万太仆寺银十万赴辽东军前济用

○户部以辽饷缺乏援征倭征播例请加派除贵州地饶有苗变不派外其浙江十二省南北直隶照万历六年会计录所定田亩总计七百余万顷每亩权加三厘五毫惟湖广淮安额派独多另应酌议其余勿论优免一概如额通融加派总计实派额银二百万三十一两四钱三分八毫零仍将所派则例印填一单使民易晓无得混入条鞭之内限文到日即将见在库银星速那解随后加派补入设督饷抚臣一员请敕节制庶军实充而肤功可奏计浙江派银一十六万三千四百三十九两四钱三分八厘江西派银一十四万四百二两九钱四分四厘湖广派银三十三万三千四百二十两九钱一分一厘福建派银四万六千九百七十八两七钱五分二厘山东派银二十一万六千一百二十四两六钱四分八厘山西派银一十二万八千八百一十三两七钱四分五厘河南派银二十五万九千五百五十二两八钱三分一厘陕西派银一十万二千五百二十三两三钱四分七厘四川派银四万七千一百八十九两六钱八分五厘广东派银八万九千九百两七钱八分七厘广西派银三万二千九百两二钱六分一厘云南派银六千二百九十七两七钱五分五厘应天府派银二万四千二百九十一两七钱九分九厘苏州府派银三万三千五百三十五两八钱二分六厘松江府派银一万四千八百六十六两九钱六分一厘常州府派银二万二千四百八十九两五钱八分三厘镇江府派银一万一千八百三十五两九钱九分八厘庐州府派银二万三千九百三十六两一钱八分八厘淮安府派银三万五千九百七十七两二钱五分一厘保安一百六两六钱五分四厘四毫五丝扬州派八千九百一十九两三钱九分六厘宁国派一万六百一十五两七钱七分四厘池州派三千一百八十一两二钱二分九厘太平派四千五百四两六钱八分六厘安庆派七千六百六十六两八钱五分七厘广德派七千五百八十五两三钱五分五厘徐州派七千五十八两五钱七厘四毫滁州派九百八十三两四钱六分六厘三毫和州

派二千一百七十五两五钱二分八厘顺天派三万四千八百五十四两四钱九厘永平派六千四百一十八两八钱一分二厘七毫保定派三万三千九百八十三两四钱二分七厘八毫河间派二万九千五两二钱六分九厘三毫真定派三万五千九百三十六两二钱七分二厘顺德派四千九百七十一两四钱一分六厘八毫广平派七千八十三两四钱三分四厘七毫五丝大名派一万九千六百六十八两八钱一分八厘延庆派三百七十两七钱九分八厘四毫 上曰辽左虏氛未息军饷不敷照例暂于各省直田亩量行加派事宁即为停止各司府官将见在库贮银两依限那解随派徵抵补毋得迟延养兵原以卫民朝廷甚非得已有司官宜仰体德意不许指称多派事平之后不许朦胧再徵有司违者参处吏书等役访拏治罪尔部便通行各抚按等一体遵行督饷大臣着吏部速议题覆

○壬子浙江钱塘富阳余杭临安新城孝丰归安长兴临海黄岩太平天台仙居宁海等县洪水为灾田舍人民淹没无算按臣乞照四十二年留钱粮赈济 ○天寿山守备万寿奏 茂陵失火参奉御刘受等提问下法司

○以九江知府项惟聪升补副使管九江事

○升兖州同知龚道醇为云南府知府

○准河南参政董光宏山东巡抚李长庚等诰命

○癸丑兵部尚书黄嘉善以暖阳抚顺之捷题总兵贺世贤李如柏宜首论王宣杜松马林宜并论柯汝栋尤世功王平等宜次论其他获功员役宜刻期颁赏以激励忠义请于太仆寺马价内动支十万解赴该镇听经略按臣给赏 上曰该镇御虏有功委宜叙赉示劝马价准如数解发将获功员役先行给赏贺世贤李如柏等着巡按御史作速勘奏以便优叙

○甲寅甘肃巡抚祁伯裕奏六月二十九日午时宁远堡东北天鼓如大炮震响一声往西北去又红崖堡地震二次有声如雷

○直隶巡按董元儒以粮运先期乞敕户部将苏州府同知张大武等移咨纪录

○乙卯谕元辅曰卿辅政有年忠清参慎亮节小心惓惓以爱君忧国为念朕素鉴知且四方多事之时正赖卿分猷赞化弘济时艰况今颁历在迩卿为辅弼重臣岂可久延私寓差鸿胪寺堂上官宣谕朕意卿宜即出入阁视事以慰眷怀慎勿再陈其枚卜阁臣诸事朕知道了钦哉故谕

○有长星见于东南其星白气一道形如疋布阔尺余长二丈余东至轸西入翼凡一十九日而灭

○是日京师地震礼部侍郎何宗彦以发帑用人恤典诸事为言

○四川巡抚饶景暉奏水西违旨擅兵深入藿地乞敕行禁撤以靖边圉

○补给山西河东参政梁应泽敕书以本官奏前敕被火也

○复除广东右布政沈光祚

○给原任礼部尚书东阁大学士吴道南原任礼部尚书黄凤翔右都御史蔡应科总督吴崇礼汪道亨侍郎林如楚沈<□□> 奎巡抚张鹤鸣右布政使臧尔劝按察使张崇礼光禄卿李憭鸿胪卿汪民敬副使李叔元参议秦一鹏知府项惟聪佥事张尔基巡按崔尔进等诰命以考满故也

明神宗显皇帝实录卷之五百七十四

明神宗显皇帝实录卷之五百七十五

万历四十六年十月丙辰朔孟冬享 太庙颁历群臣

○差兵部武选司员外董承诏解银二十万犒赏辽左主客将士

○加升肃州兵备副使李应魁按察使榆林兵备佥事张尔基为副使各照旧管事以三年考满督抚保荐之也

○丁巳 孝洁肃皇后忌辰遣官祭 永陵

○江西巡抚包见捷奏八月间奉新等州县蛟灾四出洪水横流漂荡城郭庐舍人民无数因陈宗祿日广宜裁丝绢弓箭胖袄等项宜折湖税宜罢遗佚宜起数事

○吏部以多官候凭日久隆寒渐逼乞敕下科臣以便严限到任

○戊午大学士方从哲以京师地震乞点吏科及差巡城御史不报

○ 皇太子妃郭氏坟工完遣侍郎韩爌行礼

○浙江巡抚刘一焜以江洋盗贼参杭州同知戴日强等罚俸从之

○己未 中宫千秋令节文武百官朝贺命妇免赐辅臣上尊珍饌

○升工部郎中吴大山云南参政

○庚申以许定国为加衔守备赴辽东抚院标下团练兵马于援兵内酌选标兵三千隶之从抚臣之请也

○总督三边军务杨应聘奏废弃高从龙已经参革犹任事如故冒占军丁四百九十二名乞行巡抚提问如律从之

○兵科给事中薛凤翔奏从来未有五年不下之考选三咨并候之言官责辅臣不能挽回匡救于是从哲乞罢斥不报

○广西巡抚林欲厦移驻梧州以病乞归

○河南巡抚李养正以强劫参宗室东川竹山等俱下法司

○辛酉浙江巡抚刘一焜遣兵援辽以挑选四千人分为八营总捕彭天翔为主将领左右中前后五营原任备倭把总周翼明为副将领正奇游三营给以衣甲器械因奏本官职卑难以统驭请加游击备御等衔从之

○巡视十库刑科给事中姚若水言广积库永乐年间土磺尚堪拣用将此项作教场操演并各门取给之需而以召买新磺备军前之用亦可省无限金钱不报

○昏有星如斗霹雳一声陨于南京安德门外化为石重二十一斤而万善乡亦报星石二块重一百三十斤俱存京库

○壬戌差御史毛一鹭巡漕

○表扬节妇田氏从湖广按臣之请也

○江西巡抚包见捷奏奸民鼓噪激散县官参万年知县金时中革任下吏部

○癸亥大学士方从哲奏 瑞王出府成婚已经四载而府地未建何以创维城之业且 惠 桂二王嘉礼在即他日妨于并举乞将礼部所拟地方钦定一处以便择日兴工

○巡按直隶曾陈易奏真定卫正千户崔九功威逼人命律宜遣戍乞敕下兵部行臣提问从之

○直隶巡按王象恒条陈仓漕要务内议设通济库大使一员

○户部奏行五城动支贙罚银两煮粥赈济从之

○ 福王常洵奏其子由崧讨内使 上准给李吉祥等六人往并写书与王

○甲子礼科给事中亓诗教奏昔 太祖高皇帝令四方灾异无论大小即时飞奏又谕博士许存仁曰天人一理必以类应为君者宜下修人事上合天道为臣者亦当修省以辅其君今地震星异一时并见伏愿 皇上专以法 祖为念遇灾知儆除旧布新凡用行政之间治国齐家之道一一嘉与海内更始庶可转乱为治不报 ○兵部尚书黄嘉善以师期将及敷陈五款以赞庙谟一明部署之分一联辅车之势一开受降之途一守芦桥之险一悬重赏之格上曰这所奏诸款都依议行诸将奉命出师义同一体务要并力齐心共图灭贼有功同赏有罪同罚如有相忌相倾及争功僨事经略监军参来重处决不轻贷其悬赏一节还着经略衙门议定条格出榜晓谕以示鼓舞朝廷赏酬决无爽令

○湖广巡按彭宗孟按楚四年不代以病乞归

○准降封奉国将军器调镇国将军融灵朝璈等及蕴矿夫人曾氏恭懿王朝王□薄第三女东燕县主等各诰命

○河南巡抚李养正参彰德卫指挥陈寿剥害军匠拟照边方立功例五年还职从之

○差少詹盛以弘往肃府致祭

○差御史吴允中巡按湖广

○乙丑彗星出于氏如鸡弹大长丈余色苍白尾指东南后十数日转指西北扫犯太阳守星入亢七度一十分又三日渐往西北方行尾扫北斗天璇天玑文昌五车等星逼紫垣在亢六度至次月十九日始灭

○旦又有花白星见于东方与彗星为二

○礼部奏湖广提学副使葛寅亮所取士文字乖异宜将黄中道等降青衣待岁考定夺其已中者罚压二科会试本官应下吏部议处从之

○户部言兵饷一再议而仅得二百三十万今解者已及一百六十万现存者仅南

部三十五万北兵工之六十万大征未举而支销几尽况调发诸费一切倚办前科臣条议十四款内除河工原借银淮安仓四税银各省直协济银具题奉旨外如南兵部之库贮操江之存剩后湖之赎缓滁州行太仆寺之马价河道之余积山东河南漕折之扣存两淮库之余盐及河工银此七款者皆可那处故臣前欲于南兵部河道衙门各借解二十万其余听酌解一半若各钞关之节省赢余各省直无碍之搜括两殿中书之议差以风援纳士民输助比例山西赈荒事例举行前< 〇〇〇 铨-金 >已娓娓言之乞早简发以裕军需上曰这七款俱依议如数取解以助军需人臣义在急公各衙门毋得执争误事

○吏部以察期渐逼科印虚悬乞将原推赵邦兴诸臣点用以襄大典

○丁卯顺天抚臣刘曰梧奏顺永二府为京师股肱辽事初起二府先被徵发清河之没蓟兵独多且援兵繇蓟者抢掠诛求家家疲敝乞下科部酌议免此一隅加派以巩陵京而科臣以为请免例不可开独是勤王战没供应蓟独偏多或于原派数内姑准一二宽徵他自不得援为例也从之

○江西巡按张铨奏张承胤不知奴之诱我轻进取败是谓无谋猝与敌遇行列错乱是谓无法率数千之众不能死战而束手待毙是谓无勇昔赵括长平之败其毋请无从坐任福好水川之败韩琦自奏贬秩则承胤为不宜恤而张旆果以力战死邹储贤果以骂贼死又当别论不报

○浙江巡抚刘一焜奏停免袍段补织 上以袍段系先年暂免未完额数今该局题称上用及婚礼诸大典并各节赐赏所需历年应用将完见今缺乏难以停免通照分派上紧僦织分运解进济用勿得稽迟

○直隶巡按董元儒奏陈漕运六议一专责回空于管河各府佐令其躬亲催僦逐程交割各具船数日期呈报以凭稽查一酌建仓廩于每府水次委才力府佐一员董理粮务将徵完运到日期揭报粮道粮道亲临核验收贮俟军船到次兑发庶官军无所施其勒索一曰申严职掌间徵之始先行文州县令其依期徵纳详验米色取印结申报本道间行掣验至于开兑之日本道移镇水次严督管粮府佐一以参处之法绳之庶人心自肃一曰裁省押运浙江设有押运都司僉书一员仅于开帮之日官旗过堂点名既无控御防护之功且有骚扰诛求之害何如省之俾得专精屯局也一曰议建闸座济宁以北自戴家湾闸至临清砖闸相距三十余里河势陡泻宜于适中秋家楼处建石闸一座而又于王家浅回龙桥诸处各建一座于鳌头矾前另凿月河立小闸以资蓄洩庶回澜一倒水势自平一曰< 〇〇〇 铨-金 >浚白河天津至通州计五十九卫浅每年额派各州县卫浅夫一千七百余名费工食万余金宜将额派银两解通惠河衙门转发管河通判及四总委处募夫浚筑自潞河以至津门画地分工勿令衙役经手即衙军亦以此法行之查无浚筑实功即扣留月米雇募充役庶夫无虚冒年终各官听部臣举劾而又编选旗军分别三等以正丁领运以余丁帮贴庶漕运有裨该部是其策 上命俱依拟行有司怠玩误事的各御史据实参处

○左布政使王在晋副使尹伸刘遵宪潘润民李叔元知府胡一鸿各考满

○直隶巡按董可威参运官戴天锡等过淮违限应分别罚治

○准原任大学士已故殷士儋孙殷启贤补荫及原都察院宋应昌孙宋楚望改荫

○颁给过益府等府诰命

○原任翰林院修撰在籍服阕韩敬奏孤臣奇冤久郁乞敕下部院科道研审下礼部

○庚午以姜弼起参将职衔协守蓟镇东路副总兵事 ○中书刘复元请输谷千石济江西水患许之

○升蔡猷臣为光禄寺少卿曾守身为云南副使

○应天巡抚奏七月中宣城宁国青阳三县洪水淹没田园万余亩溺死五十余人乞敕勘明分别蠲赈

○以原任山东参政袁应泰补河南参政

○升湖广副使高出为参政分守大梁礼部郎中饶景暉为颖川兵备参政刑科给事中陈伯友为河南副使

○降原任南京吏科给事中黄起龙添注广东按察司知事

○辛未宴泰宁等卫进贡夷人兀尚歹等一百一十九名

○赐已故户部尚书赵世卿祭葬 ○壬申大学土方从哲言自三月狂风昼晦火光烛天嗣后猴妖豕怪见于辽东山西纯阳之月大雪冻毙骡马见于关内至于 祖陵之地以是月而有天鸣地震之报辽左八月同时而震者三京师大内咫尺 天颜而地震一见于秋初再见于秋杪未几白气现于东南彗星出于氐宿妖象怪徵层见叠出夫岂偶然除臣等奉职无状痛自修省外所望 皇上大奋乾纲亟修 郊 庙临御储讲实政以与天下更始立补阁部台省诸臣举废宥戆罢徵停织批发如流将人心悦而天意得太平万世之休祯以一念转之而有余时礼臣台省亦多以为言

○户部尚书李汝华兵科给事中赵兴邦等会议南粮改折二年奉旨咨行乃南部欲折一年又欲留一半以饷南军毋亦割肉医疮固自有所难耳合无照议将南粮改折一年尽输辽饷庶南北不至偏困至于水兑折银除三十八年以前带徵姑免解外自三十九年起至今年止拖欠银两相应照数补解文到即将见完八万二千两作速差官起解以需急用其余上紧催徵陆续接济岁终总计所入照三分之一一起解饷辽勿至仍前积欠至于择用督粮部臣相应如议 上从之仍着未完者作速催徵不许仍前拖欠

○癸酉 诚孝昭皇后忌辰遣官祭 献陵

○起升太仆寺少卿朱一桂

○甲戌巡按直隶田主金言杨镐前抚辽时尝以可可毋林之役经臣劾其伪功今之所进于镐者其说有四曰本之以忠行之以正持之以公击之以断而犹愿朝廷以重典救今时之弊毋以姑息生怯懦之阶庶辽事有济不报

○乙亥西洋国陪臣庞□□由峨等奏臣与先臣利玛窦等十余人涉海九万里观光上国叨食大官一十七载近见南北参奏要行驱逐念臣等焚修学道尊奉 天主宁有邪谋甘坠恶业乞 圣明怜察候风便归国若寄居海屿愈滋猜疑并南京等处诸陪臣一体宽假以全 天朝豢养之恩

○革宿邳等处副总兵公国光任以督臣劾其以疾擅离地方也

○以原任游击游世功补武靖营游击从经略之请也

○丙子浙江巡盐御史杨鹤奏苏商灶言 祖制两浙每岁行引四十四万四千有奇分派三十六场盖计各场所产与地方所食而立之法至嘉靖十六年以台州隔海题行要盐华山等县复沿例以请票盐行而引始困然国课取办于票盐者一万四千四百五十两有奇此外尚有各县各场课额若止行正引余盐才八万尚不足抵边商库价势固不能革也嘉靖末倭警灶户息灶积引至一百五十万盐臣韩俊于是有带销之条以四十四万余引为正额带掣五万为销壅然一岁四掣往卖未销运发踵至臣欲于带掣五万余引之中大为除减内商之掣既通则边商之引亦易售所谓通商者此也灶丁洪武时给与工本钞二贯六十文以备器用口食钞一贯可易米二石又每丁给有灰盐以资摊晒有草场以供樵采草场所收之值岁可抵一丁盐课之半后草场归豪右而于各灶丁徵收全课至卖妻鬻子以偿每遇五年清丁清荡不过责成场官听命于场霸团堡攒书等臣查嘉兴分司芦沥场总催之役最为不均荡连千亩者反以脱役苦无立锥者竟陷总催因为允行立荡金催之法又查松江分司浦东下沙等场荡各数万每丁止纳课银一钱三四分独袁浦一场荡止六千余亩每丁纳课银四钱有奇臣思以松江一司之场均松江一司之课于 祖制既无违背而可以苏贫困亦毅然允行窃谓一场之中当役不均者宜仿芦沥场之法行之一司之中纳课不均者宜仿袁浦场之法行之其势家豪族有以民户占种灶产者量加錙铢以补灶户至清丁之年必委贤能有司会同分司官着实清查尽将灶户唤集延问疾苦庶场官场霸攒书人等不敢为奸所谓恤灶者此也

○礼科给事中亓诗教奏今岁试差因 皇上迟不即遣以致应天及浙江等七省有入场改期之事解到试卷违错关节情弊非一一磨勘何以肃画一之规今科中止臣一人又有编审巡青之差编审非三阅月不能了而巡青例在年终奏缴又安能更任磨勘之役乞将先后考选蔡思充等令其即日入科办事共任磨勘庶试典克襄而臣获免于鰥旷不报

○礼部奏十一月初六日冬至次日例设庆成宴于殿陛 上命免办

○差太仆寺少卿苏茂相兼摄东西印烙

○升太仆寺少卿姜性太常寺少卿宴文辉光禄寺少卿钱策

○丁丑广西巡抚林欲厦奏梧州火灾延烧公署官舍楼亭二百九十余所民居无数死者四十四人煨烬不辨者不可胜计也兼之亢旱为灾啼饥满路除另议赈济外乞

留知府陈鉴免覲以安子遗

○直隶巡按龙遇奇奏愚臣俸逾六年因接差致误考期乞比云贵川广事例准在差考满以广孝治

○以林欲栋冯盛明闵洪学沈光祚为江西山东山西广东各右布政

○戊寅广西巡按潘一桂以粤西亢旱赤地千里奏留税银四万余粟备赈并额徵全税尽数蠲免以救边荒

○兵部奏本月二十七日例应大选天下军职因是日文武百官齐赴朝天宮习仪不便举行请改定二十九日奉行从之

○差职方司主事李养冲解银辽东赏战功

○填补刑科给事中熊德阳

○急选府同知周承恩等二百二十六员

○己卯户部奏苏松常镇四府漕粮万历元年漕臣王宗沐题定兑粮水次三十余年军民相安后漕臣陈荐因官旗控诉始创为五年轮派之法而勒索愆期往往不免今总漕王纪欲复定派水次之规既经会议金同合应覆请候命下移咨总漕衙门将四府锦衣旗下江淮大扬州五总照三十四年水次尽数改为定派永著为例违者重治则军民咸知遵守漕政有裨从之

○云南巡按潘浚奏贡金困累已极滇民羸敝不堪上以年例贡金系成造各项典礼及各节令宫分所需还着照数解进俟稍足即行减免

○准原降正千户鲍思翰复指挥僉事职从广西抚院之请也

○南京大理寺寺丞董应举以疾乞归_{□□} 毓-金 > 数上许之

○以倒马关参将只登瀛加副总兵职衔管保定巡抚标下中军事遵化游击都司孟兆加管顺天巡抚标下中军事

○辛巳礼部覆奏南场试卷三场不下二万余而弥封等所官各二员未易办理应如台臣议以后弥封所增至四员誊录对读如之收掌试卷量增一员南北一体各省已备者不必复增未备者酌量增设乞敕下臣部转行省直一体遵行

○宣府巡抚赵士谔奏援辽征调本镇官军三千九员名驮马骡驼四千一百三十三匹连安家行粮买马造器等费共该银八万三千三百三十五两六钱零前解到新饷银四万两除给过安家行粮外仅余银二万八千二百余两尚少四万三千三百一十五两零至于召补各军食粮不等岁该银二万三千八百二十两每军岁支布花银一两二钱七分五厘岁该银三千八百二十五两应于新饷内加增乞下兵部覆议将用过者即行发补应用者亦即给发庶彼此均济下兵部议

○山东巡按陈王庭奏援辽总兵张万邦以病乞回卫所统山西大同军马四千五百余名择海州参将丁碧统领与本官原领海州兵一千五百五十名为一营照依分派铁领信地听总兵马休节制从之

○癸未户部请以应天等府额解太仓银动支十万五千两给委督运主事听其发商买铜依工部价每斤一钱五厘共买真正四火黄铜一百万斤刻期解京鼓铸发银之后抚按移文本部将青库银两照数补还太仓铸完铜钱解送银库商价搭放每银一钱以六十文给放庶恤商济边两利从之

○户科给事中李奇珍等言本科自都给事中孟成已于三十九年升任去后今踰八年所有本章文移抄发俱系紧急钱粮白头奉行关防不密乞将推升本科都给事中吴亮嗣掌管印务不报

○光禄寺言本寺钱粮出入浩繁全赖巡视科道稽核而户科给事中官应震接管已六年勤劳已久乞将候命给事中李若圭点用以均劳逸

○有武举刘茂德被武生薛之望等呈简后场贿买同舍指挥杨定祖代笔 上命提调官各罚俸二月刘茂德等着法司究问

○广西巡抚林欲厦奏柳州浔南太平梧州庆远及乐平桂林思恩各府亢旱为灾乞赐停税蠲赈以慰遗黎

○昌州道副使张经世考满

○甲申户部奏积粟原备灾荒迩来有司每多擅支冒报宜照按臣彭宗孟议如衙门修理纸张贤能奖励修筑工费等物审编不载应准开销者亦须于正项中仅许支十分之一以存节省

○保定巡抚靳于中奏九月三十日易州庆都定兴清苑涑水唐县河间任丘景州肃宁等州县及紫荆关马水口沿河口天津等处同日地震有声如雷 ○冬至节祭长陵等陵遣阳武侯薛濂等行礼

○钦天监监副周子愚言原任陕西按察使今在籍邢云路深明历法近著有历元一书言七政源流四周四应据经据纬俱有本末又言五星自北齐张子信草率定历至今千百余岁历家止凭旧法倒换以致历筭夫次差至数十日不觉至于土木二星其行尤迟木星十二年一周天土星三十年一周天二星明岁俱行至盈初及今测验乃得真数过此又须十二年及三十年矣此时云路年已七十查万历三十九年礼臣尝经举荐已奉 圣俞伏乞敕取前来统理历法并与本部前< 日 铎-金 >所举通晓数员一同参考校正以定一代钜典

○左庶子何如宠考满命复职 ○差行人谢文锦刘尚信廖起巘卢时泰侯恂往宁海原武奉新襄陵河阳各掌行丧礼

明神宗显皇帝实录卷之五百七十五

明神宗显皇帝实录卷之五百七十六

万历四十六年十一月丙戌朔直隶巡按曾陈易请增畿南武科名数言畿南多产将材乙卯以按臣偶缺停科诸士缺望今辽左多事乞不拘旧额凡骑射优长膂力出众者即论策稍疵亦在所录但不必补足前科八十之数下科仍以原额为限不得援例以

请 上然之命兵部覆议以闻

○丁亥掌河南道御史房壮丽奏自条鞭法行州县派徵钱粮俱令花户自行纳柜里书排年无所容其奸法至善也遵行日久官府借口验封加收火耗至一钱二钱屡经严禁不遵今因东事加派若将火耗一概禁革小民必乐输将职曩令襄陵时见河东一路州县二门外俱设有收头房八间昼则收银夜则收柜次日即令自倾成锭或有司领解或解户领解并不入库拆封惟悬锣严谕平收及按期责令销批附卷此法最宜行之今日乞敕下户部咨行各抚按令所属有司一应钱粮听其自收自解不许经手拆封加收火耗违者抚按从重参处追赃济边则于吏治民生胥有裨益

○有河南开封府陈州等学儒学生员田吐华等与本地乡官讦告闯阙上书巡视皇城给事中李养珍等奏闻以其人发回原籍听该省抚按从公问理

○大选过工部等衙门主事蔡奕琛等

○升太仆寺少卿钟羽正广西按察使施复明参议徐如珂山东参政赵良相东昌知府王从义

○甘肃巡抚祁伯裕奏辞考绩加升职衔服俸 上以加恩已有成命不准辞

○有鸣赞王鹤年赞礼不到该寺以闻 上曰近来朝仪不肃皆因各官任情怠肆殊非法纪王鹤年姑罚俸三个月以后有失误的参来重处

○戊子浙江巡抚刘一焜奏乞照二十五年东征事例兑给马匹以便援辽官兵骑乘兵部请于太仆寺寄养马内调取二百二十匹差官往通州唱名兑给凯旋之日听督臣分给各营路抵作年例从之

○己丑礼部言齐庶人见在食粮未经请名者宜令庶长三人照支派分别造册代为题请其幼口齿十六以上例应食粮者当候题请赐名到日方准入册咨给口粮庶诡冒之弊可清

○大祀 天于 圜丘遣驸马侯拱宸恭代詹事刘一燝 皇穹宇行礼

○升刑部郎中吴养源为九江知府 ○差锦衣卫余轮往直隶等处颁给武职诰命

○朝鲜国差来陪臣尹义立等赍表贡方物马匹 上着锦衣卫拨马骑坐

○庚寅 恭让章皇后忌辰遣官祭 金山陵寝

○ 上遣谕元辅曰朕入冬以来眩晕痰嗽见今服药调摄卿微疾已愈当竭忠匡赞共济时艰况值履长节届卿为元辅重臣岂可高卧私寓国事何赖宜仰遵屡谕即出入阁佐理副朕眷倚至意

○兵部覆议山东登郡孤悬海上比邻倭奴特设水兵以防春秋二汛后因汰减兵止一千八百余名船止八十余只近因辽事复抽一千五百余名驾船七十只所存无几则补兵设备应如该省抚道之议再募兵六百名并原剩三百余名共足一千之数仍分三营以备海汛其防汛船只听该省酌量雇用饷亦听该省暂行议处东事平援兵归汰

其懦者扣足原额而止庶海防有备

○辛卯子正二刻日长至庆贺免大学士方从哲率文武百官五凤楼前行礼次日又恭诣仁德门行礼上遣司礼监管待颁赐如例

○是日因言今日临长至阳德方亨当六合交泰之时值万物昭苏之会独此待命诸臣栖迟邸舍困顿多年臣叨尘政地五载有奇若终不能为国家进此数人则误国妨贤臣何能靦颜在列臣原拟长跽宫门恭候俞旨念时值令节未敢唐突谨回阁候命万惟 圣明慨然允行

○两广总督许弘纲奏广东十府一州额设官兵四万五千七百八十七员名岁支饷银并修战船军器杂费共用银四十六万余两而岁入止四十三万六千九百一十八两即徵及九分之上已自不敷况税监入粤复拨前饷二十余万充税遇各路请饷该司局且支吾自万历二十八年至四十六上半年共借过税契户口盐税引纸俸粮盐钞矿税船税水脚吏农纳班等银五十八万二千五百四十七两今库无可借之银民无可加之赋省无可汰之兵惟望 皇上悉蠲粤税抵还缺饷或念粤税重于他省再为减免不则将解部税银三万六千九百余两新增盐课银一万一千五百余两借留一二年少济缺乏庶所司不至空匮不报

○降补福建参政刘洪谟为贵州副使

○癸巳大学士方从哲言自六月至今大选急选并教职二千余人守候尽凭饥寒逆旅乞将原推吏科给事中赵兴邦早赐批发不报

○经略杨镐为议定军饷画一以免纷扰谓不分南北援兵行月粮饷总以一两五钱为定至于马料除领本色者给以豆三升草一束以十四斤为例折银则日给以三分本镇新兵月粮一两一钱五分照旧料草于月支四钱五分内再加给一钱五分各总镇除有见任公费者不议外余诸镇合议月给公费银三十余两将领守备银九两折粳米银三两千总则日给肉菜银五分把总则盐菜银四分系职官者将见支粟米改给粳米千总中军每日三升作银六分把总三升作银四分以示体恤以十一月初一为始户部以为便从之

○差御史李凌云巡按浙江江日彩河东巡盐吴光龙两浙巡盐

○甲午祭 三王于景惠殿以收回祭设颁赐辅臣

○上谕阁臣曰近日以来 上天示警灾异叠见朕心兢惕深切省躬中外臣工俱青衣角带办事停刑禁屠初十日为始五日卿可传示该部都要痛加修省恪恭职业共图消弥以回天意

○是日大学士方从哲言皇上遇灾而惧欲与臣下共图修省以冀挽回古帝王克谨天戒亦不是过但青衣角带停刑禁屠皆文也必如臣所请数事一一见诸施行乃为修省实政近蒙发下吏部司官与按差司道数本令臣票拟臣窃窥 皇上留心政事加意用人其机已动但能扩而充之繇庶官以及大僚言路有一二按差以及各处之差将

一动念而朝廷有师济之风太平之治可致何但灾变足弥哉

○初清河失陷经略督按诸臣会参麻承恩逗遛规避 上命锦衣卫官扭解待巡按御史勘明议罪承恩逮至奏辩乞戴罪自效兵科以承恩责在援辽全躯智明御虏才疏既奉旨勘议法难少假以滋幸竊于是兵部言承恩闻变观望法所不贷但事在彼中难以悬断乞行本处巡按从实勘明议处从之

○吏部尚书赵焕陈保安五要在用人发饷罢税宥罪听言又言冢宰以用人为主臣到任之始即行文选司查补缺员查得 祖宗额设六科每科都给事中一员左右给事中各一员给事中共三十三员今见任供职止给事中五员共缺四十五员十三道额设御史一百十员今见任供职止十员共缺一百员南京六科额设给事中七员今止一员共缺六员十三道额设御史二十六员见任止四员共缺二十二员而屡经催请未奉俞旨今海内水旱妖异迭见乞将所缺渐次点用填补以复旧章不报

○驸马侯拱宸以祀 天礼毕复命 上命赏银四十两纁丝四表里

○乙未原任两淮盐法参议吴擢谦申上屯田御戎策其利有五 一以限奴马之驰 二以懈西虏之援 三以坚援兵之志 四以壮三军之胆 五以寝窥关之心 我国家惟辽东四道一寺并奉敕兼管屯田立法自有深意可不及斯时修举又师克在和今辽鄙失事未有不繇将领不和者宜申饬诸臣笃同舟之义无分彼此而又多设间谍大悬赏格护持北关以为辽左蔽捍厚抚卒赛以为北关救援则藩篱固而胡尘可清

○升湖广参政施浚明为广西按察使河南副使赵良相为山东参政礼部郎中徐如珂为广西参政山西道御史赵日亨为四川副使

○肃世子进马五十匹 上曰览世子奏恭进马匹着该监验收赐大红纁丝衣服一袭银三百两彩段六表里写书与世子

○起升太常寺少卿孟养浩光禄寺少卿黄运泰

○丙申提督四夷馆少卿胡来朝上复种马调京兵二事旧例北直山东河南俱有种马总计十二万余匹以屯田御史领之无事孳息有事徵调至万历九年奉旨变卖价贮同寺今马既一空银亦乌有向使种马尚存则援辽何至缺乏今马头名尚存簿籍惟将各州县解京草料银两酌议买补至于点验印烙自有成规如臣县原养马四百五十匹其孳息何止岁三四十匹择其驹之壮者充俵解而以额外余马变价贮库充在官俵解之资且俵马每匹价银三十两每县岁派二十匹可省银六百两合各处州县可省一二十万金而民间私费所省称是臣谓种马之当复者此也京兵团营十二凤号貔貅后渐消耗无裨实用土木之变于谦挑为三大营今又不堪用矣一旦有倣不免调取边镇夫边兵岂生而勇敢祇以日习战斗而耳目热也臣愿每岁互相更调如今延绥三千兵入卫即将京兵三千出守候秋防竣京兵回营边兵还镇推之各镇莫不皆然如此则耳目熟胆气壮不数年京营悉为劲兵矣臣谓京兵之当更调者也

○太常寺奏 郊坛祀事孔严狂犯溷干法纪 上曰 郊祀大礼岂容闲人渎扰

依拟严行申饬仍出榜晓諭令永远遵守各犯送法司究问

○丁酉保定巡抚靳于中为畿南六郡驿递疲困请通行申饬仍责成起脚官司坚守勘合明例不许畏避徇情违者以罢软参处一王府差人勘合廩给许照例填注口粮多不过五分人役不得过十名饭食口粮不许兼支一水路船只照依上下水拨定夫数不许多添久住若有携带粮民船只即当羈留申究一府县不许私遣部牌及观政牌如遇此等即便阻回不准应付一专责府州县正官严行稽查如系真正勘合牌票方准挂号应付若假充家眷或远年勘合及隔省牌票等项俱应裁革

○中府带俸武清侯李诚铭母太夫人吴氏为子奏讨肩輿许之后不许援例奏请

○准已故驸马都尉杨春元长男杨光夔锦衣卫指挥使衔

○工部右侍郎林如楚奏昏耄溺职闻言增愧数章求去 上曰工作正烦林如楚着安心供职不准辞邹之麟出位妄言却又擅自离任着该部从重议处

○起升南仪制司郎中林熙春

○以李鋹为都察院左都御史赵兴邦为吏科都给事中

○戊戌夜雾霜附草木

○大学士方从哲奏自冬至后数日之间 皇上点一左都御史补一吏科都给事中点一按差二盐差并铨司藩臬多官一时朝政更新人心欢畅臣仰见 皇上遇灾修省真大圣人之作为至御史刘光复系狱数载愆创已深伏望早发德音立赐释放是又弥灾消变之一助也

○户部覆长芦巡盐御史李徵仪查参四十三四年所属行盐州县销引不及各官除长芦运使张云翼额课预解早完例应纪录优擢其知州舒璫等各降罚革职有差从之 ○升户部郎中柴寅宾为青州府知府

○工部奏所贮军器久旷简阅乞差主事陈敏吾吴之甲督理修造并推考选工科给事中祝耀祖巡视从之

○以都司李茂实管北楼口参将事

○升河南参政洪翼圣为按察使

○升杨镐都察院右都御史仍兼兵部左侍郎照旧经略王纪加正二品服俸照旧总督俱以考满也

○准辽东苑马寺卿康应乾免覲

○己亥宣大总督吴崇礼奏卜素渐图匪茹素囊台吉将通官董忠王才等羈留板升夷情变动兼之河冻冰坚派防套虏三关士马无一宁贴而仓庾无隔宿之储查山西加派地亩银十二万暂将在库钱粮那凑解送饷司给放二三月粮乞给发京运以为接济其移过援辽银两准免解数以补缺额 ○升刘曰梧左副都御史照旧巡抚仍荫一子入监读书以四品再考功在冲边故也

○百户区印等越袭世职抚臣祁伯裕参论革任从之

○云南参政冀光辉门逵知府金锡各考满

○庚子总督蓟辽汪可受奏自山海还镇密云以辽抚已至西虏情形叵测故也

○壬寅升四川军门标下中军游击张世应为柳庆参将寻命仍管理镇远营操事务以安酋数侵藺司巡抚饶景晖保留之也

○广东巡视海道副使罗之鼎言香山蚝镜澳为粤东第一要害以一把总统兵六百防守无裨弹压可移罗定东西一将抽兵六百助守澳门而罗定道言罗旁万山联络猺獠杂居万历初年讨平布兵防守迩来拨减过半移将或有通融抽兵未敢轻议布按二司谓以澳视罗定则罗定为稍缓以西山较东山则东山又稍缓宜以东山改设守备隶西山参将提调移其兵四百于鹰儿埔合原兵为一千而以香山寨改为参将增置营舍大建旗鼓以折乱萌于是总督许弘纲巡按御史王命璇奏澳夷佛郎机一种先年市舶于奥供税二万以充兵饷近且移之岛中列屋筑台增置火器种落已至万余积谷可支战守而更蓄倭奴为牙爪收亡命为腹心该澳去渭城咫尺依山环海独开一面为岛门脱有奸雄窜入其中一呼四应诚为可虑该司权酌时宜庶几未雨绸缪其广州海防同知原议驻劄雍陌今似可以无用并乞敕下兵部覆议从之

○经略杨镐奏请用刘国缙以参赞军机起熊廷弼以谋谟庙廊张懋忠为金海之间督运以资弹压

○两广总督许弘纲奏粤东潮郡八月初四日飓风大作暴雨中火星烛天海水涌起数丈潮阳澄海揭阳饶平普宁等县人民漂没以数万计衙宇城垣堤岸田园溃决无算乞敕下户部行巡按御史勘详分别蠲济并乞留各县官免覲以抚兹孑遗

○以姜性为太仆寺少卿

○癸卯孝惠皇后忌辰遣官祭 茂陵 孝烈皇后忌辰遣官祭 永陵

○甘肃巡抚祁伯裕奏臣属河东五道河西五道周环六千余里材官所出前巡按御史董廷策巡历河西议开河西武闾已蒙旨每科另额取武举三十名遵行一次已而巡历河东彼中武士乞同河西一体应试且临巩两郡均系院属委宜并入一闾改设武闾于巩昌仍以三十名为额一切供用十道均摊兵部以为合试便从之

○武平伯陈世恩请给假祭扫 上准驰驿去沿途不许骚扰 ○原任詹事府詹事范醇敬奏参原任副使罗緄纵子不法毁墓行凶等事 上命部院看议来说

○甲辰驸马都尉冉兴让乞复其父冉逢阳兵马指挥职衔

○福建巡抚王士昌太平知府胡尔慥各考满 上命就彼供职

○乙巳有星自北陨南其大如斗其声如雷光芒烛地乍裂分散

○湖广巡按彭宗孟以考满保留武昌道参议刘光观加衔久任

○升商周祚为太仆寺少卿

○原任太仆寺少卿张辅之以疾辞职 上令到任供职不准辞

○庆王奏补承奉傅雷朝等各升补从之写书与王

○丙午漕运总督王纪以凤阳所属州县被灾乞留正官免覲又以漕运荐举河南左布政使陈邦瞻等守令吴昞等及例参违限知县赖朝选等降罚有差

○丁未山西巡抚陈所学奏代州五台县保德州偏头神池阳曲寿阳太原孟县各报九月二十九三十日同时地震有声

○升太仆寺少卿胡应台

○戊申准淮府上饶王翊金□亘妃父刘希汤韩府长乐王璟□□库妃父许洵俱授以兵马副指挥职衔

○升耿鸣雷太仆寺少卿于伦光禄寺少卿福建按察使程达为浙江右布政使宁波知府杨钟英为宁绍副使常州知府刘广生为浙江提学副使

○复调陕西参政张之厚为西宁道参政

○己酉升御史姚镛为太仆寺少卿

○升兵部郎中朱一冯为福建参政福建副使费兆元为水利道右参政 ○升兵部郎中朱一冯为福建参政福建副使费兆元为水利道右参政

○提学吕纯如致仕

○起升太常寺少卿乔应申

○除补简讨王应熊宁波知府方应明

○庚戌户科给事中李奇珍参奏南大理寺评事王象春以东林发迹委身准抚而以科场关节被职论劾降上林苑典簿今又与窝访韩如蛟等通贿行私乞敕法司勘明究处

○准辅国中尉怀墩敬金□巫岁支禄米三百石

○辛亥戎政尚书薛三才以病乞休

○工部右侍郎林如楚又以老病乞归 上曰林如楚再奉留旨如何引径去之例欲图自便着即出任事毋得再辞

○调山西副使傅淑训怀庆知府王景石阡知府何天麒 ○壬子起升太常寺少卿添注程绍副使杨廷筠

○获得诈称都司官张盖乘传潜身为盗一名雷震及其从王印兵部以闻

○升南吏部郎中苏进为浙江宁台副使御史吉人为山东副使

○升湖广参政熊宇奇为按察使福州知府张泰祯为湖广副使户部郎中卢瑛田为副使兵部员外周山□鼎为提学金事

○癸丑户部主事洪启初以滇闹事竣上言滇之害无如贡金一事其采买起运之苦按臣言之已详而六月中护金兵役渡盘江死者五十人况兼兵火之后继以旱虐厉疫盛行槽车相望从来上天降割未有至此极者伏睹 皇上四十四年曾俞抚臣马价六万之请得以料理兵食功成安攘今前效已睹后局当收伏望慨出帑金数万以赈饥民饷贫军不则于滇抚捐资二万输将在途允转赈黔涸辙亦足小苏也不报

○顺天巡抚刘曰梧奏辞考绩恩典 上以加恩已有成命不准辞

○左都督郑国泰男郑养性奏减授级 上曰这所奏情词恳切郑养性准辞减着袭右都督即发抄授

○礼部奏湖广广隆喜宜章等处庆贺表笺不到宜行本处巡按提问从之

○起南京光禄寺少卿冯若愚

○复除湖广副使杨楷

○甲寅户科给事中官应震奏以彗星虽退修省宜殷今九边俱可虑而云中为最四海俱可虑而留都为最云中五十年来款贡惟恃一老胡妇今其孙素酋其子猛克狡而悍与王争家事王虽袭位号赏尽归素故坚不奉贡若宿重兵境上明示曲直使贡赏归王余赏归素如无贡表挟赏者不与庶可振王之孱而阻素之横然此岂空拳白手之所能制其命哉今撤云中精锐以赴辽恐一旦狂逞莫支耳留都根本重地原额军十四万减至四万今又减矣水操船四百只今才六十只临操放銃数声以饰耳目国初贮兵器数库今库皆圯漏军不知器械为何物最可异者姑苏之太湖镇江之孟河水贼盘聚数万其海山蛇山贼首且俨然帝服声言于苏松借银江阴借兵九江江左奇人俱厚资罗去此其志不小何不急谕当事者早为驱除毋使滋蔓此皆武备之当饬者伏祈即赐采纳举行以弥天变

○升山东参政张五典为河南按察使河南副使焦馨为汝宁参政浙江佥事何士晋为广西参政

○准原任礼部尚书张昇孙张文明补荫

○乙卯浙江道御史江日彩陈救时四务言国家奠鼎燕京三面邻虜顾九边未尝乏兵但迩来籍虚饷冒即如辽东额军九万四千有奇抚顺清河所失不过五六千而纷纷议募议调不知此兵何在既无兵而饷又何在举一辽而各边可知京营又可知宜分遣风力科臣巡行各边查核有不如额及不练者分别议处则科臣核兵之遣宜行也京师东西二仓虽曰贍军其实买票冒支合京人民皆为仰给万一有儻必且按籍核实此纂纂仰给者不生内变乎今幸岁丰户部宜处置二三十万银收买在外麦豆杂粮为备预之计其外郡灾伤未至太甚者不得一概议折则京储之积宜图也天下大势淮扬常镇当南北之中向有大盗数夥出入太湖劫掠今且合夥潜踪孟河恐其患不小当此奴酋蠢动西北震惊之时儻湖海之盗从中突发国事不大可忧乎宜速推抚按令星驰到任解散群党则苏松抚按之推宜急也国家转漕东南赖盈盈一水万一水涸运乾或有如前盗据淮扬临德而扼其吭且柰何闻浙江海船松江太仓沙船淮安雕船时至山东宁海买米离山海关不远宜令南京近海州县有粮米者卫所厚雇前船岁运四五万石熟其路径以为有事之备则海运之议宜讲也

○原任辽东巡抚韩取善卒取善山东淄川人登万历丁丑进士以户部管粮宣府晋藩暴既而备兵辽左遂填抚其地以事革任回籍卒

○遣太子太保泰宁侯陈良弼拟授兵科给事中薛凤翔册封潞府 潞王常澍太常寺少卿徐绍吉行人魏大中册封代王代世子鼎渭乐昌王胤鈺并妃吴氏通政使司左参议张泮行人魏光绪册封准府上饶王翊金口亘并妃刘氏顺昌王载圭妃万氏右春坊右庶子兼翰林院侍读何如宠行人王心一册封周府宁乡王恭穰鲁阳王肃泐左春坊左赞善兼翰林院简讨黄立极行人刘芳册封郑府东垣王由彬并妃高氏芦江王载禔光禄寺丞邵辅忠行人王猷册封衡府高唐王常泽右春坊右赞善兼翰林院简讨彭凌霄行人萧应坤册封唐府永寿王器圻妃刘氏拟授礼科给事中杨道寅行人徐宪卿册封益府安东王常澧妃刘氏刑科给事中姚若水行人郭巩册封建德王常澧

明神宗显皇帝实录卷之五百七十六

明神宗显皇帝实录卷之五百七十七

万历四十六年十二月丙辰朔户部奏有司徵比钱粮火耗加收渐重请如御史言亟行禁革 上曰钱粮拆封加耗乃近来通弊顷因虏警不得已量为加派若有司再加朘削民生何繇得安依议通行禁革违者着抚按官特< 硃-金 > 糾参追赃治罪司道等官有隐匿不报的一并参处务期积习一清称朕察吏安民之意

○升陕西副使尹伸为湖广参政备兵苏松张邦翼为浙江副使

○革辽东参议阎世科任闲住以抚臣劾其托疾避难也

○丁巳延绥巡抚董国光奏套长吉能等自二十九年绩款来未尝一犯永革至四十三年要挟阑边我师集甲捣剿首功二千余级收降二千余人虏悔祸以四十四年夏秋之交络绎乞款今计款费岁不过三万八千余金而省士马物故粮刍调给之费不费况龙年一市实其恭顺之岁即买马八千费仅八百金而后不为例较之二十九年续款增银至二千两为岁额者又相悬也沙计明爱并东方大酋长如假监市名色资其钐压亦安边一策乞下部议将阖套诸酋自三十六年起至四十三年止并四十五年共九年皆系犯顺一体裁革其四十四年敌盟献罚原未生事准与补给今岁秋防已竣安静无哗亦准其挨次互市以后一年一市永为定规将原议三万八千市赏照定立边约分给各夷其沙计明爱及忠爱罕同奖赏候贡马互市之期另行题给 上下兵部议

○准原任南京户部侍郎右佥都御史在任病故吴中明照例与祭仍给全葬命以后三品未考满历俸太浅者还斟酌题覆不得概拟全给

○套虏猛克什立等举家率部落五十三名口投降延抚董国光请加以守备名色及优以粮料等项候有功另行题请或遣之援辽以塞套主来索之口 上下部议

○升浙江参政李思诚为江西按察使

○赠原任户部尚书赵世卿官太子少保巡抚梁见孟兵部右侍郎

○戊午赐朝鲜庆贺冬至陪臣尹义立等六十员各上马宴

○补原任陕西副使杨楷为湖广副使原任建昌府知府赵元吉为都匀府知府颜欲章为常州府知府刑部郎中熊秉鉴为荆州府知府

○己未 慈孝献皇后忌辰遣官祭 显陵

○大学士方从哲题制造两房中书官办理内廷机密文书两班直票各官每日轮流书写尤称劳勩万历二十年阁臣酌以三年一叙题奉钦依叙录今管典籍事尚宝司少卿兼司经局正字加四品服俸范可授系一阁首领资劳最久量升光禄寺少卿加正四品服俸管典籍事礼部仪制司员外兼司经局正字郑崇光量升本司郎中加四品服俸兼管照旧从之

○兵部尚书黄嘉善题国家兵制自京营及边腹主客兵一百一十六万有奇宜令直省诸臣各将所属兵马尽数查出要见某标营某卫所原额若干实在若干堪征战若干充杂役若干马匹盔甲器械并粮料若干造册开报部科收照一面严行该管简练匀补整顿季终该兵将上之监司监司上之抚按年终巡抚汇报部科查其简阅勤惰为监司殿最又查嘉靖时臣部题畿内武备单弱行北直山东等处巡抚官将所在军丁挑选练习分拨防守及召募邻近军余闲民教习臣谓此法宜通行中外地方而拱护尤莫先于畿内八府请敕畿内诸臣督率道将整饬前法各将选练乡兵名数附册报查载入考成而黜陟行焉庶有实用而无虚糜亦制变销萌一策也 上曰这所奏查核训练官兵及畿内召选丁壮等事有裨戎务依议着实举行年终汇报着该部科严查分别黜陟务使法在必行不许虚文塞责

○兵部员外董承诏言臣奉命犒赏据所闻见窃以为辽事之难有六一将多而难调一兵弱而难用一饷久而难继一贼狡而难制一地险而难攻一助寡而难恃而在我原有不可不议者六一关隘之当守一储糈之当备一防御之当周一辽饷之当优一驿递之当恤一优恤之当亟乞严饬将士协力同心以保无虞

○巡视京营兵科给事中吴亮嗣奏十一月二十五日有孟世德具首妖人张文经父子到官审其妖书诞妄不经又造木印一颗截出半角谓半角原寄建州但取半印彼此合符可以免难以此耸动愚民其他所称祭风避火未符杂咒不可殫说乞敕谕五城御史及锦衣卫捕营等官明示晓谕内外讥察庶不致为奸民煽惑

○命已故左都督郑国泰男郑养性袭都督佥事 上念国泰有护送 圣母微劳特准其子养性承袭父职已而改为右言者引国泰请袭父承宪都督同知时 皇上以例之无所却之特许做都指挥使一辈今其子何以得袭都督且责辅臣不能匡救于是辅臣及兵部俱言非制乃改为都督佥事而养性亦屡请减授群臣犹争之不已 上曰此特恩也不必渎扰

○以工部郎中劳永嘉为福州知府管粮郎中王化贞为宁前兵备从辽抚之请也

○庚申户部言据三边总督刘敏宽奏靖虏一镇孤悬转余在三百里外开纳诚为上策当于十注之外增立备边一注行该省连近等府有愿纳吏承者随便起批到靖虏道投发该仓上纳本色约每十两千里以上减二两五百里以上减一两五钱三百里以上减五钱照时价给与仓收每年造册报部扣抵年例仍行该参衙门与前十注序参其

有别生幸窳徼幸减折者一切禁止庶穷边有赖

○辛酉吏部覆奏邹之麟出位妄言擅自离任应革职闲住

○浙江道御史江日彩奏参保定巡抚靳于中所调民壮到关尽是雇倩及管街道员外戴九玄街市大千物议乞急赐罢斥

○壬戌山西巡按王远宜奏福藩支盐每引六百六十斤非制请裁之 祖制藩府食盐三百引每引于所封运司关支二百石 上以 潞王至亲准一千三百引及 福王之国准依潞例继又请越境支淮芦 上以廷臣言仍改河东然犹每引支盐六百六十斤至是将三运矣远宜以分封日繁后将不继故有是言

○辽东经略杨镐言西来所调兵马仅有马林所统系是挑选余皆尪羸不堪且有未出关者问之则曰司道各为地方镇协见任把持乞敕兵部马上严催各处精锐兵马择见任将官统领星夜兼程务于年里齐到辽阳庶征讨有济 上曰这奏续调各处援兵俱未出关且已到者疲弱不堪何裨征讨着行与各督抚严谕镇道等官务选精锐人马令见任将官统领克日抵镇有仍前充数及逗遛者从重参处

○准原任吏部尚书孙丕扬男孙允杰荫授中书舍人

○户部奏管粮府佐侵盗军饷覆王国祯问过犯官徐承武等发配从之

○文华殿试中书舍人杜其材奏讨其父杜潜恤典从之潜以朝鲜监军升补蓟镇兵备历加山西左布政使拮据五年已经题叙未及升用而卒至是其子以为言 上命照例赠恤 兵部覆奏西虏为广宁心腹患今见精锐尽赴辽阳挟赏要盟势所不无但蓟亦非无事应将柴国柱仍留山海以资弹压保定总兵王宣俱应遣还以守信地另于援辽大将中酌用一员驻劄广宁与李光荣暂回前屯分统训练西兵备虏候征剿有期听经略调遣从之

○起升曹珍为南京太常寺少卿

○升礼部郎中郑茂华为浙江温处道参政以饷司郎中潘宗贤升补辽东开原兵备以参政冯瑗告病而东抚就近题补也

○癸亥国子监博士沈槩为其祖原任工部左侍郎沈节甫乞补录荫从之

○升李焘为右副都御史巡抚云南兼督川贵兵饷 户部奏举漕河效劳文武官员布政陈德元等纪录及查参怠玩押空官员台州卫千户江鳞跃等罚治从之

○荫故大学士于慎行孙男于元煊入监读书

○乙丑辽抚周永春以各虏骚动欲移山海总兵柴国柱于河西并调广宁总兵李光荣于前屯共训练续到西兵二万余以资堵御而顺天抚臣刘曰梧则谓关内必不可疏国柱必不可移安辽可以全蓟则蓟抚可以无设因乞罢 上俱下部议且命曰梧供职而兵科给事中赵兴邦则谓二臣皆以封疆起见若汪可受总督蓟辽自当有说处此又闻近来经略有忧谗畏讥之心不力任事至于水藿事体蜀黔二抚意见亦大类是乞敕谕边臣各捐成心共图安攘 上曰这本说的是柴国柱应否移镇已着该部议覆杨

镐奉命专征朝廷假以便宜自当一力担当以剿虏安边为务有何忧畏有谁掣肘着尽心任事早奏成功水藿事着两省抚臣虚心议处禁戢讐杀以靖边方毋得自分彼此偏护互争激成他变

○经略杨镐奏酌议擒奴赏格自奴酋逆天戮将屠城 皇上不惜二十万金以犒战士而又念师期不远敕臣拟悬赏格臣谨按征倭征播故事万金悬赏加级示酬是已然之例今有能生擒奴酋或斩首以献者赏银一万两升都指挥次八十总管皆奴酋的子亲孙有能擒斩者赏银二千两升指挥使次十二亲属皆奴酋伯叔弟侄有擒斩者赏银一千两升指挥同知次中军常都前锋阿堵书记大汉女婿火胡里凶登领兵大头目十二人有能擒斩者赏银七百两升指挥僉事又次为奴酋亲信领兵中外用事小头目八十名有能擒其人者赏银六百两升正千户以上皆世袭此皆自军卒言如千把总以上则世爵外仍升一级总兵则世袭外另有优异文职文生亦升赏比例如被虏李永芳投虏佟养性佟养士等能绑献奴酋及内应成功者得免死罪仍照例升赏北关二夷擒斩奴酋者给与奴酋敕书仍封龙虎将军朝鲜官兵擒斩者移文该国升赏务从优厚之例或奴酋头目亲属擒斩者准与免死仍另议安置下兵部

○兵科给事中赵兴邦言近者贼入会安或谓窃掠或谓大举上下相蒙杨于渭欺隐捏报胡咸宁附和挟同据法俱无可道各管镇道按臣以用人方急姑从宽政后将何惩且诸将心怯而忌气骄而妒如杜松与贺世贤以幕宾所构大成嫌隙开铁一带民既苦虏又复苦军乞敕经略诸臣严肃军纪以镇危疆 上曰这所奏辽左边情种种可虑经略任事已久各处援兵俱集如何又有会安之失平时备御无策事后勘报不明欺玩如此镇道诸臣岂得无罪念用兵之际姑着策励供职经略杨镐着严督将吏设法整理亟图挾伐务期剿灭以奠危疆再有疏虞同罪不宥诸将有退缩不前并妒功生事的着遵前旨参来重处援兵扰害地方的即斩首示众该部知道

○经略杨镐奏辞考满新命 上以镐前任冲边考绩加恩已有成命不准辞

○德府临清等王薨 上命辍朝三日 ○丁卯陕西总督杨应聘参平景游击佟国祚领兵赴援中途逃回乞行原籍挨拿究问

○兵部奏狡夷杀掠屯民参游击杨于渭等 上曰杨于渭等着查实正法胡咸宁等分别重处

○户部言加派钱粮原系援辽正额而山西督抚诸臣议以抵积年京运欠数若各处援例扣留辽何以济乞敕下臣部移咨该镇仍将加派钱粮责令速解以充兵饷其所欠京运劄库多方凑发以济彼处燃眉庶东西军储有济从之

○兵部覆奏捏造符印图讖妖犯张文经等依律正罪其缉捕提督郭增辉等纪录从之

○兵部覆奏原任游击高从龙恋营冒丁肆言惑听应提问正法从之

○革参将麻承恩任

○贵州巡抚张鹤鸣参土官莫俊逞兵越境凭陵州官应审勘治罪又言参将马如锦力捍孤城病亡异域乞为优恤 上下部议

○工部请急缺物料 上曰这冠顶物料系上用所需难以裁减着照新旨数目作速办送应用不得迟误

○己巳 世宗肃皇帝忌辰遣官祭 永陵

○北关夷酋金台失遣酋男得儿革台州于本月初二日带兵剿克奴酋一寨获夷汉人丁共四百零七名斩级八十四颗盔甲牛羊不计先是酋见奴氛日炽中怀观望自遣原任备御刘源清入营宣谕及按臣陈王庭巡历开原令王世忠受计后因各以其子来听谕领赏于是以剿杀奴酋一寨自效经略以闻 上以酋克虏一寨斩获数多具见忠顺着作速议赏以示鼓舞而阁臣方从哲谓北关与奴世仇而力不敌奴迩来藉中国威灵拨与炮手数百助其防守又遣酋妇之侄指挥王世忠入寨晓谕酋始开悟又闻饷司潘郎中赉银千两至开原欲赏西虏出兵杀贼者益不胜欣激遂遣子攻克奴寨但明旨令彼中议赏未为溢格臣请敕谕兵部特赐表里银两以示优异庶本酋感激报效而诸夷亦闻风思奋于是 上谕兵部曰金酋父子奉 天讨逆忠顺可嘉着赐银二千两彩段二十表里持颁赉予之恩用奖勤王之义即于马价内给发故谕

○吏部等衙门奏计期伊迩据掌河南道御史房壮丽条陈九事一官评开报宜确一咨访评品宜慎一私揭中伤宜杜一黜幽轻重宜审一议处旧额宜破一开报异等宜核一司道旷职宜议一禁革馈遗宜严一摭辨惩处宜重均之有裨察典委宜申飭 上命依议着实行

○庚午 贞惠安和景皇后忌辰遣官祭 金山陵寝

○河南道御史熊化为时事多艰佐理无效参辅臣不能力争中旨私庇辽东督抚及空日月敕书试封愆期等事乞以灾异策免于是从哲上< 疏 >乞罢 上遣谕之曰卿公清忠正朕所素知前典试册封朕偶尔动火未简阅详览以致迟期且中旨督抚敕书等事皆朕亲裁与卿何与况考选散馆诸臣朕已陆续点用于卿有何阻抑此皆小臣不谙事体狂躁妄言不必介意方今国事多艰须卿弘猷匡济共图化理岂可以浮言坚欲求去卿宜遵旨即出入阁辅理以慰朕眷倚至意慎勿再陈特谕卿知

○辛未升武之望为南太仆寺少卿两淮运同汪承爵为临江知府

○陕西总督杨应聘奏狡虏两次入犯劾延绥参将辛志德戴罪立功从之

○蓟辽总督汪可受奏贼夷潜入杀掳参提调杜烨革任从之

○贵州巡抚张鹤鸣备陈两江情形催请兵饷 上曰饷银已奉屡旨着作速解发

○壬申巡视太仓银库户科给事中官应震等言内廷之有承运犹外廷之有计曹也计曹为辇毂钱粮总会各分司于此取给承运为宫掖钱粮总会各监局于此取给三十五年七公主婚礼御用监曾经奏讨 上以无例拒之至 瑞王婚礼库进九万监进九万则出一时该监之固请而 皇上姑从之今二王并婚费益不贲时艰物力俱诎于

储教不亲不讲榷税内帑未罢未发将何以崇实修而答天谴讨涤旧布新转灾为祥正在此时伏望 圣明省览毋徒循修省虚文天下幸甚

○是年南京科道糾劾方面陈禹谟韩仲雍宋祖腾金励潘之祥赵祖荫金锡吴维东贾熙绩刘昶朱正色冉德升罗之鼎龙国祿黄文炳曾应荣陈其猷金良范高金李楼凤柯维蓁矫九皋程应龙萧以裕高桂唐玉

○漕运总督王纪奏辞二品服俸 上以考绩加恩已有成命所辞不准

○庚辰议乡试副榜监生准贡例每科会试副榜即得授教乡试则仅□□或有因而输谷者选官与异途无异于是顺天乡试副榜监生王应遴丁承泰等以为言乞附名准贡庶日后选官脚色与输谷者稍别礼部覆议以闻 上从之

○兵部言奉 圣谕赏金夷银两段足以嘉忠顺但部较擒斩功级亦颁行监军御史勘实依照各边事例给赏庶足激劝尤望大发帑金二百万以济军中枵腹相与协力剿贼庶边事有济 升福建参政洪世俊为按察使工部郎中诸允修为建南道参政差行人阮大钺往长州王府掌行丧礼调杨念茂为为宣府协守副总兵马允升改补高台游击 上从之

○差尚宝司丞徐元采往肃府改坟

○辛巳兵部以北镇抚司理刑千户陆逵久挂弹章杜门谢事人犯无人讯问值岁序将终正当清理之时乞将梁慈等点用以广泣罪之恩升祠祭司郎中史树德为陕西副使西安知府梁鼎贤为四川提学工部侍郎林如楚奏段疋收进有期臣病不能趋事上命暂着司官会同验收林如楚调理已痊即出供职复补翰林院修撰黄土俊

○壬午以元旦令节遣怀宁侯孙承荫等赴 各陵行礼

○癸未祭告 太庙祧庙将收回祭昌颁赐辅臣

○吏科署科事张孔教以大计在即请速允新推都给事中赵兴邦刻期理事以襄大典大明神宗显皇帝实录卷五百七十八

万历四十七年正月乙酉朔 上免朝辅臣方从哲率文武百官于午门外行庆贺礼辅臣复诣仁德门行庆贺礼赐辅臣上尊珍饌辅臣方从哲言大僚半缺言路几空需次苦于积薪得旨艰于转石其一谓部院堂官总该二十余员今见任不过十员以一人总一部已觉烦难以本部揖别部尤为鞅掌况今边疆多故师旅繁兴关系匪轻点用宜急其一谓科印虚悬发抄久废巡方多缺弹压奚资始因人而废官寻缺官而误事甚至考选候至六年散馆候至四年不为不久且大察伊迳而该科尚无一人谁为商确乞将吏部所推卿贰科道各官尽赐允用庶君臣交儆朝政一新奉旨览奏情词恳切具见忠爱朕已悉知所请补大僚用言官俟朕详览陆续简发其余诸事朕已知道了况今国家多事之际又值履端节届卿为首府重臣宜表率百僚岂可托疾不出国事何赖宜遵旨速出入阁辅理以慰眷怀

○保定巡抚靳于中引疾乞休不允 光禄寺署正黄正寿监守盗窃仓粮下法司

鞫问从户科给事中李奇珍之奏也 辽东巡抚周永春劾贪庸游击万中选李大成罢职从之

○以三载考称给刑部尚书李志诰命如例

○升永平参将刘渠为孤山副总兵通州参将高应节为洮岷副总兵右营游击刘汝植为居庸参将延绥游击王世钦为宁夏西路参将镇夷游击包天吉为永昌参将蓟镇游击唐祺曾为镇边参将固原游击刘衍祚为供水参将保定游击郑源为倒马关参将宁夏副将刘奋武为神机营左副将镇番参将潘国镇为五军左营参将王潭营游击沈勋为神机四营参将天水峡游击高炯为神机三营参将游击张显义为神机七营参将洪广游击王愿为神机七营参将兴武游击张曙为五军八营参将大宁金书祁盛镇为五军四营参将

○丙戌大学士方从哲催请吏科管理察务不报

○丁亥宣宗章皇帝忌辰遣官祭景陵

○戊子命给事中张延登署掌吏科印信料理察□（□应作务）从吏科给事中张孔教请也

○己丑陕西兰州有母羊生一羊（羊应作羔）一首四耳三嘴正嘴左腮一嘴二齿右腮一嘴一齿

○庚寅 命隆平侯张国彦承袭祖爵从吏部覆请也

○原任修撰黄士俊以假满复职

○升河南副使孟习孔为本省参政广东参议张邦翼为浙江副使

○辛卯以国子监祭酒张邦为少詹事纂修玉牒 以南京祭酒周如磐为少詹事清理贴黄

○广西巡按潘一桂劾右参政咎云鹤调简

○云南巡按潘浚言灾异叠臻挽回宜急昨岁九月二十八日本省徽江地震有声是月秒彗星见东方长数百尺月下射射末曲而锐未几而见于东北方又未几见于西金星光芒四映大昷月景十月二十七日轰雷陨电变出异常兼以饥馑兵凶所在思乱用人行政良非缓图如青宫之储训宜勤 皇孙之册立宜早扉纶之枚卜宜举卿贰之大僚宜补考选散馆之宜下累臣久困之宜释乞赐转圜以回天变不报 壬辰 陕西巡按王权量言奴酋猖獗出没叵测西虜虽款向背难知况清抚既去辽关已缺外藩而沿海一带北至发策南抵江右时时防猺獞之讨在在切震邻之恐则山东淮扬吴浙之间而未得安枕推而至于各边腹里或增饷或抽兵或因驿路之烦扰或激奉行之未善或赤眉黄巾揭竿草泽天下事始难为矣即如臣见役于狭在庆阳府安化县则以白莲教李文等报谓其绰号李老君妄称天书飞剑在平凉府镇原县则以强寇李云等报谓其屯聚唐家寨拒捕杀伤官兵至于河套之虜耽耽思逞虽吉能歛翼翫伏而戎心无厌芦塘围杆起火之北变不虚生尤可虞者腹里灾伤米价腾涌无聊之民苟且为奸为今

之计惟有严保甲以缉奸邪明乡约以消左道惩贪暴以杜侵克而又时赈济以惜饥寒尤不失为救时急着也常赈济银两原无设处万历四十五年十二月该前按臣李养志题留商税虽尚在候旨然权移那借以救燃眉伏乞循依先抚按所题四十六年陕西税银已徵赈济者庶可搜括赔偿庶狭民其自瘳乎不报癸巳辅臣方从哲言御史刘光复系狱四年乞请释放以光圣德不报吏部覆吏科署科事给事中张延登奏察典三事其一谓保任之法请将今次各处开报异等精加遴选如府县等官则书司道举主之名于下司道等官则书抚按举主之名于下亦随察疏上闻以备擢用倘贗鼎混真事发一体罚治一谓严提问之法情将今次各处纠弹职名再加磨勘如乾没钱粮确有数目如出入人罪事有证佐甚者提问追赃究罪倘闻风失实何防量为平反一谓慎署印之人迩来大选急选新官领凭迟滞以致地方缺人委署冒滥请今次覲完抚按须将委署各官逐一考核安静有荐贪纵有劾仍 将部院节年题准事例汇集计册分别目录务要明白简易刊刻成册名曰朝覲事宜通行天下咸使恪守务期力行以臻实效 上以有裨察典嘉纳其言

○甲午升刑部郎中钱士晋知直隶大名府方尚恂知福建建宁府荫前都察院右佥都御史李春先次男为柱入监读书

○乙未 孝恪皇后忌辰遣官祭 永陵

○命戚臣郑养性授都督僉事止准一辈后不为例以后戚畹亦不许援例奏请从兵部尚书黄嘉善之议也

○丙申辅臣方从哲再疏催请考选教馆候命之久各科各差乏人之极乞赐允行留中

○升工部郎中陈应元知陕西西安府

○丁酉赐山阴王俊柵谥曰庄宪

○兵部尚书黄嘉善条上安边十议一议战功今后边方功次不必专论斩级果有控驭得宜四郊牧宁者督抚镇道诸臣虽无血战之劳并与大捷同赏一议城守有专城之责者必与城相为存亡有信地之责者必与信地相为生死自今宜严饬功令犯则必诛一议款贡我国家羈縻戎虏设主款贡一节盖揖犬羊以仰我鼻息姑纾吾力而修其备耳各边贡市务要主持坚定戎索内操若虏盟可固不妨投赍以息其争设虏势渐携必先扼吭以乘其疑前有缺文

敝一议策应九镇虽各有信地合之皆国家藩篱也每见诸虏入犯往往煽聚勾连借兵他种各镇务须彼此同仇相为犄角但有逆助旁侵即为捣虚牵制如或一方告急又当首尾相成毋坐隳唇齿之防自撤声援之势一议侦探虏欲内侵势难猝至举动常在旬日之前设平日能绥怀死士恩结降夷虏势夷情岂难预伺一禁科克士卒所赖以糊口者惟此数斗之粮乃贪黷将吏攫攘公同甚有赃私捆载仅议夺官弹墨未乾寻复视事今后凡遇朘削自封贪恂有迹者轻则黜革重则诛鉏虽有他功不准自赎一禁占

役查会典凡各处总兵官跟随军伴协守游击分守守备以俱各有差近来镇臣路将有占至数百名少亦不下百名者自今总镇而下以及偏裨除应随各役外一一清理兵马若干□□□□务期隐占清而行伍实一禁蒙蔽天下之患莫大于相蒙掩败则讳重以为轻徼功则张小以为大今后督抚按道诸臣严责诸将凡系军情塘报务要据事直书一禁交通国家有私通外国之禁法久人玩甚至贪虏重贿以诚输之请各边关隘严立讥防但有私通边内之情即按交结境外之律无论军民立时悬首其该员役一并严惩至于讲事夷使毋与行户潜通一禁漏泄军中情形安危攸系一有泄漏祸败踵至若锋镝未交而事机先露部署甫定而虚实已传此兵家之大戒也伏冀 天语申飭令臣部与边镇臣一一举行 上曰览奏皆御虏安边实政内策应侦探交通漏泄诸款于边事尤为切要其令边镇各官一一从实举行不许虚文塞责

○兵科给事中赵兴邦奏锦衣卫舍人刘然骚扰驿递沿边需索至经繇二十五处索贿三百余金伏乞敕下顺天抚臣速行勘鞫计所索诈赃银如律治罪以抚臣刘曰梧觉察故也

○升大理府知府陈偕为山东运使

○升严一鹏为南京光禄寺卿

○戊戌吏部尚书赵焕言 圣慈久已著闻人情亦久消释请释御史刘光复不报

○己亥四川巡按饶景暉遵例纠劾茶水道参议任彦棻闲住川北道副使柯维綦降用川南道副使张养心调蓟

○庚子调山西按察司副使傅淑训为本省提学副使

○辛丑 英宗睿皇帝忌辰遣官 奉先殿行祭礼

○辅臣方从哲六< ䷗ ䷗ ䷗ ䷗ ䷗ ䷗ >乞身并请速行枚卜不报

○夜五更火星逆测在轸宿度分

○壬寅山西巡按王远宜言藩盐改支已极不可为训奉旨福府食盐事例著遵屢旨支給不得渎扰

○敕御史沈珣巡按贵州

○癸卯兵部尚书黄嘉善题据职方司员外郎王元雅呈称策辽六款一严责成分派应援军令罔赦必使诸将无< ䷗ ䷗ ䷗ ䷗ ䷗ ䷗ >避推诿之路而后有挺身赴敌之心有功者赏不逾时有罪者立斩如杜松贺世贤既有水火之形难作臂指之使相应远派信地使不在互援之例一别功罪辽自抚顺陷没士气消沮贺世贤独以偏师出塞斩虏首一百五十级李如柏抚顺之役复斩虏首七十余级二将所当优赉以励人心至麻承恩援辽数年七城连陷今皆以行勘未报功罪在半明半暗之间宜敕下边臣速为勘结一戒欺蔽隐匿军情以致失机者斩律例甚重今后宜申飭诸将出征者一意攻剿留守者严加防御即有疏虞不妨从实申奏酌量轻重明开一面之网准令立功自赎若有仍前隐匿情弊即失事甚轻必加诛戮一简精锐辽兵除旧额九万外调集南北以及招募计

一十一万然人鲜精壮所患不在兵马之不多而在士气之不振宜敕经略会同监军御史及镇道诸将南北调到援兵选其精锐堪战者分属各将其脆弱不堪者尽行沙汰斥回一督刍饷辽左弹丸地刍粮所出能有几何且值新旧不接兵马则日调而日多刍饷则日用而日少目今刍秣不继闻开铁一带至镗菊□□秸饲马安望其追奔逐北乎登莱虽议开海运而民间以征倭受累尚在踌躇山海虽可以召商而近又以饷部升迁无人讲究至于顺天加派输草运辽诚为便计宜敕下户部郎行新饷司星夜料理一核战具中国长技火器为先旷野列营战车是赖辽人浪言搏战向以用火器为无勇用战车为迂阔而不知御夷灭虏我之所恃全在于此近虽经督臣打造数百转运关东然不知果否足用应否续造所宜蚤为措办不可使军前称乏者也奉旨东事料理已久师期将及一切战守机宜如何尚无成议且北关获捷之后虏中情形久无奏报怠缓若此安望成功尔部即马上差人传与经略杨镐将议定征剿防御方略作速驰奏今大兵云集饷烦难倘致师老财匮责将谁诿条议诸款有裨边计其令经略督抚等官一体遵行

○援将佟国祚以叛逃先是陕西固原游击佟国祚领兵援辽于万历四十六年九月二十八日师次昌平国祚闻伊父原任总兵鹤年降奴遂萌叛志给各官领兵先行至二十九日又诡称家人佟六汉亡即差牢役邵进忠等分投追赶国祚遂得只身轻骑脱逃以去据总督蓟辽汪可受及陕西总督三边杨应聘巡抚李起元总兵祁继祖奏闻相同法应擒逮兵部覆请以闻 上命捕治之

○甲辰以御史房壮丽熊化为会试监考官张至发董元儒为搜简官

○乙巳升冯乾为神机八营佐击刘登瀛为五军十营佐击

○丙午升黄朝聘为江西副总兵王选为雷廉参将管大藩为南洋游击宣元德为老营堡游击杨嘉谟为通津游击罗万言为宁虏堡游击卢抱忠为柴沟堡守备高尔爵为张家湾守备石钦为海州守备

○丁未兵部尚书黄嘉善覆奏为照奴酋犯顺罪在不赦该臣部与经略会议赏格相应覆请候命施行略曰有能擒斩奴儿哈赤者赏银一万两升都指挥世袭擒斩奴酋八大总管者赏银二千两升指挥使世袭擒斩奴酋十二亲属伯叔弟侄者赏银一千两升指挥同知世袭擒斩奴酋中军前锋暨领兵大头目者赏银七百两升指挥僉事世袭擒斩奴酋亲信领兵中外用事小头目者赏银六百两升正千户世袭以上应赏功级皆自军卒言之如原系世职则于本职外除应得正赏仍另加恩荫优异文职文生升赏俱照前例被虏如李永芳等投虏如佟养性佟养士等若能缚献奴酋俱得免死奴酋亲属有能大义灭亲擒斩自赎亦得免死从优安置北关金白两夷擒斩奴酋即给与建州敕书以龙虎将军封植其地其朝鲜擒斩照中国例一体升赏国王仍行褒赉至于中外人等有能剪灭元凶因而削平夷部底定东陲临时奏请另行颁爵功不在赏格之例乞赐裁定以便遵行 上从其议命刊印榜文晓谕中外

○礼科给事中元诗教言会场将届功令宜严特请申飭以厘积弊先是臣因历科

条陈重复冗襍难于繙阅奏请厘为画一成书刊布通行著为令礼部题覆已经奉旨命曰礼部题准申定科场条例凡为款二十各以类附大都可行乡试即可行于会试此当一体遵行无碍者也至于折号填榜除照则例外其磨勘中式朱墨卷宜于揭晓后即令监试官与提调官公同磨勘无弊则已如有违式等弊提调官呈堂会同该科覆阅悉如查参轻重及查参覆试则例行之盖乡试罚科会试罚廷试无二法也伏乞特颁 明旨申飭务在必行

○命给 潞王米一万石从户部覆奏也

○升杨元吉为柴沟陈承祚为徐州白元洁为临元杨茂都为琼崖各参将哈元勋为天津游击李剑为清水营巢丕昌为宽奠胡国宾为古水井沈继先为保官梁甫江为将军会江连为沿河口各守备

○戊申命户部尚书张问达署掌刑部印信

○以三载考满给漕运总督王纪诰命如例

○升黑云龙为张家口守备陈京为朔州城守备

○大学士方从哲题日讲乏官经今六载圣学之作辍多时祖制之废弛殆尽乞将礼部左侍郎何宗彦右侍郎孙如游原任礼部右侍郎协理詹事府事今服阕顾秉谦同充经筵日讲官撰述讲章进呈御览是亦新政之一端臣民所伫望也不报

○己酉 孝静毅皇后忌辰遣祭 康陵

○大学士方从哲言自十二月中待罪乞休候旨四十余日矣阁门昼闭揆席虚悬改岁以来恳请至今察< 銛-金 >既上计典已完当庶僚澄汰之余正众正登庸之会诚于此时涣发明纶銛臣必能广询博访以副侧席之求况今辽左讨逆之师近在旦夕运筹决胜谁为仰赞庙谟廷试天下贡士转眼届期吁俊抡材孰与共襄钜典此又目前务急要在得人不独寻常辅佐之资票拟之役而已不报

○庚戌以右庶子赵师圣为左庶子掌左春坊印信右庶子何如宠以原官掌右春坊印信俱兼翰林院侍讲原任左赞善钱象坤为右谕德兼翰林院侍讲

○辛亥以考察事竣劾浙江等处参政陈一教等降调有差

○壬子命少詹事张邦纪代知贡举以礼部右侍郎孙如游暂假调理也

○癸丑蓟辽总督汪可受引疾乞休奉旨辽左用兵督臣身任封疆不得称疾不允

○升余德荣为宁夏副总兵董继舒为大同游击吴重阳为天津游击

○酌议 惠王 桂王婚礼各计七万金以东事军典烦费节物力也户部覆奏以闻 上命每王办进十四万金不得借言迟缓致误大典

○甲寅辅臣方从哲言 皇太子讲学去秋曾奉 明旨命于来春举行今已春融乞钦定讲期以信诏旨 上谕春寒不便其另择吉行

○是日辅臣请以左赞善徐光启左谕德钱象坤右谕德郑以伟为 东宫讲官俱不报

明神宗显皇帝实录卷之五百七十八

明神宗显皇帝实录卷之五百七十九

万历四十七年二月乙卯朔以吏部右侍郎兼翰林院侍读学士史继偕礼部右侍郎兼翰林院侍读学士协理詹事府事韩爌为会试正副考官

○以左谕德汪燿右谕德钱象坤杨守勤翰林院修撰钱士升黄士俊编修刘鸿训叶灿简讨李国< 木普 >冯铨王祚远曾楚卿王应熊吏部文选司主事白储昭礼部精膳司郎中庄祖诰兵部职方司郎中王元雅刑部云南司郎中樊良枢户科给事中官应震礼科给事中亓诗教兵科给事中赵兴邦吴亮嗣为同考官

○丙辰辅臣方从哲言昨岁杪恭承 圣谕许臣以大僚言官陆续简发今已逾一月静听杳然当兵机旁午之际而户兵二部侍郎与督饷侍郎俱未点用贵州按差业蒙允用沈珣矣此外如苏松湖广长芦两淮河南淮扬远者二年近者数月皆题而未下候命者苦需次之久报满者嗟得代之难弹压无人激扬奚赖至于考选散馆拟科之官则又有缺当补无差可题株守多年淹滞尤甚乞慨赐允行以信前旨不报

○兵部尚书黄嘉善言驿递供应之难大端有五一曰核定勘合二曰禁止割分三曰填给照验四曰裁止供亿五曰严核诈伪以至领兵将官及从征军士除一应行粮料草遵例支领外敢有分外需索干踰法纪者许驿递指实告陈地方抚按不时奏闻从之

○以三载考满荫刑部尚书李鋹子永隆漕运总督王纪子景旦各为国子生

○直隶巡按姚鏞疏奏罢榷税称扬州为自南入北之门户徐州为自北入南之津梁商贾辐辏夙号殷阜自利瑄四出榷税以来非借事重罚以倾其囊则逞威严刑以毙其命流亡辗转负贩稀踪流毒灾民莫此为甚乞念根本重地亟赐停免不报

○丁巳遣礼部左侍郎何宗彦致祭 先师孔子

○升周用文为江西都司李时渐为大宁都司刘炳文为山东都司章敬身为中都金书陈图为山西金书颜必节为河南金书柳大藩为陕西金书张鸿功为山东金书

○遣鸿胪寺堂上官宣谕辅臣方从哲速出视事以从哲屡< 足 毓-金 >乞休也

○夜五更火星逆行入轸宿六度二十分 ○戊午兵科给事中赵兴邦言援辽之役前调川兵与续调各镇兵马已经各镇督抚于岁前月日不等报有遣发日期按日计程宜皆疾赴至今逍遥糜费杳尔无闻乞行蓟辽督抚问某镇兵马某日过蓟某日度辽仍查起程日期按日计算如愆期太过即将领兵将官论以逗遛之罪奉旨援兵久未出关何裨征剿之用其令该督抚严催赴镇有逗遛过期者兵部重治之

○己未升户部郎中金炼为河南参政刑部郎中唐嗣美为山西参政起升原任广东参政陈亮采为山东参政

○庚申 上谕户部曰辽左征剿届期需饷甚急其令入覲官作速回任将加派及各项钱粮那借起解不许延迟误事违者参处前借工部太仆寺未完银数一并给发以济急用 ○山东巡抚李长庚再< 足 毓-金 >引疾乞休不允

○辛酉 上命户部急解辽饷无令匮乏其本色粮草作速收买不得仍前怠玩致

四路北以开铁为一路从靖安堡出边以原任总兵马林为主将以开原管副总兵事游击麻岩管铁岭游击事都司郑国良管海州参将事游击丁碧原任游击葛世凤管新兵右营原任游击赵启祜管新兵中营原任参将李应选原任守备江万春等隶之以开原兵各道僉事潘宗颜监督岫岩通判董尔砺赞理而北关兵马分路并进又监之以庆云管游击事都司窦永澄此可以攻奴酋之北面从此而南则沈阳为一从抚顺关出边以山海总兵官杜松为主将以保定总兵王宣原任总兵赵梦麟左右之又以职标下右翼营管游击事都司刘遇节原任参将袭念遂原任参将柴国栋原任游击王浩张大纪杨钦桂海龙管抚顺游击事备御杨汝达等隶之以分巡兵备副使张铨监督以按察司经历左之似赞理此可以攻奴酋之西面从此而东以清河为一路从鸭骨关出边以辽东总兵李如柏为主将以管辽阳副总兵事参将贺世贤职标下左一营管游击事都司张应昌管义川参将事副总兵李怀忠总镇坐营游击戴光裕总镇右翼营管游击事都司冯应魁武靖营游击尤世功西平备御徐成名加衔都司李克泰原任游击吴贡卿于守志张昌胤等隶之以分守兵备参议阎鸣泰监督以推官郑之范赞理此可以攻奴酋之南面从此而东南以宽奠为一路从凉马佃出边以总兵刘綎为主将管宽奠游击事都司祖天定南京陆营都司姚国辅山东管都司事周文原任副总兵江万化暖阳守备徐九思浙兵管备御周翼明等隶之以海盖兵备副使康应乾监督以同知黄宗周赞理而朝鲜兵马分路并进又兼之以管镇江游击事都司乔一琦此可以攻奴贼之东面若清河之东暖阳之西尚有一路亦可通贼但山险路狭林木蔽亏止可轻兵出奇张疑设伏听临时相机调度乃兵马虽分四路出边之时须合探合哨声息相闻脉络相通各道名为监军而催僦粮草纪籍功罪招收降人皆其职掌又辽阳广宁系根本重地则以原任总兵前府僉书官秉忠与辽东都司张承基驻辽阳以新添总兵李光荣驻广宁各领兵马以备不虞又以管屯都司王绍勋总管运各路粮草分派既定复誓诸神至若悬赏规格题奉钦依已经榜示昭然中外耳目且传播夷地矣复将罚约备款已经榜示者又行明白宣告使共听闻一各路信地距奴地城寨计道途远近定出兵日期如违日期者明系逗遛主将以下领兵官皆斩一本路虽杀贼收兵见别路为贼所乘不即救免者明系观望主将以下领兵官皆斩一主将与将领千把总及军士或有私讐于阵中乘机陷害者审实处斩一官军临阵退缩不前者登时立斩一马步兵前对以冲锋陷阵破敌为功不许割级俟贼败走之后方许后队割级验功之时前后三七分赏如贼未败而争先割级来抢级者皆斩一临阵私逃及诈称病规免者斩一营中畜藏妇女者斩一营中不加谨严致失火延烧火药粮草者斩一杀中国被掳人民报功者斩一滥杀投降夷人及老幼妇女充功者斩一争夺高丽及北关所获首级者斩一攻克贼寨争抢财物致有失机者斩仍罪及本路将领一俘获贼属子女及被掳汉人妇女隐匿不报者斩一督运及护粮草官违误军兴者斩以上一十四款不悛三令五申各宜朝乾夕惕尚方具在军法无私因取抚顺在阵先逃已经题明正法之指挥白云龙者当场梟首示众以为法在必

行之例随密谕各总兵起自二月二十一日各依期限先后出边务期尽贼而返谨具奏闻

○丙子敕户部右侍郎兼都察院右佥都御史李长庚专督辽饷

○升四川副使杜应芳为福建参政山西副使周泰峙为河南参政汝宁府知府岳骏声为河南副使刑部郎中谢渭为湖广副使广平府知府焦源清为山西副使

○丁丑以清明节遣官分祀 诸陵并 恭仁康定景皇金山 陵寝 哀冲 庄敬二太子坟所各行礼

○南京刑部尚书卫一凤引年乞休不允

○户部奏条列仓务 上以有裨漕政从之

○戊寅广会试额数三百五十名先是会额止三百名至是特增五十名命礼部著为令

○以右春坊右谕德郑以伟钱象坤左春坊左中允汪辉管撰诰敕 ○升广东佥事杨瞿崃为九江道参议广西佥事姜志礼为湖广道参议湖西佥事黄汝亨为本省参议

○予原任总督京营戎政宁阳侯陈应诏祭五坛遣官营葬如例应诏拮据京营以积劳卒于官妻夫人许氏援例陈乞礼部覆允故有是命

○己卯夜四更火星逆行入翼宿十六度三十分

○庚辰左都御史李鋹以人言引疾乞休 < 足 毓-金 > 凡三上俱优 慰留之

○辛巳 上谕工部曰殿门工程已奉旨知会开工如何擅自停止该司官姑且不究速令清理地基接绪鼎建不得借言挠阻有违造作

○铸换湖广等处承宣布政使司之印

○壬午蜀王贡扇诏赐银一百两大红罗常服一袭写书与王 ○云南丽江军民府土官知府木增输银 万两助充辽饷

○朵颜等卫夷人哈哈赤等二百四十一名贡马及方物赐宴赏银币等物有差

○癸未南京吏部尚书沈应文引疾乞休不允

明神宗显皇帝实录卷之五百七十九

明神宗显皇帝实录卷之五百八十

万历四十七年三月甲申朔 孝肃皇后忌辰遣官祭 裕陵

○大学士方从哲题顷接经略杨镐手书原拟二十一日大兵出边剿贼适十六日天降大雪跋涉不前复改于二十五日当此进兵之时胜败安危决于一举而前日之风变若彼连日之阴霾又若此 天心示儆极其昭著臣愚欲乞 皇上降敕一道令兵部传谕东征将士用示鼓舞臣谨僭拟谕帖一纸恭进御览伏惟裁改酌行

○礼科给事中元诗教言 皇上御极之初日讲不辍经筵时御何为因循至于今日竟视 东宫如漫不相关之人视 东宫讲学如漠不切己之事且不惟 东宫也

皇长孙十有五岁矣亦竟不使授一书记一字我 祖宗朝有此家法否乃迩年以来不务令德惟贿是闻臣恐作述无

\$\$\$\$-10970-&&&&

闻何自赆重光之烈丰亨难恃惧终流悖出之殃不报

○旌表湖广黄州府罗田县教谕周□□由伯母鲁氏叔母郭氏贞节

○总兵杜松等师出抚顺关陷没先是奴儿哈赤寇边经略刘镐议四路出兵讨之以松为一路军沈阳从抚顺关出边约三月初二日兵次二道关合营前进松于初一日自抚顺提兵直渡浑河生擒活夷十四名焚克二栅随乘胜追剿至二道关伏夷突起约三万余骑与我兵对敌松率官兵奋战数十余阵欲图聚占山头以高临下不意树林复起伏兵对垒鏖战天时昏暮彼此混杀而车营枪炮以浑河水势深急拥渡不前松与保定总兵王宣原任总兵赵梦麟皆陕西榆林人俱以将略世其家松骁勇过人久历封疆屡获奇捷至是以援辽起升山海总兵经略镐命从抚顺出边攻奴西面以宣与梦麟左右之松奋勇喜功

\$\$\$\$-10971-&&&&

介马疾驰而奴亦素惮松因厚集伏兵以诱之入遂为所中说者谓其刚愎寡谋所不免焉经臣称违律丧师抚臣周永春按臣陈王庭亦以为言不知师期已洩奴备我矣先期与如期皆败道也

○乙酉开铁路总兵马林失利监军兵备道佥事潘宗颜死之初林领开铁兵从三岔口出边营于稗子峪夜间奴陷杜松军军中遂哗及旦敌至林甚恐遂提部下兵避其锋以去宗颜独留殿后奋呼杀贼胆气益厉与游击窦永澄守备江万春通判董尔励等及所部健丁冲突鏖战贼死者枕籍自辰至午力竭不支遂同时遇害宗颜字士潜万全都司保安卫人能诗赋善古文辞至天文兵法亦时时玩习为诸生便究心时事有筹边赋及韬略十二对癸丑成进士授户部主事则奴酋猖獗条具辽事芹议时论黻之遂挺身往督辽饷会开原道缺特

\$\$\$\$-10972-&&&&

用咨补申明军令严为巡缉取剽掠奸淫者立正以法四境肃然阴知马林不可共事未出师前遗书经略杨镐曰林庸懦不堪一面之寄乞易别帅当此重任而以林遥作后应庶其有济不然不惟误事且恐此身实不自保至是果如其料战没之日骨糜肢裂惨不忍闻年三十六讣至上遣官谕祭赐葬立祠赠光禄卿荫子兆环为锦衣卫世袭百户谥曰节愍

○夜东南方有星如碗大赤黄色尾迹有光起自大角星东北方行至近浊

○丙戌兵部尚书黄嘉善覆兵科给事中吴亮嗣条上京营五事内除清军实以裕国储一款听户部议覆外其一练选锋以习长技议以六万火器手严汰老弱教演枪炮于内选最精者三千人优以双粮其粮即以汰老弱并见缺额之粮补之若将领训练不

精者年终即以此为殿最一查马价以实戎伍以

\$\$\$-10973-\$\$\$

后粮料按月给发先赴科道挂号逐名亲给至于倒死专兑收粮住支申报各衙门互相给查一除积弊以饬营规议将坐营量加以都指挥体统行事职衔以便统辖一饬班务以核虚冒以后班军到京之日先行查点始入营操如有重大工程兵工二部移会□拨一应钱粮俟解官挂号投部听管班司官随到随放接济工操至于行盐二粮亦应赴挂号方许关支从之

○巡按直隶御史潘汝祯条上昌保事宜十款一营兵防守宜增一宜昌会哨宜行一考核移将宜定一山陵台军宜核一堡城河岸宜筑一各口营建宜审一官常因革宜酌一修墙设城宜急一修器修船宜预一各营事例宜平兵部覆议称便从之

○夜火星逆行入冀宿十五度一十分

○丁亥援边总兵麻承恩论斩初承恩戴罪援辽移沈阳驻劄遇警应援于万历四十六

\$\$\$-10974-\$\$\$

年四月间奴酋诱陷抚顺承恩借防清河脱身以去及本年七月十二日清河被陷承恩复按兵不动与参将祖天定坐视逗遛不赴策应照律问拟应得罪名承恩拟斩天定拟戍仍将承恩逮赴京师下兵部治之从巡按山东御史陈王庭奏请也

○戊子升户部郎中张凤翼为陕西右参议

○己丑升刑部郎中刘文琦知陕西巩昌府工部郎中娄一堂知江西瑞州府户部郎中张大猷知直隶广平府

○以御史倪应眷为长芦巡盐

○庚寅谕内阁曰 皇太子讲学天气寒燠不调俟和暖举行以辅臣择是日开讲故有是命

○四川布政司恭进 上用扇柄以粗恶不堪样数短少各夺俸三月仍命该省抚按究原委通判李槃等赃罪以闻

○ 上谕兵部曰朕见连日以来风霾异常日光昼晦朕心深切警惕因思辽左正当进兵之际天象若

\$\$\$-10975-\$\$\$

此边事不可无虞至于各边调发空虚夷情蠢动防御尤当加谨尔部可马上差人传与东征将士务要同心协力奋勇杀贼早收擒剿之功赏格已明朝廷决无吝惜目前风雪并作严寒未消诸将士暴露行间深可悯念着经略与抚按官于额饷外另加赏赉以鼓众心庶几灭虏安边在此一举其各边督抚等官亦行文与他着比常时十分谨备用保万全故谕

○辛卯升吏部员外陆卿荣为文选司郎中

○壬辰巡按应天监察御史田生金请释累臣刘光复不报

○癸巳大学士方从哲题据辽东巡抚周永春监军御史陈王庭各揭称总兵杜松于初一日自抚顺出边遇伏兵突起彼此混杀遂至溃散总兵杜松王宣赵梦麟等俱报阵亡北路总兵马林等亦溃散开原金事潘宗颜通判董尔砺等俱各战没窃计四路之兵已败其二其李如

\$\$\$\$-10976-&&&&

柏刘綎二路尚未知胜负即今全辽主客官兵皆从诸将出边辽沈开铁之间及广宁以西在在空虚万分可虑伏望 皇上出御文华殿召九卿科道等官会议共图保辽保京师之策不报

○甲午升福建右布政改毕< 梃心 >良为本省左布政

○大学士方从哲言两路丧师覆军殒将乞速将户兵二部侍郎并赞画主事刘国缙并赐点用仍将帑银速发三五十万两充饷以鼓舞将士之心不然琼林大盈之积可为殷鉴不报

○是日辅臣又题适九卿科道官见臣于东阁极言东事危急京师万分可虞各具有公本欲于文华门候旨臣已谕令出午门外暂候伏望传示一旨见 皇上省览允行之意不然诸臣相约拟一二日闻伏阙恳请万一至此恐非太平盛事臣等谨据实奏闻

○辽东经略杨镐奏本年三月初四日据辽海东宁道副使张铨

\$\$\$\$-10977-&&&&

塘报总兵杜松同王宣赵梦麟二总兵从沈阳提兵起行二十九日午时至抚顺关割营杜总兵违期先时出口至二道关浑河哨拨夜探遇贼生擒活夷十四名焚克二寨随即乘胜统兵追至二道关突起伏兵约三万余骑杜松奋战数余阵欲图聚占山头以高临下树林复起伏兵对垒鏖战天时昏暮彼此混杀遂致溃散塘报到臣为照征剿报过师期原以二十一日陆续发兵到边二十五日该宽奠一路出口初一日该沈阳开铁清河三路出口俱约定初至二道关合兵前进乃总兵杜松出师要占首功单马行前辄弃车营初一日申时既以活捉夷贼报功旋又以焚克二寨报功而不知其已入贼之伏也贼以备开铁之兵与备抚顺之兵合而攻之乌得不败既初二日午时开铁总兵马林行至三岔闻杜松已先出一日亦仓皇疾出比

\$\$\$\$-10978-&&&&

至二道关杜松与王宣赵梦麟兵马时已败亡又以备抚顺之兵与备开铁之兵合而攻之何能久支回至张家楼同车营入边据在阵斩首六级得获达马三十一匹臣与按臣计议且四面招集俾归原伍另加整顿又一面驰至清河宽奠两路不得深入去后又查庆云堡游击窦永澄阵伤落马而死盖州通判董尔砺中箭而死至于援兵皆大减原数仍宜发甘肃镇兵马及查得甘镇土官鲁祁等姓三家兵马亦可选调精锐一万名盖奴酋之兵据阵上共见约有十万宜以十二三万方可当之而昨之主客出口者仅七

万余岂能相敌至于调援将官必且择见任者方得其力大帅如王国栋柴国柱偏裨如朱万良别镇等守备如满桂等皆可急使以救目前之困图后日之举者况王国栋柴国柱原为援辽起用更宜带蓟镇兵丁星夜出关

\$\$\$\$-10979-\$\$\$

杜松一人故违节制殃及众将不得议恤微臣负 皇上委任责成之意又何敢逃斧钺除已席藁恭听处分一面昼夜料理仍望亟选才望者经略或即以抚臣周永春兼之更为便当乞亟敕该部速议施行奉旨杜松贪功轻进致覆全军日今虏势益张防御倍宜加谨杨镐策励供职以观后效其选将调兵等事该部作速议覆以闻

○是日杨镐又奏宽奠路获捷本月初六日辰时据援辽总兵刘綎塘报二月二十九日点发领兵前进行至马家寨口忽遇伏贼斩获真夷八十五级生擒夷汉八十八名夷器二十件牛马五十八匹只三月初一日又据镇江游击乔一琦报称直抵奴寨一百二十里去所忽有夷贼精兵五百余骑直逼对山诱战连诱连退对垒打伤达贼数多马进忠单骑杀入贼队砍伤夷贼三人斩首一级行至五里外复斩

\$\$\$\$-10980-\$\$\$

首三级朝鲜副元帅金景瑞与金延苏斩首一级本日申时又据把总崔茂光塘报徐九思从暖阳边外出口抄合大营行至离边二百余里撞遇达贼斩首一十五级生擒夷男妇五名等情各报到臣又于本月初三日先据刘綎差夜役口称兵丁将次深河子口有达贼截路斩首二级生擒一名据此为照剿夷四路分兵沈阳不遵期约遂并开铁路同致覆败臣恐清河宽奠两路逾远难进俱以令箭驰止去后清河路李如柏遵奉回师沿边赴沈阳兼防开铁惟是宽奠刘綎今报生擒斩获共二百一名颗及牛马等物臣谨会同总督蓟辽汪可受辽东巡抚周永春奏闻章下兵部

○巡按监察御史陈王庭言大兵誓师日期总兵刘綎于本年二月二十五日寅时出宽奠小佃子口马林二十八日巳时出铁岭三岔口杜松等二十九日申时出

\$\$\$\$-10981-\$\$\$

抚顺关口李如柏三月初一日巳时出清河鸦鹘关口初四日据副使张铨呈二十八日杜总兵同王赵二总兵等从沈阳提兵起行二十九日至抚顺关杜总兵刚愎自用欲贪首功违期先时出口至二道关浑河水深马兵拥渡不前尚遗车营枪炮在后松生擒活夷十四名焚克二寨随即乘胜至二道关忽起伏兵约三万余骑与我兵对敌杜总兵率官兵奋战数十余阵欲图聚占山头以高临下树林复起伏兵对垒鏖战遂致溃散初三日据铁岭拨夜口报马总兵与开原道潘金事被达虏围住初四日又据安乐知州张文炳禀称初三日据潘金事家人樊天朝执印到称潘金事在阵战亡又夜不收蒋兴称岫岩通判董尔砺庆云游击窦永澄亦俱战没协游等官麻岩丁碧郑国良左辅王捷及马总兵溃败张家楼又据总兵刘綎二十八

\$\$\$\$-10982-\$\$\$

日兵丁次深河子路口达贼截路获级二颗生擒一名照得行师必以纪律自誓师之后经略即谕杜松等务以持重又约三月初一出口乃先期兢进其失一刚愎自用其失二队伍错乱为贼所击其失三擒夷克寨不加傍哨致赚贼伏内被诱不知其失四将兵不习背水而战其失五轻骑深入撇弃火器车兵师无老营其失六智不能料敌谋不能驭众致二万余官军一时并遭陷溃至于开铁兵马初派繇三岔出口马林苦执繇靖安出边临期复繇三岔出口乃抚顺交锋而该镇未至比奴乘胜北驱守备不设致虏袭营兵亦败溃令道厅不保除杜松王宣等已经报亡余俱存亡未有的据经略杨镐既有督兵之责难辞失师之愆但夷氛正炽伏望酌量议处若臣监察无方谨席藁待罪惟听处分至道臣铨原无封疆之责似应宽议奉旨

\$\$\$\$-10983-\$\$\$

该镇兴师剿虏关系中外安危杜松贪功轻进自取败衄殊可痛恨马林应援后期且营兵溃散罪亦难追杨镐奉专征之命身任封疆乃威令不行以致各将相继丧师岂能辞责但今虏势方张急需防御姑令策励供职极力整顿以图再举其遣将调兵添饷等事该部作速议覆一切功罪俟勘明再议以闻

○福建道御史杨州鹤言顷见兵部接出 圣谕云赏格已明朝廷决无吝惜 皇上明见时势穷蹙而欲以不失信于东征将士计非发帑百万无以充军实而壮军容职又思税珰高准二十余年来剥蚀辽人不知几千百万金填委大内只此阿堵便可凑发以辽人之骨肉还以佐辽人之困危兴言及此可为痛哭乞赐俞发立望施行不报

○ 上谕兵部曰奴酋犯顺罪在必诛昨已兴师进剿不期杜松贪功轻进以致丧师深可痛恨

\$\$\$\$-10984-\$\$\$

诸文武将士死有可悯尔当破格优恤马林应援失期罪亦难辞姑著待罪立功尔部便马上差人传与经略杨镐严行各路将领虏势猖獗战守事宜务要相机进止不得仍蹈前辙如有逗遛观望不遵节制者偏裨以下赐剑从事尔杨镐受兹重任当申严号令今失将损军难辞其责已有旨著策励供职勉图后效其遣将征兵转饷等事著该部作速酌议具奏故谕

○兵科署科事给事中赵兴邦等言辽师失利国势益危为目前计莫若发帑用人二事当此之时且有赏功之费恤死之费募军买马修补械之费诸如此类其用不訾试问太仓则若扫矣虞衡罔寺则告匮矣加派民间者又缓不及事非速发内帑二百万将何救于败亡之数乎至揆席之不可久孤左右司马之不可不下熊廷弼刘国缙之不可不允万不容缓伏乞召见阁部

\$\$\$\$-10985-\$\$\$

大臣相与商确兵食战守一切安攘至计谨呼吁合词以请留中

○夜火星逆行入翼宿十四度二十分

○乙未 上谕兵部曰朕览镇守山海总兵官柴国柱塘报西虜虎墩见逆酋犯顺乘机挟赏如不遂意密行犯抢山海一带地方薊镇兵马调去辽东征剿薊门等处空虚深为可虑尔部便马上差人行文与督抚镇道等官传示沿边将士严加防御比常十分加谨务保万全应调拨何处兵马贴守作速酌议具奏故谕 ○大学士方从哲言辽左之难方殷薊门之报踵至今日之事断非臣一人所能担当明矣乞速简阁臣三四员立赐允用共济时艰并昨九卿科道等官公请用人发帑二事立赐允行不报

○升兵部郎中吴光义为陕西右参议

○是日辅臣又题适文书官沈应兆恭捧 圣谕到阁谕臣曰览卿所奏总兵杜松等出兵违期贪

\$\$\$\$-10986-&&&&

功不利堕其奸计殒将丧师大辱国体深切警惕朕自三月初一日以来偶感微寒头目眩疼心腹烦懣又且痰湿注足未愈见今服药调摄昨文武各官因东事紧急具奏俟朕详览发行卿可传示各官于本衙门办事静听俞旨特谕卿知钦此臣窃计之当此虜情紧急人心震动之时诸臣以用人发帑二事赴阙恳请至再至三 皇上即深居九重未有不悚然动念者詎意 圣体偶值违和正需调摄今既许以详览发行诸臣敢不静听但望于一二日间将二部侍郎及赞画主事尽赐点用并将应发帑金多少先示的数以慰中外仰望之心除遵旨即刻传示各官外臣谨回奏以闻

○深泽县知县许都弥封号错比对互异礼部以闻夺俸一月

○以大学士方从哲吏部尚书赵焕户部尚书李汝华仓场户部尚书张问达吏部右侍郎史继

\$\$\$\$-10987-&&&&

偕礼部右侍郎韩爌詹事府詹事兼掌翰林院事刘一燝少詹事张邦纪通政司右通政周希圣大理寺右寺丞韩浚为殿试读卷官

○以御史房壮丽刘蔚为殿试监试官

○辽东经略杨镐总督汪可受巡抚周永春巡按陈王庭各< 硃-金 >论总兵杜松贪功致衄马林应援失机兵部尚书黄嘉善覆奏以闻并自请席藁待罪 上曰昨览诸臣奏报知辽左出师失利殒将覆军以致虜势益张长驱可虑朕心深切忧惧其选将调兵诸事尔部即酌议具奏朕念薊昌系 陵寝藩篱山海为京师门户近来屡经调发所在空虚其令督抚镇道等官一切防御机宜比常十分加谨肘腋重地务保无虞卿宜安心任事以副眷倚

○户科给事中李奇珍官应震等言顷四路出兵殒将覆师九卿科道合词吁天首以内帑二百万为请亦稍支目前之计也候命

\$\$\$\$-10988-&&&&

未踰时山海总兵柴国柱塘报又至矣内称虎墩兔憨以十万余众犯广宁东西及

\$\$\$-10991-\$\$\$

帝肇造区夏 成祖文皇帝再靖家邦制度典章超越千古固可传之万世无弊者朕缵承鸿业绍述罔愆御极之初政教修明化行俗美犹庶几 祖宗之遗烈夫何迩年以来法守渐隳人惟滋玩德意壅而不究诏令格而不行申饬虽勤陵夷日甚在位者以恣睢为豪举而职业则亏在下者以干犯为故常而堤防尽溃甚至偏裨侵大帅僚属抗长官奸胥诬奏以倾有司乱民煽祸以攘富室冠履倒置名分荡然其他骄淫僭踰之风躁竞器陵之习不可悉数盖纲纪之紊至今日极矣其故果安在欤汉人谓天下所以不理常繇人主承平日久俗渐敝而不悟政渐衰而不改而宋人又谓纪纲隳坏皆繇上下因循此其说孰为当欤抑君臣当交任其责有不容他诿者欤夫更化善治贵识因革之宜起敝维风在妙转移之术兹欲当积弛之余

\$\$\$-10992-\$\$\$

返极重之势使法立而不犯令行而不逆纲纪正风俗纯以复我 祖宗之旧如何而可尔多士学古通今习当时之务深矣尚各摅所蕴明著于篇以佐朕之不逮朕将亲览焉

○大学士方从哲言自有辽东警报以来大小臣工无不骇愕而民间尤甚加以山海关又有虏报人心愈益恐怖讹言四起各思奔窜官吏士民以及商贾向寓京师者率多携家避难而去且迩来四方饥民就食来京者不知几千万游食僧道十百成群名为炼魔踪迹诡秘莫可究诘又有把棍结为死党诈财构讼睚眦杀人白莲红封等教各立新奇名色妖言惑众寔繁有徒至于奴酋奸细处处有之倘讥察不严令其潜住此中祸尤不小昨见都察院题差五城御史及九门巡视其于镇压人心讥防奸究乃目前第一急务乞速允点用庶内变可消外侮足御留

\$\$\$-10993-\$\$\$

中

○浙江道御史杨鹤言辽左万分危急神京震动可虞乞简禁旅以宽宿卫练营兵以固根本严九门以备非常修战车火器以资攻守此皆本兵戎政事也而目前急著莫要用人如原任辽东巡按熊廷弼之料事指掌贵州巡抚张鹤鸣之胆略过人原任开原佥事郭佳镇之慷慨忧时见任口北副使薛国用之才堪借著抚臣李长庚之持筹转饷参政袁应泰之忧国奉公之数臣者所当立赐简任而总兵李怀信巡捕刘渠亦皆大将之选并乞推用更望 皇上亟停皇税收拾人心释累赐环纳谏发帑易危而安在此一举不报

○福建道御史倪应眷言夷虏交讐谨陈兵事以保危边以固根本称事有缓急势有重轻而经略抚臣请发山海昌平上谷云中四将尽催出关将谓尽撤神京之肩臂藩篱以急辽耶况兔虎宰暖诸酋狺狺目见

\$\$\$-10994-\$\$\$

不宜有以待之乎职切度之即今调募宜半出边以固疆场半留边以卫畿辅分地操练令大臣有威望者统之以安中外危疑之心仍檄各省郡邑储糗挑卒邇相声援以备旦夕缓急之用然后徐而议守议战辽事尚可图安也至若皇城四门与五城九门五方庞褻诈伪丛生内市捆载而入奸氓托为商贾皆衅所伏也语云城门闭言路开与闭而后开不若言路先开令城门之不闭乎则考选何可不亟俞也帑金一涣中外欢忻然多发为浩荡之恩波早发为及时之雨露即二百万尚存见少皇上犹忍不能割耶昔人谓议论定而虏已渡河今虏骑生郊多官集议而不早一决策真可太息者此也不报

○户科给事中官应震奏保京师三议一曰皇城巡视应议闻奴酋原系王杲家奴在昔杲悬首藁街时奴怀忿恚寻即匿名佣工禁内窥

\$\$\$\$-10995-&&&&

曚多年夫 大工讵今日急务已停而复兴就里夹褻奸人亦所时有今须急停以防意外至每月逢四朝市速行禁撤庶免杞忧谓宜于候命科臣内特用四员专巡四门毋令兼带别差以分职掌二曰五城及九门巡视应议都城内外缁衣沙门沓来焚至把棍结党更烦有徒如向者京营所获张文经妖书不可穷诘异言异服保无奸细合无将候命御史敕令巡城仍一岁一转以当中差庶闲力久而稽察真较之三月递更孰得孰失至九门亦用候命御史朝夕关防此则三月一更可也三曰京营巡视应议夫营兵之不能战久矣年来操练迥异恒时独禁何旧差之巡役已竣而新题之俞旨尚稽合无即日僭催到任而内留者无一人闻有甘肃总兵李怀信实堪任此或调之入内带领家丁以镇固根本此皆今日急著也他若枚卜宜举

\$\$\$\$-10996-&&&&

大僚宜补俱乞速赐允行不报

○己亥织造龙袍开机遣礼部侍郎孙如游行礼

○户科给事中姚宗文言发帑募兵二事称东南之兵不习西北之战议招京师山东山西河南陕西等省兵以备战守不报

○庚子敕贵州巡抚张鹤鸣为兵部右侍郎兼都察院右佥都御史总督陕西三边军务兼理粮饷

○敕大理寺右寺丞韩浚为都察院右佥都御史巡抚保定等府提督紫荆等关兼理海防军务

○敕口北道副使杜承式为都察院右佥都御史巡抚甘肃等处赞理军务

○敕江西左布政王在晋为都察院右副都御史巡抚山东等处督理营田提督军务

○初铸督理辽饷关防

○遣礼部主事张翼明谕祭肃藩

○敕都督佥事王尚忠镇守保定地方兼备倭总兵官

六募步兵七增大将八明赏罚九议充饷不报

○戎政兵部尚书薛三才言京营额设战车火

\$\$\$\$-11000-&&&&

器所以备缓急预不虞之用也查得军营十枝额该战车一千四百辆自三十六年间已多破坏移文工部先修二百五十辆至今止修完二十辆耳续又破损三百五十九辆臣等与巡视衙门计议权借京营积贮见在修理又双轮火车御房最得力每具费不过五六两北尝用之营中不当添造乎火器枪炮原额七万九百九十二具内查堪用者止四万六千余近以辽左告急借发三千六百具止存堪用者四万二千余具盔甲十五千余顶副内破坏者一万八千余而选锋之明盔甲七千顶副帽儿盔紫花甲九千零二十顶副则大半破坏又内库所贮铜铸火器如灭虏炮佛郎机之类略一试用便即炸碎此皆须逐一试验另行补造者也日见工部争执 大工钱粮一< 匚 銃-金 >亦谆谆以修造战车火器为言但工费烦多尚无诚议伏乞敕下

\$\$\$\$-11001-&&&&

兵工二部刻日会议前项器具应修造者若干应另造者若干合用钱粮若干属之巡视京营科道如法制造庶官有专责工无冒破留中

○兵部尚书黄嘉善题遵旨酌议遣将调兵先后各该经抚按镇诸臣奏报战守事宜节奉 明旨议覆又该经略揭称欲将山海关镇守柴国柱调取出关又议昌平总兵王国栋应挑领蓟镇兵一万宣府总兵刘孔胤应挑领宣府兵一万大同总兵王威应挑领大同兵一万兼程救援仍以蓟镇总兵朱国良移驻山海关接应目前之著无过于是乃蓟镇奉谕谓空虚可虑应调拨兵马贴守则山海关总兵柴国柱难调遣矣昌平密迩陵京大同虏款未定大将俱难轻动惟宣府一镇稍稍安枕宜令该镇总兵刘孔胤领精兵共一万名俱听节制刻期出关以救焚溺至于镇守山海总兵柴国柱宜速照原

\$\$\$\$-11002-&&&& 题各拨标兵一千名再发新饷一万两行令该道会同本官就近招募壮丁二千名抑臣所能议者调兵而同心忧国戮力奉公则在各镇臣所能调者兵将而审量彼己相机应变严节制而保封疆则在经略一切制御机宜事关重大乞敕下廷臣再行会议施行得旨俱依议行一切制御机宜还令廷臣会议详确具奏

○癸卯兵部等衙门奏辽事益坏中外震惊请发帑金二百万以济危急并恳速点杨应聘祁伯裕刘国缙等立赐允行得旨览卿等奏虏患方殷用人宜亟杨应聘著以兵部左侍郎祁伯裕以兵部右侍郎俱回部管事刘国缙准照原推升用帑银俟即简发

○大同入卫游击董继舒留管宣府标下中军事从总督吴崇礼咨用也

○升芦沟守备孟应徵为都司佾书 ○调永昌参将包天吉为甘肃镇番参将宁夏西路参将王世

\$\$\$\$-11003-&&&&

钦为镇靖营参将

○兵部尚书黄嘉善题亟议招兵查得北直山东河南山西陕西地方饶有骁勇壮丁谙习武技堪充选用应行该管督抚衙门各于所属州县每处招兵四十名火速汇解至京听臣分拨团练奉旨近省招兵乃防御京城至计该督抚官严行所属作速如数招募务精锐有裨实用如以游棍充数及解发稽迟者有司从重参处

○兵科给事中吴亮嗣言礼部主事夏嘉遇曾拟考选之列有议其狂躁反覆仍拟礼部夫礼部最为清曹嘉遇不胜厌薄出< 足 铨-金 >改南近来辽左有事嘉遇自言有足兵足食之良谋自宜入告而今日讦科臣赵兴邦明日讦科臣亓诗教如诸事之否鬲果繇诗教则窜逐诗教以谢嘉遇如其事不繇诗教亦宜显斥嘉遇以省烦嚣时兴邦诗教及吏科张延登御史房壮丽等亦交章劾嘉遇借事发端党邪

\$\$\$-11004-\$\$\$

害正所言在东事而所以言之意则不在东事也俱不报

○浙江道御史杨鹤言辽之错不料彼己情形丧师辱国误在经略不谙进止机宜马上催战误在辅臣调度不闻束手无策误在枢部臣观今日功罪不别赏罚不明风闻杜松鏖战身死杀贼亦多经略反言杜松之轻进不问李如柏之逗遛何以服死事之心且同罪异罚麻承恩亦有后言矣近者周永春因辽人之心欲用李如桢切谓奴酋作逆宠之龙虎将军养虎遗患致有今日李成梁父子也李氏所遗之患自当责李氏收拾之然如柏兄弟与奴酋有香火之情三路之兵俱败何以如柏独全且镐之令箭何以独不止杜松刘綎司马昭之心路人所知也今如桢之威名果出如柏上乎逗遛观望能不类如柏乎职未敢信也如桢见在阙下奴酋包藏祸心他人不知如桢必知之彼

\$\$\$-11005-\$\$\$

中厄塞险易如桢必知之长安中无细作侦我中国虚实为奴酋腹心如桢必知之此可令在朝诸臣保之请如先臣梅国桢故事至如都城把棍亡命作奸实繁有徒五城御史杨州鹤等下令召募已有应之者矣职愚以为谁无忠义之心今但将杜松刘綎立庙京师燕赵悲歌慷慨之性必有誓不与贼俱生者此又鼓舞之一术也其京城内外小民有倡为讹言移家远徙摇动人心者令五城兵马縛而悬首藁街以靖乱萌若诸臣误国罪在诸臣若我 皇上优游不断是自误矣不报

○甲辰大学士方从哲言连接巡抚周永春揭帖海州有白虹贯日之异神机库有军器被焚之异沈阳有风折旗杆之异凉马甸有五星相斗之异大清堡有门楼火起焚毁火药火器及延烧民房数百间烧死男妇数十人之异又十一日夜狂风骤起将抚院

\$\$\$-11006-\$\$\$

门前旗杆平根摧折镇虏台旗杆三处火起夫广乃镇地首地旗杆系远近观瞻此之为变比前更为重大丧败之余群情汹惧加以天象若此军气日益灰沮人心日益惊惶开原商贾士民逃窜几半宽叆城堡奔溃一空辽之为辽真岌岌乎有不保之势矣辽失而祸立至于山海立至于京师患切燃眉救同拯溺其一切遣将练兵护畿辅卫都城

名二员或责以操练之实或责以战守之实或责以将领之实或责

\$\$\$\$-11009-\$\$\$

以军士之实或责以火器之实或责以兵车之实或责以城守之实或责以弹压之实或责以哨探之实或一年一满或三年一满考过复职称职优擢又查得武选司主事韩原善职方司员外尹嘉宾主事王弘祖魏运开车驾司员外解经传主事张振秀之数臣者刚明果毅绰有担当今事急矣量才委任并乞施行留中

○丁未 皇太子才人王氏于万历四十七年三月二十三日巳时薨逝合行事宜命照 皇太子妃郭氏例行礼部题上合行丧礼仪注一闻丧自四月初三日起至初七日止辍朝五日不鸣钟鼓 上位服浅淡色衣服于文华门视事文武百官 各具青素服黑角带朝参钦命 皇长孙主馈奠之事一初丧 皇太子素冠服举哀设奠 皇长孙诸孙诸孙女皆素服举哀设奠次日及第三日同一成服 皇太子举哀设

\$\$\$\$-11010-\$\$\$

奠私居服素冠十二日而除以后过七七百日一周年祭日暂服玄冠素衣一 皇长孙率诸孙诸孙女哀服哭行四拜礼视小殓大殓成服后朝夕哭临三日以后每日一奠通前二十七日而止其斩衰三年当避 君父之尊止于燕居私尽以伸子情一初丧御祭一坛 穆庙皇妃共祭一坛 中宫祭一坛皇贵妃等妃共祭一坛 皇太子祭一坛 皇长孙诸孙诸孙女共祭一坛 瑞安长公主祭一坛 瑞王祭一坛荣昌公主寿宁公主 共祭一坛六尚局祭一坛内官内使共祭一坛俱光禄寺办祭是日内使陈设祭馔并位如常仪内导引官导 皇长孙诸孙诸孙女诣拜位赞礼赞四拜奠酒读祝四拜举哀兴哀止望瘞礼毕一行钦天监选择小殓大殓焚黄日时一钦定谥号一行

\$\$\$\$-11011-\$\$\$

翰林院撰谥册文各祭祝文圻志文一焚黄用黄绢装褙如册样两叶写册文是日陈设祭仪以祝文及册文置于灵前内导引官导 皇长孙诸孙诸孙女诣灵柩前赞四拜礼赞跪执事以爵进于 皇长孙之右赞受爵 皇长孙受爵讫赞献爵 皇长孙献爵讫赞读祝跪读讫赞宣册女官取册立宣讫赞俯伏兴平身赞四拜礼毕焚祝文及册一七七百日周年二周年每次 御祭一坛 穆庙皇妃共祭一坛 中宫祭一坛 皇贵妃等妃共祭一坛 皇太子祭一坛 皇长孙诸孙诸孙女共祭一坛 瑞安长公主祭一坛 瑞王祭一坛 瑞王妃祭一坛 惠王 桂王共祭一坛 荣昌公主 寿宁公主共祭一坛六尚局祭一坛内官内使共祭一坛俱光禄寺办祭在殡皇长孙率诸孙诸孙女行礼仪如初丧葬后遣内官坟园行礼

\$\$\$\$-11012-\$\$\$

一 皇长孙禫服日遣内官于坟所致祭光禄寺办祭一安葬先期启土遣官祭告后土钦天钦差官二员候时执事官陈设祭馔如常仪赞再拜兴酬酒读祝赞再拜兴毕一工部于坟园及各坛路祭并灵柩顿歇处所预搭盖行享席殿仍量盖小席房以置仪

仗等物一发引前一日晚设奠辞灵内侍官陈设牲醴如常仪 御祭一坛 穆庙皇妃共祭一坛 中宫祭一坛 皇贵妃等妃共祭一坛 皇太子祭一坛 皇长孙诸孙诸孙女共祭一坛 瑞安长公主祭一坛 瑞王祭一坛 瑞王妃祭一坛 惠王 桂王共祭一坛 荣昌公主 寿宁公主共祭一坛六尚局祭一坛内官内使共祭一坛俱光禄寺办祭一钦遣大臣一员题主一发引前题差工部司属官入山送葬一送葬入山官员素服步送至德胜门外骑送至葬所步行

\$\$\$\$-11013-&&&&

至享殿安葬毕还日朝见一发引启奠祖奠遣奠 御祭各一坛 皇太子各祭一坛 皇长孙各祭一坛俱光禄寺办祭仪如初丧是日执事者先以方相□方□童□童车驼马鼓乐真亭彩亭以次排列于玄武门外内使捧铭旌魂帛遵引柩出玄武门外捧柩就輿内官以魂帛置小车中 皇长孙步送至京城外路祭毕还宫文武百官免朝参各素服黑角带随方相后行至路祭处所致祭而还一鸿胪寺差序班八员于德胜门外摆列致祭官员务敬谨一过门太常寺办祭品内门遣内官行礼外门遣太常寺官行礼一路祭 皇长孙祭一坛皇亲并驸马共祭一坛公侯伯文武衙门共祭一坛俱于德胜门外祭命妇共祭一坛于鼓楼迤西俱光禄寺办祭一擗柩挽歌执翼夫役行顺天府擎执旛□方□童□香炉纸案等役军役行兵部转行戎政厅各发用

\$\$\$\$-11014-&&&&

其孝巾孝带行工部转行内府该衙门制造一灵柩前仪仗内使女乐三十二人花旛雪柳女队子二十八人女将军二十四人一灵柩至坟园奉安 御祭一坛 皇长孙祭一坛俱光禄寺办祭护丧内官行礼祭毕执事者整理圻中安顿玄纁玉璧匣五谷下棺并以铭旌魂帛置棺上翼六置棺之两旁一下葬日文武百官免朝参一下葬迁奠御祭一坛 皇长孙祭一坛俱光禄寺办事护丧内官行礼一通行该衙门造办铭旌及坟莹志石丧仪冥器等项一掩圻毕遣官祭谢 后土 御祭一坛太常寺办祭一题神主行享礼毕内侍官设香案于门外陈设酒馔如常仪设题主案于香案前西向捧神主置案上护丧官就位北向立题主官与手西向立内侍与手出主题主官恭题讫内侍捧主置于神座藏神帛于箱中置其后内侍跪奏

\$\$\$\$-11015-&&&& 请 皇太子才人神灵上神主奏讫赞献酒护丧官以酒授执事者进献赞读祝立读毕焚祝文内侍启柜受主讫跪奏请 皇太子才人神主降座升輿内侍捧神主升灵輿至行享殿内侍跪奏请 皇太子才人神主降輿升座内侍官捧神主安奉灵座讫行安神礼如前仪一神主还京内侍于神主前奏请 皇太子才人神主降座升輿还京奏讫俯伏兴于灵座上奉神主升灵輿进行仪仗侍卫如常仪护丧官后随在途仍朝夕奠一迎神主先期于城外置幄次至日执事官备仪卫教坊司备女乐鼓吹文武百官青素服黑角带出城奉迎神主入幄次行四拜礼毕神主进行百官随后至德胜门外仪卫等退护丧亦退至内宫 皇长孙以下俱迎神主于门以次后随神

主至内宫内侍于灵輿前跪奏请 皇太子才人神主降輿升座内侍

\$\$\$\$-11016-\$\$\$

官捧神主安奉于灵座讫内执事官陈设牲醴如常仪 皇长孙以下入拜位谒见四拜安神礼如常仪

○戎政兵部尚书薛三才奏三大营官军约十万有余分为上下班操演阅操既毕量留若干队亲较技艺以行赏罚余发各将官分投较比竟日之力每营不过较千人而止十万官军亦逾月而后周其日所肄习者惟是金鼓旌旗之节已尔夫较阅遍然后赏罚明赏罚明然后诸军争自鼓舞而投石超距之气奋日者台臣建议请以兵部司官分营简练三大营每营二员专任其事而责其成效日与巡视二臣互相稽察营务必有涣然改观者合照巡视事例一年一满则精神益锐耳目益新至于犒赏一节应视常格稍为加厚以示鼓舞且较阅既频犒赏亦增不得不于太仆寺子粒银内量为请益俟辽事既宁照旧止用巡视不必更添

\$\$\$\$-11017-\$\$\$

司官故因今日之请而并议及之伏乞敕下吏兵二部亟为覆议施行留中

○兵科给事中吴亮嗣言五事曰募新兵以作战气曰重将才以备安危曰节靡费以给军实曰速遣援辽之人曰预择大臣之选留中

○吏部验封清吏司主事李夔龙言十事一条陈方略二挑选京营三措处钱粮四召募丁壮五解散内患六申饬漕运七督造军器八调兵勤王九门禁出入十救援辽阳不报

○夜火星顺行在翼宿十六度十一分

○戊申大学士方从哲奏用人停税二议乞补大僚下考选起废臣罢榷税并请遣姚宗文以重阅视释刘光复以备参谋不报

○升兵部郎中李春茂为陕西西安参政

○起升原任吏部郎中孙鼎相为屯田参政

○升山东副使杨述程为河西道参政松江知府张光缙为兵粮道副使安庆知府杨尧粹为汉羌道副使凤

\$\$\$\$-11018-\$\$\$

翔知府沈自彰为关西道副使山西按察使沈演为福建右布政四川副使彭自新为云南参政

○荫兵部右侍郎吴崇礼长子以恂为国子生

○升兵部郎中魏诏为江西提学副使河南开封府知府王之臣为怀隆副使浙江参政杨一葵为贵州按察使

○升河南参政袁应泰为永平兵备按察使永平副使刘泽深为湖广参政

○升陕西右布政赵可教为贵州左布政

○升南工部郎中孙< 榘心 >昭知云南楚雄府南刑部郎中徐良栋知广西浔州府南工部郎中孙弘绪知广东雷州府

○起升原任浙江佥事王钟岱为山西参议

○户科给事中李奇珍言属者奴酋发难四路进剿三路败没始误于李成梁再误于杨镐李如柏也先是成梁剿平兀堂孟草塔王杲等诸丑类用奴父他失为向导借其髑髅以博封拜因割我膏腴以结戎心二姓之

\$\$\$\$-11019-\$\$\$

好既联三韩之备尽弛开门揖盗养虎自贻此祸本乱源也然使诱陷抚顺之后料理得策犹不致一败涂地孰意付托者又杨镐李如柏乎夫龙虎将军之号奴方戴镐为恩主而如柏又式相好毋相尤者欲其一旦急公议而后私交庸可冀乎是以三堡清河相继被克而如柏若罔闻也三路尽没独如柏一路未尝一矢相加遗也顷见兵部< 榘 铨-金 >议以李如桢往代岂不能得之如柏者独可望之如桢乎但恐他日之如桢不异今日之如柏前车之鉴业已昭昭覆辄之寻岂容数数伏乞 皇上立召廷臣试问辽东败坏谁为作俑成梁割地媚虏应否追论杨镐如柏是否与虏交结一路独全就中系何机关如桢镇辽果否允协舆论再加商确务求至当毋以一时弥缝苟且之计而贻日后噬脐剥肤之患不报

○南赣巡抚钱桓引疾乞归不允

○援

\$\$\$\$-11020-\$\$\$

辽总兵官秉忠以病免

○山东巡抚李长庚< 榘 铨-金 >请发饷以济危边章下户部

○浙江道御史刘蔚奏守辽四事明情形以慎侦探择大将以责报效练士卒以备调发破恒调以急用人不报

○原任编脩李光元以病痊复除原职 ○己酉升淮安知府蔡侃为广东道提学副使户部郎中王维章知浙江杭州府工部郎中丘志充知河南汝宁府

○以贺世贤加升副总兵专管援辽总兵李如柏专御东虏总兵李光荣专御西虏从兵部覆议也

○庚戌以御史孙之益为两浙巡盐

○户部给事中官应震奏辽左之役战固难言守亦未易臣考全辽图宽奠暖居辽之东开原铁岭居辽之北而沈阳一城尤开铁宽暖与辽东之咽喉奴若一军繇抚顺直犯沈阳则沈阳必不能支潘阳破而辽阳之藩篱撤东西两路之血脉断矣目今急务似当以重兵屯沈

\$\$\$\$-11021-\$\$\$

阳犯其直犯而分兵以防各路则又开铁急而宽暖次之盖开铁与宰暖诸酋密迹

恐宰暖奴酋互为结连乘机大举而宽缓尤远尚可徐图此臣遥度之私总在彼中酌量而轻重布之耳虽然论缓急则揀辽为要论根本则京师并重而乃若衡量本末主持急缓则总在皇上与廷臣之一德一心而毋以宵人间正人毋以谗言夺忠言是尤所谓本之本急之急者正统己巳之变唯是中官王振寔肇衅端今一升下数十年不见士大夫而独有是中官辈是信是使恐异时有不忍言者矣不报

○仓场尚书张问达奏臣所司者仓场自边警一报斗米顿加价十余钱万一城下戒严其踊贵当何如见在仓粮五百五十五万四千一百石平时止敷二年之支万一内地蹂践黍麦不收其仰给又当何如而时事汹汹在在宜防使奴不悔祸长驱直

\$\$\$\$-11022-\$\$\$&

入于浅阻处塞一杯之土于湟泊处施一炬之火则四百万之粮适为盗资矣所当申严防护毋致沿途少有疏虞至于五城场所垛草束不过一岁之额数亦无多如或兵马调集草从何备办户部亦应再查何项银两可动即酌买草束四五十万以备缓急则军不虑粮马不虑草庶京师根本之地可保万全章下户部

○辛亥升湖广右布政洪佐圣为江西左布政

○升工部郎中黄元会知江西南昌府刑部郎中郑崇岳知贵州思南府刑部郎中雷思焕知云南顺宁府

○大学士方从哲题三路失利全镇空虚请就辽镇籍民为兵辽自宁前广宁以及辽沈开铁金复海盖大城十余每城不下二三万众此外各处城堡屯寨难以悉数总计当有四五十万若汰其老弱搜其强壮可得精兵十余万人授之铠仗给以月粮无事则保固城池且耕

\$\$\$\$-11023-\$\$\$&

且守有警则捍卫强圉足食足兵不行屯田之法而获屯田之利不垦屯田之地而有屯田之兵救时急著无便于此或者又谓新饷有限今猝增多兵月粮岂能遍给臣愚窃计三路损伤之卒奚止数万若即以缺额之粮充民之饷剂量多寡不甚相悬且土著之人既无安家又无内顾较募兵之费所省更多乃概用于调募之客兵而独靳于地方之死士岂计之得也至为根本之计仍须将宣大延宁敢战之士各抽一二千并调山东文登武定等营防倭之兵河南毛葫芦等兵共得万余择一智勇大将统之驻劄关内近地东事急则与蓟兵犄角而为捍御之师东事缓则率之出关与辽兵联络以待征剿之用再选真保山西腹里军兵共二三万与前兵互为声援分置永平蓟昌通涿等城一面操练一面防守捍御与进剿机宜一如前议说

\$\$\$\$-11024-\$\$\$&

者或谓宣大延宁皆系冲边镇兵防虏岂宜再动不知事势有缓急道路有近远似未可以执一论也第恐诸臣自分畛域谊乏同舟争执迁延动经时日致以救焚拯溺之举为筑舍道旁之谋所谓议论定而虏兵已渡河矣适因边报紧急势若燃眉谨据所闻

聊陈一得以佐前著之筹得旨朕览卿奏奴酋猖獗将士败衄辽蓟阡危深切警惕所请择将调兵招募捍御防剿诸事有裨国计其令该部便会议妥当

○调宣府总兵刘孔胤刻期出关援辽从兵部覆奏也

○原任修撰韩敬降二级调南京别衙门用先是敬奏孤臣奇冤久郁事下九卿会议吏部覆实故有是命

○壬子吏部尚书赵焕以庄际昌殿试进呈卷错字引罪 上宥之

○起原任总兵萧如薰挂镇西将军印镇守延绥

○起原任总兵孙邦熙挂镇朔将军印镇守宣府

○升祁

\$\$\$\$-11025-&&&&

秉忠署都督佥事挂平羌将军印镇守甘肃

○戎政兵部尚书薛三才奏中国御虏长技无如火器故京军十万火器手居其六承平日久人与器多不相习近查善此技者无如原任参将今系狱张名世之为工名世亦自请练成三千人遇有强虏愿当一先锋考正统乙巳之变石亨杨洪皆以重辟系狱于谦出而用之卒得其力 皇上操不测之权以鼓舞将吏何独于众所推毂之张名世而顾靳之也伏乞敕下该部覆议施行不报

○晓刻金星木星俱行相合犯在璧宿度约相离三十分余金星在东

○癸丑编修马之骐引疾给假许之

○敕御史杨州鹤巡按河南

明神宗显皇帝实录卷之五百八十

明神宗显皇帝实录卷之五百八十一

万历四十七年四月甲寅朔孟夏享 太庙遣官恭代

○上谕兵部曰朕前为严谨门禁已有屡旨申饬 祖训设立各门内外官员等守卫官军人役职司启闭盘诘关防立法严密今边警屡报堤备宜周著守门内外员役比常十分谨慎不时严加查点不许疏玩偷安如有异行异服眼生奸细之人即时擒拏具奏其每日贡献 九庙本恩殿神及御膳并皇太子及各宫膳品所用面肉菜果鹅鸡烟爨服用等物人役还著照旧各门出入在内每月三市乃 祖宗旧例系宫内日用衣帛食物器用之类时不可缺著照旧进内陈设交易体朕恤商通贾之意但持挟刀剑兵器不许进内货卖违者治罪其科道等官仍著照常巡视如有指此阻绝供应的著巡街及厂卫缉事衙门访拏参究条陈各门分任添设稽查宿卫等事还著侯旨行李若圭等著今岁册封各府拟用故谕

○升江西副使张五典为四川参政

○升刑部郎中陈启端知云南永昌府

○兵部奏招兵已有成议措饷不可后时奉旨帑金查发已久如何尚未起解其令

户部速议解发

○升兵部武选司郎中魏诏为江西提学副使

○中书汪鵬输粟六千石助边

○山东巡抚李长庚奏逆宗蠹国蠹民参论衡府邵林王翊金□戾长子常溱诸不法状章下部院议

○兵科给事中赵典邦言蓟辽无兵可恃乞敕兵部分发帑金速募土兵以救危边当辽师大败蓟门告急 皇上重念疆边慨发帑金几四十万臣意兵部必且酌量分派蓟镇若干差官速解旦募得募兵之用今犹寂寂不闻则辽安所恃乎山海既设大将不可不宿重兵以壮蓟辽之势则又不可不就近召募以实山海之兵臣计帑金四十万当以三十万给辽以十给蓟专为募兵切不得以他项轻易那借若宣府总兵刘孔胤既已奉旨援辽即宜挑选兵马星夜度辽以救辽急开原道潘宗颜没于敌中赤城兵备薛国用改推开原以资弹压不谓国用称与李如柏父子兄弟有讎不便复入开原乞敕吏部速推才望者以住开原令其勒限到任无误疆场得旨帑金著遵旨作速给发刘孔胤再催星夜赴辽毋得延缓误事道臣俟即点用章下该部

○乙卯大学士方从哲题昨初一日接得辽东总兵李光荣山海总兵柴国柱塘报四纸皆称各虏入犯情形最后李光荣一报则称虎墩兔憨带领达贼七八万于本月二十五日上马已到地名索罗胡计儿相对镇静堡明说讲赏暗要犯抢等情该臣看得虎酋垂涎内地蓄谋已久今见东师失利愈肆狂逞旦夕犯抢势所必至乞敕兵部速行督抚镇道等官加谨堤备侦探拒堵务保无虞仍急差通官乘未入之时谕以恩威晓以祸福使毋得助逆乘机内犯并将讨赏等事速为酌处暂示羈縻臣谨拟谕帖一道并塘报四纸恭进御览伏惟裁酌施行

○拟谕帖一道谕兵部适见辅臣封进总兵李光荣柴国柱塘报各称虎酋谋犯声息紧急又沿边诸虏俱有入犯情形朕思山海迤西地方密迩 陵京近经东征调发之后兵马单弱肘腋重地十分可虞尔部可马上差人传谕督抚镇道将领等官豫先侦探备御临期悉力拒堵防其深入仍速差通官谙习夷情者前去晓谕示以祸福毋得乘机助逆其余讨赏诸夷即斟酌议处以示羈縻务保万全无致疏虞误事其辽东虏情亦令马上差人探听奴酋动静声息缓急每日传报用纾朕东顾之忧故谕

○起升原任江西右布政庄茂华为湖广右布政

○升河间知府柯昶为山东副使

○降新任开原道副使薛国用二级其缺即以兵部主事韩原善升补先是开原道潘宗颜死敌有荐国用宜补者国用执称与李成梁父子有隙坚不肯往迹涉规避廷臣屡以为言吏部酌议以闻从之

○兵部奏遵旨会议辽事奉旨辽事既经多官议定总兵官依议命李如楨往代李如柏撤回侯勘杨镐本当逮问但虏情正急备御无人姑令戴罪管事该部便速催堪任

切俱不报

○升守备王都为建昌营都司

○升满桂为黄土岭守备

○庚申兵部尚书黄嘉善题该臣会集户部尚书李汝华等会议辽镇藉民为兵且耕且守无事调发之繁而有守战之用乃古屯田遗意应行彼中抚按酌量奉行户部原给粮饷一如抚臣议加之数工部先发盔甲五万顶副余者陆续解发惟是蓟辽辅车相依虎墩入犯塘报日甚总督兼制蓟辽合急发标兵游兵四千遣见任将官统兵立刻出关相机应援臣等初拟量调蓟兵取其就近辅臣虑先根本谓蓟兵难以轻调则募兵断不容缓今有本部主事韩原善升补开原道僉事自当付本官以募兵之权计开原重地非益兵万余人不可户部宜将议留帑金七万四千两再动新饷六千两共足八万之数令其先行招募仍择委将官一员统领赴辽其抽调各边敢战之兵除宣大山西已经题调其延绥已题未发兵二千名宁夏已题未发兵一千名固原已题未发兵一千名甘肃已题未发今咨令李总兵七百名俱应刻期遣发再查嘉靖庚戌以后各边题有入卫之兵各二三千不等后以承平无事宁夏甘固议裁停寝今应各再调前兵一千八百名并已题未发兵一同遣发延绥则统以原任延绥游击李茂先宁夏则统以见任洪广参将卒志德甘肃则统以原任洪水都司张应龙固原则统以见任总督标下左营游击吴葵各带家丁星夜前来分驻近郊通州蓟密等处以听不时调援其安家等项本镇先行借给今议户部动饷银十万两差官解发各镇抵补山东嫖兵月粮甚厚人颇精悍应调二千名彼中委官二员解发辽阳听贺世贤统领援辽安家行粮照例本处支給一面即发银六千两偿补奉旨各兵俱依议调遣韩原善著就近召募前钱粮速为处给

○敕锦衣卫右都督李如楨以原官褂印镇守辽东河东地方兼备倭总兵官从兵部会议往代如柏也

○遣中书吕继宁与户部尚书赵世卿造坟营葬

○兵部尚书黄嘉善奏危辽夷虏交讧中外绸缪宜周敬陈八事一发援兵以安艱<□□泉兀>一并城堡以保畸零一练土著以振积弱一守冲城以固保障一禁参貂以窘奴利一恤阵亡以作忠勇一讲款虏以消戎心一广收罗以固根本不报

○辛酉御史熊化以病免 ○壬戌礼部署部事左侍郎何宗彦题軫念阵亡诸臣速赐恩恤以慰忠魂以作士气略曰我国家优恤之典于军功特重盖 祖宗开创之日躬擐甲冑故备知其艰苦至今载在 大明会典者犹历历可考焉一款云凡阵亡失陷伤故淹没者全支一款云军旅身殁勋劳茂著者恤典自宜加厚一款云凡执锐先登身死战阵者开具实迹恤典取自 上裁迩自奴酋犯顺十万士卒半润夷锋武将杜松刘綎王宣赵梦麟麻岩辈相继死于阵而道臣潘宗颜通判董尔砺及朝鲜将士多殉焉闻诸臣被祸之惨有百矢猬集而死者有身首数断异处而死者有知其为名将恨杀其最骁之爱子与最大之头目而破腹抽肠粉身挫骨而死者嗟此数臣奋不顾身锐进深

入为国家效死者何故无非谓幸而有功则身与国并受其福不幸而肝脑涂地则国家之恤其身后者亦自不薄耳今欲激退以为进恐人心未易即奋也乞速降 明旨勒期优恤或招其疆场无定之游魂而赐之祭或收其家笥所遗之衣冠而赐之葬或加其级而赐之赠或录其裔而赐之荫或易其名而赐之谥或摽其额而赐之祠不独已没者愿为厉鬼杀贼而凡为王前驱者无不愿出死力以雪此百年之耻矣至于朝鲜死事将士亦当速为周恤一以坚朝鲜之拥护一以动北关之效用伏乞敕下臣部移文该镇督抚按衙门作速查勘明实备咨前来以凭议恤覆请遵奉施行奉旨东师失利文武将士相继阵亡被祸之惨朕闻之心恻亟宜破格优恤以慰忠魂即行与督抚监军将死事将吏并朝鲜士卒作速查勘明实以凭议恤阵亡军丁家属亦并查明给赏称朕悯恤至意

○山东道御史沈珣言国势阽危已甚用人常调难拘乞破格用才以维安治举左赞徐光启行人司司副刘时俊原任太仆寺少卿申用< 珣心 >原任刑部郎中邹元标不报

○癸亥先是科臣张延登吴亮嗣御史房壮丽唐世济等交章劾礼部主事夏嘉遇营求考选不得遁辞狂噬并语侵辅臣方从哲久玷揆席赞襄无闻使修怨者引以为攻人之具至是嘉遇亦连< 珣 毓-金 >辩驳称为国击邪不避刀俎俱不报

○升沈应时为镇海游击董用文为四海冶守备吉国臣为兰州守备邓茂林为拒墙守备杨其廉为马营守备李櫜为平虏守备田应龙为土门守备

○甲子大学士方从哲题该臣看得六科之乏人极矣然每科尚有一人署掌印务犹可支吾惟刑科则闾然一空科抄久废伏望将候命给事中周之纲即赐允用不报

○蓟辽总督汪可受辽东巡按陈王庭奏夷情紧报日急经臣杜门未便得旨据奏奴酋犯辽沈开铁地方势甚危急杨镐杜门请告有谁料理防御其令遵旨策励以保危边毋得推诿误事

○乙丑遣尚宝司司丞姚士慎颁给武官诰命

○丙寅 孝懿庄皇后忌辰遣官祭 昭陵 ○颁等周府等府诰命

○予辽东阵亡总兵张承胤赠官诰命

○丁卯遣兵部主事莫在声催援兵出关

○升林兆鼎为神枢十营佐击许重用为镇门堡守备缪拱宸为瓦窑口守备沈应乾为广武站守备孙忠岳为真定守备

○升赵世相为大同参将满濂为洪广游击

○右庶子何如宠奉差事竣引疾乞假许之

○戊辰廷试本年分岁贡生三百六十五人

○遣行人王维周谕祭金溪王府

○翰林院编脩林欲楫请假许之

○浙江道监察御史杨鹤言战骨堪怜忠魂未慰乞恤死士以鼓勤王顷者东征之

役大将张承胤没矣总兵杜松刘綎与夫王宣赵梦麟等相继亡矣文臣潘宗颜董尔砺俱暴骨疆场矣 皇上惻然垂念于都城内外寺庙发内库钱粮遣中使焚香追荐南北主客一切兵将等魂此忠臣义士所愿肝脑涂地执干戈以卫 社稷者也但风闻綎提兵深入已破奴酋十余寨坚壁列营不动奴酋设计诱之用杜松阵亡衣申旗帜诡称我兵乘胜督战綎始开营遂为奴酋所败然犹大战数十合养子刘昭孙出入死斗有万夫莫当之勇若使清河闻警李如柏少听贺世贤之计偏师策应杀入重围刘綎当不至死或夹击成功未可知也伤哉宿将死而死矣今家眷四口大小家丁五十余人见在通州朝夕所需无人供应战亡死事之家酸凄痛楚之状臣诚不忍见闻也臣仰见 圣心惻隐追荐阵亡死者犹恤况其生者乎谨将刘綎家眷情节据实奏闻伏乞敕下该部查议妥确给之资斧差官护送并请立庙京师塑张承胤杜松刘綎潘宗颜于中余各配祀借此奖慰忠魂鼓舞豪杰奉旨东征阵亡文武将吏军丁为国捐躯忠魂可悯已有旨查明优恤立庙等事即酌议来行刘綎家属令优给护送回籍

○太子太保兵部尚书黄嘉善题三省红苗流毒黔民被害独惨恳乞严敕三省照界防緝以杜黔乱略曰楚蜀黔三省俱邻苗穴然楚蜀辖苗虽多各有土司为之领袖不能侵入其势犹缓若黔则界于二省苗夷之中辖苗虽少逼近巢穴以故掠堡焚乞罹祸为甚及其三省失事又互相推诿竟未有擒緝以靖匪茹者是黔以一省而独受三省红苗之害也今黔抚议三省各照所辖苗寨要隘委官设兵严加防守分辖属以严责成究出劫以惩横暴至不得已而用兵三省亦各照苗寨多寡派出兵饷则合各省之力自收一鼓之功既经具题相应覆请合升候命下臣部移文四川湖广贵州抚按衙门各照所属要隘严加防守遇苗出劫在湖广即令湖北道行永保二宣慰司在四川即令川东道行酉平邑石四土司在贵州即令铜仁道镇可抚则同抚可守则同守可征剿则同征剿防守视失事之有无功罪视地方之安否臣愿诸臣之无过为分别也从之

○己巳工部给事中祝耀祖题申飭门禁以防扈四事一分任巡视以核虚实一验明出入以防作伪一暂停市工以戢奸暴一量议优给以励勤劳得旨前以严谨门禁已有谕旨申飭各门内外官员率领守卫员役早晚启闭关防比常十分谨慎如何复出告示抗违不遵姑不究其每日贡献 九庙本恩殿神位及御膳皇太二各宫膳馐等物众多还著照旧各门出入其科道等官仍照常巡视条议各门分任添设等事还候旨行

○庚午以五军营参将鲍承先加副总兵职衔领募兵援辽

○工科给事中范济世题臣前< 〇〇〇 毓-金 >参总兵刘孔胤观望致军士鼓噪止据道臣杜承式揭谓线索操自孔胤彼时即疑抚道二臣所为何事听此弁之跋扈也今据兵部宣军鼓噪有因一< 〇〇〇 毓-金 >谓抚臣赵世谔始则以援辽当罢请既则以援辽当另议请又云臣死不敢奉诏又云此事当以死争之此其人有一毫同仇之义急公之心否士谔既以死为军士请命以抗 皇上之诏矣将领而下岂无机智况有孔胤挑弄其中乎此亦事理昭然可见者至杜承式云刘孔胤既奉援辽之旨应听蓟辽军门调

度即以议发银五万两于彼中招募军士并放去年万照磨事例兵部另差一官领银买马又云部发银两既可充宣镇招补而谓不亏于额独不可自行募补而必欲假手他镇夫以辽东视宣府诚为他镇以 皇上视辽东宣府岂复分彼此乎今兵部欲逮孔胤以正逗遛之罪复欲调兵以破抗拒之谋是已照承式云急之恐宣府有破亡之祸 陵寝有震惊之虞此言已明书于揭帖传播于宣军倘军士以不忍负士愕者不负承式真辽左之后复一辽左而宁夏之变且不足言矣况昨鼓噪已有左验乎今惟有亟逮孔胤并罢二臣以为抗命之戒留中

○辛未赐荆王由樊四书五经性理通鉴纲目等书

○协理京营戎政兵部尚书薛三才卒三才浙之定海人万历丙戌进士改翰林院庶吉士授兵科给事中历户礼二科所上封事多著为令累升湖广方伯时值楚狱大起以去就明楚宗不凡全活者众节民膏官羨以数十万计寻抚宣府汰兵清饷筑堡修屯所省粮料银几二十万有奇及督蓟辽严核虏赏额外未尝加毫粒虏有寇边者辄击败之先后斩首凡一百四十余级蓟门恃以无恐历迁今官会建夷发难调度兵食拮据营务条上炼火器修战车演京军举义侠诸 < 足 铤-金 > 皆切中时 < 穴款 > 昼夜不交睫者五阅月遂以劳瘁卒于京师卒之前二日犹力疾视事强出较阅可谓匪躬之节至死不愈者矣 上从礼臣议赐祭予葬谥曰恭敏仍以吏部覆题赠太子太保其录荫俟议军功另行优叙

○壬申命周府荣昭王朝土口兹嫡一子在锦口言承袭父爵

○授一甲进士孔贞运陈子壮为翰林院编修

○詹事府少詹事周道登引疾得旨奉命已久速来毋稽 ○唐王捐禄五千两
饷边

○敕总兵朱国良以原官为南京后军都督府佾书仍兼提督神机营务

○升姜可礼韦根许志远为中都留守各佾书

○升王家卿为山东都司佾书

○廷试乞恩举人二百六十九人各授教职

○总督蓟辽兵部左侍郎汪可受以辽事引罪乞休奉旨东夷未靖虏报频仍汪可受身任总督岂得因言求去其遵屡旨用心料理防御不准辞

○大学士方从哲 < 足 铤-金 > 请亟补阁臣章凡十数上候旨文华门凡六日得旨览奏情词恳切具见为国至意今虏氛日炽国家多事之际正赖卿居中筹画乃以小臣浮言于朝房视事岂成政体卿宜任劳任怨当以君臣大义为重宜遵旨即日入阁辅理以副眷倚请补阁员少俟有旨行

○癸酉鲁王捐禄一千两助饷

○以刘相受守备职衔训练川兵相阵亡总兵刘綎弟也

○免京军远调出防以蓟门虏警方殷故有是命

○升侯世禄为凉州副总兵郭钦为神机营副将孙应奎为五军十营佐击马德昌麻继志为延绥游击刘国柱为河间守备解明达为延绥守备杨四知为宁夏守备王佐才为浙江守备

○盔甲厂灾

○予原任南京都察院右都御史宋仕祭葬赠太子少保仕山东平原人隆庆五年进士除衡水知县擢浙江道御史历顺天府丞大理寺少卿右佥都御史巡抚保定应天等处寻升大理寺卿被论致仕既以荐起南刑部右侍郎升南右副都御史卒于官礼部覆奏才裕勳名高卿贰虽生平不无遗议而公论自足明心应照例与祭二坛造坟安葬故有是命

○礼科给事中亓诗教题年来灾异层见叠出试观上岁四月河水之赤遂有辽左覆军杀将之应顷当四月河水复赤更甚于前此其应恐不在辽也即就此时处置辽事言之名为措饷而实无必措之心名为募兵而实无必募之术名为用人而实无必用之法始乎尝试继以调停卒之毕竟成一推诿脱卸之局而已如是廷臣已先绝于 皇上矣乃皇上复自绝于 天祸乱之来近在旦夕犹然一切置之度外欲以当 天心而回天怒岂可得哉臣愚尝谓我 皇上肯以听信中涓之心听信台谏再以爱惜财货之心爱惜人材天下未有不久安长治者也不报

○甲戌大学士方从哲题臣罪日深人言屡至适见御史孙之益复有< 疏-金 >论臣大约谓年来灾异频仍臣不能挽回消弥以臣为误国中间列臣罪状甚多不敢一一置辩臣猥以衰庸久叨密勿诚微不能感格力弱不能匡扶臣之用心良亦苦矣今概以臣为套为故事为欺瞒为撒泼一言一动无非罪案之益教臣极力叩阍事求必济其论甚正乃枚卜一事臣于殿门候旨数日未肯赐允虽两奉口传一奉 明旨而会推之期终无确示臣之术不几于穷乎伏惟立赐 宸断以清政本不报

○乙亥升守备邓起龙加都司职衔统领川兵

○兵部尚书黄嘉善题调兵遣将奉严旨屡催一兵未动怠缓之罪各镇难辞除蓟镇标游兵四千名真保昌津兵一千二百名题差主事守催督发外其宣府兵四千名大同兵一千名山西六百名先后题明各委谋勇将官挑选精锐火速出关听经督抚按衙派拨防守如有违限后至者本镇总兵治以坑违之罪至于李如楨推镇河东久奉俞旨尚未起程警报日急所当速令前往毋得泄泄从事者也有旨屡报甚急辽阳单弱可虞所调各镇援兵即令火速出关违限后至者尽法治罪李如楨亦令作速赴任毋得延迟误事仍传与经略抚镇等官多方防御无堕狡计务保万全

○初立平夷营以参将贺世贤领之招集旧兵另创新伍从兵部覆请也

○礼部署部事何宗彦题 皇长孙年几志学尚未出讲冲年气血未定难冀德性之清明防闲不周难保身体之强固所恃以益神智而远奇衷非见正事闻正言亲正人不可则舍出阁就傅而外计无复之矣迩者 皇太子才人薨逝 皇长孙之所自出当

悲哀痛悼之际岂宜进此迂阔不切之谈第古人居丧读礼所以助孝思而节哀毁也伏惟 皇上慨赐施行不报

○丙子文书房传旨 惠王妃搬移诸王馆合用五城兵马司火夫五十名扫除巡逡巡捕官军二十员名昼夜巡缉锦衣卫官旗较一千五百员名接摺沿途摆路关防并顺天府女轿妇宛大二县结彩合用旗较二十二员名

○命兵部尚书黄嘉善代署戎政尚书印务

○以打死人命勘指挥李维德拟抵

○丁丑命益府阜平王长子常洵□□承袭父爵继夫人杜氏进封为继妃

○永宁王由□木白心□选李氏封妃

○赐 潞王常涝嫡母李氏加封潞简王太妃生母杨氏封潞简王次妃

○戊寅升淮安知府蔡侃为广东副使兵部车驾司郎中谭昌言为福建副使各督学政

○升狭右参政周懋相为本省按察使兼摄宁镇学政

○户科官应震言以夷攻夷之法一用憨酋憨酋忌奴者也一用北关北关仇奴者也因计就计用力省而取效捷台臣王象恒亦以为言不报

○礼部奏左道乘机速敕严禁以杜乱萌近见奴酋狡獪恐有奸细窃发不意西安门即获妖僧情词大有可疑日复接淮扬按臣龙遇奇揭称武悟空等以莲左道擅制符印妄拟天文无非伺衅逞私至犯上至亡等也臣思邪教多端以白莲为领袖闻河南山东湖广南北畿辅等处犹甚然而法禁有三一曰重弹压一曰亲觉察一曰互稽查乞严令禁缉以保无虞不报

○己卯南京工部尚书丁宾三< 〇〇〇 〇〇 〇〇 >引疾乞休 上优旨慰留之

○庚辰谕 惠王妃父贺子廉 桂王妃父吕如松各授兵马职衔

○以磨勘试卷违式循例摘参各省直主考赵师圣等夺俸一月房考尹同皋等夺俸二月誊录胡平表等对读沈惟炳等夺俸三月举人国惟隆等各罚科有差

○辛巳 上谕内阁曰朕自前月以来不时动火静摄昨偶感雨气微寒以致腹疼泻痢头目眩晕数日未止见今服药调理未愈卿所请诸事有裨时政今边方多事之秋正赖卿弘猷匡赞共济时艰其枚卜阁员并补大僚等事少俟朕稍愈即旦夕详览简发卿宜遵屡旨入阁佐理以副眷怀特谕

○以逗遛激变逮宣府总兵刘孔胤先是奉屡旨速催孔胤援辽孔胤阴挑众军逗遛不赴军乘机遂哗几致不测复挟抚臣每军给赏二金噪始息宣军之变自孔胤始至是兵部报闻而科臣吴亮嗣范济世等亦交章参劾 上命逮治之

○壬午升户部员外陶鸿儒知直隶松江府户部郎中宋统毅知直隶淮安府

○升陕西参政毕自严为本省靖边道兵备

明神宗显皇帝实录卷之五百八十一

明神宗显皇帝实录卷之五百八十二

万历四十七年五月癸未朔署吏科事给事中张延登奏诸臣擅官守谓何如工部侍郎林如楚之沿途候旨御史杨鹤之褂冠径去巡方崔尔进张惟任之俱不候代兵科赵兴邦之舆疾出城法纪陵夷莫此为甚伏乞 圣断以励官常不报

○户科给事中李奇珍以陷城覆将< 毳毼-金 >论原任辽东巡抚李维翰经略杨镐总兵李如柏并应逮问又称如柏曾纳奴弟素儿哈赤女为妾见生第三子至今彼中有奴酋女婿作镇守未知辽东落谁手之谣速当械系以快公愤不报

○甲申礼部题上 惠王婚礼仪注一钦天监择到万历四十七年五月初二日辰时搬移五月初四日寅时尚冠五月二十日未时纳徵发册六月十五日未时安床六月二十七日辰时开面七月初三日辰时亲迎一定亲纳徵发册催妆礼前一日内官监礼部鸿胪寺设冠服首饰金银段疋等仪物于文华门内设节案册案玉帛案于文华殿内教坊司设中和韶乐于文华殿内设大乐于文华门内并午门外内官监设彩舆于午门外设 王妃凤轿仪仗彩舆之南至日早锦衣卫设卤簿大驾 上具袞冕服诣 奉先殿祭告用祝文祭品如常仪鸣钟鼓 上具皮弁服御文华后殿鸿胪寺奏执事官行礼毕请升殿导驾官导 上御文华殿作乐鸣鞭文武百官各具朝服入班行叩头礼左右侍班正副使入就拜位赞行四拜礼毕传制官跪奏传制执事官举节册案玉帛案繇殿左门出置丹墀中道传制官称有制赞跪正副使跪宣制曰今聘东城兵马指挥司指挥贺子廉次女为惠王妃命卿等持节行纳徵发册等礼赞俯伏兴行四拜礼毕执事官举节册案玉帛案冠服等物繇文华左门出鸿胪寺官奏礼毕鸣鞭驾兴百官以次退节册案玉帛案冠服等物繇王门出至午门外正副使以节册并玉帛置于彩舆冠服等物以次陈列仪仗大乐前导出东长安门外正副使易吉服乘马至妃家行礼一妃家受聘礼前一日妃家设香案节案于正堂中册案玉帛案左右相向至日礼物至妃家主婚者具服出迎引礼引正使持节副使捧册执事官捧玉帛至正堂各至于案正使立于案左副使立于案右冠服等物以次陈列礼官一员立于左主婚者立于右礼官曰奉制命正使某官某副使某官某为 惠王行纳徵发册等礼引礼引主婚者诣香案前行四拜礼执事官捧玉圭玄纁主婚者先受玉圭次受玄纁各执事者再行四拜礼毕内官先以冠服入中堂进妃具服讫内官诣册案跪取捧入中堂置于案引礼女官引妃诣册案前行四拜礼跪女官宣册讫妃受册以授女执事再行四拜礼毕女执事设妃座引礼女官请妃升座妃家应贺者行四拜礼正副使俟内官出告行礼毕持节出主婚者送至门外正副使复命缴节妃家回奉礼物繇午门入内官监官奏闻一醮戒礼是日内执事设 上位御座于宫中及设大乐仪仗于丹墀之东西执膳内官先备酒金爵果盒设 皇后御座于宫中 王具袞冕服引礼引王诣 上位宫门外俟 上服常服出乐作升座乐止引礼引王繇殿东门入诣 上位前赞礼赞鞠躬乐作赞四拜兴平身乐止执事者以爵斟酒立于御前之东赞礼赞 王诣前跪赞搢圭赞爵执事者以爵立授 王 王受爵饮

讫以爵授执事者跪授以退赞礼赞出主赞恭听戒命随旨意致戒词 王听戒词讫赞俯伏兴平身赞复位赞鞠躬乐作赞四拜兴平身乐止赞礼毕出引礼引 王诣 皇后宫门外俟 皇后服燕居服出升座行五拜三叩头礼毕出引礼引 王 皇贵妃前行四拜礼毕引礼引 王出易服行亲迎礼一妃受醮戒礼亲迎日妃家先于祠堂陈设祭物妃服燕居冠服妃父母同妃诣祖宗前行礼奠酒读祝礼毕执事者具酒馔于内进妃饮食讫父母坐于正堂女执事引妃诣父母前各四拜父母随意致戒词妃听受讫次辞诸尊长行礼毕改服翟衣以候亲迎一亲迎礼前一日妃家令亲人铺房亲迎日司设监锦衣卫鸿胪寺先设王幕次及仪仗象辂并所奠鴈如无鴈则以帛代教坊司设大乐俱于承天门外妃家先设 王幕次于中门之外设香案奠鴈案中堂之中是日 王受醮戒讫引礼引 王繇午门东门出至承天门外幕次易皮弁服引礼跪请升辂 王升辂执鴈者后随仪仗前导过御桥乐作繇东长安门出至妃家门外引礼跪请 王降辂导引至幕次礼官先入至正厅立于东西向主婚者具服出见立于西东向礼官曰 惠王奉制行亲迎礼引礼二人具服引主婚者迎 王于幕次之外内官二员具服引 王出幕次主婚者请 王入中堂 王先行内官具服捧鴈随入主婚者后行 王至中堂主婚者进立于堂中之左妃母立于堂之右东西相向女执事二人引妃出房立于妃母之下内官引 王至案前内官捧鴈跪进 王以鴈置于案内官引 王稍□□日夕□近东西向立赞礼引主婚者诣鴈案前行八拜礼□□日夕□复位执事者彻案内官引 王先出至中门女轿夫举凤轿至于中门之内内官具妃仪仗于中门之外女执事引妃出内官跪启 王请轿所启请帘妃升轿内官启请 王升辂前行妃具仪后行 王至府降辂俟妃至内官跪启请 王揭帘妃降轿入幕次 王先行至内殿门东立西向俟合卺礼一合卺礼是日内官先于 王内殿门之外设妃幕次设 王座于殿东西向设妃座于殿西东向各设拜位于座之南设酒案于正中稍置两爵两盃于案上妃入幕次整饰讫女官导妃至内殿门西立东向赞引二人导 王前升殿女官二人导妃随升赞请就拜位 王与妃各就拜位赞两拜 王再拜妃夹拜讫赞请升座 王与妃皆升座女执事二人举馔案进于 王及妃之前女官司尊者取金爵酌酒以进 王与妃各受饮讫女官进馔 王与妃皆举馔讫女官再以金爵进酒 王与妃皆饮讫女官进馔 王与妃皆举馔讫女官再以盃盏酌酒合和以进 王与妃皆饮讫又进馔 王与妃皆举馔讫凡三举酒馔毕执事者彻案替 王与妃兴就拜位相向赞两拜如前礼仪毕 王从者餽妃之馔妃从者餽 王之馔一朝见礼七月初四日清晨 王冕服妃翟衣赞引各启请出宫繇东华门入诣上位宫门前俟 上服常服升座赞引引 王及妃自东门入诣 上位前 王立于东妃立于西宫人以枣栗盘立于妃之右赞 王与妃皆四拜执事二人举案至 上位前宫人以枣栗盘授妃妃捧置于案上执事者举案妃随案进至 上位前妃复位赞 王与妃皆四拜与执事者彻枣栗案于东赞礼毕引 王与妃出诣 皇后 □前俟 皇后服燕居服升座赞引引 王及妃自东门入诣 皇后

前进殿修盘礼同前毕赞引引 王与妃出诣 皇贵妃前行四拜礼毕出 王具皮弁服妃翟衣诣 东宫前行四拜礼 东宫皮弁服坐受礼毕出是日 上赐 王与妃宴一盃馈礼七月初五日清晨妃服翟衣赞引引妃出升轿将至 上位宫门前降轿繇东门入俟膳至赞引引妃诣 上位前赞四拜尚食以膳授妃妃捧膳置于案复位赞拜毕赞引引妃退立于西南俟膳毕引妃出诣 皇后前礼俱同毕引妃出诣 皇贵妃前行四拜礼毕引出一庙见礼七月初六日内官于 奉先殿陈设牲醴祝帛是日清晨王具冕服妃翟衣赞引引 王及妃至 奉先殿陈设牲醴祝帛是日清晨王具冕服妃翟衣赞引引 王及妃至 奉先殿 王东妃西俱北向赞 王与妃皆两拜赞跪 王跪妃亦跪赞搢圭 王搢圭赞进帛执事者跪进于 王右赞受帛 王受帛以授执事者赞奠帛执事者以帛奠 神御前赞进爵执事者以爵跪进于 王右赞受爵 王受爵以授执事者赞献爵执事者以爵奠 神御前赞俯伏兴妃亦兴赞复位赞 王与妃皆两拜平身赞诣读祝位 王与妃俱诣读祝位赞跪 王跪妃亦跪读祝讫赞俯伏兴平身王俯伏兴平身妃亦兴赞复位赞 王与妃皆两拜平身赞执事者捧祝帛各诣燎所赞诣燎位 王与妃皆诣燎位赞礼毕还宫一回门礼初六日内官先将礼物至妃家 王与妃仪仗导从如常仪 王先行至妃家妃父出迎 王立于东西向妃父母立于西东向 王于妃父母前行四拜礼妃父母立受两拜答两拜礼毕 王中座其余亲属见王行四拜礼 王皆坐受妃至入中堂于父母前行四拜礼父母正面坐受其余亲属见妃各序家人礼

○乙酉兵部尚书黄嘉善覆奏为照征奴一役杜松刘綎两路覆歿而马林与参将丁碧路出开铁遇贼披靡部伍溃乱以致道厅不保伊谁之咎委应议处以明军法但按臣以夷难正急姑令戴罪立功俟贼平通议游击刘遇节迎敌被创验有重伤道臣康应乾责虽难遁变出临敌俱应照原题姑从宽政其余阵亡阵伤并获功失事官军应听核实另行议处既经具题依拟覆请合候命下施行从之

○山西道御史冯嘉会言兵法曰善攻者动于九天之上藏于九地之下又曰出其不意攻其无备皆言示人以不可测也迺者我师进剿出揭发抄略无秘密以致逆奴预知在在设伏三路败衄职此之咎又闻奴酋狡黠异常不但辽左事机尽为窥瞰而长安邸报亦用厚贖抄往盖奸细广布则传遽何难职愚以为一应章< 䟽 毓-金 >无干边事照常发抄至于如何用侦探如何行反间金白作何笼络憨酋作何诱饵与夫战守何策出奇何术设伏何所凡此之类除具奏外宜送内阁兵部都察院及兵科各揭帖一本不必发抄庶庙著数不致预洩不报

○丙戌兵部尚书黄嘉善题辽左垂危马匹盔甲器械苦不敷用臣通计所请非马二万匹盔甲器械各三万不足以壮军实而焕壁垒之色除盔甲器械已听工部速行造发外马匹应给二万急难措处计每匹价银一十五两共银三十万两本部应动银项惟有同寺马价然该寺年来银不见在臣与在廷诸臣计议太仆寺那湊银十万两户部那

○壬辰 太祖高皇帝忌辰于 奉先殿行祭礼

○癸巳夏至大祭地于 方泽遣驸马候拱宸恭代

○大学士方从哲题臣以枚卜一事竭诚恳请无奈吁呼虽切 聪听转高不曰圣躬未愈则曰 圣体尚须调摄不曰少俟有旨则曰旦夕即有旨下辗转延挨日复一日是 皇上原无允补之意不过借此以示羈縻耳若使真欲推补则臣向来< 〇〇〇〇 〇〇〇〇 〇〇〇〇 〇〇〇〇 >揭俱在御前一举笔便可批发乞察臣万苦亟赐允行不报

○是日申二刻夏至候得风从西北乾方来其时有云

○甲午 仁宗昭皇帝忌辰遣官祭 献陵

○兵部尚书黄嘉善题优恤援辽官军家属以固人心切照援辽诸将自杜松刘綎等外及参游以下等官并各该军丁皆已膏身原野暴骨沙场其家属之血泪欲枯呼天抢地者则亦既遍九塞矣若辽左之勘报未的而本处之俸粮截支非所以慰死事之魂示后来之劝也谓宜将援辽将领官俸及军丁养贍银两仍行按月支給不得以风闻扣除俟查勘明确另行照例优恤庶边民父子举感生死肉骨之恩而从征将士益奋敌忾勤王之气矣从之

○右赞善黄立极奉差事竣引疾乞假 上命沿途调理前来供职

○乙未起升原任副使王于陞为山西副使

○升户部员外李闻诗知南直徽州府工部郎中郭忠宁知河南府

○以三载考满给户部尚书李汝华吏部侍郎史继偕各诰命 上谕户部曰进到冠顶钱粮着交该监验收成造应用诸王婚礼吉期迫近其未完钱粮令遵屡旨照数办进不得再来渎扰

○丙申大学士方从哲言阁员推补无期微臣义难濡滞乞赐罢斥以为辅理不效之戒并敕下该部作速会推立赐点用庶代言有托政本不虚至是< 〇〇〇〇 〇〇〇〇 〇〇〇〇 〇〇〇〇 >凡十上奉旨览卿所奏朕悉鉴知请补阁员具见为国忠诚至意朕思密勿重臣非比他员是以详慎未即允行卿今恳请数至便着吏部会推在任在籍素有才望堪任者六七员来简用卿为辅弼重臣宜当任劳任怨且国事殷繁边陲多警况考选在即卿岂可久延不出国事何赖置朕孤立卿其忍乎宜即遵旨勉出入阁佐理慰朕惓惓伫望至意勿再有所陈

○礼科给事中亓诗教题庶士之选我皇上临御以来前此制科凡十五举进士之额或三百名或二百五十名而馆选之额亦视之以为增减大都每百名酌取六人以为适中之数可仿而行也今己未科时蒙增额三百五十名则今次选馆亦宜取二十一人矣但丙辰科馆选未行乘此断续之间加以衰益之术量增二三人倘亦补偏救敝者所宜然乎顾是举也宁速勿迟非在六月大选之前不可盖迩来人情驰鹜多而淆乱极矣才名相轧者或生忌嫉之私标榜相高者或作炫鬻之态彼此相形者或造倾险之谋种种弊端少延时日势所必有此不可不早计也然臣愚以为馆选一举有三难焉始乎选

之难继乎教之难卒乎留之难反此三难亦有三法选之欲严欲公勿轻徇门第也勿滥植桃李也必德器端方文词醇正而后此选法也教之欲正欲醇勿虚延岁月也勿徒课诗文也必讲究经史涵养德性而后此教法也留之欲精欲核勿私听囑求也勿徒拘考案也必文行兼优器识俱备而后此留法也操此三法以行之近可为论思启沃之助远可为储养台辅之阶虽一科一选可也伏乞敕下阁部即将馆选一事刻日举行留中

○丁酉浙江道御史孙之益言三事一曰重枚卜一曰慎考馆一曰议留部不报

○戊戌宣府巡抚赵士谔以宣军鼓噪再_□引罪乞休不允

○福建漳州奸民李新僭号弘武老及海寇袁八老等率其党千余人流劫焚毁势甚猖獗巡抚王士昌檄副将纪元宪沈有容等率官兵讨平之

○户科给事中李奇珍言辽东赞画刘国缙_□称李如桢官保元勋雄才大略第令其坐镇辽阳以树威望岂冲锋破敌原非其任耶又谓天讨无声罪之名印文非破格之语然则如柏之不即擒奴果以官衔无征夷字面而印文破格便可系奴而笞之背耶至谓以李如桢为征虏将军以贺世贤为征夷将军是全举奴之担与贺世贤肩之矣得功则坐镇者必膺上赏万一有失将无令征夷者独任其咎而征虏者得卸其责耶奴之祖父教场他失昔李成梁用为乡导并掩杀于阿台城下因请封奴为龙虎将军而奴得奄有各家敕书尽并各家故土已又割我膏腴啖之以敦世好谁不知之乃谓岂其一旦反仇为恩夫不反仇为恩奴何爱于如柏独令全师而反耶逼遑懦怯即援辽刘孔胤已为法所不赏况如柏故主将也拥兵塞上坐观三路之败而不救临敌而_{□□}日夕_□当坐何律乃欲以原衔带罪守开铁且谓独贤于外来他将十辈岂爱而忘其丑也杜松志在杀贼奋不顾身乃谓经略实不能节制将将之谓何不咎鎬之不能驭将专责将之不为鎬驭又何足以服松之心也往庚戌时总督郭宗_{□□}大巾_□巡抚陈耀以大同覆军而逮系驻守通州都御史王仪以畏懦不战而被讯今三路败没一路退缩是覆军与畏懦兼而有之鎬之罪浮于三臣者不啻什伯乃曰听其自裁回籍以全优礼封疆大臣之体则国家安用此三尺为臣愿 皇上亟敕国缙尽斩葛藤别摠石画新推经略熊廷弼业已陛见伏乞立加以侍郎之衔仍乞赐剑听其便宜行事一如杨鎬例李如桢以军政被黜应否与封疆大臣抗礼速令该部查覆施行留中

○广西思明等府向武阳承等州土官差族目黄濯等各备贡马入覲以后期减赏

○己亥总督仓场户部尚书张问达言夷氛猖獗日甚运船转输可虞谨议沿途防护京通起剥事宜以固根本称漕粮四百万石繇江淮达沔黄繇黄抵津坝风涛险阻与阳侯河伯争权万一防护疏虞起剥濡滞致生他变军国可忧乞严檄所司照先年水涸漕迟例多雇民船帮运其应得脚价即于通济库见行给支不许短值小民惟利是趋自当乐从应募而又严督浅夫随时挑浚务使河渠深广船不留行庶于漕政有裨奉旨漕运关系匪轻况今虏警戒严护卫尤宜加谨其防守加剥及支运等事俱依拟着实举

行应另议者着再议具奏

○起升吕图南为南通政司右参议

○庚子德王常邦口清庶九子由椅讨给内使命准拨四名

○周王捐禄三千两饷边

○太子太保兵部尚书黄嘉善题申饬班政预严防守以戒不虞为照班军入卫神京事关重大近因承平日久视为故事军每逾期不赴粮则久借不还值今边报日严库藏如洗非藉明旨申严日复一日误事非轻既经职方清吏司具呈相应题请合候命下移文山东河南凤阳抚按衙门督同该道府将秋班各卫所班军务选精壮正身依期点发于七月初旬尽数到京如再过违钦限掌印领班官员从重参治其粮银务要随军起解如有仍前愆期致借寺银者掌印及经催承解各官一并从重参治其节年借欠太仆寺银两并挂欠绝军等项粮银已经本部查明移咨并乞严敕抚按衙门勒限照数完解从之

○两广总督许弘纲广东巡按御史王命璇交章劾总兵麻镇贪婪无厌物议沸腾臚列赃迹一十三款以闻下其章于兵部

○辛丑巡视南京营礼科给事中宴文辉等劾右府佾书乔承恩以贪罢职

○升宁夏总兵萧如蕙为南京左府佾书

○壬寅 惠王妃纳徵发册遣侯吴汝胤礼部侍郎何宗彦持节捧册各行礼 奉先殿祭告遣驸马侯拱宸行礼

○吏部尚书赵焕题科印虚悬非体科臣历俸踰期谨循资俸拟升各科都给事中吏科官应震户科元诗教礼科张孔教兵科范济世刑科李奇珍不报

○南赣巡抚钱桓以目疾免

○升刑部郎中李俸知陕西凤翔府户部郎中张三杰知山西汾州府刘生和知湖广宝庆府大理寺寺正王振祚知湖广德安府

○升天津游击哈元勋为黄甫川参将肃州游击达奇勋为河州参将延绥标下中军孙启祥为永昌参将裴家营守备张弘烈为镇夷堡游击万全左卫守备王楹为宣府东路游击广宁右翼营游击冯应魁为戚家堡游击金塔寺守备张洪烈为甘肃标下游击河会川守备张鸣鹤为陕西总督标下游击

○癸卯命新昌王长孙常淖承袭祖爵

○甲辰大学士方从哲奏昨臣于文华门候旨该文书官发下臣十五日辞本蒙我皇上留心政本鉴臣苦衷慨下会推之旨明诏一宣欢腾朝野臣谨于明早力疾廷谢入阁办事以副惓惓德意其庶吉士一事待吏部手本至日容臣照例具题总俟新臣到任之后公同考选庶储材大典不致屑越而臣愚感激图报之私亦获少伸于万一矣谨具本奏谢以闻

○乙巳调天津游击戚金为真定游击起原任游击钱世楨为天津游击

○巡抚江西都察院右佥都御史包见捷巡按御史张铨交章劾万安守备白继高贪鄙异常章下兵部

○丙午应天巡抚王应麟浙江巡抚刘一焜交章言公私两匮段疋缺乏乞暂行停减得旨龙袍段疋系上用并婚礼之国及各大典礼宫用等项急需见今该局缺乏无措前已有屡旨明白如何恣肆抗违又来渎扰急公之议何在姑且不究着照原题数目分作六运上紧僦织以济急用如再借言阻挠有误吉典必罪不宥

○大学士方从哲入阁办事奉旨览卿奏谢知卿遵旨入阁佐理具见忠敬朕心慰悦章下所司

○丁未吏科署科事给事中张延登题枚卜得旨至慎会推奉行宜公谨陈葛言以襄盛典称枚卜一事顷奉纶音曰朕思密勿重任非比他员是以详慎未即允行仰见圣明梦卜之极思自为社稷计有非臣下所能窥其万一者但论相于今日勿生爱憎勿偏好恶勿循乡曲之情勿寻师友之派福建道御史倪应眷湖广道试御史刘有源等亦称卜相务在救时内外亟宜兼用乞捐成心破积习以重政本俱不报

○荫原任太仆寺卿赵标男皞为国子生

○升云南副使江和为广东参政礼部郎中程子鳌为广西参政

○贵州巡抚张鹤鸣奏土夷争袭构乱章下部院

○南礼部侍郎沈_{〔〕} 奎奏蒙恩复职忠病难前不允辞

○原任宣镇总兵今被逮刘孔胤奏称本年三月二十一日奉命统兵援辽部劄限期甚迫臣一面移会巡抚一面行文坐营官挑选正兵等营军马不虞三军听闻陡然鼓噪巡抚赵士愕见势危急随示每军各给马价银二两仍出安抚告示喧噪随息今奉皇上逮臣之旨罪实所甘死何足惜惟是限期未逾安敢怀逗遛之心军以明言岂臣挑激之衅恳乞垂念东事尚属未宁孤臣犹堪使过假以兵马负罪援辽则臣之心迹可明万死无憾章下兵部

○戊申 穆宗庄皇帝忌辰遣官祭 昭陵

○以隐匿军情劾参将李崇荣提问从兵部奏请也 ○龙岩县举人章焜先是以怀挟被黜礼部覆奏白其冤准与会试

○己酉 上谕内阁曰朕览文书昨点礼部题册封晋王等府河中王等王并妃等官因思所用钱粮未经成造如何就遣官行礼卿可传示该部以后先行手本知会各该衙门造办钱粮完备方行钦天监择日传制遣官持捧节册前去各府行礼不致临时稽误且今日期迫近着另择日来行特谕卿知

○工科给事中臣祝耀祖言按臣陈王庭阅视奉有敕书赫赫王言内载边臣果能着实脩举著有劳绩及踵习故套搪塞误事者俱从实具奏以凭赏罚今观_{〔〕} 铨_{〔〕} 金_{〔〕} 荐诸臣非直无功而不当叙也罪更有彰明者若白养粹之贪受夷贿忽于辽阳西四十里开市黄泥洼不知奉何 明旨至今每日炒花诸酋及二十四营千百成群酿祸莫

賜簡用不報

○以考滿荫礼部右侍郎兼侍读学士史继偕长男遵灏为国子生

○升吏部文选司员外白储炤为验封司郎中

○巡抚甘肃右佥都御史杜承式以疾乞休不允 ○贈原任都察院协理院事左副都御史詹沂为左都御史沂繇进士洊历今官先是以被论引退封印出城不候明旨奉旨闲住其子办事进士应鹏比例乞请贈恤章下礼部吏部覆允故有是命

○贈原任南京总督粮储户部右侍郎兼都察院右佥都御史吴中明为南京户部尚书中明繇进士历今职以劳瘁卒于官已蒙谕祭营葬如例所据贈官一节礼部称其隕身勤事例有可援吏部覆允故有是命

○吏科署科事给事中张延登题六科之设原与六部相表里而每科之有都给事中尤所以重印务而专责成不可一日缺者也迩六科全无都矣刑科全无人矣印篆尘封不启科规掣肘难行况奴酋未灭羽檄交驰直臣久击爰书多滞兵刑何等重大而印可日久高阁乎伏祈皇上速将吏部新推都给事中官应震等并右给事中姚宗文立命视事一举笔间而五科印务俱有专属矣留中

○己未大理寺司务赵九真言棘寺三卿俱空< 銚-金 >推二丞未下六悬亟賜委用以结狱局以伸冤抑留中

○广东潮州府海阳揭阳饶平惠来普宁澄海等县以去年八月初四日异常水患火雷海飓交作滄死男妇一万二千五百三十名口倾倒房屋三万一千八百六十九间漂没田亩盐埕五千余顷冲决堤埤一千二百七十余丈其有各都庐舍城垣衙署全化为乌有者人民尤不可数计按臣王命璇查勘被灾州县賑过预备仓谷三千三百七十石三斗零埋葬银五百九十七两六钱九分零而乡绅义民捐贖收瘞者另行旌劳依照灾有重轻合议蠲免应蠲存留银共三千零八十七两七钱九分六厘又各项小税三千七百八十四两一钱九分八厘伏乞敕下户部议覆蠲豁泣吁奏闻

○调广东副使梅之焕为山东提学副使

○升户部郎中杨元祺知贵州平越府

○巡抚宣府都察院右佥都御史赵士谔题士马徵调垂尽原额决难取盈臣自奉调兵之旨不胜弛备之忧争执再三妄谓一千尚可忍痛以应续调三千有死不敢奉诏此亦臣迫切之真情也总兵刘孔胤乘机摇惑突起噪呼臣多方晓諭挑募得兵一千各给马匹甲械委原任都司佥书王承祚统领于四月二十四日起行赴辽讫夫臣责在封疆原与本兵内外一体利害所关岂得唯唯漫无可否臣虽有三千免调之请而罪必不能以自解心必不能自宁又挑募得兵一千仍给马匹甲械委千总毕辅国统领于本月二十六日起行已经移文报部讫此一调也军实遂空危形已见此外二千即欲勉强以应势必不能伏乞 皇上俯念九边并逼强虏宣镇非独处腹地士马又非独多何使独受其困乞敕下兵部覆免续调二千冲疆幸甚章下兵部

○庚申命礼部主事桂绍龙谕祭吉府

○辛酉兵部尚书黄嘉善题热审堪怜速简刑官以开汤网称北镇抚司系朝廷诏狱之臣至今八年未蒙点发以致司印尘封覆盆久郁乞简用一员早结积狱不报

○大学士方从哲题适文书官恭捧 圣谕到阁谕臣曰朕昨入夏以来天气乍寒乍燠以致腹痛泻痢服药稍愈近又连日阴两偶尔中暑头目眩晕动履艰难各衙门章奏未经详览见今服药调摄俟朕少瘳次第简发特谕卿知钦此臣一闻之不胜孺慕但目前有一二本章如辽东经略京营总督协理与蓟镇总兵俱经臣票拟见在御前此外会推阁臣吏部本上已将十日该臣再次题催未蒙钦点 皇上若于此时点用批行臣下不知免多少烦渎 圣衷不知省多少激聒不容再缓以滋纷扰者也臣谨因回奏附有所请所奉 圣谕谨尊藏阁中

○兵部尚书黄嘉善言军政候旨无期乞亟赐涣发以肃法纪窃照五年军政所以明黜陟示劝惩也今候旨已及四年未蒙简发久稽察典跋扈可虞留中

○壬戌辽东原任武安知县李登输粟千石折银五百两交纳太仓以助军饷户部题覆本官情真效义志切吞胡所宜亟行奖擢以示鼓舞后因援兵出剿其子生员友芝自括资产市马召丁血战以死登既忧国耻复痛子仇条议上请兵部见其中< 阙 穴款 >特< 阙 足 毓-金 >覆以参谋今已奉钦依则应援实职相应催请合候命下本部移咨吏部酌议施行不报

○升平乐府知府谈炜为福建运使南阳府知府丁浚为河东运使

○命宁阳侯陈应诏长男光裕承袭祖爵

○癸亥吏部尚书赵焕题台省需人乞亟俞考选诸臣以儆时艰不报

○升长芦运使张云翼为云南参政

○甲子礼部题分茅已自后期卜地万难再缓称瑞王建立府第于四十五年业奉旨先拟地方来看钦此臣部会同工部拟具地方上请< 阙 足 毓-金 >凡数十上矣至今概不省发静听杳然岂有年近三十出府逾四年之 亲王而可久靳剪桐之典乎如狭西汉中湖广荆州衡州山西平阳山东东昌等府皆擅表里之胜聚风气之宜乞速赐钦定以利启建以完大典不报

○乙丑谕后军都督府吏部户部礼部兵部朕第六子惠王年已长成其岁支禄米一万石今在京岁且支三千石钞一万贯待之国米全支依先年瑞王例便选学行端正者除王府官诚实的当者除仪卫司及群牧所官拔堪用较尉六百名王府随侍于后府及在京卫分共拨精壮夫一千名于群牧所用其余合行事宜悉依瑞王例如敕奉行故谕

○升横河口守备田种心为山东秋班都司八达岭守备田得盛镇川守备朱国胤为河南秋班都司

○拟赠陕西伏羗县知县王从义为主事职衔从祀乡贤先是夥盗杨举等纠众三

十七名四出行劫杀掠甚惨从义挺身追剿众寡不敌遂中矢以死寻缉获举等伏诛督抚按看得从义殉城死贼仗节殒生例应赠恤以慰忠魂谨合词奏闻

○吏部听选监生王应遴奏修志草稿粗成谨辑志稿二万余张以备删采不报

○丙寅进士戴东旻奏表扬父孝汪邦柱奏表扬母程氏张炜奏表扬母陈氏各贞节章下礼部

○丁卯升福建都司姚应祯为永生洲参将湖广都司赵文为山西参将浙江参将俞咨皋为潮州参将操江坐营刘嘉言为柳庆参将湖广行都司金书胡广生为雷廉参将兴都留守司掌印胡之烜为广东香山参将浙江游击黄承爵为雅黎游击西南巡捕把总为河南汝宁守备襄阳卫指挥吴世重为柘林守备

○大学士方从哲题本年七月初三日 惠王亲迎 皇上醮戒制词制曰端本在身闲家惟敬勉修令德光我训词

○奴酋攻陷开原援将马林于化龙高贞等战歿

○戊辰 睿宗献皇帝忌辰于 奉先殿行祭礼

○钦天监奏 桂王六礼择六月二十四日辰时搬移七月初七日卯时上冠十一日辰时纳徵发册二十二日卯时安床八月初六日寅时开面初八日卯时亲迎奉旨该衙门知之

○己巳阵亡辽东镇江游击乔一琦男金山卫武举镇抚乔桓奏称伊父一琦从总兵刘綎出剿奴酋倾产备装提卒不满千人冲锋三百余里血战四昼夜斩奴第三子并奴壻火胡及虏首数百级生擒活夷九十余名既以贼益增兵力竭不支中矢如猬贼必欲擒缚生降臣父义不屈节因投崖碎首以死伏乞敕下该部将臣父战功死节查照恤录以慰忠魂章下兵部

○庚午升户部郎中王建屏为山西参政刑部郎中张嗣诚为山西佥事

○升刑部郎中郑升知广西平乐府起原任真定知府周士昌知直隶徽州府

○进士施邦耀奏表扬祖母吴氏贞节下礼部知之

○礼科给事中元诗教题逆酋僭号乞急遣经略以彰神武称奴酋陷我城堡以来目中已无中国近如朝鲜咨报所云辄敢建国改元称朕皆繇杨镐轻躁寡谋取侮小夷俟尔秋高马肥势必深入不知何以待之惟愿立点新推经略熊廷弼赐之尚方庶可少释东顾之忧留中

○辛未 上谕 桂王妃搬移诸王馆合用巡捕官军二十员名巡逻五城兵马司火夫五十名打扫宛平大兴二县结彩并女轿妇锦衣卫围宿官旗较二十二员名沿途接擗摆路一千五百员名

○荫原任吏部尚书孙丕扬男允傅为国子生

○山东黄县瞽民杜学林家猪生双头四耳一身八足

○壬申 福王损禄三千两助饷

○巡抚宣府赵士谔免以宣军鼓噪引罪罢也

○经略辽东熊廷弼言辽左为京师肩背欲保京师而辽镇必不可弃河东为辽镇腹心欲报辽镇而河东必不可弃开原为河东根底欲保河东而开原必不可弃今开原破矣清阳弃矣庆云抢矣镇西围矣中固铁岭懿路泛河数城妇女老幼空国而逃矣自鸭绿江东南起止西北一带城堡除抚顺清河失陷已报外如永奠新奠长奠大奠暖阳孤山濂场一堵墙晒马店散羊峪马根单东州会安白家冲三岔抚安柴河松山靖安威远镇北数十堡已弃去而边内之村屯城寨已抢毁无遗矣独辽阳沈阳为河东孤注而昨据经臣揭报沈阳之民又逃军亦逃矣而辽沈何可守也贼未破开原时北关相倚犹有后背之忧朝鲜未败犹有左腋之患今开原破而北关不敢不顺使币往来而朝鲜不敢不从既无背腋之虞又合东西之势以交攻而辽沈何可守也虽有败残新集士卒四五万人皆有名无实而此番开原损折又奚啻万计昔金兵将渡河宋兵临河而守者尚十三万人金粘没喝云不必与战但以虚声吓之令击战鼓自夜达旦一夕而十三万兵尽走散今辽兵本畏贼而破竹之后风鹤自惊何烦击鼓而辽沈又何可守也然而不守辽沈必不能保辽镇以保京师不复开原必不能保辽沈以保辽镇夫愚者闇成事明者见未然前日之贼东有朝鲜北有北关西南有辽开一带仅仅东北一条走路四围逼束无充拓之兵山地出产无逼余之粮使于清抚失事以后兵饷湊集之时中外当事者不急战不催战议复清河抚顺守宽奠再建城设将于柴河靖安间悉宿重兵互相犄角以渐逼而转蹙之犹不过一穴中之兽耳自大军三路败没而贼始敢出入无常掠尽屯堡自我兵坐守四城而贼始敢交合西虏径取开原是前日不复清抚以失开原之覆事即后来不复开原以弃辽镇而危京师之榜样也今开原一带尽失而外交合矣朝鲜北关皆阴顺贼而内患除矣则亦何所顾忌爱我辽阳而不攻哉夫开原古之黄龙府而元之所谓上都也城大而民众物力额饶贼住城中用我牛马车辆运金钱财货数日未尽何止数百万但分我开原余财十数万以饵宰卜二十四营炒巴二十营使之东攻辽沈西攻广宁彼诸营所得春秋两赏于我者几何又何爱于我而不听贼以攻我试观日来塘报东贼攻开原而西虏五营即率三千骑抢庆云又报三万骑围镇西炒巴等酋又率五万骑广宁挟赏是西虏明明已皆为奴用命而辽沈可保乎辽镇可保乎不惟辽镇难保也如贼全有辽镇所获金钱财货何止数千万但分数十万全饵虎憨诸酋入犯昌蓟如也先之薄京城又分数万金饵卜素诸酋入犯宣大如俺答之趋两关以牵缀我不敢出京城一步而贼然后长驱入山海关或繇海道取天津及登莱一带此皆国家必受之患理势必至之事而该臣十年前不幸而屡中之言也伏乞敕廷臣会议急急处办兵马器械钱粮刍豆等项勒限齐备毋缺少以窘臣用毋延挨以缓臣期毋中格以沮臣气毋旁议以掣臣肘毋交担于臣不相照管而独遗臣以难以致误臣误辽误国而并误诸臣之身家奉旨恢复开原乃御虏安边急务应用兵马器械钱粮刍豆等项着各该衙门火速处办刻期齐备毋得藉口缺乏致误军机熊廷弼仍赐剑一口将帅以下不用命者先斩后奏着星速前去用心经理以副朝廷委任至意

○巡按山东监察御史陈王庭题开原贼据未退东西声息复传人民窜惊辽阳陆危恳乞早赐援救以收人心得旨该镇夷虏交讧人民惊窜势益陆危发兵救援令该部一并议覆熊廷弼韩原善都着兼程前去亟图防御之策

○庚辰户科给事中李奇珍言罪帅骄语全师希图漏网< 足 铨-金 >论李如柏亟行逮问以正国法留中

○兵部奏拣选班兵以壮根本据巡视京营科道官称原额班军一十六万除拨蓟镇防御外仅余二万 为数既少领班官又复强半卖放值今奴酋狂逞京营单薄相应依拟覆请通行山东凤阳河南各抚按衙门以后将春秋两班官军加意整顿毋比泛常务要拣选精壮正身交付领班都司不许疏纵卖放如有仍蹈前币者该科道官题参究治不报

○辽东宁远卫原任知县刘永茂奏策辽十二事一亟保辽阳以重根本二广屯田以足军食三收刍糗以腾士马四平糶买以省远费五募辽兵以省远调六画战守以固危镇七徙死士以壮塞垣八行间谍以救万全九均月粮以免空伍十酌将品以破常格十一杜剥削以起疲癯十二密机宜以料敌人不报

○翰林院简讨丁绍轼奏虏患日迫用人朦胧乞大奋乾刚急救危亡事臣叨史馆非有言责而祸乱已迫赤心难昧不得不为 皇上陈之方今建酋倡乱已及两载屡战屡败至陷开原诸臣言事者无不以用人为急矣今日辽之屡败果无人乎抑用非其人乎人孰急于巡按而去岁以按辽者则初考选之陈王庭也以此危辽岂无二差三差声名夙著者可遣而以初试者当之果有一毫为地方之心否乎人又孰急于经略而去岁一败则起用田间之杨镐今岁再败则起用听勘之熊廷弼强之于 皇上固甚难来往于道路又甚远试问举朝之臣果皆巾幗妇人乎不然胡为必取之于田于弃乎人又孰急于开原道而今岁以韩原善补之原善自称望不人前资在人后即使赴任亦未必有济而今开原已矣此何等紧要地方而旧者胡为与之去新者胡为不急择其人而以一署印推官了之乎武官即父母之丧不守制文官戴罪立功犹属宽典辽何时也而今日准某将官养病明日准某道臣养病可乎不可乎有此数者辽焉得不亡非虏亡辽辽自取亡耳总之 皇上不事振刷不行诘问听诸臣容容各顺面情各图方便朦胧搪塞如用泥补舟不覆不已至于今则所倚靠者止有熊廷弼一人而已矣嗟乎廷弼诚可恃也而堂堂天朝岂祇靠一人之力乎贼势如火烈烈可信一人之力必有济乎朔方之守有郭子仪犹有李光弼淮肥之战有谢安犹有谢玄大厦之支未有专恃一木者也杨镐为时所忌讳不堪比例而胜败则殷鉴不远良可深思至于渴而掘井再渴再掘又何救乎为今之计当及早临轩赐问首推择内外诸臣以预经臣抚臣道臣不时之需用一备三用三备十列名御前勿至临期推诿其在京有望才者勿与外推其在外有才望者速取内补勿至临期往返道路嗟乎今第知招兵而绝不求统兵者其人即有百万又何益乎至于都门之内益不堪言臣即言之 皇上不信贼势紧急止有闭门一法 皇上试思

闭门之时战谁与战守谁与守欲走将于何走欲迁将于何迁皇妃帝子站立何处金银珠宝随带何人此从古历代败亡之已事而 皇上不悟能不悲哉臣日昨有劝勉廷弼一书知为逆耳今又谬进此言益触时忌臣不待诸臣劾臣而臣请自劾不待 皇上斥臣而臣甘自斥有长逝山林永为废弃而已惟愿 皇上翻然改图保安 宗社勿为前代败亡之主所笑臣冒死于渎 天威不胜战慄待罪之至留中绍轼请告回

○直隶巡按董元儒奏蓟辽势并孤危蓟兵难议再调适接邸报见兵部会上公 < 距 毓-金 > 内有议于蓟镇急发兵三千并领宣府未出关兵一千令总兵柴国柱统领又蓟镇已题未发兵二千名令游击朱万良加衔援辽统领先随新经略出关一款此在诸臣计辽之急或未暇审蓟之情然揆时度势今日调兵于蓟实有万万难行者夫蓟兵额虽十万然公占差调勾补之外见在实数不过九万余人以九万余人分布二千余里边烽墩堡处处设防关隘空隙在在哨守每处多者百人少则数十人迩自年来援辽两番抽调全镇精锐遂为半空且满酋挟赏未遂窥伺蓟西者五年于兹近乘东事决裂拥众要挟转眼秋高势必猖獗议者必欲夺此与彼毋乃置蓟门于度外乎乞敕下兵部覆议免调以巩京师不报

○辛巳以泰宁侯陈良弼总督京营戎政

○予原任总理河道太子少保工部尚书兼都察院右副都御史潘季驯祭四坛造坟安葬季驯浙江归安人嘉靖二十九年进士授九江推官升江西道御史历大理寺少卿右佥都御史总理河道闲住寻起原官巡抚江西升工部右侍郎加太子少保晋刑部尚书万历十二年夺职十六年复起总理河道右都御史升工尚尚书总河务如旧二十年致仕卒于家至是礼部覆称四任河漕民免鱼鳖念年修筑国赖转输虽有身后之株连难免生前之伟代诰命已还恤典宜逮故有是命

明神宗显皇帝实录卷之五百八十三

明神宗显皇帝实录卷之五百八十四

万历四十七年七月壬午朔孟秋时飨 太庙遣驸马侯拱宸恭代

○大学士方从哲题适蒙发下辽东经略监军各本据报奴酋攻陷开原西虏结聚庆云等堡而铁岭沈阳人民逃窜几空辽阳之危只在旦夕目下调兵措饷诸事户部兵部亦既竭蹶图维不遗余力独有用人一事 皇上未见允行乞于会推阁臣速点二三员与臣同事共图安边御虏之策其他若各部卿贰各处巡抚巡按亦祈陆续点用以修举庶务弹压地方至于兵科署印与巡视五城九门御史尤万万不可少缓伏惟 圣明矜察不报

○经略辽东杨镐奏奴陷开原得旨贼攻开原先期全无哨探临时不能堵拒以致失陷该镇道将等官防守何在着巡按御史参来处治今贼势益炽辽左垂危应援保定

\$\$\$\$-11126-\$\$\$

之策该部便速议具奏

○太子太保兵部尚书黄嘉善题二十六日申时接经略杨镐塘报称奴兵六七万十六日陷开原十九日西虏三万攻围镇西堡未退铁岭沈阳两城人民俱思逃避臣思人心一溃辽阳旦夕难保山海畿辅处处动摇所调各镇兵自五月初三起至六月初九日止陆续出关共六千余名宣府续发未报出关兵一千名延绥已过都门兵二千名新题山海兵二千名令总兵柴国柱统领蓟镇奉旨未发兵二千名令朱万良统领俱星夜出关听经略酌派应援京营速发兵三千名令江应诏统领以防山海新推经略熊廷弼蚤至辽阳便可安辑人心保全此土赐剑一节尤为紧要会推京营总督陈良弼协理黄克缵并乞允俞得旨辽患紧急议调各兵都着星夜前去应援防守不许逗遛误事蓟镇密迹京师近日屡有虏

\$\$\$\$-11127-\$\$\$

警若兵将调去数多内地空虚尤为可虑尔部须要悉心酌议务图万全之策毋得顾彼失此致貽近忧京营总督俟即点用其余俱已有旨

○锦衣卫掌卫事都指挥使骆思恭题臣衙门实与刑科职掌相关凡奉旨提人必用驾帖繇刑科金名然后遵行昨岁该科给事中姚若水册封去后今又外转全署无官阁部催请不啻舌敝颡秃至今悬缺诸事犹可稍缓惟是逮人旨人即刻差官赍捧驾帖起程回奏须臾不敢稽留今辽事决裂请逮之< 刑 部 疏 金 > 屡上万一允行臣欲候请科臣恐谓稽旨罪也欲奉命而行恐谓违例亦罪也伏乞 皇上将见在候命刑科给事曾汝召韩继思速赐允补刻期任事庶金帖有人 明旨不稽留中

○户科给事中官应震题辽警燃眉请特设将材武科言年来建酋披猖所有设法撙罗即将即兵即饷一举而三利

\$\$\$\$-11128-\$\$\$

者计惟有特设将材武科一着武科目前两月一举逮兵将大集或半岁一举一岁一举初场马步各箭不过二枝此外枪刀剑戟拳法抟击等法并试之二场则营阵地雷火药战车等项作何试验三场不用论策令自书谋略并熟知古今何将何项兵法知何天文知何地利夷情各得随意畅言大抵三场中但有一二可取即为入彀不必全场俱通收录名数宁宽无窄其应试之人不拘何项一废闲将领二已登科未除官者三一科至三科武举四白衣襍流皆得入试进呈止用题名不必试录登榜分为三等内一等即署以偏裨之职速咨冲边如目前即往辽东二等咨次冲三等留京营练习以备不时之用夫钻夤债帅不惜辇此则所省已多而且人人竞劝何患乎将材之不如雨如林也乃将材既收而兵即于此集而饷即于此省则臣

\$\$\$\$-11129-\$\$\$

又有说焉令废闲将领与四方武举天下卫所指挥千百户及两京勋臣锦衣卫世职于应试时令其以官品高下身家贫富为差各遣舍人入京营练习不募之募不调之调较之募调者劲乃远过此臣所谓即将即兵也又不用安家治装但入营之后方给月

廩其余官帑樽节实多此臣所谓即兵即饷也可以入卫神京可以出扫虏幕可以急揀目前可以持行经久諒兵部必不以泄泄从事矣

○夜二更东南方有流星大如盞青白色有光尾迹炸起自阁道星西南行入室宿

○癸未经略辽东杨镐题奴酋攻克开原驰赴沈阳见沿途逃兵及居民避贼者相率而走而将官有先示怯形为兵倡者驮载行李躲避民房问之则游击陈维翰家人也搽之有整锭银一百五十两应系克减所得沿途捉获奸细四名有供李永芳自开原差侦铁沈

\$\$\$\$-11130-\$\$\$&&&& 若干兵者有供奴酋造船甚多将运载钩梯繇河路攻城者查得沈阳之东南曰浑河辽阳之东北曰代子河上流皆在奴地如繇浑河可以攻沈阳繇代子河可以攻辽阳则辽阳沈铁皆须重兵备之而计见在之兵惟以合力守城为主铁岭距夷边不远城中人民大半虚无抚臣周永春所言恢复开原亦北关与宰暖等虏市口之利所同欲者昨北关闻亦调有兵马二千行至开原五十里外闻城不守惊惶而回臣议宣諭北关坚强自守或请助新婚憨酋为助但急需近关之兵作速出援马或急买不到如抚臣< 〇〇〇 銃-金 >令麻承恩纳马赎罪关内州县及辽东各卫养马之家俱查出堪战者从公给价俵军骑坐何必待市于宣大二千余里之外也奉旨据报奴贼谋犯辽沈势甚急危辽兵出援及纳马查马等事着该部作速议行一面具奏

○巡按

\$\$\$\$-11131-\$\$\$&&&&

山东监察御史陈王庭题本年六月十六日酉时据开原副将于化龙报东夷万余骑从靖安堡入至开原东门本时又据沈阳游击柏世爵报本日李总兵追袭行至蒲河大洼传令柏世爵固原游击魏国忠即回沈阳防守本日该时又据援辽总兵贺世贤报本将闻报带领兵马自李二舍寨往北策应十七日寅时又据贺世贤报至懿路闻知开原城十六日巳时被贼攻陷本日巳时又据推官郑之范报本官堵南门见贼破城从北门挤出奔西边大中寨本时又据庆云游击史凤鸣报称十六日在市抚赏辰时分探得东夷攻围开原随即宣諭在市讨赏夷酋庄南等五营夷酋亲领部夷共二千余名闻炮俱出市至亮子河西巳时闻得开原已陷今有讨赏西虏结聚亮子河情势难测本堡兵马寡少若不早发大兵救援庆云存亡未可

\$\$\$\$-11132-\$\$\$&&&&

知等情为照出师失利以来我兵益单奴势益逞计诱白金书约朝鲜欲攻开铁已非一日屡< 〇〇〇 銃-金 >请兵已几四月仅见渡关之兵千数贼窥底里遂肆猖獗先以数百连犯铁岭乃以大众突攻开原立刻陷去狡贼得志势必长驱乞念辽镇垂危将新经略熊廷弼立刻俞允并催开原道臣韩原善先带就近兵马三万余即时出关仍亟敕廷臣速议救辽之策奉旨贼攻开原先期全无侦探以致救援不及该镇屡衄之后犹怠玩若此经略镇守及道事情形着严查参奏熊廷弼韩原善催他星夜前来发兵救援该

部便作速议覆

○兵部尚书黄嘉善题接辽东巡抚周永春揭庆云城商民逃窜西虏结聚本堡经略出关所随兵将及京营总协诸事应行催请到部为照奴酋与西虏交通已非一日向因北关与开原阻隔未得长

\$\$\$\$-11133-\$\$\$

驱今奴陷开原虏聚庆云东西既合猖獗益炽顷者经略被命臣等合< 〇〇〇 毓-金 >请调蓟兵四千并先调宣府一千随同出关今辽左人心恇怯已甚再调真保兵二千名延绥已发兵二千名宣府已题未发兵一千名今柴国柱朱万良分统出关内地单弱武备空疏会推京营总督陈良弼刘荅臣协理黄克缵杨应聘乞慨赐允行严谕诸臣刻期任事奉旨虏势益迫这议调各处援兵便着各官统领星驰出关听经略调遣京营总协都着刻期到任管事

○甲申 惠王出府成婚例百官具吉服行四拜礼奉旨免

○晋王捐禄三千两助饷

○予原任贵州巡抚张偲祭一坛仍给半葬准溢赠都察院右副都御史先是万历四十二年七月内该贵州巡按御史潘浚题内称四十一年因苗夷猖獗原任抚臣张偲酌议雕剿查其< 〇〇〇 毓-金 >稿所开平伐两起擒斩阿

\$\$\$\$-11134-\$\$\$

民等五百五十三级又三山剿六龙山贼共擒斩一百五级安庄卫共擒斩四十四级称偲剔历两朝始终一节吏部覆允故有是命

○乙酉 仁孝文皇后忌辰遣官祭 长陵

○兵部尚书黄嘉善题奴酋攻陷开原易如拉朽有垂亡之势蓟门有剥肤之灾且满温诸酋乘间谍我东连西结日思狂逞沿边要害之一片石喜峰口潮河川等处皆通虏要地亟当设兵防守在在严备仍严令镇道等官悉心调度毋致疏虞得旨蓟门切近陵京诸虏乘虚窥伺且辽氛正炽防御尤宜万分加谨着严行文武将吏悉心调度毋得视为泛常其通虏要害诸处都要设兵防守时时戒备务保万全倘有疏虞参来重处不贷

○户部言辽事万分危急军需万分难支谨陈十议以备接济查得各省直钱粮除起存正额外除北直滑县有屯积银南直安庆府

\$\$\$\$-11135-\$\$\$

有操江银福建上杭县有河税银南赣鄱阳二抚院各有积存兵饷银又如北直广平府山东登州府福建沙县亦各称有存积银两一向登报循环案簿可知推而论之各处在库想亦皆有合无咨都察院衙门通行各巡按将该府州县循环簿遍行吊查凡有如前等项在库银两俱摘出一半起解到京以备辽饷一半留地方之用仍将起解数具题其循环隐匿不送者巡按访出参处一议查先年征倭存留银一议酌文武职官优免银一议借举人进士牌坊银一议查辽东先年备赈银一议解湖广木税银一议查各省

○山西道御史冯嘉会言开原失陷皆繇署道推官郑之范平时贪暴素失民心临敌仓惶抱头鼠窜杨镐尚方之剑何在不闻一正失城之律也目今辽事不堪再误乞逮杨镐李如柏诛郑之范族李永芳以伸国法不报

○兵部尚书黄嘉善言逆奴鸱张诸虏观望秋高风劲防御宜严备陈九塞情形自辽东蓟镇宣大山西延绥宁夏固原甘肃一切战守机宜宜较往岁加密乞敕文武将吏实心料理应奏请者奏请应径行者径行有怠玩者听抚院科道参究施行奉旨秋防伊迩边备宜严辽左虏势方张战守机宜着经略督抚等官悉心经理其余各边依拟通行申饬便严行大小

\$\$\$\$-11139-\$\$\$

文武将吏都要用心整理边务比常十分加谨务保无虞有怠玩误事者参来重治

○兵部尚书黄嘉善题辽左一役南北征调援兵几七万名该镇招募三万名共集十万之师而本镇之额兵不与焉自征剿失利按臣报阵亡者四万五千余名见存者四万二千三百六十余名续到川兵一万五百三十二名抚臣招募兵一万四千二百五十八名先调已发未出关湖广兵约一千五百名臣部续调兵一万七千五百名内已出关兵七千六十名已发未出关兵二千七百名见催未发兵七千七百四十余名总计辽左见在已到兵共七万四千二百余名迩者开原破陷必多损伤今日救辽之策必须厚集兵力臣与户部尚书李汝华等会同新推经略熊廷弼议再调已题蓟镇兵二千名以见任参将朱万良加副总兵职衔统之已题真保兵二

\$\$\$\$-11140-\$\$\$

千名以见任都司金书王彘统之并调大同兵一千名以见任坐营都司方承勋统之山西兵一千名以原任岢岚守备郭世藩统之山东青州兵一千河南禁兵毛兵二千名俱听该省镇选官统领其宣镇续发兵一千名榆林已到关兵二千名俱听山海总兵柴国柱统领随经略出关又起原任游击鲁之繇统庄浪路家兵一千名又调西宁祁家兵一千名听该督选官统领又起原任副总兵麻承宣见任守备戴名等九员俱加都司金书职衔各带家丁五百名以上调募通计兵一十万一千六百五十名内新调边腹兵每名安家五两马价十两计兵九千名该安家银四万五千两马价银九万两所调祁鲁二家兵及各将自带家丁计六千五百名每名安家五两共该三万二千五百两马价每匹十二两共该七万八千两通计已上马价银

\$\$\$\$-11141-\$\$\$

一十六万八千两兵部给发其安家银七万七千五百两户部给发乞敕各该督臣将先今议调兵马如数挑选火速给发并令各官随带家丁即刻出关其安家马价银两臣部与户部各照解发奉旨议调兵马各该督抚如数挑选火速给发起用各官都令随带家丁星夜前来出关应援安家马价银两依议两部解发今边事危急内外诸臣俱要用心协图不许争执推诿致误封疆

○经略辽东兵部右侍郎兼右佥都御史熊廷弼题接得经臣杨镐揭辽阳重地万分危急城中有叛贼李永芳佟养性董国云等亲戚指挥王卫国段光裕等皆蓄有马匹兵仗为贼招兵内应据此是沈阳以北皆已弃去沈阳以南且非我有此时辽阳非得多兵急救必不能保每阅兵部< 疏 >调援兵总计辽左见在已到兵七万四千有奇今辽阳道阎鸣泰揭报见

在援兵细数实止三万三百余名又见部数调兵一万随臣出关昨据柴国柱禀称见在仅有宣府一千名榆林二千名夫调兵近镇尚且如此何况远镇蓟辽总督与辽东功罪相关尚不调发何况他镇昨见抚臣周永春有认罪一

< 疏 >督臣安然若无事 明旨处置开除督抚字样是身任地方者尚求脱卸而各镇事外者谁肯上心今辽阳已万分危急经道臣书禀迫切皆谓远兵猝难指望欲多调关内兵马应急必不得已或将部议原调蓟镇兵数暂发辽阳设防救此急难俟各镇兵马渐到臣至地方料理稍有头绪或即将原兵放还至于京营兵马既系选锋必能中用先年经略视师动调三五万随行岂至今日三千亦不能往以及近镇稍缓地方乞亟敕兵部作速调发刻期限到仍敕督臣汪可受同心调发急救辽阳奉旨辽阳兵马不

多且援兵未至凭何防守今势已危急原调蓟镇兵数着暂发设防俟各兵渐到即与放还其京营及各镇应调者亦令作速调发刻期限到毋得虚文搪塞督臣身任地方调兵救援自是专责着与经略巡抚协心任事不得推诿

○经略辽东杨镐题开原主客兵马原自可守止因误将兵马分发城外设防为贼奸细探知乘虚而入遂至失陷乃近日奸细甚多辽阳城中有李永芳佟养性通事董国云之亲内外交通使信往来如指挥王卫国等家皆蓄有马匹兵仗等物贼势甚强加以西虏之众吾兵甚寡而关西之兵调未遽集河西之兵调有不至其凑副总兵李光荣统领不满三千贼如突至何能支持沈阳铁岭危在十分而辽阳为根本重城已行贺世贤移住虎皮驿李如桢移住沈阳以便南北应援外臣虽免加策励威令难行非新经

略前来亟为< 疏 >画难以危而使之安矣奉旨奴贼谋犯辽阳势甚危急且

奸细数多内应可虞杨镐着督率诸将竭力防守务保孤城河西兵应调者作速调发熊廷弼着即日就道并催各处援兵星夜出关以壮先声今虏患日深近城戒严宜预督抚等官务要殚心料理亟图备御之策倘致疏失罪有所归

○礼部奏江西宗室谋澄统鈿等因副使魏浚误责贫宗谋望遂鸣锣聚众阑入司堂纠党凶凌蔑如法纪参照谋澄统鈿革爵谋壳等六名各罚革禄谋< 走秀 >等五名应发高墙其余各罚禄半年仆从熊美等各提问从重究治仍定食禄之宗通融支给多寡一准于应得之数诸如花生奸生传生乞养尽行清查不得朦胧假冒庶宗犯法者遵照明例与齐民一体究拟庶政体国法于是乎在得旨谋澄等依拟分别正法限禄等议其著为令

唐以神策征番逆此古来旧

\$\$\$\$-11148-\$\$\$

事可行也伏惟 皇上择而行不报

○巡抚宁夏右副都御史臧尔劝题准兵部咨奉钦依内开宁夏已题未发兵一千名应刻期遣发再查嘉靖庚戌以后各边题有入卫之兵后已承平宁夏甘固议寝今应各再调前兵一千八百名该臣会同巡抚陕西右副都御史李起元议照朔方孤悬天末最号冲边额设兵马不及他镇之半客岁援辽先调一千再调一千武备已忧单匱转盼秋高正长驱入犯之时银酋被创后蓄谋修怨调发空虚谁为防御惟是辽师失利中外震惊徵兵入卫防护 陵京敢不共效勤王之义谨挑选一千八百名督发戍守至于前次未发援辽一千名委难措处乞 皇上轸念边情孔棘俯从宽政章下兵部

○予原任都察院左佥都御史梁问孟祭一坛赠左副都御史问孟河南卫辉府新乡县人嘉靖四十四年进

\$\$\$\$-11149-\$\$\$

士繇县令选授刑科转兵科都给事中历升福建四川右参政山西右布政使忤故相江陵调陕西按察使仍降三级调用寻补授湖广右参议升本省按察司副使山西左参政本省按察司使陕西左布政使晋都察院右佥都御史巡抚宁夏擒斩虏首一百六十级吏部咨升都察院左佥都御史协理院事以忧回籍卒于家其子中书房办事舍人旭徵援例陈乞章下礼部吏礼覆允故有是命

○户科给事李奇珍题处饷之弊宜防耗饷之孔宜塞乞下户部申饬以塞漏卮不报

○壬辰 桂王妃行纳徵发册礼遣侯陈良弼持节侍郎孙如游捧册各行礼

○癸巳大学士方从哲题适闻吏部尚书赵焕等率四司官恭进用人之< 銚-金 >即于文华门候旨臣不敢悚惕看得该部所请简阁员补大僚点巡抚允阅视科臣及考选散馆各官皆目前急

\$\$\$\$-11150-\$\$\$ 务万分难缓该部前约九卿科道合< 銚-金 >恳请已踰旬日 皇上视之漠然未尝点用一二伏望传示一旨谕以允用之意奉旨览奏该部题请点用各官悉已鉴知朕近因湿热薰蒸未暇简阅俟朕稍愈详览发行今边疆多警阁务繁重卿偶尔微恙准假调理稍可即出入阁佐理以慰眷怀特谕卿知

○南京工部右侍郎罗朝国引年乞休不允

○甲午 孝安皇后忌辰遣官祭 昭陵

○大学士方从哲题适蒙发下宣府巡抚赵士谔一本请 皇上点用巡抚并求免代该臣看得宣府为近京冲边顷因调兵鼓噪人心汹汹兹值秋防届期虏情尤叵测赵士谔已奉旨回籍势难弹压昨吏部会推新抚张经世近在易州可以朝闻命而夕受事恳乞速将此本简发至于近推巡抚如应天云贵南赣广西皆边腹要紧地方点用俱不

可缓不报

○兵

\$\$\$\$-11151-\$\$\$

部尚书黄嘉善覆经略辽东兵部右侍郎熊廷弼题急救辽阳奉旨到部该臣看得辽事日岌援兵岂容少缓惟是以彼中七万四千有奇之数券诸道臣三万三百余名之报经臣遂疑先后部< 兵 铕-金 >为虚援辽兵马除阵亡见在四万二千三百六十余名按臣陈王庭报部有揭又督臣汪可受咨报先调续到川兵一万五百三十二名于本年二月二十九日出关又标下千总李秉眷领兵五百名五月初三日出关王文鼎领兵九百四十七名孟应科领保定营守关兵八百一十名陆续赴辽又抚臣周永春咨报赞画粮储及分守管官募过新兵一万四千二百五十八名山海关管关主事邹之易揭报昌平真保宣府大同山西等镇共出关四千八百三名合之已足前数其先调续调已发未出关见催未发各兵不与焉其调兵一万先随经臣出关

\$\$\$\$-11152-\$\$\$

经臣止以宣府之一千榆林之二千为实数查臣部原调一万数内蓟镇二千名又已题未发游兵二千名宣府一千名又已题未发一千名真保二千名延绥二千名蓟镇真保之兵虽未即至较之他镇则少近矣再照议调京营选锋二千京军弱脆近有选锋可恃禁卫健丁已议调三千防设山海再一抽调益致空虚惟是蓟宣真保未到之兵乞严旨申饬责成速赴庶不致虚文搪塞奉旨是经略业已出关原议随去各兵都着刻期赶赴不许延缓误事违者尔部查参重处

○礼科给事中张国祥言策辽五议一议城守一议援将一议策应一议赏罚一议自强不报

○巡按应天监察御史田生金言军纪不可不肃国法不可不伸略曰兵死事也使退而不死于法谁肯进而死于敌者今开原复陷矣经略杨镐先事不问守之坚瑕临事不

\$\$\$\$-11153-\$\$\$

核守之真伪第以贼陷开原报何其朦胧甚也拥兵数万未闻一矢相加镐之兵马安在哉今日之事宜行辽东按臣覆查某将领兵若干守城若干贼从何处陷城是谁失事其兵将曾否尚在有无战歿推官郑之范或云自北门出或云自西门出是否门原未筑抑亦掘门以行按其弃城者以闻命经略熊廷弼即军中斩之而后守者不敢为开原之续也此肃军纪之一端也至于杨镐之罪公议共弃宜亟逮杨镐以舒公愤此伸国法之一端也留中

○户科李若圭言枢臣黄嘉善误国罪大坐失事机窃禄两年计安无策调兵遣将赏功罚罪恤死扶伤着着皆差乞赐罢斥以重封疆不报

○督饷户部侍郎李长庚奏职查会计录每岁本折所入通计一千四百六十一万入内府者六百万余入太仓者除本色外折色四百万余其内府之六百

\$\$\$-11154-\$\$\$

万如金花子粒而外余皆丝绵绢疋蜡茶颜料之用其节年所收陈积红朽何裨于用若以应解内府本色改折一年发之外库来岁仍解内库是在内库支旧节新不过通融于一岁之入而在外库改本为折亦可足用于数百万之支在 皇上一转移间也推之如陕西之羊绒江南之织造等项稍停一年何损上方之委积伏乞俞允以济急需得旨金花子粒银两系 祖宗旧例内供正额及在京武职军官俸粮之需所费不费时不可缺如何擅欲借留着该部照旧如数解进应用其织造等项俱属急用不必稍停改折今准将各省张焯马堂胡滨丘乘云潘相所徵收分进内助 大工税银及先年税监丘乘云潘相等所奏湖口广西已徵在官未经解监贮库银两数多着各该监速差委的当官员清查与本年一年之银都严催一并暂解

\$\$\$-11155-\$\$\$

户部接济辽饷募兵之用不得仍前借口赈济

○乙未兵科给事中吴亮嗣题接得辽东塘报知十方寺堡已被西虏攻克走回内丁又言建夷将攻铁岭东事已不可为所请蓟兵三千分令柴朱二帅作速飞驰出关以系河西之望京营即刻分兵六千以代山海蓟镇之守即敕巡关及京营巡视且勿争执以济一时之急即出御殿以口守御之计急遣科道二三人即日于畿辅内召募燕赵骁勇子弟缓以援辽急以守蓟若再迟延修迂阔之事臣恐祸不远矣不报

○兵科给事中周希令言调兵之法莫如抽班更番迭出以均劳逸十中抽二上易为力安家粮厚下亦甘心其余敢战无若土兵在四川播州可得二万酉阳石柱可得一万在湖广永顺可得四万近日水西永宁相构何不使其立功自赎在水西可得三万永宁残破或得近万必

\$\$\$-11156-\$\$\$

两调以息其忿令异行以防其争合之不止十万即以本管宣抚自行押解庶统辖既严战气自倍不报

○兵科给事中吴亮嗣言李如柏致清河之陷李如桢缓开原之救旧辽抚李维翰玩寇催战实启兵端推官郑之范延寇脱逃城池失守揆之王法均所不容然总皆杨镐责也伏乞 陛下速逮镐等入京正罪至于抚臣周永春督臣汪可受均应分别处置以重封疆留中

○予原任南京太常寺少卿唐鹤徵祭一坛从礼部覆请也

○丙申以中元节遣官分祀 诸陵并 恭仁康定景皇帝金山陵寝 哀冲 庄敬二太子坟所各行礼

○以总兵柴国柱游击朱万良各领兵出援辽东从兵部屡 < 疏 金 > 奏请也

○丁酉以例予原任后军都督府带俸定国公徐希皋祭二坛造坟安葬

○总督蓟辽兵部左侍郎兼右佥都御史汪可受题开原失陷

\$\$\$\$-11157-\$\$\$&&&& 人言累及乞赐罢斥免误封疆 上曰开原再陷督臣职在封疆自当分任其责念用兵之际姑着策励供职还与经抚等协心任事亟图恢复以赎前愆

○刑科周之纲言时势艰危已极朝廷有三愆臣子有三过边臣有三败大僚半空点用不下是曰愆人言路不通直臣久锢是曰愆人内帑不发金花不借是曰愆财修饬故套彼此因循过在观望羞迟兢捷脱卸巧营过在<□□矢见>避线索相牵袒分左右过在矫激奸宄潜通貂参貽害始败于寡谋彼此开嫌相寻覆辙既败于不和赏罚失平倒施逆用终败于无断上下泄泄振励无机乞奋乾威以保 宗社留中

○戊戌以右春坊右庶子何如宠为国子监祭酒 ○起升右春坊右庶子孟时芳为南京国子监祭酒

○陕西大崇教七寺番僧哈咱剌石等三十五名表贡方物各赐宴赏彩币有差

○

\$\$\$\$-11158-\$\$\$&&&&

大学士方从哲言日来建议诸臣语及时事者或斥臣之无能或悯臣之独任多惓惓以增署阁员为请昨科臣杨涟复以大义责臣欲臣力为主持不宜以安危之故委之后人付之 皇上臣不胜感服但军国重务断非臣一身所能担当时势阽危断非臣一人所能料理惟望将会惟阁臣速点二三员与臣共事臣于今遵旨入阁办事谨具题知

○经略辽东杨镐题本月初八日卯时据总兵李如桢报达贼万余骑攻陷十方寺堡查得十方寺僻在山坳其中仅有额军及贴防军并台军拨夜连逃故者共一百八十四名守堡金紫浩见虏领军趋出致不能守听巡按御史查勘外目前传奴酋通虏欲肆志于辽沈铁岭之间三城仅各以数千兵马仡仡支持在河西炒花等二十营上边挟赏抚臣又取总兵李光荣带领兵马回向广宁则辽

\$\$\$\$-11159-\$\$\$&&&&

阳沈铁益以单薄顷见兵部议以薊镇兵马四千分行柴国柱朱万良随经略熊廷弼出关诚为急着乞敕总督汪可受作速遣发以备战守得旨下部

○己亥 成祖文皇帝忌辰遣官祭长陵

○兵部尚书黄嘉善题为照开原城乃昔黄龙府旧地东邻奴酋西接炒花宰暖诸虏迤北则金白二酋在焉辽阳所恃以隔夷虏之路而联络北关互为声援实开原扼其会顷兹残破议者方亟图恢复今督臣议合主客之兵以城抚顺虏来则坚壁自守虏去则出师扰之勿拘常法处处防守第阃外之事难以遥度应行经略与抚按诸臣从长计议可否所需粮饷另该户部查覆盔甲工部先于戊字库验发五万顶副转运该镇至于马匹先动户部太仆寺银于邻近驿递营路兑买罔寺抽拨及委官赴宣大市口收买见今催发并调兵边援兵俱飞檄

\$\$\$\$-11160-\$\$\$&&&&

促令星驰赴援既经蓟辽总督汪可受具题相应覆请命下遵奉施行奉旨援兵及盔甲马匹等项都着火速催发不许迟误

○巡按山东监察御史陈王庭题七月初三日据镇守李如楨塘报西虏达贼从石家堡入犯攻围鲍家冈墩台本镇闻报即提兵驰援至泛河城报达贼巳时将鲍家冈墩台攻破当即出境本月初七日据清河游击卜向续报回乡崔志伏等称奴酋兵马攻陷开原今回巢传各部落达子运送乾粮老营俱在新城子住牧本日又据镇安游击王牧民报称巴领营头几十个头脑带领精兵二三万并盔甲钩梯已到地名屯兔驻札会合炒花挟赏同日又据锦州游击祝世昌报哈刺庆营聚达贼二万已到大红螺山俱不知犯抢何地到臣为照开原失陷以后铁沈震荡辽阳陆危臣先< 硃 金 >请发近兵三万固守辽城乃旬日来

\$\$\$\$-11161-&&&&

新经略幸荷俞旨而兵饷尚无定数今东西夷虏猖然兢起且经略渡关诸夷观望断非三万兵马刻日驰援不可至经臣建牙以后必亟议恢复开原联合金白沿边要害必屯以重兵相机战守非再得兵马数万西东一带单弱难支是在枢臣加意徵调就近召募至师行粮从必本折相参督饷业有专命转行登莱及截漕其折色除抚臣条议地亩加派二百余万大司农宜多方设处乞速下兵户二部覆议施行奉旨所请兵饷着该部作速议处

○吏科署科事给事中张延登题铨司久任之< 矢见 >以专责成职考掌故先朝吏部司官贤而久者莫如浙中黄文毅公孔昭持选法最平在选司十有五年始终一节不少变此久任之明效也后不知何年变为一年一迁之法然以臣所睹记先年为吏部者如徐一灏刘四科等资皆十五六年即实俸

\$\$\$\$-11162-&&&&

亦不下九年今之为吏部者资不过六年俸二年余即出部矣甚至朝更夕改或数日一转或月余一转突未黔而席未暖也夫吏部掌群臣之版登数辩位掌选者夙称典剧兼以近来事例冗杂吏道多端而吏胥之冗窟其中者皆长子孙亲戚相传云仍世守即精明强敏之人假之岁月犹恐未能理其绪而角口羊其纷今乃以席不暖突不黔之官御子孙相传世守之吏吏常为主官常为客入暗而呼烛面墙以求孔安得不受侮于吏哉夫各部论俸吏部独论资臣记该部相传铨格司官定资俸六年内外者始补其迁转出部大约十年为率今日一选两选旋即出司于铨政何赖焉臣欲为救弊之法莫若于各省司官酌量新旧之间尽补四司掌印余司三年鴈行而后至选司选司一年鱼贯而得升太常欲休沐即不得升正郎已掌印即不得

\$\$\$\$-11163-&&&&

复告假使新旧常得相接去来各有定时中间倘偶有事故不妨别为闰法以通融之吏知官之久则惮其官官视职之常则殫其能如此而奸伪不革流品不叙臣不信也不报

○敕张经世升都察院右佥都御史巡抚宣府地方赞理军务

○敕陈邦瞻升都察院右副都御史巡抚广西地方

○庚子兵部尚书黄嘉善题援辽之兵除四省差官召募外宣大山西延宁固昌等镇生长与虏为邻胆气多壮训练易精今议于大同延绥各募兵五千宣府山西宁夏固原昌平各募二千以上共募兵二万每一名安家马匹盔甲器械衣装等项各从宽议给万二十五两计兵二万该银五十万两先于户部凑发臣部查照募兵数目总兵官给散钱粮责成巡抚器械衣装给银本兵自办募到之日选委谋勇将官立营团练中途逃脱者移文巡抚究罪经

\$\$\$\$-11164-&&&&

略驳回太多者参究总兵官各追原领银两另为募补乞赐允行奉旨依议作速招募务裨实用

○辛丑大学士方从哲再< 疏 疏-金 >请催馆选以光大典章下该部

○升兵部员外角□羊经傅为职方司郎中

○山西道御史冯嘉会言开原失陷皆繇奸细开门内应都城内外保无奸细潜伏乞亟谕巡城守门御史专司缉补以伐奸谋不报

○壬寅大学士方从哲题臣今早入阁见举朝大小官员约于思善门同上公< 疏 疏-金 >伏阙候旨盖因辽东虏势纵横边疆破坏京师之危只在朝夕乃政本之地止臣一人部院堂官止八九人科道止十数人各处巡抚巡按久缺不补考选散馆科道累年不下平时不充任使有事孰与劾勦此皆用人之最急者此外若遣徐光启监护朝鲜以壮声援遣姚宗文阅视辽东并宣慰北关以携虏势至于兵部凡有奏请关系边事

\$\$\$\$-11165-&&&&

者俱宜朝上夕下无误军机臣谨扶病随诸臣后恭诣宫门叩请立候 明旨不报

○癸卯以南京户部尚书周嘉谟为工部尚书

○升贵州参政谢存仁为湖广按察使莱州知府娄九德为湖广副使

○户科给事中官应震题臣接督饷侍郎李长庚请留金花请行改拆请借税银奉旨允借一年独于金花子粒则曰 祖宗内供正项及武职俸银所费不贖于库改折则曰俱属急用不必稍停中外臣子敢不祇遵乃 皇上言 祖制言之查会典于内府库则云金花银国初具解南京供武臣俸禄各边或有缓急间亦取给其中正统元年始自南京改解内库嗣后除折放武俸之外皆为御用繇斯以言是金花银在国初 列祖常以济边而正统后方为御用也非 列祖意也会典于太仓库则云嘉靖二十二年题准各处京运钱粮不拘金

\$\$\$\$-11166-&&&&

花子粒应解内府者一并解贮该库悉备各边应用不许分毫那借繇斯以言是

世宗朝金花全充兵饷不知 皇上初年乃何故而歛之内也非 世宗意也今 皇上不查各边取给之例不查悉备各边应用之例而反云旧例内供正额何相左若是至武俸每岁三六九月支放每次不过四万余金合之总十万余金耳夫金花总数一百二十万其给武俸者仅仅若此而乃云武俸所费不贲哉总之 祖宗朝贮外库以充边糈之用而万历朝贮内库以充尚方之用且原数一百万而自 皇上之歛而内也多增二十万年深日久始末都忘非 皇上之有意□卞 □皿□留乃有所不知耳以臣愚计之毋论今年当借即嗣后年年济边可也毋论未来者当济边即见在内帑者尽还太仓故物可也至于物料改折查 庄皇帝元年科臣王浩题准清

\$\$\$\$-11167-&&&&

查内库折徵银两解部济边先朝富庶且然今日可知六年 庄皇帝用南科臣岑用宾议将南京各该监局钱粮尽折解济边夫南京且然则大内充物如今日又可知夫无饷即无边无边即无京师未审 皇上当何如为计也不报

○甲辰兵部尚书黄嘉善题万历四十六年六月原调湖广永顺保靖土司兵四千兵据该省巡抚咨称彭元锦发兵三千名委土知州田万年都司刘庭藩统领正月二十六日起程半载未见抵关顷见王御史<□□□ 毓-金 >内六月二十九日土兵到关止七百六名到部为照领兵官田万年刘庭藩中情怯懦到处留连乞敕下臣部行总督及经略按法究处奉旨土兵逗遛不进逃散甚多领兵官约束何在田万年刘庭藩依议从重究处

○礼部署部事左侍郎兼翰林院侍读学士何宗彦题使节所临 天威在焉故进止

\$\$\$\$-11168-&&&&

不踰其则迎送不愆其期所以明有礼也弃礼即玩如通政司左参议张泮所糾淮府官属无乃非臣子之节国家典制不几顿平夫使臣自陛辞之日该地方岂不计日计程且驿递之侦探又非乏也何直至城外宗藩及文武各官无一人祇迎致令使节久淹萧寺直待至公所始苟简成礼则屑越甚矣顾愆往愆来戒一警百有不得不为议处者淮王不候迎于五丈之地乘轿径入独不念俨然在上者有御节乎且不发龙亭致各官无凭进止坐视迟误则王实为罪首彼其伤化败伦饶有积秽宁复知法纪为何物也姑宜罚禄半年用示惩戒创至辅导不职查长史缺官外当日左右近习应并行抚按责治示惩郡王如上饶王已到免议若永豊王常<□□□ 剽 >南康王载走□崇德兴王载土□保顺昌王载主高安王翊钺吉安王载堞金华王翊销应各罚禄三

\$\$\$\$-11169-&&&&

月内顺昌王载主曾不思使节为封彼妃而往亦若罔闻其罚禄应倍于诸王道臣项维聪知府吴瑞徵既有地方之责难免迟误之愆亦应罚俸两月为典礼重者也再照迎节者诚不当恣意踰闲持节者亦宁可任情自便卷查昨岁节使凡九除泰宁候陈良弼通政司参议张泮亲缴及礼科给事中杨道寅抚按代缴外余

皆令家人缴矣得无衷乎其间迫于至情势不得已者虽不无而借以图便者恐亦不乏因计此六府岂其无怠缓如淮府者顾缴节者且无其便又安望其糾参也伏乞敕下将淮王等一一分别罚治仍乞严谕以后奉使诸臣苟非有不得已至情无得一概令家人代缴未必非存羊之遗意也奉旨册封大礼该藩及官员迎节迟慢殊乏敬慎淮王等依议分别罚治以后持节诸臣无得一概令人代缴 ○ 上谕户兵二部

\$\$\$\$-11170-&&&&

曰朕以奴酋犯顺陷我城堡杀我官民朕深切痛恨东征将士荷戈卧甲劳苦无状每念粮饷不继时軫朕衷每岁金花银两系内供正额见今内库缺乏册封各项典礼成造钱粮并各宫赏赉武官俸粮等项尚不敷应用尔部累年进金花银两拖欠至一百余万仍将各处进到税银接济凑用昨已发过内帑五十万两辽饷是尔部职掌悉心料理筹画给发去岁发过银三百余万自师丧之后该镇兵存几何饷归何项尔部不一清查动辄以请帑为饰希图塞责今又将进到金花银两未经题请明白擅行借用是何礼制内宫何赖先年有此纪纲否近来各官不遵国宪肆意要挟好生欺玩堂上官姑且不究该司官且罚俸一年各处解到金花银两着作速进内库以济急用以后如再仍前违玩不遵者查治不宥故谕

○ 上谕兵部曰昨览

\$\$\$\$-11171-&&&&

巡按直隶御史董元儒< 〇〇〇 毓-金 >奏洪水大发冲陷城堡亟控危边议留游击朱万良以济燃眉今秋高之时满酋挟赏该部速催廉勇智谋将官一员往代责令万良前赴辽以备战守故谕

○起升原任副使胡廷宴为广西副使

○经略杨镐奏开原失陷起于署道推官郑之范贪婪异常致失军心据该城官生军民告揭赃私巨万天日为昏弃城脱逃法应逮问从之

○乙巳升杨述中为太仆寺少卿

○丙午大学士方从哲题顷蒙 皇上将公本发臣票拟一时群情欣忭以为转圜之速若边事尚可为也适奉 圣旨于内阁九卿等官俟即点用于姚宗文准差查阅而四处巡抚两次俱蒙钦点是 皇上于诸臣之请业已慨然允行所未即点者独内阁九卿科道耳兹吏部尚书赵焕等复将各官职名开列上请伏望即刻钦点俟俞音得旨览奏

\$\$\$\$-11172-&&&&

请点阁臣大僚等官朕已悉知俟即简查原< 〇〇〇 毓-金 >发行

○户部进缴敕谕得旨金花子粒银两俱已屡旨明白如何擅行那借是何国体既认罪姑且免究见今内库缺乏如有各省直解到各项银两即如数解进补还不得仍前抗执其尔部奏允准借 大工税银可行文严限督催解发应行

○丁未工科给事中祝耀祖言词臣志切担当铨部推用宜审左赞善徐光启愿出使朝鲜不辞险阻应援内地厚诘兵戎胆量识力自其壮志但今之可虑者不在朝鲜而在辽阳未有舍近而图远兵之可练者不在遐方而在中国未有去实而课虚也莫若用之近地布威宣信仗义鼓勇或加以御史职衔如翰林徐有贞赵贞吉故事庶训练有人观听自改

○吏部等衙门尚书等官赵焕等题奴自攻没开原以来筑城住牧休其兵力而胁朝鲜糾西虏使之乘

\$\$\$\$-11173-\$\$\$&&&&

隙扰边十方堡克矣鲍家冈陷矣仍自打造战船谋截运粮广布奸细谋作内应此等著数意在迫京师危 社稷大非往年也先俺答之比 皇上勿轻奴无能为且谓经臣既出便可御敌也臣等忧心皇皇谨合大小各衙门官员公同会议举救时要务直捷开款具陈以便御览一阁臣赞理万机九卿分理庶政巡抚屏翰一方科道糾察巡视所当亟补一乞差左春坊左赞徐光启兼监察御史如议量募兵训练带往朝鲜监护该国就便练兵以杜外势照出使外国例赐一品服色一乞差原升吏科右给事中姚宗文阅视辽东兵马钱粮宣谕军民及北关诸虏以联犄角一兵部遣将调兵事最紧急若候旨下恐耽延迟误容令一面题知奉旨内阁九卿科道巡抚官已有旨候即点用徐光启昨该科臣祝耀祖说不宜远差着在京用且辽东

\$\$\$\$-11174-\$\$\$&&&&

有经略今着姚宗文去恐十羊九牧可查往查阅调过援辽各边镇见在兵马器械钱粮严行防御诸虏尔部还详议来说兵部题知事皆已悉知

○敕胡应台巡抚应天地方总理粮储提督军务

○敕周应秋巡抚南赣汀韶等处地方总理军务

○敕李樾巡抚贵州兼督理湖北湖南川东等处地方军务俱都察院右佥都御史

○敕沈傲玠巡抚云南兼建昌毕节川东等处地方赞理军务兼督川贵兵饷都察院右副都御史

○升姚思仁为通政司通政使

○升于仕廉为南京太仆寺卿

○升广州府知府林绍明为广东副使

○升山东右布政冯盛明为河南左布政

○升刑科给事中姚若水为广东提学副使监察御史熊化为浙江副使吴允中为江西副使

○京营巡视工科等科给事中等官范济世等奏条陈京营五事一曰习火器以卫神

\$\$\$\$-11175-\$\$\$&&&&

日尤为奉命之恭且闻山东司官虽管辽饷于金花一事绝

\$\$\$\$-11178-&&&&

不相干 皇上似宜并免其降调量加罚治仍令照旧供职以责后效者也不报

○礼科给事中亓诗教题先是四十三年五月间 皇上宣召阁部大臣及科道等官传谕 圣母遗嘱欲册立 皇太孙臣等庄诵玉音在耳耿耿无忘咸谓 皇上念兹在兹必且旦夕举行册立惟有静听已耳乃今倏忽且越四年矣 皇长孙年十有五睿质益充已过请封之期我 皇上凤历四十有七遐龄弥久更属嘉礼之会圣子神孙之迭见吉祥善事之毕集诚哉千载一时乎伏乞敕下所司遵照 成祖文皇帝永乐九年册立宣庙为 皇太孙盛典即于 圣寿之前数日具仪择吉先行册立其选婚以次举行则 圣母在天之灵克慰而万历无疆之祚永延矣留中

明神宗显皇帝实录卷之五百八十四

明神宗显皇帝实录卷之五百八十五

万历四十七年八月辛亥朔原任开原兵备道潘宗颜弟宗舜奏文臣力捍危边身先血战乞请宗颜恤典章下该部

○巡抚辽东周永春奏屡被人言义难就列奉旨虏谋叵测边患益深抚臣身任安危岂可轻易言去着遵前旨与总督经略镇道等官协心任事整搦兵马固守城垣渐图恢复毋得彼此推委再致疏虞事平功罪一体并论

○大学士方从哲题顷臣以点用阁臣事恭候俞旨该文书官口传 圣谕览卿所奏简用阁臣今早已有旨明白朕必详览发行何乃急迫如此复行陈奏卿可入阁办事即有旨下特谕卿知钦此臣不胜欣忭知 圣意已决点用只在顷刻间矣谨遵旨回阁办事先具回奏以闻

○吏科等科给事中张延登官应震亓诗教李奇珍等交章言自有辽事乞今一年有奇而角□羊发该镇者已四百余万各边腹徵调所用过安家行粮衣甲器械马匹等费又不啻百余万加派搜括既已不敷义助劝输所积有几先是中府会议之日咸谓暂借金花银两此举朝之公议也户部尚书李汝华因饷臣李长庚条议及此遂据揭题覆未蒙俯允而辽抚辽饷将绝一< 硃-金 >若须臾不能少待汝华计无所出适广东等司角□羊到金花银十一万两仓皇那角□羊迹虽似擅心实可原也始荷优容免究今又罚俸两月大臣谊在祇承何所不受若司官鹿善继等夺俸一年已足示罚复奉严旨该司官降一级调外任用不许朦胧推升窃详 皇上之意不过以借留银两久稽在部不行速角□羊耳今见在者业已恭进续到者又将续进是未尝背违 明旨也况此项原备边需非专 上供伏乞将司官姑且罚俸一年免其降调使天下晓然知 皇上励精挾伐即应进金花银两不难听部臣便宜从事先声所至可以激将士之心而夺奴酋之气矣十三道御史卢谦等亦以为言俱不报

○壬子大学士方从哲题适接得辽东巡抚周永春塘报及巡按陈王庭揭帖皆称

七月二十五日奴贼约五六万于寅时从三岔儿堡进入辰时将铁岭城攻开总兵李如桢贺世贤领兵救援未到等情又接得巡关御史董元儒揭帖内称八月初一日寅时达贼万余从石塘路各口冲入先攻白马关又攻高家堡又攻冯家堡游击朱万良驰救被围势甚危急等情臣一见不胜惊惧窃意铁岭既陷沈阳辽阳万分难保山海之危万分可虑若石塘路则又切近京师相去才两日耳虏患切肤如此伏望出御文华殿召见文武群臣谕令亟图战守长策其吏部开上内阁大僚科道职名即日点用以备称使得旨夷虏交犯势甚危急令该部速行酌议具奏所请朕因中暑湿之伤见今日事药饵稍愈即有旨下

○升吕兆熊为太仆寺少卿仍管光禄寺少卿事

○都察院左都御史李鋹连章乞休词甚迫切奉旨卿总宪重臣老成端谨朕方切倚任览奏情词恳切难以强留准致仕着驰驿去

○癸丑吏部尚书赵焕奏昨户部以擅借金花银久稽在部不行速进致烦钦遣堂上官罚俸二个月该司官降一级调外任用除银两系户部职司该部自合作速角□羊进以济内供若降调官员则臣部职掌也伏乞念司官苦心非背违 明旨乞将郎中张国锐主事鹿善继姑依前旨罚俸以弘使过之仁不报 ○上谕兵部曰昨自奴酋攻陷开原辽左陆危各处兵马单弱以致贼势披猖屡经各官条议调取各省直兵马及召募新兵日久未见报到今贼夷攻陷铁岭西虏满旦侵犯蓟镇势甚危急传谕各督抚镇道各路将领等官悉心堵拒图保万全所有各镇援兵在途逗遛耽延时日尔部便马上差人催促勒限星夜出关赴彼应援如有观望不前者着该部科参来重治还传与经略熊廷弼催他上紧前去料理各处城堡严加防御各保无虞所有应该调取兵马再行酌议具奏卿为本兵一应机宜悉心居中调度不得借言推诿免致临期债事左右侍郎点用已久尚不赴任着催他星夜前来协理部务故谕

○予原任协守蓟镇中路副总兵后军都督府署都督佥事今赠署都督同知高策祭一坛策山西天城卫指挥繇武进士累升今官扬历封疆身经百战前后斩倭虏首共千余级以劳瘁卒于官其子维岳< 繇 毓-金 >请恤典礼部覆允故有是命

○起升原任江西副使骆日升为四川副使

○甲寅大学士方从哲题照得 皇太子开讲先该臣于正二三等月累次具题再奉 明旨待天气和暖举行后因边报踵至时事倥□□匆臣遂不敢烦渎念储学难以久停良时岂容再失即今清秋荐爽寒暑适均 皇太子正宜乘时温习简编愈懋进修之益臣谨择得八月初九日二十一日两日皆吉伏望钦定一日以便出讲 上曰览奏皇太子讲学今朕寿节在迩礼仪繁多昨皇太子偶感时疾调理稍愈尚在静摄讲学暂辍着明春择吉行

○吏科右给事中姚宗文题奴酋破铁岭后未闻退兵虑必长驱以向辽沈经略熊廷弼新到战守之计当有令图传闻辽阳城中团聚乡兵数万心一而气锐可藉为干城

伏愿多发内帑以示投醪仍宣谕辽东之生员监生人等有能团聚五千人者事平以举人拜官能团聚万人者事平以进士拜官至斩获保全有功比官军功赏再加一等其武职人等另以武衔议赏至辽阳之兵宜将主客新旧挑为三等其体貌雄武艺熟胆气壮步伐闲者名为战兵能登陴乘障习弓矢打火器者名为城守兵其寻常庸下者名为备兵战兵之饷日给一钱城守之饷日给七分备兵之饷日给四分勇怯分则人知劝勉伍藉自尔井然粮似增而实省矣京师为根本之地通州新设总兵李怀信既移蓟门宜另择廉勇大将募兵二万坐镇通州营军每月挑精壮三千每名加粮一石以本营将官统之带练通州可以卫仓廩可以练京军可以备都城缓急救援之用至都城防御在城以外浚濠掘堑万不可迟选京营副将之有智略者分授信地令其相度远近地形为一时结营屯兵邀击堵截之计城以内宜敕五城九门监察御史严行保甲之法法行自贵虽勋戚珰侍之家亦须挨次排编以听觉察如城守所须盔甲火器弓矢刀仗等项查内库及成造衙门见存有几堪用有几其不敷者立为创制如硝磺为火药急需而奸口内珰相倚为奸半土半盐久尽化而为土宜领价官别买以便制造留中

○乙卯大学士方从哲题东宫讲官推右春坊右谕德郑以伟钱象坤左春坊左中允汪燿左赞善周炳谟国子监司业张薰俱堪补用乞赐批发以光讲席不报

○兵部尚书黄嘉善题当三路败衄李如柏逡巡举朝议以辽人守辽地以辽将守辽兵故主用李如桢其时如桢亦慷慨自命故不难以三韩旗鼓一朝付之岂期一筹莫展百事狼狽初接抚臣周永春报据如桢报奴贼不知其数从三岔口进入攻围铁岭未几而抚按以铁岭之克陷见告也窃计辽东见在兵马与续调出关者已逾七万如桢倘鉴开原覆辙坚壁相持策应四至何至克不逾时臣部调兵日益如桢失事屡闻乞 皇上严谕如桢力图桑榆之功救东隅之失无甘缩朒自干典刑奉旨该镇失事之后全无备御今铁岭又陷总兵官罪何所逃李如桢本当拏问究治但大虏未退捍御无人姑照前旨仍戴罪管事着殫心奋力誓死灭贼保守危边再有疏虞前罪并发决不轻贷

○达贼满旦聚众万余攻围高家堡白马关冯家堡等处游击朱万良守备刘登瀛率官军驰救以兵寡被围乞行应援巡抚顺天右副都御史刘曰梧会同总督蓟辽汪可受据报以闻奉旨大虏入犯城堡势甚危着急火速发兵应援有无失事着作速驰报

○衡王捐禄二千两饷边

○荫詹事刘一燝子斯奇为国子生

○山东济南东昌登州等府蝗议蠲今年被灾州县运辽米豆三年带徵

○丙辰天津税监马堂奏那角□羊税银得旨所奏角□羊部税银尔即遵前旨查催角□羊监差官暂角□羊户部一年以充军饷

○丁巳遣礼部侍郎何宗彦致祭 先师孔子 ○敕郭增辉以原官充总兵官镇守保定等处地方兼管备倭

○敕何奋武充总兵官镇守山海关应援蓟辽

○敕王汝金升署都督佥事充总兵官挂征西将军印镇守宁夏

○敕纪光宪升署都督佥事充总兵官镇守广东地方

○总督蓟辽兵部左侍郎兼右佥都御史汪可受奏才拙身病六< 〇〇〇〇 〇〇〇〇 〇〇〇〇 〇〇〇〇 〇〇〇〇 〇〇〇〇 >乞罢奉旨辽左屡失城堡且虏势日张督臣身任安危正当戮力经营恢复疆土方称朝廷委任汪可受何为屡屡求去着吏部酌议以闻

○南京兵部尚书黄克缵奏辞新命奉旨卿以才望特简戎枢且闻命趋朝尤见大臣急公之义可即兼程前来赴任

○巡抚郟阳右佥都御史陈禹谟三< 〇〇〇〇 〇〇〇〇 〇〇〇〇 〇〇〇〇 〇〇〇〇 〇〇〇〇 >以疾乞休不允

○翰林院简讨冯铨乞假许之

○升江西右布政李开芳为广西左布政

○刑部署部事总督仓场户部尚书张问达言刑垣久虚该科全无一入历时已越十月发抄封驳关系匪轻乞简吏部推升都给事中李奇珍考选散馆给事中曾汝召韩给思立赐升补不报

○吏部尚书赵焕< 〇〇〇〇 〇〇〇〇 〇〇〇〇 〇〇〇〇 〇〇〇〇 〇〇〇〇 >酌议选法一十七款一选官擅改之当禁职掌改选之条原为回避官员及水土不服题奉钦依者设耳若规避地方即与改选 明旨谓何所当严禁一除补京职之当禁国家官制内外原自不同京官降外例也外官被处反补京职则非例矣除已补者查照资俸酌升外今后应行严革一弛担自便之当禁各部注选司官旧例三年满日预咨更替改选乃今多图弛担矣嗣后注选各官非满日咨替一切更调水行停止一劣县优升之当禁推官职司理刑亦兼察吏必无瑕者处之乃可扬眉视事近尝以被处知县升转是不能治一邑者反能理一郡事体似舛所当严禁一有司改教之当酌改教一节多系自择便私除考察被劾明明注定外惟未选而先期以请及受事而困顿不支与力不能任如果行已无玷抚按量为改图者听若调降告改与选后改一概不准一有司更调之当酌甲科有司每以才能治烦纷纷更调既调之后非旧任之秽彰即新任之短见且长吏数易下亦不安除人不相宜及偶有别故抚按量为改移者仍与量题外其余俱不轻覆一告改地方之当酌迹来有司多以厌薄地方之心托为水土不服之说今后如有告称水土不服求改地方者抚按查果真情量宜调简或与改教倘有规避从重参处一保升保留之当酌官之迁转必须总查资俸详阅荐考若以一方之官定拟保升则迁就凌越有失衡平又有已升而复行保留致已选而复令别除者除边方遐方及重地需人甚急仍为题覆外其余尽应停止一署教举人之当酌举人署教贤者固多不肖者亦有今后任内三年遇有抚按复命而无荐者查果历年考语平常升府教授或官评有玷即行劣转不得一概从优一就教进士之当酌进士就教迹固近恬势实处逸每见循良推知六七年不迁而就教者旣而成均旣而粉署是恬而反邻于躁矣今后必通计内外历年俸至四五年方得升部属一起复补官之当酌起复候补官员南得补北自有旧例其资俸已满应升者酌量拟升不必复除原职至于资俸未

深应复原职者大约以仍补本衙门为主不得一概超补而请告给假者无论南北决宜仍补本衙门寻尝调转最宜慎重一领凭宽限之当酌官员赴任原有限期一宽再宽遂至经年旷缺地方何赖今后升除各官业已领凭混告宽限除真有苦情灼然可据者赴吏科告改本部一切俱不准告一进士选除之当酌进士授官内外当视廷试之原数京职当视一时之见缺若希户工而薄西曹辞推官而就知县求中行而厌廷评避行人而待中书初选厌薄地方未任栖迟待调断不可迁就倘有器争本部即行参处一依年取选之当酌铨除之法举贡例粟则以上选为序吏典印承则以冠带为序此成法也自行款滋多那移生弊今后一切以上选之年月冠带之先后为准加纳者加其所纳之官空年者准其所空之年再不得分咨分行截点之日照缺挨取至本部效劳人役劳分三等满有定期选有定数一如万历四十三年申饬之例断不宜滥而各衙门效劳者并不得移咨以求超选亦所以共惜名器耳至科臣张延登< 銚-金 >称递减吏役顶首而以前任本部尚书王国光万历七年所条奏为例诚当申饬遵行者也一降调升补之当酌考察论劾官员有调有改有降一二级有降至五级有闲散有边方此皆奉旨处分者也乃迩来京官多授闲散概拟添注外官亦尤而效之将 明旨处分之等级谓何今外补官除建言钦降酌量添注外其余俱照原题职级查缺实填致于升迁除蒙诬见抑酌量从优外其余俱查处分等第累阶始上而资格可勿问也一抚按考语之当确有司民所寄民而本部之斥陟则据抚按之考语也迩来除复命册揭外其季报考语注劣者寥寥不一见即有开不过卑官而府佐县正更不一二见以致每次推升索瘢于字句之间无辜多至罹罗殊为可惜合行抚按每年四季将应劣官员据实报部而府佐县正每省每季定报二三人交相成以赞斥幽分典一例贡选官之品宜辨国家开科取士南北两监中有定额然其所中者岁贡一二人或无一人大抵皆例贡耳此辈捐贖入监固有自揣不堪进取借助边之门为入仕之阶者乃其高才锐志期夺锦于京闈故假道于国学者实多也今概选以州同使薪樵遗珠与草茅铜臭为伍良可惜也合无自来科为始礼部行两京考试官将监生取中备卷填一副傍与正傍一同揭晓提调官即将朱墨卷封送本部发文选司存照候各生选官之日明开顺天应天某科副榜监生查原卷果优与岁贡同作正途得选府佐县正等官庶贤才不以入贖为累而治效当亦不减于岁贡也留中

○戊午 孝康敬皇后忌辰遣官祭 泰陵

○ 桂王出府成婚例百官具吉服行四拜礼奉旨免

○予原任吏部右侍郎兼翰林院侍读学士徐显卿祭葬如例显卿直隶长洲人隆庆二年进士改庶吉士授编修历祭酒少詹充经筵讲官升吏部右侍郎被论回籍三十年十月卒于家礼部覆称纂述功多启沃劳久偶以坦衷招议旋亦日久论明溯厥勤劳应加祭葬从之

○暹罗国王妃差官贡孔雀象牙降香等物赐宴赏并赐金缎纱罗衣服靴袜有差

○朝鲜国王差陪臣李弘胄南拔等六十二员入贺 万寿圣节 千秋令节各赐宴赏彩币有差仍遣官伴送

○己未大学士方从哲题 万寿届期普天同庆恳乞及时册立 元孙以慰人心以延国祚不报

○秦王捐禄三千两德王捐禄一千两各助饷

○升南兵部郎中林尚熊知广东广州府

○庚申 孝慈高皇后忌辰于 奉先殿行祭礼

○秦王贡马四匹庆贺 万寿 上嘉纳之

○辛酉 皇太子千秋令节免百官行礼

○壬戌以 万寿圣节颁赐辅臣金万寿字二副银万寿字二副金篆字八个金书红符一道

○升工部郎中林铭鼎知山东莱州府

○辅臣方从哲题照得点用阁臣一节臣于八月初屡奉即俟简发之旨从容静听今又半月矣即今 万寿圣节届期所谓即有旨下者正在此时伏望 圣慈钦点并臣昨条列目前切要诸事概赐允行不报

○癸亥上谕兵部曰去岁奴酋逆天犯顺攻克城堡覆军殒将特起杨镐授以经略之任自受事以来一应军机事宜不能申严号令画计筹策仓皇出师遂至三路攻衄全师覆没以致虏势益张屡陷城堡全无备御军民涂炭流徙惨不忍闻丧师辱国损兵糜饷莫此为甚大辱国体有负委任熊廷弼昨已出关到被杨镐着锦衣卫便差的当官较扭角□羊来京究问其前后失事各文武将吏着经略熊廷弼从公作速查勘具奏毋得徇私庇护虏势益炽边患未除还着经略熊廷弼用心料理以保疆场故谕

○临清钞关主事来复言时事陆危乞罢加徵皇税以收人心不报

○甲子祭夜明于夕月坛

○赵王襄王各捐禄一千两助饷

○升陕西按察使李作舟为山东右布政湖州知府邵应祯为贵州副使

○乙丑以中秋令节颁赐辅臣上尊珍饌

○以万寿圣节颁赐辅臣银五十两彩段四表里

○大学士方从哲题昨兵部接出 圣谕逮问辽东经略杨镐 天威赫然远迩震誓继接吏科及锦衣卫揭帖皆言奉旨提官其驾帖名繇刑科给事中金名官较赍捧前去然后地方官有所凭据今刑科缺官日久见有候命曾汝召韩继思二员伏望即赐允用俾令署印以完奉旨逮问之事不报

○起升原任湖广参政陈瑛为山东参政

○巡抚辽东右佥都御史周永春题据河东总兵官李如桢塘报本年七月二十五日辰时奴酋攻陷铁岭总兵如桢贺世贤等闻报驰援比至铁岭已失乘奴情归斩获虏

首一百七十六级其余阵亡官兵查明另奏章下兵部

○丙寅以类报三年捕获功赐总兵郭曾辉以下赏赉有差

○兵部奏严敕各镇速发援兵得旨这未发援兵及已发在途者令各该督抚严催起行违者依律治罪

○达贼满旦母子聚党益众谋犯蓟门石塘等路议檄京营副将江应诏统领营军三千名取道顺义牛栏山大水峪沿边操练以壮声势督臣汪可受会咨兵部以闻从之

○兵部尚书黄嘉善题酌议安插新兵分防信地山西陕西兵住通州委金事毕应武训练北直河南兵住昌平委该镇总兵王国栋训练浙江山东兵住天津委金书王学书训练其所需粮饷会同户部从优酌给盔甲器械知会工部刻期查发若三处该营操练置房安插行咨督抚衙门转行司道相度料理从之

○丁卯以 万寿圣节遣臣分祀 诸陵

○辅臣方从哲率文武百官于午门外行庆贺礼

○辅臣复诣仁德门行庆贺礼

○免命妇朝贺

○颁赐辅臣上尊珍饌又颁赐膳十一品及寿面长春酒五瓶

○颁赐在京文武官员钞锭

○戊辰诏赐奖励助饷诸王三千两以上者遣官旌劳万两以上者建坊加禄

○己巳河道总督王佐言天道亢暘河漕浅阻运道不通不下一千八百余里抵湾无日除挑浅设法蓄水济用外据实报闻

○庚午 上谕户部曰览奏各处调募援辽兵马新饷缺乏皆因各处拖欠京边银两数多屡有明旨着各该抚按等官设法徵角□羊如何不行尽心料理以致部库匮乏近年以来动辄请发内帑或留金花视为口实且有旨明白累年拖欠百万有奇内库空虚将何支用显是各该抚按等官坐视不理慢不经心好生违玩姑且不查究尔部还移文各省抚按严督有司等官上紧催徵角□羊进应用不许擅议借留其饷银着户兵二部设处其各省直拖欠民屯边饷等项银两便差官立限守催角□羊部应用如仍前违玩不遵者尔部参来重处故谕

○辛未兵科给事中薛凤翔言适见 皇上逮经略杨镐之旨国法已申人心皆快按镐迂腐执拗委 君命于草莽视将士若弁髦刘杜二帅国家倚为干城而镐实杀之援辽万卒国家视为精锐而镐实杀之开原铁岭数十万无辜之生灵镐实尽擲而杀之祖宗栉风沐雨开拓之疆土镐几拱手而弃之律以杀人必死律以弃地必死臣曰杨镐之必可斩也若逗遛观望之李如柏降城亡命之郑之范大戾王章岂容轻贷臣又曰如柏之范亦可斩也至去任抚臣李维翰者平时尽撤武备临事徒持令箭红旗逼张承胤不旋踵而死杀一大将杀八偏裨失陷一城三堡军民之骈死者掳去者各数万以残破之疆场付一庸人之手决裂溃败不可收拾臣又曰李维翰之皆可斩也新经略熊廷弼

守定要害而任其出没内地则辽沈且不可知开铁何繇恢复今总兵已有柴国柱贺世贤两人李怀信已到蓟镇当即日调发并见带家丁星夜赴辽而甘肃总兵祁秉忠西陲健将家丁甚多并当亟为调援至于援辽总兵俱应铸给征夷关防其征虏将军原印仍归原设总兵掌管照旧东西策应伏乞亟下该部议覆施行奉旨所议设监军道臣并援辽兵将诸事着该部作速议覆

○癸酉巡按山东御史陈王庭言铁岭之陷总兵李如桢缩朒观望应援后期以致军丁男妇杀掳一空除城陷擅逃如游击王文鼎已经经臣先正军法外如桢亦应速赐勘处以肃军法不报

○甲戌升原调山西右布政高出山西右参议邢慎言俱为辽东监军

○乙亥大学士方从哲题昨十七日恭遇 万寿圣节伏蒙钦点阁臣二员意纶音旦夕且下乃静听至今未蒙批发人心未免又生疑惑非所以重辅弼之任示 简用之专也伏望即赐批发以信 明旨不报

○丙子 桂王妃吕氏薨逝合行事宜照景恭王妃王氏例行

○广西上下冻州等十一州土官各备贡马方物差官族赵国胜等赴京朝贡以缓期革赏

○丁丑广东巡按王命璇言安攘八事一简精锐以严训练二开屯田以贍兵食三养将士以壮锐气四练车营以肃队伍五明赏罚以收人心六备战守以酌机宜七定阅核以达边情八隆信任以昭器使留中

○戊寅署刑部事仓场尚书张问达言 圣寿益增恳乞即宥縲臣刘光复以光鸿麻不报

○工部覆经略熊廷弼讨给盔甲奉旨览所奏盔甲器械枪炮等项自有成< 矢见 >如何差官简阅着遵照旧例行该库局照数给发不必更置以滋烦扰其前次给发盔甲阅今四月并无运到显是该委员役违玩不行上紧以致稽迟姑且不查究着严催作速角□羊彼以济急用

○己卯铸给整饬开原等处关防岫岩管粮通判关防辽阳理刑兼练兵关防各一颗

明神显皇帝实录卷之五百八十五

明神宗显皇帝实录卷之五百八十六

万历四十七年九月庚辰朔礼部奏恭进万历四十八年祀册命礼部左侍郎何宗彦捧进

○刑部奏请审决 上曰今岁各省直俱暂免行俱令牢固监候

○命礼部左侍郎何宗彦复职以考满故也

○户部主事杨嗣昌言调兵之害募兵之害逃兵之害土兵讐杀骚扰不可问之害须节节详审着着打算兵该若干饷该若干究竟共用若干亟敕诸臣审时决策以图共

兵李怀信速诣辽阳并催副将戴烨李秉诚星夜出关俱听经臣分拨设防移文礼部铸征夷关防四颗以便责成遗蓟镇总兵员缺另行会官推补从之

○癸未 孝恭章皇后忌辰遣官祭 景陵

○荫故大学士李廷机子启熊为国子生

○升户部郎中杨嗣修知湖广衡州府

○南京吏部尚书沈应文以疾乞休不允

○升杨肇基为神机营副将麻时为神机十营佐击毛有伦为五军二营参将

○升张安为西宁副总兵马炯为墙子路李国桢为宁夏王永协为松藩各参将

○经略辽东熊廷弼题发援辽兵将速催李怀信出关奉旨贼陷北关辽沈益危李怀信着遵旨即日就到刻期赴镇如延迟误事责有所归其余援辽兵将都着作速催发

○兵科给事中薛凤翔言目前吃紧诸大政有应举行者六有应停止者三有年来累牍而必不可不行者二 东宫储讲之当行者一 册立长孙当亟行者二大僚有长无二有二无长甚至长二并缺大僚之当亟补者三癸丑考选至今七年不结考选之当速下者四林下诸贤启事徒烦赐环无日遗佚之当亟召者五刘光复系狱有年縲臣之当立释者六章奏一脉首慎内批近日内侍口传 天语此其当郑重者七古帝王美德以俭为先迩来织造频数何若姑停一二年以裕民力以济军兴此其当停止者八尽撤税使责令有司如额征角□羊此其当撤回者九至有下为急而上为援下愈急而上愈缓者曰发帑曰御殿臣恐昔人所谓三不足畏者一旦兼而有之大难将作噬脐何及事势至此即人不言临御而自临御人不言发帑而自发帑矣故曰今日必不能得而他日必不可不行者此也留中

○经略辽东熊廷弼奏遵旨斩三逃将以正军法逃阵之将二标下右翼营游击刘遇节总兵中军王捷逃城之将一铁岭游击王文鼎

○以例子原任总督京营戎政忻城伯赵世新祭七坛

○甲申兵部尚书黄嘉善覆经略辽东熊廷弼题称贼已攻陷北关乘胜必攻辽沈恳乞大发兵将以救残镇等因又据辽东总兵李如桢塘报称奴酋于前月二十一日寅时攻陷金台失白羊骨二寨各到部为照北关已破辽沈一带必不能支经臣请将兵情势诚急除总兵李怀信副将朱万良业奉俞旨臣部已马上差人令各带领亲丁火速出关及严催各镇未到援兵随到随发从之

○乙酉准给阳城王载堃麒麟钮镀金银印以父懿简王所遗原印长子载土□常罪废奏缴也

○蔚州左卫管屯指挥陈思虞侵盗屯粮银七十五两以逃直隶巡按卢谦奏闻下法司提问

○上谕兵部曰昨览经略熊廷弼文书内奏奴酋攻克北关乘机必犯辽沈势甚危急各处调发兵马经地方各该抚按官上紧严催出关速赴军前听用如有抗违逗遛者

指名参来重治尔部便马上差人传与李怀信朱万良等带领家丁星夜前去辽镇以安民之心仍谕经略督抚按等官既奉命出师义同一体并力齐心共图灭贼如有争功僨事者经略监军参奏重加处治故谕

○大学士方从哲题昨晚接经略熊廷弼揭极言辽左溃败之形人心离散之状惟愿 皇上亟御文华殿召见文武群臣共议守御方略此可以震叠人心者一亟发帑金数百万为户部给饷兵部招军买马之费此可以振兴士气者二亟下下徐光启练兵姚宗文阅边之< 疏 >俾令及时料理此可以克诘戎兵者三亟敕京营总协分布营兵各派信地凡守城御贼之具如枪刀火器樁木灰石之类一一预备毋至临时无所措手此可以护卫都城者四亟下科道诸臣之命五城九门各用一人巡视俾令讥防奸细弹压纷嚣此可以防内溃固根本者五亟敕蓟辽总督两镇巡抚及各处兵道务切同讐之义凡调兵转饷列屯置守足以杆外卫内者莫不悉心< 画 >画并力经营毋得袖手旁观互相推诿此可以资犄角严保障者六凡此皆目前要务伏乞毅然奋发早图安攘不报

○升兵科给事中丘懋炜为广东参议御史牟志夔为福建副使谢正蒙为河南参议

○升郑璧为应天府府丞

○翰林院简讨丁绍轼给假许之

○罢神枢营副将杜逢春永不叙用逢春以二千金钻刺谋升兵部发觉故有是命

○丙戌以云南道御史俞海河南道御史卢谦充武举监试者

○允戴罪总兵麻承恩刘孔胤纳马赎罪承恩纳马八百匹孔胤纳马五百匹先是承恩逗遛不行应援孔胤挑激致使军哗法俱论斩至是以辽沈危急姑准纳马赎罪仍令自带家丁援辽立功兵部覆奏从之

○进士金德义奏表扬祖母季氏贞节章下礼部

○南京户部尚书周嘉谟辞工部新命不允

○经略辽东熊廷弼以开铁失陷参河东总兵李如楨十不堪速催李怀信星夜代往并令开原道僉事韩原善驻劄沈阳以便责成得旨李怀信已有屡旨韩原善即赴沈阳督同诸将共图战守

○巡抚山东右副都御史王在晋题探知奴酋破开原后计欲不攻辽沈先取金盖因见海运有数十万之粮欲绝饷道为照辽左粮草因陆运经繇虏地且脚费不费尽改海运南贮金仓北抵盖套舍此二路更无饷辽之策金州距登州半日之程彼见金盖运去之粟积比敖仓且谓登莱未去之粮足支数岁一则因粮于我一则并扰山东而贼乌江龙所造之船足供战舰扬帆飞渡势所必至此职请兵之议一岁三上去去年兵部覆准仅补水兵六百名护送饷船未裨战守今兹寇在门庭伏乞将臣募兵处饷前< 疏 >一并敕下该部酌议具覆庶饷道无虞海运无赖奉旨下该部议覆

○扬州凤阳淮安等府所属州县大旱乞踏勘被灾处所蠲赈改折漕运总督王纪具奏以闻

○丁亥 上谕兵部曰辽镇请发各样火炮兵仗局回奏神器已经试验俱各堪用尔部便着差去司官上紧作速领出与盔甲等项星夜运解前去应用如仍前迟缓延挨误事者着该部科参来重治况六月运去盔甲器械等物经历四月尚未到彼致经略不得措手之用着部科查参来说且辽镇调兵望援甚急昨兵部揭帖各处援辽将官尚未出关甚多即便马上差人严催勒限兼程前去听经略调遣如各将官逗遛不进者从重参治故谕

○升江西参政吴中伟为广东按察使

○升陕西都司谈世德为固原参将安边游击周弘祚为清平参将

○升北楼口守备王希葛为滦阳宣镇游击宋承焘为真定利民守备李元勋为大水峪山西都司陈尚智为遵化右堂洪水口游击何尧年为威远中军罗国柱为大同正兵营各游击

○以右春坊右谕德兼翰林院侍讲掌司经局事郑以伟右春坊右赞善兼翰林院简讨周炳谟为武场正副考试官

○经略熊廷弼言辽左大势久去战守已无可支备陈兵马军民器械将领不堪战守之状以祈省览章下兵部

○戊子以重阳令节颁赐辅臣上尊珍饌 ○以左赞善徐光启升詹事府少詹事兼河南道监察御史管理练兵事务从吏部覆请也

○总督京营戎政泰宁侯陈良弼奏分布兵马以御虏患 上是其议令着实举行

○敕刘渠升署都督僉事充镇守蓟镇永平山海等处地方总兵官

○大学士方从哲题适九卿科道官因昨日跪恳南北大僚及考选科道三本未蒙发票今日仍赴思善门伏阙候旨谓臣必得前本发票方可退出臣谨于仁德门叩头跪请立俟俞音倘又如昨日空言传谕百官必号泣以随之以求必允万惟立赐简发不报

○礼科给事中亓诗教题 皇上之遣总兵李怀信援辽也 明旨屡降亦既急于星火凜于斧钺矣在经略熊廷弼半月之内累_三疏_三请求特遣者怀信也兵部马上差人守催限以初八日出关以十二日抵辽阳者怀信也今怀信果怀忠义之心则朝闻命而夕就道宁烦再计者乃昨闻怀信尚未起行反投兵科一揭谓安家未到请月粮请马匹请益兵如斯布置是何举动总之不过惮于援辽另寻枝节或再为刘孔胤之续未可知也臣是以特_三疏_三闻于 皇上严责怀信遵即日就道之旨星夜赴辽代统李如桢之军相机战守如藉事推诿徒稽时日违限不到辽阳有失则请以逗遛失机之罪罪之以为大将抗旨挟私不以身殉封疆者之戒留中

○升山东副使柯昶为易州兵备

○己丑吏部等衙门尚书等官赵焕等题窃惟奴酋攻陷北关经臣极言辽沈危急

○初铸给征夷总兵关防四颗辽东监军关防二颗

○西番冉家蛮等二十七名来朝赐宴彩币有差

○壬辰升张我续为光禄寺卿

○癸巳敕四川道御史周万鉴巡按真定陕西道御史冯瑛巡按苏松云南道御史王尊德巡按广东四川道御史姚祚端巡按陕西

○甲午以吏科给事中张延登兵科给事中吴亮嗣吏部郎中田仰礼部郎中须之彦充武举同考试官

○乙未以霜降遣官分祀 诸陵并 恭仁康定景皇帝金山陵寝 哀冲 庄敬二太子坟所各行礼

○升马允升为宁塞洪世臣为肃州李时渐为芦塘高秋为榆林各参将刘应龙为横岭段应奎为龙门王洪为镇川吕钦为八达岭张联为聚落城各守备

○户部等衙门尚书等官李汝华等言自有辽事以来议加派加派尽矣议那借那借尽矣议搜括搜括尽矣有法不设有路不寻罪在户部至于法已设尽路已寻尽再无银两则户部亦付之无可柰何矣千难万难臣等只得相率恳请 皇上将内帑蓄积银两即日发出亿万存贮太仓听户部差官星夜赍发辽东急救辽阳除此见钱除此急着再无别项处法谨合词号泣引领呼天不报

○丙申大学士方从哲题照得吏部会推阁员蒙 皇上点用史继偕沈<□□> 崔>二员今已一月矣缺两年而后允推允推三月而后钦点慎之又慎迟之又迟无论皇上御极以来无此异事稽之故事国朝二百余年从未有推补阁臣如此之难者也考之前代自汉唐宋迄今几千百年亦未有简任宰辅如此迟疑不决者也且政本何地此时何时而以一庸病之臣支持拯救有终不至于误国者乎前八月初臣恭诣宫门长跽候旨 皇上戒臣以急迫许臣以即下臣敢不屏息静听乃既典之后又复留中催请频频坚持如故 皇上将付以股肱心膂之寄乃以方信忽疑之意置之不进不退之间传之四方书之史册恐非所以隆辅弼之体示 圣眷之专也留中

○敕贵州道御史萧毅中巡按宣大

○以四川巡抚都察院右副都御史饶景暉为南京兵部右侍郎

○敕山西巡抚都察院右副都御史陈所学升南京户部右侍郎兼南京都察院右佥都御史总督粮储

○国子监博士徐大相言建酋一属夷耳自太监卢受旧年遣张儒绅以买貂参往随有抚顺之失兵连祸结辱国丧师且七宗恼恨嫚骂无礼何物胆大包天之人敢为奴酋拚命下书奴酋奸细伏在肘腋 皇上不及知群臣不敢言天下事去矣今危急存亡诸臣合请御殿不报请明赏罚修战守不报一味蔽明百般煬灶直待虏迫都城人心瓦解□羊始知其欺罔而诛之悔无及矣恳乞敕下法司速究卢受通番壅蔽之罪并鞫张儒绅见在何处及带夷书原繇明正三尺此除奸为救变第一著也留中

○丁酉吏科右给事中姚宗文言顷奴深入边臣议退守辽阳果能分合奇正以沈阳饵贼以辽阳为桑榆之收此兵家上筭也退亦何害如沈阳为死地退之辽阳贼再迫辽阳又图退步则诸道将之所为并力退守不过求缓须臾死耳退亦何利哉此在经臣相形度势以定进止惟是兵饷二事迄无成筭宜敕户部兵部酌议需兵若干需饷若干以饷清兵以兵合饷除发帑外如加派协济多方设处严立考成之法稽核完欠之数而殿最之至兵则合调募原册逐一清查应防守者防守应策应者策应务使呼吸相通战守得力自都城而通州而蓟门而山海而广宁而辽阳节节有制声援互通此不烦再计者也不报

○敕大同巡抚文球升兵部右侍郎兼都察院右佥都御史总督蓟辽保定等处军务兼理粮饷经略御倭

○敕原仕侍郎崔景荣起升兵部左侍郎兼都察院右佥都御史总督宣大山西等处军务兼理粮饷

○升广东右布政沈光祚为山东左布政起原任布政赵彦为山西左布政

○升广东副使闵宗德为河南参政兵部郎中高维冈为河南右参政陕西参政吴愈为山东按察使兵部郎中绳愆为四川副使

○戊戌工部署部事户部尚书李汝华题该臣看得辽之待军器急于望云霓故臣部与兵部分任其事而奉差主事孙际可亦星夜东驰诸凡查发器械与夫催觅车骡细而至于装载安顿皆科臣祝耀祖台臣俞海平价雇觅多方鼓舞故前者就道而后者续至乃兵部差官冯时行< 銮-金 >请运石料大车欲其直抵辽阳至云半月可达其意固欲求速而未审器用之宜与人情之便盖大车所载不下数万斤日行不越数里且每车用骡百余必平原旷野方可驱驾若用以载军器所过城镇及险隘之处将何法以行之伏乞敕下兵部遵照前旨一如科道前议星夜运发庶纷更可省而军机无误矣奉旨运发军器着照前议行

○升湖广副使王世德为武昌道参政

○罢山海总兵何奋武以台臣交章劾故也

○兵部尚书黄嘉善覆戎政尚书黄克缙条陈京营五议一曰选将二曰增兵三曰备器械四曰议增饷五曰议营房奉旨览条陈营务依议着实举行其抽调募兵着同见在营兵设法训练务令有裨实用

○己亥命陕西巡抚李起元复职加升兵部右侍郎兼都察院右佥都御史以考满故也

○庚子詹事府少詹事兼河南道御史徐光启奏事宜十款一议关防二议驻扎三议副贰四议将领五议待士六议选练七议军资八议召募九议徵求十议助义不报

○辛丑大学士方从哲题时事切要开款上闻以便省览一批发已点阁臣二员一点用左都尚书侍郎等官一允补考选给事中曾汝召散馆暴谦贞韩继思三员一发吏

部尚书赵焕考满< 〇〇〇 毓-金 >以便推升各官一发都察院署印< 〇〇〇 毓-金 >以便劄委各差御史一发兵部募兵近畿< 〇〇〇 毓-金 >及徐光启条陈练兵考选庶吉士推升年深翰林诸< 〇〇〇 毓-金 >不报

○壬寅升金华知府杨绍中为广东副使礼部郎中陆完学为浙江参政工部郎中江起凤为江西参政户部郎中邢其任为浙江屯田参政起升原任嘉兴知府庄祖诒为山东河工副使

○癸卯予原任巡抚大同右副都御史王士琦祭一坛减半造葬士琦浙江临海人繇进士历升副使以平播功升按察使继被劾降用寻起布政升右副都御史巡抚大同复以拾遗调南京未几卒礼部覆称生前虽挂讥弹没后难掩劳勩相应议恤故有是命

○敕副将白兆庆升署都督僉事提督京城内外巡捕

○升董继舒为神枢二营参将刘国玉为延绥东路参将袁应毅为通津郑光先为高台刘国栋为洪水河周大观为松栅刘应魁为固原各游击

○户部尚书李汝华奏钱法七议用备军需一议遣官以清窟穴一议开局以防奸弊一议铜料以免折耗一议工本以便炉铸一议工作以合款式一议转输以重责成一议出纳以操利权

○夜五更月犯掩轩辕右角星

○甲辰升魏世德为宁夏副总兵达奇勋为神枢营副将王志吕为广海守备

○翰林院修撰钱士升简讨李国< 〇〇〇 木普 >各给假许之

○巡按直隶御史王象恒题边防重寄惟督抚镇三臣况今日何时蓟门何地乃督臣汪可受以奉旨回籍调理杜门候代而抚臣刘曰梧又以病请杜门者累月蓟镇总兵已推而未至山海总兵已易而未推弹压无人跪匍可虑伏乞 皇上天语申饬一切绸缪畿辅之计速为区画施行奉旨辽左警报甚急蓟门防御宜严汪可受着仍驻山海调度候代刘曰梧宜即出任事文球着免代速来赴任巡抚事务令督臣暂管总兵刘渠催他星夜前来山东总兵便作速会推其绸缪畿辅及多调镇将事该部一并详议具奏

○礼部左侍郎何宗彦遵旨题恤辽东阵亡诸臣言死事虽同情形略异除总兵刘綎忠勇昭人耳目恤典自宜从厚外僉事潘宗颜总兵杜松王宣赵梦麟通判董尔励游击窦永澄姚国辅乔一琦祖天定守备刘朝元刘招孙刘应祥李士玉知州张文炳游击高贞于守忠参将江万仞等游击杨钦等留守李希泌都司吴光先等守备乔镇疆等中军杭卿等千把总董孟春等及开原被害文武诸臣致死缘繇须行详核祭葬谥祠系臣部职掌不敢不为蚤定但祭葬谥祠凭乎赠荫赠荫凭乎事实且赠荫事在吏兵二部查抚顺失事一案阵亡总兵张承胤等先繇兵部查明议确拟定赠荫题奉钦依今刘綎潘宗颜杜松等事例正与相同伏乞 圣明怜悯忠义蚤慰幽魂照依张承胤一起事例查照所赠官品题请祭葬谥祠庶便举行奉旨死事诸臣忠义可悯都着作速查勘早加优恤以慰幽魂

哲以闻乞勘真伪不报

○大学士方从哲奏宝历重颁人心望治乞请用人行政留中

○敕贵州道御史杨春茂巡按云南

○户科给事中李奇珍题边饷取足于京运非 祖制也 太祖高皇帝尝曰吾养兵百万当不费百姓粒米盖 祖制屯军三分守城七分屯种每五十亩徵子粒上仓以正粮十二石自给余粮六石分给守城一军之田足以瞻一军之用自屯粮不足加以民运民运不足加以盐粮盐粮不足加以京运弘治时京运止四十三万嘉靖初始增至五十九万又自庚戌至末年渐增至二百五十一万 皇上初年亦止三百十万今溢至四百万民运三百二十万不与也先是太仓老库银积至八百余万冏寺马价银积至九百余万故可为东那西凑之计今内帑若扫矣去岁辽左用兵九万费饷亦不下五百万兹兵部召募且倍之岂五百万可济哉虽有加派搜括捐助留税等银涓滴之润不能当闾尾之洩也且不独辽也大同一镇京运逋者百五十万民运逋者亦几五十万款局虽终善后无策举一镇而他镇可知窃谓欲救燃眉非立发五百万不可然此亦但可为卒岁计若局未易结拏不能继尚须接济之术也欲图接济莫如营田且营田有十利焉地无遗力人有余粟和杂易而军实饶利一西北之利足供西北之用而千里之挽粟可减东南之民困亦苏利二改折之议行则脚价耗米之省岁可以百万计利三南方富民兢挟壮丁以来京师不为孤注利四游食游手之徒尽缘南亩而盗贼希利五比闾什伍人为战家为守干城在野而胡马不敢南嘶利六抛荒积逋者承佃有人而里甲无包赔之累利七丁重差繁者得籍贴役而蒙宽减之条利八召募新兵事平之日有愿留力穡者听而新饷不致坐糜利九岁入之米渐多则出帑之数渐寡府库充而永无加派之扰利十臣但忧行之迟而无救于急断无有行之久而无裨于事伏乞 皇上先发帑金以济目前次议营田以图经久留中

○辛亥 孝洁肃皇后忌辰遣官祭 永陵

○贵州道御史萧毅中言自古无三十年不 郊不庙不朝之 天子启事十不得一急务概从停阁精神不贯内外不通天下柰何而不乱也今事急矣安所得救时之相向日会推内除已点二臣尚有会推外遗及未推之礼卿为舆论所共借者不与枚卜公议谓何他若户兵台省诸臣宜各捐私心速更前辙不报

○云南道御史张新诏奏辽左事势可虞时政痿痹更甚恳乞亟复御朝召对之尝以图锐意励精之治不报

○壬子巡抚大同文球辞总督新命不允

○奴酋谋犯海州断我粮道巡抚辽东周永春奏添兵马分防宽叆岫岩金复等处以防海运以壮声援章下兵部

○癸丑 中宫千秋令节免百官朝贺

○免命妇朝贺

○巡抚宣府右佥都御史张经世言九边大坏皆缘贪将侵削军粮以致营伍日趋单弱乞严惩贪之诛以伸国法章下兵部

○甲寅唐王捐禄三千五百两韩王一千两华阳王三千两崇王二千两各助饷

○户部奏辽势甚危辽饷甚急臣计甚穷谨再合词三恳速发帑金以救万分迫切不报

○吏科右给事中姚宗文奏顷臣奉 明旨阅视各边兵部议在两存令臣关内查阅乃近日建议者多以出关为是臣不言出关则迹涉畏避而冒昧出关又明为背旨于今恭领敕书即驰至山海关听兵部相机斟酌具题以为进止至于兵马钱粮器械应自何年阅起何年为止查阅兵马之法与其逐名查点不如三等挑选以防窜濶以便后日稽查他如宣谕朝鲜优恤北关及联属西虏并属要著章下兵部覆议 上是其言命姚宗文作速出关与经抚诸臣相机行事北关既陷其酋长子姓部落何在著于西虏处查访明确以凭优恤

○乙卯荆王捐禄二千两助饷

○丙辰予原任刑部右侍郎吕坤祭一坛命有司营葬坤河南宁陵人万历二年进士授知县擢吏部主事稽勋郎中历参政布政右佥都御史晋刑部右侍郎卒于家礼部覆称明新正学天日精忠著作唤醒群蒙典刑光昭先觉宜加优恤如例从之

○丁巳命五城煮粥济贫

○戊午巡抚辽东周永春言镇江为朝鲜入贡必繇之路又登莱之咽喉而金复四卫之门户也镇江一失朝鲜必亡海道必绝乞敕下兵部议添兵将以固东藩 上命兵部作速议覆

○翰林院简讨王祚远乞假许之

○庚申南京国子监学录乔拱璧言国势日危 圣聪日蔽乞逮李维翰李如楨并奸瑯卢受以清乱本不报

○辛酉巡按陕西傅振商查搜苑马寺银三千七百两以助边饷章下户部

○壬戌巡抚大同右副都御史文球奏穷边宗禄匱乏章下户部

○癸亥大学士方从哲题昨文书官两次口传 圣体未安文书方在查简待简出发行令臣在阁候旨臣窃窥 圣意惟恐臣再诣宫门致有烦渎然臣之屡次叩阁至三十余< 〇〇〇 铕-金 >不过以下阁臣之命发庶吉士之卷允冢卿考满及都察院署印之本数事为请耳乃屡传简发毕竟一事未行终日候旨毕竟一旨未下况前项本章已经票拟见在御前何俟再简何难允行而徒日延一日耶臣惟有亲负斧锁号哭宫门以听诛戮而已不报

○四川道御史姚祚端言南京礼科给事中宴文辉制行贪秽久玷清华列赃迹一十五款以闻不报

○甲子云南道御史王尊德言辽左外寇将逼都城内患可虞恳释累臣刘光复以

备效用留中

○乙丑肃世祖识铉请给谥号章下礼部

○丙寅阅视边务吏科给事中姚宗文奏微臣奉使在途兵事忧危满目自通州以及山海任干戈者兵皆露处司搬运者人无息肩非啼饥号寒则典衣卖剑肘腋之变大可寒心乞速发内帑以济枵腹议建营房以免野栖不报

○礼科给事中元诗教兵科给事薛凤翔御史彭际遇王尊德周师旦等以发帑用人二事交章以请不报

○丁卯 诚孝昭皇后忌辰遣官祭 献陵

○戊辰西番楚虬等二十四名入贡来朝各赐宴赏彩币等物有差

○己巳兵部黄嘉善覆山东抚按王在晋陈王庭等前〈臣疏〉称奴酋广布奸细谋绝运道登莱等处兵将空虚急应查照添设而吃紧在复昔日之兵处应添之饷后〈臣疏〉称登莱为全齐咽喉运道为辽左命脉登莱疏虞则金盖粮虚全辽难守而吃紧又在议陆运以济海运各一节为照昔年倭犯朝鲜登莱一带议增兵将今日奴氛之恶什伯倭寇而况海运为饷所关距旅顺止一衣带之隔查自倭警撤防兵渐汰革复以缓辽频调单弱几空抚按二臣先后〈臣疏〉请诚非过计臣部详加酌议如登州副总兵营莱州参将营青州守备营俱系沿海要地设守备一员增兵数百名以联络声势临清守备改作参将以防获漕运原兵添足二千巡抚标下营兵亦应补足原数其济宁滨州与文登即墨俱原设有兵将不必再议内有抽调者照数补足至于旅顺距东莱甚近且系运道咽喉除见在水兵外应将前议调浙兵三千共添足五千名再益陆兵五千名共一万名总设大将一员统领操练防获海运并为金盖等处声援其前项应增之兵需之他所不如取之本地臣谓宜将先题州县民兵约四千后差官招募青登莱兵五千尽留本省就近防御人情地利似为妥便俱听抚按二臣酌量派发如有不足另议召补总之于原额填实于新增足数亦足以壮敌忾而振军声矣仍令广造坚厚战船使水兵游巡往来会哨西可以保障登莱东可以接应辽沈则濒海一带皆可恃以无虞差出司官只以事竣开召发之数报命可也其中合用兵饷造船钱粮及议添陆运接济海运等项听户部议覆事急时迫臣等一面具题候旨一面移文该省抚按二臣先行料理其添改将领另行推用 上是其议

○庚午吏科署科事给事中张延登河南道掌道事监察御史房壮丽等言馆选未奉明纶有妨大选先是六月八月两选已误今届大选之期仅三日耳倘 明旨复迟将此选又误合无将未取中考卷会同原考官折录姓名移送吏部于廿五日铨授官职庶作养人材之中不废除吏之典至于取中进呈诸卷亦宜速赐简发庶政体以平大典以光此亦权宜之一法也不报

○辛未礼部左侍郎何宗彦再〈臣疏〉引疾乞休 上优旨慰留之

○壬申降补原任山东按察使薛国用为辽东金复道兵备参政

圣明急为庇救以保东藩章下兵部

○甲申 恭让章皇后忌辰遣官祭 金山陵寝

○大学士方从哲奏昨见御史萧毅中一< 疏 金 >请 皇上批答章奏因复论及于臣以辽左丧师引为臣罪又以认罪考选等事指臣为奸此自有 天鉴在上公论在旁臣亦听之而已至于叩阁票拟一节系 皇上自行改定臣何能预乃谈者切齿痛恨于臣不亦误乎伏望将钦点阁臣二员亟赐简用以资辅理仍祈 大奋乾断即刻尽夺臣官放归田里毋使罪臣日烦白简徒貽政本之羞奉旨览奏情词迫切卿辅赞有年公清直亮朕素鉴知屡次所请简用阁臣及诸事见在查简朕因连日动火致患目疾未暇详阅且批发章< 疏 金 >间有更改皆朕亲裁独断与卿何预萧毅中这厮不谙事体诬诋辅臣好生可恶本当重治姑且不究今虏患方殷时事孔亟卿运筹匡辅安攘是赖岂可以小臣浮言介意何乃洁身求去当以国事为重宜即遵旨入阁佐理副朕眷倚至意特谕卿知

○乙酉以祭 三皇收回祭设颁赐辅臣三卓

○总督两广右都御史兼兵部右侍郎许弘纲再< 疏 金 >引疾乞休奉旨督抚身任安危已有旨勉留毋得再辞

○礼部署部事左侍郎兼翰林院侍读学士何宗彦奏沉痾难愈三恳允放奉旨何宗彦典礼清慎着在任调理稍可即出供职不准辞

○丙戌通政使司通政使姚思仁奏奸徒复兴矿议违例擅行奏闻言儒士蒋定国结连奸党荧惑 圣听前项开采本章不繇本司封进擅行发抄乞严提鞠究投入根因以折奸萌以肃法纪不报

○原任巡抚南赣都察右佥都御史孟一脉卒一脉字淑孔山东东阿人隆庆辛未进士授平遥知县擢南京监察御史以抗< 疏 金 >忤江陵削籍为民江陵败召还原职寻掌河南道巡按上江复以建言调外任寻再起为南通政司参议屡升今官以疾归卒于家得年八十有四

○丁亥太子太保兵部尚书黄嘉善奏病极情穷七恳允放圣旨今虏患未除边陲多故朕眷焉东顾未尝顷刻置怀卿为本兵正赖殫竭忠猷居中调度为朕分忧何为屡< 疏 金 >求去宜即出供职以副眷倚之意毋得再辞

○戊子大学士方从哲题今日九卿衙门只有户部通政司系正官掌印若刑工二部则别衙门官署掌矣都察院大理寺则并官与印而俱无矣自赵焕故而吏部之印悬矣自何宗彦出城而礼部之印悬矣自黄嘉善杜门而兵部之印尘封且一月矣此皆何等衙门所司者何等事务其在今日是何等时节而 皇上可漫然不加之意耶伏恳立赐简发不报

○兵部左侍郎杨应聘覆辽东经略熊廷弼题为酌调土兵以资征战奉旨该部速议具奏钦遵到部为照本部前议词土兵四万以资征剿业奉俞旨檄行彼中选发矣经

○己亥赐英国公张惟贤银五十两纁丝四表里以冬至 郊祀复命故也

○庚子 上谕辅臣曰万寿圣节文书繁多原御点票本不知偶遗何处见各查简原无别意卿宜少待岂可遽尔躁急见今朕患目疾国事何赖宜遵谕入阁候旨

○日生晕两耳及背气二道各青赤黄色

○辛丑南京礼部署部事刑部右侍郎何熊祥言储讲之旨宜信孙谋之贻宜早不报

○壬寅巡视厂库工科给事中祝耀祖云南道御史俞海言立清厂库之法一设立循环文簿以稽角口羊欠一互核挂收数目以杜侵鱼一议差正途廉能以防侵匿一透查十年收簿以严追补一查会有无召买以防影射一议定司官久任以专责成一全折盔甲弓箭以杜虚糜一索还事例开纳以拯时艰留中

○癸卯经略辽东熊廷弼题今日制贼之说有三一曰恢复一曰进剿一曰固守顾以此时漫谈恢复进剿之事何敢草草似又不如分布险要以守为稳着守正所以为战也然而守何容易顷臣亲至各边隘口相度地形筹贼之出路即可为我之入路者有四在东南路为暖阳南路为清河西路为抚顺北路为柴河三岔儿间俱当设置重兵为今日防守他日进剿之备而镇江南障四卫东顾朝鲜亦其不可少者此分布险要之大略也每路设兵三万人裨将十五六员主帅一员布为前后左右各营如遇贼对垒则前锋迎之中军继之左右横击之后军殿之使各路自为一分合奇正以当一面如贼兴一路相持在西路则南路北路出奇以击之东南路悉力以捣之在南路则东南路西路出奇以击之北路悉力以邀之其在镇江当设兵二万人裨将七八员副总兵一员半割义州半割镇江夹鸭绿而守如贼犯朝鲜合力拒堵而四路则分道捣巢以牵之贼与四路相持则镇江朝鲜合兵而西以捣之使各路总为一分合奇正以成全局此合路联络之大略也清河抚顺三岔儿三路山多漫坡可骑步并进当用西北兵以西北大将统之宽暖林箐险阻可专用川土兵以西南大将统之镇江水路之冲当兼用南北兵以南北将兼领之此酌用南北兵将之大略也各路领兵到边画地而守无警就彼操练小警自为堵御大敌互相应援时各挑其尤精悍者为游徼以捉其哨夷扑其零贼使贼不敢轻出边且以防其耕牧又时以一路率所部直入贼境而分其三之一设三伏以待贼且战且郤遇伏则又战然后从容进边而东路未已西路复然北路未已南路又然更番迭扰以疲贼于奔命然后相机进剿或四路并进或三路牵制而阴并一路此坐困而转蹙之大略也善行师者行必结阵止必立营见可而进知难而止每行一次必立一营贮放粮草兼作退步各路兵虽三万如深入百数十里必须留营数所拨兵防守而前路迎敌兵马必渐单簿所定前数断难减少且兵马既随各帅往边辽城空虚再设兵二万平时驻割辽阳以壮中坚有事策应四路以作外援又于海州三岔河设兵一万联络东西以备后劲金复设兵一万防护海运以杜南侵此征行居守之大略也臣考征播之役用兵二十余万及围酋于圉上犹用十五万众今贼改元僭号已并有两关灰扒鱼皮乌喇恶古里弓知介何伊难一带海东诸国兵众

又令降将李永芳等收集三路开铁降兵万人计兵以近十万强播数倍今议用兵十八万马九万匹而见在主客残兵续到援兵及召募新兵虽近八万尚在沙汰难作实数其余惟有召募征调二法辽人以辽守辽之说自李如桢李登等建议屡试不效势不得不取诸徵调臣请以此责成兵部每兵一名岁计饷银一十八两兵十八万该饷银三百二十四万内每军月给本色五斗该粮一百八万石又每马日给豆三升九万匹该豆九十七万二千石草重十五斤者日给一束岁除四个月青草不给外计八个月该二千一百六十万束小束倍之通共岁计船费几何车牛人工各费几何此皆一毫裁削不得者臣请以此责成户部往者清抚开铁泛懿蒲沈俱无恙则河东以辽阳为家当广宁为转输今辽阳为冲边矣又当以广宁为家当山海关为转输凡兵马粮饷战车火器盔甲弓箭匠作马牛一应军中必不可少之物势自不能不仰资协同干办臣请以此责成督抚近日调取将材各省镇纷纷执留及发来兵不成兵马不成马每诘问来将皆云院道不容挑选甚有授意边堡故将瘦弱搪塞者除已到者容臣挑选发回换补外其以后调将徵兵臣请以此责成各省镇此又中外同心共济之大略也顷阅臣姚宗文< 〇〇〇 毓-金 >欲兵部于臣所议外量增二三万人以为训练策应之用户部照兵处饷之外多备三分之一此尤多多益善有备无患之长策也伏惟 圣明裁断亟敕该部议处以便遵行奉旨览奏审度贼势分布战守方略颇合机宜防守既固徐图恢复进剿尤是万全之策所用兵马粮饷着该部多方措处毋致缺乏督抚任职封疆务须同协力以图共济镇道将领等官俱令实心任事料理兵食战守之计毋得因循推避有误军机各省镇应调兵将着作速遣发仍挑选精锐不许以瘦弱搪塞熊廷弼着益用心经理副朕倚任之意

○甲辰巡抚江西都察院右佥都御史包见捷引疾乞归不允

○乙巳巡抚顺天都察院右副都御史刘曰梧奏臣病日益沉危边事日益废阁乞恩允放< 〇〇〇 毓-金 >凡十二上许之

○命户部尚书李汝华署掌吏部印务

○命戎政尚书黄克缵署掌工部印务

○丙午宣府总兵孙邦熙以病免

○丁未先是御史张新诏刘蔚周万釜杨春茂王尊德左光斗刘惟忠山西参政徐如翰等各< 〇〇〇 毓-金 >论辅臣方从哲以枚卜之失平辽师之溃丧章奏之留中引为辅臣罪从哲亦连< 〇〇〇 毓-金 >自明并乞罢斥以为庸臣误国之戒 上谕辅臣勿以人言介意屡旨慰留之

○戊申兵科给事中薛凤翔题迩因奴酋倡乱调募之檄几遍域中议于武举之外再设一将材科已该具题报可业于十一月初九日录名事竣顾该部题授未见画一乞照中式官生例各授一镇抚职衔咨送经略军前听用庶足以激人心而收实用留中

○命兵部左侍郎杨应聘暂署本部印务以本部尚书黄嘉善八< 〇〇〇 毓-金 >乞休暂令调理也

免及税契加纳之说亦可得五六百万金庶可办东方之事伏乞敕下户部酌议速与施行

○癸丑 慈孝献皇后忌辰遣官祭 显陵

○巡抚浙江都察院右佥都御史刘一焜四< 〇〇〇 〇〇〇 〇〇〇 〇〇〇 >以病乞休并请九年考满奉旨不允辞九载给繇令该部题覆以闻

○兵科薛凤翔言夷虏警报迭至敬陈目前急著一急固守辽阳一急防御广宁一急修备山海一急催督粮运外则责成督抚司道内则责成本兵司农如身使臂如臂使指方称同心庶可兵济今兵部黄嘉善印封月余人言日至以不进不退之身酿莫大莫重之祸并乞速赐裁断俾印信有归以便责成再照辽左告急蓟门震恐该镇总戎最属切要新推刘渠猝不能到且有言蓟镇重地佥以为非大同总兵王威不可向已公入启事以封贡未成而止今贡事已完可无他虑独不可藉为蓟门锁钥乎至山海关奸宄出没之乡矧今奴酋惯用奸细合无将刘渠改推此地相称从之

○甲寅肃世子识铉进马五十匹 上命赐大红纁丝常服一袭银三百两彩段六表里写书与世子

○大学士方从哲奏连日辽左警报叠至夷虏交江东西结连声势甚恶乞亟允经略督抚之请敕下当事诸臣急急催调援兵措处粮饷为拯溺救焚之计并望早下阁臣之命以资赞襄速补大辽之缺以表率尽授考选散官之职以充任使亟委合衙门署印之官以藉劬勩而又 躬亲临御以肃朝纲多出内帑以助军饷速发章奏以无误军机亟释累臣以作兴士气或者犹可救危辽于万一不报

○太子太保兵部尚书黄嘉善奏臣八< 〇〇〇 〇〇〇 〇〇〇 〇〇〇 >乞身封印候命奉旨枢务紧要印着杨应聘暂署黄嘉善着即出安心供职不得再辞该部知道钦此惟是 圣谕未即赐缺则人之疑愈深臣之名愈污伏乞立赐罢斥以释众疑 上曰前因卿称病求去恐误部事故着侍郎杨应聘暂管今辽事紧急岂本兵释肩之时宜遵命即出供职不准辞

○命总督仓场尚书张问达署掌都察院印务

○经略辽东兵部右侍郎右佥都御史熊廷弼题顷阅邸报见兵部覆辽东巡抚周永春朝鲜贡道急宜添兵防守一< 〇〇〇 〇〇〇 〇〇〇 〇〇〇 >奉旨镇江等处应添兵将着经略熊廷弼酌量委拨务使兵力强盛足为朝鲜声援其兵将未到的都严催出关以备调用钦此臣惟朝鲜北关皆我藩蔽今东西既通北关又陷仅一朝鲜存亡相倚日者所陈战守大略议于镇江添兵设将且先于九月间遣废将胡国臣领召募新兵二千九百余人往镇江王平领新兵一千八百余人往暖阳汤时遇领新兵一千一百余人往宽奠单尽忠领新兵二千一百余人往清河相机守援矣乃兵部所调援兵俱是纸上虚数十无二三到辽阳者臣请据见到各兵实数见拨各兵地方为 皇上细陈之案查兵部陆续来咨大约谓自征剿失利按臣报阵亡者四万五千余名见存四万二千三百六十余名续到川

兵一万五千三十二名抚臣召募兵一万四千二百五十八名先调已发未出关湖广兵约一千五百名臣部续调兵一万七千五百名内已出关兵七千六十名已发未出关兵二千七百名见催未发兵七千七百四十余名迹者开原破陷必多损伤再议调近镇素练之兵与选用见任及废闲各有家丁将官前后通计蓟宣真保延大各省镇及祁鲁二家调一十万一千六百五十名又议于大同延绥各募兵五千名宣府山西宁夏固原昌平各镇募兵二千名共募兵二万名以足中府会议一十二万兵之数耳此系兵部于六月三十日题过清数惟自七月起至十一月止细算各兵之到辽者大同八百二十六员名保定三百四十一员名河间三百员名山西三百九十三员名以七月内到蓟镇三百七十八员名延绥二千八员名以八月内到宣府一千员名蓟镇一千五百九员名真定二百名天津四百一员名保定八百二员名真定二百六十五员名山西一千三员名甘肃七百二员名山东二千员名以九月内到大同一千员名宣府一千员名于十月内到青州兵一千名以十一月内到以上总计一万五千一百二十八员名内除山东标兵二千员名天津右营兵四百一员名青州兵一千员名暂留广宁外实到辽者止得一万一千七百二十七员名为各镇发来原数而中间逃故如延绥兵二千八员名一路逃故一百三十八名之数则见到一万一千七百二十七员名未可据为实数也此外惟有援辽副将鲍承先领开原道募兵二千一十六员名不在咨调之内即咨内抚臣召募一万四千二百五十八名兵部已作实数及查抚< 硃 金 >半系饷司冯汝京巡道张铨等所召止得张斌良领兵一千名到辽阳余俱存操广宁尚费沙汰半系赞画刘国缙所召内如卞为鹏等领兵三千三百四十一名杨于渭领兵一千八百八十三名共五千二百二十四名除汰去一千九百八十四名逃去二千三百余名止存九百余名是咨中一万四千二百余人而仅仅得二千人之用也此见到各兵之实数也辽阳与自在州南北连城九门二十余里除民兵摆守外每垛贴步兵二名计垛三千余应贴兵六千余人每二十五垛割兵一队为游兵应置兵千余人两项应用兵一万二千余人今止有浙江真保山东水营残兵八千余人贴守尚少三千余兵无处查拨城内每面应置马兵二千人为游骑今止有臣标下内丁标左残兵协营奇兵及新到大同宣府援兵五千余人分守尚少三千余人无处查拨城外割营惟川兵一万一千余人内除九门每门拨去一百五十人防守外止余九千余人分割两营玄武营五千余人自割一营尚余赞画召募新兵五千余人恐有奸细夹襍既不敢使贴防于城内又不能独割立于城外惟分发各边堡设防而此外则总兵贺世贤领马步一万一千余人柴国柱领马步一万一千余人李怀信除将原分广宁兵马交付李光荣掌管外止领马步七千余人各驻虎皮驿三块石等处当贼来路顷报西虏五万结聚养膳木柞又近至长宁堡边外复令李怀信移驻辽阳首山迤南贺世贤移驻辽阳迤北以防西虏之深入东贼之乘虚此见拨各兵之地方也即今东贼四万入驻开原欲令三总兵扬兵于泛懿之北以示驱逐或声言于抚顺之东以示捣剿而促其速归三总兵皆虑兵马寡怯不能敌又虑西虏五万骑之见聚养膳木者

乘我兵东出而从西入抢我兵北行而从中隔断皆按兵不敢动似此光景何论镇江何论朝鲜顷得阅臣姚宗文书大略谓昨者北关出于不意不能相救今贼已有犯朝鲜消息便当预办战将劲兵以待之其意正与臣< 距 銃-金 >相合而无如我兵之单寡恐虽明知贼犯朝鲜不能相救也伏乞严敕兵部将各省镇原调兵将作速差官马上分催定限岁里俱到辽阳但有迟违坐以领军官承调失期之律兵科仍查参该抚镇道臣毋得抗旨误事兵过山海关总督逐一选验人马器械中用者出关不中用者阻回另补奉旨据奏前此议调援兵多未出关凭何调遣防御该部即便马上差官严催各省镇原调兵将刻期赴辽以备战守如再迟违领兵官依律治罪抚镇道臣一并查参本兵职军旅今调兵未到黄嘉善如何要释肩求去还着即出供职杨应聘着一面料理部事以待嘉善之出毋得推诿今边情紧急内外当事诸臣都要毕力殚心措处兵饷毋致缺乏有怠缓误事者同罪不宥

○乙卯以原任左春坊左谕德兼翰林院侍讲赵秉忠左春坊左谕德兼翰林院侍讲公鼐右春坊右谕德兼翰林院侍讲薛三省为左春坊左庶子兼翰林院侍读以右春坊右谕德兼翰林院侍读掌司经局事郑以伟右春坊右谕德兼翰林院侍讲钱象坤杨守勤为右春坊右庶子兼翰林院侍读以原任右春坊右中允兼翰林院编修孙承宗右春坊右中允兼翰林院编修吴宗达左春坊左中允兼翰林院编修骆从宇右春坊右中允兼翰林院编修黄儒炳左春坊左中允兼翰林院编修汪焯左春坊左赞善兼翰林院简讨丘士毅为左春坊左谕德兼翰林院侍讲以左春坊左赞善兼翰林院简讨周炳谟黄立极右春坊右赞善兼翰林院简讨来宗道彭凌霄魏广微国子监司业张鼐为右春坊右谕德兼翰林院侍讲以翰林院编修黄士俊为司经局洗马兼官如旧以翰林院编修李光元刘鸿训杨景辰简讨王应熊孔贞时刘钟英为起居注

○丙辰兵部尚书黄嘉善题准辽东巡抚周永春塘报黄把兔父子会合伯要子等共聚兵约有五万余骑已到养膳木屯兵只在一二日犯抢等情又该本官塘报审得回乡刘七称奴酋带领马步达贼约有六万余骑自本月十六日寅时分从开原所属地方松山堡进墙有马达贼四万驮带盔甲钩梯无带达贼二万在开原收割庄田驮运粮石回头要犯抢潘阳等处地方等情又该辽东总兵李光荣李怀信塘报相同又准蓟辽总督文球辽东巡抚周永春各塘报据夜役刘生加哨探代子河东岸了见哈喇河西岸达子营火一十二处约长十里离边四十余里等情各到部议照奴酋自陷北关其志益横蹲伏三月蓄毒必深虏酋黄把兔伯要子方报五万骑屯聚边外而奴酋马步六万众又报拥入开原蠢兹犬羊声势相倚乘我不备设法防守在经臣拮据虽不遗余筭而兵力分于接应粮草艰于转输以饥疲冻馁之众当纠合方张之虏真危不可言者矣除调募兵马臣部飞檄严催将领缺官臣部即议选补粮草断缺户部见在处备仍应亟行申飭臣部移文蓟辽总督衙门便宜督选近地及赴援临关兵马相机策应驰援以保无虞奉旨夷虏合谋入犯势甚危着急着总督衙门速发近地及临关兵马星夜驰赴应援其调募

各兵接济粮草等事都着上紧措办倘至缺误责有所归

○丁巳河南归德府虞城县乡官士民等捐银助饷原任给事中杨东明八百两原任御史袁可立见任副使杨尧华各五百两御史田珍二百两中书杨东光四百两各乡宦进士举人监生生员寿官乡民等捐银有差抚臣李养正奏闻乞照例赐敕旌劳仍建坊优异复其家

○戊午赐鲁府乐陵王寿鎬周府河阴王勤火□午韩府襄陵王朗□金大白贝□各谥曰恪

○原武王在金□皂谥曰昭宪

○韩府长洲王朗鎬谥曰庄顺

○建德王翊铉谥曰端顺吉世子常淳谥曰安惠

○以雪泽愆期命礼部竭诚祈祷

○敕王威以原官调镇守蓟州永平山海等处地方兼备倭总兵官

○敕刘渠以原官调镇守山海关应援总兵官

○西番阿鹅等二十三名来朝表贡方物各赐宴赏彩币等物有差

○己未陕西固原妖人李文等谋叛擅称弥天一字王伪改天真混元年号纠党王廷相祁焕章温王洪福儿等数百人妄布天书六甲飞剑妖书等项约期举事其党曹世泰陈希春出首被获伏诛据陕西巡抚李起元报闻

○庚申兵部覆辽东抚臣周永春题添兵设将等事议照原任总兵刘孔胤驻海州为辽阳犄角之势麻承恩驻三岔河为广宁门户之防均属得策催令二帅随带原召家丁出关相应依拟覆请其麻承恩刘孔胤前议赎罪马匹及召用家丁仍听抚臣督查合候命下移文一体遵奉施行从之

○辛酉翰林院编修叶灿以疾乞假许之

○壬戌命 桂王岁支禄米一万石

○南京太仆寺少卿吴炯捐银二万两饷边 ○户部覆督饷侍郎李长庚条陈边务九款一造淮船二通津路三议牛车四酌海道五截帮运六议钱法七设按臣八开事例九严海防 上是其议

○癸亥 世宗肃皇帝忌辰遣官祭 永陵

○兵部覆经略熊廷弼题纸上有兵出关无兵< 踞 毓-金 >详开自本年二月出师后辽东见存出关新募三项兵数逐款奏闻该辽东巡按陈王庭报出师后见在官兵共四万二千三百六十余员名又报赞画部道共募兵一万四千二百五十九员名蓟镇总督汪可受管关主事邹之易莫在声报过出关兵共三万八千一百八十二员名四川节次共出关兵一万九百七员名蓟镇七次共出关四千三百一十八员名昌平一次出关二百名保镇六次共出关二千四百四员名宣镇四次共出关三千九百九十六员名大同三次共出关二千三员名山西三次共出关一千五百九十五员名延绥一次出关

一千九百三十四员名甘肃一次出关七百名固原一次出关七百九十九员名山东二次共出关二千九百四十六员名河南一次出关一千九百九十二员名湖广一次出关七百二十六员名开原道僉事韩原善三次共出关一千九百七十七员名各将家丁十二次共出关一千六百八十五员名以上共九万四千八百一员名内除铁岭阵亡四千外该实数九万八百一员名奉旨览奏出关兵数知道了土兵应否再调还着从长酌议民兵将到者着速与安插毋令逃亡卿宜遵旨即出任事不得洁身再辞卸担推委

○詹事府少詹事兼翰林院侍读学士张邦纪四< 〇〇〇〇 〇〇〇〇 〇〇〇〇 〇〇〇〇 >引疾 上允其请仍命痊愈起用

○原任兵部左侍郎仍管右侍郎事崔景荣再< 〇〇〇〇 〇〇〇〇 〇〇〇〇 〇〇〇〇 >辞免总督新命不允

○甲子 贞惠安和景皇后忌辰遣官祭 金山陵寝

○礼部题万历四十八年正月朔请 上临御受贺称礼先朝会节重履端矧兹辽沈危迫之时又值中外匮乏之日正藉 天威之在望可以震肃群情更祈 玉语之亲承俾得主持国是万代瞻仰在此一举不报

○户部尚书李汝华辞署铨新命奉旨铨务繁重卿公清勤慎允宜兼摄作速任事再勿例辞

○乙丑户部覆阅视姚宗文措饷诸款言辽饷初议三百万不敢遽及加派诚难之也自抚臣出关议每亩加银三厘五毫至今赖之然初拟一年即行停止不得谓前派用已无余辽饷正未有已故臣复请旨再加一年随奉钦依刊刻书册严催去后今阅臣出关亲度兵马之数本折之用海运陆挽之费一年共需饷银八百余万计无复之议每亩已加外再加三厘庶于辽饷有济待事宁之日具题停免其捐助优免税契加纳等议并各照行伏乞敕下各该抚按遵奉严解以重责成

○福建道御史彭鯤化奏救辽之策以三言进一曰速充国屯田之< 〇〇〇〇 〇〇〇〇 〇〇〇〇 〇〇〇〇 >七日报可简文事动经年人患其迟曰一日万几那得速正惟万几故当速耳迟速之间兴替之关也一曰实崇宁宣和之诏宣之通衢而人不听挂之墙壁而人不睹以其文具而无实也今奴酋杀僇甚惨谕旨非不曰朕心惻然朕心痛恨而未尝真惻真恨也圣躬万福托疾非真圣谕累篇虚套近戏 天子无戏言以言戏是以国戏也一曰断宋虽议多功少其君亦时出独断葛敏败于定川事闻帝按图观之曰若仲淹出援吾无忧矣已无果然何其断也今责枢臣之卸肩似断矣印已委署而又令供职是不断也至于赏罚失平用舍不当需为事贼奸以疑生其为不断可胜言哉不报

○丙寅刑部员外冯时行奏献奇车曰飞输车曰旋风车曰降魔杵车曰滚地产车曰辘轳等车约用木料牛皮及铁木匠二千余人造车五百辆用兵一万名饷三十万两一月可复开铁数月可平奴酋不报

○丁卯命国子监司业张鼐署掌监印 升吕纯如为光禄寺少卿

○戊辰沈王奏辞捐禄旌典

○罢广西思恩参将赵庭都司金书张九法从巡抚林欲厦奏劾贪残也

○己巳兵部左侍郎杨应聘覆奏为照经臣所请兵共十八万查自本年二月内出师后该镇见在召募及陆续出关兵除铁岭阵亡外共实在兵九万八百一名据各处文报已经起程兵共一万一千八百九十二名见调未经起程兵四万六千余名此外尚少三万余名急宜选发又该抚臣周永春题河西议增兵马亦应量补总计增兵四万始足战守今以经臣分布之议酌量水陆之兵应于南北兼募马步互资燕赵多慷慨之士见今伏剑从戎集于都城者不少前该臣部具题差科道四员分领召致候旨迄今未下合应仍照前议于真保等八府募马步等兵二万名山西应于宁武近边等处再募马兵四千名台臣张至发往按中州真见毛兵堪用今合再募兵七千名郎中魏成忠称浙江兵勇健便捷应再募兵四千名以上马兵共一万八千名照边镇募兵事例每名给马匹安家盔甲银二十五两共银四十五万两步兵一万七千名每口给安家器械银十两共十七万两又查淮杨等沙兵甚强舡只甚便且因海至发莱旅顺一水可航应调五千名访得浙江南洋游击管大藩廉勇而精于水战今升参将令其督率并前调南直水兵二千名浙江水兵三千名一并挑选统领随带沙号战舡应用器物由海渡辽每兵给安家银五两共二万五千两以上马匹随兵买完步兵盔甲到辽查给通计召买等费共用银六十四万五千两臣惟本部能调兵不能处饷相应令各省抚按于该地方原奉旨留税银及新增银内取给伏乞立赐睿断庶银有着落至若兵马瘦弱延推后期则有怠缓误事同罪之明旨在统候命下一体遵奉施行从之 封官张伦募丁输马 上命< 监-皿立>坊旌奖赐教忠劝义四字以慰劳之 户部覆总督辽饷侍郎李长庚题前事奉旨到部勘得辽左用兵据经略督饷所议盖一岁所用计饷银三百二十四万两粮一百八万石豆九十万石草二千一百六十万束皆一毫裁削不得者夫用米今议截首帮漕粮三十万在淮安山东济青登莱六府留新饷三万石在蓟密等处发银余米三十万石在南者一面复遮洋旧总繇淮安发运辽东一面如征东旧例咨浙江江西二抚各助船数十余只以广其运在北者繇津至芝麻湾抵三岔东岸此议米之大约凿凿可行者也若夫用豆今议永平召买十万石蓟州召买五万石密云召买万石天津买十万石真保等处共买十万石山东等处共买三十万石甚至不足则凑以藿米其价即以各州县新饷补之此议豆之大约凿凿可行者也至于折色饷银约用三百五十万两牛车约用一百三十万两米豆余价二百万两大率八百万今计无出不得不为多方旁采则有前饷臣阅臣科臣应行诸议在臣部将前后条款刊成书册一面颁行天下一面送入户科一面勒限考功此亦断在必行者伏乞敕下亟赐允行不报

○庚午吏部听选监生王应遴恭进地图曰都城图曰辽东图曰海运图曰奴巢图

○国子监司业署监事张鼎陈太学六论一端本二清途三慎选四严教五尊范六除习不报

○辛未以左春坊左庶子赵秉忠掌左春坊印信右春坊右庶子郑以伟掌右春坊

印信俱兼翰林院侍读

○以南京国子监司业施凤来翰林院编修成基命升左春坊左中允李光元升右春坊右中允俱兼翰林院编修

○原任右谕德薛三省引疾乞假许之

○户部尚书署吏部事李汝华言录用废弃诸臣以纾积郁不报

○壬申庆王捐禄一千两助饷

○先是枚卜之 礼部左侍郎何宗彦不与会推自吏科张延登首不画题始御史萧毅中薛敷敬左光斗李徵仪倪应眷彭际遇张新诏等交章言为士论所惜而礼科严诗教兵科薛凤翔亦屡疏相驳具如延登议以致诸臣互出疏揭蜂起争端不曰翻夏加遇之案则曰嘘邹之麟之灰不曰保以树交则曰欺君以卖直至归责于辅臣方从哲以爱惜人才以养和平之福至是辅臣亦剖白自讼以明心迹愿诸臣各捐成心共扶公道乞将前后奏章敕下部院虚心详勘分别是非俱不报 蓟辽总督文球奏重地修理城垣添设兵将 上曰山海修城添兵乃保障至计命该部议覆以闻 癸酉 起升原任山西参政陈忠爱为广西参政 降补原任江西按察使潘昞春为广东副使 升工部郎中孙枝秀知金华府 以大理寺丞陆玄锡知惠州府刑部郎中杜乔林知湖州府户部员外林光庭知武昌府 以三载考满给通政使姚思仁诰命

○兵部尚书黄嘉善题准宣府巡抚右佥都御史赵士愕揭照宣军鼓噪除总兵刘孔胤默授意旨已经逮问然就中鼓煽不无渠魁因廉其首恶如梁国忠田哑光赤子李忠亦束太等四名首先倡乱亟应梟示续后又有张官贾三常三元刘应必刘纪白钦武之安许守辽郑玉等九名聚众一二百人攘臂噪呼乘机抢掳内冯国成一名当援兵正发提身拦阻勒领月粮倡众呐喊俱即擒获未及驰报然皆系鼓噪余恶并应究罪又如正名兵营左哨千总方裕仓阿承主帅愚惑众军夜半出入幕府同谋可知及查首恶四人尽属左哨尤足为倡乱左券亟应拏问正法者也国操坐营高范虽不与闻不早发觉致酿祸阶责自难诿并应议处罚俸一年者也经会同总督宣大右都御史吴崇礼合词题请既经题参合词题请前来相应据揭拟罪合候命下如律施行从之 巡按山东御史陈王庭题自开铁没后入辽兵丁仅一万一千七百有奇连前在辽兵数大抵不踰七万用固边围尚虞不敷欲东西策应援防朝鲜此必不可几之势也顷据报十一月十四日东夷六万进龙潭口十六日往开铁驮运粮运二十四日报虏五万屯养膳木二十日报围宋家泊堡经臣飞檄河西总兵李况荣设防穆家堡复移援辽总兵李怀信贺世贤屯兵首山烟台诸处再遣裨将赵率教祖天寿刘恩等往掇泛懿此顾彼失左支右撑十二月初三日据副将鲍承光捉获奸细薛上民供称在奴酋头目鉄天飞部下进墙打听内里兵马要在明年正月入犯又称李永芳亦云犯抢等情往□九□日□奸细之言历历不爽凡题过兵马岁内尽数渡辽尚恐缓不济事若听其延挨日时误辽误国谁执其咎据经臣疏中条议该一十八万之数较之征播事例用兵四十八万者已存乎见少且

并此不能足额危疆其何赖焉伏乞 皇上立敕兵部凡在一十八万之内已经调遣者星夜催趲出关未经徵发者作何筹画区处速护辽阳毋俟夷虏勾合而始为临渴掘井之计奉旨据奏奴酋入犯情形甚确已调兵马着星夜催趲出关未调者作速区处毋致后期误事章下兵部 甲戌 上谕辅臣曰卿所请简用阁臣及诸事朕因前中暑伤脾不时腹痛又目疾未愈见在调摄俟朕查简即发行卿赞襄政几公忠廉慎朕所鉴知今时事孔棘边事正殷东事未宁望卿分猷佐理弘济时艰何万忽然求去卿安心乎否乎卿当以国事为重宜遵旨即出入阁办事慎勿再陈特谕卿知 翰林院修撰钱士升简讨孟绍虞各以疾请假许之 乙亥大学士方从哲题岁华将易朝政已宜更恳乞 圣明乘时励精下阁臣补大僚允考选批发一切章奏以慰人心以维国运不报 礼部题今岁自今日抵除夕不过五日旦暮禁封穷于岁矣典礼寝合穷于务矣堂属星辰穷于官矣 皇上恻财而转恻宦恻宦而并至恻印恻之一字酿祸无穷若本部其一耳伏乞矜赐批发固完封印开印之局不至祖宗二百年以来之<□□矢见>陨越于今日也不报 丙子 荫故大学士沈一贯次男大涿为中书舍人 顺义王卜石兔等补进四十三年至四十六年应贡鞍马弓矢 上命遣官赴边宴赏 顺义县 原任蓬莱县县丞杨惟孝捐银一千一百两助饷诏赐建坊旌表 吏部题岁运又见更新诸臣必难再候乞允考选散馆以完七年未了之局不报 丁丑 大学士方从哲题臣为阁臣一事年来竭诚恳请 圣 钦点之后又逾五月疏凡数十上今岁云暮矣伏乞立赐允行以光新政留中 戊寅 以祭告 太庙 祧庙收回脯醢果酒颁赐辅臣三卓 升户部员外吴廷燦知江西南安府 己卯 岁暮行 太裕礼于 太庙并祭 太岁 月将五祀之神 承天门外祭 旗纛之神 总督河道王佐引疾乞休不升广西右布政刘九光为云南左布政 大学士方从哲题臣自十一月以来始因人言继因身病乞休之疏先后八上自谓决无再出之理矣 皇上未即斥臣且屡旨留臣兼以新臣之命迄今未下臣既不能脱然径去又岂能晏然苟安臣谨力疾仍日赴文华门恭候票拟并候简用阁臣之旨其应补官员应行诸事应发奏章容臣陆续催请倘得 天牖 宸衷自今四十八年一返万历初年之盛治此实 祖宗臣民之福也不报 上谕辅臣曰卿屡请简用阁臣悉已鉴知朕因中暑伤脾见在调摄屡有明谕各项文书浩烦日逐查简卿宜遵 旨静候不必躁急且近因科道各官逞臆分争渎扰俟查简出即发行虏警危急岂宜高蹈规避之时可速出视事共济时艰况元旦在迩卿为元臣岂可久延私寓君臣大义谓何着鸿胪寺堂上官宣谕朕意卿宜仰遵明旨勉出入阁赞理特谕卿知

明神宗显皇帝实录卷之五百九十

万历四十八年正月庚辰朔正旦节免朝贺

○大学士方从哲谒仁德门叩祝 圣寿赐上尊珍饌

○是日 上赦出系狱御史刘光复为民有旨谕辅臣曰朕以御史刘光复在于圣母几筵前高声狂吠震惊 圣母灵位大不敬无人臣礼故置之于法前 圣母祔庙

电冯怒乃罪首杨镐逮而不诛则失断宽罢李维翰则失平置贪险愷怯之李如柏李如楨郑之范等任其弃城不问则失律伏乞尽下法官使失入者出之失出者入之则薄海内外既感恩波之浩荡又凛国法之严明即绵 圣历于千万<□□ 衲 冀>矣留中

○丁亥以上元节放百官假十日

○戊子薊辽总督文球条奏援辽兵士每兵四名宜添驮马一匹每匹给价银十两中有六便有驮马以载盔甲而正马得

\$\$\$\$-11307-&&&&

以休息便一盔甲亦不至损坏便二驿递得以稍苏便三装运不至后期便四正马或有倒毙即以驮马代之便五辽左正苦无马借以收多马之用便六 上命兵部作速议覆

○己丑户科给事中李奇珍言东氛未靖转饷正殷水运必须船募造于他属不若募造于淮之便以淮之舟楫辐辏工料鳞集也召募当先尽沙船制造另委府佐以董其事其治事之有司仍稽能否以定赏罚陆运必须车辽之运饷则牛车居多顾民之所赖以耕者惟牛今自畿辅以及河南山东山西无不加派牛只是既已厚责其措饷又欲并夺其农业民其奚堪而牛复不能致远亦何益于运事或又议牛骡并买惟随州县之便亦须按其上俗必牛堪远到者始可责其牛骡并买若损民间之耕业以供沿途之倒毙则不若徵骡于远而置牛于近者于陆运为有

\$\$\$\$-11308-&&&&

济也又言调兵出关者应敕督兵验发有不堪者应时汰革如兵足而饷不给则罪治饷者饷给而兵不堪则罪治兵者<□□ 铤-金 >留中

○庚寅 考恪皇后忌辰遣官祭 永陵

○壬辰大学士方从哲奏都察院署印无人百务俱废其巡漕一差视往岁已迟数月尚未注题僎运后期数百万军饷何由得达京师此国家根本至计不容视为缓图乞将尚书张问达辞本发臣票拟促令到任管事速题漕差国计幸甚不报

○癸巳先是兵部尚书黄嘉善以人言求去不允拟遵屡旨视事而言者再至复具<□□ 铤-金 >恳词乞休 上赐谕曰今辽左虏患方殷用兵之际本兵居中调度职任封疆岂可因人言卸肩<□□ 矢见>避坚欲求去大义安在且调兵募兵事未结局著遵奉屡旨即出任事不准辞故谕

○兵部覆薊辽总督汪可受议增设关南海口关外罗城地方守备

\$\$\$\$-11309-&&&&

二员以千总阎辅署镇抚李茂春俱量升指挥僉事职衔管守备事务从之

○甲午升浙江参政萧丁泰为陕西按察使饶州知府吴瑞徵为河南副使

○丙申 英宗睿皇帝忌辰遣定西侯蒋惟恭祭 裕陵

○大学士方从哲奏臣于岁里以阁臣一事连章祈请蒙 圣谕令臣静俟许以查

简发行臣仰遵明命不敢再渎自元旦庆贺之后又逾半月而俞旨杳然不知 皇上果忘之耶抑以事属可缓而姑置之耶从来阁臣未有一人独任至六七年之久者此即贤者且不可而况不肖如臣即太平无事之时且不可而况多事如今日乎迩来朝政不行官僚多缺民穷财尽夷虜凭陵危乱之形识者咸为□□稟□□稟臣以孑然一身当此天怒人怨之际殫精竭力支吾不前 皇上又不速简忠贤俾之协力匡扶任其颠危狼狽而不为之所臣不足惜

\$\$\$\$-11310-&&&&

也其误天下国家之事不已多乎乞怜臣困迫之情亟下二臣之命以救一时之厄慰天下仰望之心不报

○丁酉吏科给事中张延登以两<□□ 铨-金 >请告俱未蒙俞旨惧以杜门旷职拜<□□ 铨-金 >出城因自劾擅去之罪并举官应震暴谦贞以代补吏垣<□□ 铨-金 >留中

○庚子大学士方从哲言臣以不才叨居政地天下事无一非臣之责天下之人亦无一事不责望于臣顾臣所可自尽者止此一心所凭者止此几行<□□ 铨-金 >揭若心已尽矣词已穷矣而 皇上终不见听不知此外更有何术可以悟 主心而回天听耶今国势倾危人心怨愤夷虜之祸近在目前 皇上方且晏然深居务与臣下相隔绝若谓天下无一人足信无一事可忧举天灾时变夷狄盗贼无一足为吾难者岂不危哉连日中使口传谕旨谓文书简出即行前阁臣之本已蒙钦点必无查简不出 \$\$\$\$-11311-&&&&

之理而近日会推大僚巡抚及催请科道之<□□ 铨-金 >俱在御前又何俟于查简耶奋 乾断以慰人心惟在今日臣敢不厌烦渎再请万惟 圣明留心省察 上曰卿览卿奏所请简任阁臣及大僚等官并署印诸事朕未尝不轸念于衷屡谕明白候朕查简陆续发行卿宜静俟勿得过为躁急今夷虜合谋东事孔棘赖卿居中运筹弘猷匡赞岂可自生疑畏以萌去念宜安心辅理

○朝鲜国王李暉<□□ 铨-金 >奏据自虜逃回人供称建州兵八月中攻破北关金台石自焚白羊古出降先是铁岭之战有蒙古酋胡宰赛助兵 天朝亦被建州兵灭虜十月中建州令其婿好好里于斗等问鲜国降将俺欲通两家和好恨朝鲜不肯听从又其部下胡人传说建州父子共议曰朝鲜北关宰赛皆助兵南朝今北关及宰赛皆已破灭惟朝鲜尚在不可置朝鲜于后而先犯

\$\$\$\$-11312-&&&&

辽东又闻密议于迤东牛毛寨万遮岭多遣兵马防守仍造作攻城长梯各胡仍说今冬不抢辽东先向宽奠镇江等处臣惟建州敢讐 天朝藐视小邦先通书肆其骄喝小邦既不能斩使焚书姑令边臣答谕厥后伊又送凶书悖逆狂戾有不忍言兹者恶稔滋张哄胁愈甚既陷开铁旋吞金白专觊辽阳而或虑小邦掣其后必欲先事蹂躏今据

○廷弼又奏臣讨盔甲火器铅铁硝磺等项蒙 皇上慨赐给发委运到关转运辽阳收贮以三军赤体空拳之时一旦得此壮军容而助敌忾臣不敢为残辽数十万生灵代叩

\$\$\$\$-11316-\$\$\$

天恩乃中外效劳各官如科臣祝耀祖御史俞海刑部员外冯时行工部主事孙际可虞衡司郎中戴士杰盔甲厂主事何玉成验试厅主事刘之柱节慎库主事华颜以及永平道臣袁应泰相应敕部纪录以为勤事者之劝又言奴贼战法死兵在前锐兵在后死兵披重甲骑双马冲前前虽死而后乃复前莫敢退退则锐兵从后杀之待其冲动我阵而后锐兵始乘其胜一一效阿骨打兀术等行事与西北虏精锐居前老弱居后者不同此必非我之弓矢决骤所能抵敌也惟火器战车一法可以御之顷臣发兵将砍取木植局造双轮战车约以三四千辆为率每车议载大炮二位翼以步军十人各持火枪轮打夹运行则冲阵止以立营方为稳便及查见发大炮不及十之二三而又留为城守不得尽发军中充用欲行打造又无铁钉无匠役

\$\$\$\$-11317-\$\$\$

而时又不待伏乞亟敕该部会同巡视科道将各厂局戎政府存贮大炮查发三千位并敕蓟辽总督查发蓟昌保三镇四关各府一千五百位如数解运立等安置战车以备冲突 上以虏患方殷京师不可无备这所请大炮等炮著各衙门酌量发与

○癸卯经略熊廷弼< 疏 金 >言赞画刘国缙所募新兵共一万七千四百余名分发镇江宽奠暖阳清河诸处防守忽报清河新兵于昨冬十二月二十二二十三等日陆续尽逃讫据赶回逃军供称俱是各给免票暂借一时今闻家中差役繁苦赶回复去镇江宽奠暖阳亦有尽队而逃者存留辽城之兵合杨于渭卞为鹏所统领原兵五千余名除沙汰及逃回外止存一千余名此外尚有杨武烈所领一千五百余名曲韶所领一千七百余名旋移檄赞画往召逃兵正身皆匿不出但家属口称愿朋

\$\$\$\$-11318-\$\$\$

偿安家银两及欲另金精壮补伍皆怨詈不绝口议将南卫兵逃者责成海盖道康应乾设法调停河西兵逃者责成分巡道张凤翼多方拏解以赞画之法难行于乡里而两道之法可行于地方也至臣驭军无律之罪乞行罢斥又言惮徵调者倡以辽守辽之说以为远徵不如近募图存不必远求贵精而不贵多今其说屡试不验矣独贵精之说尚牢固不破辽阳沈阳抚顺清河暖阳宽奠镇江皆当贼一面来路不置兵无以阻其门口车入不多置兵无以当聚攻而主贵精之说势自不能分散布置必屯聚辽城一处然后可以应沈阳则百二十里应抚顺清河则二百余里应宽奠暖阳则三百余里应镇江则四百余里鞭长不及马腹如何能济况海州三岔河金复等处尚议添设以护海运以防门户则贵精不贵多之说作何铺摆如此

\$\$\$\$-11319-\$\$\$

固三镇入卫官兵共五千四百员名可暂调出关月饷安家俱从优厚其宁固二镇官兵赴经略处甘镇官兵赴抚臣处各听分拨俟六月换班之期各省镇接班兵到随发出关更代发回本镇不致淹留在辽左暂应一时之急在班军止戍入卫之期似为两便至于见到毛兵并后调募南北土汉各兵经过蓟密责成督臣勒限速发出关点验实数报部查考如领兵各官有逗遛时刻致误辽事者容臣部拏问重究从之

○升山西参政梁应泽为云南按察使贵州副使朱芹为本省参政

○庚戌兵部覆经略熊廷弼奏先是臣部与经略有添兵镇江夹鸭绿而守之议兹者贼谋逾徇非屯重兵于宽奠镇江必不可朝鲜自义州以上咸镜六镇犹足自卫而我自清叆以达岫岩迤邐而南四卫则辽阳屏蔽在焉贼窥朝鲜取道牛毛东葛等岭趋宽奠径度昌城则一江隔阻声援不及而朝鲜危不然而由宽境直入鸭绿关逾凤凰城蹂躏金盖以西则辽之局背与胸腹俱寒而辽阳亦危又不然由清叆两路奔岫岩南犯绕凤凰城而攻镇江则辽之八站与江东城俱为孤注而辽阳朝鲜又两危由斯以谈镇江横据东南之势重而扼门户以牵制其左右之冲突则宽奠尤重添设宽镇兵将已不烦再计矣而经臣苦言无兵今见报出关山西边兵一千九百余名湖广已到关土司兵二千五百余名河南见在昌津毛兵二千八百六十余名西镇入卫蓟兵除甘肃一千八百名留驻广宁仍有三千六百名共一万八百余名俱刻期可到堪分防宽镇二处又淮扬水兵一千名已报十一月由海过辽及蓟镇已题未发兵一千六百名保定已题未发兵六百名俱差官守催尽赴辽东听经略调拨领兵驻防将官听经略于见在援辽各官内选委 上以宽奠镇江添设兵将乃防援要著依议将各兵速催赴辽听经略调拨

○巡抚保定等处右佥都御史韩浚以病乞休不允

○巡抚山西右副都御史陈所学连 < 硃-金 > 乞休辞免总督粮储新命仍乞点用部推抚臣以便交代 上谕新推抚臣俟即点用陈所学俟交代后速赴新任不准辞 湖广沔阳等州京山等县地震

○辛亥改授考选进士倪启祚丁进施兆昂姚明恭侯恪张翀吴士元杨梦袞鲁时昇杨世芳顾锡畴刘宇亮金秉乾未继祚何吾驺姚希孟许可徵姜曰广杨维新陈万言丁乾学雷跃龙胡尚英为庶吉士与同一甲进士孔贞运等送翰林院进学

○工部题辽镇急需大炮合行各厂局及戎政府凑发二千位至驮运脚价则本部无此项银两 上曰大炮准给发脚价著作速区处毋得迟缓误事

○升贵州新添参将龙万化为副总兵管湖广黎平参将事南赣参将崔天赐为广东惠州陆路参将福建游击吴江龙为广西浔梧参将

○癸丑大学士方从哲言提学御史李徵仪吏科给事中张延登俱以求去不得先后出城沿途候旨臣不胜惊异夫二臣以枚卜之故与诸臣彼此互争 < 硃-金 > 揭纷然其势不得不去然 明旨未下自宜杜门静听况一司文衡一掌吏垣责任何等重大而可径情若此 皇上若听其自去不行裁断将来效尤何所底止谓宜敕下该部处

分又今日朝端不静只因枚卜之旨日久不下以致人情观望议论横生国体滋伤时事大坏乞并将会推阁臣之本立刻批发庶爰立既定群疑自消不报

○是日午时日生交晕如连环下生背气一道黄白色左右生戟气青赤色白虹弥天各鲜明良久散

○升刑部郎中曾道唯为湖广右参政四川参政闵梦得为陕西按察使广东琼州知府欧阳灿为山东盐运司副使

○甲寅祭 三皇于 景惠殿遣礼部右侍郎孙如游行礼

○乙卯兵部尚书黄嘉善覆奏经略熊廷弼巡按陈王庭交章谓辽人不足恃援兵不当缓是已夫各边健儿岂其借材于异域辽于九边处一焉其不可为兵然乎否乎且强弱何常之有忘战则弱习战则强西北警报不时故衽革枕戈人有斗志辽之被祸三年于兹矣目惨心伤谁无丘陇室庐交刃死拱手死死一也同有血气共此心知其终不可为兵然乎否乎由先时教练无方临时联属无术统兵官熊锦等不得辞责则将领可议也赞画列衔部司顾名责实原以佐帷幄之筹耳号召之初激以义气一呼云集然地方未任之责事权不在其握其来之未谓非赞画之功去之未可径谓赞画之罪设法还伍道臣在焉则责成当慎也海盖金复岫岩三岔河一带地既需守兵难卒调募本处之民团练本地当无所逃况就彼团练可以护粮可以转饷可以省费则更调宜讲也若曰逃去之数皆为虚数另调边兵以充之臣部即甘受其考成而敢予各边以口实哉 上谕这所奏招集逃兵及议将领等事俱依拟

○丙辰 上遣文书官以 圣体自入春以来动火眩晕及目疾脾胃诸证宣示辅臣谕以所奏各项章< 硃-金 >见今查简俟即详览发行辅臣方从哲奏并以珍摄圣躬简发章奏为请

○丁巳 考定皇后忌辰遣武清侯李诚铭祭 昭陵

○致祭 先师孔子遣礼部右侍郎韩爌行礼

○大学士方从哲言奴氛益炽我兵屡逃此时鼓军心以作锐气惟经略一人是赖非藉 天语慰劳廷弼亦何所藉以施其招徕驾馭之术乞将臣原拟敕稿发誊并钦定银两数目使两部凑处作速赍解是拯救危辽之急著也若少詹事徐光启既付以练军之任乃敕书未发受事无期今山狭民兵已到者见在通州昌平等处不惟虚糜粮饷而约束无人不免散处为地方扰未得其力先受其害岂计之得者乞速给光启敕书俾训练新兵以资防御亦固本销萌之要务也不报

○戊午 孝贞纯皇后忌辰遣豊润伯曹以忠祭 茂陵

○祭 太社 太稷遣驸马万炜行礼 ○大学士方从哲奏昨初五日日生交晕背气戟气一时并见占者以为背叛乖离戈戟相伤之象人心皇皇皆以东事为忧皇上于此宜何如恐惧修省乃屡蒙传示皆云 圣躬不安见在调摄若惟恐臣下有所祈请故先为是以阻止之不思臣下之奏请即可少缓而朝廷之机务岂容久停边方之

警报岂容暂止万一辽左有事虏骑长驱奄至阙下彼时亦将称疾以拒之乎惟望择日御文华殿召见文武群臣令各摠所见详陈御虏方略简发吏部推官各本大僚巡抚科道各官及都察院题差尽赐允用庶几人心可慰天变可回修内治以御外侮或者犹可补救于万一不报

○己未工部奏专督粮饷侍郎李长庚咨造船银一十三万五千两出之工部又山东巡抚王在晋巡按陈王庭议山东买豆三十万用船六千只责工部造办本司一岁入不足供出两处造船料价约一百余万计惟有催并南直节年逋负料价或可少济万一顾有司于考成之外视为泛常若不差官守督终为画饼议差员外郎程嘉宾请敕前往督催将南直逋银自三十五年起至四十七年止逐一清查数目移咨该省抚院及咨都察院转行各该巡按御史备行所属道府州县除一切题留蠲免外其余照数勒限严催解部济用从之

○升大同副总兵周有道为神机营左副将狼山副总兵杨应春为神枢营右副将大同中路参将许世臣为宣府副总兵宣府南山参将刘国镛为甘肃西宁副总兵原任湖广都司金书顾景元为倒马关参将蓟镇松棚路游击孙祖寿为燕河路参将宁夏中军苟伏威为甘肃庄浪参将济宁游击蔡光崇为福建水标游击湖广中军江之清为四川建武游击

○辛酉大小九卿各官诣文华门同上公< 〇〇〇 毓-金 >请临朝用人二事随诣思善门候旨

○大学士方从哲奏自有辽难以来在廷诸臣请视朝者屡矣而 皇上卒靳于一出以致人心怠玩边患日深匪藉 圣天子威灵赫然奋发必无以鼓积衰之气耸中外之心则临朝召对使诸臣面陈方略以制胜于庙堂今日最不容缓者国家多难所恃以分猷宣力者惟是股肱耳目之臣今大小九卿或止七八人或止十数人六科五六人御史除奉差外不过十人而考选散馆见在候命者又未得一时并用猝有缓急所为备任使资折冲者谁乎嘉靖庚戌虏薄都城遣大臣坐门防守台臣分布巡察今寥寥几人可备此数否乎则亟点大僚科道及各处巡抚又今日最不容缓者诸臣目击时事忧切于中不得已为叩阁之请伏望 皇上察其爱君忧国之诚俯垂听纳将吏部开具职名本发臣票拟立赐允用更望择日出御文华殿以慰臣民仰望之心 宗社幸甚 上遣内使传旨览卿等所请诸事具见忠爱朕前因中暑伤脾又患目疾足痛昨入春以来又发眩晕其各项文书繁多日每查简俟简出何项文书即发何项文书卿且回内阁候旨仍传与大小九卿各官俱著回原衙门办事毋得再有渎扰

○壬戌升万全都司薛来胤为宣府龙门参将

○癸亥大学士方从哲奏先是礼部印信该臣拟右侍郎孙如游署掌屡经催请未蒙批发今如游有请告一< 〇〇〇 毓-金 >盖亦不得其志则去之意乞将此本发交令其署掌管事庶代摄有人典礼不废不报

讳者辽东向来文骄恣而武贪懦下懒傲而上纵狗全被一宽字所坏一事不作冀人悦已安静一法不行冀人感已仁慈一人不处冀人诵已宽大本市德避怨而藉口收拾皆庇贪容懦而托辞联属大家做情了套谁肯认真上紧为地方干事而苟有其人者出又从而忌之诋之弄肘足以排之布蜚语以败之致事事坏而处处坏将一完全辽东失陷半个而今尚可不认真不上紧再将此半失陷为 皇上忧乎缺兵将催兵部徵调而慢不为意乏粮催户部处办而慢不为意兵弱马羸催各省镇拣发精壮而慢不为意犹谓地远情疏乃地方官亦然贼方收粮运窖开局治械空壕树栅秣马励兵我惟悠悠怡处事事让贼人人怕贼每一事公移私割千言万语不得不厉此其严在急公有募兵倚庇部道而违将官约束者有采草砍木抗令擅回者有捉马成群逃脱者有棍弁浊乱营伍者有衙蠹索钱沉压合营马匹至两月不与草料者以至剥军倒马玩法坏事之类不可胜数臣知之安得不问处之安得不重此其严在执法即地方官嗔其太逼怨其无情觖望抵牾臣不顾也即另立议论沮惑众心臣不顾也对面弗言而私禀各院地方弗言而布散长安以伸已说彰臣谬亦弗顾也恃 皇上独知于其上阁部诸臣协助于其下也乃部臣亦为此说以佐之臣复何恃哉臣于部道镇将固欢然相得操急纵舍颠倒互用实非专主于严也今坐定一严字以生见在者之心且使四方调补者皆疑畏不敢进臣即欲尽变其急公执法之念以收拾联属之亦何可得去秋辽阳朝不保夕臣为 皇上竭力死守今已半年无事臣虽不敢言劳然亦未尝有罪今臣急公而人以私抗执法而人以情挠言虏难支而人云无妨言兵要多而人云将足言兵将难用而人云兵好将好总谓臣不能宽容而善用之使恶严乐宽者皆喜其说而丛怨于臣之一身不但他日贼来臣之法令决不能行于诸将而中间借事摇动时相鼓煽且更有不忍言者乞 皇上罢臣别选贤能早来收拾联属毋徒以臣实部臣之言而重残辽之后祸 上曰辽事败坏皆地方官玩愒所致熊廷弼一意振刷恢复封疆朕深切倚赖今夷情甚急岂经略释肩之时自弃前功著益弹忠任事与诸臣协心共济毋为人言所阻

○癸酉兵部覆陕西巡抚李起元奏领兵把总吕秉忠张道行单养心张< 梃心 >赏王应武所过残害乞将各原统民兵归并委官王翰等管领吕秉忠等五员扭锁递解前来听查照抄单究问如律仍乞严谕中外俾知警惕得旨吕秉忠等著解回究问以后领兵官有违禁骚扰的都著严拏治罪

○升户部郎中李乃兰为辽东东宁道兵备参议常德府知府张师绎为浙江副使

○甲戌遣总督仓场尚书张问达祭京都 太仓之神

○遣顺天府官祭宋丞相文天祥

○升文选司主事田仰为四川佥事工科给事中祝耀祖为山西佥事云南道御史俞海为湖广参政福建道御史杨州鹤为山西参政

○耿马安抚司土官罕们金差官吴金印等来朝贡方物宴赏如例

○丙子大学士方从哲奏礼部印信自何宗彦去后无人署掌今四个月矣百事废

久沧桑已变豪右既擅为耕艺之常官司复利其租税之入遂至不可问亦不肯问矣漕臣建议欲得任怨任劳之人担当清查循故道而复旧规于以济漕河之穷诚为有见应敕总河臣严督各司道并力查复勿阻于雌黄之浮言务求臻黑白之实效效则破格优处不则无功议罚一卫河之< 〇〇〇 毓-金 >浚当议谓卫河乃小滩运道益以漳流始大自漳河北徙遂多壅遏之患曾经道臣翟师雍查勘欲于临漳淤口起至小滩镇止约长二百余里大加挑浚于近口处所筑一横堤以障北流使归故道然费至万金工亦匪易且大名临清亦有受漳流之患者似难轻易惟小丹河自清化镇起至合河镇止泉流可以济运议欲挑浚深阔费仅千金较之障漳北流为力甚易为费甚省宜敕总河臣行委山东河南两道臣会议举行而处办钱粮则听总河主待 上命俱依议行

○升广东都司佾书方仪凤为广西掌印都司神枢十营佐击林兆鼎为四川掌印都司扬州守备高应登为中都留守佾书鄱阳守备孟应聘为广东都司佾书大同浑源城守备翟从义为万全都司佾书

○甲申署刑部事户部尚书张问达等奏先该经略熊廷弼题为申明守备不设律例奉旨该部会议具奏看得守巡官以兵备为名则救宁疆圉岂异人任若平日不能选将练兵临变不能督战尽力城寨陷没犹卸担将帅以自宽则敕书责成谓何若仅仅以一为民了事则全躯保妻子之臣安往而不规避哉今查照得嘉靖二十九年旧刻续题条例守巡兵备官驻劄该城致有失陷者照旧例充军原无定驻至是遥制失陷者照旧例为民其被贼侵入境内掳掠人民不致失陷即系驻劄处所降三级调用至于条例一定法在必行凡有边方失事应遣戍者必遣戍应为民者必为民应降级者必降级朝无错贷之法自人有效死之忠肃军令而伸国威所系非渺小矣 上曰这律例既会议归一著著为令永远遵行

○调大同西路参将赵世相为神枢二营练勇参将 ○丙戌兵部左侍郎杨应聘卒应聘字行可直隶怀远县人登万历癸未科进士初任浙江乌程令擢补兵部车驾司主事历武库职方郎中会倭倭播相继就平以叙功三膺钦赏寻升光禄卿再晋太仆卿奉命升都察院右佾都御史巡抚宁夏秩满晋右副都巡抚如故遂升兵部左侍郎总督陕西三边时套酋吉能银歹等部落数为边患前后抚按官叙其制胜斩获功无虑十余< 〇〇〇 毓-金 >值东事孔棘命以兵部左侍郎回理部事莅任六阅月竟卒京邸时三品俸已逾期未及考绩兵部以恤典为请诏赠兵部尚书给诰命荫子照例予祭一坛全葬仍加祭一坛复遣官治窆窆盖异数也 ○戊子大学士方从哲奏目前时政惟用人第一义而吏部尚书则用人之人也往时有缺即补不令人代署今则并代署之人亦无有矣李汝华已封印恳辞而所推尚书周嘉谟黄克缙俱见在班行但一点用便可朝受命而夕任事况辽东三道并缺需补甚急则点冢卿以主推补诚今日不容缓者不报

○兵部尚书黄嘉善言辽自三路败创开铁继陷文武将吏陨命者不下三四百员

军丁亦不下四五万人 去年本部与礼部各具题咨行彼中查勘至今未报 顾死等耳 有阵前立有奇功 后死者有擒斩贼级为首 死者有止冲锋未有奇功 死者有不系冲锋 临难死耳 有当阵带重伤回营死者 所据彼中 < 〇〇〇 铕-金 > 报仓卒未详 各妻子兄弟控陈互异 臣部不凭经督抚按之勘实 则赠荫难议 礼部不凭赠荫等级 则祭葬谥祠难议 至阵亡军丁 臣部比因姓名未确 题行各省镇 仍概给贍家 俟勘明 优恤日停止 亦应一并速勘 蚤结前局 伏乞敕下 臣部再移咨 彼处各衙门 将三路及开原铁岭 阵亡官军 并清河一案 作速查勘 明白具奏 请旨下部 以凭覆议 慰忠魂而振士气 在此举矣 上以阵亡官军 久未恤录 何以慰彼忠魂 著再行各衙门 作速查勘 具奏

○己丑兵部奏 该山西巡抚陈所学 题称自援辽以来 七次调募 除民兵三千四百外 去过边兵八千三百余名 买解过马一万九百余匹 又奉旨再募 马兵四千名 驼马四千八百匹 乞念荒塞凋疲 照大同四千例 酌减二千 臣部查大同宣府 原未题减 事临危急 万难再计 合仍行山西抚臣 先募二千 改限四月内 出关嗣募二千 随后督发 务在济事 从之

○巡抚延绥董国光 奏延镇兵马 虚负劲名 臣承乏以来 核军数 马查点 甲仗件件 废弛 况前后徵调 已空 今该部不允请减 又责调边兵 五千 臣智尽能索 终难仰副 况建夷固云 炽张套虏 亦非弱 缓选一材 官健丁 调去得一壮马 器械又调去 万一套虏 有变如何 截堵防御 岂可更以绥为辽之绩乎 至是臣安能以援辽 自解 乞将臣罢斥 另选贤能以代 兹任 上命董国光 照旧供职 所调边兵 著该部酌议 具奏

○庚寅以军兴 诸费不足 命各省直 田地每亩 再加派二厘 以敷兵工 二部之用 从户部等衙门议也

○户科给事中 官应震 上言 科额原该 半百 科臣见仅 五人在 治古之世 师口目 穴八夕 口蒙瞽 得献忠 益言无 专官 岂其 今日 乃并言 官而空 之迩来 日生 珥月 犯房 神口 吐火 狂风 晦昼 所宜 下明 诏求 直言 者不知 何如 急切 乃不 惟不求 言而 并废 言之 官非 所以 警天 戒杜 灾祲 也人 臣展 采错 事精 专则 勤敏 而有 功 驰鹜 则 庞褻 而寡 效 今六 垣中 往往 一人 而兼 数事 方员 并画 顾此 失彼 非所以 程劳 勩集 事功 也况 臣等 久任 者望 云于 舍空 怀菽 水之恩 未任 者索 米长 安谁 问桂 珠之苦 非所以 恤下 私联 众志 也自行 取改 而拟 部拟 部改 而题 留已 极为 变局 乃浸 寻而 至于 借差 取旨 又变 之变 也纵 诸臣 被荣 命而 反觉 风霆 欠励 雨露 无恩 非所以 揽 乾纲 普德 意也 奴计 叵测 时刻 当防 顾外 之防御 在边 臣而 内之 佐未 议者 在廷 臣乃 多一 人则 多一 人之 智识 采菲 择莩 岂异 人任 今寥 落乃 尔非 所以 周庙 筭济 时艰 也目前 若考 选候 补并 散馆 诸臣 急宜 任用 至癸 丑咨 之以 剪桐 行丙 辰咨 之以 予假 去者 并敕 还朝 惟 圣明 省览 施行 言路 幸甚 < 〇〇〇 铕-金 > 留中

○壬辰 武宗毅皇帝 忌辰 遣阳武侯 薛濂 祭 康陵

○经略熊廷弼 以粮草罄竭 < 〇〇〇 铕-金 > 请催发接济 上曰 该镇粮草 罄尽 军

○初广东钦州被劫按臣王以宁将失事官知府涂巍等重拟得旨著行勘处接任巡按王命璇再勘具奏言各贼劫赃有据则诸将非妄杀无功坐营都司张国威兵过古森森夷坞众突射各兵因而格斗是谓应兵拟以擅杀罪人律亦属非纵倘削功不录又加重罪不令豪杰解体乎廉州府知府涂巍府治与钦州遥隔原非同住一城虽先未与曲突之谋后难追稽督之议职既褫革似无可加死难学正李嘉谕挺身抗敌义不避难相应优恤以鼓人心忠义之气部覆得旨依议张国威等准令照例纳赎完日张国威附过还职涂巍发落为民李嘉谕优恤

○壬寅巡按云南潘浚奏依酋兄弟相戕各勾交夷长驱广南举兵攻杀临元参将白元洁职专防交乃拥兵观望不行征剿且驭军无律纵容总哨残暴广南相应查参革任部覆将白元洁革任回卫永不叙用仍移文云南广西抚按镇道严禁交夷不许越境残扰内地如或故违听两省会议剿处令不许越境残扰内地如或故违听两省会议剿处从之

○经略熊廷弼奏贼兵压境辽城火药全焚冲碎城楼民房及死伤军民人等乞敕工部速发硝黄前来接济 上曰据报贼兵已至关口且西虏合谋入犯辽阳十分危急熊廷弼著严督诸将悉力拒堵相机截杀务要保全孤城遏其深入毋以火灾疑阻所请硝黄著该部即刻查发星夜解运以济急用该督抚官都要整饬兵马预备应援

○癸卯工部奏经略廷弼急请硝黄查有两厂造成预备细药合先发五万斤即于二十四日装载解运仍限以时日抵关所讨硝黄五十万斤随亦陆续趲运接济庶几急用有需 上是之

○科道等衙门以辽事危急恳请临朝召见群臣以口备御之策不报

○甲辰大学士方从哲以辽左夷情紧急私居病卧难安力疾趋朝入直办事奏闻

○经略熊廷弼奏据总兵贺世贤周守廉各报称达贼无数进抚顺关口下营臣已申飭各路谨备惟清暖宽奠无兵可拨即辽城已颓塌兵复怯弱除咨抚臣周永春先遣参将别镇带领甘肃青州兵马前来协力战守总兵麻承恩三岔河防援宁前副参游窦承武等兵马渐东为广宁壮势又咨督臣文球遣蓟镇惯战骁将提兵出镇前屯并催督已未出关兵将速来策应外伏乞亟敕兵部星夜马上差人分催各镇挑选精锐兵马来援其关上拣汰援兵事务或再遣科臣或即著督臣拣阅该部早宜明白议定以便责成广宁为辽阳后劲抚臣屡讨援兵最为紧急该部亟应别行徵募至于粮草缺乏以辽阳牛车未完南搬北馈不穀万兵供用并乞亟敕计臣饷臣及地方各官星夜区处接济以防内溃之变 上曰辽事益急防御救援时刻难缓近处兵将著该督抚即刻调遣策应援兵未到的都催他星夜出关就著督臣拣阅本折粮饷著内外各官遵照屡旨上紧区处接济毋致缺乏

○丙午遣太常寺官祭 东岳之神

○荫故兵部尚书董裕次孙董韶入监读书

成服 上素冠素服 皇太子 瑞王等王俱斩缞服 皇长孙诸孙及宫眷等各服其服俱诣 大行皇后宫举哀设奠奉安 梓宫设几筵安神帛立铭旌一成服日为始 上素冠素服十二日以后易浅色服视朝俱在西角门文武百官十二日内俱布帽素服 经带朝参十二日之后乌纱帽黑角带素服朝参通前二十七日而除 上御奉天门视朝服常服百官浅色服鸣钟鼓鸣鞭如常朔望日暂免 升殿一成服祭祀 上祭一坛 穆庙皇妃共祭一坛 皇贵妃等共祭一坛 皇嫔等共祭一坛 皇太子祭一坛 瑞王祭一坛 瑞王妃祭一坛 惠王祭一坛 惠王妃祭一坛 桂王祭一坛瑞安长公主祭一坛荣昌公主寿宁公主共祭一坛 皇长孙诸孙诸孙女共祭一坛六尚局共祭一坛内官内使共祭一坛内官内使共祭一坛一成服日百官各具斩缞服诣思善门桥南朝夕哭临三日各十五声而止每日早哭临毕退易素服仍入金水桥南伺候西角门行奉慰礼如前凡在衙门视事用布裹纱帽垂带素服经带麻鞋退居即服孝服通前二十七日而除一文武官员一品至三品命妇麻衣大袖圆领长衫麻布盖头清晨由西华门入思善门哭临三日而止不许戴金银首饰仍素服二十七日而除一成服日公侯驸马伯五府六部等衙门共祭一坛文武三品以上命妇共祭一坛一每七百日 上祭一坛 穆庙 皇妃共祭一坛 皇贵妃等共祭一坛 皇嫔等共祭一坛 皇太子祭一坛 瑞王祭一坛 瑞王妃祭一坛 惠王祭一坛 惠王妃祭一坛 桂王祭一坛瑞安长公主祭一坛荣昌公主寿宁公主共祭一坛 皇长孙诸孙诸孙女共祭一坛六尚局共祭一坛内官内使共祭一坛一在京诸寺观各声钟三万杵一在京以闻丧日为始禁屠宰七日一祭祀翰林院撰祭文光禄寺备办祭品一军民素服妇人素服不妆饰俱以闻丧日为始二十七日而除一听选官办事官监生吏典僧道坊厢人等闻丧即易素服次日至第三日皆清晨赴顺天府朝阙设香案哭临至第四日官各具斩缞服监生人等素服朝夕哭临三日各十五举声而止仍各素服通前二十七日而除一各王府南京浙江等十三省布政司及直隶府分请敕本部差官讣告一在外诸王世子郡王王妃郡主以下闻讣皆哭尽哀行五拜三叩头礼毕易素服第四日服斩缞服二十七日而除一在外文武官员人等闻讣日素服乌纱帽黑角带于本衙门宿歇不饮酒食肉次日各具斩缞服率官僚人等于衙门朝阙设香案朝夕哭临三日各十五声而止自是素服通前二十七日而除军民服女止素服十三日 梓宫未发南京堂上官及朝鲜差陪臣进香服制虽满仍缞服行礼鸿胪寺引从西华门入陪臣缞服工部制给诏如拟

○乙卯礼部进易服仪注十二日以后 上位释素服易黑翼善冠浅淡色服黑犀带御文华门视事鸣钟鼓文武百官素服乌纱帽黑角带皂靴朝参其在衙门办事仍用素服布裹纱帽垂带腰经麻鞋至二十七日而除 皇太子 瑞王等王二十七日以后凡问安视膳诣御前俱诣乌纱翼善冠青布袍诣 大行皇后几筵前及私居仍素冠服其告葬辞 灵启奠祖奠虞祭卒哭迎主俱服缞服文武百官二十七日以后朝参服浅色衣至于各衙门办事俱乌纱帽青素服黑角带皂靴候 梓宫发引之后始服常服

○管练兵少詹事兼御史徐光启言臣奉敕练军所见士马孱弱器械朽锐部议遽责防守谨设两端以请裁断其一据今所有士众挑选分别据今所需器甲等事逐一应付竭臣之愚与将士之力著实训练庶使超距可以固守城池控扼险要必欲以摧锋克敌全恃盔甲以卫身利器以歼敌坚车巨炮以殪大队甲马以追奔逐北而今万万不可得其一愿 皇上速集廷臣议饷方略令该部悉心拒置厚给饷银以撙罗武健多发料价以广造器甲与夫车营骑营皆尽法为之训练既成以之御敌不难摧长驱之锋制狂逞之命此而不效愿甘显罚诏下部议

○丙辰命天津南兵营都司金书钱世楨以原官充练臣标下中军从练臣徐光启请也

○宁夏巡抚右金都御史臧尔劝以夙疾具< 跪 疏 - 金 >乞休 上不允

○命礼部右侍郎孙如游署掌本部印信

○丁巳大学士方从哲以 大行皇后崩逝 皇上礼服初成具揭奉慰 圣怀调摄玉体

○戊午大学士方从哲诣思善门哭临毕随诣仁德门问 圣躬安请亲至御前一睹 天颜少顷内使召入见于弘德殿御榻东向 上侧身卧从哲西向行四拜礼跪致词云 圣体违和外间不能尽知昨闻御医传示臣不胜惊惧又值 中宫皇后崩逝 圣心哀悼伏望 皇上宽慰 圣怀善加调摄以慰中外臣民之望因叩头 上云朕知道了国家多事先生可尽心辅理从哲对曰臣蒙 皇上厚恩尚可图报敢不尽力 上云朕自昨岁三月以来时常动火头目眩晕五月后又中暑湿肚腹不调呕吐几次脾胃受伤至今不时泻痢身体软弱因泻多下部肿痛难坐又湿痰流注右足痛动履不利每日文书俱朕亲览但神思恍惚眼目昏花难以细阅因目司礼内臣云都说与先生又昂首目从哲云先生试看朕容且出手腕令看从哲跪稍前仰视 圣颜果然清减因奏云皇上一身百神呵护但加意调理自然万安又云如今辽东虏情紧急又值 皇后大礼阁中只有臣一人且十分病困实难支持望 皇上将已点二臣即赐简用 上云辽东的事只因文武不和以致如此阁臣本已批了因朕寿节文书多不知安在何处待查出即发从哲又奏云简用阁臣乃今日第一要务望 皇上早赐查发 上云待朕体稍安即行从哲叩头谢又云见今大僚科道缺乏至极当时多事之时望 皇上即赐补用 上云知道了待朕稍愈即为简发先生可回阁办事尽心辅理不要推诿从哲复申前请上即闭目就枕犹微云知道了从哲叩头而出时 上自言病状甚悉语多不能尽忆又上患耳痛日久闻方从哲对语每回顾左右令其覆奏云

○己未 上以辅臣方从哲两次具揭恭慰又进内面见嘉其忠诚至意遣内使奖劳因赐 圣谕一封曰朕览卿奏慰抑情节哀具见忠爱朕思中宫皇后侍奉勤敏与朕同食息起居不意因虚劳年久服药不效遽尔崩逝朕心伤悼深切前疾未愈所有各项文书尚未详览所奏知道了特谕卿知 庚申 孝懿庄皇后忌辰遣官祭 昭陵

○辛酉大学士方从哲以 上面俞简用阁臣复申前请不报

○壬戌礼部请举行 大行皇后册谥 上曰皇后配朕有年赞襄功茂宜有称谥以昭后世著侯制谕行

○癸亥廷试天下贡士一千二百五十四名

○乙丑大学士方从哲奏 大行皇后崩逝 山陵事极重大礼部以 孝烈皇后近例为请臣查 世庙实录嘉靖七年 孝洁皇后崩于时 山陵未建故另择 陵地于 天寿山祔儿峪嘉靖二十六年 孝烈皇后崩逝预造 陵工已完遂安葬玄宫定名 永陵不复另择此虽 皇祖亲出宸断实与洪武十五年 孝慈皇后先葬 孝陵永乐十一年 仁孝皇后先葬 长陵之例先后吻合今我 皇上笃念中宫礼从优厚于该部所请 孝烈皇后之例似当允行惟是事关大典非臣下所敢轻议伏乞 圣明裁定

○丙寅大学士方从哲奏吏部自李汝华辞印诸务尽皆停阁今辽左三道并缺急宜推补三月升选教职急宜补行而四月急大选又已届期岂容迟误则点用尚书诚万分紧要事岂可视为泛常不理或令侍郎史继偕暂摄以了目前急务亦一时权宜之计总乞 圣裁不报

○先是湖广永顺土司彭元锦闻援辽调兵三千以为不足立功愿以万兵往朝廷嘉其忠义加升都督僉事锡以飞鱼服色既而部檄调兵八千仅以三千塞贵又上 < 硃-金 > 称病不行该省巡抚徐兆魁特 < 硃-金 > 劾之通政使姚思仁再为参驳事下部覆得旨责其称病不行忠义何在原调土兵姑令头目代领前去经略熊廷弼复直陈其罪言元锦本无病而托病是挠国法也刘廷藩押兵不效而又押兵是坏军法也亟移书兵部兵科责元锦以忠义勒令统兵亲来以为众土司望而不意该部参 < 硃-金 > 遂欲听其择忠勇头目代为统领以赎前愆也是遵何法哉元锦不应如此骄恣该部亦岂应如此宽假且以一司推调阻各司报效之诚一时曲徇长异时桀骜之渐臣实为朝廷惜之况土兵苗性难驯决非汉官所能管押头目所能统领即今三千已到辽阳者知州田万年老惫不能约束又不听舍把彭宗卿等约束若此后再有发遣而统领仍无主将平时问谁弹压临敌问谁调度纵使一万五千皆帖耳听调而来以此塞援辽之数则可而实用何在伏乞严敕彭元锦遴选精兵务足八千之数亲统领星夜前来毋挠法以自隳忠义 上曰彭元锦素负忠义议调援兵还著亲统赴辽毋得仍前托病取罪

○丁卯 上谕元辅朕中宫皇后配朕有年芳声令德中外仰闻方膺遐算爰尔仙逝朕追思勤敏贤淑恻悼无已昨日二七朕思所有安厝梓宫著安葬于寿宫玄宫所有合行礼仪卿可传示礼部具仪来看且先年该部具题香殿金柱稍有朽蠹便著工部作速换安修理毋得迟延故谕

○礼部进传宣册谥 制谕仪注本月二十一日早文武百官具素服乌纱帽黑角

带皂靴赴午门外礼部官于文华门候内侍官捧 制谕出礼部官至前跪受赞叩头兴捧 制谕从会极门中左门出至午门外鸿胪寺官赞行四拜礼礼部官以 制谕授鸿胪寺官百官皆跪鸿胪寺官宣读讫赞行四拜礼各退礼部官捧 制谕出至部设香案行叩头礼毕眷黄次日进缴诏如拟

○戊辰 上制谕礼部朕惟坤顺承乾离明俪照匪资淑范孰振芳猷既弘默相之功宜懋光昭之典惟我 大行皇后安贞为吉温惠有容朕昔冲年躬承 慈训爰敷求于女士用表正乎闺闱口风肇始于葛覃化行海寓明德维馨于苹藻燕及宗祊鼎飨夙隆事 两宫而尽孝震维早定育诸邸以均慈普天同戴夫母仪奕世长绵乎国脉方膺遐共享大年胡遽闵之不需耿怀悲而曷已呜呼无生不化有永惟名既懿行之匪亏洵徽音之尧嗣可无称溢以诏来兹虽云中壺之规必协外廷之论礼部其即集廷臣博议以闻钦哉故谕

○工部尚书周嘉谟以 万寿宫香殿一柱腐朽拟照南京 孝陵享殿制用大木四面环报柱即坚稳其对柱亦照样帮修费工无多匝月可完必欲另换新柱工程甚烦且日月难计 上不允命该部还同内监作速换安修理毋得延缓致误典礼责有所归

○巡抚福建王士昌举中路参将张嘉策剿寇有功以地方保留奏乞加衔久任部覆从之

○兵部覆辽东经略咨新升广宁游击梁国臣奉命已久规避不肯赴任巡抚宁夏臧尔劝咨原任横城守备鲁应熊呈称患病难痊今辽左需将方急二臣推避不前俱宜革职永不叙用梁国臣荒淫自废仍罚买马一千匹解发辽阳应用庶几一惩百警从之

○巡抚辽东周永春奏据辽东掣获奸细供称有二十余名俱李永芳差来探贺总兵兵马及经略做工如何东西二贼都在一处来往又近报奴酋已死料奴贼诡计懈我况西虏为之传播明是东西合谋辽阳自火药一焚人心惊惧原请兵十八万今仅十万分布不周况夷虏合谋共侵真是危同朝露至广宁则更可忧焉该部拨甘肃入卫兵今已赴河东广宁城中新兵除挑其不堪战者别为辘重营令管运粮草外其余新兵付总兵麻承恩训练仅仅三千耳盔甲俱无马匹尚缺此足御强寇否耶今朝端之上止知备辽东而不知备广宁西虏亦知辽东有备而广宁无备若非多添精兵臣固知其不能守也乞敕该部将臣添兵之数速为覆请调发以救危急 上曰夷虏合谋入犯情形甚真辽阳广宁俱在急危著经略督抚镇道等官竭力防御务保无虞广宁添兵著该部作速议覆

○己巳礼部以 大行皇后崩题右谕德张鼐等九员差往各省直讣告不报

○礼部进百官上谥议文仪注本月二十五日进呈册谥议文前期一日鸿胪寺官于文华门设谥议文案司礼监官同内阁礼部并班首官鸿胪寺官于文华门下丹墀内演礼是日早 上具浅色服御文华门捧谥议官立于阶之东文武百官各具素服乌纱帽黑角带皂靴诣丹墀赞行四拜礼兴礼部官出前跪奏进册谥议文奏毕复位序班二

山东布政司张恠芳往南京礼部江西布政司一面具< 〇〇〇 铨-金 >题知一面令前往报讞内工科给事中惠世扬一员候命未补照去岁题差册封之例注往山西直隶保定真定等府延庆保安二州万全都司尚在候旨既而发下差官原< 〇〇〇 铨-金 >传旨这报讞遣官另拟别衙门官去科臣著册封差用

○丁亥 大祖高皇帝忌辰 奉先殿行祭礼 ○ 大行皇后丧礼按会典有礼部请敕差官讞告之例时阁藏旧稿未载此款敕词改 世庙时 孝洁皇后 孝烈皇后崩逝俱有敕谕载在 皇明诏令礼臣以未及考究致失请敕上< 〇〇〇 铨-金 >简举辅臣方从哲亦具< 〇〇〇 铨-金 >简举仍拟敕谕一道进呈御览奏乞眷发报讞各官报可

○ 上敕谕礼部朕中宫皇后于万历四十八年四月初六日崩逝朕遵奉 祖宗旧制一切丧祭礼仪尔部里开具明白在京文武衙门各遵行外便行与各王府及在外文武衙门以闻丧之日为始哭临三日成服二十七日而除俱免进香故谕

○戊子遣太常寺官祭 都城隍之神

○大学士方从哲奏礼部差官报讞本内有科臣二员一为李奇珍闻题知次日即辞朝就道岂有令复回改差之理一为惠世扬因听补之官尚在京候旨如谓不宜遽差则但留此一员册封其余乞命前去报讞 上是之惠世扬著册封差用报讞另差别衙门官去

○己丑 仁宗昭皇后忌辰遣彭城伯张嘉猷祭 献陵

○庚寅遣太常寺官祭汉寿亭侯

○户部尚书李汝华复引疾乞休不允

○辛卯给管练军事务徐光启所请民兵军器

○调协守宣府副总兵许世臣为大同副总兵协守大同副总兵文应奎为宣府副总兵

○癸巳大学士方从哲奏近日章奏渐逋群情胥悦乃目前紧要事孰有过于铨务者昨经略熊廷弼< 〇〇〇 铨-金 >谓三道不补辽事将不可为臣连日入朝有贡生数百人以候选日久囊橐俱空向臣泣诉其困苦憔悴之状不忍见闻即此一节而铨印之不容久虚亦可见矣况今处处缺官不止辽东一镇人人守候岂止教职一行而各司俱有当行之事又不止文选一司已也柰何泄泄视之伏惟 宸断立赐施行不报

○甲午管理练军事务少詹事徐光启以川浙客兵互斗相伤旋即底定驰< 〇〇〇 铨-金 >奏闻下兵部

○石柱宣抚司统兵女官秦氏奏臣蒙 皇上加臣并子以土汉援将三品服色加臣兄弟邦屏明屏都司守备职衔一家受此鸿恩敢不捐躯图报惟是臣所将之兵止三千三十员名又自成一类恐军声不甚振欲将在川土兵三千五百余名陆续前来共成一臂之力然后请 皇上假臣战车给臣火器半步半马奇正相兼惟经臣指纵又臣土

军机之条又有枉杀贪淫之罪所当提问正法广宁坐营游击闵正官原随总兵李如楨坐视开铁之破陷反割死级以报功主帅既已议辟坐营岂得晏然所当究问重拟章下该部议将二弁行辽东巡按提问分别究拟具奏从之

○辛丑大学士方从哲再具揭候 圣躬安奏乞省思虑慎 起居以葆天和

○兵部奏援辽延绥将官袁大有领兵一千名至昌平关支行粮料草各兵约有七八百名脱逃去讷方今援兵四至正人情观望之时一处作俑效尤何极乞敕下臣部行令本官多方招集仍旧赴辽准赎前愆如不能招回别生事端并行彼处督抚镇等衙门依军法究惩仍乞严旨申飭以后各省镇督发援兵务要慎择统领将官申严军令无致中途疏虞 上曰援兵脱逃数多领兵官纪律何在袁大有着该督抚从重究处以后各省镇发兵务要慎择将领毋致疏虞

○壬寅巡抚贵州张鹤鸣疏言赤水卫白撒所乃国初创建以屏翰诸夷额设田土所军耕种办纳粮差各军因贫误将本所东山堡吴家沟等处田地受诸夷财物私为典当当时不即正买卖军屯之律耽延至今强夷遂其巧计霸占不休虽各军将典当原价退还夷众恃恶不肯退还田地即未经典当者亦公然占据改为私庄原额粮差负固不纳致寥寥孤军贻累难完祇因畏其劫杀莫敢谁何虽经本所官军控诉两院会题委官勘断而逆酋奢崇明奢寅不遵依原断处分听信权奸者务等挑拨招纳夥盗龙仲者个者拔等千房复占近城桃园堡白蜡园等处田地房屋谷粟任其焚劫若不题请会勘追断明白则白撒一所不复为黔所有而藺酋鸱张横肆于黔腹中黔抚按不得制川抚按不肯制尾大不掉恐四卫皆非黔有矣异日者川之勘官护前不勘又如川南道不勘水西故智则黔之酿祸不知所底止乞敕户兵二部移行四川贵州抚按诸臣行委两省该道亲自踏勘将永宁宣抚司奢崇明奢寅纵令恶夷及旧占新占白撒所田地勒令一一吐退给还该所各军领种占住夷民责令搬移别地其挑祸恶夷者务以安田应龙等严行重处逋欠粮差责令赔还崇明父子敢再仍前抗违不遵处断公为叛逆听臣据实参奏改土为流庶土夷知警 上命兵部知之

○癸卯 穆宗庄皇帝忌辰遣东宁伯焦梦熊祭 照陵

○乙巳大学士方从哲以铨席久虚选法都废缺人误事酿祸养乱催请点用会推尚书谒文华门具奏以闻不报

○礼部右侍郎孙如游上言窃惟徼福免祸者人情也而巧言祸福以中人心者左道也此在白莲无为等教已两经臣部具题严禁驱逐近又有红封大成等教则避白莲之名而传其钵逃无为之号而广其派四方各有教首谬称佛祖罗致门徒甚至皇都重地辄敢团坐谈经十百成群环观聚听且以进香为名踵接于路无论舆仗擅龙凤为王法所不容而旌旗蔽日金鼓喧天万一草泽奸盗或景附以潜藏奴穴细人或窜入以内应是玩视之以为缁衣黄冠之流者正酝酿之以成绿林黄巾之变者也方今天不悔祸人皆幸灾凡枵腹亡命之辈方苦栖身无处而左道适为之窟归附愈多势焰愈炽未必

无刘福通其人者生心窥伺而四海兵饷又为辽左征调殆尽诚恐变出不虞未易扑也矧值 母后梓宫指日发引都门内外倍宜周防窃计乌合匪类必有窝藏寺庙庵观更为匿奸之藪而城坊厂卫皆有诘奸之司除臣行文在京在外地方但有白莲诸教潜住即加严缉究遣金鼓旗帜等物追发营伍备用其游食僧道并窝家严逐连坐更乞 天语申饬中外臣工一体遵行庶法纪肃而人心正乱萌消而世界清矣 上是之

明神宗显皇帝实录卷之五百九十四

明神宗显皇帝实录卷之五百九十五

万历四十八年六月丁未朔九卿科道官同诣文华门上< 硃-金 >以用人行政为请不报

○ 上以 大行皇后山陵开治隧道遣侯梁世勋薛濂宋光夏孙承荫郭应麒伯刘天锡焦梦熊李守琦侯李诚铭祭告 九陵驸马侯拱宸祭告 后土尚书周嘉谟祭告 天寿山

○戊申户部尚书李汝华言援兵经过有事应到京者五日前先令千把总投文兵部兵部预咨户部以便备具关支亦止许把总等官进京众兵免入无事者官兵俱照往例径自出关行粮盐菜在所过地方衙门关支庶不致久住逗遛以滋多事 上可其奏

○经略熊廷弼奏奴贼招降榜文一纸内称后金国汗自称曰朕皆僭号也大略贼自言为天所祐中国为天所怪谕各将率城堡归降各屯堡人民纵投山海关西我兵不免随后又到不如投朕保全家室而未复有昔日宋徽宗纳辽叛臣以致天怪徽宗钦宗父子尝受些须苦难逆贼辱我 君父愤怒忧郁忽尔昏朴救治少苏因伏枕而思宋史言靖康君臣不听李纲种师道之言金兵初退遂上下相庆以为无虞曾不踰月再致金师徽钦二帝竟被驱北行自离青城用牛车载诸王后宫而徽钦顶青毡笠乘马掩面大哭曰宰相误我欧阳珣至深州城下痛哭曰朝廷为奸臣所误至此此贼榜所谓些须苦难而中华自有天地以来未有之辱也逆奴乃敢引为规例横肆凶诟虽犬羊之语不足较然以 皇上尧舜汤武之资禄位名寿之极不肯奋然用行政富国强兵而甘为逆奴所侮辱亦可以自省矣中外疏戚大小臣上托肺肝之亲寄心膂之重任股肱之责自父母祖宗以及妻子无不荣耀不能感忠奋义自矢捐糜协力同心共图殄贼致以徽钦之规例辱及 君父而自处于耿聂孙何诸人之列亦可以愧死矣史臣谓靖康始终一年中议论多变故金人尝语宋使有待汝家议论定时我已过河之语当是时庙堂之上方镇之将无可以系天下之望惟以割地请和为言未闻有能出一计与之抗者而吕中之论亦谓自女直叛盟以来战者不决于战和者不一于和至于城已破祸已至而议犹不一心犹不决稍急则恐惧而无谋稍缓则迟迟而又变其谋靖康之祸盖坐于此比之今日岂非千古之一事哉事关重大不敢不上闻谨力疾录其全词秘呈御览惟愿吾君吾相勿轻视此贼亟敕中外当事诸臣念主辱臣死之义同讐共愤早图殄灭雪此耻辱而无以靖康诸臣自待臣不胜哀恳泣望之至 上览奏谕中外臣工曰逆贼出榜招降

遛生事依议从重究处

○荫战歿总兵张承胤子德昌为榆林卫指挥僉事世袭

○巡抚保定右僉都御史韩浚复具〈□疏-金〉乞骸 上曰巡抚重任韩浚屡以病辞著吏部酌议具奏

○东昌堡备御高景和坐旷官误事革任以援辽守备杨如柏代之从巡抚周永春奏也

○乙卯九卿科道等官以前〈□疏-金〉未蒙批发复合词恳请俞旨不报

○加升广西总兵黄钺为南京左军都督府僉书兼提督浦口池河二营事务四川总兵黄守魁为南京右军都督府僉书兼提督大教场水陆二营事务俱给敕书

○丙辰经略熊廷弼奏辽阳城中独一病臣卧理乞亟补各道分理以共保危疆 上曰辽左各道缺官熊廷弼独身任事朕深切軫念原推薛国用胡嘉栋都准补用限半月赴辽各地方官将起程日期具奏开原并监军道也著作速推补

○给故左军都督府掌府事彭城伯杨世偕祭五坛妻夫人卫氏祭二坛造坟合葬

○丁巳原任贵州巡抚新升兵部右侍郎兼都察院右僉都御史总督陕西三边军务兼理粮饷张鹤鸣以衰病恳辞新命求以原官致仕 上不许命遵屡旨赴任供职

○戊午礼部题考试过岁贡生员分送南北两监读书其就教职贡生咨送吏部覆试从之

○庚申吏部文选司署郎中事陆卿荣等以铨印久封启事俱寝中外空虚可虞奏乞点用新推冢卿以〈□疏-金〉积滞 上以章付阁臣令文书官传旨见今丧礼大典未完工部事体繁多又无左右侍郎就是点下旦夕难至吏部印信故尔斟酌且著别部大臣暂署

○大学士方从哲奏适蒙 圣谕仰见慎重大礼至意查各部尚书除周嘉谟外只有戎政尚书黄克缵营务稍闲可以暂署臣未敢擅定但望 皇上仍如臣所请将正推周嘉谟即赐点用其工部事体暂令黄克缵署掌极为妥便臣谨拟两票进呈 上曰览卿所奏请点吏部尚书昨已有旨今卿拟二票朕拣一票还批在吏部原推本上方是见今简查原〈□疏-金〉出即批发行特谕卿知

○大学士方从哲又奏适接辽东巡抚塘报达贼以二万余众深入犯抢离沈阳只二十余里此时辽沈之间不知作何光景乞允经略请赏之〈□疏-金〉以鼓舞军士俾拚命杀贼实今御虏安边之急务不报

○壬戌礼部覆朝鲜国王李暉奏言该国君臣闻 天朝停宣谕之使局躄不遑宁处据其〈□疏-金〉语怨艾凄惋似谓必仍遣官宣谕而其心始安曾不思 天朝为联属小邦之举所以议遣 天朝有体恤小邦之意所以罢遣其议遣屯固非由该国请之而行其罢遣也亦非尽由陪臣阻之而止堂堂 圣朝赫赫明纶旻而行旻而止今又旻而复行非所以重 君命而耸观听也其勿遣官便 上从其议先是朝鲜告急言官

交章谓宜遣官宣慰且荐行人刘时俊才智可使宜敕遣往谕隶以水兵暂驻义州但监护朝鲜以壮彼国声援兼为辽左犄角鲜国不愿又辽中口及驻兵种种称难事遂中寝至是该国复以宣慰为请而部议竟罢遣官盖始终恤小之谊云

○礼部右侍郎孙如游奏 大行皇后梓宫发引例不出百日臣等遵例请旨行钦天监择日未蒙简发 玄宫隧道不可久洩况时当溽暑大雨时行尤为担虑乞立赐简发施行 上以玄宫并祔庙册谥等项各应用钱粮未备不便举行因切责户部将减定二分钱粮上紧办纳进库毋得迟缓

○癸亥 睿宗献皇帝忌辰 奉先殿行祭礼

○甲子协理京营戎政兵部尚书黄克缙以实历尚书俸六年再当考满引衰疾乞休 上温旨褒谕不允 丙寅遣中官祭 中霤之神

○戊辰兵部尚书黄嘉善以夷氛正炽防御宜严乞赐特旨申饬以保万全 上以双贼大举深入逼近沈阳深为可虑著各总兵官督率将士极力拒堵彼此策应务挫狂锋有观望退缩致误军机的据法处治

○兵部尚书黄嘉善条奏秋防事宜言奴酋变幻叵测或恐假道西虜出我不意泰宁朵颜福余三部虜今渐有二心及蓟镇宣大山西延绥宁夏固原各边镇情形可虞乞命各边文武将吏遵照节年题准事理参酌近日虜情一切战守机宜俱实心理如各官仍粉饰虚文怠玩废事在外听抚按官在内听本部科道指名参究 上曰这秋防事宜便行与各总督抚镇衙门严督将吏实心经理以保万全不许怠玩误事辽左夷情正急著经略督抚道镇等官相机战守悉力防御毋致疏虞

○己巳德平王庶长孙龙溪赴京具奏称庶叔翊鏞夺爵事下礼部勘议言德平王载堦原生八子存者止四子翊铖七子翊鏞铖为妾都氏所出鏞为婢王氏所出均属滥妾本部据例先已不准其请名请封后德平以四子掙报九子七子掙报十子俱称为内助王氏所生且以四子七子报物故矣不难以生作死者谓非死不能逃滥妾之实不难以长作幼者谓非幼不能托内助之名倘翊铖不死则长子之请德平必属之铖而铖竟朝露矣斯时铖实有子曰龙溪无奈九子业报幼年不便谓有子十子兄终当及无名以与孙于是长子之请不得不属之鏞矣鏞固诈死之七子本部所不许请名者何有于封即藉口听继王爵之例则自有铖子龙溪在彼何与焉其应革固不必言独龙溪不无可惜耳当时铖若仍四子之旧此时龙溪执听继之例以请自合与爵其如冒生诈死无能为之词何九子之生既不能保其不死四子之死又不能准其复生法难赏奸例不私滥则亦德平自作之孽耳龙溪情有可原越关免议德平印例应追缴 上从其议

○吏部右侍郎史继偕以廷推枚卜己首蒙钦点时纶命久稽未下户科给事中杨涟上疏劾之谓去岁殿试以庄际昌洗刮别错之卷为进呈第一实继偕以里党门墙之故违众赞成当台省交参之日铨臣阁臣认罪之时继偕竟无一言请罪是为欺罔不宜揽揆佐铨继偕 < 〇〇〇 铨-金 > 辩言际昌进呈之卷原不经臣手当其时专阅有人总裁

有人一堂传观非独臣在安得片语赞成嗣是冢臣辅臣具疏简举各引以自归又安能为之嘍嘍分过疏俱留中继偕因恳求去职疏凡三上得旨着照旧供职不准辞乃拜疏出城候旨 上曰史继偕已奉留旨如何欲效尤径去还着司务官挽留回任供职

○辛未大学士方从哲言大理寺堂官久缺顷署刑部事尚书张问达以钦恤届期因棘寺缺官不便题差屡疏上恳复属臣代为申请窃念部寺相关一切大小狱讼非大理评定则刑部无结局之期今棘门画扁案牍山积在属官则终日兀守而无所事在狱情在经年停滞而不得完有罪者长观望幸免之心无罪者有拘系缠绵之苦废法生奸委非政体至于恤差职名原系堂官定拟今堂官既缺谁为开送该部亦从何具题展转迁延稽迟时日使普天下含冤抱郁之众望时雨而不至度长日以如年民命所关岂宜屑越至是伏望将吏部原推寺丞房壮丽唐世济立赐点用即委一人署印以济目前之急若夫热审过期该臣已屡次题请哀哀累囚从万死中盼此一线生路 皇上定不忍愒置度外但得早一刻则圜土之民早受一刻之恩膏而祝颂 圣寿者将万万年无疆矣不报

○工部尚书周嘉谟等奏丧礼自有中制而优厚无事虚文 大行皇后一切冥器等项自宜遵例成礼不得听各监局之虚糜也候命下本部移文各该衙门除会有者先行关支后补勘合备照会无者召口买办径送各监局应用出给实收回部查照会估价值登簿送巡视厂库科道挂号于节慎库银内支给其方相行营缮所造办拽运官军行兵部转行该营拨发四百员名送赴 陵所经过桥梁道路行该城兵马司起取附近甲夫填垫平坦以便经行沿途棚厂搭盖完日容臣部于鼓楼德胜清河等厂移咨戎政衙门沙河雨水河厂移行昌平总兵守备衙门各拨军兵看守听臣部查点拆卸如遗失一木一蓆通行查究其有指称内使人等刁难需索容臣等会同该监及巡视科道指实究参以正法纪仍乞责成司礼监将护丧内使酌量差遣并严加约束庶人心知警大典有光 上可具奏命内使人等著该衙门酌量差遣仍严加约束

○庚午长宁安抚司差头目番僧更八等来朝贡方物宴赏如例

○辛未改工部尚书周嘉谟为吏部尚书以戎政尚书黄克缙署掌工部印信

○壬申 孝庄睿皇后忌辰遣抚宁侯朱国弼祭 裕陵

○大学士方从哲言 大行皇后崩逝已近三月旧例 梓宫发引只在百日内外今时日已迫而册谥未定 神主牌位未写发引之期将在何日乞将礼部议谥之本已经票拟者先赐批发使臣得拟撰册文进览至于应用钱粮户部屡奉严旨自当陆续办进其钦天监改择七月初三日册宝吉期及礼部发引择吉之请祈并赐俞允俾各衙门皆得预为料理竭蹶襄事庶 皇后在天之灵可慰而 皇上优厚之意不虚不报

○甲戌 孝穆皇后忌辰遣彭城伯张嘉谟祭 茂陵

○乙亥 上允礼部等衙门议谥曰朕览卿奏拟上 大行皇后尊谥依议送翰林院官拟撰册文进览

一此其不可者二清河业破宽暖空城负慝之日颯颜欲往其不可者三募兵半虽在逃中间不无观望不收拾招徕开册付经臣指挥操练以待罪之身犹欲为逋逃主其不可者四守宽暖而效已欲尸功守宽暖而不效谁任其罪其不可者五朝议已改赞画为监军国縉径去辽阳而赴清暖是何职衔名色有罪之人方议三褫另拣能者乃偃然号令其不可者六当敕令速回听勘其领费各项钱粮乞令监军御史从实查核章下兵部覆议言国縉募兵不效又单骑往守宽暖不思赞画改监军之议久已上闻今且改推无官可守有奇安施且阃外之事一柄两持未得展国縉之足而先已掣经臣之肘当敕令解任回籍俟查明钱粮之日另听吏部酌议用过召募兵马钱粮听监军御史查勘从之

○癸未 上谕内阁前皇太子来 大行皇后几筵前行祭礼因朝见朕问安朕面谕皇太子才人王氏薨逝已久坟园未建我心未尝顷刻忘之欲行另择恐迁延岁月可就附葬于郭妃坟园之侧汝意何如皇太子回奏才人诞育元孙父皇所谕附葬妃坟之侧极为便益朕见皇太子纯诚孝敬朕心嘉悦卿可传示该部遵行特谕卿知

○兵科给事中薛凤翔条议四款一辽左将士发犒赏银三十万洵激发人心第一义然非有诏书以感动之不可宜亟敕阁臣撰诏书一道务要剴切痛快即令兵部主事汪应吾同犒赏银两一体赴辽开读行赏一援兵出关率多脱逃顷保靖彭象乾之兵逃又以三千告矣象乾以宣慰授指挥虽加实贬宜亟敕兵部责成该司星夜招回逃兵一面请加衔以安其心庶几散者可聚一毛兵矫健可用前出关虽数十而精锐者尚不肯一往以所统非其人也新推开原道崔儒秀素谙兵机士乐为用宜急救兵部行文儒秀令其招集毛兵之一当十十当百者或一千或数百星火赴辽合先出关毛兵结成一队其口切安家行粮等项著令该省处给一援辽措饷自加派外有援辽事例之说折衷者慎重名器极言不可户部议覆遂并罢俊秀子弟纳附一款适户科臣官应震河南左布政使冯盛明一揭称近日中州援纳者约近六万若取数之多则一省可得数十万若通行之广海内可得数百万不烦加派而饷自足宜亟敕户部仍当如河南抚臣议颁布施行不报

○遣河南道御史卢谦提督北直隶学政

○升江西副使朱万春为本省右参政山西副使焦源清为岢岚道兵备副使大同府知府张晓为山西口北道副使

○乙酉太常寺奏本月十三日进 大行皇后册谥请遣官祭告 天地 宗庙 社稷 上曰这所奏遣官祭告之礼朕思 累朝 祖宗 列圣 帝后崩逝悉命文武百官议上尊谥有此告 天地 宗庙 社稷皆以考妣之尊不知 皇祖时 孝洁皇祖妣崩逝有无此礼若无于礼为褻渎还著该部查议使朕得以心安礼部覆奏 大明会典载永乐五年 仁孝文皇后册谥礼部奏行祭告是日 上躬告 天地于奉天殿嘉靖七年 孝洁皇后崩逝前期三日太常寺奏致斋除 宗庙 上位亲告外其 天地 社稷仍遣官至日行祭告礼今 皇上命查 孝洁皇后例宜即如例请遣官祭告

天地 社稷上乃命礼部写遣官行礼职名来看

○丙戌礼部右侍郎孙如游会同大学士方从哲进册谥仪注万历四十八年七月十三日卯时册谥 大行皇后一前期三日太常寺官奏致斋仍奏请遣官祭告 天地宗庙 社稷至日行祭告礼用祝文香帛酒果脯醢如常仪一前期一日内侍官设节案宝案于 大行皇后几筵前节中册东宝西设香案于节册宝案前置节册宝舆香亭于文华门捧节册宝各置舆中又置节册宝案于思善门外一是日遣内侍官祭告 大行皇后几筵陈设祭品如常仪 上位常服御文华门乐设而不作正副使常服文武百官青素冠服黑角带入班行叩头礼毕左右侍班正副使于丹陛中道行五拜三叩头礼跪内侍官举节册宝舆降阶正副使俯伏兴立于东锦衣卫官较接举节册宝舆香亭前行文武百官诣思善门外侍立鸿胪寺官举节册宝置案上正副使并文武百官赞行四拜礼司礼监官进前正副使于案取节册宝授之内赞二人引捧节册宝司礼监官由中门进至几筵节册宝案前立节置于案传赞正副使百官皆跪赞进册捧册官以册立进置于册案赞进宝捧宝官以宝立进置于宝案赞宣册内宣册官诣案取册立宣讫复置于案赞宣宝内宣宝官诣案取宝立宣讫复置于案传赞正副使俯伏兴百官同赞行初献礼赞跪赞献帛赞献酒赞读祝读毕赞行亚献礼赞献酒赞行终献礼赞献酒赞俯伏兴皇太子 瑞王 惠王 桂王 皇长孙诸孙各具青素冠服诣 皇后几筵前赞四拜传赞正副使百官皆四拜赞焚祝帛赞礼毕内侍官持节由中门出至思善门外以节授正副使得报持节复命次日本部奉敕眷黄颁示天下报可

○兵部奏湖广押兵守备邹汝联监军参政王世德称永顺司土兵三千保靖司土兵五千奉调援辽俱到通州昨兵部每兵给赏五钱永顺兵见过通州而北保靖宣慰彭象乾病在涿州未至其兵于初三日夜忽报逃散三千余据供众兵疑象乾称病告归故一旦解体在象乾统领攸属招抚之责夫将谁诿押兵等官职在弹压听象乾之濡滞居停责亦难辞 上以土兵脱逃全无约束统兵官责任何在著着监军道严督各官设法招抚务令尽数回营彭象乾等待事完议处

○加协理戎政尚书黄克缵太子少保给与应得诰命以考满故也

○荫原任大学士沈一贯次男沈太泳为中书舍人

○丁亥升刑部郎中洪承畴为浙江提学金事

○戊子 孝安皇后忌辰遣官祭 昭陵

○是日册谥 大行皇后以英国公张惟贤充正使大学士方从哲充副使各持节捧册行礼遣泰宁侯陈良弼祭告 南郊恭顺侯吴汝胤祭告 北郊驸马万炜祭告太庙遂安伯陈炜祭告 社稷

○皇帝制曰朕惟璇枢正位徽音嗣美于□编黼鬻兴思显号增辉于宝册荣哀兼备名实具隆咨尔 大行皇后含灵体睿履静蹈慈弼赞王猷四十余载昇平时藉鸡鸣儆旦维持国本百千万年统绪允资燕翼贻谋隆孝养以承 尊溥仁恩而逮下躬操勤

俭六宫从缜练之风化洽肃雍四国仰珩璜之度既得欢心于兆庶方期介寿于冈陵何图兰驭奄升遽尔椒闱永闕音容日远俨懿泽之如新模范犹存播芳声于不朽爰咨輿论肇举嘉称兹以册宝溢尔为 孝端皇后明灵鉴格对休命以歆荣令闻昭垂衍繁禧而启佑

○兵部尚书黄嘉善奏援辽兵将臣部与经臣先后调取将领一百一员调募水陆兵丁一十八万以援将百一员言之除题留六员斥逐八员不开外已出关阎正名等五十九员已过京将出关达奇策等十员已报起程叶光先等六员未报起程陈与王等六员俱见在严檄催督告病如梁国臣鲁应熊先经题参罚马杜勇李承芳该抚臣查系真病若陈九思沈继业者托疾< 阙 矢见 > 避忠义全亏应革去职衔永不叙用以援兵十八万言之四十七年十一月十八日以前辽东见存兵募兵节次出关兵九万八百一员名十一月十九日起四十八年七月初三日止陆续出关兵四万二千一百八十四员名通十三万二千九百四十九员名已过京将出关兵一万六千一百一十八员名已报起程兵五百五十二员名原题调募未报发者则大同山西宁夏河南浙江北直隶永顺司昌镇蓟镇各省镇共四万八千余名当勒限督催外听经督内听部科摘查迟误者也至兵之发也道镇挑选督臣验汰题案犹新也近督臣拣阅惟称真定戚金之三百与蓟镇所募之二千其余则否无论汰回押发之难粮饷措处之难即前此安家行粮所费不已多乎选兵于出关入辽之时不若选兵于初调初募之时且督臣谓抚臣严责道镇道镇严责偏裨此挑选当申饬者一兵之行也统以原募将官押以道臣府佐仍以所过无扰无逃为称职< 阙 距 毓-金 > 墨未乾也近督臣查验惟取同知李备领押张效祖之兵其余则否佯所称未识一面而强加明知不堪而勉从者或未必尽无又何怪庸庸者不败事乎领以见任廉干之官自有顾惜督臣所谓兵多用府佐少用道镇之旗鼓中军等官此统押当申饬者二户部原题援兵日支米一升五合盐菜银三分马日支草一束料三升俱就在外各衙门支领乃中有全未给者有半予半不予者致各赴京纷告予之则违原行耽时日不予则拂通例失军心宜于起脚所在算至山海关总给与领兵官计日支散或填给长单沿途赴饷司关领今督臣有犒赏预借之例本部近又设处银两解贮山海以示优恤岂得入京再告扰乎此行粮当申明者三经略原议援将见任者加级废闲者复职其余亦必督抚移咨应晋秩者许之乃迩有陈乞逾涯要求无厌或谓空名激劝不嫌从优第滥竽一开比例纷至从违互异缺望丛生往役伊始遽萌奢望异日奏凯行赏可不论功次尽人封拜乎此加级当申明者四 上是之

○兵部又奏湖广保靖司土兵脱逃已行宣慰彭象乾守备邹汝联及监军道臣王世德等设法招安相机截捕乃招抚至再至三长往不返虎兕出押典守为谁领兵各官不得辞咎惟是逃兵数至二千夥矣枵腹势必抢掠观望行且效尤宜檄保定山东河南凤阳湖广各督抚速檄各道镇侦伺逃兵经由津关隘路预提大兵阻截先行晓谕利害俾知省悟中有帖服者不妨各给免罪印照资助行粮选差谋勇将领押赴出关如抗违不戢即督兵捕剿以正军法

庶窃衔失驭之众慑国威难犯而渐归于縲紲斯亦弭变之急著而饬法之大权也 上命便行与各督抚相机处置无令贻害地方

○己丑 上敕谕礼部朕中宫皇后作配朕躬赞襄内治四十余年仁敬孝慈始终一德芳声令范中外著闻忽以疾崩逝宜有徽称以诏来世爰遵旧典博采群情兹以七月十三日告于 天地 宗庙 社稷遣官持节发册谥为 孝端皇后稽行循实朕不敢私尔部便抄行天下王府及内外大小衙门知会故谕

○巡抚辽东周永春以祖母病笃陈情 上不许曰该镇虏情正棘兵饷诸务全赖抚臣料理周永春着照旧安心供职毋得因家报求去

○庚寅原任大学士叶向高以闻 圣躬违和具奏问安 上褒美之

○升礼部郎中秦士文为陕西右参政临洮府知府黄和为潼关道副使

○壬辰大学士方从哲以御医诊视 圣脉知 圣躬未安因具揭奏慰 上遣内官传谕朕览卿奏慰具见忠爱之意朕因脾胃受伤尚未痊愈昨稍尔劳烦近又中暑湿蒸前疾复作见今服药调摄神思不爽其紧要各项文书俟朕疾稍瘳即简发行特谕卿知

○经略熊廷弼奏自城守沈奉以来臣恐贼转掠东南因檄发兵将防守威宁暖阳宽奠犹恐各堡孤悬未经亲历乃于六月初四日往奉集会监军总兵商战守事宜随繇奉集至威宁历暖阳宽奠缘鸭绿江岸抵镇江城复迂道看险山旧边转渡夹河登凤凰山寻莫利支屯兵处遂从镇夷镇东甜水站而还计地千有余里往返十有三日此经行大概也自奉集至威宁以东路皆山险威宁背山面河暖阳宽奠四面偪山及孤山洒马吉讌场永奠长奠大奠各堡皆如处复壁中旧边自暖阳东南至险山宁东江沿各废堡离边八九十里皆陡岭密箐可据守战自展宽永各堡挂出东北角外离边仅三十里或十五六里甚薄且偪而险反在内其谷民皆依山居住穹山耕种村舍寥寥无人民蓄积以故年来贼弃不取臣初以贼窥南卫为虑今山势险远如此马难遽到又以贼抢村屯为虑今人民零落如此入无所获臣何敢聚一二万人马粮草以启戎心随将前发川将周世禄等俱复调回驻虎皮驿为沈奉策应俟初到土浙各兵休息月余衣甲制备然后发守镇江凤凰城里路各堡作南卫声援惟是贼倾巢移住新塞添筑山城劊屯关口专心并力以图辽沈辽沈得而宽奠镇江可无更举此贼扼要之计臣心恶之昨六月十二日之举虽被堵截怏怏而去然大众尚全屯抚顺城下图为再计总兵柴国柱贺世贤日索请兵将各镇续到募兵皆云乌合浙兵未全到酉阳石柱兵虽到介未完械未备且非沈奉间平原旷野之长技也官军荷戈甲于赤日炎蒸下颇多病又不速得奖赏以慰鼓舞之其志气无不灰者仅仅两道臣而邢慎言又以病不能出今索兵徒发无用之兵索将皆留可用之将索道臣杳无莅事之期索犒赏复愆已票之旨即求一 圣谕慰劳官军亦未慨发岂欲弃辽以授贼耶 上曰览奏东南一带情形甚悉各处兵将应防应撤的都著相机从便施行道臣俱已推补还催他刻期赴任不许迁延误事犒赏及宣谕

已差官解发也著星夜前去作速给散

○熊廷弼又以病笃乞还 上曰览奏知尔力疾行边积劳积苦以致诸病交作朕心惻然悯念但今贼众屯聚关口凶谋叵测非经略谢事之时尔宜军中加意调摄以俟全愈以安众心用副朝廷倚任之意不准辞

○癸巳 成祖文皇帝忌辰 奉先殿行祭礼遣武靖伯赵祖芳祭 长陵

○兵部覆辽东巡抚周永春疏谓赞画原募新兵一万一千此情愿投充者难容姑贷宜择壮者以戍南卫弱者以赶牛车其戍南卫者无离索之苦杂差仍不许优免且各军既坐食家门则月饷亦宜稍从减削其金兵七千有奇原以免票哄诱一时非出情愿宜追还安家听其宁家照旧派差合如所议唯是金兵派差如故安家能有几何穷追能无扰乎宜以待募兵者待之若募兵守宽缓较戍南卫尤得力戍南卫者守堂奥戍宽缓者守门户故戍宽缓者便惟所募者堪实用则月饷可无减也不然亦汰其弱者任转运以抵金兵之差 上命俱依议行

○钦天监官以七月二十二日请题 大行皇后神主报可

○巡抚云南沈徽焮奏臣奉命抚滇入境访问地方夷情据沾益州土舍安远报万历四十七年七月内官保统领镇雄水西乌撒大兵万余追叔安效良至州界劄营沿村剽掠欲安效良并前妻活菩萨与印信回贵州勘因效良偏爱前妻致安疆臣女生隙阴构昔乌撒土妇陇氏买养官保与效良讨印管事随带四营夷兵水西阿地等兵乌撒阿梯等兵杀虏殊惨又按臣称十月十九日乌撒贼首戈破李鸣鸾等夷贼三营勾连水西镇雄约一万五千众复越境分兵至乐农纵进劄营寻杀效良夺印信菩萨抄抢一带地方将薄州城方策领官兵安远领家丁防护贼分为七路直冲营中前后不能相顾我兵溃乱方策安远仅以身免夫一逞不已至于再逞悖逆之状真所罕睹安效良承继乌撒原经三省会勘奉旨准袭效良即淫虐寡恩致起衅端然官印岂可擅夺兵端岂可擅兴官保思以吕易嬴遂敢耽耽虎视借兵长驱任意纵横水西以女之故敢助逆逐夫乌撒头目敢叛主声言挟印沾民何辜横罹此祸彼水西即自恃富强自揣与播州孰愈不鉴杨酋之覆辙敢于狂逞若是耶总之法令不信于桀酋刑威不肃于远徼是以狡夷扬扬得志复肆披猖倘会勘旨久不下三省迁延观望尚缓 天诛则狺狺诸夷生其戎心乞敕该部亟行川贵抚按道将毋分彼此毋务推诿将官保并有名水西叛目阿乌密等镇雄白屈等乌撒扯出乌等各数十名听四川川南二道贵州贵宁毕节云南曲靖各道委官分投勒限擒拿约于适中地方会问正法大示惩戒并水西奢社辉及镇雄土官重加贬爵降级以为弄兵助逆诸夷一□尤将者之戒安效良贪淫不道不能宜家安氏牝鸡长鸣争宠构隙均应并究庶朝廷无不震之威矣 上命兵部知之 丙申 上疾大渐召英国公张惟贤大学士方从哲吏部尚书周嘉谟户部尚书李汝华兵部尚书董嘉善署刑部事总督仓场尚书张问达署工部事协理戎政尚书黄克缙礼部右侍郎孙如游等入见于弘德殿勉以用心办事大小诸臣各致词问安尚书周嘉谟仍以用人为请随

賜俞允諸臣叩頭而出 上諭內閣朕嗣 祖宗大統歷今四十八年久因國事焦勞以致脾疾遽不能起有負 先皇付托惟 皇太子青宮有年實賴卿與司禮監協心輔佐遵守 祖制保固 皇圖卿功在社稷萬世不泯 是日 上崩翼日發喪 戊戌 頒遺詔曰朕以沖齡纘承大統君臨海內四十八載于茲享國最長夫復何憾念朕嗣服之初兢兢化理期無負 先帝付托比緣多病靜攝有年 郊 廟弗躬朝講希御封章多滯寮采半空加以礦稅煩興征調四出民生日蹙邊衅漸開夙夜思維不勝追悔方圖改轍嘉與天下維新而遭疾彌留殆不可起蓋愆補過允賴後人 皇太子聰明仁孝睿德夙成宜嗣 皇帝位尚其修身勤政親賢納諫以永鴻圖 皇長孫宜及時冊立進學瑞王 惠王 桂王各擇善地令早就藩封大小臣工務協恭和衷輔理 嗣君保乂王室是皆朕惓惓之至意也內閣輔臣亟為簡任卿戴大僚盡行推補兩次考選并散館科道官俱令授職建言廢棄及礦稅誣誤諸臣酌量起用一切權稅并新增織造燒造等項悉皆停止各衙門見監人犯俱送法司查審應釋放者釋放東師缺餉宜多发內帑以助軍需陣亡將士速加恤錄喪禮遵舊制以日易月二十七日釋服毋禁民間音樂嫁娶宗室親王藩屏為重勿得擅離本國各處總督鎮巡三司官地方攸系不許擅去職守聞喪之日止于本處哭臨三日進香差官代行衛所府州縣并 官口并免進香詔告天下咸使聞知 上在位四十八年壽五十有八 九月甲申上尊謚曰范天合道哲肅敦簡光文章武安仁止孝顯皇帝廟號曰 神宗 十月丙午偕孝端皇后梓宮并葬定陵